


# Bib Sen An



The Holy Bible in Haitian Creole, 2022 update

**Bib Sen An**  
**The Holy Bible in Haitian Creole, 2022 update**

copyright © 2017-2022 Ron Smith

Language: Kreyòl Ayisyen (Haitian)

Translation by: Ron Smith

Contributor: Felix Nixon

Sa a se yon tradiksyon bouyon. Tanpri voye kòmantè bay tradiktè yo atravè fòm kontak nan <https://www.bibsenan.com/>. This is a draft translation. Please send comments to the translators via the contact form at <https://www.bibsenan.com/>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2022-11-11

---

PDF generated using Haiola and XeLaTeX on 11 Nov 2022 from source files dated 11 Nov 2022  
10d5899e-31c7-5009-983b-ffc4788d2e5b

## Contents

Jenèz . . . . .	1
Egzòd . . . . .	66
Levitik . . . . .	120
Non . . . . .	158
Detewonòm . . . . .	211
Josué . . . . .	257
Jij Yo . . . . .	286
Ruth . . . . .	314
I Samuel . . . . .	318
II Samuel . . . . .	356
I Wa . . . . .	389
II Wa Yo . . . . .	425
Kwonik Yo . . . . .	460
II Kwonik Yo . . . . .	492
Esdras . . . . .	531
Néhémie . . . . .	542
Esther . . . . .	560
Job . . . . .	569
Sòm Yo . . . . .	618
Pwovèb . . . . .	761
Eklezyas . . . . .	803
Kantik A Kantik Yo . . . . .	813
Ésaïe . . . . .	823
Jérémie . . . . .	909
Lamantasyon Yo . . . . .	995
Ézéchiël . . . . .	1008
Daniel . . . . .	1074
Osée . . . . .	1094
Joël . . . . .	1110
Amos . . . . .	1117
Abidas . . . . .	1129
Jonas . . . . .	1131
Michée . . . . .	1134
Nahum . . . . .	1144
Habacac . . . . .	1147
Sophonie . . . . .	1151
Aggée . . . . .	1154
Zacharie . . . . .	1156
Malachie . . . . .	1169
Matthieu . . . . .	1173
Marc . . . . .	1215
Luc . . . . .	1242
Jean . . . . .	1286
Travay . . . . .	1322
Women . . . . .	1368
I Korentyen . . . . .	1385
II Korentyen Yo . . . . .	1403
Galat Yo . . . . .	1414

Efezyen Yo . . . . .	1420
Filipyen Yo . . . . .	1426
Kolosyen Yo . . . . .	1431
I Tesalonisyen Yo . . . . .	1435
II Tesalonisyen Yo . . . . .	1439
I Timothée . . . . .	1442
II Timothée . . . . .	1447
Tite . . . . .	1451
Philémon . . . . .	1454
Ebre Yo . . . . .	1455
Jacques . . . . .	1470
1 Pierre . . . . .	1475
II Pierre . . . . .	1480
I Jean . . . . .	1483
II Jean . . . . .	1488
III JN . . . . .	1489
Jude . . . . .	1490
Revelasyon . . . . .	1492

## Jenèz

<sup>1</sup> ✧Nan kòmansman an Bondye te ✧kreye syèl yo ak tè a. <sup>2</sup> Latè te san ✧fòm e vid, epi ✧tenèb te sou tout sifas fon an, e Lespri Bondye t ap ajite sou fas dlo a.

<sup>3</sup> Alò ✧Bondye te di: “Ke li gen limyè”. Epi te gen limyè. <sup>4</sup> Bondye te wè ke limyè a te bon; epi Bondye te ✧separe limyè a avèk tenèb la. <sup>5</sup> Bondye ✧ te rele limyè a jou, e tenèb la, Li te rele li lannwit. Epi te gen aswè, ak maten, yon jou.

<sup>6</sup> Alò Bondye te di: “Ke vin gen yon gran ✧espas nan mitan dlo yo, e ke li separe dlo avèk dlo”. <sup>7</sup> Bondye te fè gran espas la, e Li te separe dlo ki te anba gran espas la, avèk lo ki te ✧anwo gran espas la; epi sa te vin konsa. <sup>8</sup> Bondye te rele gran espas la syèl. Epi te gen aswè, e te gen maten, yon dezyèm jou.

<sup>9</sup> Alò Bondye te di: “✧Ke dlo anba syèl yo vin rasanble nan yon plas, e ke ✧tè sèch la vin parèt”; konsa sa te vin fèt. <sup>10</sup> Bondye te rele pati sèch la tè, ak dlo ki ✧rasanble yo, lanmè. Epi Bondye te wè ke sa te bon.

<sup>11</sup> Epi Bondye te di: “Ke latè a boujonnen avèk ✧bagay vèt; plant ki donnen grenn selon espès pa yo, e bwa k ap donnen fwi avèk grenn nan yo selon espès pa yo”; epi se konsa li te fèt. <sup>12</sup> Latè te pwodwi bagay vèt, plant ki donnen grenn selon espès pa yo, ak pyebwa ki pwodwi fwi avèk grenn sou yo selon espès pa yo; epi Bondye te wè ke sa te bon. <sup>13</sup> Te gen aswè, ak maten, yon twazyèm jou.

<sup>14</sup> Alò Bondye te di: “Ke vin gen ✧limyè nan gran espas syèl yo pou separe jou avèk nwit lan, e ke yo vin kòm sign pou sezon yo, pou jou avèk lane yo; <sup>15</sup> Ke yo vin sèvi pou limyè nan gran espas syèl yo pou bay limyè sou latè”. Epi sa te vin konsa. <sup>16</sup> Bondye te fè de gran limyè, pi ✧gran an pou gouvène lajounen, e pi piti a pou gouvène lannwit; anplis, zetwal yo. <sup>17</sup> Bondye te plase yo nan gran espas syèl yo pou bay limyè sou latè, <sup>18</sup> Epi pou ✧gouvène lajounen avèk lannwit, e pou separe limyè a avèk enèb la; epi Bondye te wè ke sa te bon. <sup>19</sup> Te gen aswè, e te gen maten, yon katyèm jou.

<sup>20</sup> Alò Bondye te di: “Ke dlo yo vin ranpli avèk anpil kreyati vivan, e ke zwazo yo vole anwo tè a nan gran espas syèl yo.” <sup>21</sup> Bondye te kreye ✧gwo bèt sovaj lanmè avèk tout kreyati vivan ki fè mouvman, lo yo te plen bèt selon espès pa yo, e chak zwazo selon espès pa l; Bondye te wè ke sa te bon. <sup>22</sup> Bondye te beni yo, e te di: “Fè pitit, e vin miltipliye. Ranpli dlo nan lanmè yo, e kite zwazo yo vin miltipliye sou tè a.” <sup>23</sup> Te gen aswè ak maten, yon senkyèm jou.

<sup>24</sup> ✧Alò, Bondye te di, “Ke tè a vin pwodwi kreyati vivan dapre espès pa yo; bèt domestik, reptil, avèk bèt latè selon espès yo”. Se konsa li te fèt. <sup>25</sup> Bondye te fè ✧bèt latè yo selon espès yo, ak bèt gade yo dapre espès yo; tout bèt ki trennen atè dapre espès yo; epi Bondye te wè ke sa te bon.

<sup>26</sup> Alò Bondye te di, ✧“Annou fè lòm nan limaj Nou, menm jan ke Nou sanble a, e ke yo vin mèt sou tout pwason nan lanmè, sou zwazo yo nan syèl yo, sou bèt domestik nan chan yo, ak sou tout bèt reptil ki ranpe atè”.

✧ **1:1** Sòm 102:25 ✧ **1:1** Job 38:4 ✧ **1:2** Jr 4:23 ✧ **1:2** Job 38:9 ✧ **1:3** Sòm 33:6-9 ✧ **1:4** És 45:7 ✧ **1:5** Sòm 74:16 ✧ **1:6** És 40:22 ✧ **1:7** Sòm 148:4 ✧ **1:9** Sòm 104:6-9 ✧ **1:9** 24:1-2 ✧ **1:10** Sòm 33:7 ✧ **1:11** Sòm 65:9-13 ✧ **1:14** Sòm 74:16 ✧ **1:16** Sòm 136:8-9 ✧ **1:18** Jr 31:35 ✧ **1:21** Sòm 104:25-28 ✧ **1:24** Jen 2:19 ✧ **1:25** Jen 7:21-22 ✧ **1:26** Sòm 8:6-8

27 Bondye te kreye lòm, ✧nan pwòp imaj pa Li, nan imaj Bondye Li te kreye li; mal avèk femèl Li te kreye yo. 28 Bondye te beni yo; Li te di yo, ✧“Se pou nou vin fekon. Fè pitit pou ranpli latè, e domine sou li; se pou nou vin mèt sou pwason lanmè yo ak zwazo anlè yo, sou chak bèt vivan kab fè mouvman sou tè a”.

29 Alò Bondye te di, “Gade byen, ✧Mwen bannou chak plant ki donnen grenn sou sifas tout tè a, ak chak bwa ki gen fwi avèk grenn li; li va sèvi kòm manje pou nou; 30 Epi a chak bèt latè ak chak zwazo syèl a, chak bagay kab fè mouvman ou tè a, bagay ki gen lavi, Mwen te bay chak plant vèt pou manje”; epi se te konsa. ✧

31 Bondye te wè tout sa Li te kreye yo, e gade byen, sa te ✧trè bon. Te gen aswè, ak maten, sizyèm jou.

## 2

1 Se te konsa syèl yo avèk tè a te fin fèt, avèk tout ✧lanmè yo.

2 Nan ✧setyèm jou a, Bondye te fin fè travay ke Li te fè yo; epi Li te repoze nan setyèm jou a sou tout travay ke Li te fè yo. 3 Epi Bondye te beni setyèm jou a e Li te fè li sen, akoz nan li, Li te repoze de tout travay ke Li te kreye e te fè yo.

4 ✧Sa se listwa syèl yo avèk tè a lè yo te kreye, nan jou ke SENYÈ Bondye a e fè tè a avèk syèl la. 5 ✧Alò potko gen ti bwa chan ki te parèt nan tè a, ni plant chan ki te boujonnen, paske Senyè Bondye a potko voye lapli sou tè a, e pa t gen moun pou kiltive tè a. 6 Men yon vapè te konn leve sòti nan tè a pou wouze tout sifas li. 7 Alò Senyè Bondye a te fòme lòm sòti nan ✧pousyè tè a, Li te respire souf lavi fè l vin antre nan nen l, e ✧lòm te devni yon choz vivan.

8 Senyè Bondye a te plante yon ✧jaden nan pati lès Eden; e se la Li te mete lòm ke Li te fòme a. 9 Soti nan tè a, SENYÈ Bondye a te fè grandi chak ab ki bèl pou gade e ki bon pou manje; ✧ab lavi a anplis nan mitan jaden an, ak ab konesans a sa ki bon ak sa ki mal la.

10 Alò, yon ✧rivyè te sòti nan Eden pou wouze jaden an; epi soti la, li te divize ou fè kat rivyè. 11 Premye rivyè a rele Pischon; li pase antoure tout peyi ✧Havila, kote ki gen lò a. 12 Lò peyi sa a bon; wòch bdelyèm avèk onyx konn twouve la. 13 Dezyèm rivyè a rele Guihon; li kouri antoure peyi Cush la. 14 Yo rele twazyèm rivyè ✧Tigrès; li koule nan lès Assyrie. Epi katriyèm rivyè a se ✧Euphrate.

15 Alò, Senyè Bondye a te pran lòm nan, Li te mete l nan jaden Eden pou kiltive li e pran swen li.

16 Senyè Bondye a te ✧kòmande lòm nan e te di l: “Nan nenpòt sa nan jaden an, ou kapab manje, 17 Men sou ab konesans bon avèk mal la, ou pa pou manje li, paske nan jou ke ou manje li, ✧ou va mouri.”

18 Alò, Senyè Bondye' a te di: “Sa pa bon pou lòm nan rete sèl; Mwen va ✧fè yon asistan jan li dwe genyen”.

19 ✧Sòti nan tè a, Senyè Bondye a te fòme chak bèt chan ak chak zwazo syèl la, e Li te mennen yo kote lòm po wè kòman li ta rele yo; epi nenpòt jan li te rele yon kreyati vivan, sa te vin non li. 20 Lòm nan te bay non a

✧ 1:27 Jen 5:1 ✧ 1:28 Jen 9:1-7 ✧ 1:29 Sòm 104:14 ✧ 1:30 Sòm 145:15-16 ✧ 1:31 Sòm 104:24-28 ✧ 2:1 Det 4:19 ✧ 2:2 Egz 20:8-11 ✧ 2:4 Job 38:4-11 ✧ 2:5 Jen 1:11 ✧ 2:7 Jen 3:19 ✧ 2:7 I Kor 15:45 ✧ 2:8 Jen 13:10 ✧ 2:9 Jen 3:22 ✧ 2:10 Sòm 46:4 ✧ 2:11 Jen 25:18 ✧ 2:14 Dan 10:4 ✧ 2:14 Jen 15:18 ✧ 2:16 Jen 3:2-3 ✧ 2:17 Det 30:15-20 ✧ 2:18 I Kor 11:9 ✧ 2:19 Jen 1:24

tout bèt domestic yo, a tout zwazo syèl yo, e a chak bèt chan, men pou lòm nan, pa t gen yon ✨asistan sanblab ak li.

<sup>21</sup> Alò, Senyè Bondye a te fè yon ✨Pwofon somèy pran lòm nan, e li te dòmi; epi li te pran youn nan zo kòt li yo e te fèmen chè a nan plas li.

<sup>22</sup> Senyè Bondye a te fòme yon fanm avèk ✨kòt ke Li te pran nan lòm nan, e Li te pote li bay li.

<sup>23</sup> Lòm nan te di: “✨Koulye a sa se zo a zo mwen, e chè a chè mwen. Li va rele fanm akoz ke li te retire nan lòm.

<sup>24</sup> ✨Pou rezon sila a, yon nonm va kite papa li avèk manman li, pou vin jwenn avèk madanm li; epi yo va vin tounen yon sèl chè. <sup>25</sup> ✨Epi lòm nan avèk fanm nan te toutouni, e yo pa t wont.

### 3

<sup>1</sup> Alò, ✨sèpan an ki te pi koken pase nenpòt bèt chan ke Bondye te fè. Li te di fanm nan: “Vrèman èske Bondye te di: “Pinga nou manje nan okenn ab nan jaden an?”

<sup>2</sup> Fanm nan te di a sèpan an: “✨Fwi ki sòti nan ab nan jaden yo, nou kapab manje yo; <sup>3</sup> Men nan fwi ki sòti nan ab ki nan mitan jaden an, Bondye te di: Nou pa pou manje nan li, ni touche li, sinon, nou va mourir.”

<sup>4</sup> ✨Sèpan an te di fanm nan: “Vrèman, nou p ap mourir!” <sup>5</sup> Paske Bondye konnen ke nan jou nou manje nan li, Jr nou va vin louvri, e ✨nou va vin tankou Bondye, avèk konesans de sa ki bon ak sa ki mal.

<sup>6</sup> ✨Lè fanm nan te wè ke pyebwa a te bon pou manje, ke li te yon plezi devan Jr li, ke li te byen itil pou vin saj, alò li te pran nan fwi a pou li te manje; epi li te bay osi a mari li ansanm avèk li, pou li te manje. <sup>7</sup> Zye a toude te vin louvri, e yo te vin ✨konnen ke yo te toutouni; pou sa yo te koud fèy pyebwa ansanm e yo te fè pou tèt yo yon tabliye.

<sup>8</sup> Yo te tande son a ✨SENYÈ Bondye a ki t ap mache nan jaden an nan frechè jounen an, e lòm nan avèk fanm nan te kache tèt yo de prezans SENYÈ Bondye a pami bwa yo nan jaden an. <sup>9</sup> Alò, Senyè Bondye a te rele lòm nan, e te di l: “✨Kote ou ye?”

<sup>10</sup> Li te di: “✨Mwen te tande son Ou menm nan jaden an, e mwen te pè paske mwen te toutouni; alò mwen te kache tèt mwen.

<sup>11</sup> Epi Li te di li, kilès ki te di ou ke ou te toutouni? Èske ou te manje nan pyebwa e M te di ou pa manje a?

<sup>12</sup> ✨Lòm nan te di: “Fanm ke Ou te ban mwen an, li te ban m ladann, e mwen te manje.” <sup>13</sup> Alò, Bondye te di a fanm nan: “Kisa ou te fè la a?” Epi fanm nan te di: ✨“Sèpan an te twonpe mwen, e mwen te manje l.

<sup>14</sup> SENYÈ Bondye a te di a sèpan an: “Akoz ke ou te fè sa, ou modi pase tout bèt domestik yo, e plis ke tout bèt sovaj nan chan an; sou vant ou ou va mache, e se ✨pousyè ke ou va manje tout jou nan vi ou; <sup>15</sup> Mwen va mete ✨rayisman antre ou menm avèk fanm nan, e antre pitit ou ak pitit li; Li va kraze tèt ou, e ou va kraze talon li.

<sup>16</sup> A fanm nan Li te di: “Mwen va miltipliye anpil doulè ke ou va gen nan ✨fè pitit; ak doulè ou va gen nan pouse pitit; malgre sa, dezi ou va pou mari ou, e li va domine sou ou.

✨ 2:20 Jen 2:18 ✨ 2:21 Jen 15:2 ✨ 2:22 I Kor 11:8-9 ✨ 2:23 Jen 29:14 ✨ 2:24 Mat 19:5  
 ✨ 2:25 Jen 3:7,10,11 ✨ 3:1 II Kor 11:3 ✨ 3:2 Jen 2:16 ✨ 3:4 Jn 8:44 ✨ 3:5 És 14:4  
 ✨ 3:6 Wo 5:12-19 ✨ 3:7 És 47:3 ✨ 3:8 Lev 26:12 ✨ 3:9 Jen 4:9 ✨ 3:10 Egz 20:18-19  
 ✨ 3:12 Job 31:33 ✨ 3:13 II Kor 11:3 ✨ 3:14 És 65:25 ✨ 3:15 Rev 12:17 ✨ 3:16 Jn 16:21

<sup>17</sup> Alò a Adam Li te di: “Akoz ou te koute vwa a fanm ou an, ou te manje nan ab ke Mwen te kòmande e te di Ou pa manje ladann nan, ✧Tè a ap modi akoz ou menm, nan redi ou va manje ladann pou tout jou lavi ou. <sup>18</sup> Se pikan, se zepeng li va fè grandi pou ou; epi ou va manje plant chan an. <sup>19</sup> Avèk swè figi ou, ou va manje pen, jiskaske ou ✧retounen nan tè a, paske ladann ou te sòti; paske se pousyè ou ye, e se nan pousyè ou va refounen.

<sup>20</sup> Alò, lòm nan te rele fanm li an ✧Eve, paske se li ki te manman a tout vivan yo.

<sup>21</sup> SENYÈ Bondye a te fè rad avèk po bèt pou Adam avèk madanm li, e Li te abiye yo. <sup>22</sup> Alò, SENYÈ Bondye a te di: “Gade byen, lòm nan gen tan vini tankou youn nan Nou, avèk konsepsans sa ki bon avèk sa ki mal; epi koulye a li ta kapab lonje men l, pou pran osi nan ✧ab lavi a, pou manje l e viv jis pou tout tan—” <sup>23</sup> Pou sa, SENYÈ Bondye a te voye l deyò jaden Eden nan, pou kiltive tè a, nan sila li te sòti a.

<sup>24</sup> Alò, Li te pouse lòm nan deyò; epi nan lès jaden Eden nan, Li te estasyon ✧cheriben nan avèk nepe ak flanm ki te vire nan tout direksyon pou veye chemen vè ab lavi a.

## 4

<sup>1</sup> Alò, lòm nan te vin nan relasyon avèk madanm li, Ève; li te vin ansent e li te vin kouche fè Cain, epi li te di: “Mwen gen tan fè yon ti nonm avèk èd SENYÈ a:” <sup>2</sup> Ankò, li te bay nesans a frè li, Abel. Epi ✧Abel se te yon bèje bann mouton, men Cain t ap laboure tè a.

<sup>3</sup> Epi li vin sòti pi devan ke Cain te pote yon ofrann bay SENYÈ a ki sòti nan fwi rekòlt tè' a. <sup>4</sup> ✧Abel, osi sou pati pa l te pote nan premye pòtre twoupo, e nan pòsyon pi gra a nan yo.

Epi SENYÈ a te kontan pou Abel avèk ofrann pa l la; <sup>5</sup> men pou ✧Cain, avèk ofrann pa li a, Li pa t kontan. Alò, Cain te vin byen fache, e figi li te vin ba.

<sup>6</sup> Alò, SENYÈ a te di a Cain: “✧Poukisa ou fache konsa? Epi poukisa figi ou vin ba konsa? <sup>7</sup> Si ou fè sa ki bon èske figi ou p ap leve ankò? ✧Epi si ou pa fè sa ki bon, peche ap kouche devan papòt ou; epi dezi li se pou ou, ✧men ou oblije vin mèt li.”

<sup>8</sup> Cain te di frè l la, Abel. Epi li te vin rive ke pandan yo te nan chan an, Cain te leve kont Abel, frè l la, e li te ✧touye li.

<sup>9</sup> Alò, SENYÈ a te di a Cain: “✧Kote frè ou a, Abel?” Epi li te di: “Mwen pa konnen.

Èske mwen se gadyen frè m nan?”

<sup>10</sup> Li te di: “Kisa ou te fè la a? ✧Vwa san a frè ou a ap rele ban Mwen sòti nan tè a. <sup>11</sup> Koulye a ✧ou modi soti nan tè a, ki te ouvri bouch li pou resevwa san Abel nan men ou an. <sup>12</sup> ✧Lè ou kiltive tè a, li p ap bay ou fòs li ankò; ou va vin yon vagabon k ap mache toupatou sou latè.”

<sup>13</sup> Cain te di a SENYÈ a: “Pinisyon mwen an twò di pou m sipòte! <sup>14</sup> Byen gade! Jodi a ou gen tan pouse m kite sifas tè a; epi fas ou p ap wè m; ✧mwen

✧ 3:17 Jen 5:29 ✧ 3:19 Sòm 90:3 ✧ 3:20 II Kor 11:3 ✧ 3:22 Jen 2:9 ✧ 3:24 Egz 25:18-22  
 ✧ 4:2 Luc 11:50-51 ✧ 4:4 Eb 11:5 ✧ 4:5 I Sam 16:7 ✧ 4:6 Jn 4:4 ✧ 4:7 Nonb 32:23  
 ✧ 4:7 Job 11:14-15 ✧ 4:8 Mat 23:35 ✧ 4:9 Jen 3:9 ✧ 4:10 Nonb 35:33 ✧ 4:11 Jen 3:14  
 ✧ 4:12 Det 28:15-24 ✧ 4:14 Det 28:64-67



va vin yon vagabon k ap plede mache toupatou sou latè, e ✨nenpòt moun ki jwenn mwen va touye m.”

<sup>15</sup> Alò, SENYÈ a te di li: “Pou sa, nenpòt moun ki touye Cain, vanjans va tonbe sou li ✨sèt fwa plis.” Epi SENYÈ a te chwazi yon sign pou Cain, dekwa ke pèsòn ki jwenn li pa ta touye l. <sup>16</sup> Epi Cain te sòti de prezans ✨ SENYÈ a, e li te al rete sou teren Nod nan pati lès Eden an.

<sup>17</sup> Cain te antre an relasyon avèk madanm li. Li te vin ansent, e li te bay nesans a Hénoc; epi li te bati yon vil. Li te bay vil la non Henoc, menm non ak fis li a. <sup>18</sup> Alò, Hénoc te fè Irad, e Irad te devni papa a Mehujaël, Mehujaël te vin apa a Metuschaël, e Metuschaël te vin papa a Lémec.

<sup>19</sup> Lémec te pran pou li ✨de madanm: youn yo te rele Ada, e non a lòt la se te Tsilla. <sup>20</sup> Ada te bay nesans a Jabal; li te papa a tout sila ki te rete nan tant yo e ki te okipe bèt yo. <sup>21</sup> Frè li a te rele Jubal; li te papa a tout sila ki te jwe ap avèk shaloumo yo. <sup>22</sup> Epi pou Tsilla, li te bay nesans a Tubal-Cain, yon bòs fòjewon ki fè zouti avèk bwonz ak fè. Sè a Tubal Cain an se te Naamah.

<sup>23</sup> Lémec te di a madanm li yo: “Ada avèk Tsilla, koute vwa m, nou menm ki madanm a Lémec yo; Byen okipe pawòl mwen, ✨paske mwen te touye yon mesye akòz ke li blese m; e yon gason akòz li frape m. <sup>24</sup> Si Cain vanje ✨sèt fwa, alò Lémec swasan-dis-sèt fwa.”

<sup>25</sup> Adam te antre an relasyon ankò avèk madanm li; epi li te bay nesans a yon fis, e li te rele li Seth, paske li te di Bondye te chwazi ban mwen yon lòt fis nan plas Abel, ✨paske Cain te touye li”. <sup>26</sup> Pou Seth, li menm, li te bay nesans a ✨yon fis; epi li te rele non li Énosch.

Nan lè sa a, lèzòm te kòmanse ap rele non SENYÈ a.

## 5

<sup>1</sup> Sa se liv jenerasyon Adan yo.

Nan jou ke Bondye te kreye lòm, Li te fè l ✨nan imaj Bondye. <sup>2</sup> Li te kreye yo ✨mal avèk femèl, Li te beni yo, e Li te rele yo Lòm sa vle di “Adam” nan jou ke yo te kreye a.

<sup>3</sup> Lè Adam te gen tan fin viv san-trant ane, li te vin papa a yon fis ki sanble nèt ak li, nan pwòp imaj pa l, li te rele li Seth. <sup>4</sup> Laj a Adan, lè l te fin fè Seth, se te uit-san ane, e li te gen lòt fis ak fi. <sup>5</sup> Paske tout jou ke Adam te viv yo te nèf-san-trant ane, e li te vin mouri.

<sup>6</sup> Seth te viv san-senkant ane e li te vin papa Énosch. <sup>7</sup> Alò, Seth te viv uit-san-sèt ane apre li te vin papa Énosch, e li te gen lòt fis k fi. <sup>8</sup> Paske tout jou a Seth yo te nèf-san-douz ane, e li te vin mouri.

<sup>9</sup> Énosch te viv katre-ven-dis ane, e li te vin papa a Kénan. <sup>10</sup> Epi Énosch te viv uit-san-kenz ane apre li te vin papa a Kénan, e li te fè lòt fis ak lòt fi. <sup>11</sup> Alò, tout jou a Énosch yo te nèf-san-senk ane, e li te vin mouri.

<sup>12</sup> Kénan te viv pandan swasan-dis ane, e li te vin papa a Mahalaléel. <sup>13</sup> Epi Kénan te viv uit-san-karant ane lè li te vin papa Mahalaléel, e li te gen òt fis ak lòt fi. <sup>14</sup> Alò, tout jou a Kénan yo te nèf-san-dis ane, e li te vin mouri.

<sup>15</sup> Mahalaléel te viv swasant senk ane, e li te vin papa Jred. <sup>16</sup> Epi Mahalaléel te viv ui-san-trant ane apre li te vin papa Jred, e li te gen òt fis

✨ 4:14 Nonb 35:19 ✨ 4:15 Jen 4:24 ✨ 4:16 II Wa 24:20 ✨ 4:19 Jen 2:24 ✨ 4:23 Egz 20:13  
✨ 4:24 Jen 4:15 ✨ 4:25 Jen 4:8 ✨ 4:26 Jen 3:9; Luc 3:38 ✨ 5:1 Jen 1:26-27 ✨ 5:2 Mat 19:4

ak fi. <sup>17</sup> Alò, tout jou a Mahalaléel yo te ui-san-katre-ven-kenz ane, e li te vin mouri.

<sup>18</sup> Jred te viv san-swasan-de ane, e li te vin papa Hénoc. <sup>19</sup> Alò, Jred te viv ui-san ane apre li te vin papa Hénoc, e li te gen lòt fis ak lòt fi. <sup>20</sup> Paske, tout jou a Jred yo te nèf-san-swasan-de ane, e li te vin mouri.

<sup>21</sup> Hénoc te viv swasan-senk ane, e li te vin papa Methuschélah. <sup>22</sup> Alò, Hénoc te \*mache ansanm avèk Bondye pandan twa san ane apre li te vin apa a Methuschélah, e li te gen lòt fis ak fi. <sup>23</sup> Paske tout jou Hénoc yo te twa-san-swasant-senk ane. <sup>24</sup> Hénoc te mache avèk Bondye; e li pa t la ankò, paske Bondye te \*pran l.

<sup>25</sup> Methuschélah te viv pandan san-katre-ven-sèt ane, e li te vin papa a Lémec. <sup>26</sup> Alò Methuschélah te viv sèt san katreven de ane apre li te vin papa a Lémec, e li te gen lòt fis ak fi. <sup>27</sup> Jou Methuschélah yo te nèf-san-swasant nèf ane, e li te vin mouri.

<sup>28</sup> Lémec te viv san-katre-ven-de ane e li te vin papa a yon fis. <sup>29</sup> Alò, li te rele non li Noé, e li te di: “Sila a va bannou repo sou travay di nou fè k men nou ki leve sòti nan \*tè ke SENYÈ a te modi a.” <sup>30</sup> Alò, Lémec te viv senk-san-katre-ven-kenz ane apre li te vin fè Noé, e li te gen lòt fis ak fi.

<sup>31</sup> Paske tout jou a Lémec te sèt-san-swasan-dis-sèt ane, e li te vin mouri.

<sup>32</sup> Noé te gen laj \*senk-san ane, e li te vin papa a Sem, Cham, ak Japhet.

## 6

<sup>1</sup> Alò, li te rive ke lè lèzòm te kòmanse miltipliye sou sifas tè a, e yo te fè pitit fi, <sup>2</sup> Ke fis Bondye yo te wè ke fi lezòm yo te bèl; epi yo te pran kòm madanm pou yo menm, nenpòt ke yo te chwazi.

<sup>3</sup> Alò SENYÈ a te di: “\*Lespri Mwen p ap lite avèk lòm pou janmè, paske li menm osi se chè; malgre sa, jou li yo va san-ven-ane.”

<sup>4</sup> Jeyan yo te sou latè nan jou sa yo, e menm aprè, lè fis Bondye yo te vin ak pitit fi a lòm yo, yo te fè pitit pou yo. Sila yo se te lòm ansyen yo, lòm gran repitasyon yo.

<sup>5</sup> Alò SENYÈ a te wè ke mechanste lòm te gran sou latè, epi ke chak entansyon ak panse nan kè li te toujou vè lemal. <sup>6</sup> Epi \*SENYÈ a te regrèt ke Li te fè lòm sou latè a e sa te \*blese Li nan kè L.

<sup>7</sup> SENYÈ a te di: “\*Mwen va efase lòm ke mwen te kreye sou fas tè a, soti nan lòm jis nan yo, e a zwazo anlè yo; paske mwen regrèt ke m te fè yo.

<sup>8</sup> Men Noé te \*twouve favè nan zye SENYÈ a.

<sup>9</sup> Sa yo se achiv jenerasyon Noé yo.

Noé se te yon moun ak \*ladwati, \*san fot nan tan pa li a; Noé te mache avèk Bondye. <sup>10</sup> Noé te vin papa twa fis: Sem, Cham, ak Japhet.

<sup>11</sup> Alò tè a te vin \*konwonpi nan zye Bondye, e latè te \*vin plen ak vyolans.

<sup>12</sup> Bondye te gade sou latè, e gade byen, li te vin konwonpi; paske tout chè te vin konwonpi sou tè a nan jan yo te mache <sup>13</sup> Alò, Bondye te di a Noé: “\*Lafen tout chè gen tan parèt devan M; paske latè vin ranpli avèk vyolans akoz yo menm; epi gade byen, mwen prè pou detwi yo ansanm ak latè” <sup>14</sup> Fè pou kont ou yon lach avèk bwa gofè; ou va fè l avèk chanm, e kouvri li anndan kon deyò avèk kòl rezin. <sup>15</sup> Se konsa ke ou va fè l: longè lach la va twa san koude 18 pous se yon koude, lajè li va senkant koude,

\* 5:22 Mi 6:8 \* 5:24 II Wa 2:10 \* 5:29 Jen 3:17-19 \* 5:32 Jen 7:6 \* 6:3 Gal 5:16-17  
 \* 6:6 Jr 18:7-10 \* 6:6 És 63:10 \* 6:7 Det 28:63 \* 6:8 Jen 19:19 \* 6:9 II Pi 2:5 \* 6:9  
 Jen 17:1 \* 6:11 Det 31:29 \* 6:11 Esd 8:17 \* 6:13 És 34:1-4

e wotè li va trant koude. <sup>16</sup> Ou va fè yon fenèt pou lach la, fè l rete yon koude ke tèt li e mete pòt lach la sou kote li; ou va fè pi ba dezyèm avèk twazyèm etaj.

<sup>17</sup> Gade byen, ✨Mwen menm, Mwen ap mennen delij dlo sou latè pou detwi tout chè ki gen souf lavi ladann, depi anba syèl la; tout bagay ki sou latè va peri.

<sup>18</sup> Men Mwen va etabli ✨akò Mwen avèk ou; epi ou va antre nan lach la—ou menm avèk fis ou yo, avèk madanm ou yo, madanm a fis ou yo ansanm avèk ou.

<sup>19</sup> ✨Epi sotì nan tout chè bèt k ap viv ou va pote de nan chak espès pou antre nan lach la pou kenbe yo vivan; epi yo va mal avèk femèl. <sup>20</sup> Nan zwazo yo selon espès pa yo, nan bèt yo selon espès pa yo, chak sa ki kouri atè reptil selon espès pa l. De nan chak espès va vin kote ou, pou ou ka kenbe yo toujou vivan. <sup>21</sup> Pou ou menm, pran pou pwòp tèt ou kèk nan tout bagay ki kab manje, e rasanble yo pou ou menm; epi yo va sèvi pou ou menm kòm manje pou ou, ak pou yo.”

<sup>22</sup> Konsa Noé te fè l; selon tout sa ke Bondye te kòmande li, konsa li te fè l.

## 7

<sup>1</sup> Epi SENYÈ a te di a Noé: “Antre nan lach la, ou avèk tout lakay ou, paske sèl ou mwen te wè ki dwat devan mwen nan jenerasyon sila a. <sup>2</sup> Ou va pran avèk ou sèt nan chak bèt ki pwòp, yon mal avèk yon femèl parèy li; epi de nan bèt ki pa pwòp yo, yon mal avèk yon femèl parèy li; <sup>3</sup> osi nan zwazo nan syèl la pa sèt, mal avèk femèl, pou kenbe pòtre yo vivan sou tout sifas tè a. <sup>4</sup> Paske, apre sèt jou ankò, Mwen va voye lapli sou latè pandan karant jou ak karant nwit; epi Mwen va efase sou fas tè a ✨chak èt vivan ke Mwen te fè.”

<sup>5</sup> ✨Noé te fè tout bagay jan ke Bondye te mande l la. <sup>6</sup> Alò, Noé te gen laj ✨sis-san ane lè delij la te vini sou latè.

<sup>7</sup> Epi ✨Noé avèk fis li yo, avèk madanm li, avèk madanm a fis li yo, avèk li menm te antre nan lach la akòz dlo delij la. <sup>8</sup> ✨Nan bèt ki te pwòp yo, avèk bèt ki pa pwòp yo, zwazo avèk tout sa ki kouri atè yo, <sup>9</sup> tout te antre nan lach la ak Noé, de pa de, mal avèk femèl, jan Bondye te kòmande Noé a. <sup>10</sup> Li te rive apre ✨sèt jou ke dlo delij la te vini sou latè.

<sup>11</sup> Nan sis-santyèm ane nan lavi Noé, nan dezyèm mwa, nan di-setyèm jou nan mwa a, nan menm jou a, ✨tout sous nan gran fon an te vin pete, e pòt delij yo nan syèl la te vin louvri. <sup>12</sup> ✨Lapli te tonbe sou latè pandan karant jou, ak karant nwit.

<sup>13</sup> O jis nan menm jou sa a, ✨Noé avèk Sem, Cham, avèk Japhet, fis a Noé yo, madanm a Noé, ak twa madanm a fis li yo, te antre nan lach la, <sup>14</sup> yo menm avèk chak bèt selon espès yo, tout bèt domestik selon espès pa yo, tout reptil ki kouri atè selon espès pa yo, ak tout kalite zwazo. <sup>15</sup> Epi yo te antre nan lach la vè Noé, pa ✨de nan tout chè ki te gen souf lavi. <sup>16</sup> Sila ki te antre yo, mal avèk femèl nan tout chè, te antre jan Bondye te kòmande li a; epi SENYÈ a te fèmen lach la dèyè li.

<sup>17</sup> Konsa delij la te vini sou latè a pandan ✨karant jou; dlo a te vin ogmante e te leve lach la jis li rive anwo tè a. <sup>18</sup> Epi dlo a te vin monte; li te

✨ 6:17 II Pi 2:5 ✨ 6:18 Jen 9:9-16 ✨ 6:19 Jen 7:2-15 ✨ 7:4 Jen 6:7-13 ✨ 7:5 Jen 6:22 ✨ 7:6 Jen 5:32 ✨ 7:7 Jen 6:18 ✨ 7:8 Jen 6:19-20 ✨ 7:10 Jen 7:4 ✨ 7:11 Jen 8:2 ✨ 7:12 Jen 7:4-17 ✨ 7:13 Jen 6:18 ✨ 7:15 Jen 6:19 ✨ 7:17 Jen 7:4

ogmante anpil sou tè a, e lach la te monte sou dlo a. <sup>19</sup> Dlo a te vin monte plis toujou sou tè a, jis tout mòn toupatou anba syèl la te vin kouvri. <sup>20</sup> Dlo a te vin monte pou kenz koude anplis, e ✧mòn yo te vin kouvri.

<sup>21</sup> ✧Tout chè ki t ap fè mouvman sou tè a te vin peri, zwazo avèk bèt domestik avèk bèt e chak ensèk ki vole ansanm sou latè, ak tout moun; <sup>22</sup> Tout sa ki te sou tè sèk la, ✧ki te gen souf lavi nan nen yo te vin mouri. <sup>23</sup> Konsa Li te efase chak bagay ki t ap viv sou fas tè a, soti nan lòm jis rive nan tout bèt, sou sa ki te kouri atè, ak zwazo latè yo. Konsa yo te efase soti sou tè la nèt, e se sèl ✧Noé ki te rete ansanm avèk sila ki te avèk li nan lach la.

<sup>24</sup> Dlo a te monte kouvri tout tè a pandan san-senkant jou.

## 8

<sup>1</sup> En Bondye te sonje Noé avèk tout bèt ki te avèk li nan lach la; epi ✧Bondye te fè yon van pase sou tè a, e dlo yo te vin bese.

<sup>2</sup> Osi ✧sous nan fon yo te vin fèmen, pòtay lapli nan syèl la te fèmen, e ✧lapli ki te sòti nan syèl la te sispann; <sup>3</sup> Epi dlo a te bese oframezi, sou tè a, e apre ✧san-senkant jou, dlo a te vin mwens.

<sup>4</sup> Nan setyèm mwa, nan dis-setyèm jou nan mwa a, lach la te vin poze sou mòn Ararat la. <sup>5</sup> Dlo a te bese toujou jis nan dizyèm mwa a; nan dizyèm mwa, nan premye jou mwa a, tèt mòn yo te vin vizib.

<sup>6</sup> Alò, li te vin rive ke lè karant jou yo fin pase, ke Noé te ouvri ✧fenèt lach la, ke li te fè a; <sup>7</sup> epi li te voye deyò yon kònèy zwazo nwa ki te vole de yon kote a lòt jiskaske dlo a te vin seche sou tè a. <sup>8</sup> Epi li te voye deyò yon toutrèl sòti kote li, pou wè si dlo a te bese sou fas tè a; <sup>9</sup> men toutrèl la pa t jwenn plas repo pou plante pye li, e li te retounen kote li nan lach la, paske dlo a te sou fas tout tè a. Alò, li te mete men l deyò, li te pran l, e li te fè l antre nan lach la vè li menm.

<sup>10</sup> Epi li te tann pou yon lòt sèt jou ankò, e li te revoye toutrèl la soti nan lach la. <sup>11</sup> Toutrèl la te vin kote l vè aswè, e gade byen, nan bèk li te gen yon fèy bwa doliv byen fre. Konsa Noé te konnen ke dlo a te bese sou tè a.

<sup>12</sup> Alò, li te tann pou youn lòt sèt jou, li te revoye ✧toutrèl la; men li pa t retounen vè li ankò.

<sup>13</sup> Alò, li te vin rive ke nan ✧sis-san-en ane, nan premye mwa, dlo a te fin seche kite tè a. Epi Noé te retire kouvèti lach la, li te gade, e gade byen, sifas tè a te vin sèch. <sup>14</sup> Nan dezyèm mwa, nan venn-sèt jou nan mwa a, tè a te sèch.

<sup>15</sup> Alò, Bondye te pale avèk Noé, e te di: <sup>16</sup> Sòti nan lach la, ou menm avèk madanm ou, fis ou yo, avèk madanm a fis ou yo. <sup>17</sup> Mete deyò avèk ou tout chè vivan ki avèk ou, zwazo, animal, ak tout bèt sila yo ki kouri atè, pou yo kapab ✧kouple anpil sou latè, pou vin fekon, e multipliye anpil sou tè a.

<sup>18</sup> Alò, Noé te sòti, e fis li yo avèk madanm li, e madanm a fis li yo te avèk li <sup>19</sup> Chak bèt, chak reptil ki kouri atè, e chak zwazo, tout bagay ki fè mouvman sou latè te sòti nan lach la selon espès pa yo.

<sup>20</sup> Epi Noé te bati yon lotèl pou SENYÈ a, li te pran chak ✧bèt ki pwòp, nan chak zwazo ki pwòp, e li te ofri sakrifis ki te brile sou lotèl la.

<sup>21</sup> SENYÈ a te pran sant dous la; epi SENYÈ a te di a Li menm: “Mwen p ap janm ✧modi tè a ankò akòz lòm, paske ✧lentansyon kè li se lemal depi

✧ 7:20 Jen 8:4 ✧ 7:21 Jen 6:7 ✧ 7:22 Jen 2:7 ✧ 7:23 Mat 24:38-39 ✧ 8:1 Egz 14:21 ✧ 8:2 Jen 7:11 ✧ 8:2 Jen 7:4-12 ✧ 8:3 Jen 7:24 ✧ 8:6 Jen 6:16 ✧ 8:12 Jr 48:28 ✧ 8:13 Jen 7:6 ✧ 8:17 Jen 1:22-28 ✧ 8:20 Jen 7:2 ✧ 8:21 És 54:9 ✧ 8:21 Jen 6:5

li te jèn; e mwen p ap janm detwi ankò chak bagay vivan jan Mwen te fè a.

<sup>22</sup> Pandan tè a la a, lè semans avèk rekòlt, ✨fredi avèk chalè, sezon chalè ak livè, e lajounen avèk lannwit p ap janm sispann.”

## 9

<sup>1</sup> Epi Bondye te beni Noé avèk fis li yo, e Li te di yo: “✨Se pou nou vin fekon, miltipliye, e ranpli latè. <sup>2</sup> Lakrent nou, ak laperèz nou va vini sou chak bèt latè, ak chak zwazo syèl la; avèk tout bagay ki kouri atè, ak tout pwason lanmè, tout plase nan men nou. <sup>3</sup> Chak bagay ki fè mouvman, e ki vivan va sèvi kòm manje pou nou; Mwen bannou tout, jan Mwen te bay plant vèt la.

<sup>4</sup> Sèlman, nou pa pou manje chè avèk lavi li, sa vle di ✨san li. <sup>5</sup> Anverite, Mwen va egziye san lavi nou; ✨soti nan chak bèt Mwen va egziye li. Epi sou chak òm, sou frè a chak òm, Mwen va egziye lavi a lòm.

<sup>6</sup> ✨“Nenpòt moun ki vèse san lòm, pa lòm san pa l va vèse, paske nan imaj a Bondye, Li te fè lòm. <sup>7</sup> Epi pou nou: ✨ se pou nou vin fekon, e miltipliye; peple tè a anpil, e miltipliye ladann.”

<sup>8</sup> Alò, Bondye te pale avèk Noé avèk fis li yo avè l, e te di: <sup>9</sup> “Gade byen, ✨Mwen menm, Mwen vin etabli akò Mwen avèk nou, e avèk desandan aprè nou yo; <sup>10</sup> epi avèk chak kreyati vivan ki avè w, zwazo, bèt kay yo, ak chak bèt ki sou latè avèk nou; tout sa ki sòti nan lach la, menm chak bèt sou tè a.

<sup>11</sup> Mwen etabli akò Mwen avèk nou; epi tout chè ✨p ap janm koupe ankò pa dlo delij, ni p ap gen delij ankò pou detwi tè a.”

<sup>12</sup> Bondye te di: “Sa se ✨sign akò ke m ap fè antre Mwen avèk nou, e avèk chak kreyati vivan ki la avèk nou, jis rive pou tout jenerasyon k ap vini yo. <sup>13</sup> Mwen mete lakansyèl Mwen nan nwaj la, epi l ap sèvi kòm yon sign pou akò antre Mwen menm avèk latè a. <sup>14</sup> Li va rive ke lè m mennen yon nwaj sou latè, ke lakansyèl la ap vizib nan nwaj la, <sup>15</sup> epi ✨Mwen va sonje akò ki antre Mwen menm avèk nou an, avèk chak kreyati vivan de tout chè; epi janmen ankò dlo p ap vin yon delij pou detwi tout chè.

<sup>16</sup> Lè lakansyèl la nan nwaj la, Mwen va gade sou li, pou m sonje ✨akò ki jis pou tout tan antre Bondye ak tout kreyati vivan pou tout chè ki sou latè yo.”

<sup>17</sup> Epi Bondye te di a Noé: “Sa se sign akò ke Mwen te etabli antre Mwen ak tout chè ki rete sou tè a.”

<sup>18</sup> Alò, fis Noé yo ki te soti nan lach la se te: Sem, Cham, ak Japhet; epi ✨Cham te papa Canaan. <sup>19</sup> Twa sila yo se te fis Noé yo, e ✨nan twa sila yo tout tè a te vin peple.

<sup>20</sup> Alò, Noé te kòmanse kiltive tè a e li te plante yon chan rezen. <sup>21</sup> Li te bwè diven, e li te ✨vin sou; konsa li te dekouvri kò li anndan tant li an.

<sup>22</sup> Cham, papa Canaan nan, ✨te wè papa li toutouni, e li te pale sa a frè l yo deyò a.

<sup>23</sup> Men Sem avèk Japhet te pran yon abiman, yo te mete li sou chak zepòl li, e yo te mache an aryè pou kouvri nidite papa yo; epi figi yo te vire akote pou yo pa wè nidite li.

✨ 8:22 Sòm 74:17 ✨ 9:1 Jen 1:28 ✨ 9:4 Lev 7:26 ✨ 9:5 Egz 21:28-29 ✨ 9:6 Egz 21:12-14  
 ✨ 9:7 Jen 9:1 ✨ 9:9 Jen 6:18 ✨ 9:11 Jen 8:21; És 54:9 ✨ 9:12 Jen 9:13-17 ✨ 9:15 Lev 26:42-45 ✨ 9:16 Jen 17:13-19 ✨ 9:18 Jen 9:25-27 ✨ 9:19 Jen 9:1-7 ✨ 9:21 Pwov 20:1  
 ✨ 9:22 Hab 2:15

<sup>24</sup> Lè Noé te leve nan dòmi aprè diven an, li te konnen sa ke pi jenn fis li a te fè l la. <sup>25</sup> Konsa li te di: ✧“Se pou Canaan modi; ✧ se sèvitè l ap ye anvè frè li yo.”

<sup>26</sup> Li te di osi: ✧“Se pou beni SENYÈ a, Bondye a Cham nan; ke Canaan vin sèvitè li. <sup>27</sup> ✧Ke Bondye agrandi Japhet, e ke li viv nan tant Sem yo; epi ke Canaan vin sèvitè li. <sup>28</sup> Noé te viv twa-san-senkant ane aprè delij la. <sup>29</sup> Alò, tout jou a Noé yo te nèf-san-senkant ane, e li te vin mouri.

## 10

<sup>1</sup> Alò, sa yo se achiv a jenerasyon yo pou Cham, Sem, ak Japhet, fis Noé yo; avèk fis ki te ne pou yo apre delij la.

<sup>2</sup> ✧Fis a Japhet yo te Gomer, Magog, Madaï, Javan, Tubal, Méschec, ak Tiras.

<sup>3</sup> Fis Gomer yo te ✧Aschkenaz, Riphath avèk Togarma.

<sup>4</sup> Fis Javan yo te Elischa, Tarsis, Kittim, ak Dodanim.

<sup>5</sup> Depi nasyon sila a peyi kot yo te divize nan teritwa pa yo, yo chak selon langaj yo, selon fanmi pa yo, nan pwòp nasyon pa yo.

<sup>6</sup> ✧Fis a Cham yo te Cush, Mitsraïm, Puth, avèk Canaan.

<sup>7</sup> Fis a Cush yo te Seba, Havila, Sabra, Raema avèk Sabteca. Fis a Raema yo te Seba avèk Dedan.

<sup>8</sup> Cush te fè osi Nimrod; li te kòmanse vin pwisan sou latè. <sup>9</sup> Li te yon nonm fò nan fè lachas devan SENYÈ a; akòz sa yo abitye di: “tankou Nimrod, yon nonm fò nan lachas devan SENYÈ a”.

<sup>10</sup> Kòmansman wayòm li an te ✧Babel, Érec, Accad, avèk Cainé nan peyi a Schinear yo. <sup>11</sup> De teritwa sila a, li te antre ✧nan Assur, e li te bati Ninive avèk Rehoboth-Hur, Calach, <sup>12</sup> Avèk Résen antre Ninive e Calach; ki se gran vil la.

<sup>13</sup> Mitsraïm te devni papa ✧Ludim, Ananim, Lehabim ak Naphtuhim.

<sup>14</sup> Avèk ✧Patrusim ak Casluhim (kote Filisten yo te sòti a) avèk Caphtorim.

<sup>15</sup> Canaan te vin papa Sidon ki te premye ne a, avèk ✧Heth; <sup>16</sup> Epi ✧Jebizyen yo avèk Amoreyen yo, ak Gigazyen yo. <sup>17</sup> Evyen yo, Akyen yo, avèk Sinyen yo. <sup>18</sup> Avèk Avadyen yo, Tsemaryen yo, Amatyen yo, e apre, fanmi Canaran an te gaye toupatou.

<sup>19</sup> ✧Teritwa Canaan an te sòti depi Sidon pou pwoche Guéerar, jis rive Gaza; epi lè nou pwoche Sodome ak Gomorrhe, avèk Adma ak Tseboïm jis Léscha.

<sup>20</sup> Sa yo se fis Cham yo selon fanmi pa yo, selon langaj yo, selon teritwa yo, selon nasyon pa yo.

<sup>21</sup> Osi a Sem, papa a tout pitit Héber yo, e pi gran frè pou Japhet te fè pitit. <sup>22</sup> Fis a Sem yo te ✧Élam, Assur, ✧Arpacschad, Lud, avèk Aram.

<sup>23</sup> Fis Aram yo te ✧Uts, Hul, Guéter avèk Masch.

<sup>24</sup> Arpacschad te fè ✧Schélach; epi Schélach te fè Héber.

<sup>25</sup> ✧Epi te ne a Héber de fis: non a youn te Pélèg, paske nan jou pa l la latè te divize; epi frè l la te rele Jokthan.

<sup>26</sup> Jokthan te vin papa Almonad ak Schélèph, Hatsarmaveth, Jrach, <sup>27</sup> Hadoram, Uzal, Dikla, <sup>28</sup> Obal, Abimaël, Séba, <sup>29</sup> Ophir, Havila ak Jbab.

✧ 9:25 Det 27:16 ✧ 9:25 Jos 9:23 ✧ 9:26 Jen 14:20 ✧ 9:27 Jen 10:2-5 ✧ 10:2 I Kor 1:5-7  
 ✧ 10:3 Jr 51:27 ✧ 10:6 I Kwo 1:8-10 ✧ 10:10 Jen 11:9 ✧ 10:11 Mi 5:6 ✧ 10:13 Jr 46:9  
 ✧ 10:14 I Kwo 1:12 ✧ 10:15 Jen 23:3 ✧ 10:16 Jen 15:19-21 ✧ 10:19 Nonb 34:2-12 ✧ 10:22  
 Jen 14:1-9 ✧ 10:22 Jen 11:10 ✧ 10:23 Job 1:1 ✧ 10:24 Jen 11:12 ✧ 10:25 I Kwo 1:19

Tout sa yo te fis pou Jokthan. <sup>30</sup> Alò andwa kote yo te rete te rive jis nan Méscha lè nou ale vè Sephar, teritwa mòn lès la.

<sup>31</sup> Men sila ki se fis Sem yo, selon fanmi pa yo, selon langaj yo, selon teritwa yo, selon nasyon yo.

<sup>32</sup> Sila yo se fanmi a fis Noé yo selon jenerasyon yo, ✧selon nasyon pa yo; epi de sa yo, konsa nasyon yo te separe sou latè apre delij la.

## 11

<sup>1</sup> Alò, tout latè te sèvi avèk menm lang avèk menm mo. <sup>2</sup> Epi li te rive ke pandan yo t ap vwayaje vè lès, ke yo te twouve yon gran plèn nan peyi ki rele ✧Schinear a e yo te vin rete la.

<sup>3</sup> Yo te di youn ak lòt: “Vini, annou fè brik e brile yo byen brile.” Epi yo te sèvi ak brik pou wòch, e yo te sèvi ak ✧azfòt kòm mòtye. <sup>4</sup> Yo te di: “Vini, annou bati yon gran vil pou pwòp tèt nou, avèk yon kay wo tou won avèk yon twati ki va lonje rive jis nan syèl la, e annou fè pou pwòp tèt nou yon ✧ gran non, sof ke sa, nou ✧va vin gaye toupatou sou tout sifas tè a.

<sup>5</sup> ✧SENYÈ a te vin desann pou wè gran vil avèk kay wo tou won ke fis a lòm yo te fè a. <sup>6</sup> Senyè a te di: “Gade byen, se yon sèl pèp yo ye, e yo tout gen ✧menm lang. Epi se sa ke yo kòmanse fè, e koulye a nan nenpòt sa yo eseye fè, yo p ap anpeche. <sup>7</sup> “Vini, ✧annou desann e ✧konfonn langaj yo pou yo pa konprann lang youn lòt.

<sup>8</sup> Pou sa, SENYÈ a te ✧gaye yo toupatou sou tout tè a; epi yo te sispann bati gran vil la. <sup>9</sup> Pou sa, yo te rele non li ✧Babel, akoz ke la, SENYÈ a te konfonn langaj yo nan tout latè; epi depi la, SENYÈ a te gaye yo toupatou sifas a tout tè a.

<sup>10</sup> ✧Sa yo se te achiv pou tout jenerasyon a Sem yo. Sem te gen laj san ane e li te vin papa a Arpacschad, de ane apre delij la. <sup>11</sup> Epi Sem te viv senk-san ane apre li te vin papa a Arpacschad, li te gen lòt fis ak fi.

<sup>12</sup> Arpacschad te viv trant-senk ane, e li te vin papa a Schélach; <sup>13</sup> epi Arpacschad te viv kat-san-twa ane apre li te vin papa a Schélach, e li te gen lòt fis ak fi.

<sup>14</sup> Schélach te viv trant ane, e li te vin papa a Héber; <sup>15</sup> epi Schélach te viv kat-san-twa ane apre li te vin papa a Héber, li te gen lòt fis ak fi.

<sup>16</sup> Héber te viv pandan trant-kat ane, e li te devni papa a Pélèg; <sup>17</sup> epi Héber te viv pandan kat-san-trant ane apre li te vin papa a Pélèg, e li te gen lòt fis ak fi.

<sup>18</sup> Pélèg te viv pandan trant ane, e li te vin papa a Reu; <sup>19</sup> epi Pélèg te viv pandan de-san-nèf ane apre li te vin papa a Rehu, e li li te gen lòt fis ak fi.

<sup>20</sup> Rehu te viv pandan trant-de ane, e li te vin papa a Serug; <sup>21</sup> Epi Rehu te viv pandan de-san-sèt ane, apre li te vin papa a Serug, e li te gen lòt fis ak fi.

<sup>22</sup> Serug te viv pandan trant ane, e li te vin papa a Nachor; <sup>23</sup> epi Serug te viv de-san ane apre li te vin papa a Nachor, e li te fè lòt fis ak fi.

<sup>24</sup> Nachor te viv pandan vent-nèf ane, e li te vin papa a Térach; <sup>25</sup> epi Nachor te viv san-diz-nèf ane apre li te vin papa a Térach, e li te gen lòt fis ak fi.

<sup>26</sup> Térach te viv swasan-dis ane, e li te vin ✧papa a Abram, Nachor, ak Haran.

✧ 10:32 Jen 9:19 ✧ 11:2 Jen 10:10 ✧ 11:3 Jen 14:10 ✧ 11:4 Jen 6:4 ✧ 11:4 Det 4:27  
 ✧ 11:5 Jen 18:21 ✧ 11:6 Jen 11:1 ✧ 11:7 Jen 1:26 ✧ 11:7 Det 28:49 ✧ 11:8 Jen 11:4  
 ✧ 11:9 Jen 10:10 ✧ 11:10 Jen 10:22-25 ✧ 11:26 Jos 24:2

<sup>27</sup> Alò sa yo se achiv pou tout jenerasyon a Térach yo. Térach te vin papa Abram, Nachor, avèk Haran.

Haran te fè ✧Lot. <sup>28</sup> Haran te mouri nan prezans papa li, Térach nan peyi nesans li, nan ✧Ur pou Kaldeyen yo. <sup>29</sup> Abram avèk ✧Nachor te pran madanm yo pou yo menm. Non a madanm Abram nan se te ✧Saraï; e non a madanm Nachor a se te Milca, fi a Haran an, papa a Milcah avèk Jisca. <sup>30</sup> ✧Saraï te esteril; li pa t gen pitit.

<sup>31</sup> Térach te pran Abram, fis li a, e Lot, fis Haran an, pitit a pitit li, ak Saraï, bèlfi li, madanm a Abram, fis li; epi yo te kite ✧Ur a Kaldeyen yo ansanm, pou yo ta kapab antre nan peyi Canaan an; epi yo te ale jis rive Haran, e yo te vin rete la.

<sup>32</sup> Jou a Térach yo te de-san-senk ane; epi Térach te vin mouri Haran.

## 12

<sup>1</sup> Alò, ✧SENYÈ a te di a Abram: “sòti nan peyi ou ak fanmi ou yo, ak lakay papa ou, pou vè yon peyi ke Mwen va montre nou; <sup>2</sup> Epi ✧Mwen va fè ou vin yon gran nasyon, Mwen va beni ou, e fè non ou vin gran; epi konsa ✧ou va yon benediksyon; <sup>3</sup> Mwen va beni sila yo ki beni ou, e sila ki modi ou yo, Mwen va modi yo. ✧Epi nan ou, tout fanmi sou latè yo va beni.”

<sup>4</sup> Alò, Abram te sòti jan SENYÈ a te pale l la; e ✧Lot te ale avè l. Epi Abram te gen laj swasan-kenz ane lè li te kite Haran. <sup>5</sup> Abram te pran Saraï madanm li avèk Lot, neve li, ak tout ✧zafè yo ke yo te ranmase avèk moun ke yo te vin genyen nan Haran, epi yo te pati pou peyi Canaan an; konsa yo te vin rive Canaan.

<sup>6</sup> Abram te pase nan peyi a jis rive ✧Sichem, nan chenn Moré yo. Alò nan tan sa a, Kanaaneyen yo te nan peyi a.

<sup>7</sup> SENYÈ a ✧te parèt a Abram e te di: “✧A desandan ou yo, Mwen va bay peyi sila a.”

Alò, li te bati yon lotèl nan plas kote SENYÈ a te parèt a li a.

<sup>8</sup> Alò, li te kontinye depi la nan mòn nan nan lès Béthel, e li te monte tant li, avèk ✧Béthel nan lwès, ak Ai nan lès; epi la li te bati yon lotèl a SENYÈ a, e li te rele non a SENYÈ a.

<sup>9</sup> Abram te vwayaje toujou vè ✧Negev. <sup>10</sup> Alò te gen yon ✧gwo grangou nan peyi a; ki fè Abram te desann an Égypte pou pase yon tan akoz gwo grangou a te tèlman ✧di nan peyi a.

<sup>11</sup> Epi li te rive ke lè li te rive toupres Égypte, li te di a Saraï, madanm li: “Gade, mwen konnen ke ou se ✧yon fanm ki tèlman bèl; <sup>12</sup> ✧epi lè Ejipsyen yo wè ou ke yo va di: ‘Sa se madanm li; epi yo va touye mwen, men yo va kite ou viv. <sup>13</sup> Souple, di ke se ✧sè mwen ou ye, pou sa ale byen pou mwen, e pou mwen kapab viv akoz ou menm.”

<sup>14</sup> Li te vin rive ke lè Abram te antre Égypte, ke Ejipsyen yo te wè ke fanm nan te byen bèl. <sup>15</sup> Ofisyèl Farawon yo te wè li e te pote lwanj li bay Farawon; epi yo te pran fanm nan fè l antre lakay Farawon an. <sup>16</sup> Pou sa li te trete Abram byen pou koz li; epi li ✧te bay li mouton avèk bèf kabwa avèk bourik, ak sèvitè, ni mal ni femèl, ak femèl bourik avèk chamo.

✧ 11:27 Jen 13:10 ✧ 11:28 Jen 11:31 ✧ 11:29 Jen 24:10 ✧ 11:29 Jen 17:5 ✧ 11:30 Jen 16:1 ✧ 11:31 Jen 15:7 ✧ 12:1 Jen 15:7 ✧ 12:2 Det 26:5 ✧ 12:2 Za 8:13 ✧ 12:3 Jen 22:13 ✧ 12:4 Jen 11:27-31 ✧ 12:5 Jen 13:6 ✧ 12:6 Jen 35:4 ✧ 12:7 Jen 17:1 ✧ 12:7 Jen 13:5 ✧ 12:8 Jos 8:9-12 ✧ 12:9 Jen 13:1-3 ✧ 12:10 Jen 26:1 ✧ 12:10 Jen 43:1 ✧ 12:11 Jen 26:7 ✧ 12:12 Jen 20:11 ✧ 12:13 Jen 20:2-12 ✧ 12:16 Jen 13:2



17 Men SENYÈ a te ✨frape Farawon avèk gwo malè yo akoz Saraï, madanm Abram nan.

18 Epi Farawon te rele Abram e te di li: “✨Kisa ou fè m la a? Poukisa ou pa t di mwen ke li te madanm ou? 19 Poukisa ou te di: Li se sè m, pou m te pran l kòm madanm mwen? Alò, men madanm ou, pran l ale.”

20 Farawon te kòmande mesye pa l yo konsènan li; epi yo te akonpanye l ale, avèk madanm li, ak tout bagay ki te pou li yo.

## 13

1 Alò, Abram te monte kite Égypte vè ✨Negev, li menm avèk madanm li, ak tout bagay ki te pou li, e Lot te avèk li. 2 Epi Abram te ✨trè rich nan bèt, lajan ak nan lò.

3 Li te fè vwayaj li yo ki sòti Negev pou rive jis Béthel, nan plas kote tant li a te ye nan kòmansman an ✨antre Béthel avèk Ai, 4 nan plas ✨lotèl ke li te fè la oparavan an; epi la Abram te rele non SENYÈ a.

5 Alò, ✨Lot, ki te ale avèk Abram, osi te gen bann mouton, twoupo, avèk tant.

6 Epi tè a pa t kapab sipòte yo toude pou rete ansanm, paske byen yo te tèlman gran ke yo pa t kab rete ansanm. ✨ 7 Epi te gen konfli antre bèje bèt Abram, ak bèje bèt Lot yo. Epi te gen Kanaaneyen yo avèk FereJrn yo ki te rete nan peyi a.

8 ✨Alò, Abram te di a Lot: “Silvouplè, pa kite gen konfli antre ou avèk mwen, ni antre bèje pa m ak bèje pa w paske se frè nou ye. 9 Èske se pa tout tè a ki pou ou? Silvouplè, annou separe; si se vè agoch, mwen menm, mwen va ale adwat; oswa si se adwat, mwen menm, mwen va ale agoch.”

10 Lot te leve Jr li, e li te wè tout ✨vale Jourdain an ke li te byen wouze. Sa se te avan SENYÈ a te ✨detwi Sodome avèk Gomorrhe. Li te tankou jaden SENYÈ a, tankou peyi Égypte la lè ou ale vè Zoar. 11 Epi Lot te chwazi pou li menm tout vale Jourdain an, e Lot te vwayaje vè lès. Konsa yo te separe youn ak lòt.

12 Abram te vin rete nan tè Canaan an, pandan Lot te vin rete nan ✨gran vil yo nan vale a, e li te deplase tant li yo jis rive Sodome.

13 Alò, ✨mesye Sodome yo te mechan anpil e yo te fè peche depase kont SENYÈ a.

14 SENYÈ a te di a Abram lè Lot fin kite l la: “Koulye a leve ze ou pou gade depi plas la kote ou ye a; ✨vè nò, vè sid, vè lès ak lwès; 15 ✨Paske tout peyi ke ou wè a, Mwen va ba ou li, e a desandan ou yo pou tout tan.

16 Mwen va fè desandan ou yo peple ✨tankou pousyè tè, pou si okenn moun pa kapab kontwole pousyè tè a, konsa yo p ap kapab osi kontwole desandan ou yo. 17 Leve, ✨mache toupatou nan peyi a nan longè li avèk lajè li; paske Mwen va ba ou li”.

18 Epi Abram te deplase tant li an, li te vin rete akote ✨bwatchenn Mamré yo ki an Hébron, e la li te bati yon lotèl bay SENYÈ a.

✨ 12:17 Jen 20:18 ✨ 12:18 Jen 20:9-10 ✨ 13:1 Jen 12:9 ✨ 13:2 Jen 24:35 ✨ 13:3 Jen 12:8 ✨ 13:4 Jen 12:7-8 ✨ 13:5 Jen 12:5 ✨ 13:6 Jen 36:7 ✨ 13:8 Pwov 15:18 ✨ 13:10 Det 34:3 ✨ 13:10 Jen 19:24 ✨ 13:12 Jen 14:2 ✨ 13:13 Jen 18:20 ✨ 13:14 Jen 28:14 ✨ 13:15 Jen 12:7 ✨ 13:16 Jen 16:10 ✨ 13:17 Nonb 13:17-24 ✨ 13:18 Jen 14:13

## 14

<sup>1</sup> Li te rive nan jou Amraphel yo, wa ✧Schinear a, ke Arjoc, wa Ellasar a, Kedorlaomer, wa Élam nan, avèk Tideal, wa Gojim nan, <sup>2</sup> Ke yo te vin fè lagè avèk Béra, wa Sodome nan, e avèk Birscha, wa Gomorrhe a, Schineab, wa Adma a, ak Schémbeébern wa Tseboïm nan, avèk wa a Béla a, ki se Tsoar.

<sup>3</sup> Tout sila yo te vini nan yon alyans nan vale Siddim nan (sa vle di ✧Lanmè Sèl la). <sup>4</sup> Pandan douz ane yo te sèvi Kedorlaomer, men nan trèzyèm ane a, yo te revòlte.

<sup>5</sup> Nan katòzyèm ane a, Kedorlaomer ak wa ki te avè l yo, te vin bat ✧Rephaïm nan Ashterothkarnaim, Zuzim nan Ham, avèk Émim nan Schavé-Kirjathaïm. <sup>6</sup> Avèk Oryen yo nan mòn pa yo nan Séir jiska distans rive nan Al-Paran, ki touprè dezè a. <sup>7</sup> Epi yo vin retounen rive nan En-Mischpath, (ki se ✧Kadès), e yo te bat Amalesit yo nan tout peyi a yo a, e osi Amoreyen ki te rete ✧Hatsatson-Thamar yo.

<sup>8</sup> Epi wa Sodome nan avèk wa Gomorrhe a avèk wa Adma ak wa Tseboïm nan, e wa Béla a, (ki se Tsoar); te vin parèt; epi yo ranje yo pou fè batay kont yo nan vale Siddim nan, <sup>9</sup> Kont Kedorlaomer wa Élam nan, Tideal, wa Gojim nan, Amraphel, wa Schinear nan, ak Arjoc, wa Ellasar a; kat wa kont senk.

<sup>10</sup> Alò, vale Siddim nan te ranpli avèk fon azfòt yo; epi ✧wa Sodome avèk Gomorrhe yo te sove ale, e youn nan yo vin tonbe. Men sila ki te chape yo te sove ale, rive nan tèt mòn yo.

<sup>11</sup> Epi yo te pran tout byen Sodome avèk Gomorrhe yo avèk tout manje yo te genyen, e yo te pati. <sup>12</sup> Osi yo te pran Lot, neve a Abram nan avèk tout byen li, e yo te pati, ✧paske li t ap viv Sodome.

<sup>13</sup> Alò, yon moun ki te sove ale te vin di Abram, Eb a tout sa. Alò, li t ap viv bò kote chenn Mamré yo, Amoreyen sila a, frè Eschcol e frè Aner, ki te fè yon ✧alyans avèk Abram.

<sup>14</sup> Lè Abram te tandè ke ✧moun fanmi li te pran an kaptivite, li te Mennen dèzòm ki te enstwi, twa-san-diz-uit òm ki te elve nan kay li pou te pouswiv yo jis rive nan Dann. <sup>15</sup> ✧Li te divize ekip li a kont yo nan lannwit, li avèk sèvitè li yo te bat yo, e yo te kouri dèyè yo jis rive Choba, ki nan nò Damas la. <sup>16</sup> Li te mennen retounen tout byen yo, e osi li te mennen tounen moun fanmi li an, Lot, avèk byen pa l, fanm, avèk lòt moun yo.

<sup>17</sup> Apre li te sòti nan batay Kédorlaomer ak wa ki te avè l yo, wa Sodome nan te sòti pou rankontre l Abram nan vale Schavé a, (sa vle di ✧ Vale a Wa a).

<sup>18</sup> Epi ✧Melchisédek, wa Salèm nan te mennen pote pen avèk diven; alò li menm se te yon prèt a Bondye Pli Wo a. <sup>19</sup> Li te beni li, e te di: “Beni, se Abram a Bondye Pli Wo a, ✧Mèt Syèl la ak tè a; <sup>20</sup> beniswa Bondye Pi Wo a, ki te lage lènmi yo nan men ou.”

Li te bay li yon ✧dim nan tout bagay.

<sup>21</sup> Wa Sodome nan te di Abram: “Ban mwen moun yo, e ou mèt pran byen yo pou ou menm.”

<sup>22</sup> Abram te di a wa Sodome nan: “Mwen te sèmante a Senyè Bondye Pi Wo a, ✧ Mèt sou syèl la avèk tè a, <sup>23</sup> ke mwen ✧p ap pran menm yon fisèl

✧ 14:1 Jen 10:10 ✧ 14:3 Nonb 34:12 ✧ 14:5 Det 3:11,13 ✧ 14:7 Nonb 13:26 ✧ 14:7 II Kwo 20:2 ✧ 14:10 Jen 14:17-22 ✧ 14:12 Jen 13:12 ✧ 14:13 Jen 21:27-32 ✧ 14:14 Jen 14:12 ✧ 14:15 Jij 7:16 ✧ 14:17 II Sam 18:18 ✧ 14:18 Eb 7:1-10 ✧ 14:19 Jen 14:22 ✧ 14:20 Eb 7:4 ✧ 14:22 Sòm 24:1 ✧ 14:23 II Wa 5:16

oswa yon sandal, ni yon las, ni anyen ki pou ou, akoz laperèz ke ou ta di 'se ou ki fè Abram vin rich'. <sup>24</sup> Mwen p ap pran anyen sof ke sa ke jennonm yo te manje, ak pòsyon pou mesye ki te ale avè m yo, ✧Aner, Eschcol, avèk Mamré; kite yo pran pòsyon pa yo.”

## 15

<sup>1</sup> Apre bagay sa yo, pawòl SENYÈ a te vin kote Abram nan yon vizyon, e te di: “✧Pa pè, Abram, Mwen se yon ✧pwotèj pou ou; rekonpans ou va gran.”

<sup>2</sup> Abram te di: “O Senyè BONDYE, kisa ou va ban mwen, akoz ke m san pitit, e eritye lakay mwen se Eliézer a Danmas?” <sup>3</sup> Epi Abram te di: “Akoz ke ou pa t ban m pitit pou swiv mwen, pitit ki ✧fèt nan kay mwen an se eritye mwen.

<sup>4</sup> Alò, gade byen, pawòl SENYÈ a te vin kote li e te di: “Se pa nonm sa k ap eritye ou, ✧men youn ki va sòti nan pwòp kò ou, se li ki va eritye ou.”

<sup>5</sup> Epi li te mennen li deyò, e te di: “Koulye a, gade vè syèl yo e ✧kontwole zetwal yo, si ou kapab kontwole yo.” Epi Li te di li: “Se konsa desandan w ap ye.”

<sup>6</sup> ✧Epi li te kwè nan SENYÈ a, e li te konsidere sa kòm bagay ki dwat.

<sup>7</sup> Epi li te di li: “Mwen se SENYÈ a ki te mennen ou sòti nan ✧Ur a Kaldeyen yo, pou ✧bay ou peyi sa a pou posede li.”

<sup>8</sup> Li te di: “O Senyè BONDYE, ✧kijan mwen kapab konnen ke m ap genyen l vre?”

<sup>9</sup> Alò li te di li: “Pote ban mwen yon gazèl, yon femèl kabrit twa lane, yon mal mouton nan twa lane, yon toutrèl, avèk yon jenn pijon.”

<sup>10</sup> Epi li te pote bay li tout sa yo e li te koupe yo an de moso, li te poze mwatye yo chak fasafas ak lòt; men li ✧pa t koupe zwazo yo. <sup>11</sup> Zwazo ki manje vyann yo te desann sou kò bèt yo, e Abram te chase yo ale.

<sup>12</sup> Alò, lè solèy la t ap desann, ✧yon gran rèv te tonbe sou Abram; epi gade byen, yon gwo tenèb te vin tonbe sou li.

<sup>13</sup> Bondye te di Abram: “Konnen byen si ke ✧desandan ou yo va etranje (yo) nan yon peyi ki pa pou yo, kote yo va vin esklav e ✧va oprime pandan kat-san ane. <sup>14</sup> Men mwen va osi jije nasyon ✧ ke yo va sèvi a, e apre yo va sòti deyò avèk anpil byen. <sup>15</sup> Epi pou ou menm, ✧ou va ale vè zansèt ou yo anpè; ou va antere nan yon laj byen avanse. <sup>16</sup> Alò, nan katriyèm jenerasyon yo va retounen isit la, paske ✧inikite Amoreyen yo poko fini.”

<sup>17</sup> Li vin rive ke lè solèy la te fin desann, ke li te fènwa anpil, e gade byen, te parèt yon fou k ap fè lafimen avèk yon flanbo ki te ✧pase antre mòso sa yo.

<sup>18</sup> Nan jou sa a, SENYÈ a te fè yon akò avèk Abram e te di: “A desandan ou yo, Mwen va bay peyi sa a, depi nan ✧larivyè Égypte la, jis rive nan gran rivyè a, larivyè Euphrate; <sup>19</sup> ✧peyi a Kenyen yo, KeniJrn yo, Kadmonyen yo, <sup>20</sup> Itit yo, FereJrn yo, Rephaïm yo, <sup>21</sup> Amoreyen yo, Kanaaneyen yo, Gigachyen yo, avèk Jebisyen yo.

✧ 14:24 Jen 14:13 ✧ 15:1 Jen 21:17 ✧ 15:1 Det 33:29 ✧ 15:3 Jen 14:14 ✧ 15:4 Gal 4:28  
 ✧ 15:5 Jen 22:17 ✧ 15:6 Wo 4:3,20-22 ✧ 15:7 Jn 11:31 ✧ 15:7 Jen 13:15-17 ✧ 15:8 Jij 6:36-40 ✧ 15:10 Lev 1:17 ✧ 15:12 Jen 2:21 ✧ 15:13 Trav 7:6 ✧ 15:13 Egz 1:11 ✧ 15:14 Egz 12:32-38 ✧ 15:15 Jen 25:8 ✧ 15:16 Lev 18:24-28 ✧ 15:17 Jr 34:18-19 ✧ 15:18 Nonb 34:1-15 ✧ 15:19 Egz 3:17

## 16

<sup>1</sup> Alò, ✨Sarai, madanm Abram nan pa t bay li pitit, e li te gen yon ✨sèvant Ejipsyen ki te rele Agar. <sup>2</sup> Epi Sarai te di Abram: “Alò, gade byen, SENYÈ a te anpeche m fè pitit. ✨Souple, al jwenn sèvant mwen an; petèt mwen kapab vin gen pitit pa li menm.” Epi Abram te koute vwa a Sarai.

<sup>3</sup> Apre Abram te viv ✨dis lane nan peyi Canaan, madanm Abram nan, Sarai te pran Agar, sèvant Ejipsyen li an, e te bay li a mari li Abram kòm madanm li. <sup>4</sup> Li te al jwenn Agar, li te vin ansent; epi lè l te wè ke li te ansent, mètrès li a te vin meprize nan Jr li.

<sup>5</sup> Epi Sarai te di Abram: “✨Kite tò ki rive mwen an, vin sou ou. Mwen te bay sèvant mwen an pou li antre nan bra ou, e lè l te wè ke li te vin ansent, mwen te vin meprize nan Jr li. Ke SENYÈ a jije antre ou menm avèk mwen.”

<sup>6</sup> Men Abram te di a Sarai: “Gade byen, sèvant ou anba pouvwa ou; fè sa ke ou wè ki bon nan Jr ou avèk li.”

Pou sa, Sarai te rèd avèk li, e ✨li te pran sove ale kite prezans li.

<sup>7</sup> Alò ✨zanj lan te twouve li akote yon sous dlo nan savann nan, vè sous la nan wout chemen ki ale Schur la. <sup>8</sup> Li te di a Agar, sèvant Sarai a, ✨kibò ou sòti, e kibò ou prale?”

Epi li te di: “M ap sove ale kite prezans mètrès mwen an, Sarai.”

<sup>9</sup> Epi zanj SENYÈ a te di li: “Retounen bò kote mètrès ou, e soumèt ou anba otorite l.” <sup>10</sup> Plis ke sa, ✨zanj SENYÈ a te di li: ✨mwen va miltipliye desandan ou yo anpil pou yo vin twòp pou konte.”

<sup>11</sup> Zanj SENYÈ a te di li anplis: “Byen gade, ou ansent, e ou va fè yon fis; epi ou va rele non li Ismaël ki vle di Bondye tandè, akòz ✨SENYÈ a te okipe afliksyon ou yo. <sup>12</sup> Li va yon nonm tankou bourik mawon; men li va kont tout moun, e men a tout moun va kont li; epi li va viv kote ✨lès a tout frè li yo.”

<sup>13</sup> Epi li te rele non a SENYÈ a ki te pale avèk li: “Ou se yon Bondye ki wè a”; paske li te di: “✨Èske m ap vrèman rete vivan isit lè m fin wè Li?”

<sup>14</sup> Pou sa, pwi a te rele Lachaï-roi; gade byen, li la antre ✨Kadès ak Bared.

<sup>15</sup> Alò, Agar te fè yon fis pou Abram; ✨e Abram te rele fis li a, ke Agar te fè a, Ismaël. <sup>16</sup> Abram te gen katre-ven-sis ane lè Agar te fè Ismaël pou li a.

## 17

<sup>1</sup> Alò, lè Abram te gen laj katre-ven-sèz ane, SENYÈ a te parèt a Abram, e Li te di li: “Mwen menm se Bondye ✨Toupwisan an; mache devan mwen, e rete ✨san fot. <sup>2</sup> Mwen va etabli ✨akò Mwen antre Mwen ak Ou, e Mwen va miltipliye ou anpil, anpil.

<sup>3</sup> Abram te tonbe atè sou figi li, e Bondye te pale avèk li, e te di: ✨ <sup>4</sup> Pou Mwen, koute byen, akò Mwen avè ou a; ou va papa a yon ✨gran kantite nasyon. <sup>5</sup> Yo p ap rele ou Abram ankò, men non ou va Abraham; paske ✨Mwen ap fè ou papa a yon gran kantite nasyon.

<sup>6</sup> M ap fè ou bay anpil fwi, Mwen va fè nasyon yo avè w, e ✨wa yo va soti nan ou menm.

✨ 16:1 Jen 11:30 ✨ 16:1 Jen 12:16 ✨ 16:2 Jen 30:3-10 ✨ 16:3 Jen 12:4 ✨ 16:5 Jr 51:35  
 ✨ 16:6 Jen 16:9 ✨ 16:7 Jen 21:17-18 ✨ 16:8 Jen 3:9 ✨ 16:10 Jen 22:15-18 ✨ 16:10 Jen 17:20 ✨ 16:11 Egz 2:23-24 ✨ 16:12 Jen 25:18 ✨ 16:13 Jen 32:20 ✨ 16:14 Jen 14:7 ✨ 16:15 Jen 12:4 ✨ 17:1 Jen 28:3 ✨ 17:1 Jen 6:9 ✨ 17:2 Jen 15:18 ✨ 17:3 Jen 17:17 ✨ 17:4 Jen 35:11 ✨ 17:5 Wo 4:17 ✨ 17:6 Jen 17:16

<sup>7</sup> Mwen va etabli akò Mwen antre Mwen ak ou, e desandan ou yo selon tout jenerasyon pa yo kòm yon ✨akò k ap pou tout tan, ✨pou M rete kòm Bondye pou ou ak desandan apre ou yo. <sup>8</sup> Mwen va ba ou avèk desandan ou yo peyi kote nou vwayaje yo, tout tè Canaan an, kòm yon posesyon k ap pou tout tan; epi Mwen va Bondye pa yo.”

<sup>9</sup> Bondye te di anplis a Abraham: “Koulye a pou ou, ✨ou va kenbe akò Mwen an; ou menm avèk desandan apre ou yo pou tout jenerasyon. <sup>10</sup> ✨Sa se akò Mwen, ke nou va kenbe antre Mwen ak nou menm, e desandan apre nou yo: chak mal pami nou va vin sikonsi.

<sup>11</sup> Epi ✨nou va sikonsi nan chè sou avan chè nou, e sa ap sèvi kòm sign akò antre Mwen ak nou. <sup>12</sup> “Epi chak mal antre nou ki gen ✨uit jou va sikonsi selon tout jenerasyon nou yo, e osi yon sèvitè ki fèt lakay ou, oswa ki achte avèk lajan a nenpòt etranje ki pa sòti nan desandan pa nou yo. <sup>13</sup> Yon sèvitè ki fèt lakay nou, oswa ki te ✨achte avèk lajan nou va asireman vin sikonsi; konsa akò Mwen va nan chè nou, yon akò pou tout tan. <sup>14</sup> Men yon mal ki pa sikonsi nan avan chè li, moun sila a va vin retire de pèp li a; li vyole akò Mwen an. ✨

<sup>15</sup> Epi Bondye te di a Abraham: “Konsènan madanm ou, Sarai, ou pa pou rele li Sarai, men Sarah va non li. <sup>16</sup> Mwen va beni li, Mwen va bay ou ✨yon fis pa li. Alò, Mwen va beni li, e li va yon manman pou anpil nasyon; wa a pèp yo va sòti nan li.”

<sup>17</sup> Nan moman sa a, Abraham te tonbe sou figi li. Li li te ri, e li te di nan kè li: “Èske yon pitit va fèt a yon nonm san lane? Epi èske ✨Sarah, ki gen katre-ven-diz ane va fè yon pitit?” <sup>18</sup> Epi Abraham te di a Bondye: “O ke Ismaël kapab viv devan Ou!”

<sup>19</sup> Men Bondye te di: “Non, men Sarah, madanm ou an va fè yon fis, e ou va rele non li Isaac; epi ✨Mwen va etabli akò Mwen an avèk li pou yon akò pou tout tan pou desandan apre li yo.

<sup>20</sup> Epi pou Ismaël, Mwen te tande ou; gade byen, Mwen va ✨fè li bay anpil fwi, e li va miltipliye li anpil, anpil. ✨Li va vin papa a douz prens yo, e Mwen va fè li vin yon gran nasyon.

<sup>21</sup> “Men akò Mwen an, Mwen va etabli li avèk Isaac, ke ✨Sarah va fè pou ou nan menm sezon sa a, lane pwochè.”

<sup>22</sup> Lè Li te fin pale avèk li, ✨Bondye te monte kite Abraham.

<sup>23</sup> Alò, Abraham te pran Ismaël, fis li a, tout sèvitè ki te ✨fèt nan kay li, tout ki te achte avèk lajan li, chak mal pami mesye lakay Abraham yo, e li te sikonsi prepis yo nan menm jou sa a ✨jan Bondye te di li a.

<sup>24</sup> Alò, Abraham te gen katre-ven-diz ane lè ✨li te sikonsi nan chè pwen pye li. <sup>25</sup> Epi ✨Ismaël, fis li a te gen trèz ane lè li te sikonsi nan chè pwen pye li.

<sup>26</sup> Nan menm jou sa a, Abraham te sikonsi, ansanm ak fis li, Ismaël. <sup>27</sup> Tout gason lakay li yo, ki te ✨fèt lakay li, ki te achte avèk lajan nan men moun etranje, te sikonsi avèk li.

✨ 17:7 Jen 17:13,19 ✨ 17:7 Jen 26:24 ✨ 17:9 Egz 19:5 ✨ 17:10 Jn 7:22 ✨ 17:11 Egz 12:48  
 ✨ 17:12 Lev 12:3 ✨ 17:13 Egz 12:44 ✨ 17:14 Egz 4:24-26 ✨ 17:16 Jen 18:10 ✨ 17:17 Jen 21:7  
 ✨ 17:19 Jen 26:2-5 ✨ 17:20 Jen 16:10 ✨ 17:20 Jen 25:12-16 ✨ 17:21 Jen 21:2 ✨ 17:22 Jen 18:33  
 ✨ 17:23 Jen 14:14 ✨ 17:23 Jen 17:9-11 ✨ 17:24 Wo 4:11 ✨ 17:25 Jen 16:16  
 ✨ 17:27 Jen 14:14

## 18

<sup>1</sup> Alò, SENYÈ a te parèt a li nan ✧bwadchenn Marmré yo pandan li te chita akote pòt tant la nan chalè jounen an. <sup>2</sup> Lè li te leve Jr li pou te gade, men twa ✧mesye ki te kanpe anfas li; epi lè li te wè yo li te kouri sòti nan pòt tant lan pou rankontre yo, e li te bese tèt li atè, <sup>3</sup> epi te di: “SENYÈ mwen, si koulye a mwen vin twouve favè nan Jr nou, souple, pa pase lwen sèvitè nou an. <sup>4</sup> Souple, kite yon ti dlo ta pote pou ✧lave pye nou, e repoze nou anba pyebwa a; <sup>5</sup> epi mwen va ✧pote yon moso pen, pou nou kapab rafrechì nou menm; apre sa nou kapab kontinye, depi nou fin vizite sèvitè nou an.”

Epi yo te di: “Fè sa ke ou di a.”

<sup>6</sup> Epi Abraham te kouri antre nan tant lan vè Sarah, e te di: “Fè vit, prepare twa mezi farin fen, byen bat li, e fè gato pen.”

<sup>7</sup> Abraham osi te kouri nan pak bèf, li te pran yon jenn bèf byen mou, byen chwazi, e li te bay li a sèvitè li, ki te fè vit pou prepare li. <sup>8</sup> Li te pran bòl lèt kaye yo avèk lèt fre ak jèn bèf ke li te prepare, e te plase li devan yo; epi li te kanpe bò kote yo anba pyebwa a pandan yo t ap manje.

<sup>9</sup> Alò, yo te di li: “Kote Sarah, madanm ou?”

Epi li te di: “nan tant lan”.

<sup>10</sup> Epi li te di: “Anverite, ✧mwen va retounen bò kote ou nan lè sa ane pwochè; epi gade byen, Sarah, madanm ou va gen tan gen yon fis.”

Epi Sarah t ap koute bò kote pòt la, ki te dèyè li a. <sup>11</sup> Alò, ✧Abraham ak Sarah te vye, byen avanse nan laj; Sarah te depase laj pou fè pitit. <sup>12</sup> Sarah te ri a tèt li, e te di: “✧Lè m gen tan fin vye a, èske m ap gen plezi, e mari mwen ki vye tou?”

<sup>13</sup> Epi SENYÈ a te di Abraham: “Poukisa Sara te ri, e t ap di: ‘Èske vrèman mwen va fè yon pitit lè mwen fin vye a?’

<sup>14</sup> ✧Èske gen anyen ki twò difisil pou SENYÈ a? Nan lè chwazi a, mwen va retounen a nou menm, nan lè sa a, lane pwochè, e Sarah va gen yon fis.”

<sup>15</sup> Sarah te demanti sa, e te di: “mwen pa t ri non”; paske li te pè. Epi Li te di: “Non, men ou te ri.”

<sup>16</sup> Alò, ✧mesye yo te leve la e yo te gade pi ba vè Sodome; epi Abraham t ap mache avèk yo pou voye yo ale.

<sup>17</sup> SENYÈ a te di: “Èske Mwen kab kache Abraham ✧sa ke M prè pou M fè a, <sup>18</sup> Paske Abraham va anverite vin yon gran nasyon byen fò, e nan li, ✧tout nasyon yo va beni? <sup>19</sup> Paske Mwen te ✧chwazi li, pou li kapab kòmande pitit li yo avèk lakay li pou kenbe chemen SENYÈ a pou fè ladwati avèk jistis, pou SENYÈ a kapab fè rive sou Abraham sa ke li te pale de li a.”

<sup>20</sup> Epi SENYÈ a te di: “✧Gwo kri kont Sodome avèk Gomorrhe a byen gran, e peche pa yo grav depase. <sup>21</sup> Mwen va ✧desann koulye a, pou wè si yo te fè tout bagay selon gwo kri sa a, ki te vin jwenn Mwen an; epi si se pa sa, m ap konnen.”

<sup>22</sup> Alò, ✧mesye yo te vire kite la, e te ale vè Sodome, pandan Abraham toujou kanpe devan SENYÈ a.

✧ 18:1 Jen 13:18 ✧ 18:2 Jen 18:16,22 ✧ 18:4 Jen 19:2 ✧ 18:5 Jij 6:18-19 ✧ 18:10 Jen 21:2  
 ✧ 18:11 Jen 17:17 ✧ 18:12 Luc 1:18 ✧ 18:14 Jr 32:17-27 ✧ 18:16 Jen 18:2,22 ✧ 18:17  
 Jen 18:21 ✧ 18:18 Jen 12:3 ✧ 18:19 Né 9:7 ✧ 18:20 Jen 19:13 ✧ 18:21 Jen 11:5 ✧ 18:22  
 Jen 18:16

<sup>23</sup> Abraham te vin pwoche, e te di L: ✧“Èske Ou vrèman va fè disparèt moun dwat yo ansanm avèk mechan yo? <sup>24</sup> Sipoze ke gen senkant moun ki dwat nan vil la; èske vrèman Ou va fè l disparèt, e pa prezève kote a pou koz a senkant moun dwat ki ladann yo?”

<sup>25</sup> Se lwen pou Ou ou ta fè yon bagay konsa, pou touye moun dwat yo avèk mechan yo pou dwat yo avèk mechan yo vin trete menm jan. Se lwen Ou menm! Èske ✧Jij sou tout latè a p ap aji avèk jistis?

<sup>26</sup> Epi SENYÈ a te di: ✧“Si Mwen twouve nan Sodome, senkant moun dwat nan vil la, alò, Mwen va prezève tout pou koz a yo menm.”

<sup>27</sup> Epi Abraham te reponn: “Alò gade byen, mwen te tante pale ak SENYÈ a, malgre mwen pa plis ke ✧pousyè avèk sann. <sup>28</sup> Vin sipoze ke senkant dwat yo manke senk, èske Ou va detwi tout vil la akoz senk lan?” Epi li te di: “Mwen p ap detwi li si Mwen twouve karant-senk ki la.”

<sup>29</sup> Epi li te pale ankò, e te di: “Sipoze ke gen karant ki twouve la? Epi li te di: “Mwen p ap fè li pou koz a karant lan.”

<sup>30</sup> Alò li te di: “O ke SENYÈ a pa vin fache avè m, e mwen va pale; sipoze se trant ki twouve la?” Epi Li te di: “Mwen p ap fè li si Mwen twouve trant lan.”

<sup>31</sup> Epi li te di: “koulye a byen gade, mwen te tante pale avèk SENYÈ a; sipoze se ven ki twouve la?” Epi li te di: “Mwen p ap detwi li pou koz a ven yo.”

<sup>32</sup> Alò li te di: ✧O ke Senyè a pa vin fache avè m! M ap pale sèl fwa sa; sipoze ke se dis ki twouve la?” Epi li te di: “Mwen p ap detwi li pou koz a dis yo.”

<sup>33</sup> Depi lè ke li fin pale ak Abraham nan, ✧SENYÈ a te pati, e Abraham te retounen nan kote pa li.

## 19

<sup>1</sup> Alò, ✧de zanj te vini Sodome nan aswè lè Lot te chita nan pòtay Sodome nan.

Lè ✧Lot te wè yo, li te leve pou rankontre yo, e li te bese ba avèk figi li atè. <sup>2</sup> Epi li te di: “Koulye a, gade byen, frè m yo, souple vire akote nan kay sèvitè ou a, pou pase nwit lan. Lave pye nou; pou nou kapab leve bonè pou fè wout nou.” Malgre sa, yo te di: “non, men nou va pase nwit lan nan lari a.”

<sup>3</sup> Men li te plede avèk yo avèk fòs, yo te vire akote vè li e te antre lakay li a; ✧epi li te prepare yon gwo manje pou yo, li te kwit pen san ledven a, e yo te manje.

<sup>4</sup> Avan yo gen tan kouche, ✧mesye Sodome yo te antoure kay la, ni jèn, ni vye, tout moun ki te sòti nan tout katye yo; <sup>5</sup> epi yo te rele Lot e te di li: ✧“Kote mesye sa yo ki te vin kote ou aswè a? Mennen yo bannou pou nou kapab gen antre an relasyon avèk yo.”

<sup>6</sup> Men Lot te sòti kote yo nan pòtay la, e yo te fèmen pòt la dèyè li, <sup>7</sup> epi li te di: “Souple, frè m yo, pa aji avèk mechanste. <sup>8</sup> Byen gade, ✧mwen gen de fi ki pa janm antre an relasyon avèk yon gason; souple, kite m mennen yo deyò pou nou, e fè avèk yo sa ke nou pito; men pa fè anyen avèk mesye sa yo, akoz ke se anba pwotèj twati mwen yo gen tan vini.

✧ 18:23 Egz 23:7 ✧ 18:25 Det 1:1-17 ✧ 18:26 Jr 5:1 ✧ 18:27 Jen 3:19 ✧ 18:32 Jij 6:39  
✧ 18:33 Jen 17:22 ✧ 19:1 Jen 18:2-22 ✧ 19:1 Jen 18:2-5 ✧ 19:3 Jen 18:6-8 ✧ 19:4 Jen 13:13 ✧ 19:5 Lev 18:22 ✧ 19:8 Jij 19:24

<sup>9</sup> Men yo te di: “Metè ou akote.” Anplis ke sa yo te di: “Sila te antre tankou etranje, e deja ✨li vin ap aji kòm jij; koulye a nou va trete ou pi mal pase yo.” Epi yo te peze rèd kont Lot, e yo te prèt pou kase pòt la.

<sup>10</sup> Men ✨mesye yo nan kay la te lonje men yo pou rale Lot anndan avèk yo, e yo te fèmen pòt la.

<sup>11</sup> Yo te frapè mesye ki te nan pòtay kay la pou yo vin avèg, ni piti ni gran, pou yo fatigè kò yo e pou yo pa t ka twouve pòt la. ✨

<sup>12</sup> Epi de mesye yo te di Lot: “Kilès ankò ke ou gen isit la? Yon bofis, fis ou yo, fi ou yo, e nenpòt moun ou gen nan vil la, mennen yo sòti kite plas sa a; <sup>13</sup> Paske nou prèt pou detwi plas sila a, akòz ✨plent pa yo gen tan vin tèlman gran devan SENYÈ a, ke SENYÈ a te voye nou pou detwi li.”

<sup>14</sup> Lot te ale deyò pou te pale avèk bofis li yo, ki te prèt pou marye avèk fi li yo, e li te di: “Leve ✨sòti kite plas sila a, paske SENYÈ a va detwi vil la.” Men li te sanble a bofis li a ke se yon blag ke li t ap fè.

<sup>15</sup> Lè maten an te rive, zanj yo te bourade Lot, e te di l: “Leve, pran madanm ou avèk de fis ou yo ki isit la, oswa ou va vin disparèt nan pinisyon vil la.” <sup>16</sup> Men li te fè reta. Pou sa, mesye sa yo te ✨sezi men l avèk men madanm li avèk men a de fi li yo, paske konpasyon SENYÈ a te sou li; yo te mennen li deyò, e yo te metè l deyò vil la.

<sup>17</sup> Lè yo te mennen yo deyò, youn nan yo te di: “✨Sove ale pou lavi ou! Pa gade dèyè, e pa rete nan okenn kote nan vale a; sove ale nan ✨mòn yo, oswa ou va detwi nèt.”

<sup>18</sup> Men Lot de di yo: “O non, mèt mwen yo! <sup>19</sup> Koulye a gade byen, sèvitè nou an gen tan twouve favè nan Jr nou, nou te montre jan mizerikòd nou gran nan sove vi m, men mwen p ap kapab chape nan mòn yo, paske malè a va gen tan rive sou mwen, e mwen va mouri; <sup>20</sup> Gade byen, vil sila a ase pre pou m sove ale ladann, e li piti. Souple, kite mwen chape pa la. Èske li pa piti? Konsa vi m kapab sove.”

<sup>21</sup> Li te di li: “Gade byen, mwen ba ou demann sa a tou, pou pa detwi vil la sou sila ou te pale a. <sup>22</sup> Fè vit, chape rive la, paske mwen pa kapab fè anyen jiskaske ou rive la.” Pou sa yo te rele vil la ✨Tsoar.

<sup>23</sup> Solèy la te gen tan fin leve sou tè a lè Lot te rive Tsoar. <sup>24</sup> Epi SENYÈ a te fè souf avèk dife ki sòti nan syèl la, tonbe tankou ✨lapli sou Sodome avèk Gomorrhe; <sup>25</sup> epi ✨Li te detwi vil sila yo, ak tout vale a, ak tout moun ki te rete nan vil yo, ansanm ak sa ki te grandi nan tè a. <sup>26</sup> Men madanm li ki te dèyè li te ✨gade dèyè, e li te tounen yon pilye sèl.

<sup>27</sup> Alò, Abraham te leve granmaten, li te ale nan ✨plas kote li te kanpe devan SENYÈ a; <sup>28</sup> epi li te gade anba vè Sodome avèk Gomorrhe, vè tout teren nan vale a, li te wè, e gade byen, ✨lafimen te monte tankou lafimen ki sòti nan founo.

<sup>29</sup> Se konsa li rive ke lè Bondye te detwi vil yo nan vale a, ke Bondye te sonje Abraham, Li te ✨voye Lot deyò dega a, lè li te boulvèse vil yo nan sila Lot te rete.

<sup>30</sup> Lot te kite Tsoar e monte, li te ✨rete nan mòn yo avèk de fi li yo avè l, paske li te pè rete Tsoar; li te rete nan yon kav, li menm avèk de fis li yo.

<sup>31</sup> Alò premye ne a te vin di a pi Jèn nan: “Papa nou vin vye, e nou pa gen

✨ 19:9 Egz 2:14 ✨ 19:10 Jen 19:1 ✨ 19:11 Det 28:28-29 ✨ 19:13 Jen 18:20 ✨ 19:14 Nonb 16:21-45 ✨ 19:16 Det 5:15 ✨ 19:17 Jr 48:6 ✨ 19:17 Jen 14:10 ✨ 19:22 Jen 13:10 ✨ 19:24 Det 29:23 ✨ 19:25 Det 29:23 ✨ 19:26 Jen 19:17 ✨ 19:27 Jen 18:22 ✨ 19:28 Rev 9:2 ✨ 19:29 II Pi 2:7 ✨ 19:30 Jen 19:17-19



gason sou latè pou vin ✨antre nan nou apre sistèm sou tè a. <sup>32</sup> Vini, ✨annou fè papa nou bwè diven, e annou kouche avè l pou nou kapab prezève fanmi nou an pa papa nou.” <sup>33</sup> Pou sa, yo te fè papa yo bwè diven menm nwit lan, e premye ne a te antre kouche avèk papa li; epi li pa t konnen ni lè li te kouche a, ni lè li te leve a.

<sup>34</sup> Jou swivan an, premye ne a te di a pi Jèn nan, gade byen, yè swa mwen te kouche avèk papa m; annou fè li bwè diven aswè a tou; epi ou menm antre kouche avè l, pou nou prezève fanmi nou an pa papa nou.” <sup>35</sup> Alò, yo te fè papa yo bwè diven nan nwit lan tou, epi pi Jèn nan te leve e kouche avè l; epi li pa t konnen ni lè li te kouche a, ni lè li te leve a.

<sup>36</sup> Konsa tou de fi a Lot yo te vin ansent pa papa yo. <sup>37</sup> Premye ne a te fè yon fis, e li te rele non li ✨Moab; li se papa a Moabit yo jis rive jodi a. <sup>38</sup> Epi pou pi Jèn nan, li te fè yon fis tou, e li te rele li Ben-Ammi; li se papa a tout fis ✨Ammon yo jis rive jodi a.

## 20

<sup>1</sup> Alò Abraham te vwayaje soti la ✨vè peyi Negev la, li te vin rete antre Kàdes ak Schur; e li te pase yon tan ✨Guérrar. <sup>2</sup> Abraham te di pa Sarah, madanm li: “✨Li se sè mwen”. Alò, Abimélec, wa nan ✨Guérrar a te vin pran Sarah.

<sup>3</sup> Men Bondye te vini a Abimélec nan yon rèv nan nwit, e Li te di li: “Veye byen, ✨ou se yon moun ki fin mouri akòz fanm ke ou te pran an, paske li marye.

<sup>4</sup> Alò, Abimélec pa t gen tan pwoche li; epi li te di: “Senyè, ✨eske Ou va detwi yon nasyon, malgre li san fot? <sup>5</sup> “Èske ✨li menm, li pa t di mwen: ‘Li se sè mwen?’ ” Epi li menm, li te di: “li se frè m.” Nan entegrite kè m, ak inosans men m, mwen te fè sa.”

<sup>6</sup> Epi Bondye te di li nan rèv la: “Wi, Mwen konnen ke nan entegrite kè ou, ou te fè sa, e Mwen osi te anpeche ou pou ou pa t peche kont Mwen; se pou sa Mwen ✨pa t kite ou touche li. <sup>7</sup> Alò, pou sa, remèt madanm a nonm sa a, paske ✨se yon pwofèt ke li ye, epi li va priye pou ou e ou va viv. Men si ou pa remèt li, konnen ke ou va anverite mouri, ou menm avèk tout moun sa yo ki pou ou yo.

<sup>8</sup> Konsa, Abimélec te leve granmmaten, li te rele tout sèvitè li yo, e li te di tout bagay sa yo pou yo tandè; epi mesye sa yo te gen gwo laperèz.

<sup>9</sup> ✨Alò, Abimélec te rele Abraham e li te di li: “Kisa ou te fè nou? Epi kijan mwen te peche kont ou ke ou te pote sou mwen ak wayòm mwen yon gran peche? Ou te fè m bagay ou pa ta janm dwe fè.”: <sup>10</sup> Epi Abimélec te di a Abraham: “Sak rive ou ki fè ou fè bagay sa a?”

<sup>11</sup> Abraham te di: “Paske, mwen te reflechi ke asireman, pa gen ✨lakrent Bondye nan plas sa a, e ✨yo va touye mwen akòz madanm mwen. <sup>12</sup> Anplis de sa, vrèman li se sè mwen, fi a papa m, men pa fi a manman m, e li te vin madanm mwen; <sup>13</sup> epi li te rive lè ✨ pou Bondye te fè m vwayaje pou kite kay papa m, ke mwen te di li:” men yon gras ke ou va fè m: tout kote nou ale, di pa mwen menm: “li se frè m.”’

<sup>14</sup> Konsa, ✨Abimélec te pran mouton avèk bèf avèk sèvitè li yo, mal ak femèl, li te bay yo a Abraham, e li te remèt madanm li, Sarah bay li.

✨ 19:31 Jen 16:2-4 ✨ 19:32 Luc 21:34 ✨ 19:37 Det 2:9 ✨ 19:38 Det 2:19 ✨ 20:1 Jen 18:1 ✨ 20:1 26:1-6 ✨ 20:2 Jen 18:1 ✨ 20:2 Jen 26:1-2 ✨ 20:3 Jen 20:7 ✨ 20:4 Jen 18:23-25 ✨ 20:5 Jen 20:13 ✨ 20:6 I Sam 25:26-34 ✨ 20:7 I Sam 7:5 ✨ 20:9 Jen 12:11-20 ✨ 20:11 Né 5:15 ✨ 20:11 Jen 12:12 ✨ 20:13 Jen 12:1-9 ✨ 20:14 Jen 12:16

<sup>15</sup> Abimélec te di: “✧Byen gade, peyi mwen an devan ou; etabli ou kote ou pito.”

<sup>16</sup> A Sarah, li te di: “Byen gade, mwen te bay ✧frè ou mil pyès an ajan; veye byen, li se revandikasyon ou devan tout moun ki avèk ou, e devan tout mesye ke ou egzondre yo.”

<sup>17</sup> ✧Abraham te priye a Bondye, e Bondye te geri Abimélec avèk madanm li, avèk mennaj li yo, pou yo te vin fè pitit. <sup>18</sup> ✧Paske SENYÈ a te fèmen vant yo a tout kay Abimélec la akoz Sarah, madanm Abraham nan.

## 21

<sup>1</sup> ✧Epi SENYÈ a te bay atansyon a Sarah jan Li te pale a, e SENYÈ a te fè sa pou Sarah jan li te pwomèt la. <sup>2</sup> ✧Alò, Sarah te vin ansent, e li te anfante yon fis pou Abraham nan vyeyès li, nan lè chwazi ke Bondye te pale li a. <sup>3</sup> Abraham te rele non a fis ki te fèt a li menm nan, ke Sarah te fè pou li a, ✧Isaac. <sup>4</sup> Epi Abraham te sikonsi fis li a, Isaac lè l te gen ✧laj uit jou jan Bondye te kòmande li a. <sup>5</sup> Alò, Abraham te gen ✧laj san ane lè fis li a, Isaac te vin fèt a li menm.

<sup>6</sup> Sarah te di: “Bondye te fè m fè ✧gwo ri; tout moun ki tande va ri avèk mwen.” <sup>7</sup> Epi li te di: “✧kilès ki ta di a Abraham ke Sarah ta bay tete a timoun? Deja, m ba li yon fis nan vyeyès li.”

<sup>8</sup> Pitit la te grandi e li te vin sevre; Abraham te fè yon gwo fèt nan jou ke Isaac te sevre a.

<sup>9</sup> Alò, Sarah te wè ✧fis Agar a, Ejiptyen an, ke li te fè pou Abraham nan, t ap ✧moke l. <sup>10</sup> Akoz sa, li te di Abraham: “✧Mete bòn sa a deyò ansanm avèk fis li a, paske fis a sèvant sa a p ap vin eritye avèk fis mwen an, Isaac.”

<sup>11</sup> ✧Bagay sa a te twouble Abraham anpil akoz fis li a. <sup>12</sup> Men Bondye te di a Abraham: “Pa enkyete akoz pwoblèm jènjan sa a avèk sèvant ou an; nenpòt sa ke Sarah di ou, koute li, paske ✧se nan Isaac desandan ou yo va vin nome. <sup>13</sup> Epi ak ✧fis sèvant lan, Mwen va fè yon nasyon tou, akoz ke li menm se desandan ou.”

<sup>14</sup> Epi Abraham te leve bonè nan maten, li te pran pen avèk yon kwi dlo, li te bay yo a Agar, epi li te vin mete yo sou zepòl li, li te ba li jènjan an, e li te voye li ale. Li te pati e li te vwayaje nan dezè Beer-Schéba a.

<sup>15</sup> Lè dlo ki te nan kwi a, te fin sèvi, li te kite jènjan an anba yon ti ab. <sup>16</sup> Alò, li te ale chita nan distans yon flèch kab tire, e li te di: “Pa kite m wè jènjan an k ap mouri.” Epi li te chita anfas li; li te ✧leve vwa li, e li te kriye.

<sup>17</sup> Bondye te ✧tande jènjan an t ap kriye; epi zanj Bondye a te rele Agar depi nan Syèl la, e li te di l: “Kisa ou gen, Agar? Pa pè, paske Bondye te tande vwa jènjan an kote li ye a. <sup>18</sup> “Leve, ale fè jènjan an leve, e kenbe li nan men, ✧paske Mwen va fè yon gran nasyon ak li.”

<sup>19</sup> Epi Bondye te ✧ouvri Jr l, e li te wè yon pwi dlo; epi li te ale plen po a avèk dlo, e li te bay jènjan an bwè ladann.

<sup>20</sup> ✧Bondye te avèk jènjan an, e li te grandi; li te viv nan dezè a e li te vin yon achè. <sup>21</sup> ✧Li te viv nan dezè Paran an, e manman l te pran yon madanm pou li nan peyi Égypte la.

✧ 20:15 Jen 13:9 ✧ 20:16 Jen 20:5 ✧ 20:17 Nonb 12:13 ✧ 20:18 Jen 12:17 ✧ 21:1 Jen 17:16-21 ✧ 21:2 Trav 7:8 ✧ 21:3 Jen 17:19-21 ✧ 21:4 Jen 17:12 ✧ 21:5 Jen 17:17 ✧ 21:6 Jen 18:13 ✧ 21:7 Jen 18:11-13 ✧ 21:9 Jen 16:1-15 ✧ 21:9 Gal 4:29 ✧ 21:10 Gal 4:30 ✧ 21:11 Jen 17:18 ✧ 21:12 Wo 9:7 ✧ 21:13 Jen 16:10 ✧ 21:16 Jr 6:26 ✧ 21:17 Egz 3:7 ✧ 21:18 Jen 16:10 ✧ 21:19 Nonb 22:31 ✧ 21:20 Jen 28:15 ✧ 21:21 Jen 25:18

<sup>22</sup> Alò, li te vin rive nan tan sa a ke Abimélec avèk Picol te pale avèk Abraham e te di l: “✧Bondye avèk ou nan tout sa ou fè <sup>23</sup> Pou sa, fè ✧ sèman ban mwen menm isit la devan Bondye ke ou p ap twonpe ni mwen, ni pitit mwen yo, ni posterite mwen yo, men selon tout gras ke m te montre ou, ou va montre m tou, nan peyi kote ou te demere a.

<sup>24</sup> Abraham te di: “Mwen fè sèman sa a.”

<sup>25</sup> Men Abraham te plenyen bay Abimélec akoz pwi dlo ke sèvitè Abimélec yo ✧te sezi a.

<sup>26</sup> Epi Abimélec te di: “Mwen pa konnen kilès ki te fè ou bagay sa a; ou pa t di m sa, ni mwen pa t tandè sa, jis rive jodi a.”

<sup>27</sup> Abraham te pran mouton avèk bèf e li te bay yo a Abimélec, epi ✧yo de a te fè yon akò. <sup>28</sup> Epi Abraham te mete sèt jèn mouton femèl ki sòti nan bann mouton apa pou kont yo. <sup>29</sup> Abimélec te di a Abraham: “Kisa sa vle di; sèt jèn mouton femèl ke ou te mete apa pou kont yo?”

<sup>30</sup> Li te di: “Ou va pran sèt jèn mouton femèl sa yo nan men m pou yo kapab devni yon ✧temwen pou mwen ke mwen te fouye pwi sa a.”

<sup>31</sup> Pou sa, li te rele plas sila a ✧Beer-Schéba, paske se la ke yo de a te fè sèman an.

<sup>32</sup> Alò, yo te fè yon akò nan Beer-Schéba; epi Abimélec avèk Picol, kòmandan lame a, te leve retounen nan peyi Filistyen yo.

<sup>33</sup> Abraham te plante la yon pyebwa tamaris nan Beer-Schéba, e la ✧li te rele non SENYÈ a, Bondye Letènèl la. <sup>34</sup> Epi Abraham te demere ✧nan peyi Filistyen yo pandan anpil jou.

## 22

<sup>1</sup> Alò, li te vin pase apre bagay sa yo, ke ✧Bondye te fè Abraham pase yon eprev, Li te di li: “Abraham!” Epi li te di: “men mwen”.

<sup>2</sup> Li te di: “Pran koulye a ✧fis ou a, sèl fis ou a, ke ou renmen an, Isaac, epi ale nan peyi ✧Moriya. Ofri li la kòm yon ofrann ki brile, sou youn nan mòn yo ke Mwen va di ou yo.

<sup>3</sup> Epi Abraham te leve granmmaten, li te sele bourik li, e li te pran de nan jennonm sèvitè li yo avè l, avèk Isaac, fis li a; epi yo te fann bwa pou ofrann brile a, e yo te leve ale nan plas kote Bondye te di li a.

<sup>4</sup> Nan twazyèm jou a, Abraham te leve Jr li, e li te wè plas la nan yon distans. <sup>5</sup> Abraham te di a jèn sèvitè li yo: “Rete isit la avèk bourik la, e mwen menm avèk jènjan an va ale lòtbò a. Nou va adore, e retounen bò kote nou.

<sup>6</sup> Abraham te pran bwa dife pou ofrann brile a, li te ✧poze li sou Isaac, fis li a, e li te pran nan men l dife ak kouto a. Epi yo de a te mache avanse ansanm.

<sup>7</sup> Isaac te pale avèk papa li, Abraham, e te di li: “Papa m!”

Epi li te di: “Men mwen, fis mwen.”

Epi li te di: “Gade, men dife a avèk bwa, men kote ✧jèn mouton an ye pou fè sakrifis la?”

<sup>8</sup> Abraham te di: “Bondye va fè pwovizyon Li menm pou jèn mouton an, fis mwen.” Epi yo de a te mache avanse ansanm.

<sup>9</sup> Alò yo rive nan ✧plas ke Bondye te di li a; epi Abraham te bati yon lotèl la, li te ranje bwa, li te mare fis li a, Isaac, e li te ✧poze li sou lotèl la anwo

✧ 21:22 Jen 26:28 ✧ 21:23 Jos 2:12 ✧ 21:25 Jen 26:15-22 ✧ 21:27 Jen 26:31 ✧ 21:30 Jen 31:48 ✧ 21:31 Jen 21:14 ✧ 21:33 Jen 12:8 ✧ 21:34 Jen 22:19 ✧ 22:1 Det 8:2-16 ✧ 22:2 Jen 22:12 ✧ 22:2 II Kwo 3:1 ✧ 22:6 Jn 19:17 ✧ 22:7 Egz 29:38-42 ✧ 22:9 Jen 22:2 ✧ 22:9 Eb 11:17-19

tout bwa yo. <sup>10</sup> Abraham te lonje men l, e li te pran kouto a pou touye fis li a.

<sup>11</sup> Men ☆zanj SENYÈ a te rele li depi nan syèl la e te di: “Abraham, Abraham!”

Epi li te di: “Men mwen isit la.”

<sup>12</sup> Li te di: “Pa lonje men ou kont jènjan an, e pa fè l anyen; paske koulè a Mwen konnen ke ou krent Bondye, akòz ke ou pa t refize bay ☆fis ou a, sèl fis ou de Mwen an.”

<sup>13</sup> Alò, Abraham te leve Jr li pou te gade, e byen wè, yon belye ki te kenbe pa kòn li, nan yon rakbwa; Abraham te ale pran belye a, e li te ofri li kòm ofrann brile a nan plas a fis li a. <sup>14</sup> Abraham te rele non plas sa a Jehova-Jiré Bondye va fè pwovizyon, jan yo di jis jounen jodi a, “Nan mòn SENYÈ a, ☆li va fè pwovizyon.”

<sup>15</sup> Alò, zanj SENYÈ a te rele Abraham yon dezyèm fwa soti nan syèl la, <sup>16</sup> e li te di: “☆Pou kont Mwen menm, Mwen te sèman, deklare SENYÈ a, akòz ou te fè bagay sa a, e ou pa t refize fis ou a, sèl fis inik ou an, <sup>17</sup> Anverite Mwen va beni ou anpil, Mwen va ☆miltipliye posterite ou tankou zetwal syèl yo, ak tankou grenn sab lanmè ki arebò lanmè yo; epi posterite ou va posede pòtay lènmi pa yo. <sup>18</sup> ☆Nan posterite ou, tout nasyon sou latè yo va beni, akòz ke ou te ☆obeyi vwa Mwen.”

<sup>19</sup> ☆Epi Abraham te retounen vè jèn sèvitè yo te leve e yo te ale ansanm Beer-Schéba; epi Abraham te rete Beer-Schéba.

<sup>20</sup> Epi li te vin rive apre bagay sa yo ke yo te pale ak Abraham e te di: “Gade byen, ☆Milca osi te fè pitit pou frè ou, Nahor: <sup>21</sup> Uts se premye ne li, epi Buz frè li, avèk Kemuel, papa Aram nan <sup>22</sup> epi Késed, Hazo, Pildasch, Jidlaph, ak Bethuel. <sup>23</sup> Bethuel te vin papa ☆Rebecca. Uit Milcah sa yo te fè pitit pou Nahor, frè Abraham nan. <sup>24</sup> Konkibin li ki te rele Réuma, osi te fè Thébach, Gaham, Tahasch, ak Maaca.

## 23

<sup>1</sup> Alò, Sarah te viv pandan san-ven-sèt ane; se sa yo ki te lane a Sarah. <sup>2</sup> Sarah te mouri nan Kirjath-Arba (sa vle di Hébron) nan peyi Canaan an; epi Abraham te ale ladann pou fè dèy pou li, e kriye pou li.☆

<sup>3</sup> Epi Abraham te leve kite mò li a, pou te pale a ☆fis a Heth yo, e te di: <sup>4</sup> “Mwen menm se yon etranje k ap demere pami nou; ☆ban mwen yon kote pou antèman pami nou pou m kapab antere mò a kote mwen p ap wè li.”

<sup>5</sup> Fis a Heth yo te reponn Abraham e te di l: <sup>6</sup> “Koute nou, mèt mwen, ou menm, se yon ☆prens ki plen pouvwa pami nou; antere mò ou a nan pi bon chwa ou nan tonm pa nou yo, nanpwen pèsòn ki va refize ou yon plas antèman pou mò ou a.”

<sup>7</sup> Abraham te leve e te bese devan moun yo nan peyi a, fis a Heth yo. <sup>8</sup> Epi li te pale avèk yo, e te di: “Si se volonte ou pou m antere mò mwen an kote mwen p ap wè l, koute mwen, e apwoche ☆Ephron fis Tsochar a pou mwen, <sup>9</sup> ke li kapab ban mwen kav Macpéla ki pou li a, ki nan pwent chan li an; pou tout pri ke li fò, ke li ban mwen li devan nou kòm yon lye pou antèman.”

☆ 22:11 Jen 16:7-11 ☆ 22:12 Jen 22:2-16 ☆ 22:14 Jen 22:8 ☆ 22:16 Sòm 105:9 ☆ 22:17 Jr 33:22 ☆ 22:18 Jen 12:3 ☆ 22:18 Jen 18:19 ☆ 22:19 Jen 22:5 ☆ 22:20 Jen 11:29 ☆ 22:23 Jen 24:15 ☆ 23:2 Jos 14:5 ☆ 23:3 Jen 10:15 ☆ 23:4 Trav 7:16; Jen 49:30 ☆ 23:6 Jen 14:14 ☆ 23:8 Jen 25:9

<sup>10</sup> Alò, Ephron te chita pami fis a Heth yo; epi Ephron, Ethyen an, te reponn Abraham nan prezans fis a Heth yo; menm (ak) ✧tout moun (sila) yo ki t ap antre nan pòtay vil la, t ap di: <sup>11</sup> “Non, mèt mwen, koute mwen; ✧mwen ba ou chan an, e mwen ba ou kav ki ladann nan. Nan prezans a tout fis a pèp mwen yo, mwen ba ou li pou ou; fè antèman mò ou a.”

<sup>12</sup> Epi Abraham te bese devan pèp peyi a. <sup>13</sup> Li te pale a Ephron nan prezans tout pèp peyi a, e te di: “Silvouplè, si ou va sèlman koute mwen; mwen va bay pri a chan an; aksepte li nan men m pou m kapab antere mò mwen an.”

<sup>14</sup> Epi Ephron te reponn Abraham e te di li: <sup>15</sup> “Mèt mwen, koute mwen; yon mòso tè ki vo kat-san ✧pyès lajan, kisa sa ye antre mwen avèk ou? Alò, antere mò ou a.”

<sup>16</sup> Abraham te koute Ephron; epi Abraham te peze pou Ephron lajan ke li te nonmen nan prezans tout fis a Heth yo, kat-san pyès lajan, nan sistèm komès nòmàl.✧

<sup>17</sup> Konsa, ✧chan Ephron ki te nan Macpéla a, ki te pozisyone vè Mamre a, chan an avèk kav ki te ladann nan, tout bwa ki te nan chan an, ki te anndan limit li yo, te sede <sup>18</sup> a Abraham kòm posesyon nan ✧prezans fis a Heth yo, devan tout moun ki te antre nan pòtay vil li a. <sup>19</sup> Apre sa, Abraham te antere Sarah, madanm li nan kav la nan chan Macpéla ki anfas Mamre a, (sa vle di Hébron) <sup>20</sup> Konsa, fis a Etyen yo te bay papye tè a enkli ak kav la; yo te transfère li a Abraham pou yon landwa antèman.

## 24

<sup>1</sup> Alò, ✧Abraham te vin vye, byen avanse nan laj; epi SENYÈ a te beni Abraham nan tout bagay. <sup>2</sup> Abraham te di a sèvitè li a, sila ki te gen plis laj lakay li a, ki te an chaj tout sa ke li te posede: “✧Souple, mete men ou anba kwis mwen, <sup>3</sup> epi mwen va fè ou sèman devan SENYÈ a, Bondye syèl la avèk Bondye tè a, ke ou ✧p ap pran yon madanm pou fis mwen ki sòti nan fi ✧Kananeyen yo, pami moun m ap viv yo, <sup>4</sup> Men ke ou va ale nan ✧peyi mwen, kote relasyon mwen yo, e pran yon madanm pou fis mwen an, Isaac.”

<sup>5</sup> Sèvitè a te di li: “Sipoze ke fanm nan pa vle swiv mwen pou vini nan peyi a; èske mwen dwe mennen fis ou a retounen nan peyi kote ou te soti a?”

<sup>6</sup> Epi Abraham te di li: “✧Veye ke ou pa pran fis mwen an pou fè l retounen la! <sup>7</sup> SENYÈ a, Bondye syèl la ki te pran m, fè m sòti lakay papa m, peyi natal mwen, ki te pale avèk mwen, Li te sèman ak mwen, e Li te di: “A desandan ou yo, Mwen va bay tè sa a”, Li va voye ✧zanj Li devan ou, e ou va pran yon madanm pou fis mwen an soti la. <sup>8</sup> Men si fanm nan pa vle swiv ou, alò ou ✧va lib de sèman pa m nan; ✧sèlman, pa fè fis mwen an retounen la.” <sup>9</sup> Alò, sèvitè a te ✧plase men l anba kwis mèt li, Abraham, e li te sèman devan li sou zafè sila a.

<sup>10</sup> Epi sèvitè a te pran dis chamo pami chamo mèt li yo, e li te pati avèk yon seleksyon plizyè ✧bon bagay a mèt li nan men l; epi li te leve antre Mésopotamie pou rive nan ✧vil Nahor. <sup>11</sup> Li te fè chamo yo bese a jenou deyò vil la toupre ✧pwi a nan aswè, nan lè ke fanm yo te vin rale dlo.

✧ 23:10 Jen 23:18 ✧ 23:11 II Sam 24:21-24 ✧ 23:15 Egz 30:13 ✧ 23:16 II Sam 14:26 ✧ 23:17 Jen 25:9 ✧ 23:18 Jen 23:10 ✧ 24:1 Jen 18:11 ✧ 24:2 Jen 24:9 ✧ 24:3 Det 7:3 ✧ 24:3 Jen 10:15-19 ✧ 24:4 Jen 12:1 ✧ 24:6 Jen 24:8 ✧ 24:7 Egz 23:20-23 ✧ 24:8 Jos 2:17-20 ✧ 24:8 Jen 24:6 ✧ 24:9 Jen 24:2 ✧ 24:10 Jen 24:22-53 ✧ 24:10 Jen 11:31-32 ✧ 24:11 Jen 24:42

12 Li te di: ✨“O Senyè, Bondye a mèt mwen an, Abraham, souple, lese mwen wouve siksè jodi a, e montre lanmou ak dousè Ou anvè mèt mwen, Abraham. 13 Gade byen, ✨m ap kanpe akote sous la, e fi a pèp vil yo ap (vin) parèt pou rale dlo. 14 Koulye a, kite sa fèt ke a fi ke mwen di: “Souple, desann veso ou pou m kab bwè:, e ki reponn: “Bwè, e mwen va bay bèt ou yo dlo tou’ lese li se sila ke Ou te chwazi pou sèvitè ou a, Isaac; epi konsa nou va konnen ke Ou te montre lanmou ak dousè Ou a mèt mwen an.”

15 Avan li te fin pale, gade, ✨Rebecca ki te ne a Bethuel, fi (la) ✨Milca a, fanm Nachor, frè Abraham nan te (vin) parèt ak veso sou zepòl li. 16 Fi a te ✨trè bèl, yon vyèj, e gason pa t janm antre nan relasyon avè l. Li te desann nan sous la, li te ranpli veso li, e li t ap monte.

17 Alò, sèvitè a te kouri bò kote li, e te di: “✨Souple, kite mwen bwè yon ti dlo nan veso ou a.”

18 ✨Li te di: “Bwè, mèt mwen”; epi byen vit li te desann veso li rive nan men li, e li te bay li bwè. 19 Epi lè li te fin ba li bwè, ✨li te di: “Mwen va rale dlo osi pou chamo ou yo, jiskaske yo fin bwè”. 20 Epi imedyatman li te vide veso li nan basen pou bèt yo, li te kouri retounen nan pwè a pou rale dlo, e li te rale pou tout chamo li yo. 21 ✨Antretan, nonm nan t ap veye li an silans, pou konnen si SENYÈ a te fè vwayaj li a vin yon siksè, ou non.

22 Epi pandan chamo yo te fin bwè’, nonm nan te pran ✨bag lò ki peze yon mwatye sik sis gram nan avèk de braslè pou ponyèt li, ki te peze dis sik an lò 23 epi li te di: “Se fi a ki moun ou ye? Souple, fè m konnen, èske gen lojman lakay papa ou?”

24 Li te di li ✨: “Mwen se fi Bethuel la, fis Milca, ke li te fè pou Nahor a.” 25 Ankò li te di li: “Nou gen ase, nan pay avèk manje, ak espas pou lojman”.

26 Alò, mesye a te ✨bese byen ba, e li te adore SENYÈ a. 27 Li te di: “Beni se SENYÈ a, Bondye a mèt mwen an, Abraham, ki pa t abandone ✨lanmou avèk konpasyon Li ak verite Li anvè mèt mwen; epi pou mwen, SENYÈ a te dirije m nan chemen lakay de frè a mèt mwen yo.”

28 Alò, ✨fi a te kouri pou pale tout kay manman l de bagay sa yo. 29 Fi a te gen yon frè ki te rele ✨Laban; epi Laban te kouri deyò kote mesye a nan sous la. 30 Lè li te wè bag la avèk braslè yo sou ponyèt sè li, e lè li te tandè pawòl a Rebecca yo, sè li, ki te di: “Se sa ke mesye a te di mwen,” li te ale kote mesye a; e konsa, li te kanpe akote chamo yo nan sous la. 31 Epi li te di: ✨“Antre non, beni a SENYÈ a! Poukisa ou kanpe deyò, Paske m gen tan prepare kay la avèk yon plas pou chamo yo?”

32 Alò, mesye a te antre nan kay la. ✨Laban te dechaje chamo yo, e li te bay pay avèk manje pou chamo yo, ak dlo pou lave pye li, avèk pye a mesye ki te avèk li yo. 33 Men lè manje a te plase devan li, li te di: “Mwen p ap manje jiskaske mwen pale de misyon mwen an.”: Epi li te di: “Pale toujou”.

34 Epi li te di: “Mwen se sèvitè ✨Abraham. 35 SENYÈ a te ✨beni mèt mwen an anpil, jiskaske li vin rich; epi Li te bay li ✨bann mouton ak twoupo, lò ak lajan, sèvitè ak sèvant yo, e chamo ak bourik. 36 Alò, ✨Sarah, madanm a mèt mwen an te fè yon fis pou mèt mwen an nan vyeyès li, e li te bay li

✨ 24:12 Jen 24:27-42-48 ✨ 24:13 Jen 24:43 ✨ 24:15 Jen 22:20 ✨ 24:15 Jen 11:29 ✨ 24:16 Jen 12:11 ✨ 24:17 Jn 4:7 ✨ 24:18 Jen 24:14-46 ✨ 24:19 Jen 24:14 ✨ 24:21 Jen 24:12-52 ✨ 24:22 Jen 24:47 ✨ 24:24 Jen 24:15 ✨ 24:26 Jen 24:48-52 ✨ 24:27 Jen 32:10 ✨ 24:28 Jen 29:12 ✨ 24:29 Jen 29:5-13 ✨ 24:31 Jen 29:13 ✨ 24:32 Jen 43:24 ✨ 24:34 Jen 24:2 ✨ 24:35 Jen 24:1 ✨ 24:35 Jen 13:2 ✨ 24:36 Jen 21:1-7

tout sa li posede. <sup>37</sup> ✧Mèt mwen an te fè m sèman, e te di: “Ou pa pou pran yon madanm pou fis mwen ki sòti nan fi Kananeyen yo, nan peyi kote m ap viv la; <sup>38</sup> men ou va ale kote lakay papa m, nan moun fami pa m yo, e pran yon madanm pou fis mwen an.’

<sup>39</sup> ✧Mwen te di a mè mwen an: “Sipoze ke fanm nan pa swiv mwen.’

<sup>40</sup> Li te di mwen: “✧SENYE a devan Sila mwen te mache a, va fè vwayaj ou a reyisi, ou va pran yon madanm pou fis mwen an pami moun fanmi mwen yo, ak lakay papa m; <sup>41</sup> Epi konsa, ou va lib de sèman mwen an, si lè ou rive pami moun fanmi mwen yo, yo pa ba ou li, ou va lib de sèman mwen an.”

<sup>42</sup> Konsa, ✧mwen te vini jodi a nan sous la, e te di: ‘O SENYÈ, Bondye a mè mwen an, Abraham, si koulye a ou va fè vwayaj ke m ap fè a reyisi; <sup>43</sup> Gade byen, ✧mwen ap kanpe vè sous la, kite sa fèt ke jèn fi ki sòti pou rale dlo a, e a moun mwen di: Souple, kite m bwè yon ti dlo nan vesò ou a.’ <sup>44</sup> epi ki di mwen: Ou met bwè, e mwen va tire dlo pou chamo ou yo tou a’; ke sa fèt ke se li ke SENYÈ a te chwazi pou fis a mè mwen an.’

<sup>45</sup> Avan mwen te fin pale nan kè mwen, gade byen, Rebecca te parèt avèk vesò li sou zepòl li, e li te desann nan sous la pou tire. Mwen te di li: “Souple, kite m bwè.’

<sup>46</sup> ✧“Li te byen vit desann vesò a sou zepòl li, e li te di: “Bwè’, e mwen va bay bèt ou yo dlo tou’: Alò, mwen te bwè, e li te bay bèt yo dlo tou.

<sup>47</sup> ✧Mwen te mande li, e te di: ‘Fi a ki moun ou ye?’ Epi li te di: ‘Fi a Bethuel la, fis a Nachor, ke Milca te bay li a’; epi mwen te mete bag la nan men li, e braslè yo nan ponyèt li.”

<sup>48</sup> “Epi mwen te bese byen ba, mwen te adore SENYÈ a, e te beni SENYÈ a, Bondye a mè mwen an, Abraham, ✧ki te gide mwen nan bon chemen pou pran fi nan fanmi mè mwen an pou fis li. <sup>49</sup> Alò, koulye a, si w ap ✧aji avèk dousè e verite avèk mè mwen an, fè m konnen; pi si se pa sa, kite m konnen, pou m kapab vire swa adwat, swa agoch.”

<sup>50</sup> Epi Laban avèk Bethuel te reponn: “Afè sa a sòti nan SENYÈ a; ✧alò nou pa kapab pale ou ni byen, ni mal. <sup>51</sup> Men Rebecca la devan ou, pran li pou ou ale, e ke li vin madanm a fis mè ou a, jan SENYÈ a te pale a.”

<sup>52</sup> Lè sèvitè Abraham nan te tande pawòl sa yo, li te ✧bese tèt li atè devan SENYÈ a. <sup>53</sup> Sèvitè a te mete deyò ✧bagay ki fèt ak lajan avèk lò, ak vètman, e li te bay yo a Rebecca; li te osi bay kèk bagay ki koute byen chè a frè li avèk manman li. <sup>54</sup> Epi li menm avèk mesye ki te avè l yo te manje, bwè e te pase nwit lan.

Lè yo te leve nan maten li te di: “✧Voye mwen ale vè mè mwen.”

<sup>55</sup> Men frè li avèk manman li te di: ✧“Kite fi a rete avèk nou pandan kèk jou, annou di di jou; epi apre li kapab ale”.

<sup>56</sup> Li te reponn yo: “Pa anpeche m, paske se ✧SENYE a ki te fè chemen mwen an reyisi. Voye m ale pou m kapab retounen bò kote mè mwen.”

<sup>57</sup> Epi yo te di: “Nou va rele fi a pou mande li volonte pa li.”: <sup>58</sup> Alò, yo te rele Rebecca e te di li: “Èske ou va ale avèk mesye sila a?”

Epi li te reponn: “M ap prale.”

✧ 24:37 Jen 24:2-4 ✧ 24:39 Jen 24:5 ✧ 24:40 Jen 24:7 ✧ 24:42 Jen 24:11-12 ✧ 24:43 Jen 24:13 ✧ 24:46 Jen 24:18-19 ✧ 24:47 Jen 24:23-24 ✧ 24:48 Jen 24:27 ✧ 24:49 Jen 47:29 ✧ 24:50 Jen 31:24-29 ✧ 24:52 Jen 24:26,48 ✧ 24:53 Jen 24:10-22 ✧ 24:54 Jen 24:56-59 ✧ 24:55 Jij 19:4 ✧ 24:56 Jen 24:40

<sup>59</sup> Konsa yo te voye Rebecca, sè yo a ale, avèk ✨bòn li yo, sèvitè Abraham nan ak mesye pa li yo. <sup>60</sup> Yo te beni Rebecca, e te di li: “Ke ou menm, sè nou, kapab ✨devni manman a dè milye de dizèn de milye, e ke desandan ou yo kapab posede pòtay a sila ki rayi yo.

<sup>61</sup> Epi Rebecca te leve avèk bòn li yo, yo te monte chamo yo, e yo te swiv mesye a. Konsa sèvitè a te pran Rebecca, e li te pati.

<sup>62</sup> Alò, Isaac t ap sòti nan yon vwayaj vè ✨Lachai-roi, paske li t ap viv nan Negev. <sup>63</sup> Isaac te ale deyò pou ✨fè meditasyon nan chan an nan aswè, ✨li te leve Jr li pou gade, e gade, chamo yo t ap vini.

<sup>64</sup> Rebecca te leve Jr li, e lè li te wè Isaac, li te desann chamo a. <sup>65</sup> Li te di sèvitè a: “Kilès mesye sa a k ap mache nan chan an vin jwenn nou an?”

Epi sèvitè a te di: “Li se mèt mwen.”

Epi li Rebecca te pran vwal la, e li te kouvri tèt li.

<sup>66</sup> Sèvitè a te di Isaac tout sa ke li te fè. <sup>67</sup> Epi Isaac te mennen li nan tant li, li te pran Rebecca, e li te vin madanm li, e li te renmen li. Konsa Isaac te konsole lè manman li te fin mouri.

## 25

<sup>1</sup> Alò, Abraham te pran yon lòt madanm, ki te rele Ketura. <sup>2</sup> ✨Li te fè pou li Zimran, Jokschan, Madian, Jischbak, avèk Schuach. <sup>3</sup> Jokschan te vin papa a Séba avèk Dedan. Epi fis Dedan yo te Aschurim, Letuschim, avèk Leummim. <sup>4</sup> Epi fis a Madian yo te Épha, Epher, Hénoc, Abida, avèk Eldaa. Tout sa yo se te fis a Ketura yo. <sup>5</sup> ✨Alò Abraham te bay tout sa li te posede a Isaac; <sup>6</sup> men a fis a fanm konkibin yo, li te bay yo kado pandan li te toujou ap viv la, e li te ✨voye yo lwen fis li a vè lès, nan peyi lès la.

<sup>7</sup> Sa yo se tout ane lavi ke Abraham te viv, ✨san-swann-kenz ane. <sup>8</sup> Abraham te respire dènye souf li, li te mouri yon granmoun byen mi, e li te byen satisfè avèk lavi; epi li te vin ✨ranmase vè pèp li. <sup>9</sup> Epi fis li yo, Isaac avèk Ismaël te antere li nan ✨kav Macpéla a, nan chan Ephron an, fis Tsochar, Etyen an, anfas Mamré, <sup>10</sup> ✨chan ke Abraham te achte nan men fis a Heth yo. La, Abraham te antere avèk madanm li, Sarah. <sup>11</sup> Li te vin rive apre mò Abraham nan, ke ✨Bondye te beni fis li a, Isaac; epi Isaac te viv toupri Lachai-roi.

<sup>12</sup> Alò, sa yo se achiv a desandan a jenerasyon ✨Ismaël yo, fis Abraham nan, ke Agar, Ejipsyen an, sèvant a Sarah a, te fè ak Abraham; <sup>13</sup> epi sa yo se non ✨fis Ismaël yo, selon non yo, nan lòd nesans pa yo: Nebajoth, premye ne a Ismaël la, Kédar, Adbeel, Mibsam, <sup>14</sup> Mischma, Duma, Massa, <sup>15</sup> Hadad, Théma, Jethur, Naphisch avèk Kedma. <sup>16</sup> Sila yo se fis Ismaël yo e sa se non yo, pa vil, e pa anplasman yo; ✨douz prens yo selon tribi pa yo.

<sup>17</sup> Sa yo se lane lavi Ismaël yo, ✨san-trant-sèt ane; epi li te respire dènye souf li, e li te mouri, epi yo te ranmase li vè pèp li. <sup>18</sup> Yo te deplase soti nan ✨Havila jis rive nan Schur ki nan kote lès Égypte lè yon moun ap pwoche Assyrie; li te rete la malgre sa te fè ènmi avèk tout paran li yo.

<sup>19</sup> Alò, sa yo se achiv ✨jenerasyon ki swiv Isaac yo, fis Abraham nan: Abraham te vin papa Isaac.

✨ 24:59 Jen 35:8 ✨ 24:60 Nonb 10:36; Jen 22:17 ✨ 24:62 Jen 16:14 ✨ 24:63 Jos 1:8 ✨ 24:63 Jen 18:2 ✨ 25:2 I Kwo 1:32-33 ✨ 25:5 Jen 24:35-36 ✨ 25:6 Jen 21:14 ✨ 25:7 Jen 12:4 ✨ 25:8 Jen 25:17 ✨ 25:9 Jen 23:17-18 ✨ 25:10 Jen 23:3-16 ✨ 25:11 Jen 26:3 ✨ 25:12 Jen 16:5 ✨ 25:13 I Kwo 1:29 ✨ 25:16 Jen 17:20 ✨ 25:17 Jen 16:16 ✨ 25:18 I Sam 15:7 ✨ 25:19 Mat 1:2



<sup>20</sup> Lè Isaac te gen laj karant ane, li te pran Rebecca, ✧fi Bethuel la, Araméen an nan kote Paddan-Aram, ✧sè Laban an, Araméen an, pou vin madanm li. <sup>21</sup> Isaac te priye a SENYÈ a anfavè madanm li, akòz li te esteril; epi SENYÈ a te reponn li, e Rebecca, madanm li an te vin ✧ansent.

<sup>22</sup> Men pitit yo te an konfli anndan vant li; e li te di: “Si se sa, poukisa mwen konsa?” Epi li te ale ✧mande a SENYÈ a.

<sup>23</sup> SENYÈ a te di li: “✧Gen de nasyon nan vant ou; e de pèp va vin separe sòti nan vant ou; epi yon pèp va pi pwisan ke lòt la; epi pi gran an va sèvi pi jèn nan.

<sup>24</sup> Lè jou li yo pou akouche te rive, gade, te gen jimo nan vant li. <sup>25</sup> Epi premye a te vin parèt byen wouj, ✧ li te kouvri toupatou tankou yon rad ki plen plim sou li; e yo te nonmen li Ésaü. <sup>26</sup> Apre frè li a te vin parèt avèk ✧men li ki t ap kenbe talon pye a Ésaü, e pou sa ✧yo te rele li Jacob; epi Isaac te gen swasant ane lè madanm li te bay nesans a yo.

<sup>27</sup> Lè gason sa yo te grandi, Ésaü te vin fò nan lachas, yon nonm ki fèt pou chan, men Jacob te yon nonm byen trankil, ki te ✧viv nan tant. <sup>28</sup> Alò, Isaac te renmen Ésaü akòz ke li te gen yon ✧gou pou vyann bèt sovaj, men Rebecca te renmen Jacob.

<sup>29</sup> Lè Jacob te fin kwit yon ✧soup, Ésaü te vin antre pandan li t ap kite chan an, e li te grangou anpil; <sup>30</sup> epi Ésaü te di Jacob: “Souple, ban m goute bagay wouj sa ki la a, paske mwen grangou anpil.” Se pou sa yo te rele non li Edom.

<sup>31</sup> Men Jacob te di: “Premyeman vann mwen ✧dwa nesans ou an.”

<sup>32</sup> Ésaü te di: “Gade byen, mwen prèt pou mouri, e konsa pou ki bagay yon eritaj ap sèvi mwen?”

<sup>33</sup> Epi Jacob te di: “Premyeman, sèman ban mwen; epi li te sèman ba li, e li te ✧vann dwa nesans li an bay Jacob.

<sup>34</sup> Epi Jacob te bay Ésaü pen avèk yon soup pwa; li te manje e bwè, e li te leve al fè wout li.

Konsa Ésaü te vin rayi dwa nesans li an.

## 26

<sup>1</sup> Alò, te gen yon ✧gwo grangou nan peyi a, ki te fèt apre gwo grangou ki te fèt nan jou Abraham yo. Epi Isaac te ale Guérrar vè ✧Abimélec, wa Filisten yo.

<sup>2</sup> Senyè a te ✧parèt a li menm e te di: “pa desann an Égypte; rete nan peyi ke Mwen va montre ou a. <sup>3</sup> Rete pou yon tan nan peyi sa a, Mwen va avèk ou, e Mwen va beni ou, paske a ou menm e a desandan ou yo, Mwen va bay tout peyi sa yo, e Mwen va etabli ✧sèman ke Mwen te sèman a papa ou a, Abraham.

<sup>4</sup> ✧Mwen va mulipliye desandan ou yo tankou zetwal nan syèl la, e nan ✧desandan ou yo, tout nasyon latè yo va beni; <sup>5</sup> akòz Abraham te ✧obeyi Mwen, e kenbe chaj Mwen, Kòmandman Mwen yo, règleman Mwen yo, avèk lwa Mwen yo.” <sup>6</sup> Konsa, Isaac te viv Guérrar.

✧ 25:20 Jen 22:23 ✧ 25:20 Jen 24:29 ✧ 25:21 Wo 9:10 ✧ 25:22 I Sam 9:9 ✧ 25:23 Jen 17:4-16 ✧ 25:25 Jen 27:11 ✧ 25:26 Os 12:13 ✧ 25:26 Jen 27:36 ✧ 25:27 Eb 11:9 ✧ 25:28 Jen 27:19 ✧ 25:29 II Wa 4:38 ✧ 25:31 Det 21:16-17 ✧ 25:33 Eb 12:16 ✧ 26:1 Jen 12:10 ✧ 26:1 Jen 20:1-2 ✧ 26:2 Jen 12:7 ✧ 26:3 Jen 22:16-18 ✧ 26:4 Jen 15:5 ✧ 26:4 Jen 22:18 ✧ 26:5 Jen 22:16

<sup>7</sup> Lè mesye yo nan plas la te mande li de madanm li, li te di: “\*li se sè mwen”; paske li te pè pou di: “madanm mwen”: akoz li te panse: “mesye yo nan zòn sa a ta kapab touye mwen pou Rebecca, paske li bèl.”

<sup>8</sup> Li te rive (ke) lè li te rete la pandan anpil tan, ke Abimélec, wa Filisten yo t ap gade nan yon fenèt, e gade, li te wè Isaac ki t ap karese madanm li, Rebecca. <sup>9</sup> Alò, Abimélec te rele Isaac e te di: “Gade sa, vrèman li se madanm ou! Kòman ou te fè di mwen: “Li se sè mwen’ ”?

Epi Isaac te di li: “Akoz ke mwen te di: “mwen ta kapab mouri akoz li.’ ”

<sup>10</sup> \*Abimélec te di: “kisa ke ou te fè nou la a? Yon moun nan pèp la ta kapab fasilman vin kouche avèk madanm ou, e ou t ap fè nou vin koupab pou peche sa a.

<sup>11</sup> Epi Abimélec te bay tout pèp la lòd, e te di: “Moun ki \*touche mesye sa a, oswa madanm li, asireman va mete a lanmò.

<sup>12</sup> Alò, Isaac te simen nan peyi sa a, e li te rekòlte nan menm ane a san fwa. Epi \*Senyè a te beni li, <sup>13</sup> epi mesye a te \*vin rich e li te kontinye vin pi rich jiskaske li te vin ranmase anpil gwo richès; <sup>14</sup> paske \*li te posede anpil bann mouton, twoupo avèk anpil chan bèt, jiskaske Filisten yo te vin anvi li. <sup>15</sup> Alò, \*tout pwi ke sèvitè a papa li yo te fouye nan jou Abraham yo, papa li, Filisten yo te bouche lè yo te ranpli yo avèk tè.

<sup>16</sup> Alò, Abimélec te di a Isaac: “Kite nou, paske ou \*twò fò pou nou.”

<sup>17</sup> Epi Isaac te pati la, li te vin rete nan vale Guérar a, e li te fè anplasman la. <sup>18</sup> Epi Isaac te fouye pwi yo ankò, pwi ki te fouye nan jou papa li yo, Abraham, paske Filisten yo te bouche yo apre mò Abraham nan; epi li te bay yo menm non ke papa li te bay yo.

<sup>19</sup> Men lè sèvitè Isaac yo te fouye nan vale a, e te twouve la yon pwi dlo ki t ap boujonnen, <sup>20</sup> Bèje Guérar yo te \*goumen avèk bèje Isaac yo e te di: “Dlo a se pa nou!” Alò, li te nonmen pwi a Ések akoz ke yo te goumen avèk li. <sup>21</sup> Epi yo te fouye yon lòt pwi, yo te goumen sou sila a tou e li te nonmen li Sitna. <sup>22</sup> Li te deplase la, li te fouye yon lòt pwi, e yo pa t goumen sou li; epi li te bay li non a Rehoboth, paske li te di: “Koulye a, Bondye vin bannou plas, e nou va \*rekòlte anpil fwi nan peyi a.

<sup>23</sup> Alò, li te kite la pou monte \*Beer-Schéba. <sup>24</sup> SENYÈ a \*te parèt a li menm nan nwit lan, e te di: “Mwen se Bondye a papa ou, Abraham; pa pè, paske Mwen avè w. Mwen va \*beni ou, e Mwen va fè desandan ou yo miltipliye, pou koz a sèvitè Mwen an, Abraham.”

<sup>25</sup> Epi li te bati yon \*lotèl la, li te rele non SENYÈ a, te monte tant li la; epi la sèvitè Isaac yo te fouye yon pwi.

<sup>26</sup> Alò, \*Abimélec te vin kote li soti Guérar, avèk konseye li, Ahuzath, avèk Picol, kòmandan lame a. <sup>27</sup> Isaac te di yo: “\*Poukisa nou vin kote m, kòm si nou rayi mwen, e pouse mwen lwen nou?”

<sup>28</sup> Yo te di: “Nou wè byen klè \*ke SENYÈ a te avèk ou; alò, nou te di: ‘Annou fè yon sèman antre nou menm, e kite nou fè yon akò avèk ou, <sup>29</sup> ke ou p ap fè nou okenn mal, menm jan ke nou pa t touche ou, nou pa t fè ou anyen sof ke byen, e w ap voye nou ale anpè.’ Koulye a, ou se \*beni a SENYÈ a.”

<sup>30</sup> Alò, \*li te fè yon gwo fèt manje pou yo, yo te manje e bwè.

\* 26:7 Jen 12:13   \* 26:10 Jen 20:9   \* 26:11 Sòm 105:15   \* 26:12 Jen 24:1   \* 26:13 Pwov 10:22   \* 26:14 Jen 24:35   \* 26:15 Jen 21:25-30   \* 26:16 Egz 1:9   \* 26:20 Jen 21:25   \* 26:22 Jen 17:6   \* 26:23 Jen 22:19   \* 26:24 Jen 26:2   \* 26:24 Jen 22:17   \* 26:25 Jen 12:7-8   \* 26:26 Jen 21:22   \* 26:27 Jij 11:7   \* 26:28 Jen 21:22-23   \* 26:29 Jen 24:31   \* 26:30 Jen 19:3

<sup>31</sup> Nan maten, yo te leve bonè, e yo ✨te sèman a youn lòt; epi Isaac te voye yo ale kite li anpè.

<sup>32</sup> Epi li te vin rive nan menm jou a, ke sèvitè Isaac yo te antre e te avèti li de yon pwi ke yo te fouye, e yo te di li: “nou gen tan twouve dlo.” <sup>33</sup> Epi li te rele li Schiba; akòz sa yo rele vil la ✨Beer-Schéba jis rive jodi a.

<sup>34</sup> Lè Ésaü te gen karant ane, ✨li te marye avèk Judith, fi Béeri a, Etyen an, e Basmath, fi a Elon an, Etyen an; <sup>35</sup> epi ✨yo te mennen traka pou Isaac avèk Rebecca.

## 27

<sup>1</sup> Alò, li te vin rive lè Isaac te vye, e ✨zye li te twò fèb pou wè, ke li te rele Ésaü, pi gran nan pitit li yo, e li te di li: “Fis mwen.”

Epi li te reponn li: “Men mwen.”

<sup>2</sup> ✨Isaac te di: “Gade byen, koulye a, mwen vin vye, e mwen pa konnen jou ke m ap mouri an. <sup>3</sup> Ebyen, souple pran flèch ou yo avèk banza ou, e ale nan chan pou ✨fè lachas jibye pou mwen. <sup>4</sup> Epi prepare yon manje ki gen bon gou, jan ou konnen ke m renmen li an, e pote ban mwen pou m kab manje, pou ✨nanm mwen kapab beni ou avan ke m mouri.”

<sup>5</sup> Rebecca t ap koute pandan Isaac t ap pale avèk fis li a, Ésaü. Alò, lè Ésaü te ale nan chan pou fè lachas jibye pou kapab pote lakay, <sup>6</sup> ✨Rebecca te di fis li a, Jacob: “Veye byen, mwen te tandè papa ou pale ak frè ou a Ésaü, e li te di: <sup>7</sup> “Pote pou mwen kèk jibye e prepare yon manje bon gou pou mwen, pou mwen kapab manje, e beni ou nan prezans SENYÈ a, avan ke m mouri.” <sup>8</sup> “Alò, pou sa, fis mwen, ✨koute lòd ke mwen pral ba ou a. <sup>9</sup> Ale koulye a, ale nan bann twoupo a, e chwazi de jèn kabrit ladann, pou m kapab prepare yo kòm yon bon manje pou papa ou, jan li renmen li an. <sup>10</sup> Epi ou va pote li bay papa ou, pou li kapab manje, pou li kapab beni ou avan ke li mouri”.

<sup>11</sup> Jacob te reponn a manman l, Rebecca: “Gade byen, Ésaü, frè m nan ✨byen kouvri avèk plim, e po m byen swa. <sup>12</sup> ✨Petèt papa m va manyen m, mwen va vin tankou yon twonpè nan Jr li, e mwen va rale sou mwen yon madichon olye yon benediksyon.”

<sup>13</sup> Men manman li te di li: “Ke madichon ou tonbe sou mwen, fis mwen; sèlman ✨obeyi vwa m, e ale chache yo pou mwen.”

<sup>14</sup> Epi li te ale chache yo e te pote yo bay manman l; epi manman l te fè yon manje bon gou jan papa l te renmen an. <sup>15</sup> Alò, Rebecca te pran pi bon ✨vètman Ésaü a, pi gran fis li a, ki te avèk li nan kay la, e te mete yo sou Jacob, pi jèn fis li a. <sup>16</sup> Epi li te mete po kabrit sou men li, ak nan pati kou li ki te swa. <sup>17</sup> Osi li te bay Jacob, fis li a, manje bon gou a avèk pen ke li te fè a.

<sup>18</sup> Epi li te vini kote papa l, e te di: “Papa m.”

Epi li te di: “Men mwen. Kilès ou ye, fis mwen?”

<sup>19</sup> Jacob te di a papa l: “Mwen menm se “Ésaü, premye ne ou a; mwen te fè sa ou te mande m nan. ✨Leve, souple, e chita pou manje nan jibye mwen an, pou ✨nanm ou kapab beni mwen.”

✨ 26:31 Jen 21:31 ✨ 26:33 Jen 21:31 ✨ 26:34 Jen 28:8 ✨ 26:35 Jen 27:46 ✨ 27:1 Jen 48:10  
 ✨ 27:2 Jen 48:10 ✨ 27:3 Jen 25:28 ✨ 27:4 Jen 27:19-31 ✨ 27:6 Jen 25:28 ✨ 27:8 Jen 27:13-43  
 ✨ 27:11 Jen 25:25 ✨ 27:12 Jen 27:21-22 ✨ 27:13 Jen 27:8 ✨ 27:15 Jen 27:27  
 ✨ 27:19 Jen 27:31 ✨ 27:19 Jen 27:4

<sup>20</sup> Isaac te di fis li a: “Kòman ou reyisi fè sa vit konsa, fis mwen?”: Epi li te di: “✧Paske SENYÈ a, Bondye ou a te fè sa rive m.”

<sup>21</sup> Alò, Isaac te di Jacob: “Souple, vin pi pre pou m kapab manyen ou, fis mwen, pou si ou se vrèman fis mwen an Ésaü, o non.”

<sup>22</sup> Epi Jacob te pwoche papa li, li te manyen li, e te di: “Vwa a se vwa a Jacob, men men yo se men Ésaü.”: <sup>23</sup> Li pa t rekonèt li, paske men li te kouvri avèk ✧plim tankou men frè l la, Ésaü; epi akòz sa, li te beni li. <sup>24</sup> Epi li te di: “Èske vrèman ou se fis mwen an, Ésaü?”

Epi li te di: “Se Mwen.”

<sup>25</sup> Epi li te di: “Pote ban mwen, e mwen va manje nan jibye fis mwen an, ✧pou m kapab beni ou.”

Epi li te pote ba li, e li te manje; li te osi pote diven e li te bwè. <sup>26</sup> Epi Isaac, papa li, te di li: “Souple, pwoche pou bo m, fis mwen.”

<sup>27</sup> Epi li te vin pre, e te bo li; epi lè li te santi sant vètman li, li te ✧beni li, e te di: “Ou wè, sant fis mwen an tankou sant a yon chan ✧ke SENYÈ a te beni; <sup>28</sup> Koulye a, ke ✧Bondye kapab ba ou lawouze syèl la, ak grès tè a, anpil sereyal chan avèk diven nèf; <sup>29</sup> Ke anpil pèp vin sèvi ou, e ke nasyon yo bese devan ou; vin mèt sou frè ou yo, e ke fis a manman ou yo vin bese a ou menm. ✧Modi va sila ki modi ou yo, e beni va sila ki beni ou yo.

<sup>30</sup> Epi li te rive lè Isaac te fin beni Jacob, e Jacob te apèn sòti nan prezans Isaac, papa l, ke Ésaü, frè l la te vin sòti nan fè lachas. <sup>31</sup> Epi li menm tou te fè manje bon gou, e li te pote l bay papa l; epi li te di a papa l: “✧Ke papa m leve e manje nan jibye fis li a, pou ou kapab beni mwen.”

<sup>32</sup> Isaac, papa li te di: “✧Kilès ou ye?”: Epi li te di: “Mwen se fis ou, premye ne a, Ésaü.”

<sup>33</sup> Alò, Isaac te vin tranble avèk vyolans, e te di: “Alò kilès sa ki te fè lachas jibye a, ki te pote ban mwen, ke m te manje tout li avan ou te vini, e ke mwen te beni li an? ✧Wi, e li va beni.”

<sup>34</sup> Lè Ésaü te tandè pawòl a papa li yo, ✧li te kriye avèk gwo kri nan yon vwa byen fò, e li te di papa l: “Beni m tou o papa mwen.”

<sup>35</sup> Epi li te di: “✧Frè ou a te vini twonpe m, e li te rache benediksyon ou an.”

<sup>36</sup> Epi li te di: “Èske se pa t yon verite yo te nonmen li ✧Jacob, paske li te (vin) pran plas mwen de fwa sa yo? Li te pran dwa nesans mwen an, e gade, koulye a li pran benediksyon mwen.”: Epi li te di: “Èske ou pa t rezève yon benediksyon pou mwen?”

<sup>37</sup> Men Isaac te reponn a Ésaü: “Gade byen, mwen te fè li ✧mèt ou, e tout moun nan fanmi li mwen te bay li yo kòm sèvitè; epi avèk sereyal avèk diven nèf mwen te bay li soutyen. Alò, pou ou, kisa m kapab fè, fis mwen?”

<sup>38</sup> Ésaü te di a papa li: “Èske se yon sèl benediksyon ou genyen, papa mwen? Beni mwen menm tou, o papa m.” Epi Ésaü te leve vwa l e te ✧kriye.

<sup>39</sup> Alò, ✧Isaac, papa l te reponn e te di li: “Gade byen, lwen bon tè fètèl ou va rete, e lwen lawouze k ap soti anwo syèl la <sup>40</sup> Pa nepe ou, ou va viv,

✧ 27:20 Jen 24:12 ✧ 27:23 Jen 27:16 ✧ 27:25 Jen 27:4 ✧ 27:27 Eb 11:20 ✧ 27:27 Sòm 65:10 ✧ 27:28 Jen 27:39 ✧ 27:29 Jen 12:3 ✧ 27:31 Jen 27:19 ✧ 27:32 Jen 27:18 ✧ 27:33 Jen 28:3-4 ✧ 27:34 Jen 27:19 ✧ 27:35 Jen 27:19 ✧ 27:36 Jen 25:26-32-34 ✧ 27:37 Jen 27:28-29 ✧ 27:38 Eb 12:17 ✧ 27:39 Eb 11:20

e frè ou a, ✨ou va sèvi li; men li va rive ✨ke lè ou vin toumante, ou va kase jouk la sou kou ou.”

<sup>41</sup> Epi Ésaü te ✨pote yon rayisman kont Jacob akòz benediksyon an ke papa l te beni li; epi Ésaü te di nan kè l: “Jou doulè pou mò papa m prèt pou fini, alò, mwen va touye frè m, Jacob.”

<sup>42</sup> Alò, lè pawòl pi gran fis la te rive a Rebecca, li te voye rele pi jèn fis li a, Jacob, e te di li: “Gade byen, frè ou a, Ésaü ap plenyen li menm de ou menm avèk entansyon pou touye ou. <sup>43</sup> Pou sa, fis mwen, obeyi vwa m, e leve sove ale ✨Charan, vè frè mwen, ✨Laban! <sup>44</sup> Rete avè l pandan ✨kèk jou jiskaske kòlè frè ou a vin bese, <sup>45</sup> jiskaske kòlè frè ou a vin bese, e bliye ✨sa ou te fè li a. Alò, mwen va voye chache ou la. Poukisa mwen ta oblije pèdi nou toude nan yon sèl jou?”

<sup>46</sup> Rebecca te di Isaac: “Mwen bouke viv akòz fi Heth yo; si Jacob pran yon fanm nan fi a Heth yo, tankou sila, nan fi peyi yo, ki byen ki kab rive nan vi m?”

## 28

<sup>1</sup> Alò, Isaac te rele Jacob, li te beni li, li te kòmande li, e li te di: “✨Ou p ap pran yon fanm nan fi Canaan yo.” <sup>2</sup> “Leve ale Paddan-Aram, lakay ✨Bethuel, papa a manman ou; epi de la, pran yon madanm pami fi a Laban yo, frè manman ou an.

<sup>3</sup> Ke Bondye Toupwisan an kapab beni ou, bay ou anpil fwi, e fè ou multipliyè pou yo kapab devni yon gran fòs kantite moun. <sup>4</sup> Ke li kapab osi bay ou ✨benediksyon Abraham nan, pou ou menm, ak pou desandan ou yo osi, ke ou kapab posede peyi kote w ap demere a, ke Bondye te bay a Abraham nan.”

<sup>5</sup> Alò, ✨Isaac te voye Jacob ale, li te ale Paddan-Aram a Laban, fis a Bethuel la, Arameyen an, frè Rebecca, manman a Jacob ak Ésaü.

<sup>6</sup> Epi Ésaü te wè ke Isaac te beni Jacob e te voye li ale Paddan-Aram pou pran pou li menm yon madanm e ke lè li te beni li, li te bay li lòd, e te di: “✨Ou pa pou pran yon madanm nan fi a Canaan yo,” <sup>7</sup> epi ke Jacob te obeyi papa li, ak manman li, li te ale Paddan-Aram.

<sup>8</sup> Konsa Ésaü te wè ke ✨fi Canaan yo pa t plè papa li Isaac; <sup>9</sup> epi Ésaü te ale kote Ismaël, e li te marye, ✨ anplis ke madanm yo li te gen deja, Mahalath, fi Ismaël la, fis Abraham nan, sè Nebajoth la.

<sup>10</sup> Epi Jacob te pati ✨Beer-Schéba e te ale vè ✨Charan. <sup>11</sup> Li te vini nan yon ✨sèten kote pou te pase nwit lan la, akòz solèy la te gen tan fin kouche; epi li te pran youn nan wòch yo, li te mete l anba tèt li, e li te kouche la nan plas sila a.

<sup>12</sup> Li te fè yon rèv, e li te gade yon nechèl yo te mete sou latè, tèt li te rive nan syèl la; epi gade, zanj Bondye yo t ap monte desann sou li. <sup>13</sup> Epi SENYÈ a te kanpe anwo li, e te di: “Mwen se SENYÈ a, ✨Bondye papa Abraham nan ak Bondye Isaac la. Tè sa kote ou kouche a, Mwen va bay ou li pou ou menm ak ✨desandan ou yo. <sup>14</sup> Desandan ou yo va tankou pousyè latè, e ou va gaye ✨nan lwès, nan lès, nan nò, ak nan sid; epi nan ou avèk desandan ou yo, tout fanmi sou latè yo va beni.

✨ 27:40 Jen 25:23 ✨ 27:40 II Wa 8:20-22 ✨ 27:41 Jen 32:3-11 ✨ 27:43 Jen 11:31 ✨ 27:43 Jen 24:29 ✨ 27:44 Jen 31:41 ✨ 27:45 Jen 27:12-35 ✨ 28:1 Jen 24:3-4 ✨ 28:2 Jen 24:3-4 ✨ 28:4 Jen 12:2 ✨ 28:5 Jen 27:43 ✨ 28:6 Jen 28:1 ✨ 28:8 Jen 24:3 ✨ 28:9 Jen 26:34 ✨ 28:10 Jen 26:23 ✨ 28:10 Jen 12:4-5 ✨ 28:11 Jen 28:19 ✨ 28:13 Jen 26:3 ✨ 28:13 Jen 12:7 ✨ 28:14 Jen 13:14-15

<sup>15</sup> Gade byen, Mwen avèk ou, Mwen va kenbe ou nenpòt kote ou ale, e Mwen ✨va fè ou retounen nan peyi sa a; paske Mwen p ap kite ou jiskaske Mwen fin fè tout sa ke M te pwomèt nou an.”

<sup>16</sup> Alò, Jacob te ✨leve nan dòmi an, e li te di: “Anverite SENYÈ a nan plas sila a, e mwen pa t konnen. <sup>17</sup> Li te pè, e li te di: “Alò, ✨A la mèvèye plas sa a mèvèye! Sila a pa lòt ke lakay Bondye, e sa se pòtay Syèl la.

<sup>18</sup> Epi Jacob te leve bonè nan maten, li te pran ✨wòch ke li te plase anba tèt li a, li te etabli li tankou yon pilye, e li te vide lwil sou tèt li pilye a. <sup>19</sup> Li te rele plas sa a ✨Béthel; men oparavan non a vil sa a se te ✨Luz.

<sup>20</sup> Epi Jacob te fè yon sèman, e li te di: “✨Si Bondye ale avèk mwen, Li va kenbe mwen nan vwayaj sila ke m ap fè a, e Li va ban mwen ✨manje pou m manje, ak rad pou m mete, <sup>21</sup> epi mwen va retounen lakay papa m anpè, ✨alò SENYÈ a va Bondye pa m. <sup>22</sup> Wòch sila a, ke m etabli tankou pilye a, va devni Lakay Bondye, e ✨nan tout sa ke ou ban mwen, mwen va anverite bay yon dim a Ou menm.

## 29

<sup>1</sup> Alò, Jacob te ale nan vwayaj li a, e li te vini nan peyi ki te pou ✨fis a lès yo. <sup>2</sup> Li te gade, li te wè yon ✨pwi nan chan an, e gade byen, te gen twa bann mouton ki te kouche la akote li, paske se te avèk pwi sa a ke yo te bay tout bèt yo dlo. Alò, wòch la sou bouch pwi a te byen laj. <sup>3</sup> Lè tout bèje mouton yo te rasanble la, yo te konn woule wòch la sòti nan bouch pwi a, pou te bay mouton yo dlo, e te remete wòch la nan plas li sou bouch pwi a.

<sup>4</sup> Jacob te di yo: “Frè m yo, kibò nou sòti?”: Epi yo te di: “Nou sòti nan ✨Charan.”

<sup>5</sup> Li te di yo: “Èske nou konnen Laban, ✨fis Nachor a?” Epi yo te di: “Nou konnen li.”

<sup>6</sup> Epi li te di yo: “Èske tout bagay ale byen pou li?” Epi yo te di: “Wi, tout bagay ale byen pou li; men fi li a, ✨Rachel k ap vini avèk mouton yo.”

<sup>7</sup> Li te di: “Gade byen, li toujou gwo lajounen; li poko lè pou rasanble bèt. Bay bèt yo dlo, e mete yo nan patiraj toujou.”

<sup>8</sup> Men yo te di: “nou pa kapab jiskaske tout bèje mouton yo fin rasanble, e yo woule wòch la sòti nan bouch pwi a; se nan lè sa a nou va bay mouton yo dlo.”

<sup>9</sup> Pandan li t ap pale avèk yo, Rachel te parèt avèk mouton papa l yo, paske li te yon bèje. <sup>10</sup> Lè Jacob te wè Rachel, fi Laban an, frè manman li, ak mouton Laban yo, frè manman l, Jacob te pwoche, li te woule wòch la sòti nan pwi a, e li te bay dlo a bann mouton Laban an, frè manman l lan. <sup>11</sup> Epi Jacob te bo ✨Rachel, li te leve vwa li, e li te kriye. <sup>12</sup> Jacob te di Rachel ke li te yon ✨moun fanmi papa l, e ke li te fis a Rebecca, li te kouri di papa l sa.

<sup>13</sup> Alò, lè ✨Laban te tandè nouvèl Jacob la, fis a sè li, li te kouri pou ale rankontre avè l e te ✨anbrase li. Li te bo li, e te mennen li lakay li. Konsa, li Jacob te eksplike Laban tout bagay sa yo. <sup>14</sup> Laban te di li: “Anverite, ou se ✨zo mwen avèk chè mwen.” Epi li te rete avèk li pandan yon mwa.

✨ 28:15 Jen 48:21 ✨ 28:16 I Wa 3:15 ✨ 28:17 Sòm 68:35 ✨ 28:18 Jen 28:11 ✨ 28:19 Jij 1:23 ✨ 28:19 Jen 35:6 ✨ 28:20 Jen 28:15 ✨ 28:20 I Tim 6:8 ✨ 28:21 Det 26:17 ✨ 28:22 Lev 27:30 ✨ 29:1 Jij 6:3-33 ✨ 29:2 Jen 24:10-11 ✨ 29:4 Jen 28:10 ✨ 29:5 Jen 24:24-29 ✨ 29:6 Egz 2:16 ✨ 29:11 Jen 33:4 ✨ 29:12 Jen 28:5 ✨ 29:13 Jen 24:29-31 ✨ 29:13 Jen 33:4 ✨ 29:14 Jen 2:23

<sup>15</sup> Alò Laban te di a Jacob: “Akoz ke ou se moun fanmi mwen, èske sa vle di ke ou ta dwe sèvi mwen gratis? Di m (sa), kisa pou m bay ou kòm salè?”

<sup>16</sup> Alò, Laban te gen de fi; non pi gran an se te Léa, e lòt la se te Rachel.

<sup>17</sup> Epi Jr a Léa yo te fèb, men Rachel te ✨byen bèl nan figi l, ni nan fòm li.

<sup>18</sup> Alò Jacob te ✨renmen Rachel, e konsa li te di: “✨Mwen va sèvi ou pandan sèt ane pou fi ou ki pi jèn nan, Rachel.”

<sup>19</sup> Laban te di: “Li pi bon pou m bay ou li pase pou m ta bay li a yon lòt gason; rete avè m.” <sup>20</sup> Epi Jacob te sèvi sèt ane pou Rachel, e yo te parèt a li menm kòm si se te kèk jou akòz lamou li te gen pou li.

<sup>21</sup> Epi Jacob te di a Laban: “Ban mwen madanm mwen, paske tan mwen an gen tan fin konplete, pou m kapab (vin) ✨antre nan relasyon avè l.

<sup>22</sup> Laban te rasanble tout mesye yo nan plas la, e li te fè yon gwo fèt.

<sup>23</sup> Epi nan aswè, li te pran fi li, Léa, e li te mennen li kote li Jacob; epi Jacob te antre an relasyon avèk li. <sup>24</sup> Laban osi te bay sèvant li, Zilpah, pou Léa kòm sèvant. <sup>25</sup> Epi nan maten, li vin parèt ke se te Léa! Epi li te di a Laban: ✨“Kisa sa ou te fè m nan ye la a?

Èske se pa pou Rachel ke m te sèvi ou a? Poukisa ou fè m desepsyon sila a?”

<sup>26</sup> Men Laban te di: “Se pa koutim peyi nou pou fè maryaj a pi jèn nan avan premye ne a. <sup>27</sup> Konplete semèn nan avèk sila a, e nou va bay ou lòt la tou, pou sèvis sa a, ✨ou va sèvi m yon lòt sèt ane.”

<sup>28</sup> Jacob te fè sa, li te konplete semèn nan avèk fi a, e li te ba li fi li, Rachel, kòm madanm li.” <sup>29</sup> Laban osi te bay sèvant li, Bilha a fi li, Rachel kòm sèvant li. <sup>30</sup> Alò, Jacob te antre an relasyon ak Rachel osi, e vrèman, ✨li te renmen Rachel plis ke Léa, e li te sèvi avèk Laban pandan yon lòt sèt ane.

<sup>31</sup> Alò, SENYÈ a te wè ke Léa te manke renmen, e Li te ouvri vant li, men Rachel te rete san pitit. <sup>32</sup> Léa te vin ansent, li te fè yon fis, e li te nomen li Reuben, paske li te di: “Akoz ke SENYÈ a te ✨wè doule mwen; asireman koulye a mari mwen va renmen m.” <sup>33</sup> Epi li te vin ansent ankò, li te fè yon fis, e li te di: “✨Akoz ke SENYÈ a te tandè ke mwen te manke renmen, pou sa Li te ban mwen fis sila a osi.” Alò, li te bay li non Siméon.”

<sup>34</sup> Li te vin ansent ankò, li te fè yon fis, e li te di: “Alò fwa sa a mari mwen va vin atache a mwen, paske mwen te fè twa fis pou li.” Pou sa, li te nonmen li ✨Lévi.

<sup>35</sup> Epi li te vin ansent ankò, li te fè yon fis, e li te di: “Fwa sa, mwen va louwe SENYÈ a.” Pou sa li te nonmen li ✨Juda. Epi li te vin sispann fè pitit.

## 30

<sup>1</sup> Alò, lè Rachel te wè ke ✨li pa t fè pitit pou Jacob, li te vin jalou de sè li a; epi li te di a Jacob: “Ban mwen pitit, oswa, m ap mouri.”

<sup>2</sup> Epi chalè Jacob te brile kont Rachel, e li te di: “Èske mwen nan plas Bondye, ki te ✨anpeche vant ou bay fwi a?”

<sup>3</sup> Li te di: “Men sèvant mwen an, Bilha, antre an relasyon avèk li pou li kapab pote sou jenou mwen, pouke pa li mwen kapab fè timoun tou.” ✨

✨ 29:17 Jen 12:11,14 ✨ 29:18 Jen 24:67 ✨ 29:18 Os 12:12 ✨ 29:21 Jij 15:1 ✨ 29:25 Jen 12:18 ✨ 29:27 Jen 31:41 ✨ 29:30 Jen 29:17-18 ✨ 29:32 Jen 16:11 ✨ 29:33 Det 21:15 ✨ 29:34 Jen 49:5 ✨ 29:35 Jen 49:8 ✨ 30:1 Jen 29:31 ✨ 30:2 Jen 20:18 ✨ 30:3 Jen 16:2

<sup>4</sup> Epi ✨li te ba li sèvant li a Bilha kòm madanm, e li te antre nan relasyon avèk li. <sup>5</sup> Bilha te vin ansent, e li te fè yon fis pou Jacob.

<sup>6</sup> Alò, Rachel te di: “Bondye te ✨ban mwen rezon, Li te vrèman tande vwa m, e Li te ban mwen yon fis.” Pou sa, li te nonmen li Dan.

<sup>7</sup> Sèvant a Rachel la, Bilha te vin ansent ankò, e li te fè pou Jacob yon dezyèm fis. <sup>8</sup> Alò, Rachel te di: “Avèk gwo lit mwen te mennen avèk sè mwen an, mwen te vrèman vin genyen l.” Epi li te nomen li Nephtali.

<sup>9</sup> Lè Léa te wè ke li pa t fè pitit ankò, li te pran sèvant li a, Zilpa, e li te bay li a Jacob kòm madanm. <sup>10</sup> Sèvant a Léa a, Zilpa te fè yon fis pou Jacob. <sup>11</sup> Epi Léa te di: “A la chans!”: Epi li te nonmen li Gad.

<sup>12</sup> Sèvant Léa a, Zilpa te fè pou Jacob yon dezyèm fis. <sup>13</sup> Epi Léa te di: “A la kontan mwen kontan!” Pou sa, fanm yo va rele mwen kontan.” Epi li te nonmen li Aser.

<sup>14</sup> Alò, nan jou a rekòlt ble yo, Reuben te sòti pou twouve mandragò nan chan an, e li te pote yo bay manman li, Léa. Alò, Rachel te di a Léa: “Souple, ban m kèk nan mandragò fis ou yo.”

<sup>15</sup> Men li te di li: “Èske se yon ti bagay sa ye pou ou pou pran mari mwen? Epi èske ou ta renmen pran mandragò a fis mwen yo tou?”

Epi Rachel te di: “Pou sa, li kapab kouche avè ou aswè a, kòm twòk pou mandragò a fis ou yo.”

<sup>16</sup> Lè Jacob te sòti nan chan an nan aswè, alò, Léa te sòti pou rankontre li, e li te di: “Ou oblije antre an relasyon ak mwen aswè a, paske vrèman mwen te achte ou avèk mandragò a fis mwen yo.” Epi li te kouche avèk li nan nwit lan.

<sup>17</sup> Bondye te okipe Léa, e li te fè yon senkyèm fis pou Jacob. <sup>18</sup> Epi Léa te di: “Bondye te ban mwen salè mwen, akoz ke m te bay sèvant mwen an a mari mwen.”

<sup>19</sup> Léa te vin ansent ankò, e li te fè yon sizyèm fis pou Jacob. <sup>20</sup> Alò Léa te di: “Bondye te ban mwen yon bon kado; koulye a mari mwen va rete avè m akoz ke mwen fè sis fis pou li.” Alò li te nonmen li Zabulon.

<sup>21</sup> Apre sa li te fè yon fi, e li te nonmen li Dina.

<sup>22</sup> Alò, ✨Bondye te sonje Rachel, li te okipe li, e li te ✨louvri vant li. <sup>23</sup> Epi li te vin ansent, li te fè yon fis, e li te di: “Bondye ✨retire repwòch mwen.”

<sup>24</sup> Li te rele li Joseph, e li te di: “✨Ke SENYÈ a ban m yon lòt fis.”

<sup>25</sup> Alò, li te rive ke lè Rachel te fè Joseph, Jacob te di a Laban: “✨Voye mwen ale, pou mwen kapab ale nan pwòp plas mwen e nan pwòp peyi mwen.” <sup>26</sup> Ban mwen madanm mwen yo, ak pitit mwen yo, ✨pou sila mwen te sèvi ou yo, e kite mwen pati; paske ou menm ou konnen sèvis ke m te rann ou yo.”

<sup>27</sup> Men Laban te di li: “Si sa fè ou plezi, rete avè m; mwen devine ✨ke Bondye te beni mwen akoz ou menm.” <sup>28</sup> Li te pale toujou: ✨“Nonmen salè ou, e mwen va ba ou li”.

<sup>29</sup> Men li te di li: “✨Ou menm ou konnen jan mwen te sèvi ou, ak jan bèt ou yo te byen okipe avè m.” <sup>30</sup> Paske ou pa t gen anpil lè m te vini an, yo vin miltipliye anpil, e SENYÈ a te beni ou tout kote ke m vire. Men koulye a, se lè pou mwen okipe pwòp lakay mwen tou?”

<sup>31</sup> Epi li te di: “Kisa mwen kapab ba ou?”

✨ 30:4 Jen 16:3-4 ✨ 30:6 Sòm 35:24 ✨ 30:22 I Sam 1:19-20 ✨ 30:22 Jen 29:31 ✨ 30:23 És 4:1 ✨ 30:24 Jen 35:17 ✨ 30:25 Jen 24:54-56 ✨ 30:26 Jen 29:18-27 ✨ 30:27 Jen 29:18-27 ✨ 30:28 Jen 29:15 ✨ 30:29 Jen 31:6



Epi Jacob te di: “Ou pa bezwen ban m anyen. Si w ap fè yon sèl bagay pou mwen, mwen va okipe bann ou yo ankò, epi kenbe yo; <sup>32</sup> kite mwen pase nan tout bann mouton ou yo, pou retire chak ✧mouton ki takte, oswa trase, avèk tout sa ki nwa pami ti mouton yo, chak sa ki takte oswa trase pami kabrit yo; epi se sa ki va sèvi kòm salè mwen.” <sup>33</sup> Konsa entegrite mwen va reponn pou mwen pita, lè ou vin parèt konsènan salè mwen. Chak sa ki pa takte, oswa trase pami kabrit yo, e ki nwa pami jenn mouton yo, si li twouve avè m, konsidere ke mwen te vòlè l.”

<sup>34</sup> Laban te di li: “Sa bon; ke sa fèt selon pawòl ou.”

<sup>35</sup> Alò, nan menm jou sa a, li te rete tout mal kabrit ki te trase, oswa takte, ak tout femèl kabrit ki te takte, chak ki te gen blan ladann, ak tout nwa (yo) pami mouton yo, e li te bay fis li yo okipe yo. <sup>36</sup> Epi li te mete yon distans twa jou antre li menm avèk Jacob, e Jacob te bay manje a tout rès bann mouton yo pou Laban.

<sup>37</sup> Epi Jacob te pran bwa vèt nan pye sikrèn, pye zanmann, ak pye bwadòm, e li te kale tras blan nan yo pou fè parèt blan ki te nan bwa yo. <sup>38</sup> Li te plase bwa li te kale yo devan bann mouton yo, nan flèv dlo yo, e nan basen dlo kote bann mouton yo te vin bwè a; epi yo te kwaze la lè yo te vin bwè. <sup>39</sup> Alò, bann mouton yo te kwaze kote bwa kale yo, e bann mouton yo te fè pote sa ki te trase, takte e pentle yo.

<sup>40</sup> Jacob te separe ti mouton yo, li te fè bann mouton yo rete anfas vè tout sa ki te trase yo, ak tout nwa yo, ki te nan bann mouton Laban yo; epi li te mete pwòp bann mouton li yo apa e li pa t mete yo avèk bann mouton Laban yo. <sup>41</sup> Anplis de sa, nenpòt kilè bèt ki pi fò nan bann mouton yo ta kwaze, Jacob ta mete bwa yo devan Jr a bèt ki nan flèv yo, pou yo ta kwaze akote bwa yo; <sup>42</sup> men lè bann mouton an te fèb, li pa t mete yo ladann; konsa pi fèb yo te vin pou Laban, e pi fò yo pou Jacob.

<sup>43</sup> Konsa, ✧nonm nan te vin pwospere anpil, li te vin gen gwo bann mouton; sèvant ak sèvitè, chamo avèk bourik.

## 31

<sup>1</sup> Alò, Jacob te tandè pawòl a fis Laban yo ki te vin di: “Jacob te retire tout sa ki te pou papa nou, e avèk sa ki te pou papa nou, li te fè tout richès li.” <sup>2</sup> Jacob te wè konpòtman Laban, e gade byen, li pa t emab anvè li jan li te ye avan an.

<sup>3</sup> Epi SENYÈ a te di a Jacob: “retounen nan peyi a zansèt ou yo, a moun ou yo, e ✧mwen va avèk ou.”

<sup>4</sup> Alò Jacob te voye rele Rachel avèk Léa vè bann mouton li nan chan an, <sup>5</sup> epi li te di yo: “Mwen wè ke konpòtman papa nou anvè mwen menm pa emab jan li te ye lontan an; men ✧Bondye a papa m nan te avèk mwen. <sup>6</sup> ✧Nou konnen ke mwen te sèvi papa nou avèk tout fòs mwen. <sup>7</sup> Malgre sa, papa nou te ✧twonpe mwen, e li te ✧chanje salè mwen dis fwa; men Bondye pa t kite li fè m domaj. <sup>8</sup> Si ✧li te pale konsa: “Takte yo se salè ou, alò, tout bann mouton yo te bay pitit takte; epi si li te pale konsa ke trase yo te salè ou, alò tout bann mouton yo te bay pitit trase.” <sup>9</sup> “Konsa Bondye te ✧retire bèt yo nan men papa ou, e Li te ban mwen yo.

<sup>10</sup> Epi li te rive ke lè bann mouton yo a t ap kwaze, ke mwen te leve Jr mwen, mwen te wè nan yon rèv, e gade byen, mal kabrit ki t ap kwaze yo te trase, takte, e mele.

✧ 30:32 Jen 31:8 ✧ 30:43 Jen 12:16 ✧ 31:3 Jen 28:15 ✧ 31:5 Jen 21:22 ✧ 31:6 Jen 30:29  
✧ 31:7 Jen 29:25 ✧ 31:7 Jen 31:41 ✧ 31:8 Jen 30:32 ✧ 31:9 Jen 31:1-6

<sup>11</sup> Alò, ✨zanj Bondye a te di mwen nan rèv la: “Jacob.”, epi mwen te di: “men mwen.”

<sup>12</sup> Li te di: “Koulye a leve Jr ou, pou wè ke tout mal kabrit ki t ap kwaze yo te trase, takte, e mele; paske ✨Mwen te wè tout sa ke Laban te fè ou yo. <sup>13</sup> Mwen menm se ✨Bondye a Béthel la, kote ou te ✨ vide lwil sou yon pilye, kote ou te fè sèman a Mwen menm nan; koulye a leve, kite tè sa a, e retounen nan peyi nesans ou a.”

<sup>14</sup> Rachel avèk Léa te di li: “Èske nou gen yon pati nan eritaj lakay papa nou an ki rete? <sup>15</sup> Èske li pa rekonèt nou kòm etranje? Paske ✨li gen tan vann nou, e osi li te fin manje tout sa ke nou te fin achte. <sup>16</sup> Vrèman, tout byen ke Bondye te rachte nan men papa nou yo se pou nou avèk pitit nou ke yo ye; alò, fè sa ke Bondye te di ou fè a.”

<sup>17</sup> Alò, Jacob te leve, li te mete pitit li yo avèk madanm li yo sou chamo yo; <sup>18</sup> epi li te voye pouse tout bèt yo avèk tout byen ke li te rasanble yo, bèt ke li te vin gen nan Padden-Aram yo, ✨pou ale nan peyi Canaan vè papa li, Isaac.

<sup>19</sup> Lè Laban te ale pou taye plim mouton li yo, Rachel te vòlè ✨zidòl lakay ki te pou papa li yo. <sup>20</sup> Epi Jacob te twonpe Laban, Arameyen an, e li pa t di li ke li t ap sove ale. <sup>21</sup> Alò, li te sove ale avèk tout sa ke li te genyen; epi li te leve e te travèse lariviyè Euphrate la, epi li te byen fikse figi li vè peyi mòn nan ✨Galaad yo.

<sup>22</sup> Lè yo te di Laban nan twazyèm jou ke Jacob te sove ale a, <sup>23</sup> alò, li te pran moun fanmi li yo, li te kouri dèyè li pandan yon distans sèt jou, e li te vin rive devan li nan ti kolin nan peyi Galaad yo.

<sup>24</sup> ✨Bondye te parèt a Laban, Arameyen an, nan yon ✨rèv nan nwit lan, e Li te di li: “Fè atansyon pou ou pa pale a Jacob ni byen, ni mal.”

<sup>25</sup> Laban te vin rive devan Jacob. Alò Jacob te monte tant li nan peyi kolin yo, e Laban avèk moun pa li yo te rete nan peyi kolin Galaad yo. <sup>26</sup> Alò, Laban te di a Jacob: “Kisa ou te fè m la a lè ou te twonpe m e fè eskalad avèk fi mwen yo tankou prizonyè ki sou nepe? <sup>27</sup> Poukisa ou te sove ale an sekre, ou fè m desepsyon sa a, e ou pa di m sa pou m ta kapab voye ou ale avèk jwa, ak chante, tanbouren ak ap; <sup>28</sup> epi ou pa t kite m ✨bo fis mwen yo, ak fi mwen yo? Alò, ou gen tan fè betiz. <sup>29</sup> Li nan pouvwa mwen pou m fè nou mal, men ✨Bondye a papa ou a te pale avèk mwen yèswa, e Li te di: “pinga ou pale ni byen, ni mal a Jacob”. <sup>30</sup> Alò, vrèman ou te sòti paske ou te anvi wè lakay papa ou, men poukisa ou te vòlè ✨dye mwen yo?”

<sup>31</sup> Epi Jacob te reponn a Laban: “Akoz ke m te pè, paske mwen te panse ke ou ta rachte fi ou yo nan men mwen pa lafòs. <sup>32</sup> ✨Sila ki twouve avèk dye ou yo p ap viv; nan prezans tout fanmi nou yo, montre m sa ki pou ou nan byen mwen yo, e pran li pou ou menm.” Paske Jacob pa t konnen ke Rachel te gen tan vòlè yo.

<sup>33</sup> Alò, Laban te antre nan tant Jacob la, nan tant Léa a, ak nan tant sèvant yo, men li pa t twouve yo. <sup>34</sup> Alò, Rachel te pran zidòl lakay yo, li te mete yo nan sèl chamo a, e li te chita sou yo. Epi Laban te manyen toupatou nan tant lan, men li pa t twouve yo.

✨ **31:11** Jen 16:7-11 ✨ **31:12** Egz 3:7 ✨ **31:13** Jen 28:13-19 ✨ **31:13** Jen 28:18-20 ✨ **31:15** Jen 29:20-27 ✨ **31:18** Jen 35:27 ✨ **31:19** Jen 31:30-34 ✨ **31:21** Jen 37:25 ✨ **31:24** Jen 20:3 ✨ **31:24** Jen 31:11 ✨ **31:28** Jen 31:55 ✨ **31:29** Jen 31:5-53 ✨ **31:30** Jen 31:19 ✨ **31:32** Jen 44:9

<sup>35</sup> Li te di a papa li: “Pa kite mèt mwen an fache avè m, pwiske mwen p ap ka leve devan ou, paske se règ mwen ki sou mwen.” Alò, li te chache, men li pa t jwenn zidòl kay yo.

<sup>36</sup> Alò, Jacob te vin fache, li te konfwonte Laban; epi Jacob te di Laban: “Ki tò mwen te fè ou? Ki peche mwen te fè konsa pou ou vin pouswiv mwen tou cho konsa? <sup>37</sup> Malgre ou gen tan manyen tout afè m, kisa ou te twouve ladan yo ki pou lakay ou? Mete li isit la devan moun pa m avèk moun pa ou yo, pou yo ka pran yon desizyon antre nou de a.

<sup>38</sup> Pandan ven ane mwen te la avè ou; epi mouton ou yo avèk kabrit ou yo pa janm pèdi pitit, ni mwen pa t manje belye nan bann mouton ou yo. <sup>39</sup> Sa ki te chire pa bèt sovaj, èske m pa te pote yo bay ou; mwen te fè pèt la pou kont mwen. Se konsa ou te egzije sa ki nan men m sof ke sa ki vòlè nan lajounen, sof ke sa ki vòlè nan lannwit. <sup>40</sup> Konsa mwen te ye: nan lajounen, solèy la te manje m, fredy nan lannwit, e dòmi te vòlè sove ale nan Jr mwen. <sup>41</sup> Pandan ven ane sa yo, mwen te lakay ou; mwen te sèvi ou katòz ane pou de fi ou yo, sis ane pou bann mouton ou yo, e ou te fè chanjman salè mwen dis fwa. <sup>42</sup> Si Bondye a papa m nan, Bondye a Abraham nan pa t pou mwen, vrèman koulye a ou t ap kab voye m ale men vid. Bondye te wè aflikasyon mwen, ak travay di ke men m te gen tan fè, epi Li te rann jijman an yèswa.”

<sup>43</sup> Epi Laban te reponn a Jacob: “Fi yo se fi m, pitit yo se pitit mwen, bann mouton yo se bann mouton mwen, e tout sa ou wè la yo se pa m. Men kisa m ka fè nan jou sa pou sila yo, a fi mwen yo, oswa a pitit pa yo ke yo te fè? <sup>44</sup> Alò, kounye a vin non, annou fè yon akò, ou menm avèk mwen menm, e annou fè li kòm yon temwen antre ou menm avèk mwen.”

<sup>45</sup> Epi Jacob te pran yon gwo wòch e li te fè l kanpe tankou yon pilye. <sup>46</sup> Jacob te di a tout relasyon fanmi pa li a: “Sanble wòch”! Epi yo te pran wòch yo, yo te fè yon gwo pil, e yo te manje la akote pil la. <sup>47</sup> Alò Laban te rele la Jegar-Sahadutha, men Jacob te rele l Galed.

<sup>48</sup> Laban te di: “gwo pil wòch sa se yon temwen antre ou menm avèk mwen menm jodi a.” Konsa, li te rele l Galed, <sup>49</sup> epi osi Mitspa, paske li te di: “Ke Bondye kapab gade antre ou menm avèk mwen lè nou vin absan de youn lòt. <sup>50</sup> Si ou maltrete fi mwen yo, oswa si ou pran madanm anplis ke fi mwen yo, algre pèsòn pa avèk nou, ou wè, Bondye se temwen antre ou menm avèk mwen.

<sup>51</sup> Laban te di a Jacob: “Gade byen gwo pil sa a, e veye byen gwo pilye ke m etabli antre ou menm avèk mwen an. <sup>52</sup> Gwo pil sa a se yon temwen, e pilye a se yon temwen ke mwen p ap pase vè gwo pil sa a pou fè ou mal, e ou p ap pase gwo pil sa a vè mwen pou fè m mal. <sup>53</sup> “Bondye Abraham nan ak Bondye Nachor a, Bondye a papa pa yo a, vin jij antre nou menm.”

Konsa Jacob te sèman pa krent a papa l, Isaac. <sup>54</sup> Alò, Jacob te ofri yon sakrifis sou mòn nan, li te rele tout gwo fanmi li yo pou vin manje; epi yo te manje manje sa a, e yo te pase nwit lan sou mòn nan.

<sup>55</sup> Granmaten, Laban te leve, li te bo fis li yo ak fi li yo, e li te beni yo. Alò, Laban te retounen nan plas li.

✧ **31:35** Lev 19:32 ✧ **31:35** Jen 31:19 ✧ **31:41** Jen 29:27-30 ✧ **31:42** Egz 3:7 ✧ **31:42** Jen 31:24-29 ✧ **31:43** Jen 31:1 ✧ **31:44** Jen 21:27-32 ✧ **31:45** Jen 28:18 ✧ **31:47** Jos 22:34 ✧ **31:48** Jos 24:27 ✧ **31:49** Jij 11:29 ✧ **31:50** Jr 29:23 ✧ **31:53** Jen 16:5 ✧ **31:53** Jen 31:42 ✧ **31:54** Egz 18:12 ✧ **31:55** Jen 31:28,43

## 32

<sup>1</sup> Alò, pandan Jacob te fin pran wout li, ✨zanj Bondye yo te rankontre li.  
<sup>2</sup> Jacob te di lè li te wè yo: “Sa se lame Bondye a.” Epi li te nonmen plas sa a ✨Mahanaïm.

<sup>3</sup> Alò, Jacob te voye mesaje yo devan li kote frè li Ésaü nan peyi ✨Séir a nan teritwa ✨Édom an. <sup>4</sup> Li te bay yo lòd, e li te di: “Konsa ou va pale a mèt mwen an, Ésaü: Men sa ke sèvitè ou, Jacob di ou: “Mwen te vin rete avèk Laban, e mwen te ✨demere la jis rive koulye a; <sup>5</sup> Mwen gen bèf avèk bourik, avèk bann mouton, sèvitè avèk sèvant; epi mwen te voye pou di mèt mwen sa, pou m kapab vin jwenn favè nan Jr li.”

<sup>6</sup> Mesaje yo te retounen vè Jacob, e yo te di li: “Nou te rankontre frè ou Ésaü, e non sèlman sa, men li ap vin kote ou avèk kat-san òm.

<sup>7</sup> Epi Jacob te vin ✨pè anpil, e byen twouble; epi li te divize moun ki te avè l yo, bann mouton, twoupo bèf ak chamo pou fè de konpanyen; <sup>8</sup> paske li te di: “Si Ésaü ta vin atake youn nan konpanyen yo, alò, konpanyen ki rete a va chape.”

<sup>9</sup> Jacob te di: “O Bondye a papa m nan Abraham e Bondye a papa m nan Isaac, o SENYÈ ki te di mwen an: ✨“Retounen nan peyi ou e a moun fanmi ou yo, e mwen va fè ou vin pwospere.” <sup>10</sup> Mwen pa merite ✨tout lanmou, mizerikòd ak fidelite ke ou te montre sèvitè ou a; paske se sèl avèk baton mwen ke m te travèse rivyè Jourdain an, men koulye a nou vin de konpanyen. <sup>11</sup> ✨Delivre mwen, souple ✨anba men frè m nan, anba men Ésaü; paske mwen pè li, pou li pa vin atake mwen avèk manman yo, ak timoun yo. <sup>12</sup> Paske ou te di: “Anverite, ✨Mwen va fè nou vin pwospere, e fè desandan nou yo vin tankou sab lanmè (la), k ap twò gran pou konte.”

<sup>13</sup> Epi li te pase nwit lan la. Alò, li te chwazi nan sa li te gen avè l yo kòm yon ✨kado pou frè li, Ésaü: <sup>14</sup> De-san kabrit femèl, ven kabrit mal, de-san femèl mouton, ak ven mal, <sup>15</sup> trant chamo ki t ap bay lèt a pitit pa yo, karant bèf avèk dis towò, ven bourik femèl, ak dis mal bourik.

<sup>16</sup> Li te livre yo nan men a sèvitè li yo, chak ekip te mache pou kont li, e li te di a sèvitè li yo: “pase devan m, e mete yon espas antre chak ekip.” <sup>17</sup> Li te kòmande sila ki te devan an e li te di li: “Lè frè m Ésaü vin rankontre ou, e mande ou: “Pou kilès ou ye, kibò w prale, e pou kilès bèt sa yo ki devan ou yo ye?” <sup>18</sup> alò, ou va di: “Se pou sèvitè ou, Jacob; se yon kado ke li voye bay mèt mwen, Ésaü. Epi gade byen, men li la dèyè nou.”

<sup>19</sup> Epi li te kòmande osi a dezyèm nan, a twazyèm nan, a tout sa ki te swiv ekip yo, e li te di: “Se konsa nou va pale avèk Ésaü lè nou rankontre li; <sup>20</sup> epi ou va di: “Gade, men sèvitè ou Jacob dèyè nou an tou.” Paske li te di: “Mwen va satisfè li avèk kado ki ale devan m yo. E apre, mwen va wè figi li; petèt li kapab aksepte mwen.” <sup>21</sup> Epi kado a te pase devan li, e li menm te pase nwit lan menm kote li te fè kan an.

<sup>22</sup> Alò, li te leve pandan menm nwit lan, e li te pran de madanm li yovèk de sèvant li yo, onz pitit li yo, e li te travèse lariviyè a bò kote ✨Jabbok la. <sup>23</sup> Li te pran yo e li te voye yo travèse dlo a. Epi li te voye travèse tout sa li te genyen.

✨ **32:1** II Wa 6:16-17 ✨ **32:2** Jos 21:38 ✨ **32:3** Jen 14:16 ✨ **32:3** Jen 25:30 ✨ **32:4** Jen 31:41  
 ✨ **32:7** Jen 32:11 ✨ **32:9** Jen 28:15 ✨ **32:10** Jen 24:27 ✨ **32:11** Sòm 59:1-2 ✨ **32:11** Jen 27:41-42 ✨ **32:12** Jen 28:14 ✨ **32:13** Jen 43:11 ✨ **32:22** Det 3:16

<sup>24</sup> Alò, Jacob te rete tout sèl, e yon nonm te ✧vin lite avèk li jis rive granmmaten. <sup>25</sup> Lè li te wè ke li pa t genyen l, li te touche gwo jwenti janm li (anwo kote l tache nan kò a, epi li te vin dejwente pandan li t ap lite avè l. <sup>26</sup> Epi li te di: “Lage m, paske jou a pwòch.”

Men li te di: “✧Mwen p ap lage ou amwenske ke ou beni m.”

<sup>27</sup> Alò, li te di li: “Kòman yo rele ou?”

Epi li te di: “Jacob.”

<sup>28</sup> Li te di: “Yo p ap rele ou Jacob ankò, men Israël; paske ou te lite avèk Bondye, e avèk lòm, epi ou te reyisi.” <sup>29</sup> Alò ✧Jacob te mande li, e te di: “Souple, di m non ou.” Men li te di: “Poukisa ou mande m non mwen?” Epi li te beni li la. <sup>30</sup> Epi Jacob te nonmen kote a Peniel, paske li te di: “✧Mwen te wè Bondye fasafas, malgre sa, vi mwen te prezève.”

<sup>31</sup> Alò, solèy la te leve sou li nan menm moman li t ap travèse ✧Peniel la, e li te bwate sou gwo janm nan. <sup>32</sup> Pou sa, jis jounen jodi a, fis Israël yo pa manje tandon ki tache nan gwo janm nan avèk anch ki sou jwenti a, akoz ke li te touche jwenti gwo janm nan tandon ki tache nan anch lan.

### 33

<sup>1</sup> Alò, Jacob te leve Jr li, li te gade, e gade byen, ✧Ésaü ki t ap vini, ak kat-san òm avèk li. Epi li te divize pitit yo pami Léa avèk Rachel avèk de sèvant yo. <sup>2</sup> Li te mete sèvant li yo devan, Léa avèk pitit li yo dèyè yo, e Rachel avèk Joseph an dènye. <sup>3</sup> Men li menm te pran devan yo, li te ✧bese jis atè sèt fwa, jiskaske li te rive toupres frè li a.

<sup>4</sup> Epi Ésaü te kouri al jwenn li, li te anbrase li, li te ✧tonbe nan kou li e li te bo li, epi yo te kriye. <sup>5</sup> Li te leve Jr li, li te wè fanm yo, e li te di: “Se kilès sila yo ki avèk ou la a?”

Epi li te di: “✧Pitit ke Bondye nan gras li te bay sèvitè ou.”

<sup>6</sup> Alò, sèvant lakay yo te vin pwoche avèk pitit pa yo, e yo te bese ba. <sup>7</sup> Léa tou te apwoche avèk pitit li yo, yo te bese ba; epi apre Joseph te vini avèk Rachel, e yo te bese ba.

<sup>8</sup> Epi li te di: “Kisa ou vle di ak tout ekip sa yo ke m rankontre la a?”

Epi li te di: “✧Pou jwenn favè nan Jr a mèt mwen.”

<sup>9</sup> Men Ésaü te di: “✧Mwen gen kont mwen, frè m; kite sa ou genyen yo rete pou ou.”

<sup>10</sup> Jacob te di: “Non, souple, si koulye a mwen twouve favè nan Jr ou, alò, pran kado a nan men m, paske mwen wè figi ou tankou yon moun ki vin wè figi a Bondye, e ou te byen resevwa m. <sup>11</sup> Souple, pran kado ki te pote pou ou a, ✧paske Bondye te aji avèk gras anvè mwen, e akoz sa m gen anpil.” Konsa, li te vin ankouraje, e li te aksepte li.

<sup>12</sup> Epi Esaü te di: “Annou fè vwayaj nou, ale, e mwen va ale devan nou.”

<sup>13</sup> Men li te di li: “Mèt mwen, ou konnen ke timoun yo frajil, e ke bann mouton avèk twoupo k ap bay tete yo se yon tèt chaje pou mwen. Si yo pouse twòp, menm pou yon jou, yo va mouri. <sup>14</sup> Souple, kite mèt mwen an pase devan sèvitè li, mwen menm mwen va avanse pi dousman, selon nesite bèt ki devan m yo, ak selon vitès a timoun yo, jis lè m rive vè mèt mwen an nan Séir.

<sup>15</sup> Ésaü te di: “Souple, kite mwen ba ou kèk nan moun ki avè m yo.” Men li te di: “Poukisa ou fè sa?” ✧Kite mwen jwenn favè nan Jr a mèt mwen

✧ 32:24 Os 12:3-4 ✧ 32:26 Os 12:4 ✧ 32:29 Jij 13:17-18 ✧ 32:30 Jen 16:13 ✧ 32:31 Jij 8:8  
 ✧ 33:1 Jen 32:6 ✧ 33:3 Jen 42:2 ✧ 33:4 Jen 45:14-15 ✧ 33:5 Jen 48:9 ✧ 33:8 Jen 32:5  
 ✧ 33:9 Jen 27:39-40 ✧ 33:11 Jen 30:43 ✧ 33:15 Rt 2:13

an.” <sup>16</sup> Epi Ésaü te fè wout li pou Séir menm jou sa a. <sup>17</sup> Jacob te vwayaje a ☆Succoth, li te bati pou li menm yon kay e li te fè pak pou tout bèt li yo; epi pou sa, yo rele plàs la Succoth.

<sup>18</sup> Alò, Jacob te rive san pwoblèm nan vil ☆Sichem nan peyi Canaan, lè li te sòti ☆Paddan-Aram, e li te vin kanpe pandan nwit lan devan vil la. <sup>19</sup> ☆Li te achte yon mòso tè kote li te monte tant li nan men fis Hamor yo, papa Sichem nan, pou sòm a san pyès lajan. <sup>20</sup> Alò, la li te monte yon lotèl e li te rele li El-Elohé-Israël.

## 34

<sup>1</sup> Alò, ☆Dina, fi Léa te fè pou Jacob la te sòti pou vizite fi peyi yo nan kote sa a. <sup>2</sup> Lè Sichem, fis Hamor a, ☆Evyen an, prens nan peyi a te wè li, li te pran li, e pa lafòs, li te kouche avèk li. <sup>3</sup> Li te vrèman atire a Dina, fi Jacob la, li te renmen fi a e li te pale ak dousè avè l. <sup>4</sup> Alò, Sichem te ☆pale avèk papa l Hamor, e li te di: “Fè m jwenn jèn fi sa a pou madanm.”

<sup>5</sup> Alò, Jacob te tandè ke li te vyole Dina, fi li a; men fis li yo te avèk bèt yo nan chan an, alò, li te rete san pale jis lè yo te vin antre.

<sup>6</sup> Epi Hamor, papa a Sichem, te vin deyò a pou pale avèk li. <sup>7</sup> Alò, fis a Jacob yo te sòti nan chan an lè yo te tandè koze sa a; epi mesye yo te blese, e yo te vin byen fache, akòz ke li te fè yon choz ☆meprizab an Israël lè li te kouche avèk fi Jacob la, paske yon bagay konsa pa t dwe fèt.

<sup>8</sup> Men Hamor te pale avèk yo, e te di: “Nanm a fis mwen an, Sichem anvi fi ou a anpil; pou sa, silvouplè, ba li li pou yo marye. <sup>9</sup> Annou marye yo youn pou lòt; bay fi ou yo a nou menm, e pran fi nou yo pou ou menm. <sup>10</sup> Konsa, ou va viv avèk nou, e ☆peyi a va vin ouvri devan nou; viv ladann, e fè afè nou yo ladann.”

<sup>11</sup> Sichem te di osi a papa ak frè a Dina, si mwen twouve favè nan Jr nou, alò, mwen va bannou nenpòt sa ke nou mande m. <sup>12</sup> Mande m tan kòm pèyman avèk kado, e mwen va bannou nenpòt sa nou mande mwen; men ban mwen fi a pou marye.”

<sup>13</sup> Men fis Jacob yo te reponn Sichem avèk papa li Hamor avèk desepsyon, akòz ke li te vyole Dina, sè yo a. <sup>14</sup> Yo te di yo: “Nou pa kapab fè bagay sa a, pou bay sè nou an a yon moun ki ☆pa sikonsi, paske sa ta yon wont pou nou tout. <sup>15</sup> Sou yon sèl kondisyon nou ta kapab dakò: si nou va vini tankou nou, sa vle di ke chak mal nan nou ta vin sikonsi, <sup>16</sup> epi nou va bay sè nou yo a nou menm, nou va viv avèk nou e vin yon sèl pèp. <sup>17</sup> Men si nou pa koute nou pou vin sikonsi, alò, n ap pran sè nou an e ale.

<sup>18</sup> Alò, pawòl pa yo a te parèt rezonab a Hamor avèk Sichem, fis Hamor a. <sup>19</sup> Jennonm sa a pa t pèdi tan pou fè bagay la, paske li te tèlman kontan avèk fi Jacob la. Epi li te respekte pase tout moun ki lakay papa li a. <sup>20</sup> Konsa, Hamor, avèk fis li a, Sichem te vini nan ☆pòtay vil yo, li te pale avèk mesye nan vil yo, e li te di: <sup>21</sup> “Moun sa yo se zanmi nou yo ye; pou sa, annou kite yo viv nan peyi a pou fè komès ladann, paske, gade byen, peyi a ase gran pou yo. annou pran fi yo an maryaj, e bay fi nou yo a yo menm.

<sup>22</sup> Se sèl sou kondisyon sa a ke moun sa yo va vin dakò pou vin viv avèk nou, pou vin yon sèl pèp; ke chak mal pami nou vin sikonsi tankou yo menm tou deja sikonsi a. <sup>23</sup> Se pa ke bèt, byen ak tout zannimo yo va vin pou nou? Sèlman annou vin dakò avèk yo, e yo va viv avèk nou.”

☆ 33:17 Jos 13:27 ☆ 33:18 Jos 24:1 ☆ 33:18 Jen 28:2 ☆ 33:19 Jos 24:32 ☆ 34:1 Jen 30:21  
 ☆ 34:2 Jen 34:30 ☆ 34:4 Jij 14:2 ☆ 34:7 Det 22:20-30 ☆ 34:10 Jen 13:9 ☆ 34:14 Jen 17:4  
 ☆ 34:20 Rt 4:1

<sup>24</sup> Tout sa yo ki te sòti nan pòtay lavil la te koute Hamor, avèk fis li a, Sichem, e chak mal te sikonsi, tout moun ki te sòti nan pòtay vil la.

<sup>25</sup> Alò, li te rive nan twazyèm jou a, lè yo te nan doulè, de nan fis a Jacob yo, ✧Siméon avèk Lévi, frè a Dina yo, yo chak te pran nepe yo, yo te vini nan vil la san yo pa konnen, e yo te touye tout mal yo. <sup>26</sup> Yo te touye Hamor avèk fis li a, Sichem avèk lam file a nepe yo, yo te pran Dina soti lakay Sichem nan, e yo te ale. <sup>27</sup> Fis Jacob yo te vini sou mò yo, yo te piyaje vil la akoz ke yo te vyole sè yo a. <sup>28</sup> Yo te pran bann mouton, twoupo ak bourik, sa ki te nan vil la, ak sa ki te nan chan an; <sup>29</sup> epi yo te kaptire e piyaje tout byen yo, tout pitit yo, madanm yo, menm tout sa ki te lakay yo.

<sup>30</sup> Alò Jacob te di a Siméon avèk Lévi: “Nou vin ✧pote pwoblèm pou mwen akoz ke nou ✧fè m vin rayi pa abitan peyi yo, pami Kananeyen avèk Ferezyen yo; epi akoz ke gason nou yo pa anpil, yo va rasanble kont mwen, pou atake mwen, e mwen va vin detwi, mwen menm avèk tout lakay mwen.”

<sup>31</sup> Men yo te di: “Èske yo ta dwe trete sè nou an tankou yon pwostitiye?”

## 35

<sup>1</sup> Alò, Bondye te di a Jacob: “Leve ale ✧Béthel, rete la e fè yon lotèl la pou Bondye ki te parèt devan ou ✧lè ou te sove ale sou frè ou a, Ésaü.”

<sup>2</sup> Alò, Jacob te di moun lakay li yo, ak tout sa ki te avè l yo: “Metete deyò tout ✧dye etranje yo ki pami nou, pirifye nou, e chanje rad nou; <sup>3</sup> Annou leve monte Béthel, mwen va fè yon lotèl la pou Bondye, ✧ki te reponn mwen nan jou detrès mwen an, e ki te ✧avèk mwen nan tout kote ke m te konn ale yo.” <sup>4</sup> Alò, yo te bay Jacob tout dye etranje ke yo te genyen yo, ak zanno ki te nan zòrèy yo, e Jacob te antere kache yo anba chenn ki te toupre Sichem nan. <sup>5</sup> Pandan yo t ap vwayaje, yon ✧gwo laperèz te vin sou vil ki te ozanviwon yo, e yo pa t swiv fis a Jacob yo.

<sup>6</sup> Alò, Jacob te vini ✧Luz (sa vle di, Béthel), ki nan peyi Canaan an, li menm avèk tout moun ki te avèk li yo. <sup>7</sup> ✧Li te bati yon lotèl la, e li te rele plas la, El-Béthel, akoz ke se la Bondye te revele Li menm a li lè li te sove ale kite frè l la.

<sup>8</sup> Alò, Débora, nouris Rebecca a, te mouri, e li te antere anba Béthel anba chenn nan; li te rele Allon-bacuth (ki vle di chenn k ap kriye a).

<sup>9</sup> Alò, Bondye te vin parèt a Jacob ankò lè li te sòti Paddan-Aram, e Li te ✧beni li. <sup>10</sup> ✧Bondye te di li: “Non ou se Jacob. Yo p ap rele ou Jacob ankò, men Israèl va non ou.” Konsa li te rele li Israèl.

<sup>11</sup> Bondye osi te di li: “Mwen se Bondye Toupwisan an; ✧Fè fwi, e vin miltipliye; Yon nasyon ak yon ✧gwokonpanyen nasyon va soti nan ou, e wa yo va sòti nan ou. <sup>12</sup> ✧Peyi ke M te bay Abraham, ak Isaac la, Mwen va ba ou li, e a desandan apre ou yo.” <sup>13</sup> Epi ✧Bondye te monte kite li nan plas kote Li te pale avèk li a.

<sup>14</sup> Jacob te etabli yon ✧pilye nan plas kote Li te pale avèk li a, yon pilye wòch, e li te vide yon bwason kòm ofrann sou li; epi osi li te vide yon lwil sou li. <sup>15</sup> Alò, Jacob te nonmen plas kote Bondye te pale avèk li a ✧Béthel. <sup>16</sup> Epi yo te vwayaje sòti Béthel; epi lè te toujou gen yon distans pou rive ✧Éphrata, Rachel te kòmanse fè yon pitit, e li te soufri yon doulè ki te

✧ 34:25 Jen 49:5-7 ✧ 34:30 Jos 7:25 ✧ 34:30 Egz 5:21 ✧ 35:1 Jen 28:19 ✧ 35:1 Jen 27:43  
 ✧ 35:2 Jen 31:19-34 ✧ 35:3 Sòm 107:6 ✧ 35:3 Jen 28:15 ✧ 35:5 Egz 15:16 ✧ 35:6 Jen 28:19  
 ✧ 35:7 Jen 35:3 ✧ 35:9 Jen 32:29 ✧ 35:10 Jen 17:5 ✧ 35:11 Jen 9:1-7 ✧ 35:11 Jen 48:4  
 ✧ 35:12 Jen 12:7 ✧ 35:13 Jen 17:22 ✧ 35:14 Jen 28:18-19 ✧ 35:15 Jen 28:19  
 ✧ 35:16 Jen 35:19

difisil. <sup>17</sup> Lè li te nan doulè rèd konsa, fanm saj la te di l: “Pa pè koulye a, paske ☆ou gen yon lòt gason.”

<sup>18</sup> Li te rive, ke pandan nanm li t ap pati (paske li t ap mouri), ke li te nonmen li Ben-Oni; men papa li te rele li Benjamin.

<sup>19</sup> Epi ☆Rachel te mouri e li te antere nan wout pou ale Éphrata a (sa vle di, Bethléem). <sup>20</sup> Jacob te monte yon pilye sou tonm li an e sa se ☆pilye a tonm Rachel jiska jounen jodi a.

<sup>21</sup> Epi Israël te avanse e li te monte tant li an pi lwen ☆tou Migdal-Éder a. <sup>22</sup> Epi li te rive ke pandan Israël t ap viv nan peyi a, ☆Reuben te ale kouche avèk Bilha, youn nan fanm a papa li yo, e Israël te tandè koze sa a. Alò, te gen douz fis fèt pa Jacob—<sup>23</sup> ☆fis a Léa yo: Reuben, premye ne a Jacob la, ak Siméon, Lévi, Juda, Issacar avèk Zabulon, <sup>24</sup> ☆fis a Rachel yo: Joseph avèk Benjamin; <sup>25</sup> epi ☆fis a Bilha yo, sèvant Rachel la: Dann avèk Nephthali; <sup>26</sup> epi ☆fis Zilpa yo, sèvant Léa a: Gad avèk Aser. Sa yo se fis Jacob yo ki te fèt a li menm nan Paddan-Aram.

<sup>27</sup> Jacob te vini vè papa li, Isaac nan ☆Mamré pou ☆Kirjath-Arba (ki se Hébron), kote Abraham avèk Isaac te demere a.

<sup>28</sup> Alò, jou Isaac yo te ☆san-katre-ven ane. <sup>29</sup> Isaac te rann dènye souf li, li te mouri, e li te ☆rasanble vè moun li yo, yon granmoun anpil laj; epi Ésaü avèk Jacob te antere li.

## 36

<sup>1</sup> Alò, sa yo se achiv jenerasyon ☆Ésaü yo, (sa vle di, Edom).

<sup>2</sup> Ésaü te ☆pran madanm pami fi Canaan yo: Ada, fi Elon an, Etyen an, Oholibama, fi Ana a, ak gran fi a Tsibeon an, Evyen an. <sup>3</sup> Anplis, Basamath, fi Ismaël la, sè Nebajoth la.

<sup>4</sup> Ada te fè Eliphaz bay Ésaü, e Basamath te fè Réuel; <sup>5</sup> Epi Oholibama te fè Jéusch, Jaelam, ak Koré. Sa yo se fis Ésaü ki te fèt a li menm nan peyi Canaan.

<sup>6</sup> ☆Epi Ésaü te pran madanm li yo, fis ak fi li yo avèk tout lakay li, bèt li yo avèk tout bèt li yo, ak tout byen ke li te ranmase nan peyi Canaan yo, e li te ale nan yon lòt peyi, lwen frè li a, Jacob. <sup>7</sup> Paske byen yo te vin twò gran pou yo ta viv ansanm, e peyi kote yo te demere a pa t kab pran yo akòz tout bèt yo te genyen yo. <sup>8</sup> Epi Ésaü te viv nan peyi kolin yo nan ☆Séir; Ésaü se menm avèk Édòm.

<sup>9</sup> Alò, sa yo se achiv a jenerasyon Ésaü yo, papa a Edomit yo nan peyi kolin yo nan Séir.

<sup>10</sup> Alò men non a fis Ésaü yo: Élipfaz, fis Ada a madanm Ésaü a, Réuel, fis Basamath la, madanm a Ésaü a.

<sup>11</sup> Fis Élipfaz yo te: Théman, Omar, Tsepho, Gaetham, ak Kenaz.

<sup>12</sup> Thimna te fanm lakay Élipfaz, fis Ésaü a; li te fè Amalek pou Élipfaz. Sila yo se fis Ada yo, madanm Ésaü a.

<sup>13</sup> Sa yo se fis Réuel yo: Nahath, Zérach, Schamma, ak Mizza. Sa yo se te fis Basamath yo, madanm Ésaü a.

☆ 35:17 Jen 30:24 ☆ 35:19 Jen 48:7 ☆ 35:20 I Sam 12:2 ☆ 35:21 Mi 4:8 ☆ 35:22 Jen 49:4  
 ☆ 35:23 Jen 49:4 ☆ 35:24 Jen 30:22-24 ☆ 35:25 Jen 30:5-8 ☆ 35:26 Jen 30:10-13 ☆ 35:27  
 Jen 13:18 ☆ 35:27 Jos 14:15 ☆ 35:28 Jen 25:26 ☆ 35:29 Jen 25:8 ☆ 36:1 Jen 25:30 ☆ 36:2  
 Jen 28:9; Jen 36:25 ☆ 36:6 Jen 12:5 ☆ 36:8 Jen 32:3



<sup>14</sup> Sa yo se te fis madanm Ésaü a, Oholibama, fi Ana a, ki te pitit pitit Tsibeon an: li te fè pou Ésaü, Jéusch, Jaelam, ak Koré.

<sup>15</sup> Men chèf a fis Ésaü yo. Fis Élipfaz yo, premye ne Ésaü a, se chèf Théman, chèf Omar, chèf Tsepho, chèf Kenatz, <sup>16</sup> chèf Koré, chèf Gaetham, chèf Amalek. Sa yo se chèf ki te desandan Eliphaz nan peyi Edom an; sa yo se fis a Ada yo.

<sup>17</sup> Men fis Réuel, ki te fis Ésaü yo: chèf Nahath, chèf Zérach, chèf Schamma, chèf Mizza. Sa yo se chèf ki te desandan a Réuel yo, nan peyi Edom an. Sa yo se fis a Basamath, madanm a Ésaü a.

<sup>18</sup> Sa yo se fis a Oholibama yo, madanm a Ésaü a; chèf Jéusch, chèf Jaelam, chèf Koré. Sa yo se chèf ki te desandan pa Oholibama a, madanm a Ésaü a, fi a Ana a.

<sup>19</sup> Sila yo se fis a Ésaü yo (sa vle di Édom), e sa yo se chèf yo.

<sup>20</sup> Sila yo se fis Séir yo, <sup>\*</sup>Oryen an, pèp peyi a: Lothan, Schobal avèk Tsibeon ak Ana. <sup>21</sup> epi Dischon, Etser avèk Dischan. Sa yo se te chèf a Oryen yo, fis Séir yo, nan peyi Édom an.

<sup>22</sup> Fis a Lothan yo se te Hori avèk Héman. Sè a Lothan an se te Thimna.

<sup>23</sup> Men fis a Schobal yo: Alvan, Manahath, Ébal, Schepho, avèk Onam.

<sup>24</sup> Men fis a Tsibeon yo: Ajja ak Ana. Se te Ana ki te twouve sous cho nan dezè a lè l t ap fè gadyen bourik yo pou papa l, Tsibeon.

<sup>25</sup> Men pitit a Ana yo: Dischon avèk Oholibama, fi a Ana a.

<sup>26</sup> Men fis Dischon yo: Hemdan, Eschban, Jithran, avèk Keran.

<sup>27</sup> Men fis a Etser yo: Bilhan, Zavvan avèk Akan.

<sup>28</sup> Men fis a Dischan yo: Uts avèk Aran.

<sup>29</sup> Men chèf Oryen yo: chèf Lothan, chèf Schobal, chèf Tsibeon, ak chèf Ana, <sup>30</sup> chèf Dischon, chèf Etser, chèf Dischan. Sa se chèf a Oryen yo, chèf ki te nan peyi Séir yo.

<sup>31</sup> Men wa ki te renye nan peyi a Édom yo, avan ke yon wa te vin renye pami zanfan Israël yo.

<sup>32</sup> Béla, fis Beor, te renye sou Édom; epi non vil pa l la te Dinhaba.

<sup>33</sup> Béla te mouri e Jbab, fis Zérach, a Botsra te renye nan plas li.

<sup>34</sup> Jbab te vin mouri; epi Huscham nan peyi Temanit yo te renye nan plas li.

<sup>35</sup> Huscham te mouri; epi Hadad, fis a Bedad la te vin renye nan plas li. Se te li menm ki te frape Madian nan chan Moab la. Non a vil sa a se te Avith.

<sup>36</sup> Hadad te mouri; epi Samia ak Masréka te vin renye nan plas li.

<sup>37</sup> Samia te mouri; epi Saül ak Rehoboth sou larivyè Euphrate la te vin renye nan plas li.

<sup>38</sup> Saül te mouri; epi Baal-Hanan, fis Acbor a te vin renye nan plas li.

<sup>39</sup> Baal-Hanan, fis Acbor te mouri, epi Hadar te vin renye nan plas li. Non a vil sa a se te Pau; epi non madanm li te Mehéthabeel, fi a Mthred, fi a Mézahab la.

<sup>40</sup> Men non a chèf ki te desandan Ésaü yo, selon tribi yo, selon teritwa yo, pa non yo; chèf Timna, chèf Alva, chèf Jetheth, <sup>41</sup> chèf Oholibama, chèf Éla, chèf Pinon, <sup>42</sup> chèf Kenaz, chèf Théman, chèf Mibtsar, <sup>43</sup> chèf Magdiel, chèf Iram.

Sa se chèf Édom yo (sa vle di pou Ésaü, papa a Edomit yo), selon abitasyon yo, ak peyi yo te posede yo.

<sup>\*</sup> 36:20 Jen 14:6

## 37

<sup>1</sup> Alò, Jacob te viv nan ✧peyi kote papa li te konn demere a, nan peyi Canaan an.

<sup>2</sup> Sa yo se achiv a jenerasyon Jacob yo. Joseph, lè l te gen laj dis-sèt ane, li t ap okipe bann mouton an avèk frè l yo, pandan li te toujou nan jennès li, ansanm avèk ✧fis Bila yo, ak fis Zilpa yo, madanm a apa l yo. Epi Joseph te pote yon ✧move rapò sou yo, bay papa li.

<sup>3</sup> Alò, Israël te renmen Joseph plis ke tout lòt fis li yo, akoz ke li te ✧fèt nan vyeyès li; epi li te fè pou li yon ✧vètman plen tout koulè. <sup>4</sup> Frè li yo te wè ke papa yo te renmen li plis ke tout frè li yo, yo te ✧vin rayi li e yo pa t kapab pale avèk li an amitye.

<sup>5</sup> Alò, Joseph ✧te fè yon rèv, e lè l te repete l bay frè l yo, yo te menm vin rayi li plis. <sup>6</sup> Li te di yo: Souple, koute rèv sa a ke m te fè a; <sup>7</sup> paske gade byen, nou t ap mare pakèt rekòlt yo nan chan an, e gade byen, pakèt pa nou yo te vin antoure pa m nan e yo te vin ✧bese devan pakèt pa mwen yo.”

<sup>8</sup> Alò, frè li yo te di li: “✧Èske vrèman ou ap vin renye sou nou? Oswa èske ou ap vin gouvène sou nou?” Epi yo te vin rayi li plis pou rèv li yo, ak pou pawòl li yo.

<sup>9</sup> Alò li te vin fè yon rèv toujou, li te eksplike li bay frè li yo, e li te di: “Gade, mwen te fè yon lòt rèv; e gade byen, solèy la, lalin lan avèk onz zetwal yo t ap bese ba devan mwen.”

<sup>10</sup> Li te eksplike li bay papa li avèk frè li yo; epi papa li te reprimande li e te di li: “Kisa sa ye, rèv sa ou te fè a? Èske mwen, manman ou avèk ✧frè ou yo vrèman ap vin bese atè devan ou?” <sup>11</sup> ✧Frè li yo te fè jalouzi akoz li, men papa li te ✧kenbe pawòl sa yo nan tèt li.

<sup>12</sup> Epi frè li yo te ale mennen bann mouton an Sichem. <sup>13</sup> Israël te di Joseph: “Èske frè ou yo p ap okipe bann mouton an ✧Sichem? Vini pou mwen voye ou bò kote yo.”

Epi li te di li: “Mwen va ale”.

<sup>14</sup> Alò, li te di li: “Ale koulye a pou okipe afè frè ou yo ak afè bann mouton an, e vin pote nouvèl ban mwen.” Epi li te ale nan vale ✧Hébron an e li te rive Sichem. <sup>15</sup> Yon mesye te twouve li, e gade byen, li t ap mache toupato nan chan an; epi mesye a te mande li: “Kisa w ap chache?”

<sup>16</sup> Li te di: “Mwen ap chache frè m yo; souple, fè m konnen kote yo ap fè patiraj pou bann mouton an.”

<sup>17</sup> Alò, mesye a te di: “Yo te deplase isit la; paske mwen te tande yo di: “Annou ale ✧Dothan.”

Epi Joseph te swiv frè li yo, e li te twouve yo Dothan. <sup>18</sup> Lè yo te wè li depi nan distans e avan li te parèt kote yo, yo te ✧fè konplo pou mete li a lanmò.

<sup>19</sup> Yo te di youn ak lòt: “Men sila ki fè rèv la ap vini! <sup>20</sup> Alò, koulye a, annou touye li e jete li nan youn nan fòs yo, e ✧nou va di: “yon bèt sovaj te devore li. Koulye a annou wè kisa rèv li yo ap devni!”

<sup>21</sup> Men ✧Reuben te tande sa, li te retire li nan men yo, e li te di: “Annou pa pran lavi li.” <sup>22</sup> Reuben te di yo anlès de sa: “Pa vèse san. Jete li nan

✧ 37:1 Jen 17:8 ✧ 37:2 Jen 35:25-26 ✧ 37:2 I Sam 2:22-24 ✧ 37:3 Jen 44:20 ✧ 37:3 Jen 37:23-32 ✧ 37:4 Jen 27:41 ✧ 37:5 Jen 28:12 ✧ 37:7 Jen 42:6-9 ✧ 37:8 Jen 49:26 ✧ 37:10 Jen 27:29 ✧ 37:11 Trav 7:9 ✧ 37:11 Dan 7:28 ✧ 37:13 Jen 33:18-20 ✧ 37:14 Jen 13:18 ✧ 37:17 II Wa 6:13 ✧ 37:18 Sòm 31:13 ✧ 37:20 Jen 37:32-33 ✧ 37:21 Jen 42:22

twou sila ki nan dezè a, men pa mete men sou li.” —akoz lentansyon li te gen pou (vin) fè l chape nan men yo, pou l ta kapab remèt li bay papa l.

<sup>23</sup> Alò li te rive ke lè Joseph te rive kote frè li yo, yo te retire vètman an sou li, (sa ki te gen anpil koulè ladann nan); <sup>24</sup> epi yo te pran li e yo te jete li nan fòs la. Alò fòs la te vid e li pa t gen dlo ladann.

<sup>25</sup> Alò, yo te chita pou manje yon manje. Epi pandan yo te leve Jr yo, yo te gade, e vwala, yon ekip Izmayelit ki t ap sòti Galaad, avèk chamo ki t ap pote yon chay ✧gòm awomatik, ✧bòm avèk mè pou rive an Égypte.

<sup>26</sup> Juda te di a frè li yo: “Ki avantaj sa ye si nou touye frè nou an, e ✧kache san li? <sup>27</sup> ✧Vini, annou vann li bay Izmayelit yo e annou pa mete men nou sou li, paske li se frè nou, pwòp chè nou.” Epi frè li yo te koute li.

<sup>28</sup> Alò, kèk nan machann Madyanit yo te pase, epi frè l yo te rale li soti nan fòs la e te ✧vann li bay Izmayelit yo pou ven sik lajan. Konsa ✧yo te mennen Joseph antre an Égypte.

<sup>29</sup> Alò, Reuben te retounen nan fòs la, e gade byen, Joseph pa t la nan fòs la; epi li te ✧chire rad li. <sup>30</sup> Li te retounen vè frè li yo e te di: “✧Ti gason an pa la non; e pou mwen menm, kibò pou m ale?”

<sup>31</sup> Epi yo te ✧pran vètman Joseph la, yo te kòche yon mal kabrit, e yo te tranpe vètman an nan san an; <sup>32</sup> epi yo te voye vètman anpil koulè a pote li bay papa yo e yo te di: “Nou te twouve sa a; souple, gadè l byen e wè si se vètman a fis ou a oswa non.”

<sup>33</sup> Epi li te egzamine li e te di: “Se vètman fis mwen an. ✧Yon bèt sovaj gen tan devore li; Joseph vrèman gen tan chire an mòso (yo)!”

<sup>34</sup> Alò, Jacob te ✧chire rad li, li te mete twal sak nan ren li, e li te pase anpil jou ap lamante pou fis li a. <sup>35</sup> Alò, tout fis li yo, ak tout fi li yo te leve pou konsòle li, men li te refize konsòle. Epi li te di: “Vrèman mwen va ✧desann kote fis mwen an kote sejou mò yo ap lamante pou fis mwen an. Epi papa li te kriye pou li.

<sup>36</sup> Antretan, Madyanit yo te vann li an Égypte a Potiphar, ofisye Farawon an, chèf nan kò gad la.

## 38

<sup>1</sup> Epi li te vin rive nan lè sa a ke Judas te kite frè l yo, pou te vizite yon sèten ✧Adilamit ki te rele Hira. <sup>2</sup> La, Juda te wè fi a yon sèten Kananeyen ki te rele ✧Schua; epi li te pran li e te antre an relasyon ak li. <sup>3</sup> Epi li te vin ansent, li te fè yon fis, e li te nonmen li ✧Er. <sup>4</sup> Epi li te vin ansent ankò, li te bay yon fis, ki te nonmen ✧Onan. <sup>5</sup> Li te fè toujou yon lòt fis, e li te nonmen li ✧Schéla; epi li te Czib lè li te fè li.

<sup>6</sup> Alò, Juda te pran yon madanm pou Er, premye ne li a, e non li te Tamar. <sup>7</sup> Men ✧Er, premye ne a Juda a te mechan nan Jr a SENYÈ a e SENYÈ a te pran vi li.

<sup>8</sup> Epi Juda te di a Onan: “✧Antre an relasyon ak madanm a frè ou a, fè devwa ou kòm bòfrè li, e fè leve yon posterite pou frè ou. <sup>9</sup> Onan te konnen ke ✧posterite sa yo pa t ap pou li, li te jete jèm li an atè pou li pa fè pitit pou frè li. <sup>10</sup> Men sa li te fè a pa t fè SENYÈ a plezi, li te ✧pran vi li tou.

✧ 37:25 Jen 43:11 ✧ 37:25 Jr 8:22 ✧ 37:26 Jen 37:20 ✧ 37:27 Jen 42:21 ✧ 37:28 Jen 45:4-5 ✧ 37:28 Jen 39:1 ✧ 37:29 Jen 37:34 ✧ 37:30 Jen 42:13-36 ✧ 37:31 Jen 37:3-23 ✧ 37:33 Jen 37:20; Jen 44:28 ✧ 37:34 Jen 37:29 ✧ 37:35 Jen 25:8 ✧ 38:1 Jos 15:35 ✧ 38:2 I Kwo 2:3 ✧ 38:3 Jen 46:12 ✧ 38:4 Jen 46:12 ✧ 38:5 Nonb 26:20 ✧ 38:7 Jen 46:12 ✧ 38:8 Det 25:5-6 ✧ 38:9 Det 25:6 ✧ 38:10 Jen 46:12

<sup>11</sup> Alò Juda te di a bofi li, Tamar: “✠Rete kòm vèv lakay papa ou jiskaske fis mwen an, Schéla fin grandi.” Paske li te reflechi: “Mwen pè pou li menm tou pa ta kapab mouri menm jan ak frè li yo.” Epi Tamar te ale viv lakay papa li.

<sup>12</sup> Alò, apre yon tan konsiderab, fi Schua a, madanm a Juda, te mouri; epi lè tan tristès alanmò a te fini, Juda te monte vè ouvriye ki t ap taye lenn mouton bò kote ✠Thimna yo, li menm avèk zanmi li, Hira, Adilamit lan.

<sup>13</sup> Epi yo te di a Tamar: “Veye byen, bòpè ou ap monte vè ✠Thimna pou taye lenn mouton li yo.” <sup>14</sup> Alò, li te retire vètman vèv li a, li te ✠kouvri tèt li avèk yon vwal, li te vlope tèt li, e li te chita nan pòtay Énaïm nan, ki nan wout pou rive Thimna; paske li te wè ke Shéla te fin grandi, e yo pa t vin prezante ✠li devan li kòm madanm.

<sup>15</sup> Lè Juda te wè l, li te panse ke li te yon pwostitiye, paske li te kouvri figi li. <sup>16</sup> Epi li te vire bò kote li nan wout la, e li te di: “Alò, kite m antre an relasyon ak ou.” Paske li pa t konnen ke li te bèlfi li. Epi li te di: “Kisa w ap ban m pou ou ka antre an relasyon ak mwen?”

<sup>17</sup> Li te di konsa: “Mwen va voye ba ou yon jèn kabrit ki sòti nan twoupo a.”

Men li te di: “Èske ou va ban m yon bagay kòm yon sèman pou jis lè ou voye l?”

<sup>18</sup> Li te di: “Kisa pou m ta bay ou?” Epi li te di: “Ban m ✠so, kòd avèk baton ki nan men ou an.” Epi li te bay yo a li menm, li te antre an relasyon ak li, e vèv la te vin ansent pa li menm. <sup>19</sup> Epi li te leve ale, li te retire vwal la, e li te remete vètman a vèv yo.

<sup>20</sup> Lè Juda te voye jèn kabrit la ak zanmi li, Adilamit lan, pou resevwa sa ke li te bay kòm sèman an, li pa t twouve li. <sup>21</sup> Li te mande mesye yo kote a: “Kote jennès tanp lan ki te akote wout la nan Enaïm nan?” Men yo te di li: pa t gen jennès tanp isit la.”

<sup>22</sup> Epi li te retounen a Juda, e te di: “Mwen pa t twouve li; e anplis de sa, mesye (yo) nan zòn (nan) di ke: “Pa t gen yon jennès tanp nan zòn sa a.”

<sup>23</sup> Epi Juda te di: “Kite li pran yo pou kont li, sinon n ap vin yon betiz devan tout moun. Anfen, mwen te voye jèn kabrit sa a, men ou pa t twouve li.”

<sup>24</sup> Alò, li te anviwon twa mwa pita ke Juda te enfòmè: “Bèlfi ou Tamar ki te jwe wòl jennès la, gade byen, li vin ansent nan koze sa a.”

Epi Juda te di: “Mete li deyò e ✠kite yo brile li.

<sup>25</sup> Epi se te pandan yo t ap mete li deyò ke li te voye kote bòpè li pou di: “Mwen avèk pitit pa mesye ki se mèt a bagay sa yo.” Epi li te di: “✠Souple, fè yon ankèt pou vin aprann pou kilès bagay sign sila a ye, e pou kilès kòd avèk baton sila yo ye?”

<sup>26</sup> Juda te rekonèt yo, e te di: “✠Li pi jis pase mwen, paske ✠mwen pa t bay fis mwen an a Schéla.” Epi li pa t gen relasyon avèk li ankò.

<sup>27</sup> Li te vin rive nan lè ke li t ap akouche a, gade byen, te gen ✠jimo nan vant li. <sup>28</sup> Anplis de sa, li te rive pandan li t ap akouche a ke youn te lonje yon men deyò, e fanm saj la te mare yon fisèl wouj sou men l, e te di: “Se sila a ki sòti avan”. <sup>29</sup> Men li te vin rive ke pandan li t ap rale men l tounen, (ke) frè l la te sòti avan. Epi li te di: “A la chemen ou gen tan fè pou kont

✠ 38:11 Rt 1:12,13 ✠ 38:12 Jos 15:10-57 ✠ 38:13 Jos 15:10-57 ✠ 38:14 Jen 24:65 ✠ 38:14 Jen 38:11-26 ✠ 38:18 Jen 38:25 ✠ 38:24 Lev 21:9 ✠ 38:25 Jen 37:32 ✠ 38:26 I Sam 24:17 ✠ 38:26 Jen 38:14 ✠ 38:27 Jen 25:24-26

ou!” Epi li te nonmen li ✨Perez. <sup>30</sup> Apre, frè l la te vin sòti avèk fisèl wouj mare nan men l; epi li te nonmen li ✨Zerah.

### 39

<sup>1</sup> Alò, yo te pran Joseph desann an Égypte; epi Potiphar, yon ofisye Farawon, kòmandan nan gad yo, te achte li nan men ✨Izmayelit yo, ki te fè l desann la.

<sup>2</sup> ✨SENYÈ a te avèk Joseph, li te byen reyisi. Epi li te lakay mèt li, Ejipsyen an. <sup>3</sup> Alò mèt li a te ✨wè ke SENYÈ a te avèk li, e ke li te ✨fè tout sa li te antreprann byen reyisi nan men l. <sup>4</sup> Epi Joseph te ✨twouve favè nan zye li, e li te devni sèvitè pèsònèl li; epi li te fè li chèf an tèt tout lakay li, e ✨tout sa ke li te posede, li te mete yo sou chaj li. <sup>5</sup> Epi li te rive ke depi lè sa a li te fè li chèf lakay li, ak sou tout sa li te posede, ke SENYÈ a te ✨beni lakay Ejipsyen an akòz Joseph; konsa benediksyon SENYÈ a te sou tout sa li te genyen, ni nan kay la, ni nan chan an. <sup>6</sup> Epi li te kite tout sa li te gen sou chaj Joseph; epi akòz prezans li, li pa t okipe tèt li avèk anyen sof ke manje ke li te manje. Alò, Joseph te yon ✨bo gason, ni nan fòm li, ni nan aparans li.

<sup>7</sup> Li te vin rive apre evènman sa yo, ke madanm li Potiphar, te gade Joseph avèk anvi, epi li te di: “✨Vin kouche avè m.”

<sup>8</sup> Men ✨li te refize, e li te di a madanm mèt li a: “Mèt mwen pa menm okipe li pou anyen ki nan kay la, e li te mete tout sa li posede sou chaj mwen. <sup>9</sup> ✨Nanpwen pèsòn nan kay sa a ki pi gran ke mwen, e li pa refize m anyen, sof ke ou menm, paske ou se madanm li. Kijan konsa, mwen ta kapab fè gwo mal sa a, e peche kont Bondye menm?” <sup>10</sup> Lè li te pale avèk Joseph jou aprè jou, li pa t koute l menm pou l ta kouche avèk li, oswa pou li ta rete avè l.

<sup>11</sup> Alò li vin rive yon jou ke li te antre nan kay la pou fè travay li, e pa t gen lòt nan ouvriye lakay yo ki te andedan kay la. <sup>12</sup> Li Madanm nan te kenbe li nan vètman li, e te di: “Kouche avè m!” Epi li te kite vètman li nan men l, e li te sove ale deyò.

<sup>13</sup> Lè li Madanm nan te vin wè ke li te kite vètman li nan men l, e li te kouri deyò, <sup>14</sup> li te rele tout gason ouvriye lakay li yo, e li te di yo: “Ou wè sa, li pote bannou yon Eb ki pou vin fè jwèt avèk nou; li te (vin) antre sou mwen pou kouche avè m, e mwen te rele fò. <sup>15</sup> “Lè li tandè ke m te leve vwa m pou rele fò, li te kite vètman li bò kote mwen, e li te sove ale kouri deyò.”

<sup>16</sup> Epi li te kite vètman an akote li jiskaske mèt li te rive nan kay la. <sup>17</sup> Alò, li te ✨pale avèk li ak pawòl sa yo: “Esklav Eb ke ou te mennen bannou an, te antre kote mwen pou fè spò avè m; <sup>18</sup> Epi lè m te leve vwa m pou te rele fò, li te kite vètman li bò kote mwen pou te sove ale deyò.” <sup>19</sup> Alò, lè mèt la te tandè pawòl a madanm li yo, li te pale a li e te di: “Men sa esklav ou a te fè m,” ✨li te vin brile avèk kòlè.

<sup>20</sup> Epi mèt Joseph la te pran li e te ✨mete li nan prizon, nan plas kote prizonye ki pou wa yo te ye a; epi li te la nan prizon an. <sup>21</sup> Men SENYÈ a te avèk Joseph, Li te fè li gras, e Li te ✨fè li vin gen favè nan Jr a chèf prizon an.

✨ 38:29 Jen 46:12 ✨ 38:30 I Kwo 2:4 ✨ 39:1 Jen 37:25-28-36 ✨ 39:2 Jen 39:3-23 ✨ 39:3 Jen 21:22 ✨ 39:3 Sòm 1:3 ✨ 39:4 Jen 18:3 ✨ 39:4 Jen 24:2 ✨ 39:5 Jen 30:27 ✨ 39:6 Jen 29:17 ✨ 39:7 II Sam 13:11 ✨ 39:8 Pwov 6:23-24 ✨ 39:9 Jen 41:40 ✨ 39:17 Egz 23:1 ✨ 39:19 Pwov 6:34 ✨ 39:20 Jen 40:3 ✨ 39:21 Egz 3:21

22 Chèf Kasèl la te ✨fè Joseph responsab tout prizonye yo ki te nan prizon an; jiskaske nenpòt sa ki te fèt ladann, li te vin responsab. 23 Chèf Kasèl la pa t sipèvize anyen ki te anba direksyon Joseph paske ✨SENYÈ a te avèk li; epi nenpòt sa li te fè, SENYÈ a te fè l pwospere.

## 40

1 Alò, li te vin rive apre bagay sa yo ke ✨chèf ki te responsab pran avan gou nan manje a wa a, ansanm ak bòs boulanje a wa a te fè yon ofans kont mèt a yo, Wa a Égypte la. 2 Farawon ✨ te vin plen ak kòlè sou ofisye sa yo, chèf ki responsab pote manje a avèk bòs boulanje a. 3 Alò li te sere yo nan prizon lakay ✨Kaptenn a kò gad la, menm kote ke Joseph te anprizone a. 4 Kaptenn kò gad la te mete Joseph an chay yo, pou li te okipe yo; epi yo te nan prizon an pou kèk tan.

5 Epi pandan chèf pote manje a avèk bòs boulanje a te anprizone nan prizon an, toude fè yon rèv nan menm nwit lan, chak moun avèk pwòp rèv pa li, e chak rèv avèk pwòp entèpretasyon pa li.

6 Lè Joseph te vini kote yo nan maten, li te gade yo, gade byen, yo te byen dekouraje. 7 Li te mande ofisye Farawon an sila yo ki te avèk li anprizone nan kay mèt li a: “✨Poukisa figi nou tris konsa jodi a?”

8 Epi yo te di li: “✨Nou te fè yon rèv, e nanpwen pèsòn pou entèprete li.” Alò, Joseph te di yo: “✨Èske entèpretasyon yo pa pou Bondye? Di m istwa sa a, souple.”

9 Epi chèf responsab pote manje a te pataje rèv li avèk Joseph, e li te di a li menm: “Nan rèv mwen an, gade byen, te gen yon pye rezen devan m, 10 epi sou pye rezen an, te gen twa branch. Epi pandan li t ap boujonnen, flè li yo te parèt, e touf flè yo te pwodwi pakèt rezen mi. 11 Alò, tas Farawon an te nan men m; epi mwen te pran rezen yo, mwen te peze yo nan tas Farawon an, e mwen te mete tas la nan men Farawon.”

12 Alò, Joseph te di: Men, sa se ✨entèpretasyon sa a: twa branch sa yo se twa jou; 13 nan yon tan twa jou, Farawon va leve tèt ou e reprann ou nan pozisyon ou; epi ou va mete tas Farawon an nan men li menm jan ou te konn fè lè ou te nan sèvis responsab pote manje a. 14 “Sèlman, sonje mwen lè li ale byen avèk ou, e souple, ✨fè m gras e nonmen non mwen a Farawon pou fè m soti nan kay sa a. 15 Paske ✨mwen te kidnape nan peyi Eb yo, e menm isit la mwen pa t fè anyen pou yo ta dwe mete m nan prizon.

16 Lè chèf boulanje a te wè ke li te fè yon entèpretasyon favorab, li te di Joseph: “Mwen te wè nan rèv mwen an, e gade byen, te gen twa panyen pen blan sou tèt mwen; 17 epi nan panyen pi wo a, te gen kèk nan tout kalite manje kwit pou Farawon e zwazo yo t ap manje yo nan panyen sou tèt mwen an.”

18 Alò, Joseph te reponn e te di: “Sa se entèpretasyon an: “twa panyen yo se twa jou; 19 pandan twa jou ankò, Farawon va leve tèt ou sou ou, li va pann ou sou yon bwa, e zwazo va retire chè sou ou e manje ou.”

20 Alò, konsa li te rive nan twazyèm jou, ki te fèt nesans a ✨Farawon an, ke li te fè yon fèt pou tout sèvitè yo; ✨ li te leve tèt a chèf responsab pote manje a ak chèf bòs boulanje a pami sèvitè li yo. 21 Li te reprann chèf

✨ 39:22 Jen 39:4 ✨ 39:23 Jen 39:21 ✨ 40:1 Jen 40:11-13 ✨ 40:2 Pwov 16:14 ✨ 40:3 Jen 39:1-20 ✨ 40:7 Né 2:2 ✨ 40:8 Jen 41:15 ✨ 40:8 Dan 2:27-28 ✨ 40:12 Dan 2:36 ✨ 40:14 Jos 2:12 ✨ 40:15 Jen 37:26-28 ✨ 40:20 Mat 14:6 ✨ 40:20 II Wa 25:27

responsab pote manje a nan pozisyon li, e ✨li te vin responsab mete tas la nan men Farawon; <sup>22</sup> men li ✨te pann chèf bòs boulanje a jis jan ke Joseph te entèprete pou o a.

<sup>23</sup> Men, chèf responsab pote manje a pa t sonje Joseph, men li te ✨bliye li.

## 41

<sup>1</sup> Alò, li te vin rive ke apre de ane, Farawon te fè yon rèv, e gade byen, li te kanpe devan lariviyè Nil lan. <sup>2</sup> Epi gade byen, sèt bèf te sòti nan lariviyè Nil lan, byen swa, e byen gra; epi yo te manje nan ✨zèb flèv la. <sup>3</sup> Epi gade byen, sèt lòt bèf te sòti nan lariviyè Nil lan, byen lèd e mèg, epi yo te kanpe akote lòt bèf bò kote lariviyè Nil lan. <sup>4</sup> Bèf ki te lèd e mèg yo te manje valè sèt bèf ki te swa e byen gra yo. Epi konsa, Farawon te vin leve nan dòmi.

<sup>5</sup> Li te tonbe dòmi e fè rèv yon dezyèm fwa; epi sèt tèt mayi te vini sou yon sèl pye mayi, ki te gwo e bon. <sup>6</sup> Epi gade byen, sèt tèt, mèg ki brile pa van lès yo, te vin boujonnen dèyè yo. <sup>7</sup> Tèt mèg yo te valè sèt tèt ki te gra e byen plen yo. Alò, Farawon te vin leve, e gade byen, sa se te yon rèv.

<sup>8</sup> Alò, nan maten ✨lespri li te vin twouble, e li te voye rele tout majisyen an Égypte yo, ak tout moun saj li yo. Konsa, Farawon te di yo rèv li yo, men ✨pa t gen pèsòn ki te kapab entèprete yo pou Farawon.

<sup>9</sup> Alò, chèf responsab pote manje a te pale a Farawon, e li te di li: “Jodi a, mwen ta dwe admèt yon ✨tò ke m genyen. <sup>10</sup> Farawon te ✨byen fache avèk sèvitè li yo, e li te fè m anprizone lakay Kaptenn kò gad la, mwen menm avèk chèf boulanje a. <sup>11</sup> ✨Nou te fè yon rèv nan menm nwit lan, mwen menm ak li menm tou; nou chak te fè yon rèv ak pwòp entèpretasyon pa li. <sup>12</sup> Alò, yon jennonm ki te la avèk nou, yon ✨sèvitè kaptenn kò gad la, nou te pale rèv yo a li menm, e ✨li te entèprete rèv nou yo pou nou. A chak moun li te entèprete selon pwòp rèv pa li. <sup>13</sup> Epi jan ke ✨li te entèprete pou nou an, konsa li te vin rive; ke mwen te vin restore nan pozisyon mwen, e li menm wa a te pann lòt la.”

<sup>14</sup> Alò, Farawon te voye ✨rele Joseph, e ✨avèk vitès, yo te mennen li sòti nan prizon an; epi lè l fin taye bab li, e chanje rad li, li te vini devan Farawon.

<sup>15</sup> Farawon te di a Joseph: “Mwen te fè yon rèv, ✨men pa gen pèsòn ki kapab entèprete li; epi mwen tande pale de ou menm ke lè ou tande yon rèv, ou kapab bay entèpretasyon li.”

<sup>16</sup> Joseph, konsa te reponn Farawon, e te di: “Sa pa nan mwen; ✨Bondye va bay Farawon yon repons favorab.”

<sup>17</sup> Alò, Farawon te pale avèk Joseph: “Nan rèv mwen an, men gade, mwen te kanpe arebò Riviyè Nil lan; <sup>18</sup> epi gade byen, sèt bèf, gra e swa te vin monte sòti nan Nil lan, e yo t ap manje nan zèb arebò riviyè a. <sup>19</sup> Epi gade byen, sèt lòt bèf te vin monte apre yo, kata, lèd e mèg, konsa, mwen pa t janm wè younn ki lèd nan tout peyi Égypte la. <sup>20</sup> Epi bèf mèg ak lèd yo te manje premye sèt bèf gra yo. <sup>21</sup> Epi lè yo te fin devore yo, ou pa t kab konnen si yo te manje yo, paske yo te rete mèg menm jan yo te ye avan an. Epi se konsa mwen te vin leve.

✨ **40:21** Jen 40:13 ✨ **40:22** Jen 40:19 ✨ **40:23** Job 19:14 ✨ **41:2** Job 8:11 ✨ **41:8** Dan 2:1-3  
 ✨ **41:8** Dan 4:7 ✨ **41:9** Jen 40:14-23 ✨ **41:10** Jen 40:2-3 ✨ **41:11** Jen 40:5 ✨ **41:12** Jen 37:36 ✨ **41:12** Jen 40:12 ✨ **41:13** Jen 40:21-22 ✨ **41:14** Sòm 105:20 ✨ **41:14** Dan 2:25  
 ✨ **41:15** Jen 41:8 ✨ **41:16** Jen 40:8

<sup>22</sup> Mwen te wè nan rèv mwen an tou, byen parèt, se te sèt tèt mayi, plen e bon te vini sou yon sèl pye; <sup>23</sup> epi gade, sèt tèt sèch yo, ki brile pa van lès yo te vin pouse apre yo; <sup>24</sup> epi tèt sèch yo te valè sèt bon tèt yo. Epi alò, ✧mwen te pale sa a majisyen yo, men pa t gen youn ki ta kapab eksplike m afè sila a.”

<sup>25</sup> Alò, Joseph te di a Farawon: “Rèv a Farawon yo se yon sèl ke yo ye; ✧Bondye te di a Farawon kisa ki prèt pou fèt. <sup>26</sup> Sèt bon bèf yo se sèt ane; epi sèt bon tèt yo se sèt ane; rèv sa yo se yon sèl yo ye. <sup>27</sup> Sèt bèf lèd ak mèt yo ki te sòti apre yo a se sèt ane, e sèt tèt mèt ki brile pa van lès la va ✧sèt ane ak gwo grangou.

<sup>28</sup> Se tankou mwen te pale a Farawon: “✧Bondye te montre Farawon kisa ki prèt pou rive. <sup>29</sup> Gade byen, ✧sèt ane ak gran abondans yo ap vini nan peyi Égypte la; <sup>30</sup> epi apre yo, ✧sèt ane ak gwo grangou yo va vini, tout abondans sa a va gen tan bliye nan peyi Égypte la, e gwo grangou sa a va ravaje peyi a. <sup>31</sup> Alò, abondans lan p ap sonje nan peyi a akòz konsekans gwo grangou a, paske li va vrèman rèd. <sup>32</sup> Alò, pou afè repete rèv la de fwa a, li vle di Farawon ke ✧koze sa a deja detèmine pa Bondye, e Bondye va fè l parèt byen vit.

<sup>33</sup> Alò, Farawon gen pou chèche yon nonm avèk ✧konprann ak sajès, pou mete li responsab sou peyi Égypte la. <sup>34</sup> Kite Farawon aji pou chwazi administratè k ap pran chaj peyi a, e kite yo egzije yon senkyèm nan rekòlt peyi Égypte la, nan sèt ane abondans lan. <sup>35</sup> Epi kite yo ranmase tout manje nan bon ane sa yo k ap vini an, mete yo nan depo pou vil ki anba otorite Farawon yo, e kite yo mete yo anba gad. <sup>36</sup> Kite manje yo vini yon rezèv pou peyi a pandan sèt ane gwo grangou yo ki va fèt nan peyi Égypte la, pou peyi a pa peri pandan gwo grangou a.”

<sup>37</sup> Alò, plan sa a te parèt bon a Farawon, ak tout sèvitè li yo. <sup>38</sup> Alò, Farawon te di a sèvitè li yo: ✧“Èske nou kapab twouve yon lòt moun konsa, nan li menm ki gen yon lespri divinite?”

<sup>39</sup> Epi Farawon te di a Joseph: “Akoz Bondye te fè ou konprann tout sa, nanpwen okenn lòt moun ki gen ✧konprann ak sajès tankou ou menm. <sup>40</sup> ✧Ou va sou tout lakay mwen, e selon lòd pa ou tout pèp mwen an ap fè obeyisans; se sèl sou twòn nan ke mwen va pi wo pase ou.”

<sup>41</sup> Farawon te di a Joseph: “Ou wè, mwen plase ou ✧sou tout peyi Égypte la. <sup>42</sup> Alò, Farawon te retire bag so a nan men li, li te mete li nan men Joseph, e li te abiye ak rad len fen ak yon kolye lò nan kou li. <sup>43</sup> Li te fè l monte nan dezyèm cha li a; epi li te pwoklame devan li: “Mete ajenou!”: Epi li te mete li sou tout peyi Égypte la.

<sup>44</sup> Anplis de sa, Farawon te di a Joseph: “Malgre mwen se Farawon, san pèmisyon pa ou, pèsòn p ap leve ni men li ni pye li sou tout peyi Égypte la. <sup>45</sup> Alò, Farawon te nonmen Joseph Tsaphnath-Paenéach; epi li te bay li Asnath, fi a Poti-Phéra a, prèt ✧On an, kòm madanm li. Epi Joseph te plase sou tout peyi Égypte la.

<sup>46</sup> Alò, Joseph te gen ✧laj trant ane lè li te kanpe devan Farawon, wa Égypte la. Epi Joseph te sòti nan prezans Farawon, e li te ale toupatou nan tout peyi Égypte la. <sup>47</sup> Pandan sèt ane abondans yo, peyi a te pwodwi

✧ 41:24 És 8:19 ✧ 41:25 Jen 41:28-32 ✧ 41:27 II Wa 8:1 ✧ 41:28 Jen 41:25-32 ✧ 41:29 Jen 41:47 ✧ 41:30 Jen 41:54-56 ✧ 41:32 Jen 41:25-28 ✧ 41:33 Jen 41:39 ✧ 41:38 Job 32:8 ✧ 41:39 Jen 41:33 ✧ 41:40 Sòm 105:21 ✧ 41:41 Jen 42:6 ✧ 41:45 Jr 43:13 ✧ 41:46 Jen 37:2



anpil. <sup>48</sup> Epi li Joseph te ranmase tout manje pandan sèt ane sa yo ki te ekoule nan peyi Égypte la, e li te mete manje yo nan vil yo; li te mete nan chak vil, menm manje ki te sòti nan chan ki antoure li yo. <sup>49</sup> Konsa, Joseph te ranmase sereyal an gran abondans tankou sab lanmè, jiskaske li te vin sispann mezire li, paske li te depase kontwòl.

<sup>50</sup> Alò, avan ane gwo grangou a te rive, ✨de fis te vin ne a Joseph ke Asnath, fi a Poti-Phéra a, prèt On an te fè pou li. <sup>51</sup> Joseph te nonmen premye ne a Manassé, paske li te di: “Bondye te fè m bliye tout pwoblèm mwen yo ak tout lakay papa m.” <sup>52</sup> Li te nonmen dezyèm nan Éphraïm, paske li te di: “✨Bondye (te) fè mwen bay anpil fwi nan peyi aflikasyon mwen an.”

<sup>53</sup> Lè sèt ane abondans ki te nan peyi Égypte la te fin pase, <sup>54</sup> epi ✨sèt ane gwo grangou a te kòmanse, jis jan ke Joseph te di a, alò te vin gen gwo grangou nan tout peyi yo; men nan peyi Égypte la te gen pen. <sup>55</sup> Epi lè tout peyi Égypte la te grangou, yo te rele fò bay Farawon pou bay pen; epi Farawon te di a tout Ejipsyen yo: “Ale wè Joseph; ✨nenpòt sa li mande nou, nou va fè l.”

<sup>56</sup> Lè gwo grangou a te fin gaye sou tout sifas tè a, alò, Joseph te ouvri tout depo yo pou te vann manje bay Ejipsyen yo; epi gwo grangou a te byen rèd nan peyi Égypte la. <sup>57</sup> Pèp yo sou tout tè a te vini an Égypte pou achte sereyal Joseph yo, akòz ✨gwo grangou a te rèd sou tout tè a.

## 42

<sup>1</sup> Alò, ✨Jacob te wè ke te gen sereyal an Égypte, e Jacob te di fis li yo: “Poukisa nou ap gade youn sou lòt konsa?” <sup>2</sup> Li te di: “Mwen te tandè ke gen sereyal an Égypte; desann la pou achte kèk pou nou kote sa, ✨pou nou kapab viv, e pa mouri.”

<sup>3</sup> Alò, dis frè Joseph yo te desann pou achte sereyal an Égypte. <sup>4</sup> Men Jacob pa t voye frè Joseph la, ✨Benjamin avèk lòt frè li yo, paske li te di: “Mwen pè pou yon mal ta kab rive li.” <sup>5</sup> Alò, fis Israël yo te vini pou achte sereyal pami sila ki t ap vini yo, ✨paske gwo grangou a te nan peyi Canaan an tou.

<sup>6</sup> Alò, ✨Joseph te an pouvwa nan peyi a; se te li menm ki te vann a tout pèp nan eyi a. Epi frè a Joseph yo te vin ✨bese ba devan li avèk figi yo atè. <sup>7</sup> Lè Joseph te wè frè li yo, li te rekonèt yo, men li te kache idantite li devan yo, e li te ✨pale rèd avèk yo. Epi li te di yo: “Kote nou sòti?” Epi yo te di: “Nan peyi Canaan, pou achte manje.”

<sup>8</sup> Men Joseph te rekonèt frè l yo, malgre yo pa t rekonèt li. ✨ <sup>9</sup> Joseph te ✨sonje rèv ke li te gen sou yo a, e li te di yo: “Se espyon nou ye; nou te vin chache konnen pwen fèb nan defans a peyi nou an.”

<sup>10</sup> Alò, yo te di li: “Non, ✨mèt mwen, men sèvitè ou yo te vin achte manje.” <sup>11</sup> “Nou tout se fis a yon sèl mesye; nou se ✨moun onèt, sèvitè ou, e nou pa espyon.”

<sup>12</sup> Malgre sa li te di yo: “Non, men nou te vin gade pwen fèb nan defans peyi nou an.”

✨ 41:50 Jen 48:5 ✨ 41:52 Jen 17:6 ✨ 41:54 Sòm 105:16 ✨ 41:55 Jn 2:5 ✨ 41:57 Jen 12:10  
 ✨ 42:1 Trav 7:12 ✨ 42:2 Jen 43:8 ✨ 42:4 Jen 35:18-24 ✨ 42:5 Jen 12:10 ✨ 42:6 Jen 41:41-55 ✨ 42:6 És 60:14 ✨ 42:7 Jen 42:30 ✨ 42:8 Jen 37:2 ✨ 42:9 Jen 37:6-9 ✨ 42:10 Jen 37:8 ✨ 42:11 Jen 42:16-34

<sup>13</sup> Men yo te di: “Sèvitè ou yo se douz frè antou, fis a yon sèl mesye nan peyi Canaan; e gade byen, pi jenn nan avèk papa nou jodi a, e ☆youn pa vivan ankò.

<sup>14</sup> Joseph te di yo: “Se tankou mwen te di nou, se espyon nou ye. <sup>15</sup> Men se konsa nou va pase a leprèv: ☆pa lavi Farawon, nou p ap sòti nan plas sa a amwenske pi jenn nan vin parèt isit la! <sup>16</sup> Voye youn nan nou ale pou li kapab chache frè nou an, pandan n ap rete anprizone, pou pawòl nou yo kapab pase a leprèv, si gen ☆verite nan nou. Men si non, pa lavi Farawon, vrèman nou se espyon.” <sup>17</sup> Epi li te mete yo nan ☆prizon pou twa jou.

<sup>18</sup> Alò, Joseph te di yo nan twazyèm jou a: “Fè sa pou viv, paske ☆mwen krent Bondye: <sup>19</sup> Si nou se moun onèt, kite youn nan frè nou yo rete anprizone (nan prizon nou an); men pou nou lòt yo, ale pote sereyal pou grangou ki lakay nou yo, <sup>20</sup> epi ☆mennen pi jenn frè nou an bò kote m, pou pawòl nou yo kapab verifye, e pou nou pa mouri.” Epi konsa, yo te fè.

<sup>21</sup> Epi yo te di youn a lòt: “☆Vrèman, nou koupab nan zafè frè nou an, akòz nou te wè jan nanm li te twouble lè li te plede avèk nou, men nou te refize tande; pou sa, kriz sila a vin rive sou nou.”

<sup>22</sup> Reuben te reponn yo, e te di: “Èske mwen pa t di nou: “Pa peche kont tigason an; epi nou te refize tande? Koulye a fwi san li an vin parèt.” ☆  
<sup>23</sup> Men yo pa t konnen ke Joseph te konprann, paske te gen yon entèprèt antre yo, <sup>24</sup> Li te vire lwen yo e li te ☆kriye. Men lè li te retounen vè yo, li te pale avèk yo; li te pran Siméon nan mitan yo, e li te mare li devan Jr yo.

<sup>25</sup> ☆Epi Joseph te bay lòd pou plen sak yo avèk sereyal, remèt lajan a chak moun nan sak li, e bay yo pwovizyon pou vwayaj la. Epi se konsa ke sa te fèt pou yo. <sup>26</sup> Alò, yo te chaje bourik pa yo avèk sereyal yo, e yo te soti la.

<sup>27</sup> Pandan youn nan yo te ouvri sak li pou bay bèt la manje, li te wè ☆lajan pa li a, e gade byen, se la li te ye, nan bouch sak la. <sup>28</sup> Epi li te di a frè li yo: “Lajan mwen an remèt wi, e gade byen, li la menm nan sak mwen an.” Epi kè yo te plonje desann, yo te vire, tou ap tranble youn ak lòt, e te di: “Kisa ke Bondye gen tan fè pou nou la a?”

<sup>29</sup> Lè yo te rive a papa yo, Jacob, nan peyi Canaan an, yo te di li tout sa ki te rive yo, e yo te di: <sup>30</sup> “Mesye a, mèt peyi a, te ☆pale byen di avèk nou, e li te pran nou pou espyon nan peyi a. <sup>31</sup> Men nou te di li: “Nou se ☆moun onèt; se pa espyon nou ye. <sup>32</sup> Nou se douz frè, fis a papa nou; youn nan nou p ap viv ankò, e pi jenn nan avèk papa nou jodi a nan peyi Canaan.

<sup>33</sup> Epi nonm nan, mèt peyi a, te di nou: “☆Pa sa mwen va konnen ke nou se moun onèt: kite youn nan frè nou yo avè m, pran sereyal la pou pwoblèm grangou lakay nou yo, e ale. <sup>34</sup> Men, mennen pi jenn frè ou a kote mwen pou m ka konnen ke nou pa espyon, men nou se moun onèt. Mwen va bay ou frè ou a, e w ap kapab ☆fè komès nan peyi a.”

<sup>35</sup> Alò, li te rive ke lè yo t ap vide sak yo, ke gade byen, ☆bous lajan chak moun te nan sak li; epi lè yo menm avèk papa yo te wè lajan an, yo te sezi. <sup>36</sup> Papa yo, Jacob te di yo: “Nou fin ☆fè m pèdi pitit mwen yo: Joseph pa la ankò, Siméon pa la ankò, e si nou t a pran Benjamin; tout bagay sa yo (se) kont mwen.”

☆ **42:13** Jen 37:33 ☆ **42:15** I Sam 17:55 ☆ **42:16** Jen 42:11 ☆ **42:17** Jen 40:4-7 ☆ **42:18** Jen 39:9 ☆ **42:20** Jen 42:34 ☆ **42:21** Jen 37:26-28 ☆ **42:22** Jen 37:21,22 ☆ **42:24** Jen 43:30 ☆ **42:25** Wo 12:17-21 ☆ **42:27** Jen 43:21-22 ☆ **42:30** Jen 42:7 ☆ **42:31** Jen 42:11 ☆ **42:33** Jen 42:19-20 ☆ **42:34** Jen 34:10 ☆ **42:35** Jen 43:12-21 ☆ **42:36** Jen 43:14

<sup>37</sup> Alò, Reuben te pale avèk papa l e te di: “Ou kapab mete de gason mwen yo a lanmò si mwen pa mennen li retounen kote ou; mete li sou kont mwen, e mwen va fè l retounen kote ou.”

<sup>38</sup> Men Jacob te di: “Fis mwen an p ap desann avèk nou; paske ✨frè li a mouri, e se li sèl ki rete. Si malè ta rive li nan vwayaj ke nou ap fè a, alò, nou va mennen tèt cheve blanch sa a vè sejou mò yo avèk tristès.”

## 43

<sup>1</sup> ✨Alò, gwo grangou a te rèd nan tout peyi a. <sup>2</sup> Epi li te vin rive ke lè yo te fin manje sereyal ke yo te achte an Égypte la, papa yo te di yo: “Ale retounen, achte yon ti manje.”

<sup>3</sup> Men Juda te pale avèk li, e te di: “✨Nonm nan te menase nou ke: “Nou p ap wè figi m sof ke frè nou an avèk nou.” <sup>4</sup> Si ou voye frè nou an avèk nou, nou va desann achte manje. <sup>5</sup> Men si ou pa voye li, nou p ap desann; paske nonm nan te di nou: “Nou p ap wè figi m sof ke frè nou an avèk nou.”

<sup>6</sup> Alò, Israèl te di: “Poukisa ou maltrete m konsa nou te di mesye a ke nou te gen yon lòt frè toujou?”

<sup>7</sup> Men yo te di: “Mesye a te kesyone nou byen dirèk konsènan moun nan fanmi nou, e li te di: “✨Èske papa nou toujou vivan? Èske nou gen yon lòt frè? Alò, nou te reponn kesyon li. Èske nou ta ka konnen ke li ta di: “Mennen frè nou an desann?”

<sup>8</sup> Juda te di a papa li, Israèl: “Voye jènjan an avèk mwen, nou va leve ale, pou nou kapab viv, e pa mouri, nou menm, ansanm ak ou, ak pitit ou yo. <sup>9</sup> “✨Mwen menm, mwen va garanti pou li; ou kapab mete m responsab li. Si mwen pa mennen l tounen bò kote ou, e fè l chita devan ou, alò, ke mwen rete koupab devan ou (jis) pou tout tan. <sup>10</sup> Paske si nou pa t mize, asireman kounye a nou ta gen tan retounen de fwa deja.”

<sup>11</sup> Alò, papa yo, Israèl te di yo: “Si sa oblije fèt, alò, fè l konsa: pran kèk nan pi bèl pwodwi peyi a nan sak nou, pou pote desann vè nonm nan kòm kado, yon ti ✨lwil, yon ti siwo myèl, yon ti gòm santi bon, myrr, grenn pistach fen avèk grenn zanmann. <sup>12</sup> Pran doub lajan nan men nou, e anplis, pran pou remèt nan men nou ✨kòb ki te retounen nan bouch sak la; petèt se te yon erè. <sup>13</sup> Pran frè nou an tou, e leve retounen vè mesye a; <sup>14</sup> Epi ke Bondye Toupwisan an kapab bannou gras nan zye mesye a, pou li kab lage bannou ✨lòt frè nou an avèk Benjamin. Epi pou mwen, ✨si mwen pèdi de pitit mwen yo, mwen pèdi nèt.”

<sup>15</sup> Alò, mesye yo te pran ✨kado sila yo, e yo te pran doub lajan nan men yo avèk Benjamin; epi yo te leve desann an Égypte, e yo te kanpe devan Joseph. <sup>16</sup> Lè Joseph te wè Benjamin avèk yo, li te di a ✨chèf domestik lakay li a, touye yon bèt, e fè prepare l; paske mesye sa yo ap vin manje avèk mwen a midi a.”

<sup>17</sup> Alò, nonm nan te fè sa ke Joseph te mande a, e li te mennen mesye yo lakay Joseph. <sup>18</sup> Alò, mesye yo te byen pè, paske yo te mennen yo lakay Joseph; e yo te di: “Se akòz lajan ki te remèt nan sak yo premye fwa a, ke yo ap mennen nou la a, pou li kapab chache okazyon kont nou, pou tonbe sou nou, e pran nou kòm esklav avèk bourik nou yo.”

✨ 42:38 Jen 37:33-34 ✨ 43:1 Jen 12:10 ✨ 43:3 Jen 43:5 ✨ 43:7 Jen 42:13 ✨ 43:9 Jen 42:37  
 ✨ 43:11 Jen 37:25 ✨ 43:12 Jen 42:25-35 ✨ 43:14 Jen 42:24 ✨ 43:14 Jen 42:36 ✨ 43:15  
 Jen 43:11 ✨ 43:16 Jen 44:1

<sup>19</sup> Epi yo te vin pwoche chèf domestik la, e yo te pale ak li nan antre kay la, <sup>20</sup> epi yo te di: “O mèt mwen, vrèman nou te desann premye fwa a pou achte manje, <sup>21</sup> epi sa te fè ke lè nou te rive nan lojman nou, ke nou te louvri sak nou, e konsa, ✧kòb a chak moun te nan bouch sak li, tout kòb nou nèt. Konsa, nou te retounen pote li nan men nou. <sup>22</sup> Nou te pote osi, lajan anplis nan men nou pou achte manje; nou pa konnen kilès ki te mete kòb nou yo nan sak nou yo.”

<sup>23</sup> Li te di: “Rete anpè, nou pa bezwen pè. Bondye pa nou an e Bondye papa nou an te bannou trezò nan sak nou yo; mwen te resevwa kòb nou an.” Epi ✧li te mennen Siméon deyò bay yo.

<sup>24</sup> Epi nonm nan te mennen mesye yo lakay Joseph, li te ✧bay yo dlo, e yo te lave pye pa yo; epi li te bay bourik yo manje. <sup>25</sup> Epi yo te prepare ✧kado yo pou lè Joseph ta vin parèt a midi, paske yo te tandè ke yo te gen pou manje la.

<sup>26</sup> Lè Joseph te rive lakay li, yo te pote kado ki te nan men yo bò kote li nan kay la e yo te ✧bese atè devan li. <sup>27</sup> Li te mande yo si tout bagay ale byen, e li te di: “✧Èske granmoun sou sila nou te pale m nan toujou vivan?”

<sup>28</sup> Yo te di: “Sèvitè ou a, papa nou toujou byen; li toujou vivan.” ✧Yo te bese ba pou bay respè.

<sup>29</sup> Lè li te leve Jr li, li te wè frè li, Benjamin, fis a manman l lan, e li te di: “Èske se sila a ki ✧pi jenn frè nou ke nou te pale m nan?” Epi li te di: “Ke Bondye kapab fè ou gras, fis mwen.” <sup>30</sup> Joseph te fè vit ale deyò, paske ✧li te tèlman touche byen fon pa prezans frè li yo, e li te chache yon kote pou l ta kab kriye; epi li te antre nan chanm li an, e li te kriye la.

<sup>31</sup> Alò, li te lave figi li, e li te vin parèt deyò; epi li te ✧kontwole tèt li, e te di: “Sèvi manje a.”

<sup>32</sup> Epi yo te sèvi pa li menm nan yon kote pou kont li, yo menm pou kont yo, Ejipsyen yo ki t ap manje avèk li yo pou kont yo, paske yon Ejipsyen pa t kapab manje pen avèk yon Ebre, paske sa se yon abominasyon pou Ejipsyen yo. ✧

<sup>33</sup> Alò, yo te chita devan li, ✧premye ne a, selon dwa nesans li, pi jenn nan selon jennès li, e mesye yo t ap gade youn lòt byen etone. <sup>34</sup> Li te pran pòsyon manje pa yo sòti nan pwòp tab li, ✧men pòsyon Benjamin an te senk fwa plis ke tout lòt yo. Epi yo te manje e bwè anpil avèk li.

## 44

<sup>1</sup> ✧Alò, li te pase lòd a chèf domestik la e te di: “Ranpli sak yo avèk manje, tout sa ke yo kapab pote, e mete kòb a chak moun nan bouch sak li. <sup>2</sup> Mete tas mwen an, tas fèt an ajan an; plase nan bouch sak a pi jenn nan, e kòb li pou sereyal la.” Epi sa te fè jan Joseph te mande a.

<sup>3</sup> Depi li te fè klè, mesye yo te voye ale, yo menm avèk bourik yo. <sup>4</sup> Yo te fenk kite vil la e yo pa t byen lwen lè Joseph te di a chèf domestik li a: “Leve, swiv mesye sa yo, e lè nou rive sou yo, di yo konsa: “Poukisa nou rekonpanse mal pou byen? <sup>5</sup> Èske tas sa a se pa sila ke mèt mwen an bwè ladann, e sèvi pou ✧divinasyon an? Nou te fè mal lè nou te fè sa.”

✧ 43:21 Jen 42:27-35 ✧ 43:23 Jen 42:24 ✧ 43:24 Jen 18:4 ✧ 43:25 Jen 43:11-15 ✧ 43:26 Jen 37:7-10 ✧ 43:27 Jen 43:7 ✧ 43:28 Jen 37:7-10 ✧ 43:29 Jen 42:13 ✧ 43:30 I Wa 3:26 ✧ 43:31 Jen 45:1 ✧ 43:32 Jen 46:34 ✧ 43:33 Jen 42:7 ✧ 43:34 Jen 25:34 ✧ 44:1 Jen 42:25 ✧ 44:5 Lev 19:26

<sup>6</sup> Alò, li te rive sou yo, e li te pale pawòl sa ak yo. <sup>7</sup> Yo te di li: “Poukisa mèt mwen an pale kalite pawòl sila yo? Sa lwen mwen pou m ta fè yon bagay konsa. <sup>8</sup> Gade byen, ✧lajan ke nou te twouve nan bouch sak nou yo, nou te pote yo bannou soti nan peyi Canaan. Alò, kijan nou ta ka vòlè lò, oswa lajan lakay mèt la?” <sup>9</sup> ✧Avèk nenpòt kilès nan sèvitè nou yo ke nou ta twouve l, ke li mouri, e nou osi, nou va devni ✧esklav a mèt nou.”

<sup>10</sup> Alò, li te di: “Konsa kite sa fèt tankou pawòl ou; sila avèk kilès li twouve l la, li va devni esklav mwen, e tout rès nan nou va rete inosan.”

<sup>11</sup> Alò, byen prese, chak moun te desann sak li atè, pou te ouvri sak li.

<sup>12</sup> Li te fè ankèt, kòmanse avèk pi gran, fini avèk pi jenn nan, e ✧tas la te twouve nan sak Benjamin an. <sup>13</sup> Epi yo te chire rad yo, e lè chak moun te fin chaje bèt li, yo te retounen ✧nan vil la.

<sup>14</sup> Lè Juda avèk frè li yo te vini lakay Joseph, li te toujou la, e ✧yo te tonbe atè devan li. <sup>15</sup> Joseph te di yo: “Ki zak sa ke nou te fè la a? Èske nou pa konnen ke yon nonm tankou mwen kapab vrèman pratike divinasyon?” ✧

<sup>16</sup> Epi Juda te di: “Kisa nou kapab di a mèt nou? Kisa nou kapab pale? Kijan nou kapab jistifye pwòp tèt nou? Bondye te twouve inikite nan sèvitè ou yo; gade byen, nou se esklav a mèt nou, ni nou, men osi sila ki te posede tas nou te twouve a.”

<sup>17</sup> Men li te di yo: “Kite sa byen lwen pou m fè (sa). Mesye sou sila nou te twouve tas la, li va esklav mwen; men pou nou, ale anpè vè papa nou.”

<sup>18</sup> Alò, Juda te pwoche li, e te di: “O mèt mwen, silvouplè, èske sèvitè ou kapab pale yon mo nan zòrèy a mèt la, e li p ap vin fache avèk sèvitè ou a; paske ✧ou menm jan avèk Farawon. <sup>19</sup> ✧Mèt mwen an te mande sèvitè li yo, e te di: “Èske nou genyen yon papa, oswa yon frè?” <sup>20</sup> Nou te di a mèt mwen: “Nou gen yon papa ki granmoun, ak yon ✧timoun li te fè nan vyeyès li. Alò, ✧frè li a gen tan mouri, li sèl ki rete kòm pitit a manman l, e papa li renmen li.”

<sup>21</sup> Epi ou te di sèvitè ou yo: “✧Mennen fè l desann pou m kapab fikse Jr m sou li.”

<sup>22</sup> Men nou te di a mèt nou: “Jènjan an pa kapab kite papa l; papa l ta mouri.”

<sup>23</sup> Malgre sa, ou te di a sèvitè ou yo: ✧“amwens ke pi jenn nan vin desann avèk nou, nou p ap wè figi m ankò.”

<sup>24</sup> Se te konsa li te rive ke lè nou te monte vè sèvitè ou, papa m, ke nou te pale li pawòl a mèt nou an. <sup>25</sup> ✧Papa nou te di nou: “Retounen achte yon ti manje.” <sup>26</sup> Men nou te di: “Nou pa kapab desann. Si pi jenn frè nou an avèk nou, nou va desann; paske nou pa kapab wè figi a nonm nan ankò, sof ke pi jenn frè nou an avèk nou.”

<sup>27</sup> Sèvitè ou, papa m te di a nou: “Ou konnen ke ✧madanm mwen te fè de fis pou mwen; <sup>28</sup> epi youn nan yo te sòti kite mwen, e mwen te di: “Asireman li te chire an mòso, e mwen pa wè li depi lè sa.” ✧ <sup>29</sup> ‘Si ou pran sila a osi kite mwen, e si malè rive li, nou va ✧mennen cheve tèt blanch sa a anba nan sejou mò yo avèk tristès.”

<sup>30</sup> Alò, pou sa, lè mwen rive vè sèvitè ou, papa m, e pou jènjan an pa la avèk nou, paske ✧lavi li mare ansanm avèk lavi jènjan an, <sup>31</sup> Lè li wè ke jènjan an pa avèk nou, l ap mouri. Konsa sèvitè ou yo va ✧mennen cheve

✧ 44:8 Jen 43:21 ✧ 44:9 Jen 31:32 ✧ 44:9 Jen 44:16 ✧ 44:12 Jen 44:2 ✧ 44:13 Jen 44:4  
 ✧ 44:14 Jen 37:7-10 ✧ 44:15 Jen 44:5 ✧ 44:18 Jen 37:7-8 ✧ 44:19 Jen 43:7 ✧ 44:20  
 Jen 37:3 ✧ 44:20 Jen 37:33 ✧ 44:21 Jen 45:15-20 ✧ 44:23 Jen 43:3-5 ✧ 44:25 Jen 43:2  
 ✧ 44:27 Jen 46:19 ✧ 44:28 Jen 37:31-35 ✧ 44:29 Jen 42:38 ✧ 44:30 I Sam 18:1 ✧ 44:31  
 Jen 44:29

blanch a sèvitè ou, papa nou anba nan sejou mò yo avèk tristès. <sup>32</sup> Paske sèvitè ou te ✨devni yon sekirite pou jènjan a papa m nan, e mwen te di: “Si mwen pa fè l retounen a ou menm, alò, kite m pote koupabilite sa a devan papa m pou tout tan.

<sup>33</sup> Alò, pou sa, kite sèvitè ou a rete, olye ke jènjan an, kòm yon esklav a mèt mwen, e kite jènjan an monte avèk frè li yo. <sup>34</sup> Paske kijan mwen kapab monte vè papa m si jènjan an pa avè m—paske mwen pè pou m ta wè malè ki vin pran papa m?”

## 45

<sup>1</sup> Alò, Joseph pa t kapab kontwole emosyon li devan tout moun sa yo ki te kanpe akote li yo, e li te kriye: “Fè tout moun kite mwen.” Konsa pa t gen pèsòn avèk li ✨lè Joseph te revele li menm a frè li yo. <sup>2</sup> ✨Li te kriye tèmman fò ke Ejipsyen yo te tande l, e lakay Farawon te tande l.

<sup>3</sup> Alò, Joseph te di a frè li yo: ✨“Mwen se Joseph! Èske papa m toujou vivan?” Men frè l yo pa t kapab reponn li, paske yo te twouble akòz prezans li.

<sup>4</sup> Alò, Joseph te di a frè li yo: “Souple, vin pi pre m.” Epi yo te vin pi pre. E li te di: “Mwen se frè nou, Joseph, ke nou te vann pou ale an Égypte la. ✨

<sup>5</sup> Alò, pinga nou tris ni fache avèk pwòp tèt nou, akòz ke nou te vann mwen isit la paske ✨Bondye te voye m avan nou pou prezève lavi nou. <sup>6</sup> Paske gwo grangou a te nan peyi sa pou ✨dis ane sa yo, e gen senk ane toujou ki p ap gen ni raboure tè ni rekòlt. <sup>7</sup> ✨Bondye te voye m devan nou pou prezève yon retay sou latè, e pou kenbe nou vivan pa yon gwo delivrans.

<sup>8</sup> Alò, pou sa, se pa te nou ki te voye m isit la, men Bondye; epi Li te fè m yon ✨papa pou Farawon, mèt pou tout lakay li, e gouvènè sou tout peyi Égypte la.

<sup>9</sup> Fè vit, monte vè papa m e ✨di li: “Se konsa ke fis ou a, Joseph pale: “Bondye gen tan fè m mèt pou tout Égypte la; vin desann kote mwen, e pa mize.” <sup>10</sup> Nou va viv nan peyi Gosen an, e nou va pre mwen, nou menm avèk pitit nou yo, pitit a pitit nou yo, bann mouton nou yo, avèk twoupo nou yo, ak tout sa ke nou genyen. ✨ <sup>11</sup> La, mwen va osi fè pwovizyon pou nou, paske toujou ap gen senk ane ak gwo grangou e nou menm avèk lakay nou ak tout sa nou genyen ta kapab vin megri.

<sup>12</sup> Gade byen, Jr nou wè, e Jr a frè m nan Benjamin wè, ke se pwòp bouch mwen k ap pale ak nou. <sup>13</sup> Koulye a nou gen pou di papa m tout richès mwen gen an Égypte, ak tout sa nou te wè; epi nou oblije prese ✨mennen papa m desann isit la.”

<sup>14</sup> Epi li te tonbe nan kou a frè l, Benjamin, e li te kriye nan kou li. ✨ <sup>15</sup> Li te bo tout frè li yo, li te kriye sou yo, e apre frè l yo te pale avèk li.

<sup>16</sup> Alò, lè ✨nouvèl la te tande kote lakay Farawon, ke frè Joseph yo te vini, sa te fè Farawon kontan, ni sèvitè li yo. <sup>17</sup> Epi Farawon te di a Joseph: “Pale a frè ou yo; Men sa pou fè; chaje bèt nou pou ale nan peyi Canaan, <sup>18</sup> epi pran papa ou avèk fanmi nou yo, e vini kote mwen, ✨mwen va bannou pi bon tè an Égypte yo, e nou va manje tout grès tè a.

<sup>19</sup> Koulye a mwen pase lòd: “Fè sa: pran ✨cha ki sòti an Égypte yo pou pitit nou yo ak madanm nou yo, e mennen papa nou vini. <sup>20</sup> Pa okipe nou

✨ 44:32 Jen 43:9 ✨ 45:1 Trav 7:13 ✨ 45:2 Jen 45:14,15 ✨ 45:3 Trav 7:13 ✨ 45:4 Jen 37:28  
 ✨ 45:5 Jen 45:7-8 ✨ 45:6 Jen 37:2 ✨ 45:7 Jen 45:5 ✨ 45:8 Jij 17:10 ✨ 45:9 Trav 7:14  
 ✨ 45:10 Jen 46:28,34 ✨ 45:13 Trav 7:14 ✨ 45:14 Jen 45:2 ✨ 45:16 Trav 7:13 ✨ 45:18  
 Jen 27:28 ✨ 45:19 Jen 45:21-27

de byen nou yo, paske tout sa ki pi bon nan tout peyi Égypte la se pou nou.”

<sup>21</sup> Alò, fis Israël yo te fè sa; epi Joseph te bay yo ✧cha yo selon kòmman Farawon an, e li te bay yo pwovizyon pou vwayaj la. <sup>22</sup> A yo chak, li te bay echanj abiman, men a Benjamin li te bay twa san pyès an ajan, ak ✧senk echanj abiman. <sup>23</sup> A papa li, li te voye kòm swivan: dis bourik chaje avèk pi bon bagay Égypte kab pwodwi, dis bourik femèl chaje avèk sereyal ak pen, ak nouriti pou papa l nan vwayaj la. <sup>24</sup> Epi li te voye frè li yo pati, e pandan yo t ap sòti, li te di yo: “Pa goumen nan vwayaj la.”

<sup>25</sup> Alò yo te kite Égypte monte, e yo te vini nan peyi Canaan kote papa yo, Jacob.

<sup>26</sup> Yo te di li e yo te pale konsa: “Joseph toujou vivan, e vrèman li se Gouvènè tout peyi Égypte la.” Men li te sezi, paske ✧li pa t kwè yo. <sup>27</sup> Lè yo te di li tout pawòl ke Joseph te pale yo, e lè li te wè ✧cha yo ke Joseph te voye pou mennen li an, lespri papa yo, Jacob, te reprann.

<sup>28</sup> Alò, Israël te di: “sa sifi; fis mwen an, Joseph toujou ap viv. M ap prale wè l avan ke m mouri.”

## 46

<sup>1</sup> Epi Israël te pati avèk tout sa li te genyen, li te vini ✧Beer-Schéba e li te ofri sakrifis a Bondye a papa li a, Isaac.

<sup>2</sup> Bondye te pale avèk Israël nan vizyon nan nwit lan, e te di: ✧“Jacob, Jacob.”

Epi li te di: “Men mwen isit la.”

<sup>3</sup> Li te di: “Mwen se Bondye, Bondye a papa ou a; pa pè desann an Égypte, paske mwen va ✧fè nou vin yon gran nasyon la. <sup>4</sup> ✧Mwen va desann avèk nou an Égypte, Mwen va fè nou monte ankò; epi Joseph va fèmen Jr ou.”

<sup>5</sup> Alò, Jacob te leve kite Beer-Schéba, fis Israël yo te pote papa yo, Jacob, e pitit yo, ak madanm yo nan ✧cha ke Farawon te voye pou pote li yo. <sup>6</sup> Yo te pran tout bèt yo avèk tout byen yo, ke yo te vin gen nan peyi Canaan an, e yo ✧te vini an Égypte, Jacob avèk tout desandan li yo ansanm; <sup>7</sup> avèk fis li yo, fis a fis li yo, fi li yo avèk fi a fis li yo, ak tout desandan li yo li te mennen avèk li, ale an Égypte.

<sup>8</sup> Alò, sa yo se ✧non a fis a Israël yo, Jacob avèk fis li yo ki te ale an Égypte: Reuben, premye ne a Jacob la.

<sup>9</sup> Fis Reuben yo: Hénoc, Pallu, Hetsron, ak Carmi.

<sup>10</sup> ✧Fis Siméon yo: Jemuel, Jamin, Ohad, Jakin avèk Tsochar; e Saul, fis a yon fanm Kananeyèn.

<sup>11</sup> ✧Fis a Levi yo: Guerschon, Kehath, ak Merari.

<sup>12</sup> Fis a Juda yo: Er, Onan, Schéla, Pérets, ak Zarach; men Er avèk Onan te mouri nan peyi Canaan. ✧Fis a Pérets yo te Hetsron, avèk Hamul.

<sup>13</sup> Fis a Issacar yo: Tholy, Puva, Jb, ak Schimron.

<sup>14</sup> Fis a Zabulon yo: Séred, Élon avèk Jahleel.

<sup>15</sup> Sila yo se fis a Léa yo, ke li te fè pou Jacob nan Paddan-Aram, avèk fis li, Dina; tout fis li yo ak fi li yo te vin monte a trant-twa.

<sup>16</sup> ✧Fis a Gad yo: Tsiphjon, Haggi, Schuni, Etsbon, Eri, Arodi avèk Areéli.

✧ 45:21 Jen 45:19 ✧ 45:22 II Wa 5:5; Jen 43:34 ✧ 45:26 Jen 37:31-35 ✧ 45:27 Jen 45:19  
 ✧ 46:1 Jen 21:31 ✧ 46:2 Jen 22:11 ✧ 46:3 Egz 1:9 ✧ 46:4 Jen 28:15 ✧ 46:5 Jen 45:21  
 ✧ 46:6 Det 26:5 ✧ 46:8 Egz 1:1-4 ✧ 46:10 Egz 6:15 ✧ 46:11 I Kwo 6:1 ✧ 46:12 Jen 38:3,4,5;  
 I Kwo 2:5 ✧ 46:16 Nonb 26:15-18

- 17 Fis Aser yo: Jimna, Jischva, Jischvi, ak Beria; e sè yo, Sérach.  
Epi fis Beria yo: Héber avèk Malkiel. 18 Sila yo se fis a Zilpha, sila ke Laban te bay a fi li Léa a; epi li te fè pou Jacob sèz moun sa yo.
- 19 Fis a Rachel yo, madanm a Jacob la: Joseph avèk Benjamin.
- 20 Alò, a ✧Joseph nan peyi Égypte la, te ne Manassé ak Éphraïm, ke Asenath, fi a Poti-Phéra a, prèt On an te fè pou li.
- 21 ✧Fis a Benjamin yo: Béla, Béker, Aschbel, Guéra, Naaman, Éhi, Rosch, Mupim, Hupim, ak Ard.
- 22 Sila yo se fis a Rachel yo, ki te fèt a Jacob; te gen katòz moun antou.
- 23 Fis a Dann yo: Huschim.
- 24 Fis a Nephtali yo: Jathtseel, Guni, Jetser, ak Schillem.
- 25 Sila yo se ✧fis a Bilha yo, ke ✧Laban te bay a fi li, Rachel, e li te fè sa yo pou Jacob; te gen sèt moun antou.
- 26 ✧Tout moun ki te pou Jacob yo te vini an Égypte, desandan ki te sòti dirèk sou li menm yo, san kontwole madanm a fis Jacob yo te swansant sis moun antou.
- 27 epi fis a Joseph ki te fèt pou li an Égypte yo te de; ✧tout moun lakay Jacob ki te vini an Égypte yo te swasann-dis.
- 28 Alò, li te voye Juda devan li vè Joseph, pou montre li chemen an devan l nan ✧Gosen; epi yo te vini nan peyi Gosen. 29 Joseph te prepare cha li, li te monte Gosen pou rankontre papa li, Israël; depi li te parèt devan li, li te tonbe nan kou li e li ✧te kriye nan kou li pandan anpil tan.
- 30 Epi Israël te di a Joseph: “Koulye a kite mwen mouri, paske mwen gen tan wè figi ou, ke ou toujou vivan.”
- 31 Joseph te di a frè l yo e a lakay papa li: ✧“Mwen va monte pou pale ak Farawon, e mwen va di li: “Frè m yo avèk lakay papa m, ki te nan peyi Canaan an vin kote mwen; 32 Epi mesye sa yo se bèje, paske yo te konn okipe bèt; epi yo te mennen bann mouton pa yo avèk twoupo pa yo, ak tout sa yo posede.”
- 33 Lè Farawon rele nou e di: ✧“Kisa nou fè kòm metye.” 34 Nou va di: “Sèvitè ou yo ap okipe bèt depi lè nou te jenn jis rive koulye a, ni nou menm, ni papa nou yo,” pou nou kapab viv nan peyi Gosen; paske tout bèje se yon abominasyon pou Ejipsyen yo. ✧

## 47

- 1 Epi ✧Joseph te antre, li te pale ak Farawon, e te di: “Papa m avèk frè m yo, bann mouton yo, twoupo yo, avèk tout sa yo posede, te sòti nan peyi Canaan an; epi gade byen, yo nan peyi ✧Gosen. 2 Li te pran senk mesye pami frè li yo, e li te ✧prezante yo bay Farawon.
- 3 Alò, Farawon te di a frè li yo: ✧“Ki metye nou?”
- Epi yo te di a Farawon: “sèvitè nou se bèje, ni nou menm, ni zansèt nou yo.” 4 Yo te di a Farawon: “Nou te vini pou rete nan peyi a, paske nanpwen patiraj pou bann mouton yo paske gwo grangou a rèd nan peyi Canaan. Alò pou sa, souple, kite sèvitè nou yo viv nan peyi Gosen an.”✧
- 5 Epi Farawon te di a Joseph: “Papa ou avèk frè ou yo te vin kote ou. 6 Peyi Égypte la devan ou, plase papa ou avèk frè ou yo nan ✧pi bon pòsyon tè

✧ 46:20 Jen 41:50-52 ✧ 46:21 I Kwo 7:6 ✧ 46:25 Jen 30:5-7 ✧ 46:25 Jen 29:29 ✧ 46:26 Egz 1:5 ✧ 46:27 Det 10:22 ✧ 46:28 Jen 45:10 ✧ 46:29 Jen 45:14-15 ✧ 46:31 Jen 47:1 ✧ 46:33 Jen 47:2-3 ✧ 46:34 Jen 13:7-8; Jen 45:10-18 ✧ 47:1 Jen 46:31 ✧ 47:1 Jen 45:10 ✧ 47:2 Trav 7:13 ✧ 47:3 Jen 46:33 ✧ 47:4 Jen 43:1 ✧ 47:6 Jen 45:10-18



a, kite yo viv nan peyi Gosen an; epi si ou konnen moun ki kapab pami yo, alò, fè yo responsab bèt mwen yo.”

<sup>7</sup> Epi Joseph te mennen papa li, Jacob, e li te prezante li bay Farawon; epi Jacob te ✧beni Farawon. <sup>8</sup> Farawon te di a Jacob: “Konbyen ane ou gen tan viv?”

<sup>9</sup> Epi Jacob te di a Farawon: “Lane lavi m yo sou latè se san-trant; kèk, e degoutan se te ane lavi m yo, ni yo pa menm fòs avèk ✧lane ke zansèt mwen yo te viv pandan jou lavi pa yo.” <sup>10</sup> Epi Jacob te ✧beni Farawon, e li te sòti nan prezans li.

<sup>11</sup> Konsa Joseph te fè plas pou papa li, ak frè li yo e li te bay yo yon teren an Égypte, epi nan pi bon pati nan peyi a, kote ✧Ramsès la, tankou Farawon te kòmande a. <sup>12</sup> Joseph te ✧founi papa li ak frè li yo, avèk tout lakay li avèk manje, selon fòs kantite pitit pa yo. <sup>13</sup> Koulye a, pa t gen manje nan tout peyi a, akoz gwo grangou a te tèlman rèd, ke ✧peyi Égypte la ak peyi Canaan an te febli nèt akoz gwo grangou a.

<sup>14</sup> ✧Joseph te ranmase tout lajan ki te twouve nan peyi Égypte la, ak nan peyi Canaan pou sereyal ke yo te achte a, e Joseph te pote lajan an lakay Farawon. <sup>15</sup> Lè tout lajan an te fin depanse nan tout peyi Égypte la, ak tout peyi Canaan an, tout Ejipsyen yo te vin vè Joseph, e te di li: “Bannou manje, paske ✧pou ki rezon nou ta dwe mouri nan prezans ou? Paske lajan nou fini.”

<sup>16</sup> Alò, Joseph te di: “Bay bèt nou yo, e mwen va bannou manje pou bèt yo, paske kòb nou gen tan fini.” <sup>17</sup> Epi yo te mennen bèt yo kote Joseph, Joseph te bay yo manje an echanj ak cheval ak bann mouton, twoupo ak bourik; epi li te bay yo manje an echanj ak tout bèt pa yo nan ane sa a.

<sup>18</sup> Lè ane sa a te fini, yo te vin kote li nan lane pwochè, e te di li: “Nou p ap kache a mèt nou ke lajan nou fin depanse, e tout twoupo bèt yo se pou mèt nou. Nanpwen anyen ki rete pou mèt la, sof ke kò nou, ak tè nou yo. <sup>19</sup> Poukisa nou ta mouri devan Jr ou, ni nou menm, ni tè nou yo? Achte nou menm avèk tè nou yo, e nou va vin esklav a Farawon. Epi bannou semans pou nou ka viv, pou nou pa mouri, e pou tè a pa rete vid.” <sup>20</sup> Alò, Joseph te achte tout tè an Égypte yo pou Farawon, e chak Ejipsyen te vann tè li, akoz ke gwo grangou a te rèd sou yo. Konsa, tè a te vin pou Farawon. <sup>21</sup> Epi pou pèp la, li te deplase yo pou antre nan vil yo sòti nan yon pwen fwontyè Égypte la, jis rive nan lòt la. <sup>22</sup> Se sèl tè prèt yo ke li pa t achte, paske prèt yo te gen yon bous ki te sòti sou Farawon, e yo te viv sou bous ke Farawon te bay yo a. Akoz sa, yo pa t vann tè pa yo a.

<sup>23</sup> Epi Joseph te di a pèp la: “Veye byen, jodi a mwen te achte nou menm avèk tè nou yo pou Farawon; men semans lan se pou nou, e nou kapab simen nan tè a. <sup>24</sup> Nan rekòlt la, nou va bay yon ✧senkyèm a Farawon, e kat senkyèm nan ap rete pou nou pou simen nan tè a pou manje pou nou menm avèk sa ki lakay nou yo, ak pou pitit nou yo.

<sup>25</sup> Epi yo te di: “Ou gen tan sove lavi nou! Kite nou twouve favè nan Jr a mèt nou, e nou va vin esklav Farawon.”

<sup>26</sup> Joseph te fè yon règleman selon peyi Égypte la ki valab jis rive jou sa a ke Farawon te gen dwa a yon senkyèm nan; ✧sèl tè a prèt yo ki pa t vin pou Farawon.

✧ 47:7 II Sam 14:22 ✧ 47:9 Jen 25:7 ✧ 47:10 Jen 47:7 ✧ 47:11 Egz 1:11 ✧ 47:12 Jen 45:11  
✧ 47:13 Jen 41:30 ✧ 47:14 Jen 41:56 ✧ 47:15 Jen 47:19 ✧ 47:24 Jen 31:24 ✧ 47:26 Jen 47:22

<sup>27</sup> Alò, Israèl te viv nan peyi Égypte la, nan Gosen, yo te gen tèren ladann, yo ✨te vin trè pwodiktif, e yo te peple anpil.

<sup>28</sup> Jacob te viv nan peyi Égypte pandan ✨disèt ane; pou sa, fòs lavi li te san-karant-sèt ane. <sup>29</sup> Lè pou Israèl mouri an t ap pwoche; li te rele fis li, Joseph, e te di li: “Souple, si mwen te twouve favè nan zye ou, koulye a ✨plase men ou anba fant janm mwen, e ✨aji avèk mwen nan bòn fwa ak tandrès. Souple, pa antere mwen an Égypte, <sup>30</sup> Men lè m kouche avèk zansèt mwen yo, nou va pote mwen deyò de Égypte, e antere mwen nan ✨plas antèman a yo menm nan.”

Epi li Joseph te di: “M ap fè jan ou te di m nan.”

<sup>31</sup> Epi li te di: “Sèmante ban mwen.” Epi li te sèmante ba li. Epi ✨Israèl te bese pou adore nan tèt kabann nan.

## 48

<sup>1</sup> Alò, li te rive ke apre bagay sa yo, ke Joseph te vin enfòm: “Gade byen, papa ou malad. Epi li te pran de fis li yo, ✨Manassé ak Éphraïm avèk li.

<sup>2</sup> Epi lè yo te fin pale a Jacob: “Gade byen, fis ou a, Joseph gen tan vin kote ou,” Israèl te ranmase fòs li, e li te chita sou kabann nan.

<sup>3</sup> Epi Jacob te di a Joseph: “Bondye Toupwisan an te parèt a mwen nan ✨Luz nan peyi Canaan an e Li te beni mwen, <sup>4</sup> epi li te di mwen: “Gade byen, Mwen va fè nou donnen anpil fwi e miltipliye anpil, epi Mwen va fè ou vin yon konpanyen pèp la, e Mwen va bay peyi sa a a desandan aprè ou, kòm ✨posesyon k ap dire pou tout tan.

<sup>5</sup> Alò, de fis ou yo ki te fèt a ou menm nan peyi Égypte la avan mwen te vin kote ou an Égypte la, se pa m; ✨Éphraïm avèk Manassé se pou mwen, menm jan ke ✨Ruben avèk Siméon. <sup>6</sup> Men pitit ou yo ki te fèt apre yo va pou ou; yo va rele selon non frè pa yo nan eritaj yo. <sup>7</sup> Alò, pou mwen, lè m te retounen nan Paddan, ✨Rachel te mouri, nan tristès mwen, nan peyi Canaan an pandan vwayaj la, lè te toujou gen yon distans pou rive nan Ephrata (ki vle di Bethléem).

<sup>8</sup> Lè Israèl ✨te wè fis a Joseph yo, li te di: “Kilès moun sa yo ye?”

<sup>9</sup> Joseph te di a papa li: “✨Sa yo se fis mwen yo, ke Bondye te ban mwen isit la.” Epi li te di: “Mennen yo la a, souple, pou m kapab beni yo.” <sup>10</sup> Alò, ✨Jr Israèl yo te tèlman vin fèb akòz laj ke li pa t kapab wè. Epi Joseph te mennen yo toupren li, li te ✨bo yo e li te anbrase yo.

<sup>11</sup> Israèl te di a Joseph: “Mwen pa t janm sipoze ke m ta wè figi ou, e gade byen, Bondye kite mwen wè pitit ou yo tou.”

<sup>12</sup> Epi Joseph te pran yo sou jenou li, e te ✨bese ba avèk figi li jis atè. <sup>13</sup> Joseph te pran yo tou pou Ephraïm avèk men dwat li vè bò goch Israèl, e men goch li vè bò dwat Israèl, e li te rale yo toupren li. <sup>14</sup> Men Israèl te lonje men dwat li, li te mete li sou Éphraïm, ki te pi jenn nan, e men goch li te sou tèt Manassé, avèk men l kwaze, poutan ✨Manassé te premye ne.

<sup>15</sup> Li te beni Joseph, e te di: “Bondye devan sila zansèt mwen yo Abraham avèk Isaac te mache a, ✨Bondye ki te bèje m nan pandan tout vi m jis rive jounen jodi a. <sup>16</sup> ✨Zanj ki te rachte mwen de tout mal la, beni jènjan sa yo; epi ke non mwen kapab viv toujou nan yo, e non a zansèt mwen yo,

✨ 47:27 Det 26:5 ✨ 47:28 Jen 47:9 ✨ 47:29 Jen 24:2 ✨ 47:29 Jen 24:49 ✨ 47:30 Jen 23:17-20  
 ✨ 47:31 I Wa 1:47 ✨ 48:1 Jen 41:51-52 ✨ 48:3 Jen 28:19 ✨ 48:4 Jen 17:8 ✨ 48:5 Jen 41:50-52 ✨ 48:5 I Kwo 5:1-2 ✨ 48:7 Jen 35:19 ✨ 48:8 Jen 48:10 ✨ 48:9 Jen 33:5 ✨ 48:10 Jen 27:1 ✨ 48:10 Jen 27:27 ✨ 48:12 Jen 42:6 ✨ 48:14 Jen 41:51-52 ✨ 48:15 Jen 49:24 ✨ 48:16 Jen 22:11-18

Abraham avèk Isaac; epi ke yo kapab grandi vin fè yon gwo pèp nan mitan mond lan.”

<sup>17</sup> Lè Joseph te vin wè ke papa li te ✨poze men dwat li sou tèt Éphraïm, sa te fè l pa kontan, e li te sezi men papa li pou deplase li sou Éphraïm, ale vè tèt Manassé. <sup>18</sup> Joseph te di papa l: “Se pa sa, papa, paske se sila a ki premye ne a. Mete men dwat ou sou tèt li.”

<sup>19</sup> Men papa li te refize, e te di: “Mwen konnen, fis mwen, mwen konnen; li osi va devni yon pèp, e li osi va vin gran. poutan, pi jenn frè li a va pi gran pase li, e ✨desandan li yo va devni yon gran pèp a nasyon yo.”

<sup>20</sup> Li te beni yo nan jou sa a, e te di: “Pa nou menm, Israël va eksprime benediksyon li yo e va di: “Ke Bondye kapab fè nou tankou Éphraïm akanassé!”

<sup>21</sup> Epi Israël te di a Joseph: “Gade byen, mwen prèt pou mouri, men Bondye va avèk ou, e Li va ✨mennen ou retounen nan peyi a zansèt ou yo. <sup>22</sup> Mwen bay ou yon pòsyon anplis ke frè ou yo, ke m te pran nan men Amoreyen yo avèk nepe mwen ak banza mwen.” ✨

## 49

<sup>1</sup> Epi Jacob te rele fis li yo e te di: “Rasanble nou menm pou m kapab di nou sa k ap rive nou ✨nan jou k ap vini yo.

<sup>2</sup> Rasanble nou ansanm e ✨tande, fis a Jacob yo; epi koute Israël, papa nou. <sup>3</sup> Ruben, se ou ki premye ne mwen an; pouvwa mwen, ✨kòmansman nan gwo fòs mwen, premye nan respè e premye nan fòs. <sup>4</sup> San kontwòl tankou dlo, ou p ap genyen premye, akòz ke ou te ✨monte sou kabann papa ou; epi ou te souye li—li te monte sou kabann mwen. <sup>5</sup> ✨Siméon avèk Lévi se frè yo ye; nepe pa yo se zouti vyolans. <sup>6</sup> ✨Pa kite nanm mwen antre nan abitasyon pa yo; pa kite glwa mwen vin reyini avèk asanble pa yo. Akòz nan kòlè yo, yo te touye moun, e nan volonte egoyis pa yo yo te koupe blese bèf. <sup>7</sup> Modi se kòlè yo, paske li fewòs; epi kòlè yo, paske li mechan. ✨Mwen va separe yo nan Jacob, e mwen gaye yo nan Israël. <sup>8</sup> Judas, frè ou yo va ba ou lwanj; men ou ap sou kou lènmi ou yo. ✨Fis a papa ou yo va vin bese ba devan ou. <sup>9</sup> Juda se ✨jèn pòtre a yon lyon; depi nan manje ou, fis mwen, ou gen tan monte. Li bese kò l, li kouche tankou yon lyon, e tankou yon lyon, se kilès ki gen kouraj pou fè l leve? <sup>10</sup> ✨Baton gouvènans p ap janm sòti sou Juda, ni bwa règleman p ap janm antre pye li jis lè Schilo vini, e ✨a li menm va parèt obeyisans a tout nasyon yo. <sup>11</sup> Li mare jenn bourik li ak pye rezen an, e pitit a bourik li nan sila ki pi bon an. ✨Li lave vètman li yo nan diven, e manto li yo nan san rezen yo. <sup>12</sup> Zye li fonsè akòz diven an, e dan li blanchi akòz lèt la. <sup>13</sup> ✨Zabulon va demere bò lanmè; epi li va yon pwotèj pou gwo bato yo, e akote li va vè Sidon. <sup>14</sup> Issacar se yon bourik gwo fòs k ap ✨kouche ba nan antre baryè pak mouton yo. <sup>15</sup> Lè li te wè ke plas repo sa a te dous, e tè a te fè l plezi, li te double zepòl li pou pote chay yo, e li te devni yon esklav pou kòve. <sup>16</sup> ✨Dann va jije pèp li kòm youn nan tribi Israël yo. <sup>17</sup> Dann va yon sèpan ki nan wout, yon koulèv avèk kòn nan chemen ap mòde talon a cheval la, pou fè chevalye li tonbe an aryè. <sup>18</sup> ✨Paske delivrans ou m ap tann, o SENYÈ. <sup>19</sup> ✨Pou Gad, piyajè yo va piyajè

✨ 48:17 Jen 48:14 ✨ 48:19 Jen 28:14 ✨ 48:21 Jen 28:15 ✨ 48:22 Jos 24:32 ✨ 49:1 Nonb 24:14 ✨ 49:2 Sòm 34:11 ✨ 49:3 Det 21:17 ✨ 49:4 Jen 35:22 ✨ 49:5 Jen 34:25-30 ✨ 49:6 Sòm 64:2 ✨ 49:7 Jos 19:1-9 ✨ 49:8 Jen 27:29 ✨ 49:9 Éz 19:5-7 ✨ 49:10 Nonb 24:17 ✨ 49:10 Sòm 72:8-11 ✨ 49:11 És 63:2 ✨ 49:13 Det 33:18-19 ✨ 49:14 Jij 5:16 ✨ 49:16 Det 33:22 ✨ 49:18 Egz 15:2 ✨ 49:19 Det 33:20

li, men li va piyaje vè talon pa yo. <sup>20</sup> ✧Pou Aser, manje li va rich, e li va pwodwi bagay ki delika e ki wayal. <sup>21</sup> ✧Nephthali se yon bich ki vin lage. Li donnen bèl pawòl. <sup>22</sup> ✧Joseph se yon branch ki donnen fwi; yon branch avèk fwi toupre yon sous. Branch li yo kouri sou yon miray. <sup>23</sup> Achè yo te atake avèk rayisman, yo te tire sou li e yo te anmède li; <sup>24</sup> Men banza li te rete fèm, e bwa li yo te fò; depi nan men Toupwisan Jacob la (depi la se ✧Bèje a, ✧Wòch Israèl la), <sup>25</sup> Depi nan Bondye a papa ou ki bay ou soutyen an; Toupwisan an ki beni ou avèk ✧benediksyon anwo nan syèl la, benediksyon ki sòti nan fon ki anba a, e benediksyon tete matris ak vant ki te fè ou a. <sup>26</sup> Benediksyon a papa ou yo gen tan fin depase sila a zansèt pa m yo jis rive nan limit ✧kolin ki dire pou tout tan yo; pou yo kapab rete sou tèt a Joseph, e sou kouwòn a tèt ki byen distenge pami frè li yo. <sup>27</sup> Benjamin se yon lou voras; nan maten li devore sa ke li kenbe, e nan aswè, li divize piyaj la.”

<sup>28</sup> Tout sa yo se douz tribi Israèl yo, e se sa ke papa yo te di yo lè li te beni yo. Li te beni yo, yo chak avèk yon benediksyon ke yo te merite.

<sup>29</sup> Epi li te bay yo chaj, e li te di yo: “Mwen prèt pou ranmase vè moun mwen yo; ✧antere mwen avèk zansèt mwen yo nan kav ki nan ✧chan Éphron a, Etyen an, <sup>30</sup> Nan ✧kav ki nan chan Macpéla a, ki avan Mamré nan peyi Canaan an, ke Abraham te achte ansanm avèk chan nan men Éphron, Etyen an pou yon plas antèman.

<sup>31</sup> La menm yo te antere ✧Abraham avèk madanm li ✧Sarah, la yo te antere Isaac avèk madanm li Rebecca, e se la mwen te antere Léa, <sup>32</sup> Chan an avèk kav ki ladann nan, te achte nan men fis a Heth yo.”

<sup>33</sup> Lè li te fin chaje fis li yo, li te rale pye li anndan kabann nan, li te ✧respire dènye souf li, e li te vin ranmase vè moun li yo.

## 50

<sup>1</sup> Epi Joseph te tonbe sou figi a papa li, li te kriye sou li, e li te bo li. <sup>2</sup> Joseph te kòmande sèvitè li yo avèk doktè yo pou anbome kò papa l. Donk, doktè yo te ✧anbome Israèl. <sup>3</sup> Alò, karant jou te nesèsè pou sa, paske se tan sa a li te pran pou anbome. Epi Ejipsyen yo te ✧kriye pou li pandan swasanndi jou.

<sup>4</sup> Lè jou doulè pou li yo te fin pase, Joseph te pale a lakay Farawon, e te di: “Si koulye a mwen jwenn favè nan Jr nou, souple, pale avèk Farawon, e di: <sup>5</sup> ✧“Papa m te fè m sèmante e te di: “Gade byen, mwen prèt pou mouri; nan tonm mwen ke m te fouye pou mwen menm nan peyi Canaan an, se la nou va antere mwen.” Alò, pou sa, kite mwen monte pou antere papa m; epi mwen va retounen.”

<sup>6</sup> Farawon te di: “Ale monte antere papa ou, jan li te fè ou sèmante a.”

<sup>7</sup> Alò, Joseph te monte pou antere papa li, e avèk li te monte tout sèvitè a Farawon yo, ansyen lakay li yo, ak tout ansyen a peyi Égypte yo, <sup>8</sup> Epi tout lakay Joseph avèk frè li yo, ak lakay papa li; yo te kite sèlman timoun yo, bann mouton yo ak twoupo yo nan peyi Gosen an. <sup>9</sup> Osi te monte avèk li, cha yo avèk chevalye yo; epi se te yon gran konpanyen.

<sup>10</sup> Lè yo te vin nan glasi vannen kote Athad la, glasi ki lòtbò Jourdain an, yo te fè ✧anpil kriye avèk gwo lamantasyon byen tris; epi li te obsève

✧ 49:20 Det 33:24-25 ✧ 49:21 Det 33:23 ✧ 49:22 Det 33:13-17 ✧ 49:24 Sòm 23:1 ✧ 49:24 És 28:16 ✧ 49:25 Jen 27:28 ✧ 49:26 Det 33:15-16 ✧ 49:29 Jen 47:30 ✧ 49:29 Jen 23:16-20 ✧ 49:30 Jen 23:3-20 ✧ 49:31 Jen 25:9 ✧ 49:31 Jen 23:19 ✧ 49:33 Trav 7:15 ✧ 50:2 Mat 26:12 ✧ 50:3 Nonb 20:29 ✧ 50:5 Jen 47:29-31 ✧ 50:10 Trav 8:2

sèt jou lamantasyon pou papa li. <sup>11</sup> Alò, lè abitan nan peyi a, Kananeyen yo te wè lamantasyon sa a nan glasi vannan Athad la, yo te di: “Sa se yon lamantasyon trè di pou Ejipsyen yo.” Pou rezon sa a, yo te rele li Abel-Mitsraïm fè dèy pou Ejipsyen yo, ki lòt bò Jourdain an.

<sup>12</sup> Se konsa fis li yo te fè pou li jan li te kòmande yo a; <sup>13</sup> Paske fis li yo te pote li nan peyi Canaan an, yo te antere li nan ✧kav kote chan a Macpéla a avan Mamré, ke Abraham te achte ansanm avèk chan an pou yon kote antèman nan men Éphron, Etyen an.

<sup>14</sup> Apre li te antere papa li, Joseph te retounen an Égypte, li menm, frè li yo, ak tout moun ki te monte avèk li pou antere papa li yo.

<sup>15</sup> Lè frè a Joseph yo te wè ke papa yo te mouri, yo te di: ✧“Kisa ki va rive si Joseph toujou pote lahèn kont nou e vin fè vanjans pou sa nou te fè l la?” <sup>16</sup> Epi yo te voye vè Joseph e te di: “Papa ou te pase lòd avan li te mouri, e li te di: <sup>17</sup> “Konsa ou va di a Joseph: “Souple, mwen mande ou padon pou transgresyon a frè ou yo avèk peche pa yo, paske yo te fè ou tò.” Epi koulye a, souple, padone transgresyon sèvitè Bondye a papa ou yo.” Epi Joseph te kriye lè yo te pale avèk li.

<sup>18</sup> Epi frè li yo osi te vin ✧tonbe ba devan li, e te di: “Gade byen, nou se sèvitè ou.”

<sup>19</sup> Men Joseph te di yo: “Pa pè; èske mwen nan plas Bondye? <sup>20</sup> Pou nou menm, ✧nou te anvizaje mal kont mwen, men Bondye te anvizaje sa ki bon pou Li ta kapab fè rive rezilta ke nou wè koulye a devan nou an, pou L ta kapab prezève vi a anpil moun. <sup>21</sup> Pou sa, pa pè; ✧mwen va fè pwovizyon pou nou avèk pitit nou yo.” Epi li te rekonfòte yo e li te pale avèk tandrès avèk yo.

<sup>22</sup> Alò, Joseph te rete an Égypte, li menm avèk lakay papa li, epi Joseph te viv pandan san-dis ane. <sup>23</sup> Joseph te wè twazyèm jenerasyon nan fis Ephraïm yo; e anplis, fis a Makir yo, fis a Manassé a te ✧fèt sou jenou a Joseph.

<sup>24</sup> Joseph te di frè li yo: “Mwen prèt pou mouri men Bondye va asireman pran swen nou, e Li ✧va fè nou sòti nan peyi sa a vè peyi ke li te pwomèt nan sèman li a Abraham, Isaac, ak Jacob la.” <sup>25</sup> Epi Joseph te fè fis Israël yo sèman, e te di: “Anverite, Bondye va pwoteje nou, e ✧nou va pote zo mwen monte kite isit la.”

<sup>26</sup> Alò, Joseph te mouri nan laj san-dis ane; epi li te ✧ vin anbome e plase nan yon sèkèy an Égypte.

## Egzòd

<sup>1</sup> Alò sa yo se ✧non fis Israèl yo ki te vini an Égypte avèk Jacob; yo chak te vini avèk fanmi pa yo: <sup>2</sup> Ruben, Siméon, Lévi, Juda, <sup>3</sup> Isacar, Zabulon, Benjamin, <sup>4</sup> Dan, Nephthali, Gad, ak Aser. <sup>5</sup> Tout moun ki te sòti nan zantray Jacob yo te ✧swasann-dis nan non, men Joseph te deja an Égypte.

<sup>6</sup> ✧Joseph te mouri, tout frè li yo avèk tout jenerasyon sila a. <sup>7</sup> Men fis Israèl yo ✧te pwodwi anpil, yo te vin miltipliye anpil, e yo te vin trè fò, jiskaske peyi a te vin ranpli avèk yo.

<sup>8</sup> Alò yon wa tounèf ki pa te konnen Joseph te vin leve sou Égypte. ✧ <sup>9</sup> ✧Li te di a pèp pa li a: “Gade byen, moun a fis Israèl yo vin plis, e pi fò ke nou. <sup>10</sup> Vini, annou ✧aji avèk sajès avèk yo, sinon yo va miltipliye e si gen lagè, yo va fè alyans avèk sa ki rayi nou yo, pou goumen kont nou e kite peyi a.

<sup>11</sup> Epi yo te chwazi ✧sipèvizè sou yo pou aji di avèk yo pou fè yo travay pi rèd. Epi yo te bati pou Farawon ✧ vil Pithom avèk Ramsès yo pou konsève sereyal. <sup>12</sup> Men plis ke yo t ap aflije yo, ✧plis ke yo t ap ogmante e plis yo t ap grandi jiskaske yo te vin gen gwo laperèz pou fis Israèl yo. <sup>13</sup> Ejipsyen yo te vin ✧fòse fis Israèl yo travay di; <sup>14</sup> Epi yo te fè ✧vi yo vin amè avèk travay di nan mòtye avèk brik, ak tout kalite travay nan chan. Tout se te kòve ke yo te enpoze byen rèd sou yo.

<sup>15</sup> Alò wa Égypte la te pale avèk fanm saj Ebre yo, youn ke yo te rele Schiparaavèk lòt la yo te rele Pua; <sup>16</sup> Epi li te di: “Lè nou ap ede fanm Ebre yo akouche, e wè yo sou chèz doulè a, si se yon gason, nou va mete l a lanmò; men si se fi, li va viv.”

<sup>17</sup> Men fanm saj yo te ✧pè Bondye, yo pa t fè jan wa Égypte la te kòmande yo a, men yo te kite gason yo viv.

<sup>18</sup> Epi wa Égypte la te rele fanm saj yo, e te di yo: “Poukisa nou te fè bagay sa a, e kite gason yo viv la?”

<sup>19</sup> Fanm saj yo te di a Farawon: “Akoz fanm Ebre yo pa tankou fanm Ejipsyen yo; men yo gen anpil fòs, e yo akouche pitit yo avan ke fanm saj la rive kote yo.”

<sup>20</sup> Alò ✧ Bondye te bay gras a fanm saj yo, pèp Ebre a te vin miltipliye, e te vin trè fò. <sup>21</sup> Akoz fanm saj yo te krent Bondye, Li te ✧ etabli gran fanmi pou yo. <sup>22</sup> Alò Farawon te komande tout pèp li a e te di: “✧Chak fis ki ne, nou va jete l nan lariviyè Nil lan, e chak fi nou va kenbe l vivan.

## 2

<sup>1</sup> Alò, yon mesye ✧lakay Lévi te marye avèk yon fi Lévi. ✧ <sup>2</sup> Fanm nan te vin ansent, li te fè yon fis; epi lè l te wè ke li te ✧byen bèl, li te kache li pandan twa mwa. <sup>3</sup> Men lè li pa t kab kache li ankò, li te twouve yon panyen wozo e li te kouvri li avèk goudwon ak gòm rezen. Epi li te mete pitit la ladann, e te plase li pami wozo yo akote lariviyè Nil lan. <sup>4</sup> ✧Sè li a te kanpe nan yon distans, pou wè kisa ki kab rive li.

<sup>5</sup> Fi a Farawon an te vin desann ✧pou benyen nan Nil lan avèk sèvant li

✧ **1:1** Jen 46:8-27 ✧ **1:5** Jen 46:26-27 ✧ **1:6** Jen 50:26 ✧ **1:7** Det 26:5 ✧ **1:8** Trav 7:18,19  
 ✧ **1:9** Sòm 105:24,25 ✧ **1:10** Trav 7:19 ✧ **1:11** Jen 13:15 ✧ **1:11** I Wa 9:19 ✧ **1:12** Egz 1:7  
 ✧ **1:13** Jen 15:13 ✧ **1:14** Egz 2:23 ✧ **1:17** Egz 1:21 ✧ **1:20** Pwov 11:18 ✧ **1:21** I Sam 2:35  
 ✧ **1:22** Trav 7:19 ✧ **2:1** Egz 6:16-20 ✧ **2:1** Egz 6:16-20 ✧ **2:2** Trav 7:20 ✧ **2:4** Egz 15:20  
 ✧ **2:5** Egz 7:15

yo e yo t ap mache akote Nil lan; epi li te wè panyen an pami wozo yo, li te voye sèvant li an, e li te pote li bay li. <sup>6</sup> Lè li te ouvri li, li te wè pitit la e li te gade, tigason an t ap kriye. Epi li te gen pitye pou li e te di: “Sa se youn nan pitit Ebre yo.”

<sup>7</sup> Epi sè li a te di a fi Farawon an: “Èske mwen ta dwe al chache yon fanm nouris pami fanm Ebre yo pou ou pou l ka ba li tete pou ou?”

<sup>8</sup> Epi fi a Farawon an te di li: “Ale”. Epi fi a te al rele manman a pitit la.

<sup>9</sup> Epi fi a Farawon an te di li: “Pran pitit sa a ale, bay li tete pou mwen e mwen va ba ou salè ou.”

Epi fanm nan te pran pitit la e li te bay li tete. <sup>10</sup> Pitit la te grandi, li te pote li bay fi a Farawon an, ✧ li te devni fis li. Epi li te bay li non Moïse, e li te di: “Akoz ke m te rale li sòti nan dlo a.”

<sup>11</sup> Epi li te vin rive nan jou sa yo ke ✧ lè Moïse te fin grandi, li te sòti vè frè li yo, e li te wè travay di yo; epi li te wè yon Ejipsyen ki t ap bat yon Ebre, youn nan frè li yo. <sup>12</sup> Alò li te gade toupatou e lè l pa t wè pèsòn, li te ✧touye li, e li te kache li nan sab la.

<sup>13</sup> Li te sòti ✧ nan pwochen jou a, e gade, de Ebre t ap goumen youn avèk lòt; epi li te di a sa ki gen tò a: “Poukisa ou ap frape pwochen ou an?”

<sup>14</sup> Men li te di: ✧“Kilès ki te fè ou prens, oswa jij sou nou? Èske ou gen entansyon vin touye mwen jan ou te touye Ejipsyen an?” Alò konsa Moïse te vin pè, e li te di: “Anverite, afè sa gen tan vin konnen.”

<sup>15</sup> Lè Farawon te tandè afè sila a, li te eseye touye Moïse.

Men ✧ Moïse te sove ale de prezans li, li te vin demere nan peyi Madian, e li te vin chita la akote yon pwi.

<sup>16</sup> Alò, ✧ prèt Madian an te gen sèt fi; epi yo te vin rale dlo e te ranpli veso yo pou bay bann mouton papa yo dlo. <sup>17</sup> Epi bèje yo te vin pouse yo ale, men ✧ Moïse te kanpe pou te ede yo, e yo te bay bann mouton pa yo bwè.

<sup>18</sup> Lè yo te vin kote ✧ Réuel, papa yo, li te di: “Poukisa nou gen tan tounen tèlman vit konsa jodi a?”

<sup>19</sup> Epi yo te di: “Yon Ejipsyen te delivre nou anba men a bèje yo, e anplis, li te menm rale dlo pou nou e te bay bann mouton an dlo.”

<sup>20</sup> Li te di fi li yo: “Alò, kibò li ye? Poukisa nou te kite mesye sa a dèyè? Envite li vin manje yon bagay.”

<sup>21</sup> Moïse te dakò rete avèk mesye a, e li te bay fi li, ✧Séphora a Moïse.

<sup>22</sup> Epi li te bay nesans a ✧ yon fis e li te nonmen li Guerschom, paske li te di: “Mwen te yon vwayajè nan yon peyi etranje.”

<sup>23</sup> Alò li te vin rive nan jou sa yo ke wa Égypte la te mouri. Epi fis Israël yo t ap fè gwo souf e t ap kriye akòz esklavaj la; epi ✧ kri pa yo akòz esklavaj sila a te leve rive jwenn Bondye.

<sup>24</sup> Alò ✧Bondye te tandè plent pa yo; epi Bondye te sonje akò Li avèk Abraham, Isaac, ak Jacob. <sup>25</sup> ✧Bondye te wè fis Israël yo, e sa te atire atansyon Li.

### 3

<sup>1</sup> Alò, Moïse t ap swiv bann mouton Jéto a, bòpè li, prèt Madyan an, li te mennen bann mouton an vè fas lwès nan dezè a, e li te vini ✧ Horeb, sou mòn a Bondye a.

✧ 2:10 Trav 7:21 ✧ 2:11 Trav 7:23 ✧ 2:12 Trav 7:24 ✧ 2:13 Trav 7:26-28 ✧ 2:14 Jen 19:9 ✧ 2:15 Trav 7:29 ✧ 2:16 Egz 3:1 ✧ 2:17 Jen 29:3-10 ✧ 2:18 Egz 3:1 ✧ 2:21 Egz 4:25 ✧ 2:22 Egz 4:20 ✧ 2:23 Det 26:7 ✧ 2:24 Egz 6:25 ✧ 2:25 Egz 3:7 ✧ 3:1 Egz 33:6

2 ✧ Zanj Bondye a te parèt kote li nan yon flanm dife ki t ap brile nan mitan yon ti bwa; epi li te gade, e vwala, ti bwa a t ap fè flanm dife, men brile a pa t fè l disparèt.

3 Alò, Moïse te di: “Se fò ✧ pou m vire akote koulye a pou m al wè bagay etonan sila a, poukisa ti bwa a pa brile nèt.”

4 Lè SENYÈ a te wè ke li te (vin) vire akote pou gade, ✧ Bondye te rele li nan mitan ti bwa a, e te di: “Moïse, Moïse!”

Epi Li te di: “Men Mwen.”

5 Epi Li te di: “Pa vin pre isit la; ✧ retire sapat nan pye ou, paske plas kote ou kanpe a se tè sen.” 6 Li te di anplis: “✧ Mwen se Bondye a zansèt ou yo, Bondye Abraham nan, Bondye a Isaac, e Bondye a Jacob la.”

Epi Moïse te kache figi li, paske li te pè gade Bondye.

7 SENYÈ a te di: “Mwen vrèman te ✧ wè soufrans a pèp Mwen an ki an Égypte la, e Mwen te reponn a kri pa yo, akoz sila yo k ap peze yo, paske Mwen konnen soufrans yo. 8 Epi Mwen te desann ✧ pou delivre yo anba pouvwa Ejipsyen yo, pou mennen yo monte kite peyi sa a pou rive nan yon bon peyi byen vast, yon peyi k ap koule lèt ak myèl, nan plas kote Kananeyen yo avèk Etyen yo, Amoreyen yo avèk Ferezyen yo, Evyen yo, ak Jebizyen yo. 9 Alò, gade byen ✧ kri fis Israël yo gen tan rive devan M; anplis, Mwen te wè avèk ki opresyon Ejipsyen yo ap oprime yo a. 10 Pou sa, vin koulye a, e Mwen va voye ou kote Farawon, ✧ pou ou kapab mennen fis Israël yo soti an Égypte.”

11 Men Moïse te di Bondye: “Kilès mwen ye, pou mwen ta ale kote Farawon, e pou m ta mennen fis Israël yo soti an Égypte?”

12 Epi Li te di: “Anverite, Mwen va avèk ou, e sa va sign a ou menm ke se Mwen ki te voye ou; lè ou fin mete pèp la deyò Égypte, ✧ ou va adore Bondye sou mòn sila a.”

13 Epi Moïse te di a Bondye: “Gade byen, m ap prale kote fis Israël yo, e Mwen va di yo: “Bondye a zansèt nou yo te voye mwen vè nou.” Alò, yo kab petèt di mwen: “Kòman yo rele Li?” Kisa m ap di yo?”

14 Bondye te di a Moïse: ✧ “Mwen Se Sila Ke Mwen ye a!” epi Li te di: “Konsa ou va pale a fis Israël yo Sila ke Mwen ye a te voye mwen kote nou.”

15 Bondye, anplis ke sa te di a Moïse: “Konsa ou va di a fis Israël yo, ‘SENYÈ a, Bondye a zansèt nou yo a, Bondye Abraham nan, Bondye Isaac la, e Bondye a Jacob la, te voye mwen vin kote nou.’ Sa se non Mwen pou tout tan, e sa se non Mwen k ap ✧ nan memwa a tout jenerasyon yo.

16 Ale rasanble tout ansyen an Israël yo ansanm e di yo: “SENYÈ a, Bondye a zansèt nou yo a, Bondye Abraham nan, Isaac, ak Jacob la, te parèt kote mwen e te di: “✧ Mwen vrèman enkyete pou nou menm, ak sa k ap fèt a nou menm an Égypte la.” 17 Epi Mwen te di: “Mwen va mennen nou soti deyò pou kite afliksyon Égypte la, pou rive nan peyi ki pou ✧ Kananeyen yo, Etyen yo, Amoreyen yo ak Ferezyen yo, Evyen yo, ak Jebizyen yo nan yon peyi ✧ ki koule lèt ak myèl.”

18 Yo va koute sa ke ou di yo a; epi ou menm avèk ansyen an Israël yo va vin vè wa Égypte la, e nou va di li: “SENYÈ a, Bondye a Ebre yo,

✧ 3:2 Egz 3:4-11 ✧ 3:3 Trav 7:31 ✧ 3:4 Egz 4:5 ✧ 3:5 Jos 5:15 ✧ 3:6 Jen 28:13 ✧ 3:7 Egz 2:25 ✧ 3:8 Jen 15:13-16 ✧ 3:9 Egz 2:23 ✧ 3:10 Mi 6:4 ✧ 3:12 Egz 19:2-3 ✧ 3:14 Egz 6:3 ✧ 3:15 Sòm 30:4 ✧ 3:16 Egz 4:31 ✧ 3:17 Jos 24:11 ✧ 3:17 Egz 3:8



te rankontre ansanm avèk nou. Pou sa, souple, kite nou fè yon vwayaj ✨distans a twa jou nan dezè a, pou nou kapab fè sakrifis a SENYÈ a, Bondye nou an.” <sup>19</sup> Men Mwen konnen ke wa Égypte la p ap kite nou ale, ✨sof ke pa lafòs. <sup>20</sup> Pou sa Mwen va lonje men M pou frape Égypte avèk tout ✨mirak ke Mwen va fè nan mitan tout sa; epi apre sa li va kite nou ale.

<sup>21</sup> Mwen va bay ✨favè a pèp sa a devan zye Ejipsyen yo, e sa va fè ke lè nou prale, nou p ap soti men vid. <sup>22</sup> Men chak fanm ✨va mande a vwazen li ak fanm ki rete lakay li a pou bay li kèk bagay ki fèt an ajan, avèk kèk bagay ki fèt an lò avèk rad; epi nou va mete yo sou fis nou ak fi nou yo. Se konsa nou va piyaje Ejipsyen yo.”

## 4

<sup>1</sup> Epi Moïse te di: “Epi kisa si yo pa kwè m, ni ✨koutè sa ke mwen di a?” Paske yo ka petèt di: “SENYÈ a pa t parèt kote ou.”

<sup>2</sup> SENYÈ a te di li: “Kisa sa ye nan men ou la a?”

Epi li te di: “Yon baton.”

<sup>3</sup> Epi li te di: “Jete l atè.”

Epi li te jete l atè, e ✨li te vin tounen yon sèpan; epi Moïse te kouri kite l.

<sup>4</sup> Men SENYÈ a te di a Moïse: “Lonje men ou e kenbe l nan ke l.”

Epi li te lonje men l, li te kenbe l nan ke l, e li te tounen yon baton nan men li.

<sup>5</sup> “Pou ✨yo ta kapab kwè ke SENYÈ a, Bondye Abraham nan, Bondye Isaac la, ak Bondye Jacob la te parèt a ou.”

<sup>6</sup> SENYÈ a anplis te di l: “Alò, fouye men ou antre kot kè ou.” Epi li te mete men l anndan sou kè li, e lè l te rale l deyò, li te devni ✨lèp tankou lanèj.

<sup>7</sup> Epi li te di: “Mete men ou antre kot kè ou ankò.” Epi li te mete men l antre kot kè l ankò, e lè l te rale l, konsa, ✨li te vin nèf tankou rès chè li.

<sup>8</sup> Si yo pa kwè ou ni resevwa temwayaj premye sign lan, yo ka petèt kwè temwayaj dènye sign lan. <sup>9</sup> Men si yo pa kwè menm de sign sa yo ni koute sa ou di a, alò, ou va pran kèk dlo nan lariviyè Nil lan, e vide li sou tè sèch la; epi dlo ke ou pran nan Nil lan ✨va vin tounen san sou tè sèch la.”

<sup>10</sup> Epi Moïse te di a SENYÈ a: “Souple, SENYÈ, ✨mwen pa t janm yon moun ki fò nan pale, ni nan tan sa a, ni nan tan pase, ni depi Ou te pale a Sèvitè ou a, paske mwen lan nan pale, e mwen lan nan langaj.

<sup>11</sup> SENYÈ a te di li: “Kilès ki te fè bouch a lòm? Oswa ✨kilès ki te fè l bebe, (oswa) soud, oswa pou l wè oswa pou li pa wè. Èske se pa Mwen, SENYÈ a? <sup>12</sup> Alò ale, e Mwen menm, Mwen va avèk bouch ou, pou ✨enstwi ou nan kisa ou gen pou di.”

<sup>13</sup> Men li te di: “Souple, Senyè, koulye a voye mesaj la pa nenpòt lòt moun ke ou pito.”

<sup>14</sup> Epi lakòlè SENYÈ a te brile kont Moïse, e Li te di: “Èske pa gen frè ou a, Aaron, Levit la? Mwen konnen ke li konn pale avèk fasilite. E anplis de sa, gade, ✨l ap vin rankontre ou; epi lè li wè ou, kè li va kontan.

✨ 3:18 Egz 5:3 ✨ 3:19 Egz 6:1 ✨ 3:20 Egz 7:3 ✨ 3:21 Egz 11:3 ✨ 3:22 Jen 15:4 ✨ 4:1 Egz 3:18 ✨ 4:2 Egz 14:17-20 ✨ 4:3 Egz 7:10-12 ✨ 4:5 Egz 4:31 ✨ 4:6 Nonb 12:10 ✨ 4:7 Nonb 12:13-15 ✨ 4:9 Egz 7:19-20 ✨ 4:10 Egz 3:11 ✨ 4:11 Sòm 94:9 ✨ 4:12 Mat 10:19,20 ✨ 4:14 Egz 4:27

15 Ou gen pou pale avèk li, e ✧mete pawòl yo nan bouch li; epi Mwen menm, Mwen va avèk bouch pa w ak bouch pa l, e Mwen va enstwi ou kisa ou gen pou fè. 16 Anplis de sa, ✧li va pale a pèp la pou ou; epi li va tankou bouch ou, e ou va tankou Bondye pou li. 17 Ou va pran nan men ou baton sila a, ✧avèk li ou va fè sign yo.”

18 Epi Moïse te pati e te retounen vè Jéthro, ✧bòpè li a, e li te di li: “Souple, kite mwen ale pou mwen kapab retounen bò kote frè m yo an Égypte, e wè si yo toujou vivan.” Epi Jéthro te di a Moïse: “Ale anpè’.”

19 Alò SENYÈ a te di a Moïse nan Madian: “Ale retounen an Égypte, paske ✧tout mesye ki t ap chache lavi ou yo gen tan mouri.”

20 Epi Moïse te pran madanm li avèk ✧fis li yo, yo te monte sou yon bourik e yo te retounen nan peyi Égypte la. Anplis, Moïse te pran baton Bondye a nan men l. 21 SENYÈ a te di a Moïse: “Lè ou retounen an Égypte, fè byen si ke ou fè tout ✧mèvèy yo devan Farawon ke M te bay ou pouvwa fè yo; men Mwen va fè kè l di pou li pa kite pèp la ale. 22 Epi ou va di a Farawon: “Men kijan SENYÈ a pale: “✧Israël se fis Mwen, premye ne Mwen an.” 23 Epi Mwen te di ou: ‘Kite fis Mwen an ale pou l kapab sèvi M; men ou te refize kite l ale. gade byen, ✧Mwen va touye fis ou a, premye ne pa w la.”

24 Alò li te vin rive ke nan plas lojman an sou wout la SENYÈ a te rankontre li e Li te ✧chache touye li. 25 Epi Séphora te pran yon ✧kouto wòch silèks, li te koupe prepis a fis li a, li te jete li devan pye a Moïse, e te di li: “Ou vrèman se yon mari pa san pou mwen menm.” 26 Epi li te kite li anpè’. Nan moman sa a, li te di: “Ou se yon mari pa san —akoz sikonsizyon an.”

27 ✧Alò SENYÈ a te di a Aaron: “Ale rankontre Moïse nan dezè a.” Konsa li te ale rankontre li nan mòn Bondye a e te bo li. 28 ✧Moïse te di Aaron tout pawòl ke SENYÈ a te voye avèk li a, ak ✧tout sign ke Li te bay li lòd fè yo.

29 Alò, Moïse avèk Aaron te ale e ✧te reyini tout ansyen nan fis Israël yo; 30 Epi Aaron te pale tout mo ke SENYÈ a te pale bay Moïse yo. Epi li te fè tout ✧sign yo devan zye a pèp la. 31 Alò ✧pèp la te vin kwè, lè yo te tandè ke SENYÈ a te gen kè pou fis Israël yo, e ke Li te vin wè aflikasyon yo, yo te bese ba, pou te adore Li.

## 5

1 Epi apre, Moïse avèk Aaron te vin di a Farawon: “Konsa pale SENYÈ a, Bondye Israël la, ✧Kite pèp mwen an ale pou yo kapab selebre yon fèt pou Mwen nan dezè a.”

2 Men Farawon te di: “✧Kilès SENYÈ a ye pou m ta obeyi vwa Li, pou kite Israël ale? Mwen pa konnen SENYÈ a, e anplis, ✧mwen p ap kite Israël ale.”

3 Yo te di: “✧Bondye a Ebre yo te reyini avèk nou. Souple, kite nou ale fè yon vwayaj twa jou nan dezè a pou nou kapab fè yon sakrifis a SENYÈ a,

✧ 4:15 Egz 4:12,30 ✧ 4:16 Egz 7:1,2 ✧ 4:17 Egz 9:20 ✧ 4:18 Egz 2:21 ✧ 4:19 Egz 2:15,23  
 ✧ 4:20 Egz 18:3,4 ✧ 4:21 Egz 3:20 ✧ 4:22 És 63:16 ✧ 4:23 Egz 11:5 ✧ 4:24 Nonb 22:22  
 ✧ 4:25 Jen 17:14 ✧ 4:27 Egz 4:14 ✧ 4:28 Egz 4:15 ✧ 4:28 Egz 4:8 ✧ 4:29 Egz 3:16  
 ✧ 4:30 Egz 4:1-9 ✧ 4:31 Egz 3:18 ✧ 5:1 Egz 4:23 ✧ 5:2 II Wa 18:35 ✧ 5:2 Egz 3:19  
 ✧ 5:3 Egz 3:18

Bondye nou an; otreman, Li va vin tonbe sou nou ak gwo maladi, oubyen nepe.”

<sup>4</sup> Men wa a Égypte la te di yo: “Moïse avèk Aaron, poukisa nou ap rale pèp la kite travay li? Ale retounen nan ✨travay nou.”

<sup>5</sup> Ankò Farawon te di: “Gade, ✨pèp la nan peyi a koulye a vin anpil, e nou ta vle fè yo sispann fè travay yo!”

<sup>6</sup> Alò menm jou a, Farawon te kòmande ✨chèf kòve ki te sou pèp la avèk fòmman pa yo, e te di: <sup>7</sup> “Nou p ap bay pèp la pay ankò pou fè brik jan nou te konn fè a; kite yo ale ranmase pay pou kont yo. <sup>8</sup> Menm fòs brik yo te konn fè avan an, fòk nou egzije yo fè l; nou pa pou redwi li menm. Paske yo se ✨parese, e se pou sa y ap kriye a: “Kite nou ale fè sakrifis a Bondye nou an.” <sup>9</sup> Kite travay la vin pi lou pou mesye yo, kite yo travay pou yo pa swiv fo pawòl sa yo ankò.”

<sup>10</sup> Epi ✨chèf kòve a pèp yo avèk fòmman pa yo te ale deyò pou te pale avèk pèp la, e te di: “Konsa pale Farawon: “Mwen p ap bannou okenn pay.” <sup>11</sup> Nou menm, ale chache pay nou pou kont nou nenpòt kote nou kab jwenn nan, men menm fòs travay nou oblije fè a, p ap redwi.”

<sup>12</sup> Epi pèp la te gaye nan tout peyi Égypte la pou ranmase tij sereyal pou sèvi kòm pay. <sup>13</sup> Chèf Kòve yo te peze yo rèd, e te di: “Konplete menm fòs travay jounen ke nou te bannou an, menm jan ke lè nou te gen pay la.”

<sup>14</sup> Anplis de sa, fòmman a fis Israèl yo ke chèf kòve a Farawon yo te mete sou yo a ✨te pran kou, e yo te mande yo: “Poukisa nou pa t konplete sa ke nou te gen pou fè a, ni ayè, ni jodi a nan fè brik yo menm jan tankou avan an?”

<sup>15</sup> Epi fòmman sou fis Israèl yo te vin kriye devan Farawon, e te di: “Poukisa ou aji konsa avèk sèvitè ou yo? <sup>16</sup> Yo pa bay pay a sèvitè yo, men yo kontinye di nou: “fè brik!” E gade byen, sèvitè ou yo pran kou, men se fot pwòp pèp pa w la.”

<sup>17</sup> Men li te di: “Nou se parese, nou parese anpil; se pou sa nou di: “Kite nou ale fè sakrifis a SENYÈ a. <sup>18</sup> Alò koulye a al travay; paske nou p ap resevwa pay, men fòk nou konplete fòs kantite brik ke nou gen pou fè yo.”

<sup>19</sup> Fòmman nan fis Israèl yo te wè ke yo te gen gwo pwoblèm, paske li te di yo: “Nou pa pou redwi fòs kantite brik pa jou yo.”

<sup>20</sup> Lè yo te kite prezans Farawon, yo te rankontre Moïse avèk Aaron paske yo t ap tann yo. <sup>21</sup> Epi yo te di yo: “✨Ke Bondye kapab gade sa nou fè a, e jije nou, paske nou te ✨fè nou vin rayisab devan zye Farawon, e devan zye tout sèvitè li yo, konsa nou mete yon nepe nan men yo pou yo kab touye nou.”

<sup>22</sup> Alò, Moïse te retounen vè SENYÈ a, e te di: “✨O SENYÈ, poukisa ou pote mal a pèp sa a? Poukisa menm ou te voye mwen an? <sup>23</sup> Depi mwen te vin kote Farawon pou pale nan non Ou a, li te fè mechanste a pèp sila a, ✨e Ou pa t delivre pèp Ou a ditou.”

## 6

<sup>1</sup> Epi SENYÈ a te di a Moïse: “Alò, koulye a ou va wè kisa mwen va fè a Farawon; paske ✨anba gwo presyon li va lage yo, e anba gwo presyon, li va pouse yo sòti nan peyi li a.”

✨ 5:4 Egz 1:11 ✨ 5:5 Egz 1:7,9 ✨ 5:6 Egz 1:1 ✨ 5:8 Egz 5:17 ✨ 5:10 Egz 1:11 ✨ 5:14 Éz 10:24 ✨ 5:21 Jen 16:5 ✨ 5:21 Jen 34:30 ✨ 5:22 Nonb 11:11 ✨ 5:23 Egz 3:8 ✨ 6:1 Egz 3:19,20

<sup>2</sup> Bondye te pale plis avèk Moïse e te di li: “Mwen se ✨SENYÈ a; <sup>3</sup> Epi Mwen te parèt a Abraham, Isaac, avèk Jacob, kòm ✨Bondye Toupwisan an, men pa pwòp ✨non Mwen, SENYÈ a, Mwen pa t janm fè yo rekonèt Mwen. <sup>4</sup> Mwen te anplis etabli ✨akò Mwen avèk yo, pou bay yo peyi Canaran an, peyi kote yo te demere a. <sup>5</sup> Anplis de sa, Mwen ✨tande kri fis Israèl yo, akòz Ejipsyen yo k ap kenbe yo nan esklavaj, e Mwen sonje akò Mwen an.”

<sup>6</sup> Pou sa, di a fis Israèl yo: “Mwen menm se SENYÈ a, ✨Mwen va mennen nou sòti anba fado Ejipsyen yo, e Mwen va delivre nou anba esklavaj pa yo a. Mwen va anplis delivre nou avèk yon bra byen lonje, e avèk gwo jijman.

<sup>7</sup> Alò, Mwen va pran nou ✨kòm pèp pa m, e Mwen va Bondye pa nou; epi nou va konnen ke Mwen menm se SENYÈ a, Bondye pa nou an, ki te mennen nou sòti anba fado Ejipsyen yo. <sup>8</sup> Mwen va mennen nou nan peyi ✨ ke M te sèman pou bay a Abraham, Isaac, ak Jacob la, e Mwen va bannou li kòm posesyon; Mwen menm se SENYÈ a.

<sup>9</sup> Alò Moïse te pale konsa avèk fis Israèl yo, men yo pa t koute Moïse akòz dekourajman avèk esklavaj di a.

<sup>10</sup> Alò SENYÈ a te pale avèk Moïse e te di: <sup>11</sup> “✨Ale pale Farawon, wa Égypte la, pou kite fis Israèl yo sòti deyò peyi li a.”

<sup>12</sup> Men Moïse te pale devan SENYÈ a e te di: “Gade byen, fis Israèl yo pa koute mwen; alò, kijan Farawon ap koute mwen, paske mwen ✨manke swa nan pale?”

<sup>13</sup> Epi SENYÈ a te pale a Moïse avèk Aaron, Li te bay yo yon lòd pou fis Israèl yo ak pou Farawon, wa Égypte la pou mennen fis Israèl yo sòti nan peyi Égypte la.

<sup>14</sup> Sa yo se te chèf an tèt yo pou lakay papa yo. ✨Fis Ruben yo, premye ne a Israèl la: Hénoc, Pallu, Hetsron avèk Ruben.

<sup>15</sup> ✨Fis Siméon yo: Jemuel, Jamin, Ohad, Jakin, ak Tsochar; epi Saül, fis a yon fanm Canaran. Sa yo se fanmi Siméon yo.

<sup>16</sup> Men non a ✨fis Lévi yo avèk posterite pa yo: Guerschon, Kehath, ak Merari. Ane ke Lévi te viv yo se te san-trant-sèt ane.

<sup>17</sup> ✨Fis Guerschon yo: Libni e Schimeï avèk fanmi pa yo.

<sup>18</sup> ✨Fis Kehath yo: Amram, Jitsehar, Hébron, avèk Uziel. Ane Kehath te viv yo te de-san-trann-twa ane.

<sup>19</sup> ✨Fis Merari yo: Machli avèk Muschi. Sa yo se fanmi Lévi yo, avèk posterite pa yo.

<sup>20</sup> ✨Amram te pran pou fanm Jokébed, tant li an; epi li te fè Aaron avèk Moïse. Ane ke Amram te viv yo te de-san-trann-sèt ane.

<sup>21</sup> ✨Fis Jitsehar yo: Koré, Népheg avèk Zicri. <sup>22</sup> ✨Fis Uziel yo: Mischaël, Eltsaphan ak Sithri.

<sup>23</sup> Aaron te pran pou fanm Élischéba, fi ki pou ✨Amminidab la, se Nachschon an; epi li te fè pou li Nadab, Abihu, Éléazar avèk Ithamar kòm pitit.

<sup>24</sup> ✨Fis Koré yo; Assir, Elkana, avèk Abiasaph. Sa yo se fanmi tribi Korit yo.

✨ 6:2 Egz 3:14 ✨ 6:3 Jen 17:1 ✨ 6:3 Sòm 68:4 ✨ 6:4 Jen 12:7 ✨ 6:5 Egz 2:24 ✨ 6:6 Egz 3:17 ✨ 6:7 Egz 19:5 ✨ 6:8 Jen 15:18 ✨ 6:11 Egz 4:22,23 ✨ 6:12 Jr 1:6 ✨ 6:14 Jen 46:9 ✨ 6:15 Jen 46:10 ✨ 6:16 Jen 46:11 ✨ 6:17 Nonb 3:18-20 ✨ 6:18 Nonb 3:19 ✨ 6:19 Nonb 3:20 ✨ 6:20 Egz 2:1,2 ✨ 6:21 Nonb 16:1 ✨ 6:22 Lev 10:4 ✨ 6:23 Rt 4:19,20 ✨ 6:24 Nonb 26:11

<sup>25</sup> Éléazar, fis Aaron an, te marye ak younn nan fi Puthiel yo, e li te fè ✧Phinéés kòm pitit.

<sup>26</sup> Sa se te menm Aaron avèk Moïse ke SENYÈ a te di: “✧Mennen fis Israël yo deyò nan peyi Égypte la selon chèf lame pa yo. <sup>27</sup> Se te menm sa yo ✧ki te pale avèk Farawon, wa Égypte la, pou fè yo mennen fis Israël yo sòti an Égypte; se te menm Moïse avèk Aaron sa a.

<sup>28</sup> Alò li te vin rive nan jou ke SENYÈ a te pale ak Moïse nan peyi Égypte la, <sup>29</sup> Ke SENYÈ a te pale ak Moïse e te di: “Mwen se SENYÈ a; ✧pale ak Farawon, wa Égypte la, tout sa ke M pale ak ou yo.”

<sup>30</sup> Men Moïse te di devan SENYÈ a: “Gade byen, mwen ✧manke swa nan pale; konsa kijan Farawon va koute mwen?”

## 7

<sup>1</sup> Epi SENYÈ a te di a Moïse: “✧Ou wè, Mwen fè ou vin tankou yon dye devan Farawon, epi frè ou a Aaron va pwofèt ou. <sup>2</sup> Ou va pale tout sa ke mwen te kòmande ou yo, e frè ou a, ✧Aaron va pale avèk Farawon pou li kite fis Israël yo ale sòti nan peyi li a.

<sup>3</sup> Men ✧miltipliye sign Mwen yo nan peyi Égypte la. Mwen va fè kè Farawon vin di pou M kapab <sup>4</sup> Lè Farawon ✧ pa koute ou, alò, Mwen va mete men M sou Égypte, e mennen chèf lame Mwen yo. Pèp Mwen an, fis Israël yo, va soti deyò peyi Égypte la avèk gwo jijman.

<sup>5</sup> Ejipsyen yo va konnen ke Mwen se SENYÈ a, lè mwen ✧lonje men M sou Égypte, e fè fis Israël yo sòti nan mitan yo.”

<sup>6</sup> Alò, Moïse avèk Aaron te fè ✧jan SENYÈ a te mande yo a; se te konsa yo te Fè l.

<sup>7</sup> Moïse te gen ✧katre-ven lane, e Aaron katre-ven-twa, lè yo te pale ak Farawon an.

<sup>8</sup> Alò SENYÈ a te pale avèk Moïse ak Aaron e te di: <sup>9</sup> “Lè Farawon pale nou e di: “Fè yon mirak,” alò nou va di a Aaron: “✧Pran baton nou an e jete li atè devan Farawon, pou li kapab vin fè yon sèpan.”

<sup>10</sup> Alò, Moïse avèk Aaron te vin vè Farawon, epi konsa yo te fè jis jan ke SENYÈ a te kòmande yo a; epi Aaron te jete baton li an atè devan Farawon avèk sèvitè li yo, epi li te ✧devni yon sèpan.

<sup>11</sup> Epi Farawon osi te rele nonm saj avèk sa ki fè maji yo, epi yo te fè menm bagay la tou; ✧majisyen nan Égypte yo te fè menm bagay avèk metye sekrè pa yo. <sup>12</sup> Paske yo chak te jete baton yo atè, e chak te vin fè yon sèpan. Men baton Aaron an te vale lòt baton yo nèt.

<sup>13</sup> Men ✧kè Farawon te vin di, e li pa t koute yo, jan SENYÈ a te di a.

<sup>14</sup> Epi SENYÈ a te di a Moïse: “Kè a Farawon di; li refize kite pèp la ale. <sup>15</sup> Ale kote Farawon nan maten ✧lè l ap sòti nan dlo, plase ou menm pou rankontre li arebò lariviyè Nil lan, e ou va pran nan men ou baton ki te vin tounen sèpan an. <sup>16</sup> Ou va di li: “SENYÈ a, Bondye a Ebre yo, te voye m kote ou, e te di: “Kite pèp Mwen an ale, pou yo kapab sèvi Mwen nan dezè a. Men, gade byen, ou pa koute jiska prezan.”

✧ 6:25 Nonb 25:7-13 ✧ 6:26 Egz 3:10 ✧ 6:27 Egz 5:1 ✧ 6:29 Egz 6:11 ✧ 6:30 Egz 4:10  
 ✧ 7:1 Egz 4:16 ✧ 7:2 Egz 4:15 ✧ 7:3 Egz 4:21; Trav 7:36 ✧ 7:4 Egz 3:19,20 ✧ 7:5 Egz 3:20  
 ✧ 7:6 Jen 6:22 ✧ 7:7 Det 29:5 ✧ 7:9 Egz 4:2,17 ✧ 7:10 Egz 4:3 ✧ 7:11 Dan 2:2  
 ✧ 7:13 Egz 4:21 ✧ 7:15 Egz 2:5

<sup>17</sup> Konsa pale SENYE a: “Konsa ou va konnen ke Mwen se SENYÈ a: gade byen, Mwen va frape dlo ki nan Nil lan avèk baton ki nan men m nan e ✧li va tounen san. <sup>18</sup> ✧Pwason ki nan Nil yo va mouri, Nil la va vin santi move, e Ejipsyen yo ✧va twouve ke li difisil pou bwè dlo Nil lan.”

<sup>19</sup> Alò, SENYÈ a te di a Moïse: “Di Aaron: “Pran baton ou an, e ✧lonje men ou sou dlo Égypte yo, sou rivyè yo, sou ti dlo ki koule yo, sou ti lak yo, sou rezèvwa pa yo, pou tout kapab vin tounen san; epi va gen san toupatou nan tout peyi Égypte la, ni nan veso ki fèt an bwa, ak nan veso an wòch.”

<sup>20</sup> Epi Moïse avèk Aaron te fè sa ke SENYÈ a te kòmande yo a. Epi li te leve baton an wo e li te frape dlo ki te nan Nil lan, devan zye a Farawon, devan zye a sèvitè li yo, e ✧tout dlo ki te nan Nil lan te vin tounen san.

<sup>21</sup> Pwason ki te nan Nil yo te mouri, e Nil lan te vin pouri jiskaske Ejipsyen yo pa t kapab bwè dlo Nil lan. Epi san an te toupatou nan peyi Égypte la.

<sup>22</sup> ✧Men majisyen an Égypte yo te fè menm bagay la avèk metye maji pa yo; epi kè a Farawon te vin di, e li pa t koute yo, jan Bondye te di a.

<sup>23</sup> Alò, Farawon te vire antre lakay li san menm okipe sa. <sup>24</sup> Epi tout Ejipsyen yo te fouye akote larivyè Nil lan pou jwenn dlo pou yo bwè, akoz ke yo pa t kab bwè dlo larivyè Nil lan.

<sup>25</sup> Sèt Jou te pase apre SENYÈ a te frape Nil lan.

## 8

<sup>1</sup> Alò SENYÈ a te di a Moïse: “Ale kote Farawon e di li: “Konsa pale SENYÈ a: ✧ “Kite pèp Mwen an ale pou yo kab sèvi Mwen.” <sup>2</sup> Men si ou refize kite yo ale, m ap frape tout teritwa ou a avèk krapo. <sup>3</sup> Nil lan va ✧fòmante avèk krapo ki vin monte antre lakay ou, nan chanm dòmi ou, sou kabann ou, nan kay a sèvitè ou, sou pèp ou a, nan fou ou yo, ak nan veso pou fè pen yo. <sup>4</sup> Epi krapo yo va monte sou ou menm, avèk pèp ou a, avèk sèvitè ou yo.”

<sup>5</sup> Alò SENYE a te di a Moïse: “Pale Aaron: “Lonje men ou avèk baton ou an sou rivyè yo, sou dlo k ap koule yo, sou ti lak yo, e fè krapo yo vin parèt sou peyi Égypte la.”

<sup>6</sup> Epi Aaron te lonje men l sou dlo Égypte yo, e ✧krapo te vin kouvri peyi Égypte la. <sup>7</sup> ✧Majisyen yo te fè menm bagay la avèk metye sekrè pa yo, e te fè krapo yo monte sou peyi Égypte la.

<sup>8</sup> Alò, Farawon te rele Moïse avèk Aaron e te di: “Soupliyè SENYÈ a pou Li retire krapo yo sou mwen, ak pèp mwen an; epi mwen va kite pèp la ale, pou yo kapab fè sakrifis a SENYÈ a.”

<sup>9</sup> Moïse te di a Farawon: “Desizyon an se pa w: fè m konnen kilè ou ta vle m soupliyè pou ou avèk sèvitè ou yo, avèk pèp ou a ke krapo sa yo vin detwi pami nou, ak lakay nou, pou yo kapab vin rete sèlman nan larivyè Nil lan.”

<sup>10</sup> Alò li te reponn: “Demen”.

Epi li te di: “Selon mo pa w, pou ou kapab konnen ke ✧nanpwen anyen ki tankou SENYÈ a, Bondye nou an, <sup>11</sup> ✧Krapo yo va pati kite nou, lakay nou yo ak sèvitè nou yo, ak pèp nou an; epi yo va vin rete sèlman nan larivyè Nil lan.”

✧ 7:17 Egz 4:9   ✧ 7:18 Egz 7:21   ✧ 7:18 Egz 7:24   ✧ 7:19 Egz 8:5,6,16   ✧ 7:20 Sòm 78:44  
 ✧ 7:22 Egz 7:11   ✧ 8:1 Egz 3:18   ✧ 8:3 Sòm 105:30   ✧ 8:6 Sòm 78:45   ✧ 8:7 Egz 7:11,22  
 ✧ 8:10 Egz 9:14   ✧ 8:11 Egz 8:13

12 Epi Moïse avèk Aaron te sòti devan Farawon, e ✨Moïse te kriye a SENYÈ a, konsènan krapo yo avèk sila li te aflije Farawon yo. 13 SENYÈ a te fè selon pawòl Moïse la, krapo yo te mouri nan kay yo, nan lakou yo, ak nan chan yo. 14 Epi yo te fè gwo pil avèk yo, e peyi a te vin santi pouriti. 15 Men lè Farawon te vin wè sa te rezoud, li te fè kè di, e li ✨pa t koute yo, jan SENYÈ a te di a.

16 Alò, SENYÈ a te di a Moïse: “Pale Aaron: “Lonje baton ou an e frape pousyè tè a, pou li kapab devni ti mouch fen nan tout vale an Égypte yo.”

17 Yo te fè sa; epi Aaron te lonje men l avèk baton li an, li te frape pousyè tè a, e te vin gen ✨ ti mouch fen sou moun, ak sou bèt yo. Tout pousyè tè a te devni ti mouch nan tout peyi Égypte la. 18 Majisyen yo te eseye avèk metye maji pa yo pou pwodwi ti mouch fen yo, ✨men yo pa t kapab.

Epi te gen ti mouch yo ni sou moun, ni sou bèt.

19 Alò, majisyen yo te di a Farawon: ✨ “Sa se dwat Bondye.” Men kè Farawon te vin di, e li pa t koute yo, jan SENYÈ a te di a.

20 Alò, SENYÈ a te di a Moïse: “✨Leve granmmaten, e prezante ou devan Farawon, pandan l ap sòti nan dlo a, e di li: “Se konsa ke SENYÈ a pale: “Kite pèp Mwen an ale, pou yo kapab sèvi Mwen. 21 Paske si ou pa kite pèp Mwen an ale, gade byen, Mwen va voye desann gwo mouch sou sèvitè ou yo, sou pèp ou a, ak anndan lakay ou yo; epi kay Ejipsyen yo va vin ranpli avèk desant mouch e osi sou tè kote yo ap viv la.

22 ✨Men nan jou sa a, Mwen va mete apa peyi Gosen, kote pèp Mwen an ap viv la, pou desant mouch yo pa rive la, pou ou ka konnen ke Mwen, SENYÈ a nan mitan peyi a. 23 Mwen va mete yon divizyon antre pèp Mwen an ak pèp pa w la. Demen sign sa a va parèt.”

24 Alò SENYÈ a te fè sa. Epi te vini gran desant gwo mouch nan kay Farawon an ak kay sèvitè pa li yo, e peyi a te vin ✨devaste akòz desant gwo mouch yo nan tout peyi Égypte la.

25 Farawon te rele Moïse avèk Aaron, e te di: “✨Ale fè sakrifis a Bondye nou an pa anndan peyi a.”

26 Men Moïse te di: “Li pa bon pou nou fè sa, paske nou va fè sakrifis a SENYÈ a ki se ✨yon abominasyon pou Ejipsyen yo. Si nou fè sakrifis ki se yon abominasyon pou Ejipsyen yo, èske yo p ap lapide nou avèk kout wòch? 27 Nou dwe fè yon vwayaj ✨twa jou nan dezè a, pou fè sakrifis a SENYÈ a, Bondye nou an, jan Li kòmande nou an.”

28 Farawon te di: “M ap kite nou ale, pou nou kapab fè sakrifis a SENYÈ a, Bondye pa w la nan dezè a; men nou p ap prale lwen. ✨Priye pou Mwen.”

29 Alò, Moïse te di: “Gade byen, Mwen ap sòti devan ou, mwen va priye a SENYÈ a pou desant mouch yo sòti sou Farawon, sou sèvitè li yo, ak sou pèp li a demen; men pinga kite Farawon ✨aji an desepsyon ankò pou refize kite pèp la ale pou fè sakrifis a SENYÈ a.”

30 Alò, ✨Moïse te sòti devan Farawon, e li te priye a SENYÈ a. 31 SENYÈ a te fè jan Moïse te mande a, Li te fè desant gwo mouch yo vin disparèt sou Farawon, sou sèvitè li yo, ak sou pèp li a; pa t gen youn ki te rete. 32 Men Farawon te andisi kè l fwa sa a ankò, e li ✨li pa t kite pèp la ale.

✨ 8:12 Egz 8:30 ✨ 8:15 Egz 7:4 ✨ 8:17 Sòm 105:31 ✨ 8:18 Egz 7:11,12 ✨ 8:19 Sòm 8:3  
 ✨ 8:20 Egz 7:15 ✨ 8:22 Egz 9:4,6,24 ✨ 8:24 Sòm 78:45 ✨ 8:25 Egz 9:28 ✨ 8:26 Jen  
 43:32 ✨ 8:27 Egz 3:18 ✨ 8:28 Egz 8:8 ✨ 8:29 Egz 8:8,15 ✨ 8:30 Egz 8:12 ✨ 8:32 Egz  
 4:21

## 9

<sup>1</sup> Alò, SENYÈ a te di a Moïse: “Ale bò kote Farawon e pale avèk li: “Konsa pale SENÈ a, Bondye a Ebre yo: “✧Kite pèp Mwen an ale, pou yo kapab sèvi Mwen. <sup>2</sup> Paske ✧si ou refize kite yo ale, e kontinye kenbe yo, <sup>3</sup> Gade byen, ✧men Bondye va vini avèk yon epidemi byen sevè sou bèt ki nan chan ou yo, sou cheval yo, sou bourik yo, sou chamo yo, sou twoupo yo, ak sou bann mouton yo. <sup>4</sup> ✧Men SENYÈ a va distenge antre bèt Israèl yo avèk bèt Ejiptyen yo, pou okenn pa mouri nan sa ki pou fis Israèl yo.”

<sup>5</sup> SENYÈ a te etabli yon tan detèmine, e Li te di: “Demen SENYÈ a va fè bagay sa a nan peyi a.”

<sup>6</sup> Alò, SENYÈ a te fè bagay sa a nan jou ki te vini an, e ✧tout bèt Égypte yo te mouri; men pou bèt fis Israèl yo, pa gen youn ki te mouri.

<sup>7</sup> Farawon te voye, e gade byen, pa menm youn nan bèt Israèl yo pa t mouri. Men kè Farawon te vin di, e li pa t kite pèp la ale.

<sup>8</sup> Alò SENYÈ a te di a Moïse avèk Aaron: “pran kèk men plen avèk poud chabon ki sòti nan fou kanari yo, e kite Moïse voye li vè syèl la devan zye a Farawon. <sup>9</sup> Li va vin fè yon poud fen ki kouvri tout peyi Égypte la, e li va devni ✧gwo bouton k ap pete tankou maleng ni sou moun ni sou bèt.

<sup>10</sup> Alò yo te pran chabon ki sòti nan fou kanari yo, e yo te kanpe devan Farawon; epi Moïse te voye li vè syèl la, e li te devni gwo bouton k ap pete tankou maleng ni sou moun, ni sou bèt. <sup>11</sup> ✧Majisyen yo pa t kab kanpe devan Moïse akoz bouton yo, paske bouton yo te sou majisyen yo menm jan ak tout Ejiptyen yo.

<sup>12</sup> Epi ✧SENYÈ a te fè kè Farawon vin di, e li pa t koute yo, jan ke SENYÈ a te di a Moïse la.

<sup>13</sup> Alò, SENYÈ a te di a Moïse: “✧Leve granmmaten e kanpe devan Farawon pou di li: “Konsa pale SENYÈ a, Bondye a Ebre yo: “Kite pèp Mwen an ale, pou yo kapab sèvi Mwen. <sup>14</sup> “Paske fwa sa a, Mwen va voye tout fleyo Mwen yo sou ou, avèk sèvitè ou yo, avèk pèp ou a, ✧pou ou kab konnen ke nanpwen lòt tankou Mwen sou tout latè.

<sup>15</sup> Paske si Mwen te deja lonje men M pou frape ou ak pèp ou a avèk epidemi, nou t ap deja disparèt sou latè. <sup>16</sup> Men vrèman, ✧pou rezon sa a, Mwen kite nou la jiska prezan, pou M kapab montre nou pouvwa Mwen e pwoklame pouvwa Mwen sou tout latè. <sup>17</sup> Malgre sa, ou toujou monte tèt ou kont pèp Mwen an, lè ou refize kite yo ale.

<sup>18</sup> Gade byen, vè lè sa a demen, ✧Mwen va voye lagrèl byen gwo, tankou yo pa janm wè an Égypte depi lè li te fonde, jiska prezan. <sup>19</sup> Alò, pou sa, mennen ✧bèt nou yo avèk nenpòt sa nou gen nan chan an anba pwoteksyon. ✧Chak moun oswa bèt ki twouve yo nan chan an, e ki pa mennen lakay yo, lè lagrèl la vin desann sou yo, yo va mouri.”

<sup>20</sup> ✧Sèman sila pami sèvitè Farawon yo ki te krent pawòl SENYÈ a te fè pwòp sèvitè li yo avèk bèt li yo sove ale nan kay yo; <sup>21</sup> Men sila ki pa t okipe sa yo ki te kite sèvitè li yo avèk bèt li yo nan chan an.

<sup>22</sup> Alò, SENYÈ a te di a Moïse: “Lonje men ou vè syèl la, pou ✧lagrèl kapab tonbe sou tout tè Égypte la, sou moun, sou bèt, e sou chak plan nan chan tout kote nan peyi Égypte la.

✧ 9:1 Egz 4:23 ✧ 9:2 Egz 8:2 ✧ 9:3 Egz 7:4 ✧ 9:4 Egz 8:22 ✧ 9:6 Egz 9:19-25 ✧ 9:9 Det 28:27 ✧ 9:11 Egz 8:18 ✧ 9:12 Egz 4:21 ✧ 9:13 Egz 8:20 ✧ 9:14 Egz 8:10 ✧ 9:16 Pwov 16:4 ✧ 9:18 Egz 9:23,24 ✧ 9:19 Egz 9:6 ✧ 9:19 Egz 9:25 ✧ 9:20 Pwov 13:13 ✧ 9:22 Rev 16:21



<sup>23</sup> Moïse te lonje baton li vè syèl la, e SENYÈ a te voye zeklè, loray avèk✧lagrèl, avèk gwo kout dife ki te kouri rive jis atè. Epi SENYÈ a te fè lagrèl desann sou tout tè Égypte la.

<sup>24</sup> Alò te gen lagrèl, avèk dife ki te lanse, ki t ap vòltije tout tan nan mitan lagrèl la, byen sevè, jan peyi Égypte la pa t janm wè depi li te devni yon nasyon. <sup>25</sup> ✧Lagrèl la te frape tout sa ki te nan chan nan tout pati an Égypte, ni moun, ni bèt; lagrèl la te frape osi chak plan nan chan an epi te chire an mòso chak bwa nan chan an. <sup>26</sup> ✧Sèlman nan peyi Gosen an, kote fis Israèl yo te ye a, pa t gen lagrèl la.

<sup>27</sup> Alò, Farawon te voye kote Moïse avèk Aaron, e te di yo: “✧Mwen te peche fwa sa a; SENYÈ a se sila ki dwat la, epi mwen avèk pèp mwen an se nou ki mechan. <sup>28</sup> ✧Fè lapriyè bay SENYÈ a, paske te gen kont tonnè avèk lagrèl Bondye, mwen va kite nou ale, e nou p ap rete ankò.”

<sup>29</sup> Moïse te di li: “Depi mwen kite vil la, m ap ouvri men m bay SENYÈ a, tonnè a va sispann, e p ap gen lagrèl ankò, pou ou kapab konnen ke ✧tè a se pou SENYÈ a. <sup>30</sup> Men pou ou menm, avèk sèvitè ou yo, mwen konnen ke ✧nou poko krent SENYÈ Bondye a.”

<sup>31</sup> (Alò pye koton swa yo avèk ✧lòj la te gate, paske lòj la te fè gwo tèt, e koton swa a t ap boujonnen. <sup>32</sup> Men ble a avèk pitimi a pa t gate paske yo te vin mi pita.)

<sup>33</sup> ✧Alò, Moïse te kite vil la sòti devan Farawon, e li te lonje men li vè SENYÈ a; epi tonnè avèk lagrèl la te sispann, e lapli pa t tonbe sou latè ankò.

<sup>34</sup> Men lè Farawon te wè ke lapli avèk tonnè a te sispann, li te peche ankò, e li te andisi kè l, li menm avèk sèvitè li yo. <sup>35</sup> Kè Farawon te vin di, e li pa t kite fis Israèl yo ale, jan ✧SENYÈ a te pale ak Moïse la.

## 10

<sup>1</sup> Alò, SENYÈ a te di a Moïse: “Ale vè Farawon, paske ✧Mwen te fè kè l di, e kè a sèvitè li yo, pou Mwen kapab fè sign sa yo selon Mwen menm pami yo, <sup>2</sup> epi ✧pou ou kapab rakontè nan zòrèy fis ou yo, ak fis a fis ou yo jan Mwen te moke Ejipsyen yo, ak jan Mwen te fè sign Mwen yo pami yo, pou nou kapab konnen ke Mwen se SENYÈ a.”

<sup>3</sup> Moïse avèk Aaron te ale vè Farawon e te di li: “Konsa pale SENYÈ a, Bondye a Ebre yo: “Jiska konbyen de tan ou va refize ✧imilye ou devan Mwen? Kite pèp Mwen an ale, pou yo kapab sèvi Mwen.

<sup>4</sup> Paske si ou refize kite pèp Mwen an ale, gade byen, demen Mwen va mennen krikèt nan teritwa pa w la. <sup>5</sup> Yo va kouvri tout sifas latè pou pèsòn pa kab wè tè a. ✧Yo va anplis manje rès nan sa ki te chape yo—sa ki te rete pou ou aprè lagrèl la—e yo va manje chak bwa ki vin boujonnen pou ou nan chan an. <sup>6</sup> Epi kay nou yo va vin ranpli, kay a tout sèvitè nou yo, e kay a tout Ejipsyen yo, yon bagay ke ni papa nou yo, ni papa a papa nou yo pa t janm wè, depi jou ke yo te vini sou tè a, jiska jodi a.” Epi li te vire kite Farawon.

✧ 9:23 Jen 19:24 ✧ 9:25 Egz 9:19 ✧ 9:26 Egz 8:22 ✧ 9:27 Egz 10:16,17 ✧ 9:28 Egz 8:8,28 ✧ 9:29 Egz 19:5 ✧ 9:30 És 26:10 ✧ 9:31 Rt 1:22 ✧ 9:33 Egz 8:12 ✧ 9:35 Egz 4:21 ✧ 10:1 Egz 4:21 ✧ 10:2 Egz 12:26,27 ✧ 10:3 I Wa 21:29 ✧ 10:5 Jl 1:4

7 Sèvitè Farawon yo te di li: “Pou konbyen de tan mesye sila a ap rete tankou ✧yon pèlen pou nou? Kite mesye yo ale pou yo kapab sèvi SENYÈ Bondye a yo a. Èske ou pa wè ke Égypte gen tan fin detwi?”

8 Alò, yo te ✧mennen Moïse avèk Aaron retounen vè Farawon, e li te di yo: “✧Ale sèvi SENYÈ a, Bondye ou a! Kilès nan nou k ap prale yo?”

9 Moïse te di: ✧ “Nou va ale avèk jenn nou yo, ak granmoun nou yo; avèk fis nou yo ak fi nou yo, avèk bann mouton nou yo, ak twoupo nou yo, nou va ale, paske nou oblije fè yon fèt pou onore SENYÈ a.”

10 Alò li te di yo: “Konsa vrèman ke SENYÈ a avèk nou, si janmen mwen ta kite nou avèk pitit nou yo ale! Veye nou, paske se mechanste nou anvizaje nan tèt nou. 11 Se pa konsa! Ale koulè a ak mesye ki pami nou yo, pou sèvi SENYÈ a, paske se sa menm nou vle fè.” Konsa yo te ✧chase yo ale kite prezans Farawon.

12 Alò SENYÈ a te di a Moïse: “✧Lonje men ou sou peyi Égypte la pou krikèt yo, pou yo kapab vin monte sou peyi Égypte la, e ✧manje chak plan ki nan tè a, menm tout sa ke lagrèl la te kite yo.”

13 Alò, Moïse te lonje baton li sou peyi Égypte la, e SENYÈ a te dirije yon van lès sou latè pandan tout jounen an, ak tout nwit lan.

Epi lè li te vin maten, van lès la te pote ✧krikèt yo. 14 ✧Krikèt yo te vini sou tout latè an Égypte, e yo te vin rete nan tout teritwa Égypte la; yo te anpil menm. Pa t janm genyen fòs kantite krikèt egal a sa a, ni p ap janm genyen ankò. 15 Paske yo te kouvri sifas tout tè a, jiskaske latè te vin tounwa; epi yo te ✧manje chak plant peyi a ak tout fwi nan bwa ke lagrèl te kite yo. Konsa, anyen vèt pa t rete nan bwa yo ni plant chan yo nan tout peyi Égypte la.

16 Alò, Farawon te fè vit pou rele Moïse avèk Aaron, e li te di: “✧Mwen te peche kont SENYÈ a Bondye nou an, e kont nou menm. 17 Alò, pou sa, souple padone peche mwen yo sèlman pou fwa sa a, e ✧fè lapriyè pou mwen bay SENYÈ a, Bondye nou an, pou Li ta sèlman retire lamò sa a sou mwen.”

18 ✧Li te sòti devan Farawon e li te fè lapriyè bay SENYÈ a. 19 Alò, SENYÈ a te fè van an chanje an yon van lwès byen fò ki te leve pran tout krikèt yo e te voye yo nan Lamè Wouj; pa yon sèl krikèt pa t rete nan tout teritwa Égypte la. 20 Men ✧SENYÈ a te fè kè a Farawon vin di, e li pa t kite fis Israël yo ale.

21 Alò SENYÈ a te di Moïse: “✧Lonje men ou vè syèl la, pou kapab vin gen tenèb sou tout peyi Égypte la, menm yon tenèb ke yon moun pa kab santi.”

22 Alò Moïse te lonje men l vè syèl la, e te vin gen yon ✧pwofon tenèb nan tout peyi Égypte la pandan twa jou. 23 Yo pa t kapab wè youn lòt ni pèsòn pa t leve kite kote yo ye a pandan twa jou, ✧men tout fis Israël yo te gen limyè nan andwa pa yo a.

24 Alò Farawon te rele Moïse e te di: “Ale, sèvi SENYÈ a; men kite bann mouton avèk twoupo yo dèyè. Menm ✧pitit nou yo kapab ale avèk nou.”

✧ 10:7 Egz 23:23 ✧ 10:8 Egz 8:8 ✧ 10:8 Egz 8:25 ✧ 10:9 Egz 12:37,38 ✧ 10:11 Egz 10:28  
 ✧ 10:12 Egz 7:19 ✧ 10:12 Egz 10:5-15 ✧ 10:13 Sòm 78:46 ✧ 10:14 Det 28:38 ✧ 10:15  
 Egz 10:5 ✧ 10:16 Egz 9:27 ✧ 10:17 Egz 8:8,28 ✧ 10:18 Egz 8:30 ✧ 10:20 Egz 4:21  
 ✧ 10:21 Egz 9:22 ✧ 10:22 Sòm 105:28 ✧ 10:23 Egz 8:22 ✧ 10:24 Egz 10:10

<sup>25</sup> Men Moïse te di: “Ou oblije osi kite nou fè sakrifis e brile ofrann, pou nou kapab fè sakrifis a SENYÈ a, Bondye nou an. <sup>26</sup> ✧Pou sa, bèt nou yo tou ap prale avèk nou; pa menm youn p ap rete deyè, paske nou va pran kèk nan yo pou sèvi SENYÈ a, Bondye nou an. Epi jiskaske nou rive la, nou, nou menm pa konnen avèk kilès nan yo nou va sèvi SENYÈ a.”

<sup>27</sup> Men ✧SENYÈ a te fè kè a Farawon vin di, e li pa t dakò kite yo ale. <sup>28</sup> Alò, Farawon te di li: “✧Sòti sou mwen! Veye ou pou pa wè figi m ankò, paske nan jou ou wè figi m ou va mouri.

<sup>29</sup> Moïse te di: “Ou gen rezon; ✧Mwen p ap janmen wè figi ou ankò!”

## 11

<sup>1</sup> Alò SENYÈ a te di a Moïse: “Yon malè anplis Mwen va fè rive sou Farawon, ak sou Égypte; ✧apre sa li va kite nou sòti isit la. Lè li kite nou ale, anverite li va pouse nou ale sòti isit la nèt. <sup>2</sup> Pale koulye a pou tout moun tandè, ke ✧chak gason mande vwazin li, e chak fanm vwazen pa li pou kèk bagay fèt an ajan ak bagay ki fèt an lò.”

<sup>3</sup> SENYÈ a te bay pèp la favè nan zye Ejipsyen yo. ✧Anplis nonm nan, Moïse te byen estime nan peyi Égypte la, ni nan zye sèvitè a Farawon yo, ni nan zye a moun yo.

<sup>4</sup> Moïse te di: “Konsa pale SENYÈ a: “Vè ✧minwit M ap prale nan mitan Égypte la, <sup>5</sup> Epi ✧tout nan premye ne nan peyi Égypte yo va mouri, soti nan premye ne Farawon ki chita sou twòn li a, jiska premye ne nan fi esklav ki deyè wòch moulen yo; menm tout nan premye ne nan bèt yo tou. <sup>6</sup> Anplis de sa, va gen yon gran ✧kri lamantasyon jan li pa t genyen avan, ak jan li p ap janm genyen ankò. <sup>7</sup> ✧Men kont fis Israèl yo, menm yon chen p ap jape, ni kont moun ni kont bèt, pou nou kapab konprann, jan SENYÈ a fè yon distenksyon antre Égypte avèk Israèl.

<sup>8</sup> ✧Tout sa yo, sèvitè pa w yo va vin bese ba devan m, e yo va di: “Ale deyò, ou menm avèk tout moun ki swiv ou yo, e apre sa, mwen va ale deyò.” Epi li te sòti devan Farawon, ranpli avèk kòlè e byen cho.

<sup>9</sup> Alò SENYÈ a te di a Moïse: “Farawon p ap koute ou, ✧pou mèvèy Mwen yo kapab vin miltipliye nan peyi Égypte la.”

<sup>10</sup> ✧Moïse avèk Aaron te fè tout mèvèy sa yo devan Farawon; malgre sa, SENYÈ a te fè kè l di, e li pa t kite fis Israèl yo sòti deyò peyi li a.

## 12

<sup>1</sup> Alò, SENYÈ a te di a Moïse avèk Aaron nan peyi Égypte la: <sup>2</sup> ✧ “Mwa sa a va vin premye nan mwa yo pou nou; li va premye mwa nan ane a pou nou.

<sup>3</sup> Pale a tout asanble Israèl la, e di: “Nan dis mwa sa a, yo chak va pran yon jenn mouton pou yo menm, selon kay pa yo, yon mouton pou chak kay. <sup>4</sup> Alò, si kay la twò piti pou yon jenn mouton, li menm avèk vwazen li ap pran youn pou kont yo, selon kantite moun ki nan yo selon sa ke chak moun ta kab manje, nou va divize jenn mouton an.

<sup>5</sup> Jenn mouton nou an va ✧yon jenn mal, ak laj yon lane, san defo; nou ka pran li pami mouton yo, oswa kabrit yo. <sup>6</sup> Nou va kenbe li jis rive nan

✧ **10:26** Egz 10:9   ✧ **10:27** Egz 4:21   ✧ **10:28** Egz 10:11   ✧ **10:29** Egz 11:8   ✧ **11:1** Egz 12:31,33,39   ✧ **11:2** Egz 3:22   ✧ **11:3** Det 34:10-12   ✧ **11:4** Egz 12:29   ✧ **11:5** Egz 12:12,29  
✧ **11:6** Egz 12:30   ✧ **11:7** Egz 8:22   ✧ **11:8** Egz 12:31-33   ✧ **11:9** Egz 7:3   ✧ **11:10** Egz 4:21; Egz 9:12   ✧ **12:2** Egz 3:14   ✧ **12:5** Lev 22:18-21

✧katòzyèm jou nan menm mwa sa a, e tout asanble kongregasyon Israèl la va touye li nan aswè. <sup>7</sup> ✧Anplis, yo va pran kèk nan san an e mete li sou de chanbrann pòt kay la, ak sou de travès lento pòt kay (la) kote yo va manje li a.

<sup>8</sup> Yo va manje chè a menm nwit lan, boukannen li nan dife e yo va manje li avèk ✧pen san ledven, ak zèb anmè. <sup>9</sup> Pa manje anyen nan li ki pa kwit, ni ki bouyi avèk okenn dlo, men pito ki boukannen nan dife, ni tèt li, ni janm li yo ansanm avèk ✧zantray li yo. <sup>10</sup> ✧Epi nou pa pou kite anyen nan li pou maten men nenpòt sa ki rete nan li, nan maten nou va brile li nan dife. <sup>11</sup> Alò, nou va manje li konsa: avèk senti nou mare, sapat nan pye nou ak baton nou nan men nou; epi nou va manje li byen vit—sa se ✧Pak SENYÈ a.

<sup>12</sup> Paske ✧Mwen va pase nan peyi Égypte la nan nwit lan, e Mwen va frape tout premye ne nan peyi Égypte la, ni moun, ni bèt; epi kont tout dye an Égypte yo, Mwen va egzekite jijman—Mwen menm se SENYÈ a. <sup>13</sup> ✧San an va yon sign pou nou sou kay kote nou rete yo; epi lè Mwen wè san an, Mwen va pase sou nou, e nanpwen touman k ap rive nou ni detwi nou lè Mwen frape peyi Égypte la.

<sup>14</sup> Alò, ✧jou sa a va vin yon jou memorab pou nou, e nou va selebre li kòm yon fèt a SENYÈ a; pami tout jenerasyon yo nou gen pou fete li kòm yon règleman k ap la pou tout tan.

<sup>15</sup> ✧Pandan Sèt jou nou va manje pen san ledven, men nan premye jou a, nou va retire tout ledven ki nan kay nou yo; paske nenpòt moun ki manje nenpòt bagay avèk ledven depi nan premye jou a jis rive nan setyèm jou a, moun sa va vin retire de Israèl.

<sup>16</sup> Nan ✧premye jou a nou va fè yon konvokasyon sen, e yon lòt konvokasyon sen nan setyèm jou a; p ap gen travay k ap fèt nan yo, sof sa ki oblije fèt pou manje a chak moun; se sa sèl nou kapab prepare.

<sup>17</sup> Nou va osi obsève ✧fèt Pen San Ledven an, paske nan ✧jou sa a menm, Mwen te fè lame nou yo sòti nan peyi Égypte la; pou sa, nou va obsève jou sa pandan jenerasyon nou yo kòm yon règleman k ap la pou tout tan.

<sup>18</sup> ✧Nan premye mwa a, nan katòzyèm jou nan mwa a, nan aswè, nou va manje pen san ledven an, jiska vente-yen jou nan mwa a, lè l rive nan aswè. <sup>19</sup> Pandan sèt jou yo nou pa pou twouve ledven lakay nou paske nenpòt moun ki manje sa ki leve, ✧moun sa a va vin izole de asanble Israèl la, menm si se yon etranje, oswa yon natif peyi a. <sup>20</sup> Nou pa pou manje anyen avèk ledven; nan tout abitasyon nou yo nou va manje pen san ledven.”

<sup>21</sup> Alò, ✧Moïse te rele tout ansyen Israèl yo e te di yo: “Ale ✧pran pou nou menm jenn mouton yo selon fanmi nou, e touye jenn mouton Pak la. <sup>22</sup> ✧Nou va pran yon pake izòp e fonce li nan san basen an, epi mete kèk nan san basen an sou de chanbrann yo avèk travès lento pòt yo; pèsòn pa pou ale deyò pòt kay li jis rive nan maten. <sup>23</sup> Paske SENYÈ a va travèse pou frape Ejiptyen yo; epi lè Li wè san sou travès lento pòt yo, ak sou de chanbrann pòt yo, SENYÈ a va pase sou pòt la, e Li p ap kite ✧destriktè a antre nan kay nou pou frape nou.

✧ **12:6** Egz 12:14,17 ✧ **12:7** Egz 12:22 ✧ **12:8** Det 16:3,4 ✧ **12:9** Egz 29:13,17,22 ✧ **12:10** Egz 16:19 ✧ **12:11** Egz 12:13,21,27,43 ✧ **12:12** Egz 11:4,5 ✧ **12:13** Eb 11:28 ✧ **12:14** Egz 12:6 ✧ **12:15** Egz 13:6,7 ✧ **12:16** Lev 23:7,8 ✧ **12:17** Det 16:3-8 ✧ **12:17** Egz 12:41 ✧ **12:18** Egz 12:2 ✧ **12:19** Nonb 9:13 ✧ **12:21** Eb 11:28 ✧ **12:21** Egz 12:3 ✧ **12:22** Egz 12:7 ✧ **12:23** I Kor 10:10

<sup>24</sup> Epi nou va obsève evènman sa a kòm yon règleman pou nou menm avèk pitit nou yo pou tout tan. <sup>25</sup> Lè nou antre nan peyi ke SENYÈ a va bannou an, jan Li te pwomèt nou an, nou va obsève seremoni sila a.

<sup>26</sup> ✧Epi lè pitit nou di nou: “Kisa sa vle di selon nou menm?” <sup>27</sup> Nou va di: “Sa se yon sakrifis Pak la pou ✧SENYÈ a ki te pase sou kay a fis Israèl yo nan Égypte lè Li t ap frape Ejipsyen yo, men te pase pi wo lakay nou.”

✧Epi pèp la te bese ba, e te adore. <sup>28</sup> Alò, fis Israèl yo te ale, e te fè sa; jis jan SENYÈ a te kòmande Moïse avèk Aaron an, konsa yo te fè.

<sup>29</sup> Alò li te vin rive ✧minwi, ✧SENYÈ a te frape tout premye ne nan peyi Égypte yo, depi premye ne a Farawon ki te chita sou twòn li an, jis rive nan premye ne nan kaptif ki te nan prizon yo, e menm tout premye ne nan bèt yo.

<sup>30</sup> Farawon te leve nan nwit lan, li te rele sèvitè li yo avèk tout Ejipsyen yo, e li te gen yon ✧gwo lamantasyon nan tout Égypte la, paske pa t gen kay kote moun pa t mouri.

<sup>31</sup> Epi li te rele Moïse avèk Aaron nan nwit lan, e te di: “Leve e ✧kite pèp mwen an, ni nou menm, ni fis Israèl yo; epi ale adore SENYÈ a, jan nou te di a. <sup>32</sup> Pran ✧ni bann mouton nou yo, ni twoupo nou yo, jan nou te di a, epi ale e beni mwen tou.”

<sup>33</sup> ✧ Ejipsyen yo te ankouraje pèp la pou voye yo kite peyi a byen vit, paske yo te di: “Nou tout pral mouri.” <sup>34</sup> Alò pèp la te pran ✧pat farin ki potko leve yo, avèk bòl pou petri (li) yo byen mare ak twal sou zepòl yo.

<sup>35</sup> ✧Alò, fis Israèl yo te fè selon pawòl a Moïse la, paske yo te mande nan men Ejipsyen yo, bagay ki fèt an ajan, bagay ki fèt avèk lò, avèk vètman. <sup>36</sup> Epi SENYÈ a te bay pèp la favè nan zye Ejipsyen yo, jiskaske yo te kite yo vin genyen demann sa a. Konsa, yo te vin ✧piyajé Ejipsyen yo.

<sup>37</sup> Alò, ✧fis Israèl yo te vwayaje soti nan ✧Ramsès rive Succoth, anviwon sis-san-mil òm apye, san kontwole timoun. <sup>38</sup> Yon gran foul byen mele osi te monte avèk yo, menm avèk bann mouton ak twoupo, yon ✧trè gran kantite bèt.

<sup>39</sup> Yo te kwit pat farin ke yo te fè sòti an Égypte yo e yo te fè gato ak pen san ledven yo. Paske li potko vin leve, akòz ke yo te ✧chase sòti an Égypte, yo pa t kab pran reta, ni yo pa t prepare okenn pwovizyon pou yo menm.

<sup>40</sup> Alò tan ke fis Israèl yo te pase an Égypte la te ✧kat-san-trant ane. <sup>41</sup> Epi nan fen kat-san-trant ane yo, ✧jis rive nan jou a menm, tout lame SENYÈ a te sòti an Égypte. <sup>42</sup> ✧ Se yon nwit pou nou obsève pou SENYÈ a, paske li fè yo sòti nan peyi Égypte la; nwit sa a se pou SENYÈ a, pou obsève pa tout fis Israèl yo selon tout jenerasyon pa yo.

<sup>43</sup> SENYÈ a te di a Moïse avèk Aaron: “Sa se òdonans ✧Pak la; okenn ✧etranje pa pou manje li; <sup>44</sup> Men ✧eskav a chak moun, achte avèk lajan, lè nou fin sikonsi li, alò, li kapab manje nan li. <sup>45</sup> Yon etranje ki rete pami nou, oswa yon sèvitè ki anplwaye, pa pou manje l.

✧ 12:26 Egz 10:2 ✧ 12:27 Egz 12:11 ✧ 12:27 Egz 4:31 ✧ 12:29 Egz 11:4 ✧ 12:29 Nonb 8:17 ✧ 12:30 Egz 11:6 ✧ 12:31 Egz 8:25 ✧ 12:32 Egz 10:9,26 ✧ 12:33 Egz 10:7 ✧ 12:34 Egz 12:39 ✧ 12:35 Egz 3:21,22 ✧ 12:36 Egz 3:22 ✧ 12:37 Nonb 33:3,5 ✧ 12:37 Egz 17:3 ✧ 12:38 Egz 17:3 ✧ 12:39 Egz 6:1 ✧ 12:40 Jen 15:13,16 ✧ 12:41 Egz 12:17 ✧ 12:42 Egz 13:10 ✧ 12:43 Nonb 9:14 ✧ 12:43 Egz 12:48 ✧ 12:44 Jen 17:12,13

<sup>46</sup> Li pou manje nan yon sèl kay; nou pa pou mennen okenn nan chè a andeyò kay la, ✨ni nou pa pou kase okenn nan zo li. <sup>47</sup> ✨Tout asanble Israèl la dwe selebre fèt sa a.

<sup>48</sup> Men ✨si yon etranje rete avèk nou, li selebre fèt Pak la bay SENYÈ a, ke tout mal gason li yo vin sikonsi, e kite li pwoche pou selebre li; epi li va devni yon natif peyi a. Men okenn moun san sikonsisyon pa pou manje li. <sup>49</sup> ✨Menm règ sa a va aplike a natif la tankou etranje ki demere pami nou yo.”

<sup>50</sup> Alò, tout fis Israèl yo te fè sa; yo te fè sa jis jan SENYÈ a te kòmande Moïse avèk Aaron an. <sup>51</sup> Epi nan menm jou sa a, SENYÈ a te mennen fis Israèl yo sòti nan peyi Égypte la ✨selon lòd lame pa yo.

## 13

<sup>1</sup> Alò SENYÈ a te pale ak Moïse e te di: <sup>2</sup> “✨Konsakre pou Mwen chak premye ne; premye ne pami fis Israèl yo, ni lòm, ni bèt; se pou Mwen.”

<sup>3</sup> Moïse te di a pèp la: “✨Sonje jou sa a lè nou te sòti an Égypte la, nou te pati kite kay esklavaj la; paske ak yon men pwisan, SENYÈ a te fè nou sòti nan plas sa a. Epi anyen avèk ledven pa pou manje. <sup>4</sup> Nan jou sa a, nan ✨mwa Abib la, nou prepare pou nou ale de lavan. <sup>5</sup> Li va fèt ke lè SENYÈ a fè nou antre nan peyi ki pou Kananeyen yo, Etyen yo, Amoreyen yo, Evityen yo, ak Jebisyen yo, peyi ke Li te ✨sèmante a zansèt nou yo pou bannou, yon peyi k ap koule (avèk) lèt ak myèl, ✨pou nou kab obsève seremoni sa a nan mwa sa a.

<sup>6</sup> Pandan ✨sèt jou nou va manje pen san ledven, e nan setyèm jou a va fè yon gwo fèt a SENYÈ a. <sup>7</sup> Pen san ledven an va manje pandan tout sèt jou yo; epi ✨anyen avèk ledven p ap menm parèt pami nou, ni nou p ap wè li pami nou nan tout fwontyè nou yo. <sup>8</sup> ✨Ou va pale fis ou a nan jou sa, e ou va di: “Se akoz sa ke SENYÈ a te fè pou mwen lè m te sòti an Égypte la. <sup>9</sup> Epi ✨sa va sèvi kòm yon sign pou ou sou men ou, e kòm yon souvni nan fon ou, pou lalwa SENYÈ a kapab nan bouch ou; paske se te avèk yon men pwisan ke SENYÈ a te mennen nou sòti an Égypte. <sup>10</sup> Pou sa nou va ✨kenbe òdonans sa a nan tan ki chwazi chak ane a.

<sup>11</sup> Alò lè SENYÈ a mennen ou nan peyi pèp Kanaran yo, jan ✨Li te sèmante bannou avèk zansèt nou yo, e bay ou li, <sup>12</sup> ✨Ou va konsakre a SENYÈ a premye ne nan tout vant, ak premye ne nan chak bèt ke ou posede; mal yo se pou SENYÈ a ke yo ye. <sup>13</sup> Men chak premye pòtre a yon bourik, ou va bay li kòm ranson avèk yon jenn mouton, men si ou pa bay li kòm ranson, alò, ou va kase kou li; epi ✨chak premye ne nan lòm pami fis ou yo ou va bay li kòm ranson.

<sup>14</sup> Epi sa va fèt lè fis ou mande ou nan tan ki vini yo, e di: “Kisa sa ye?”, alò ou va di li: “✨Avèk yon men pwisan SENYÈ a te mennen nou sòti an Égypte, nan kay esklavaj la. <sup>15</sup> Li te rive ke lè Farawon te fè tèt di sou afè kite nou ale a, ke ✨SENYÈ a te touye chak premye ne ki te fèt nan peyi Égypte la, ni premye ne nan lòm, e ni premye ne nan bèt. Pou sa, mwen fè

✨ **12:46** Nonb 9:12 ✨ **12:47** Egz 12:6 ✨ **12:48** Nonb 9:14 ✨ **12:49** Lev 24:22 ✨ **12:51** Egz 6:26 ✨ **13:2** Egz 13:12,13,15 ✨ **13:3** Egz 12:42 ✨ **13:4** Egz 12:2 ✨ **13:5** Egz 6:8 ✨ **13:5** Egz 12:25 ✨ **13:6** Egz 12:15-20 ✨ **13:7** Egz 12:19 ✨ **13:8** Egz 12:14 ✨ **13:9** Egz 12:14 ✨ **13:10** Egz 12:24,25 ✨ **13:11** Jen 15:18 ✨ **13:12** Egz 13:1,2 ✨ **13:13** Nonb 3:46 ✨ **13:14** Egz 13:3,9 ✨ **13:15** Egz 12:29

sakrifis a SENYÈ a, mal yo, premye pòtre a chak vant, men premye ne nan fis mwen yo, mwen bay yo kòm ranson.” <sup>16</sup> Alò ✨li va sèvi kòm yon sign sou men ou e kòm yon bando bwat kwi komemoratif ki mare sou fwon tèt ou, paske avèk yon men pwisan, SENYÈ a te mennen nou sòti an Égypte.”

<sup>17</sup> Alò, lè Farawon te kite pèp la ale, Bondye pa t Mennen yo pa wout peyi Filisten yo, malgre li te toupre; paske Bondye te di: “✨Pèp la kab petèt chanje lide yo lè yo wè lagè, pou yo retounen an Égypte.”

<sup>18</sup> Pou sa, Bondye te mennen pèp la bò wout dezè a vè lanmè wouj la; epi fis Israèl yo te monte ✨byen prepare tankou yon lame pou kite peyi Égypte la.

<sup>19</sup> Moïse te pran ✨zo Joseph yo avèk li, paske li te fè fis Israèl yo sèman solanèlman e te di: “Bondye va anverite pran swen nou, e nou va pote zo mwen yo soti isit la avèk nou.”

<sup>20</sup> Alò yo te pati depi ✨Succoth pou te vin kanpe Étham akote dezè a.

<sup>21</sup> SENYÈ a t ap prale devan yo nan yon pilye nwaj pandan lajounen pou mennen yo nan chemen an, e nan yon pilye dife pandan lannwit pou bay yo limyè pou yo ta kapab vwayaje lajounen, kon lannwit. <sup>22</sup> Li ✨pa t retire pilye nwaj la nan lajounen, ni pilye dife a nan lannwit devan pèp la.

## 14

<sup>1</sup> Alò, SENYÈ a te pale avèk Moïse e te di: <sup>2</sup> “Di fis Israèl yo pou yo vire fè bak, e fè kan devan ✨Pi-Hahiroth antre ✨Migdol ak lanmè a; nou va fè kan devan Baal-Tsephon, anfas li, bò kote lanmè a. <sup>3</sup> Paske Farawon va di de fis Israèl yo: “Y ap mache byen egare nan peyi a; dezè a gen tan fèmen yo ladann. <sup>4</sup> “Konsa Mwen va andisi kè Farawon e ✨li va kouri dèyè yo; epi Mwen va onore pa Farawon avèk tout lame li a, e ✨Ejipsyen yo va vin konnen ke Mwen se SENYÈ a.”

Epi se sa yo te fè.

<sup>5</sup> Lè wa Égypte la te avèti ke pèp la te sove ale, Farawon avèk sèvitè li yo te vin gen yon chanjman kè anvè pèp la, e yo te di: “Kisa sa ye nou fin fè la a, ke nou (te) kite Israèl ale kite sèvis nou yo?” <sup>6</sup> Alò, li te fè pare cha li, e te pran pèp li a avèk li; <sup>7</sup> epi li te pran sis-san cha byen chwazi, e tout lòt cha an Égypte yo avèk ofisyèl yo sou yo tout.

<sup>8</sup> ✨SENYÈ a te andisi kè Farawon, wa Égypte la, e li te kouri dèyè fis Israèl yo ak gwo kouraj pandan yo t ap sòti. <sup>9</sup> Epi Ejipsyen yo te kouri dèyè yo avèk tout cheval yo ak cha Farawon yo, chevalye li yo, avèk lame li, e yo te vin parèt sou yo kanpe bò kote lanmè a, ✨akote Pi-Hihroth, anfas Baal-Tsephon.

<sup>10</sup> Pandan Farawon t ap pwoche, fis Israèl yo te gade, e vwala, Ejipsyen yo t ap mache dèyè yo, ✨e yo te vin pè anpil; epi fis Israèl yo te kriye fò bay SENYÈ a. <sup>11</sup> Alò ✨yo te di a Moïse: “Èske se paske pa gen tonm an Égypte ke ou mennen nou pati pou mouri nan dezè a? Poukisa ou te aji avèk nou konsa, pou fè nou sòti an Égypte? <sup>12</sup> Èske se pa pawòl ke nou te pale ou an Égypte la lè nou te di: “pa deranje nou pou nou ka sèvi Ejipsyen yo?” Paske li t ap pi bon pou nou pou sèvi Ejipsyen yo pase pou nou ta mouri nan dezè a.

✨ 13:16 Egz 13:9 ✨ 13:17 Egz 14:11,12 ✨ 13:18 Jos 1:14 ✨ 13:19 Jen 50:24,25 ✨ 13:20 Egz 12:37 ✨ 13:22 Né 9:19 ✨ 14:2 Nonb 33:7 ✨ 14:2 Jr 44:1 ✨ 14:4 Egz 14:23 ✨ 14:4 Egz 7:5 ✨ 14:8 Egz 14:4 ✨ 14:9 Egz 14:2 ✨ 14:10 Jos 24:7 ✨ 14:11 Egz 5:21

13 Men Moïse te di a pèp la: “Pa pè anyen! Kanpe la pou wè ✧delivrans SENYÈ a va acheve pou nou jodi a; paske Ejipsyen yo ke nou wè jodi a, nou p ap wè yo ankò jiska jamè. 14 SENYÈ a va goumen pou nou pandan ✧nou rete an silans.”

15 Alò SENYÈ a te di a Moïse: “Poukisa w ap kriye ban Mwen? Di pèp la avanse. 16 Epi pou ou menm, leve ✧baton ou an anlè, lonje men ou sou lanmè a, pou fann li; epi fis Israèl yo va pase nan mitan lanmè a sou tè sèch. 17 Pou Mwen, gade byen, ✧Mwen va fè kè Ejipsyen yo di pou yo kouri dèyè yo; epi Mwen va vin onore pa Farawon avèk tout lame li pa cha li yo avèk kavalye li yo. 18 ✧Alò, Ejipsyen yo va vin konnen ke Mwen se SENYÈ a, lè Mwen vin onore pa Farawon, pa cha li yo, ak kavalye li yo.”

19 ✧Zanj Bondye a ki t ap prale devan kan Israèl la te vin deplase e te kanpe dèyè yo; epi pilye nwaj la te deplase kite devan yo, pou te kanpe dèyè yo. 20 Alò li te vin divize kan Égypte la ak kan Israèl la; epi te gen nwaj la ansanm avèk tenèb la, men li te bay limyè nan aswè. Konsa youn pa t pwoche lòt pandan tout nwit lan.

21 Alò Moïse te lonje men l sou lanmè a; epi SENYÈ a te bale lanmè a pa yon van lès byen fò tout lannwit, li te fè lanmè a vin tounen tè sèch, e ✧dlo a te vin fann. 22 Fis Israèl yo te pase nan mitan lanmè a sou tè sèch, e ✧dlo a te vin tankou yon miray pou yo sou men dwat yo ak sou men goch yo.

23 Alò, ✧Ejipsyen yo te vin kouri dèyè yo, e tout cheval Farawon, avèk cha li yo, avèk kavalye li yo te antre kouri dèyè yo nan mitan lanmè a.

24 A la vèy nan maten, ✧SENYÈ a te gade anba (sou) lame Ejipsyen yo, sou pilye a dife avèk nwaj yo, e yo te mennen lame Ejipsyen an nan yon gwo konfizyon. 25 Li te fè wou cha yo vin vire mal, e Li te fè avanse yo vin difisil; jiskaske Ejipsyen yo te di: “Annou sove ale kite Israèl, paske ✧SENYÈ a ap goumen pou yo kont Ejipsyen yo.”

26 Alò SENYÈ a te di a Moïse: “✧Lonje men ou sou lanmè a pou dlo a kab retounen vin sou Ejipsyen yo, sou cha yo, ak sou kalvalye (li) yo.”

27 Alò, Moïse te lonje men li sou lanmè a, e ✧lanmè a te retounen nan eta nòminal li nan granmmaten, pandan Ejipsyen yo t ap sove ale tou dwat ladann; epi SENYÈ a te boulvèse Ejipsyen yo nan mitan lanmè a. 28 Dlo a te retounen e te kouvri cha yo avèk kavalye yo, e menm tout lame Farawon ✧ ki te antre nan lanmè a dèyè yo; pa t menm gen youn nan yo ki te rete.

29 Men fis Israèl yo te mache sou tè ✧sèch pase nan mitan lanmè a, e dlo a te vin tankou yon mi pou yo ni sou men dwat yo ni sou men goch yo.

30 Konsa, SENYÈ a te delivre Israèl nan jou sa a nan men a Ejipsyen yo, e Israèl te ✧wè Ejipsyen yo ki te mouri sou bò lanmè a.

31 Lè Israèl te wè gran pwisans ke SENYÈ a te sèvi kont Ejipsyen yo, tout Pèp la te krent SENYÈ a, e ✧yo te kwè nan SENYÈ a ak sèvitè li a, Moïse.

## 15

1 ✧Alò Moïse avèk fis Israèl yo te chante chan sila a a SENYÈ a, e te di: “Mwen va chante a SENYÈ a Paske li tèlman wo; Cheval la avèk moun ki monte l la Li Te voye yo nan lanmè. 2 “✧SENYÈ a se fòs mwen ak chanson

✧ 14:13 Egz 14:30 ✧ 14:14 És 30:15 ✧ 14:16 Egz 4:17,20 ✧ 14:17 Egz 14:4,8 ✧ 14:18 Egz 14:25 ✧ 14:19 Egz 13:21,22 ✧ 14:21 Egz 15:8 ✧ 14:22 Egz 14:29 ✧ 14:23 Egz 14:4,17 ✧ 14:24 Egz 13:21 ✧ 14:25 Egz 14:4,14,18 ✧ 14:26 Egz 14:16 ✧ 14:27 Jos 4:18 ✧ 14:28 Sòm 78:53 ✧ 14:29 Egz 14:22 ✧ 14:30 Sòm 58:10 ✧ 14:31 Sòm 106:12 ✧ 15:1 Sòm 106:12 ✧ 15:2 Hab 3:18



mwen Epi Li gen tan vin delivrans mwen; Sa se Bondye pa m, e mwen va louwe Li; Bondye a papa m nan, e mwen va leve Li wo. <sup>3</sup> SENYÈ a se yon gèrye; Se <sup>4</sup> Cha Farawon yo avèk lame l la Li te voye yo nan lanmè; epi pi bon pami chèf li yo te plonje mouri nan Lanmè Wouj SENYÈ a ki non Li. <sup>5</sup> Fon yo kouvri yo; Yo plonje ba nan fon yo tankou wòch <sup>6</sup> Men dwat Ou, SENYÈ, ranpli ak majeste avèk pwisans, <sup>7</sup> Men dwat Ou, O SENYÈ, vin dechire lènmi an <sup>8</sup> Avèk gwo souf ki sòti nan nen ou kouran dlo yo vin kanpe fè gwo pil; Dlo k ap koule a te vin kanpe tankou yon miray Fon yo te vin koule nan kè lanmè a <sup>9</sup> Lènmi an te di: “Mwen va pouswiv yo; mwen va pran yo; mwen va divize richès yo; Volonte m kont yo va satisfè; Mwen va rale nepe mwen, Se men m k ap detwi yo.” <sup>10</sup> Ou te soufle avèk van Ou, Lanmè a te vin kouvri yo; Yo te plonje tankou plon nan dlo pwisan yo <sup>11</sup> Kilès ki tankou Ou pami dye yo, O SENYÈ, Kilès ki tankou Ou, majeste nan sentete, Dign pou krent ak lwanj pou Ou k ap fè mèvèy yo <sup>12</sup> Ou te lonje men dwat Ou; Lanmè a te vale yo. <sup>13</sup> Nan lanmou ak mizerikòd Ou, Ou te mennen pèp ke Ou te ransone; Nan pwisans Ou an, Ou te gide yo rive nan abitasyon sen pa Ou a. <sup>14</sup> Lòt nasyon pèp yo te tande; Y ap tranble. Gwo lakrent vin sezi abitan Philistine yo. <sup>15</sup> Epi chèf Édom yo vin sezi; Gèrye nan Moab yo pran tranble; Tout abitan Canaan yo te fonn e vin disparèt <sup>16</sup> Sezisman avèk laperèz vin tonbe sou yo; Pa pwisans bra Ou, yo vin san fòs tankou wòch; Jis lè pèp Ou a vin janbe, O SENYÈ, Jis lè pèp ke Ou te ransone a vin janbe. <sup>17</sup> Ou va mennen yo e plante yo nan gwo mòn eritaj pa Ou a, Plas la, O SENYÈ, ke Ou te fè tankou abitasyon pa Ou a, Lye sen an, O SENYÈ, ke Men Ou te etabli a. <sup>18</sup> SENYÈ a va renye pou tout tan, e pou tout tan.”

<sup>19</sup> Paske cheval Farawon yo avèk cha li yo avèk mèt cheval li yo te antre nan lanmè a, e SENYÈ a te fè dlo lanmè a retounen sou yo, men fis Israël yo te mache nan tè sèch nan mitan lanmè a.

<sup>20</sup> Marie, pwofetès e sè Aaron an te pran tanbouren an nan men l, tout fanm yo te sòti dèyè li avèk tanbouren yo e yo t ap danse. <sup>21</sup> Marie te reponn yo: “Chante a SENYÈ a, paske Li egzalte byen wo; Cheval la avèk Mèt Cheval la Li te voye yo nan lanmè.” <sup>22</sup> Alò, Moïse te mennen Israël soti kite Lanmè Wouj la, e yo te ale nan dezè Schur a; epi yo te vwayaje twa jou nan dezè a e yo pa t jwenn dlo. <sup>23</sup> Lè yo rive nan Mara, yo pa t kab bwè dlo Mara a, paske li te anmè; se pou sa yo te rele l Mara. <sup>24</sup> Alò, pèp la te plenyen kont Moïse, e te di: “Kisa n ap bwè?”

<sup>25</sup> Epi li te kriye a SENYÈ a, epi SENYÈ a te montre li yon pyebwa; epi li te jete li nan dlo a, e dlo a te vin dous.

La Li te fè pou yo yon lòd avèk yon règleman, e la Li te fè yo pase a leprèv. <sup>26</sup> Epi Li te di: “Si nou okipe byen vwa a SENYÈ a, Bondye nou an, si nou fè sa ki bon nan zye Li, si nou bay zòrèy nou a komandman Li yo,

✧ **15:2** És 25:1 ✧ **15:3** Egz 3:15 ✧ **15:4** Egz 14:6,7,17,28; Rev 19:11 ✧ **15:5** Egz 15:10  
 ✧ **15:7** Sòm 118:15,16 ✧ **15:8** Sòm 78:13 ✧ **15:9** Egz 14:5,8,9 ✧ **15:10** Egz 15:5 ✧ **15:11**  
 Sòm 72:18 ✧ **15:12** Egz 15:6 ✧ **15:13** Sòm 77:20 ✧ **15:13** Egz 15:16 ✧ **15:14** Det 2:25  
 ✧ **15:15** Nonb 22:3,4 ✧ **15:15** Jos 2:9,11,24 ✧ **15:16** Egz 15:5,6 ✧ **15:16** Sòm 74:2 ✧ **15:17**  
 Sòm 2:6 ✧ **15:17** Sòm 78:69 ✧ **15:19** Egz 14:22,29 ✧ **15:20** Egz 2:4 ✧ **15:21** Egz 15:1  
 ✧ **15:22** Nonb 33:8 ✧ **15:22** Jen 16:7 ✧ **15:23** Nonb 33:8 ✧ **15:24** Egz 14:11 ✧ **15:25** Jos  
 24:25 ✧ **15:25** Egz 16:4 ✧ **15:26** Det 7:12 ✧ **15:26** Egz 20:2-7

e kenbe lwa Li yo, Mwen p ap mete sou nou, okenn nan maladi (yo) ke M te mete sou Ejipsyen yo; paske se Mwen, SENYÈ k ap geri nou an.

<sup>27</sup> Alò, yo te rive nan ✧Élim kote ki te gen douz sous dlo ak swasann-dis palmye dat yo, e yo te fè kan akote dlo a.

## 16

<sup>1</sup> Alò, yo te kite Élim, e tout asanble fis Israël yo te vini nan dezè ✧Sin, ki te antre Élim ak Siani an, nan kenzyèm jou dezyèm mwa apre depa yo nan peyi Égypte la.

<sup>2</sup> Epi tout asanble fis Israël yo te ✧plenyen kont Moïse avèk Aaron nan dezè a. <sup>3</sup> Fis Israël yo te di yo: “Pito ke nou te mouri pa men SENYÈ a nan peyi Égypte la ✧pandan nou te chita akote chodyè vyann yo, pandan nou t ap manje pen jis nou vin plen; paske ou mennen nou deyò nan dezè sila a pou touye tout asanble a avèk grangou.”

<sup>4</sup> Alò, SENYÈ a te di Moïse: “Gade byen, Mwen va vide pen sòti nan syèl la pou nou; epi pèp la va sòti chak jou pou ranmase sa ki kont pou jounen an, pou Mwen kapab fè yo pase ✧ a leprèv; pou M wè si yo va mache nan enstriksyon Mwen yo. <sup>5</sup> ✧Nan sizyèm jou a, lè yo prepare sa ke yo fè antre, li va doub sa ke yo konn pran pa jou yo.

<sup>6</sup> Alò, Moïse avèk Aaron te di a tout fis Israël yo: “Nan aswè ✧nou va rekonèt ke SENYÈ a te mennen nou sòti nan peyi Égypte la, <sup>7</sup> epi nan maten a nou va wè ✧glwa SENYÈ a, paske Li tande plent nou yo kont SENYÈ a; epi kisa nou ye pou nou ta plenyen kont nou?”

<sup>8</sup> Moïse te di: “Sa va vin rive lè SENYÈ a bannou vyann pou nou manje nan aswè, ak pen jiskaske nou vin pen nan maten; paske SENYÈ a tande plent, ke nou fè kont Li yo. Epi kisa nou ye? Plent nou yo ✧pa kont nou, men kont SENYÈ a.”

<sup>9</sup> Alò Moïse te di a Aaron: “Pale a tout asanble fis Israël yo, ✧Rapwoche nou devan SENYÈ a, paske Li tande plent nou yo.”

<sup>10</sup> Li te vin rive ke pandan Aaron t ap pale a tout asanble a fis Israël yo, ke yo te gade vè dezè a, e vwala, ✧glwa SENYÈ a te parèt nan nwaj la.

<sup>11</sup> Epi SENYÈ a te pale a Moïse e te di: <sup>12</sup> “Mwen tande plent a fis Israël yo; pale ak yo, e di: “Nan aswè avan li fènwa, nou va manje vyann, e nan maten, nou va vin plen avèk pen; epi ✧nou va konnen ke Mwen se SENYÈ a, Bondye nou an.”

<sup>13</sup> Alò, li vin rive nan aswè ke ✧zwazo kay yo te monte, yo te kouvri tout kan an, e nan maten te gen yon kouch lawouze ki te antoure kan an. <sup>14</sup> ✧Lè kouch lawouze a te disparèt, gade, sou sifas dezè a, te gen yon bagay ki te sanble yon ti kal byen fen ki sanble frechè lawouze sou tè a. <sup>15</sup> Lè fis Israël yo te wè li, yo te di a youn lòt: “Kisa sa ye?” Paske yo pa t konnen kisa sa te ye.

Epi Moïse te di yo: “✧Sa se pen ke SENYÈ a bannou pou nou manje. <sup>16</sup> Men sa ke SENYÈ a kòmande: “Chak moun ranmase ladann selon sa ke li va manje; nou va pran ✧yon omè pou chak, selon kantite moun chak nan nou genyen nan tant li.”

✧ 15:27 Nonb 33:9 ✧ 16:1 Nonb 33:10,11 ✧ 16:2 Sòm 106:25 ✧ 16:3 Nonb 11:4,5 ✧ 16:4 Egz 15:25 ✧ 16:5 Egz 16:22 ✧ 16:6 Egz 6:7 ✧ 16:7 És 35:2 ✧ 16:8 I Sam 8:7 ✧ 16:9 Nonb 16:16 ✧ 16:10 Egz 13:21 ✧ 16:12 Egz 6:7 ✧ 16:13 Sòm 78:27-29 ✧ 16:14 Nonb 11:7-9 ✧ 16:15 Jn 6:31 ✧ 16:16 Egz 16:32-36

17 Fis Israèl yo te fè sa, kèk te pran anpil, e kèk te pran pi piti. 18 Lè yo te mezire li avèk yon omè, ✨sa ki te pran anpil yo pa t gen twòp, ni sa ki te pran piti yo pa t manke; chak moun te ranmase sa ke li te dwe manje.

19 Moïse te di yo: “✨Pa kite pèsòn konsève anyen ladann pou rive demen.”

20 Men yo pa t koute Moïse, kèk nan yo te kite yon pati pou maten, li te kale vè, e te vin (gen gou) rans; epi Moïse te fache avèk yo.

21 Yo te pran li de maten a maten, chak moun selon sa li ta dwe manje; men lè solèy la te vin cho, li te vin fann. 22 ✨Alò nan sizyèm jou a, yo te pran doub fòs pen, de omè pou chak. Lè tout dirijan asanble yo te vin di Moïse sa.

23 Alò, li te di yo: “Men sa ke SENYÈ a te vle: ✨“Demen se yon jou Saba, yon Saba sen a SENYÈ a. Kwit sa ke nou va kwit, bouyi sa ke nou va bouyi, e tout sa ki rete, mete l akote pou konsève jis rive nan maten.”

24 Alò, yo te mete li akote jis rive nan maten jan Moïse te kòmande a, e ✨li pa t vin ni kanni, ni li pa t gen okenn vè ladann. 25 Moïse te di: “Manje li jodi a, paske jodi a se yon Saba a SENYÈ a; jodi a nou p ap twouve li nan chan an. 26 ✨Sis jou nou va pran li, men nan setyèm jou a, jou Saba a, p ap genyen okenn.

27 Li te rive nan setyèm jou a, ke kèk nan moun yo te ale pran, men yo pa t twouve menm.

28 Alò, SENYÈ a te di a Moïse: ✨ “Pou konbyen de tan nou va refize kenbe kòmandman Mwen yo, ak enstriksyon Mwen yo? 29 Gade, SENYÈ a te bannou Saba a; pou sa, Li bannou pen pou de jou nan sizyèm jou a. kite chak moun nan plas li; pa kite pèsòn sòti nan plas li nan setyèm jou a.”

30 Pou sa, pèp Israèl la te poze nan setyèm jou a.

31 ✨Lakay Israèl te nonmen li lamàn, e li te tankou grenn koryandè, blan avèk yon gou tankou gato avèk siwo myèl.

32 Alò, Moïse te di: “Men Sa ke SENYÈ a te kòmande, ‘Kite yon omè ladann pami tout jenerasyon yo pou yo kapab wè pen ke Mwen te bannou nan dezè a, lè Mwen te mennen nou sòti nan peyi Égypte la.”

33 Moïse te di a Aaron: ✨“Pran yon bokal, mete yon omè plen lamàn ladann, e plase li devan SENYÈ a pou kenbe li pandan tout jenerasyon nou yo.

34 Jan SENYÈ a te kòmande Moïse la, konsa Aaron te plase li devan ✨temwen an, pou l konsève. 35 ✨Fis Israèl yo te manje lamàn pandan karant ane, jis lè yo te rive nan yon peyi ki te peple deja; yo te manje lamàn jis yo rive nan fwontyè peyi Canaan an.

36 (Alò, yon ✨Omè se yon dizyèm pati a yon efa.)

## 17

1 Alò, tout asanble a fis Israèl yo te vwayaje pazapa vè dezè ✨Sin nan, selon kòmand a SENYÈ a, yo te fè kan nan ✨Rephidim, e pa t gen dlo pou moun yo bwè. 2 Akoz sa, pèp la te chache kont avèk Moïse, e te di: “Bannou dlo pou nou kab bwè.”

Epi Moïse te di: “Poukisa nou chache kont avè m? ✨Poukisa nou pase SENYÈ a a leprèv?”

✨ 16:18 II Kor 8:15 ✨ 16:19 Egz 12:10 ✨ 16:22 Egz 16:5 ✨ 16:23 Jen 2:3 ✨ 16:24 Egz 16:20 ✨ 16:26 Egz 20:9,10 ✨ 16:28 II Wa 17:14 ✨ 16:31 Nonb 11:7-9 ✨ 16:33 Eb 9:4 ✨ 16:34 Egz 25:16,21 ✨ 16:35 Det 8:2 ✨ 16:36 Egz 16:16 ✨ 17:1 Nonb 33:12 ✨ 17:1 Egz 19:2 ✨ 17:2 Det 6:16

<sup>3</sup> Men nan plas sa a pèp la te swaf dlo; epi yo te ✨plenyen kont Moïse, e yo te di: “Poukisa ou te mennen nou monte isit la kite Égypte, pou touye nou avèk zanfan nou yo, ak ✨bèt nou yo avèk swaf.

<sup>4</sup> Alò Moïse te kriye a SENYÈ a, e te di: “Kisa pou m ta fè a pèp sa a? ✨Yon ti kras ankò e y ap lapide mwen.”

<sup>5</sup> Alò, SENYÈ a te di a Moïse: “Pase devan pèp la, e pran avè w kèk nan ansyen Israèl yo; epi pran nan men ou baton ou avèk sila ou te frape Nil lan, e ale. ✨ ou va frape wòch la, e dlo va sòti ladann, pou pèp la kapab bwè.” <sup>6</sup> Gade byen, Mwen va kanpe devan ou sou wòch ✨Horeb la. Epi Moïse te fè sa devan zye a ansyen Israèl yo. <sup>7</sup> Li te nonmen kote a Massa e Meriba, akòz kont ke fis Israèl yo te genyen, e akòz ke yo te pase SENYÈ a a ✨leprèv, e te di: “Èske SENYÈ a pami nou, wi oswa non?”

<sup>8</sup> Alò, ✨Amalèk te vin goumen kont Israèl nan Rephidim. <sup>9</sup> Epi Moïse te di a ✨Josué: “Chwazi mesye yo pou nou, e sòti pou batay kont Amalèk. Demen mwen va vin estasyon Mwen menm nan do kolin nan avèk ✨baton a Bondye a nan men m.

<sup>10</sup> Josué te fè jan Moïse te mande li fè a, e li te goumen kont Amalèk; epi Moïse, Aaron, avèk ✨Hur te monte anwo tèt do kolin nan. <sup>11</sup> Epi li te vin rive ke lè Moïse te leve men l, pèp Israèl la te vin genyen, men lè li te kite men l desann, Amalèk te vin genyen.

<sup>12</sup> Men men Moïse te vin lou. Epi yo te pran yon wòch, yo te mete li anba li, e li te chita sou li; epi Aaron avèk Hur te bay men li ✨soutyen, youn sou yon bò, e lòt la sou lòt bò a. Konsa men li te rete dyanm jis rive lè solèy la te vin kouche. <sup>13</sup> Epi Josué te bat Amalèk avèk pèp li a avèk lam nepe.

<sup>14</sup> Alò SENYÈ a te di a Moïse: “✨Ekri sa a nan yon liv pou gen kòm souvni, e repete li a Josué, ke Mwen va konplètman efase memwa Amalèk soti anba syèl la.”

<sup>15</sup> Moïse te bati yon ✨lotèl e te nonmen li: “SENYÈ a Se Drapo mwen.”

<sup>16</sup> Li te di: ✨“SENYÈ a te sèman; epi SENYÈ a va fè lagè kont Amalèk de jenerasyon an jenerasyon.”

## 18

<sup>1</sup> Alò ✨Jéthro, prèt Madian an, bòpè Moïse la, te tande tout sa ke Bondye te fè pou Moïse, ak pou Israèl, pèp li a. Jan SENYÈ a te mennen Israèl sòti an Égypte.

<sup>2</sup> Jéthro, bòpè Moïse la, te pran ✨Séphora, madanm a Moïse la apre li te fin voye li ale, <sup>3</sup> Avèk ✨de fis li yo, youn nan yo ki te nonmen Guerschom, paske Moïse te di: “Mwen te yon vwayajè nan yon peyi etranje.” <sup>4</sup> Lòt la te nonmen ✨Eliézer, paske li te di: ✨“Bondye a papa m nan te ede mwen, e Li te delivre m anba nepe Farawon.

<sup>5</sup> Alò, Jéthro, bòpè Moïse la te vini avèk fis li yo ak madanm li vè Moïse nan dezè kote li te fè kan an, nan ✨mòn Bondye a. <sup>6</sup> Li te voye di Moïse: “Mwen menm, bòpè ou Jéthro, ap vin kote ou avèk madanm ou, ak de fis li yo avè l.”

✨ **17:3** Egz 16:2,3 ✨ **17:3** Egz 12:38 ✨ **17:4** Nonb 14:10 ✨ **17:5** Egz 3:16,18; Egz 7:20 ✨ **17:6** Egz 3:1; Nonb 20:10,11 ✨ **17:7** Nonb 14:22 ✨ **17:8** Jen 36:12 ✨ **17:9** Egz 24:13 ✨ **17:9** Egz 4:20 ✨ **17:10** Egz 24:14 ✨ **17:12** És 35:3 ✨ **17:14** Egz 24:4 ✨ **17:15** Egz 24:4 ✨ **17:16** Jen 22:16 ✨ **18:1** Egz 2:16,18 ✨ **18:2** Egz 2:21 ✨ **18:3** Egz 2:22 ✨ **18:4** I Kwo 23:15 ✨ **18:4** Jen 49:25 ✨ **18:5** Egz 3:1,12

<sup>7</sup> Alò, Moïse te sòti pou rankontre bòpè li, li te bese ba e li te bo li; epi yo chak te ✨mande lòt kijan yo te ye, epi yo te antre nan tant la.

<sup>8</sup> Moïse te pale bòpè li a tout sa ke SENYÈ a te fè a Farawon e a Ejipsyen pou koz Israèl, tout traka ki te vini sou yo nan vwayaj la, ak jan ✨SENYÈ a te delivre yo.

<sup>9</sup> Jéthro te rejwi de tout ✨bonte ke SENYÈ a te fè anvè Israèl, lè l te delivre yo nan men Ejipsyen yo. <sup>10</sup> Epi Jéthro te di: “✨Beni se SENYÈ a ki te delivre ou nan men Ejipsyen yo, ak nan men Farawon, e ki te delivre pèp la anba men Ejipsyen yo. <sup>11</sup> Koulye a mwen konnen ke ✨SENYÈ a pi gran ke tout dye yo; vrèman sa te deside lè yo te aji nan ògèy kont pèp la.”

<sup>12</sup> ✨Epi Jéthro, bòpè Moïse la te fè yon ofrann brile avèk sakrifis pou Bondye, e Aaron te vini avèk tout ansyen Israèl yo pou manje yon repa avèk bòpè Moïse la devan Bondye.

<sup>13</sup> Li te vin rive nan pwochen jou a ke Moïse te chita pou jije pèp la, e pèp la te kanpe antoure Moïse soti nan maten a rive jis aswè.

<sup>14</sup> Alò, lè bòpè Moïse la te wè tout sa ke li te fè pou pèp la, li te di: “Kisa ke w ap fè pou pèp la konsa la a? Poukisa ou chita ou sèl ou tankou jij, e tout pèp la kanpe antoure ou soti nan maten, rive jis aswè?”

<sup>15</sup> Moïse te di bòpè li: “Akoz ke pèp la vin kote mwen pou ✨fè demann pou jijman Bondye. <sup>16</sup> Depi yo gen ✨kont yo vin kote mwen, mwen jije antre yon nonm avèk vwazen li e mwen fè konnen règleman Bondye avèk lalwa Li yo.”

<sup>17</sup> Bòpè Moïse la te di li: “Sa ke w ap fè a pa bon. <sup>18</sup> ✨Ou va anverite vin epwize ou nèt, ni ou menm, ni pèp ki avè w la, paske tach la twò lou pou ou; ✨ou p ap kapab fè l pou kont ou.

<sup>19</sup> Koulye a, koute mwen: m ap ba ou konsèy, e ke Bondye kapab avè w. Ou va reprezante pèp la devan Bondye, e ou va ✨mennen dispit yo devan Bondye, <sup>20</sup> ✨Epi enstwi yo nan règleman avèk lalwa yo, e fè yo konnen nan ✨chemen ke yo dwe mache a, ak travay ke yo dwe fè a.

<sup>21</sup> Anplis de sa, ou va chwazi pami tout pèp la, ✨mesye ki kapab yo ki ✨gen lakrent Bondye; moun ak verite, ki rayi richès malonèt; epi ou va plase yo sou pèp la kòm chèf sou milye, sou santèn, sou senkantèn, ak sou dis. <sup>22</sup> Kite yo jije pèp la nan tout lè e ke sa fèt ke chak gwo ka va vini devan ou, men chak ti ka, yo menm yo va jije yo.

Konsa li va pi fasil pou ou, e ✨yo va pote chaj la avèk ou. <sup>23</sup> Si ou fè bagay sa a jan Bondye kòmande ou a, alò, ou va gen kouraj pou reziste, e anplis, tout moun sa yo va ale lakay yo anpè.”

<sup>24</sup> Alò Moïse te koute bòpè li, e li te fè tout sa ke li te di yo. <sup>25</sup> Moïse te chwazi ✨mesye avèk kapasite pami tout Israèl e li te fè yo chèf sou pèp la, chèf sou dè milye, chèf sou dè santèn, chèf sou dè senkantèn, e sou dè dizèn. <sup>26</sup> Yo te jije pèp la nan tout tan; ✨ka ki difisil yo te mennen kote Moïse, e chak ti ka, yo te jije yo pou kont yo.

<sup>27</sup> Epi Moïse te ✨di bòpè li orevwa, e li te fè wout li pou ale nan peyi li.

✨ **18:7** Jen 43:27 ✨ **18:8** Egz 15:6,16 ✨ **18:9** És 63:7-14 ✨ **18:10** Jen 14:20 ✨ **18:11** Sòm 95:3 ✨ **18:12** Jen 31:54 ✨ **18:15** Nonb 9:6,8 ✨ **18:16** Egz 24:14 ✨ **18:18** Nonb 11:14,17 ✨ **18:18** Det 1:9 ✨ **18:19** Nonb 27:5 ✨ **18:20** Det 1:18 ✨ **18:20** Sòm 143:8 ✨ **18:21** Trav 6:3 ✨ **18:21** Jen 42:18 ✨ **18:22** Nonb 11:17 ✨ **18:25** Egz 18:21 ✨ **18:26** Egz 18:22 ✨ **18:27** Nonb 10:29,30

## 19

<sup>1</sup> Nan twazyèm mwa apre fis Israèl yo te soti nan peyi Égypte la, nan jou sa a menm, yo te vin antre nan dezè ✧Sinaï a. <sup>2</sup> Lè yo te pati soti ✧Rephidim, yo te vini nan dezè Sinaï a, yo te fè kan nan dezè a, e se la Israèl te fè kan devan mòn lan.

<sup>3</sup> Moïse te monte vè Bondye, ✧SENYÈ a te rele li soti nan mòn nan, e te di: “Konsa ou va pale ak lakay Jacob la e ou va di fis Israèl yo: <sup>4</sup> “Nou menm nou te wè sa ke Mwen te fè Ejipsyen yo, jan Mwen te pote nou sou zèl ✧èg yo, e te mennen nou kote Mwen menm. <sup>5</sup> Alò, koulye a, ✧si nou obeyi vwa Mwen, e ✧kenbe akò Mwen, alò nou va pwòp posesyon pa M pami tout pèp yo, paske tout latè se pou Mwen; <sup>6</sup> Epi nou va pou Mwen, yon ✧wayòm prèt yo e ✧yon nasyon ki sen.” Sa yo se pawòl ke ou va pale a fis Israèl yo.”

<sup>7</sup> ✧Se konsa Moïse te vini, li te rele ansyen pami pèp yo, e li te plase devan yo tout pawòl sa yo ke SENYÈ a te kòmande li. <sup>8</sup> ✧Tout pèp la te reponn ansanm, e yo te di: “Tout sa ke SENYÈ a te pale yo, nou va fè yo!” Epi Moïse te mennen retounen tout pawòl a pèp yo devan SENYÈ a.

<sup>9</sup> SENYÈ a te di a Moïse: “Gade byen, Mwen va vini kote ou nan yon nwaj byen fonsè, pou ✧pèp la kapab tandè lè M pale avèk ou, e pou yo kapab kwè nan ou pou tout tan.”

Alò, Moïse te di SENYÈ a pawòl a pèp la.

<sup>10</sup> SENYÈ a anplis te di a Moïse: “Ale vè pèp la, ✧konsakre yo jodi a avèk demen, e kite yo lave vètman yo; <sup>11</sup> epi kite yo fin prepare pou twazyèm jou a, paske nan ✧twazyèm jou a SENYÈ a va vin desann sou Mòn Sinaï a nan zye a tout pèp la.

<sup>12</sup> Ou va fè bòn limit pou pèp toutotou yo e di yo: “Gade byen pou nou pa monte sou mòn nan, ni touche rebò li; ✧nenpòt moun ki touche mòn nan va anverite mete a lanmò. <sup>13</sup> Nanpwen men k ap mete sou moun sa a, men ✧li va anverite lapide oswa frennen nèt; menm si se moun oswa bèt, li p ap viv.’ Lè twonpèt kòn lan fè yon gwo son, yo va monte vè mòn nan.

<sup>14</sup> Epi Moïse te desann mòn nan vè pèp la, li te konsakre pèp la, e yo te lave vètman yo. <sup>15</sup> Li te di a pèp la: “Mete ou prè pou twazyèm jou a; pa pwoche pre fanm.”

<sup>16</sup> Epi ✧li te rive nan twazyèm jou a, lè li te nan maten, te genyen gwo tonnè avèk kout loray avèk yon nwaj byen fonsè sou mòn nan, ak yon son twonpèt byen fò, jiskaske tout moun ki te nan kan an te tranble. <sup>17</sup> Epi Moïse te mennen pèp la sòti nan kan an pou rankontre Bondye, e yo te kanpe nan pye mòn nan.

<sup>18</sup> ✧Alò, Mòn Sinai te nan lafimen nèt akòz SENYÈ a te desann sou li nan dife; epi lafimen li te monte tankou lafimen yon founo, e tout mòn nan te tranble avèk vyolans.

<sup>19</sup> Lè son twonpèt la te vin pi fò, e pi fò, Moïse te pale, e ✧Bondye te reponn avèk tonnè.

<sup>20</sup> ✧SENYÈ a te vin desann sou Mòn Sinai, nan tèt mòn nan, e Moïse te monte. <sup>21</sup> Epi SENYÈ a te pale a Moïse: “Ale desann, avèti pèp la pou yo pa

✧ 19:1 Det 1:6 ✧ 19:2 Egz 17:1 ✧ 19:3 Egz 3:4 ✧ 19:4 Det 32:11 ✧ 19:5 Det 5:21  
 ✧ 19:5 Sòm 78:10 ✧ 19:6 Rev 1:6 ✧ 19:6 És 62:12 ✧ 19:7 Egz 4:29,30 ✧ 19:8 Egz 4:31  
 ✧ 19:9 Det 4:12,36 ✧ 19:10 Lev 11:44,45 ✧ 19:11 Egz 19:16 ✧ 19:12 Eb 12:20 ✧ 19:13  
 Eb 12:20 ✧ 19:16 Eb 12:18,19,21 ✧ 19:18 Det 4:11 ✧ 19:19 Sòm 81:7 ✧ 19:20 Né 9:13

✧pase antre vè SENYÈ a pou wè, e anpil nan yo te vin peri. <sup>22</sup> Osi, ke ✧prèt ki pwoche toupre SENYÈ yo konsakre yo menm, oswa SENYÈ a va eklate kont yo.”

<sup>23</sup> Moïse te di a SENYÈ a: “Pèp la pa kapab monte sou Mòn Sinai a, paske Ou te avèti nou, e te di: “Mete limit bòn yo antoure mòn nan, e konsakre li.”

<sup>24</sup> Alò, SENYÈ a te di li: “Ale desann e monte ankò, ✧ou menm e Aaron avèk ou; men pa kite ✧prèt yo, ni pèp la pase antre pou monte vè SENYÈ a, oswa L ap eklate sou yo.”

<sup>25</sup> Epi Moïse te desann vè pèp la e te pale yo.

## 20

<sup>1</sup> Epi Bondye te pale tout pawòl sa yo e te di: <sup>2</sup> “Mwen menm se SENYÈ a Bondye ou a, ✧ki te mennen ou sòti deyò nan peyi Égypte la, deyò kay esklavaj la.

<sup>3</sup> Ou pa pou gen lòt ✧dye devan M.

<sup>4</sup> ✧Ou pa pou fè pou kont ou, yon zidòl, ni okenn imaj sou sa ki nan syèl la anwo, ni sou latè anba, ni nan dlo anba tè a.

<sup>5</sup> ✧Ou pa pou adore yo ni sèvi yo; paske Mwen, SENYÈ a, Bondye pa w la, Mwen se yon Bondye ✧jalou, k ap vizite inikite a papa yo sou pitit yo, jis rive nan twazyèm ak katriyèm jenerasyon a sila ki rayi Mwen yo, <sup>6</sup> Men k ap montre lanmou dous ak mizerikòd ✧pami dè milye a sila ki renmen M, e ki kenbe kòmandman Mwen yo.

<sup>7</sup> ✧Ou pa pou pran non SENYÈ a an ven, paske SENYÈ a p ap kite sila a ki mal sèvi ak non Li an san pinisyon.

<sup>8</sup> Sonje ✧jou Saba a pou kenbe l sen.

<sup>9</sup> ✧Si jou nou va travay e nou va fè tout travay nou yo, <sup>10</sup> men setyèm jou a se yon jou Saba a SENYÈ a Bondye nou an; ✧ladann ou pa pou fè okenn travay; ni ou menm, ni fis ou, ni fi ou, ni sèvitè ou, ni sèvant ou, ni bèf ou, ni etranje ki demere avèk ou.

<sup>11</sup> ✧Paske nan si jou, SENYÈ a te fè syèl la avèk tè a, lanmè a, ak tout sa ki gen ladann, e Li te repoze nan setyèm jou a; akòz sa SENYÈ a te beni jou Saba a, e te fè l sen.

<sup>12</sup> ✧Onore papa ou avèk manman ou, pou ✧jou lavi ou yo kapab anpil nan peyi ke SENYÈ a, Bondye ou a te bay ou.

<sup>13</sup> ✧Ou pa pou touye moun. <sup>14</sup> ✧Ou pa pou fè adiltè.

<sup>15</sup> ✧Ou pa pou vòlè.

<sup>16</sup> ✧Ou pa pou fè fo temwayaj kont vwazen ou.

<sup>17</sup> Ou pa pou fè anvi sou lakay vwazen ou; ✧ou pa pou fè anvi sou madanm vwazen ou, ni sèvant li, ni sèvitè li, ni bèf li, ni bourik li, ni okenn bagay ki pou vwazen ou.

<sup>18</sup> ✧Tout pèp la te tandè gwonde tonnè avèk kout loray ak son a twonpèt la, ak mòn nan ki t ap fè lafimen; epi lè pèp la te wè li, yo te tranble e te kanpe a yon distans. <sup>19</sup> ✧Epi yo te di a Moïse: “Pale avèk nou ou menm, e nou va koute; men pa kite Bondye pale avèk nou, oswa nou va mouri.”

✧ 19:21 Egz 3:5 ✧ 19:22 Lev 10:3 ✧ 19:24 Egz 24:1,9,12 ✧ 19:24 Egz 19:22 ✧ 20:2 Egz 13:3 ✧ 20:3 Egz 15:11 ✧ 20:4 Lev 19:4 ✧ 20:5 Egz 23:24 ✧ 20:5 Na 1:2 ✧ 20:6 Det 7:9 ✧ 20:7 Lev 19:12 ✧ 20:8 Lev 26:2 ✧ 20:9 Det 5:13 ✧ 20:10 Né 13:16-19 ✧ 20:11 Jen 2:2,3 ✧ 20:12 Lev 19:3 ✧ 20:12 Jr 35:7 ✧ 20:13 Luc 18:20 ✧ 20:14 Lev 20:10 ✧ 20:15 Egz 21:16 ✧ 20:16 Det 5:20 ✧ 20:17 Pwov 6:29 ✧ 20:18 Egz 19:16,18 ✧ 20:19 Gal 3:19

<sup>20</sup> Moïse te di a pèp la: “Pa pè; paske Bondye vini ✧ pou pase nou a leprèv, e pou ✧ lakrent Li kapab rete avèk nou, pou nou pa peche.”

<sup>21</sup> Alò, pèp la te kanpe a yon distans, pandan Moïse te pwoche ✧ gwo nwaj la kote Bondye.

<sup>22</sup> Alò SENYÈ a te di a Moïse: “Konsa ou va pale avèk fis Israèl yo: “Nou menm, nou gen tan wè ke ✧ Mwen te pale avèk nou depi nan syèl la. <sup>23</sup> Nou pa pou fè lòt dye akote Mwen menm; ✧ dye an ajan, ni dye an lò, nou pa pou fè yo pou nou menm.

<sup>24</sup> Nou va fè yon ✧ lotèl avèk tè pou Mwen, e nou va fè sakrifis sou li nan ofrann brile, ak ofrann lapè, mouton nou yo, avèk bèf nou yo; nan chak plas kote Mwen fè non Mwen sonje, Mwen va vin kote nou, e Mwen va beni nou.

<sup>25</sup> Si nou fè yon lotèl avèk wòch pou mwen, nou pa pou fè l avèk wòch taye, paske si ou itilize zouti ou sou li, li vin pa sen ankò. <sup>26</sup> Epi nou pa pou monte nan eskalye vè lotèl Mwen, pou ✧ nidite nou pa vin dekouvri ladann.

## 21

<sup>1</sup> Alò, sa yo se ✧ règleman ke ou va mete devan yo:

<sup>2</sup> Si ou achte yon ✧ esklav Ebre, li va sèvi pou sis lane; men nan setyèm ane a li va sòti tankou yon moun lib san peye frè. <sup>3</sup> Si li antre li sèl li, li va sòti sèl; si se mari a yon madanm, alò, madanm nan va sòti avè l. <sup>4</sup> Si mèl li bay li yon madanm, e li fè fis oswa fi pou li, madanm nan avèk pitit li yo va rete pou mèl li, e li va sòti sèl.

<sup>5</sup> Men ✧ si esklav la di byen klè: “Mwen renmen mèl mwen, madanm mwen, ak pitit mwen yo; mwen p ap sòti tankou moun lib, <sup>6</sup> Alò, mèl li va mennen li devan Bondye, e apre li va mennen li vè pòt la, oswa chanbrann pòt la. Epi mèl li va pèse zòrèy li avèk yon pwenson, e li va sèvi li nèt jis pou tout tan.

<sup>7</sup> ✧ Si yon mesye vann fi li kòm yon esklav femèl, li pa pou lage ✧ kòm esklav mal. <sup>8</sup> Si li vin degoutan nan zye mèl li ki te anvizaje li pou li menm, alò, li va kite li ransone. Li pa gen otorite pou vann li a yon pèp etranje, akoz desepsyon li fè l pase a. <sup>9</sup> Si li ta dezinye l pou marye ak fis li, li va trete li selon koutim pwòp fi yo. <sup>10</sup> Si li ta vin pran pou li menm yon lòt fanm, li pa ka redwi manje li, vètman li, ni dwa ✧ konjigal li. <sup>11</sup> Si li p ap fè twa bagay sa yo pou li, alò li menm fi a va kite li gratis san peye lajan.

<sup>12</sup> ✧ Sila ki frape yon mesye pou li mouri va vrèman mete a lanmò. <sup>13</sup> ✧ Men si li pa t cache pa ekspresè nan anbiskad, men Bondye kite li vin tonbe nan men l, alò, Mwen va chwazi yon kote pou li kapab sove ale. <sup>14</sup> ✧ Si, alò, yon mesye aji avèk mechanste kont vwazen li, pou l kab touye li nan koken, ou va pran li menm si se sou lotèl la, pou li kapab mouri.

<sup>15</sup> Sila ki frape papa li oswa manman li li va vrèman mete a lanmò.

<sup>16</sup> ✧ Sila ki kidnape yon nonm, oswa ke li vann li, oswa yo twouve li nan posesyon li, li va vrèman mete a lanmò.

<sup>17</sup> ✧ Sila ki modi papa li oswa manman li, li va vrèman mete a lanmò.

✧ **20:20** Det 13:3 ✧ **20:20** És 8:13 ✧ **20:21** Egz 19:16 ✧ **20:22** Det 4:36 ✧ **20:23** Egz 32:1,2,4 ✧ **20:24** Egz 20:25 ✧ **20:26** Egz 28:42,43 ✧ **21:1** Egz 24:3,4 ✧ **21:2** Lev 25:39-43 ✧ **21:5** Det 15:16,17 ✧ **21:7** Né 5:5 ✧ **21:7** Egz 21:2,3 ✧ **21:10** I Kor 7:3,5 ✧ **21:12** Lev 24:17 ✧ **21:13** Nonb 35:10-34 ✧ **21:14** Det 19:11,12 ✧ **21:16** Det 24:7 ✧ **21:17** Lev 20:9



<sup>18</sup> Si de mesye gen yon kont e youn frape lòt la avèk yon wòch, oswa avèk pwèn li, e li pa mouri, men toujou kouche sou kabann li, <sup>19</sup> Si li ta leve mache deyò san sèvi ak baton li, alò, sila ki te frape li a va rete san pinisyon; li va peye sèlman pou tan ke li pèdi a, e li va okipe li jis lè li fin geri nèt.

<sup>20</sup> Si yon mesye frape esklav li, kit mal kit femèl, avèk yon baton, epi li vin mouri nan men l, li va pini. <sup>21</sup> Malgre sa, si li viv pandan youn oswa de jou, fòk yo pa fè vanjans kont li, pwiske se \*pwòp byen li ke li ye.

<sup>22</sup> Si de mesye vin lite youn avèk lòt, yo frape youn fanm ansent e li vin akouche avan lè, men pa gen lòt pwoblèm, li va peye youn amann jan mari a fanm nan kapab mande li, e li va \*peye li selon desizyon jij yo. <sup>23</sup> Men si gen plis mal ki fèt, \*alò, ou va òdone kòm youn penalite vi pou vi, <sup>24</sup> \*Zye pou zye, dan pou dan, men pou men, pye pou pye, <sup>25</sup> brile pou brile, blese pou blese, brize pou brize.

<sup>26</sup> Si yon mesye frape zye esklav li, kit mal, kit femèl, e li pèdi li zye a, li va lage l an libète akòz pèt zye a. <sup>27</sup> Epi si li kraze fè pèt a youn dan esklav li, kit mal, kit femèl, li va ba li libète akòz dan an.

<sup>28</sup> Epi si yon bèf frennen youn mesye oswa youn fanm avèk kòn li, pou l mouri, \*bèf la va vrèman lapide jiskaske li mouri, e chè li p ap manje; men mèl bèf la p ap pini. <sup>29</sup> Men si yon bèf te deja gen abitud frennen moun e mèl li te avèti deja, men li pa t okipe sa, e li vin touye youn mesye oswa youn fanm, bèf la va lapide, e mèl li anplis va mete a lanmò. <sup>30</sup> Si yon frè mande pou ranson lavi li, li va bay nenpòt sa ke yo mande li bay. <sup>31</sup> Si se youn fis oswa si se youn fi ke li frennen, l ap fèt menm jan selon menm règ la. <sup>32</sup> Si bèf la frennen youn mal oswa youn femèl esklav, mèl la va bay mèl li \*trant sik lajan, e bèf la va lapide.

<sup>33</sup> Si yon mesye ouvri youn fòs, oswa fouye youn fòs e li pa kouvri li, youn bèf, oswa youn bourik tonbe ladann, <sup>34</sup> Mèt fòs la va bay rekonpans; li va bay lajan a mèl li, e bèt mouri a va vin pou li.

<sup>35</sup> Si bèf a youn mesye vin donmaje bèf a youn lòt, e li mouri, alò yo va vann bèf vivan an e divize pri li mwatye pou yo chak; epi osi yo va divize bèt mouri an. <sup>36</sup> Men, si li te deja rekonèt ke bèf la te gen abitud frennen, men mèl li pa t okipe sa, li va vrèman peye bèt pou bèt, e bèt mouri an va vin pou li.

## 22

<sup>1</sup> Si yon nonm ta vòlè youn bèf oswa youn mouton epi kòche li oswa vann li, li va peye senk bèf pou bèf la, e \*kat mouton pou mouton an.

<sup>2</sup> Si \*vòlè a vin kenbe pandan l ap fonsè antre, e bat jis li vin mouri, p ap gen koupabilite pou san li sou kont mèl kay la. <sup>3</sup> Men si solèy la gen tan leve sou li, va genyen koupabilite san sou li vòlè a. Li va anverite peye dedonmajman an; si li pa posede anyen, alò, \*y ap vann li pou vòl sa a. <sup>4</sup> Si sa li te vòlè a twouve nan posesyon li, menm si se youn bourik, oswa youn mouton, \*li va peye li doub.

<sup>5</sup> Si youn mesye kite bèt li yo manje nan youn chan, oswa youn jaden jiskaske li fini nèt, e kite bèt li lage pou li manje nan chan a youn lòt moun, li va peye dedonmajman an soti nan pi bon pati tè li, ak meyè pati chan rezen l lan.

\* **21:21** Lev 25:44-46   \* **21:22** Egz 21:30   \* **21:23** Lev 24:19   \* **21:24** Lev 24:20   \* **21:28** Jen 9:5   \* **21:32** Za 11:12   \* **22:1** II Sam 12:6   \* **22:2** Mat 6:19   \* **22:3** Mat 18:25   \* **22:4** Egz 22:7

<sup>6</sup> Si yon dife vin parèt, e kouri jwenn bwa pikan yo, jis rive sereyal k ap rasanble nan chan an, oswa sereyal chan an li menm pran dife, sila ki te limen dife a va anverite peye.

<sup>7</sup> ✨Si yon mesye bay vwazen li lajan oswa byen li pou kenbe pou li, e li vòlè soti lakay mesye a, depi vòlè a kenbe, li va peye doub. <sup>8</sup> Si yo pa jwenn vòlè a, alò, mèt kay la va parèt devan ✨jij yo pou konstate si li te mete men li sou byen vwazen li an.

<sup>9</sup> Pou chak vyòl konfyans, oswa ke se pou bèf, pou bourik, pou mouton, pou rad, oswa pou nenpòt bagay ki pèdi, si yon moun kapab di: “Men li!”, yo toude va vini devan ✨jij yo; epi sila ke jij yo kondane a va peye doub a vwazen li an.

<sup>10</sup> Si yon mesye bay vwazen li yon bourik, yon bèf, yon mouton, oswa nenpòt bèt pou kenbe pou li, epi li vin mouri, oswa blese, oswa pouse ale lè moun pa wè, <sup>11</sup> yon ✨sèman devan SENYÈ a va fèt pa yo dèske li pa t mete men l sou byen a vwazen li; epi mèt li va aksepte li, e li p ap oblije fè peye dedonmajman. <sup>12</sup> Men si li te vrèman vòlè li, li va peye dedonmajman a mèt li. <sup>13</sup> Si li chire an mòso, kite sa mennen kòm evidans; li p ap peye dedonmajman pou sa ki chire an moso a.

<sup>14</sup> Si yon mesye prete yon bagay nan men vwazen li, e sa vin donmaje oswa mouri pandan mèt li pa la, li va peye tout rekonpans. <sup>15</sup> Si mèt li la avè l, li p ap peye rekonpans; si se lwaye, sa te vini pou frè lwaye li.

<sup>16</sup> ✨Si yon mesye sedwi yon vyèj ki poko fyanse, e li vin kouche avèk li, li dwe peye li yon frè fyanse pou l ka vin madanm li. <sup>17</sup> Si papa li refize nèt pou ba li fi li, li va peye lajan ki menm fòs avèk ✨frè fyanse a pou vyèj yo.

<sup>18</sup> Ou pa pou kite yon ✨majisyen viv.

<sup>19</sup> Nenpòt moun ki kouche avèk yon bèt, va asireman mete a lanmò. ✨

<sup>20</sup> ✨Sila ki fè sakrifis a nenpòt dye, sof ke SENYÈ a sèl, va detwi nèt.

<sup>21</sup> ✨Ou pa pou fè mal a yon etranje, ni oprime li, paske se te etranje nou te ye nan peyi Égypte la.

<sup>22</sup> ✨Ou pa pou oprime okenn vèv, ni òfelen. <sup>23</sup> Si ou oprime li, e li kriye ban Mwen, ✨Mwen va anverite tande kri li; <sup>24</sup> epi kòlè Mwen va vin ogmante; Mwen va touye ou avèk nepe, e madanm ou yo va vin vèv, e pitit ou yo va vin san papa. ✨

<sup>25</sup> Si ou prete lajan a pèp Mwen an, a malere yo pami nou yo, ou pa pou aji kòm kreditè anvè li; ou pa pou mande frè ✨enterè. <sup>26</sup> Si ou janmen pran manto vwazen ou kòm ✨garanti, fòk ou remèt li li avan solèy la kouche, <sup>27</sup> Paske se sa sèl ki kouvri li; se manto pou kò li. Kisa ankò li kab sèvi pou l dòmi? Epi li va rive ke lè li kriye fò, Mwen va tande li, paske ✨Mwen ranpli avèk mizerikòd.

<sup>28</sup> Ou pa pou modi Bondye, ✨ni modi yon chèf pèp ou.

<sup>29</sup> ✨Ou pa pou fè reta avèk ofrann ki sòti nan rekòlt la avèk diven an.

Premye ne nan fis ou yo, ou va ban Mwen l. <sup>30</sup> ✨Ou va fè menm bagay la avèk bèf ou yo, e avèk mouton ou yo. Li va rete avèk manman l pandan sèt jou, e nan uityèm jou a ou va ban Mwen li.

✨ 22:7 Lev 6:1-7 ✨ 22:8 Egz 22:9 ✨ 22:9 Egz 22:8,28 ✨ 22:11 Eb 6:16 ✨ 22:16 Det 22:28,29 ✨ 22:17 Jen 24:12 ✨ 22:18 Lev 19:31 ✨ 22:19 Lev 18:23 ✨ 22:20 Egz 32:8 ✨ 22:21 Det 27:19 ✨ 22:22 Det 24:17,18 ✨ 22:23 Job 34:28 ✨ 22:24 Sòm 109:2,9 ✨ 22:25 Né 5:7 ✨ 22:26 Pwov 20:16 ✨ 22:27 Egz 34:6 ✨ 22:28 Ekl 10:20 ✨ 22:29 Egz 13:2,12 ✨ 22:30 Det 15:19

31 ✨Nou va dèzòm ki sen pou Mwen; konsa, nou p ap manje okenn chè ki chire an mòso nan chan. Nou va jete li bay chen.

## 23

1 ✨Ou pa pou pote yon fo rapò; pa jwenn men ou avèk yon moun mechan pou devni yon move temwen.

2 Ou pa pou swiv foul la nan fè mechanste, ni ou pa pou fè temwen nan yon pwochè k ap vire pou swiv foul la pou ou kapab ✨fè lajistis vin konwonpi, 3 ✨ni ou p ap apiye vè yon malere pou bay li avantaj nan pwochè a.

4 ✨Si ou rankontre bèf, oswa bourik a lènmi ou k ap pati, anverite, ou va remèt li bay li. 5 ✨Si ou wè bourik a yon moun ki rayi ou, k ap kouche anba gwo chaj, ou p ap abandone li nan pwoblèm nan, men ou va ede l dechaje li.

6 ✨Ou pa pou konwonpi lajistis ki se dwa a yon malere nan pwochè li.

7 ✨Rete lwen yon fo pwochè, e ✨pa touye inosan an oswa moun ki dwat la, paske Mwen p ap jistifye koupab la.

8 ✨Ou pa pou pran lajan anba tab, paske kòb anba tab ap avegle sila ki wè klè yo, e konwonpi kòz sila ki jis yo.

9 ✨Ou pa pou oprime yon etranje, paske nou konnen pozisyon a yon etranje, paske nou osi te etrange nan peyi Égypte la.

10 ✨Ou va simen tè ou pou sis ane, e rekòlte donn li, 11 Men nan setyèm ane a ou va kite li san fè anyen pou l kab pran repo, pou kite malere pami pèp nou an kapab manje; epi nenpòt sa yo menm kite, pou bèt chan yo kapab pran. Ou ap fè menm bagay la avèk chan rezen e avèk chan oliv ou yo.

12 Pandan ✨sis jou ou va fè travay ou, men nan setyèm jou a, ou va sispann fè travay pou bèf ou avèk bourik ou kapab repoze, pou fis a esklav femèl ou a, e etranje ou a tou, kapab repoze.

13 Alò, ✨konsènan tout sa ke M te pale avèk nou yo, gade byen; epi pa nonmen non a lòt dye yo, ni kite yo tande pawòl sa yo sòti nan bouch nou.

14 ✨ Twa fwa pa ane nou va selebre yon fèt pou Mwen.

15 Nou va obsève ✨fèt Pen San Ledven an; pandan sèt jou nou va manje pen ki pa leve, jan Mwen te kòmande nou an, nan tan ki chwazi nan mwa Abib la, paske nan li nou te sòti an Égypte.

Epi okenn moun pèsòn p ap parèt devan M men vid.

16 Osi nou va obsève ✨fèt Mwason Premye Fwi a travay nou yo, nan sa ke nou te simen nan chan osi fèt rekòlt nan fen ane a lè nou fin ranmase tout fwi travay nan jaden nou yo.

17 ✨Twa fwa pa lane tout mal bèt nou yo va parèt devan SENYÈ Bondye a.

18 ✨Nou pa pou ofri san a sakrifis Mwen ansanm avèk pen ledven; ni grès fèt Mwen an pa pou pase lannwit pou rive nan maten.

19 Nou va pote pi bon nan premye fwi latè yo antre nan kay SENYÈ a, Bondye nou an. ✨Nou pa pou bouyi yon jèn kabrit nan lèt manman li.

20 Gade byen, Mwen ap voye yon zanj devan nou pou pwoteje nou pandan nou nan chemen an, e pou mennen nou antre nan plas ke M te

✨ 22:31 Egz 19:6 ✨ 23:1 Egz 20:16 ✨ 23:2 Det 16:19 ✨ 23:3 Egz 23:6 ✨ 23:4 Det 22:1-4  
 ✨ 23:5 Det 22:4 ✨ 23:6 Egz 23:2,3 ✨ 23:7 Ef 4:25 ✨ 23:7 Egz 20:13 ✨ 23:8 Pwov 15:27  
 ✨ 23:9 Lev 19:33 ✨ 23:10 Lev 25:1-7 ✨ 23:12 Egz 20:8-11 ✨ 23:13 Det 4:9,23 ✨ 23:14  
 Egz 23:17 ✨ 23:15 Egz 12:14-20 ✨ 23:16 Lev 23:16 ✨ 23:17 Egz 23:14 ✨ 23:18 Egz 34:25  
 ✨ 23:19 Det 14:21

prepare pou nou an. <sup>21</sup> Rete vijilan devan li, e obeyi vwa li; ✧pa fè rebelyon anvé li, paske li p ap padone peche nou yo, paske non Mwen nan li.

<sup>22</sup> Men si nou vrèman obeyi vwa li, e fè tout sa ke M pale nou yo, alò, ✧Mwen va vin lènmi pou lènmi pa nou yo, e advèsè pou advèsè nou yo. <sup>23</sup> ✧Paske zanj Mwen va ale devan nou pou mennen nou nan peyi Amoreyen yo, Etyen yo, Ferezyen yo, Kananeyen yo, Evityen yo, ak Jebisyen yo; epi Mwen va detwi yo nèt.

<sup>24</sup> ✧Nou pa pou adore dye pa yo, ni sèvi yo, ni fè selon zèv pa yo; men nou va boulvèse yo nèt e nou va kraze pilye sakre pa yo an mòso. <sup>25</sup> Men nou va sèvi SENYÈ a Bondye nou an, e Li va beni pen nou, ak dlo nou; epi ✧Mwen va retire maladi pami nou. <sup>26</sup> P ap gen foskouch oswa ✧moun esteril nan peyi nou; Mwen va fini fòs kantite jou ke n ap viv yo.

<sup>27</sup> Mwen va ✧voye laperèz Mwen devan nou, Mwen va jete nan konfizyon tout pèp pami sila nou vini yo, e Mwen va fè tout lènmi nou yo ban nou do yo. <sup>28</sup> Mwen va voye gèp devan nou pou yo ✧pouse mete deyò tout Evityen yo, Kananeyen yo, ak Etyen yo devan nou. <sup>29</sup> ✧Mwen p ap pouse yo deyò nan yon sèl ane, pou peyi a pa vin dezole, e pou bèt chan yo pa vin twòp pou nou. <sup>30</sup> Mwen va pouse yo deyò devan nou ✧mòso pa mòso jiskaske nou donnen kont fwi nou e vin posede peyi a.

<sup>31</sup> ✧Mwen va etabli bòn nou yo soti nan Lamè Wouj, jis rive nan lanmè Filisten yo, soti savann nan pou rive nan larivyè Lefrat ✧paske Mwen va livre abitan peyi yo nan men nou, e nou va pouse yo ale devan nou.

<sup>32</sup> ✧Nou pa pou fè okenn akò avèk yo, ni avèk dye pa yo. <sup>33</sup> ✧Yo p ap viv nan peyi nou, paske yo va fè nou peche kont Mwen; paske si nou sèvi dye pa yo, sa va vrèman vin yon pèlen pou nou.”

## 24

<sup>1</sup> Alò, Li te di a Moïse: ✧“Vin monte vè SENYÈ a, ou menm avèk Aaron, Nadab, Abihu avèk swasann-dis nan ansyen Israèl yo, e nou va adore a yon distans. <sup>2</sup> Men se sèl Moïse k ap vin toupre SENYÈ a, men yo menm p ap vin pre, ni pèp la p ap monte avèk li.”

<sup>3</sup> Alò Moïse te vin rakonte a pèp la tout pawòl a SENYÈ a yo, avèk tout òdonans yo; epi tout pèp la te reponn avèk yon sèl vwa, e te di: ✧“Tout pawòl sa yo ke SENYÈ a pale, nou va fè yo! <sup>4</sup> ✧Moïse te ekri tout pawòl SENYÈ a yo.

Epi li te leve granmmaten e li te bati yon lotèl nan pye mòn nan avèk douz pilye pou douz tribi Israèl yo. <sup>5</sup> Li te voye jèn mesye nan fis Israèl yo, ✧ yo te ofri ofrann brile e yo te fè sakrifis jèn towò kòm ofrann lapè bay SENYÈ a.

<sup>6</sup> ✧Moïse te pran mwatye nan san an, li te mete li nan basen yo, e lòt mwatye san an li te aspèje li sou lotèl la. <sup>7</sup> Epi li te pran ✧liv akò a, li te li li nan zòrèy a tout pèp la, e yo te di: “Tout sa ke SENYÈ a pale, nou va fè yo, e nou va obeyi yo.”

<sup>8</sup> Alò, ✧Moïse te pran san an, li te aspèje li sou pèp la, e li te di: “Gade byen san akò a, ke SENYÈ a te fè avèk nou selon tout pawòl sa yo.”

✧ 23:21 Det 9:7 ✧ 23:22 Jen 12:3 ✧ 23:23 Egz 23:20 ✧ 23:24 Egz 20:5 ✧ 23:25 Egz 15:26 ✧ 23:26 Det 7:14 ✧ 23:27 Jen 35:5 ✧ 23:28 Egz 33:2 ✧ 23:29 Det 7:22 ✧ 23:30 Det 7:22 ✧ 23:31 Jen 15:18 ✧ 23:31 Det 2:36 ✧ 23:32 Egz 34:12 ✧ 23:33 Det 7:1-5; Jij 2:3 ✧ 24:1 Egz 19:24 ✧ 24:3 Egz 19:8 ✧ 24:4 Egz 17:4 ✧ 24:5 Egz 18:12 ✧ 24:6 Eb 9:18 ✧ 24:7 Egz 24:4 ✧ 24:8 Eb 9:19,20

<sup>9</sup> Alò, Moïse te monte avèk Aaron, ✨Nadab, Abihu, ak swasann-dis nan ansyen Israèl yo, <sup>10</sup> epi ✨yo te wè Bondye Israèl la; epi anba pye li, te parèt yon choz tankou yon pave ki fèt an safi, klè (menm) tankou syèl la menm. <sup>11</sup> Malgre Li pa t lonje men Li kont prens Israèl sa yo; ✨yo te wè Bondye, yo te manje e yo te bwè.

<sup>12</sup> Alò, SENYÈ a te di a Moïse: “Vin monte vè Mwen nan mòn nan e rete la, epi ✨Mwen va bay ou tab wòch yo avèk lalwa ak kòmandman ke M te ekri pou enstwi yo.”

<sup>13</sup> Alò, Moïse te leve avèk ✨Josué, sèvitè li a, e Moïse te monte nan ✨mòn Bondye a. <sup>14</sup> Men a ansyen yo li te di: “Tann isit la pou nou jis lè nou retounen kote nou. Epi gade byen, ✨Aaron avèk Hur ap rete avèk nou; nenpòt moun ki genyen yon pwosè lalwa ke li pwoche yo.”

<sup>15</sup> Alò Moïse te monte nan mòn nan, e ✨nwaj la te kouvri mòn nan.

<sup>16</sup> ✨Glwa SENYÈ a te rete sou Mòn Sinai a, e nwaj la te kouvri li pandan sis jou; epi nan setyèm jou a, Li te rele Moïse soti nan mitan nwaj la.

<sup>17</sup> Epi nan zye a fis Israèl yo, aparans glwa SENYÈ a te tankou yon ✨dife ki t ap ravaje sou tèt mòn nan.

<sup>18</sup> Moïse te antre nan mitan nwaj la pandan li te monte sou mòn nan; epi Moïse te rete sou mòn nan pandan ✨karant jou ak karant nwit.

## 25

<sup>1</sup> Alò, SENYÈ a te pale a Moïse e te di: <sup>2</sup> “✨Pale fis Israèl yo pou yo rasanble yon ofrann pou Mwen; soti nan chak òm ki gen bon kè ou va resevwa yon ofrann.

<sup>3</sup> Sa se ofrann ke nou va rekeyi nan men yo: lò, lajan, ak bwonz, <sup>4</sup> ✨Twal nan koulè ble, mov, ak wouj, avèk twal fen blan, pwal kabrit, <sup>5</sup> Po belye fonce wouj, po dofen bwa akasya, <sup>6</sup> lwil pou limyè, ✨epis pou lwil onksyon, e pou lansan santi bon <sup>7</sup> pyè oniks ak pyè baz bijou pou ✨efòd la e pou pyès vètman lestomak la.

<sup>8</sup> Kite yo ✨konstwi yon sanktyè pou Mwen, pou Mwen kapab rete pami yo. <sup>9</sup> ✨Selon tout sa ke M gen pou montre nou, kòm modèl tabènak la, ak modèl tout mèb li yo, se konsa ojis ke nou va konstwi li.

<sup>10</sup> ✨Yo va konstwi yon lach avèk bwa akasya, de koude edmi nan longè, yon koude edmi nan lajè, ak yon koude edmi nan wotè. <sup>11</sup> Ou va ✨kouvri li avèk lò pi ni anndan, ni deyò, fè yon kouch lò pou kouvri li nèt, e fè yon woulèt lò pou antoure li. <sup>12</sup> Ou va fonde kat gwo wondèl pou li, e tache yo nan kat pye li yo, epi de wondèl va yon kote, e de wondèl yon lòt kote.

<sup>13</sup> Ou va fè poto ak bwa akasya e kouvri yo avèk yon kouch lò. <sup>14</sup> Ou va mete poto yo pase anndan wondèl yo sou kote lach la, e pote lach la avèk yo. <sup>15</sup> ✨Poto yo va rete nan wondèl lach yo; yo p ap retire sou li. <sup>16</sup> Ou va ✨mete nan lach la temwayaj ke Mwen va bay ou a.

<sup>17</sup> Ou va fè yon ✨chèz pwopyatwa avèk lò pi, de koude edmi nan longè, ak yon koude edmi nan lajè. <sup>18</sup> Ou va fè de cheriben an lò, fè yo tankou yon zèv an lò ki bat avèk zouti nan de bout a chèz pwopyatwa a. <sup>19</sup> Fè yon cheriben nan yon pwent, e lòt la nan lòt pwent lan; ou va fè cheriben yo tankou yon sèl pyès avèk chèz pwopyatwa a, nan de pwent li. <sup>20</sup> ✨Cheriben

✨ 24:9 Egz 24:1 ✨ 24:10 Egz 24:11 ✨ 24:11 Jen 16:3 ✨ 24:12 Egz 31:18 ✨ 24:13 Egz 17:9-14 ✨ 24:13 Egz 3:1 ✨ 24:14 Egz 17:10,12 ✨ 24:15 Egz 19:9 ✨ 24:16 Egz 16:10 ✨ 24:17 Det 4:24 ✨ 24:18 Egz 34:28 ✨ 25:2 Egz 35:4-9 ✨ 25:4 Egz 28:5,6,8 ✨ 25:6 Egz 30:23 ✨ 25:7 Egz 28:4,6-14 ✨ 25:8 Egz 36:1-5 ✨ 25:9 Trav 7:44 ✨ 25:10 Det 10:3 ✨ 25:11 Eb 9:4 ✨ 25:15 I Wa 8:8 ✨ 25:16 I Wa 8:9 ✨ 25:17 Egz 37:6 ✨ 25:20 I Kwo 28:18

yo va gen zèl yo k ap ouvri pa anlè, yo va kouvri chèz pwopyatwa a avèk zèl yo, e youn ap anfas lòt; epi fas de cheriben yo ap gade vè chèz pwopyatwa a.

<sup>21</sup> ✧ Ou va mete chèz pwopyatwa a sou lach la, e nan lach la ou va mete temwayaj ke Mwen va bay ou a. <sup>22</sup> La Mwen va rakontre avèk ou; epi soti anwo chèz pwopyatwa a, nan ✧ antre de cheriben yo ki sou lach temwayaj la, Mwen va pale avèk ou selon tout sa ke Mwen va ba ou nan kòmandman pou fis Israël yo.

<sup>23</sup> ✧ Ou va fè yon tab avèk bwa akasya, de koude nan longè, yon koude nan lajè e yon koude edmi nan wotè. <sup>24</sup> Ou va kouvri li avèk yon kouch lò pi, e antoure li avèk yon ✧ woulèt fèt an lò. <sup>25</sup> Ou va fè yon rebò lajè kat dwat pou antoure li, e ou va fè yon bòdi pou rebò ki antoure li a.

<sup>26</sup> Ou va fè kat wondèl an lò pou li, e mete wondèl yo sou kat kwen ki sou kat pye li yo. <sup>27</sup> Wondèl yo va toupre rebò a kòm soutyen k ap resevwa poto k ap pote tab la. <sup>28</sup> Ou va fè poto yo avèk bwa akasya e kouvri yo avèk yon kouch lò, dekwa ke pa yo menm, tab la kapab pote.

<sup>29</sup> Ou va fè ✧ asyèt, chodyè avèk bokal li e bòl li yo avèk yo pou ou kapab vide ofrann yo; ou va fè yo avèk lò pi.

<sup>30</sup> Ou va mete ✧ pen Prezans lan sou tab la devan Mwen pou li la tout lè.

<sup>31</sup> ✧ Alò, ou va fè yon chandelye avèk lò pi. Chandelye a avèk baz ak pyè li yo gen pou fòme avèk lò ki bat; tas li yo, boujon li yo, avèk flè li yo va fèt nan yon sèl pyès avèk li.

<sup>32</sup> ✧ Sis branch yo va soti sou kote li yo; twa branch chandelye a nan yon bò, e twa branch chandelye a nan lòt bò a. <sup>33</sup> ✧ Twa tas yo va fòme tankou flè zanmann sou yon branch, yon boujon, yon flè, e twa tas yo fòme tankou flè zanmann sou lòt branch lan, yon boujon avèk yon flè—konsa pou sis branch yo sòti nan chandelye a; <sup>34</sup> Epi ✧ nan chandelye a, kat tas ki fòme tankou flè zanmann yo, avèk boujon ak flè li. <sup>35</sup> ✧ Yon boujon va vin mete anba premye pè branch ki sòti nan li yo, e yon boujon anba dezyèm pè branch ki sòti nan li yo, pou tout sis branch k ap sòti nan chandelye yo. <sup>36</sup> ✧ Boujon pa yo avèk branch pa yo va fèt nan yon sèl pyès avèk li; yo tout va fòme yon èv nan yon sèl pyès, fòme avèk mato ak lò pi.

<sup>37</sup> Alò, ou va fè sèt lap e ✧ yo va monte yo nan yon sans k ap voye limyè sou espas ki devan li an. <sup>38</sup> Etoufè yo avèk asyèt pa yo va fèt avèk lò pi.

<sup>39</sup> Li va fèt avèk yon talan swasann-kenz liv lò avèk tout bagay itil sa yo.

<sup>40</sup> ✧ Veye pou nou fè yo selon modèl ki pou yo a, ki te montre a ou nan mòn nan.”

## 26

<sup>1</sup> “Anplis de sa, ou va fè tabènak la avèk dis rido an twal len fen ki tòde avèk twal ble, mov, ak wouj; ou va fè yo avèk cheriben, zèv a yon mèt ouvriye ki gen kapasite. <sup>2</sup> Longè a chak rido va ventwit koude, e lajè chak rido va kat koude; tout rido yo va gen menm mezi. <sup>3</sup> Senk rido va vin jwenn youn ak lòt, e lòt senk rido yo va jwenn youn ak lòt.

<sup>4</sup> Ou va fè lasèt yo an ble sou kote rido ki plis deyò a nan premye asanblaj la, e osi ou va fè yo sou kote de tapi ki plis deyò nan dezyèm asanblaj la.

<sup>5</sup> Ou va fè senkant lasèt nan yon rido, e ou va fè senkant lasèt (yo) sou kote rido ki (se) nan dezyèm asanblaj la; lasèt yo va opoze anfas youn ak lòt.

✧ 25:21 Egz 26:34 ✧ 25:22 Sòm 80:1 ✧ 25:23 Egz 37:10-16 ✧ 25:24 Egz 25:11 ✧ 25:29 Egz 37:16 ✧ 25:30 Egz 39:36 ✧ 25:31 Egz 37:17-24 ✧ 25:32 Egz 37:18 ✧ 25:33 Egz 37:19

✧ 25:34 Egz 37:20 ✧ 25:35 Egz 37:21 ✧ 25:36 Egz 37:22 ✧ 25:37 Nonb 8:2 ✧ 25:40 Eb 5:8

<sup>6</sup> Ou va fè senkant kwòk an lò, e ou va jwenn rido yo youn avèk lòt avèk kwòk pou tabènak la kapab fè yon sèl.

<sup>7</sup> Alò ☆ou va fè rido yo avèk pwal kabrit tankou yon tant sou tabènak la; ou va fè onz rido antou. <sup>8</sup> Longè chak rido va trant koude, e lajè a va kat koude; epi onz rido yo va fè menm mezi. <sup>9</sup> Ou va jwenn senk rido yo poukont yo, lòt sis rido yo poukont yo, e ou va vin double sizyèm rido a pa devan tant lan.

<sup>10</sup> Ou va fè senkant lasèt sou kote rido a ki plis pa deyò nan premye asanblaj la, e senkant lasèt sou kote rido a ki plis pa deyò nan dezyèm asanblaj la. <sup>11</sup> Ou va fè senkant kwòk an bwonz, ou va mete kwòk yo nan lasèt yo e ou va jwenn tant lan ansanm pou li fè yon sèl.

<sup>12</sup> Mòso anplis ki debòde nan rido a tant lan, mwatye rido ki rete a, va kouche anwo lòt la pa dèyè tabènak la. <sup>13</sup> Yon koude sou yon kote e yon koude sou lòt kote a, sa ki rete nan longè rido a tant lan, li va debòde sou kote tabènak la sou yon bò, ni sou lòt la pou kouvri li.

<sup>14</sup> ☆Ou va fè yon kouvèti pou tant lan avèk po belye ki fonce wouj, e yon kouvèti an po dofen pa anwo.

<sup>15</sup> Alò ou va fè ☆planch pou tabènak la avèk bwa akasya ki kanpe tou dwat. <sup>16</sup> Dis koude va longè a chak planch e yon koude edmi, lajè a chak planch. <sup>17</sup> Va genyen de bout pou chak planch, ki jwenn youn ak lòt; konsa ou va fè pou tout planch tabènak yo.

<sup>18</sup> Ou va fè planch yo pou tabènak la: ven planch pou kote sid la. <sup>19</sup> Ou va fè karant ☆baz reseptikal an ajan anba ven planch yo, de baz reseptikal anba yon planch pou de bout li yo, e de baz reseptikal anba yon lòt planch pou de bout li yo; <sup>20</sup> epi pou dezyèm kote nan tabènak la, sou fas nò a, ven planch, <sup>21</sup> epi karant baz reseptikal pa yo fèt an ajan; de baz reseptikal anba yon lòt planch. <sup>22</sup> Pou dèyè tabènak la, nan lwès la, ou va fè sis planch.

<sup>23</sup> Ou va fè de planch pou kwen a tabènak la pa dèyè. <sup>24</sup> Yo va double pa anba, e ansanm yo va vin konplete jis nan pwent anlè pou rive nan premye wondèl la; se konsa li va ye avèk toude: yo va fòme de kwen yo. <sup>25</sup> Li va genyen uit planch avèk pwòp baz reseptikal pa yo fèt an ajan; sèz baz reseptikal yo; de baz reseptikal anba yon planch, e de baz reseptikal anba yon lòt planch.

<sup>26</sup> Epi ou va fè senk ☆travès yo avèk bwa akasya, senk pou planch yo nan yon kote tabènak la, <sup>27</sup> epi senk travès pou planch yo nan lòt kote tabènak la, e senk travès pou planch yo pou kote a tabènak la pa fas dèyè (la) vè lwès la. <sup>28</sup> Travès mitan jis nan mitan planch yo va pase nèt sòti nan yon pwent a lòt pwent lan. <sup>29</sup> Ou va kouvri planch yo avèk lò e fè wondèl yo avèk lò tankou soutyen pou travès yo; epi ou va kouvri poto yo avèk lò.

<sup>30</sup> Epi ou va monte tabènak la ☆selon plan ki te montre a ou sou mòn nan.

<sup>31</sup> Ou va fè yon ☆vwal avèk materyo mov avèk wouj ak twal fen blan byen tòde; li va fèt avèk yon cheriben, zèv a yon mèt ouvriye ki gen kapasite.

<sup>32</sup> Ou va pandye li sou kat pilye akasya yo ki kouvri avèk lò, kwòk pa yo osi fèt avèk lò, sou kat baz reseptikal ki fèt an ajan yo. <sup>33</sup> Ou va pandye vwal la anba kwòk yo e ou va fè li antre nan lach temwayaj la nan plas sa a, pa anndan vwal la; epi vwal la va sèvi pou nou kòm yon separasyon ☆antre lye ki sen an ak lye ki sen pase tout la.

<sup>34</sup> ✨Ou va mete chèz pwopyatwa a sou lach temwayaj la nan lye ki sen pase tout la. <sup>35</sup> ✨Ou va mete tab la deyò vwal la, e chandelye a anfas tab la sou kote tabènak ki vè sid la; epi ou va mete tab la nan fas nò a.

<sup>36</sup> Ou va fè yon rido pou pòtay tant lan avèk twal ble, mov, e wouj, ak twal fen blan byen tòde, zèv a yon mèt tiseran. ✨ <sup>37</sup> ✨Ou va fè senk pilye yo avèk akasya pou rido a, e ou va kouvri yo avèk lò, kwòk pa yo osi fèt avèk lò; epi ou va fonde senk baz reseptikal an bwonz pou yo.

## 27

<sup>1</sup> Epi ou va fè ✨lotèl la avèk bwa akasya, senk koude nan longè, e senk koude nan lajè; lotèl la va fèt kare, e wotè li va twa koude. <sup>2</sup> Ou va fè ✨kòn li yo sou kat kwen; kòn li yo va fèt nan yon sèl pyès avèk li, epi ou va vin kouvri li avèk bwonz.

<sup>3</sup> Ou va fè bokit li yo pou retire sann, avèk pèl li yo, basen li yo, fouch li yo, ak po dife; ou va fè tout bagay itil sa yo avèk bwonz. <sup>4</sup> Ou va fè pou li yon griyaj, yon èv trese an bronz, epi nan trèz yo ou va fè kat wondèl an bwonz nan kat kwen li yo. <sup>5</sup> Ou va mete li anba, arebò lotèl la, pou griyaj trese a vin monte a mwatye wotè nan lotèl la.

<sup>6</sup> Ou va fè poto yo pou lotèl la, poto an bwa akasya yo, e kouvri yo avèk bwonz. <sup>7</sup> Poto yo va fonde anre nan wondèl yo, pou poto yo kab rive sou de kote lotèl la ✨lè li pote. <sup>8</sup> Ou va fè li vid, avèk planch; ✨jan sa te montre a ou nan mòn nan, konsa yo va fè li.

<sup>9</sup> Ou va fè galeri tabènak la. Nan kote sid la ap gen twal fen blan k ap pandye, byen tòde e san koude nan longè pou yon bò; <sup>10</sup> epi pilye yo va kontwole ven, avèk ven baz reseptikal yo an bwonz; epi kwòk pilye yo avèk bann seraj pa yo k ap fèt an ajan. <sup>11</sup> Menm jan pou kote nò a, nan longè va genyen k ap pandye san koude nan longè, e ven pilye pa li yo avèk ven baz reseptikal yo an bwonz; kwòk yo avèk bann seraj pa yo va fèt an ajan.

<sup>12</sup> Pou lajè galeri a nan kote lwès la va gen bagay k ap pann pou senkant koude avèk dis pilye pa yo, ak dis baz reseptikal pa yo. <sup>13</sup> Lajè galeri a nan kote lès la va senkant koude. <sup>14</sup> Sa ki pann nan yon kote pòtay la va kenz koude avèk twa pilye pa yo, ak twa baz reseptikal pa yo. <sup>15</sup> Epi pou lòt kote a va gen ki pandye kenz koude avèk twa pilye pa yo, ak twa baz reseptikal pa yo.

<sup>16</sup> Pou pòtay galeri a va gen yon rido ven koude, avèk twal ble, mov, e wouj avèk twal fen blan, byen tòde, lèv a yon mèt tiseran, avèk kat pilye pa yo, ak kat baz reseptikal pa yo. <sup>17</sup> Tout pilye ki antoure galeri yo va founi avèk bann seraj yo an ajan, avèk kwòk yo an ajan, e baz reseptikal yo nan bronz. <sup>18</sup> Longè a galeri a va san koude, lajè a va senkant toupato, e wotè a, senk koude an twal fen blanc, byen tòde, avèk baz reseptikal yo an bwonz.

<sup>19</sup> Tout bagay itil a tabènak yo sèvi nan tout sèvis li, ak tout pikèt li yo va fèt an bwonz.

<sup>20</sup> Ou va pase lòd a fis Israèl yo pou yo pote bay ou ✨lwil byen klè ki fèt avèk oliv byen bat pou limyè a, pou yon lanp kapab briye tout tan, <sup>21</sup> Nan ✨tant rankont lan, deyò tapi a, ki avan temwayaj la, Aaron avèk fis li yo va kenbe li an lòd depi nan aswè rive jiska maten devan SENYÈ a; li va yon règleman jis pou tout tan, pou tout jenerasyon pa yo, pou fis Israèl yo.”

✨ 26:34 Egz 40:20 ✨ 26:35 Egz 40:22 ✨ 26:36 Egz 36:37 ✨ 26:37 Egz 36:38 ✨ 27:1 Egz 38:1-7 ✨ 27:2 Sòm 118:27 ✨ 27:7 Nonb 4:15 ✨ 27:8 Trav 7:44 ✨ 27:20 Egz 35:8,28 ✨ 27:21 Egz 25:22; Egz 26:31



## 28

<sup>1</sup> “Epi fè Aaron, frè ou a vin pre ou menm, avèk fis pa li yo avè l, pami fis Israèl yo pou sèvi kòm prèt pou Mwen—Aaron, ✨Nadab, avèk Abihu, Eléazar, ak Ithamar, fis Aaron yo.

<sup>2</sup> Ou va fè ✨vètman sen pou Aaron, frè ou a, pou onore li, e pou l byen parèt. <sup>3</sup> Ou va pale avèk tout moun ki kapab yo, sa yo ke M te bay yon lespri sajès, pou fè vètman Aaron yo pou konsakre li, pou li kapab sèvi Mwen kòm prèt.

<sup>4</sup> Sa yo se vètman ke yo va fè: yon ✨pyès pou kouvri lestomak yo, yon efòd, avèk yon gwo manto, yon tinik avèk yon modèl kare, yon tiban pou tèt la, yon sentiwon ki fèt an twal, e yo va fè vètman sen yo pou Aaron, frè ou a ak fis li yo, pou li kapab sèvi kòm prèt pou Mwen. <sup>5</sup> Yo va pran ✨ lò a avèk twal ble, mov, wouj, ak twal fin blan an.

<sup>6</sup> Yo va osi fè ✨efòd la avèk lò, avèk twal ble, mov, wouj, ak twal fen blanc ki byen tòde, travay a yon mèt ouvriye byen prepare. <sup>7</sup> Li va gen de pyès zepòl ki jwenn nan pwent li yo, pou li kapab jwenn ansanm. <sup>8</sup> Bann tise ki fèt avèk yon bòdi byen prepare sou li a, va menm jan ak kalite travay a li menm nan, avèk menm twal la: an lò, ble, mov, e wouj, avèk twal fen blan byen tòde a.

<sup>9</sup> Ou va pran de pyè oniks, e grave sou yo non a fis Israèl yo, <sup>10</sup> sis nan non yo sou yon pyè, e sis ki rete yo sou lòt pyè a, selon lòd nesans yo. <sup>11</sup> Tankou yon mèt a bijou grave yon so, ou va grave sou pyè yo selon non a fis Israèl yo; ou va monte monti fèt an lò yo. <sup>12</sup> Ou va mete de pyè sa yo sou pyès zepòl yo nan efòd la, kòm pyè pou toujou sonje fis Israèl yo, e Aaron va ✨pote non pa yo devan SENYÈ a sou de zepòl li yo tankou yon bagay komemoratif. <sup>13</sup> ✨Ou va fè yon kokenn desenfèt an lò, <sup>14</sup> Ak de chèn an lò pi; ou va fè yo tankou èv kòd ki tòde, e ou va mete chèn trese yo sou monti lò yo.

<sup>15</sup> ✨Ou va fè yon pyès jijman pou lestomak, èv a yon mèt ouvriye; tankou èv efòd la, ou va fè li: avèk lò, twal ble, mov, e wouj, tòde byen fen ou va fè li. <sup>16</sup> Li va kare, plwaye doub, yon epann lajè yon men louvri nan lajè, e yon epann nan longè.

<sup>17</sup> Ou va monte sou li kat ranje nan pyè yo; premye ranje a va yon ranje avèk woubi, topaz ak emwod; <sup>18</sup> epi dezyèm ranje a yon tikwaz, yon safi, avèk yon dyaman; <sup>19</sup> epi twazyèm ranje a, yon opal, yon agat, ak yon ametis; <sup>20</sup> epi nan katyèm ranje a, yon krizolit, yon oniks, avèk yon jasp; yo va plase nan monti an lò yo. <sup>21</sup> Pyè yo va selon non fis Israèl yo: douz selon non pa yo; yo va grave yo tankou sa ki fèt nan selil yo, yo chak ✨selon non pa yo pou douz tribi yo.

<sup>22</sup> Ou va fè sou pyès lestomak la, chèn tankou kòd ki tòde, yon zèv ki fèt avèk lò pi. <sup>23</sup> Ou va fè nan pyès lestomak la de wondèl an lò, e ou va mete de wondèl yo nan de pwent yo nan pyès lestomak la. <sup>24</sup> Ou va mete de kòd lò yo nan de wondèl yo nan pwent a pyès lestomak yo. <sup>25</sup> Ou va mete lòt de pwent kòd yo nan de monti fèt byen fen yo, e mete yo sou pyès zepòl a efòd la, pa devan li.

<sup>26</sup> Ou va fè de wondèl an lò e ou va plase yo sou de pwent pyès lestomak yo, akote li, ki se bò kote anndan efòd la. <sup>27</sup> Ou va mete de wondèl an lò e ou va mete yo nan pati anba pyès efòd yo, pa devan li, toupre plas kote

✨ 28:1 Egz 24:1,9 ✨ 28:2 Egz 39:1-31 ✨ 28:4 Egz 28:15-43 ✨ 28:5 Egz 25:3 ✨ 28:6 Egz 39:2-7 ✨ 28:12 Egz 28:29 ✨ 28:13 Egz 39:16-18 ✨ 28:15 Egz 39:8-21 ✨ 28:21 Rev 7:4-8

li jwenn nan, anwo bann tise byen fen nan efòd la. <sup>28</sup> Yo va atache pyès lestomak la pa wondèl li yo ak wondèl efòd yo avèk yon kòd an ble, pou li kapab sou bann nan ki trese byen fen nan efòd la, pou pyès lestomak la pa vin detache nan efòd la.

<sup>29</sup> Aaron va pote non a fis Israèl yo nan pyès lestomak jijman an sou kè li lè l ap antre nan lye sen an, kòm yon souvni pou tout tan devan SENYÈ a. <sup>30</sup> ✧Ou va mete nan pyès lestomak jijman an, ✧Ourim nan avèk Toumim nan, e yo va sou kè Aaron lè l ap antre devan SENYÈ a; epi Aaron va pote jijman a fis Israèl yo sou kè li tout tan devan SENYÈ a.

<sup>31</sup> ✧Ou va fè tout manto efòd la an ble. <sup>32</sup> Va genyen yon ouvèti nan tèt anwo li, nan mitan li; ozanviwon ouvèti li va genyen yon bòdi ak zèv trese, tankou ouvèti nan yon pwotèj batay, pou li pa chire. <sup>33</sup> Ou va fè nan woulèt li grenad ak materyèl ble, mov, e wouj, toutotou woulèt li, ak klòch an lò antre yo chak toutotou: <sup>34</sup> Yon klòch an lò ak yon grenad, yon klòch an lò ak yon grenad, toutotou woulèt manto a. <sup>35</sup> Li va sou Aaron lè l ap fè sèvis li; epi son li va tandè lè l ap antre e soti nan lye sen an devan SENYÈ a, jis pou li pa mouri.

<sup>36</sup> Ou va osi fè yon ✧plak avèk lò pi, e li va grave sou li, jan li grave a yon so: ✧“Sen a SENYÈ a.” <sup>37</sup> Ou va tache li avèk yon kòd ble, e li va rete sou tiban an; li va pa devan tiban an. <sup>38</sup> Li va sou fwon Aaron, e Aaron va retire inikite nan bagay sen ke fis Israèl yo konsakre yo, selon tout ofrann sen pa yo; epi li va toujou sou fwon li, pou ✧yo kapab aksepte devan SENYÈ a. <sup>39</sup> Ou va trese yon ✧tinik avèk modèl kare avèk twal fen blan, ou va fè yon tiban avèk twal fen blan, e ou va fè yon sentiwon bwode, èv a yon bòs tiseran. <sup>40</sup> Pou fis Aaron yo ou va fè ✧tinik yo; ou va osi fè sentiwon pou yo, ou va fè chapo pou yo, pou onore yo, e pou fè yo byen parèt. <sup>41</sup> Ou va mete yo sou Aaron, frè ou a, sou fis li yo avèk li; epi ou va ✧vide lwil sou yo pou fè òdonasyon yo e konsakre yo, pou yo kab sèvi Mwen kòm prèt.

<sup>42</sup> Ou va fè pou yo ✧pantalòn avèk len pou kouvri nidite yo; yo va sòti nan ren yo jis rive nan kwis yo. <sup>43</sup> Yo va sou Aaron avèk fis li yo lè y ap antre nan tant reyinyon an, oswa ✧lè y ap pwoche lotèl la pou fè sèvis nan lye sen an, pou yo pa atire koupabilite, e mouri.

Sa va yon règleman pou tout tan pou li, e pou desandan apre li yo.”

## 29

<sup>1</sup> ✧“Alò, se sa nou va fè a yo menm pou konsakre yo pou fè sèvis kòm prèt Mwen: pran yon jèn towò avèk de belye san defo, <sup>2</sup> epi ✧pen san ledven avèk gato san ledven, mele avèk lwil, ak galèt san ledven ki kouvri avèk lwil; ou va fè yo avèk farin fen. <sup>3</sup> Ou va mete yo nan yon panyen, e prezante yo nan panyen an ansanm avèk towò a avèk de belye yo.

<sup>4</sup> Epi ✧ou va mennen Aaron avèk de fis li yo vè pòtay tant reyinyon an, e lave yo avèk dlo. <sup>5</sup> Ou va pran vètman yo, ou va mete sou Aaron ✧tinik lan avèk manto efòd la, efòd avèk pyès lestomak la, e ou va mare senti li avèk bann trese byen fen ki sou efòd la; <sup>6</sup> epi ou va mete tiban an sou tèt li, e mete kouwòn sen an sou tiban an. ✧ <sup>7</sup> Epi ou va pran ✧lwil onksyon an, ou va vide li sou tèt li pou onksyone li. <sup>8</sup> Ou va mennen fis li yo e mete

✧ **28:30** Lev 8:8 ✧ **28:30** Det 33:8 ✧ **28:31** Egz 39:22-26 ✧ **28:36** Egz 39:30,31 ✧ **28:36** Za 14:20 ✧ **28:38** Lev 22:27 ✧ **28:39** Egz 39:27-29 ✧ **28:40** Egz 28:4 ✧ **28:41** Egz 29:7,9 ✧ **28:42** Lev 6:10 ✧ **28:43** Egz 20:26; Egz 27:21 ✧ **29:1** Lev 8:1-34 ✧ **29:2** Lev 2:4 ✧ **29:4** Egz 40:12 ✧ **29:5** Egz 28:39 ✧ **29:6** Egz 28:36,37 ✧ **29:7** Nonb 35:25

✧tinik yo sou yo. <sup>9</sup> Ou va mete sentiwon pou yo ni Aaron ni fis li yo, ou va mare chapo yo sou tèt yo, e yo va genyen pozisyon prèt la, kòm yon lòd k ap pou tout tan san fen.

<sup>10</sup> Epi ou va mennen towò a devan tant reyinyon an, e Aaron avèk fis li yo va ✧poze men yo sou tèt towò a. <sup>11</sup> Epi nou va touye towò a devan SENYÈ a nan pòtay tant reyinyon an. <sup>12</sup> Ou va pran ✧kèk nan san towò a e ou va mete sou kòn lotèl la avèk dwèt ou; epi ou va vide tout san an nan baz lotèl la. <sup>13</sup> Ou va ✧pran tout grès ki kouvri zantray yo, avèk gwo mas grès ki sòti nan fwa a, de ren yo ak grès ki sou yo a, e ou va ofri yo anlè nan lafimen sou lotèl la. <sup>14</sup> Men ✧chè towò a avèk po li ak watè li, ou va brile yo avèk dife andeyò kan an; li menm se yon ofrann peche.

<sup>15</sup> ✧Ou va anplis pran belye sa a, e Aaron avèk fis li yo va poze men yo sou tèt belye a; <sup>16</sup> Epi ou va touye belye a e ou va pran san li pou flite li toutotou lotèl la. <sup>17</sup> Epi ou va koupe belye a an mòso, lave zantray li yo avèk janm li yo, e mete yo avèk mòso li yo avèk tèt li. <sup>18</sup> Ou va ofri anlè nan lafimen tout belye a sou lotèl la; li se yon ofrann brile a SENYÈ a; ✧li se yon sant ki dous; yon sakrifis pa dife pou SENYÈ a.

<sup>19</sup> Alò ✧ou va pran lòt belye a, e Aaron avèk fis li yo va poze men yo sou tèt belye a. <sup>20</sup> Epi ou va touye belye a, ou va pran kèk nan san li e mete li sou tèt zòrèy Aaron, sou tèt zòrèy dwat a fis li yo, sou pous men dwat yo, nan gwo zòtèy pye dwat yo, e flite rès san an toutotou lotèl la. <sup>21</sup> Ou va pran kèk nan san ki sou lotèl la ak kèk nan ✧lwil onksyon an, e ou va flite li sou Aaron ak sou vètman li yo, sou fis li yo ak sou vètman ki pou fis li yo avèk li; konsa li menm avèk vètman li yo va vin konsakre, menm jan avèk fis li yon vètman a fis li yo.

<sup>22</sup> Ou va anplis pran grès belye a, grès ki nan ke a, ak grès ki kouvri zantray li yo, gwo mas grès ki sòti nan fwa a, de ren yo avèk grès ki sou yo a ak grès ki sou kwis dwat la (akoz ke se yon belye pou òdonasyon an), <sup>23</sup> Epi yon gato pen avèk ✧yon gato nan pen ki mele avèk lwil la, ak yon galèt ki sòti nan panyen pen san ledven an ki devan SENYÈ a; <sup>24</sup> epi ou va mete tout sa yo nan men Aaron ak men a fis li yo, e ou va balanse yo anlè tankou yon ofrann balanse devan SENYÈ a. <sup>25</sup> ✧Ou va pran yo sòti nan men pa yo, e ou va ofri yo anlè nan lafimen sou lotèl la, tankou yon bagay ki santi bon devan SENYÈ a; li se yon ofrann pa dife pou SENYÈ a.

<sup>26</sup> Epi ou va pran ✧vyann pwatrin belye a ki pou òdonasyon Aaron an, e ou va balanse li anlè tankou yon ofrann balanse devan SENYÈ a; epi li va pòsyon pa w.

<sup>27</sup> Ou va konsakre pwatrin ofrann balanse a, kwis ofrann ki te voye anlè a, ki te balanse e ki te ofri kòm belye òdonasyon an, sila ki te pou Aaron an, ak sila ki te pou fis li yo. <sup>28</sup> Li va pou Aaron avèk fis li yo kòm pòsyon pa yo jis pou tout tan; Li va sòti nan fis Israèl yo, paske se yon ofrann voye anlè ke li ye. Epi li va yon ofrann voye anlè sòti nan fis Israèl yo, sòti nan sakrifis ofrann lapè pa yo menm ofrann anlè bay SENYÈ a.

<sup>29</sup> ✧Vètman sen ki pou Aaron yo va pou fis li yo apre li, ke ladan yo, yo kapab onksyone e òdone. <sup>30</sup> Pandan sèt jou sila pami fis li yo ki vin prèt

✧ 29:8 Egz 28:39,40 ✧ 29:10 Lev 1:4 ✧ 29:12 Lev 8:15 ✧ 29:13 Lev 3:3,4 ✧ 29:14 Lev 4:11,12,21 ✧ 29:15 Lev 8:18 ✧ 29:18 Jen 8:21 ✧ 29:19 Lev 8:22 ✧ 29:21 Egz 30:25,31 ✧ 29:23 Lev 8:26 ✧ 29:25 Lev 8:28 ✧ 29:26 Lev 7:31,34 ✧ 29:29 Nonb 20:26,28

nan plas li, li va mete yo sou li lè l ap antre nan tant reyinyon an pou fè sèvis nan lye sen an.

<sup>31</sup> Ou va pran belye òdonasyon an e ou va \*bouyi chè li nan yon lye sen.

<sup>32</sup> Aaron avèk fis li yo va manje chè belye a ak pen ki nan panyen ki nan pòtay tant reyinyon an. <sup>33</sup> Konsa \*yo va manje bagay sa yo pa sa ke ekspyasyon te fèt nan òdonasyon ak konsekrasyon yo; men tout rès moun yo pa pou manje yo, paske yo sen. <sup>34</sup> Si yon bagay nan chè òdonasyon an oswa, yon pen rete jis rive nan maten, ou va brile rès la avèk dife; li p ap manje, akoz li sen.

<sup>35</sup> Konsa ou va fè pou Aaron ak fis li yo, selon tout sa ke Mwen te kòmande ou yo; ou va òdone yo pandan \*sèt jou.

<sup>36</sup> \*Chak jou ou va ofri yon towò kòm ofrann ekspyasyon pou peche, ou va pirifye lotèl la lè ou fè ekspyasyon pou li, e ou va vide lwil sou li pou l kab vin konsakre. <sup>37</sup> Pandan sèt jou ou va fè ekspyasyon sou lotèl la, e ou va konsakre li; konsa \*lotèl la va pi sen, e nenpòt sa ki touche li va sen.

<sup>38</sup> Alò, se \*sa ke ou va ofri sou lotèl la: de jèn mouton avèk laj de zan, chak jou san rete. <sup>39</sup> Premye jèn mouton an, ou va ofri li nan maten e lòt jèn mouton an, ou va ofri li nan aswè lè l fenk kòmanse fènwa; <sup>40</sup> epi va genyen yon dizyèm efa 2.2 lit farin fen, mele avè l yon ka in 2.2 lit nan lwil ki bat, ak yon ka nan in 2.2 lit diven kòm yon ofrann bwason avèk yon jèn mouton. <sup>41</sup> Lòt jèn mouton an, ou va ofri li nan aswè lè l fenk kòmanse fènwa, ou va ofri avèk li menm ofrann sereyal, e menm ofrann bwason tankou nan maten an pou yon bagay ki santi bon, yon ofrann pa dife vè SENYÈ a.

<sup>42</sup> Li va yon ofrann brile nan tout tan pou tout jenerasyon nou yo, nan pòtay tant reyinyon an devan SENYÈ a, \*kote Mwen va reyini avèk nou, pou pale avèk nou la a.

<sup>43</sup> Mwen va reyini la avèk fis Israèl yo, e li va vin konsakre akoz glwa Mwen. <sup>44</sup> Mwen va konsakre tant reyinyon an ak lotèl la; Mwen va osi konsakre Aaron ak fis li yo pou sèvi kòm prèt pou Mwen.

<sup>45</sup> \*Mwen va vin rete pami fis Israèl yo e Mwen va Bondye pa yo. <sup>46</sup> Yo va konnen ke \*Mwen menm se SENYÈ a, Bondye pa yo ki te fè yo sòti nan peyi Égypte la, pou M ta kapab rete pami yo; Mwen se SENYÈ a, Bondye pa yo a.”

## 30

<sup>1</sup> “Anplis, ou va fè \*yon lotèl kòm yon plas pou brile lansan; ou va fè li avèk bwa akasya. <sup>2</sup> Longè li va yon koude, e lajè li va yon koude; li va kare, e wotè li va de koude; kòn li yo va fèt tankou yon sèl pyès ansanm avèk li. <sup>3</sup> Ou va kouvri li avèk yon kouch fen an lò; tèt li e akote li, toupatou ansanm avèk kòn li yo; epi ou va fè yon bòdi lò pou antoure li nèt. <sup>4</sup> Ou va fè de wondèl an lò pou li anba bòdi li; ou va fè yo sou de fas kote, ki opoze yo, e yo va soutyen pou poto ki sèvi pou pote li yo. <sup>5</sup> Ou va fè poto yo avèk bwa akasya e kouvri yo avèk lò. <sup>6</sup> Ou va mete lotèl sa a pa devan vwal ki pre lach temwayaj la, devan \*chèz pwopyatwa a ki kouvri lach temwayaj la, kote Mwen va rankontre avèk ou a.

<sup>7</sup> Aaron va brile lansan ki santi bon sou li; li va brile li chak maten lè l ap pran swen lanp yo. <sup>8</sup> Lè Aaron ap pran swen lanp yo nan aswè, li va brile

\* 29:31 Lev 8:31    \* 29:33 Lev 10:14    \* 29:35 Lev 8:33    \* 29:36 Eb 10:11    \* 29:37 Egz 30:28    \* 29:38 Nonb 28:3-31    \* 29:42 Egz 25:22    \* 29:45 Za 2:10    \* 29:46 Egz 20:2  
\* 30:1 Egz 37:25-29    \* 30:6 Egz 25:21

lansan. Va genyen lansan tout tan devan SENYÈ a pandan tout jenerasyon nou yo.

<sup>9</sup> Ou pa pou ofri okenn lòt lansan sou lotèl sila a, ni ofrann ki brile, ni ofrann sereyal; ni ou pa pou vide yon ofrann bwason sou li. <sup>10</sup> Aaron va ✧fè ekspyasyon sou kòn li yo yon fwa pa ane; li va fè ekspyasyon sou li avèk san ofrann peche ki pou ekspyasyon an yon fwa pa ane pandan tout jenerasyon nou yo. Li pi sen pase tout bagay bay SENYÈ a.”

<sup>11</sup> SENYÈ a te osi pale ak Moïse e te di: <sup>12</sup> “Lè nou fè yon ✧kontwòl ofisyèl de tout fis Israèl yo pou konte yo, alò, chak nan yo va bay pwòp ranson li pou kont li bay SENYÈ a, lè n ap kontwole yo, pou pa vin genyen okenn toumant ki rive pami yo lè n ap nimewote yo. <sup>13</sup> Se chak moun ki kontwole yo ki va bay: mwatye sik selon sik sanktyè a ✧yon sik se ven jera) mwatye sik kòm kontribisyon bay SENYÈ a.

<sup>14</sup> Tout moun ki kontwole, soti nan laj a ventan oswa plis, va bay yon kontribisyon bay SENYÈ a. <sup>15</sup> Rich yo p ap peye plis, ni malere yo p ap peye mwens ke mwatye sik la, lè ou bay kontribisyon SENYÈ a pou fè ekspyasyon pou nou menm.

<sup>16</sup> Ou va pran lajan ekspyasyon an pou fis Israèl yo, e ou va bay li pou sèvis nan tant reyinyon an, pou li kapab yon souvni pou fis Israèl yo devan SENYÈ a, pou fè ekspyasyon pou nou menm.”

<sup>17</sup> SENYÈ a te pale a Moïse e te di: <sup>18</sup> Ou va osi fè yon ✧basen lave an bwonz, avèk yon baz an bwonz, pou lave; epi ou va ✧mete li antre tant reyinyon an avèk lotèl la, e ou va mete dlo ladann. <sup>19</sup> Aaron avèk fis li yo va ✧lave men yo ak pye yo ladann; <sup>20</sup> Lè yo antre nan tant reyinyon an, yo va lave avèk dlo, jis pou yo pa mouri; oswa lè yo pwoche lotèl la pou fè sèvis, pou ofri anlè nan lafimen, yon dife vè SENYÈ a. <sup>21</sup> Epi yo va lave men yo ak pye yo pou yo pa mouri; epi ✧li va yon règleman k ap la pou toujou, pou Aaron avèk desandan li yo pami tout jenerasyon yo.”

<sup>22</sup> Anplis, SENYÈ a te pale avèk Moïse e te di: <sup>23</sup> “Pran anplis pou ou menm pi bon epis yo: nan mi k ap koule, senk san sik, nan kannèl santi bon an, mwatye sa, de-san-senkant, e nan wozo awomatik, de-san-senkant, <sup>24</sup> epi nan kasya, senk-san, selon sik sanktyè a, e nan lwil doliv la, yon in nan lwil doliv la. <sup>25</sup> Ou va fè sila yo tankou yon lwil sen pou onksyone, yon melanj pafen, zèv a yon mèl melanj pafen; se va ✧yon lwil sen pou onksyone.

<sup>26</sup> Avèk li ✧ou va onksyone tant reyinyon an ak lach temwayaj la, <sup>27</sup> Epi tab la avèk tout bagay itil li yo, lanp bouji a avèk bagay itil li yo, ak lotèl lansan an, <sup>28</sup> Ak lotèl ofrann brile a avèk tout bagay itil li yo, basen lave a, avèk baz li.

<sup>29</sup> Ou va osi konsakre yo, pou yo kapab vin sen pase tout bagay; nenpòt moun ki touche yo dwe sen. <sup>30</sup> ✧Ou va vide lwil sou Aaron avèk fis li yo, e ou va konsakre yo, pou yo kapab sèvi pou Mwen kòm prèt.

<sup>31</sup> Ou va pale avèk fis Israèl yo, e di: “Sa va yon lwil ki sen a Mwen pandan tout jenerasyon nou yo. <sup>32</sup> Li pa pou vide sou kò a okenn moun, ni ou pa pou fè okenn bagay ki sanblab ak li nan menm mezi melanj lan; ✧li sen, e li va sen pou ou menm. <sup>33</sup> ✧Nenpòt moun ki mele nenpòt bagay

✧ **30:10** Lev 16:18 ✧ **30:12** Egz 38:25,26 ✧ **30:13** Nonb 3:47 ✧ **30:18** Egz 38:8 ✧ **30:18** Egz 40:30 ✧ **30:19** Egz 40:31 ✧ **30:21** Egz 28:43 ✧ **30:25** Egz 37:29 ✧ **30:26** Egz 40:9 ✧ **30:30** Egz 29:7 ✧ **30:32** Egz 30:25,37 ✧ **30:33** Egz 28:43

parèy ak li oswa nenpòt moun ki mete okenn nan li sou yon moun ki pa prèt, li va izole pami moun li yo.”

<sup>34</sup> Alò, SENYÈ a te di a Moïse: “Pran pou ou menm epis yo, safetida, zong santi bon, galbanòm, avèk lansan pi, yo chak nan menm kantite. <sup>35</sup> Avèk li ou va fè lansan, yon pafen, zèv a yon mèl melanj pafen, avèk disèl, ki pi, e ki sen. <sup>36</sup> Ou va bat kèk nan li byen fen, e ou va mete yon pati ladann devan temwayaj la nan tant reyinyon an, ✧kote Mwen va rankontre avèk ou a; li va yon choz pou nou, ki sen pase tout choz.

<sup>37</sup> Lansan ke nou va fè a, ✧nou pa pou fè li nan menm mezi pou sèvis pèsonèl nou; li va sen a nou pou SENYÈ a. <sup>38</sup> ✧Nenpòt moun ki ta fè parèy li pou sèvi kòm pafen va vin izole pami moun li yo.”

## 31

<sup>1</sup> Alò, SENYÈ a te pale avèk Moïse e te di: <sup>2</sup> “Gade, Mwen te rele Betsaléel pa non li, ✧fis Uri a, nan tribi Juda. <sup>3</sup> Mwen te ✧ranpli li avèk Lespri Bondye nan sajes, nan konprann, nan konesans, ak nan tout kapasite mendèv yo, <sup>4</sup> Pou fè desen pou travay avèk lò, avèk ajan, e avèk bwonz, <sup>5</sup> Epi nan koupe pyè bijou pou monte ak nan fè desen sou bwa, pou li kapab fè tout kalite mendèv.

<sup>6</sup> Epi gade byen, Mwen menm te nonmen ansanm avèk li ✧Oholiab, fis Ahisamach la, nan tribi Dan lan; epi osi nan kè tout moun ki ranpli avèk kapasite, Mwen te mete kapasite sa a, pou yo ta kapab fè tout sa ke M te kòmande ou yo: <sup>7</sup> Pou ✧tant reyinyon an, lach temwayaj la, chèz pwopyatwa a sou li, ak tout mèl tant lan, ✧chandelye an lò pi avèk tout bagay itil li yo, ak lotèl lansan an, <sup>8</sup> tab la osi avèk tout bagay itil li yo, <sup>9</sup> ✧Lotèl ofrann ki brile yo, osi avèk tout bagay itil li yo, e basen lave a avèk baz li, <sup>10</sup> epi vètman ✧tise yo tou, vètman sen pou Aaron yo, prèt la, ak vètman pou fis li yo, pou ranpli kapasite prèt la; <sup>11</sup> ✧lwil onksyon an osi, ak lansan santi bon pou lye sen an, yo va fèt selon tout sa ke M te kòmande ou yo.

<sup>12</sup> SENYÈ a te pale avèk Moïse e te di: <sup>13</sup> “Men pou ou menm, pale a fis Israèl yo, e di: ✧“Nou va vrèman obsève Saba Mwen yo; paske sa se yon sign antre Mwen ak nou pandan tout jenerasyon pa nou yo, pou nou kapab konnen ke Mwen se SENYÈ ki fè nou sen an.

<sup>14</sup> Pou sa, nou gen pou obsève Saba a, paske li sen pou nou. ✧Tout sila ki vyole li yo va vrèman vin mete a lanmò; paske nenpòt moun ki fè okenn travay nan li, moun sa a va vin izole pami moun li yo.

<sup>15</sup> ✧Pandan sis jou nou kapab travay, men nan setyèm jou a, gen yon Saba repo konplè, ki sen a SENYÈ a; ✧nenpòt moun ki fè okenn travay nan jou sa a va vrèman vin mete a lanmò. <sup>16</sup> Alò, fis Israèl yo va obsève Saba a, pou selebre Saba a pandan tout jenerasyon pa yo kòm yon akò ki p ap janm sispann. <sup>17</sup> Li se yon sign antre Mwen avèk fis Israèl yo pou tout tan; ✧paske nan sis jou SENYÈ a te fè syèl la avèk tè a, men nan setyèm jou a Li te sispann travay, e Li te vin rafrech Li.”

<sup>18</sup> Lè Li te fin pale avèk li sou Mòn Sinai a, Li te bay Moïse de ✧tablèt temwayaj la; tablèt (yo) te fèt an wòch, e yo te ekri pa dwèt SENYÈ a.

✧ **30:36** Egz 29:42   ✧ **30:37** Egz 30:32   ✧ **30:38** Egz 30:33   ✧ **31:2** I Kwo 2:20   ✧ **31:3** I Wa 7:14   ✧ **31:6** Egz 35:34   ✧ **31:7** Egz 36:8-38   ✧ **31:7** Egz 37:10-16; Lev 24:4; Egz 37:1-5   ✧ **31:9** Egz 38:1-7   ✧ **31:10** Egz 39:1   ✧ **31:11** Egz 30:23-32   ✧ **31:13** Egz 20:8   ✧ **31:14** Egz 31:15   ✧ **31:15** Det 5:12-14   ✧ **31:15** Egz 31:14   ✧ **31:17** Jen 1:31   ✧ **31:18** Det 4:13

## 32

<sup>1</sup> Alò, lè pèp la te wè ke Moïse te fè reta sòti nan mòn nan, pèp la te rasanble vè Aaron e yo te di li: “Vini, ✧fè pou nou yon dye ki va ale devan nou; pwiske, ✧Moïse sila a, nonm ki te mennen nou sòti nan peyi Égypte la, nou pa konnen sa ki (te) rive li.

<sup>2</sup> Aaron te di yo: ✧“Chire retire zanno lò ki nan zòrèy a Madanm nou yo, fis nou yo, ak fi nou yo, e pote yo ban mwen.” <sup>3</sup> Epi tout pèp la te chire zanno lò ki te nan zòrèy pa yo, e te pote yo bay Aaron. <sup>4</sup> Li te pran yo nan men yo, li te fè desen li avèk yon zouti pou grave, e li te ✧fonn li pou fè yon jèn towò; epi yo te di: “Sa se dye pa ou, O Israèl, ki te mennen ou sòti nan peyi Égypte la.”

<sup>5</sup> Alò, lè Aaron te wè sa, li te bati yon lotèl devan li; epi Aaron te fè yon pwoklamasyon e te di: “Demen va yon fèt pou SENYÈ a.” <sup>6</sup> Epi nan jou ki te vini an, yo te leve bonè, yo te ofri ofrann brile, ✧e yo te pote ofrann lapè yo; epi pèp la te chita pou manje, pou bwè, e yo te leve pou jwe.

<sup>7</sup> Alò SENYÈ a te pale ak Moïse e te di: “Desann koulye a, paske pèp ou a, ke ou te mennen monte nan peyi Égypte la, gen tan vin ✧konwonpi. <sup>8</sup> Yo vit vire kite chemen ke Mwen te pase lòd ba yo a. ✧Yo fè pou yo menm yon jèn towò fonn, yo adore li, yo fè sakrifis bay li, e yo di: ✧“Sa se dye pa ou, O Israèl, ki te mennen ou monte kite peyi Égypte la!” ”

<sup>9</sup> SENYÈ a te di a Moïse: “Mwen wè pèp sa, e gade byen, se ✧yon pèp tèt di. <sup>10</sup> Koulye a alò, ✧kite Mwen sèl, pou kòlè Mwen kapab briye kont yo, e pou M kapab detwi yo; epi ✧Mwen va fè nan ou menm yon gran nasyon.

<sup>11</sup> Epi ✧Moïse te priye SENYÈ a Bondye li a, e te di: “O SENYÈ poukisa kòlè ou briye kont pèp Ou a, ke Ou te fè sòti nan peyi Égypte la avèk gran pouvwa e avèk yon men pwisan an? <sup>12</sup> Poukisa ✧Ejipsyen yo ta dwe pale e di: “Avèk mechanste Li te fè yo sòti, pou touye yo nan mòn yo e pou detwi yo sou fas tè a?”

Vire kite kòlè kab briye a, e chanje ide Ou sou entansyon pou fè pèp Ou a mal la. <sup>13</sup> Sonje Abraham, Isaac, ak Israèl, sèvitè ou yo ke Ou te ✧sèmante pa Ou menm, e te di yo: “Mwen va ✧miltipliye desandan nou yo tankou zetwal nan syèl yo, e tout peyi ke M te pale yo, Mwen va bay a desandan nou yo, e yo va eritye li jis pou tout tan.”

<sup>14</sup> ✧Epi SENYÈ a te chanje ide li sou mal ke Li te di Li t ap fè a pèp Li a.

<sup>15</sup> ✧Alò, Moïse te vire e te desann mòn nan avèk de tablèt temwayaj yo nan Men l, ✧tablèt ki te ekri nan toude fas yo. <sup>16</sup> Tablèt yo se te zèv Bondye yo te ye, e ekriti a se te ekriti Bondye menm ki grave sou tablèt yo. <sup>17</sup> Alò, lè Josué te tande bwi a pèp la pandan yo t ap rele fò, li te di a Moïse: “Gen son lagè nan kan an”.

<sup>18</sup> Men li te di yo: “Se pa son a yon kri viktwa, ni se pa son ke y ap pèdi batay; men se son chante ke m tande.” <sup>19</sup> Li te vin rive ke depi Moïse te pwoche kan an, ✧li te wè jèn towò a ak tout dans yo; epi kòlè te briye nan Moïse, li te jete tablèt ki te nan men li yo atè, e li te kraze yo nan baz mòn nan. <sup>20</sup> ✧Li te pran jèn towò ke yo te fè a, li te brile li avèk dife, li te kraze l fè poud, li te gaye li sou tout sifas dlo a, e li te fè fis Israèl yo bwè li.

✧ 32:1 Trav 7:40 ✧ 32:1 Egz 14:11 ✧ 32:2 Egz 35:22 ✧ 32:4 Sòm 106:19 ✧ 32:6 I Kor 10:7 ✧ 32:7 Jen 6:11 ✧ 32:8 Egz 20:3,4,23 ✧ 32:8 I Wa 12:28 ✧ 32:9 És 48:4 ✧ 32:10 Det 9:14 ✧ 32:10 Nonb 14:12 ✧ 32:11 Det 9:18,26 ✧ 32:12 Det 9:28 ✧ 32:13 Eb 6:13 ✧ 32:13 Jen 26:4 ✧ 32:14 Sòm 106:45 ✧ 32:15 Det 9:15 ✧ 32:15 Egz 31:18 ✧ 32:19 Egz 32:6 ✧ 32:20 Det 9:21

21 Epi Moïse te di a Aaron: “Kisa pèp sa te fè ou la a, pou ou mennen yon si tèlman gwo peche sou yo?”

22 Aaron te di: “Pa kite kòlè a mèt mwen briye; ou konnen pèp sa a ou menm, \*ke yo toujou panche vè lemal. 23 Paske \*yo te di mwen: “Fè yon dye pou nou ki va ale devan nou; paske Moïse sila a, mesye ki te mennen nou monte sòti nan peyi Égypte la, nou pa konnen sa ki rive li. 24 Mwen te di yo: “nenpòt moun ki gen nenpòt lò, ke yo chire retire li.” Alò, yo te ban mwen li, mwen te \*jete li nan dife a, e ti towò sa a te parèt.”

25 Alò, lè Moïse te wè ke pèp la te pèdi kontwòl nèt—paske Aaron te \*kite yo pèdi kontwòl pou yo te kapab devni yon rizib pami lènmi yo—

26 Alò, Moïse te vin kanpe nan pòtay kan an, e li te di: nenpòt moun ki pou SENYÈ a vin kote mwen!” Epi tout fis Levi yo te rasanble kote li.

27 Li te di yo: “Konsa pale SENYÈ a, Bondye Israèl la, chak moun nan nou mete nepe nou sou kwis nou, ale tout kote pòtay sou pòtay nan kan an e touye chak frè nou, chak zanmi nou, chak vwazen nou.”

28 Epi \*fis a Levi yo te fè sa ke Moïse te enstwi yo a, e anviwon twa-mil moun nan pèp la te tonbe nan jou sa a.

29 Alò Moïse te di: “Konsakre nou nan menm jou sa a bay SENYÈ a—paske chak moun kont fis li, e kont frè li—pou Li kapab beni nou jodi a.”

30 Nan pwochen jou pwochen a, Moïse te di a pèp la: “Nou pou kont nou te komèt yon gwo peche; epi koulye a mwen ap monte vè SENYÈ a; petèt mwen kapab twouve padon pou peche nou yo.

31 Alò, Moïse te retounen vè Bondye, e te di: “Elas, pèp sa a komèt yon gwo peche, e yo te gen tan fè yon \*dye an lò pou yo menm. 32 Men koulye a, si Ou va padone, padone peche yo—e si non, souple efase mwen nan \*liv ke Ou te ekri a!”

33 SENYÈ a te di a Moïse: “nenpòt moun ki te peche kont Mwen, \*Mwen va efase li nan liv Mwen an. 34 Men ale koulye a, mennen pèp la \*kote Mwen te di ou a. Veye byen, \*zanj Mwen va ale devan ou; malgre sa, nan jou ke Mwen va pini an, Mwen va pini yo pou peche yo a.”

35 \*Epi SENYÈ a te frape pèp la akòz sa yo te fè avèk jèn towò ke Aaron te fè a.

### 33

1 Alò SENYÈ a te pale a Moïse: “Pati, ale monte soti isit la, ou menm avèk pèp ke ou te mennen monte sòti nan peyi Égypte la, vè yon peyi ke \*Mwen te sèman a Abraham, Issac, e a Jacob lè M te di yo: \*‘A desandan nou yo Mwen va bay li.’ 2 Mwen va voye yon zanj devan ou e Mwen va \*mete Kananeyen yo deyò, Amoreyen yo, Evetyen yo, Ferezyen yo, Etyen yo, ak Jebisyen yo. 3 Monte vè yon peyi ki koule lèt ak siwo myèl; paske Mwen p ap monte nan mitan nou, pwiske nou se yon \*pèp tèt di, e Mwen ta kapab petèt detwi nou nan chemen an.”

4 Lè pèp la te tandè pawòl tris sa yo, yo te antre nan \*gwo doulè, e pèsòn pa t abiye avèk òneman yo. 5 Paske SENYÈ a te di a Moïse: “Di a fis Israèl yo: ‘Nou se \*yon pèp tèt di; si M ta monte nan mitan nou pandan yon moman, Mwen ta detwi nou. Koulye a, pou sa, retire òneman yo sou nou

\* 32:22 Det 9:24 \* 32:23 Egz 32:1-4 \* 32:24 Egz 32:4 \* 32:25 I Wa 12:28 \* 32:28 Nonb 25:7-13 \* 32:31 Egz 20:23 \* 32:32 Dan 12:1 \* 32:33 Sòm 9:5 \* 32:34 Egz 3:17 \* 32:34 Egz 23:20 \* 32:35 Egz 32:28 \* 33:1 Egz 32:13 \* 33:1 Jen 12:7 \* 33:2 Egz 23:27-31 \* 33:3 Egz 32:9 \* 33:4 Nonb 14:1-39 \* 33:5 Egz 33:3



menm, pou M kapab konnen kisa ke M ta dwe fè avèk nou.” <sup>6</sup> Konsa, soti Mòn Horeb pou rive pi lwen, fis Israèl yo te retire tout òneman yo nèt sou yo menm.

<sup>7</sup> Alò Moïse te abitye pran tant lan, li te monte li deyò kan an, yon bon distans a kan an, e li te rele li ‘tant reyinyon an’. Epi ✧tout moun ki t ap chache SENYÈ a te konn ale nan tant reyinyon ki te deyò kan an.

<sup>8</sup> Epi li te rive ke nenpòt lè ke Moïse te sòti deyò tant lan, ke tout pèp la ta leve kanpe, chak moun nan antre a tant pa yo a, e gade vè Moïse jiskaske li te vin retounen nan tant lan. <sup>9</sup> Nenpòt lè Moïse te antre nan tant lan, ✧pilye a nwaj la te konn desann e kanpe nan antre tant lan; ✧epi SENYÈ a ta pale avèk Moïse.

<sup>10</sup> Lè tout pèp la te wè pilye a nwaj la ki te kanpe nan antre tant lan, tout pèp la te leve adore, chak moun depi nan antre a tant pa li a. <sup>11</sup> Konsa ✧SENYÈ a te konn pale avèk Moïse fasafas, menm jan ke yon moun pale avèk zanmi li. Lè Moïse te retounen nan kan an, sèvitè li a, Josué, fis a Nun nan, yon jennonm, ta refize sòti nan mitan tant lan.

<sup>12</sup> Alò, Moïse te di a SENYÈ a: “Ou wè, Ou di mwen, ✧“Monte avèk pèp sa a, men Ou menm ou pa kite m konnen kilès Ou va voye avèk mwen. ✧Anplis, Ou te di m: “Mwen te konnen ou pa non Ou, e ou osi twouve favè nan zye M. <sup>13</sup> “Alò, pou sa, mwen priye Ou, si mwen twouve favè nan zye Ou, ✧kite mwen konnen chemen pa Ou yo, pou m kapab konnen Ou, pou m kab jwenn favè nan zye Ou. Konsidere tou, ke nasyon sila a se pèp pa Ou.”

<sup>14</sup> Epi Li te di: ✧“Prezans Mwen va ale avèk ou, e Mwen va bay ou repo.”

<sup>15</sup> Epi li te di Li: ✧“Si prezans Ou p ap prale avèk nou, pa mennen nou monte isit la. <sup>16</sup> Paske kijan sa kapab vin konnen ke mwen te twouve favè nan zye Ou, mwen avèk pèp Ou a? Èske se pa lè ou ale avèk nou, ke ✧nou, mwen menm avèk pèp Ou a, kapab distenge pami tout lòt pèp ki rete sou fas tè a?

<sup>17</sup> SENYÈ a te di a Moïse: “Mwen va osi fè bagay sa ke ou te pale a; ✧paske ou twouve favè nan zye M, e Mwen te konnen ou pa non Ou.”

<sup>18</sup> ✧Epi Moïse te di: “Mwen priye Ou, montre m glwa Ou!”

<sup>19</sup> Epi Li te di: ✧“Mwen menm va fè tout bonte Mwen pase devan ou, e Mwen va pwoklame non SENYÈ a devan ou; epi ✧Mwen va fè gras a sa ke M vle fè gras yo, e Mwen va montre mizerikòd a sa ke M vle montre mizerikòd yo.”

<sup>20</sup> Men Li te di: “Ou p ap kapab wè figi Mwen, ✧paske okenn moun pa ka wè M e viv!”

<sup>21</sup> Epi SENYÈ a te di: “Gade byen, gen yon plas bò kote Mwen, e ✧ou va kanpe la sou wòch la; <sup>22</sup> epi li va rive ke pandan glwa Mwen ap pase, Mwen va mete ou nan twou wòch la e Mwen va ✧kouvri ou avèk men M pou jiskaske M fin pase. <sup>23</sup> Alò, Mwen va retire men M, e ou va wè do Mwen, men ✧figi M p ap vizib.”

✧ **33:7** Egz 29:42 ✧ **33:9** Egz 13:21 ✧ **33:9** Sòm 99:7 ✧ **33:11** Nonb 12:8 ✧ **33:12** Egz 3:10  
 ✧ **33:12** Egz 33:17 ✧ **33:13** Sòm 25:4 ✧ **33:14** Det 4:37 ✧ **33:15** Sòm 80:3,7,19 ✧ **33:16**  
 Lev 20:24,26 ✧ **33:17** Egz 33:12 ✧ **33:18** Egz 33:20-23 ✧ **33:19** Egz 34:6,7 ✧ **33:19** Wo  
 9:15 ✧ **33:20** És 6:5 ✧ **33:21** Sòm 18:2,46 ✧ **33:22** Sòm 91:1,4 ✧ **33:23** Egz 33:20

## 34

<sup>1</sup> Epi SENYÈ a te di a Moïse: “Koupe pou kont ou de tablèt an wòch tankou sa nou te genyen yo, e \*Mwen va ekri sou tablèt yo pawòl ki te sou lòt ke ou te kraze yo. <sup>2</sup> Alò, prepare ou pou maten an pou monte nan \*Mòn Sinaï, e prezante ou menm la devan Mwen, sou tèt mòn nan. <sup>3</sup> \*Nanpwen pèsòn ki pou monte avèk ou, ni pa kite pèsòn vizib nan okenn andwa sou mòn nan; menm bann mouton yo ak twoupo yo pa kapab manje devan mòn sa a.”

<sup>4</sup> Epi li te koupe \*de tablèt an wòch tankou sa ki te fèt avan yo, Moïse te leve granmmaten, li te monte sou Mòn Sinaï a, jan SENYÈ a te kòmande li a, e li te pran de tablo an wòch yo nan men l. <sup>5</sup> \*SENYÈ a te desann nan nyaj la, e Li te kanpe la avèk li pandan li t ap rele non SENYÈ a.

<sup>6</sup> Epi SENYÈ a te pase devan li e li te pwoklame: “SENYÈ a, SENYÈ a, Bondye, ki plen mizerikòd ak \*konpasyon an, ki lan nan fè kolè, e ki ranpli avèk lanmou ki dous ak verite a; <sup>7</sup> ki \*kenbe lanmou dous pandan dè milye de jenerasyon, ki padone inikite, transgresyon ak peche; malgre sa li p ap kite koupab yo san pinisyon, L ap vizite inikite papa pa yo sou pitit yo, ak sou pitit a pitit yo jis rive nan twazyèm ak katriyèm jenerasyon.”

<sup>8</sup> Moïse te fè vit bese ba (jis) atè pou adore.\* <sup>9</sup> Li te di: “Si koulye a mwen twouve favè nan zye Ou, O Senyè a, mwen priye, kite Senyè a ale ansanm nan mitan nou, malgre pèp la se tèt di, pou \*padone inikite nou, peche nou, e \*pran nou kòm pwòp posesyon pa Ou.”

<sup>10</sup> Alò, Bondye te di: “Gade byen, \*Mwen va fè yon akò. Devan tout pèp ou a \*Mwen va fè mirak ki pa t janm fèt nan tout tè a ni pami okenn nan nasyon yo; epi tout pèp pami sila nou ap viv yo va wè zèv a SENYÈ a, paske se yon bagay etonan ke Mwen va fè ak ou a.

<sup>11</sup> Fè sèten ke ou obsève sa ke Mwen kòmande ou nan jou sa a; gade byen, \*Mwen va chase devan ou Amoreyen yo, Kananeyen yo, Etyen yo, Ferezyen yo, Evetyen yo, ak Jebisyen yo. <sup>12</sup> \*Veye nou, pou nou pa fè okenn akò avèk sa yo k ap viv nan peyi kote nou prale a, oswa sa va devni yo pèlen nan mitan nou.

<sup>13</sup> \*Men, olye de sa nou va dechire lotèl pa yo, kraze pilye sakre pa yo e koupe jete Asherim yo. <sup>14</sup> —Paske \*nou pa pou adore okenn lòt dye, paske SENYÈ a, avèk yon non ke yo rele Jalou, se yon Dye ki jalou.

<sup>15</sup> Otreman, nou ta kab petèt fè yon akò avèk abitan yo nan peyi a e yo ta jwe yon wòl kòm pwostitiye avèk dye pa yo, \*fè sakrifis a dye pa yo, e yon moun ta kab envite nou pou manje nan sakrifis li. <sup>16</sup> Epi petèt \*nou ta kapab pran nan fi li yo pou fis nou yo, fi li yo ta kab fè pwostitiye avèk dye pa yo, e vin lakoz ke fis nou yo osi fè pwostitiye avèk dye pa yo.

<sup>17</sup> Nou p ap fè pou tèt nou okenn dye ki fonn (nan dife).

<sup>18</sup> Nou va obsève \*fèt Pen San Ledven an. Pandan sèt jou nou va manje pen san ledven, jan Mwen te kòmande nou an, nan lè chwazi a, nan mwa Abib la, paske nan mwa Abib la nou te sòti an Égypte.

<sup>19</sup> \*Premye pòtre ki sòti nan tout vant se pou Mwen, e nan tout bèt mal ou yo, premye pòtre nan bèf yo ak mouton yo. <sup>20</sup> Ou va ransone avèk yon

\* **34:1** Det 10:2,4   \* **34:2** Egz 19:11,18,20   \* **34:3** Egz 19:12,13   \* **34:4** Egz 34:1   \* **34:5** Egz 19:9   \* **34:6** Jl 2:13   \* **34:7** Sòm 103:3   \* **34:8** Egz 4:31   \* **34:9** Egz 34:7   \* **34:9** Sòm 33:12   \* **34:10** Det 5:2   \* **34:10** Sòm 72:18   \* **34:11** Egz 33:2   \* **34:12** Egz 23:32,33   \* **34:13** Egz 23:24   \* **34:14** Egz 20:3,5   \* **34:15** Egz 22:20   \* **34:16** Jos 23:12,13   \* **34:18** Lev 23:6   \* **34:19** Egz 13:2

jenn mouton premye pòtre a yon bourik; epi si ou pa ransone li, alò, ou va kase kou li. Ou va ransone ✧tout premye ne nan fis nou yo. Pèsòn pa pou parèt devan M men vid. <sup>21</sup> Ou va travay pandan ✧sis jou, men nan setyèm jou a ou va repoze; menm pandan sezon laboure tè ak rekòlt la ou va repoze.

<sup>22</sup> Ou va selebre ✧fèt Semèn yo, sa vle di premye fwi ki sòti nan rekòlt ble a, ak fèt Rekòlt la, nan fen ane a. <sup>23</sup> ✧Twa fwa pa ane tout mal nou yo va parèt devan SENYÈ a, Bondye Israèl la. <sup>24</sup> Paske Mwen va ✧chase nasyon yo devan ou, Mwen agrandi limit fwontyè ou yo, e pèsòn p ap fè lanvi sou peyi ou lè w ap monte twa fwa pa ane pou parèt devan SENYÈ a, Bondye ou a.

<sup>25</sup> ✧Ou p ap ofri san sakrifis Mwen yo avèk pen leve, ✧ni kite sakrifis ki pou fèt Pak la rete jis rive nan maten.

<sup>26</sup> Ou va pote menm ✧premye nan premye fwi tè ou yo nan antre lakay SENYÈ a, Bondye ou a. Ou pa pou bouyi yon jèn kabrit nan lèt manman li.”

<sup>27</sup> Alò, SENYÈ a te di a Moïse: ✧“Ekri mo sa yo, paske an akò avèk mo sa yo, Mwen te fè yon akò avèk ou e avèk Israèl.”

<sup>28</sup> Epi li te la avèk SENYÈ a pandan karant jou ak karant nwit; li pa t manje pen, ni bwè dlo. Epi ✧li te ekri sou tablo yo avèk pawòl akò yo, ✧Dis kòmandman yo.

<sup>29</sup> Li te vin rive ke lè Moïse t ap desann Mòn Sinai a, (e de tablo temwayaj yo te nan men Moïse lè li t ap desann mòn nan), ke Moïse pa t konnen ke po figi li te briye akòz ke li t ap pale avèk Li (SENYÈ a).✧

<sup>30</sup> Pou sa, lè Aaron avèk tout fis Israèl yo te wè Moïse, byen gade, po figi li t ap briye, ✧yo te pè pwoche li.

<sup>31</sup> Epi Moïse te rele yo avèk Aaron, avèk tout dirijan kongregasyon yo te retounen vè li; epi Moïse te pale avèk yo. <sup>32</sup> Apre tout fis Israèl yo te fin pwoche, li te kòmande yo pou fè tout sa ke SENYÈ a te pale ak li nan Mòn Sinai a.

<sup>33</sup> Lè Moïse te fin pale avèk yo, ✧li te mete yon vwal sou figi li. <sup>34</sup> Men nenpòt lè Moïse te antre devan SENYÈ a pou pale avèk Li, ✧li te retire vwal la pou jis lè li te sòti; epi nenpòt lè li te vin sòti, li te pale avèk fis Israèl yo sa ke Li te kòmande yo. <sup>35</sup> ✧Fis Israèl yo te wè figi Moïse, ke po figi Moïse t ap briye. Alò, Moïse te remete vwal la sou figi li jis lè li te vin antre pou pale avèk Li (SENYÈ a).

## 35

<sup>1</sup> Alò, Moïse te reyini tout kongregasyon a fis Israèl yo, e te di yo: “✧se bagay sa yo ke SENYÈ a te kòmande nou fè: <sup>2</sup> Pandan sis jou nou mèt travay, men nan setyèm jou a, nou va gen yon jou sen, yon ✧repo Saba konplè’ a SENYÈ a; ✧nenpòt moun ki fè travay nan li va vin mete a lanmò. <sup>3</sup> ✧Nou pa pou limen dife nan okenn lojman nou nan jou Saba a.

<sup>4</sup> Moïse te pale ak tout kongregasyon fis Israèl yo e te di: “Sa se bagay ke SENYÈ a te kòmande a, e te di: <sup>5</sup> ✧“Pran pami nou yon ofrann pou SENYÈ

✧ 34:20 Egz 13:15 ✧ 34:21 Lev 23:3 ✧ 34:22 Egz 23:16 ✧ 34:23 Egz 23:14-17 ✧ 34:24 Egz 33:2 ✧ 34:25 Egz 23:18 ✧ 34:25 Egz 12:10 ✧ 34:26 Egz 23:19 ✧ 34:27 Egz 17:14 ✧ 34:28 Egz 31:18 ✧ 34:28 Det 4:13 ✧ 34:29 Mat 17:2 ✧ 34:30 II Kwo 3:7 ✧ 34:33 II Kwo 3:13 ✧ 34:34 II Kwo 3:16 ✧ 34:35 II Kwo 3:13 ✧ 35:1 Egz 34:32 ✧ 35:2 Egz 16:23 ✧ 35:2 Nonb 15:32-36 ✧ 35:3 Egz 12:16 ✧ 35:5 Egz 25:1-9

a; nenpòt moun ki gen kè bon volonte, kite li pote kòm ofrann bay SENYÈ a: lò, ajan, ak bwonz, <sup>6</sup> epi twal ble, mov ak wouj, twal fen blan, pwal kabrit, <sup>7</sup> epi po belye fonsse wouj, e po dofen avèk bwa akasya, <sup>8</sup> avèk lwil pou limyè, epis pou lwil onksyon an e pou lansan santi bon an, <sup>9</sup> epi pyè oniks avèk pyè monti pou efòd la, e pou pyès lestomak la.

<sup>10</sup> ✧Kite chak nonm ki gen kapasite pami nou vin fè tout sa ke SENYÈ a te kòmande yo: <sup>11</sup> ✧tabènak la, tant li ak kouvèti li, kwòk li yo, planch li yo, poto li yo, pilye li yo, ak baz reseptikal li yo; <sup>12</sup> ✧lach la avèk poto pa li, chèz pwopyatwa a, ak rido vwal la; <sup>13</sup> ✧tab la avèk poto pa li, tout bagay itil yo, ak pen Prezans lan; <sup>14</sup> ✧chandelye a osi avèk limyè li ak lwil pou limyè a; <sup>15</sup> epi ✧lotèl lansan an ak poto pa li, lwil onksyon an avèk ✧lansan santi bon an, ak rido pòtay nan antre tabènak la; <sup>16</sup> ✧lotèl ofrann brile a avèk griyaj li, poto li, ak tout bagay itil li yo, basen, avèk baz li; <sup>17</sup> epi ✧sa k ap pann sou galeri yo, avèk pilye li yo, baz reseptikal yo, ak rido pòtay la; <sup>18</sup> pikèt tabènak yo avèk pikèt galeri yo, ak kòd pa yo; <sup>19</sup> ✧vètman tise yo pou sèvi nan lye sen an, vètman sen yo pou Aaron, prèt la, ak vètman a fis li yo pou yo sèvi kòm prèt.”

<sup>20</sup> Epi tout kongregasyon a fis Israèl yo te pati kite prezans Moïse.

<sup>21</sup> ✧Tout sa yo ki te mennen pa kè yo, tout sa yo ki te mennen pa pwòp lespri pa yo te vin pote ofrann pou zèv a tant reyinyon an, pou sèvis li, e pou vètman sen li yo.

<sup>22</sup> Epi tout sa yo ki te mennen pa bon volonte kè yo, ni gason ni fanm, te vin pote bijou monte bwòch zanno, bag, braslè, avèk tout kalite bagay fèt an lò; se konsa chak moun ki te prezante yon ofrann an lò bay SENYÈ a te fè'. <sup>23</sup> Chak moun, ki te gen nan posesyon li twal ble, mov, e wouj, avèk twal fen blan ak pwal kabrit, po belye fonsse wouj, ak po dofen, te pote yo. <sup>24</sup> Tout moun ki te kab fè yon ofrann lò ak bwonz te pote pòsyon ofrann SENYÈ a; epi chak moun ki te posede bwa akasya pou nenpòt travay nan sèvis la te pote li.

<sup>25</sup> Tout fanm ki te gen abilite, te file fil pou twal avèk men yo, e te pote sa ke yo te file yo, materyo ble avèk mov, wouj, ak len byen fen. <sup>26</sup> Tout fanm avèk kè bon volonte, ansanm ak yon kapasite te file pwal kabrit yo.

<sup>27</sup> Mèt dirijan yo te pote pyè bijou oniks, pyè bijou pou monte gwo efòd la ak pou pyès lestomak la; <sup>28</sup> epi ✧epis avèk lwil pou limyè a, pou lwil onksyon an, e pou lansan santi bon an.

<sup>29</sup> Izrayelit yo, tout mesye yo ni fanm ki te gen yon kè ki mennen yo pote nenpòt materyo pou èv, ke SENYÈ a pa Moïse te kòmande yo fè a, te pote yon ✧ofrann bon volonte bay SENYÈ a.

<sup>30</sup> ✧ Alò, Moïse te di a fis Israèl yo: “Ou wè sa, SENYÈ a te rele Betsaléel, fis a Uri, fis a Hur, nan tribi Juda a. <sup>31</sup> Epi li te ranpli li avèk lespri Bondye a, nan sajès, nan konprann, nan konesans, ak nan tout kapasite mendèv yo; <sup>32</sup> pou fè desen pou travay an lò ak ajan ak bwonz, <sup>33</sup> anplis nan koupe pyè bijou yo pou monte yo, e pou desen ki fèt an bwa ak tout kalite èv lespri moun.

<sup>34</sup> Li osi te dedike kè l pou enstwi ni li menm, ni ✧Oholiab, fis a Ahisamac la nan tribi Dan nan. <sup>35</sup> ✧Li te ranpli yo avèk kapasite pou fè tout èv a yon

✧ **35:10** Egz 31:6 ✧ **35:11** Egz 26:1-30 ✧ **35:12** Egz 25:10-22 ✧ **35:13** Egz 25:23-30 ✧ **35:14** Egz 25:31 ✧ **35:15** Egz 30:1-6 ✧ **35:15** Egz 30:34-38 ✧ **35:16** Egz 27:1-8 ✧ **35:17** Egz 27:9-18 ✧ **35:19** Egz 31:10 ✧ **35:21** Egz 25:2 ✧ **35:28** Egz 30:23 ✧ **35:29** Egz 35:21 ✧ **35:30** Egz 31:1-6 ✧ **35:34** Egz 31:6 ✧ **35:35** Egz 31:3,6

gravè, yon desinatè, e yon moun ki fè bwodri avèk twal an ble an mov, an wouj, an twal fen blanc, e yon tiseran, kòm atizan nan tout zèv ak fèzè desen.”

## 36

<sup>1</sup> “Koulye a, Betsaléel, Oholiab, ak chak mèt atizan nan sila SENYÈ a te mete kapasite avèk konprann pou konnen jan pou fè tout travay yo nan konstwi sanktyè a va aji an akò avèk tout sa ke SENYÈ a te kòmande yo.”

<sup>2</sup> Epi Moïse te rele Betsaléel avèk Oholiab e chak mèt kapasite ✧ nan sila SENYÈ a te mete konesans, chak moun ki te mennen pa kè li pou vin nan travay la pou fè li. <sup>3</sup> Yo te resevwa de Moïse tout don ke fis Israèl yo te pote pou fè travay la nan konstwi sanktyè a. Epi yo te toujou kontinye pote ofrann bon volonte yo chak maten. <sup>4</sup> Epi tout mesye avèk kapasite ki t ap fè tout travay nan sanktyè a te vini, yo te fè (yon) sòti nan chak travay ke yo t ap fè, <sup>5</sup> epi yo te di a Moïse: ✧“Pèp la ap pote bokou plis ke ase pou èv konstriksyon ke SENYÈ a te kòmande nou fè a.

<sup>6</sup> Alò, Moïse te pase yon lòd, e yon pwoklamasyon te sikile toupatou nan kan an ki te di: “Pa kite pèsòn, ni gason ni fanm travay ankò pou fè don pou sanktyè a.” Konsa pèp la te ralanti pou yo pa pote ankò. <sup>7</sup> ✧Paske materyo ke yo te genyen an te sifi, e plis ke sifi pou tout èv la, pou te fin konplete li.

<sup>8</sup> ✧Tout mesye avèk kapasite yo pami sa yo ki t ap fè travay la te fè tabènak la avèk dis rido; twal fen blan byen tòde, materyo ble, mov, e wouj avèk cheriben yo, èv a yon mèt ouvriye, se Betsaléel ki te fè yo. <sup>9</sup> Longè a chak rido se te ventwit koude, e lajè a chak rido, kat koude; tout rido yo te gen menm mezi.

<sup>10</sup> Li te jwenn senk rido yo youn ak lòt e lòt senk rido yo, li te jwenn yo youn ak lòt. <sup>11</sup> Li te fè lasèt yo nan koulè ble sou kote rido a pa deyò nan premye ansanm nan; epi li te fè menm jan an sou kote rido ki te pa deyò nan dezyèm ansanm nan. <sup>12</sup> Li te fè ✧senkant lasèt nan premye rido a, e li te fè senkant lasèt sou kote rido ki te nan dezyèm ansanm nan; lasèt yo te opoze youn ak lòt. <sup>13</sup> Li te fè ✧senkant kwòk an lòt e li te jwenn rido yo ansanm avèk kwòk yo pou tabènak la fè yon sèl pyès.

<sup>14</sup> Epi ✧li te fè rido yo avèk pwal kabrit pou sèvi kòm yon tant sou tabènak la; li te fè onz rido antou. <sup>15</sup> Longè chak rido se te trant koude e kat koude se te lajè a chak rido; epi tout onz rido yo te gen menm mezi. <sup>16</sup> Li te jwenn senk rido yo poukont yo, e lòt sis yo poukont yo. <sup>17</sup> Anplis, li te fè senkant lasèt sou kote rido ki te plis pa deyò nan premye ansanm nan, e li te fè senkant lasèt sou kote nan rido ki te plis deyò nan dezyèm ansanm nan. <sup>18</sup> Li te fè senkant kwòk an bwonz pou jwenn tant lan ansanm pou li ta kapab fè yon sèl.

<sup>19</sup> Li te fè yon kouvèti pou tant lan avèk po belye fonse wouj, ak yon kouvèti avèk po dofen pa anlè.

<sup>20</sup> ✧Epi li te fè planch pou tabènak la avèk bwa akasya ki kanpe dwat. <sup>21</sup> Dis koude te longè a chak planch, e yon koude-edmi se te lajè a chak planch. <sup>22</sup> Te gen de tenon pou chak planch, yo te jwenn youn ak lòt; se te konsa li te fè pou tout planch yo nan tabènak la.

✧ 36:2 Egz 35:21,26 ✧ 36:5 II Kwo 24:14 ✧ 36:7 I Wa 8:64 ✧ 36:8 Egz 26:1-14 ✧ 36:12 Egz 26:5 ✧ 36:13 Egz 26:6 ✧ 36:14 Egz 26:7-14 ✧ 36:20 Egz 26:15-29

<sup>23</sup> Li te fè planch yo pou tabènak la: ven planch pou kote sid la; <sup>24</sup> epi li te fè karant baz reseptikal an ajan anba ven planch yo; de baz reseptikal anba yon planch pou de tenon pa li, e de baz reseptikal anba yon lòt planch pou de tenon pa li.

<sup>25</sup> Epi pou dezyèm kote nan tabènak la, nan fas nò a, li te fè ven planch yo, <sup>26</sup> ak karant baz reseptikal pa yo an ajan; de baz reseptikal anba yon planch, e de baz reseptikal anba yon lòt planch.

<sup>27</sup> Pou dèyè tabènak la, nan lwès, li te fè sis planch.

<sup>28</sup> Li te fè de planch pou kwen yo nan tabènak la pa dèyè. <sup>29</sup> Yo te double anba, e ansanm yo te fin rive nèt nan tèt li, jis rive nan premye wondèl la; se konsa li te fè avèk toude pou de kwen yo. <sup>30</sup> Te gen uit planch avèk baz reseptikal yo an ajan, sèz baz reseptikal, de anba chak planch.

<sup>31</sup> Epi li te fè ✧travès yo an bwa akasya, senk pou planch yo pou yon kote tabènak la, <sup>32</sup> Epi senk travès pou lòt kote nan tabènak la, e senk travès pou planch yo nan tabènak la sou kote pa dèyè vè lwès. <sup>33</sup> Li te fè travès mitan an pase nan mitan a planch yo soti nan yon pwent a lòt pwent lan. <sup>34</sup> Li te kouvri planch yo avèk yon kouch lò, li te fè wondèl pa yo avèk lò kòm soutyen pou travès yo, e li te kouvri travès yo avèk yon kouch lò.

<sup>35</sup> ✧Anplis li te fè vwal la avèk materyo ble, mov, wouj, ak twal fen blan byen tòde; li te fè l avèk cheriben yo, èv a yon mèt ouvriye. <sup>36</sup> Li te fè kat pilye yo an akasya pou li, e li te kouvri l avèk yon kouch lò, avèk kwòk an lò; epi li te fonde kat baz reseptikal an ajan pou yo.

<sup>37</sup> Li te fè yon ✧rido pou pòtay tant lan avèk twal ble, mov, ak wouj, e twal fen blan byen tòde, travay a yon tiseran; <sup>38</sup> epi li te fè ✧senk pilye li yo avèk kwòk pa yo, e li te kouvri tèt yo avèk bann seraj avèk lò; men senk baz reseptikal yo te an bwonz.

## 37

<sup>1</sup> ✧Alò Betsaléel te fè lach la an bwa akasya; longè li se te de koude edmi, e lajè li se te yon koude edmi; <sup>2</sup> epi li te kouvri li avèk lò pi ni anndan, ni deyò, e li te fè yon bòdi an lò pou antoure l. <sup>3</sup> Li te fonde kat wondèl yo an lò sou kat pye li yo; de wondèl menm sou yon bò, e de wondèl sou lòt bò li. <sup>4</sup> Li te fè poto yo an bwa akasya, e li te kouvri yo avèk yon kouch lò. <sup>5</sup> Li te pase poto yo nan wondèl yo ki te tache sou kote lach la pou pote li.

<sup>6</sup> Li te fè yon chèz pwopyatwa avèk lò pi, de koude edmi nan longè, e yon koude edmi nan lajè. <sup>7</sup> Li te fè de cheriben yo avèk lò; li te fè yo nan de pwent a chèz pwopyatwa yo; <sup>8</sup> Yon cheriben nan yon pwent, e yon cheriben nan lòt pwent lan; li te fè cheriben yo kòm yon sèl pyès avèk chèz pwopyatwa a nan de pwent yo. <sup>9</sup> Cheriben yo te gen zèl yo ouvri pa anlè e yo te kouvri chèz pwopyatwa a avèk zèl yo, avèk figi pa yo youn an vè lòt; epi an vè chèz pwopyatwa a.

<sup>10</sup> ✧Alò, li te fè tab la avèk bwa akasya, de koude nan longè e yon koude edmi nan lajè. <sup>11</sup> Li te kouvri li avèk yon kouch lò, e li te fè yon bòdi an lò toutotou li. <sup>12</sup> Li te fè yon rebò pou li lajè a yon epann yon men byen ouvri, ki antoure l nèt, e li te fè yon bòdi lò ki te antoure tab la. <sup>13</sup> Li te fonde kat wondèl an lò pou li tab la, e li te mete wondèl yo nan kat kwen ki te kat pye li yo. <sup>14</sup> Byen pre rebò a se te wondèl yo, soutyen pou poto yo pou pote tab la.

✧ **36:31** Egz 26:26-29 ✧ **36:35** Egz 26:31-37 ✧ **36:37** Egz 26:36 ✧ **36:38** Egz 26:37 ✧ **37:1** Egz 25:10-20 ✧ **37:10** Egz 25:23-29

<sup>15</sup> Li te fè poto yo avèk bwa akasya, e li te kouvri yo avèk yon kouch lò, pou pote tab la. <sup>16</sup> Li te fè bagay itil yo ki te sou tab la, asyèt avèk chodye yo, bòl ak bokal yo, avèk yo pou vide ofrann bwason yo nan lò pi a.

<sup>17</sup> ✧Epi li te fè chandelye a avèk lò pi. Li te fè chandelye a, avèk lò ki bat, avèk baz ak tij li; tas li yo, boujon avèk flè yo te fèt nan yon sèl pyès, ansanm avèk li. <sup>18</sup> Te gen sis branch ki te sòti bò kote li yo; twa branch chandelye yo nan yon bò li, e twa branch chandelye nan lòt bò li; <sup>19</sup> twa tas fòme tankou flè zanmann, yon boujon, yon flè nan yon branch, ak twa tas ki fòme tankou flè zanmann, yon boujon avèk yon flè nan lòt branch lan—menm jan an nan sis branch ki sòti nan chandelye yo.

<sup>20</sup> Nan chandelye a te gen kat tas ki fòme tankou flè zanmann, boujon li yo, ak flè li yo; <sup>21</sup> epi yon boujon te anba premye pè branch li yo ki sòti nan li, e yon boujon anba dezyèm pè branch li yo ki sòti nan li, jis pou sis branch yo ki sòti nan chandelye a. <sup>22</sup> Boujon yo, ak branch yo te yon sèl pyès avèk li; se te yon sèl pyès an lò ki bat.

<sup>23</sup> Li te fè sèt lap li yo avèk etoufè yo, ak vaz pou sann yo avèk lò pi. <sup>24</sup> Li te fè li e tout bagay itil li yo avèk yon talan swasann kenz liv lò pi.

<sup>25</sup> ✧Epi li te fè lotèl lansan an avèk bwa akasya: yon koude nan longè, yon koude nan lajè, kare, e de koude nan wotè; kòn li te yon sèl pyès avèk li. <sup>26</sup> Li te kouvri li avèk lò pi, tèt li e tout kote li yo (tou antoure), ak kòn li; epi li te fè yon bòdi lò antoure li nèt. <sup>27</sup> Li te fè de wondèl an lò pou li anba bòdi li, sou de kote li yo—kote ki opoze yo—kòm soutyen pou poto ki t ap pote li yo. <sup>28</sup> Li te fè poto yo an bwa akasya e li te kouvri yo avèk yon kouch lò.

<sup>29</sup> ✧Epi li te fè lwil sen pou onksyone a, ak lansan santi bon an avèk epis yo, èv a yon mèt ouvriye ki konn fè melanj pafen.

## 38

<sup>1</sup> ✧Alò, li te fè lotèl ofrann brile a avèk bwa akasya, senk koude nan longè, senk koude nan lajè, kare, ak twa koude nan wotè. <sup>2</sup> Li te fè kòn li sou kat kwen yo, kòn li yo te yon sèl pyès avèk li, e li te kouvri li avèk bwonz. <sup>3</sup> Li te fè tout bagay itil yo pou lotèl la, bokit yo avèk pèl yo, basen yo, kwòk vyann yo, ak plato pou resevwa sann yo; li te fè tout bagay itil yo an bwonz.

<sup>4</sup> Li te fè pou lotèl la yon griyaj anba sistèm lan an bwonz; anba rebò li e monte a mwatye distans de li. <sup>5</sup> Li te fonde kat wondèl yo sou kat kote nan griyaj an bwonz yo kòm soutyen pou poto yo. <sup>6</sup> Li te fè poto yo avèk bwa akasya, e li te kouvri yo avèk yon kouch an bwonz. <sup>7</sup> Li te antre poto yo nan wondèl sou kote lotèl la, avèk yo li te pote li. Li te fè li vid fòme avèk planch yo.

<sup>8</sup> ✧Anplis, li te fè basen lave a avèk bwonz avèk yon baz an bwonz, ki te sòti nan miwa fanm sèvant yo ki t ap sèvi nan pòtay tant reyinyon an.

<sup>9</sup> ✧Alò li te fè galeri a: pou kote sid la; afè pandye yo te fèt avèk twal fen blan byen tòde, san koude nan longè; <sup>10</sup> avèk ven pilye li yo, ak baz reseptikal fèt an bwonz yo; avèk ven kwòk pilye yo avèk bann seraj an ajan yo. <sup>11</sup> Pou kote nò a te gen san koude yo; ven pilye li yo avèk ven baz reseptikal an bwonz yo, epi kwòk pou pilye yo avèk bann seraj pa yo te an ajan.

<sup>12</sup> Pou kote lwès la te gen afè pandye pou senkant koude yo avèk dis pilye pa yo e bann seraj yo te an ajan. <sup>13</sup> Pou kote lès la, senkant koude yo. <sup>14</sup> Afè pandye yo pou yon kote pòtay la te kenz koude, avèk twa pilye pa yo e twa baz reseptikal pa yo. <sup>15</sup> epi menm jan an pou lòt kote a. Sou toude kote pòtay yo te gen afè pandye de kenz koude, avèk twa pilye pa yo ak twa baz reseptikal pa yo.

<sup>16</sup> Tout afè pandye nan galeri yo toutotou te avèk twal fen blan byen tòde. <sup>17</sup> Baz reseptikal pou pilye ki te an bwonz yo, kwòk pou pilye yo ak bann seraj an ajan yo; epi yon kouch lò ki te kouvri pwent tèt yo; epi tout pilye a galeri yo te founi avèk bann seraj an ajan yo.

<sup>18</sup> Rido pòtay la te èv a tiseran an, avèk materyo ble, mov, wouj, ak twal fen blan byen tòde. Epi longè a se te ven koude e wotè a te senk koude, ki te koresponn ak afè pandye nan galeri yo. <sup>19</sup> Kat pilye pa yo avèk baz reseptikal pa yo a te an bwonz; kwòk pa yo a te an ajan. <sup>20</sup> Tout pikèt yo pou tabènak la avèk galeri a toutotou a te an bwonz.

<sup>21</sup> Sa se kantite a bagay ki te pou tabènak yo, tabènak temwayaj la, jan yo te nimewote selon lòd a Moïse, pou sèvis Levit yo, ekri pa men a Ithamar, fis Aaron an, prèt la.

<sup>22</sup> Alò, ✨Betsaléel fis a Uri, fis a Hur, nan tribi Juda a, te fè tout sa ke SENYÈ a te kòmande Moïse yo. <sup>23</sup> Avèk li te gen ✨Oholiab, fis a Ahisamac la, nan tribi Dan nan, yon gravè, yon mèt ouvriye, yon tiseran an materyo ble, mov, wouj, ak osi an twal fen blan.

<sup>24</sup> Epi tout lò ki te sèvi nan èv la, nan tout travay sanktyè a, menm lò pou ofrann balanse anlè a te ventnèf talan e sèt-san-trant sik selon ✨sik sanktyè a.

<sup>25</sup> ✨Ajan a sa yo ki te nan kongregasyon an te gen kantite san talan e mil sèt san swasan kenz sik selon sik sanktyè a; <sup>26</sup> yon beka pa chak tèt (sa vle di, mwatye sik, selon sik sanktyè a), pou chak moun nan sa ki te gen nimewo yo, soti nan laj ventan, e plis pou sis-san-mil-senk-san-senkant mesye. <sup>27</sup> San talan ajan yo te pou fonde baz reseptikal sanktyè yo, ak baz reseptikal pou vwal yo; san baz reseptikal yo pou san talan, yon talan pa baz reseptikal. <sup>28</sup> Nan mil sèt san swasant kenz sik yo, li te fè kwòk pou pilye yo, li te kouvri tèt yo, e li te fè bann seraj pou yo.

<sup>29</sup> Bwonz pou ofrann balanse anlè a te swasann-dis talan e de-mil-senk-san sik. <sup>30</sup> Avèk li, li te fè baz reseptikal yo pou pòtay tant reyinyon an, lotèl bwonz lan avèk griyaj an bwonz li, ak tout bagay itil pou lotèl yo, <sup>31</sup> epi baz reseptikal yo pou galeri a, tout pikèt a tabènak yo ak tout pikèt pou galeri yo toutotou.

## 39

<sup>1</sup> Anplis, avèk materyo ble, mov, e wouj, yo te fè vètman ✨tise byen fen pou fè sèvis nan lye sen an, menm jan avèk vètman sen ki te pou Aaron yo, jis jan ke SENYÈ a te kòmande Moïse la.

<sup>2</sup> ✨Li te fè efòd la avèk lò, epi nan materyo ble, mov, e wouj avèk twal fen blan. <sup>3</sup> Alò, yo te bat mòso plat an lò yo, yo te koupe yo fè fil fen pou trese nan materyo ble a, mov la, wouj la e twal fen blan an, èv a yon mèt ouvriye. <sup>4</sup> Yo te fè pyès zepòl yo pou atache nan efòd la; li te tache nan de pwent anwo li yo. <sup>5</sup> Bann ki te sou li a, te tise byen fen te fèt menm jan

✨ 38:22 Egz 31:2 ✨ 38:23 Egz 31:6 ✨ 38:24 Lev 27:25 ✨ 38:25 Egz 30:11-16 ✨ 39:1 Egz 31:10 ✨ 39:2 Egz 31:10



tankou li avèk menm materyo yo: an lò avèk ble, mov, e wouj, avèk twal fen blan byen tòde, jis jan ke Bondye te kòmande Moïse la.

<sup>6</sup> ✧ Yo te fè pyès oniks yo, plase nan monti desine byen fen yo; yo te grave tankou gravè (yo) a yon so, selon non a fis Israèl yo. <sup>7</sup> Epi ✧ li te plase yo sou pyès zepòl nan efòd la, tankou pyès pou sonje fis a Israèl yo, jan SENYÈ a te kòmande Moïse la.

<sup>8</sup> ✧ Li te fè pyès lestomak la, zèv a yon mèt ouvriye, tankou travay la fèt nan efòd la: avèk materyo an lò, an ble, an mov, e an wouj avèk twal fen blan byen tòde. <sup>9</sup> Li te kare; yo te fè pyès lestomak la plwaye doub, longè a yon epann, e yon epann nan lajè lè li plwaye doub. <sup>10</sup> Epi yo te monte kat ranje pyès presye sou li. Premye ranje a te yon ranje avèk woubi, topaz, avèk emwod; <sup>11</sup> epi nan dezyèm ranje a yon tikwaz, yon safi, ak yon dyaman; <sup>12</sup> epi nan twazyèm ranje a yon jasent, yon agat, ak yon ametis; <sup>13</sup> epi nan katyèm ranje a, yon krizolit, yon oniks, avèk yon jasp. Yo te plase yo nan monti lò byen fen lè yo te monte. <sup>14</sup> Pyès presye yo te koresponn ak non a fis Israèl yo; yo te douz e yo te koresponn a non yo, grave avèk gravè a a yon so, yo chak avèk non yo pou douz tribi yo.

<sup>15</sup> Yo te fèt sou chenn pyès lestomak la tankou kòd ki te kòd tòde yo, lè ki fèt an lò pi. <sup>16</sup> Yo te fè de monti yo byen fen an lò ak de wondèl lò yo, epi te plase wondèl yo nan de pwent pyès lestomak la. <sup>17</sup> Alò yo te mete de kòd lò yo nan de monti de wondèl lò yo nan pwent ki pou pyès lestomak la. <sup>18</sup> Yo te mete lòt de pwent yo nan de kòd yo avèk de monti yo fèt byen fen, e yo te mete yo sou pyès zepòl yo nan efòd la pa devan li. <sup>19</sup> Yo te fè de wondèl yo an lò e yo te plase yo nan de pwent nan pyès lestomak la sou kote pa anndan ki toupre efòd la. <sup>20</sup> Anplis, yo te fè de wondèl lò yo e yo te plase yo nan pati anba pyès zepòl yo nan efòd la, pa devan li, toupre plas ke li te jwenn nan, anlè bann tise nan efòd la. <sup>21</sup> Yo te mare pyès lestomak la avèk wondèl li yo ak wondèl ki te pou efòd la avèk kòd ble, pou li te sou bann tise a nan efòd la, e pou pyès lestomak la pa t vin lage nan efòd la, jis jan ke SENYÈ a te kòmande Moïse la.

<sup>22</sup> ✧ Alò li te fè abiman efòd la tankou yon èv tise, tout an ble; <sup>23</sup> ✧ epi ouvèti abiman an te anwo nan mitan, tankou ouvèti ki nan yon pwotèj lagè avèk yon woulèt ki antoure l pou l pa vin chire. <sup>24</sup> Yo te fè grenad avèk materyo ble, mov, wouj ak twal fen blan byen tòde nan woulèt abiman an. <sup>25</sup> Yo te osi fè klòch avèk lò pi, e yo te plase klòch yo antre grenad yo toutotou woulèt abiman an, <sup>26</sup> ki te toujou youn aprè lòt, yon klòch, ak yon grenad toutotou sou woulèt abiman sèvis la, jan SENYÈ a te kòmande Moïse la.

<sup>27</sup> ✧ Yo te fè tinik ki te tise an twal fen blan an pou Aaron, ak fis li yo, <sup>28</sup> epi tiban avèk len fen an ak chapo an twal fen blan yo, e pantalon an twal fen blan byen tòde yo, <sup>29</sup> epi sentiwon avèk twal fen blan an ak materyo ble, mov, e wouj, travay a yon tiseran, jis jan ke SENYÈ a te kòmande Moïse la.

<sup>30</sup> ✧ Yo te fè plak pou kouwòn sen an avèk lò pi, e yo te enskri nan li tankou gravè a yon so: “Sen a SENYÈ a”. <sup>31</sup> Yo te tache kòd ble a ak li pou tache li nan tiban an pa anwo, jis jan ke SENYÈ a te kòmande Moïse la.

<sup>32</sup> Konsa tout travay a tabènak tant reyinyon an te konplete; epi fis Israèl yo te fè tout bagay selon sa ke SENYÈ a te kòmande Moïse la; konsa yo te fè l.

✧ **39:6** Egz 28:9-11 ✧ **39:7** Egz 28:12 ✧ **39:8** Egz 28:15-28 ✧ **39:22** Egz 28:31,34 ✧ **39:23** Egz 28:32 ✧ **39:27** Egz 28:39,40,42 ✧ **39:30** Egz 28:36,37

<sup>33</sup> Yo te mennen tabènak la vè Moïse, tant lan avèk tout sa ki te founi li yo: kwòk li yo, planch li yo, travès li yo, ak pilye li yo avèk baz reseptikal li yo; <sup>34</sup> epi kouvèti po belye fonsè wouj yo, kouvèti po dofen yo, ak vwal rido pòtay la; <sup>35</sup> lach a temwayaj la avèk poto li yo, ak chèz pwopyatwa a; <sup>36</sup> tab la, tout bagay itil li yo, ak pen a Prezans lan; <sup>37</sup> chandelye fèt an lò pi a, avèk aranjan pou lanp yo ak tout bagay itil li yo, ak lwil pou limyè a; <sup>38</sup> epi lotèl fèt an lò a, lwil onksyon an, lansan santi bon an, ak vwal pou pòtay tant lan; <sup>39</sup> lotèl an bwonz lan ak griyaj bwonz pa li, avèk poto pa li yo ak tout bagay itil li yo, basen lave a avèk baz li; <sup>40</sup> afè pandye yo pou galeri a, pilye li yo, baz reseptikal li yo, rido pou pòtay galeri a, kòd li yo, pikèt li yo, ak tout afè pou sèvis tabènak la, pou tant reyinyon an; <sup>41</sup> vètman tise yo pou sèvis nan lye sen an, vètman sen pou Aaron yo, prèt la, ak vètman a fis pa li yo, pou fè sèvis kòm prèt.

<sup>42</sup> Alò, fis Israèl yo te fè tout travay la selon tout sa ke SENYÈ a te kòmande Moïse yo. <sup>43</sup> Epi Moïse te egzamine tout travay la, e gade byen, konsa yo te fè li; jis jan ke SENYÈ a te kòmande a, se sa yo te fè. Epi Moïse te ✨beni yo.

## 40

<sup>1</sup> Alò SENYÈ a te pale avèk Moïse e te di: <sup>2</sup> ✨“Nan premye jou mwa a ou va monte tabènak tant reyinyon an. <sup>3</sup> ✨Ou va plase lach temwayaj la, e ou va kouvri lach la avèk vwal la. <sup>4</sup> Ou va ✨mennen tab la antre, e ou va ranje li avèk sa ki dwe sou li; epi ou va mennen l antre nan chandelye a e monte lanp pa li yo.

<sup>5</sup> Anplis, ou va ✨plase lotèl lò a pou lansan devan lach temwayaj la, e ou va monte vwal la pou pòtay tabènak tant reyinyon an.

<sup>6</sup> Ou va plase lotèl ofrann brile a devan pòtay a tabènak tant reyinyon an. <sup>7</sup> Ou va plase basen lave a antre tant reyinyon an ak lotèl la e ou va mete dlo nan li. ✨ <sup>8</sup> Ou va monte galeri a toutotou e ou va pann vwal la pou pòtay galeri a.

<sup>9</sup> Epi ou va pran lwil onksyon an e ou va ✨onksyone tabènak la ak tout sa ki ladann, epi ou va konsakre li avèk tout afè li yo; epi li va sen. <sup>10</sup> Ou va onksyone lotèl ofrann brile a ak tout bagay itil li yo, epi ou va konsakre lotèl la, e ✨lotèl la va vin sen pase tout bagay. <sup>11</sup> Ou va onksyone basen lave a ak baz li, e ou va konsakre li.

<sup>12</sup> Epi ou va ✨mennen Aaron ak fis li yo vè pòtay tant reyinyon an, e ou va lave yo avèk dlo. <sup>13</sup> ✨Ou va mete vètman sen yo sou Aaron, ou va onksyone li e konsakre li, pou li kapab vin sèvi kòm prèt Mwen. <sup>14</sup> Ou va mennen fis li yo pou mete tinik sou yo; <sup>15</sup> epi ou va onksyone yo jis jan ke ou te onksyone papa yo, pou yo kapab vin sèvi kòm prèt pou Mwen; epi onksyon pa yo va kalifye yo kòm prèt ✨pou tout tan atravè tout jenerasyon pa yo.

<sup>16</sup> Se konsa Moïse te fè; selon tout sa ke SENYÈ a te kòmande li yo, konsa li te fè.

<sup>17</sup> Alò, ✨nan premye mwa nan dezyèm ane a, nan premye jou mwa a, tabènak la te monte. <sup>18</sup> Moïse te monte tabènak la, li te poze baz reseptikal li yo, li te monte planch li yo, li te pozisyone travès li yo, e li monte pilye

✨ **39:43** Luc 9:22,23 ✨ **40:2** Egz 19:1 ✨ **40:3** Egz 26:33 ✨ **40:4** Egz 26:35 ✨ **40:5** Egz 40:26 ✨ **40:7** Egz 30:18 ✨ **40:9** Egz 30:26 ✨ **40:10** Egz 29:37 ✨ **40:12** Lev 8:1-6 ✨ **40:13** Egz 28:41 ✨ **40:15** Egz 29:9 ✨ **40:17** Egz 40:2

li yo. <sup>19</sup> Li te louvri tant lan sou tabènak la e li te mete kouvèti tant lan anwo li, jis jan ke SENYÈ a te kòmande Moïse la.

<sup>20</sup> Epi li te pran ✧temwayaj la, li te mete li nan lach la, li te tache poto yo nan lach la, e li te mete chèz pwopyatwa a sou lach la. <sup>21</sup> Li te mennen lach la nan tabènak la, li te ✧monte yon vwal pou separe l, e li te separe lach temwayaj la, jis jan ke SENYÈ a te komande Moïse la.

<sup>22</sup> Epi li te mete ✧tab la nan tant reyinyon an sou kote nò tabènak la, deyò vwal la. <sup>23</sup> Li te plase ✧pen, byen ranje an lòd devan SENYÈ a jis jan ke SENYÈ a te kòmande Moïse la.

<sup>24</sup> Alò, li te mete chandelye a nan tant reyinyon an, sou kote sid tabènak la. <sup>25</sup> Li te ✧limen lap yo devan SENYÈ a, jis jan ke SENYÈ a te kòmande Moïse la.

<sup>26</sup> Epi li te ✧plase lotèl lò a nan tant reyinyon an pa devan vwal la; <sup>27</sup> epi li te ✧brile lansan santi bon an sou li, jis jan ke SENYÈ a te kòmande Moïse la.

<sup>28</sup> Alò, li te monte vwal pòtay tabènak la. <sup>29</sup> Li te ✧plase lotèl ofrann brile a devan pòtay tabènak tant reyinyon an, e li te ✧ofri sou li ofrann brile a ak ofrann sereyal la, jis jan ke SENYÈ a te kòmande Moïse la.

<sup>30</sup> Li te plase basen lave a antre tant reyinyon an ak lotèl la, e li te mete dlo ladann pou lave. <sup>31</sup> ✧(Soti) nan li, Moïse avèk Aaron avèk fis li yo te lave men yo avèk pye yo. <sup>32</sup> Lè yo te antre nan tant reyinyon an, e lè yo te apwoche lotèl la, yo te lave, jis jan ke SENYÈ a te kòmande Moïse la.

<sup>33</sup> Li te ✧monte galeri a toutotou tabènak la ak lotèl la, e li te pandye vwal la pou pòtay galeri a. Konsa, Moïse te fin fè travay la.

<sup>34</sup> ✧Alò, nyaj la te kouvri tant reyinyon an, e laglwa SENYÈ a te ranpli tabènak la. <sup>35</sup> Moïse ✧pa t kapab antre nan tant reyinyon an, paske nyaj la te poze sou li, e laglwa a SENYÈ a te ranpli tabènak la.

<sup>36</sup> Pandan tout vwayaj pa yo, ✧nenpòt lè ke nyaj la te leve anwo sou tabènak la, fis Israèl yo te leve sòti. <sup>37</sup> men ✧si nyaj la pa t leve, alò, yo pa t sòti jis rive jou ke li te leve a. <sup>38</sup> Paske pandan tout vwayaj yo, ✧nyaj SENYÈ a te sou tabènak la nan lajounen, e li te gen dife ladann lannwit, devan zye a tout kay Israèl la.

---

✧ **40:20** II Kwo 5:10   ✧ **40:21** Egz 26:33   ✧ **40:22** Egz 26:35   ✧ **40:23** Egz 25:30   ✧ **40:25** Egz 25:37   ✧ **40:26** Egz 30:6   ✧ **40:27** Egz 30:7   ✧ **40:29** Egz 40:6   ✧ **40:29** Egz 29:38-42  
 ✧ **40:31** Egz 30:19-20   ✧ **40:33** Egz 27:9-18   ✧ **40:34** Nonb 9:15-23   ✧ **40:35** I Wa 8:11  
 ✧ **40:36** Nonb 9:17   ✧ **40:37** Nonb 9:19-22   ✧ **40:38** Sòm 78:14

## Levitik Yo

<sup>1</sup> Alò, ✨SENYÈ a te rele Moïse, Li te pale avèk li depi nan tant asanble a, e Li t ap di: <sup>2</sup> Pale a fis Israèl yo e di yo: “Lè nenpòt moun nan nou pote yon ofrann bay SENYÈ a, nou va pote ofrann bèt ki sòti nan ✨twoupo a, oswa nan bann mouton an.

<sup>3</sup> Si ofrann li an se yon ofrann ✨brile ki sòti nan twoupo a, li va ofri li, yon mal san defo. Li va ofri li nan pòtay tant asanble a, pou li kapab aksepte devan SENYÈ a. <sup>4</sup> ✨Li va poze men li sou tèt ofrann brile a, pou li kapab aksepte pou li fè ekspiyasyon nan non li. <sup>5</sup> Li va touye jenn towò a devan SENYÈ a, e fis Aaron yo, ki se prèt yo, va ofri ✨san an e ✨flite li toutotou lotèl ki nan pòtay tant asanble a. <sup>6</sup> ✨ Li va, answit, koupe ofrann brile a e koupe li an mòso. <sup>7</sup> ✨Fis Aaron yo, prèt la, va mete dife sou lotèl la e ranje bwa yo sou dife a. <sup>8</sup> Alò fis Aaron yo, prèt yo, va ranje mòso yo, tèt la avèk ✨grès ren an sou bwa ki sou lotèl la. <sup>9</sup> Men, ✨zantray li yo avèk janm li yo, moun nan va lave yo avèk dlo. Epi ✨prèt la va leve ofri li nèt nan lafimen sou lotèl la kòm yon ofrann brile, yon ofrann pa dife, yon bagay ki santi dous pou SENYÈ a.

<sup>10</sup> Men si ofrann li an sòti nan bann bèt la, mouton oswa kabrit kòm yon ofrann brile, li va ofri li yon ✨mal, san defo. <sup>11</sup> ✨Li va touye li sou kote nò lotèl la, devan SENYÈ a, epi fis Aaron yo, prèt yo, va flite san li toutotou lotèl la. <sup>12</sup> Li va, answit, koupe li an mòso, avèk tèt li ak ✨grès ren li, epi prèt la va ranje yo sou bwa ki sou dife ki sou lotèl la. <sup>13</sup> Men, zantray li yo avèk janm yo, moun nan va lave yo avèk dlo. Epi ✨prèt la va ofri tout nèt, e ofri li nan lafimen sou lotèl la; li se yon ofrann brile, yon ofrann pa dife yon bagay ki santi dous pou SENYÈ a.

<sup>14</sup> Men si ofrann li an bay SENYÈ a se yon ofrann brile fèt ak zwazo, alò, li va pote ofrann li an ak ✨toutrèl oswa jèn ti pìjon. <sup>15</sup> Prèt la va ofri li sou lotèl la, e tòde kou li pou ofri li nan lafimen sou lotèl la; epi san li dwe koule ✨sou kote lotèl la. <sup>16</sup> Li va osi retire fal li avèk plim li yo e voye li sou kote lès lotèl la, nan plas ✨sann yo. <sup>17</sup> Alò, li va chire li pa zèl li, ✨san fin separe l nèt. Epi prèt la va ofri li nan lafimen sou lotèl la, sou bwa ki sou dife a; li se yon ofrann brile, yon ofrann pa dife yon bagay ki santi dous devan SENYÈ a.

## 2

<sup>1</sup> Alò, lè yon moun prezante yon ✨ofrann sereyal la kòm ofrann bay SENYÈ a, ofrann li an va avèk farin fen, li va vide lwil sou li e mete lansan sou li. <sup>2</sup> Answit, li va pote li bay fis Aaron yo, prèt yo; epi yo va pran ladann ✨ de men plen nan farin fen ak lwil avèk tout lansan li an. Epi prèt la va ofri li nan lafimen kòm yon pati pou fè yo sonje sou lotèl la, yon ofrann pa dife, yon bagay ki santi dous pou SENYÈ a. <sup>3</sup> ✨Rès ofrann sereyal la se

✨ 1:1 Egz 19:3 ✨ 1:2 Lev 22:18 ✨ 1:3 Lev 6:8-13 ✨ 1:4 Egz 29:10 ✨ 1:5 Lev 17:11  
 ✨ 1:5 Eb 12:24 ✨ 1:6 Lev 7:8 ✨ 1:7 Lev 6:8-13 ✨ 1:8 Lev 3:3-4 ✨ 1:9 Egz 12:9 ✨ 1:9  
 Nonb 28:11-14 ✨ 1:10 Éz 43:22 ✨ 1:11 Egz 24:6 ✨ 1:12 Lev 3:3-4 ✨ 1:13 Nonb 15:4-7  
 ✨ 1:14 Lev 5:7-11 ✨ 1:15 Lev 5:9 ✨ 1:16 Lev 6:10 ✨ 1:17 Jen 15:10 ✨ 2:1 Lev 6:14-18  
 ✨ 2:2 Lev 5:12 ✨ 2:3 Lev 2:10

pou Aaron avèk fis li yo: yon bagay ki sen pase tout, nan ofrann pa dife pou SENYÈ a.

<sup>4</sup> Alò, lè nou pote yon ofrann sereyal kwit nan yon fou, li va fèt avèk ✧gato san ledven avèk farin fen melanje avèk lwil oubyen galèt san ledven ki kouvri avèk lwil. <sup>5</sup> Si ofrann ou an se yon ofrann sereyal ki ✧fèt nan pwalon, li va fèt avèk farin fen, san ledven; melanje avèk lwil. <sup>6</sup> Ou va kase li an miyèt mòso e vide lwil sou li; li se yon ofrann sereyal. <sup>7</sup> Alò si ofrann ou an se yon ofrann sereyal ki fèt ✧nan yon chodyè, li va fèt avèk farin fen avèk lwil. <sup>8</sup> Lè ou pote yon ofrann ki fèt avèk bagay sa yo bay SENYÈ a, li va prezante a prèt la, e li va pote li devan lotèl la. <sup>9</sup> Alò, prèt la va pran nan ofrann sereyal la, pati ✧komemoratif la, e li va ofri li nan lafimen sou lotèl la kòm yon ofrann pa dife yon bagay ki santi dous pou SENYÈ a. <sup>10</sup> ✧Rès ofrann sereyal la se pou Aaron avèk fis li yo: yon bagay ki sen pase tout, nan ofrann bay SENYÈ a pa dife yo.

<sup>11</sup> ✧Okenn ofrann sereyal, ke nou pote devan SENYÈ a p ap fèt avèk ledven, paske nou pa pou lofri nan lafimen okenn ledven ni siwo myèl kòm ofrann pa dife bay SENYÈ a. <sup>12</sup> ✧Kòm ofrann a premye fwi, nou va pote yo bay SENYÈ a, men yo p ap monte kòm ofrann santi dous sou lotèl la. <sup>13</sup> Chak ofrann sereyal de nou menm, anplis, nou va asezone li avèk sèl, pouke ✧sèl akò a Bondye nou an pa manke nan ofrann sereyal ou an; avèk tout ofrann ou yo, ou va ofri sèl.

<sup>14</sup> Osi, si ou pote bay SENYÈ a, yon ofrann sereyal de bagay ki mi avan lè yo, ou va pote tèt sereyal yo byen fre, boukannen nan dife, grenn moulen a rekòlt avan lè a, kòm ofrann sereyal de bagay ki mi avan lè. <sup>15</sup> Alò, ou va mete lwil sou li e poze lansan sou li; li se yon ofrann sereyal. <sup>16</sup> Prèt la va ofri nan lafimen ✧pati pou tout moun sonje a, yon pati sereyal moulen ak lwil li, avèk tout lansan li kòm ofrann pa dife bay SENYÈ a.

### 3

<sup>1</sup> Alò, si ofrann li an se yon ofrann lapè, si li pral ofri sòti nan twoupo a, kit se mal, kit se femèl, li va ofri li ✧san defo devan SENYÈ a. <sup>2</sup> ✧Li va mete men li sou tèt ofrann li an, e ✧touye li nan pòtay tant asanble a. Epi fis Aaron yo, prèt yo, va flite san li toupatou sou lotèl la. <sup>3</sup> Soti nan sakrifis ofrann lapè yo, li va prezante yon ofrann pa dife bay SENYÈ a, avèk grès ki kouvri zantray yo ak tout grès ki tache a zantray yo, <sup>4</sup> epi de ren yo avèk grès ki sou yo a, ki sou senti a, ak gwo mòso fwa a, ke li va retire avèk ren yo. <sup>5</sup> Answit, fis Aaron yo va ofri li nan lafimen sou lotèl la ✧sou ofrann brile ki sou bwa ki sou dife a; li se yon ofrann pa dife, yon bagay ki santi dous pou SENYÈ a.

<sup>6</sup> Men si ofrann li an pou yon sakrifis ofrann lapè pou SENYÈ a sòti nan bann bèt la, li va ofri li, mal oswa femèl ✧san defo. <sup>7</sup> Si li pral ofri yon jenn mouton pou ofrann li an, alò, li va ofri li ✧devan SENYÈ a. <sup>8</sup> Epi ✧li va poze men li sou tèt ofrann li an e ✧touye li devan tant asanble a, epi fis Aaron yo va flite san li toupatou sou lotèl la. <sup>9</sup> Soti nan ✧ofrann sakrifis lapè a, li va pote kòm ofrann pa dife bay SENYÈ a, grès li, tout grès ke li menm,

✧ 2:4 Egz 29:2   ✧ 2:5 Lev 6:21   ✧ 2:7 Lev 7:9   ✧ 2:9 Lev 2:2-16   ✧ 2:10 Egz 34:25  
 ✧ 2:11 Egz 23:15   ✧ 2:12 Egz 34:22   ✧ 2:13 II Kwo 13:5   ✧ 2:16 Lev 2:2   ✧ 3:1 Lev 1:3  
 ✧ 3:2 Lev 1:4   ✧ 3:2 Egz 29:11-20   ✧ 3:5 Egz 29:38-42   ✧ 3:6 Lev 3:1   ✧ 3:7 Lev 17:8-9  
 ✧ 3:8 Lev 1:4   ✧ 3:8 Lev 3:2   ✧ 3:9 Lev 17:5

moun nan va retire pre zo do a, ak grès ki kouvri zantray yo ak tout grès ki tache sou zantray yo. <sup>10</sup> Epi de ren yo avèk grès ki sou yo a, ki sou pati ba senti a, ak gran bout fwa a, ke li va retire ✧avèk ren yo. <sup>11</sup> Answit, prèt la va ofri li nan lafimen sou lotèl la tankou ✧manje, yon ofrann pa dife bay SENYÈ a.

<sup>12</sup> Anplis, si ofrann li an se ✧yon kabrit, alò, li va ofri li devan SENYÈ a, <sup>13</sup> epi li va poze men l sou tèt li e touye li devan tant asanble a, epi fis Aaron yo va flite san li toupatou sou lotèl la. <sup>14</sup> Soti nan li, li va prezante ofrann li kòm ofrann pa dife bay SENYÈ a, grès ki kouvri zantray yo ak tout grès ki tache sou zantray yo, <sup>15</sup> epi de ren yo avèk grès ki sou yo a, ki sou pati ba senti a, ak gwo bout fwa a, ke li va retire ✧avèk ren yo. <sup>16</sup> Prèt la va ofri yo nan lafimen sou lotèl la tankou manje, yon ofrann pa dife bagay ki santi dous; ✧tout grès se pou SENYÈ a.

<sup>17</sup> Li se yon règleman pou tout tan atravè tout jenerasyon nou yo, nan tout abitasyon nou yo: nou pa pou manje okenn grès, ✧ni okenn san.”

## 4

<sup>1</sup> Alò SENYÈ a te pale avèk Moïse e t ap di: <sup>2</sup> “Pale avèk fis Israèl yo, e di: “Si yon moun peche san movèz entansyon nan nenpòt bagay ke SENYÈ a te kòmande pou pa fè, e ki fèt pa nenpòt nan yo, <sup>3</sup> ✧si prèt onksyon an fè peche e mennen koupabilite sou pèp la, alò, kite li ofri bay SENYÈ a yon towo san defo, kòm ofrann peche pou peche ke li te komèt la.

<sup>4</sup> Li va pote towo a nan pòtay tant asanble a devan SENYÈ a, ✧li va poze men l sou tèt towo a e touye li devan SENYÈ a. <sup>5</sup> Alò, prèt ✧onsyone a dwe pran kèk nan san towo a pou pote li vè tant asanble a. <sup>6</sup> Epi prèt la va fonde dwèt li nan san an e flite kèk nan san an sèt fwa devan SENYÈ a, devan ✧vwal a sanktiyè a. <sup>7</sup> Prèt la va osi mete kèk nan san an sou kòn ✧lotèl lansan santi bon ki devan SENYÈ a nan tant asanble a; epi tout san towo a, li va vide li nan baz lotèl ofrann brile ki nan pòtay tant asanble a. <sup>8</sup> ✧Li va retire sou li tout grès towo ofrann peche a: grès ki kouvri zantray yo ak tout grès ki tache sou zantray yo, <sup>9</sup> epi de ren avèk grès ki sou yo a, ki sou pati ba senti a, ak gwo mòso fwa a, ke li va retire ✧avèk ren yo <sup>10</sup> (jis jan ke li retire nan bèl sakrifis ofrann lapè a), epi prèt la dwe ofri yo nan lafimen sou lotèl ofrann brile a. <sup>11</sup> Men ✧po towo a ak tout chè li avèk tèt li, janm li yo, zantray li yo ak watè li, <sup>12</sup> ki se, tout rès towo a, li dwe pote li yon ✧kote ki pwòp deyò kan an, kote sann dife vide, epi brile li sou bwa avèk dife a; kote sann yo vide, se la li va brile.

<sup>13</sup> ✧Alò, si tout asanble Israèl la vin fè yon erè, e bagay la chape atansyon asanble a, epi yo komèt nenpòt nan bagay ke SENYÈ a te kòmande pou yo pa fè, e yo vin koupab; <sup>14</sup> lè peche ke yo te komèt la, vin konnen, alò, asanble a va ofri yon ✧towo nan twoupo a kòm yon ofrann peche e yo pote li devan tant asanble a. <sup>15</sup> Answit, ✧ansyen nan asanble yo va poze men yo sou tèt towo a devan SENYÈ a, epi towo a va touye devan SENYÈ a. <sup>16</sup> Answit, prèt onksyone a dwe pote kèk nan san towo a nan tant asanble a; <sup>17</sup> epi ✧prèt la va fonde dwèt li nan san an e flite li sèt fwa devan SENYÈ

✧ 3:10 Lev 3:4-15 ✧ 3:11 Lev 3:16 ✧ 3:12 Nonb 15:6-11 ✧ 3:15 Lev 3:4 ✧ 3:16 Lev 7:23-25 ✧ 3:17 Lev 7:26 ✧ 4:3 Lev 4:14-28 ✧ 4:4 Lev 1:4 ✧ 4:5 Lev 4:3-17 ✧ 4:6 Egz 40:21-26 ✧ 4:7 Lev 8:15 ✧ 4:8 Lev 3:3-4 ✧ 4:9 Lev 3:4 ✧ 4:11 Lev 9:11 ✧ 4:12 Lev 4:21 ✧ 4:13 Nonb 15:24-26 ✧ 4:14 Lev 4:3-28 ✧ 4:15 Lev 8:14-22 ✧ 4:17 Lev 4:6

a, devan vwal la. <sup>18</sup> Li va mete kèk nan san sou kòn ✨lotèl ki devan SENYÈ a nan tant asanble a; epi tout san li va vide nan baz lotèl ofrann brile ki nan pòtay tant asanble a. <sup>19</sup> ✨Li va retire tout grès li ladann e li va ofri li nan lafimen sou lotèl la. <sup>20</sup> Li va osi fè avèk towò a menm bagay li te fè avèk ✨towò ofrann peche a; se konsa li va fè avè l. Konsa, ✨prèt la va fè ekspiyasyon pou yo, e yo va vin padone. <sup>21</sup> Answit, li dwe pote towò a yon kote deyò kan an pou brile li jan li te brile premye towò a; li se ✨ofrann peche pou asanble a.

<sup>22</sup> Lè ✨yon dirijan fè peche e san movèz entansyon vin fè nenpòt nan bagay ke SENYÈ a, Bondye te kòmande pou li pa fè yo, e li vin koupab, <sup>23</sup> si peche ke li te fè a vin konnen a li menm, li va pote pou ofrann li, yon ✨kabrit, yon mal san defo. <sup>24</sup> Li va poze men li sou tèt mal kabrit la e touye li nan plas kote yo touye ofrann brile devan SENYÈ a; li se yon ofrann peche. <sup>25</sup> Answit, prèt la dwe pran kèk nan san ofrann peche a avèk dwèt li e mete li sou ✨kòn lotèl pou ofrann brile a; epi rès san li an, prèt la va vide li nan baz lotèl ofrann brile a. <sup>26</sup> ✨Tout grès li a, prèt la va ofri nan lafimen sou lotèl la menm jan an nan ka grès sakrifis ofrann lapè a. Konsa prèt la va fè ekspiyasyon pou li selon peche pa li, e li va vin padone.

<sup>27</sup> Alò, si nenpòt moun pami pèp òdinè a peche ✨san movèz entansyon nan fè nenpòt nan bagay ke SENYÈ a te kòmande pou pa fè yo, e li vin koupab, <sup>28</sup> si peche li a vin konnen a li menm, alò, li va pote pou ofrann pa li a, yon ✨kabrit, yon femèl san defo, pou peche ke li te komèt la. <sup>29</sup> ✨Li va poze men l sou tèt ofrann peche a, e li va touye ofrann peche a nan menm plas ofrann brile a. <sup>30</sup> Prèt la va pran kèk nan san li an avèk dwèt li, e li va mete li sou kòn ✨lotèl ofrann brile a; epi tout rès san li an, prèt la va vide l nan baz lotèl la. <sup>31</sup> ✨Answit, li va retire tout grès li, jis jan grès la te retire nan sakrifis ofrann lapè yo; epi prèt la va ofri li nan lafimen sou lotèl la pou yon odè santi bon pou SENYÈ a. Konsa prèt la va fè ekspiyasyon pou li, e li va vin padone.

<sup>32</sup> Men si li pote yon ✨jenn mouton kòm ofrann li pou ofrann peche a, li va pote li, yon femèl san defo. <sup>33</sup> ✨Li va poze men l sou tèt ofrann peche a, e li va touye li kòm yon ofrann peche ✨nan plas kote yo touye ofrann brile a. <sup>34</sup> Prèt la dwe pran kèk nan san ofrann peche a avèk dwèt li e mete li sou kòn ✨lotèl ofrann brile a, epi tout rès san li an, prèt la va vide li nan baz lotèl la. <sup>35</sup> Answit, li va retire tout grès li, menm jan grès jenn mouton an te retire nan sakrifis ofrann lapè yo, epi prèt la va ofri yo nan lafimen bay SENYÈ a. Konsa ✨prèt la va fè ekspiyasyon pou li selon peche li, sa ke li te komèt la, e li va vin padone.

## 5

<sup>1</sup> Alò, si yon moun peche apre li rele pou fè ✨ temwayaj tribinal lè li menm se yon temwen, konsènan si li te wè oubyen otreman vin konnen yon bagay, si li pa pale sa, alò, li va pote koupabilite pa li.

<sup>2</sup> Oubyen, si yon moun touche ✨nenpòt bagay ki pa pwòp, kit se yon kadav bèt pa pwòp, kit se yon kadav bèt ki pa pwòp, kit se kadav yon desen bèt vivan ki pa pwòp, malgre ke sa ta kache de li pou li pa konnen,

✨ 4:18 Lev 4:7-34 ✨ 4:19 Lev 4:8 ✨ 4:20 Lev 4:8-21 ✨ 4:20 Nonb 15:25 ✨ 4:21 Lev 4:13 ✨ 4:22 Nonb 31:13 ✨ 4:23 Lev 4:3-28 ✨ 4:25 Lev 4:7-34 ✨ 4:26 Lev 4:19 ✨ 4:27 Lev 4:2 ✨ 4:28 Lev 4:3-32 ✨ 4:29 Lev 1:4 ✨ 4:30 Lev 4:7-34 ✨ 4:31 Lev 4:8 ✨ 4:32 Lev 4:28 ✨ 4:33 Lev 1:4-5 ✨ 4:33 Lev 4:29 ✨ 4:34 Lev 4:7-30 ✨ 4:35 Lev 4:20 ✨ 5:1 Pwov 29:24 ✨ 5:2 Nonb 19:11-16

e li pa pwòp, alò li va koupab. <sup>3</sup> Oubyen, si li ta touche afè moun ki pa pwòp, nenpòt sa li ye ki fè l vin pa pwòp la, epi sa kache de li, e answit, li vin konn sa, li va koupab. <sup>4</sup> Oubyen, si yon moun ✧sèmante san reflechi avèk bouch li, kit se pou fè mal, kit se pou fè byen, nan nenpòt afè ke yon nonm ta pale san reflechi avèk yon sèman, epi sa kache de li, e answit li vin konn sa, li va koupab nan youn nan sa yo. <sup>5</sup> Se konsa li va ye lè li vin koupab nan youn nan sa yo, ke li va ✧konfese nan sa ke li te fè peche a. <sup>6</sup> Li va osi pote ofrann koupabilite li a bay SENYÈ a pou peche ke li te komèt la, ✧yon femèl ki sòti nan bann bèt la, yon jenn mouton, oswa yon kabrit kòm yon ofrann peche. Konsa prèt la va fè ekspiyasyon nan non li pou peche li a.

<sup>7</sup> Men si li pa gen mwayen pou bay yon jenn mouton oswa kabrit, alò li va pote bay SENYÈ a kòm ofrann koupabilite pou peche ke li te komèt la, de toutrèl oswa de jenn pijon, ✧youn pou yon ofrann peche a, e lòt la, pou yon ofrann brile. <sup>8</sup> Li va pote yo bay prèt la, ki va ofri, premyèman, sa ki pou ofrann peche a, e li va tranche tèt li pa devan kou a ✧san ke li pa fin separe li nè. <sup>9</sup> Li va osi flite kèk nan san ofrann peche a sou kote lotèl la, e rès san an va koule degoute nan baz lotèl la: li se yon ofrann peche. <sup>10</sup> Dezyèm nan, li va, answit, prepare kòm yon ofrann brile ✧selon òdonans lan. Epi prèt la va fè ekspiyasyon nan non li menm pou peche ke li te komèt la, e li va vin padone.

<sup>11</sup> Men si ✧mwayen li pa sifi pou de toutrèl oswa de jenn pijon yo, alò pou ofrann li pou peche ke li te komèt la, li va pote yon dizyèm efa farin fen pou ofrann peche a; li p ap mete lwil sou li ni mete lansan sou li, paske se yon ofrann peche. <sup>12</sup> Li va pote li bay prèt la, e prèt la va pran men li plen de li kòm yon pati tout moun sonje de li, epi ofri li nan lafimen sou lotèl la, avèk ofrann bay SENYÈ a pa dife: li se yon ofrann peche. <sup>13</sup> Alò, prèt la va fè ekspiyasyon pou li konsènan peche ke li te komèt soti nan ✧youn nan sila yo, e sa va padone li; epi rès la va vin pou prèt la menm jan ak ofrann sereyal la.

<sup>14</sup> Answit SENYÈ a te pale avèk Moïse e t ap di: <sup>15</sup> “Si yon moun pa fidèl, e peche san movèz entansyon kont bagay ki sen pou SENYÈ a, alò li va pote ✧ofrann koupabilite li devan SENYÈ a, yon ✧belye san defo ki sòti nan bann bèt la, selon valè an ajan de sik, an valè de sik sanktiyè a kòm yon ofrann koupabilite. <sup>16</sup> Li va peye pou peche ke li te fè kont bagay sen an, e li va mete sou li yon senkyèm pati anplis pou pote bay prèt la. Prèt la, alò va fè ekspiyasyon pou li avèk belye a, ofrann koupabilite a, e sa va padone li.

<sup>17</sup> Alò, si yon moun peche e fè nenpòt nan bagay ke SENYÈ a te kòmande pou pa fè yo, ✧malgre li pa t konnen sa, li toujou koupab e li va sipòte pinisyon li. <sup>18</sup> Li dwe, alò, pote bay prèt la yon ✧belye san defo ki sòti nan bann bèt la, selon sa ou estime, pou yon ofrann koupabilite. Alò, prèt la va fè ekspiyasyon pou li konsènan tò li ladann li te fè peche san movèz entansyon, e pa t konnen sa a, e sa va padone li. <sup>19</sup> Li se yon ofrann koupabilite; li te sètènman koupab devan SENYÈ a.”

✧ 5:4 Nonb 30:6-8 ✧ 5:5 Lev 16:21 ✧ 5:6 Lev 4:22-34 ✧ 5:7 Lev 12:6-8 ✧ 5:8 Lev 1:17  
✧ 5:10 Lev 1:14-17 ✧ 5:11 Lev 14:21-32 ✧ 5:13 Lev 5:4-5; Lev 2:3 ✧ 5:15 Lev 7:1-10  
✧ 5:15 Lev 6:6 ✧ 5:17 Lev 4:2 ✧ 5:18 Lev 5:15



## 6

<sup>1</sup> Alò, SENYÈ a te pale avèk Moïse, e t ap di: <sup>2</sup> “Lè yon moun peche e aji avèk movèz fwa kont SENYÈ a, epi twonpe pwochen li an sou yon depo lajan oswa yon sekirite ke li te konfyè bay li, oswa pa vòl, oubyen li te fè li pa vyòl konfyans, <sup>3</sup> oubyen, si l \*te twouve sa ki te pèdi a, te fè manti sou sa ak fo sèman, pouke li peche nan nenpòt nan bagay ke yon moun kapab fè yo; <sup>4</sup> Alò li va rive, ke lè li peche e vin koupab, li va \*remèt sa ke li te pran pa vòl la, oubyen sa ke li te vin gen pa vyòl konfyans lan, oubyen depo ki te plase nan men li an, oubyen sa ki te pèdi ke li te twouve a, <sup>5</sup> oubyen, nenpòt de sa li te fè fo sèman an; li va fè remèt li nèt e mete sou li yon senkyèm anplis. \*Li va bay li a sila li apatyen an, nan menm jou li prezante ofrann koupabilite li a. <sup>6</sup> Apre li va pote bay prèt la ofrann koupabilite li a bay SENYÈ a, \*yon belye san defo ki soti nan bann bèt la, selon sa ou estime, pou yon ofrann koupabilite. <sup>7</sup> Epi prèt la va fè ekspiyasyon pou li devan SENYÈ a, e li va padone pou nenpòt nan bagay sa yo ke li te fè pou vin koupab.”

<sup>8</sup> Alò, SENYÈ a te pale a Moïse, e t ap di: <sup>9</sup> “Kòmande Aaron avèk fis li yo e di: ‘sa se \*lalwa pou ofrann brile a: ofrann brile a li menm va retire nan fwaye lotèl la tout nwit lan jis rive nan maten, epi dife sou lotèl la va kontinye brile sou li. <sup>10</sup> Prèt la dwe abiye an \*vètman len fen pa li a, e li va mete sou vètman li touprè chè li; epi li va pran sann dife yo nan ofrann brile a pou dife a vin redwi sou lotèl la e plase yo akote lotèl la. <sup>11</sup> Answit, li va retire vètman sa yo pou mete lòt vètman, e li va pote sann yo deyò kan an nan yon plas ki pwòp. <sup>12</sup> Dife sou lotèl la dwe kontinye brile sou li. Li pa pou tenyen, men prèt la va brile bwa sou li chak maten; epi li va pozisyone ofrann brile a sou li, e ofri \*sou li nan lafimen pati grès ofrann lapè yo. <sup>13</sup> Dife a dwe kontinye brile nèt sou lotèl la; li pa pou tenyen.

<sup>14</sup> Alò, sa se lalwa ofrann sereyal la: fis Aaron yo va prezante li devan SENYÈ a, devan lotèl la. <sup>15</sup> \*Answit, youn nan yo va leve soti de li yon men plen avèk farin fen ofrann sereyal la, avèk lwil li ak tout lansan ki sou ofrann sereyal la, epi li va ofri li anlè nan lafimen sou lotèl la, yon odè santi bon, kòm yon ofrann souvni bay SENYÈ a. <sup>16</sup> \*Sa ki rete nan li a, Aaron avèk fis li yo dwe manje. Li va manje tankou gato san ledven nan yon plas ki sen; yo dwe manje li nan galeri tant asanble a. <sup>17</sup> \*Li p ap boukannen avèk ledven. Mwen te bay li kòm pòsyon pa yo nan ofrann pa M pa dife a; li pi sen pase tout, kòm ofrann peche ak ofrann koupabilite a. <sup>18</sup> \*Chak mal pami fis Aaron yo kapab manje li; li se yon òdonans pèmanan, atravè jenerasyon nou yo, soti nan ofrann dife bay SENYÈ a. \*Nenpòt moun ki touche yo va vin konsakre.’ ”

<sup>19</sup> Alò, SENYÈ a te pale a Moïse e t ap di: <sup>20</sup> “Sa se ofrann ke Aaron avèk fis li yo dwe prezante bay SENYÈ a nan jou ke li onksyone a; dizyèm nan yon efa farin fen kòm yon \*ofrann sereyal nòm, mwatye nan li nan maten e mwatye nan li nan aswè. <sup>21</sup> Li va prepare avèk lwil nan yon \*pwalon. Lè li fin byen vire, ou va pote li. Ou va prezante ofrann sereyal la an mòso boukannen kòm bon sant bay SENYÈ a. <sup>22</sup> Prèt onksyone a ki nan plas li pami fis li yo va ofri li. Pa yon òdonans pèmanan, li va ofri tout nèt nan

\* **6:3** Egz 23:4 \* **6:4** Lev 24:18-21 \* **6:5** Nonb 5:7-8 \* **6:6** Lev 5:5 \* **6:9** Egz 29:38-42  
 \* **6:10** Egz 28:39-42 \* **6:12** Lev 3:5 \* **6:15** Lev 2:2-9 \* **6:16** Lev 10:12-14 \* **6:17** Lev 2:11 \* **6:18** I Kwo 9:13 \* **6:18** Lev 6:27 \* **6:20** Nonb 4:16 \* **6:21** Lev 2:5

lafimen bay SENYÈ a. <sup>23</sup> Konsa, chak ofrann sereyal va konplètman brile nan lafimen bay SENYÈ a.”

<sup>24</sup> Alò SENYÈ a te pale avèk Moïse e t ap di: <sup>25</sup> “Pale avèk Aaron ak fis li yo e di: ‘Sa se lalwa ofrann peche a: ✧nan plas kote ofrann brile a vin touye a, ofrann peche a va touye devan SENYÈ a; li pi sen pase tout. <sup>26</sup> ✧Prèt la ki ofri li pou peche a va manje li. Li va manje yon kote ki sen, nan galeri a tant asanble a. <sup>27</sup> ✧Nenpòt moun ki touche chè li va vin konsakre; epi lè kèk nan san li vin gaye sou yon vètman, nan yon lye sen, ou va lave sa ki te gaye sou li a. <sup>28</sup> Osi ✧po ajil ladann li te bouyi a va kraze; epi si li te bouyi nan yon veso an bwonz, alò li va lave byen lave, e rense nan dlo. <sup>29</sup> Chak mal pami prèt yo kapab manje ladann; ✧li pi sen pase tout. <sup>30</sup> Men, okenn ofrann peche ki te gen ✧san ki te pote antre nan tant asanble a pou fè ekspiyasyon nan lye sen an p ap manje; li va brile avèk dife.

## 7

<sup>1</sup> Alò sa se lalwa ✧ofrann koupabilite a; li pi sen pase tout. <sup>2</sup> Nan ✧plas kote yo touye ofrann brile a, yo dwe touye ofrann koupabilite a, e li va flite san li toupato sou lotèl la. <sup>3</sup> Answit, li va ofri li avèk tout grès li: ✧grès ke avèk grès ki kouvri zantray yo, <sup>4</sup> epi de ren yo avèk grès ki sou yo, ki nan pati senti a; epi gwo bout fwa a, li va retire ✧avèk ren yo. <sup>5</sup> Prèt la va ofri yo nan lafimen sou lotèl la kòm yon ofrann pa dife bay SENYÈ a; li se yon ofrann koupabilite. <sup>6</sup> ✧Chak mal pami prèt yo kapab manje li. Li pi sen pase tout.

<sup>7</sup> Ofrann koupabilite a se tankou ofrann peche a, se yon sèl lwa pou yo; ✧prèt ki fè ekspiyasyon avèk li a va genyen li. <sup>8</sup> Osi, prèt ki prezante ofrann brile a nenpòt moun nan, prèt sa a va gen pou li menm, po a ofrann brile ke li te prezante a. <sup>9</sup> Menm jan an, chak ofrann sereyal ki vin kwit nan fou a ak tout bagay ki prepare nan yon ✧pwalon va rete pou prèt ki prezante li a. <sup>10</sup> Tout ofrann sereyal, mele avèk lwil oswa sèch, va vin apatyen a tout fis Aaron yo, tout menm jan an.

<sup>11</sup> Alò, sa se lalwa ✧sakrifis ofrann lapè ki va prezante bay SENYÈ a. <sup>12</sup> Si li ofri li pou bay remèsiman, alò, ansanm avèk sakrifis remèsiman an, li va ofri ✧gato san ledven mele avèk lwil, galèt kouvri avèk lwil, ak gato farin fen mele avèk lwil. <sup>13</sup> Avèk sakrifis ofrann lapè pou bay remèsiman an, li va prezante ofrann li an avèk gato pen ✧san ledven. <sup>14</sup> De sa, li va prezante youn nan chak ofrann kòm yon don bay SENYÈ a; ✧li va apatyen a prèt ki flite san ofrann lapè yo. <sup>15</sup> ✧Alò, pou chè a sakrifis ofrann lapè li yo, li va manje nan jou li ofri a; li p ap kite anyen nan li rete pou maten.

<sup>16</sup> Men si sakrifis lapè a se yon ✧ofrann pou fè ve, oswa yon ofrann bòn volonte, li va manje nan jou ke li ofri sakrifis la, epi nan pwochen jou a, sa ki rete a, ap kapab manje; <sup>17</sup> ✧men sa ki rete nan chè sakrifis la, nan twazyèm jou a, va brile avèk dife. <sup>18</sup> Alò, si nenpòt nan chè sakrifis ofrann lapè yo ta janm manje nan twazyèm jou a, sila ki ofri li a, p ap aksepte, e li p ap konte nan avantaj li. Li va yon ✧bagay lèd, e moun ki manje ladann nan, va pote pwòp inikite pa li.

✧ 6:25 Lev 1:11 ✧ 6:26 Lev 6:29 ✧ 6:27 Lev 7:19 ✧ 6:28 Lev 11:33 ✧ 6:29 Lev 6:17-25  
 ✧ 6:30 Lev 4:1-21 ✧ 7:1 Lev 5:14-19 ✧ 7:2 Lev 1:11 ✧ 7:3 Lev 3:9 ✧ 7:4 Lev 3:4  
 ✧ 7:6 Lev 6:18-29 ✧ 7:7 I Kor 9:13 ✧ 7:9 Lev 2:5 ✧ 7:11 Lev 3:1 ✧ 7:12 Lev 2:4  
 ✧ 7:13 Lev 3:1-17 ✧ 7:14 Nonb 18:8-19 ✧ 7:15 Lev 22:29-30 ✧ 7:16 Lev 19:5-8 ✧ 7:17  
 Egz 12:10 ✧ 7:18 Lev 19:7

19 Osi, chè ki touche yon bagay ki pa pwòp p ap manje; li va brile avèk dife. Pou lòt chè, nenpòt moun ki pwòp kapab manje chè sa a. 20 ✧Men moun ki manje chè sakrifis ofrann lapè ki apatyen a SENYÈ a, lè l pa pwòp, moun sa a va vin ✧ izole soti nan pèp li a. 21 Lè yon moun touche yon bagay ki pa pwòp, kit se bagay sal ki sòti nan moun, kit se yon bèt ki pa pwòp, kit se yon vye bagay sal, e manje chè sakrifis ofrann lapè ki apatyen a SENYÈ a, moun sa a va vin izole soti nan pèp li a.’ ”

22 Answit, SENYÈ a te pale a Moïse e t ap di: 23 “Pale avèk fis Israèl yo e di: ‘Nou pa pou manje ✧okenn grès a yon bèf, yon mouton, oswa yon kabrit. 24 Osi, grès a yon bèt ki mouri e grès a yon bèt ki ✧ dechire pa bèt parèy li kapab mete a nenpòt lòt sèvis, men anverite, nou pa pou manje li. 25 Paske nenpòt moun ki manje nan grès animal ki soti nan yon ofrann pa dife ki ofri bay SENYÈ a, menm moun ki manje a va vin izole soti nan pèp li a. 26 ✧Nou pa pou bwè okenn san, ni san zwazo, ni san bèt, ni okenn san nan abitasyon nou yo. 27 Nenpòt moun ki bwè nenpòt san, menm moun sa a va vin izole soti nan pèp li a.’ ”

28 Answit, SENYÈ a te pale a Moïse e t ap di: 29 “Pale avèk fis Israèl yo, e di: “Sila ki ofri ✧sakrifis ofrann lapè bay SENYÈ a, va pote ofrann li an bay SENYÈ a soti nan sakrifis ofrann lapè li a. 30 Se pwòp men li ki va pote ofrann pa dife a bay SENYÈ a. Li va pote grès la avèk pwatrin nan, pou ✧pwatrin nan kapab prezante kòm yon ofrann voye anlè devan SENYÈ a. 31 Prèt la va ofri grès la nan lafimen sou lotèl la, men ✧pwatrin nan va pou Aaron avèk fis li yo. 32 Nou va bay ✧kwis dwat la a prèt la kòm yon don ki sòti nan sakrifis ofrann lapè nou yo. 33 Sila pami fis Aaron ki ofri san ofrann lapè a ak grès la, kwis dwat la va pou li kòm pati pa li. 34 Paske, Mwen te pran ✧pwatrin nan ofrann vag la ak kwis la ki te bay pa fis Israèl yo ki sòti nan ofrann lapè pa yo a pou bay yo a Aaron, prèt la, ak fis li yo, kòm dwa yo pou tout tan ki sòti nan fis Israèl yo.

35 Se sa ki konsakre a Aaron e ✧ ki konsakre a fis li yo soti nan ofrann brile bay SENYÈ a, depi jou ke li te prezante yo pou sèvi kòm prèt bay SENYÈ a. 36 Sa yo SENYÈ a te kòmande pou bay yo sòti nan fis Israèl yo nan jou ke li te ✧onksyone yo a. Se dwa yo pou tout tan atravè tout jenerasyon pa yo.

37 Sa se lalwa pou ofrann brile a, ofrann sereyal, ofrann peche, ofrann koupabilite, ofrann ✧òdinasyon ak sakrifis ofrann lapè yo, 38 ✧ke SENYÈ a te kòmande Moïse nan Mòn Sinai nan jou ke li te kòmande fis Israèl yo pou prezante ofrann pa yo bay SENYÈ a nan dezè Sinai a.

## 8

1 Alò, SENYÈ a te pale a Moïse e t ap di: 2 “✧Pran Aaron e fis li yo avè l, avèk vètman yo, lwil onksyon an, towo ofrann peche a, de belye, ak panyen pen san ledven an, 3 epi, reyini tout asanble a nan pòtay tant asanble a.”

4 Alò, Moïse te fè ojis sa ke SENYÈ a te kòmande li a. Lè asanble a te fin reyini nan pòtay tant asanble a, 5 Moïse te di asanble a: “Sa se bagay ke SENYÈ a te kòmande pou fè yo.” 6 Alò ✧Moïse te fè Aaron avèk fis li yo vin pwoche e te ✧benyen yo avèk dlo. 7 Li te ✧mete yon tinik sou li, mare senti

✧ 7:20 Nonb 19:13 ✧ 7:20 Lev 7:25 ✧ 7:23 Lev 3:17 ✧ 7:24 Egz 22:31 ✧ 7:26 I Sam 14:33 ✧ 7:29 Lev 3:1 ✧ 7:30 Egz 29:26-27 ✧ 7:31 Nonb 18:11 ✧ 7:32 Egz 29:27 ✧ 7:34 Egz 29:27 ✧ 7:35 Nonb 18:8 ✧ 7:36 Egz 40:13-15 ✧ 7:37 Egz 29:22-34 ✧ 7:38 Lev 26:46 ✧ 8:2 Egz 28:1 ✧ 8:6 Egz 29:4-6 ✧ 8:6 I Kor 6:11 ✧ 8:7 Egz 28:4

li avèk yon sentiwon an twal, abiye li avèk yon manto, mete efòd la sou li; epi li te tache ban atistik efòd la e mare l sou li. <sup>8</sup> Alò, li te mete pyès lestomak la sou li; epi nan pyès lestomak la, li te mete ✧Ourim nan avèk Toumim nan. <sup>9</sup> Li te osi plase plastwon an sou tèt li, epi sou plastwon an, pa devan, li te mete ✧plak an lò a, kouwòn sen an, jan SENYÈ a te kòmande Moïse la.

<sup>10</sup> Alò, Moïse te pran ✧lwil onksyon an e te onsyone tabènak la ak tout sa ki te ladann, epi li te konsakre yo. <sup>11</sup> Li te flite kèk lwil ladann sou lotèl la sèt fwa, e li te onksyone lotèl la avèk tout zouti li yo, ak basen an avèk baz li pou ✧konsakre yo. <sup>12</sup> Epi li te vide kèk nan ✧lwil onksyon an sou tèt Aaron, e li te onksyone li, pou konsakre li. <sup>13</sup> ✧ Apre sa, Moïse te fè fis Aaron yo pwoche, li te abiye yo avèk tinik yo, mare senti yo avèk sentiwon an twal yo e mare kas yo sou yo, jan SENYÈ a te kòmande Moïse la.

<sup>14</sup> Answit, li te pote ✧towo ofrann peche a, e Aaron avèk fis li yo te poze men yo sou tèt towò ofrann peche a. <sup>15</sup> Apre sa, Moïse te touye li e li te pran san an avèk dwèt li, li te ✧mete kèk nan li toupatou sou kòn lotèl la, e li te pirifye lotèl la. Epi rès san an, li te vide li nan baz lotèl la, e li te konsakre li pou fè ekspiyasyon pou li. <sup>16</sup> Li te osi ✧pran tout grès ki te sou zantray yo avèk gwo mòso fwa a, de ren yo avèk grès pa yo, e Moïse te ofri li nan lafimen sou lotèl la. <sup>17</sup> ✧Men towò a avèk po li ak chè li, ak watè li, li te brile yo nan dife a deyò kan an jan SENYÈ a te kòmande Moïse la.

<sup>18</sup> Alò, li te prezante ✧belye ofrann brile a, e Aaron avèk fis li yo te poze men yo sou tèt belye a. <sup>19</sup> Moïse te touye li e li te flite san an toutotou lotèl la. <sup>20</sup> Lè li te fin koupe belye a an mòso, Moïse te ✧ ofri tèt la, mòso yo ak grès di ki kouvri ren yo nan lafimen. <sup>21</sup> Apre li te fin lave zantray yo ak janm yo avèk dlo, Moïse te ✧ ofri tout belye a nan lafimen sou lotèl la. Se te ofrann brile a pou yon bon odè; se te yon ofrann pa dife bay SENYÈ a, jis jan ke SENYÈ a te kòmande Moïse la.

<sup>22</sup> Answit, li te prezante dezyèm belye a, ✧belye òdinasyon an, e Aaron avèk fis li yo te poze men yo sou tèt belye a. <sup>23</sup> Moïse te touye li, pran kèk nan san li e li te ✧mete li sou tèt zòrèy dwat Aaron, sou pous men dwat li ak gwo zòtèy pye dwat li. <sup>24</sup> Osi, li te fè fis Aaron yo vin toupre; epi Moïse te mete kèk nan san an sou tèt zòrèy dwat la, sou pous men dwat yo, ak sou gwo zòtèy pye dwat yo. Alò, Moïse te ✧flite rès san an toutotou lotèl la.

<sup>25</sup> Li te pran grès la, grès ke a, tout grès ki te sou zantray yo, gwo mòso fwa a, de ren yo avèk grès pa yo ak kwis dwat la. <sup>26</sup> Nan ✧panyen pen san ledven ki te devan SENYÈ a, li te retire yon gato pen san ledven, yon gato pen mele avèk lwil ak yon galèt, e li te plase yo sou pati grès yo ak sou kwis dwat la. <sup>27</sup> Answit, li te ✧mete tout sa yo nan men Aaron ak nan men fis li yo, e li te prezante yo kòm yon ofrann vag devan SENYÈ a.

<sup>28</sup> Answit, Moïse te ✧pran yo nan men yo, e li te ofri yo nan lafimen sou lotèl la avèk ofrann brile yo. Yo te yon ofrann òdinasyon pou yon bon odè; ✧se te yon ofrann pa dife bay SENYÈ a. <sup>29</sup> Moïse te pran ✧pwatrin nan, e li

✧ **8:8** Esd 2:63 ✧ **8:9** Egz 28:36 ✧ **8:10** Egz 30:26-29 ✧ **8:11** Egz 29:36-37 ✧ **8:12** Lev 21:10-12 ✧ **8:13** Egz 28:8-9 ✧ **8:14** Sòm 66:15 ✧ **8:15** Lev 4:7 ✧ **8:16** Egz 29:13 ✧ **8:17** Egz 29:14 ✧ **8:18** Egz 29:15 ✧ **8:20** Lev 1:8 ✧ **8:21** Egz 29:18 ✧ **8:22** Egz 29:31 ✧ **8:23** Egz 29:20-21 ✧ **8:24** Eb 9:18-22 ✧ **8:26** Egz 29:23 ✧ **8:27** Egz 29:24 ✧ **8:28** Egz 29:25 ✧ **8:28** Jen 8:21 ✧ **8:29** Lev 7:31-34

te prezante li kòm yon ofrann vag devan SENYÈ a; se te pati pa Moïse nan belye òdinasyon an, jis jan ke SENYÈ a te kòmande Moïse la.

<sup>30</sup> Alò, Moïse ✧te pran kèk nan lwil onksyon an e kèk nan san ki te sou lotèl la, e li te flite li sou Aaron, sou vètman pa li, sou fis li yo, sou vètman pou fis li yo avèk pa li a; epi li te konsakre Aaron, vètman li yo, fis li yo ak vètman a fis li yo ansanm avèk li menm.

<sup>31</sup> Answit, Moïse te di a Aaron ak fis li yo: “✧Bouyi chè a nan pòtay tant asanble a, e manje li ansanm avèk pen ki nan panyen ofrann òdinasyon an, jis jan ke m te kòmande a, e li te di: ‘Aaron avèk fis li yo va manje li.’ <sup>32</sup> ✧Sa ki rete nan chè a ak nan pen an, ou va brile li nan dife. <sup>33</sup> ✧Pandan sèt jou, nou pa pou sòti deyò pòtay tant asanble a, jis rive jou ke tan òdinasyon nou an fini; paske li va òdone nou pandan sèt jou.

<sup>34</sup> Senyè a te kòmande fè sa jan li te fèt nan jou sa a, pou fè ekspiyasyon nan non nou. <sup>35</sup> Nan pòtay tant asanble a, anplis, nou va rete lajounen kon lannwit pandan sèt jou pou ✧kenbe lòd SENYÈ a pou nou pa mouri, paske se konsa mwen resevwa lòd la.”

<sup>36</sup> Konsa, Aaron avèk fis li yo te fè tout bagay ke SENYÈ a te kòmande atravè Moïse yo.

## 9

<sup>1</sup> Alò, li te vin rive ✧nan uityèm jou a ke Moïse te rele Aaron, fis li yo ak ansyen an Israèl yo; <sup>2</sup> epi li te di a Aaron: “✧Pran pou nou menm yon jenn kabrit, yon jenn towò pou yon ofrann peche ak yon belye pou yon ofrann brile, tou de san defo, e ofri yo devan SENYÈ a. <sup>3</sup> Epi a fis Israèl yo nou va pale e di: ‘Pran yon mal kabrit pou yon ofrann peche, ak yon jenn kabrit avèk yon jenn mouton, toude nan laj yon ane, san defo, pou yon ofrann brile, <sup>4</sup> epi yon bèf avèk yon belye pou ofrann lapè a, pou fè sakrifis devan SENYÈ a, e yon ofrann sereyal melanje avèk lwil; paske jodi a, ✧SENYÈ a va parèt a nou menm.’ ”

<sup>5</sup> Donk, yo te pran sa ke Moïse te kòmande devan tant asanble a, e tout asanble a te rapwoche pou kanpe devan SENYÈ a. <sup>6</sup> Moïse te di: “Sa se bagay ke SENYÈ a te kòmande nou pou fè, pou ✧glwa SENYÈ a kapab parèt a nou menm.”

<sup>7</sup> Epi Moïse te di a Aaron: “Vin toupren lotèl la, e ✧ofri ofrann peche ak ofrann brile nou yo, pou nou kapab fè ekspiyasyon pou nou menm, ak pou pèp la, pou nou kapab fè ekspiyasyon pou yo, jan SENYÈ a te kòmande a.”

<sup>8</sup> ✧Donk, Aaron te vin toupren lotèl la e li te touye jenn kabrit la, ofrann peche ki te pou li menm nan. <sup>9</sup> Fis Aaron yo te prezante san an ba li; epi li te fonce dwèt li nan san an, li te ✧mete kèk sou kòn lotèl la, e li te vide rès san an nan baz lotèl la. <sup>10</sup> Grès la, ren yo avèk gwo mòso fwa a ofrann peche a, li te ofri yo nan lafimen sou lotèl la, jis jan ke SENYÈ a te kòmande Moïse la. <sup>11</sup> Men ✧chè a avèk po a, li te brile yo avèk dife deyò kan an.

<sup>2</sup> <sup>12</sup> Answit, li te touye ofrann brile a; epi fis Aaron yo te lonje bay li san an e li te flite li toupatou sou lotèl la. <sup>13</sup> Yo te lonje ofrann brile a ba li an mòso avèk tèt la, e li te ofri yo nan lafimen sou lotèl la. <sup>14</sup> Li osi te lave zantray yo avèk janm yo, e li te ofri yo nan lafimen avèk ofrann brile yo sou lotèl la.

✧ 8:30 Egz 29:21 ✧ 8:31 Egz 29:31 ✧ 8:32 Egz 29:34 ✧ 8:33 Egz 29:35 ✧ 8:35 I Wa 2:3 ✧ 9:1 Éz 43:27 ✧ 9:2 Egz 29:1 ✧ 9:4 Egz 29:43 ✧ 9:6 Egz 24:16 ✧ 9:7 Eb 5:3 ✧ 9:8 Lev 4:1-12 ✧ 9:9 Lev 4:7 ✧ 9:11 Lev 4:11

<sup>15</sup> Answit, li te prezante ofrann pèp la, e li te pran ✧kabrit ofrann peche ki te pou pèp la, li te touye li e li te ofri li pou peche, tankou premye a.

<sup>16</sup> Li te prezante osi ofrann brile a, e li te ofri li selon ✧òdonans lan. <sup>17</sup> Apre, li te prezante ✧ofrann sereyal la, li te plen men li avèk kèk ladann, e li te ofri li nan lafimen sou lotèl la, anplis de ofrann brile nan maten an.

<sup>18</sup> Answit, ✧li te touye bèf la avèk belye a, sakrifis lapè ki te pou pèp la; epi fis Aaron yo te lonje ba li san an pou li te flite li toupatou sou lotèl la.

<sup>19</sup> Pou pati grès ki sòti nan bèf la, nan belye a, grès ke a ak grès ✧ki kouvri ren yo avèk gwo mòso fwa a, <sup>20</sup> koulye a, yo te plase pati grès sou pwatrin yo; epi li te ofri yo nan lafimen sou lotèl la. <sup>21</sup> Men ✧pwatrin yo avèk kwis dwat la, Aaron te prezante yo kòm yon ofrann vag devan SENYÈ a, jis jan ke Moïse te kòmande a.

<sup>22</sup> Alò, Aaron te leve men li anlè vè pèp la, li te ✧beni yo, e li te desann lè l te fin fè ofrann peche a, ofrann brile a ak ofrann lapè yo.

<sup>23</sup> Moïse avèk Aaron te antre nan tant asanble a. Lè yo te sòti e te beni pèp la, ✧laglwa SENYÈ a te parèt a tout pèp la. <sup>24</sup> ✧Answit, dife te sòti devan SENYÈ a, e ofrann nan te brile nèt ak pati grès sou lotèl la. Lè tout pèp la te wè sa, yo te rele fò, e yo te tonbe sou figi yo.

## 10

<sup>1</sup> Alò Nadab avèk Abihu, fis Aaron yo, te pran pwòp ✧plato sann dife pa yo, epi lè yo te fin mete dife ladan yo, yo te mete lansan sou li e yo te ofri dife etranj la devan SENYÈ a, ke Li pa t kòmande yo fè.

<sup>2</sup> ✧Epi dife te sòti nan prezans SENYÈ a e te brile yo nèt, e yo te mouri devan SENYÈ a.

<sup>3</sup> Answit, Moïse te di a Aaron: “Se sa ke SENYÈ a te pale lè L te di: ✧Fòk sila ki vin pwoche Mwen yo, trete Mwen tankou sen, e devan tout pèp la, Mwen va onore. Epi Aaron te gade silans.

<sup>4</sup> Moïse te rele osi ✧Mischaël ak Eltsaphan, fis a tonton Aaron an, Uziel, e li te di yo: “Avanse; pote moun fanmi nou yo sòti devan sanktyè a pou rive deyò kan an. <sup>5</sup> Donk, yo te avanse e yo te pote yo toujou nan ✧tinik yo pou rive deyò kan an. <sup>6</sup> Answit, Moïse te di a Aaron avèk fis li yo, ✧Éléazar ak Ithamar: “Pa dekouvri tèt nou, ni chire rad nou, pou nou pa mouri, e pou Li pa vin ranpli avèk kòlè kont tout asanble a. Men fanmi nou yo, tout lakay Israël la va lamante akoz brile ke SENYÈ a te pwovoke a. <sup>7</sup> Nou pa pou menm sòti nan pòtay tant asanble a, sinon, nou va mouri; paske ✧Iwil onksyon SENYÈ a sou nou.”

<sup>8</sup> Alò, SENYÈ a te pale avèk Aaron e te di: <sup>9</sup> ✧Pa bwè diven oubyen gwòg, ni ou menm, ni fis ki avèk ou yo, lè nou ap antre nan tant asanble a, pou nou pa mouri—sa se yon lòd pou tout tan pandan tout jenerasyon nou yo, <sup>10</sup> epi, ✧pou fè yon distenksyon antre sa ki sen ak sa ki pa sen, e antre sa ki pa pwòp ak sa ki pwòp, <sup>11</sup> epi ✧pou enstwi fis Israël yo tout lòd ke SENYÈ a te pale atravè Moïse yo.”

<sup>12</sup> Answit, Moïse te pale ak Aaron e ak fis ki te rete vivan yo, Éléazar avèk Ithamar: ✧“Pran ofrann sereyal ki toujou rete nan ofrann pa dife SENYÈ

✧ 9:15 Lev 4:27-31 ✧ 9:16 Lev 1:1-13 ✧ 9:17 Lev 2:1-3 ✧ 9:18 Lev 3:1-11 ✧ 9:19 Lev 3:9  
 ✧ 9:21 Egz 29:26-27 ✧ 9:22 Det 21:5 ✧ 9:23 Lev 9:6 ✧ 9:24 I Wa 18:38-39 ✧ 10:1 Lev 16:12  
 ✧ 10:2 Nonb 16:35 ✧ 10:3 Egz 19:22 ✧ 10:4 Egz 6:22 ✧ 10:5 Egz 6:22 ✧ 10:6 Lev 21:1-12  
 ✧ 10:7 Egz 28:41 ✧ 10:9 I Tim 3:3 ✧ 10:10 Lev 11:47 ✧ 10:11 Det 17:10-11  
 ✧ 10:12 Lev 6:14-18

a', e manje li san ledven akote lotèl la, paske li sen pase tout. <sup>13</sup> Anplis, nou va manje li nan yon lye ki sen akoz ke se dwa ou ak dwa fis ou yo ki sòti nan ofrann pa dife SENYÈ a; paske, se konsa Mwen te resevwa kòmand lan. <sup>14</sup> Sepandan, \*pwatrin ofrann vag la ak kwis ofrann ke nou kapab manje nan yon plas ki pwòp la, ou menm avèk fis ou yo, e fi nou yo avèk nou menm; paske yo te bay a ou menm e a fis ou yo kòm dwa ki sòti nan sakrifis ofrann lapè a fis Israèl yo. <sup>15</sup> \*kwis ke yo te ofri nan leve a ak pwatrin ke yo te ofri nan ofrann vag la, yo va pote yo ansanm avèk ofrann pa dife pati grès la, pou prezante kòm yon ofrann leve vag devan SENYÈ a; konsa, li va yon bagay ki dwa ou, e dwa fis ou yo avèk ou pou tout tan, jan SENYÈ a te kòmande a.

<sup>16</sup> Men, Moïse te chache avèk atansyon \*kabrit ofrann peche a, e vwala, li te fin brile nèt! Donk, li te fache avèk fis Aaron ki te toujou vivan yo, Éléazar avèk Ithamar, e li te di: <sup>17</sup> “Poukisa nou pa t manje ofrann peche ki nan lye sen an? Paske li sen pase tout, e Li te bannou li pou efase koupabilite asanble a, pou fè ekspiyasyon pou yo devan SENYÈ a. <sup>18</sup> Gade byen, \*paske san an pa t pote antre nan sanktyè a, anverite, nou te dwe \*manje li nan sanktyè a jan Mwen te kòmande a.”

<sup>19</sup> Men Aaron te pale avèk Moïse, e te di: “Gade byen, se jou sa a menm ke yo te \*prezante ofrann peche ak ofrann brile pa yo a devan SENYÈ a. Lè bagay konsa yo vin rive mwen, si m te manje yon ofrann peche jodi a, èske li t ap bon nan zye SENYÈ a? <sup>20</sup> Lè Moïse te tande sa, sa te sanble gen bon rezon devan zye li.

## 11

<sup>1</sup> Senyè a te pale ankò a Moïse avèk Aaron, e Li te di yo: <sup>2</sup> “Pale avèk fis Israèl yo e di: \*Sa yo se kreyati ke nou kapab manje pami tout bèt ki sou latè yo. <sup>3</sup> Nenpòt bèt ki gen zago ki fann e ki remoute manje yo, nan bèt sa yo, nou kapab manje.

<sup>4</sup> Sepandan, \*nou pa pou manje nan sa yo, pami sila ki remoute manje e ki gen zago ki fann yo: chamo, paske malgre li remoute manje, li pa divize zago; li pa pwòp pou nou. <sup>5</sup> Menm jan an, daman an, paske malgre li remoute manje, li pa divize zago, li pa pwòp pou nou; <sup>6</sup> Lapen tou, paske malgre li remoute manje, li pa divize zago; li pa pwòp pou nou; <sup>7</sup> epi kochon, paske malgre li divize zago, ki fè l yon zago fann, li pa remoute manje li; li pa pwòp pou nou. <sup>8</sup> Nou pa pou manje chè yo, ni touche kadav yo; yo pa pwòp pou nou.

<sup>9</sup> \*Sa yo nou kapab manje, nenpòt sa ki nan dlo: tout sa ki gen zèl ak kal, sa yo ki nan dlo, nan lanmè oswa nan rivyè, nou kapab manje yo. <sup>10</sup> \*Men, nenpòt sa ki nan lanmè oswa nan rivyè ki pa gen zèl avèk kal pami tout sa ki gen lavi nan dlo yo, yo se bagay abominab pou nou, <sup>11</sup> epi, yo va abominab pou nou; nou pa pou manje chè yo, ak kadav yo, nou va deteste yo. <sup>12</sup> Nenpòt sa ki nan dlo ki pa gen zèl ak kal abominab pou nou.

<sup>13</sup> Sa yo, anplis, \*nou va deteste pami zwazo yo; yo abominab, yo pa pou manje: èg, òfrè, avèk èg lanmè, <sup>14</sup> Epi malfini, karanklou avèk tout espès li yo, <sup>15</sup> kòbo, avèk tout espès li yo, <sup>16</sup> epi otrich avèk janmichèt, poul dlo, malfini avèk tout espès li yo, <sup>17</sup> koukou, plonjon ak frize, <sup>18</sup> epi gwo kana

\* **10:14** Lev 7:30-34   \* **10:15** Lev 7:34   \* **10:16** Lev 9:3-15   \* **10:18** Lev 6:30   \* **10:18** Lev 6:26   \* **10:19** Lev 9:8-12   \* **11:2** Det 14:3-21   \* **11:4** Trav 10:14   \* **11:9** Det 14:9  
\* **11:10** Det 14:10   \* **11:13** Det 14:12-19

mawon blan, pelikan, chwèt, <sup>19</sup> sigòy, krabye avèk tout espès li, chòchòt ak sèpantye.

<sup>20</sup> Tout ensèk avèk zèl ki mache sou kat pye abominab pou nou. <sup>21</sup> Sepandan, sa yo nou kapab manje yo pami ensèk ak zèl; sa ki mache sou kat pye yo: sa yo ki gen anlè pye kole ak janm ki sèvi pou sote sou tè a. <sup>22</sup> Sa ladan yo, nou kapab manje: krikèt chan avèk tout espès li, krikèt voras avèk tout espès li yo, krikèt kay avèk tout espès li yo, e krikèt volan avèk tout espès li yo. <sup>23</sup> Men tout lòt ensèk a zèl ki gen kat pye abominab pou nou.

<sup>24</sup> Anplis, pa bagay sila yo, nou vin pa pwòp: nenpòt moun ki touche kadav yo vin pa pwòp jis rive nan aswè, <sup>25</sup> epi \*nenpòt moun ki ranmase kadav yo va lave rad li e li va rete pa pwòp jis rive nan aswè.

<sup>26</sup> Konsènan tout zannimo avèk zago ki divize, men ki pa fann nèt, oswa ki pa remoute manje yo, yo pa pwòp pou nou: nenpòt moun ki touche yo vin pa pwòp. <sup>27</sup> Osi, nenpòt zannimo ki mache sou pat li; pami tout kreyati ki mache sou kat pat yo, yo pa pwòp pou nou; nenpòt moun ki touche kadav yo vin pa pwòp jis rive nan aswè, <sup>28</sup> epi sila ki ranmase kadav yo va lave rad yo, e yo va rete pa pwòp jis rive nan aswè; yo pa pwòp pou nou.

<sup>29</sup> Alò, men sa ki pa pwòp pou nou pami bagay ki trennen atè yo: zagoudi, sourit, gran leza ak tout espès li yo, <sup>30</sup> epi zandolit, gwo kayiman, zandolit, gongolo avèk kameleyon. <sup>31</sup> Sa yo pa pwòp pou nou pami sa ki trennen atè yo; nenpòt moun ki touche yo lè yo mouri vin pa pwòp jis rive nan aswè. <sup>32</sup> Osi, nenpòt bagay sou li youn nan yo ta ka tonbe lè yo mouri, bagay sa a va vin pa pwòp, enkli nenpòt bagay an bwa, vètman, po, yon sak—nenpòt bagay pou itilizasyon li fèt la—\*li va mete nan dlo, li va rete pa pwòp jis rive nan aswè, e apre sa li va vin pwòp ankò. <sup>33</sup> Osi, pou nenpòt \*veso ki fèt avèk ajil kote yon bèt ta tonbe; nenpòt bagay ki ladann va vin pa pwòp, e nou va kraze veso a. <sup>34</sup> Nan nenpòt manje ki kapab manje, ki vin gen dlo sou li, sa vin pa pwòp, e nenpòt likid ke nou kapab bwè de li, nan tout veso, li va vin pa pwòp. <sup>35</sup> Anplis, tout bagay ladann yon pati nan kadav bèt la ta kapab tonbe, li vin pa pwòp; yon chodyè oswa yon fou va kraze; yo pa pwòp e yo va kontinye rete pa pwòp pou nou. <sup>36</sup> Sepandan, yon sitèn oswa yon sous va rete pwòp, malgre ke sila ki touche kadav bèt yo va pa pwòp. <sup>37</sup> Si yon pati nan kadav yo vin tonbe sou nenpòt semans ki dwe plante, li toujou pwòp. <sup>38</sup> Men, si dlo vin sou grenn semans lan, e yon pati nan kadav la tonbe sou li, li vin pa pwòp pou nou.

<sup>39</sup> Epi, si youn nan bèt ke nou gen pou manje yo, vin mouri, moun ki touche kadav li a vin pa pwòp jis rive nan aswè. <sup>40</sup> Sila a tou, ki manje kèk nan kadav li a va lave rad li, li va rete pa pwòp jis rive nan aswè, e sila ki ranmase kadav li a va lave rad li, e li va rete pa pwòp jis rive nan aswè.

<sup>41</sup> \*Alò, tout bagay trennen ki trennen atè abominab, li pa pou manje. <sup>42</sup> Nenpòt bèt ki rale sou vant li, e nenpòt bèt ki mache sou kat pye, nenpòt bèt ki gen anpil pye, an rapò ak tout sa ki trennen atè, nou pa pou manje yo, paske yo abominab. <sup>43</sup> \*Pa rann tèt nou vin abominab pa okenn nan bagay ki trennen atè yo; epi, pa fè tèt nou pa pwòp avèk yo pou nou pa vin pa pwòp. <sup>44</sup> Paske Mwen se SENYÈ a, Bondye nou an. Konsa, se pou nou konsakre nou e \*rete sen, paske Mwen sen. Epi, nou pa pou fè tèt nou pa pwòp avèk okenn bagay trennen, k ap trennen atè. <sup>45</sup> \*Paske Mwen se

\* 11:25 Lev 11:40 \* 11:32 Lev 15:12 \* 11:33 Lev 6:28 \* 11:41 Lev 11:29 \* 11:43 Lev 20:25 \* 11:44 Lev 19:2 \* 11:45 Egz 20:2



SENYÈ a ki te mennen nou sòti nan peyi Égypte pou M ta Bondye nou; konsa nou va sen, paske Mwen sen.’”

<sup>46</sup> Sa se lalwa sou bèt ak zwazo, tout bagay vivan ki kouri nan dlo ak tout bagay ki trennen atè, <sup>47</sup> ☆pou fè yon distenksyon antre sa ki pa pwòp ak sa ki pwòp, e antre kreyati ki kab manje ak sa ki pa kab manje.

## 12

<sup>1</sup> Alò, SENYÈ a te pale avèk Moïse e te di: <sup>2</sup> “Pale avèk fis Israèl yo e di: “Lè yon fanm ansent e vin fè yon pitit gason, alò, li va pa pwòp pandan sèt jou, ☆pandan jou règ li yo, li va pa pwòp. <sup>3</sup> Nan ☆uityèm jou a, chè ti pijon pitit gason an va vin sikonsi. <sup>4</sup> Alò, li va rete nan pirifikasyon san li pandan trant-nèf jou; li pa pou touche okenn bagay ki konsakre, ni antre nan sanktyè a jiskaske jou pirifikasyon li yo fin akonpli. <sup>5</sup> Men si li pote yon pitit fi, li va pa pwòp pandan de semèn, tankou nan lè règ li; epi li va rete nan san pirifikasyon li an pandan swasann-si jou.

<sup>6</sup> ☆Lè jou pirifikasyon li yo fin akonpli, pou yon fis, oswa yon fi, li va pote a prèt la nan pòtay tant asanble a, yon jenn mouton sou laj en an kòm yon ofrann brile ak yon jenn pijon oswa toutrèl kòm yon ofrann peche. <sup>7</sup> Alò, li menm, prèt la, li va ofri li devan SENYÈ a, li va fè ekspiyasyon pou fi a, e li va netwaye de flo san li an.

Sa se lalwa pou sila ki pote pitit yo, kit li mal, kit li femèl. <sup>8</sup> Men si li pa gen mwayen achte yon jenn mouton, alò, li va pote ☆de toutrèl, oswa de jenn pijon, youn pou ofrann brile a, e lòt la pou ofrann peche a; epi ☆prèt la va fè ekspiyasyon pou li e li va vin pwòp.’”

## 13

<sup>1</sup> Alò, SENYÈ a te pale Moïse avèk Aaron e te di: <sup>2</sup> “Lè yon nonm vin gen sou po kò li yon enflamasyon, yon gal, oswa yon tach blanch, e li vin gen yon enfeksyon lalèp sou po kò li, alò, ☆li va pote bay Aaron, prèt la, oswa yon prèt nan fis li yo. <sup>3</sup> Prèt la va gade bouton an sou po kò a, si plim nan enfeksyon an vin blan, e enfeksyon an parèt pi fon ke po kò a, li se yon enfeksyon lalèp; lè prèt la fin gade li, li va pwononse li pa pwòp. <sup>4</sup> Men si bouton blan an blan sou po kò a, li pa parèt pi fon ke po a, epi plim sou li pa blan, alò, prèt la va izole li pandan sèt jou. <sup>5</sup> Prèt la va gade li nan setyèm jou a, e selon sa li wè, si enfeksyon an pa chanje, enfeksyon an pa gaye sou po a, alò, prèt la va fè l izole pandan sèt jou ankò. <sup>6</sup> Prèt la va gade li ankò nan setyèm jou a, si enfeksyon an ap disparèt, e bouton an pa gaye sou po a, alò prèt la va pwoklame li pwòp; se sèlman yon gal. Li va ☆lave rad li, e li va vin pwòp. <sup>7</sup> Men si gal la vin gaye plis sou po a apre li te fin montre tèt li bay prèt la pou pirifye li, li va parèt ankò devan prèt la. <sup>8</sup> Prèt la va gade, e si gal la vin gaye sou po a, alò prèt la va pwoklame li pa pwòp; sa se lalèp.

<sup>9</sup> Lè enfeksyon lalèp la sou yon moun, alò, li va vin mennen bay prèt la. <sup>10</sup> Alò, prèt la va gade, si gen yon ☆enflamasyon blan sou po a, li fè plim li vin blan, e gen maleng nan enflamasyon an, <sup>11</sup> sa se yon lalèp k ap dire sou po kò li, e prèt la va pwoklame li pa pwòp; li p ap izole li ankò, paske li pa pwòp. <sup>12</sup> Si lalèp la vin gaye plis sou po a, e lalèp la kouvri tout po a sila ki gen enfeksyon an soti nan tèt li, jis rive nan pye li, toupatou kote prèt

☆ **11:47** Lev 10:10 ☆ **12:2** Lev 15:19 ☆ **12:3** Jen 17:12 ☆ **12:6** Luc 2:22 ☆ **12:8** Luc 2:22-24 ☆ **12:8** Lev 4:26 ☆ **13:2** Det 24:8 ☆ **13:6** Lev 11:25 ☆ **13:10** II Wa 5:27

la kab wè, <sup>13</sup> alò, prèt la va gade, e veye byen, si lalèp la vin kouvri tout kò li, li va pwoklame pwòp sila ki gen enfeksyon an; li te gen tou bagay blanch e koulye a, li vin pwòp. <sup>14</sup> Men, nenpòt maleng ki vin parèt sou li, li va vin pa pwòp. <sup>15</sup> Prèt la va gade maleng lan, e li va pwoklame li pa pwòp; maleng lan pa pwòp, se lalèp li ye. <sup>16</sup> Oswa, si maleng lan chanje ankò vin tou blanch; alò, li va <sup>✠</sup>vini kote prèt la. <sup>17</sup> Epi prèt la va gade li, e veye byen, si enfeksyon an te vin tou blanch, alò prèt la va pwoklame pwòp sila ki gen enfeksyon an; li pwòp.

<sup>18</sup> Si kò a gen yon abse sou po a, e li vin geri, <sup>19</sup> epi nan plas abse a, li vin gen yon enflamasyon tou blanch oswa yon tach blanch e wouj fonce, byen vif, li va montre l bay prèt la; <sup>20</sup> epi prèt la va gade li, e veye byen, si li vin parèt pi fonce ke po a, e plim sou li a vin tou blanch, alò prèt la va pwoklame li pa pwòp; sa se enfeksyon lalèp, li vin parèt nan abse a. <sup>21</sup> Men si prèt la gade li, e veye byen, li pa gen plim blanch ladann, li pa pi fon ke po a, e l ap vin disparèt, alò, prèt la va izole li pandan sèt jou; <sup>22</sup> epi si li gaye plis sou po a, alò, prèt la va pwoklame li pa pwòp; se yon enfeksyon li ye. <sup>23</sup> Men, si tach vif la rete nan plas li e li pa gaye, se sèlman sikatris abse a; prèt la va pwoklame li pwòp.

<sup>24</sup> Oubyen, si kò a vin brile nan dife, e maleng brile a vin yon mak vif, blan wouj fonce, oswa blan, <sup>25</sup> alò, prèt la va gade li. Epi si plim nan mak vif la vin <sup>✠</sup>tou blanch e parèt pi fonce ke chè a, sa se lalèp; li vin parèt nan kote ki brile a. Konsa, prèt la va pwoklame li pa pwòp; sa se yon enfeksyon lalèp. <sup>26</sup> Men si prèt la gade li, e vrèman, pa gen plim blan nan mak vif la e li pa pi fon ke po a, men li vin pal; alò, prèt la va izole li pandan sèt jou; <sup>27</sup> epi prèt la va gade li nan setyèm jou a. Si li gaye plis sou po a; alò, prèt la va pwoklame li pa pwòp; sa se yon enfeksyon lalèp. <sup>28</sup> Men, si mak vif la toujou rete nan plas li, e li pa gaye nan po a; men li vin pal, sa se sèlman enflamasyon ki soti nan brile a; epi prèt la va pwoklame li pwòp, paske se sèlman sikatris brile a.

<sup>29</sup> Alò, si yon nonm oswa yon fanm gen yon enfeksyon nan tèt oswa nan bab, <sup>30</sup> alò, prèt la va gade enfeksyon an, si li parèt pi fonce pase po a e li vin gen yon ti plim avèk yon koulè jon, alò prèt la va pwoklame li pa pwòp; li se yon kal, sa se lalèp nan tèt oubyen nan bab. <sup>31</sup> Men, si prèt la gade enfeksyon kal la, e vrèman, li parèt pi fonce ke po a, e nanpwen plim nwa ladann; alò, prèt la va izole moun avèk enfeksyon kal la pandan sèt jou. <sup>32</sup> Nan setyèm jou a, prèt la va gade enfeksyon an; epi, si kal la pa gaye pi lwen, li pa gen ti plim jon ki grandi ladann, e li pa sanble ke kal la pi fonce ke po a, <sup>33</sup> answit, li va pase razwa sou li, men pa sou kal la; epi prèt la va izole moun avèk kal la pandan sèt jou anplis. <sup>34</sup> Answit, nan setyèm jou a, prèt la va gade kal la, si kal la pa gaye nan po a, e li pa parèt pi fonce ke po a, prèt la va pwoklame li pwòp; li va lave rad li e li va vin pwòp. <sup>35</sup> Men, si kal la vin gaye plis sou po a apre pirifikasyon li, <sup>36</sup> alò, prèt la va gade li, e si kal la ap gaye nan po a, prèt la pa bezwen chèche plim jon nan; li pa pwòp. <sup>37</sup> Si nan zye li, kal la rete, malgre sa, plim nwa yo vin grandi ladann, kal la vin geri, li pwòp; epi prèt la va pwoklame li pwòp.

<sup>38</sup> Lè yon nonm oswa yon fanm gen mak vif sou po kò a, menm mak tou blanch, <sup>39</sup> alò prèt la va gade, e si mak vif sou po kò yo se blan pal, se sèlman ekzema ki parèt sou po a; li pwòp.

<sup>40</sup> Alò, si yon nonm pèdi cheve nan tèt li, li vin <sup>✠</sup>chòv; li pwòp. <sup>41</sup> Si tèt

li vin kale pa devan e sou kote, li chòv pa devan; li pwòp. <sup>42</sup> Men, si nan tèt chòv la oswa nan fwontèn chòv la, vin rete yon enfeksyon koulè blan—wouj fonce, sa se lalèp k ap parèt sou tèt chòv li oswa fwontèn chòv li a. <sup>43</sup> Answit, \*prèt la va gade li; epi si enflamasyon enfeksyon an blan-wouj fonce sou tèt chòv oswa sou fwontèn chòv li, tankou aparans lalèp sou po kò a, <sup>44</sup> li se yon moun lalèp, li pa pwòp. Prèt la va vrèman pwoklame li pa pwòp; enfeksyon sou tèt li a. <sup>45</sup> Pou moun lalèp ki gen enfeksyon an, rad li yo va chire, e cheve nan tèt li va pa penyen, li va \*kouvri moustach li e kriye: ‘Pa pwòp, pa pwòp. <sup>46</sup> Li va rete pa pwòp pandan tout jou ke enfeksyon an dire yo. Li pa pwòp. Li va abite pou kont li; kote li rete a, va \*deyò kan an.

<sup>47</sup> Lè yon vètman vin gen lalèp kanni, kit se twal len nèt kit se twal len fen, <sup>48</sup> kit li tise, kit li trikote avèk len nèt oswa avèk len fen, kit se an kwi oswa an okenn bagay ki fèt an kwi, se lalèp kanni li ye, <sup>49</sup> si mak la tou vèt oswa wouj nan vètman an, kit se an kwi, oswa an tise ou trikote, oswa an okenn bagay an kwi, li se yon mak lalèp kanni e fòk li vin montre bay prèt la. <sup>50</sup> Alò, \*prèt la va gade mak la e li va izole bagay avèk mak la pandan sèt jou. <sup>51</sup> Epi li va gade mak la nan setyèm jou a; si mak la vin gaye sou rad la nan tise a, oswa trikote a, oswa an kwi oubyen nenpòt bagay ke kwi a sèvi, mak la se lalèp kanni, e li se yon maleng; li pa pwòp. <sup>52</sup> Pou sa, li va brile rad la, kit an tise, oswa an trikote, oswa an len nèt, an len fen, oubyen nenpòt bagay an kwi kote mak la parèt, paske li se lalèp kanni maleng; li va brile nan dife.

<sup>53</sup> Men si prèt la ta gade, e vrèman, mak la pa gaye nan vètman an, ni nan tise a, ni nan trikote a, ni nan bagay an kwi a, <sup>54</sup> alò, prèt la va pase lòd pou lave bagay ki te gen mak la e li va vin izole li pandan sèt jou anplis. <sup>55</sup> Lè bagay la avèk mak la fin lave, prèt la va gade ankò, e si mak la pa chanje aparans li, malgre mak la pa gaye, li pa pwòp; nou va brile li nan dife, menm si li epwize pa anwo oswa pa devan li. <sup>56</sup> Alò, si prèt la gade e mak la vin mwens, li va chire e retire li nan vètman an, oswa an kwi a, kit se nan tise, kit se nan trikote a; <sup>57</sup> epi si li parèt ankò nan vètman an, kit se nan tise a, oswa nan trikote a, oswa nan nenpòt bagay ki fèt an kwi, sa se yon epidemi lalèp kanni; bagay la avèk mak la va brile nan dife. <sup>58</sup> Vètman an, kit se nan tise, oswa nan trikote, oswa nan nenpòt bagay ki fèt an kwi kote mak la te sòti lè nou te lave li a, li va konsa lave yon dezyèm fwa e li va vin pwòp.

<sup>59</sup> Sa se lalwa pou mak lalèp kann nan yon vètman an len nèt, oswa len fen, oswa an tise, oswa an trikote, oswa an nenpòt bagay ki fèt an kwi, pou pwoklame li pwòp oswa pa pwòp.

## 14

<sup>1</sup> Alò SENYÈ a te pale avèk Moïse e te di: <sup>2</sup> Sa va lalwa pou moun lalèp la nan jou pirifikasyon li. \*Alò, li va vin mennen devan prèt la, <sup>3</sup> epi prèt la va \*ale deyò kan an. Konsa prèt la va gade, e si enfeksyon lalèp la te geri nan moun lalèp la, <sup>4</sup> alò, prèt la va bay lòd pou pran de zwazo pwòp avèk bwa \*sèd, fisèl wouj avèk izòp pou sila ki va vin pirifye a. <sup>5</sup> Prèt la va osi bay lòd pou touye youn nan zwazo yo nan yon veso fèt an tè sou yon dlo k ap koule. <sup>6</sup> Epi pou zwazo vivan an, li va pran li ansanm avèk \* bwa sèd yo, fisèl wouj la, ak izòp, e li va fonce yo avèk zwazo vivan an

\* **13:43** Lev 10:10   \* **13:45** Éz 24:17-22   \* **13:46** Nonb 5:1-4   \* **13:50** Éz 44:23   \* **14:2** Mat 8:4   \* **14:3** Lev 13:4-6   \* **14:4** Lev 14:6-49   \* **14:6** Lev 14:4

nan san zwazo ki te touye sou dlo k ap koule a. <sup>7</sup> ✧Epi li va flite sèt fwa sou sila ki gen lalèp pou pirifye a e li va pwoklame li pwòp, epi li va kite zwazo vivan an vole lib sou yon chan byen louvri.

<sup>8</sup> Alò, sila k ap pirifye a va lave rad li yo, li va koupe tout cheve li avèk zilèt, e li va lave nan dlo pou vin pwòp. Konsa apre, li mèt antre nan kan an men li ✧va rete deyò tant li an pandan sèt jou. <sup>9</sup> Li va nan setyèm jou a pase razwa nan tout cheve li: li va taye tèt li, bab li, sousi li, e menm tout cheve li. Alò, li va lave rad li yo e benyen kò li nan dlo pou li ✧vin pwòp.

<sup>10</sup> Alò, nan uityèm jou a, li gen pou pran de jenn mouton mal san defo, yon jenn mouton femèl laj 1 nan san defo, twa dizyèm nan yon efa farin fen mele avèk lwil pou yon ofrann sereyal, ak yon ✧boutèy demi lit lwil, <sup>11</sup> epi prèt la ki pwoklame li pwòp la va prezante nonm ki va vin pirifye a, ak li menm devan pòtay tant asanble a.

<sup>12</sup> Alò, prèt la va pran youn nan jenn mouton mal yo, li va mennen li pou yon ✧ofrann koupab avèk boutèy demi lit lwil la, e li va prezante li kòm yon ✧ofrann voye anlè devan SENYÈ a. <sup>13</sup> Answit, li va touye jenn mouton an ✧nan plas kote yo touye ofrann peche a ak ofrann brile a, nan plas kote sanktyè a—pou ofrann koupab la, tankou ofrann peche a, apatyen a prèt la; li sen pase yo tout. <sup>14</sup> Alò, prèt la va pran kèk nan san ofrann koupab la, e prèt la va mete li sou ✧tèt zòrèy dwat a sila k ap vin pirifye a, sou pous men dwat ak sou gwo zòtèy pye dwat li. <sup>15</sup> Prèt la va osi pran kèk nan ✧boutèy demi lit lwil la, e li va vide li nan pla men goch li. <sup>16</sup> Alò, prèt la va fonse dwèt men dwat li nan lwil ki nan pla men goch la, e avèk dwèt li, li va flite kèk nan lwil la sèt fwa devan SENYÈ a. <sup>17</sup> Nan lwil ki rete nan pla men l lan, prèt la va mete kèk sou tèt zòrèy dwat a sila k ap vin pirifye a, sou pous a men dwat li ak sou gwo zòtèy a pye dwat li, sou san a ofrann koupab la; <sup>18</sup> Epi rès lwil ki nan pla men prèt la, li va mete li sou tèt a sila k ap vin pirifye a. Epi prèt la va fè ✧ekspiyasyon pou li devan SENYÈ a.

<sup>19</sup> Apre sa, prèt la va ofri ✧ofrann peche a, e li va fè ekspiyasyon pou sila k ap vin pirifye de kondisyon pa pwòp li a. Alò, apre, li va touye ofrann brile a. <sup>20</sup> Prèt la va ofri ofrann brile a ak ofrann sereyal la sou lotèl la. Konsa prèt la va fè ekspiyasyon pou li, e ✧li va vin pwòp.

<sup>21</sup> ✧Men, si se yon malere li ye, e mwayen li pa sifi, alò li va pran yon jenn mouton mal tankou ofrann koupab la, tankou yon ofrann voye anlè pou fè ekspiyasyon pou li, e yon dizyèm efa farin fen mele avèk lwil kòm yon ofrann sereyal ak yon boutèy demi lit lwil, <sup>22</sup> epi de toutrèl oswa de pijon, sa ki posib selon mwayen li, ✧youn va ofrann peche a, e lòt la va ofrann brile a.

<sup>23</sup> ✧Epi nan uityèm jou a, li va mennen yo pou pirifikasyon li bay prèt la, nan pòtay tant asanble a, devan SENYÈ a. <sup>24</sup> Prèt la va pran jenn mouton ofrann koupab la, ✧ak boutèy demi lit lwil la, e prèt la va ofri yo kòm yon ofrann voye anlè devan SENYÈ a. <sup>25</sup> Apre sa, li va touye jenn mouton ofrann peche a; epi prèt la va pran kèk nan san ofrann koupab la pou mete sou ✧tèt zòrèy dwat a sila k ap vin pirifye a, sou pous men dwat li ak sou gwo zòtèy pye dwat li. <sup>26</sup> Prèt la va osi vide kèk nan lwil la nan pla men goch li; <sup>27</sup> epi avèk dwèt men dwat li, li va flite kèk nan lwil ki nan pla men

✧ **14:7** Éz 36:25 ✧ **14:8** Nonb 5:2-3 ✧ **14:9** Lev 14:8-20 ✧ **14:10** Lev 14:12-24 ✧ **14:12** Lev 5:6-18 ✧ **14:12** Egz 29:22-26 ✧ **14:13** Egz 29:11 ✧ **14:14** Egz 29:20 ✧ **14:15** Lev 14:10 ✧ **14:18** Lev 4:26 ✧ **14:19** Lev 14:8-9 ✧ **14:20** Lev 14:8-9 ✧ **14:21** Lev 5:11 ✧ **14:22** Lev 5:7 ✧ **14:23** Lev 14:10-11 ✧ **14:24** Lev 14:10 ✧ **14:25** Lev 14:14

goch la sèt fwa devan SENYÈ a. <sup>28</sup> Apre sa, prèt la va mete kèk nan lwil ki nan pla men an sou tèt zòrèy dwat a sila k ap vin pirifye a, sou pous men dwat li, sou gwo zòtèy pye dwat li, sou plas san a ofrann koupab la. <sup>29</sup> Anplis, rès lwil ki nan pla men prèt la, li va mete li sou tèt a sila k ap vin pirifye a, pou fè ekspiyasyon pou li devan SENYÈ a. <sup>30</sup> Li va, alò, ofri youn nan toutrèl oswa nan pijon yo, selon kapasite li. <sup>31</sup> Sa li kapab selon mwayen li, ✧youn pou yon ofrann peche, e lòt la pou yon ofrann brile, ansanm avèk ofrann sereyal la. Konsa prèt la va fè ekspiyasyon devan SENYÈ a pou sila k ap vin pirifye a.

<sup>32</sup> Sa se lalwa pou sila ki gen yon enfeksyon lalèp, ki gen mwayen limite pou pirifikasyon li.”

<sup>33</sup> SENYÈ a te pale ankò ak Moïse avèk Aaron e te di: <sup>34</sup> ✧Lè nou antre nan peyi Canaan an, ke Mwen bannou pou posesyon an, e Mwen mete yon mak lalèp kanni sou yon kay nan peyi posesyon pa nou an, <sup>35</sup> alò, sila ki mèk kay la va vin di prèt la konsa, Mwen wè yon bagay tankou ✧yon mak lalèp kanni ki te vin parèt nan kay la.’ <sup>36</sup> Alò, prèt la va pase lòd pou yo mete kay la vid avan prèt la antre pou gade mak la, jis pou tout bagay nan kay la pa oblije vin pa pwòp; epi apre, prèt la va antre pou gade kay la. <sup>37</sup> Alò, li va gade mak la, e si mak sou mi kay la fonsè avèk koulè tankou vèt oswa wouj ki fonsè plis ke sifas la, <sup>38</sup> Alò, prèt la va sòti nan kay la pou rive nan pòtay la, e li va izole kay la pandan sèt jou. <sup>39</sup> Prèt la va retounen nan setyèm jou a, e li va pase fè enspeksyon. Si mak la te vrèman agrandi nan mi kay la, <sup>40</sup> alò, prèt la va pase lòd pou yo chire retire wòch ki gen mak ladan yo a, pou jete yo deyò nan yon plas ki pa pwòp deyò lavil la. <sup>41</sup> Li va fè yo grate kay la tout anndan, e yo va jete tout vye kras mòtye deyò nan yon plas deyò lavil la. <sup>42</sup> Alò, yo va retire lòt wòch ki kontamine yo pou ranplase yo, e li va pran mòtye nèf pou fè randisaj kay la.

<sup>43</sup> Si, alò, mak la vin parèt ankò nan kay la apre li fin retire wòch yo, grate kay la, e apre li fin fè randisaj nèf la, <sup>44</sup> alò, prèt la va vin antre pou fè yon enspeksyon. Si li wè ke mak la vrèman vin gaye nan kay la ankò, sa se yon ✧mak maleng ki nan kay la; li pa pwòp. <sup>45</sup> Pou sa, li va kraze kay la nèt, avèk wòch li yo, bwa li yo, ak tout ansyen randisaj li, e li va mete yo deyò lavil la nan ✧yon kote ki pa pwòp.

<sup>46</sup> Anplis, nenpòt moun ki antre nan kay la pandan li te izole a, li va vin ✧pa pwòp pou jis rive nan aswè. <sup>47</sup> Menm jan an, nenpòt moun ki kouche nan kay la, li va lave rad li, e nenpòt moun ki manje nan kay la, li va lave rad li.

<sup>48</sup> Si, yon lòt kote, prèt la antre pou fè yon enspeksyon, e mak la pa vrèman gaye nan kay la apre kay la pase randisaj nèf la, alò, prèt la va pwoklame kay la pwòp akòz ke mak la pa parèt ankò. <sup>49</sup> Alò, pou netwaye kay la, li va pran ✧de zwazo avèk bout bwa sèd, avèk yon fisèl wouj, ak izòp, <sup>50</sup> epi li va touye youn nan zwazo yo nan yon veso fèt ak tè anwo dlo fwe. <sup>51</sup> Alò li va pran bout bwa sèd yo avèk ✧izòp ak fisèl wouj la, avèk zwazo vivan an, e li va fonsè yo nan san zwazo ki mouri an, e osi nan dlo fwe a, epi li va flite kay la sèt fwa. <sup>52</sup> Konsa li va netwaye kay la avèk san zwazo a e avèk dlo fwe a, ansanm avèk zwazo vivan an, avèk bout bwa sèd yo, avèk izòp e avèk fisèl wouj la. <sup>53</sup> Men, li va kite zwazo vivan

✧ 14:31 Lev 5:7 ✧ 14:34 Det 7:1 ✧ 14:35 Sòm 91:10 ✧ 14:44 Lev 13:51 ✧ 14:45 Lev 14:41 ✧ 14:46 Nonb 19:7-22 ✧ 14:49 Lev 14:4 ✧ 14:51 I Wa 4:33

an vin lage pou l lib deyò lavil la nan yon chan byen laj. Konsa li va fè ekspiyasyon pou kay la, e kay la va vin pwòp.

<sup>54</sup> Sa se lalwa pou nenpòt mak lalèp kanni— menm pou yon ✧kal <sup>55</sup> epi pou yon ✧rad oswa yon kay avèk lalèp kanni, <sup>56</sup> epi pou yon ✧enflamasyon, pou yon kal sou po li, ak yon kote ki klere blan— <sup>57</sup> pou enstwi yo lè yo pa pwòp ak lè yo pwòp.

Sa se lalwa lalèp la.

## 15

<sup>1</sup> SENYÈ a osi te pale avèk Moïse avèk Aaron e te di yo: <sup>2</sup> Pale avèk fis Israèl yo, e di yo: “✧Lè yon moun vin gen yon ekoulman nan kò li, ekoulman li an pa pwòp. <sup>3</sup> Sila a, anplis, dwe pa pwòp nan ekoulman li an; li pa pwòp, menm si kò li kite ekoulman an koule, oswa li anpeche ekoulman an koule.

<sup>4</sup> Tout kabann kote moun avèk ekoulman an kouche a va vin pa pwòp, e lè l chita sou nenpòt bagay, bagay sa a va vin pa pwòp. <sup>5</sup> Nenpòt moun, anplis, ki touche kabann sa a va lave rad li, benyen nan dlo e li va rete pa pwòp jis rive nan aswè; <sup>6</sup> epi nenpòt moun ki chita sou bagay kote nonm avèk ekoulman an te chita a, li va lave rad li, benyen nan dlo, e li va rete pa pwòp jis rive nan aswè.

<sup>7</sup> Osi, nenpòt moun ki touche moun avèk ekoulman an, li va lave rad li, li va benyen nan dlo e li va rete pa pwòp jis rive nan aswè.

<sup>8</sup> Oswa, si gason avèk ekoulman an krache sou yon moun ki pwòp, li osi va lave rad li, li va benyen nan dlo, e li va rete pa pwòp jis rive nan aswè.

<sup>9</sup> Si moun avèk ekoulman an chita sou nenpòt sèl cheval oswa bèt, li va vin pa pwòp. <sup>10</sup> Nenpòt moun ki touche nenpòt nan bagay ki te anba li va pa pwòp jis rive nan aswè, e sila ki pote yo a, va lave rad li, li va benyen avèk dlo e li va rete pa pwòp jis rive nan aswè.

<sup>11</sup> Menm jan an, nenpòt moun ke moun ekoulman an touche san ke li pa lave men l nan dlo, li va va lave rad li, li va benyen nan dlo e li va rete pa pwòp jis rive nan aswè.

<sup>12</sup> Epi, ✧veso tè a ke moun nan te touche a, va kraze, e tout veso an bwa yo, va lave nan dlo. <sup>13</sup> Alò, depi yon moun avèk yon ekoulman vin pwòp e kite ekoulman li an, alò, ✧li va kontwole pou li menm sèt jou pou pirifikasyon li; li va lave rad li, li va benyen kò li nan dlo k ap koule e li va vin pwòp. <sup>14</sup> Alò, nan uityèm jou a, li va pran pou li menm de ✧toutrèl oswa de jenn pìjon, e vini devan SENYÈ a nan pòtay tant asanble a, pou bay yo a prèt la; <sup>15</sup> epi prèt la va ofri yo; youn pou yon ofrann peche, e lòt la pou yon ofrann brile. Konsa, ✧prèt la va fè ekspiyasyon pou li devan SENYÈ a akòz ekoulman li an.

<sup>16</sup> ✧Alò, si yon gason ejakile sou li, li va benyen tout kò li nan dlo e li va rete pa pwòp jis rive nan aswè. <sup>17</sup> Epi pou nenpòt vètman oswa kwi ki gen spèm, li va lave avèk dlo e li va rete pa pwòp jis rive nan aswè. <sup>18</sup> Si yon nonm kouche avèk yon fanm e li ejakile, yo va tou de va benyen nan dlo, e yo va rete ✧pa pwòp jis rive nan aswè.

<sup>19</sup> ✧Lè yon fanm gen yon ekoulman, si ekoulman nan kò li a, se san, li va kontinye rete enpi avèk règ li a jis rive sèt jou; epi nenpòt moun ki touche li va pa pwòp jis rive nan aswè.

✧ 14:54 Lev 13:30 ✧ 14:55 Lev 13:47-52 ✧ 14:56 Lev 13:2 ✧ 15:2 Nonb 5:2 ✧ 15:12 Lev 6:28 ✧ 15:13 Lev 8:33 ✧ 15:14 Lev 14:22-23 ✧ 15:15 Lev 14:19-31 ✧ 15:16 Lev 22:4 ✧ 15:18 I Sam 21:4 ✧ 15:19 Lev 12:2

<sup>20</sup> Anplis, nenpòt kote li kouche pandan règ li a va vin pa pwòp, e nenpòt bagay kote li vin chita va pa pwòp. <sup>21</sup> Nenpòt moun ki touche kabann li va lave rad li, li va benyen nan dlo e li va rete pa pwòp jis rive nan aswè. <sup>22</sup> Nenpòt moun ki touche nenpòt bagay kote li chita va lave rad li, li va benyen nan dlo e li va rete pa pwòp jis rive nan aswè. <sup>23</sup> Kit se sou kabann nan oswa sou bagay kote li chita, lè li touche li, li va pa pwòp jis rive nan aswè.

<sup>24</sup> ✧ Si yon gason vrèman vin kouche avèk li pou san an vin sou li, gason an va pa pwòp pandan sèt jou, e tout kabann kote li kouche a va vin pa pwòp.

<sup>25</sup> ✧ Alò si yon fanm gen yon ekoulman san pandan anpil jou, pa sèlman nan tan règ la, oswa si li gen yon ekoulman anplis fwa sa a, li va kontinye ajì kòm si li gen règ; li pa pwòp. <sup>26</sup> Nenpòt kabann kote li touche pandan tout jou ekoulman li yo, li va pou li tankou kabann li pandan règ la; epi chak bagay kote li chita va vin pa pwòp, tankou pa pwòp a li menm nan tan sa a. <sup>27</sup> Menm jan an, nenpòt moun ki touche yo va vin pa pwòp, li va lave rad yo, li va benyen nan dlo e li va rete pa pwòp jis rive nan aswè.

<sup>28</sup> Lè li vin pwòp de ekoulman li an, li va kontwole pou kont li sèt jou; e apre, li va vin pwòp. <sup>29</sup> Alò, nan uityèm jou a, li va pran pou li menm de toutrèl oswa de jenn pijon e li va mennen yo devan prèt la nan pòtay tant asanble a. <sup>30</sup> Prèt la va ofri youn kòm ✧ yon ofrann peche e lòt la kòm yon ofrann brile. Konsa, prèt la va fè ekspiyasyon pou li menm devan SENYÈ a akòz ekoulman enpi a.

<sup>31</sup> Konsa, nou va kenbe fis Israèl yo apa de pa pwòp yo, pou yo pa mouri akòz salte ki ta ✧ konwonpi tabènak Mwen ki pami yo a.

<sup>32</sup> Sa se lalwa pou sila ki gen ekoulman an, ak pou gason ki gen yon ejakilasyon spèm ki fè l vin pa pwòp la, <sup>33</sup> epi pou yon fanm ki malad akòz règ ki pa pwòp li a, ak pou sila ki gen ekoulman an, kit li mal kit li femèl, oswa yon nonm ki kouche avèk yon fanm ki pa pwòp.

## 16

<sup>1</sup> Alò, SENYÈ a te pale avèk Moïse apre ✧ lanmò fis Aaron yo, lè yo te pwoche prezans SENYÈ a e yo te mouri an. <sup>2</sup> SENYÈ a te di a Moïse: “Di frè ou a, Aaron, ke li pa pou antre nan nenpòt lè nan lye sen an anndan vwal la, devan twòn ekspiyatwa a ki sou lach la, oswa li va mouri; paske ✧ Mwen va parèt nan nwaj la anwo twòn pwopiyatwa a.

<sup>3</sup> Aaron va antre nan lye sen an avèk sa: avèk yon towò pou yon ✧ ofrann peche ak yon belye pou yon ofrann brile. <sup>4</sup> Li va mete sou li ✧ tinik sen fèt an len an, ak sou-vètman an len ki va toupre kò li a, epi li va mare senti li an len, e li va abiye avèk tiban len an (sa yo se vètman sen yo). Li va benyen kò li nan dlo, e li va vin abiye ak yo. <sup>5</sup> Li va pran soti nan asanble Israèl la ✧ de mal kabrit kòm yon ofrann peche ak yon belye kòm yon ofrann brile.

<sup>6</sup> Epi ✧ Aaron va ofri towò a kòm ofrann peche ki pou li menm nan, pou li kapab fè ekspiyasyon pou li menm ak pou tout lakay li. <sup>7</sup> Li va pran de kabrit yo e li va prezante yo devan SENYÈ a nan pòtay tant asanble a. <sup>8</sup> Aaron va fè tiraj osò pou de kabrit sa yo, yon osò pou SENYÈ a, e lòt osò a pou kabrit ekspiyatwa a. <sup>9</sup> Alò, Aaron va ofri kabrit la sou sila osò SENYÈ a tonbe a, e fè li vin yon ofrann peche. <sup>10</sup> Men kabrit la sou sila osò kabrit

✧ 15:24 Lev 18:19 ✧ 15:25 Mat 9:20 ✧ 15:30 Lev 5:7 ✧ 15:31 Éz 5:11 ✧ 16:1 Lev 10:1-2 ✧ 16:2 Egz 25:21-22 ✧ 16:3 Lev 4:1-12 ✧ 16:4 Egz 28:39-42 ✧ 16:5 II Kwo 29:21 ✧ 16:6 Eb 5:3

ekspiyatwa a vin tonbe a, li va vin prezante vivan devan SENYÈ a, pou fè \*ekspiyasyon sou li, e pou voye li nan dezè a kòm kabrit ekspiyatwa a.

<sup>11</sup> Alò Aaron va ofri towò ofrann peche \*ki pou li menm nan, li va fè ekspiyasyon pou li menm ak \*pou tout lakay li, e li va touye towò ofrann peche ki pou li menm nan. <sup>12</sup> Li va pran yon \*plato pou resevwa san ki ranpli avèk chabon cho ki sòti sou lotèl la devan SENYÈ a, de men plen avèk lansan dous moulen byen fen, e mennen li anndan vwal la. <sup>13</sup> Li va mete lansan an sou dife a devan SENYÈ a, pou nwaj lafimen lansan an kapab kouvri \*twòn ekspiyatwa ki sou lach temwayaj la, otreman, li va mouri. <sup>14</sup> Anplis, \*li va pran kèk nan san towò a e li va flite li \*avèk dwèt li sou twòn pwopiyatwa sou kote lès la; anplis, pa devan nan twòn pwopiyatwa a, li va flite kèk nan san an avèk dwèt li sèt fwa.

<sup>15</sup> Epi li va touye kabrit ofrann peche \*ki pou pèp la, li va mennen san li anndan vwal la, li va fè avèk san li jan li te fè avèk san towò a, e li va flite li sou twòn pwopiyatwa a. <sup>16</sup> \*Li va fè ekspiyasyon pou lye sen an akòz salte fis Israèl yo, akòz transgresyon pa yo avèk tout peche yo; epi konsa, li va fè pou tant asanble ki rete avèk yo nan mitan tout salte pa yo. <sup>17</sup> Lè li antre pou fè ekspiyasyon nan lye sen an, pèsòn pa pou nan tant asanble a jiskaske li sòti, pou li kapab fè ekspiyasyon an pou li menm, pou lakay li, ak pou tout asanble Israèl la.

<sup>18</sup> Epi li va ale deyò vè lotèl ki devan SENYÈ a pou fè ekspiyasyon pou li, e li va pran kèk nan san towò a, san kabrit la pou \*mete li sou kòn yo sou tout kote nan lotèl la. <sup>19</sup> Avèk dwèt li, li va flite kèk nan san an sou li sèt fwa pou fè l vin pwòp, soti nan salte a fis Israèl yo, e konsakre li.

<sup>20</sup> Lè li fin fè ekspiyasyon pou lye sen an, tant asanble a, ak lotèl la, li va ofri kabrit vivan an. <sup>21</sup> Alò, Aaron va poze de men li sou tèt kabrit vivan an, e li va \*konfese sou li tout inikite a fis Israèl yo, tout transgresyon pa yo selon tout peche yo; li va poze yo sou tèt kabrit la e li va voye li nan dezè a pa men yon moun ki prepare pou sa. <sup>22</sup> Kabrit la va pote sou li menm tout inikite pa yo pou rive nan yon peyi izole; li va lage kabrit la nan dezè a.

<sup>23</sup> Epi Aaron va vini nan tant asanble a pou retire \*vètman len ke li te mete lè li te antre nan sen lye an, e li va kite yo la. <sup>24</sup> \*Li va benyen kò li avèk dlo nan yon lye sen, li va mete \*vètman li yo pou vin parèt e ofri ofrann brile pa li avèk ofrann brile ki pou pèp la, epi pou fè ekspiyasyon pou li menm ak pou pèp la. <sup>25</sup> Epi li va ofri nan lafimen grès ofrann peche a sou lotèl la.

<sup>26</sup> Sila ki te lage kabrit la kòm kabrit ekspiyasyon an, li va \*lave rad li, benyen kò li avèk dlo; alò apre, li va antre nan kan an. <sup>27</sup> Men towò ofrann peche a ak kabrit ofrann peche a, \* san sila li te mennen antre pou fè ekspiyasyon nan lye sen an, va vin pote deyò lavil la, li va brile po yo, chè yo, avèk pou pou yo nan dife. <sup>28</sup> Epi sila ki brile yo a, va lave rad li, benyen kò l nan dlo, e apre, li va vin antre nan kan an.

<sup>29</sup> Sa va yon règleman pou tout tan pou nou: nan \*setyèm mwa a, nan dizyèm jou nan mwa a, nou va imilye nanm nou e nou p ap fè okenn travay, ni pou moun peyi a, ni pou etranje ki demere pami nou yo. <sup>30</sup> Paske se nan jou sa a ke ekspiyasyon an va fèt pou nou pou \*fè nou vin pwòp; nou

\* 16:10 És 53:10    \* 16:11 Eb 7:27    \* 16:11 Lev 16:33    \* 16:12 Lev 10:1; Egz 30:34-38  
 \* 16:13 Egz 25:21    \* 16:14 Eb 9:25    \* 16:14 Lev 4:6-17    \* 16:15 Eb 7:27    \* 16:16 Egz 30:10  
 \* 16:18 Lev 4:25    \* 16:21 Lev 5:5    \* 16:23 Lev 16:4    \* 16:24 Lev 16:4    \* 16:24  
 Egz 28:40-41    \* 16:26 Lev 11:25-40    \* 16:27 Lev 6:30    \* 16:29 Lev 23:27    \* 16:30 Jr 33:8



va netwaye de tout peche nou yo devan SENYÈ a. <sup>31</sup> Se va yon Saba repo solanèl pou nou, pou nou kapab vin ✧imilye nanm nou; sa se yon règleman ki pou tout tan. <sup>32</sup> Alò prèt ki onksyone e òdone pou sèvi kòm prèt nan plas papa li a va fè ekspiyasyon an: konsa li va abiye ak ✧vètman len yo, vètman sen yo. <sup>33</sup> Epi li va fè ekspiyasyon pou sanktyè sen an, e li va fè ekspiyasyon pou tant asanble a ak pou lotèl la. Li va osi fè ekspiyasyon pou ✧prèt yo ak pou tout pèp asanble a.

<sup>34</sup> Alò, nou va gen sa kòm yon règleman pou tout tan, pou ✧fè ekspiyasyon pou fis Israèl yo pou tout peche pa yo yon fwa chak ane.” Epi jan ke SENYÈ a te kòmande Moïse la, konsa sa te fèt.

## 17

<sup>1</sup> Alò, SENYÈ a te pale avèk Moïse e te di: <sup>2</sup> “Pale avèk Aaron, avèk fis li yo e a tout fis Israèl yo e di yo: ‘Se sa ke SENYÈ a te kòmande e te di: <sup>3</sup> “Nenpòt moun ki sòti lakay Israèl ki touye yon bèf oswa yon jenn mouton, oswa yon kabrit nan kan an, oswa touye li deyò kan an, <sup>4</sup> epi ki ✧pa t pote li nan pòtay tant asanble a pou prezante li kòm yon ofrann a SENYÈ a devan tabènak SENYÈ a, koupabilite vèse san an va kontwole sou moun sila a. Li te vèse san e moun nan va izole nèt de pèp li a. <sup>5</sup> Rezon pou sa a se pou pèmèt fis Israèl yo pote sakrifis ke yo t ap fè nan gran chan yo, pou yo kapab pote yo antre vè SENYÈ a, nan pòtay tant asanble a vè prèt la, e pou fè sakrifis yo kòm sakrifis ofrann lapè bay SENYÈ a. <sup>6</sup> Prèt la va flite san an sou lotèl SENYÈ a nan pòtay tant asanble a, e li va ✧ ofri grès la nan lafimen kòm yon bagay santi bon bay SENYÈ a, <sup>7</sup> ✧Yo p ap fè sakrifis yo ankò bay kabrit demon avèk sila yo fè jwèt pwostitisyon yo. Sa se yon règleman pou tout jenerasyon pa yo.

<sup>8</sup> Epi ou va di yo: ‘Nenpòt moun lakay Israèl la, oswa etranje ki rete pami nou yo, ki ofri yon ofrann brile oswa yon sakrifis, <sup>9</sup> epi ki ✧pa mennen li nan pòtay tant asanble a pou ofri li bay SENYÈ a, moun sila a osi va izole de pèp li a.

<sup>10</sup> Epi nenpòt moun lakay Israèl la, oswa etranje ki rete pami yo, ki bwè nenpòt san, ✧Mwen va mete figi Mwen kont moun sa a ki bwè san an, e li va vin izole li de pèp li a. <sup>11</sup> Paske ✧vi a chè a se nan san an, e Mwen te bannou li sou lotèl la pou fè ekspiyasyon pou nanm nou; paske se san li ye, akòz lavi ki fè ekspiyasyon an. <sup>12</sup> Pou sa, Mwen te di a fis Israèl yo: ‘Pèsòn pami nou pa pou bwè san, ni okenn etranje ki rete pami nou p ap kab bwè san.

<sup>13</sup> Pou sa, lè yon moun pami fis Israèl yo oswa nan etranje ki rete pami yo, ki nan fè lachas kenbe yon bèt oswa yon zwazo ki kapab manje, ✧li va vide san li e kouvri li avèk tè. <sup>14</sup> ✧Paske lavi tout chè, se san li ki lavi li. Pou sa, Mwen te di a fis Israèl yo: “Nou pa pou bwè san okenn nan chè yo, paske lavi tout chè se san li; nenpòt moun ki bwè li, va vin izole.

<sup>15</sup> ✧Lè yon moun manje yon bèt ki mouri oswa ki chire pa lòt bèt kit li se yon moun peyi a, oswa yon etranje, li va lave rad li, li va benyen nan dlo, e li va rete pa pwòp jis rive nan aswè; epi li va vin pwòp. <sup>16</sup> Men, si li pa lave oswa benyen kò li; alò, ✧li va pote koupabilite li.

✧ 16:31 Egz 8:21 ✧ 16:32 Lev 16:4 ✧ 16:33 Lev 16:11 ✧ 16:34 Eb 9:7 ✧ 17:4 Det 12:5-21 ✧ 17:6 Nonb 18:17 ✧ 17:7 Egz 22:20 ✧ 17:9 Egz 20:24 ✧ 17:10 Lev 20:3-6 ✧ 17:11 Jen 9:4 ✧ 17:13 Det 12:16 ✧ 17:14 Jen 9:4 ✧ 17:15 Egz 22:31 ✧ 17:16 Nonb 19:20

## 18

<sup>1</sup> Alò SENYÈ a te pale avèk Moïse e te di: <sup>2</sup> Pale avèk fis Israèl yo e di yo: “✧Mwen se SENYÈ a, Bondye nou an. <sup>3</sup> Pinga nou fè sa ki te ✧fèt nan peyi Égypte kote nou te rete a, ni pinga nou fè sa ki fèt nan peyi Canaan kote Mwen ap mennen nou an; pinga nou mache nan règleman pa yo. <sup>4</sup> Se pou nou aji selon jijman pa M e kenbe règleman pa M, pou viv an akò avèk yo; ✧Mwen se SENYÈ a, Bondye nou an. <sup>5</sup> Konsa nou va kenbe règleman Mwen yo, ak jijman Mwen yo, ✧pa sila yon nonm kapab viv si li fè yo; Mwen se SENYÈ a.

<sup>6</sup> Pinga okenn nan nou pwoche okenn fanmi de san nou pou dekouvri nidite li; Mwen se SENYÈ a.

<sup>7</sup> ✧Nou pa pou dekouvri nidite papa nou, sa se nidite a manman nou. Li se manman nou; nou pa pou dekouvri nidite li.

<sup>8</sup> ✧Nou pa pou dekouvri nidite madanm papa nou; li se nidite a papa nou.

<sup>9</sup> ✧Nidite a sè nou, oswa fi papa nou, oswa fi manman nou, kit li fèt nan kay la, kit li fèt deyò; nidite pa yo, nou pa pou dekouvri yo.

<sup>10</sup> Nidite fi a fis nou, oswa fi a fi nou; nidite yo, nou pa pou dekouvri yo; paske nidite pa yo se pa nou.

<sup>11</sup> Nidite a pitit fi madanm a papa nou, fèt pou papa nou, li se sè nou, nou pa pou dekouvri nidite li.

<sup>12</sup> ✧Nou pa pou dekouvri nidite sè papa nou; li se pwòp relasyon san papa nou.

<sup>13</sup> Nou pa pou dekouvri nidite sè manman nou, paske li se pwòp san manman nou.

<sup>14</sup> Nou pa pou dekouvri nidite frè papa nou; nou pa pou pwoche madanm li; li se matant nou.

<sup>15</sup> ✧Nou pa pou dekouvri nidite bèlfi nou; li se madanm a fis nou, nou pa pou dekouvri nidite li.

<sup>16</sup> ✧Nou pa pou dekouvri nidite madanm frè nou; li se nidite a frè nou.

<sup>17</sup> ✧Nou pa pou dekouvri nidite a yon fanm avèk fi li, ni nou pa pou pran fi a fis li, ni fi a fi li, pou dekouvri nidite li; yo se relasyon san. Sa vrèman lèd.

<sup>18</sup> Nou pa pou marye yon fanm ansanm avèk sè li pou fè jalouzi pandan sè li toujou vivan an, pou dekouvri nidite li.

<sup>19</sup> ✧Osi nou pa pou pwoche yon fanm pou dekouvri nidite li pandan règ li.

<sup>20</sup> ✧Nou pa pou fè zak seksyèl avèk madanm vwazen nou pou nou ta vin konwonpi ansanm avèk li.

<sup>21</sup> Nou pa pou bay okenn nan pitit nou yo ✧pou ofri bay Molòk, ni nou pa pou degrade non Bondye; Mwen se SENYÈ a.

<sup>22</sup> ✧Nou pa pou kouche avèk yon gason jan yon moun ta kouche avèk yon fanm; li se yon abominasyon.

<sup>23</sup> Osi, nou pa pou fè zak seksyèl avèk okenn bèt pou nou ta vin degrade avèk li, ni okenn fanm pa pou kanpe devan yon bèt pou kwaze avèk li; sa se yon pèvèsyon.

<sup>24</sup> Pa konwonpi tèt nou avèk okenn nan bagay sa yo; paske, se pou tout bagay sa yo, nasyon ke Mwen ap mete deyò devan nou yo, te vin konwonpi.

✧ **18:2** Egz 6:7   ✧ **18:3** Éz 20:7-8   ✧ **18:4** Lev 18:2   ✧ **18:5** Wo 10:5   ✧ **18:7** Lev 20:11  
 ✧ **18:8** Lev 20:11   ✧ **18:9** Lev 18:11   ✧ **18:12** Lev 20:19   ✧ **18:15** Lev 20:12   ✧ **18:16** Lev 20:21  
 ✧ **18:17** Lev 20:14   ✧ **18:19** Lev 15:24   ✧ **18:20** Lev 20:10   ✧ **18:21** Lev 20:2-5  
 ✧ **18:22** Lev 20:13

<sup>25</sup> Paske peyi a gen tan vin konwonpi, ✧pou sa, Mwen te fè pinisyon li rive sou li, jiskaske peyi a vin krache moun ki rete la yo, mete yo deyò. <sup>26</sup> Men pou nou, se pou nou kenbe règleman Mwen yo, jijman Mwen yo, e pa fè okenn nan abominasyon sa yo, ni moun peyi a, ni etranje ki viv pami nou yo <sup>27</sup> (paske moun peyi a ki te devan nou yo, te fè tout abominasyon sa yo, e peyi a te vin konwonpi); <sup>28</sup> pou peyi a pa krache mete nou deyò, si nou ta vin konwonpi li, tankou li te krache mete deyò nasyon ki te devan nou yo.

<sup>29</sup> Paske nenpòt moun ki fè okenn nan abominasyon sa yo, moun sa yo va vin izole de pèp la. <sup>30</sup> Konsa, se pou nou kenbe ✧lòd Mwen, pou nou pa pratike okenn nan abitud abominab ki te konn fèt avan nou yo, pou nou pa konwonpi tèt nou avèk yo; Mwen se SENYÈ a, Bondye Nou an.’ ”

## 19

<sup>1</sup> Alò, SENYÈ a te pale ak Moïse e te di: <sup>2</sup> Pale avèk tout asanble a fis Israèl yo e di yo: “Nou va sen, paske Mwen menm, SENYÈ a Bondye nou an, Mwen sen.

<sup>3</sup> Nou chak ✧va onore manman nou, papa nou, e nou va kenbe ✧Saba Mwen yo; Mwen se SENYÈ a, Bondye nou an.

<sup>4</sup> Pa vire vè ✧zidòl yo, ni fè pou nou menm dye metal fonn yo; Mwen se SENYÈ a, Bondye nou an.

<sup>5</sup> Alò, lè nou ofri yon sakrifis lapè bay SENYÈ a, nou va ofri li pou nou kapab vin aksepte. <sup>6</sup> Li va manje nan menm jou ke nou ofri li a ak jou apre a, men sa ki rete jis nan twazyèm jou a, li va vin brile avèk dife. <sup>7</sup> Epi si li manje menm nan twazyèm jou a, sa se yon ofans; li p ap aksepte. <sup>8</sup> Tout sila ki manje li yo, va pote inikite li, paske li te degrade bagay sen SENYÈ a; epi moun sa a va izole de pèp li a.

<sup>9</sup> ✧Alò, lè nou fè rekòlt nan tè nou, nou p ap rekòlte rive jis nan kwen chan an, ni nou p ap ranmase ti rès ki tonbe a. <sup>10</sup> Ni nou p ap ranmase ti rès fwi nan chan rezen nou yo; nou va kite yo pou malere yo ak etranje yo. Mwen se SENYÈ a, Bondye nou an.

<sup>11</sup> ✧Nou pa pou vòlè, ni twonpe, ni manti youn ak lòt.

<sup>12</sup> Nou pa pou fè fo sèman nan non Mwen pou ✧degrade non a Bondye nou an; Mwen se SENYÈ a.

<sup>13</sup> ✧Nou pa pou oprime vwazen nou, ni vòlè li. Salè a yon ouvriye jounalye pa pou rete nan men nou tout lannwit pou rive nan maten.

<sup>14</sup> Nou pa pou anmède yon moun soud, ni mete yon ✧obstak pou fè avèk la tonbe, men nou va gen krentif pou Bondye nou an: Mwen se SENYÈ a.

<sup>15</sup> ✧Nou pa pou fè lenjistis nan jijman nou yo; nou pa pou apiye vè malere a, ni apiye vè moun pwisan an, men nou va jije vwazen nou avèk jistis.

<sup>16</sup> Nou pa pou mache ✧bay kout lang pami pèp nou an, e nou pa pou fè zak kont lavi vwazen nou yo; Mwen se SENYÈ a.

<sup>17</sup> Nou ✧pa pou rayi pwochen peyi nou nan kè nou; nou mèt toujou korije vwazen nou, men nou pa pou fè peche akòz li.

<sup>18</sup> Nou pa pou pran vanjans ni pote lahèn nan kè nou kont fis pèp nou an, men ✧nou va renmen pwochen nou tankou tèt nou; Mwen se SENYÈ a.

✧ 18:25 Lev 20:23 ✧ 18:30 Lev 22:9 ✧ 19:3 Det 5:16 ✧ 19:3 Egz 20:6 ✧ 19:4 Lev 26:1  
✧ 19:9 Lev 23:22 ✧ 19:11 Egz 20:15-16 ✧ 19:12 Lev 18:21 ✧ 19:13 Egz 22:7-27 ✧ 19:14  
Det 27:18 ✧ 19:15 Egz 23:3-6 ✧ 19:16 Jr 6:28 ✧ 19:17 I Jn 2:9-11 ✧ 19:18 Wo 13:9

<sup>19</sup> Se pou nou kenbe règleman Mwen yo. Nou pa pou fè kwazman de ras bèf; ✨nou pa pou plante chan nou avèk de kalite grenn, ni pou abiye ak yon vètman ki gen de kalite twal ki mele ansanm.

<sup>20</sup> ✨Alò, si yon nonm kouche nan zak seksyèl avèk yon fanm ki se yon esklav ki te pwomèt pou yon lòt gason, men ki pa t peye ranson li, ni pa t resevwa libète li, li va gen pinisyon; malgre sa, yo p ap mete li a lanmò, paske li pa t lib. <sup>21</sup> Li va pote ofrann koupab li devan SENYÈ a nan pòtay tant asanble a, yon ✨belye pou ofrann koupab la. <sup>22</sup> Prèt la va fè osi ekspiyasyon pou li avèk belye a ofrann koupab la devan SENYÈ a pou peche ke li te fè a, e selon peche ke li te fè a, li va vin padone.

<sup>23</sup> Lè nou antre nan peyi a e plante tout kalite bwa pou manje, alò, nou va kontwole premye fwi pa yo kòm entèdi. Pandan twazan, li va entèdi a nou menm; li p ap pou manje. <sup>24</sup> Epi, nan katriyèm ane a, tout fwi li yo va vin sen, yo va vin yon ofrann lwanj bay SENYÈ a. <sup>25</sup> Nan senkyèm ane a, nou gen pou manje nan fwi li, pou donn li kapab vin anpil pou nou menm; Mwen se SENYÈ a, Bondye nou an.

<sup>26</sup> Nou pa pou manje anyen avèk san, ni pratike ✨maji ni divinasyon zetwal ni predi evenman k ap vin rive.

<sup>27</sup> ✨Nou pa pou koupe kwen cheve tèt nou pou fè yo won, ni donmaje sou kote bab nou.

<sup>28</sup> Nou pa pou koupe kò nou pou moun mouri yo ni fè okenn mak sou kò nou: Mwen se SENYÈ a.

<sup>29</sup> ✨Pa degrade pwòp fi nou pou fè l vin yon pwostitiye, jis pou peyi a pa vin ranpli avèk pwostitiye, e ranpli avèk tout sa ki lèd.

<sup>30</sup> Nou va kenbe Saba Mwen yo e nou va onore sanktyè Mwen an; Mwen se SENYÈ a.

<sup>31</sup> Pa vire bò kote ✨moun ki fè kontak ak mò yo, ni ki chache move lespri yo; pa chache yo pou nou pa vin degrade pa yo menm. Mwen se SENYÈ a, Bondye nou an.

<sup>32</sup> ✨Nou va leve devan moun cheve blanch yo, nou va bay lonè a granmoun yo, e nou va gen lakrent pou Bondye nou an; Mwen se SENYÈ a.

<sup>33</sup> Lè yon etranje rete avèk nou nan peyi nou, nou pa pou fè l tò. ✨

<sup>34</sup> Etranje ki rete avèk nou an va, pou nou, tankou pwòp moun peyi nou, e ✨nou va renmen li tankou tèt nou, paske nou te etranje nan peyi Égypte la; Mwen se SENYÈ a, Bondye nou an. <sup>35</sup> Nou pa pou fè move jijman, ni nan mezire pran pwa oubyen kapasite. <sup>36</sup> Fòk balans nou yo jis, e pèz pwa nou yo jis, yon efa 22 lit ki jis, e yon in 36 lit ki jis. Mwen se SENYÈ nou an ki te fè nou sòti nan peyi Égypte la. ✨

<sup>37</sup> Se konsa nou va obsève tout règleman Mwen yo ak tout òdonans Mwen yo, e fè yo; Mwen se SENYÈ a.’ ”

## 20

<sup>1</sup> Epi SENYÈ a te pale avèk Moïse e te di: <sup>2</sup> “Ou va osi di a fis Israël yo: ‘Nenpòt moun nan fis Israël yo, oswa nan etranje ki rete an Israël yo ✨ki bay nenpòt nan pitit li yo a Moloc, li va vrèman vin mete a lanmò; pèp peyi a va lapide li avèk kout wòch. <sup>3</sup> Mwen va osi mete figi Mwen kont

✨ 19:19 Det 22:9-11 ✨ 19:20 Det 22:23-27 ✨ 19:21 Lev 6:1-7 ✨ 19:26 Det 18:10 ✨ 19:27 Lev 21:5 ✨ 19:29 Lev 21:9 ✨ 19:31 Lev 20:6-27 ✨ 19:32 Lam 5:12 ✨ 19:33 Egz 22:21 ✨ 19:34 Lev 19:18 ✨ 19:36 Det 25:13-15 ✨ 20:2 Lev 18:21

moun sa a, e Mwen va izole li pami pèp li a, akoz ke li te bay kèk nan pitit li yo bay Moloc pou ✨konwonpi sanktyè Mwen an, e ✨degrade non sen Mwen an. <sup>4</sup> Men, si moun nan peyi a ta janm tolere moun sa a lè li bay nan pitit li yo bay Moloc, e pa mete l a lanmò, <sup>5</sup> alò, Mwen menm va mete figi Mwen kont moun sila a ak kont fanmi li, e Mwen va izole li de pèp la, non sèlman li menm, men tout sila ki jwe pwostitiye dèyè li yo, lè yo jwe pwostitiye dèyè Moloc.

<sup>6</sup> Epi pou moun ki vire vè ✨moun k ap fè kontak ak mò yo, ki swiv lespri Satan yo, pou yo jwe pwostitiye avèk yo, Mwen va osi mete figi Mwen kont moun sa a e Mwen va izole li de pèp li a.

<sup>7</sup> Konsa, nou va konsakre nou menm e nou va ✨rete sen, paske Mwen se SENYÈ a, Bondye nou an.

<sup>8</sup> ✨Nou va kenbe règleman Mwen yo, e nou va swiv yo; Mwen se SENYÈ a ki fè nou sen an.

<sup>9</sup> Si yon moun anmède papa li oswa manman li, li va vrèman vin mete a lanmò; li te anmède papa li oswa manman li, e li vin koupabilite san li rete sou li. ✨

<sup>10</sup> ✨Si yon mesye fè adiltè avèk madanm a yon lòt, sila ki fè adiltè avèk madanm zanmi li an, adiltè a avèk fanm adiltè a va vrèman vin mete a lanmò.

<sup>11</sup> ✨Si yon nonm vin kouche avèk madanm a papa li, li te dekouvri nidite a papa li; yo tou de va vin mete a lanmò; koupabilite san yo sou yo.

<sup>12</sup> ✨Si gen yon nonm ki kouche avèk bèlfi li, tou de va vin mete a lanmò; yo te fè ensès; koupabilite san an sou yo.

<sup>13</sup> ✨Si gen yon nonm ki kouche avèk yon lòt gason, menm jan ke li ta kouche avèk yon fanm, tou de te fè yon zak abominab; yo va vrèman vin mete a lanmò. Koupabilite san yo sou yo.

<sup>14</sup> ✨Si gen yon mesye ki marye avèk yon fanm ansanm ak manman li, sa se imoralite; yo tout va brile avèk dife pou imoralite pa rete nan mitan nou.

<sup>15</sup> ✨Si gen yon mesye ki kouche avèk yon bèt, li va vrèman vin mete a lanmò; nou va anplis touye bèt la.

<sup>16</sup> Si gen yon fanm ki vin pwoche yon bèt pou kouche avèk li, nou va touye fanm nan ansanm ak bèt la; yo va vrèman vin mete a lanmò. Koupabilite san an sou yo.

<sup>17</sup> ✨Si yon mesye pran sè li, oswa fi a papa li, oswa fi a manman li, pou l wè nidite li, epi li wè nidite li, sa se yon gwo dezòd; yo va izole li devan zye a fis pèp Israèl la. Li te dekouvri nidite sè li; li pote koupabilite li.

<sup>18</sup> ✨Si gen yon mesye ki kouche avèk yon fanm sou règ li e dekouvri nidite li, li te vin dekouvri flèv li, e li te fè flèv san li vin parèt; pou sa, tou de va izole de pèp pa yo.

<sup>19</sup> ✨Nou pa pou dekouvri nidite sè manman nou, ni sè papa nou, paske yon nonm konsa te fè nidite a fanmi de san li vin parèt; yo va pote koupabilite yo.

<sup>20</sup> ✨Si gen yon mesye ki kouche avèk madanm tonton li, li te dekouvri nidite tonton li; yo va pote peche yo. Yo va mouri san fè pitit.

<sup>21</sup> ✨Si gen yon mesye ki pran madanm a frè li, sa se abominab; li te dekouvri nidite a frè li. Yo p ap janm fè pitit.

✨ 20:3 Lev 15:31 ✨ 20:3 Lev 18:21 ✨ 20:6 Lev 19:31 ✨ 20:7 Ef 1:4 ✨ 20:8 Egz 31:13  
 ✨ 20:9 Egz 21:17 ✨ 20:10 Lev 18:20 ✨ 20:11 Lev 18:7-8 ✨ 20:12 Lev 18:15 ✨ 20:13  
 Lev 18:22 ✨ 20:14 Lev 18:17 ✨ 20:15 Lev 18:23 ✨ 20:17 Lev 18:9 ✨ 20:18 Lev 15:24  
 ✨ 20:19 Lev 18:12-13 ✨ 20:20 Lev 18:14 ✨ 20:21 Lev 18:16

<sup>22</sup> Konsa, nou gen pou kenbe tout règleman ak tout òdonans Mwen yo e fè yo, pou peyi kote M ap mennen nou pou viv la, pa ✧krache mete nou deyò. <sup>23</sup> Anplis, nou pa pou swiv ✧koutim nasyon sa yo ke Mwen va pouse fè sòti devan nou yo, paske yo te fè tout bagay sa yo, e konsa, Mwen te vin rayi yo. <sup>24</sup> Konsa Mwen te di nou: ✧“Nou dwe posede peyi pa yo a, e Mwen menm va bannou li pou posesyon, yon peyi k ap koule lèt ak siwo myèl.” Mwen se SENYÈ a, Bondye nou an, ki te mete nou apa de lòt pèp yo.

<sup>25</sup> Se konsa ke nou gen pou distinge antre bèt ki pwòp ak bèt ki pa pwòp, e antre zwazo ki pa pwòp ak sa ki pwòp la; epi nou pa pou fè tèt nou vin abominab ni pa bèt, ni pa zwazo, ni pa sa ki trennen atè reptil ke Mwen te separe pou nou kòm pa pwòp. <sup>26</sup> Se konsa, nou va sen pou Mwen, paske Mwen, SENYÈ a, Mwen sen; epi Mwen te mete nou apa de lòt pèp yo pou nou kapab pa Mwen.

<sup>27</sup> Alò, yon nonm oswa yon fanm ✧ki kontakte mò yo, oswa lespri yo, yo va anverite vin mete a lanmò. Yo va vin lapide avèk kout wòch, koupabilite san yo sou yo.’”

## 21

<sup>1</sup> Alò SENYÈ a te pale avèk Moïse e te di: “Pale avèk prèt yo, fis Aaron yo, e di yo: ✧Pèsòn pa pou konwonpi kò l avèk yon moun mouri pami pèp li a. <sup>2</sup> ✧sof pou fanmi ki pi prè li yo, tankou manman l, papa l, fis li, fi li ak frè li, <sup>3</sup> osi pou sè vyèj li, ki prè li akòz ke li pa t gen mari; pou li menm, li kapab konwonpi kò li. <sup>4</sup> Li pa pou konwonpi kò l kòm yon relasyon pa maryaj pami pèp li a, e konsa, pou vin degrade tèt li.

<sup>5</sup> ✧Yo pa pou fè tèt yo kale, ni taye bab yo, ni fè okenn blese nan chè yo. <sup>6</sup> Yo va rete sen a Bondye pa yo a, e yo ✧p ap konwonpi non Bondye pa yo a, paske se yo ki prezante ofrann dife bay SENYÈ a, ✧manje pou Bondye pa yo a; alò, yo va sen.

<sup>7</sup> ✧Yo pa pou pran yon fanm ki degrade kòm pwostitiye, ni yo pa pou pran yon fanm ki divòse avèk mari li; paske li sen a Bondye pa li a. <sup>8</sup> Nou va konsakre li; konsa, paske li ofri ✧manje a Bondye nou an, li va sen pou nou; paske Mwen, SENYÈ ki sanktifye nou an, Mwen sen.

<sup>9</sup> ✧Osi, fi a nenpòt prèt, si li degrade tèt li kòm pwostitiye, li degrade papa li; li va brile avèk dife.

<sup>10</sup> Prèt ki se wo prèt pami frè li yo, sou tèt sila lwil onksyon an te vide a, e sila ki te konsakre pou abiye avèk vètman yo, ✧pa pou dekouvri tèt li, ni chire rad li; <sup>11</sup> ✧ni li pa pou pwoche okenn moun mouri, ni konwonpi tèt li menm si se pou papa li oswa manman li; <sup>12</sup> ✧ni li pa pou sòti nan sanktyè a, ni konwonpi sanktyè Bondye li a, paske konsekrasyon lwil sen an sou li; Mwen se SENYÈ a.

<sup>13</sup> Li va pran yon madanm ki vyèj. <sup>14</sup> ✧Yon vè, oswa yon fanm divòse, oswa youn ki degrade kòm pwostitiye, sa yo, li pa kapab pran yo; men okontrè, fòk li marye ak yon vyèj pami pwòp pèp pa li a, <sup>15</sup> pou li pa degrade desandan li yo pami pwòp pèp li a; paske Mwen se SENYÈ ki fè li sen an.’”

<sup>16</sup> Alò SENYÈ a te pale avèk Moïse e te di: <sup>17</sup> “Pale avèk Aaron e di: ‘Okenn nonm pami nou ki gen yon defo fizik p ap pwoche pou ofri ✧manje

✧ 20:22 Lev 18:28 ✧ 20:23 Luc 18:3 ✧ 20:24 Egz 13:5 ✧ 20:27 Lev 19:31 ✧ 21:1 Lev 19:28 ✧ 21:2 Lev 21:11 ✧ 21:5 Det 14:1 ✧ 21:6 Lev 18:21 ✧ 21:6 Lev 3:11 ✧ 21:7 Lev 21:13-14 ✧ 21:8 Lev 21:6 ✧ 21:9 Jen 38:24 ✧ 21:10 Lev 10:6 ✧ 21:11 Lev 19:28 ✧ 21:12 Lev 10:7 ✧ 21:14 Lev 21:7 ✧ 21:17 Lev 2:16

bay Bondye li a. <sup>18</sup> ✧ Paske pèsòn ki gen yon defo p ap pwoche: yon nonm avèg, yon bwate, yon nonm ki gen figi defòme, oswa okenn manm kò defòme, <sup>19</sup> yon nonm pye kase oswa men kase, <sup>20</sup> yon moun ki gen boul nan do oswa kata, oubyen yon moun ki gen defo nan zye li, oswa ekzema nan po, kal oswa boul grenn ki kraze. <sup>21</sup> Okenn moun nan ras Aaron, prèt ki gen defo pa pou pwoche pou fè ofrann SENYÈ a pa dife. Li gen yon defo; li pa pou pwoche pou ofri ✧manje ki pou Bondye li a. <sup>22</sup> Li kapab manje ✧manje a Bondye li a, ni sa ki sen pase tout bagay yo, avèk sa ki sen an. <sup>23</sup> Se sèlman, li pa pou antre anndan vwal la, ni toupre lotèl la akoz ke li gen yon defo, pou li pa konwonpi sanktyè Mwen yo. Paske Mwen se SENYÈ ki fè yo sen an.’ ”

<sup>24</sup> Alò, Moïse te pale avèk Aaron, a fis li yo, e a tout fis Israèl yo.

## 22

<sup>1</sup> Alò SENYÈ a te pale avèk Moïse e te di: <sup>2</sup> Di Aaron avèk fis li yo pou fè atansyon avèk kado sen pou fis Israèl ke yo dedye a Mwen yo, pou yo pa derespekte non sen Mwen an; Mwen se SENYÈ a.

<sup>3</sup> Di yo ke: ✧“Si nenpòt moun pami tout jenerasyon nou yo vin pwoche de kado sen yo, ke fis Israèl yo te dedye bay SENYÈ a, pandan li pa t pwòp, moun sa a va izole devan M; Mwen se SENYÈ a.

<sup>4</sup> ✧P ap gen yon nonm pami desandan Aaron yo ki gen lalèp oswa yon ekoulman ki kapab manje nan kado sen yo jiskaske li vin pwòp. Epi si youn vin touche nenpòt bagay ki fèt pa pwòp pa yon moun mouri, oswa si yon nonm vin fè yon ekoulman, <sup>5</sup> oswa, ✧si yon mesye vin touche nenpòt nan bèt ki trennen atè, oswa nenpòt moun ki fè l vin pa pwòp, nenpòt sa ki fè l pa pwòp; <sup>6</sup> yon moun ki touche nenpòt kalite bagay konsa va pa pwòp jis rive nan aswè, e li p ap kab patisipe nan manje nan kado sen yo sof ke li benyen kò l nan dlo. <sup>7</sup> Men lè solèy la kouche, li va pwòp, e apre, li va manje nan kado sen yo, paske ✧se manje li. <sup>8</sup> Li pa pou manje ✧yon bèt ki mouri oswa ki chire pa lòt bèt, ki fè l vin pa pwòp.

<sup>9</sup> Konsa, yo va kenbe ✧lòd Mwen, pou yo pa pote peche akoz li, e mouri konsa akoz ke yo souye li; Mwen se SENYÈ ki fè yo sen an.

<sup>10</sup> ✧Malgre sa, okenn etranje pa pou manje kado sen an; yon vwayajè avèk prèt la, oswa yon ouvriye pa pou manje nan kado sen an. <sup>11</sup> ✧Men si yon prèt achte yon esklav kòm pwòp byen pa li, avèk pwòp lajan pa li, sila a kapab manje nan li, e sila ki te ne nan kay li yo kapab manje manje li. <sup>12</sup> Si fi a yon prèt vin marye avèk yon moun ki pa prèt, li pa pou manje nan kado ofrann yo. <sup>13</sup> Men si fi a yon prèt vin vè, oswa divòse, e pa gen pitit, li vin retounen lakay papa li, tankou lè l te jèn, li va manje nan manje papa li; ✧men moun deyò p ap kab manje li.

<sup>14</sup> ✧Men si yon nonm manje yon kado sen san konnen, alò, li va mete sou fòs li yon senkyèm anplis, e li va bay kado sen an bay prèt la. <sup>15</sup> ✧Yo pa pou degrade kado sen ki pou fis Israèl yo, ke yo ofri bay SENYÈ a, <sup>16</sup> epi, konsa fè yo ✧pote pinisyon pou koupabilite akoz manje nan kado sen pa yo; paske Mwen se SENYÈ ki fè yo sen an.’ ”

✧ 21:18 Lev 22:19-25 ✧ 21:21 Lev 21:6 ✧ 21:22 I Kor 9:13 ✧ 22:3 Lev 7:20-21 ✧ 22:4 Lev 14:1-32 ✧ 22:5 Lev 11:23-28 ✧ 22:7 Nonb 18:11 ✧ 22:8 Lev 7:24 ✧ 22:9 Lev 18:30 ✧ 22:10 Egz 29:33 ✧ 22:11 Jen 17:13 ✧ 22:13 Lev 22:10 ✧ 22:14 Lev 5:15-16 ✧ 22:15 Nonb 18:32 ✧ 22:16 Lev 10:17

17 Alò SENYÈ a te pale a Moïse e te di: 18 “Pale avèk Aaron, di a fis li yo, tout fis Israèl yo e di yo: ✧Nenpòt moun nan kay Israèl la oswa pami etranje yo nan Israèl ki prezante ofrann li, sof ke se youn nan ofrann sèman yo oswa ofrann bòn volonte yo, ke yo prezante bay SENYÈ a kòm yon ofrann brile— 19 ✧pou nou ta aksepte li—li oblije ke se yon mal san defo ki sòti nan bèf, mouton, oswa kabrit. 20 ✧nenpòt bèt ki gen defo, nou pa pou ofri li, paske li p ap akseptab pou nou. 21 Lè yon moun ofri yon sakrifis lapè bay SENYÈ a ✧pou ranpli yon ve espesifik, oswa yon ofrann bòn volonte ki sòti nan bann mouton oswa nan twoupo, fòk li bon nèt pou l kapab aksepte; li pa pou gen defo menm nan li. 22 Sila ki avèg yo, ki gen zo kase, oswa donmajè yo, sila ki gen maleng ekoulman, ekzema, oswa kal yo, nou pa pou ofri yo bay SENYÈ a, ni fè yon ofrann pa dife sou lotèl bay SENYÈ a. 23 Pou yon bèf, oswa yon jenn ti mouton ki gen youn nan manm li ki pi gwo oswa pi piti ke lòt yo, nou kapab prezante li kòm yon ofrann bòn volonte, men kòm yon ofrann ve, li p ap aksepte. 24 Osi, ✧nenpòt nan yo avèk boul grenn li brize oswa kraze, chire oswa koupe, nou pa pou ofri li bay SENYÈ a, ni fè sakrifis avèk li nan peyi nou an, 25 ni nou p ap aksepte anyen ki konsa nan men a yon etranje kòm yon ofrann ✧manje pou Bondye nou an; paske yo konwonpi, yo gen defo, yo pa pou aksepte pou nou.’ ”

26 Epi SENYÈ a te pale a Moïse e te di: 27 “Lè yon bèf oswa yon mouton, oswa yon kabrit vin fèt, li va rete ✧pandan sèt jou avèk manman li, e depi nan uityèm jou a, li va vin aksepte kòm yon sakrifis pou yon ofrann pa dife bay SENYÈ a. 28 ✧Men si se yon bèf, oswa yon mouton, nou pa pou touye li menm avèk pitit li nan yon sèl jou.

29 Lè nou ofri yon ✧sakrifis pou remèsiman bay SENYÈ a, nou va fè sakrifis la yon jan pou l aksepte. 30 Li va manje nan menm jou a, nou pa pou kite anyen de li pou rive jis nan maten; Mwen se SENYÈ a.

31 ✧Konsa nou va kenbe kòmandman Mwen yo, e fè yo; Mwen se SENYÈ a. 32 Nou pa pou degrade non sen Mwen an, men Mwen va sen pami fis Israèl yo; Mwen se SENYÈ ki fè nou sen an, 33 ✧ki te fè nou sòti nan peyi Égypte la, pou vin Bondye nou; Mwen se SENYÈ a.”

## 23

1 SENYÈ a te pale ankò avèk Moïse e te di: 2 Pale avèk fis Israèl yo e di yo: “Lè chwazi SENYÈ a, ke nou va ✧pwoklame kòm konvokasyon sen yo —lè chwazi Mwen yo se sa yo.

3 ✧Pandan sis jou, travay kapab fèt, men sou setyèm jou a, va gen yon repo Saba konplè, yon konvokasyon sen. Nou pa pou fè okenn travay; se yon Saba a SENYÈ a nan tout domisil nou yo.

4 Sa yo se lè ✧chwazi pou SENYÈ a, konvokasyon sen ke nou va pwoklame nan lè ki chwazi pou yo. 5 ✧Nan premye mwa nan katòzyèm jou mwa a, avan l fènwa, se Pak SENYÈ a. 6 Alò, nan kenzyèm jou nan menm mwa sa a, ✧fèt Pen San Ledven pou SENYÈ a ap fèt; pandan sèt jou, nou va manje pen san ledven. 7 Nan premye jou a, nou va gen yon konvokasyon sen;

✧ 22:18 Nonb 15:4 ✧ 22:19 Lev 21:18-21 ✧ 22:20 Mal 1:8-14 ✧ 22:21 Nonb 15:3-8  
 ✧ 22:24 Lev 21:20 ✧ 22:25 Lev 21:22 ✧ 22:27 Egz 22:30 ✧ 22:28 Det 22:6-7 ✧ 22:29 Lev 7:12 ✧ 22:31 Lev 19:37 ✧ 22:33 Lev 11:45 ✧ 23:2 Lev 23:21 ✧ 23:3 Lev 19:3  
 ✧ 23:4 Egz 23:14 ✧ 23:5 Det 16:1 ✧ 23:6 Egz 12:14-20



nou ✨p ap fè okenn travay di. <sup>8</sup> Men, pandan sèt jou, nou va prezante yon ofrann pa dife bay SENYÈ a. Nan setyèm jou a, se yon konvokasyon sen; nou pa pou fè okenn travay ki di.’ ”

<sup>9</sup> Epi SENYÈ a te pale avèk Moïse e te di: <sup>10</sup> “Pale avèk fis Israèl yo e di yo: “Lè nou antre nan peyi ke Mwen ap bannou pou ✨fè rekòlt li a, alò, nou va pote premye pake a kòm premye fwi rekòlt la bay prèt la. <sup>11</sup> Li va fè sign voye pake a anlè devan SENYÈ a pou nou, pou l kapab aksepte; nan jou apre Saba a, prèt la va voye li anlè. <sup>12</sup> Alò, nan jou lè nou voye pake a anlè a, nou va ofri yon jenn mouton ki gen laj 1 nan ki san defo pou yon ofrann brile bay SENYÈ a. <sup>13</sup> ✨Ofrann sereyal li, alò, va 2 dizyèm yon efa farin melanje avèk lwil, yon ofrann pa dife bay SENYÈ a, yon bagay santi bon, avèk ofrann bwason li, yon ka diven. <sup>14</sup> jis rive nan jou sa a, jiskaske nou pote ofrann Bondye nou an, ✨nou pa pou manje ni pen, ni sereyal boukannen, ni nouvo tij vèt. Sa dwe rete yon règleman ki la pou tout tan pami tout jenerasyon nou yo, nan tout domisil nou yo.

<sup>15</sup> ✨Nou va osi kontwole pou kont nou sèt jou Saba yo, soti nan jou ke nou te pote premye pake ofrann voye anlè a; va gen sèt Saba konplè. <sup>16</sup> Nou va kontwole senkant jou jis rive nan jou apre setyèm Saba a; epi nou va prezante yon ✨ofrann sereyal nèf bay SENYÈ a. <sup>17</sup> Nou va pote soti nan domisil nou yo de pen kòm yon ofrann voye anlè. ki fèt avèk de dizyèm yon efa; yo va fèt avèk farin fen, kwit ✨avèk ledven kòm premye fwi bay SENYÈ a. <sup>18</sup> Ansanm avèk pen an, nou va prezante sèt jenn mouton nan laj 1 nan, mal san defo, ak yon towò twoupo avèk de belye; yo dwe yon ofrann brile bay SENYÈ a, avèk ofrann sereyal pa yo ak ofrann bwason pa yo, yon ofrann pa dife ki dous e santi bon a SENYÈ a. <sup>19</sup> Nou va osi ofri ✨yon mal kabrit kòm yon ofrann peche, ak de mal mouton ki gen laj 1 nan kòm yon sakrifis ofrann lapè. <sup>20</sup> Konsa, prèt la va voye yo anlè avèk pen premye fwi yo kòm yon ofrann voye anlè avèk de jenn mouton yo devan SENYÈ a; yo dwe sen a SENYÈ a pou prèt la. <sup>21</sup> Nan menm jou sa a, nou va osi fè yon pwoklamasyon; nou dwe fè yon konvokasyon sen. Nou pa pou fè okenn ✨travay di. Se yon règleman pou tout tan nan tout domisil nou yo pandan tout jenerasyon nou yo.

<sup>22</sup> ✨Lè nou fè rekòlt la nan peyi nou, anplis, nou pa pou rekòlte jis nan kwen chan nou yo, ni ranmase ti retay nan rekòlt la; se pou nou kite yo pou malere avèk etranje yo. Mwen se SENYÈ a, Bondye nou an.’ ”

<sup>23</sup> Ankò SENYÈ a te pale avèk Moïse e te di: <sup>24</sup> Pale avèk fis Israèl yo, e di: ✨nan setyèm mwa nan premye jou nan mwa a, nou va fè yon repo, yon ✨tan pou sonje pa son twonpèt yo, yon konvokasyon sen. <sup>25</sup> Nou ✨pa pou fè okenn travay di, men nou va prezante yon ofrann pa dife bay SENYÈ a.’ ”

<sup>26</sup> SENYÈ a te pale avèk Moïse e te di: <sup>27</sup> Nan egzakteman dizyèm jou nan setyèm mwa sa a, se ✨jou ekspiyasyon an; li va yon konvokasyon sen pou nou, e nou va imilye nanm nou pou prezante yon ofrann pa dife bay SENYÈ a. <sup>28</sup> Nou pa pou fè okenn travay nan menm jou sa a, paske li se yon jou ekspiyasyon, ✨pou fè ekspiyasyon pou nou menm devan SENYÈ a,

✨ 23:7 Lev 23:8,21,25,35,36 ✨ 23:10 Egz 23:19 ✨ 23:13 Lev 6:20 ✨ 23:14 Egz 34:26  
 ✨ 23:15 Nonb 28:26-31 ✨ 23:16 Nonb 28:26 ✨ 23:17 Lev 2:12 ✨ 23:19 Lev 4:23 ✨ 23:21  
 Lev 23:7 ✨ 23:22 Det 24:19 ✨ 23:24 Nonb 29:1 ✨ 23:24 Nonb 10:9-10 ✨ 23:25 Lev 23:21  
 ✨ 23:27 Egz 30:10 ✨ 23:28 Lev 16:34

Bondye nou an. <sup>29</sup> Si gen yon moun ki refize desann li nan menm jou sa a, ✨li va vin izole de pèp li a. <sup>30</sup> Pou nenpòt moun ki fè yon travay nan menm jou sa a, moun sa a, Mwen va detwi li pami pèp li a. <sup>31</sup> Nou pa pou travay menm. Se yon règleman k ap dire pandan tout jenerasyon nou yo nan tout kay nou yo. <sup>32</sup> Fòk se yon repo Saba konplè pou nou, e nou va imilye nanm nou; nan nevyèm jou mwa a nan aswè, nou va obsève Saba nou.

<sup>33</sup> Ankò SENYÈ a te pale a Moïse e te di: <sup>34</sup> “Pale avèk fis Israël yo e di: ‘Nan kenzyèm jou nan mwa sa a ki se setyèm mwa a, se fèt Ti Tonèl Yo pandan sèt jou anvè SENYÈ a.’ ✨ <sup>35</sup> Nan premye jou a, se yon konvokasyon sen; nou pa pou fè ✨okenn kalite travay ki di. <sup>36</sup> ✨Pandan sèt jou, nou va prezante yon ofrann pa dife bay SENYÈ a. Nan uityèm jou a, nou va fè yon konvokasyon sen e prezante yon ofrann pa dife bay SENYÈ a; se yon asanble. Nou pa pou fè okenn travay di.

<sup>37</sup> Sa yo se lè chwazi SENYÈ a ke nou va pwoklame kòm konvokasyon sen, pou prezante ofrann dife bay SENYÈ a—ofrann brile ak ofrann sereyal yo, sakrifis yo avèk ofrann bwason yo, ✨zafè chak jou nan pwòp jou pa li—  
— <sup>38</sup> Apati Saba sila ki pou SENYÈ yo, apati kado nou yo, apati tout ofrann ve avèk ofrann bòn volonte ke nou bay SENYÈ yo.

<sup>39</sup> Byen jis nan kenzyèm jou nan setyèm mwa a, ✨lè nou gen tan antre rekòlt nan peyi a, nou va fete fèt ki pou SENYÈ a pandan sèt jou, avèk yon repo nan premye jou a, e yon repo nan uityèm jou a. <sup>40</sup> Alò, nan premye jou a, nou va pran pou nou menm fèy ki sòti nan pyebwa ki bèl yo, branch pal yo avèk branch nan pyebwa ki gen fèy yo, pyebwa ki pann sou kote rivyè a ak ti dlo yo, e nou va rejwi devan SENYÈ a Bondye nou an pandan sèt jou. <sup>41</sup> Nou va selebre li konsa kòm yon fèt bay SENYÈ a pandan sèt jou nan ane a. Sa va yon règleman k ap dire nèt pandan tout jenerasyon nou yo; nou va selebre li nan setyèm mwa a. <sup>42</sup> Nou va viv ✨nan tonèl yo pandan sèt jou; tout natif Israël yo va viv nan tonèl yo, <sup>43</sup> pou ✨jenerasyon nou yo kapab vin konnen ke fis Israël yo te viv nan tonèl lè Mwen te mennen yo, fè yo sòti nan peyi Égypte la. Mwen se SENYÈ a, Bondye nou an.’ ”

<sup>44</sup> Se konsa Moïse te deklare a fis Israël yo ✨ tout lè ki te chwazi pa Bondye yo.

## 24

<sup>1</sup> Epi SENYÈ a te pale avèk Moïse e te di: <sup>2</sup> Kòmande fis Israël yo pou yo pote bay ou ✨lwil klè ki sòti nan oliv ki te bat yo, pou limyè pou fè lanp lan briye san rete. <sup>3</sup> Deyò vwal temwayaj tant asanble a, Aaron va kenbe li an lòd soti nan aswè rive jis nan maten devan SENYÈ a pou tout tan; sa va yon règleman pandan tout jenerasyon nou yo. <sup>4</sup> Li va kenbe lanp an lòd la sou ✨chandelye an lò devan SENYÈ a pou tout tan.

<sup>5</sup> ✨Epi nou va pran farin fen an e fè douz gato avèk li; de dizyèm pati yon efa va sèvi nan chak gato. <sup>6</sup> Nou va mete yo nan de ranje, sis nan chak ranje, sou ✨tab lò san tach ki devan SENYÈ a. <sup>7</sup> Nou va mete lansan san tach nan chak ranje pou li kapab yon ✨pati komemoratif pou pen an,

✨ 23:29 Jen 17:14 ✨ 23:34 Nonb 29:12 ✨ 23:35 Lev 23:25 ✨ 23:36 Nonb 29:12-34 ✨ 23:37 Nonb 28:1-29 ✨ 23:39 Egz 23:16 ✨ 23:42 Lev 23:34 ✨ 23:43 Det 31:13 ✨ 23:44 Lev 23:37 ✨ 24:2 Egz 27:20-21 ✨ 24:4 Egz 25:31 ✨ 24:5 Egz 25:30 ✨ 24:6 Egz 25:24 ✨ 24:7 Lev 2:2,9,16

menm yon ofrann pa dife bay SENYÈ a. <sup>8</sup> Chak jou Saba, li va mete li an lòd devan SENYÈ a ☆pou tout tan; se yon akò k ap dire pou tout tan pou fis Israèl yo. <sup>9</sup> ☆Li va pou Aaron avèk fis li yo e yo va manje li nan yon lye ki sen; paske li sen pase tout bagay pou li soti nan ofrann bay SENYÈ yo, ofrann pa dife, pati pa li pou tout tan.

<sup>10</sup> Alò, fis a yon famn Izrayelit avèk yon papa Ejipsyen, te sòti pami fis Israèl yo; epi fis a fanm Izrayelit la ak yon nonm peyi Israèl te lite youn avèk lòt nan kan an. <sup>11</sup> Fis a fanm Izrayelit la te blasfeme ☆Non Bondye a e li te bay madichon. Pou sa, yo te mennen li vè Moïse, (Alò manman li te rele Shelomith, fi a Dibri nan tribi Dan nan. <sup>12</sup> Yo te arete li pou lòd SENYÈ a ta kapab vin klè a yo menm.

<sup>13</sup> Alò SENYÈ a te pale ak Moïse e te di: <sup>14</sup> Mennen sila ki te bay madichon an deyò kan an, kite tout moun ki te tande li yo ☆vin poze men sou tèt li; epi kite tout asanble a lapide li avèk kout wòch. <sup>15</sup> Ou va pale avèk fis Israèl yo e di: ☆‘Si yon moun modi Bondye li a, alò, li va pote peche li. <sup>16</sup> Anplis, sila ki ☆blasfeme non a SENYÈ a va vrèman vin mete a lanmò; tout asanble a va vrèman lapide li. Etranje oswa natif, lè li blasfeme Non Bondye, li va vin mete a lanmò.

<sup>17</sup> ☆Si yon nonm pran lavi a yon Kreyen vivan, li va vrèman vin mete a lanmò. <sup>18</sup> ☆Sila ki pran lavi a yon bèt va fè l bon, lavi pou lavi. <sup>19</sup> Si yon nonm blese vwazen li, menm sa ke li te fè a, va fèt a li menm: <sup>20</sup> zo kase pou zo kase, ☆zye pou zye, dan pou dan; menm jan ke li te blese yon nonm nan, se konsa ke li va fèt sou li menm. <sup>21</sup> Konsa, sila ki touye yon bèt va fè li bon, men ☆sila ki touye yon moun va vin mete a lanmò. <sup>22</sup> Va gen yon sèl règleman pou nou; li va pou etranje kòm pou moun peyi a, paske Mwen se SENYÈ a, Bondye nou an.’”

<sup>23</sup> Epi Moïse te pale a fis Israèl yo, yo te mennen sila ki te modi a deyò kan an, e yo te lapide li avèk kout wòch. Konsa fis Israèl yo te fè, jis jan ke SENYÈ a te kòmande Moïse la.

## 25

<sup>1</sup> Alò, SENYÈ a te pale a Moïse e te di: <sup>2</sup> Pale a fis Israèl yo e di yo: “Lè nou vini nan peyi ke Mwen va bannou an, alò, tè a va gen yon Saba pou SENYÈ a. <sup>3</sup> Pandan ☆sis ane, nou va plante chan nou yo, e pandan sis ane, nou va netwaye chan rezen an e rasanble pou fè rekòlt li, <sup>4</sup> men, pandan ☆setyèm ane a, tè a va gen yon repo Saba, yon Saba pou SENYÈ a; nou p ap ni plante chan an ni netwaye chan rezen an. <sup>5</sup> Donn nan chan ki grandi pa aza konsa a, nou pa pou rekòlte li, e rezen nou yo ki parèt sou branch ki pa t taye yo, nou pa pou ranmase yo; tè a va gen yon ane Saba. <sup>6</sup> Epi ☆nou tout va gen pwodwi Saba nan peyi a kòm manje; nou menm, esklav yo, ni mal ni femèl, anplwaye nou yo, etranje ki rezidan pami nou yo, sila ki viv tankou moun lòt nasyon pami nou yo. <sup>7</sup> Menm bèf nou yo avèk bèt ki nan peyi a va gen tout pwodwi li kòm manje.

<sup>8</sup> Nou dwe osi kontwole sèt Saba nan ane yo pou nou menm, sèt fwa sèt ane, jiskaske nou kontwole tan ke sèt Saba nan Saba ekoule yo; otreman, karant-nèf ane. <sup>9</sup> Alò, lè lè sa a rive nou va sone kòn belye a toupatou nan ☆dizyèm jou nan setyèm mwa a; nan jou ekspiyasyon an, nou va sone yon

☆ **24:8** Egz 25:30   ☆ **24:9** Mat 12:4   ☆ **24:11** Job 2:5-9   ☆ **24:14** Det 13:9   ☆ **24:15** Egz 22:28   ☆ **24:16** Lev 24:21   ☆ **24:17** Nonb 35:30-31   ☆ **24:18** Lev 24:21   ☆ **24:20** Mat 5:38  
☆ **24:21** Lev 24:17   ☆ **25:3** Egz 23:10-11   ☆ **25:4** Lev 25:20   ☆ **25:6** Lev 25:20-21   ☆ **25:9** Lev 23:27

kòn toupatou nan peyi a. <sup>10</sup> Se konsa, nou va konsakre senkantyèm ane a e \*pwoklame remisyon toupatou nan peyi a a tout abitan li yo. Li va yon jibile pou nou, e nou chak va retounen nan pwòp teren pa nou ak pwòp fanmi pa nou. <sup>11</sup> Nou va gen senkantyèm ane a kòm yon ane jibile; nou pa pou plante, ni rekòlte sa ki grandi konsa nan tè, ni ranmase fwi ki sòti nan branch ki pa t netwaye yo. <sup>12</sup> Paske se yon jibile; li va sen pou nou. Nou va manje pwodwi li ki sòti nan chan an.

<sup>13</sup> \*Nan ane jibile sila a, nou chak va retounen nan pwòp tè pa nou.

<sup>14</sup> Anplis, si nou fè lavant bay zanmi nou, oswa achte nan men zanmi nou, \*nou pa pou fè tò a youn lòt. <sup>15</sup> Konsènan nonb ane apre jibile yo, nou va achte nan men zanmi nou; li dwe vann nou selon nonb ane rekòlt yo. <sup>16</sup> \* Nan menm fòs ane ki rete yo, nou va ogmante pri a, e nan menm fòs ane ki manke yo, nou va redwi pri a, paske li se fòs rekòlt ki rete ke l ap vann ou an. <sup>17</sup> Konsa, \*pinga nou fè tò a youn lòt, men nou va krent Bondye nou an; paske Mwen se SENYÈ a, Bondye nou an.

<sup>18</sup> Se konsa ke nou va obsève règleman Mwen yo e kenbe jijman Mwen yo, pou akonpli yo, pou \*nou kapab viv an sekirite sou tè a.

<sup>19</sup> Konsa, tè a va donnen pwodwi li pou nou kapab manje vant plen, e viv an sekirite sou tè a. <sup>20</sup> Men si nou ta di: \*"Kisa n ap manje nan setyèm ane a si nou pa ni plante ni rekòlte rekòlt nou yo? <sup>21</sup> alò, \*Mwen va tèlman regle benediksyon Mwen yo pou nou nan sizyèm ane a, pou li kab pote yon rekòlt twazan. <sup>22</sup> Lè nou ap plante nan uityèm ane a, nou kapab toujou manje \*ansyen bagay a rekòlt yo, e nou va kontinye manje vye a jis rive nan nevyèm ane a lè rekòlt pa li kòmanse antre a.

<sup>23</sup> Tè a, anplis, pa pou vann nèt, paske \*tè a se pa M; paske nou se sèlman etranje k ap demere avè M. <sup>24</sup> Konsa, nan chak mòso tè ke nou posede, fòk nou fè pwovizyon pou peye ranson tè a.

<sup>25</sup> \*Si yon moun peyi parèy nou an vin tèlman pòv ke li oblije vann yon pati nan tè li a, alò, se fanmi pi pre li a ki dwe peye ranson ke manm fanmi li te vann nan. <sup>26</sup> Oswa nan ka a yon moun ki pa gen fanmi, men ki tèlman regle zafè li pou twouve ase mwayen pou peye ranson an, <sup>27</sup> \*alò, li va kalkile ane yo soti lè li te vann nan e remèt fòs balans sa a moun ke li te vann li an, e konsa li va retounen vin pwòp teren pa l. <sup>28</sup> Men, si li poko twouve ase mwayen pou reprann li pou kont li, alò, sa ke li te vann nan, va rete nan men a sila ki achte li a jis rive nan ane jibile a; men nan jibile a, li va revize, pou li kapab retounen a pwòp tè pa li.

<sup>29</sup> Menm jan an, si yon mesye vann yon kay nan yon vil ki antoure avèk miray, alò, dwa pou peye ranson pa l la va dire pou tout 1 nan. <sup>30</sup> Men, si li pa peye ranson li an nan 1 nan ki ekoule a, alò, kay ki nan vil antoure avèk miray la va pase nèt bay sila ki te achte li pou tout jenerasyon li yo; li p ap remèt nan jibile a. <sup>31</sup> Men, kay nan vil ki pa antoure avèk miray yo va konsidere kòm chan ouvri; yo gen dwa peye ranson an e li va remèt nan jibile a.

<sup>32</sup> Epi, pou \*vil ki pou Levit yo; Levit yo gen yon dwa pèmanan pou peye ranson nan vil ki se posesyon pa yo. <sup>33</sup> Konsa, sa ki pou Levit yo kapab peye ranson e yon vant kay nan vil posesyon sila a va remèt nan jibile a,

\* 25:10 Jr 34:8-15-17 \* 25:13 Lev 25:10 \* 25:14 Lev 25:17 \* 25:16 Lev 25:27-52 \* 25:17 Jr 7:5-6 \* 25:18 Lev 26:5 \* 25:20 Lev 25:4 \* 25:21 Det 28:8 \* 25:22 Lev 26:10 \* 25:23 Egz 19:5 \* 25:25 Rt 2:20 \* 25:27 Lev 25:16 \* 25:32 Nonb 35:1-8

pa nan vil Levit yo se posesyon pa yo pami fis Israël yo. <sup>34</sup> Men chan pou bèt nan vil pa yo pa pou vann, paske sa se posesyon pa yo pou tout tan.

<sup>35</sup> Alò, nan ka ke yon moun peyi nou an vin pòv e zafè li vin gate, alò, nou gen pou bay li soutyen, kòm etranje, oswa yon moun k ap demere, pou li kapab viv avèk nou. <sup>36</sup> Pa pran enterè ni avantaj sou li, men onore Bondye ou a pou li kapab viv avèk ou. <sup>37</sup> Ou pa pou bay li lajan ou avèk enterè, ni manje ou pou fè pwofi. <sup>38</sup> ✧Mwen se SENYÈ a, Bondye nou an ki te fè nou sòti nan peyi Égypte la pou bannou peyi Canaan an ✧pou M kapab Bondye nou.

<sup>39</sup> ✧Si yon moun peyi parèy nou vin tèlman pòv selon nou menm, e li vin vann tèt li bannou, nou pa pou desann li nan sèvis esklavaj. <sup>40</sup> Li va rete avèk nou kòm yon jounalye, menm ✧kòm yon demere; li va sèvi avèk nou jis rive nan ane jibile a. <sup>41</sup> Epi, li va sòti de nou menm, li menm avèk fis li yo avè l, e li va retounen vè fanmi li, pou li kapab retounen nan teren zansèt li yo. <sup>42</sup> Paske yo se sèvitè Mwen ke Mwen te mennen sòti nan peyi Égypte la; yo pa pou vann nan yon vant esklav. <sup>43</sup> ✧Nou pa pou domine li avèk severite, men onore Bondye nou an.

<sup>44</sup> Kòm esklav mal ak femèl ke petèt nou kapab gen,—nou kapab jwenn esklav mal ak femèl nan nasyon payen ki antoure nou yo. <sup>45</sup> Alò, osi, se soti nan fis a demere k ap viv pami nou yo, ke nou kapab vin genyen yo, e ladann nan fanmi pa yo ki avèk nou, ke yo va gen tan pwodwi nan peyi nou; yo menm osi kapab devni posesyon pa nou. <sup>46</sup> Nou kapab menm sede a fis apre nou yo, pou resevwa yo kòm yon posesyon; nou kapab sèvi yo kòm esklav pou tout tan. ✧Men, pou moun peyi nou an, nou pa pou domine avèk severite youn sou lòt.

<sup>47</sup> Alò, si mwayen a yon etranje, oswa yon demere avèk nou vin ase, e yon moun peyi parèy a nou an vin tèlman pòv ke li vin vann tèt li bay yon etranje ki demere pami nou, oswa desandan a yon fanmi etranje, <sup>48</sup> Alò, li va gen dwa peye ranson nan moman li fenk vann nan. Youn nan frè li yo kapab peye ranson li an, <sup>49</sup> oswa tonton li, oswa fis tonton li, kapab peye ranson li an, oswa ✧si li vin pwospere, li kapab peye ranson an pou pwòp tèt li. <sup>50</sup> Epi, li menm avèk sila ki te achte li a, va kalkile ansanm soti nan ane ke li te vann tèt li bay li menm nan jis pou rive nan jibile a; epi pri lavant li an va koresponn a nonb ane ke li te avèk li yo. Se tankou jou a yon jounalye ke li va avèk li. <sup>51</sup> Si gen toujou anpil ane, ✧li va remèt yon pati nan pri lavant lan pou kouvri yo pou peye pwòp ranson pa li; <sup>52</sup> epi, si se pa anpil ane ki rete pou rive nan ane jibile a, li va kalkile sa avèk li. Selon ane ki rete yo li va remèt menm fòs la pou pri ranson an. <sup>53</sup> Menm tankou yon ouvriye ki anplwaye ane pa ane li va konsa avèk li; ✧li p ap domine sou li avèk severite devan zye nou.

<sup>54</sup> Menm si li pa peye ranson an pa mwayen sila yo, ✧li va toujou sòti nan ane jibile a, li menm avèk fis li yo avè l. <sup>55</sup> Paske fis Israël yo se sèvitè Mwen; yo se sèvitè Mwen ke M te mennen fè sòti nan peyi Égypte yo. Mwen se Senyè a, Bondye nou an.

## 26

<sup>1</sup> Nou pa pou fè pou nou menm zidòl, ni nou pa pou mete an plas pou nou

✧ 25:38 Lev 11:45 ✧ 25:38 Jen 17:7 ✧ 25:39 Egz 21:2-6 ✧ 25:40 Egz 21:2 ✧ 25:43 Egz 34:4 ✧ 25:46 Lev 25:43 ✧ 25:49 Lev 25:26-27 ✧ 25:51 Lev 25:16 ✧ 25:53 Lev 25:43 ✧ 25:54 Lev 25:10-28

menm yon imaj, oswa yon ✨pilye sakre. Ni nou pa pou plase yon ✨wòch taye nan okenn fòm pou bese devan li; paske Mwen se SENYÈ a, Bondye nou an.

<sup>2</sup> Nou va kenbe Saba Mwen yo, e nou va onore sanktyè Mwen an; Mwen se SENYÈ a.

<sup>3</sup> ✨Si nou mache nan règleman Mwen yo, e kenbe kòmandman Mwen yo pou fè yo, <sup>4</sup> alò, ✨Mwen va bannou lapli yo nan sezon pa yo, pou peyi a donnen pwodwi li yo, e bwa nan chan yo va bay fwi yo. <sup>5</sup> Anverite, bat grenn chan nou va dire jis tan pou ranmase rezen yo, e ranmase rezen yo va dire jis rive nan tan semans lan. Nou va konsa manje manje nou vant plen nèt, e ✨viv ansekirite nan peyi nou.

<sup>6</sup> ✨Mwen va osi bay lapè nan peyi a, pou ✨nou kapab kouche san okenn moun pa fè nou tranble. Osi mwen va retire bèt sovaj nan peyi a, e okenn nepe p ap pase nan peyi nou. <sup>7</sup> Men, nou va kouri dèyè lènmi nou yo, e yo va tonbe devan nou pa nepe. <sup>8</sup> ✨Senk nan nou va chase yon santèn, san nan nou va chase di-mil, e lènmi nou yo va tonbe devan nou pa nepe.

<sup>9</sup> Konsa, Mwen va vire vè nou pou fè nou donnen anpil fwi, Mwen va multipliyè nou, e Mwen va asire akò Mwen avèk nou. <sup>10</sup> Nou va manje nan ansyen depo a e nou va netwaye ansyen an akòz nèf la. <sup>11</sup> ✨Anplis, Mwen va fè domisil Mwen pami nou, e nanm Mwen p ap rejte nou. <sup>12</sup> ✨Mwen va osi mache pami nou, Mwen va Bondye nou, e nou va pèp Mwen. <sup>13</sup> ✨Mwen se SENYÈ a, Bondye nou an, ki te mennen nou sòti nan peyi Égypte la pou nou pa t esklav pa yo, ✨Mwen te kase fè esklavaj nou an, e Mwen te fè nou mache kanpe dwat.

<sup>14</sup> ✨Men, si nou pa obeyi Mwen e pa akonpli tout kòmandman sa yo, <sup>15</sup> si, okontrè, nou ✨rejte règleman Mwen yo, si nanm nou rayi òdonans sa yo pou li pa vin akonpli tout kòmandman Mwen yo, e kraze akò Mwen yo, <sup>16</sup> anretou, men kisa Mwen va fè nou: Mwen va chwazi sou nou sibitman yon ✨gwo twoub, yon maladi epwizan avèk lafyèv ki va gate zye nou, e fè nanm nan chagren; epi nou va simen grenn nou yo san reyisi, paske se lènmi nou yo ki va manje li. <sup>17</sup> Mwen va mete figi Mwen kont nou jiskaske nou vin izole devan lènmi nou yo; epi ✨sila ki rayi nou yo va domine sou nou, e nou va kouri sove ale menm lè pa gen moun k ap kouri dèyè nou.

<sup>18</sup> Si menm apre bagay sa yo, nou pa vin obeyi Mwen, alò Mwen va pini nou ✨sèt fwa anplis pou peche nou yo. <sup>19</sup> Mwen va anplis, kase awogans pouvwa nou; Mwen va fè syèl la tankou fè e tè a tankou bwonz. <sup>20</sup> Fòs ou va depanse san valè; latè ou p ap pwodwi, ni pyebwa yo p ap donnen fwi. <sup>21</sup> ‘Si konsa, ou aji ak ostilite kont Mwen e refize obeyi M, Mwen va ogmante gwo maladi ak dezaz yo sèt fwa, selon peche nou yo.

<sup>22</sup> Mwen va lage pami nou bèt sovaj chan yo ki va rache pitit nou yo nan men nou, detwi bèt nou yo e redwi fòs kantite moun nou jis pou wout nou yo rete abandone. ✨

<sup>23</sup> ✨Epi si, nan tout bagay sa yo nou pa vire bò kote M, men aji avèk ostilite kont Mwen, <sup>24</sup> Alò, Mwen va ✨aji avèk ostilite kont nou; epi Mwen, Mwen menm, Mwen va frape nou sèt fwa pou peche nou yo. <sup>25</sup> Osi, Mwen va mennen sou nou yon nepe ki va egzekite vanjans pou akò a; epi lè nou

✨ 26:1 Egz 23:24 ✨ 26:1 Nonb 33:52 ✨ 26:3 Det 7:12-26 ✨ 26:4 Det 11:14 ✨ 26:5 Lev 25:18-19 ✨ 26:6 Sòm 29:11 ✨ 26:6 So 3:13 ✨ 26:8 Det 32:30 ✨ 26:11 Egz 25:8 ✨ 26:12 Det 23:14 ✨ 26:13 Egz 20:2 ✨ 26:13 Éz 34:27 ✨ 26:14 Det 28:15-68 ✨ 26:15 Lev 26:11 ✨ 26:16 Det 28:22 ✨ 26:17 Sòm 106:41 ✨ 26:18 Lev 26:21-28 ✨ 26:22 II Wa 17:25; Jij 5:6 ✨ 26:23 Lev 26:21 ✨ 26:24 Lev 26:28-41

reyini ansanm nan vil nou yo, Mwen va voye ✨epidemi sou nou, pou nou vin livre nan men lènmi nou yo. <sup>26</sup> Lè Mwen kase pen pami nou, dis fanm va kwit pen nou nan yon sèl fou, e yo va mennen retounen pen nou nan pati ki mezire nan balans lan, pou nou ✨manje, men pa pou nou satisfè.

<sup>27</sup> Men si, malgre tout sa, nou pa obeyi Mwen, men aji avèk ostilite kont Mwen, <sup>28</sup> Alò, ✨Mwen va aji avèk ostilite ak vanjans kont nou, e Mwen, Mwen menm, Mwen va pini nou sèt fwa pou peche nou yo. <sup>29</sup> Anplis ✨nou va manje chè a fis nou yo e chè a fi nou yo, n ap manje. <sup>30</sup> Epi Mwen ✨va detwi wo plas yo, koupe lotèl lansan yo, e fè gwo pil ak retay kò nou sou retay zidòl nou, paske nanm Mwen va rayi nou. <sup>31</sup> Anplis, Mwen va ✨kraze vil nou yo, Mwen va fè sanktyè nou yo vin dezè, e Mwen p ap dakò santi sant dous nou yo. <sup>32</sup> Mwen va fè peyi a dezole jiskaske lènmi nou ki vin viv ladan yo a va chagrin sou sa. <sup>33</sup> Men nou, Mwen va gaye nou pami nasyon yo e Mwen va rale yon nepe parèt dèyè nou, pandan peyi nou an vin dezè e vil nou yo vin kraze. <sup>34</sup> ✨Epi tè a va rejwi nan Saba li yo pandan tout jou dezolasyon li yo, pandan nou nan peyi lènmi nou yo; alò tè a va repoze e rejwi nan Saba li yo. <sup>35</sup> Tout jou a dezolasyon yo, li va obsève repo ke li pa t obsève nan Saba nou yo pandan nou t ap viv ladann nan.

<sup>36</sup> Pou sila nan nou ki kab toujou rete la yo, Mwen va osi pote ✨feblès nan kè yo pandan yo nan peyi lènmi yo. Epi bwi a yon fèy k ap kouri nan van va fè kè yo sote, e menmlè pèsòn pa kouri dèyè yo, yo va sove ale tankou se devan nepe, e yo va tonbe. <sup>37</sup> Se konsa yo va manke tonbe youn sou lòt, kòm si yo t ap kouri kite nepe, malgre pèsòn pa dèyè yo, e nou p ap gen fòs pou kanpe devan lènmi nou yo. <sup>38</sup> Men ✨nou va peri pami nasyon yo, e peyi lènmi nou yo va manje nou. <sup>39</sup> ✨Epi, sila ki lese dèyè yo va pouri gate akoz inikite pa yo nan peyi a lènmi pa nou an; epi, osi, akoz inikite zansèt pa yo, ak enfidelite ke yo te komèt nan peyi lènmi nou yo; anplis, akoz inikite a papa zansèt pa yo, yo va vin pouri ansanm avèk yo.

<sup>40</sup> ✨Si yo konfese inikite pa yo, ak inikite zansèt yo, nan enfidelite ke yo te komèt kont Mwen yo, e osi, jan yo aji avèk ostilite kont Mwen an—  
<sup>41</sup> Mwen te aji osi avèk ostilite kont yo, pou mennen yo nan peyi lènmi yo—oubyen si kè ensikonsi yo a ta vin imilye pou yo ✨kapab, answit, aksepte pinisyon pou inikite yo a. <sup>42</sup> Nan lè sa a, Mwen va sonje ✨akò Mwen avèk Jacob, Mwen va sonje osi akò Mwen avèk Isaac, ni akò Mwen avèk Abraham, e Mwen va sonje peyi a. <sup>43</sup> ✨Paske, peyi a va vin abandone pa yo, e reprann Saba li yo pandan li vin dezè san yo menm nan. Antretan, yo menm va vin aksepte pinisyon pa yo paske yo te rejte òdonans Mwen yo, e nanm yo te rayi règleman Mwen yo. <sup>44</sup> Men, malgre tout sa, lè yo nan peyi lènmi yo, Mwen p ap rejte yo, ni Mwen p ap meprize yo tèlman pou detwi yo e kase akò Mwen avèk yo; paske Mwen se SENYÈ a, Bondye pa yo a. <sup>45</sup> Men, Mwen va sonje yo pou akò avèk zansèt yo a, ke M te mennen fè yo sòti nan peyi Égypte devan zye a tout nasyon yo, pou Mwen ta kapab vin Bondye pa yo. Mwen se SENYÈ a.

<sup>46</sup> ✨Sa yo se règleman avèk òdonans avèk lwa ke SENYÈ a te etabli antre Li menm ak fis Israèl yo pa Moïse nan Mòn Sinai a.

✨ 26:25 Nonb 14:12 ✨ 26:26 Mi 6:14 ✨ 26:28 Lev 26:24-41 ✨ 26:29 II Wa 6:29 ✨ 26:30 Esd 6:3-6 ✨ 26:31 Né 2:3 ✨ 26:34 Lev 26:43 ✨ 26:36 És 30:17 ✨ 26:38 Det 4:26 ✨ 26:39 Éz 4:17 ✨ 26:40 Jr 3:12-15 ✨ 26:41 Éz 20:43 ✨ 26:42 Jen 28:13-15 ✨ 26:43 Lev 26:34 ✨ 26:46 Lev 7:38

## 27

<sup>1</sup> Ankò SENYÈ a te pale avèk Moïse e te di: <sup>2</sup> Pale avèk fis Israèl yo e di: “✧Lè yon nonm fin fè yon ve ki difisil, li va valorize selon valè moun nou ki apatyen a SENYÈ a. <sup>3</sup> Si valè ou a se yon gason antre ventan ak swasantan daj, valè ke nou va bay li a se senkant sik an ajan, dapre ✧sik ki nan sanktyè a. <sup>4</sup> Oubyen, si se yon fanm, alò valè nou va trant sik. <sup>5</sup> Si li antre senkan jiska ventan, alò valè nou pou gason an va ven sik, e pou fanm nan dis sik. <sup>6</sup> Men, si yo antre laj yon mwa jis rive nan senkan, valè nou va ✧senk sik an ajan pou gason an, e pou fanm nan, valè nou va twa sik an ajan. <sup>7</sup> Si yo gen swasantan oswa plis, si se yon gason, alò valè li va kenz sik, e pou fanm lan, dis sik. <sup>8</sup> Men, si li manke rive nan valè ou, alò li va plase devan prèt ki va bay valè li a; ✧selon mwayen a sila ki te fè ve a, prèt la va ba li valè.

<sup>9</sup> Alò, si se yon kalite bèt ke yon mesye ta kapab prezante kòm yon ofrann bay SENYÈ a, nenpòt sa ki bay a SENYÈ a, va sen. <sup>10</sup> ✧Li pa pou ranplase li ni chanje li, yon bon pou yon move, ni yon move pou yon bon; oswa, si li ta chanje bèt pou bèt, se tou de ki vin sen. <sup>11</sup> Si, malgre li se yon bèt ki pa pwòp nan kalite ke moun pa kab prezante kòm yon ofrann bay SENYÈ a, alò, li va plase bèt la devan prèt la. <sup>12</sup> Prèt la va ba li valè kit li bon, kit li pa bon; jan nou menm nan, prèt la ba li valè, se konsa li va ye. <sup>13</sup> Men, si li ta janmen vle peye ranson li an, alò li va ogmante yon senkyèm nan valè li.

<sup>14</sup> Alò, si yon mesye konsakre kay li kòm sen pou SENYÈ a, alò prèt la va ba li valè kòm bon, oswa pa bon; jan prèt la ba li valè, se konsa li va kanpe. <sup>15</sup> Men, si sila ki konsakre li a ta vle vin peye ranson li an, alò, li va mete yon senkyèm sou valè pri a pou l kapab vin pou li.

<sup>16</sup> Ankò, si yon mesye konsakre bay SENYÈ a yon pati nan pwòp chan pa li yo, alò, valè ke nou ba li a va selon fòs kantite semans ki nesese pou simen li an: yon barik semans lòj vo senkant sik ajan. <sup>17</sup> Si li konsakre chan li an nan menm ane jibile a, selon valè nou ba li, li va kanpe konsa. <sup>18</sup> Si li konsakre chan li an apre jibile a, alò, prèt la va kalkile pri a pou li selon ane ki rete yo jis rive nan ane jibile a; epi li va vin redwi nan valè ke nou bay la. <sup>19</sup> Si sila ki konsakre li a ta janmen vle peye ranson chan an, alò li va adisyone yon senkyèm nan valè ke nou bay sou li a, pou li kapab vin pou li. <sup>20</sup> Malgre sa, si li pa peye ranson chan an, men te vann chan an a yon lòt nonm, li p ap kapab peye ranson an ankò; <sup>21</sup> epi, lè li vin retounen nan jibile a, chan an va vin sen pou SENYÈ a, kòm yon chan ki mete apa; ✧li va pou prèt la kòm tè pa li.

<sup>22</sup> Oswa, si li konsakre bay SENYÈ a, yon chan ke li te achte, ki se pa yon pati nan chan pwòp tè pa li a, <sup>23</sup> alò, prèt la va kalkile pou li sòm valè chan an jis rive nan ane jibile a; epi li va nan jou sa a bannou valè nou kòm sen pou SENYÈ a. <sup>24</sup> Nan ane jibile a, chan an va retounen a sila sou li menm li te achte li a, e ki se pwòp mèt teren an. <sup>25</sup> Anplis, chak valè ke nou bay va baze sou sik sanktyè a. Sik la va ven gera (yon ventyèm sik la).

<sup>26</sup> ✧Malgre sa, yon premye pòtre pami bèt yo, ki se kòm premye ne, se pou SENYÈ a, pèsòn pa pou konsakre li; kit se yon bèf, kit se yon mouton, se pou SENYÈ a. <sup>27</sup> Men si li pami bèt ki pa pwòp yo, alò li va rachte li

✧ 27:2 Nonb 6:2 ✧ 27:3 Egz 30:13 ✧ 27:6 Nonb 18:16 ✧ 27:8 Lev 5:11 ✧ 27:10 Lev 27:33 ✧ 27:21 Nonb 18:14 ✧ 27:26 Egz 13:22



selon valè ke nou ba li e mete yon senkyèm anplis; epi si li pa rachte li, alò li va vann li selon valè ke nou ba li a.

<sup>28</sup> Sepandan, ✧nenpòt bagay ke yon nonm mete apa pou SENYÈ a nan tout sa ke li genyen, kit se moun, bèt, oswa chan nan pwòp tè li, li p ap janm vann ni peye ranson. Nenpòt bagay ki dedye pou destriksyon, pi sen pou SENYÈ a. <sup>29</sup> Okenn moun ki vin mete apa pami lèzòm p ap janm peye ranson; li va asireman vin mete a lanmò.

<sup>30</sup> Konsa ✧tout dim tè, semans tè, ni fwi nan bwa, se pou SENYÈ a; li sen pou SENYÈ a. <sup>31</sup> Alò, konsa, si yon moun vle peye ranson yon pati nan dim li, li va mete yon senkyèm sou li. <sup>32</sup> Paske chak dizyèm pati nan twoupo, oswa nan bann mouton, nenpòt sa ki pase anba baton, dizyèm pati a va sen pou SENYÈ a. <sup>33</sup> ✧Li pa konsènan si li bon oswa pa bon, ni li pa pou chanje li; alò, ni li menm, ni sa ki ranplase li a, va vin sen. Li pa pou peye ranson.’ ”

<sup>34</sup> ✧Sa yo se kòmandman ke SENYÈ a te kòmande Moïse pou fis Israèl yo nan mòn Sinai a.

## Non Yo

<sup>1</sup> Epi SENYÈ a te pale a Moïse nan dezè Sinai a, nan tant asanble a, nan premye jou a dezyèm mwa a, nan dezyèm ane lè yo te fin sòti nan peyi Égypte la, e Li te di: <sup>2</sup> ✧Fè yon chif kontwòl tout asanble fis Israël yo selon fanmi zansèt pa yo, selon papa lakay yo, selon kantite, non a chak gason, tèt pa tèt, <sup>3</sup> soti nan ✧ventan oplis, nenpòt moun ki kapab fè lagè an Israël. Ou menm avèk Aaron va konte yo pa lame yo. <sup>4</sup> Anplis de nou menm, va genyen yon moun ki sòti nan chak tribi, ✧yo chak ki se tèt a fanmi zansèt pa li.

<sup>5</sup> Alò, sa yo se nonm mesye ki va kanpe avèk ou yo: ✧pou Ruben: Élitsur, fis a Schedeur; <sup>6</sup> pou Siméon: Schelumiel, fis a Tsurischaddaï; <sup>7</sup> pou Juda: ✧Nachschon, fis a Amminadab; <sup>8</sup> pou Issacar: Nethaneel, fis a Tsuar; <sup>9</sup> pou Zabulon: Éliab, fis a Hélon; <sup>10</sup> pou fis a Joseph yo, pou Éphraïm: Élischama, fis a Ammihud; pou Manassé: Gamaliel, fis a Pedahtsur; <sup>11</sup> pou Benjamin: Abidan, fis a Guideoni; <sup>12</sup> pou Dan: Ahiézer, fis a Mamischaddaï; <sup>13</sup> pou Aser: Paguiel, fis a Ocran; <sup>14</sup> pou Gad: Éliasapah, fis a ✧Déuel; <sup>15</sup> pou Nephthali: Ahira, fis a Énan.

<sup>16</sup> Se sila yo ki te ✧rele pa asanble a, dirijan a tribi fanmi zansèt pa yo; yo te chèf a dè milye an Israël. <sup>17</sup> Konsa, Moïse avèk Aaron te pran mesye sa yo ki te chwazi pa non yo, <sup>18</sup> epi yo te reyini tout kongregasyon an ansanm nan premye jou nan dezyèm mwa a. Epi yo te fè anrejistreman selon ✧fanmi zansèt pa yo, selon kay papa yo, selon kantite ki te nome yo, soti nan ventan oswa plis, tèt pa tèt. <sup>19</sup> Jan ✧SENYÈ a te kòmande Moïse la, konsa li te konte yo nan dezè ki rele Sinai a.

<sup>20</sup> ✧Alò fis a Ruben yo, premye ne pou Israël, anrejistreman pa yo selon fanmi zansèt yo, selon fanmi papa pa yo, selon kantite ki te nome yo, tèt pa tèt, tout gason soti nan ventan oswa plis ki ta kapab fè lagè. <sup>21</sup> Kantite mesye ki te konte nan tribi Ruben an te karann-si-mil-senk san (46,500).

<sup>22</sup> ✧Pou fis Siméon yo, anrejistreman pa yo selon fanmi zansèt yo, selon fanmi papa pa yo, selon kantite ki te nome yo, tèt pa tèt, tout gason soti nan ventan oswa plis ki ta kapab fè lagè. <sup>23</sup> Kantite mesye ki te konte nan tribi Siméon an te senkant-nèf-mil, twa-san (59,300).

<sup>24</sup> ✧Pou fis Gad yo, anrejistreman pa yo selon fanmi zansèt yo, selon fanmi papa pa yo, selon kantite ki te nome yo, tèt pa tèt, tout gason soti nan ventan oswa plis ki ta kapab fè lagè. <sup>25</sup> Kantite mesye ki te konte nan tribi Gad la te karann-senk-mil-sis-san-senkant (45,650).

<sup>26</sup> ✧Pou fis Juda yo, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>27</sup> Kantite mesye ki te konte nan tribi Juda a te swasann-katòz-mil-sis-san (74,600).

<sup>28</sup> ✧Pou fis Issacar yo, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>29</sup> Kantite mesye ki te konte nan tribi Issacar a te senkant-kat-mil-kat-san (54,400).

✧ 1:2 Egz 12:37 ✧ 1:3 Egz 30:14 ✧ 1:4 Egz 18:21-25 ✧ 1:5 Det 33:6 ✧ 1:7 Rt 4:20  
 ✧ 1:14 Nonb 2:14 ✧ 1:16 Egz 18:21 ✧ 1:18 Esd 2:59 ✧ 1:19 II Sam 24:1 ✧ 1:20 Nonb 26:5-7  
 ✧ 1:22 Nonb 26:12-14 ✧ 1:24 Jos 4:12 ✧ 1:26 Sòm 78:68 ✧ 1:28 Nonb 26:23-35

<sup>30</sup> ✧ Pou fis Zabulon yo, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>31</sup> Kantite mesye ki te konte nan tribi Zabulon an te senkant-sèt-mil-kat-san (57,400).

<sup>32</sup> ✧ Pou fis Joseph sa vle di Éphraïm, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>33</sup> Kantite mesye ki te konte nan tribi Éphraïm nan te karann-sèt-mil-senk-san (47,500).

<sup>34</sup> ✧ Pou fis Manassé yo, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>35</sup> Fòs kantite mesye ki te konte nan tribi Manassé a te trann-de-mil-de-san (32,200).

<sup>36</sup> ✧ Pou fis Benjamin yo, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>37</sup> Kantite mesye ki te konte nan tribi Benjamin an te trann-senk-mil-kat-san (35,400).

<sup>38</sup> ✧ Pou fis Dan yo, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>39</sup> Kantite mesye ki te konte nan tribi Dan nan te swasann-de-mil-sèt-san (62,700).

<sup>40</sup> ✧ Pou fis Aser yo, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>41</sup> Kantite mesye ki te konte nan tribi Aser a te karanteyen-mil-senk-san (41,500).

<sup>42</sup> ✧ Pou fis Nephthali yo, anrejistreman pa yo selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè. <sup>43</sup> Kantite mesye ki te konte nan tribi Nephtali a te senkant-twa-mil-kat-san (53,400).

<sup>44</sup> Sa yo se sila ki te konte yo, ke Moïse avèk Aaron te konte yo, selon chèf Israël yo, douz gason, chak ki te sòti lakay zansèt papa pa yo. <sup>45</sup> Konsa se tout gason nan fis Israël yo ki te konte selon fanmi zansèt yo, selon fanmi papa pa yo, selon kantite non yo, tèt pa tèt, tout gason soti nan ventan oswa plis ki ta kapab fè lagè an Israël. <sup>46</sup> Jiskaske tout mesye ki te konte yo te ✧ sis-san-twa-mil-senk-san-senkant. (603,550).

<sup>47</sup> ✧ Men Levit yo pa t konte pami yo selon tribi zansèt papa pa yo. <sup>48</sup> Paske SENYÈ a te pale avèk Moïse e te di: <sup>49</sup> “Sèlman tribi Levi a, ✧ nou p ap konte, ni nou p ap fè kontwòl anrejistreman pa yo pami fis Israël yo. <sup>50</sup> Men nou va ✧ chwazi Levit yo sou tabènak temwayaj la, sou tout zafè li yo ak tout sa ki apatyen a li menm. Yo va pote tabènak la avèk tout zafè li, e yo va okipe li; yo va osi fè kan antoure tabènak la. <sup>51</sup> ✧ Konsa lè tabènak la ap pati, Levit yo va desann li; epi lè tabènak la vin kanpe, Levit yo va monte li. Men sila ki pa Levit ki vin toupre va vin mete a lanmò.

<sup>52</sup> ✧ Fis Israël yo va fè kan, chak mesye bò kote kan pa li, e chak mesye bò drapo pa li, selon lame yo. <sup>53</sup> Men Levit yo va fè kan antoure tabènak temwayaj la, pou kòlè pa vin sou asanble fis Israël yo. ✧ Konsa Levit yo va kenbe chaj sou tabènak temwayaj la.

✧ **1:30** Nonb 26:26-27 ✧ **1:32** Jr 7:15 ✧ **1:34** Nonb 26:28-34 ✧ **1:36** II Kwo 17:17 ✧ **1:38** Jen 30:6 ✧ **1:40** Nonb 26:44-47 ✧ **1:42** Nonb 26:48-50 ✧ **1:46** Nonb 2:32 ✧ **1:47** Nonb 2:33 ✧ **1:49** Nonb 26:62 ✧ **1:50** Egz 38:21 ✧ **1:51** Nonb 4:1-33 ✧ **1:52** Nonb 2:2-34 ✧ **1:53** Nonb 8:24

<sup>54</sup> Se konsa ke fis Israël yo te fè; selon tout sa ke SENYÈ a te kòmande Moïse yo, konsa yo te fè.

## 2

<sup>1</sup> Alò SENYÈ a te pale avèk Moïse e te di: <sup>2</sup> ✧ Fis Israël yo va fè kan, chak bò kote pwòp drapo pa yo, avèk drapo lakay papa zansèt pa yo; yo va fè kan antoure tant asanble a, a yon distans.

<sup>3</sup> Alò, sila ki fè kan nan kote lès la vè solèy leve yo va sila nan drapo kan an Juda yo, selon lame pa yo, ak chèf dirijan a fis Juda yo; ✧Nachschon, fis a Amminadab la, <sup>4</sup> avèk lame pa li, men mesye ki te konte yo, swasann-katòz-mil-sis-san (74,600).

<sup>5</sup> Sila ki fè kan bò kote li yo va nan tribi Issacar, ak chèf dirijan an; Nethaneel, fis a Tsuar a, <sup>6</sup> avèk lame pa li, men mesye ki te konte yo, senkant-kat-mil-kat-san (54,400).

<sup>7</sup> Sila a va swiv pa Zabulon, avèk chèf dirijan fis Zabulon yo: ✧ Eliab, fis a Hélon an, <sup>8</sup> avèk lame pa li, men mesye ki te konte yo, senkant-sèt-mil-kat-san (57,400).

<sup>9</sup> Total a mesye ki te konte nan kan Juda a te: san-katreven-si-mil-kat-san (186,400) selon lame pa yo. ✧Yo va sòti avan.

<sup>10</sup> Nan kote sid la va gen drapo a kan Ruben an selon lame pa yo, e chef a fis Ruben yo te: ✧Élitsur fis a Schedeur a, <sup>11</sup> avèk lame pa li, men mesye ki konte yo, karant-si-mil-senk-san (46,500).

<sup>12</sup> Sila ki fè kan bò kote li yo va nan tribi Siméon, e chèf a fis Siméon yo te: ✧ Schelumiel, fis a Tsurischaddai la, <sup>13</sup> avèk lame pa li, men mesye ki te konte yo, senkant-nèf-mil-twa-san (59,300).

<sup>14</sup> Epi swiv pa tribi Gad la, avèk chèf a fis Gad yo: ✧Éliasapah, fis a Déuel la, <sup>15</sup> avèk lame pa li, men mesye ki te konte yo, karann-senk-mil-sis-san-senkant (45,650).

<sup>16</sup> Total a mesye konte nan kan Ruben an te: san-senkanteyen-mil-kat-san-senkant (151,450). ✧Epi se yo k ap sòti nan dezyèm nan.

<sup>17</sup> ✧Epi tant asanble a va sòti avèk kan levit yo nan mitan kan yo; menm jan ke yo fè kan an, konsa yo va sòti, chak moun nan plas li bò kote drapo pa li. <sup>18</sup> Nan kote lwès la, va gen drapo kan Ephraïm lan selon lame pa yo e chèf a fis Ephraïm yo va ✧Élischama fis a Ammihud la, <sup>19</sup> epi lame pa li, men sa ki konte yo, karann-mil-senk-san (40,500).

<sup>20</sup> Akote li, va gen tribi Manassé a, e chèf a fis Manassé yo te: ✧Gamaliel, fis a Pedahstsur a. <sup>21</sup> avèk lame pa li, men mesye sila ki te konte yo, trant-de-mil-de-san (32,200).

<sup>22</sup> epi apre se tribi a Benjamin an, e chèf a tribi Benjamin an te: ✧Abidan, fis a Gideoni a, <sup>23</sup> avèk lame pa li, men mesye sila ki te konte yo, trann-senk-mil-kat-san (35,400).

<sup>24</sup> Total a mesye konte nan kan Ephraïm yo te: san-ui-mil-san (108,100) pa lame pa yo. Epi ✧yo va sòti nan twazyèm nan.

<sup>25</sup> Nan kote nò va gen drapo pou kan Dan an, selon lame pa yo, e chèf a fis Dan yo te: ✧ Ahiézer, fis a Ammischaddai a, <sup>26</sup> avèk lame pa li, men mesye ki te konte yo, swasann-de-mil-sèt-san (62,700).

✧ 2:2 Nonb 1:52 ✧ 2:3 I Kwo 2:10 ✧ 2:7 Nonb 1:9 ✧ 2:9 Nonb 10:14 ✧ 2:10 Nonb 1:5  
✧ 2:12 Nonb 1:6 ✧ 2:14 Nonb 1:14 ✧ 2:16 Nonb 10:18 ✧ 2:17 Nonb 1:53 ✧ 2:18 Nonb  
1:10 ✧ 2:20 Nonb 1:10 ✧ 2:22 Nonb 1:11 ✧ 2:24 Nonb 10:22 ✧ 2:25 Nonb 1:12

<sup>27</sup> Sila ki fè kan bò kote li yo va nan tribi Aser, e chèf a fis a Aser yo te: ✧Paguiel, fis a Ocran an, <sup>28</sup> avèk lame pa li, men mesye sila ki te konte yo, karanteyen-mil-senk-san (41,500).

<sup>29</sup> Epi apre se te tribi a Nephtali a, e chèf a fis a Nephtali yo te: ✧Ahira, fis a Énan an, <sup>30</sup> avèk lame pa li, men mesye sila ki te konte yo, senkant-twa-mil-kat-san (53,400).

<sup>31</sup> Total a mesye nan kan Dan yo te san-senkant-sèt-mil-sis-san. (157,600) ✧Yo va sòti dènye avèk drapo pa yo.

<sup>32</sup> Sa yo se mesye ki te konte a fis Israèl yo selon lakay papa zansèt pa yo; total a mesye a tout kan yo ki te konte pa lame yo te ✧sis-san-twa-mil-senk-san-senkant (603,550) <sup>33</sup> Malgre sa, ✧ Levit yo pa t konte pami fis Israèl yo, jan ke SENYÈ a te kòmande Moïse la.

<sup>34</sup> Konsa fis a Israèl te fè; selon tout sa ke SENYÈ a te kòmande Moïse yo, yo te fè kan bò kote drapo pa yo, e konsa yo te sòti, yo chak avèk pwòp fanmi pa yo selon lakay zansèt papa yo.

### 3

<sup>1</sup> Alò sa yo se chif desandan a Aaron ✧ avèk Moïse nan tan lè SENYÈ a te pale avèk Moïse sou Mòn Sinai a.

<sup>2</sup> Alò, sa yo se non a fis Aaron yo: Nadab, premye ne a, Abith, Éléazar ak Ithamar. <sup>3</sup> Sa yo se non a fis Aaron yo, prèt ✧onksyone ke li te konsakre pou sèvi kòm prèt yo. <sup>4</sup> ✧Men Nadab avèk Abihu te mouri devan SENYÈ a lè yo te ofri dife etranje devan SENYÈ a nan dezè Sinai a; epi yo pa t gen pitit. Pou sa, Éléazar avèk Ithamar te sèvi kòm prèt pandan papa yo, Moïse t ap viv.

<sup>5</sup> Alò SENYÈ a te pale avèk Moïse e te di: <sup>6</sup> ✧ “Mennen tribi Levi a vin pre ou, e fè yo chita devan Aaron, prèt la, pou yo kapab sèvi li. <sup>7</sup> Yo va ranpli devwa pou li ak pou tout kongregasyon an devan tant asanble a, pou fè ✧ sèvis tabènak la. <sup>8</sup> Yo va osi kenbe tout zafè ki founi tant asanble a, ansanm avèk devwa a fis Israèl yo, pou fè sèvis tabènak la. <sup>9</sup> Konsa ou va ✧ bay Levit yo a Aaron avèk fis li yo; yo va bay nèt a li pami fis Israèl yo. <sup>10</sup> Konsa, ou va chwazi Aaron avèk fis li yo pou ✧yo kapab ranpli fonksyon prèt yo, men ✧nenpòt lòt moun ki pwoche va vin mete a lanmò.”

<sup>11</sup> Ankò SENYÈ a te pale avèk Moïse e te di: <sup>12</sup> Alò, veye byen, Mwen ✧te pran Levit yo pami fis Israèl yo olye de chak ✧premye ne, premye bebe a chak vant pami fis Israèl yo. Konsa, Levit yo se pa M. <sup>13</sup> Paske, ✧ tout premye ne se pa M yo ye; nan jou ke M te frape tout premye ne nan peyi Égypte yo, Mwen te sanktifye pou Mwen menm tout premye ne an Israèl yo soti nan lòm pou rive nan bèt yo. Yo va pou Mwen; Mwen se SENYÈ a.

<sup>14</sup> Epi SENYÈ a te pale avèk Moïse ✧nan dezè Sinai a, e te di: <sup>15</sup> ✧Konte fis a Levi yo selon lakay papa pa yo, pa fanmi yo; tout gason soti nan laj a yon mwa oswa plis, ou va konte yo. <sup>16</sup> Alò, Moïse te konte yo selon pawòl a SENYÈ a, jis jan ke li te kòmande a.

<sup>17</sup> Konsa, ✧se sa yo ki te fis a Levi yo pa non yo: Guerschon, Kehath, ak Merari.

✧ 2:27 Nonb 1:13 ✧ 2:29 Nonb 1:15 ✧ 2:31 Nonb 10:25 ✧ 2:32 Egz 38:26 ✧ 2:33 Nonb 1:47 ✧ 3:1 Egz 6:20-27 ✧ 3:3 Egz 28:41 ✧ 3:4 Lev 10:1-2 ✧ 3:6 Nonb 8:6-22 ✧ 3:7 Nonb 1:50 ✧ 3:9 Nonb 18:6 ✧ 3:10 Egz 29:9 ✧ 3:10 Nonb 1:51 ✧ 3:12 Nonb 3:45 ✧ 3:12 Egz 13:2 ✧ 3:13 Egz 13:2 ✧ 3:14 Egz 19:1 ✧ 3:15 Nonb 1:47 ✧ 3:17 Egz 6:16-22

<sup>18</sup> Sa se non a ✨fis a Guerschon yo selon fanmi pa yo: Libni ak Schimeï; <sup>19</sup> epi fis a Kehath yo selon fanmi pa yo: Amram, Jitsehar, Hébron ak Uziel; <sup>20</sup> epi fis a Merari yo selon fanmi pa yo: Machli ak Muschi. Sa yo se fanmi Levit yo selon lakay papa pa yo.

<sup>21</sup> Nan Guerschon te sòti fanmi a Libni yo ak fanmi a Schimeï yo; sa yo se te fanmi a Gèchonit yo. <sup>22</sup> Non mesye konte yo tout gason soti nan yon mwa oswa plis te vin konte nan sèt-mil-senk-san (7,500). <sup>23</sup> Fanmi a Gèchonit yo te toujou gen pou fè kan dèyè tabènak la nan kote lwès la, <sup>24</sup> epi chèf a lakay papa yo pami Gèchonit yo te Élaisaph, fis a Laël la. <sup>25</sup> Alò, ✨devwa a fis Guerschon yo nan tant asanble a se te tabènak la avèk tant lan, kouvèti li, rido pòtay tant asanble a, <sup>26</sup> epi ✨bagay pandye sou galeri a, ki antoure tabènak la ak lotèl la, e kòd li yo avèk tout sèvis konsènan li yo.

<sup>27</sup> Nan Kehath, te sòti fanmi a Amramit yo, fanmi Jitseharit yo, fanmi Ebwonit yo avèk fanmi Izyelit yo; sila yo se te fanmi a Kehath yo. <sup>28</sup> Nan konte tout gason nan laj yon mwa oswa plis, te gen ui-mil-sis-san (8,600) ki t ap fè devwa sanktyè a. <sup>29</sup> Fanmi a Kehath yo te gen pou fè kan nan kote sid a tabènak la, <sup>30</sup> epi chèf a tout kay papa yo pou Kehath yo se te Élitsaphan, fis a Uziel la. <sup>31</sup> Alò, devwa pa yo se te ✨lach la, tab la, chandelye a, lotèl yo, tout zouti pou sèvis sanktyè a, rido a, ak tout sèvis ki fèt avèk yo; <sup>32</sup> epi Éléazer, fis a Aaron an se te chèf an tèt a chèf Levit yo, e li te responsab pou tout sila ki te fè devwa sanktyè a.

<sup>33</sup> Nan Merari, te sòti fanmi a Machli yo ak fanmi Muschi yo; se sa yo ki te fanmi a Merari yo. <sup>34</sup> mesye pa yo ki te konte pa tout gason ak laj yon mwa oswa plis yo, te si-mil-de-san (6,200). <sup>35</sup> Chèf a lakay papa Merari yo se te Tsurriel, fis a Abihaïl la. Yo te gen pou fè ✨kan sou kote nò a tabènak la. <sup>36</sup> Alò, devwa a fis Merari yo se te pou okipe ankadreman tabènak la, potò li yo, baz reseptikal li yo, tout bagay sa yo avèk sèvis ki konsène yo. <sup>37</sup> epi pilye ki antoure galeri a avèk baz reseptikal pa yo avèk pikèt ak kòd yo.

<sup>38</sup> Alò, sila ki te gen pou fè ✨kan devan tabènak la vè lès la devan tant asanble a, vè solèy leve a, se te Moïse avèk Aaron avèk fis li yo, ki pou fè devwa sanktyè yo, pou ranpli obligasyon a fis Israèl yo; men nenpòt moun ki pa prèt va vin mete a lanmò si li vin toupre.

<sup>39</sup> Tout mesye ki te konte pami Levit yo, ke Moïse avèk Aaron te konte selon kòmmand a SENYÈ a, pa fanmi pa yo, tout gason ki te gen yon mwa oswa plis, te ✨venn-de-mil (22,000).

<sup>40</sup> Epi SENYÈ a te di a Moïse: ✨“Konte tout gason, premye ne pami fis Israèl yo soti nan laj yon mwa oswa plis, e fè yon chif ak non yo. <sup>41</sup> Ou ✨va pran Levit yo pou Mwen, Mwen se SENYÈ a; olye de premye ne pami fis Israèl yo, ak bèt a Levit yo olye de tout premye ne nan bèt a fis Israèl yo. <sup>42</sup> Epi Moïse te konte tout premye ne pami fis Israèl yo, jan SENYÈ a te kòmmande li a; <sup>43</sup> epi tout premye ne nan gason yo soti nan laj a yon mwa oswa plis, mesye ki te konte pou yo yo se te venn-de-mil-de-san-swasann-trèz ✨22,273 <sup>44</sup> Epi SENYÈ a te pale avèk Moïse e te di: <sup>45</sup> ✨Pran Levit yo olye de tout premye ne pami fis Israèl yo ak bèt a Levit yo. Epi Levit yo va pou Mwen: Mwen se SENYÈ a. <sup>46</sup> ✨ Pou ranson a de-san-swasann-trèz

✨ 3:18 Egz 6:17 ✨ 3:25 Nonb 4:24-26 ✨ 3:26 Egz 27:9-15 ✨ 3:31 Egz 25:10-22 ✨ 3:35 Nonb 1:53 ✨ 3:38 Nonb 1:53 ✨ 3:39 Nonb 3:43 ✨ 3:40 Nonb 3:15 ✨ 3:41 Nonb 3:12-45 ✨ 3:43 Nonb 3:39 ✨ 3:45 Nonb 3:12 ✨ 3:46 Egz 13:13-15

(273) nan premye ne an Israël ki plis ke Levit yo, <sup>47</sup> Ou va pran ✧ senk sik pou chak, pa tèt; ou va pran yo an valè sik sanktyè a (sik la se ven gera) <sup>48</sup> epi bay Aaron avèk fis li yo ranson a sila ki te anplis yo, plis ke sila ki te peye ranson pa Levit yo.

<sup>49</sup> Epi Moïse te pran lajan ranson an sòti nan sila ki te anplis yo; plis ke sa yo ki te peye ranson pa Levit yo; <sup>50</sup> nan men a premye ne a fis Israël yo, li te pran lajan an an valè sik sanktyè a, mil-twa-san-swasann-senk (1,365) sik. <sup>51</sup> Epi Moïse te bay lajan ranson an bay Aaron avèk fis li yo, nan kòmand a SENYÈ a, jan SENYÈ a te kòmande Moïse la.

## 4

<sup>1</sup> Alò SENYÈ a te pale avèk Moïse ak Aaron, e te di: <sup>2</sup> Fè yon chif kontwòl a desandan Kehath yo pami fis Levit yo, selon fanmi pa yo, e selon lakay papa pa yo, <sup>3</sup> soti nan ✧trantan oswa plis, menm jiska senkant, tout moun ki antre nan sèvis pou fè travay a tant asanble a.

<sup>4</sup> Sa se travay a desandan a Kehath yo nan tant asanble a, selon bagay ki sen pase tout bagay yo. <sup>5</sup> Lè kan an pati, Aaron avèk fis li yo va antre ladann, yo va fè desann vwal rido a, e yo va kouvri ✧lach temwayaj la avèk li; <sup>6</sup> epi yo va ✧kouvri li avèk po dofen, ouvri sou li yon twal, koulè ble pi, e pase fè poto antre nan wondèl yo.

<sup>7</sup> Sou tab a pen Prezans lan, yo va osi ouvri yon twal ble, yo va mete sou li asyèt avèk bonm yo ak veso pou fè sakrifis yo, bokal pou ofrann bwason an, ak ✧pen k ap la tout tan an, va sou li. <sup>8</sup> Yo va kouvri yo avèk yon twal wouj, yo va kouvri li menm pen an avèk yon po dofen, e yo va fè poto yo antre pase nan wondèl yo.

<sup>9</sup> Epi yo va pran yon twal ble, e yo va kouvri ✧chandelye a pou limyè a, ansanm avèk lanp pa li yo, touf yo, asyèt li yo, ak veso lwil li yo, avèk sa yo konn okipe li yo; <sup>10</sup> epi yo va mete tout zouti li yo nan yon kouvèti po dofen, e yo va mete li nan poto ki fèt pou pote a.

<sup>11</sup> Sou lotèl an lò a, yo va mete yon twal ble, yo va kouvri li avèk yon kouvèti po dofen, e yo va fè pase antre poto li yo nan wondèl yo; <sup>12</sup> epi yo va pran tout zouti a sèvis yo avèk sila yo fè sèvis nan sanktyè a, yo va mete yo nan yon twal ble, kouvri yo avèk yon kouvèti po dofen, e mete yo sou poto ki fèt pou pote a.

<sup>13</sup> Epi yo va pran sann dife ki sou ✧lotèl la, e yo va kouvri li avèk yon twal mov sou li. <sup>14</sup> Yo va anplis mete sou li tout zouti li yo avèk sila yo sèvi e ki gen korespondans avèk li; veso dife yo, fouch avèk pèl yo, ak basen yo, tout zouti lotèl la; epi yo va fè l kouvri avèk yon po dofen, e fè poto li yo pase antre.

<sup>15</sup> Lè Aaron avèk fis li yo fin kouvri bagay sen yo avèk tout sa ki founi sanktyè yo, lè kan an prèt pou sòti, apre sa, fis Kehath yo va vini pou pote yo jis pou yo pa touche bagay sen yo ✧e mouri. Sa yo se bagay nan tant asanble a ke fis Kehath yo dwe pote.

<sup>16</sup> Devwa a Éléazar, fis a Aaron an, prèt la, se ✧ lwil pou limyè a, e ✧lansan santi bon an, ofrann ki pa janm sispann nan ak lwil onksyon an—pou veye tout tabènak la avèk tout sa ki ladann yo, sanktyè a avèk sa ki founi li yo.

✧ 3:47 Lev 27:6 ✧ 4:3 I Kwo 23:3-27 ✧ 4:5 Egz 25:10-16 ✧ 4:6 Nonb 4:25 ✧ 4:7 Egz 25:30 ✧ 4:9 Egz 25:31 ✧ 4:13 Egz 27:1-8 ✧ 4:15 Nonb 1:51 ✧ 4:16 Lev 24:1-3 ✧ 4:16 Egz 30:34-38

<sup>17</sup> Alò, SENYÈ a te pale avèk Moïse ak Aaron, e te di: <sup>18</sup> Pa kite tribi a Kehath yo vin izole pami Levit yo. <sup>19</sup> Men fè sa ak yo pou yo kapab viv, e pou yo ✧pa mouri lè yo vin pwoche bagay ki sen pase tout bagay yo: Aaron avèk fis li yo va antre e bay a yo chak travay pa yo, avèk chaj yo; <sup>20</sup> men, ✧yo pa pou antre pou wè sa ki sen an, menm pou yon moman, oswa yo va mouri.

<sup>21</sup> Epi SENYÈ a te pale avèk Moïse e te di: <sup>22</sup> “Pran yon chif kontwòl nan fis Guerschon yo selon lakay papa pa yo, ak papa fanmi pa yo; <sup>23</sup> soti nan ✧trantan oswa plis jiska senkant, ou va konte yo; tout moun ki antre pou fè sèvis, pou fè travay nan tant asanble a.

<sup>24</sup> Sa se sèvis a fanmi Gèchonit yo, pou sèvi e pou pote: <sup>25</sup> Yo va pote ✧ rido a tabènak la, tant asanble a avèk kouvèti li, kouvèti po dofen ki sou li a, ak rido pòtay a tant asanble a, <sup>26</sup> epi bagay pandye ki sou galeri a, rido a ki pou pòtay galeri a ki antoure tabènak la avèk lotèl la, kòd pa yo avèk tout bagay ki pou sèvis la; epi tout sa ki gen pou fèt, se yo ki pou fè l. <sup>27</sup> Tout sèvis a fis Gèchonit yo, nan tout chaj ak tout travay yo, yo va fèt selon kòmand Aaron avèk fis li yo; epi ou va dirije yo selon devwa yo nan tout chaj yo. <sup>28</sup> Sa se sèvis a fanmi Gèchonit yo nan tant asanble a, e devwa yo va anba direksyon a Ithamar, fis a Aaron, e prèt la.

<sup>29</sup> Selon fis Merari yo, ou va konte yo pa fanmi yo, pa lakay papa pa yo; <sup>30</sup> soti nan ✧trantan oswa plis jis rive nan laj senkant, ou va konte yo, yo chak ki antre pou fè sèvis tant asanble a. <sup>31</sup> Alò, se sa ki devwa pou chaj pa yo, pou tout sèvis pa yo nan tant asanble a: planch a tabènak la avèk travès li yo, pilye li yo avèk baz reseptikal yo, <sup>32</sup> epi pilye ki antoure galeri a ak baz reseptikal pa yo, pikèt ak kòd yo, avèk tout bagay pou sèvi ladann yo; epi ou va chwazi chak moun pa non li, pou bagay ke li gen pou pote yo. <sup>33</sup> Sa se sèvis fanmi a fis Merari yo selon tout sèvis pa yo nan tant asanble a, anba direksyon a Ithamar, fis a Aaron, prèt la.

<sup>34</sup> Alò, Moïse ak Aaron avèk chèf asanble yo te konte fis Koatit yo selon fanmi yo e selon lakay a papa pa yo, <sup>35</sup> soti nan ✧ trantan anplis menm pou rive nan senkant, tout sila ki te antre sèvis pou travay nan tant asanble a. <sup>36</sup> Mesye pa yo ki te konte pa fanmi pa yo se te de-mil-sèt-san-senkant (2,750). <sup>37</sup> Sila yo se mesye yo ki te konte pami fis Koatit yo, tout sila ki t ap sèvi nan tant asanble a, ke Moïse avèk Aaron te konte selon kòmandman SENYÈ a, selon Moïse.

<sup>38</sup> Mesye konte pa fis Gèchonit yo pa fanmi pa yo e pa lakay fanmi pa yo, <sup>39</sup> soti nan trantan oswa plis menm jiska laj senkant, tout sila ki te antre nan travay nan tant asanble a. <sup>40</sup> Mesye ki te konte pa fanmi pa yo, pa lakay papa pa yo se te de-mil-sis-san-trant (2,630). <sup>41</sup> Sila yo se mesye ki te konte nan fanmi a fis Guerschon yo, tout sila ki te sèvi nan tant asanble a, ke Moïse avèk Aaron te konte selon kòmandman a SENYÈ a.

<sup>42</sup> Mesye konte nan fanmi a fis Merari yo pa fanmi pa yo, pa lakay papa pa yo, <sup>43</sup> soti nan ✧ trantan oswa plis, jis rive nan laj senkant, tout moun ki te antre nan sèvis pou fè travay nan tant asanble a. <sup>44</sup> Mesye ki te konte pa fanmi pa yo se te twa-mil-de-san (3,200). <sup>45</sup> Sila yo se mesye ki te konte nan fanmi a fis Merari yo, ke Moïse avèk Aaron te konte selon kòmandman SENYÈ a, selon Moïse.

<sup>46</sup> Tout mesye konte a Levit yo, ke Moïse avèk Aaron ak chèf Israël yo te konte selon fanmi yo e selon lakay a papa pa yo, <sup>47</sup> soti nan trantan

✧ 4:19 Nonb 4:15 ✧ 4:20 Egz 19:21 ✧ 4:23 Nonb 4:3 ✧ 4:25 Egz 40:19 ✧ 4:30 Nonb 4:3 ✧ 4:35 I Kwo 23:24 ✧ 4:43 Nonb 8:24-26



oswa plis jiska senkantàn, tout moun ki te konn antre pou fè travay sèvis ak travay pote nan tant asanble a. <sup>48</sup> Mesye konte yo te ☆ui-mil-senk-san-katreven (8,580).

<sup>49</sup> Selon kòmandman SENYÈ a, selon Moïse, yo ☆ te konte, yo chak selon sèvis oswa pote yo te fè; konsa sila yo se te mesye ki te konte yo, jis jan ke SENYÈ a te kòmande Moïse la.

## 5

<sup>1</sup> Alò SENYÈ a te pale avèk Moïse e te di: <sup>2</sup> Kòmande fis Israèl yo pou yo voye fè ☆ kite kan an chak moun lalèp ak tout sila ki gen ekoulman yo, oswa chak moun ki pa pwòp akoz a yon moun mouri. <sup>3</sup> “Nou va voye ale ni gason, ni fanm; nou va voye yo deyò kan an pou yo pa konwonpi kan pa yo a, kote Mwen rete ☆nan mitan yo a.” <sup>4</sup> Fis Israèl yo te fè sa, e yo te voye yo deyò kan an; jis jan ke SENYÈ a te pale avèk Moïse la, se konsa ke fis Israèl yo te fè.

<sup>5</sup> Alò SENYÈ a te pale avèk Moïse e te di: <sup>6</sup> Pale avèk fis Israèl yo: ☆ “Lè yon nonm, oswa yon fanm fè yon lòt mal, aji avèk mank lafwa kont SENYÈ a, e moun sa a koupab, <sup>7</sup> alò, li va konfese peche ke li te fè yo, ☆ li va peye pou tò ke li te fè a, li va peye yon senkyèm nan valè donmaj la anplis, e li va bay sa a sila ke li te fè tò a. <sup>8</sup> Men si nonm nan pa gen relasyon pou resevwa pèyman, pèyman ki fèt pou tò a, li va oblije ale bay SENYÈ a pou prèt la, ansanm avèk belye ekspiyatwa ki pou fè ekspiyasyon pou li a. <sup>9</sup> ☆Tout don ki apatyen a kado sen a fis Israèl yo, ke yo ofri a prèt la, va pou li. <sup>10</sup> Konsa kado a chak moun va pou li; nenpòt bagay ke nenpòt moun bay a prèt la, li va ☆vin pou li.’ ”

<sup>11</sup> Alò SENYÈ a te pale avèk Moïse e te di: <sup>12</sup> “Pale avèk fis Israèl yo e di yo: ‘Si madanm a yon nonm ☆vin vire, e li vin enfidèl anvè li, <sup>13</sup> epi yon lòt gason ☆vin antre nan li, sa kache a zye mari li, sa rete an kachèt, malgre ke li te konwonpi tèt li, li pa gen temwayaj kont li e li pa te kenbe nan zak la, <sup>14</sup> Si yon espri ☆jalouzi vin antre sou nonm nan, li jalou pou madanm li lè li te konwonpi tèt li a, oswa si yon espri jalouzi vin sou li e li jalou lè li pa t vrèman konwonpi tèt li, <sup>15</sup> mesye a, alò, va mennen madanm li devan prèt la, e li va mennen kòm ofrann pou li yon dizyèm efa nan lòj moulen an; li pa pou vide lwil sou li, ni mete lansan sou li, paske li se yon ofrann jalouzi, yon ofrann pou sonje, ☆pou pa bliye inikite.

<sup>16</sup> Alò, prèt la va mennen li vin toupre li, e fè l kanpe devan SENYÈ a, <sup>17</sup> epi prèt la va pran dlo sen an nan yon veso fèt an ajil, li va pran kèk nan poud ki atè nan tabènak la, e li va mete nan dlo a. <sup>18</sup> Epi prèt la va fè fanm nan kanpe devan SENYÈ a, kite trè cheve tèt a fanm nan vin desann, mete ofrann sonje a nan men li, ki se ofrann a jalouzi a, pandan prèt la kenbe dlo anmè ki pote madichon an. <sup>19</sup> Prèt la va fè fanm sèman, e di li: “Si nanpwen gason ki te kouche avèk ou, si ou pa t ☆vin vire, e antre nan sa ki pa pwòp, alò akoz ou anba otorite mari ou, rete san afekte pa dlo anmè sa a ki mennen yon madichon. <sup>20</sup> Sepandan, si ou te ☆vin vire, akoz ou anba otorite mari ou, si ou te konwonpi tèt ou e yon lòt gason ki pa mari ou te kouche avèk ou, <sup>21</sup> (alò, prèt la va fè fanm nan ☆ fè sèman madichon

☆ 4:48 Nonb 3:39 ☆ 4:49 Nonb 1:47 ☆ 5:2 Lev 13:8-46 ☆ 5:3 Lev 26:12 ☆ 5:6 Lev 5:14-17 ☆ 5:7 Lev 6:4-5 ☆ 5:9 Lev 7:32-34 ☆ 5:10 Lev 10:13 ☆ 5:12 Nonb 5:19-29 ☆ 5:13 Lev 18:20 ☆ 5:14 Pwov 6:34 ☆ 5:15 I Wa 17:18 ☆ 5:19 Nonb 5:12 ☆ 5:20 Nonb 5:12 ☆ 5:21 Jos 6:26

an, e prèt la va di a fanm nan): “Ke SENYÈ a fè ou modi, yon madichon pami pèp ou a lè SENYÈ a fè kwis ou vin pouri pou disparèt e vant ou vin anfle; <sup>22</sup> epi dlo sa a ki pote yon madichon va antre nan vant ou, fè vant ou anfle e fè kwis ou vin pouri e disparèt.” Epi fanm nan ✨va di: “Amen, Amen.” <sup>23</sup> Epi prèt la va ekri madichon sa yo sou yon woulo papye, e li va lave fè yo sòti nan dlo anmè a. <sup>24</sup> Epi li va fè fanm nan bwè dlo anmè ki pote madichon an, pou dlo ki pote madichon an kab antre nan li e li va fè l vin anmè. <sup>25</sup> Prèt la va pran ofrann pou jalouzi a nan men fanm nan, e li va balanse li devan SENYÈ a pou mennen li vè lotèl la; <sup>26</sup> epi ✨ prèt la va pran yon men plen nan ofrann lan kòm ofrann tout moun sonje, li va ofri li anlè nan lafimen sou lotèl la, e apre, li va fè fanm nan bwè dlo a. <sup>27</sup> Lè li fin fè li bwè dlo a, alò li va vin rive, ke si li te konwonpi tèt li, li pa t kenbe bon fwa avèk mari li, ke dlo ki mennen madichon an kab antre nan li pou fè l vin anmè a, vant li va vin anfle, kwis li va vin pouri, e fanm nan va devni yon ✨ madichon pami pèp li a. <sup>28</sup> Men si fanm nan pa t konwonpi tèt li e li te pwòp, li va, alò, lib e li va fè pitit.

<sup>29</sup> Sa se lalwa jalouzi a: lè yon fanm, anba otorite mari li, vin vire e konwonpi tèt li, <sup>30</sup> oswa lè yon espri jalouzi vin sou yon mesye, e li vin jalou pou madanm li, li va, alò, fè fanm nan kanpe devan SENYÈ a, e prèt la va aplike tout lwa sa a anvè li. <sup>31</sup> Anplis, mesye a va lib, san koupabilite, men fanm nan va ✨ pote koupabilite pa li a.

## 6

<sup>1</sup> Ankò, SENYÈ a te pale avè Moïse e te di: <sup>2</sup> Pale avèk fis Israèl yo e di yo: “Lè yon nonm oswa yon fanm fè yon ve, ve a yon ✨ Nazareyen, pou dedye tèt li bay SENYÈ a, <sup>3</sup> li va Luc 1:15 refize diven avèk bwason fò; li pa pou bwè vinèg, kit li fèt avèk diven kit bwason fò, ni li p ap bwè ji rezen, ni manje rezen, ni fre, ni sèch. <sup>4</sup> Tout jou apa sa yo, li pa pou manje anyen ki pwodwi pa pye rezen, soti nan grenn li yo, jis rive nan po li.

<sup>5</sup> Tout jou yo, pandan ve apa li a, ✨ okenn razwa p ap pase sou tèt li. Li va sen jiskaske jou li yo vin akonpli pou sa li te separe tèt li bay SENYÈ a; li va kite cheve tèt li vin long.

<sup>6</sup> ✨ Tout jou a separasyon li yo, li pa pou pwoche yon mò. <sup>7</sup> Li ✨ pa pou fè tèt li pa pwòp ni pou papa li, ni manman li, pou frè li, oswa pou sè li, lè yo ta mouri, akòz separasyon li pou Bondye poze sou tèt li. <sup>8</sup> Tout jou a separasyon li yo, li va sen a SENYÈ a.

<sup>9</sup> Men si yon nonm mouri sibatman bò kote li e li konwonpi tèt cheve ki se apa li a, alò, ✨ li va pase razwa sou tèt li nan jou ke li vin pwòp la; li va pase razwa sou li nan setyèm jou a. <sup>10</sup> Epi nan dizyèm jou a, li va pote de ✨ toutrèl oswa de jenn pijon vè prèt la, nan pòtay tant asanble a. <sup>11</sup> Prèt la va ofri youn kòm yon ofrann peche a, e lòt la kòm yon ofrann brile, epi fè ekspiyasyon pou li konsènan peche li, akòz mò a. Epi nan menm jou sa a, li va konsakre tèt li, <sup>12</sup> epi li va dedye a SENYÈ a jou li yo kòm yon Nazareyen, e li va mennen yon mal mouton nan laj 1 nan oswa plis kòm yon ofrann koupab; men jou tan pase yo va vin anile akòz tan separasyon li an te vin konwonpi.

✨ 5:22 Det 27:15 ✨ 5:26 Lev 2:2-9 ✨ 5:27 Jr 29:19 ✨ 5:31 Lev 20:17 ✨ 6:2 Jij 13:5  
✨ 6:5 I Sam 1:11 ✨ 6:6 Lev 21:1-3 ✨ 6:7 Nonb 9:6 ✨ 6:9 Lev 14:8-9 ✨ 6:10 Lev 5:7

<sup>13</sup> Alò, sa se lalwa a yon Nazareyen ✧ lè jou separasyon yo vin fini, li va mennen ofrann nan nan pòtay a tant asanble a. <sup>14</sup> Li va prezante ofrann li an bay SENYÈ a: yon mal mouton laj 1 nan san defo kòm yon ofrann brile a, yon ✧ mouton femèl laj 1 nan san defo kòm yon ofrann peche, ak yon belye san defo kòm yon ofrann lapè, <sup>15</sup> epi yon panye ✧gato san ledven fèt avèk farin fen, mele avèk lwil ak galèt. san ledven kouvri avèk lwil, ansanm avèk ofrann pa yo, ak ofrann bwason pa yo.

<sup>16</sup> Alò, prèt la va prezante yo devan SENYÈ a e li va ofri ofrann peche pa li a avèk ofrann brile pa li a. <sup>17</sup> Li va osi ofri belye a kòm yon ofrann sakrifis lapè bay SENYÈ a, ansanm avèk yon panye gato san ledven; prèt la va osi ofri ofrann li avèk ofrann bwason li.

<sup>18</sup> ✧ Alò, apre sa, Nazareyen an va pase razwa sou tèt cheve dedye pa li nan pòtay a tant asanble a, li va pran cheve dedye a tèt li a, e mete li sou dife ki anba ofrann sakrifis lapè yo.

<sup>19</sup> ✧ Prèt la va pran zepòl belye a lè li fin bouyi, ak yon gato san ledven sòti nan panye a, yon galèt san ledven, e li va mete yo sou men a Nazareyen an lè l fin pase razwa a sou cheve dedye li a. <sup>20</sup> Epi prèt la va balanse yo kòm yon ofrann balanse vè lotèl la devan SENYÈ a. Li sen pou prèt la, ansanm avèk pwatrin ki ofri pa balanse a, kwis ki ofri pa leve anlè a; epi ✧ apre Nazareyen an kapab bwè diven an.

<sup>21</sup> “Sa se lalwa a Nazareyen ki fè ve ofrann li bay SENYÈ a, an akò avèk separasyon li, anplis tout lòt bagay ke li gen posibilite fè; selon ve ke li te fè a, konsa, li va fè selon lalwa separasyon li an.”

<sup>22</sup> Epi SENYÈ a te pale avèk Moïse e te di: <sup>23</sup> Pale avèk Aaron ak fis li yo pou di: ‘Konsa, ✧ nou va beni fis Israèl yo. Nou va di yo:

<sup>24</sup> SENYÈ a ✧ beni nou e kenbe nou;

<sup>25</sup> SENYÈ a ✧ fè limyè figi li limen sou nou; epi fè gras anvè nou;

<sup>26</sup> SENYÈ a ✧ fè vizaj li vin gade nou, e ✧bannou lapè.

<sup>27</sup> Se konsa yo va ✧ rele non Mwen pou fis Israèl yo, e se konsa Mwen va beni yo.

## 7

<sup>1</sup> Alò nan jou ke Moïse te fin monte tabènak la, li te onksyone li e li te konsakre li avèk tout zouti li yo e lotèl la avèk tout zouti li yo; li te onksyone yo e li te konsakre yo tou. <sup>2</sup> Epi ✧ chèf Israèl yo, chèf lakay zansèt papa pa yo, te fè yon ofrann (yo te chèf a tribi yo; se te sila ki te sou mesye konte yo). <sup>3</sup> Lè yo te mennen ofrann pa yo devan SENYÈ a, sis kabwèt kouvri, avèk douz bèf kabwèt, yon kabwèt pou chak de chèf, yon bèf pou chak nan yo, epi yo te prezante yo devan tabènak la.

<sup>4</sup> Epi SENYÈ a te pale avèk Moïse e te di: <sup>5</sup> Aksepte bagay sa yo pou yo menm, pou yo kapab sèvi nan sèvis tant asanble a, e ou va bay yo a Levit yo, a chak nonm selon sèvis pa yo.”

<sup>6</sup> Epi Moïse te pran kabwèt yo avèk bèf yo, e li te bay yo a Levit yo. <sup>7</sup> De kabwèt ak kat bèf, li te bay a fis Guerschon yo, selon ✧ sèvis pa yo, <sup>8</sup> epi kat kabwèt avèk uit bèf, li te bay a fis Merari yo, selon ✧ sèvis pa yo, anba

✧ **6:13** Trav 21:26 ✧ **6:14** Lev 14:10 ✧ **6:15** Egz 29:2 ✧ **6:18** Nonb 6:9 ✧ **6:19** Lev 7:28-34  
 ✧ **6:20** Ekl 9:7 ✧ **6:23** I Kwo 23:13 ✧ **6:24** Det 28:3-6 ✧ **6:25** Sòm 80:3-19 ✧ **6:26**  
 Sòm 4:6 ✧ **6:26** Sòm 29:11 ✧ **6:27** II Sam 7:23 ✧ **7:2** Nonb 1:5-16 ✧ **7:7** Nonb 4:24-26  
 ✧ **7:8** Nonb 4:31-32

direksyon a Ithamar, fis a Aaron, prèt la. <sup>9</sup> Men li pa t bay a fis Kehath yo akoz ✧ sèvis pa yo se te sèvis bagay sen ke yo te pote sou zepòl yo.

<sup>10</sup> Chèf yo te ofri ofrann dedikasyon an pou lotèl la lè ✧ li te fin onksyone; konsa chèf yo te ofri ofrann yo devan lotèl la. <sup>11</sup> Epi SENYÈ a te di a Moïse: “Kite yo prezante ofrann pa yo, yon chèf chak jou, pou dedikasyon lotèl la.”

<sup>12</sup> Alò, sila ki te prezante ofrann li nan premye jou a, se te Nashschon, fis a Amminadab nan tribi Juda a; <sup>13</sup> epi ofrann pa li a se te yon ✧ plato fèt an ajan avèk yon pèz de san trant sik, yon bòl fèt an ajan a swasann-dis sik, selon sik a sanktyè a, tou de ki plen avèk farin fen mele avèk lwil pou yon ofrann; <sup>14</sup> yon kiyè fèt an lò a dis sik ranpli avèk lansan; <sup>15</sup> yon towò, yon belye, yon mal mouton nan laj 1 nan, kòm yon ofrann brile; <sup>16</sup> ✧ yon mal kabrit kòm ofrann peche; <sup>17</sup> epi pou sakrifis ofrann lapè a, de bèf, senk belye, senk mal kabrit, senk mal mouton nan laj 1 nan. Sa se te ofrann a ✧ Nachschon, fis a Amminadab la.

<sup>18</sup> Nan dezyèm jou a Nethaneel, fis a Tsuar a, chèf a Issacar a, te prezante yon ofrann; <sup>19</sup> li te prezante kòm ofrann li yon kiyè fèt an ajan avèk yon pèz de san-trant sik, yon bòl an ajan a swasann-dis sik, selon sik a sanktyè a, tou de te plen avèk farin fen mele avèk lwil pou yon ofrann; <sup>20</sup> yon kiyè an lò a dis sik ranpli avèk lansan; <sup>21</sup> Yon towò, yon belye, yon mal mouton nan laj 1 nan, kòm yon ofrann brile; <sup>22</sup> yon mal kabrit pou yon ofrann peche; <sup>23</sup> epi pou sakrifis ✧ ofrann lapè a, de bèf, senk belye, senk mal kabrit, senk mal mouton nan laj 1 nan.

<sup>24</sup> Nan twazyèm jou a, se te Éliab fis a Hélon an, chèf a Zabulon an.

<sup>25</sup> Ofrann pa li a se te yon plato an ajan avèk yon pèz de trant sik, yon bòl an ajan a swasann-dis sik, selon sik a sanktyè a, tou de plen avèk farin fen mele avèk lwil pou yon ofrann; <sup>26</sup> yon kiyè an lò a dis sik plen avèk lansan; <sup>27</sup> yon jenn towò, yon belye, yon ✧ mal mouton nan laj 1 nan, pou yon ofrann brile; <sup>28</sup> Yon mal belye pou yon ofrann peche, <sup>29</sup> epi pou sakrifis ofrann lapè a, de bèf, senk belye, senk mal kabrit, senk mal mouton nan laj 1 nan. Sa se te ofrann a Éliab la, fis a Hélon an.

<sup>30</sup> Nan katriyèm jou a, se te Élitsur, fis a Schedeur a, chèf a fis Ruben yo; <sup>31</sup> ofrann pa li a se te yon plato an ajan avèk pèz de san-trant sik, yon bòl an ajan nan swasann-dis sik, selon sik sanktyè a, tou de plen avèk farin fen mele avèk lwil pou yon ofrann; <sup>32</sup> yon kiyè nan dis sik plen avèk lansan; <sup>33</sup> yon towò, yon belye, yon ✧ mal mouton nan laj 1 nan, kòm yon ofrann brile; <sup>34</sup> yon mal kabrit kòm yon ofrann peche; <sup>35</sup> Epi pou ofrann sakrifis lapè a, de bèf, senk belye, senk mal kabrit, senk mal mouton nan laj 1 nan. Sa se te ofrann a Élitsur a, fis a Schedeur a.

<sup>36</sup> Nan senkyèm jou a, se te Schelumiel, fis a Schedeur a, chèf a fis Siméon yo; <sup>37</sup> ofrann pa li a, se te yon plato an ajan avèk yon pèz de san-trant sik, yon bòl an ajan nan swasann-dis sik, selon sik sanktyè a, tou de nan yo plen avèk farin fen mele avèk lwil pou yon ofrann; <sup>38</sup> yon kiyè an lò nan dis sik, ranpli avèk lansan; <sup>39</sup> yon towò, yon belye, yon mal mouton nan laj 1 nan, kòm yon ofrann brile; <sup>40</sup> yon mal kabrit pou yon ofrann peche; <sup>41</sup> epi pou ofrann sakrifis lapè yo, de bèf, senk belye, senk mal kabrit, senk mal mouton nan laj 1 nan. Sa se te ofrann a Schelumiel la, fis a Schedeur a.

✧ 7:9 Nonb 4:5-15 ✧ 7:10 Nonb 7:1 ✧ 7:13 Egz 25:29 ✧ 7:16 Lev 4:23 ✧ 7:17 Luc 3:32-33 ✧ 7:23 Lev 7:11-13 ✧ 7:27 És 53:7 ✧ 7:33 Eb 9:28

<sup>42</sup> Nan sizyèm jou a, se te ✧ Élisaph, fis a Déuel la, chèf a fis Gad yo; <sup>43</sup> ofrann pa li a se te yon plato an ajan nan pèz san-trant sik, yon bòl an ajan nan swasann-dis sik, selon sik sanktyè a, tou de nan yo plen avèk ✧ farin fen mele avèk lwil pou yon ofrann; <sup>44</sup> yon kiyè an lò nan dis sik ranpli avèk lansan <sup>45</sup> ✧ yon towò, yon belye, yon mal mouton nan laj 1 nan kòm yon ofrann brile; <sup>46</sup> yon mal kabrit kòm yon ofrann peche; <sup>47</sup> epi pou ofrann sakrifis lapè yo, de bèf, senk belye, senk mal kabrit, senk mal mouton nan laj 1 nan. Sa se te ofrann a Élisaph la, fis a Déuel la.

<sup>48</sup> Nan setyèm jou a, se te ✧ Élischama fis a Ammihud la, chèf a fis Ephraïm yo; <sup>49</sup> ofrann pa li a se te yon plato an ajan avèk yon pèz san-trant sik, yon bòl an ajan nan swasann-dis sik, selon sik sanktyè a, tou de plen avèk farin fen mele avèk lwil pou yon ofrann; <sup>50</sup> yon kiyè an lò nan dis sik, ranpli avèk ✧ lansan; <sup>51</sup> ✧ yon towò, yon belye, yon mal mouton nan laj 1 nan kòm yon ofrann brile; <sup>52</sup> yon mal mouton pou yon ofrann peche; <sup>53</sup> epi pou ofrann sakrifis lapè yo, de bèf, senk belye, senk mal kabrit, senk mal mouton nan laj 1 nan. Sa se te ofrann a Élischama a, fis a Ammihud la.

<sup>54</sup> Nan uityèm jou a, se te ✧ Gamaliel, fis a Pedahtsur a, chèf a fis Mannasé yo; <sup>55</sup> ofrann pa li a se te yon plato an ajan avèk yon pèz san-trant sik, yon bòl an ajan nan swasann-dis sik, selon sik sanktyè a, tou de plen avèk farin fen mele avèk lwil pou yon ofrann; <sup>56</sup> yon kiyè an lò nan dis sik, ranpli avèk ✧ lansan; <sup>57</sup> yon towò, yon belye, yon ✧ mal mouton nan laj 1 nan kòm yon ofrann brile; <sup>58</sup> yon mal kabrit pou yon ofrann peche; <sup>59</sup> epi pou ofrann ✧ sakrifis lapè yo, de bèf, senk belye, senk mal kabrit, senk mal mouton nan laj 1 nan. Sa se te ofrann Gamaliel, fis a Pedahtsur a.

<sup>60</sup> Nan nevyèm jou a, se te ✧ Abidan fis a Guideoni a, chèf a fis Benjamin yo; <sup>61</sup> ofrann pa li a se te yon plato an ajan avèk yon pèz san-trant sik, yon bòl an ajan nan swasann-dis sik, selon sik sanktyè a, tou de plen avèk farin fen mele avèk lwil pou yon ofrann; <sup>62</sup> yon kiyè an lò nan dis sik, ranpli avèk ✧ lansan; <sup>63</sup> yon towò, yon belye, yon mal mouton nan laj 1 nan, kòm yon ofrann brile; <sup>64</sup> yon mal kabrit pou yon ✧ ofrann peche; <sup>65</sup> epi pou ofrann ✧ sakrifis lapè yo, de bèf, senk belye, senk mal kabrit, senk mal mouton nan laj 1 nan. Sa se te ofrann a Abidan, fis a Guideoni a.

<sup>66</sup> Nan dizyèm jou a, se te Ahiézer fis a Ammischaddaï a, chèf a fis Dan yo. <sup>67</sup> ofrann pa li a se te yon plato an ajan avèk yon pèz san-trant sik, yon bòl an ajan nan swasann-dis sik, selon ✧ sik sanktyè a, tou de plen avèk farin fen mele avèk lwil pou yon ofrann; <sup>68</sup> yon kiyè an lò nan dis sik, ranpli avèk ✧ lansan; <sup>69</sup> yon towò, yon belye, yon mal mouton nan laj 1 nan, kòm yon ofrann brile; <sup>70</sup> yon mal kabrit kòm yon ofrann peche; <sup>71</sup> epi pou ofrann sakrifis lapè yo, de bèf, senk belye, senk mal kabrit, senk mal mouton nan laj 1 nan. Sa se te ofrann a Ahiézer, fis a Ammischaddaï a.

<sup>72</sup> Nan onzyèm jou a, se te ✧ Paguiel, fis a Ocran an, chèf a fis Acer yo; <sup>73</sup> ofrann pa li a se te yon plato an ajan avèk yon pèz san-trant sik, yon bòl an ajan nan swasann-dis sik, selon sik sanktyè a, tou de plen avèk farin fen mele avèk lwil pou yon ofrann; <sup>74</sup> yon kiyè an lò nan dis sik, ranpli avèk ✧ lansan; <sup>75</sup> yon towò, yon belye, yon mal mouton avèk laj 1 nan, kòm yon

✧ 7:42 Nonb 1:14 ✧ 7:43 Lev 2:5 ✧ 7:45 Sòm 50:8-14 ✧ 7:48 Nonb 1:10 ✧ 7:50 Éz 8:11  
 ✧ 7:51 Mi 6:6-8 ✧ 7:54 Nonb 2:20 ✧ 7:56 Egz 30:7 ✧ 7:57 Trav 8:32 ✧ 7:59 Lev 3:1-17  
 ✧ 7:60 Nonb 1:11 ✧ 7:62 Rev 5:8 ✧ 7:64 II Kor 5:21 ✧ 7:65 Kol 1:20 ✧ 7:67 Egz 30:13  
 ✧ 7:68 Sòm 141:2 ✧ 7:72 Nonb 1:13 ✧ 7:74 Mal 1:11

ofrann brile; <sup>76</sup> yon mal kabrit kòm yon ofrann peche; <sup>77</sup> epi pou ofrann sakrifis lapè yo, de bèf, senk belye, senk mal kabrit, senk mal mouton nan laj 1 nan. Sa se te ofrann a Paguiel, fis a Ocran an.

<sup>78</sup> Nan douzyèm jou a, se te ✧ Ahira, fis a Énan an, chèf a fis Nephtali yo; <sup>79</sup> ofrann pa li a se te yon plato an ajan avèk yon pèz san-trant sik, yon bòl an ajan nan swasann-dis sik, selon ✧ sik sanktyè a, tou de plen avèk farin fen mele avèk lwil pou yon ofrann; <sup>80</sup> yon kiyè an lò nan dis sik, ranpli avèk lansan; <sup>81</sup> yon towò, yon belye, yon mal mouton avèk laj 1 nan, kòm yon ofrann brile; <sup>82</sup> Yon mal kabrit kòm yon ofrann peche; <sup>83</sup> epi pou ofrann sakrifis lapè yo, de bèf, senk belye, senk mal kabrit, senk mal mouton nan laj 1 nan. Sa se te ofrann a Ahira, fis a Énan nan.

<sup>84</sup> Sa se te ofrann ✧ dedikasyon pou lotèl la pou chèf Israèl yo lè ✧ li te onksyone a: douz plato an ajan, douz bòl an ajan, douz kiyè ki fèt an lò, <sup>85</sup> chak plato ajan te peze san-trant sik e chak bòl swasann-dis; tout ajan a zouti yo se te de-mil-kat-san (2,400) sik, selon sik sanktyè a; <sup>86</sup> douz kiyè an lò, plen lansan, ki peze dis sik chak, selon ✧ sik a sanktyè a, tout lò a kiyè yo te fè san-ven (120) sik.

<sup>87</sup> Tout bèf pou ofrann brile a, douz towò, belye yo douz, mal mouton nan laj 1 nan avèk ofrann pa yo, douz, e mal kabrit kòm ofrann peche a, douz; <sup>88</sup> epi tout bèf pou sakrifis lapè yo, venn-kat towò, belye yo, swasant, mal kabrit yo, swasant, mal mouton nan laj 1 nan yo, swasant. ✧ Sa se te ofrann dedikasyon lotèl la apre li te fin onksyone a.

<sup>89</sup> Alò, lè Moïse te antre nan tant asanble a pou pale avèk Li, li te tande vwa a pale avèk li soti anwo ✧ twòn pwopiyatwa a ki te sou lach temwayaj la, ki soti depi nan antre cheriben yo, e Li te pale avèk li.

## 8

<sup>1</sup> Alò SENYÈ a te pale avèk Moïse e te di: <sup>2</sup> “Pale avèk Aaron e di li: ‘Lè ou monte lanp yo, sèt lanp sa yo va ✧ bay limyè pa devan chandelye a.’

<sup>3</sup> Konsa, Aaron te fè sa; li te monte lanp pa li a pa devan chandelye a, jis jan SENYÈ a te kòmande Moïse la. <sup>4</sup> Men kòman mendèv a chandelye a te ye; fèt avèk lò ki bat, soti nan baz li jis rive nan flè yo, li te yon travay ki bat; ✧ selon modèl ke SENYÈ a te montre a Moïse la, konsa li te fè chandelye a.

<sup>5</sup> Ankò SENYÈ a te pale avèk Moïse e te di: <sup>6</sup> “Pran Levit yo soti nan fis Israèl yo e ✧ fè yo vin pwòp. <sup>7</sup> Se konsa ou va fè pou fè yo vin pwòp: flite ✧ dlo ki pirifye sou yo, kite yo ✧ pase razwa sou tout kò yo e lave rad yo, epi yo va vin pwòp. <sup>8</sup> Epi kite yo pran yon towò avèk ✧ ofrann sereyal li a, farin fen mele avèk lwil; epi yon dezyèm towò, ou va pran kòm yon ofrann peche. <sup>9</sup> Alò, ✧ ou va prezante Levit yo devan tant asanble a. ✧ Ou va osi rasanble tout kongregasyon a fis Israèl yo, <sup>10</sup> epi prezante Levit yo devan SENYÈ a; epi fis Israèl yo ✧ va poze men yo sou Levit yo. <sup>11</sup> Epi Aaron va prezante Levit yo devan SENYÈ a kòm yon ✧ ofrann balanse vè lotèl la, soti nan fis Israèl yo, pou yo kapab kalifye pou fè sèvis pou SENYÈ a.

<sup>12</sup> Alò, ✧ Levit yo va poze men yo sou tèt a towò yo; epi ofri youn kòm yon ofrann peche, e lòt la kòm yon ofrann brile bay SENYÈ a pou fè pou

✧ 7:78 Nonb 1:15 ✧ 7:79 Esd 1:9-10 ✧ 7:84 Nonb 7:10 ✧ 7:84 Nonb 7:1 ✧ 7:86 Egz 30:13 ✧ 7:88 Nonb 7:1-10 ✧ 7:89 Egz 25:21-22 ✧ 8:2 Egz 25:37 ✧ 8:4 Egz 25:9-40 ✧ 8:6 És 52:11 ✧ 8:7 Nonb 19:9-20 ✧ 8:7 Lev 14:8-9 ✧ 8:8 Lev 2:1 ✧ 8:9 Egz 29:4 ✧ 8:9 Lev 8:3 ✧ 8:10 Lev 1:4 ✧ 8:11 Lev 7:30-34 ✧ 8:12 Egz 29:10

Levit yo. <sup>13</sup> Ou va fè Levit yo kanpe devan Aaron ak devan fis li yo pou prezante yo kòm yon ofrann balanse vè lotèl la bay SENYÈ a. <sup>14</sup> Konsa, ou va separe Levit yo soti nan fis Israèl yo, e ✧ Levit yo va vin pou Mwen.

<sup>15</sup> Epi apre sa, Levit yo kapab antre pou fè sèvis nan tant asanble a. Men ou va netwaye yo e ✧ prezante yo kòm yon ofrann balanse vè lotèl la; <sup>16</sup> paske yo te bay a Mwen nèt soti nan fis Israèl yo. Mwen te pran yo pou Mwen menm ✧ nan plas a tout sila ki sòti nan vant yo, premye ne nan tout fis Israèl yo. <sup>17</sup> Paske, ✧ tout gason premye ne pami fis Israèl yo se pou Mwen, pami moun yo, ak pami bèt yo. Nan jou ke M te frape tout premye ne nan peyi Égypte yo, Mwen te sanktifye yo pou Mwen menm. <sup>18</sup> Men Mwen te pran Levit yo nan plas a chak premye ne pami fis Israèl yo. <sup>19</sup> ✧ Mwen te bay Levit yo kòm yon kado bay Aaron ak fis li yo soti pami fis Israèl yo, pou ranpli sèvis a fis Israèl yo nan tant asanble a, e pou fè ekspiyasyon pou fis Israèl yo, jis pou pa vin gen gwo epidemi pami fis Israèl yo akòz ke yo vin pwoche toupren sanktyè a.”

<sup>20</sup> Konsa Moïse avèk Aaron, ak tout kongregasyon a fis Israèl yo te fè pou Levit yo; selon tout sa ke SENYÈ a te kòmande Moïse konsènan Levit yo, konsa fis Israèl yo te fè yo. <sup>21</sup> ✧ Levit yo tou, te pirifye yo menm de peche, te lave rad yo; epi Aaron te prezante yo kòm yon ofrann balanse vè lotèl la devan SENYÈ a. Aaron, osi, te fè ekspiyasyon pou yo, pou fè yo vin pwòp. <sup>22</sup> Epi apre Levit yo te antre pou fè sèvis pa yo nan tant asanble a devan Aaron ak devan fis li yo; jis jan ke SENYÈ a te kòmande Moïse konsènan Levit yo, se konsa yo te fè pou yo.

<sup>23</sup> Alò SENYÈ a te pale avèk Moïse, e te di: <sup>24</sup> “Sa se lòd ki aplike pou Levit yo: soti nan laj a ✧ venn-senkan e plis, yo va antre pou fè sèvis nan travay a tant asanble a. <sup>25</sup> Men nan laj a senkantan, yo va pran retrèt nan sèvis nan travay la, e yo p ap travay ankò. <sup>26</sup> Sepandan, yo kapab asiste frè yo nan tant asanble a, pou kenbe devwa yo, men yo pa pou travay menm. Konsa ou va ajì avèk Levit yo ✧ konsènan devwa yo.

## 9

<sup>1</sup> Konsa SENYÈ a te pale avèk Moïse nan dezè Sinaï a, nan ✧ premye mwa nan dezyèm ane a lè yo te fin sòti nan Égypte la, e Li te di: <sup>2</sup> “Alò, kite fis Israèl yo obsève fèt Pak la nan ✧ lè ki chwazi pou li a. <sup>3</sup> Nan katòzyèm jou nan mwa sa a, nan aswè avan li fènwa, nou va obsève li nan lè chwazi a; nou va obsève li avèk tout règleman e avèk tout òdonans li yo.”

<sup>4</sup> Konsa, Moïse te pale ak fis Israèl yo pou obsève Pak la. <sup>5</sup> ✧ Yo te obsève Pak la nan premye mwa, nan katòzyèm jou a, nan aswè lè li fenk kòmanse fènwa, nan dezè Sinaï a; selon tout sa ke SENYÈ a te kòmande Moïse yo, se konsa fis Israèl yo te fè.

<sup>6</sup> Men te gen kèk mesye ki ✧ pa t pwòp akòz yon mò, e se pou sa, yo pa t kab obsève Pak la nan jou sa a; konsa yo te vin devan Moïse avèk Aaron nan jou sa a. <sup>7</sup> Mesye sa yo te di li: “Malgre nou pa pwòp akòz mò a, poukisa nou anpeche vin prezante ofrann SENYÈ a nan lè chwazi pami fis Israèl yo?”

<sup>8</sup> Konsa, Moïse te reponn yo: ✧ “Tann, e mwen va koute sa ke SENYÈ a va kòmande pou nou menm.”

✧ 8:14 Nonb 3:12 ✧ 8:15 Egz 29:24 ✧ 8:16 Egz 13:2 ✧ 8:17 Egz 13:2-15 ✧ 8:19 Nonb 3:9 ✧ 8:21 Nonb 8:7 ✧ 8:24 Nonb 4:3 ✧ 8:26 Nonb 1:53 ✧ 9:1 Egz 40:2 ✧ 9:2 Egz 12:6 ✧ 9:5 Jos 5:10 ✧ 9:6 Nonb 5:2 ✧ 9:8 Egz 18:15

<sup>9</sup> Epi SENYÈ a te pale avèk Moïse e te di: <sup>10</sup> “Pale avèk fis Israël yo e di: ‘Si nenpòt nan nou, oswa nan desandan nou yo vin pa pwòp akoz yon mò, oswa se nan yon vwayaj, malgre sa, li kapab obsève Pak a SENYÈ a. <sup>11</sup> Nan dezyèm mwa a, sou ✧ katòzyèm jou a, nan aswè lè l fenk kòmanse fènwa, yo va obsève li; yo va manje li avèk pen san ledven ak zèb anmè. <sup>12</sup> Yo ✧ p ap kite anyen ladann pou rive nan maten. ✧ni kase okenn zo ladann; selon tout règleman a Pak la, yo va obsève li. <sup>13</sup> Men mesye ki pwòp e ki pa nan yon vwayaj; e malgre sa, li neglije obsève Pak la, moun sa a va vin izole de pèp li a, paske li pa t prezante ofrann bay SENYÈ a nan lè chwazi a. Nonm sila a ✧ va pote peche li.

<sup>14</sup> Si yon etranje demere pami nou e li obsève Pak a SENYÈ a, selon règleman a Pak la ak selon òdonans li, konsa li va fè; nou va genyen ✧ yon sèl règleman, ni pou etranje, ni pou natif peyi a.’ ” <sup>15</sup> Alò, nan ✧ jou ke tabènak la te monte a, nwaj te vin kouvri tabènak la ak tant temwayaj la, e nan aswè, li te tankou aparans dife sou tabènak la, jis rive nan maten. <sup>16</sup> Se konsa li te ye tout tan; ✧ nwaj te vin kouvri li nan lajounen, e aparans dife a nan lannwit.

<sup>17</sup> ✧ Nenpòt lè nwaj te leve sou tant lan, apre fis Israël yo te vin ap pati; nan plas kote nwaj la te vin poze a, se la fis Israël yo te fè kan an <sup>18</sup> Sou kòmand a SENYÈ a, fis Israël yo te pati, e sou kòmand a SENYÈ a, yo te fè kan an; ✧ depi lè ke nwaj la te poze sou tabènak la, yo te rete nan kan an.

<sup>19</sup> Menm lè nwaj la te fè reta sou tabènak la pandan anpil jou, fis Israël yo te kenbe lòd SENYÈ a e yo pa t pati. <sup>20</sup> Si, pafwa nwaj la te rete kèk jou sou tabènak la, ✧ selon kòmand SENYÈ a, yo te rete nan kan an. Epi selon kòmand SENYÈ a, yo te vin pati.

<sup>21</sup> Si, pafwa nwaj la te rete soti nan aswè pou jis rive nan maten, lè nwaj la te leve nan maten, yo te deplase; oswa, si li te rete nan lajounen ak lannwit, nenpòt lè ke nwaj la te leve a, yo te vin pati. <sup>22</sup> Sof ke se te pou de jou, oswa yon mwa, oswa 1 nan ke nwaj la te mize sou tabènak la, li te tou rete anwo li, fis Israël yo te rete nan kan an e yo pa t pati; men ✧ lè li te vin leve, yo te pati.

<sup>23</sup> ✧ Ak kòmand a SENYÈ a, yo te fè kan an, e nan kòmand a SENYÈ a, yo te vin pati; yo te kenbe lòd SENYÈ a selon kòmand SENYÈ a, selon Moïse.

## 10

<sup>1</sup> Senyè a te pale plis avèk Moïse e te di li: <sup>2</sup> Fè pou ou menm de twonpèt an ajan, yon zèv ajan ki bat, ou va fè yo; epi ou va sèvi ak yo pou fè tout asanble a rasanble, e pou fè kan yo pati. <sup>3</sup> ✧ Lè toude vin sone, tout kongregasyon an va rasanble yo menm anvè ou nan pòtay a tant asanble a. <sup>4</sup> Men si se yon sèl ki sone, alò, se ✧ chèf yo, tèt a dè milye an Israël yo ki va rasanble devan ou. <sup>5</sup> Men lè nou sone pou avèti, kan ki rete ✧ nan kote lès yo, va pati. <sup>6</sup> Lè nou sone pou avèti yon dezyèm fwa, kan ki nan ✧ kote sid yo, va pati; yon son avèti se pou soufle pou yo pati. <sup>7</sup> Sepandan, lè nou ap reyini asanble a, ou va soufle twonpèt yo, men pa avèk son ✧ avèti yo.

✧ 9:11 II Kwo 30:2-15 ✧ 9:12 Egz 12:10 ✧ 9:12 Jn 19:36 ✧ 9:13 Nonb 5:31 ✧ 9:14 Egz 12:49 ✧ 9:15 Egz 40:2-17 ✧ 9:16 Egz 40:34 ✧ 9:17 Egz 40:36-38 ✧ 9:18 I Kor 10:1 ✧ 9:20 Sòm 48:14 ✧ 9:22 Sòm 48:14 ✧ 9:23 Sòm 73:24 ✧ 10:3 Jr 4:5 ✧ 10:4 Egz 18:21 ✧ 10:5 Nonb 10:14 ✧ 10:6 Nonb 10:18 ✧ 10:7 Jl 2:1



8 ✧ Anplis, se prèt yo, fis a Aaron yo ki va soufle twonpèt yo; epi sa va pou nou yon règleman pou tout tan pandan tout jenerasyon nou yo. 9 Lè nou fè lagè nan peyi nou kont advèsè ki vin atake nou yo, alò, nou va sone yon son avèti avèk twonpèt yo, pou nou kapab ✧ sonje devan SENYÈ a, Bondye nou an, e vin sove de lènmi nou yo. 10 Osi, nan jou kè kontan yo, nan fèt chwazi nou yo, ak nan premye jou nan mwa nou yo, ✧ nou va sone twonpèt yo sou ofrann brile nou yo, sou ofrann sakrifis lapè yo; epi yo va tankou yon son pou nou menm devan Bondye nou an. Mwen se SENYÈ a, Bondye nou an.”

11 Alò, nan ✧ dezyèm ane a, nan dezyèm mwa a, nan ventyèm nan mwa a, nwaj la te leve pa anwo tabènak temwayaj la; 12 epi fis Israèl yo te pati nan ✧ vwayaj yo soti nan dezè a Sinai a. Epi nwaj la te vin poze nan ✧ dezè Paran an. 13 ✧ Konsa, yo te derape pou premye fwa selon kòmandman SENYÈ a, selon Moïse.

14 Drapo kan Juda a selon lame pa yo, ✧te sòti avan, avèk Nashschon, fis a Amminadab la sou lame pa li, 15 epi Nethaneel, fis a Tsuar a, sou lame tribi a fis Issacar yo; 16 epi Eliab, fis a Hélon an, sou lame tribi a fis Zabulon an, 17 ✧Epi tabènak la te vin demonte; fis a Guerschon yo avèk fis a Merari yo, ki t ap pote tabènak la, te pati.

18 Apre, ✧drapo kan Ruben an, selon lame pa yo te pati avèk Élitsur, fis a Schedeur a sou lame pa li, 19 epi Schelumiel, fis a Tsurischaddai a sou lame tribi a fis Siméon yo, 20 epi Élisaph, fis a Déuel la te sou lame tribi a fis Gad yo. 21 ✧Epi Kehath yo te derape e yo t ap pote bagay sen yo; epi tabènak la te gen tan monte avan ke yo te rive.

22 ✧Apre, drapo a kan Ephraïm nan te pati, selon lame pa yo, avèk Élischama, fis a Ammihud la sou tèt lame pa li a, 23 epi Gamaliel, fis a Pedahstsur la sou tèt lame tribi a fis Manassé yo; 24 epi Abidan, fis a Guideoni sou tèt lame a fis Benjamin yo.

25 Epi drapo a kan fis a Dan nan, selon lame yo, ki te fòme gad an aryè pou tout kan yo, te derape avèk Ahiézer, fis a Ammischaddaï sou tèt lame pa li a, 26 epi Paguiel, fis a Ocran an sou tèt lame tribi a fis Aser yo; 27 epi Ahira, fis a Enan an, sou tèt lame tribi a fis Nephtali yo. 28 Sa se te lòd mache a pou fis Israèl yo selon lame pa yo, lè yo te vin pati.

29 Epi Moïse te di a Hobab, fis a Réuel la, Madyanit lan, bòpè a Moïse la: “Nou ap pati pou kote ke SENYÈ a te di a, ‘Mwen va bannou li.’ Vini avèk nou, e nou va fè ou byen, paske SENYÈ a ✧te pwomèt sa ki bon konsènan Israèl.”

30 Men li te di li: “Mwen p ap vini, men olye de sa, m ap ale nan peyi pa m avèk fanmi pa mwen yo.”

31 Alò li te di: “Souple, pa kite nou, kòm si ou konnen kote nou dwe fè kan nan dezè a, e ou ✧va pou nou tankou zye nou. 32 Se konsa sa va ye, ke si ou ale avèk nou, ke nenpòt sa ki bon ke SENYÈ a fè pou nou, ✧nou va fè pou ou tou.”

33 Konsa yo te pati soti nan mòn SENYÈ a, yon vwayaj twa jou avèk ✧lach temwayaj SENYÈ a ki te vwayaje pandan twa jou devan yo pou chache yon

✧ 10:8 Nonb 31:6 ✧ 10:9 Jen 8:1 ✧ 10:10 Sòm 81:3-5 ✧ 10:11 Egz 40:17 ✧ 10:12 Egz 40:36 ✧ 10:12 Nonb 12:16 ✧ 10:13 Det 1:6 ✧ 10:14 Nonb 2:3-9 ✧ 10:17 Nonb 4:21-32 ✧ 10:18 Nonb 2:10-16 ✧ 10:21 Nonb 4:4-20 ✧ 10:22 Nonb 2:18-24 ✧ 10:29 Det 4:40 ✧ 10:31 Job 29:15 ✧ 10:32 Lev 19:34 ✧ 10:33 Det 1:33

kote pou yo kab poze. <sup>34</sup> ✧ Nwaj SENYÈ a te sou yo nan lajounen lè yo te kite kan an.

<sup>35</sup> Epi li te vin rive ke lè lach la te pati ke Moïse te di: “Leve O SENYÈ! Epi kite ✧ sila ki rayi Ou yo Sove ale devan Ou.”

<sup>36</sup> Lè li te vin poze li te di: “Retounen, O SENYÈ a Vè ✧ bokou milye de Israël yo.”

## 11

<sup>1</sup> Alò, pèp la te devni kòm ✧ sila ki plenyen zafè pwoblèm nan zòrèy a SENYÈ a; epi lè SENYÈ a te tandè sa, kòlè li te vin limen, dife SENYÈ a te brile pami yo e te detwi kèk nan yo nan zòn deyò kan an. <sup>2</sup> ✧ Pou sa, pèp la te kriye fò bay Moïse, Moïse te priye bay SENYÈ a e dife a te vin etenn. <sup>3</sup> Konsa, non a kote sa a te rele ✧ Tabeéra akòz dife SENYÈ a ki te brile pami yo.

<sup>4</sup> ✧ Sanzave ki te pami yo te gen lide ki voras; epi osi, fis Israël yo te vin kriye dlo nan zye ankò e te di: “Kilès k ap bannou vyann pou nou manje? <sup>5</sup> ✧ “Nou sonje pwason ke nou te konn manje gratis nan peyi Égypte, avèk konkonm ak melon, zonyon, ak lay, <sup>6</sup> men, koulye a, ✧ nanm nou vin sèch. Nanpwen anyen pou nou ta gade sof ke lamàn sa a.”

<sup>7</sup> ✧ Alò, lamàn nan te tankou grenn pitimi avèk aparans gonm arabik. <sup>8</sup> Pèp la t ap fè ale retou pou ranmase li, moulen li antre de wòch moulen, oswa bat li nan yon pilon, bouyi li nan yon chodyè, fè gato avèk li; epi li gen gou tankou gou a gato ki fèt avèk lwil. <sup>9</sup> ✧ Lè lawouze te vin tonbe nan kan an pandan nwit lan, lamàn te tonbe avè l.

<sup>10</sup> Alò, Moïse te tandè pèp la ki t ap kriye pami tout fanmi yo, chak mesye nan pòtay a tant li; epi chalè a SENYÈ a te vin limen anpil, e Moïse pa t kontan. <sup>11</sup> ✧ Pou sa, Moïse te di a SENYÈ a: “Poukisa Ou te tèlman di avèk sèvitè Ou a? Epi poukisa mwen pa t jwenn favè nan zye ou, ke Ou te vin mete chaj tout pèp sa a sou Mwen? <sup>12</sup> Èske se mwen menm ki te vin peple fè tout pèp sa a? Èske se mwen menm ki te fè yo vin parèt pou Ou ta di mwen: ‘Pote yo nan sen ou tankou yon fanm nouris pote yon ti bebe k ap tete; a yon peyi ke ✧ Ou te sèman a papa yo? <sup>13</sup> Kote mwen ap jwenn vyann pou bay ✧ tout pèp sa a? Paske yo kriye devan m e di: ‘Bannou vyann pou nou kapab manje! <sup>14</sup> ✧ Mwen sèl, m p ap kab pote tout pèp sa a, paske se twòp chaj pou mwen. <sup>15</sup> ✧ Konsa, si W ap aji konsa avè m, souple touye mwen koulye a, si Mwen pa t twouve favè nan zye Ou, pa kite mwen vin wè mizè mwen.”

<sup>16</sup> Konsa, SENYÈ a te di a Moïse: “Rasanble pou Mwen ✧ swasann-dis nonm ki soti nan ansyen Israël yo, ke ou konnen kòm ansyen a pèp la, ofisyèl yo, mennen yo nan tant asanble a e kite yo vin fè kanpe pa yo ansanm avè w la a. <sup>17</sup> Alò, Mwen va vin desann pou pale avèk ou la a, e Mwen va pran nan ✧ lespri ki sou ou a, pou mete li sou yo; epi yo va pote fado a avèk ou, pou ou pa oblije pote li ou sèl ou.

<sup>18</sup> Di a pèp la: ✧ “Konsakre nou pou demen e nou va manje vyann; paske nou te kriye nan zòrèy SENYÈ a, e te di: “O ke yon moun bannou vyann

✧ **10:34** Nonb 9:15-23 ✧ **10:35** Det 7:10 ✧ **10:36** Det 1:10 ✧ **11:1** Nonb 14:2 ✧ **11:2** Nonb 12:11-13 ✧ **11:3** Det 9:22 ✧ **11:4** I Kor 10:6 ✧ **11:5** Egz 16:3 ✧ **11:6** Nonb 21:5 ✧ **11:7** Egz 16:31 ✧ **11:9** Egz 16:13-14 ✧ **11:11** Egz 5:22 ✧ **11:12** Jen 24:7 ✧ **11:13** Nonb 11:21-22 ✧ **11:14** Egz 18:18 ✧ **11:15** Egz 32:32 ✧ **11:16** Egz 24:1-9 ✧ **11:17** I Sam 10:6 ✧ **11:18** Egz 19:10-22

pou nou manje! Paske nou te byen okipe an Égypte.” Konsa, SENYÈ a va bannou vyann, e nou va manje. <sup>19</sup> Nou va manje, pa pou yon jou, ni de jou, ni senk jou, ni di jou, ni ven jou, <sup>20</sup> men, yon mwa nèt, jis li vin sòti nan nen nou, e vin abominab pou nou; akòz ✧ nou te rejte SENYÈ a ki pami nou e nou te kriye devan Li pou te di: “Poukisa nou te janmen kite Égypte?”

<sup>21</sup> Men Moïse te di: “Pèp pami sila Mwen ye a se sis-san-mil sou pye; sepandan, Ou te di, Mwen va bay yo vyann, pou yo kab manje jis yon mwa nèt.”

<sup>22</sup> Si bann mouton avèk twoupo yo ta touye pou yo èske sa ta sifi pou yo?”

<sup>23</sup> SENYÈ a te di a Moïse: “Èske pouvwa SENYÈ a limite? Koulye a, ou va wè si ✧pawòl Mwen va vin vrè pou ou oswa non.

<sup>24</sup> Konsa, Moïse te sòti deyò, e li te ✧ di pèp la pawòl a SENYÈ a. Osi, li te rasanble swasann-dis gason nan ansyen pami pèp la, e li te estasyon yo antoure tant la. <sup>25</sup> ✧ Alò, SENYÈ a te vin desann nan nwaj la, Li te pale avèk li; Li te pran nan Lespri ki te sou li a, e li te plase Li sou swasann-dis ansyen yo. Epi lè Lespri a te poze sou yo, yo te pwofetize. Men yo pa t fè sa ankò.

<sup>26</sup> Men de mesye nan ansyen yo te rete nan kan an; non a youn te Eldad, e non a lòt la te Médad. Epi ✧ Lespri a te vin rete sou yo; (alò, yo menm te pami sila ki te anrejistre kòm ansyen yo, men ki pa t sòti pou ale nan tant lan), e yo te pwofetize nan kan an. <sup>27</sup> Epi yon jennonm te kouri di Moïse: “Eldad avèk Médad ap pwofetize nan kan an.”

<sup>28</sup> Epi ✧ Josué, fis a Nun nan, ki te sèvitè Moïse depi nan jenès li, te di: “Moïse, senyè mwen an, anpeche yo.”

<sup>29</sup> Men Moïse te di li: “Èske ou jalou pou tèt mwen? ✧ Pito ke tout pèp SENYÈ a te pwofèt, pou SENYÈ a ta mete Lespri Li sou yo!” <sup>30</sup> Epi Moïse te retounen nan kan an, ni li, ni ansyen Israël yo.

<sup>31</sup> ✧ Alò, te vin souleve yon van sòti nan SENYÈ a; li te mennen zwazo kay sòti nan lanmè, e Li te kite yo tonbe akote kan an, anviwon distans a yon vwayaj yon jounen nan yon bò, e vwayaj a yon jounen de lòt bò a, toutotou kan an, epi plis oswa mwens de koude (twa pye) pwofondè sou sifas tè a.

<sup>32</sup> Pèp la te pase tout jounen an, tout nwit lan, ak tout jou aprè a nan ranmase zòtolan, (sila ki te ranmase mwens lan, te ranmase dis barik (demil-de-san lit), e yo te poze yo gaye pou yo toupatou nan kan an. <sup>33</sup> ✧ Pandan vyann nan te toujou nan dan yo, avan yo te menm moulen li, kòlè SENYÈ a te vin limen kont pèp la, e SENYÈ a te frape pèp la avèk yon epidemi byen sevè. <sup>34</sup> Konsa, non a kote sa a te rele ✧ Kibroth Hattaava, akòz ke se ladann, yo te antere pèp ki te voras yo.

<sup>35</sup> Soti nan Kibroth Hattaava, ✧ pèp la te ale Hazeroth, e yo te vin rete Hazeroth.

## 12

<sup>1</sup> Epi Marie avèk Aaron te vin pale kont Moïse akòz fanm Koushit ke li te marye a (paske li te marye avèk yon fanm ✧ Koushit); <sup>2</sup> ✧ epi yo te di:

✧ **11:20** Jos 24:27 ✧ **11:23** Éz 12:25 ✧ **11:24** Nonb 11:6 ✧ **11:25** Nonb 11:17 ✧ **11:26** Nonb 24:2 ✧ **11:28** Egz 33:11 ✧ **11:29** I Kor 14:5 ✧ **11:31** Sòm 78:26-28 ✧ **11:33** Sòm 78:29-31 ✧ **11:34** Det 9:22 ✧ **11:35** Nonb 33:17 ✧ **12:1** Egz 2:21 ✧ **12:2** Nonb 16:3

“Èske SENYÈ a vrèman te pale sèlman pa Moïse? Èske Li pa t pale pa nou menm tou?” Epi SENYÈ a te tande sa.

<sup>3</sup> (Alò, nonm Moïse la te ✧ trè enb, plis pase tout moun ki te sou sifas latè.)

<sup>4</sup> Sibitman, SENYÈ a te di a Moïse ak Aaron avèk Marie: “Nou twa a, vin sòti nan tant asanble a”. Alò, yo twa a te sòti. <sup>5</sup> Epi SENYÈ a te desann nan yon ✧ pilye nwaj, li te kanpe nan pòtay tant asanble a, e Li te rele Aaron avèk Marie. lè yo toude te vin avanse, <sup>6</sup> Li te di: “Koute pawòl Mwen koulye a: Si gen yon pwofèt pami nou, Mwen, SENYÈ a, Mwen va fè Mwen menm vin rekonèt a li menm nan yon ✧ vizyon. Mwen va pale avèk li nan yon ✧ rèv. <sup>7</sup> Se pa konsa avèk sèvitè Mwen, Moïse. ✧ Li fidèl nan tout kay Mwen; <sup>8</sup> Avèk li, Mwen pale bouch a bouch louvri menm, pa nan pawòl parabol, li wè ✧ fòm a SENYÈ a menm. Poukisa nou pa t pè pou pale kont sèvitè Mwen an, kont Moïse?”

<sup>9</sup> Konsa, kòlè SENYÈ a te brile kont yo e ✧ Li te pati <sup>10</sup> Men lè nwaj la te retounen sou tant lan, vwala, Marie te gen lalèp, blan tankou lanèj.

Epi lè Aaron te vire vè Marie, li te vin gen ✧ lalèp. <sup>11</sup> Alò, Aaron te di a Moïse: “O senyè Mwen an! Mwen mande ou souple, ✧ pa konte peche sa a kont nou, nan sila nou te aji avèk foli a, ak nan sila nou te peche a. <sup>12</sup> O Pa kite Marie rete kòm yon timoun ki fenk fèt sòti nan vant manman li avèk chè li mwatye manje!”

<sup>13</sup> Moïse te kriye fò bay SENYÈ a, e te di: “O Bondye, ✧ geri li, mwen priye Ou!”

<sup>14</sup> Men SENYÈ a te di a Moïse: “Si papa li te sèlman krache nan figi li, èske li pa t ap pote wont li pandan sèt jou? Kite li rete fèmèn pandan sèt jou ✧ deyò kan an, e apre, l ap kapab vin resevwa ankò.” <sup>15</sup> Konsa ✧ Marie te fèmèn deyò kan an pandan sèt jou, e pèp la pa t deplase jiskaske Marie te vin resevwa ankò.

<sup>16</sup> Men apre sa a, pèp la te deplase kite Hatséroth pou te fè kan nan dezè Paran an.

## 13

<sup>1</sup> Epi ✧ SENYÈ a te pale avèk Moïse e te di: <sup>2</sup> ✧ Voye mesye ki kapab fè espyonaj nan peyi Canaran ke Mwen va bay fis Israèl yo; ou va voye yon nonm sòti nan chak tribi zansèt a papa pa yo, youn nan chèf pami yo.

<sup>3</sup> Epi Moïse te voye yo soti nan dezè Paran an ak kòmmand a SENYÈ a. Yo tout te chèf a fis Israèl yo.

<sup>4</sup> Sa yo, alò, se te non yo: soti nan tribi Ruben an, Schammua, fis a Zaccur a; <sup>5</sup> soti nan tribi a Siméon an: Schaphath, fis a Hori a; <sup>6</sup> pou tribi a Juda a: Caleb, fis a Jephaunné a; <sup>7</sup> pou tribi a Issacar a: Jigual, fis a Joseph la; <sup>8</sup> pou tribi a Ephraïm nan: Hosée, fis a Nun nan <sup>9</sup> pou tribi a Benjamin an: Palthi, fis a Raphu a; <sup>10</sup> pou tribi a Zabulon an: Gaddiel, fis a Sodi a; <sup>11</sup> pou tribi a Joseph la, tribi a Manassé a: Gaddi, fis a Sisi a; <sup>12</sup> pou tribi a Dan nan: Ammiel, fis a Guemalli a; <sup>13</sup> pou tribi a Hacer a: Sethur, fis a Micaël la; <sup>14</sup> pou tribi a Nephtali a: Nachbi, fis a Vophsi a; <sup>15</sup> pou tribi a Gad la: Guéuel, fis a Maki a.

✧ 12:3 Mat 11:29 ✧ 12:5 Egz 19:9 ✧ 12:6 I Sam 3:15 ✧ 12:6 Jen 31:11 ✧ 12:7 Eb 3:2-5  
✧ 12:8 Egz 24:10-11 ✧ 12:9 Jen 17:22 ✧ 12:10 Egz 4:6 ✧ 12:11 II Sam 19:19 ✧ 12:13  
És 30:26 ✧ 12:14 Nonb 5:1-4 ✧ 12:15 Det 24:9 ✧ 13:1 Det 1:22-23 ✧ 13:2 Det 1:22

<sup>16</sup> Sa yo, se non a mesye ke Moïse te voye pou fè espyonaj peyi a; men Moïse te rele ✧ Hosée, fis a Nun nan, Josué. <sup>17</sup> Lè Moïse te voye yo espyone peyi Canaan an, li te di yo: “Monte nan ✧ negèv la; epi monte toujou nan peyi ti kolin yo. <sup>18</sup> Kontwole pou wè kijan peyi a ye, si pèp ki rete ladann nan, gen fòs, oswa si yo fèb, e si yo gen anpil, oswa pa anpil moun. <sup>19</sup> Kijan tè kote yo viv la ye, kit li bon, oswa pa bon? Epi kijan vil kote yo viv la ye, èske se kan san pwotèj, oswa avèk fò? <sup>20</sup> Kijan tè a ye? Èske li rich, oswa pòv? Si gen pyebwa oswa si pa genyen? Epi fè yon efò pou pran kèk nan fwi peyi a.” Alò, se te tan ke premye rezen yo t ap vin mi.

<sup>21</sup> Se konsa, yo te monte pou te fè espyonaj sou peyi a soti nan dezè a Tsin nan, jis pou rive Rehob, nan chemen Hamath (Lebo-Hamath) lan. <sup>22</sup> Lè yo te fin monte Negèv, yo te rive Hébron kote Ahiman, Schéschaï ak Talmaï, desandan a Anak yo te ye a. (Alò, Hébron te bati sèt ane avan Tsoan an Égypte.) <sup>23</sup> Epi yo te rive nan vale ✧ Eschol e soti la, yo te koupe yon sèl branch avèk yon sèl grap rezen; epi yo te pote li sou yon potò antre de gason avèk kèk grenad ak pye fig frans. <sup>24</sup> Kote sa a te vin rele vale a Eschol, akoz gwo grap rezen ke fis Israèl la te koupe fè desann soti la yo. <sup>25</sup> Lè yo te sòti retounen nan espyonaj peyi a, nan fen karant jou yo, <sup>26</sup> yo te vini vè Moïse avèk Aaron ak tout kongregasyon a fis Israèl yo nan dezè Paran an, vè ✧ Kadès; epi yo te pote nouvèl la pou di a tout kongregasyon an e pou te montre yo fwi peyi a. <sup>27</sup> Konsa, yo te pale li e te di: “Nou te antre nan peyi kote nou te voye nou an; vrèman, li koule avèk lèt ak siwo myèl, e ✧ sa a, se fwi li.

<sup>28</sup> Sepandan, pèp ki rete la yo, gen fòs, vil yo byen fòtifye, byen gwo; epi anplis, nou te wè ✧ desandan Anak yo la. <sup>29</sup> Desandan a Amalèk yo ap viv nan peyi Negèv la, Etyen yo, Jebisyen yo, ✧ Amoreyen yo ap viv nan mòn yo, e ✧ Kananeyen yo ap viv bò kote lanmè ak bò kote rivyè Jourdain an.

<sup>30</sup> Epi Caleb te kalme pèp la devan Moïse e te di: “Sètènman, nou dwe monte pran posesyon a peyi a, paske nou va, anverite, konkeri li.”

<sup>31</sup> Men mesye ki te monte avè l yo te di: ✧ “Nou pa kapab monte kont pèp la, paske yo twò fò pou nou.” <sup>32</sup> Konsa, yo te livre yon move rapò a fis Israèl yo sou peyi kote yo te fè ankèt la, e yo te di: “Peyi kote nou te ale a, nan ankèt sa a, se ✧ yon peyi ki devore moun li ye, e ✧ tout pèp ke nou te wè ladann yo, se moun ki byen gran. <sup>33</sup> La, osi, nou te wè ✧ jeyan (fis a Anak yo se yon pati nan jeyan yo); epi nou te vin tankou krikèt nan pwòp zye nou ak nan zye pa yo.”

## 14

<sup>1</sup> Epi tout kongregasyon an te leve vwa yo pou te rele, e pèp la te kriye nan nwit lan. <sup>2</sup> Tout fis Israèl yo te bougonnen kont Moïse ak Aaron; epi tout kongregasyon an te di yo: ✧ “Pito ke nou te mouri nan peyi Égypte la! O pito nou te mouri nan dezè sa a! <sup>3</sup> Poukisa SENYÈ a ap mennen nou nan peyi sa a, ✧ pou tonbe anba nepe? ✧ Madanm nou yo avèk pitit nou yo va devni piyay. Èske li pa t ap pi bon pou nou pou retounen an Égypte?” <sup>4</sup> Epi yo te di youn lòt: ✧ “Annou chwazi yon chèf, pou retounen an Égypte.”

✧ **13:16** Nonb 13:8 ✧ **13:17** Jen 12:9 ✧ **13:23** Nonb 13:24 ✧ **13:26** Nonb 20:1-14 ✧ **13:27** Det 1:25 ✧ **13:28** Nonb 13:33 ✧ **13:29** Jos 10:6 ✧ **13:29** Nonb 14:43-45 ✧ **13:31** Det 1:28 ✧ **13:32** Éz 36:13-14 ✧ **13:32** Am 2:9 ✧ **13:33** Jen 6:4 ✧ **14:2** Nonb 11:5 ✧ **14:3** Egz 5:21 ✧ **14:3** Nonb 14:31 ✧ **14:4** Nonb 9:17

5 ✧ Epi Moïse avèk Aaron te tonbe sou figi yo nan prezans a tout asanble kongregasyon a fis Israèl yo. 6 Josué, fis a Nun lan avèk Caleb, fis a Jephaunné a, nan sila ki te fè espyonaj nan peyi a, te chire rad yo; 7 epi yo te pale avèk tout kongregasyon a fis Israèl yo, e te di: ✧ “Peyi ke nou te pase ladann pou fè ankèt la, se yon vrèman bon peyi. 8 ✧ Si SENYÈ a kontan avèk nou, alò, Li va mennen nou nan peyi sa a pou bannou li—yon peyi ki koule avèk lèt ak siwo myèl. 9 Sèlman, ✧ pa fè rebèl kont SENYÈ a; epi pa pè pèp a peyi sa a, paske, nou va devore yo. Pwoteksyon yo ale, e SENYÈ a avèk nou; pa pè yo.”

10 Men tout kongregasyon an te kòmanse lapide yo avèk kout wòch. Epi ✧ laglwa SENYÈ a te parèt nan tant asanble a a tout fis Israèl yo. 11 SENYÈ a te di a Moïse: “Pou konbyen de tan, ✧ yo va refize kwè nan Mwen, malgre tout sign ke M te fè nan mitan yo? 12 Mwen va frape yo avèk gwo mizè, pou detwi yo, Mwen va ✧ fè ou menm vin fòme yon nasyon pi gwo e pi fò ke yo.”

13 ✧ Men Moïse te di a SENYÈ a: “Alò Ejipsyen yo va tande bagay sa a, paske pa pwisans Ou, Ou te mennen fè monte pèp sa a soti nan mitan yo, 14 epi yo va pale sa a sila ki rete nan peyi sila yo. Yo te tande ke Ou menm, O SENYÈ a, nan mitan pèp sa a, paske ✧ Ou menm, O SENYÈ a, te fè wè fasafas, ke nwaj Ou kanpe sou yo; epi Ou ale devan yo nan yon pilye nwaj pandan lajounen e yon pilye dife pandan lannwit. 15 Alò, si ou touye pèp sa a tankou se yon sèl moun, ✧ alò, nasyon ki te tande tout istwa Ou yo, va di: 16 Akoz SENYÈ a ✧ pa t kab mennen pèp sa nan peyi ke Li te pwomèt yo avèk sèman an, pou sa, li te detwi yo nan dezè a.

17 Men koulye a, mwen priye, pou pwisans a SENYÈ a vin gwo, jis jan ke Ou te deklare a, 18 ✧ ‘SENYÈ a lan nan fè kòlè, Li ranpli avèk lanmou dous, ki padone inikite avèk transgresyon yo; sepandan, li p ap janm bliye tò a koupab yo, men Li va vizite inikite a papa yo sou pitit yo jis rive nan twazyèm ak katriyèm jenerasyon.’

19 ✧ Padone, mwen priye Ou, inikite a pèp sa a selon grandè lanmou dous Ou a, jis jan ke Ou menm, osi, te padone pèp sa a, depi an Égypte pou jis rive koulye a.”

20 Epi SENYÈ a te di: ✧ “Mwen te padone yo, jan ou te mande a; 21 men, vrèman, jan Mwen viv la, ✧ tout latè va ranpli avèk laglwa SENYÈ a. 22 Vrèman, ✧ tout mesye ki te wè glwa Mwen ak sign Mwen te fè an Égypte ak nan dezè a, malgre sa, yo vin pase Mwen a leprèv pandan menm dis fwa sa yo, e yo pa t koute vwa M. 23 Pa gen youn nan yo k ap ✧ wè peyi ke M te sèman a papa yo a, ni p ap gen nan sila ki te rejte M yo, k ap wè l. 24 Men sèvitè Mwen an, Caleb, ✧ akoz li te gen yon lòt lespri, e li te swiv Mwen nèt, ✧ Mwen va mennen l nan peyi kote li te antre a, e desandan li yo va vin pran posesyon li. 25 ✧ Alò, moun Amalec avèk Canaran yo ap viv nan vale yo. Vire demen pou pati pou dezè a pa chemen Lamè Wouj la.

✧ 14:5 Nonb 16:4 ✧ 14:7 Nonb 13:27 ✧ 14:8 Det 10:15 ✧ 14:9 Det 1:26 ✧ 14:10 Egz 16:10 ✧ 14:11 Sòm 106:24 ✧ 14:12 Egz 32:10 ✧ 14:13 Egz 32:11-14 ✧ 14:14 Egz 13:21 ✧ 14:15 Egz 32:12 ✧ 14:16 Jos 7:7 ✧ 14:18 Sòm 145:8 ✧ 14:19 Egz 32:32 ✧ 14:20 Mi 7:18-20 ✧ 14:21 És 6:3 ✧ 14:22 I Kor 10:5 ✧ 14:23 Nonb 26:65 ✧ 14:24 Nonb 14:6-9 ✧ 14:24 Jos 14:6-15 ✧ 14:25 Nonb 13:29

<sup>26</sup> SENYÈ a te pale avèk Moïse, e te di: <sup>27</sup> Pou konbyen de tan, Mwen va sipòte kongregasyon mechan sila k ap ✧ bougonnen kont Mwen an? Mwen fenk tande plent ke fis Israèl yo ap fè kont Mwen.

<sup>28</sup> Di yo: ‘Jan Mwen vivan an, di SENYÈ a, mwen va fè pou ou tout bagay ✧ jan Mwen te tande ou di a; <sup>29</sup> ✧ Kadav nou yo va tonbe nan dezè sila a, menm tout mesye konte yo, nou tout soti nan ventan oswa plis, ki te bougonnen kont Mwen yo. <sup>30</sup> Vrèman, nou p ap antre nan peyi kote Mwen te sèman pou mete nou an, ✧ sof Caleb, fis a Jephunné a ak Jousé, fis a Nun nan. <sup>31</sup> Sepandan, ✧ pitit nou yo, ke nou te di ki ta devni yon objè lachas— Mwen va mennen yo antre ladann, e yo va konnen peyi ke nou menm te rejte a.

<sup>32</sup> ✧ Men pou nou menm, kadav nou va tonbe nan dezè sila a. <sup>33</sup> Fis nou yo va vin bèje pandan ✧ karantan nan dezè a, e yo va soufri pou enfidelite nou yo jiskaskè kadav nou kouche nan dezè a. <sup>34</sup> Selon nonb de jou ke nou te fè ankèt nan peyi a, karant jou, pou chak jou, nou va pote inikite nou yo pandan 1 nan, Ki fè karantan total, e nou va konprann opozisyon Mwen an. <sup>35</sup> ✧ Mwen, SENYÈ a te pale, se vrèman sa Mwen va fè a tout kongregasyon mechan sila ki rasanble kont Mwen an. Nan dezè sa a, yo va vin detwi, e la yo va mouri.’

<sup>36</sup> ✧ Pou mesye ke Moïse te voye pou fè ankèt nan peyi a e ki te retounen pou fè tout kongregasyon an bougonnen kont Li yo lè yo te vin sòti avèk yon move rapò sou peyi a, <sup>37</sup> menm mesye sila yo ki te fè sòti rapò byen move a, yo te vin mouri akòz yon epidemi devan SENYÈ a. <sup>38</sup> Men Josué, fis Nun nan ak Caleb, fis a Jephunné a te rete vivan pami sila ki te ale fè espionaj peyi a.

<sup>39</sup> Lè Moïse te pale pawòl sa yo a tout fis Israèl yo, ✧ pèp la te leve fè gwo lamantasyon. <sup>40</sup> Sepandan, nan maten, yo te leve bonè, yo te monte vè krèt kolin ki nan peyi kolin yo, e yo te di: ✧ “Men nou isit la; nou te vrèman fè peche, men nou va monte vè kote ke SENYÈ a te pwomèt la.”

<sup>41</sup> Men Moïse te di: ✧ “Poukisa nou ap transgrese kòmandman a SENYÈ a, lè sa p ap reyisi? <sup>42</sup> ✧ Pa monte, oswa nou va frape devan lènmi nou yo, paske SENYÈ a pa pami nou. <sup>43</sup> Paske, moun Amalec yo ak Kananeyen yo va la devan nou, e nou va vin tonbe anba nepe, akòz ke nou te vire an aryè kite SENYÈ a. Epi SENYÈ a p ap avèk nou.”

<sup>44</sup> Men san prekosyon, yo te monte nan krèt peyi kolin nan; men ni ✧lach temwayaj la, ni Moïse te kite kan an. <sup>45</sup> Alò, moun Amalec yo avèk Kananeyen ki te rete nan peyi kolin yo, te vin desann, yo te frape yo, e te bat yo jis rive nan ✧Horma.

## 15

<sup>1</sup> Alò, SENYÈ a te pale avèk Moïse e te di: <sup>2</sup> Pale avèk fis Israèl yo, e di yo:” ✧ Lè nou antre nan peyi kote nou dwe viv la, peyi ke Mwen ap bannou an, <sup>3</sup> alò, fè yon ofrann pa dife oswa yon sakrifis pou akonpli yon ✧ve espesyal, swa kòm yon ofrann bòn volonte, swa nan ✧tan chwazi yo, pou fè yon odè ki santi bon a SENYÈ a, soti nan twoupo oswa nan bann mouton. <sup>4</sup> ✧ Sila ki

✧ **14:27** Nonb 11:1 ✧ **14:28** Det 2:14-15 ✧ **14:29** Eb 3:17 ✧ **14:30** Nonb 14:24 ✧ **14:31** Nonb 14:3 ✧ **14:32** Nonb 26:64-65 ✧ **14:33** Det 2:7 ✧ **14:35** Nonb 23:19 ✧ **14:36** Nonb 13:4-32 ✧ **14:39** Egz 33:4 ✧ **14:40** Det 1:41-44 ✧ **14:41** II Kwo 24:20 ✧ **14:42** Det 1:42 ✧ **14:44** Nonb 31:6 ✧ **14:45** Nonb 21:3 ✧ **15:2** Lev 23:10 ✧ **15:3** Lev 22:21 ✧ **15:3** Lev 23:1-44 ✧ **15:4** Nonb 28:1-31

prezante ofrann li an, va prezante bay SENYÈ a yon ofrann de yon dizyèm efa farin fen mele avèk yon ka lwil, <sup>5</sup> epi ou va prepare diven pou ofrann bwason an, yon ka boutèy, avèk ofrann brile a oswa pou sakrifis la, pou ✧chak jenn mouton.

<sup>6</sup> Oswa pou yon belye, ou va prepare kòm yon ofrann, de dizyèm efa farin fen mele avèk yon tyè boutèy lwil; <sup>7</sup> epi pou ofrann bwason an, ou va ofri yon tyè boutèy diven kòm yon odè santi bon a SENYÈ a.

<sup>8</sup> Lè ou fin prepare ✧yon towò kòm yon ofrann brile, oswa yon sakrifis pou akonpli yon ve espesyal, oswa ofrann lapè bay SENYÈ a, <sup>9</sup> Alò, ou va ofri avèk towò a yon ofrann fèt ak twa dizyèm efa farin fen mele avèk yon mwatye boutèy lwil; <sup>10</sup> epi ou va ofri kòm ofrann bwason, yon mwatye boutèy diven kòm yon ofrann pa dife, kòm yon odè ki bon a SENYÈ a. <sup>11</sup> Konsa, li va fèt pou chak bèf, oswa chak belye, oswa chak nan jenn mouton mal yo, oswa kabrit yo. <sup>12</sup> Selon kantite ke nou prepare yo, konsa nou va fè pou chak selon kantite ki genyen an.

<sup>13</sup> Tout sila ki natif peyi yo, yo va fè bagay sa yo nan menm mod la, nan prezante yon ofrann pa dife a, kòm yon odè ki bon a SENYÈ a. <sup>14</sup> Si yon etranje vin demere pami nou, oswa youn ki kapab pami nou pandan tout jenerasyon yo, e li vle fè yon ofrann pa dife, kòm yon ofrann ki santi bon a SENYÈ a, menm jan ak nou, se konsa li va fè l. <sup>15</sup> Epi pou asanble a, va genyen ✧yon sèl règleman pou nou ak pou etranje ki demere pami nou an, yon règleman pou tout tan pandan tout jenerasyon nou yo; jan nou menm ye a, se konsa etranje a va ye devan SENYÈ a. <sup>16</sup> Va genyen ✧yon sèl lwa, ak yon sèl òdonans pou nou ak pou etranje ki demere pami nou an.’ ”

<sup>17</sup> Alò SENYÈ a te pale avèk Moïse e te di: <sup>18</sup> “Pale avèk fis Israèl yo e di yo: “Lè nou antre nan peyi kote Mwen mennen nou an, <sup>19</sup> alò konsa sa va rive, ke lè nou manje nan ✧ manje peyi a, nou va leve yon ofrann bay SENYÈ a.

<sup>20</sup> ✧Nan premye bòl farin moulen nou an, nou va fè leve yon gato kòm yon ofrann; kòm ofrann moulen glasi, nou va leve li. <sup>21</sup> Soti nan premye bòl farin moulen an, nou va bay SENYÈ a yon ofrann pandan tout jenerasyon nou yo. <sup>22</sup> Men lè nou tonbe fè yon peche ki ✧pa eksprè, e nou vin pa obsève tout kòmandman sila ke SENYÈ a te pale a Moïse yo, <sup>23</sup> tout sa ke SENYÈ a te kòmande pa Moïse yo soti nan jou ke SENYÈ a te bay kòmandman an, avanse rive nèt pou tout jenerasyon yo, <sup>24</sup> alò, li va konte ke si sa fèt san entansyon, e san konesans kongregasyon an, ke tout kongregasyon an va ofri yon towò kòm yon ofrann brile, kòm yon odè ki bon a SENYÈ a, ✧avèk ofrann pa li a, ak ofrann bwason li an, selon òdonans lan, ak yon mal kabrit pou yon ofrann peche. <sup>25</sup> Epi ✧prèt la va fè ekspiyasyon pou tout kongregasyon fis Israèl yo, e yo va vin padone; paske se te yon erè, e yo te pote ofrann pa yo, yon ofrann pa dife bay SENYÈ a, ofrann peche pa yo devan SENYÈ a, pou erè a.

<sup>26</sup> Konsa, tout kongregasyon fis Israèl yo va vin padone, avèk etranje ki demere pami yo, paske sa te rive a tout pèp la akòz fot ✧ erè a. <sup>27</sup> Osi, si yon moun fè peche ✧ki pa eksprè, alò, li va ofri yon femèl kabrit nan laj 1 nan kòm yon ofrann peche. <sup>28</sup> ✧Prèt la va fè ekspiyasyon devan SENYÈ

✧ 15:5 Lev 19:34 ✧ 15:8 Lev 1:3 ✧ 15:15 Nonb 9:14 ✧ 15:16 Lev 24:22 ✧ 15:19 Jos 5:11-12 ✧ 15:20 Egz 34:26 ✧ 15:22 Lev 4:2 ✧ 15:24 Nonb 15:8-10 ✧ 15:25 Lev 4:20 ✧ 15:26 Nonb 15:24 ✧ 15:27 Lev 4:27-31 ✧ 15:28 Lev 4:35



a pou moun ki kite chemen an lè li fè peche ki pa eksprè a, pou li k ap fè ekspiyasyon pou li pou jiskaske li kapab padone. <sup>29</sup> Nou va genyen yon sèl lwa pou sila ki fè yon bagay ki pa eksprè, pou sila ki natif pami fis Israèl yo, e pou sila ki se yon etranje k ap demere pami yo. <sup>30</sup> Men moun ki fè yon bagay avèk ✧ rebelyon an, menm si se yon natif, oswa yon etranje, sila ap blasfeme SENYÈ a; epi moun sa va vin izole pami pèp li a. <sup>31</sup> ✧Akoz ke li te meprize pawòl a SENYÈ a e li te vyole kòmandman Li an, moun sa a va konplètman vin koupe retire; koupabilite li va rete sou li.

<sup>32</sup> Alò, pandan fis Israèl yo te nan dezè a, yo te twouve yon nonm ki t ap ranmase bwa nan ✧jou Saba a. <sup>33</sup> Sila ki te twouve li yo nan ranmase bwa a te mennen li vè Moïse avèk Aaron, ak tout asanble a; <sup>34</sup> epi yo te arete li, ✧akoz ke li potko deside kisa pou fè avèk li. <sup>35</sup> Alò, SENYÈ a te di a Moïse: “Nonm nan va vrèman vin mete a lanmò. ✧Tout kongregasyon an va lapide li avèk kout wòch deyò kan an.”

<sup>36</sup> Konsa, tout kongregasyon an te mennen li deyò kan an, e yo te lapide li jiska lanmò avèk kout wòch, jis jan ke SENYÈ a te kòmande Moïse la.

<sup>37</sup> SENYÈ a te osi pale avèk Moïse e te di: <sup>38</sup> “Pale avèk fis Israèl yo e di yo ke yo va fè pou yo menm ✧ponpon sou kwen vètman yo pandan tout jenerasyon yo, e ke yo va mete sou ponpon nan chak kwen an, yon kòd ble, <sup>39</sup> Se va yon ponpon pou nou gade, e pou ✧sonje tout kòmandman a SENYÈ yo, pou nou obeyi yo e pa pwostitiye tèt nou nan swiv dezi pwòp kè nou ak zye nou, <sup>40</sup> pou nou sonje pou fè tout kòmandman Mwen yo, e pou ✧rete sen a Bondye nou an.

<sup>41</sup> Mwen menm se SENYÈ a, Bondye nou an, ki te mennen nou sòti nan peyi Égypte la, pou M kab vin Bondye nou; Mwen se SENYÈ a, Bondye nou an.

## 16

<sup>1</sup> Alò, Koré, fis a Jitsehar, ansanm avèk Dathan ak Abiram, fis a Éliab avèk On, fis a Péleth, fis a Ruben yo, te pran desizyon, <sup>2</sup> Epi yo te vin leve devan Moïse, ansanm avèk kèk nan fis Israèl yo, de-san-senkant nan chèf kongregasyon an, mesye ki te byen rekonèt, ki te ✧chwazi pa asanble a. <sup>3</sup> Yo te reyini ansanm ✧kont Moïse avèk Aaron, e te di yo: “Nou te ale ase lwen, paske tout kongregasyon an sen, yo tout, e ✧SENYÈ a nan mitan yo. Konsa, poukisa nou egzalte tèt nou pi wo pase asanble SENYÈ a?”

<sup>4</sup> Lè Moïse te tandè sa, ✧li te tonbe sou figi li; <sup>5</sup> epi li te pale avèk Koré ak tout konpanyen li yo, e li te di: “Demen maten, SENYÈ a va montre kilès ki apatyen ak Li e kilès ki sen, epi Li va fè moun sa a vin touprè Li; ✧sila ke Li chwazi a, Li va mennen li toupre Li menm. <sup>6</sup> Fè sa: pran asanswa a pou kont nou; Koré, avèk tout konpanyen ou yo, <sup>7</sup> epi mete dife ladann, poze lansan sou yo nan prezans a SENYÈ a, demen. Nonm nan ke SENYÈ a chwazi a, va sila ki sen an. ✧Nou gen tan ale ase lwen, fis a Levi yo!”

<sup>8</sup> Epi Moïse te di a Koré: “Tandè koulye a fis a Levi yo, <sup>9</sup> ✧èske li pa sifi pou nou ke Bondye Israèl la te separe nou soti nan tout rès kongregasyon a Israèl la, pou mennen nou touprè a Li menm, pou fè sèvis tabènak SENYÈ a, e pou vin kanpe devan kongregasyon an pou sèvi yo; <sup>10</sup> Li te mennen

✧ 15:30 Nonb 14:40-44 ✧ 15:31 II Sam 12:9 ✧ 15:32 Egz 31:14-15 ✧ 15:34 Nonb 9:8  
 ✧ 15:35 Lev 24:14-23 ✧ 15:38 Det 22:12 ✧ 15:39 Det 4:23 ✧ 15:40 Lev 11:44-45 ✧ 16:2  
 Nonb 1:16 ✧ 16:3 Sòm 106:16 ✧ 16:3 Nonb 5:3 ✧ 16:4 Nonb 14:5 ✧ 16:5 Nonb 17:5-8  
 ✧ 16:7 Nonb 16:3 ✧ 16:9 És 7:13

nou touprè, tout frè ou yo Koré, fis a Levi yo avèk ou? Epi èske w ap ✧chache pozisyon prèt la tou? <sup>11</sup> Pou sa, ou menm avèk tout konpanyen ou yo vin rasanble ansanm ✧kont SENYÈ a; men pou Aaron, kilès li ye pou ✧nou vin plenyen kont li?

<sup>12</sup> Epi Moïse te voye yon lòd bay Dathan avèk Abiram, fis a Éliab yo; men yo te di: “Nou p ap monte. <sup>13</sup> Èske sa pa ase ke ou te mennen nou sòti nan yon peyi ki koule avèk lèt ak siwo myèl ✧pou fè nou vin mouri nan dezè a, men ou ta, osi, vin domine sou nou?”

<sup>14</sup> Vrèman, ou pa t mennen nou nan yon peyi ki koule avèk lèt ak siwo myèl, ni ou pa t bannou yon eritaj ✧tèren, avèk chan rezen. Èske ou ta ✧pete zye a mesye sa yo? Nou p ap monte? <sup>15</sup> Alò Moïse te vin byen fache, e te di a SENYÈ a: ✧“Pa aksepte ofrann pa yo! ✧Mwen pa t pran menm yon bourik nan men yo, ni mwen pa t fè mal a okenn nan yo.”

<sup>16</sup> Moïse te di a Koré: “Ou menm avèk tout konpanyen ou yo, parèt devan SENYÈ a demen, ni ou menm, yo menm ansanm avèk Aaron. <sup>17</sup> Chak nan nou pran veso dife li, mete lansan sou li, e chak nan nou pote veso lansan an devan SENYÈ a, de-san-senkant veso dife; osi ou menm avèk Aaron va nou chak pote veso dife pa li a.” <sup>18</sup> Konsa, yo chak te pran pwòp veso dife a e te mete dife ladann, yo te mete lansan sou li; epi yo te kanpe nan pòtay a tant asanble a, avèk Moïse ak Aaron. <sup>19</sup> Konsa, Koré te rasanble tout kongregasyon ki kont yo a nan pòtay a tant asanble a.

Epi ✧glwa a SENYÈ a te vin parèt a tout kongregasyon an. <sup>20</sup> Epi SENYÈ a te pale avèk Moïse ak Aaron, e te di: <sup>21</sup> ✧“Separe nou nan mitan kongregasyon sila a, ✧pou Mwen kapab manje yo koulye a.”

<sup>22</sup> Men yo te tonbe sou figi yo e te di: “O Bondye, ✧Bondye a lespri a tout chè a, èske Ou va an kòlè avèk tout kongregasyon an lè yon sèl moun fin peche?”

<sup>23</sup> Epi SENYÈ a te pale avèk Moïse e te di: <sup>24</sup> Pale avèk kongregasyon an e di: ✧ “Sòti nan tant Koré yo, Dathan avèk Abiram.”

<sup>25</sup> Alò, Moïse te leve ale vè Dathan ak Abiram, avèk ansyen a Israèl ki t ap swiv li yo, <sup>26</sup> epi li te pale avèk kongregasyon an e te di: ✧“Kite tant a moun mechan sa yo, koulye a, e pa touche anyen ki pou yo, ✧sinon, nou va vin pote ale ak tout peche yo.” <sup>27</sup> Konsa, yo te soti nan tant a Koré yo, Dathan ak Abiram; epi Dathan ak Abiram te vin kanpe nan pòtay a tant pa yo a, ansanm avèk madanm yo, ✧fis yo, e ansanm ak timoun yo.

<sup>28</sup> Moïse te di: “Selon sa nou va konnen ke ✧SENYÈ a te voye mwen pou fè tout zèv sa yo; paske sa se pa mwen menm k ap fè yo. <sup>29</sup> Si mesye sila yo mouri yon mò natirèl, oswa si yo soufri ✧desten a tout moun, alò SENYÈ a pa t voye mwen. <sup>30</sup> Men si SENYÈ a fè vin parèt yon bagay tounèf, tè a vin ouvri bouch li pou vale yo nèt avèk tout sa ki pou yo, e yo ✧desann tou vivan kote mò yo ye a, alò, konsa, nou va konprann ke mesye sila yo te meprize SENYÈ a.

<sup>31</sup> Pandan li te fin pale tout pawòl sa yo, tè ki te anba yo a te fann e li te ouvri; <sup>32</sup> epi ✧latè te louvri bouch li e te vale yo nèt avèk moun lakay yo,

✧ **16:10** Nonb 3:10 ✧ **16:11** Egz 16:7 ✧ **16:11** I Kor 10:10 ✧ **16:13** Nonb 14:2-3 ✧ **16:14** Egz 23:10-11 ✧ **16:14** I Sam 11:2 ✧ **16:15** Jen 4:4-5 ✧ **16:15** I Sam 12:3 ✧ **16:19** Nonb 14:10 ✧ **16:21** Nonb 16:45 ✧ **16:21** Egz 32:10-12 ✧ **16:22** Nonb 27:16 ✧ **16:24** Nonb 16:45 ✧ **16:26** És 52:11 ✧ **16:26** Jen 19:15 ✧ **16:27** Nonb 26:11 ✧ **16:28** Egz 3:12-15 ✧ **16:29** Ekl 3:19 ✧ **16:30** Sòm 55:15 ✧ **16:32** Det 11:6

ak tout mesye ki te apatyen a Koré avèk tout byen yo. <sup>33</sup> Konsa, yo menm avèk tout sa ki te pou yo, te desann vivan nan sejou mò yo; epi tè a te vin fèmèn sou yo, yo te peri nan mitan asanble a. <sup>34</sup> Tout Israèl ki te antoure yo te sove ale pandan yo t ap rele, paske yo te di: “Tè a kapab vin vale nou nèt!”

<sup>35</sup> ✧Dife, osi, te sòti nan SENYÈ a pou brile ✧de san senkant mesye ki te ofri lansan yo.

<sup>36</sup> Alò, SENYÈ a te pale avèk Moïse e te di: <sup>37</sup> “Di a Éléazar, fis a Aaron an, prèt la, ke li va ranmase veso lansan yo nan mitan dife a, paske yo sen; epi nou va gaye sann dife k ap brile yo a toupatou. <sup>38</sup> Epi atravè veso lansan a mesye sa yo ki te peche ak frè lavi yo, kite yo fin bat yo byen plat pou sèvi yo pou kouvri lotèl la, pwiske yo pa t prezante yo devan SENYÈ a, yo sen; epi ✧yo va sèvi kòm yon sign a fis Israèl yo.”

<sup>39</sup> Konsa, Éléazar te pran veso lansan ki te fèt an bwonz ke mesye ki te brile yo te ofri, epi yo te bat yo pou fè yo plat pou kouvri lotèl la, <sup>40</sup> kòm yon sonj a fis Israèl yo pou ✧pèsòn ki pa nan ras Aaron pa ta dwe pwoche pou brile lansan devan SENYÈ a; jis pou li pa devni tankou Koré ak konpanyen li yo—jis jan ke SENYÈ a te pale a li pa Moïse la.

<sup>41</sup> Men nan pwochen jou a, tout kongregasyon a fis Israèl yo te ✧bougonnen kont Moïse avèk Aaron e te di: “Se nou ki koz lanmò a pèp SENYÈ a.”

<sup>42</sup> Sepandan, li te vin rive ke lè kongregasyon an te reyini ansanm kont Moïse avèk Aaron, ke yo te vire vè tant asanble a, e vwala, nwaj la te kouvri li, glwa a SENYÈ a te kouvri li e ✧glwa a SENYÈ a te vin parèt. <sup>43</sup> Alò, Moïse avèk Aaron te vini devan tant asanble a, <sup>44</sup> epi SENYÈ a te pale a Moïse e te di: <sup>45</sup> Mete ou lwen kongregasyon sila a, pou Mwen kapab detwi yo kounye a menm.”

Alò, yo te tonbe sou figi yo. ✧ <sup>46</sup> Moïse te di a Aaron: “Pran veso lansan an, mete dife lotèl la ladann, mete lansan an sou li; pote li vit bay kongregasyon an pou ✧fè ekspiyasyon pou yo, paske lakòlè gen tan sòti nan SENYÈ a; gwo epidemi an kòmanse!

<sup>47</sup> Alò Aaron te pran li jan Moïse te pale a, e li te kouri nan mitan asanble a, paske, gade byen, gwo epidemi an te kòmanse pami pèp la. ✧Konsa li te mete lansan an pou fè ekspiyasyon pou pèp la. <sup>48</sup> Li te kanpe antre lavi ak lanmò, e gwo epidemi an te rete. <sup>49</sup> ✧Men sila ki te mouri nan gwo epidemi yo te katòz-mil-sèt-san (14,700), anplis sila ki te mouri akòz Koré yo.

<sup>50</sup> Alò, Aaron te retounen vè Moïse nan pòtay tant asanble a, paske gwo epidemi an te vin rete.

## 17

<sup>1</sup> Alò, SENYÈ a te pale avèk Moïse e te di: <sup>2</sup> Pale avèk fis Israèl yo, e pran yon branch bwa pou chak kay fanmi zansèt yo: douz branch bwa ki sòti nan tout chèf yo selon kay fanmi zansèt yo. Nou va ekri non a chak sou branch pa yo, <sup>3</sup> epi ekri non a Aaron sou branch Levi a; paske, gen yon sèl branch pou tèt a chak kay fanmi zansèt yo. <sup>4</sup> Epi nou va depoze yo nan tant asanble a devan lach ✧temwayaj la, kote Mwen rankontre nou an.

✧ 16:35 Nonb 11:1-3 ✧ 16:35 Nonb 16:2 ✧ 16:38 Éz 14:8 ✧ 16:40 Nonb 1:51 ✧ 16:41 Nonb 16:31 ✧ 16:42 Nonb 16:19 ✧ 16:45 Nonb 16:21-24 ✧ 16:46 És 6:6-7 ✧ 16:47 Nonb 25:6-13 ✧ 16:49 Nonb 25:9 ✧ 17:4 Egz 25:16-22

<sup>5</sup> Li va vin rive ke branch ✧moun ke Mwen chwazi a, va boujonnen. Konsa, Mwen va redwi sou Mwen tout fis Israël k ap bougonnen kont ou menm yo.”

<sup>6</sup> Konsa, Moïse te pale avèk fis Israël yo, e tout chèf yo te bay li yon branch pou chak nan yo, paske chak chèf, selon kay fanmi zansèt yo, douz branch avèk branch Aaron an pami branch yo. <sup>7</sup> Konsa, Moïse te depoze branch yo devan SENYÈ a ✧nan tant asanble a.

<sup>8</sup> Alò, nan jou apre a, Moïse te antre nan tant lan; epi vwala, ✧branch Aaron an pou fanmi zansèt Levi a te boujonnen e li pa t sèlman boujonnen, men li te pwodwi flè e osi li te pote zanmann ki mi. <sup>9</sup> Epi Moïse te pote deyò tout branch ki te nan prezans a SENYÈ a vè tout fis Israël yo; epi yo te gade, e chak mesye te pran pwòp branch pa l.

<sup>10</sup> Men SENYÈ a te di a Moïse: “Remete branch Aaron a ✧devan lach temwayaj la, pou kenbe kòm yon sign kont ✧rebèl yo, pou ou kapab mete fen a plent kont Mwen yo, pou yo pa mouri.

<sup>11</sup> Konsa, Moïse te fè; jis jan ke SENYÈ a te kòmande li a, konsa li te fè.

<sup>12</sup> Alò, fis Israël yo te pale avèk Moïse e te di l: ✧ “Gade byen, n ap mouri, nou tout ap mouri! <sup>13</sup> ✧Tout moun ki pwoche, ki vin pwoche toupre tabènak SENYÈ a, fòk li mouri. Èske nou tout va peri nèt?”

## 18

<sup>1</sup> Konsa, SENYÈ a te di a Aaron: “Ou menm avèk fis ou yo avèk lakay zansèt ou va ✧pote koupab pou zafè sanktyè a, e nou menm avèk fis nou yo va pote koupabilite ki koresponn avèk pozisyon prèt la. <sup>2</sup> Men mennen avè w osi frè nou yo, tribi Levi a, tribi papa zansèt ou a, pou yo kapab vin ✧jwenn avèk ou e sèvi ou, pandan ou menm avèk fis ou yo devan tant temwayaj la. <sup>3</sup> Epi se konsa yo va fè devwa ou avèk devwa tout asanble a, men ✧yo p ap pwoche toupre a zouti sanktyè yo avèk lotèl la, sinon, ni yo ni ou menm va mouri. <sup>4</sup> Yo va vin jwenn avèk ou, e fè devwa a tant asanble a pou tout sèvis tant lan; men yon etranje pa pou pwoche toupre nou.

<sup>5</sup> Konsa nou va fè tout ✧devwa a sanktyè a ak devwa a lotèl la, pou pa toujou gen kòlè sou fis Israël yo. <sup>6</sup> Veye byen, se Mwen Menm ki ✧te pran Levit parèy nou yo pami fis Israël yo; yo se yon ✧don pou nou menm, ki dedye bay SENYÈ a, pou fè sèvis tant asanble a. <sup>7</sup> Konsa, Moïse te depoze branch yo devan SENYÈ a nan ✧tant temwayaj la.

<sup>8</sup> Alò, SENYÈ a te pale avèk Aaron: “Gade byen, se Mwen Menm ki te bay ou chaj sou tout ✧ofrann Mwen yo, menm tout don sen a fis Israël yo, Mwen te bay ou yo kòm yon pati e a fis ou yo kòm yon dwa ki pou tout tan. <sup>9</sup> Sila a va pou nou, soti nan don pi sen pase tout lòt yo ki rezève soti nan dife a; tout ofrann pa yo, menm Lev 2:1-16 tout ofrann, tout ofrann ✧peche ak tout ofrann koupab ke yo rann ban Mwen yo, yo va sen pase tout lòt yo bannou ak fis nou yo. <sup>10</sup> Kòm don ki sen pase tout lòt yo, nou va manje l; tout gason va manje li. Li va sen pou nou menm.

<sup>11</sup> Sa osi se pou nou, ofrann a don pa yo, menm tout ofrann balanse vè lotèl a fis Israël yo; Mwen te ✧bannou yo ak fis nou yo ak fi nou yo ki avèk

✧ 17:5 Nonb 16:5 ✧ 17:7 Nonb 1:50-53 ✧ 17:8 Éz 17:24 ✧ 17:10 Nonb 17:4 ✧ 17:10 Det 9:7-24 ✧ 17:12 És 6:5 ✧ 17:13 Nonb 1:51 ✧ 18:1 Egz 28:38 ✧ 18:2 Nonb 3:5-10 ✧ 18:3 Nonb 4:15-20 ✧ 18:5 Egz 27:21 ✧ 18:6 Nonb 3:12 ✧ 18:6 Nonb 3:9 ✧ 18:7 Egz 29:9 ✧ 18:8 Lev 5:16-18 ✧ 18:9 Lev 6:30 ✧ 18:11 Lev 22:1-16

nou, kòm yon dwa ki pou tout tan. Tout sila lakay nou yo ki pwòp, kapab manje yo.

<sup>12</sup> ✧ Tout sa ki pi bon nan lwil fre a, tout sa ki pi bon nan diven fre a ak nan sereyal la, premye fwi a sila ke yo bay a SENYÈ a, Mwen bannou yo.

<sup>13</sup> ✧ Premye nan fwi mi ki nan peyi yo, ke yo pote bay SENYÈ a, va pou ou; tout moun lakay ou ki pwòp, kapab manje li.

<sup>14</sup> ✧ Tout bagay ki konsakre an Israèl va pou ou. <sup>15</sup> ✧ Tout premye pòtre nan vant a tout chè, kit se lòm, kit se bèt, ke yo ofri bay SENYÈ a, va pou nou; men, premye ne a lòm nan, nou va anverite peye ranson, e premye ne bèt ki pa pwòp, nou va peye ranson. <sup>16</sup> Epi pou pri ranson an, soti nan laj yon mwa, nou va peye ranson yo, selon pri nou yo, senk sik an ajan, selon sik sanktyè a, ki se ven gera.

<sup>17</sup> Men ✧ premye ne a yon bèf oswa yon mouton, oswa premye ne a yon mouton, ou pa pou peye ranson; yo sen. ✧ Ou va flite san pa yo sou lotèl la e ou va ofri grès yo nan lafimen kòm yon ofrann pa dife, kòm yon odè ki bon a SENYÈ a. <sup>18</sup> Vyann pa yo va pou ou, li va pou ou tankou ✧ pwatrin ak kwis nan yon ofrann balanse anlè. <sup>19</sup> Tout ofrann a don sen yo, ke fis Israèl yo ofri bay SENYÈ a, Mwen te bannou yo avèk fis ou yo e fi ou yo ki avèk ou, kòm yon dwa ki pou tout tan. Li se ✧ yon kontra disèl devan SENYÈ a avèk ou avèk desandan ou yo avèk ou.”

<sup>20</sup> Epi SENYÈ a te di a Aaron: “Ou p ap gen okenn eritaj nan peyi a ni posesyon okenn pati pami yo; ✧ Mwen se pati pa ou ak eritaj ou pami fis Israèl yo.

<sup>21</sup> A fis Levi yo, gade byen, Mwen te bay tout ✧ dim an Israèl yo kòm eritaj, anretou pou sèvis yo ke yo fè, sèvis a tant asanble a. <sup>22</sup> Fis a Israèl ✧ pa pou pwoche tant asanble a ankò; sinon, yo va pote peche e yo va mourir. <sup>23</sup> Sèl Levit yo va fè sèvis tant asanble a, yo va ✧ pote inikite pa yo, sa va yon règleman pou tout tan atravè jenerasyon nou yo, e pami fis Israèl yo, yo p ap gen okenn eritaj. <sup>24</sup> Tankou dim a fis Israèl yo, ke yo ofri kòm yon ofrann bay SENYÈ a, ✧ Mwen te bay a Levit yo kòm eritaj; konsa, Mwen te di konsènan yo: ‘Yo p ap gen okenn eritaj pami fis Israèl yo.’”

<sup>25</sup> Epi SENYÈ a te pale a Moïse e te di: <sup>26</sup> Anplis, ou va pale avèk Levit yo e di yo: “Lè nou pran soti nan fis Israèl yo, dim ke Mwen te bay a nou menm pou eritaj nou, alò nou va prezante yon ofrann ki sòti nan li bay SENYÈ a, ✧ yon dim nan dim nan. <sup>27</sup> Ofrann nou va konte pou nou kòm sila ki sòti nan voye anlè glasi a, oswa pwodwi ki nan basen diven an. <sup>28</sup> Konsa, nou va, osi, prezante yon ofrann bay SENYÈ a, ki soti nan dim nou yo, ke nou resevwa de fis Israèl yo; epi soti nan li, nou va bay ofrann SENYÈ a a Aaron, prèt la. <sup>29</sup> Nan tout don nou yo, nou va prezante tout ofrann ke nou dwe bay a SENYÈ a, soti nan tout, sa ki pi bon nan yo, pati ki sakre nan yo.

<sup>30</sup> Ou va di yo: “Lè nou ofri meyè pati a, li va kalkile a Levit yo kòm pwodwi a ofrann voye anlè glasi a, oswa pwodwi a basen diven an. <sup>31</sup> ‘Nou gen dwa manje l nenpòt kote, nou menm avèk lakay nou, paske se pèyman nou an echanj pou sèvis nou nan tant asanble a. <sup>32</sup> Nou p ap pote peche

✧ **18:12** Sòm 81:16 ✧ **18:13** Egz 22:29 ✧ **18:14** Lev 27:1-33 ✧ **18:15** Egz 13:13-15 ✧ **18:17** Det 15:19 ✧ **18:17** Lev 3:2 ✧ **18:18** Lev 7:31 ✧ **18:19** II Kwo 13:5 ✧ **18:20** Jos 13:33 ✧ **18:21** Lev 27:30-33 ✧ **18:22** Nonb 1:51 ✧ **18:23** Nonb 18:1 ✧ **18:24** Det 10:9 ✧ **18:26** Né 10:38

akoz li, lè nou fin ofri meyè pati a. Men nou pa pou \*degrade don sakre a fis Israël yo; sinon, nou va mourir.’ ”

## 19

<sup>1</sup> Epi Senyè a te pale ak Moïse avèk Aaron e te di: <sup>2</sup> Sa se règleman lalwa ke SENYÈ a te kòmande a, e Li te di: ‘Pale a fis Israël yo pou yo pote ba ou yon gazèl wouj, \* san defo, sou sila yon fado pa t janm vin poze. <sup>3</sup> Nou va bay li a Éléazar, prèt la, li \*va pote li deyò kan an, e touye li nan prezans li. <sup>4</sup> Apre, Éléazar, prèt la, va pran kèk nan san li avèk dwèt li, e \*flite kèk nan san li an pa devan tant asanble a sèt fwa. <sup>5</sup> Alò, gazèl la va brile devan zye li; po li, chè li avèk san li, avèk pou pou li, va brile. <sup>6</sup> Prèt la va pran bwa \*sèd avèk izòp ak twal wouj, e li va jete li nan mitan gazèl k ap brile a. <sup>7</sup> Epi prèt la va lave vètman li yo, benyen kò li nan dlo, e apre, li va antre nan kan an. <sup>8</sup> Sila ki brile li a, va osi lave kò li nan dlo, apre li va vini nan kan an, e li va rete pa pwòp jis rive nan aswè.

<sup>9</sup> “Alò, yon nonm ki pwòp, va ranmase sann a gazèl la pou depoze yo deyò kan an nan yon kote ki pwòp, epi fis Israël yo va konsève li kòm \*dlo pirifikasyon; li se yon pirifikasyon pou peche. <sup>10</sup> Sila ki ranmase sann gazèl la \*va lave rad li e li va rete pa pwòp pou jis rive nan aswè; epi li va yon règleman ki pou tout tan pou fis Israël yo ak pou etranje ki rete pami yo a.

<sup>11</sup> \* Sila ki touche kadav a nenpòt moun, va pa pwòp pandan sèt jou. <sup>12</sup> Li dwe \*pirifye tèt li avèk dlo nan twazyèm jou a ak nan setyèm jou a, e apre, li va pwòp; men si li pa pirifye tèt li nan twazyèm jou a ak nan setyèm jou a, li p ap vin pwòp. <sup>13</sup> \*Nenpòt moun ki touche yon mò, kò a yon moun mouri, e li pa pirifye tèt li, li degrade tabènak a SENYÈ a; epi moun sa va vin izole an Israël. Akoz dlo pirifikasyon an pa t flite sou li, li va vin pa pwòp; pa pwòp li a va toujou sou li.

<sup>14</sup> Sa se lalwa lè yon nonm mouri nan yon tant: tout moun ki antre nan tant lan ak tout moun ki deja nan tant lan, yo va vin pa pwòp pandan sèt jou. <sup>15</sup> Tout veso ki louvri, ki pa gen kouvèti mare sou li, va vin pa pwòp.

<sup>16</sup> \*Osi, nenpòt moun ki nan chan louvri, e ki touche yon moun ki te touye pa nepe, oswa ki te mouri nenpòt jan, swa yon zo Kreyen oswa yon tonm, li va vin pa pwòp pandan sèt jou.

<sup>17</sup> Alò, pou sila ki pa pwòp yo, yo va pran kèk nan sann \*pirifikasyon peche ki te brile a, e dlo k ap koule va mele avèk yo nan yon veso. <sup>18</sup> Yon moun pwòp va pran izòp e fonsè li nan dlo a, flite li sou tant lan ak sou tout zafè li yo e tout moun ki te ladann yo, tout sila ki te touche zo a, oswa sa ki te touye, oswa sa ki te mouri an lòt jan, oswa yon tonm. <sup>19</sup> Alò, moun pwòp la \*va flite sou sila ki pa pwòp la nan twazyèm jou a ak nan setyèm jou a; epi nan setyèm jou a, li dwe pirifye tèt li, li va lave rad li, benyen nan dlo e li va pwòp nan aswè. <sup>20</sup> Men sila ki pa pwòp la, ki pa pirifye tèt li a, li va vin izole nan mitan asanble a, akoz li te \*degrade sanktyè SENYÈ a, dlo a pirifikasyon an pa t flite sou li, e li pa pwòp.

<sup>21</sup> Se konsa sa va yon règleman pou tout tan pou yo. Sila \*ki flite dlo pirifikasyon an, va osi lave rad li, e sila ki touche dlo pirifikasyon an va rete pa pwòp jis rive nan aswè. <sup>22</sup> \*Anplis, nenpòt bagay ke moun pa pwòp

\* 18:32 Lev 22:15-16 \* 19:2 Lev 22:20-25 \* 19:3 Lev 4:11-21 \* 19:4 Lev 4:6-17 \* 19:6 Lev 14:4 \* 19:9 Nonb 8:7 \* 19:10 Nonb 19:7 \* 19:11 Lev 21:1-11 \* 19:12 Nonb 19:19 \* 19:13 Lev 7:21 \* 19:16 Nonb 31:19 \* 19:17 Nonb 19:9 \* 19:19 Egz 36:25 \* 19:20 Nonb 19:13 \* 19:21 Nonb 19:7 \* 19:22 Lev 5:2-3

la touche, va vin pa pwòp; epi moun ki touche li a, va vin pa pwòp jis rive nan aswè.’ ”

## 20

<sup>1</sup> Epi fis Israël yo, tout kongregasyon an, te vini nan \*dezè a Tsin nan, nan premye mwa a; epi pèp la te rete Kadès. Alò, Marie te mouri e li te antere la.

<sup>2</sup> \*Pa t gen dlo pou kongregasyon an, \*e yo te vin reyini yo menm kont Moïse avèk Aaron. <sup>3</sup> Konsa, pèp la te fè kont avèk Moïse e te pale pou di: \*<sup>4</sup>“Si sèlman nou te mouri \*lè frè nou yo te mouri devan SENYÈ a! <sup>4</sup> \*Epi poukisa ou te mennen asanble SENYÈ a antre nan dezè sila a, pou nou menm avèk bèt nou yo vin mouri isit la? <sup>5</sup> Poukisa ou te fè nou sòti an Égypte pou mennen nou kote mechan sila a? Se pa yon kote ki gen, ni fig, ni grenad, ni pa gen dlo pou bwè.”

<sup>6</sup> Epi Moïse avèk Aaron te sòti nan prezans asanble a nan pòtay tant asanble a e yo te \*tonbe sou figi yo. Alò, glwa a SENYÈ a te vin parèt a yo menm; <sup>7</sup> epi SENYÈ a te pale avèk Moïse e te di: <sup>8</sup> “Pran \*baton an; ou menm avèk frè ou a, Aaron, rasanble kongregasyon an e pale avèk wòch la devan zye yo, pou li kapab bay dlo pa li. Konsa, ou va fè dlo parèt pou yo sòti nan wòch la e kite kongregasyon an avèk bèt yo bwè.

<sup>9</sup> Konsa, Moïse te pran baton an \*soti devan SENYÈ a, jis jan ke Li te kòmande li a. <sup>10</sup> Epi Moïse avèk Aaron te reyini asanble a devan wòch la. Li te di yo: \*<sup>11</sup>“Koute m koulè a, nou menm k ap fè rebèl; èske n ap fè dlo sòti nan wòch sila a?” <sup>11</sup> Epi Moïse te leve men li e li te frape wòch la de fwa avèk baton an. \*Dlo te sòti an kantite, e kongregasyon an avèk bèt pa yo te bwè.

<sup>12</sup> Men SENYÈ a te di a Moïse avèk Aaron: \*<sup>13</sup>“Akoz ke nou pa kwè M, pou trete m tankou sen devan fis Israël yo; pou sa, nou p ap mennen asanble sila a antre nan peyi ke M te bay yo a.”

<sup>13</sup> Sa yo se te dlo a Meriba yo, akoz fis a Israël yo te fè kont avèk SENYÈ a, e Li te fè prèv sentete Li pami yo.

<sup>14</sup> Soti nan Kadès, Moïse te voye mesaj vè \*wa Édom an: “Konsa frè ou a, Israël te pale: ‘Ou \*konnen tout traka ki gen tan pran nou; <sup>15</sup> ke zansèt nou yo te desann an Égypte, e ke nou te rete an Égypte pandan anpil tan, e ke Ejipsyen yo te maltrete nou anpil. <sup>16</sup> Men \*lè nou te kriye fò bay SENYÈ a, Li te tande vwa nou, Li te voye yon zanj pou te mennen nou sòti an Égypte; alò, gade byen, nou Kadès, yon vil nan fwontyè teritwa pa nou an. <sup>17</sup> Souple, \*kite nou pase nan peyi pa nou an. Nou p ap pase nan chan yo oswa nan rezen yo; nou p ap menm bwè dlo nan yon pwi. Nou va ale bò kote chemen wa a, san vire ni adwat, ni agoch jiskaske nou fin pase nan tout teritwa nou an.’ ”

<sup>18</sup> \*Men Édom te di li: “Ou p ap pase sou nou; sinon, mwen ap vini kont nou avèk nepe.”

<sup>19</sup> Ankò, fis Israël yo te di a li: “Nou va monte vè chemen an, e si Mwen avèk \*bèt mwen yo bwè nan dlo nou an; \*alò, m ap peye pri li. Kite mwen

\* 20:1 Nonb 13:21 \* 20:2 Egz 17:1 \* 20:2 Nonb 16:19-42 \* 20:3 Nonb 14:2-3 \* 20:3 Nonb 16:31-35 \* 20:4 Egz 17:3 \* 20:6 Nonb 14:5 \* 20:8 Egz 4:17-20 \* 20:9 Nonb 17:10 \* 20:10 Sòm 106:33 \* 20:11 Sòm 78:16 \* 20:12 Nonb 20:24 \* 20:14 Jen 36:31-39 \* 20:14 Jos 9:9-24 \* 20:16 Egz 2:23 \* 20:17 Nonb 21:22 \* 20:18 Nonb 24:18 \* 20:19 Egz 12:38 \* 20:19 Det 2:6-28

sèlman pase ladann a pye, anyen anplis. <sup>20</sup> Men li te di: ✨“Ou p ap pase ladann.” Epi Édom te sòti kont li avèk yon gwo fòs ak yon men pwisan. <sup>21</sup> ✨Konsa, Édom te refize kite Israèl pase nan teritwa pa li a; ✨pou sa Israèl te vire kite li.”

<sup>22</sup> Alò, lè yo te sòti ✨Kadès, fis Israèl yo, tout kongregasyon an, te vini nan Mòn Hor.

<sup>23</sup> Alò, SENYÈ a te pale avèk Moïse ak Aaron nan ✨Mòn Hor akote fwontye Édom an, e Li te di: <sup>24</sup> Aaron va rasanble vè pèp li a; paske li pa pou antre nan peyi ke Mwen te bay a fis Israèl yo, akoz nou te ✨vin rebèl kont kòmand Mwen nan dlo a Meriba yo. <sup>25</sup> Pran Aaron avèk fis li a, ✨Éléazar e mennen yo nan Mòn Hor; <sup>26</sup> epi retire tout vètman yo sou Aaron e ✨mete yo sou fis li a, Éléazar. Konsa, Aaron va rasanble vè pèp li a, e li va mouri la.

<sup>27</sup> Konsa Moïse te fè selon SENYÈ a te kòmande a, yo te monte vè Mòn Hor devan zye a tout kongregasyon an. <sup>28</sup> Lè Moïse te fin retire vètman yo sou Aaron, li te ✨mete yo sou Éléazar, Aaron te mouri la sou tèt mòn nan. <sup>29</sup> Lè tout kongregasyon an te wè ke Aaron te mouri, tout lakay Israèl te kriye pou Aaron pandan trant✨jou.

## 21

<sup>1</sup> Lè Chèf Canaran an, wa ✨Arad la, ki te viv nan Negèv la te tandè ke Israèl t ap vini pa chemen a Atharim nan; alò, li te goumen kont Israèl, e li te pran kèk nan yo an kaptif. <sup>2</sup> Konsa, Israèl te fè yon ve a SENYÈ a, e te di: ✨ “Si Ou va vrèman livre pèp sa a nan men m; alò, mwen va detwi vil pa yo a nèt.” <sup>3</sup> SENYÈ a te tandè vwa Israèl, Li te livre yo bay Canaran; epi yo te detwi yo nèt ansanm avèk vil yo. Konsa, kote sa a te vin rele ✨Horma.

<sup>4</sup> Epi yo te sòti nan Mòn Hor pa wout Lamè Wouj la, ✨pou travèse peyi Édom an; epi pèp la te vin pèdi pasyans akoz vwayaj la. <sup>5</sup> Pèp la te pale kont Bondye ak Moïse: ✨ “Poukisa ou te mennen nou sòti an Égypte pou mouri nan dezè a? Paske nanpwen manje, ni dlo, e ✨nou rayi move manje sila a.”

<sup>6</sup> ✨SENYÈ a te voye sèpan dife pami pèp la, yo te mòde pèp la, e ✨anpil nan pèp Israèl la te mouri. <sup>7</sup> Konsa, pèp la te vini a Moïse e te di: “Nou te peche, pwiske nou te pale kont SENYÈ a ak ou menm; ✨entèsede pou nou avèk SENYÈ a, pou Li kapab retire sèpan sa yo sou nou.” Epi Moïse te entèsede pou pèp la.

<sup>8</sup> Alò, SENYÈ a te di a Moïse: “Fè yon ✨ sèpan dife, mete li sou yon poto; epi li va vin rive ke tout moun ki vin mòde, lè li gade li, li va viv.” <sup>9</sup> Epi Moïse te fè yon sèpan an ✨bwonz e li te mete li sou poto a; epi li te vin rive ke si yon sèpan te mòde nenpòt moun, lè li te gade vè sèpan an bwonz lan, li te viv.

<sup>10</sup> Alò, fis Israèl yo te deplase e te fè kan an nan Oboth. <sup>11</sup> Yo te vwayaje soti Oboth pou te fè kan an nan Ijje-Abarim, nan dezè ki anfas Moab a lès la. <sup>12</sup> ✨Soti la, yo te pati pou te fè kan an nan vale Zéred la. <sup>13</sup> Soti la, yo te vwayaje pou te fè kan an sou lòt kote Arnon an, ki se nan dezè ki sòti

✨ 20:20 Jij 11:17 ✨ 20:21 Jij 11:17 ✨ 20:21 Det 2:8 ✨ 20:22 Nonb 20:1-14 ✨ 20:23 Nonb 33:37 ✨ 20:24 Nonb 20:5-10 ✨ 20:25 Nonb 3:4 ✨ 20:26 Nonb 20:24 ✨ 20:28 Egz 29:29 ✨ 20:29 Jen 50:3-10 ✨ 21:1 Jos 12:14 ✨ 21:2 Jen 28:20 ✨ 21:3 Nonb 14:45 ✨ 21:4 Det 2:8 ✨ 21:5 Nonb 14:2-3 ✨ 21:5 Nonb 11:6 ✨ 21:6 Det 8:15 ✨ 21:6 I Kor 10:9 ✨ 21:7 I Sam 12:19 ✨ 21:8 És 14:9 ✨ 21:9 II Wa 18:4 ✨ 21:12 Nonb 33:45



nan lizyè Amoreyen yo, ✨paske Arnon se te fwontyè Moab, antre Moab ak Amoreyen yo.

<sup>14</sup> Konsa, sa di nan Liv Lagè SENYÈ a: “Vaheb nan Supha, avèk ravin sèch nan Arnon an, <sup>15</sup> Epi pant ki rive nan ravin sèch yo ki rive jis nan kote ✨Ar la e ki touche nan lizyè Moab la.” <sup>16</sup> ✨Soti la, yo rive jis nan Beer, ki se pwi kote SENYÈ a te di Moïse, reyini pèp la pou Mwen kapab bay yo dlo a.”

<sup>17</sup> ✨Epi Israèl te chante chan sila a: “Vin bwote o pwi! Chante a li! <sup>18</sup> Ke prens yo nan pèp la te fouye, Avèk baton wayal ak Baton soutyen pa yo.”

Epi soti nan dezè a, yo te kontinye a Matthana, <sup>19</sup> epi soti Matthana a Nahaliel, soti nan Nahaliel a Bamoth, <sup>20</sup> soti Bamoth nan vale ki nan peyi Moab la, nan pwent lan vè Mòn Pisga ki kanpe anwo tout dezè a.

<sup>21</sup> Alò Israèl te voye mesaje yo bay Sihon, wa a Amoreyen yo e te di: <sup>22</sup> ✨“Kite mwen pase nan peyi ou a. Nou p ap menm vire nan chan, oswa nan rezen yo; nou p ap bwè dlo nan pwi yo. Nou va ale nan chemen Wa a jiskaske nou fin depase limit fwontyè pa w la.”

<sup>23</sup> ✨Men Sihon pa t kite Israèl pase nan fwontyè pa li a. Konsa, Sihon te ranmase tout pèp li a pou te sòti kont Israèl nan dezè a, e yo te rive a ✨Jahats pou te goumen kont Israèl.

<sup>24</sup> Epi ✨Israèl te frape li avèk tranch nepe, e te pran posesyon a peyi li a soti Arnon pou jis rive Jabbok, soti distans a fis Ammon yo; paske nan ✨fwontyè a fis Ammon yo, se te Jazer. <sup>25</sup> Israèl te pran tout vil yo e ✨Israèl te viv nan tout vil Amoreyen yo, nan Hesbon ak nan tout vil li yo. <sup>26</sup> Paske Hesbon, se te vil a Sihon, wa a Amoreyen yo, ki te goumen kont ansyen wa Moab la, e li te retire tout peyi li a nan men li, jis rive nan Arnon.

<sup>27</sup> Se pou sa ke sila ki sèvi ak pwovèb yo di: “Vini Hesbon! Kite li bati! Konsa kite vil a Sihon an fin etabli. <sup>28</sup> ✨Paske yon dife te sòti nan Hesbon, Yon flanm soti nan vil a Sihon; Li te devore ✨Ar nan Moab, Pwent wo yo domine Arnon <sup>29</sup> Malè a nou menm, O Moab! Nou gen tan fin gate nèt, O pèp nan Kemosch ✨Li te bay fis li yo kòm sila k ap sove ale, ✨Epi fi li yo kòm kaptif, A yon wa Amoreyen, Sihon. <sup>30</sup> Men nou te jete yo ba, Hesbon fin gate jis rive ✨Dibon, Alò, nou te fin piyaje jis rive Nophach, Ki rive nèt nan Médaba.”

<sup>31</sup> Konsa, Israèl te viv nan peyi Amoreyen yo.

<sup>32</sup> Moïse te voye espyone ✨Jaezer, yo te kaptire vil li yo e te piyaje Amoreyen ki te la yo. <sup>33</sup> ✨Epi yo te vire monte nan wout Basan, e Og, wa Basan an, te sòti avèk tout pèp li a pou fè bati ✨Édréi.

<sup>34</sup> Men SENYÈ a te di a Moïse: ✨“Pa pè li, paske Mwen te bay li nan men nou, tout pèp li a ak tout peyi li a; ou va fè avèk li jan ou te fè Sihon, wa Amoreyen, ki te viv Hesbon yo.”

<sup>35</sup> Konsa, ✨yo te touye li avèk fis li yo ak tout pèp li a, jis pa t menm gen yon retay ki te rete pou li; epi yo te posede peyi li a.

## 22

<sup>1</sup> ✨Epi fis a Israèl yo te vwayaje pou te fè kan an nan plèn Moab yo, fin kite Jourdain an, anfas Jéricho.

✨ 21:13 Nonb 22:36 ✨ 21:15 Nonb 21:28 ✨ 21:16 Nonb 33:46-49 ✨ 21:17 Egz 15:1  
 ✨ 21:22 Nonb 20:16-17 ✨ 21:23 Nonb 20:21 ✨ 21:23 Det 2:32 ✨ 21:24 Am 2:9 ✨ 21:24  
 Det 2:37 ✨ 21:25 Am 2:10 ✨ 21:28 Jr 48:45 ✨ 21:28 Nonb 21:15 ✨ 21:29 És 15:5 ✨ 21:29  
 És 16:2 ✨ 21:30 Nonb 32:3-34 ✨ 21:32 Nonb 32:1-35 ✨ 21:33 Det 3:1-7 ✨ 21:33 Jos 13:12  
 ✨ 21:34 Det 3:2 ✨ 21:35 Det 3:3-4 ✨ 22:1 Nonb 33:48-49

<sup>2</sup> Alò ✨Balak, fis Tsippor te wè tout sa ke Israël te fè a Amoreyen yo.  
<sup>3</sup> ✨Konsa, Moab te nan gran perèz akòz pèp la, pwiske yo te anpil; Moab te sezi avèk gwo laperèz akòz fis Israël yo.

<sup>4</sup> Moab te di a ansyen yo a ✨Madian: “Alò, bann moun sa yo va devore tout sa ki antoure nou, jan yon bèf devore zèb nan chan.”

Balak, fis a Tsippor a te wa Moab nan tan sa a. <sup>5</sup> Konsa, li te voye yon mesaj vè ✨Balaam, fis a Beor a nan ✨Pethor, ki toupre Rivyè a, nan peyi a fis pèp li a, e te di: “Gade byen, yon pèp te sòti an Égypte; gade byen, yo kouvri sifas peyi a, e y ap viv anfas mwen. <sup>6</sup> ✨Alò, pou sa, silvoulè, vin mete yon madichon sou pèp sa a pou mwen; paske, yo twò pwisan pou mwen; petèt mwen kapab fin bat yo, e pouse yo ale deyò peyi a. Paske mwen konnen ke sila ke ou beni an, beni, e sila ke ou modi a, modi.”  
<sup>7</sup> Konsa, ansyen a Moab yo avèk ansyen a Madian yo te pati avèk frè pou peye ✨divinasyon nan men yo; epi yo te vin kote Balaam pou te repete pawòl a Balak yo pou li.

<sup>8</sup> Li te di yo: “Pase nwit lan isit la, e mwen va pote yon pawòl bannou jan SENYÈ a kab petèt pale avè m.” Epi dirijan Moab yo te rete avèk Balaam.

<sup>9</sup> Epi ✨Bondye te vini a Balaam, e Li te di: “Ki moun sa yo ye ki avèk ou la a?”

<sup>10</sup> Balaam te di a Bondye: “Balak, fis a Tsippor a, wa Moab la te voye yon pawòl ban mwen. <sup>11</sup> Gade byen, gen yon pèp ki sòti an Égypte, yo kouvri sifas peyi a; alò, vin modi yo pou mwen; petèt mwen kapab goumen kont yo, e pouse yo deyò.’”

<sup>12</sup> Bondye te di a Balaam: “Pa ale avèk yo; ✨ou p ap modi pèp la, paske yo beni.”

<sup>13</sup> Konsa, Balaam te leve nan maten e li te di a chèf Balak yo: “Ale retounen nan peyi nou, paske SENYÈ a refize kite mwen ale avèk nou.”

<sup>14</sup> Chèf a Moab yo te leve, yo te ale a Balak e te di: “Balaam refize vini avèk nou.”

<sup>15</sup> Alò, Balak te voye chèf yo ankò, plis an kantite e pi gran pase lòt yo.  
<sup>16</sup> Yo te vini a Balaam e te di li: “Konsa pale Balak, fis a Tsippor a, pa kite anyen, mwen mande ou souple, anpeche ou vini kote mwen; <sup>17</sup> paske, vrèman, mwen va onore ou anpil, e mwen va fè nenpòt sa ou mande mwen. ✨Alò, souple, vin modi pèp sa a pou mwen.’”

<sup>18</sup> Balaam te reponn a sèvitè a Balak yo, ✨Malgre Balak ta ban mwen kay li plen avèk ajan ak lò, mwen pa ta kapab fè anyen, ni piti ni gran, ki kontrè a kòmand SENYÈ a, Bondye mwen an. <sup>19</sup> Alò, silvoulè, rete isit la aswè a; epi mwen va twouve ki lòt bagay SENYÈ a va pale mwen.”

<sup>20</sup> Bondye te vini a Balaam nan aswè, e te di li: “Si mesye sa yo ta vin rele ou, leve e ale avèk yo; men ✨se sèlman pawòl ke M pale avèk ou a ke ou va fè.”

<sup>21</sup> ✨Konsa, Balaam te leve nan maten, li te mete yon sèl sou bourik li pou te ale avèk chèf Moab yo. <sup>22</sup> Men Bondye te fache akòz li t ap ale a, ✨e zanj SENYÈ a te vin kanpe nan chemen an kòm yon advèsè kont li. Alò, li te monte sou bourik li e de sèvitè li yo te avèk li. <sup>23</sup> Lè bourik la te wè zanj SENYÈ a ki te kanpe nan chemen an avèk nepe li parèt nan men l,

✨ 22:2 Jij 11:25 ✨ 22:3 Egz 15:15 ✨ 22:4 Nonb 25:15-18 ✨ 22:5 Jd 11 ✨ 22:5 Det 23:4  
 ✨ 22:6 Nonb 22:17 ✨ 22:7 Nonb 23:23 ✨ 22:9 Jen 20:3 ✨ 22:12 Nonb 23:8 ✨ 22:17  
 Nonb 22:6 ✨ 22:18 I Wa 22:14 ✨ 22:20 Nonb 22:35 ✨ 22:21 II Pi 2:15 ✨ 22:22 Egz 23:20

bourik la te kite chemen an pou te antre nan chan an; men, Balaam te frape bourik la pou fè l retounen nan chemen an.

<sup>24</sup> Alò, zanj SENYÈ a te kanpe nan yon wout etwat nan chan rezen yo, avèk yon miray sou yon bò, e yon miray sou lòt bò a. <sup>25</sup> Lè bourik la te wè zanj SENYÈ a, li te peze kò l kont mi an, e li te peze pye Balaam kont lòt mi an; pou sa, li te frape li ankò.

<sup>26</sup> Zanj SENYÈ a te ale pi lwen, e li te kanpe nan yon kote etwat kote pa t gen mwayen pou vire ni adwat, ni agoch. <sup>27</sup> Lè bourik la te wè zanj SENYÈ a, li te kouche anba Balaam; pou sa, ✧Balaam te fache e li te frape bourik la avèk bra li. <sup>28</sup> Epi ✧SENYÈ a te ouvri bouch a bourik femèl la, e li te di a Balaam: “Kisa m te fè ou, pou ou bat mwen twa fwa sa yo?”

<sup>29</sup> Alò, Balaam te di a bourik la: ‘Akoz ou te pase m nan rizib! Si m te gen yon nepe nan men m, ✧ Mwen ta gen tan touye ou deja.’

<sup>30</sup> Bourik la te di a Balaam: “Èske mwen pa bourik ou, sou sila ou te monte pandan tout vi ou jis rive Jodi a? Èske Mwen janm te konn abitye fè ou sa?” Epi li te di: “non”.

<sup>31</sup> Alò, SENYÈ a te ouvri zye a Balaam; epi li te wè ✧zanj a SENYÈ a ki te kanpe nan chemen an avèk nepe a rale nan men li; li te bese jiska tè.

<sup>32</sup> Zanj SENYÈ a te di a li: “Poukisa ou te frape bourik ou a twa fwa sa yo? Gade byen, Mwen te parèt kòm yon advèsè, aköz direksyon pa w la te ✧kont Mwen. <sup>33</sup> Men bourik la te wè M e li te vire akote pou evite Mwen twa fwa sa yo. Si li pa t vire akote Mwen, Mwen ta, vrèman, gen tan touye ou nan moman sa a, e kite li menm viv.”

<sup>34</sup> Balaam te di a zanj SENYÈ a: ✧“Mwen te peche, paske mwen pa t konnen ke ou te kanpe nan chemen an kont mwen. Alò, koulye a, si sa pa fè ou plezi, mwen va vire retounen.”

<sup>35</sup> Men zanj SENYÈ a te di a Balaam: “Ale avèk mesye sa yo, men ✧ou va pale, sèlman, pawòl ke Mwen di ou yo.” Konsa Balaam te ale avèk chèf Balak yo.

<sup>36</sup> Lè Balak te tandè ke Balaam t ap vini, li te sòti pou rankontre li nan vil Moab la, ki nan fwontyè Arnon an, nan dènye pwent lizyè a. <sup>37</sup> Epi Balak te di a Balaam: “Èske mwen pa t voye kote ou an ijans? Poukisa ou pa t vin kote mwen? Èske, vrèman, mwen pa kapab onore ou?”

<sup>38</sup> Konsa, Balaam te di a Balak: “Gade byen, Mwen gen tan vini koulye a! Èske mwen kapab pale yon bagay menm? Pawòl ke Bondye mete nan bouch mwen an, se sa ke mwen va pale.”

<sup>39</sup> Epi Balaam te sòti avèk Balak e yo te vini Kirjath-Hutsoth, <sup>40</sup> Balak te fè sakrifis bèf avèk mouton e li te voye kèk bay Balaam avèk chèf ki te avèk li yo. <sup>41</sup> Epi li te rive nan maten ke Balak te pran Balaam pou te mennen li monte nan ✧wo plas a Baal yo; epi li te wè soti la, ✧yon pati nan pèp Israèl yo.

## 23

<sup>1</sup> Alò, Balaam te di a Balak: “Bati sèt lotèl pou mwen isit la, e prepare sèt towò pou mwen isit la.” <sup>2</sup> Balak te fè ojis sa ke Balaam te pale a, e Balak avèk Balaam te ofri yon towò avèk yon belye sou chak lotèl.

<sup>3</sup> Epi Balaam te di a Balak: “Kanpe bò kote ofrann brile pa w la, e mwen va ale; petèt SENYÈ a va vin rankontre m, e nenpòt sa ke Li montre mwen, mwen va di ou li.” Konsa, li te ale kote yon ti mòn ki pa t gen anyen sou li.

<sup>4</sup> Alò, Bondye te rankontre Balaam, e li te di Li: “Mwen te ranje sèt lotèl yo, e mwen te ofri yon towò avèk yon belye sou chak lotèl.”

<sup>5</sup> Epi SENYÈ a te ✨mete yon pawòl nan bouch Balaam, e te di: “Retounen kote Balak, e ou va pale konsa.”

<sup>6</sup> Konsa, li te retounen kote li, e gade byen, li te kanpe bò kote ofrann brile li a; li menm avèk tout chèf Moab yo. <sup>7</sup> Li te pran diskou li, e te di: “Depi nan ✨Aram, Balak te mennen m, Wa Moab ki soti nan mòn Lès yo; ‘Vin modi Jacob pou mwen. Epi vin denonse Israèl!’ <sup>8</sup> ✨Kijan mwen kapab modi, lè Bondye pa t modi? Epi kijan mwen kapab denonse sila ke SENYÈ a pa t denonse? <sup>9</sup> ‘Jan mwen konn wè li soti anwo nan pwent wòch yo, e mwen gade li depi sou ti mòn yo; ✨gade byen, yon pèp ki rete apa, e ki p ap kab konte pami nasyon yo. <sup>10</sup> ✨Kilès ki kab konte pousyè a Jacob, oswa konte menm yon ka an Israèl? Kite mwen mouri lanmò jis yo, e ke lafen pa mwen an tankou pa yo a.

<sup>11</sup> Epi Balak te di a Balaam: “Kisa ou te fè m konsa? ✨Mwen te pran ou pou modi lènmi mwen yo, e gade byen, ou te vrèman beni yo!

<sup>12</sup> Li te reponn: “Èske mwen pa oblije fè atansyon pou pale ✨sa ke SENYÈ a mete nan bouch mwen?”

<sup>13</sup> Alò Balak te di li: “Souple, vin avèk mwen nan yon lòt kote pou ou ka wè yo. Malgre w ap wè sèlman ti bout a dènye pwent lan, e ou p ap wè tout a yo; epi modi yo pou mwen depi la.” <sup>14</sup> Konsa, li te pran li rive nan chan Tsophim nan, nan pwent Mòn Pigma a, e li te bati sèt lotèl e li te ofri yon towò avèk yon belye sou chak lotèl.

<sup>15</sup> Epi li te di a Balak: “Kanpe bò kote ofrann brile ou a, pandan mwen menm, mwen ap rankontre SENYÈ a soti lòtbò.”

<sup>16</sup> Alò, SENYÈ a te rankontre Balaam, Li ✨te mete yon pawòl nan bouch li e te di li:” retounen jwenn Balak, e konsa ou va pale.”

<sup>17</sup> Li te vin kote li, e gade byen, li te kanpe bò kote ofrann brile pa li a, epi chèf Moab yo te avèk li. Epi Balak te di li: “Kisa SENYÈ a te pale a?”

<sup>18</sup> Alò, li te pran diskou li e te di: “Leve ou menm, O Balak, pou tande; ban m zòrèy ou, O fis a Tsippor! <sup>19</sup> ✨Bondye se pa yon nonm ke li ye pou L ta bay manti, ni fis a yon nonm pou L ta repanti; èske Li pa t pale, e èske Li p ap fè l vre? <sup>20</sup> Gade byen, mwen te resevwa lòd pou beni; lè se Li menm ki beni, alò, ✨mwen p ap kab revoke sa. <sup>21</sup> Li pa t wè malè nan Jacob; Ni Li pa t wè twoub nan Israèl. ✨SENYÈ a, Bondye li a avèk li; epi gran vwa a yon wa pami yo. <sup>22</sup> ✨Bondye mennen yo sòti an Égypte; Li pou yo tankou kòn [sou] bèf mawon. <sup>23</sup> ✨Paske, nanpwen wanga kont Jacob, ni pa gen divinasyon kont Israèl. Nan tan etabli a, li va pale a Jacob, e a Israèl de sa Bondye te fè a! <sup>24</sup> ✨Gade byen, yon pèp ki leve tankou yon manman lyon, e tankou yon lyon li leve li menm; e li p ap kouche jiskaske li fin devore viktim nan, e bwè san a sila li touye a.”

<sup>25</sup> Alò, Balak te pale a Balaam: “Pa modi yo ditou, ni pa beni yo ditou!”

✨ 23:5 Det 18:18 ✨ 23:7 Nonb 22:12 ✨ 23:8 Nonb 22:12 ✨ 23:9 Det 32:8 ✨ 23:10 Jen 13:16 ✨ 23:11 Né 13:2 ✨ 23:12 Nonb 22:20 ✨ 23:16 Nonb 22:20 ✨ 23:19 I Sam 15:29 ✨ 23:20 És 43:13 ✨ 23:21 Egz 3:12 ✨ 23:22 Nonb 24:8 ✨ 23:23 Nonb 22:7 ✨ 23:24 Jen 49:9

<sup>26</sup> Men Balaam te reponn a Balak: “Èske mwen pa t di ou, ✧nenpòt sa ke SENYÈ a pale, se sa mwen oblije fè?”

<sup>27</sup> Alò Balak te di a Balaam: “Souple, vini; mwen va mennen ou yon lòt kote; petèt li va agreyab a Bondye pou ou modi yo depi kote sa a.” <sup>28</sup> Konsa, Balak te pran Balaam vè tèt mòn Peor ki domine tout dezè a.

<sup>29</sup> Balaam te di a Balak, “Bati sèt lotèl pou mwen isit la, e prepare sèt towò ak sèt belye pou mwen isit la.” <sup>30</sup> Balak te fè jan ke Balaam te di a, e li te ofri yon towò avèk yon belye sou chak lotèl.

## 24

<sup>1</sup> Lè Balaam te wè ke sa te fè SENYÈ a plezi pou beni Israèl, li pa t ale tankou lòt fwa yo pou chache wanga, men li te fikse figi li vè ✧dezè a. <sup>2</sup> Epi Balaam te leve zye li anwo, li te wè Israèl ki t ap fè kan, tribi pa tribi; epi ✧Lepri Bondye te vini sou li.

<sup>3</sup> Li te reprann diskou li e te di: ✧“Pòt pawòl a Balaam nan, fis a Beor a, e pòt pawòl a nonm ki gen zye louvri a; <sup>4</sup> Pòt pawòl a sila ki ✧koutè pawòl a Bondye yo, ki wè vizyon Toupwisan an, ki t ap tonbe, men zye li gen tan vin debouche, <sup>5</sup> Ala tant nou yo bèl, O Jacob, abitasyon nou yo, O Israèl! <sup>6</sup> Tankou vale ki vin ouvri byen laj, tankou jaden ki bò kote rivyè yo, tankou plan lalwa ki plante pa SENYÈ a, tankou bwa ✧ sèd ki bò kote dlo yo. <sup>7</sup> Dlo yo va koule nan bokit li yo, e jèm desandan li yo va bò kote anpil dlo, wa li a va pi wo pase ✧Agag, e wayòm li a va vin egzalte. <sup>8</sup> ✧Bondye mennen l sòti an Égypte; Li pou li tankou kòn a yon bèf mawon. Li va devore nasyon ki advèsè li yo, Li va kraze zo yo an mòso, e Li va kraze yo avèk flèch li yo. <sup>9</sup> Li koube ba, li kouche tankou yon lyon; tankou yon lyon, se kilès ki kab tante deranje l? ✧Beni se tout moun ki beni ou, e modi se tout moun ki modi ou.”

<sup>10</sup> Epi kòlè Balak te brile kont Balaam, li frape men l ansanm; epi Balak te di a Balaam: “Mwen te rele ou pou modi lènmi mwen yo, men gade, ou te pèsiste nan beni yo menm twa fwa sa yo! <sup>11</sup> Pou sa, kouri ale nan plas ou koulye a. Mwen te di ke mwen ta onore ou anpil, men, gade byen, SENYÈ a te anpeche ou resevwa onè a.”

<sup>12</sup> Balaam te di a Balak: “Èske mwen pa t di ✧mesaje ke ou te voye kote mwen yo: <sup>13</sup> ke menm si Balak te ban mwen kay li plen avèk ajan ak lò, ke m pa t kab fè anyen kontrè ak lòd SENYÈ a, kit bon kit mal ✧nan pwòp volonte pa m. ✧Sa ke SENYÈ a pale a, se sa mwen va pale? <sup>14</sup> Epi koulye a, veye byen, ✧mwen ap prale kote pèp mwen an; vini, mwen va bay ou konsèy sou sa ke pèp sa a va fè a pèp pa ou a nan jou k ap vini yo.

<sup>15</sup> Li te reprann diskou li e te di: ✧“Pòt pawòl a Balaam nan, fis a Beor a, e pòt pawòl a nonm avèk zye louvri a, <sup>16</sup> Pòt pawòl a sila ki tandè pawòl a Bondye yo e ki gen konesans a Trè Wo a, Ki wè vizyon a Toupwisan an; k ap tonbe, men ki gen zye li gen tan fin debouche a. <sup>17</sup> Mwen wè li, men pa koulye a; mwen gade l, men pa toupre; Yon zetwal va sòti nan Jacob, ✧yon baton a wa va leve sòti an Israèl, li va kraze travèsè fwon a Moab la, e li va dechire tout fis a Seth yo. <sup>18</sup> ✧Édom va yon posesyon pou li, ✧Séir,

✧ 23:26 Nonb 22:18 ✧ 24:1 Nonb 23:28 ✧ 24:2 I Sam 19:20 ✧ 24:3 Nonb 24:15-16 ✧ 24:4 Nonb 22:20 ✧ 24:6 Sòm 45:8 ✧ 24:7 I Sam 15:8 ✧ 24:8 Nonb 23:22 ✧ 24:9 Jen 12:3 ✧ 24:12 Nonb 22:18 ✧ 24:13 Nonb 16:28 ✧ 24:13 Nonb 31:8-16 ✧ 24:14 Nonb 31:8-16 ✧ 24:15 Nonb 24:3-4 ✧ 24:17 Jen 49:10 ✧ 24:18 Am 9:11-12 ✧ 24:18 Jen 32:3

lènmi li, osi, va yon posesyon pou li, pandan Israèl ap aji avèk gwo kouraj.  
<sup>19</sup> Youn ki soti nan Jacob va gen tout pouvwa, e li va detwi retay lavil yo.

<sup>20</sup> Epi li te gade Amalec, li te reprann diskou li e li te di: “Amalec se te premye nan nasyon yo, ✧men lafen li se destriksyon.”

<sup>21</sup> Epi li te gade ✧Kayen yo, li te reprann diskou li e li te di: “Kote ou rete a, gen andirans; nich kote ou chita nan falèz la. <sup>22</sup> Sepandan, yo vin manje Cain; pou konbyen de tan ✧Asiryen yo va kenbe nou an kaptif?”

<sup>23</sup> Epi li te vin reprann diskou li e te di: “Ay, kilès ki ka viv sof ke si Bondye ba li pèmision? <sup>24</sup> Men gwo bato yo va sòti nan kòt ✧Kittim, yo va pini Asiryen yo, yo va aflije ✧Éber, e yo menm tou va vin detwi.

<sup>25</sup> Epi Balaam te leve e te pati pou retounen nan ✧ plas li, e Balak osi te al fè wout li.

## 25

<sup>1</sup> Pandan Israèl te rete nan Sittim, pèp la te kòmanse ✧pwostitiye tèt li avèk fi Moab yo. <sup>2</sup> Paske, ✧yo te invite pèp la pou vini nan sakrifis a dye pa yo, pèp la te manje e te bese devan dye yo a. <sup>3</sup> Konsa, ✧Israèl te vin jwenn yo menm avèk Baal Peor, e SENYÈ a te vin fache kont Israèl.

<sup>4</sup> SENYÈ a te di a Moïse: “Pran tout chèf a pèp la e touye yo gwo lajounen devan SENYÈ a, ✧pou gran kòlè a SENYÈ a kapab vire kite Israèl.”

<sup>5</sup> Konsa, Moïse te di a jij Israèl yo: “Chak nan nou va ✧touye pwòp mesye pa li ki te jwenn yo mem avèk Baal Peor la.”

<sup>6</sup> Alò, vwala, youn nan fis Israèl yo te vini pou te mennen bay a fanmi li yo yon fanm ✧Madyanit, devan zye Moïse e devan zye a tout kongregasyon fis Israèl yo, pandan ke yo t ap kriye devan pòtay tant asanble a. <sup>7</sup> ✧Lè Phinéés, fis Éléazar, fis a Aaron, prèt la, te wè sa, li te leve nan mitan kongregasyon an, e li te pran yon frenn nan men l, <sup>8</sup> epi li te ale dèyè Izrayelit la nan tant lan e li te frennen l, li te tranche kò yo toulède nèt, mesye Israèl la ak fanm nan. ✧Konsa gwo epidemi sou fis Israèl yo te vin sispann. <sup>9</sup> ✧Sila ki te mouri yo akoz gwo epidemi an se te venn-kat-mil (24,000).

<sup>10</sup> Alò, SENYÈ a te pale avèk Moïse e te di: <sup>11</sup> ✧“Phinéés, fis a Éléazar, fis a Aaron, prèt la, te fè detounen kòlè Mwen vè fis Israèl yo, akoz li te jalou avèk jalouzi pa Mwen an pami yo; epi konsa, Mwen pa t detwi fis Israèl yo ✧nan jalouzi pa Mwen an.

<sup>12</sup> Pou sa pale: “Gade byen, Mwen bay li ✧akò lapè Mwen; <sup>13</sup> epi li va pou li avèk desandan apre li yo, yon akò ✧pozisyon prèt pou tout tan, akoz ke li te jalou pou Bondye li a e li te fè ekspiyasyon pou fis Israèl yo.’ ”

<sup>14</sup> Alò, non a Izrayelit ki te touye avèk fanm Madyanit la se te Zimri, fis Salu, yon chèf kay pami Simeyonit yo. <sup>15</sup> Non a fanm Madyanit ki te touye a se te Cozbi, fi a ✧Zur, ki te chèf kay zansèt a yon pèp nan Madian.

<sup>16</sup> Alò, SENYÈ a te pale avèk Moïse e te di: <sup>17</sup> ✧Se pou ou vin mechan avèk Madyanit yo, e frape yo; <sup>18</sup> Paske, yo te mechan avèk nou avèk riz pa yo, avèk sila, yo twonpe nou nan zafè Peor la ak nan zafè Cozbi a, fi a chèf Madian an, sè ki te touye nan jou gwo epidemi an pou koz a Peor a.”

✧ 24:20 Nonb 24:24 ✧ 24:21 Jen 15:9 ✧ 24:22 Jen 10:21-22 ✧ 24:24 Éz 27:6 ✧ 24:24 Jen 10:21 ✧ 24:25 Nonb 24:14 ✧ 25:1 I Kor 10:8 ✧ 25:2 Egz 34:15 ✧ 25:3 Sòm 106:28-29 ✧ 25:4 Det 13:17 ✧ 25:5 Egz 32:27 ✧ 25:6 Nonb 22:4 ✧ 25:7 Sòm 106:30 ✧ 25:8 Nonb 16:46-48 ✧ 25:9 Nonb 16:48-50 ✧ 25:11 Sòm 106:30 ✧ 25:11 Egz 20:5 ✧ 25:12 És 54:10 ✧ 25:13 Egz 29:9 ✧ 25:15 Nonb 31:8 ✧ 25:17 Nonb 25:1

## 26

<sup>1</sup> Epi li te vin rive apre ✧ gwo epidemi an ke SENYÈ a te pale avèk Moïse e avèk Éléazar, fis Aaron an, prèt la, e Li te di: <sup>2</sup> ✧“Fè yon kontwòl sou tout kongregasyon a fis Israèl la soti nan laj a ventan oswa plis, pou lakay zansèt a papa yo, nenpòt moun ki kapab sòti pou fè lagè an Israèl. <sup>3</sup> Se konsa ke Moïse avèk Éléazar te pale avèk yo nan ✧plèn Moab la, akote Jourdain an, anfas Jéricho, e yo te di: <sup>4</sup> Fè yon kontwòl a pèp la soti nan laj a ventan oswa plis, jan SENYÈ a te kòmande Moïse la.” <sup>5</sup> Ruben, premye ne an Israèl la, fis a Ruben yo: a Hénoc, fanmi a Enokit yo; a Pallu, fanmi a Paliyit yo; <sup>6</sup> A Hetsron, fanmi a Estwonit yo; a Carmi, fanmi a Kamit yo.

<sup>7</sup> Sila yo se fanmi a Wibenit yo: sila ki te konte nan yo a se te karann-twa-mil-sèt-san-trant (43,730).

<sup>8</sup> Fis a Pallu yo: Éliab. <sup>9</sup> Fis a Éliab yo: Nemeul, Dathan ak Abiram. Sila yo se te Dathan avèk Abiram ki te ✧rele pa kongregasyon an, ki te kont Moïse ak Aaron nan konpanyen Koré yo lè yo te kont SENYÈ a, <sup>10</sup> epi ✧tè a te vin ouvri bouch li e te vale yo ansanm avèk Koré, lè konpanyen sa yo te vin mouri, lè dife a te devore de-san-senkant (250) mesye. Konsa, yo te devni yon egzanp. <sup>11</sup> Sepandan, ✧fis a Koré yo pa t mouri.

<sup>12</sup> Fis a Siméon yo selon fanmi pa yo: a Nemeul, fanmi Nemilit yo, a Jamin, fanmi a Jaminit yo; a Jakin, fanmi a Jakinit yo; <sup>13</sup> a Zérach, fanmi a Zerakit yo; a Saül, fanmi a Saoulit yo. <sup>14</sup> Sila yo se fanmi a Simeyonit yo, ✧venn-de-mil-de-san (22,200).

<sup>15</sup> Fis a Gad selon fanmi pa yo: a Tsephon, fanmi a Sefonit yo; a Haggi, fanmi a Agit yo; a Schuni, fanmi a Chounit yo; <sup>16</sup> a Ozni, fanmi a Oznit yo; a Éri, fanmi a Erit yo; <sup>17</sup> a Arod, fanmi a Awodit yo; a Areéli, fami a Areyelit yo. <sup>18</sup> Sila yo se fanmi a fis a Gad yo selon sila ki te konte nan yo yo, se te ✧karant-mil-senk-san (40,500).

<sup>19</sup> ✧Fis a Juda yo te Er avèk Onan, men Er avèk Onan te mouri nan peyi Canaran. <sup>20</sup> Fis a ✧Juda yo selon fanmi pa yo te: Schéla, fanmi a Chelanit yo; a Peret, fanmi a Peretit yo; a Zérach, fanmi a Zerakit yo. <sup>21</sup> Fis a Peret yo te: a Hetsron, fanmi a Etswonit yo; a Hamul, fanmi a Amilit yo. <sup>22</sup> Sila yo se fanmi a Juda selon sila ki te konte nan yo yo, se te ✧swasann-sèz-mil-senk-san (76,500). <sup>23</sup> Fis a ✧Issacar yo selon fanmi pa yo: a Thola, fanmi a Tolatit yo; a Puva, fanmi a Pivit yo; <sup>24</sup> a Jaschub, fanmi a Jachoubit yo; a Shimron, fanmi a Chimwonit yo. <sup>25</sup> Sila yo se fanmi a Issacar, selon sila ki te konte nan yo yo, se te ✧swasann-kat-mil-twa-san (64,300).

<sup>26</sup> Fis a Zabulon yo selon fanmi pa yo: a Séred, fanmi a Seredit yo; a Élon, fanmi ✧a Elonit yo; a Jaheel, fanmi a Jayelit yo. <sup>27</sup> Sila yo se fanmi a Zabilonit yo selon sila yo ki te konte nan yo yo, se te swasant-mil-senk-san (60,500).

<sup>28</sup> ✧Fis a Joseph yo selon fanmi pa yo: Manassé ak Ephraïm. <sup>29</sup> Fis a Manassé yo: a Makir, fanmi a Makirit yo; epi Makir te devni papa a Galaad; a fanmi Galaadit yo; <sup>30</sup> Sila yo se fis a Galaad yo: a Jézer, fanmi a ✧Jezerit yo; a Hélek, fanmi a Helekit yo, <sup>31</sup> epi a Asriel, fanmi a Asriyelit yo; epi Sichem, fanmi a Sichemit yo; <sup>32</sup> epi a Schemida, fanmi a Schemidayit yo; epi a Hépher, fanmi a Eferit yo. <sup>33</sup> Alò, Tselophchad, fis a Hépher a, pa t

✧ 26:1 Nonb 25:9 ✧ 26:2 Egz 30:11-16 ✧ 26:3 Nonb 22:1 ✧ 26:9 Nonb 1:16 ✧ 26:10 Nonb 16:32 ✧ 26:11 Nonb 16:27-33 ✧ 26:14 Nonb 1:23 ✧ 26:18 Nonb 1:25 ✧ 26:19 Jen 38:2 ✧ 26:20 I Kwo 2:3 ✧ 26:22 Nonb 1:27 ✧ 26:23 Jen 46:13 ✧ 26:25 Nonb 1:29 ✧ 26:26 Jen 46:14 ✧ 26:28 Jen 46:20 ✧ 26:30 Jij 6:11-34

gen fis, men sèlman fi; epi ✨non a fi a Tselophchad yo se te Machla, Noa, Hogla, Milca, ak Thirsta.

<sup>34</sup> Sila yo se fanmi a Manassé yo; epi sila ki te konte nan yo yo, se te ✨senkann-de-mil-sèt-san (52,700). <sup>35</sup> Sila yo se fis a Ephraïm yo selon fanmi pa yo: a Schutélach, fanmi a Chutelachit yo; a Béker, fanmi a Bekerit yo; a Thachan, fanmi a Tachanit yo. <sup>36</sup> Sila yo se fis a Schutélach yo: a Éran fanmi a Eranit yo. <sup>37</sup> Sila yo se fanmi a fis a Ephraïm yo selon sila ki konte nan yo yo, se te ✨trann-de-mil-senk-san (32,500). Sila yo se fis a Joseph yo selon fanmi pa yo. <sup>38</sup> Fis a Benjamin yo selon fanmi pa yo: a Béla, fanmi a Belit yo; a Aschbel, fanmi a Achbelit yo; a Achiram, fanmi a Achiramit yo; <sup>39</sup> a Schupham, fanmi a Choufamit yo; a Hupham, fanmi a Oufamit yo. <sup>40</sup> Fis a Béla yo se te: Ard ak Naaman: nan Ard, fanmi a Adit yo; nan Naaman, fanmi a Naamanit yo. <sup>41</sup> Sila yo se fis a Benjamin selon fanmi pa yo; epi sila ki te konte nan yo yo, se te ✨karann-senk-mil-sis-san (45,600). <sup>42</sup> Sila yo se fis a Dan yo selon fanmi pa yo: a Schucham, fanmi a Chouchamit yo. Sila yo se fanmi a Dan selon fanmi pa yo. <sup>43</sup> Tout fanmi a Chouchamit yo selon sila ki te konte nan yo yo, se te ✨swasann-kat-mil-kat-san (64,400). <sup>44</sup> Fis a Aser yo, selon fanmi pa yo: a Jimna, fanmi a Jimnit yo; a Jischvi, fanmi a Jischvit yo; a Beria, fanmi a Berit yo. <sup>45</sup> A fis a Beria yo: Héber, fanmi a Eberit yo; a Malkiel, fanmi a Malkyelit yo. <sup>46</sup> Fi a Aser a te rele Sérach. <sup>47</sup> Sila yo se fanmi a fis Aser yo selon sila ki te konte nan yo yo, se te ✨senkant-twa-mil-kat-san (53,400).

<sup>48</sup> Fis a Nephtali yo, selon fanmi pa yo: a Jahtséel, fanmi a Jatseyelit yo; a Guni, fanmi a Gounit yo; <sup>49</sup> A Jetser, fanmi a Jetsrit yo; a Schillem, fanmi a Chilemit yo. <sup>50</sup> Sila yo se fami a Nephtali yo selon fanmi pa yo, epi sila ki te konte avèk yo yo, se te ✨karann-senk-mil-kat-san (45,400). <sup>51</sup> Sila yo se sa yo ki te konte nan fis Israël yo, ✨sis-san-en-mil-sèt-san-trant (601,730).

<sup>52</sup> Alò SENYÈ a te pale avèk Moïse e te di: <sup>53</sup> pami sila yo, peyi a va divize kòm yon eritaj selon fòs kantite pèp la. <sup>54</sup> ✨Nan sila ki pi gran yo, ou va ogmante eritaj pa yo, e nan pi piti yo, ou va diminye eritaj yo; chak va bay eritaj yo selon sila ki te konte nan yo yo. <sup>55</sup> Men peyi a va ✨divize pa tiraj osò. Yo va resevwa eritaj yo selon fòs kantite ki te konte pami yo yo. <sup>56</sup> Selon tiraj osò a, eritaj pa yo a va divize antre sila ki pi gran ak sila ki pi piti yo.

<sup>57</sup> ✨Sila yo se sa yo ki te konte pami Levit yo selon fanmi pa yo: a Guerschon, vin desann fanmi a Gèchonit yo; a Kehath, fanmi a Keyatit yo; a Merari, fanmi a Merarit yo. <sup>58</sup> Sila yo se fanmi a Levi yo: fanmi a Libnit yo, fanmi a Ebwonit yo, fanmi a Machlit yo, fanmi a Mouchit yo, fanmi a Korit yo. ✨Kehath te devni papa a Amram. <sup>59</sup> Non a madanm Amram nan se te Jokébed, fi pou Levi a, ki te ne a Levi an Égypte; epi li te fè pou Amram: Aaron avèk Moïse avèk sè yo, Marie. <sup>60</sup> ✨Pou Aaron te ne Nadab avèk Abihu, Eléazar ak Ithamar. <sup>61</sup> ✨Men Nadab avèk Abihu te mouri lè yo te ofri dife etranje devan SENYÈ a.

<sup>62</sup> Sila ki te konte nan yo yo te venn-twa-mil (23,000), tout gason soti nan yon mwa oswa plis, paske ✨yo pa t konte pami fis a Israël yo akoz pa t gen eritaj ki te bay a yo menm pami fis Israël yo.

✨ 26:33 Nonb 27:1 ✨ 26:34 Nonb 1:35 ✨ 26:37 Nonb 1:33 ✨ 26:41 Nonb 1:37 ✨ 26:43 Nonb 1:39 ✨ 26:47 Nonb 1:41 ✨ 26:50 Nonb 1:43 ✨ 26:51 Egz 12:37 ✨ 26:54 Nonb 33:54 ✨ 26:55 Nonb 33:54 ✨ 26:57 Jen 46:11 ✨ 26:58 Egz 6:20 ✨ 26:60 Nonb 3:2 ✨ 26:61 Lev 10:1-2 ✨ 26:62 Nonb 1:47



<sup>63</sup> Sila yo se sa ki te konte pa Moïse avèk Éléazar, prèt la, ki te konte fis a Israël yo, nan plèn a Moab bò kote Jourdain an, nan Jéricho. <sup>64</sup> ✧ Men pami sila yo, pa t gen yon mesye nan sa yo ki te konte pa Moïse avèk Aaron, prèt la, ki te konte fis a Israël yo nan dezè a Sinaï a. <sup>65</sup> Paske, SENYÈ a te di a yo menm: ✧ “Yo va, anverite, mouri nan dezè a.” Epi pa menm youn nan yo te rete, sof ke Caleb, fis a Jephanné a avèk Josué, fis a Nun nan.

## 27

<sup>1</sup> Alò ✧ fis Tselophchad yo, fis a Hépher a, fis a Galaad la, fis a Makir a, fis a Manassé a, nan fanmi a Manassé, fis a Joseph la, te vin rapwoche; epi sila yo se non a fi li yo: Machia, Noe, Hogla, Milca, ak Thirtsa, <sup>2</sup> Yo te kanpe devan Moïse ak Éléazar, prèt la, ak devan chèf a tout kongregasyon yo, nan pòtay a tant asanble a, e te di: <sup>3</sup> “Papa nou te ✧ mouri nan dezè a, malgre sa, li pa t pami konpanyen a sila ki te rasanble yo menm kont SENYÈ a nan konpanyen a Koré yo; men li te mouri nan pwòp peche pa li, e li pa t gen fis. <sup>4</sup> Poukisa non a papa nou ta dwe retire soti nan fanmi li akoz ke li pa t gen fis? Bannou yon posesyon pami frè a papa nou yo.”

<sup>5</sup> ✧ Alò, Moïse te mennen ka yo devan SENYÈ a. <sup>6</sup> Epi SENYÈ a te pale avèk Moïse e te di: <sup>7</sup> ✧ Fi a Tselophchad yo gen rezon nan sa yo di a. Ou va, vrèman, ba yo yon posesyon eritaj pami frè a papa yo, e ou va transfere eritaj a papa yo a ba yo menm.

<sup>8</sup> Anplis, ou va pale avèk fis Israël yo e di: “Si yon nonm mouri e li pa t gen fis, ou va transfere eritaj li a bay fi li. <sup>9</sup> Si li pa gen fi; alò, ou va bay eritaj li a a frè li yo. <sup>10</sup> Si li pa gen frè; alò, ou va bay eritaj li a a frè papa li yo. <sup>11</sup> Si papa li pa gen frè; alò, ou va bay eritaj li a a fanmi ki pi prè nan pwòp fanmi li, li va posede li; epi sa va yon ✧ règleman nèt pou fis Israël yo jis jan ke SENYÈ a te kòmande Moïse la.’ ”

<sup>12</sup> Alò, SENYÈ a te di a Moïse: “Monte nan ✧ mòn Abarim nan, pou wè peyi ke Mwen te bay a fis Israël yo. <sup>13</sup> Lè ou fin wè li, ou va vin rasanble vè zansèt ou yo, ✧ jan sa te rive avèk frè ou a, Aaron. <sup>14</sup> Paske, nan dezè Tsin nan, pandan asanble a t ap fè kont, ✧ ou te fè rebèl kont lòd Mwen pou trete Mwen tankou sen devan zye yo kote dlo a.” (Sila yo se dlo a Meriba yo nan Kadés nan dezè a Tsin nan.)

<sup>15</sup> Alò, Moïse te pale avèk SENYÈ a e te di: <sup>16</sup> ✧ Ke SENYÈ a, Bondye a lespri tout chè yo, ta chwazi yon mesye sou kongregasyon an, <sup>17</sup> ✧ ki va sòti e antre devan yo, ki va mennen yo deyò, e rale yo antre, pou kongregasyon SENYÈ a pa devni tankou yon mouton ki san bèje.”

<sup>18</sup> Konsa SENYÈ a te di a Moïse: “Pran Josué, fis a Nun nan, yon nonm ✧ nan sila Lespri a rete a, e poze men ou sou li; <sup>19</sup> epi fè li kanpe devan Éléazar, prèt la ak devan tout kongregasyon an e ✧ ba li lòd komisyon an devan zye yo. <sup>20</sup> Ou va mete kèk nan otorite pa w sou li, pou tout kongregasyon a fis Israël yo kapab obeyi a li menm. <sup>21</sup> Anplis, li va kanpe devan Éléazar, prèt la, ki va fè ankèt pou li selon ✧ jijman a Orim nan devan SENYÈ a. A kòmand pa li, yo va sòti e a kòmand pa li, yo va antre, ni li, ni fis Israël yo avèk li menm, tout kongregasyon an.”

✧ 26:64 Det 2:14-16 ✧ 26:65 Nonb 14:26-35 ✧ 27:1 Nonb 26:33 ✧ 27:3 Nonb 26:64-65  
 ✧ 27:5 Nonb 9:8 ✧ 27:7 Nonb 36:2 ✧ 27:11 Nonb 35:29 ✧ 27:12 Nonb 33:47-48 ✧ 27:13  
 Nonb 20:24-28 ✧ 27:14 Det 32:51 ✧ 27:16 Nonb 16:22 ✧ 27:17 Det 31:2 ✧ 27:18 Nonb  
 11:25-29 ✧ 27:19 Det 3:28 ✧ 27:21 Egz 28:30

<sup>22</sup> Moïse te fè jis sa ke SENYÈ a te kòmande li a; epi li te pran Josué e te mete li devan Éléazar, prèt la, avèk tout kongregasyon an. <sup>23</sup> Epi li te poze men li sou li e te bay ✨li lòd komisyon an, jis jan ke SENYE a te pale pa Moïse la.

## 28

<sup>1</sup> Alò, SENYÈ a te pale avèk Moïse e te di: <sup>2</sup> Bay lòd a fis Israèl yo, e di yo: “Ou va fè atansyon pou prezante ofrann Mwen yo, ✨manje Mwen pou ofrann pa dife Mwen yo, a yon odè ki santi bon anvè Mwen, nan lè ki chwazi pou yo a. <sup>3</sup> ✨Ou va di yo: ‘Sa se ofrann pa dife ke ou va ofri bay SENYÈ a: de mal mouton nan laj 1 nan, san defo, yon ofrann chak jou ki p ap janm sispann. <sup>4</sup> Ou va ofri yon jenn mouton nan maten e lòt jenn mouton an nan aswè lè l fenk kòmanse fènwa; <sup>5</sup> osi, yon dizyèm efa farin fen kòm yon ✨ofrann mele avèk yon ka boutèy lwil ki bat. <sup>6</sup> Li se yon ofrann brile tout tan ki te òdone nan mòn Sinai kòm yon odè ki bon, yon ofrann pa dife bay SENYÈ a. <sup>7</sup> Epi ofrann bwason an e avèk li yon ka boutèy pou chak jenn mouton, ✨nan plas ki sen an, ou va vide yon bwason nan bwason ki fò bay SENYÈ a. <sup>8</sup> Lòt jenn mouton an, ou va ofri li nan aswè lè l fenk kòmanse fènwa; menm jan ak ofrann maten an, ou va ofri li, yon ofrann pa dife, yon odè ki bon bay SENYÈ a.

<sup>9</sup> Epi nan jou Saba a, de jenn mouton mal san defo, ak de dizyèm a yon efa farin fen mele avèk lwil kòm yon ofrann avèk ofrann bwason li an: <sup>10</sup> Sila a se ofrann brile a chak Saba anplis ke ofrann brile ✨ki fèt kontinyèlman yo.

<sup>11</sup> Epi ✨nan kòmansman a chak nan mwa nou yo, nou va prezante yon ofrann brile a SENYÈ a: de towò avèk yon belye, sèt jenn mal mouton, avèk laj 1 nan san defo <sup>12</sup> ✨epi twa dizyèm efa farin fen mele avèk lwil pou yon ofrann pou chak towò; epi de dizyèm nan farin fen mele avèk lwil pou yon ofrann pou yon sèl belye; <sup>13</sup> epi yon dizyèm efa farin fen mele avèk lwil kòm yon ofrann pou chak jenn mouton, kòm yon ofrann brile, yon odè ki santi bon, yon ofrann pa dife bay SENYÈ a. <sup>14</sup> Ofrann bwason pa yo a va avèk yon mwatye boutèy diven pou yon towò, yon tyè boutèy pou belye a, ak yon ka boutèy pou yon jenn mouton; sa se ofrann brile a pou chak mwa pandan tout mwa nan ane yo. <sup>15</sup> Epi yon mal kabrit kòm yon ofrann peche bay SENYÈ a; li va ofri avèk bwason li anplis ke ofrann brile ✨ki pou fèt tout tan yo.

<sup>16</sup> Alò, ✨nan katòzyèm jou a, nan premye mwa a, se va Pak SENYÈ a. <sup>17</sup> ✨Nan kenzyèm jou nan mwa a, va gen yon fèt pen san ledven ki va manje pandan sèt jou. ✨ <sup>18</sup> Nan ✨premye jou fèt la, yon konvokasyon sen; nou pa pou fè okenn travay ki di. <sup>19</sup> Nou va prezante yon ofrann pa dife, yon ofrann brile bay SENYÈ a: de towò avèk yon belye ak sèt mal mouton nan laj 1 nan, ✨ki san defo, <sup>20</sup> Pou ofrann pa yo, nou va ofri farin fen mele avèk lwil: twa dizyèm efa pou yon towò ak de dizyèm pou belye a. <sup>21</sup> Yon dizyèm efa, nou va ofri li pou chak nan sèt jenn mouton yo; <sup>22</sup> epi yon mal kabrit pou yon ✨ ofrann peche pou fè ekspiyasyon pou nou. <sup>23</sup> Nou va prezante sa yo anplis ke ofrann brile maten an, ki se pou yon ofrann

✨ 27:23 Det 31:23 ✨ 28:2 Lev 3:11 ✨ 28:3 Egz 29:38-42 ✨ 28:5 Lev 2:1 ✨ 28:7 Egz 29:42 ✨ 28:10 Nonb 28:3 ✨ 28:11 Nonb 10:10 ✨ 28:12 Nonb 15:4-12 ✨ 28:15 Nonb 28:3 ✨ 28:16 Lev 23:5-8 ✨ 28:17 Lev 23:6 ✨ 28:17 Lev 23:6 ✨ 28:18 Lev 23:7 ✨ 28:19 Det 15:21 ✨ 28:22 Nonb 28:3

brile k ap fèt tout tan. <sup>24</sup> Nan menm jan sila a, nou va prezante li chak jou pandan sèt jou, ✨manje a ofrann pa dife a, kòm yon odè ki santi bon a SENYÈ a; li va prezante avèk ofrann bwason pa li an ki anplis ofrann brile k ap fèt tout tan an. <sup>25</sup> Nan setyèm jou a, nou va fè yon konvokasyon sen; ✨nou pa pou fè okenn travay ki di.

<sup>26</sup> Osi, nan ✨jou premye fwi yo, lè nou prezante yon ofrann nèf bay SENYÈ a nan fèt semèn yo, nou va fè yon konvokasyon sen; nou pa pou fè okenn travay ki di. <sup>27</sup> Nou va ofri yon ofrann brile pou yon odè ki bon a SENYÈ a: de jenn towò, yon belye, sèt mal mouton nan laj 1 nan; <sup>28</sup> epi ofrann pa yo, farin fen mele avèk lwil: twa dizyèm efa pou chak towò, de dizyèm pou yon belye. <sup>29</sup> Yon dizyèm pou chak nan sèt jenn mouton yo; <sup>30</sup> osi yon mal kabrit pou fè ekspiyasyon pou nou. <sup>31</sup> ✨Anplis, ofrann brile kontinyèl la avèk ofrann li an, nou va prezante yo avèk ofrann bwason pa yo a. Yo va san defo.

## 29

<sup>1</sup> ✨Alò, nan setyèm mwa nan premye jou nan mwa a, nou va osi fè yon konvokasyon sen; nou pa pou fè okenn travay ki di. Li va pou nou yon jou pou soufle twonpèt. <sup>2</sup> Ou va ofri yon ofrann brile kòm yon odè ki bon a SENYÈ a: yon towò, yon belye, ak sèt mal mouton nan laj 1 nan, san defo; <sup>3</sup> osi, ofrann pa yo, farin fen mele avèk lwil: twa dizyèm efa pou towò a, de dizyèm pou belye a, <sup>4</sup> epi yon dizyèm pou chak nan sèt jenn mouton yo. <sup>5</sup> Ofri yon mal kabrit pou yon ofrann peche, pou fè ekspiyasyon pou nou, <sup>6</sup> anplis, ofrann brile a lalin nèf yo avèk ofrann sereyal li, ✨ofrann brile ki fèt tout tan an avèk ofrann sereyal li, ofrann bwason pa li, selon òdonans pa yo, pou yon odè ki santi bon, yon ofrann pa dife bay SENYÈ a.

<sup>7</sup> Epi nan ✨dizyèm jou nan setyèm mwa a, nou va fè yon konvokasyon sen, e nou va imilye nou; nou p ap fè okenn travay. <sup>8</sup> Nou va prezante yon ofrann brile bay SENYÈ a kòm yon odè ki santi bon: yon towò, yon belye, sèt mal mouton nan laj 1 nan, ✨ki pa gen okenn defo; <sup>9</sup> epi ofrann pa yo, farin fen mele avèk lwil: twa dizyèm efa pou towò a, de dizyèm pou yon belye. <sup>10</sup> yon dizyèm pou chak nan sèt jenn mouton yo; <sup>11</sup> yon mal kabrit pou yon ✨ofrann peche, anplis ke ofrann peche pou ekspiyasyon an, epi ✨ofrann brile ki fèt tout tan an, avèk ofrann sereyal la, ak ofrann bwason pa li a.

<sup>12</sup> Epi nan ✨kenzyèm jou a nan setyèm mwa a, nou va fè yon konvokasyon sen; nou va obsève yon fèt a SENYÈ a pandan sèt jou. <sup>13</sup> Nou va prezante yon ofrann brile, yon ofrann pa dife kòm yon odè ki santi bon a SENYÈ a: trèz towò, de belye, katòz mal mouton nan laj 1 nan, ki san defo; <sup>14</sup> epi ofrann pa yo, farin fen mele avèk lwil: twa dizyèm efa pou chak nan trèz towò yo, de dizyèm pou chak nan de belye yo, <sup>15</sup> epi yon dizyèm pou chak nan katòz belye yo; <sup>16</sup> epi yon mal mouton pou yon ofrann peche, ✨anplis ofrann kontinyèl la, ofrann sereyal la, ak ofrann bwason pa li a.

<sup>17</sup> Epi nan ✨dezyèm jou a: douz towò, de belye, katòz mal mouton nan laj 1 nan san defo; <sup>18</sup> epi ofrann sereyal avèk ofrann bwason pa yo pou towò yo, pou belye yo ak pou jenn mouton yo, pa nimewo a yo ✨selon òdonans

✨ 28:24 Lev 3:11 ✨ 28:25 Nonb 28:18 ✨ 28:26 Lev 23:15-21 ✨ 28:31 Nonb 28:3 ✨ 29:1 Egz 23:16 ✨ 29:6 Nonb 28:3 ✨ 29:7 Lev 16:29-34 ✨ 29:8 Det 15:21 ✨ 29:11 Lev 16:3-5 ✨ 29:11 Nonb 28:3 ✨ 29:12 Lev 23:33-35 ✨ 29:16 Nonb 28:3 ✨ 29:17 Lev 23:36 ✨ 29:18 Lev 2:1-6

lan; <sup>19</sup> epi yon mal kabrit kòm yon ofrann peche, ✨anplis ofrann kontinyèl la avèk ofrann sereyal ak ofrann bwason pa yo.

<sup>20</sup> Epi nan twazyèm jou a: onz towò, de belye, katòz mal mouton nan laj 1 nan san defo; <sup>21</sup> epi ofrann sereyal pa yo, ofrann bwason pou towò yo, pou belye yo ak pou jenn mouton yo, selon nimewo òdonans lan; <sup>22</sup> epi yon mal kabrit kòm yon ofrann peche, anplis de ofrann brile k ap fèt tout tan an, ofrann sereyal la, ak ofrann bwason pa li a.

<sup>23</sup> Epi nan katyèm jou a: de towò, de belye, katòz mal mouton nan laj 1 nan san defo; <sup>24</sup> ofrann sereyal pa yo a ak ofrann bwason pou towò yo, pou belye yo ak pou jenn ti mouton yo, selon nimewo òdonans lan; <sup>25</sup> epi yon mal kabrit kòm yon ofrann peche, anplis ofrann brile ki fèt tout tan an, ofrann sereyal la ak ofrann bwason pa li.

<sup>26</sup> Epi nan senkyèm jou a: nèf towò, de belye, katòz mal mouton nan laj 1 nan ✨san defo' <sup>27</sup> epi ofrann sereyal pa yo ak ofrann bwason pou towò yo, pou belye yo ak pou mouton yo selon nimewo òdonans lan; <sup>28</sup> epi yon mal kabrit kòm yon ofrann peche, anplis de ofrann brile ki fèt tout tan an ak ofrann sereyal avèk ofrann bwason pa li a.

<sup>29</sup> Alò, nan sizyèm jou a: uit towò, de belye, katòz mal mouton 1 nan san defo; <sup>30</sup> epi ofrann sereyal yo ak ofrann bwason pou towò yo, pou belye yo ak pou jenn ti mouton yo, selon nimewo òdonans lan; <sup>31</sup> epi yon mal kabrit kòm yon ofrann peche, anplis de ofrann brile ki fèt tout tan an avèk ofrann sereyal ak ofrann bwason pa li a.

<sup>32</sup> Alò, nan setyèm jou a: sèt towò, de belye, katòz mal mouton nan laj 1 nan, san defo; <sup>33</sup> epi ofrann sereyal pa yo ak ofrann bwason yo pou towò yo, pou belye yo ak pou jenn mouton yo selon nimewo òdonans lan. <sup>34</sup> epi yon mal kabrit kòm yon ofrann peche, anplis de ofrann brile ki fèt tout tan an, ofrann sereyal la ak ofrann bwason pa li a.

<sup>35</sup> ✨Nan uityèm jou a, nou va fè yon asanble solanèl; nou pa pou fè okenn travay di nan jou sa yo. <sup>36</sup> Men nou va prezante yon ofrann brile, yon ofrann pa dife kòm yon ofrann ki santi bon bay SENYÈ a: yon towò, yon belye, sèt mal mouton nan laj 1 nan san defo; <sup>37</sup> ofrann sereyal la ak ofrann bwason pa yo pou towò a, pou belye a ak pou jenn mouton yo, selon nimewo òdonans lan; <sup>38</sup> epi yon mal kabrit kòm yon ofrann peche, anplis de ofrann brile ki fèt tout tan an ak ofrann sereyal la avèk ofrann bwason pa li a.

<sup>39</sup> Nou va prezante sila yo bay SENYÈ a nan ✨lè nou chwazi yo; anplis, ofrann ve nou yo ak ofrann bòn volonte nou yo, pou ofrann brile nou yo, pou ofrann sereyal pa nou yo, ofrann bwason pa nou yo ak ofrann lapè nou yo.' ”

<sup>40</sup> Moïse te pale avèk fis Israèl yo an akò avèk tout sa ke SENYÈ a te kòmande li yo.

## 30

<sup>1</sup> Alò, Moïse te pale a ✨chèf a tribi fis Israèl yo, e te di: “Sa se pawòl ke SENYÈ a te kòmande a. <sup>2</sup> ✨“Si yon nonm fè yon ve a SENYÈ a, oswa fè yon sèman ki mare li ak yon angajman, li pa pou vyole pawòl li; li va fè li an akò avèk tout sa ki sòti nan bouch li.

<sup>3</sup> Osi, si yon fanm fè yon ve a SENYÈ a, e li mare li ak yon angajman lakay papa li, pandan jenès li, <sup>4</sup> epi papa li te tande ve li a, angajman pa

✨ 29:19 Nonb 28:8 ✨ 29:26 Eb 7:28 ✨ 29:35 Lev 23:36 ✨ 29:39 Lev 23:2 ✨ 30:1 Nonb 1:4-16 ✨ 30:2 Det 23:21-23

sila li te mare tèt li a, e papa li pa di li anyen, alò, tout ve li yo va kanpe e tout angajman pa sila li te mare tèt li yo, yo va kanpe. <sup>5</sup> Men si papa li ta anpeche li nan jou ke li tande sa a, okenn nan ve sa yo ni angajman pa sila li te mare tèt li yo, p ap kanpe; epi SENYÈ a va padone li akòz ke papa li te anpeche li.

<sup>6</sup> Si li ta marye pandan li anba ve oswa sèman a bouch li ki te manke sajès la, pa sila li te vin mare tèt li a, <sup>7</sup> epi mari li tande sa e li pa di anyen a li menm nan jou ke li tande sa a; alò, ve li a va kanpe, e angajman pa sila li te mare tèt li a, va kanpe. <sup>8</sup> Men si nan jou ke mari li tande sa a, li anpeche li; alò, li va anile ve ke li anba li a ak sèman ki te manke sajès pa sila li te mare tèt li a; epi SENYÈ a va padone li.

<sup>9</sup> Men yon ve pa yon vè, oswa yon fanm divòse, tout sa pa sila li te mare tèt li a, va vin kanpe kont li.

<sup>10</sup> Si li te fè ve a lakay mari li, oswa li te mare tèt li pa yon angajman avèk yon sèman, <sup>11</sup> epi mari li te tande sa; men, pa t di anyen a li menm, e li pa t anpeche li; alò, tout ve li yo va kanpe e tout angajman pa sila li te mare tèt li yo, va vin kanpe. <sup>12</sup> Men si, vrèman, mari li anile yo nan jou ke li tande yo a; alò, okenn ve oswa angajman ki sòti nan lèy li, p ap kanpe; mari li te anile yo, e SENYÈ a va padone li. <sup>13</sup> nenpòt ve oswa nenpòt sèman pa sila li te mare tèt li a, mari li kapab aksepte li, oswa mari li kapab anile li. <sup>14</sup> Men si mari li, vrèman, pa di anyen a li menm de jou an jou; alò, li te aksepte li, paske li pa di anyen a li menm nan jou ke li te tande yo a. <sup>15</sup> Men si li, vrèman, anile yo apre li te tande yo a; alò, li mari a va pote koupabilite chaj li.”

<sup>16</sup> Sa yo se règleman ke SENYÈ a te kòmande Moïse yo, antre yon mesye ak madanm li, oswa antre yon papa ak fi ki nan laj jenès li, ki te viv lakay papa li.

## 31

<sup>1</sup> Alò, SENYÈ a te pale avèk Moïse e te di: <sup>2</sup> ✧Pran vanjans konplè pou fis Israèl yo kont Madyanit yo; apre, ou va rasanble anvè pèp ou a.

<sup>3</sup> Moïse te pale avèk pèp la e te di: “Bay gason pami nou yo zam pou fè lagè; pou yo kapab sòti kont Madian pou egzekite ✧vanjans SENYÈ a kont Madian. <sup>4</sup> Yon milye ki soti nan chak tribi a tout tribi Israèl yo, nou va voye yo nan lagè.” <sup>5</sup> Konsa, te vin disponib soti nan milye an Israèl, yon milye soti nan chak tribi, douz mil avèk zam prepare pou lagè. <sup>6</sup> Moïse te voye yo, yon milye sòti nan chak tribi nan lagè, e Phinéés, fis a Éléazar a, prèt la, nan lagè avèk yo, avèk veso sen ak ✧twonpèt yo pou sone alam ki nan men l lan.

<sup>7</sup> Konsa, yo te fè lagè kont Madian, jis jan ke SENYÈ a te kòmande Moïse la, e ✧yo te touye tout gason yo. <sup>8</sup> Yo te touye wa a Madian yo ansanm avèk lòt ki te mouri yo: ✧Evi, Rékem, Tsur, Hur, ak Réba, senk wa a Madian yo; yo osi te touye ✧Balaam fis a Beor a avèk nepe. <sup>9</sup> Fis a Israèl yo te pran an kaptif fanm a Madian avèk timoun piti yo, tout bèf yo avèk tout bann bèt yo ak tout byen yo te piyaje yo. <sup>10</sup> Epi yo te brile tout vil kote yo te rete yo ak tout kan yo avèk dife. <sup>11</sup> ✧Yo te piyaje ak tout sila ki te pran an kaptif yo, ni moun, ni bèt. <sup>12</sup> Yo te mennen kaptif yo avèk bèt yo avèk sa

✧ **31:2** Nonb 25:1-17 ✧ **31:3** Lev 26:25 ✧ **31:6** Nonb 10:8-9 ✧ **31:7** Det 20:13 ✧ **31:8** Nonb 25:15 ✧ **31:8** Jos 13:22 ✧ **31:11** Det 20:14

yo piyaje yo bay Moïse ak Éléazar, prèt la ak bay kongregasyon fis Israël yo, nan kan nan plèn Moab la, ki akote Jourdain an anfas Jéricho.

<sup>13</sup> Moïse avèk Éléazar, prèt la ak tout chèf ki nan kongregasyon yo te ale deyò kan an pou rankontre yo. <sup>14</sup> Moïse te fache avèk ofisyè lame a, kapitèn a dè milye ak kapitèn a dè santèn ki te sòti nan sèvis lagè yo.

<sup>15</sup> Epi Moïse te di yo: “Èske nou te bay ✧tout fanm yo lavi? <sup>16</sup> ✧Gade byen, sila yo te fè fis Israël yo avèk konsèy Balaam nan vin peche kont SENYÈ a nan zafè Peor a; konsa, gwo epidemi te vin pami kongregasyon SENYÈ a. <sup>17</sup> ✧Pou sa, touye tout gason pami pitit yo, e touye tout fanm ki gen tan fin kouche avèk gason. <sup>18</sup> Men tout fi ki poko konnen gason, konsève yo pou nou menm.

<sup>19</sup> ✧Epi nou menm, fè kan deyò kan an pandan sèt jou; nenpòt moun ki te touye yon moun, e nenpòt moun ki te touche yon mò, pirifye tèt nou, nou menm avèk kaptif nou yo, nan twazyèm jou ak nan setyèm jou a. <sup>20</sup> Nou va pirifye tèt nou, tout rad nou yo, tout bagay ki fèt an kwi, tout travay an po kabrit ak tout bagay an bwa.”

<sup>21</sup> Alò, Éléazar, prèt la, te di a mesye lagè ki te ale nan batay yo: “Sa se règleman a lalwa ke SENYÈ a te kòmande Moïse la: <sup>22</sup> sèlman lò avèk ajan, avèk bwonz, fè, fè blan ak plon, <sup>23</sup> tout sa ki kapab sipòte dife, nou va fè pase nan dife, e li va vin pwòp; men, li va pirifye avèk ✧dlo pirifikasyon an. Men nenpòt sa ki pa kab sipòte dife, nou va pase yo nan dlo. <sup>24</sup> Epi nou va lave rad nou nan setyèm jou a pou nou vin pwòp; epi apre, nou kapab antre nan kan an.”

<sup>25</sup> Epi SENYÈ a te pale a Moïse e te di: <sup>26</sup> “Ou menm avèk Éléazar, prèt la, chèf a lakay zansèt yo nan kongregasyon an, pran kontwòl sa ki te pran an kaptif yo, ni lò, ni bèt; <sup>27</sup> epi ✧divize piyaj la antre gèye ki te sòti nan batay yo ak tout kongregasyon an. <sup>28</sup> ✧Fè ranmase yon taks ki pou SENYÈ a sou gèye ki te soti nan batay yo, youn nan chak senk san moun ke yo te pran an kaptif yo, nan bèf, nan bourik ak nan mouton; <sup>29</sup> pran li nan mwatye pa yo, e bay li a Éléazar, prèt la, kòm yon ofrann bay SENYÈ a. <sup>30</sup> Soti nan mwatye fis Israël yo, ou va pran youn ki sòti nan chak senkant moun, nan bèf, nan bourik ak nan mouton, nan tout bèt; epi bay yo a Levit ki ✧responsab lòd nan tabènak SENYÈ a.

<sup>31</sup> Moïse avèk Éléazar, prèt la, te fè jis jan ke SENYÈ a te kòmande Moïse la.

<sup>32</sup> Alò, piyaj ki te rete nan byen ke mesye lagè yo te piyaje a te si-mil-swasann-kenz (675,000) mouton, <sup>33</sup> swasann-douz-mil (72,000) bèf, <sup>34</sup> swasanteyen-mil (61,000) bourik, <sup>35</sup> epi nan Kretyen kaptif yo, fanm ki pa t janm konnen gason yo, tout moun te trann-de-mil (32,000). <sup>36</sup> Mwatye a, pati a sila ki te ale nan lagè yo te konsa: kantite mouton yo te: twa-san-trann-sèt-mil-senk-san, <sup>37</sup> taks SENYÈ a te sis-san-swasann-kenz (675); <sup>38</sup> bèf yo te trann-si-mil (36,000), ladann taks la te swasann-douz (72); <sup>39</sup> bourik yo te trant-mil-senk-san (30,500), ladan yo taks SENYÈ a te swasanteyen (61); <sup>40</sup> moun vivan yo te sèz-mil (16,000), ladan yo taks SENYÈ a te trann-de (32) moun.

<sup>41</sup> Moïse te bay taks la, ofrann SENYÈ a Éléazar, prèt la, ✧jis jan ke SENYÈ a te kòmande Moïse la.

✧ **31:15** Det 20:14 ✧ **31:16** Nonb 25:1-9 ✧ **31:17** Det 7:2 ✧ **31:19** Nonb 19:11-22 ✧ **31:23** Nonb 19:9-17 ✧ **31:27** Jos 22:8 ✧ **31:28** Nonb 18:21-30 ✧ **31:30** Nonb 3:7-37 ✧ **31:41** Nonb 5:9-10

<sup>42</sup> Epi pou mwatye a fis Israël yo, ke Moïse te retire nan men mesye ki te ale nan lagè yo— <sup>43</sup> Mwatye kongregasyon an te twa-san-trann-sèt-mil-senk-san (337,500) mouton, <sup>44</sup> trann-si-mil (36,000) bèf, <sup>45</sup> trant-mil-senk-san (30,500) bourik, <sup>46</sup> moun vivan yo te sèz-mil (16,000) <sup>47</sup> epi soti nan mwatye fis Israël yo, Moïse te retire nan chak senkant, ni nan lòm ak nan bèt yo, e li te bay yo a Levit yo, ki te kenbe lòd nan tabènak SENYÈ a, jis jan ke SENYÈ a te kòmande Moïse la.

<sup>48</sup> Alò, ofisye ki te sou dè milye nan lame yo, kapitèn a dè milye e kapitèn a dè santèn yo te apwoche Moïse, <sup>49</sup> epi yo te di a Moïse: “Sèvitè nou yo te pran kontwòl a mesye lagè ki sou chaj nou yo, e nanpwen pèsòn pami nou ki pa la. <sup>50</sup> Konsa, nou vin pote yon ofrann bay SENYÈ a sou sa ke chak moun te twouve, bagay an lò, chenèt, braslè, bag, zanno ak kolye, ☆pou fè ekspiyasyon pou nou menm devan SENYÈ a.”

<sup>51</sup> Moïse avèk Éléazar, prèt la, te pran lò pa yo, tout kalite bagay ki fonn. <sup>52</sup> Tout lò pou ofrann, yo te ofri devan SENYÈ a, soti nan kapitèn dè milye ak kapitèn dè santèn yo, se te sèz-mil-sèt-san-senkant (16,750) sik. <sup>53</sup> ☆Mesye lagè yo te pran piyaj la, chak nonm pou kont li.

<sup>54</sup> Konsa, Moïse avèk Éléazar, prèt la, te pran lò kapitèn dè milye ak dè santèn yo, e yo te pote li nan tant asanble a kòm yon ☆souvni a fis Israël yo devan SENYÈ a.

## 32

<sup>1</sup> Alò, fis Ruben yo avèk fis Gad yo te gen ☆vrèman yon gran kantite bèt. Konsa, lè yo te wè teren nan ☆Jaezer a ak peyi a Galaad la, ke li te vrèman yon kote ki bon pou bèt, <sup>2</sup> fis a Gad avèk fis a Ruben yo te vin pale avèk Moïse ak Éléazar, prèt la, avèk chèf kongregasyon an e yo te di yo, <sup>3</sup> ☆“Atharoth, Dibon, Jaezer, Nimra, Hesbon Elealé, Sebam, Nebo ak Beon, <sup>4</sup> peyi ☆ke SENYÈ a te bat devan kongregasyon Israël yo, se yon peyi ki pou pran swen bèt, e sèvitè ou yo gen bèt.” <sup>5</sup> Yo te di: “Si nou twouve favè nan zye ou, kite peyi sa a vin bay a sèvitè ou yo kòm yon posesyon; pa mennen nou lòtbò Jourdain an.”

<sup>6</sup> Men Moïse te di a fis Gad yo e a fis Ruben yo: “Èske frè nou yo va ale nan lagè, e nou menm rete chita isit la? <sup>7</sup> ☆Koulye a, poukisa nou ap dekouraje fis Israël yo travèse lòtbò a pou antre nan peyi ke SENYÈ a te ba yo a? <sup>8</sup> Se sa ke papa nou yo te fè lè mwen te voye yo sòti nan ☆Kadès-Barnéa pou wè peyi a. <sup>9</sup> Paske, lè yo te monte nan ☆vale Eschol pou te wè peyi a, yo te dekouraje fis Israël yo jiskaske yo pa t antre nan peyi ke SENYÈ a te ba yo a.

<sup>10</sup> Konsa, ☆kòlè SENYÈ a te brile nan jou sa a, Li te sèman, e te di: <sup>11</sup> ☆“Okenn nan mesye sa yo ki monte kite Égypte, ki gen laj plis ke ventan p ap wè peyi ke Mwen te sèman a Abraham, Isaac, e a Jacob la; paske yo pa t swiv Mwen nèt, <sup>12</sup> sof Caleb, fis a Jephunné a, Kenizyen an, ak Josué, fis a Nun nan, ☆paske yo te swiv Mwen nèt.” <sup>13</sup> ☆Konsa, chalè a SENYÈ a te brile kont Israël, e Li te fè yo vin egare nan dezè a pandan karantan,

☆ **31:50** Egz 30:12-16 ☆ **31:53** Nonb 31:32 ☆ **31:54** Egz 30:16 ☆ **32:1** Egz 12:38 ☆ **32:1** Nonb 21:22 ☆ **32:3** Nonb 32:34-38 ☆ **32:4** Nonb 21:34 ☆ **32:7** Nonb 13:27-33 ☆ **32:8** Nonb 13:3-26 ☆ **32:9** Nonb 13:24 ☆ **32:10** Nonb 14:11 ☆ **32:11** Nonb 14:26-30 ☆ **32:12** Det 1:36 ☆ **32:13** Nonb 14:33-35

jiskaske tout jenerasyon sa a pami sila ki te fè mal nan zye SENYÈ a yo, te vin detwi.

<sup>14</sup> Koulye a, veye byen, nou te vin leve nan plas papa nou yo, yon nich moun plen peche, pou vin mete menm plis sou ✨kòlè SENYÈ a kont Israèl. <sup>15</sup> Paske si nou ✨vire akote, e nou pa swiv Li, Li va, yon fwa, ankò abandone yo nan dezè a; epi nou va detwi tout pèp sa yo.” <sup>16</sup> Alò, yo te vin pwoche li e te di: “Nou va bati isit la pak mouton pou bèt nou yo ak vil pou pitit nou yo; <sup>17</sup> ✨men nou, nou menm, nou va pran zam tou prepare pou ale devan fis Israèl yo, jiskaske nou mennen yo nan plas yo, pandan pitit nou yo ap viv nan vil fòtifye akoz sila k ap viv nan peyi yo. <sup>18</sup> ✨Nou p ap retounen lakay nou jiskaske chak moun nan fis Israèl yo gen tan posede eritaj pa yo. <sup>19</sup> Paske, nou p ap gen yon eritaj avèk yo lòtbò Jourdain an, oswa pi lwen, paske eritaj pa nou an te tonbe bannou ✨nan kote Jourdain a sila a, vè lès la.”

<sup>20</sup> ✨Konsa Moïse te di yo: “Si nou va fè sa, si nou va pran zam nou yo devan SENYÈ a pou fè lagè a, <sup>21</sup> epi nou tout mesye avèk zam yo travèse Jourdain a devan SENYÈ a jiskaske Li mennen lènmi Li yo soti devan Li, <sup>22</sup> ✨epi peyi a vin anba kontwòl devan SENYÈ a; alò, apre nou va retounen vin lib de angajman yo vè SENYÈ a, ak vè Israèl, peyi sila a va pou nou kòm yon posesyon devan SENYÈ a.

<sup>23</sup> Men si nou pa fè sa, veye byen, nou te peche kont SENYÈ a, e fòk nou konnen ke ✨peche nou va vin jwenn nou. <sup>24</sup> Bati pou nou menm gran vil pou pitit nou yo, pak pou mouton nou yo, e ✨fè sa ke nou te pwomèt yo.”

<sup>25</sup> Fis a Gad avèk fis a Ruben yo te pale avèk Moïse, e te di: “Sèvitè ou yo va fè ojis sa ke mèt mwen kòmande yo a. <sup>26</sup> ✨Pitit nou yo, madanm nou yo, ak bèt nou yo va rete nan vil a Galaad yo; <sup>27</sup> pandan sèvitè ou yo, chak ki gen zam pou fè lagè, va ✨travèse lòtbò nan prezans SENYÈ a pou batay la, jis jan ke mèt mwen di a.”

<sup>28</sup> Konsa, Moïse te pase lòd konsènan yo a Éléazar, prèt la, a Josué, fis a Nun nan, e a chèf lakay papa zansèt yo, a tribi a fis Israèl yo. <sup>29</sup> Moïse te di yo: “Si fis a Gad avèk fis a Ruben yo, tout sila ki te pran zam pou batay yo, va travèse avèk nou lòtbò Jourdain an nan prezans SENYÈ a, e peyi a vin soumèt devan nou, alò nou va ba yo peyi a Galaad la kòm yon posesyon; <sup>30</sup> men, si yo refize travèse avèk nou avèk zam yo, yo va genyen posesyon yo pami nou nan peyi Canaran.”

<sup>31</sup> Fis a Gad avèk fis a Ruben yo te reponn e te di: “Jan SENYÈ a te pale a sèvitè ou yo, konsa nou va fè. <sup>32</sup> Nou menm, nou va travèse lòtbò avèk zam yo nan prezans SENYÈ a, nan peyi Canaran, e posesyon eritaj nou va rete avèk nou lòt kote Jourdain an.” <sup>33</sup> ✨Konsa, Moïse te bay yo, fis a Gad avèk fis a Ruben yo, mwatye tribi fis a Joseph la, Manassé, wayòm a Sihon, wa a Amoreyen yo, wayòm a Og la, wa a Basan an, peyi a avèk vil pa yo, teritwa pa yo, vil a teritwa ki te antoure yo.

<sup>34</sup> Fis a Gad yo te bati Dibon avèk Ataroth ak ✨Aroër, <sup>35</sup> Atroth-Schophan, Jaezer, Jogbetha, <sup>36</sup> ✨Beth Nimra avèk Beth Haran, kòm vil byen fòtifye ak pak pou mouton. <sup>37</sup> Fis a Ruben yo te bati Hesbon, Elealé, avèk Kirjathaim,

✨ **32:14** Det 1:37 ✨ **32:15** Det 30:17-18 ✨ **32:17** Jos 4:12-13 ✨ **32:18** Jos 22:1-4 ✨ **32:19** Jos 12:1 ✨ **32:20** Det 3:18 ✨ **32:22** Det 3:20 ✨ **32:23** Jen 4:7 ✨ **32:24** Nonb 30:2 ✨ **32:26** Jos 1:14 ✨ **32:27** Jos 4:12 ✨ **32:33** Det 3:8-17 ✨ **32:34** Det 2:36 ✨ **32:36** Nonb 32:3



38 ✧ Nebo avèk Baal-Meon—non ki te chanje yo—ak Sibma, e yo te bay lòt non a vil ke yo te bati yo.

39 Fis a ✧ Makir yo, fis a Manassé yo te ale Galaad pou te pran li, e yo te deplase Amoreyen ki te rete ladann yo. 40 Konsa, Moïse te bay ✧ Galaad a Makir, fis a Manassé a, e li te viv ladann. 41 ✧ Jaïr, fis a Manassé a te ale pran vil li yo, e li te rele yo Havvoth-jaïr. 42 Nobach te ale pran Kenath avèk vil pa li yo, e li te rele li Nobach selon pwòp non pa li.

### 33

1 Sa se vwayaj a fis Israël yo pa sila yo te sòti nan peyi Égypte la pa lame pa yo, anba ✧ direksyon Moïse avèk Aaron. 2 Moïse te ekri yon rapò pou montre pwent kòmansman nan vwayaj yo selon kòmmand a SENYÈ a, e sa yo se vwayaj selon pwent kòmansman sila yo.

3 ✧ Yo te vwayaje soti nan Ramsès nan premye mwa a, sou kenzyèm jou a; nan jou apre Pak la, fis Israël yo te ✧ kòmanse avèk gwo kouraj devan zye a tout Ejipsyen yo, 4 pandan tout Ejipsyen yo t ap antere tout premye ne ke SENYÈ a te frape detwi pami yo. SENYÈ a te osi egzekite jijman ✧ sou dye ki te pou yo yo.

5 Alò, ✧ fis a Israël yo te vwayaje soti Ramsès pou te fè kan nan Succoth.

6 ✧ Yo te vwayaje soti Succoth pou te fè kan nan Etham, ki sou kote dezè a.

7 ✧ Yo te vwayaje soti Etham pou te vire fè bak jis nan Pi-Hahiroth, ki anfas Baal-Tsephon, e yo te vin fè kan devan Migdol.

8 ✧ Yo te vwayaje soti devan Pi-Hahiroth, yo te pase nan mitan lanmè a pou rive nan dezè a, ✧ yo te vwayaje pandan twa jou nan dezè Étham an, e yo te vin fè kan nan Mara.

9 ✧ Yo te vwayaje soti Mara pou te rive nan Élim; epi nan Élim, te gen douz sous dlo, swasann-dis pye palmis, e yo te fè kan an.

10 Yo te vwayaje soti nan Élim, pou te fè kan bò kote Lamè Wouj.

11 Yo te vwayaje soti Lamè Wouj pou te fè kan nan ✧ dezè Tsin nan.

12 Yo te vwayaje soti nan dezè Tsin nan pou te fè kan nan Dophka.

13 Yo te vwayaje soti nan Dophka pou te fè kan nan Alusch.

14 Yo te vwayaje soti Alusch pou te fè kan nan ✧ Rephidim; alò se te la ke pèp la pa t gen dlo pou bwè a.

15 Yo te vwayaje soti nan Rephidim pou te fè kan nan ✧ dezè Sinai a.

16 Yo te vwayaje soti nan dezè Sinai a pou te fè kan nan ✧ Kibroth-Hattaava.

17 Yo te vwayaje soti nan Kibroth-Hattaava pou te fè kan nan ✧ Hatséroth.

18 Yo te vwayaje soti nan Hatséroth pou te fè kan nan Rithma.

19 Yo te vwayaje soti nan Rithma pou te fè kan nan Rimmon-Pérets.

20 Yo te vwayaje soti nan Rimmon-Pérets pou te fè kan nan ✧ Libna. 21 Yo te vwayaje soti nan Libna pou te fè kan nan Rissa.

22 Yo te vwayaje soti nan Rissa pou te fè kan nan Kehélatha. 23 Yo te vwayaje soti nan Kehélatha pou te fè kan nan Schapher.

24 Yo te vwayaje soti nan Mòn Schapher pou te fè kan nan Harda. 25 Yo te vwayaje soti nan Harda pou te fè kan nan Makhéloth.

✧ 32:38 És 46:1 ✧ 32:39 Jen 50:23 ✧ 32:40 Det 3:12-15 ✧ 32:41 Det 3:14 ✧ 33:1 Sòm 105:26 ✧ 33:3 Egz 12:37 ✧ 33:3 Egz 14:8 ✧ 33:4 Egz 12:12 ✧ 33:5 Egz 12:37 ✧ 33:6 Egz 13:20 ✧ 33:7 Egz 14:1-2 ✧ 33:8 Egz 14:22 ✧ 33:8 Egz 15:22,23 ✧ 33:9 Egz 16:27 ✧ 33:11 Egz 16:1 ✧ 33:14 Egz 17:1 ✧ 33:15 Egz 19:1 ✧ 33:16 Nonb 11:34 ✧ 33:17 Nonb 11:35 ✧ 33:20 Det 1:1

- 26 Yo te vwayaje soti nan Makhéloth pou te fè kan nan Tahath.
- 27 Yo te vwayaje soti nan Tahath pou te fè kan nan Tarach.
- 28 Yo te vwayaje soti nan Tarach pou te fè kan nan Mithka.
- 29 Yo te vwayaje soti nan Mithka pou te fè kan nan Haschmona.
- 30 Yo te vwayaje soti nan Haschmona pou te fè kan nan ✧Moséroth.
- 31 Yo te vwayaje soti nan Moséroth pou te fè kan nan Bené-Jaakan.
- 32 Yo te vwayaje soti nan ✧Bené-Jaakan pou te fè kan nan Hor-Guidgad.
- 33 Yo te vwayaje soti nan Hor-Guidgad pou te fè kan nan ✧Jothbatha. 34 Yo te vwayaje soti nan Jothbatha pou te fè kan nan Abrona.
- 35 Yo te vwayaje soti nan Abrona pou te fè kan nan ✧Etsjon-Guéber.
- 36 Yo te vwayaje soti nan Etsjon-Guéber pou te fè kan nan dezè a ✧Tsin nan: sa vle di, Kadès.
- 37 Yo te vwayaje soti nan Kadès pou te fè kan nan Mòn Hor, nan ✧lizyè peyi Édom an.
- 38 ✧Epi Aaron, prèt la, te monte nan Mòn Hor selon lòd SENYÈ a, e li te mouri la nan karantèm ane apre fis Israël yo te sòti nan peyi Égypte la, nan premye jou nan senkyèm mwa a.
- 39 Aaron te gen san-venn-twazan (123) lè li te mouri sou Mòn Hor a.
- 40 Alò, Kananeyen an, wa a ✧ Arad ki te rete Negèv la nan peyi Canaran an, te tande ke fis Israël yo t ap pwoche.
- 41 Alò, yo te vwayaje soti nan Mòn Hor pou te fè kan nan Tsalmona.
- 42 Yo te vwayaje soti nan Tsalmona pou te fè kan nan Punon.
- 43 Yo te vwayaje soti nan Punon pou te fè kan nan ✧Oboth.
- 44 Yo te vwayaje soti nan Oboth pou te fè kan nan Ijjé-Abarim nan lizyè Moab la.
- 45 Yo te vwayaje soti nan Ijjé-Abarim pou te fè kan nan Dibon-Gad.
- 46 Yo te vwayaje soti nan Dibon-Gad pou te fè kan nan Almon-Diblathaïm.
- 47 Yo te vwayaje soti nan Almon-Diblathaïm pou te fè kan nan mòn ✧Abarim yo devan Nebo.
- 48 Yo te vwayaje soti nan mòn Abarim yo pou te ✧fè kan nan plèn a Moab yo akote Jourdain an, anfas Jéricho.
- 49 Yo te fè kan akote Jourdain an, soti nan Beth-Jeschimoth pou jis rive nan ✧Abel-Sittim nan plèn a Moab yo.
- 50 Alò, SENYÈ a te pale avèk Moïse nan plèn a Moab yo akote Jourdain an anfas Jéricho, e Li te di: 51 Pale avèk fis Israël yo e di yo: ✧“Lè nou fin travèse Jourdain an pou antre nan peyi Canaran an, 52 alò, nou va chase deyò tout abitan nan peyi a soti devan nou; epi ✧detwi tout zidòl taye an wòch pa yo, detwi tout imaj fonn yo, e kraze nèt tout wo plas yo.
- 53 ✧Konsa, nou va pran posesyon peyi a pou viv ladann; paske, Mwen te bay peyi a a nou pou posede li. 54 ✧Nou va eritye teren an pa tiraj osò selon fanmi nou yo; a pi gran fanmi yo, eritaj la va vin plis, e a pi piti yo, nou va bay mwens nan eritaj la. Nenpòt lè tiraj osò a tonbe sou nenpòt fanmi, sila a va pou li. Nou va eritye pa tribi a zansèt nou yo.
- 55 Men si nou pa pouse mete deyò, tout abitan peyi a devan nou; alò, li va vin rive ke sila ke nou kite pami nou yo, va ✧vin pike zye nou, yo va vin

✧ 33:30 Det 10:6 ✧ 33:32 Jen 36:27 ✧ 33:33 Det 10:7 ✧ 33:35 Det 2:8 ✧ 33:36 Nonb 20:1 ✧ 33:37 Nonb 20:16 ✧ 33:38 Nonb 20:28 ✧ 33:40 Nonb 21:1 ✧ 33:43 Nonb 21:10-11 ✧ 33:47 Nonb 27:12 ✧ 33:48 Nonb 22:1 ✧ 33:49 Nonb 25:1 ✧ 33:51 Jos 3:17 ✧ 33:52 Det 7:5 ✧ 33:53 Det 11:31 ✧ 33:54 Nonb 26:53-56 ✧ 33:55 Jos 23:13

tankou pikan bò kote nou, e yo va twouble nou nan peyi kote nou rete a.  
<sup>56</sup> Epi sa ke M te anvizaje fè yo, M ap vin fè l nou.’ ”

## 34

<sup>1</sup> Alò, SENYÈ a te pale avèk Moïse e te di: <sup>2</sup> Kòmande fis Israèl yo e di yo: “Lè nou antre ✧nan peyi Canaran an, sa se peyi ki va vin tonbe pou nou kòm eritaj la; peyi a Canaran an selon lizyè pa li.

<sup>3</sup> ✧Pati sid la va rive soti nan dezè Tsin nan akote Edom, lizyè sid la va kouri soti nan pwent Lamè Sale a pou ale vè lès. <sup>4</sup> Epi lizyè nou an va vire soti nan sid pou monte vè Akrabbim e kontinye rive nan Tsin, epi dènye pwent li an va nan sid ✧Kadès-Barnéa; epi li va rive nan Hatsar-Addar pou kontinye rive nan Atsmon. <sup>5</sup> Lizyè a va vire soti nan Atsmon nan ti flèv Égypte la, pou fini nan ✧lanmè.

<sup>6</sup> Epi selon fwontyè lwès la, nou va genyen Gran Lamè a, sa vle di kot li; sa va fwontyè lwès la.

<sup>7</sup> ✧Epi sa va fwontyè nò nou; nou va trase lizyè a soti nan Gran Lamè a pou rive nan Mòn Hor. <sup>8</sup> Nou va trase yon lizyè soti nan Mòn Hor pou rive ✧nan Lebo-hamath, e fwontyè a va vin fini nan Tsedad; <sup>9</sup> Epi fwontyè a va kontinye nan Ziphron, e dènye pwent li an va nan Hatsar-Énan. Sa va fwontyè nò nou.

<sup>10</sup> Pou fwontyè lès la, nou va osi trase yon lizyè soti nan Hatsar-Énan pou rive nan Schepham, <sup>11</sup> epi fwontyè a va desann soti nan Schepham nan ✧Ribla nan kote lès a Aïn nan; epi lizyè a va desann rive nan pant sou kote lès a ✧Lamè Kinnéreth la. <sup>12</sup> Epi fwontyè a va desann rive nan Jourdain an, e li va fini nan Lamè Sale a. Sa va peyi pa nou an selon lizyè yo ki antoure li a.

<sup>13</sup> Konsa, Moïse te kòmande fis Israèl yo, e te di: “✧Sa se peyi ke nou gen pou separe selon tiraj osò pami nou menm kòm posesyon, ke SENYÈ a te kòmande pou bay a nèf tribi edmi yo. <sup>14</sup> ✧Paske, tribi a fis Ruben yo te deja resevwa pa yo selon lakay zansèt pa yo, tribi a fis a Gad yo selon lakay zansèt pa yo, e mwatye tribi a Manassé a te resevwa posesyon pa l. <sup>15</sup> De tribi edmi sa yo te resevwa posesyon pa yo lòtbò Jourdain an, anfas Jéricho, vè lès, vè solèy leve a.”

<sup>16</sup> Alò, SENYÈ a te pale avèk Moïse e te di: <sup>17</sup> ✧“Sila yo se non a mesye ki va divize peyi a bannou kòm eritaj nou yo: Éléazar, prèt la, avèk Josué, fis a Nun nan. <sup>18</sup> Nou a pran yon chèf nan chak tribi pou divize peyi a kòm eritaj nou.

<sup>19</sup> Sila yo se non a mesye sa yo: nan tribi Juda a, ✧Caleb, fis a Jephaunné a.

<sup>20</sup> Nan tribi fis a ✧Siméon yo, Samuel fis a Ammihud la.

<sup>21</sup> Nan tribi ✧Benjamin an, Élidad fis a Kislou an. <sup>22</sup> Nan tribi fis a Dan yo, yon chèf, Buki, fis a Jogli a.

<sup>23</sup> Nan tribi fis Joseph yo: nan tribi a fis a Manassé yo, chèf Hanniel, fis a Éphod la.

<sup>24</sup> Nan tribi a fis a Éphraïm nan, yon chèf, Kemuel, fis a Schiphtan an.

<sup>25</sup> Nan tribi a fis a Zabulon yo, yon chèf, Élitsaphan, fis a Parnac la.

✧ **34:2** Jen 17:8 ✧ **34:3** Jos 15:1-3 ✧ **34:4** Nonb 32:8 ✧ **34:5** Jos 15:4 ✧ **34:7** Éz 47:15-17  
 ✧ **34:8** Jos 13:5 ✧ **34:11** II Wa 23:33 ✧ **34:11** Det 3:17 ✧ **34:13** Det 11:24 ✧ **34:14** Nonb 32:33 ✧ **34:17** Jos 14:1-2 ✧ **34:19** Nonb 13:6-30 ✧ **34:20** Jen 29:33 ✧ **34:21** Det 33:12

<sup>26</sup> Nan tribi a fis a Issacar yo, yon chèf, Paltiel, fis a Azzan an.

<sup>27</sup> Nan tribi a fis a Aser yo; yon chèf, Ahihud, fis a Schelomi a.

<sup>28</sup> Nan tribi a fis a Nephtali yo, yon chèf, Pedahel, fis a Ammihud la.”

<sup>29</sup> Sa yo se sila ke SENYÈ a te kòmande pou divize eritaj a fis Israël yo nan peyi Canaran an.

## 35

<sup>1</sup> Alò, Lev ✧SENYÈ a te pale avèk Moïse nan plèn Moab yo akote Jourdain an anfas Jéricho, e te di: <sup>2</sup> Kòmande fis a Israël yo pou yo bay a Levit yo soti nan eritaj a posesyon pa yo vil pou yo rete ladan yo; epi nou va bay a Levit yo teren patiraj ki antoure vil yo. <sup>3</sup> Vil yo va pou yo pou yo viv ladann; epi teren pa yo va pou bèf pa yo, pou twoupo pa yo ak pou tout bèt pa yo.

<sup>4</sup> Teren patiraj lavil ke nou te bay a Levit yo va rive soti nan miray lavil yo, pou lonje rive jis a mil (1000) koude. <sup>5</sup> Nou va, osi, mezire deyò lavil la nan kote lès, de-mil (2000) koude, nan kote sid, de-mil (2000) koude, nan kote lwès, de-mil (2000) koude, ak nan kote nò, de-mil koude, avèk vil nan mitan li an. Sa va devni pou yo kòm teren pa yo pou vil yo.

<sup>6</sup> Vil ke nou va bay a Levit yo va ✧sis vil azil kote moun ki touye moun kapab sove ale; e anplis de sa yo, nou va bay karann-de vil. <sup>7</sup> Tout vil ke nou va bay a Levit yo va ✧karanntuit vil ansanm avèk teren patiraj pa yo. <sup>8</sup> ✧Selon vil ke nou va bay soti nan posesyon a fis Israël yo, nou va pran plis nan men pi gran yo, e nou va pran mwens nan men pi piti yo; kèk va bay kèk nan vil pa li yo a Levit yo nan mezi a posesyon ke li eritye a.

<sup>9</sup> Alò, SENYÈ a te pale avèk Moïse e te di: <sup>10</sup> ✧“Pale avèk fis Israël yo e di yo: “Lè nou fin travèse Jourdain an nan peyi Canaran an, <sup>11</sup> alò, nou va chwazi pou nou menm ✧vil azil nou, pou sila ki touye moun yo, san entansyon ekspres, kapab sove ale. <sup>12</sup> ✧Vil yo va pou nou yon refij kont vanjè yo, pou sila ki touye moun nan pa mouri jiskaske li ta vin kanpe devan kongregasyon an pou jije. <sup>13</sup> Vil ke nou bay yo va sis vil nou yo pou azil. <sup>14</sup> Nou ✧va bay twa vil lòtbò Jourdain an ak twa vil nan peyi Canaran an; yo va sèvi kòm vil azil. <sup>15</sup> Sis vil sila yo va tankou refij pou fis Israël yo, pou etranje a ak pou sila ki demere pami yo; pou nenpòt moun ki touye yon moun ✧san entansyon ekspres kapab sove ale.

<sup>16</sup> ✧Men si li te frape detwi li avèk yon objè an fè, pou l ta vin mouri, li se yon asasen; yon asasen va, anverite, vin mete a lanmò. <sup>17</sup> Si li te frape li avèk yon wòch nan men l, pou l ta vin mouri; epi an konsekans, li mouri, li se yon asasen; asasen an va vrèman, vin mete a lanmò. <sup>18</sup> Oswa, si li te frape li avèk yon bout bwa nan men l pou li ta mouri, e li vin mouri, li se yon asasen; asasen an va vrèman, vin mete a lanmò. <sup>19</sup> vanjè san an va, li menm, mete asasen an a lanmò; li va mete li a lanmò lè li rankontre li. <sup>20</sup> ✧Si li te pouse li akòz rayisman, oswa jete yon bagay sou li lè li ✧kouche pou fè pèlen, e kòm rezilta, li te vin mouri, <sup>21</sup> oswa, si li te frape li avèk men l an rayisman, e li vin mouri, sila ki te frape li a va, vrèman, vin mete a lanmò; li se yon asasen; vanjè san an va mete asasen an a lanmò lè li rankontre li. <sup>22</sup> ✧Men si li vin pouse li sibitman san rayisman, oswa li te jete yon bagay sou li san entansyon, <sup>23</sup> oswa, avèk nenpòt objè mòtèl an wòch, e san wè, li vin tonbe sou li e li vin mouri, pandan li pa t

✧ 35:1 Lev 25:32-34 ✧ 35:6 Jos 20:7-9 ✧ 35:7 Jos 21:41 ✧ 35:8 Lev 25:32-34 ✧ 35:10 Jos 20:1-9 ✧ 35:11 Jos 20:1 ✧ 35:12 Det 19:4-6 ✧ 35:14 Det 4:41 ✧ 35:15 Nonb 35:11 ✧ 35:16 Nonb 35:31 ✧ 35:20 Jen 4:8 ✧ 35:20 Egz 21:14 ✧ 35:22 Nonb 35:11

lènmi li, ni li pa t ap chache pou fè li mal, <sup>24</sup> alò, ✨kongregasyon an va jije antre moun ki touye moun nan avèk vanjè san an, selon òdonans sa yo. <sup>25</sup> Kongregasyon an dwe pwoteje moun ki touye moun nan de men a vanjè san an, e kongregasyon an va voye li retounen nan vil azil kote li te sove ale a; epi li va viv ladann jiskaske lanmò wo prèt ki te onksyone avèk lwil sen an. <sup>26</sup> Men si moun ki touye moun nan sòti pi lwen ke lizyè pwòp vil azil pa li a, kote li te gen dwa sove ale a, <sup>27</sup> epi vanjè san an vin jwenn li deyò lizyè vil azil li a; epi vanjè san an touye moun ki te touye moun nan, li p ap koupab de san an <sup>28</sup> akòz li te dwe rete nan vil azil pa li a jiskaske wo prèt la vin mouri. Men apre lanmò wo prèt la, moun ki te touye moun nan va retounen vè peyi posesyon pa li a.

<sup>29</sup> Bagay sa yo va yon ✨òdonans lalwa pou tout jenerasyon nou yo nan tout abitasyon nou yo.

<sup>30</sup> ✨Si, yon moun touye yon moun, asasen an va vin mete a lanmò sou temwayaj temwen yo, men pèsòn pa pou mete a lanmò sou temwayaj a yon sèl temwen.

<sup>31</sup> Anplis, nou pa pou pran ranson pou lavi a yon asasen ki koupab jiska lanmò; men, li va, vrèman, vin mete a lanmò. <sup>32</sup> Nou pa pou pran ranson pou sila ki te sove ale nan vil azil la, pou l kab retounen viv nan peyi a avan lanmò a wo prèt la.

<sup>33</sup> ✨Alò, nou pa pou kontamine peyi kote nou rete a; paske san an va kontamine peyi a e nanpwen ekspiyasyon pou peyi pou san ki koule ladann, sof ✨pa san a sila ki te fè vèsè san an. <sup>34</sup> Nou pa pou ✨konwonpi peyi kote nou rete a, ladann ke ✨Mwen rete a; paske Mwen, SENYÈ a, Mwen ap viv nan mitan a fis Israèl yo.’ ”

## 36

<sup>1</sup> ✨Epi chèf lakay zansèt a fis a Galaad yo, fis a Makir yo, fis a Manassé a, a zansèt a Joseph yo, yo te vin toupren pou te pale devan Moïse ak devan chèf yo, chèf lakay zansèt a fis Israèl yo, <sup>2</sup> epi yo te di: “SENYÈ a te kòmande mèt pa mwen an pou bay peyi a pa tiraj osò a fis Israèl yo kòm eritaj, e mèt mwen an ✨te kòmande pa SENYÈ a pou bay eritaj a Tselophchad la, frè nou an, bay fi li yo. <sup>3</sup> Men si yo marye avèk youn nan fis nan lòt tribi fis Israèl yo, eritaj yo va retire nan eritaj zansèt nou yo e li va vin ajoute a eritaj a tribi sou sila yo vin manm nan; konsa, l ap retire nan eritaj ki te tonbe nan dwa nou an. <sup>4</sup> Lè ✨jibile a rive, alò, eritaj pa yo a va ajoute a eritaj tribi kote yo manm nan; konsa, eritaj pa yo a va retire nan eritaj tribi a zansèt nou yo.”

<sup>5</sup> Alò, Moïse te kòmande fis a Israèl yo pa pawòl a SENYÈ a, e te di: “Sa ke tribi a fis Joseph yo di a se sa. <sup>6</sup> ✨Se sa ke SENYÈ a te kòmande konsènan fi a Tselophchad yo e te di: ‘Kite yo marye ak nenpòt moun ke yo vle; men, fòk yo marye nan pwòp fanmi a tribi zansèt papa pa yo. <sup>7</sup> Konsa, ✨nanpwen eritaj nan fis Israèl yo ki va transfere de tribi a tribi, paske fis Israèl yo va chak kenbe eritaj a tribi zansèt yo. <sup>8</sup> Chak fi ki vin posede yon eritaj nan yon tribi a fis Israèl yo va madanm a yon moun ki nan fanmi tribi zansèt papa li a, pou chak fis Israèl yo kapab posede eritaj a zansèt

✨ 35:24 Jos 20:6 ✨ 35:29 Nonb 27:11 ✨ 35:30 Nonb 35:16 ✨ 35:33 Sòm 106:38 ✨ 35:33 Jen 9:6 ✨ 35:34 Lev 18:24 ✨ 35:34 Nonb 5:3 ✨ 36:1 Nonb 27:1 ✨ 36:2 Nonb 27:5-7 ✨ 36:4 Lev 25:10 ✨ 36:6 Nonb 27:7 ✨ 36:7 I Wa 21:3

pa yo. <sup>9</sup> Konsa nanpwen eritaj k ap transfere de yon tribi rive nan yon lòt tribi; paske, tribi a fis Israël yo va chak kenbe nan pwòp eritaj pa yo.”

<sup>10</sup> Jis jan ke SENYÈ a te kòmande Moïse la, se konsa fi a Tselophchad yo te fè: <sup>11</sup> ✧Machla, Thirtsa, Hogla, Milca, ak Noa, fi a Tselophchad yo, yo te marye avèk fis a tonton yo; <sup>12</sup> Yo te marye sa yo soti nan fanmi a fis a Manassé yo, fis a Joseph la, e eritaj yo te rete avèk tribi a fanmi zansèt papa yo.

<sup>13</sup> ✧Sa yo se kòmandman ak règleman ke SENYÈ a te kòmande a fis Israël yo pa Moïse nan plèn Moab yo akote Jourdain an, anfas Jéricho.

## Detewonòm

<sup>1</sup> Sa yo se pawòl a Moïse ke li te pale a tout pèp Israèl la lòtbò Jourdain an, nan dezè a, nan Arabah, anfas Suph, antre Paran, Tophel, Laban, Hatséroth, ak Di-Zahab. <sup>2</sup> Se te yon vwayaj onz jou soti nan ✧Horeb pa chemen a Mòn Séir pou rive nan Kadès-Barnéa.

<sup>3</sup> Nan katriyèm ane a, nan premye jou nan onzyèm mwa a, Moïse te pale avèk fis Israèl yo selon tout sa ke SENYÈ a te kòmande li anvè yo, <sup>4</sup> lè li te fin ✧bat Sihon, wa Amoreyen ki te rete Hesbon an, ak ✧Og, wa Basan an, ki te rete Aschtaroth avèk Édréi.

<sup>5</sup> Anfas Jourdain an, nan peyi Moab la, Moïse te kòmanse fè eksplikasyon sou lwa sa a, e li te di: <sup>6</sup> SENYÈ a, Bondye nou an, te ✧pale avèk nou isit la nan Horeb, e Li te di: ‘Nou gen tan rete la a nan mòn sa pou ase de tan. <sup>7</sup> Vire kòmanse vwayaj nou an pou ale nan ✧peyi mòn ki pou Amoreyen yo e vè tout vwazen nan Arabah yo nan peyi mòn yo, nan teren ba yo, nan Negèv la, nan lanmè a, peyi a Canaran yo ak nan Liban jis rive nan gran rivyè Lefrat la. <sup>8</sup> Nou wè, Mwen te mete tout peyi a devan nou; ale ladann pou posede peyi ke SENYÈ a te ✧sèmante pou bay a zansèt nou yo, a Abraham, Isaac, e a Jacob; a yo menm ak desandan ki apre yo.’

<sup>9</sup> “Mwen te pale avèk nou ✧nan tan sa a pou te di nou, Mwen sèl p ap kapab pote fado nou pou kont mwen. <sup>10</sup> SENYÈ a, Bondye nou an, te fè nou ✧vin anpil e gade byen, jodi a nou vin anpil tankou zetwal nan syèl la. <sup>11</sup> Ke SENYÈ a, Bondye a zansèt nou yo, kapab fè nou vin multipliye yon mil fwa anplis ke nou ye a, e beni nou ✧jis jan ke li te pwomèt nou an. <sup>12</sup> Kijan mwen sèl mwen, ta kapab sipòte fado a nou menm avèk tout zen nou konn fè yo? <sup>13</sup> Chwazi moun ki saj e ki gen disènman avèk eksperyans nan pwòp tribi nou yo e mwen va ✧chwazi yo kòm chèf nou.

<sup>14</sup> Nou te reponn mwen e te di: ‘Bagay ke ou di a, bon.’

<sup>15</sup> Epi mwen te pran chèf an tèt tribi nou yo, moun saj avèk eksperyans, e mwen te chwazi yo kòm chèf sou nou, dirijan a dè milye, a dè santèn, a dè senkantèn, a dè dizèn ak ofisyè pou tribi nou yo. <sup>16</sup> Epi mwen te pase lòd ak jij nou yo nan tan sa a, e te di: “Tande ka ki parèt antre nou menm avèk moun peyi parèy nou yo, e jije avèk ladwati antre yon nonm avèk moun peyi parèy a li, oswa etranje ki pami nou an. <sup>17</sup> Nou pa pou gen moun pa nan jijman an; nou va tandè moun gwo pwa avèk moun ki manke pwa egal menm jan. Nou pa pou ✧pè moun, paske jijman an se pou Bondye. ✧Ka ki twò difisil pou nou an, nou va pote li ban mwen, e mwen va tandè l. <sup>18</sup> ✧Mwen te kòmande nou nan tan sa a, tout bagay ke nou te gen pou fè.

<sup>19</sup> Epi nou te pati ✧Horeb pou te pase nan tout gran dezè tèrib sila a ke nou te wè nan wout la pou rive nan peyi mòn a Amoreyen yo, jis jan ke SENYÈ a, Bondye nou an, te kòmande nou an; epi nou te vini Kadès Barnéa. <sup>20</sup> Mwen te di nou: ‘Nou gen tan vini nan peyi mòn a Amoreyen yo ke SENYÈ a, Bondye nou an, prèt pou bannou an. <sup>21</sup> Nou wè, SENYÈ a,

✧ 1:2 Egz 3:1 ✧ 1:4 Nonb 21:21-26 ✧ 1:4 Nonb 21:33-35 ✧ 1:6 Nonb 10:11-13 ✧ 1:7 Jen 15:18 ✧ 1:8 Jen 12:7 ✧ 1:9 Egz 18:18-24 ✧ 1:10 Jen 15:5 ✧ 1:11 Det 1:8-10 ✧ 1:13 Egz 18:21 ✧ 1:17 Pwov 29:25 ✧ 1:17 Egz 18:22-26 ✧ 1:18 Egz 18:20 ✧ 1:19 Det 1:2

Bondye nou an, te mete peyi a devan nou. Monte ladann, posede li, jan SENYÈ a, Bondye a zansèt nou yo, te pale nou an. ✨Pa pè, ni dekouraje.’

<sup>22</sup> Epi nou tout te vin kote m e te di: ‘Annou ✨voye moun devan nou pou yo kapab fè ankèt peyi a pou nou, pou retounen bannou yon pawòl konsènan chemen nou ta dwe monte a ak vil ke nou va antre yo.’ <sup>23</sup> Sa te fè m plezi; epi mwen te pran douz mesye pami nou, yon mesye pou chak tribi. <sup>24</sup> ✨Yo te vire pou te monte nan peyi mòn nan, e yo te rive nan vale Eschol la pou espyone ladann. <sup>25</sup> Epi yo te pran kèk nan fwi peyi a nan men yo pou te pote li bannou; epi yo te mennen bannou yon rapò, e te di: ‘Se yon bon peyi ke SENYÈ a, Bondye nou an, prèt pou bannou an.’

<sup>26</sup> ✨Men nou pa t vle monte, men nou te fè rebèl kont kòmand a SENYÈ a, Bondye nou an; <sup>27</sup> epi ✨nou te plenyen nan tant nou yo e te di: ‘Akoz SENYÈ a rayi nou, Li te mennen nou sòti nan peyi Égypte la pou livre nou nan men Amoreyen yo pou detwi nou. <sup>28</sup> Kibò nou kab monte? Frè nou yo te fè kè nou fann, e te di: “Pèp la pi gran e piwo pase nou; vil yo gran e fòtifye jis rive nan syèl la. Anplis, nou te wè ✨fis a Anak yo la.”’

<sup>29</sup> “Epi mwen te di nou: ‘Pa etone, ni pa pè yo.’ <sup>30</sup> SENYÈ a, li menm, ki ale devan nou an, va, ✨Li menm, goumen pou nou, jis jan ke Li te fè pou nou an Égypte la devan zye nou, <sup>31</sup> epi nan dezè a kote nou te wè kijan ✨SENYÈ a, Bondye nou an, te pote nou, jis jan ke yon nonm ta pote fis li, nan tout chemen kote nou te mache jis nou vin rive kote sa a.

<sup>32</sup> Men ✨malgre tout sa, nou pa t mete konfyans nan SENYÈ a, Bondye nou an, <sup>33</sup> ✨ki te ale devan nou nan chemen an ✨pou chèche yon kote pou nou fè kan, kòm dife nan aswè ak nwaj nan lajounen pou montre nou nan ki chemen nou dwe ale.

<sup>34</sup> Epi SENYÈ a te tande son pawòl nou yo. Li te fache. Li te ✨sèmante e te di: <sup>35</sup> ✨“Nanpwen youn nan mesye sa yo, jenerasyon mechan sila a, ki va wè bon peyi ke mwen te sèmante pou bay a zansèt nou yo. <sup>36</sup> Sof ke Caleb, fis a Jephunné a. Li va wè li. ✨A li menm avèk fis li yo Mwen va bay peyi kote li te mete pye li akòz li te swiv SENYÈ a nèt.

<sup>37</sup> SENYÈ a te fache avèk mwen osi akòz nou menm, e te di: ✨Ni ou menm tou, ou p ap antre la. <sup>38</sup> Josué, fis a Nun nan, ki kanpe la devan nou an, ✨li va antre la. Ankouraje li, paske li va fè Israèl jwenn eritaj li a.

<sup>39</sup> Anplis, ✨pitit nou ke nou te di ta devni yon piyaj la, ak fis nou ki nan jou sa a ✨pa t gen konesans a ni sa ki bon ak sa ki mal, va antre la. Mwen va bay yo li, e yo va posede li. <sup>40</sup> Men pou nou menm, vire pa dèyè, e fè wout nou pou dezè a pa Lamè Wouj.’

<sup>41</sup> ✨“Epi nou te di mwen: ‘Nou te peche kont SENYÈ a; anverite, nou va monte pou fè lagè, jis jan ke SENYÈ a, Bondye nou an, te kòmande nou an.’ Epi tout gason nan nou te mete zam sou yo, e yo te kalkile ke li te fasil pou monte nan peyi mòn nan.

<sup>42</sup> ✨Epi SENYÈ a te di mwen: ‘Di yo: “Pa monte, ni goumen; paske Mwen pa pami nou; otreman, nou va vin bat devan lènmi nou yo.’”

✨ **1:21** Jos 1:6-9 ✨ **1:22** Nonb 13:1-3 ✨ **1:24** Nonb 13:21-25 ✨ **1:26** Nonb 14:1-4 ✨ **1:27** Det 9:28 ✨ **1:28** Nonb 13:28-33 ✨ **1:30** Egz 14:14 ✨ **1:31** Det 32:10-12 ✨ **1:32** Nonb 14:11 ✨ **1:33** Egz 13:21 ✨ **1:33** Nonb 10:33 ✨ **1:34** Nonb 14:28-30 ✨ **1:35** Sòm 95:11 ✨ **1:36** Nonb 14:24 ✨ **1:37** Nonb 27:13-18 ✨ **1:38** Nonb 14:30 ✨ **1:39** Nonb 14:3 ✨ **1:39** És 7:15-16 ✨ **1:41** Nonb 14:40 ✨ **1:42** Nonb 14:41-43



<sup>43</sup> “Konsa, mwen te pale avèk nou, men nou pa t koute mwen. Olye de sa, ✨nou te fè rebèl kont kòmand SENYÈ a, nou te aji avèk awogans e nou te monte nan peyi mòn lan. <sup>44</sup> ✨Amoreyen ki te rete nan peyi mòn sa yo te parèt kont nou, yo te chase nou tankou myèl ta fè e yo te kraze nou soti nan Séir jis rive nan Horma. <sup>45</sup> Epi nou te retounen pou te kriye fò devan SENYÈ a; men ✨SENYÈ a pa t koute vwa nou, ni bannou zòrèy Li. <sup>46</sup> Pou sa, nou te rete ✨Kadès pandan anpil jou, jou sa yo ke nou te pase la a.

## 2

<sup>1</sup> ✨“Epi nou te vire pati vè dezè a pa chemen Lamè Wouj la, jan SENYÈ a te pale mwen an, e nou te ansèkle Mòn Séir pandan anpil jou.

<sup>2</sup> Epi SENYÈ a te pale avèk mwen, e te di: <sup>3</sup> ‘Nou gen tan fin ansèkle mòn sa a pandan ase de tan. Vire bò kote nò a, <sup>4</sup> epi kòmande pèp la e di yo: “Nou va pase nan ✨teritwa frè nou yo, fis a Ésaü yo ki rete Séir, e ✨yo va pè nou. Pou sa, fè atansyon; <sup>5</sup> Pa bourade yo, paske Mwen p ap bannou okenn nan tè pa yo, menm yon ti mòso, ✨paske Mwen te bay Ésaü Mòn Séir pou posede l. <sup>6</sup> Nou va achte manje nan men yo avèk lajan pou nou kapab manje; epi nou va, osi, achte dlo pou bwè nan men yo avèk lajan nou.

<sup>7</sup> Paske SENYÈ a te beni nou nan tout sa nou te fè; Li te konnen tout vwayaj nou yo nan gran dezè sila a. Pandan ✨karantan sa yo, SENYÈ a, Bondye nou an, te avèk nou; nou pa t manke anyen.

<sup>8</sup> Pou sa, nou te pase devan kite frè nou yo, fis a Esaü ki rete Séir yo, lwen wout Araba a, lwen Élath ak ✨Etsjon-Guéber. Epi nou te vire pase nan chemen dezè Moab la.

<sup>9</sup> Alò, SENYÈ a te di mwen, pa menase Moab, ni pa fè pwovokasyon lagè, paske Mwen p ap bannou okenn nan peyi pa yo pou posede; paske, Mwen te bay Ar a ✨fis a Lot yo kòm posesyon.

<sup>10</sup> Avan, se te pèp ✨Émim ki te rete la; yon gwo pèp, gran an kantite, e wo menm jan ak Anakim (jeyan) yo. <sup>11</sup> Tankou Anakim yo, yo konnen kòm ✨Rephaïm; men Moabit yo, te rele yo Émim. <sup>12</sup> Otrèfwa, se te ✨Oriyen yo ki te rete Séir, men fis a Esaü yo te deplase yo, te detwi yo devan yo, e yo te vin rete nan plas yo, jis jan ke Israë l te fè lè yo te vin posede peyi pa yo ke SENYÈ a te bay yo.)

<sup>13</sup> ‘Koulye a, leve travèse ravin Zéred la, nou menm.’

<sup>14</sup> Alò, tan ke nou te pran pou sòti Kadès-Barnéa pou vin travèse ravin Zéred la se te trann-tuit ane, jiskaske tout ✨jenerasyon moun lagè yo te mouri soti anndan kan an, jan SENYÈ a te sèman a yo menm nan. <sup>15</sup> ✨Anplis, men a SENYÈ a te kont yo, pou detwi yo soti anndan kan an jiskaske yo tout te mouri.

<sup>16</sup> Epi li te vin rive ke lè ✨tout moun lagè yo te fin mouri pami pèp la, <sup>17</sup> ke SENYÈ a te pale avè m e te di: <sup>18</sup> ‘Jodi a, ou va travèse sou ✨Ar, lizyè a Moab la. <sup>19</sup> Lè ou vin anfas ✨fis Ammon yo, pa menase yo ni pwovoke yo, paske Mwen p ap bay ou okenn nan peyi ki pou fis Ammon yo kòm posesyon pa w, paske Mwen te bay li a ✨fis a Lot yo kòm posesyon.’

✨ 1:43 Nonb 14:40 ✨ 1:44 Nonb 14:45 ✨ 1:45 Job 27:8-9 ✨ 1:46 Nonb 20:1-22 ✨ 2:1 Nonb 21:4 ✨ 2:4 Jen 36:8 ✨ 2:4 Egz 15:15-16 ✨ 2:5 Jen 36:8 ✨ 2:7 Nonb 14:33 ✨ 2:8 Nonb 33:35 ✨ 2:9 Jen 19:36-37 ✨ 2:10 Jen 14:5 ✨ 2:11 Jen 14:5 ✨ 2:12 Jen 36:20 ✨ 2:14 Nonb 14:29-35 ✨ 2:15 Jd 5 ✨ 2:16 Det 2:14 ✨ 2:18 Det 2:9 ✨ 2:19 Jen 19:38 ✨ 2:19 Det 2:9

20 (Li rele osi peyi a, ✧Rephaïm, akòz Rephaïm yo te viv la avan sa, men Amonit yo rele yo Zamzumminim, 21 yon pèp tèlman gran e anpil, wo tankou Anakim, men SENYÈ a te detwi yo devan yo. Epi yo te chase yo sòti pou te vin rete nan plas yo, 22 jis jan ke li te fè pou fis Esaü yo, ki te rete Séir, lè Li te detwi ✧Oriyen yo soti devan yo; yo te chase yo e yo te vin rete nan plas yo menm jiska jodi a. 23 Epi ✧Avyen ki te rete nan vil yo jis rive kote Gaza, Kaftorim yo ki te sòti nan Caphtor, te detwi yo e te vin viv nan plas yo.)

24 Leve, pati, e pase nan ✧vale Arnon an. Gade! Mwen te bay Sihon, Amoreyen an, wa a Hesbon avèk peyi pa l nan men nou; kòmanse pran posesyon an e atake li pou fè lagè. 25 Nan jou sila a, Mwen va kòmanse mete ✧lakrent ak laperèz ou sou pèp toupatou anba syèl yo, ki, lè yo tandè rapò a ou menm, yo va tranble e souffri nan laperèz akòz de ou.’

26 ✧“Konsa, Mwen te voye mesaje soti nan dezè a Kedémoth vè Sihon, wa Hesbon an avèk pawòl lapè, e te di: 27 ‘Kite mwen pase nan peyi ou a, Mwen va vwayaje sèlman sou gran chemen an; mwen p ap vire akote ni adwat ni agoch. 28 Ou va vann mwen manje pou lajan pou m kab manje; epi ban mwen dlo pou lajan pou m kab bwè, ✧sèlman, kite mwen pase ladann a pye, 29 jis jan ke fis a Esaü ki rete Séir yo ak Moabit ki rete ✧Ar yo te fè pou mwen, jiskaske mwen travèse Jourdain an pou antre nan peyi ke SENYÈ a, Bondye nou an, ap bannou an.’

30 Men ✧Sihon, wa Hesbon an, pa t dakò kite nou pase nan peyi pa li a; paske, SENYÈ a te fè lespri li rèd e kè li di, pou l ta kapab livre li nan men nou, jan ke li ye la jodi a.

31 Senyè a te di mwen: ‘Ou wè, Mwen te deja kòmanse livre Sihon avèk peyi li a nan men ou. Kòmanse okipe ou, pou nou kapab genyen peyi li a.’

32 Epi Sihon avèk tout pèp li a te parèt pou rankontre nou nan batay nan Jahats la. 33 SENYÈ a, Bondye nou an, te livre li bannou, e nou te ✧bat li avèk fis li yo ak tout pèp li a. 34 Konsa, nou te pran an kaptif tout vil li yo nan tan sa a, e nou te ✧konplètman detwi mesye yo, fanm yo, avèk pitit nan chak vil yo. Nou pa t menm kite youn vivan. 35 Se ✧sèl bèt nou te pran kòm piyaj nou, ak piyaj a vil ke nou te pran an kaptif.

36 Soti nan ✧Aroër ki nan arebò vale Arnon an; epi soti nan vil ki nan vale a, menm pou rive Galaad, pa t gen vil ki te twò wo pou nou; SENYÈ a, Bondye nou an, te livre yo bannou tout. 37 ✧Sèlman, nou pa t pwoche teritwa fis a Ammon yo, toupatou akote rivyè Jabbok la ak vil peyi mòn yo, ak nenpòt kote ke SENYÈ a, Bondye nou an, te kòmande nou.”

### 3

1 ✧“Alò, nou te vire monte nan wout la vè Basan, e Og, wa a Basan an avèk tout pèp li a te sòti pou rankontre nou nan batay nan Édrei. 2 Men SENYÈ a te di mwen: ‘Pa pè li, paske Mwen te livre li avèk tout pèp li a ak peyi li a nan men ou; epi ou va fè li menm jan ke ou te fè Sihon, wa Amoreyen yo, ki te rete Hesbon an.’

3 Konsa SENYÈ a, Bondye nou an, te livre osi Og, wa Basan an, avèk tout pèp li a nan men nou e nou te frape yo jis nanpwen ki te rete vivan. 4 Nou

✧ 2:20 Det 2:11 ✧ 2:22 Det 2:12 ✧ 2:23 Jos 13:3 ✧ 2:24 Nonb 21:13-14 ✧ 2:25 Egz 23:27  
✧ 2:26 Nonb 21:21-32 ✧ 2:28 Nonb 20:19 ✧ 2:29 Det 2:9 ✧ 2:30 Nonb 21:23 ✧ 2:33 Det 29:7 ✧ 2:34 Det 3:6 ✧ 2:35 Det 3:7 ✧ 2:36 Det 3:12 ✧ 2:37 Det 2:19 ✧ 3:1 Nonb 21:33-35

te pran an kaptif tout vil li yo nan tan sa a; nanpwen vil ke nou pa t pran sou yo: swasant vil, tout rejyon Argob la, wayòm a Og la, nan Basan. <sup>5</sup> Tout vil sa yo te fòtifye avèk miray ki wo, avèk pòtay byen bare; epi osi, anpil vil ki te san miray. <sup>6</sup> Nou te konplètman detwi yo, jis jan ke nou te fè a ✧Sihon, wa Hesbon an, e nou te ✧konplètman detwi gason, fanm ak pitit a chak vil yo. <sup>7</sup> ✧Men nou te piyajé tout bèt ak byen a vil yo.

<sup>8</sup> Konsa, nou te pran peyi a nan tan sa a nan men ✧wa Amoreyen yo ki te lòtbò Jourdain an, soti nan vale Arnon an jis rive nan Mòn Hermon an. <sup>9</sup> (Sidonyen yo rele Hermon ✧Sirion e Armoreyen yo rele li, ✧Senir) <sup>10</sup> tout vil nan platon yo, tout Galaad ak ✧tout Basan jis rive nan Salca ak Édrédi, vil a wayòm Og yo, nan Basan. <sup>11</sup> (Paske se sèl Og, wa Basan an ki te rete kòm retay a ✧Rephaïm yo. Gade byen, kabann li te fèt an fè; se pa Rabbath, vil a fis Ammon yo. Longè li se te nèf koude e lajè li se te kat koude nan koude nòm al.)

<sup>12</sup> Konsa, nou te vin pran posesyon a peyi sila nan tan sa a. Soti nan ✧Aroër, ki bò kote vale Arnon an, ak mwatye peyi ti mòn a ✧Galaad yo, avèk vil pa li yo, mwen te bay yo a Ribenit yo e a Gadit yo. <sup>13</sup> Rè s pati a Galaad la ak tout Basan an, wayòm a Og la, mwen te bay a mwatye tribi Manassé a, tout rejyon a Argob la (pa tout Basan, se li yo rele peyi a Rephaïm yo. <sup>14</sup> ✧Jair, fis a Manassé a te pran tout rejyon Argob la jis rive nan lizyè Gechiyen yo ak Maakatyen yo, e yo te rele li Basan, selon pwòp non pa li, Havvoth-Jair, e se konsa li rele jis jodi a.) <sup>15</sup> ✧A Makir, mwen te bay Galaad. <sup>16</sup> A Ribenit yo avèk Gadit yo, mwen te bay soti Galaad pou rive jis nan vale Arnon, mitan vale a sèvi kòm yon lizyè e jis nan rivyè ✧Jabbok la, ki se fwontyè a fis Ammon yo; <sup>17</sup> Araba a osi, avèk rivyè Jourdain an kòm yon lizyè soti ✧Kinnéreth jis rive nan lanmè Araba a, Lamè Sale a, nan pye a mòn Pisga nan lès.

<sup>18</sup> Epi mwen te kòmande nou nan tan sa a e te di: ✧“SENYÈ a, Bondye nou an, te bannou peyi sa a pou posede li; nou tout, mesye vanyan yo, nou va travèse avèk zam devan frè nou yo, fis Israèl yo. <sup>19</sup> ✧Men madanm nou yo avèk pitit nou yo ak bèt nou yo (mwen konnen ke nou genyen ✧anpil bèt) va rete nan vil ke mwen te bannou yo, <sup>20</sup> ✧jis SENYÈ a bay repo a sitwayen parèy a nou an, jis tankou nou; epi yo, osi, vin posede peyi ke SENYÈ a, Bondye nou an, va bay yo lòtbò Jourdain an. Nan moman sa a, nou tout kapab retounen nan pwòp posesyon pa l ke mwen te bannou an’.

<sup>21</sup> Mwen te kòmande Josué e te di: ‘Zye ou gen tan fin wè tout sa ke SENYÈ a, Bondye nou an, te fè a dè wa sa yo; konsa, SENYÈ a va fè nan tout wayòm kote ou prèt pou travèse yo. <sup>22</sup> Pa pè yo; paske SENYÈ a, Bondye nou an, ✧se Li menm k ap goumen pou nou.

<sup>23</sup> Nan tan sa a, osi, mwen te sipliye SENYÈ a, Bondye nou an, e te di: <sup>24</sup> O SENYÈ BONDYE, Ou te kòmanse montre sèvitè ou a jan ✧Ou gran ak men pwisan Ou; paske ki dye ki genyen nan syèl la oswa sou tè a, ki kapab fè kalite zèv sa yo, zèv pwisan tankou pa Ou yo. <sup>25</sup> Kite mwen pase, mwen priye Ou, travèse wè bèl peyi ki lòtbò Jourdain an, ✧bèl peyi mòn sa a avèk Liban.

✧ **3:6** Det 1:4 ✧ **3:6** Det 2:34 ✧ **3:7** Det 2:35 ✧ **3:8** Nonb 32:33 ✧ **3:9** Sòm 29:6 ✧ **3:9** I Kwo 5:23 ✧ **3:10** Jos 13:11 ✧ **3:11** Jen 14:5 ✧ **3:12** Det 2:36 ✧ **3:12** Nonb 32:32-38 ✧ **3:14** Nonb 32:41 ✧ **3:15** Nonb 32:39-40 ✧ **3:16** Nonb 21:24 ✧ **3:17** Nonb 34:11 ✧ **3:18** Jos 1:13 ✧ **3:19** Jos 1:14 ✧ **3:19** Nonb 32:1 ✧ **3:20** Jos 1:15 ✧ **3:22** Egz 14:14 ✧ **3:24** Det 11:2 ✧ **3:25** Det 4:22

<sup>26</sup> Men ✧SENYÈ a te fache avèk mwen akòz nou menm, e Li pa t koute mwen; epi SENYÈ a te di mwen: ‘Sa sifi! Pa pale M ankò de zafè sa a. <sup>27</sup> Monte sou tèt ✧Pisga, leve zye ou vè lwès, nan nò, sid avèk lès, e gade li avèk zye ou, paske ou p ap travèse Jourdain an. <sup>28</sup> ✧Men pale Josué, ankouraje li e ba li fòs, paske li va ale lòtbò a nan tèt a pèp sa a, e li va bay yo li kòm eritaj pa yo peyi ke ou va wè a.’

<sup>29</sup> Konsa, nou te rete nan vale anfas ✧Beth-Peor a.

## 4

<sup>1</sup> Koulye a, O Israèl, koute règleman avèk jijman ke mwen ap enstwi nou pou nou fè, pou ✧nou kapab viv. Antre ladann e pran posesyon a peyi a ke SENYÈ a, Bondye a zansèt nou yo, ap bannou. <sup>2</sup> ✧Nou p ap mete yon mo sou sa ke mwen ap kòmande nou an ni retire nan li; pou nou kapab kenbe kòmandman a SENYÈ a, Bondye nou an, ke mwen te kòmande nou yo.

<sup>3</sup> ✧Non Zye nou gen tan wè sa ke SENYÈ a te fè nan ka Baal-Peor a, paske tout moun ki te swiv Baal-Peor yo, SENYÈ a, Bondye nou an, te detwi yo nan mitan nou. <sup>4</sup> Men nou menm ki te kenbe fèm a SENYÈ a, Bondye nou an, nou vivan jodi a, nou chak.

<sup>5</sup> Nou wè, mwen te enstwi nou règleman avèk jijman yo ✧jis jan SENYÈ a, Bondye mwen an, te kòmande mwen an, pou nou ta fè konsa nan peyi kote nou ap antre pou posede a. <sup>6</sup> Pou sa, kenbe yo e fè yo ✧paske sa se sajès avèk konprann nou devan zye a tout pèp ki va tande tout règleman sa yo e ki va di: ‘Anverite, nasyon sa a se yon pèp ki saj e ki gen konprann.’ <sup>7</sup> Paske, ki gran nasyon ki genyen avèk yon dye ✧ki osi touprè li kòm SENYÈ a, Bondye nou an, nenpòt lè nou rele Li? <sup>8</sup> Oswa ki gran nasyon ki genyen avèk règleman ✧ak jijman ki dwat tankou sa ke mwen ap mete devan nou jodi a?

<sup>9</sup> Sèlman, ✧veye tèt nou e kenbe nanm nou avèk dilijans, pou nou pa bliye bagay ke zye nou te wè yo; epi pou yo pa kite kè nou pandan tout jou nan lavi nou; men ✧fè fis nou yo ak fis a fis nou yo konnen yo. <sup>10</sup> Sonje jou ke nou te kanpe devan SENYÈ a, Bondye nou an, nan mòn Horeb, lè SENYÈ a te di mwen: ‘Rasanble pèp Mwen an pou Mwen kapab kite yo tande pawòl Mwen, ✧pou yo kapab aprann gen lakrent Mwen pou tout jou ke yo ap viv sou late yo; epi pou yo kapab enstwi pitit pa yo.’

<sup>11</sup> Nou te pwoche e nou te kanpe nan pye mòn nan, ✧epi mòn nan te brile avèk dife jis rive nan kè syèl la: tenèb, nwaj avèk fènwa. <sup>12</sup> Epi SENYÈ a te pale avèk nou soti nan mitan dife a; nou te tande son pawòl yo, men nou pa t wè okenn fòm—sèlman yon vwa. <sup>13</sup> Konsa, Li te deklare bannou akò ke Li te kòmande nou pou fè a, sa vle di, ✧Dis Kòmandman yo; epi Li te ekri y sou de tab an wòch. <sup>14</sup> SENYÈ a te kòmande mwen nan tan sa a pou enstwi nou lwa avèk règleman li yo, pou nou ta kapab fè yo nan peyi kote nou pral travèse pou posede a.

<sup>15</sup> Pou sa, ✧veye tèt nou, akòz ke nou pa t wè okenn fòm nan jou ke SENYÈ a te pale avèk nou nan Horeb la, soti nan mitan dife a, <sup>16</sup> pou nou pa ai yon jan konwonpi e ✧fè yon imaj taye pou nou menm nan fòm a okenn

✧ 3:26 Det 1:37 ✧ 3:27 Nonb 23:14 ✧ 3:28 Nonb 27:18 ✧ 3:29 Nonb 25:1-3 ✧ 4:1 Lev 18:5 ✧ 4:2 Det 12:23 ✧ 4:3 Nonb 25:1-9 ✧ 4:5 Lev 26:46 ✧ 4:6 Det 30:19-20 ✧ 4:7 Sòm 34:17-18 ✧ 4:8 Sòm 89:14 ✧ 4:9 Det 4:23 ✧ 4:9 Jen 18:19 ✧ 4:10 Det 4:23 ✧ 4:11 Egz 19:18 ✧ 4:13 Egz 34:28 ✧ 4:15 Jos 23:11 ✧ 4:16 Egz 20:4

bagay, ki sanble a ni mal, ni femèl, <sup>17</sup> sanblab a nenpòt bèt ki sou latè, oswa sanblab a nenpòt <sup>✧</sup>zwazo a zèl ki vole anlè, <sup>18</sup> ki sanblab a nenpòt sa ki ranpe atè, ki sanblab a nenpòt pwason ki nan dlo anba tè a. <sup>19</sup> Epi veye ke nou pa leve zye nou vè syèl la pou wè solèy la, lalin avèk zetwal yo, avèk tout lame syèl la, <sup>✧</sup>e mennen pou adore ak sèvi yo, sila ke SENYÈ a, Bondye nou an, te chwazi pou tout lòt pèp anba tout syèl la. <sup>20</sup> Men SENYÈ a te pran nou e mennen nou sòti nan <sup>✧</sup>founo fè a, an Égypte, pou nou kapab yon pèp pou pwòp posesyon pa Li, tankou jodi a.

<sup>21</sup> <sup>✧</sup>Alò, SENYÈ a te fache avè m akòz de nou, e Li te sèman pou mwen pa t travèse Jourdain an; epi pou Mwen pa ta antre nan bon peyi ke SENYÈ a, Bondye nou an, ap bannou kòm eritaj nou an. <sup>22</sup> Paske, <sup>✧</sup>mwen va mouri nan peyi sila a, mwen p ap travèse Jourdain an; men nou va travèse e pran posesyon a <sup>✧</sup>bon peyi sila a. <sup>23</sup> Pou sa, veye nou, <sup>✧</sup>pou nou pa bliye akò a SENYÈ a, ke Li te fè avèk nou, e fè pou nou menm yon imaj taye nan okenn fòm kont sila SENYÈ Bondye nou an, te kòmande nou an. <sup>24</sup> Paske <sup>✧</sup>SENYÈ a, Bondye nou an, se yon dife voras, yon Bondye ki jalou.

<sup>25</sup> Lè nou devni papa a pitit, pitit a pitit, gen tan rete lontan nan peyi a, <sup>✧</sup>aji yon jan konwonpi, fè yon zidòl nan fòm a nenpòt bagay, e fè sa ki mal nan zye a SENYÈ a, Bondye nou an, pou pwovoke Li a lakòlè, <sup>26</sup> Mwen rele syèl la avèk tè a kòm temwen kont nou jodi a, ke nou va <sup>✧</sup>vrèman peri vit nan peyi kote nou ap pase Jourdain an pou posede a. Nou p ap viv pandan anpil tan ladann, men nou va detwi nèt. <sup>27</sup> SENYÈ a va <sup>✧</sup>gaye nou pami pèp yo; epi nou va rete pa anpil an kantite pami nasyon kote SENYÈ a bourade nou yo. <sup>28</sup> La, <sup>✧</sup>nou va sèvi dye yo, zèv men a lòm yo, bwa avèk wòch, ki pa wè ni tande, ni manje ni santi anyen. <sup>29</sup> Men soti la, nou va chache SENYÈ a; epi nou va jwenn Li si nou chache Li <sup>✧</sup>avèk tout kè nou e avèk tout nanm nou. <sup>30</sup> Lè nou nan gwo pwoblèm e tout bagay sa yo rive nou; nan dènye jou yo, <sup>✧</sup>nou va retounen a SENYÈ a, Bondye nou an, e nou va koute vwa Li. <sup>31</sup> Paske, SENYÈ a, Bondye nou an, se yon Bondye ki <sup>✧</sup>p len avèk mizerikòd; Li p ap lage nou, ni detwi nou ni bliye akò avèk zansèt nou yo ke Li te sèman a yo menm. <sup>32</sup> Anverite, <sup>✧</sup>mande, koulye a, konsènan ansyen jou avan nou yo, soti jou ke Bondye te kreye lòm sou latè a, e mande soti nan yon pwent syèl la jis rive nan lòt la. Èske yon gran bagay konsa janm fèt, oswa èske yo janm tande anyen konsa? <sup>33</sup> <sup>✧</sup>Èske okenn pèp te janm tande vwa Bondye pale ak yo soti nan mitan dife, jan nou te tande l e viv la? <sup>34</sup> Oswa èske yon dye te janm eseye pran pou li menm yon nasyon soti nan yon lòt nasyon <sup>✧</sup>pa eprè, pa sign ak mirak avèk lagè, pa <sup>✧</sup>yon men pwisan, pa yon bwa lonje e pa gran bagay etonan, jan SENYÈ a, Bondye nou an, te fè pou nou an Égypte devan zye nou? <sup>35</sup> A nou menm, li te montre ke nou ta kapab konnen ke SENYÈ a, se Bondye; <sup>✧</sup>nanpwenn lòt sof ke Li menm. <sup>36</sup> Soti nan syèl yo, Li te kite nou tande vwa Li pou <sup>✧</sup>korije nou; epi sou latè, Li te kite nou wè gran dife Li a; epi nou te tande pawòl Li soti nan mitan dife a. <sup>37</sup> Paske, Li te renmen zansèt nou yo; pou sa, Li te chwazi desandan apre yo. Epi Li menm, <sup>✧</sup>pou

<sup>✧</sup> 4:17 Wo 1:23 <sup>✧</sup> 4:19 Det 13:5-10 <sup>✧</sup> 4:20 I Wa 8:51 <sup>✧</sup> 4:21 Nonb 20:12 <sup>✧</sup> 4:22 Nonb 27:13-14 <sup>✧</sup> 4:22 Det 3:25 <sup>✧</sup> 4:23 Det 4:9 <sup>✧</sup> 4:24 Egz 24:17 <sup>✧</sup> 4:25 Det 4:16-23 <sup>✧</sup> 4:26 Det 7:4 <sup>✧</sup> 4:27 Lev 26:39 <sup>✧</sup> 4:28 Det 28:36-64 <sup>✧</sup> 4:29 Det 6:5 <sup>✧</sup> 4:30 Jr 4:1-2 <sup>✧</sup> 4:31 Egz 34:6 <sup>✧</sup> 4:32 Det 32:7 <sup>✧</sup> 4:33 Egz 20:22 <sup>✧</sup> 4:34 Det 7:19 <sup>✧</sup> 4:34 Det 5:15 <sup>✧</sup> 4:35 Egz 8:10 <sup>✧</sup> 4:36 Det 8:5 <sup>✧</sup> 4:37 Egz 33:14

kont Li, Li te mennen nou sòti an Égypte avèk gran pouvwa Li, <sup>38</sup> epi te pouse devan nou tout nasyon ki pi gran e ki pi pwisan ke nou menm yo, pou mennen nou antre ☆pou bannou teren pa yo kòm eritaj, jan li ye nan jodi a. <sup>39</sup> Pou sa, konnen jodi a e fè sa antre nan kè nou, ke ☆SENYÈ a, Li menm, se Bondye anwo nan syèl la e anba sou tè a; nanpwen lòt. <sup>40</sup> Pou sa, nou va kenbe règleman Li yo avèk kòmandman Li yo ke mwen ap bannou jodi a, ☆pou li kapab ale byen avèk nou e avèk zanfan apre nou yo; epi pou nou kapab viv anpil tan sou tè ke SENYÈ a, Bondye nou an, ap bannou pou tout tan an.” <sup>41</sup> ☆Epi Moïse te mete apa twa vil lòtbò Jourdain an vè lès, <sup>42</sup> pou yon moun ki touye yon moun ta kapab sove ale, ki te san entansyon touye vwazen li san ke li pa t gen rayisman anvè li nan tan pase yo; pou li ta kab sove ale nan youn nan vil sa yo: <sup>43</sup> ☆Betser, nan dezè sou platon an pou Ribenit yo, Ramoth nan Galaad pou Gadit yo ak Golan nan Basan pou Manasit yo. <sup>44</sup> Alò, sa se lalwa ke Moïse te mete devan fis Israèl yo; <sup>45</sup> sa yo se temwayaj avèk lwa avèk règleman ke Moïse te pale a fis Israèl yo, lè yo te sòti an Égypte, <sup>46</sup> anfas Jourdain an, nan vale ki ☆anfas Beth-Peor a, nan peyi a wa ☆Sihon an, wa Amoreyen yo ki te rete Hesbon an, ke Moïse avèk fis Israèl yo te bat lè yo te sòti an Égypte la. <sup>47</sup> Yo te pran posesyon a teren pa li an avèk teren ☆Og la, wa Basan an, de wa Amoreyen ki te anfas Jourdain yo vè lès, <sup>48</sup> soti nan ☆Aroër ki vin touche vale Arnon an, jis rive nan ☆Mòn Sion (sa vle di Hermon), <sup>49</sup> avèk tout Araba anfas Jourdain an vè lès, jis rive nan lanmè Araba, nan pye pant mòn Pisga a.

## 5

<sup>1</sup> Epi Moïse te rele tout Israèl e te di yo: “Koute, O Israèl, lwa avèk règleman ke mwen va pale jodi a yo nan tandè pa nou, pou nou kapab aprann yo e swiv yo avèk atansyon. <sup>2</sup> SENYÈ a, Bondye nou an, te fè ☆yon akò avèk nou nan Horeb. <sup>3</sup> ☆SENYÈ a pa t fè akò sa a avèk zansèt nou yo, men avèk nou, nou tout ki vivan isit la jodi a.

<sup>4</sup> SENYÈ a te pale fasafas avèk nou nan mòn nan ☆soti nan mitan dife a, <sup>5</sup> pandan ☆mwen te kanpe devan SENYÈ a ak nou menm, nan tan sa a, pou deklare a nou pawòl a SENYÈ a; paske nou te pè akòz dife a, e nou pa t monte nan mòn nan.

Li te di: <sup>6</sup> ☆“Mwen se SENYÈ a, Bondye nou an, ki te mennen nou sòti nan peyi Égypte la, andeyò kay esklavaj la. <sup>7</sup> ☆Nou pa pou gen lòt dye devan Mwen. <sup>8</sup> ☆Nou pa pou fè pou nou menm okenn zidòl, ni okenn imaj a sila ki anwo nan syèl la, ni anba sou tè a, ni nan dlo anba tè a. <sup>9</sup> Nou pa pou adore yo ni sèvi yo; paske Mwen, SENYÈ a, Bondye nou an, se yon Dye jalou, ki ☆vizite inikite a papa yo sou pitit yo, jis rive nan twazyèm ak katyèm jenerasyon a sila ki rayi Mwen yo, <sup>10</sup> men ki ☆montre lanmou dous a anpil milye, a sila ki renmen Mwen yo e ki kenbe kòmandman Mwen yo. <sup>11</sup> ☆Nou pa pou pran non SENYÈ a an ven, paske SENYÈ a p ap kite sila a ki pran non li an ven an san pinisyon.

<sup>12</sup> ☆Obsève jou Saba a pou kenbe l sen, jan SENYÈ a Bondye nou an te kòmande nou an. <sup>13</sup> Pandan sis jou, nou va travay pou fè tout zèv nou

☆ 4:38 Nonb 32:4 ☆ 4:39 Det 4:35 ☆ 4:40 Det 4:1 ☆ 4:41 Nonb 35:6 ☆ 4:43 Jos 20:8  
 ☆ 4:46 Det 3:29 ☆ 4:46 Nonb 21:21-25 ☆ 4:47 Det 1:4 ☆ 4:48 Det 2:36 ☆ 4:48 Det 3:9  
 ☆ 5:2 Egz 19:5 ☆ 5:3 Jr 31:32 ☆ 5:4 Det 4:33 ☆ 5:5 Gal 3:19 ☆ 5:6 Egz 20:2-17 ☆ 5:7  
 Egz 20:3 ☆ 5:8 Egz 20:4-6 ☆ 5:9 Egz 34:7 ☆ 5:10 Nonb 14:18 ☆ 5:11 Egz 20:7 ☆ 5:12  
 Egz 16:23-30

yo, <sup>14</sup> men ✨setyèm jou a, se yon Saba a SENYÈ a, Bondye nou an; nou pa pou fè okenn travay, ni nou menm ni fis nou, ni fi nou, ni sèvitè nou, ni sèvant nou, ni bèf kabwèt nou, ni bourik nou, ni okenn nan bèf nou yo, ni etranje ki vin demere pami nou, pou sèvitè avèk sèvant lan kapab pran repo menm jan ak nou. <sup>15</sup> ✨Nou va sonje ke nou te esklav nan peyi Égypte la, e ke SENYÈ a, Bondye nou an, te mennen nou sòti la avèk yon men pwisan, e ak bra Li ki lonje; pou sa, SENYÈ a, Bondye nou an, te kòmande nou pou obsève jou Saba a.

<sup>16</sup> ✨Onore papa nou avèk manman nou, jan SENYÈ a, Bondye nou an, te kòmande nou an, ✨pou jou nou yo kapab pwolonje, e pou sa kapab ale byen avèk nou nan peyi ke SENYÈ a bannou an. <sup>17</sup> ✨Nou pa pou touye moun. <sup>18</sup> ✨Nou pa pou fè adiltè. <sup>19</sup> ✨Nou pa pou vòlè. <sup>20</sup> Nou pa pou fè fo temwayaj kont vwazen nou. <sup>21</sup> Nou pa pou ✨anvi madanm vwazen nou, e nou pa pou anvi kay vwazen nou, chan li, oswa sèvitè li oswa sèvant li, bèf li, bourik li, ni okenn bagay ki pou vwazen nou.”

<sup>22</sup> “Pawòl sa yo SENYÈ a te pale avèk tout asanble nou yo nan mòn nan soti nan mitan dife a, nan nwaj la nan gwo fènwa a, avèk yon gwo vwa, e Li pa t mete anyen anplis. ✨Li te ekri yo sou de tablo wòch e Li te ban mwen yo.

<sup>23</sup> Epi lè nou te tande vwa a soti nan mitan fènwa a, pandan mòn nan te brile avèk dife a, nou te pwoche vè mwen, tout chèf tribi nou ak ansyen nou yo. <sup>24</sup> Nou te di: “Gade byen, SENYÈ a, Bondye nou an, te montre nou glwa Li avèk grandè Li, e nou te tande vwa Li soti nan mitan dife a. Nou te wè jodi a ke Bondye pale avèk lòm, malgre sa, li rete vivan.

<sup>25</sup> ✨Alò, poukisa nou ta dwe mouri? Paske gran dife sila a va brile nou; si nou tande vwa SENYÈ a toujou; alò, nou va mouri. <sup>26</sup> Paske, ✨se kilès ki fèt avèk chè ki tande vwa a Bondye vivan an k ap pale nan mitan dife a, tankou nou, e ki viv? <sup>27</sup> Ou menm ale touprè Li pou tande tout sa ke SENYÈ a, Bondye nou an pale nou, e nou va tande sa pou nou fè.

<sup>28</sup> SENYÈ a te tande vwa a pawòl nou yo lè nou te pale avèk mwen, ✨epi SENYÈ a te di mwen:” Mwen te tande vwa a pawòl a pèp sa a, ke yo te pale ak ou yo. Yo te fè byen nan sa ke yo te pale yo. O ke yo ta tèlman gen yon kè nan yo pou yo ta krent Mwen e kenbe tout kòmandman Mwen yo tout tan; pou li ta kapab byen pou yo ak tout fis yo pou tout tan. <sup>29</sup> ✨O ke yo ta tèlman gen yon kè nan yo pou yo ta krent Mwen e kenbe tout kòmandman Mwen yo tout tan, pou li ta kapab byen pou yo ak tout fis yo pou tout tan. <sup>30</sup> Ale di yo: “retounen nan tant nou”. <sup>31</sup> Men pou ou menm, kanpe isit la akote Mwen, pou Mwen kapab pale avèk ou tout kòmandman yo, lwa yo avèk jijman ke nou va montre yo pou yo kapab swiv yo nan peyi ke Mwen bay yo pou posede a.’

<sup>32</sup> Pou sa, nou va swiv e fè ojis jan SENYÈ a, Bondye nou an, te kòmande nou an; ✨nou pa pou vire ni adwat, ni agoch. <sup>33</sup> ✨Nou va mache nan tout chemen ke SENYÈ a, Bondye nou an, te kòmande nou an, pou nou kapab viv e pou sa kapab ale byen pou nou, pou jou nou yo kapab pwolonje nan peyi ke nou va posede a.

✨ 5:14 Jen 2:2 ✨ 5:15 Egz 20:11 ✨ 5:16 Egz 20:12 ✨ 5:16 Det 4:40 ✨ 5:17 Jen 9:6 ✨ 5:18 Egz 20:14 ✨ 5:19 Egz 20:15 ✨ 5:21 Egz 20:17 ✨ 5:22 Egz 24:12 ✨ 5:25 Egz 20:18-19 ✨ 5:26 Det 4:33 ✨ 5:28 Det 18:17 ✨ 5:29 Sòm 81:13 ✨ 5:32 Det 17:20 ✨ 5:33 Det 10:12

## 6

<sup>1</sup> Koulye a, sa se kòmandman an, lwa ak jijman ke SENYÈ a, Bondye nou an, te kòmande mwen pou enstwi nou, pou nou ta kapab fè nan peyi kote nou va travèse pou posede a, <sup>2</sup> pou nou menm avèk fis nou yo avèk pitit a fis nou yo kapab ☆gen lakrent SENYÈ a, Bondye nou an, pou kenbe tout règleman ak kòmandman Li yo, ke Mwen te kòmande nou, ☆tout jou nan vi nou yo, e pou jou nou yo kapab pwolonje.

<sup>3</sup> O Israèl, ou dwe koute e fè atansyon ak sa, pou sa kapab ale byen pou nou e pou nou kapab miltipliye anpil, jis jan ke SENYÈ a, Bondye a zansèt nou yo te pwomèt nou an; ☆yon peyi ki koule avèk lèt ak siwo myèl.

<sup>4</sup> Tande, O Israèl! SENYÈ a se Bondye nou, ☆SENYÈ a se youn! <sup>5</sup> ☆Nou va renmen SENYÈ a, Bondye nou an, ☆avèk tout kè nou, avèk tout nanm nou, e avèk tout fòs nou. <sup>6</sup> ☆Pawòl sa yo ke mwen ap kòmande nou jodi a, va sou kè nou. <sup>7</sup> ☆Nou va enstwi yo avèk dilijans a fis nou yo e nou va pale sou yo lè nou chita lakay nou, lè nou mache nan chemen lè nou kouche ak lè nou leve. <sup>8</sup> ☆Nou va mare yo kòm yon sign sou men nou e yo va tankou yon ransèyman sou fwon nou. <sup>9</sup> ☆Nou va ekri yo sou chanbrann pòt lakay nou ak sou pòtay yo.

<sup>10</sup> Alò, li va rive ke lè SENYÈ a, Bondye nou an, mennen nou nan peyi ke Li te sèman a zansèt nou yo, Abraham, Isaac, ak Jacob pou bannou, ☆vil ki gran e ki vrèman bèl, ke nou pa t bati, <sup>11</sup> epi kay yo ki plen avèk bon bagay ke nou pa t ranpli, ak sitèn yo fouye ke nou pa t fouye, chan rezen ak chan doliv ke nou pa t plante, epi ☆nou manje e satisfè. <sup>12</sup> Alò, veye nou menm, pou ☆nou pa bliye SENYÈ a ki te mennen nou sòti nan peyi Égypte la, andeyò kay esklavaj la.

<sup>13</sup> Nou va ☆krent sèlman SENYÈ a, Bondye nou an; nou va adore Li e sèman a pa non li. <sup>14</sup> Nou p ap swiv lòt dye yo, okenn nan dye a pèp ki antoure nou yo, <sup>15</sup> paske SENYÈ a, Bondye nou an, ☆nan mitan nou, se yon Dye jalou; otreman, kòlè Bondye nou an va limen kont nou, e Li va efase nou sou fas tè a.

<sup>16</sup> ☆Nou pa pou mete a leprèv SENYÈ a, Bondye nou an, jan nou te fè nan Massa a.

<sup>17</sup> Avèk dilijans, nou dwe kenbe kòmandman a SENYÈ yo, Bondye nou an; epi temwayaj avèk lwa Li yo, ke Li te kòmande nou.

<sup>18</sup> Nou va fè sa ki dwat e bon nan zye SENYÈ a, pou ☆sa kapab ale byen pou nou e pou nou kapab antre e posede bon peyi ke SENYÈ a te sèman a pou bay a zansèt nou yo, <sup>19</sup> lè nou pouse mete deyò tout lènmi nou yo devan nou, jan SENYÈ a te pale a.

<sup>20</sup> ☆Lè fis nou mande nou nan tan k ap vini yo, e di: ‘Kisa temwayaj, lwa ak jijman, ke SENYÈ a te kòmande nou yo vle di?’ <sup>21</sup> Alò, nou va di a fis nou yo: ‘Nou te esklav a Farawon an Égypte, e SENYÈ a te mennen nou sòti an Égypte avèk yon men pwisan. <sup>22</sup> Anplis, SENYÈ a te montre gwo sign dezaz ak mèvèy devan zye nou kont Égypte, Farawon, ak tout lakay li; <sup>23</sup> Li te mennen nou sòti kote sa a pou mennen nou antre, pou bannou peyi ke Li te sèman a zansèt nou yo.’

☆ **6:2** Egz 20:20 ☆ **6:2** Det 4:9 ☆ **6:3** Egz 3:8-17 ☆ **6:4** Det 4:35-39 ☆ **6:5** Mat 22:37 ☆ **6:5** Det 4:29 ☆ **6:6** Det 11:18 ☆ **6:7** Det 4:9 ☆ **6:8** Egz 12:14 ☆ **6:9** Det 11:20 ☆ **6:10** Det 9:1 ☆ **6:11** Det 8:10 ☆ **6:12** Det 4:9 ☆ **6:13** Det 13:4 ☆ **6:15** Jr 25:6 ☆ **6:16** Mat 4:7 ☆ **6:18** Det 4:40 ☆ **6:20** Egz 13:8-14



<sup>24</sup> Pou sa, SENYÈ a te kòmande nou pou swiv tout lwa sa yo, ✨pou krent SENYÈ a, Bondye nou an, pou pwòp avantaj pa nou, e pou nou kapab siviv, jan sa ye jis rive jodi a. <sup>25</sup> ✨Sa va sèvi kòm ladwati pou nou si nou fè atansyon pou swiv tout kòmandman sila yo devan SENYÈ a, Bondye nou an, jis jan ke Li te kòmande nou an.

## 7

<sup>1</sup> ✨“Lè SENYÈ a, Bondye nou an, mennen nou vini nan peyi kote nou ap antre pou posede a, e chase devan nou anpil lòt nasyon, Etyen yo, Gigachyen yo, Amoreyen yo, avèk Kanaaneyen yo, Perezit yo, Evyen yo, ak Jebizyen yo, sèt nasyon ki pi gran e ki pi pwisan ke nou yo; <sup>2</sup> epi lè SENYÈ a, Bondye nou an, delivre yo devan nou e nou fin bat yo, ✨alò, nou va detwi yo nèt. Nou p ap fè okenn akò avèk yo e nou p ap montre yo okenn favè. <sup>3</sup> Anplis, ✨nou p ap marye avèk yo; nou pa pou bay fi nou yo bay fis pa yo, ni nou p ap pran fi pa yo pou fis nou yo. <sup>4</sup> Paske, yo va detounen fis nou yo lwen pou sèvi Mwen, pou sèvi lòt dye yo, ✨kòlè SENYÈ a va limen kont nou, e Li va detwi nou byen vit. <sup>5</sup> Men se konsa nou va fè yo: ✨nou va chire lotèl yo, kraze pilye sakre yo, koupe an mòso tout potò Ashera yo, e brile imaj taye yo avèk dife. <sup>6</sup> Paske, nou se yon pèp ki ✨sen a SENYÈ a, Bondye nou an; SENYÈ a, Bondye nou an, te chwazi nou kòm yon pèp ki pou pwòp posesyon pa li pami tout pèp ki sou fas latè yo.

<sup>7</sup> ✨SENYÈ a pa t plase lanmou Li sou nou ni chwazi nou akòz ke nou te plis an kantite ke tout lòt pèp yo, paske nou te pi piti pase tout pèp yo, <sup>8</sup> men akòz SENYÈ a te renmen nou e te kenbe ✨sèman ke Li te fè a zansèt nou yo; ✨SENYÈ a te mennen nou sòti pa yon men pwisan, e te peye ranson nou soti nan kay esklavaj la, soti nan men Farawon, wa Égypte la.

<sup>9</sup> Konsa, konnen ke SENYÈ a, Bondye nou an, se Li ki Dye a, Bondye ki fidèl la, ✨ki kenbe akò Li ak lanmou dous Li pou jis rive nan mil jenerasyon avèk sila ki renmen Li yo e ki kenbe kòmandman Li yo. <sup>10</sup> Men ki ✨rekonpanse sila ki rayi Li yo devan figi yo, pou detwi yo; Li p ap fè reta avèk sila ki rayi Li a. Li va rekonpanse li devan figi li.

<sup>11</sup> Pou sa, nou va kenbe kòmandman yo, lwa avèk jijman ke Mwen ap kòmande nou yo jodi a, pou nou fè.

<sup>12</sup> ✨Epi li va vin rive ke akòz nou te koute jijman sa yo, nou te kenbe e te fè yo, ke SENYÈ Bondye nou an, va kenbe nou avèk akò Li ak lanmou dous ke Li te sèman vè zansèt nou yo. <sup>13</sup> Li va ✨renmen nou, beni nou, e fè nou vin miltipliye; Li va, osi, beni fwi a vant nou, fwi a tè nou, e diven nèf ak lwil nou, kwasans a twoupo nou, avèk jenn bann mouton nou, nan peyi ke Li te sèman a zansèt nou yo pou bannou. <sup>14</sup> Nou va beni plis ke tout pèp; ✨p ap gen ni mal, ni femèl k ap esteril pami nou ni pami bèt nou yo.

<sup>15</sup> ✨Senyè a va retire pami nou tout maladi; epi Li p ap mete sou nou okenn nan move maladi Égypte ke nou te konnen yo, men Li va mete yo sou tout sila ki rayi nou yo. <sup>16</sup> Nou va devore tout pèp ke SENYÈ Bondye nou an, va livre bannou; ✨zye nou p ap bay yo pitye, ni nou p ap sèvi dye pa yo, paske sa ta yon pèlen pou nou.

✨ 6:24 Det 10:12 ✨ 6:25 Det 24:13 ✨ 7:1 Det 20:16-18 ✨ 7:2 Nonb 31:17 ✨ 7:3 Egz 34:15  
 ✨ 7:4 Det 4:26 ✨ 7:5 Egz 23:24 ✨ 7:6 Egz 19:6 ✨ 7:7 Det 4:37 ✨ 7:8 Egz 32:13 ✨ 7:8  
 Egz 32:1-3 ✨ 7:9 Egz 20:6 ✨ 7:10 És 59:18 ✨ 7:12 Lev 26:3-13 ✨ 7:13 Sòm 146:8 ✨ 7:14  
 Egz 23:26 ✨ 7:15 Egz 15:26 ✨ 7:16 Det 7:2

17 Si nou ta di nan kè nou: ‘Nasyon sa yo pi gran ke nou; kijan mwen kapab ✨chase yo?’ 18 nou pa pou pè yo; nou va byen ✨sonje sa ke SENYÈ a, Bondye nou an, te fè Farawon ak tout Égypte: 19 ✨nou te wè avèk zye nou gwo eprèv, sign avèk mèvèy, men pwisan avèk bwa lonje pa sila ke SENYÈ a, Bondye nou an, te mennen nou sòti. Konsa, SENYÈ a, Bondye nou an, va fè ak tout pèp ke nou konn pè yo.

20 Anplis, SENYÈ a, Bondye nou an, va voye ✨gèp kont yo, jiskaske tout sila ki te rete kache yo vin mouri. 21 Nou pa pou pè yo, paske ✨SENYÈ a, Bondye nou an, nan mitan nou, ✨yon gran Bondye ki mèvèye.

22 ✨SENYÈ a, Bondye nou an, va netwaye retire nasyon sa yo devan nou mòso pa mòso; nou p ap kab fini avèk yo vit yon sèl kou, paske bèt sovaj yo ta vin peple twòp pou nou. 23 ✨Men SENYÈ a, Bondye nou an, va livre yo devan nou e Li va jete yo nan gran konfizyon jiskaske yo vin detwi. 24 Li va livre wa yo nan men nou pou nou fè non yo peri anba syèl la; nanpwen yon moun ki kab kanpe devan nou jiskaske nou fin detwi yo nèt.

25 Imaj a dye pa yo, nou va ✨brile yo avèk dife; nou p ap anvi ni ajan ni lò ki sou yo, ni pran yo pou nou menm; sinon, sa va ✨devni yon pèlen pou nou, paske se yon abominasyon a SENYÈ a, Bondye nou an. 26 Nou p ap fè antre yon abominasyon konsa lakay nou, oswa tankou li, nou va vin anba ✨madichon; rayi li nèt e deteste li, paske li se yon bagay ki anba madichon.”

## 8

1 Tout kòmandman ke Mwen ap kòmande nou jodi a, nou va fè atansyon pou fè yo, pou nou ✨kapab viv, multipliyè, e antre ladann pou posede peyi ke SENYÈ a te sèmante a zansèt nou yo.

2 ✨Nou va sonje tout jan ke SENYÈ a, Bondye nou an, te mennen nou nan dezè a pandan karantan sila yo, pou Li te kapab fè nou vin enb e pase nou a leprèv, pou konnen kisa ki te nan kè nou, pou si oswa nou pa t kenbe kòmandman Li yo.

3 Li te fè nou vin enb, Li te kite nou grangou, e Li te bannou manje lamàn ke nou pa t konnen, ni zansèt nou yo pa t konnen, pou Li te kapab fè nou konprann ke ✨lòm pa viv sèlman pa pen, men lòm viv pa tout bagay ki sòti nan bouch SENYÈ a. 4 ✨Rad nou yo pa t epwize sou nou, ni pye nou pa t anfle pandan karantan sila yo. 5 ✨Konsa, nou fèt pou konnen nan kè nou, ke SENYÈ a, Bondye nou an, t ap korije nou jis jan ke yon mesye korije fis li.

6 Pou sa, nou va kenbe kòmandman a SENYÈ yo, Bondye nou an, pou mache nan chemen Li an, e pou krent Li. 7 Paske, ✨SENYÈ a, Bondye nou an, ap mennen nou antre nan yon bon peyi, yon peyi ki gen anpil ti rivyè, sous dlo, sous k ap koule, ki kouri nan vale avèk ti mòn; 8 yon peyi avèk ble ak lòj, avèk pye rezen, pye fig, avèk grenad, yon peyi avèk lwil doliv ak siwo myèl; 9 yon peyi kote nou va manje manje san manke, ladann nou p ap manke anyen; yon peyi kote wòch se fè; epi kote nan ti mòn yo, nou kab fouye kwiv.

10 Lè ✨nou fin manje e satisfè, nou va beni SENYÈ a, Bondye nou an, pou

✨ 7:17 Nonb 33:53 ✨ 7:18 Sòm 105:5 ✨ 7:19 Det 4:34 ✨ 7:20 Egz 23:28 ✨ 7:21 Egz 29:45  
 ✨ 7:21 Det 10:17 ✨ 7:22 Egz 23:29-30 ✨ 7:23 Egz 23:27 ✨ 7:25 Egz 32:20 ✨ 7:25 Det 7:16  
 ✨ 7:26 Lev 27:28 ✨ 8:1 Det 4:1 ✨ 8:2 Det 8:16 ✨ 8:3 Mat 4:4 ✨ 8:4 Det 4:36 ✨ 8:5 Det 4:36 ✨ 8:7 Det 11:9-12 ✨ 8:10 Det 6:11

bon peyi ke Li te bannou an. <sup>11</sup> Veye pou nou pa ❖bliye SENYÈ a, Bondye nou an, e pou pa kenbe kòmandman Li yo, lwa Li yo avèk règleman Li yo ke Mwen ap kòmande nou jodi a. <sup>12</sup> Otreman, ❖lè nou te manje e satisfè, e fin bati bon kay pou nou viv nan yo, <sup>13</sup> epi lè twoupo nou avèk bann mouton nou yo vin miltipliye, ajan avèk lò nou yo vin anpil, e tout sa nou posede vin miltipliye, <sup>14</sup> alò, kè nou va vin plen ak ògèy, e nou va ❖bliye SENYÈ a, Bondye nou an.

Ki te mennen nou sòti nan peyi Égypte la, andeyò kay esklavaj la. <sup>15</sup> Li te mennen nou nan gran dezè tèrib sa a, avèk ❖sèpan pwazon ak eskòpyon, ak tè swaf kote ki pa t gen dlo; Li te ❖fè dlo sòti pou nou nan wòch silèks la. <sup>16</sup> Nan dezè a, Li te bannou lamàn ke zansèt nou yo pa t konnen, pou Li te kapab fè nou vin enb e pou Li te kapab fè nou ❖pase a leprèv, pouke alafen, sa te kab ale byen pou nou. <sup>17</sup> Otreman, ❖nou ta di nan kè nou: ‘Se fòs nou avèk kouraj nou ki te bannou tout richès sa a.’ <sup>18</sup> Men nou va sonje SENYÈ a, Bondye nou an, paske ❖se Li ki ap bannou pouvwa pou fè richès, pou Li kapab konfime akò ke Li te sèman a zansèt nou yo, jan sa ye jodi a. <sup>19</sup> Li va rive ke si nou bliye SENYÈ a, Bondye nou an, pou swiv lòt dye yo e adore yo, ❖Mwen ap fè temwayaj kont nou jodi a menm ke anverite, nou va peri. <sup>20</sup> Jan nasyon ke SENYÈ a ap fè peri devan nou yo, konsa ❖nou va peri, akoz ke nou pa t koute vwa a SENYÈ a, Bondye nou an.”

## 9

<sup>1</sup> “Koute O Israël! Nou travèse lòtbò Jourdain an jodi a pou antre ladann peyi a e pou deplase ❖nasyon ki pi gran e pi pwisan ke nou yo, gran vil byen fòtifye jis rive nan syèl yo, <sup>2</sup> Yon pèp ki gran e wo, fis a Anak yo jeyan yo, ke nou konnen e te tandè yo di: ❖‘Kilès ki kab kanpe devan fis Anak yo?’ <sup>3</sup> Pou sa, konnen ke jodi a, se SENYÈ a, Bondye nou an, ki ap travèse devan nou tankou ❖yon dife devoran. Li va detwi yo e Li va donte yo devan nou pou nou kapab chase yo sòti e detwi yo vit, jis jan ke SENYÈ a te pale nou an.

<sup>4</sup> Pa fè kè di lè SENYÈ a, Bondye nou an, fin chase yo deyò devan nou, ‘Se akoz ladwati mwen, SENYÈ a te mennen mwen antre pou posede peyi sa a,’ men se ❖akoz mehanste a nasyon sila yo ke SENYÈ a ap fè yo deplase devan nou. <sup>5</sup> Se ❖pa pou ladwati nou, ni kè dwat nou, ki fè nou ap vin posede peyi a, men akoz mehanste a nasyon sila yo ke SENYÈ a, Bondye nou an, ap chase yo devan nou, pou konfime sèman ke SENYÈ a te fè avèk zansèt nou yo, Abraham, Isaac, ak Jacob.

<sup>6</sup> Pou sa, byen konnen ke se pa akoz ladwati nou ke SENYÈ a ap bannou bon peyi sa a pou posede; paske, nou se ❖yon pèp tèt di.

<sup>7</sup> Sonje, pa bliye jan nou te pwovoke SENYÈ a, Bondye nou an, a lakòlè nan dezè a; ❖soti jou ke nou te kite peyi Égypte la jiskaske nou te rive nan kote sa a, nou te fè rebèl kont SENYÈ a. <sup>8</sup> Menm ❖nan Horeb, nou te pwovoke SENYÈ a lakòlè, e SENYÈ a te tèlman fache avèk nou ke Li te prèt pou detwi nou.

❖ **8:11** Det 4:9   ❖ **8:12** Pwov 30:9   ❖ **8:14** Det 8:11   ❖ **8:15** Nonb 21:6   ❖ **8:15** Egz 17:6  
 ❖ **8:16** Det 8:2   ❖ **8:17** Det 9:4   ❖ **8:18** Pwov 10:22   ❖ **8:19** Det 4:26   ❖ **8:20** Éz 5:5-17  
 ❖ **9:1** Det 4:38   ❖ **9:2** Nonb 13:22   ❖ **9:3** Det 4:24   ❖ **9:4** Lev 18:3-30   ❖ **9:5** Tit 3:5   ❖ **9:6**  
 Det 9:13   ❖ **9:7** Egz 14:10   ❖ **9:8** Egz 32:7-10

<sup>9</sup> Lè mwen te monte nan mòn nan pou resevwa tablo wòch yo, tablo akò ke SENYÈ a te fè avèk nou an; alò, mwen te rete sou mòn nan pandan karant jou ak karant nwit; ✧mwen pa t manje pen ni bwè dlo. <sup>10</sup> SENYÈ a te ban mwen de tab wòch ki te ✧ekri ak dwèt Bondye; epi sou yo tout pawòl ke SENYÈ a te pale avèk nou nan mòn nan nan mitan dife a nan jou asanble a.

<sup>11</sup> Li te vin rive ✧nan fen karant jou ak karant nwit yo, ke SENYÈ a te ban mwen de tablo wòch, tab akò yo. <sup>12</sup> ✧Alò, SENYÈ a te di mwen: “Leve, desann soti isit la byen vit, paske pèp ou a ke nou te fè sòti an Égypte la te vin konwonpi. Yo te vire akote chemen ke Mwen te kòmande a; yo te fè yon imaj fonn pou yo.

<sup>13</sup> SENYÈ a te pale plis avè m e te di: “Mwen te wè pèp sa a, vrèman, li se ✧yon pèp ki di. <sup>14</sup> Kite Mwen sèl pou M kapab detwi yo e ✧efase non yo soti anba syèl la; Mwen va fè a ou menm yon nasyon pi pwisan e pi gran ke yo.

<sup>15</sup> ✧Epi mwen te vire e te desann mòn nan pandan mòn nan t ap brile avèk dife; epi de tab akò yo te nan de men m. <sup>16</sup> Epi mwen te wè ke, vrèman, nou te peche kont SENYÈ a, Bondye nou an. Nou te fè pou nou menm yon ti bèf fonn; nou te vire detounen byen vit kite chemen ke SENYÈ a te kòmande nou an. <sup>17</sup> Mwen te pran de tab sa yo, mwen te jete yo sòti nan men m, e te kraze yo devan zye nou.

<sup>18</sup> ✧Mwen te tonbe ba devan SENYÈ a, yon fwa ankò, pandan karant jou ak karant nwit; mwen pa t manje pen ni bwè dlo, ✧akoz tout peche ke nou te fè nan fè sa ki mal nan zye SENYÈ a, pou pwovoke Li a lakòlè. <sup>19</sup> Paske, ✧Mwen te pè lakòlè ak chalè mekontantman avèk sila SENYÈ a te fache kont nou pou L te kapab detwi nou an, men SENYÈ a te koute mwen fwa sa a tou.

<sup>20</sup> SENYÈ a te ase fache avèk Aaron pou detwi li; epi mwen te priye anplis pou Aaron nan menm lè sa a.

<sup>21</sup> ✧Mwen te pran sa ki peche nou an, ti bèf ke nou te fè a, e mwen te brile li avèk dife e te kraze li fen jiskaske li te vin tankou poud; epi mwen te jete poud li nan ti flèv dlo ki te pase desann nan mòn nan.

<sup>22</sup> Ankò, nan ✧Tabeéra, nan Massa, ak nan Kibroth-Hattaava, nou te pwovoke SENYÈ a lakòlè. <sup>23</sup> Lè SENYÈ a te voye nou soti Kadés-Barnéa, Li te di: ‘Ale monte pou posede tè ke mwen te bannou an; men nou te fè rebèl kont kòmand SENYÈ a, Bondye nou an; ni ✧nou pa t kwè Li, ni koute vwa Li. <sup>24</sup> ✧Nou te fè rebèl kont SENYÈ a depi jou ke m te konnen nou an.

<sup>25</sup> ✧Konsa, mwen te vin tonbe devan SENYÈ a pandan karant jou ak karant nwit, ke m te fè akòz SENYÈ a te di Li t ap detwi nou. <sup>26</sup> ✧Mwen te priye a SENYÈ a e mwen te di: ‘O SENYÈ a, pa detwi pèp Ou a, eritaj Ou menm nan, ke Ou te peye ranson selon grandè Ou, pou Ou te mennen sòti an Égypte avèk yon men pwisan.

<sup>27</sup> Sonje sèvitè nou yo, Abraham, Isaac, ak Jacob; pa gade rebelyon a pèp sila a, ni sou mechanste yo oswa peche yo. <sup>28</sup> Otreman, peyi kote Ou te mennen nou sòti a, kapab di: ✧“Akòz SENYÈ a pa t kapab mennen yo antre

✧ 9:9 Egz 24:18 ✧ 9:10 Det 4:13 ✧ 9:11 Det 9:9 ✧ 9:12 Egz 32:7-8 ✧ 9:13 Det 10:16  
 ✧ 9:14 Sòm 9:5 ✧ 9:15 Egz 32:15-19 ✧ 9:18 Egz 34:28 ✧ 9:18 Egz 34:9 ✧ 9:19 Egz 32:10  
 ✧ 9:21 Egz 32:20 ✧ 9:22 Nonb 11:3 ✧ 9:23 Det 1:26 ✧ 9:24 Det 9:7 ✧ 9:25 Det 9:18  
 ✧ 9:26 Egz 32:11-13 ✧ 9:28 Egz 32:12

nan peyi ke Li te pwomèt yo a, e akoz Li te rayi yo, Li te mennen yo deyò pou touye yo nan dezè a.”<sup>29</sup> Men se pèp Ou yo ye, ✨eritaj Ou menm, ke Ou te mennen sòti pa gran pouvwa avèk bra lonje.

## 10

<sup>1</sup> Nan tan sa a, SENYÈ a te di mwen: ✨“Taye pou kont ou de tab wòch tankou premye yo, monte kote Mwen sou mòn nan, e ✨fè yon lach an bwa pou kont ou. <sup>2</sup> ✨Mwen va ekri sou tab yo pawòl ki te nan premye tab ke ou te kraze yo, e ou va mete yo nan lach la.’

<sup>3</sup> Konsa, mwen te fè yon lach avèk bwa akasya e mwen te ✨taye de tab wòch tankou premye yo, e mwen te monte sou mòn nan avèk de tab yo nan men m. <sup>4</sup> Li te ekri sou tab yo tankou premye ekriti a, ✨Dis Kòmanman ✨ke SENYÈ a te pale a nou menm sou mòn nan soti nan mitan dife a nan jou asanble a; epi SENYÈ a te ban mwen yo. <sup>5</sup> Epi mwen te vire ✨desann kite mòn nan, mwen te ✨mete tab yo nan lach ke mwen te fè a; epi se la yo ye, jan SENYÈ a te kòmande mwen an.”

<sup>6</sup> (Alò, fis Israèl yo te kite Beéroth-Bene-Jaakan pou rive Moséra. ✨La Aaron te mouri, la li te antere, e fis li a, Eléazer te fè sèvis prèt nan plas li. <sup>7</sup> ✨Soti la, yo te pati pou Gudgoda e soti Gudgoda a Jothbatha, yon peyi avèk anpil ti flèv dlo. <sup>8</sup> Nan moman sa a, SENYÈ a te mete apa tribi Lévi a pou pote lach akò SENYÈ a pou kanpe devan Li, pou sèvi Li e pou beni nan non Li jiska jodi a. ✨<sup>9</sup> ✨ Akoz sa, Lévi pa gen pòsyon ni eritaj pami frè li yo; SENYÈ a se eritaj pa li, jis jan SENYÈ a, Bondye nou an, te pale a li a.

<sup>10</sup> ✨Mwen anplis te rete sou mòn nan pandan karant jou ak karant nwit tankou premye fwa a; epi SENYÈ a te koute mwen fwa sa a tou; SENYÈ a pa t dakò detwi nou. <sup>11</sup> Alò, SENYÈ a te di mwen: “Leve, ale nan vwayaj ou devan pèp la, pou yo kapab antre ladann e posede peyi ke Mwen te sèman a zansèt yo pou M bay yo a.’

<sup>12</sup> ✨Alò, Israèl, kisa SENYÈ a, Bondye nou an, mande a nou menm, sof ke krent SENYÈ a, mache nan tout chemen Li yo, ✨renmen Li, e sèvi Li avèk tout kè nou ak tout nanm nou, <sup>13</sup> pou kenbe kòmandman SENYÈ a avèk lwa Li yo, ke mwen ap kòmande nou jodi a pou pwòp avantaj pa nou.

<sup>14</sup> Gade byen, syèl la avèk syèl piwo yo se ✨pou SENYÈ a, Bondye nou an, e ✨tè a avèk tout sa ki ladann. <sup>15</sup> ✨Malgre sa, SENYÈ a te mete sou zansèt nou yo afeksyon Li, pou renmen yo, e Li te chwazi desandan apre nou yo, nou menm devan tout lòt pèp yo, jan li ye jodi a menm. <sup>16</sup> ✨Pou sa, se pou nou sikonsi kè nou, e ✨pa kite kè nou di ankò.

<sup>17</sup> ✨Paske SENYÈ a, Bondye nou an, se Bondye a dye yo e ✨SENYÈ a senyè yo, Bondye ki gran an, pwisan e etonan an, ki pa montre favè a pèsòn, ni pa vann favè Li anba tab. <sup>18</sup> Li fè jistis pou ✨òfelen ak vè la, e Li montre amou Li pou etranje a lè Li ba li manje avèk rad. <sup>19</sup> ✨Pou sa, montre amou pa nou vè etranje a, paske nou te etranje nan peyi Égypte la.

✨ 9:29 Det 4:20 ✨ 10:1 Egz 34:1 ✨ 10:1 Egz 25:10 ✨ 10:2 Det 4:13 ✨ 10:3 Egz 34:4 ✨ 10:4 Egz 34:28 ✨ 10:4 Egz 20:1 ✨ 10:5 Egz 34:29 ✨ 10:5 Egz 40:20 ✨ 10:6 Nonb 20:25-28 ✨ 10:7 Nonb 33:33-34 ✨ 10:8 Nonb 3:6; Det 17:12 ✨ 10:9 Nonb 18:20-24 ✨ 10:10 Egz 34:28 ✨ 10:12 Mi 6:8 ✨ 10:12 Det 6:5 ✨ 10:14 I Wa 8:27 ✨ 10:14 Sòm 24:1 ✨ 10:15 Det 4:37 ✨ 10:16 Lev 26:41 ✨ 10:16 Det 9:6 ✨ 10:17 Jos 22:22 ✨ 10:17 Rev 17:14 ✨ 10:18 Egz 22:22-24 ✨ 10:19 Lev 19:34

<sup>20</sup> Nou va krent SENYÈ a, Bondye nou an; nou va sèvi Li, ✧kole kote Li, e ✧nou va sèman pa non pa Li. <sup>21</sup> Se Li menm ki ✧lwanj nou, se Li menm ki Bondye nou, se Li menm ki te fè gran bagay etonan sa yo pou nou ke zye nou te wè. <sup>22</sup> ✧Zansèt nou yo te desann an Égypte, swasann-dis pèsòn antou; epi koulye a, SENYÈ a, Bondye nou an, te fè nou vin anpil tankou zetwal syèl yo.”

## 11

<sup>1</sup> Pou sa, nou va ✧renmen SENYÈ a, Bondye nou an, e nou va toujou ✧kenbe lòd Li, lwa Li yo, ak règleman Li yo, avèk kòmandman Li yo. <sup>2</sup> Byen konnen nan jou sa a, ✧ke Mwen p ap pale avèk fis nou yo ki potko konnen e ki potko wè chatiman SENYÈ a, Bondye nou an,—grandè Li, men pwisans Li ak bra lonje Li a, <sup>3</sup> epi ✧sign Li yo avèk zèv Li yo ke Li te fè nan mitan Égypte a Farawon an, wa Égypte la, e a tout peyi li a; <sup>4</sup> epi sa Li te fè a lame Égypte la, a cheval li yo avèk cha li yo, ✧lè Li te fè dlo Lamè Wouj la kouvri yo pandan yo t ap kouri dèyè nou, e SENYÈ a te detwi yo nèt; <sup>5</sup> epi sa Li te fè a nou menm nan dezè a jiskaske nou te vini kote sa a; <sup>6</sup> epi sa Li te fè a ✧Dathan avèk Abiram, fis a Éliab yo, fis a Ruben, lè tè a te ouvri bouch li, pou te vale yo, tout moun lakay yo, tant yo, ak ✧tout bagay vivan nan tout Israèl ki te swiv yo— <sup>7</sup> men se pwòp zye pa nou ki te wè tout gran zèv ke SENYÈ a te fè yo.

<sup>8</sup> Pou sa, nou va kenbe tout kòmandman ke mwen ap kòmande nou jodi a, ✧pou nou kapab gen fòs pou antre e posede peyi a nan sila nou prèt pou travèse pran an; <sup>9</sup> ✧jis pou jou nou yo kapab vin pi plis nan peyi ke SENYÈ a te sèman a zansèt nou yo pou ba yo ak desandan pa yo, ✧yon peyi ki koule avèk lèt ak siwo myèl. <sup>10</sup> Paske, peyi kote nou ap antre pou posede a, se pa tankou peyi Égypte la, kote nou sòti a, kote nou te konn plante semans nou e wouze li avèk pye nou tankou yon jaden legim. <sup>11</sup> Men ✧peyi kote nou prèt pou travèse pran an, yon peyi avèk ti mòn ak vale, bwè dlo ki sòti nan lapli syèl la, <sup>12</sup> yon peyi ke SENYÈ a, Bondye nou an, renmen anpil; ✧zye a SENYÈ a, Bondye nou an, toujou sou li, soti nan kòmansman jis rive nan fen ane a.

<sup>13</sup> Li va vin rive ke si nou ✧koutè avèk obeyisans a kòmandman mwen yo, ke mwen ap kòmande nou jodi a, pou nou renmen SENYÈ a, Bondye nou an, e sèvi Li avèk tout kè nou e avèk tout nanm nou, <sup>14</sup> ke ✧Li va bay lapli pou peyi nou nan sezon li, lapli premye sezon ak lapli dènye sezon, pou nou kapab fè antre sereyal avèk diven nèf, avèk lwil. <sup>15</sup> ✧Li va bannou zèb nan chan nou yo pou bèt nou yo, e ✧nou va manje e satisfè.

<sup>16</sup> ✧Veye nou pou kè nou pa vin sedwi; epi pou nou pa vire akote pou sèvi lòt dye yo e adore yo. <sup>17</sup> Sinon, ✧lakòlè SENYÈ a va limen kont nou; epi Li va fèmen ✧syèl yo pou pa gen lapli e tè a p ap donner fwi li; epi nou va peri vit soti nan bon peyi ke SENYÈ a ap bannou an. <sup>18</sup> ✧Pou sa, nou va tache pawòl sa yo sou kè nou ak sou nanm nou; epi nou va mare yo tankou yon sign sou men nou e yo va tankou très cheve nan fwon nou.

✧ 10:20 Det 11:22 ✧ 10:20 Det 5:11 ✧ 10:21 Sòm 109:1 ✧ 10:22 Jen 46:27 ✧ 11:1 Det 6:5  
 ✧ 11:1 Lev 18:30 ✧ 11:2 Det 4:34 ✧ 11:3 Egz 7:8-21 ✧ 11:4 Egz 14:28 ✧ 11:6 Nonb 16:1-35  
 ✧ 11:6 Nonb 26:10-11 ✧ 11:8 Det 31:6-23 ✧ 11:9 Det 4:40 ✧ 11:9 Egz 3:8 ✧ 11:11 Det 8:7  
 ✧ 11:12 I Wa 9:3 ✧ 11:13 Lev 26:3 ✧ 11:14 Lev 26:4 ✧ 11:15 Sòm 104:14 ✧ 11:15 Det 6:11  
 ✧ 11:16 Job 31:27 ✧ 11:17 Det 6:15 ✧ 11:17 I Wa 8:35 ✧ 11:18 Egz 13:9-16

19 ✨Nou va enstwi yo a fis nou yo nan pale sou yo lè nou chita lakay nou, lè nou mache akote wout la, e lè nou kouche ak lè nou leve. 20 ✨Nou va ekri yo nan poto chanbrann lakay nou ak sou pòtay nou yo, 21 jis pou ✨jou nou yo avèk jou a fis nou yo kapab vin miltipliye nan peyi kote SENYÈ a te sèman a zansèt nou yo pou bay yo, toutotan syèl yo ap rete sou tè a.

22 Paske si nou fè atansyon pou kenbe tout kòmandman sa yo ke mwen ap kòmande nou pou fè yo, ✨pou renmen SENYÈ a, Bondye nou an, pou mache nan tout chemen Li yo e ✨kenbe fèm a Li, 23 alò, SENYÈ a va ✨chase tout nasyon yo soti devan nou; epi nou va ✨deplase nasyon ki pi gran e ki pi pwisan ke nou yo. 24 Nenpòt kote ke pye nou pile va vin pou nou; ✨lizyè nou va soti nan dezè a pou jis rive Liban, soti nan rivyè a, Rivyè Lefrat la, pou jis rive nan lanmè lwès la. 25 ✨P ap gen pèsòn ki kapab kanpe devan nou; SENYÈ a, Bondye nou an, va mete gwo panik de nou ak laperèz nou sou tout peyi kote nou foule pye nou yo, jan Li te deja pale nou an.

26 ✨Gade, mwen ap mete devan nou jodi a yon benediksyon avèk yon malediksyon; 27 ✨Benediksyon an si nou koute kòmandman a SENYÈ yo, Bondye nou an ke mwen kòmande nou jodi a; 28 epi ✨malediksyon an si nou pa koute kòmandman a SENYÈ yo, Bondye nou an, men vire akote chemen ke mwen ap kòmande nou jodi a pou swiv lòt dye ke nou pa t konnen yo.

29 Sa kab vini. Lè SENYÈ a, Bondye nou an, mennen nou nan peyi kote n ap antre posede a, pou nou kapab plase benediksyon an nan mòn Garizim nan e malediksyon an nan mòn Ebal la. 30 Èske yo pa anfas Jourdain an, vè lwès, vè solèy kouche a, nan peyi Kanaaneyen ki rete Araba yo, anfas ✨Guilgal, akote ✨chenn Moré yo.

31 Paske, nou prèt pou travèse Jourdain an pou antre posede peyi ke SENYÈ a, Bondye nou an, ap bannou an, e ✨nou va posede li pou viv ladann. 32 epi nou va fè atansyon pou fè tout sa lalwa avèk jijman ke mwen ap mete devan nou jodi a.

## 12

1 “Sa yo se lwa avèk jijman ke nou va swiv avèk atansyon nan peyi ke SENYÈ a, Bondye a zansèt nou yo, te bannou pou posede ✨pandan tout tan ke n ap viv sou tè a.

2 Nou va detwi nèt tout kote ke nasyon yo mete dye pa yo pou sèvi yo, sou ✨mòn wo yo, sou ti mòn yo ak anba tout pyebwa yo. 3 ✨Nou va chire lotèl yo e kraze pilye sakre yo, brile poto Asherim nan avèk dife, nou va koupe imaj taye dye yo e nou va ✨fè disparèt tout tras a non kote sila yo.

4 Nou p ap aji konsa anvè SENYÈ a, Bondye nou an, 5 ✨Men nou va chache kote SENYÈ a, Bondye nou an, nou va chwazi soti nan tout tribi nou yo, pou etabli non Li la tankou kote pou L ta rete; e la, nou va vini. 6 La, nou va mennen ofrann brile nou yo, sakrifis nou yo, ✨dim nou yo, don ki sòti nan men nou yo, ofrann ve yo, ofrann bòn volonte yo, avèk premye ne nan twoupo nou yo ak nan bann mouton nou yo. 7 La osi, nou menm avèk

✨ 11:19 Det 4:9-10 ✨ 11:20 Det 6:9 ✨ 11:21 Pwov 3:2 ✨ 11:22 Det 11:1 ✨ 11:22 Det 10:20 ✨ 11:23 Det 4:38 ✨ 11:23 Det 9:1 ✨ 11:24 Jen 15:18 ✨ 11:25 Egz 23:27 ✨ 11:26 Det 30:1-19 ✨ 11:27 Det 28:1-14 ✨ 11:28 Det 28:15-68 ✨ 11:30 Jos 4:19 ✨ 11:30 Jen 12:6 ✨ 11:31 Det 17:14 ✨ 12:1 Det 4:9-10 ✨ 12:2 II Wa 16:4 ✨ 12:3 Nonb 33:52 ✨ 12:3 Egz 23:13 ✨ 12:5 Egz 20:24 ✨ 12:6 Det 14:22

lakay nou va manje devan SENYÈ a, Bondye nou an; epi ✨rejwi nan tout sa nou te antreprann nan sila SENYÈ a, Bondye nou an, te beni nou an.

<sup>8</sup> Nou p ap fè menm sa ke n ap fè isit la jodi a, ✨tout moun k ap fè sa ki bon nan pwòp zye li. <sup>9</sup> paske, nou poko rive nan plas repo ak ✨eritaj ke SENYÈ a ap bannou an.

<sup>10</sup> Lè nou travèse Jourdain an pou viv nan peyi ke SENYÈ a, Bondye nou an, ap bannou kòm eritaj la; epi ✨Li ap bannou repo sou tout lènmi ki antoure nou yo pou nou viv ansekirite, <sup>11</sup> ✨alò, li va rive ke kote ke SENYÈ a, Bondye nou an, va chwazi pou non Li vin rete a; se la, nou va mennen tout sa ke Mwen kòmande nou yo: ofrann brile nou yo avèk sakrifis nou yo, dim nou yo avèk don ki sòti nan men nou yo, ak tout ofrann ve ki pi bèl ke nou va fè kòm ve bay SENYÈ a.

<sup>12</sup> Epi nou va rejwi devan SENYÈ a, Bondye nou an, nou menm avèk fis ak fi nou yo, sèvitè ak sèvant nou yo ak ✨Levit ki anndan pòtay nou yo, akoz ke li pa gen pati ni eritaj pami nou. <sup>13</sup> Fè atansyon pou nou pa ofri ofrann brile tout kote ke nou wè, <sup>14</sup> men kote ke SENYÈ a chwazi nan youn nan tribi nou yo; la, nou va ofri ofrann brile yo e la, nou va fè tout sa ke mwen kòmande nou yo.

<sup>15</sup> ✨Malgre sa, nou gen dwa touye e manje vyann anndan nenpòt nan pòtay nou yo, nenpòt sa ke nou dezire, selon benediksyon SENYÈ a, Bondye nou an, sa ke Li te bannou; ni sila ki pwòp, ni sila ki pa pwòp kapab manje ladann, tankou antilop la ak sèf la. <sup>16</sup> ✨Sepandan, nou pa pou bwè san an; ✨nou dwe vide li atè tankou dlo.

<sup>17</sup> ✨Nou pa gen dwa manje anndan pòtay nou yo ofrann dim ki sòti nan sereyal yo, ni premye ne nan twoupo ak nan bann mouton nou yo, ni okenn nan ofrann ve yo, ni ofrann bòn volonte nou yo, ni don ki sòti nan men nou yo. <sup>18</sup> Men nou va manje yo devan SENYÈ a, Bondye nou an, kote ke SENYÈ a, Bondye nou an, va chwazi a, nou menm avèk fis nou ak fi nou yo, sèvitè ak sèvant lan ak Levit ki anndan pòtay nou yo; epi nou va ✨rejwi devan SENYÈ a, Bondye nou an, nan tout sa ke nou antreprann. <sup>19</sup> ✨Fè atansyon pou nou pa abandone Levit la pandan tout tan ke nou rete nan Peyi a.

<sup>20</sup> Lè SENYÈ a, Bondye nou an, vin fè lizyè nou grandi, ✨jan Li te pwomèt nou an, e nou va di: 'Mwen va manje vyann,' akoz ke nou vle manje vyann; nou kapab manje vyann, nenpòt sa ke nou pito. <sup>21</sup> Si kote ke SENYÈ a, Bondye nou an, chwazi pou mete non Li an, twò lwen nou; alò, nou kapab touye nan twoupo nou ak bann mouton nou ke SENYÈ a te bannou yo, jan mwen te kòmande nou an; epi nou kapab manje anndan pòtay nou yo nenpòt sa nou pito. <sup>22</sup> Menm jan ke yon antilòp oswa yon sèf manje; konsa, nou va manje; ni sila ki pwòp ni sila ki pa pwòp kapab manje ladann.

<sup>23</sup> Sèlman, fè sèten ✨ke nou pa bwè san an, paske san an se lavi, e nou p ap bwè lavi avèk chè a. <sup>24</sup> Nou p ap bwè li; nou va vide li atè tankou dlo. <sup>25</sup> Nou p ap bwè li jis pou sa kab ale byen pou nou avèk fis apre nou yo; paske, ✨nou ap fè sa ki bon nan zye SENYÈ a.

✨ 12:7 Lev 23:40 ✨ 12:8 Jij 17:6 ✨ 12:9 Det 4:21 ✨ 12:10 Jos 11:23 ✨ 12:11 Det 12:5  
 ✨ 12:12 Det 12:18-19 ✨ 12:15 Det 12:20-23 ✨ 12:16 Jen 9:4 ✨ 12:16 Det 15:23 ✨ 12:17  
 Det 12:26 ✨ 12:18 Det 12:7 ✨ 12:19 Det 14:27 ✨ 12:20 Jen 15:18 ✨ 12:23 Jen 9:4 ✨ 12:25  
 Egz 15:26



<sup>26</sup> ✧ Se sèlman bagay ki sen ke nou kapab genyen e ofrann ve nou va pran pou ale kote ke SENYÈ a chwazi a. <sup>27</sup> Epi nou va ofri ofrann brile yo, chè a avèk san an sou lotèl la bay SENYÈ a, Bondye nou an; epi san a sakrifis nou yo va vide sou lotèl la bay SENYÈ a, Bondye nou an; epi ✧ nou va manje chè a.

<sup>28</sup> Fè atansyon pou koute tout pawòl sila yo ke mwen kòmande nou, jis pou ✧ sa kapab ale byen pou nou ak fis apre nou yo pou tout tan; paske, konsa, nou va fè sa ki bon e jis nan zye a SENYÈ a, Bondye nou an.

<sup>29</sup> Lè ✧ SENYÈ a, Bondye nou an, izole devan nou nasyon ke n ap antre deplase yo; epi nou deplase yo e rete nan peyi pa yo, <sup>30</sup> veye ke nou pa antre nan pèlen e swiv yo lè yo fin detwi devan nou; epi ke nou pa chache a dye pa yo, e mande: ‘Kijan nasyon sa yo sèvi dye pa yo, pou mwen kapab fè menm jan an?’ <sup>31</sup> ✧ Nou p ap aji konsa anvè SENYÈ a, Bondye nou an, paske se tout zèv abominab ke SENYÈ a rayi yo, yo te fè pou dye pa yo; paske, ✧ yo konn menm brile pwòp fis ak fi pa yo nan dife dye pa yo.

<sup>32</sup> ✧ tout sa ke m kòmande nou yo, nou va fè atansyon pou fè yo; ✧ nou p ap ni mete sou yo, ni retire ladan yo.

## 13

<sup>1</sup> ✧ Si yon pwofèt, oswa yon moun ki konn fè rèv leve pami nou; epi anonse nou yon sign oswa yon mèvèy, <sup>2</sup> epi sign oswa mèvèy ke li te pale a vin vrè, konsènan lè li te pale avèk nou an, e te di: ✧ ‘Annou ale apre lòt dye (ke nou pa t janm konnen yo); epi annou sèvi yo, <sup>3</sup> nou pa pou koute pawòl a pwofèt sila yo oswa moun rèv sa yo; paske, SENYÈ a, Bondye nou an, ap ✧ pase nou a leprèv pou wè si ✧ nou renmen SENYÈ a, Bondye nou an, avèk tout kè nou e avèk tout nanm nou.

<sup>4</sup> Nou va swiv SENYÈ a, Bondye nou an, e krent Li; epi nou va kenbe kòmandman Li yo, koute vwa Li, sèvi Li, e ✧ kenbe fèm nèt ak Li. <sup>5</sup> Men pwofèt la oswa sila ki fè rèv sila a, va vin mete a lanmò; akoz li te konseye rebelyon kont SENYÈ a, Bondye nou an, ki te mennen nou sòti nan peyi Égypte la; epi ki te peye ranson nou pou soti nan kay esklavaj la, pou sedwi nou nan chemen ke SENYÈ a, Bondye nou an, te kòmande nou mache a. Konsa, nou va retire mechanste sa a pami nou.

<sup>6</sup> ✧ Si frè ou a, fis a manman ou a, oswa fis pa w la, oswa fi pa w la, oswa madanm ke nou renmen anpil la, oswa zanmi nou ki tankou pwòp nanm nou an, vin sedwi nou an sekre, e di: ‘Annou ale sèvi lòt dye yo, (ke ni nou menm ni zansèt nou yo, pa t konnen), <sup>7</sup> nan dye pèp ki antoure nou yo, kit li touprè, kit li lwen, soti nan yon pwent latè jis rive nan lòt pwent lan), <sup>8</sup> nou pa pou apiye vè li, ni koute li.

Epi zye nou ✧ pa pou fè pitye de li, ni nou pa pou fè pa li, ni pwoteje li. <sup>9</sup> Men anverite, nou va touye li; ✧ men nou va premye itilize pou mete li a lanmò; epi apre, men a tout pèp la. <sup>10</sup> Konsa, nou va lapide li ak kout wòch jiska lanmò; akoz li te ✧ chache sedwi nou pou kite SENYÈ a, Bondye nou an, ki te mennen nou sòti nan peyi Égypte la, andeyò kay esklavaj la.

✧ 12:26 Nonb 5:9 ✧ 12:27 Lev 3:1-17 ✧ 12:28 Det 4:40 ✧ 12:29 Jos 23:4 ✧ 12:31 Det 9:5  
✧ 12:31 Lev 18:21 ✧ 12:32 Det 4:2 ✧ 12:32 Pwov 30:6 ✧ 13:1 Mat 24:24 ✧ 13:2 Det 13:6-13 ✧ 13:3 Egz 20:20 ✧ 13:3 Det 6:5 ✧ 13:4 Det 10:20 ✧ 13:6 Det 17:2-7 ✧ 13:8 Pwov 1:10 ✧ 13:9 Lev 24:14 ✧ 13:10 Det 13:5

<sup>11</sup> Epi tout Israèl va tande pou vin gen lakrent; epi pèsòn pami nou p ap janm fè yon bagay mechan konsa ankò.

<sup>12</sup> Si nou tande nan youn nan vil ke SENYÈ a ap bannou pou viv ladann yo, <sup>13</sup> ke kèk sanzave te sòti pami nou pou te sedwi abitan a vil pa yo, e te di: ☆'Annou ale sèvi lòt dye' (ke nou pa t janm konnen yo), <sup>14</sup> alò, nou va fè ankèt pou chache mande byen.

Si se vre zafè a vin etabli ke abominasyon te fèt pami nou, <sup>15</sup> ☆nou va, vrèman, frape sila ki viv nan vil sa a avèk lam nepe; epi detwi li nèt avèk tout sa ki ladann, ni bèt li yo avèk lam nepe. <sup>16</sup> ☆Epi nou va ranmase tout byen ki sezi nan mitan kote a; epi brile vil la avèk tout byen li avèk dife, kòm yon ofrann brile konplè bay SENYÈ a, Bondye nou an; epi li va rete yon pil mazi jis pou tout tan. Li p ap janm rebati.

<sup>17</sup> Anyen nan zafè entèdi sa a p ap kole nan men nou, pou SENYÈ a kapab detounen nan kòlè Li k ap brile a; epi montre mizerikòd anvè nou, gen konpasyon pou nou, e fè nou vin grandi jan Li te sèman a zansèt nou yo, <sup>18</sup> si nou va koute vwa a SENYÈ a, Bondye nou an, e kenbe tout kòmandman Li yo ke mwèn ap kòmande nou jodi a; epi fè sa ki dwat nan zye SENYÈ a, Bondye nou an.

## 14

<sup>1</sup> "Nou se ☆fis a SENYÈ a, Bondye nou an; nou p ap blese kò nou, ni pase razwa sou fwon nou pou koz lanmò. <sup>2</sup> Paske, nou se yon pèp ki ☆sen a SENYÈ a, Bondye nou an; epi SENYÈ a te chwazi ou kòm yon pèp pou pwòp posesyon pa Li, sòti nan tout pèp ki sou sifas tè a.

<sup>3</sup> ☆Nou pa pou manje okenn bagay abominab. <sup>4</sup> ☆Sila yo se bèt ke nou kapab manje: bèf, mouton, kabrit, <sup>5</sup> Sèf, kabrit mawon, den, bèf mawon, boukten, antilòp, ak mouton mòn. <sup>6</sup> nenpòt bèt ak zago divize ki remonte manje li pami tout bèt yo, sila nou kapab manje.

<sup>7</sup> Sepandan, pami sila ki remonte manje yo, oswa sila ki divize zago an de yo: chamo, lapen ak daman; akoz, malgre yo remonte manje, yo pa divize zago yo; yo pa pwòp pou nou. <sup>8</sup> Kochon, paske li divize zago a, men pa remonte manje, li pa pwòp pou nou. Nou pa pou manje anyen nan chè li, ni touche kò mouri yo.

<sup>9</sup> Sila nou kapab manje nan tout sa ki nan dlo yo: Nou ka manje nenpòt sa ki gen zèl naje avèk kal, <sup>10</sup> men okenn nan yo ki pa gen zèl naje avèk kal, nou pa pou manje yo; se pa pwòp pou nou.

<sup>11</sup> Nou kapab manje nenpòt zwazo ki pwòp. <sup>12</sup> Men ☆sila ke nou pa pou manje yo: èg, lòfre ak malfini lanmè, <sup>13</sup> milan wouj, otou, votou ak tout kalite parèy yo, <sup>14</sup> kòbo ak tout kalite parèy yo, <sup>15</sup> otrich, ibou, poul dlo, ak malfini avèk tout kalite parèy yo, <sup>16</sup> koukou, frize, gwo kana mawon blan, <sup>17</sup> grangozye, plonjon, chwèt, <sup>18</sup> sigòy, krabye, ak kalite parèy yo, sèpantye, tchotcho ak chov-souri.

<sup>19</sup> Tout reptil avèk zèl pa pwòp pou nou; yo pa pou manje. <sup>20</sup> Nou kapab manje nenpòt zwazo ki pwòp.

<sup>21</sup> Nou pa pou manje okenn bagay ki mouri pou kont li. Nou gen dwa bay li a etranje ki rete nan vil nou, pou li kab manje l, oswa nou kapab vann li a yon etranje; paske, nou se ☆yon pèp ki sen a SENYÈ a, Bondye nou an. ☆Nou pa pou bouyi yon jenn ti kabrit ki nan lèt manman.

☆ **13:13** Det 13:2 ☆ **13:15** Det 13:5 ☆ **13:16** Det 7:25-26 ☆ **14:1** Wo 8:16 ☆ **14:2** Lev 20:26  
 ☆ **14:3** Éz 4:14 ☆ **14:4** Lev 11:2-45 ☆ **14:12** Lev 11:13 ☆ **14:21** Det 14:2 ☆ **14:21** Egz 23:19

<sup>22</sup> Chak ane, nou va, ✨anverite, bay ladim nan tout pwodwi a sila ke nou plante yo, ki sòti nan chan. <sup>23</sup> Nou va manje nan prezans SENYÈ a, ✨kote Li chwazi pou etabli non Li an, dim a sereyal nou, a diven nèf nou, a lwil nou, premye ne a twoupo nou ak bann mouton nou, pou nou kapab vin aprann krent SENYÈ a, Bondye nou an, jis pou tout tan.

<sup>24</sup> Si distans lan tèlman gran pou nou, pou nou pa kapab pote yon dim, akoz kote SENYÈ Bondye nou an chwazi ✨pou mete non Li an twò lwen nou, lè SENYÈ Bondye nou an, beni nou, <sup>25</sup> alò, nou va twoke li pou lajan; epi mare lajan an nan men nou pou ale kote SENYÈ Bondye nou an, chwazi a. <sup>26</sup> Nou kapab depanse lajan an pou nenpòt sa ke kè nou dezire: pou bèf kabwèt, oswa mouton, oswa diven, oswa bwason ki fò, oswa nenpòt sa ke nou dezire; epi ✨la, nou va manje nan prezans SENYÈ a, Bondye nou an; epi rejwi nou menm avèk tout lakay nou. <sup>27</sup> Osi, nou p ap neglije ✨Levit ki nan vil nou an; paske, li pa gen pati ni eritaj pami nou.

<sup>28</sup> ✨Nan fen chak twazyèm ane, nou va pote tout dim a sila nou pwodwi pou ane sa a, e nou va depoze li nan pwòp vil pa nou an. <sup>29</sup> Levit la, akoz li pa gen pati oswa eritaj pami nou, e ✨etranje, òfelen, ak vèv ki nan vil nou yo, yo va ✨manje e satisfè, jis pou SENYÈ a, Bondye nou an, beni nou nan tout travay ke men nou fè.

## 15

<sup>1</sup> ✨Nan fen chak sèt ane, nou va bay yon remisyon pou dèt yo. <sup>2</sup> Se konsa remisyon an va ye: tout moun ki prete yon moun yo va bliye sa ke li te prete vwazen li an; li pa pou egzije li a vwazen li ni frè li, akoz remisyon an te pwoklame.

<sup>3</sup> ✨A yon etranje, nou gen dwa egzije li; men nou va bliye nenpòt sa ki pou nou avèk frè nou. <sup>4</sup> Sepandan, p ap gen malere pami nou, akoz ✨SENYÈ a va, anverite, beni nou nan peyi ke SENYÈ Bondye nou an, ap bannou kòm yon eritaj pou posede, <sup>5</sup> si sèlman ou koute avèk obeyisans a vwa SENYÈ a, Bondye nou an, pou swiv avèk atansyon tout kòmandman sila ke mwen ap kòmande nou jodi a.

<sup>6</sup> ✨Paske SENYÈ a, Bondye nou an, va beni nou jan Li te pwomèt nou an, e nou va prete a anpil nasyon; men nou p ap prete nan men yo; epi nou va domine sou anpil nasyon; men yo p ap domine sou nou.

<sup>7</sup> Si gen yon malere pami nou, youn nan frè nou yo, nan nenpòt vil nou yo nan peyi ke SENYÈ a, Bondye nou an, ap bannou an; ✨nou pa pou fè kè nou di, ni sere men nou kont frè malere a. <sup>8</sup> Men ✨nou va louvri men nou byen laj vè li, e nou va prete a li avèk jenewozite sa ki sifi pou li nan nenpòt sa li manke.

<sup>9</sup> Fè atansyon pou nou pa vin gen yon lide mechan nan kè nou ki di: ‘Setyèm ane a, lane pou remisyon an prè; epi ✨zye nou vin move kont frè nou ki malere a; epi nou pa ba li anyen; alò, li kab petèt kriye a SENYÈ a kont nou; epi sa va yon peche nan nou. <sup>10</sup> Nou va ba li avèk jenewozite, e kè nou p ap tris lè nou ba li; ✨paske, pou bagay sa a, SENYÈ a, Bondye nou an, va beni nou nan tout travay nou ak tout sa ke nou antreprann.

✨ 14:22 Lev 27:30 ✨ 14:23 Det 12:5 ✨ 14:24 Det 12:5-21 ✨ 14:26 Det 12:7 ✨ 14:27 Det 12:12 ✨ 14:28 Det 26:12 ✨ 14:29 Det 16:11 ✨ 14:29 Det 6:11 ✨ 15:1 Det 31:10 ✨ 15:3 Det 23:20 ✨ 15:4 Det 28:8 ✨ 15:6 Det 28:12-13 ✨ 15:7 I Jn 3:17 ✨ 15:8 Mat 5:42 ✨ 15:9 Mat 20:15 ✨ 15:10 Det 14:29

11 ✨Paske, malere yo p ap janm sispann la nan peyi a; akòz sa, mwen kòmande nou, e di: ‘Nou va louvri men nou byen laj a frè malere nou yo avèk pòv nan peyi nou yo.’

12 ✨Si moun peyi parèy nou yo, yon Ebre, gason oswa fanm, vann a nou menm; alò, li va sèvi nou pandan sis ane; men nan setyèm ane a, nou va ba li libète. 13 Lè nou lage li, nou p ap voye li ale men vid. 14 Nou va byen founi li soti nan bann mouton an, rekòlt jaden ak nan sitèn diven an; nou va ba li jan SENYÈ a, Bondye nou an, te beni nou an. 15 Nou va sonje ke nou te esklav nan peyi Égypte la, e SENYÈ a, Bondye nou an, te peye ranson nou; pou sa, mwen kòmande nou sa, jodi a.

16 Li va vin rive ke ✨si li di nou: “Mwen p ap sòti kite nou,” paske, li renmen nou avèk tout lakay nou, akòz ke sa mache byen pou li avèk nou; 17 alò, nou va pran yon pik byen file pou pèse zòrèy li nèt antre nan poto pòt la; epi li va sèvitè nou nèt. Osi, nou va fè menm bagay la avèk sèvant yo. 18 Li p ap sanble li difisil pou nou lè nou lage li; paske, li te bannou sis ane nan doub sèvis yon anplwaye; konsa, SENYÈ a, Bondye nou an, va beni nou nan nenpòt sa nou fè.

19 ✨Nou va konsakre a SENYÈ a, Bondye nou an, tout mal premye ne ki fèt nan twoupo oswa bann mouton nou yo; nou p ap travay avèk premye ne nan twoupo nou, ni taye lenn nan premye ne nan bann mouton an. 20 ✨Nou avèk tout lakay nou va manje li chak ane devan SENYÈ a, Bondye nou an, kote ke SENYÈ a chwazi a.

21 ✨Men si li gen yon defo, tankou bwate, avèg, oswa nenpòt gwo defo, nou pa pou fè sakrifis li bay SENYÈ a, Bondye nou an. 22 Nou va manje li anndan pòtay nou yo; pa pwòp la avèk pwòp la menm jan an, tankou ✨yon kabrit mawon oswa yon sèf. 23 Sèlman, ✨ nou p ap bwè san li; nou dwe vide li atè tankou dlo.

## 16

1 Obsève mwa Abib lan pou ✨selebre Pak a SENYÈ a, Bondye nou an; paske, nan mwa Abib la, SENYÈ a, Bondye nou an, te mennen nou sòti an Égypte nan nwit lan. 2 Nou va fè sakrifis Pak a SENYÈ a, Bondye nou an, soti nan bann mouton avèk twoupo a, kote SENYÈ a chwazi pou etabli non Li an.

3 Nou p ap manje pen ak ledven nan li; sèt jou, nou va manje nan li pen san ledven, pen afliksyon an (paske nou te sòti nan peyi Égypte la prese prese), pou nou kab sonje tout jou lavi nou yo; jou ke nou te sòti nan peyi Égypte la. ✨ 4 Pandan sèt jou, p ap gen ledven k ap parèt pami nou nan tout teritwa nou yo; epi ✨okenn nan chè ke nou sakrifye nan aswè premye jou a, p ap rete tout nwit lan pou rive maten.

5 Nou pa kapab fè sakrifis Pak la nan okenn nan vil ke SENYÈ a, Bondye nou an, ap bannou yo; 6 Men ✨kote SENYÈ a, Bondye nou an, chwazi pou etabli non Li an, nou va fè sakrifis Pak la nan aswè, nan lè solèy kouche, nan menm lè jou ke nou te sòti an Égypte la. 7 Nou va ✨kwit pou manje li kote ke SENYÈ a, Bondye nou an, chwazi a. Nan maten, nou va retounen nan tant yo. 8 Sis jou, nou va manje pen san ledven an; epi ✨nan setyèm

✨ 15:11 Mat 26:11 ✨ 15:12 Egz 21:2-6 ✨ 15:16 Egz 21:5-6 ✨ 15:19 Egz 21:5-6 ✨ 15:20 Lev 7:15-18 ✨ 15:21 Lev 22:19-25 ✨ 15:22 Det 12:15-22 ✨ 15:23 Jen 9:4 ✨ 16:1 Nonb 28:16 ✨ 16:3 Egz 12:8-39; Det 4:9 ✨ 16:4 Egz 12:8-10 ✨ 16:6 Det 12:5 ✨ 16:7 Egz 12:8 ✨ 16:8 Nonb 28:25

jou a, va genyen yon konvokasyon solanèl a SENYÈ a, Bondye nou an; nou pa pou fè okenn travay nan li.

<sup>9</sup> ✧Nou va kontwole sèt semèn pou kont nou; nou va kòmanse konte sèt semèn yo soti nan lè nou kòmanse mete kouto nan grenn sereyal la. <sup>10</sup> Epi nou va selebre Fèt Semèn a SENYÈ yo, Bondye nou an, avèk don a yon ofrann bòn volonte nan men nou, ke nou va bay selon jan SENYE a beni nou; <sup>11</sup> epi nou va ✧rejwi devan SENYÈ a, Bondye nou an, nou menm avèk fis nou ak fi nou yo, sèvitè avèk sèvant nou yo, Levit ki nan vil nou an, e ✧etranje avèk òfelen ak vèv ki nan mitan nou yo, kote ke SENYÈ Bondye nou an, chwazi pou etabli non Li an. <sup>12</sup> Nou va sonje ke nou te esklav an Égypte, e nou va fè atansyon pou obsève tout lwa sa yo.

<sup>13</sup> ✧Nou va selebre Fèt Tonèl yo sèt jou apre nou fin fè antre tout grenn jaden ak sitèn diven an; <sup>14</sup> epi nou va ✧rejwi nan fèt nou, nou menm avèk fis nou ak fi nou yo, sèvitè ak sèvant nou yo, Levit la ak etranje a, òfelen ak vèv ki nan vil nou yo. <sup>15</sup> Sèt jou, nou va selebre yon fèt a SENYÈ a, Bondye nou an, kote ke SENYÈ a chwazi a, akòz SENYÈ Bondye nou an, va beni nou nan rekòlt nou yo ak nan tout travay men nou yo, pou nou kab vin ranpli nèt avèk jwa.

<sup>16</sup> ✧Twa fwa pa ane, tout mal nou yo va parèt devan SENYÈ, Bondye nou an, kote Li chwazi a, nan Fèt Pen San Ledven an, nan Fèt Semèn yo, nan Fèt Tonèl yo, e yo p ap parèt devan SENYÈ a men vid. <sup>17</sup> Chak moun va bay jan li kapab, selon benediksyon SENYÈ a, te bannou an.

<sup>18</sup> Nou va chwazi pou nou menm jij avèk ofisye nan tout vil ke SENYÈ, Bondye nou an, ap bannou yo, selon tribi yo, e yo va jije pèp la avèk jijman ki dwat. <sup>19</sup> ✧Nou p ap tòde jistis la; nou p ap fè patipri, e nou p ap pran anyen anba tab; paske, afè anba tab avegle zye a saj yo, e pèvèti pawòl a sila ki dwat yo. <sup>20</sup> Lajistis e se sèl lajistis nou va swiv, pou ✧nou kapab viv e posede peyi ke SENYÈ, Bondye nou an, ap bannou an.

<sup>21</sup> ✧Nou pa pou plante pou kont nou yon Ashera, ni okenn kalite pyebwa akote lotèl SENYÈ a, Bondye nou an, ke nou va fè pou tèt nou. <sup>22</sup> ✧Nou pa pou etabli pou kont nou okenn pilye sakre ke SENYÈ Bondye nou an, rayi.

## 17

<sup>1</sup> ✧Nou p ap fè sakrifis a SENYÈ Bondye nou an, ni bèf, ni mouton ki gen fot oswa okenn defo; paske, sa se yon bagay abominab a SENYÈ a, Bondye nou an.

<sup>2</sup> Si sa twouve nan mitan nou, nan okenn vil nou yo ke SENYÈ a, Bondye nou an, ap bannou yo, yon nonm oswa yon fanm ki fè sa ki mal nan zye SENYÈ Bondye nou an, nan transgrese akò Li a, <sup>3</sup> epi te ale ✧sèvi lòt dye yo e adore yo, ✧kit se solèy la, lalin nan, oswa nenpòt nan lame syèl la, ke mwen pa te kòmande, <sup>4</sup> epi si yo di nou sa, e nou te tandè sa; alò, nou va fè yon gwo ankèt. Veye byen, epi si se vre, e se sèten ke bagay abominab sila a te fèt an Israèl, <sup>5</sup> alò, nou va mennen nonm sa a oswa fanm sa a ki te fè zak mechan sa a nan pòtay nou yo, e ✧nou va lapide li ak kout wòch jiskaske li mouri.

✧ **16:9** Egz 23:16 ✧ **16:11** Det 12:7 ✧ **16:11** Det 14:29 ✧ **16:13** Lev 23:34-43 ✧ **16:14** Det 16:11 ✧ **16:16** Egz 23:14-17 ✧ **16:19** Egz 23:2 ✧ **16:20** Det 4:1 ✧ **16:21** Det 7:5 ✧ **16:22** Lev 26:1 ✧ **17:1** Det 15:21 ✧ **17:3** Egz 22:20 ✧ **17:3** Job 31:26-28 ✧ **17:5** Lev 24:14

<sup>6</sup> ✧Sou temwayaj a de temwen oswa twa temwen, sila ki dwe mouri an, va vin mete a lanmò; li p ap mete a lanmò sou temwayaj a yon sèl temwen. <sup>7</sup> Se men a temwen yo k ap premye kont li pou mete li a lanmò; epi apre, se men a tout pèp la. ✧Konsa nou va netwaye mechanste a soti nan mitan ou.

<sup>8</sup> ✧Si yon ka twò difisil pou nou deside, pa egzanp, yon nivo touye moun, oswa yon lòt nivo, oswa yon kalite pwosè ak yon lòt, oswa antre blese moun ak yon lòt; alò, nou va mennen yo kote SENYÈ Bondye nou an, chwazi a.

<sup>9</sup> Konsa, nou va rive kote ✧prèt Levit la ki se chèf la nan jou sa yo, nou va mande yo, e yo va deklare jijman sou ka a. <sup>10</sup> Nou va konfòme avèk tèm a jijman sila ke yo te deklare a nou menm soti kote ke SENYÈ a chwazi a; epi nou va fè atansyon pou obsève tout sa ke yo enstwi nou. <sup>11</sup> ✧Selon tèm lalwa ke yo enstwi nou yo, e selon desizyon ke yo di nou, nou va fè yo; nou pa pou vire akote pawòl ke yo deklare a nou menm yo, ni adwat, ni agoch.

<sup>12</sup> Nonm ki aji avèk ògèy e ki pa koute prèt la ki kanpe la a pou sèvi SENYÈ Bondye nou an, ni jij la, nonm sila a va mouri. Se konsa, nou va retire mal sa a soti an Israèl. <sup>13</sup> Epi ✧tout pèp la va tandè, vin gen krentif, e yo p ap aji avèk ògèy ankò.

<sup>14</sup> Lè nou antre nan peyi ke SENYÈ Bondye nou an, bannou an pou posede li e viv ladann nan, nou va di: ✧“Annou mete yon wa sou nou tankou tout nasyon ki antoure nou yo’, <sup>15</sup> nou va, anverite, mete yon wa ke SENYÈ a chwazi sou nou, youn ki ✧soti nan sitwayen parèy nou yo, nou va mete l kòm wa sou nou.

Nou pa kapab mete yon etranje sou nou menm, ki pa sitwayen parèy nou. <sup>16</sup> Anplis, li p ap miltipliye cheval pou pwòp tèt li, ni li p ap ✧fè pèp la retounen an Égypte pou miltipliye cheval, akòz SENYÈ a te di nou: ‘Nou p ap retounen la ankò.’ <sup>17</sup> ✧Li p ap pran anpil fanm; sinon, kè li va detounen; ni li p ap ranmase anpil ajan avèk lò pou tèt li.

<sup>18</sup> Alò, li va rive ke lè li chita sou twòn wayòm li an, li va ekri pou tèt li yon kopi a lwa sila a sou yon woulo papyè, ✧nan prezans prèt Levit yo. <sup>19</sup> Li va rete avèk li, e li va li li pandan ✧tout jou lavi li, pou li kapab aprann gen krent SENYÈ a, Bondye li a, lè li swiv avèk atansyon tout pawòl a lwa sa a, ak règleman sila yo. <sup>20</sup> E pou li pa konsidere tèt li pi bon ke Izrayelit parèy li yo, ✧e ke li pa detounen de kòmandman an, ni adwat, ni agoch, dekwa ke li menm avèk fis li yo kapab dire anpil tan nan wayòm li a nan mitan Israèl.

## 18

<sup>1</sup> ✧Prèt Levit yo, tout tribi Lévi a, pa pou gen pati oswa eritaj avèk Israèl; yo va manje ofrann pa dife SENYÈ a ki se pati pa Li. <sup>2</sup> ✧Yo pa pou gen eritaj pami Izrayelit parèy yo; SENYÈ a se eritaj pa yo, jan Li te pwomèt yo a.

<sup>3</sup> ✧Alò, sa va dwa prèt yo ki soti nan men pèp la, ki soti nan sila ki ofri an sakrifis yo, kit yon bèf, oswa yon mouton; ladann, yo va bay prèt la zepòl la avèk de machwè yo, ak tout vant lan. <sup>4</sup> Nou va ba li ✧premye fwi a sereyal yo, diven nèf nou, lwil nou, ak premye lenn mouton nou yo.

✧ 17:6 Nonb 35:30 ✧ 17:7 I Kor 5:13 ✧ 17:8 II Kwo 19:10 ✧ 17:9 Det 19:17 ✧ 17:11 Det 25:1 ✧ 17:13 Det 17:12 ✧ 17:14 I Sam 8:5-20 ✧ 17:15 Jr 30:21 ✧ 17:16 És 31:1 ✧ 17:17 II Sam 5:13 ✧ 17:18 Det 31:24-26 ✧ 17:19 Det 4:9-10 ✧ 17:20 Det 5:32 ✧ 18:1 Det 10:9 ✧ 18:2 Nonb 18:20 ✧ 18:3 Lev 7:32-34 ✧ 18:4 Nonb 18:12

5 ✧ Paske, SENYÈ a te chwazi li ak fis li yo pami tout tribi nou yo pou kanpe e sèvi nan non SENYÈ a jis pou tout tan.

6 Alò, si yon Levit sòti nan youn nan vil nou yo atravè tout Israèl kote li ✧ rete a, e li vini nenpòt lè li vle kote ke SENYÈ a chwazi a, 7 alò, li va sèvi nan non SENYÈ a, Bondye li a, tankou tout Levit parèy li yo ki kanpe la devan SENYÈ a. 8 ✧ Li dwe gen pòsyon egal nan benefis pa yo a, menmlè li te resevwa nan kòb vant posesyon fanmi an.

9 Lè nou antre nan tè ke SENYÈ a, Bondye nou an bannou an, nou p ap aprann ✧ imite bagay abominab a nasyon sa yo. 10 Pa kite yo jwenn okenn pami nou ki sakrifye fis yo oswa fi yo nan dife, youn pami nou ki pratike divinasyon ak maji, ki fè entèpretasyon sign, oswa youn pami nou ki fè wanga. 11 ni youn pami nou ki fè cham, ✧ k ap prale nan tab tounant, moun k ap rele lespri yo vin parèt, ni youn pami nou ki rele mò yo monte. 12 Paske, nenpòt moun ki fè bagay sa yo abominab a SENYÈ a; epi ✧ akoz bagay abominab sa yo, SENYÈ a, Bondye nou an, va chase yo sòti devan nou.

13 ✧ Fòk nou san fot devan SENYÈ a, Bondye nou an.

14 Paske, nasyon sa yo ke nou va deplase yo, koute konsèy a sila ki ✧ pratike maji ak sila ki fè divinasyon yo; men pou nou, SENYÈ a, Bondye nou an, pa t pèmèt ke nou fè sa. 15 ✧ SENYÈ Bondye nou an, va fè leve nan mitan nou yon pwofèt tankou mwen, pami Izrayelit parèy nou yo, nou va koute li. 16 Paske, se sa ✧ nou te mande SENYÈ a, Bondye nou an, nan mòn Horeb nan jou asanble a, e nou te di: ‘Annou pa tandè ankò vwa a SENYÈ a, Bondye nou an, annou pa wè gran dife sa a ankò, oswa nou va mouri.’

17 ✧ SENYÈ a te di mwen: ‘Yo te pale byen.

18 Mwen va fè leve yon pwofèt soti nan mitan Izrayelit parèy yo tankou ou, ✧ Mwen va mete pawòl Mwen nan bouch li, e li va pale avèk yo tout sa ke Mwen kòmande li. 19 ✧ Li va vin rive ke nenpòt moun ki pa koute pawòl Mwen yo ke li va pale nan non Mwen, Mwen Menm, Mwen va egzije sa de li menm. 20 Men pwofèt ki pale yon mo avèk awogans nan non Mwen, mo Mwen pa t kòmande li pale, oswa ✧ ke li pale nan non a lòt dye yo; pwofèt sila a va mouri.’

21 Nou kapab di nan kè nou: ‘Kijan nou va konnen pawòl ke SENYÈ a pa t pale?’ 22 ✧ Lè yon pwofèt pale nan non SENYÈ a, si bagay la pa fèt, oswa pa rive vre, se bagay sa ke SENYÈ a pa t pale a. Pwofèt la te pale li avèk awogans; nou pa pou pè li.

## 19

1 ✧ Lè SENYÈ a, Bondye nou an, izole nasyon yo, pou bannou tè pa yo a, pou nou deplase yo pou nou vin rete nan vil yo ak nan kay yo, 2 ✧ Nou va mete akote twa vil pou nou menm nan mitan peyi nou an, ke SENYÈ a, Bondye nou an, bannou pou posede a. 3 Nou va prepare wout pou nou menm, e divize an twa pati teritwa a peyi ke SENYÈ a va bannou kòm posesyon an, jis pou nenpòt moun ki touye moun kapab sove ale ladann.

✧ 18:5 Egz 29:9 ✧ 18:6 Nonb 35:2-3 ✧ 18:8 Lev 27:30-33 ✧ 18:9 Det 9:5 ✧ 18:11 Lev 19:31 ✧ 18:12 Lev 16:24 ✧ 18:13 Jen 6:9 ✧ 18:14 II Wa 21:6 ✧ 18:15 Mat 21:11 ✧ 18:16 Egz 20:18-19 ✧ 18:17 Det 5:28 ✧ 18:18 És 51:16 ✧ 18:19 Trav 3:23 ✧ 18:20 Det 13:1-2 ✧ 18:22 Jr 28:9 ✧ 19:1 Det 6:10-11 ✧ 19:2 Det 4:41

<sup>4</sup> ✧ Men sa se kondisyon ka a moun ki kapab sove ale rive la pou viv: lè li vin touye zanmi li san entansyon eksprè, san ke li pa t rayi li avan—  
<sup>5</sup> tankou lè yon nonm antre nan forè avèk zanmi li pou koupe bwa; epi men li voye rach la pou koupe bwa a, e tèt fè a vin pati e frape zanmi li an pou li mouri—li kapab sove ale nan youn nan vil sa yo pou viv; <sup>6</sup> otreman, vanjè san an ta petèt kouri dèyè sila ki touye moun nan; epi nan chalè kòlè li, pran li si distans lan twòp pou pran lavi li, malgre li pa t merite mouri, akòz ke li pa t rayi li avan. <sup>7</sup> Pou sa, mwen kòmande nou, e di: ‘Nou va mete apa twa vil pou nou menm.’

<sup>8</sup> Si SENYÈ, Bondye nou an, fè teritwa nou an ✧vin pi gran, jan li te sèmante a zansèt nou yo pou bannou tout tè ke li te pwomèt pou bay zansèt nou yo; <sup>9</sup> si nou fè atansyon pou swiv tout kòmandman sa ke mwen kòmande nou jodi a yo, ✧pou renmen SENYÈ a, Bondye nou an, e mache nan vwa pa Li pou tout tan—alò, nou va mete anplis twa vil ankò pou nou menm. <sup>10</sup> Jis pou san inosan pa vèse nan mitan teritwa nou an, ke SENYÈ a bannou kòm eritaj la, e pou ✧koupabilite san an pa vin rete sou nou.

<sup>11</sup> Men ✧si vin gen yon nonm ki rayi vwazen li, li kouche an kachèt pou li, li leve kont li pou frape li jiskaske li vin mouri, e li sove ale rive nan youn nan vil sa yo, <sup>12</sup> alò, ansyen nan vil li yo va voye pran li soti la; epi livre li nan men vanjè san an, pou li kapab mouri. <sup>13</sup> Nou pa pou gen pitye pou li; men nou va fè netwayaj san inosan an soti an Israèl pou sa kapab ale byen pou nou.

<sup>14</sup> ✧Nou pa pou deplase lizyè tè vwazen nou, ke zansèt yo te etabli kòm eritaj nou ke SENYÈ Bondye nou an, ap bannou pou posede.

<sup>15</sup> ✧Yon sèl temwen pa kapab leve kont yon moun sou koz nenpòt inikite oswa peche ke li te fè; sou temwayaj a de oswa twa temwen, yo kapab konfime yon ka.

<sup>16</sup> ✧Si yon temwen malveyan leve kont yon nonm pou akize li kòm malfektè, <sup>17</sup> alò, tou de moun ki gen dispit yo, va kanpe ✧devan SENYÈ a, devan prèt avèk jij ki ofisye nan jou sa yo.

<sup>18</sup> Jij yo ✧va fè ankèt konplè; epi si temwayaj la se yon fo temwayaj, e li te fè fo temwayaj kont frè l, <sup>19</sup> alò, ✧nou va fè li menm bagay ke li t ap fè rive a frè li a. Konsa, nou va netwaye mekanste fèt pami pèp nou an. <sup>20</sup> ✧Lòt yo va tandè, vin gen krentif, e yo p ap janm fè ankò yon bagay mekan konsa pami nou. <sup>21</sup> Konsa, nou p ap gen pitye: ✧vi pou vi, ✧zye pou zye, dan pou dan, men pou men pye pou pye.

## 20

<sup>1</sup> Lè nou ale fè batay kont lènmi nou yo, nou wè cheval avèk cha ak pèp ki plis pase nou, ✧pa pè yo; paske SENYÈ a, Bondye nou an, ki te fè nou sòti kite peyi Égypte la, avèk nou. <sup>2</sup> Lè nou ap pwoche batay la, prèt la va pwoche pou pale avèk pèp la. <sup>3</sup> Li va di yo: ‘Tandè O Israèl, n ap pwoche batay la kont lènmi nou yo jodi a. ✧Pa fè kè sote. Pa pè, ni pa sezi, ni tranble devan yo, <sup>4</sup> paske, ✧se SENYÈ a, Bondye nou an, ki prale avèk nou, pou goumen pou nou kont lènmi nou yo, pou sove nou.

✧ 19:4 Nonb 35:9-34 ✧ 19:8 Jen 15:18 ✧ 19:9 Det 6:5 ✧ 19:10 Nonb 35:33 ✧ 19:11 Egz 21:12 ✧ 19:14 Det 27:17 ✧ 19:15 Nonb 35:30 ✧ 19:16 Egz 23:1 ✧ 19:17 Det 17:9 ✧ 19:18 Det 25:1 ✧ 19:19 Pwov 19:5 ✧ 19:20 Det 17:13 ✧ 19:21 Egz 21:23 ✧ 19:21 Mat 5:38 ✧ 20:1 II Kwo 32:7-8 ✧ 20:3 Det 20:1 ✧ 20:4 Det 1:30



<sup>5</sup> Ofisye militè yo, osi, va pale avèk pèp la, e di: ‘Se kilès nan mesye yo ki te bati yon kay tounèf e ki poko etabli ladann? Kite li sòti retounen lakay li; otreman, li kab mouri nan batay la, e yon lòt va vin etabli ladann. <sup>6</sup> Kilès nan mesye yo ki te plante yon chan rezen e ki poko sèvi nan fwi li? Kite li sòti retounen lakay li; otreman, li kapab mouri nan batay la e yon lòt moun va vin sèvi nan fwi li a. <sup>7</sup> ✧Epi kilès nan mesye yo ki fyanse a yon fi e ki poko marye avè l? Kite li sòti retounen lakay li; otreman, li kapab mouri nan batay la e yon lòt mesye kapab vin marye avè l.

<sup>8</sup> Epi ofisye yo va pale plis avèk pèp la e di: ‘Kilès nan mesye yo ki gen laperèz oswa ki manke gen kouraj? Kite li sòti retounen lakay li pou li pa fè kè frè li yo fann tankou kè pa li. <sup>9</sup> Lè ofisye yo fin pale ak pèp la, yo va chwazi kòmandan lame yo kòm chèf an tèt pèp la.

<sup>10</sup> Lè nou pwoche yon vil pou goumen kont li, nou va ofri li kondisyon lapè. <sup>11</sup> Si li dakò pou fè lapè avèk nou e louvri pou nou; alò, tout pèp ki ladann yo va devni ✧fòs travay kòve nou e va sèvi nou. <sup>12</sup> Men si li pa fè lapè avèk nou; men fè lagè kont nou; alò, nou va fè syèj kont li.

<sup>13</sup> Lè SENYÈ a, Bondye nou an, livre li nan men nou, ✧nou va frape tout mesye yo avèk lam nepe. <sup>14</sup> Sèlman fanm avèk pitit avèk ✧bèt avèk tout piyaj la, nou va pran kòm byen ki sezi pou kont nou; epi nou va sèvi piyaj lènmi nou yo ke SENYÈ a te bannou.

<sup>15</sup> Konsa, nou va fè a tout vil ki lwen nou yo, ki pa pati nan vil a nasyon ki toupre yo.

<sup>16</sup> ✧Sèlman, nan vil a pèp sa yo ke SENYÈ Bondye nou an, ap bannou kòm eritaj la, nou pa pou kite anyen vivan ki respire. <sup>17</sup> Men nou va detwi yo nèt, Etyen yo, Amoreyen yo, Kanaaneyen yo, Ferezyen yo, Evyen yo, ak Jebizyen yo, jan SENYÈ a, Bondye nou an, te kòmande nou an, <sup>18</sup> jis pou yo pa vin enstwi nou selon tout bagay abominab ke yo te fè pou dye pa yo, pou nou vin peche kont SENYÈ a, Bondye nou an.

<sup>19</sup> Lè nou fè syèj yon vil pandan anpil tan, pou fè lagè kont li pou nou kapab pran li an kaptivite, nou pa pou detwi pyebwa li yo nan voye rach sou yo; pou nou kapab manje nan yo, e nou pa pou koupe yo. Paske, èske pyebwa chan an se yon moun, ke nou ta dwe fè syèj ladann? <sup>20</sup> Sèlman bwa ke nou konnen ki pa bay fwi yo, nou va detwi yo e koupe yo, pou nou kapab konstwi syèj yo kont vil ki kont nou an, jiskaske l fin tonbe.

## 21

<sup>1</sup> Si yon moun yo te touye, twouve kouche nan mitan chan nan peyi ke SENYÈ a bannou pou posede a; epi yo pa konnen ki moun ki te frape li, <sup>2</sup> alò, ansyen nou yo avèk jij nou yo va ale deyò pou mezire distans pou rive nan vil ki antoure sila ke yo te touye a.

<sup>3</sup> Li va fèt ke vil ki pi pre moun ke yo te touye a, la pou ansyen nan vil sa a pran yon bèf gazèl ki sòti nan twoupo a, ki poko travay, e ki poko rale chaj; <sup>4</sup> epi ansyen nan vil sa yo va mennen gazèl la desann nan yon vale avèk kouran dlo, ki potko raboure ni plante; epi li va kase kou gazèl la nan plas kote vale a.

<sup>5</sup> Alò, ✧prèt yo, fis a Levit yo, va pwoche toupre, paske SENYÈ a, Bondye nou an, te chwazi yo pou sèvi Li e pou beni nan non SENYÈ a; chak kont, chak ka blese, se yo menm k ap regle yo. <sup>6</sup> Tout ansyen nan vil ki pi pre

moun ke yo te touye a va ✨lave men yo sou gazèl kou kase nan vale a; <sup>7</sup> epi yo va reponn e di: “Men nou pa t vèse san sa a, ni zye nou yo pa t wè li. <sup>8</sup> Padone pèp Ou a, Israèl, ke ou te peye ranson pou li a; O SENYÈ, pa mete koupabilite ✨san inosan an nan mitan pèp Ou a, Israèl.’ Epi koupabilite san pa yo a va padone. <sup>9</sup> ✨Konsa, nou va retire koupabilite san inosan an soti nan mitan nou, lè nou fè sa ki dwat nan zye SENYÈ a.

<sup>10</sup> Lè nou sòti nan batay kont lènmi nou yo; epi ✨SENYÈ, Bondye nou an, livre yo nan men nou; epi nou mennen yo ale an kaptivite, <sup>11</sup> epi nou vin wè pami kaptif yo yon bèl fanm, nou gen yon dezi pou li pou ta pran li kòm madanm pou nou menm, <sup>12</sup> alò, nou va mennen li lakay nou, li va ✨pase razwa sou tèt li, e taye zong li. <sup>13</sup> Li va, osi, retire rad kaptivite li yo, e li va ✨fè lamantasyon pou papa li avèk manman li pandan jis yon mwa; epi apre, nou kapab vin antre ladann pou vin mari li e li va madanm nou. <sup>14</sup> Li va rive ke, si nou pa kontan avèk li; alò, nou va kite li ale kote li vle a; men anverite, nou p ap gen dwa vann li pou lajan; nou p ap maltrete li, akòz nou te ✨imilye li.

<sup>15</sup> Si yon nonm gen de madanm, youn ke li renmen anpil e lòt la ke li pa renmen; epi toude fè fis pou li, si premye ne a, se pou sila ke li pa renmen an, <sup>16</sup> epi li va rive nan jou ke li vin separe byen li gen avèk fis li yo, li pa kapab fè fis a sila li te renmen an vin premye ne devan fis a sila li pa t renmen an, ki se premye ne a. <sup>17</sup> Men li va rekonèt premye ne a, fis a sila li pa t renmen an, avèk yon doub pòsyon a tout sa li posede; paske, se te kòmansman fòs li. ✨A li devni dwa a premye ne a.

<sup>18</sup> Si yon nonm vin gen yon fis tèt di k ap fè rebelyon; epi li refize obeyi papa li oswa manman li; epi lè l resevwa chatiman, li pa menm koute yo, <sup>19</sup> alò, papa li avèk manman li va sezi li, e mennen li deyò vè ansyen vil yo nan pòtay vil pa li a. <sup>20</sup> Yo va di a ansyen vil yo: ‘Fis pa nou sa a tèt di e rebèl, li refize obeyi nou, li voras, e li bwè anpil gwòg.’ <sup>21</sup> Alò, tout mesye lavil yo va lapide li ak kout wòch jiska lanmò; konsa, ✨nou va retire mal sa a nan mitan nou, ✨tout Israèl va tandè bagay sa a e yo va vin gen krentif.

<sup>22</sup> Si yon nonm te fè yon peche ki ✨merite lanmò; epi nou fè pann li sou yon bwa, <sup>23</sup> ✨kò li pa pou pann tout nwit lan sou bwa a, men nou va, anverite, antere li nan menm jou a. (Paske, ✨sila ki pann nan, modi pou Bondye.) Se konsa pou nou pa degrade tè ke Bondye te bannou kòm eritaj la.

## 22

<sup>1</sup> ✨Nou pa pou wè bèf a vwazen parèy nou, oswa mouton k ap pati; epi pou nou pa okipe yo. Anverite, nou va mennen yo retounen bay vwazen parèy nou an. <sup>2</sup> Si vwazen nou an pa pre nou, oswa nou pa konnen li; alò, nou va mennen li lakay nou, e li va rete la jiskaske vwazen nou vin chache li; e nou va remèt li a li menm. <sup>3</sup> Konsa, nou va fè avèk bourik li, nou va fè menm jan an avèk manto li, nou va fè menm jan an avèk nenpòt bagay ke li pèdi e nou twouve li. Ou pa gen dwa neglije bagay sa yo.

<sup>4</sup> Nou pa pou wè bourik, ni bèf a vwazen nou ki tonbe nan chemen; epi pou nou pa okipe yo. Anverite, nou va ede li leve yo.

✨ 21:6 Mat 27:24 ✨ 21:8 Nonb 35:33-34 ✨ 21:9 Det 19:13 ✨ 21:10 Jos 21:44 ✨ 21:12 Lev 14:8-9 ✨ 21:13 Sòm 45:10 ✨ 21:14 Jen 29:33 ✨ 21:17 Jen 25:31 ✨ 21:21 Det 19:19 ✨ 21:21 Det 13:11 ✨ 21:22 Det 22:26 ✨ 21:23 Jn 19:31 ✨ 21:23 Gal 3:13 ✨ 22:1 Egz 23:4-5

<sup>5</sup> Yon fanm pa pou mete rad gason; paske nenpòt moun ki fè bagay sa yo abominab a SENYÈ Bondye nou an.

<sup>6</sup> Si nou vin jwenn yon nich zwazo akote chemen an, nan nenpòt pyebwa oswa atè, avèk ti jèn zwazo yo oswa ze yo; epi manman an chita sou yo oswa sou ze yo, \*nou pa kapab pran manman an ansanm avèk ti jèn zwazo yo. <sup>7</sup> Nou va, anverite, kite manman an sòti lib. Men jèn ti zwazo yo, nou kapab pran yo pou nou menm, \* pou sa kapab byen pou nou e pou nou kapab viv pandan anpil jou.

<sup>8</sup> Lè nou bati yon kay tounèf, nou va fè yon balistrad ki antoure teras twati a pou nou pa vin koupab de san si yon moun ta vin tonbe.

<sup>9</sup> \*Nou pa pou plante chan rezen an avèk de kalite semans; oswa, tout pwodwi ki sòti nan sa nou plante a, ak pwodwi chan rezen an, va vin gate.

<sup>10</sup> \*Nou pa pou raboure avèk yon bèf ak yon bourik ansanm.

<sup>11</sup> \*Nou pa pou mete twal ki mele len avèk twal fen tankou koton ansanm.

<sup>12</sup> \*Nou va fè ponpon nan kat kwen vètman ki kouvri nou yo.

<sup>13</sup> Si yon nonm pran yon madanm pou ale sou kabann avèk li; epi pita, li vin vire kont li, <sup>14</sup> epi akize li avèk zak ki gate repitasyon li, e di: “Mwen te pran fanm sa a, men lè m te pwoche l, mwen pa t twouve li vyèj,” <sup>15</sup> alò, papa avèk manman fi a va pran li e prezante temwayaj prèv ke li te vyèj bay ansyen lavil yo devan pòtay la. <sup>16</sup> Papa a fi a va di a ansyen yo: “Mwen te bay pitit mwen a mesye sila a kòm madanm; men li te vire kont li; <sup>17</sup> epi veye byen, li te akize li a zak ki gate repitasyon li, e te di: “Mwen pa t twouve fi nou an vyèj.” Men temwayaj a vijinite li.’ Epi yo va ouvri vètman an devan ansyen lavil la. <sup>18</sup> Konsa, \*ansyen yo va pran nonm nan; epi yo va ba li chatiman, <sup>19</sup> epi yo va fè l peye san sik an ajan e bay li a papa fi a, akoz li te fè difamasyon piblikman sou yon fi an Israèl. Epi li va rete toujou kòm madanm li; li p ap ka divòse ak li pandan tout jou li yo.

<sup>20</sup> Men si \*akizasyon sa a vrè, ke fi a pa t vyèj, <sup>21</sup> alò, yo va mennen fi a deyò pòtay lakay papa l la; epi mesye lavil yo va lapide li jiskaske li mouri akoz li te \*komèt yon betiz lè an Israèl lè l te fè pwostitisyon lakay papa l la; \*konsa, nou va retire mal la pami nou.

<sup>22</sup> \*Si yo twouve yon nonm kouche avèk yon fanm ki marye; alò, yo toude va mouri, nonm ki te kouche avè l la, ansanm ak fanm nan. Konsa, nou va retire mal la sou Israèl.

<sup>23</sup> \*Si gen yon fi ki vyèj ki fyanse a yon nonm; epi yon lòt mesye twouve li nan vil la, e kouche avèk li, <sup>24</sup> alò, nou va mennen yo toude deyò pòtay vil sa a; epi nou va lapide yo ak kout wòch jiska lanmò. Fi a, akoz li pa t kriye fò nan vil la, e mesye a, akoz li te vyole fanm vwazen li an. Konsa, nou va retire mal la pami nou.

<sup>25</sup> Men si se nan chan deyò ke mesye a vin jwenn fi ki fyanse a; epi mesye a fòse li kouche avèk li; alò, sèlman mesye ki kouche avèk li a, va mouri. <sup>26</sup> Men nou p ap fè fi a anyen; nanpwen peche nan fi a ki merite lanmò; paske, menm jan ke yon nonm leve kont vwazen li pou touye li a, se konsa ka sa a ye. <sup>27</sup> Lè li te twouve li nan chan an, fi fyanse a te kriye fò, men li pa t gen pèsòn la pou sove l.

<sup>28</sup> \*Si yon nonm twouve yon fi ki vyèj, ki pa fyanse, ki sezi li pou kouche avèk li e yo vin dekouvri sa, <sup>29</sup> alò, mesye ki te kouche avè l la, va bay a papa fi a senkant sik an ajan; epi li va devni madanm li akoz li te vyole li;

\* **22:6** Lev 22:28 \* **22:7** Det 4:40 \* **22:9** Lev 19:19 \* **22:10** II Kor 6:14 \* **22:11** Lev 19:19  
 \* **22:12** Nonb 15:37-41 \* **22:18** Egz 18:21 \* **22:20** Det 17:4 \* **22:21** Jen 34:7 \* **22:21** Det 13:5 \* **22:22** Lev 20:10 \* **22:23** Lev 19:20-22 \* **22:28** Egz 22:16

li pa kapab divòse ak li pandan tout jou li yo. <sup>30</sup> ✧Yon gason pa pou pran madanm a papa li pou li pa dekouvri jip papa l.

## 23

<sup>1</sup> ✧Nanpwen pèsòn avèk boul grenn li kraze oswa koupe ki va antre nan asanble SENYÈ a.

<sup>2</sup> Nanpwen pèsòn ki ne nan yon relasyon ilejitim ki va antre nan asanble SENYÈ a. Ni okenn nan desandan li yo menm jis rive nan dizyèm jenerasyon p ap antre nan asanble SENYÈ a.

<sup>3</sup> ✧Nanpwen Amonit ni Moabit ki va antre nan asanble SENYÈ a; okenn nan desandan li yo menm jis rive nan dizyèm jenerasyon p ap antre nan asanble SENYÈ a. <sup>4</sup> Akoz yo pa t vin jwenn nou avèk manje ak dlo lè nou te sòti an Égypte la; epi akoz yo te achte sèvis ✧Balaam, fis Beor ki sòti Pethor nan Mésopotamie pou modi nou. <sup>5</sup> Sepandan, SENYÈ a, Bondye nou an, pa t dakò tande Balaam. Men SENYÈ a, Bondye nou an, te ✧vire madichon an pou l devni yon benediksyon pou nou akoz SENYÈ nou an renmen nou. <sup>6</sup> ✧Nou pa pou chache lapè pou yo, ni pwosperite yo pandan tout jou nou yo.

<sup>7</sup> Nou pa pou meprize yon Edomit, paske ✧li se frè nou; nou pa pou meprize yon Ejipsyen, paske nou te yon etranje nan peyi li. <sup>8</sup> Fis a twazyèm jenerasyon ki fèt pou yo a kapab antre nan asanble SENYÈ a.

<sup>9</sup> Lè nou sòti kòm yon lame kont lènmi nou yo; nou va evite tout kalite move bagay. <sup>10</sup> Si gen pami nou, yon nonm ki pa pwòp akoz li ejakile sou li nan lannwit; alò, li oblije ale deyò kan an; li pa kapab reantre nan kan an. <sup>11</sup> Men li va fèt ke lè aswè rive, li va benyen tèt li avèk dlo; epi lè solèy kouche, li kapab reantre nan kan an.

<sup>12</sup> Ou va, osi, gen yon kote deyò kan an; epi se la ou gen pou ou ale, <sup>13</sup> epi nou va genyen yon pèl pami zouti nou yo; epi li va fèt ke lè nou chita deyò a, nou va fouye avèk li, e nou va kouvri pou pou nou. <sup>14</sup> Akoz ✧SENYÈ a, Bondye nou an, mache nan mitan kan nou yo pou delivre nou e venk lènmi nou yo devan nou, pou sa, fòk kan nou yo ✧sen; epi fòk Li pa wè anyen ki pa pwòp pami nou; oswa, Li va vire kite nou.

<sup>15</sup> ✧Nou pa pou lonje remèt yon esklav ki te kouri kite mèt li pou rive kote nou. <sup>16</sup> Li va viv avèk nou nan mitan nou, nan yon kote li chwazi pami youn nan vil pa nou yo ki fè l plezi. ✧Nou pa pou maltrete li.

<sup>17</sup> ✧Okenn nan fi Israèl yo p ap sèvi kòm pwostitiye nan tanp payen yo; ✧ni okenn nan fis Israèl yo p ap sèvi pou pwostitiye nan tanp payen yo. <sup>18</sup> Nou pa pou mennen salè a yon pwostitiye ni frè jounalye a yon ✧chen pede pou antre lakay SENYÈ a, Bondye nou an, pou okenn ofrann ve; paske, toude sa yo abominab a SENYÈ a, Bondye nou an.

<sup>19</sup> ✧Nou pa pou mande enterè lajan a sitwayen parèy nou yo: enterè sou lajan, manje, oswa nenpòt bagay ki kapab prete ak enterè. <sup>20</sup> Nou kapab tire enterè sou yon etranje; men pou sitwayen parèy nou, nou pa pou mande enterè, jis pou ✧SENYÈ, Bondye nou an, kapab beni nou nan tout sa ke nou eseye fè nan peyi ke nou prèt pou antre posede a.

✧ **22:30** Lev 18:8 ✧ **23:1** Lev 21:20 ✧ **23:3** Né 13:1-2 ✧ **23:4** Nonb 22:5 ✧ **23:5** Pwov 26:2 ✧ **23:6** Esd 9:12 ✧ **23:7** Jen 25:24-26 ✧ **23:14** Lev 26:12 ✧ **23:14** Egz 3:5 ✧ **23:15** I Sam 30:15 ✧ **23:16** Egz 22:21 ✧ **23:17** Lev 19:29 ✧ **23:17** II Wa 23:7 ✧ **23:18** Lev 18:22 ✧ **23:19** Egz 22:25 ✧ **23:20** Det 15:10

21 ✨Lè nou fè yon ve a SENYÈ a, Bondye nou an, nou p ap pran reta pou peye li; paske, sa ta yon peche nan ou, e SENYÈ, Bondye nou an, va, anverite, egzije l nan men nou. 22 Sepandan, si nou te evite fè ve a, sa pa t ap peche nan nou. 23 Nou va fè atansyon pou fè tout sa ki sòti nan lèw nou, jis jan ke nou te fè ve volontè a SENYÈ a, Bondye nou an, tout sa nou te pwomèt yo.

24 Lè nou antre nan chan rezen vwazen nou; alò, nou kapab manje rezen yo jiskaske vant nou plen; men nou pa pou mete nan panyen nou. 25 ✨Lè nou antre nan chan sereyal ki pou vwazen nou, nou gen dwa rekòlte tèt grenn yo avèk men nou; men nou pa kapab voye kouto a nan rekòlt sereyal a vwazen nou an.

## 24

1 Lè yon nonm pran yon madanm pou marye avèk li; epi li rive ke li pa jwenn favè nan zye li, akòz ke li twouve kèk defo nan li, ✨li ekri li yon sètifika divòs, mete sètifika a nan men li pou mete li deyò lakay li, 2 epi li kite kay li pou ale devni madanm a yon lòt mesye 3 epi si dezyèm mari a vire kont li e ekri li yon sètifika divòs, e mete sètifika a nan men li pou mete li deyò lakay li; oswa, si dezyèm mari li te genyen an, vin mouri, 4 premye mari ki te voye li ale a, pa gen dwa pran li ankò kòm madanm li, akòz sa konwonpi. Paske, sa se yon bagay abominab devan SENYÈ a.

Epi nou pa pou mennen peche sou peyi ke SENYÈ a, Bondye nou an, bannou kòm eritaj la.

5 Lè yon nonm fenk pran yon madanm tounèf, li pa pou sòti avèk lame a vin responsab okenn chaj; li va rete lib lakay li pandan 1 nan pou fè madanm ke li te pran an, gen kè kontan.

6 Pèsòn pa pou pran wòch moulen anwo a kòm sekirite; paske, se tankou li te pran vi a moun nan ensekirite.

7 ✨Si yo pran yon moun nan kidnape nenpòt nan sitwayen fis Israèl yo; epi li te ajì avèk vyolans sou li, oswa li te vann li; alò, vòlè sila a va mouri. Konsa, nou va retire mechanste pami nou.

8 ✨Fè atansyon kont enfeksyon lalèp, pou nou swiv avèk dilijans e fè tout sa ke prèt Levit yo te enstwi nou; jan mwen te kòmande yo a; se konsa, nou va fè atansyon pou nou fè. 9 Sonje sa ke SENYÈ Bondye nou an, te fè Marie nan chemen an pandan nou t ap sòti an Égypte la.

10 ✨Lè nou fè nenpòt kalite prè a vwazen nou, nou pa pou antre lakay li pou pran garanti. 11 Nou va rete deyò, e nonm k ap resevwa prè a va pote garanti a deyò bannou. 12 Si se yon malere, ou pa pou dòmi avèk garanti li. 13 ✨Lè solèy la fin kouche, nou va, anverite, remèt garanti a li, pou li kapab dòmi nan manto li, beni nou; epi ✨sa va sèvi kòm ladwati pou nou devan SENYÈ a, Bondye nou an. 14 ✨Nou pa pou oprime yon sèvitè k ap travay pou nou ki malere e ki nan nesosite, kit se yon sitwayen parèy nou, oswa youn nan etranje nou yo ki rete nan peyi nou nan vil nou yo. 15 ✨Nou va ba li salè li nan jou li avan solèy la kouche; paske, li se malere, e espwa kè li sou sa; jis pou li pa kriye kont nou vè SENYÈ a, pou sa devni yon peche nan nou.

✨ 23:21 Nonb 30:1-2 ✨ 23:25 Mat 12:1 ✨ 24:1 Mat 5:31 ✨ 24:7 Egz 21:16 ✨ 24:8 Lev 13:1-57 ✨ 24:10 Egz 22:26-27 ✨ 24:13 Egz 22:26 ✨ 24:13 Det 6:25 ✨ 24:14 Lev 25:35-43 ✨ 24:15 Lev 19:13

<sup>16</sup> Papa yo p ap mete a lanmò pou zak kriminèl fis yo, ni fis a lanmò yo pou zak kriminèl papa yo; tout moun ap vin mete a lanmò sèlman pou pwòp peche pa yo.

<sup>17</sup> ✧Nou pa pou tòde lajistis la ki se dwa a yon etranje, oswa yon òfelen, ni pran rad a yon vèv kòm garanti. <sup>18</sup> Men nou va sonje ke nou te esklav an Égypte, e ke SENYÈ a, Bondye nou an, te peye ranson nou soti la; akòz sa, mwen ap kòmande nou pou fè bagay sa a.

<sup>19</sup> Lè nou fè rekòlt nou nan chan nou, nou bliye yon pakèt nan chan an, nou pa pou retounen pran li; li va ✧pou etranje a, pou òfelen an ak pou vèv la, pou SENYÈ a, Bondye nou an, ✧kapab beni nou nan tout travay men nou yo. <sup>20</sup> ✧Lè nou keyi pye doliv la, nou pa pou pase sou branch yo yon dezyèm fwa; li va pou etranje a, pou òfelen an ak pou vèv la. <sup>21</sup> Lè nou rekòlte rezen nan chan rezen an, nou p ap pase sou li yon lòt fwa; li va pou etranje a, pou òfelen an ak pou vèv la.

<sup>22</sup> Nou va sonje ke nou te yon esklav nan peyi Égypte la; pou sa, mwen ap kòmande nou pou fè bagay sa a.

## 25

<sup>1</sup> Si gen yon konfli antre de mesye, yo ale devan tribinal, jij yo decide ka pa yo, ✧yo jistifye sila ki gen ladwati a e kondane sila ki mechan an, <sup>2</sup> epi li va rive ke si nonm ki mechan an, ✧merite bat, jij la va fè li kouche, e fè bat li nan prezans li avèk fòs kantite kou ki koresponn avèk koupabilite li a. <sup>3</sup> ✧Li kapab bat li karant fwa, men pa plis, jis pou li pa bat li avèk plis kou ke sa; epi frè nou an pa vin degrade nan zye nou.

<sup>4</sup> ✧Nou pa pou mare bouch a bèl la pandan l ap travay moulen an.

<sup>5</sup> Lè frè yo viv ansanm, youn nan yo mouri e li pa gen fis, madanm a sila ki mouri an p ap marye deyò fanmi an ak yon lòt mesye. ✧Frè mari li a va antre nan li; epi pran li pou li menm kòm madanm pou fè devwa a yon frè mari a pou li. <sup>6</sup> Li va rive ke premye ne ke li fè a, ✧li va pran non a frè mouri an, pou non li pa efase soti an Israël.

<sup>7</sup> ✧Men si nonm nan pa vle pran madanm frè li a; alò, madanm frè li a va monte vè pòtay kote ansyen yo e di: ‘Frè mari mwen an refize etabli yon non pou frè li an Israël; li pa dakò pou fè devwa a frè mari mwen. <sup>8</sup> Alò, ansyen a vil li yo va voye li pale avèk li menm frè a. Epi si li pèsiste e li di: “Mwen pa vle pran li,” <sup>9</sup> ✧alò, madanm frè li a va vin vè li devan zye a ansyen yo, li va retire sandal li nan pye li, e ✧krache nan figi li; epi li va deklare: ‘Se konsa sa fèt a mesye ki pa bati kay frè li.’ <sup>10</sup> An Israël, non li va rele: “Lakay a sila yo retire sapat la”.

<sup>11</sup> Si de mesye, yon mesye avèk yon sitwayen parèy li ap lite ansanm, madanm nan prè pou livre mari li a sila ki ap frape li a, e lonje men l pou sezi pati jenital li, <sup>12</sup> alò, nou va koupe men li. ✧Nou pa pou gen pitye pou li menm.

<sup>13</sup> ✧Nou pa pou pote nan sak nou plizyè kalite pwa balans, yon gwo avèk yon piti. <sup>14</sup> Nou pa pou genyen lakay nou plizyè kalite mezi, yon gwo avèk yon piti. <sup>15</sup> Nou va gen yon pwa balans ki bon e ki jis; nou va gen yon mezi ki bon e ki jis, ✧jis pou jou nou yo kapab pwolonje nan peyi ke SENYÈ a, Bondye nou an bannou an. <sup>16</sup> Paske, ✧tout moun ki fè bagay sa yo, tout

✧ 24:17 Egz 23:9 ✧ 24:19 Det 14:29 ✧ 24:19 Pwov 19:17 ✧ 24:20 Lev 19:10 ✧ 25:1 Det 1:16-17 ✧ 25:2 Pwov 19:29 ✧ 25:3 II Kor 11:24 ✧ 25:4 Pwov 12:10 ✧ 25:5 Mat 22:24 ✧ 25:6 Rt 4:5-9 ✧ 25:7 Rt 4:5-6 ✧ 25:9 Rt 4:7-8 ✧ 25:9 Nonb 12:14 ✧ 25:12 Det 7:2 ✧ 25:13 Lev 19:35-37 ✧ 25:15 Egz 20:12 ✧ 25:16 Pwov 11:1

moun ki aji avèk enjistis abominab a SENYÈ a, Bondye nou an.

<sup>17</sup> ✧ Sonje sa ke Amalec te fè nou pandan nou te nan chemen pou sòti an Égypte la, <sup>18</sup> kijan li te rankontre nou nan chemen an e te atake pami nou tout sila ki rete dèyè yo lè nou vin te fatigue e san fòs la; epi li ✧ pa t krent Bondye.

<sup>19</sup> Pou sa, li va vin rive ke lè SENYÈ a, Bondye nou an, vin bannou ✧ repo a tout lènmi ki antoure nou yo, nan peyi ke SENYÈ a, Bondye nou an, te bannou kòm eritaj pou posede a, nou va efase memwa a Amalec soti anba syèl la; nou pa pou bliye sa.

## 26

<sup>1</sup> Epi li va rive ke lè nou antre nan peyi ke SENYÈ a, Bondye nou an, te bannou kòm eritaj la; epi nou vin posede li pou nou viv ladann, <sup>2</sup> ke nou va pran kèk nan ✧premye a tout pwodwi latè ke nou mennen antre sòti nan peyi ke SENYÈ a, Bondye nou an, te bannou an; epi nou va mete li nan yon panyen e ✧ale kote SENYÈ a, Bondye nou an, chwazi pou etabli non Li an. <sup>3</sup> Nou va ale vè prèt ki anplas nan tan sa a, e nou va di li: “Mwen deklare nan jou sa a SENYÈ a, Bondye mwen an, ke mwen te antre nan peyi ke SENYÈ a te sèmante a zansèt nou yo pou bannou an.’

<sup>4</sup> Alò, prèt la va pran panyen an soti nan men nou e mete li devan lotèl SENYÈ a, Bondye nou an.

<sup>5</sup> Nou va reponn e di devan SENYÈ a, Bondye nou an: ✧‘Papa m te yon vwayajè Arameyen, li te desann an Égypte, e li te demere la, yo te piti an kantite; men la, li te devni yon gran nasyon pwisan avèk anpil moun. <sup>6</sup> Epi ✧Ejipsyen yo te trete nou byen di e te aflije nou; epi yo te enpoze travay fòse sou nou. <sup>7</sup> Alò, ✧nou te kriye a SENYÈ a, Bondye a zansèt nou yo; epi SENYÈ a te tandè vwa nou e te wè afliksyon nou avèk travay di ak opresyon yo. <sup>8</sup> ✧Epi SENYÈ a te mennen nou sòti an Égypte avèk yon men pwisan, yon bra lonje, avèk gwo krent, avèk sign ak mèvèy. <sup>9</sup> Li te mennen nou nan kote sa a, e te bannou peyi sa a; ✧yon peyi k ap koule avèk lèt ak siwo myèl.

<sup>10</sup> Koulye a, veye byen, mwen te mennen premye pwodwi a tè a, ✧ke Ou menm, O SENYÈ a te ban mwen.’ Epi nou va mete li la devan SENYÈ a, Bondye nou an; epi adore devan SENYÈ a, Bondye nou an; <sup>11</sup> epi nou menm avèk Levit la ak etranje ki pami nou an va ✧rejwi nan tout bonte ke SENYÈ a, Bondye nou an, te bannou avèk tout lakay nou.

<sup>12</sup> ✧Lè nou fin peye tout dim a pwodwi yo nan twazyèm ane a, ane a dim nan; alò, nou va bay li a Levit la, a etranje a, a òfelen an, e a vèv la, pou yo kapab manje nan vil nou yo e vin satisfè.

<sup>13</sup> Nou va di devan SENYÈ a, Bondye nou an, Mwen te retire pòsyon sen ki te lakay mwen an; epi osi, mwen te bay li a Levit la ak etranje a, avèk òfelen ak vèv la, selon tout kòmandman Ou yo, ke Ou te kòmande mwen. Mwen pa t vyole ni bliye okenn nan kòmandman Ou yo. <sup>14</sup> Mwen pa t manje ladann pandan lamantasyon mwen, ni mwen pa t retire anyen ladann pandan mwen pa t pwòp, ni pa t ofri anyen nan li a mò yo. Mwen

✧ 25:17 Egz 17:8-16 ✧ 25:18 Sòm 36:1 ✧ 25:19 Det 12:9 ✧ 26:2 Egz 22:29 ✧ 26:2 Det 12:5 ✧ 26:5 Jen 43:1-14 ✧ 26:6 Egz 1:8-11 ✧ 26:7 Egz 2:23-25 ✧ 26:8 Det 4:34 ✧ 26:9 Egz 3:8-17 ✧ 26:10 Det 8:18 ✧ 26:11 Det 12:7 ✧ 26:12 Lev 27:30

te koute vwa SENYÈ a, Bondye mwen an; mwen te fè selon tout sa ke Ou te kòmande mwen yo. <sup>15</sup> ✧Gade anba depi nan abitasyon sen Ou an, depi nan syèl la, e beni pèp Ou a, Israèl avèk tè ke Ou ✧te bannou an, yon tè ki koule avèk lèt ak siwo myèl, jan Ou te sèman a zansèt nou yo.’

<sup>16</sup> Nan jou sa a, SENYÈ a Bondye nou an, kòmande nou pou fè lwa avèk règleman sila yo. Nou va fè atansyon pou fè yo ✧avèk tout kè nou e avèk tout nanm nou.

<sup>17</sup> ✧Jodi a, nou te pwoklame SENYÈ a, se Bondye nou, ke nou te mache nan chemen Li yo, kenbe lwa Li yo, règleman Li yo ak kòmandman Li yo, e koute vwa Li.

<sup>18</sup> Jodi a, SENYÈ a te pwoklame nou se ✧pèp Li, yon posesyon presye, jan Li te pwomèt nou an; epi nou ta dwe kenbe tout kòmandman Li yo.

<sup>19</sup> Epi ke Li va plase nou wo anwo tout lòt nasyon ke Li te fè yo, pou lwanj, repitasyon ak onè. Epi ke nou va yon ✧pèp konsakre a SENYÈ a, Bondye nou an, jan Li te pale a.”

## 27

<sup>1</sup> Epi Moïse avèk ansyen Israèl yo te bay lòd a pèp la e te di: “Kenbe tout kòmandman mwen kòmande nou jodi a yo. <sup>2</sup> ✧Se konsa sa va ye nan jou ke nou travèse Jourdain an pou rive nan peyi ke SENYÈ a, Bondye nou an, ap bannou an, pou nou fè kanpe pou nou menm gwo wòch e kouvri yo avèk mòtye lacho <sup>3</sup> epi ekri sou yo tout pawòl a lwa sa yo, lè nou travèse, jis pou nou kapab antre nan peyi ke SENYÈ a, Bondye nou an, bannou an, ✧yon peyi ki koule avèk lèt ak siwo myèl, jan SENYÈ a, Bondye a zansèt nou yo, te pwomèt nou an.

<sup>4</sup> Se konsa sa va ye pou nou lè nou travèse Jourdain an, nou va fè kanpe ✧sou mòn Ébal wòch sa yo, jan mwen ap kòmande nou jodi a; epi nou va kouvri yo avèk lacho. <sup>5</sup> Anplis, nou va bati la, yon lotèl a SENYÈ a, Bondye nou an, yon lotèl avèk wòch; ✧nou p ap voye yon zouti fè sou yo. <sup>6</sup> Nou va bati lotèl la a SENYÈ a, Bondye nou an, avèk wòch ki pa taye; epi nou va ofri sou li ofrann brile a SENYÈ a, Bondye nou an; <sup>7</sup> epi nou va fè sakrifis ofrann lapè yo, manje la, e nou va ✧rejwi nou devan SENYÈ a, Bondye nou an. <sup>8</sup> Nou va ekri sou wòch yo tout pawòl a lwa sila yo, byen klè.”

<sup>9</sup> Epi Moïse avèk prèt Levit yo te pale avèk tout Israèl, e te di: ‘Fè silans O Israèl! Nan jou sa a menm, nou devni yon pèp pou SENYÈ a, Bondye nou an. <sup>10</sup> Pou sa, nou va obeyi SENYÈ a, Bondye nou an; epi nou va fè kòmandman Li yo avèk règleman Li yo ke mwen te kòmande nou jodi a”.

<sup>11</sup> Moïse te, osi, bay lòd a pèp la nan jou sa a, e te di: <sup>12</sup> Lè nou travèse Jourdain an, men sila ki va kanpe sou ✧Mòn Garizim pou beni pèp la: Siméon, Lévi, Juda, Issacar, Joseph avèk Benjamin.

<sup>13</sup> Pou pwononse malediksyon yo, sila yo va kanpe sou Mòn Ébal: Ruben, Gad, Aser, Zabulon, Dan ak Nephtali.

<sup>14</sup> Levit yo va, alò, reponn e di a tout pèp Israèl la avèk yon gran vwa: <sup>15</sup> Modi se mesye ki fè ✧yon zidòl oswa yon imaj ki fonn, yon bagay abominab a SENYÈ a, zèv a yon ouvriye, e ki monte li an sekre.’ Epi tout pèp la va reponn e di: ‘Amen’.

✧ 26:15 Sòm 80:14 ✧ 26:15 Det 26:9 ✧ 26:16 Det 4:29 ✧ 26:17 Sòm 48:14 ✧ 26:18 Egz 6:7  
 ✧ 26:19 Egz 19:6 ✧ 27:2 Jos 8:30-32 ✧ 27:3 Det 26:9 ✧ 27:4 Det 11:29 ✧ 27:5 Egz 20:25  
 ✧ 27:7 Det 26:11 ✧ 27:12 Det 11:29 ✧ 27:15 Egz 20:4-23



16 ✧Modi se sila ki dezonore papa l' oswa manman l.' Epi tout pèp la va di: 'Amen'.

17 ✧Modi se sila ki deplase limit lizyè vwazen li.' Epi tout pèp la va di: 'Amen'.

18 ✧Modi se sila ki mal gide yon avèk sou wout la.' Epi tout pèp la va di: 'Amen'.

19 ✧Modi se sila ki tòde lajistis pou yon etranje, òfelen, oswa vèv.' Epi tout pèp la va di: 'Amen'.

20 ✧Modi se sila ki kouche avèk madanm a papa li, akoz li te dekouvri jip a papa l.' Epi tout pèp la va di: 'Amen'.

21 ✧Modi se sila ki kouche avèk nenpòt bèt.' Epi tout pèp la va di: 'Amen'.

22 ✧Modi se sila ki kouche avèk sè li, fi a papa li oswa a manman li.' Epi tout pèp la va di: 'Amen'.

23 ✧Modi se sila ki kouche avèk bèlmè li.' Epi tout pèp la va di: 'Amen'.

24 ✧Modi se sila ki frape vwazen li an sekre.' Epi tout pèp la va di: 'Amen'.

25 ✧Modi se sila ki aksepte lajan pou asasine yon moun inosan.' Epi tout pèp la va di: 'Amen'.

26 ✧Modi se sila ki pa konfime pawòl a lwa sa yo avèk aksyon li'. Epi tout pèp la va di: 'Amen'.

## 28

1 ✧“Alò, li va rive ke si yo obeyi avèk dilijans SENYÈ a, Bondye nou an, e fè atansyon pou fè tout kòmandman Li yo ke mwen kòmande nou jodi a, SENYÈ a va plase nou wo, pi wo pase tout lòt nasyon sou latè yo.

2 Tout benediksyon sila yo va ✧vini sou nou; epi yo va pou nou, si nou obeyi SENYÈ a, Bondye nou an; 3 Beni nan vil; epi beni ✧andeyò, 4 Beni va fwi a vant nou, pòtre a bèt nou yo, kwasans a twoupo nou yo e jenn pòtre a bann mouton nou yo. 5 Beni va panyen nou avèk veso k ap foule pat pen an. 6 Beni lè nou ✧antre; epi beni lè nou sòti.

7 SENYÈ a va fè lènmi ki leve kont nou yo bat devan nou; yo va sòti kont nou nan yon sèl direksyon e sove ale devan nou nan sèt direksyon.

8 SENYÈ a va kòmande benediksyon sou nou nan depo nou yo, nan ✧tout bagay depi nou mete men nou ladann; epi Li va beni nou nan peyi ke SENYÈ a, Bondye nou an, bannou an.

9 ✧SENYÈ a va etabli nou kòm yon pèp ki sen a Li Menm, jan Li te sèmante a nou menm nan, si nou kenbe kòmandman a SENYÈ yo, Bondye nou an; epi mache nan chemen Li yo. 10 Konsa, tout pèp sou latè yo va wè ke ✧nou rele pa non SENYÈ a e yo va pè nou. 11 ✧SENYÈ a va fè nou ogmante an pwosperite, nan fwi zantray nou, nan fètilite bèt nou yo ak nan pwodwi tè nou yo, nan peyi ke SENYÈ a, te sèmante a zansèt nou yo pou bannou an.

12 SENYÈ a va louvri pou nou depo bonte Li a, syèl la, pou bay lapli sou peyi nou nan sezon li, pou beni tout travay a men nou yo; epi ✧nou va prete lajan bay anpil nasyon; men nou p ap janm mande prete. 13 ✧SENYÈ a va fè nou tèt olye de ke; epi nou ap tou sèl anwo e nou p ap anba, si nou

✧ 27:16 Egz 20:12 ✧ 27:17 Det 19:14 ✧ 27:18 Lev 19:14 ✧ 27:19 Egz 22:21 ✧ 27:20 Egz 22:21 ✧ 27:21 Egz 22:19 ✧ 27:22 Lev 18:9 ✧ 27:23 Lev 18:9 ✧ 27:24 Egz 21:12 ✧ 27:25 Egz 23:7 ✧ 27:26 Sòm 119:21 ✧ 28:1 Egz 15:26 ✧ 28:2 Za 1:6 ✧ 28:3 Jen 39:5 ✧ 28:6 Sòm 121:8 ✧ 28:8 Det 15:10 ✧ 28:9 Egz 19:5 ✧ 28:10 II Kwo 7:14 ✧ 28:11 Det 28:4 ✧ 28:12 Det 23:20 ✧ 28:13 Det 28:1-44

koute kòmandman a SENYÈ yo, Bondye nou an, ke mwen pase lòd bannou jodi a, pou nou swiv avèk atansyon.

14 Epi ✨pa vire akote okenn nan pawòl ke mwen kòmande nou jodi a, ni adwat, ni agoch, pou ale apre lòt dye yo pou sèvi yo.

15 ✨Men li va vin rive ke si nou pa obeyi SENYÈ a, Bondye nou an, pou swiv tout kòmandman Li yo avèk lwa Li yo ke mwen pase lòd bannou jodi a, ke tout malediksyon sa yo va vini sou nou, pou pran nou.

16 ✨Modi nou va ye nan vil; epi modi nou va ye andeyò.

17 ✨Modi va panyen nou ak bòl k ap pote pen nou.

18 ✨Modi va fwi zantray nou ak pwodwi a tè nou yo, kwasans twoupo a, avèk jenn pòtre bann mouton nou yo.

19 ✨Modi nou va ye lè nou antre; epi modi nou va ye lè nou sòti.

20 ✨SENYÈ a va voye sou nou madichon, twoub, avèk menas nan tout sa nou eseye fè, jiskaske nou fin detwi nèt, akoz mechanste a zèv nou yo, akoz ke nou te abandone mwen.

21 ✨SENYÈ a va fè gwo epidemi vin kole sou nou jiskaske li fin manje nou soti nan peyi kote nou ap antre pou posede a.

22 ✨SENYÈ a va frape nou avèk epidemi tibèkiloz ak lafyèv, enflamasyon ak chalè ki brile, avèk nepe, maladi ki seche jaden, avèk pichon; epi yo va kouri dèyè nou jiskaske nou mouri. <sup>23</sup> Syèl sou tè nou an va vin bwonz; epi tè anba pye nou an va vin fè. <sup>24</sup> ✨SENYÈ a va fè lapli tè nou an avèk poud ak pousyè; soti nan syèl la, li va tonbe sou nou jiskaske nou fin detwi.

25 ✨SENYÈ a va lakoz ke nou vin bat devan lènmi nou yo; nou va sòti yon direksyon kont yo e nou va sove ale nan sèt direksyon devan yo; epi nou va yon objè meprize degoutan pou tout wayòm latè yo. <sup>26</sup> ✨Kadav nou va devni manje pou zwazo anlè yo ak bèt sovaj latè yo; epi p ap gen moun ki pou chase yo ale.

27 ✨SENYÈ a va frape nou avèk abse Égypte yo, avèk ✨timè e avèk kal sou po nou ak gratèl, nan sila p ap gen gerizon yo.

28 SENYÈ a va frape nou pou fè nou fou, avèg ak sezisman kè; <sup>29</sup> epi nou va ✨tatonnen gwo midi, tankou yon avèg tatonnen nan tenèb; epi nou pa p pwospere nan zafè nou yo; men nou va kontinyèlman oprime e kontinyèlman viktim vòl, san genyen pèsòn pou bannou sekou.

30 ✨Nou va fyanse yon madanm; men yon lòt mesye va vyole li; ✨nou va bati yon kay; men nou p ap viv ladann; nou va plante yon chan rezen; men nou p ap sèvi nan fwi li.

31 Bèf nou va touye devan zye nou; men nou p ap manje ladann; bourik nou va rache nan men nou, e yo p ap remèt bannou; mouton nou va bay a lènmi nou yo e nou p ap gen okenn moun ki pou sove nou.

32 ✨Fis nou yo ak fi nou yo va bay a yon lòt pèp, pandan zye nou ap gade sou sa e anvi wè yo tout tan; men p ap gen anyen nou kapab fè.

33 ✨Yon pèp nou pa menm konnen va vin manje pwodwi a tè nou yo, tout travay nou yo; epi nou p ap janm anyen sof ke oprime e kraze tout tan.

34 Nou va bourade jiskaske nou vin fou akoz tout sa nou wè. <sup>35</sup> ✨SENYÈ a

✨ 28:14 Det 5:32 ✨ 28:15 Lev 26:14-43 ✨ 28:16 Det 28:3 ✨ 28:17 Det 28:5 ✨ 28:18 Det 28:4  
 ✨ 28:19 Det 28:6 ✨ 28:20 Det 28:8 ✨ 28:21 Lev 26:25 ✨ 28:22 Lev 26:16 ✨ 28:24 Det 11:17  
 ✨ 28:25 Det 28:7 ✨ 28:26 Jr 7:33 ✨ 28:27 Egz 9:9 ✨ 28:27 I Sam 5:6 ✨ 28:29 Egz 10:21  
 ✨ 28:30 Job 31:10 ✨ 28:30 Am 5:11 ✨ 28:32 Det 28:41 ✨ 28:33 Jr 5:15-17 ✨ 28:35 Det 28:27

va frape nou sou jenou ak janm avèk abse ki fè mal, ki pa gen gerizon soti anba pye nou rive jis anwo tèt nou.

<sup>36</sup> ✧ SENYÈ a va mennen nou avèk wa ke nou mete sou nou yo, a yon nasyon ki ni nou menm, ni zansèt nou yo pa t konnen; epi la, nou va sèvi lòt dye yo, fèt ak bwa ak wòch. <sup>37</sup> ✧ Nou va devni yon objè meprize etonan, yon pwovèb, yon plezi pami tout pèp kote SENYÈ a pouse nou ale yo.

<sup>38</sup> ✧ Nou va pote anpil semans nan chan yo; men nou va ranmase piti, paske krikèt yo va manje yo. <sup>39</sup> ✧ Nou va plante e kiltive chan rezen yo; men nou p ap bwè diven, ni ranmase fwi yo; paske, vè va devore yo. <sup>40</sup> ✧ Nou va genyen pye doliv nan tout teritwa nou yo; men nou p ap onksyone nou avèk lwil; paske, fwi doliv yo va tonbe.

<sup>41</sup> ✧ Nou va gen fis ak fi, men yo p ap pou nou; paske, yo va antre an kaptivite.

<sup>42</sup> ✧ Krikèt va posede tout bwa ak pwodwi latè nou yo.

<sup>43</sup> ✧ Etranje ki pami nou an, va leve pi wo e pi wo ke nou; men nou va desann piba, e piba. <sup>44</sup> ✧ Li va prete nou lajan; men nou p ap gen pou prete li; li va tèt, nou menm, nou va ke.

<sup>45</sup> Konsa tout madichon sa yo va vini sou nou pou pran nou ✧jiskaske nou fin detwi, akoz nou pa t obeyi SENYÈ a, Bondye nou an, nou pa t kenbe Kòmandman Li yo ak lwa Li yo, ke Li te kòmande nou.

<sup>46</sup> Yo va devni ✧yon sign ak yon mèvèy pou yo ak desandan nou yo jis pou tout tan. <sup>47</sup> Akoz nou pa t sèvi SENYÈ a, Bondye nou an, pou nou ta twouve tout bagay, avèk jwa ak kè kontan. <sup>48</sup> Pou sa, nou va sèvi lènmi nou yo ke SENYÈ a va voye kont nou, ✧nan grangou, nan swaf, nan toutouni ak nan manke tout bagay; epi Li ✧va mete yon fado fèt an fè sou kou nou jiskaske Li fin detwi nou.

<sup>49</sup> ✧ SENYÈ a va mennen yon nasyon kont nou soti lwen nan dènnye pwent latè, ✧tankou èg desann, yon nasyon ak yon langaj nou p ap konprann, <sup>50</sup> Yon nasyon, avèk figi fewòs, ki ✧ p ap gen respè pou ansyen yo, ni montre favè a jèn yo. <sup>51</sup> Anplis, li va manje fwi a twoupo nou yo ak pwodwi a tè nou yo jiskaske nou fin detwi, ki p ap kite anyen, ni diven nèf la, ni lwil, ni fwi a twoupo nou yo oswa bann mouton nou yo jiskaske yo fè nou mouri. <sup>52</sup> ✧ Li va mete syèj sou yo nan tout vil nou yo jiskaske miray wo byen fòtifye nan sila nou te mete konfyans nou yo tonbe atravè peyi nou an; epi li va fè syèj sou nou nan vil nou yo nan tout peyi ke SENYÈ a te bannou an.

<sup>53</sup> Epi nou va vin manje pitit a pwòp vant nou, chè a fis nou yo avèk fi nou yo ke SENYÈ a, Bondye nou an, te bannou yo, pandan syèj la, l ap rèd anpil lè lènmi nou yo oprime nou.

<sup>54</sup> Nonm pami nou ki byen rafine e ki janti a va vin sovaj anvè frè li, anvè madanm ke li renmen anpil la ak anvè tout lòt pitit li ki rete yo, <sup>55</sup> Jis li p ap bay menm youn nan yo okenn nan chè a pitit li ke li va manje a; akoz, nanpwen anyen ki rete, pandan syèj la ak tan di anpil la, pa sila lènmi nou yo va oprime nou nan tout vil nou yo.

<sup>56</sup> ✧ Fanm pami nou ki byen rafine e ki janti a, ki pa t ap eseye menm mete pye li atè tèlman li rafine e janti, li va vin sovaj anvè mari li ke li renmen anpil la, anvè fis li avèk fi li, <sup>57</sup> epi anvè vant ki sòti antre janm li

✧ 28:36 II Wa 17:4-5 ✧ 28:37 I Wa 9:7-8 ✧ 28:38 És 5:10 ✧ 28:39 És 5:10 ✧ 28:40 Jr 11:16  
 ✧ 28:41 Det 28:32 ✧ 28:42 Det 28:38 ✧ 28:43 Det 28:13 ✧ 28:44 Det 28:12 ✧ 28:45 Det 4:25-26 ✧ 28:46 Nonb 26:10 ✧ 28:48 Lam 4:4-6 ✧ 28:48 Jr 28:13-14 ✧ 28:49 És 5:26-30  
 ✧ 28:49 Jr 48:40 ✧ 28:50 És 47:6 ✧ 28:52 Jr 10:17-18 ✧ 28:56 Lam 4:10

yo lè l fè pitit e anvè pitit li yo ke li fè; paske, ✨li va manje yo an sekre akoz mank tout lòt bagay pandan syèj la e akoz soufrans pa sila lènmi nou va oprime nou nan vil nou yo.

<sup>58</sup> Epi si nou pa fè atansyon pou swiv tout pawòl a lwa sila yo ki ekri nan liv sila yo, pa ✨krent non sa a ki plen onè e ki mèvèye la, SENYÈ a, Bondye nou an, <sup>59</sup> alò, SENYÈ a va mennen toumant ekstrawòdinè vin sou nou avèk desandan nou yo, menm toumant ki sevè e ki dirab, epidemi ki dirab avèk maladi ki rete mize. <sup>60</sup> ✨Li va fè retounen sou nou tout maladi Égypte ke nou pè yo e yo va kole sou nou. <sup>61</sup> Osi, tout kalite maladi ak toumant ki pa menm ekri nan liv lalwa sila a, SENYÈ a va mennen yo sou nou ✨jiskaske nou fin detwi.

<sup>62</sup> Epi nou va rete piti an kantite; ✨malgre, nou te gran an kantite tankou zetwal syèl yo, akoz ke nou pa t obeyi SENYÈ a, Bondye nou an.

<sup>63</sup> Li va rive ke menm jan SENYÈ a te ✨fè kè kontan sou nou pou fè nou pwospere e miltipliye nou an; konsa, SENYÈ a va ✨fè kè kontan sou nou pou fè nou peri e detwi nou; epi nou va chire sòti nan tè kote nou ap antre pou posede a.

<sup>64</sup> Anplis, SENYÈ a va fè nou ✨ gaye pami tout pèp la jis soti nan pwent latè pou rive nan lòt la; epi la, nou va sèvi lòt dye yo, bwa avèk wòch, ke nou menm avèk zansèt nou yo pa t janm konnen. <sup>65</sup> ✨Pami nasyon sila yo, nou p ap twouve repo; epi p ap gen plas repo pou pla pye nou; men la, ✨SENYÈ a va bannou kè sote, zye ki febli ak nanm ki pèdi espwa.

<sup>66</sup> Konsa, lavi nou va pandye nan dout devan nou; epi nou va gen gwo laperèz lannwit kon lajounen; epi p ap gen asirans lavi nou.

<sup>67</sup> ✨Nan maten, nou va di: ‘Pito lannwit te rive, e nan aswè, nou va di: ‘Pito se te maten!’ akoz krent kè nou ki bannou laperèz e pou vizyon a zye nou ke nou va wè.

<sup>68</sup> SENYÈ a va mennen nou retounen an Égypte nan gwo bato, pa chemen ke m te pale nou an: ‘Nou p ap janm wè li ankò!’ Epi la, nou va ofri tèt nou menm pou vann a lènmi nou yo kòm esklav mal ak femèl; men p ap gen moun pou achte nou.

## 29

<sup>1</sup> ✨Sila yo se pawòl a akò ke SENYÈ a te kòmande Moïse pou fè avèk fis Israèl yo nan peyi Moab la, anplis akò Li te fè avèk yo nan Horeb la. <sup>2</sup> Epi Moïse te konvoke tout Israèl e te di yo: “Nou te wè tout sa ke SENYÈ a te fè a Farawon nan peyi Égypte la e a tout sèvitè li yo avèk tout peyi li a; <sup>3</sup> ✨gwo eprèv ke zye nou te wè yo, gwo sign sa yo avèk mèvèy yo. <sup>4</sup> ✨Men jis rive jodi a, SENYÈ a pa t bannou yon kè pou konnen, ni zye pou nou wè, ni zòrèy pou nou tande. <sup>5</sup> Mwen te mennen nou pandan karantan nan dezè a; ✨rad nou yo pa t epwize sou nou, e sandal nou yo pa t epwize nan pye nou. <sup>6</sup> ✨Nou pa t manje pen, ni nou pa t bwè bwason ki fò pou nou ta konnen ke Mwen menm, se Senyè a, Bondye nou an. <sup>7</sup> ✨Lè nou te rive kote sa a, Sihon, wa Hesbon an avèk Og, wa Basan an, yo te sòti pou rankontre nou pou batay; men nou te bat yo; <sup>8</sup> epi nou te pran peyi pa yo a, nou te ✨bay li kòm eritaj a Ribenit yo, a Gadit yo e a mwatye tribi a

✨ 28:57 II Wa 6:28-29 ✨ 28:58 Sòm 99:3 ✨ 28:60 Det 28:27 ✨ 28:61 Det 4:25 ✨ 28:62 Det 1:10 ✨ 28:63 Jr 32:41 ✨ 28:63 Pwov 1:26 ✨ 28:64 Lev 26:33 ✨ 28:65 Lam 1:3 ✨ 28:65 Lev 26:36 ✨ 28:67 Job 7:4 ✨ 29:1 Lev 26:46 ✨ 29:3 Det 4:34 ✨ 29:4 És 6:9-10 ✨ 29:5 Det 8:5 ✨ 29:6 Det 6:3 ✨ 29:7 Nonb 21:21-35 ✨ 29:8 Nonb 32:32-33

Manasit yo. <sup>9</sup> ✨Pou sa, kenbe pawòl a akò sa yo pou fè yo, pou nou kapab reyisi nan tout sa ke nou eseye fè. <sup>10</sup> Nou vin kanpe la a jodi a, nou tout, devan SENYÈ a, Bondye nou an: chèf nou yo, tribi nou yo, ansyen nou yo ak ofisyè nou yo, tout mesye Israèl yo, <sup>11</sup> Timoun nou yo, madanm nou yo ak etranje ki demere nan kan nou yo, soti nan ✨sila ki koupe bwa dife nou, jis rive nan sila ki rale dlo nou yo, <sup>12</sup> pou nou kapab antre an akò avèk SENYÈ a, Bondye nou an, pou sèman ke SENYÈ Bondye nou an, ap fè avèk ou jodi a, <sup>13</sup> pou Li kapab etabli nou jodi a kòm pèp Li, e pou ✨Li kapab devni Bondye nou, jis jan ke Li te pale nou an ak jan Li te sèman a zansèt nou yo, a Abraham, Isaac, e a Jacob la. <sup>14</sup> Alò, se pa avèk nou sèman ke Mwen ap ✨fè akò sila a avèk sèman sila a, <sup>15</sup> ✨men avèk sila ki kanpe isit yo avèk nou jodi a nan prezans a SENYÈ a, Bondye nou an, e avèk sila ki pa la avèk nou jodi a <sup>16</sup> (paske, nou konnen kijan nou te viv nan peyi Égypte la ak kijan nou te pase nan mitan nasyon kote nou te pase yo; <sup>17</sup> anplis, nou te wè abominasyon pa yo ak zidòl pa yo an ✨bwa, wòch, ajan ak lò, ki te avèk yo); <sup>18</sup> ✨pou pa t ap genyen pami nou jodi a ni gason, ni fanm, ni fanmi, ni tribi, ki gen kè ki vire kite SENYÈ a, Bondye nou an, pou ale sèvi lòt dye a nasyon sa yo; pou pa vin gen pami nou yon rasin ki pote fwi pwazon anmè konsa. <sup>19</sup> Li va rive ke lè li tandè pawòl a madichon sila a, li va vin ògeye, e di: “Mwen va gen lapè menmlè mwen mache avèk kè di, pou m detwi tè wouze tankou tè sèk.” <sup>20</sup> SENYÈ a p ap janm dakò pou padone li; men pito, lakòlè SENYÈ ak jalouzi Li va brile kont nonm sa a; epi tout madichon ki ekri nan liv sa a, va vin rete sou li, e SENYÈ a va ✨efase non li anba syèl la. <sup>21</sup> Epi SENYÈ a va chwazi li eksprè pou fè l gen traka soti nan tout tribi Israèl yo, selon tout madichon a akò ✨ki ekri nan liv lalwa sila a. <sup>22</sup> Alò, jenerasyon k ap vini an, fis nou ki leve apre nou yo, avèk ✨etranje ki sòti nan yon peyi lwen, lè yo wè toumant a peyi ak maladi avèk sila SENYÈ a te aflije li yo, yo va di: <sup>23</sup> Tout teritwa li va vin souf avèk sèl, yon kote devaste e brile nèt, ki pa simen menm, ni pwodwi anyen, san zèb grandi ladann, tankou boulvèsman Sodome nan avèk Gomorrhe a. Li va tankou Adma avèk Tseboïm ke SENYÈ a te boulvèse nan chalè li avèk kòlè Li. <sup>24</sup> Tout nasyon yo va di: ✨Poukisa SENYÈ a te fè sa a peyi sila a? Poukisa gwo kòlè sila a? <sup>25</sup> Epi yo va di: ✨Akoz yo te abandone akò a SENYÈ a, Bondye a zansèt yo a te fè avèk yo lè Li te mennen yo sòti nan peyi Égypte la. <sup>26</sup> Yo te sèvi lòt dye yo e yo te adore yo, dye ke yo pa t konnen e ke Li pa t janm te ba yo. <sup>27</sup> Pou sa, kòlè SENYÈ a te brile kont peyi a, ✨pou mennen sou li tout madichon ki ekri nan liv sa a; <sup>28</sup> epi ✨SENYÈ a te dechouke yo nan peyi pa yo a nan kòlè avèk gwo mekontantman, Li te rache yo soti nan peyi yo pou jete yo nan yon lòt peyi, jan li ye kounye a. <sup>29</sup> (a ✨Bagay sekrè yo apatye a SENYÈ a, Bondye nou an. Men ✨bagay ki revele yo se pou nou menm avèk fis nou yo jis pou tout tan, pou nou kapab obsève tout pawòl lalwa sila yo.

## 30

<sup>1</sup> Konsa li va ye lè tout bagay sa yo fin vini sou nou, ( ✨benediksyon avèk

✨ 29:9 Det 4:6 ✨ 29:11 Jos 9:21-27 ✨ 29:13 Jen 17:7 ✨ 29:14 Jr 31:31 ✨ 29:15 Trav 2:39  
 ✨ 29:17 Egz 20:23 ✨ 29:18 Det 13:6 ✨ 29:20 Egz 32:33 ✨ 29:21 Det 30:10 ✨ 29:22 Jr 19:8  
 ✨ 29:24 I Wa 9:8 ✨ 29:25 II Wa 17:9-23 ✨ 29:27 Dan 9:11 ✨ 29:28 II Kwo 7:20 ✨ 29:29  
 Trav 1:7 ✨ 29:29 Jn 5:39 ✨ 30:1 Det 30:15-19

madichon ke mwen te mete devan nou pou nou sonje yo ✨nan tout nasyon kote SENYÈ a va egzile nou yo. <sup>2</sup> Epi ou retounen kote SENYÈ Bondye ou, epi obeyi Li ak tout ke e tout nanm ou, selon tout sa ke M komande ou jodi a; ou menm anplis ak fis ou yo. <sup>3</sup> Konsa SENYÈ a, Bondye nou an, va ✨restore nou apre kaptivite sila a e Li va vin gen konpasyon sou nou. Li ✨va ranmase nou ankò sòti nan tout pèp kote SENYÈ a, Bondye nou an, te gaye nou yo. <sup>4</sup> Si moun egzil sa yo nan lòt pwent tè a; ✨soti la, SENYÈ a, Bondye nou an, va ranmase nou; epi soti la, Li va mennen nou tounen. <sup>5</sup> SENYÈ a, Bondye nou an, va mennen nou antre nan peyi ke zansèt nou yo te posede a. Nou va posede li; epi Li va fè nou pwospere e vin ✨miltipliye plis ke zansèt nou yo. <sup>6</sup> Anplis, SENYÈ a, Bondye nou an, va sikonsi kè nou ak kè a desandan nou yo, ✨pou renmen SENYÈ a, Bondye nou an, avèk tout kè nou e avèk tout nanm nou, pou nou kapab viv. <sup>7</sup> ✨SENYÈ a, Bondye nou an, va aflije lènmi nou yo avèk tout madichon sa yo ansanm ak sila ki rayi nou yo, ki te pèsikite nou yo. <sup>8</sup> Epi nou va ankò obeyi SENYÈ a e obsève tout kòmandman li yo ke Mwen te kòmande nou jodi a. <sup>9</sup> Epi SENYÈ a, Bondye nou an, va fè nou vin pwospere anpil nan travay men nou, nan fwi zantray nou yo, nan pòtre a bèt nou yo ak nan pwodwi ki sòti nan tè yo; paske, ✨SENYÈ a va ankò rejwi de nou pou bonte nou, jis jan ke Li te rejwi de zansèt nou yo; <sup>10</sup> si nou obeyi SENYÈ a, Bondye nou an, pou kenbe kòmandman Li yo ak lwa Li yo ki ekri nan liv lalwa sila a, si nou vire vè SENYÈ a, Bondye nou an, ✨avèk tout kè ak nanm nou. <sup>11</sup> Paske, kòmandman sila ke mwen bannou jodi a pa twò difisil pou nou, ni li pa twò wo pou nou pa rive kote l. <sup>12</sup> Li pa nan syèl la, pou nou ta di: ✨‘Kilès ki va monte nan syèl la pou pran li pou nou e fè nou tandè li, pou nou kapab swiv li?’ <sup>13</sup> Ni li pa lòtbò lanmè a, pou nou ta di: ‘Kilès k ap travèse lanmè a, pou pran li pou nou e fè nou tandè li, pou nou kapab swiv li.’ <sup>14</sup> Men pawòl la toupre nou, nan bouch nou ak nan kè nou, pou nou kapab swiv li. <sup>15</sup> Nou wè, jodi a ✨Mwen te mete devan nou lavi avèk abondans, oswa lanmò avèk tout sa ki pa bon. <sup>16</sup> Nan tout sa mwen kòmande nou jodi a ✨pou renmen SENYÈ a, Bondye nou an, pou mache nan chemen Li yo; epi pou kenbe kòmandman Li yo avèk lwa Li yo ak jijman Li yo, pou nou kapab viv e miltipliye, e pou SENYÈ a, Bondye nou an, kapab beni nou nan peyi kote nou ap antre pou posede a. <sup>17</sup> Men si kè nou detounen e nou refize obeyi; men nou mennen pou adore lòt dye yo e sèvi yo, <sup>18</sup> Mwen deklare a nou jodi a ke ✨nou va vrèman peri. Nou p ap pwolonje jou nou yo nan peyi kote nou ap travèse Jourdain an pou antre posede a. <sup>19</sup> Mwen rele syèl la avèk tè a pou fè temwayaj kont nou jodi a, ke mwen te mete devan nou lavi avèk lanmò, ✨benediksyon avèk malediksyon. Pou sa, chwazi lavi pou nou kapab viv, nou menm avèk desandan nou yo, <sup>20</sup> ✨nan renmen SENYÈ a, Bondye nou an ak nan obeyisans a vwa Li ak ✨nan kenbe fèm a Li; paske, sa se lavi nou ak pwolongasyon a jou nou yo, pou nou kapab viv nan peyi ke SENYÈ a te sèmante a zansèt nou yo; a Abraham, Isaac e a Jacob, pou bay yo a.”

✨ 30:1 Lev 26:40-45 ✨ 30:3 Jen 28:15 ✨ 30:3 Sòm 147:2 ✨ 30:4 Né 1:9 ✨ 30:5 Det 7:13  
 ✨ 30:6 Det 6:5 ✨ 30:7 Det 7:15 ✨ 30:9 Jr 32:41 ✨ 30:10 Det 4:29 ✨ 30:12 Wo 10:6-8  
 ✨ 30:15 Det 11:26 ✨ 30:16 Det 6:5 ✨ 30:18 Det 4:26 ✨ 30:19 Det 30:1 ✨ 30:20 Det 6:5  
 ✨ 30:20 Det 10:20

## 31

<sup>1</sup> Konsa Moïse te ale e te pale pawòl sa yo a tout Israèl. <sup>2</sup> Epi li te di yo: “Mwen gen san-ventan daj jodi a; ✧mwen pa kapab dirije nou ankò. SENYÈ a te di mwen: ‘Ou p ap travèse Jourdain sila a.’ <sup>3</sup> Se SENYÈ a, Bondye nou menm nan, ki va travèse devan nou; Li va detwi nasyon sila yo devan nou e nou va deplase yo. Se ✧Josué ki va travèse devan nou, jan SENYÈ a te pale a. <sup>4</sup> SENYÈ a va fè yo menm jan ke Li te fè a Sihon avèk Og, wa a Amoreyen yo e a peyi pa yo a lè Li te detwi yo a. <sup>5</sup> ✧SENYÈ a va livre yo devan nou, e nou va ajì avèk yo an akò avèk kòmandman ke mwen menm te kòmande nou yo. <sup>6</sup> Rete fò e pran kouraj; pa pè yo ni tranble devan yo; paske, SENYÈ a, Bondye nou an, se sila k ap ale avèk nou an. Li p ap fè nou desi, ni li p ap abandone nou. <sup>7</sup> Epi Moïse te rele Josué e te di li devan tout Israèl: “Kenbe fò, pran kouraj; paske, ou va ale avèk pèp sa a pou antre nan peyi ke SENYÈ a te sèmante a zansèt pa yo pou ba yo a; epi ou va ba yo li kòm eritaj. ✧ <sup>8</sup> ✧Se SENYÈ a k ap prale devan ou; Li va avèk ou. Li p ap fè ou desi, ni abandone ou. Pa pè, ni pèdi kouraj.” <sup>9</sup> Konsa, Moïse te ekri lwa sa a; epi li te bay li a prèt yo, fis a Lévi yo ✧ki te pote lach akò a SENYÈ a e a tout ansyen an Israèl yo. <sup>10</sup> Epi Moïse te kòmande yo e te di: “Nan fen chak sèt ane, nan sezon ✧ane remisyon dèt nan ✧Fèt Tonèl Yo, <sup>11</sup> lè tout Israèl vini pou parèt devan SENYÈ a, Bondye nou an, kote ke Li va chwazi a, ✧nou va li lwa sila a devan tout Israèl jan pou yo tande l. <sup>12</sup> Rasanble pèp la, gason avèk fanm, ak pitit yo, etranje ki nan vil nou yo, pou yo ka tande ✧aprann gen lakrent SENYÈ a, Bondye nou an; epi fè atansyon pou swiv tout pawòl a lwa sila yo. <sup>13</sup> Pitit yo ki pa t konnen, va tande e aprann gen lakrent SENYÈ a, Bondye nou an, pou tout tan ke nou viv nan peyi ke nou prèt pou travèse Jourdain an pou posede a.” <sup>14</sup> Alò, SENYÈ a te di a Moïse: “Gade byen, lè pou ou mouri toupren. Rele Josué, e prezante nou menm nan tant asanble a, pou Mwen kapab ba li komisyon li.” <sup>15</sup> ✧SENYÈ a te vin parèt nan tant lan nan yon pilye nwaj e pilye nwaj la te kanpe nan pòtay tant lan. <sup>16</sup> SENYÈ a te di a Moïse: “Gade byen, ou prèt pou kouche avèk zansèt ou yo; epi ✧pèp sa a va fè jwèt pwostitiye ak dye etranje yo nan peyi kote y ap prale a pou abandone Mwen; epi kraze akò Mwen ke Mwen te fè avèk yo a. <sup>17</sup> Alò, kòlè Mwen va vin limen kont yo nan jou sa a, Mwen va abandone yo e kache figi Mwen a yo menm. Yo va detwi e anpil malè va rive sou yo; jiskaske yo va di nan jou sa a: ✧‘Èske se pa paske Bondye nou an pa pami nou ke malè sa yo vin rive sou nou?’ <sup>18</sup> Men anverite, Mwen va kache figi Mwen nan jou sa a akòz tout mechanste ke yo va fè; paske, yo va vire vè lòt dye yo. <sup>19</sup> Koulye a, akòz sa, ✧ekri chanson sila a pou nou menm e montre li a fis Israèl yo; mete li sou lèy yo, pou chanson sa a kapab yon temwen pou Mwen kont fis Israèl yo. <sup>20</sup> Paske, lè Mwen mennen yo antre nan peyi k ap koule avèk lèt avèk siwo myèl la, ke Mwen te sèmante a zansèt pa yo, yo te manje e satisfè, e yo te ✧vin pwospere; alò, yo va vire a lòt dye yo pou sèvi yo, meprize Mwen e kraze akò Mwen an. <sup>21</sup> Epi li va rive ke lè anpil malè avèk twoub vini sou yo, pou chan sa a va fè temwayaj devan yo (paske, li p ap bliye pa

✧ **31:2** Nonb 27:17 ✧ **31:3** Nonb 27:18 ✧ **31:5** Det 7:2 ✧ **31:7** Det 1:38 ✧ **31:8** Egz 13:21  
 ✧ **31:9** Nonb 4:5-15 ✧ **31:10** Det 15:1-2 ✧ **31:10** Lev 23:34 ✧ **31:11** Jos 8:34 ✧ **31:12** Det 4:10 ✧ **31:15** Egz 33:9 ✧ **31:16** Egz 33:9 ✧ **31:17** Nonb 14:42 ✧ **31:19** Det 31:22 ✧ **31:20** Det 32:15-17

desandan pa yo); paske, ✧Mwen konnen entansyon ke yo ap fòmè depi jodi a, avan Mwen mennen yo antre nan peyi ke Mwen te fè sèman pou ba yo a.” 22 ✧Konsa, Moïse te ekri chan sa a nan menm jou a e te montre fis Israèl yo li. 23 Epi li te bay Josué, fis a Nun nan, komisyon li, e te di: ✧“Kenbe fèm e pran kouraj; paske, ou va mennen fis Israèl yo antre nan peyi ke mwen te sèman a yo menm nan; epi ✧mwen va avèk ou.” 24 Li te vin rive ke lè Moïse te fin ekri pawòl a lwa sa yo nan yon liv soti nan kòmansman jiska lafen, 25 ke Moïse te kòmande Levit ✧ki te pote lach akò SENYÈ yo, e te di: 26 “Pran liv lalwa a e mete li akote lach akò SENYÈ a, Bondye nou an, pou li kapab rete la kòm yon temwen kont nou. 27 Paske, mwen konnen ✧rebelyon nou ak tèt di nou, gade byen, pandan mwen toujou vivan avèk nou jodi a, nou te fè rebelyon kont SENYÈ a; konbyen anplis, konsa, apre mwen fin mouri? 28 Rasanble pou mwen tout ansyen a tribi nou yo ak ofisye nou yo, pou mwen kapab pale pawòl sila yo pou yo tandè e ✧rele sou syèl la avèk tè a pou temwaye kont yo. 29 Paske, mwen konnen apre lanmò mwen, nou va ✧fè zak konwonpi e vire kite chemen ke mwen te kòmande nou an; epi malè va swiv nou nan dènye jou yo; paske, nou va fè sa ki mal nan zye SENYÈ a e pwovoke Li a lakòlè avèk zèv men nou.” 30 Epi Moïse te resite pawòl a chanson sa a soti nan kòmansman jiska lafen nan zòrèy tout asanble Israèl la:

## 32

1 ✧Prete zòrèy nou, O syèl yo, kite mwen pale; Kite tè a tandè pawòl a bouch mwen yo. 2 Kite ✧enstriksyon mwen yo tonbe tankou lapli, Pawòl mwen yo poze tankou lawouze, Tankou ti gout sou zèb fre ak lapli k ap farinen sou zèb. 3 Paske, mwen pwoklame non a SENYÈ a; Bay ✧glwa a Bondye nou an! 4 Wòch la! Zèv Li yo pafè; Paske, ✧ tout chemen li yo jis; ✧Yon Bondye fidèl e san enjistis, Dwat e jis ke Li ye. 5 Yo te fè zak konwonpi anvè Li, Yo pa pitit li akoz defo yo; ✧Yon jenerasyon pèvèti e kwochi. 6 Se konsa nou ✧rekonpanse SENYÈ a, O ✧pèp ki san konprann e ki san sajès? Èske se pa Papa nou, Kreyatè nou an, Ki te fè nou e ki te fòmè nou? 7 Sonje jou tan pase yo, Konsidere lane a tout jenerasyon yo. ✧Mande papa nou e li va fè nou konnen, Ansyen nou yo e yo va di nou. 8 Lè Pi Wo a ✧te bay nasyon yo eritaj yo, Lè Li te separe fis a lòm yo, Li te etabli lizyè a tout pèp la Selon kantite a fis Israèl yo. 9 Paske ✧ pòsyon SENYÈ a se pèp Li a; Jacob se don eritaj Li a. 10 Li te twouve li nan yon peyi dezè E ✧nan savann dezole kote van soufle a; Li te antoure li, Li te pran swen li, Li te pwoteje li tankou ✧de zye nan tèt Li. 11 ✧Tankou yon èg ki anvayi nich li, Ki pann sou jenn pitit li yo, Li te ouvri zèl li yo pou te kenbe yo; Li te pote yo anwo plim li. 12 SENYÈ a sèl te gide li E li ✧pa t gen dye etranje ki te avè l. 13 ✧Li te fè li monte sou wo plas tè yo, Yo te manje pwodwi a chan yo; epi Li te fè li souse siwo myèl nan wòch la, Ak lwil nan wòch ki te di: 14 Bòl lèt a bèf yo ak lèt bann kabrit yo, Avèk grès jenn ti mouton yo, Belye a ras Basan yo ak kabrit, Avèk ble ki pi fen yo—Nou te bwè ✧san rezen an, diven

✧ 31:21 I Kwo 28:9 ✧ 31:22 Det 31:19 ✧ 31:23 Jos 1:6 ✧ 31:23 Egz 3:12 ✧ 31:25 Det 31:9  
 ✧ 31:27 Det 9:7 ✧ 31:28 Det 4:26 ✧ 31:29 Jij 2:19 ✧ 32:1 Det 4:26 ✧ 32:2 Ès 55:10-11  
 ✧ 32:3 Det 3:24 ✧ 32:4 Jen 18:25 ✧ 32:4 Det 7:9 ✧ 32:5 Mat 17:17 ✧ 32:6 Sòm 116:12  
 ✧ 32:6 Det 32:28 ✧ 32:7 Egz 12:26 ✧ 32:8 Trav 17:26 ✧ 32:9 I Sam 10:1 ✧ 32:10 Sòm 17:8  
 ✧ 32:10 Sòm 18:10-18 ✧ 32:11 Sòm 18:10-18 ✧ 32:12 Det 32:39 ✧ 32:13 Ès 58:14  
 ✧ 32:14 Jen 49:11



an <sup>15</sup> Men Israël te vin gra e te voye pye—ou vin gra, gwo e swa—Epi ✧li te abandone Bondye ki te fè l la E li te meprize ✧Wòch a delivrans li an. <sup>16</sup> ✧Yo te fè Li vin jalou avèk dye etranje yo; avèk ✧bagay abominab, yo te pwovoke Li a lakòlè. <sup>17</sup> Yo te fè sakrifis a dyab ki pa t Bondye yo, A dye ke yo pa t janm konnen, dye nèf ki fenk parèt, Ke zansèt nou yo pa t janm bay lakrent. ✧ <sup>18</sup> Nou te neglije Wòch ki te fè nou an E nou ✧te bliye Bondye ki te bannou nesans lan. <sup>19</sup> ✧SENYÈ a te wè sa e te meprize yo Akoz pwovokasyon fis ak fi Li yo. <sup>20</sup> Alò, ✧Li te di: “Mwen va kache figi Mwen sou yo; Mwen va wè kijan yo fini; Paske, yo se yon jenerasyon pèvès, fis ki pa fidèl. <sup>21</sup> Yo te fè m jalou avèk sa ki pa Bondye yo; Yo te pwovoke Mwen a lakòlè avèk zidòl yo. ✧Konsa tou, Mwen va fè yo jalou Avèk sa ki pa yon pèp yo; Mwen va pwovoke yo a lakòlè Avèk yon nasyon ki san konprann, <sup>22</sup> Paske, yon dife vin limen nan chalè Mwen E brile jis rive nan pati pi fon nan sejou lanmò yo, Ak ✧manje latè a avèk tout don li yo, E limen dife a nan fondasyon a mòn yo. <sup>23</sup> Mwen ✧ va ogmante gwo pil malè sou yo; Mwen ✧va sèvi flèch Mwen sou yo. <sup>24</sup> ✧Mwen va epwize yo ak gwo grangou, Manje yo ak toumant avèk destriksyon anmè; Epi M ap voye pami yo bèt voras Avèk pwazon a bèt ki trennen sou vant. <sup>25</sup> Pa deyò, se nepe ki va rache lavi yo; Epi pa anndan, gwo laperèz, ni sou jennonm ni vyèj la, tibebe a avèk granmoun cheve blanch lan. ✧ <sup>26</sup> Mwen t ap prèt pou di: “M ap ✧koupe yo an mòso, M ap rache memwa a yo soti nan lòm,” <sup>27</sup> Si M pa t krent ke li t ap pwovoke lènmi an; Ke lènmi pa yo ta mal konprann; pou yo ta di: “Se men nou ki gen viktwa a, Se pa t vrèman SENYÈ a ki fè tout sa.” <sup>28</sup> Paske, ✧yo se yon nasyon ki manke bon konsèy E yo san konprann. <sup>29</sup> Pito ✧ke yo te saj, ke yo te konprann sa, Ke ✧yo te konprann avni yo! <sup>30</sup> Kijan ✧yon moun ta kapab chase yon milye, Epi de sèl grenn fè di mil sove ale, Sof ke Wòch pa yo a te vann yo, Epi SENYÈ a te livre yo bay. <sup>31</sup> Anverite, wòch pa yo a pa tankou Wòch nou an, Menm lènmi nou yo kapab jije sa. <sup>32</sup> Paske, rezen pa yo sòti nan rezen Sodome E chan yo nan Gomorrhe; Rezen pa yo se rezen ✧pwazon, grap yo anmè. <sup>33</sup> Diven pa yo se pwazon vipè, Pwazon mòtèl koulèv kobra. <sup>34</sup> Èske ✧M pa mete sa nan depo, byen sele nan trezò Mwen? <sup>35</sup> Vanjans se pou Mwen, avèk revandikasyon; Paske, nan tan òdone a, pye yo va glise; Paske, jou malè a yo toupre, E sa ki deja prepare a ap pwoche vit sou yo.’ <sup>36</sup> Paske ✧SENYÈ a va jistifye pèp Li a, E Li va fè mizerikòd sou sèvitè Li yo, Lè Li wè fòs yo fin disparèt E pèsòn pa rete, ni esklav, ni lib. <sup>37</sup> Epi Li va di: ✧Kote dye yo ye, Wòch kote yo te pran refij la? <sup>38</sup> Kilès ki te manje grès a sakrifis pa yo a, E ki te bwè diven a bwason pa yo a? Kite ✧yo vin bannou sekou, Kite yo fè kote pou nou kache! <sup>39</sup> Vin wè ke Mwen, Mwen se Li; epi ✧nanpwen dye sof ke Mwen; Se Mwen ki mete a lanmò e se Mwen ki bay lavi. Se mwen ki te fè blese e se Mwen ki fè gerizon; epi nanpwen pèsòn ki kab delivre soti nan men M. <sup>40</sup> Anverite, ✧ Mwen leve men M vè syèl la E Mwen di: “menm jan ke Mwen viv pou tout tan an, <sup>41</sup> ✧Mwen file nepe briyan Mwen an, Epi men M vin kenbe lajistis, ✧Mwen va rann vanjans sou advèsè Mwen yo,

✧ **32:15** Sòm 78:58 ✧ **32:15** Det 32:4 ✧ **32:16** Sòm 78:58 ✧ **32:16** Sòm 106:29 ✧ **32:17** Det 28:64; Jij 5:8 ✧ **32:18** Sòm 106:21 ✧ **32:19** Jr 44:21-23 ✧ **32:20** Det 9:23 ✧ **32:21** Wo 10:19 ✧ **32:22** Lev 26:20 ✧ **32:23** Det 29:21 ✧ **32:23** Sòm 18:14 ✧ **32:24** Det 28:22-48 ✧ **32:25** Lam 1:20; II Kwo 36:17 ✧ **32:26** Det 4:27 ✧ **32:28** Det 32:6 ✧ **32:29** Det 5:29 ✧ **32:29** Det 31:29 ✧ **32:30** Lev 26:7-8 ✧ **32:32** Det 29:18 ✧ **32:34** Job 14:17 ✧ **32:36** Sòm 135:14 ✧ **32:37** Jij 10:14 ✧ **32:38** Jr 11:12 ✧ **32:39** Det 32:12 ✧ **32:40** És 20:5-6 ✧ **32:41** És 34:6-8 ✧ **32:41** Jr 50:28-32

Epi Mwen va rekonpanse sila ki rayi Mwen yo. <sup>42</sup> M ap fè flèch Mwen yo vin sou avèk san, E nepe Mwen va devore chè avèk san A sila ki touye avèk kaptif yo, Ki sòti nan chèf cheve long a lènmi yo.’ <sup>43</sup> Rejwi, O nasyon avèk pèp pa Li a; Paske, ✧L ap fè vanjans san a sèvitè Li yo, E Li va rann vanjans sou advèsè Li yo E fè ekspiyasyon peyi Li avèk pèp Li a.” <sup>44</sup> Alò, Moïse te vin pale tout pawòl a chan sila nan zòrèy a pèp la; li menm avèk ✧Josué, fis a Nun nan. <sup>45</sup> Lè Moïse te fin pale tout pawòl sila yo a tout Israèl, <sup>46</sup> li te di yo: “Pran a kè nou tout pawòl avèk sila mwen avèti nou jodi a, ke nou va kòmande ✧fis nou yo pou swiv avèk atansyon, tout pawòl a lalwa sila yo. <sup>47</sup> Paske, se pa yon bagay pa aza ke yo ye pou nou; anverite, ✧se lavi nou yo ye. Epi pa pawòl sila yo, nou va pwolonje vi nou nan tè ke nou prèt pou travèse Jourdain an pou posede a. <sup>48</sup> ✧SENYÈ a te pale avèk Moïse nan menm jou sa a, e te di: <sup>49</sup> “Monte sou mòn sila nan Abarim nan, Mòn Nebo, ki nan peyi Moab, anfas Jéricho, e gade sou peyi a Canaan an ke Mwen ap bay a fis Israèl yo kòm posesyon an. <sup>50</sup> Epi mouri sou mòn nan kote ou monte a pou vin ✧ranmase a zansèt ou yo, jan Aaron te fè sou Mòn Hor a, e te vin ranmase pa pèp li a, <sup>51</sup> ✧akoz ou te kraze lafwa avèk Mwen nan mitan fis Israèl yo nan dlo a Meriba-Kadès yo, nan dezè Tsin nan, akoz ou pa t trete Mwen tankou sen nan mitan fis Israèl yo. <sup>52</sup> ✧Donk, ou va wè peyi a yon distans, men ou p ap ale la, nan peyi ke Mwen ap bay fis Israèl yo.

### 33

<sup>1</sup> Alò, sa se benediksyon yo avèk sila Moïse, ✧nonm a Bondye a, li te beni fis Israèl yo avan lanmò li. <sup>2</sup> Li te di: ✧“SENYÈ a te sòti nan Sinai e te parèt sou yo soti nan Séir; Li te briye soti nan Mòn Paran; Li te sòti nan mitan di-mil ki te sen; nan men dwat Li, te gen ekleraj ki t ap limen pou yo. <sup>3</sup> Anverite, Li renmen pèp la; ✧tout sen li yo nan men Ou; nan pye Ou, yo tout pwostènè e resevwa enstriksyon nan men Ou. <sup>4</sup> Moïse te pase nou lòd avèk yon lwa, ✧posesyon asanble Jacob la. <sup>5</sup> ✧Epi Li te wa an Israèl, lè tèt a pèp la te rasanble, tribi a Israèl yo ansanm. <sup>6</sup> ✧Ke Ruben viv e pa mouri, ni moun li yo pa manke.” <sup>7</sup> ✧Epi sa li te di de Juda: “Tande O Israèl vwa Juda, e mennen li vè pèp li. Avèk men li, li te lite pou yo, e pou sa, ke Ou ta ede li kont advèsè pa li.” <sup>8</sup> A Lévi, li di: ✧Thumim nan avèk Urim nan apatyen a sèvitè fidèl Ou, ou te pase li a leprèv nan Massa, avèk sila ou te goumen nan dlo Meriba yo; <sup>9</sup> Li te di de papa l avèk manman l: “Mwen pa t konsidere yo”; epi li pa t rekonèt pwòp frè pa li, ni fis li yo ✧pwiswe yo te swiv pawòl Ou e te kenbe akò Ou. <sup>10</sup> ✧Yo va enstwi òdonans Ou yo a Jacob e lwa Ou a a Israèl. Yo va mete lansan devan Ou; epi ofrann brile an gwo sou lotèl Ou. <sup>11</sup> O SENYÈ, beni abilite li yo, e beni zèv men li yo; kase ren a sila ki leve kont li yo e sila ki rayi li kòm si pou yo pa leve ankò. <sup>12</sup> A Benjamin, li te di: ✧“Ke byeneme SENYÈ a ta rete ansekirite ak Li; paske, Li pwoteje li tout lajounen, e sila a SENYÈ a renmen an rete antre zepòl Li.” <sup>13</sup> A Joseph, li te di: ✧“Ke SENYÈ a beni peyi li a ak lawouze presye ki soti nan syèl la e avèk dlo pwofon ki anba, <sup>14</sup> Epi avèk meyè chwa a solèy la e

✧ 32:43 II Wa 9:7 ✧ 32:44 Nonb 13:8-16 ✧ 32:46 Det 4:9 ✧ 32:47 Det 8:3 ✧ 32:48 Nonb 27:12 ✧ 32:50 Jen 25:8 ✧ 32:51 Nonb 20:12 ✧ 32:52 Det 34:1-3 ✧ 33:1 Jos 14:6 ✧ 33:2 Egz 19:18-20 ✧ 33:3 Det 7:6 ✧ 33:4 Sòm 119:111 ✧ 33:5 Nonb 23:21 ✧ 33:6 Jen 49:3-4 ✧ 33:7 Jen 49:8-12 ✧ 33:8 Egz 28:30 ✧ 33:9 Mat 2:5 ✧ 33:10 Lev 10:11 ✧ 33:12 Det 4:37 ✧ 33:13 Jen 27:27-28

avèk meye pwodwi nan mwa yo. <sup>15</sup> Epi avèk pi bèl bagay a ✧mòn ansyen yo, avèk pi bèl bagay a ti mòn ki dire jis pou tout tan yo, <sup>16</sup> Epi avèk pi bèl bagay tè yo avèk plenitud li; epi favè ✧a sila ki te demere nan touf bwa brile a. Kite li vin parèt menm sou tèt Joseph, sou kouwòn a sila ki pi distenge pami frè li yo. <sup>17</sup> Tankou premye ne a bèf li, lonè pou li, epi kòn li yo se kòn a ✧bèf mawon; avèk yo, li va pouse pèp yo, menm sa ki nan pwent latè yo. Epi sila yo se di-mil a Ephraïm yo, tankou milye yo a Manassé.” <sup>18</sup> De Zabulon, li te di: ✧“Rejwi, Zabulon nan zafè nou yo ak Issacar nan tant nou yo, <sup>19</sup> Yo va rele nasyon a mòn yo. La, yo va ofri sakrifis ladwati, paske, yo va fè sòti ✧abondans lanmè ak trezò ki cache nan sab yo.” <sup>20</sup> De Gad, li te di: “Beni se sila ki fè Gad vin pi gwo yo; li kouche ba ✧tankou yon lyon, e li dechire bra a oswa tèt la. <sup>21</sup> Alò, li te founi premye pati a pou kont li, paske se la, pòsyon gran chèf la te rezève; epi li te vini avèk chèf a pèp yo; ✧li te egzekite jistis a SENYÈ ak òdonans Li yo avèk Israèl.” <sup>22</sup> ✧De Dan, li te di: “Dan se pòtre a yon lyon ki vòltije sòti nan Basan.” <sup>23</sup> De Nephtali, li te di: ✧“O Nephtali, satisfè avèk favè, ranpli avèk benediksyon SENYÈ a, li va eritye pati sid lanmè a.” <sup>24</sup> ✧De Aser, li te di: “Pi beni pase fis yo se Aser; ke li kapab beni pa frè li yo e ke pye li kapab vin fonsè nan lwil. <sup>25</sup> Trè cheve ou yo va tankou fè avèk bwonz; ✧epi selon kantite jou ou yo; konsa, ou va mache alèz. <sup>26</sup> Nanpwen lòt ki tankou Bondye a Israèl la, ✧ki monte sou syèl yo pou rive ede nou, e ki travèse syèl yo nan majeste Li. <sup>27</sup> ✧Bondye etènèl la se yon kote pou moun cache; pa anba, se bwa Li ki la pou tout tan; epi Li te chase lènmi an devan nou; epi Li te di: ‘Detwi!’ <sup>28</sup> ✧Konsa, Israèl viv ansekirite, sous Jacob ki mete apa a, ✧nan yon peyi sereyal avèk diven nèf; syèl Li yo, osi, vin degoute lawouze a. <sup>29</sup> Beni ou ye, O Israèl; ✧kilès ki sanble avèk ou, yon pèp delivre pa SENYÈ a, ki se pwotèj k ap ba ou sekou a e ki se nepe a majeste ou! Konsa, lènmi ou yo va vin kraponnen devan ou, e ou va foule wo plas yo.

## 34

<sup>1</sup> ✧Alò, Moïse te monte soti plèn Moab pou rive nan Mòn Nebo, jis rive nan pwent Pisga ki anfas Jericho a. Epi SENYÈ a te montre li tout peyi Galaad la jis rive Dan, <sup>2</sup> epi tout Nephtali avèk peyi Ephraïm ak Manasse ak tout peyi Juda jiska ✧lanmè lwès la, <sup>3</sup> epi Negev avèk plèn nan vale a Jéricho, ✧lavil pye palmis yo, jis rive Tsoar.

<sup>4</sup> Alò, SENYÈ a te di li: “Sa se peyi a ke ✧Mwen te sèman a Abraham, Isaac, e a Jacob la, e Li te di: ‘Mwen va bay li a desandan nou yo’; Mwen te kite ou wè li avèk zye ou; men ou p ap rive ale la.”

<sup>5</sup> Konsa, Moïse, sèvitè Bondye a, ✧te mouri la nan peyi Moab, selon pawòl a SENYÈ a. <sup>6</sup> Epi Li te antere li nan vale a nan peyi Moab, ✧anfas Beth-Peor; men okenn moun pa konnen plas antèman li, jis jodi a.

<sup>7</sup> Moïse te nan laj san-ventan lè li te mouri an, ✧zye li pa t fèb, ni fòs li pa t vin febli. <sup>8</sup> Konsa, fis Israèl yo te kriye pou Moïse nan plèn a Moab yo pandan trant jou; epi jou kriye avèk doule pou Moïse te vin fini.

✧ **33:15** Hab 3:6 ✧ **33:16** Egz 2:2-6 ✧ **33:17** Nonb 23:22 ✧ **33:18** Jen 49:13-15 ✧ **33:19** És 60:5 ✧ **33:20** Jen 49:9 ✧ **33:21** Jos 22:1-3 ✧ **33:22** Jen 49:16 ✧ **33:23** Jen 49:21 ✧ **33:24** Jen 49:20 ✧ **33:25** Det 4:40 ✧ **33:26** Det 10:14 ✧ **33:27** Sòm 90:1-2 ✧ **33:28** Det 33:12 ✧ **33:28** Jen 27:28-37 ✧ **33:29** Det 4:32 ✧ **34:1** Det 32:49 ✧ **34:2** Det 11:24 ✧ **34:3** Jij 1:16 ✧ **34:4** Jen 12:7 ✧ **34:5** Det 32:50 ✧ **34:6** Det 3:29 ✧ **34:7** Jen 27:1

<sup>9</sup> Alò, Josué, fis a Nun nan, te ✧ranpli avèk lespri sajès la; paske, Moïse te poze men l sou li; epi fis Israël yo te koute li e te fè jan SENYÈ a te kòmande Moïse la.

<sup>10</sup> Depi nan tan sa a, ✧okenn lòt pwofèt pa t vin leve an Israël tankou Moïse, ke ✧SENYÈ a te konnen fasafas, <sup>11</sup> pou tout sign avèk mèvèy ke SENYÈ a te voye li fè nan peyi Égypte la kont Farawon, tout sèvitè li yo avèk tout teritwa li a, <sup>12</sup> epi pou tout gran pouvwa ak tout gran laperèz ke Moïse te montre devan zye a tout Israël.

## Josué

<sup>1</sup> Alò, li te vin rive ke apre lanmò Moïse, sèvitè SENYÈ a, ke SENYÈ a te pale avèk Josué, fis a Nun nan, sèvitè Moïse la e te di: <sup>2</sup> “Moïse, ✨sèvitè Mwen an, gen tan mouri; pou sa, leve, travèse Jourdain sila a, ou menm avèk tout pèp sa a, nan peyi ke Mwen ap bay a yo menm, a fis Israèl yo.

<sup>3</sup> ✨Chak kote ke pla pye ou va pile, Mwen ap ba ou li, jis jan ke Mwen te pale a Moïse la. <sup>4</sup> ✨Soti nan dezè a ak Liban sila a, menm jis rive nan gran rivyè a, Rivyè Lefrat la, tout peyi Etyen an, jis rive nan Gran Lamè a vè solèy kouche a va teritwa pa nou. <sup>5</sup> ✨Nanpwen moun ki kapab kanpe devan ou pandan tout jou lavi ou. Menm jan ke Mwen te avèk Moïse la, Mwen va avèk ou; Mwen p ap fè bak ni abandone ou. <sup>6</sup> ✨Kenbe fèm e pran kouraj; paske ou va bay pèp sa a posesyon a peyi ke Mwen te sèman a zansèt yo pou M ba yo a.

<sup>7</sup> Sèlman rete fò avèk anpil kouraj; ✨fè atansyon pou fè tout sa lalwa ke Moïse, sèvitè Mwen an, te kòmande ou fè a; pa vire ni adwat ni agoch, pou ou kapab reyisi nenpòt kote ke ou ale.

<sup>8</sup> ✨Liv lalwa sila a pa pou janm kite bouch ou; men, ou va reflechi sou li lajounen kon lannwit, pou ou kapab fè atansyon pou fè tout sa ki ekri ladann; paske konsa, ou va fè chemen ou yo pwospere e konsa, yo va byen reyisi.

<sup>9</sup> Èske mwen pa t kòmande ou? Kenbe fèm e pran kouraj! ✨Pa tranble ni enkyete; paske SENYÈ a, Bondye ou a, avèk ou nenpòt kote ou ale.”

<sup>10</sup> Epi Josué te kòmande ofisye pèp yo, e te di: <sup>11</sup> “Pase nan mitan kan an e kòmande pèp la e di yo: ‘Prepare pwovizyon nou; paske nan ✨twa jou, nou va travèse Jourdain sila a, pou antre pran peyi ke SENYÈ a, Bondye nou an, ap bannou pou posede a.’ ”

<sup>12</sup> ✨A Ribenit yo avèk Gadit yo e a mwatye tribi Manassé a, Josué te di: <sup>13</sup> “Sonje pawòl ke Moïse, sèvitè SENYÈ a, te kòmande nou e te di: ✨‘SENYÈ a, Bondye nou an, ap bannou repo e Li va bannou peyi sa a.’ ”

<sup>14</sup> Madanm nou yo, pitit nou yo ak bèt nou yo va rete nan peyi ke Moïse te bannou lòtbò Jourdain an; men, nou va travèse devan frè nou yo, prepare an lòd batay la, tout sòlda vanyan nou yo e ou va bay yo soutyen, <sup>15</sup> jiskaske SENYÈ a bay frè nou yo repo, tankou nou; epi yo menm tou, yo va posede peyi ke SENYÈ a, Bondye nou an, ap bay yo a. ✨Epi nan lè sa a, nou va retounen nan pwòp teren pa nou an e posede sa ke Moïse, sèvitè SENYÈ a, te bannou lòtbò Jourdain an, vè solèy leve a.”

<sup>16</sup> Yo te reponn Josué e te di: “Tout sa ke ou te kòmande nou, nou va fè l; epi nenpòt kote ke ou voye nou, nou va ale. <sup>17</sup> Jis jan ke nou te obeyi Moïse nan tout bagay la, konsa nou va obeyi ou; sèlman ✨ke SENYÈ a, Bondye nou an, kapab avèk ou tankou Li te avèk Moïse la. <sup>18</sup> Nenpòt moun ki fè rebèl kont lòd ou e ki pa obeyi pawòl ou yo nan tout sa ou kòmande li fè yo, li va vin mete a lanmò; sèlman, kenbe fèm e pran kouraj.”

✨ 1:2 Nonb 12:7 ✨ 1:3 Det 11:24 ✨ 1:4 Jen 15:8 ✨ 1:5 Det 7:24 ✨ 1:6 Det 31:6-23 ✨ 1:7 Det 5:32 ✨ 1:8 Det 31:24 ✨ 1:9 Det 31:8 ✨ 1:11 Jos 3:2 ✨ 1:12 Nonb 32:20-22 ✨ 1:13 Det 3:18-20 ✨ 1:15 Jos 22:4 ✨ 1:17 Jos 1:5-9

## 2

<sup>1</sup> Epi Josué, fis a Nun nan, te voye de mesye kòm espyon an sekrè soti ✧Sittim, e li te di: “Ale gade peyi a, sitou Jéricho.” Epi yo te ale e te antre lakay a ✧yon pwostitiye ki te rele Rahab e yo te twouve lojman la.

<sup>2</sup> Sa te pale a wa Jéricho a, epi yo di: “Gade byen, de mesye ki sòti nan fis Israël yo te viniisit la lannwit lan pou fè espyon nan peyi a.” <sup>3</sup> Epi wa Jéricho a te voye vè Rahab e te di: “Metè deyò mesye ki te vin kote ou yo; paske yo te vin fè espyon nan peyi a.”

<sup>4</sup> Men ✧fanm nan ki te deja pran mesye yo pou kache yo, te di: “Wi, mesye sa yo te vini kote mwen; men, mwen pa t konnen kote yo te sòti. <sup>5</sup> Li te vin rive nan lè pou fèmen pòtay yo lè l te fènwa, ke mesye yo sòti deyò; men, mwen pa konnen kote mesye yo te ale. Kouri deyò yo byen vit; paske ou va gen tan pran yo.”

<sup>6</sup> Men ✧li te vrèman mennen yo anwo galri twati kay la; epi te kache yo nan pakèt len ke li te mete an lòd sou twati kay la.

<sup>7</sup> Epi mesye yo te kouri deyò yo sou wout la pou rive nan lye pou travès Jourdain an; epi depi sila ki t ap pouswiv yo te pati, yo te fèmen pòtay la.

<sup>8</sup> Alò, avan yo te kouche, fi a te vin kote yo sou twati a, <sup>9</sup> epi li te di mesye yo: ✧“Mwen konnen ke SENYÈ a te bannou peyi a e ke gwo laperèz nou gen tan tonbe sou nou; epi tout kouraj abitan peyi a vin fonn e disparèt devan nou. <sup>10</sup> ✧Paske, nou te tandè jan SENYÈ a te fin seche dlo Lamè Wouj devan nou lè nou te sòti an Égypte la, ak sa nou te fè de wa Amoreyen ki te lòtbò Jourdain yo, a Sihon ak Og, ke nou te detwi nèt. <sup>11</sup> Lè nou vin tandè sa, ✧kè nou te fonn; epi pa t gen kouraj ki te rete nan okenn moun ankò akòz nou menm; paske ✧SENYÈ a, Bondye nou an, se Li ki Bondye anwo nan syèl la e anba sou tè a.

<sup>12</sup> Alò, pou sa, souple, sèman a mwen pa SENYÈ a, paske mwen te aji avèk bon kè an vè nou, ke nou, osi, nou va aji avèk bon kè an vè lakay papa m e fè mwen yon ✧sèman fidèl, <sup>13</sup> epi konsève lavi papa m avèk manman m, frè m avèk sè m yo avèk tout moun ki pou yo e livre lavi nou sòti nan lanmò.”

<sup>14</sup> Konsa, mesye yo te di l: “Vi pa nou pou vi pa w si ou pa pale zafè nou; epi li va rive ke lè SENYÈ a bannou peyi a; ke nou va ✧aji avèk bon kè e fidèlman avèk ou.”

<sup>15</sup> Epi li te fè yo desann nan fenèt la pa yon kòd; paske lakay li a se te sou miray lavil la, kòm si li t ap viv sou miray la. <sup>16</sup> Li te di yo: ✧“Ale nan peyi kolin yo, pou sila k ap kouri deyò nou yo pa twouve nou; epi kache kò nou la pandan twa jou jiskaske sila k ap kouri deyò nou yo retounen. Epi apre, nou kapab fè wout nou.

<sup>17</sup> Mesye yo te di li: ✧“Nou p ap responsab sèman ke ou te fè nou fè a, <sup>18</sup> amwenske lè nou antre nan peyi a, ou mare kòd fisèl wouj sa a nan fenèt kote ou te fè nou desann nan; epi ✧rasanble ou menm nan kay la avèk papa ou ak manman ou, frè ou yo ak tout manm lakay papa ou yo. <sup>19</sup> Li va rive ke nenpòt moun ki ale deyò pòt lakay ou pou antre nan lari a; san li va sou pwòp tèt li e nou va lib de sèman an; men, nenpòt moun ki avèk ou nan kay la, ✧san pa li va sou tèt nou si yon moun men mete sou

✧ 2:1 Nonb 25:1 ✧ 2:1 Eb 11:31 ✧ 2:4 II Sam 17:19 ✧ 2:6 Jc 2:25 ✧ 2:9 Nonb 20:24  
 ✧ 2:10 Egz 14:21 ✧ 2:11 Jos 5:1 ✧ 2:11 Det 4:39 ✧ 2:12 Jos 2:18-19 ✧ 2:14 Jen 24:49  
 ✧ 2:16 Jc 2:25 ✧ 2:17 Jen 24:8 ✧ 2:18 Jos 2:12 ✧ 2:19 Mat 27:25

li. <sup>20</sup> Men si ou pale zafè sa a; alò, nou va vin lib de sèman ke ou te fè nou fè a.”

<sup>21</sup> Li te di: “Selon pawòl nou, ke sa vin fèt konsa.” Epi li te voye yo ale, yo te sòti; epi li te mare kòd wouj la nan fenèt la.

<sup>22</sup> Yo te pati pou te rive nan peyi kolin yo, e te rete la pandan twa jou jiskaske sila ki t ap pouswiv yo te retounen. Alò, moun ki t ap swiv yo te chache toupatou akote chemen an; men, yo pa t twouve yo.

<sup>23</sup> Epi de mesye sa yo te desann peyi kolin yo pou te travèse rive kote Josué, fis a Nun nan; epi yo te pale li tout sa ki te rive yo. <sup>24</sup> Yo te di Josué: “Anverite, SENYÈ a te bannou tout peyi a nan men nou; ✧anplis, tout abitan peyi a te fonn e disparèt devan nou.

### 3

<sup>1</sup> Epi Josué te leve bonè nan maten; epi li menm avèk tout fis Israël yo te kite ✧Sittim pou te rive nan Jourdain an e yo te fè kan avan yo te travèse.

<sup>2</sup> ✧Nan fen twa jou, ofisye yo te pase nan mitan kan an; <sup>3</sup> epi yo te kòmande pèp la e te di: “Lè nou wè ✧lach akò SENYÈ a, Bondye nou an, avèk prèt Levit yo k ap pote li; alò, nou va sòti nan plas nou pou swiv li. <sup>4</sup> Sepandan, va gen antre nou ak li yon distans anviwon de mil koude 3000 pye pa mezi. Pa vin toupre li, pou nou kapab konnen chemen ke nou va ale a; paske nou pa t janm fè wout sa a avan.”

<sup>5</sup> Epi Josué te di a pèp la: ✧“Konsakre tèt nou; paske demen, SENYÈ a va fè mèvèy nan mitan nou.”

<sup>6</sup> Epi Josué te pale avèk prèt yo e te di: “Vin leve lach akò a pou travèse lòtbò a avan pèp la.

<sup>7</sup> Alò, SENYÈ a te di a Josué: “Jou sa a, Mwen va kòmanse ✧egzalte ou nan zye tout Israël la, pou yo kapab konnen ke menm jan ke M te avèk Moïse la, Mwen va avèk ou. <sup>8</sup> Anplis, ou va kòmande prèt k ap pote lach akò a e di yo: “Lè nou rive arebò dlo yo nan Jourdain an, nou va rete kanpe nan dlo Jourdain an.’ ”

<sup>9</sup> Epi Josué te di a fis Israël yo: “Vin la pou koute pawòl a SENYÈ a, Bondye nou an.” <sup>10</sup> Josué te di: “Pa sa nou va konnen ke Bondye vivan an pami nou e ke Li va, anverite, ✧deplase soti devan nou Kananeyen an, Etyen an, Evyen an, Ferezyen an, Gigazyen an, Amoreyen an ak Jebizyen an. <sup>11</sup> Gade byen, lach akò ✧SENYÈ a tout latè a ap travèse devan nou antre nan Jourdain an.

<sup>12</sup> Alò, pou sa, ✧pran pou nou menm douz mesye soti nan tribi Israël la, yon nonm pou chak tribi. <sup>13</sup> Li va rive ke lè pla pye a prèt ki pote lach SENYÈ a, SENYÈ tout latè a, poze nan dlo a Jourdain an, dlo Jourdain an va koupe, e dlo k ap kouri desann soti anwo yo va ✧rete fè yon pil.”

<sup>14</sup> Pou sa, lè pèp la kite tant pa yo pou travèse Jourdain an avèk prèt k ap pote ✧lach akò a devan pèp la, <sup>15</sup> epi lè sila ki te pote lach la te antre nan Jourdain an; epi depi pye a prèt k ap pote lach la te tanmen fonsè bò dlo a; (paske ✧Jourdain an toujou depase rivaj li yo pandan tout sezon rekòlt la), <sup>16</sup> dlo ki t ap kouri desann soti anwo yo te kanpe e te leve wo fè ✧yon pil, a yon gran distans de la, nan Adam, vil ki akote Tsarthan an; epi dlo sa

✧ 2:24 Jos 2:9 ✧ 3:1 Jos 2:1 ✧ 3:2 Jos 1:11 ✧ 3:3 Det 31:9 ✧ 3:5 Egz 19:10-11 ✧ 3:7 Jos 4:14 ✧ 3:10 Egz 33:2 ✧ 3:11 Job 41:11 ✧ 3:12 Jos 4:2 ✧ 3:13 Egz 15:8 ✧ 3:14 Sòm 132:8 ✧ 3:15 I Kwo 12:15 ✧ 3:16 Jos 3:13

yo ki t ap kouri desann vè lanmè ✧Araba a, ak Lamè Sale a, te vin koupe nèt. Konsa pèp la te travèse anfas Jéricho.

<sup>17</sup> Epi prèt la ki te pote lach akò SENYÈ a te kanpe fèm ✧sou tè sèk nan mitan Jourdain an pandan tout Israël t ap travèse sou tè sèk, jiskaske tout nasyon an te fin travèse Jourdain an.

## 4

<sup>1</sup> Alò, lè tout nasyon an te fin travèse ✧Jourdain an, SENYÈ a te pale avèk Josué, e te di: <sup>2</sup> “Pran pou nou menm ✧douz mesye pami pèp la, yon mesye ki soti nan chak tribi. <sup>3</sup> Kòmande yo e di: ‘Ranmase pou kont nou douz wòch soti isit la nan mitan Jourdain an, soti nan plas kote pye prèt la ap kanpe fèm nan. Pote yo janbe avèk nou, e poze yo nan ✧plas lojman kote nou va dòmi aswè a.’” <sup>4</sup> Konsa, Josué te rele douz mesye ke li te chwazi soti nan fis Israël yo, yon mesye nan chak tribi; <sup>5</sup> epi Josué te di yo: “Travèse ankò vè lach SENYÈ a, Bondye nou an, pou rive nan mitan Jourdain an e nou chak pran yon wòch sou zepòl li, selon nonb a tribi a fis Israël yo. <sup>6</sup> Ke sa sèvi kòm yon sign pami nou, jis pou ✧lè pitit nou yo mande pita e di: ‘Kisa wòch sa yo vle di a nou menm?’” <sup>7</sup> Alò nou va di yo: ‘Akoz ✧dlo Jourdain yo te koupe devan lach akò SENYÈ a; lè lach la te travèse Jourdain an, dlo Jourdain yo te koupe. Pou sa, wòch sa yo va sèvi kòm yon souvni pou fis Israël yo pou tout tan.’” <sup>8</sup> Konsa, fis Israël yo te fè jan Josué te kòmande yo a, yo te leve pran douz wòch yo nan mitan Jourdain an, jan SENYÈ a te pale a Josué a, selon nonb a tribi a fis Israël yo; epi yo te pote yo janbe avèk yo pou rive nan ✧plas lojman an e te poze yo la. <sup>9</sup> Epi Josué te poze douz ✧wòch yo nan mitan Jourdain an nan plas kote pye a prèt yo ki te pote lach akò a te kanpe, e yo la, jis jodi a. <sup>10</sup> Paske, prèt ki te pote lach la te kanpe nan mitan Jourdain an jiskaske tout bagay ke SENYÈ a te kòmande Josué pou pale a pèp la te fini, selon tout sa ke Moïse te kòmande Josué yo. Epi pèp la te fè vit travèse; <sup>11</sup> epi lè tout pèp la te fin travèse, lach SENYÈ a avèk prèt yo te travèse devan pèp la. <sup>12</sup> (a ✧Fis a Ruben yo ak fis a Gad yo ak mwatye tribi Manassé a te janbe abiye ete prepare pou fè lagè devan fis Israël yo, jis jan ke Moïse te pale yo a. <sup>13</sup> Anviwon karant mil mesye prèt pou batay, te travèse devan SENYÈ a vè plèn dezè a Jéricho a. <sup>14</sup> ✧Nan jou sa a, SENYÈ a te egzalte Josué nan zye a tout Israël; jis pou yo genyen l respè avèk lakrent, jis jan ke yo te gen respè avèk lakrent pou Moïse pandan tout jou ke li te viv yo. <sup>15</sup> Alò SENYÈ a te di a Josué: <sup>16</sup> “Kòmande prèt ki pote ✧lach akò a pou monte kite Jourdain an.” <sup>17</sup> Alò Josué te kòmande prèt yo e te di: “Monte soti nan Jourdain an.” <sup>18</sup> Li te vin rive ke lè prèt ki te pote lach SENYÈ yo te kite mitan Jourdain an, e pla pye yo te monte sou tè sèk, dlo Jourdain an te retounen nan plas li e te depase rivaj yo kòm avan an. <sup>19</sup> Alò, pèp la te monte kite Jourdain an nan ✧dizyèm jou a premye mwa a; epi yo te fè kan nan Guilgal akote lès Jéricho. <sup>20</sup> Douz wòch sa yo ke yo te pran nan Jourdain an, Josué te monte ✧Guilgal. <sup>21</sup> Li te di a fis Israël yo: “Lè pitit nou yo mande papa yo nan tan k ap vini yo, e di: ‘Kisa wòch sa yo ye?’” <sup>22</sup> Alò, nou va eksplike pitit nou yo e di: ✧ ‘Israël te travèse Jourdain sila a sou tè sèk’. <sup>23</sup> Paske SENYÈ

✧ 3:16 Det 1:1 ✧ 3:17 Egz 14:21-29 ✧ 4:1 Det 27:2 ✧ 4:2 Jos 3:12 ✧ 4:3 Jos 4:20 ✧ 4:6 Egz 12:26 ✧ 4:7 Jos 3:13 ✧ 4:8 Jos 4:20 ✧ 4:9 Jen 28:18 ✧ 4:12 Nonb 32:17 ✧ 4:14 Jos 3:7 ✧ 4:16 Egz 25:16 ✧ 4:19 Det 1:3 ✧ 4:20 Jos 4:3-8 ✧ 4:22 Jos 3:17



a, Bondye nou an, te seche dlo Jourdain yo devan nou jiskaske nou te fin travèse, jis jan ke Li te fè nan Lamè Wouj la, ✧ke Li te seche devan nou jiskaske nou te fin travèse a; <sup>24</sup> pou tout pèp sou latè yo kapab konnen ke ✧men SENYÈ a pwisan, pou nou kapab gen lakrent SENYÈ a pou tout tan.”

## 5

<sup>1</sup> Alò, li te vin rive ke lè tout wa Amoreyen ki te lòtbò Jourdain yo vè lwès ak tout wa ✧Canaran akote lanmè yo, te tandè jan SENYÈ a te seche dlo Jourdain an devan fis Israèl yo jiskaske yo te travèse, ke kè yo te fonn e yo pa t gen kouraj nan yo ankò akòz fis Israèl yo.

<sup>2</sup> Nan tan sa a, SENYÈ a te di a Josué: “Fè pou ou menm ✧kouto avèk silèks e sikonsi ankò fis Israèl yo. <sup>3</sup> Konsa, Josué te fè pou kont li kouto avèk silèks e te sikonsi fis Israèl yo nan Gilbreath-Araloth.

<sup>4</sup> Men rezon pou sila Josué te sikonsi yo a: ✧tout pèp la ki te sòti an Égypte nan gason yo, tout mesye lagè yo, te mouri nan dezè a nan wout lè yo fin kite Égypte. <sup>5</sup> Paske, tout mesye ki te sòti yo te sikonsi, tout mesye ki te fèt nan dezè a nan wout la pandan yo sòti an Égypte la pa t ankò sikonsi.

<sup>6</sup> Paske, fis Israèl yo te mache ✧karantan nan dezè a, jis tout nasyon an, mesye lagè ki te sòti an Égypte yo, te peri akòz yo pa t koute vwa SENYÈ a, a sila SENYÈ a te sèmanke ke Li pa t ap kite yo wè peyi ke SENYÈ a te sèmanke bay zansèt pa yo pou bannou an, yon peyi ki koule avèk lèt ak siwo myèl.

<sup>7</sup> Timoun ke Li te vin leve pou ranplase yo, Josué te sikonsi yo; paske yo pa t sikonsi akòz ke yo pa t sikonsi yo nan wout la. <sup>8</sup> Alò, lè yo te fin sikonsi tout nasyon an, yo te rete nan plas yo nan kan an jiskaske yo te fin geri.

<sup>9</sup> Epi SENYÈ a te di a Josué: “Jodi a, Mwen te woule fè sòti ✧wont a Égypte la sou nou menm.” Konsa, jis jodi a, yo rele plas sa a Guilgal.

<sup>10</sup> Pandan fis Israèl yo te rete Guilgal, yo te obsève Pak la nan lannwit katòzyèm jou nan mwa a nan plèn dezè a Jéricho a.

<sup>11</sup> Nan jou apre Pak la, nan menm jou sa a, yo te manje kèk nan pwodwi tè yo, gato san ledven ak sereyal griye. <sup>12</sup> ✧Lamàn te sispann nan jou apre yo te manje kèk nan pwodwi tè yo; epi fis Israèl yo pa t gen lamàn ankò; men, yo te manje kèk nan donn tè Canaran an pandan ane sa a.

<sup>13</sup> Alò, li te rive ke lè Josué te toupre Jéricho, li te leve zye li anwo e te gade, vwala, ✧yon nonm te kanpe anfas li avèk nepe li rale nan men l; epi Josué te ale wè l, e li te di li: “Èske ou pou nou oswa kont nou?”

<sup>14</sup> Li te di: “Non; olye de sa, anverite mwen vini koulye a kòm kapitèn a lame SENYÈ a.” Epi Josué te ✧tonbe atè sou figi li, li te bese ba e li te di li: “Kisa mèt mwen an gen pou di a sèvitè li?”

<sup>15</sup> Kapitèn a lame SENYÈ a te di a Josué: ✧“Retire sapat ou nan pye ou; paske plas kote ou kanpe a sen.” Epi Josué te fè l.

## 6

<sup>1</sup> Alò, Jéricho te byen sere pa fis Israèl yo; pèsòn pa t sòti ni antre.

<sup>2</sup> SENYÈ a te di a Josué: “Gade, Mwen te livre Jéricho nan men ou, avèk ✧wa li ak gèrye vanyan li yo. <sup>3</sup> Mache antoure vil la avèk tout mesye lagè

✧ 4:23 Egz 14:21 ✧ 4:24 I Wa 8:42; Egz 15:16 ✧ 5:1 Nonb 13:29 ✧ 5:2 Egz 4:25 ✧ 5:4 Det 2:14 ✧ 5:6 Det 2:7-14 ✧ 5:9 So 2:8 ✧ 5:12 Egz 16:35 ✧ 5:13 Jen 18:1-2 ✧ 5:14 Jen 17:3 ✧ 5:15 Egz 3:5 ✧ 6:2 Det 7:24

nou yo k ap tou ansèkle li yon fwa. Ou va fè sa pandan si jou. <sup>4</sup> Anplis, sèt prèt va pote sèt twonpèt fèt ak kòn belye devan lach la.

Epi nan setyèm jou a, nou va mache antoure vil la sèt fwa e prèt yo va ✧soufle twonpèt yo. <sup>5</sup> Li va vin rive ke lè yo fè yon gwo son avèk kòn belye a, lè nou tandè son twonpèt la, tout pèp la va rele fò avèk yon gwo bri; epi miray vil la va tonbe plat e pèp la va monte, chak moun tou dwat.”

<sup>6</sup> Konsa, Josué, fis la a Nun nan, te rele prèt yo e li te di yo: “Pran lach akò a, e kite sèt prèt yo pote sèt twonpèt yo fèt avèk kòn belye yo devan lach SENYÈ a.” <sup>7</sup> Epi li te di a pèp la: “Ale devan, mache antoure vil la e kite mesye ak zam yo ale devan lach SENYÈ a.”

<sup>8</sup> Epi li te fèt ke lè Josué te pale avèk pèp la, sèt prèt ki t ap pote sèt twonpèt a kòn belye yo devan SENYÈ a te avanse e te soufle twonpèt yo; epi lach akò SENYÈ a te swiv yo. <sup>9</sup> Mesye avèk zam yo te ale devan prèt ki te soufle twonpèt yo; epi ✧gad aryè a te swiv lach la, pandan yo te kontinye ap soufle twonpèt yo.

<sup>10</sup> Men Josué te kòmande pèp la e te di: “Nou pa pou rele, ni kite yo tandè vwa nou menm. Ni pa kite yon mo sòti nan bouch nou, jis rive jou ke m di nou: ‘Rele fò! Alò, nan moman sa a, nou va rele fò!’”

<sup>11</sup> Konsa, li te fè lach SENYÈ a antoure vil la ansèkle l yon fwa; epi yo te antre nan kan an e yo te pase nwit lan nan kan an.

<sup>12</sup> Alò, Josué te leve granmmaten; epi prèt yo te leve pran lach SENYÈ a. <sup>13</sup> ✧Sèt prèt ki te pote sèt twonpèt kòn belye yo devan lach SENYÈ a, te kontinye san rete e te soufle twonpèt yo; epi mesye avèk zam yo te ale devan yo e gad an aryè yo te swiv lach SENYÈ a, pandan yo te kontinye ap soufle twonpèt yo. <sup>14</sup> Konsa, nan dezyèm jou a, yo te mache antoure vil la yon fwa e te retounen nan kan an; yo te fè konsa pandan si jou.

<sup>15</sup> Alò, nan setyèm jou a, yo te leve bonè avan jou e te mache antoure vil la menm jan an sèt fwa; men, nan jou sa a, yo te mache antoure vil la sèt fwa. <sup>16</sup> Nan setyèm fwa a, lè prèt yo te soufle twonpèt yo, Josué te di a pèp la: “Rele fò!” Paske SENYÈ a gen tan bannou vil la.

<sup>17</sup> Vil la ✧va vin dedye anba ve, li menm avèk tout sa ki ladann se pou SENYÈ a; sèl Rahab, pwostitiye a ak tout moun ki avè l nan kay la va viv, akoz li te kache mesaje ke nou te voye yo.

<sup>18</sup> Men pou nou menm, sèlman kenbe tèt nou apa pou pa fè bagay sa yo ki anba ve a, pou nou pa anvi yo e ✧pran kèk bagay ki anba ve a, pou fè kay Israèl la vin modi pou gwo pwoblèm vin sou li. <sup>19</sup> ✧Men tout ajan avèk lò, zafè an bwonz ak fè, sen a SENYÈ a. Yo va antre nan trezò SENYÈ a.”

<sup>20</sup> Alò, pèp la te rele fò, prèt yo te soufle twonpèt yo; epi lè pèp la te tandè son twonpèt la, pèp la te rele fò avèk yon gwo kri; epi ✧miray la te tonbe plat e pèp la te antre nan vil la, tout mesye toudwat pou yo te pran vil la. <sup>21</sup> ✧Yo te konplètman detwi tout bagay nan vil la, ni gason, ni fanm, jèn kon granmoun, ni bèf ni mouton ni bourik pa lam nepe.

<sup>22</sup> Josué te di a de mesye ki te fè espyonaj peyi yo: ✧“Antre lakay a pwostitiye a e mete fanm nan avèk tout sa li genyen deyò, jan nou te pwomèt li a.” <sup>23</sup> Konsa, jennonm ki te espyon yo te antre e te ✧mennen Rahab deyò avèk papa l ak manman l, frè li yo avèk tout sa li te genyen; osi, yo te mete deyò tout fanmi li yo e te plase yo deyò kan Israèl la.

✧ 6:4 Lev 25:9 ✧ 6:9 Jos 6:13 ✧ 6:13 Jos 6:4-9 ✧ 6:17 Lev 27:28 ✧ 6:18 Jos 7:1 ✧ 6:19 Nonb 31:11-23 ✧ 6:20 Eb 11:30 ✧ 6:21 Det 20:16 ✧ 6:22 Jos 2:12-19 ✧ 6:23 Eb 11:31

24 ✨Yo te brile vil la avèk dife ak tout sa ki ladann. Sèlman ajan avèk lò avèk tout bagay ki te fèt an bwonz ak fè, yo te mete yo nan trezò kay SENYÈ a.

25 Sepandan, Rahab, pwostitiye a avèk tout kay papa l ak tout sa li te genyen, Josué te konsève yo; epi li te viv nan mitan Israël jis rive jodi a; paske ✨li te cache mesaje ke Josué te voye pou fè espyonaj Jéricho yo.

26 Epi Josué te fè yo fè sèman nan tan sa a, e te di: ✨“Modi devan SENYÈ a se sila ki leve pou rebati vil sa a, Jéricho; avèk pèt premye ne li yo, li va poze fondasyon li, avèk pèt premye ne li yo, li va monte pòtay li yo.”

27 Konsa, SENYÈ a te avèk Josué e li te vin ✨byen rekonèt nan tout peyi a.

## 7

1 ✨Men fis Israël yo te aji avèk movèz fwa nan bagay ki te dedye anba ve yo; paske Acán, fis a Carmi a, fis a Zabdi, fis a Zérach, nan tribi Juda a, te pran kèk nan bagay ki te dedye anba ve yo; pou sa, chalè SENYÈ a te brile kont fis Israël yo.

2 Alò, Josué te voye mesye sòti Jéricho yo vè Aï, ki toupre ✨Beth-Aven an, nan lès a Bethel la, e li te di yo: “Ale monte e fè espyonaj peyi a.” Konsa, mesye yo te monte pou te fè espyonaj Aï.

3 Yo te retounen a Josué e te di li: “Pa kite tout pèp la monte; sèlman de oswa twa mil mesye bezwen monte Aï; pa fè tout pèp la fòse fè efò a, paske yo pa anpil.” 4 Konsa, anviwon twa mil mesye ki sòti nan pèp la te monte; men ✨yo te sove ale devan mesye Aï yo. 5 Mesye Aï yo te frape yo, mete ba anviwon trann-sis nan mesye yo; epi yo te kouri dèyè yo soti nan pòtay la jis rive Schebarim pou te frape yo, mete yo ba pandan yo t ap desann, jiskaske ✨kè pèp la te fonn e te vin tankou dlo.

6 Epi Josué te ✨chire rad li e te tonbe atè sou figi li devan lach SENYÈ a, jis rive nan aswè, ni li menm avèk ansyen a Israël yo; epi yo te mete pousyè sou tèt yo. 7 Josué te di: “Ay, O SENYÈ Bondye, poukisa Ou te janmen mennen pèp sila a travèse Jourdain an pou livre yo nan men a Amoreyen yo, pou detwi nou? Si sèlman, nou ta dakò rete lòtbò Jourdain an! 8 O SENYÈ, kisa mwen kapab di lòske Israël te vire do yo devan lènmi yo? 9 ✨Paske Canaran avèk tout abitan peyi a va tandè sa, yo va antoure nou e efase non nou sou tè a. Epi kisa Ou va fè pou lonè gran non Ou?”

10 Epi SENYÈ a te di a Josué: “Leve ou menm! Poukisa ou te tonbe sou figi ou? 11 Israël te peche, yo ✨ te anplis, fè transgresyon akò ke Mwen te kòmande yo a. Epi yo te menm pran kèk nan bagay ki te dedye anba ve yo. Yo te vòlè ak twonpe. Anplis, yo te mete yo pami pwòp afè pa yo. 12 Pou sa, ✨fis Israël yo pa kapab kanpe devan lènmi yo; yo vire do yo devan lènmi yo; paske yo te vin modi. Mwen p ap avèk nou ankò amwenske nou detwi bagay ki anba ve soti nan mitan nou yo.

13 Leve ou menm! Konsakre pèp la e di: ‘Konsakre nou menm pou demen; paske konsa, SENYÈ a, Bondye a Israël la te di: ✨“Gen bagay ki anba ve a nan mitan nou, O Israël. Ou pa kapab kanpe devan lènmi ou yo jiskaske ou retire bagay ki anba ve yo soti nan mitan ou.

✨ 6:24 Det 20:16-18 ✨ 6:25 Jos 2:6 ✨ 6:26 I Wa 15:34 ✨ 6:27 Jos 9:1-3 ✨ 7:1 Jos 6:17-19  
✨ 7:2 Jos 18:12 ✨ 7:4 Lev 26:17 ✨ 7:5 Lev 26:36 ✨ 7:6 Job 2:12 ✨ 7:9 Egz 32:12 ✨ 7:11  
Jos 6:18-19 ✨ 7:12 Nonb 14:39-45 ✨ 7:13 Jos 6:18

<sup>14</sup> Nan maten, alò, ou va vin toupren tribi ou yo. Epi li va fèt ke tribi ke ✧SENYÈ a pran pa tiraj osò a va apwoche pa fanmi; epi fanmi ke SENYÈ a pran an va apwoche pa kay yo; epi kay ke SENYÈ a pran an va apwoche moun pa moun. <sup>15</sup> ✧Li va fèt ke sila ki pran bagay ki anba ve a va brile avèk dife, li menm avèk tout sa ki pou li, akòz li te transgrese akò SENYÈ a e akòz li te fè yon gwo wont an Israèl.’ ”

<sup>16</sup> Konsa, Josué te leve bonè nan maten e te apwoche Israèl pa tribi, tribi Juda a te pran. <sup>17</sup> Li te apwoche fanmi Juda a, li te pran fanmi Zérarit yo; li te rapwoche fanmi Zérarit la moun pa moun e Zabdi te pran. <sup>18</sup> Li te rapwoche fanmi lakay li, moun pa moun; epi ✧Acan, fis a Carmi, fis a Zabdi, fis a Zérach, nan tribi Juda a te pran.

<sup>19</sup> Epi Josué te di a Acan: “Fis mwen, ✧bay glwa a SENYÈ a, Bondye a Israèl la; epi ba Li lwanj; di mwen koulye a sa ou te fè a. Pa kache li de mwen.”

<sup>20</sup> Konsa, Acan te reponn Josué e te di: “Anverite, mwen te peche kont SENYÈ a, Bondye a tout Israèl la; epi men sa mwen te fè a: <sup>21</sup> Lè mwen te wè nan piyaj la yon bèl manto ki sòti Schinear ak de san sik ajan, yon ba lò a pèz senkant sik; alò, ✧mwen te anvi yo e te pran yo; epi gade byen, yo kache nan tè anndan tant mwen an avèk ajan an anba li.

<sup>22</sup> Epi Josué te voye mesaj yo, yo te kouri vè tant lan; epi veye byen, li te kache nan tant li an avèk ajan an anba li. <sup>23</sup> Yo te pran yo soti anndan tant lan; epi yo te pote yo vè Josué avèk tout fis Israèl yo pou yo te vide yo devan SENYÈ a.

<sup>24</sup> Epi Josué ak tout Israèl avèk li te pran Acan, fis a Zérach la, ajan an, manto a, ba lò a, fis li yo, fi li yo, bèf li yo, bourik li yo, mouton li yo, tant li ak tout sa ki te pou li; epi yo te mennen yo monte nan ✧vale Acor a.

<sup>25</sup> Josué te di: “Poukisa ou te ✧twouble nou? Jodi a, SENYÈ a va twouble ou.”

Epi tout Israèl te lapide yo avèk kout wòch; epi yo te brile yo avèk dife apre yo te fin lapide yo avèk kout wòch. <sup>26</sup> Yo te fè leve sou li yon gwo pil wòch ki kanpe jis rive jodi a; epi SENYÈ a te vire kite gwo chalè kòlè Li a. Pou sa, non a plas sa a te vin rele ✧Vale Acan jis rive jodi a.

## 8

<sup>1</sup> Alò, SENYÈ a te di a Josué: “Pa pè, ni dekouraje. Pran tout moun lagè yo avèk ou e leve, monte vè Aï; ou wè, ✧Mwen te mete nan men ou wa Aï a, pèp li a, vil li a ak peyi li a. <sup>2</sup> Ou va fè a Aï ak tout wa li a menm jan ke ou te fè Jéricho avèk wa li a; ou va ✧pran sèlman kòm piyaj, bèt li yo kòm byen nou sezi pou nou menm. Òganize yon anbiskad pou vil la pa dèyè li.”

<sup>3</sup> Epi Josué te leve avèk tout moun lagè yo pou monte Aï; epi Josué te chwazi trant mil mesye, gèrye vanyan e li te voye yo sòti lannwit lan. <sup>4</sup> Li te kòmande yo, e te di: “Gade, nou ✧ap fè anbiskad vil la soti pa dèyè li. Pa sòti lwen vil la men nou tout, mete nou toupren.”

<sup>5</sup> Epi mwen menm avèk tout moun ki avè m yo, nou va apwoche vil la. Epi lè yo sòti deyò pou rankontre nou kòm yon premye fwa, ✧nou va sove ale devan yo. <sup>6</sup> Yo va sòti pou kouri dèyè nou jiskaske nou pati kite vil la, paske yo va di: ‘Y ap sove ale devan nou tankou premye fwa a.’ Konsa,

✧ 7:14 Pwov 16:33 ✧ 7:15 I Sam 14:38 ✧ 7:18 Nonb 32:23 ✧ 7:19 I Sam 6:5 ✧ 7:21 Ef 5:5  
✧ 7:24 Jos 15:7 ✧ 7:25 Jos 6:18 ✧ 7:26 És 65:10 ✧ 8:1 Jos 6:2 ✧ 8:2 Det 20:14 ✧ 8:4  
Jij 20:29 ✧ 8:5 Jij 20:32

nou va sove ale devan yo. <sup>7</sup> Epi nou va leve anbiskad nou e pran posesyon vil la; paske SENYÈ a, Bondye nou an, va livre li nan men nou. <sup>8</sup> Alò, li va rive lè nou fin sezi vil la, ke nou va mete dife nan vil la. Nou va fè li ✧selon pawòl SENYÈ a. Nou wè, mwen te kòmande nou an.

<sup>9</sup> Konsa, Josué te voye yo ale, yo te ale nan plas anbiskad la e yo te rete antre Béthel avèk Aï, nan lwès a Aï; men, Josué te pase nwit lan pami moun yo.

<sup>10</sup> Alò, Josué te ✧leve bonè nan maten e li te rasanble pèp la; epi li te monte avèk ansyen Israël yo devan pèp la pou ale Aï. <sup>11</sup> Epi tout moun lagè ki te avèk li yo te monte vin toupren, yo te rive devan vil la, e yo te fè kan an sou akote nò toupren Aï a. Koulye a te gen yon vale antre yo menm avèk Aï. <sup>12</sup> Epi li te pran anviwon senk mil mesye e li te plase yo an anbiskad antre ✧Béthel avèk Aï nan kote lwès vil la. <sup>13</sup> Konsa, yo te pozisyone moun yo, tout lame ki te nan kote nò vil la ak gad an aryè nan kote lwès vil la ak Josué, yo te pase nwit lan nan mitan vale a.

<sup>14</sup> Li te vin rive ke lè wa a Aï a te wè sa, mesye vil la te kouri leve bonè pou sòti rankontre Israël nan batay la, li menm avèk tout pèp li a nan plas chwazi a devan plèn dezè a. Men li pa t konnen ke te gen yon anbiskad kont li dèyè vil la. <sup>15</sup> Josué avèk tout Israël te fè pòz kòm si yo te fin bat devan yo e yo te sove ale ✧pa chemen dezè a. <sup>16</sup> Tout pèp ki te nan vil la te rele ansanm pou kouri dèyè yo; epi yo te kouri dèyè Josué e ✧te rale yo soti kite vil la. <sup>17</sup> Konsa, pa t gen yon gason ki rete nan Aï ni Béthel, yo te kite vil la san gade pou te kouri dèyè Israël.

<sup>18</sup> Epi SENYÈ a te di a Josué: ✧“Lonje lans ki nan men ou an vè Aï; paske Mwen va ba ou li.”

Konsa, Josué te lonje lans ki te nan men l lan vè vil la. <sup>19</sup> Mesye nan anbiskad yo te leve vit nan plas yo; epi lè li te lonje men l, yo te kouri antre nan vil la pou te kaptire li; epi byen vit, yo mete dife nan vil la.

<sup>20</sup> Lè mesye Aï yo te vire gade, vwala, lafimen vil la te vin leve rive jis nan syèl la e yo pa t gen kote pou sove ale, ni isit, ni la; paske moun ki t ap sove ale vè dezè yo te vire kont sila ki t ap swiv yo.

<sup>21</sup> Lè Josué avèk tout Israël te wè ke fòs anbiskad la te kaptire vil la, e ke lafimen te monte, yo te vire retounen pou touye mesye Aï yo. <sup>22</sup> Lòt yo nan vil la te sòti pou rankontre yo, yo te kwense nan mitan Israël, yon pati bò isit ak yon pati bò laba; epi yo te touye yo ✧jis pèsòn pa t rete nan sila ki te chape sove ale yo. <sup>23</sup> Men yo te pran wa Aï a vivan e yo te mennen li kote Josué.

<sup>24</sup> Alò, lè Israël te fin touye tout abitan Aï yo nan chan a dezè a kote yo te kouri dèyè yo e yo tout te tonbe pa lam nepe jiskaske yo te detwi nèt; alò, tout Israël te retounen Aï pou te frape li avèk lam nepe. <sup>25</sup> ✧Tout moun ki te tonbe nan jou sa a, ni lòm ni fanm te douz mil——tout se moun Aï. <sup>26</sup> Paske, Josué ✧pa t desann men l ki te toujou lonje ak lans lan jiskaske li te fin detwi nèt tout moun ki rete Aï yo. <sup>27</sup> ✧Israël te pran sèlman bèt avèk byen sezi a kòm piyaj pa yo, selon pawòl ke SENYÈ a te kòmande Josué a.

<sup>28</sup> Konsa, Josué te brile Aï e te fè li tounen yon ✧pil ranblè jis pou tout tan, yon kote dezole jis rive jodi a. <sup>29</sup> ✧Li te pann wa Aï a sou yon bwa jis rive nan aswè; epi avèk solèy kouche a, Josué te bay lòd pou yo te retire

✧ **8:8** Det 20:16-18 ✧ **8:10** Jen 22:3 ✧ **8:12** Jen 12:8 ✧ **8:15** Jos 15:61 ✧ **8:16** Jij 20:31  
 ✧ **8:18** Egz 14:15 ✧ **8:22** Jos 8:8 ✧ **8:25** Det 20:16-18 ✧ **8:26** Egz 17:11-12 ✧ **8:27** Jos 8:2  
 ✧ **8:28** Det 21:22-23 ✧ **8:29** Det 21:22-23

kò li nan bwa a pou te jete li nan antre pòtay vil la e leve sou li yon gwo pil gwo wòch ki kanpe jis jodi a.

<sup>30</sup> Epi Josué te bati yon lotèl a SENYÈ a, Bondye a Israèl la, nan Mòn Ébal, <sup>31</sup> li te fèt jis jan ke Moïse, sèvitè SENYÈ a, te kòmande fis Israèl yo, jan sa ekri nan liv lalwa Moïse la, yon lotèl avèk wòch ki pa taye, sou sila okenn mesye pa voye yon zouti fè; epi yo te ofri sou li ofrann brile a SENYÈ a e te fè sakrifis ofrann lapè yo. <sup>32</sup> Li te ekri la sou wòch yo yon kopi lalwa Moïse la, ke li te ekri, nan prezans a fis Israèl yo.

<sup>33</sup> Tout Israèl avèk ansyen yo ak ofisye yo ak jij yo te kanpe sou toude kote lach la devan prèt Levit ki te pote lach akò SENYÈ a, etranje kon natif. Mwatye nan yo te kanpe devan Mòn Garizim e mwatye nan yo devan Mòn Ébal, jis jan ke Moïse, sèvitè SENYÈ a, te bay kòmand nan oparavan an, pou beni pèp Israèl la. <sup>34</sup> Epi apre li te li tout pawòl lalwa yo, benediksyon yo avèk malediksyon yo, selon tout sa ki ekri nan liv lalwa a. <sup>35</sup> Pa t gen menm yon mo nan tout sa ke Moïse te kòmande yo ke Josué pa t li devan tout asanble Israèl la, avèk fanm ak pitit yo ak etranje ki te rete pami yo.

## 9

<sup>1</sup> Alò, li te vin rive ke lè tout wa ki te lòtbò Jourdain nan peyi kolin yo, nan peyi ba plèn ak nan tout kot Gran Lamè a bò kote Liban, Etyen an, avèk Amoreyen an, Kananeyen an, Ferezen an Evyen an ak Jebizyen an te tandè koze sa, <sup>2</sup> epi pou sa, yo te reyini ansanm avèk yon sèl bi pou goumen avèk Josué e avèk Israèl.

<sup>3</sup> Lè pèp la nan Gabaon te tandè sa ke Josué te fè ak Jéricho avèk Aï, <sup>4</sup> yo menm, osi, yo te aji avèk riz e yo te pati kòm reprezantan a pèp la; epi yo te mete vye makout sou bourik yo, avèk ansyen kwi diven epwize ki te chire e rekoud, <sup>5</sup> avèk sapat ki te epwize e ranje nan pye yo, rad epwize sou yo menm avèk sèlman pen sèk e kase. <sup>6</sup> Yo te ale a Josué nan kan an nan Guilgal e yo te di a li menm avèk mesye Israèl yo: “Nou sòti nan yon peyi byen lwen; pou sa, fè yon akò avèk nou.”

<sup>7</sup> Mesye Israèl yo te di a Evyen yo: “Petèt ou rete touprè nou: donk, nou kapab fè akò avèk ou?”

<sup>8</sup> Men yo te di Josué: “Nou se sèvitè ou.” Alò, Josué te di yo: “Ki moun nou ye e kibò nou sòti?”

<sup>9</sup> Yo te di li: “Sèvitè ou yo te sòti nan yon peyi byen lwen, akòz repitasyon a SENYÈ a, Bondye nou an; paske nou te tandè rapò a Li menm ak tout sa ke Li te fè an Égypte yo, <sup>10</sup> epi tout sa Li te fè a wa Amoreyen yo ki te lòtbò Jourdain an, a Sihon, wa Hesbon an ak Og, wa Basan an, ki te Ashtaroth. <sup>11</sup> Pou sa, tout ansyen nou yo avèk tout abitan a peyi nou yo te pale nou e te di: ‘Mete pwovizyon nan men nou pou vwayaj la, ale rankontre yo e di yo: ‘Nou se sèvitè ou; alò, fè yon akò avèk nou.’ ’ <sup>12</sup> Sa se pen nou e li te cho lè nou te pran li pou pwovizyon nou e sòti lakay nou nan jou ke nou te pati pou vin kote ou a; men, koulye a, gade, li rasi. <sup>13</sup> Kwi diven sa yo lè nou te plen yo, yo te tounèf; epi gade, yo vin chire; epi rad nou avèk sapat nou epwize akòz vwayaj la ki te tèlman long.”

<sup>14</sup> Konsa, mesye Israèl yo te aksepte pran nan pwovizyon yo e yo pa t mande SENYÈ a konsèy. <sup>15</sup> Josué te fè lapè avèk yo, li te fè yon akò avèk

☆ 8:30 Det 27:2-8 ☆ 8:31 Egz 20:25 ☆ 8:32 Det 27:2-8 ☆ 8:33 Det 11:29 ☆ 8:34 Jos 1:8  
 ☆ 8:35 Egz 12:36 ☆ 9:1 Nonb 13:29 ☆ 9:2 Sòm 83:3-5 ☆ 9:3 Jos 9:17 ☆ 9:6 Jos 5:10 ☆ 9:7  
 Jos 9:1 ☆ 9:8 Det 20:11 ☆ 9:9 Jos 9:16-17 ☆ 9:11 Jos 9:8 ☆ 9:14 Nonb 27:21 ☆ 9:15 Egz  
 23:32

yo pou kite yo viv; epi dirijan kongregasyon an te sèmante yon ve ak yo.

<sup>16</sup> Li te vin rive nan fen twa jou yo, lè yo te fin fè akò avèk yo, ke yo te tandè ke yo te vwazen e ke yo te rete nan peyi yo. <sup>17</sup> Alò, fis Israël yo te pati e te vin kote vil yo a nan twazyèm jou a. Vil yo te: ✧Gabaon, Kephira, Beéroth ak Kirjath-Jearim. <sup>18</sup> Fis Israël yo pa t frape yo akòz dirijan kongregasyon an te sèmante a yo pa SENYÈ a, Bondye a tout Israël la.

Epi tout kongregasyon an te plenyen kont dirijan yo. <sup>19</sup> Men tout dirijan yo te di a tout kongregasyon an: “Nou te sèmante a yo pa SENYÈ a, Bondye Israël la; koulye a, nou pa kapab touche yo. <sup>20</sup> Men kisa nou va fè yo; kite yo viv pou kòlè pa vin sou nou pou ve ke nou sèmante a yo a.” <sup>21</sup> Dirijan yo te di a yo menm: “Kite yo viv.” Konsa, yo te vin ✧moun ki pou koupe bwa ak rale dlo pou tout kongregasyon an, jis jan ke dirijan yo te pale yo a. <sup>22</sup> Epi Josué te rele yo pou te pale avèk yo e te di: “Poukisa nou te twonpe nou, e di: ‘Nou lwen nou,’ ✧lè vrèman nou ap viv nan mitan peyi nou an? <sup>23</sup> Koulye a, pou sa, nou ✧modi e nou p ap janm sispenn jwe wòl kòm esklav, ni pou koupe bwa ni pou rale dlo pou kay Bondye mwen an.”

<sup>24</sup> Alò, yo te reponn Josué e te di: ✧“Akoz li te, anverite, pale a sèvitè ou yo pou SENYÈ a, Bondye ou a, te kòmande sèvitè li a, Moïse, pou ba ou tout peyi a e pou detwi tout pèp ki rete nan peyi a devan ou; konsa, nou te fè gwo perèz pou lavi nou akòz de ou e nou te fè bagay sa a. <sup>25</sup> Alò, gade, nou nan men ou; ✧fè avèk nou sa ki sanble bon e jis nan zye ou pou fè nou.”

<sup>26</sup> Se konsa, li te fè yo e te livre yo nan men a fis Israël yo pou yo pa t touye yo. <sup>27</sup> Men Josué te bay yo ransèyman soti nan menm jou sa a, kòm moun ki koupe bwa ak rale dlo pou kongregasyon an ak lotèl SENYÈ a, jis rive nan jou sila, ✧nan plas ke Li te chwazi a.

## 10

<sup>1</sup> Alò, li te vin rive ke lè Adoni-Tsédek, wa Jérusalem nan te tandè ke Josué te kapte Aï e te detwi li nèt (jis jan ke li te fè Jéricho avèk wa li a, konsa li te fè Aïavèk wa li a), e ke pèp Gabaon an te fè lapè avèk Israël e yo te rete nan mitan yo, ✧ <sup>2</sup> ke li te vin ✧pè anpil, akòz Gabaon te yon gran vil tankou youn nan vil wayal yo; epi akòz li te pi gran ke Aï e tout gason li yo te pwisan.

<sup>3</sup> Pou sa, Adoni-Tsédek, wa Jérusalem nan te voye ✧Hoham, wa Hébron an ak Piream, wa Jarmuth ak Japhia, wa Lakis avèk Debir, wa Eglon an, e te di: <sup>4</sup> Vin monte kote mwen pou ede m; annou atake Gabaon; paske li te ✧fè lapè avèk Josué e avèk fis Israël yo.”

<sup>5</sup> Konsa, senk wa ✧Amoreyen yo, wa Jérusalem nan, wa Hébron an, wa Jarmuth lan, wa Lakis la ak wa Eglon an te monte, yo menm avèk tout lame yo, yo te fè kan akote Gabaon pou te goumen kont li.

<sup>6</sup> Mesye Gabaon yo te voye kote Josué kote kan Guilgal la, e te di: “Pa abandone sèvitè ou yo; vin monte kote nou pou ede nou; paske tout wa Amoreyen ki rete nan peyi kolin yo te vin rasanble kont nou.”

<sup>7</sup> Alò, Josué te monte soti Guilgal; li menm ansanm ak ✧tout moun lagè yo ak tout gèrye vanyan yo.

<sup>8</sup> SENYÈ a te di a Josué: ✧“Pa pè yo; paske Mwen te mete yo nan men ou;

✧ 9:17 Jos 18:25 ✧ 9:21 Det 29:11 ✧ 9:22 Jos 9:16 ✧ 9:23 Jen 9:25 ✧ 9:24 Jos 9:9 ✧ 9:25 Jen 16:6 ✧ 9:27 Det 12:5 ✧ 10:1 Jos 8:21; Jos 9:15 ✧ 10:2 Egz 15:14-16 ✧ 10:3 Jos 10:23 ✧ 10:4 Jos 9:15 ✧ 10:5 Nonb 13:29 ✧ 10:7 Jos 8:1 ✧ 10:8 Jos 1:5-9

pa menm youn nan yo va kanpe devan ou.”

<sup>9</sup> Konsa, Josué te parèt sou yo sibitman akoz yo te mache nan nwit lan soti Guilgal. <sup>10</sup> ✧Epi SENYÈ a te fè yo fè dega devan Israël; epi Li te touye yo avèk yon gwo masak nan Gabaon, Li te kouri dèyè yo nan chemen pant Beth-Horon e Li te frape yo jis rive Azéka, avèk Makkéda.

<sup>11</sup> Pandan yo t ap sove ale devan Israël, pandan yo t ap desann pant Beth-Horon an, ✧SENYÈ a te voye gwo wòch sòti nan syèl la sou yo jis rive Azéka, e yo te mouri; pifò nan yo te mouri akoz gwo lagrèl ke sila ke fis Israël yo te touye avèk lam nepe yo.

<sup>12</sup> Epi Josué te pale avèk SENYÈ a nan jou ke SENYÈ a te livre Amoreyen yo devan fis Israël yo; epi li te pale devan tout zye a fis Israël yo: “O ✧solèy, kanpe; pa deplase nan Gabaon, Epi lalin nan, nan vale Ajalon.”

<sup>13</sup> Alò, solèy la te kanpe e lalin nan pa t deplase Jiskaske nasyon an te fè revandikasyon an yo menm, sou lènmi yo. Èske sa pa ekri nan liv Jaser a? Solèy la te rete nan mitan syèl la e li pa t deplase pandan anviwon yon jou konplè. ✧ <sup>14</sup> ✧Pa t gen jou tankou sila a ni devan li, ni apre li, lè SENYÈ a te koute vwa a yon moun; paske SENYÈ a te goumen pou Israël.

<sup>15</sup> Epi Josué avèk tout Israël avèk li te retounen nan kan an Guilgal.

<sup>16</sup> Alò, ✧senk wa sila yo te sove ale pou te kache kò yo nan gwòt Makkéda a. <sup>17</sup> Li te pale a Jousé ke: “Senk wa yo te twouve kache nan gwòt Makkéda a.” <sup>18</sup> Josué te di: “Woule gwo wòch yo kont bouch gwòt la; epi mete mesye yo veye l, <sup>19</sup> men pa rete nou menm; swiv lènmi nou yo pou atake yo pa dèyè. Pa kite yo antre nan vil yo; paske SENYÈ a, Bondye nou an, te livre yo nan men nou.”

<sup>20</sup> Epi li te vin rive ke lè Josué avèk fis Israël yo te fin touye yo avèk yon gwo masak, ✧jiskaske yo tout te fin detwi e sila ki te chape yo, yo te antre nan vil fòtifye yo, <sup>21</sup> pou tout pèp la te retounen nan kan an kote Josué nan Makkéda anpè. Pèsòn pa t pale yon mo kont fis Israël yo.

<sup>22</sup> Epi Jousé te di: “Ouvri bouch gwòt la e mennen senk wa sa yo sòti nan gwòt la.” <sup>23</sup> Se konsa yo te fè, yo te ✧mennen senk wa sila yo soti deyò gwòt la; wa Jérusalem nan, wa Hébron an, wa Jarmuth lan, wa Lakis la ak wa Eglon an. <sup>24</sup> Lè yo te mennen wa sa yo sòti kote Josué, Josué te rele tout mesye Israël yo; epi li te di a chèf a gèye ki te ale avèk li yo: “Vin ✧mete pye nou sou kou a wa sa yo.” Epi yo te vini pou te mete pye yo sou kou yo.

<sup>25</sup> Epi Josué te di yo: ✧“Pa pè, ni dekouraje! Kenbe fèm e pran kouraj; paske konsa SENYÈ a va fè a tout lènmi nou yo lè yo goumen avèk nou.”

<sup>26</sup> Epi answit, Josué te frape yo e te mete yo a lanmò; epi li te ✧pann yo sou senk pyebwa, yo te pann sou bwa yo jis rive nan aswè.

<sup>27</sup> Li te rive nan lè solèy kouche ke Josué te bay yon kòmand pou ✧yo te desann yo nan pyebwa yo e jete yo nan gwòt kote yo te kache kò yo a; epi yo te mete gwo wòch sou bouch gwòt la, jis jodi a.

<sup>28</sup> Alò, Josué te kaptire Makkéda nan jou sa a pou te frape l ak wa li a avèk lam nepe; ✧li te konplètman detwi li ak tout moun ki te ladann. Li pa t kite pèsòn vivan. Konsa li te fè a wa Makkéda a, ✧jis jan ke li te fè a wa Jéricho a.

✧ **10:10** Det 7:23 ✧ **10:11** Sòm 18:12 ✧ **10:12** Hab 3:11 ✧ **10:13** II Sam 1:18; És 38:8 ✧ **10:14** Egz 14:14 ✧ **10:16** Jos 10:5 ✧ **10:20** Det 20:16 ✧ **10:23** Det 7:24 ✧ **10:24** Mal 4:3 ✧ **10:25** Jos 10:8 ✧ **10:26** Jos 8:29 ✧ **10:27** Det 21:22-23 ✧ **10:28** Det 20:16 ✧ **10:28** Jos 6:21



<sup>29</sup> Epi Josué avèk tout Israël avèk li te pase soti Makkéda a ✧Libna pou te goumen kont Libna. <sup>30</sup> SENYÈ a te bay Libna tou ansanm ak wa li nan men Israël; epi li te frape li ak tout moun ki te ladann avèk lam nepe. Li pa t kite pèsòn vivan ladann. Konsa li te fè a wa a li menm nan bagay ke li te fè a wa Jéricho a.

<sup>31</sup> Epi Josué avèk tout Israël avèk li te pase soti nan Libna a Lakis, yo te fè kan akote li pou te goumen kont li. <sup>32</sup> SENYÈ a te bay Lakis nan men Israël; epi li te kaptire li nan dezyèm jou a, Li te frape li ak tout moun ki te ladann avèk lam nepe, jis jan ke li te fè a Libna a.

<sup>33</sup> Alò Horam, wa ✧Guézar a, te monte pou ede Lakis; epi Jousé te bat li ak pèp li a jiskaske li pa t kite moun vivan.

<sup>34</sup> Epi Josué avèk tout Israël te kite Lakis pou Églon; epi yo te fè kan akote li pou te goumen kont li. <sup>35</sup> Yo te kaptire li nan jou sila a pou te frape li avèk lam nepe; epi nan jou sa a, li te konplètman detwi tout moun ki te ladann, jis jan li te fè a Lakis la.

<sup>36</sup> Alò, Josué avèk tout Israël avèk li te monte soti Églon a ✧Hébron; epi yo te goumen kont li. <sup>37</sup> Yo te kaptire li, frape li ak wa li a avèk tout vil li yo ak tout moun ki te ladann avèk lam nepe. Li pa t kite pèsòn vivan, jis jan li te fè Eglon an. Epi li te konplètman detwi li avèk tout moun ki te ladann.

<sup>38</sup> Epi Josué avèk tout Israël avèk li te retounen a ✧Debir pou yo te goumen kont li. <sup>39</sup> Li te kaptire li avèk wa li a, tout vil li yo, yo te frape yo avèk lam nepe e te detwi yo nèt tout moun ladann. Li pa t kite moun vivan. Jis jan ke li te fè Hébron an, konsa li te fè Debir avèk wa li a e li te osi fè nan Libna avèk wa li a.

<sup>40</sup> Konsa, Josué te frape tout peyi a, ✧peyi kolin yo avèk Negev la ak bas plèn nan avèk pant yo ak ✧tout wa yo. Li pa t kite moun vivan; men, li te konplètman detwi tout moun ki te gen souf lavi, jis jan ke SENYÈ a, Bondye a Israël la, te kòmande a. <sup>41</sup> Josué te frape yo soti Kadès-Barnéa, jis rive Gaza <sup>42</sup> Jousé te kaptire tout wa sila yo avèk peyi yo yon sèl kou, akoz ✧SENYÈ a, Bondye a Israël la, te goumen pou Israël.

<sup>43</sup> Epi Josué ak tout Israël avèk li te retounen nan kan Guilgal la.

## 11

<sup>1</sup> Epi li te vin rive ke lè Jabin, wa ✧Hatsor a, te tandè koze a, ke li te voye kote Jobab, wa Madon an, kote wa Schimron ak kote wa Acschaph, <sup>2</sup> epi a wa ki te nan nò nan peyi kolin yo ak nan ✧Araba a—plis nan sid a Kinnéreth, nan ba plèn nan ak sou wotè a Dor nan lwès, <sup>3</sup> vè Kananeyen yo nan lès ak nan lwès, Amoreyen yo, Etyen yo, Ferezyen yo ak Jebizyen yo nan peyi kolin yo ak Evyen yo nan pye ✧Mòn Hérmon nan peyi Mitspa a. <sup>4</sup> Yo te sòti, yo menm avèk tout lame yo avèk yo, ✧fòs kantite moun tankou grenn sab bò lanmè, avèk anpil cheval ak cha.

<sup>5</sup> Epi tout wa sila yo te dakò reyini, yo te vin fè kan an ansanm vè dlo a Mérom yo pou goumen kont Israël.

<sup>6</sup> Alò, SENYÈ a te di a Jousé: ✧ “Pa pè akoz yo menm, paske demen, nan lè sa a, mwen va livre yo tou mouri devan Israël; nou va ✧koupe jarèt cheval yo e brile cha yo avèk dife.”

✧ 10:29 15:42 ✧ 10:33 Jos 16:3-10 ✧ 10:36 Nonb 13:22 ✧ 10:38 Jos 15:15 ✧ 10:40 Det 1:7 ✧ 10:40 Det 7:24 ✧ 10:42 Det 1:7 ✧ 11:1 Jos 11:10 ✧ 11:2 Jos 12:3 ✧ 11:3 Jos 11:17 ✧ 11:4 Jij 7:12 ✧ 11:6 Jos 10:8 ✧ 11:6 II Sam 8:4

<sup>7</sup> Konsa, Jousé avèk tout moun lagè yo te parèt sou yo sibitman toupredlo Mérom yo pou te atake yo. <sup>8</sup> SENYÈ a te livre yo nan men Israël pou yo te genyen yo e te kouri dèyè yo jis rive nan Gran Sidon, ak ✧Misreboth-Maïm avèk vale a Mitspa nan lès; epi yo te frape yo jiskaske pèsòn pa t viv ladan yo. <sup>9</sup> Josué te fè yo jan SENYÈ a te pale li a; li te ✧koupe jarèt cheval yo e brile cha yo avèk dife.

<sup>10</sup> Epi Josué te retounen fè bak nan moman sa a pou te kaptire ✧Hatsor e frape wa li a avèk nepe; paske Hatsor, oparavan, te chèf an tèt tout wayòm sila yo. <sup>11</sup> ✧Yo te frape tout moun ki te ladann avèk lam nepe, yo te detwi yo nèt; pa t gen pèsòn ki te rete ap respire. Epi li te brile Hatsor avèk dife.

<sup>12</sup> Josué te kaptire tout vil a wa sila yo, tout wa yo, li te frape yo avèk lam nepe e li te detwi yo nèt; ✧jis jan ke Moïse, sèvitè SENYÈ a te kòmande a. <sup>13</sup> Sepandan, Israël pa t brile okenn nan vil ki te kanpe sou pwòp ti mòn pa yo, sof ke Hatsor sèl, ke Josué te brile. <sup>14</sup> ✧Tout piyaj lakay sila yo ak bèt yo, fis Israël yo te pran yo kòm byen sezi pa yo; men, yo te frape tout moun avèk lam nepe jiskaske yo te detwi yo. Yo pa t kite pèsòn respire.

<sup>15</sup> Jis jan SENYÈ a te kòmande Moïse, sèvitè li a, konsa Moïse te kòmande Josué e konsa Josué te fè; li pa t kite anyen pa fèt nan tout sa ke SENYÈ a te kòmande Moïse la.

<sup>16</sup> Konsa, Josué te pran tout teritwa sa a: peyi ti kolin yo ak tout Negev la, tout peyi Gosen nan, ba plèn nan, ✧Araba a, peyi ti kolin Israël la ak ba plèn li, <sup>17</sup> Soti nan Mòn Halak ki leve vè Séir, menm jis rive lwen nan Baal-Gad nan vale Liban nan pye Mòn Hérmon. Epi li te kaptire ✧tout wa yo, li te frape yo ba e te mete yo a lanmò.

<sup>18</sup> Josué te pouswiv lagè pandan anpil tan avèk tout wa sa yo. <sup>19</sup> Pa t gen yon vil ki te fè lapè avèk fis Israël yo, sof ke ✧Evyen ki te rete Gabaon yo; yo te pran yo tout nan batay. <sup>20</sup> ✧Paske, se te a volonte SENYÈ a pou yo ta fè kè yo vin di, pou yo te rankontre Israël nan batay pou Li ta kapab detwi yo nèt, jis jan ke SENYÈ a te kòmande Moïse la.

<sup>21</sup> Epi Josué te vini nan tan sa a, li te koupe ✧Anakim yo nan peyi ti kolin yo, soti Hébron, soti Debir, soti Anab ak tout peyi ti kolin nan Juda yo e soti nan tout peyi ti kolin an Israël yo. Josué te konplètman detwi yo avèk vil yo. <sup>22</sup> Pa t gen Anakim ki te rete nan peyi fis Israël yo; sèlman nan Gaza, nan ✧Gath ak nan Asdod kèk te rete.

<sup>23</sup> Konsa, Josué te pran tout peyi a, selon tout sa ke SENYÈ a te pale a Moïse yo; epi ✧Josué te bay li kòm eritaj a Israël selon divizyon pa yo selon tribi pa yo. Konsa, peyi a te gen repo kont lagè a.

## 12

<sup>1</sup> Alò, sila yo se ✧wa a peyi ke fis Israël yo te fin bat e tèren ke yo te vin posede lòtbò Jourdain an vè solèy leve a, soti nan vale Arnon an jis rive nan Mòn Hermon ak tout Araba vè lès: <sup>2</sup> Sihon, wa Amoreyen yo, ki te rete Hesbon, ki te domine ✧soti Aroër ki akote vale Arnon an, ni mitan vale a ak mwatye Galaad, menm jis rive nan ti rivyè Jabbok la, lizyè a fis Ammon an; <sup>3</sup> epi nan ✧Araba jis rive nan lanmè Kinnéreth la, vè lès, jis rive nan lanmè Araba a, ki se Lame Sale a, vè lès vè ✧Beth-Jeschimoth ak

✧ **11:8** Jos 13:6 ✧ **11:9** Jos 11:6 ✧ **11:10** Jos 11:1 ✧ **11:11** Det 20:16 ✧ **11:12** Nonb 33:50-52  
 ✧ **11:14** Nonb 31:11-12 ✧ **11:16** Jos 11:2 ✧ **11:17** Det 7:24 ✧ **11:19** Jos 9:3-7 ✧ **11:20** Egz 14:7 ✧ **11:21** Nonb 13:13 ✧ **11:22** I Sam 17:4 ✧ **11:23** Det 1:38 ✧ **12:1** Nonb 32:33 ✧ **12:2** Det 2:36 ✧ **12:3** Jos 11:2 ✧ **12:3** Jos 13:20

nan sid, nan pye pant a Mòn Pisga yo; <sup>4</sup> epi teritwa Og, wa Basan an, youn nan ✧retay Rephaïm ki te rete Ashtaroth ak Edrei, <sup>5</sup> epi li te domine sou Mòn Hermon ak Salca avèk tout Basan, jis rive nan ✧lizyè a Gechouryen ak Maakatyen yo, epi mwatye Galaad, pou rive nan lizyè Sihon, wa Hesbon an.

<sup>6</sup> Moïse, sèvitè SENYÈ a, ak fis Israël yo te bat yo; epi ✧Moïse, sèvitè SENYÈ a, te bay yo a Ribenit ak Gadit yo, avèk mwatye tribi Manasse a, kòm posesyon.

<sup>7</sup> Alò, sila yo se wa peyi ke Josué avèk fis Israël yo te bat lòtbò Jourdain an, vè lwès, soti Baal-Gad nan vale Liban, ✧ jis rive nan Mòn Halak ki leve vè Séir; epi Josué te bay li a tribi Israël yo kòm posesyon selon divizyon pa yo,

<sup>8</sup> nan ✧peyi ti kolin yo, nan ba plèn nan, nan Araba a, nan pant yo, nan dezè a, nan Negev la; Etyen an, Amoreyen an, Kananeyen an, Ferezyen an, Evyen ak Jebizyen an:

<sup>9</sup> ✧wa a Jéricho a, youn; ✧wa a Ai ki akote Béthel la, youn;

<sup>10</sup> ✧wa a Jérusalem nan, youn; wa a Hébron an, youn;

<sup>11</sup> wa a Jarmuth lan, youn; wa a Lakis la, youn;

<sup>12</sup> wa a Églon an, youn; wa a Guézer a, youn;

<sup>13</sup> wa a Debir a, youn; wa a Guéder a, youn;

<sup>14</sup> wa a Horma a, youn; wa a ✧Arad la, youn

<sup>15</sup> wa a Libna a, youn; wa a Adulam nan, youn;

<sup>16</sup> wa a Makkéda a, youn; wa a Béthel la, youn;

<sup>17</sup> wa a Tappuach la, youn; ✧wa a Hépher a, youn;

<sup>18</sup> wa a ✧Aphek la, youn; wa Lascharon an, youn;

<sup>19</sup> wa a Madon an, youn; wa a Hatsor a, youn;

<sup>20</sup> wa a Schimron-Meron an, youn; wa a Acschaph la, youn;

<sup>21</sup> wa a Taanac la, youn; wa a Meguiddo a, youn;

<sup>22</sup> wa a Kédesh la, youn; wa a Joknaem nan Carmel la, youn;

<sup>23</sup> wa a Dor a, youn; wa a Gojim nan, touppe Guilgal, youn;

<sup>24</sup> wa a Thirtsa a, youn. Total wa yo, tranteyen.

## 13

<sup>1</sup> Alò ✧Josué te vin vye e avanse nan laj lè SENYÈ a te di li: “Ou vin vye e avanse nan laj e anpil nan tè a rete san posede.

<sup>2</sup> Men tè ki rete yo: tout kote Filisten yo ak tout sila a Gechouryen yo;

<sup>3</sup> soti nan Schichor ki nan lès Égypte, jis rive nan fwontyè Ékron ki nan nò (li konte tankou Kananeyen yo); ✧senk prens a Filisten yo: sa Gaza a, sa Asdod la, sa Askalon an, sa Gath la ak sa Ekron an e pa Avyen yo. <sup>4</sup> Nan sid, tout teritwa a Canaan yo ak Meara ki pou Sidonyen yo, soti nan ✧Aphek jis rive nan fwontyè Amoreyen yo; <sup>5</sup> epi teritwa Gibliyen yo avèk tout Liban, vè lès, soti Baal-Gad anba Mòn ✧ Hérmon jis rive nan Lebo-Hamath.

<sup>6</sup> Tout pèp ki te rete nan peyi ti kolin yo soti Liban jis rive Misrephoth-Maim, tout Sidonyen yo, mwèn va pouse yo ale soti devan fis Israël yo; se ✧sèl a Israël pou bay li kòm eritaj, jan Mwèn te kòmande ou a. <sup>7</sup> Koulye a, pou sa, divize tè sa a kòm eritaj a nèf tribi yo avèk mwatye tribi a Manassé a.”

✧ 12:4 Det 3:11 ✧ 12:5 Det 3:14 ✧ 12:6 Nonb 32:33 ✧ 12:7 Jos 11:17 ✧ 12:8 Jos 11:16  
 ✧ 12:9 Jos 6:2 ✧ 12:9 Jos 8:29 ✧ 12:10 Jos 10:23 ✧ 12:14 Nonb 21:1 ✧ 12:17 I Wa 4:10  
 ✧ 12:18 Jos 13:4 ✧ 13:1 Jos 14:10 ✧ 13:3 I Sam 6:4-16 ✧ 13:4 Jos 12:18 ✧ 13:5 I Wa 5:18  
 ✧ 13:6 Nonb 33:54

<sup>8</sup> Avèk lòt mwaye tribi a, Ribenit yo ak Gadit yo te resevwa eritaj pa yo ke Moïse te ba yo ✧lòtbò Jourdain an nan lès, jis jan ke Moïse, sèvitè SENYÈ a, te bay yo a; <sup>9</sup> soti Aroër ki akote vale Arnon an, avèk vil ki nan mitan vale a ak tout plèn Médeba a, jis rive nan Dibon; <sup>10</sup> epi tout vil a Sihon yo, wa a Amoreyen yo, ki te renye nan Hesbon yo, jis rive nan lizyè fis a Ammon yo; <sup>11</sup> epi ✧Galaad ak teritwa a Gechouryen yo avèk Maakatyen yo, tout Mòn Hermon an ak tout Basan jis rive Salca; <sup>12</sup> tout wayòm a ✧Og yo nan Basan ki te renye nan Ashtaroth ak nan Édréi, (se te li sèl ki te rete kòm retay a Rephaïm yo); paske Moïse te ✧frape yo e deplase yo.

<sup>13</sup> Men fis Israël yo pa t deplase Gechouryen yo ak Maakatyen yo; paske Gueschur avèk Maacath rete pami Israël yo jis jodi a.

<sup>14</sup> ✧Sèlman a tribi Levi a, li pa t bay eritaj; ofrann pa dife a SENYÈ a, Bondye a Israël la, se eritaj pa yo, jan Li te pale yo a.

<sup>15</sup> Epi Moïse te bay a tribi fis a Ruben yo selon fanmi pa yo. <sup>16</sup> Teritwa pa yo te ✧soti Aroër ki arebò vale Arnon an, avèk vil nan mitan vale a ak tout plèn akote Médeba a; <sup>17</sup> Hesbon ak tout vil pa li yo ki nan plèn nan: Dibon avèk Bamoth-Baal ak Beth-Baal-Meon, <sup>18</sup> epi Jahats, Kedémoth, Méphaath, <sup>19</sup> Kirjathaïm, Sibma, Tséreth-Haschachar sou mòn a vale a, <sup>20</sup> Beth-Peor, avèk pant a Pisga yo, Beth-Jeschimoth, <sup>21</sup> tout vil nan plèn yo ak tout wayòm a Sihon an, wa Amoreyen an, ki te renye nan Hesbon, ke Moïse te frape ansanm avèk chèf Madian yo, ✧Évi, Rékem, Tsur, Hur, avèk Reba, prens a Sihon yo, ki te rete nan peyi a. <sup>22</sup> Fis Israël yo, osi, te touye avèk nepe, ✧Balaam, fis a Beor a, yon divinò, pami lòt ki te mouri yo. <sup>23</sup> Lizyè a fis a Ruben yo se te Jourdain an. Sa se te eritaj a fis Ruben yo selon fanmi pa yo, vil ak ti bouk yo.

<sup>24</sup> Moïse, osi, te bay tribi Gad la, a fis Gad yo, selon fanmi pa yo. <sup>25</sup> Teritwa pa yo se te Jazer, tout vil nan Galaad yo ak mwaye peyi a fis Ammon yo, jis rive nan Aroër ki devan Rabba a, <sup>26</sup> epi soti Hesbon, jis rive nan Ramath-Mitspe, Bethonim ak soti Mahanaïm jis rive nan lizyè Debir a; <sup>27</sup> epi nan vale a, Beth-Haram, Beth-Nimra, Succoth ak Tsaphon, sila ki rete nan wayòm Sihon an, wa Hesbon an, avèk Jourdain an kòm lizyè li jis rive nan pwent ✧Lamè Kinnéreth la, lòt kote Jourdain an vè lès. <sup>28</sup> Sa se eritaj a fis a Gad yo selon fanmi, vil yo ak bouk pa yo.

<sup>29</sup> Moïse te, osi, bay yon eritaj a mwaye tribi Manassé a; epi li te pou mwaye tribi Manassé a selon fanmi pa yo. <sup>30</sup> Teritwa pa yo te soti nan Mahanaïm, tout Basan, tout wayòm ki pou Og la, wa Basan an ak tout a ✧vil a Jaïr yo ki nan Basan, swasant vil antou; <sup>31</sup> anplis, mwaye nan Galaad, avèk ✧Ashtaroth ak Edreï, vil nan wayòm Og yo, nan Basan, te vin pou fis Makir yo, fis a Manassé yo, pou mwaye a fis Makir yo selon fanmi pa yo.

<sup>32</sup> Sila yo se teritwa ke Moïse te divize kòm eritaj nan ba plèn a Moab yo, lòtbò Jourdain an, vè Jéricho ki nan lès.

<sup>33</sup> Men ✧a tribi Levi a, Moïse pa t ba li eritaj; SENYÈ a, Bondye a Israël la, se eritaj pa yo, jan li te pwomèt a yo menm nan.

## 14

<sup>1</sup> Alò, sila yo se teritwa ke fis Israël yo te eritye nan peyi Canaran an, ke ✧Eléazar, prèt la ak Josué, fis a Nun nan, ak chèf kay nan tribi a fis Israël

✧ 13:8 Jos 12:1-6 ✧ 13:11 Jen 37:35 ✧ 13:12 Det 3:11 ✧ 13:12 Nonb 21:24 ✧ 13:14 Det 18:1 ✧ 13:16 Jos 13:9 ✧ 13:21 Nonb 31:8 ✧ 13:22 Nonb 31:8 ✧ 13:27 Nonb 34:11 ✧ 13:30 Nonb 32:41 ✧ 13:31 Jos 9:10 ✧ 13:33 Det 18:1 ✧ 14:1 Nonb 34:16-29

yo te divize bay yo kòm eritaj yo, <sup>2</sup> selon tiraj ✧osò eritaj pa yo, jan SENYÈ a te kòmande a, pa Moïse pou nèf tribi avèk mwatye tribi a. <sup>3</sup> Paske, Moïse te bay eritaj la a de tribi avèk mwatye tribi lòtbò Jourdain an; men, ✧li pa t bay yon eritaj a Levit ki te pami yo. <sup>4</sup> Paske, fis Joseph yo te de tribi, ✧Manassé avèk Éphraïm e yo pa t bay yon pòsyon a Levit nan peyi yo, sof ke vil pou yo viv ladan yo, avèk teren pa yo pou bèt pa yo ak pou byen pa yo. <sup>5</sup> Konsa, fis Israël yo te fè ✧jan SENYÈ a te kòmande Moïse la; epi yo te divize teren an.

<sup>6</sup> Alò, fis Juda yo te pwoche touppe Josué nan Guilgal ak ✧Caleb, fis a Jephunné a, Kenizyen an te di li: “Ou konnen pawòl ke SENYÈ a te pale a Moïse, nonm Bondye a, konsènan ou menm avèk mwen nan Kadès-Barnéa. <sup>7</sup> Mwen te gen karantan lè ✧Moïse, sèvitè SENYÈ a, te voye mwen sòti nan Kadès Barnéa pou fè espyonaj peyi a; epi mwen te mennen pawòl la retounen kote li jan li te ye nan kè m nan. <sup>8</sup> Sepandan, frè m ki te monte avè m yo te fè kè a pèp la fann avèk laperèz; men, ✧Mwen te swiv SENYÈ a, Bondye mwen an nèt.” <sup>9</sup> Epi Moïse te sèmante nan jou sa a, e li te di: ‘Vrèman ✧peyi a sila pye ou te foule a va vin yon eritaj pou ou menm ak pitit ou yo pou tout tan, akoz ou te swiv SENYÈ a, Bondye mwen an nèt.’

<sup>10</sup> Koulye a, gade byen, SENYÈ a te kite mwen viv pandan karant-senk ane sa yo, jis jan ke Li te pale a, soti nan tan sila a ke SENYÈ a te pale pawòl sa a Moïse la, lè Israël te mache nan dezè a; epi koulye a, gade byen; jodi a mwen gen katreven senk ane. <sup>11</sup> ✧Mwen gen menm fòs jodi a ke m te gen nan jou Moïse te voye mwen an; tankou fòs mwen te gen nan moman sa a, se konsa fòs mwen ye koulye a, pou fè lagè ak antre sòti. <sup>12</sup> Alò, koulye a, ban m peyi ti kolin yo sa ke SENYÈ a te pale nan jou sa a, paske ou te tande nan jou sa a ke ✧Anakim yo te la avèk gran vil byen fòtifye; petèt SENYÈ a va avè m e mwen va chase yo sòti ladann jan SENYÈ a te pale a.”

<sup>13</sup> Alò, Josué te beni li e te bay Hébron a Caleb, fis a Jephunné a, Kenizyen an jis rive jodi a; paske li te swiv SENYÈ a, Bondye Israël la nèt. <sup>14</sup> Konsa, Hébron te devni eritaj Caleb, fis a Jephunné, Kenyèn nan, jis rive jou sa a, akoz li te swiv SENYÈ a nèt. <sup>15</sup> Alò, non ansyen a Hébron an se te Kirjath-Arba; paske Arba te pi gran pami Anakim yo.

Answit, peyi a te vin gen repo san fè lagè.

## 15

<sup>1</sup> Koulye a, tiraj ✧osò a pou tribi fis a Juda yo selon fanmi pa yo te rive nan lizyè Édom an, desann nan sid pou rive nan dezè Tsin nan pwent ki plis nan sid la. <sup>2</sup> Lizyè sid la te sòti nan pwent piba nan Lamè Sale a, soti nan dlo ki vire vè sid la. <sup>3</sup> Epi li te kontinye vè sid pou rive nan pant Akrabbim nan, li te kontinye a Tsin, li te monte vè sid a Kadès-Barnéa, li te kontinye nan Hesbron, li te monte nan Addar e te vire tounen a Karkaa. <sup>4</sup> Li te ✧pase vè Atsmon e te kontinye pou rive nan ✧ti rivyè Égypte la; epi lizyè a te fini nan lanmè a. Sa va lizyè sid nou.

<sup>5</sup> Lizyè ✧lès la te Lamè Sale a soti nan bouch larivyè Jourdain an. Epi lizyè bò kote nò a te soti nan lanmè a nan bouch Jourdain an. <sup>6</sup> Epi lizyè a te monte vè Beth-Hogla, li te kontinye nan kote nò a Beth-Araba, epi lizyè

✧ 14:2 Nonb 26:55 ✧ 14:3 Jos 13:14 ✧ 14:4 Jen 41:5-11 ✧ 14:5 Nonb 35:11 ✧ 14:6 Nonb 13:6-30 ✧ 14:7 Nonb 13:1-31 ✧ 14:8 Nonb 14:24 ✧ 14:9 Det 1:36 ✧ 14:11 Det 34:7 ✧ 14:12 Nonb 13:33 ✧ 15:1 Nonb 34:3-4 ✧ 15:4 Nonb 34:5 ✧ 15:4 Jen 15:18 ✧ 15:5 Nonb 34:3-12

a te monte nan wòch Bohan nan, fis a Ruben an. <sup>7</sup> Lizyè a te monte vè Debir soti nan ✧vale a Acôr a e te vire bò nò a vè Guilgal ki anfas pant pou rive Adummim, ki nan sid a vale a; epi lizyè a te kontinye rive jis nan dlo a En-Schémesch pou te fini nan En-Roguel. <sup>8</sup> Epi lizyè a te monte nan vale Ben-Hinnon rive nan pant ✧Jebizyen nan sid (sa vle di Jérusalem); epi lizyè a te monte sou pwent mòn nan ki pi devan vale Hinnon an vè lwès, ki nan dènye pwent vale Rephaïm nan vè nò. <sup>9</sup> Soti nan tèt mòn nan, lizyè a te koube pou rive nan sous ki rele dlo Nephtoch e te rive devan nan vil a Mòn Éphron an; epi lizyè a te vin koube pou rive nan Baala, (sa vle di, Kirjath-Jearim). <sup>10</sup> Lizyè a te vire soti nan Baala vè lwès pou rive nan Mòn Seïr, li te kontinye pou rive nan pant Mòn Jearim nan nò (sa vle di Kesalon), li te desann nan Beth-Schémesch e li te pase nan ✧Timnah. <sup>11</sup> Lizyè a te kontinye rive akote Ékron vè nò. Epi lizyè a te koube rive nan Schicron, li te kontinye rive jis nan Mòn Baala, li te rive nan Jabneel, e li te fè bout nan lanmè a.

<sup>12</sup> Lizyè a nan lwès la te nan kot Gran Lamè a. Sa se lizyè ki antoure fis Juda yo selon fanmi pa yo.

<sup>13</sup> Alò, ✧li te bay a Caleb, fis Jephunné a, yon pòsyon pami fis Juda yo, selon kòmand a SENYÈ a vè Josué, ki te rele Kirjath-Arba ki te papa Anak (sa vle di, Hébron). <sup>14</sup> Caleb te chase fè sòti la twa ✧ fis Anak yo: Schéschaï, Ahiman ak Talmaï, pitit a Anak yo.

<sup>15</sup> Epi ✧li te monte soti la kont sila ki rete Debir yo; alò, Debir oparavan te rele Kirjath-Sépher. <sup>16</sup> Epi Caleb te di: “Sila ki kaptire li a, mwen va bay li a Acsa, fi mwen an, kòm madanm.” <sup>17</sup> ✧Othniel, fis a Kenaz la, frè Caleb la te kaptire li; konsa, li te bay li Acsa, fi li a, kòm madanm.

<sup>18</sup> ✧Li te vin rive ke lè fi a te vin kote li, li te konvenk li pou mande papa li pou yon chan. Konsa, fi a te desann bourik la, e Caleb te di l: “Kisa ou vle?”

<sup>19</sup> Epi li te di: “Beni mwen; depi ou te ban mwen tè nan negev la, ban mwen sous dlo yo tou.” Konsa, li te ba li sous pi wo yo avèk sous anba yo.

<sup>20</sup> Sa se eritaj a tribi a fis Juda yo selon fanmi pa yo.

<sup>21</sup> Alò, vil nan tribi fis Juda yo, pi lwen vè fwontyè Édom an nan sid la te Kabsteel, ✧Éder, avèk Jagur; <sup>22</sup> epi Kina, Dimona, Adada <sup>23</sup> epi Kédesh, Hatsor, Ithnan, <sup>24</sup> Ziph, Thélem, Bealòth, <sup>25</sup> Hatsor-Hadattha, Kerijoth-Hetsron ki se Hatsor, <sup>26</sup> Amam, Schema, Molada, <sup>27</sup> Hatsar-Gadda, Heschmon, Beth-Paleth, <sup>28</sup> Hatsar-Schual, Beer-Schéba, Bizjothja <sup>29</sup> Baala, Ijjim, Atsem, <sup>30</sup> Eltholad, Kesil, Horma, <sup>31</sup> Tsiklag, Madmanna, Sansanna, <sup>32</sup> Lebaoth, Schilhim, Aïn, avèk Rimmon; antou, vent-nèf vil avèk bouk pa yo.

<sup>33</sup> Nan ba plèn nan: Eschathaol, Tsorea, Aschna, <sup>34</sup> Zanoach, En-Gannim, Tappuach, Énam, <sup>35</sup> Jarmuth, Adullam, Soco, Azéka, <sup>36</sup> Schaaraim, Adithaim, Guedéra, avèk Guedérothaïm; katòz vil avèk bouk pa yo. <sup>37</sup> Tsenan, Hadascha, Migdal-Gad, <sup>38</sup> Dilèan, Mitspé, Joktheel, <sup>39</sup> Lakis, Botskath, Églon, <sup>40</sup> Cabbon, Lachmas, Kithlisch, <sup>41</sup> Guedéroth, Beth-Dagon, Naama, avèk Makkéda; sèz vil avèk bouk pa yo. <sup>42</sup> Libna, Éther, Aschan, <sup>43</sup> Jiphatach, Aschna, Netsib, <sup>44</sup> Keïla, Aczib ak Maréscha; nèf vil avèk bouk pa yo. <sup>45</sup> Ékron, avèk vil li yo ak bouk pa li yo. <sup>46</sup> soti nan Ékron menm pou rive nan lanmè a, tout sa ki te menm kote avèk Asdod avèk bouk pa

✧ 15:7 Jos 7:24 ✧ 15:8 Jos 15:63 ✧ 15:10 Jen 38:13 ✧ 15:13 Jos 14:13-15 ✧ 15:14 Nonb 13:33 ✧ 15:15 Jos 10:38 ✧ 15:17 Jij 1:13 ✧ 15:18 Jij 1:14 ✧ 15:21 Jen 35:21

li yo. <sup>47</sup> Asdod, vil pa li yo avèk bouk yo; Gaza, vil pa li yo avèk bouk yo; jis rive nan ti rivyè Égypte la avèk akote Gran Lamè a, menm.

<sup>48</sup> Nan peyi ti kolin yo: Schamir, Jatthir, Soco, <sup>49</sup> Danna, kirjath-Sanna, ki se Debir, <sup>50</sup> Anab, Eschthemo, Anim, <sup>51</sup> Gosen, Holon, avèk Guilo, onz vil avèk bouk pa yo. <sup>52</sup> Arab, Duma, Éschean <sup>53</sup> Janum, Beth-Tappuach, Aphéka, <sup>54</sup> Humta, Kirjath-Arba, ki se Hébron, avèk Tsiar; nèf vil avèk bouk pa yo. <sup>55</sup> Maon, Carmel, Ziph, Juta, <sup>56</sup> Jizreel, Jokdeam, Zanoach, <sup>57</sup> Kaïn, Guibea, avèk Thimna; dis vil avèk bouk pa yo. <sup>58</sup> Halhul, Beth-Tsur, Guedor, <sup>59</sup> Maarath, Beth-Anoth, avèk Elthekon; sis vil avèk bouk pa yo. <sup>60</sup> Kirjath-Baal, ki se Kirjath-Jearim ak Rabba; de vil avèk bouk pa yo.

<sup>61</sup> Nan dezè a: Beth-Araba, Middin, Secaca, <sup>62</sup> Nibschan, Ir-Hammélach ak En-Guédi; sis vil avèk bouk pa yo.

<sup>63</sup> Alò, pou ✧Jebizyen yo, moun ki te rete Jérusalem yo, fis Juda yo pa t kapab chase yo ale; pou sa, Jebizyen yo rete pami fis Juda yo jis rive jodi a.

## 16

<sup>1</sup> Epi tiraj osò fis a Joseph yo te sòti nan Jourdain vè Jéricho pou rive nan dlo a Jéricho yo, vè lès nan ✧dezè a. Yo te monte soti Jéricho pou pase nan peyi ti kolin yo pou rive Béthel. <sup>2</sup> Li te sòti Béthel vè Luz pou te kontinye rive jis nan fwontyè Akiyen yo nan Atharoth. <sup>3</sup> Li te kouri desann vè lwès nan teritwa a Jafletyen yo, jis rive nan teritwa pati ✧Beth-Horon ki piba a, jis rive nan Guézer; epi li te fè bout li nan lanmè. <sup>4</sup> ✧Fis a Joseph, Manassé avèk Éphraïm te resevwa eritaj pa yo. <sup>5</sup> Men teritwa fis a Éphraïm yo selon fanmi pa yo: lizyè a eritaj pa yo, vè lès se te ✧Atharoth-Addar, pou rive nan Wo Beth-Horon. <sup>6</sup> Epi lizyè a te vire nan lwès nan ✧Micmethath nan nò; epi lizyè a te vire vè lès pou Thaanath-Silo e te kouri depase li nan lès a Janoach. <sup>7</sup> Li te vin desann soti nan Janoach a Ataroth, a ✧Naaratha, li te rive nan Jéricho e te sòti nan Jourdain an. <sup>8</sup> Soti nan ✧Tappuach, lizyè a te kontinye vè lwès nan ti rivyè Kana a e te fè bout li nan lanmè. Sa se te eritaj a tribi fis Éphraïm yo selon fanmi pa yo, <sup>9</sup> avèk vil ki te mete apa pou fis Éphraïm yo nan mitan eritaj a fis Manassé yo, tout vil yo avèk bouk pa yo. <sup>10</sup> Men yo pa t chase fè sòti Kananeyen ki te rete Guézer yo; epi pou sa, Kananeyen yo rete pami Éphraïm jis jodi a; epi yo te vin ouvriye yo nan travay fòse.

## 17

<sup>1</sup> Alò, sa se tiraj osò a pou Manassé, paske li te premye ne a Joseph. Pou ✧Makir, premye ne a Manassé a, papa a Galaad ak Basan, paske li te yon nonm lagè. <sup>2</sup> Epi tiraj osò a te fèt pou lòt fis Manassé yo selon fanmi pa yo: pou fis a Abiézer a, pou fis a Hélek la, pou fis a Asriel yo, e fis a Sichem yo, pou fis a Hépher yo ak pou fis a Schemida yo; sa yo se te desandan mesye a Manassé yo, fis a Joseph la selon fanmi pa yo. <sup>3</sup> Men ✧Tselophchad, fis a Hépher a, fis a Galaad la, fis a Makir a, fis a Manassé a, pa t gen fis, men sèlman fi; sila yo se non a fi li yo: Machla, Noa, Hogla, Milca ak Thirtsa. <sup>4</sup> Yo te vin pwoche Éléazar, prèt la, ak devan Josué, fis a Nun nan, ak devan chèf yo, e yo te di: “SENYÈ a te kòmande Moïse pou bannou yon eritaj pami frè nou yo.” Konsa, ✧ selon kòmand a SENYÈ a, li te ba yo yon eritaj

✧ 15:63 Jij 1:21 ✧ 16:1 Jos 8:15 ✧ 16:3 Jos 18:13 ✧ 16:4 Jos 17:4 ✧ 16:5 Jos 18:13 ✧ 16:6 Jos 17:7 ✧ 16:7 I Kwo 7:27 ✧ 16:8 Jos 17:8 ✧ 17:1 Jos 17:8 ✧ 17:3 Nonb 26:33 ✧ 17:4 Nonb 27:5-7

pami frè a papa pa yo. <sup>5</sup> Pou sa, te vin tonbe dis pòsyon tè a Manassé; anplis, tout tè a Galaad ak Basan ki lòt bò Jourdain an, <sup>6</sup> akoz fi a Manassé yo te resevwa yon eritaj pami fis li yo. Epi ✧tè Galaad la te apatyen a lòt fis Manassé yo. <sup>7</sup> Lizyè Manassé a te kouri soti Aser a Micmethath, ki nan lès a Sichem; epi lizyè a te kouri vè sid pou rive kote pèp En-Tappuach yo. <sup>8</sup> Tè Tappuach la te apatyen a Manassé; men, ✧Tappuach nan lizyè Manassé a te pou fis a Éphraïm yo. <sup>9</sup> ✧Lizyè a te kouri desann rive nan ti rivyè Kana a, bò kote sid a rivyè a (vil sa yo se te pou Éphraïm pami vil a Manassé yo); epi lizyè a Manassé a te nan kote nò a ti rivyè a e li te fè bout li nan lanmè. <sup>10</sup> Kote sid la se te pou Éphraïm e kote nò a se te pou Manassé, lanmè a te lòt lizyè a; yo te rive vè Aser nan nò e vè Issacar nan lès. <sup>11</sup> Nan Issacar ak nan Aser, ✧ Manassé te gen Beth-Schean avèk bouk li yo, Jibleam avèk bouk li yo, pèp a Dor yo avèk bouk li yo, pèp a En-Dor yo avèk bouk li yo, pèp a Thaanac yo avèk bouk li yo, pèp a Meguiddo yo avèk bouk li yo e twazyèm nan se Napheth. <sup>12</sup> ✧Men fis Manassé yo pa t kab pran posesyon a vil sa yo akoz Kananeyen yo te pèsiste viv nan peyi sa a. <sup>13</sup> Li te rive ke lè fis Israël yo te vin gen fòs, ✧yo te mete Kananeyen yo nan travo fòse; men, yo pa t chase yo deyò nèt. <sup>14</sup> Alò, ✧fis Joseph yo te pale avèk Josué e te di: “Poukisa mwen te resevwa yon sèl tiraj osò ak yon sèl pòsyon kòm eritaj; paske mwen menm se yon pèp ki anpil ke jis koulye a SENYÈ a te beni anpil?” <sup>15</sup> Josué te di yo: “Si nou se yon pèp ki anpil, ale monte nan forè a pou netwaye yon plas pou nou la nan peyi Ferezyen avèk Rephaïm yo; akoz peyi ti kolin Éphraïm nan twò etwat pou nou.” <sup>16</sup> Epi fis Joseph yo te reponn: “Peyi ti kolin nan pa kont pou nou e tout Kananeyen yo ki rete nan plèn nan gen ✧cha ki fèt an fè, ni sila ki nan Beth-Schean avèk bouk pa li yo ak sila ki nan vale Jizreel la.” <sup>17</sup> Josué te pale avèk lakay Joseph, a Éphraïm avèk Manassé e te di: “Nou se yon pèp ki anpil e ki gen gran pouvwa; nou p ap gen yon sèl tiraj osò, <sup>18</sup> men, peyi ti kolin yo va vin pou nou. Men se yon forè ke li ye, nou va eklèsi li e lizyè ki pi lwen nan li yo va vin pou nou; paske nou va chase met deyò Kananeyen yo, malgre yo gen ✧cha ki fèt an fè e malgre yo gen fòs.”

## 18

<sup>1</sup> Alò, fis Israël yo te vin rasanble yo menm nan ✧Silo e te monte tant asanble a; epi peyi a te vin soumèt devan yo. <sup>2</sup> Te rete pami fis Israël yo sèt tribi ki potko divize eritaj yo. <sup>3</sup> Konsa, Josué te di a fis Israël yo: “Konbyen de tan nou va mete ankò pou nou pa antre pran posesyon a peyi ke SENYÈ a, Bondye a zansèt nou yo, te bannou an? <sup>4</sup> Bay a tèt nou twa mesye ki sòti nan chak tribi, pou m kapab voye yo e pou yo kab mache nan peyi a, pou ekri yon plan detaye a yo menm selon pwòp eritaj pa yo; epi yo va retounen bò kote mwen. <sup>5</sup> Yo va divize li an sèt pòsyon; ✧Juda va rete nan teritwa pa li nan sid e lakay Joseph la va rete nan teritwa pa yo nan nò. <sup>6</sup> Nou va detaye peyi a an sèt pòsyon e mennen li ban mwen. ✧Mwen va tire yo osò pou nou isit la devan SENYÈ a, Bondye nou an. <sup>7</sup> Paske, ✧Levit yo pa gen pòsyon pami nou, akoz pozisyon prèt SENYÈ a se eritaj pa yo. Gad avèk Ruben avèk mwaye tribi Manassé a, osi, te resevwa eritaj vè lès, lòt bò Jourdain an, ke Moïse, sèvitè SENYÈ a, te ba yo. <sup>8</sup> Epi mesye

✧ 17:6 Jos 13:30-31 ✧ 17:8 Jos 16:8 ✧ 17:9 Jos 16:8 ✧ 17:11 I Kwo 7:29 ✧ 17:12 Jij 1:27  
 ✧ 17:13 Jos 16:10 ✧ 17:14 Nonb 13:7 ✧ 17:16 Jos 17:18 ✧ 17:18 Jos 17:16 ✧ 18:1 Jij 21:19  
 ✧ 18:5 Jos 15:1 ✧ 18:6 Jos 14:2 ✧ 18:7 Nonb 18:7-20



yo te leve ale e Josué te kòmmande sila ki te ale yo: “Ale mache nan teren an e founi yon plan detaye ba li e retounen kote mwen; alò, mwen va tire li osò pou nou soti isit la nan Silo.” <sup>9</sup> Konsa, mesye yo te sòti e te pase nan peyi a, yo te fè plan detaye a, yo te ekri yon deskripsyon selon vil li yo, sèt divizyon yo nan yon liv; epi yo te retounen vè Josué nan kan an Silo. <sup>10</sup> Epi ✧Josué te tire yo osò pou yo nan Silo devan SENYÈ a e la, Josué te divize peyi a pou fis Israèl yo selon divizyon pa yo. <sup>11</sup> Alò, tiraj osò a pou tribi Benjamin an te monte selon fanmi pa yo e teritwa osò pa yo a te poze antre fis a Juda yo ak fis a Joseph yo. <sup>12</sup> ✧Lizyè pa yo nan kote nò a te soti nan Jourdain an, lizyè a te monte bò kote Jéricho nan nò, li te pase nan peyi ti kolin yo vè lwès e li te fè bout li nan dezè a Beth-Aven an. <sup>13</sup> Soti la, lizyè a te kouri vè ✧Luz nan kote sid a Luz (ki se Béthel) vè sid; epi lizyè a te desann vè Athroth-Addar, toupri ti mòn ki sou kote sid a Ba Beth-Horon an. <sup>14</sup> Lizyè a te lonje rive e te vire won sou kote lwès la vè sid; soti nan ti mòn ki parèt devan Beth-Horon vè sid; epi li te fè bout li nan Kirjath-Baal (sa vle di Kirjath-Jearim), yon vil a fis a Juda yo. Sa se te kote lwès la. <sup>15</sup> Epi kote ✧sid la te soti akote a Kirjath-Jearim e lizyè a te ale vè lwès pou te rive nan fontèn dlo Nephthoach yo. <sup>16</sup> Lizyè a te kouri desann rive akote ti mòn ki nan ✧vale Ben-Hinnom, ki nan vale Rephaïm nan vè nò; epi li te ale desann a vale Hinnom an, nan pant Jebizyen vè sid e te desann jis nan En-Roguel. <sup>17</sup> Li te lonje vè nò e te rive nan En-Schémesch ak nan Gueliloth, ki anfas pant Adummim nan; epi li te desann nan ✧wòch Bohan an, fis a Ruben an. <sup>18</sup> Li te kontinye akote pa devan Araba a vè nò e te desann rive nan Araba. <sup>19</sup> Lizyè a te kontinye vè akote Beth-Hogla vè nò; epi lizyè a te fè bout li nan dlo nò a Lamè Sale a, nan pwent sid a Rivyè Jourdain an. Sa se te lizyè sid la. <sup>20</sup> Anplis, Jourdain an te lizyè li nan kote lès. Sa se te eritaj a fis Benjamin yo, selon fanmi pa yo ak selon lizyè li yo toupatou. <sup>21</sup> Alò, vil pou tribi a fis Benjamin yo selon fanmi pa yo se te Jéricho, Beth-Hogla, Émek-Ketsits, <sup>22</sup> Beth-Araba, Tsemaraïm, Béthel, <sup>23</sup> Avvim, Para, Ophra, <sup>24</sup> Kephara-Ammonaï, Ophni, epi Guéba; douz vil yo, avèk bouk pa yo. <sup>25</sup> Gabaon, Rama, Beéroth, <sup>26</sup> Mitspé, Kephira, Motsa, <sup>27</sup> Rékem, Jirpeel, Thareala, <sup>28</sup> Tséla, ✧Eleph, Jebus, ki se Jérusalem, Guibeath ak Kirjath; Sa se eritaj a fis Benjamin yo selon fanmi pa yo.

## 19

<sup>1</sup> Alò, dezyèm tiraj osò a te tonbe a Siméon, a tribi a fis a Siméon yo selon fanmi pa yo e eritaj pa yo te nan mitan eritaj a fis Juda yo. <sup>2</sup> Konsa, yo te gen kòm eritaj yo Beer-Schéba, Schéba ak Molada, <sup>3</sup> avèk Hatsar-Schual, Bala, Atsem, <sup>4</sup> Eltholad, Bethul, Horma <sup>5</sup> Tsiklag, Beth-Marcaboth, Hatsar-Susa, <sup>6</sup> Beth-Lebaoth ak Scharuchen, trèz vil avèk bouk pa yo; <sup>7</sup> Aïn, Rimmon, Éther ak Aschan, kat vil avèk bouk pa yo; <sup>8</sup> epi tout bouk ki antoure vil sa yo, jis rive nan Baalath-Beer, ki se Ramath a Negev la. Sa se te eritaj a tribi fis a Siméon yo selon fanmi pa yo. <sup>9</sup> eritaj a fis Siméon yo te sòti depi nan pòsyon fis Juda yo, paske pòsyon Juda a te twò gran pou yo; konsa, fis a Siméon yo te resevwa eritaj nan mitan eritaj Juda a. <sup>10</sup> Alò, twazyèm tiraj osò a te monte pou fis Zabulon yo, selon fanmi pa yo. Epi teritwa eritaj pa yo a te rive jis Sarid. <sup>11</sup> Lizyè pa yo a te rive nan lwès jis Mareala e te touche Dabbéscheth pou te rive nan ti rivyè ki devan Jokneam nan. <sup>12</sup> Epi

✧ 18:10 Nonb 34:16-29 ✧ 18:12 Jos 16:1 ✧ 18:13 Jen 28:19 ✧ 18:15 Jos 15:5-9 ✧ 18:16 II Wa 23:10 ✧ 18:17 Jos 15:6 ✧ 18:28 II Sam 21:14

li te vire soti nan Sarid vè lès, vè solèy leve, jis rive nan fwontyè Kisloth-Thabor, kouri rive nan Dabrath e monte a Japhia. <sup>13</sup> Soti la, li te kouri vè lès, vè solèy leve, pou rive Guittha-Hépher, a Ittha-Katsin pou kontinye a Rimmon e lonje jis rive Néa. <sup>14</sup> Lizyè a te koube antoure li vè nò rive nan Hannathon e li te fè bout li nan vale Jiphthach-El. <sup>15</sup> Konte ladann tou, se te Katthath, Nahaial, Schimron, Jideala, Bethléem. Douz vil avèk bouk pa yo. <sup>16</sup> Sa se te eritaj a fis Zabulon yo, selon fanmi pa yo, vil sa yo avèk bouk pa yo. <sup>17</sup> Katriyèm tiraj osò a te tonbe a Issacar; pou fis Issacar yo avèk fanmi pa yo. <sup>18</sup> Teritwa pa yo a te rive Jizreel, avèk Kesulloth ak ✧Sunem, <sup>19</sup> Hapharaïm, Schion, Anacharath, <sup>20</sup> Rabbith, Kischjon, Abets, <sup>21</sup> Rémeth, En-Gannim, En-Hadda, avèk Beth-Patsets: <sup>22</sup> Lizyè a te rive nan Thabor, nan Schachatsima, nan Beth-Schémesch e te fè bout li nan Jourdain an. Sèz vil avèk bouk pa yo. <sup>23</sup> Sa se te eritaj a tribi a fis Issacar yo selon fanmi pa yo, vil yo avèk bouk pa yo. <sup>24</sup> Alò senkyèm tiraj osò a te tonbe a tribi a fis Aser yo selon fanmi pa yo. <sup>25</sup> Teritwa pa yo a se te Helkath, Hali, Béthen, Acschaph, <sup>26</sup> Allammélec, Amead avèk Mischeal; li te touche Carmel avèk Schichor-Libnath nan lwès. <sup>27</sup> Li te vire vè lès a Beth-Dagon pou te rive a Zabulon, ak nan vale Jiphthach-El vè nò a Beth-Émek avèk Neïel e kontinye vè ✧Cabul, <sup>28</sup> avèk Ébron, Rehob, Hammon, ak Cana, jis rive nan ✧Gran Sidon. <sup>29</sup> Lizyè a te vin vire vè Rama ak vil fòtifye ki rele Tyr la; epi li vin vire nan Hosa e li te fè bout li nan lanmè vè zòn ✧Aczib. <sup>30</sup> Osi, ladann se te Umma, Aphek, avèk Rehob. Venn-de vil avèk bouk pa yo. <sup>31</sup> Sa se te eritaj a tribi fis Aser yo, selon fanmi pa yo, vil sa yo avèk bouk pa yo. <sup>32</sup> Sizyèm tiraj osò a te tonbe pou fis Nephtali yo, selon fanmi pa yo. <sup>33</sup> Lizyè pa yo a te soti nan Héleph, soti nan chèn a Tsaanim nan, Adami-Nékeb ak Jabneel, jis rive nan Lakkum pou li fin fè bout li nan Jourdain an. <sup>34</sup> Epi lizyè a te vire vè lwès nan Aznoth-Thabor pou te kontinye soti la a Hukkok; epi li te rive nan Zabulon vè sid, li te touche Aser sou lwès e Juda bò kote Jourdain an vè lès. <sup>35</sup> Vil fòtifye yo se te Tsiddim, Tser, Hammath, Rakkath, Kinnéreth, <sup>36</sup> Adama, Rama, Hatsor, <sup>37</sup> avèk Kédesch, Edréi, En-Hatsor, <sup>38</sup> Jireon, Migdal-El, Horem, Beth-Anath, Beth-Schémesch. Dis-nèf vil avèk bouk pa yo. <sup>39</sup> Sa se te eritaj a tribi a fis Nephtali yo, selon fanmi pa yo, vil yo avèk bouk pa yo. <sup>40</sup> Setyèm tiraj osò a te tonbe a tribi fis a Dan yo selon fanmi pa yo. <sup>41</sup> Teritwa a eritaj pa yo a se te Tsorea, Eschthaol, Ir-Schémesch, <sup>42</sup> avèk Schaalabbin, Ajalon, Jithla, <sup>43</sup> epi Élon, Thiminatha, Ékron, <sup>44</sup> Eltheké, Guibbethon, Baalath, <sup>45</sup> Jehud, Bené-Berak, Gath-Rimmon, <sup>46</sup> Mé-Jarkon ak Rakkon, avèk teritwa ki anfas Japho a. <sup>47</sup> Teritwa a ✧fis a Dan yo te ale pi lwen pase yo; paske fis a Dan yo te monte pou te goumen avèk Léschem e te pran li. Epi yo te frape li avèk lam nepe, yo te posede li e te vin abite ladann; epi yo te rele Léschem Dan menm non a Dan, papa pa yo. <sup>48</sup> Sa se te eritaj a tribi fis a Dan yo selon fanmi pa yo, vil sila yo avèk bouk pa yo. <sup>49</sup> Lè yo te fin divize teren an kòm eritaj selon lizyè li, fis a Israël yo te bay yon eritaj nan mitan yo a Josué, fis a Nun nan. <sup>50</sup> An akò avèk kòmand SENYÈ a, yo te ba li vil ke li te mande a, ✧Thimnath-Sérach nan peyi ti mòn a Éphraïm nan. Konsa, li te bati vil la e li te abite ladann. <sup>51</sup> ✧Sila yo se te eritaj ke Éléazar, prèt la, ak Josué, fis a Nun nan, ak chèf an tèt kay a tribi yo pou fis Israël yo te separe pa tiraj osò nan Silo devan SENYÈ a, nan pòtay tant asanble a.

✧ 19:18 I Sam 28:4 ✧ 19:27 I Wa 9:13 ✧ 19:28 Jen 10:19 ✧ 19:29 Jij 1:31 ✧ 19:47 Jij 18:1  
 ✧ 19:50 Nonb 13:8 ✧ 19:51 Jos 18:10

Konsa, yo te fin divize peyi a.

## 20

<sup>1</sup> Alò, SENYÈ a te pale a Josué e te di: <sup>2</sup> “Pale a fis Israèl yo e di: ‘Etabli \*vil azil ke M te pale ou pa Moïse yo, <sup>3</sup> pou moun ki touye nenpòt moun san li pa fè eksprè, san reflechi yo, pou yo kapab sove ale rive la, yo va vin yon azil kont vanjè san an. <sup>4</sup> Li va sove ale rive nan youn nan vil sila yo. Yo va kanpe nan antre \*pòtay a vil sa a pou pwononse ka li a pou ansyen yo nan vil la tandè, epi yo va fè l antre nan vil kote yo a, yo va ba li yon kote pou li kapab rete pami yo. <sup>5</sup> Alò, si \*vanjè san an vin kouri dèyè li, yo pa pou livre moun ki touye moun nan nan men yo, akòz li te frape vwazen li an san reflechi e li pa t rayi li avan lè. <sup>6</sup> Li va rete nan vil sa a \*jiskaske li kanpe devan asanble a pou jijman, jiska lanmò a wo prèt la nan jou epòk sa a. Epi moun ki te touye moun nan va retounen nan pwòp vil pa li ak pwòp kay pa li, nan vil sila li te sove ale a. <sup>7</sup> Konsa, yo te mete akote \*Kédesh nan Galilée nan peyi ti kolin yo a Nephtali, Sichem nan peyi ti kolin yo a Éphraïm ak Kirjath-Arba (sa vle di, Hébron) nan peyi ti kolin Juda a. <sup>8</sup> Lòtbò Jourdain an, sòti Jéricho vè lès, yo te dezinye Betser nan dezè a sou plèn nan pou tribi Ruben an, Ramoth nan Galaad pou tribi Gad la ak Golan nan Basan pou tribi Manassé a. <sup>9</sup> Sila yo se te \*vil yo chwazi pou tout fis Israèl yo, pou etranje ki demere pami yo, pou nenpòt moun ki touye yon moun san eksprè, kapab sove ale rive la e pa mouri pa men a vanjè san an jiskaske li vin kanpe devan asanble a.

## 21

<sup>1</sup> Epi chèf lakay a \*Levit yo te pwoche Éléazar, prèt la, ak Josué, fis a Nun nan, ak tèt lakay a tribi fis Israèl yo. <sup>2</sup> Yo te pale avèk yo Silo, nan peyi Canaan an, e te di: \* “SENYÈ a te kòmande pa Moïse pou bannou vil pou viv ladann, avèk patiraj pou bèt nou yo.” <sup>3</sup> Konsa, fis Israèl yo te bay Levit yo soti nan eritaj pa yo vil sila yo avèk tè patiraj yo selon kòmand SENYÈ a. <sup>4</sup> Epi tiraj osò a te sòti pou fanmi a Keatit yo. Epi fis a Aaron yo, prèt la, ki te apatyen a Levit yo, te resevwa trèz vil pa tiraj osò soti nan tribi Juda, nan tribi Siméon, ak nan tribi Benjamin. <sup>5</sup> Rès nan fis Keatit yo te resevwa dis vil pa tiraj osò soti nan fanmi a tribi a Éphraïm yo, soti nan tribi a Dan lan ak nan mwatye tribi a Manassé a. <sup>6</sup> Fis a Guerschon yo te resevwa trèz vil pa tiraj osò soti nan fanmi a tribi Issacar a, nan tribi Aser a, nan tribi Nephtali a ak nan mwatye tribi a Manassé a nan Basan. <sup>7</sup> Fis a Merari yo selon fanmi pa yo te resevwa douz vil soti nan tribi Ruben, soti nan tribi Gad ak soti nan tribi Zabulon. <sup>8</sup> Alò \*fis Israèl yo te bay selon tiraj osò a Levit yo, vil sila yo avèk teren patiraj pa yo, jan SENYÈ a te kòmande pa Moïse la. <sup>9</sup> Yo te bay vil sila ki mansyone pa non soti nan tribi a fis Juda yo e soti nan tribi a fis Siméon yo; <sup>10</sup> epi yo te pou fis Aaron yo, youn nan fanmi a Keatit yo, nan fis Levi yo; paske premye tiraj osò a se te pou yo. <sup>11</sup> Konsa, \*yo te ba yo Kirjath-Arba, Arba ki te papa a Anak (ki vle di Hébron), nan peyi ti kolin yo nan Juda, avèk teren patiraj ki te antoure li yo. <sup>12</sup> Men chan a vil avèk bouk li yo, yo te bay yo a Caleb, fis a Jephunné a, kòm posesyon pa l. <sup>13</sup> Konsa, a fis Aaron yo, prèt la, yo te bay \*Hébron, vil azil pou moun ki touye moun yo, avèk teren patiraj pa

\* 20:2 Nonb 35:6-34 \* 20:4 Rt 4:1 \* 20:5 Nonb 35:12 \* 20:6 Nonb 35:12 \* 20:7 Jos 21:32 \* 20:9 Nonb 35:13 \* 21:1 Nonb 35:1-8 \* 21:2 Nonb 35:2 \* 21:8 Jen 49:5 \* 21:11 I Kwo 6:55 \* 21:13 Jos 15:54

li yo ak ✧Libna avèk teren patiraj pa li, <sup>14</sup> epi ✧Jatthir avèk teren patiraj pa li, Eschthemoa avèk teren patiraj pa li, <sup>15</sup> epi Holon avèk teren patiraj pa li, ✧Debir avèk teren patiraj pa li, <sup>16</sup> epi Aïn avèk teren patiraj pa li, ✧Jutta avèk teren patiraj pa li, ✧Beth-Schémesch avèk teren patiraj pa li; nèf vil soti nan de tribi sila yo. <sup>17</sup> Soti nan tribi Benjamin an, Gabaon avèk teren patiraj pa li ak ✧Guéba avèk teren patiraj pa li, <sup>18</sup> Anathoth avèk teren patiraj pa li ak Almon avèk teren patiraj pa li; kat vil. <sup>19</sup> Tout vil a fis Aaron yo, prèt yo, te trèz vil avèk teren patiraj pa yo. <sup>20</sup> Epi vil yo soti nan tribi Éphraïm nan te sòt tonbe pou ✧fanmi a Kehath yo, Levit yo, jis rive nan lòt fis a Kehath yo. <sup>21</sup> Yo te bay yo ✧Sichem, vil azil pou moun ki touye moun yo, avèk teren patiraj pa li, nan peyi ti kolin yo a Éphraïm ak Guézer avèk teren patiraj pa li, <sup>22</sup> epi Kibtsaïm avèk teren patiraj pa li, Beth-Horon avèk teren patiraj pa li, Guibbethon avèk teren patiraj pa li, <sup>23</sup> Soti nan tribi Dan nan, Eltheke avèk teren patiraj pa li, Guibbethon avèk teren patiraj pa li, <sup>24</sup> Ajalon avèk teren patiraj pa li, Gath-Rimmon avèk teren patiraj pa li; kat vil. <sup>25</sup> Soti nan mwatye tribi Mannassé a, Thaanac avèk teren patiraj pa li ak Gath-Rimmon avèk teren patiraj pa li; de vil. <sup>26</sup> Tout vil yo avèk teren patiraj pa yo pou fanmi a lòt fis a Kehath yo te dis. <sup>27</sup> ✧A fis Guerschon yo, youn nan fanmi a Levit yo soti nan mwatye tribi Manassé a, te tonbe Golan nan Basan, vil azil pou moun ki touye moun yo, avèk teren patiraj pa li ak Beeschthra avèk teren patiraj pa li; de vil. <sup>28</sup> Soti nan tribi Issacar, Kischjon avèk teren patiraj pa li, Dabrath avèk patiraj pa li, <sup>29</sup> Jarmuth avèk patiraj pa li, En-Gannim avèk patiraj pa li; kat vil. <sup>30</sup> Soti nan tribi Aser, Mischal avèk teren patiraj pa li ak Abdon avèk teren patiraj pa li, <sup>31</sup> Helkath avèk teren patiraj pa li ak Rehob avèk patiraj pa li; kat vil. <sup>32</sup> Soti nan tribi Nephtali, ✧Kédesch nan Galilée, vil azil pou moun ki touye moun yo, avèk patiraj pa li ak Hammoth-Dor avèk patiraj pa li; twa vil. <sup>33</sup> Tout vil a Gèchonit yo, selon fanmi pa yo te trèz vil avèk teren patiraj pa yo. <sup>34</sup> A fanmi a ✧fis Merari yo, rès nan Levit yo, soti nan tribi Zabulon, Jokneam avèk patiraj pa li ak Kartha avèk patiraj pa li. <sup>35</sup> Dimna avèk patiraj pa li, Nahalal avèk patiraj pa li, kat vil. <sup>36</sup> Soti nan tribi Ruben an, ✧Betsér avèk patiraj pa li ak Jahtsa avèk patiraj pa li, <sup>37</sup> Kedémonth avèk teren patiraj pa li ak Méphaath avèk teren patiraj pa li; kat vil. <sup>38</sup> Soti nan tribi Gad la, ✧Ramoht nan Galaad, vil azil la ak ✧Mahanaïm avèk teren patiraj pa li, <sup>39</sup> Hesbon, avèk teren patiraj pa li, Jaezer avèk teren patiraj pa li; kat vil antou. <sup>40</sup> Tout sila yo te vil a fis Merari yo selon fanmi pa yo, rès a fanmi a Levit yo; epi tiraj osò pa yo a te douz vil. <sup>41</sup> ✧Tout vil a Levit ki te nan mitan posesyon a fis Israël yo te karann-tuit vil avèk teren patiraj pa yo. <sup>42</sup> Chak nan vil sila yo te gen teren patiraj pa li ki te antoure li; se konsa li te ye avèk tout vil sila yo. <sup>43</sup> ✧Konsa, SENYÈ a te bay Israël tout peyi ke Li te sèmannte pou bay a zansèt pa yo e yo te posede li pou viv ladann. <sup>44</sup> Epi SENYÈ a te ba yo repo toupatou, selon tout sa ke Li te sèmannte a zansèt pa yo e nanpwen youn nan lènmi yo ki te kanpe devan yo; ✧SENYÈ a te mete tout lènmi yo nan men yo. <sup>45</sup> ✧Pa menm youn nan bon pwomès ke SENYÈ a te fè kay Israël la pa t manke akonpli; yo tout te vin rive.

✧ 21:13 Jos 15:42 ✧ 21:14 Jos 15:48 ✧ 21:15 Jos 15:49 ✧ 21:16 Jos 15:10 ✧ 21:16 Jos 15:55  
 ✧ 21:17 Jos 18:24 ✧ 21:20 I Kwo 6:66 ✧ 21:21 Jos 20:7 ✧ 21:27 I Kwo 6:71 ✧ 21:32 Jos 20:7  
 ✧ 21:34 I Kwo 6:77 ✧ 21:36 Det 4:43 ✧ 21:38 Det 4:43 ✧ 21:38 Jen 32:2 ✧ 21:41 Nonb 35:7  
 ✧ 21:43 Det 34:4 ✧ 21:44 Egz 23:31 ✧ 21:45 Jos 23:14

## 22

<sup>1</sup> ✧ Epi Josué te rele tout Ribenit yo ak Gadit yo ak mwatye tribi Manassé a, <sup>2</sup> epi li te di yo: “Nou te swiv tout sa ke Moïse, sèvitè SENYÈ a, te kòmande nou an ✧ e nou te koute vwa m nan tout sa ke m te kòmande nou yo. <sup>3</sup> Nou pa t abandone frè nou yo pandan tout jou sila yo, jis rive jodi a; men, nou te kenbe lòd a kòmandman a SENYÈ a, Bondye nou an. <sup>4</sup> Epi koulye a, ✧ SENYE a, Bondye nou an, te bay repo a frè nou yo, jan Li fenk pale yo a; pou sa, vire koulye a e ale nan tant pa nou yo, nan peyi posesyon pa nou an, ke Moïse, sèvitè Bondye a, te bannou lòtbò Jourdain an. <sup>5</sup> Sèlman, fè atansyon pou swiv kòmandman an ak lalwa ke Moïse, sèvitè SENYÈ a, te kòmande nou an, pou nou ✧ renmen SENYÈ a, Bondye nou an; epi mache nan tout chemen Li yo, kenbe kòmandman Li yo, kenbe fèm a Li menm, e sèvi Li ✧ avèk tout kè nou e ak tout nanm nou.” <sup>6</sup> Epi Josué te ✧ beni yo, li te voye yo ale, e yo te ale nan pwòp tant pa yo. <sup>7</sup> Alò, ✧ a mwatye tribi sila ki te pou Manassé a, Moïse te ba yo yon posesyon nan Basan; men ✧ a lòt la, Josué te ba yo yon posesyon pami frè yo nan lwès lòtbò Jourdain an. Konsa, lè Josué te voye yo ale nan tant yo, li te beni yo, <sup>8</sup> epi li te di yo: “Retounen vè tant nou yo avèk gran richès, avèk yon gran kantite bèt, avèk ajan, lò, bwonz, fè e avèk anpil rad; ✧ divize piyaj a lènmi nou yo avèk frè nou.” <sup>9</sup> Fis a Ruben yo ak fis a Gad yo ak mwatye tribi Manassé a te retounen kite fis Israèl yo nan Silo, ki te nan peyi Canaan an, pou ale nan ✧ peyi Galaad, nan peyi ke yo te posede a, selon kòmand a SENYÈ a ki te soti nan Moïse la. <sup>10</sup> Lè yo te vini nan rejyon Jourdain an, ki nan peyi Canaan an, fis a Ruben yo avèk fis a Gad yo ak mwatye tribi Manassé a te bati yon lotèl la akote Jourdain an, yon lotèl ki parèt byen gran. <sup>11</sup> Epi fis Israèl yo te tandè afè sa a, e yo te di: “Gade byen, fis Ruben yo ak fis Gad yo ak mwatye tribi Manassé a gen tan ✧ bati yon lotèl nan fwontye peyi Canaan an, nan rejyon Jourdain an, sou bò ki pou fis Israèl yo. <sup>12</sup> Lè fis Israèl yo te vin tandè sa a, tout asanble a fis Israèl yo te rasanble yo nan ✧ Silo pou monte kont yo nan lagè.” <sup>13</sup> Alò, fis Israèl yo te voye prèt la, ✧ Phinéés, fis Éléazar a, kote fis Ruben yo avèk fis Gad yo ak mwatye tribi Manassé a pou antre nan peyi Galaad la, <sup>14</sup> epi ansanm avèk li, dis chèf yo, yon chèf pou kay a chak fanmi zansèt nan tribi Israèl yo; epi ✧ yo chak se te tèt an chèf kay fanmi zansèt li pami milye an Israèl yo. <sup>15</sup> Yo te vin kote fis Ruben yo, kote fis Gad yo ak kote mwatye tribi Manassé a, nan peyi Galaad la, yo te pale avèk yo e te di: <sup>16</sup> Konsa pale tout kongregasyon a SENYÈ a: “Ki zak movèz fwa sa ye ke nou te komèt kont Bondye Israèl la; epi poukisa nou vire kite chemen SENYÈ a jodi a pou ✧ bati yon lotèl pou fè rebèl kont SENYÈ a jodi a? <sup>17</sup> Èske ✧ inikite Peor a pa t sifi pou nou, nan sila nou poko pwòp jis rive jodi a; sepandan, yon epidemi te vin parèt sou asanble SENYÈ a, <sup>18</sup> ke nou bezwen vire kite Jodi a chemen SENYÈ a? Si nou fè rebèl kont SENYÈ a Jodi a, ✧ Li va fache avèk tout asanble Israèl la demen. <sup>19</sup> Si, malgre sa, peyi posesyon nou an pa pwòp; alò, travèse antre nan peyi posesyon SENYÈ a, kote tabènak SENYÈ a kanpe a pou vin pran posesyon pami nou. Sèlman, pa fè rebèl kont SENYÈ a, ni fè rebèl

✧ 22:1 Nonb 32:20-22 ✧ 22:2 Jos 1:12-18 ✧ 22:4 Nonb 32:18 ✧ 22:5 Det 5:10 ✧ 22:5 Det 4:29 ✧ 22:6 Jen 47:7 ✧ 22:7 Nonb 32:33 ✧ 22:7 Jos 17:1-13 ✧ 22:8 Nonb 31:27 ✧ 22:9 Nonb 32:1-29 ✧ 22:11 Det 12:5 ✧ 22:12 Jos 18:1 ✧ 22:13 Nonb 25:7-11 ✧ 22:14 Nonb 1:4 ✧ 22:16 Jos 22:11 ✧ 22:17 Nonb 25:1-9 ✧ 22:18 Nonb 16:22

kont nou avèk lotèl ke nou ✨bati pou kont nou an, anplis ke lotèl SENYÈ a, Bondye nou an. <sup>20</sup> Èske ✨Acan, fis Zerach la, pa t aji an movèz fwa nan zafè bagay ki te dedye anba ve a e kòlè te tonbe sou tout asanble a SENYÈ a? Epi se pa mesye sa a sèl ki te peri nan inikite l la. <sup>21</sup> Epi fis Ruben yo ak fis Gad yo ak mwatye tribi Manassé a te reponn e te pale avèk chèf an tèt fanmi a Israèl yo. <sup>22</sup> Sila ki Toupwisan an, Bondye SENYÈ a! Sila ki Toupwisan an, Bondye SENYÈ a! ✨Li menm ki konnen e Li menm ki kite Israèl konnen tou a. Si se te nan rebelyon, oswa si se nan movèz fwa, yon zak ki fèt kont SENYÈ a, pa sove lavi nou jodi a! <sup>23</sup> Si nou bati pou kont nou yon lotèl pou detounen pa swiv SENYÈ a, oswa si pou nou ✨ofri yon ofrann brile, oswa yon ofrann sereyal sou li, oswa si se pou ofri sakrifis lapè sou li, ke SENYÈ a, li menm, fè demann sa a. <sup>24</sup> Men anverite, nou te fè sa avèk lakrent Bondye avèk yon bi ki te di ke: ‘Nan tan k ap vini an, fis ou yo kapab di a fis nou yo: “Ki relasyon nou gen avèk SENYÈ a, Bondye Israèl la? <sup>25</sup> Paske, SENYÈ a te fè Jourdain nan yon lizyè antre nou ak ou, nou menm, fis a Ruben yo ak fis a Gad yo; nou pa gen pòsyon nan SENYÈ a.” Epi li ta kab fèt ke fis nou yo vin pa gen krent SENYÈ a.’ <sup>26</sup> Pou sa, nou te di: “Annou bati yon lotèl, pa pou ofrann brile ni pou sakrifis; <sup>27</sup> Men sa va pou ✨yon temwen antre nou avèk ou menm ak antre jenerasyon ki swiv nou yo, ke nou dwe fè sèvis SENYÈ a devan Li avèk ofrann brile nou, avèk sakrifis nou yo e avèk ofrann lapè nou yo, pou fis pa w yo pa vin di a fis pa nou yo nan tan ki pou vini an: “Nou pa gen pòsyon nan SENYÈ a.” <sup>28</sup> Pou sa, nou te di, Li va osi vin rive ke si yo di sa a nou, oswa a jenerasyon nou k ap vini an, alò nou va di: “Nou wè modèl lotèl ke zansèt nou yo te fè a, pa pou ofrann brile, ni pou fè sakrifis; men olye de sa, li se yon temwen antre nou menm ak ou menm.”’ <sup>29</sup> Lwen de nou ke nou ta fè rebèl kont SENYÈ a pou vin detounen pa swiv SENYÈ a jodi a, e ✨bati yon lotèl pou ofrann brile, oswa ofrann sereyal, oswa sakrifis, ot ke lotèl ki pou SENYÈ a, Bondye nou an, ki devan tabènak pa Li a.” <sup>30</sup> Epi lè Phinéés, prèt la avèk chèf nan asanble yo, menm chèf an tèt a fanmi zansèt Israèl ki te avèk li yo, te tandè pawòl ke fis Ruben yo, fis Gad yo ak fis Manassé yo te pale, sa te fè kè yo kontan. <sup>31</sup> Epi Phinéés, fis a Éléazar a, prèt la, te di a fis Ruben yo, fis Gad yo ak fis Manassé yo: “Jodi a, nou konnen ke SENYÈ a pami nou, akoz nou pa t fè zak malonèt sila a kont SENYÈ a; koulye a, nou gen tan livre fis Israèl yo soti nan men SENYÈ a.” <sup>32</sup> Alò, Phinéés, fis a Éléazar a, prèt la, avèk chèf yo te retounen sòti nan fis Ruben yo ak nan fis Gad yo, nan peyi Galaad la, yo te rive nan peyi Canaan an vè fis Israèl yo e te pote yon pawòl ba yo. <sup>33</sup> Pawòl la te fè kè kontan pami fis Israèl yo e fis Israèl yo te ✨beni Bondye; epi yo pa t pale ankò afè fè lagè pou detwi peyi kote fis a Ruben yo avèk fis a Gad yo te rete a. <sup>34</sup> Fis a Ruben yo avèk fis a Gad yo te ✨rele lotèl la Temwen; paske yo te di: “Li se yon temwen antre nou ke SENYÈ a, se Bondye a.”

## 23

<sup>1</sup> Alò, li te vin rive apre anpil jou, lè SENYÈ a te bay ✨repo a Israèl kont tout lènmi yo nan tout kote e Josué te vin vye, avanse nan laj, <sup>2</sup> ke ✨Josué

✨ 22:19 Jos 22:11 ✨ 22:20 Jos 7:1-26 ✨ 22:22 I Wa 8:39 ✨ 22:23 Det 12:11 ✨ 22:27 Jen 31:48 ✨ 22:29 Det 12:13 ✨ 22:33 I Kwo 29:20 ✨ 22:34 Jen 31:47-49 ✨ 23:1 Jos 21:44 ✨ 23:2 Jos 24:1

te rele tout Israël, tout ansyen yo avèk chèf an tèt yo avèk jij yo ak ofisye yo, e li te di yo: “Mwen vin vye, avanse nan laj. <sup>3</sup> Epi nou te wè tout sa ke SENYÈ a, Bondye nou an, te fè a tout nasyon sila yo akoz nou menm; paske ✧SENYÈ a, Bondye nou an, se Sila ki t ap goumen pou nou an. <sup>4</sup> Nou wè, ✧mwen te divize pou nou nasyon sila ki rete yo kòm eritaj pou tribi nou yo, avèk tout nasyon ke mwen te dekoupe yo, soti nan Jourdain an jis rive nan Gran Lamè a vè solèy kouche. <sup>5</sup> SENYÈ a, Bondye nou an, li va pouse yo sòti devan nou e chase yo soti devan nou; epi ✧nou va posede peyi yo, jis jan ke SENYÈ a, Bondye nou an, te pwomèt nou an. <sup>6</sup> ✧Pou sa, Kenbe fèm, sonje e fè tout sa ki ekri nan liv lalwa Moïse la, pou nou pa vire akote li ni adwat, ni agoch, <sup>7</sup> pou nou pa asosye avèk nasyon sila yo, sila ki toujou rete pami nou yo, ni nonmen non a dye pa yo, ni fè pèsòn sèmante pa yo, ni ✧sèvi yo, ni bese devan yo. <sup>8</sup> Men nou dwe kenbe fèm a SENYÈ a, Bondye nou an, jis jan ke nou te fè jis Jodi a. <sup>9</sup> ✧Paske, SENYÈ a te chase deyò nasyon ki gran e ki gen fòs soti devan nou; epi pou nou menm, nanpwen pèsòn ki te konn kanpe devan nou jis Jodi a. <sup>10</sup> Youn nan mesye pa nou yo te fè yon milye sove ale; paske SENYÈ a, Bondye nou an, se ✧Li menm ki goumen pou nou jan Li te pwomèt nou an. <sup>11</sup> Pou sa, veye tèt nou anpil pou nou renmen SENYÈ a, Bondye nou an. <sup>12</sup> Paske, si nou janm retounen pou ✧kenbe a lòt nasyon sila yo, sila ki rete toujou pami nou yo e vin fè maryaj avèk yo, pou nou vin nan relasyon avèk yo e yo menm avèk nou, <sup>13</sup> konnen, anverite, ke SENYÈ a, Bondye nou an, p ap kontinye chase nasyon sila yo sòti devan nou; men, yo va vin yon ✧pèlen ak yon pyèj pou nou, yon frèt bò kote nou ak pikan nan zye nou, jiskaske nou peri sòti nan bon peyi sa a ke SENYÈ a, Bondye nou an, te bannou an. <sup>14</sup> Alò, gade, jodi a, ✧mwen ap fè chemen ki oblije fèt pou tout tè a e nou konnen nan tout kè nou ak nan tout nanm nou, ke ✧pa menm yon mo nan tout pawòl ke SENYÈ a, Bondye nou an, te pale konsènan nou menm pa t manke akonpli; tout te vin akonpli pou nou, pa youn nan yo pa t manke. <sup>15</sup> Li va vin rive a nou menm ke menm jan tout bon pawòl ke SENYÈ a, Bondye nou an, te pale nou yo te vin rive nou, ke ✧SENYÈ a va mennen fè rive sou nou tout menas, jiskaske Li fin detwi nou e fè nou sòti nèt nan bon peyi sa a ke SENYÈ a, Bondye nou an, te bannou an. <sup>16</sup> ✧Lè nou transgrese akò a SENYÈ a, Bondye nou an, te kòmande nou an pou ale sèvi lòt dye yo e bese devan yo; alò, kòlè Bondye va brile kont nou e nou va peri vit kite bon peyi ke Li te bannou an.”

## 24

<sup>1</sup> Epi ✧Josué te rasanble tout tribi Israël yo nan Sichem, li te rele ansyen Israël yo, chèf an tèt pa yo, jij pa yo ak ofisye pa yo; epi yo te prezante yo menm devan Bondye. <sup>2</sup> Josué te di a tout pèp la: “Konsa pale SENYÈ a, Bondye Israël la: “Depi nan tan ansyen yo, zansèt nou yo te viv lòtbò Rivyè a; ✧Térach, papa a Abraham ak papa a Nachor, te sèvi lòt dye yo. <sup>3</sup> Epi ✧Mwen te pran zansèt nou an, Abraham soti lòtbò Rivyè a, Mwen te mennen li pase nan tout peyi a Canaan yo, Mwen te miltipliye desandan li

✧ 23:3 Det 1:30 ✧ 23:4 Egz 23:30 ✧ 23:5 Nonb 33:53 ✧ 23:6 Det 5:32 ✧ 23:7 Egz 20:5  
 ✧ 23:9 Egz 23:23-30 ✧ 23:10 Det 3:22 ✧ 23:12 Egz 34:15-16 ✧ 23:13 Egz 23:33 ✧ 23:14  
 I Wa 2:2 ✧ 23:14 Jos 21:45 ✧ 23:15 Lev 26:14-33 ✧ 23:16 Det 4:25-26 ✧ 24:1 Jos 23:2  
 ✧ 24:2 Jen 11:27-32 ✧ 24:3 Jen 12:1

yo e te bay li Isaac. <sup>4</sup> ✧ A Isaac, Mwen te bay Jacob avèk Ésaü; epi a Ésaü, Mwen te bay Mòn Séir pou posede; men, Jacob avèk fis li yo te desann an Égypte. Mwen te voye Moïse avèk Aaron pou te toumante Égypte pa sa Mwen te fè nan mitan li yo; epi apre, Mwen te mennen nou sòti. <sup>5</sup> Epi ✧ Mwen te voye Moïse avèk Aaron pou te toumante Égypte pa sa Mwen te fè nan mitan li yo; epi, apre, Mwen te mennen nou sòti. <sup>6</sup> Mwen te mennen zansèt nou yo sòti an Égypte, ✧ nou te rive bò kote lanmè a; epi Égypte te kouri dèyè zansèt nou yo avèk cha ak sòlda sou cheval yo jis rive nan Lamè Wouj la. <sup>7</sup> Men lè yo te kriye vè SENYÈ a, Li te mete tenèb antre nou menm avèk Ejiptyen yo, Mwen te mennen lanmè a sou yo pou te kouvri yo; epi pwòp zye pa nou te wè sa Mwen te fè an Égypte. Epi ✧ nou te viv nan dezè a pandan anpil tan. <sup>8</sup> Alò, ✧ Mwen te mennen nou antre nan peyi Amoreyen ki te rete lòtbò Jourdain an, yo te goumen avèk nou; epi Mwen te livre yo nan men nou e nou te pran posesyon a peyi pa yo a lè Mwen te detwi yo devan nou. <sup>9</sup> Epi ✧ Balak, fis a Tsippor a, wa Moab la, te leve pou te goumen kont Israèl e li te voye rele Balaam, fis a Beor a, pou modi nou. <sup>10</sup> Men Mwen ✧ pa t dakò koute Balaam. Konsa, li te oblije beni nou e Mwen te delivre nou soti nan men li. <sup>11</sup> ✧ Nou te travèse Jourdain an pou te rive Jéricho; epi pèp Jéricho yo te goumen kont nou, Amoreyen yo, avèk Ferezyen yo, Kananeyen yo avèk Etyen yo avèk Gigazyen yo, Evyen yo ak Jebizyen yo. Konsa, ✧ Mwen te livre yo nan men nou. <sup>12</sup> Apre, Mwen ✧ te voye gèp devan nou e li te chase fè sòti wa Amoreyen yo soti devan nou; men, ✧ pa akoz nepe nou ni banza nou. <sup>13</sup> ✧ Mwen te bannou yon peyi nan sila nou pa t travay, vil ke nou pa t bati e nou te viv ladan yo; nou ap manje nan chan rezen avèk chan doliv ke nou pa t plante.” <sup>14</sup> “Koulye a, pou sa, ✧ gen lakrent SENYÈ a e sèvi Li avèk bon kè ak verite; epi mete akote dye ke zansèt nou yo te konn sèvi lòtbò Rivyè a ak an Égypte pou sèvi SENYÈ a. <sup>15</sup> Si nou twouve li degoutan nan zye nou pou sèvi SENYÈ a, chwazi pou kont nou jodi a, kilès nou va sèvi: dye ke zansèt nou yo te konn sèvi lòtbò Rivyè a, oswa ✧ dye a Amoreyen yo, nan peyi sila nou ap viv yo; men, pou mwen avèk lakay mwen, nou va sèvi SENYÈ a.” <sup>16</sup> Pèp la te reponn e te di: “Se lwen de nou pou nou ta abandone SENYÈ a pou sèvi lòt dye yo; <sup>17</sup> paske SENYÈ a, Bondye nou an, se Li ki te mennen nou avèk zansèt nou yo monte sòti nan peyi Égypte la, soti nan kay esklavaj la, ki te fè gwo sign sila yo nan mitan nou, Li te pwoteje nou nan tout chemen kote nou pase e pami tout pèp nan mitan a sila nou te pase yo. <sup>18</sup> SENYÈ a te pouse fè sòti devan nou tout pèp yo, menm Amoreyen ki te viv nan peyi a. Nou, osi, nou va sèvi SENYÈ a; paske se Li menm ki Dye nou.” <sup>19</sup> Alò, Josué te di a pèp la: “Konsa, nou p ap kapab sèvi SENYÈ a; paske Li se yon Bondye ki sen. Li se ✧ yon Bondye ki jalou; Li p ap padone transgresyon nou yo oswa peche nou yo. <sup>20</sup> ✧ Si nou abandone SENYÈ a pou sèvi dye etranje yo; alò, Li va vire fè nou mal e vin manje nou apre Li te fin fè nou byen.” <sup>21</sup> Pèp la te di a Josué: “Non, men nou va sèvi SENYÈ a.”

<sup>22</sup> Josué te di a pèp la: “Nou se temwen kont pwòp tèt nou ke ✧ nou te

✧ 24:4 Jen 25:25-26 ✧ 24:5 Egz 4:14-17 ✧ 24:6 Egz 14:2-31 ✧ 24:7 Det 1:45 ✧ 24:8 Nonb 21:21-32 ✧ 24:9 Nonb 22:2-6 ✧ 24:10 Det 23:5 ✧ 24:11 Jos 3:14-17 ✧ 24:11 Egz 23:31 ✧ 24:12 Egz 23:28 ✧ 24:12 Sòm 44:3 ✧ 24:13 Det 6:10 ✧ 24:14 Det 10:12 ✧ 24:15 Jij 6:10 ✧ 24:19 Egz 20:5 ✧ 24:20 Det 4:25-26 ✧ 24:22 Sòm 119:173



chwazi pou kont nou SENYÈ a, pou sèvi Li.” Epi yo te di: “Nou se temwen.”  
<sup>23</sup> Koulye a, pou sa, mete akote dye etranje ki nan mitan nou yo e ☆tounen  
 kè nou vè SENYÈ a, Bondye Israël la.” <sup>24</sup> ☆Pèp la te di a Josué: “Nou va  
 sèvi SENYÈ a, Bondye nou an e nou va obeyi vwa Li.” <sup>25</sup> ☆Konsa, Josué te fè  
 yon akò avèk pèp la jou sa a, li te fè pou yo yon lwa ak yon règleman nan  
 Sichem. <sup>26</sup> Epi Josué te ☆ekri pawòl sila yo nan liv lalwa Bondye a; epi li  
 te pran yon gwo wòch e te fè l kanpe la anba gwo bwadchenn ki te akote  
 sanktyè SENYÈ a. <sup>27</sup> Josué te di a tout pèp la: “Gade byen, ☆wòch sa a va  
 tankou yon temwen kont nou; paske li te tandè tout pawòl SENYÈ a te pale  
 nou yo; konsa, li va tankou yon temwen kont nou, pou nou pa vin enfidèl  
 anvè Bondye nou an.” <sup>28</sup> Epi Josué te voye tout pèp la ale, yo chak rive nan  
 pwòp eritaj pa yo.

<sup>29</sup> Li te vin rive apre bagay sa yo ke Josué, fis a Nun nan, sèvitè Bondye  
 a, te vin mouri, avèk laj a san-dis ane. <sup>30</sup> Epi yo te antere li ☆nan teritwa  
 eritaj li nan Thimnath-Sérach, ki nan peyi ti mòn Éphraïm yo, sou nò a  
 mòn Gaasch. <sup>31</sup> ☆Israël te sèvi SENYÈ a pandan tout jou a Josué yo, tout jou  
 a ansyen ki te vivan nan tan Josué yo, e yo te konnen tout zèv SENYÈ a te  
 fè pou Israël. <sup>32</sup> Alò, ☆yo te antere zo Joseph yo, ke fis Israël yo te mennen  
 monte soti Égypte, nan Sichem, nan mòso tè ke Jacob te achte nan men fis  
 a Hamor yo, papa a Sichem, pou san pyès lajan an; epi yo te devni eritaj a  
 fis Joseph yo. <sup>33</sup> Epi Éléazar, fis a Aaron an te vin mouri; epi yo te antere  
 li nan ☆Guibeath-Phinéés, ki te bay a fis li nan peyi ti kolin a Éphraïm yo.

---

☆ **24:23** I Wa 8:57-58 ☆ **24:24** Egz 19:8 ☆ **24:25** Egz 24:8 ☆ **24:26** Det 31:24 ☆ **24:27** Jos  
 22:27-34 ☆ **24:30** Jos 19:50 ☆ **24:31** Jij 2:6 ☆ **24:32** Jen 50:24-25 ☆ **24:33** Jos 22:13

## Jij Yo

<sup>1</sup> Alò, li vin rive apre lanmò Josué ke fis Israël yo te mande SENYÈ a, e te di: “Kilès ki va premye pou vin monte pou nou ✧kont Kananeyen yo pou goumen kont yo?” <sup>2</sup> SENYÈ a te di: ✧“Juda va monte; veye byen, Mwen te mete peyi a nan men l.” <sup>3</sup> Epi Juda te di a Siméon, frè li: “Vini avè m nan teren ki te vin tonbe pou mwen an, pou nou kapab goumen kont Kananeyen yo. Epi lè nou retounen, mwen va ale avè w nan teren pa w la.” Konsa Siméon te ale avèk li.

<sup>4</sup> Juda te monte e ✧SENYÈ a te livre Kananeyen yo avèk Ferezyen yo nan men yo; epi yo te bat di-mil lòm Bézek <sup>5</sup> Yo te rankontre Adoni Bézek nan Bézek. Yo te goumen kont li e yo te bat Kananeyen yo avèk Ferezyen yo. <sup>6</sup> Men Adoni Bézek te sove ale. Epi yo te kouri dèyè li pou te kenbe li e yo te koupe pous li avèk gwo zòtèy li. <sup>7</sup> Adoni Bézek te di: “Swasann-dis wa avèk pous avèk gwo zòtèy koupe te konn ranmase manje anba tab mwen; ✧jis jan ke m te konn fè a, konsa Bondye te rekonpanse mwen.” Konsa, yo te mennen li Jérusalem e la, li te mouri <sup>8</sup> Alò, fis Juda yo te goumen kont ✧Jérusalem, yo te kaptire li, yo te frape li avèk lam nepe e yo te mete dife nan vil la <sup>9</sup> Apre, fis a Juda yo te desann pou goumen kont Kananeyen ki te rete nan peyi ti kolin yo ak nan Negev la ak nan ba plèn nan. <sup>10</sup> ✧Konsa, Juda te ale kont Kananeyen ki te rete Hébron yo (alò, non Hébron avan an se te Kirjath-Arba); epi yo te frape Schéschäi avèk Ahiman ak Talmaï <sup>11</sup> Alò, ✧soti la, li te ale kont sila ki te rete Debir yo (alò, non Debir se te Kirjath-Sépher) <sup>12</sup> Epi Caleb te di: “Sila ki atake Kirjath-Sépher e ki kaptire li a; a li menm, mwen va bay fi mwen an, Acsa kòm madanm li.” <sup>13</sup> ✧Othniel, fis a Kenaz la, pi jèn frè a Caleb la te kaptire li; konsa, li te ba li fi li a kòm madanm <sup>14</sup> Epi ✧li te vin rive ke lè li te vini a li menm, ke li te konvenk li mande papa li yon chan. Li te desann bourik li, e Caleb te di: “Kisa ou vle?” <sup>15</sup> Li te di li: “Beni mwen; Paske ou te ban mwen peyi nan Negev la, ban m sous dlo yo tou.” Epi Caleb te ba li sous piwo avèk sous piba yo.

<sup>16</sup> Desandan ✧Kenyan yo, bòpè Moïse la, te monte soti nan vil pal yo avèk fis Juda yo, nan dezè a Juda ki vè sid Arad la; epi yo te monte pou rete avèk pèp sila yo <sup>17</sup> Epi Juda te ale avèk Siméon, frè li a, e yo te frape Kananeyen ki te rete Tsephath yo e yo te detwi li nèt. Konsa, non a vil la te rele ✧Horma <sup>18</sup> Epi Juda te pran ✧Gaza avèk teritwa ki te pou li a ak Askalon avèk teritwa pa li a ak Ékron avèk teritwa pa li a <sup>19</sup> Alò SENYÈ a te avèk Juda, yo te pran posesyon a peyi ti kolin yo; men, yo pa t ka chase mete deyò pèp ki te rete nan vale yo, akoz yo te gen ✧cha yo ki te fèt an fè. <sup>20</sup> Alò, yo te bay Hébron a Caleb, ✧jan Moïse te pwomèt yo a; epi li te chase fè sòti twa fis Anak yo <sup>21</sup> Men fis a Benjamin yo pa t chase mete ✧Jebizyen ki te rete nan Jérusalem yo deyò; pou sa, Jebizyen yo te rete pami fis Benjamin yo jis rive jodi a <sup>22</sup> Menm jan an, lakay Joseph te monte kont Béthel e SENYÈ a te avèk yo. <sup>23</sup> Lakay Joseph te fè espyonaj Béthel; ✧alò, vil la te vin rele Luz. <sup>24</sup> Espyon yo te wè yon nonm ki t ap sòti nan vil la e yo te di li: “Souple, montre nou kote pou nou antre nan vil la e

✧ 1:1 Jij 1:27 ✧ 1:2 Jen 48:8 ✧ 1:4 Sòm 44:2 ✧ 1:7 Lev 24:19 ✧ 1:8 Jos 15:63 ✧ 1:10 Jos 15:13-19 ✧ 1:11 Jos 15:15 ✧ 1:13 Jij 3:9 ✧ 1:14 Jos 15:18 ✧ 1:16 Nonb 10:29-32 ✧ 1:17 Nonb 21:3 ✧ 1:18 Jos 11:22 ✧ 1:19 Jos 11:22 ✧ 1:20 Jos 14:9 ✧ 1:21 I Kwo 11:4 ✧ 1:23 Jen 28:19

✧nou va fè ou gras.” <sup>25</sup> Konsa, li te montre yo antre vil la e yo te frape vil la avèk lam nepe; ✧men, yo te kite mesye sa a, avèk tout fanmi li an libète <sup>26</sup> Mesye sila a te antre nan peyi Etyen yo, li te bati yon vil e li te ba li non a Luz; epi se konsa li rele jis rive jodi a.

<sup>27</sup> ✧Men Manassé pa t pran posesyon Beth-Schean avèk bouk pa li yo, ni Thannac avèk bouk pa li yo, ni pèp ki te rete Dor yo avèk bouk pa li yo, ni pèp ki te rete Jibleam yo avèk bouk pa li yo, ni moun ki te rete Meguido avèk bouk pa li yo; konsa, ✧Kananeyen yo te kontinye viv nan peyi sa a <sup>28</sup> Li te vin rive ke lè Israël te vin fò, ke yo te fòse Kananeyen yo fè travo fòse; men, yo pa t chase yo fè yo sòti nèt.

<sup>29</sup> ✧Éphraïm pa t chase fè sòti Kananeyen ki t ap viv Guézer yo; konsa, Kananeyen yo te viv Guézer pami yo <sup>30</sup> Zabulon pa t chase fè sòti pèp ki te rete Kitron yo, ni pèp ki te rete Nahalol yo; konsa, Kananeyen yo te rete pami yo e te vin sijè a travo fòse. <sup>31</sup> Aser pa t chase mete deyò pèp a Acco yo, ni pèp a Sidon yo, ni sila a Achlal yo, ni a Heba, ni a Aczib, ni a Rehob yo. <sup>32</sup> Konsa, Aserit yo te rete pami Kananeyen yo, pèp peyi a; paske, yo pa t chase mete yo deyò <sup>33</sup> Nephtali pa t chase mete deyò pèp a Beth-Schémesch yo, ni pèp a Beth-anath yo; men, yo te viv pami Kananeyen yo, pèp peyi a; epi pèp peyi Beth-Schémesch avèk Beth-Anath yo te vin fè travo fòse pou yo. <sup>34</sup> Epi Amoreyen yo te pouse fis a Dan yo antre nan peyi ti kolin yo; paske, yo te anpeche yo antre nan vale a; <sup>35</sup> malgre sa, Amoreyen yo te pèsiste rete nan Mon Hérès, nan Ajalon ak nan Schaalbim; men, lè pouvwa kay Joseph la te vin fò, yo te vin fè travo fòse. <sup>36</sup> Lizyè a Amoreyen yo te kouri soti nan monte Akrabim nan, soti Séla pou monte piwo.

## 2

<sup>1</sup> Alò, zanj SENYÈ a te monte soti Guilgal a Bokim. Epi li te di: ✧“Mwen te mennen nou sòti an Égypte e Mwen te mennen nou antre nan peyi ke M te sèman a zansèt nou yo; epi Mwen te di: ✧“Mwen p ap janm kraze akò Mwen avèk nou, <sup>2</sup> epi pou nou menm, ✧nou p ap fè okenn akò avèk pèp peyi sila yo; nou va chire lotèl pa yo.’ Men nou pa t obeyi Mwen; kisa sa ye ke nou fè la a? <sup>3</sup> Pou sa, Mwen te di anplis, Mwen p ap pouse yo sòti devan nou; men, yo va devni tankou zepin akote nou e dye pa yo va vin yon pèlen pou nou. <sup>4</sup> Lè zanj SENYÈ a te pale pawòl sa yo a tout fis Israël yo, pèp la te leve vwa pa yo pou te kriye.

<sup>5</sup> Pou sa, yo te bay plas sa non Bokim; epi la, yo te fè sakrifis bay SENYÈ a. <sup>6</sup> ✧Lè Josué te fin fè pèp la ale, fis Israël yo te ale yo chak nan pwòp eritaj pa yo pou posede teren an <sup>7</sup> Pèp la te sèvi Josué pandan tout jou a Josué yo e tout jou a ansyen ki te sèvi Josué yo, ki te wè tout gran zèv SENYÈ a te fè pou Israël yo.

<sup>8</sup> Epi Josué, fis a Nun nan, Sèvitè SENYÈ a, te mouri nan laj san-dis ane <sup>9</sup> Epi yo te antere li nan teritwa ✧eritaj pa li, nan Thimnath-Hérès nan peyi ti kolin Éphraïm yo, vè nò a Mòn Gaasch <sup>10</sup> Tout jenerasyon sila a, osi, te vin ranmase vè zansèt pa yo; epi te vin leve yon lòt jenerasyon apre yo ki ✧pa t rekonèt SENYÈ a, ni nonplis zèv ke Li te fè pou Israël yo. <sup>11</sup> Alò, fis Israël yo te fè ✧mal nan zye SENYÈ a e yo te sèvi Baal yo, <sup>12</sup> epi ✧yo te abandone SENYÈ a, Bondye a zansèt pa yo a, ki te mennen yo sòti nan peyi

✧ 1:24 Jos 2:12 ✧ 1:25 Jos 6:25 ✧ 1:27 Jos 17:12 ✧ 1:27 Jij 1:1 ✧ 1:29 Jos 16:10 ✧ 2:1 Egz 20:2 ✧ 2:1 Jen 17:7-8 ✧ 2:2 Egz 23:32 ✧ 2:6 Jos 24:28-31 ✧ 2:9 Jos 19:49 ✧ 2:10 Egz 5:2 ✧ 2:11 Jij 3:7-12 ✧ 2:12 Det 31:16

Égypte la pou te swiv lòt dye yo soti nan dye a pèp ki te antoure yo, yo te bese yo ba devan yo; konsa, yo te pwovoke SENYÈ a a lakòlè <sup>13</sup> Konsa, yo te abandone SENYÈ a pou te sèvi Baal avèk Astarté yo. <sup>14</sup> ✧ Lakòlè SENYÈ a te brile kont Israël. Li te livre yo nan men a piyajè ki te piyaje yo; epi Li te vann yo antre men a lènmi ki te antoure yo pou yo pa t kab kanpe ankò devan lènmi yo <sup>15</sup> Nenpòt kote ke yo te ale, men SENYÈ a te kont yo pou mal, jan SENYÈ a te pale yo a e ✧ te sèmante a yo a; konsa, yo te vin vrèman nan gwo twoub <sup>16</sup> ✧ Alò, SENYÈ a te fè leve jij ki te livre yo soti nan men a sila ki t ap piyaje yo <sup>17</sup> Malgre sa, yo pa t koute jij yo, paske yo te fè pwostitiye dèyè lòt dye yo e te bese yo ba anvè yo. Yo te vire akote byen vit soti nan chemen an ✧ nan sila zansèt yo te mache nan obeyisans lòd a SENYÈ yo; yo pa t fè tankou yo <sup>18</sup> Lè SENYÈ a te fè leve jij pou yo, ✧ SENYÈ a te avèk jij yo e te delivre pèp la nan men lènmi yo pandan tout jou a jij yo; paske, SENYÈ a te vin gen pitye pou yo akoz sila ki te oprime ak aflije yo <sup>19</sup> Men li te vin rive ke nan lè jij la vin mouri, yo ta vire tounen pou aji pi konwonpi pase zansèt yo, nan swiv lòt dye yo pou sèvi yo e bese ba devan yo; yo pa t janm abandone zè sila yo, ni chemen tèt mato yo. <sup>20</sup> ✧ Konsa, lakòlè SENYÈ a te brile kont Israël, e Li te di: “Akoz nasyon sa a te transgrese akò ke Mwen te kòmande zansèt yo e pa t koute vwa M, <sup>21</sup> ✧ Mwen menm tou, Mwen va sispann chase devan yo okenn nan nasyon ke Josué te kite la lè l te mouri yo, <sup>22</sup> pou pase Israël ✧ a leprèv pa yo menm, pou wè si yo va kenbe chemen a SENYÈ a pou mache ladann jan zansèt pa yo te fè a oswa non. <sup>23</sup> Konsa SENYÈ a te pèmèt ke nasyon sa yo rete pami yo e pa t pouse yo sòti vit; epi Li pa t livre yo nan men Josué.

### 3

<sup>1</sup> ✧ Alò, sila yo se nasyon ke SENYÈ a te kite pou sèvi kòm eprèv pou Israël ak yo menm (sa vle di, tout sila ki potko konn fè lagè avèk Kananeyen yo; <sup>2</sup> Sèlman pou li ta rive ke jenerasyon a fis Israël yo ta kapab enstwi nan lagè, sila ki pa t fè eksperyans sa a deja). <sup>3</sup> Nasyon sa yo se: senk prens nan nasyon Filisten yo, tout Kananeyen yo, Sidonyen yo ak ✧ Evyen ki te rete nan Mòn Liban yo, soti nan Mòn Baal-Hermon, jis rive nan Lebo-Hamath <sup>4</sup> Yo te pou ✧ pase a leprèv Israël, pou dekouvri si yo ta obeyi kòmand ke SENYÈ a te kòmande zansèt yo pa Moïse <sup>5</sup> ✧ Fis Israël yo te rete pami Kananeyen yo, Etyen ak Jebizyen yo, Amoreyen yo, Ferezyen yo ak Evyen yo; <sup>6</sup> epi ✧ yo te pran fi pa yo pou yo menm kòm madanm, yo te bay pwòp fi yo a fis pa yo e yo te sèvi dye pa yo <sup>7</sup> Fis Israël yo te fè sa ✧ ki te mal nan zye a SENYÈ a e yo te bliye SENYÈ a, Bondye pa yo a pou te sèvi Baal avèk Aseroth yo <sup>8</sup> Alò, lakòlè SENYÈ a te limen kont Israël jiskaske Li te vann yo nan men a Cuschan-Rischeathaïm, wa Mésopotamie a; epi fis Israël yo te sèvi Cuschan-Rischeathaïm pandan uit ane.

<sup>9</sup> Lè fis Israël yo te vin kriye fò a SENYÈ a, SENYÈ a te fè leve yon liberatè pou delivre yo; ✧ Othniel, fis a Kenaz la, ti frè a Caleb la <sup>10</sup> ✧ Lespri SENYÈ a te vini sou li pou li te jije Israël Lè li te sòti pou fè lagè, SENYÈ a te livre Cuschan-Rischeathaïm, wa Mésopotamie an, nan men l e li te vin genyen

✧ 2:13 Jij 10:6 ✧ 2:14 Det 31:17 ✧ 2:15 Lev 26:14-39 ✧ 2:16 Sòm 106:43-45 ✧ 2:17 Jij 2:7  
 ✧ 2:18 Jos 1:5 ✧ 2:20 Jij 2:14 ✧ 2:21 Jos 23:4-13 ✧ 2:22 Det 8:2 ✧ 3:1 Jij 1:1 ✧ 3:3 Jos 9:7  
 ✧ 3:4 Det 8:2 ✧ 3:5 Sòm 106:35 ✧ 3:6 Egz 34:15-16 ✧ 3:7 Jij 2:11 ✧ 3:9 Jij 1:13  
 ✧ 3:10 Nonb 11:25-29

sou Cuschan-Rischeathaim <sup>11</sup> Alò, peyi a te vin gen repo pandan karant ane. Epi Othniel, fis a Kenaz la, te vin mouri.

<sup>12</sup> Alò, fis Israël yo te fè mal nan zye SENYÈ a ankò. Pou sa, ✨SENYÈ a te ranfòse Églon, wa Moab la, kont Israël, akoz yo te fè mal nan zye SENYÈ a <sup>13</sup> Epi li te ranmase ba li menm fis a Ammon yo, avèk Amalek; epi li te ale bat Israël pou yo te posede ✨vil pye palmis yo <sup>14</sup> Fis Israël yo te sèvi Églon, wa Moab la, pandan di-zuit ane.

<sup>15</sup> Men lè fis Israël yo te vin kriye fò bay SENYÈ a, SENYÈ a te fè leve yon liberatè pou yo, Éhud, fis a Guéra a, Benjamit lan, yon nonm goche. Epi pa li menm, fis a Israël yo te voye kòb angajman yo bay Églon, wa Moab la <sup>16</sup> Éhud te fè pou kont li yon nepe avèk lam file de bò, yon koude nan longè e li te mare li nan kwis dwat li, anba manto li. <sup>17</sup> Li te prezante kòb angajman an bay Églon, wa Moab la. Alò, Églon te yon mesye byen gra. <sup>18</sup> Li te vin rive ke lè li te fin prezante kòb la, ke li te fè moun pa l yo ki te pote don an sòti. <sup>19</sup> Men li menm te vire sòti kote zidòl ki te Guilgal yo, e te di: “Mwen gen yon mesaj sekre pou ba ou, O Wa.” Epi li menm wa a te di: “Rete an silans.” Epi tout sila ki te sèvi li yo te pati. <sup>20</sup> Éhud te vin vè li pandan li te chita sèl nan chanm twati fre li a. Epi Éhud te di li: “Mwen gen yon mesaj ki sòti nan Bondye pou ou.” Epi li te leve sou chèz li a. <sup>21</sup> Éhud te lonje men goch li, te pran nepe a soti nan kwis dwat li e te pase l nèt travèse vant li <sup>22</sup> Manch lan osi te antre anndan l apre lam nan e grès te vin kouvri sou lam nan; paske, li pa t retire nepe a sòti nan vant li e salte vant lan te vin sòti ladann. <sup>23</sup> Alò, Éhud te sòti antre nan gran chanm nan, li te fèmen pòt a chanm twati dèyè li yo e li te kadnase yo.

<sup>24</sup> Lè l te fin sòti, sèvitè li yo te vin gade; epi vwala, pòt a chanm twati yo te kadnase; epi yo te di: ✨“L ap sèlman okipe bezwen li nan chanm fre a.” <sup>25</sup> Yo te tann jiskaske yo te vin twouble; men gade byen, li pa t vin ouvri pòt a chanm twati la. Pou sa, yo te pran kle a pou te louvri yo; epi gade byen, mèt yo a te tonbe atè a mouri nèt. <sup>26</sup> Alò, Éhud te chape pandan yo te mize a, li te pase kote zidòl yo e te chape rive Seïra. <sup>27</sup> Li te vin rive ke lè li te parèt, ✨li te soufle twonpèt peyi ti kolin Éphraïm yo; epi fis Israël yo te vin desann avè l soti nan peyi ti kolin yo e li menm te ale devan yo <sup>28</sup> Li te di yo: “Kouri dèyè yo, paske SENYÈ a gen tan livre lènmi nou yo, Moabit yo nan men nou.” Konsa, yo te desann dèyè yo pou te sezi yo ✨kote Jourdain ki anfas Moab la e yo pa t kite pèsòn janbe <sup>29</sup> Yo te frape fè tonbe nan tan sa a anviwon di-mil Moabit, yo tout te gason vanyan e fò; epi nanpwen ki te chape <sup>30</sup> Konsa, Moab te soumèt nan jou sa a anba men Israël. Epi peyi a pa t gen boulvèsman ankò pandan katre-ven ane.

<sup>31</sup> Apre, li te vin ✨Schamgar, fis a Anath la, ki te frape fè tonbe sis-san Filisten avèk yon baton ki pou pouse bèf kabwa; epi li, anplis te vin libere Israël.

## 4

<sup>1</sup> Alò, ✨fis Israël yo ankò te fè mal nan zye SENYÈ a, apre Éhud te fin mouri <sup>2</sup> Epi SENYÈ a te vann yo nan men a ✨Jabin, wa Kananeyen an, ki te renye nan Hatsor; epi kòmandan lame li a te Sisera, ki te rete Haroscheth-Goïm <sup>3</sup> Fis Israël yo te kriye bay SENYÈ a; paske, li te gen nèf san ✨cha fèt an

✨ 3:12 Jij 2:14 ✨ 3:13 Det 34:3 ✨ 3:24 I Sam 24:3 ✨ 3:27 Jij 6:34 ✨ 3:28 Jij 7:24 ✨ 3:31 Jij 5:6 ✨ 4:1 Jij 2:19 ✨ 4:2 Jos 11:1-10 ✨ 4:3 Jij 1:19

fè e avèk severite, li te oprime fis Israël yo pandan ventan. <sup>4</sup> Alò, Débora, yon pwofetès, madanm a Lappidoth, t ap jije Israël nan tan sila a. <sup>5</sup> Li te konn chita anba ✧pye palmis a Débora a antre Rama avèk Béthel nan peyi ti kolin Ephraïm yo; epi fis Israël yo te vin vè li pou l fè jijman. <sup>6</sup> Alò, li te voye kòmande ✧Barak, fis a Abinoam nan soti nan Kedesh-Nephtali, e li te di li: “Veye byen, SENYÈ a, Bondye Israël la, te kòmande: “Ale mache vè Mòn Thabor e pran avèk ou di-mil lòm soti nan fis a Nephtali yo ak fis a Zabulon yo <sup>7</sup> Mwen va atire fè vin parèt Sisera, kòmandan lame Jabin nan vini avèk cha li yo ak anpil sòlda yo vè larivyè Kishon e ✧mwen va mete li nan men ou.” <sup>8</sup> Alò, Barak te di li: “Si ou prale avèk mwen, alò, m ap prale; men, si ou pa prale avè m, mwen pa prale.”

<sup>9</sup> Li te di: “Mwen va vrèman ale avèk ou; malgre, lonè p ap pou ou nan vwayaj ke w ap fè a, ✧paske, SENYÈ a va vann Sisera nan men a yon fanm.” Epi Débora te leve e te ale avèk Barak pou rive Kédesch. <sup>10</sup> Barak te rele Zabulon ak Nephtali ansanm pou rive Kédesch; epi di-mil lòm te monte ✧avèk li; Débora osi te monte avèk li <sup>11</sup> Alò, Héber, ✧Kenyen an te separe li menm de Kenyen yo, fis Hobab yo, bòpè Moïse la, e te monte tant li byen lwen jis nan bwatenn ki nan Tsaannaïm nan, ki toupre Kédesch la. <sup>12</sup> Alò, yo te di Sisera ke Barak, fis a Abinoam nan, te monte vè Mòn Thabor. <sup>13</sup> Sisera te rele ansanm tout cha li yo, nèf-san cha an fè ak tout pèp ki te avèk li yo, soti nan ✧Haroscheth de Goïm yo jis rive nan larivyè Kishon. <sup>14</sup> Debora te di a Barak: “Leve! Paske sa se jou nan sila SENYÈ a vin mete Sisera nan men ou; veye byen, ✧SENYÈ a gen tan sòti devan ou.” Konsa Barak te sòti desann Mòn Thabor avèk di-mil lòm ki t ap swiv li. <sup>15</sup> ✧SENYÈ a te boulvèse Sisera avèk tout cha yo ak tout lame a avèk lam nepe devan Barak; epi Sisera te desann cha li e te sove ale a pye <sup>16</sup> Men Barak te kouri dèyè cha yo avèk lame a jis rive Haroscheth-Goïm e tout lame Sisera a te tonbe pa lam nepe; ✧nanpwen youn ki te rete. <sup>17</sup> Alò, Sisera te sove ale sòti nan pye a tant Jaël la, madanm a Héber a, Kenyen an; paske, te gen lapè antre Jabin, wa Hatsor a ak lakay Héber, Kenyen an.

<sup>18</sup> Jaël te sòti deyò pou rankontre Sisera, e li te di li: “Vire akote, mèt mwen, vire akote vè mwen! Pa pè.” Epi li te vire akote li nan tant lan e li te kouvri li avèk yon tapi.

<sup>19</sup> ✧Li te di li: “Souple, ban mwen yon ti dlo pou m bwè; paske, mwen swaf.” Konsa, li te ouvri yon boutèy lèt pou te bay li bwè ladann; alò, li te kouvri li. <sup>20</sup> Li te di li: “Kanpe nan pòtay tant lan, epi li va rive ke si yon moun vin mande ou, e di: ‘Èske gen moun la a?’ Ou va di: ‘Non.’”

<sup>21</sup> Men Jaël, madanm a Héber a, te pran yon pikèt tant lan, li te pran yon mato nan men li, li te pwoche li dousman; epi li te frape pikèt la fè l kreve tèt li jis rive atè; paske li te fatige nèt e li t ap dòmi. Konsa, li te mouri.

<sup>22</sup> Epi veye byen, pandan Barak t ap kouri dèyè Sisera, Jaël te parèt deyò e te di l: “Vini pou mwen montre ou nonm ke w ap chache a.” Epi li te antre avèk li, vwala, Sisera te kouche la mouri nèt avèk pikèt tant lan nan fon li.

<sup>23</sup> Konsa, ✧Bondye te imilye, nan jou sa a, Jabin, wa Kananeyen an, devan fis Israël yo. <sup>24</sup> Men a fis Israël yo te peze pi lou e pi lou sou Jabin, wa Kananeyen an, jiskaske yo te detwi Jabin, wa Kananeyen an.

✧ 4:5 Jen 35:8 ✧ 4:6 Eb 11:32 ✧ 4:7 Sòm 83:9 ✧ 4:9 Jij 4:21 ✧ 4:10 Jij 4:14 ✧ 4:11 Jij 1:16 ✧ 4:13 Jij 4:2 ✧ 4:14 Det 9:3 ✧ 4:15 Det 7:23 ✧ 4:16 Egz 14:28 ✧ 4:19 Jij 5:24-27 ✧ 4:23 Né 9:24

## 5

1 ✨Alò, Débora avèk Barak, fis a Abinoam nan te chante jou sa a, e te di: 2 ✨“Ke chèf yo te dirije Israèl, ke ✨pèp la te pran desizyon; Beni SENYÈ a! 3 Tande O wa yo; bay zòrèy nou, O chèf yo! ✨Pou mwen—Se a SENYÈ a menm ke mwen chante, mwen va chante bay lwanj a SENYÈ a, Bondye Israèl la. 4 SENYÈ a, lè Ou te sòti Séir, lè Ou te mache soti nan chan Édom an, ✨tè a te tranble e syèl la te fonn, menm nwaj yo te degoute dlo. 5 ✨Mòn yo te souke devan prezans SENYÈ a, Sinai sila a, devan prezans SENYÈ a, Bondye a Israèl la 6 Nan jou a ✨Schamgar a, fis a Anath la, nan jou a Jaël yo, gran chemen yo te abandone e vwayajè yo te pase pa lòt ti chemen 7 Aktivite abitan yo te sispann, yo te sispann an Israèl, jiskaske mwen menm, Débora, te vin leve; jiskaske m te leve, yon manman an Israèl. 8 ✨Dye nèf yo te vin chwazi; epi lagè te vin rive nan pòtay yo. Nanpwen nepe, nanpwen lans ki parèt pami karant-mil lòm an Israèl yo 9 Kè m avèk ✨chèf yo an Israèl; mesye ki parèt volontèman pami pèp la; Beni SENYÈ a! 10 ✨Nou menm ki monte bourik blan yo, nou menm ki chita sou tapi chè yo ak nou menm ki vwayaje sou wout la—chante! 11 Nan bri a sila ki divize bann bèt yo pami ✨kote k ap bay dlo yo; la, yo va rakonte ✨zèv ladwati a SENYÈ a; zèv ladwati pou moun li yo an Israèl. Epi pèp SENYÈ a te desann nan pòtay yo 12 ✨ Leve, leve, Débora; leve, leve, chante yon chan! Leve, Barak e fè sòti kaptif ou yo, O fis Abinoam nan 13 Sila ki chape anba lanmò yo te desann vè prens yo; pèp SENYÈ a te desann vè mwen kòm gèrye. 14 Soti nan Ephraïm nan sila ki rasinen ✨nan Amalek te desann yo; yo t ap swiv ou, Benjamin, avèk pèp ou a; Soti nan Makir, kòmandan yo te desann e soti nan Zabulon sila ki voye baton pouvwa yo 15 Epi prens a Issacar yo avèk Débora; tankou Issacar, osi Barak; nan vale a, yo te plonje ✨dèyè talon li; Pami divizyon a Ruben yo, kè yo te pran desizyon 16 Poukisa nou chita pami ✨Pak mouton yo pou tandè kri a bann mouton yo? Pami divizyon a tribi Ruben yo, te gen kè ki manke pran desizyon 17 ✨Galaad te rete lòtbò Jourdain an; epi poukisa Dan te rete nan bato yo? Aser te chita bòdmè e te rete bò lanmè a 18 Men ✨Zabulon, yon pèp ki pa t konsidere lavi yo jiska devan lanmò; epi Nephtali tou, nan lye wo nan chan yo 19 Wa yo te vin pou te goumen; Alò, wa Kananeyen yo te goumen ✨kote Thaanac toupren dlo a Méquiddo yo ✨Yo pa t pran piyaj an ajan 20 ✨Zetwal yo te goumen soti nan syèl la, soti nan kous yo, yo te goumen kont Sisera 21 Dlo ravin, larivyè Kishon te pran yo ale; ansyen dlo ravin nan, dlo ravin Kishon an O nanm mwen mache avanse ak fòs. 22 ✨Epi zago cheval yo te bat; akoz kous la; kous a tout gwo mòn sa yo 23 Modi Méroz di zanj SENYÈ a, Modi pèp ki rete la a nèt; ✨akoz yo pa t vini ede SENYÈ a kont gèrye yo.’ 24 ✨Beni pase tout fanm yo se Jaël, madanm Héber a, Kenyen an; Se pi beni li ye pase tout fanm nan tant lan 25 Li te mande dlo; li te ba li lèt Nan yon veso byen bèl, li te pote ba li bòl lèt yo 26 Li te lonje men li pou pran pikèt la, men dwat la pou mato ouvriye a Epi li te frape Sisera, li te kraze tèt li; li te kraze fwontèn tèt li a 27 Antre janm li yo, li te bese, li te tonbe; kote li te bese a; la, li te tonbe mò. 28 Deyò fenèt la, fi a te gade e te twouble;

✨ 5:1 Egz 15:1 ✨ 5:2 Jij 5:9 ✨ 5:2 Sòm 110:3 ✨ 5:3 Sòm 27:6 ✨ 5:4 Sòm 68:8-9 ✨ 5:5 Egz 19:18 ✨ 5:6 Jij 3:31 ✨ 5:8 Det 32:17 ✨ 5:9 Jij 5:2 ✨ 5:10 Jij 10:4 ✨ 5:11 Jen 24:11 ✨ 5:11 I Sam 12:7 ✨ 5:12 Sòm 57:8 ✨ 5:14 Jij 12:15 ✨ 5:15 Jij 4:10 ✨ 5:16 Nonb 32:1-36 ✨ 5:17 Jos 22:9 ✨ 5:18 Jij 4:6-10 ✨ 5:19 Jij 1:27 ✨ 5:19 Jij 5:30 ✨ 5:20 Jos 10:12-14 ✨ 5:22 Job 39:19-25 ✨ 5:23 Jij 5:13 ✨ 5:24 Jij 4:19-21

Manman Sisera te gade anndan treyi a; poukisa cha li a fè reta konsa? Poukisa nou poko tande bwi a pye cheval cha li yo k ap frape atè a pou l rive? <sup>29</sup> Demwazèl saj li yo ta reponn li; Anverite, li menm te repete pawòl yo nan pwòp tèt li <sup>30</sup> ✧ ‘Èske se pa ke yo jwenn, e ke y ap divize piyaj la? Yon demwazèl, menm de demwazèl pou chak gèrye; pou Sisera, yon piyaj a bèl twal fonsè, piyaj a yon twal anbeli trese byen fen; yon mendèv a trèès doub sou kou a piyajè a?’ <sup>31</sup> ✧ Se konsa pou kite tout lènmi Ou yo peri, O SENYÈ; men, ke sila ki renmen Li yo vin tankou solèy k ap leve ak tout fòs li.” Epi peyi a te rete san boulvèsman pandan karant ane.

## 6

<sup>1</sup> Epi fis Israèl yo ✧ te fè sa ki mal nan zye SENYÈ a; e SENYÈ a te livre yo nan men a peyi Madian an pandan sèt ane <sup>2</sup> Pouvwa a Madian te domine kont Israèl Akoz Madian, fis Israèl yo te fè pou yo menm ✧ kavo ki te nan mòn ak gwòt avèk sitadèl avèk wòch <sup>3</sup> Paske, se te lè Israèl te fin simen, ke Madyanit yo ta vin monte avèk Amalekit yo ak fis yo nan lès pou ale kont yo. <sup>4</sup> Konsa, yo ta fè kan kont yo, ✧ detwi tout pwodwi tè a jis rive Gaza, e ✧ pa kite anyen pou manje an Israèl, ni mouton, bèf, ni bourik <sup>5</sup> Paske, yo ta monte vin parèt avèk tout bèt yo, tant yo, yo ta antre an fòs kantite tankou ✧ krikèt zèl volan. Kantite a yo menm avèk chamo pa yo te depase kontwòl; epi yo te vin antre nan tè a pou devaste li <sup>6</sup> Konsa, Israèl te ✧ vin pote ba akoz Madian e fis Israèl yo te kriye fò bay SENYÈ a. <sup>7</sup> Koulye a, li vin rive ke lè fis Israèl yo te kriye fò bay SENYÈ a akoz Madian, <sup>8</sup> ke SENYÈ a te voye yon pwofèt bay fis Israèl yo, e ✧ li te di yo: “Konsa pale SENYÈ a, Bondye a Israèl la, ‘Se te Mwen menm ki te mennen nou monte soti an Egipte e te mennen nou sòti nan kay esklavaj la <sup>9</sup> Mwen te delivre nou soti nan men a Ejiptyen yo, men a tout sila ki te oprime nou yo e te chase yo devan nou pou te bannou peyi pa yo, <sup>10</sup> epi Mwen te di nou: “Mwen se SENYÈ a, Bondye nou an; ✧ nou pa pou gen krent dye Amoreyen yo nan peyi kote nou rete a. Men nou pa t obeyi Mwen.” <sup>11</sup> Alò ✧ zanj SENYÈ a te vin chita anba bwadchenn ki te Ophra a, ki te pou Joas, Abiezerit la. Nan lè sa a, fis li a, ✧ Gédéon, t ap bat ble nan preswa diven an, pou sove li kont Madyanit yo <sup>12</sup> Zanj SENYÈ a te parèt a li e te di li: “SENYÈ a avèk ou, O gèrye vanyan an”. <sup>13</sup> Epi Gédéon te di li: “O senyè mwen, ✧ si SENYÈ a avèk nou, poukisa tout bagay sa yo vin rive nou? Epi ki kote tout mirak Li yo ke zansèt nou yo te konn pale nou yo ye, e li te di: ‘Èske SENYÈ a pa t mennen nou sòti an Egipte?’ Men ‘koulye a, SENYÈ a gen tan abandone nou e livre nou nan men a Madian <sup>14</sup> SENYÈ a te gade li e te di: ✧ “Ale ak sa ki va pwòp fòs ou e delivre Israèl nan men Madyanit yo. Èske se pa Mwen ki voye ou?” <sup>15</sup> ✧ Li te di Li: “O SENYÈ, kijan mwen kapab delivre Israèl? Gade byen, fanmi mwen, se pi piti a nan ✧ Manassé e Mwen se pi piti a lakay papa m <sup>16</sup> ✧ Men SENYÈ a te di li: “Anverite, Mwen va avèk ou e ou va genyen Madian tankou yon sèl gason.” <sup>17</sup> Konsa Gédéon te di Li: “Si koulye a, mwen jwenn favè nan zye Ou; alò, montre mwen ✧ yon sign ke se Ou menm ki pale avè m <sup>18</sup> Souple, pa kite isit la jiskaske mwen vin

✧ 5:30 Egz 15:9 ✧ 5:31 Sòm 66:2 ✧ 6:1 Jij 2:11 ✧ 6:2 I Sam 13:6 ✧ 6:4 Lev 26:16 ✧ 6:4 Det 28:31 ✧ 6:5 Jij 7:12 ✧ 6:6 Det 28:43 ✧ 6:8 Jij 2:1-2 ✧ 6:10 II Wa 17:35 ✧ 6:11 Jij 2:1 ✧ 6:11 Eb 11:32 ✧ 6:13 Jij 6:1 ✧ 6:14 Eb 11:32-34 ✧ 6:15 Egz 3:11 ✧ 6:15 Jij 6:11 ✧ 6:16 Egz 3:12 ✧ 6:17 Jij 6:37



kote Ou pou pote ofrann mwen e mete l devan Ou.” Epi Li te di: “M ap rete jiskaske ou tounen.” <sup>19</sup> Alò, Gédéon te antre anndan an e te  $\star$ prepare yon jèn ti kabrit avèk pen san ledven avèk yon efa farin; li te mete vyann nan nan yon panyen ak sòs li nan yon kivèt. Li te pote yo deyò kote li a, anba bwadchenn nan e li te prezante yo. <sup>20</sup> Zanj Bondye a te di li: “Pran vyann nan avèk pen san ledven an, mete yo sou wòch sila e vide sòs la.” Epi konsa li te fè. <sup>21</sup> Epi zanj SENYÈ a te lonje pwent baton li, ki te nan men li pou te touche vyann nan avèk pen san ledven an; epi  $\star$ dife te vòltije sòti nan wòch la pou te konsome vyann nan nèt ansanm avèk pen san ledven an. Epi zanj SENYÈ a te vin disparèt devan zye li <sup>22</sup>  $\star$ Lè Gédéon te wè ke li te zanj SENYÈ a, li te di: “Anmwey, O Senyè Bondye! koulye a, mwen gen tan wè zanj SENYÈ a fasafas.” <sup>23</sup> Senyè a te reponn li: “Lapè avèk ou, pa pè; ou p ap mouri.” <sup>24</sup> Alò Gédéon te bati yon lotèl la pou SENYÈ a, e li te ba li kòm non “SENYÈ a se lapè” Jis rive jodi a, li toujou la  $\star$ nan Ophra a Abizerit yo <sup>25</sup> Alò, nan menm nwit lan, SENYÈ a te di li: “pran towò papa ou avèk yon dezyèm towò laj a sèt ane; epi rale desann lotèl Baal ki pou papa ou a e koupe poto  $\star$ Astarté ki akote li a; <sup>26</sup> epi bati yon lotèl a SENYÈ a, Bondye ou an, sou tèt fotrès sila nan yon jan ki an lòd; epi pran yon lòt towò e ofri li avèk bwa ki te nan poto Astarat ke ou va koupe mete atè a.” <sup>27</sup> Alò, Gédéon te pran dis mesye nan sèvitè li yo e li te te fè jan SENYÈ a te pale li a; epi akòz li te pè lakay papa li ak mesye lavil yo, li pa t fè l nan lajounen, men pandan lannwit. <sup>28</sup> Lè mesye lavil yo te leve granmaten, vwala, lotèl Baal la te chire; epi poto Astarté ki te akote li a te koupe atè e dezyèm towò ki te gen tan ofri sou lotèl la te fin bati. <sup>29</sup> Yo te di a youn lòt: “Se kilès ki te fè bagay sa a?” Epi lè yo fè ankèt pou mande, yo te di: “Gédéon, fis a Joas la te fè bagay sa a.” <sup>30</sup> Alò, mesye lavil yo te di a Joas: “Mennen fis ou a sòti pou l mouri; paske, li te chire lotèl Baal la e anverite, li gen tan koupe mete atè poto Astarté ki te akote li a.” <sup>31</sup> Men Joas te di a tout moun ki te kanpe kont li yo: “Èske nou va plede kòz a Baal yo oswa èske se nou ki pou delivre li? Sila ki plede kòz li a, va mete a lanmò avan maten Si se yon dye ke li ye, kite li plede pou pwòp tèt li pou kòz a yon moun ki te chire lotèl li.” <sup>32</sup> Pou sa, nan jou sa a, li te bay a Gédéon non  $\star$ Jerubbaal, ki vle di, “Kite Baal plede kont li” akòz li te chire lotèl li <sup>33</sup> Epi tout Madyanit avèk Amalekit yo avèk fis a lès yo te rasanble yo menm; epi yo te janbe pou te fè kan an nan  $\star$ vale Jizréel la <sup>34</sup> Konsa,  $\star$ Lespri SENYÈ a te vin sou Gédéon; epi li te soufle twonpèt la e Abizerit yo te rele ansanm pou swiv li <sup>35</sup> Li te voye mesaje yo toupatou nan Manassé e yo tout te rele ansanm pou swiv li; epi li te voye mesaje a Aser, Zabulon ak Nephtali pou  $\star$ yo te vin monte rankontre yo <sup>36</sup> Epi Gédéon te di a Bondye:  $\star$ “Si Ou va delivre Israèl pa mwen, jan Ou te pale a, <sup>37</sup> gade byen, mwen va mete yon touf len sou glasi a Si gen lawouze sèl sou touf la e li sèch sou tout tè a; alò, mwen va konnen ke Ou va delivre Israèl pa mwen, jan Ou te pale a.” <sup>38</sup> Epi se konsa sa te ye. Lè li leve granmaten e te peze touf la, li peze fè sòti nan touf la yon bòl plen dlo. <sup>39</sup> Alò, Gédéon te di a Bondye:  $\star$ “Pa kite kòlè ou brile kont mwen pou m kab pale yon fwa ankò; souple, kite mwen fè yon tès yon fwa ankò avèk touf la, kite sa fèt, koulye a, ke se sèl touf la ki sèch e kite l gen lawouze sou tout tè a <sup>40</sup> Bondye te fè sa nan nwit lan;

$\star$  6:19 Jen 18:6-8  $\star$  6:21 Lev 9:24  $\star$  6:22 Jen 32:30  $\star$  6:24 Jij 8:22  $\star$  6:25 Egz 34:13  
 $\star$  6:32 Jij 7:1  $\star$  6:33 Jos 17:16  $\star$  6:34 Jij 3:10  $\star$  6:35 Jij 7:3  $\star$  6:36 Jij 6:14-17  $\star$  6:39 Jen 18:32

paske li te seche sèl touf la e lawouze te sou tout tè a.

## 7

<sup>1</sup> Epi ✨Jerubbaal (sa vle di Gédéon) avèk tout pèp ki te avèk li a te leve granmmaten e te fè kan an kote sous Harod la; epi kan Madian an te vè nò a yo menm, akote ti mòn Moreh nan vale a. <sup>2</sup> SENYÈ a te di a Gédéon: “Pèp la ki avèk ou a twòp pou M ta delivre Madian nan men yo, ✨paske Israèl ta vin ògeye, e di: “Se pouvwa mwen ki delivre mwen.’” <sup>3</sup> Pou sa, vin pwoklame nan zòrèy a tout pèp la, e di: ✨‘nenpòt moun ki gen lakrent e k ap tranble, ke li retounen sòti nan Mòn Galaad.’” Konsa, venn-de-mil moun te retounen; men, te gen di-mil moun ki te rete. <sup>4</sup> ✨Alò, SENYÈ a te di a Gédéon: “Pèp la twòp toujou; mennen yo desann kote dlo a e Mwen va pase yo a leprèv pou ou la. Konsa li va ye ke si M di ou: ‘Sila a prale avè w’, l ap prale; men, a tout sila ke M di w: ‘Sila a pa prale, li pa prale.’” <sup>5</sup> Konsa, li te mennen pèp la desann vè dlo a. Epi SENYÈ a te di a Gédéon: “Ou va separe tout sila ki lape dlo a avèk lang yo tankou chen ak, anplis sila ki mete kò l ajenou pou bwè yo.” <sup>6</sup> Alò, kantite a sila ki te lape dlo a, ki pa rale l nan men yo pou rive nan bouch yo se te twa-san lòm e rès yo te mete yo ajenou pou bwè. <sup>7</sup> SENYÈ a te di a Gédéon: “Mwen va delivre nou ✨avèk twa-san lòm sila ki te lape dlo yo e yo va mete Madyanit yo nan men nou; pou sa, kite tout lòt moun yo ale, tout moun rive lakay yo.” <sup>8</sup> Konsa, twa-san lòm te pran pwovizyon a pèp la, avèk twonpèt pa yo nan men yo. Epi Gédéon te voye tout lòt mesye Israèl yo chak nan pwòp tant pa yo; men, te kenbe twa-san lòm yo; epi kan Madian an te nan vale anba li a <sup>9</sup> Alò, menm nwit lan, li te vin rive ke SENYÈ a te vin di li: “Leve, desann kont kan an; ✨paske, mwen te livre li nan men ou” <sup>10</sup> Men si ou pè desann, ale avèk Pura, sèvitè ou a, anba nan kan an, <sup>11</sup> epi ou va tandè kisa yo di: ✨apre sa, men w ap vin fò pou ou kapab desann kont kan an.” Konsa, li te ale avèk Pura, sèvitè li a, anba kote avan-gad a lame ki te nan kan yo <sup>12</sup> Alò, Madyanit yo avèk Amalekit yo ak tout fis a lès la yo, te kouche nan vale a, ✨plis an kantite pase krikèt volan; epi chamo pa yo te twòp pou konte e te an ✨gran nonb tankou grenn sab bò lanmè <sup>13</sup> Lè Gédéon te rive, veye byen, yon nonm t ap revele yon rèv a zanmi li. Epi li te di: “Gade byen, mwen te fè yon rèv; yon mòso pen lòj te tonbe antre nan kan Madian an, li te rive nan tant lan, li te frape li pou l te tonbe, e li te vire l tèt anba pou l kouche plat.” <sup>14</sup> Zanmi li an te reponn: “Sa se pa anyen mwens ke nepe a Gédéon an, fis a Joas la, yon nonm an Israèl; Bondye te mete Madian avèk tout kan an ✨nan men li.” <sup>15</sup> Lè Gédéon te tandè afè rèv la ak entèpretasyon li, li te bese nan adorasyon. Li te retounen nan kan Israèl la e li te di: “Leve, paske SENYÈ a gen tan mete kan Madian an nan men nou.” <sup>16</sup> Li te divize twa-san lòm yo an twa konpayi, e li te mete twonpèt yo avèk krich vid yo nan men yo tout, avèk tòch yo anndan krich yo. <sup>17</sup> Li te di yo: “Gade mwen e fè menm bagay la. Epi veye byen, lè m rive kote bò kan an, fè menm sa ke m fè a. <sup>18</sup> Lè mwen avèk tout sila ki avè m yo soufle twonpèt la; alò, nou, osi, nou va soufle twonpèt yo toutotou kan an, e nou va di: ‘Pou SENYÈ a e pou Gédéon.’” <sup>19</sup> Konsa, Gédéon avèk san lòm ki te avèk li yo te rive bò kan an, nan kòmansman premye ve a, lè yo te fenk plase gad yo; epi yo te soufle twonpèt la e te kraze krich ki te nan men yo. <sup>20</sup> Lè

✨ 7:1 Jij 6:32 ✨ 7:2 Det 8:17-18 ✨ 7:3 Det 20:8 ✨ 7:4 I Sam 14:6 ✨ 7:7 I Sam 14:6 ✨ 7:9 Jos 2:24 ✨ 7:11 Jij 7:15 ✨ 7:12 Jij 6:5 ✨ 7:12 Jos 11:4 ✨ 7:14 Jos 2:9

two konpayi yo te soufle twonpèt yo e kraze krich yo, yo te kenbe tòch yo nan men goch avèk twonpèt yo nan men dwat pou soufle, e yo te kriye fò: “Yon nepe pou SENYÈ a ak pou Gédéon!” <sup>21</sup> Tout moun te kanpe nan plas li ki te antoure kan an; epi ✧tout lame a te sove ale e te kriye fò pandan yo t ap kouri. <sup>22</sup> Lè yo te soufle twa-san twonpèt yo, ✧SENYÈ a te mete nepe a youn kont lòt an travès tout lanmè a nèt; epi lame a te sove ale jis rive nan Beth-Schitta anvè Tseréra, jis rive nan Abel-Mehola akote Tabath. <sup>23</sup> Mesye Israël yo te rasanble sòti jis ✧Nephtali avèk Aser ak tout Manassé; epi yo te kouri dèyè Madian. <sup>24</sup> Gédéon te voye mesaje toupatou nan peyi ti kolin a Éphraïm yo, e te di: “Vin desann kont Madian e ✧pran dlo devan yo jis rive nan Beth-Bethbara avèk rivyè Jourdain an <sup>25</sup> Yo te kaptire de chèf dirijan a Madian yo, ✧Oreb avèk Zeeb, yo te touye Oreb nan wòch Oreb la, yo te touye Zeeb pandan yo t ap kouri dèyè Madian; epi yo te pote tèt a Oreb avèk Zeeb bay Gédéon soti lòtbò Jourdain an.

## 8

<sup>1</sup> Alò, mesye Éphraïm yo te di li: ✧“Kisa nou te fè ou; kòm si ou pa rele nou pou antre nan batay avèk Madian an? Epi yo te menase li byen rès. <sup>2</sup> Men li te di yo: “Kisa menm mwen te fè ki konpare avèk nou? Èske se pa vre ke li pi bon pou ranmase dèyè rekòlt Éphraïm nan pase fè gwo rekòlt nan chan Abiézer a? <sup>3</sup> Bondye vin mete chèf a Madian yo, Oreb avèk Zeeb nan men nou; epi kisa mwen te reyisi ki konpare avèk nou?” Alò, chalè kòlè kont li te bese lè li te di sa a <sup>4</sup> Epi Gédéon avèk twa-san lòm ki te avè l yo te rive ✧nan Jourdain an e te travèse l, byen fatige; men, toujou t ap kouri dèyè yo. <sup>5</sup> Li te di a mesye ✧Succoth yo: “Souple, ban mwen pen pou pèp la k ap swiv mwen an; paske, yo fatige e mwen ap kouri dèyè Zébach avèk Tsalmunna, wa a Madian yo.” <sup>6</sup> Chèf Succoth yo te di: ✧“Èske men a Zébach avèk Zalmunna deja nan men ou, pou nou ta bay pen a lame ou a? <sup>7</sup> Gédéon te di: “Trè byen, ✧lè SENYÈ a fin mete Zébach avèk Tsalmunna nan men m, m ap vin kale nou avèk pikan dezè yo e avèk chadwon savann nan <sup>8</sup> Li te monte soti la nan ✧Penuel, li te pale menm jan an avèk yo; epi mesye Penuel yo te reponn li menm jan avèk mesye Succoth yo te reponn nan <sup>9</sup> Epi li te pale osi avèk mesye Penuel yo, e li te di: ✧“Lè m retounen an bon eta, m ap chire fò sa a <sup>10</sup> Alò, Zébach avèk Tsalmunna te nan Kakor, lame yo te avèk yo, anviwon kenz-mil lòm, tout sila ki te rete nan lame a fis a lès yo nèt; ✧paske, sila ki te tonbe yo se te san-ven-mil mesye ak nepe <sup>11</sup> Gédéon te monte pa chemen a sila ki te rete nan tant yo sou lès a Nobach avèk Jogbeha e te atake kan an lè kan pa t sispèk anyen <sup>12</sup> Lè Zébach avèk Tsalmunna te fin sove ale, li te swiv yo pou te kaptire de wa a Madian yo, Zébach avèk Tsalmunna e te vin gaye tout lame a. <sup>13</sup> Epi Gédéon, fis a Joas la te retounen soti nan batay akote pant Héres la. <sup>14</sup> Epi li te kaptire yon jenn gason ki sòti Succoth e te kesyone l. Epi li te ekri pou li non a prens a Succot yo ak ansyen li yo, swasann-dis-sèt lòm <sup>15</sup> Li te vini a mesye Succoth yo e te di: “Gade byen, Zébach avèk Tsalmunna, pa sila nou te anmède mwen yo, lè nou te di: ✧Èske men a Zébach avèk Tsalmunna nan men ou deja, pou nou ta dwe bay pen a mesye ou ki fatige yo?” <sup>16</sup> Li te pran ansyen lavil yo avèk pikan ak chadwon savann e te pini mesye Succoth yo

✧ 7:21 II Wa 7:7 ✧ 7:22 I Sam 14:20 ✧ 7:23 Jij 6:35 ✧ 7:24 Jij 3:28 ✧ 7:25 Sòm 83:11  
 ✧ 8:1 Jij 12:1 ✧ 8:4 Jij 7:25 ✧ 8:5 Jen 33:17 ✧ 8:6 Jij 8:15 ✧ 8:7 Jij 7:15 ✧ 8:8 Jen 32:31  
 ✧ 8:9 Jij 8:17 ✧ 8:10 Jij 6:5 ✧ 8:15 Jij 8:6

avèk yo <sup>17</sup> ✧ Li te chire fò Penuel la e te touye mesye lavil yo <sup>18</sup> Alò, li te di a Zébach avèk Tsalmunna: “Ki kalite mesye sa yo ke nou te touye Thabor a? Epi yo te di: “Yo te sanble avèk ou; yo tout te sanble a fis a yon wa.” <sup>19</sup> Li te di: “Yo se frè mwen, fis a manman m jan SENYÈ a viv la, si sèlman nou te kite yo viv, mwen pa t ap touye nou.” <sup>20</sup> Konsa, li te di a Jéther, premye ne li a: “Leve touye yo.” Men jennonm nan pa t rale nepe li, paske li te pè, paske li te toujou jèn. <sup>21</sup> Alò, Zébach avèk Tsalmunna te di: “Leve ou menm vin tonbe sou nou; paske, jan yon gason ye, konsa fòs li ye.” ✧ Pou sa, Gédéon te leve e te touye Zébach avèk Tsalmunna e te pran bijou ki te sou kou chamo yo <sup>22</sup> Alò, mesye Israël yo te di a Gédéon: “Vin renye sou nou, ni ou menm ni fis ou yo, ni fis a fis ou yo, paske ou te delivre nou soti nan men Madian.” <sup>23</sup> Men Gédéon te di yo: “Mwen p ap renye sou nou, ni fis mwen p ap renye sou nou; se ✧ SENYÈ a k ap renye sou nou.” <sup>24</sup> Men Gédéon te di yo: “Mwen ta fè yon demand a nou, pou nou chak ta ban mwen yon zanno soti nan piyaj li yo.” (Paske yo te gen zanno an lò, akoz se te ✧ Izmayelit ke yo te ye.) <sup>25</sup> Yo te di: “Anverite, n ap bay yo. Konsa, yo te ouvri yon vètman e yo chak te jete yon zanno la soti nan piyaj yo. <sup>26</sup> Pèz a zanno lò sila ke li te mande yo se te mil-sèt-san sik, anplis bijou yo, kolye zòrèy yo, manto mov ki te pou wa Madian yo e anplis, kolye kou chamo ki te sou kou chamo yo. <sup>27</sup> Gédéon te sèvi l pou fòme ✧ yon efòd, li te plase li nan vil pa li a, Ophra e tout Israël te jwe pwostitiye avè l la. Konsa, li te vin yon pèlen pou Gédéon avèk lakay li. <sup>28</sup> Konsa Madian te kraze ba devan fis Israël yo; yo pa t leve tèt yo ankò. Epi peyi a te san twoub pandan karant ane nan jou a Gédéon yo <sup>29</sup> Alò, ✧ Jerubbaal, fis a Joas la te ale rete nan pwòp kay li <sup>30</sup> Alò, Gédéon te gen ✧ swasann-dis fis ki te desandan dirèk pa li, paske li te gen anpil madanm <sup>31</sup> Mennaj li ki te nan Sichem, osi, te fè yon fis pou li e li te bay li non Abimélec <sup>32</sup> Epi Gédéon, fis a Joas la te mouri a yon laj granmoun e li te antere nan tonm a papa li, Joas, nan Ophra ki te pou Abizerit yo <sup>33</sup> Epi li te vin rive ke depi Gédéon te fin mouri, ✧ ke fis a Israël yo ankò te jwe pwostitiye avèk Baal yo e te fè Baal-Berith dye pa yo <sup>34</sup> Konsa, fis Israël yo ✧ pa t sonje SENYÈ a, Bondye pa yo a, ki te delivre yo nan men a tout lènmi pa yo tout kote; <sup>35</sup> ✧ ni yo pa t bay favè a kay Jerubbaal (sa vle di, Gédéon) an akò avèk byen ke li te fè pou Israël yo.

## 9

<sup>1</sup> Epi Abimélec, fis a Jerubbaal la te ale nan Sichem vè fanmi manman li, li te pale a yo e a tout fanmi lakay granpapa li bò kote manman, e li te di: <sup>2</sup> Pale koulye a, pou tout chèf Sichem yo tande: ‘Kisa k ap pi bon pou nou, ke swasann-dis lòm, tout fis a Jerubbaal yo vin renye sou nou, oswa ke yon sèl moun renye sou nou? Anplis, sonje byen ke ✧ mwen se zo nou ak chè nou.’ <sup>3</sup> Epi fanmi li yo te pale tout pawòl sila yo pou li menm kote pou tout chèf Sichem yo tande; epi yo te ale apye vè Abimélec, akoz yo te di: “Li se ✧ fanmi nou.” <sup>4</sup> Yo te ba li swasann-dis pyès ajan soti lakay ✧ Baal-Berith, avèk sila Abimélec te anplwaye kalite mesye sanzave yo san kontwòl e yo te swiv li. <sup>5</sup> Epi li te ale lakay papa li nan Ophra pou te ✧ touye frè li yo, fis a Jerubbaal yo, swasann-dis zòm, sou yon sèl wòch Men Jotham, fis pi piti a

✧ 8:17 Jij 8:9 ✧ 8:21 Sòm 83:11 ✧ 8:23 I Sam 8:7 ✧ 8:24 Jen 25:13-16 ✧ 8:27 Egz 28:6-35  
 ✧ 8:29 Jij 7:1 ✧ 8:30 Jij 9:2-9 ✧ 8:33 Jij 2:11-12 ✧ 8:34 Det 4:9 ✧ 8:35 Jij 9:16-18 ✧ 9:2  
 Jen 29:14 ✧ 9:3 Jen 29:15 ✧ 9:4 Jij 8:33 ✧ 9:5 II Wa 11:1-2

Jerubbaal la te rete; paske, li te kache kò li <sup>6</sup> Tout mesye a Sichem yo avèk tout Beth-Millo yo te rasanble ansanm pou yo te ale fè Abimélec wa kote bwadchenn nan akote pilye ki te Sichem nan. <sup>7</sup> Alò, lè yo te di Jotham sa, li te ale kanpe sou tèt \*Mòn Garizim nan e li te leve vwa li pou rele fò Konsa, li te di yo: “Koute mwen, O mesye a Sichem yo, pou Bondye kapab tande nou. <sup>8</sup> Yon fwa pyebwa yo te ale pou onksyone yon wa sou yo e yo te di a bwa doliv la: “Vin renye sou nou! <sup>9</sup> Men oliv la te di yo: ‘Èske mwen ta kite tout grès mwen, ke ni Bondye ni lèzòm onore, pou m ta balanse feyaj mwen sou bwa? <sup>10</sup> Epi bwa yo te di a pye fig la: ‘Ou menm, vin renye sou nou!’ <sup>11</sup> Men pye fig la te di yo: ‘Èske mwen ta dwe kite dousè mwen ak bon fwi mwen, pou m ta balanse feyaj mwen sou bwa?’ <sup>12</sup> Epi bwa te di a pye rezen an: “Ou menm, vin renye sou nou!’ <sup>13</sup> Men pye rezen an te di yo: ‘Èske mwen ta dwe kite diven nèf mwen ki fè kè Bondye ak kè lezòm kontan, pou m ta balanse feyaj mwen sou bwa?’ <sup>14</sup> An dènye, tout bwa yo te di a raje pikan yo: ‘Ou menm, vin renye sou nou!’ <sup>15</sup> Epi raje pikan yo te di a bwa yo: ‘Si anverite w ap onksyone mwen kòm wa sou nou, vin pwoteje nou menm anba lonbraj mwen; men, si se pa sa, kite dife a sòti nan raje pikan an pou brile nèt tout sèd Liban yo.’ <sup>16</sup> Pou sa, si nou te aji an bon fwa avèk entegrite nan fè Abimélec wa, si nou te aji byen avèk \*Jerubbaal avèk lakay li e te aji avèk li jan li te merite sa a—— <sup>17</sup> paske, papa m te goumen pou nou e li te riske lavi li pou te delivre nou nan men Madian. <sup>18</sup> Men nou te leve kont lakay papa m jodi a e nou te touye \*fis li yo, swasann-dis lòm sou yon sèl wòch pou te fè Abimélec, fis a sèvant lakay li a, wa sou mesye a Sichem yo, akoz li se moun fanmi nou <sup>19</sup> Si, alò, an bon fwa avèk entegrite, nou te aji avèk Jerubbaal avèk lakay li a nan jou sa a, rejwi nan Abimélec e ke li rejwi nan nou. <sup>20</sup> Men si se pa sa, ke dife sòti nan Abimélec pou manje nèt tout mesye a Sichem avèk Beth-Millo yo; epi ke dife sòti nan mesye a Sichem ak Beth-Millo yo pou manje Abimélec nèt.” <sup>21</sup> Epi Jotham te sove ale pou te chape ale Beer e te rete la akoz Abimélec, frè li a <sup>22</sup> Alò, Abimélec te renye sou Israèl pandan twazan <sup>23</sup> \*Epi Bondye te voye yon move lespri antre nan Abimélec avèk mesye Sichem yo; epi mesye a Sichem yo te \*aji an movèz fwa avèk Abimélec, <sup>24</sup> jiskaske vyolans ki te fèt a swasann-dis fis Jerubbaal yo te kapab remonte e \*san pa yo ta kapab vin poze sou Abimélec, frè yo a, ki te touye yo pou mesye Sichem yo, ki te ranfòse men li pou l ta kab touye frè li yo <sup>25</sup> Mesye Sichem yo te mete moun an anbiskad kont li sou tèt mòn yo e yo te vòlè tout sila ki te pase bò kote yo nan wout la e sa te pale a Abimélec. <sup>26</sup> Alò Gaal, fis Ébed la, te vini avèk fanmi pa li yo pou te travèse Sichem; epi mesye Sichem yo te mete konfyans yo nan li. <sup>27</sup> Yo te sòti nan chan an pou te ranmase rezen, yo te kraze yo anba pye e yo te fè yon fèt. Yo te antre lakay \*dye pa yo pou te manje, bwè, e te modi Abimélec. <sup>28</sup> Epi Gaal, fis a Ébed la te di: “Kilès Abimélec sa a ye, e kilès Sichem ye pou nou ta dwe sèvi li? Se pa fis a Jerubbaal la e se pa Zebul ki lyetnan li? Sèvi pito mesye \*Hamor yo, fis a Sichem lan; men, poukisa nou ta dwe sèvi li menm? <sup>29</sup> Pito sa, ke pèp sa a te anba otorite pa m! Konsa, mwen ta retire Abimélec.” Epi li te di: “Fè lame ou a vin pi gran e vin parèt deyò!” <sup>30</sup> Lè Zebul, chèf lavil la te tande pawòl a Gaal yo, fis a Ébed la, kòlè li te vin brile. <sup>31</sup> Li te voye mesaj vè Abimélec pou twonpe li, e te di: “Veye byen,

\* 9:7 Det 11:29-30   \* 9:16 Jij 8:25   \* 9:18 Jij 8:30   \* 9:23 I Sam 16:14   \* 9:23 És 33:1  
 \* 9:24 Nonb 35:33   \* 9:27 Jij 8:33   \* 9:28 Jen 34:2

Gaal, fis a Ébed la avèk fanmi li te vini Sichem; epi gade, y ap konplote vil la kont ou. <sup>32</sup> Pou sa, fòk nou leve pandan nwit lan, nou menm avèk pèp nou an e kouche tann nan chan an. <sup>33</sup> Nan maten, depi solèy la leve, nou va leve bonè pou kouri sou vil la; epi gade, lè li menm avèk pèp pa li a sòti deyò kont nou, nou va ✨fè avèk yo nenpòt sa nou kapab. <sup>34</sup> Konsa, Abimélec avèk tout pèp ki te avèk li a te leve pandan lannwit lan pou te kouche tann pou leve kont Sichem nan kat konpayi. <sup>35</sup> Alò Gaal, fis a Ébed la te sòti e te kanpe devan antre pòtay vil la; epi Abimélec avèk pèp ki te avèk li yo te leve sòti nan anbiskad la. <sup>36</sup> Lè Gaal te wè pèp la, li te di a Zebul: “Gade, gen moun k ap desann soti nan tèt mòn yo.” Men Zebul te di: “Se lonbraj mòn ke w ap gade tankou moun nan.” <sup>37</sup> Gaal te pale ankò e te di: “Gade, se moun k ap desann soti nan ✨pi wo pati teren an, yon konpayi k ap pase pa chemen bwadchenn divinò yo. <sup>38</sup> Epi Zébul te di li: “Kote ògèy ou fè koulye a, lè ou te di: ‘Kimoun Abimélec ye pou nou ta dwe sèvi li?’ Men se pa moun sa yo ke ou meprize konsa? Ale deyò koulye a pou batay avèk yo!” <sup>39</sup> Alò, Gaal te sòti deyò devan chèf Sichem yo pou te batay avèk Abimélec. <sup>40</sup> Abimélec te kouri dèyè li. Li te sove ale devan l; epi anpil te vin blese jis rive nan antre gran pòtay la. <sup>41</sup> Epi Abimélec te rete Aruma; men, Zebul te chase Gaal avèk fanmi li jiskaske yo pa t kab rete Sichem. <sup>42</sup> Alò, li te vin rive nan jou ki vini an, ke pèp la te sòti rive nan chan an e yo te pale Abimélec tout sa. <sup>43</sup> Konsa, li te pran pèp li a e te divize yo an twa konpayi; epi li te kouche tann nan chan an. Lè l te wè pèp ki t ap sòti nan vil la, li te leve kont yo e te touye yo. <sup>44</sup> Epi Abimélec avèk konpayi ki te avè l la te kouri devan e te kanpe antre nan pòtay vil la; lòt de konpayi yo te kouri sou tout moun ki te nan chan an e te touye yo. <sup>45</sup> Abimélec te goumen kont vil la pandan tout jounen an, li te kaptire vil la e te touye pèp ki te ladann yo; epi li te kraze vil la e te simen sèl ladann. <sup>46</sup> Lè tout chèf nan fò Sichem nan te tandè sa, yo te antre nan chanm enteryè tanp ✨El-Berith la. <sup>47</sup> Li te pale a Abimélec pou tout chèf fò Sichem nan te rasanble ansanm. <sup>48</sup> Konsa, Abimélec te monte ✨Mòn Tsalmon an, li menm avèk tout pèp ki te avèk li yo. Epi Abimélec te pran yon rach nan men l, li te koupe yon branch nan bwa yo, li te leve li monte sou zepòl li, e te di pèp ki te avè l yo: “Sa nou wè ke m fè a, fè vit e fè l menm jan an.” <sup>49</sup> Tout pèp la te koupe branch yo menm jan an, yo te swiv Abimélec, yo te mete yo kont chanm enteryè a e yo te limen chanm enteryè a avèk dife anwo sila ki te anndan yo, jiskaske tout mesye nan fò Sichem yo te mouri osi; anviwon mil gason ak fanm. <sup>50</sup> Epi Abimélec te ale Thébets, yo te fè kan kont Thébets e yo te kaptire li. <sup>51</sup> Men te gen yon fò ki te byen fòtifye nan mitan vil la, tout gason, ni fanm, ni tout chèf lavil la te sove ale rive la e te fèmen yo anndan; epi yo te monte sou twati fò a. <sup>52</sup> Pou sa, Abimélec te vini vè fò a pou te goumen kont li e li te pwoche antre nan fò a pou brile li avèk dife. <sup>53</sup> Men yon ✨sèten fanm te jete yon wòch moulen, ki sòti anwo nan moulen an sou tèt Abimélec ki te kraze zo tèt li. <sup>54</sup> Epi ✨li te rele vit a gason ki te pote zam li yo, e te di li: “Rale nepe ou pou touye mwen pou yo pa kab pale de mwen ke yon fanm te touye m.” Konsa, jennonm nan te frennen li nèt e li te mouri. <sup>55</sup> Lè mesye Israèl yo te wè ke Abimélec te mouri, yo tout te pati rive lakay yo. <sup>56</sup> Konsa, ✨Bondye te rekonpanse mechanste Abimélec te fè a papa l nan touye swasann-dis frè li yo. <sup>57</sup> Osi, Bondye te retounen tout mechanste a mesye Sichem yo sou

✨ 9:33 I Sam 10:7 ✨ 9:37 Egz 38:12 ✨ 9:46 Jij 8:33 ✨ 9:48 Sòm 68:14 ✨ 9:53 II Sam 11:21  
 ✨ 9:54 I Sam 31:4 ✨ 9:56 Jen 9:5-6

pwòp tèt pa yo; epi madichon a Jotham, fis a Jerubbaal la te vin sou yo.

## 10

<sup>1</sup> Alò, apre Abimélec te fin mouri, Thola, fis a Puah a, fis a Dodo a, yon nonm Issacar, te ✧ leve pou delivre Israël; epi li te rete Schamir, nan peyi ti kolin Éphraïm yo <sup>2</sup> Li te jije Israël pandan venn-twazan Epi li te mouri e te antere Schamir. <sup>3</sup> Apre li, Jaïr Galaadit la, te leve pou te jije Israël pandan venn-dezan <sup>4</sup> Li te gen trant fis ki te monte sou trant bourik e yo te gen trant vil nan peyi Galaad, ke yo ✧ rele Havvoth-Jaïr jis rive jodi a. <sup>5</sup> Epi Jaïr te mouri e te antere Kamon. <sup>6</sup> Alò, fis Israël yo te fè mal devan zye SENYÈ a, yo te ✧ sèvi Baal yo avèk Astarté yo, dye a Syrie yo, dye a Sidon yo, dye a Moab yo, dye a fis Ammon yo, ak dye a Filisten yo. Konsa, ✧yo te abandone SENYÈ a e yo pa t sèvi li. <sup>7</sup> Kòlè SENYÈ a te brile kont Israël, Li te ✧vann yo nan men a Filisten yo ak nan men a fis Ammon yo. <sup>8</sup> Yo te aflije e te kraze fis Israël yo nan ane sa a; pandan di-zuit ane, yo te aflije tout fis Israël ki te lòtbò Jourdain an nan Galaad nan peyi Amoreyen yo. <sup>9</sup> Fis a Ammon yo te travèse Jourdain an pou yo te kab, osi, batay avèk Juda, Benjamin, avèk lakay Éphraïm ki te gwo pwoblèm pou Israël. <sup>10</sup> Epi ✧fis Israël yo te kriye fò bay SENYÈ a, e te di: “Nou te peche kont Ou; paske, vrèman, nou te abandone Bondye nou an pou te sèvi Baal yo.” <sup>11</sup> SENYÈ a te di a fis Israël yo: “Èske Mwen pa t delivre nou ✧soti nan men Ejipsyen yo, ✧ Amoreyen yo, fis a Ammon yo, ak Filisten yo? <sup>12</sup> Osi, lè Sidonyen yo, Amalekit yo avèk Maonit yo te ✧oprime nou, nou te kriye fò ban Mwen e Mwen te delivre nou soti nan men yo. <sup>13</sup> Malgre sa, ✧nou te abandone Mwen pou sèvi lòt dye yo; pou sa, Mwen p ap delivre nou ankò. <sup>14</sup> ✧Ale e kriye fò a dye sila ke nou te chwazi yo. Ke yo menm delivre nou nan tan gwo twoub nou yo.” <sup>15</sup> Fis Israël yo te di a SENYÈ a: “Nou te peche. ✧Fè ak nou sa ki sanble bon a Ou menm; sèlman souple delivre nou jodi a.” <sup>16</sup> ✧Konsa, yo te retire dye etranje sila ki te pami yo pou te sèvi SENYÈ a; epi ✧Li pa t kab sipòte mizè Israël ankò. <sup>17</sup> Alò fis Ammon yo te rasanble, yo te fè kan Galaad. Epi fis a Israël yo te vin rasanble pou te fè kan an ✧Mitspa <sup>18</sup> Pèp la, chèf a Galaad yo te di: “Ki moun ki va ouvri batay la kont fis Ammon yo? Li menm, li va chèf sou tout pèp Galaad la.”

## 11

<sup>1</sup> Alò, ✧Jephthé, Galaadit la, te yon gèrye plen kouraj; men, li te fis a yon pwostitiye. Epi Galaad se te papa a Jephthé <sup>2</sup> Madanm a Galaad te ba li de fis; epi lè fis sa yo te vin grandi, yo te kouri dèyè Jephthé, mete li deyò e te di li: “Ou p ap fè eritaj lakay papa nou; paske, ou se fis a yon lòt fanm.” <sup>3</sup> Konsa, Jephthé te sove ale devan frè li yo, pou li te viv nan peyi ✧Tob la; epi sanzave yo te rasanble yo antoure Jephthé e yo te konn ale andeyò avèk li <sup>4</sup> Li te vin rive apre yon tan ke ✧fis Ammon yo te goumen kont Israël. <sup>5</sup> Lè fis Ammon yo te goumen kont Israël; ansyen nan Galaad yo te ale jwenn Jephthé nan peyi Tob la. <sup>6</sup> Konsa, yo te di a Jephthé: “Vin fè chèf sou nou pou nou kab goumen kont fis Ammon yo.” <sup>7</sup> Jephthé te reponn a ansyen a Galaad yo: ✧“Èske nou pa t rayi mwen e chase mwen lwen lakay papa m?

✧ 10:1 Jij 2:16 ✧ 10:4 Nonb 32:41 ✧ 10:6 Jij 2:13 ✧ 10:6 Det 31:16 ✧ 10:7 I Sam 12:9  
 ✧ 10:10 I Sam 12:10 ✧ 10:11 Jij 2:12 ✧ 10:11 Nonb 21:21-25 ✧ 10:12 Sòm 106:42 ✧ 10:13 Jr 2:13  
 ✧ 10:14 Det 32:37 ✧ 10:15 I Sam 3:18 ✧ 10:16 Jos 24:23 ✧ 10:16 Det 32:36 ✧ 10:17 Jij 11:29  
 ✧ 11:1 Eb 11:32 ✧ 11:3 II Sam 10:6-8 ✧ 11:4 Jij 10:9-17 ✧ 11:7 Jen 26:27

Poukisa, koulye a, nou vin devan m lè nou nan pwoblèm nan? <sup>8</sup> Ansyen Galaad yo te di a Jephthé: “Se pou rezon sa a ke nou gen tan retounen bò kote ou, pou ou kapab ale avèk nou, goumen avèk fis Ammon yo e \*vin chèf sou tout pèp Galaad la.” <sup>9</sup> Pou sa, Jephthé te di a ansyen Galaad yo: “Si nou reprann mwèn pou m kab goumen kont fis Ammon yo; epi SENYÈ a livre yo nan men m, èske mwèn va devni chèf an tèt nou?” <sup>10</sup> Ansyen a Galaad yo te di a Jephthé: \*<sup>11</sup>“SENYÈ a se temwèn antre nou; anverite, nou va fè sa ou mande nou fè a.” <sup>11</sup> Epi Jephthé te ale avèk ansyen Galaad yo, pèp la te fè li chèf sou yo; epi Jephthé te pale tout pawòl li yo devan SENYÈ a nan \*Mitspa <sup>12</sup> Alò, Jephthé te voye mesaje a wa a fis Ammon yo, e te di: “Kisa ki gen antre ou menm avèk mwèn menm, pou nou vin kote m pou goumen kont peyi mwèn?” <sup>13</sup> Wa a fis Ammon yo te di a mesaje Jephthé yo: “Akoz Israèl te \*pran peyi mwèn lè yo te vin monte sòti an Egipte, jis soti nan Arnon pou rive \*Jabbok avèk Jourdain an; konsa, remèt mwèn yo, koulye a, nan lapè <sup>14</sup> Men Jephthé te voye mesaje yo ankò vè wa a fis Ammon yo, <sup>15</sup> epi yo te di li: “Konsa pale Jephthé: “Israèl pa t pran peyi Moab, ni peyi fis Ammon yo. <sup>16</sup> Paske, lè yo te monte sòti an Egipte, Israèl te pase nan dezè a pou rive nan Lamè Wouj e te vin Kadès, <sup>17</sup> Israèl \*te voye mesaje yo vè wa Édom an, e te di: ‘Souple, annou travèse peyi nou an;’ men, wa a Édom an te refize koute. Epi yo te, osi, voye wa Moab la, men li pa t dakò. Konsa, Israèl te rete Kadès <sup>18</sup> Konsa, yo te pase nan dezè a pou evite peyi Édom avèk Moab la, yo te rive nan lizyè lès a Moab la e yo te fè kan an lòtbò Arnon an. Men yo \*pa t antre nan teren Moab la; paske, Arnon an se te lizyè Moab <sup>19</sup> Epi Israèl te voye \*mesaje a Sihon yo, wa Amoreyen yo, wa a Hesbon an, e Israèl te di li: “Souple, annou pase nan teritwa pa ou a pou rive nan plas nou.” <sup>20</sup> Men Sihon pa t mete konfyans an Israèl pou pase nan teritwa pa li a; pou sa, Sihon te ranmase tout pèp li a e te fè kan nan Jahats pou te goumen avèk Israèl. <sup>21</sup> SENYÈ a, Bondye a Israèl la, te mete\*Sihon avèk tout pèp li a nan men Israèl la e yo te genyen yo. Konsa, Israèl la te vin posede tout teren a Amoreyen yo, pèp a peyi sila yo <sup>22</sup> \*Epi yo te vin posede tout teren a Amoreyen yo, soti nan Arnon an, jis rive nan Jabbok la e soti nan dezè a jis rive nan Jourdain an <sup>23</sup> Depi alò, SENYÈ a te chase Amoreyen yo, Li te fè yo sòti nan teren an devan pèp Israèl la, èske, koulye a, ou menm ap vin antre pou posede li? <sup>24</sup> Èske nou pa posede deja sa ke \*Kemosch, dye pa nou an, te bannou pou posede a? Konsa nenpòt sa ke SENYÈ a te chase devan nou, nou va posede li <sup>25</sup> Alò, èske ou pi bon ke \*Balak, fis a Tsippor a, wa Moab la? Èske li te janm fè traka pou Israèl, oswa èske li te janm goumen kont yo? <sup>26</sup> \*Pandan Israèl te rete Hesbon avèk bouk pa li yo, nan Aroër avèk bouk pa li yo ak nan vil ki arebò Arnon an, pandan twa-san ane, poukisa nou pa t rekouvri yo pandan tan sa a? <sup>27</sup> Konsa, mwèn pa t peche kont nou; men, nou te fè m tò lè nou te fè lagè kont mwèn. \*Ke SENYÈ a, Jij la, jije jodi a antre fis Israèl yo ak fis a Ammon yo.” <sup>28</sup> Men wa a fis Ammon yo te refize koute mesaj ke Jephthé te voye ba li a. <sup>29</sup> Alò, \*Lespri SENYÈ a te vini sou Jephthé, li te pase travèse Galaad avèk Manassé; epi li te pase travèse Mitspé nan

\* 11:8 Jij 10:18 \* 11:10 Jen 31:50 \* 11:11 Jij 10:17 \* 11:13 Nonb 21:24 \* 11:13 Jen 32:22 \* 11:17 Nonb 20:14-21 \* 11:18 Det 2:9-19 \* 11:19 Nonb 21:21-32 \* 11:21 Nonb 21:24 \* 11:22 Det 2:36-37 \* 11:24 Nonb 21:29 \* 11:25 Nonb 22:2 \* 11:26 Nonb 21:25-26 \* 11:27 Jen 16:5 \* 11:29 Jij 3:10



Galaad pou te rive vè fis Ammon yo. <sup>30</sup> Jephthé te fè yon ve bay SENYÈ a, e te di: “Si Ou va vrèman ban mwen fis Ammon yo nan men m, <sup>31</sup> konsa, li va rive ke nenpòt sa ki sòti nan pòt lakay mwen pou rankontre mwen lè m retounen anpè soti nan fis Ammon yo, li va pou SENYÈ a. Epi mwen va ofri li kòm yon ofrann brile.” <sup>32</sup> Konsa, Jephthé te travèse vè fis Ammon yo pou goumen kont yo; epi SENYÈ a te mete yo nan men li. <sup>33</sup> Li te frape yo avèk yon trè gran masak soti nan Aroër jis rive nan antre Minnith, ven vil e jis rive nan Abel-Keramim. Konsa, fis Ammon yo te jete ba devan fis Israèl yo <sup>34</sup> Lè Jephthé te rive vè kay li nan Mitspa; men vwala, fi li a te vin parèt pou rankontre li avèk ✧tanbouren ak dans. Alò, li te sèl pitit li; sof ke li menm, li pa t gen ni fis ni fi. <sup>35</sup> Lè li te wè li, li te chire rad li e te di: “Anmwey, pitit mwen, ou mete m ba nèt e ou pami sila yo ki twouble m yo. Paske, mwen te bay pawòl mwen a SENYÈ a e ✧mwen p ap kab reprann li.” <sup>36</sup> Konsa li te di li: “Papa m, ou te bay pawòl ou a SENYÈ a. ✧Fè avè m sa ou te di a, akoz SENYÈ a te fè vanjans sou lènmi ou yo, fis a Ammon yo.” <sup>37</sup> Li te di a papa li: “Sèlman, kite bagay sa a fèt; lese mwen pou kont mwen pandan de mwa, pou mwen kapab ale nan mòn yo pou m kab kriye akoz ke m toujou ✧vyèj, mwen menm avèk zami mwen yo <sup>38</sup> Epi li te di: “Ale.” Konsa, li te voye li sòti pandan de mwa; epi li te ale avèk zanmi li yo pou te kriye sou mòn yo akoz li te vyèj. <sup>39</sup> Nan fen de mwa yo, li te retounen vè papa li ki te fè a li selon ve ke li te fè a; epi li pa t gen relasyon avèk gason. Konsa, sa te vin yon koutim an Israèl, <sup>40</sup> pou fi a Israèl yo te ale chak ane pandan kat jou an memwa fi a Jephthé a, Galaadit la.

## 12

<sup>1</sup> Alò, fis a Éphraïm yo te rele, yo te travèse vè Tsaphon e te ✧di a Jephthé: “Poukisa ou te travèse pou batay avèk fis Ammon yo san rele nou pou ale avèk ou? Nou va brile kay ou sou ou.” <sup>2</sup> Jephthé te di yo: “Mwen avèk pèp mwen an t ap fè gwo kont avèk fis Ammon yo; epi lè mwen te rele nou, nou pa t delivre mwen nan men yo. <sup>3</sup> Lè m te wè ke nou pa t ap delivre mwen, mwen te ✧pran pwòp lavi mwen nan men m e te travèse lòtbò kont fis Ammon yo, e SENYÈ a te livre yo nan men m. Poukisa, konsa, nou vin monte sou mwen nan jou sa a pou goumen kont mwen? <sup>4</sup> Epi Jephthé te ranmase tout gason Galaad yo pou te goumen kont Éphraïm; epi mesye Galaad yo te bat Éphraïm, akoz yo te di: “Se moun sove devan Éphraïm ke nou ye; O Galaadit yo, ki nan mitan Ephraïm ak nan mitan Manassé.” <sup>5</sup> Galaadit yo te ✧kaptire tout kote pou janbe Rivyè Jourdain anfas Éphraïm nan Epi li te rive ke lè nenpòt nan moun sove Éphraïm yo te di: “Kite mwen janbe,” mesye Galaad yo ta di li: “Èske ou se yon Efrayimit?” Epi si li te di: “Non”, <sup>6</sup> alò, yo te di li: “Silvouplè, di ‘Shibboleth.’ Men li ta di: ‘Sibboleth’, paske, li pa t kab pwononse li byen. Konsa, yo ta sezi li pou touye li nan kote pou janbe Jourdain an. Konsa, te tonbe nan lè sa a, karann-de-mil lòm pou Éphraïm <sup>7</sup> Jephthé te jije Israèl pandan sis ane. Epi Jephthé, Galaadit la te mouri e te antere nan youn nan vil nan Galaad yo <sup>8</sup> Alò, Ibtsan a Bethléhem te jije Israèl apre li. <sup>9</sup> Li te gen trant fis ak trant fi ke li te bay an maryaj andeyò fanmi an; epi li te fè antre trant fi soti deyò pou fis li yo. <sup>10</sup> Epi, Ibtsan te mouri e te antere

✧ 11:34 Egz 15:20 ✧ 11:35 Nonb 30:2 ✧ 11:36 Nonb 30:2 ✧ 11:37 Jen 30:23 ✧ 12:1 Jij 8:1 ✧ 12:3 I Sam 19:5 ✧ 12:5 Jij 3:28

Bethléhem. <sup>11</sup> Alò, Élon, Zabilonit lan te jije Israël apre li; epi li te jije Israël pandan dis ane. <sup>12</sup> Alò, Élon, Zabilonit lan te mouri e te antere nan Ajalon nan peyi a Zabulon. <sup>13</sup> Alò Abdon, fis a Hillel la, Piratonit lan te jije Israël apre li. <sup>14</sup> Li te gen karant fis avèk trant pitit pitit ki te monte sou swasann-dis bourik; epi li te jije Israël pandan uit ane. <sup>15</sup> Epi Abdon, fis a Hillel la, Piratonit lan te mouri e te antere nan Pirathon nan peyi Ephraïm nan, nan peyi ti mòn ki te pou Amalekit yo.

## 13

<sup>1</sup> Alò fis Israël yo ✧ankò te fè mal nan zye SENYÈ a; pou sa, SENYÈ a te livre yo nan men a Filisten yo pandan karant ane <sup>2</sup> Te gen yon sèten nonm nan ✧Tsorea nan fanmi Danit yo, ki te rele Manoach; epi madanm li te esteril e li pa t janm fè pitit <sup>3</sup> Epi ✧zanj SENYÈ a te parèt a fanm nan e te di li: “Gade byen, koulye a, ou esteril e ou pa janm fè pitit; men, ou va vin ansent pou bay nesans a yon fis <sup>4</sup> Alò, pou sa, fè atansyon pou pa bwè diven oswa okenn bwason fò, ni manje anyen ki pa pwòp. <sup>5</sup> Paske, gade byen, ou va vin ansent e bay nesans a yon fis, nanpwen razwa k ap vini sou tèt li, paske gason an va yon ✧Nazareyen pou Bondye soti nan vant; epi li va kòmanse delivre Israël soti nan men a Filisten yo <sup>6</sup> Epi fanm nan te vin pale mari li, e li te di: ✧“Yon nonm Bondye te vin kote m e aparans li te tankou aparans a yon zanj Bondye, byen mèvèye. Epi mwen pa t mande li kote li te sòti, ni li pa t di mwen non li <sup>7</sup> Men li te di mwen: ‘Gade byen, ou va vin ansent pou bay nesans a yon fis, soti koulye a, ou p ap bwè diven ni bwason fò, ni manje anyen ki pa pwòp; paske, gason an va yon Nazareyen a Bondye soti nan vant jis rive jou ke li mouri an.’ ” <sup>8</sup> Alò, Manoach te priye SENYÈ a e te di: “O SENYÈ, souple kite ✧nonm Bondye ke Ou te voye vin kote nou an ankò pou l kapab enstwi nou kisa pou nou fè pou gason k ap vin fèt la.” <sup>9</sup> Bondye te koute vwa a Manoach; epi ✧zanj Bondye a te vini ankò vè fanm nan pandan li te chita nan chan an; men, Manoach, mari li a, pa t avè l. <sup>10</sup> Konsa, fanm nan te kouri vit di mari li: “Gade byen, ✧nonm ki te vini lòt jou a te parèt devan m.” <sup>11</sup> Epi Manoach te leve swiv fanm li an e lè li te vin kote nonm nan, li te di li: “Èske ou se ✧nonm Bondye ki te pale avèk fanm nan?” Epi li te di: “Se mwen menm”. <sup>12</sup> Manoach te di: “Alò, lè pawòl ou yo vin akonpli, kijan de vi ak vokasyon gason sila a va genyen?” <sup>13</sup> Konsa, nonm Bondye a te di a Manoach: ✧“Kite fanm nan byen okipe tout sa ke m te di li yo. <sup>14</sup> Li pa dwe manje anyen ki sòti nan ✧chan rezen, ni bwè diven, ni bwason fò, ni manje okenn bagay ki pa pwòp; kite li swiv tout sa ke m te kòmande yo.” <sup>15</sup> Epi Manoach te di a ✧zanj SENYÈ a: “Souple, pèmèt nou fè ou fè yon ti reta pou nou kab prepare yon jenn kabrit pou ou.” <sup>16</sup> Zanj SENYÈ a te di a Manoach: “Malgre ou fè m fè reta a, ✧mwen p ap manje manje ou; men, si ou prepare yon ofrann brile, alò, ofri li bay SENYÈ a.” Paske Manoach pa t konnen ke li te yon zanj SENYÈ a. <sup>17</sup> Manoach te di a zanj SENYÈ a: ✧“Kòman yo rele ou, dekwa ke lè pawòl ou yo vin rive pou nou kapab onore ou?” <sup>18</sup> Men zanj SENYÈ a te di li: “Poukisa ou mande m non mwen, akòz nou wè se “mèvèy”? <sup>19</sup> Konsa, ✧Manoach te pran jenn kabrit la avèk ofrann sereyal la pou te ofri li sou

✧ 13:1 Jij 2:11 ✧ 13:2 Jos 19:41 ✧ 13:3 Jij 6:11-14 ✧ 13:5 Nonb 6:2-5 ✧ 13:6 Jij 8:11  
 ✧ 13:8 Jij 13:3-7 ✧ 13:9 Jij 13:8 ✧ 13:10 Jij 13:9 ✧ 13:11 Jij 13:8 ✧ 13:13 Jij 13:4  
 ✧ 13:14 Nonb 6:4 ✧ 13:15 Jij 13:3 ✧ 13:16 Jij 6:20 ✧ 13:17 Jen 32:29 ✧ 13:19 Jij 6:20-21

wòch a SENYÈ a: epi Li menm zanj SENYÈ a te fè mèvèy pandan Manoach avèk madanm li t ap gade <sup>20</sup> paske li te vin rive ke lè flam nan te monte sou lotèl la vè syèl la, ke zanj SENYÈ a te monte nan flam lotèl la Lè Manoach avèk madanm li te wè sa, yo te \*tonbe atè sou figi yo <sup>21</sup> Alò, zanj SENYÈ a pa t vin parèt a Manoach ni madanm li ankò. \*Konsa, Manoach te vin konnen ke se te zanj SENYÈ a ke li te ye. <sup>22</sup> Epi Manoach te di a madanm li: “Anverite, \* n ap mouri, paske nou te wè Bondye.” <sup>23</sup> Men madanm li te di li: “Si SENYÈ a te vle touye nou, Li pa t ap aksepte ofrann brile avèk ofrann sereyal la soti nan men nou, ni Li pa t ap \*montre nou tout bagay sila yo, ni Li pa t ap kite nou tandè tout bagay sa yo konsa nan moman sa a.” <sup>24</sup> Epi fanm nan te bay nesans a yon fis e li te rele li Samson; epi \*pitit la te vin gran e SENYÈ a te beni li. <sup>25</sup> Epi Lespri SENYÈ a te kòmanse vire nan li nan kan Dan an, antre Tsorea ak Eschthaol.

## 14

<sup>1</sup> Epi Samson te desann Thimna, li te wè yon fanm Thimna, youn nan fi Filisten yo. <sup>2</sup> Konsa, li te retounen pou te di papa l avèk manman l: “Mwen te wè yon fanm Thimna, youn nan fi Filisten yo; alò, pou sa, al chache li pou mwen kòm madanm.” <sup>3</sup> Epi papa l avèk manman l te di li: “Èske pa gen okenn fanm pami fi a \*fanmi ou yo, oswa pami tout pèp nou an, pou ou ale\*pran yon madanm pami Filisten ensikonsi sa yo?” Men Samson te di a papa l: “Ale pran li pou mwen; paske, selon mwen menm, li byen bèl.” <sup>4</sup> Alò, papa li avèk manman li pa t konnen ke \*sa se te yon bagay a SENYÈ a; paske, Li t ap chache yon okazyon kont Filisten yo. Alò, nan tan sa a, Filisten yo t ap domine sou Israël. <sup>5</sup> Epi Samson te desann Thimna avèk papa l avèk manman l e yo te avanse rive jis nan chan rezen a Thimna yo; epi vwala, yon jenn lyon tou ap gwonde te vin lonje sou li. <sup>6</sup> \*Lespri SENYÈ a te vin monte byen fò sou li e li te chire li tankou yon moun ta chire yon jenn kabrit; malgre anyen pa t nan men li; men, li pa t pale ni papa l ni manman l sa li te fè a <sup>7</sup> Konsa, li te desann pale avèk fanm nan; epi li te parèt bèl a Samson. <sup>8</sup> Lè l te retounen pita pou pran l, li te vire akote pou gade kadav lyon an; epi vwala, yon desen myèl te nan kò lyon an. <sup>9</sup> Konsa, li te fè yon grate lasi ak siwo myèl nan men li e li te fè wout li pandan li t ap manje. Lè li te vin kote papa l avèk manman l, li te bay yo e yo te manje; men, li pa t di yo ke li te grate siwo a sòti nan kò lyon an. <sup>10</sup> Alò, papa li te desann vè fanm nan; epi Samson te fè yon fèt la; paske jennonm yo te konn fè sa kòm koutim pa yo. <sup>11</sup> Lè yo te wè li, yo te mennen trant zanmi parèy a yo pou yo ta kab la avèk li. <sup>12</sup> Alò, Samson te di yo: “Kite m \*bannou yon kont pou nou kab devine l; si nou kab vrèman reponn pandan sèt jou ki ekoule nan fèt la pou twouve bout li; alò, mwen va bannou trant gwo manto fèt an len avèk trant echanj vètman.” <sup>13</sup> Men si nou pa kab reponn mwen; alò, nou va ban mwen trant echanj vètman.” Epi yo te di li: “Bannou kont lan pou nou kab koute li.” <sup>14</sup> Konsa, li te di yo: “Sòti nan sila ki konn manje, te parèt yon bagay pou manje. Epi sòti nan sila ki gen fòs, te parèt yon bagay ki dous.” Men nan twa jou, yo pa t kab ba li repons lan. <sup>15</sup> Alò, li te vin rive ke nan katriyèm jou a, ke yo te di a madanm Samson an: \* “Mennen mari ou pou l kab bannou repons

\* **13:20** Lev 9:24 \* **13:21** Jij 13:16 \* **13:22** Jen 32:30 \* **13:23** Sòm 25:14 \* **13:24** I Sam 3:19 \* **14:3** Jen 24:3 \* **14:3** Egz 34:16 \* **14:4** Jos 11:20 \* **14:6** Jij 3:10 \* **14:12** Éz 17:2 \* **14:15** Jij 16:5

kont lan, oswa nou va brile ou menm avèk kay papa ou avèk dife. Èske se pou fè nou vin pòv ke ou te envite nou? Se pa sa w ap fè la a?” <sup>16</sup> Madanm a Samson te kriye devan li e te di: ✨“Se sèlman ke ou rayi mwen e ou pa renmen m; ou te prezante yon kont a fis pèp mwen yo e ou pa t pale m de sa.” Epi li te di li: “Gade byen, mwen pa t pale l ni a manman m, ni a papa m; èske se a ou menm pou m ta pale li?” <sup>17</sup> Men li te kriye devan li pandan sèt jou pandan fèt yo a t ap pase. Epi nan setyèm jou a, li te pale li kont lan, akoz li menm (fanm nan) te peze li rèd. Alò konsa, li al pale istwa a a fis pèp li yo. <sup>18</sup> Konsa, mesye lavil yo te di a li nan setyèm jou a avan solèy la te kouche: “Se kisa ki pi dous ke siwo myèl? Epi kisa ki pi fò pase yon lyon?” Epi li te reponn yo: “Si nou pa t raboure avèk gazèl bèf mwen, nou pa t ap dekouvri kont mwen an.” <sup>19</sup> Epi ✨Lespri SENYÈ a te vini sou li byen fò. E li te desann Askalon pou te touye trant nan Filisten yo. Li te pran piyaj pa yo e te bay echanj rad yo a sila ki te reponn kont lan Epi kòlè li te monte, e li te monte vè lakay papa l. <sup>20</sup> Men madanm a Samson an te vin ✨bay a yon konpanyen li ki te bon zanmi li.

## 15

<sup>1</sup> Men pita, pandan rekòlt ble a, Samson te vizite madanm li ✨avèk yon jenn kabrit, e li te di: “Mwen va antre vè madanm mwen nan chanm li.” Men papa li pa t kite li antre. <sup>2</sup> Papa li te di li: “Mwen te konnen ke ou te tèlman rayi li; epi pou sa, mwen ✨te bay li a zanmi ou an. Èske pi jenn sè li a pa pi bèl pase li? Souple, kite li vin pou ou nan plas li.” <sup>3</sup> Samson te di a yo: “Fwa sa a, mwen p ap gen tò anvè Filisten yo lè m fè yo mal.” <sup>4</sup> Samson te ale kenbe twa-san rena, li te pran tòch yo, li te vire yo pou yo vin mare ke a ke e li te mete yon tòch nan mitan de ke yo. <sup>5</sup> Lè l te fin limen tòch yo, li te lage rena yo nan chan sereyal Filisten yo e te brile pakèt sereyal yo ak ble, ansanm avèk chan rezen avèk lòt chan bwa fwi <sup>6</sup> Epi Filisten yo te di: “Kilès ki te fè sa?” Epi yo te di: “Samson, bofi a Timnyen an, akoz li te pran madanm li pou te bay li a konpanyen li.” Pou sa, Filisten yo te monte pou te ✨brile ni li madanm nan, ni papa li avèk dife <sup>7</sup> Samson te di yo: “Akoz nou aji konsa, mwen va vrèman pran vanjans sou nou; men, apre sa m ap sispann.” <sup>8</sup> Li te frape yo byen di avèk yon gwo masak; epi li te desann pou te viv nan krevas wòch la nan Étam <sup>9</sup> Alò, Filisten yo te monte fè kan nan Juda e te vin gaye nan Léchi <sup>10</sup> Mesye Juda yo te di: “Poukisa nou vin monte kont nou?” Epi yo te di: “Nou te monte pou mare Samson dekwa ke nou kab fè l menm bagay ke li te fè nou an.” <sup>11</sup> Epi twa-mil lòm Juda te desann vè krevas wòch la nan Étam, e yo te di Samson: “Èske ou pa konnen ✨ke Filisten yo gen tout fòs sou nou? Poukisa, konsa, ou vin fè nou sa?” Epi li te di yo: “Menm jan yo te fè m nan, se konsa mwen te fè yo.” <sup>12</sup> Yo te di li: “Nou te vin isit la pou mare ou pou nou kapab livre ou nan men Filisten yo.” Epi Samson te di yo: “Sèmante a mwen ke nou p ap touye mwen.” <sup>13</sup> Yo te di li: “Non, men nou va mare ou nèt e livre ou nan men yo; men, anverite, nou p ap touye ou.” Epi yo te mare li avèk de kòd nèf e te mennen li monte soti nan wòch la <sup>14</sup> Lè li te rive nan Léchi, Filisten yo te rele fò pandan yo t ap rankontre li. Epi ✨Lespri SENYÈ a te vini sou li avèk pouvwa, jiskaske kòd sou bwa li yo te vin tankou pay len ki brile ak dife e kòd yo te tonbe sòti nan men li <sup>15</sup> Li te twouve yon zo a machwè

✨ 14:16 Jij 16:15 ✨ 14:19 Jij 3:10 ✨ 14:20 Jij 15:2 ✨ 15:1 Jen 38:17 ✨ 15:2 Jij 14:2  
 ✨ 15:6 Jij 14:15 ✨ 15:11 Lev 26:25 ✨ 15:14 Jij 14:19

bourik fre. Konsa, li te lonje pran l e li te ☆touye mil lòm avèk li <sup>16</sup> Alò, Samson te di: “Avèk machwè a yon bourik, pil sou pil; avèk machwè a yon bourik, mwen te touye yon milye moun <sup>17</sup> Lè l te fin pale, li te jete machwè a sòti nan men l; epi li te bay kote sa a non Ramath-Léchi <sup>18</sup> Alò, li te vin swaf e li te ☆rele a SENYÈ a e li te di: “Ou te bay delivrans pa men sèvitè Ou e, koulye a, mwen va mouri ak swaf e tonbe nan men a ensikonsi yo?” <sup>19</sup> Men Bondye te fann kote vid ki nan Léchi a e dlo te sòti ladann. Lè li te bwè, fòs li te retounen e li te reprann fòs. Pou sa, li te rele li En-Hakkoré, ki nan Léchi jis rive jodi a <sup>20</sup> Epi ☆li te jije Israël pandan ventan nan jou a Filisten yo.

## 16

<sup>1</sup> Alò, Samson te desann ☆Gaza e li te wè yon pwostitiye, li te antre ladann <sup>2</sup> Lè sa te pale pami moun Gaza yo, yo te di: “Samson vin isit la”, yo te ☆ antoure kote a e yo te kache tann li tout lannwit vè pòtay lavil la. Epi yo te rete an silans tout nwit lan e yo te di: “Annou tann jis li fè klè maten e nou va touye li.” <sup>3</sup> Alò, Samson te kouche jis minwi e a minwi, li te leve pran pòtay lavil yo avèk de poto yo, li te rale fè yo monte ansanm avèk ba travès pa yo. Epi li te mete yo sou zepòl li e li te pote yo monte pou rive anwo tèt mòn ki anfas Hébron an. <sup>4</sup> Apre sa, li te vin rive ke li te renmen yon fanm nan vale Sorek la, ke yo te rele Delila. <sup>5</sup> ☆Prens Filisten yo te ale kote li e te di fanm nan: “Mennen li ak dousè e twouve kote gran fòs li a sòti, e kijan nou kapab vin genyen l pou nou kapab mare li pou aflije li. Epi nou chak va ba ou onz-san pyès ajan.” <sup>6</sup> Konsa, Delila te di a Samson: “Souple, pale m kote gran fòs ou a ye ak kijan ou kapab vin mare pou ou ta aflije.” <sup>7</sup> Samson te di li: “Si yo mare m avèk sèt kòd nèf ki poko sèch; alò, mwen va devni fèb e mwen va vin tankou nenpòt lòt gason.” <sup>8</sup> Epi prens Filisten yo te mennen ba li sèt kòd nèf ki potko sèch e li te mare li avèk yo. <sup>9</sup> Alò, te gen moun ki te kache ap tann nan chanm anndan an. Epi li te di li: “Men Filisten yo rive sou ou, Samson!” Konsa li te pete kòd yo tankou fisèl pit chire lè l touche dife. Konsa, fòs li a pa t revele. <sup>10</sup> Epi Delila te di a Samson: “Gade byen, se twonpe ou twonpe m, ou ban m yon bann manti; alò, koulye a, souple, di m kijan ou kab mare.” <sup>11</sup> Li te di li: “Si yo mare m byen di ak kòd nèf ki pa t janm sèvi; alò, mwen va devni fèb tankou nenpòt lòt gason.” <sup>12</sup> Konsa, Delila te pran kòd nèf e li te mare li avèk yo e te di li: “Men Filisten yo sou ou, Samson!” Paske gason yo t ap tann nan chanm anndan an. Men li te pete kòd yo nan bra li tankou fisèl pou koud. <sup>13</sup> Epi Delila te di a Samson: “Jis koulye a, ou te twonpe m e ban m bann manti; di mwen kijan ou kapab mare.” Epi li te di li: “Si ou trese sèt très cheve m nan ansanm très la, epi tache l avèk gwo epeng tout très la, m ap vin fèb tankou nenpòt lòt gason.” <sup>14</sup> Konsa, pandan li t ap dòmi, Delila te pran sèt très a cheve li yo, li te trese yo nan ansanm très la. Li te tache li avèk epeng lan, e li te di li: “Men Filisten yo sou ou, Samson!” Men li te leve nan dòmi li, li te rale fè epeng lan sòti nan ansanm très la e li te rale cheve l nan griyaj très la. <sup>15</sup> Alò li te di li: ☆“Kijan ou kapab di, Mwen renmen ou, lè kè ou pa avè m?” Ou te twonpe m twa fwa sila yo e pa t di mwen kote gran fòs ou a ye.” <sup>16</sup> Li te vin rive ke lè li te toumante li chak jou avèk pawòl li yo e te bourade li, ke nanm li te vin twouble jiska lanmò <sup>17</sup> Konsa, li te fè l konnen tout sa ki te nan kè li e li te di li: “Yon

☆ 15:15 Lev 26:8 ☆ 15:18 Jij 16:31 ☆ 15:20 Jij 16:31 ☆ 16:1 Jos 15:47 ☆ 16:2 I Sam 23:26  
 ☆ 16:5 Jos 13:3 ☆ 16:15 Jij 14:16

razwa pa t janm vini nan tèt mwen; paske, mwen se te yon ✨Nazareyen a Bondye soti nan vant manman m Si cheve m vin taye; alò, fòs mwen an va kite mwen e mwen va devni tankou nenpòt lòt gason <sup>18</sup> Lè Delila te wè ke li te di li tout sa ki te nan kè li, li te rele prens a Filisten yo e li te di yo: “Vini yon fwa ankò; paske, li fin di mwen tout sa ki te nan kè li.” Epi prens a Filisten yo te vin kote li, e yo te pote lajan pou li a nan men yo. <sup>19</sup> Li te fè li dòmi sou jenou li, li te rele yon mesye pou te fè l pase razwa retire tout sèt trè cheve li yo. Alò, li te kòmanse aflije li e fòs li a te vin kite l. <sup>20</sup> Li te di: “Men Filisten yo sou ou, Samson!” li te leve soti nan dòmi li, e te di: “Mwen va sòti tankou lòt fwa yo e souke kò m pou m vin lib.” Men li pa t konnen ke ✨SENYÈ a te gen tan kite li <sup>21</sup> Alò, Filisten yo te sezi li, yo te kreve rete zye li; epi yo te mennen li Gaza e yo te mare l avèk chenn fèt an bwonz ki te konn vire moulen nan prizon an. <sup>22</sup> Men cheve tèt li t ap grandi ankò lè l te fin koupe yo <sup>23</sup> Alò, prens Filisten yo te rasanble pou ofri yon gran sakrifis a ✨Dagon, dye pa yo a e pou rejwi yo, paske yo te di: “Se dye pa nou an ki livre Samson, lènmi nou an, nan men nou.” <sup>24</sup> Lè pèp la te wè li, yo te fè lwanj a dye pa yo a, paske yo te di: “Se dye pa nou an ki te livre lènmi nou an, nan men nou, menm destriktè a peyi nou an, ki te touye anpil nan nou. <sup>25</sup> Li te vin rive ke pandan yo te ranpli avèk kè kontan, ke yo te di: “Rele Samson pou l kapab amize nou.” Konsa, yo te rele Samson soti nan prizon an pou li te amize yo. Epi yo te fè l kanpe antre pilye yo <sup>26</sup> Alò, Samson te di a gason ki te kenbe men l lan: “Kite mwen manyen pilye kote kay la kanpe yo pou m kab apiye sou yo.” <sup>27</sup> Alò, kay la te ranpli avèk gason ni fanm e tout prens a Filisten yo te la. Epi anviwon twa-mil gason avèk fanm te anba twati a e yo t ap gade Samson pandan li t ap amize yo <sup>28</sup> ✨Epi Samson te rele SENYÈ a e te di: “O Senyè BONDYE, souple, sonje mwen, e souple, ranpli fòs mwen pou sèl fwa sa a, O Bondye pou m kapab ✨jwenn vanjans sou Filisten yo pou de zye mwen yo.” <sup>29</sup> Samson te kenbe byen di de pilye mitan yo sou sila kay la te poze yo, li te ranfòse li sou yo, youn avèk men dwat li e youn avèk men goch li. <sup>30</sup> Epi Samson te di: “Kite mwen mouri avèk Filisten yo!” Epi li te koube avèk tout fòs li jiskaske kay la te vin tonbe sou tout prens yo ak tout moun ki te ladann yo. Konsa, kantite moun ke li te touye lè l te mouri an te plis ke sila ke li te touye pandan tout vi li yo <sup>31</sup> Alò, frè li yo avèk tout lakay papa li te desann pran li, mennen li monte e te antere li antre Tsorea ak Èschthaol nan tonm Manoach la, papa li. Konsa, li te jije Israèl pandan ventan.

## 17

<sup>1</sup> Alò, te gen yon nonm nan peyi ti kolin Ephraïm yo ki te rele Mica <sup>2</sup> Li te di a manman l: “Onz-mil pyès ajan ke yo te retire nan men ou yo, sou sila yo ou te bay madichon ke mwen te tande a, veye byen, ajan an avè m; se mwen ki te pran l.” Epi manman l te di: “Beni ou ye, fis mwen, pa SENYÈ a.” <sup>3</sup> Konsa, li te retounen onz-san pyès ajan an bay manman l, e manman l te di: “Mwen dedye ajan an soti nan men mwen nèt bay SENYÈ a, pou fis mwen an, ✨pou fè yon imaj taye ak yon imaj ki fonn; alò, pou sa, mwen va retounen yo ba ou <sup>4</sup> Konsa, lè li te fin retounen ajan an bay manman l, manman l te pran de-san pyès ajan an, li te bay yo a yon bòs fonn ajan, ki te fè avèk yo, yon imaj taye e yo te lakay Mica. <sup>5</sup> Epi nonm nan, Mica, te gen

✨ 16:17 Nonb 6:2-5 ✨ 16:20 Nonb 14:42-43 ✨ 16:23 I Sam 5:2 ✨ 16:28 Jij 15:18 ✨ 16:28 Jr 15:15 ✨ 17:3 Egz 20:4

yon \*lye sakre, li te fè yon efòd avèk zidòl lakay yo, e li te konsakre youn nan fis li yo \*pou ta kapab sèvi kòm prèt li <sup>6</sup> Nan jou sa yo, \*pa t gen wa an Israël; \*chak moun te fè sa ki te bon nan pwòp zye pa yo <sup>7</sup> Alò, te gen yon jennonm ki te soti Bethléhem nan Juda, nan fanmi Juda a, ki te yon Levit; epi li te rete la. <sup>8</sup> Epi nonm sa a te pati nan vil la, soti nan Bethléhem nan Juda pou ale rete nenpòt kote ke li ta kab twouve; epi pandan li t ap fè vwayaj la, li te rive nan \*peyi ti kolin Ephraïm yo, vè lakay Mica <sup>9</sup> Mica te mande li: “Se kibò ou sòti?” Epi li te reponn li: “Mwen se yon Levit ki soti Bethléhem nan Juda; epi mwen pral rete nenpòt kote ke m twouve. <sup>10</sup> Alò, Mica te di li: “Vin rete avè m pou vin yon \*papa ak yon prèt anvè mwen; epi mwen va ba ou dis mòso ajan pa ane, yon vètman ak pran swen ou.” Konsa, Levit la te antre <sup>11</sup> Levit la te vin antann avèk nonm nan e jennonm nan te vin pou li tankou youn nan fis li yo <sup>12</sup> Alò, Mica te konsakre Levit la, jennonm nan de \*vin prèt li e li te rete lakay Mica. <sup>13</sup> Epi Mica te di: “Koulye a, mwen konnen ke SENYÈ a va fè m reyisi; paske, mwen gen yon Levit kòm prèt.”

## 18

<sup>1</sup> Nan jou sa yo, pa t gen wa an Israël; epi \*nan jou sa yo, tribi a Danit yo t ap chache yon eritaj kote pou yo menm ta viv ladann; paske, jis rive nan jou sa a, tiraj osò eritaj la potko tonbe pou yo kòm posesyon pami tribi Israël yo. <sup>2</sup> Pou sa, fis a Dan yo te ranvoye sòti nan fanmi pa yo, senk mesye ki sòti nan yo tout, mesye vanyan ki sòti \*Tsorea avèk Eschthaol, pou fè ankèt nan teren an e egzamine li; epi yo te di yo: “Ale fè rechèch teren an.” Epi yo te vin rive nan \*peyi ti mòn Ephraïm yo, kote lakay Mica, pou te loje la <sup>3</sup> Lè yo te vin toupre lakay Mica, yo te rekonèt vwa a jennonm nan, Levit la; epi yo te vire akote la e te di li: “Se kilès ki te mennen ou isit la? Epi kisa w ap fè kote sa a? Epi kisa ou gen isit la?” <sup>4</sup> Li te di yo: “Men tèl bagay ak tèl bagay Mica te fè m e li te anplwaye m, epi \*mwen te vin prèt li.” <sup>5</sup> Yo te di li: “Souple, mande Bondye pou nou kab konnen si vwayaj ke nou ap pran an va byen reyisi.” <sup>6</sup> Prèt la te di yo: “Ale anpè; Bondye dakò avèk vwayaj ke nou ap fè a.” <sup>7</sup> Alò, senk mesye yo te pati pou te rive \*Laïs e te wè pèp la t ap viv an sekirite, nan fason a Sidonyen yo, anpè avèk sekirite; paske, pa t gen okenn chèf ki t ap imilye yo pou anyen nan peyi a, yo te lwen Sidonyen yo e yo pa t gen okenn relasyon avèk lòt moun. <sup>8</sup> Lè yo te retounen vè frè yo Tsorea ak Eschthaol, frè yo te di yo: “Kisa ou di?” <sup>9</sup> Yo te di: “Leve e annou monte kont yo; paske, nou te wè peyi a e vwala, li trè bon. Epi ankò, èske w ap chita anplas toujou? Pa pèdi tan pou antre posede peyi a. <sup>10</sup> Lè ou antre, ou va rive sou yon pèp ki an sekirite avèk yon peyi ase vast; paske, Bondye te mete li nan men ou, \*yon plas ki pa manke anyen ki sou latè.” <sup>11</sup> Alò, soti nan fanmi Danit yo, soti Tsorea avèk Eschthaol, sis-san lòm avèk tout zam lagè yo te pati <sup>12</sup> Yo te monte pou te fè kan nan Kirjath-Jearim nan Juda. Pou sa, yo te rele plas sa a \*Machané-Dan jis rive jodi a; tandè byen, li vè lwès a Kirjath-Jearim. <sup>13</sup> Yo te pase soti la nan peyi ti kolin Ephraïm yo pou te rive lakay Mica. <sup>14</sup> Epi senk mesye ki te pase fè espionaj nan peyi Laïs la te di a moun fanmi pa yo: “Èske nou konnen ke genyen nan kay sa yo yon \*efòd avèk zidòl

\* 17:5 Jij 18:24 \* 17:5 Nonb 3:10 \* 17:6 Jij 18:1 \* 17:6 Det 12:8 \* 17:8 Jos 24:33  
 \* 17:10 Jij 18:19 \* 17:12 Nonb 16:10 \* 18:1 Jos 19:40-48 \* 18:2 Jij 13:25 \* 18:2 Jij 17:1  
 \* 18:4 Jij 17:12 \* 18:7 Jos 19:4 \* 18:10 Det 8:9 \* 18:12 Jij 13:25 \* 18:14 Jij 17:5

lakay yo, avèk yon imaj taye ak yon imaj fonn? Pou sa, konsidere kisa ou ta dwe fè.”<sup>15</sup> Yo te vire akote la e te rive nan kay a jennonm nan, Levit la, lakay Mica e te mande li si tout bagay ale byen pou li.<sup>16</sup> Sis-san lòm ame avèk zam lagè, ki te pou fis a Dan yo, te kanpe akote antre pòtay la.<sup>17</sup> Alò, senk mesye ki te ale fè espyonaj peyi a te pwoche, yo te antre la pou te pran ✧imaj taye avèk efòd la ak imaj lakay yo ak imaj fonn nan, pandan prèt la te kanpe nan antre pòtay la avèk sis-san lòm ki te ame avèk zam lagè yo.<sup>18</sup> Lè moun sila yo te antre lakay Mica pou te pran imaj taye a, efòd la avèk zidòl lakay yo a, avèk imaj fonn nan, prèt la te di yo: “Kisa nou ap fè la a?”<sup>19</sup> Yo te di li: “Pe la, ✧mete men sou bouch ou e vini avèk nou pou devni pou nou yon ✧papa, ak yon prèt. Èske li pi bon pou ou pou fè prèt lakay a yon sèl moun, oswa devni prèt a yon tribi e yon fanmi an Israèl?”<sup>20</sup> Kè a prèt la te kontan. Li te pran efòd la avèk zidòl lakay yo a, imaj taye a e te li ale pami pèp la.<sup>21</sup> Yo te vire sòti pou te mete pitit yo avèk tout bèt yo avèk byen yo ranmase devan yo.<sup>22</sup> Lè yo te fè yon sèten distans soti lakay Mica, mesye ki te nan kay toupre lakay Mica yo te rasanble yo pou te vin jwenn fis a Dan yo.<sup>23</sup> Yo te kriye sou fis a Dan yo e yo te vire di Mica: “Kisa nou genyen nou vin rasanble konsa?”<sup>24</sup> Li te di: “Nou fin pran dye ke m te fè yo, avèk prèt la e sòti; epi kisa mwen genyen plis ke sa? Kijan nou kab di mwen: ‘Kisa ou genyen?’ ”<sup>25</sup> Fis a Dan yo te di li: “Pa kite vwa ou tande pami nou, oswa mesye fewòs yo va vin tonbe sou ou e ou va pèdi lavi ou avèk lavi tout lakay ou.”<sup>26</sup> Konsa, fis a Dan yo te fè wout yo. Epi lè Mica te wè ke yo te twò fò pou li, li te vire retounen lakay li.<sup>27</sup> Epi yo te pran sa ke Mica te fè yo, avèk prèt ki te pou li a, e yo te vini bò kote ✧Laïs, a yon pèp ki te pezib e an sekirite. Yo te frape yo avèk lam nepe; e yo te brile vil la avèk dife.<sup>28</sup> Epi pa t gen pèsòn pou sove yo akòz li te lwen Sidon e yo pa t gen relasyon avèk okenn lòt pèp. Li te nan vale ki te toupre Beth-Rehob la. Konsa, yo te rebati vil la pou te viv ladann.<sup>29</sup> ✧Yo te rele vil la Dan, menm non a Dan, papa ki te fèt an Israèl yo. Men avan sa, non a vil sa a se te Laïs.<sup>30</sup> Fis a Dan yo te fè monte pou kont yo, menm imaj taye a; epi Jonathan, fis a Guerschom lan, fis a Manassé a, ✧li menm avèk fis li yo te prèt pou tribi Danit la jis rive jou ke peyi a te vin pran an kaptivite a.<sup>31</sup> Alò, konsa, yo te monte pou kont yo imaj taye ki te pou Mica a, ke li menm te fè, pandan tout tan ke kay Bondye a te nan Silo a.

## 19

<sup>1</sup> Alò, li te vin rive nan jou sa yo, pandan pa t gen wa an Israèl, ke te gen yon sèten Levit ki te rete nan zòn izole nan peyi ti kolin Ephraïm nan. Li te pran yon mennaj pou kont li, ki soti nan Bethléhem nan Juda.<sup>2</sup> Men mennaj li a te jwe pwostitiye kont li. Li te kite li pou rive lakay papa l nan Bethléhem nan Juda e li te rete la pandan yon kat mwa.<sup>3</sup> Epi mari li te leve swiv li, pou ✧pale dousman avè l pou fè l tounen e te pran avè l sèvitè li a, ak yon pè bourik. Konsa, fi a te mennen li antre lakay papa l. Lè papa l te wè l, li te byen kontan rankontre li.<sup>4</sup> Bòpè li a, papa a fi a te fè l fè reta. Li te rete avè l pandan twa jou konsa. La yo te manje, bwè e loje.<sup>5</sup> Alò, nan katriyèm jou a, yo te leve granmmaten e yo te prepare pou sòti. Papa a fi a te di a bofi li: ✧“Fòtifye ou menm avèk yon mòso pen pou, apre, nou kapab ale.”<sup>6</sup> Konsa, toude te chita manje e bwè ansanm; epi papa a fi a te di nonm nan: “Souple, vin dakò pou pase nwit lan e ✧fè kè ou kontan.”

✧ 18:17 Jen 31:19-30 ✧ 18:19 Job 21:5 ✧ 18:19 Jij 17:10 ✧ 18:27 Jos 19:47 ✧ 18:29 Jos 19:47 ✧ 18:30 Jij 17:3-5 ✧ 19:3 Jen 34:3 ✧ 19:5 Jen 18:5 ✧ 19:6 Jij 16:25



<sup>7</sup> Alò, nonm nan te leve pati, men bòpè li te ankouraje li. Konsa, li te pase nwit lan la ankò. <sup>8</sup> Nan senkyèm jou a, li te leve pati bonè nan maten; epi papa a fi a te di: “Souple, soutni nou e tann pou jiska apremidi.” Konsa, yo toude te manje. <sup>9</sup> Lè nonm nan te leve ansanm avèk mennaj li ak sèvitè li a, bòpè li te di li: “Men gade, jou a prèt pou rive; souple, pase nwit lan isit la pou kè ou kapab kontan. Epi demen, ou kapab leve bonè pou vwayaje ale lakay ou.” <sup>10</sup> Men nonm nan pa t dakò pase nwit lan. Konsa, li te leve sòti pou te rive nan lye anfas ✧Jebus (sa vle di, Jérusalem). Epi te gen avè l de bourik sele; mennaj li a te avè l tou. <sup>11</sup> Lè yo te toupre Jebus, jou a te prèt fini; epi ✧sèvitè te di a mèt li: “Souple, vini e annou vire akote antre vil ki pou Jebizyen yo pou pase nwit lan ladann.” <sup>12</sup> Men mèt li a te di li: “Nou p ap vire akote antre nan vil etranje ki pa fè pati a fis Israèl yo; men, nou va kontinye rive jis Guibea.” <sup>13</sup> Li te di a sèvitè li: “Vini e annou pwoche youn nan kote sa yo; epi nou va pase nwit lan nan Guibea oswa Rama.” <sup>14</sup> Konsa, yo te kontinye fè wout yo; epi solèy la te kouche sou yo toupre Guibea, ki pou Benjamin. <sup>15</sup> Yo te vire akote la pou antre rete nan Guibea. Lè yo te antre, yo te chita nan mache ki pou vil la, pwiske pèsòn pa t pran yo antre lakay yo pou pase nwit lan. <sup>16</sup> Alò, vwala, yon mesye granmoun t ap sòti nan chan travay li nan aswè. Alò, mesye a te sòti nan ✧peyi ti kolin Ephraïm yo, li t ap viv Guibea; men, mesye kote sa yo se te Benjamit yo te ye <sup>17</sup> Epi li te leve zye li pou te wè vwayajè yo nan mitan mache vil la. Epi granmoun nan te di: “Kibò nou prale e kibò nou sòti?” <sup>18</sup> Li te di: “N ap pase soti Bethléhem nan Juda pou rive kote ki pi izole nan peyi ti kolin Ephraïm yo, paske se la mwen sòti e mwen te ale Bethléhem nan Juda. Men koulye a, se lakay mwen mwen prale e nanpwen moun k ap ban m plas. <sup>19</sup> Men li gen pay ak manje pou bourik nou yo e osi, pen avèk diven pou mwen, sèvant ou, ✧e jennonm ki avèk sèvitè ou yo; nanpwen anyen ki manke.” <sup>20</sup> Granmoun nan te di: ✧“Lapè avèk nou. Sèlman, kite mwen okipe tout bezwen nou yo; sèlman, pa pase nwit lan sou plas la.” <sup>21</sup> ✧Konsa, li te pran li lantre lakay li e li te bay bourik yo manje. Yo te lave pye yo e te manje ak bwè <sup>22</sup> Pandan yo t ap fete, veye byen, ✧mesye lavil yo, kèk sanzave, te vin antoure kay la, kòmanse frape pòt la; epi yo te pale avèk mèt kay la, granmoun nan, e te di: “Mennen fè sòti nonm ki te antre lakay ou a pou nou kapab gen relasyon seksyèl avèk li.” <sup>23</sup> Alò, nonm nan, mèt kay la, te parèt deyò kote yo, e te di yo: “Non, zanmi mwen yo, souple pa aji mal konsa! Akoz nonm sa a te a✧ntre lakay mwen, pa vin fè yon zak bèt parèy konsa! <sup>24</sup> ✧“Men fi vyèj mwen an ak sèvant li an; souple, kite mwen fè yo sòti pou nou kapab kouche yo e fè sa ke nou pito. Men pa fè zak bèt sa a kont nonm sa a <sup>25</sup> Men mesye yo te refize koute li. Epi nonm nan te sezi ti mennaj li a, li te mennen li deyò kote yo; epi yo te vyole li e te abize li tout lannwit jis rive nan maten e yo te lage li lè solèy prèt leve. <sup>26</sup> Lè jou te kòmanse vin parèt, fanm nan te vin tonbe devan pòtay kay a mesye a kote mèt la te ye a jiskaske solèy fin klere nèt <sup>27</sup> Lè mèt li te leve nan maten e te louvri pòt la pou fè wout li, alò vwala, mennaj li an te kouche devan pòtay kay la, avèk men li sou papòt kay la. <sup>28</sup> Li te di li: “Leve non, annou ale,” ✧men, pa t gen repons. Alò, li te mete kadav li sou bourik la; epi nonm nan te leve ale lakay li <sup>29</sup> Lè li te antre lakay li, li te pran yon kouto, li te mete men li sou mennaj li a e te ✧koupe li fè douz

✧ 19:10 I Kwo 11:4-5 ✧ 19:11 Jij 19:19 ✧ 19:16 Jij 19:1 ✧ 19:19 Jij 19:11 ✧ 19:20 Jen 43:23  
 ✧ 19:21 Jen 24:32-33 ✧ 19:22 Jen 19:4-5 ✧ 19:23 Jen 34:7 ✧ 19:24 Jen 19:8 ✧ 19:28 Jij  
 20:5 ✧ 19:29 I Sam 11:7

mòso, manm pa manm e te ranvoye li toupatou nan tout teritwa Israël la  
<sup>30</sup> Tout sa ki te wè l te di: “Anyen parèy a sa pa t janm fèt, ni pa t konn wè  
 depi jou ke fis Israël yo te monte sòti an peyi Égypte la jis jodi a. Reflechi  
 sou sa, pran konsèy e pale klè.

## 20

<sup>1</sup> Epi tout fis Israël yo soti Dan jis rive Beer-Schéba, menm avèk peyi  
 Galaad la te sòti e kongregasyon an te rasanble kòm yon sèl òm a SENYÈ  
 a nan ✧Mitspa. <sup>2</sup> Chèf a tout pèp yo, menm tout tribi an Israël yo, te vin  
 kanpe nan asanble a pèp Bondye a, kat-san-mil sòlda a pye ✧ki te rale nepe  
<sup>3</sup> (Alò, fis a Benjamin yo te tandè ke fis Israël yo te monte Mitspa.) Epi fis  
 Israël yo te di: “Pale nou kijan mechanste sa a te vin rive?” <sup>4</sup> Epi Levit la,  
 mari a fanm nan ki te asasine a, te reponn e te di: “Mwen te vini avèk  
 mennaj mwen pou pase nwit lan Guibea ki pou Benjamin. <sup>5</sup> Men mesye  
 Guibea yo te leve kont mwen, yo te antoure kay la pandan nwit lan akoz  
 mwen menm. Yo te gen entansyon touye mwen; men olye de ✧ sa, yo te  
 vyole mennaj mwen jiskaske li te vin mouri <sup>6</sup> Epi mwen te pran mennaj  
 mwen an, mwen te koupe li an mòso e mwen te voye li nan tout peyi eritaj  
 Israël la, paske ✧yo te komèt yon zak ki lèd e malonèt an Israël <sup>7</sup> Gade byen,  
 tout fis Israël yo, ✧bay lide avèk konsèy nou isit la.” <sup>8</sup> Alò, tout pèp la te leve  
 kòm yon sèl moun, e yo te di: “Pa gen menm youn nan nou k ap tounen  
 nan tant li, ni nou p ap retounen lakay nou. <sup>9</sup> Men kisa n ap fè Guibea;  
 nou va monte kont li pa tiraj osò <sup>10</sup> Epi nou va pran dizòm sou san nan  
 tout tribi Israël yo, san sou mil e mil sou dis-mil pou founi manje pou pèp  
 la jiskaske yo vini Guibea nan Benjamin, pou yo kapab pini yo pou tout  
 zak malonèt yo te fè an Israël yo.” <sup>11</sup> Konsa, tout fis Israël yo te rasanble  
 kont vil la, tèt yo ansanm kòm yon sèl moun <sup>12</sup> Alò, tribi Israël yo te voye  
 mesye yo pami tout tribi Benjamin an, e yo te di: “Ki kalite mechanste  
 sa ki te fèt pami nou an? <sup>13</sup> Pou sa, livre bannou mesye sa yo, ✧sanzave  
 Guibea yo, pou nou kab mete yo a lanmò e ✧retire mechanste sa an Israël.”  
 Men fis Benjamin yo te refize koute vwa a frè yo, fis an Israël yo <sup>14</sup> Fis a  
 Benjamin yo te rasanble soti nan vil Guibea yo, pou sòti nan batay kont fis  
 Israël yo <sup>15</sup> Soti nan vil yo, nan jou sa a, fis Benjamin yo te monte ak venn-  
 si-mil mesye ki te rale nepe, anplis moun Guibea ki te konte a sèt-san òm  
 ekstrawòdinè. <sup>16</sup> Pami tout moun sa yo, sèt-san ✧òm ekstrawòdinè yo se te  
 moun goche; yo chak ta kapab tire yon wòch avèk fistibal sou yon grenn  
 cheve e yo pa janm pa pran l <sup>17</sup> Alò, lòt mesye Israël yo anplis Benjamin te  
 konte nan kat-san-mil òm ki rale nepe; tout sila yo se te moun lagè. <sup>18</sup> Alò,  
 fis Israël yo te leve monte Béthel, yo te mande Bondye, e te di: ✧“Se kilès  
 ki va monte avan pou fè batay kont fis Benjamin yo? Alò, SENYÈ a te di:  
 “Juda va monte avan <sup>19</sup> Alò, fis Israël yo te leve nan maten e yo te fè kan  
 kont Guibea. <sup>20</sup> Mesye Israël yo te sòti pou batay kont Benjamin e mesye  
 Israël yo te pran pozisyon batay kont yo nan Guibea. <sup>21</sup> Alò, fis Benjamin  
 yo te parèt deyò nan Guibea e yo te ✧fè tonbe atè nan jou sa a, venn-de-mil  
 òm nan Izrayelit yo <sup>22</sup> Men pèp la, mesye Israël yo, te ankouraje youn lòt  
 e te vin pran plas batay la menm kote ke yo te vin parèt nan premye jou  
 a <sup>23</sup> ✧Fis Israël yo te monte e kriye devan SENYÈ a jis rive nan aswè, yo

✧ 20:1 I Sam 7:5 ✧ 20:2 Jij 8:10 ✧ 20:5 Jij 19:22 ✧ 20:6 Jen 34:7 ✧ 20:7 Jij 18:30 ✧ 20:13  
 II Kor 6:15 ✧ 20:13 Det 13:5 ✧ 20:16 Jij 3:15 ✧ 20:18 Nonb 27:21 ✧ 20:21 Jij 20:25  
 ✧ 20:23 Jos 7:6-7

te ✨fè mande SENYÈ a e te di: “Èske nou dwe pwoche ankò pou fè batay kont fis a frè m yo, Benjamin?” Epi SENYÈ a te di: “Monte kont li.” <sup>24</sup> Alò, fis Israël yo te vini kont fis a Benjamin yo nan dezyèm jou a. <sup>25</sup> Benjamin te sòti kont yo soti Guibea nan dezyèm jou a e yo te fè tonbe atè, ankò 18,000 òm pami fis Israël yo; tout moun ki te rale nepe yo. <sup>26</sup> Alò, ✨tout fis Israël yo ak tout pèp la te monte rive Béthel e te kriye; konsa, yo te rete la devan SENYÈ a, yo te fè jèn tout jounen an jis rive nan aswè. Epi yo te ofri ofrann brile ak ofrann lapè devan SENYÈ a <sup>27</sup> Fis Israël yo te ✨mande devan SENYÈ a (paske, lach temwayaj la te la nan jou sa yo, <sup>28</sup> epi Phinéas, fis a Éléazar a, fis Aaron an, te kanpe devan li pou fè sèvis nan jou sila yo), epi yo te di: “Èske mwen dwe sòti menm yon lòt fwa nan batay kont fis a frè m yo, Benjamin, oswa èske m dwe sispann?” Epi SENYÈ a te di: “Monte, ✨paske demen, Mwen va livre yo nan men nou <sup>29</sup> ✨Konsa, Israël te pozisyone mesye yo antoure Guibea pou fè anbiskad <sup>30</sup> Fis Israël yo te monte kont fis Benjamin yo nan twazyèm jou a e yo te pozisyone yo menm jan ke yo te fè nan lòt fwa yo <sup>31</sup> ✨Fis Benjamin yo te sòti kont yo e te rale soti kite vil la; epi yo te kòmanse frape e touye kèk moun nan pèp la, menm jan ak lòt fwa yo, sou gran chemen yo, youn ki te monte a Béthel e lòt la Guibea, anviwon trant mesye Izrayelit <sup>32</sup> Fis a Benjamin yo te di: “Yo vin frape tonbe devan nou, menm jan ak lòt fwa a.” Men fis Israël yo te di: “Annou sove ale pou nou kapab atire yo kite vil la rive nan gran chemen yo.” <sup>33</sup> Epi tout fis Israël yo te leve sou plas yo pou te vin parèt nan Baal-Thamar; ✨epi mesye Israël nan anbiskad yo te sòti nan plas pa yo, kote Maaré-Guibea menm <sup>34</sup> Lè di-mil òm ekstrawòdinè nan tout Israël yo te parèt kont Guibea, batay la te vin fewòs; ✨men, mesye Benjamin yo pa t konnen ke yon gwo dega t ap pwoche yo <sup>35</sup> Epi SENYÈ a te frape Benjamin devan Israël jiskaske fis Israël yo te detwi venn-senk-mil-san moun nan Benjamin nan jou sa a, tout moun ki te rale nepe yo <sup>36</sup> Konsa, fis Benjamin yo te wè ke yo te fin bat yo. ✨Lè mesye Israël yo te bay teren an a fis Benjamin yo se te akoz yo te depann de mesye ki t ap fè anbiskad yo, pou yo te voye kont Guibea, <sup>37</sup> ✨Mesye anbiskad yo te kouri kont Guibea; mesye anbiskad yo te osi voye frape vil la avèk lam nepe <sup>38</sup> Alò, siyal ki te prevwa antre mesye Israël yo ak mesye anbiskad yo se te ✨ke yo ta fè yon gran nwaj lafimen leve sòti nan vil la <sup>39</sup> Alò, mesye Israël yo te vire nan batay la e Benjamin te kòmanse frape e touye anviwon trant mesye Izrayelit, ✨paske yo te di: “Vrèman, yo detwi devan nou, tankou nan premye batay la.” <sup>40</sup> Men lè nwaj la te kòmanse leve sòti lavil la tankou yon pilye gwo lafimen, Benjamin te gade ✨dèyè yo; epi gade byen, nan tout vil la, lafimen t ap monte vè syèl la <sup>41</sup> Alò, moun Israël yo te vire e mesye Benjamin yo te vin sezi avèk laperèz; paske, yo te wè ke yon ✨gwo dega te toupre yo <sup>42</sup> Pou sa, yo te vire do devan Israël ✨vè dezè a, men batay la te vin jwenn yo pandan sila ki te sòti nan vil yo te detwi nan mitan yo <sup>43</sup> ✨Yo te vin antoure mesye Benjamin yo, yo te pouswiv yo san repo e yo te foule yo anba pye anfas Guibea vè lès <sup>44</sup> Konsa, diz-uit-mil òm a Benjamin te tonbe; tout sila yo se te vanyan gèye. <sup>45</sup> Rès yo te sove ale vè dezè a nan wòch Rimmon; ✨men, yo te kenbe senk-mil nan yo sou chemen e te vin rive sou

✨ 20:23 Jij 20:18 ✨ 20:26 Jij 20:23 ✨ 20:27 Jij 20:18 ✨ 20:28 Jij 7:9 ✨ 20:29 Jos 8:4  
 ✨ 20:31 Jos 8:16 ✨ 20:33 Jos 8:19 ✨ 20:34 Jos 8:14 ✨ 20:36 Jos 8:5 ✨ 20:37 Jos 8:19  
 ✨ 20:38 Jos 8:20 ✨ 20:39 Jij 20:32 ✨ 20:40 Jos 8:20 ✨ 20:41 Pwov 5:22 ✨ 20:42 Jos 8:15-24  
 ✨ 20:43 Os 9:9 ✨ 20:45 Jij 21:13

yo nan Guideom, yo te touye de-mil nan yo <sup>46</sup> Konsa, tout Benjamit ki te tonbe nan jou sa yo se te venn-senk-mil òm ki te rale nepe; tout sila yo se te vanyan gèrye <sup>47</sup> Men sis-san òm te vire kouri vè dezè a nan wòch Rimmon e yo te rete nan wòch Rimmon pandan kat mwa <sup>48</sup> Mesye Israèl yo, alò, te vire retounen kont fis a Benjamin yo pou te frape yo avèk lam nepe, tout vil la avèk bèt yo ak tout sa ke yo te twouve; yo, osi, te mete dife nan tout vil ke yo te twouve yo.

## 21

<sup>1</sup> Alò, mesye Israèl yo ✧te deja sèmante nan Mitspa, e yo te di: “Pa gen nan nou menm k ap bay fi li a Benjamin nan maryaj.” <sup>2</sup> ✧Konsa, pèp la te vini Béthel e yo te chita la devan Bondye jis rive nan aswè, epi yo te leve vwa pa yo e te kriye amè <sup>3</sup> Yo te di: “Poukisa, O SENYÈ, Bondye Israèl la, èske bagay sa a vin rive an Israèl pou youn nan tribi yo jodi a ta vin disparèt an Israèl? <sup>4</sup> Li te vin rive nan pwochen jou an ke pèp la te leve bonè, yo te bati ✧yon lotèl e yo te ofri ofrann brile avèk ofrann lapè <sup>5</sup> Epi fis Israèl yo te di: “Kilès ki gen pami tout tribi Israèl yo ki pa t monte nan asanble SENYÈ a?” Paske, yo te fè yon gran ve pou sila ✧ki pa monte vè SENYÈ a nan Mitspa, epi yo te di: “Li va vrèman vin mete a lanmò <sup>6</sup> Epi fis Israèl yo te tris, yo te plen regrè pou Benjamin, frè parèy yo a, e yo te di: “Yon tribi vin koupe nèt sou Israèl jodi a. <sup>7</sup> Kisa nou ap fè pou twouve madanm pou sila ki rete yo, akoz nou te ✧sèmante pa SENYÈ a pou nou pa bay okenn nan fi pa nou yo nan maryaj?” <sup>8</sup> Epi yo te di: “Kilès sila pami tribi Israèl yo ki pa t monte kote SENYÈ a nan Mitspa?” Epi gade byen, pèsòn pa t monte nan kan an sòti nan Jabès-Galaad pou patisipe nan asanble a. <sup>9</sup> Paske, lè pèp la te konte, gade byen, pèsòn nan sila ki rete Jabès-Galaad yo pa t la. <sup>10</sup> Epi kongregasyon an te voye douz-mil gèrye vanyan rive la e yo te pase lòd di yo konsa: ✧“Ale frape sila ki rete Jabès-Galaad yo avèk lam nepe, ni fanm yo ak pitit yo <sup>11</sup> Men kisa ou va fè, ou ✧va detwi nèt tout gason ak tout fanm ki gen tan kouche avèk yon gason.” <sup>12</sup> Epi yo te jwenn pami moun Jabès-Galaad yo, kat-san jèn vyèj ki pa t konnen yon gason kouche avèk li; epi yo te mennen yo nan kan an Silo ki nan peyi Kananeyen yo <sup>13</sup> Epi tout kongregasyon an te voye pale avèk fis Benjamin ki te nan wòch Rimmon yo e te deklare lapè pou yo ✧ <sup>14</sup> Nan lè sa a, Benjamin te retounen e yo te bay yo kat-san fi ke yo te kenbe vivan soti Jabès-Galaad; sepandan, pa t gen kont pou yo <sup>15</sup> Epi pèp la te tris e te plen regrè pou fis Benjamin yo paske SENYÈ a te fè yon brèch nan tribi Israèl yo <sup>16</sup> Epi ansyen a kongregasyon yo te vin di: “Kisa nou va fè pou sila ki rete toujou kòm si se fanm Benjamin yo detwi yo?” <sup>17</sup> Yo te di: “Fòk gen” eritaj pou retay Benjamin an, jis pou tribi a pa efase nèt sou Israèl. <sup>18</sup> Alò, nou pa kab ba yo madanm pami fi nou yo.” Paske fis Israèl yo te sèmante e yo te di: ✧“Modi se sila ki bay yon madanm a Benjamin.” <sup>19</sup> Konsa, yo te di: “Gade byen, gen yon fèt a SENYÈ a chak ane nan ✧Silo, ki nan kote nò a Béthel, sou lès a gran chemen ki monte soti Béthel pou rive Sichem nan, vè kote sid a Lebona.” <sup>20</sup> Epi yo te kòmande fis Benjamin yo konsa: “Ale kache tann nan chan rezen yo, <sup>21</sup> epi gade byen, veye, si fi a Silo yo sòti deyò pou patisipe nan dans lan, nou va sòti nan chan rezen yo e nou chak

✧ 21:1 Jij 21:7-18 ✧ 21:2 Jij 20:26 ✧ 21:4 Det 12:5 ✧ 21:5 Jij 5:23 ✧ 21:7 Jij 21:1 ✧ 21:10 Nonb 31:17 ✧ 21:11 Nonb 31:17 ✧ 21:13 Jij 20:47; Det 20:10 ✧ 21:18 Jij 21:1 ✧ 21:19 Jos 18:1

va kouri kenbe madanm li pami fi a Silo yo e ale avè l nan peyi Benjamin?  
<sup>22</sup> Li va rive ke lè papa yo oswa frè yo vin plenyen a nou, ke nou va di yo: ‘Ba yo a nou avèk bòn volonte; paske, nan batay la, nou pa t konsève yon fanm pou chak Benjamit, ni nou pa t founi youn pou yo, sinon koulye a menm, nou ta koupab.’ <sup>23</sup> Konsa fis a Benjamin yo te fè e te pran madanm selon fòs kantite yo pami sila ki te danse yo, pou yo te pote ale. Konsa, yo te ale retounen nan eritaj pa yo, e te <sup>✧</sup>rebati vil pa yo pou te viv ladan yo. <sup>24</sup> Fis Israèl yo te pati la nan lè sa a, chak òm ak pwòp tribi ak fanmi li e yo chak te sòti la pou rive nan pwòp eritaj pa yo. <sup>25</sup> <sup>✧</sup>Nan jou sa yo, pa t gen wa an Israèl; tout moun te fè sa ki te bon nan pwòp zye pa yo.

## Ruth

<sup>1</sup> Alò li te vin rive nan jou ke jij yo te gouvène yo, te genyen ✧yon gwo grangou nan peyi a. Yon sèten mesye ki sòti ✧Bethléem nan Juda te ale pou demere nan peyi Moab la avèk madanm li ak de fis li yo <sup>2</sup> Mesye a te rele Élimélèk e madanm li, Naomi. Epi non a de fis li yo se te Machlon avèk Kiljon, Efratyen yo, nan Bethléhem nan Juda. Alò, yo te ✧antre nan peyi Moab la pou te demere la <sup>3</sup> Epi Élimélèk, mari a Naomi an te mouri. Konsa, se li ki te rete avèk de fis li yo. <sup>4</sup> De fis yo te pran pou kont yo fanm Moabit yo kon madanm yo. Youn nan yo te rele Orpa e lòt la Ruth. Epi yo te viv la pandan anviwon dis ane. <sup>5</sup> Alò Machlon avèk Kiljon te vin mouri osi. Konsa, fanm nan vin pèdi de pitit li yo, ansanm ak mari li. <sup>6</sup> Konsa li te leve avèk bèlfi li pou l ta kab retounen kite Moab. Paske, depi lè li Moab, li tandè ke SENYÈ a te ✧vizite pèp li a nan bay yo manje <sup>7</sup> Konsa, li te pati kote li te ye, de bèlfi li yo te avèk li. Epi yo te fè wout la pou retounen nan peyi Juda. <sup>8</sup> Epi Naomi te di a de bèlfi li yo: “Ale, retounen nou chak lakay manman nou. ✧Ke SENYÈ a kapab aji anvè nou avèk doucè, jan nou te aji avèk sila ki mouri yo e avèk mwen menm tou. <sup>9</sup> Ke SENYÈ a kapab pèmèt nou jwenn repo, nou chak lakay a pwòp mari pa li.” Alò, li te bo yo, yo te leve vwa yo wo, epi te kriye. <sup>10</sup> Epi yo te di li: “Men anverite na tounen; n ap retounen avè w vè pèp ou a.” <sup>11</sup> Men Naomi te di yo: “Retounen fi mwen yo. Poukisa nou ta dwe ale avè m? Èske m toujou gen fis nan vant mwen pou yo ✧ta vin mari nou? <sup>12</sup> Retounen fi mwen yo, paske mwen twò vye pou m gen yon mari. Si m te di nou ke m gen espwa, si m ta menm gen yon mari aswè a pou fè fis tou, <sup>13</sup> Èske konsa nou ta tann jiskaske yo ta grandi? Èske pou sa, nou ta refize marye? Non fi mwen yo; paske, li pi di pou mwen pase pou nou. ✧Paske, men SENYÈ a gen tan vin parèt kont mwen.” <sup>14</sup> Epi yo te leve vwa yo wo e te kriye ankò. Orpa te bo bèlmè li, men Ruth te rete sou li. <sup>15</sup> Epi li (manman an) te di: “Veye byen, bèlsè ou te retounen vè pèp li avèk ✧dye li yo. Ale swiv bèlsè ou.” <sup>16</sup> Men Ruth te di: “Pa pouse m kite ou ni pou m ta fè bak nan swiv ou. Paske kote ou ale mwen va ale, e kote ou viv, se la mwen va viv. Pèp ou, pèp pa m, e Dye pa ou, Dye pa m. <sup>17</sup> Kote ou mouri mwen va mouri; epi la mwen va antere. Se konsa pou ✧SENYÈ a fè m, ak pi mal, si anyen sof ke lanmò ta separe ou de mwen.” <sup>18</sup> Lè ✧li wè ke li te fin pran desizyon pou ale avè l, li pa t di l anyen ankò <sup>19</sup> Konsa yo ale ansanm jis rive Bethléhem. Epi lè yo te fin rive Bethléhem, ✧tout vil la te boulvèse akòz yo menm, epi fanm yo te di: “Se Naomi sa a?” <sup>20</sup> Li te di yo: “Pa rele m Naomi; rele m Mara; paske, ✧Toupwisan an te aji byen anmè avè m. <sup>21</sup> Mwen te sòti plen; men ✧SENYÈ a mennen m tounen vid. Poukisa nou rele m Naomi, konsi SENYÈ a gen tan temwaye kont mwen e Toupwisan an te aflije mwen?” <sup>22</sup> Konsa Naomi te retounen, epi avèk li, Ruth, Moabit la, bèlfi li ki te retounen soti nan peyi Moab la. Epi yo te vini Bethléhem ✧nan kòmansman rekòlt lòt la.

✧ **1:1** Jen 12:10 ✧ **1:1** Jij 17:8 ✧ **1:2** Jij 3:30 ✧ **1:6** Egz 4:31 ✧ **1:8** II Tim 1:16 ✧ **1:11** Jen 38:11 ✧ **1:13** Jij 2:15 ✧ **1:15** Jos 24:15 ✧ **1:17** I Sam 3:17 ✧ **1:18** Trav 21:14 ✧ **1:19** Mat 21:10 ✧ **1:20** Egz 6:3 ✧ **1:21** Job 1:21 ✧ **1:22** Egz 9:31

## 2

<sup>1</sup> Alò Naomi te gen yon fanmi pwoch a mari li, yon nonm avèk anpil richès, ki sòti nan fanmi ✧Élimélèc, ki te rele Boaz <sup>2</sup> Epi Ruth, Moabit la te di a Naomi: “Souple, kite mwen ale ✧ranmase lòj pami tèt sereyal yo nan chan a sila ke mwen kapab twouve favè nan zye li.” Epi li te di l: “Ale fi mwen” <sup>3</sup> Konsa, li te sòti pou te ale ranmase nan chan an apre moun rekòlt yo. Epi li te vin rive nan pòsyon chan ki te pou Boaz la, ki te manm fanmi Élimélèc la. <sup>4</sup> Alò vwala, Boaz te sòti Bethléhem pou te di a moun rekòlt yo: ✧“Ke SENYÈ a kapab avèk nou.” Epi yo te di li: “Ke SENYÈ a beni nou.” <sup>5</sup> Epi Boaz te di a sèvitè li ki te an chaj a moun rekòlt yo: “Pou kilès jenn fanm sila a?” <sup>6</sup> Sèvitè an chaj la te reponn: “Se jenn fanm Moabit ki te retounen avèk Naomi soti nan peyi Moab la” <sup>7</sup> “Epi li te di nou: ‘Souple, kite mwen ranmase e sanble apre moun rekòlt yo pami pakèt mwasonyè yo.’ Konsa, li te vini e te rete soti nan maten a jis rive koulye a; li te chita nan kay la pou yon ti tan.” <sup>8</sup> Alò, Boaz te di a Ruth: “Koute byen fi mwen! Pa ale ranmase nan chan lòt moun. Anplis, pa kite chan sila a, men rete isit la avèk sèvant mwen yo. <sup>9</sup> Kite zye ou rete sou chan ke yo rekòlte a e swiv yo. Vrèman, mwen te kòmande sèvitè mwen yo pou pa touche ou. Lè ou swaf, ale nan vesò dlo yo pou bwè nan sa ke sèvitè yo rale.” <sup>10</sup> Alò, li te ✧tonbe sou figi li e te bese ba atè epi te di l: “Poukisa mwen jwenn favè nan zye w konsa, pou ou ta wè m, paske, se yon etranje ke mwen ye?” <sup>11</sup> Boaz te reponn li: “Tout sa ke ou te fè pou bèlmè ou apre lanmò mari ou te deklare nèt a mwen menm e jan ou te kite papa ou avèk manman ou, peyi nesans ou e te vini a yon pèp ke ou pa t menm konnen oparavan. <sup>12</sup> ✧Ke SENYÈ a kapab bay ou rekonpans pou travay sa a e ke salè ou ki sòti nan SENYÈ a vin plen nèt; Li menm Bondye a Israël la, anba zèl a sila ou te vini mande refij la” <sup>13</sup> Epi li te di: “Mwen te jwenn favè nan zye ou, patwon mwen; paske, ou te fè m jwenn konfò e vrèman te pale pawòl emab anvè sèvant ou, malgre mwen pa youn nan sèvant ou yo. <sup>14</sup> Nan lè manje a, Boaz te di li: “Vin isit la, pou ou kapab manje nan pen an e fonsè mòso pen ou an nan vinèg la.” Konsa li te chita akote moun rekòlt yo. Li te sèvi li sereyal boukannen; li te manje, te satisfè, ✧epi te gen rès ki rete. <sup>15</sup> Lè li te leve pou ale ranmase, Boaz te kòmande sèvitè li yo. Li te di: “Kite li ranmase menm pami pakèt yo, pa bay li pwoblèm. <sup>16</sup> Anplis, nou va rale kèk nan pakèt yo eksprè e kite li la pou li kapab ranmase e pa repwoche l.” <sup>17</sup> Konsa Ruth te ranmase nan chan an jis rive nan aswè. Lè li te bat sa li te ranmase yo, li te anviwon yon efa lòj. <sup>18</sup> Li te pran li e te lantre nan vil la pou bèlmè li te wè sa ke li te ranmase yo. Li anplis te rale ✧bay Naomi sa ki te rete lè li menm te fin satisfè. <sup>19</sup> Bèlmè li te di li: “Kote ou te ranmase jodi a e kibò ou te travay? Pou sila ki te ✧pran enterè nan ou yo kapab beni!” Konsa, li te di bèlmè li avèk ki moun li te travay, epi te di: “Non a mesye a avèk sila mwen te travay jodi a te Boaz.” <sup>20</sup> Naomi te di bèlfi li: ✧“Ke li menm kapab beni pa SENYÈ a ki pa t retire mizerikòd li sou vivan yo ak sou mò yo.” Ankò, Naomi te di a li: “Nonm nan se fanmi nou, li se youn nan fanmi pwòch nou yo.” <sup>21</sup> Alò Ruth Moabit la te di, “Anplis, li te di mwen: ‘Ou dwe rete pre sèvitè mwen yo jiskaske yo fin fè rekòlt mwen.’” <sup>22</sup> Naomi te di a Ruth, bèlfi li a: “Sa bon pitit mwen pou ou sòti avèk sèvant li yo, pou kèk lòt moun pa vin tonbe sou ou nan yon lòt chan.”

✧ 2:1 Rt 1:2 ✧ 2:2 Lev 19:9-10 ✧ 2:4 Jij 6:12 ✧ 2:10 I Sam 25:23 ✧ 2:12 I Sam 24:19  
 ✧ 2:14 Rt 2:18 ✧ 2:18 Rt 2:14 ✧ 2:19 Sòm 41:1 ✧ 2:20 II Sam 2:5

23 Konsa li te rete pre sèvant Boaz yo pou ranmase jiska ☆fen rekòlt lòj la avèk ble a. Epi li te rete lakay bèlmè li.

### 3

1 Alò Naomi, bèlmè li a te di l: “Fi mwen, èske m pa dwe chache sekirite pou ou, pou sa kapab ale byen pou ou? 2 Alò èske Boaz avèk sèvant li kote ou te ye yo, èske se pa pwòch ☆fanmi pa nou? Gade byen, l ap vannen lòj nan glasi a aswè a. 3 Pou sa, lave kò ou, onksyone ou e mete pi bèl rad ou yo pou desann nan glasi vannen an. Men pa fè nonm nan konnen kilès ou ye jiskaske li fin manje ak bwè. 4 Li va rive ke lè li fin kouche, ke ou va remake byen kote li kouche a, epi ou va ale dekouvri pye li e kouche la. Konsa li va di ou kisa pou w fè.” 5 Epi li te di li: ☆“Tout sa ou di m fè, mwen va fè l” 6 Konsa, li te desann kote glasi vannen an pou te fè selon tout sa ke bèlmè li te kòmande li yo 7 Lè Boaz te fin manje ak bwè, ☆kè l te kontan. Konsa li te ale kouche nan pwent pil lòj la e Ruth te vin kote li an sekre, e te dekouvri pye li pou te kouche la. 8 Li te vin rive nan mitan nwit lan ke nonm nan te sibatman sanse yon bagay, epi lè l panche devan an, men yon fanm te kouche la nan pye li. 9 Li te di: “Kilès ou ye?” Li te reponn: “Mwen se Ruth, sèvant ou a Konsa, tann kouvèti ou sou sèvant ou a; paske, ou se pwòch fanmi pa m 10 Epi li te di: ☆“Ke ou kapab beni pa SENYÈ a, fi mwen. Ou te montre dènye favè ou a pi bèl pase premye a! Konsa, ke ou pa t kouri dèyè jennonm yo, kit rich, kit pòv. 11 Alò fi mwen, pa pè Mwen va fè pou ou nenpòt sa ke ou mande, paske tout pèp nan vil la konnen ke ou se ☆yon fanm plen kalite. 12 Alò, se vre ke mwen se yon pwòch fanmi. Men gen yon fanmi pi pre pase m. 13 Rete pou nwit lan e lè maten rive, ☆si li va peye ranson ou, trè byen; kite li peye ranson ou. Men si li pa vle peye ranson ou, alò, kon SENYÈ a viv la, mwen va peye ranson ou! Kouche la jis rive nan maten. 14 Konsa, li te kouche nan pye li jis rive nan maten e te leve avan youn ta kab rekonèt lòt. Konsa, Boaz te di: ☆“Pa kite li vin konnen ke fanm nan te vini nan glasi vannen an.” 15 Ankò li te di: “Ban mwen manto ki sou ou a e kenbe li.” Konsa, li te kenbe li e li te mezire sis mezi nan lòj la e te poze l sou li. Epi li te lantre nan vil la. 16 Lè li te rive vè bèlmè li, li te di: “Kijan sa te sòti, fi mwen?” Epi li te di li tout sa ke nonm nan te fè pou li. 17 Li te di: “Men sis mezi lòj li te ban mwen yo, paske li te di: ‘Pa kite men a bèlmè ou vid.’” 18 Epi li te di: “Tann, fi mwen, jiskaske ou konnen kijan afè sa vin fini, paske, nonm nan p ap pran repo jiskaske li fin regle li jodi a menm.

### 4

1 Alò Boaz te monte nan pòtay la e te chita la. Konsa, ☆fanmi pwòch a sila Boaz te pale a t ap pase. Epi li te di: “Vire akote, zanmi m; vin chita la!” Epi li te vire akote e te chita. 2 Li te pran dizòm nan ☆ansyen lavil yo, epi te di: “Vin chita isit la. Konsa, yo te vin chita. 3 Epi li te di a fanmi pwòch la: “Naomi, ki te vin retounen soti nan peyi Moab la, ap oblije vann mòso tè ☆ki te pou frè nou an, Élimélèc 4 Konsa, mwen te vle fè ou konnen, epi di: “Achte li devan sila ki chita yo ak devan ansyen pèp mwen yo. Si ou va peye ranson li, peye ranson li; men si ou p ap fè sa, fè m konnen; paske, nanpwen pèsòn ke ou menm pou peye ranson li, e se mwen aprè

☆ 2:23 Det 18:9 ☆ 3:2 Det 25:5-10 ☆ 3:5 Ef 6:1 ☆ 3:7 Jij 19:6-9 ☆ 3:10 Rt 2:20 ☆ 3:11 Pwov 12:4 ☆ 3:13 Det 25:5 ☆ 3:14 Wo 14:16 ☆ 4:1 Rt 3:12 ☆ 4:2 I Wa 21:8 ☆ 4:3 Lev 25:25



ou.’” Konsa li te di: “Mwen va peye ranson li.” <sup>5</sup> Epi Boaz te di: “Nan jou ke ou achte chan an nan men Naomi a, fòk osi ou pran Ruth, Moabit la, vèw a mò a, pou ou kapab ✨fè leve non a sila ki mouri an sou eritaj pa li.” <sup>6</sup> ✨Pwòch fanmi an te di: “Mwen pa kapab peye ranson li pou kont mwen; paske, mwen ta mete pwòp eritaj mwen an danje. Peye ranson li pou kont ou; ou kapab genyen dwa ranson pa m nan. Paske, mwen pa kapab peye ranson li. <sup>7</sup> Alò sa se te ✨koutim lontan an Israèl pou ranson ak echanj tè pou vin an lòd avèk nenpòt afè. Yon nonm ta retire sapat li, te lonje li bay yon lòt. Se konsa pou te fè atestasyon an Israèl. <sup>8</sup> Konsa, pwòch fanmi an te di Boaz: “Achte li pou kont ou.” Epi li te retire sandal li. <sup>9</sup> Alò, Boaz te di a lansyen yo ak tout pèp la: “Nou se temwen jodi a ke mwen te achte soti nan men Naomi tout sa ki te pou Élimélèc yo ak tout sa ki te pou Kiljon avèk Machlon yo. <sup>10</sup> Anplis, mwen te pran Ruth, Moabit la, vèw a Machlon an, kon madanm mwen, jis pou non a mò a kapab leve sou eritaj pa li. ✨Pou non a mò a pa vin dekoupe soti nan frè li yo, ni nan rejis tribinal nesans li a. Nou se temwen jodi a.” <sup>11</sup> Tout pèp la te la nan tribinal la ak lansyen yo te di: “Nou se temwen Ke SENYÈ a kapab fè fanm k ap antre lakay ou a ✨tankou Rachel avèk Léa, tou de ki te bati lakay Israèl la. Epi ke ou va reyisi richès ou nan Éphrata e vin rekonèt pa tout moun nan Bethléhem nan. <sup>12</sup> Anplis, ke lakay pa w kapab vin tankou lakay ✨Pérets, ke Tamar te fè pou Juda, ak desandan ke SENYÈ a va bannou pa jenn fanm sila a.” <sup>13</sup> Konsa Boaz te pran Ruth. Li te devni madanm li, epi li te antre ladann. Konsa ✨SENYÈ a te fè l kapab vin ansent e li te fè yon fis. <sup>14</sup> Alò ✨fanm yo te di a Naomi: “Beni se SENYÈ a ki pa t kite ou san redanmtè jodi a. Ke non li kapab vin rekonèt toupatou an Israèl! <sup>15</sup> Anplis ke li kapab devni pou ou yon redanmtè lavi ak yon soutyen pou vyeyès ou. Anplis, pou bèlfi ou, ki renmen ou ✨e ki pran swen ou pi byen pase sèt fis ki te bay li. nesans. <sup>16</sup> Alò, Naomi te pran pitit la, te fè l kouche sou janm li yo pou te pran swen li. <sup>17</sup> Fanm vwazinaj la te bay li non an, epi te di: “Yon fis te ne pa Naomi!” Konsa, yo te rele li Obed Li se papa a Jessé, papa a David. <sup>18</sup> Alò, sila yo se jenerasyon a Pérets yo: ✨Pérets te fè Hetsron <sup>19</sup> Hetsron te fè Ram; Ram te fè Amminadab; <sup>20</sup> Amminadab te fè Nachschon; Nachschon te fè Salmon; <sup>21</sup> Salmon te fè Boaz; Boaz te fè Obed; <sup>22</sup> Obed te fè Jessé; epi, Jessé te fè David.

✨ 4:5 Jen 38:8 ✨ 4:6 Lev 25:25 ✨ 4:7 Det 25:8-10 ✨ 4:10 Det 25:6 ✨ 4:11 Jen 29:25-30  
 ✨ 4:12 Jen 38:29 ✨ 4:13 Jen 29:31 ✨ 4:14 Luc 1:58 ✨ 4:15 Rt 1:16-17 ✨ 4:18 Mat 1:3-6

## I Samuel

<sup>1</sup> Alò te genyen yon sèten mesye ki te soti nan Ramathaim-Tsophim nan \*peyi ti kolin Éphraïm yo, non li se te \*Elkana, fis a Jeroham la, fis a Élihu a, fis a Thohu, fis a Tsuph, Efratyen an <sup>2</sup> Li te gen \*de madanm: youn te rele \*Anne e lòt la te Peninna. Peninna te fè pitit, men Anne pa t fè pitit. <sup>3</sup> Alò, mesye sa a te konn monte soti nan vil li a chak ane \*pou adore ak fè sakrifis a SENYÈ dèzame yo nan \*Silo. Epi de fis Éli yo, Hophni avèk Phinéés te prèt SENYÈ a nan kote sa a. <sup>4</sup> Lè jou a te vini pou Elkana te fè sakrifis yo, li \*ta bay yon pòsyon a Peninna, madanm li an e a tout fis li yo avèk fi li yo. <sup>5</sup> Men a Anne, li ta bay yon pòsyon doub, paske li te renmen Anne; \*men SENYÈ a te fèmen vant li. <sup>6</sup> Men lòt madanm nan avèk kè anmè \*te konn chache pwovoke l pou fè l fache akòz SENYÈ a te fèmen vant li. <sup>7</sup> Li te rive ane aprè ane, otan ke li te monte vè lakay SENYÈ a, li ta pwovoke li. Konsa, li te kriye e li te vin refize manje. <sup>8</sup> Epi Elkana te di li: “Anne, poukisa ou kriye konsa? Poukisa ou pa manje e poukisa kè ou tris? <sup>9</sup> Epi Anne te leve lè l te fin manje ak bwè nan Silo. Alò Éli, prèt la, te chita sou chèz akote poto pòt \*tanp SENYÈ a. <sup>10</sup> Li menm, twouble anpil, te priye a SENYÈ a e te kriye byen anmè. <sup>11</sup> Li te fè yon ve e te di: “O SENYÈ dèzame, si Ou va vrèman gade afliksyon sèvant Ou an e sonje mwen an, sonje mwen e pa bliye sèvant Ou an. Konsa Ou va bay sèvant Ou an yon fis; epi mwen va bay li a SENYÈ a pou tout jou lavi li yo, e yon razwa p ap janm touche tèt li.” <sup>12</sup> Alò, li te vin rive ke pandan li t ap priye devan SENYÈ a, Éli t ap gade bouch li. <sup>13</sup> Selon Anne, \*li t ap priye nan kè l, men se sèl lè li ki t ap mache, e vwa li pa t fè bwi. Konsa, Éli te sipoze ke li te sou. <sup>14</sup> Alò Éli te di li: \**“Pou konbyen de tan ou va rete sou konsa? Mete diven sa a lwen ou.”* <sup>15</sup> Men Anne te reponn: “Non, mèt mwen! Mwen se yon fanm oprime nan lespri. Mwen pa t bwè diven, ni bwason fò; men mwen \*te debarase nanm mwen devan SENYÈ a <sup>16</sup> Pa konsidere sèvant ou kòm yon fanm san valè; paske, jis koulye a, mwen te pale akòz gran doule avèk chagren mwen.” <sup>17</sup> Alò, Éli te reponn e te di: “Ale anpè. Epi ke Bondye Israèl la kapab \*ba ou sa ou mande L la.” <sup>18</sup> Li te di: \**“Ke sèvant ou twouve favè nan zye ou.”* Konsa, fanm nan te al fè wout li. Li te vin manje e figi li pa t tris ankò. <sup>19</sup> Alò, yo te leve granmmaten pou te adore devan lakay yo nan \*Rama. Epi Élkana te antre an relasyon avèk Anne, madanm li an, e SENYÈ a te sonje li. <sup>20</sup> Li te vin rive nan pwòp lè li, apre Anne te vin ansent lan, ke li te bay nesans a yon gason. Epi li te bay li non Samuel. \*Li te di: “Akòz mwen te mande SENYÈ a pou li.” <sup>21</sup> Epi mesye a, Elkana \*te monte avèk tout lakay li pou fè ofrann sakrifis bay SENYÈ a ak pou peye ve li a. <sup>22</sup> Men Anne pa t monte, paske, li te di a mari li: “Mwen p ap monte jiskaske pitit la sevre. Epi mwen va pote li pou l kapab parèt devan SENYÈ a e \*rete la nèt.” <sup>23</sup> \*Elkana, mari li te di li: “Fè sa ki

\* 1:1 Jos 17:17-18 \* 1:1 I Kwo 6:22-38 \* 1:2 Det 21:15-17 \* 1:2 Luc 2:36 \* 1:3 Egz 23:14 \* 1:3 Jos 18:1 \* 1:4 Det 12:17-18 \* 1:5 Jen 16:1 \* 1:6 Job 24:21 \* 1:9 I Sam 3:3 \* 1:13 Jen 24:42-45 \* 1:14 Trav 2:4-13 \* 1:15 Sòm 42:4 \* 1:17 Sòm 20:3-5 \* 1:18 Jen 33:15 \* 1:19 I Sam 1:1 \* 1:20 Egz 2:10-22 \* 1:21 Det 12:11 \* 1:22 I Sam 1:28 \* 1:23 Nonb 30:7-11

sanble bon a ou menm. Rete jiskaske ou sevre li; sèlman ke SENYÈ a kapab acheve pawòl li.” Konsa, fanm nan te rete pran swen pitit la jiskaske li te vin sevre. <sup>24</sup> Alò, lè li te fin sevre ✧li, li te pran li monte avè l ansanm avèk yon towò twazan, yon efa farin, ak yon boutèy diven. Li te mennen li lakay a SENYÈ a nan Silo, malgre pitit la te tèlman piti. <sup>25</sup> Epi ✧yo te touye towò a e te ✧mennen gason an bay Éli. <sup>26</sup> Li te di: “O mèt mwen! Tankou nanm ou viv la, mèt mwen, mwen se fanm ki te kanpe la bò kote ou a, ki t ap priye a SENYÈ a. <sup>27</sup> Se ✧pou gason sila a ke m te priye a e SENYÈ a te ban mwen demand ke m te fè Li a <sup>28</sup> ✧Konsa, mwen te konsakre li bay SENYÈ a. Pou tout tan ke li ta viv li konsakre a SENYÈ a.” Epi ✧Samuel te adore SENYÈ a la sou plas.

## 2

<sup>1</sup> Alò, Anne te priye e te di: “Kè mwen vin leve wo nèl nan SENYÈ a; ✧Kòn mwen leve wo nan SENYÈ a, Bouch mwen pale kouraj kont lènmi mwen yo, Akoz mwen rejwi nan delivrans Ou, <sup>2</sup> ✧nanpwen pèsòn ki sen tankou SENYÈ a, Anverite, nanpwen lòt sof ke Ou menm, Ni nanpwen okenn wòch tankou Bondye pa nou an <sup>3</sup> Pa vin ògeye ankò, ✧pa kite awogans sòti nan bouch ou; Paske SENYÈ a se yon Bondye avèk konesans E avèk Li, tout zak yo peze nan balans <sup>4</sup> ✧Banza a pwisan yo vin fann, kraze nèl, ✧Men fèb yo vin gen fòs <sup>5</sup> Sila ki te gen vant plen yo vin vann tèl yo pou achte pen; men sila ki te grangou sispann grangou. Menm sila ki te esteril la fè sèt pitit; men ✧Sila ki te fè anpil pitit la vin fèb <sup>6</sup> Se SENYÈ a ki detwi e ki fè viv; ✧Li rale desann nan sejou lanmò yo e Li leve wo <sup>7</sup> ✧SENYÈ a fè pòv ak rich; Li abese e anplis, Li leve. <sup>8</sup> ✧Li leve malere sòti nan pousyè; Li leve sila ki nan bezwen an soti nan pil sann nan, Pou fè yo chita avèk prens yo e jwenn yon chèz lonè kòm eritaj Paske pilye tè yo se pou SENYÈ a yo ye; epi Li te plase lemond sou yo <sup>9</sup> Li gade pye a sen Li yo; ✧ men, mekan yo va fè silans nan tenèb la; ✧Paske, se pa pa lafòs ke yon nonm vin reyisi <sup>10</sup> ✧Sila ki fè lènmi avèk SENYÈ a va kraze nèl; Kont yo Li va gwonde depi nan syèl yo, SENYÈ a ki va jije jis rive nan tout ekstremitè latè yo Epi Li va bay kouraj a wa Li Li ✧ va fè leve wo kòn onksyon pa Li a. <sup>11</sup> Epi Elkana te ale lakay li Rama. ✧Men gason an te fè sèvis a SENYÈ a devan Éli, prèt la <sup>12</sup> Alò, fis a Éli yo te ✧vagabon; yo pa t konnen SENYÈ a, <sup>13</sup> ✧ni koutim prèt yo avèk pèp pa yo. Lè yon moun t ap ofri yon sakrifis, sèvitè a prèt la te konn vini pandan vyann nan t ap bouyi avèk yon fouch twa pwent nan men l. <sup>14</sup> Konsa, li te konn fonsè l nan kivèt ak chodyè a, oswa bonm nan, oswa po a. Epi tout sa ke fouch la fè leve, prèt la ta pran l pou kont li. Konsa yo te fè tout Izrayelit yo ki parèt nan Silo. <sup>15</sup> Anplis, avan ✧yo te brile grès la, sèvitè prèt la te vini e te di a mesye ki t ap fè sakrifis la: “Bay prèt la vyann pou boukannen; paske li p ap pran vyann bouyi nan men nou, sèl sa ki poko kwit.” <sup>16</sup> Si mesye a ta di li: “Fòk yo brile grès la avan e apre, ou kab pran sa ou pito, “Alò, li ta di: “Non, men, se koulye a, pou ou ban mwen li. Si se pa konsa, m ap sezi l pa lafòs.” <sup>17</sup> Konsa, peche

✧ 1:24 Nonb 15:9-10 ✧ 1:25 Lev 1:5 ✧ 1:25 Luc 2:22 ✧ 1:27 I Sam 1:11-13 ✧ 1:28 I Sam 1:11-22 ✧ 1:28 Jen 24:26-52 ✧ 2:1 Det 33:17 ✧ 2:2 Egz 15:11 ✧ 2:3 Pwov 8:13 ✧ 2:4 Sòm 37:15 ✧ 2:4 Eb 11:32-34 ✧ 2:5 Jr 15:9 ✧ 2:6 Ès 26:19 ✧ 2:7 Det 8:17-18 ✧ 2:8 Job 42:10-12 ✧ 2:9 Mat 8:12 ✧ 2:9 Sòm 33:16-17 ✧ 2:10 Egz 15:6 ✧ 2:10 Sòm 89:24 ✧ 2:11 I Sam 1:28 ✧ 2:12 Jr 2:8 ✧ 2:13 Lev 7:29-34 ✧ 2:15 Lev 3:3-16

jennonm yo te trè gran devan SENYÈ a, paske moun te meprize ofrann SENYÈ a. <sup>18</sup> Alò Samuel te fè sèvis devan SENYÈ a tankou yon jenn gason ✧abiye ak yon efòd fèt ak len. <sup>19</sup> Epi manman li ta fè pou li yon ti ✧manto pou pote ba li chak ane lè l te monte avèk mari li pou ofri ✧sakrifis la <sup>20</sup> Alò, Éli ta beni Elkana avèk madanm li e di: “Ke SENYÈ a ba ou pitit pa fanm sa a pou ranplase sila ke li te ✧konsakre bay SENYÈ a.” Epi yo te ale lakay yo. <sup>21</sup> ✧SENYÈ a te vizite Anne; epi, li te vin ansent e te bay nesans a twa fis ak de fi. Epi gason Samuel la te grandi devan SENYÈ a. <sup>22</sup> Alò Éli te vin trè vye, e li te tandè tout sa ke fis li yo t ap fè a tout Israèl la ak jan yo te kouche avèk fanm ki te sèvi nan pòtay tant asanble a. ✧ <sup>23</sup> Li te di yo: “Poukisa nou konn fè bagay parèy sa yo, bagay mechan ke m tandè tout moun sa yo pale yo?” <sup>24</sup> Non, fis mwen yo, rapò ✧ke m tandè sikile pami pèp la pa bon. <sup>25</sup> Si yon nonm vin peche kont yon lòt, ✧Bondye va entèsede pou li. Men si yon nonm peche kont SENYÈ a, se kilès ki kab entèsede pou li?” Men yo pa t koute vwa a papa yo, paske ✧SENYE a te vle mete yo a lanmò. <sup>26</sup> Alò, gason ✧Samuel t ap grandi nan wotè ak nan favè avèk SENYÈ a e avèk tout moun. <sup>27</sup> Alò, yon ✧ nonm Bondye te vin kote Éli e te di li: “Men konsa SENYÈ a pale: ‘Èske Mwen pa t vrèman revele Mwen menm a kay zansèt ou yo lè yo te an Égypte nan esklavaj lakay Farawon an? <sup>28</sup> Èske Mwen pa t chwazi yo soti nan tribi Israèl yo pou devni prèt Mwen, pou monte vè lotèl Mwen, pou brile lansan, pou pote yon efòd devan Mwen? Epi èske Mwen pa t bay lakay zansèt nou yo tout ofrann dife fis Israèl yo? <sup>29</sup> Poukisa ou ✧voye pye kont sakrifis Mwen ak sou ofrann ke M te kòmande nan kay abitasyon Mwen an e ✧bay onè a fis ou yo plis ke Mwen menm lè nou fè nou menm gra avèk pi bèl chwa a chak ofrann pèp Mwen an, Israèl?” <sup>30</sup> Pou sa, SENYÈ a, Bondye a Israèl la deklare: ‘Mwen te vrèman di ke lakay ou ak lakay zansèt ou yo ta dwe mache devan Mwen pou tou tan.’ Men koulye a SENYÈ a deklare: ‘Mete nou lwen Mwen — paske ✧sila ki onore Mwen yo, Mwen va onore yo; men, sila ki meprize Mwen yo, Mwen va meprize yo. <sup>31</sup> Gade byen, ✧jou yo ap vini ke Mwen va kase fòs ou ak fòs lakay zansèt nou yo jiskaske pa gen yon granmoun lakay nou. <sup>32</sup> Ou va wè ✧twoub nan abitasyon Mwen, malgre tout byen ke m va fè pou Israèl; epi, yon granmoun p ap dire lakay ou jis pou tout tan. <sup>33</sup> Malgre sa, Mwen p ap dekoupe tout mesye ou yo sou lotèl Mwen an, jiskaske zye nou kapab febli akòz kriye nou, nanm nou gen doulè e tout desandan lakay nou yo va vin mouri pandan tout gwo fòs jènes yo toujou sou yo. <sup>34</sup> Sa va yon sign pou nou menm ki va vini konsènan de fis ou yo, Hophni avèk Phinéas: ✧ nan menm jou a, yo toude va mouri. <sup>35</sup> Men Mwen va fè leve pou kont Mwen yon prèt fidèl ki va fèt selon sa ki nan kè M ak nan nanm Mwen. Epi Mwen va bati pou li yon kay k ap dire e li va mache toujou devan onksyon Mwen. <sup>36</sup> Tout sila ki rete lakay ou yo va vin bese ba a li menm pou yon pyès ajan, oswa yon mòso pen, e yo va di: “Souple, ban m yon plas nan youn nan pozisyon prèt yo pou m kab manje yon mòso pen.’”

✧ **2:18** I Sam 2:7-9 ✧ **2:19** Egz 28:31 ✧ **2:19** I Sam 1:3-21 ✧ **2:20** I Sam 1:11-28 ✧ **2:21** Jen 21:1 ✧ **2:22** I Sam 2:13-17; Egz 38:8 ✧ **2:24** I Wa 15:26 ✧ **2:25** Det 1:17 ✧ **2:25** Jos 11:20 ✧ **2:26** I Sam 2:21 ✧ **2:27** Det 33:1 ✧ **2:29** I Sam 2:13-17 ✧ **2:29** Mat 10:37 ✧ **2:30** Sòm 50:23 ✧ **2:31** I Sam 4:11-18 ✧ **2:32** I Wa 2:26-27 ✧ **2:34** I Sam 4:11-17

### 3

<sup>1</sup> Alò, ✧ Samuel te sèvi SENYÈ a devan Éli. Epi yon pawòl soti nan SENYÈ a te ra nan jou sa yo e vizyon yo pa t fèt souvan. <sup>2</sup> Li te rive nan lè sa a ke pandan Éli te kouche nan plas li, (alò, ✧vizyon li te kòmanse febli; li pa t kab wè byen), <sup>3</sup> epi, ✧lanp Bondye a potko etenn e Samuel te kouche nan tanp SENYÈ a kote lach Bondye a te ye a, <sup>4</sup> ke SENYÈ a te rele Samuel; epi li te reponn: ✧“Men mwen isit la!” <sup>5</sup> Alò, li te kouri vè Éli e te di: “Men mwen, paske ou te rele m.” Men li te di: “Mwen pa t rele ou; ale kouche ankò.” Konsa, li te retounen kouche. <sup>6</sup> Senyè a te rele ankò: “Samuel!” Konsa, Samuel te leve, li te ale vè Éli e te di: “Men mwen, paske ou te rele m.” Men li te reponn: “Mwen pa t rele ou, fis mwen, ale kouche ankò.” <sup>7</sup> ✧Alò, Samuel potko konnen SENYÈ a, ni pawòl SENYÈ a potko revele a li. <sup>8</sup> Alò, SENYÈ a te rele Samuel ankò pou yon twazyèm fwa. Epi li te leve ale vè Éli e te di: “Men mwen, paske ou te rele mwen.” Epi Éli te vin apèsi ke SENYÈ a t ap rele gason an. <sup>9</sup> Epi Éli te di a Samuel: “Ale kouche e li va fèt ke si Li rele ou, ke ou va di: ‘Pale, SENYÈ a, paske sèvitè ou ap koute ou.’” Konsa, Samuel te ale kouche nan plas li. <sup>10</sup> Alò SENYÈ a te vin kanpe e Li te rele tankou lòt fwa yo: “Samuel! Samuel!” Epi Samuel te di: “Pale, paske sèvitè ou ap koute ou.” <sup>11</sup> SENYÈ a te di a Samuel: “Veye byen, ✧Mwen prèt pou fè yon bagay an Israèl k ap fè zòrèy tout moun an Israèl vin toudi <sup>12</sup> Nan jou sa a, ✧Mwen va pote kont Éli tout sa ke M te pale pa lakay li, soti nan kòmansman, jiska lafen <sup>13</sup> Paske, ✧Mwen te di li ke Mwen prèt pou jije lakay li pou tout tan pou inikite ke li te konnen yo. Akoz fis li yo te mennen yon madichon sou pwòp tèt yo e ✧li pa t repwoche yo <sup>14</sup> Pou sa, mwen te fè temwen anvè lakay Éli ke ✧inikite lakay Éli p ap padone, ni avèk ofrann, ni avèk sakrifis.” <sup>15</sup> Konsa, Samuel te kouche jis rive nan maten. Li te ✧ouvri pòt lakay SENYÈ a. Men li te krent pou pale Éli vizyon an. <sup>16</sup> Alò, Éli te rele Samuel e te di: “Samuel, fis mwen.” Epi li te di: “Men mwen.” <sup>17</sup> Li te di: “Ki pawòl ke Li te pale ou a? Souple, pa kache l pou mwen ✧Ke Bondye fè sa pou ou menm e menm plis osi, si ou kache yon bagay a mwen nan tout pawòl ke li te pale ou yo.” <sup>18</sup> Konsa, Samuel te di li tout bagay e li pa t kache anyen a li menm. Epi li te di: ✧“Li se SENYÈ a; kite Li fè sa ki sanble bon pou Li menm.” <sup>19</sup> Konsa, ✧Samuel te grandi, ✧SENYÈ a te avèk li e Li pa t kite okenn nan pawòl li yo manke reyisi. <sup>20</sup> Tout Israèl ✧soti nan Dan jis rive menm Beer-Schéba te konnen ke Samuel te konfime kòm yon pwofèt a SENYÈ a. <sup>21</sup> Epi ✧SENYÈ a te vin parèt ankò nan Silo, ✧paske SENYÈ a te revele Li menm a Samuel nan Silo selon pawòl Bondye a.

### 4

<sup>1</sup> Konsa, pawòl a Samuel te rive a tout Israèl. Alò, Israèl te sòti pou rankontre Filisten yo nan batay e li te fè kan akote ✧Ében-Ézer pandan Filisten yo te rete Aphek. <sup>2</sup> Filisten yo te parèt nan ranje batay yo pou rankontre Israèl. Lè batay la te gaye, Israèl te vin bat devan Filisten yo ki

✧ **3:1** I Sam 2:11-18 ✧ **3:2** Jen 27:1 ✧ **3:3** Egz 25:31-37 ✧ **3:4** És 6:8 ✧ **3:7** Trav 19:2  
 ✧ **3:11** II Wa 21:12 ✧ **3:12** I Sam 2:27-36 ✧ **3:13** I Sam 2:29-31 ✧ **3:13** Det 17:12 ✧ **3:14**  
 Lev 15:31 ✧ **3:15** I Kwo 15:23 ✧ **3:17** II Sam 3:35 ✧ **3:18** Egz 34:5-7 ✧ **3:19** I Sam 2:21  
 ✧ **3:19** Jen 21:22 ✧ **3:20** Jij 20:1 ✧ **3:21** Jen 12:7 ✧ **3:21** I Sam 3:10 ✧ **4:1** I Sam 7:12

te touye anviwon kat-mil òm sou chan batay la. <sup>3</sup> Lè pèp la te antre nan kan an, ansyen a Israël yo te di: ✨“Poukisa SENYÈ a bat nou konsa jodi a devan Filisten yo? Annou pran pou nou menm lach akò a soti Silo, pou li kapab vini pami nou e livre nou sòti anba pouvwa lènmi nou yo.” <sup>4</sup> Konsa pèp la te voye Silo e soti la, yo te pote lach akò SENYÈ dèzame a, ✨ki chita anwo cheriben yo. Epi de fis a Éli yo: Hophni avèk Phinéés, te la avèk lach akò Bondye a. <sup>5</sup> Pandan lach akò SENYÈ a te antre nan kan an, ✨tout Israël te kriye avèk yon gwo kri, jiskaske tè a te vin sone <sup>6</sup> Lè Filisten yo te tande gwo kri sila a, yo te di: “Kisa sa vle di? Gwo kri sila a nan kan Ebre yo?” Epi yo te vin konprann ke lach SENYÈ a te antre nan kan an. <sup>7</sup> Filisten yo te krent, paske yo te di: “Bondye vin antre nan kan an.” Epi yo te di: ✨“Malè a nou menm! Paske anyen parèy a sa pa t konn fèt avan. <sup>8</sup> Malè a nou menm! Kilès k ap delivre nou nan men a dye pwisan sa yo? Sila yo se dye ki te frape Ejipsyen yo avèk tout kalite fleyo nan dezè a. <sup>9</sup> ✨Pran kouraj e mete gason sou nou, O Filisten yo, oswa nou va devni esklav a Ebre yo jis jan ke yo te esklav nou an. Pou sa, mete gason sou nou pou nou goumen! <sup>10</sup> Konsa, Filisten yo te goumen e ✨Israël te bat. Tout mesye yo te sove ale rive nan pwòp tant yo. Masak la te byen gwo, e te vin tonbe an Israël trant-mil sòlda a pye. <sup>11</sup> Anplis, lach Bondye a te sezi pran; epi ✨de fis Éli yo, Hophni avèk Phinéés te mouri. <sup>12</sup> Konsa yon mesye a Benjamin te kouri sòti nan chan batay yo pou te parèt Silo nan menm jou a avèk ✨rad li chire ak pousyè sou figi li. <sup>13</sup> Lè li te vini, vwala, ✨Éli te chita sou chèz li akote wout la pou veye tann, akoz kè li t ap tranble pou lach SENYÈ a. Konsa, mesye a te vin pale sa nan vil la e tout vil la te kriye fò <sup>14</sup> Lè Éli te tande bri kriye a, li te di: “Kisa bri kriye sa a vle di?” Epi mesye a te vini avèk vitès e li te pale Éli. <sup>15</sup> Alò, Éli te gen laj a katrevendizuit ane, ✨zye li te fikse men li pa t kab wè. <sup>16</sup> Mesye a te di a Éli: “Mwen se sila ki te sòti nan chan batay la. Vrèman, mwen te chape sòti nan chan batay la jodi a.” Epi li te di: ✨Kijan tout bagay te mache, fis mwen?” <sup>17</sup> Epi sila ki te pote nouvèl la te reponn: “Israël te sove ale devan Filisten yo e te genyen osi, yon gwo masak pami pèp la. Anplis, de fis ou yo, Hophni avèk Phinéés mouri e lach Bondye a te pran an kaptivite.” <sup>18</sup> ✨Lè li te mansyone lach Bondye a, Éli te tonbe sou chèz li pa dèyè akote pòtay la. Kou li te kase e li te mouri, paske li te fin granmoun e li te gra.” Konsa, li te jije Israël pandan karant ane. <sup>19</sup> Alò, bèlfi li, madanm a Phinéés te ansent e prèt pou akouche. Lè li te tande nouvèl ke lach Bondye a te pran an kaptivite e ke bòpè li avèk mari li te mouri, li te bese sou jenou li e te akouche, paske doulè li te vin rive sou li. <sup>20</sup> Epi nan lè li t ap mouri an, fanm ki te kanpe akote li a te di li: ✨“Pa pè, paske ou te bay nesans a yon fis.” Men li pa t reponn li ni li pa t okipe li. <sup>21</sup> Epi li te rele gason an I-Kabod, e te di: “Laglwà gen tan kite Israël,” akoz ✨lach Bondye a te pran an kaptivite e akoz bòpè li avèk mari li. <sup>22</sup> Li te di: “Laglwà gen tan pati soti an Israël; paske, lach Bondye a te pran an kaptivite.”

## 5

<sup>1</sup> Alò, Filisten yo te pran lach Bondye a e yo te mennen li soti Ében-Ézer

✨ **4:3** Jos 7:7-8 ✨ **4:4** II Sam 6:2 ✨ **4:5** Jos 6:5-20 ✨ **4:7** Egz 15:14 ✨ **4:9** I Kor 16:13  
 ✨ **4:10** Det 28:15-25 ✨ **4:11** I Sam 2:34 ✨ **4:12** Jos 7:6 ✨ **4:13** I Sam 1:9 ✨ **4:15** I Sam 3:2  
 ✨ **4:16** II Sam 1:4 ✨ **4:18** I Sam 4:13 ✨ **4:20** Jen 35:16-19 ✨ **4:21** I Sam 4:11

pou rive ✧Asdod. <sup>2</sup> Epi Filisten yo te pran lach Bondye a, yo te mennen li ✧lakay Dagon e yo te poze li akote Dagon. <sup>3</sup> Lè Asdodyen yo te leve granmmaten nan aprè, veye byen, ✧Dagon te tonbe atè sou figi li devan lach SENYÈ a. Konsa, yo pran Dagon e mete li nan plas li ankò. <sup>4</sup> Men lè yo te leve bonè granmmaten, vwala, ✧Dagon te tonbe atè sou figi li devan lach SENYÈ a. Epi tèt Dagon an avèk toude pla men l te koupe atè nan papòt la; se sèl twòn kò Dagon an ki te rete sou li. <sup>5</sup> Akoz sa, ni prèt Dagon yo ni tout moun ki antre lakay Dagon nan Asdod jis rive jodi a, pa janm ✧foule pye yo nan papòt Dagon an. <sup>6</sup> Alò ✧men SENYÈ a te lou sou Asdodyen yo, li te fè yo vin dezole e te frape yo avèk gwo boul bouton, ni Asdod, ni teritwa li yo. <sup>7</sup> Lè Mesye Asdod yo te wè ke sa te konsa, yo te di: “Fòk lach Bondye Israèl la pa rete pami nou. Paske, men Li lou sou nou ak sou Dagon, dye pa nou an.” <sup>8</sup> Konsa, yo te voye ranmase tout prens Filisten yo kote yo, e te di: “Kisa nou dwe fè avèk lach Bondye Israèl la?” Epi yo te di: “Kite lach Bondye Israèl la pote rive ozanviwon Gath.” Epi yo te pote lach Bondye a Israèl la rive. <sup>9</sup> Lè yo te fin pote li rive: men, SENYÈ a te vin kont vil la avèk gwo boulvèsman; epi Li te frape Mesye lavil yo, ni jenn, ni granmoun jiskaske gwo boul bouton ✧ yo te vin pete sou yo. <sup>10</sup> Konsa yo te voye lach Bondye a nan Ékron. Epi pandan lach Bondye a te rive nan Ékron, Ekwonyen yo te kriye fò, e te di: “Yo vin pote Bondye Israèl la bò kote nou pou touye nou avèk pèp nou an.” <sup>11</sup> Pou sa, yo te voye rasanble tout prens a Filisten yo, e te di: “Voye lach Bondye Israèl la ale e kite li retounen nan pwòp plas li, pou li pa touye nou avèk pèp nou an.” Paske te genyen yon gwo boulvèsman ki t ap mennen lanmò toupatou nan vil la. ✧Men SENYÈ a te lou kote sa a. <sup>12</sup> Epi Mesye ki pa t mouri yo te frape avèk gwo boul bouton yo e ✧gwo kri lavil la te monte jis rive nan syèl la.

## 6

<sup>1</sup> Alò, lach SENYÈ a te nan peyi Filisten yo pandan sèt mwa. <sup>2</sup> Epi ✧Filisten yo te rele prèt yo avèk divinò yo, e te di yo: “Kisa pou nou fè avèk lach SENYÈ a? Di nou kijan nou dwe voye li nan plas li.” <sup>3</sup> Yo te di: “Si ou voye lach Bondye Israèl la ale, pa voye li vid; men, ou va, anverite, remèt Li yon ofrann koupab. Konsa nou va geri e li va vin konprann poukisa men L poko retire sou nou.” ✧ <sup>4</sup> Epi yo te di: “Kisa nou dwe voye kòm ofrann koupab pou remèt Li a?” Epi yo te di: “Senk imaj boul bouton fèt an lò avèk senk imaj sourit fèt an lò nan non prens Filisten yo; paske se te yon sèl fleyo ki te vini sou nou tout ak sou prens nou yo. <sup>5</sup> Konsa nou va fè yo sanblab a boul bouton nou yo e sanblab a sourit ki anvayi peyi nou an; epi ✧nou va bay glwa a Bondye Israèl la. Petèt, ✧Li kab lache men l sou nou. <sup>6</sup> Poukisa nou fè kè di ✧tankou Ejipsyen yo avèk Farawon te fè kè yo di a? Lè li te fin aji sevèman avèk yo, ✧èske li pa t kite pèp la ale e yo te ale? <sup>7</sup> Pou sa, ale fè yon kabwèt nèf avèk de vach nouris ✧ki pa t janm rale chaj. Fè vach yo rale chaj sou kabwèt la e retire ti bèf yo mennen yo lakay, lwen yo <sup>8</sup> Pran lach SENYÈ a e mete li sou kabwèt la, epi mete ✧bagay an lò ke nou ap retounen bay kòm ofrann koupab la nan yon bwat akote li. Alò, voye li ale pou li kapab ale. <sup>9</sup> Veye, si li monte pa chemen

✧ 5:1 Jos 13:3 ✧ 5:2 Jij 16:23-30 ✧ 5:3 És 19:1 ✧ 5:4 Esd 6:4-6 ✧ 5:5 So 1:9 ✧ 5:6 Sòm 145:20 ✧ 5:9 Jen 46:8-27 ✧ 5:11 I Sam 5:6-9 ✧ 5:12 Egz 12:30 ✧ 6:2 Egz 7:11 ✧ 6:3 Det 16:16; Lev 5:15,16 ✧ 6:5 Jos 7:19 ✧ 6:5 I Sam 5:6-11 ✧ 6:6 Egz 7:13 ✧ 6:6 Egz 12:31 ✧ 6:7 Nonb 19:2 ✧ 6:8 I Sam 6:4-5

Béth-Schémesch. Konsa n a konnen se Li menm ki fè nou gwo malè sila a. Men si se pa konsa; alò, nou va konnen ke se pa men Li menm ki te frape nou an, men sa te vin rive pa aza. <sup>10</sup> Se konsa mesye yo te fè. Yo te pran de vach nouris, yo te fè yo rale chaj nan kabwèt la e te fèmen ti bèf yo lakay. <sup>11</sup> Yo te mete lach SENYÈ a sou kabwèt la e bwat la avèk sourit an lò ak imaj gwo boul bouton yo. <sup>12</sup> Epi vach yo te pran wout dwat nan direksyon Beth-Schémesch. Yo te fè wout nan \*gran chemen an. Yo te rele fò pandan yo nan wout la e yo pa t vire akote ni adwat, ni agoch. Prens Filisten yo te swiv yo jis rive nan lizyè Beth-Schémesch la. <sup>13</sup> Alò, Beth-Schémesch t ap fè rekòlt ble pa yo nan vale a. Yo te leve zye yo, yo te wè lach la e yo te kontan wè li. <sup>14</sup> Kabwèt la te vini nan chan Josué a, moun Beth-Schémech, e li te kanpe la kote ki te gen yon gwo wòch. Epi yo te fann bwa kabwèt la e yo te \*ofri vach yo kòm ofrann brile a SENYÈ a <sup>15</sup> \*Levit yo te desann lach SENYÈ a ak bwat ki te avèk li a. Andedan te gen tout bagay an lò yo e yo te mete yo sou gwo wòch la. Epi Mesye a Beth-Schémech yo te ofri ofrann brile e yo te fè sakrifis nan jou sa a bay SENYÈ a. <sup>16</sup> Lè \*senk prens Filisten yo te fin wè li, yo te retounen Ékron menm jou a. <sup>17</sup> \*Sa yo se imaj gwo boul bouton an lò ke Filisten yo te remèt kòm yon ofrann koupab bay SENYÈ a: youn pou Asdod, youn pou Gaza, youn pou Askalon, youn pou Gath e youn pou Ékron; <sup>18</sup> anplis ak sourit an lò yo, selon kantite a tout vil Filisten ki te pou senk prens yo, \*vil fòtifye yo ak bouk andeyò yo. \*Gwo wòch kote yo te mete lach SENYÈ a se yon temwen jis rive jodi a nan chan Josué a, moun Beth-Schémech la. <sup>19</sup> \*Li te frape e fè mouri kèk Mesye Beth-Schémech akoz yo te gade anndan lach SENYÈ a. Li te frape pami tout pèp la, senkant-mil-swasann-dis òm e pèp la te vin dezole akoz SENYÈ a te frape yo avèk yon gwo masak. <sup>20</sup> Mesye Beth-Schémech yo te di: \**“Se kilès ki kab kanpe devan SENYÈ Bondye sen sila a? Epi a kilès pou Li ta monte kite nou?”* <sup>21</sup> Konsa, yo te voye mesaje yo vè \*moun Kirjath-Jearim yo e te di: *“Filisten yo te pote lach SENYÈ a retounen. Vin desann pran li monte kote nou an.”*

## 7

<sup>1</sup> Epi Mesye nan Kirjath-Jearim yo te vin pran lach SENYÈ a e te \*pote li antre lakay Abinadab sou ti mòn nan; epi, yo te konsakre Éléazer, fis li a, pou okipe lach SENYÈ a <sup>2</sup> Soti nan jou ke lach la te rete Kirjath-Jearim nan, tan pase a te byen long, paske li te pran ventan avan tout lakay Israël te fè lamantasyon devan SENYÈ a. <sup>3</sup> Epi Samuel te pale a tout lakay Israël la, e te di: \**“Si nou retounen vè SENYÈ a avèk tout kè nou, si nou retire dye etranje yo avèk Asheroth soti nan mitan nou, si nou dirije kè nou vè SENYÈ a, e \*sèvi Li sèl; Li va delivre nou soti nan men a Filisten yo.”* <sup>4</sup> Konsa, fis Israël yo te retire Baal yo ak Astarté yo pou te sèvi sèl SENYÈ a. <sup>5</sup> Alò, Samuel te di: \**“Rasanble tout Israël nan Mitspa e mwèn va priye a SENYÈ a pou nou.”* <sup>6</sup> Yo te rasanble nan Mitspa, yo te rale dlo pou te vide devan SENYÈ a, e yo te fè jèn nan jou sila a. Yo te di nan plas sa a: \**“Nou te peche kont SENYÈ a.”* Epi Samuel te jije fis Israël yo nan Mitspa. <sup>7</sup> Alò, lè Filisten

\* 6:12 Nonb 20:19 \* 6:14 II Sam 24:22 \* 6:15 Jos 3:3 \* 6:16 Jos 13:3 \* 6:17 I Sam 6:4  
 \* 6:18 Det 3:5 \* 6:18 I Sam 6:14-15 \* 6:19 Egz 19:21 \* 6:20 Mal 3:2 \* 6:21 Jos 15:9-60  
 \* 7:1 II Sam 6:3-4 \* 7:3 Jl 2:12-14 \* 7:3 Luc 4:8 \* 7:5 Jij 10:17 \* 7:6 Jij 10:10



yo te tande ke fis Israël yo te rasanble nan Mitspa, prens a Filisten yo te vin monte kont Israël. Lè fis Israël ✧yo te tande sa, yo te krent Filisten yo. <sup>8</sup> Epi fis Israël yo te di a Samuel: ✧“Pa sispann kriye a SENYÈ Bondye nou an pou nou, pou Li kapab sove nou soti nan men a Filisten yo.” <sup>9</sup> Samuel te pran yon ✧ti mouton ki potko sevre e li te ofri tout li kòm yon ofrann brile bay SENYÈ a. Epi Samuel te kriye a SENYÈ a pou Israël e SENYÈ a te reponn li. <sup>10</sup> Alò, Samuel t ap ofri ofrann brile a e Filisten yo te rapwoche pou batay kont Israël. Men ✧SENYÈ a te gwonde nan jou sa a kont Filisten yo, Li te fè yon malkonprann antre yo e Li te boulvèse yo devan Israël. <sup>11</sup> Mesye Israël yo te sòti nan Mitspa pou te kouri dèyè Filisten yo e yo te frape yo ba jis rive piba Beth-Car. <sup>12</sup> Alò, Samuel te pran yon ✧gwo wòch e li te poze li antre Mitspa ak Schen e li te ba li non a Ében-Ézer. Li te di: “Jis rive la, SENYÈ a te ede nou.” <sup>13</sup> Konsa, Filisten yo te vin soumèt e ✧yo pa t vin ankò anndan fwontyè Israël la. Epi men SENYÈ a te kont Filisten yo pandan tout jou a Samuel yo. <sup>14</sup> Vil ke Filisten yo te sezi soti an Israël yo te restore a Israël, soti Ékron jis rive Gath. Epi Israël te rachte teritwa yo nan men a Filisten yo. Konsa, te gen lapè antre Israël ak ✧Amoreyen yo. <sup>15</sup> Alò, Samuel te ✧jije Israël pandan tout jou lavi li yo. <sup>16</sup> Li te konn ale chak ane fè yon tou ✧Béthel avèk Guilgal, ak Mitspa e li te jije Israël tout kote sa yo. <sup>17</sup> Alò vwayaj retou li sete nan ✧Rama; paske se la lakay li te ye. Se la li te jije Israël; epi li te bati la yon lotèl bay SENYÈ a.

## 8

<sup>1</sup> Epi li te vin rive ke lè Samuel te vin granmoun ke ✧li te chwazi fis li yo kòm jij sou Israël <sup>2</sup> Alò, non a premye ne a se te Joël e dezyèm nan, Abija. Yo t ap jije nan ✧Beer-Schéba <sup>3</sup> Malgre sa, fis li yo pa t mache nan tras pa li yo, men yo te vire akote pou reyisi avantaj malonèt e yo te nan patipri. <sup>4</sup> Alò, tout ansyen Israël yo te rasanble e yo te vin kote Samuel nan ✧Rama. <sup>5</sup> epi yo te di li: “Gade byen, ou fin granmoun e fis ou yo pa mache nan vwa paou yo. Alò, ✧chwazi yon wa pou nou pou jije nou tankou tout nasyon yo.” <sup>6</sup> Men bagay la te ✧degoutan nan zye Samuel lè yo te di: “Bannou yon wa pou jije nou.” Epi Samuel te priye a SENYÈ a. <sup>7</sup> SENYÈ a te di a Samuël: “Koute vwa a pèp la selon tout sa ke yo di ou, paske ✧yo pa t rejte ou, men yo te rejte Mwen kòm wa sou yo. <sup>8</sup> Menm jan ak tout zak ke yo te fè soti nan jou ke M te mennen yo monte soti an Égypte la, jis jodi a—ke yo te rejte Mwen pou te sèvi lòt dye yo—konsa, y ap fè ou tou. <sup>9</sup> Alò pou sa, koute vwa pa yo. Malgre nou va avèti yo solanèlman e fè yo konnen ✧prensip a wa ki va renye sou yo a.” <sup>10</sup> Konsa Samuel te pale tout pawòl a SENYÈ yo a ✧pèp la ki te mande li pou yon wa a. <sup>11</sup> Li te di: “Men prensip a wa ki va renye sou nou an. Li va pran fis nou yo pou sèvi yo pou li menm. Nan cha li e pami chevalye li yo, ✧yo va kouri devan cha li. <sup>12</sup> ✧Li va chwazi pou li menm kòmandan sou dè milye ak dè senkantèn, ak kèk pou raboure tè a, pou fè rekòlt pa li, pou fè zam lagè li yo, avèk tout bagay pou cha li yo <sup>13</sup> Li va osi pran fi nou yo pou fè pafen, fè kwizin e kòm bès boulanje. <sup>14</sup> ✧Li va pran pi bon kilti nan chan kiltive

✧ 7:7 I Sam 13:6 ✧ 7:8 I Sam 12:19-24 ✧ 7:9 Lev 22:27 ✧ 7:10 II Sam 22:14-15 ✧ 7:12 Jen 35:14 ✧ 7:13 I Sam 13:5 ✧ 7:14 Nonb 13:29 ✧ 7:15 I Sam 7:6 ✧ 7:16 Jen 28:19 ✧ 7:17 I Sam 1:1-19 ✧ 8:1 Det 16:18-19 ✧ 8:2 I Wa 19:3 ✧ 8:4 I Sam 7:17 ✧ 8:5 Det 17:14-15 ✧ 8:6 I Sam 12:17 ✧ 8:7 Egz 16:8 ✧ 8:9 I Sam 8:11-18 ✧ 8:10 I Sam 8:4 ✧ 8:11 II Sam 15:1 ✧ 8:12 Nonb 31:14 ✧ 8:14 I Wa 21:7

nou yo avèk chan rezen nou yo ak chan doliv nou yo pou ba yo a sèvitè pa li yo. <sup>15</sup> Li va pran yon dizyèm nan semans nou yo ak nan chan rezen nou yo pou bay a ofisye li yo ak sèvitè li yo. <sup>16</sup> Anplis li va pran sèvitè nou yo avèk sèvant nou yo ak meyè nan jennonm yo avèk bourik nou yo pou sèvi yo pou travay pa li. <sup>17</sup> Li va pran yon dizyèm nan bann mouton nou yo e nou menm, nou va devni sèvitè li. <sup>18</sup> Epi ✧nou va kriye nan jou sa a, akoz wa ke nou te chwazi pou nou an, men SENYÈ a p ap koute nou nan jou sa a. <sup>19</sup> Sepandan, pèp la te ✧refize koute vwa Samuël, e yo te di: “Non, kareman fòk nou gen yon wa sou nou, <sup>20</sup> pou nou menm tou kapab tankou tout lòt nasyon yo, pou wa nou kapab jije nou e sòti devan nou pou batay pou nou. <sup>21</sup> Konsa, apre Samuel te tandè tout pawòl a pèp la, ✧li te repete yo nan zòrèy a SENYÈ a <sup>22</sup> SENYÈ a te di a Samuël: ✧“Koute vwa yo e chwazi pou yo yon wa.” Epi Samuel te di a mesye Israèl yo: “Nou chak, ale nan vil pa nou.”

## 9

<sup>1</sup> Alò, te gen yon mesye nan Benjamin ki te rele Kis ki te fis Abiel la, fis Tseror, fis Becorath, fis Aphiach, ki te fis a yon Benjamit. Se te yon nonm fò e plen kouraj. <sup>2</sup> Li te gen yon fis ki te rele Saül, yon jennonm ki te byen bèl. Pa t gen yon moun ki te pi bèl pami fis Israèl yo. ✧Depi zepòl li monte, li te piwo pase tout moun nan pèp la <sup>3</sup> Alò, bourik ki te pou Kis yo, papa a Saül te pèdi. Epi Kis te di a Saül: “Alò, pran koulye a avè w youn nan sèvitè yo, leve, al cache bourik yo.” <sup>4</sup> Li te pase nan ✧peyi ti kolin Éphraïm nan e te pase nan Schalisha, men yo pa t jwenn yo. Alò, yo te pase nan peyi Schaalim, men yo pa t twouve anyen. Alò, li te pase nan peyi Benjamin yo, men yo pat jwenn anyen. <sup>5</sup> Lè yo te rive nan peyi ✧Tsuph, Saül te di a sèvitè ki te avèk li a: “Vini e annou retounen, oswa papa m va sispann okipe afè bourik pou enkyete pou nou menm.” <sup>6</sup> Li te di li: “Gade byen konsa, genyen yon nonm Bondye nan vil sila a, yon nonm onore. ✧Tout sa ke li konn di anverite vin pase. Alò, annou ale la. Petèt li kapab pale nou sou vwayaj ke nou kòmanse fè a. <sup>7</sup> Alò Saül te di a sèvitè li a: “Men gade byen, si nou ale, kisa nou va pote pou nonm sa a? Paske, pen an fini nan sak nou e ✧nanpwen kado pou pote bay nonm Bondye a. Kisa nou genyen?” <sup>8</sup> Sèvitè a te reponn Saül ankò e te di: “Gade byen, mwenn gen nan men m yon ka sik ajan ke mwenn va bay a nonm Bondye a, e li va ✧pale nou chemen nou an.” <sup>9</sup> (Lontan an Israèl, lè yon nonm te monte pou konsilte Bondye li te konn di: “Vini, annou ale kote divinò a”, paske sila ki, koulye a, yo rele yon pwofèt la; lontan, te konn rele divinò’.) <sup>10</sup> Epi Saül te di a sèvitè a: “Byen pale; vini, annou ale.” Konsa, yo te ale nan vil kote nonm Bondye a te ye a. <sup>11</sup> Pandan yo te monte pant vè vil la, ✧yo te twouve jenn fanm ki t ap sot rale dlo, e yo te di yo: “Èske divinò a isit la?” <sup>12</sup> Yo te reponn yo e te di: “Li la! Gade devan nou an! Fè vit, paske li fenk antre nan vil la jodi a, paske ✧pèp la gen yon sakrifis nan wo plas la jodi a. <sup>13</sup> Depi nou antre nan vil la, nou va jwenn avèk li avan li monte nan wo plas pou manje, paske pèp la p ap manje jiskaske li vini, akoz ✧li oblije beni sakrifis la. Apre sa, sila ki envite yo va manje. Pou sa, monte, paske nou va jwenn li talè.” <sup>14</sup> Konsa, yo te monte lavil la. Pandan yo te antre nan vil la, vwala, Samuel

✧ **8:18** És 8:21 ✧ **8:19** És 66:4 ✧ **8:21** Jij 11:11 ✧ **8:22** I Sam 8:7 ✧ **9:2** I Sam 10:23 ✧ **9:4** Jos 24:33 ✧ **9:5** I Sam 1:1 ✧ **9:6** És 3:19 ✧ **9:7** II Wa 8:8-9 ✧ **9:8** I Sam 9:5 ✧ **9:11** Jen 24:11-15 ✧ **9:12** Nonb 28:11-15 ✧ **9:13** Luc 9:16

t ap sòti bò kote yo pou monte nan wo plas la. <sup>15</sup> Alò, yon jou avan Saül te vini, ✧Senyè a te montre sa a Samuel e te di: <sup>16</sup> “Vè lè sa a demen Mwen va voye yon mesye ki sòti nan peyi Benjamin yo kote ou menm. Epi ou va onksyone li kòm chèf sou pèp Mwen an, Israèl, e li va delivre pèp Mwen an anba men a Filisten yo. Paske, ✧Mwen te gade pèp mwen an, akoz kri pa yo gen tan rive kote Mwen. <sup>17</sup> Lè Samuel te wè Saül, SENYÈ a te di li: ✧“Gade byen, men mesye ke m te pale ou a! Sila a va renye sou pèp Mwen an, Israèl.” <sup>18</sup> Epi Saül te vin pwoche Samuel nan pòtay la e te di: “Souple, di m kote kay a divinò a ye.” <sup>19</sup> Samuel te reponn Saül e te di: “Se mwen menm ki divinò a. Monte devan mwen nan wo plas la; paske, w ap manje avè m jodi a. Epi nan demen, mwen va kite ou ale e mwen va fè ou konnen tout sa ki nan lespri ou. <sup>20</sup> Pou afè bourik ou yo ki te pèdi twa jou pase yo, pa okipe yo, paske yo gen tan twouve. Epi se ✧kilès ki gen tout sa ki pi bon an Israèl? Èske li pa pou ou ak pou tout lakay papa ou?” <sup>21</sup> Saül te reponn: ✧“Èske m se pa yon Benjamit, pi piti nan tout tribi Israèl yo, fanmi pa m pi piti ke tout fanmi nan tribi Benjamin an? Poukisa ou pale mwen konsa? <sup>22</sup> Alò, Samuel te pran Saül avèk sèvitè li a, li te mennen yo antre nan gran sal la e li te ba yo yon plas devan, nan tèt sila ki te envite yo, ki te anviwon trant mesye. <sup>23</sup> Samuel te di chèf kwizin nan: “Mennen pòsyon ke m te di ou a, sila ke m te di ou a, Mete li akote’.” <sup>24</sup> Alò chèf kwizin nan te ✧pran janm nan avèk sa ki te sou li a e li te plase li devan Saül. Epi Samuel te di: “Men sa ki te sere! Mete li devan ou e manje paske li te kenbe pou ou jis rive nan lè chwazi a, akoz mwen te di ou mwen te envite moun yo.” Konsa, Saül te manje avèk Samuel nan jou sa a. <sup>25</sup> Lè yo te kite plas anwo a pou antre nan vil la, Samuel te pale avèk Saül ✧anwo twati a. <sup>26</sup> Epi yo te leve bonè. Lè li fenk jou, Samuel te rele Saül sou twati a e te di: “Leve pou m kab voye ou ale.” Konsa, Saül te leve e li menm ansanm ak Samuel te ale nan lari. <sup>27</sup> Pandan yo t ap desann e preske fin kite vil la, Samuel te di a Saül: “Di a sèvitè a ke li kapab ale avanse devan nou; men, ou menm, rete kanpe koulye a pou m kapab pwoklame pawòl Bondye a a ou menm.”

## 10

<sup>1</sup> Alò, ✧Samuël te pran poban lwil la, li te vide li sou tèt li. Li te bo li e te di: “Èske ✧SENYÈ a pa t onksyone ou kòm chèf sou eritaj Li a? <sup>2</sup> Lè ou kite mwen jodi a, alò ou va jwenn de moun toupre ✧tonm Rachel la nan teritwa Benjamin nan Tseltsach. Yo va di ou: “Bourik ke ou t ap cache yo gen tan twouve. Alò, gade byen, papa ou pa twouble tèt li ankò sou bourik yo, men li twouble pou ou menm, e l ap mande: ‘Kisa mwen va fè konsènan pitit mwen an?’ ” <sup>3</sup> Alò, ou va ale pi lwen soti la e ou va parèt jis nan chèn Thabor a e la, twa mesye k ap monte ✧vè Bondye Béthel yo va rankontre avè w. Youn k ap pote twa jenn kabrit, yon lòt k ap pote twa moso pen e yon lòt k ap pote yon po diven. <sup>4</sup> Yo va di ou: “Bonjou”, e yo va ba ou de moso pen, ke ou va aksepte nan men yo. <sup>5</sup> Apre, ou va vini nan ✧ti mòn Bondye a kote ganizon lame Filisten an ye a. Epi li va fèt ke depi ou vini la, kote vil la, ou va rankontre yon gwoup pwofèt k ap desann soti nan plas anwo a avèk gita, tambouren, flit ak bandyo devan yo e yo va pwofetize. <sup>6</sup> Epi ✧Lespri Bondye a va vini sou ou avèk gwo fòs. Ou va pwofetize avèk

✧ 9:15 I Sam 15:1 ✧ 9:16 Egz 3:7-9 ✧ 9:17 I Sam 16:12 ✧ 9:20 I Sam 8:5 ✧ 9:21 I Sam 15:17 ✧ 9:24 Egz 29:22 ✧ 9:25 Luc 5:19 ✧ 10:1 Egz 30:23-33 ✧ 10:1 I Sam 16:13 ✧ 10:2 Jen 35:16-20 ✧ 10:3 Jen 35:1-7 ✧ 10:5 I Sam 13:2-3 ✧ 10:6 Nonb 11:25-29

yo e ou va chanje pou vin yon lòt moun. <sup>7</sup> ✧ Li va rive ke lè sign sa yo parèt sou ou, ou va fè pou kont ou sa ke okazyon an mande; paske Bondye avèk ou. <sup>8</sup> Epi ✧ ou va desann devan mwen Guilgal; epi, gade byen, m ap desann kote ou pou ofri ofrann brile avèk sakrifis lapè yo. Ou va tann sèt jou jiskaske mwen vin kote ou pou montre ou kisa ou ta dwe fè.” <sup>9</sup> Alò, li te rive ke lè li te vire do li pou kite Samuël, Bondye te ✧ chanje kè li; epi, tout sign sa yo te rive nan jou sa a. <sup>10</sup> ✧ Lè yo te rive la, nan kote ti mòn nan, yon gwoup pwofèt te rankontre li. Epi Lespri Bondye a te vini sou li avèk fòs, jiskaske li te pwofetize pami yo. <sup>11</sup> Li vin rive ke lè tout moun ki te rekonèt li oparavan yo te wè ke koulye a li pwofetize avèk pwofèt yo, ke pèp la te di youn ak lòt: “Kisa ki rive a fis a Kish la? ✧ Èske Saül osi pami pwofèt yo?” <sup>12</sup> Yon mesye nan plas sa a te di: “Alò, kilès ki papa yo?” Konsa, sa te devni yon pwovèb: ✧ “Èske Saül, osi pami pwofèt yo?” <sup>13</sup> Lè li te fin pwofetize li te vini nan plas anwo a. <sup>14</sup> Alò, tonton Saül te di li avèk sèvitè li a: “Kote ou te ale?” Epi li te di: ✧ “Pou chache bourik yo. Epi lè nou vin wè yo p ap kab twouve, nou te ale kote Samuël.” <sup>15</sup> Tonton Saül te di li: “Souple, di m sa ke Samuel te di ou a.” <sup>16</sup> Konsa Saül te di tonton li: “Li te pale nou byen klè ke bourik yo gen tan twouve.” Men li pa t pale li afè wayòm ke Samuel te pale a. <sup>17</sup> Apre sa Samuel te konvoke pèp la ansanm vè SENYÈ a nan Mitspa. ✧ <sup>18</sup> Epi li te di a fis Israël yo: ✧ “Konsa pale SENYÈ a: ‘Mwen te mennen Israël monte soti Égypte, Mwen te delivre nou soti nan men Ejiptyen yo e nou te soti de pouvwa a tout wayòm ki t ap oprime nou yo.’ <sup>19</sup> Men jodi a, nou te rejte Bondye nou an, ki delivre nou de tout malè nou yo ak detrès nou yo. Malgre sa nou vin di: ‘Non, men mete yon wa sou nou!’ Pou sa, prezante nou menm devan SENYÈ a pa tribi nou yo ak gran fanmi nou yo.” ✧ <sup>20</sup> Konsa, Samuel te mennen tout tribi Israël yo vin toupre li e tribi Benjamin an te pran pa tiraj osò. <sup>21</sup> Alò, li te mennen tribi Benjamin an vin toupre pa fanmi li yo e yo te pran fanmi Matri a. Epi Saül, fis a Kish la te vin pran; men lè yo vin chache li, yo pa t kab twouve l. <sup>22</sup> Pou sa, yo ✧ vin mande plis a SENYÈ a: “Èske nonm nan gen tan rive isit la deja?” Pou sa, Bondye te di: “Gade byen, l ap kache kò li kote pwovizyon yo.” <sup>23</sup> Konsa yo te kouri pran li soti la e lè li te kanpe pami pèp la, ✧ li te pi wo pase tout lòt moun nan pèp la soti nan zepòl li. <sup>24</sup> Samuel te di a tout pèp la: “Èske nou wè sila ke ✧ SENYÈ a te chwazi a? Anverite, nanpwen lòt moun ki tankou li pami tout pèp la. “Konsa, tout pèp la te rele fò e te di: “Viv Wa a!” <sup>25</sup> Alò, Samuel te pale pèp la ✧ règleman a wayòm nan, li te ekri yo nan liv la e li te plase li devan SENYÈ a. Epi Samuel te voye tout pèp la ale, yo chak nan pwòp kay pa yo. <sup>26</sup> Anplis Saül te ale ✧ lakay li Guibea. Epi mesye vanyan yo avèk kè ki te touche pa Bondye te ale avèk li. <sup>27</sup> Men sèten ✧ sanzave ki te di: “Kijan mesye sila a kapab delivre nou?” Epi yo te meprize li e pa t pote okenn kado pou li. Men li te rete an silans.

## 11

<sup>1</sup> Alò Nachasch, Amonit la te vin monte pou te fè syèj sou Jabès nan Galaad; epi tout mesye Jabès yo te di a Nachasch: “Fè ✧ yon akò avèk nou e nou va sèvi ou.” <sup>2</sup> Men Nachasch, Amonit la, te di yo: “Mwen va fè l avè

✧ **10:7** Ekl 9:10 ✧ **10:8** I Sam 11:14 ✧ **10:9** I Sam 10:6 ✧ **10:10** I Sam 10:5-6 ✧ **10:11** Am 7:14-15 ✧ **10:12** I Sam 19:23-24 ✧ **10:14** I Sam 9:3-6 ✧ **10:17** Jij 20:1 ✧ **10:18** Jij 6:8-9 ✧ **10:19** I Sam 8:6-7; Jos 7:14-18 ✧ **10:22** I Sam 23:2-4 ✧ **10:23** I Sam 9:2 ✧ **10:24** Det 17:5 ✧ **10:25** Det 17:14-20 ✧ **10:26** I Sam 11:4 ✧ **10:27** Det 13:13 ✧ **11:1** Job 41:4

w sou yon sèl kondisyon; pou mwen kreve zye dwat a nou chak! Konsa mwen va fè li yon repwòch sou tout Israèl.” <sup>3</sup> ✧ Ansyen nan Jabès yo te di a li: “Annou konsa pandan sèt jou, pou nou kapab voye mesaje yo toupatou nan teritwa Israèl la. Alò, si nanpwen moun pou delivre nou, nou va sòti deyò kote ou. <sup>4</sup> Alò mesaje yo te vini ✧ Guibeà kote Saül e te pale pawòl sa yo nan zòrèy a pèp la e tout pèp la te leve vwa yo pou te kriye. <sup>5</sup> Alò gade byen, Saül t ap sòti nan chan an ✧ dèyè bèf kabwèt yo, e li te di: “Kisa ki gen avèk pèp la pou y ap kriye la a?” Konsa, yo te pataje avèk li pawòl a mesye Jabès yo. <sup>6</sup> Konsa ✧ Lespri Bondye te vini sou Saül avèk gran fòs lè li te tandè pawòl sa yo e li te vin fache anpil. <sup>7</sup> Li te pran yon pè bèf k ap rale chaj, li te ✧ koupe yo an mòso, li te voye yo toupatou nan teritwa Israèl la nan men mesaje yo, e li te di: “Nenpòt moun ki pa vin parèt apre Saül, e apre Samuël, se konsa l ap rive pou bèf pa li yo.” Epi lakrent SENYÈ a te tonbe sou pèp la e yo te sòti tankou yon sèl moun. <sup>8</sup> Li te konte yo nan Bézek e ✧ fis Israèl yo te twa-san-mil e mesye Juda yo te trant-mil. <sup>9</sup> Yo te di a mesaje ki te vini yo: “Konsa nou va pale a mesye a Jabès-Galaad la: ‘Demen, soti nan lè solèy la fè cho, ou va genyen delivrans ou.’ Konsa mesaje yo te ale pale mesye Jabès yo; epi, yo te kontan. <sup>10</sup> Alò, mesye a Jabès yo te di: ✧ “Demen nou va parèt vè nou e nou va kapab fè avèk nou sa ki sanble bon pou nou menm.” <sup>11</sup> Nan pwochen maten an, Saül te divize pèp la ✧ an twa konpayi; epi, yo te vin antre nan mitan kan an nan lè maten pou te frape Amonit yo jiskaske chalè joune a te vin rive. Sila ki te siviv yo te gaye jiskaske pa t gen de nan yo ki te rete ansanm <sup>12</sup> Alò, pèp la te di a Samuel: ✧ “Se kilès ki te di nou: ‘Èske Saül va renye sou nou?’ ✧ Mennen mesye yo pou nou kab mete yo a lanmò.” <sup>13</sup> Men Saül te di: “Nanpwen yon moun k ap mete a lanmò nan jou sa a; paske, ✧ jodi a, SENYÈ a te acheve delivrans Israèl la. <sup>14</sup> Alò, Samuel te di a pèp la: “Vini, annou ale Guilgal pou ✧ renouvle wayòm nan la.” <sup>15</sup> Epi tout moun te monte Guilgal e la, yo te fè Saül Wa ✧ devan SENYÈ a nan Guilgal. La osi, yo te ✧ ofri sakrifis lapè devan SENYÈ a. Epi la Saül avèk tout mesye Israèl yo te rejwi anpil.

## 12

<sup>1</sup> Epi Samuel te di a tout Israèl: “Gade byen, ✧ mwen te koute vwa nou nan tout sa ke nou te di m yo e mwen ✧ te chwazi yon wa sou nou. <sup>2</sup> Alò, men wa a k ap mache devan nou. Men ✧ mwen fin granmoun, cheve m blanch e gade byen fis mwen yo avèk nou. ✧ Mwen te mache devan nou soti nan jènès mwen jis rive jodi a. <sup>3</sup> Men mwen! Temwaye kont mwen devan SENYÈ a avèk ✧ moun onksyone pa Li yo. Se bèf a ki moun mwen konn vòlè, oswa bourik a kilès mwen te konn pran, oswa se kilès mwen te konn twonpe? Ki moun mwen te konn oprime, oswa nan men a kilès mwen te touche anba tab pou zye m pa wè? Si mwen te fè bagay sa yo, M ap repare sa.” <sup>4</sup> Yo te di: “Ou pa janm te twonpe nou, ni oprime nou ni pran anyen nan men a pèsòn.” <sup>5</sup> Li te di yo: “SENYÈ a se temwen kont nou e onksyone pa Li yo se temwen nan jou sa a ke nou pa t twouve anyen ✧ nan men m nan.” Epi yo te di: “Li se temwen. <sup>6</sup> Epi Samuel te di a pèp la: “Li

✧ **11:3** I Sam 8:4 ✧ **11:4** I Sam 10:26 ✧ **11:5** I Wa 19:19 ✧ **11:6** Jij 3:10 ✧ **11:7** Jij 19:29  
 ✧ **11:8** Jij 20:2 ✧ **11:10** I Sam 11:3 ✧ **11:11** Jij 7:16-20 ✧ **11:12** I Sam 10:27 ✧ **11:12** Luc 19:27  
 ✧ **11:13** Egz 14:13-30 ✧ **11:14** I Sam 10:25 ✧ **11:15** I Sam 10:17 ✧ **11:15** I Sam 10:8  
 ✧ **12:1** I Sam 8:7-22 ✧ **12:1** I Sam 11:14-15 ✧ **12:2** I Sam 8:1-5 ✧ **12:2** I Sam 3:10-20  
 ✧ **12:3** I Sam 10:1 ✧ **12:5** Egz 22:4

se SENYÈ a ki te ✨chwazi Moïse avèk Aaron e ki te mennen zansèt nou yo monte soti nan peyi Égypte la. <sup>7</sup> Alò koulye a, kanpe ✨pou m kab plede avè nou devan SENYÈ a konsènan tout zèv ladwati ke SENYÈ a te fè pou nou avèk zansèt pa nou yo. <sup>8</sup> ✨Lè Jacob te antre an Égypte, zansèt nou yo te kriye fò a SENYÈ a. Konsa, SENYÈ a te voye Moïse avèk Aaron ki te mennen zansèt nou yo sòti an Égypte, e Li te fè yo vin rete nan plas sa a. <sup>9</sup> Men ✨yo te bliye SENYÈ a, Bondye pa yo a e pou sa, Li te vann yo nan men Sisera, kapitèn a lame Hatsor a, nan men a Filisten yo, nan men wa Moab la e yo te goumen kont yo. <sup>10</sup> ✨Yo te kriye fò a SENYÈ a e yo te di: ‘Nou te peche akoz nou te kite SENYÈ a pou te sèvi Baal yo avèk Astarté; men koulye a, delivre nou nan men a lènmi nou yo e nou va sèvi Ou.’ <sup>11</sup> Alò apre, SENYÈ a te voye ✨Jerubbaal avèk Bedan, ✨Jephthé ak Samuel pou te delivre nou nan men a lènmi nou yo toupatou, pou nou viv ansekirite. <sup>12</sup> Lè nou te wè ke Nachasch, wa a fis Ammon yo, te vini kont nou, nou te di m: ‘Non, men, se yon wa k ap renye sou nou’, ✨malgre sa, SENYÈ Bondye nou an te wa nou. <sup>13</sup> Alò pou sa, ✨men wa ke nou te mande a. Epi gade byen, SENYÈ a te mete yon wa sou nou. <sup>14</sup> ✨Si nou va gen lakrent SENYÈ a, sèvi Li, koute vwa Li, e pa fè rebèl kont lòd SENYÈ a; alò, ni nou, ni wa ki renye sou nou an va swiv SENYÈ Bondye nou an. <sup>15</sup> Si nou pa koute vwa SENYÈ a, men fè rebèl kont lòd SENYÈ a, alò ✨men a SENYÈ a va kont nou, ✨jan li te ye kont zansèt nou yo. <sup>16</sup> Menm koulye a, ✨kanpe la pou nou wè gwo bagay sa a ke SENYÈ a va fè devan zye nou. <sup>17</sup> ✨Èske se pa rekòlt ble li ye kounye a? M ap fè apèl SENYÈ a, pou Li kapab voye tonnè avèk lapli. Konsa, nou va konnen e wè mechanste ke nou te fè nan zye SENYÈ a gran, lè nou te mande pou nou yon wa <sup>18</sup> Konsa, Samuel te rele a SENYÈ a, e SENYÈ a te voye tonnè avèk lapli nan jou sa a. Epi ✨tout pèp la te gen gwo lakrent SENYÈ a ak Samuel. <sup>19</sup> Alò, tout pèp la te di a Samuel: “Priye pou sèvitè ou yo a SENYÈ a, Bondye ou a, pou nou pa mouri; paske, nou te ogmante sou peche nou yo, ✨mal sila a lè nou te mande yon wa pou kont nou an.” <sup>20</sup> Samuel te di a pèp la: “Pa pè Nou te fè tout mechanste sa a; men, ✨pa vire akote pou pa swiv SENYÈ a; men, sèvi SENYÈ a avèk tout kè nou. <sup>21</sup> Fòk nou pa vire akote. Paske konsa, nou ta swiv bagay san valè ki pa kab fè benefis ni delivre, paske yo san valè. <sup>22</sup> Paske SENYÈ a p ap abandone pèp Li a akoz gran non Li, paske sa te fè SENYÈ a plezi pou fè nou yon pèp ki te pou Li menm. <sup>23</sup> Anplis, pou mwen menm, lwen de mwen ke m ta peche kont SENYÈ a e sispann fè lapriye pou nou; men ✨mwen va enstwi nou nan chemen ki bon e ki dwat la. <sup>24</sup> Sèlman, gen lakrent Bondye e sèvi Li anverite, avèk tout kè nou; paske, kalkile ✨ki kalite gwo zafè Li te fè pou nou <sup>25</sup> ✨Men si nou toujou fè mal, ni nou menm ni wa nou an ✨va peri.

## 13

<sup>1</sup> Saül te gen trant ane lè l te kòmanse renye e li te renye pandan karann-de ane sou Israèl. <sup>2</sup> Alò, Saül te chwazi pou li menm twa mil mesye an

✨ **12:6** Egz 6:26 ✨ **12:7** Éz 20:35 ✨ **12:8** Jen 46:5-6 ✨ **12:9** Det 32:18 ✨ **12:10** Jij 10:10  
 ✨ **12:11** Jij 6:31-32 ✨ **12:11** Jij 11:29 ✨ **12:12** Jij 8:23 ✨ **12:13** I Sam 10:24 ✨ **12:14** Jos 24:14 ✨ **12:15** I Sam 5:9 ✨ **12:15** I Sam 12:9 ✨ **12:16** Egz 14:13-31 ✨ **12:17** Pwov 26:1  
 ✨ **12:18** Egz 14:31 ✨ **12:19** I Sam 12:17-20 ✨ **12:20** Det 11:16 ✨ **12:23** Sòm 34:11 ✨ **12:24** Det 10:21 ✨ **12:25** És 1:20 ✨ **12:25** I Sam 31:1-5

Israël. Pami sila yo, de-mil te avèk Saül nan ✨Micmasch ak nan peyi ti mòn Béthel la, pandan mil te avèk Jonathan nan ✨Guibea pou Benjamin an. Men li te voye ale tout lòt moun yo, yo chak nan pwòp tant pa yo. <sup>3</sup> Jonathan te frape ✨post militè a Filisten ki te nan Guéba yo e Filisten yo te tandè Koze sa a. Alò, Saül te soufle twonpèt la atravè tout peyi a, e li te di: “Kite Ebre yo tandè.” <sup>4</sup> Tout Israël te tandè nouvèl ke Saül te frape post a Filisten yo, e osi ke Israël te ✨vin rayisab a Filisten yo. Konsa pèp la te resevwa lòd pou rasanble Guilgal. <sup>5</sup> Filisten yo te rasanble pou goumen avèk Israël; trant-mil cha avèk si-mil chevalye ak ✨kantite moun ki te tankou sab ki bò lanmè. Anpil konsa, e yo te vin monte pou te fè kan nan Micmasch, nan lès a Beth-Aven. <sup>6</sup> Lè mesye Israël yo te vin wè ke yo te kwense (paske moun yo te vini sou yo anpil); alò, ✨pèp la te kache kò yo nan gwòt yo, nan raje a, nan falèz yo, nan chanm anba tè yo ak nan sitèn yo. <sup>7</sup> Anplis, kèk nan Ebre yo te travèse Jourdain an pou antre nan peyi ✨Gad avèk Galaad. Men pou Saül, li te toujou Guilgal, e tout pèp la te swiv li avèk kò yo tou ap tranble. <sup>8</sup> Alò ✨li te tann pandan sèt jou, selon tan fikse pa Samuel la; men Samuel pa t vini Guilgal, e pèp la t ap gaye kite li. <sup>9</sup> Konsa, Saül te di: “Mennen ban mwen ofrann brile avèk ofrann lapè.” Epi ✨li te ofri ofrann brile yo. <sup>10</sup> Lè li te fin ofri ofrann brile yo, men vwala, Samuel te vini. Epi ✨Saül te parèt deyò pou rankontre li e salye li. <sup>11</sup> Men Samuel te di: “Kisa ou te fè?” Epi Saül te di: “Akoz mwen te wè ke pèp la t ap gaye kite m, ke ou pa t vini nan jou chwazi yo e ke ✨Filisten yo t ap rasanble nan Micmasch, <sup>12</sup> pou sa, mwen te di: ‘Alò Filisten yo va vin desann kont mwen Guilgal; epi, mwen pa t mande favè SENYÈ a.’ Pou sa, mwen te fòse mwen menm pou te ofri ofrann brile yo.” <sup>13</sup> Samuel te di a Saül: ✨“Ou te aji nan foli; ✨ou pa t kenbe kòmandman ke SENYÈ a te kòmande ou a. Paske SENYÈ a t ap vin etabli wayòm ou a sou Israël jis pou tout tan. <sup>14</sup> Men ✨koulye a, wayòm ou an p ap dire. SENYÈ a te chache pou kont Li yon nonm selon pwòp kè li e SENYÈ a te chwazi li kòm chèf sou pèp Li a, akoz ou pa t kenbe sa ke SENYÈ a te kòmande ou a.” <sup>15</sup> Epi Samuel te leve monte soti Guilgal pou rive Guibea nan Benjamin. Epi Saül te konte moun ki te prezan avè l yo, yo te ✨anviwon sis-san mesye. <sup>16</sup> Alò Saül avèk fis li a, Jonathan avèk moun ki te prezan avèk yo te rete ✨Guéba nan Benjamin pandan Filisten yo te fè kan Micmasch. <sup>17</sup> Epi ravajè yo te sòti nan kan Filisten yo an twa konpayi yo. Yon konpayi te vire nan sid vè Ophra vè peyi Schual. ✨ <sup>18</sup> Yon lòt konpayi te vire vè ✨Beth-Horon, e yon lòt konpayi te vire vè lizyè ki kouri anwo vale a nan ✨Tseboïm vè dezè a. <sup>19</sup> Alò, ✨nanpwen bòs fòjewon ki ta kab twouve nan tout peyi Israël la, paske Filisten yo te di: “Otreman Ebre yo va fè nepe yo oswa frenn yo. <sup>20</sup> Konsa, tout Israël te desann vè Filisten yo, yo chak pou file pwòp cha li, pikwa li, rach li, ak wou li. <sup>21</sup> Frè sèvis la te de tyè sik pou lam cha a, pou pikwa a, fochèt la, rach la e pou ranje wou yo. <sup>22</sup> Konsa sa te rive ke nan jou batay la ke ✨ni nepe, ni fwenn pa t twouve nan men a okenn nan moun ki te avèk Saül ak Jonathan yo. Men yo te twouve sèlman nan men Saül ak Jonathan. <sup>23</sup> Epi ✨ekip post militè a Filisten yo te sòti rive nan pasaj

✨ **13:2** I Sam 13:5 ✨ **13:2** I Sam 10:25 ✨ **13:3** I Sam 10:5 ✨ **13:4** Egz 5:21 ✨ **13:5** Jos 11:4  
 ✨ **13:6** Jij 6:2 ✨ **13:7** Nonb 32:33 ✨ **13:8** I Sam 10:8 ✨ **13:9** Det 12:5-14 ✨ **13:10** I Sam 15:13  
 ✨ **13:11** I Sam 13:2-23 ✨ **13:13** II Kwo 16:9 ✨ **13:13** I Sam 15:11-28 ✨ **13:14** I Sam 15:28  
 ✨ **13:15** I Sam 13:2-7 ✨ **13:16** I Sam 13:2-3 ✨ **13:17** I Sam 14:15; Jos 18:23 ✨ **13:18** Jos 18:13-14  
 ✨ **13:18** Né 11:34 ✨ **13:19** Jij 5:8 ✨ **13:22** Jij 5:8 ✨ **13:23** I Sam 14:1

Micmasch.

## 14

<sup>1</sup> Alò jou a te rive ke Jonathan, fis a Saül la, te di a jennonm ki t ap pote zam li yo: “Vini, annou travèse vè anplasman post militè Filisten ki sou kote lòtbò a. Men li pa t pale sa a papa l. <sup>2</sup> Saül te rete nan zòn andeyò ✧Guibéa anba pye grenad la nan ✧Migron. Epi moun ki te avèk li yo te anviwon sis-san mesye. <sup>3</sup> Achija, fis a Achithub la, frè I-Kabod, fis a Phinéas a, fis a Éli, sakrifikatè SENYÈ a nan ✧Silo, te abiye avèk yon efòd. Epi pèp la pa t konnen ke Jonathan te ale. <sup>4</sup> ✧Antre pasaj kote Jonathan te chache travèse pou rive nan anplasman post militè Filisten yo, te gen yon kote dan wòch byen file sou yon bò ak yon dan wòch byen file sou lòtbò a. Youn te rele Botsets e lòt la te rele Séné. <sup>5</sup> Youn nan dan wòch yo te leve nan kote nò anfas Micmasch e lòt la nan sid anfas Guéba. <sup>6</sup> Alò Jonathan te di a jennonm ki t ap pote zam li yo: “Vini pou nou travèse lòtbò vè anplasman militè a ensikonsi sila yo. Petèt, SENYÈ a va aji pou nou. Paske ✧SENYÈ a pa anpeche delivre, menm si se anpil, menm si se kèk grenn.” <sup>7</sup> Sila ki pote zam li yo te di: “Fè tout sa ki nan kè ou; vire ou menm e mwen la avèk ou selon volonte ou.” <sup>8</sup> Jonathan te di: ✧“Gade byen, nou va travèse lòtbò vè mesye yo pou vin parèt a yo menm. <sup>9</sup> Si yo di nou: ‘Tann jiskaske nou rive bò kote nou’, alò, nou va kanpe nan plas nou e pa monte kote yo. <sup>10</sup> Men si yo di: ‘Vin monte kote nou’, alò nou va monte. Paske SENYÈ a te mete yo nan men nou; epi ✧sa va sinyal pou nou.” <sup>11</sup> Lè yo toude te parèt nan anplasman militè Filisten yo, Filisten yo te di: “Gade byen, ✧Ebre yo vin sòti nan tou a kote yo te kache kò yo.” <sup>12</sup> Epi mesye nan anplasman yo te rele Jonathan avèk gason ki pote zam li yo. Yo te di: “Monte kote nou pou nou di ou yon bagay.” Epi Jonathan te di a gason zam li yo: “Vin monte dèyè m, paske ✧SENYÈ a fin mete yo nan men Israèl.” <sup>13</sup> Alò, Jonathan te rale monte ak men l ak pye li, avèk gason zam yo dèyè li. Konsa, yo te tonbe devan Jonathan e gason zam yo te touye kèk apre li. <sup>14</sup> Premye masak sa ke Jonathan avèk gason zam yo te fè te anviwon ven òm soti nan mwatye distans ke yon cha ta fè lè l ap raboure fè yon pase nan yon tyè kawo tè. <sup>15</sup> Epi nan kan an yo t ap tranble, nan chan an e pami tout pèp la. Menm gason anplasman militè yo te tranble. ✧Ekip ravajè yo te tranble e latè te vin tranble jiskaske li te tranble anpil <sup>16</sup> Gad Saül yo nan Guibéa nan Benjamin te wè ke gran kantite fòs sòlda yo te kòm si yo t ap fonn; epi yo te gaye pasi pala. <sup>17</sup> Saül te di a moun ki te avèk li yo: “Kontwole soti koulye a pou wè kilès ki kite nou.” Epi lè yo fin fè kontwòl, gade byen, Jonathan avèk gason potè zam li yo pa t la. <sup>18</sup> Alò, Saül te di a Achija: ✧“Mennen lach Bondye a isit la.” Paske lach Bondye a te nan tan sa a avèk fis Israèl yo. <sup>19</sup> ✧Pandan Saül te pale avèk prèt la, zen nan kan Filisten yo te kontinye e te vin ogmante. Donk, Saül te di prèt la: “Retire men w!” <sup>20</sup> Epi Saül avèk tout pèp ki te avèk li a te rasanble pou te rive kote batay la. Epi vwala, ✧zam a chak moun te vire kont moun parèy pa yo. Te vin gen yon trè gran konfizyon. <sup>21</sup> Alò, Ebre ki te avèk Filisten avan yo, ki te monte avèk yo toupatou nan kan an, ✧menm yo menm te vire pou alinye avèk Izrayelit ki te avèk Saül ak Jonathan yo. <sup>22</sup> Lè tout

✧ 14:2 I Sam 13:15-16 ✧ 14:2 És 10:28 ✧ 14:3 I Sam 1:3 ✧ 14:4 I Sam 13:23 ✧ 14:6 Za 4:6 ✧ 14:8 Jij 7:9-14 ✧ 14:10 Jen 24:14 ✧ 14:11 I Sam 13:6 ✧ 14:12 II Sam 5:24 ✧ 14:15 I Sam 13:17-18 ✧ 14:18 I Sam 23:9 ✧ 14:19 Nonb 27:21 ✧ 14:20 Jij 7:22 ✧ 14:21 I Sam 29:4



✧mesye Israël yo ki te kache kò yo nan peyi ti mòn Ephraïm yo te tandè ke Filisten yo te sove ale, menm yo menm anplis, te kouri dèyè yo touprenan batay la. <sup>23</sup> Konsa ✧SENYÈ a te delivre Israël nan jou sa a e batay la te gaye pi lwen Beth-Aven. <sup>24</sup> Alò mesye Israël yo te byen peze nan jou sa a, paske Saül te ✧mete pèp la anba yon sèman, e te di: “Modi se mesye ki manje manje avan nwit lan, jiskaske mwen fè vanjans sou lènmi mwen yo.” Konsa, pa t gen nan pèp la ki te goute manje. <sup>25</sup> Tout pèp peyi a te antre nan forè a e te gen siwo myèl atè a. <sup>26</sup> Lè pèp la te antre forè a, men vwala, ✧te gen yon flèv siwo myèl. Men pèsòn pa t rale men l rive nan bouch li, paske pèp la te pè sèman an. <sup>27</sup> Men Jonathan pa t ankò tandè lè papa l te mete pèp la anba sèman an. Pou sa, li te lonje baton ki te nan men l lan, li te fonsè li nan gato myèl la, li te mete men l nan bouch li e ✧zye li te vin limen <sup>28</sup> Epi youn nan moun yo te di: “Papa ou te mete pèp la anba sèman avèk severite e li te di: “Modi se mesye ki manje manje jodi a.’” Epi pèp la te bouke. <sup>29</sup> Alò, Jonathan te di: ✧“Papa m te twouble peyi a! Gade, koulye a kijan zye m vin limen akoz mwen te goute yon ti kras nan siwo sa a <sup>30</sup> Konbyen anplis, si sèlman pèp la te manje avèk libète jodi a nan piyaj lènmi ke yo te twouve a! Paske, koulye a masak pami Filisten yo pa gwo.” <sup>31</sup> Yo te frapè pami Filisten yo nan jou sa a soti Micmasch pou jis rive Ajalon. Epi pèp la te vin byen bouke. <sup>32</sup> ✧Pèp la te kouri avèk gwo anvi sou piyaj la. Yo te pran mouton yo avèk gwo bèf ak ti bèf yo, yo te touye yo atè a, e yo te manje yo ✧avèk san an. <sup>33</sup> Alò, yo te pale Saül e te di: “Gade byen, pèp la ap ✧peche kont SENYÈ a pandan yo manje avèk san an.” Epi li te di: “Nou te aji kòm trèt; woule yon gwo wòch kote mwen jodi a.” <sup>34</sup> Saül te di: “Gaye nou menm pami pèp la e di yo: “Nou chak mennen bèf nou ban mwen, oswa mouton nou e touye li isit la pou manje. Pa fè peche kont SENYÈ a avèk afè manje san an.’” Konsa, tout pèp la nan nwit lan, yo chak te mennen bèf yo e te kòche li la. <sup>35</sup> Epi Saül te ✧bati yon lotèl a SENYÈ a; se te premye lotèl ke li te bati a SENYÈ a. <sup>36</sup> Epi Saül te di: “Annou desann dèyè Filisten yo lannwit lan, pran piyaj pami yo jis li fè klè nan maten e annou pa kite youn nan mesye yo vivan.” Epi yo te di: “Fè nenpòt sa ki sanble bon pou ou menm.” Konsa, ✧prèt la te di: “Annou apwoche de Bondye isit la.” <sup>37</sup> Saül te fè demand a Bondye: “Èske mwen dwe desann dèyè Filisten yo? Èske Ou va ba yo nan men Israël?” Men ✧Li pa t reponn li nan jou sa a <sup>38</sup> Saül te di: ✧“Apwoche isit la, tout chèf a tout pèp la pou fè ankèt pou aprann kijan peche sa a te vin fèt jodi a <sup>39</sup> Paske, ✧jan SENYÈ a ki delivre Israël la viv la, malgre ke si se fis mwen, Jonathan, li va anverite mouri.” Men yon moun nan tout pèp la pa t reponn li. <sup>40</sup> Alò, li te di a tout Israël: “Nou va sou yon kote e mwen menm avèk Jonathan va nan lòt kote a.” Epi pèp la te di a Saül: “Fè sa ki sanble bon a ou menm.” <sup>41</sup> Pou sa, Saül te di a SENYÈ a, Bondye a Israël la: ✧“Fè yon tiraj osò konplè.” Epi Jonathan avèk Saül te pran; men pèp la te delivre. <sup>42</sup> Saül te di: “Tiraj osò a antre mwen menm avèk Jonathan, fis mwen an.” Epi se Jonathan ki pran. <sup>43</sup> Alò Saül te di a Jonathan: ✧“Di mwen kisa ou te fè a.” Konsa, Jonathan te rakonte li e te di: “Mwen, anverite, te goute yon ti kras siwo myèl avèk pwent baton ki te nan men m nan. Men mwen; fòk mwen mouri!” <sup>44</sup> Saül

✧ 14:22 I Sam 13:6 ✧ 14:23 Egz 14:30 ✧ 14:24 Jos 6:26 ✧ 14:26 Mat 3:4 ✧ 14:27 I Sam 30:12 ✧ 14:29 Jos 7:25 ✧ 14:32 I Sam 15:19 ✧ 14:32 Lev 17:10-14 ✧ 14:33 Lev 7:26 ✧ 14:35 I Sam 7:12-17 ✧ 14:36 I Sam 14:3-19 ✧ 14:37 I Sam 28:6 ✧ 14:38 Jos 7:11-12 ✧ 14:39 I Sam 14:24-44 ✧ 14:41 Trav 1:24 ✧ 14:43 Jos 7:19

te di: “Ke Bondye fè m sa e menm plis; paske, vrèman, ✨Jonathan, ou oblije mourir.” 45 Men pèp la te di a Saül: “Èske fòk Jonathan ta mourir, ki te fè reyisi gran delivrans sa a an Israèl? Lwen de sa! jan SENYÈ a viv la, ✨pa menm yon cheve nan tèt li p ap tonbe atè; paske li te fè travay Bondye nan jou sa a. “Konsa, pèp la te sove Jonathan pou li pa t mourir. 46 Alò, Saül te monte kite afè kouri dèyè Filisten yo, e Filisten yo te ale kote pa yo a. 47 Alò, lè Saül te pran plas chèf sou wayòm Israèl la. Li te goumen kont tout lènmi li yo tout kote; kont Moab, ✨fis a Ammon yo, Édom, wa a Zobah yo ak Filisten yo. Nenpòt kote li te vire li te pini yo. 48 Li te aji avèk kouraj, li te ✨bat Amalekit yo e li te delivre Israèl soti nan men a sila ki te piyaje li yo. 49 Alò, ✨fis a Saül yo te Jonathan, Jischiv avèk Malkischua. Epi non a de fi yo se te konsa; non a premye ne a, Mérab e non a pi piti a, ✨Mical. 50 Non a madanm a Saül se te Achinoam fi a Achimaats la. Epi non a ✨kapitèn lame a se te Abner, fis a Ner a, tonton a Saül. 51 ✨Kish se te papa a Saül ak Ner. Papa a Abner te fis a Abiel. 52 Alò, lagè kont Filisten yo te di anpil pandan tout jou a Saül yo. Epi lè Saül te wè nenpòt gason pwisan oswa vanyan, li te ✨fè l vin atache nan sèvis pa l la.

## 15

1 Alò, Samuel te di a Saül: ✨“SENYÈ a te voye mwen pou onksyone ou wa sou pèp Li a; pou sa, koute pawòl a SENYÈ a. 2 Konsa pale SENYÈ dèzame yo: “Mwen va pini Amalek ✨pou sa li te fè Israèl la, jan li te opoze li nan chemen an pandan li t ap vini sòti an Égypte la. 3 Alò, ale frape Amalek e detwi tout sa li genyen e pa fè li gras; men ✨mete a lanmò ni gason, ni fanm, ni timoun ni tibebe, bèf, mouton, chamo ak bourik.” 4 Epi Saül te pase lòd rasanble pèp la e te konte yo nan ✨Thelaïm, de-san-mil sòlda apye yo, di-mil mesye Juda yo. 5 Saül te rive kote vil Amalek yo e li te òganize yon anbiskad nan vale a. 6 Saül te di a Kenyen yo: “Ale, sòti kite Amalekit yo pou m pa detwi nou ansanm avèk yo; paske, ✨nou te montre favè nou anvè tout fis Israèl yo lè yo te monte soti an Égypte.” Konsa, Kenyen yo te sòti nan mitan Amalekit yo. 7 Konsa, Saül te bat Amalekit yo soti nan ✨Havila pou rive ✨Schur, ki te bò lès a Égypte la. 8 Li te kaptire vivan ✨Agag, wa a Amalekit yo e te detwi nèt tout pèp la avèk lam nepe 9 men Saül avèk pèp la te ✨lese Agag viv ansanm avèk pi bèl nan mouton yo, bèf yo, bèt gra yo, jenn mouton yo, tout sa ki te bon e li pa t dakò pou detwi yo nèt; men, tout sa ki te meprize e san valè, yo te vin detwi nèt. 10 Alò, pawòl SENYÈ a te vini a Samuel e te di: 11 ✨Mwen regrèt ke M te fè Saül wa, paske ✨li te vire fè bak nan swiv Mwen e li pa t akonpli lòd Mwen yo.” Epi Samuel te vin twouble e li te kriye fò a SENYÈ a pandan tout nwit lan 12 Samuel te leve granmmaten pou rankontre Saül. Yo te pale a Samuel, e te di: “Saül te vini nan ✨Carmel e vwala, li te fè monte yon moniman pou tèt li e li te vire kontinye desann vè Guilgal 13 Samuel te vini kote Saül, e Saül te di li: “Beni se ou menm pa SENYÈ a! Mwen te akonpli lòd SENYÈ a.” 14 Men Samuel te di li: “Men ki mouton ke m tande k ap blebe nan zòrèy

✨ 14:44 I Sam 14:39 ✨ 14:45 Trav 27:34 ✨ 14:47 I Sam 11:1-13 ✨ 14:48 I Sam 15:3-7  
 ✨ 14:49 I Sam 31:2 ✨ 14:49 II Sam 6:20-23 ✨ 14:50 II Sam 2:8 ✨ 14:51 I Sam 9:21 ✨ 14:52 I Sam 8:11 ✨ 15:1 I Sam 9:16 ✨ 15:2 Egz 17:8-16 ✨ 15:3 I Sam 22:19 ✨ 15:4 Jos 15:24  
 ✨ 15:6 Egz 18:9-10 ✨ 15:7 Jen 25:18 ✨ 15:7 Egz 15:22 ✨ 15:8 I Sam 15:20 ✨ 15:9 I Sam 15:3-19 ✨ 15:11 Egz 32:14 ✨ 15:11 I Wa 9:6-7 ✨ 15:12 Jos 15:55

mwen la a e ki rèl a bèf ke m tandè la a?”<sup>15</sup> Saül te di: “Yo te mennen yo soti nan Amalekit yo; paske, \*pèp la te kite pi bèl nan mouton avèk bèf yo pou fè sakrifis bay SENYÈ a, Bondye pa w la. Men tout rèl nou te genyen an nou te detwi l nèt.”<sup>16</sup> Alò, Samuel te di: “Tann e kite mwen menm di ou sa ke SENYÈ a te di mwen yès-wa.” Epi li te di li: “Pale”!<sup>17</sup> Samuel te di: “Èske se pa vre, ke \*malgre ou te piti nan pwòp zye pa ou, ke ou te devni gran chèf a tribi Israèl yo?”<sup>18</sup> Epi ke SENYÈ a te voye ou fè yon misyon e te di: \*‘Ale detwi pechè yo nèt; Amalekit yo, e batay kont yo jiskaske yo fin disparèt.’<sup>19</sup> Pou sa, poukisa ou pa t obeye vwa SENYÈ a; \*men ou te kouri sou piyaj la e te fè sa ki mal nan zye SENYÈ a?”<sup>20</sup> Alò Saül te di a Samuel: \*‘Mwen te obeye vwa SENYÈ a e te fè misyon nan sila SENYÈ a te voye mwen an e te mennen retounen Agag, wa Amalek la, e mwen te detwi nèt tout Amalekit yo’<sup>21</sup> Men \*pèp la te pran nan piyaj mouton avèk bèf yo, pi bèl nan sa ki te anba ve pou destriksyon an, pou fè sakrifis bay SENYÈ a, Bondye ou a nan Guilgal.<sup>22</sup> Samuel te di: \*‘Èske SENYÈ a twouve menm fòs plezi nan ofrann brile yo avèk sakrifis yo ke li jwenn nan obeye vwa SENYÈ a? Veye byen, obeyisans pi bon ke sakrifis e koute pase grès a belye yo.’<sup>23</sup> Paske rebelyon se tankou pechè \*divinasyon e refize swiv lòd se tankou inikite avèk idolatri. Akoz ou te refize pawòl SENYÈ a, Li osi te gentan refize ou kòm wa.<sup>24</sup> Alò, Saül te di a Samuel: \*‘Mwen te pechè; Mwen te vrèman transgese kòmand SENYÈ a e pawòl a ou menm yo; paske, mwen te pè pèp la e mwen te koute vwa pa yo.’<sup>25</sup> Alò, pou sa, \*souple, padone pechè mwen e retounen avè m pou m kapab adore SENYÈ a.”<sup>26</sup> Men Samuel te di a Saül: “Mwen p ap retounen avè w; paske, \*ou te rejte pawòl a SENYÈ a e SENYÈ a te gentan rejte ou kòm wa sou Israèl.”<sup>27</sup> Lè Samuel te vire pou l sòti, \*Saül te sezi bò manto li e li te vin chire.<sup>28</sup> Epi Samuel te di li: \*‘SENYÈ a te dechire wayòm ou an e Li te bay li a vwazen ou an, ki pi bon pase ou.’<sup>29</sup> Anplis, Glwa Israèl La \*p ap manti, ni chanje tèt Li. Paske Li pa yon nonm pou Li ta chanje tèt Li.<sup>30</sup> Alò li te di: “Mwen te pechè; souple, onore mwen koulye a devan ansyen a pèp mwen yo ak devan Israèl e retounen avè m, \*pou m kapab adore SENYÈ a, Bondye ou a.”<sup>31</sup> Konsa, Samuel te swiv Saül retounen e Saül te adore SENYÈ a.<sup>32</sup> Alò, Samuel te di: “Mennen ban m Agag, wa Amalekit yo.” Epi Agag te vin kote li avèk kè kontan. Akoz Agag t ap di: “Asireman gou anmè lanmò a gen tan pase.”<sup>33</sup> Men Samuel te di: \*‘Menm jan ke nepe ou te fè fanm yo vin manke pitit; konsa, manman ou va vin manke pitit pami fanm yo.’ Epi Samuel te koupe Agag an mòso devan SENYÈ a nan Guilgal.<sup>34</sup> Samuel te ale \*Rama; men Saül te monte vè lakay li nan Guibéa ki pou li.<sup>35</sup> \*Samuel pa t wè Saül ankò jis jou li te mouri an; paske Samuel te gen anpil tristès akoz Saül. Epi SENYÈ a te regrèt ke Li te fè Saül wa sou Israèl.

## 16

<sup>1</sup> Alò, SENYÈ a te di a Samuel: “Pandan konbyen de tan ou va lamante pou Saül, paske, Mwen te rejte li kòm wa sou Israèl? Ranpli poban ou

\* **15:15** Egz 32:22-23 \* **15:17** I Sam 9:21 \* **15:18** I Sam 15:3 \* **15:19** I Sam 14:32 \* **15:20** I Sam 15:13 \* **15:21** Egz 32:22-23 \* **15:22** És 1:11-15 \* **15:23** Det 18:10 \* **15:24** Pwov 29:25 \* **15:25** Egz 10:17 \* **15:26** I Sam 13:14 \* **15:27** I Wa 11:30-31 \* **15:28** I Sam 28:17-18 \* **15:29** Éz 24:14 \* **15:30** És 29:13 \* **15:33** Jij 1:7 \* **15:34** I Sam 7:17 \* **15:35** I Sam 19:24

avèk lwil e ale. Mwen va voye ou vè ✨Jesse, mesye Bethléhem nan, paske mwen te ✨chwazi yon wa pou kont Mwen pami fis li yo. <sup>2</sup> Men Samuel te di: “Kijan mwen kapab ale? Lè Saül tande koze sa a, li va touye mwen.” Epi SENYÈ a te di: ✨“Pran yon gazèl avèk ou e di: “Mwen vin fè sakrifis bay SENYÈ a <sup>3</sup> Ou va envite Jesse pou vini nan sakrifis la. ✨Mwen va montre ou kisa pou ou fè, e ✨ou va onksyone pou Mwen, sila ke M montre ou a. <sup>4</sup> Konsa, Samuel te fè sa ke SENYÈ a te di a e li te vini ✨Bethléhem. Epi ansyen lavil yo te vin rankontre li tou. Ak tranbleman yo te di: “Èske nou vini nan lapè? <sup>5</sup> Li te di: “Nan lapè; mwen te vin fè sakrifis bay SENYÈ a. Pou sa, ✨konsakre nou e vin avè m nan sakrifis la.” Anplis, li te konsakre Jesse avèk fis li yo e li te envite yo nan sakrifis la. <sup>6</sup> Lè yo te antre, li te gade ✨Eliab e li te panse: “Vrèman onksyone SENYÈ a devan m nan.” <sup>7</sup> Men SENYÈ a te di Samuel: “Pa gade aparans li, ni wotè li, paske Mwen te rejte li. Paske, Bondye pa gade tankou yon nonm gade; paske lòm wè selon aparans deyò, ✨men SENYÈ a wè kè a.” <sup>8</sup> Epi Jesse te rele ✨Abinadab pou te fè l pase devan Samuel. Epi li te di: “SENYÈ a pa t chwazi sila a nonpli.” <sup>9</sup> Pwochèman, Jesse te fè ✨Schamma vin pase. Epi li te di: “SENYÈ a pa t chwazi sila a nonpli.” <sup>10</sup> Konsa Jesse te fè kat nan fis li yo pase devan Samuel. Men Samuel te di a Jesse: “SENYÈ a pa t chwazi sila yo.” <sup>11</sup> Epi Samuel te di a Jesse: “Èske sa yo se tout pitit ou yo? “Epi li te di: ✨“Rete toujou pi piti a. Gade, li ap okipe mouton yo.” Alò Samuel te di a Jesse: “Voye chache li, paske nou p ap chita jiskaske li vin isit la.” <sup>12</sup> Konsa, li te voye chache li antre. Alò li te wouj avèk zye byen bèl ak aparans ki bèl. Epi SENYÈ a te di: ✨“Leve, onksyone li, paske sa se li menm.” <sup>13</sup> Epi Samuel te pran poban lwil la pou te onksyone li nan mitan frè li yo. Epi ✨Lespri SENYÈ a te vini byen fò sou David depi jou sa a, ale nèt. Epi Samuel te leve pou te ale Rama. <sup>14</sup> Alò, Lespri SENYÈ a te vin kite Saül e yon ✨move lespri ki sòti nan SENYÈ a te teworize li. <sup>15</sup> Sèvitè a Saül yo te di li: “Gade byen, koulye a, yon move lespri ki sòti nan Bondye ap teworize ou. <sup>16</sup> Kite mèt nou an kòmande sèvitè li yo pou chache yon nonm ki fò nan jwe ap. Konsa li va rive lè move lespri ki sòti nan Bondye a vini sou ou, ke ✨li va jwe ap la avèk men l e ou va vin geri.” <sup>17</sup> Pou sa, Saül te di a sèvitè li yo: “Founi pou mwen koulye a yon nonm ki kapab jwe ap e mennen li ban mwen.” <sup>18</sup> Alò, youn nan jennonm sa yo te di: “Gade byen, mwen konn wè yon fis a Jesse, Betleyemit lan, ki se yon mizisyen byen fò, ✨yon mesye pwisan avèk anpil kouraj, yon gèrye, yon moun ki saj nan pawòl, yon bo gason; epi, ✨SENYÈ a avè l.” <sup>19</sup> Konsa, Saül te voye mesaje yo vè Jesse e te di: “Voye pou mwen David, fis ou a, ki avèk bann mouton an.” <sup>20</sup> Jesse te ✨pran yon bourik chaje avèk pen ak yon boutèy diven avèk yon jenn kabrit e li te voye yo kote Saül avèk David, fis li a. <sup>21</sup> Epi David te vin kote Saül e li te ✨okipe li. Saül te renmen li anpil, e David te devni pòtè a zam pou li. <sup>22</sup> Saül te voye a Jesse, e te di: “Kite David kanpe koulye a devan mwen, paske li gen tan twouve favè nan zye m. <sup>23</sup> Epi li te rive ke nenpòt lè ✨move lespri ki sòti nan Bondye a te vin kote Saül, David te pran ap la,

✨ **16:1** Rt 4:17-22 ✨ **16:1** Sòm 78:70-71 ✨ **16:2** I Sam 20:29 ✨ **16:3** Trav 9:6 ✨ **16:3** Det 17:14-15 ✨ **16:4** Jen 48:7 ✨ **16:5** Jen 35:2 ✨ **16:6** I Sam 17:13 ✨ **16:7** I Sam 2:3 ✨ **16:8** I Sam 17:13 ✨ **16:9** I Sam 17:13 ✨ **16:11** I Sam 17:12 ✨ **16:12** I Sam 9:17 ✨ **16:13** Nonb 27:18 ✨ **16:14** I Sam 16:15-16 ✨ **16:16** I Sam 18:10 ✨ **16:18** I Sam 17:32-36 ✨ **16:18** I Sam 3:19 ✨ **16:20** I Sam 10:4-27 ✨ **16:21** Jen 41:46 ✨ **16:23** I Sam 16:14-16

e li te jwe avèk men li. Konsa, Saül te renouvle, li te vin sen e move lespri a te vin kite li.

## 17

<sup>1</sup> Alò, ✧Filisten yo te rasanble lame yo pou batay. Yo te rasanble vè Soco ki pou Juda e yo te fè kan antre Soco avèk Azéka nan Éphés-Dammim. <sup>2</sup> Saül avèk mesye Israël yo te rasanble pou fè kan nan vale ✧Ela a e yo te vin rale yo nan lòd batay la pou rankontre Filisten yo. <sup>3</sup> Filisten yo te kanpe sou ti mòn nan e Izrayelit yo sou lòt kote a, avèk vale a antre yo de. <sup>4</sup> Yon chanpyon yo te rele ✧Goliath ki te sòti nan ✧Gath, te soti nan kan Filisten yo. Wotè li te sis koude plis yon epann (anviwon nèf pye uit pous) <sup>5</sup> Li te mete yon kas an bwonz sou tèt li. Li te abiye avèk pwotèj an kal ki te peze senk-mil sik an bwonz. <sup>6</sup> Anplis, li te genyen pwotèj an bwonz sou janm li avèk yon ✧lans an bwonz ki te pann antre zepòl li. <sup>7</sup> Manch a lans lan te tankou travès nan yon aparèy fè twal. Lans li an te peze sis san sik (anviwon 18 liv) an fè. ✧Potè pwotèj li a osi te mache devan li. <sup>8</sup> Li te kanpe e li te rele fò vè lame alinye Israël la, e li te di yo: “Poukisa nou vin alinye pou batay la? Èske mwen menm se pa yon Filisten e nou menm ✧sèvitè a Saül? Chwazi yon mesye pou kont nou e kite li parèt kote mwen. <sup>9</sup> ✧Si li menm kapab goumen avè m, e touye mwen, alò nou va devni sèvitè pa nou. Men si mwen vin genyen li e touye li, alò, nou va devni sèvitè nou pou sèvi nou. <sup>10</sup> Ankò, Filisten an te di: ✧“Mwen defye tout ranje lame Israël la nan jou sila a! Ban m yon nonm pou nou kab goumen ansanm!” <sup>11</sup> Lè Saül avèk tout Israël te tande pawòl a Filisten an, yo te sezi e pè anpil. <sup>12</sup> Alò, David te ✧fis a Efratit a Bethléhem nan Juda ki te rele Jesse, ki te genyen uit fis. Epi Jesse te vin granmoun, nan jou Saül yo, byen avanse nan laj pami lèzòm. <sup>13</sup> Twa lòt fis a Jesse yo te swiv Saül nan batay la. Epi ✧non a twa fis li yo ki te ale nan batay la se te Éliab, premye ne a, Abinadab, dezyèm ne a ak Schamma, twazyèm ne a <sup>14</sup> ✧David se te pi piti a. Alò, twa ki te pi gran yo te swiv Saül. <sup>15</sup> ✧Men David te fè ale retou soti nan Saül pou okipe bann mouton papa li nan Bethléhem. <sup>16</sup> Filisten an te parèt ni nan maten ni nan aswè pandan karant jou e li te fè kanpe li. <sup>17</sup> Alò, Jesse te di a David, fis li a: ✧“Pran koulye a pou frè ou yo yon efa nan sereyal boukannen an, e kouri ale nan kan pa yo a. <sup>18</sup> Mennen ankò dis fwomaj sila yo bay kòmandan a milye pa yo, e ✧tyeke si sa ale byen avèk frè ou yo e retounen avèk nouvèl pa yo. <sup>19</sup> Paske, Saül avèk tout lame Israël la nan vale Ela a, nan goumen avèk Filisten yo.” <sup>20</sup> Alò, David te leve bonè nan maten e li te kite bann mouton an avèk yon jeran. Li te pran bagay yo e li te ale jan Jesse te kòmande li a. Epi li te antre nan ✧kote kan an pandan lame a t ap sòti nan lòd batay la e li t ap koute kri gè a. <sup>21</sup> Israël avèk Filisten yo te vin parèt nan chan batay yo, lame kont lame. <sup>22</sup> Alò, David te kite ✧sa l pote sou kont yon jeran, li te kouri vè chan batay la e li te antre pou l ta kapab salye frè li yo. <sup>23</sup> Pandan li t ap pale avèk yo, veye byen, ewo Filisten an ki sòti nan Gat ki te rele Goliath la, t ap monte soti nan lame a Filisten yo. Li te repete ✧menm pawòl sa yo, e David te tande. <sup>24</sup> Lè tout mesye Israël yo te wè nonm nan, yo te kouri kite li e yo

✧ 17:1 I Sam 13:5 ✧ 17:2 I Sam 21:9 ✧ 17:4 II Sam 21:19 ✧ 17:4 Jos 11:22 ✧ 17:6 I Sam 17:45 ✧ 17:7 I Sam 17:41 ✧ 17:8 I Sam 8:17 ✧ 17:9 II Sam 2:12-16 ✧ 17:10 I Sam 17:26-45 ✧ 17:12 Rt 4:22 ✧ 17:13 I Sam 16:6-9 ✧ 17:14 I Sam 16:11 ✧ 17:15 I Sam 16:21-23 ✧ 17:17 I Sam 25:18 ✧ 17:18 Jen 37:13-14 ✧ 17:20 I Sam 26:5-7 ✧ 17:22 Jij 18:21 ✧ 17:23 I Sam 17:8-10

te vin pè anpil. <sup>25</sup> Mesye Israël yo te di: “Èske ou te wè nonm sa a ki ap vin monte a? Anverite, li ap vin monte pou jete defi devan Israël. Epi li va rive ke wa a va fè moun ki touye li a rich avèk gran richès. Epi li va ba li fi li, e li va fè lakay papa li lib an Israël.” <sup>26</sup> Epi David te pale a mesye ki te kanpe akote li yo e te di: “Kisa k ap fèt pou moun ki touye Filisten sila a e ki retire wout lan soti sou Israël? Paske, se ki moun Filisten ensikonsi sila a ye pou l ta ensilte lame a Bondye vivan an?” <sup>27</sup> Pèp la, selon pawòl sila a, te reponn e te di: “Se konsa li va fèt pou mesye ki touye li a.” <sup>28</sup> Alò, Éliab, pi gran frè li a te tandè lè li te pale ak mesye yo. Epi kòlè Éliab te brile kont David. Li te di: “Poukisa ou te desann isit la? Epi avèk kilès ou te kite ti kras grenn mouton ou yo nan dezè a? Mwen konprann ògèy ou ak mechanste ki nan kè ou; paske, ou te vin desann pou ou kab wè batay la.” <sup>29</sup> Men David te di: “Kisa mwen te fè koulye a? Se pa sèlman ke m poze yon kesyon?” <sup>30</sup> Epi li te vire kite li e te mande yon lòt menm bagay la. Konsa, pèp la te reponn menm bagay kòm avan an. <sup>31</sup> Lè pawòl David te pale yo te tandè, yo te pale avèk Saül e li te voye chache li. <sup>32</sup> David te di a Saül: “Pa kite moun pèdi kouraj sou kont a li. Sèvitè ou a va ale batay avèk Filisten sila a.” <sup>33</sup> Epi Saül te di a David: “Ou pa kapab ale kont Filisten sila a. Ou pa plis ke yon Jennonm e li menm, li te yon gèye depi li te jenn.” <sup>34</sup> Men David te di Saül: “Sèvitè ou a t ap okipe mouton papa l. Lè yon lyon, oswa yon lous te vin pran yon jenn mouton nan bann mouton an, <sup>35</sup> mwen te sòti dèyè li, mwen te atake li, mwen te fè l chape soti nan bouch li; epi, lè l te leve kont mwen, mwen te sezi li pa bab li e te touye li. <sup>36</sup> Sèvitè ou an gen tan touye ni lyon ni lous. Epi Filisten ensikonsi sila a va tankou youn nan yo, akòz li te meprize lame Bondye vivan an.” <sup>37</sup> Epi David te di: “SENYÈ a ki te delivre mwen soti nan pat lyon ak nan pat lous yo, Li va delivre mwen soti nan men a Filisten sila a.” Epi Saül te di a David, “Ale e ke SENYE a kapab avèk ou.” <sup>38</sup> Epi Saül te abiye David avèk vètman pa li yo, li te mete yon kas an bwonz sou tèt li e li te abiye li avèk pwotèj. <sup>39</sup> David te mete nepe a sou tout pwotèj yo, li te eseye mache, paske li potko fè anyen avèk yo. Alò David te di a Saül: “Mwen pa kapab ale avèk sila yo, paske m pa abitye ak yo.” Epi David te retire yo. <sup>40</sup> Li te pran baton li nan men l e li te chwazi pou kont li senk wòch ravin byen poli e te mete yo nan ti makout bèje ke li te genyen an. Fistibal li te nan men li. Konsa li te pwoche Filisten sa a. <sup>41</sup> Alò, Filisten an te kontinye vin pwoche David avèk potè zam nan devan l. <sup>42</sup> Lè Filisten an te gade wè David, li te meprize li, paske li te sèlman yon jennonm figi wouj, avèk yon bèl aparans. <sup>43</sup> Filisten an te di a David: “Èske mwen se yon chen pou ou ta vin kote mwen avèk bout bwa? Epi Filisten an te anmède David pa dye pa li yo <sup>44</sup> Filisten an te di a David osi: “Vin kote mwen e mwen va bay chè ou a a zwazo syèl yo avèk bèt chan yo” <sup>45</sup> Alò, David te di a Filisten an: “Ou vin kote mwen avèk yon nepe avèk yon frenn, avèk yon lans; men, mwen vin kote ou nan non a SENYE dèzame a, Bondye a lame Israël yo, ke ou sot vekse a. <sup>46</sup> Nan jou sa a menm, SENYE a va livre ou nan menm m. Mwen va frape ou desann, e koupe tèt ou. Epi mwen va bay kadav a lame Filisten yo, nan jou sa a, a zwazo syèl yo e a bèt sovaj

✧ 17:25 Jos 15:16 ✧ 17:26 I Sam 11:2 ✧ 17:28 Pwov 18:19 ✧ 17:30 I Sam 17:26-27 ✧ 17:32 Det 20:1-4 ✧ 17:32 I Sam 16:18 ✧ 17:33 Nonb 13:31 ✧ 17:35 Am 3:12 ✧ 17:37 II Tim 4:17-18 ✧ 17:37 I Kwo 22:11-16 ✧ 17:42 Sòm 123:4 ✧ 17:43 I Wa 20:10 ✧ 17:44 I Sam 17:46 ✧ 17:45 Sòm 124:8 ✧ 17:46 Det 28:26

latè a, pou tout latè a kab konnen ke gen yon Bondye an Israèl, <sup>47</sup> epi, pou tout asanble sila a kapab konnen ke SENYÈ a pa konn delivre pa nepe, ni pa frenn; \*paske batay la se pou SENYÈ a e Li va livre ou nan men nou.” <sup>48</sup> Epi li te rive ke lè Filisten an te leve vini pou te parèt toupre David, ke \*David te kouri vit vè chan batay la pou rankontre Filisten an. <sup>49</sup> David te mete men l nan sak li, li te rale ladann yon wòch, li te tire li e li te frape Filisten an sou fwon li. Wòch la te fonsè antre nan fwon l, e li te vin tonbe sou figi li atè. <sup>50</sup> Konsa, David te genyen Filisten an avèk yon fistibal ak yon wòch. Li te frape Filisten an e te touye li, men pa t gen nepe nan men David. <sup>51</sup> Alò David te kouri kanpe sou Filisten an e te pran pwòp nepe pa li a, li te rale l soti nan fouwo li, li te touye li e te koupe tèt li avè l. \*Lè Filisten yo te wè ke ewo pa yo a te mouri, yo te sove ale. <sup>52</sup> Mesye Israèl yo avèk Juda yo te leve kriye fò e te kouri dèyè Filisten yo jis rive nan vale a e jis nan pòtay \*Ékron. Epi Filisten mouri yo te kouche tout akote chemen an pou rive Schaaraïm, menm jis nan Gat avèk Ékron. <sup>53</sup> Fis Israèl yo te retounen soti nan lachas Filisten yo e te piyaje tout kan yo. <sup>54</sup> Alò, David te pran tèt Filisten an e te mennen li Jérusalem, men li te mete zam Goliath yo nan tant lan. <sup>55</sup> Alò, lè Saül te wè David ki t ap sòti kont Filisten an, li te di a Abner, kòmandan lame a: “Abner, se fis a kilès jennonm sa a ye?” Epi Abner te di: “Pa lavi ou, O Wa mwen pa konnen.” <sup>56</sup> Wa a te di: “Mande moun pou konnen fis a kilès jennonm sa a ye.” <sup>57</sup> Pou sa, lè David te retounen fin touye Filisten an, Abner te pran li e te \*mennen li devan Saül avèk tèt Filisten an nan men li. <sup>58</sup> Saül te di li: “Se fis a kilès ou ye jennonm?” Epi David te reponn li: \* “Fis a sèvitè ou, Jesse, Betleyemit lan.”

## 18

<sup>1</sup> Alò, li te vin rive ke lè li te fin pale avèk Saül, ke nanm Jonathan te vin atache a nanm David e Jonathan te renmen li tankou pwòp tèt li. <sup>2</sup> Saül te pran li nèt nan jou sa a e \*pa t kite li retounen lakay papa l. <sup>3</sup> Epi \*Jonathan te fè yon akò avèk David akoz li te renmen li tankou pwòp tèt li. <sup>4</sup> \*Jonathan te retire manto ki te sou li a e te bay David li, ansanm avèk pwotèj li, menm ak nepe li, banza li, avèk sentiwon li. <sup>5</sup> Konsa, David te ale nan nenpòt kote Saül te voye li a, e te byen reyisi. Epi Saül te mete li chèf sou tout mesye lagè yo. Epi li te fè kè kontan nan zye a tout pèp la, e anplis, nan zye a sèvitè Saül yo. <sup>6</sup> Li te vin rive ke pandan yo t ap vini, lè David te retounen soti touye Filisten an, ke \*fanm yo te sòti nan tout vil an Israèl yo e t ap chante ak danse pou rankontre Wa Saül, avèk tanbouren, kè kontan ak enstriman mizik. <sup>7</sup> Fanm yo te \*chante pandan yo t ap jwe, e t ap di: “Saül te touye dè milye pa li menm e \*David dè di-milye pa li menm.” <sup>8</sup> Alò, Saül te vin byen fache, paske pawòl sa a te fè l pa kontan. Li te di: “Yo te bay David dè di-milye; men, a mwen menm, yo te bay dè milye. Alò \*kisa anplis li kapab genyen, sof ke wayòm nan?” <sup>9</sup> Depi nan jou sa a, Saül te sispèk David de prè. <sup>10</sup> Alò, li te vin rive ke nan jou aprè a, \*yon move lespri ki sòti nan Bondye te vini sou Saül avèk pwisans. Epi li te pale ak yon raj nan mitan kay la pandan David, kòm abitud li, t ap jwe ap la avèk men li. Saul te gen yon lans nan men l. <sup>11</sup> \*Li te voye lans lan, e t ap di a li menm: “Mwen va kloure David sou mi an.” Men David te chape

\* 17:47 II Kwo 20:15 \* 17:48 Sòm 27:3 \* 17:51 Eb 11:34 \* 17:52 Jos 15:11 \* 17:57 I Sam 17:54 \* 17:58 I Sam 17:12 \* 18:2 I Sam 17:15 \* 18:3 I Sam 20:8-17 \* 18:4 I Sam 17:38 \* 18:6 Sòm 68:25 \* 18:7 Egz 15:21 \* 18:7 II Sam 18:3 \* 18:8 I Sam 15:28 \* 18:10 I Sam 16:14 \* 18:11 I Sam 19:10

nan prezans li menm de fwa. <sup>12</sup> Alò Saül te pè David, paske SENYÈ a te avèk li; men Li ✧te fin kite Saül <sup>13</sup> Pou sa Saül te retire li devan prezans li e te chwazi li kòm kòmandan a yon mil lòm. Konsa ✧li te sòti e antre devan pèp la. <sup>14</sup> David t ap reyisi nan tout chemen li yo, ✧paske SENYÈ a te avèk li. <sup>15</sup> Lè Saül te wè ke li te byen reyisi konsa, li te vin gen gwo perèz li. <sup>16</sup> Men ✧tout Israèl avèk Juda te renmen li nèt e li te sòti e antre devan yo. <sup>17</sup> Alò, Saül te di a David: ✧“Men pi gran fi mwen an, Mérab. Mwen va ba ou li kòm madanm; sèlman, rete vanyan pou mwen e mennen batay pou SENYÈ a.” Paske, Saül t ap di a tèt li: “Mwen p ap kapab leve men kont li, men kite men Filisten yo vin kont li.” <sup>18</sup> Men David te di a Saül: ✧“Kilès mwen ye e kisa lavi mwen ye, oswa fanmi a papa m an Israèl ye, pou mwen ta devni bofis a wa a? <sup>19</sup> Konsa, li te vin rive ke nan tan lè Mérab, fi a Saül la te dwe bay a David la, li te vin bay a ✧Adriel, Meolayit la, kòm madanm. <sup>20</sup> Alò, ✧Mical, pitit a Saül la, te renmen David. Lè yo te pale sa a Saül, bagay la te agreyab a li menm. <sup>21</sup> Saül te di a li menm: “Mwen va ba li fi a pou li kab devni yon pyèj pou li e pou men Filisten yo kapab vin kont li.” Pou sa, Saül te pale David, ✧“Pou yon dezyèm fwa, ou gen dwa devni bofis mwen jodi a.” <sup>22</sup> Alò, Saül te kòmande sèvitè li yo: “Pale avèk David an sekre e di: ‘Gade byen, wa a trè kontan avèk ou e tout sèvitè li yo renmen ou anpil; alò, pou sa a, vin bofis a wa a.’” <sup>23</sup> Konsa, sèvitè a Saül yo te pale pawòl sa yo a David. Men David te di: “Èske sa se yon ti bagay pou vin bofis a wa a, ✧akoz mwen menm se yon nonm pòv e san pwa?” <sup>24</sup> Sèvitè a Saül yo te bay rapò a a li menm selon pawòl ke David te pale yo. <sup>25</sup> Alò, Saül te di: “Konsa ou va pale David: ‘Wa a pa bezwen okenn kòb kòm dwa maryaj, sof ke yon santèn po grenn ki sòti nan Filisten yo, ✧pou egzekite vanjans sou lènmi a wa yo.’” Alò, ✧Saül te fè plan pou fè David tonbe pa men a Filisten yo <sup>26</sup> Lè sèvitè li yo te pale David pawòl sa yo, sa te fè David kontan pou vini bofis a wa a. ✧Avan jou yo te fini, <sup>27</sup> David ak mesye pa li yo te ale. Yo te frape fè desann de-san lòm pami Filisten yo. Alò, ✧David te mennen po grenn pa yo e yo te bay yo an tout a wa a, pou li ta kapab vin bofis a wa a. Konsa Saül te ba li Mical kòm madanm li. <sup>28</sup> Lè Saül te wè e te konnen ke SENYÈ a te avèk David e ke Mical, fi a Saül la, te renmen li, <sup>29</sup> li te pè David menm plis. Konsa Saül te lènmi a David ale nèt. <sup>30</sup> Epi kòmandan Filisten yo te sòti pou fè batay; epi li vin rive chak fwa yo sòti, ke David ✧te aji avèk plis sajès ke tout sèvitè a Saül yo. Akoz sa, non li te vin respekte anpil.

## 19

<sup>1</sup> Alò, Saül te pale Jonathan, fis li a ak tout sèvitè li yo pou mete David a lanmò. Men ✧Jonathan fis a Saül la te fè kè kontan anpil akoz David. <sup>2</sup> Pou sa, Jonathan te pale David e te di: “Papa m vle mete ou a lanmò. Pou sa, souple, veye anpil nan maten an. Ale nan kote kache a e rete la. <sup>3</sup> Mwen va sòti e kanpe akote papa m nan chan kote ou ye a. Mwen va pale avèk papa m selon ou menm. Epi ✧si mwen vin konprann yon bagay, alò, mwen va di ou.” <sup>4</sup> Epi Jonathan te ✧pale ak Saül, papa li, kèk bon pawòl sou David. Li te di li: “Pa kite wa a peche kont sèvitè li, David. Paske li menm pa t peche

✧ **18:12** I Sam 16:14 ✧ **18:13** I Sam 18:16 ✧ **18:14** Jen 39:2-23 ✧ **18:16** I Sam 18:5 ✧ **18:17** I Sam 17:25 ✧ **18:18** I Sam 9:21 ✧ **18:19** II Sam 21:8 ✧ **18:20** I Sam 18:28 ✧ **18:21** I Sam 18:26 ✧ **18:23** Jen 29:20 ✧ **18:25** I Sam 14:24 ✧ **18:25** I Sam 18:17 ✧ **18:26** I Sam 18:21 ✧ **18:27** II Sam 3:14 ✧ **18:30** I Sam 18:5 ✧ **19:1** I Sam 18:1-3 ✧ **19:3** I Sam 20:9-13 ✧ **19:4** I Sam 20:32



kont ou; akòz zèw pa li yo, li te ede ou anpil. <sup>5</sup> Paske li te pran vi li nan men l, li te frape Filisten an e ✨SENYÈ a te fè rive yon gran delivrans pou tout Israèl. Ou te wè e ou te rejwi. Konsa, poukisa ou ta peche kont san inosan an nan mete David a lanmò san koz?” <sup>6</sup> Saül te koute vwa a Jonathan, e Saül te fè ve: “Jan SENYÈ a viv la, li p ap mete a lanmò.” <sup>7</sup> Alò, Jonathan te rele David e li te di li tout pawòl sila yo. Epi Jonathan te mennen David vè Saül e li te vin nan prezans li kòm ✨oparavan. <sup>8</sup> Lè te gen lagè ankò, David te sòti pou te goumen avèk Filisten yo e te bat yo avèk yon gwo masak, jiskaske yo te sove ale devan li. <sup>9</sup> Alò, te genyen yon ✨move lespri ki sòti nan SENYÈ a sou Saül pandan li te chita lakay li avèk yon frenn nan men li e David t ap jwe ap la avèk men li. <sup>10</sup> ✨Saül te tante frennen David pou kloure li nan mi an avèk frenn nan; men, li te chape kite prezans a Saül men frenn nan te kloure nan mi an. Epi David te sove ale e chape lannwit lan. <sup>11</sup> Alò, ✨Saül te voye mesaje yo lakay David pou yo ta veye li, avèk entansyon pou mete l a lanmò nan maten. Men Mical, madanm a David la te avèti li e te di: “Si ou pa sove lavi ou aswè a, demen ou va mete a lanmò.” <sup>12</sup> Konsa, Mical te fè David lage ✨desann nan yon fenèt, li te sòti deyò e te chape ale <sup>13</sup> Mical te pran zidòl kay la e li te poze li sou kabann nan. Li te mete yon kouvèti fèt avèk plim kabrit kote tèt li e te kouvri li avèk rad. <sup>14</sup> Lè Saül te voye mesaje yo pran David, li te di: ✨“Li malad.” <sup>15</sup> Alò, Saül te voye mesaje yo wè David, e li te di: “Mennen li monte kote mwen sou kabann li, pou m kab mete l a lanmò.” <sup>16</sup> Lè mesaje yo te antre, gade byen, zidòl kay la te sou kabann nan avèk kouvèti plim kabrit la sou tèt li. <sup>17</sup> Konsa, Saül te di a Mical: “Poukisa ou te twonpe m konsa e kite lènmi mwen an ale jiskaske li vin chape?” Epi Mical te di a Saül: “Li te di mwen, ‘Kite mwen ale! ✨Poukisa mwen ta bezwen mete ou a lanmò?’ ” <sup>18</sup> Alò David te sove ale e te chape rive ✨vè Samuel nan Rama. Epi li te di li tout sa ke Saül te fè l. Li menm avèk Samuel te ale rete Najoth. <sup>19</sup> Koze sa a te rive kote Saül ke: “Gade byen, David nan Najoth nan Rama.” <sup>20</sup> Epi Saül te voye mesaje yo pran David. Men lè yo te wè konpayi pwofèt yo ki t ap pwofetize ansanm avèk Samuel, ki te kanpe kòm dirijans sou yo, Lespri Bondye te vini sou mesaje Saül la; epi ✨yo tou te pwofetize. <sup>21</sup> Lè li te pale a Saül, li te voye lòt mesaje. Epi yo menm tou te vin pwofetize. Alò, Saül te voye mesaje yon twazyèm fwa, e yo anplis te pwofetize. <sup>22</sup> Epi li menm tou te ale Rama pou kont li e te rive jis nan gran pwi ki nan Secu a. Li te pale e te di: “Kote Samuel avèk David?” Epi yon moun te di: “Veye byen, yo nan Najoth nan Rama.” <sup>23</sup> Li te kontinye jis rive nan Najoth nan Rama. Konsa, ✨Lespri Bondye te vini sou li tou jiskaske li t ap pwofetize pandan nan wout la pou rive kote Najoth nan Rama a. <sup>24</sup> Anplis, li te retire rad li, li tou te pwofetize devan Samuel e li te kouche toutouni tout jounen an ak tout nwit lan. Pou sa, yo konn di: ✨“Èske Saül, osi, pami pwofèt yo?”

## 20

<sup>1</sup> Epi David te sove ale kite Najoth nan Rama e li te vin ✨di a Jonathan: “Kisa mwen te fè? Ki inikite mwen genyen? Epi ki peche mwen gen devan papa ou, pou li ap chache lavi m?” <sup>2</sup> Li te di li: “Lwen de sa, ou p ap mouri. Gade byen, papa m p ap janm fè anyen ni gran ni piti amwenske li avèti

✨ 19:5 I Sam 11:13 ✨ 19:7 I Sam 16:21 ✨ 19:9 I Sam 16:14 ✨ 19:10 I Sam 18:11 ✨ 19:11 Jij 16:2 ✨ 19:12 Trav 9:25 ✨ 19:14 Jos 2:5 ✨ 19:17 II Sam 2:22 ✨ 19:18 I Sam 7:17 ✨ 19:20 Nonb 11:25 ✨ 19:23 I Sam 10:10 ✨ 19:24 I Sam 10:10-12 ✨ 20:1 I Sam 24:9

m. Konsa pou ki rezon li ta kache bagay sa a de mwen? Se pa vre!” <sup>3</sup> Men David te fè ve ankò, e li te di: “Papa ou konnen byen ke mwen te jwenn favè nan zye ou, e li te di: ‘Pa kite Jonathan konnen bagay sa a, oswa li va blese.’ Men anverite, ✧jan SENYÈ a viv la e jan nanm ou viv la, gen sèlman yon pa antre mwen ak lanmò.” <sup>4</sup> Alò, Jonathan te di a David: “Nenpòt sa ou mande, m ap fè l pou ou.” <sup>5</sup> Konsa, David te di a Jonathan: “Veye byen, demen se ✧ nouvèl lin nan. Mwen ta dwe chita a tab pou manje avèk wa a. Men kite mwen ale pou m kache kò m nan chan an jis rive twa jou. <sup>6</sup> Si papa ou vin wè ke m pa la, alò li di: ‘David te mande mwen favè pou l ta kab kouri rive ✧Bethléhem, vil pa li a, akoz se lè sakrifis ane a pou tout fanmi an. <sup>7</sup> Si li di: ‘Sa bon,’ sèvitè ou a va sove; men si li vin byen fache, ✧konnen ke li te pran desizyon pou l fè mal la. <sup>8</sup> Pou sa, aji avèk bon kè avèk sèvitè ou a; paske ✧ou te mennen sèvitè ou antre nan yon akò a SENYÈ a avèk ou. Men si gen inikite nan mwen, mete m a lanmò ou menm; paske poukisa, si se konsa, ou ta dwe mennen mwen kote papa ou?” <sup>9</sup> Jonathan te di: “Sa se lwen de sa! Paske si mwen ta konprann ke papa m te detèmine pou fè ou mal; alò, èske mwen pa t ap di ou sa?” <sup>10</sup> Alò, David te di a Jonathan: “Se kilès ki va di mwen si papa ou bay yon repons ki di?” <sup>11</sup> Jonathan te di a David: “Vini, annou ale nan chan an.” Konsa, toude te sòti nan chan an. <sup>12</sup> Alò, Jonathan te di a David: “SENYÈ Bondye Israèl la se temwen! Lè m fin sonde papa m vè lè sa a demen, oswa nan twazyèm jou a, gade byen, si gen bon repons anvè ou menm, èske mwen p ap voye yon mo ba ou pou fè ou konnen sa? <sup>13</sup> Si se volonte a papa m pou fè ou mal, kite SENYÈ a fè menm jan an ak Jonathan e menm plis toujou, si mwen pa fè ou konnen e voye ou ale, pou ou kab sòti ansekirite. ✧ Epi ke Bondye kapab avèk ou menm jan ke li te ye avèk papa m nan. <sup>14</sup> Si mwen toujou vivan, èske ou p ap montre mwen tout lanmou a SENYÈ a pou m pa mouri? <sup>15</sup> ✧Ou p ap retire lanmou ou vè lakay mwen pou tout tan, pa menm lè SENYÈ a vin koupe dènye lènmi David la sou fas tè a.” <sup>16</sup> Konsa tou Jonathan te fè yon akò avèk lakay David: “Ke SENYÈ a toujou mande menm devwa sa a nan men a lènmi David yo. <sup>17</sup> Jonathan te fè David fè ve a ankò ✧akoz ke li te renmen li e akoz li te renmen li tankou li te renmen pwòp vi pa li. <sup>18</sup> Alò, Jonathan te di li: ✧“Demen se nouvèl lin nan e absans ou ap byen klè akoz chèz ou a va vid <sup>19</sup> Lè ou fin rete pandan twa jou, ou va desann vit vini nan plas kote ou te kache nan jou evenman sa yo; epi, ou va rete akote wòch Ézel la. <sup>20</sup> Mwen va tire twa flèch akote, kòm si se yon pratik m ap fè. <sup>21</sup> Epi tandè byen, mwen va voye yon ti gason e di l: ‘Ale dèyè flèch yo.’ Si mwen pale byen klè a ti gason an, e di l: ‘Gade byen, flèch yo bò sa a de ou menm, ale chache yo; alò, ou va vini; paske gen sekirite pou ou e nanpwen mal, jan SENYÈ a viv la. <sup>22</sup> Men si mwen di ti gason an:” ✧Gade byen, flèch yo lwen ou,’ ale, paske SENYÈ a te voye ou ale. <sup>23</sup> Epi pou afè akò ke ou menm avèk mwen fin pale a, gade byen, ✧“SENYÈ a antre ou menm avèk mwen menm pou tout tan.” <sup>24</sup> Konsa, David te kache nan chan an. Epi lè nouvèl lin nan vin leve, wa a te chita sou tab la pou manje. <sup>25</sup> Wa a te chita nan plas li kòm nòmal, chèz akote mi an. Alò, Jonathan te leve e Abner te chita akote Saül, men ✧plas David la te vid. <sup>26</sup> Malgre Saül pa t di anyen nan jou sa a, paske li te di a li

✧ 20:3 I Sam 25:26 ✧ 20:5 Nonb 28:11-15 ✧ 20:6 I Sam 17:58 ✧ 20:7 I Sam 25:17 ✧ 20:8 I Sam 18:3 ✧ 20:13 Jos 1:5 ✧ 20:15 II Sam 9:1-3 ✧ 20:17 I Sam 18:1 ✧ 20:18 I Sam 20:5 ✧ 20:22 I Sam 20:37 ✧ 20:23 Jen 31:49-53 ✧ 20:25 I Sam 20:18

menm: “Se yon ✨malè ki rive e li vin pa pwòp; asireman, li pa pwòp <sup>27</sup> Li te vin rive nan pwochen jou a, dezyèm jou nouvèl lin nan, ke plas David la te vid. Konsa, Saül te di a Jonathan, fis li a: “Poukisa fis a Jesse pa parèt nan repa a, ni yè, ni jodi a?” <sup>28</sup> Alò, Jonathan te reponn Saül: ✨ “David te swayezman mande pèmision a mwen menm pou ale Bethléhem, <sup>29</sup> paske li te di: ‘Souple kite m ale, akoz fanmi nou gen yon sakrifis nan vil la e frè m yo te mande m parèt. Epi koulye a, si m jwenn favè nan zye ou; souple, kite m fè yon sòti pou m kapab wè frè m yo.’ Pou rezon sa a, li pa t vin parèt sou tab a Wa a.” <sup>30</sup> Alò, kòlè a Saül te brile kont Jonathan e li te di a li: “Se fis a yon fanm pèvès e rebèl ke ou ye! Èske mwen pa konprann ke w ap chwazi fis a Jesse jis pou wont pa ou e jis rive nan wont a nidite manman ou. <sup>31</sup> Paske depi fis Jesse a rete sou latè, ni ou menm ni wayòm ou a p ap etabli. Alò, pou sa, voye mennen li kote mwen, paske ✨fòk li mouri.” <sup>32</sup> Men Jonathan te reponn Saül, papa li: ✨“Poukisa li dwe mouri? Kisa li te fè?” <sup>33</sup> Alò, Saül te voye frenn nan sou Jonathan pou frape fè l tonbe. Epi konsa, Jonathan te konnen ke papa li te pran desizyon pou mete David a lanmò. <sup>34</sup> Epi Jonathan te leve sou tab la byen anraje e li pa t manje nan dezyèm jou nouvèl lin nan, paske kè l te fè l mal akoz papa li te derespekte l konsa. <sup>35</sup> Alò, li te vin rive nan maten ke Jonathan te parèt nan chan an pou randevou avèk David la e yon ti gason te avè l. <sup>36</sup> Li te di a jennonm nan: ✨“Kouri koulye a pou ale chache flèch ke m prèt pou tire yo.” Pandan jennonm nan t ap kouri, li te tire yon flèch ki te depase li. <sup>37</sup> Lè jennonm nan te rive nan plas flèch ke Jonathan te tire a, Jonathan te rele jennonm nan e te di: ✨“Èske flèch la pa pi lwen ou?” <sup>38</sup> Jonathan te rele jennonm nan: “Pa mize, fè vit, pa fè reta! Epi jennonm Jonathan an te pran flèch la e te retounen vè mèl li. <sup>39</sup> Men jennonm nan pa t konnen anyen. Sèlman Jonathan avèk David te konprann koze a. <sup>40</sup> Alò, Jonathan te bay zam li yo a jennonm nan e te di li: “Ale pote antre nan vil la.” <sup>41</sup> Lè jennonm nan te fin ale, David te leve soti nan fas sid la, li te tonbe sou figi li atè e li te ✨bese ba twa fwa. Epi yo te bo youn lòt e te kriye ansanm; men ✨David te kriye plis. <sup>42</sup> Jonathan te di a David: “Ale anpè. Jan nou te sèmante youn ak lòt nan non SENYÈ a, e te di: ✨‘SENYÈ a va antre ou avèk mwen, antre desandan pa w ak desandan pa m jis pou tout tan.’” Epi li te leve sòti pandan Jonathan t ap antre nan vil la.

## 21

<sup>1</sup> Alò, David te rive Nob, vè Achimélec, prèt la. Epi Achimélec te ✨parèt tou tranble lè l te rankontre David, e li te di li: “Poukisa se ou sèl e pa gen moun avèk ou?” <sup>2</sup> David te di a Achimélec, prèt la: “Wa a te ban m yon komisyon konsènan yon afè e li te di mwen: ✨“Pa kite pèsòn konnen anyen sou afè ke m ap voye ou a. Se sou sila mwen ap pase ba ou lòd la; mwen te dirije mesye yo a yon sèten plas.” <sup>3</sup> Konsa, kisa ou gen nan men ou? Ban m senk moso pen oswa nenpòt sa ou kab twouve.” <sup>4</sup> Prèt la te reponn David, e te di: “Nanpwen pen òdinè, men gen pen konsakre; si sèlman mesye yo te ✨kenbe tèt yo lwen fanm. <sup>5</sup> David te reponn prèt la e te di li: “Asireman, fanm yo te kenbe lwen de nou kòm dabitid lè m konn pati. ✨Kò a mesye yo te sen, malgre li te yon vwayaj òdinè. Konbyen anplis jodi a kò yo va

✨ **20:26** Lev 7:20-21 ✨ **20:28** I Sam 20:6 ✨ **20:31** II Sam 12:5 ✨ **20:32** Pwov 31:9 ✨ **20:36** Pwov 31:9 ✨ **20:37** I Sam 20:22 ✨ **20:41** Jen 42:6 ✨ **20:41** I Sam 18:3 ✨ **20:42** I Sam 20:15-23 ✨ **21:1** I Sam 16:4 ✨ **21:2** Sòm 141:3 ✨ **21:4** Egz 19:15 ✨ **21:5** I Tes 4:4

sen?” <sup>6</sup> Konsa, prèt la te ba li pen konsakre a; paske pa t gen pen la sof ke ✧pen Prezans ki te retire soti devan SENYÈ a, pou l ta kab ranplase li avèk pen cho menm lè ke li te retire. <sup>7</sup> Alò, youn nan sèvitè a Saül yo te la nan jou sa a, fèmen devan SENYÈ a. Non li se te ✧Doëg, Edomit la, chèf a bèje Saül yo. <sup>8</sup> David te di a Achimélec: ‘Alò, èske pa gen yon frenn oswa yon nepe ki disponib? Paske, mwen pa t mennen ni nepe mwen, ni zam mwen avè m, akoz afè wa a te tèlman ijan.’ <sup>9</sup> Alò, prèt la te di: ✧“Nepe Goliath la, Filisten an, ke ou te touye ✧nan vale Ela a. Gade byen, li vlope nan yon twal dèyè efòd la. Si ou vle li, pran l. Paske nanpwen lòt sof ke li menm isit la.” Epi David te di: “Nanpwen lòt tankou li. Ban mwen li.” <sup>10</sup> Alò, David te leve e te sove ale kite Saül nan jou sa a pou te ale vè ✧Akisch, wa a Gath la. <sup>11</sup> Men sèvitè a Akisch yo te di li: “Èske sa se pa David, wa a peyi a? ✧Èske yo pa t konn chante a sila a pandan yo t ap danse, e t ap di: ‘Saül te touye dè milye pa li e David dè di-milye pa li?’” <sup>12</sup> David te ✧swiv pawòl sa yo nan kè l e te pè Akisch, wa Gath la anpil. <sup>13</sup> Konsa, li te ✧kache bon tèt li devan yo e te aji tankou moun fou pandan li te nan men yo. Li te ekri pa aza yon bann mak sou pòtay avèk pòt yo e te kite krache desann sou bab li. <sup>14</sup> Akisch te di a sèvitè li yo: “Gade byen, ou wè mesye a ap aji tankou yon moun fou Poukisa ou mennen li kote mwen? <sup>15</sup> Èske mwen manke moun fou, pou ou te mennen sila a pou aji tankou moun fou nan prezans mwen? Èske sila a va antre lakay mwen?”

## 22

<sup>1</sup> Konsa, David te kite la pou te chape rive nan kav Adullam nan. Epi lè frè li yo avèk tout lakay papa li te tandè koze sa a, yo te desann bò kote li. <sup>2</sup> Tout sila ki te nan pwoblèm yo, tout moun ki te nan gwo dèt, tout moun ki pa t kontan te vin rasanble kote li, e li te vin devni chèf sou yo. Alò te gen ✧anviwon kat-san òm avèk li. <sup>3</sup> Epi David te ale soti la a Mitspé nan Moab. Li te di a wa Moab la: “Souple, kite papa m avèk manman m vin rete avèk ou jiskaske mwen konnen sa ke Bondye va fè pou mwen an.” <sup>4</sup> Epi li te kite yo avèk wa Moab la. Yo te rete avèk li pandan tout tan ke David te nan fò a. <sup>5</sup> ✧Profèt la, Gad, te di a David: “Pa rete nan fò a; sòti ale nan peyi Juda.” Konsa, David te sòti e te ale nan forè a nan Héreth. <sup>6</sup> Alò Saül te tandè ke David avèk mesye ki te avèk li yo te vin dekouvri. Konsa, ✧Saül te chita nan Guibeà anba pye tamaren an sou ti mòn lan avèk frenn li nan men l e tout sèvitè li yo te kanpe antoure li. <sup>7</sup> Saül te di a sèvitè ki te kanpe antoure li yo: “Tandè koulye a, O Benjamit yo! Èske fis a Jesse a, osi bannou tout chan kiltive avèk chan rezen? ✧Èske li va fè nou tout kòmandan a dè milye e kòmandan a dè santèn? <sup>8</sup> Paske nou tout te fè konplo kont mwen jiskaske pèsòn pa t fè m konnen ✧lè fis mwen an te fè yon akò avèk fis a Jesse a. Nanpwen nan nou ki gen regrè pou mwen, ni ki di mwen ke fis mwen an te fòse sèvitè pa m yo kont mwen pou kouche an anbiskad, jan li ye la jodi a.” <sup>9</sup> Alò, Doëg, Edomit lan, ki te kanpe akote sèvitè Saül yo te di: ✧“Mwen te wè fis a Jesse a lè l t ap vini Nob, kote ✧Achimélec, fis a Achithub la. <sup>10</sup> Li te konsilte SENYÈ a pou li, li te ba li pwovizyon e li te bay li nepe Goliath la, Filisten an. <sup>11</sup> Alò, wa a te voye

✧ 21:6 Lev 24:5-9 ✧ 21:7 I Sam 14:47 ✧ 21:9 I Sam 17:51-54 ✧ 21:9 I Sam 17:2 ✧ 21:10 Sòm 34 ✧ 21:11 I Sam 18:7 ✧ 21:12 Luc 2:19 ✧ 21:13 Sòm 34 ✧ 22:2 I Sam 23:13 ✧ 22:5 II Sam 24:11 ✧ 22:6 Jij 4:5 ✧ 22:7 I Sam 8:12 ✧ 22:8 I Sam 18:3 ✧ 22:9 I Sam 21:1 ✧ 22:9 I Sam 14:3

yon moun pou livre yon lòd prezans obligatwa pou Achimélec, prèt la, fis Achithub la, avèk tout lakay papa li, prèt ki te nan Nob yo. Epi tout te vin parèt devan wa a. <sup>12</sup> Saül te di: “Koute koulye a, fis a Achithub la.” Epi li te reponn: “Men mwen isit la, mèt mwen.” <sup>13</sup> Alò, Saül te di li: “Poukisa ou menm avèk fis a Jesse a te fè konplo kont mwen nan afè ba li pen, avèk yon nepe e konsilte avèk Bondye pou li, pou li kapab leve kont mwen e ✧kache fè anbiskad, jan sa ye la jodi a?” <sup>14</sup> ✧Alò, Achimélec te reponn wa a e te di: “Epi se kilès pami sèvitè ou yo ki fidèl tankou David, bofis menm a wa a, ki se kapitèn gad ou e onore lakay ou? <sup>15</sup> Èske se jodi a ke m fenk kòmanse konsilte Bondye pou li? Lwen de mwen, sa! Pa kite wa a fè okenn move panse sou sèvitè li a, ni okenn moun lakay papa m; paske, sèvitè ou a pa konnen anyen nan afè sila a.” <sup>16</sup> Men wa a te di: “Anverite, ou va mouri, Achimélec; ou menm avèk tout lakay papa ou!” <sup>17</sup> Epi wa a te di a gad ki te okipe li yo: “Vire mete prèt SENYÈ a a lanmò, akoz men yo avèk David e akoz yo te konnen ke li te sove ale e yo pa t revele sa a mwen menm.” Men ✧sèvitè a wa yo pa t vle lonje men yo pou atake prèt SENYÈ yo. <sup>18</sup> Alò, wa a te di a Doëg: “Ou menm vire atake prèt yo.” Epi Doëg, Edomit lan, te vire atake prèt yo e ✧ te touye katre-ven-senk òm ✧ki te abiye ak efòd len an. <sup>19</sup> Epi ✧li te frape Nob, vil prèt yo avèk lam nepe, ni gason, ni fanm, ni timoun ni bebe; ansanm avèk bèf, bourik ak mouton avèk lam nepe. <sup>20</sup> Men ✧youn nan fis a Achimélec yo ki te rele Abiathar te chape sove ale pou twouve David. <sup>21</sup> Abiathar te di David ke Saül te touye prèt SENYÈ yo. <sup>22</sup> Alò, David te di a Abiathar: “Mwen te konnen nan jou sa a, lè Doëg, Edomit lan, te la, ke li t ap byensi pale ak Saül. Mwen te fè rive lanmò a chak moun lakay papa ou yo. <sup>23</sup> Rete avèk mwen; pa pè. ✧Moun ki vle touye ou a ap eseye touye mwen tou. Ou va ansekirite avèk mwen.

## 23

<sup>1</sup> Alò, yo te pale David, e te di: “Gade byen, Filisten yo ap goumen kont ✧Keïla e y ap piyaje grenn jaden sou glasi yo.” <sup>2</sup> Konsa, David te fè demann a SENYÈ a, e te di: “Èske mwen dwe ale atake Filisten sila yo?” Epi SENYÈ a te di David: ✧“Ale atake Filisten yo pou delivre Keïla <sup>3</sup> Men mesye David yo te di li: “Gade byen, nou nan perèz menm isit la nan Juda. Konbyen anplis, si nou ale Keïla kont chan Filisten yo?” <sup>4</sup> Alò, David te fè demann SENYÈ a yon lòt fwa. Epi SENYÈ a te pale li e te di: “Leve, desann Keïla; paske, ✧Mwen va livre Filisten yo nan men ou.” <sup>5</sup> Konsa, David avèk mesye pa li yo te ale Keïla pou te goumen avèk Filisten yo; epi, li te mennen bèt yo sòti e te frape moun avèk yon gwo masak. Konsa David te delivre pèp a Keïla a. <sup>6</sup> Alò, li te vin rive ke lè Abiathar, fis a Achimélec la te ✧sove ale pou rive kote David nan Keïla, li te desann avèk yon efòd nan men l. <sup>7</sup> Lè yo te pale a Saül ke David te vini Keïla, Saül te di: “Bondye te delivre li nan men m; paske, li te fèmen li menm andedan lè l te antre nan yon vil avèk pòtay doub ak fè fòje. <sup>8</sup> Konsa, Saül te konvoke tout pèp la pou fè lagè, pou desann Keïla pou fè syèj sou David avèk mesye pa li yo. <sup>9</sup> Alò David te konnen ke Saül t ap fè konplo mechanste kont li; konsa, li te di a ✧Abithar, prèt la: “Mennen efòd la isit la.” <sup>10</sup> Epi David te di: “O SENYÈ, Bondye Israèl la, Sèvitè ou tande ke se sèten ke Saül ap chache vini Keïla

✧ 22:13 I Sam 22:8 ✧ 22:14 I Sam 19:4-5 ✧ 22:17 Egz 1:17 ✧ 22:18 I Sam 2:31 ✧ 22:18 I Sam 2:18 ✧ 22:19 I Sam 15:3 ✧ 22:20 I Sam 23:6-9 ✧ 22:23 I Sam 21:7 ✧ 23:1 Jos 15:44 ✧ 23:2 I Sam 23:4-12 ✧ 23:4 Jos 8:7 ✧ 23:6 I Sam 22:20 ✧ 23:9 I Sam 22:20

pou detwi vil la akoz mwen menm. <sup>11</sup> Èske mesye Keïla yo va livre mwen nan men li? Èske Saül va desann tankou sèvitè ou te tande a? O SENYÈ, Bondye Israël la, mwen priye, pale ak sèvitè ou a.” Epi SENYÈ a te di: “Li va desann.” <sup>12</sup> Epi David te di: “Èske mesye Keïla yo va livre mwen avèk mesye pa mwen yo nan men Saül?” Epi SENYÈ a te di: ✨“Yo va livre ou.” <sup>13</sup> Alò, David avèk mesye pa li yo, anviwon sis-san moun, te leve sòti Keïla e yo te ale ✨ nenpòt kote ke yo ta kab ale. Lè li te pale a Saül ke David te chape Keïla, li te sispann swiv li <sup>14</sup> David te rete nan dezè a nan fòterès yo e li te rete nan peyi ti mòn dezè Ziph la. Epi Saül te chache li chak jou. Men ✨Bondye pa t livre li nan men li. <sup>15</sup> Alò, David te vin konprann ke Saül te parèt deyò pou chache lavi li pandan David te nan dezè Ziph la nan Horès. <sup>16</sup> Epi Jonathan, Fis a Saül la, te leve ale kote David nan Horès pou te ✨ankouraje li nan Bondye. <sup>17</sup> Konsa, li te di li: “Pa pè, paske men Saül, papa m nan, p ap jwenn ou. Ou va wa sou Israël e mwen va bò kote ou; epi Saül, papa m, konnen sa tou.” <sup>18</sup> Konsa, ✨yo de a te fè yon akò devan SENYÈ a. Epi David te rete Horès pandan Jonathan te ale lakay li a <sup>19</sup> Epi ✨Zifyen yo te vin monte kote Saül nan Guibea, e te di: “Èske David pa kache pami nou nan fòterès nan Horès yo, sou mòn a Hakila a, ki sou kote sid a Jeschimon an? <sup>20</sup> Alò, koulye a, O wa, desann selon tout volonte nanm ou ta vle fè. Epi pou ✨pati pa nou an, nou va livre li nan men a wa a.” <sup>21</sup> Saül te di: “Ke ou kapab beni pa SENYÈ a, ✨paske ou te gen kè sansib anvè mwen. <sup>22</sup> Ale, koulye a, fè byensi e fè ankèt pou wè kote li mete pye li ak sila ki konn wè li la yo; paske yo di m ke li rize anpil. <sup>23</sup> Konsa, gade e aprann tout kote l kache kò l, retounen kote mwen avèk asirans e m ap prale avè w. Epi si li nan peyi a, mwen va chache mete l deyò pami tout milye Juda yo.” <sup>24</sup> Epi yo te leve ale Ziph devan Saül. Alò, David avèk mesye pa li yo te nan dezè ✨Maon, nan Araba akote sid a Jeschimon. <sup>25</sup> Lè Saül avèk mesye pa li yo te ale chache, yo te fè David konnen. Konsa, li te desann kote wòch la pou te rete nan dezè Maon an. Epi lè Saül te tande sa, li te kouri dèyè David nan dezè Maon an. <sup>26</sup> Saül te ale yon bò mòn nan, David avèk mesye pa l sou lòt kote mòn nan. Epi David t ap fè vit pou chape kite Saül, paske Saül avèk mesye pa li yo ✨t ap antoure David avèk mesye pa li yo pou yo ta sezi yo. <sup>27</sup> Men yon mesaje te vin kote Saül, e te di: “Fè vit! Vini! Paske Filisten yo te atake peyi a.” <sup>28</sup> Konsa, Saül te retounen soti nan kouri dèyè David pou te ale rankontre Filisten yo. Pou sa, yo te vin rele plas sa a Wòch Chape a. <sup>29</sup> David te monte soti la a pou te rete nan fòterès ✨En-Guédi yo.

## 24

<sup>1</sup> Alò, lè Saül te retounen kouri dèyè Filisten yo, ✨yo te pale l e te di: “Gade byen, David nan dezè En-Guédi a.” <sup>2</sup> Alò, ✨Saül te pran twa mil òm, byen chwazi soti nan tout Israël pou te ale chache David avèk mesye pa li yo devan Wòch a Kabrit Mawon yo. <sup>3</sup> Li te rive nan Pak mouton yo nan wout la, kote ki te gen yon kav; epi Saül te antre ladann pou fè pou pou. Alò ✨David avèk mesye pa li yo te chita nan pati dèyè kav la. <sup>4</sup> Mesye a David yo te di a li menm: “Gade byen, men jou ke SENYÈ a te di ou a:

✨ 23:12 Jij 15:10-13 ✨ 23:13 II Sam 15:20 ✨ 23:14 Sòm 32:7 ✨ 23:16 I Sam 30:6 ✨ 23:18 I Sam 20:12-42 ✨ 23:19 I Sam 26:1 ✨ 23:20 I Sam 23:12 ✨ 23:21 I Sam 22:8 ✨ 23:24 Jos 15:55 ✨ 23:26 Sòm 17:9 ✨ 23:29 Jos 15:62 ✨ 24:1 I Sam 23:19 ✨ 24:2 I Sam 26:2 ✨ 24:3 Sòm 57

‘Gade byen, ✨Mwen prèt pou livre lènmi ou an nan men ou, e ou va fè a li menm sa ki sanble bon pou ou’ ”. Alò David te leve e san fè bwi, te koupe arebò manto a Saül la. <sup>5</sup> Li te vin rive apre ke ✨konsyans David te twouble li, akòz li te koupe arebò a manto Saül la. <sup>6</sup> Epi li te di a mesye pa li yo: “Se ✨lwen de mwen ke akòz SENYÈ a, mwen ta fè bagay sa a mèt mwen an, onksyone a SENYÈ a, pou m ta lonje men m kont li; akòz li se yon onksyone pa SENYÈ a.” <sup>7</sup> David te konvenk mesye pa l yo avèk pawòl sila yo, li te anpeche yo leve kont Saül. Epi Saül te leve e te kite kav la pou t al fè wout li. <sup>8</sup> Alò, apre David te leve ale deyò kav la. Li te rele Saül e te di: “Mèt mwen, Wa a! Epi lè Saül te gade deyò li. ✨David te bese avèk figi li atè e te fè kò l kouche nèt. <sup>9</sup> David te di a Saül: “Poukisa ou koute pawòl a moun k ap di: ‘Gade byen, David ap chache fè ou mal!’” <sup>10</sup> ✨Gade byen, jou sa a zye ou gen tan wè ke SENYÈ a te livre ou nan men m nan kav la. E kèk moun te di m touye ou, men zye m te gen pitye pou ou. Konsa mwen te di mwen p ap lonje men m kont mèt mwen an, paske li se yon onksyone a SENYÈ a.’ <sup>11</sup> Koulye a, ✨papa mwen, gade! Anverite, gade arebò a manto ou ki nan men m nan! Paske, akòz ke m te koupe arebò manto ou a e ke m pa t touye ou, konnen e byen konprann ke nanpwen mal, ni rebelyon nan men m pou m pa t fè peche kont ou, malgre ke ou ap kache tann pou pran lavi m. <sup>12</sup> ✨Ke SENYÈ a kapab jije antre ou menm avèk mwen e ke SENYÈ a ta pran vanjans mwen sou ou; men, se pa men m k ap kont ou. <sup>13</sup> Tankou pwovèb a ansyen yo di: ✨‘Nan mechan an, mechanste sòti!’ Men se pa men mwen k ap kont ou. <sup>14</sup> Apre kilès wa Israèl la vin sòti? Kilès k ap pouswiv ou? ✨Yon chen mouri oubyen yon grenn pis? <sup>15</sup> Pou sa, ✨SENYÈ a jije antre ou menm avèk mwen. Epi ke Li wè, Li plede ka m nan, e Li delivre mwen soti nan men ou.” <sup>16</sup> Lè David te fin pale pawòl sa yo a Saül, Saül te di: ✨“Èske sa se vwa ou, fis mwen, David?” Epi Saül te leve vwa li e te kriye. <sup>17</sup> Li te di a David: “Ou pi jis pase m; paske ou te aji byen avè m, pandan mwen te aji mal avè w. <sup>18</sup> Ou te deklare jodi a byen ke ou te fèm! Ke ✨SENYÈ a te livre mwen nan men ou, men ou pa t touye mwen. <sup>19</sup> Paske si yon nonm ✨jwenn avèk lènmi li, èske l ap kite li sòti konsa? Pou sa ke Bondye kapab rekonpanse ou pou sa ou te fè m la jodi a. <sup>20</sup> Alò, gade byen, ✨mwen konnen asireman, ke ou va devni wa e ke ✨wayòm Israèl la va vin etabli nan men ou. <sup>21</sup> Pou sa, ✨sèmante a mwen menm pa SENYÈ a pou ou pa retire desandan apre mwen yo e pou ou pa detwi non mwen soti lakay papa m.” <sup>22</sup> David te sèmante konsa a Saül, e Saül te ale lakay li. Men David avèk mesye pa li yo te monte nan ✨fò a.

## 25

<sup>1</sup> ✨Apre, Samuel te vin mouri. Konsa, tout Israèl te rasanble ansanm pou te kriye pou li e yo te ✨antere li kote kay li nan Rama. Epi David te leve desann nan dezè Paran an. <sup>2</sup> Alò, te gen yon mesye nan Maon ki te fè komès li nan ✨Carmel. Mesye a te byen rich e li te gen twa-mil mouton avèk twa-mil kabrit. Epi li te vin rive ke pandan li t ap taye lenn mouton

✨ 24:4 I Sam 26:8-11 ✨ 24:5 II Sam 24:10 ✨ 24:6 I Sam 26:11 ✨ 24:8 I Sam 25:23-24  
 ✨ 24:10 Sòm 7:3-4 ✨ 24:11 I Sam 6:4-5 ✨ 24:12 Jen 16:5 ✨ 24:13 Mat 7:16-20 ✨ 24:14 II  
 Sam 9:8 ✨ 24:15 I Sam 24:12 ✨ 24:16 I Sam 26:17 ✨ 24:18 I Sam 26:23 ✨ 24:19 I Sam  
 26:23 ✨ 24:20 I Sam 23:17 ✨ 24:20 I Sam 13:14 ✨ 24:21 I Sam 20:14-17 ✨ 24:22 I Sam  
 23:29 ✨ 25:1 I Sam 28:3 ✨ 25:1 II Wa 21:18 ✨ 25:2 Jos 15:55

li nan Carmel, <sup>3</sup> (alò, non mesye a te Nabal e madanm li te rele ✧Abigaïl. Fanm nan te entèlijian e bèl pou wè; men mesye a te di e mechan nan tout afè li yo. Se te yon moun nan ras Caleb), <sup>4</sup> ke David te tandè soti nan dezè a ke Nabal t ap taye lenn mouton li yo. <sup>5</sup> Alò, David te voye dis jennonm kote l. David te di a jennonm sa yo: “Monte Carmel pou vizite Nabal e salye li nan non mwen. <sup>6</sup> Epi konsa ou va pale: ‘Ke lavi ou kapab byen long, ✧lapè avèk ou, lapè avèk lakay ou e lapè sou tout sa ou genyen. <sup>7</sup> Alò, mwen te tandè ✧ ke ou genyen tay lenn mouton. Alò, bèje ou yo te avèk moun nou yo; nou pa t ensilte yo, ni yo pa t manke anyen nan tout jou ke yo te pase Carmel yo. <sup>8</sup> Mande jennonm pa ou yo e yo va pale ou. Pou sa, kite jennonm pa m yo jwenn favè nan zye ou. Paske, nou vin parèt nan yon jou ke ✧tout moun ap fete. Pou sa, silvoulè, bay nenpòt sa ke nou twouve nan men a sèvitè ou yo e a fis ou, David.’ ” <sup>9</sup> Lè jennonm a David yo te parèt, yo te pale ak Nabal selon tout pawòl sa yo nan non David; epi, yo te tann. <sup>10</sup> Men Nabal te reponn sèvitè David yo e te di: ✧“Se kilès ki David la? Epi se kilès ki fis a Jesse a? Gen anpil sèvitè nan tan sa yo k ap chape kite mèt yo. <sup>11</sup> Alò, se pou sa ke m ta dwe ✧pran pen mwen avèk dlo mwen ak vyann ke m te fin kòche pou ouvriye pa m yo e bay li a mesye ke m pa menm konnen kote yo sòti yo?” <sup>12</sup> Alò, jennonm a David yo te retounen fè wout yo; epi, yo te rive pale David, selon tout pawòl sa yo. <sup>13</sup> David te di a mesye pa li yo: “Nou chak mete nepe nou nan senti nou.” Konsa, tout moun te mete nepe yo nan senti yo. David osi te mete nepe li nan senti li e anviwon ✧kat-san òm te monte dèyè David pandan de-san te rete avèk pwovizyon yo. <sup>14</sup> Men youn nan jennonm yo te pale ak Abigaïl, madanm Nabal la, e te di: “Gade byen, David te voye mesaj yo soti nan dezè a pou ✧salye mèt nou an e li te betize avèk yo <sup>15</sup> Malgre sa, mesye yo te trete nou byen e nou pa t ✧ensilte, ni nou pa t manke anyen tout tan ke nou te avèk yo a, pandan nou te nan chan yo. <sup>16</sup> ✧Yo te yon mi pwotèj pou nou ni lannwit ni lajounen, toutotan ke nou te avèk yo pou gade mouton yo. <sup>17</sup> Alò, pou sa, kalkile byen kisa ou ta dwe fè. Paske, se yon konplo mal k ap fèt kont mèt nou an ak kont tout lakay li, e li telman se yon sanzave ke pèsòn pa kab pale avè l.” <sup>18</sup> Alò, Abigaïl te kouri ✧pran de-san mòso pen ak de veso diven, avèk senk mouton deja prepare, senk mezi sereyal boukannen avèk san grap rezen, de-san gato fig etranje e te chaje yo sou bourik yo. <sup>19</sup> Li te pale a jennonm pa li yo: ✧“Ale devan m! Gade byen, m ap swiv nou.” Men li pa t pale mari li, Nabal. <sup>20</sup> Li te vin rive ke pandan li te toujou ap monte sou bourik li a e t ap desann nan pati mòn ki cache a, gade byen, David avèk mesye pa li yo t ap desann vin jwenn li; konsa, li te rankontre yo. <sup>21</sup> Alò, David te di: “Anverite, se an ven ke m t ap veye tout afè ke mesye sa a te genyen nan dezè a, pou l pa manke anyen nan sa ki te pou li yo! Epi li te ✧remèt mwen mal pou byen! <sup>22</sup> ✧Ke Bondye fè sa a lènmi a David yo e menm plis si avan maten rive, si m kite menm yon mal pami tout sa ki pou li yo!” <sup>23</sup> Lè Abigaïl te wè David, li te kouri desann bourik li, li te tonbe atè devan David ✧e te koube li menm jis atè. <sup>24</sup> Li te tonbe nan pye li e te di: “Sou mwen sèl, mèt mwen, ke tò sa a vin tonbe. Epi souple, kite sèvant ou an pale avèk ou e koute pawòl a sèvant ou an. <sup>25</sup> Souple, pa kite mèt mwen okipe mesye sanzave sila a, Nabal, paske jan non li ye a,

✧ 25:3 Pwov 31:10 ✧ 25:6 Sòm 122:7 ✧ 25:7 II Sam 13:23-24 ✧ 25:8 Né 8:10-12 ✧ 25:10 Jij 9:28 ✧ 25:11 Jij 8:6-15 ✧ 25:13 I Sam 23:13 ✧ 25:14 I Sam 13:10 ✧ 25:15 I Sam 25:7-21 ✧ 25:16 Egz 14:22 ✧ 25:18 II Sam 16:1 ✧ 25:19 Jen 32:16-20 ✧ 25:21 Sòm 109:5 ✧ 25:22 I Sam 3:17 ✧ 25:23 I Sam 20:41



se konsa li ye. Nabal se non li e foli toujou avèk li. Men mwen, sèvant pa ou a, mwen pa t wè jennonm, mèt mwen, ke ou te voye yo. <sup>26</sup> Alò, pou sa, mèt mwen, jan SENYÈ a viv la, akoz SENYÈ a te anpeche ou vèse san e ✨fè vanjans pa w avèk pwòp men ou; alò, ✨kite lènmi ou yo avèk sila ki chache mal kont mèt mwen yo, vin tankou Nabal. <sup>27</sup> Alò, kite ✨kado sila ke sèvant ou pote pou mèt mwen an, bay a jennonm ki akonpanye mèt mwen yo. <sup>28</sup> Souple, padone transgresyon a sèvant ou a. Paske SENYÈ a va vrèman fè pou mèt mwen yon kay k ap dire, akoz mèt mwen ap ✨mennen batay a SENYÈ a e ✨mal p ap twouve bò kote ou pandan tout jou ou yo. <sup>29</sup> Si yon moun ta leve kont ou pou kouri dèyè ou e chache lavi ou; nan lè sa a, lavi ou, mèt mwen va mare nan pakèt ak sila ki viv pou SENYÈ yo, Bondye ou a; men, lavi a lènmi ou yo, Li va lanse deyò tankou wòch k ap sòti nan pòch a yon fistibal. <sup>30</sup> Epi lè SENYÈ a fè pou ou, mèt mwen, selon tout bonte ke Li te pale konsènan ou menm e chwazi ou kòm chèf sou Israèl, <sup>31</sup> Ka sila a p ap koze ni doule ni kè twouble pou mèt mwen, akoz li te vèse san san koz e ke li te pran vanjans li. ✨Lè SENYÈ a aji byen avèk ou mèt mwen, alò sonje sèvant ou an.” <sup>32</sup> Alò, David te di a Abigaïl: ✨“Beni se SENYÈ a, Bondye Israèl la, ki te voye ou jou sila a pou rankontre avè m, <sup>33</sup> epi beni se sajès ou. Beni se ou menm ✨ki te kenbe m jou sa a pou m pa vèse san e fè vanjans mwen menm avèk pwòp men m. <sup>34</sup> Sepandan, jan SENYÈ a, Bondye Israèl la viv la, ✨ki te anpeche mwen fè ou mal, sof ke ou te parèt vit pou rankontre mwen; anverite, pa t ap gen ki rete pou Nabal nan limyè maten an menm yon mal ki viv. <sup>35</sup> Konsa David te resevwa nan men li sa ke li te pote pou li a. Epi li te di li: “Ale lakay ou anpè. Gade, mwen te koute ou e te ✨bay ou demann pa ou a.” <sup>36</sup> Alò Abigaïl te vin kote Nabal. Epi vwala, li t ap fè ✨yon fèt lakay li a tankou fèt a yon wa. Kè Nabal te kontan anndan li, paske li te byen sou. Pou koz sa a, Abigaïl pa t di l anyen jis rive nan limyè maten. <sup>37</sup> Men nan maten, lè diven an te sòti nan Nabal, madanm li te di li bagay sa yo. Konsa kè l te mouri anndan li jiskaske li te vin tankou yon wòch. <sup>38</sup> Anviwon di jou pita, ✨SENYÈ a te frape Nabal e li te mouri. <sup>39</sup> Lè David te tandè ke Nabal te mouri, li te di: “Beni SENYÈ a, ki te plede kòz repwòch mwen nan men Nabal e ki te ✨kenbe sèvitè li a pou l pa fè mal. SENYÈ a anplis, te fè malfezans a Nabal retounen sou pwòp tèt li.” Alò, David te voye ofri Abigaïl pou l ta pran li kòm madanm li. <sup>40</sup> Lè sèvitè a David yo te parèt kote Abigaïl nan Carmel, yo te pale a li e te di: “David te voye nou kote ou pou pran ou kòm madanm li.” <sup>41</sup> Li te leve ✨e te bese jis figi li rive atè, e te di: “Gade byen sèvant pa ou se yon sèvant ki ✨pou ta lave pye a sèvant pa li yo.” <sup>42</sup> Epi ✨Abigaïl te leve vit pou te ale monte sou yon bourik, avèk senk sèvant li yo ki te okipe li; epi, li te swiv mesaj David yo e te devni madanm li. <sup>43</sup> David te anplis pran Achinoam a Jizreel e ✨yo toulède te devni madanm li. <sup>44</sup> Alò, Saül te deja bay fi li, ✨Mical, madanm a David, a Palti, fis a Laïsch ki te sòti Gallim.

## 26

<sup>1</sup> Zifyen yo te vin kote Saül nan Guibea, e yo te di: ✨“Èske David pa kache

✨ 25:26 Eb 10:30 ✨ 25:26 II Sam 18:32 ✨ 25:27 Jen 33:11 ✨ 25:28 I Sam 18:17 ✨ 25:28 Sòm 7:3 ✨ 25:31 Jen 40:14 ✨ 25:32 Sòm 41:13 ✨ 25:33 I Sam 25:26 ✨ 25:34 I Sam 25:26 ✨ 25:35 Jen 19:21 ✨ 25:36 II Sam 13:28 ✨ 25:38 I Sam 26:10 ✨ 25:39 I Sam 26:10 ✨ 25:41 I Sam 25:33 ✨ 25:41 Mc 1:7 ✨ 25:42 Jen 24:61-67 ✨ 25:43 I Sam 27:3 ✨ 25:44 I Sam 18:27 ✨ 26:1 I Sam 23:19

nan ti mòn a Hakila a, devan Jeschimon?”<sup>2</sup> Konsa, Saül te leve desann nan dezè Ziph la e te genyen avè l ✧twa-mil òm Israël, byen chwazi pou chache David nan dezè Ziph la. <sup>3</sup> Saül te fè kan nan ti mòn Hakila a, ki devan Jeschimon, akote wout la e David te rete nan dezè a. Lè ✧li te wè ke Saül te vini dèyè li nan dezè a, <sup>4</sup> David te voye espyon yo deyò e li te konnen san dout ke Saül t ap vini. <sup>5</sup> Pou sa, David te leve e te vini nan plas kote Saül te fè kan an. Epi David te wè plas kote Saül te kouche avèk ✧Abner, fis a Ner a, kòmandan lame li a. Epi Saül te kouche nan mitan won kan an e pèp la te fè kan an antoure li. <sup>6</sup> Epi David te di a Achimélec, Etyen an ak ✧Abischaï, fis a Tseruja a, frè a Joab, e li te di: “Se kilès k ap desann avè m kote Saül nan kan an? Epi Abischaï te di: “Mwen va desann avè w.”<sup>7</sup> Konsa, David avèk Abischaï te vin kote pèp la nan lannwit. Epi vwala, Saül te kouche nan dòmi anndan won kan an avèk frenn li kole nan tè kote tèt li. Epi Abner avèk pèp la te kouche antoure li. <sup>8</sup> Alò, Abischaï te di a David: “Jodi a, Bondye gen tan livre lènmi ou an nan men ou. Pou sa, koulye a, kite mwen frape li avèk frenn nan rive jis atè ak yon sèl kou e mwen p ap frape li yon dezyèm fwa.”<sup>9</sup> Men David te di a Abischaï: “Pa detwi li, paske ✧se kilès ki kab lonje men l kont onksyone a SENYÈ a e rete pa koupab?”<sup>10</sup> Anplis, David te di: “Jan SENYÈ a viv la, asireman, SENYÈ a va frape li, oswa jou li va rive pou li mouri, oswa ✧li va tonbe nan batay e peri. <sup>11</sup> ✧SENYÈ a anpeche ke m ta lonje men m kont onksyone SENYÈ a; men koulye a, souple, pran frenn ki bò kot tèt li a ak veso dlo a; epi, annou ale.”<sup>12</sup> Konsa, David te pran frenn nan avèk veso dlo a soti kote tèt a Saül e yo te pati. Men pèsòn pa t konnen, ni leve, paske yo tout t ap dòmi, akoz ✧yon fon somèy ki sòti nan SENYÈ a te vin tonbe sou yo. <sup>13</sup> Konsa, David te travèse yon lòt kote e te kanpe sou tèt mòn nan a yon distans avèk yon gran espas antre yo. <sup>14</sup> David te rele moun yo ak Abner, fis a Ner a, e li te di: “Èske ou p ap reponn, Abner?” Alò, Abner te reponn: “Se kilès ou ye ki rele wa a?”<sup>15</sup> Konsa, David te di a Abner: “Èske ou pa yon gason? Epi se kilès ki tankou ou an Israël? Kòm si, poukisa ou pa t veye mèt ou, wa a? Paske yon moun nan pèp la te vini detwi wa a, mèt ou a. <sup>16</sup> Bagay ke ou te fè a, pa bon! Jan SENYÈ a viv la, ✧ fòk ou mouri; paske, ou pa t veye mèt ou, onksyone a SENYÈ a. Epi koulye a, gade kote frenn a wa a ye ak veso dlo ki te kote tèt li a.”<sup>17</sup> Saül te rekonèt vwa a David, e te di: ✧“Èske se vwa ou, fis mwen, David?” David te di: “Se vwa m, mèt mwen, wa a. <sup>18</sup> Anplis li te di: ✧“Alò, poukisa mèt mwen ap kouri dèyè sèvitè li a? Paske, kisa mwen te fè? Oswa ki mal ki nan men m?”<sup>19</sup> Alò, pou sa, souple kite mèt mwen, wa a, koute pawòl a sèvitè li yo. Si SENYÈ a te boulvèse ou kont mwen, kite Li aksepte yon ofrann. Men ✧si se lèzòm, modi yo ye devan SENYÈ a. Paske, ✧yo te chase mwen sòti jodi a pou m pa atache ankò a eritaj SENYÈ a, epi yo te di: ‘Ale sèvi lòt dye yo.’<sup>20</sup> Alò, pou sa, pa kite san mwen tonbe atè lwen prezans SENYÈ a; akoz wa Israël la te vin parèt pou chache ✧yon sèl pis, tankou yon moun k ap fè lachas a pentad nan mòn yo.”<sup>21</sup> Alò Saül te di: ✧“Mwen te peche. Retounen, fis mwen, David; paske mwen p ap fè ou mal ankò, akoz lavi mwen te presye nan zye ou nan jou sa a. Gade, mwen te jwe wòl a yon enbesil e mwen te fè

✧ 26:2 I Sam 13:2 ✧ 26:3 I Sam 23:15 ✧ 26:5 I Sam 14:50-51 ✧ 26:6 I Kwo 2:16 ✧ 26:9 I Sam 24:6-7 ✧ 26:10 I Sam 31:6 ✧ 26:11 Wo 12:17-19 ✧ 26:12 Jen 2:21 ✧ 26:16 I Sam 20:31 ✧ 26:17 I Sam 24:16 ✧ 26:18 I Sam 24:9-14 ✧ 26:19 I Sam 24:9 ✧ 26:19 Jos 22:25-27 ✧ 26:20 I Sam 24:1-4 ✧ 26:21 Egz 9:27

yon gwo erè.”<sup>22</sup> David te reponn: “Gade byen, men frenn a wa a! Alò kite youn nan jennonm yo travèse vin pran l. <sup>23</sup> ✧ SENYÈ a va rekonpanse chak moun pou ladwati pa li ak fidelite li; paske, SENYÈ a te livre ou nan men m jodi a; men, mwen te refize lonje men m kont onksyone a SENYÈ a. <sup>24</sup> Alò, veye byen, jan lavi ou te gen ✧gwo valè nan zye m jodi a, konsa ke vi m ta ye nan men SENYÈ a e ke li ta ✧delivre mwen nan tout twoub.”<sup>25</sup> Epi Saül te di a David: ✧“Beni se ou menm, fis mwen, David. Ou va vin reyisi anpil e ou va vin genyen.” Konsa, David te fè wout li e Saül te retounen nan plas li.

## 27

<sup>1</sup> Alò, David te di nan tèt li: “Alò, yon jou mwen va peri nan men Saül. ✧Nanpwen anyen k ap pi bon pou mwen pase chape ale nan peyi Filisten yo. Konsa, Saül va dekouraje nan chache mwen toujou sou tout teritwa Israël la, e mwen va chape nan men li.”<sup>2</sup> Konsa, David te leve e te travèse, li menm avèk sis-san òm ki te avè l yo, kote Akisch, fis a Maoc la, wa a Gath la. <sup>3</sup> Epi David te viv avèk Akisch nan Gath, li menm avèk mesye pa li yo, ✧chak moun avèk tout moun lakay yo. David te avèk ✧de madanm pa li yo, Achinoam Jizreyelit la ak Abigaïl, Kamelit la, vèv a Nabal la. <sup>4</sup> Alò, li te pale a Saül ke David te sove la Gath; konsa, li pa t chache li ankò. <sup>5</sup> Alò, David te di a Akisch: “Si koulye a, mwen jwenn favè nan zye ou, kite yo ban mwen yon plas nan youn nan vil andeyò yo, pou m kapab viv la; paske, poukisa sèvitè ou ta viv nan vil wayal la avèk ou?”<sup>6</sup> Konsa, Akisch te bay li Tsiklag nan jou sa a; pou sa, ✧Tsiklag te devni pou wa Juda yo jis rive jodi a. <sup>7</sup> Nonb de jou ke David te viv nan peyi a Filisten yo se te ✧1 nan, kat mwa. <sup>8</sup> Alò, David avèk mesye pa li yo te monte pou te fè atak sou Gechouryen, Gizyen avèk Amalekit yo; paske, yo te mèt tè sa a depi nan tan ansyen yo, soti rive ✧Schur jis rive nan peyi Égypte la. <sup>9</sup> David te atake peyi a e pa t kite yon gason ni yon fanm vivan, e li te ✧ pran tout mouton, bèf, bourik, chamo, avèk rad. Apre, li te retounen kote Akisch. <sup>10</sup> Alò, Akisch te di: “Se kibò ou te ✧atake jodi a?” Epi David te reponn: “Kont Negev la nan Juda e kont Negev a Kenyen yo.”<sup>11</sup> David pa t kite yon mesye ni yon fanm vivan pou mennen Gath, e li te di: “Otreman, yo va pale afè nou, e di: ‘Se konsa David te fè e se konsa li aji pandan tout tan ke li rete nan peyi Filisten yo.’”<sup>12</sup> Konsa, Akisch te kwè David, e li te di: “Anverite, li vin fè tèt li rayisab pami pèp Israël pa l la; akoz sa, li va sèvitè pa m jis pou tout tan.”

## 28

<sup>1</sup> Alò, li te vin rive nan jou sa yo ke ✧Filisten yo te rasanble kan lame pa yo pou fè lagè, pou goumen kont Israël. Epi Akisch te di a David: “Konnen byensi ke ou va sòti avè m nan kan an, oubyen avèk mesye pa ou yo.”<sup>2</sup> David te di a Akisch: “Se bon, ou va vin konprann sa ke sèvitè ou kapab fè.” Epi Akisch te di a David: “Se bon, mwen va fè ou gad pèsonèl mwen pou tout lavi ou.”<sup>3</sup> Nan lè sa a Samuel te fin mouri, tout Israël te deja kriye pou li e te antere l Ramah, pwòp vil pa li. Epi Saül te fin retire nan peyi a tout kalite moun sila ki te konn rele mò yo ak divinò yo. <sup>4</sup> Konsa, Filisten yo te rasanble ansanm e te vin fè kan nan Sunem. Epi Saül te rasanble tout

✧ 26:23 Sòm 7:8 ✧ 26:24 I Sam 18:30 ✧ 26:24 Sòm 54:7 ✧ 26:25 I Sam 24:19 ✧ 27:1 I Sam 26:19 ✧ 27:3 II Sam 2:3 ✧ 27:3 I Sam 25:42,43 ✧ 27:6 Jos 15:31 ✧ 27:7 I Sam 29:3 ✧ 27:8 Egz 15:22 ✧ 27:9 I Sam 15:3 ✧ 27:10 I Sam 23:27 ✧ 28:1 I Sam 29:1

Israël ansanm pou yo te fè kan nan Guilboa. <sup>5</sup> Lè Saül te wè kan Filisten yo, li te pè e kè li te tranble anpil. <sup>6</sup> Lè Saül te fè demann SENYÈ a, SENYÈ a pa t reponn li, ni nan rèv, ni avèk ✧Orim, ni pa pwofèt yo. <sup>7</sup> Alò, Saül te pale sèvitè li yo: “Cache pou mwen yon fanm ki konn pale ak mò, pou m kab ale kote li pou mande li kèk bagay.” Epi sèvitè li yo te di li: “Gade byen, gen yon fanm ki konn pale ak mò nan En-Dor.” <sup>8</sup> Alò, Saül te kache idantite li avèk lòt rad e te desann, li menm avèk de lòt mesye avèk li; epi, yo te vin kote fanm nan pandan nwit lan; epi, li te di: ✧“Evoke fè monte pou mwen, souple e ✧mennen monte non moun sila ke m nonmen pou ou a.” <sup>9</sup> Men fanm nan te di li: “Gade byen, ou konnen ✧sa ke Saül te fè a, jan li te retire sila ki evoke mò avèk divinò nan peyi a. Alò poukisa w ap mete yon pèlen pou lavi mwen pou ou kab fè m mouri?” <sup>10</sup> Saul te fè ve a li ke jan SENYÈ a viv la, p ap gen pinisyon k ap rive ou pou afè sila a.” <sup>11</sup> Alò, fanm nan te di: “Se kilès ke m ap fè monte pou ou a?” Epi li te di: “Mennen monte Samuel pou mwen.” <sup>12</sup> Lè fanm nan te wè Samuel, li te kriye fò avèk yon gwo vwa; epi, fanm nan te pale avèk Saül e te di: “Poukisa ou te twonpe mwen? Paske se Saül ke ou ye.” <sup>13</sup> Wa a te di li: “Pa pè; men se kisa ou wè?” Epi fanm nan te di Saül: “Mwen wè yon èt diven k ap monte sòti sou latè.” <sup>14</sup> Li te di li: “Se ak kilès ke li sanble?” Epi li te di: “Yon granmoun k ap monte e li vlope nan yon manto.” Epi Saül te konnen ke se te Samuel. ✧Li te bese avèk figi li atè pou te rann omaj. <sup>15</sup> Alò, Samuel te di a Saül: “Poukisa ou twouble m e mennen m monte?” Epi Saül te reponn: “Mwen nan gwo pwoblèm anpil; paske, Filisten yo ap fè lagè kont mwen, Bondye te kite mwen e Li ✧pa reponn mwen ankò, ni pa pwofèt yo, ni nan rèv; pou sa, mwen te rele ou, pou ou kapab fè m konnen kisa pou m fè.” <sup>16</sup> Samuel te di: “Poukisa konsa ou vin mande mwen, akoz SENYÈ a te kite ou e te devni lènmi ou? <sup>17</sup> SENYÈ a gen tan fè selon ✧sa Li te pale nan mwen an; paske, SENYÈ a te fin chire wayòm nan soti nan men ou e Li te bay li a vwazen ou an, a David <sup>18</sup> Kòm si ✧ou pa t obeyi SENYÈ a e ou pa t fè gwo kòlè Li vin tonbe sou Amalek, konsa SENYÈ a te fè ou bagay sa a nan jou sa a. <sup>19</sup> Anplis SENYÈ a va, osi, bay Israël ansanm avèk ou menm nan men Filisten yo. Konsa, demen ✧ou menm avèk fis ou yo va avèk mwen. Anverite, SENYÈ a va fè bay lame Israël la nan men a Filisten yo!” <sup>20</sup> Alò, Saül, lapoula, te tonbe atè nèt e te pè anpil akoz pawòl a Samuel yo; osi, li pa t gen fòs nan li; paske, li pa t manje manje nan tout jou sa a, ni nan nwit lan. <sup>21</sup> Fanm nan te rive bò kote Saül e te wè ke li te tèlman gen krent jiskaske li te sezi, e li te di li: “Gade byen, sèvant ou te obeyi a ou menm e mwen te pran lavi mwen nan men m pou te koute pawòl ke ou te pale mwen yo. <sup>22</sup> Koulye a, pou sa, souple koute vwa sèvant ou an e kite mwen mete yon mòso pen devan ou pou ou kapab gen fòs lè ou prale nan chemen an.” <sup>23</sup> Men li te refize e te di: ✧“Mwen p ap manje.” Men sèvitè li yo te ankouraje li e li te koute yo. Konsa, li te leve sou tè a pou te chita sou kabann nan. <sup>24</sup> Fanm nan te gen yon jenn bèf gra nan kay la. Byen vit li te kòche li, li te pran farin, li te frape l fè bòl, e li te kwit li fè pen san ledven. <sup>25</sup> Li te mennen li devan Saül avèk sèvitè li yo e yo te manje. Apre yo te leve sòti menm nwit lan.

✧ 28:6 Egz 28:30 ✧ 28:8 És 8:19 ✧ 28:8 Det 18:10-11 ✧ 28:9 I Sam 28:3 ✧ 28:14 I Sam 24:8 ✧ 28:15 I Sam 28:6 ✧ 28:17 I Sam 15:28 ✧ 28:18 I Sam 15:20-26 ✧ 28:19 I Sam 31:2 ✧ 28:23 I Wa 21:4

## 29

<sup>1</sup> Alò, ✧Filisten yo te rasanble tout lame pa yo ansanm nan Aphek, pandan Izrayelit yo t ap fè kan akote sous ki nan Jizreel la. <sup>2</sup> Konsa, mèt Filisten yo t ap avanse pa santèn e pa milye e ✧David avèk mesye pa li yo t ap avanse pa dèyè avèk Akisch. <sup>3</sup> Alò, kòmandan a Filisten yo te di: “Se kisa Ebre sa yo ap fè isit la?” Epi Akisch te di a kòmandan Filisten yo: “Èske sa se pa David, sèvitè a Saül la, wa Israël la, ki te avèk mwen nan jou sa yo, oswa pito di ane sa yo, e mwen pa t twouve okenn fot nan li soti nan jou ke li te sòti a, jis jodi a?” <sup>4</sup> Men kòmandan Filisten yo te fache avèk li e kòmandan Filisten yo te di li: “Fè nonm nan ale retounen, pou li kapab ✧retounen nan plas li kote yo te ba li ransèyman an e pa kite li desann nan batay la avèk nou, ✧oswa nan batay la, li kapab devni yon lènmi nou. Paske se kilès k ap fè nonm sa a ta kab vin zanmi ak mèt li a? Èske sa pa tèt a mesye sila yo? <sup>5</sup> Èske sa se pa David, ✧a sila yo te chante nan dans pa yo e di: “Saül te touye dè milye e David dè di-milye <sup>6</sup> Alò, Akisch te rele David e te di li: “Jan SENYÈ a viv la, ladwati ou ak tout antre sòti ou avèk mwen nan lame a se yon plezi nan zye m; ✧paske, mwen pa t jwenn mal nan ou depi jou ke ou te antre kote mwen an, jis rive jodi a. Sepandan, ou pa yon plezi nan zye a lòt chèf yo. <sup>7</sup> Alò, pou sa, retounen ale anpè, pou ou pa fè mèt Filisten yo pa kontan.” <sup>8</sup> David te di a Akisch: ✧“Men kisa mwen te fè? Epi kisa ou te twouve nan sèvitè ou a depi nan jou ke m te vini devan ou an jis rive Jodi a, pou m pa kapab ale goumen kont lènmi a mèt mwen an, wa a?” <sup>9</sup> Men Akisch te reponn David: “Mwen konnen ke ou se yon plezi nan zye m, tankou yon zanj Bondye! Sepandan, ✧kòmandan Filisten yo te di: “Fòk li pa monte avèk nou nan batay la.” <sup>10</sup> Alò, pou sa, leve bonè nan maten ✧avèk sèvitè a mèt ou ki te vini avèk ou yo e lamennm lè ou leve nan maten bonè, pati.” <sup>11</sup> Konsa, David te leve bonè, li avèk mesye pa li yo, pou pati nan maten pou retounen nan peyi a Filisten yo. Epi Filisten yo te monte Jizreel.

## 30

<sup>1</sup> Alò, li vin rive lè David avèk mesye pa li yo te vini Tsiklag nan twazyèm jou a, ke ✧Amalekit yo te fè yon atak sou Negev ak sou ✧Tsiklag pou te detwi Tsiklag e te brile li avèk dife. <sup>2</sup> Epi yo te pran an kaptivite fanm ki te ladann yo, ni piti ni gran, ✧san touye pèsòn, yo te pran yo e ale fè wout yo. <sup>3</sup> Lè David avèk mesye li yo te vini nan vil la, vwala, li te brile avèk dife. Madanm yo ak fis pa yo e fi pa yo te pran an kaptivite. <sup>4</sup> Alò David avèk moun ki te avè l yo te ✧leve vwa yo e te kriye jiskaske yo pa t gen fòs nan yo pou kriye. <sup>5</sup> Alò, ✧de madanm a David yo te pran an kaptivite, Achinoam, Jizreyelit la ak Abigaïl, vèv Nabal la, Kamelit la. <sup>6</sup> Anplis ke sa David te nan gwo pwoblèm akoz ✧moun yo t ap pale afè lapide li; paske tout moun yo te anmè, yo tout akoz fis yo ak fi yo. Men ✧David te ranfòse li menm nan SENYÈ a, Bondye li a. <sup>7</sup> Epi David te di a ✧Abiathar, prèt la, fis Achimélec la: “Souple, pote ban m efòd la.” Epi Abiathar te pote efòd la bay David. <sup>8</sup> ✧David te fè demann a SENYÈ a, e te di: “Èske mwen dwe swiv bann mouton sa a? Èske mwen va gen tan jwenn yo?” Epi Li te di li:”

✧ 29:1 I Sam 28:1 ✧ 29:2 I Sam 28:1-2 ✧ 29:4 I Sam 27:6 ✧ 29:4 I Sam 14:21 ✧ 29:5 I Sam 18:7 ✧ 29:6 I Sam 27:8-12 ✧ 29:8 I Sam 27:10-12 ✧ 29:9 I Sam 29:4 ✧ 29:10 I Kwo 12:19-22 ✧ 30:1 I Sam 27:8-10 ✧ 30:1 I Sam 27:6-8 ✧ 30:2 I Sam 27:11 ✧ 30:4 Nonb 14:1 ✧ 30:5 I Sam 25:42-43 ✧ 30:6 Jn 8:59 ✧ 30:6 I Sam 23:16 ✧ 30:7 I Sam 22:20-23 ✧ 30:8 I Sam 23:2-4

Swiv yo; paske, ou va, anverite, jwenn yo e ou va sove tout. <sup>9</sup> Konsa, David te ale, ✨li avèk sis-san mesye ki te avèk li yo. Epi yo te rive kote ravin Besor a, kote sila ki te kite dèyè yo te rete a. <sup>10</sup> Men David te kontinye pou swiv, li menm avèk kat-san mesye yo, paske ✨de-san nan yo ki te twò bouke pou travèse ravin Besor a, te rete. <sup>11</sup> Alò, yo te twouve yon Ejipsyen nan chan an e yo te mennen li kote David. Yo te ba li pen pou li te manje e yo te bay li dlo pou l bwè. <sup>12</sup> Yo te ba li yon mòso gato fig etranje ak de grap rezen pou li te manje; ✨alò, lespri li te vin leve. Paske li pa t manje ni bwè dlo pandan twa jou ak twa nwit. <sup>13</sup> David te mande li: “Pou kilès ou ye? Epi kibò ou sòti?” Li te di: “Mwen se yon jennonm ki sòti an Égypte, sèvitè a yon Amalekit. Mèt mwen te kite m dèyè lè m te tonbe malad twa jou pase. <sup>14</sup> Nou te fè yon atak nan ✨Negev a Keretyen yo ak sou sa ki apatyen a Juda a ak nan ✨Negev pou Caleb la; epi, nou te brile Tsiklag avèk dife.” <sup>15</sup> Epi David te di li: “Èske ou va mennen mwen desann kote bann mouton sila a?” Li te di: “Sèmante a mwen menm pa Bondye pou ou pa touye mwen ni livre mwen nan men a mèt mwen an; epi, mwen va mennen ou desann kote bann moun sa a.” <sup>16</sup> Lè li te mennen li desann, vwala, yo te gaye nan tout tè a, yo t ap manje, bwè e danse akoz ✨tout gran piyaj ke yo te pran nan peyi Filisten avèk peyi Juda yo. <sup>17</sup> David te fè masak sou yo ✨soti nan aswè jis rive nan pwochen jou a; epi, nanpwen yon nonm nan yo ki te chape, sof kat-san jennonm ki te monte sou chamo pou te sove ale yo <sup>18</sup> Konsa, David te ✨reprann tout sa ke Amalekit yo te pran yo e te sove reprann de madanm li yo. <sup>19</sup> Men anyen ki te pou yo pa t manke, ni piti, ni gran, fis oswa fi, piyaj, oswa nenpòt sa ke yo te pran pou yo menm; ✨David te mennen tout retounen. <sup>20</sup> Konsa, David te vin kaptire tout mouton ak bèf ki te pouse devan lòt bèt yo, epi yo te di: ✨“Sa se piyaj a David.” <sup>21</sup> Lè ✨David te rive kote de-san mesye ki te twò bouke pou swiv David yo, ki; osi, te rete kote ravin Besor a yo te parèt pou rankontre David avèk moun ki te avèk li yo. David te pwoche pèp la pou te salye yo. <sup>22</sup> Alò, tout mesye mechan yo avèk sanzave yo pami sila ki te ale avèk David yo te di: “Akoz yo pa t ale avèk nou, nou p ap bay yo anyen nan piyaj ke nou te reprann an, sof a chak mesye, madanm yo avèk pitit yo pou yo kapab mennen yo ale sòti.” <sup>23</sup> Alò, David te di: “Fòk nou pa fè sa, frè m yo, avèk sa ke SENYÈ a te bannou, ki te kenbe nou e livre nan men nou bann moun ki te vini kont nou an. <sup>24</sup> Epi se kilès ki va koute ou nan afè sila a? Paske, ✨jan pòsyon a sila ki te desann nan batay la, se menm jan an pòsyon pa l ki rete avèk pwovizyon yo; yo va separe menm jan an. <sup>25</sup> Se konsa ke li te ye depi nan jou sa a, ke li te fè l vin yon prensip ak yon règleman ke yo va separe menm jan an. <sup>26</sup> Alò, lè David te vini Tsiklag, li te voye nan piyaj la kote ansyen a Juda yo, a zanmi li yo, e li te di: “Gade byen, yon kado pou nou soti nan piyaj a ✨lènmi a SENYÈ yo: <sup>27</sup> a sila ki te Béthel yo, sila ki te Ramoth a Negev la ak sila ki te Jatthir yo, <sup>28</sup> epi a sila ki te ✨Aroër yo, a sila ki te Siphmoth yo ak sila ki te Eschthemoa yo, <sup>29</sup> epi a sila ki te Racal yo, sila ki te nan ✨vil a Jerachmeyelit yo ak sila ki te nan ✨vil a Kenyen yo, <sup>30</sup> epi, a sila ki te ✨Horma yo, a sila ki te Cor-Aschan yo ak sila ki te Athac yo, <sup>31</sup> epi a sila ki te ✨Hébron yo, ak tout zòn kote David li menm avèk

✨ 30:9 I Sam 27:2 ✨ 30:10 I Sam 30:9-21 ✨ 30:12 Jij 15:19 ✨ 30:14 So 2:5 ✨ 30:14 Jos 14:13 ✨ 30:16 I Sam 30:14 ✨ 30:17 I Sam 11:11 ✨ 30:18 Jen 14:16 ✨ 30:19 I Sam 30:8 ✨ 30:20 I Sam 30:26-31 ✨ 30:21 I Sam 30:10 ✨ 30:24 Nonb 31:27 ✨ 30:26 I Sam 18:17 ✨ 30:28 Jos 13:16 ✨ 30:29 I Sam 27:10 ✨ 30:29 Jij 1:16 ✨ 30:30 Nonb 14:45 ✨ 30:31 Jos 14:13-15

mesye li yo te abitye ✨ale yo.

## 31

<sup>1</sup> ✨Alò Filisten yo t ap goumen kont Israël e mesye Israël yo te kouri devan Filisten yo e yo te tonbe mouri sou Mòn Guilboa. <sup>2</sup> Filisten yo te rive sou Saül avèk fis li yo; epi Filisten yo te touye ✨Jonathan avèk Abinadab, ak Malkishua, fis a Saül yo. <sup>3</sup> ✨Batay la te rèd kont Saül. Ekip tire flèch ak banza yo te frape li; epi li te gravman blese pa ekip banza yo. <sup>4</sup> Epi Saül te di a pòtè zam li an: “Rale nepe ou pou frennen m avè l; otreman, Filisten ensikonsi sila yo va vin frennen m nèt e fè spò avè m.” Men pòtè zam nan te refize, paske, li te pè anpil. ✨Pou sa Saül te pran nepe li e te tonbe sou li <sup>5</sup> Lè pòtè zam nan te wè ke Saül te mouri avèk twa fis li yo, li tou te tonbe sou nepe li pou te mouri avèk li. <sup>6</sup> Konsa Saül te mouri avèk twa fis li yo, pòtè zam li an, ak tout mesye pa l yo ansanm nan jou sa a. <sup>7</sup> Lè mesye Israël ki te lòtbò vale a avèk sila ki te lòtbò Jourdain an, te wè ke mesye Israël yo te sove ale e ke Saül avèk fis li yo te mouri, yo te abandone vil yo e te sove ale. Konsa, Filisten yo te vin viv ladan yo. <sup>8</sup> Li te vin rive nan pwochen jou a, lè Filisten yo te vini pou depouye mò yo, ke yo te twouve Saül avèk twa fis li yo tonbe sou Mòn Guilboa. <sup>9</sup> Yo te koupe tèt li e te retire zam li yo pou te voye yo toupatou nan peyi Filisten yo, pou pote bòn nouvèl la rive ✨lakay zidòl pa yo ak pèp yo a. <sup>10</sup> Yo te mete zam li yo nan tanp ✨Astarté yo e yo te tache kadav li nan miray kote Beth-Schan nan. <sup>11</sup> Alò, lè moun ki te rete Jabès yo te tandè sa ke Filisten yo te fè a Saül, <sup>12</sup> ✨tout mesye vanyan yo te leve mache tout nwit lan pou te pran kò Saül la avèk kò a fis pa li yo soti nan miray Beth-Schan lan. Lè yo te rive Jabès yo te brile yo la. <sup>13</sup> Yo te pran zo yo e te ✨antere yo anba pye tamaren Jabès la e yo te fè jèn pandan sèt jou.

✨ **30:31** I Sam 23:22 ✨ **31:1** I Kwo 10:1-12 ✨ **31:2** I Kwo 8:33 ✨ **31:3** II Sam 1:6 ✨ **31:4** II Sam 1:6-10 ✨ **31:9** Jij 16:23-24 ✨ **31:10** Jij 2:13 ✨ **31:12** II Sam 2:4-7 ✨ **31:13** II Sam 21:12-14

## II Samuel

<sup>1</sup> Alò, li te vin rive ke lè Saül te fin mouri e David te retounen soti nan ✧ masak a Amalekit yo, ke David te rete pandan de jou nan Tsiklag <sup>2</sup> Nan twazyèm jou a, vwala, yon mesye te sòti nan kan an soti kote Saül la, ✧ avèk rad li chire ak pousyè sou tèt li. Epi li te vin rive ke lè li te parèt a David, ✧ li te tonbe atè e li te kouche plat nèt. <sup>3</sup> Alò, David te di li: “Depi ki kote ou sòti?” Epi li te di li: “Mwen te chape soti nan kan Israèl la.” <sup>4</sup> David te di li: ✧ “Se kijan bagay yo te sòti? Souple, fè m konnen.” Epi li te di: “Moun yo gen tan sove ale kite batay la, e anplis, anpil nan moun yo tonbe mouri. Epi Saül avèk Jonathan, fis li a te mouri tou.” <sup>5</sup> Konsa, David te di a jennonm nan ki te pale li a: “Kijan ou fè konnen ke Saül avèk fis li, Jonathan mouri?” <sup>6</sup> Jennonm ki te pale li a te di: “Pa aza mwen te sou Mòn Guilboa, e gade byen, Saül t ap apiye sou frenn li an. Epi gade, cha yo avèk chevalye yo t ap kouri rèd sou li. <sup>7</sup> Lè l te gade dèyè li, li te wè m e te rele mwen. Epi mwen te di: ‘Men mwen’. <sup>8</sup> Li te di mwen: ‘Se ki moun ou ye?’ Epi mwen te reponn li: ✧ ‘Mwen se yon Amalekit’. <sup>9</sup> Alò li te di mwen: ‘Souple, kanpe akote mwen pou touye mwen; paske, gwo doulè gen tan sezi mwen akoz lavi m toujou rete nan mwen.’ <sup>10</sup> Konsa, mwen te kanpe akote li ✧ pou te touye li; paske, mwen te konnen ke li pa t kab viv lè l te fin tonbe a. Epi mwen te pran kouwòn ki te sou tèt li a, ak braslè ki te nan bra li a, e mwen te mennen yo isit la kote mèt mwen.” <sup>11</sup> Alò, ✧ David te sezi rad li, te chire yo, menm jan tout mesye ki te avè l yo te fè. <sup>12</sup> Yo te fè dèy e te kriye ✧ fè jèn pou Saül avèk fis li a, Jonathan, pou pèp SENYÈ a e pou lakay Israèl jis rive nan aswè, akoz yo te tonbe pa nepe. <sup>13</sup> David te di a jennonm ki te pale li a: “Se kibò ou sòti?” Epi li te reponn: ✧ “Mwen se fis a yon etranje, yon Amalekit.” <sup>14</sup> Alò, David te di li: “Kijan sa ye ke ou pa t pè lonje men ou pou detwi onksyone a SENYÈ a?” <sup>15</sup> Epi David te rele youn nan jennonm yo e te di: “Ale, koupe l fè l desann.” ✧ Konsa, li te frape li e li te mouri. <sup>16</sup> David te di li: “San ou sou pwòp tèt pa w; paske, ✧ bouch ou te fè temwayaj kont ou menm e te di: Mwen te touye onksyone a SENYÈ a.” <sup>17</sup> Alò, David te ✧ chante lamantasyon sila sou Saül avèk fis li a, Jonathan. <sup>18</sup> Epi li te di yo pou montre fis a Juda yo chan ki rele Banza a. Gade byen; li ekri nan ✧ liv a Jaschar a. <sup>19</sup> ✧ Bèlte ou, O Israèl, detwi sou wo plas ou yo! O kijan glwa ou yo te tonbe sou wo plas yo! <sup>20</sup> ✧ Pa pale sa nan Gath, ni pwoklame sa nan lari Askalon yo, Sof fi Filisten yo ta rejwi; fi a ensikonsi yo va egzalte, <sup>21</sup> ✧ O mòn a Guilboa yo, pa kite lawouze ni lapli vin tonbe sou nou, Ni sou chanm ofrann yo; paske pwisan yo te tonbe, boukliye a Saül ki pa t onksyone avèk lwil. <sup>22</sup> Soti nan san a sila ki te mouri yo, soti nan grès a pwisan yo, ✧ Banza a Jonathan an pa t fè bak e nepe a Saül la pa t retounen vid. <sup>23</sup> Saül avèk Jonathan, byen emab e byeneme pandan vi pa yo, epi nan mò yo, yo pa t vin separe; yo te pi rapid ke èg yo; Yo te pi pwisan pase lyon yo. <sup>24</sup> O fi Israèl yo, kriye pou Saül, ki te fè nou abiye byen bèl ak twal wouj; Ki te mete òneman an lò sou vètman nou <sup>25</sup> Kijan pwisan yo vin tonbe nan mitan batay la! Jonathan vin touye sou wo plas

✧ **1:1** I Sam 30:1-26 ✧ **1:2** I Sam 4:12 ✧ **1:2** I Sam 25:23 ✧ **1:4** I Sam 4:16 ✧ **1:8** I Sam 15:3 ✧ **1:10** Jij 9:54 ✧ **1:11** II Kwo 34:27 ✧ **1:12** II Sam 3:35 ✧ **1:13** II Sam 1:8 ✧ **1:15** II Sam 4:10-12 ✧ **1:16** II Sam 1:10 ✧ **1:17** II Kwo 35:25 ✧ **1:18** Jos 10:13 ✧ **1:19** II Sam 1:25-27 ✧ **1:20** I Sam 31:8-13 ✧ **1:21** I Sam 31:1 ✧ **1:22** I Sam 18:4



nou yo <sup>26</sup> Mwen twouble pou ou, frè m Jonathan; Ou te konn fè m byen kontan; ✨Lanmou ou te pi presye ke lanmou a yon fanm. <sup>27</sup> Kijan pwisan yo te tonbe e ✨zam lagè yo te vin peri!”

## 2

<sup>1</sup> Alò, li te vin rive apre, ke David te fè demand a SENYÈ a, e te di: “Èske Mwen dwe monte nan youn nan vil Juda yo?” Epi SENYÈ a te di li: “Monte!” Konsa David te di: “Se kibò pou m ta monte?” Epi Li te di: ✨“Nan Hébron.” <sup>2</sup> Pou sa, David te monte la e ✨de madanm li yo tou, Achinoam, Jizreyelit la, avèk Abigaïl, Kamelit la, fanm a Nabal la. <sup>3</sup> Epi ✨David te fè monte mesye ki te avèk li yo, yo chak avèk pwòp lakay pa yo, e yo te rete nan vil Hébron yo. <sup>4</sup> Alò, mesye Juda yo te parèt e se la, yo te ✨onksyone David wa sou kay Juda a. Epi yo te pale David, e te di: “Se te mesye a Jabés Galaad ki te antere Saül yo. <sup>5</sup> David te voye mesaje yo bò kote mesye a Jabés Galaad yo, e te di yo: ✨“Ke nou beni pa SENYÈ a akoz nou te montre bonte nou anvè Saül, mèt nou an, e nou te antere li. <sup>6</sup> Alò, ✨ke SENYÈ a montre bonte avèk verite Li a nou menm. Konsa, mwen tou, mwen va montre nou bonte sa a akoz nou te fè bagay sa a. <sup>7</sup> Pou sa, kite men nou rete fò e plen kouraj. Paske mèt nou an, Saül mouri e anplis, kay Juda a te onksyone mwen kòm wa sou yo menm”. <sup>8</sup> Men ✨Abner, fis a Ner a, te pran Isch-Boscheth, fis a Saül la e te mennen li antre Mahanaïm. <sup>9</sup> Li te fè li wa sou ✨Galaad, sou Gechouryen yo, sou Jizreel, sou Ephraïm ak sou Benjamin, menm sou tout Israël la <sup>10</sup> Isch-Boscheth, fis a Saül la te gen karant ane lè l te devni wa sou Israël e li te wa pandan dezan Lakay Juda, sepandan, li te swiv David. <sup>11</sup> ✨Fòs tan ke David te wa nan Hébron sou Juda a se te sèt ane avèk si mwa. <sup>12</sup> Alò, Abner, fis a Ner a te sòti Mahanaïm kote ✨Gabaon avèk sèvitè a Isch-Boscheth yo, fis a Saül la. <sup>13</sup> Epi ✨Joab, fis a Tseruja a avèk sèvitè a David yo te sòti pou rankontre yo akote sous Gabaon an. Yo te chita konsa; youn nan yon bò sous la e lòt la nan lòtbò sous la. <sup>14</sup> Abner te di a Joab: “Alò, kite jennonm yo leve ✨fè yon kou batay devan nou la a.” Epi Joab te di: “Kite yo leve.” <sup>15</sup> Konsa, yo te leve travèse ak kontwòl, douz pou Benjamin avèk Isch-Boscheth, fis a Saül yo e douz pou sèvitè a David yo. <sup>16</sup> Chak te sezi advèsè li nan tèt e te fonse nepe li nan akote advèsè li a; konsa, yo te tonbe atè ansanm. Pou sa, yo te rele plas sa a Helkath-Hatsurim chanm a lam nepe yo ki nan Gabaon. <sup>17</sup> Nan jou sa a, batay la te trè sevè e ✨Abner avèk mesye Israël yo te kale devan sèvitè David yo. <sup>18</sup> Alò, ✨twa fis a Tseruja yo te la, Joab avèk Abschaï avèk Asaël te vit sou pye yo tankou yon gazèl mawon nan chan <sup>19</sup> Asaël te kouri dèyè Abner e pa t vire ni adwat ni agoch nan kouri dèyè Abner. <sup>20</sup> Alò, Abner te gade dèyè li, e te di: “Èske se ou, Asaël?” Epi li te reponn:” Se mwen.” <sup>21</sup> Konsa, Abner te di li: “Vire vè adwat oswa agoch, pran youn nan jennonm yo pou kont ou e pran pou ou menm nan piyaj la.” Men Asaël pa t dakò pou vire pa swiv li. <sup>22</sup> Abner te repete ankò a Asaël: “Vire pa swiv mwen Poukisa mwen ta frape ou pou jiskaske ou rive atè? ✨Konsa, kijan mwen ta kapab leve figi mwen a frè ou a, Joab?” <sup>23</sup> Sepandan, li te refize vire akote; pou sa, Abner te frape li nan vant avèk frenn li jiskaske li te parèt nan do li Epi li te tonbe la menm e te mouri sou lye a. Epi li te vin rive ke tout moun ki te

✨ 1:26 I Sam 18:1-4 ✨ 1:27 És 13:5 ✨ 2:1 Jos 14:13 ✨ 2:2 I Sam 25:42-43 ✨ 2:3 I Sam 30:9  
 ✨ 2:4 I Sam 16:13 ✨ 2:5 I Sam 23:21 ✨ 2:6 Egz 34:6 ✨ 2:8 I Sam 14:50 ✨ 2:9 Jos 22:9  
 ✨ 2:11 II Sam 5:5 ✨ 2:12 Jos 10:12 ✨ 2:13 II Sam 8:16 ✨ 2:14 II Sam 2:16-17 ✨ 2:17 II Sam 3:1  
 ✨ 2:18 I Kwo 2:16 ✨ 2:22 II Sam 3:27

vini kote ✧Asaël te mouri an, te kanpe an plas. <sup>24</sup> Men Joab avèk Abischaï te kouri dèyè Abner e pandan solèy la t ap bese, yo te rive nan ti mòn a Amma a, ki devan Guiach pa chemen dezè a Gabaon an. <sup>25</sup> Fis Benjamin yo te rasanble ansanm dèyè Abner e te devni yon sèl ekip; epi, yo te kanpe sou tèt a yon sèten ti mòn. <sup>26</sup> Alò, Abner te rele Joab e te di: “Èske epe a va devore tout tan? Èske ou pa konprann ke alafen, sa ap vin anmè? Pou konbyen de tan ou va refize di pèp la sispann kouri dèyè frè yo?” <sup>27</sup> Joab te di: “Jan Bondye viv la, si ou pa t pale; byensi, pèp la t ap kite sa maten an e chak moun t ap sispann swiv frè yo.” <sup>28</sup> Epi Joab te soufle twonpèt la; epi, tout pèp la te sispann e yo pa t kouri dèyè Israèl ankò, ✧ni yo pa t kontinye goumen ankò. <sup>29</sup> Alò, Abner avèk mesye pa li yo te mache nan dezè Araba a tout nwit lan. Yo te travèse Jourdain an, yo te mache tout maten an pou te vini ✧Mahanaïm. <sup>30</sup> Alò, Joab te retounen soti swiv Abner. Lè li te fin rasanble tout pèp la ansanm, diz-nèf nan sèvitè David yo anplis ke Asaël te manke. <sup>31</sup> Men sèvitè David yo te touye anpil nan mesye Benjamin yo avèk Abner yo, jiskaske te rive twa-san-swansant moun te mouri <sup>32</sup> Yo te pran Asaël e te antere li ✧nan tonm papa li ki te Bethléhem. Epi Joab avèk mesye pa l yo te ale tout nwit lan jiskaske li te vin fè jou kote Hébron.

### 3

<sup>1</sup> Alò, ✧te gen yon gè byen long antre lakay Saül ak lakay David. David te vin pi pwisan, men lakay Saül, ofi e a mezi, te vin pi fèb. <sup>2</sup> ✧Fis te ne a David an Hébron: premye ne li a se te Amnon, pa Achinoam nan, Jizreyelit la; <sup>3</sup> epi dezyèm li a, Kileab, pa Abigaïl la, vè a Nabal la, Kamalit la; epi, twazyèm nan, Absalom, fis ✧Maaca a, fi a Talmaï a, wa a Gueschur; <sup>4</sup> epi katriyèm nan, ✧Adonija, fis a Haggith la e senkyèm nan, Schephathia, fis a Abithal la; <sup>5</sup> epi sizyèm nan, Jithream, pa Égla a, madanm a David. <sup>6</sup> Li te vin rive ke pandan te gen lagè antre lakay Saül ak lakay David, ke ✧Abner t ap ranfòse pozisyon li lakay Saül. <sup>7</sup> Alò, Saül te gen yon ti mennaj ki te rele ✧Ritspa, fi a Ajja a. Konsa, Isch-Boscheth te di a Abner: “Poukisa ou te antre nan ti mennaj papa m nan?” <sup>8</sup> Alò, Abner te byen fache akoz pawòl a Isch-Boscheth yo e te di: ✧“Èske mwen se tèt yon chen ki pou Juda? Jodi a, mwen montre favè a lakay papa ou, a frè li yo, a zanmi li yo e mwen pa t livre ou nan men David. Epi malgre sa, jodi a, ou akize mwen kòm koupab nan afè fanm nan. <sup>9</sup> ✧Ke Bondye fè sa a Abner, e menm plis toujou, si jan SENYÈ a te sèman a David la, mwen pa akonpli sa pou li, <sup>10</sup> ✧pou fè wayòm nan kite lakay Saül pou vin etabli sou twòn David sou Israèl ak sou Juda, soti nan Dan, jis rive Beer-Schéba.” <sup>11</sup> Epi li pa t kab reponn Abner ankò, akoz li te pè li. <sup>12</sup> Alò Abner te voye mesaje yo kote David nan plas li, e te di: “Pou kilès peyi a ye? Fè akò ou avèk mwen; epi, pou sa, men m va avèk ou pou mennen tout Israèl bò kote ou.” <sup>13</sup> Li te di: “Sa bon! Mwen va fè yon akò avèk ou, men mwen ap fè yon sèten demann a ou menm; ke ou p ap menm wè figi m sof ke ou mennen ✧premyèman Mical, fi a Saül la, lè ou vin wè mwen. <sup>14</sup> Konsa, David te voye mesaje yo kote Isch-Boscheth, fis a Saül la, e te di: “Ban mwen madanm mwen Mical, avèk sila mwen te fiyanse ✧pou yon santèn bèk ti grenn moun ki sòti nan Filisten yo.” <sup>15</sup> Isch-Boscheth te voye pran li kote mari li, Paithiel, fis a Laïsch la.

✧ 2:23 II Sam 20:12 ✧ 2:28 II Sam 3:1 ✧ 2:29 II Sam 2:8 ✧ 2:32 Jen 47:29-30 ✧ 3:1 I Wa 14:30 ✧ 3:2 I Kwo 3:1-3 ✧ 3:3 I Sam 27:8 ✧ 3:4 I Wa 1:5 ✧ 3:6 II Sam 2:8-9 ✧ 3:7 II Sam 21:8-11 ✧ 3:8 I Sam 24:14 ✧ 3:9 I Wa 19:2 ✧ 3:10 I Sam 15:28 ✧ 3:13 I Sam 18:20 ✧ 3:14 I Sam 18:25-27

16 Men mari li te ale avèk li, li t ap kriye pandan li t ap prale e te swiv li jis rive ✧Bachurim. Epi Abner te di li: “Ale, retounen!” Konsa, li te retounen. 17 Alò, Abner te fè konsiltasyon avèk ✧ansyen Israèl yo e te di: “Nan tan pase yo, nou te chache fè David vin wa sou nou. 18 Alò konsa, annou fè l. Paske SENYÈ a te pale a David e te di: “Pa men a sèvitè Mwen an, David, Mwen va sove pèp Mwen an, Israèl soti nan men a Filisten yo ak nan men a tout lènmi pa yo. 19 Abner osi te pale nan zòrèy a moun Benjamin yo. Anplis, Abner te ale fè rapò a David nan Hébron ke tout sa te parèt bon pou Israèl, tout lakay Israèl la ak a ✧tout lakay Benjamin an. 20 Alò, Abner avèk ven mesye avèk li te vin kote David nan Hébron. David te fè yon gwo fèt pou Abner avèk mesye ki te avèk li yo. 21 Abner te di a David: “Kite mwen leve pou m ale ✧rasanble tout Israèl la kote mèt mwen an, wa a, pou yo kapab fè yon akò avèk ou e pou ou kapab devni wa sou tout sa ke nanm ou dezire yo.” Konsa, David te voye Abner ale e li te ale anpè. 22 Epi vwala, ✧sèvitè a David yo avèk Joab te antre sòti nan yon atak piyaj e yo te pote anpil piyaj avèk yo. Men Abner pa t avèk David nan Hébron; paske li te voye li ale e li te sòti anpè. 23 Lè Joab avèk tout lame ki te avèk li a te rive, yo te pale Joab e te di: “Abner, fis a Ner a te rive vè wa a, li te voye li ale e li te sòti anpè. 24 Alò, Joab te vini vè wa a e te di: “Se kisa ou te fè la a? Gade, Abner te vin kote ou. Alò, poukisa ou te voye li ale sòti deja? 25 Ou konnen Abner, fis a Ner a, ke li te antre pou twonpe ou, pou aprann jan ou sòti ak jan ou antre, pou dekouvri tout sa w ap fè. 26 Lè Joab te sòti kote David, li te voye mesaj yo dèyè Abner. Yo te mennen li retounen soti nan pwi Sira a; men, David pa t konnen. 27 Konsa, lè Abner te retounen Hébron, Joab te pran li akote mitan pòtay la pou pale avèk li an prive; epi la, ✧li te frennen li nan vant jiskaske li te mouri akòz san a Asaël, frè li a. 28 Apre, lè David te tandè sa, li te di: “Mwen avèk wayòm mwen an inosan devan SENYÈ a jis pou tout tan sou afè san Abner a, fis a Ner a. 29 ✧Konsa, san sa a vin tonbe sou tèt Joab avèk tout lakay papa li. Epi pou ta genyen toujou lakay li yon moun ki gen ekoulman, oswa lalèp, oswa ki oblije mache ak baton, oswa ki tonbe pa nepe, oswa ki manke pen. 30 Konsa, Joab avèk Abischaï te touye Abner ✧akòz li te mete frè yo a a lanmò nan batay Gabaon an. 31 Alò, David te di a Joab avèk tout moun ki te avèk li yo: ✧“Chire rad nou e abiye nou an sak pou fè lamantasyon devan Abner.” Epi Wa David te mache dèyè sèkèy la. 32 Konsa, yo te antere Abner Hébron. Wa a te leve vwa li pou te kriye akote ✧tonm Abner a, e tout moun te kriye. 33 ✧Wa a te chante yon lamantasyon pou Abner, e te di: “Èske Abner ta dwe mouri tankou yon moun fou ta mouri? 34 Men ou pa t mare, ni pye ou pa t anchene; Tankou yon moun ki tonbe devan mechan yo, ou te tonbe.”

Epi tout moun te kriye ankò sou li. 35 Alò, tout pèp la te vini pou konvenk David manje pen pandan li te toujou nan lajounen; men, David te fè ve e te di: “Ke Bondye fè m sa e menm plis, si mwen goute pen oswa nenpòt lòt bagay ✧avan solèy la vin kouche.” 36 Alò, tout pèp la te remake afè sa a e li te fè yo plezi, jis jan ke tout sa ke wa a te fè te fè tout pèp la plezi. 37 Konsa, tout pèp la ak tout Israèl te konprann nan jou sa a ke li pa t volonte a wa a pou mete Abner, fis a Ner a a lanmò. 38 Epi wa a te pale ak sèvitè li yo:

✧ 3:16 II Sam 16:5 ✧ 3:17 I Sam 8:4 ✧ 3:19 I Sam 10:20-21 ✧ 3:21 I Sam 3:10-12 ✧ 3:22 I Sam 27:8 ✧ 3:27 II Sam 2:23 ✧ 3:29 Det 21:6-9 ✧ 3:30 II Sam 2:23 ✧ 3:31 Jen 37:34 ✧ 3:32 Job 31:28-29 ✧ 3:33 II Sam 1:17 ✧ 3:35 II Sam 1:12

“Èske nou pa konnen ke yon prens, yon gran òm vin tonbe nan jou sa a an Israël? <sup>39</sup> Mwen fèb jodi a, malgre m onksyone kòm wa. Mesye sila yo, ✧fis a Tseruja yo twò difisil pou mwen! ✧Ke SENYÈ a rekonpanse malfektè a selon mekanste li a.”

## 4

<sup>1</sup> Alò, lè Isch-Boscheth, fis a Saül la, te tande ke ✧Abner te mouri Hébron, ✧li te pèdi kouraj e tout Israël te twouble. <sup>2</sup> Fis a Saül la te gen de mesye ki te kòmandan a bann sòlda yo. Non a youn se te Baana e lòt la te Récab, fis a Rimmon Beéroth yo, ki apatyen a fis Benjamin yo (paske Beéroth te konsidere kòm yon pati nan Benjamin, ✧ <sup>3</sup> Tout Beyewotyen yo te sove ale pou rive ✧Guitthaïm e te rete la kòm etranje jis rive jodi a.) <sup>4</sup> Alò, ✧Jonathan, fis a Saül la, te gen yon fis ki te kokobe nan pye li. Li te konsa akòz lè li te gen laj a senk ane lè rapò a Saül avèk Jonathan te rive soti Jizréel, fanm nouris li an te pran fis la pou te sove ale. Epi nan kouri sòti, li te tonbe e te vin kokobe. Non li se te Mephiboscheth. <sup>5</sup> Konsa fis a Rimmon yo, Beyewotyen an, Récab, avèk Banna te pati pou te rive lakay ✧Isch-Boscheth nan chalè lajounen an pandan li t ap pran repo midi a. <sup>6</sup> Yo te rive nan mitan kay la kòm si yo t ap pran ble e ✧yo te frape li nan vant. Epi Récab avèk Banna, frè li yo te chape ale. <sup>7</sup> Alò, lè yo te vin rive anndan kay la, pandan li te kouche sou kabann li nan chanm a dòmi li an, yo te frape li e te touye li. Yo te koupe tèt li e yo te ✧vwayaje ak li nan chemen Araba a tout nwit lan. <sup>8</sup> Konsa, yo te mennen tèt a Isch-Boscheth kote David nan Hébron e yo te di a wa a: “Men gade, tèt a Isch-Boscheth, ✧fis a Saül la, lènmi pa w la, ki te chache lavi ou a. Konsa, nan jou sa a, SENYÈ a te bay mèt mwen an, wa a, vanjans sou Saül avèk desandan li yo.” <sup>9</sup> David te reponn Récab avèk Banna, frè li, fis a Rimmon yo, Beyewotyen an, e te di yo: “Jan SENYÈ a viv la, ✧ki te peye racha lavi m soti nan tout twoub yo, <sup>10</sup> ✧lè yon moun te pale m e te di: ‘Gade, Saül mouri e te panse ke se bòn nouvèl ke li te pote, mwen te sezi li e te touye li Tsiklag, kòm rekonpans pou nouvèl la. <sup>11</sup> Alò, konbyen anplis, lè moun mechan yo vin touye yon nonm ladwati nan pwòp kay li sou kabann li! Èske se pa ke m ta oblije mande san li nan men nou e rache nou sou fas tè a?” <sup>12</sup> Alò, ✧David te pase lòd sou jennonm yo. Yo te touye yo, yo te koupe men yo avèk pye yo, e te pann yo akote sous Hébron an. Men yo te pran tèt a Isch Boscheth ✧ e yo te antere li nan tonm Abner a nan Hébron.

## 5

<sup>1</sup> ✧Alò, tout tribi Israël yo te vin kote David Hébron e te di: “Gade byen, nou se pwòp ✧zo ou ak chè ou. <sup>2</sup> Avan, lè Saül te wa sou nou, se te ou menm sèl ki te mennen Israël antre, sòti. Epi SENYÈ a te di ou: ‘Ou va bèje pèp Mwen an, Israël e ou va yon ✧chèf sou Israël.’ ” <sup>3</sup> Konsa, tout ansyen Israël yo te vin kote wa a Hébron e Wa David ✧te fè yon akò avèk yo devan SENYÈ a Hébron. Epi ✧yo te onksyone David wa sou Israël <sup>4</sup> David te gen laj a ✧trantan lè l te devni wa. Li te renye pandan karantan. <sup>5</sup> Nan Hébron, ✧li te renye sou Juda pandan sèt ane, si mwa e nan Jérusalem, li te renye

✧ 3:39 II Sam 19:5-7 ✧ 3:39 I Wa 2:32-34 ✧ 4:1 II Sam 3:27 ✧ 4:1 Esd 4:4 ✧ 4:2 Jos 9:17; Jos 18:25 ✧ 4:3 Né 11:33 ✧ 4:4 II Sam 9:3-6 ✧ 4:5 II Sam 2:8 ✧ 4:6 II Sam 2:23 ✧ 4:7 II Sam 2:29 ✧ 4:8 I Sam 24:4 ✧ 4:9 I Wa 1:29 ✧ 4:10 II Sam 1:2-15 ✧ 4:12 II Sam 1:15 ✧ 4:12 II Sam 3:32 ✧ 5:1 II Sam 1:2-15 ✧ 5:1 II Sam 19:13 ✧ 5:2 I Sam 25:30 ✧ 5:3 II Sam 3:21 ✧ 5:3 I Sam 16:13 ✧ 5:4 Nonb 4:3 ✧ 5:5 II Sam 2:11

pandan trann-twazan sou tout Israël avèk Juda <sup>6</sup> ✧ Alò, wa a avèk moun pa li yo te ale Jérusalem kont Jebizyen yo, moun ki te rete nan peyi a. Men yo te di a David: “Ou p ap antre isit la, men menm avèg yo avèk bwate yo va fè ou vire ale”. Paske, yo te panse ke: “David p ap kab antre la.” <sup>7</sup> Sepandan, David te kaptire fòterès Sion an, sa vle di, ✧ “vil David la”. <sup>8</sup> David te di nan jou sa a: “Nenpòt moun ki va frape Jebizyen yo, kite li rive kote bwate yo avèk avèg yo, ki rayi pa nanm David, pa kanal dlo a.” Akoz sa, yo konn di: “Avèg ak bwate p ap antre nan kay la.” <sup>9</sup> Konsa, David te rete nan fò a e li te rele li “vil David la”. Epi David te bati toutotou soti nan sitadèl Milo a jis rive anndan. <sup>10</sup> ✧ David te devni gran e pi gran; paske SENYÈ a, Bondye dèzame yo te avèk li. <sup>11</sup> ✧ Alò, Hiram, wa a Tyr la, te voye mesaje yo kote David avèk bwa sèd avèk chapant ak mason k ap kraze wòch; epi, yo te bati yon kay pou David. <sup>12</sup> Konsa, David te vin wè ke SENYÈ a te etabli li kòm wa sou Israël, ke Li te egzalte wayòm li an pou koz pèp Li a, Israël. <sup>13</sup> Antretan, ✧ David te pran plis ti mennaj avèk madanm soti Jérusalem lè l fin kite Hébron; epi plis fis avèk fi te fèt pou David. <sup>14</sup> Alò, ✧ sila yo se non a sila ki te fèt pou li Jérusalem yo: Schammua, Schobab, Nathan, Salomon, <sup>15</sup> Jibhar, Élishua, Népheg, Japhia, <sup>16</sup> Élishchama, Éliada, Éliphéleth. <sup>17</sup> Lè Filisten yo te tandè ke yo te onksyone David wa sou Israël, ✧ tout Filisten yo te monte pou chache jwenn David. Lè David te tandè sa, li te desann nan fò a. <sup>18</sup> Alò, Filisten yo te vin gaye yo nan ✧ vale Rephaïm nan. <sup>19</sup> Konsa, ✧ David te mande konsèy a SENYÈ a, e te di: “Èske mwen dwe monte kont Filisten yo? Èske Ou va livre yo nan men mwen?” Epi SENYÈ a te reponn a David: “Monte, paske vrèman, Mwen va livre Filisten yo nan men ou.” <sup>20</sup> Konsa, David te vini ✧ Baal-Peratism e te bat yo la; epi, li te di: “SENYÈ a te antre sou lènmi mwen yo devan m tankou yon dlo k ap pete.” Pou sa, li te rele plas sa a Baal-Peratsim. <sup>21</sup> Yo te abandone zidòl yo la; pou sa, ✧ David avèk mesye li yo te pote yo ale. <sup>22</sup> Alò, ✧ Filisten yo te monte yon fwa ankò e yo te gaye yo nan vale Rephaïm nan. <sup>23</sup> Lè ✧ David te mande konsèy a SENYÈ a, Li te di: “Ou pa pou monte; ansèkle jis pa dèyè yo e vini sou yo pa devan pye sikomò yo. <sup>24</sup> Li va rive, ke lè ou tandè son mache a sou tèt bwa yo; alò, ou va aji vit, paske se nan lè sa a ke ✧ SENYÈ a ap gen tan sòti devan ou pou frape lame Filisten an.” <sup>25</sup> Alò, David te fè konsa, jis jan ke SENYÈ a te kòmande li a, e li te bat Filisten yo soti Guéba, pou jis rive Guézer.

## 6

<sup>1</sup> ✧ Alò, David te ankò ranmase tout mesye chwazi an Israël yo nan kantite trant-mil. <sup>2</sup> Li te leve pou te ale avèk tout moun ki te avèk li yo Baalé-Juda, pou fè monte soti la, lach Bondye ki rele pa ✧ Non an, vrè non dirèk a SENYÈ dèzame yo ki enstale sou twòn anwo cheriben an. <sup>3</sup> Yo te plase lach Bondye a sou yon ✧ kabwa tounèf pou yo te kab mennen li soti lakay Abinadab ki te sou ti kolin nan; epi, se te Uzza avèk Achjo, fis Abinadab la, ki te mennen kabwèt nèf la. <sup>4</sup> Konsa, ✧ yo te mennen li avèk lach Bondye a soti lakay Abinadab, ki te sou ti kolin nan; epi, Achjo t ap mache devan

✧ 5:6 I Kwo 11:4-9 ✧ 5:7 II Sam 6:12-16 ✧ 5:10 II Sam 3:1 ✧ 5:11 I Wa 5:1-18 ✧ 5:13 Det 17:17 ✧ 5:14 I Kwo 3:5-8 ✧ 5:17 I Sam 29:1 ✧ 5:18 Jen 14:5 ✧ 5:19 I Sam 23:2 ✧ 5:20 I Kwo 14:11 ✧ 5:21 I Kwo 14:12 ✧ 5:22 II Sam 5:18 ✧ 5:23 II Sam 5:19 ✧ 5:24 Jij 4:14 ✧ 6:1 I Kwo 13:5-14 ✧ 6:2 Lev 24:16 ✧ 6:3 Nonb 7:4-9 ✧ 6:4 I Sam 18:6-7

lach la. <sup>5</sup> Antretan, David avèk tout lakay SENYÈ a ✧t ap selebre devan SENYÈ a ✧avèk tout kalite enstriman ki fèt an bwa pichpen, avèk lap, gita, tanbouren, ak kastanèt ak senbal <sup>6</sup> Men lè yo te rive nan glasi Nacon an, Uzza te ✧lonje men l vè lach Bondye a pou te kenbe li; paske, bèf kabwèt yo te preske chavire li. <sup>7</sup> Epi kòlè SENYÈ a te brile kont Uzza, epi ✧Bondye te frape li la pou mank respè li a. Li te mouri la akote lach BONDYE a. <sup>8</sup> David te vin fache akòz kòlè SENYÈ a kont Uzza e plas sa a te vin rele Pérets-Uzza (kase antre a Uzza) jis rive jodi a. <sup>9</sup> Konsa, ✧David te pè SENYÈ a nan jou sa a; epi li te di: “Kijan lach SENYÈ a kapab rive kote mwen?” <sup>10</sup> Epi David pa t dakò pou deplase lach la antre nan vil David la avèk li; men, David te mennen li akote, pou l rive kay ✧Obed-Édom, Gatyen an. <sup>11</sup> Konsa, lach SENYÈ a te rete lakay Obed-Édom an, Gatyen an, pandan twa mwa e SENYÈ a te beni Obed-Édom avèk tout lakay li. <sup>12</sup> Alò, yo te pale a wa David, e te di: “SENYÈ a te beni lakay Obed-Édom avèk tout sa ki pou li akòz lach Bondye a.” ✧David te ale monte lach Bondye a soti lakay Obed-Édom pou antre nan vil David la avèk kè kontan. <sup>13</sup> Epi se konsa sa te rive, ke lè ✧pòtè lach SENYÈ a yo te fin fè sis pa, li te fè sakrifis a yon bèf kabwèt avèk yon jenn bèf gra. <sup>14</sup> Epi David t ap danse devan SENYÈ a avèk tout fòs li e David te ✧abiye avèk yon efòd fèt ak len. <sup>15</sup> Konsa, David avèk tout kay Israèl la t ap mennen lach SENYÈ a monte avèk gwo kri lajwa e avèk son twonpèt. <sup>16</sup> Li te vin rive ke lè lach SENYÈ a te antre nan vil David la, ke Mical, fi a Saül la, te gade nan fenèt la e te wè Wa David t ap voltije danse devan SENYÈ a. Epi li te meprize li nan kè l. <sup>17</sup> Konsa, yo te mennen lach SENYÈ a e te mete li ✧nan plas li anndan tant ke David te fè monte pou li a. Epi David te ofri ofrann brile avèk ofrann lapè devan SENYÈ a. <sup>18</sup> Lè David te fin ofri ofrann brile avèk ofrann lapè yo, ✧li te beni pèp la nan non SENYÈ dèzame a. <sup>19</sup> Anplis, li te fè separe bay a tout pèp la, yon gato pen, youn ak fwi dat e youn avèk rezen pou chak moun. Apre, tout pèp la te pati, chak moun nan pwòp kay yo. <sup>20</sup> Men lè David te retounen pou beni lakay li, Mical, fi a Saül la, te vin parèt pou rankontre David e te di: “Men kijan wa Israèl la te onore pwòp tèt li jodi a! Li te dekouvri li menm jodi a nan zye a tout bòn kay ak sèvitè li yo kòm yon nonm ensanse san wont ta vin dekouvri kò li. <sup>21</sup> Konsa, David te di a Mical: “Devan SENYÈ a ✧ki te chwazi mwen an olye de papa ou e olye de tout kay li a, pou vin dezinye mwen chèf sou pèp SENYÈ a, sou Israèl; pou sa, mwen va selebre devan SENYÈ a. <sup>22</sup> Mwen va vin konte pa lòt moun kòm pi lejè ke sa, e mwen va vin enb nan pwòp zye m, men avèk bòn sila ke ou te pale yo; avèk yo, mwen va vin onore. <sup>23</sup> Mical, fi a Saül la, pa t fè pitit jis rive jou ke li te mouri an.

## 7

<sup>1</sup> ✧Alò, li te vin rive ke pandan wa a te rete lakay li a e SENYÈ a te ba li repo tout kote sou lènmi li yo, <sup>2</sup> ke wa a te vin di a Nathan, pwofèt la: “Gade koulye a, Mwen menm rete nan ✧yon kay ki fèt ak bwa sèd; men, lach Bondye a ✧rete anndan yon tant ki fèt ak rido.” <sup>3</sup> Nathan te di a wa a:

✧ 6:5 I Sam 18:6-7 ✧ 6:5 I Kwo 13:8 ✧ 6:6 Nonb 4:15-20 ✧ 6:7 I Sam 6:19 ✧ 6:9 Sòm 119:120 ✧ 6:10 I Kwo 26:4-8 ✧ 6:12 I Kwo 15:25-29 ✧ 6:13 Nonb 4:15 ✧ 6:14 Egz 19:5 ✧ 6:17 I Kwo 15:1 ✧ 6:18 I Wa 8:14-15 ✧ 6:21 I Sam 13:14 ✧ 7:1 I Kwo 17:1-27 ✧ 7:2 II Sam 5:11 ✧ 7:2 Egz 26:1

✧“Ale, fè tout sa ki nan tèt ou, paske SENYÈ a avèk ou. <sup>4</sup> Men nan menm nwit lan, pawòl SENYÈ a te vini a Nathan e te di: <sup>5</sup> Ale e pale a sèvitè Mwen an, David: “Se konsa SENYÈ a pale, ✧“Èske se ou menm ki ta dwe bati yon kay pou Mwen ta vin rete ladann? <sup>6</sup> Paske, Mwen pa t rete nan yon kay depi jou ke M te mennen fè sòti fis Israèl yo an Égypte, jis rive jodi a. Men Mwen te konn deplase patou nan yon ✧tant, menm yon tabènak. <sup>7</sup> ✧Nenpòt kote ke M te ale avèk tout fis Israèl yo, èske M te pale yon sèl pawòl avèk youn nan tribi a Israèl yo, ✧ke M te kòmande pou fè bèje a pèp Mwen an, Israèl, pou di: ‘Poukisa ou pa t bati pou Mwen yon kay ki fèt an sèd?’ ” <sup>8</sup> Alò pou sa, konsa ou va di a sèvitè Mwen an, David: ‘Konsa pale SENYÈ dèzame yo; ✧Mwen te pran ou soti nan patiraj la, soti nan swiv mouton, pou devni yon chèf sou pèp Mwen an, Israèl. <sup>9</sup> Mwen te toujou avèk ou nenpòt kote ou te ale e Mwen ✧te retire lènmi ou yo soti devan ou; epi, Mwen va fè ou vin yon gwo non, tankou non a gwo moun ki sou latè yo. <sup>10</sup> Mwen va, osi, etabli yon plas pou pèp Mwen an, Israèl, Mwen ✧va plante yo, pou yo kab viv nan pwòp plas yo e pou yo pa vin deranje ankò, ni pou mechan pa aflije yo ankò tankou lontan, <sup>11</sup> menm soti nan jou ke M te kòmande jij yo pou vin sou pèp Mwen an, Israèl. Epi ✧Mwen va ba ou repo sou tout lènmi ou yo. SENYÈ a va osi deklare a ou menm ke SENYÈ a va fè yon kay pou ou. <sup>12</sup> Lè jou ou yo fin pase e ou kouche avèk zansèt ou yo, ✧Mwen va fè vin leve desandan apre ou, ki va vin sòti nan ou menm e Mwen va etabli wayòm li. <sup>13</sup> ✧Li va bati yon kay pou non Mwen e Mwen va etabli twòn wayòm li a jis pou tout tan. <sup>14</sup> ✧Mwen va yon papa a li menm e li va yon fis pou Mwen. ✧Lè li fè inikite, Mwen va korije li avèk baton lòm nan, ak kout fwèt a fis a lòm yo. <sup>15</sup> Men mizerikòd Mwen p ap sòti sou li ✧jan Mwen te retire li sou Saül, ke Mwen te fè vin retire devan ou an. <sup>16</sup> ✧Lakay ou ak wayòm ou va dire devan Mwen pou tout tan. Twòn ou an va etabli pou tout tan.” ’ ’ <sup>17</sup> An akò avèk tout pawòl sila yo, tout vizyon sila yo, Nathan te pale avèk David. <sup>18</sup> Epi David, wa a, te antre chita devan SENYÈ a. Li te di: ✧“Se kilès mwen ye, O Mèt BONDYE e se kisa lakay mwen ye, pou Ou te mennen mwen jis rive isit la? <sup>19</sup> Epi anplis, sa te yon ti bagay nan zye Ou, O Mèt BONDYE, ✧paske Ou te pale osi pa lakay sèvitè Ou a, de avni byen lwen an. Epi ✧sa se koutim a lòm, O Mèt BONDYE <sup>20</sup> Ankò, ki bagay anplis David kab di Ou? Paske ✧Ou konnen sèvitè Ou a, O Mèt, BONDYE! <sup>21</sup> ✧Pou koz a pawòl Ou e selon pwòp kè Ou, Ou te fè tout gwo bagay sila yo pou fè sèvitè Ou konnen. <sup>22</sup> Pou rezon sa a, Ou gran, O Mèt BONDYE; paske ✧nanpwen lòt tankou Ou menm e nanpwen lòt dye sof ke Ou menm, selon tout sa ke nou te tandè avèk pwòp zòrèy nou. <sup>23</sup> Epi ki lòt ✧nasyon sou latè ki tankou pèp Ou a, Israèl, ke Bondye te ale peye ranson pou Li menm kòm yon pèp, e pou fè yon non pou Li menm; pou fè yon gran bagay pou Ou ak bagay mèvey pou peyi Ou a, devan pèp ke Ou te peye ranson pou kont Ou sòti an Égypte la, nan mitan nasyon yo, avèk dye pa yo. <sup>24</sup> Paske ✧Ou te etabli pou kont Ou, pèp Ou a, Israèl kòm pèp Ou pou tout tan, e Ou menm, O SENYÈ a te devni Bondye pa yo. <sup>25</sup> Pou sa, koulye

✧ 7:3 I Wa 8:17-18 ✧ 7:5 I Wa 5:3-4 ✧ 7:6 Egz 40:18-34 ✧ 7:7 Lev 26:11-12 ✧ 7:7 II Sam 5:2 ✧ 7:8 I Sam 16:11-12 ✧ 7:9 Sòm 18:37-42 ✧ 7:10 Egz 15:17 ✧ 7:11 II Sam 7:1 ✧ 7:12 I Wa 8:20 ✧ 7:13 I Wa 6:12 ✧ 7:14 Sòm 89:26-27 ✧ 7:14 I Wa 11:34 ✧ 7:15 I Sam 15:23 ✧ 7:16 II Sam 7:13 ✧ 7:18 Egz 3:11 ✧ 7:19 II Sam 7:11-16 ✧ 7:19 És 55:8-9 ✧ 7:20 I Sam 16:7 ✧ 7:21 I Kwo 17:19 ✧ 7:22 Egz 15:11 ✧ 7:23 Det 4:32-38 ✧ 7:24 Det 32:6

a, O SENYÈ Bondye, pawòl ke Ou te pale konsènan sèvitè Ou avèk lakay li a, konfime nèt e fè jan Ou te pale a; <sup>26</sup> ✧pou non Ou kapab vin resevwa glwa jis pou tout tan, pou di: ‘SENYÈ dèzame a se Bondye sou Israèl la’; epi pou lakay a sèvitè Ou a kapab vin etabli devan Ou. <sup>27</sup> Paske Ou menm, O SENYÈ, Bondye a Israèl la, te fè yon revelasyon a sèvitè Ou a e te di: ✧ Mwen va bati yon kay pou ou’. Pou sa, sèvitè Ou a te jwenn kouraj pou fè priyè sila a a Ou menm. <sup>28</sup> Alò, O Mèt BONDYE, Ou se Bondye. ✧Pawòl Ou se verite e Ou te pwomèt bon bagay sila a a sèvitè pa Ou a. <sup>29</sup> Alò, pou sa, pou li kapab fè Ou plezi pou beni lakay sèvitè pa Ou a, pou li kapab kontinye pou tout tan devan Ou. Paske Ou menm, O Mèt BONDYE, te pale; epi, ✧avèk benediksyon pa Ou, pou lakay sèvitè Ou a kapab beni pou tout tan.”

## 8

<sup>1</sup> ✧Konsa, li te vin rive ke David te bat Filisten yo e te mete yo anba lòd. David te pran kontwòl a vil prensipal la soti nan men a Filisten yo. <sup>2</sup> ✧Li te bat ✧Moab, li te mezire kaptif yo avèk yon lign. Konsa li te fè yo kouche atè, li te mezire longè de lign pou mete yo a lanmò, ak yon lign antye pou lèse yo viv. Epi Moabit yo te devni sèvitè a David e yo te pote peye taks obligatwa. <sup>3</sup> Alò, David te bat Hadadézer, fis a Rehob la, wa a Tsoba, pandan ✧li te nan wout pou reprann kontwòl li nan Rivyè Euphrate la. <sup>4</sup> David te kaptire soti nan men li, mil-sèt-san chevalye avèk ven-mil sòlda a pye. ✧Li te koupe jarèt a cheval cha yo, men li te konsève kont nan yo pou rale yon santèn cha. <sup>5</sup> Lè ✧Siryen a Damas yo te vini pou bay sekou a Hadadézer, wa a Tsoba a, David te touye venn-de-mil Siryen. <sup>6</sup> Epi David te mete anplasman sòlda pami Siryen Damas yo. ✧Siryen yo te vin soumèt a David e te pote taks obligatwa. Epi SENYÈ a te ede David tout kote li te ale. <sup>7</sup> David te pran boukliye fèt an lò ki te pote pa sèvitè a Hadadézer yo e li te mennen yo Jérusalem. <sup>8</sup> Soti nan Béthach avèk Bérothai, vil a Hadadézer yo, Wa David te pran yon gran kantite bwonz. <sup>9</sup> Alò lè Thoï, wa a ✧Hamath la te tandè ke David te bat tout lame a Hadadézer a, <sup>10</sup> Thoï te voye Joram, fis li a kote Wa David pou salye li e fè li felisitasyon akòz li te goumen kont Hadadézer e te bat li, paske Hadadézer t ap fè lagè avèk Thoï. Epi Joram te mennen avèk li bagay fèt an ajan, an lò, e an bwonz. <sup>11</sup> Wa David te ✧dedye sa yo osi a SENYÈ a, avèk ajan ak lò ke li te dedye soti nan tout nasyon ke Li te soumèt anba li menm yo: <sup>12</sup> Soti nan Syrie avèk ✧Moab, fis a Ammon yo, Filisten yo avèk Amalekit yo, ak piyaj ki te soti osi nan Hadadézer, fis a Thoï a, wa a Tsoba a. <sup>13</sup> Konsa, ✧David te vin fè yon non byen koni pou kont li, lè li te retounen soti nan touye dizui-mil Siryen nan ✧Vale Sèl la. <sup>14</sup> Li te etabli anplasman militè yo nan Édom. Nan tout Édom, li te fè anplasman militè e tout ✧Edomit yo te devni sèvitè a David. Konsa, SENYÈ a te ede David tout kote li te ale. <sup>15</sup> David te renye sou tout Israèl. Li te administre lajistis avèk ladwati pou tout pèp li a. <sup>16</sup> ✧Joab, fis a Tseruja a te sou lame a e Josaphat, fis a Achilud la te ✧grefye a. <sup>17</sup> ✧Tsadok, fis a Achithub la avèk Achilémec, fis a Abithar a te prèt e Tseriah te sekretè. <sup>18</sup> Benaja, fis a Jehojada a te chèf sou ✧Keretyen avèk

✧ 7:26 Sòm 72:18-19 ✧ 7:27 II Sam 7:13 ✧ 7:28 Egz 34:6 ✧ 7:29 Nonb 6:24-26 ✧ 8:1 I Kwo 18 ✧ 8:2 Nonb 24:17 ✧ 8:2 I Sam 22:3-4 ✧ 8:3 II Sam 10:15-19 ✧ 8:4 Jos 11:6-9 ✧ 8:5 I Wa 11:22-35 ✧ 8:6 II Sam 8:2 ✧ 8:9 I Wa 8:65 ✧ 8:11 I Wa 7:51 ✧ 8:12 II Sam 8:2 ✧ 8:13 II Sam 7:9 ✧ 8:13 II Wa 14:7 ✧ 8:14 Jen 27:37-40 ✧ 8:16 I Kwo 11:6 ✧ 8:16 II Wa 18:18-37 ✧ 8:17 I Kwo 6:4-8 ✧ 8:18 II Sam 15:18



Peletyen yo; epi fis a David yo te chèf ministè leta yo.

## 9

<sup>1</sup> Epi David te di: “Èske te genyen yon moun ki te rete pou lakay Saül, ☆pou m ta kab montre li favè pou koz Jonathan?” <sup>2</sup> Alò, te genyen yon sèvitè lakay Saül ki te rele Tsiba. Konsa yo te rele li kote David, e wa a te di li: “Èske ou se ☆Tsiba?” Epi li te di: “Men sèvitè ou.” <sup>3</sup> Wa a te di: “Èske pa gen moun toujou lakay Saül pou mwen ta kab montre favè Bondye?” Epi Tsiba te di a wa a: ☆“Genyen toujou yon fis a Jonathan ki kokobe nan tou de pye li.” <sup>4</sup> Konsa, wa a te di li: “Se kibò li ye?” Epi Tsiba te di a wa a: “Gade byen, li ☆nan kay a Makir a, fis a Ammiel la nan Lodebar <sup>5</sup> Epi Wa David te voye mennen li soti lakay Makir, fis a Ammiel la nan Lodebar. <sup>6</sup> ☆Méphiboscheth, fis a Jonathan an, fis a Saül, te vini a David e te tonbe sou figi li bese atè nèt. Epi David te di: “Méphiboscheth.” Epi li te di: “Men mwen, sèvitè ou!” <sup>7</sup> David te di li: “Pa pè; paske, anverite, mwen va montre ou ladousè pou koz papa ou, Jonathan e mwen ☆va restore a ou menm tout tè a granpapa ou, Saül; epi, ou va manje tout tan sou tab mwen <sup>8</sup> Ankò, li te bese atè, e te di: “Se kisa ke sèvitè ou ye pou ou ta dwe gade ☆yon chen mouri tankou mwen? <sup>9</sup> Epi wa a te rele sèvitè a Saül la, Tsiba. Li te di li: ☆“Tout sa ki te pou Saül ak pou lakay li yo, mwen te vin bay yo a gran pitit a mèt ou a. <sup>10</sup> Ou menm avèk fis ou yo avèk sèvitè ou yo va kiltive tè a pou li e ou va rekòlte jis pou pitit pitit a mèt ou a kapab genyen manje. Sepandan, Méphiboscheth, gran fis a mèt ou a, ☆va manje tout tan sou tab mwen.” Alò, Tsiba te gen kenz fis ak ven sèvitè. <sup>11</sup> Epi Tsiba te di a wa a: “Selon ☆tout sa ke mèt mwen, wa a, kòmande sèvitè li a, konsa sèvitè ou a va fè.” Konsa, Méphiboscheth te manje sou tab David la, tankou youn nan fis a wa yo. <sup>12</sup> Méphiboscheth te gen yon jèn fis ki te rele Mica. Epi tout sila ki te rete lakay Tsiba yo te sèvitè a Méphiboscheth. <sup>13</sup> Konsa, Méphiboscheth te rete Jérusalem; paske, li te manje sou tab a wa a tout tan. Alò, li te kokobe nan toude pye li.

## 10

<sup>1</sup> ☆Alò, li te vin rive apre ke wa a Amoreyen an te mouri e Hanun, fis li a, te devni wa nan plas li. <sup>2</sup> Konsa, David te di: “Mwen va montre bòn volante mwen a Hanun, fis a ☆Nachasch la, jis jan ke papa li te montre m bòn volonte a.” Konsa, David te voye kèk nan sèvitè li yo pou konsole li konsènan papa li. Men lè sèvitè a David yo te rive nan peyi Amonit yo, <sup>3</sup> prens a Amonit yo te di a Hanun, mèt pa yo a: “Èske ou kwè ke David ap onore papa ou akoz li te voye moun konsole ou? ☆Èske David pa t pito voye sèvitè li yo kote ou pou fè ankèt vil la, pou espyone ak boulvèse li?” <sup>4</sup> Konsa, Hanun te pran sèvitè a David yo, li te pase razwa sou mwaye bab yo, li te ☆koupe manto yo jis rive nan mitan kote kwis yo e li te voye yo ale. <sup>5</sup> Lè yo te pale David sa, li te voye rankontre yo; paske, mesye yo te imilye anpil. Epi wa a te di: “Rete Jéricho jiskaske bab nou vin pouse e retounen apre. <sup>6</sup> Alò, lè fis a Ammon yo te wè ke ☆yo te vin rayisab devan David, fis a Ammon yo te voye anplwaye Siryen yo Beth-Rehob e Siryen yo a Tsoba, ven-mil sòlda a pye, wa Macca avèk mil lòm e mesye a Tob yo

☆ 9:1 I Sam 20:14-42 ☆ 9:2 II Sam 16:1-4 ☆ 9:3 II Sam 4:4 ☆ 9:4 II Sam 17:27-29 ☆ 9:6 II Sam 16:4 ☆ 9:7 II Sam 12:8 ☆ 9:8 II Sam 15:9 ☆ 9:9 II Sam 16:4 ☆ 9:10 II Sam 19:28 ☆ 9:11 II Sam 16:1-4 ☆ 10:1 I Kwo 19:1-19 ☆ 10:2 I Sam 11:1 ☆ 10:3 Jen 42:9-16 ☆ 10:4 És 20:4 ☆ 10:6 Jen 34:30

avèk douz-mil lòm. <sup>7</sup> Lè David te tandè sa, li te voye Joab avèk tout lame mesye vanyan yo. <sup>8</sup> Fis a Ammon yo te vini e te ranje yo nan chan batay la ✧devan antrè vil la, pandan Siryen a Tsoba yo avèk Rehob, mesye a Tob yo avèk Maaca pou kont yo nan chan an <sup>9</sup> Alò, lè Joab te wè ke batay la te ranje kont li pa devan kon pa dèyè, li te seleksyone pami mesye pi chwazi an Israèl yo pou te ranje yo kont Siryen yo. <sup>10</sup> Men rès nan pèp la, li te plase yo nan men Abischaï, frè li a e li te ranje yo kont fis a Ammon yo <sup>11</sup> Li te di: “Si Siryen yo twò fò pou mwen; alò, ou va ban m sekou; men, si fis a Ammon yo twò fò pou ou; alò, mwen va vin ede ou. <sup>12</sup> Pran kouraj e kite nou parèt ak tout fòs nou pou koz a pèp nou an e pou vil Bondye pa nou an; epi, ✧ke SENYÈ a kapab fè sa ki bon nan zye Li.” <sup>13</sup> Konsa, Joab avèk moun ki te avèk li yo te rapwoche nan batay la kont Siryen yo e ✧yo te sove ale devan yo. <sup>14</sup> Lè fis a Ammon yo te wè ke Siryen yo te sove ale, yo osi te sove ale devan Abischaï e te antrè nan vil la. Alò, ✧Joab te retounen sispenn goumen kont fis a Ammon yo pou te rive kote Jérusalem. <sup>15</sup> Lè Siryen yo te wè ke yo te fin bat pa Israèl, yo te vin rasanble ansanm. <sup>16</sup> ✧Epi Hadarézèr te voye chache Siryen ki te pi lwen Rivyè Euphrate la pou yo te vini Hélam. Schobac, Kòmandan a lame a Hadarézèr a te sou tèt yo. <sup>17</sup> Alò, lè sa te pale a David, li te rasanble tout Israèl ansanm e te travèse Jourdain an pou te rive vè Hélam. Konsa, Siryen yo te alinye yo pou rankontre David e te goumen kont li. <sup>18</sup> Men Siryen yo te sove ale devan Israèl. David te touye ✧sèt-san mèt a cha Siryen, karant-mil chevalye e te frapè fè desann Schobac, kòmandan lame pa yo a, e li te mouri la. <sup>19</sup> Lè tout wa yo, sèvitè a Hadarézèr yo te wè ke yo te pèdi devan Israèl, ✧yo te fè lapè avèk Israèl pou te sèvi yo. Konsa, Siryen yo te vin gen krent pou ede fis a Ammon yo ankò.

## 11

<sup>1</sup> ✧Alò, li te fèt pandan prentan an, lè ke wa yo konn sòti batay, ke David te voye Joab, ansanm avèk sèvitè li yo ak tout Israèl. Yo te detwi fis a Ammon yo e yo te fè syèj nan Rabba, men, David te rete Jérusalem. <sup>2</sup> Epi lè lannwit te vin rive, David te leve nan kabann li e te mache antoure ✧twati kay wa a, soti nan twati a, li te wè yon fanm ki t ap benyen. Epi fanm nan te byen bèl nan aparans li. <sup>3</sup> Konsa, David te voye mande konsèy sou fanm sa a. Epi youn te di: “Èske sa se pa Bath-Schéba, fis a Éliam nan, fanm a Urie a, Itit la?” <sup>4</sup> David te voye mesajè pran li, lè li te parèt kote li, ✧li te kouche avèk li. Epi lè li te fin pirifye tèt li de salte a, li te retounen lakay li. <sup>5</sup> Fanm nan te vin ansent, li te voye di David: ✧“Mwen ansent.” <sup>6</sup> Epi David te voye kote Joab, e te di: “Voye ban mwen Urie, Itit la. Konsa, Joab te voye Urie kote David. <sup>7</sup> Lè Urie te vin kote li, ✧David te mande pa sikonstans a Joab avèk tout pèp la ak jan lagè a te mache a. <sup>8</sup> Alò, David te di a Urie: “Desann lakay ou pou ✧lave pye ou.” Epi Urie te desann sòti lakay wa a e yon kado soti nan men wa a te voye ba li. <sup>9</sup> Men Urie te dòmi ✧kote pòt lakay wa a avèk tout sèvitè a mèt li yo e li pa t desann lakay li. <sup>10</sup> Alò, lè yo te di David: “Urie pa t desann lakay li,” David te di a Urie: “Èske ou pa t fenk fin fè yon vwayaj? Poukisa konsa ou pa t desann lakay ou?” <sup>11</sup> Urie te di a David: “Lach la menm avèk Israèl avèk Juda ap rete

✧ **10:8** I Kwo 19:9 ✧ **10:12** I Sam 3:18 ✧ **10:13** I Wa 20:13-21 ✧ **10:14** II Sam 11:1 ✧ **10:16** II Sam 8:3-8 ✧ **10:18** I Kwo 19:18 ✧ **10:19** II Sam 8:6 ✧ **11:1** I Kwo 20:1 ✧ **11:2** Mat 24:17 ✧ **11:4** Jc 1:14-15 ✧ **11:5** Lev 20:10 ✧ **11:7** Jen 37:14 ✧ **11:8** Jen 43:24 ✧ **11:9** I Wa 14:27-28

nan tonèl pwovizwa yo; epi mèt mwen, Joab avèk sèvitè a mèt mwen yo ap fè kan nan chan louvri. Konsa, kijan mwen kapab ale lakay mwen pou manje bwè e kouche avèk madanm mwen? Pa lavi ou ak lavi nanm ou menm, mwen p ap fè bagay sa a.”<sup>12</sup> Alò, David te di a Urie: ✨“Rete isit la jodi a tou e demen, mwen va kite ou ale.” Konsa, Urie te rete Jérusalem nan jou sa a ak pwochen jou a.<sup>13</sup> Alò David te rele li, li te manje bwè devan li e li te ✨fè li sou. Epi nan aswè, li te sòti pou kouche sou kabann li avèk sèvitè a mèt li yo; men, li pa t desann lakay li.<sup>14</sup> Alò, nan maten, David ✨te ekri yon lèt a Joab pou te voye li nan men Urie.<sup>15</sup> Li te ekri nan lèt la, e te di: “Mete Urie pa devan nan chan kote batay la pi rès la e retounen kite li, pou l kab ✨ tonbe mouri.”<sup>16</sup> Konsa, se te pandan Joab t ap veye vil la, ke li te mete Urie nan plas kote li te konnen lènmi an te gen mesye vanyan yo.<sup>17</sup> Mesye vil yo te sòti goumen kont Joab, kèk nan moun pami sèvitè a David yo te tonbe. Epi ✨Urie, Itit la te mouri tou.<sup>18</sup> Alò, Joab te voye bay rapò a David selon tout evenman lagè a.<sup>19</sup> Li te kòmande mesaje a, e te di: “Lè ou fin pale tout afè lagè yo a wa a,<sup>20</sup> epi li vin rive ke kòlè leve nan wa a e li di ou: ‘Poukisa ou te pwoche pre vil la konsa pou goumen? Èske ou pa t konnen ke yo ta tire soti sou miray la?’<sup>21</sup> Se kilès ki te ✨frape Abimélec, fis a Jerubbéscheth la? Èske se pa yon fanm ki te jete yon wòch moulen sou li soti nan miray ki fè l mouri Thébets la? Poukisa ou te pwoche pre miray la? —epi ou va di: ‘Sèvitè ou a Urie, Itit la, te mouri tou.’<sup>22</sup> Konsa, mesaje a te pati pou te vin bay rapò a David, de tout sa ke Joab te voye li pale yo.<sup>23</sup> Mesaje a te di a David: “Mesye yo te genyen sou nou e te sòti kont nou nan chan an; men, nou te peze yo rès jis rive nan antre pòtay la.<sup>24</sup> Anplis, mesye banza yo te tire sou sèvitè ou yo soti nan miray la. Konsa, kèk nan sèvitè ou yo mouri, e sèvitè ou a, Urie, Etyen an mouri osi.”<sup>25</sup> Alò David te di a mesaje a: “Konsa ou va pale Joab, ‘Pa kite bagay sa a fè ou mal, paske nepe a devore youn menm jan ke yon lòt. Fè batay ou kont vil la vin pi rès pou boulvèsè li’. Se konsa pou ankouraje li.”<sup>26</sup> Alò, lè madanm a Urie te tandè ke Urie, mari li a, te mouri, ✨li te kriye pou mari li.<sup>27</sup> Lè tan kriye a te fini, David te voye mennen li lakay li, ✨li te devni madanm li, e li te fè yon fis pou li. Men ✨bagay ke David te fè a te mal nan zye SENYÈ a.

## 12

<sup>1</sup> Alò, SENYÈ a te voye ✨Nathan kote David. Li te vin kote li e te di: “Te genyen de mesye nan yon vil, youn te rich e lòt la te pòv.<sup>2</sup> Nonm rich la te gen anpil bann mouton avèk twoupo,<sup>3</sup> men pòv la, pa t gen anyen sof ke ✨yon sèl ti mouton femèl, ke li te achte e li te nourri. Konsa, li te vin gran ansanm avèk li menm avèk pitit li yo. Li ta manje nan pen li, bwè nan tas li, kouche sou vant li e se te tankou yon fi pou li.<sup>4</sup> Alò, yon vwayajè te vin kote nonm rich la e li pa t dakò retire nan pwòp bann mouton ak twoupo pa li yo, pou fè pwovizyon pou li. Sof ke sa, li te pran mouton femèl a pòv sila pou prepare pou nonm ki te rive kote li a.”<sup>5</sup> Alò, kòlè a David te brile fò kont nonm nan, e li te di a Nathan: “Jan SENYÈ a viv la, anverite, mesye ki te fè sa a ✨merite lanmò.<sup>6</sup> Fòk li bay rekonpans pou ti mouton an ✨kat fwa; paske, li te fè bagay sa a san pitye.”<sup>7</sup> Alò, Nathan te di David:

✨ 11:12 Job 20:12-14 ✨ 11:13 Pwov 20:1 ✨ 11:14 I Wa 21:8-10 ✨ 11:15 II Sam 12:9 ✨ 11:17 II Sam 1:21 ✨ 11:21 Jij 9:50-54 ✨ 11:26 Det 34:8 ✨ 11:27 II Sam 12:9 ✨ 11:27 Sòm 51:4-5 ✨ 12:1 II Sam 7:2-17 ✨ 12:3 II Sam 11:3 ✨ 12:5 I Sam 26:16 ✨ 12:6 Egz 22:1

✧Mesye a se ou menm! Konsa di SENYÈ a, Bondye a Israèl la: ✧“Se Mwen ki te onksyone ou kòm wa sou Israèl e se mwen ki te delivre ou soti nan men a Saül. <sup>8</sup> Se Mwen menm tou ki te ba ou ✧lakay mèt ou a ak madanm a mèt ou yo pou ou ta pran swen e Mwen te ba ou lakay Israèl la avèk Juda. Epi si sa te twò piti, mwen t ap menm ajoute ba ou ankò anpil lòt bagay tankou sila yo! <sup>9</sup> Poukisa ou ✧te meprize pawòl SENYÈ a e fè mal devan zye Li? Ou te fè tonbe Urie, Itit la avèk nepe, ou te pran madanm li kòm madanm ou e ou te touye li avèk nepe a fis Ammon yo. <sup>10</sup> Koulye a, pou sa, ✧nepe p ap janm kite lakay ou, akoz ou te meprize Mwen e te pran madanm a Urie, Itit la pou devni madanm ou. <sup>11</sup> Konsa pale SENYÈ a: ‘Gade byen, Mwen va fè leve mal kont ou soti nan pwòp kay ou. ✧Mwen va menm pran madanm ou yo devan zye ou e bay a zanmi parèy ou e li va kouche avèk madanm ou yo gwo lajounen. <sup>12</sup> Anverite, ✧ou te fè l an sekre; men, ✧Mwen va fè bagay sa a devan tout Israèl ak anba solèy la.’” <sup>13</sup> Epi David te di a Nathan: ✧“Mwen te peche kont SENYÈ a.” Nathan te di a David: “SENYÈ a, osi, te retire peche ou; ou p ap mouri. <sup>14</sup> Malgre sa, akoz zak sa a, ou te bay okazyon a lènmi a SENYÈ yo pou fè blasfèm, pitit ki va fèt a ou menm nan va anverite, mouri.” <sup>15</sup> Konsa, Nathan te ale lakay li. Epi SENYÈ a te frape pitit ke vèv Urie te fè pou David la, jiskaske li te vin byen malad. <sup>16</sup> Pou sa, David te mande Bondye pou pitit la. Li te ✧fè jèn e li te ale ✧kouche tout nwit lan atè. <sup>17</sup> ✧Ansyen lakay li yo te kanpe akote li pou leve li atè a, men li pa t dakò e li pa t manje avèk yo. <sup>18</sup> Konsa, li te vin rive nan setyèm jou a ke pitit la te vin mouri. Epi sèvitè a David yo te krent pou di l ke pitit la te mouri, paske yo te di: “Gade byen, pandan pitit la te vivan an, nou te pale avèk li e li pa t tande vwa nou. Konsa, kòman nou kab di li ke pitit la mouri, paske li kab fè tèt li mal?” <sup>19</sup> Men lè David te wè ke sèvitè li yo t ap pale an kachèt ansanm, David te apèsi ke pitit la te mouri. Pou sa, David te di a sèvitè li yo: “Èske pitit la mouri?” Epi yo te di: “Li mouri.” <sup>20</sup> Konsa, David te leve soti atè a, ✧li te lave tèt li, li te onksyone kò l, e li te chanje rad li; epi, li te antre lakay SENYÈ a pou te adore. Epi li te vin nan pwòp kay li. Lè li te mande, yo te mete manje devan li pou li te manje. <sup>21</sup> Sèvitè li yo te di li: “Se ki bagay sa ou te fè a? Pandan pitit la te vivan an, ou te fè jèn e te kriye; men lè pitit la te mouri, ou te leve pou te manje.” <sup>22</sup> Li te di: “Pandan pitit la te vivan an, mwen te fè jèn e te kriye; paske mwen te di: ✧‘Kilès ki te kab konnen, SENYÈ a ta kab petèt fè m gras, pou pitit la te kab viv.’” <sup>23</sup> Men koulye a, li fin mouri; poukisa mwen ta fè jèn? Èske mwen kapab fè l retounen ankò? Mwen va ale jwenn li, men ✧li p ap retounen kote mwen.” <sup>24</sup> Konsa, David te rekonfòte madanm li, Bath-Schéba, li te antre nan li e li te kouche avèk li. Li te bay nesans a yon fis e li ✧te rele li Salomon. Alò, SENYÈ a te renmen li. <sup>25</sup> Li te voye nouvèl la pa Nathan, pwofèt la e Nathan te rele li Jedidja pou koz SENYÈ a. <sup>26</sup> ✧Alò, Joab te goumen kont Rabba soti nan fis a Ammon yo e li te kaptire vil wayal la. <sup>27</sup> Joab te voye mesaje yo a David e te di: “Mwen te goumen kont Rabba e te kaptire vil dlo yo. <sup>28</sup> Pou sa, rasanble rès pèp la e fè kan kont vil la pou kaptire li, oswa mwen va kaptire vil la

✧ 12:7 I Wa 20:42 ✧ 12:7 I Sam 16:3 ✧ 12:8 II Sam 9:7 ✧ 12:9 I Sam 15:23-26 ✧ 12:10 II Sam 13:28 ✧ 12:11 Det 28:30 ✧ 12:12 II Sam 11:4-15 ✧ 12:12 II Sam 16:22 ✧ 12:13 I Sam 15:24-30 ✧ 12:16 Né 4:1 ✧ 12:16 II Sam 13:31 ✧ 12:17 Jen 24:2 ✧ 12:20 Rt 3:3 ✧ 12:22 Jon 3:9 ✧ 12:23 Job 7:8-10 ✧ 12:24 I Kwo 22:9 ✧ 12:26 I Kwo 20:1-3

mwen menm.”<sup>29</sup> Konsa, David te rasanble tout pèp la pou te ale Rabba, li te goumen kont li pou te kaptire li.<sup>30</sup> Epi ✨li te pran kouwòn a wa pa yo a soti nan tèt li. Li te peze yon talan anviwon trann-kat kilo an lò e ladann yon pyè presye. Yo te mete li sou tèt David. Epi li te mennen piyaj la deyò vil la an gran kantite.<sup>31</sup> Anplis, li te mennen moun ki te ladann yo deyò, li te ✨mete yo anba si avèk enstriman an fè byen file, rach an fè e te fè yo pase nan fou brik. Se konsa li te fè a tout vil ki te pou fis Ammon yo. Epi David avèk tout moun li yo te retounen Jérusalem.

## 13

<sup>1</sup> Alò, li te apre sa ke ✨ Absalom, fis a David la te gen yon sè byen bèl ki te rele Tamar e Amnon, fis a David la te renmen li. <sup>2</sup> Amnon te tèlman fristre akoz sè li, Tamar, ke sa te fè li vin malad, paske li te vyèj e li te sanble difisil pou Amnon fè yon bagay ak li. <sup>3</sup> Men Amnon te gen yon zanmi ki te rele Jonadab, fis a ✨Schimea a, frè David; epi, Jonadab te yon nonm byen rize. <sup>4</sup> Li te di li: “O fis a wa a, poukisa ou deprime maten apre maten konsa? Èske ou p ap di m sa?” Epi Amnon te di li: “Mwen tonbe nan renmen avèk Tamar, sè a frè m nan, Absalom.” <sup>5</sup> Alò, Jonadab te di li: “Kouche sou kabann ou e fè kòm si ou malad. Lè papa ou vin wè ou, di li: ‘Souple, kite sè m nan, Tamar vin ban m manje; kite li prepare manje a devan zye m, pou mwen kapab wè li e manje soti nan men li.’” <sup>6</sup> Konsa, Amnon te kouche e te fè tankou li te malad. Lè wa a te vin wè li, Amnon te di a wa a: “Souple, kite sè m nan, Tamar vini ✨fè kèk gato devan zye m, pou m kab manje nan men li.” <sup>7</sup> Alò, David te voye lakay pou Tamar, e te di: “Ale koulè a lakay frè ou a, Amnon e prepare manje pou li.” <sup>8</sup> Konsa, Tamar te ale lakay Amnon pandan li te kouche a. Li te pran boul pen an, li te fwote l, li te fè gato devan zye li e te kwit gato yo. <sup>9</sup> Li te pran chodyè a pou te lonje mete yo devan li; men, li te refize manje. Epi Amnon te di: ✨“Fè tout moun sòti devan m.” Konsa tout moun te sòti devan li. <sup>10</sup> Alò, Amnon te di a Tamar: “Mennen manje a nan chanm dòmi mwen an, pou m kab manje li nan men ou.” Konsa, Tamar te pran gato ke li te fè yo e te mennen yo antre nan chanm dòmi kote frè li a, Amnon. <sup>11</sup> Lè li te mennen kote li pou manje, Amnon te ✨kenbe li e te di li: “Vin kouche avè m, sè mwen.” <sup>12</sup> Men li te reponn li: “Non, frè mwen, pa vyole mwen! Paske bagay konsa yo pa fèt an Israèl; pa fè dega sila a!” <sup>13</sup> Pou mwen menm, kote mwen ta kab livre a wont sa a? Epi pou ou menm, ou va tankou yon moun ranpli avèk foli an Israèl. Pou sa, souple, pale avèk wa a; paske, ✨li p ap anpeche ou pran m.” <sup>14</sup> Sepandan, li pa t koute li. ✨Akoz li te pi fò pase li, Amnon te vyole li e te kouche avèk li. <sup>15</sup> Alò Amnon te vin rayi li avèk yon trè gwo rayisman. Rayisman avèk sila li te rayi li a te pi gran pase renmen avèk sila li te renmen li an. Amnon te di li: “Leve, sòti!” <sup>16</sup> Men li te di a li: “Non, paske mal sa a ke w ap fè nan voye m ale a pi mal pase lòt ke ou te fè m nan!” Men li pa t koute li. <sup>17</sup> Alò, li te rele jennonm ki t ap okipe li a, e te di: “Koulè a, jete fanm sa deyò prezans mwen e kadnase pòt la dèyè l.” <sup>18</sup> Alò, li te genyen yon ✨rad avèk manch long; paske se te konsa fi vyèj a wa yo te konn abiye an manto. Epi sèvitè l te mennen Tamar deyò e te kadnase pòt la dèyè li. <sup>19</sup> ✨Tamar te mete sann sou tèt li e te ✨chire manch long yo nan rad sou li a. Li te mete men li sou tèt li, li te sòti e t ap

✨ 12:30 I Kwo 20:2 ✨ 12:31 I Kwo 20:3 ✨ 13:1 II Sam 3:2-3 ✨ 13:3 I Sam 16:9 ✨ 13:6 Jen 18:6 ✨ 13:9 Jen 45:1 ✨ 13:11 Jen 39:12 ✨ 13:13 Jen 20:12 ✨ 13:14 Lev 18:9 ✨ 13:18 Jen 37:3-23 ✨ 13:19 Est 4:1 ✨ 13:19 II Sam 1:11

kriye fò pandan li prale a. <sup>20</sup> Alò, Absalom, frè li a te di li: “Èske Amnon, frè ou a te avèk ou? Men koulye a, rete an silans, sè mwen, li se frè ou. Pa mete afè sa a sou kè.” Pou sa, Tamar te rete e te dezole lakay Absalom, frè li a. <sup>21</sup> Alò, lè David te tande tout koze sila yo, li te vin byen fache. <sup>22</sup> Men Absalom pa t pale ak Amnon anyen, ni bon, ni mal; paske ✧Absalom te rayi Amnon akoz li te vyole sè li a, Tamar. <sup>23</sup> Alò, li te vin rive apre dezan nèt ke Absalom ✧te gen moun pou taye lenn mouton Baal-Hatsor ki toupre Ephraïm e Absalom te envite tout fis a wa yo. <sup>24</sup> Absalom te vin kote wa a e te di: “Gade byen, sèvitè ou a genyen moun k ap taye lenn mouton; souple, kite wa a avèk sèvitè li yo ale avèk sèvitè ou.” <sup>25</sup> Men wa a te di a Absalom: “Non, fis mwen, se pa tout moun ki pou ale, paske nou va yon fado pou ou.” Malgre li te ankouraje li, li pa t ale, men li te beni li. <sup>26</sup> Alò, ✧Absalom te di: “Si se pa sa, souple kite frè m nan, Amnon, ale avèk nou.” Epi wa a te di li: “Poukisa li dwe ale avèk ou?” <sup>27</sup> Men lè Absalom te ankouraje li, li te kite Amnon avèk tout fis a wa yo ale avèk li. <sup>28</sup> Absalom te kòmande sèvitè li yo e te di: “Gade koulye a, ✧lè kè Amnon kontan avèk diven an, lè mwen di nou: ‘frape Amnon’; alò, mete li a lanmò. Pa pè; èske se pa mwen menm ki kòmande nou? Pran kouraj e rete brav.” <sup>29</sup> Sèvitè a Absalom yo te fè Amnon jis jan ke ✧Absalom te kòmande a. Epi tout fis a wa yo te leve monte milèt pa yo e te sove ale. <sup>30</sup> Alò, se te pandan ke yo te nan wout la yon rapò te rive kote David ki te di: “Absalom te frape fè tonbe tout fis a wa yo e nanpwen youn nan yo ki te rete.” <sup>31</sup> Epi wa a te leve, li ✧te chire rad li e te kouche atè; epi tout sèvitè li yo te kanpe akote avèk rad yo chire. <sup>32</sup> ✧Jonadab, fis a Schimea a, frè David la, te reponn: “Pa kite mè mwen an sipoze ke yo te mete a lanmò tout jennonm yo, fis a wa yo. Se sèl Amnon ki mouri. Se sa ki te entansyon Absalom. Afè sa a te vin detèmine depi jou ke li te vyole sè li a, Tamar. <sup>33</sup> Alò pou sa, pa kite mè mwen, wa a, ✧pran rapò sa a a kè, ki vle di tout fis a wa yo mouri’, paske, se sèl Amnon ki mouri.” <sup>34</sup> Alò, ✧Absalom te sove ale deja. Epi jennonm ki te gadyen an te leve zye li gade e vwala, anpil moun t ap vini soti nan wout la dèyè li akote baz mòn nan. <sup>35</sup> Jonadab te di a wa a: “Gade byen, men fis a wa yo gen tan vini; menm jan avèk pawòl sèvitè ou a, se konsa sa fèt.” <sup>36</sup> Depi li fin pale a, vwala, fis a wa yo te vini e te leve vwa yo pou te kriye; epi, osi, wa a avèk tout sèvitè li yo te kriye byen anmè. <sup>37</sup> Alò, Absalom te sove ale e te ale kote ✧Talmai, fis a Ammihur a, wa a ✧Gueschur a. Epi David te kriye fè lamantasyon pou fis li a chak jou. <sup>38</sup> ✧Konsa, Absalom te sove ale nan Gueschur e te rete la, pandan twazan. <sup>39</sup> Wa David te byen vle ale kote Absalom; paske, ✧li te pran rekonfò konsènan Amnon, akoz li te mouri.

## 14

<sup>1</sup> Alò Joab, fis a ✧Tseruja a te vin apèsi ke kè David te apiye anvè Absalom. <sup>2</sup> Pou sa, Joab te voye kote ✧Tekoa e te fè rive yon fanm avèk sajès soti la, e li te di li: “Souple, fè kòm si se yon moun ki andèy. Mete sou ou vètman andèy depi koulye a e pa onksyone ou avèk lwil, men, fè tankou yon fanm ki te deja andèy pou mò a soti anpil jou. <sup>3</sup> Apre, ale kote wa a e pale avèk li konsa”. Epi Joab te mete ✧pawòl nan bouch li pou pale. <sup>4</sup> Alò, lè fanm a Tekoa a te pale a wa a, li te vin tonbe sou figi li e te ✧kouche atè nèt, e

✧ 13:22 Lev 19:17 ✧ 13:23 I Sam 25:7 ✧ 13:26 II Sam 3:27 ✧ 13:28 Jij 19:6-22 ✧ 13:29 II Sam 18:9 ✧ 13:31 II Sam 1:11 ✧ 13:32 II Sam 13:3-5 ✧ 13:33 II Sam 19:19 ✧ 13:34 II Sam 13:37-38 ✧ 13:37 II Sam 3:3 ✧ 13:37 II Sam 14:23-32 ✧ 13:38 II Sam 13:34 ✧ 13:39 II Sam 12:19-23 ✧ 14:1 II Sam 13:39 ✧ 14:2 II Sam 23:26 ✧ 14:3 II Sam 14:19 ✧ 14:4 I Sam 25:23

li te di: “Sekou, O wa.” <sup>5</sup> Wa a te di li: “Ki pwoblèm ou?” Epi li te reponn: “Anverite, se yon vèw ke mwen ye; paske, mari mwen mouri. <sup>6</sup> Sèvant ou an gen de fis; men, yo de te goumen nan chan an e yo pa t gen pèsòn pou separe yo; konsa, youn te frape lòt e te touye li. <sup>7</sup> Koulye a, gade byen, tout fanmi an gen tan leve kont sèvant ou an. Y ap mande m lonje ba yo sila ki te frape frè li a, pou nou kab mete li a lanmò pou lavi a frè l ke li te touye a e ✧ vin detwi eritye a tou. Konsa, yo va etenn sèl chabon limen ki rete a, pou kite mari mwen san non, san rès sou fas tè a.” <sup>8</sup> Alò, wa a te di a fanm nan: “Ale lakay ou e mwen va bay lòd pou ou menm.” <sup>9</sup> Fanm Tekoa a te di wa a: “O mèw mwen, wa a, inikite a sou mwen avèk lakay papa m; men, ✧wa a avèk twòn li an pa koupab.” <sup>10</sup> Konsa, wa a te di: “Nenpòt moun ki pale avè w, mennen li bò kote m e li p ap touche ou ankò.” <sup>11</sup> Alò, li te di: “Souple, kite wa a sonje SENYÈ a, ✧pou vanjè san an pa kontinye detwi, sof ke sa, y ap detwi fis mwen an.” Epi li te di: “Jan SENYÈ a viv la, nanpwen menm yon grenn cheve a fis ou a k ap tonbe atè.” <sup>12</sup> Alò, fanm nan te di: “Souple kite sèvant ou an pale yon mo ak mèw mwen, wa a.” Epi li te di: “Pale”. <sup>13</sup> Fanm nan te di: “Alò, poukisa ou te fè yon move plan konsa kont pèp Bondye a? Paske nan pale pawòl sila a, se wa a ki koupab; kòm si wa a pa mennen retounen ✧sila li te ekzile a. <sup>14</sup> Paske, anverite, nou va mouri. Se tankou dlo ki gaspiye atè e ki p ap kab ranmase ankò. ✧Men Bondye pa retire lavi, men toujou fè plan pou sila ki ekzile a pa vin jete deyò nèt de Li menm.” <sup>15</sup> Alò, rezon pou sila ke m vini pou pale pawòl sa a de mèw mwen an, wa a, se ke pèp la te fè m pè; pou sa sèvant pa ou a te di a: ‘Kite mwen pale avèk wa a; petèt wa a va akonpli demann lan a sèvant li an. <sup>16</sup> Paske, wa a va tande e delivre sèvant li an soti nan men a nonm ki ta detwi ni mwen, ni fis mwen an sou ✧eritaj Bondye a.’ <sup>17</sup> Alò, sèvant ou an te di: ‘Souple kite pawòl a mèw mwen an, wa a, vin rekonfòte mwen; paske, tankou ✧zanj Bondye a, se konsa mèw mwen an, wa a, ye pou distenge sa ki bon avèk sa ki mal. Epi ke SENYÈ a, Bondye pa ou a, kapab avèk ou.’ ” <sup>18</sup> Wa a te reponn e te di a fanm nan: “Souple, pa kache pou mwen anyen ke m prè pou mande ou la a.” Epi fanm nan te di: “Kite mèw mwen an, wa a, pale, souple.” <sup>19</sup> Alò, wa a te reponn e te di: “Èske men Joab mele avèk ou nan tout sa?” Epi fanm nan te reponn: “Jan nanm ou viv la, mèw mwen an, wa a, pèsòn pa kab vire ni adwat ni agoch nan anyen ke mèw mwen an, wa a, te pale a. ✧Anverite, se te sèvitè ou a, Joab ki te kòmande mwen. Epi se te li ki te mete tout pawòl sa yo nan bouch sèvant ou an; <sup>20</sup> pou l te kab chanje aparans a bagay yo, sèvitè Joab la te fè bagay sa a. Men mèw mwen an saj, ✧tankou sajès a zanj Bondye a, pou konnen tout sa ki sou tè a. <sup>21</sup> Alò, wa a te di Joab: “Gade byen, anverite, mwen va fè bagay sa a. Pou sa, ale mennen fè tounen jennonm nan, Absalom.” <sup>22</sup> Joab te tonbe figi atè, kouche nèt e te beni wa a. Epi Joab te di: “Jodi a, sèvitè ou konnen ke li twouve favè nan zye ou, O mèw mwen, wa a, akòz wa a te akonpli demann lan a sèvitè li a.” <sup>23</sup> Konsa, Joab te leve ale ✧Gueschur pou te mennen Absalom Jérusalem. <sup>24</sup> Men wa a te di: “Pa kite li wè figi mwen.” ✧Konsa, Absalom te vire kote pwòp lakay pa li e li pa t wè figi a wa a. <sup>25</sup> Alò, nan tout Israèl, pa t gen lòt moun ki te pi bo ke Absalom, ki te resevwa lwanj tankou li; soti nan ✧talon pye li jis rive anwo tèt li, pa t gen

✧ **14:7** Mat 21:38 ✧ **14:9** I Wa 2:33 ✧ **14:11** Nonb 35:19-21 ✧ **14:13** II Sam 13:37-38 ✧ **14:14** Nonb 35:15-28 ✧ **14:16** Det 32:9 ✧ **14:17** I Sam 29:9 ✧ **14:19** II Sam 14:3 ✧ **14:20** II Sam 14:17 ✧ **14:23** Det 3:14 ✧ **14:24** II Sam 13:20 ✧ **14:25** Job 2:7

defo menm. <sup>26</sup> Lè l te konn ✧taye cheve li (ki te fèt nan fen chak ane ke li te koupe li; paske, li te lou sou li e pou sa, li te koupe l), li te peze cheve a tèt li nan pèz de-san sik selon balans a wa a. <sup>27</sup> Pou Absalom te ne twa fis ak yon fi ki te rele ✧Tamar; se te yon fanm ki te byen bèl <sup>28</sup> Alò, Absalom te viv pandan dezan konplè Jérusalem e pa t wè figi a wa a. <sup>29</sup> Apre, Absalom te voye dèyè Joab, pou l ta voye li kote wa a; men, Joab te refize vin kote li. Konsa, li te voye ankò yon dezyèm fwa, men li pa t vini. <sup>30</sup> Pou sa, li te pale a sèvitè yo pa li menm: “Gade, ✧chan Joab la akote pa m nan e li gen sereyal lòj; ale mete dife ladann”. Konsa sèvitè Absalom yo te mete dife nan chan an <sup>31</sup> Alò, Joab te leve rive kote Absalom lakay li a, e te di li: “Poukisa sèvitè ou yo te lage dife nan chan mwen an?” <sup>32</sup> Absalom te reponn Joab: “Gade, mwen te voye dèyè ou, e mwen te di: ‘Vin isit la pou m kab voye ou kote wa a pou di: ‘Poukisa mwen te kite Gueschur? Li ta pi bon pou mwen si m te toujou la a.’” Pou sa, kite mwen wè figi a wa a e ✧ si gen inikite nan mwen, kite li mete m a lanmò.” <sup>33</sup> Konsa, lè Joab te rive kote wa a e te pale li, li te rele Absalom. Konsa, li te rive a wa a e te bese li ba avèk figi li atè devan wa a e ✧wa a te bo Absalom.

## 15

<sup>1</sup> Alò, li te rive apre sa ke Absalom te fè pwovizyon pou tèt li yon cha avèk cheval ak senkant mesye pou kouri devan li. <sup>2</sup> Absalom te konn leve granmmaten e ✧kanpe akote chemen an devan pòtay la; epi, lè yon moun ta gen yon pwochè, e te vin kote wa a pou jijman, Absalom te rele li e di: “Nan ki vil ou sòti?” Epi li ta di: “Sèvitè ou a sòti nan youn nan tribi Israèl yo.” <sup>3</sup> Alò, Absalom ta di a li: “Ou wè, ✧ka ou yo bon e jis; men, nanpwen pèsòn ki pou koute ou nan non a wa a.” <sup>4</sup> Anplis, Absalom te di: “Oswa ke yon moun ta chwazi mwen jij nan peyi a; ✧ alò, konsa chak moun ki te gen yon ka oswa yon pwochè ta kapab vin kote mwen e mwen ta ba li jistis.” <sup>5</sup> Epi lè yon mesye ta vin kote li pou bese li menm devan li, li ta lonje men li, kenbe li e ✧ bo li. <sup>6</sup> Nan jan sa a, Absalom te konn ajè avèk tout Israèl lè yo te pwochè wa a pou jijman. ✧ Konsa, Absalom te vòlè kè a mesye Israèl yo. <sup>7</sup> Alò, li te rive ke nan fen ✧ kat ane ke Absalom te di a Wa a: “Souple, kite mwen ale peye ve ke m te fè a SENYÈ a, nan Hébron. <sup>8</sup> Paske, sèvitè ou a te fè yon ve pandan mwen t ap viv Gueschur Aram, e li te di: ✧ ‘Si SENYÈ a va vrèman mennen mwen retounen Jérusalem; alò, mwen va sèvi SENYÈ a’”. <sup>9</sup> Wa a te di li: “Ale anpè.” Konsa, li te leve ale Hébron. <sup>10</sup> Men Absalom te voye espyon toupatou pami tout tribi Israèl yo, e te di: ✧ “Depi ou tande son a twonpèt la; alò, ou va di: ‘Absalom se wa Hébron.’” <sup>11</sup> Epi de-san mesye yo te ale avèk Absalom soti Jérusalem, ✧ki te envite, yo te ale nan inosans, yo pa t konnen anyen. <sup>12</sup> Epi Absalom te voye dèyè ✧ Achitophel, Gilonit lan, konseye David, soti nan vil pa li nan Guilo, pandan li t ap ofri sakrifis yo. Epi konplo a te fò, paske ✧moun avèk Absalom yo te kontinye vin plis. <sup>13</sup> Alò, yon mesaj te vin kote David e te di: ✧ “Kè a mesye Israèl yo avèk Absalom.” <sup>14</sup> David te di a tout sèvitè ki te avèk li yo Jérusalem: ✧“Leve e annou sove ale, paske si se pa sa, nanpwen nan nou ki va chape de Absalom. Ale vit, oswa li va rive sou nou byen vit, fè gwo

✧ 14:26 Éz 14:20 ✧ 14:27 II Sam 13:1 ✧ 14:30 Jij 15:3-5 ✧ 14:32 I Sam 20:8 ✧ 14:33 Jen 33:4 ✧ 15:2 Rt 4:1 ✧ 15:3 Pwov 12:2 ✧ 15:4 Jij 9:29 ✧ 15:5 II Sam 14:33 ✧ 15:6 Wo 16:18 ✧ 15:7 II Sam 3:2-3 ✧ 15:8 Jen 28:20-21 ✧ 15:10 I Wa 1:34 ✧ 15:11 I Sam 9:13 ✧ 15:12 II Sam 15:31 ✧ 15:12 Sòm 3:1 ✧ 15:13 Jij 9:3 ✧ 15:14 II Sam 12:11



malè rive sou nou e frape vil la avèk lam nepe.” <sup>15</sup> Alò, sèvitè a wa yo te di a wa a: “Gade, sèvitè ou yo va fè nenpòt sa ke wa a vle.” <sup>16</sup> Konsa, wa a te sòti avèk tout manm lakay li avèk li. Men ✧ wa a te kite dis nan ti mennaj li yo pou pran swen kay la. <sup>17</sup> Wa a te sòti e tout pèp la avèk li e yo te rete nan dènye kay la. <sup>18</sup> Alò, tout sèvitè li yo te pase akote li, ✧ tout Keretyen yo avèk tout Peletyen yo ak tout Gatyen yo, sis-san moun ki te vini avèk li soti Gath, te pase devan wa a. <sup>19</sup> Alò, wa a te di a ✧ Ittaï, Gatyen an: “Poukisa ou ta ale avèk nou tou? Retounen rete avèk wa a; paske, ou se yon etranje e yon egzile de pwòp plas ou. <sup>20</sup> Ayè ou te vini e èske, jodi a, mwen ta dwe fè ou mache egare avèk nou ✧ pandan mwen prale kote mwen prale a? Retounen reprann frè ou yo; ke ✧ gras avèk verite kapab avèk ou.” <sup>21</sup> Men Ittaï te reponn wa a, e te di: “Jan SENYÈ a viv la, anverite, ✧ nenpòt kote ke mèt mwen an, wa a, ye, kit pou mouri, kit pou viv, se la tou sèvitè ou a va ye.” <sup>22</sup> Pou sa, David te di Ittaï: “Ale, janbe lòtbò.” Konsa Ittaï, Gatyen an te janbe avèk tout mesye pa li yo ak tout pitit ki te avèk li yo. <sup>23</sup> Pandan tout peyi a t ap kriye avèk gwo vwa, tout pèp la te pase janbe. Wa a tou te pase janbe flèv Cédron an e tout pèp la te pase janbe lòtbò vè chemen dezè a. <sup>24</sup> Alò, gade byen, ✧ Tsadok te parèt tou, ansanm avèk tout Levit ki t ap pote lach akò Bondye a. Epi yo te poze lach Bondye a e Abithar te monte la jiskaske tout pèp la te fin kite vil la. <sup>25</sup> Wa a te di a Tsadok: “Retounen lach Bondye a nan vil la. Si mwen jwenn favè nan zye Bondye; alò, ✧ Li va mennen mwen retounen ankò pou montre mwen a Li menm e a ✧ abitasyon pa Li a. <sup>26</sup> Men si Li ta di konsa: ✧ “Mwen pa gen kè kontan avè w’, gade byen, men mwen, kite Li fè sa ki sanble bon pou Li menm.” <sup>27</sup> Wa a te di osi a Tsadok, prèt la: “Èske se pa yon ✧ divinò ke ou ye? Retounen nan vil la anpè, de fis ou yo avèk ou, fis ou Achimaats, avèk Jonathan, fis a Abiathar a. <sup>28</sup> Gade, mwen pral tann ✧ nan pasaj dezè a jiskaske pawòl ou rive enfòmè mwen.” <sup>29</sup> Pou sa, Tsadok avèk Abiathar te retounen lach Bondye a Jérusalem e te rete la. <sup>30</sup> Epi David te monte pant a Mòn Oliv la, li t ap kriye pandan li t ap monte, tèt li te kouvri e li te mache ✧ pye atè. Alò, nan tout moun ki te avèk li yo, chak moun te kouvri tèt yo e t ap monte avèk gwo kriye pandan yo t ap prale. <sup>31</sup> Alò, yon moun te pale David e te di: ✧ “Achitophel se pami konplotè avèk Absalom yo.” Epi David te di: “O SENYÈ, mwen priye, redwi a foli tout konsèy a Achitophel la. <sup>32</sup> Li te rive pandan David t ap pwoche krèt mòn nan, kote yo adore Bondye a, ke vwalà, Huschai, ✧ Achit la, te rankontre li avèk manto li chire ak pousyè sou tèt li. ✧ <sup>33</sup> David te di li: “Si ou janbe lòtbò avè m; alò, ou va ✧ ankonbre m. <sup>34</sup> Men si ou retounen lavil la e ✧ di a Absalom: “Mwen va sèvi ou, O wa a; jan mwen te sèvi papa ou nan tan pase a; konsa, mwen va koulye a devni sèvitè pa ou’, alò ou kapab vin kontrekare konsèy Achitophel la pou mwen. <sup>35</sup> Èske Tsadok avèk Abiathar se pa prèt ki avèk ou la a? Pou sa, ✧ nenpòt sa ou tande soti lakay wa a, ou va bay rapò a Tsadok avèk Abiathar, prèt yo. <sup>36</sup> Gade byen, de fis pa yo a avèk yo la a, Achimaats, fis a Tsadok a e Jonathan, fis a Abiathar a; epi, ✧ pa yo menm, ou va voye ban mwen tout bagay ke ou tande yo.” <sup>37</sup> Konsa, Huschai, zanmi a David la, te antre nan vil la e Absalom te vini Jérusalem.

✧ **15:16** II Sam 16:21-22 ✧ **15:18** II Sam 8:18 ✧ **15:19** II Sam 18:2 ✧ **15:20** I Sam 23:13  
 ✧ **15:20** II Sam 2:6 ✧ **15:21** Rt 1:16-17 ✧ **15:24** II Sam 8:17 ✧ **15:25** Sòm 43:3 ✧ **15:25**  
 Egz 15:13 ✧ **15:26** I Kwo 21:7 ✧ **15:27** I Sam 9:6-9 ✧ **15:28** Jos 5:10 ✧ **15:30** És 20:2-4  
 ✧ **15:31** II Sam 15:12 ✧ **15:32** Jos 16:2 ✧ **15:32** Jos 16:2 ✧ **15:33** II Sam 19:35 ✧ **15:34** II  
 Sam 16:19 ✧ **15:35** II Sam 17:15-16 ✧ **15:36** II Sam 17:17

## 16

1 Alò, lè David te fin depase krèt la, vwala, ✧ Tsiba, sèvitè a Méphiboscheth la te rankontre li ✧avèk yon pè bourik avèk makout e sou yo, te gen de-san pen, yon santèn grap rezen, yon santèn fwi gran sezon ak yon veso diven. 2 Wa a te di a Tsiba: “Poukisa ou genyen sila yo?” Epi Tsiba te di: ✧ “Bourik yo se pou manm lakay wa yo monte, pen avèk fwi gran sezon an se pou jennonm yo manje e diven an se pou nenpòt moun ki fin pèdi fòs nan dezè a kab bwè.” 3 Alò, wa a te di: “Epi kote ✧ fis a mèt ou a?” Epi Tsiba te di a wa a: “Men vwala, li rete Jérusalem paske li te di: “Jodi a, lakay Israèl la va restore wayòm papa m nan a mwen menm.” 4 Konsa, wa a te di a Tsiba: “Men vwala, tout sa ki apatyen a Méphiboscheth se pou ou.” Epi Tsiba te di: “Mwen vin bese devan ou nèt; kite mwen twouve gras nan zye ou, O mèt mwen, wa a!” 5 Lè Wa David te rive Bachurim, gade byen, te sòti depi la yon mesye ki sòti nan fanmi Saül ✧ ki te rele Schemèï, fis a Guéra a. Li te parèt ak pawòl madichon san rete pandan li t ap pwoche. 6 Li te jete wòch sou David, sou tout sèvitè a Wa David yo e tout mesye gran kouraj yo te sou men dwat li ak sou men goch li. 7 Konsa, Schemèï te di pandan li t ap voye madichon yo: “Sòti la, sòti la, ✧ moun ki vèsè san, sanzave! 8 ✧ SENYÈ a gen tan mete sou ou tout san koule lakay Saül, nan plas kote ou te renye a; epi, SENYÈ a te lage wayòm nan nan men fis ou, Absalom. Epi gade, ou pran nan pwòp mechanste ou; paske, ou se yon nonm ki vèsè san!” 9 Alò, Abischai, fis a Tseruja a te di a wa a: “Poukisa ✧chen mouri sa a ta dwe ✧modi mèt mwen an, wa a? Kite mwen janbe ale koupe tèt li.” 10 Men wa a te di: “Kisa mwen gen avè w, O fis a Tseruja? Si li bay madichon e si SENYÈ a te di li Modi David’, alò, ✧se kilès k ap di: ‘Poukisa ou te fè sa?’ 11 Alò, David te di a Abischai e a tout sèvitè li yo: “Gade, ✧ fis mwen ki te sòti nan mwen an koulye a ap chache lavi m; konbyen anplis pou Benjamit sila a? Kite li e kite li bay madichon, paske SENYÈ a te pale li. 12 Petèt SENYÈ a va gade afliksyon mwen e ✧ remete m bon olye madichon pa li nan jou sa a.” 13 Konsa, David avèk mesye pa li yo te fè wout yo. Epi Schimeï te mache akote pant mòn nan vizavi de yo menm. Pandan li t ap prale, li te modi, li te jete wòch, e li te jete pousyè bò kote li. 14 Wa a avèk tout moun ki te avèk li yo te rive byen fatigue e yo te vin rafrechì la. 15 Alò, Absalom avèk tout pèp la, mesye Israèl yo te antre Jérusalem e Achitophel avèk li. 16 Epi li te vin rive lè ✧ Huschai, Akyen an, zanmi a David la te rive kote Absalom, ke Huschai te di: “Viv wa a! Viv wa a!” 17 Absalom te di Huschai: “Èske sa se fidelite ou pou zanmi ou? ✧ Poukisa ou pa t ale avèk zanmi ou an?” 18 Epi Huschai te di a Absalom: “Non, paske sila ke SENYÈ a, pèp sa a e tout mesye Israèl yo te chwazi a; se pou li menm, mwen va ye e avèk li menm, mwen va rete. 19 Anplis de sa, ✧ se kilès pou m ta sèvi? Se pa nan prezans a fis li a? Jis jan ke m te sèvi nan prezans papa ou a, konsa mwen va ye nan prezans pa w.” 20 Alò, Absalom te di a Achitophel: “Ban m konsèy pa w Kisa nou dwe fè?” 21 Achitophel te di a Absalom: ✧ “Antre nan ti mennaj papa ou te lese pou okipe kay la; epi, tout Israèl va tande ke ou te fè tèt ou rayisab a papa ou. Anplis, men a tout sila ki avèk ou yo va vin ranfòse. 22 Konsa yo te monte yon tant anwo tèt

✧ 16:1 II Sam 9:2-13 ✧ 16:1 I Sam 25:18 ✧ 16:2 Jij 10:4 ✧ 16:3 II Sam 9:9-10 ✧ 16:5 II Sam 19:16-23 ✧ 16:7 II Sam 12:9 ✧ 16:8 II Sam 21:1-9 ✧ 16:9 II Sam 9:8 ✧ 16:9 Egz 22:28 ✧ 16:10 Wo 9:20 ✧ 16:11 II Sam 12:11 ✧ 16:12 Det 23:5 ✧ 16:16 II Sam 15:37 ✧ 16:17 II Sam 19:25 ✧ 16:19 II Sam 15:34 ✧ 16:21 II Sam 15:16

kay la, epi Absalom te antre nan relasyon seksyèl ak tout konkibin papa l yo, devan zye a tout Israèl. <sup>23</sup> ✧Konsèy a Achitophel te konn bay nan jou sa yo te konsidere tankou si yon moun te mande konsèy a pawòl Bondye; ✧se te konsa tout konsèy Achitophel te ye pou David ak Absalom.

## 17

<sup>1</sup> Anplis, Achitophel te di a Absalom: “Souple, kite mwen chwazi douz-mil òm pou m kab leve kouri dèyè David aswè a menm. <sup>2</sup> ✧ Mwen va vini sou li pandan li fatige e bouke e fè l vin sezi pou tout moun ki avèk li yo kouri ale. Konsa, se sèl wa a ✧mwen va frape touye, <sup>3</sup> epi mwen va fè retounen tout moun yo a ou menm. Retou a tout moun yo depann de nonm ou chache a; answit, tout pèp la va ✧ anpè.” <sup>4</sup> Konsa, plan an te fè Absalom avèk tout ansyen Israèl yo kontan. <sup>5</sup> Alò, Absalom te di: “Alò, rele ✧ Huschaï, Akyen an tou e annou tande sa ke li gen pou di.” <sup>6</sup> Lè Huschaï te rive a Absalom, Absalom te di li: “Achitophel te pale konsa. Èske nou dwe fè plan pa li a? Si se pa sa, pale.” <sup>7</sup> Konsa, Huschaï te di a Absalom: ✧ “Fwa sa a, konsèy ke Achitophel te bay la, pa bon.” <sup>8</sup> Anplis, Huschaï te di: “Ou konnen papa ou avèk mesye pa li yo se mesye plen kouraj e fewòs, ✧ tankou yon lous ki pèdi pitit li nan chan. Epi papa ou gen gwo eksperyans lagè e li p ap pase nwit lan avèk pèp la. <sup>9</sup> Gade byen, depi koulye a, li gen tan kache nan youn nan kavèn yo oswa nan yon lòt plas; epi li va rive ke lè li tonbe sou yo nan premye atak la, ke nenpòt moun ki tande va di: ‘Gen yon masak ki fèt pami moun ki swiv Absalom yo.’ <sup>10</sup> Epi menm sila ki gen gwo kouraj yo, ki gen kè tankou kè a lyon yo, ✧ va vin pèdi kouraj nèt; paske, tout Israèl konnen ke papa ou se yon nonm pwisan e sila ki avèk li yo se mesye vanyan. <sup>11</sup> Men konsèy pa m se ke tout Israèl vin, anverite, rasanble bò kote ou, ✧ soti nan Dan jis rive nan Beer-Schéba, tankou sab bò lanmè an gran kantite, e ke ou menm, pèsònèlman antre nan batay la. <sup>12</sup> Konsa, nou va vini sou li nan plas kote li kapab twouve yo, nou va tonbe sou li ✧ tankou lawouze tonbe atè; epi, konsènan li avèk tout mesye ki avèk li yo, p ap gen menm youn ki rete. <sup>13</sup> Si li retire li nan yon vil, alò, tout Israèl va mennen kòd kote vil sila a e yo va ✧ rale li nèt antre nan vale a jis nanpwen yon ti wòch ki rete. <sup>14</sup> Alò, Absalom avèk tout mesye Israèl yo te di: “Konsèy Huschaï pi bon ke konsèy Achitophel la.” Paske, ✧ SENYÈ a te deja detèmine pou anile bon konsèy Achitophel la, pou SENYÈ a ta kapab fè gwo dezaz rive Absalom. <sup>15</sup> Epi ✧Huschaï te di a Tsadok avèk Abiathar, prèt yo: “Sa se konsèy sa a ke Achitophel te bay Absalom avèk ansyen a Israèl yo e se sa ke mwen te konseye. <sup>16</sup> Alò, pou sa, voye vit pale David e di: ✧ “Pa pase nwit lan kote ki pou janbe dlo rive nan dezè a, men fè sèten ke nou janbe, oswa wa a avèk tout moun ki avèk li yo va vin detwi. <sup>17</sup> Alò, Jonathan avèk Achimaats te rete ✧ En-Rougel, yon sèvant te gen pou ale pale yo pou yo ta ale di Wa David, paske yo pa t kapab kite moun wè yo antre nan vil la <sup>18</sup> Men yon gason te wè yo kanmenm e te di Absalom; pou sa, yo te pati vit rive lakay a yon mesye ✧ Bachurim ki te gen yon pwi nan lakou a e yo te desann antre ladann. <sup>19</sup> Epi ✧fanm nan te pran yon kouvèti, li te ouvri li sou bouch pwi a e li te gaye sereyal sou li

✧ 16:23 II Sam 17:14,23 ✧ 16:23 II Sam 15:12 ✧ 17:2 II Sam 16:14 ✧ 17:2 I Wa 22:31 ✧ 17:3 Jr 6:14 ✧ 17:5 II Sam 15:32-34 ✧ 17:7 II Sam 16:21 ✧ 17:8 Os 13:8 ✧ 17:10 Jos 2:9-11 ✧ 17:11 I Sam 3:20 ✧ 17:12 Sòm 110:3 ✧ 17:13 Mi 1:6 ✧ 17:14 II Sam 15:31-34 ✧ 17:15 II Sam 15:35-36 ✧ 17:16 II Sam 15:28 ✧ 17:17 Jos 15:7 ✧ 17:18 II Sam 3:16 ✧ 17:19 Jos 2:4-6

jiskaske yo pa t konnen anyen. <sup>20</sup> Alò, sèvitè a Absalom yo te vin kote fanm nan lakay li e te di: “Kote Achimaats avèk Jonathan?” Epi ✧ fanm nan te di yo: “Yo fin janbe dlo a.” Epi lè yo te chache e pa t kab jwenn yo, yo te retounen Jérusalem. <sup>21</sup> Li te vin rive lè yo te fin ale ke yo te monte sòti nan pwi a, yo te ale pale Wa David e yo te di David: ✧“Leve, travèse dlo a byen vit paske Achitophel te bay konsèy kont ou.” <sup>22</sup> Alò, David avèk tout moun ki te avèk li yo te leve janbe Jourdain an; epi, lè solèy te vin leve, pa t gen youn ki rete ki pa t janbe Jourdain an. <sup>23</sup> Alò, lè Achitophel te wè ke konsèy pa li a pa t swiv, li te sele bourik li e li te leve ale lakay li nan ✧ vil li a. Li te mete lakay li an lòd e te ✧triangle pwòp tèt li. Konsa, li te mouri e te antere nan tonm a papa li. <sup>24</sup> Alò, David te rive ✧Mahanaïm. Epi Absalom te travèse Jourdain an, li menm avèk tout mesye Israël yo avèk yo. <sup>25</sup> Absalom te mete Amasa sou tèt lame a nan plas Joab. Alò Amasa te fis a yon mesye ki te rele Jithra, Izrayelit la, ki te antre nan Abigail, fi a ✧Nachasch, sè a Tseruja a, manman a Joab. <sup>26</sup> Epi Israël avèk Absalom te fè kan nan peyi Galaad la. <sup>27</sup> Alò, lè David te vini Mahanaïm, Schobi, ✧fis a Nachasch ki sòti Rabba a, a fis Ammon yo, Makir, fis a Ammiel Lodebar a ak Barzillai, Galaadit Roguelim nan, <sup>28</sup> te pote ✧kabann yo, basen yo, po kanari yo, ble, lòj, farin, sereyal boukannen, pwa, pwa lantiy, avèk grenn boukannen, <sup>29</sup> siwo myèl, bòl lèt, mouton ak fwomaj ki sòti nan twoupo a, pou David ak moun ki te avèk li yo ✧ta manje. Paske yo te di: “Pèp la grangou, fatigue e swaf nan dezè a.”

## 18

<sup>1</sup> Alò, David te konte moun ki te avèk li yo e te ✧plase sou yo chèf a dè milye e chèf a dè santèn <sup>2</sup> David te voye moun yo deyò, ✧yon tyè anba lòd Joab, yon tyè anba lòd Abischaï, fis a Tseruja a, frè Joab la ak yon tyè anba lòd Ittai, Gatyen an. Epi wa a te di a moun yo: “Mwen menm va anverite, sòti avèk nou tou.” <sup>3</sup> Men moun yo te di: ✧“Ou pa dwe sòti; paske, si nou vrèman sove ale, yo p ap okipe nou; menm si mwatye ta mouri, yo p ap okipe nou. Men valè pa w vo di-mil a nou menm; pou rezon sa a, li pi bon pou ede nou soti nan vil la.” <sup>4</sup> Alò wa a te di yo: “Nenpòt sa ki sanble bon a nou menm, se sa m ap fè.” Pou sa, wa a te kanpe akote pòtay la e tout moun yo te sòti pa santèn e pa milye. <sup>5</sup> Wa a te bay lòd a Joab avèk Abischaï avèk Ittai e te di: “Pou koz mwèn, aji dousman avèk jennonm nan, Absalom.” Epi ✧tout moun yo te tandè lè wa a te pase lòd a tout chèf yo sou Absalom an. <sup>6</sup> Alò, moun yo te antre nan chan kont Israël e batay la te fèt nan ✧forè Ephraïm nan. <sup>7</sup> Moun Israël yo te bat la devan sèvitè a David yo e masak la te byen gwo, ven-mil òm. <sup>8</sup> Paske, batay la te gaye sou tout teritwa peyi a e forè a te devore plis moun nan jou sa a ke nepe ta devore. <sup>9</sup> Alò, Absalom te vin rankontre sèvitè a David yo. Paske, Absalom te monte sou milèt li e milèt la te antre anba gwo branch a yon gwo bwadchenn. Epi ✧tèt li te kole rès nan chenn nan e li te vin kwoke antre syèl avèk tè a, pandan milèt la anba li t ap kontinye ale <sup>10</sup> Lè yon sèten mesye te wè sa, li te pale Joab, e te di: “Gade byen, mwèn te wè Absalom pandye nan yon gwo bwadchenn.” <sup>11</sup> Epi Joab te di a mesye ki te di sa a: “Gade, ou te wè l? Poukisa konsa ou pa t frape li la pou l tonbe atè? Konsa, mwèn ta ba ou dis pyès ajan avèk

✧ 17:20 Jos 2:3-5 ✧ 17:21 II Sam 17:15-16 ✧ 17:23 II Sam 15:12 ✧ 17:23 Mat 27:5 ✧ 17:24 Jen 32:2-10 ✧ 17:25 I Kwo 2:16 ✧ 17:27 I Sam 11:1 ✧ 17:28 Pwov 11:25 ✧ 17:29 II Sam 16:2-14 ✧ 18:1 Egz 18:25 ✧ 18:2 Jij 7:16 ✧ 18:3 II Sam 21:17 ✧ 18:5 II Sam 18:12 ✧ 18:6 Jos 17:15-18 ✧ 18:9 II Sam 14:26

yon senti.” <sup>12</sup> Mesye a te di Joab: “Menm si mwen ta resevwa mil pyès ajan nan men m, mwen pa t ap lonje men m kont fis a wa a; paske \*nan tande nou, wa a te kòmande ou avèk Abischaï ak Ittai, e te di: ‘Pwoteje pou mwen jennonm nan, Absalom!’” <sup>13</sup> Otreman, si m te aji nan mechanste kont lavi li (e \*nanpwen anyen ki kache a wa a), alò, ou menm ta kanpe lwen de sa. <sup>14</sup> Joab te di: “Mwen p ap gaspiye tan avè w isit la.” \*Konsa, li te pran twa frenn nan men l e li te frennen fè yo pase sou kè Absalom pandan li te toujou vivan nan mitan bwadchenn nan. <sup>15</sup> Epi dis jennonm ki te pote zam pou Joab yo te antoure li, yo te frape Absalom e te touye li. <sup>16</sup> Alò, \*Joab te soufle twonpèt la e moun yo te retounen soti kouri dèyè Israël, paske Joab te ralanti moun yo. <sup>17</sup> Yo te pran Absalom, yo te jete li nan yon gwo twou vid nan mitan forè a e te \* monte sou li yon gwo pil wòch. Epi tout Israël te sove ale, chak moun nan pwòp tant pa yo. <sup>18</sup> Alò, Absalom, pandan lavi li \*te fè monte pou li menm yon gwo pilye ki nan \*Vale a Wa a, paske li te di: “Mwen pa gen fis pou prezève non mwen.” Konsa, li te rele pilye a pa non li e li rele Moniman Absalom jis rive jodi a. <sup>19</sup> Alò, \*Achimaats, fis a Tsadok la te di: “Souple, kite mwen kouri pote nouvèl la bay wa a ke SENYÈ a gen tan delivre li anba men lènmi li yo.” <sup>20</sup> Men Joab te di li: “Ou menm se pa nonm ki pou pote nouvèl la nan jou sa a, malgre ke ou va pote li yon lòt jou, men ou p ap pote li jodi a, paske fis a wa a mouri.” <sup>21</sup> Alò, Joab te di a Etyopyen an: “Ale, pale wa a sa ou te wè a.” Konsa, Etyopyen an te bese devan Joab e te kouri ale. <sup>22</sup> Alò, Achimaats, fis a Tsadok la te di yon lòt fwa a Joab: “Malgre nenpòt sa ki rive, kite mwen tou kouri dèyè Etyopyen an” Epi Joab te di: “Poukisa ou ta kouri, fis mwen, kòm si \*ou p ap twouve rekonpans pou ale a?” <sup>23</sup> “Malgre sa ki rive”, li te di: “Mwen va kouri”. Epi Achimaats te kouri nan wout plèn nan e te vin depase Etyopyen an. <sup>24</sup> Alò, David te chita antre de pòtay yo; epi, (agadyen an te monte sou twati pòtay sou mi an, li te leve zye li e te gade. Men vwala, yon nonm ki t ap kouri li sèl a li menm. <sup>25</sup> Gadyen an te kouri pale wa a. Epi wa a te di: “Si se sèl li menm k ap vini, se bòn nouvèl nan bouch li.” Epi li te pwoche pi pre e pi pre toujou. <sup>26</sup> Apre sa, gadyen an te wè yon lòt moun ki t ap kouri; epi, gadyen an te rele gadyen pòtay la e te di: “Gade byen, gen yon lòt moun k ap kouri pou kont li.” Epi wa a te di: “sila a tou ap pote bòn nouvèl.” <sup>27</sup> Gadyen an te di: “Mwen kwè ke kouri a premye a sanble kouri a Achimaats, fis a Tsadok la.” Epi wa a te di: \* “Sa se yon bon mesye e li pote bòn nouvèl.” <sup>28</sup> Achimaats te rele e te di a wa a: “Tout bagay sòti byen.” Epi li te bese figi atè devan wa a, e li te di: \* “Beni se SENYÈ a, Bondye ou a, ki te livre bay mesye ki te leve men kont mèl mwen an, wa a.” <sup>29</sup> Wa a te di: \* “Èske tout bagay byen avèk jennonm nan, Absalom?” Epi Achimaats te reponn: “Lè Joab te voye sèvitè a wa a, sèvitè ou menm nan, mwen te wè yon gwo zen; men, mwen pa t konnen kisa. <sup>30</sup> Epi wa a te di: “Metete ou akote e kanpe la.” Konsa, li te mete li akote e te kanpe tann la. <sup>31</sup> Gade byen, Etyopyen an te rive e Etyopyen an te di: “Kite mèl mwen an, wa a resevwa bòn nouvèl; paske \*SENYÈ a te delivre ou nan jou sa a soti nan men a tout sila ki te leve kont ou yo. <sup>32</sup> Alò, wa a te di a Etyopyen an: “Èske sa byen avèk jennonm nan, Absalom?” Epi Etyopyen an te reponn: \* “Kite lènmi a mèl mwen yo, wa

\* **18:12** II Sam 18:5   \* **18:13** II Sam 14:19-20   \* **18:14** II Sam 14:30   \* **18:16** II Sam 2:28  
 \* **18:17** Det 21:20-21   \* **18:18** I Sam 15:12   \* **18:18** Jen 14:17   \* **18:19** II Sam 15:36   \* **18:22**  
 II Sam 18:29   \* **18:27** I Wa 1:42   \* **18:28** I Sam 17:46   \* **18:29** II Sam 20:9   \* **18:31** Jij 5:31  
 \* **18:32** I Sam 25:26

a, ak tout moun ki leve kont ou pou mal yo, devni tankou jennonm sila a!”  
<sup>33</sup> Wa a te sezi avèk emosyon e te monte nan chanm nan sou pòtay la pou te kriye. Epi konsa li te di pandan li t ap mache: “O fis mwen Absalom, fis mwen, fis mwen Absalom! ✧Pito se te mwen ki te mouri olye de ou menm, O Absalom, fis mwen, fis mwen!”

## 19

<sup>1</sup> Alò, li te pale a Joab: “Gade byen, ✧wa a ap kriye e fè lamantasyon pou Absalom. <sup>2</sup> Viktwa a jou sa a te boulvèse vin fè dèy pou tout pèp la; paske, moun ki te tande li yo nan jou sa a te di: “Wa a ap lamante pou fis li a.”  
<sup>3</sup> Konsa, moun yo te antre nan vil la nan jou sa a kòm si an sekre tankou yon pèp ki imilye e kouri kache pou kite batay la. <sup>4</sup> Wa a te ✧kouvri figi li e te kriye fò avèk yon gwo vwa: “O fis mwen, Absalom, O Absalom, fis mwen, fis mwen!” <sup>5</sup> Alò, Joab te antre nan kay la vè wa a, e te di: “Jodi a, ou te kouvri avèk lawont tout figi a tout sèvitè ou yo, ki, jodi a, te sove lavi ou, lavi a fis ou yo ak fi ou yo, lavi a madanm ou yo ak lavi a ti mennaj ou yo, <sup>6</sup> lè ou te vin renmen sila ki rayi ou yo e rayi sila ki renmen ou yo. Paske, ou te montre nan jou sa a ke prens yo avèk sèvitè ou yo pa anyen a ou menm. Paske, mwen konnen nan jou sa a ke si Absalom te vivan e nou tout te fin mouri, ke ou ta gen kè kontan. <sup>7</sup> Alò, pou sa, leve ale deyò a pou pale pawòl ki dous avèk sèvitè ou yo. Paske, mwen sèman pa SENYÈ a ke si ou pa sòti deyò, anverite, ✧p ap gen yon moun k ap pase nwit lan avèk ou e sa va pi mal pou ou pase tout lòt mal ki gen tan parèt sou ou soti nan jenès ou jis rive koulye a.” <sup>8</sup> Pou sa, wa a te leve chita nan pòtay la. Lè yo te pale tout pèp la e te di: “Men vwala, wa a chita nan pòtay la,” alò, tout pèp la te vini devan wa a. Alò, ✧Israël te fin sove ale, chak moun nan pwòp tant pa yo. <sup>9</sup> Tout pèp la t ap fè kont pami tout tribi Israël yo, e t ap di: ✧“Wa a te delivre nou soti nan men a lènmi nou yo e te sove nou soti nan men a Filisten yo; men koulye a, ✧li gen tan sove ale kite peyi a devan Absalom. <sup>10</sup> Malgre sa, Absalom, ke nou te onksyone sou nou an, te mouri nan batay la. Alò, pou sa, poukisa nou rete san pale nan afè mennen wa a fè l tounen an?” <sup>11</sup> Epi Wa David te voye kote Tsadok ak Abiathar, prèt yo, e te di: “Pale avèk ansyen Juda yo e di: ‘Poukisa se nou ki dènye pou mennen fè wa a tounen lakay li a, depi pawòl a tout Israël la gen tan rive vè wa a, menm kote lakay li?’” <sup>12</sup> ‘Nou menm se frè m; ✧nou se zo a zo mwen e chè a chè mwen. Poukisa konsa nou ta dwe dènye pou mennen wa a fè l tounen?’ <sup>13</sup> Di Amasa: ‘Èske ou pa zo a zo mwen e chè a chè mwen? Ke Bondye ta fè sa pou mwen e menm plis si se pa ou menm ki va chèf lame devan mwen nèt ✧nan plas Joab.’” <sup>14</sup> Konsa, li te vire kè a tout mesye Juda yo ✧tankou se te yon sèl moun, jiskaske yo te voye vè wa a e te di: “Retounen, ou menm avèk tout sèvitè ou yo.” <sup>15</sup> Alò, wa a te retounen e te vin jis nan Rivyè Jourdain an. Epi Juda te vini ✧Guilgal pou rankontre wa a, pou mennen wa a travèse Jourdain an. <sup>16</sup> Epi ✧Schemeï, fis a Guéra a, Benjamit ki sòti Bachurim nan te fè vit vin desann avèk mesye Juda yo pou rankontre Wa David. <sup>17</sup> Te gen mil mesye Benjamin avèk li, avèk ✧Tsiba, sèvitè lakay Saül la, kenz fis li yo avèk ven sèvitè yo avèk li; epi, yo te prese rive nan Jourdain an avan wa a. <sup>18</sup> Alò, yo te kontinye travèse kote

✧ 18:33 Egz 32:32 ✧ 19:1 II Sam 18:5-14 ✧ 19:4 II Sam 15:30 ✧ 19:7 Pwov 14:28 ✧ 19:8 II Sam 18:17 ✧ 19:9 II Sam 8:1-14 ✧ 19:9 II Sam 15:14 ✧ 19:12 II Sam 5:1 ✧ 19:13 II Sam 3:27-39 ✧ 19:14 Jij 20:1 ✧ 19:15 Jos 5:9 ✧ 19:16 II Sam 16:5-13 ✧ 19:17 II Sam 16:1-4

pou janbe a pou fè travèsè fanmi a wa a; epi, pou fè sa ki bon nan zye li. Epi Schimeï, fis a Guéra a te tonbe ba devan wa a pandan li t ap prepare pou travèsè Jourdain an. <sup>19</sup> Konsa, li te di a wa a: ✨“Pa kite mè mwen konsidere mwen kòm koupab, ni sonje mal ke sèvitè ou te fè nan jou lè mè mwen an, wa a, te sòti Jérusalem, pou wa a ta pran sa a kè. <sup>20</sup> Paske, sèvitè ou konnen ke mwen te peche; pou sa, gade byen, mwen te rive la jodi a, ✨premyèman nan tout kay Joseph la pou ale desann rankontre mè mwen an, wa a.” <sup>21</sup> Men Abischaï, fis a Tseurja a te di: “Èske Schimeï pa ta dwe mete a lanmò pou sa, ✨akoz li te modi onksyone a SENYÈ a?” <sup>22</sup> Epi David te di: “Kisa mwen gen pou fè avèk nou, O fis a Tseruja yo, pou nou ta nan jou sila a devni advèsè mwen? ✨Èske okenn moun ta mete a lanmò an Israèl jodi a? Paske èske mwen pa konnen ke se mwen ki wa sou Israèl jodi a? <sup>23</sup> Wa a te di a Schimeï: ✨“Ou p ap mouri.” Konsa wa a te sèman a li menm. <sup>24</sup> Epi ✨Méphiboscheth, fis a Saül la te desann rankontre wa a; epi, li pa t okipe pye li, ni taye moustach li, ni lave rad li, depi wa a te pati a jis rive jou ke li te retounen lakay li anpè a. <sup>25</sup> Se te lè li te vini Jérusalem pou rankontre wa a ke wa a te di li: ✨“Poukisa ou pa t ale avè m, Méphiboscheth? <sup>26</sup> Konsa, li te reponn: “O mè mwen, wa a, sèvitè mwen an te twonpe m; paske sèvitè ou a te di: “Mwen va sele yon bourik pou mwen menm pou m kab monte sou li pou ale avèk wa a, ✨akoz sèvitè ou a bwete. <sup>27</sup> Anplis, li te pale vye bagay a sèvitè ou a mè mwen, wa a; men, mè mwen an, wa a, se ✨tankou zanj Bondye a; pou sa, fè sa ki bon nan zye ou. <sup>28</sup> Paske, tout manm lakay papa m pa t plis ke moun mouri devan mè mwen an, wa a. ✨Malgre ou te mete sèvitè ou pami sila ki te manje sou pwòp tab pa ou. Ki dwa mwen gen pou m ta plenyen anplis a wa a?” <sup>29</sup> Konsa, wa a te di li: “Poukisa ou pale toujou nan enterè pa w? Mwen gen tan pran desizyon, ‘Ou avèk Ziba va divize tè a.’ ” <sup>30</sup> Méphiboscheth te di a wa a: “Kite li menm vin pran tout pou li menm, akoz mè mwen, wa a, gen tan retounen nan pwòp kay li.” <sup>31</sup> Alò ✨Barzillai, Gadit la te vin desann soti Roguelim e li te ale nan Jourdain an avèk wa a pou akonpanye li travèsè Jourdain an. <sup>32</sup> Alò, Barzillai te granmoun anpil, avèk laj a katre-ventan; epi, li te bay soutyen a wa a pandan li te rete Mahanaïm; paske, li te yon nonm byen enpòtan. <sup>33</sup> Wa a te di a Barzillai: “Vin travèsè avèk mwen e mwen va ba ou soutyen Jérusalem bò kote mwen.” <sup>34</sup> Men Barzillai te di a wa a: ✨“Se pou konbyen de tan ke m ap viv toujou pou m ta monte ak wa a Jérusalem? <sup>35</sup> Mwen menm, koulye a, mwen nan ✨katre-ventan daj. Èske mwen kapab distenge antre sa ki bon ak sa ki mal? Oswa èske sèvitè ou a kapab goute sa ke m manje, oswa sa ke m bwè? Oswa èske mwen kapab ankò tande vwa lè gason ak fi ap chante? Alò, ✨poukisa sèvitè ou ta dwe devni yon chaj anplis a mè mwen an, wa a? <sup>36</sup> Sèvitè ou ta sèlman pito travèsè Jourdain an avèk wa a. Poukisa wa a ta dwe ban m rekonpans avèk byenfezans sila a? <sup>37</sup> Souple, kite sèvitè ou retounen, pou m kab mouri nan pwòp vil pa m, toupren tonm a papa m avèk manman m. Malgre sa, men sèvitè ou, ✨Kimham; kite li travèsè avèk mè mwen an, wa a e fè pou li sa ki bon nan zye ou.” <sup>38</sup> Wa a te reponn: “Kimham va travèsè avè m e mwen va fè pou li sa ki bon nan zye pa w; epi, nenpòt sa ke ou vle m fè m ap fè

✨ 19:19 I Sam 22:15 ✨ 19:20 II Sam 16:5 ✨ 19:21 Egz 22:28 ✨ 19:22 I Sam 11:13 ✨ 19:23 I Wa 2:8 ✨ 19:24 II Sam 9:6-10 ✨ 19:25 II Sam 16:17 ✨ 19:26 II Sam 9:3 ✨ 19:27 II Sam 14:17-20 ✨ 19:28 II Sam 9:7-13 ✨ 19:31 II Sam 17:27-29 ✨ 19:34 Jen 47:8 ✨ 19:35 Sòm 90:10 ✨ 19:35 II Sam 15:33 ✨ 19:37 I Wa 2:7

l pou ou.”<sup>39</sup> Tout moun yo te travèse Jourdain an e wa a te travèse tou. Epi wa a te ✨bo Barzillai, li te beni li e li te retounen nan plas li.<sup>40</sup> Koulye a, wa a te avanse rive Guilgal, Kimham te kontinye avèk li. Epi tout pèp Juda a avèk ✨la mwatye nan pèp Israël la te akonpanye wa a.<sup>41</sup> Epi vwala, tout mesye Israël yo te vin kote wa a e te di a wa a: ✨“Poukisa frè nou yo, mesye Juda yo te vin vòlè ou? Yo te pati avè w, yo te mennen wa a avèk tout lakay li ak tout mesye David yo avèk li, vin janbe Jourdain an.”<sup>42</sup> Epi tout mesye Juda yo te reponn mesye Israël yo: “Akoz ✨wa a toupren fanmi a nou. Poukisa konsa nou vin fache akoz afè sila a? Èske nou te manje yon bagay sou kont a wa a, oubyen èske yon bagay te vin separe bannou?<sup>43</sup> Men mesye Israël yo te reponn mesye Juda yo e te di: ✨“Nou gen dis pati nan wa a; pou sa, nou osi gen plis pati nan David pase ou! Poukisa konsa, ou vin meprize nou? Èske se pa t konsèy pa nou premyèman pou fè wa a tounen?” Men pawòl a Juda yo te pi rèd pase pawòl a Israël yo.

## 20

<sup>1</sup> Alò, te gen yon ✨sanzave ki te la ki te rele Schéba, fis a Bicri a, yon Benjamit; epi, li te soufle twonpèt la e te di: ✨“Nou pa gen anyen nan David, ni nou pa gen eritaj nan fis Jesse a; tout moun rive nan tant pa li yo, O Israël!”<sup>2</sup> Konsa, tout mesye Israël yo te sispann swiv David, e yo te swiv Schéba, fis a Bicri a. Men mesye Juda yo te rete lwayal a wa pa yo a, soti nan Jourdain an, jis rive Jérusalem.<sup>3</sup> David te rive kote lakay li Jérusalem. Epi ✨wa a te pran dis fanm sa yo, ti mennaj ke li te kite pou okipe kay la, li te mete yo sou siveyans e te bay yo manje. Men li pa t antre nan yo. Konsa, yo te rete fèmen jis rive jou ke yo te mouri an e te viv tankou vèv.<sup>4</sup> Alò, wa a te di a ✨Amasa: rele fè sòti pou mwen mesye Juda yo avan twa jou e ou menm, vin prezan isit la.”<sup>5</sup> Konsa, Amasa te ale rele mesye Juda yo; men, li te ✨pran reta plis tan ke li te dwe pran an.<sup>6</sup> Epi David te di a ✨Abischaï: “Koulye a Schéba, fis a Bicri a, va fè nou plis mal ke Absalom. Pran sèvitè mèt ou yo e kouri dèyè li, pou li pa twouve pou kont li vil ki ranfòse pou chape devan zye nou.”<sup>7</sup> Konsa, mesye Abischaï yo te sòti dèyè li, ansanm avèk Keretyen yo, Peletyen yo ak tout mesye vanyan yo. Epi yo te kite Jérusalem pou kouri dèyè Schéba, fis a Bicri a.<sup>8</sup> Lè yo te la nan gwo wòch ki ✨Gabaon an, Amasa te vin rankontre yo. Alò Joab te abiye an vètman militè e sou li, te gen yon sentiwon avèk yon nepe nan fouwo li ki te tache nan senti li; epi, pandan li t ap avanse, nepe a te vin tonbe parèt.<sup>9</sup> Joab te di Amasa: “Èske sa byen avèk ou, frè m?” Epi ✨Joab te kenbe Amasa pa bab li avèk men dwat pou bo li.<sup>10</sup> Men Amasa pa t veye kont nepe ki te nan men Joab la. Konsa, li te ✨frape li nan vant avèk li e zantray li te vide tonbe atè e san frape l ankò, li te Mouri. Alò Joab avèk Abischaï, frè li a, te kouri dèyè Schéba, fis a Bicri a.<sup>11</sup> Alò, akote li, te kanpe youn nan jennonm a Joab yo, ki te di: “Nenpòt moun ki pou Joab e nenpòt moun ki pou David, ✨kite li swiv Joab.”<sup>12</sup> Men Amasa te kouche tòde vire nan san li nan mitan granchemen an. Epi lè nonm nan te wè ke tout moun te kanpe, li te deplase Amasa soti nan granchemen an rive nan chan an e li te jete yon vètman sou li lè li te wè ke tout moun ki te pase kote li te vin kanpe.<sup>13</sup> Depi li te rete sou granchemen an, tout mesye yo

✨ 19:39 Rt 1:14 ✨ 19:40 II Sam 19:9-10 ✨ 19:41 II Sam 19:11-12 ✨ 19:42 II Sam 19:12  
 ✨ 19:43 II Sam 5:1 ✨ 20:1 II Sam 16:7 ✨ 20:1 I Wa 12:16 ✨ 20:3 II Sam 15:16 ✨ 20:4 II  
 Sam 17:25 ✨ 20:5 I Sam 13:8 ✨ 20:6 II Sam 21:17 ✨ 20:8 II Sam 2:13 ✨ 20:9 Mat 26:49  
 ✨ 20:10 II Sam 2:23 ✨ 20:11 II Sam 20:13



te pase ale dèyè Joab pou kouri dèyè Schéba, fis a Bicri a. <sup>14</sup> Alò, li te pase nan tout tribi Israël yo jis rive Abel, menm jis nan Beth-Maaca ak tout Berit yo; epi, yo te rasanble ansanm pou te ale dèyè li tou. <sup>15</sup> Yo te vin fè syèj sou li nan Abel Beth-Maaca. ✨Yo te monte yon ran syèj kont vil la, li te kanpe rive nan mi ranpa e tout moun ki te avèk Joab yo t ap kraze pou yo ta fè mi an tonbe. <sup>16</sup> Epi yon fanm lespri te rele soti nan vil la: “Koute, koute! Souple di Joab: ‘Vin isit la pou m kab pale avèk ou.’ Koute pawòl a sèvant ou an.” Epi li te reponn: “M ap koute.” <sup>17</sup> Konsa, li te pwoche li e fanm nan te di: “Èske se Joab ke ou ye?” Epi li te reponn: “Se mwen”. Alò, li te di li: “Koute pawòl a sèvant ou an.” Epi li te reponn: “M ap koute.” <sup>18</sup> Epi li te pale e te di: “Lontan yo te konn di: ‘Yo va anverite mande konsèy nan Abel e konsa, yo te rezoud pwoblèm nan. <sup>19</sup> Mwen pami sila ki pezig e fidèl an Israël yo. W ap chache detwi yon vil, menm yon manman an Israël. Poukisa ou ta anglouti tout eritaj SENYÈ a?” <sup>20</sup> Joab te reponn: “Lwen de sa, lwen de mwen pou mwen ta anglouti, oswa detwi! <sup>21</sup> Se pa konsa ka a ye! Men yon nonm soti nan peyi ti mòn Ephraïm nan, ✨ Schéba, fis a Bicri a, selon non li, li te leve men li kont Wa David. Sèlman, lonje bannou li e mwen va kite vil la.” Epi fanm nan te di a Joab: “Gade byen, se tèt li m ap jete ba ou sou mi an.” <sup>22</sup> Alò, fanm lespri a te vin kote tout pèp la. Epi yo te koupe tèt a ✨Schéba, fis Bicri a e te jete li bay Joab. Konsa, li te soufle twonpèt la e yo te lèse kite vil la. Chak moun te ale kote tant pa yo. Joab, anplis, te retounen kote wa a Jérusalem. <sup>23</sup> ✨Alò, Joab te sou tèt tout lame Israël la e Benaja, fis a Jehojada a te sou Keretyen yo avèk Peletyen yo; <sup>24</sup> epi Adoram te sou travay fòse a e ✨Josaphat, fis a Achilud la te grefye a; <sup>25</sup> epi Scheja te sekretè a e Tsadok avèk ✨Abiathar te prèt; <sup>26</sup> epi Ira, Jayirit la te yon prèt osi pou David.

## 21

<sup>1</sup> Alò, te gen yon gwo grangou nan jou a David yo pandan twazan, ane apre ane. Epi ✨David te chache prezans a SENYÈ a. SENYÈ a te di: “Se akoz Saül ak kay sanglan li an, akoz li te mete Gabawonit yo a lanmò.” <sup>2</sup> Pou sa, wa a te rele Gabawonit yo pou te pale yo. (Alò, Gabawonit yo pa t nan fis Israël yo men yo te nan retay Amoreyen yo e ✨fis Israël yo te fè yon akò avèk yo. Men Saül te chache touye yo nan zèl li genyen pou fis a Juda yo avèk Israël yo.) <sup>3</sup> Konsa, David te di a Gabawonit yo: “Kisa mwen ta dwe fè pou nou? Epi kijan mwen kapab fè ekspiyasyon, pou nou kapab vin beni ✨eritaj SENYÈ a?” <sup>4</sup> Alò, Gabawonit yo te di li: ✨“Nou pa sou afè ajan, ni lò avèk Saül, ni lakay li, ni pou nou ta mete okenn moun a lanmò an Israël.” Epi li te di: “Mwen va fè pou nou nenpòt sa ke nou mande.” <sup>5</sup> Pou sa, yo te di a wa a: ✨“Nonm ki te vin manje nou an e ki te fè plan pou detwi nou nèt la rache nou soti nan lizyè Israël la, <sup>6</sup> kite sèt mesye soti nan fis li yo vin bay a nou menm. E nou va pann yo devan SENYÈ a nan Guibea pou Saül, ✨sila ki te chwazi pa SENYÈ a.” Epi wa a te di: “Mwen va bay yo.” <sup>7</sup> Men wa a te bay pwotèj a Méphiboscheth, fis a Jonathan an, fis a Saül la, ✨akoz sèman a SENYÈ a ki te fèt antre yo, antre David ak fis a Saül la, Jonathan <sup>8</sup> Konsa, wa a te pran de fis a Ritspa yo avèk fi a Ajja a, Armoni ak Méphiboscheth ke li te fè pou Saül la, senk fis a Mérab yo, fi a Saül la, ke li te fè pou Adriel,

✨ 20:15 II Wa 19:32 ✨ 20:21 II Sam 20:2 ✨ 20:22 II Sam 20:1 ✨ 20:23 II Sam 8:16-18  
 ✨ 20:24 I Wa 4:3 ✨ 20:25 I Wa 4:4 ✨ 21:1 Nonb 27:21 ✨ 21:2 Jos 9:3-20 ✨ 21:3 I Sam 26:19 ✨ 21:4 Nonb 35:31-32 ✨ 21:5 II Sam 21:1 ✨ 21:6 I Sam 10:24 ✨ 21:7 I Sam 20:12-17

fis a Barzillai a, Meyolayit la; <sup>9</sup> Epi li te livre yo nan men a Gabawonit yo e yo te pandye yo nan mòn nan devan SENYÈ a, jiskaske yo sèt te tonbe ansanm. Yo te mete a lanmò nan premye jou a rekòlt la, nan ✧kòmansman rekòlt lòj la. <sup>10</sup> ✧Epi Rizpa, fi a Ajja a te pran twal sak e te ouvri li sou wòch la, soti nan kòmansman rekòlt la jiskaske li te fè lapli sou yo soti nan syèl la; epi, ✧li pa t kite ni zwazo syèl yo vin poze sou yo nan lajounen, ni bèt chan yo pandan lannwit. <sup>11</sup> Lè li te pale a David sa ke Rizpa, fi a Ajja a, ti mennaj a Saül la te fè a, <sup>12</sup> alò, David te ale pran ✧zo a Saül ak zo a Jonathan, fis li a soti nan men a mesye Jabès-Galaad la, ki te vòlè yo nan laplas Beth-Schan kote Filisten yo te pandye yo nan jou ke Filisten yo te frape Saül nan Guilboa a. <sup>13</sup> Li te mennen zo a Saül ak zo a Jonathan yo monte, fis li soti la e yo te ranmase zo a sila ki te pandye yo. <sup>14</sup> Yo te antere zo a Saül yo avèk Jonathan, fis li nan peyi Benjamin nan ✧Tséla, nan tonm a Kis, papa li. Konsa, yo te fè tout sa ke wa a te kòmande yo; epi apre sa, ✧Bondye te satisfè akoz lapriye pou peyi a. <sup>15</sup> Alò, lè ✧Filisten yo te fè lagè ankò avèk Israèl, David te desann avèk sèvitè li yo. Epi pandan yo t ap goumen kont Filisten yo, David te vin bouke. <sup>16</sup> Epi Jischbi-Benob ki te ✧pami desandan a jeyan yo, avèk yon lans ki te peze twa-san sik an bwonz, te gen yon nepe nèf nan senti l e li te gen entansyon pou l ta touye David. <sup>17</sup> Men ✧Abischaï, fis a Tseruja a te ede li, li te frape Filisten an pou te touye li. Epi mesye David yo te fè ve a li e te di: “Wa David, ou p ap sòti avèk nou ankò nan batay la pou ou pa vin etenn lanp Israèl la.” <sup>18</sup> ✧Alò, li te vin rive apre sa ke te gen lagè ankò avèk Filisten yo nan Gob. Epi Sibbecaï, Oushatit la te frape Saph, ki te pami desandan a jeyan yo. <sup>19</sup> Te gen gè avèk Filisten yo ankò Gob e Elchanan, fis a Jaaré-Oreguim nan Bethléhem te touye Goliath, moun Gath la. ✧Shaf lans li an te tankou travès lan a yon machin yo konn tise. <sup>20</sup> Te gen lagè avèk Gath ankò, kote te gen yon mesye gran tay avèk sis dwèt nan chak men ak sis zòtèy nan chak pye, venn-kat antou. Li menm osi te ne de ✧jeyan yo. <sup>21</sup> Lè li te leve tèt li kont Israèl, Jonathan, fis a Schimea a, frè David la, te frape li. <sup>22</sup> Se ✧kat sila yo ki te ne de jeyan nan Gath yo e yo te tonbe pa men David e pa men a sèvitè li yo.

## 22

<sup>1</sup> David te pale pawòl a chan sila yo ✧a SENYÈ a nan jou ke SENYÈ a te delivre li soti nan men a tout lènmi li yo ak nan men a Saül. <sup>2</sup> Li te di:

✧“SENYÈ a se wòch mwen,  
 ✧Fòterès mwen ak liberatè mwen;  
<sup>3</sup> Bondye mwen an, wòch mwen an, nan sila  
 mwen twouve pwotèj la;  
 Boukliye e kòn delivrans mwen,  
 sitadèl mwen ak refij mwen.  
 ✧O Sovè mwen, Ou sove m kont vyolans.

<sup>4</sup> Mwen rele a SENYÈ a, ✧ki merite lwanj  
 e mwen sove soti nan lènmi mwen yo.

✧ 21:9 Egz 9:31-32 ✧ 21:10 Det 21:23 ✧ 21:10 I Sam 17:44-46 ✧ 21:12 I Sam 31:11-13  
 ✧ 21:14 Jos 18:28 ✧ 21:14 II Sam 24:25 ✧ 21:15 II Sam 5:17-25 ✧ 21:16 Nonb 13:22-28  
 ✧ 21:17 II Sam 20:6-10 ✧ 21:18 I Kwo 20:4-8 ✧ 21:19 I Sam 17:7 ✧ 21:20 II Sam 21:16-18  
 ✧ 21:22 I Kwo 20:8 ✧ 22:1 Sòm 18:2-50 ✧ 22:2 Sòm 31:3 ✧ 22:2 Sòm 31:3 ✧ 22:3 Det 32:4-37 ✧ 22:4 Sòm 48:1

5 Paske ✨volas lanmò te antoure mwen;  
Gran flèv destriksyon yo te monte sou mwen nèt.

6 ✨Kòd a sejou lanmò te antoure mwen;  
Pèlen lanmò yo te menase m.

7 ✨Nan gran twoub mwen,  
Mwen te rele SENYÈ a.  
Wi, mwen te rele a Bondye mwen an;  
Epi soti nan tanp Li an, Li te tandè vwa m,  
Kri sekou mwen te anndan zòrèy Li.

8 Latè te tranble e souke,  
✨Fondasyon syèl la t ap tranble,  
te sombre, akòz Li te fache.

9 Lafimen te monte sòti nan nen Li,  
✨Dife soti nan bouch Li a te devore;  
Chabon te fèt pa li.

10 Anplis, Li te rale bese syèl yo e te desann  
Avèk yon ✨tenèb byen pwès anba pye Li.

11 Epi Li te monte sou yon cheriben e Li te vole;  
Li te parèt sou ✨zèl a van an.

12 ✨Epi Li te fè tenèb la yon tant Ki antoure Li.  
Yon vwa dlo, nwaj pwès a syèl yo <sup>13</sup> Soti nan gran klète devan L,  
✨Bout chabon dife yo vin limen. <sup>14</sup> SENYÈ a te ✨eklate depi nan syèl la,  
E vwa Pli Wo a te reponn. <sup>15</sup> Li te lanse ✨flèch pou te gaye yo,  
Loray! E yo te sove ale. <sup>16</sup> Epi kanal lanmè yo te vin parèt,  
Fondasyon mond lan ✨ te dekouvri nèt  
Pa repwòch a SENYÈ a,  
Lè souf la pete nan nen L <sup>17</sup> ✨Li te voye soti anwo; Li te pran m;  
Li te rale mwen sòti nan pil dlo yo. <sup>18</sup> Li te delivre mwen devan lènmi  
byen fò mwen yo,  
Soti nan sila ki te rayi mwen yo,  
Paske yo te twò fò pou mwen. <sup>19</sup> Yo te kanpe parèt devan m nan jou gran  
doulè a,  
✨Men SENYÈ a te soutyen mwen. <sup>20</sup> Anplis, Li te mennen m nan yon kote  
byen laj;  
Li te fè m chape, ✨paske Li te kontan anpil avè m. <sup>21</sup> ✨SENYÈ a te  
rekonpanse mwen selon ladwati mwen;  
Selon men pwòp mwen  
Li te fè m twouve rekonpans. <sup>22</sup> Paske mwen te kenbe chemen SENYÈ a,  
Epi mwen pa t aji avèk mechanste kont Bondye mwen an. <sup>23</sup> ✨Paske tout  
òdonans Li yo te devan m,

✨ **22:5** Sòm 93:4 ✨ **22:6** Sòm 116:3 ✨ **22:7** Sòm 116:4 ✨ **22:8** Job 26:11 ✨ **22:9** Sòm 97:3  
✨ **22:10** Sòm 97:2 ✨ **22:11** Sòm 104:3 ✨ **22:12** Job 36:29 ✨ **22:13** II Sam 22:9 ✨ **22:14**  
Job 37:2-5 ✨ **22:15** Det 32:23 ✨ **22:16** Egz 15:8 ✨ **22:17** Sòm 144:7 ✨ **22:19** Sòm 23:4  
✨ **22:20** II Sam 15:26 ✨ **22:21** I Sam 26:23 ✨ **22:23** Det 6:6-9

Epi règleman Li yo, mwen pa t janm kite yo <sup>24</sup> Anplis, ✧mwen te san fot devan L,  
 Epi mwen te rete lib de inikite mwen. <sup>25</sup> Pou sa, SENYÈ a te rekonpanse m ✧Selon ladwati mwen;  
 Selon jan mwen pwòp devan zye Li. <sup>26</sup> ✧Avèk sila ki bon kè yo, Ou montre bon kè Ou,  
 Avèk sila ki san fot yo, Ou parèt san fot; <sup>27</sup> ✧Avèk sila ki pwòp yo, Ou montre jan Ou pwòp,  
 Epi avèk pèvès yo, ou vin parèt avèk entèlijans. <sup>28</sup> ✧Epi Ou fè sekou a sila ki aflije yo; men,  
 Zye Ou rete sou sila ki ògeye yo, epi Ou fè yo bese. <sup>29</sup> Paske se ou ki lanp mwen, O SENYÈ;  
 Epi ✧SENYÈ a vin klere tout tenèb mwen. <sup>30</sup> Paske, avèk Ou, Mwen kapab kouri sou yon ekip sòlda. <sup>31</sup> ✧Epi pou Bondye, chemen pa li a san fot; Pawòl SENYÈ a apwouve;  
 Li se yon pwotèj a tout sila Ki vin kache nan Li yo. <sup>32</sup> ✧Paske se kilès Bondye ye, Sof ke SENYÈ a? Epi kilès ki se yon woche, Sof ke Bondye pa nou an? <sup>33</sup> ✧Bondye se sitadèl fòs mwen; Epi li plase moun san fot yo Nan chemen pa li. <sup>34</sup> Li fè pye m tankou pye a sèf Epi Li mete m nan plas mwen ki wo <sup>35</sup> Li enstwi men m yo pou batay la, Pou bra mwen kab koube banza ki fèt an Bwonz yo. <sup>36</sup> Ou te osi ban mwen Boukliye Sali Ou a; E se soutyen Ou ki fè m pwisan. <sup>37</sup> ✧Ou elaji pla pye mwen anba mwen e pye m pa janm chape. <sup>38</sup> Mwen te kouri dèyè lènmi mwen yo, E mwen te ✧detwi yo, Epi mwen pa t vire fè bak jiskaske mwen te fin manje nèt. <sup>39</sup> Epi mwen te devore yo, kraze yo, Jiskaske yo pa t janm leve; Yo te ✧tonbe anba pye mwen, <sup>40</sup> Paske Ou te kouvri senti m Ak fòs pou batay la. Ou te soumèt anba m ✧sila Ki te leve kont mwen yo. <sup>41</sup> Ou te osi ✧fè lènmi m yo Vire do ban mwen, Epi mwen te detwi sila Ki te rayi mwen yo. <sup>42</sup> ✧Yo te gade, men nanpwen moun Ki te pou te sove yo; Menm kote SENYÈ a, men Li pa t reponn yo. <sup>43</sup> ✧Alò mwen te fè poud ak yo Tankou pousyè tè a; ✧Mwen te kraze e te foule yo Tankou kras labou lari. <sup>44</sup> Ou te osi delivre mwen sòti Nan rebelyon ak zen pèp mwen an;

✧ 22:24 Ef 1:4 ✧ 22:25 II Sam 22:21 ✧ 22:26 Mat 5:7 ✧ 22:27 Mat 5:8 ✧ 22:28 Egz 3:7-8  
 ✧ 22:29 I Wa 11:36 ✧ 22:31 Det 32:4 ✧ 22:32 I Sam 2:2 ✧ 22:33 I Sam 2:2 ✧ 22:37 II Sam 22:20 ✧ 22:38 Egz 15:9 ✧ 22:39 Mat 4:3 ✧ 22:40 Sòm 44:5 ✧ 22:41 Egz 23:27 ✧ 22:42 És 17:7-8 ✧ 22:43 II Wa 13:7 ✧ 22:43 És 10:6

Ou te kenbe m kòm chèf sou nasyon yo; <sup>45</sup> Etranje yo abese devan m tankou flatè;  
 Depi yo tande, yo obeyi mwen; <sup>46</sup> Etranje yo pèdi fòs, ✧epi sòti tranblan nan fòterès yo. <sup>47</sup> SENYÈ a vivan; beni, se wòch mwen an;  
 Epi egzalte, se ✧Bondye, wòch a sali mwen an. <sup>48</sup> Bondye ki egzekite vanjans pou mwen an,  
 ✧Epi ki rale fè desann lòt pèp yo anba m nan, <sup>49</sup> Ki osi fè m sòti devan lènmi mwen yo;  
 Ou menm fè m leve anwo ✧sila  
 Ki vin leve kont mwen yo.  
 Ou ban m sekou devan moun ki vyolan yo; <sup>50</sup> Pou sa, mwen va ba Ou remèsiman  
 O SENYÈ, ✧pami nasyon yo,  
 Mwen va chante lwanj a non Ou. <sup>51</sup> Li se yon gran fò delivrans pou wa Li a,  
 Epi ✧montre lanmou dous a onksyone pa Li a  
 A ✧David avèk desandan pa li yo jis pou tout tan.

## 23

<sup>1</sup> Alò, sila yo se dènye pawòl a David yo.  
 David, fis a Jesse a deklare  
 Mesye ki te leve anwo a deklare,  
 ✧Sila ki onksyone pa Bondye a Jacob la,  
 Chantè dous Israèl la,  
<sup>2</sup> Nan mwen, ✧Lespri SENYÈ a te pale,  
 Pawòl pa Li te sou lang mwen. <sup>3</sup> Bondye a Israèl la te di;  
 ✧Wòch a Israèl la te pale mwen,  
 Sila ki renye sou lèzòm avèk ladwati Li a,  
 Ki renye avèk lakrent Bondye yo, <sup>4</sup> Se tankou ✧limyè maten lè solèy la leve,  
 Yon maten san nwaj, lè zèb tounèf  
 Vin sòti nan tè a nan solèy apre lapli. <sup>5</sup> Vrèman, se pa konsa lakay mwen ye avèk Bondye?  
 Paske, ✧Li te fè yon akò k ap dire nèt avè m,  
 An lòd nan tout bagay e byen solid;  
 Pou tout sali mwen avèk tout dezi mwen,  
 Èske, anverite, Li p ap fè l grandi? <sup>6</sup> Men ✧sanzave yo, yo chak va pouse  
 Jete deyò tankou rajè pikan,  
 Akoz pèsòn p ap kab pran yo an men; <sup>7</sup> Men nonm ki touche yo a  
 Dwe ame avèk fè ak shaf lans e  
 Yo va vin ✧brile nèt avèk dife an plas kote yo ye a. <sup>8</sup> Sila yo se ✧non a mesye vanyan ki te pou David yo: Josheb-Basschébeth, Tachkemonit lan, youn nan ofisye prensipal yo. Li te parèt avèk lans li sou ui-san òm ki te mouri yon sèl kou yo. <sup>9</sup> Apre li menm, se Éléazar, fis a ✧Dodo a, Achochit la. Li te youn nan twa gèrye ki te, ansanm ak David yo, ki te konfwonte Filisten ki te rasanble pou batay yo; epi, lòt mesye Israèl yo te fè bak yo. <sup>10</sup> ✧Li te leve frappe Filisten yo jiskaske men li te fatige e te kole a nepe a. Epi SENYÈ a te fè parèt yon gran viktwa

✧ 22:46 I Sam 14:11 ✧ 22:47 II Sam 22:3 ✧ 22:48 Sòm 144:2 ✧ 22:49 Sòm 44:5 ✧ 22:50 Wo 15:9 ✧ 22:51 Sòm 89:24 ✧ 22:51 Sòm 144:10 ✧ 23:1 Sòm 89:20 ✧ 23:2 Mat 22:43 ✧ 23:3 II Sam 22:2-32 ✧ 23:4 Jij 5:31 ✧ 23:5 II Sam 7:12-16 ✧ 23:6 Mat 13:41 ✧ 23:7 Mat 3:10 ✧ 23:8 I Kwo 11:11 ✧ 23:9 I Kwo 27:4 ✧ 23:10 I Kwo 11:13

nan jou sa a. Pèp la te swiv li sèlman pou piyaje mò yo. <sup>11</sup> Alò, apre li se te Schamma, fis a Agué a, yon ✧Ararit. Filisten yo te rasanble nan yon ekip kote yon moso tè te plen avèk pwa lantiy e pèp la te kouri devan Filisten yo. <sup>12</sup> Men li te kanpe pran pozisyon li nan mitan chan an pou defann tè a. Li te frape Filisten yo; epi, ✧SENYÈ a te fè vini yon gran viktwa. <sup>13</sup> Alò, twa nan trant mesye pifò yo te desann kote David nan tan rekòlt la kote ✧kavèn Adullam nan pandan ekip Filisten an t ap fè kan nan ✧vale Rephaïm nan. <sup>14</sup> Nan tan sa a, David te la ✧nan fò a, pandan ganizon Filisten an te Bethléhem. <sup>15</sup> ✧David te gen yon anvi, e li te di: “Men kijan mwen ta kontan si yon moun ta ban m dlo pou bwè ki sòti nan pwi Bethléhem akote pòtay la!” <sup>16</sup> ✧Konsa, twa mesye vanyan sa yo te pete antre nan kan Filisten yo, yo te rale dlo nan pwi Bethléhem ki te akote pòtay la e yo te pote li bay David. Malgre sa, li te refize bwè l, men li te vide li bay SENYÈ a; <sup>17</sup> epi li te di: “Lwen de mwen O SENYÈ; ✧Èske m ta bwè san a mesye ki te mete lavi yo nan gwo danje a?” Pou sa, li pa t bwè li. Se zèv sila yo ke twa mesye vanyan sa yo te fè <sup>18</sup> ✧Abischaï, frè a Joab la, fis a Tseruja a, te ✧chèf a trant yo. Li te voye lans li kont twa san moun, li te touye yo e li te gen yon non ki vin rekonèt menm jan ak twa yo. <sup>19</sup> Li te pi onore pami trant yo; epi, pou sa, li te devni chèf yo. Malgre sa, li pa t rive nan nivo twa sa yo. <sup>20</sup> Alò, ✧Benaja, fis a Jehojada a, fis a yon mesye vanyan nan Kabtséel, ki te fè zak byen fò, li te touye de fis a Ariel yo nan Moab. Anplis, li te desann e te touye yon lyon nan mitan a yon fòs yon jou pandan lanèj t ap tonbe. <sup>21</sup> Li te touye yon Ejipsyen, yon mesye mèvèy. Alò, Ejipsyen an te gen yon lans nan men li, men li te desann kote li avèk yon gwo baton e li te sezi lans lan soti nan men Ejipsyen an e te touye li avèk pwòp lans li an. <sup>22</sup> Bagay sa yo, ✧Benaja, fis a Jehojada a te fè e non l te gen repitasyon menm jan ak twa mesye vanyan yo. <sup>23</sup> Li te onore pami trant yo, men li pa t rive nan nivo a twa yo. Epi David te plase li kòm chèf sou gad li. <sup>24</sup> ✧Asaël, frè a Joab la te pami trant yo; Elchanan, fis a Dodo a Bethléhem, <sup>25</sup> ✧Schamma, Awodit la, Élika, Awodit la, <sup>26</sup> Hélets, Peletyen an, Ira, fis a Ikkesch la, ✧Tekoyit la, <sup>27</sup> Abiézer, ✧Anatotyen an, Mebunnaï, Oushatyen an, <sup>28</sup> Tsalmon, Achoachit la, Marahaï, Netofayit la. <sup>29</sup> ✧Héleb, fis a Baana a, Netofayit la, Ittaï, fis a Rabaï a nan ✧Guibéa, fis a Benjamin yo <sup>30</sup> Benaja, a ✧Pirathon, Hiddaï a Nachalé-Gaasch <sup>31</sup> Abi-Albon, Abatyen an, Azmaveth, ✧Bakoumit lan <sup>32</sup> Eliachba, ✧Shaalbonit lan, Bené-Jaschen avèk Jonathan <sup>33</sup> Schamma a Harar, Achaim, fis a Scharar a, Araryen an, <sup>34</sup> Éliphéleth, fis a Achasbaï a, fis a Maakatyen an, Éliam, fis a Achitophel la nan Guillo Éliphéleth, fis a Achasbaï a nan Guillo. <sup>35</sup> Hetsraï a Carmel. Paaraï, Arab la. <sup>36</sup> Jijueal, fis a Nathan an nan Tsoba, Bani a Gad. <sup>37</sup> Tsélek, Amonit lan, Naharaï nan Beéroth la, pòtè zam a Joab yo, fis a Tsuerja a. <sup>38</sup> Ira a Jéther. <sup>39</sup> Urie, Etyen an An total, trann-sèt òm.

✧ 23:11 II Sam 23:33 ✧ 23:12 II Sam 23:10 ✧ 23:13 I Sam 22:1 ✧ 23:13 II Sam 5:18 ✧ 23:14 I Sam 22:4 ✧ 23:15 I Kwo 11:17 ✧ 23:16 I Kwo 11:18 ✧ 23:17 Lev 17:10 ✧ 23:18 II Sam 10:10-14 ✧ 23:18 I Kwo 11:20-21 ✧ 23:20 II Sam 8:18 ✧ 23:22 II Sam 23:20 ✧ 23:24 II Sam 2:18 ✧ 23:25 I Kwo 11:27 ✧ 23:26 II Sam 14:2 ✧ 23:27 Jos 21:18 ✧ 23:29 I Kwo 11:30 ✧ 23:29 Jos 18:28 ✧ 23:30 Jij 12:13 ✧ 23:31 II Sam 3:16 ✧ 23:32 Jos 19:42

## 24

<sup>1</sup> Alò, kòlè SENYÈ a te brile ankò kont Israèl e li te pwovoke David kont yo pou di: ✨“Ale konte moun Israèl avèk Juda yo.” <sup>2</sup> Wa a te di a Joab, chèf lame ki te avèk li a: “Ale, koulye a, atravè tout tribi Israèl yo, ✨soti nan Dan jis rive Beer-Schéba e anrejistre pèp la pou m kab konnen nonb de moun yo.” <sup>3</sup> Men Joab te di a wa a: “Alò, ke SENYÈ a ta kapab ajoute san fwa anplis kantite moun ke yo ye a, pandan zye a mèt mwèn an, wa a, kab toujou wè; men, poukisa mèt mwèn an, wa a, twouve plezi nan bagay sila a? <sup>4</sup> Men pawòl a wa a te pran plas kont Joab e kont chèf lame yo. Pou sa, Joab avèk chèf lame yo te sòti nan prezans wa a pou anrejistre pèp Israèl la. <sup>5</sup> Yo te travèse Jourdain an pou te fè kan ✨Aroër, sou bò dwat vil la ki nan mitan vale Gad la, ak vè Jaezer. <sup>6</sup> Epi yo te vini Galaad, nan peyi Thachthim-Hodschi, yo te rive Danjaan ak kote ✨Sidon an. <sup>7</sup> Epi yo te rive nan ✨fòterès Tyr la, nan tout vil a Evyen yo ak Kananeyen yo; epi, yo te sòti nan sid Juda, nan Beer-Schéba. <sup>8</sup> Konsa, lè yo te fin pase nan tout peyi a, yo te vini Jérusalem nan fen nèf mwa e ven jou. <sup>9</sup> Epi Joab te bay nimewo anrejistremant pèp la bay wa a. Te gen an Israèl, ✨ui-san-mil mesye vanyan ki te kapab rale nepe e mesye nan Juda yo te senk-san-mil. <sup>10</sup> Koulye a, kè ✨David te vin twouble lè li te fin konte pèp la. Konsa, David te di a SENYÈ a: “Mwèn te fè gwo peche nan sa mwèn te fè a. Men koulye a, O SENYÈ, souple retire inikite a sèvitè Ou a, paske mwèn te aji nan foli.” <sup>11</sup> Lè David te leve nan maten, pawòl SENYÈ a te vini a ✨pwofèt Gad la, vwayan David la, e li te di: <sup>12</sup> Ale pale avèk David: ‘Konsa SENYÈ a di: “Mwèn ap ofri ou twa bagay; chwazi pou ou menm youn nan yo, pou m fè ou.” ’ <sup>13</sup> Konsa, Gad te rive kote David e li te di li: “Èske ✨sèt ane gwo grangou va rive ou nan peyi ou? Oswa èske ou va sove ale pandan twa mwa devan lènmi ou yo pandan y ap kouri dèyè ou? Oswa èske va gen twa jou gwo epidemi nan peyi ou? Alò konsidere e wè ki repons mwèn va pote bay Sila ki te voye mwèn an. <sup>14</sup> Epi David te di a Gad: “Mwèn nan gwo pwoblèm. Annou tonbe nan men a SENYÈ a, ✨paske mizerikòd Li gran; men, pa kite mwèn tonbe nan men a lòm.” <sup>15</sup> Konsa, ✨SENYÈ a te voye yon epidemi sou Israèl jis rive nan maten nan lè chwazi a e swasann-di-mil moun nan pèp la soti Dan jis rive Beer-Schéba te mouri. <sup>16</sup> ✨Lè zanj lan te lonje men li vè Jérusalem pou detwi li, ✨SENYÈ a te repanti de gwo malè a e te di a zanj ki te detwi pèp la: “Sa ase! Koulye a, lache men ou!” Epi zanj SENYÈ a te akote glasi a Aravna a, Jebizyen an. <sup>17</sup> Epi David te pale a SENYÈ a lè li te wè zanj ki t ap frape pèp la, e li te di: “Gade byen, ✨se mwèn ki te peche a, se mwèn ki te fè mal la; men mouton sila yo, kisa yo te fè? Souple, kite men Ou vin kont mwèn ak kont lakay papa m.” <sup>18</sup> Konsa, Gad te rive kote David nan jou sa menm e li te di li: “Ale monte, bati yon lotèl a SENYÈ a sou glasi Aravna a, Jebizyen an. <sup>19</sup> David te monte pa pawòl a Gad la, jis jan ke SENYÈ a te kòmande a. <sup>20</sup> Aravna te gade anba e te wè wa a avèk sèvitè li yo ki t ap travèse bò kote li. Epi Aravna te parèt deyò e li te bese figi li jiska atè devan wa a. <sup>21</sup> Alò, Aravna te di: “Poukisa mèt mwèn, wa a, te vin kote sèvitè li a?” Epi David te di: “Pou achte glasi a nan men ou, pou

✨ 24:1 I Kwo 27:23-24 ✨ 24:2 Jij 20:1 ✨ 24:5 Det 2:36 ✨ 24:6 Jos 19:28 ✨ 24:7 Jos 19:29  
 ✨ 24:9 I Kwo 21:5 ✨ 24:10 I Sam 24:5 ✨ 24:11 I Sam 22:5 ✨ 24:13 I Kwo 21:12 ✨ 24:14  
 Sòm 51:1 ✨ 24:15 I Kwo 21:14 ✨ 24:16 Trav 12:23 ✨ 24:16 Egz 32:14 ✨ 24:17 II Sam 24:10

m kab bati yon lotèl bay SENYÈ a, ✨pou epidemi an kab vin sispann sou pèp la.”<sup>22</sup> Aravna te di a David: “Kite mèt mwen an, wa a, pran sa li wè ki bon nan zye li e ofri li. Gade, ✨men bèf pou ofrann brile a, bwa kabwèt yo avèk jouk bèf yo pou bwa dife a.”<sup>23</sup> Tout bagay, O wa, Aravna ap bay wa a.” Epi Aravna te di a wa a: “Ke SENYÈ a, Bondye ou a, kapab kontan avèk ou.”<sup>24</sup> Sepandan, wa a te di a Aravna: “Non, men mwen va, anverite, achte li pou yon pri; paske, mwen p ap ofri ofrann brile bay SENYÈ a, Bondye mwen an ki pa koute m anyen.” Konsa, ✨David te achte glasi a avèk bèf yo pou senkant sik ajan.<sup>25</sup> David te bati la yon lotèl bay SENYÈ a e li te ofri ofrann brile yo avèk ofrann lapè yo. ✨Konsa, SENYÈ a te kontan akoz lapriyè pou peyi a e epidemi an te vin sispann an Israèl.



## I Wa

<sup>1</sup> Alò, Wa David te vin vye, avanse nan laj. Malgre yo te kouvri li avèk rad, li pa t kapab sipòte chalè. <sup>2</sup> Konsa, sèvitè li yo te di li: “Kite yo chache yon jenn fi vyèj pou wa a, mèt mwen an, e kite li okipe wa a pou devni enfimyè li. Epi kite li kouche nan sen li pou wa a, mèt mwen an, pou li kapab chofè kò li.” <sup>3</sup> Konsa, yo te chache toupatou yon bèl fi nan tout teritwa Israèl la, yo te twouve Abischag, ✧Sinamit lan e yo te mennen li kote wa a. <sup>4</sup> Fi a te byen bèl; epi li te devni enfimyè a wa a pou te okipe li; men wa a pa t antre nan relasyon avèk li. <sup>5</sup> Alò, ✧Adonija, fis a Haggith la te vin vante tèt li, e te di: “Mwen va devni wa.” Konsa, li te prepare pou li menm cha avèk chevalye avèk senkant òm pou te kouri devan l. <sup>6</sup> Papa li pa t janm konfwonte li nan okenn moman pou di: “Poukisa ou fè sa?” Epi li te osi yon bonòm byen bèl e ✧li te ne apre Absalom. <sup>7</sup> Li te fè tèt a tèt ansanm avèk ✧Joab, fis a Tseruja a, avèk ✧Abiathar, prèt la; epi yo te swiv Adonija pou te ede li. <sup>8</sup> Men ✧Tsadok, prèt la, Benaja, fis a Jehojada a, ✧Nathan, pwofèt la, Schimeï, Réï, ak mesye vanyan ki te apatyen a David yo, pa t avèk Adonija. <sup>9</sup> Adonija te fè sakrifis mouton avèk bèf ak bèt gra kote wòch a Zohéleth la, ki akote ✧En-Rouguel; epi li te envite tout frè li yo, fis a wa yo ak tout mesye pwisan Juda yo, sèvitè a wa yo. <sup>10</sup> Men li pa t envite Nathan, pwofèt la, Benaja, mesye vanyan yo, ni Salomon, frè l la. <sup>11</sup> Epi Nathan te pale avèk ✧Bath-Schéba, manman a Salomon, e te di: “Èske ou pa t tandè ke Adonija, fis a Haggith la te devni wa e David, mèt nou an, pa konnen sa? <sup>12</sup> Pou sa, vini koulye a, souple, kite mwen ✧ba ou konsèy pou sove lavi ou avèk lavi a fis ou a, Salomon. <sup>13</sup> Ale, koulye a, kote Wa David e di li: “Mèt mwen, O Wa a, èske ou pa t sèman te a sèvant ou an, e te di: ✧“Anverite Salomon, fis ou a va wa apre mwen e li va chita sou twòn mwen an”? Poukisa konsa, Adonija gen tan vin wa a? <sup>14</sup> Veye byen, pandan ou toujou la a ap pale avèk wa a, mwen va parèt pou konfime pawòl ou yo.” <sup>15</sup> Konsa, Bath-Schéba te antre kote wa a nan chanm dòmi an. Alò, ✧wa a te byen vye, epi Abischag, Sinamit lan, t ap okipe wa a. <sup>16</sup> Bath-Schéba te bese kouche nèt atè devan wa a. Epi wa a te di: “Se kisa ke ou vle?” <sup>17</sup> Li te di li: “Mèt mwen, ou te sèman te a sèvant ou a pa SENYÈ a, Bondye ou a, ke: ✧Anverite fis ou a, Salomon va devni wa apre mwen e li va chita sou twòn mwen an.” <sup>18</sup> Alò, gade byen, se Adonija ki wa a; epi koulye a, mèt mwen an, wa a, ou pa menm konnen. <sup>19</sup> ✧Li gen tan fè sakrifis bèf avèk bèt gra ak mouton an gran kantite e li te envite tout fis a wa yo avèk Abiathar, prèt la, avèk Joab, chèf lame a; men, li pa t envite Salomon, sèvitè ou a. <sup>20</sup> Epi koulye a, pou ou menm, mèt, wa a, zye a tout Israèl ap gade ou pou di yo se kilès k ap chita sou twòn a mèt mwen an, wa a, apre li. <sup>21</sup> Otreman, li va vin rive ke ✧depi mèt mwen an, wa a, vin dòmi avèk zansèt li yo, pou mwen avèk fis mwen an, Salomon va vin konsidere kòm koupab.” <sup>22</sup> Epi gade, pandan li te toujou ap pale, Nathan, pwofèt la te vin antre. <sup>23</sup> Yo te pale wa a, e te di: “Men Nathan, pwofèt la.” Epi lè l te antre devan wa a, li te pwostène kò l devan wa a avèk figi li

✧ 1:3 Jos 19:18 ✧ 1:5 II Sam 3:4 ✧ 1:6 II Sam 3:3-4 ✧ 1:7 I Kwo 11:6 ✧ 1:7 I Sam 22:20-23  
 ✧ 1:8 I Kwo 16:39 ✧ 1:8 II Sam 12:1 ✧ 1:9 Jos 15:7 ✧ 1:11 II Sam 12:24 ✧ 1:12 Pwov 15:22 ✧ 1:13 I Wa 1:30 ✧ 1:15 I Wa 1:1 ✧ 1:17 I Wa 1:13 ✧ 1:19 I Wa 1:9 ✧ 1:21 Det 31:16

atè. <sup>24</sup> Epi Nathan te di: “Mèt mwen, wa a, èske ou te di: ‘Adonaja va wa apre mwen e li va chita sou twòn mwen an?’ <sup>25</sup> ✧ Paske li te desann jodi a pou te fè sakrifis bèf avèk bèt gra, ak mouton an gran kantite e li te envite tout fis a wa yo avèk chèf lame a, avèk Abiathar, prèt la; epi men vwala, y ap manje bwè devan li; epi yo di: ‘Viv wa Adonija!’ <sup>26</sup> ✧ Men mwen menm, sèvitè ou a, avèk Tsadok, prèt la ak Benaja, fis a Jehojada a, e sèvitè ou a, Salomon, li pa t envite nou. <sup>27</sup> Èske bagay sa a te fèt pa mèt mwen an, wa a, e èske ou pa t montre sèvitè ou yo kilès ki ta dwe chita sou twòn a mèt mwen an, wa a, apre li?” <sup>28</sup> Epi Wa David te di: “Rele Bath-Schéba vin kote m”. Epi li te parèt nan prezans a wa a e li te kanpe devan wa a. <sup>29</sup> Wa a te sèman e te di: ✧ “Jan SENYÈ a viv la, Li menm ki te peye ranson lavi mwen soti nan tout twoub, <sup>30</sup> Anverite, jan ✧ mwen te sèman a ou menm pa SENYÈ a, Bondye a Israèl la, e te di: ‘Fis ou a, Salomon va devni wa a apre mwen e li va chita sou twòn mwen an nan plas mwen’. Mwen va, anverite, fè sa menm jodi a.” <sup>31</sup> Epi Bath-Schéba te bese avèk figi li atè devan wa a e te di: ✧ “Ke mèt mwen an, Wa David, viv pou tout tan.” <sup>32</sup> Alò, Wa David te di: “Rele vin kote m ✧ Tsadok, prèt la, Nathan, pwofèt la, ak Benaja, fis a Jehojada a.” Epi yo te vini nan prezans a wa a. <sup>33</sup> Wa a te di yo: “Pran avèk ou ✧ sèvitè a mèt ou yo e fè fis mwen an, Salomon, monte sou milèt pa m nan e mennen li anba nan Guihon. <sup>34</sup> Kite Tsadok, prèt la ak Nathan, pwofèt la onksyone li la kòm wa sou Israèl; epi ✧ soufle twonpèt la e di: “Viv wa a, Salomon! <sup>35</sup> Alò, ou va vin monte apre li, li va vin chita sou twòn mwen an e li va vin wa nan plas mwen; paske mwen te chwazi li pou renye sou Israèl avèk Juda.” <sup>36</sup> Benaja, fis a Jehojada a te reponn wa a e te di: “Amen!” Kite se konsa ke SENYÈ a, Bondye a mèt mwen an, pale. <sup>37</sup> ✧ Jan SENYÈ a te avèk mèt mwen an, wa a, konsa ke li kapab avèk Salomon e fè twòn li an pi gran ke twòn a mèt mwen an, Wa David! <sup>38</sup> Konsa ✧ Tsadok, prèt la, Nathan, pwofèt la, Benaja, fis a Jehojada a, ✧ Keretyen yo, Peletyen yo te desann e te fè Salomon monte sou milèt a David la pou te mennen li kote Guihon. <sup>39</sup> Tsadok, prèt la, te ✧ pran kòn lwil la nan tant lan pou te ✧ onksyone Salomon. Yo te soufle twonpèt la, e tout pèp la te di: “Viv wa Salomon!” <sup>40</sup> Tout pèp la te monte apre li e pèp la t ap jwe flit, yo t ap rejwi avèk gran jwa, jiskaske tè a te vin souke avèk bwi ke yo t ap fè yo. <sup>41</sup> Alò, Adonaja avèk tout envite ki te avèk li yo te tande sa pandan yo te fin manje. Lè Joab te tande bwi a twonpèt la, li te di: “Poukisa gen zen lavil la konsa?” <sup>42</sup> Pandan li te toujou ap pale, men vwala, ✧ Jonathan, fis a Abiathar a, prèt la te vin rive. Alò Adonaja te di: “Antre, pwiske ou se yon nonm vanyan e ki pote bòn nouvèl.” <sup>43</sup> Men Jonathan te reponn a Adonaja: “Non! Mèt nou, Wa David, te fè Salomon wa. <sup>44</sup> Wa a te osi voye avèk li Tsadok, prèt la, Nathan, pwofèt la, Benaja, fis a Jehojada a, Keretyen yo, Peletyen yo; epi yo te fè li monte sou milèt a wa a. <sup>45</sup> Tsadok, prèt la, avèk Nathan, pwofèt la, te onksyone li wa nan Guihon; epi yo te vin monte depi la, ranpli avèk jwa ✧ jiskaske tout vil la te vin boulvèse. Sa se bwi ke nou te tande a. <sup>46</sup> Anplis menm, ✧ Salomon te vin pran chèz li sou twòn wayòm nan. <sup>47</sup> Toujou, sèvitè a wa yo te vin beni mèt nou an, Wa David, e yo te di: ‘Ke ✧ Bondye ou a kapab fè non a

✧ **1:25** I Wa 1:9 ✧ **1:26** I Wa 1:8-10 ✧ **1:29** II Sam 4:9 ✧ **1:30** I Wa 1:13-17 ✧ **1:31** Dan 2:4  
 ✧ **1:32** I Wa 1:8 ✧ **1:33** II Sam 20:6-7 ✧ **1:34** II Sam 15:10 ✧ **1:37** Jos 1:5-17 ✧ **1:38** I Wa 1:8  
 ✧ **1:38** II Sam 8:16 ✧ **1:39** Egz 30:23-32 ✧ **1:39** I Kwo 29:22 ✧ **1:42** II Sam 15:27-36  
 ✧ **1:45** I Wa 1:40 ✧ **1:46** I Kwo 29:23 ✧ **1:47** I Wa 1:37

Salomon pi bon ke non ou e twòn pa li a pi gran ke twòn pa w la!’ Epi ✨wa a te bese sou kabann nan. <sup>48</sup> Wa a osi te di konsa: ‘Beni se SENYÈ a, Bondye Israèl la, ki ✨te pèmèt yon moun vin chita sou twòn mwen an jodi a pandan pwòp zye m toujou wè.’” <sup>49</sup> Alò, tout envite a Adonija yo te ranpli avèk gwo laperèz. Yo te leve e yo chak te ale fè wout yo. <sup>50</sup> Epi Adonija te pè Salomon. Li te leve ale, li te sezi kòn lotèl yo, e li te di: ‘Kite Salomon sèmante a mwen menm jodi a ke li p ap mete sèvitè li a a lanmò avèk nepe.’” <sup>51</sup> Alò, yo te pale a Salomon e yo te di: “Gade byen, Adonija pè Wa Salomon; paske, tandè byen, li te ale sezi kòn lotèl yo, e li t ap di: ‘Kite Wa Salomon sèmante a mwen menm jodi a ke li p ap mete sèvitè li a a lanmò avèk nepe.’” <sup>52</sup> Salomon te di: “Si li se yon moun onèt, ✨nanpwen menm youn nan cheve li k ap tonbe atè; men, si se mechanste ki twouve nan li, li va mouri.” <sup>53</sup> Konsa, Wa Salomon te voye mennen li desann soti nan lotèl la. Epi li te vin lonje kò l atè nèt devan Wa Salomon, epi Salomon te di li: “Ale lakay ou.”

## 2

<sup>1</sup> Lè ✨tan pou David mouri an t ap pwoche, li te bay lòd a Salomon e li te di: <sup>2</sup> ✨Mwen prale nan chemen a tout tè a. Pou sa, rete dyanm e montre ke se gason ou ye <sup>3</sup> Kenbe lòd SENYÈ a, Bondye ou a, pou mache nan tout vwa li yo, pou kenbe règleman Li yo, kòmandman Li yo, òdonans Li yo, avèk temwayaj Li yo, ✨selon sa ki ekri nan Lalwa Moïse la, pou ou kapab vin genyen nan tout sa ke ou antreprann ak nenpòt kote ke ou vire. <sup>4</sup> Pou ✨SENYÈ a kapab akonpli pawòl ke li te pale konsènan mwen menm nan, lè l te di: ‘Si fis ou yo fè atansyon nan chemen pa yo, pou mache devan M nan verite avèk tout kè yo e avèk tout nanm yo, ou p ap janm manke yon nonm pa ou sou twòn Israèl la.’ <sup>5</sup> Alò, ou konnen tou, sa ke Joab, fis a Tseruja a te fè m, sa ke li te fè a de chèf lame Israèl yo, a ✨Abner, fis a Ner a ak ✨Amasa, fis a Jèther a, ke li te touye; li osi te vèse san lagè nan tan lapè. Epi li te mete san lagè nan sentiwon senti li ak sou sandal nan pye li. <sup>6</sup> Pou sa, aji ✨konsa, selon sajès ou e pa kite cheve blanch li desann nan sejou lanmò yo anpè. <sup>7</sup> Men ✨montre ladousè a fis a Barzillaï yo, Galaadit la e kite yo pami sîla ki manje sou tab ou yo; paske, yo te ede mwen lè m te sove ale kite Absalom, frè ou a. <sup>8</sup> Veye byen, ✨genyen avè w ✨Schimeï, fis a Guéra a, Benjamit a Bachurim nan. Se te li menm ki te fè madichon sou mwen nan jou ke m te ale Mahanaïm nan. Men lè ✨li te desann bò kote m nan Jourdain an, mwen te sèmante a li menm pa SENYÈ a, e mwen te di: ‘Mwen p ap mete ou a lanmò avèk nepe.’ <sup>9</sup> Konsa, pou sa, pa kite li sòti san pini. ✨Paske ou se yon nonm saj; epi ou va konnen sa ke ou ta dwe fè a li menm, ou va fè tèt cheve blanch li an desann nan sejou lanmò nan san.” <sup>10</sup> Epi ✨David te dòmi avèk zansèt li yo e li te antere nan lavil David la. <sup>11</sup> ✨Jou ke David te renye sou Israèl yo te karant ane. Sèt ane, li te renye Hébron e trann-twa ane, li te renye Jérusalem. <sup>12</sup> Epi ✨Salomon te chita sou twòn David la, papa li e wayòm li an te etabli byen solid. <sup>13</sup> Alò Adonija, fis a Haggith la, te vini a Bath-Schéba, manman a Salomon. Bath-Schéba te mande: ✨“Èske ou vini anpè?” Adonija te di, “Anpè.” <sup>14</sup> Epi li te di: “Mwen

✨ 1:47 Jen 47:31 ✨ 1:48 II Sam 7:12 ✨ 1:52 I Sam 14:45 ✨ 2:1 Jen 47:29 ✨ 2:2 Jos 23:14  
 ✨ 2:3 Det 17:18-20 ✨ 2:4 II Sam 7:25 ✨ 2:5 I Wa 2:32 ✨ 2:5 II Sam 20:10 ✨ 2:6 I Wa 2:9  
 ✨ 2:7 II Sam 19:31-38 ✨ 2:8 II Sam 16:5-8 ✨ 2:8 II Sam 16:5-8 ✨ 2:8 II Sam 19:18-23  
 ✨ 2:9 I Wa 2:6 ✨ 2:10 Trav 2:29 ✨ 2:11 II Sam 5:4-5 ✨ 2:12 I Kwo 29:23 ✨ 2:13 I Sam 16:4

gen yon bagay pou mande ou.” Bath-Schéba te di: “Pale.” <sup>15</sup> Konsa li te di: “Ou konnen ke ✧wayòm nan te pou mwen e ke tout Israèl te sipoze ke se mwen ki t ap wa. Sepandan, wayòm nan te chavire e li te vin devni pou frè m, paske depi nan SENYÈ a, se te pou li. <sup>16</sup> Alò, se yon sèl bagay ke m ta mande a ou menm; pa refize mwen.” Epi li te di li: “Pale.” <sup>17</sup> Alò, li te di: “Souple, pale avèk Salomon, wa a, paske li p ap refize ou, pou li kapab ban mwen ✧Abischag, Sinamit la, kòm madanm.” <sup>18</sup> Bath-Schéba te di li: “Trè byen; mwen va pale avèk wa a pou ou.” <sup>19</sup> Konsa, Bath-Schéba te ale kote Wa Salomon pou pale avèk li pou Adonija. Epi wa a te leve pou rankontre li; li te bese devan l, e te chita sou twòn li an; epi li te ✧fè yo ranje yon twòn pou manman a wa a e ✧li te chita bò kote men dwat li. <sup>20</sup> Alò, li te di: “Mwen ap fè yon sèl ti demann a ou menm; ✧pa refize mwen.” Epi wa a te di a li: “Mande manman m, paske mwen p ap refize ou.” <sup>21</sup> Konsa, li te di: ✧“Kite Abischag Sinamit lan, vin bay a Adonija, frè ou a, kòm madanm.” <sup>22</sup> Wa Salomon te reponn li e te di a manman li: “Epi poukisa w ap mande Abischag, Sinamit lan pou Adonija? ✧Mande wayòm nan pou li tou—paske li se pi gran frè m—menm pou li, pou ✧Abiathar, prèt la ak pou Joab, fis a Tseruja a!” <sup>23</sup> Salomon te sèmante pa SENYÈ a e te di: “Ke Bondye kapab fè m sa e menm plis, si Adonija ✧pa gen tan pale pawòl sa a kont pwòp vi pa li. <sup>24</sup> Koulye a, pou sa, jan SENYÈ a viv la, ki te etabli mwen e ki te fè m chita sou twòn a David, papa m nan, ✧ki te fè pou mwen yon kay, jan Li te pwomèt mwen an, anverite Adonija ap mete a lanmò jodi a.” <sup>25</sup> Konsa, Salomon te ✧voye Benaja, fis a Jehojada a kote li. Li te tonbe sou li e li te mouri. <sup>26</sup> Epi a Abiathar, prèt la, wa a te di: “Ale nan Anathoth, pwòp chan pa ou a; paske, ou merite mouri; men, mwen p ap mete ou a lanmò nan moman sa a, pwiske ou te pote lach la devan papa m, David; epi akoz ou te aflije avèk tout sa ke papa m te aflije yo.” <sup>27</sup> Konsa, Salomon te revoke Abiathar kòm prèt SENYÈ a, pou akonpli ✧pawòl SENYÈ a te pale konsènan lakay Éli nan Silo. <sup>28</sup> Alò, nouvèl la te vini a Joab, ✧paske Joab te swiv Adonija, malgre li pa t swiv Absalom. Epi Joab te sove rive nan tant SENYÈ a e li te sezi kòn lotèl yo. <sup>29</sup> Li te pale a Wa Salomon ke Joab te sove ale nan tant SENYÈ a; epi men vwala, li akote lotèl la. Alò, Salomon te voye Benaja, fis a Jehojada a, e li te di: ✧“Ale, tonbe sou li.” <sup>30</sup> Konsa, Benaja te rive nan tant SENYÈ a e li te di li: “Konsa wa a te di: ‘Sòti deyò.’” Men li te di: “Non, paske mwen va mouri isit la.” Epi Benaja te pote bay wa a yon pawòl ankò, e li te di: “Konsa Joab te pale e konsa li te reponn mwen.” <sup>31</sup> Wa a te di li: ✧“Fè sa ke li te pale a, tonbe sou li e antere li, pou ou kapab fè sòti sou mwen ak sou lakay papa m san ke Joab te vèse san koz la. <sup>32</sup> SENYÈ a va fè san li retounen sou pwòp tèt li, akoz li te tonbe sou de mesye ki te pi dwat e pi bon ke li menm yo, li te touye yo avèk nepe, pandan papa m, David pa t konnen: ✧Abner, fis a Ner a, chèf lame Israèl la ak Amasa, fis a Jéther a, chèf lame a Juda. <sup>33</sup> Konsa, san yo va retounen sou tèt Joab avèk tèt desandan li yo pou tout tan; men, a David avèk desandan li yo, lakay li ak twòn li an, pou kapab gen lapè soti nan SENYÈ a pou tout tan.” <sup>34</sup> Epi ✧Benaja, fis a Jehojada a te monte tonbe sou Joab pou te mete li a lanmò. Li te antere bò lakay li a nan dezè

✧ 2:15 II Sam 3:3-4 ✧ 2:17 I Wa 1:3-4 ✧ 2:19 I Wa 15:1-3 ✧ 2:19 Sòm 45:9 ✧ 2:20 I Wa 2:16 ✧ 2:21 I Wa 1:3-4 ✧ 2:22 II Sam 12:8 ✧ 2:22 I Wa 1:7 ✧ 2:23 Rt 1:17 ✧ 2:24 II Sam 7:11-13 ✧ 2:25 II Sam 8:18 ✧ 2:27 I Sam 2:27-36 ✧ 2:28 I Wa 1:7 ✧ 2:29 Egz 21:14 ✧ 2:31 Egz 21:14 ✧ 2:32 II Sam 3:27 ✧ 2:34 I Wa 2:25

a. <sup>35</sup> ✧Wa a te chwazi Benaja, fis a Jehojada a sou lame a nan plas li e wa a te chwazi Tsadok kòm prèt nan plas Abiathar. <sup>36</sup> Alò wa a te voye chache ✧Schimeï e te di li: “Bati pou ou menm yon kay Jérusalem e rete la. Pa deplase sòti la pou ale nan okenn lòt plas. <sup>37</sup> Paske, nan jou ke ou sòti ✧travèse dlo Cédron an, ou mèt konnen byensi ke anverite, ou va mourì. San ou va sou pwòp tèt pa ou. <sup>38</sup> Alò, Schimeï te di a wa a: “Pawòl la bon. Jan mèt mwèn an, wa a te pale a, se konsa sèvitè ou va fè.” Konsa, Schimeï te viv Jérusalem pandan anpil jou. <sup>39</sup> Men li te vin rive nan fen twazan yo, ke de sèvitè a Schimeï yo te chape rive jwenn ✧Akisch, fis a Maaca a, wa Gath la.” <sup>40</sup> Epi Schimeï te leve sele bourik li e li te ale Gath kote Akisch pou chache jwenn sèvitè li yo. Epi Schimeï te ale mennen sèvitè li yo retounen soti Gath. <sup>41</sup> Sa te pale a Salomon ke Schimeï te kite Jérusalem pou ale Gath e li te retounen. <sup>42</sup> Pou sa, wa a te voye rele Schimeï e te di li: “Èske mwèn pa t fè ou sèman pa SENYÈ a e avèti ou solanèlman pou di ou ke: ‘Ou va konnen byensi nan jou ke ou sòti, ale nenpòt kote ke ou va, anverite, mourì?’ Epi ou te di mwèn: ‘Pawòl ke mwèn tandè a bon.’ <sup>43</sup> Poukisa konsa ou pa t swiv sèman bay SENYÈ a ak lòd ke m te mete sou ou a?” <sup>44</sup> Wa a te osi di a Schimeï: ✧“Ou konnen tout mal ke ou rekonèt nan kè ou, ke ou te fè a papa m, David. Akoz sa, SENYÈ a va remèt mal sa a sou pwòp tèt pa ou. <sup>45</sup> Men Wa Salomon va beni e ✧twòn David la va vin etabli devan SENYÈ a pou tout tan.” <sup>46</sup> ✧Epi wa a te kòmande Benaja, fis a Jehojada a, li te sòti deyò e li te tonbe sou li jiskaske li te mourì. Se konsa wayòm nan te etabli nan men a Salomon.

### 3

<sup>1</sup> Apre, ✧Salomon te fè yon alyans maryaj avèk Égypte, li te pran fi Farawon an e li te mennen li nan vil David la jiskaske li te fin bati pwòp kay li, lakay SENYÈ a, ak mi ki te antoure Jérusalem nan. <sup>2</sup> ✧Pèp la te toujou ap fè sakrifis sou wo plas yo, akoz pa t gen kay la pou non SENYÈ a jis rive nan jou sa yo. <sup>3</sup> Alò, Salomon te renmen SENYÈ a. Li te ✧mache nan tout règleman papa li yo, David, sof ke li te fè sakrifis e li te brile lansan nan wo plas yo. <sup>4</sup> ✧Wa a te konn ale Gabaon pou fè sakrifis la; paske, se la ke wo plas prensipal la te ye. Salomon te ofri mil ofrann brile sou lotèl sila a. <sup>5</sup> Nan Gabaon, SENYÈ a te parèt a Salomon nan yon rèv pandan lannwit; epi Bondye te di: ✧“Mande sa ou pito e m ap ba ou li.” <sup>6</sup> Epi Salomon te di: ✧“Ou te montre lanmou dous Ou anpil a sèvitè ou a, David, papa m, ✧selon jan li te mache devan Ou, anverite, avèk ladwati, avèk kè ki dwat anvè Ou; epi Ou te konsève pou li gran amou sila a, ke Ou te ba li yon fis ki pou chita sou twòn li an, jan sa ye jodi a. <sup>7</sup> Koulye a, O SENYÈ, Bondye mwèn an, ✧Ou te fè sèvitè ou wa nan plas a papa m, David, malgre mwèn pa plis ke yon timoun; mwèn pa menm konnen kijan pou m antre ni kijan pou m sòti. <sup>8</sup> Sèvitè Ou a nan mitan a pèp ke Ou te chwazi a, yon gran pèp ki twòp menm pou kontwòle ni konte. <sup>9</sup> Pou sa, ✧bay sèvitè Ou yon kè ki konprann pou li kab jije pèp Ou a, e distenge byen antre sa ki bon ak sa ki mal. Paske pou gran pèp Ou a, se kilès ki kab jije yo?” <sup>10</sup> Sa te fè plezi nan zye SENYÈ a ke Salomon te mande bagay sa a. <sup>11</sup> Bondye te di li: “Akoz ou te mande

✧ 2:35 I Wa 4:4 ✧ 2:36 II Sam 16:5 ✧ 2:37 II Sam 15:23 ✧ 2:39 I Sam 27:2 ✧ 2:44 II Sam 16:5-13 ✧ 2:45 II Sam 7:13 ✧ 2:46 I Wa 2:25-34 ✧ 3:1 I Wa 9:16-24 ✧ 3:2 Lev 17:3-5 ✧ 3:3 I Wa 11:4-38 ✧ 3:4 II Kwo 1:3 ✧ 3:5 Jn 15:7 ✧ 3:6 II Sam 7:8-17 ✧ 3:6 I Wa 9:4 ✧ 3:7 I Kwo 22:9-13 ✧ 3:9 II Kwo 1:10

bagay sa a e ou ✨pa t mande pou ou menm lavi ki long, ni richès pou ou menm, ni ou pa t mande pou pran lavi lènmi ou yo, men te mande pou ou menm ta gen kapasite pou konprann lajistis, <sup>12</sup> vwala, Mwen te fè selon pawòl ou yo. Veye byen, ✨Mwen te ba ou yon kè avèk konprann ak sajès, jiskaske nanpwen moun tankou ou ni avan ou, ni p ap genyen yon moun tankou ou k ap vini apre ou. <sup>13</sup> ✨Mwen te ba ou osi sa ke ou pa t mande, ni richès ni onè, jiskaske p ap gen okenn pami wa ki tankou ou pandan tout jou ou yo. <sup>14</sup> ✨Si ou mache nan chemen Mwen yo e kenbe règleman Mwen yo, tankou papa ou, David te mache a; alò, Mwen va ✨pwolonje jou ou yo.” <sup>15</sup> Epi ✨Salomon te vin leve e vwala, se yon rèv li te ye. Epi li te vini Jérusalem, e li te kanpe devan SENYÈ a, pou ofri ofrann brile ak ofrann lapè, e li te fè yon fèt pou tout sèvitè li yo. <sup>16</sup> Alò, de fanm ki te pwostitiye te parèt kote wa a e yo te kanpe devan l. <sup>17</sup> Youn nan fanm yo te di: “O mèt mwen, fanm sila avèk mwen menm rete nan menm kay; epi mwen te fè yon pitit pandan li te nan kay la. <sup>18</sup> Li te vin rive nan twazyèm jou ke m te fin akouche a, ke fanm sila a te fè yon pitit tou e se te ansanm ke nou te ye. Pa t gen lòt etranje avèk nou nan kay la, sèlman nou de a ki te nan kay la. <sup>19</sup> Pitit a fanm sa a te mouri nan lannwit; paske, li te kouche sou li. <sup>20</sup> Konsa, li te leve nan mitan nwit lan e li te pran pitit gason mwen an soti kote mwen, pandan sèvant ou an t ap dòmi, li te mete li sou sen li e li te mete pitit mouri an sou sen mwen. <sup>21</sup> Lè m te leve nan maten pou fè pitit la pran tete, men vwala, li te mouri. Men lè m te gade li byen nan maten, gade byen, se pa pitit mwen an ke m fenk fin akouche a li te ye.” <sup>22</sup> Alò, lòt fanm nan te di: “Non! Paske sila ki vivan an se fis mwen e sila ki mouri an se pitit pa w la.” Men premye fanm nan te di: “Non! Paske sila ki mouri an se fis pa w la e vivan an se pitit pa m nan.” Konsa, yo te pale devan wa a. <sup>23</sup> Epi wa a te di: “Youn di: ‘Sa se fis mwen k ap viv la e pitit pa w la se sila ki mouri an; epi lòt la di: ‘Non! Paske fis pa w la se sila ki mouri an e se pitit mwen an ki viv la.’” <sup>24</sup> Wa a te di: “Cache pou mwen yon nepe.” Epi yo te pote yon nepe devan wa a. <sup>25</sup> Wa a te di: “Divize pitit vivan an an de mòso; bay mwatye a youn e mwatye a lòt la.” <sup>26</sup> Alò fanm avèk pitit vivan an te pale ak wa a, paske ✨li te boulvèse jis rive nan fon kè l sou fis li a e te di: “O mèt mwen, ba li pitit la e sitou, pa touye li.” Men lòt la te di: “Li p ap pou ou, ni pou mwen; divize l!” <sup>27</sup> Alò, wa a te di: “Bay pitit vivan an a premye fanm nan e pa okenn mwayen, pa touye li. Se li ki manman l.” <sup>28</sup> Lè tout Israèl te tande koze a jijman sa a ke wa a te lonje bay, yo te krent wa a. Paske, ✨yo te wè ke sajès Bondye te nan li pou administre jistis la.

## 4

<sup>1</sup> Alò, Wa Salomon te wa sou tout Israèl. <sup>2</sup> Sila yo se te ofisye pa li yo: ✨Azaria, fis a Tsadok a, prèt la. <sup>3</sup> Élihoreph avèk Achija, fis a Schischa yo te sekretè; ✨Josaphat, fis a Achilud la, grefye <sup>4</sup> epi ✨Benaja, fis a Jehojada a te sou lame a; epi Tsadok avèk Abiathar te prèt; <sup>5</sup> Azaria, fis a Nathan an te sou ✨depite yo; epi Zabud, fis a Nathan an, yon prèt, te zanmi a wa a. <sup>6</sup> epi Achischar te sou tout afè kay la; epi Adoniram, fis a Abda a te sou mesye travo fòse yo. <sup>7</sup> Salomon te gen douz depite sou tout Israèl, ki te fè pwovizyon pou wa a avèk lakay li. Chak mesye yo te oblije bay pwovizyon

✨ 3:11 Jc 4:3 ✨ 3:12 I Wa 4:29-31 ✨ 3:13 I Wa 4:21-24 ✨ 3:14 I Wa 3:6 ✨ 3:14 Sòm 91:16  
 ✨ 3:15 Jen 41:7 ✨ 3:26 Jr 31:20 ✨ 3:28 Dan 1:17 ✨ 4:2 I Kwo 6:10 ✨ 4:3 II Sam 8:16  
 ✨ 4:4 I Wa 2:35 ✨ 4:5 I Wa 4:7

yo pou yon mwa chak ane. <sup>8</sup> Sila yo se non pa yo: Ben-Hur, nan peyi ti kolin Éphraïm yo. <sup>9</sup> Ben-Déker nan Makats, Saalbim avèk Beth-Schémesch ak Élon avèk Beth-Hannan. <sup>10</sup> Ben-Hésed nan Arubboth ✧(Soco te pou li avèk tout teritwa Hépher); <sup>11</sup> Ben-Abinadab nan ✧wotè kote Dor a (Thaphath, fi a Salomon an te madanm li). <sup>12</sup> Baana, fis a Achilud la, nan ✧Thaanac avèk Meguido, avèk tout Beth-Schean ki akote Tsarthan anba Jizreel, soti Beth-Schean rive Abel-Mehola, jis rive lòtbò Jokmean. <sup>13</sup> Ben-Guéber nan ✧Ramoht-Galaad (vil a Jaïr yo, fis a Manassé, ki Galaad la te pou li: nan zòn Argob, ki Basan an, swasant gran vil avèk mi yo fè an bwonz te pou li); <sup>14</sup> Achinadab, fis a Iddo a nan ✧Mahanaïm; <sup>15</sup> ✧Achimaats, nan Nephtali. (Li osi te marye avèk Basmath, fi a Salomon an); <sup>16</sup> Banna, fis a ✧Huschaï a nan Aser avèk Bealoth; <sup>17</sup> Josaphat, fis a Parauch la nan Issacar; <sup>18</sup> ✧Schimeï, fis a Éla a, nan Benjamin; <sup>19</sup> Guéber, fis a Uri a, nan peyi Galaad la, ✧nan ansyen peyi a Sihon, wa Amoreyen yo ak Og, wa Basan an; epi li te sèl depite nan tout zòn sila a. <sup>20</sup> ✧Juda avèk Israël te anpil tankou sab arebò lanmè an kantite; yo t ap manje, bwè, e rejwi. <sup>21</sup> Alò, Salomon te renye sou tout wayòm yo soti Rivyè Euphrate la, jis rive nan peyi Filisten yo ak nan lizyè a Égypte yo. ✧Yo te mennen pèyman obligatwa e yo te sèvi Salomon tout jou lavi li yo. <sup>22</sup> Pwovizyon pou Salomon pou yon sèl jou se te trant barik farin fen ak swasant barik farin, <sup>23</sup> dis bèf gra, ven bèf chan, san mouton anplis ke sèf, gazèl, chèvrèt mal ak tout kalite zwazo domestik gra. <sup>24</sup> Paske, li te byen domine sou tout sila ki te vè lwès Larivyè a, soti nan Thiphsach, jis rive nan Gaza, ✧sou tout wa yo vè lwès Larivyè a. Epi ✧li te gen lapè sou tout akote ki antoure li yo. <sup>25</sup> ✧Konsa, Juda avèk Israël te viv ansekirite, chak moun anba chan rezen pa yo avèk pye fig etranje pa yo, ✧soti nan Dan jis rive nan Beer-Schéba, pandan tout jou a Salomon yo. <sup>26</sup> ✧Salomon te gen karant-mil kote kouvri pou cheval ki te rale cha yo ak douz-mil chevalye. <sup>27</sup> Depite yo te founi pou Wa Salomon avèk tout sila ki te vini sou tab a Wa Salomon yo, yo chak pandan mwa pa yo; yo pa t kite li manke anyen. <sup>28</sup> Yo te osi pote lòj avèk pay pou cheval avèk ✧pi bèl sèl cheval byen vit pou mete kote li ta dwe ye a, yo chak selon chaj yo. <sup>29</sup> Alò, ✧Bondye te bay Salomon sajès avèk gran kapasite pou fè bon jijman, avèk entèlijans ki te vast tankou sab arebò lanmè. <sup>30</sup> Sajès a Salomon te depase sajès a tout ✧fis a lès yo ak ✧tout sajès an Égypte la. <sup>31</sup> Paske ✧li te pi saj pase tout moun, pase Éthan, Ezrachit la, Héman, Calcol, avèk Darda, fis a Machol yo; epi repitasyon li te nan tout nasyon ki te antoure li yo. <sup>32</sup> ✧Li te osi pale plis ke twa-mil pwovèb e chanson li yo te yon mil senk. <sup>33</sup> Li te pale konsènan pyebwa yo soti nan sèd ki Liban an, jis rive nan izòp ki grandi sou mi an. Li te pale osi de bèt ak zwazo avèk reptil ak pwason. <sup>34</sup> Moun te ✧vini soti nan tout pèp yo pou tande sajès a Salomon, soti nan tout wa sou latè ki te tande afè sajès li a.

## 5

<sup>1</sup> Alò, Hiram, wa a Tyr la, te voye sèvitè li yo kote Salomon lè li te tande ke yo te onksyone li wa nan plas a papa li; paske, ✧Hiram te konn toujou

✧ 4:10 Jos 15:35 ✧ 4:11 Jos 11:1-2 ✧ 4:12 Jij 5:19 ✧ 4:13 I Wa 22:3-15 ✧ 4:14 Jos 13:26  
 ✧ 4:15 II Sam 15:27 ✧ 4:16 II Sam 15:32 ✧ 4:18 I Wa 1:8 ✧ 4:19 Det 3:8-10 ✧ 4:20 Jen 22:17  
 ✧ 4:21 II Sam 8:2-6 ✧ 4:24 II Sam 8:2-6 ✧ 4:24 I Kwo 22:9 ✧ 4:25 Jr 23:6 ✧ 4:25 I Sam 3:20  
 ✧ 4:26 I Wa 10:26 ✧ 4:28 Est 8:10-14 ✧ 4:29 I Wa 3:12 ✧ 4:30 Jen 29:1 ✧ 4:30 És 19:11  
 ✧ 4:31 I Wa 3:12 ✧ 4:32 Ekl 12:9 ✧ 4:34 I Wa 10:1 ✧ 5:1 II Sam 5:11

zanmi David. <sup>2</sup> Epi ✧Salomon te voye kote Hiram pou di: <sup>3</sup> Ou konnen ke David, papa m, pa t kapab bati yon kay pou non a SENYÈ a, akòz gè ki te antoure li yo, jiskaske SENYÈ a te mete yo anba pla pye li. <sup>4</sup> Men koulye a, ✧SENYÈ a te ban m repo tout kote; nanpwen advèsè ni malè. <sup>5</sup> Gade byen, ✧ “Mwen gen entansyon bati yon kay pou non SENYÈ a, Bondye mwen an, jan SENYÈ a te pale a David la, papa m nan, e Li te di: ‘Fis ou a, ke mwen va mete sou twòn pa w la, nan plas ou a, li va bati kay la pou non Mwen.’ <sup>6</sup> Alò, pou sa, bay lòd pou yo koupe pou mwen ✧sèd Liban e sèvitè mwen yo va la avèk sèvitè pa ou yo; epi mwen va ba ou salè pou sèvitè ou yo selon tout sa ke ou di, paske ou konnen ke nanpwen pami nou ki konprann kijan pou koupe bwa tankou Sidonyen yo. <sup>7</sup> Lè Hiram te tande pawòl a Salomon yo, li te rejwi anpil, e li te di: “Beni se SENYÈ a nan jou sila a, ki te bay a David yon fis ki saj sou gran pèp sa a.” <sup>8</sup> Konsa, Hiram te voye kote Salomon e te di: “Mwen te tande sa ke ou voye di mwen an; mwen va fè sa ke ou vle de bwa sèd avèk pichpen an. <sup>9</sup> Sèvitè mwen yo va mennen yo desann soti Liban rive kote lanmè a. Mwen va mare yo ansanm pou fè yo rive pa lanmè ✧nan plas kote ou dirije m nan e kase yo la pou moun ou yo kab pote yo ale. Alò, ou va akonpli volonte m e ou bay manje a tout lakay mwen.” <sup>10</sup> Konsa, Hiram te bay Salomon tout sa li te vle nan bwa sèd avèk pichpen yo. <sup>11</sup> Epi ✧Salomon te bay Hiram ven-mil barik nan ble a kòm manje pou lakay li ak ven barik nan lwil bat la; konsa Salomon te bay Hiram ane pa ane. <sup>12</sup> ✧SENYÈ a te ba li sajès, jis jan ke Li te pwomèt li a. Epi te gen lapè antre Hiram avèk Salomon e yo de a te fè yon akò. <sup>13</sup> Alò, ✧Wa Salomon te fè kòve obligatwa soti nan tout Israèl la; epi kòve fòse yo te konte trant-mil moun. <sup>14</sup> Li te voye yo Liban, di-mil pa mwa, yon ekip apre lòt ak de mwa lakay. Epi ✧Adoniram te chèf sou ouvriye kòve yo. <sup>15</sup> Alò, ✧Salomon te gen swasann-di-mil transpòtè ak katre-ven-mil ki t ap taye wòch nan mòn yo, <sup>16</sup> ✧anplis, pou Salomon, twa-mil-twa-san depite an chèf ki te sou pwojè a, yo te chèf dirijan sou moun ki t ap fè travay yo. <sup>17</sup> Alò, wa a te pase lòd pou yo te taye ✧gwo wòch yo, wòch chè pou poze fondasyon kay la ak wòch taye. <sup>18</sup> Konsa, moun Salomon ki t ap bati yo, moun Hiram ki t ap bati yo ak ✧Gibliyen yo t ap koupe yo e prepare bwa yo ansanm ak wòch yo pou bati kay la.

## 6

<sup>1</sup> ✧Alò, li te vin rive nan kat-san-katreven ane apre fis Israèl yo te sòti nan peyi Égypte la, nan katriyèm ane règn Salomon sou Israèl la, nan mwa Ziv la, sa se dezyèm mwa a, ke li te kòmanse bati lakay SENYÈ a. <sup>2</sup> Selon kay ke Salomon te bati pou SENYÈ a, longè li te swasant koude, lajè li te ven koude e wòte li, trant koude. <sup>3</sup> Galeri pa devan antre kay la te ven koude nan longè, ki te koresponn avèk lajè kay la e pwofondè devan kay la te dis koude. <sup>4</sup> Osi pou kay la li te fè fenèt avèk ankadreman atizan yo. <sup>5</sup> Kont mi kay la, li te bati etaj won ki te antoure mi kay la nèt, ni pa devan, avèk ✧sanktyè enteryè a; konsa, li te fè chanm yo toupatou. <sup>6</sup> Etaj pi ba a te senk koude nan lajè, mitan an te sis koude nan lajè e twazyèm nan te sèt koude nan lajè; paske pa deyò, li te fè retrè pou travès yo pa fonsè antre nan

✧ 5:2 II Sam 7:5 ✧ 5:4 I Wa 4:24 ✧ 5:5 II Sam 7:12-13 ✧ 5:6 II Kwo 2:8 ✧ 5:9 II Kwo 2:16  
 ✧ 5:11 II Kwo 2:10 ✧ 5:12 I Wa 3:12 ✧ 5:13 I Wa 4:6 ✧ 5:14 I Wa 4:6 ✧ 5:15 I Wa 9:20-22  
 ✧ 5:16 I Wa 9:23 ✧ 5:17 I Wa 6:7 ✧ 5:18 Jos 13:5 ✧ 6:1 II Kwo 3:1-2 ✧ 6:5 I Wa 6:19-20



miray kay la. <sup>7</sup> ✧ Kay la, pandan li t ap bati, li te bati avèk wòch ki te taye kote yo te fè min wòch e pa t gen mato, ni rach, ni okenn zouti an fè ki te konn tande nan kay la pandan li t ap bati. <sup>8</sup> Pòtay chanm akote piba a te sou kote dwat a kay la. Epi yo te konn monte pa eskalye ki te fè won pou rive nan etaj mitan an e soti nan mitan an a nan twazyèm nan. <sup>9</sup> Konsa, ✧ li te bati kay la e te fin fè l. Epi li te kouvri kay la avèk travès ak planch sèd. <sup>10</sup> Li te bati anplis etaj ki te kont tout kay la, yo chak nan wòte a senk koude; epi yo te tache nan kay la avèk bwa sèd. <sup>11</sup> Alò, pawòl SENYÈ a te vini a Salomon e te di: <sup>12</sup> “Kay sa a ke w ap bati a, ✧ si ou va mache nan règleman Mwen yo, egzekite lòd Mwen yo, kenbe tout kòmandman Mwen yo e mache ladan yo; alò, mwen va fin konplete pawòl ke M te pale a David, papa ou a, avèk ou. <sup>13</sup> ✧ Mwen va vin viv pami fis Israèl yo e Mwen ✧ p ap janm kite pèp mwen an, Israèl.” <sup>14</sup> ✧ Konsa, Salomon te bati kay la e te fini avèk li. <sup>15</sup> Epi li te ✧ bati mi kay la pa anndan avèk planch sèd; soti atè jis rive nan plafon an, li te kouvri mi anndan yo avèk bwa e li te kouvri tout atè kay la avèk planch bwa pichpen. <sup>16</sup> ✧ Li te bati ven koude nan kote dèyè kay la avèk planch sèd soti atè a jis rive nan plafon an. Li te bati yo pou li sou anndan kòm yon sanktyè enteryè, menm ✧ kote ki pi sen an. <sup>17</sup> Kay la, sa vle di, tanp lan, nan pati ki te devan an kote ki pi sen an, te karant koude nan longè. <sup>18</sup> Te gen bwa sèd sou kay la anndan, taye ✧ nan fòm a kalbas avèk flè ki louvri nèt; tout an sèd, pa t gen wòch ki te vizib. <sup>19</sup> Epi li te prepare yon sanktyè enteryè anndan kay la pou l te kab plase la, lach akò SENYÈ a. <sup>20</sup> Sanktyè enteryè a te ven koude nan longè, ven koude nan lajè ak ven koude nan wotè e li te kouvri li nèt avèk lò pi. Li osi te kouvri lotèl la avèk sèd. <sup>21</sup> Konsa, Salomon te kouvri anndan kay la avèk lò pi. Li te fè chenn an lò travèse pati devan nan sanktyè enteryè a, e li te kouvri li avèk lò. <sup>22</sup> Li te kouvri tout kay la avèk lò jiskaske tout kay la te fini. Osì, ✧ tout lotèl ki te akote sanktyè enteryè li a te kouvri avèk lò. <sup>23</sup> ✧ Osì, nan sanktyè enteryè a li te fè de cheriben ak bwa doliv, yo chak nan dis koude wotè. <sup>24</sup> Yon zèl nan cheriben an te senk koude e lòt la te senk koude; soti nan pwent a yon zèl jis rive nan pwent a lòt zèl la se te dis koude. <sup>25</sup> Lòt cheriben an te dis koude; toude cheriben yo te menm mezi avèk menm fòm. <sup>26</sup> Wotè a yon cheriben se te dis koude e lòt cheriben an te menm jan an. <sup>27</sup> Li te plase cheriben yo nan mitan kay enteryè a. ✧ Zèl a cheriben yo te lonje tou louvri, jiskaske zèl a youn te touche mi an e zèl a lòt cheriben an te touche lòt mi an. Konsa, zèl a chak nan yo te touche zèl a lòt la nan mitan kay la. <sup>28</sup> Li te osi kouvri cheriben yo avèk lò. <sup>29</sup> Epi li te grave tout mi nan kay yo toupatou avèk cheriben yo, pye palmis ak flè louvri yo grave nan sanktyè enteryè ansanm ak eksteryè yo. <sup>30</sup> Li te kouvri planch atè yo avèk lò, nan sanktyè enteryè avèk eksteryè a. <sup>31</sup> Nan antre sanktyè enteryè a, li te fè pòt avèk bwa doliv, ankadreman chanbrann nan avèk poto pòtay yo an senk fas. <sup>32</sup> Konsa, li te fè de pòt avèk bwa doliv la e li te grave sou yo cheriben grave yo, pye palmis yo, avèk flè louvri yo. Li te kouvri yo avèk lò; epi li te gaye lò a sou cheriben yo avèk pye palmis yo. <sup>33</sup> Epi anplis, li te fè poto yo an kat fas avèk bwa doliv la pou gran antre eksteryè a, <sup>34</sup> epi de pòt an bwa pichpen; de mwaye a yon pòt ki vire sou pivo e de mwaye sou lòt pòt la te vire sou pivo. <sup>35</sup> Li te grave sou li cheriben yo, pye palmis ak flè louvri yo; epi li te kouvri yo avèk lò

✧ 6:7 Egz 20:25 ✧ 6:9 I Wa 6:14-38 ✧ 6:12 II Sam 7:5-16 ✧ 6:13 Egz 25:8 ✧ 6:13 Eb 13:5  
 ✧ 6:14 I Wa 6:9-38 ✧ 6:15 I Wa 7:7 ✧ 6:16 II Kwo 3:8 ✧ 6:16 Eb 9:3 ✧ 6:18 I Wa 7:24  
 ✧ 6:22 Egz 30:1-6 ✧ 6:23 Egz 37:7-9 ✧ 6:27 Egz 25:20

aplike nan menm fòs toupatou. <sup>36</sup> ✧Li te bati galeri enteryè a avèk twa ranje wòch taye ak yon ranje travès fèt an sèd. <sup>37</sup> Nan katriyèm ane a, nan mwa Ziv la, fondasyon kay SENYÈ a te fin poze. <sup>38</sup> Nan onzyèm ane a, nan mwa Bul la, ki se uityèm mwa a, kay la te fini nan tout pati li e selon plan pa li a. Konsa, li te bati pandan sèt ane.

## 7

<sup>1</sup> Alò, ✧Salomon te bati pwòp kay pa li pandan trèz ane, e li te fini tout kay li a nèt. <sup>2</sup> ✧Li te bati kay la avèk materyo forè Liban an; longè li te san koude, lajè li te senkant koude e wòte li te trant koude, sou kat ranje pilye yo fèt an sèd avèk travès sèd sou pilye yo. <sup>3</sup> Li te mete pano an sèd yo anwo chanm akote ki te sou karant-senk pilye yo, kenz nan chak ranje. <sup>4</sup> Te gen fenèt ki te dekore an twa ranje ak fenèt ki te opoze a fenèt yo an twa ranje. <sup>5</sup> Tout pòtay avèk poto pòt yo te gen ankadreman kare, byen dekore e fenèt yo te opoze a pòt yo an twa ranje. <sup>6</sup> Li te fè ✧galeri a avèk pilye yo; longè li te senkant koude, lajè li te trant koude e yon galeri te devan yo avèk pilye avèk yon pòtay antre pa devan yo. <sup>7</sup> Li te fè ✧sal twòn kote li ta jije moun nan, sal jijman an, e atè a te kouvri avèk pano sèd soti nan yon bò pou rive nan lòt la. <sup>8</sup> Kay kote li t ap viv nan lòt lakou anndan an te fèt avèk menm kalite travay la. Li te osi fè yon kay tankou sal sila a pou fi a Farawon an, ✧avèk sila li te marye a. <sup>9</sup> Tout sa yo se te avèk wòch presye avèk wòch ki te koupe sou mezi, ki te siye avèk si, anndan kon deyò; menm soti nan fondasyon an jis rive anba twati yo e menm jan an, sou eksteryè a rive nan gran lakou a. <sup>10</sup> Fondasyon an te fèt avèk wòch presye, gwo wòch, wòch nan dis koude ak wòch nan uit koude. <sup>11</sup> Anwo se te wòch presye ki te koupe sou mezi, ansanm ak bwa sèd. <sup>12</sup> Konsa, ✧gran lakou toutotou a te gen twa ranje wòch koupe ak yon ranje travès sèd; menm jan avèk ✧lakou enteryè lakay SENYÈ a ak galri kay la. <sup>13</sup> Alò, ✧Wa Salomon te voye mennen Hiram soti Tyr. <sup>14</sup> ✧Li te fis a yon vè soti nan tribi Nephtali e papa li te yon moun Tyr, yon travayè nan bwonz. Li te ranpli avèk sajès avèk konprann ak kapasite pou fè nenpòt kalite èv an bwonz. Konsa li te vini a Wa Salomon pou te ✧fè tout travay li yo. <sup>15</sup> Li te fòme ✧de pilye an bwonz yo, dizuit koude se te wòte a chak pilye e yon lign a douz koude te mezire distans antoure won a toude. <sup>16</sup> Li osi te fè de tèt kouvèti an bwonz fonn pou plase sou tèt a pilye yo. Wòte a yon tèt kouvèti te senk koude e wòte a lòt tèt kouvèti a te senk koude. <sup>17</sup> Te gen yon sistèm rezo fèt avèk chenn an fil tòde pou tèt kouvèti ki te sou tèt pilye yo; sèt pou yon tèt kouvèti e sèt pou lòt tèt kouvèti a. <sup>18</sup> Konsa, li te fè pilye yo e de ranje antoure youn nan sistèm rezo yo pou kouvri tèt kouvèti ki te anwo grenad yo; epi se konsa li te fè pou lòt tèt kouvèti a. <sup>19</sup> Tèt kouvèti ki te sou tèt pilye nan galeri yo te fèt ak desen flè lis, nan lajè kat koude. <sup>20</sup> Te gen tèt kouvèti yo sou de pilye yo, antoure avèk de-san grenad an ranje won ki pa an wo a chak tèt kouvèti, toupre rezo a. Epi de-san grenad te ranje toutotou de toulède tèt kouvèti yo. <sup>21</sup> ✧Konsa, li te ranje pilye yo sou galeri gran chanm nan. Epi li te monte pilye adwat la e li te rele li Jakin, li te monte pilye agoch la e li te rele li Boaz. <sup>22</sup> Sou tèt pilye yo se te yon desen flè lis. Se konsa èv pilye yo te fini. <sup>23</sup> ✧Alò, li te fè

✧ 6:36 I Wa 7:12 ✧ 7:1 I Wa 3:1 ✧ 7:2 I Wa 10:17-21 ✧ 7:6 I Wa 7:12 ✧ 7:7 Sòm 122:5  
 ✧ 7:8 I Wa 3:1 ✧ 7:12 I Wa 6:36 ✧ 7:12 I Wa 7:16 ✧ 7:13 II Kwo 2:13-14 ✧ 7:14 II Wa  
 2:14 ✧ 7:14 II Kwo 4:11-16 ✧ 7:15 II Wa 25:17 ✧ 7:21 II Kwo 3:17 ✧ 7:23 II Kwo 4:2

fòm lanmè ✧fonde an metal dis koude soti nan yon bò a yon lòt, an fòm tou won e wotè li se te senk koude ak trant koude ki pou antoure l. <sup>24</sup> Anba bò li a, ✧kalbas yo te antoure li tou won, dis nan chak koude e te ✧antoure lanmè a nè. Kalbas yo te an de ranje, fonde ansanm avèk tout lòt bagay. <sup>25</sup> ✧Lanmè a te kanpe sou douz bèf, twa avèk fas vè nò, twa avèk vas vè lwès, twa avèk fas vè sid e twa avèk fas vè lès. Li te poze sou yo e tout pati dèyè yo te vè anndan. <sup>26</sup> Gwosè li te mezi a yon pla men pwès e arebò li te fèt tankou arebò a yon tas, yon flè lis; li te kab kenbe kantite volim a de mil bat. <sup>27</sup> Anplis, ✧li te fè dis baz yo an bwonz. Longè a chak baz te kat koude, lajè li se te kat koude e wotè li se te twa koude. <sup>28</sup> Sila a se te desen a baz yo: yo te gen arebò, menm arebò antre ankadreman travès yo. <sup>29</sup> Epi sou arebò ki te antre ankadreman yo, te gen lyon yo, bèf yo, avèk cheriben yo. Sou ankadreman yo, te gen yon etaj anlè e anba lyon yo avèk bèf yo, te gen zèv atizan kouwòn ki te pann. <sup>30</sup> Alò, chak baz te gen kat wou an bwonz avèk shaf an bwonz, kat pye li yo te gen soutyen yo. Anba basen an, te soutni sipò yo avèk kouwòn yo chak kote. <sup>31</sup> Ouvèti li anndan kouwòn pa anwo baz la te yon koude e ouvèti li a te won tankou desen a yon etaj won, yon koude-edmi; epi osi nan ouvèti li a, te grave desen yo, arebò yo te kare, yo pa t won. <sup>32</sup> Kat wou yo te anba arebò yo e shaf a wou yo te sou baz la. Wotè a wou a te yon koude edmi. <sup>33</sup> Kalite travay a wou yo te tankou kalite travay a yon wou cha. Shaf pa yo, jant yo, reyon yo e mitan wo a tout te fonde. <sup>34</sup> Alò, te gen kat soutyen nan kat kwen a chak baz. Soutyen yo te yon pati nan baz la menm. <sup>35</sup> Anwo baz la te kanpe yon fòm fèt tou won, avèk wotè a yon mwatye koude. Sou tèt a baz la, soutyen pa li avèk arebò li yo te fèt tankou yon pati ladann. <sup>36</sup> Li te grave sou plat a soutyen li yo, sou arebò li yo, cheriben yo, lyon yo ak pye palmis yo selon espas disponib nan chak, avèk kouwòn yo toutotou li. <sup>37</sup> ✧Li te fè dis baz yo konsa: yo tout te fonde menm jan; yon sèl mezi ak yon sèl fòm. <sup>38</sup> ✧Li te fè dis basen yo an bwonz, yon basen te kenbe karant bat 880 lit; chak basen te kat koude e nan chak nan dis baz yo, te gen yon basen. <sup>39</sup> Epi li te poze baz yo, senk sou kote dwat a kay la e senk sou kote goch a kay la. li te poze lanmè an metal fonn nan sou kote dwat a kay la vè lès la, vè sid. <sup>40</sup> Alò Hiram te fè basen sa yo, ansanm ak pèl ak bòl yo. Konsa, Hiram te fin fè tout èv ke li te fè pou Salomon lakay SENYÈ a: <sup>41</sup> de pilye yo, de bòl pou tèt kouvèti ki te poze sou ✧de pilye yo ak de sistèm rezo pou kouvri de bòl tèt kouvèti ki te sou tèt pilye yo. <sup>42</sup> Anplis, li te mete ✧kat-san grenad pou de sistèm rezo yo, de ranje grenad pou chak sistèm rezo, pou kouvri de tèt kouvèti ki te sou tèt pilye yo; <sup>43</sup> dis baz avèk dis basen yo sou baz yo; <sup>44</sup> ✧yon sèl lanmè ak douz bèf anba lanmè a; <sup>45</sup> ✧bokit yo avèk pèl yo ak tèt kouvèti yo. Menm tout zouti sila yo ke Hiram te fè pou Wa Salomon nan kay SENYÈ a te fèt avèk bwonz poli. <sup>46</sup> ✧Nan plèn Jourdain an, wa a te fonn yo, nan tè ajil la antre Succoth ak Tsarthan. <sup>47</sup> Salomon te kite tout zouti yo san peze, paske yo te twòp. ✧Pwa a bwonz lan pa t kab detèmine. <sup>48</sup> Salomon te fè tout mèb ki te lakay SENYÈ a: ✧ lotèl an lò, tab an lò, sou sila ✧pen a Prezans lan te ye a; <sup>49</sup> chandelye yo, senk adwat e senk agoch, pa devan nan sanktyè enteryè a, avèk lò pi; epi flè yo avèk lanp yo avèk pensèt yo, tout te an lò. <sup>50</sup> Epi tas yo avèk etoufè yo, bòl yo avèk kiyè yo

✧ 7:23 II Wa 16:17 ✧ 7:24 I Wa 6:18 ✧ 7:24 II Kwo 4:3 ✧ 7:25 II Kwo 4:4-5 ✧ 7:27 I Wa 7:38 ✧ 7:37 II Kwo 4:14 ✧ 7:38 Egz 30:18 ✧ 7:41 I Wa 7:17-18 ✧ 7:42 I Wa 7:20 ✧ 7:44 I Wa 7:23-25 ✧ 7:45 Egz 27:3 ✧ 7:46 II Kwo 4:17 ✧ 7:47 I Kwo 22:3-14 ✧ 7:48 Egz 37:10-29 ✧ 7:48 Egz 25:30

ak ✧plato an lò pi pou resevwa sann yo; epi chanyè pou toulède pòt kay enteryè yo, lye pi sen pase tout kote a ak chanyè pou pòt kay la, sa vle di, gran sanktyè a, te an lò. <sup>51</sup> Konsa, tout travay ke Wa Salomon te fè lakay SENYÈ a te fini. Epi ✧Salomon te fè antre tout bagay ki te dedye pa papa li yo, David. Ajan avèk lò ak zouti yo; li te mete yo nan trezò a lakay SENYÈ a.

## 8

<sup>1</sup> Alò, Salomon te rasanble ansyen Israèl yo avèk tout tèt a tribi yo, chèf a fanmi zansèt a fis Israèl yo, kote Wa Salomon Jérusalem, pou mennen fè monte✧lach akò SENYÈ a soti nan lavil David ki Sion an. <sup>2</sup> Tout mesye Israèl yo te rasanble yo menm kote ak Wa Salomon nan ✧fèt la nan mwa Éthanim nan, ki se setyèm mwa a. <sup>3</sup> Tout ansyen Israèl yo te vini e ✧prèt yo te leve pran lach la. <sup>4</sup> Yo te mennen fè monte lach SENYÈ a, ✧tant asanble a, avèk tout zouti sen ki te nan tant yo. Prèt yo avèk Levit yo te mennen fè yo monte. <sup>5</sup> Wa Salomon avèk tout kongregasyon Israèl la, ki te rasanble vè li, ✧te avèk li devan lach la. Yo t ap fè sakrifis a yon tèlman gran kantite mouton avèk bèf ke yo pa t kab konte ni kontwole. <sup>6</sup> Prèt yo te mennen lach akò SENYÈ a ✧nan plas li. Yo te mete l nan sanktyè enteryè a kay la, nan plas ki sen pase tout lòt yo a, ✧anba zèl a cheriben yo. <sup>7</sup> Cheriben yo te lonje zèl pa yo anwo plas lach la e yo te fè yon kouvèti sou lach la avèk poto li yo soti anwo. <sup>8</sup> Men ✧poto yo te tèlman long ke pwent poto yo te vizib sèlman soti nan lye sen an devan sanktyè enteryè a. Men yo pa t kab wè pa deyò; epi yo la jis rive jodi a. <sup>9</sup> ✧Pa t gen anyen nan lach la sof ke de tablo wòch ke Moïse te mete la nan Horeb yo, kote SENYÈ a te fè yon akò avèk fis Israèl yo, lè yo te sòti nan peyi Égypte la. <sup>10</sup> Li te fèt ke lè prèt yo te sòti nan lye sen an ke ✧nwaj la te ranpli kay SENYÈ a, <sup>11</sup> jiskaske prèt yo pa t kab fè sèvis akòz nwaj la. Paske glwa SENYÈ a te ranpli kay SENYÈ a. <sup>12</sup> ✧Alò, Salomon te di: “SENYÈ a te di ke Li ta abite nan nwaj pwès. <sup>13</sup> ✧Mwen te vrèman bati pou Ou; yon kay byen wo, yon plas pou Ou ta abite jis pou tout tan.” <sup>14</sup> Epi wa a te vire tounen e te ✧beni tout asanble Israèl la pandan tout asanble Israèl la te kanpe. <sup>15</sup> Li te di: “Beni se SENYÈ a, Bondye Israèl la, ✧ki te pale avèk bouch li a papa m, David e ki te akonpli sa avèk men l, e ki te di: <sup>16</sup> ✧‘Depi jou ke M te fè pèp Mwen an, Israèl, sòti an Égypte, Mwen pa t chwazi yon vil nan tout tribi Israèl yo pou M ta bati yon kay pou non Mwen ta kapab la; men, mwen te chwazi David pou renye sou pèp Mwen an, Israèl.’ <sup>17</sup> ✧Alò, sa te nan kè papa m, David pou bati yon kay pou non SENYÈ a, Bondye Israèl la. <sup>18</sup> Men SENYÈ a te di a papa m, David: ‘Akoz li te nan kè ou pou bati yon kay pou non Mwen, ou te fè byen paske se te nan kè ou. <sup>19</sup> ✧Sepandan, ou p ap bati kay la, men fis ou ki va fèt a ou menm nan, li va bati kay la pou non Mwen. <sup>20</sup> Alò, SENYÈ a te fin akonpli pawòl ke Li te pale a. Paske ✧mwen te leve nan plas papa m, David, mwen chita sou twòn Israèl la, jan SENYÈ a te pwomèt la e mwen te bati kay la pou non SENYÈ a, Bondye Israèl la. <sup>21</sup> La mwen te poze yon

✧ 7:50 Egz 27:3 ✧ 7:51 II Sam 8:11 ✧ 8:1 II Kwo 5:2-10 ✧ 8:2 Lev 23:34 ✧ 8:3 Det 31:9  
 ✧ 8:4 I Wa 3:4 ✧ 8:5 II Sam 6:13 ✧ 8:6 I Wa 6:19 ✧ 8:6 I Wa 6:27 ✧ 8:8 Egz 25:13-15  
 ✧ 8:9 Det 10:2-5 ✧ 8:10 Egz 40:34-35 ✧ 8:12 II Kwo 6:1 ✧ 8:13 II Sam 7:13 ✧ 8:14 II Sam 6:18  
 ✧ 8:15 II Sam 7:12-13 ✧ 8:16 II Sam 7:4-5 ✧ 8:17 II Sam 7:2-3 ✧ 8:19 II Sam 7:5-13  
 ✧ 8:20 I Kwo 28:5-6

plas pou lach la, ✨nan sila akò ke SENYÈ a te fè avèk zansèt nou yo lè Li te mennen yo soti nan peyi Égypte la.” <sup>22</sup> Epi ✨Salomon te kanpe devan lotèl SENYÈ a nan prezans a tout asanble Israël la e te lonje ouvri men li vè syèl la. <sup>23</sup> Li te di: “O SENYÈ, Bondye Israël la, ✨nanpwen Bondye tankou Ou nan syèl la anwo, ni sou latè anba, ✨k ap kenbe akò e montre lanmou dous a sèvitè Ou yo ki mache devan Ou avèk tout kè yo, <sup>24</sup> ki te kenbe avèk sèvitè Ou, papa m, David, sa ke Ou te pwomèt li a. Anverite Ou te pale avèk bouch Ou e Ou te akonpli li avèk men Ou, jan sa ye nan jou sila a. <sup>25</sup> Alò, pou sa, O SENYÈ, Bondye Israël la, kenbe avèk sèvitè Ou a, David, papa m, sa ke Ou te pwomèt li a lè Ou te di: ✨‘Ou p ap manke yon nonm pou chita sou twòn Israël la, si sèlman fis ou yo veye chemen yo, pou mache devan Mwen menm jan ke ou te mache a.’ <sup>26</sup> Koulye a, pou sa, O Bondye Israël la, kite pawòl Ou, mwen priye, vin konfime ✨ke Ou te pale a sèvitè Ou a, papa m, David. <sup>27</sup> Men èske Bondye, anverite, va rete sou latè? Gade byen, ✨syèl la avèk syèl pi wo a p ap kab kenbe Ou; konbyen anplis kay sa a ke m te bati a! <sup>28</sup> Sepandan, gade lapriyè sèvitè Ou a, avèk siplikasyon pa li, O SENYÈ, Bondye mwen, pou koute kri ak lapriyè ke sèvitè Ou a fè devan Ou jodi a; <sup>29</sup> ✨pou zye Ou ta rete louvri vè kay sila a lajounen kon lannwit, vè plas kote Ou te di: ‘Non Mwen va rete la,’ pou koute lapriyè ke sèvitè ou a va fè vè plas sa a. <sup>30</sup> ✨Koute siplikasyon a sèvitè Ou e a pèp Ou a, Israël ✨lè yo priye vè plas sila a. Koute nan syèl la, kote Ou abite a; koute e padone. <sup>31</sup> ✨Si yon nonm peche kont vwazen li, e si li oblije fè yon ve, si li vin fè ve a devan lotèl Ou nan kay sila a, <sup>32</sup> alò, tandè nan syèl la e pran desizyon pou jije sèvitè Ou yo; ✨kondane mekan an, fè chemen pa li a vin sou pwòp tèt li. Epi fè jistis vini sou sila ki dwat la, lè Ou ba li selon ladwati li. <sup>33</sup> Lè pèp Ou a, Israël fin bat devan yon lènmi, akoz yo te peche kont Ou, ✨si yo vire vè Ou ankò pou konfese non Ou, priye e fè siplikasyon vè Ou nan kay sa a, <sup>34</sup> alò, tandè nan syèl la e padone peche a pèp Ou a Israël, e mennen yo retounen nan peyi ke Ou te bay zansèt yo. <sup>35</sup> ✨Lè syèl yo fèmen e nanpwen lapli, akoz yo te peche kont Ou; epi yo priye vè plas sila a, konfese non Ou, e vire kite peche pa yo lè Ou aflije yo, <sup>36</sup> alò, tandè nan syèl la e padone peche a sèvitè Ou yo e a pèp Ou a, Israël. ✨Anverite, enstwi yo nan bon chemen nan sila yo ta dwe mache a e voye lapli sou peyi ke Ou te bay a pèp Ou a, ke Ou te bay yo a kòm eritaj la. <sup>37</sup> ✨Si gen gwo grangou nan peyi a, si gen toumant, si gen gwo maladi sou jaden oswa bèt, oswa wouy, epidemi nan youn nan espès krikèt volan yo, si lènmi pa yo fè syèj sou yo nan peyi vil pa yo, nenpòt kalite toumant, nenpòt gwo maladi; <sup>38</sup> nenpòt lapriyè oswa siplikasyon ki fèt pa nenpòt moun, oswa pa tout pèp Israël yo, chak moun ki konnen aflikasyon nan pwòp kè pa li e ki leve men l ouvri vè kay sila a; <sup>39</sup> alò, tandè nan syèl la, kote Ou abite a, padone, aji e rann a chak moun selon tout chemen yo, ✨kè a sila Ou konnen an, paske se Ou sèl ki konnen kè a tout fis a lòm yo, <sup>40</sup> pou yo kapab gen lakrent Ou tout jou ke yo viv nan peyi ke Ou te bay a zansèt nou yo. <sup>41</sup> Anplis, konsènan etranje ki pa apatyen a pèp Israël Ou a, lè li sòti nan yon peyi lwen pou koz non Ou, <sup>42</sup> (paske yo va tandè afè gran non Ou, ak ✨men pwisan Ou, ak bra louvri Ou); pou lè l vini fè lapriyè

✨ **8:21** Det 31:26 ✨ **8:22** I Wa 8:54 ✨ **8:23** I Sam 2:2 ✨ **8:23** Det 7:9 ✨ **8:25** I Wa 2:4  
 ✨ **8:26** II Sam 7:25 ✨ **8:27** Sòm 139:7-16 ✨ **8:29** II Kwo 7:15 ✨ **8:30** Né 6:1 ✨ **8:30** Dan  
 6:10 ✨ **8:31** Egz 22:8-11 ✨ **8:32** Det 25:1 ✨ **8:33** Lev 26:40-42 ✨ **8:35** Det 11:16-17 ✨ **8:36**  
 Sòm 5:8 ✨ **8:37** Lev 26:16-26 ✨ **8:39** I Sam 2:3 ✨ **8:42** Egz 13:3

vè kay sila a, <sup>43</sup> tande nan syèl la, kote ou abite a e fè tout sa ke etranje a mande Ou fè, jis pou ✧tout pèp sou tout latè yo kapab konnen non Ou, pou gen lakrent Ou, tankou pèp Ou a Israèl, pou yo kapab konnen ke kay sila a mwen te bati a rele pa non pa Ou. <sup>44</sup> Lè pèp Ou a sòti nan batay kont lènmi yo, nan nenpòt chemen Ou ta voye yo, e ✧yo priye a SENYÈ nan direksyon vil ke Ou te chwazi a, ak kay ke mwen te bati pou non Ou a, <sup>45</sup> alò, tande nan syèl la lapriyè yo ak siplikasyon yo e bay soutyen a ka pa yo. <sup>46</sup> Lè yo peche kont Ou (pwiske ✧nanpwen moun ki pa peche), Ou vin fache avèk yo, e Ou livre yo bay lènmi an pou fè yo sòti kaptif nan peyi a lènmi an, kit lwen, kit pre; <sup>47</sup> si yo vin reflechi nan peyi kote yo te mennen kaptif la, yo vin repanti e fè siplikasyon a Ou menm nan peyi a sila ki te pran yo kaptif la, e di: ✧‘Nou te peche e te fè inikite, nou te aji mal;’ <sup>48</sup> ✧si yo retounen a Ou menm avèk tout kè yo e avèk tout nanm yo nan peyi a lènmi ki te mennen yo kaptif yo, yo priye a Ou menm, vè peyi ke Ou te bay a zansèt yo, vil ke Ou te chwazi a ak kay ke mwen te bati pou non Ou an; <sup>49</sup> alò, tande priyè yo avèk siplikasyon yo nan syèl la, plas kote Ou rete a e bay soutyen a koz pa yo, <sup>50</sup> epi padone pèp Ou a ki te peche kont Ou an ak tout transgresyon ke yo te fè kont Ou yo e ✧bay yo mizerikòd devan sila ki te fè yo kaptif yo, pou yo gen konpasyon pou yo. <sup>51</sup> (Pwiske se pèp Ou yo ye e eritaj ke Ou te mennen sòti an Égypte la, ki te ✧soti nan mitan founo fè a). <sup>52</sup> ✧Pou zye Ou kapab louvri a siplikasyon a sèvitè Ou e a siplikasyon a pèp Ou a, Israèl, pou koute yo nenpòt lè ke yo rele Ou. <sup>53</sup> Paske, Ou te mete yo apa de tout lòt pèp sou latè kòm eritaj Ou, ✧jan Ou te pale pa Moïse, sèvitè Ou a, pandan Ou te mennen zansèt pa nou yo sòti an Égypte, O Senyè, BONDYE.” <sup>54</sup> ✧Lè Salomon te fin priye tout priyè sila a, li te leve soti devan lotèl a SENYÈ a, soti sou jenou li avèk men li louvri anvè syèl la. <sup>55</sup> Li te kanpe e te ✧beni tout asanble Israèl la avèk yon gwo vwa, e te di: <sup>56</sup> “Beni se SENYÈ a ki te bay repo a pèp Li a, Israèl, ✧selon tout sa ke Li te pwomèt yo; pa menm yon mo pa t fè fayit nan tout bonte ke Li te pwomèt nou pa Moïse yo, sèvitè li a. <sup>57</sup> Ke SENYÈ a, Bondye nou an, kapab avèk nou, jan Li te ye avèk zansèt nou yo; ke Li pa janm kite nou ni abandone nou, <sup>58</sup> pou ✧Li kapab atire kè nou vè Li menm, pou mache nan tout vwa Li yo e pou kenbe kòmandman Li yo avèk règleman Li yo avèk òdonans Li yo, ke Li te kòmande a zansèt nou yo. <sup>59</sup> Epi ke pawòl pa m sa yo, avèk sila mwen te fè siplikasyon devan SENYÈ a, kapab toupre SENYÈ a, Bondye pa nou an, lajounen kon lannwit, pou Li kapab bay soutyen a koz pèp Li a, Israèl, jan chak jou mande a, <sup>60</sup> pou tout pèp sou latè yo kapab konnen ke SENYÈ a se Bondye; ke nanpwen okenn lòt. <sup>61</sup> Pou sa, kite kè nou vin dedye nèt a SENYÈ a, pou mache nan règleman Li yo, kenbe kòmandman Li, menm jan sa ye nan jou sila a.” <sup>62</sup> ✧Alò, wa a ak tout Israèl avèk li te ofri sakrifis yo devan SENYÈ a. <sup>63</sup> Salomon te ofri kòm ofrann lapè ke Li te lofri SENYÈ a, venn-de-mil bèf avèk san-ven-mil mouton. ✧Konsa wa a, avèk tout fis Israèl yo te dedye kay SENYÈ a. <sup>64</sup> Nan menm jou sa a, wa a te konsakre lakou mitan ki te devan kay SENYÈ a, akoz se la li te ofri ofrann brile avèk ofrann sereyal yo e grès a ofrann lapè yo. Paske ✧lotèl bwonz ki te devan

✧ **8:43** Jos 4:23-24 ✧ **8:44** II Kwo 14:11 ✧ **8:46** Wo 3:23 ✧ **8:47** Esd 9:6-7 ✧ **8:48** Det 4:29  
 ✧ **8:50** Sòm 106:46 ✧ **8:51** Det 4:20 ✧ **8:52** I Wa 8:29 ✧ **8:53** Egz 19:5-6 ✧ **8:54** II Kwo 7:1  
 ✧ **8:55** Nonb 6:23-26 ✧ **8:56** Det 12:10 ✧ **8:58** Sòm 119:36 ✧ **8:62** II Kwo 7:4-10 ✧ **8:63**  
 Esd 6:15-18 ✧ **8:64** II Kwo 4:1

SENYÈ a te twò piti pou kenbe ofrann brile avèk ofrann sereyal yo, avèk grès a ofrann lapè yo. <sup>65</sup> Konsa, Salomon te obsève fèt la nan lè sa a e tout Israèl avèk li, yon gran asanble ✧soti nan antre Hamath jis rive nan ✧ti kouran dlo Égypte la, devan SENYÈ a Bondye nou an, pandan sèt jou e avèk sèt jou anplis, katòz jou nèt. <sup>66</sup> Nan uityèm jou a, li te voye pèp la ale e yo te beni wa a. Epi yo te ale nan tant pa yo ranpli avèk jwa, kontan nan kè pou tout bonte ke SENYÈ a te montre a David, sèvitè li e a Israèl, pèp Li a.

## 9

<sup>1</sup> ✧Alò, li te vin rive ke lè Salomon te fin bati kay SENYÈ a, ak kay wa a ak tout sa ke Salomon te vle fè, <sup>2</sup> ✧SENYÈ a te parèt a Salomon yon dezyèm fwa, jan Li te parèt a li nan Gabaon an. <sup>3</sup> SENYÈ a te di li: ✧“Mwen fin tandè priyè ou ak siplikasyon ke ou te fè devan M nan. Mwen te konsakre kay sa a ke ou te bati nan mete non Mwen la pou tout tan e zye Mwen avèk kè Mwen va la pou tout tan ale nèt. <sup>4</sup> Epi pou ou, ✧si ou va mache devan Mwen tankou papa ou, David te mache a, nan entegrite a kè ou, avèk ladwati, e fè selon tout sa ke M te kòmande ou yo, e si ou va kenbe règleman Mwen yo, avèk òdonans Mwen yo, <sup>5</sup> alò, ✧Mwen va etabli twòn wayòm ou sou Israèl pou tout tan, jis jan ke M te pwomèt a papa ou, David la, lè M te di: ‘Ou p ap janm manke yon moun sou twòn Israèl la.’ <sup>6</sup> ✧Men si ou menm, oswa fis ou yo, anverite, vire kite Mwen e pa kenbe kòmandman Mwen yo avèk règleman Mwen ke M te mete devan nou yo; epi ale sèvi lòt dye pou adore yo, <sup>7</sup> ✧alò, Mwen va koupe, retire Israèl soti nan peyi ke M te ba yo a ak kay ke M te konsakre a non Mwen an. Mwen va retire li devan zye m. Konsa, Israèl va devni yon pwovèb ak yon pawòl rizib pami tout pèp yo. <sup>8</sup> Epi kay sila a va devni yon ✧pil ranblè. Tout moun ki pase va sezi e soufle e yo va di: “Poukisa SENYÈ a te fè sa a peyi a ak kay sa a? <sup>9</sup> Epi yo va di: ✧‘Akoz yo te abandone SENYÈ a, Bondye pa yo a, ki te mennen zansèt pa yo sòti nan peyi Égypte la, yo te adopte lòt dye pou te adore yo ak sèvi yo; pou sa, SENYÈ a te fè rive tout gwo twoub sa a sou yo.’” <sup>10</sup> Li te vin rive ✧vè fen ventan ke Salomon t ap bati de kay yo, kay SENYÈ a ak kay wa a, <sup>11</sup> (Hiram, wa Tyr la te founi Salomon avèk bwa sèd ak bwa pichpen avèk lò, selon sa ke li te vle a), alò, Wa Salomon te bay Hiram ven vil nan peyi Galilée. <sup>12</sup> Konsa, Hiram te sòti Tyr pou vin wè vil ke Salomon te ba li yo e yo pa t fè l kontan. <sup>13</sup> Li te di: “Ki vil sa yo ke ou te ban mwen yo, frè mwen?” Pou rezon sa a, yo te ba yo non a ✧peyi a Cabul menm rive jis jodi a. <sup>14</sup> ✧Epi Hiram te voye a wa a san ven talan lò. <sup>15</sup> Alò, sa se istwa a travay kòve ke Wa Salomon te ✧fè leve pou bati kay SENYÈ a, lakay pa li a ak Sitadèl Millo a, miray Jérusalem nan, Hatsor, Méguiddo ak Guézer. <sup>16</sup> Paske Farawon, wa Égypte la te monte, kaptire Guézer, li te brile li avèk dife e li te touye ✧Kananeyen ki te rete nan vil yo. Epi li te ba li kòm dwa maryaj fi li a, madanm a Salomon. <sup>17</sup> Konsa, Salomon te rebati Guézer, e piba ✧Beth-Horon <sup>18</sup> epi ✧Balath avèk Tamar nan dezè a, nan peyi Juda <sup>19</sup> ak tout vil depo ke Salomon te genyen yo, menm ✧vil pou

✧ 8:65 Nonb 34:8 ✧ 8:65 Jos 13:3 ✧ 9:1 II Kwo 7:11 ✧ 9:2 I Wa 3:5 ✧ 9:3 Sòm 10:17  
 ✧ 9:4 II Wa 20:3 ✧ 9:5 II Sam 7:12-16 ✧ 9:6 II Sam 7:14-16 ✧ 9:7 Jr 7:4-14 ✧ 9:8 II Wa 25:9  
 ✧ 9:9 Det 29:25-28 ✧ 9:10 I Wa 6:37-38 ✧ 9:13 Jos 19:27 ✧ 9:14 I Wa 9:11 ✧ 9:15 I Wa 5:13  
 ✧ 9:16 Jos 16:10 ✧ 9:17 Jos 10:10 ✧ 9:18 Jos 19:44 ✧ 9:19 I Wa 10:26

cha li ak vil pou chevalye pa li yo avèk tout sa ki te fè Salomon plezi pou bati Jérusalem, nan Liban ak nan tout teritwa a anba règ pa li. <sup>20</sup> Tout pèp ki te retay Amoreyen yo, Etyen yo, Ferezyen yo, Evyen yo, Jebizyen yo, ki pa t nan fis Israèl yo, <sup>21</sup> ✧ak desandan yo ki te swiv yo, nan peyi ke fis Israèl yo pa t kapab fin detwi nèt, soti nan yo, Salomon te leve ouvriye kòve yo, menm jiska jodi a. <sup>22</sup> Men Salomon ✧pa t fè esklav yo pami fis Israèl yo; paske yo te sèvi kòm mesye lagè yo, sèvitè li yo, prens li yo, kapitèn li yo, kòmandan a cha li yo, avèk chevalye li yo. <sup>23</sup> Sila yo se te ✧chèf ofisye ki te sou zèv Salomon yo; senk-san-senkant ki te chèf sou moun ki te fè travay la yo. <sup>24</sup> Depi lè ke ✧fi Farawon an te monte soti nan vil David la pou rive nan kay ki te bati pou li a; alò, Salomon te bati Sitadèl Millo a. <sup>25</sup> Alò, ✧twa fwa pa ane, Salomon te ofri ofrann brile avèk ofrann lapè sou lotèl ke li te bati bay SENYÈ a. Li te brile lansan sou yo, sou lotèl ki te devan SENYÈ a. Konsa, li te fini kay la. <sup>26</sup> Wa Salomon osi te bati yon ✧kantite gwo bato nan Etsjon-Guéber, ki te toupre Éloth arebò Lamè Wouj la, nan peyi Édom an. <sup>27</sup> ✧Epi Hiram te voye sèvitè li yo avèk bato yo, moun lanmè ki te konnen afè lanmè, ansanm avèk sèvitè a Salomon yo. <sup>28</sup> Yo te ale ✧Ophir, yo te pran kat-san-ven talan an lò soti la e yo te pote bay Wa Salomon.

## 10

<sup>1</sup> ✧Alò, lè rèn Séba a te tandè koze a repitasyon Salomon pa non SENYÈ a, li te vini pou pase l a leprèv avèk kesyon difisil. <sup>2</sup> Alò, li te vini Jérusalem avèk yon trè gran kantite moun, avèk chamo ki t ap ✧pote epis, anpil lò avèk pyè presye. Lè li te vini kote Salomon, li te pale avèk li selon tout sa ki te nan kè li. <sup>3</sup> Salomon te reponn a tout kesyon li yo; anyen pa t kache a wa a pou l pa t eksplike li. <sup>4</sup> Lè rèn a Séba te vin konprann tout sa jès a Salomon an, kay ke li te bati a, <sup>5</sup> manje sou tab li, kapasite sèvitè li yo, jan moun ki te sèvi tab yo te atantif, jan yo abiye, pòtè tas diven yo ak eskalye li kote li te monte rive lakay SENYÈ a, li te vin pa gen kouraj ankò. <sup>6</sup> Epi li te di a wa a: “Rapò ke m te tandè soti nan peyi mwèn selon pawòl ou avèk sa jès ou a te vre. <sup>7</sup> Men mwèn pa t kwè rapò yo jiskaske mwèn te rive e zye m te wè li. Epi vwala, yo pa t pale m mwatye verite. Ou depase nan sa jès avèk richès rapò ke m te tandè a. <sup>8</sup> Jan mesye pa ou yo ✧beni! Beni se sèvitè ki kanpe devan ou yo tout tan pou tandè sa jès ou. <sup>9</sup> Beni se SENYÈ a, Bondye ou a, ki te pran plezi nan ou pou mete ou sou twòn Israèl la. ✧Akoz SENYÈ a te renmen Israèl pou tout tan; se pou sa, Li te fè ou wa, ✧pou fè lajistis avèk ladwati.” <sup>10</sup> ✧Li te bay wa a san-ven talan lò, yon gran kantite epis avèk pyè presye. Fòs kantite epis sa a tankou sa ke rèn Séba a te bay a Wa Salomon an pa t janm antre ankò. <sup>11</sup> ✧Osi, bato a Hiram ki te pote lò ki sòti Ophir yo, te mennen fè antre soti Ophir yon gran kantite pye bwa koray avèk pyè presye. <sup>12</sup> ✧Wa a te fè soutyen lakay SENYÈ a avèk lakay wa a avèk bwa koray yo e osi ap yo avèk gita pou chantè yo; bwa koray yo tankou sila yo pa t janm antre ankò, ni yo pa t janm wè jis rive jodi a. <sup>13</sup> Wa Salomon te bay a rèn Séba tout sa ke li te dezire, tout sa ke li te mande; anplis sa li te ba li selon bonte wayal li. Epi li te vire retounen nan pwòp peyi pa li a, ansanm avèk sèvitè pa li yo. <sup>14</sup> ✧Alò, pwa a lò ki te

✧ 9:21 Jij 1:21-29 ✧ 9:22 Lev 25:39 ✧ 9:23 II Kwo 8:10 ✧ 9:24 I Wa 3:1 ✧ 9:25 Egz 23:14-17 ✧ 9:26 I Wa 22:48 ✧ 9:27 I Wa 5:6-9 ✧ 9:28 I Kwo 29:4 ✧ 10:1 Mat 12:42 ✧ 10:2 I Wa 10:10 ✧ 10:8 Pwov 8:34 ✧ 10:9 I Kwo 17:22 ✧ 10:9 Sòm 72:2 ✧ 10:10 I Wa 10:2 ✧ 10:11 I Wa 9:27-28 ✧ 10:12 II Wa 9:11 ✧ 10:14 II Kwo 9:13-28



antre pou Salomon nan yon ane se te sis-san-swasann-sis talan lò, <sup>15</sup> anplis de sa ki te sòti nan machann avèk byen a tout komèsan yo, tout wa pami ✧Arab yo avèk gouvènè nan chak peyi yo. <sup>16</sup> ✧Wa Salomon te fè de-san gran boukliye avèk lò bat avèk sis-san sik lò nan chak gran boukliye. <sup>17</sup> Avèk twa-san boukliye nan lò bat, ki te sèvi twa min lò sou chak boukliye e ✧wa a te mete yo nan kay Forè a Liban an. <sup>18</sup> Anplis, wa a te fè yon gwo twòn avèk ✧ivwa e li te kouvri li avèk lò rafine. <sup>19</sup> Avèk sis machpye monte pou rive nan twòn nan e yon tèt won sou twòn nan pa dèyè li, bra yo nan chak kote chèz la e de lyon ki te kanpe akote bra yo. <sup>20</sup> Douz lyon te kanpe la sou sis machpye yo, sou yon kote e menm jan an sou lòt la; anyen tankou li pa t fèt nan okenn lòt wayòm. <sup>21</sup> Tout veso a Wa Salomon pou bwè yo te fèt an lò, tout veso nan kay Forè a Liban yo te an lò pi. Nanpwen ki te an ajan; sa pa t konsidere kòm bagay chè nan jou a Salomon yo. <sup>22</sup> Paske ✧wa a te gen sou lanmè a bato a Tarsis avèk bato a Hiram yo; yon fwa chak twazan bato a Tarsis yo te vini pote lò avèk ajan, ivwa avèk makak ak bèl zwazo pan yo. <sup>23</sup> ✧Konsa, Wa Salomon te vin pi gran ke tout wa sou latè yo nan richès avèk sajès. <sup>24</sup> Tout latè t ap chache prezans a Salomon ✧pou tandè sajès li ke Bondye te mete nan kè li. <sup>25</sup> ✧Chak moun te pote kado li, afè an ajan avèk lò, vètman, zam, epis, cheval avèk milèt, an gran kantite ane pa ane. <sup>26</sup> Alò, Salomon te ranmase cha avèk cheval yo. Li te gen mil-kat-san cha avèk douz-mil chevallye e li te estasyone yo nan ✧vil cha yo avèk wa a Jérusalem nan. <sup>27</sup> ✧Wa a te fè ajan vin gaye toupatou tankou wòch Jérusalem. Epi li te fè sèd yo vin anpil tankou bwa sikomò ki rete nan ba plèn nan. <sup>28</sup> ✧Osi, lè Salomon te enpòte cheval yo, yo te soti an Égypte avèk Kuwe. Machann a wa yo te chache yo soti Kuwe pou yon pri. <sup>29</sup> Yon cha te konn enpòte soti Égypte pou sis-san sik an ajan ak yon cheval pou san-senkant e pa menm mwayen an, yo te ekspòte yo a ✧tout wa Etyen avèk wa Siryen yo.

## 11

<sup>1</sup> Alò, ✧Wa Salomon te renmen anpil fanm etranje ansanm avèk fi Farawon an: Moabit yo, Amonit yo, Edomit yo, Sidonyen yo ak fanm Etyen yo, <sup>2</sup> ki te soti nan nasyon de sila SENYÈ a te di a fis Israèl yo, ✧Ou p ap asosye avèk yo, ni yo p ap asosye avè w; paske yo va anverite vire kè ou lwen apre dye pa yo.” Salomon te kenbe rèd a sila yo nan renmen. <sup>3</sup> ✧Li te gen sèt-san prensès kòm madanm, twa-san ti mennaj e madanm li yo te vire kè li lwen. <sup>4</sup> Paske lè Salomon te vin vye, madanm li yo te vire kè li lwen apre lòt dye yo. Epi kè li pa t konsakre nèt a SENYÈ a, Bondye pa li a, jan kè David, papa li te ye a. <sup>5</sup> Paske, Salomon te kouri dèyè ✧Astarté deyès a Sidonyen yo e apre ✧Milcom, zidòl abominab a Amonit yo. <sup>6</sup> Salomon te fè sa ki te mal nan zye a SENYÈ a e li pa t swiv SENYÈ a nèt, jan David, papa li te fè a. <sup>7</sup> Epi Salomon te bati yon wo plas pou Kemosh, wa abominab a Moab la, sou mòn ki nan lès Jérusalem lan e pou Moloc, zidòl abominab a fis a Ammon yo. <sup>8</sup> Se konsa li te fè pou tout madanm etranje li yo; li te brile lansan e fè sakrifis a dye pa yo. <sup>9</sup> Alò, SENYÈ a te byen fache avèk Salomon akoz kè li te vire lwen SENYÈ a, Bondye Israèl la, ✧ki te vin parèt a li de fwa.

✧ 10:15 II Kwo 9:14 ✧ 10:16 I Wa 14:26-28 ✧ 10:17 I Wa 7:2 ✧ 10:18 II Kwo 9:17 ✧ 10:22 I Wa 9:26-28 ✧ 10:23 I Wa 3:12-13 ✧ 10:24 I Wa 3:9-28 ✧ 10:25 Sòm 68:29 ✧ 10:26 I Wa 9:19 ✧ 10:27 Det 17:17 ✧ 10:28 Det 17:16 ✧ 10:29 II Wa 7:6-7 ✧ 11:1 Det 17:17 ✧ 11:2 Egz 23:31-33 ✧ 11:3 II Sam 5:13-16 ✧ 11:5 I Sam 7:3-4 ✧ 11:5 I Wa 11:7 ✧ 11:9 I Wa 3:5

10 Li ✨te kòmande li sou bagay sa a, ke li pa ta dwe ale apre lòt dye yo; men, li pa t swiv sa ke SENYÈ a te kòmande a. 11 Pou sa, SENYÈ a te di a Salomon: “Akoz ou te fè sa e ou pa t kenbe akò Mwen, avèk règleman Mwen yo, ke M te kòmande ou pou fè yo, ✨Mwen va, anverite, chire wayòm nan soti nan men ou e Mwen va bay li a sèvitè ou. 12 Sepandan, se pa nan jou pa w yo ke M ap fè l, pou koz David, papa ou. Men m ap chire l nan men fis ou yo. 13 Malgre sa, mwen p ap rache tout wayòm nan; men, ✨Mwen va bay yon tribi a fis ou pou koz a sèvitè Mwen an, David e pou koz Jérusalem ke M te chwazi a. 14 Alò, SENYÈ a te fè leve yon lènmi a Salomon, Hadad, Edomit lan; li te nan ras wayal a Édom an. 15 Paske, li te vin rive ke ✨lè David te Édom e Joab, chèf lame a te monte pou antere mò yo, li te frape touye tout gason nan Édom yo. 16 (paske Joab avèk tout Israèl te rete la pandan si mwa, jiskaske li te koupe tout gason nan Édom yo.), 17 Se nan moman sa a ke Hadad te sove ale rive an Égypte, li menm avèk kèk Edomit ki te sèvitè a papa li avèk li, pandan Hadad te jenn gason. 18 Yo te leve soti Madian, pou rive ✨Paran. Yo te pran mesye yo avèk yo soti Paran pou te rive an Égypte, kote Farawon, wa Égypte la, Farawon te bay yo yon kay e li te founi Hadad avèk manje e li te bay li tè. 19 Alò, Hadad te twouve gran favè devan Farawon; konsa, li te ba li nan maryaj, sè a pwòp madanm li, sè a Thachpenès, rèn nan. 20 Sè a Thachpenès la te fè fis li, Guenubath, ke Thachpenès te sevre lakay Farawon pami fis a Farawon yo. 21 Men ✨lè Hadad te tande an Égypte ke David te dòmi avèk zansèt li yo e ke Joab, chèf lame a te mouri, Hadad te di a Farawon: “Voye mwen ale, pou m kab rive nan pwòp peyi pa mwen. 22 Alò, Farawon te di li: “Men kisa ou te manke avè m, ke konsa, w ap chache ale nan pwòp peyi pa ou?” Epi li te reponn li: “Anyen: men anverite, fòk ou kite mwen ale.” 23 ✨Bondye te osi leve yon lòt lènmi a li menm, Rezon, fis a Éliada a, ki te sove ale devan Chèf li, Hadadézer wa a Tsoba a. 24 Li te ranmase moun vè li menm pou te devni chèf a yon twoup bandi mawon. Apre David te vin touye yo nan Tsoba, yo te deplase a Damas pou rete la e te renye Damas. 25 Konsa, li te lènmi a Israèl pou tout jou a Salomon yo, ansanm avèk mechanste ke Hadad te fè yo; epi li te rayi Israèl e li te renye sou Syrie. 26 Alò, ✨Jéroboam, fis a Nebath la, yon Efratyen nan Tseréda, yon sèvitè a Salomon, manman a sila ki te rele Tserua a, yon vè, li osi te fè rebèl kont wa a. 27 Alò, se te pou rezon sa ke li te fè rebèl kont wa a: ✨Salomon te bati sitadèl Millo, e li te fèmen brèch nan lavil papa l la, David. 28 Alò, Jéroboam te yon gèrye vanyan e lè ✨Salomon te wè ke jennonm nan te travay byen, li te chwazi li sou tout kòvey lakay Joseph yo. 29 Li te vin rive vè lè sa a, lè Jéroboam te kite Jérusalem, ke ✨pwofèt la, Achija, te mete yon manto nèf sou li; epi yo de a te rankontre ansanm san lòt moun nan mitan chan an. 30 Alò, ✨Achija te sezi kenbe manto nèf ki te sou li a e li te chire li nan douz mòso. 31 Li te di a Jéroboam: “Pran pou ou menm dis mòso; paske, konsa pale SENYÈ a, Bondye Israèl la: “Gade byen, ✨Mwen va chire wayòm nan sòti nan men Salomon e ba ou dis tribi. 32 ✨(men li va gen yon tribi pou koz sèvitè Mwen an, David ak pou koz Jérusalem, ✨vil ke M te chwazi soti

✨ 11:10 I Wa 6:12 ✨ 11:11 I Sam 2:30 ✨ 11:13 I Wa 11:32-36 ✨ 11:15 II Sam 8:14 ✨ 11:18 Nonb 10:12 ✨ 11:21 I Wa 2:10 ✨ 11:23 I Wa 11:14 ✨ 11:26 I Wa 11:11-28 ✨ 11:27 I Wa 9:15-24 ✨ 11:28 Pwov 22:29 ✨ 11:29 I Wa 12:15 ✨ 11:30 I Sam 15:27-28 ✨ 11:31 I Wa 11:11-12 ✨ 11:32 I Wa 12:21 ✨ 11:32 I Wa 14:21

nan tout tribi Israël yo), <sup>33</sup> akoz yo te abandone Mwen e \*te adore Astarté deyès a Sedonyen yo, \*Kemosh, dye a Moab la ak Milcom, dye a fis Ammon yo. Epi yo pa t mache nan vwa Mwen yo, pou fè sa ki dwat nan zye M, e swiv règleman Mwen yo avèk òdonans Mwen yo, jan papa li, David te fè a. <sup>34</sup> Sepandan, Mwen p ap pran tout wayòm nan sòti nan men l; men Mwen va fè li chèf pandan tout jou a lavi li, pou koz David, ke Mwen te chwazi, ki te swiv kòmandman Mwen yo avèk règleman Mwen yo; <sup>35</sup> men, \*Mwen va rache wayòm nan nan men fis li pou bay a ou, menm dis tribi. <sup>36</sup> Men a fis li yo, mwen va bay yon tribi, \*pou sèvitè Mwen an, David kab toujou gen yon lanp devan Mwen nan Jérusalem, vil kote Mwen te chwazi pou Mwen menm nan pou mete non Mwen an. <sup>37</sup> Mwen va pran ou e ou va renye sou nenpòt sa ou vle e ou va wa sou Israël. <sup>38</sup> Epi li va ye, ke si ou koute tout sa ke M kòmande ou, mache nan vwa Mwen yo, fè sa ki dwat nan zye Mwen, e swiv règleman Mwen yo avèk kòmandman Mwen yo jan sèvitè Mwen David te fè a; alò, Mwen va avèk ou pou bati pou ou yon \*kay k ap dire, jis jan ke M te bati pou David la, e Mwen va bay Israël a ou menm. <sup>39</sup> Konsa, Mwen va aflije desandan a David yo pou sa, men pa pou tout tan.” <sup>40</sup> Akoz sa, Salomon te chache mete Jéroboam a lanmò; men, Jéroboam te leve e te sove ale rive an Égypte kote \*Schischak, wa Égypte la e li te rete an Égypte jiska lanmò Salomon. <sup>41</sup> \*Alò tout lòt zèv a Salomon yo ak tout sa li te fè ak sajès li, èske yo pa ekri nan liv a zèv a Salomon yo? <sup>42</sup> Konsa, \*tan ke Salomon te renye Jérusalem sou tout Israël la se te karantan. <sup>43</sup> Epi Salomon te dòmi avèk zansèt li yo e li te antere nan vil a papa li, David e fis li a, \*Roboam te renye nan plas li.

## 12

<sup>1</sup> \*Epi Roboam te ale \*Sichem; paske, tout Israël te vini Sichem pou fè li wa a. <sup>2</sup> Alò, \*lè Jéroboam, fis a Nebath la te tandè sa, li t ap viv an Égypte (paske li te toujou an Égypte kote li te sove ale rive soti nan prezans a Wa Salomon). <sup>3</sup> Epi yo te voye rele li e Jéroboam avèk tout asanble Israël la te vin pale avèk Roboam, e te di: <sup>4</sup> \*Papa ou te fè fado nou rèd; alò pou sa, fè sèvis di a papa ou vin pi lejè e jis lou ke li te mete sou nou e nou va sèvi ou.” <sup>5</sup> Epi li te di yo: \*kite mwen pandan twa jou e retounen bò kote mwen.” Epi pèp la te ale. <sup>6</sup> Wa Roboam te fè \*konsiltasyon avèk ansyen ki te sèvi papa li yo, Salomon, pandan li te toujou vivan an, e li te di: “Ki konsèy n ap ban mwen pou repons a pèp sa a?” <sup>7</sup> Alò, yo te pale avèk li, e te di: \*Si ou va sèvi pèp sa a jodi a, sedè a yo sa ke yo mande e pale bon pawòl avèk yo; alò, yo va sèvitè ou pou tout tan.” <sup>8</sup> Men li te rejte konsèy ansyen yo te bay li a e li te konsilte avèk jennonm ki te elve ansanm avèk li pou te sèvi li a. <sup>9</sup> Konsa, li te mande yo: “Ki konsèy n ap ban mwen pou nou kapab reponn pèp sa a ki te pale avè m e te di: ‘Fè fado ke papa ou te mete sou nou an vin pi lejè?’” <sup>10</sup> Jennonm ki te elve ansanm avèk li yo te reponn li e te di: “Se konsa pou ou ta pale avèk pèp sa a ki te pale avèk ou a pou di: ‘Papa ou te fè fado nou lou; alò, ou menm, fè l vin pi lejè pou nou.’” Konsa, ou va di yo: “Ti dwèt pi piti mwen an pi gwo ke senti papa mwen! <sup>11</sup> Kote nou wè papa m te chaje nou avèk yon fado lou, mwen va mete ankò sou fado

\* 11:33 I Wa 11:5-8 \* 11:33 Jr 48:7-13 \* 11:35 I Wa 11:12 \* 11:36 II Wa 8:19 \* 11:38 II Sam 7:11-27 \* 11:40 I Wa 14:25 \* 11:41 II Wa 9:29 \* 11:42 II Kwo 9:30 \* 11:43 I Wa 14:21 \* 12:1 II Kwo 10:1 \* 12:1 Jij 9:6 \* 12:2 I Wa 11:26-40 \* 12:4 I Sam 8:11-18 \* 12:5 I Wa 12:12 \* 12:6 I Wa 4:1-6 \* 12:7 II Kwo 10:7

nou; papa m te fè disiplin avèk frèt; men, mwen va sèvi ak eskòpyon.’ ”

<sup>12</sup> Alò, Jéroboam avèk tout pèp la te vini a Roboam nan twazyèm jou a jan wa a te mande l la, lè l te di: ✨“Retounen kote mwen nan twazyèm jou a.

<sup>13</sup> Wa a te reponn pèp la byen rèd, paske li te abandone konsèy ke ansyen yo te bay li a. <sup>14</sup> Li te pale avèk yo selon konsèy a jennonm yo, e te di:

“Papa m te fè fado nou byen lou, men mwen va mete anplis sou fado nou. ✨Papa m te fè disiplin avèk frèt, men mwen va fè disiplin avèk eskòpyon.”

<sup>15</sup> Konsa, wa a pa t koute pèp la; paske evenman yo se te yon dewoulman ki te sòti nan SENYÈ a, jis pou ✨Li ta kapab etabli pawòl ke SENYÈ a te pale pa Achija, Siloyit la, a Jéroboam, fis a Nebath la. <sup>16</sup> Lè tout Israèl te wè ke wa a pa t koute yo, pèp la te reponn wa a e te di:

“Ki pati nou gen nan David?

Nanpwen eritaj nan fis Jesse a;

Rive nan tant ou yo O Israèl! Soti koulye a!

Konsa, David, okipe pwòp lakay ou!”

Konsa Israèl te pati rive nan tant pa yo. <sup>17</sup> Men ✨pou fis Israèl ki te rete nan vil Juda yo, Roboam te renye sou yo. <sup>18</sup> Epi Wa Roboam te voye

✨Adoram ki te chéf sou kòve yo e tout Israèl te lapide li avèk kout wòch jiska lanmò. Konsa, Wa Roboam te fè vit monte cha li pou kite Jérusalem.

<sup>19</sup> ✨Konsa, Israèl te fè rebèl kont lakay David jiska jodi a. <sup>20</sup> Li te vin rive ke lè tout Israèl te tandè ke Jéroboam te retounen, yo te voye rele li nan asanble a pou te fè li wa sou tout Israèl. ✨Okenn sof ke Juda te swiv lakay

David. <sup>21</sup> ✨Alò, lè Roboam te retounen Jérusalem, li te rasanble tout kay Juda a ak tribi Benjamin an, 180,000 mesye chwazi ki te gèrye, pou goumen

kont lakay Israèl la pou restore wayòm a Roboam nan, fis Salomon an. <sup>22</sup> Men pawòl Bondye te vini a ✨Schemaeja, nonm a Bondye a, e te di:

<sup>23</sup> “Pale avèk Roboam, fis a Salomon an, wa Juda a e a tout lakay Juda avèk Benjamin, ✨a tout lòt pèp yo, e di: <sup>24</sup> ‘Konsa pale SENYÈ a, “Fòk ou

pa monte goumen kont fanmi ou yo, fis Israèl yo. Retounen tout moun nan nou lakay nou, paske bagay sa a sòti nan Mwen menm.’ ” Konsa, yo

te koute pawòl SENYÈ a e yo te retounen fè wout yo selon pawòl SENYÈ a. <sup>25</sup> Epi, ✨Jéroboam te bati Sichem nan peyi ti kolin Ephraïm yo e li te rete la.

Li te sòti depi la pou te bati ✨Penuel. <sup>26</sup> Jéroboam te di nan kè l: “Koulye a, wayòm nan va retounen lakay David. <sup>27</sup> ✨Si moun sa yo monte pou ofri

sakrifis nan kay SENYÈ a Jérusalem; alò, kè a pèp sa a va retounen vè mèt yo; menm vè Roboam, wa Juda a. Epi yo va touye mwen e retounen a

Roboam, wa Juda a. <sup>28</sup> Pou sa, wa Jéroboam te konsilte e te ✨fè de ti kabrit an lò. Li te di a pèp la: “Se twòp pou nou ta monte Jérusalem; ✨men vwala,

dye pa nou yo, O Israèl, ki te mennen nou monte soti nan peyi Égypte la.”

<sup>29</sup> Li te plase ✨youn nan Béthel e lòt la, li te mete li Dan. <sup>30</sup> Alò, bagay sa a te devni yon peche; paske, pèp la te ale pou adore devan youn nan yo jis

rive Dan. <sup>31</sup> Epi Jéroboam te fè kay sou wo plas yo e li te ✨fè prèt yo soti pami moun ki pa t pami fis a Lévi yo. <sup>32</sup> Jéroboam te etabli yon fèt nan

di-zuityèm mwa, sou kenzyèm jou nan mwa a, ✨tankou fèt ki Juda a. Li te monte vè lotèl la. Konsa li te fè nan Béthel e li te fè sakrifis a ti bèf ke li te fè yo. Anplis, li te estasyone Béthel prèt pou wo plas ke li te fè yo. <sup>33</sup> Alò, li

✨ **12:12** I Wa 12:5 ✨ **12:14** Egz 1:13 ✨ **12:15** I Wa 11:11-31 ✨ **12:17** I Wa 11:13-36 ✨ **12:18** II Sam 20:24 ✨ **12:19** II Wa 17:21 ✨ **12:20** I Wa 11:13-36 ✨ **12:21** II Kwo 11:1 ✨ **12:22** II Kwo 11:2 ✨ **12:23** I Wa 12:17 ✨ **12:25** Jij 9:45-49 ✨ **12:25** Jen 32:30-31 ✨ **12:27** Det 12:5-7-14 ✨ **12:28** Os 8:4-7 ✨ **12:28** Egz 32:4-8 ✨ **12:29** Os 10:5 ✨ **12:31** I Wa 13:33 ✨ **12:32** Lev 23:33-34

te monte kote lotèl ke li te fè Béthel nan kenzyèm jou nan di-zuityèm mwa ke li te ✧chwazi nan pwòp kè li a; epi li te etabli yon fèt pou fis Israèl yo e li te monte vè lotèl la pou brile lansan.

## 13

<sup>1</sup> Alò, vwala, te vini ✧ yon nonm Bondye soti Juda rive Béthel pa pawòl SENYÈ a, pandan Jéroboam te kanpe akote lotèl la pou brile lansan an. <sup>2</sup> Li te kriye kont lotèl la pa pawòl SENYÈ a, e li te di: “O lotèl, lotèl, konsa di SENYÈ a: ‘Veye byen, yon fis va ne nan kay David la, ✧Josias va non li. Epi sou ou, li va fè sakrifis a prèt ki brile lansan sou ou yo e zo Kreyen yo va brile sou ou.’” <sup>3</sup> Konsa, li te bay yon sign nan menm jou sa, e li te di: ✧“Sa se sign ke SENYÈ a te pale a: ‘Gade byen, lotèl la va vin fann separe e sann ki sou li yo va vin vide. <sup>4</sup> Alò, lè wa a te tandè pawòl a nonm Bondye a, ke li te kriye kont lotèl Béthel la, Jéroboam te lonje men l soti nan lotèl la, e li te di: “Sezi li.” Men men ke li te lonje kont li an te vin sèch, jiskaske li pa t kab rale retounen l kote li. <sup>5</sup> Lotèl la osi te ouvri fann e sann yo te vide nèt soti nan lotèl la, selon sign ke nonm a Bondye a te bay selon pawòl SENYÈ a. <sup>6</sup> Wa a te di a nonm Bondye a: “Souple, fè yon lapriye a SENYÈ a, Bondye ou a e mande pou mwen, pou men m kapab vin restore a mwen menm.” Konsa, ✧nonm Bondye a te priye a SENYÈ a, men a wa a te restore a li menm e li te vin jan li te ye avan an. <sup>7</sup> Alò, wa a te di a nonm Bondye a: “Vin lakay la avèk mwen pou rafrechi ou e ✧mwen va ba ou yon rekonpans.” <sup>8</sup> Men nonm Bondye a te di a wa a: ✧“Menmsi ou te ban mwen menm mwatye kay ou, mwen pa t ap prale avèk ou, ni mwen pa t ap manje pen, ni bwè dlo nan plas sa a. <sup>9</sup> Paske, se konsa li te kòmande mwen pa pawòl SENYÈ a e te di: ‘Ou pa pou manje okenn pen, ni bwè dlo, ni retounen pa chemen ke ou te vini an.’” <sup>10</sup> Pou sa, li te fè yon lòt chemen e li pa t retounen pa chemen ke li te vini Béthel la. <sup>11</sup> Alò, yon ✧pwofèt granmoun t ap viv Béthel; epi fis li yo te vini pou te di li tout zèv ke nonm Bondye a te fè pandan jou sa a Béthel; pawòl ke li te pale a wa yo, ak sa yo osi li te pale a papa yo. <sup>12</sup> Papa yo te di yo: “Se ki direksyon li te pran?” Alò, fis li yo te wè direksyon ke nonm Bondye ki te sòti Juda a te pran an. <sup>13</sup> Epi li te di a fis li yo: “Sele bourik la pou mwen.” Konsa, yo te sele bourik la pou li e li te sòti sou li. <sup>14</sup> Konsa, li te ale dèyè nonm Bondye a e li te twouve li te chita anba yon pye bwadchenn; epi li te di li: “Èske ou menm se nonm Bondye ki te sòti Juda a?” Epi li te di: “Se mwen”. <sup>15</sup> Epi li te di li: “Vin lakay mwen pou manje pen.” <sup>16</sup> Li te di: ✧“Mwen p ap kab retounen avèk ou, ni ale avèk ou, ni mwen p ap manje pen ni bwè dlo avèk ou nan plas sa a. <sup>17</sup> Paske, yon lòd rive jwenn mwen ✧pa pawòl SENYÈ a: ‘Ou pa pou manje pen, ni bwè dlo; pa retounen pa chemen ke ou te vini an.’” <sup>18</sup> Li te di li: “Mwen menm se yon pwofèt tankou ou e ✧yon zanj te pale avèk mwen pa pawòl SENYÈ, e li te di: “Mennen li retounen lakay ou avèk ou pou l kab manje pen ak bwè dlo. Men li te fè manti a li menm. <sup>19</sup> Konsa, li te retounen avèk li e te manje pen lakay li a e te bwè dlo. <sup>20</sup> Alò, li te vin rive, pandan yo te chita sou tab la a, ke pawòl SENYÈ a te vini a pwofèt ki te fè li retounen an; <sup>21</sup> epi li te kriye a nonm Bondye ki te sòti Juda a,

✧ 12:33 Nonb 15:39 ✧ 13:1 I Wa 12:22 ✧ 13:2 II Wa 23:15-16 ✧ 13:3 Jn 2:18 ✧ 13:6 Luc 6:27-28 ✧ 13:7 I Sam 9:7-8 ✧ 13:8 Nonb 22:18 ✧ 13:11 I Wa 13:25 ✧ 13:16 I Wa 13:8-9 ✧ 13:17 I Wa 20:35 ✧ 13:18 Gal 1:8

e li te di: “Konsa pale SENYÈ a: ‘Akoz ou te dezobeyi kòmmandman SENYÈ a e pa t swiv lòd ke SENYÈ a, Bondye ou a, te kòmmande ou a, <sup>22</sup> men, ou te retounen, ou te manje pen e bwè dlo nan plas kote Li te di ou pa manje okenn pen ni bwè okenn dlo a’; kò ou p ap rive nan tonm papa ou a.’”  
<sup>23</sup> Li te vin rive lè li te fin manje pen an e bwè a, ke li te sele bourik la pou li, pou pwofèt la te mennen li retounen. <sup>24</sup> Alò, lè li t ap prale, ☆yon lyon te rankontre li sou wout la e te touye li, kò li te jete sou wout la, avèk bourik la kanpe akote li; lyon an osi te kanpe akote kò a. <sup>25</sup> Epi vwala, moun yo t ap pase kote l e te wè kò a jete sou wout la ak lyon an ki te kanpe akote kò a; konsa, yo te rive pale sa nan vil kote ☆pwofèt granmoun nan te rete a.  
<sup>26</sup> Alò, lè pwofèt ki te mennen li retounen soti nan chemen an te tandè sa, li te di: “Se nonm Bondye ki te dezobeyi lòd SENYÈ a; pou sa, SENYÈ a te bay li a lyon, ki te chire li e touye li selon pawòl ke SENYÈ a te pale li a.”  
<sup>27</sup> Alò, li te pale avèk fis li yo e te di: “Sele bourik la pou mwen.” Epi yo te sele li. <sup>28</sup> Li te ale twouve kò li ki te jete sou wout la avèk bourik la ak lyon ki te kanpe akote kò a. Lyon an pa t manje kò a, ni li pa t chire bourik la.  
<sup>29</sup> Konsa, pwofèt la te leve pran kò a nonm Bondye a, li te kouche li sou bourik la, e li te mennen li retounen. Li te rive nan vil a pwofèt granmoun nan pou kriye pou li e antere li. <sup>30</sup> Li te kouche kadav la nan pwòp tonm pa li e yo te kriye pou li, e te di: ☆“Anmwey, <sup>31</sup> Apre li te fin antere li, li te pale avèk fis li yo e te di: “Lè m mouri, antere mwen nan tonm kote nonm Bondye a antere a; ☆kouche zo pa m yo akote zo pa l yo. <sup>32</sup> ☆Paske bagay la, anverite, va rive ke li te kriye selon pawòl SENYÈ a kont lotèl la Béthel ak kont tout kay plas wo ki nan vil a Samarie yo. <sup>33</sup> Apre evenman sa a, Jéroboam pa t kite chemen mechanste li; men ☆ankò, li te fè prèt pou wo plas yo soti nan tout pèp la; ☆nenpòt moun ki ta vle fè sa, li te òdone pou devni prèt nan wo plas yo. <sup>34</sup> ☆Evenman sa a te devni peche lakay Jéroboam, jis menm pou ta detwi li e fè l disparèt sou fas tè a.”

## 14

<sup>1</sup> Nan lè sa a, Abija, fis a Jéroboam nan, te vin malad. <sup>2</sup> Jéroboam te di a madanm li: “Leve vit e abiye kòm si pou yo pa rekonèt ou kòm madanm a Jéroboam e ale ☆Silo! Gade byen, Achija, pwofèt ki te ☆pale konsènan mwen kòm wa sou pèp sa a la. <sup>3</sup> ☆Pran dis pen avèk ou, kèk gato ak yon boutèy siwo myèl e ale kote li. Li va di ou kisa ki va rive gason an.”  
<sup>4</sup> Madanm a Jéroboam nan te fè sa, li te leve ale Silo e li te rive kote lakay ☆Achija. Alò, Achija pa t kab wè, pwiske zye li te vin fèb akòz laj li. <sup>5</sup> Alò, SENYÈ a te di a Achija: “Gade byen, madanm a Jéroboam nan ap vin mande ou konsèy de fis li a; paske, li malad. Ou va pale li konsa; paske, li va rive ke lè l rive, ☆l ap fè kòm si se yon lòt fanm li ye.” <sup>6</sup> Lè Achija te tandè son a pye li ki t ap antre nan pòtay la, li te di: “Antre, madanm a Jéroboam, poukisa w ap fè kòm si se yon lòt fanm ou ye a? Paske mwen te voye kote ou avèk yon mesaj byen di. <sup>7</sup> Ale, pale a Jéroboam: ‘Konsa pale SENYÈ a. Bondye Israèl la: ☆“Akoz Mwen te egzalte ou soti nan mitan pèp la e te fè ou chéf sou pèp Mwen an, Israèl, <sup>8</sup> e akòz Mwen te ☆chire wayòm nan sòti lakay David pou te bay li a ou menm—sepandan, ou pa t fè jan sèvitè mwen an, David, ki te kenbe kòmmandman Mwen yo e ki te swiv Mwen

☆ 13:24 I Wa 20:36 ☆ 13:25 I Wa 13:11 ☆ 13:30 Jr 22:18 ☆ 13:31 Rt 1:17 ☆ 13:32 I Wa 13:2 ☆ 13:33 I Wa 12:31-32 ☆ 13:33 Jij 17:5 ☆ 13:34 I Wa 12:30 ☆ 14:2 Jos 18:1 ☆ 14:2 I Wa 11:29-31 ☆ 14:3 I Sam 9:7-8 ☆ 14:4 I Wa 11:29 ☆ 14:5 II Sam 14:2 ☆ 14:7 I Wa 11:28-31 ☆ 14:8 I Wa 11:31

avèk tout kè li, pou fè sèlman sa ki te dwat nan zye Mwen. <sup>9</sup> Anplis, ou te fè plis mechanste pase tout sila ki te avan ou yo, ou ✧te fè pou ou menm lòt dye avèk ✧imaj fonn pou pwovoke mwen a lakòlè e ou te jete Mwen dèyè do ou—<sup>10</sup> pou sa, gade byen, Mwen ap mennen gwo malè sou lakay Jéroboam e Mwen va ✧koupe retire nan men Jéroboam tout gason, ni lib, ni esklav an Israèl e Mwen va fè bale nèt lakay Jéroboam jan yon moun ta bale fè sòti pou pou bèt jiskaske li retire li nèt. <sup>11</sup> ✧Nenpòt moun ki apatyen a Jéroboam ki mouri nan vil la, chen va manje li. Epi sila ki mouri nan chan an, zwazo syèl yo va manje li; paske, SENYÈ a te pale.”<sup>12</sup> Koulye a, ou menm, leve ale lakay ou. ✧Lè pye ou fin antre nan vil la, pitit la va mouri. <sup>13</sup> Tout Israèl va fè lamantasyon pou li e antere li, paske se sèlman li nan tout fanmi Jéroboam ki va rive nan tonm nan; akòz nan li, ✧yon bon bagay te twouve anvè SENYÈ a, Bondye Israèl la, nan kay Jéroboam nan. <sup>14</sup> Anplis, ✧SENYÈ a va fè leve pou kont Li, yon wa sou Israèl ki va koupe lakay Jéroboam, nan jou sa a e soti koulye a, jis ale nèt. <sup>15</sup> Paske, SENYÈ a va frape Israèl, tankou yon wozo k ap tranble nan dlo; epi ✧Li va dechouke Israèl soti nan bon peyi ke Li te bay a zansèt pa li yo e Li ✧va gaye yo lòtbò Rivyè Euphrate la, akòz yo te fè Asherim pa yo, ki te pwovoke SENYÈ a a lakòlè. <sup>16</sup> Li va abandone Israèl akòz peche ke Jéroboam te fè a e avèk sila, li te fè Israèl antre nan peche a. <sup>17</sup> Alò, madanm a Jéroboam te leve ale e te rive Thirtsa. ✧Pandan li t ap pase nan chanbrann pòt la, pitit la te mouri. <sup>18</sup> ✧Tout Israèl te antere li e te kriye pou li, selon pawòl SENYÈ a te pale pa sèvitè li, Achija, pwofèt la. <sup>19</sup> Alò, tout lòt zèv a Jéroboam yo, ✧jan li te fè lagè ak jan li te renye; men vwala, yo ekri nan Liv Kwonik a Wa Israèl yo. <sup>20</sup> Tan ke Jéroboam te renye a te venn-dezan; epi li te dòmi avèk zansèt li yo e Nadab, fis li a te renye nan plas li a. <sup>21</sup> ✧Alò, Roboam fis a Salomon an te renye Juda. Roboam te gen trante-yen ane daj lè li te vin wa e li te renye di-sèt ane Jérusalem, vil ke SENYÈ a te chwazi soti nan tout tribi Israèl yo pou mete non Li a. Epi manman li te Naama, yon fi Amonit. <sup>22</sup> ✧Juda te fè mal nan zye a SENYÈ a e yo te ✧pwovoke Li a jalouzi plis pase tout zansèt pa yo te fè, avèk peche ke yo te fè yo. <sup>23</sup> Paske yo tou te bati pou yo menm ✧wo plas yo, ✧pilye sakre yo avèk Asherim sou chak wotè ti kolin e anba chak bèl bwa vèt. <sup>24</sup> Te gen osi ✧gason ki fè pwostitiye tanp zidòl nan peyi a. Yo te fè selon tout abominasyon a lòt nasyon ke SENYÈ a te fè sòti devan fis Israèl yo. <sup>25</sup> ✧Alò, li te fèt nan senkyèm ane a Wa Roboam, Schischak, wa Égypte la te vin monte kont Jérusalem. <sup>26</sup> Li te pran trezò a lakay SENYÈ a avèk trezò lakay wa a, e li te pran tout bagay yo, ✧menm tout boukliye an lò ke Salomon te fè yo. <sup>27</sup> Pou sa, Wa Roboam te fè boukliye an bwonz nan plas yo e te fè kòmandan a gad ki te veye pòtay kay la wa a responsab sou yo. <sup>28</sup> Epi li te vin rive ke nenpòt lè wa a te antre lakay SENYÈ a, ke gad yo ta pote mennen yo retounen nan chanm gad yo. <sup>29</sup> ✧Alò, tout lòt zèv a Roboam avèk tout sa li te fè yo, èske yo pa ekri nan liv a Kwonik a Wa Juda yo? <sup>30</sup> ✧Te gen lagè antre Roboam avèk Jéroboam tout tan. <sup>31</sup> Epi Roboam te dòmi avèk zansèt li yo e li te antere

✧ **14:9** I Wa 12:28 ✧ **14:9** Egz 34:17 ✧ **14:10** I Wa 21:21 ✧ **14:11** I Wa 16:4 ✧ **14:12** I Wa 14:17 ✧ **14:13** II Kwo 19:3 ✧ **14:14** I Wa 15:27-29 ✧ **14:15** Det 29:28 ✧ **14:15** II Wa 15:29 ✧ **14:17** I Wa 14:12 ✧ **14:18** I Wa 14:13 ✧ **14:19** I Wa 14:30 ✧ **14:21** II Kwo 12:13 ✧ **14:22** II Kwo 12:1-14 ✧ **14:22** Det 32:21 ✧ **14:23** Éz 16:24 ✧ **14:23** Det 16:22 ✧ **14:24** Jen 19:5 ✧ **14:25** I Wa 11:40 ✧ **14:26** I Wa 10:17 ✧ **14:29** II Kwo 12:15-16 ✧ **14:30** I Wa 12:21

avèk zansèt li yo nan lavil David. ✨Non manman li se te Naama, fi Amonit lan. Abijam, fis li a, te vin wa nan plas li.

## 15

<sup>1</sup> ✨Alò, nan di-zuityèm ane a Wa Jéroboam, fis Nebat la, Abijam te vin wa sou Juda. <sup>2</sup> Li te renye pandan twazan nan Jérusalem; Non manman li se te ✨Maaca, fis a ✨Abisalom lan. <sup>3</sup> Li te mache nan tout peche a papa li te fè devan li yo. ✨Kè li pa t dedye nèt a SENYÈ a, Bondye li a, tankou kè a papa zansèt li a, David. <sup>4</sup> Men pou koz David, SENYÈ a, Bondye li a, te ba li yon lanp nan Jérusalem, pou fè leve monte fis li apre li e pou etabli Jérusalem; <sup>5</sup> ✨Li te fè sa paske David te fè sa ki te dwat nan zye a SENYÈ a, e li pa t vire akote de nenpòt sa ke Li te kòmande li pandan tout jou a lavi li, ✨sof ke ka a Urie a, Etyen an. <sup>6</sup> ✨Te gen lagè antre Roboam avèk Jéroboam pandan tout vi li. <sup>7</sup> Alò, tout lòt zèv a Abijam avèk tout sa li te fè yo, èske yo pa ekri nan Liv Kwonik a Wa a Juda yo? ✨Anplis, te gen lagè antre Abijam avèk Jéroboam. <sup>8</sup> ✨Epi Abijam te dòmi avèk zansèt li yo e yo te antere li nan lavil David; epi Asa, fis li a te devni wa nan plas li. <sup>9</sup> Konsa, nan ventyèm ane a Jéroboam, wa Israèl la, Asa te kòmanse renye kòm wa nan Juda. <sup>10</sup> Li te renye pandan karanteyen ane Jérusalem. ✨Non manman li se te Maaca, fi a Abisalom lan. <sup>11</sup> ✨Asa te fè sa ki te dwat nan zye SENYÈ a tankou David, papa zansèt li a. <sup>12</sup> Anplis, li te retire mal pwostitiye nan peyi a e li te ✨retire tout zidòl ke zansèt li yo te fè yo. <sup>13</sup> Anplis, ✨li te fè retire Maaca, manman li nan pozisyon rèn nan; paske, li te fè yon imaj abominab tankou yon Astarté. Asa te koupe imaj abominab li a e li te ✨brile li nan flèv Cédron an. <sup>14</sup> Men wo plas yo pa t retire. Malgre sa, ✨kè Asa te dedye nèt a SENYÈ a pandan tout jou li yo. <sup>15</sup> ✨Li te fè antre nan kay SENYÈ a tout afè dedye pa papa li avèk tout afè dedye pa li menm; zouti fèt an ajan avèk lò. <sup>16</sup> ✨Alò te gen lagè antre Asa avèk Baescha, wa Israèl la pandan tout jou pa yo. <sup>17</sup> ✨Baescha, wa Israèl la, te monte kont Juda e te ranfòse Rama pou anpeche moun antre, oswa sòti kote Asa, wa Juda a. <sup>18</sup> ✨Asa te pran tout ajan avèk lò ki te rete nan trezò lakay SENYÈ a ak trezò lakay wa a e li te livre yo nan men a sèvitè li yo. Epi Wa Asa te voye yo bay Ben-Hadad, fis a Thabrimmon an, fis a Hezjon an, wa Syrie a, ki te rete Damas la, e te di: <sup>19</sup> Kite yon ✨akò fèt antre ou menm avèk mwen, tankou antre papa ou avèk papa m. Gade byen, mwen voye ba ou yon kado ajan avèk lò. Ale kraze akò ou avèk Baescha, wa Israèl la, pou li retire lame li a sou mwen.” <sup>20</sup> Konsa, Ben-Hadad te koute Wa Asa e te voye chèf lame li yo kont vil Israèl yo, li te bat yo e pran Ijjon, ✨Dan, Abel-Beth-Maaca, tout ✨Kinneroth la ak tout teritwa Nephtali a. <sup>21</sup> Lè Baescha fin tande koze sa a, li te sispann ranfòse Rama e li te vin rete ✨Thirsta. <sup>22</sup> Epi Wa Asa te fè yon pwoklamasyon a tout Juda—nanpwen pèsòn ki te eksepte—epi yo tout te pote ale tout wòch nan Rama yo avèk bwa ke Baescha te sèvi pou bati yo. Wa Asa te bati avèk yo, ✨Guéba nan Benjamin ak Mitspa. <sup>23</sup> Alò, tout lòt zèv Asa yo avèk tout pwisans li, tout sa li te fè ak vil ke li te bati yo,

✨ 14:31 I Wa 14:21 ✨ 15:1 II Kwo 13:1 ✨ 15:2 II Kwo 13:2 ✨ 15:2 II Kwo 11:21 ✨ 15:3 I Wa 11:4 ✨ 15:5 Luc 1:6 ✨ 15:5 II Sam 11:3-17 ✨ 15:6 I Wa 14:30 ✨ 15:7 II Kwo 13:3-20 ✨ 15:8 II Kwo 14:1 ✨ 15:10 I Wa 15:2 ✨ 15:11 II Kwo 14:2 ✨ 15:12 II Kwo 14:2 ✨ 15:13 II Kwo 15:16-18 ✨ 15:13 Egz 32:20 ✨ 15:14 I Wa 8:61 ✨ 15:15 I Wa 7:51 ✨ 15:16 I Wa 15:32 ✨ 15:17 II Kwo 16:1-6 ✨ 15:18 I Wa 14:26 ✨ 15:19 II Kwo 16:7 ✨ 15:20 Jij 18:29 ✨ 15:20 Jos 11:2 ✨ 15:21 I Wa 14:17 ✨ 15:22 Jos 18:24



èske yo pa ekri nan Liv Kwonik a Wa a Juda yo? Men nan tan vyeyès li, li te aflije avèk maladi nan pye li. <sup>24</sup> Konsa, Asa te dòmi avèk zansèt pa li yo e li te antere avèk zansèt li yo nan lavil David la, papa li. Epi ✧Josaphat te renye nan plas li. <sup>25</sup> Alò, ✧Nadab, fis a Jéroboam nan, te vin wa sou Israël nan dezyèm ane Asa a, wa Juda a e li te renye sou Israël pandan dezan. <sup>26</sup> Li te fè mal nan zye SENYÈ a e li te ✧mache nan chemen papa li ak ✧nan peche avèk sila li te fè Israël peche a. <sup>27</sup> Alò, ✧Baescha, fis a Achija a, a lakay Issacar a, te fè konplo kont Nadab, e Baescha te frape l fè l mouri nan Guibbethon, ki te apatyen a Filisten yo, pandan Nadab avèk tout Israël t ap fè syèj nan Guibbethon. <sup>28</sup> Konsa, Baescha te touye li nan twazyèm ane Asa a, wa Juda a e li te vin renye nan plas li. <sup>29</sup> Li te vin rive ke depi li te wa a, li te frape tout lakay Jéroboam. Li pa t kite a Jéroboam okenn moun vivan, jiskaske li te detwi yo nèt, ✧selon pawòl ke SENYÈ a te pale pa sèvitè li a, Achija, Siloyit la. <sup>30</sup> Akoz peche ke Jéroboam te fè yo e ✧avèk sila, li te fè Israël peche yo, akoz pwovokasyon li avèk sila li te pwovoke SENYÈ a, Bondye Israël la, a lakòlè. <sup>31</sup> ✧Alò, lòt zèv a Nadab yo avèk tout sa ke li te fè yo, èske yo pa ekri nan Liv Kwonik a Wa Israël yo? <sup>32</sup> ✧Te gen lagè antre Asa avèk Baescha, fis a Achija a pandan tout jou pa yo. <sup>33</sup> Nan twazyèm ane Asa a, wa a Juda a, Baescha, fis a Achija a, te devni wa sou tout Israël nan Thirtsa e li te renye venn-kat ane. <sup>34</sup> Li te fè mal nan zye SENYÈ a e li ✧te mache nan chemen Jéroboam ak nan peche pa li avèk sila li te fè Israël peche yo.

## 16

<sup>1</sup> Alò, pawòl SENYÈ a te vini a ✧Jéhu, fis a Hanani a kont Baescha, e te di: <sup>2</sup> Mwen te egzalte ou, Baescha, soti nan pousyè e Mwen te fè ou chèf sou pèp Mwen an, Israël. E ✧ou te mache nan chemen Jéroboam pou te fè pèp Mwen an, Israël peche e te pwovoke M a lakòlè avèk peche pa yo. <sup>3</sup> Veye byen, Mwen va manje ✧Baescha nèt avèk lakay li e ✧Mwen va fè lakay ou tankou lakay Jéroboam, fis a Nebat la. <sup>4</sup> ✧Nenpòt moun nan Baescha ki mouri nan vil la, li va manje pa chen e nenpòt moun nan sila ki mouri nan chan, zwazo syèl yo va manje l.” <sup>5</sup> ✧Alò, lòt zèv a Baescha, sa li te fè ak pwisans li, èske yo pa t ekri nan Liv Kwonik a Wa Israël yo? <sup>6</sup> Epi Baescha te dòmi avèk zansèt li yo e li te antere ✧Thirtsa. Epi Éla, fis li a, te vin wa nan plas li. <sup>7</sup> Anplis, pawòl SENYÈ a, pa ✧pwofèt la, Jéhu, fis a Hanani an, osi te vini kont Baescha avèk lakay li, akoz tout mal li te fè nan zye SENYÈ a, lè l te pwovoke Li a lakòlè avèk zèv a men li yo, lè li te vin tankou lakay Jéroboam e osi akoz li te frape li. <sup>8</sup> Nan venn-sizyèm ane Asa a, wa a Juda a, Éla, fis a Baescha a, te vin wa sou Israël nan Thirtsa e li te renye pandan dezan. <sup>9</sup> Sèvitè li, ✧Zimri, chèf a mwatye cha li yo, te fè konplo kont li. Alò, li te lakay Thirtsa, e li t ap bwè jiskaske li te vin sou lakay Artsa, ki te chèf sou tout kay Thirtsa a. <sup>10</sup> Alò, Zimri te antre frape li e te mete l a lanmò nan venn-setyèm ane a Asa a, wa a Juda a e li te devni wa nan plas li. <sup>11</sup> Li te vin rive ke lè li te devni wa a, depi li te chita sou twòn nan, ke ✧li te touye tout manm lakay Baesche yo. Li pa t kite

✧ 15:24 I Wa 22:41-44 ✧ 15:25 I Wa 14:20 ✧ 15:26 I Wa 12:28-33 ✧ 15:26 I Wa 15:30-34  
 ✧ 15:27 I Wa 14:14 ✧ 15:29 I Wa 14:9-16 ✧ 15:30 I Wa 15:26 ✧ 15:31 I Wa 14:19 ✧ 15:32  
 I Wa 15:16 ✧ 15:34 I Wa 15:26 ✧ 16:1 I Wa 16:7 ✧ 16:2 I Wa 15:34 ✧ 16:3 I Wa 16:11  
 ✧ 16:3 I Wa 15:29 ✧ 16:4 I Wa 14:11 ✧ 16:5 I Wa 14:19 ✧ 16:6 I Wa 14:7 ✧ 16:7 I Wa  
 16:1 ✧ 16:9 II Wa 9:30-33 ✧ 16:11 I Wa 15:29

menm yon gason, ni pami fanmi, ni nan zanmi li yo. <sup>12</sup> Konsa, Zimri te detwi tout lakay Baesche, ✨selon pawòl ke SENYÈ a te pale kont Baesche pa ✨Jéhu, pwofèt la, <sup>13</sup> pou tout peche a Baesche yo ak peche a Éla, fis li a, peche ke yo te fè e avèk sila yo te fè Israèl peche yo, e ki te ✨pwovoke Li a lakòlè avèk zidòl pa yo. <sup>14</sup> ✨Alò, tout lòt zèv a Éla yo avèk tout sa ke li te fè yo, èske yo pa ekri nan Liv Kwonik a Wa a Israèl yo? <sup>15</sup> Nan venn-setyèm ane a Asa a, wa Juda a, Zimri, te renye pandan sèt jou nan Thirtsa. Alò, pèp la te fè kan kont ✨Guibbethon, ki te pou Filisten yo. <sup>16</sup> Moun ki te nan kan yo te tandè li e te di: “Zimri te fè konplo pou vin frape wa a.” Pou sa, tout Israèl te fè Omri chèf lame a wa a sou Israèl menm jou sa a nan kan an. <sup>17</sup> Alò, Omri ak tout Israèl avèk li te monte soti nan Guibbethon pou te fè syèj kont Thirtsa. <sup>18</sup> Lè Zimri te wè vil la te tonbe, li te monte nan sitadèl lakay wa a. Li te brile lakay wa a sou pwòp tèt li avèk dife e li te ✨mouri. <sup>19</sup> Sa te fèt akoz peche ke li te fè yo, ak mal li te fè nan zye SENYÈ a, li te ✨mache nan chemen Jéroboam. Nan peche li te fè yo, li te fè Israèl peche. <sup>20</sup> ✨Alò lòt zèv a Zimri yo avèk konplo li te fè yo, èske yo pa ekri an Liv Kwonik a Wa a Israèl yo? <sup>21</sup> Alò, pèp Israèl yo te divize an de pati: mwatye te swiv Thibni, fis a Guinath la pou fè l devni wa; mwatye te swiv Omri. <sup>22</sup> Men moun ki te swiv Omri yo te vin genyen sou moun ki te swiv Thibni yo, fis a Guinath la. Epi Thibni te mouri e Omri te vin wa a. <sup>23</sup> Nan tranteyen ane Asa a, wa Juda a, Omri te devni wa sou Israèl e li te renye pandan douz ane. Li te renye pandan sizan nan ✨Thirtsa. <sup>24</sup> Li te achte ti mòn Samarie a nan men Schémer pou de talan ajan; epi li te bati sou ti mòn nan e li te rele vil ke li te bati a ✨Samarie menm non a Schémer, mèt a ti mòn nan. <sup>25</sup> ✨Omri te fè mal nan zye SENYÈ a e li te aji avèk plis mechanste pase tout moun ki te avan l yo. <sup>26</sup> Paske, li te ✨mache nan tout chemen a Jéroboam yo, fis a Nebat la ak nan peche pa li avèk sila li te fè Israèl peche yo e te pwovoke SENYÈ a, Bondye Israèl la, avèk zidòl pa yo. <sup>27</sup> Alò, tout lòt zèv ke Omri te fè yo ak pwisans ke li te montre yo, èske yo pa ekri nan Liv Kwonik a Wa a Israèl yo? <sup>28</sup> Konsa, Omri te dòmi avèk zansèt pa li yo e li te antere Samarie; epi Achab, fis li a, te devni wa nan plas li. <sup>29</sup> Alò, Achab, fis a Omri a te devni wa sou Israèl pandan trann-tuit ane Asa yo, wa Juda a e Achab, fis a Omri a te renye sou Israèl nan Samarie pandan venn-dezan. <sup>30</sup> ✨Achab, fis a Omri a te fè mal nan zye a SENYÈ a plis pase tout moun ki te avan li yo. <sup>31</sup> Li te vin rive ke kòm si li te yon ti bagay pou li te mache nan peche a Jéroboam yo, fis a Nebat la, ke ✨li te marye ak Jézabel, fi a Ethbaal la, wa a Sidonyen yo, li te ale sèvi Baal e te adore li. <sup>32</sup> Konsa, li te fè monte yon lotèl pou Baal nan ✨kay Baal ke li te bati Samarie a. <sup>33</sup> Achab osi te fè ✨Astarté. Konsa, Achab te fè plis pou pwovoke SENYÈ a, Bondye Israèl la, pase tout wa a Israèl ki te avan li yo. <sup>34</sup> ✨Nan jou pa li yo, Hiel, moun Béthel la te bati Jéricho. Li te poze fondasyon li yo avèk pèt Abiram, premye ne li a e li te monte pòtay li yo avèk pèt a pi piti fis li a, Segub, selon pawòl SENYÈ a te pale pa Josué, fis a Nun nan.

✨ **16:12** I Wa 16:3 ✨ **16:12** II Kwo 19:2 ✨ **16:13** Det 32:21 ✨ **16:14** I Wa 16:5 ✨ **16:15** I Wa 15:27 ✨ **16:18** I Sam 31:4-5 ✨ **16:19** I Wa 12:28 ✨ **16:20** I Wa 16:5-27 ✨ **16:23** I Wa 15:21 ✨ **16:24** I Wa 16:28-32 ✨ **16:25** Mi 6:16 ✨ **16:26** I Wa 16:19 ✨ **16:30** I Wa 14:9 ✨ **16:31** Det 7:1-5 ✨ **16:32** II Wa 10:21-27 ✨ **16:33** II Wa 13:6 ✨ **16:34** Jos 6:26

## 17

1 Alò, Élie, Tichbit la, ki te pami fondatè Galaad yo, te di a Achab: “Jan SENYÈ a, Bondye Israël la, viv la, devan sila mwen kanpe a, anverite p ap gen ni lawouze, ni lapli nan ane sila yo, sof ke pa pawòl mwen.” 2 Pawòl SENYÈ a te vini a li e te di: 3 Kite andwa sila a, vire vè lès e kache akote flèv Kerith ki nan lès a Jourdain an. 4 Li va fèt ke ou va bwè nan flèv la e \*mwen te kòmande zwazo kòbo pou ba ou pwovizyon.” 5 Konsa, li te ale e te fè selon pawòl SENYÈ a; paske, li te ale viv akote flèv Kerith la, ki te vè lès a Jourdain an. 6 Kòbo yo te mennen ba li pen avèk vyann e nan aswè, li ta bwè nan flèv la. 7 Li te vin rive apre yon tan ke flèv la te vin sèch, akoz pa t gen lapli nan peyi a. 8 Epi pawòl SENYÈ a te vini a li e te di: 9 Leve ale \*Sarepta, ki pou Sidon e rete la; gade byen, Mwen te kòmande yon vè ki la pou okipe ou.” 10 Konsa, li te leve ale Sarepta e lè li te rive nan pòtay vil la, vwala, yon vè te la e t ap ranmase bwa. \*Li te rele li e te di: “Souple, chèche yon ti dlo nan yon veso, pou m kab bwè.” 11 Pandan li t ap pral chèche l, li te rele kote li e te di: “Souple, pote ban m yon ti pen nan men ou.” 12 Men li te di: “Jan SENYÈ a, Bondye ou a, viv la, devan sila mwen kanpe a, \*mwen pa gen pen, sèlman yon men farin nan bòl la avèk yon ti kras lwil nan bokal la; epi gade byen, mwen ap ranmase kèk mòso bwa pou m kab antre prepare pou mwen avèk fis mwen an, pou nou kab manje l e \*mouri. 13 Élie te di li: “Pa pè; ale, fè jan ou te di a, men fè pou mwen yon ti gato pen avè l avan e pote l deyò ban mwen, e apre, w ap kapab fè pou ou menm ak pou gason ou an. 14 Paske, konsa pale SENYÈ a, Bondye Israël la: ‘Bòl farin nan p ap vid, ni boutèy lwil la p ap vid, jis jou ke SENYÈ a voye lapli sou fas tè a.’” 15 Konsa, li te ale e te fè selon pawòl Élie yo, e li menm avèk gason an avèk li Élie te manje pandan anpil jou. 16 Bòl farin nan pa t fini, ni boutèy lwil la pa t vid, jan pawòl SENYÈ a te pale pa Élie a. 17 Alò, li te vin rive apre bagay sa yo ke gason a fanm nan, mètrès kay la, te vin malad; epi maladi li a te tèlman rèd ke li pa t gen souf ki rete nan li. 18 Konsa, famn nan te di a Élie: “Kisa mwen gen avè w, O \*nonm Bondye? Ou te vin kote mwen pou fè m vin sonje inikite mwen e mete gason mwen an a lanmò!” 19 Li te di a fanm nan: “Ban mwen gason ou an.” Epi li te retire li sou lestonmak li e te pote li monte nan chanm anlè kote li te rete a e li te kouche li sou pwòp kabann pa li. 20 Li te rele SENYÈ a e te di: “O SENYÈ, Bondye mwen an, èske Ou osi te mennen gwo dezans sou vè la kote mwen rete a e fè pitit li a mouri?” 21 \*Alò, li te lonje kò li sou pitit la twa fwa e li te rele SENYÈ a, e te di: “O SENYÈ, Bondye mwen an, mwen priye Ou, kite lavi pitit sa a retounen nan li.” 22 SENYÈ a te tandè vwa Élie, \*lavi pitit la te retounen nan li e li te vin refè. 23 Élie te pran pitit la, li te mennen li desann soti chanm anlè a, li te antre nan kay la e li bay li a manman li; epi Élie te di: “Ou wè, gason ou an vivan.” 24 Epi fanm nan te di a Élie: \*Koulye a, mwen konnen ke ou se yon nonm Bondye, e ke pawòl SENYÈ a nan bouch ou se verite.”

## 18

1 Alò, li te rive \*apre anpil jou ke pawòl SENYÈ a te vini a Élie nan

\* 17:4 I Wa 17:9 \* 17:9 Ab 20 \* 17:10 Jen 24:17 \* 17:12 II Wa 4:2-7 \* 17:12 Jen 21:15-16  
 \* 17:18 I Wa 12:22 \* 17:21 II Wa 4:34-35 \* 17:22 Luc 7:14 \* 17:24 Jn 2:11 \* 18:1  
 Luc 4:25

twazyèm ane a, e Li te di: “Ale, montre ou menm a Achab e Mwen va voye lapli sou fas tè a.” <sup>2</sup> Konsa, Élie te ale montre li menm a Achab. Alò, gwo grangou a te byen rèd nan Samarie. <sup>3</sup> Achab te rele Abdias ✧ki te chèf sou lakay li. (Alò, Abdias te ✧gen lakrent SENYÈ a anpil; <sup>4</sup> paske ✧lè Jézabel te detwi pwofèt SENYÈ yo, Abdias te pran yon santèn nan pwofèt yo, li te kache yo pa senkant nan yon kav e li te founi yo avèk pen avèk dlo.) <sup>5</sup> Alò, Achab te di Abdias: “Pase nan peyi kote tout sous dlo yo; petèt nou va twouve zèb pou kenbe chwal avèk milèt yo vivan e pou nou pa oblije touye nan bèt yo.” <sup>6</sup> Pou sa, yo te divize peyi a antre yo pou yo fè rechèch li; Achab te pran yon chemen, e Abdias te pran yon lòt pou kont li. <sup>7</sup> Alò, pandan Abdias te nan wout la, vwala, Élie te rankontre li, ✧li te rekonèt li e te tonbe sou figi li e li te di: “Èske se ou menm, Élie, mèt mwen an?” <sup>8</sup> Li te di li: “Se mwen. Ale, pale a mèt ou a, Men vwala, Élie.” <sup>9</sup> Li te di: “Ki peche mwen te fè ke ou ta vin mete sèvitè ou nan men Achab pou l mete m a lanmò? <sup>10</sup> Jan SENYÈ a, Bondye ou a, viv la, nanpwen nasyon oswa wayòm kote mèt mwen pa t voye chache ou; epi lè yo te di: “Li pa la’, li te fè wayòm nan oswa nasyon an sèmanke ke yo pa t kab jwenn ou. <sup>11</sup> Epi koulye a w ap di: ‘Ale di mèt ou “Men vwala, Élie!”’ <sup>12</sup> Li va vin rive ke lè m kite ou, Lespri SENYÈ a va pote ou kote m pa konnen. Konsa, lè m vini pale Achab, lè l pa kab jwenn ou, li va touye mwen, malgre mwen, sèvitè ou a, te gen lakrent SENYÈ a depi nan jenès mwen. <sup>13</sup> ✧Èske sa pa t pale a mèt mwen sa m te fè lè Jézabel te touye pwofèt SENYÈ yo, ke m te kache yon santèn nan pwofèt SENYÈ a pa senkantèn nan yon kav e mwen te founi yo avèk pen avèk dlo? <sup>14</sup> Epi koulye a, w ap di mwen, ale pale a mèt ou Men Élie’; epi se konsa l ap touye mwen.” <sup>15</sup> Élie te di: ✧“Jan SENYÈ dèzame yo viv la, devan sila mwen kanpe a, anverite, mwen va montre mwen menm a li menm jodi a.” <sup>16</sup> Konsa, Abdias te ale rankontre Achab e te pale li; epi Achab te ale rankontre Élie. <sup>17</sup> Lè Achab te wè Élie, ✧Achab te di li: “Èske se ou menm, sila ki twouble Israël la?” <sup>18</sup> Li te di: “Mwen pa t twouble Israël, men ou menm avèk lakay papa ou, akoz ✧ou te abandone lòd SENYÈ yo pou ✧ou te swiv Baal yo. <sup>19</sup> Alò, pou sa, voye ranmase vè mwen tout Israël nan ✧Mòn Carmel avèk kat-san-senkant pwofèt Baal ak kat-san pwofèt ✧Astarté ki manje sou tab Jézabel la.” <sup>20</sup> Konsa, Achab te voye pami tout fis Israël yo e te mennen pwofèt yo ansanm nan Mont Carmel. <sup>21</sup> Élie te pwoche tout pèp la e te di: ✧“Soti nan kan an, n ap kontinye panche de bò, antre de bi? ✧Si SENYÈ a se Bondye a, swiv Li; men, si se Baal, swiv li.” Men moun yo pa t reponn menm yon mo. <sup>22</sup> Epi Élie te di a pèp la: “Se mwen sèl ki rete kòm pwofèt SENYÈ a, men pwofèt a Baal yo se kat-san-senkant òm. <sup>23</sup> Alò, kite yo bannou de bèf e kite yo chwazi yon bèf pou yo menm, koupe li an mòso e mete li sou bwa a, men san pa mete dife; epi mwen va prepare lòt bèf la e kouche li sou bwa e mwen p ap mete dife. <sup>24</sup> Alò, ou va rele non a dye pa nou an e mwen va rele non SENYÈ a, e ✧Dye ki reponn pa dife a, se Li menm ki Bondye a.” Epi tout moun yo te reponn: “Lide sa a bon.” <sup>25</sup> Konsa, Élie te di a pwofèt a Baal yo: “Chwazi yon bèf pou nou menm e prepare li, paske nou anpil e

✧ 18:3 I Wa 16:9 ✧ 18:3 Né 7:2 ✧ 18:4 I Wa 18:13 ✧ 18:7 II Wa 1:6-8 ✧ 18:13 I Wa 18:4  
 ✧ 18:15 I Wa 17:1 ✧ 18:17 Jos 7:25 ✧ 18:18 I Wa 9:9 ✧ 18:18 I Wa 21:25-26 ✧ 18:19 Jos  
 19:26 ✧ 18:19 I Wa 16:33 ✧ 18:21 Mat 6:24 ✧ 18:21 Jos 24:5 ✧ 18:24 I Wa 18:38

rele non a dye pa nou an, men pa mete dife.” <sup>26</sup> Epi yo te pran bèf ki te bay a yo menm nan, yo te prepare li e te rele non Baal la soti nan maten jis rive midi e yo t ap di: “O Baal, reponn nou.” Men \*pa t gen vwa e okenn moun pa t reponn. Epi yo te toutotou lotèl ke yo te fè a. <sup>27</sup> Li te vin rive vè midi ke Élie te moke yo, e te di: “Rele avèk vwa fò, paske li se yon dye! Oswa petèt li okipe, ke li okipe! Oswa li te vire akote, oswa li fè yon vwayaj; o petèt li dòmi e bezwen leve.” <sup>28</sup> Konsa, yo te kriye avèk gwo vwa e te \*koupe kò yo selon abitud pa yo avèk nepe ak frenn jis san te fè flèv sou yo. <sup>29</sup> Lè midi te fin pase, yo te anraje \*jis rive nan moman pou ofri sakrifis aswè yo; men, pa t gen vwa, okenn moun pa t reponn, ni okenn moun pa t okipe yo. <sup>30</sup> Alò, Élie te di a tout pèp la: “Vin kote mwen.” Konsa, tout pèp la te vin kote li. Epi li te \*repare lotèl SENYÈ a ki te dechire a. <sup>31</sup> Élie te pran douz wòch selon non tribi a fis a Jacob yo, a sila pawòl SENYÈ a te parèt yo, e te di: \* “Israël va non ou.” <sup>32</sup> Konsa, avèk wòch yo, li te bati yon lotèl \*nan non SENYÈ a e li te fè yon kanal antoure lotèl la ase laj pou kenbe de mezi semans. <sup>33</sup> \*Apre, li te ranje bwa a, li te koupe bèf la an mòso e li te poze li sou bwa a. <sup>34</sup> Epi li te di: “Ranpli kat po avèk dlo e vide li sou ofrann brile yo ak sou bwa a.” Epi li te di: “Fè l yon dezyèm fwa,” epi yo te fè l yon dezyèm fwa. Epi li te di: “Fè l yon twazyèm fwa,” epi yo te fè l yon twazyèm fwa. <sup>35</sup> Dlo a te kouri antoure lotèl la e li te plen kanal la osi. <sup>36</sup> Nan tan ofrann sakrifis aswè a, Élie, pwofèt la, te pwoche e te di: “O SENYÈ, Bondye Abraham, Isaac avèk Israël la; jodi a, kite li byen rekonèt ke \*Ou se Bondye an Israël, ke mwen se sèvitè Ou, e ke \*mwen te fè tout bagay sa yo pa pawòl Ou. <sup>37</sup> Reponn mwen, O SENYÈ, reponn mwen, pou pèp sa a kapab konnen ke Ou menm, O SENYÈ, se Bondye e ke Ou fè kè yo vire retounen kote Ou ankò.” <sup>38</sup> Epi \*dife SENYÈ a te tonbe e te konsonnen ofrann brile a avèk bwa a, avèk wòch yo ak pousyè a e te vale tout dlo ki te nan kanal la. <sup>39</sup> Lè tout pèp la te wè sa, yo te tonbe sou figi yo; epi yo te di: \* “SENYÈ a, se Li menm Ki Bondye a; SENYÈ a, se Li menm ki Bondye a.” <sup>40</sup> Epi Élie te di yo: “Sezi pwofèt a Baal yo; pa kite youn nan yo chape.” Konsa, yo te sezi yo; epi Élie te mennen yo desann nan \*flèv Kison an e \*te touye yo la. <sup>41</sup> Alò, Élie te di a Achab: “Ale monte, manje e bwè; paske, gen gwo bwi lapli.” <sup>42</sup> Konsa, Achab te monte pou manje e bwè. Men Élie te monte sou tèt Mòn \*Carmel; epi li te koube jenou li, apiye atè avèk figi li antre jenou li. <sup>43</sup> Li te di a sèvitè li: “Ale monte koulye a, gade bò kote lanmè a.” Konsa, li te monte gade, e te di: “Nanpwen anyen” epi li te di: “Ale retounen” menm sèt fwa. <sup>44</sup> Li te vin rive nan setyèm fwa a ke li te di: “Vwala, yon grenn \*nwaj piti tankou men a yon moun ap monte soti kote lanmè a.” Epi li te di: Ale monte, pale Achab e di: ‘fè cha ou a parèt e desann pou gwo lapli a pa rete ou.’ ” <sup>45</sup> Nan yon ti tan, syèl la te vin fènwa avèk nwaj ak van e te gen yon lapli fò. Epi Achab te monte pou te ale kote \*Jizréel. <sup>46</sup> Alò, \*men SENYÈ a te sou Élie, li te mare senti li e te kouri pi vit ke Achab pou rive kote Jizréel.

\* **18:26** Sòm 115:4-5 \* **18:28** Lev 19:28 \* **18:29** Egz 29:39-41 \* **18:30** I Wa 19:10-14 \* **18:31** Jen 32:28 \* **18:32** Jen 32:28 \* **18:33** Jen 22:9 \* **18:36** I Wa 8:43 \* **18:36** Nonb 16:28-32 \* **18:38** Lev 10:1-2 \* **18:39** I Wa 18:21-24 \* **18:40** Jij 4:7 \* **18:40** II Wa 10:24-25 \* **18:42** I Wa 18:19-20 \* **18:44** Luc 12:54 \* **18:45** És 8:11 \* **18:46** És 8:11

## 19

1 Alò, Achab te di Jizréel tout sa ke Élie te fè ak ✧jan li te touye tout pwofèt yo avèk nepe. 2 Epi Jizréel te voye yon mesaje kote Élie e te di: ✧“Konsa ke dye yo fè m sa e menm plis si mwen pa fè lavi ou tankou youn nan sa yo avan demen vè menm lè sa a.” 3 Epi li te vin pè, e li te leve kouri pou sove lavi li. Li te rive nan ✧Beer-Schéba, ki pou Juda a e li te kite sèvitè li a la. 4 Men li menm te vwayaje pandan yon jou antre nan dezè a, li te rive chita anba yon bwa pikan; epi ✧li te fè demann pou li ta mouri e te di: “Sa se kont; koulye a, O SENYÈ, pran lavi mwen, paske mwen pa pi bon ke zansèt mwen yo. 5 Li te kouche dòmi anba bwa pikan an; epi vwala, te gen ✧yon zanj ki touche li e li te di: “leve, manje.” 6 Li te gade, e vwala, te gen bò tèt li yon gato pen wòch cho, ak yon veso dlo. Konsa, li te manje, bwè e te kouche ankò. 7 Zanj Bondye a te vini ankò yon dezyèm fwa, li te touche li e te di: “Leve, manje, paske vwayaj la twò gran pou ou.” 8 Konsa, li te leve, li te manje e bwè; epi li te ale ak fòs manje sa a pandan karant jou ak karant nwit pou rive ✧Horeb, mòn Bondye a. 9 Alò, li te rive la nan yon kav e li te rete ladann; epi vwala, pawòl Bondye a te vini sou li, e Li te di li: “Kisa w ap fè isit la, Élie?” 10 Li te di: ✧“Mwen te tèlman ranpli avèk zèl pou SENYÈ a, Bondye dèzame yo; pwiske fis Israèl yo te abandone akò Ou a, ✧yo te dechire lotèl Ou yo e te touye pwofèt Ou yo avèk nepe. Epi se mwen sèl ki rete, e y ap cache lavi m pou pran l.” 11 Pou sa, Li te di: ✧“Ale kanpe sou mòn nan devan SENYÈ a.” Epi veye byen, SENYÈ a t ap pase! Yon gwo van fò t ap boulvèse mòn yo e t ap chire wòch yo an mòso devan SENYÈ a; men SENYÈ a pa t nan van an. Epi apre van an, yon tranbleman detè, men SENYÈ a pa t nan tranbleman detè a. 12 Apre van an yon dife, men SENYÈ a pa t nan dife a; epi apre dife a, ✧yon ti bwi tankou yon souf lejè. 13 Lè Élie te tande l, ✧li te fin vlope figi li nan manto li a e li te ale deyò nan antre kav la. Epi vwala, yon vwa te parèt a li menm e te di: “Kisa w ap fè isit la, Élie?” 14 Epi li te di: ✧“Mwen te tèlman ranpli avèk zèl pou SENYÈ a, Bondye dèzame yo; paske, fis Israèl yo te abandone akò Ou a, dechire lotèl Ou yo e te touye pwofèt Ou yo avèk nepe. Epi se mwen sèl ki rete; epi y ap cache lavi mwen pou pran l. 15 SENYÈ a te di li: “Ale, retounen sou chemen ou vè dezè Damas la e lè ou fin rive, ✧ou va onksyone Hazaël wa sou Syrie; 16 epi ✧Jéhu, fis Nimschi a, ou va onksyone wa sou Israèl; epi Élisée, fis a Schaphath a nan Abel-Mehola a, ou va onksyone li kòm pwofèt nan plas ou. 17 Li va vin rive ke ✧sila ki chape anba nepe Hazaël la, Jéhu ✧va mete l a lanmò e sila ki chape anba nepe a Jéhu a, Élisée va mete l a lanmò. 18 ✧Sepandan, Mwen va kite sèt-mil an Israèl, tout jenou ki pa t bese a Baal e tout bouch ki pa t konn bo li.” 19 Konsa, li te kite la e te twouve Élisée, fis a Schaphath la, pandan li t ap raboure avèk douz pè bèf devan li, li menm avèk douzyèm nan. Epi Élie te pase bò kote li e te jete ✧manto li sou li. 20 Li te kite bèf yo e te kouri dèyè Élie, e te di: “Souple, ✧kite m bo papa m avèk manman m e mwen va swiv ou.” Epi li te di li: “Ale, retounen, paske kisa ke m te fè ou? 21 Konsa, li te retounen soti swiv

✧ 19:1 I Wa 18:40 ✧ 19:2 Rt 1:17 ✧ 19:3 Jen 21:31 ✧ 19:4 Jr 20:14-18 ✧ 19:5 Jen 28:12  
 ✧ 19:8 Egz 3:1 ✧ 19:10 Egz 20:5 ✧ 19:10 Wo 11:3-4 ✧ 19:11 Egz 19:20 ✧ 19:12 Job 4:16  
 ✧ 19:13 Egz 3:6 ✧ 19:14 I Wa 19:10 ✧ 19:15 II Wa 8:8-15 ✧ 19:16 II Wa 9:1-10 ✧ 19:17  
 II Wa 13:3-22 ✧ 19:17 II Wa 9:14-37 ✧ 19:18 Wo 11:4 ✧ 19:19 II Wa 2:8-14 ✧ 19:20 Mat  
 8:21

li, li te pran pè bèf la e li te fè sakrifis avèk yo, li te ✧bouyi chè avèk dife fèt ak zouti bèf e li te bay a pèp la pou yo te manje. Epi li te leve, li te swiv Élie pou te sèvi li.

## 20

<sup>1</sup> Alò, ✧Ben-Hadad, wa Syrie a, te ranmase tout lame li a e ✧ te gen trann-de wa avèk li, avèk cheval ak cha. Li te monte fè syèj sou Samarie e li te goumen kont li. <sup>2</sup> Li te voye mesaje yo lavil Achab, wa Israèl la, e yo te di li: “Konsa pale Ben-Hadad; <sup>3</sup> Ajan ou avèk lò ou se pou mwen; pi bèl madanm ou yo avèk pitit yo se pa m tou.” <sup>4</sup> Wa Israèl la te reponn: “Se jan pawòl ou yo ye a, mèt mwen, O wa a; mwen se pa w ak tout sa ke m genyen. <sup>5</sup> Alò, mesaje yo te retounen e te di: “Konsa pale Ben-Hadad: ‘Anverite, mwen te voye kote ou pou te di: “Ou va ban mwen ajan ou avèk lò ou avèk madanm ou ak pitit ou yo, <sup>6</sup> men vè lè sa a demen, mwen va voye sèvitè mwen yo kote ou, yo va chache fouye tout lakay ou avèk lakay sèvitè ou yo; epi nenpòt sa ki gen valè nan zye ou, y ap pran nan men yo pou pote ale.’” <sup>7</sup> Epi wa Israèl la te rele tout ansyen peyi a e te di: “Souple, ✧gade byen jan mesye sila a ap chache pwoblèm. Li te voye kote mwen pou madanm mwen avèk pitit mwen yo ak ajan mwen avèk lò mwen; epi mwen pa t refize li.” <sup>8</sup> Tout ansyen yo avèk tout pèp la te di li: “Pa koute l ni vin dakò avè l.” <sup>9</sup> Konsa, li te di a mesaje Ben-Hadad yo: “Di mèt mwen an, wa a, ‘Tout sa ke ou te premye mande sèvitè ou a, m ap fè yo. Men sila ou mande koulye a, mwen p ap kab fè l.’” <sup>10</sup> Ben-Hadad te voye kote li e te di: “Ke ✧dye yo ta fè m sa e menm plis, si pousyè Samarie rete kont pou ranpli men a moun ki swiv mwen yo.” <sup>11</sup> Epi wa Israèl la te reponn li: ✧“Pa kite sila k ap fenk abiye ak boukliye a vante tèt li tankou sila k ap retire li a.” <sup>12</sup> Lè Ben-Hadad te tande mesaj sila a, pandan ✧li t ap bwè avèk wa yo nan tonèl pwovizwa pa yo, li te di a sèvitè li yo: “Pran plas nou”. Konsa, yo te pran plas yo kont vil la. <sup>13</sup> Alò, lapoula, yon pwofèt te pwoche Achab, wa Israèl la, e te di: “Konsa pale SENYÈ a, Èske ou te wè tout gran kantite foul sila a? Veye byen, Mwen va livre yo nan men ou jodi a e ou va konnen ke se SENYÈ a Mwen ye. <sup>14</sup> Epi Achab te di: “Pa kilès? Epi li te di: ‘Pa jennonm ki pou chèf a pwovens yo.’ epi Achab te di: “Se kilès ki pou louvri batay la?” Epi li te reponn: “Ou menm”. <sup>15</sup> Alò, li te rasanble jennonm a chèf pwovens yo, te gen de-san-trann-de. Apre yo, li te rasanble tout pèp la; menm tout fis Israèl yo, sèt-mil. <sup>16</sup> Yo te sòti a midi, pandan ✧Ben-Hadad t ap bwè jiskaske li sou nan tonèl pwovizwa avèk trann-de wa ki te ede li yo. <sup>17</sup> Jennonm a chèf pwovens yo te sòti devan. Ben-Hadad te voye mesaje deyò, yo te pale li, e te di: “Moun yo gen tan parèt sòti Samarie.” <sup>18</sup> ✧Alò, li te di: “Si yo sòti pou fè lapè, pran yo vivan; oswa si yo te sòti pou fè lagè, pran yo vivan.” <sup>19</sup> Men sa yo te sòti depi lavil la; jennonm a chèf pwovens yo ak lame ki te swiv yo. <sup>20</sup> Chak moun te touye yon nonm pou kont li; epi Siryen yo te sove ale e wa Israèl la te kouri deyò yo e Ben-Hadad, wa Syrie a, te chape sou yon cheval avèk chevalye yo. <sup>21</sup> Wa Israèl la te parèt deyò, li te frape cheval yo avèk cha yo e te touye Siryen yo nan yon gwo masak. <sup>22</sup> Alò, pwofèt la te pwoche wa Israèl la e te di li: “Ale, ranfòse ou menm e okipe pou wè sa ou gen pou fè; paske ✧nan fen ane a, wa a Syrie va vin monte kont ou.” <sup>23</sup> Alò, sèvitè

✧ 19:21 II Sam 24:22 ✧ 20:1 I Wa 15:18-20 ✧ 20:1 I Wa 22:31 ✧ 20:7 II Wa 5:7 ✧ 20:10 I Wa 19:2 ✧ 20:11 Pwov 27:1 ✧ 20:12 I Wa 16:9 ✧ 20:16 I Wa 16:9 ✧ 20:18 II Wa 14:8-12 ✧ 20:22 II Sam 11:1

a wa Syrie a te di li: ✨“dye pa yo se dye mòn yo ye. Pou sa, yo te pi fò pase nou. Men pito ke nou fè lagè kont yo nan ba plèn nan e asireman, nou va vin pi fò pase yo. <sup>24</sup> Fè bagay sa a: retire chak wa sou plas yo e ranplase yo avèk kapitèn nan plas yo, <sup>25</sup> epi rasanble yon lame tankou lame ke ou te pèdi a, cheval pou cheval e cha pou cha. Nou va goumen kont yo nan plèn nan e asireman, nou va pi fò pase yo.” Epi li te koute vwa yo e te fè l konsa. <sup>26</sup> Nan fen ane a, Ben-Hadad te ranmase Siryen yo e te monte nan ✨Aphek pou goumen kont Israël. <sup>27</sup> Fis Israël yo te deja rasanble avèk tout pwovizyon yo pou te ale rankontre yo. Yo te fè kan devan Siryen yo tankou de ti bann kabrit; ✨men Siryen yo te ranpli peyi a. <sup>28</sup> Alò, ✨yon nonm Bondye te vin toupre pou te pale a wa Israël la e te di: “Konsa pale SENYÈ a: ‘Akoz Siryen yo te di: “SENYÈ a se yon dye a mòn yo, men Li pa yon dye nan vale yo,” pou sa, mwen va bay tout vast kantite moun sa yo nan men ou e ou va konnen ke Mwen se SENYÈ a.’ ” <sup>29</sup> Konsa, yo te fè kan an, youn kont lòt, pandan sèt jou. Epi nan setyèm jou a, batay la te ouvri e fis Israël yo te touye nan Siryen yo san-mil sòlda apye nan yon sèl jou. <sup>30</sup> Men tout moun ki te rete yo te sove ale antre nan lavil ✨Aphek e miray la te tonbe sou venn-sèt-mil òm ki te rete. Epi Ben-Hadad te sove ale pou te rive anndan vil la ✨nan yon chanm enteryè. <sup>31</sup> Sèvitè li yo te di li: “Alò, gade byen, nou konn tandè ke wa lakay Israël yo se wa ki gen mizerikòd. Souple, annou mete ✨twal sak sou senti nou avèk kòd sou tèt nou pou ale parèt kote wa Israël la. Petèt, li va sove lavi nou. <sup>32</sup> Konsa, yo te mare twal sak sou senti yo, avèk kòd sou tèt yo pou te vin kote wa Israël la e te di: ✨“Sèvitè ou, Ben-Hadad voye di: ‘Souple, kite mwen viv.’ Epi li te di: “Èske li toujou vivan? Li se frè m.” <sup>33</sup> Alò mesye yo te pran sa kòm yon sign, yo te sezi sou pawòl la vit, e yo te di: “Frè ou, Ben-Hadad.” Epi li te di: “Ale, mennen li.” Alò, Ben-Hadad te vin deyò kote li e li te pran li monte nan cha a. <sup>34</sup> Ben-Hadad te di li: ✨“Vil ke papa m te pran nan men papa ou yo, mwen va remèt yo e ou va fè ri yo pou ou menm nan Damas, tankou papa m te fè nan Samarie a.” Achab te di: “Epi mwen va kite ou ale avèk akò sila a.” Konsa, li te fè yon akò avèk li e te kite li ale. <sup>35</sup> Alò, yon sèten nonm pami ✨fis a pwofèt yo te di a yon lòt mesye pa pawòl SENYÈ a: “Souple, frape mwen.” Men mesye a te refize frape li. <sup>36</sup> Epi li te di li: “Akoz ou pa t koute vwa SENYÈ a, tandè byen, depi ou kite mwen, ✨yon lyon va touye ou.” Epi depi li te kite li a, yon lyon te twouve li e te touye li. <sup>37</sup> Alò, li te twouve yon lòt mesye e te di: “Souple, frape mwen.” Epi mesye a te frape li e te blese li. <sup>38</sup> Konsa, pwofèt la te pati e te tann wa a akote chemen an e li te ✨kache idantite li avèk yon bandaj ki te kouvri zye li. <sup>39</sup> Pandan wa a t ap pase, li te kriye a wa a e te di: “Sèvitè ou a te antre nan mitan batay la; epi tandè byen, yon nonm te vire akote pou te mennen yon mesye kote mwen e li te di: ‘Veye nonm sa a; si pou nenpòt rezon li vin disparèt, ✨alò lavi ou va peye pou lavi pa li, oswa ou va peye yon talan ajan.’ <sup>40</sup> Pandan sèvitè ou a te okipe pa isit e pa la, li te vin disparèt.” Epi wa Israël la te di li: “Se konsa jijman ou ap ye; se ou menm ki deside li.” <sup>41</sup> Epi byen vit li te retire bandaj sou zye li e wa Israël la te vin rekonèt li kòm youn nan pwofèt yo. <sup>42</sup> Li te di li: “Konsa pale SENYÈ a: ‘Akoz ou te kite sòti nan men ou nonm ke mwen te dedye a destriksyon an; pou sa, ✨lavi ou va ale

✨ 20:23 Jr 16:19-21 ✨ 20:26 II Wa 13:17 ✨ 20:27 Jij 6:3-5 ✨ 20:28 I Wa 17:18 ✨ 20:30 I Wa 20:26 ✨ 20:30 I Wa 22:25 ✨ 20:31 Jen 37:34 ✨ 20:32 I Wa 20:3-6 ✨ 20:34 I Wa 15:20 ✨ 20:35 II Wa 2:3-7 ✨ 20:36 I Wa 13:24 ✨ 20:38 I Wa 14:2 ✨ 20:39 II Wa 10:24 ✨ 20:42 I Wa 20:39



pou lavi pa li e pèp ou a pou pèp pa li a.’ ” <sup>43</sup> Konsa, ✧wa Israèl la te ale lakay li pa kontan e byen vekse pou te rive Samarie.

## 21

<sup>1</sup> Alò, li te vin rive apre bagay sa yo ke Naboth, Jizreyelit la te gen yon chan rezen ki te nan ✧Jizréel akote palè Achab, wa Samarie a. <sup>2</sup> Achab te pale a Naboth e te di: ✧“Ban mwen chan rezen ou an, pou m ka genyen li kòm yon jaden legim; paske, li toupre lakay mwen e mwen va ba ou yon pi bon chan rezen pase l pou ranplase li; si ou pito, mwen va ba ou pri li an lajan.” <sup>3</sup> Men Naboth te di a Achab: “Ke SENYÈ a ta anpeche m ba ou ✧eritaj zansèt mwen yo.” <sup>4</sup> Konsa, Achab te rive lakay li pa kontan e byen vekse akòz pawòl ke Naboth, Jizreyelit la, te pale a li a; paske, li te di: “Mwen p ap bay ou eritaj zansèt mwen yo.” Epi li te kouche sou kabann li, te vire figi li akote e li pa t manje manje. <sup>5</sup> Men Jézabel, madanm li, te vin kote li e te di li: “Kijan lespri ou telman ba ke ou pa manje manje a?” <sup>6</sup> Konsa, li te di li: “Akòz mwen te pale Naboth, Jizreyelit la, e mwen te di li: ‘Ban mwen chan rezen ou an pou lajan; oswa, si li fè ou kontan, mwen va ba ou yon chan rezen pou ranplase li.’ Men li te di: ‘Mwen p ap ba ou chan rezen mwen an.’ ” <sup>7</sup> Jézabel, madanm li te di li: ✧“Èske koulye a se ou ki renye sou Israèl? Leve, manje pen e kite kè ou kontan; mwen va ba ou chan rezen a Naboth, Jizreyelit la. <sup>8</sup> ✧Konsa, li te ekri lèt nan non Achab e te sele yo avèk so pa li pou te voye yo bay ansyen yo avèk prens ki te rete avèk Naboth nan vil pa li a. <sup>9</sup> Alò, nan lèt sa yo li te ekri e te di: “Pwoklame yon jèn e fè Naboth chita sou tèt a pèp la. <sup>10</sup> Fè chita dèzòm sanzave devan li pou fè temwayaj kont li pou di: ‘Ou te modi Bondye avèk wa a.’ Konsa, pran li deyò e lapide li jiskaske li mouri.” <sup>11</sup> Konsa, mesye lavil li yo, ansyen avèk prens ki te rete la yo, te fè jan Jézabel te voye di yo a, jis jan ke li te ekri nan lèt ke li te voye yo. <sup>12</sup> Yo te ✧pwoklame yon jèn e te fè Naboth chita sou tèt a pèp la. <sup>13</sup> Epi dèzòm sanzave te antre ladann e te chita devan li; epi de mesye sanzave yo te fè temwayaj kont li, menm kont Naboth, devan pèp la, e yo te di: “Naboth te modi Bondye avèk wa a.” ✧Konsa, yo te pran l mennen deyò lavil la e yo te lapide l jiska lanmò avèk kout wòch. <sup>14</sup> Epi yo te voye kote Jézabel e te di: “Naboth te lapide e fin mouri.” <sup>15</sup> Lè Jézabel te tande ke Naboth te lapide e te mouri, Jézabel te di a Achab: “Leve, pran posesyon a chan rezen Naboth la, Jizreyelit la, ke li te refize ba ou pou lajan an; paske Naboth pa vivan, men li mouri.” <sup>16</sup> Lè Achab te tande ke Naboth te mouri, Achab te leve desann kote chan rezen a Naboth la, Jizreyelit la, pou l te pran posesyon li. <sup>17</sup> Epi pawòl SENYÈ a te vin kote Élie, Tichbit la, e te di: <sup>18</sup> “Leve, ale desann rankontre Achab, wa Israèl la, ✧ki Samarie. Gade byen, li nan chan rezen Naboth kote li te desann pou pran posesyon li. <sup>19</sup> Ou va pale li e di: ‘Konsa pale SENYÈ a: ✧“Èske ou te touye e anplis pran posesyon?’ Epi ou va pale avèk li pou di: ‘Konsa pale SENYÈ a: “Nan plas kote chen yo te niche san Naboth la, chen yo va niche san pa ou menm.” ’ ” <sup>20</sup> Achab te di a Élie: ✧“Èske ou vin jwenn mwen, O lènmi mwen?” Epi li te reponn: “Mwen te jwenn ou akòz ou te vann tèt ou pou fè mechanste nan zye SENYÈ a. <sup>21</sup> Gade byen, Mwen va mennen mal sou ou, Mwen va bale fè ou disparèt e Mwen va

✧ 20:43 I Wa 21:4 ✧ 21:1 Jij 6:33 ✧ 21:2 I Sam 8:14 ✧ 21:3 Lev 25:23 ✧ 21:7 I Sam 8:14  
✧ 21:8 Est 3:12 ✧ 21:12 És 58:4 ✧ 21:13 Trav 7:55-59 ✧ 21:18 I Wa 16:29 ✧ 21:19 II Sam  
12:9 ✧ 21:20 I Wa 14:10

koupe retire sou Achab tout gason, ni esklav, ni lib nan tout Israël; <sup>22</sup> epi ✧Mwen va fè lakay ou ✧tankou lakay Jéroboam, fis a Nebath la ak tankou lakay Baescha, fis a Achija a, akoz pwovokasyon avèk sila li te pwovoque M a lakòlè a e akoz ou te fè Israël peche. <sup>23</sup> De Jézabel osi SENYÈ a te pale, e te di: ✧“Chen yo va manje Jézabel nan distri Jizréel la. <sup>24</sup> ✧Sila ki apatyen a Achab, ki mouri nan vil la, chen va manje yo e sila ki mouri nan chan an, zwazo syèl yo va manje yo.” <sup>25</sup> ✧Anverite, pa t gen moun tankou Achab ki te vann tèt li pou fè mal devan SENYÈ a, akoz madanm li, Jézabel te chofe li. <sup>26</sup> ✧Li te aji byen abominab nan swiv zidòl li yo, selon tout sa ke Amoreyen yo te fè, ke SENYÈ a te mete deyò devan fis Israël yo. <sup>27</sup> Li te vin rive ke lè Achab te tandè pawòl sa yo, ✧li te chire rad li e li te mete twal sak sou li pou te fè jèn, li te kouche nan twal sak e li te vin mache avèk chagren nèt. <sup>28</sup> Alò, pawòl SENYÈ a te vini a Élie, Tichbit la, e te di: <sup>29</sup> “Èske ou wè kijan Achab te vin imilye li devan Mwen? Akoz li te imilye li devan mwen, ✧Mwen p ap mennen mal la nan jou li yo; men, Mwen va mennen mal la sou lakay li nan jou a fis li yo.”

## 22

<sup>1</sup> Twazan te pase san gen lagè antre Syrie avèk Israël. <sup>2</sup> Nan twazyèm ane ✧Josaphat a, wa Juda a te desann kote wa Israël la. <sup>3</sup> Alò, wa Israël la te di a sèvitè li yo: “Èske nou konnen ke ✧Ramoth-Galaad apatyen a nou menm e jiska prezan, nou p ap fè anyen pou rache li nan men wa Syrie a. <sup>4</sup> Epi li te di a Josaphat: “Èske ou va ale avèk mwen nan batay a Ramoth-Galaad la?” Josaphat te di a wa Israël la: ✧“Mwen tankou ou menm, pèp mwen an tankou pèp pa w la, cheval mwen yo tankou cheval pa ou yo.” <sup>5</sup> Anplis, Josaphat te di a wa Israël la: “Souple, fè demann premyèman selon pawòl SENYÈ a.” <sup>6</sup> Alò ✧wa Israël la te rasanble pwofèt yo ansanm, anviwon kat-san mesye, e li te di yo: “Èske mwen dwe ale kont Ramoth-Galaad nan batay la, oswa èske mwen dwe fè bak?” Epi yo te di: “Ale monte, paske SENYÈ a va bay li nan men a wa a.” <sup>7</sup> Men ✧Josaphat te di: “Èske pa gen yon pwofèt SENYÈ a ki la pou nou kab mande li?” <sup>8</sup> Wa Israël la te di a Josaphat: “Genyen toujou yon nonm pa sila nou kapab fè demann SENYÈ a, men mwen rayi li, akoz li pa pwofetize sa ki bon pou mwen, men sa ki mal. Michée, fis a Jimla a.” Men Josaphat te di: “Pa kite wa a di sa. <sup>9</sup> Wa Israël la te rele yon ofisye e te di: “Mennen byen vit Michée, fis a Jimla a.” <sup>10</sup> Alò, wa Israël la avèk Josaphat, wa Juda a te chita chak sou pwòp twòn pa yo, abiye an wòb pa yo nan pòtay pou antre Samarie a; epi ✧tout pwofèt yo t ap pwofetize devan yo. <sup>11</sup> Alò Sédécias, fis a Kenaana a te fè ✧kòn yo an fè pou kont li, e te di: “Konsa pale SENYÈ a: ‘Avèk sila yo, ou va frape Siryen yo jiskaske yo fin detwi.’” <sup>12</sup> Tout pwofèt yo t ap pwofetize konsa e t ap di: “Ale monte Ramoth-Galaad e byen reyisi; paske, SENYÈ a va mete li nan men wa a.” <sup>13</sup> Epi mesaje ki te ale rele Michée a te pale li e te di: “Koulye a, gade byen, tout pawòl a pwofèt yo favorab anvè wa a. Souple, kite pawòl ou yo fèt tankou pawòl a youn nan yo e pale avèk favè.” <sup>14</sup> Men Michée te di: “Jan SENYÈ a viv la, sa ke ✧SENYÈ a pale mwen an,

✧ 21:22 I Wa 15:29 ✧ 21:22 I Wa 16:3-11 ✧ 21:23 II Wa 9:10-37 ✧ 21:24 I Wa 14:11 ✧ 21:25 I Wa 16:30-33 ✧ 21:26 I Wa 15:12 ✧ 21:27 Jen 37:34 ✧ 21:29 II Wa 9:25-37 ✧ 22:2 I Wa 15:24 ✧ 22:3 Det 4:33 ✧ 22:4 II Wa 3:7 ✧ 22:6 I Wa 18:19 ✧ 22:7 II Wa 3:11 ✧ 22:10 I Wa 22:6 ✧ 22:11 Za 1:18-21 ✧ 22:14 Nonb 22:18

se sa mwen va pale.”<sup>15</sup> Lè li te vin kote wa a, wa a te di li: “Michée, èske nou dwe ale Ramoth-Galaad nan batay la, oswa èske nou dwe fè bak?” Epi li te reponn li: ✨“Ale monte e byen reyisi e SENYÈ a va bay li nan men wa a.”<sup>16</sup> Alò, wa a te di li: “Konbyen de tan èske mwen oblije di ou pou pa pale anyen avè m sof ke laverite nan non SENYÈ a?”<sup>17</sup> Pou sa, li te di: “Mwen te wè tout Israèl gaye sou mòn yo, ✨tankou mouton ki san bèje. Epi SENYÈ a te di: ‘Sila yo pa gen mèt. Kite yo chak retounen lakay yo anpè.’”<sup>18</sup> Epi wa Israèl la te di a Josaphat: ✨“Èske mwen pa t di ou ke li pa t ap fè bon pwofesi pou mwen, men pito move?”<sup>19</sup> Michée te di: “Pou sa, tandè pawòl SENYÈ a. ✨Mwen te wè SENYÈ a te chita sou twòn Li e tout lame syèl la te kanpe akote Li adwat Li e agoch Li.”<sup>20</sup> SENYÈ a te di: ‘Kilès k ap sedwi Achab pou ale monte e tonbe Ramoth-Galaad?’ Epi youn te di sesi e youn te di sela.<sup>21</sup> Alò, yon lespri te parèt devan SENYÈ a e te di: mwen va sedwi li.’<sup>22</sup> SENYÈ a te di li: ‘Kijan?’ Epi li te di: “Mwen va sòti deyò pou ✨devni yon lespri twonpè nan bouch a tout pwofèt li yo.’ Epi Li te di: ‘Ou gen non sèlman pou sedwi li, men pou vin genyen li nèt. Ale fè sa.’”<sup>23</sup> Alò, pou sa, gade byen, ✨SENYÈ a te mete yon lespri twonpè nan bouch a tout pwofèt pa ou yo; epi SENYÈ a te pwoklame dega nèt kont ou.”<sup>24</sup> Konsa, Sédécias, fis a Kenaana a te vin toupre e te ✨frape Michée sou machwè li e te di: “Kijan lespri SENYÈ a te pase sòti nan mwen pou pale avèk ou?”<sup>25</sup> Michée te di: “Gade byen, ou va wè sa nan jou lè ou antre nan yon chanm a lenteriyè pou kache kò w.”<sup>26</sup> Alò, wa Israèl la te di: “Pran Michée e retounen li vè majistra lavil la ak Joas, fis a wa a;”<sup>27</sup> epi di li: ‘Konsa pale wa a: ✨“Mete nonm sa a nan prizon a e bay li tikras pen ak dlo sèlman kòm manje jiskaske mwen retounen san mal pa rive m.”’”<sup>28</sup> Michée te di: “Si ou, anverite, retounen san ke mal pa rive, SENYÈ a pa t fè m pale.” Epi li te di: ✨“Koute, tout pèp nou an,<sup>29</sup> Konsa, wa Israèl la avèk Josaphat, wa Juda a, te monte kont Ramoth-Galaad.”<sup>30</sup> Wa Israèl la te di a Josaphat: ✨“Mwen va kache idantite mwen e antre nan batay la; men ou menm, mete vètman pa ou.” Konsa, wa Israèl la te kache idantite li e te antre nan batay la.”<sup>31</sup> Alò, ✨wa Syrie a te kòmande trann-de kapitèn a cha li yo, e te di: “Pa goumen avèk piti ni gran, men sèlman avèk wa Israèl la.”<sup>32</sup> Konsa, lè kapitèn a cha yo te wè Josaphat, yo te di: “Anverite, sa se wa Israèl la,” epi yo te vire akote pou goumen kont li e Josaphat te kriye fò.<sup>33</sup> Lè kapitèn a cha yo te wè ke li pa t wa Israèl la, yo te rale bak e te sispann swiv li.<sup>34</sup> Alò, yon sèten nonm te rale banza li pa aza e te frape wa Israèl la flèch la antre nan yon kwen nan vètman pwotèj la. Konsa, li te di chofè cha li a, retounen fè bak e retire mwen nan batay la; ✨paske mwen blese byen sevè.”<sup>35</sup> Batay la te boule rèd pandan jou sa a; epi wa a te soutni pou kanpe nan cha li devan Siryen yo e li te vin mouri nan aswè; epi san blese a te koule antre nan entèryè cha a.<sup>36</sup> ✨Epi yon kri te sòti toupatou nan lame a toupre lè solèy kouche a, e te di: “Tout moun rive nan vil yo e chan mesye yo nan peyi pa yo.”<sup>37</sup> Konsa, wa a te mouri e te mennen Samarie; epi yo te antere wa a Samarie.<sup>38</sup> Yo te lave cha a akote sous dlo Samarie a e chen yo te niche san li (alò, pwostitiye yo te konn benyen la), ✨selon pawòl SENYÈ a te pale a.<sup>39</sup> Alò, tout lòt zèv a Achab yo avèk tout sa ke li

✨ 22:15 I Wa 22:12 ✨ 22:17 Mat 9:36 ✨ 22:18 I Wa 22:8 ✨ 22:19 Éz 1:26-28 ✨ 22:22 Éz 14:9 ✨ 22:23 Éz 14:9 ✨ 22:24 II Kwo 18:23 ✨ 22:27 II Kwo 16:10 ✨ 22:28 Mi 1:2 ✨ 22:30 II Kwo 35:22 ✨ 22:31 I Wa 20:1-24 ✨ 22:34 II Kwo 35:23 ✨ 22:36 II Wa 14:12 ✨ 22:38 I Wa 21:19

te fè ak ✧kay ivwa ke li te konstwi a ak tout vil ke li te bati yo, èske yo pa ekri nan Liv Kwonik a Wa Israël yo? <sup>40</sup> Konsa, Achab te dòmi avèk zansèt pa li yo e Achazia, fis li a, te devni wa nan plas li. <sup>41</sup> ✧Alò Josaphat, fis Asa a, te devni wa sou Juda nan Katriyèm ane Achab, wa Israël la. <sup>42</sup> Josaphat te gen trann-senk ane lè li te devni wa e li te renye pandan venn-senk ane Jérusalem. Epi non manman li se te Azuba, fi a Schilchi a. <sup>43</sup> ✧Li te mache nan chemen Asa, papa li; li pa t vire akote e li te fè sa ki te dwat nan zye SENYÈ a. Sepandan, wo plas yo pa t retire. Pèp la te toujou fè sakrifis e te brile lansan sou wo plas yo. <sup>44</sup> ✧Josaphat osi te fè lapè avèk wa Israël la. <sup>45</sup> Alò, tout lòt zèv a Josaphat yo, avèk pwisans ke li te montre ak jan li te fè lagè, èske yo pa ekri ✧nan liv Kwonik a Wa a Juda yo? <sup>46</sup> Retay a ✧sadomit ki te rete nan jou papa li yo, Asa, li te fè ekzile yo sòti nan peyi a. <sup>47</sup> Alò, ✧pa t gen wa nan Édom; se yon depite ki te wa. <sup>48</sup> Josaphat te fè ✧bato a Tarsis yo vwayaje a Ophir pou lò; men, yo pa t rive, paske bato yo te kraze kote Etsjon-Guéber. <sup>49</sup> Alò, Achazia, fis Achab la, te di a Josaphat: “Kite sèvitè mwen yo ale avèk sèvitè ou yo nan bato yo.” Men Josaphat pa t dakò. <sup>50</sup> ✧Epi Josaphat te dòmi avèk zansèt pa li yo e te antere avèk zansèt li yo nan vil a papa li a, David e Joram, fis li a, te renye nan plas li. <sup>51</sup> Achazia, fis a Achab la te ✧devni wa nan plas li. <sup>52</sup> Li te fè mal nan zye SENYÈ a e li te ✧mache nan chemen papa li, nan chemen manman l ak nan chemen Jéroboam, fis a Nebath la, ki te fè Israël peche a. <sup>53</sup> ✧Konsa, li te sèvi Baal, li te adore li e te pwovoke SENYÈ a, Bondye Israël la, a lakòlè, selon tout sa ke papa li te konn fè yo.

---

✧ **22:39** Am 3:15 ✧ **22:41** II Kwo 20:31 ✧ **22:43** II Kwo 17:3 ✧ **22:44** II Wa 8:16-18 ✧ **22:45** II Kwo 20:34 ✧ **22:46** Det 23:17 ✧ **22:47** II Sam 8:14 ✧ **22:48** II Kwo 20:36 ✧ **22:50** II Kwo 21:1 ✧ **22:51** II Kwo 21:1 ✧ **22:52** I Wa 15:26 ✧ **22:53** Jij 2:11

## II Wa Yo

<sup>1</sup> Lè Achab te fin mouri, ✧ Moab te fè rebelyon kont Israël. <sup>2</sup> Konsa, Achazia te tonbe sou treyi a soti nan chanm anwo ki te nan Samarie a e li te vin malad. Konsa, li te voye mesaje yo e li te di yo: “Ale mande a ✧Baal-Zebub, dye a Ékron an ✧si m ap geri de maladi sa a.” <sup>3</sup> Men zanj SENYÈ a te di a ✧Élie, Tichbit la: “Leve, ale monte pou rankontre mesaje a wa Samarie yo e di yo: ‘Èske se akoz nanpwen Dye an Israël ke ou prale mande a Baal-Zebub, dye a Ékron an?’” <sup>4</sup> Alò, se pou sa, pale SENYÈ a: ✧“Ou p ap desann soti nan kabann kote ou te monte a; men ou va anverite, mouri.” Epi Élie te pati. <sup>5</sup> Lè mesaje yo te retounen bò kote li, li te di yo: “Se poukisa ke nou tounen an?” <sup>6</sup> Yo te di li: “Yon nonm te vin rankontre nou e te di nou: ‘Ale retounen kote wa ki te voye nou an e di li: “Konsa pale SENYÈ a: ‘Èske se akoz nanpwen Dye an Israël ke w ap voye ✧mande a Baal-Zebub, dye a Ékron an? Pou sa, ou p ap desann Kabann kote ou fin monte a; men, anverite, ou va mouri.’”” <sup>7</sup> Li te di yo: “Ki kalite moun sa a ki te monte rankontre nou an pou te pale pawòl sila yo a nou?” <sup>8</sup> Yo te reponn li: ✧“Yon nonm avèk anpil cheve ak yon sentiwon an kwi mare nan ren li.” Epi li te di: “Se Élie, Tichbit la.” <sup>9</sup> Epi wa a ✧te voye li kote yon kapitèn a senkant avèk senkant pa li yo. Epi li te monte kote li, men vwala, li te chita sou do ti mòn nan. Epi li te di li: “O nonm Bondye a, wa a di ou: “Desann.’”” <sup>10</sup> Élie te reponn a kapitèn a senkant lan: “Si se yon nonm Bondye mwen ye, ✧ke dife vin desann nan syèl la e manje ou menm avèk senkant pa ou yo.” Epi dife te desann soti nan syèl la e te manje li nèt avèk senkant pa li yo. <sup>11</sup> Konsa, li te voye kote li yon lòt kapitèn a senkant ansanm ak senkant pa li yo. Epi li te di li: “O nonm Bondye, konsa pale wa a, desann vit.”” <sup>12</sup> Élie te reponn yo: “Si mwen se yon nonm Bondye, ke dife desann nan syèl la e manje ou avèk senkant pa ou yo.” Epi dife Bondye a te desann sòti nan syèl la e te manje li nèt avèk senkant pa li yo. <sup>13</sup> Konsa, li te voye ankò kapitèn a senkant avèk senkant pa li yo. Lè twazyèm kapitèn nan te monte, li te vini e te bese ba sou jenou li devan Élie. Li te sipliye li e te mande li: “O nonm Bondye, souple kite lavi mwen avèk senkant sèvitè ou yo gade kòm presye nan zye ou.” <sup>14</sup> Gade byen, dife te desann soti nan syèl la e te manje premye de kapitèn a senkant yo avèk senkant pa yo; men koulye a, kite lavi mwen parèt presye nan zye ou.” <sup>15</sup> Zanj SENYÈ a te di a Élie: “Ale desann avèk li; ✧pa pè li.” Pou sa, li te leve e te desann avèk li kote wa a. <sup>16</sup> Epi li te di li: “Konsa pale SENYÈ a: ‘Akoz ou te voye mesaje yo ✧pou mande a Baal-Zebub, dye a Ékron an —èske se akoz nanpwen Dye an Israël pou mande pawòl Li? Pou sa, ou p ap desann kabann kote ou te monte a; men, anverite, ou va mouri.’” <sup>17</sup> Konsa, Achazia te mouri selon pawòl SENYÈ a ke Élie te pale a. Epi akoz li pa t gen fis, Joram te devni wa nan plas li ✧nan dezyèm ane a Joram, fis a Josaphat a, wa Juda a. <sup>18</sup> Alò, tout lòt zèv ke Achazia te fè yo, èske yo pa ekri nan Liv Kwonik a Wa Israël yo?

✧ 1:1 II Sam 8:2 ✧ 1:2 II Wa 1:3-16 ✧ 1:2 II Wa 8:7-10 ✧ 1:3 I Wa 17:1 ✧ 1:4 II Wa 1:6-16  
 ✧ 1:6 II Wa 1:2 ✧ 1:8 Za 13:4 ✧ 1:9 II Wa 6:13-14 ✧ 1:10 I Wa 18:36-38 ✧ 1:15 És 51:12  
 ✧ 1:16 II Wa 1:3 ✧ 1:17 II Wa 3:1

## 2

<sup>1</sup> Li te vin rive lè SENYÈ a te prèt pou ✧ranmase Élie monte nan syèl nan yon van toubiyon, ke Élie te ale avèk ✧Élisée sòti Guigal. <sup>2</sup> Epi li te rive ke Élie te di a Élisée: “Rete isit la, souple; paske, SENYÈ a te voye mwen jis Béthel.” Men Élisée te di: ✧“Jan SENYÈ a viv la e jan ou menm viv la, mwen p ap kite ou.” Konsa, yo te desann Béthel. <sup>3</sup> Alò, ✧fis a pwofèt ki te Béthel yo te vin sòti kote Élisée e te di li: “Èske ou konnen ke SENYÈ a va pran mèt ou a soti anwo ou jodi a?” Epi li te di: “Wi, mwen konnen. Pa pale!” <sup>4</sup> Élie te di li: “Élisée, souple, rete isit la; paske, SENYÈ a te voye mwen ✧Jéricho.” Men li te di: “Jan SENYÈ a viv la, mwen p ap kite ou.” Konsa, yo te vini Jéricho. <sup>5</sup> ✧Fis a pwofèt ki te Jéricho yo te vin kote Élisée e te di li: “Èske ou konnen ke SENYÈ a va retire mèt ou a soti anwo ou jodi a?” Epi li te reponn: “Wi, mwen konnen; pa pale.” <sup>6</sup> Epi Élie te di li: “Souple, rete isit la, paske SENYÈ a te voye mwen nan ✧Jourdain an.” Epi li te di: “Jan Senyè a viv la e jan ou menm viv la, mwen p ap kite ou.” Konsa yo de a te avanse. <sup>7</sup> Alò ✧senkant mesye nan fis a pwofèt yo te ale kanpe anfas yo nan yon distans, pandan yo de a te kanpe akote Jourdain an. <sup>8</sup> Élie te ✧pran manto li, li te pliye li ansanm, li te frape dlo yo e yo te vin divize isit e la, jiskaske yo de a te travèse sou tè sèch. <sup>9</sup> Lè yo te fin travèse, Élie te di a Élisée: “Mande sa ke m ta fè pou ou avan mwen retire m de ou.” Epi Élisée te di: “Souple, kite yon ✧pòsyon doub nan lespri ou a rete sou mwen.” <sup>10</sup> Li te di: “Ou te mande yon bagay ki difisil. Si ou ✧wè lè m retire kite ou, se konsa l ap ye pou ou; men, si se pa sa, sa p ap fèt. <sup>11</sup> Pandan yo t ap fè wout yo e t ap prale, men vwala, ✧yon cha dife avèk cheval dife te separe yo de a. Epi Élie te monte nan yon toubiyon nan syèl la. <sup>12</sup> Élisée te wè e te kriye fò: ✧“Papa m, papa m, cha Israèl yo avèk chevalye li yo!” Epi li pa t wè Élie ankò. Alò, li te kenbe rad li e te chire li an de bout. <sup>13</sup> Anplis, li te pran manto Élie ki te sòti tonbe de li lè l t ap prale a, e li te retounen kanpe akote rebò larivyè Jourdain an. <sup>14</sup> Li te pran manto Élie ki te tonbe de li menm nan, e li te frape dlo yo e te di: “Kote SENYÈ a, Bondye Élie a?” Epi lè l te ✧frape dlo a ankò, yo te divize isit e la; epi, Élisée te travèse rive lòtbò. <sup>15</sup> Alò, ✧lè fis a pwofèt ki te Jéricho yo te wè li, yo te di: “Lespri Élie a poze sou Élisée.” Epi yo te vin rankontre li e te bese yo menm atè devan li. <sup>16</sup> Yo te di li: “Men vwala, genyen avèk ou senkant sèvitè ak gwo fòs, souple, kite yo ale chache mèt ou a. Petèt ✧lespri a SENYÈ a te pran li e te jete li sou yon mòn, oswa nan yon vale.” Epi li te di: “Ou p ap voye yo.” <sup>17</sup> Men lè ✧yo te bourade li jiskaske li te wont, li te di yo: “Voye yo”. Konsa, yo te voye senkant mesye. Yo te chache pandan twa jou, men, yo pa t jwenn li. <sup>18</sup> Yo te retounen kote li pandan li te rete Jéricho a. Li te di yo: “Èske mwen pa t di nou ‘Pa ale?’” <sup>19</sup> Epi mesye lavil yo te di a Élisée: “Gade byen koulye a, sikonstans vil sa a byen bon, jan mèt mwen konn wè a; men, dlo a pa bon e tè a pa pwodwi anyen.” <sup>20</sup> Li te di: “Mennen ban m yon vesò nèf e mete sèl ladann.” Konsa, yo te mennen ba li. <sup>21</sup> Li te ale nan sous dlo a, li te jete sèl la ladann e te di: “Konsa pale SENYÈ a: “Mwen te

✧ 2:1 Eb 11:5 ✧ 2:1 I Wa 19:16-21 ✧ 2:2 Rt 1:16 ✧ 2:3 II Wa 4:1-38 ✧ 2:4 Jos 6:26 ✧ 2:5 II Wa 2:3 ✧ 2:6 Jos 3:8-17 ✧ 2:7 II Wa 2:15-16 ✧ 2:8 I Wa 19:13-19 ✧ 2:9 Nonb 11:17-25 ✧ 2:10 Trav 1:10 ✧ 2:11 II Wa 6:17 ✧ 2:12 II Wa 13:14 ✧ 2:14 II Wa 2:8 ✧ 2:15 II Wa 2:7 ✧ 2:16 I Wa 18:12 ✧ 2:17 II Wa 8:11

pirifye dlo sa yo! P ap gen lanmò ni mank pwodwi ankò.” <sup>22</sup> Konsa, dlo yo rete bon jis jodi a, selon pawòl Élisée te pale a. <sup>23</sup> Alò, soti la, li te monte Béthel. Pandan li t ap monte nan chemen an, jenn gason yo te sòti deyò soti lavil la, yo te ✧moke li e te di li: “Ale monte, tèt chòv; ale monte, tèt chòv!” <sup>24</sup> Lè li te gade dèyè li e te wè yo, li te ✧modi yo nan non SENYÈ a. Konsa, de lous femèl te sòti nan forè a e te chire karann-de nan jenn gason pami yo. <sup>25</sup> Li te kite la pou rive ✧Mòn Carmel e soti la, li te rive Samarie.

### 3

<sup>1</sup> Alò Joram, fis Achab la te devni Wa sou Israël nan Samarie ✧nan di-zuityèm ane a Josaphat, wa Juda a e li te renye pandan douzan. <sup>2</sup> Li te fè mal nan zye SENYÈ a, malgre, se pa tankou papa li avèk manman li; paske ✧li te retire pilye sakre a Baal ke papa li te fè a. <sup>3</sup> Sepandan, ✧li te kenbe rès a peche Jéroboam, fis a Nebat la. Avèk sila li te fè Israël peche a; li pa t kite yo. <sup>4</sup> Alò, Meshah, wa Moab la te yon mèt ki fò nan pran swen mouton. Li ✧te konn peye wa Israël la avèk lenn a san-mil jenn mouton ansanm avèk lenn san-mil belye. <sup>5</sup> Men ✧lè Achab te vin mouri, wa Moab la te fè rebèl kont wa Israël la. <sup>6</sup> Epi wa Joram te kite Samarie nan tan sa a pou te rasanble tout Israël. <sup>7</sup> Alò, li te voye kote Josaphat, wa Juda a, e te di: “Wa Moab la te fè rebèl kont mwen. Èske ou va monte avè m pou goumen kont Moab?” Epi li te di: “M ap monte; ✧Mwen tankou ou menm e pèp mwen an tankou pèp pa w la, cheval mwen yo tankou cheval pa ou yo.” <sup>8</sup> Li te di: “Nan ki chemen nou dwe monte?” Epi li te reponn: “Pa chemen dezè ki nan Édom an.” <sup>9</sup> Konsa, wa Israël la te ale avèk wa Juda a ak ✧wa Édom an e nan vwayaj la, yo fè yon tou mache pandan sèt jou e pa t gen dlo pou lame a ak pou betay ki te swiv yo. <sup>10</sup> Alò, wa Israël la te di: “Elas! Konsa SENYÈ a te rele twa wa sa yo pou lage yo nan men Moab.” <sup>11</sup> Men Josaphat te di: ✧“Èske pa gen yon pwofèt SENYÈ a isit la, pou nou kapab fè demann SENYÈ a pa li menm?” Epi youn nan sèvitè wa yo te reponn e te di: “Élisée, fis a Schaphath la, ki te konn vide dlo sou men a Élie yo isit la.” <sup>12</sup> Josaphat te di: “Pawòl SENYÈ a avèk li.” Konsa, wa Israël la avèk Josaphat, avèk wa Édom an te desann kote li. <sup>13</sup> Alò, Élisée te di a wa Israël la: “Kisa m gen avè w? ✧Ale kote pwofèt a papa ou avèk pwofèt a manman ou yo.” Epi wa Israël la te di li: “Non, paske SENYÈ a te rele twa wa sila yo ansanm pou livre yo nan men a wa Moab la.” <sup>14</sup> Élisée te di: ✧“Jan SENYÈ a viv la, devan sila mwen kanpe a, si se pa ke m respekte prezans a Josaphat, wa Juda a, mwen pa t ap gade ou, ni wè ou. <sup>15</sup> Men koulye a, mennen ban mwen yon mizisyen.” Epi li te vin rive ke lè mizisyen an te jwe, ✧men SENYÈ a te vini sou Elisée. <sup>16</sup> Li te di: “Konsa di SENYÈ a: ‘Fè vale sila a vin ranpli avèk kanal.’ <sup>17</sup> Paske, konsa pale SENYÈ a: ‘Ou p ap wè van ni ou p ap wè lapli; malgre sa, vale sila a ✧va vin ranpli avèk dlo pou nou kab bwè; ni nou, ni bèf nou yo, ni bèt nou yo. <sup>18</sup> Sa se sèlman yon tikras bagay nan zye SENYÈ a. Anplis, Li va livre Moabit yo nan men nou. <sup>19</sup> ✧Epi nou va frape chak vil ki fòtifye e chak nan pi bèl vil yo, koupe mete atè tout bon pyebwa, bouche tout sous

✧ 2:23 II Kwo 36:16 ✧ 2:24 Né 13:25-27 ✧ 2:25 I Wa 18:19-20 ✧ 3:1 II Wa 1:17 ✧ 3:2 Egz 23:24 ✧ 3:3 I Wa 12:28-32 ✧ 3:4 II Sam 8:2 ✧ 3:5 II Wa 1:1 ✧ 3:7 I Wa 22:4 ✧ 3:9 I Wa 22:47 ✧ 3:11 I Wa 22:7 ✧ 3:13 I Wa 18:19 ✧ 3:14 I Wa 17:1 ✧ 3:15 I Wa 18:46 ✧ 3:17 Sòm 107:35 ✧ 3:19 II Wa 3:25

dlo e gate tout bon mòso tè avèk wòch yo.’ ” <sup>20</sup> Li te vin rive nan maten ✧vè lè pou ofri sakrifis la, ke vwala, dlo te sòti vè direksyon Édom e peyi a te vin ranpli avèk dlo. <sup>21</sup> Alò, tout Moabit yo te tandè ke wa yo te monte pou goumen kont yo. Epi tout moun ki te kapab, te mete vètman pwotèj yo e sila avèk plis laj yo te resevwa lòd pou vin kanpe sou lizyè fwontyè a. <sup>22</sup> Yo te leve bonè nan maten, solèy la te vin klere sou dlo a e Moabit yo te wè dlo anfas yo a wouj tankou san. <sup>23</sup> Epi yo te di: “Sa se san; asireman, wa yo te goumen ansanm e youn te touye lòt. Pou sa, Moab, antre pran piyaj la!” <sup>24</sup> Men lè yo te rive nan kan Israèl la, Izrayelit yo te leve e te frape Moabit yo jiskaske yo te kouri devan yo. Epi yo te fè avan nan peyi a e te fè yon gwo masak pami Moabit yo. <sup>25</sup> ✧Konsa, yo te detwi vil yo; epi chak moun te jete yon wòch sou chak mòso bon tè pou te plen li. Epi yo te bouche tout sous dlo yo e te koupe tout bon pyebwa yo, jis yo rive nan Kir-Harésèth kote yo te lese wòch li yo; men, mesye fistibal yo te antoure li e te frape li. <sup>26</sup> Lè wa Moab la te wè ke batay la te twò mechan pou li, li te pran avèk li sèt-san mesye ki te rale nepe pou ouvri yon pasaj pou rive kote wa Édom an; men, yo pa t kapab. <sup>27</sup> Alò, li te pran pi gran fis li a ki te gen pou renye nan plas li a e li te ✧ofri li kòm yon ofrann brile sou mi an. Epi te vin gen lakòlè byen cho kont Israèl e yo te kite li pou retounen nan peyi pa yo.

## 4

<sup>1</sup> Alò, yon sèten fanm pami madanm fis a pwofèt yo te kriye kont Élisée: ✧“Sèvitè ou a, mari mwen an mouri e ou konnen ke sèvitè ou te gen lakrent SENYÈ a. Epi ✧mesye ki bay prè yo gen tan parèt pou pran de pitit mwen yo kòm esklav li. <sup>2</sup> Élisée te di li: “Kisa pou m ta fè pou ou? Di mwen kisa ou gen nan kay la?” Epi li te di: “Sèvant ou pa gen anyen nan kay la sof ke ✧yon bokal lwil.” <sup>3</sup> Alò, li te di: “Ale, prete veso toupatou pou kont ou nan men tout vwazen ou yo; veso vid; pa manke pran. <sup>4</sup> Epi ou va antre anndan, fèmen pòt la dèyè ou avèk fis ou yo, vide nan tout veso sa yo e sa ki plen yo, mete yo akote.” <sup>5</sup> Konsa, li te ale kite li e te fèmen pòt la dèyè li avèk fis li yo; yo t ap mennen veso kote li pou li te plen. <sup>6</sup> Lè tout ✧veso yo te plen li te di a fis li yo: “Mennen ban mwen yon lòt veso.” Epi li te di li: “Nanpwen menm yon veso ankò. Epi lwil la te sispann. <sup>7</sup> Alò, li te vin pale nonm Bondye a. Epi li te di: “Ale vann lwil la pou peye dèt ou. Epi ou menm avèk fis ou yo kab viv sou sa ki rete a. <sup>8</sup> Alò, te vin rive yon jou lè Élisée te pase bò kote ✧Sunem, kote ki te gen yon fanm enpòtan, fanm nan te konvenk li manje manje. Se konsa li te vin rive, ke nenpòt lè li te pase, li te vire antre la pou manje manje. <sup>9</sup> Li te di a mari li: “Gade byen, mwen apès ke sa se yon ✧nonm sen a Bondye k ap pase bò kote nou tout tan. <sup>10</sup> Souple, annou fè yon ti chanm ak miray pa l pa anwo. Annou mete yon kabann pou li la, avèk yon tab ak chèz avèk yon chandelye. Konsa li va ye ke lè li vini kote nou, li kapab vire antre la.” <sup>11</sup> Yon jou, li te vini la e te vire antre nan chanm anwo a pou te repoze. <sup>12</sup> Konsa li te di a ✧Guéhazi, sèvitè li a: “Rele fanm Sinemit lan.” Epi lè li te fin rele li, li te parèt kanpe devan l. <sup>13</sup> Li te di Guéhazi: “Koulye a di li: ‘Gade, ou te byen pran swen nou avèk tout swen sila a; se kisa nou kapab fè pou ou? Èske ou ta renmen m pale ak wa a pou ou, oswa kapiten lame a?’ ” Epi li te reponn: “Mwen rete

✧ 3:20 Egz 29:39-40 ✧ 3:25 II Wa 3:19 ✧ 3:27 Am 2:1 ✧ 4:1 II Wa 2:3 ✧ 4:1 Lev 25:39-41-48  
 ✧ 4:2 I Wa 17:12 ✧ 4:6 Mat 14:20 ✧ 4:8 Jos 19:18 ✧ 4:9 II Wa 4:7 ✧ 4:12 II Wa 4:29-31



pami pwòp pèp pa m.” <sup>14</sup> Konsa, li te mande: “Alò, se kisa ki kab fèt pou li?” Epi Guéhazi te reponn: “Anverite, li pa gen fis e mari li fin granmoun.” <sup>15</sup> Li te di: “Rele li.” Lè li te rele li, li te kanpe nan pòtay la. <sup>16</sup> Epi li te di: ✧“Nan sezon sila nan ane k ap vini an, ou va anbrase yon fis.” Epi li te di: “Non, mèt mwen, O nonm Bondye a, pa bay manti a sèvant ou.” <sup>17</sup> Fanm nan te vin ansent e te fè yon fis nan menm sezon sa a nan ane ki vini an, jan Élisée te pale li a. <sup>18</sup> Lè pitit la te fin grandi, jou a te rive pou li te ale kote papa li avèk moun rekòlt yo. <sup>19</sup> Li te di a papa li: “Tèt mwen, tèt mwen.” Epi papa l te pale sèvitè li: “Pote li bay manman li.” <sup>20</sup> Lè li te pran li pou te mennen li bay manman l, li te chita sou jenou li jis rive midi e li te mouri. <sup>21</sup> Li te monte anlè a, li te ✧kouche li sou kabann a ✧nonm Bondye a, li te fèmen pòt la dèyè l e li te sòti. <sup>22</sup> Konsa, li te rele mari li, e li te di l: “Souple, voye ban m youn nan bourik yo pou m ka al jwenn nonm Bondye a epi tounen. <sup>23</sup> Alò, li te rele mari li e te di: “Souple, voye ban mwen youn nan sèvitè yo avèk youn nan bourik yo, pou m kab kouri kote nonm Bondye a e tounen.” <sup>24</sup> Alò, li te sele yon bourik e te di a sèvitè li: “Kondwi e avanse; pa ralanti vitès sof ke se mwen ki di ou sa.” <sup>25</sup> Konsa li te ale e te vin kote nonm Bondye a sou ✧Mòn Carmel. Lè nonm Bondye a te wè li a yon distans li te di a Guéhazi, sèvitè li a: “Men vwala se Sinamit lan. <sup>26</sup> Souple, kouri koulye a rankontre li, e di a li: ‘Èske tout bagay byen pou ou? Èske sa byen pou mari ou? Èske sa byen pou fis ou a?’” Epi li te reponn: “Sa bon”. <sup>27</sup> Lè l te rive kote nonm Bondye a ✧sou ti mòn nan, li te kenbe de pye li. Epi Guéhazi te parèt pou pouse l fè l sòti; men nonm Bondye a te di: “Kite li, paske nanm li twouble anndan li; epi SENYÈ a te kache mwen sa e pa t di m sa.” <sup>28</sup> Fanm nan te di: “Èske mwen te mande mèt mwen pou yon fis? Èske mwen pa t di ou ✧pa twonpe m?” <sup>29</sup> Alò, li te di a Guéhazi:” Mare senti ou, ✧pran baton mwen nan men ou pou al fè wout ou. Si ou rankontre nenpòt moun, pa salye li e si nenpòt moun salye ou, pa reponn li; epi, mete baton mwen an kouche sou figi a gason an.” <sup>30</sup> Manman a gason an te di: ✧“Jan SENYÈ a viv la e jan ou menm viv la, mwen p ap kite ou.” Epi li te leve e te swiv li. <sup>31</sup> Epi Guéhazi te pase devan yo e te kouche baton an sou figi a gason an; men, li pa t fè bwi, ni li pa t reponn. Konsa, li te retounen rankontre Élisée e te di li: “Gason an ✧pa t leve.” <sup>32</sup> Lè Élisée te vini nan kay la, men vwala, gason an te kouche tou mouri sou kabann li an. <sup>33</sup> Pou sa, ✧li te antre fèmen pòt la dèyè yo toude a e te priye a SENYÈ a. <sup>34</sup> Konsa, li te pwoche kouche sou pitit la, li te mete bouch li sou bouch pa li, zye li sou zye pa li, men li sou men pa li. Li te ✧lonje kò li sou li, e chè pitit la te kòmanse vin cho. <sup>35</sup> Li te retounen nan kay la e te mache yon fwa ale retou, li te monte ✧lonje li menm sou li. Gason an te touse sèt fwa e gason an te ouvri zye li. <sup>36</sup> Li te rele Guéhazi e te di: “Rele Sinamit lan.” Konsa, li te rele li. Epi lè li te antre kote li, li te di: “Ranmase pran pitit ou a.” <sup>37</sup> Alò, li te antre anndan, li te tonbe nan pye li e li te bese li menm jis atè; epi ✧li te pran fis li a e te sòti. <sup>38</sup> Lè Élisée te retounen Guilgal, te gen yon ✧gwo grangou nan peyi a. Pandan fis a pwofèt yo te chita devan l, li te di a sèvitè li a: “Mete gwo bonm nan e fè yon bouyon pou fis a pwofèt yo.” <sup>39</sup> Epi youn te ale nan chan an pou

✧ 4:16 Jen 18:14 ✧ 4:21 II Wa 4:32 ✧ 4:21 II Wa 4:7 ✧ 4:25 II Wa 2:25 ✧ 4:27 II Wa 4:25  
 ✧ 4:28 II Wa 4:16 ✧ 4:29 II Wa 2:14 ✧ 4:30 II Wa 2:2-4 ✧ 4:31 Jn 11:11 ✧ 4:33 II Wa 4:4  
 ✧ 4:34 I Wa 17:21-23 ✧ 4:35 I Wa 17:21 ✧ 4:37 Eb 11:35 ✧ 4:38 II Wa 8:1

ranmase epis e yo te twouve yon chan sovaj. Li te ranmase sou li kont joumou pou plen vètman li, li te vin koupe yo, fè yo antre nan bouyon, paske yo pa t rekonèt yo. <sup>40</sup> Konsa, yo te vide li pou mesye yo manje. Epi pandan yo t ap bwè bouyon an, yo te kriye fò, e te di: O nonm Bondye, gen ✧lanmò nan po a.” Epi yo pa t kab manje. <sup>41</sup> Men li te di: “Alò, pote sereyal moulen an.” ✧Li te jete li nan bonm nan e te di: “Vide li pou pèp la pou yo kab manje.” Epi pa t gen okenn mal nan po a. <sup>42</sup> Alò, yon mesye te sòti Baal-Shalisha e li te pote pou nonm Bondye a, pen premye fwi yo, ven pen lòj avèk tèt sereyal nèf nan sak li. Epi li te di: ✧“Bay pèp la pou yo kab manje.” <sup>43</sup> Asistan li an te di: “Kisa, ✧èske mwen va mete sa a devan san moun? Men li te di: “Bay pèp la pou yo kab manje, paske se konsa SENYÈ a pale: ‘Yo va manje e va genyen ki rete.’” <sup>44</sup> Konsa, li te mete li devan yo, yo te manje e te ✧genyen ki te rete, selon pawòl SENYÈ a.

## 5

<sup>1</sup> Alò, ✧Naaman, kapitèn lame a wa Syrie a, te yon mesye enpòtan a mèt li e li te estime anpil. Akoz li menm, SENYÈ a te bay yon viktwa pou Syrie. Anplis, mesye a te yon gèrye gran kouraj, men li te gen lalèp. <sup>2</sup> Alò, Siryen yo te sòti ✧pa ekip e yo te pran an kaptivite yon jenn tifi nan peyi Israèl; epi, li te sèvi madanm a Naaman an. <sup>3</sup> Li te pale konsa a mètrès li a: “Mwen ta tèlman vle ke mèt mwen an te avèk pwofèt Samarie a! Konsa, li ta geri li pou l pa gen lalèp la.” <sup>4</sup> Naaman te antre kote mèt li a e te di: “Men konsa, fi ki sòti peyi Israèl la te pale.” <sup>5</sup> Alò, wa Syrie a te di: “Ale koulye a e mwen va voye yon lèt a wa Israèl la.” Li te sòti e te pran avè l dis talan ajan ak si-mil sik an lò ak dis ✧echanj vètman konplè. <sup>6</sup> Li te mennen lèt la bay wa Israèl la ki te di: “Epi koulye a, kòm si lèt sa a rive bò kote ou, men vwala, mwen te voye Naaman, sèvitè mwen an kote ou, pou ou kab geri li nan afè lalèp sila a.” <sup>7</sup> Lè wa Israèl la te li lèt sa a, li te chire rad li e te di: ✧“Èske se Bondye mwen ye, pou m kab touye e fè viv, pou nonm sa ta voye kote mwen pou geri yon mesye ki gen lalèp? Men gade byen kijan l ap chache yon kont avè m.” <sup>8</sup> Li te rive ke lè Élisée, ✧nonm Bondye a te tandè ke wa Israèl la te chire rad li, li te voye kote wa a e te di: “Poukisa ou chire rad ou konsa? Koulye a, kite li vin kote mwen e li va konnen ke gen yon pwofèt an Israèl.” <sup>9</sup> Konsa, Naaman te vini avèk cheval li yo ak cha li yo e te kanpe devan pòtay lakay Élisée. <sup>10</sup> Élisée te voye yon mesaj kote li ki te di: ✧“Ale benyen nan Jourdain an sèt fwa, chè ou va restore a ou menm e ou va vin pwòp.” <sup>11</sup> Men Naaman te byen fache, li te sòti e te di: “Gade byen, mwen te konnen ke asireman, li va parèt deyò kote mwen, kanpe pou rele non SENYÈ a, Bondye li a e voye men li sou plas pou geri moun lalèp la. <sup>12</sup> Se pa ke rivyè Abana avèk Parpar nan Damas yo pi bon ke tout flèv an Israèl yo? Èske mwen pa t kab lave m nan yo e vin pwòp?” Konsa, li te vire ✧sòti byen anraje. <sup>13</sup> Alò, sèvitè li yo te pwoche, yo te pale avèk li e te di: ✧“Papa mwen, si pwofèt la te di ou pou fè yon gwo bagay, èske ou pa t ap fè l. Konbyen, anplis, lè li di ou Lave ou pou vin pwòp?” <sup>14</sup> Pou sa, li te desann e te fonsè kò l sèt fwa nan Jourdain an, selon pawòl a nonm Bondye a; epi, ✧chè li te restore tankou chè a yon timoun e li te vin pwòp. <sup>15</sup> Lè li te retounen kote nonm Bondye a avèk tout

✧ 4:40 Egz 10:17 ✧ 4:41 Egz 15:25 ✧ 4:42 Mat 14:16-21 ✧ 4:43 Luc 9:13 ✧ 4:44 Mat 14:20 ✧ 5:1 Luc 4:27 ✧ 5:2 II Wa 6:23 ✧ 5:5 Jij 14:12 ✧ 5:7 Jen 30:2 ✧ 5:8 I Wa 12:22 ✧ 5:10 Jn 9:7 ✧ 5:12 Pwov 14:17 ✧ 5:13 II Wa 2:12 ✧ 5:14 II Wa 5:10

konpanyen li e te vin kanpe devan li, li te di: “Gade byen, koulye a, ✨mwenn konnen ke nanpwen lòt Dye nan tout tè a, sof ke an Israèl; pou sa, souple, ✨aksepte yon kado nan men sèvitè ou a depi koulye a. <sup>16</sup> Men li te di: “Jan SENYÈ a viv la, devan sila mwenn kanpe a, ✨mwenn p ap pran anyen.” Epi li te ankouraje l pran, men li te refize. <sup>17</sup> Naaman te di: “Malgre, si se pa sa, souple, bay sèvitè ou a chaj de milèt ✨tè; paske, sèvitè ou a p ap ofri ofrann brile ni sakrifis a lòt dye, men a SENYÈ a. <sup>18</sup> Nan ka sa a, ke SENYÈ a kapab padone sèvitè ou a: lè mèt mwenn antre nan kay Rimmon an, pou adore la, ✨li va apiye sou men m e mwenn va bese lakay Rimmon an, pou SENYÈ a kapab padone sèvitè ou a nan ka sa a.” <sup>19</sup> Li te di li: ✨“Ale anpè.” Konsa, li te pàti de li a yon distans. <sup>20</sup> Men ✨Guéhazi, sèvitè Élisée a, nonm Bondye a, te reflechi: “Men gade, mèt mwenn an te konsève Naaman sila a, Siryen an, pwiske li pa resevwa nan men l sa ke li te pote a. Jan SENYÈ a viv la, mwenn ap kouri dèyè l e pran yon bagay de li menm.” <sup>21</sup> Konsa, Guéhazi te kouri dèyè Naaman. Lè Naaman te wè yon moun vin kouri dèyè li, li te desann cha a pou rankontre li e te di: “Èske tout bagay byen?” <sup>22</sup> Li te di: “Tout bagay byen. Mèt mwenn an voye mwenn e te di: ‘Gade byen, soti koulye a, de jenn mesye ki pami fis a pwofèt yo te vin kote mwenn soti nan ✨peyi ti mòn Ephraïm yo. Souple, ba yo yon talan ajan ak ✨de echanj konplè nan vètman yo.’ ” <sup>23</sup> Naaman te di: “Avèk plezi, pran de talan yo.” Epi li te ankouraje li, li te mare de talan ajan yo nan de sak avèk de echanj konplè nan rad yo e li te bay yo a de sèvitè li yo; epi, yo te pote yo devan li. <sup>24</sup> Lè li te rive kote ti mòn nan, li te pran yo soti nan men yo, li te ✨mete yo nan kay la, li te voye mesye yo ale e yo te pati. <sup>25</sup> Men li te antre ladann e te kanpe devan mèt li. Epi Elisée te di li: “Kote ou te ye Guéhazi?” Epi li te di: ✨“Sèvitè ou a pa t ale okenn kote non.” <sup>26</sup> Epi li te di li: “Èske kè m pa t sòti lè mesye a te vire kite cha li pou vin rankontre ou a? ✨Èske sa se lè pou resevwa lajan, pou resevwa rad, chan doliv avèk chan rezen, avèk mouton ak bèf ak sèvitè avèk sèvant? <sup>27</sup> Pou sa, lalèp Naaman an ap kole sou ou avèk desandan ou yo jis pou tout tan.” Konsa, li te kite prezans li ak ✨yon lèp blan tankou lanèj.

## 6

<sup>1</sup> Alò ✨fis a pwofèt yo te di a Élisée: “Gade byen, plas devan ou kote nou rete a twò piti pou nou. <sup>2</sup> Souple, annou ale nan Jourdain an e chak nan nou pran soti la yon poto epi annou fè yon plas pou pwòp tèt nou kote nou kab rete a.” Epi li te di: “Ale.” <sup>3</sup> Alò youn nan yo te di: “Souple, fè dakò pou ale avèk sèvitè nou yo.” Epi li te di: “M ap prale.” <sup>4</sup> Konsa, li te ale avèk yo. Epi lè yo rive kote Jourdain an, yo te koupe bwa yo. <sup>5</sup> Men pandan youn nan yo t ap fè tonbe yon poto, tèt rach la te tonbe nan dlo; epi li te kriye fò e te di: “Anmwey, mèt mwenn Paske se prete li te ye!” <sup>6</sup> Epi nonm Bondye a te di: “Se kibò li te tonbe?” Epi lè li te montre li kote a, ✨li te koupe yon bout bwa e li te voye ladann pou te fè fè a vin monte sou dlo a. <sup>7</sup> Li te di: “Ranmase l pou kont ou.” Konsa, li te lonje men li pou te pran l. <sup>8</sup> Alò, wa Syrie a te fè lagè kont Israèl; epi, li te konsilte avèk sèvitè li yo e te di: “Antre tèl kote ak tèl kote, ki kote nou va fè kan an.” <sup>9</sup> ✨Nonm

✨ 5:15 Jos 2:11 ✨ 5:15 I Sam 25:27 ✨ 5:16 Jen 14:22 ✨ 5:17 Egz 20:24 ✨ 5:18 II Wa 7:2-17  
 ✨ 5:19 Egz 4:18 ✨ 5:20 II Wa 4:12-36 ✨ 5:22 Jos 24:33 ✨ 5:22 II Wa 5:5 ✨ 5:24 Jos 7:1-21 ✨ 5:25 II Wa 5:22 ✨ 5:26 II Wa 5:16 ✨ 5:27 Egz 4:6 ✨ 6:1 II Wa 2:3 ✨ 6:6 Egz 15:25 ✨ 6:9 II Wa 4:1-7

Bondye a te voye kote wa Israël la e te di: “Veye pou ou pa pase nan kote sila a; paske, Siryen yo ap desann la.” <sup>10</sup> Wa Israël la te voye nan plas kote nonm Bondye a te pale li a; konsa, plis ke yon fwa oswa de fwa, li te avèti li plizyè fwa pou l ta kab veye kò l. <sup>11</sup> Alò, kè a wa Syrie a te anraje sou afè sa a; epi, li te rele sèvitè li yo e te di yo: “Èske ou va di mwen kilès nan nou ki pou wa Israël la?” <sup>12</sup> Youn nan sèvitè li yo te di: “Non, mèt mwen, O wa a; men Élisée, pwofèt ki an Israël la ap pale wa Israël la pawòl ke ou pale menm nan chanm dòmi ou. <sup>13</sup> Konsa, li te di: “Ale wè kote li ye a pou m kab voye pran l.” Epi yo te pale li, e te di: “Gade, li ✧Dothan.” <sup>14</sup> Li te voye cheval avèk cha avèk yon gwo lame la, yo te vini pandan lannwit e te antoure vil la. <sup>15</sup> Alò, lè sèvitè a nonm Bondye a te leve bonè pou te sòti deyò, vwala, yon lame avèk cheval ak cha te antoure vil la. Epi sèvitè li a te di li: “Anmwey, mèt mwen! Kisa n ap fè?” <sup>16</sup> Konsa, li te reponn: ✧“Pa pè, paske ✧sila ki avèk nou yo plis pase sila ki avèk yo a.” <sup>17</sup> Epi Élisée te priye e te di: “O SENYÈ, Mwen priye, ouvri zye li pou li kapab wè.” Epi SENYÈ a te ouvri zye a sèvitè li pou li te wè; men vwala, tout mòn nan te ranpli avèk ✧cheval avèk cha dife toupatou te antoure Élisée. <sup>18</sup> Lè yo te desann kote li, Élisée te priye a SENYÈ a e te di: “Mwen priye, frape pèp sa a pou fè yo vin avèg.” Konsa, Li te ✧frape yo pou fè yo vin avèg selon pawòl Élisée a. <sup>19</sup> Epi Élisée te di yo: “Sa se pa chemen, ni se pa vil sa a; swiv mwen e mwen va mennen ou kote nonm ke w ap chache a.” Epi li te mennen yo rive Samarie. <sup>20</sup> Lè yo te rive Samarie, Élisée te di: “O ✧SENYÈ, ouvri zye a moun sila yo pou yo kapab wè.” Konsa, SENYÈ a te ouvri zye yo pou yo te wè; epi vwala, yo te nan mitan Samarie. <sup>21</sup> Epi wa Israël la, lè li te wè yo, li te di Élisée: ✧“Papa mwen, èske m dwe touye yo? Èske m dwe touye yo?” <sup>22</sup> Li te reponn: “Ou pa pou touye yo. Èske ou ta touye sila ke ou fin pran an kaptivite avèk nepe oubyen ak banza ou? ✧Metete pen avèk dlo devan yo pou yo kab manje ak bwè e ale kote mèt pa yo.” <sup>23</sup> Konsa, li te prepare yon gran repa pou yo; epi, lè yo te fin manje e bwè, li te voye yo ale. Yo te ale kote mèt pa yo, epi ✧bann piyajè Siryen yo pa t vini ankò nan peyi Israël. <sup>24</sup> Alò, li te vin rive apre sa ke ✧Ben-Hadad, wa Syrie a, te rasanble tout lame li a e te monte fè syèj kont Samarie. <sup>25</sup> Te gen yon ✧gwo grangou nan Samarie; epi, gade byen, yo te fè syèj la jis li rive ke tèt a yon bourik te vann pou katreven sik an ajan e yon ka kab pou pou toutrèl pou senk sik ajan. <sup>26</sup> Pandan wa Israël la t ap pase sou mi an, yon fanm te kriye fò a li menm e te di: “Fè m sekou, mèt mwen, O Wa a!” <sup>27</sup> Wa a te di: “Si SENYÈ a pa ede ou, soti kibò mwen kab ede ou? Depi nan glasi vannan an, oswa avèk aparèy peze rezen an?” <sup>28</sup> Epi wa a te di li: ✧“Kisa ou genyen?” Epi li te reponn: “Fanm sa a te di mwen: ‘Ban m ti fis ou a pou nou kab manje li jodi a e nou va manje fis pa ou a demen.’” <sup>29</sup> ✧Konsa, nou te bouyi fis mwen an e manje li; epi, mwen te di li sou jou ki vini an: ‘Ban m fis ou a pou nou kab manje li, men li te kache fis li a.’” <sup>30</sup> Lè wa a te tande pawòl a fanm nan, ✧li te chire rad li—epi, koulye a, li t ap pase sou mi an—e pèp la t ap gade, epi vwala, li te gen twal sak sou kò li. <sup>31</sup> Epi li te di: “Ke ✧Bondye fè m sa, e menm plis, si tèt a Élisée, fis a

✧ 6:13 Jen 37:17 ✧ 6:16 Egz 14:13 ✧ 6:16 Wo 8:31 ✧ 6:17 Sòm 68:17 ✧ 6:18 Jen 19:11  
 ✧ 6:20 II Wa 6:17 ✧ 6:21 II Wa 2:12 ✧ 6:22 Wo 12:20 ✧ 6:23 II Wa 5:2 ✧ 6:24 I Wa 20:1  
 ✧ 6:25 Lev 26:26 ✧ 6:28 Jij 18:23 ✧ 6:29 Lev 26:27-29 ✧ 6:30 I Wa 21:27 ✧ 6:31 Rt 1:17

Schaphath la rete sou kò li jodi a.”<sup>32</sup> Alò, Élisée te chita lakay li a e ansyen yo te chita avèk li. Epi wa a te voye yon mesye soti nan prezans li; men, avan mesaje a te rive kote li, li te di a ansyen yo: “Èske ou wè kijan mesye sa a, fis a yon asasen te voye pou retire pran tèt mwèn? Gade, lè mesaje a vini, fèmen pòt la kont li e kenbe pòt la fèmen kont li. Èske se pa son a pye mèt li a ki dèyè li?”<sup>33</sup> Pandan li te toujou ap pale avèk yo, men vwala, mesaje a te desann kote li e li te di: “Men gade, mechanste sa a sòti nan SENYÈ a; poukisa mwèn ta dwe tann SENYÈ a ankò?”

## 7

<sup>1</sup> Epi Élisée te di: “Koute pawòl SENYÈ a; konsa pale SENYÈ a: ✨“Demen vè lè sa a, yon mezi farin fen va vann pou yon sik e de mezi lòj pou yon sik nan pòtay Samarie a.”<sup>2</sup> Ofisye wayal la sou men a sila wa a te apiye a te reponn nonm Bondye a e te di: “Gade byen, menm ✨si SENYÈ a ta fè fenèt nan syèl la, èske bagay sa a ta kab rive?” Epi li te reponn: “Gade byen, ou va wè l ak pwòp zye pa w, men ou p ap manje ladann.”<sup>3</sup> Alò, te genyen kat ✨mesye lalèp nan antre pòtay la; epi yo te di youn ak lòt: “Poukisa n ap chita la jiskaske nou mouri?”<sup>4</sup> Si nou di: ‘N ap antre nan vil la, alò grangou nan vil la, nou va mouri la; epi, si nou chita isit la, nou va mouri tou. Pou sa, vini, annou janbe lòtbò ✨nan kan Siryen yo. Si yo lese nou viv, nou va viv; epi, si yo touye nou, nou p ap gen plis pase mouri.”<sup>5</sup> Konsa, yo te leve avan l fènwa pou ale nan kan Siryen yo, epi, gade byen, pa t gen moun la.<sup>6</sup> Paske SENYÈ a te fè lame Siryen an tandè bwi a cha yo avèk bwi a cheval yo, son a yon gwo lame, jiskaske yo te di youn ak lòt: “Men gade, wa Israël la gen tan mete an sèvis kont nou ✨wa Etyen yo avèk wa ✨Ejipsyen yo pou yo vini sou nou.”<sup>7</sup> Pou sa, yo te ✨leve kouri pandan tenèb la t ap pwoche e te kite tant yo avèk cheval yo avèk bourik yo ak kan an, jis jan ke li te ye a pou te sove ale e sove lavi yo.<sup>8</sup> Lè moun lalèp sa yo te rive nan landwa kan an, yo te antre nan yon tant pou te manje ak bwè e yo te ✨pote soti la, ajan avèk lò avèk rad pou te ale sere yo; epi, yo te tounen antre nan yon lòt tant pou te pote soti la tou pou te ale sere yo.<sup>9</sup> Alò, yo te pale youn ak lòt: “Nou pa fè byen. Jou sa a se yon jou bòn nouvel; men, nou rete an silans; si nou tann jis rive nan maten, pinisyon va vin rive sou nou. Alò, pou sa, annou ale pale moun lakay wa a.”<sup>10</sup> Konsa, yo te antre e yo te rele gadyen pòtay lavil yo pou te pale yo e te di: “Nou te rive nan kan Siryen yo e vwala, pa t gen moun la, ni menm vwa a yon moun, men sèlman cheval ki te mare ak bourik mare e tant yo menm jan yo te ye.”<sup>11</sup> Gadyen pòtay yo te rele pale anndan kay wa a,<sup>12</sup> Epi wa a te leve nan lannwit lan e li te di a sèvitè li yo: “Mwèn va pale ou koulye a sa ke Siryen yo gen tan fè. Yo konnen ke nou grangou; pou sa, yo te kite kan an ✨pou kache yo menm nan chan an, e yo te di: “Lè yo sòti lavil la, nou va kaptire yo vivan e antre nan vil la.”<sup>13</sup> Youn nan sèvitè li yo te di: “Souple, kite kèk moun pran senk nan cheval ki rete lavil la. Gade byen, malgre nenpòt nan yo va menm jan ak tout rès foul ki rete ladann nan. Gade byen, yo va tankou tout foul ki gen tan peri deja. Pou sa, annou voye gade.”<sup>14</sup> Konsa, yo te pran de cha avèk cheval e wa a te voye yo dèyè lame Siryen an, e te di: “Ale gade.”<sup>15</sup> Yo te ale dèyè yo jis rive nan Jourdain an, e gade, tout chemen an te ranpli avèk rad ak ekipaj ke Siryen yo te jete nan sove ale.

✨ 7:1 II Wa 7:18 ✨ 7:2 Jen 7:11 ✨ 7:3 Nonb 5:2-4 ✨ 7:4 II Wa 6:24 ✨ 7:6 I Wa 10:29  
✨ 7:6 És 31:1 ✨ 7:7 Sòm 48:4-6 ✨ 7:8 Jos 7:21 ✨ 7:12 Jos 8:4-12

Alò, mesaje yo te retounen pou te pale wa a. <sup>16</sup> Konsa, pèp la te sòti e te piyaje kan Siryen an. Alò, yon mezi farin fen te vann pou yon sik e de mezi lòj pou yon sik, ✨selon pawòl SENYÈ a. <sup>17</sup> Alò, wa a te chwazi menm ofisyè wayal la, sou men a sila li te konn apiye a, pou pran chaj pòtay la; men, pèp la te foule li anba pye nan pòtay la e li te vin mouri jis jan ke nonm Bondye a te pale a, ✨ki t ap pale pandan wa a te vin desann kote l la. <sup>18</sup> Li te vin rive jis jan ke nonm Bondye a te pale a wa a, lè l te di: ✨“De mezi lòj pou yon sik e yon mezi farin fen pou yon sik, va vann demen vè lè sa a nan pòtay Samarie.” <sup>19</sup> Epi ofisyè wayal la te reponn nonm Bondye a e te di: “Alò gade byen, ✨“Si SENYÈ a ta fè fenèt nan syèl la, èske yon bagay konsa ta kab rive?” Epi li te di: “Gade byen, ou va wè li avèk pwòp zye pa ou, men ou p ap manje ladann.” <sup>20</sup> Epi se konsa sa te vin rive li, paske pèp la te foule li anba pye nan pòtay la e li te vin mouri.

## 8

<sup>1</sup> Alò, Élisée te pale ak fanm a fis ki te geri a, e te di: “Leve ale avèk tout lakay ou e ale viv nenpòt kote ou kab ale viv; paske, SENYÈ a te deklare yon gwo grangou e ✨sa va rive menm sou peyi a pandan sèt ane.” <sup>2</sup> Konsa, fanm nan te leve e te fè selon pawòl a nonm Bondye a. Li te ale avèk lakay li pou te vin viv nan peyi Filisten yo pandan sèt ane. <sup>3</sup> Nan fen sèt ane yo, fanm nan te retounen soti nan peyi Filisten yo; epi, li te ale deyò pou fè demann a wa a pou lakay li avèk chan li. <sup>4</sup> Alò, wa a t ap pale avèk ✨Guéhazi, sèvitè a nonm Bondye a, e li t ap di: “Souple, fè m konnen tout gran bagay ke Élisée te konn fè yo. <sup>5</sup> Pandan li t ap pale wa a ✨ki jan li te restore lavi a sila ki te mouri an, men vwala, fanm a fis ke li te resite a, te fè demann nan pou afè chan pa li a. Epi Guéhazi te di: “Mèt mwen, wa a, sa se fanm nan e sa se fis li a, ke Elisée te restore lavi a. <sup>6</sup> Lè wa a te mande fanm li te pale li sa a. Konsa, wa a te chwazi pou li yon sèten ofisyè, e li te di: “Restore a li menm tout sa ki te pou li e tout pwodwi a chan li soti jou ke li te kite tè a jis rive koulye a.” <sup>7</sup> Epi Élisée te vin Damas. Alò, ✨Ben-Hadad, wa Syrie a, te malad e li te pale a li menm, e yo te di: ✨“Nonm Bondye a gen tan rive isit la.” <sup>8</sup> Wa a te di a Hazaël: ✨“Pran yon kado nan men ou pou ale rankontre nonm Bondye a e ✨mande a SENYÈ a pa li menm, e di: ‘Èske mwen va refè de maladi sa a?’ ” <sup>9</sup> Konsa, Hazaël te ale rankontre li e te pran yon kado nan men l, menm tout kalite bon bagay Damas, karant chaj chamo. Li te vin rive kanpe devan li e te di: ✨“Fis ou Ben-Hadad, wa Syrie a, te voye mwen kote ou, e te di: ‘Èske mwen va refè de maladi sa a?’ ” <sup>10</sup> Alò, Élisée te di li: ✨“Ale pale li, ‘Ou va asireman refè, men SENYÈ a te montre mwen ke byensi, l ap mouri. <sup>11</sup> Li te gade l byen fiks, ✨jiskaske li te wont e ✨nonm Bondye a te kriye. <sup>12</sup> Hazaël te di: “Poukisa mèt mwen ap kriye a?” Alò, li te reponn: “Paske mwen konnen mal ke ou va fè a fis Israël yo: fòterès ke ou va brile ak jennonm pa yo ke ou va touye avèk nepe, ✨pitit pa yo ke ou va kraze an mòso ak fanm pa yo gwo vant ke ou va chire nèt.” <sup>13</sup> Epi Hazaël te di li: “Men kisa sèvitè ou ye; yon chen ki ta fè gwo bagay sa a?” Epi Élisée te reponn: ✨“SENYÈ a te montre mwen ke ou va wa sou Syrie.” <sup>14</sup> Konsa, li te pati kite Élisée pou

✨ 7:16 II Wa 7:1 ✨ 7:17 II Wa 6:32 ✨ 7:18 II Wa 7:1 ✨ 7:19 II Wa 7:2 ✨ 8:1 Jen 41:27-54  
 ✨ 8:4 II Wa 4:12 ✨ 8:5 II Wa 4:35 ✨ 8:7 II Wa 6:24 ✨ 8:7 II Wa 5:20 ✨ 8:8 I Wa 14:3  
 ✨ 8:8 II Wa 1:2 ✨ 8:9 II Wa 5:13 ✨ 8:10 II Wa 8:14 ✨ 8:11 II Wa 2:17 ✨ 8:11 Luc 19:41  
 ✨ 8:12 II Wa 15:16 ✨ 8:13 I Wa 19:15

te retounen kote mèt li, ki te di li: “Se kisa ke Élisée te di ou?” Epi li te reponn: “Li te di mwen ke ou ta asireman vin refè.” <sup>15</sup> Nan jou swivan an, li te pran kouvèti a, li te fonsè l nan dlo e li te ouvri li sou figi li, ✧jiskaske li te mouri. Epi Hazaël te vin wa nan plas li. <sup>16</sup> Alò, nan senkyèm ane ✧Joram, fis a Achab la, wa Israël la, pandan Josaphat te wa Juda, Joram, fis Josaphat la, wa Juda, te devni wa. <sup>17</sup> Li te gen ✧ laj a trann-dezan lè li te devni wa e li te renye uitan nan Jérusalem. <sup>18</sup> Li te mache nan chemen a wa a Israël yo, jis jan ke lakay Achab te fè a, paske ✧fi Achab la te devni madanm li; epi, li te fè mal nan zye SENYÈ a. <sup>19</sup> Sepandan, SENYÈ a pa t gen volonte pou detwi Juda, pou koz David, sèvitè li a, ✧paske li te pwomèt li pou ba li toujou yon lanp a li menm pa fis li yo pou tout tan. <sup>20</sup> Nan jou pa li yo, ✧Édom te fè rebèl soti anba men Juda e yo te fè yon wa sou pwòp tèt pa yo. <sup>21</sup> Epi Joram te travèse kote Tsaïr e tout cha li yo avèk li. Li te leve nan lannwit pou te frape Edomit ki te antoure li avèk kapitèn a cha yo; ✧men, lame pa li a te sove ale rive nan tant pa yo. <sup>22</sup> ✧Konsa, Édom te fè rebèl kont Juda jis rive jodi a. Alò, Libna te revòlte nan menm lè a. <sup>23</sup> Tout lòt zèv a Joram yo avèk tout sa ke li te fè yo; èske yo pa ekri nan Liv Kwonik a wa a Juda yo? <sup>24</sup> Konsa, ✧Joram te dòmi avèk zansèt li yo e li te antere avèk zansèt li yo nan vil David la. Epi Achazia te devni wa nan plas li. <sup>25</sup> Nan douzyèm ane a Joram, fis a Achab la, wa Israël, Achazia, fis a Joram nan te kòmanse renye. <sup>26</sup> ✧Achazia te gen venn-dezan lè l te devni wa e li te renye yon ane nan Jérusalem. Manman li te rele Athalie, pitit a pitit Omri, wa Israël la. <sup>27</sup> Achazia te ✧mache nan chemen lakay Achab e te fè mal nan zye SENYÈ a tankou lakay Achab, akòz se te bofis a lakay Achab. <sup>28</sup> Alò, li te ale avèk Joram, fis a Achab la pou fè lagè kont ✧Hazaël, wa Syrie a nan ✧Ramoth-Galaad e Siryen yo te blese Joram. <sup>29</sup> Konsa, ✧Wa Joram te retounen nan Jizréel pou geri akòz blese ke Siryen yo te ba li nan Rama a lè li te goumen kont Hazaël, wa Syrie a. Epi Achazia, fis a Joram nan, wa Juda a, te desann wè Joram, fis Achab la nan Jizréel akòz li te malad la.

## 9

<sup>1</sup> Alò, Élisée, pwofèt la, te rele youn nan ✧fis a pwofèt yo e te di li: “Mare senti ou e ✧pran bokal lwil nan men ou pou monte Ramoth-Galaad. <sup>2</sup> Lè ou rive la, cache jwenn ✧Jéhu, fis a Josaphat a, fis a Nimschi a e antre ladann, mande li vin apa de frè li yo, mennen li nan yon chanm anndan. <sup>3</sup> Epi pran bokal lwil la, vide li sou tèt li e di: ‘Konsa pale SENYÈ a; ✧ “Mwen te onksyone ou wa sou Israël.’ Epi louvri pòt la, kouri sove ale; pa tann.” <sup>4</sup> Konsa, ✧jennonm nan, sèvitè pwofèt la, te ale Ramoth-Galaad. <sup>5</sup> Lè l rive, men vwala, kapitèn a lame yo te chita, e li te di: “Mwen gen yon pawòl pou ou O kapitèn.” Epi Jéhu te di: “Pou kilès nan nou?” Epi li te di: “Pou ou, O kapitèn.” <sup>6</sup> Li te leve e te antre nan kay la, li te vide lwil sou tèt li e te di li: “Konsa pale SENYÈ a, Bondye Israël la, ✧ Mwen te onksyone ou Wa sou pèp SENYÈ a, sou Israël menm. <sup>7</sup> Ou va frape lakay Achab, mèt ou a, pou Mwen kapab fè revandikasyon ✧san a sèvitè mwen yo, pwofèt yo

✧ 8:15 II Wa 8:10 ✧ 8:16 II Wa 1:17 ✧ 8:17 II Kwo 21:5-10 ✧ 8:18 II Wa 8:27 ✧ 8:19 II Sam 7:12-15 ✧ 8:20 I Wa 22:47 ✧ 8:21 II Sam 16:17 ✧ 8:22 Jen 27:40 ✧ 8:24 II Kwo 21:1-7 ✧ 8:26 II Kwo 22:2 ✧ 8:27 II Kwo 22:3 ✧ 8:28 II Wa 8:15 ✧ 8:28 I Wa 22:3-29 ✧ 8:29 II Wa 9:15 ✧ 9:1 II Wa 2:3 ✧ 9:1 I Sam 10:1 ✧ 9:2 I Wa 19:16-17 ✧ 9:3 II Kwo 22:7 ✧ 9:4 II Wa 9:1 ✧ 9:6 I Sam 2:7-8 ✧ 9:7 I Wa 18:4

ak san a tout sèvitè SENYÈ yo, pa men Jézabel. <sup>8</sup> ‘Paske tout lakay Achab va peri e ✧Mwen va koupe retire sou Achab tout gason, ni esklav, ni lib an Israël. <sup>9</sup> ✧Mwen va fè lakay Achab vin tankou lakay Jéroboam, fis a Nebath la e ✧tankou lakay Basha, fis Achija a. <sup>10</sup> ✧Chen ap manje Jézabel nan teritwa Jizréel la e nanpwen moun k ap antere li.’ ” Epi li te ouvri pòt la e te sove ale. <sup>11</sup> Alò Jéhu te sòti deyò kote sèvitè mèl li yo, e youn nan yo te di li: “Èske tout bagay byen? Poukisa ✧nonm fou sila a te vin kote ou a?” Epi li te di yo: “Ou konnen nonm sila a avèk tout sa li pale yo.” <sup>12</sup> Yo te di: “Sa se manti; pale nou koulye a.” Epi li te di: “Se sesi ak sela ke li te di m, ‘Konsa pale SENYÈ a: “Mwen te onksyone ou wa sou Israël” ’ ”. <sup>13</sup> Epi ✧yo te fè vit, chak moun te pran vètman pa yo, te plase yo anba li sou mach la, yo te ✧soufle twonpèt la e yo t ap di: “Jéhu se wa a!” <sup>14</sup> Konsa Jéhu, fis a Josaphat a, fis a Nimschi a, te fè konplo kont Joram. ✧Alò, Joram avèk tout Israël t ap defann Ramoth-Galaad kont Hazaël, wa Syrie a. <sup>15</sup> Men ✧Wa Joram te fin retounen a Jizréel pou geri akoz blese ke Siryen yo te ba li lè li te goumen avèk Hazaël, wa Syrie a. Konsa, Jéhu te di: “Si sa se volonte ou, pa kite pèsòn chape kite vil la pou ale pale Jizréel.” <sup>16</sup> Alò, Jéhu te monte yon cha pou te ale Jizréel; paske, Joram te kouche la. ✧Achazia, wa Juda a, te deja desann pou wè Joram. <sup>17</sup> Koulye a, gadyen an te kanpe sou fò Jizréel e li te wè konpanyen li, Jéhu, pandan li t ap vini, li te di: “Mwen wè yon konpanyen.” Epi Joram te di: “Pran yon chevalye, voye li rankontre yo e kite li di: ‘Èske sa an pè?’ ” <sup>18</sup> Konsa, yon chevalye te ale rankontre li e te di: “Konsa pale wa a: ‘Èske sa an pè?’ ” Epi Jéhu te di: ✧“Kisa ou gen pou fè avèk lapè? Vire dèyè mwen.” Epi gadyen an te bay rapò a.” Mesaje a te rive kote yo; men, li pa t retounen. <sup>19</sup> Li te voye yon dezyèm chevalye, ki te rive kote yo e te di: “Konsa pale wa a: ‘Èske sa an pè?’ ” Epi Jéhu te reponn: “Kisa ou gen pou fè avèk lapè? Vire dèyè mwen.” <sup>20</sup> Gadyen an te bay rapò a: “Lè te rive kote yo menm; men, li pa t retounen; epi, ✧kondwi a se tankou kondwi a ✧Jéhu, paske li kondwi tankou moun anraje.” <sup>21</sup> Alò Joram te di: “Fè cha a vin parèt.” Epi yo te prepare cha li a. ✧Joram, wa Israël la, avèk Achazia, wa Juda a te sòti yo chak nan cha pa yo, yo te ale rankontre Jéhu e yo te twouve li sou tèren Naboth la, Jizreyelit la. <sup>22</sup> Lè Joram te wè Jéhu, li te di: “Èske sa an pè, Jéhu?” Epi li te reponn: “Ki lapè sa a, ✧Kòm si zak pwostitiye manman ou Jézabel avèk vye maji pa li yo tèlman anpil?” <sup>23</sup> Alò, Joram te frennen cha a tou vire e te sove ale. Li te pale Achazia: ✧“Trayizon, O Achazia!” <sup>24</sup> Konsa, ✧Jéhu te rale banza li ak tout fòs e te tire Joram antre bwa li. Flèch la te pase nan kè l e li te bese desann nan cha li. <sup>25</sup> Alò, Jéhu te pale ak Bidqar, adjwen li an: “Pran l e jete l nan ✧chan Naboth la, Jizreyelit la, paske mwen sonje lè ou avèk mwen te monte kouri ansanm dèyè Achab, papa li, ke SENYÈ a te pwononse pawòl sa a kont li: <sup>26</sup> ✧‘Anverite, Mwen te wè ayè, san Naboth la ak san a fis li yo,’ pale SENYÈ a, ‘epi, Mwen va rekonpanse ou nan teren sa a, pale SENYÈ a. Alò, pou sa, pran l e jete l nan teren an, selon pawòl SENYÈ a.’ ” <sup>27</sup> ✧Lè Achazia, wa Juda a te wè li, li te sove ale pa chemen kay jaden an. Epi Jéhu te kouri dèyè li e te di: “Tire li tou, nan cha a.” Konsa, li te fèt sou ti

✧ 9:8 I Wa 21:21 ✧ 9:9 I Wa 14:10-11 ✧ 9:9 I Wa 16:3-12 ✧ 9:10 I Wa 21:23 ✧ 9:11 Jr 29:26 ✧ 9:13 Mat 21:7-8 ✧ 9:13 I Wa 1:34-39 ✧ 9:14 I Wa 22:3 ✧ 9:15 II Wa 8:29 ✧ 9:16 II Wa 8:29 ✧ 9:18 II Wa 9:19-22 ✧ 9:20 II Sam 18:27 ✧ 9:20 I Wa 19:17 ✧ 9:21 II Kwo 22:7 ✧ 9:22 I Wa 16:30-33 ✧ 9:23 II Wa 11:14 ✧ 9:24 I Wa 22:34 ✧ 9:25 I Wa 21:1 ✧ 9:26 I Wa 21:13-19 ✧ 9:27 II Kwo 22:7



pant Gur a, ki ✨Jibleam nan. Men li te sove ale rive Méguiddo, e la li te mourì. <sup>28</sup> ✨Sèvitè li yo te pote li nan yon cha rive Jérusalem e yo te antere li nan tonm pa li avèk zansèt li yo nan vil David la. <sup>29</sup> Alò, ✨nan onzyèm ane règn Joram la, fis Achab la, Achazia te devni wa sou Juda. <sup>30</sup> Lè Jéhu te vini Jizréel, Jézabel te tandè sa, ✨li te pentire zye li, li te byen dekore tèt li e li te gade deyò fenèt la. <sup>31</sup> Lè Jéhu te antre nan pòtay la, li menm Jézabel te di: ✨“Èske tout bagay byen, Zimri, asasen mèt pa w la?” <sup>32</sup> Epi li te leve figi li vè fenèt la e te di: “Se kilès ki pou mwen? Kilès? Epi de oswa twa ofisye te gade kote li. <sup>33</sup> Li te di: “Jete li anba.” Konsa, yo te jete li anba e kèk nan san li te vòltije jis sou miray la ak sou cheval yo; epi, li te foule anba pye yo. <sup>34</sup> Lè li te antre, li te manje e bwè; epi, li te di: “Okipe koulye a de ✨fanm modi sila a e antere li paske ✨se fi a wa a ke li ye.” <sup>35</sup> Yo te ale antere li; men, yo pa t jwenn plis ke zo tèt la, pye yo avèk pla men yo. <sup>36</sup> Pou sa, yo te retounen pou te pale li. Epi li te di: “Sa se pawòl SENYÈ a, ke Li te pale pa sèvitè li, Élie, Tichbit la, e Li te di: ✨Nan teren Jizréel la, chen yo va manje chè Jézabel; <sup>37</sup> epi ✨kadav Jézabel va tankou fimye bèt sou sifas chan nan teren Jizréel la, jiskaske yo pa ka di: “Sa se Jézabel.” ’ ’ ”

## 10

<sup>1</sup> Alò, Achab te gen swasann-dis fis ✨Samarie. Epi Jéhu te ekri lèt pou te voye Samarie, kote chèf Jizréel yo, ansyen yo e vè gadyen pitit Achab yo, e te di: <sup>2</sup> “Alò, ✨lè lèt sa a rive kote ou, akoz fis a mèt ou yo avè w, menm jan avèk cha yo, cheval yo ak yon vil fòtifye avèk zam, <sup>3</sup> Chwazi pi bon ak pi kapab pami fis a mèt ou yo, mete li sou twòn papa l e batay pou lakay mèt ou.” <sup>4</sup> Men yo te pè anpil e te di: “Men gade, ✨de wa sila yo pa t kanpe devan li; alò, kijan nou kab kanpe?” <sup>5</sup> Epi sila ki te sou tout kay la ak sila ki te sou vil la, ansyen yo ak gadyen zanfan yo, te voye a Jéhu e te di: ✨“Nou se sèvitè ou; tout sa ou mande nou, nou va fè l. Nou p ap fè okenn moun wa; fè sa ki bon nan zye ou.” <sup>6</sup> Alò, li te ekri yon lèt yon dezyèm fwa e te di: “Si ou sou kote pa m, ou va koute vwa m, pran tèt a mesye yo, fis a mèt ou yo e vin kote mwen Jizréel demen vè lè sa a.” Alò, fis a wa yo, swasann-dis moun, te avèk moun enpòtan ki nan vil yo ki t ap leve yo. <sup>7</sup> Lè lèt la te rive kote yo, yo te pran fis a wa yo e te ✨touye yo; swasann-dis moun, e te mete tèt pa yo nan panyen pou te voye yo kote li Jizréel. <sup>8</sup> Lè mesajè a te vin pale li, li te di: “Yo gen tan pote tèt a fis a wa yo.” Li te di yo: “Mete yo nan de pil nan antre pòtay la jis rive nan maten.” <sup>9</sup> Alò, nan maten, li te ale deyò pou te kanpe pale a tout pèp la: “Nou inosan; gade byen, ✨mwen te fè konplo kont mèt mwen e mwen te touye li. Men se kilès ki te touye tout sila yo? <sup>10</sup> Pou sa, konnen byen ke ✨anyen p ap tonbe atè nan pawòl ke SENYÈ a te pale pa lakay Achab la, paske SENYÈ a te fè ✨sa li te pale nan sèvitè li a, Élie.” <sup>11</sup> Konsa, Jéhu te touye tout sila ki te rete lakay Achab nan ✨Jizréel yo ak tout moun pwisan pa li yo, avèk sila ki te konnen li yo, avèk prèt li yo, jiskaske li te kite li san moun vivan. <sup>12</sup> Epi li te leve sòti ale Samarie. Nan chemen an, pandan li te Beth-Eked ki te pou bèje yo, <sup>13</sup> ✨Jéhu te rankontre fanmi a Achazia, wa Juda a, e li te di: “Se kilès nou ye?” Epi yo te reponn: “Nou se fanmi a Achazia; epi, nou te vin desann pou salye

✨ 9:27 Jos 17:11 ✨ 9:28 II Wa 23:30 ✨ 9:29 II Wa 8:25 ✨ 9:30 Jr 4:30 ✨ 9:31 I Wa 16:9-20  
 ✨ 9:34 I Wa 21:25 ✨ 9:34 I Wa 16:31 ✨ 9:36 I Wa 21:23 ✨ 9:37 Jr 8:1-3 ✨ 10:1 I Wa 16:24-29  
 ✨ 10:2 II Wa 5:6 ✨ 10:4 II Wa 9:24-27 ✨ 10:5 Jos 9:8-11 ✨ 10:7 Jij 9:5 ✨ 10:9 II Wa 9:14-24  
 ✨ 10:10 II Wa 9:7-10 ✨ 10:10 I Wa 21:19-29 ✨ 10:11 Os 1:4 ✨ 10:13 II Wa 8:24-29

fis a wa yo avèk fis a rènnan.” <sup>14</sup> Li te di: “Pran yo vivan.” Konsa, yo te pran yo vivan e te touye yo nan fòs ki rele Beth-Eked la; karann-de mesye e li pa t kite youn nan yo. <sup>15</sup> Alò, lè li te kite la, li te rankontre ✧Jonadab, fis a Récab ki te vin rankontre li a. Li te salye li, e te di li: “Èske kè ou bon, jan kè m avèk kè ou a?” Epi Jonadab te reponn: “Li konsa.” Jéhu te di: “Si li konsa, ban mwen men ou.” Epi li te pran li fè l monte nan cha li a. <sup>16</sup> Li te di: “Vini avè m pou ✧wè zèl mwen pou SENYÈ a.” Konsa, li te fè li ale nan cha li a. <sup>17</sup> Lè li te rive Samarie, li te touye tout moun ki te rete pou Achab Samarie yo, jiskaske ✧li te fin detwi li nèt, ✧selon pawòl SENYÈ a te pale a Élie a. <sup>18</sup> Konsa, Jéhu te rasanble tout pèp la e li te pale yo: ✧“Achab te sèvi Baal yon tikras; Jéhu va sèvi li anpil. <sup>19</sup> Pou sa, ✧voye fè parèt tout pwofèt a Baal yo, tout sila ki sèvi l avèk tout prèt li yo; pa kite youn nan yo pa la. Paske mwen gen yon gran sakrifis pou Baal. Nenpòt moun ki pa la, p ap viv.” Men se avèk riz Jéhu te fè sa, jis pou li ta kapab detwi fidèl a Baal yo. <sup>20</sup> Jéhu te di: ✧“Anonse yon fèt sen pou Baal.” Epi yo te anonse l. <sup>21</sup> Epi Jéhu te voye toupatou an Israël e tout sèvitè a Baal yo te vini, jis pa t gen yon moun ki rete ki pa t vini. Lè yo te antre nan ✧kay Baal la, kay Baal la te ranpli jis sòti nan yon pwent pou rive nan yon lòt pwent. <sup>22</sup> Li te di a sila ki te sou chaj vètman yo, mennen vètman yo deyò pou tout sèvitè Baal yo.” Konsa, li te mennen vètman yo deyò pou yo. <sup>23</sup> Jéhu te antre lakay Baal avèk Jonadab, fis a Récab la; epi, li te di a sèvitè Baal yo: “Cache pou wè ke pa gen pami nou okenn nan sèvitè SENYÈ a; men, sèlman sèvitè a Baal yo.” <sup>24</sup> Epi yo te antre ladann pou ofri sakrifis avèk ofrann brile. Alò, Jéhu te estasyon pou li, katre-ven òm deyò a, e li te di: ✧“Sila ki kite nenpòt nan mesye yo ke m mennen nan men nou yo chape, li menm va bay lavi li an echanj.” <sup>25</sup> Li te vin rive ke depi li te fin fè ofrann brile a, Jéhu te di a gad avèk ofisye wayal yo, ✧“Antre ladann e touye yo; pa kite pèsòn sòti.” Epi yo te touye yo avèk lam nepe; epi gad avèk ofisye wayal yo te jete yo deyò e te antre nan chanm enteryè nan kay Baal la. <sup>26</sup> Yo te pran ✧pilye sakre lakay Baal yo e te mennen yo deyò pou te brile yo. <sup>27</sup> Anplis, yo te kraze pilye sakre a Baal la, yo te kraze kay Baal la e te ✧fè l tounen yon latrin jis rive jodi a. <sup>28</sup> Konsa, Jéhu te rache Baal sòti an Israël. <sup>29</sup> Men ✧peche a Jéroboam yo, fis a Nebath la, avèk sila li te fè Israël peche a, depi sila yo, Jéhu pa t kite yo, menm jenn bèf an lò ki te Béthel e ki te Dan. <sup>30</sup> SENYÈ a te di a Jéhu: “Akoz ou te fè sa ki bon nan acheve sa ki bon nan zye m, e ou te fè a lakay Achab selon tout sa ki te nan kè M, ✧fis ou yo jis rive nan katriyèm jenerasyon va chita sou twòn Israël la.” <sup>31</sup> Men Jéhu ✧pa t fè atansyon mache avèk tout kè li nan lalwa SENYÈ a, Bondye Israël la. Li pa t kite peche a Jéroboam yo, avèk sila li te fè Israël peche yo. <sup>32</sup> Nan jou sa yo, ✧SENYÈ a te kòmanse koupe retire li nan peyi Israël la; epi, Hazaël te bat yo toupatou nan teritwa Israël la; <sup>33</sup> soti nan Jourdain an pou ale vè lès, tout peyi Galaad la, Gadit yo, Ribenit yo ak Manasit yo, soti nan ✧Aroër, ki akote vale Arnon an, menm ✧Galaad avèk Basan. <sup>34</sup> Alò, tout lòt zèv a Jéhu yo ak tout sa li te fè avèk tout pwisans li, èske yo pa ekri nan Liv Kwonik a Wa Israël yo? <sup>35</sup> Epi Jéhu te dòmi avèk zansèt li yo

✧ **10:15** Jr 35:6-19 ✧ **10:16** I Wa 19:10 ✧ **10:17** II Wa 9:8 ✧ **10:17** II Wa 10:10 ✧ **10:18** I Wa 16:31-32 ✧ **10:19** I Wa 18:19 ✧ **10:20** Jl 1:14 ✧ **10:21** I Wa 16:32 ✧ **10:24** I Wa 20:30-42 ✧ **10:25** I Wa 18:40 ✧ **10:26** I Wa 14:23 ✧ **10:27** Esd 6:11 ✧ **10:29** I Wa 12:28-30 ✧ **10:30** II Wa 15:12 ✧ **10:31** Pwov 4:23 ✧ **10:32** II Wa 13:25 ✧ **10:33** Det 2:36 ✧ **10:33** Am 1:3-5

e yo te antere li Samarie. Joachaz, fis li a, te devni wa nan plas li. <sup>36</sup> Alò, tan ke Jéhu te renye sou Israël Samarie a se te venn-tuitan.

## 11

<sup>1</sup> Lè Athalie, manman Achazia te wè ke fis li a te mouri, li te leve detwi tout pitit a fanmi wayal yo. <sup>2</sup> Men Yehoshéba, fi a Wa Joram nan, sè a Achazia a, ✧te pran Joas, fis a Achazia a e li te rachte li pami fis a wa ki t ap mete a lanmò yo e li te plase li avèk fanm nouris pa li nan chanm dòmi an. Konsa, yo te kache li soti Athalie pou li pa t mete a lanmò. <sup>3</sup> Konsa, li te kache avèk li pandan sizan lakay SENYÈ a, pandan Athalie t ap renye sou peyi a. <sup>4</sup> ✧Alò, nan setyèm ane a, Joïada te voye mennen kapitèn a santèn yo, a ✧Karyen yo e a gad yo, li te mennen yo kote li lakay SENYÈ a e li te montre yo fis a wa a. <sup>5</sup> Li te kòmande yo e te di: “Sa se bagay ke ou va fè: ✧yon tyè nan nou, ki vin antre nan Saba a, veye sou lakay wa a. <sup>6</sup> (yon tyè tou, nan Pòtay ki rele Sur a ak yon tyè nan pòtay dèyè ki gad yo), ki va veye sou kay la kòm defans. <sup>7</sup> De pati ladann nan, tout moun ki sòti nan Saba a, va osi veye sou lakay SENYÈ a pou wa a. <sup>8</sup> Epi nou va antoure wa a, chak moun avèk zam li nan men l; epi, nenpòt moun ki antre nan ran pa nou, yo va mete a lanmò. Epi ✧rete avèk wa a lè l sòti ak lè l lantre.” <sup>9</sup> Konsa, kapitèn a santèn yo ✧te fè selon tout sa ke Jehojada, prèt la, te kòmande li. Yo chak nan yo te pran mesye pa li yo ki te genyen pou antre nan Saba a, avèk sila ki te gen pou sòti nan Saba yo pou te rive kote Jehojada, prèt la. <sup>10</sup> ✧Prèt la te bay kapitèn a santèn yo lans avèk boukliye, sòti lakay SENYÈ a ki te konn pou Wa David la. <sup>11</sup> Gad yo te kanpe chak avèk zam pa yo nan men yo, soti sou kote dwat kay la, jis rive sou kote goch kay la, akote lotèl la e akote kay la, yo te antoure wa a. <sup>12</sup> Epi li te mennen fè parèt deyò fis a wa a e te ✧mete kouwòn nan sou tèt li, avèk ✧temwen an; epi yo te fè li wa e te onksyone li. Yo te bat men yo e te di: “Viv wa a!” <sup>13</sup> ✧Lè Athalie te tandè bwi a gad la ak pèp la, li te vin kote moun yo lakay SENYÈ a. <sup>14</sup> Li te gade, e men vwala, wa a te kanpe ✧akote pilye a, selon koutim nan, avèk kapitèn yo ak twonpèt yo akote wa a. Epi tout moun peyi a t ap rejwi e sone twonpèt yo. Athalie te ✧chire rad li e te kriye: “Trayizon, Trayizon!” <sup>15</sup> Jehojada, prèt la, te kòmande kapitèn a santèn ki te chwazi sou lame a e te di yo: “Mennen li deyò antre nan ran sòlda yo e nenpòt moun ki swiv li, mete li a lanmò avèk nepe.” Paske, prèt la te di: “Pa kite li mete a lanmò nan kay SENYÈ a.” <sup>16</sup> Pou sa, yo te sezi li, lè li te rive kote antre cheval lakay wa yo, li te ✧mete a lanmò la. <sup>17</sup> Epi ✧Jehojada te fè yon akò antre SENYÈ a, wa a ak pèp la, pou yo ta devni pèp SENYÈ a e osi antre pèp la avèk wa a. <sup>18</sup> Tout pèp peyi a te ale kote ✧kay Baal la, yo te chire li; lotèl li ak imaj li yo, yo te kraze an mòso nèt, e yo te touye Matthan, prèt Baal la, devan lotèl yo. Prèt la te chwazi ofisye yo sou kay SENYÈ a. <sup>19</sup> Li te pran kapitèn a santèn yo avèk ✧Karyen yo, avèk gad yo ak tout pèp peyi a. Konsa, yo te mennen wa a desann soti lakay SENYÈ a e yo te vini pa chemen pòtay gad yo rive lakay wa a. Epi li te chita sou twòn a wa yo. <sup>20</sup> Konsa, ✧tout pèp peyi a te rejwi e vil la te vin kalm. Paske, yo te mete

✧ 11:2 II Wa 11:21 ✧ 11:4 II Kwo 23:1-21 ✧ 11:4 II Sam 20:23 ✧ 11:5 I Kwo 9:25 ✧ 11:8 Nonb 27:16-17 ✧ 11:9 II Kwo 23:8 ✧ 11:10 II Sam 8:7 ✧ 11:12 II Sam 1:10 ✧ 11:12 Egz 25:16 ✧ 11:13 II Kwo 23:12 ✧ 11:14 II Wa 23:3 ✧ 11:14 Jen 37:29 ✧ 11:16 Jen 9:6 ✧ 11:17 Jos 24:25 ✧ 11:18 II Wa 10:26-27 ✧ 11:19 II Wa 11:4 ✧ 11:20 Pwov 11:10

Athalie a lanmò pa nepe a lakay wa a. <sup>21</sup> ✧Joas te genyen laj sèt ane lè l te vin wa a.

## 12

<sup>1</sup> Nan setyèm ane Jéhu, ✧Joas te vin wa a e li te renye karantan Jérusalem. Non manman li te Tsibja nan Beer-Schéba. <sup>2</sup> Joas te fè sa ki bon nan zye SENYÈ a pandan tout jou li yo depi Jehojada, prèt la, te enstwi li. <sup>3</sup> Sèlman, ✧wo plas yo pa t retire. Pèp la te toujou fè sakrifis e te brile lansan sou wo plas yo. <sup>4</sup> Alò, Joas te di a prèt yo: “Tout lajan de afè konsakre yo, ki ✧pote antre nan kay SENYÈ a, nan ✧lajan aktyèl la, lajan ranmase kòm devwa a chak mesye ak tout sa ke kè a yon moun ta pouse li pote lakay SENYÈ a; <sup>5</sup> kite prèt yo pran li pou yo menm, yo chak nan men a moun yo konnen. Epi yo va sèvi li pou repare donmaj nan kay la, nenpòt kote yon donmaj ta twouve.” <sup>6</sup> Men li vin rive ke nan venn-twazan pouvwa a Wa Joas la, ✧prèt yo pa t ankò repare donmaj kay la. <sup>7</sup> Alò, Joas te rele Jehojada, prèt la ak lòt prèt yo, e li te pale yo konsa: “Poukisa ou pa repare donmaj kay la? Alò, pou koz sa a, pa pran kòb ankò nan men moun pa w yo; men, pito livre li pou repare donmaj kay la.” <sup>8</sup> Pou sa, prèt yo te dakò pou yo pa t pran lajan nan men pèp la, ni fè reparasyon kay la. <sup>9</sup> Men ✧Jehojada, prèt la te pran yon kès sere e te pèse yon twou nan tèt bwat la e te mete li akote lotèl la sou kote dwat kote moun antre nan kay SENYÈ a. Epi prèt ki te veye kote papòt la, te mete ladann tout lajan ki te mennen nan kay SENYÈ a. <sup>10</sup> Lè yo te wè ke anpil lajan te nan kès la, ✧grefye a wa a avèk wo prèt la te vin monte, te mare li nan sak yo e te konte lajan ki te twouve nan kay SENYÈ a. <sup>11</sup> Yo te bay lajan ki te peze a, mete nan men a sila ki t ap fè travay yo, ki te responsab nan kay SENYÈ a. Konsa, yo menm te vèse bay li kòm pèyman a chapant avèk ouvriye ki t ap fè zèv travay la nan kay SENYÈ a. <sup>12</sup> Anplis yo te bay ✧a mason yo avèk sila ki t ap taye wòch yo, pou achte gwo bwa avèk wòch taye pou repare donmaj kay SENYÈ a ak tout sa ki te dispoze pou reparasyon li an. <sup>13</sup> Men yo ✧pa t fè pou lakay SENYÈ a, anyen an ajan, tas yo, etennwa yo, bòl yo, twonpèt yo, ni veso an lò yo, ni veso an ajan yo avèk lajan ki te mennen antre lakay SENYÈ a; <sup>14</sup> paske yo te bay lajan sa a a sila ki te fè travay yo e avèk li, yo te repare lakay SENYÈ a. <sup>15</sup> Anplis, ✧yo pa t egzije yon kontwòl kontab nan men mesye ke yo te mete lajan pou peye sila ki te fè travay yo, paske yo te fidèl. <sup>16</sup> Lajan ofrann koupab la avèk lajan ofrann peche a pa t antre lakay SENYÈ a; ✧li te pou prèt yo. <sup>17</sup> Alò, Hazaël, wa Syrie a, te monte goumen kont Gath pou te kaptire li e ✧Hazaël te mete figi li vè Jérusalem. <sup>18</sup> ✧Joas, wa Juda a, te pran tout bagay sen ke Josaphat, Joram, ak Achazia, zansèt li yo te konsakre yo ak afè sen pa li yo ak tout lò ki te twouve pami trezò lakay SENYÈ a e li te voye yo bay wa Hazaël, wa Syrie a. Epi li menm Hazaël te kite Jérusalem. <sup>19</sup> Alò, tout lòt zèv a Joas yo avèk tout sa li te fè, èske yo pa ekri nan Liv Kwonik A Wa Juda yo? <sup>20</sup> ✧Sèvitè li yo te leve fè yon konplo e te frape Joas lakay Millo a pandan li t ap desann kite Silla. <sup>21</sup> Paske Yozabad, fis a Shomer a, avèk Yehozabad, fis a ✧Schimeath a, sèvitè li yo, te frape li e li te mouri. Yo te

✧ 11:21 II Kwo 24:1-14 ✧ 12:1 II Kwo 24:1 ✧ 12:3 II Wa 14:4 ✧ 12:4 II Wa 22:4 ✧ 12:4 Egz 30:13-16 ✧ 12:6 II Kwo 24:5 ✧ 12:9 Mc 12:41 ✧ 12:10 II Sam 8:17 ✧ 12:12 II Wa 22:5 ✧ 12:13 II Kwo 24:14 ✧ 12:15 II Wa 22:7 ✧ 12:16 Lev 7:7 ✧ 12:17 II Kwo 24:23-24 ✧ 12:18 I Wa 14:26 ✧ 12:20 II Kwo 24:25-27 ✧ 12:21 II Kwo 24:26

antere li avèk zansèt li yo nan vil David la e ✨Amatsia, fis li a, te devni wa nan plas li.

## 13

<sup>1</sup> Nan venn-twazyèm ane a Joas la, fis a Achazia a, wa Juda a, te devni wa sou Israèl nan Samarie, e li te renye pandan di-setan. <sup>2</sup> Li te fè mal nan zye a SENYÈ a e li te swiv peche a Jéroboam yo, fis a Nebath la, ✨avèk sila li te fè Israèl peche yo. Li pa t vire kite yo menm. <sup>3</sup> ✨Akoz sa, lakòlè SENYÈ a te limen kont Israèl e tout tan, Li te konn bay yo nan men a Hazaël, wa Syrie a ak nan men a Ben-Hadad, fis a Hazaël la. <sup>4</sup> Alò, ✨Joachaz te sipliye SENYÈ a pou fè li favè e SENYÈ a te koute li; paske, ✨Li te wè opresyon Israèl la, jan Syrie t ap oprime yo. <sup>5</sup> SENYÈ a te bay Israèl yon ✨liberatè. Konsa, yo te chape anba men Siryen yo; epi, fis Israèl yo te viv nan tant kòm oparavan. <sup>6</sup> Sepandan, yo pa t vire kite peche lakay Jéroboam yo, avèk sila li te fè Israèl peche yo, men li te mache nan yo; epi, zidòl ✨Astarté a te toujou kanpe Samarie. <sup>7</sup> Pou sa, Li te kite pou Joachaz yon lame ki pa t plis ke senkant chevalye avèk dis cha e di-mil sòlda apye; paske, wa Syrie a te detwi yo e te ✨fè yo vin tankou pousyè vannen. <sup>8</sup> Alò tout lòt zèv a Joachaz yo, avèk tout sa li te fè ak pouvwa li, èske yo pa ekri nan Liv A Kwonik A Wa Israèl Yo? <sup>9</sup> Epi Joachaz te dòmi avèk zansèt li yo, e yo te antere li Samarie. Epi Joas, fis li a, te renye nan plas li. <sup>10</sup> Nan trann-setyèm ane a Joas, wa Juda a, Joas, fis a Joachaz la te devni wa sou Israèl Samarie e te renye pandan sèzan. <sup>11</sup> Li te fè mal nan zye SENYÈ a; li pa t vire kite tout peche a Jéroboam yo, fis a Nebath la, avèk sila li te fè Israèl peche yo; men, li te mache ladan yo. <sup>12</sup> ✨Alò, tout lòt zèv a Joas yo avèk tout sa ke li te fè ak pouvwa li, avèk sila li te goumen kont Amatsia, wa Juda a, èske yo pa ekri nan Liv A Kwonik A Wa Israèl Yo? <sup>13</sup> Konsa, Joas te dòmi avèk zansèt li yo e Jéroboam te chita sou twòn li an. Epi Joas te antere Samarie avèk wa Israèl yo. <sup>14</sup> Lè Élisée te vin malad avèk maladi ki te pran lavi li a, Joas, wa Israèl la, te desann kote li e te kriye sou li e te di: ✨“Papa mwen, O Papa mwen, men cha Israèl yo avèk chevalye li yo!” <sup>15</sup> Élisée te di li: “Pran yon banza avèk flèch.” Konsa, li te pran yon Banza avèk flèch. <sup>16</sup> Alò, li te di a wa Israèl la: “Mete men ou sou banza a.” Epi li te mete men l sou li e Élisée te mete men l sou men wa a. <sup>17</sup> Li te di: “Ouvri fenèt la vè lès!” Epi li te ouvri li. Alò, Élisée te di: “Tire!” Epi li te tire. Epi li te di: “Flèch viktwa SENYÈ a, menm flèch viktwa sou Syrie a; paske, ou va bat Siryen yo nan ✨Aphék jiskaske ou fin detwi yo. <sup>18</sup> Epi li te di: “Pran flèch yo!” Epi li te pran yo. Li te di a wa Israèl la: “Frape tè a!” Epi li te frape li twa fwa e te sispann. <sup>19</sup> Pou sa, ✨nonm Bondye a te fache avèk li e te di: “Ou te dwe frape l senk oswa sis fwa; epi konsa, ou t ap frape Syrie jiskaske ou fin detwi li. Men koulye a, se sèlman twa fwa ke ou va frape Syrie.” <sup>20</sup> Élisée te mouri e yo te antere li. Alò, ✨bann Moabit yo te fè envazyon teritwa a nan sezon prentan ane sila a. <sup>21</sup> Pandan yo t ap antere yon mesye, men vwala, yo te wè yon bann piyajè; epi, yo te jete mesye a nan tonm Élisée a. Epi lè mesye a te touche zo Élisée yo, li te ✨resisite e te kanpe sou pye l. <sup>22</sup> Alò ✨Hazaël, wa Syrie a, te oprime Israèl pandan tout jou a Joachaz

✨ 12:21 II Wa 14:1 ✨ 13:2 I Wa 12:26-33 ✨ 13:3 Jij 2:14 ✨ 13:4 Nonb 21:7-9 ✨ 13:4 Egz 3:7-9 ✨ 13:5 II Wa 13:25 ✨ 13:6 I Wa 16:33 ✨ 13:7 Am 1:3 ✨ 13:12 II Wa 13:14-19 ✨ 13:14 II Wa 2:12 ✨ 13:17 I Wa 20:26 ✨ 13:19 II Wa 5:20 ✨ 13:20 II Wa 3:7 ✨ 13:21 Mat 27:52 ✨ 13:22 II Wa 8:12-13

yo. <sup>23</sup> Men ✨SENYÈ a te fè yo gras, Li te gen mizerikòd pou yo, Li te vire kote yo akòz akò ke li te gen avèk Abraham, Isaac, avèk Jacob la e Li pa t detwi yo ni jete yo deyò prezans li jis rive nan moman sa a. <sup>24</sup> Lè Hazaël, wa Syrie a te mouri, Ben-Hadad, fis li a, te devni wa nan plas li. <sup>25</sup> Epi Joas, fis a Joachaz la, te reprann vil yo soti nan men a Ben-Hadad, fis Hazaël la, vil ke papa li te pran nan lagè soti nan men a Joachaz yo, papa li a. ✨ Twa fwa Joas te bat li e te reprann vil yo ki te pou Israël yo.

## 14

<sup>1</sup> ✨Nan dezyèm ane Joas la, fis a Joachaz la, wa Israël la, ✨Amatsia, fis a Joas la, wa Juda a, te devni wa. <sup>2</sup> Li te gen laj a venn-senkan lè li te devni wa e li te renye vent-nèf ane Jérusalem. Manman li te rele Joaddan, moun Jérusalem. <sup>3</sup> Li te fè sa ki bon nan zye SENYÈ a, sepandan, pa tankou David, zansèt li a. Li te fè menm selon tout sa ke Joas, papa li te konn fè yo. <sup>4</sup> Se sèl ✨wo plas yo ki pa t retire; pèp la te toujou fè sakrifis e brile lansan nan wo plas yo. <sup>5</sup> Alò, li te vin rive ke depi wayòm nan te byen solid nan men l, ke li te ✨touye sèvitè li yo ki te touye wa a, papa li. <sup>6</sup> Men fis a sila ki te mouri yo, li pa t mete yo a lanmò, an akò avèk sa ki ekri nan liv Lalwa Moïse la, jan SENYÈ a te kòmande a lè l te di: ✨“Papa yo p ap mete a lanmò pou fis yo, ni fis yo p ap mete a lanmò pou papa yo; men chak moun va mete a lanmò pou pwòp peche pa l.” <sup>7</sup> Li te touye di-mil moun Édom nan Vale Sèl la, li te pran ✨Séla nan lagè e li te rele li ✨Yoqthéel jis rive jodi a. <sup>8</sup> ✨Epi Amatsia te voye mesaje yo kote Joas, fis a Joachaz la, fis a Jéhu a, wa a Israël la, e li te di: “Vini, annou parèt fasafas.” <sup>9</sup> Joas, wa Israël la, te voye kote Amatsia, wa Juda a, e te di: ✨“Bwa pikan ki te Liban an te voye kote sèd ki te Liban an, e li te di: ‘Bay fi ou an maryaj a fis mwen an.’ Men te pase pa la yon bèt sovaj ki te Liban e li te kraze bwa pikan an anba pye l. <sup>10</sup> ✨Anverite, ou te bat Édom e kè ou vin plen ògèy. Rete lakay ou pou fè kè kontan; paske, pou ki rezon ou ta pwovoke twoub la jiskaske ou menm, ou ta tonbe e Juda ansanm avèk ou? <sup>11</sup> Men Amatsia te refize koute. Pou sa, wa Israël la te monte. Li menm avèk wa Juda a te parèt fasafas nan ✨Beth-Schémesch ki pou Juda a. <sup>12</sup> Juda te bat pa Israël e ✨yo te sove ale, yo chak nan pwòp tant pa yo. <sup>13</sup> Epi Joas, wa Israël la, te kaptire Amatsia, wa Juda a, fis a Joas la, fis a Achazia a, nan Beth-Schémesch, li te rive Jérusalem e li te chire miray Jérusalem nan soti nan ✨Pòtay Ephraïm nan jis rive nan ✨Pòtay Kwen an, distans a kat-san koude. <sup>14</sup> ✨Li te pran tout lò avèk tout ajan ak tout zouti ki te twouve lakay SENYÈ a, nan trezò lakay wa a, ansanm ak kaptif yo e li te retounen Samarie. <sup>15</sup> ✨Alò, tout lòt zèv ke Joas te fè yo, avèk pwisans li, ak jan li te goumen avèk Amatsia, wa Juda a, èske yo pa ekri nan Liv A Kwonik A Wa Israël yo?” <sup>16</sup> Konsa, Joas te dòmi avèk zansèt li yo e li te antere Samarie avèk wa Israël yo. Epi Jéroboam, fis li a, te devni wa nan plas li. <sup>17</sup> ✨Amatsia, fis a Joas la, Wa Juda a, te viv kenzan apre lanmò Joas, fis a Joachaz la, wa Israël la. <sup>18</sup> Alò, tout lòt zèv a Amatsia yo, èske yo pa ekri nan Liv A Kwonik A Wa A Juda yo? <sup>19</sup> Yo te fè konplo kont li Jérusalem e li te sove ale rive Lakis. Men yo te voye dèyè li ✨Lakis pou te touye li la. <sup>20</sup> Epi yo te mennen kò li sou cheval yo e li te

✨ 13:23 II Wa 14:27 ✨ 13:25 II Wa 13:18-19 ✨ 14:1 II Kwo 25:1 ✨ 14:1 II Wa 13:10 ✨ 14:4 II Wa 12:3 ✨ 14:5 II Wa 12:20 ✨ 14:6 Det 24:16 ✨ 14:7 És 16:1 ✨ 14:7 Jos 15:38 ✨ 14:8 II Kwo 25:17-24 ✨ 14:9 Jij 9:8-15 ✨ 14:10 II Wa 14:7 ✨ 14:11 Jos 19:38 ✨ 14:12 II Sam 18:17 ✨ 14:13 Né 8:16 ✨ 14:13 II Kwo 25:23 ✨ 14:14 I Wa 14:26 ✨ 14:15 II Wa 13:12-13 ✨ 14:17 II Kwo 25:25-28 ✨ 14:19 Jos 10:31

antere Jérusalem avèk zansèt li yo nan vil David la. <sup>21</sup> Tout pèp Juda a te pran Azaria, nan laj sèzan e yo te fè li wa nan plas a papa li, Amatsia. <sup>22</sup> ✧Li te bati Élath e li te remèt li bay Juda apre wa a te dòmi avèk zansèt li yo. <sup>23</sup> Nan kenzyèm ane règn Amatsia, fis a Joas la, wa Juda a, Jéroboam, fis a Joas la, wa Israèl la te devni wa Samarie e li te renye pandan karanteyen ane. <sup>24</sup> Li te fè mal nan zye SENYÈ a; li pa t kite tout peche Jéroboam yo, fis a Nebath la, ki te fè Israèl peche yo. <sup>25</sup> Li te restore lizyè Israèl la soti nan antre Hamath jis rive nan Lamè Araba, selon pawòl SENYÈ a, Bondye Israèl la, ki te pale pa sèvitè li ✧Jonas, fis a Amitthaï a nan ✧Gath-Hépher. <sup>26</sup> Paske, ✧SENYÈ a te wè soufrans Israèl ki te tèlman anmè; paske, pa t gen ni esklav, ni lib, ni pa t gen okenn moun ki pou ede Israèl. <sup>27</sup> ✧SENYÈ a pa t di ke li ta efase non Israèl anba syèl la; men, Li te delivre yo pa men Jéroboam, fis a Joas la. <sup>28</sup> Alò, tout lòt zèv a Jéroboam yo avèk tout sa ke li te fè ak pouvwa li, jan li te goumen ak jan li te reprann pou Israèl ✧Damas avèk ✧Hamath nan Juda, èske yo pa ekri nan Liv Kwonik A Wa Israèl Yo? <sup>29</sup> Epi Jéroboam te dòmi avèk zansèt pa li yo, menm ak wa a Israèl yo. Epi Zacharie, fis li a, te devni wa nan plas li.

## 15

<sup>1</sup> ✧Nan venn-setyèm ane a Jéroboam, wa Israèl la, Azaria, fis a Amatsia a, wa Juda a, te devni wa. <sup>2</sup> Li te gen laj sèzan lè li te devni wa e li te renye pandan senkann-dezan Jérusalem. Non manman l se te Jecolia, moun Jérusalem. <sup>3</sup> Azaria te fè sa ki bon nan zye SENYÈ a, selon tout sa ke papa li, Amatsia te fè. <sup>4</sup> Sèlman ✧wo plas yo ki pa t retire; pèp la te toujou fè sakrifis e brile lansan sou wo plas yo. <sup>5</sup> ✧SENYÈ a te frape wa a pou l te gen yon lalèp jis rive jou ke li te mouri an. Epi li te viv nan yon kay apa pandan fis a wa a, Jotham te nan kay la e t ap jije pèp peyi a. <sup>6</sup> Alò, tout lòt zèv a Azaria yo avèk tout sa ke li te fè yo, èske yo pa ekri nan Liv Kwonik A Wa A Juda yo? <sup>7</sup> Epi Azaria te dòmi avèk zansèt li yo. Yo te antere li avèk papa li nan vil David la e Jotham, fis li a, te devni wa nan plas li. <sup>8</sup> ✧Nan tran-tuityèm ane Azaria, wa Juda a, Zacharie, fis a Jéroboam nan te devni wa an Israèl nan Samarie pandan si mwa. <sup>9</sup> Li te fè mal nan zye SENYÈ a tankou zansèt li yo te fè. Li pa t kite peche a Jéroboam yo, fis a Nebath la, avèk sila li te fè Israèl peche yo. <sup>10</sup> Epi Schallum, fis a Jabesch la, te fè konplo kont li e te ✧frape li devan pèp la pou te touye li e renye nan plas li. <sup>11</sup> Alò, tout lòt zèv a Zacharie yo, gade byen, èske yo pa ekri nan Liv Kwonik a Wa Israèl Yo? <sup>12</sup> Sa se ✧pawòl SENYÈ a te pale a Jéhu e te di: “Fis ou yo jis rive nan katrityèm jenerasyon va chita sou twòn Israèl la.” Epi se konsa sa te ye. <sup>13</sup> Schallum, fis a Jabesch la te devni wa nan trant-nevyèm ane a Ozias, wa Juda a e li te renye yon mwa ✧Samarie. <sup>14</sup> Epi Menahem, fis a Gadi a te monte soti ✧Thirtsa pou te vini Samarie, li te frape Schallum, fis a Jabesch la Samarie e li te touye li pou te devni wa nan plas li. <sup>15</sup> Alò, tout lòt zèv a Schallum yo avèk konplo li te fè yo, men vwala, èske yo pa ekri nan Liv Kwonik A Wa Israèl Yo? <sup>16</sup> Epi Menahem te frape Thiphsach avèk tout moun ladann avèk lizyè li yo soti Thirtsa, akoz yo pa t ouvri pou li; pou sa, li te frape li e chire ✧tout fanm li yo ki te ansent. <sup>17</sup> Nan ✧trant-nèf ane

✧ 14:22 I Wa 9:26 ✧ 14:25 Mat 12:39-40 ✧ 14:25 Jos 19:13 ✧ 14:26 II Wa 13:4 ✧ 14:27 II Wa 13:23 ✧ 14:28 I Wa 11:24 ✧ 14:28 II Kwo 8:3 ✧ 15:1 II Wa 14:17 ✧ 15:4 II Wa 12:3 ✧ 15:5 II Kwo 26:21-23 ✧ 15:8 II Wa 15:1 ✧ 15:10 Am 7:9 ✧ 15:12 II Wa 10:30 ✧ 15:13 I Wa 16:24 ✧ 15:14 I Wa 14:17 ✧ 15:16 II Wa 8:12 ✧ 15:17 II Wa 15:1-13

a Azaria yo, wa Juda a, Menahem, fis a Gadi a, te renye sou Israël pandan dizan Samarie. <sup>18</sup> Li te fè mal nan zye SENYÈ a; li pa t kite pandan tout jou li yo peche a Jéroboam yo, fis a Nebath la, avèk sila li te fè Israël peche yo. <sup>19</sup> ✧Pul, wa Assyrie a, te vini kont peyi a e Menahem te bay Pul mil talan ajan pou men li ta kapab avèk li pou ranfòse wayòm nan anba règn pa l la. <sup>20</sup> Alò, Menahem te egzije lajan an nan men Israël, menm a tout mesye enpòtan avèk mwayen, soti nan chak moun senkant sik ajan pou peye wa Assyrie a. Konsa, wa Assyrie a te retounen e pa t rete la nan peyi a. <sup>21</sup> Alò, tout rès zak a Menahem yo avèk tout sa ke li te fè yo, èske yo pa ekri nan Liv Kwonik A Wa Israël Yo? <sup>22</sup> Epi Menahem te dòmi avèk zansèt li yo e Pekachia, fis li a, te devni wa nan plas li. <sup>23</sup> Nan ✧senkyèm ane a Azaria a, wa Juda a, Pekachia, fis a Menahem nan, te devni wa sou Israël nan Samarie e li te renye pandan dezan. <sup>24</sup> Li te fè mal nan zye SENYÈ a; li pa t kite peche a Jéroboam yo, fis Nebat la, avèk sila li te fè Israël peche yo. <sup>25</sup> Alò, Pékach, fis a Remalia a, ofisye pa li a, te fè konplo kont li e te frape li Samarie nan fò kay wa a avèk Argob ak Arié; ansanm ak li, te gen senkant mesye Galaadit yo e li te touye li pou te devni wa nan plas li. <sup>26</sup> Alò, tout lòt zèv a Pékach yo avèk tout sa li te fè yo, men gade, yo ekri nan Liv Kwonik A Wa Israël Yo. <sup>27</sup> Nan senkann-dezyèm ane a Azaria, wa Juda a, ✧Pékach, fis a Remalia a, te devni wa sou Israël nan Samarie e li te renye pandan ventan. <sup>28</sup> Li te fè mal nan zye a SENYÈ a; li pa t kite peche a Jéroboam yo, fis Nebath la, avèk sila li te fè Israël peche yo. <sup>29</sup> Nan jou a Pékach yo, wa Israël la, Tiglath-Piléser, wa Assyrie a, te parèt e te kaptire Ijjon avèk Abel-Beth-Maaca e Janoach avèk Kédésch, Hatsor, Galaad avèk Galilée ak tout peyi Nephtali a; epi ✧li te pote yo kaptif nan Assyrie. <sup>30</sup> Epi Osée, fis Ela a, te fè yon konplo kont Pékach, fis a Remalia a, li te frape li e te mete li a lanmò pou te devni wa nan plas li, nan ventyèm ane a Jotham, fis a Ozias la. <sup>31</sup> Alò, tout lòt zèv a Pékach yo avèk tout sa li te fè yo, gade byen, yo ekri nan Liv Kwonik A Wa Israël Yo. <sup>32</sup> Nan dezyèm ane a Pékach la, fis a Remalia a, wa Israël la, Jotham, fis a Ozias la, wa Juda a, te devni wa. <sup>33</sup> ✧Li te gen laj a venn-senkan lè l te devni wa a e li te renye sèzan nan Jérusalem. Non manman li se te Jeruscha, fi a Tsadok la. <sup>34</sup> ✧Li te fè sa ki bon nan zye SENYÈ a; li te fè selon tout sa ke papa li, Ozias te fè. <sup>35</sup> Se sèlman ✧wo plas yo ki pa t retire; pèp la te toujou fè sakrifis e brile lansan nan wo plas yo. ✧Li te bati pòtay pa anwo lakay SENYÈ a. <sup>36</sup> Alò, tout lòt zèv a Jotham yo avèk tout sa li te fè yo, èske yo pa ekri nan Liv Kwonik A Wa Juda Yo? <sup>37</sup> Nan jou sa yo, ✧SENYÈ a te kòmanse voye Retsin, wa Syrie a avèk Pékach, fis a Remalia a kont Juda. <sup>38</sup> Epi Jotham te dòmi avèk zansèt li yo e li te antere avèk zansèt li yo nan lavil David, papa zansèt li a; epi Achaz, fis li a, te devni wa nan plas li.

## 16

<sup>1</sup> Nan di-setyèm ane a Pékach la, fis a Remalia a, ✧Achaz, fis a Jotham nan, wa Juda a, te devni wa. <sup>2</sup> Achaz te gen ventan lè li te devni wa a e li te renye sèzan nan Jérusalem. Li pa t fè sa ki bon nan zye a SENYÈ a, jan David te konn fè a. <sup>3</sup> Men li te mache nan chemen wa Israël yo e li ✧menm te fè fis li pase nan dife, tankou abominasyon a nasyon ke SENYÈ a te chase

✧ 15:19 I Kwo 5:25-26 ✧ 15:23 II Wa 15:1-17 ✧ 15:27 II Kwo 28:6 ✧ 15:29 II Wa 17:6 ✧ 15:33 II Kwo 27:1 ✧ 15:34 II Wa 15:3-4 ✧ 15:35 II Wa 12:3 ✧ 15:35 II Kwo 23:20 ✧ 15:37 II Wa 18:5 ✧ 16:1 II Kwo 28:1 ✧ 16:3 Lev 18:21



mete deyò devan fis Israël yo. <sup>4</sup> Li te fè sakrifis e ✨li te brile lansan sou wo plas yo ak sou ti mòn anba chak pyebwa vèt yo. <sup>5</sup> Alò, ✨Retsin, wa Syrie a avèk Pékach, fis a Remalia a, wa Israël la, te monte Jérusalem pou fè lagè; epi, yo te fè syèj Achaz; ✨men, yo pa t kab venk li. <sup>6</sup> Nan tan sa a Retsin, wa Syrie a, te reprann ✨Élath pou Syrie e li te netwaye retire Jideyen yo nèt nan Élath. Epi Siryen yo te vini Élath e yo rete la jis rive jodi a. <sup>7</sup> ✨Konsa, Achaz te voye mesaje yo kote Tiglath-Piléser, wa Assyrie a, e te di: “Mwen se sèvitè ou ak fis ou; vin delivre mwen soti nan men a wa Syrie a, avèk men a wa Israël la k ap fè soulèvman kont mwen.” <sup>8</sup> ✨Achaz te pran ajan avèk lò ki te twouve lakay SENYÈ a ak nan kès lakay wa a pou te voye yon kado bay wa Assyrie a. <sup>9</sup> Konsa, wa Assyrie a te koute li; epi, wa Assyrie a te monte kont Damas pou te kaptire li, li te pote pèp li a deyò an egzil nan ✨Kir e li te mete Retsin a lanmò. <sup>10</sup> Alò, Wa Achaz te ale kote Damas pou rankontre Tiglath-Piléser, wa Assyrie a e li te wè lotèl ki te Damas la; epi, Wa Achaz te voye bay ✨Urie, prèt la, plan lotèl la avèk yon modèl li, selon tout mendèv pa li. <sup>11</sup> Konsa, Urie, prèt la te bati yon lotèl; selon tout sa ke Wa Achaz te voye soti Damas e konsa Urie, prèt la, te fè li, avan wa Achaz te vini soti Damas. <sup>12</sup> Lè wa a te antre sòti Damas, wa a te wè lotèl la; alò, ✨wa a te pwoche lotèl la e te monte kote li, <sup>13</sup> epi, li te brile ofrann brile li a avèk ofrann sereyal la, li te vide ofrann bwason li an e li te flite san a ofrann lapè li yo sou lotèl la. <sup>14</sup> ✨Lotèl bwonz lan, ki te devan SENYÈ a, li te mennen soti devan kay la, soti nan antre lotèl pa li a, lakay Senyè a e li te mete li sou kote nò lotèl pa li a. <sup>15</sup> Epi Wa Achaz te kòmande Urie, prèt la, e li te di: “Sou gran lotèl la, brile ofrann brile maten an ak ofrann sereyal aswè a; epi, ofrann brile wa a avèk ofrann sereyal pa li a, avèk ofrann brile a tout pèp peyi a avèk ofrann sereyal pa yo ak ofrann bwason yo; epi, flite sou li tout san a ofrann brile a e tout san a sakrifis la. Men lotèl bwonz lan va sèlman pou mwen pou m kab mande konsèy ladann. <sup>16</sup> Pou sa, Urie, prèt la, te fè tout bagay selon sa ke Wa Achaz te kòmande a. <sup>17</sup> Alò, Wa Achaz te koupe retire arebò a baz yo e li te retire basen lave a sou yo; li te osi ✨desann lanmè a soti sou bèf bwonz ki te anba li yo e li te mete li sou yon pave an wòch. <sup>18</sup> Li te retire osi chemen machpye Saba a ke yo te bati nan kay la e antre eksteryè a wa a, li te retire li soti lakay SENYÈ a akoz wa Assyrie a. <sup>19</sup> Alò, tout lòt zèv Achaz te fè yo, èske yo pa ekri ✨nan Liv Kwonik A Wa A Juda yo? <sup>20</sup> Konsa, Achaz te dòmi avèk zansèt pa li yo e li ✨te antere avèk zansèt pa li yo nan lavil David la. Fis li, Ézéchias, te renye nan plas li.

## 17

<sup>1</sup> Nan douzyèm ane Achaz, wa Juda a, ✨Osée, fis a Éla a te vin wa sou Israël nan Samarie, e li te renye pandan nèf ane. <sup>2</sup> Li te fè mal nan zye SENYÈ a, men pa tankou wa Israël ki te avan li yo. <sup>3</sup> Salmanasar, wa Assyrie a, te monte kont li, ✨Osée te devni sèvitè li e te peye li taks obligatwa. <sup>4</sup> Men wa Assyrie a te jwenn konplo nan Osée, ki te konn voye mesaje kote So, wa Égypte la e li pa t prezante taks a wa Assyrie a jan li te konn fè ane pa ane a; pou koz sa a, wa Assyrie a te fèmen li nan prizon byen mare.

✨ 16:4 Det 12:2 ✨ 16:5 És 7:1 ✨ 16:5 II Kwo 28:5,6 ✨ 16:6 I Wa 14:22 ✨ 16:7 II Kwo 28:18 ✨ 16:8 II Wa 12:17-18 ✨ 16:9 És 22:6 ✨ 16:10 És 8:2 ✨ 16:12 II Kwo 26:16-19 ✨ 16:14 Egz 27:1-2 ✨ 16:17 I Wa 7:23-25 ✨ 16:19 II Kwo 28:26 ✨ 16:20 És 14:28 ✨ 17:1 II Wa 15:30 ✨ 17:3 Os 10:14

5 Epi wa Assyrie te fè envazyon tout peyi a e li te monte ✨Samarie pou te fè syèj li pandan twazan. 6 Nan nevyèm ane Osée a, wa Assyrie a te kaptire Samarie, li te pote pèp Israèl la an egzil nan Assyrie e li te ✨fè yo rete Chalach avèk Chabor sou rivyè ✨Gozan an ak nan vil a Medi yo. 7 Alò, ✨sa te vin rive akòz fis Israèl yo te peche kont SENYÈ pa yo a ki te mennen fè yo sòti nan peyi Égypte la anba men Farawon, wa Égypte la. ✨Yo te gen lakrent lòt dye yo 8 epi, yo te mache selon koutim a lòt nasyon yo ke SENYÈ a te chase mete deyò devan fis Israèl yo nan movèz abitud ke wa Israèl yo te etabli yo. 9 Fis Israèl yo te fè bagay an sekre ki pa t bon kont SENYÈ a, Bondye pa yo a. Anplis, yo te bati pou kont yo wo plas nan tout vil pa yo soti nan ✨fò kay gad yo jis rive nan vil fòtifye yo. 10 ✨Yo te plase pou kont yo pilye sakre yo avèk poto Astarté yo sou chak ti mòn e anba chak pyebwa vèt, 11 epi la, yo te brile lansan sou tout wo plas yo jis jan nasyon ke SENYÈ a te pote fè ale an egzil yo te konn fè avan yo. Yo te fè bagay mal ki te pwovoke SENYÈ a. 12 Yo te sèvi zidòl, ✨selon sila SENYÈ a te di yo: “Ou pa pou fè bagay sa a.” 13 Sepandan, SENYÈ a te avèti Israèl avèk Juda ✨pa tout pwofèt Li yo ak tout konseye li, e te di: “Vire kite move wout sa yo e kenbe kòmandman Mwen yo, règleman Mwen yo, selon tout lalwa a avèk sila Mwen te kòmande zansèt nou yo e ke m te voye bannou pa sèvitè Mwen yo, pwofèt yo.” 14 Sepandan, yo pa t koute, men yo te ✨fè tèt di tankou zansèt pa yo, ki pa t kwè nan SENYÈ a, Bondye pa yo a. 15 Yo te rejte règleman pa Li yo avèk akò ke Li te fè avèk zansèt pa yo avèk avètisman sa yo, avèk sila li te avèti yo. Epi ✨yo te swiv foli yo e yo te vin plen ògèy, yo te kouri apre nasyon ki te antoure yo, selon sila SENYÈ a te kòmande yo pa fè tankou yo. 16 Yo te bliye nèt tout kòmandman a SENYÈ a, Bondye pa yo a e yo te fè pou kont yo imaj fonn a ti bèf yo menm, te fè yon Astarté, yo te ✨adore tout lame selès la e yo te ✨sèvi Baal. 17 Konsa, yo te fè fis avèk fi pa yo pase nan dife, yo te ✨pratike divinasyon avèk Wanga e yo te vann pwòp tèt yo pou fè mal nan zye SENYÈ a e pwovoke Li. 18 Pou sa, SENYÈ a te byen fache avèk Israèl e Li te ✨retire yo devan zye Li; okenn moun pa t rete sof tribi Juda a. 19 Anplis, ✨Juda pa t kenbe kòmandman a SENYÈ a, Bondye pa yo a; men, te mache nan koutim ke Israèl te etabli yo. 20 SENYÈ a te rejte tout desandan a Israèl yo, Li te aflije yo e Li te ✨livre yo nan men a piyajè jiskaske Li te jete yo deyò vizaj Li. 21 Lè ✨Li te fin chire Israèl fè l sòti lakay David la, yo te fè Jéroboam, fis Nebath la, wa. Epi ✨Jéroboam te bourade kondwi Israèl pou l pa swiv SENYÈ a e li te fè yo fè yon gwo peche. 22 Fis a Israèl yo te mache nan tout peche ke Jéroboam te fè yo; yo pa t kite yo 23 jiskaske SENYÈ a te retire Israèl soti devan vizaj Li, jan Li te pale pa tout sèvitè Li yo, pwofèt yo. Konsa, Israèl te pote lwen an egzil soti nan pwòp peyi pa yo pou Assyrie jis rive jou sa a. 24 ✨Wa a Assyrie a te mennen moun soti Babylone, Cutha, ak Avva pou Hamath, ak Sepharvaïm e li te etabli yo nan vil Samarie yo pou ranplase fis Israèl yo. Konsa, yo te posede Samarie e yo te viv nan vil pa li yo. 25 Lè yo te kòmanse viv la, yo ✨pa t gen lakrent SENYÈ a. Pou sa, SENYÈ a te voye

✨ 17:5 Os 13:16 ✨ 17:6 II Wa 18:11 ✨ 17:6 És 37:12 ✨ 17:7 Jos 23:16 ✨ 17:7 Jij 6:10  
 ✨ 17:9 II Wa 18:8 ✨ 17:10 Egz 34:12-14 ✨ 17:12 Egz 20:4 ✨ 17:13 II Wa 17:23 ✨ 17:14 Egz 32:9  
 ✨ 17:15 Det 32:21 ✨ 17:16 Det 4:19 ✨ 17:16 I Wa 16:31 ✨ 17:17 Lev 19:26 ✨ 17:18 II Wa 17:6  
 ✨ 17:19 I Wa 14:22-23 ✨ 17:20 II Wa 15:29 ✨ 17:21 I Wa 11:11-31 ✨ 17:21 I Wa 12:28-33  
 ✨ 17:24 Esd 4:2-10 ✨ 17:25 II Wa 17:32-41

lyon pami yo ki te touye kèk nan yo. <sup>26</sup> Akoz sa, yo te pale avèk wa Assyrie a, e yo te di li: “Nasyon sa yo ke ou te pote ale an egzil nan lavil Samarie yo pa konnen koutim a dye nan peyi a. Pou sa, li te voye lyon pami yo, e tandè byen, yo touye yo akoz yo pa konnen koutim a dye nan peyi a.” <sup>27</sup> Alò, wa Assyrie a te fè kòmand e te di: “Mennen la youn nan prèt ke ou te pote an egzil yo e kite li ale viv la; epi, kite li enstwi yo koutim a dye peyi a.” <sup>28</sup> Konsa, youn nan prèt ke yo te pote ale an egzil soti Samarie yo te vin viv Béthel e li te enstwi yo jan yo te dwe gen lakrent SENYÈ a. <sup>29</sup> Men chak nasyon te toujou fè dye pa li e te mete yo ✧lakay yo sou wo plas ke pèp Samarie a te konn fè yo, chak nasyon nan vil pa yo kote yo te viv la. <sup>30</sup> ✧Moun Babylone yo te fè Succoth-Benoth, moun Cuth yo te fè Nergal e moun Hamath yo te fè Aschima. <sup>31</sup> Moun Avva yo te fè Nibchaz avèk Tharthak; sila nan ✧Sepharvaïm yo te brile pitit pa yo nan dife pou onore ✧Adrammélec avèk Anamélec, dye a Sepharvaïm yo. <sup>32</sup> Yo te gen lakrent osi a SENYÈ a e yo te ✧chwazi pami yo menm prèt a wo plas yo, ki te aji pou yo nan kay wo plas yo. <sup>33</sup> Yo te krent SENYÈ a e osi, yo te sèvi dye pa yo selon koutim a nasyon pami sila yo te pote ale an egzil yo. <sup>34</sup> Jis rive jou sa a, yo fè selon ansyen koutim yo: yo pa krent SENYÈ a, ni yo pa swiv règleman pa Li yo ni òdonans, ni lalwa a, ni kòmandman ke SENYÈ a te kòmande fis a Jacob yo, ✧ke li te bay non ‘Israël’ yo; <sup>35</sup> Avèk sila SENYÈ a te fè yon akò, Li te kòmande yo e te di: ✧“Nou p ap gen krent lòt dye yo, ni bese nou menm ba devan yo, ni sèvi yo ni fè sakrifis a yo. <sup>36</sup> Men SENYÈ a, ✧ki te mennen nou monte soti nan peyi Égypte la avèk gran pouvwa e avèk yon bra lonje, ✧Li menm nou va gen krent; a Li menm, nou va bese ba e a Li menm, nou va fè sakrifis. <sup>37</sup> Règleman avèk òdonans avèk lalwa ak kòmandman ke Li te ekri pou nou yo, ✧nou va obsève pou fè yo jis pou tout tan; epi, nou p ap gen lakrent lòt dye yo. <sup>38</sup> Akò ke m te fè avèk nou an, ✧nou p ap bliye li, ni nou p ap gen lakrent lòt dye yo. <sup>39</sup> Men SENYÈ a, Bondye nou an, nou va krent Li. Epi Li va delivre nou soti nan men a tout lènmi pa nou yo.” <sup>40</sup> Sepandan, yo pa t tandè; men, yo te fè selon abitud pa yo. <sup>41</sup> ✧Pou sa, malgre nasyon sila yo te gen lakrent SENYÈ a, yo osi te sèvi zidòl pa yo; pitit pa yo tou ak pitit pitit pa yo, jis jan ke zansèt pa yo te konn fè; konsa, yo fè jis rive jodi a.

## 18

<sup>1</sup> Alò, li te vin rive nan twazyèm ane Osée, fis a Éla a, wa Israël la ke ✧Ezéchias, fis a Achaz la, wa Juda a, te devni wa a. <sup>2</sup> Li te gen ✧vennsenkan lè l te devni wa e li te renye pandan vent-nèf ane Jérusalem; epi non manman li se te Abi, fi a Zacharie a. <sup>3</sup> ✧Li te fè sa ki bon nan zye SENYÈ a, selon tout sa ke zansèt li yo, David te konn fè. <sup>4</sup> ✧Li te retire wo plas yo, li te kraze pilye sakre yo e li te koupe desann Astarté la. Anplis, li te kraze an mòso ✧sèpan an bwonz ke Moïse te fè a; paske jis rive nan jou sa yo, fis Israël yo te konn brile lansan pou li; epi, li te rele ‘Nehuschtan’. <sup>5</sup> ✧Li te mete konfyans li nan SENYÈ a, Bondye Israël la; ✧jiskaske, apre li, pa t gen tankou li nan tout wa Juda yo, ni nan sila ki te avan l yo. <sup>6</sup> Paske li te ✧kenbe

✧ 17:29 I Wa 12:31 ✧ 17:30 II Wa 17:24 ✧ 17:31 II Wa 17:17 ✧ 17:31 II Wa 19:37 ✧ 17:32 I Wa 12:31 ✧ 17:34 Jen 32:28 ✧ 17:35 Jij 6:10 ✧ 17:36 Egz 14:15-30 ✧ 17:36 Lev 19:32 ✧ 17:37 Det 5:32 ✧ 17:38 Det 4:23 ✧ 17:41 So 1:5 ✧ 18:1 II Kwo 28:27 ✧ 18:2 II Kwo 29:1-2 ✧ 18:3 II Wa 20:3 ✧ 18:4 II Wa 18:22 ✧ 18:4 Nonb 21:21-29 ✧ 18:5 II Wa 19:10 ✧ 18:5 II Wa 23:25 ✧ 18:6 Det 10:20

fèm a SENYÈ a; li pa t varye nan swiv Li, men li te kenbe kòmandman ke SENYÈ a te kòmande Moïse yo. <sup>7</sup> Epi SENYÈ a te avèk li; nenpòt kote li te ale, li te reyisi. Epi li te fè rebèl kont wa a Assyrie a e li pa t sèvi li. <sup>8</sup> Li te venk Filisten yo soti rive nan Gaza avèk teritwa li, soti nan kay gad fò yo jis rive nan gwo vil fòtifye yo. <sup>9</sup> Alò, nan katriyèm ane Wa Ezéchias la, ki te setyèm ane a Osée, fis a Éla a, wa Israël la, <sup>10</sup> Salmanasar, wa Assyrie a, te monte kont Samarie e te fè syèj kont li. <sup>11</sup> Nan fen twazan, yo te kaptire li; epi, nan sizyèm ane Ezéchias la, ki te <sup>12</sup> nan nevyèm ane Osée a, wa Israël la, Samarie te vin kaptire. <sup>13</sup> Epi wa Assyrie a te pote Israël ale an egzil nan Assyrie e li te mete yo nan <sup>14</sup> Chalach sou rivyè Gozan nan vil a Mèdes yo, <sup>15</sup> paske, yo <sup>16</sup> pa t obeyi vwa a SENYÈ a, Bondye pa yo a, men yo te transgrese akò pa Li a, menm tout sa ke Moïse, sèvitè SENYÈ a, te kòmande yo; yo pa t koute yo, ni fè yo. <sup>17</sup> Alò, nan katòzyèm ane a Wa Ézéchias, Sanchérib la, wa Assyrie a te vin monte kont tout vil fòtifye Juda yo e li te sezi yo. <sup>18</sup> Alò, Ézéchias, wa Juda a te voye kote wa Assyrie a nan Lakis e te di: <sup>19</sup> “Mwen te fè mal. Rale bak sòti sou mwen; nenpòt sa ke ou mande m peye, m ap sipòte l. Pou sa, wa Assyrie a te fè demand a Ézéchias pou peye twa san talan ajan avèk trant talan lò. <sup>20</sup> Ézéchias te bay tout ajan ki te twouve nan kay SENYÈ a ak nan kès lakay wa a. <sup>21</sup> Nan tan sa a, Ézéchias te koupe retire lò nan pòt tanp SENYÈ a, avèk chanbrann pòt ke Ézéchias, wa Juda a, te kouvri a e li te bay li a wa Assyrie a. <sup>22</sup> Epi wa Assyrie a te voye <sup>23</sup> Tharthan, Rab-Saris avèk Rabschake sòti nan Lakis avèk yon gwo lame rive kote Ézéchias Jérusalem. Konsa, yo te monte pou te rive Jérusalem. Epi lè yo te monte, yo te rive e te kanpe kote kanal souteren an, nan ma sous dlo piwo a, ki te sou chemen chan lesiv la. <sup>24</sup> Lè yo te rele wa a, <sup>25</sup> Élikiam, fis a Hilkija a, ki te sou tout kay la ak Schebna, grefye a ak Joach, fis a Asaph la, achivist la, te parèt kote yo. <sup>26</sup> Epi Rabschaké te di yo: “Pale koulye a a Ézéchias: ‘Konsa pale gran wa a, wa Assyrie a: <sup>27</sup> “Ki kalite konfyans sa ke ou genyen an? <sup>28</sup> Ou di nou (malgre se pawòl vid yo ye), mwen gen konsèy avèk pwisans pou fè lagè.’ Alò, sou kilès ou depann, <sup>29</sup> pou ou vin fè rebèl kont mwen an? <sup>30</sup> Alò, veye byen, ou <sup>31</sup> depann de baton a wozo kraze sa a, sou Égypte menm; sou sila si yon nonm apiye, l ap fonsè antre nan men l e pèse l nè. Se konsa, Farawon va ye pou tout sila ki depann de li yo. <sup>32</sup> Men si ou di mwen: ‘Nou mete konfyans nan SENYÈ a, Bondye nou an’, se pa li menm pou sila <sup>33</sup> Ézéchias te retire wo plas avèk lotèl yo, e ki te di a Juda avèk Jérusalem: ‘Nou va adore devan lotèl sa a Jérusalem?’ <sup>34</sup> Pou sa, vini, fè yon antant avèk mèt mwen, wa a Assyrie a e mwen va ba ou de mil cheval, si ou kab menm mete moun sou do yo. <sup>35</sup> Kijan ou kab reziste a menm youn nan pi piti a sèvitè mèt mwen yo e depann de Égypte pou cha ak chevalye? <sup>36</sup> Èske se san soutyen SENYÈ a ke m vin monte kont plas sa a pou detwi li?” <sup>37</sup> Alò Éliakim, fis a Hilkija a, avèk Schebna ak Joach te di a Rabschaké: “Pale koulye a a sèvitè ou yo an Arameyen, paske nou konprann; epi, pa pale avèk nou an <sup>38</sup> Jideyen nan zòrèy a moun ki sou mi yo.” <sup>39</sup> Men Rabschaké te di yo: “Èske mèt mwen

✧ **18:7** II Wa 16:7 ✧ **18:8** II Kwo 28:18 ✧ **18:9** II Wa 17:3-7 ✧ **18:10** II Wa 17:6 ✧ **18:11** I Kwo 5:26 ✧ **18:12** I Wa 9:6 ✧ **18:13** II Kwo 32:1 ✧ **18:14** II Wa 18:7 ✧ **18:15** I Wa 15:18-19 ✧ **18:17** II Wa 19:2 ✧ **18:18** II Wa 19:2 ✧ **18:19** II Kwo 32:10 ✧ **18:20** II Wa 18:7 ✧ **18:21** És 30:2-7 ✧ **18:22** II Wa 18:4 ✧ **18:26** Esd 4:7

an te voye m sèlman a mèt pa w la pou pale pawòl sila yo, pa pou mesye ki chita sou mi yo, ki va manje pwòp watè pa yo e bwè dlo pipi pa yo ansanm avè w?” <sup>28</sup> Epi Rabschaké te kanpe, li te kriye avèk yon vwa fò an Jideyen e te di: “Tande pawòl gran wa a, wa Assyrie a! <sup>29</sup> “Konsa pale wa a! ✧ “Pa kite Ézéchiás twonpe nou, paske li p ap kab delivre nou pou sòti nan men m. <sup>30</sup> Ni pa kite Ézéchiás mennen nou pou mete konfyans nan SENYÈ a, e di: “SENYÈ a va anverite delivre nou e vil sa a p ap livre nan men a gran wa a Assyrie a.” <sup>31</sup> Pa koute Ézéchiás, paske konsa pale wa Assyrie a: “Fè lapè nou avèk mwen e sòti vin kote mwen. Manje nou ✧chak nan pwòp chan rezen pa nou, nou chak pye fig mi etranje pa nou e nou chak nan pwòp dlo sitèn pa nou, <sup>32</sup> jiskaske mwen rive pou pran nou ale nan ✧yon lòt peyi, yon peyi ak sereyal avèk diven nèf, yon peyi avèk bwa doliv ak siwo myèl, pou nou kapab viv e pa mourì.” Men pa koute Ézéchiás lè li mal dirije nou e di: “SENYÈ a va delivre nou.” <sup>33</sup> ✧Èske okenn nan dye a peyi sila yo te delivre peyi pa yo a devan men wa a Assyrie a? <sup>34</sup> ✧ Kote dye a Hamath yo oswa Arpad yo? Kote dye a Sepharvaïm yo, oswa Héna avèk Ivva yo? Èske yo te delivre Samarie pou l sòti nan men m? <sup>35</sup> Kilès pami tout dye a peyi yo ki te delivre peyi pa yo devan men m, ✧pou SENYÈ a ta dwe delivre Jérusalem soti nan men m?” <sup>36</sup> Men pèp la te rete an silans e pa t reponn menm yon mo; paske, lòd a wa a se te “Pa reponn li”. <sup>37</sup> Epi Éliakim, fis a Hilkiya a, ki te sou tout kay la, Schebna, grefye a ak Joach, fis a Asaph la, achivist la, te vin kote Ézéchiás ✧avèk rad yo tou chire pou te pale li pawòl a Rabschaké yo.

## 19

<sup>1</sup> ✧Epi lè Ézéchiás te tande sa, li te chire rad li, li ✧te kouvri kò li avèk twal sak e li te antre lakay SENYÈ a. <sup>2</sup> Epi li te voye Éliakim ki te sou tout kay avèk Schebna, grefye a ak ansyen pami prèt yo, kouvri avèk twal sak kote ✧Ésaïe, pwofèt la, fis a Amots la. <sup>3</sup> Yo te di li: “Konsa pale Ézéchiás, Jou sa a se yon jou gwo twoub, chatiman, ak abandon; pwiske pitit yo vin parèt pou akouche, men pa gen fòs pou fè l. <sup>4</sup> Petèt SENYÈ a, Bondye ou a, va tande tout pawòl a Rabschaké yo ke mèt li a, wa Assyrie a, te voye ✧pou repwoche Bondye Vivan an e va repwoche pawòl ke SENYÈ a, Bondye ou a, te tande a. Pou sa, ofri lapriyè pou ✧retay ki toujou rete a.’” <sup>5</sup> Pou sa, sèvitè a wa Ézéchiás yo te vin kote Ésaïe. <sup>6</sup> Ésaïe te di yo: “Konsa nou va pale a mèt nou an: ‘Konsa pale SENYÈ a: “Pa krent akoz pawòl ke ou te tande yo, avèk sila sèvitè a wa Assyrie yo ✧te blafeme Mwen yo. <sup>7</sup> Veye byen, mwen va mete yon lespri nan li pou l tande yon fo nouvèl pou retounen nan pwòp peyi pa li. Epi ✧Mwen va fè l tonbe pa nepe nan pwòp peyi li.”’” <sup>8</sup> Alò, Rabschaké te retounen e te twouve wa Assyrie a t ap goumen kont Libna; paske, li te tande ke li te fin kite ✧Lakis. <sup>9</sup> Lè l te tande sa pa Tirhaka, wa Ethiopie a, vwala, li vin parèt pou goumen kont ou, li te ankò voye mesaje yo kote Ezéchiás e te di: <sup>10</sup> “Konsa ou va pale a Ezéchiás, wa Juda a, ✧Pa kite Bondye ou a nan Sila ou mete konfyans ou an twonpe ou e di: “Jérusalem p ap antre nan men a wa Assyrie a. <sup>11</sup> Gade byen, ou

✧ 18:29 II Kwo 32:15 ✧ 18:31 I Wa 4:20-25 ✧ 18:32 Det 8:7-9 ✧ 18:33 II Wa 19:12 ✧ 18:34 II Wa 19:13 ✧ 18:35 Sòm 2:1-3 ✧ 18:37 II Wa 6:30 ✧ 19:1 És 37:1 ✧ 19:1 I Wa 21:27 ✧ 19:2 És 1:1 ✧ 19:4 II Wa 18:35 ✧ 19:4 És 1:9 ✧ 19:6 II Wa 18:22-35 ✧ 19:7 II Wa 19:37 ✧ 19:8 II Wa 18:14 ✧ 19:10 II Wa 18:33

konn tande sa ke wa Assyrie a te fè a tout peyi yo, destriksyon konplèt. Èske se konsa ke ou va delivre a? <sup>12</sup> Èske dye a nasyon sila yo ke zansèt mwen yo te detwi yo, te delivre yo, menm? Gozan, ✧Charan, Retseph, avèk ✧fis a Éden ki te Telassar yo? <sup>13</sup> ✧Kibò wa Hamath la ye, wa Arpad la, wa gran vil Sepharvaïm nan, Henna, avèk Ivva?” <sup>14</sup> Alò, ✧Ézéchias te pran lèt la soti nan men a mesaje yo e li te li li, li te monte lakay SENYÈ a e li te louvri li devan SENYÈ a. <sup>15</sup> Ézéchias te priye devan SENYÈ a, e te di: “O SENYÈ, Bondye Israël la, ki chita sou twòn li pami cheriben yo, ✧Ou se Bondye a, Ou sèl Ou pami tout wayòm sou latè yo. Ou te fè syèl la avèk tè a. <sup>16</sup> Panche zòrèy Ou, O SENYÈ a pou tande; ✧ouvri zye Ou O SENYÈ pou wè; epi, koute pawòl a Sanchérib yo, ke li te voye ✧ pou repwoche Bondye Vivan an. <sup>17</sup> Anverite, O SENYÈ, wa Assyrie yo te devaste nasyon yo avèk peyi pa yo <sup>18</sup> epi, yo te jete dye pa yo nan dife, ✧paske se pa dye yo ye, men se zèv a men lèzòm yo, bwa avèk wòch. Pou sa, yo te detwi yo. <sup>19</sup> Alò, O SENYÈ, Bondye nou an, mwen priye Ou, delivre nou nan men li ✧pou tout wayòm sou latè yo kab konnen Ou sèl, O SENYÈ, se Bondye a.” <sup>20</sup> Epi Ésaïe, fis a Amots la te voye kote Ézéchias e te di: “Konsa pale SENYÈ a, Bondye Israël la: ‘Akoz ou te priye a Mwen pou Sanchérib, wa Assyrie a, ✧Mwen te tande.

<sup>21</sup> Sa se pawòl ke SENYÈ a te pale kont li an:

Li te meprize ou e moke ou,

✧Fi vyèj a Sion an;

Li te ✧souke tèt li dèyè do ou,

Fi a Jérusalem nan!

<sup>22</sup> Se sila ou te repwoche e blasphème a?

Epi kont sila ou te leve vwa ou a,

Avèk ògèy, ou te leve zye ou?

Kont ✧Sila ki Sen a Israël la.

<sup>23</sup> ✧Pa mesaje ou yo, ou te repwoche SENYÈ a,

Epi ou te di: “Avèk anpil cha mwen yo

Mwen te rive sou wotè a mòn yo,

Jis rive nan kote pi izole nan Liban an;

Epi mwen te koupe gwo bwa sèd li yo

Avèk bwa pichpen pi chwazi li yo

Epi mwen te antre jis nan lojman pi izole yo,

Nan pi gran rakbwa ki te genyen yo.

<sup>24</sup> Mwen te fouye pwi yo e te bwè dlo etranje li yo,

Epi avèk pla pye mwen, mwen te ✧seche

tout rivyè Égypte yo.”

<sup>25</sup> ✧Èske ou pa t tande?

Depi lontan Mwen te fè l;

Depi nan tan ansyen yo, Mwen te planifye l

✧Koulye a, Mwen gen tan fè l vin rive,

Ke ou te fè vil fòtifye yo vin pil ranblè.

<sup>26</sup> Pou sa, abitan pa yo te manke fòs,

✧ 19:12 Jen 11:31 ✧ 19:12 És 37:12 ✧ 19:13 II Wa 18:34 ✧ 19:14 És 37:14 ✧ 19:15 II Wa 5:15 ✧ 19:16 II Kwo 6:40 ✧ 19:16 II Wa 19:4 ✧ 19:18 És 44:9-20 ✧ 19:19 I Wa 8:42-43 ✧ 19:20 II Wa 20:5 ✧ 19:21 Jr 14:17 ✧ 19:21 Sòm 109:25 ✧ 19:22 És 5:24 ✧ 19:23 II Wa 18:17 ✧ 19:24 És 19:6 ✧ 19:25 És 45:7 ✧ 19:25 És 10:5

Yo te deranje e te vin wont nèt;  
 Yo te tankou ☆zèb chan, tankou zèb vèt,  
 Tankou zèb sou twati kay ki vin brile avan li kab grandi.

<sup>27</sup> Men M konnen ☆chita ou, sòti avèk antre pa ou,  
 ak laraj ke ou konn fè kont Mwen,

<sup>28</sup> Epi akòz laraj ou kont Mwen  
 akòz awogans ou vin monte nan zòrèy Mwen,  
 Pou sa, mwen va mete ☆zen Mwen nan nen ou,  
 Ak brid Mwen, pou antre nan lèw ou,  
 Epi Mwen va vire ou fè ou fè bak  
 Pa menm chemen ke ou te antre a.

<sup>29</sup> Epi sa va ☆sign lan pou ou: ou va manje nan lane sila a sa ki grandi pou kont li, nan dezyèm ane a, sa ki sòti menm jan an konsa e nan twazyèm ane a, ou va simen, rekòlte, plante chan rezen yo e manje fwi pa yo. <sup>30</sup> ☆Retay ki chape lakay Juda a va ankò pran rasin k ap pouse pa anba pou bay fwi pa anlè. <sup>31</sup> Paske, depi Jérusalem, ☆va vin sòti yon retay e sòti nan Mòn Sion, sila ki chape yo. ☆Zèl SENYÈ a va acheve sa. <sup>32</sup> Pou sa, pale SENYÈ a pa wa Assyrie a: ☆“Li p ap rive nan vil sila a, ni tire yon flèch; epi, li p ap rive devan li avèk yon boukliye, ni monte yon ran syèj kont li. <sup>33</sup> ☆Pa menm chemen ke li te antre a; pa li menm, li va retounen e li p ap rive nan vil sila a”, deklare SENYÈ a. <sup>34</sup> ☆Paske, Mwen va defann vil sa a pou sove li pou koz Mwen menm ak pou koz sèvitè mwen an, David.’ ” <sup>35</sup> ☆Epi li te vin rive menm nwit sa a ke zanj SENYÈ a te sòti e te frape san-katre-ven-senk-mil moun nan kan Asiryen yo; epi, lè moun yo te leve granmmaten, men vwala, yo tout te mouri. <sup>36</sup> Pou sa, ☆Sanchérib, wa Assyrie a, te sòti e te retounen lakay li pou te rete ☆Ninive. <sup>37</sup> Li te vin rive pandan li t ap adore lakay Nisroc la, dye pa li a, ke ☆Adrammélec avèk Scharetser te touye li avèk nepe; epi, yo te chape nan peyi Ararat. Epi Ésar-Haddon, fis li a, te devni wa nan plas li.

## 20

<sup>1</sup> ☆Nan jou sa yo, Ézéchias te vin malad jis rive nan pòt lanmò. Epi Ésaïe, pwofèt la, fis a Amots la, te vin kote li e te di li: “Konsa pale SENYÈ a, Mete lakay ou an lòd; paske, ou va mouri e ou p ap viv.’ ” <sup>2</sup> Epi li te vire figi li vè miray la pou te priye a SENYÈ a e te di: <sup>3</sup> Sonje koulye a, O SENYÈ a, mwen sipliye Ou, ☆jan mwen te mache devan Ou anverite avèk tout kè m nan ak jan mwen te fè sa ki bon nan zye Ou a.” Epi Ézéchias te kriye byen anmè. <sup>4</sup> Avan Ésaïe te sòti nan lakou mitan an, pawòl SENYÈ a te vin kote li e te di: <sup>5</sup> Retounen pale ak Ézéchias, dirijan pèp mwen an: “Konsa pale SENYÈ a, Bondye a zansèt ou a, David: ☆“Mwen te tandè lapriye pa w la, ☆Mwen te wè dlo ki sòti nan zye ou a; men vwala, Mwen va geri ou. Nan twazyèm jou a, ou va monte lakay SENYÈ a. <sup>6</sup> Mwen va mete kenzan sou lavi ou e mwen va delivre ou avèk vil sa a soti nan men a wa Assyrie a; epi, ☆Mwen va defann vil sa a pou koz pa Mwen ak pou koz David, sèvitè Mwen an.’ ” <sup>7</sup> Epi Ésaïe te di: “Pran yon gato figye etranje.” Epi yo te

☆ 19:26 Sòm 129:6 ☆ 19:27 Sòm 139:1 ☆ 19:28 Éz 19:9 ☆ 19:29 Egz 3:12 ☆ 19:30 II Wa 19:4 ☆ 19:31 És 10:20 ☆ 19:31 És 9:7 ☆ 19:32 És 8:7-10 ☆ 19:33 II Wa 19:28 ☆ 19:34 II Wa 20:6 ☆ 19:35 II Sam 24:16 ☆ 19:36 II Wa 19:7 ☆ 19:36 Jon 1:2 ☆ 19:37 II Wa 19:17-31 ☆ 20:1 II Kwo 32:24 ☆ 20:3 II Wa 18:3-6 ☆ 20:5 II Wa 19:20 ☆ 20:5 Sòm 39:12 ☆ 20:6 II Wa 19:24

pran l e te mete li sou apse a, e li te vin refè. <sup>8</sup> Alò, Ézéchiàs te di a Ésaïe: “Ki sign ki va parèt ke SENYÈ a va geri mwen e ke mwen va monte lakay SENYÈ a nan twazyèm jou a?” <sup>9</sup> Ésaïe te di: “Sa va sign a ou menm soti nan SENYÈ a, ke SENYÈ a va fè bagay ke li te pale a: èske ou pito lonbraj la avanse dis pa, oswa fè bak dis pa?” <sup>10</sup> Alò, Ézéchiàs te reponn: “Li tèlman fasil pou lonbraj la desann dis pa; men non, kite li fè bak dis pa.” <sup>11</sup> Ésaïe, pwofèt la, te kriye a SENYÈ a e “Li te fè lonbraj la fè bak dis pa sou eskalye a sou sila li te desann nan eskalye Achaz la. <sup>12</sup> “Nan tan sa a, Berodac-Baladan, fis a Baladan nan, wa Babylone nan, te voye lèt avèk yon kado bay Ézéchiàs, paske li te tandè ke Ézéchiàs te konn malad. <sup>13</sup> Ézéchiàs te koute yo e montre yo “tout kay trezò li a, ajan avèk lò, epis avèk lwil presye, lakay boukliye li yo avèk tout sa ki te konn twouve nan trezò li yo. Pa t gen anyen lakay li ni nan tout wayòm li a ke li pa t montre yo. <sup>14</sup> Alò, pwofèt la, Ésaïe, te vin kote Ézéchiàs e te di li: “Kisa mesye sila yo te di e depi kibò yo sòti pou rive kote ou a?” Epi Ézéchiàs te di: “Yo sòti nan yon peyi lwen, nan Babylone. <sup>15</sup> Li te di: “Kisa yo te wè lakay ou a?” Epi Ézéchiàs te reponn: “Yo te wè tout sa ki lakay mwen an; nanpwen anyen pami trezò mwen yo ke m pa t montre yo.” <sup>16</sup> Epi Ésaïe te di a Ézéchiàs: “Tandè pawòl SENYÈ a. <sup>17</sup> Veye byen, jou yo ap vini lè “tout sa ki lakay ou avèk tout sa ke zansèt ou yo te mete an depo jis rive jou sa a va pote ale Babylone. Anyen p ap rete, pale SENYÈ a. <sup>18</sup> Kèk nan fis ou yo ki va sòti nan ou menm, ke ou va fè, va retire ale; epi, yo va devni “ofisye nan palè a wa Babylone nan.” <sup>19</sup> Alò Ézéchiàs te di a Ésaïe: “Pawòl SENYÈ a ke ou te bay la “bon.” Paske li te reflechi: “Èske se pa sa, si va gen lapè avèk verite nan jou mwen yo?” <sup>20</sup> “Alò, tout lòt zèv a Ézéchiàs yo avèk tout pwisans li ak jan li te “fè sous dlo a avèk kanal ki te mennen dlo a nan vil la, èske yo pa ekri nan Liv Kwonik A Wa Juda Yo? <sup>21</sup> “Konsa, Ézéchiàs te dòmi avèk zansèt li yo e Manassé, fis li a, te devni wa nan plas li.

## 21

<sup>1</sup> “Manassé te gen laj douzan lè l te devni wa a e li te renye senkann-senk ane Jérusalem; epi, manman li te rele Hephtsiba. <sup>2</sup> Li te fè mal nan zye SENYÈ a, “selon tout abominasyon a nasyon ke SENYÈ a te rache devan fis Israèl yo. <sup>3</sup> Paske, “li te rebati wo plas ke Ézéchiàs te detwi yo; epi, “li te monte lotèl pou Baal yo e li te fè yon Astarté, jan Achab, wa Israèl la te fè pou te adore tout lame syèl la e te sèvi yo. <sup>4</sup> “Li te bati lotèl lakay SENYÈ a, sou sila SENYÈ a te di: “Nan Jérusalem, Mwen va mete non Mwen. <sup>5</sup> Li te bati lotèl pou tout lame syèl la nan “de lakou lakay SENYÈ a. <sup>6</sup> “Li te fè fis li yo pase nan dife, “pratikè maji e sèvi divinasyon, li te sèvi moun ki pale ak mò ansanm ak lespri. Li te fè anpil mal nan zye SENYÈ a ki te pwovoke Li a lakòlè. <sup>7</sup> Anplis, “li te plase imaj a Astarté ke li te fè a, nan kay ke SENYÈ a te di a David avèk fis li a, Salomon: “Nan kay sila a ak Jérusalem nan, ke Mwen te chwazi soti nan tout tribi Israèl yo, Mwen va

✧ 20:9 És 38:7 ✧ 20:11 Jos 10:12-14 ✧ 20:12 II Kwo 32:31 ✧ 20:13 II Kwo 32:27 ✧ 20:17 II Kwo 36:10 ✧ 20:18 Dan 1:3-7 ✧ 20:19 I Sam 3:18 ✧ 20:20 II Kwo 32:32 ✧ 20:20 Né 3:16 ✧ 20:21 II Kwo 32:33 ✧ 21:1 II Kwo 33:1-9 ✧ 21:2 II Wa 16:3 ✧ 21:3 II Wa 18:4 ✧ 21:3 I Wa 16:31-33 ✧ 21:4 II Wa 16:10-16 ✧ 21:5 I Wa 7:12 ✧ 21:6 II Wa 16:3 ✧ 21:6 Lev 19:26-31 ✧ 21:7 Det 16:21



mete non Mwen jis pou tout tan. <sup>8</sup> Epi mwen ✨p ap fè pye Israèl mache egare ankò deyò peyi ke m te bay a zansèt yo a, si sèlman, yo va obsève pou fè selon tout sa ke M te kòmande yo, selon tout lalwa ke sèvitè Mwen an, Moïse te kòmande yo.” <sup>9</sup> Men yo pa t koute e Manassé te ✨sedwi yo pou fè mal plis ke nasyon ke SENYÈ a te detwi devan fis Israèl yo. <sup>10</sup> Alò, SENYÈ a te pale pa sèvitè yo, pwofèt yo, e te di: <sup>11</sup> Akoz Manassé, wa Juda a, te fè abominasyon sila yo e te ✨fè plis mechanste pase tout Amoreyen ki te avan li yo e anplis, li te ✨fè Juda peche avèk zidòl pa li yo; <sup>12</sup> pou sa, konsa pale SENYÈ, Bondye Israèl la: ‘Gade byen, Mwen ap mennen yon tèlman gwo twoub sou Jérusalem avèk Juda, pou nenpòt moun ki tande koz li, toude zòrèy li va sonnen avèk sezisman. <sup>13</sup> ✨Mwen va fè lonje sou Jérusalem lizyè Samarie a, avèk len plon kay Achab la e Mwen va siye Jérusalem jan yon moun ta siye yon plato. Konsa m ap siye li e vire li tèt anba. <sup>14</sup> Mwen va abandone retay eritaj Mwen an e Mwen va livre yo nan men a lènmi yo; epi, yo va vin piyaje e depouye pa tout lènmi yo; <sup>15</sup> akoz yo te fè mal devan zye Mwen e te pwovoke Mwen a lakòlè soti jou ke zansèt pa yo te sòti an Égypte la, menm rive jodi a.’ ” <sup>16</sup> ✨Anplis, Manassé te vèsè san inosan jiskaske li te ranpli Jérusalem soti nan yon bout jis rive nan yon lòt; anplis, peche pa li avèk sila li te fè Juda peche nan fè mal devan zye SENYÈ a. <sup>17</sup> ✨Alò, tout lòt zèv a Manassé yo avèk tout sa ke li te fè ak peche ke li te komèt yo, èske yo pa ekri nan Liv Kwonik A Wa Juda Yo? <sup>18</sup> ✨Epi Manassé te dòmi avèk zansèt pa li yo e te antere nan jaden lakay li, nan jaden Uzza a. Epi Amon, fis li a, te devni wa nan plas li. <sup>19</sup> ✨Amon te gen venn-dezan lè l te devni wa e li te renye dezan Jérusalem. Manman li te rele Meschullémeth, fi a Haruts la, nan Jotba. <sup>20</sup> Li te fè mal nan zye a SENYÈ a, ✨jan Manassé, papa li te konn fè a. <sup>21</sup> Paske li te mache nan tout chemen ke papa li te konn mache yo e li te sèvi zidòl ke papa li te konn sèvi e te adore yo. <sup>22</sup> Konsa, ✨li te abandone SENYÈ a, Bondye a zansèt li yo e li pa t mache nan chemen SENYÈ a. <sup>23</sup> ✨Sèvitè a Amon yo te fè konplo kont li e yo te touye wa a nan pwòp kay li. <sup>24</sup> Alò, ✨pèp peyi a te touye tout sila ki te fè konplo kont Wa Amon yo e pèp peyi a te fè Josias, fis li a, wa nan plas li. <sup>25</sup> Alò, tout lòt zèv ke Amon te fè yo, èske yo pa ekri nan Liv Kwonik A Wa Juda Yo? <sup>26</sup> Li te antere nan tonm pa li ✨nan jaden Uzza a e Josias, fis li a, te devni Wa nan plas li.

## 22

<sup>1</sup> ✨Josias te gen laj uitan lè l te vin wa a e li te renye tranteyen ane Jérusalem. Non manman li te Jedida, fi a Adaja a nan Botskath. <sup>2</sup> Li te ✨fè sa ki bon nan zye SENYÈ a e li te mache nan tout chemen a zansèt papa li a, David, ni li pa t vire akote ni adwat, ni agoch. <sup>3</sup> Alò, ✨nan di-zuityèm ane Wa Josias la, wa a te voye Schaphan, fis a Atsalia a, fis a Meschullam nan, skrib la, lakay SENYÈ a e te di: <sup>4</sup> ✨Monte kote Hilkiya, wo prèt la, pou li kapab kontwole lajan ki antre lakay SENYÈ a, lajan ke gadyen pòtay yo te ranmase soti nan pèp la. <sup>5</sup> ✨Kite yo livre li nan men a ouvriye k ap dirije lakay SENYÈ a e kite yo bay li a ouvriye ki lakay SENYÈ a pou repare

✨ 21:8 II Sam 7:10 ✨ 21:9 Pwov 29:12 ✨ 21:11 Jen 15:16 ✨ 21:11 II Wa 21:16 ✨ 21:13 És 34:11 ✨ 21:16 II Wa 24:4 ✨ 21:17 II Kwo 33:11-19 ✨ 21:18 II Kwo 33:20 ✨ 21:19 II Kwo 33:21-23 ✨ 21:20 II Wa 21:2-16 ✨ 21:22 II Wa 22:17 ✨ 21:23 II Wa 12:20 ✨ 21:24 II Wa 14:5 ✨ 21:26 II Wa 21:18 ✨ 22:1 II Kwo 34:1 ✨ 22:2 Det 5:32 ✨ 22:3 II Kwo 34:8 ✨ 22:4 II Wa 12:4-10 ✨ 22:5 II Wa 12:11-14

donmaj nan kay la. <sup>6</sup> Pou chapant yo, konstriktè yo avèk mason yo e pou achte gwo bwa avèk wòch taye pou fè reparasyon kay la. <sup>7</sup> Sèlman, ✨nou p ap fè kontabilite pou lajan ki liv nan men yo; paske, yo aji an bòn fwa.” <sup>8</sup> Alò, Hilkiya, wo prèt la, te di a Schaphan, skrib la: ✨“Mwen te twouve liv lalwa a lakay SENYÈ a.” Epi Hilkiya te bay liv la a Schaphan ki te li li. <sup>9</sup> Schaphan, skrib la, te rive kote wa a, li te pote pawòl la kote wa a, e li te di: “Sèvitè ou yo te vide lajan ki te twouve nan kay la e yo te livre li nan men a ouvriye k ap dirije lakay SENYÈ a.” <sup>10</sup> Anplis, Schaphan, skrib la, te pale wa a e te di: “Hilkiya, prèt la, te ban mwen yon liv.” Epi Schaphan te li li nan prezans a wa a. <sup>11</sup> Lè wa a te tandè pawòl a liv lalwa a, ✨li te chire rad li. <sup>12</sup> Epi wa a te kòmande Hilkiya, prèt la, ✨Achikam fis a Schaphanb la, ✨Achor, fis a Michée a, a Schaphan, skrib la e a Asaja, sèvitè wa a: <sup>13</sup> “Ale mande a SENYÈ a pou mwen avèk pèp la ak tout Juda pa pawòl a liv sa a ki te twouve a. Paske, ✨gran se kòlè SENYÈ a ki brile kont nou, akoz zansèt papa nou yo pa t koute pawòl a liv sa a, pou fè selon tout sa ki ekri konsènan nou.” <sup>14</sup> Pou sa, Hilkiya, prèt la, Achikam, Achor, Schaphan e Asaja te ale kote Hulda, pwofetès la, madanm a Schallum nan, fis a Thikva a, fis a Harhas la, ki te an chaj vètman yo. (Alò, li te rete Jérusalem nan ✨Katyè Second lan). Epi yo te pale avèk li. <sup>15</sup> Li te di yo: “Konsa pale SENYÈ a, Bondye Israèl la: ‘Pale nonm ki te voye ou kote mwen an, <sup>16</sup> konsa pale SENYÈ a: “Gade byen, Mwen va ✨pote malè sou plas sa a ak sou sila ki rete ladann yo, menm tout pawòl a liv sa a ke wa Juda te di yo. <sup>17</sup> ✨Akoz yo te abandone Mwen e te brile lansan a lòt dye yo pou yo ta kab pwovoke Mwen a lakòlè avèk tout zèv men pa yo; pou sa, gran lakòlè Mwen va brile kont plas sa a e li p ap etenn.”’ <sup>18</sup> Men pou ✨wa Juda a, ki te voye ou pou mande a SENYÈ a, konsa ou va pale ak li: ‘Konsa pale SENYÈ a, Bondye Israèl la, pa pawòl ke ou te tandè yo: <sup>19</sup> ✨“Akoz kè ou te vin mou e ✨ou te imilye ou devan SENYÈ a lè ou te tandè sa Mwen te pale kont plas sa a ak kont sila ki rete ladann yo, pou yo ta devni yon dezolasyon ak yon malediksyon; epi, akoz ou te chire rad ou e te kriye devan Mwen; anverite, Mwen te tandè ou,” deklare SENYÈ a. <sup>20</sup> Pou sa, byen gade, Mwen va ✨ranmase ou a zansèt pa ou yo e ou va ranmase rive nan tonm pa ou a anpè; epi, zye ou p ap wè tout mal ke Mwen va mennen sou plas sa a.”’ ” Konsa, yo te mennen pote pawòl la bay wa a.

## 23

<sup>1</sup> ✨Alò wa a te voye rasanble vè li menm tout ansyen Juda ak Jérusalem yo. <sup>2</sup> Wa a te monte kote kay SENYÈ a e tout mesye Juda yo, tout moun ki te rete Jérusalem avèk li yo, prèt yo ak pwofèt yo ak tout pèp la, ni gran, ni piti; epi, ✨li te li nan zòrèy yo, tout pawòl a liv akò a ✨ki te twouve lakay SENYÈ a. <sup>3</sup> ✨Wa a te kanpe akote pilye a pou te fè yon akò devan SENYÈ a, pou ✨mache apre SENYÈ a, pou kenbe kòmandman avèk temwayaj li yo avèk règleman li yo avèk tout kè li ak tout nanm li, pou akonpli pawòl akò ki te ekri nan liv sa a. Epi tout pèp la te antre nan akò a. <sup>4</sup> Epi wa a te kòmande Hilkiya, wo prèt la e prèt a dezyèm lòd yo avèk gadyen pòtay yo

✨ 22:7 II Wa 12:15 ✨ 22:8 Det 31:24-26 ✨ 22:11 Jen 37:34 ✨ 22:12 II Wa 25:22 ✨ 22:12 II Kwo 34:20 ✨ 22:13 Det 29:23-28 ✨ 22:14 So 1:10 ✨ 22:16 Det 29:27 ✨ 22:17 Det 29:25-26 ✨ 22:18 II Kwo 34:26 ✨ 22:19 Sòm 51:17 ✨ 22:19 Egz 10:3 ✨ 22:20 II Wa 23:30 ✨ 23:1 II Kwo 29:32 ✨ 23:2 Det 31:10-13 ✨ 23:2 II Wa 22:8 ✨ 23:3 II Wa 11:14-17 ✨ 23:3 Det 13:4

pou mennen fè sòti deyò nan tanp SENYÈ a tout veso ki te fèt pou Baal yo, pou Astarté ak pou tout lame syèl la. Konsa, li te brile yo deyò Jérusalem nan chan Cédron an e li te pote sann yo jis rive Béthel. <sup>5</sup> Li te mete deyò tout prêt zidòl ke wa Juda yo te chwazi pou brile lansan nan wo plas yo nan vil Juda yo ak nan andwa Jérusalem yo. Anplis, sila ki te brile lansan a Baal yo, a solèy la, lalin nan, avèk tout gwoup zetwal yo e a tout lame syèl yo. <sup>6</sup> Li te fè mete deyò Astarté la soti lakay SENYÈ a rive Jérusalem nan flèv Cédron an, li te moulen l an poud nè e li te jete pousyè a nan simityè a pèp la. <sup>7</sup> Osi, li te kraze kay mal pwostitiye sakre ki te lakay SENYÈ a, kote fanm t ap trese bagay yo kwoke pou Astarté yo. <sup>8</sup> Epi li te mennen tout prêt yo soti nan tout vil Juda yo e li te souye wo plas kote prêt yo te konn brile lansan yo, soti Guéba jis rive Beer-Schéba. Epi li te kraze wo plas pòtay ki te nan antre pòtay Josué a, majistra vil la, ki te bò kote goch pòtay lavil la. <sup>9</sup> Sepandan, prêt wo plas yo pa t monte nan lotèl SENYÈ a Jérusalem; men, yo te manje pen san ledven pami frè yo. <sup>10</sup> Anplis, li te souye Topeth, ki nan vale fis Hinnom an, pou pèsòn pa t kab fè fis li oswa fi li pase nan dife Moloc la. <sup>11</sup> Li te retire cheval ke wa a Juda yo te konn bay a solèy la, kote antre kay SENYÈ a, kote chanm Nethan-Mélec la, ofisye a, ki te nan pwovens yo e ki te konn brile cha solèy yo avèk dife. <sup>12</sup> Lotèl ki te sou twati yo, nan wo chanm Achaz ke wa Juda yo te fè a ak lotèl ke Manassé te fè nan de lakou lakay SENYÈ a, wa a te kraze yo. Li te kraze yo e li te jete poud yo nan flèv Cédron an. <sup>13</sup> Wo plas ki te devan Jérusalem yo, ki te adwat mòn pèdisyon ke Salomon te bati pou Astarté la, abominasyon a Sidonyen yo, avèk Kemosch, abominasyon a fis Ammon yo, wa a te souye yo. <sup>14</sup> Li te kraze an mòso pilye sakre yo, li te koupe Astarté yo e li te plen plas yo avèk zo Kretyen. <sup>15</sup> Anplis, lotèl ki te Béthel la avèk wo plas ke Jéroboam, fis a Nebath la, ki te fè Israël peche a, menm lotèl sila a avèk wo plas la a te kraze. Epi li te kraze wòch li yo, li te moulen yo jis yo te fè poud e li te brile Astarté la. <sup>16</sup> Alò, lè Josias te vire gade, li te wè tout simityè ki te sou mòn nan e li te voye pran zo ki te ladann yo, li te brile yo sou lotèl la e te souye li pa pawòl SENYÈ a, ke nonm Bondye a te pwoklame a, sila ki te pwoklame bagay sa yo. <sup>17</sup> Alò, li te di: “Se ki moniman sa a ke m wè la a?” Epi mesye lavil yo te di l: “Li se tonm a nonm Bondye ki te sòti Juda a pou te pwoklame bagay sa yo ke ou te fè kont lotèl Béthel la.” <sup>18</sup> Li te di: “Lese li; pa kite pèsòn deranje zo li.” Konsa, yo te kite zo li yo san deranje avèk zo a pwofèt ki te sòti Samarie a. <sup>19</sup> Anplis, Josias te retire tout kay nan wo plas ki te nan vil Samarie yo, ke wa Israël la te fè pou te pwovoke SENYÈ a; epi, li te fè a yo menm sa ke li te fè Béthel la. <sup>20</sup> Tout prêt a wo plas ki te prezan yo, li te touye yo sou lotèl yo e li te brile zo moun yo sou yo; epi, li te retounen Jérusalem. <sup>21</sup> Wa a te kòmande tout pèp la e te di: “Seleb्रे fèt Pak a SENYÈ a, Bondye nou an, jan sa ekri nan liv akò sila a.” <sup>22</sup> Anverite, yon Pak tankou sila a pa t seleb्रे depi nan jou a jij ki te jije Israël yo, ni nan tout jou a wa Israël yo avèk wa Juda yo. <sup>23</sup> Men nan di-zuityèm ane a Wa Josias la, Pak sila a te obsève Jérusalem. <sup>24</sup> Anplis, Josias te retire sila ki te konn rele lespri mò

✧ 23:5 II Wa 21:3 ✧ 23:7 I Wa 14:24 ✧ 23:8 Jos 21:17 ✧ 23:9 Éz 44:10-14 ✧ 23:10 Lev 18:21 ✧ 23:10 I Wa 11:7 ✧ 23:11 Job 31:26 ✧ 23:13 I Wa 11:7 ✧ 23:14 Det 7:5-25 ✧ 23:15 I Wa 13:1 ✧ 23:15 I Wa 12:28-33 ✧ 23:16 I Wa 13:2 ✧ 23:18 I Wa 13:11-31 ✧ 23:19 II Kwo 34:6-7 ✧ 23:20 II Wa 10:25 ✧ 23:21 II Kwo 35:1-17 ✧ 23:21 Det 16:2-8 ✧ 23:22 II Kwo 35:18-19 ✧ 23:24 Lev 19:31

yo, avèk bòkò avèk ✨zidòl lakay yo ak tout lòt zidòl avèk tout abominasyon ki te konn wè nan tout peyi Juda a avèk Jérusalem, pou li ta kapab konfime pawòl lalwa ki te ekri nan liv ke Hilkija, prèt la, te twouve lakay SENYÈ a. <sup>25</sup> Avan li, pa t gen wa ✨tankou li ki te vire vè SENYÈ a avèk tout kè li, avèk tout nanm li e avèk tout fòs li, selon lalwa Moïse la. Ni pa t gen okenn moun tankou li ki te leve apre li. <sup>26</sup> Malgre sa, SENYÈ a pa t kite chalè gran kòlè Li ki te brile kont Juda, ✨akoz tout pwovokasyon avèk sila Manassé te pwovoke Li yo. <sup>27</sup> SENYÈ a te di: “Mwen va retire Juda tou devan zye Mwen, ✨jan mwen te retire Israèl la. Epi Mwen va voye jete Jérusalem, vil sila ke M te chwazi a ak tanp sou sila Mwen te di: ‘Non Mwen va la a.’” <sup>28</sup> Alò, tout lòt zèv a Josias yo, avèk tout sa ke li te fè yo, èske yo pa ekri nan Liv Kwonik A Wa Juda Yo? <sup>29</sup> Nan jou pa li yo, ✨Farawon Néco, wa Égypte la, te monte kont wa Assyrie a nan Rivyè Euphrate la e Wa Josias te ale rankontre li. Epi lè Néco te wè l, ✨li te touye li Méguiddo. <sup>30</sup> Sèvitè li yo te kondwi kadav li a nan yon cha soti Méguiddo pou te mennen li rive Jérusalem e yo te antere li nan pwòp tonm pa li. ✨Epi pèp peyi a te pran Joachaz, fis a Josias la, yo te onksyone li e yo te fè l wa nan plas papa li. <sup>31</sup> ✨Joachaz te gen laj a venn-twazan lè l te devni wa a e li te renye twa mwa Jérusalem. Manman li te rele Hamuthal, fi a Jérémie an nan Libna. <sup>32</sup> Li te fè mal nan zye SENYÈ a, ✨selon tout sa ke zansèt li yo te fè. <sup>33</sup> Farawon Néco te fèmen li nan prizon nan ✨Ribla nan peyi ✨Hamath pou li pa renye Jérusalem; epi, li te enpoze sou peyi a yon amann a san talan ajan avèk yon talan lò. <sup>34</sup> Farawon Néco te fè Éliakim, fis a Josias la wa nan plas Josias, papa li e te ✨chanje non li an Jojakim. Men li te mennen Joachaz sòti, li te mennen li an Égypte e li te mouri la. <sup>35</sup> Konsa, Jojakim te ✨bay ajan avèk lò a Farawon; men, li te egzije kontribisyon sou peyi a pou l ta kab bay lajan lè Farawon te mande li. Li te egzije ajan avèk lò a soti nan pèp peyi a, chak moun selon kalkil valè pa li, pou vèse bay a Farawon Néco. <sup>36</sup> ✨Jojakim te gen laj venn-senkan lè l te devni wa a e li te renye onzan Jérusalem; epi, non manman li te Zébudda, fi a Pedaja a nan Ruma. <sup>37</sup> Li te fè mal nan zye a SENYÈ a, ✨selon tout sa ke papa zansèt li yo te konn fè yo.

## 24

<sup>1</sup> ✨Nan jou pa li yo, Nébucadnetsar, wa Babylone nan, te monte e Jojakim te vin sèvitè li pandan twazan. Epi li te vire fè rebèl kont li. <sup>2</sup> SENYÈ a te voye kont li twoup a Kaldeyen yo, twoup a Siryen yo, twoup Moabit yo ak twoup Amonit yo. Konsa, li te voye yo kont Juda pou detwi li, ✨selon pawòl ke SENYÈ a te pale pa sèvitè li yo, pwofèt yo. <sup>3</sup> Anverite, sou kòmand SENYÈ a, li te rive Juda, pou retire yo devan zye Li ✨akoz peche a Manassé yo selon tout sa ke li te fè yo. <sup>4</sup> Epi anplis, ✨pou san inosan li te vèse yo; paske li te ranpli Jérusalem avèk san inosan. Epi SENYÈ a pa t ap padone sa. <sup>5</sup> Alò, tout lòt zèv a Jojakim yo avèk tout sa ke li te fè yo, èske yo pa ekri nan Liv Kwonik A Wa Juda Yo? <sup>6</sup> Konsa, ✨Jojakim te dòmi avèk papa

✨ 23:24 Jen 31:19 ✨ 23:25 II Wa 18:5 ✨ 23:26 II Wa 21:11-13 ✨ 23:27 II Wa 18:11 ✨ 23:29 Jr 48:2 ✨ 23:29 II Kwo 35:20-24 ✨ 23:30 II Kwo 36:1-4 ✨ 23:31 I Kwo 3:15 ✨ 23:32 II Wa 21:2-7 ✨ 23:33 II Wa 25:6 ✨ 23:33 I Wa 8:65 ✨ 23:34 I Kwo 3:15 ✨ 23:35 II Wa 23:33 ✨ 23:36 Jr 22:18-19 ✨ 23:37 II Wa 23:32 ✨ 24:1 Jr 25:1 ✨ 24:2 II Wa 23:27 ✨ 24:3 II Wa 23:26 ✨ 24:4 II Wa 21:16 ✨ 24:6 Jr 22:18-19

zansèt li yo e Jojakin, fis li a, te vin wa nan plas li. <sup>7</sup> Wa Égypte la pa t sòti nan peyi li ankò; \*paske, wa Babylone nan te kaptire tout sa ki te pou wa Égypte la soti nan \*flèv Égypte la jis rive nan Rivyè Euphrate la. <sup>8</sup> \*Jojakin te gen \*di-zuit ane lè li te devni wa e li te renye twa mwa Jérusalem. Non manman li se te Néhuschtha, fi a Elnathan an Jérusalem. <sup>9</sup> Li te fè mal nan zye a SENYÈ a, \*selon tout sa ke papa li te konn fè yo. <sup>10</sup> Nan tan sa a, sèvitè a wa Babylone yo te monte Jérusalem e vil la te antre anba syèj. <sup>11</sup> Epi Nébuchadnetsar, wa Babylone nan te rive nan vil la pandan sèvitè li yo t ap fè syèj li. <sup>12</sup> Jojakin, wa Juda a, te sòti kote wa a Babylone nan, li menm avèk manman li, sèvitè li yo avèk kapitèn li yo ak ofisye li yo. Konsa, \*wa a Babylone nan te pran li an kaptivite nan uityèm ane règn pa li a. <sup>13</sup> \*Li te pote fè sòti depi la, tout trezò lakay SENYÈ a ak trezò lakay wa a e li te koupe an mòso tout vesò lò ke Salomon, wa Israël la, te fè nan tanp SENYÈ a, jis jan ke SENYÈ a te di a. <sup>14</sup> Epi li te mennen an egzil tout Jérusalem avèk tout kapitèn ak tout moun avèk gwo kouraj yo; di-mil kaptif, avèk tout mèt ouvriye ak tout sila ki konn fòme oswa fonn metal yo. <sup>15</sup> Konsa, \*li te mennen Jokajin sòti an egzil Babylone; osi, manman a wa a avèk madanm li yo, ofisye li yo ak tout mesye ki te chèf dirijan peyi yo. Li te mennen yo ale an egzil soti Jérusalem jis rive Babylone. <sup>16</sup> Tout mesye gwo kouraj yo, \*sèt-mil, mèt ouvriye yo, mil, tout te plen avèk fòs e pare pou fè lagè. Sila yo, wa Babylone nan te mennen yo an egzil Babylone. <sup>17</sup> \*Epi wa Babylone nan te fè tonton Jokajin nan, Matthania, wa nan plas li e li te chanje non li an Sédécias. <sup>18</sup> \*Sédécias te gen laj a venteyen ane lè l te devni wa a e li te renye pandan onzan Jérusalem. Non manman li se te Hamuthal, fis a Jérémie an nan Libna. <sup>19</sup> Li te fè mal nan zye SENYÈ a, \*selon tout sa ke Jojakim te konn fè yo. <sup>20</sup> Paske \*akoz kòlè SENYÈ a, tout sa te rive Jérusalem avèk Juda jiskaske Li te jete yo deyò prezans Li. Epi Sédécias te fè rebèl kont wa Babylone nan.

## 25

<sup>1</sup> \*Alò nan nevyèm ane règn li an, nan dizyèm jou ak nan dezyèm mwa a, Nébuchadnetsar, wa Babylone nan te vini. Li menm avèk tout lame li te fè kan kont Jérusalem e li te bati yon miray syèj ki te antoure li. <sup>2</sup> Konsa, vil la te anba syèj jis rive nan onzyèm ane a Wa Sédécias la. <sup>3</sup> Nan nevyèm jou ak nan katriyèm mwa a, \*grangou te tèlman rès nan vil la ke pa t gen manje pou pèp peyi a. <sup>4</sup> \*Epi yo te kase vil la antre e tout mesye lagè yo te sove ale nan nwit lan pa pòtay antre de mi yo akote \*jaden a wa a, malgre Kaldeyen yo te antoure tout vil la. Konsa, yo te sòti pa chemen dezè a. <sup>5</sup> Men lame Kaldeyen yo te kouri deyò wa a, yo te rive pran li nan plèn Jéricho a e tout lame li a te gaye kite li. <sup>6</sup> \*Yo te kaptire wa a e yo te \*mennen li kote wa Babylone nan Ribla pou li te pase jijman sou li. <sup>7</sup> \*Yo te touye fis a Sédécias yo devan zye li, yo te \*pete zye a Sédécias, yo te mare l avèk chenn an bwonz yo e yo te mennen li Babylone. <sup>8</sup> \*Alò, nan setyèm jou ak nan senkyèm mwa a, ki se te diznevyèm ane Nébuchadnetsar, wa Babylone nan, Nébuzaradan, kapitèn gad yo, yon sèvitè a wa Babylone

\* 24:7 Jr 46:2 \* 24:7 Jen 15:18 \* 24:8 I Kwo 3:16 \* 24:8 II Kwo 36:9 \* 24:9 II Wa 21:2-7 \* 24:12 II Kwo 36:10 \* 24:13 II Wa 20:17 \* 24:15 Jr 22:24-28 \* 24:16 II Wa 24:14 \* 24:17 II Kwo 36:10-13 \* 24:18 Jr 27:1 \* 24:19 II Wa 23:37 \* 24:20 Det 4:24 \* 25:1 II Kwo 36:17-20 \* 25:3 II Wa 6:24-25 \* 25:4 Éz 33:21 \* 25:4 Né 3:15 \* 25:6 Jr 34:21-22 \* 25:6 Jr 32:4 \* 25:7 Jr 39:6-7 \* 25:7 Éz 12:13 \* 25:8 Jr 52:12

nan, te rive Jérusalem. <sup>9</sup> ✧ Li te brile lakay SENYÈ a, lakay wa a ak tout kay Jérusalem yo. Menm tout gwo kay yo, li te brile yo avèk dife. <sup>10</sup> Epi tout lame Kaldeyen yo ki te avèk kapitèn gad la te ✧ kraze, chire, tout mi ki te antoure Jérusalem yo. <sup>11</sup> Epi ✧ tout rès nan moun ki te kite lavil yo, sila ki te dezète al jwenn wa Babylone nan e tout rès pèp la ki te rete, Nébuzaraden, kapitèn gad la, te pote yo ale an egzil. <sup>12</sup> Men kapitèn gad la te kite kèk moun pami ✧ pi malere yo pou sèvi kòm ouvriye nan chan rezen yo ak pou raboure tè a. <sup>13</sup> ✧ Alò, pilye an bwonz ki te lakay SENYÈ yo ak baz avèk lanmè an bwonz ki te lakay SENYÈ a, Kaldeyen yo te kase yo an mòso e te pote bwonz lan Babylone. <sup>14</sup> ✧ Yo te retire po yo, pèl yo, etennwa yo, kiyè yo ak tout veso an bwonz ki te konn sèvi nan sèvis tanp lan. <sup>15</sup> Kòmandan gad la, anplis, te pran tout plato pou resevwa sann yo, avèk basen yo, sila ki te an lò fen ak sila ki te an ajan fen yo. <sup>16</sup> De pilye yo, yon sèl lanmè a ak baz ke Salomon te fè pou lakay SENYÈ a, ✧ bwonz nan veso sila yo te depase kapasite pou peze. <sup>17</sup> ✧ Wotè a yon pilye te di-zuit koude e yon tèt an bwonz te sou li; wotè a tèt an bwonz lan te twa koude, avèk yon griyaj ak grenad ki te antoure li an bwonz. Epi dezyèm pilye a te tankou sila yo avèk yon sistèm griyaj. <sup>18</sup> Alò, kapitèn gad la te pran ✧ Seraja, wo prèt la, avèk ✧ Sophonie, dezyèm prèt la, avèk twa ofisye a tanp lan. <sup>19</sup> Depi nan vil la, li te pran yon ofisye ki te chèf mesye lagè yo ak ✧ senk nan konseye a wa yo ki te twouve nan vil la; epi, grefye a kapitèn lame ki te responsab anrejistre moun nan peyi a; epi, swasant moun nan pèp peyi a te twouve nan vil la. <sup>20</sup> Nébuzaradan, kapitèn gad la, te pran yo pou te mennen yo kote wa Babylone nan ✧ Ribla. <sup>21</sup> Alò, wa Babylone nan te frape yo e te mete yo a lanmò nan Ribla nan peyi Hamath. ✧ Konsa, Juda te mennen an egzil soti nan peyi li. <sup>22</sup> Alò, moun ki te rete nan peyi Juda yo, ke Nébuchadnetsar, wa Babylone nan, te kite, li te chwazi ✧ Guédalia, fis a Achikam nan, fis a Schaphan an sou yo. <sup>23</sup> ✧ Lè tout kapitèn yo avèk sòlda pa yo te tandè ke wa Babylone nan te chwazi Guédalia kòm gouvènè, yo te vin kote Guédalia nan Mitspa; pa non, Ismaël fis a Néthania a, avèk Jochanan, fis a Karéach la, Seraja, fis a Thanhumeth la, Netofayit la, avèk Jaazania, fis a Maakatyen an, yo menm avèk mesye pa yo. <sup>24</sup> Guédalia te sèman a yo avèk mesye pa yo a, e te di yo: “Pa pè vin sèvitè a Kaldeyen yo; viv nan peyi a, sèvi wa Babylone nan e sa va ale byen pou nou.” <sup>25</sup> ✧ Men li te vin rive nan setyèm mwa a, ke Ismaël, fis a Néthania yo, fis a Élischama yo nan fanmi wayal la, te rive avèk dis òm pou te frape Guédalia e li te mouri ansanm avèk Jwif ak Kaldeyen ki te avèk li nan Mitspa yo. <sup>26</sup> ✧ Alò, tout pèp la, ni gran ni piti, avèk kapitèn a fòs soulèvman yo te leve ale an Égypte; paske, yo te pè Kaldeyen yo. <sup>27</sup> ✧ Alò, li te vin rive nan trant-setyèm ane an ✧ egzil a Jojakin, wa Juda a, nan douzyèm mwa a, nan venn-setyèm jou nan mwa a, ke Évil-Mérodac, wa Babylone nan, nan lane ke li te vin wa a, li te lage Jojakin, wa Juda a, soti nan prizon; <sup>28</sup> epi, li te ✧ pale avèk dousè anvè li e li te leve twòn li an piwo pase lòt wa ki te avèk li Babylone yo. <sup>29</sup> Jojakin te chanje rad prizonye li yo e li te vin pran ✧ repa l nan prezans a wa a pandan tout rès jou lavi li; <sup>30</sup> epi, pou ✧ bous li, yon bous nòm al te bay a li

✧ 25:9 I Wa 9:8 ✧ 25:10 II Wa 14:13 ✧ 25:11 II Kwo 36:20 ✧ 25:12 II Wa 24:14 ✧ 25:13 I Wa 7:15-22 ✧ 25:14 I Wa 7:47-50 ✧ 25:16 I Wa 7:47-50 ✧ 25:17 I Wa 7:15-22 ✧ 25:18 Esd 7:1 ✧ 25:18 Jr 29:25-29 ✧ 25:19 Est 1:14 ✧ 25:20 II Wa 23:33 ✧ 25:21 Det 28:64 ✧ 25:22 Jr 39:14 ✧ 25:23 Jr 40:7-9 ✧ 25:25 Jr 41:1-2 ✧ 25:26 Jr 43:4-7 ✧ 25:27 Jr 52:31-34 ✧ 25:27 II Wa 24:12-15 ✧ 25:28 Dan 2:37 ✧ 25:29 II Sam 9:7 ✧ 25:30 Né 11:23

menm pa wa a, yon pòsyon pou chak jou pandan tout jou lavi li.

## Kwonik Yo

<sup>1</sup> ✧Adam, Seth, Énosch <sup>2</sup> Kénan, Mahalaleel, Jéred, <sup>3</sup> Hénoc, Metuschélah, Lémec, <sup>4</sup> Noé, Sem, Cham avèk Japhet. <sup>5</sup> ✧Fis a Japhet yo: Gomer, Magog, Madaï, Javan, Tubal, Méschec avèk Tiras. <sup>6</sup> Fis a Gomer yo: Aschkenaz, Diphath, avèk Togarma. <sup>7</sup> Fis a Javan yo: Élischa, Tarsisa, Kittim ak Rodanim. <sup>8</sup> Fis a Cham yo: Cusch, Mitsraïm, Puth avèk Canaan. <sup>9</sup> Fis a Cush yo: Saba, Havilla, Sabta, Raema avèk Sabteca. —Fis a Raema yo: Séba avèk Dedan. <sup>10</sup> Cusch te fè Nimrod: se li menm ki te vin yon nonm pwisan sou latè a. <sup>11</sup> ✧Mitsarim te fè moun a Ludim yo, Ananim yo, Lehabim yo, Naphtuhim yo, <sup>12</sup> Patrusim yo, Casluhim yo, sou sila Filisten yo te sòti avèk Kaftorimyen yo. <sup>13</sup> Canaan te fè Sidon, premye ne li avèk Heth, <sup>14</sup> avèk Jebizyen yo, Amoreyen yo ak Gigazyen yo, <sup>15</sup> Evyen yo, Akiyen yo, Siniyen yo, <sup>16</sup> Avadyen yo, Semariyen yo ak Amatyen yo. <sup>17</sup> ✧Fis a Sem yo: Élam, Assur, Arpacschad, Lud ak Aram; Uts, Hul, Guéter avèk Méschec. <sup>18</sup> Arpacschad te fè Schélach; epi Schélach te fè Héber. <sup>19</sup> De fis te fèt a Éber, non a youn se te Pélèg; paske nan jou pa li yo, tè a te divize e non frè li a se te Joktan. <sup>20</sup> Joktan te vin papa a Almodad, Schéleph, Hatsarmaveth, Jérach, <sup>21</sup> Hadoram, Uzal, Dikla, <sup>22</sup> Ébal, Abimaël, Séba, <sup>23</sup> Ophir, Havila, avèk Jobab, tout sila te fis a Joktan. <sup>24</sup> ✧Sem, Arpacschad, Schélach, <sup>25</sup> Héber, Péleg, Rehu, <sup>26</sup> Serug, Nachor, Térach, <sup>27</sup> Abram, ki se Abraham. <sup>28</sup> Fis a Abraham yo: Isaac avèk Ismaël. <sup>29</sup> Men ✧desandan pa yo: Nebajoth, premye ne pou Ismaël, Kédar, Adbeel, Mibsam. <sup>30</sup> Mischma, Duma, Massa, Hadad, Téma, <sup>31</sup> Jethur, Naphisch ak Kedma: sila yo se te fis a Ismaël. <sup>32</sup> ✧Fis a Ketura yo, ti mennaj a Abraham nan. Li te bay nesans a Zimran, Jokschan, Medan, Madain, Jischbak ak Schuach. —Fis a Jokschan yo: Séba avèk Dedan. <sup>33</sup> Fis a Midian yo: Épha, Épher, Hénoc, Abida avèk Eldaa—Tout sila yo se te fis a Ketura. <sup>34</sup> Abraham te fè Isaac. Fis a Isaac yo se te ✧Ésaü avèk Israël. <sup>35</sup> ✧Fis a Ésaü yo: Élipfaz, Reuel, Jeusch, Jaelam avèk Koré. <sup>36</sup> Fis a Élipfaz yo: Théman, Omar, Tsephi, Gaetham, Kenaz, Thimna avèk Amalek. <sup>37</sup> Fis a Reuel yo: Nahath, Zérach, Schamma avèk Mizza. <sup>38</sup> ✧Fis a Séir yo: Lothan, Schobal, Tsibeon, Ana, Dischon, Etsér avèk Dischan. <sup>39</sup> Fis a Lothan yo: Hori avèk Homam. Epi sè Lothan an te Thimna. <sup>40</sup> Fis a Schobal yo: Alijan, Manahath, Ébal, Schephi avèk Onam. Fis a Tsibeon yo: Ajja, avèk Ana. <sup>41</sup> Fis a Ana a: Dischon. Fis a Dischon yo: Hamran, Eschban, Jitran avèk Keran. <sup>42</sup> Fis a Etsér yo: Bilhan, Zaavan avèk Jaakan. Fis a Dischan yo: Uts avèk Aran. <sup>43</sup> ✧Alò, sila yo se wa ki te renye nan peyi Édom an avan te gen wa an Israël. Béla, fis a Beor la; epi non a vil pa li a se te Dinhaba. <sup>44</sup> Béla te mouri; epi Jobab, fis a Zérach ki sòti ✧Botsra a, te renye nan plas li. <sup>45</sup> Jobab te mouri e Huscham a peyi ✧Temanit yo te renye nan plas li. <sup>46</sup> Huscham te mouri; epi Hadad, fis a Bedad la, te renye nan plas li. Se te li menm ki te frape Madian nan chan Moab la. Non a vil sa a se te Avith. <sup>47</sup> Hadad te mouri; epi Samia a Maskéka te renye nan plas li. <sup>48</sup> Samia te mouri; epi Saül a Rehoboth kote flèv la te

✧ **1:1** Jen 4:24 ✧ **1:5** Jen 10:2-4 ✧ **1:11** Jen 10:13-18 ✧ **1:17** Jen 10:22-29 ✧ **1:24** Jen 11:10-26 ✧ **1:29** Jen 25:13-16 ✧ **1:32** Jen 25:1-4 ✧ **1:34** Jen 25:25-26 ✧ **1:35** Jen 36:4-10 ✧ **1:38** Jen 36:4-10 ✧ **1:43** Jen 36:31-43 ✧ **1:44** És 34:6 ✧ **1:45** Job 2:11



renye nan plas li. <sup>49</sup> Saül te mouri; epi Baal-Hanan, fis a Acbor a te renye nan plas li. <sup>50</sup> Baal-Hanan te mouri; epi Hadad te renye nan plas li. Non a vil sa a se te Pahi; epi non a madanm li se te Mehéthabeel, fi a Mathred la, fi a Mézahab la. <sup>51</sup> Hadad te mouri. Chèf a Édom yo te chèf Thimna, chèf Alia, chèf Jetheth, <sup>52</sup> chèf Oholibama, chèf Éla ak chèf Pinon, <sup>53</sup> chèf Kenaz, chèf Théman, chèf Mibtsar, <sup>54</sup> chèf Magdiel, chèf Iram. Sila yo se te chèf Édom yo.

## 2

<sup>1</sup> Men ✧fis Israël yo: Ruben, Siméon, Lévi, Juda, Issacar, Zabulon, <sup>2</sup> Dan, Joseph, Benjamin, Nephthali, Gad ak Aser. <sup>3</sup> ✧Fis a Juda yo: Er, Onan, Schéla; twa fèt a li menm pa Bath-Schua, Kananeyèn nan. Er, premye ne a Juda a, se te mechan nan zye SENYÈ a, ki te mete li a lanmò. <sup>4</sup> ✧Tamar, bèlfi a Juda a, te bay nesans a Pérets avèk Zérach. Kantite antou a fis Juda yo, senk. <sup>5</sup> Fis a Pérets yo: Hetsron avèk Hamul. <sup>6</sup> Fis a Zérach yo: Zimri, Éthan, Héman, Calcol avèk Dara. An total: senk. <sup>7</sup> Fis a Carmi yo: ✧Acar, ki te twouble Israël lè l te vyole bagay anba ve yo. <sup>8</sup> Fis a Éthan an: Azaria. <sup>9</sup> Fis ki ne a Hetsron yo: Jerachmeel, Ram, avèk Kelubaï. <sup>10</sup> Ram te fè Amminadab. Amminadab te fè Nachschon, chèf a fis a Juda yo. <sup>11</sup> Nachschon te fè Salma. Salma te fè Boaz. <sup>12</sup> Boaz te fè Obed. Obed te fè Jesse, <sup>13</sup> Jesse te fè Éliab, fis premye ne a, Abinadab, dezyèm nan, Schimea, twazyèm nan, <sup>14</sup> Nethaneel, katriyèm nan, Raddaï, senkyèm nan, <sup>15</sup> Otsem, sizyèm nan, David, setyèm nan. <sup>16</sup> Sè pa yo se te: Tseruja avèk Abigaïl. Epi twa fis a Tserula yo: Abischaï, Joab avèk Asaël, twa. <sup>17</sup> Abigaïl te fè Amasa: papa Amasa se te Jéther, avèk Izmayelit la. <sup>18</sup> Caleb, fis a Hetsron an te fè de fis avèk Azuba, madanm li e de pa Jerioth; alò, sa yo se te fis li yo: Jéscher, Schobab avèk Ardon. <sup>19</sup> Azuba te mouri; epi Caleb te pran Éphrath ki te fè Hur pou li. <sup>20</sup> Hur te fè Uri e Uri te fè Betsaleel. <sup>21</sup> Apre, Hetsron te ale kote fi a Makir a, papa a Galaad e li te gen swasant ane depi li te marye avè l; epi li te fè pou li Segub. <sup>22</sup> Segub te fè Jaïr, ki te gen venn-twa vil nan peyi Galaad. <sup>23</sup> Men Gechouryen yo avèk Siryen yo te rache vil Jaïr yo nan men yo avèk Kenath ak vil pa li yo, menm swasant vil. Tout sila yo se te fis a Makir yo, papa a Galaad. <sup>24</sup> Lè Hetsron te fin mouri nan Caleb-Éphratha, Abija, fanm Hetsron an, te fè pou li, Aschchur, papa a Tekoa. <sup>25</sup> Fis a Jerachmeel yo, premye ne a Hetsron an: Ram, premye ne, Buna, Oren avèk Otsem, ne a Achija. <sup>26</sup> Jerachmeel te gen yon lòt fanm ki te rele Athara e ki te manman a Onam. <sup>27</sup> Fis a Ram yo, premye ne a Jerachmeel, te Maatys, Jamin, avèk Éker. <sup>28</sup> Fis a Onam yo te Schammaï avèk Jada. Fis a Schammaï yo: Nadab avèk Abischur. <sup>29</sup> Non a fanm Abischur a te Abichail e li te fè pou li Achban avèk Molid. <sup>30</sup> Fis a Nadab yo: Sélèd avèk Appaïm. Sélèd te mouri san fis. <sup>31</sup> Fis a Appaïm nan: Jischeï. Fis a Jischeï a: Schéschan. Fis a Schéschan nan: Achlaï. <sup>32</sup> Fis a Jada yo, frè a Schammaï: Jéther avèk Jonathan. Jéther te mouri san fis. <sup>33</sup> Fis a Jonathan yo: Péleth avèk Zaza. Sila yo se te fis a Jerachmeel. <sup>34</sup> Schéschan pa t gen fis, men sèlman fi. Schéschan te gen yon esklav Ejipsyen ki te rele Jarcha. <sup>35</sup> Epi Schéschan te bay fi li kon madanm a Jarcha, esklav li a e li te fè pou li, Attaï. <sup>36</sup> Attaï te fè Nathan; Nathan te fè Zabad; <sup>37</sup> Zabad te fè Ephlal; Ephlal te fè Obed; <sup>38</sup> Obed te fè Jéhu; Jéhu

te fè Azaria; <sup>39</sup> Azaria te fè Halets; Halets te fè Élasa; <sup>40</sup> Élasa te fè Sismaï; Sismaï te fè Schallum; <sup>41</sup> Schallum te fè Jekamja; Jekamaja te fè Élischama. <sup>42</sup> Alò, fis a Caleb yo, frè a Jerachmeel la: Méscha, fis premye ne a, ki te vin papa a Ziph e fis pa li a se te Maréscha, papa a Hébron. <sup>43</sup> Fis a Hébron yo: Koré, Thappuach, Rékem avèk Schéma. <sup>44</sup> Schéma te fè Racham, papa a Jorkeam. Rékem te fè Schammaï. <sup>45</sup> Fis a Schammaï a: Maon; epi Maon te papa a Beth-Tsur. <sup>46</sup> Épha, ti mennaj a Caleb la, te fè Haran, Motsa avèk Gazez. <sup>47</sup> Fis a Jahdaï a: Réguem, Jotham, Guéschan, Péleth, Épha avèk Schaaph. <sup>48</sup> Maaca, ti mennaj a Caleb la te fè Schéber avèk Tirchana. <sup>49</sup> Li te fè ankò Schaaph, papa a Madmanna, avèk Scheva, papa a Macbéna, papa a a Guibea. Fi a Caleb la te Acsa. <sup>50</sup> Men fis a Caleb yo: Fis a Hur yo, premye ne a Éphrata a e papa a Kirjath-Jearim; <sup>51</sup> Salma, papa a Bethléem; Hareph, papa a Beth-Gader. <sup>52</sup> Fis a Shobal yo, papa a Kirjath-Jearim te Haroé, Hatsi-Hammenuhoth. <sup>53</sup> Fanmi a Kirjath-Jerim yo se te: Jetriyen yo, Pityen yo, Choumatyen yo ak Mischrayen yo; depi nan fanmi sila yo, te sòti Soreatyen yo avèk Eschtaolyen yo. <sup>54</sup> Fis a Salma yo: Bethléem avèk Netofatyen yo, Athroth-Beth-Joab, Hatsi-Hammanachthi, Soreyen yo; <sup>55</sup> epi fanmi a skrib ki te rete Jaebets yo: Tireatyen yo, Schimeatyen yo ak Sikatyen yo. Sila yo se Kenyen ki te soti nan Hamath yo, papa lakay Récab.

### 3

<sup>1</sup> ✧ Alò, sila yo se te fis a David ke li te fè Hébron yo. Premye ne a, Amnon, pa Achinoam ak Jizreel; dezyèm nan, Daniel ak Abigaïl, moun Carmel la; <sup>2</sup> Twazyèm nan, Absalom, fis a Maaca a, fi a Talmaï a, wa Gueschur a; katriyèm nan, Adonija, fis a Haggith la; <sup>3</sup> senkyèm nan, Schephatia, pa Abithai; sizyèm nan, Jithream pa Élga, madanm li. <sup>4</sup> Se sis ki te fèt a li Hébron. ✧ La, li te renye pandan setan si mwa e li te renye pandan trann-twazan Jérusalem. <sup>5</sup> Men sila ki te fèt a li Jérusalem yo: Schimea, Schobab, Nathan avèk Salomon, kat pa Bath-Schua, fi a Ammiel la; <sup>6</sup> avèk Jibhar, Élischama, Éliphéleth, <sup>7</sup> Noga, Népheg, Japhia, Élischama, <sup>8</sup> Éliada avèk Éliphéleth, nèf. <sup>9</sup> Tout sila yo se fis a David, anplis, fis a ti mennaj li yo; epi ✧ Tamar te sè li. <sup>10</sup> Fis a Salomon an: Roboam. Abijah, fis pa li a; Asa, fis pa li a; Josaphat, fis pa li a; <sup>11</sup> Joram, fis pa li a; Achazia, fis pa li a; Joas, fis pa li a; <sup>12</sup> Amatsia, fis pa li a: Azaria, fis pa li a; Jotham, fis pa li a; <sup>13</sup> Achaz, fis pa li a; Ézéchias, fis pa li a; Manassé, fis pa li a; <sup>14</sup> Amon, fis pa li a; Josias, fis pa li a. <sup>15</sup> Fis a Josias yo: Jochanan, premye ne a; dezyèm nan, Jojakim; twazyèm nan, Sédécias; katriyèm nan, Schallum. <sup>16</sup> fis a Jojakim yo: Jéconias, fis li a, avèk Zedekiah, fis li a. <sup>17</sup> Fis a Jéconias yo, prizonye a: Schealthiel, fis li a, <sup>18</sup> epi Malkiram, Pedaja, Schénatsar, Jekamia, Hoschama ak Nedabia. <sup>19</sup> Fis a Pedaja yo: Zorobabel avèk Schimeï. Fis a Zorobabel yo: Meschullam avèk Hanania; epi Schelomith, sè pa yo; <sup>20</sup> avèk Haschuba, Ohel, Bérékia, Hasadia, Juschab-Hésed, senk. <sup>21</sup> Fis a Hanaja yo: Pelathia avèk Ésaïe; fis a Rephaja yo, fis a Arnan yo, fis a Abdias yo, fis a Schecania yo. <sup>22</sup> Desandan a Schecania yo se te Schemaeja ak fis a Schemaeja yo, Hattusch, Jigueal, Bariach, Nearia ak Schaphath, sis. <sup>23</sup> Fis a Nearia yo: Eljoénaï, Ézéchias ak Azrikam, twa. <sup>24</sup> Fis a Eljoénaï yo: Hodavia, Éliaschib, Pelaja, Akkub, Jochanan, Delaja ak Anani, sèt.

## 4

<sup>1</sup> ✧Fis a Juda yo: Pérets, Hetsron, Carmi, Hur ak Shobal. <sup>2</sup> Reaja, fis a Shobal la, te vin papa a Jachath; Jachath te fè Achumai avèk Lahad. Sila yo se te fanmi a Soreatyen yo. <sup>3</sup> Men desandan a Étham yo: Jizreel, Jischma ak Jidbach; sè yo te rele Hatselèlponi. <sup>4</sup> Penuel se te papa a Guedor e Ézer papa a Huscha. Men fis a Hur yo; premye ne a, Éphrata, papa a Bethléem. <sup>5</sup> Aschchur, papa a Tekoa, te gen de madanm: Hélea avèk Naara. <sup>6</sup> Naara te fè pou li Achuzzam, Hépher, Thémeni ak Ashaschthari: men fis a Naara yo. <sup>7</sup> Fis a Hélea yo: Tséreth, Tsochar ak Ethnan. <sup>8</sup> Kots te fè Anub avèk Hatsobéba ak fanmi a Acharchel yo, fis a Harum yo. <sup>9</sup> Jaebets te gen plis onè pase frè li yo e manman li te rele li Jaebets epi te di: “akoz mwen te fè l avèk gwo doulè”. <sup>10</sup> Jaebets te rele Bondye Israël la epi te di: “O ke ou beni mwen, anverite e agrandi lizyè mwen e ke men ou avè m, ke ou pwoteje m de mal pou m pa soufri doulè.” Epi Bondye te bay li sa li te mande a. <sup>11</sup> Kelub, frè a Schucha a, te fè Mechir ki te papa a Eschthon. <sup>12</sup> Eschthon te soti lakay Rapha, Paséach ak Thechinna, papa a Nachasch. Sila yo se te moun a Réca yo. <sup>13</sup> Alò, fis a Kenaz yo: Othniel avèk Seraja. Fis a Othniel la: Hathath. <sup>14</sup> Meonothai te fè Ophra. Seraja te fè Joab, papa a atizan yo; paske, li menm te yon atizan. <sup>15</sup> Fis a Caleb yo, ki te fis a Jephunné a: Iru, Éla avèk Naam e fi yo, Éla avèk Kenaz. <sup>16</sup> Fis a Jehalléleel yo: Ziph, Zipha, Thirja ak Asareel. <sup>17</sup> Fis a Esdras yo: Jéther, Méred, Épher ak Jalon. Madanm a Méred la te fè Miriam, Schammaï ak Jischbach, papa Eschthemoa. <sup>18</sup> Madanm li, Juif te fè Jéréd, papa a Guedor, Héber, papa a Soco, avèk Jekuthiel, papa a Zanoach. <sup>19</sup> Fis a madanm a Hodija yo, sè a Nacham nan, se te zansèt a Kehila yo, Gamyen yo, ak Eschthemoa, Maakatyen yo. <sup>20</sup> Fis a Simon yo: Amnon, Rinna, Ben-Hanan ak Thilon. Epi fis a Jischeï yo: Zocheth ak Ben-Zocheth. <sup>21</sup> Fis a Schéla yo, ki te fis a Juda a: Er, papa a Léca, Laeda, papa a Maréscha, avèk fanmi lakay travayè twal nan Béth-Aschbéa yo, <sup>22</sup> avèk Jokim, mesye a Cozéba yo, Joas ak Saraph, ki te renye Moab avèk Jaschubi-Léchem. Achiv sila yo tèlman ansyen. <sup>23</sup> Sila yo se te moun ki te fè veso ajil ki te abite Netayaim avèk Gedera; yo te rete la avèk wa a pou fè travay li. <sup>24</sup> Fis a Siméon yo: Nemuel, Jamin, Jarib, Zérach, Saül. <sup>25</sup> Schallum, fis li a. Mibsam, fis li a. <sup>26</sup> Fis a Mischma yo: Hammuel, fis li a, Zaccur, fis li a ak Schimeï, fis li a. <sup>27</sup> Schimel te gen sèz fis avèk sis fi. Frè li yo pa t fè anpil fis, ni fanmi pa yo pa t miltipliye kon fis a Juda yo. <sup>28</sup> Yo te rete Beer-Schéba, nan Molada ak nan Hatsar-Schaul, <sup>29</sup> nan Bilha, nan Etsem, nan Tholad, <sup>30</sup> nan Bethuel, nan Horma, nan Tsiklag, <sup>31</sup> nan Beth-Marcaboth, nan Hatsar-Susim, nan Beth-Bireï ak nan Schaaraïm. Sila yo se te vil pa yo jiska règn a wa David la. <sup>32</sup> Vilaj pa yo te Etham, Ain, Rimmon, Thoken ak Aschan, senk vil yo; <sup>33</sup> epi tout vil pa yo ki te antoure menm vil sila yo jis rive Baal. Se te anplasman pa yo e yo genyen istwa zansèt pa yo. <sup>34</sup> Meschobab, Jamlec, Joscha, fis a Amatsia a; <sup>35</sup> epi Joël avèk Jéhu, fis a Joschibia a, fis a Seraia a, fis a Asiel la; <sup>36</sup> Eljoénaï, Jaakoba, Jeschochaja, Asaja, Adiel, Jesimiel, Benaja, <sup>37</sup> Ziza, fis a Allon an, fis a Jedaja a, fis a Schimri a, fis a Schemaeja a. <sup>38</sup> Sila ki mansyone pa non yo se te chèf lakay fanmi pa yo; epi lakay zansèt pa yo te chèf nan fanmi pa yo e lakay fanmi pa yo te grandi anpil. <sup>39</sup> Yo te rive jis nan antre Guedor, jis nan kote lès a vale a pou chache patiraj pou twoupo pa yo. <sup>40</sup> Yo te jwenn pa yo ki te trè rich e trè bon, ✧peyi a te

vas e kalm, epi te gen lapè; paske sila ki te rete la oparavan yo te desandan de Cham. <sup>41</sup> ✧Sila yo, dechifre pa non te vini nan jou a Ézéchiàs yo, wa Juda a e te atake tant pa yo e avèk Mawonit ki te rete la yo, te detwi yo nèt jis rive jou sa a pou te rete nan plas pa yo, akòz te gen patiraj pou twoupo pa yo. <sup>42</sup> Sòti nan yo, depi nan fis Siméon, senk-san mesye te monte nan Mòn Séir avèk Pelathia, Nearia, Rephaja e Uziel, fis a Jischeï a. <sup>43</sup> ✧Yo te detwi retay Amalekit ki te chape yo e te rete la jis rive jodi a.

## 5

<sup>1</sup> Alò, fis a Ruben yo, premye ne an Israël la (paske se te premye ne li te ye, men akòz ✧li te konwonpi kabann papa li, dwa nesans li te bay a fis a Joseph yo, fis Israël la; epi pou sa, li pa anwole nan istwa desandan yo selon dwa nesans lan. <sup>2</sup> Sepandan Juda te reyisi depase frè li yo e ✧soti nan li, chèf la te parèt, malgre dwa nesans lan te pou Joseph), <sup>3</sup> fis a Ruben yo, premye ne an Israël la: Hénoc, Pallu, Hetsron ak Carmi. <sup>4</sup> Fis a Joël yo: Schemaeja, fis pa li a, Gog, fis pa li a; Schimeï, fis pa li a; <sup>5</sup> Michée, fis pa li a; Reaja, fis pa li a; Baal, fis pa li a. <sup>6</sup> Beéra, fis pa li a ke Tilgath-Pilnéser, wa Assyrie a te mennen an kaptivite: li te chèf a Ribenit yo. <sup>7</sup> Fanmi a Beéra yo, selon fanmi pa yo, ✧nan istwa zansèt yo te Jeiel, chèf la ak Zechariah. <sup>8</sup> Epi Béla, fis a Azaz la, fis a Schéma a, fis a Joël la. Béla te rete Aroër e teritwa yo te jiska Neb ak Baal-Meon; <sup>9</sup> nan lès, li te rete jis rive nan antre dezè a soti nan rivyè Euphrate la, ✧akòz bèt pa yo te tèlman ogmante nan peyi Galaad la. <sup>10</sup> Nan jou a Saül yo, ✧yo te fè lagè avèk Agarenyen ki te tonbe pa men yo, jiskaske yo te vin rete nan tant pa yo toupatou nan tout teritwa lès a Galaad la. <sup>11</sup> Alò, fis a Gad yo te rete anfas yo nan peyi ✧Basan an jis rive Salca. <sup>12</sup> Joël te chèf e Schapham te dezyèm nan ak Jaenaï avèk Schaphath nan Basan. <sup>13</sup> Fanmi pa yo selon lakay papa yo: Micaël, Meschullam, Schéba, Joraï, Zia ak Éber, sèt antou. <sup>14</sup> Sila yo se te fis a Abichaïl yo, fis a Huri a, fis a Jaroach la, fis a Galaad la, fis a Micaël la, fis a Jeschichaï a, fis a Jachdo a, fis a Buz la; <sup>15</sup> Achi, fis a Abdiel la, fis a Guni a, tèt lakay papa yo. <sup>16</sup> Yo te rete Galaad nan Basan, nan vil pa li yo ak nan tout teren patiraj yo nan ✧Saron jis rive nan limit lizyè pa yo. <sup>17</sup> Tout sila yo te anwole nan chif zansèt yo nan jou a ✧Jotham yo, wa Juda a ak nan jou ✧Jéroboam yo, wa Israël. <sup>18</sup> Fis a Ruben yo ak Gadit yo avèk mwatye Manassé yo, mesye a gwo kouraj yo, mesye ki te pote boukliye avèk nepe yo, te tire avèk banza e yo te fò nan batay, karant-kat-mil-sèt-san-swasant moun ki te ✧ale nan gè a. <sup>19</sup> Yo te fè lagè kont Agarenyen yo, ✧Jethur, Naphisch ak Nodab. <sup>20</sup> Yo te twouve soutyen kont yo e Agarenyen yo avèk tout sila ki te avèk yo te livre nan men yo; paske, ✧yo te kriye fò a Bondye nan batay la e Li te reponn lapriyè yo, akòz yo te mete konfyans yo nan Li. <sup>21</sup> Yo te pran tout twoupo bèt yo: senkant-mil chamo, de-san-senkant-mil mouton, de-mil bourik; epi san-mil òm. <sup>22</sup> Paske, anpil moun te mouri, akòz ✧lagè a te sòti nan Bondye. Epi yo te vin rete nan plas pa yo jis rive nan lè egzil la. <sup>23</sup> Alò, fis a mwatye tribi Manassé yo te rete nan peyi a; soti nan Bashan jis rive nan Baal-Hermon avèk ✧Senir e Mòn Hermon yo te anpil. <sup>24</sup> Sila yo se te tèt lakay zansèt yo, menm Épher, Jischeï, Éliel, Azriel, Jérémie Hodavia ak Jachrenom; mesye gwo kouraj yo, chèf lakay

✧ 4:41 I Kwo 4:33-38 ✧ 4:43 I Sam 15:7-8 ✧ 5:1 Jen 35:22 ✧ 5:2 Mi 5:2 ✧ 5:7 I Kwo 5:17  
 ✧ 5:9 Jos 22:8-9 ✧ 5:10 I Kwo 5:18-21 ✧ 5:11 Jos 13:11 ✧ 5:16 És 35:2 ✧ 5:17 II Wa 15:5-32 ✧ 5:17 II Wa 14:16-28 ✧ 5:18 Nonb 1:3 ✧ 5:19 Jen 25:15 ✧ 5:20 II Kwo 14:11-13  
 ✧ 5:22 Jos 23:10 ✧ 5:23 Det 3:9

zansèt pa yo. <sup>25</sup> Men yo te ✨aji avèk trayizon kont Bondye a papa yo a e te jwe pwostitiye a nan kouri dèyè dye a pèp peyi ke Bondye te detwi devan yo a. <sup>26</sup> Pou sa, Bondye Israèl la te chofe lespri a ✨Pul, wa Assyrie a, menm lespri a Tilgath-Pilnéser, wa Assyrie a e li te pote yo ale an egzil, menm Ribenit yo, Gadit yo ak mwatye tribi Manassé yo e te fè yo rive nan Chalach, nan Chabor, nan Hara ak nan flèv Gozan nan, kote yo rete menm jis rive jodi a.

## 6

<sup>1</sup> ✨Fis a Lévi yo: Guerschom, Kehath ak Merari. <sup>2</sup> Fis a Kehath yo: Amram, Jitsehar, Hébron ak Uziel. <sup>3</sup> Pitit a Amram yo: Aaron avèk Moïse ak Marie. Fis a Aaron yo: Nadab, Abihu, Éléazar ak Ithamar. <sup>4</sup> Éléazar te vin papa a Phinéés; Phinéés te vin papa a Abischua; <sup>5</sup> Abischua te vin papa a Bukki e Bukki te vin papa a Uzzi, <sup>6</sup> epi Uzzi te vin papa a Zerachja; Zerachja te vin papa a Merajoth; <sup>7</sup> Merajoth te vin papa a Amaria; Amaria te vin papa a Achithub; <sup>8</sup> epi Achithub te vin papa a Tsadok e Tsadok ✨te vin papa a Achimaats; <sup>9</sup> epi Achimaats te vin papa a Azaria; Azaria te vin papa a Jochanan; <sup>10</sup> Jochanan te vin papa a Azaria, ✨(ki te fè sèvis kon prèt nan kay ke Salomon te bati Jérusalem nan; <sup>11</sup> epi ✨Azaria te vin papa a Amaria; Amaria te vin papa a Achithub; <sup>12</sup> Achithub te vin papa a Tsadok; Tsadok te vin papa a Schallum; <sup>13</sup> Schallum te vin papa a Hilkija, Hilkija te vin papa a Azaria; <sup>14</sup> Azaria te vin papa a ✨Seraja; Seraja te vin papa a Jehotsadak. <sup>15</sup> Jehotsadak te ale lè SENYÈ a te pote Juda avèk Jérusalem ale an egzil pa Nebucadnetsar. <sup>16</sup> Fis a Lévi yo: ✨Guerschom, Kehath ak Merari. <sup>17</sup> Sila yo se non a fis a Guerschom yo: Libni avèk Schimeï. <sup>18</sup> Fis a Kehath yo: Amram, Jitsehar, Hébron ak Uziel. <sup>19</sup> Fis a ✨Merari yo: Machli ak Muschiu. Epi sila yo se fanmi a Levit yo selon zansèt pa yo. <sup>20</sup> Selon Guerschom: Libni, fis li a, Jachath, fis li a; Zimma, fis li a; <sup>21</sup> Joach, fis li a; Iddo, fis li a; Zérach, fis li a; Jeathrai, fis li a. <sup>22</sup> Fis a Kehath yo: Amminadab, fis li a; Koré, fis li a; Assir, fis li a; <sup>23</sup> Elkana, fis li a; Ebjasap, fis li a; Assir, fis li a; <sup>24</sup> Thachath, fis li a; Uriel, fis li a; Ozias, fis li a; Saül, fis li a. <sup>25</sup> Fis a Elkana yo: Amasaï avèk Achimoth; <sup>26</sup> Elkana, fis li a; Elkana-Tsophaï, fis li a; Nachath, fis li a; <sup>27</sup> Éliab, fis li a; Jerocham, fis li a; Elkana, fis li a; <sup>28</sup> epi fis a Samuel yo, premye ne a, ✨Joel ak Abija. <sup>29</sup> Fis a Merari yo: Machli; Libni, fis li a; Schimel, fis li a; Uzza, fis li a; <sup>30</sup> Schimea, fis li a; Hagguija, fis li a; Asaja, fis li a. <sup>31</sup> ✨Alò, sila yo se sila ke David te chwazi nan sèvis chante lakay SENYÈ a, lè lach la te fin poze la. <sup>32</sup> Yo te fè ministè avèk chanson yo devan tant tabènak asanble a, jis lè Salomon te fin bati lakay SENYÈ a Jérusalem; epi yo te sèvi nan fonksyon pa yo selon lòd yo. <sup>33</sup> Sila yo se sila ki te sèvi avèk fis pa yo: Soti nan fis a Kehathit yo: Héman, chantè a, fis a Joël la, fis a Samuel la. <sup>34</sup> fis a Elkana a, fis a Jerocham nan, fis a Éliel la, fis a Thoach la. <sup>35</sup> fis a Tsuph la, fis a Elkana a, fis a Machath la, fis a Amasaï a, <sup>36</sup> fis a Elkana a, fis a Joël la, fis a Azaria a, fis a Sophonie a, <sup>37</sup> fis a Thachath la, fis a Assir a, fis a Ebjasaph la, fis a Koré a, <sup>38</sup> fis a Jitsehar la, fis a Kehath la, fis a Lévi a, fis a Israèl la. <sup>39</sup> Frè Héman an, Asaph te kanpe sou men dwat li, menm Asaph la, fis a Bérékia a, fis a Schimea a, <sup>40</sup> fis a Micaël la, fis a Baaséja a, fis a Malkija a, <sup>41</sup> fis a Ethni a, fis a Zérach la, fis a Adaja

✨ 5:25 Det 32:15-18 ✨ 5:26 II Wa 15:19-20 ✨ 6:1 Jen 46:11 ✨ 6:8 II Sam 15:27 ✨ 6:10 II Kwo 26:17 ✨ 6:11 Esd 7:3 ✨ 6:14 Né 11:11 ✨ 6:16 Jen 46:11 ✨ 6:19 Nonb 3:33 ✨ 6:28 I Sam 8:2 ✨ 6:31 I Kwo 15:16-27

a, <sup>42</sup> fis a Éthan an, fis a Zimma a, fis a Schimeï a, <sup>43</sup> fis a Jachath la, fis a Guerschom an, fis a Lévi a. <sup>44</sup> Sou lamén goch, fanmi pa yo, fis a Merari yo: Ethan, fis a Kishi a, fis a Abdi a, fis a Malluch la, <sup>45</sup> fis a Haschabia a, fis a Amatsia a, fis a Hilkija a, <sup>46</sup> fis a Amtsi a, fis a Bani a, fis a Schémer a, <sup>47</sup> fis a Machli a, fis a Muschi a, fis a Merari a, fis a Lévi a. <sup>48</sup> Fanmi pa yo, Levit yo, te chwazi pou tout sèvis tabènak lakay Bondye a. <sup>49</sup> Men Aaron avèk fis li yo te  $\star$ lofri sou lotèl ofrann brile a ak sou lotèl lansan an, pou tout zèv kote ki pi sen pase tout lòt yo a e pou fè ekspiyasyon pou Israèl, selon tout sa ke Moïse, sèvitè Bondye a, te òdone. <sup>50</sup> Sila yo se fis a Aaron yo: Éléazar, fis li a; Phinéés, fis li a; Abischua, fis li a; <sup>51</sup> Bukki, fis li a; Uzzi, fis li a; Zzerachja, fis li a; <sup>52</sup> Merajoth, fis li a; Amaria, fis li a; Achithub, fis li a; <sup>53</sup> Tsadok, fis li a; Achimaats, fis li a. <sup>54</sup> Alò, sila yo se lye anplasman pa yo selon kan anndan tout fwontyè yo. A fis Aaron yo, a fanmi Keatit yo, (paske,  $\star$ premye tiraj osò a te tonbe pou yo), <sup>55</sup> a yo, yo te bay  $\star$ Hébron, nan peyi Juda a ak teren patiraj ki te antoure li a; <sup>56</sup>  $\star$ men chan vil yo ak bouk pa li yo, yo te bay a Caleb, fis a Jephunné a. <sup>57</sup>  $\star$ A fis Aaron yo, yo te bay vil azil sila yo: Hébron, Libna, osi avèk patiraj pa li a, Jatthir, Eschthemoa ak patiraj pa li a, <sup>58</sup> Hilén avèk patiraj pa li yo, Debir avèk patiraj pa li a, <sup>59</sup> Aschan avèk patiraj pa li a ak Beth-Schémesch avèk patiraj pa li a; <sup>60</sup> epi soti nan tribi Benjamin an, Guéba avèk patiraj pa li a, Aliémeth avèk patiraj pa li a. Tout vil pa yo pami tout fanmi pa yo te trèz vil. <sup>61</sup>  $\star$ Epi a tout lòt fis a Kehath yo, te bay pa tiraj osò, soti nan fanmi a tribi a, soti nan mwatye tribi a, mwatye tribi Manassé a, dis vil. <sup>62</sup> A fis a Guerschom yo, selon fanmi pa yo, te bay soti nan tribi Issacar ak soti nan tribi Aser a, tribi Nephtali a ak tribi Manassé a, trèz vil nan Basan yo. <sup>63</sup>  $\star$ A fis a Merari yo, te bay pa tiraj osò, selon fanmi pa yo, soti nan tribi Ruben an, tribi Gad la ak tribi Zabulon an, douz vil. <sup>64</sup>  $\star$ Konsa, fis a Israèl yo te bay a Levit yo vil avèk patiraj yo. <sup>65</sup> Yo te bay pa tiraj osò soti nan tribi fis a Juda yo, tribi a fis a Siméon yo ak tribi a fis a Benjamin yo,  $\star$ vil sila ki mansyone pa non yo. <sup>66</sup>  $\star$ Alò, kèk nan fanmi a fis a Kehath yo te gen vil nan teritwa pa yo soti nan tribi Éphraïm. <sup>67</sup> Yo te bay yo vil azil yo kon swivan” Sichem avèk patiraj li nan peyi ti mòn Éphraïm yo avèk patiraj pa li; anplis, Gezer avèk patiraj li yo, <sup>68</sup> Jokmeam avèk patiraj pa li, Beth-Horon avèk patiraj pa li; <sup>69</sup> Ajalon avèk patiraj pa li e Gath-Rimmon avèk patiraj pa li; <sup>70</sup> epi depi nan mwatye tribi Manassé a, Aner ak tè patiraj pa li a, e Bileam ak tè patiraj pa li a, pou rès fanmi a fis Kehath yo. <sup>71</sup> A fis Guerschom yo, yo te bay soti nan fanmi a mwatye tribi Manassé a: Golan avèk Basan ak patiraj pa li e Ascharoth avèk patiraj pa li; <sup>72</sup> epi a tribi Issacar a: Kédésch avèk patiraj pa li, Dobrath avèk patiraj pa li, <sup>73</sup> Ramoth avèk patiraj pa li e Ahem avèk patiraj li, <sup>74</sup> epi soti nan tribi Aser, Maschal avèk patiraj pa li; Abdon avèk patiraj pa li, <sup>75</sup> Hukok avèk patiraj pa li e Rehob avèk patiraj pa li; <sup>76</sup> epi soti nan tribi Nephthali, Kédésch nan Galilée avèk patiraj pa li, Hammon avèk patiraj pa li e Kir-jathaim avèk patiraj pa li. <sup>77</sup> Pou rès nan Levit yo, fis a Merari yo: te resevwa soti nan tribi Zabulon, Rimmono avèk patiraj pa li; <sup>78</sup> epi lòtbò Jourdain an nan Jéricho, nan kote lès Jourdain an, te bay a yo menm soti nan tribi Ruben an: Betser nan dezè a avèk patiraj pa li yo ak Jahtsa avèk patiraj pa li, <sup>79</sup> Kedémoth avèk patiraj pa li ak Mephaath avèk patiraj pa li; <sup>80</sup> epi soti nan tribi a Gad la; te bay Ramoth nan Galaad

$\star$  6:49 Egz 27:1-8  $\star$  6:54 Jos 21:4-10  $\star$  6:55 Jos 14:13  $\star$  6:56 Jos 15:13  $\star$  6:57 Jos 21:13-19  
 $\star$  6:61 Jos 21:5  $\star$  6:63 Jos 21:7-40  $\star$  6:64 Nonb 35:1-8  $\star$  6:65 I Kwo 6:57-60  $\star$  6:66 Jos 21:20-26

avèk patiraj pa li, Mahanaïm avèk patiraj pa li, <sup>81</sup> Hesbon avèk patiraj pa li ak Jaezer avèk patiraj pa li.

## 7

<sup>1</sup> Alò, fis a Issacar yo se te kat: Thola, Pua, Jaschub avèk Schimron. <sup>2</sup> fis a Thola yo te Uzzi, Rephaja, Jeriel, Jachmaï, Jibsam ak Samuel, chèf lakay zansèt pa yo a. Fis a Thola yo te mesye gwo kouraj nan jenerasyon pa yo; ✨fòs kantite yo nan jou a David yo te venn-de-mil-sis-san. <sup>3</sup> Fis a Uzzi a te Jizrachja. Fis a Jizrachja yo: Micaël, Abdias, Joël, Jischija; tout nan senk sa yo se te moun ✨chèf yo te ye. <sup>4</sup> Avèk yo pa jenerasyon pa yo selon lakay zansèt pa yo, te trann-si-mil sòlda nan lame pou fè lagè, paske yo te gen anpil madanm avèk fis. <sup>5</sup> Fanmi pa yo pami tout fanmi a Issacar yo te mesye gwo kouraj, anrejistre selon zansèt pa yo; antou, katre-ven-mil sòlda. <sup>6</sup> ✨Fis a Benjamin yo se te twa: Béla, Béker avèk Jediaël. <sup>7</sup> Fis Bela yo te senk: Etsbon, Uzzi, Uziel, Jerimoth avèk Iri. Yo te chèf lakay zansèt pa yo, mesye ak gwo kouraj e yo te venn-de-mil-trant-kat anrejistre pa zansèt pa yo. <sup>8</sup> Fis a Béker yo: Zemira, Joasch, Éliézer, Eljoénaï, Omri, Jerémoth, Abija, Anathoth avèk Alameth; tout nan senk sa yo te fis a Béker. <sup>9</sup> Yo te anrejistre pa zansèt pa yo selon jenerasyon pa yo, chèf lakay zansèt pa yo, ven-mil-de-san mesye ak gwo kouraj. <sup>10</sup> Fis a Jediaël la: Bilhan. Fis a Bilhan yo: Jeusch, Benjamin, Éhud, Kenaana, Zéthan, Tarsis ak Achischachar, <sup>11</sup> Tout sila yo te fis a Jediaël, selon chèf a lakay papa yo, di-sèt mil-de-sant mesye ak gwo kouraj ki te prè pou sòti fè lagè avèk lame a. <sup>12</sup> Schuppim avèk Huppim te fis a Ir yo; Huschim te fis a Acher a. <sup>13</sup> Fis a Nephthali yo: Jahtsiel, Guni, Jetser avèk Schallum, fis a Bilha yo. <sup>14</sup> Fis a Manassé yo: Asriel, fèt pa ti mennaj Siryèn li an; li te fè Makir, papa a Galaad. <sup>15</sup> Makir te pran yon madanm pou Huppim ak Schuppim. Non a sè li a te Maaca. Non a dezyèm fis la te Tselophchad; epi Tselophichad te gen fi. <sup>16</sup> Maaca, madanm a Mamakir a te fè yon fis e te rele li Péresch; non a frè li a te Schéresch e fis pa li yo te Ulam avèk Rékem. <sup>17</sup> Fis a Ulam la te Bedan. Sila yo te fis a Galaad, fis a Makir a, fis a Manassé a. <sup>18</sup> Sè li, Hammoléketh te fè Ischhod, Abiézer ak Machla. <sup>19</sup> Fis a Schemida yo te Achjan, Sichem, Likchi ak Aniam. <sup>20</sup> ✨Fis a Éphraïm yo: Schutélach; Béred, fis pa li; Thachath, fis pa li; Éleada, fis pa li; Thachath, fis pa li; <sup>21</sup> Zabad, fis li; Schutélach, fis li; Ézer avèk Élead ki mesye Gath ki te fèt nan peyi yo te touye, akoz yo te desann pou vòlè bèt yo. <sup>22</sup> Papa yo, Éphraïm te ✨kriye pandan anpil jou e fanmi li te vini rekonfòte l. <sup>23</sup> Epi li te vin antre nan madanm li, li te vin ansent, li te fè yon fis e li te bay li non Beria, akoz malè ki te rive lakay li a. <sup>24</sup> Fi li a se te Scheera, ✨ki te bati ni ba ni wo Beth-Horon, avèk Uzen-Schééra. <sup>25</sup> Réphach, fis li a ak Rescheph; Thélach, fis li a; Thachan, fis li a; <sup>26</sup> Laedan, fis li a; Ammihud, fis li a; Élischama, fis li a; <sup>27</sup> Nun, fis li a; Josué, fis li a. <sup>28</sup> Teritwa pa yo avèk anplasman pa yo te Béthel avèk vil pa li yo ak nan lès Naaran; nan lwès, Guézer avèk vil pa li yo, Sichem avèk vil pa li yo, jis rive Gaza avèk vil pa li yo e Sichem avèk vil pa li yo jis rive nan Ayya avèk vil pa li yo, <sup>29</sup> epitou, nan longè fwontyè a fis Manassé yo, Beth-Schean avèk vil pa li yo, Thaanac avèk vil pa li yo, Meguiddo avèk vil pa li yo, Dor avèk vil pa li yo. Nan sila yo, te viv ✨fis a Joseph yo, fis a Israël a. <sup>30</sup> Fis a Aser yo: Jimna, Jischiva, Jischvi ak Beria; avèk

✨ 7:2 II Sam 24:1-9 ✨ 7:3 I Kwo 5:24 ✨ 7:6 I Kwo 8:1-40 ✨ 7:20 Nonb 26:35-36 ✨ 7:22 Jen 37:34 ✨ 7:24 Jos 16:3-5 ✨ 7:29 Jij 1:22-29

Sérach, sè yo. <sup>31</sup> Fis a Beria yo: Héber avèk Malkiel, ki te papa a Birzaith. <sup>32</sup> Héber te vin papa a Japhleth, Schomer avèk Hotham ak Schua, sè yo. <sup>33</sup> Fis a Japhleth yo: Pasac, Bimhal ak Aschvath. Sila yo se te fis a Japhleth yo. <sup>34</sup> Fis a Schamer yo: Achi, Rohega, Hubba ak Aram. <sup>35</sup> Fis a Hélem yo, frè li a: Tsophach, Jimna, Schélèsch ak Amal. <sup>36</sup> Fis a Tsophach yo: Suach, Harnépher, Schual, Béri, Jimra, <sup>37</sup> Betsér, Hod, Schamma, Schilscha, Jithran ak Beéra. <sup>38</sup> Fis a Jéther yo: Jephunné, Pispá ak Ara. <sup>39</sup> Fis a Ulla yo: Arach, Hanniel ak Ritsja. <sup>40</sup> Tout sila yo te fis a Aser, chèf lakay zansèt pa yo, mesye byen chwazi, byen fò e plen ak kouraj, chèf an tèt sou chèf yo. Epi non pa yo anrejistre selon zansèt pa yo, pou sèvis lagè te venn-si-mil òm.

## 8

<sup>1</sup> ✧ Benjamin te devni papa a Bela, premye ne li a, Ashbel, dezyèm nan, Aharah, twazyèm nan, <sup>2</sup> Nocha, katriyèm nan ak Rapha, senkyèm nan. <sup>3</sup> Bela te fè fis: Addar, Guéra, Abihud, <sup>4</sup> Abischua, Naaman, Achoach, <sup>5</sup> Guéra, Schephuphan ak Huram. <sup>6</sup> Men fis a Echud yo, ki te chèf nan fanmi pa yo pami moun Guéba yo e ki te pote an egzil nan Manachath: <sup>7</sup> Naaman, Achija ak Guéra. Guéra, sila ki te ale an egzil la, te devni papa a Uzza avèk Achichud. <sup>8</sup> Schacharaïm te fè pitit nan peyi Moab lè li te fin fè sòti madanm li yo, Hushim ak Baara. <sup>9</sup> Avèk Hodesch, madanm li an, li te devni papa a Jobab, Tsibja, Méscha, Malcam, <sup>10</sup> Jeuts, Schocja ak Mirma. Sila yo se te fis li yo, chèf lakay zansèt pa yo <sup>11</sup> Pa Huschim, li menm Schacharaïm te vin papa Abithub avèk Eipaal. <sup>12</sup> Fis a Elpaal yo: Éber, Mischeam, avèk Schémer, ki te bati Ono avèk Lod avèk vil pa li yo; <sup>13</sup> epi Beria avèk Schéma, ki te chèf lakay fanmi zansèt pa yo pami moun Ajalon yo, ki te fè moun Gath yo sove ale, <sup>14</sup> epi Achjo, Schaschak, Jerémpoth, <sup>15</sup> Zebadja, Arad, Éder, <sup>16</sup> Micaël, Jischpha avèk Jocha te fis a Beria. <sup>17</sup> Zebadja, Meschullam, Hizki, Héber, <sup>18</sup> Jischmerai, Jizlia avèk Jobab te fis a Elpaal. <sup>19</sup> Jakim, Zicri, Zabdi, <sup>20</sup> Éliénaï, Tsilthaï, Éliel, <sup>21</sup> Adaja, Beraja ak Schimrath te fis a Schimeri. <sup>22</sup> Jischpan, Éber, Éliel, <sup>23</sup> Abdon, Zicri, Hanan, <sup>24</sup> Hananja, Élam, Anthothija, <sup>25</sup> Jiphdeja avèk Penuel te fis a Schaschak. <sup>26</sup> Schamscheraï, Schecharia, Athalia, <sup>27</sup> Jaaréschia, Élija ak Zicri te fis a Jerocham. <sup>28</sup> Sila yo se te chèf a fanmi zansèt pa yo selon jenerasyon pa yo, chèf ki te rete Jérusalem yo, <sup>29</sup> ✧ Alò, nan Gabaon, te rete Jeiel, papa a Gabaon an e madanm li te rele Maaca; <sup>30</sup> epi fis premye ne pa li se te Abdon ak Tsus, Kis, Baal, Nadab, <sup>31</sup> Guedor, Achjo ak Jéker. <sup>32</sup> Mikloth te fè Schimea. Yo menm tou te rete Jérusalem avèk fanmi pa yo anfas lòt moun fanmi pa yo. <sup>33</sup> ✧ Ner te vin papa a Kis e Kis te vin papa a Saül: Saül te vin papa a Jonathan, Malki-Schua, Abinadab ak Eschbaal. <sup>34</sup> Fis a Jonathan yo: Merib-Baal. ✧ Merib-Baal te fè Michée. <sup>35</sup> Fis a Michée yo: Pithon, Mélec, Thaeréa avèk Achaz. <sup>36</sup> Achaz te fè Jehoadda; Jehoadda te fè Alémeth, Azmaveth avèk Zimri; Zimri te fè Motsa; <sup>37</sup> Motsa te fè Binea. Rapha te fis pa li; Éleasa, fis pa li a, Atsel, fis pa li a; <sup>38</sup> Atsel te fè sis fis; men non yo: Azrikam, Bocru, Ismaël, Schearia, Abdias avèk Hanan. Tout sa yo se te fis a Atsel yo. <sup>39</sup> Fis a Éschek yo, frè li a: Ulam, premye ne li a, Jeusch, dezyèm nan ak Éliphéleth, twazyèm nan. <sup>40</sup> Fis a Ulam yo te mesye pwisan, ranpli ak kouraj, achè yo, avèk anpil fis e fis a fis, san-senkant antou. Tout sa yo se te fis a Benjamin.



## 9

<sup>1</sup> Konsa, tout Israël te anrejistre pa zansèt yo; epi men vwala, yo ekri nan Liv Wa A Israël yo. ✧Epi Juda te pote ale an egzil Babylone, akòz enfidelite li yo. <sup>2</sup> Premye moun ki te vin abite ankò nan teritwa sila yo, nan vil pa yo, se te Israël, prèt Levit yo ak sèvitè tanp yo. <sup>3</sup> Kèk nan fis Juda yo, nan fis Benjamin yo ak nan fis a Éphraïm yo avèk Manasée te rete ✧Jérusalem: <sup>4</sup> Uthai, fis a Ammihud la, fis a Omri a, fis a Imri a, fis a Bani a, soti nan fis Perez yo, ✧fis a Juda a, <sup>5</sup> Soti nan Shilonit yo: Asaja, premye ne a avèk fis li yo. <sup>6</sup> Soti nan fis Zérach yo: Jeuel, avèk moun fanmi li yo, sis-sankatre-ven-dis nan yo. <sup>7</sup> Soti nan fis Benjamin yo: Sallu, fis a Meschullam nan, fis a Hodavia a, fis a Assenua a; <sup>8</sup> epi Jibneja, fis a Jerocham nan; Éla, fis a Uzzi a, fis a Micri a; epi Meschullam, fis a Schephathia a, fis a Reuel la, fis a Jibnija a; <sup>9</sup> avèk fanmi pa yo selon zansèt pa yo, ✧nèf-sankant-sis. Tout sila yo se te chèf lakay zansèt pa yo selon lakay papa yo. <sup>10</sup> Soti nan prèt yo te: Jedaeja, Jehorjarib, Jakin; <sup>11</sup> Azaria, fis a Hilkija a, fis a Meschullam nan, fis a Tsadok la, fis a Merajoth la, fis a Achithub la, chèf lakay Bondye a; <sup>12</sup> Addaja, fis a Jerocham nan, fis a Paschur a, fis a Malkija a; Maesai, fis a Adiel la, fis a Jachzéra a, fis a Meschullam nan, fis a Meschillémith la, fis a Immer a; <sup>13</sup> epi fanmi pa yo, chèf lakay zansèt pa yo, mil-sèt-san-swasant, mesye ak gwo kapasite pou lèw lakay Bondye a. <sup>14</sup> Nan Levit yo: Schemaeja, fis a Haschub la, fis a Azrikam nan, fis a Haschabia a, fis a Merari yo; <sup>15</sup> Bakbakkar, Héresch, Galal, Matthania, fis a Michée a, fis a Zicri a, fis a Asaph la; <sup>16</sup> Abdias, fis a Schemaeja a, fis a Galal la, fis a Jeduthun nan ak Bérékia, fis a Asa a, fis a Elkana a, ki te rete nan vil Netofatyen yo. <sup>17</sup> Alò, gadyen pòtay yo te Schallum, Akkub, Thalmon, Achiman avèk fanmi pa yo (Schallum, ki te chèf la, <sup>18</sup> estasyone jis koulye a nan ✧pòtay wa a nan kote lès la). Sila yo te gadyen pòtay pou kan a fis a Lévi yo. <sup>19</sup> Schallum, fis a Koré a, fis a Ébiasaph la, fis a Koré a, avèk fanmi lakay papa li, Koatit yo: responsab pou travay sèvis la, gadyen nan pòtay nan tant yo; epi papa yo te konn sou kan SENYÈ a; li te gadyen a antre a. <sup>20</sup> ✧Phinéés, fis a Éléazar a, oparavan te konn chèf sou yo; epi SENYÈ a te avèk li. <sup>21</sup> ✧Zacharie, fis a Meschélémia a, te gadyen pòtay a antre tant asanble a. <sup>22</sup> Total nan sila ki te chwazi kon gadyen pòtay nan pòt yo te de-san-douz. Sila yo te anrejistre pa zansèt pa yo nan vil pa yo, ✧ki te chwazi pa David avèk Samuel, konseye a, ✧nan pozisyon konfyans sila a. <sup>23</sup> Konsa, yo menm avèk fis pa yo te responsab pòtay lakay SENYÈ a, lakay tant lan, kon gadyen. <sup>24</sup> Gadyen pòtay yo te sou toule kat kote yo, nan lès, lwès, nan nò ak nan sid. <sup>25</sup> Manm fanmi pa yo nan lavil pa yo ✧te dwe antre chak sèt jou soti de tanzantan pou yo ta kapab avèk yo; <sup>26</sup> paske kat chèf gadyen pòtay ki te Levit yo, te nan yon pozisyon konfyans lan e te sou chanm yo ak sou trezò lakay Bondye a. <sup>27</sup> Yo te pase nwit lan nan landwa lakay Bondye a, ✧akòz yo te responsab veye nwit lan; epi yo te responsab ouvri li maten pa maten. <sup>28</sup> Alò, kèk nan yo te an chaj zouti sèvis yo; paske, yo te kontwole yo lè yo te mennen yo antre ak lè yo te sòti. <sup>29</sup> Anplis, kèk nan yo te chwazi mèb ak tout zouti sanktiyè a, ✧sou farin fen an, diven an, lwil la ak lansan an avèk epis yo. <sup>30</sup> Kèk nan ✧fis a prèt yo te prepare melanj epis yo. <sup>31</sup> Matthithia, youn nan Levit yo, premye ne a Schallum

✧ 9:1 I Kwo 5:25-26 ✧ 9:3 Né 11:1 ✧ 9:4 Jen 46:12 ✧ 9:9 Né 11:8 ✧ 9:18 Éz 44:1 ✧ 9:20 Nonb 25:7-13 ✧ 9:21 I Kwo 26:2-14 ✧ 9:22 I Kwo 26:1 ✧ 9:22 II Kwo 31:15-18 ✧ 9:25 II Wa 11:5-7 ✧ 9:27 I Kwo 23:30-32 ✧ 9:29 I Kwo 23:29 ✧ 9:30 Egz 30:23-35

nan, Koatit la, te responsab bay yo sa ki te kwit nan kivèt yo. <sup>32</sup> Epi kèk nan fanmi a fis Koatit yo te sou pen konsakre a pou prepare li pou chak Saba. <sup>33</sup> Alò, sila yo se te ✧chantè yo a Levit yo, ki te rete nan chanm tanp yo, pwiske yo te angaje nan travay pa yo lajounen kon lannwit. <sup>34</sup> Sila yo te chèf a lakay zansèt yo pami Levit yo selon jenerasyon pa yo, mesye dirijan ki te rete Jérusalem yo. <sup>35</sup> Jeïel, papa a Gabaon an te rete ✧Gabaon e madanm li te rele Maacah, <sup>36</sup> epi premye ne li a te Abdon ak Tsur, Kis, Baal, Ner, Nadab, <sup>37</sup> Guedor, Achjo, Zacharie ak Mikoth. <sup>38</sup> Mikloth te fè Schimeam. Epi yo menm tou te rete avèk fanmi pa yo Jérusalem anfas fanmi pa yo. <sup>39</sup> ✧Ner te vin papa a Kish, Kish te vin papa a Saül. Saül te vin papa a Jonathan, Malki-Schua, Abinadab ak Eschbaal. <sup>40</sup> Fis a Jonathan an: Merib-Baal. Merib-Baal te vin papa a Michée. <sup>41</sup> Fis a Michée yo: Pithon, Mélec ak Thachréa. <sup>42</sup> Achaz te fè Jaera; Jaera te fè Alémeth, Azmaveth ak Zimri; Zimri te fè Motsa; Motsa te fè Binea. <sup>43</sup> Motsa te vin papa a Rephaja; Éleasa, fis li a; Arsel, fis li a. <sup>44</sup> Atsel te fè sis fis; men non yo: Azrikam, Bocru, Ismaël, Schearia, Abidias avèk Hanan. Sila yo se te fis a Atsel yo.

## 10

<sup>1</sup> Alò, Filisten yo te goumen kont Israël; epi mesye Israël yo te sove ale devan Filisten yo e te mouri sou Mòn Gilboa. <sup>2</sup> Filisten yo te kouri prese dèyè Saül avèk fis li yo e Filisten yo te touye Jonathan, Abinadab ak Malki-Schua, fis a Saül yo. <sup>3</sup> Batay la te vin rèd kont Saül e ekip banza yo te rive sou li; epi li te blese pa ekip banza yo. <sup>4</sup> Alò, Saül te di a sila ki te pote zam li yo: “Rale nepe ou e frennen m nèt avè l pou ensikonsi sila yo pa vin abize mwèn.” Men pòtè zam li yo pa t fè l, paske li te krent anpil. ✧Pou sa, Saül te pran nepe li e te tonbe sou li. <sup>5</sup> Lè pòtè zam li an te wè ke li te mouri, li menm tou te tonbe sou nepe li e te mouri. <sup>6</sup> Konsa, Saul te mouri avèk twa fis li yo e tout lakay li te mouri ansanm. <sup>7</sup> Lè tout mesye Israël ki te nan vale yo, te wè ke yo te sove ale e ke Saül avèk fis li yo te mouri, yo te sove ale kite vil yo. Epi Filisten yo te vin rete ladan yo. <sup>8</sup> Li te vin rive nan pwochen jou a, lè Filisten yo te vini pou depouye mò yo, ke yo te twouve Saül avèk fis li yo tonbe sou Mòn Guilboa a. <sup>9</sup> ✧Konsa, yo te depouye li e te pran tèt li avèk zam avèk boukliye li yo e te voye mesaje antoure tout peyi Filisten yo pou pote bòn nouvèl la rive nan zidòl pa yo avèk pèp la. <sup>10</sup> Yo te mete zam avèk boukliye li yo lakay dye pa yo e te tache kolè tèt li lakay Dagon an. <sup>11</sup> Lè tout moun Jabès-Galaad yo te tandè tout sa ke Filisten yo te fè a Saül, <sup>12</sup> tout mesye gwo kouraj yo te leve e pran kò a Saül avèk kò a fis li yo pou te pote yo Jabès, yo te antere yo anba chenn nan Jabès e te fè jèn pandan sèt jou. <sup>13</sup> ✧Konsa, Saül te mouri pou mal ke li te fè kont SENYÈ a, akòz pawòl a SENYÈ a ke li pa t kenbe; epi ✧osi, paske, li te fè demand a youn nan sila ki pale ak mò yo, pou mande konsèy, <sup>14</sup> epi pa t mande konsèy a SENYÈ a. Pou sa, Li te touye li e te ✧bay wayòm nan a David, fis a Jesse a.

## 11

<sup>1</sup> ✧Epi tout Israël te reyini kote David nan Hébron, epi te di: “Gade byen, nou se zo ou ak chè ou. <sup>2</sup> Nan tan pase yo, menm lè Saül te wa, se te ou menm ki te mennen Israël sòti ak antre; epi SENYÈ a, Bondye ou a, te di ou:

✧ 9:33 I Kwo 6:31-47 ✧ 9:35 I Kwo 8:29-32 ✧ 9:39 I Kwo 8:33-38 ✧ 10:4 I Sam 31:4 ✧ 10:9 I Sam 31:9 ✧ 10:13 I Sam 13:13-14 ✧ 10:13 Lev 19:31 ✧ 10:14 I Sam 15:28 ✧ 11:1 II Sam 5:1-10

✧‘Ou va bèje pèp Israèl Mwen an e ou va Prens sou pèp Mwen an, Israèl.’ ”  
 3 Pou sa, tout ansyen nan Israèl yo te vin kote wa a Hebron e David te fè yon akò avèk yo Hébron devan SENYÈ a; epi ✧yo te onksyone David Wa sou Israèl, ✧selon pawòl SENYÈ a te pwononse pa Samuel la. 4 Epi David, avèk tout Israèl te ale Jérusalem (sa vle di, ✧Jébus); epi Jebizyen ki te abite nan peyi yo te la. 5 Pèp Jébus la te di a David: “Ou p ap antre isit la.” Malgre sa, David te kaptire fò a Sion an (sa vle di, vil David la). 6 Alò, David te pale avan: “Nenpòt moun ki touye yon Jebizyen avan, se li k ap chèf e kòmandan.” Se te ✧Joab, fis a Tseruja a ki te monte avan; konsa li te devni chèf. 7 Answit, David te rete nan fò a; pou sa, li te vin rele lavil David la. 8 Li te bati vil toutotou li, soti nan Millo menm pou rive nan tout zòn ki te antoure li yo; epi Joab te repare tout rès vil la. 9 ✧David te vin pi gran e pi gran, paske SENYÈ a dèzame yo te avèk li. 10 ✧Alò, sila yo se chèf an tèt yo, mesye gran pwisans ke David te genyen yo, ki te bay li soutyen fò nan wayòm li a, pou fè l vin wa, selon pawòl a SENYÈ a pa Israèl. 11 Sila yo se chif a mesye gran pwisans ke David te genyen yo: ✧Jaschobeam, fis a yon Akmoni, chèf a trant lan. Li te parèt ak yon sèl lans devan twasan òm e te touye tout yon sèl kou. 12 Apre li, se te Éléazar, fis a Dodo a, Achochit la, youn nan twa prensipal mesye pwisan yo. 13 Li te avèk David nan Pas-Damimim ✧lè Filisten yo te rasanble ansanm la pou batay e te gen yon mòso tè plen avèk lòj; epi pèp la te sove ale devan Filisten yo. 14 Yo te kanpe pran plas yo nan mitan mòso tè a pou te defann li e li te touye Filisten yo; epi SENYÈ a te delivre yo avèk yon gran viktwa. 15 Alò, twa nan trant mesye chèf yo te desann vè wòch kav Adullam nan, pandan ✧lame Filisten yo t ap fè kan nan vale Rephaïm nan. 16 Konsa, David te anndan fò a pandan ✧lame Filisten an te Bethléem. 17 David te gen yon lanvi, epi te di: “O ke yon moun ban m dlo pou bwè soti nan pwi Bethléem ki akote pòtay la! 18 Konsa, twa mesye sa yo te antre nan kan Filisten yo, te rale dlo soti nan pwi Bethléem ki te akote pòtay la e te pran li pou te pote l bay David. Sepandan, David te refize bwè l, men te vide li bay SENYÈ a; 19 epi li te di: “Lwen de mwen devan Bondye mwen an pou m ta fè sa. Èske mwen ta bwè san a mesye sila yo ki te ale pran chans pèdi lavi yo? Paske se avèk risk lavi yo menm ke yo te pote li.” Pou sa, li te refize bwè l. Se bagay sila yo ke twa mesye pwisan yo te fè. 20 Epi Abischaï, frè a Joab la te chèf a trant yo ke li te ye e li te voye lans li kont twa san moun e te touye yo. Li te rekonèt menm jan kon trant yo. 21 Nan trant yo se te li ki te pi rekonèt e te devni kòmandan pa yo; men, li pa t rive nan nivo a twa sila yo. 22 ✧Benaja, fis a Jehojada a, fis a yon mesye gwo kouraj nan Kabtseel, pwisan nan zèv li yo, te frape touye de fis a Ariël yo, Moabit la. Anplis, li te desann touye yon lyon anndan yon fòs nan yon jou ke lanèj t ap tonbe. 23 Li te touye yon Ejipsyen, yon nonm gran wotè a senk koude. Alò, nan men Ejipsyen an, te gen yon lans tankou shaf a aparèy tise a; men, li te desann kote li avèk yon baton, te sezi lans lan soti nan men Ejipsyen an e te touye li avèk pwop lans pa li a. 24 Bagay sa yo Benaja, fis a Jehojada a te fè e te byen koni menm jan ak twa mesye pwisan yo. 25 Gade byen, li te byen onore pami trant yo; men, li pa t rive nan nivo a twa sila yo; epi David te chwazi li sou gad pa li. 26 Alò, mesye pwisan lame

✧ 11:2 II Sam 5:2 ✧ 11:3 II Sam 5:3-5 ✧ 11:3 I Sam 16:1-13 ✧ 11:4 Jos 15:8-63 ✧ 11:6 II Sam 8:16 ✧ 11:9 II Sam 3:1 ✧ 11:10 II Sam 23:8-39 ✧ 11:11 II Sam 23:8 ✧ 11:13 II Sam 23:11-12 ✧ 11:15 I Kwo 14:9 ✧ 11:16 I Sam 10:5 ✧ 11:22 II Sam 8:18

yo te Asaël, frè Joab, Elchanan, fis a Dodo nan Bethléem, <sup>27</sup> Schammoth, Aworit la, Hélets, Palonit la, <sup>28</sup> Ira, fis a Ikkesch la, Tekoatyen an, Abiézer, Anatotit la. <sup>29</sup> Sibbecaï, Oushatit la, Ilaï, Achoachit la, <sup>30</sup> Maharai, Netofayit la, Héled, fis a Baana a, Netofayit la, <sup>31</sup> Ithaï, fis a Ribaï a, Gibityen ki sòti nan fis a Benjamin yo, Benaja ak Pirathon. <sup>32</sup> Huraï a ti dlo a Gaash yo, Abie ak Araba. <sup>33</sup> Azmaveth, Bacharumit la, Éliachba, Shaalbonit lan, <sup>34</sup> Bené-Hasdchem, Gizonit lan, Jonathan, fis a Schagué a, Ararit la. <sup>35</sup> Achiam, fis a Sacar a, Ararit la, Éliphal, fis a Ur a, <sup>36</sup> Hépher, a Mekeratit la, Achija, Palonit lan, <sup>37</sup> Hetsro, Kamelit la, Naaraï, fis a Ebzaï a. <sup>38</sup> Joël, frè a Nathan an, Mibchar, fis a Hagri a, <sup>39</sup> Tsélek, Amonit lan, Nachraï, Bewotit ki te pote zam pou Joab yo, fis a Tserjua a. <sup>40</sup> Ira, Jeterit la, Gareb, Jeterit la, <sup>41</sup> Urie, Etyen an, Zabad, fis a Achlaï a. <sup>42</sup> Adina, fis a Schiza a, Ribenit lan, chèf a Ribenit yo ak trant ki te avè l yo. <sup>43</sup> Hanan, fis a Maaca a, Josaphat, Mitnit lan, <sup>44</sup> Ozias, Ashtawotit la, Schama avèk Jehiel, fis a Hotham yo, Awoerit la, <sup>45</sup> Jediaël, fis a Schimri a, Jocha, frè li, Titsit la, <sup>46</sup> Éliel, Machavimit lan, Jeribaï avèk Joschavia, fis a Elnaam yo, Jithma, Moabit la, <sup>47</sup> Éliel, Obed ak Jaasiel-Metsobaja.

## 12

<sup>1</sup> ✧Alò, sila yo se sila ki te vin kote David Tsiklag yo, lè li te toujou jennen akoz Saül, fis a Kish la; epi yo te pami mesye pwisan ki te ede nan gè yo. <sup>2</sup> Yo te pote banza, te voye wòch avèk fistibal ni sou men dwat, ni sou men goch e flèch yo soti nan banza a; se te ✧fanmi a Saul, fanmi soti nan Benjamin yo. <sup>3</sup> Chèf la te Achiézer, swivi pa Joas, fis a Schemaa a, Gibeonit lan; Jeziel ak Péleth, fis a Azmaveth yo; epi Beraca Jéhu, Anatotit la; <sup>4</sup> Jischmaeia, Gabaonit lan, yon mesye pwisan pami trant yo e tèt a trant yo. Epi Jérémie, Jachaziel, Jochannan, Jozabad, Guedérait la; <sup>5</sup> Éluzai, Jerimoth, Bealia, Schemaria, Schehathia, Awofit la <sup>6</sup> Elkana, Jeschija, Azareel, Joézer ak Jaschobeam, Koreyit yo; <sup>7</sup> Joéla avèk Zebadia, fis a Jerocham yo, Gedorit la. <sup>8</sup> Soti nan Gadit yo, te antre rive kote David nan fò dezè a, mesye pwisan avèk anpil kouraj ki te fè antrenman pou fè lagè, ki te konn manyen boukliye avèk lans, avèk figi yo tankou figi a lyon e yo vit tankou antilòp nan mòn. <sup>9</sup> Ézer, chèf la, Abdias, dezyèm nan, Éliab, twazyèm nan, <sup>10</sup> Mischmanna, katriyèm nan, Jérémie, senkyèm nan, <sup>11</sup> Attaï, sizyèm nan, Éliel, setyèm nan, <sup>12</sup> Jochanan, uityèm nan, Elzabad, nevyèm nan, <sup>13</sup> Jérémie, dizyèm nan, Macbannaï, onzyèm nan. <sup>14</sup> Sila yo se fis a Gad ki te kapitèn lame a; ✧sila ki te pi piti a te egal a yon santèn moun e pifò a a yon milye I. <sup>15</sup> ✧Sila yo se sila ki te travèse Jourdain an nan premye mwa lè tout bò rivyè li yo t ap debòde yo e te mete nan sove ale tout sila ki te nan vale yo, nan lès ak nan lwès. <sup>16</sup> Epi kèk nan fis a Benjamin yo te vin rive nan fò a David la. <sup>17</sup> David te sòti pou rankontre yo epi te di yo: “Si se nan lapè nou vin kote mwen, pou ede m, kè m va reyini ansanm avèk nou; men, si se pou trayi mwen a advèsè mwen yo, akoz nanpwen mal nan men m, ke Bondye a zansèt nou yo gade sou sa pou deside.” <sup>18</sup> Alò, Lespri a te vini sou Amasaï, ki te chèf a trant yo, “Nou se pa w, O David, Epi avèk ou, O fis a Jesse a! Lapè, lapè a ou menm

Epi lapè avèk sila ki ede ou;

Anverite, Bondye ou a ap ede ou!” Epi David te resevwa yo e te fè yo kapitèn nan ekip la. <sup>19</sup> ✧Soti nan Manassé, osi, kèk moun te vin jwenn David lè li te preske pare pou fè batay avèk Filisten yo kont Saül. Men yo pa t ede yo, paske chèf Filisten apre yo te konsilte ansanm e te voye li ale, epi te di: “Avèk pri a pwòp tèt nou, li kapab fè defo a mèt li, Saul.” <sup>20</sup> Lè l te ale Tsiklag, men moun Manassé ki te parèt yo: Adnach, Jozabad, Jediaël, Micaël, Jozabad, Élihu ak Tsilthai, chèf a dè milye nan Manassé yo. <sup>21</sup> Yo te ede David kont ✧bann piyajè yo, paske yo tout te mesye pwisan, plen ak kouraj e te kapitèn nan lame a. <sup>22</sup> Paske, jou apre jou, moun te vin kote David pou ede l, jiskaske te gen yon gwo lame ✧tankou lame Bondye a. <sup>23</sup> Alò sila yo se nonb nan divizyon ki te prepare pou fè lagè a, ✧ nonb ki te vin kote David Hébron pou vire wayòm Saul vè li menm, selon pawòl a SENYÈ a. <sup>24</sup> Fis a Juda ki te pote boukliye avèk lans yo te si-mil-ui-san, byen prepare pou fè lagè. <sup>25</sup> Nan fis a Siméon yo, mesye plen ak kouraj pou fè lagè yo, sèt-mil-san. <sup>26</sup> Nan fis a Lévi yo, kat-mil-sis-san. <sup>27</sup> Alò, Jehojada, prens lakay Aaron an e avèk li, te gen twa-mil-sèt-san, <sup>28</sup> anplis, ✧Tsadok, gèrye plen ak kouraj la e lakay papa l te gen venn-de kapitèn. <sup>29</sup> Nan fis Benjamin yo, ✧fanmi a Saül la, twa-mil; paske jis moman sa a, ✧pifò nan yo te rete fidèl a lakay Saul. <sup>30</sup> Nan fis Éphraïm yo, ven-mil-ui-san mesye pwisan avèk anpil kouraj, byen koni lakay zansèt pa yo. <sup>31</sup> Nan mwatye tribi Manassé a, diz-ui-mil ki te chwazi pa non pou vin fè David wa. <sup>32</sup> Nan fis a Issacar yo, ✧mesye ki te konprann tan yo, avèk konesans a sa ke Israël ta dwe fè, chèf pa yo te de-san; epi tout fanmi yo te sou kòmman pa yo. <sup>33</sup> Nan Zabulon, te gen senkant-mil moun ki te parèt nan lame a ki te konn ranje kò yo nan fòmasyon batay avèk tout kalite zam lagè pou te ede David avèk ✧kè ki pa t divize menm. <sup>34</sup> Nan Nephthali, te gen mil kapitèn e trant-sèt-mil ladann te gen boukliye avèk lans. <sup>35</sup> Nan Danit ki ta kab ranje nan fòmasyon batay yo, te gen venn-tui-mil-sis-san. <sup>36</sup> Nan Aser, te gen karant-mil ki te sòti nan lame a pou ranje yo nan fòmasyon batay la. <sup>37</sup> Soti lòtbò Jourdain an, pa Ribenit ak Gadit yo, avèk mwatye tribi Manassé a, te gen san-ven-mil avèk tout zam lagè pou batay la. <sup>38</sup> Tout sila yo, mesye lagè ki te konn ranje nan fòmasyon batay yo, te vini Hébron avèk ✧yon sèl kè sensè pou fè David wa. <sup>39</sup> Yo te la pandan twa jou, yo t ap manje ak bwè, paske fanmi pa yo te gen tan prepare pou yo. <sup>40</sup> Anplis, sila ki te toupre yo, menm rive lwen tankou Issacar, Zabulon ak Nephthali, yo te ✧pote manje sou bourik yo, chamo yo, milèt yo, avèk bèf yo, gran kantite a gato farin, gato fig etranje, anpil rezen, diven, lwil, bèf avèk mouton. Vrèman, te gen lajwa an Israël.

## 13

<sup>1</sup> Alò, David te fè konsèy ansanm avèk kapitèn a dè milye a dè santèn, menm avèk chak chèf. <sup>2</sup> David te di a tout asanble Israël la: “Sa sanble bon a nou menm e si li soti nan SENYÈ a, Bondye nou an, annou voye toupatou mesaje a fanmi pa nou ki rete nan peyi Israël yo e osi, a prèt avèk Levit

✧ 12:19 I Sam 29:2-9 ✧ 12:21 I Sam 30:1 ✧ 12:22 Jen 32:2 ✧ 12:23 II Sam 2:3-4 ✧ 12:28 II Sam 8:17 ✧ 12:29 I Kwo 12:2 ✧ 12:29 II Sam 2:8-9 ✧ 12:32 Est 1:13 ✧ 12:33 Sòm 12:2 ✧ 12:38 II Sam 5:1-13 ✧ 12:40 I Sam 25:18

ki avèk yo nan vil pa yo, avèk teren pa yo, pou yo kapab reyini ansanm avèk nou; <sup>3</sup> epi annou pote tounen lach Bondye pa nou an, ☆paske nan jou Saül yo, nou pa t chache li.” <sup>4</sup> Alò, tout asanble a te di ke yo ta fè l; paske, bagay la te bon nan zye a tout pèp la. <sup>5</sup> Konsa, David te rasanble tout Israël ansanm, soti nan Sichor nan Egypte jis rive nan antre Hamath, pou pote lach Bondye a soti Kirjath-Jearim. <sup>6</sup> ☆David avèk tout Israël te monte Baalah, sa vle di nan Kirjath-Jearim, ki apatyen a Juda, pou pote monte soti la, lach Bondye a, SENYÈ a, ki sou twòn li antre cheriben yo, kote non Li ap rele a. <sup>7</sup> Yo te pote lach Bondye a sou yon kabwèt nèf soti lakay Abinadab, Uzza avèk Achjo te kondwi kabwèt la. <sup>8</sup> David avèk tout Israël t ap selebre devan Bondye avèk tout fòs yo, ☆menm avèk chan, avèk gita yo, ap yo, tanbouren yo, senbal yo ak twonpèt yo. <sup>9</sup> Lè yo te rive nan ☆glasi vannen an nan Cidon, Uzza te lonje men l pou bay soutyen a lach la akoz bèf yo te prèt pou chavire l. <sup>10</sup> Lakòlè SENYÈ a te brile kont Uzza e Li te frape li ☆akoz li te lonje men l vè lach la; epi li te mouri la devan Bondye. <sup>11</sup> Epi David te vin fache akoz kòlè SENYÈ a te pete kont Uzza; epi li te rele plas sa a ‘Pérets-Uzza jis rive jodi a. <sup>12</sup> David te krent Bondye nan jou sa a, epi te di: “Kijan mwen kapab pote lach Bondye lakay mwen?” <sup>13</sup> Pou sa, David pa t pran lach la avèk li lavil David; men, te pran l sou kote ☆kay Obed-Édom an nan Gath. <sup>14</sup> Konsa, lach Bondye a te rete avèk fanmi a Obed-Édom lakay li pandan twa mwa; epi ☆SENYÈ a te beni fanmi Obed-Édom an avèk tout sa li te genyen.

## 14

<sup>1</sup> Alò Hiram, wa Tyr a, te voye mesaje a David yo avèk ☆bwa sèd yo, mason ak chapant pou bati yon kay pou li. <sup>2</sup> Epi David te vin rekonèt ke SENYÈ a te etabli li kon wa sou Israël, epi ke wayòm li te a egzalte byen wo pou koz pèp li a, Israël. <sup>3</sup> David te pran plis madanm Jérusalem e David te vin papa a plis fis ak fi. <sup>4</sup> ☆Sila yo se non a pitit ki ne a li menm Jérusalem yo: Schammau, Schobab, Nathan, Salomon, <sup>5</sup> Jibhar, Élischua, Elphéleth, <sup>6</sup> Noga, Népheg, Japhia, <sup>7</sup> Élischama, Beéliada ak Éliphéleth. <sup>8</sup> Lè Filisten yo te tandè ke David te onksyone wa sou tout Israël, tout Filisten yo te monte pou rankontre David. Lè David te tandè sa e te sòti kont yo. <sup>9</sup> Alò, Filisten yo te vini e te ☆fè yon atak nan vale Rephaïm nan. <sup>10</sup> David te mande Bondye, epi te di: “Èske mwen dwe monte kont Filisten yo? Epi èske Ou va livre yo nan men m?” SENYÈ a te di li: “Monte, paske Mwen va livre yo nan men ou.” <sup>11</sup> Konsa, yo te rive monte Baal-Peratsim e David te bat yo la. David te di: “Bondye te kraze lènmi mwen yo pa men mwen, kon yo kraze anpil dlo.” Pou sa, yo te rele plas sa a ‘Baal-Peratsim’. <sup>12</sup> Yo te abandone dye pa yo la; epi David te bay lòd pou yo te brile yo avèk dife. <sup>13</sup> Filisten yo te fè ☆yon lòt atak nan vale a. <sup>14</sup> David te mande a Bondye ankò e Bondye te di li: “Ou pa pou monte kont yo; ansèkle yo pa dèyè e vini sou yo devan pye balzam yo. <sup>15</sup> Li va vin rive ke lè ou tandè son mache a nan tèt pye balzam yo; alò, ou va sòti nan batay la, paske Bondye va gen tan sòti devan ou pou frape lame Filisten yo.” <sup>16</sup> David te fè menm sa ke Bondye te kòmande li a e yo te frape desann lame Filisten yo soti Gabaon

☆ **13:3** I Sam 7:1-2 ☆ **13:6** II Sam 6:2-11 ☆ **13:8** I Kwo 15:16 ☆ **13:9** II Sam 6:6 ☆ **13:10** I Kwo 15:13-15 ☆ **13:13** I Kwo 15:25 ☆ **13:14** I Kwo 26:4-5 ☆ **14:1** II Sam 5:11 ☆ **14:4** I Kwo 3:5-8 ☆ **14:9** I Kwo 11:15 ☆ **14:13** I Kwo 14:9

jis rive menm nan Guézer. <sup>17</sup> Rekonesans a David te sòti rive nan tout peyi yo; epi ✨SENYÈ a te mennen lakrent li sou tout nasyon yo.

## 15

<sup>1</sup> Alò, David te bati kay pou li menm nan lavil David; epi li te prepare yon plas pou lach Bondye a e te ✨monte yon tant pou li. <sup>2</sup> Alò, David te di: ✨“Pèsòn pa pou pote lach Bondye a sof ke Levit yo; paske SENYÈ a te chwazi yo pou pote lach Bondye a e pou fè sèvis a Li pou tout tan.” <sup>3</sup> Epi ✨David te rasanble tout Israèl Jérusalem pou pote fè monte lach Bondye a nan plas ke li te prepare pou li a. <sup>4</sup> David te rasanble tout fis a Aaron yo ak ✨Levit yo: <sup>5</sup> Fis a Kehath yo, Uriel, chèf avèk frè li yo ak san-ven nan moun fanmi li yo; <sup>6</sup> fis a Merari yo, Asaja, chèf la ak de-san-ven nan fanmi pa li yo; <sup>7</sup> nan fis a Guerschom yo, Joël, chèf la ak san-trant nan fanmi pa li yo; <sup>8</sup> nan fis a Élitsaphan yo, Schemaeja, chèf la ak de-san nan fanmi pa li yo; <sup>9</sup> nan fis a Hébron yo, Éliel, chèf la ak katre-ven mesye nan fanmi pa li yo; <sup>10</sup> nan fis a Uziel yo, Amminadab, chèf la ak san-douz mesye nan fanmi pa li yo. <sup>11</sup> Alò, David te rele ✨Tsadok ak ✨Abiathar, prèt yo ak Levit yo, Uriel, Asaja, Joël, Schemaeja, Éliel ak Amminadab. <sup>12</sup> Epi te di yo: “Nou se chèf lakay zansèt nou yo pou Levit yo; ✨konsakre nou menm, ni nou, ni manm fanmi pa nou, pou nou kapab pote fè monte lach a SENYÈ a, Bondye Israèl la, rive nan plas ke m te prepare pou li a. <sup>13</sup> ✨Akoz nou pa t pote l nan kòmansman an, SENYÈ a, Bondye pa nou an, te fè yon sèl pete sou nou, paske nou pa t chache Li selon règ li yo.” <sup>14</sup> ✨Pou sa, prèt yo avèk Levit yo te konsakre yo menm pou pote fè monte lach SENYÈ a, Bondye Israèl la. <sup>15</sup> Fis ✨Levit yo te pote lach Bondye a sou zepòl pa yo avèk poto ki tache ladann, kon Moïse te kòmande yo pa pawòl SENYÈ a. <sup>16</sup> Epi David te pale avèk chèf Levit yo, ✨pou dispoze fanmi pa yo, chantè yo, avèk lenstriman mizik yo, ap yo, gita yo, senbal ki sonnen fò yo, pou fè leve kri lajwa yo. <sup>17</sup> Konsa, ✨Levit yo te chwazi Héman, fis a Joël la e soti nan fanmi pa li a, Asaph, fis a Bérékia a; epi soti nan fis a Merari yo avèk fanmi pa yo, Éthan, fis a Kuscha a; <sup>18</sup> epi avèk yo, fanmi a dezyèm nivo a, Zacharie, Ben, Jaaziel, Schemiramoth, Jehiel, Schemiramoth, Jehiel, Unni, Éliab, Benaja, Maaséja, Matthithja, Éliphelé, avèk Miknéja, ak pòtè yo, Obed-Édom avèk Jeïel. <sup>19</sup> Konsa chantè yo, Héman, Asaph ak Éthan pou fè sonnen senbal bwonz yo; <sup>20</sup> epi Zacharie, Aziel, Schemiramoth, Jehiel, Unni, Éliab, Maaséja ak Benaja avèk ap ki te fè son alamòt la; <sup>21</sup> epi Matthithia, Éliphelé, Miknéia, Obed-Édom, Jeïel avèk Azazia, pou pran avan avèk gita ki prepare pou sonnen bas la. <sup>22</sup> Kenania, chèf Levit yo, te an chaj chante a; li te bay enstriksyon nan chante a paske li te fò. <sup>23</sup> Bérékia avèk Elkanan te gadyen pòtay pou lach la. <sup>24</sup> Schebania, Josaphat, Nethaneel, Amasaï, Zacharie, Benaja ak Éliézer, prèt yo te ✨soufle twonpèt yo devan lach a Bondye a. Obed-Édom avèk Jechitja te gadyen pòtay lach la. <sup>25</sup> ✨Konsa David, avèk lansyen Israèl yo, avèk kapitèn a dè milye yo, te ale pou pote fè monte lach akò SENYÈ a soti lakay Obed-Édom nan mitan yon gran rejwisans. <sup>26</sup> Akoz

✨ 14:17 Egz 15:14-16 ✨ 15:1 I Kwo 15:3 ✨ 15:2 Nonb 4:15 ✨ 15:3 I Wa 8:1 ✨ 15:4 I Kwo 6:16-30 ✨ 15:11 I Kwo 12:28 ✨ 15:11 I Sam 22:20-23 ✨ 15:12 Egz 19:14-15 ✨ 15:13 II Sam 6:3 ✨ 15:14 I Kwo 15:12 ✨ 15:15 Egz 25:14 ✨ 15:16 I Kwo 13:8 ✨ 15:17 I Kwo 25:1 ✨ 15:24 I Kwo 15:28 ✨ 15:25 II Sam 6:12-15

Bondye t ap ede Levit ki t ap pote lach akò SENYÈ yo, yo te fè sakrifis ✧sèt towo ak sèt belye. <sup>27</sup> Alò, David te abiye avèk yon manto len fen li menm avèk tout Levit ki t ap pote lach la e chantè yo avèk Kenania, chèf mizik pami chantè yo; epi ✧David te abiye osi ak yon efòd an len.

<sup>28</sup> Konsa, tout Israèl te pote monte lach akò SENYÈ a avèk gwo kri, avèk son a kòn soufle, avèk twonpèt, avèk gwo bwi a senbal, avèk ap ak gita.

<sup>29</sup> Li te rive lè lach akò SENYÈ a te vini nan vil David la, ke ✧Mical, fi a Saül la, te gade deyò fenèt la e te wè Wa David t ap vòltije e selebre; epi li te meprize li nan kè l.

## 16

<sup>1</sup> Yo te pote lach Bondye a e te ✧plase li nan tant ke David te fè monte pou li a. Epi yo te ofri ofrann brile avèk ofrann lapè devan Bondye. <sup>2</sup> Lè David te fin fè ofrann brile ak ofrann lapè a, li te beni pèp la nan non a SENYÈ a. <sup>3</sup> Li te separe bay a chak moun Israèl, ni gason, ni fanm, yo chak yon pen avèk yon pòsyon vyann ak yon gato rezen. <sup>4</sup> Li te chwazi kèk nan Levit yo pou pran chaj sèvis la devan lach SENYÈ a, pou selebre menm e bay remèsiman avèk lwanj a SENYÈ a, Bondye Israèl la: <sup>5</sup> Asaph, chèf la e dezyèm apre li a, Zacharie, swiv pa Jeiel, Schemiramoth, Jehiel, Matthithia, Éliab, Benaja, Obed-Édom ak Jeiel avèk lenstriman mizik yo, ap yo, gita yo; epi Asaph sou senbal gwo bwi yo, <sup>6</sup> epi Benaja avèk Jachaziel, prèt ki t ap soufle twonpèt san rete yo devan lach akò Bondye a. <sup>7</sup> Alò, se te nan jou sa a, David te ✧chwazi pou premye fwa a, Asaph avèk fanmi li pou bay remèsiman a SENYÈ a.

<sup>8</sup> O bay remèsiman a

SENYÈ a, rele non Li

Fè zèv li yo rekonèt pami pèp yo

<sup>9</sup> Chante a Li menm, chante lwanj a Li menm.

Pale tout mèvèy Li yo.

<sup>10</sup> Bay glwa a sen non Li;

Kite kè a sila k ap chache

SENYÈ a vin ranpli ak jwa

<sup>11</sup> ✧Chache SENYÈ a avèk fòs Li

Chache figi Li san rete.

<sup>12</sup> ✧Sonje zèv mèvèy

ke Li te fè yo;

✧Mèvèy Li yo ak jijman yo

ki sòti depi nan bouch Li

<sup>13</sup> O semans Israèl, sèvitè Li yo,

Fis a Jacob yo, sila Li te chwazi yo!

<sup>14</sup> Li se SENYÈ a, Bondye nou an;

✧Jijman pa Li yo sou tout latè.

<sup>15</sup> Sonje akò Li a pou tout tan,

Pawòl ke Li te kòmande a

mil jenerasyon yo,

<sup>16</sup> ✧Akò ke li te fè avèk

Abraham nan,

E sèman ke Li te fè avèk Isaac la;

✧ 15:26 Nonb 23:1-29 ✧ 15:27 II Sam 6:14 ✧ 15:29 II Sam 3:13 ✧ 16:1 I Kwo 15:1 ✧ 16:7 II Sam 22:1 ✧ 16:11 Sòm 24:6 ✧ 16:12 Sòm 103:2 ✧ 16:12 Sòm 78:43-68 ✧ 16:14 Sòm 48:10 ✧ 16:16 Jen 12:7



17 ✧ Ankò, Li te konfime sa ak Jacob  
 kon yon règleman,  
 A Israèl, kon yon akò ki pou tout tan,  
 18 Epi te di: ✧“A ou menm, Mwen va bay  
 peyi Canaan an kon pòsyon eritaj pa w  
 19 ✧ Lè yo te piti an nonb, trè piti  
 e etranje, yo de li,  
 20 yo te mache toupatou  
 nan yon nasyon a yon lòt, sòti nan yon  
 wayòm pou rive nan yon lòt pèp,  
 21 Li pa t kite okenn moun oprime yo,  
 E ✧Li te bay repwòch a wa yo  
 pou koz pa yo epi te di:  
 22 ✧“Pa touche onksyone pa M yo,  
 Ni pa fè mal a pwofèt Mwen yo.”  
 23 Chante a SENYÈ a, tout latè;  
 ✧Pwoklame bòn nouvèl  
 a delivrans Li an jou apre jou.  
 24 Pale glwa Li pami nasyon yo,  
 Gran mèvèy Li yo pami tout pèp yo.  
 25 Paske, ✧gran se SENYÈ a,  
 E gran pou resevwa lwanj yo;  
 Anplis, ✧fòk nou gen lakrent Li  
 plis pase tout lòt dye yo.  
 26 Paske, tout dye a pèp yo  
 se zidòl yo ye,  
 Men SENYÈ a te fè syèl yo.  
 27 Tout richès avèk majeste  
 devan Li,  
 Lafòs ak lajwa avèk Li  
 28 Bay a SENYÈ a, O  
 tout fanmi yo ak tout pèp yo,  
 Bay a SENYÈ a glwa avèk fòs.  
 29 Bay a SENYÈ a glwa ke  
 Non Li dwe genyen an;  
 pote lofrann yo vini devan L;  
 ✧ Adore SENYÈ a avèk tout bagay sen yo  
 30 Tranble devan Li, tout latè;  
 Anverite, lemond etabli byen solid,  
 Li p ap deplase menm  
 31 Kite syèl yo kontan e  
 kite lemond rejwi:  
 32 ✧Kite lanmè a fè gwo bwi,  
 avèk tout sa ki ladann;  
 Kite chan an ranpli ak jwa,  
 ak tout sa ki ladann.  
 33 Konsa, tout bwa nan forè yo  
 va chante avèk jwa devan SENYÈ a;

✧ **16:17** Jen 35:11-12   ✧ **16:18** Jen 13:15   ✧ **16:19** Jen 34:30   ✧ **16:21** Jen 12:17   ✧ **16:22**  
 Jen 20:7   ✧ **16:23** Sòm 96:1-13   ✧ **16:25** Sòm 144:3-6   ✧ **16:25** Sòm 89:7   ✧ **16:29** Sòm 29:2  
 ✧ **16:32** Sòm 98:7

Paske L ap vini pou jije latè.

<sup>34</sup> ✧ O bay remèsiman a SENYÈ a, pou bonte Li;

Paske, lanmou dous Li a se pou tout tan.

<sup>35</sup> ✧ Epi di: “Sove nou, O Bondye a delivrans nou an e ranmase nou pou sove nou soti nan nasyon yo, pou bay remèsiman a non sen pa W la, avèk glwa lwanj Ou.”

<sup>36</sup> ✧ Beni se SENYÈ a, Bondye Israèl la,

Pou letènite, jis rive nan letènite a. tout pèp la te di: “Amen” e te louwe SENYÈ a. <sup>37</sup> Konsa, li te kite ✧ Asaph avèk fanmi li la devan lach akò SENYÈ a pou fè sèvis devan lach la tout tan, kon travay a chak jou te egzije a; <sup>38</sup> epi ✧ Obed-Édom avèk swasann-tuit manm fanmi li; Obed-Édom e anplis fis a Jedithun lan, avèk Hosa kon gadyen pòtay yo, <sup>39</sup> Li te kite ✧ Tsadok, prèt la avèk fanmi pa li yo devan ✧ tabènak SENYÈ a nan wo plas ki te Gabaon an, <sup>40</sup> Pou ofri ofrann brile yo a SENYÈ a sou lotèl ofrann brile a tout tan, ni maten, ni aswè, jis selon tout sa ki ekri nan lalwa SENYÈ a, ke Li te kòmande Israèl yo. <sup>41</sup> Avèk yo, te ✧ Héman, Jeduthun ak ✧ lòt ki te dezinye pa non yo, pou bay remèsiman a SENYÈ a, akoz lanmou dous li an san fen. <sup>42</sup> Epi avèk yo, te Héman ak Jeduthun avèk twonpèt avèk senbal pou sila ki te gen pou fè enstriman retantisan pou ✧ chan Bondye yo e fis a Jeduthun yo, pou pòtay la. <sup>43</sup> ✧ Epi tout pèp la te pati, yo chak lakay yo e David te retounen pou beni lakay pa li a.

## 17

<sup>1</sup> ✧ Epi li te vin rive ke lè David te rete lakay li, ke David te di a Nathan, pwofèt la: “Gade byen, mwen rete nan yon kay fèt ak sèd, men lach akò SENYÈ a rete anba rido.” <sup>2</sup> Nathan te di a David: “Fè tout sa ki nan kè ou, paske Bondye avèk ou.” <sup>3</sup> Li te vin rive nan menm nwit lan ke pawòl SENYÈ a te parèt a Nathan, epi te di: <sup>4</sup> “Ale pale David, sèvitè Mwen an, “Konsa pale SENYÈ a, ✧ “Ou pa pou bati yon kay pou Mwen pou M rete ladann; <sup>5</sup> paske, Mwen pa t konn rete nan yon kay depi jou ke M te mennen Israèl monte a, jis rive jodi a; ✧ men, Mwen te ale soti de tant a tant e soti yon kote pou rete jis rive a yon lòt. <sup>6</sup> Nan tout plas kote Mwen te mache avèk Israèl yo, èske Mwen te pale yon mo ✧ avèk okenn nan jij Israèl yo pou Mwen te kòmande yo pou fè bèje a pèp Mwen an, epi te di yo: ‘Poukisa ou pa t bati pou Mwen yon kay an sèd?’ <sup>7</sup> Alò, pou sa, konsa ou va pale ak sèvitè Mwen an, David: ‘Konsa pale SENYÈ a dèzame yo: “Mwen te retire ou nan pak kote ou t ap swiv mouton, pou devni chèf sou pèp Mwen an, Israèl. <sup>8</sup> Mwen te avèk ou tout kote ke ou te ale e te koupe devan ou tout lènmi ou yo; epi Mwen va fè yon non pou ou ki kon pi gwo moun nan moun ki sou latè yo. <sup>9</sup> Mwen va chwazi yon plas pou pèp Israèl Mwen an e va plante yo, pou yo kab rete nan pwòp plas yo, pou yo pa vin deplase ankò; epi mechan yo p ap gate yo ankò tankou oparavan, <sup>10</sup> tankou nan

✧ 16:34 Sòm 106:1 ✧ 16:35 Sòm 106:47-48 ✧ 16:36 I Wa 8:15-56 ✧ 16:37 II Kwo 8:14  
 ✧ 16:38 I Kwo 13:14 ✧ 16:39 I Kwo 15:11 ✧ 16:39 I Wa 3:4 ✧ 16:41 I Kwo 6:33 ✧ 16:41  
 I Kwo 25:1-6 ✧ 16:42 I Kwo 25:7 ✧ 16:43 II Sam 6:19 ✧ 17:1 II Sam 7:1-29 ✧ 17:4 I Kwo  
 28:2-3 ✧ 17:5 Egz 40:2-3 ✧ 17:6 II Sam 7:7

jou ke M te kòmmande jij yo sou pèp Israèl Mwen an. Epi Mwen va soumèt tou lènmi ou yo. Anplis, Mwen di ou, ke SENYÈ a va bati yon kay pou ou. <sup>11</sup> Lè jou yo acheve pou ou oblije ale jwenn zansèt ou yo, Mwen va plase youn nan desandan apre ou yo, ki va nan fis ou yo; epi Mwen va etabli wayòm pa li. <sup>12</sup> Li va bati pou Mwen yon kay e mwen va etabli twòn li jis pou tout tan. <sup>13</sup> ✧Mwen va papa li e li va fis Mwen; epi Mwen p ap retire lanmou dous Mwen sou li, ✧tankou Mwen te retire li sou sila ki te avan ou an. <sup>14</sup> Men Mwen va etabli li lakay Mwen ak nan wayòm Mwen an jis pou tout tan e twòn li an va etabli nèt pou tout tan. <sup>15</sup> Selon tout pawòl sa yo e selon vizyon sila a, konsa Nathan te pale ak David. <sup>16</sup> Epi wa David te antre e te chita devan SENYÈ a epi te di: ✧“Se kilès mwen ye, O SENYÈ a, Bondye a e kisa lakay mwen ye pou Ou te mennen m rive jis isit la? <sup>17</sup> Sa se te yon ti bagay nan zye Ou, O Bondye; men, Ou te pale afè lakay sèvitè Ou a pou anpil tan k ap vini e te gade mwen kon yon moun a gran valè, O SENYÈ Bondye. <sup>18</sup> Kisa, anplis, David kapab di Ou selon onè sou sèvitè Ou a? Paske, ou konnen sèvitè Ou. <sup>19</sup> O SENYÈ, ✧pou koz sèvitè ou a e selon pwòp kè pa Ou, Ou te prepare tout grandè sa a, pou ta fè konnen tout gran afè sila yo. <sup>20</sup> O SENYÈ, nanpwen lòt tankou Ou, ni nanpwen okenn Bondye sof ke Ou, selon tout sa ke nou te tandè avèk zòrèy nou. <sup>21</sup> Epi ki nasyon sou latè ki tankou pèp Ou a, Israèl, ke Bondye te ale peye ranson pou Li menm kon yon pèp, pou fè yon non pou Ou pa bagay ki te gran e mèvèye yo. <sup>22</sup> ✧Paske pèp Ou a, Israèl, Ou te fè pwòp pèp Ou a jis pou tout tan e Ou menm, O SENYÈ, te vin Bondye pa yo. <sup>23</sup> Koulye a, O SENYÈ, kite pawòl ke Ou te pale pa sèvitè Ou a, selon lakay li vin etabli jis pou tout tan an e fè jan Ou te pale a. <sup>24</sup> Kite non pa Ou vin etabli e onore jis pou tout tan, epi di: SENYÈ dèzame yo se Bondye a Israèl la, yon Bondye menm pou Israèl; epi lakay David, sèvitè Ou a, etabli devan Ou.’ <sup>25</sup> Paske Ou menm, O Bondye mwen, te revele a sèvitè Ou a ke Ou va bati pou li yon kay. Pou sa, sèvitè Ou a te twouve kouraj pou vin priye devan Ou. <sup>26</sup> Koulye a, O SENYÈ, Ou se Bondye e te pwomèt bon bagay sa a sèvitè Ou a. <sup>27</sup> Epi koulye a, sa te fè Ou plezi pou beni lakay sèvitè Ou a, pou li kapab kontinye jis pou tout tan devan Ou. Paske Ou menm, O SENYÈ, te fè l beni e li menm vin beni jis pou tout tan.”

## 18

<sup>1</sup> Alò, apre sa, ✧li te vin rive ke David te bat Filisten yo, te fè yo soumèt e te pran Gath avèk vil pa li yo nan men a Filisten yo. <sup>2</sup> Li te bat Moab e Moabit yo te vin sèvitè a David e te pote kontribisyon obligatwa yo. <sup>3</sup> David osi te bat Hadarézer, wa Tsoba a, jis rive Hamath e li te sòti pou ale etabli wayòm li jis rive nan Rivyè Euphrate la. <sup>4</sup> David te pran nan men Hadarézer, mil cha avèk sèt-mil chevalye ak ven-mil sòlda a pye. David te koupe jarèt a tout cheval a cha yo, men te konsève kont pou rale san cha. <sup>5</sup> Lè Siryen nan Damas yo te vini ede ✧Hadarézer, wa Tsoba a, David te touye venn-de-mil òm nan Siryen yo. <sup>6</sup> Konsa, David te fè mete ganizon sòlda pami Siryen nan Damas yo. Siryen yo te vin sèvitè a David e te pote kontribisyon obligatwa. Nenpòt kote li te ale, SENYÈ a te ede David. <sup>7</sup> David te pran boukliye an lò yo ki te pote pa sèvitè Hadarézer yo pou te pote yo Jérusalem. <sup>8</sup> Osi, soti Thibchath avèk Cun, vil a Hadarézer yo, David te pran yon trè gran kantite

✧ 17:13 Eb 1:5 ✧ 17:13 I Kwo 10:14 ✧ 17:16 II Sam 7:18 ✧ 17:19 II Sam 7:21 ✧ 17:22 Egz 19:5-6 ✧ 18:1 II Sam 8:1-18 ✧ 18:5 I Kwo 19:6

bwonz avèk sila ✨Salomon te fè lanmè a an bwonz e pilye avèk zouti yo te fèt an bwonz. <sup>9</sup> Alò, lè Thohu, wa Hamath la, te tandè ke David te fin bat tout lame a Hadarézer a, wa Tsoba a, <sup>10</sup> li te voye Hadoram, fis li a, kote wa David pou salye li e beni li; paske, li te goumen kont Hadarézer e te bat li; paske, Hadarézer t ap fè lagè avèk Thohu. Epi Hadoram te pote tout kalite bagay an lò avèk ajan ak bwonz. <sup>11</sup> Wa David te konsakre sa yo osi a SENYÈ a avèk ajan ak lò ke li te rache pote soti nan men a tout nasyon yo: depi nan Edom, Moab, fis a Ammon yo, Filisten yo ak Amalekit yo. <sup>12</sup> Anplis, Abischaï, fis a Tseruja a, te bat diz-ui-mil Edomit nan Vale Sel la. <sup>13</sup> Epi li te mete ganizon sòlda nan Edom e tout Edomit yo te devni sèvitè David. Epi SENYÈ a te ede David nenpòt kote li te ale. <sup>14</sup> Konsa, David te renye sou tout Israèl. Li te administre jistis avèk ladwati pou tout pèp li a. <sup>15</sup> Joab, fis a Tseruja a, te kòmandan lame a e Josaphat, fis a Achilud la, te achivist la; <sup>16</sup> epi Tsadok, fis a Achithub la avèk Abimélèc, fis a Abiathar a, te prèt e Schavscha te sekretè; <sup>17</sup> epi Benaja, fis a Jehojada a, te chèf sou Keretyen avèk Peletyen yo; epi fis a David yo te premye chèf ansanm akote wa a.

## 19

<sup>1</sup> ✨Alò, li te vin rive apre sa, ke Nachasch, wa a fis a Ammon yo te mouri e fis li a te devni wa nan plas li. <sup>2</sup> Epi David te di: “Mwen va montre favè a Hanun, fis a Nachasch la, akoz papa li te montre m favè.” Pou sa, David te voye mesaje pou konsole li selon lanmò papa li. <sup>3</sup> Men chèf a fis a Ammon yo te di a Hanun: “Èske ou kwè ke David ap bay papa ou onè akoz li voye moun rekonfòte yo? Èske sèvitè li yo pa vin kote ou pou chèche fè espyonaj pou boulvèse peyi a? <sup>4</sup> Epi Hanun te pran sèvitè David yo e te taye tout cheve yo, koupe vètman yo nan mitan jis rive nan kwis e te voye yo ale. <sup>5</sup> Alò, kèk moun te ale pale David konsènan afè mesye yo. Epi li te voye rankontre yo, paske, mesye sa yo te byen wont. Epi wa a te di: “Rete Jericho jiskaske bab nou vin grandi ankò e retounen.” <sup>6</sup> Lè fis a Ammon yo te wè ke yo te fè tèt yo rayisab a David, Hanun avèk fis a Ammon yo te voye mil talan ajan Mésopotamie pou achte sèvis a cha avèk chevalye Siryen ki te sòti nan Maaca avèk ✨Tsoba. <sup>7</sup> Konsa, yo te achte sèvis a trann-de-mil cha e wa Maaca a avèk pèp li a, ki te vin fè kan devan ✨Médeba a. Fis a Ammon yo te rasanble soti nan vil pa yo pou te vin batay. <sup>8</sup> Lè David tandè sa, li te voye Joab avèk tout lame, mesye pwisan yo. <sup>9</sup> Fis a Ammon yo te vin parèt, te rale yo nan chan batay la nan antre vil la e wa ki te vini yo te la apa pou kont yo nan chan an. <sup>10</sup> Alò, lè Joab te wè ke batay la te prepare kont li ni devan, ni dèyè; li te chwazi soti nan mesye pi chwazi pami tout Israèl yo e yo te alinye yo kont Siryen yo. <sup>11</sup> Men retay a pèp la, li te plase nan men Abischaï, frè li a; epi yo te alinye yo kont fis Ammon yo. <sup>12</sup> Li te di: “Si Siryen yo twò fò pou mwen, alò ou va ede m; men, si fis a Ammon twò fò pou ou; alò, mwen va ede ou. <sup>13</sup> Kenbe fèm e annou montre kouraj nou pou koz pèp nou ak pou vil Bondye pa nou yo. Epi ke SENYÈ a va fè sa ki bon nan zye li.” <sup>14</sup> Konsa, Joab avèk moun ki te avèk li yo te ale toupre batay la kont Siryen yo e yo te sove ale devan li. <sup>15</sup> Lè fis a Ammon yo te wè ke Siryen yo te sove ale, yo te sove ale osi devan Abischaï, frè li a e te antre lavil la. Epi Joab te vini Jérusalem. <sup>16</sup> Lè Siryen yo te wè ke yo te bat pa Israèl, yo te voye mesaje pou te mennen fè sòti Siryen ki te lòt bò Rivyè

a, avèk Schophach, chèf lame Hadarézer ki t ap dirije yo a. <sup>17</sup> Lè bagay sa a te pale a David, li te ranmase tout Israël ansanm, te travèse Jourdain an, te vin parèt sou yo e te rale nan fòmasyon batay kont yo a. Epi lè David te rale nan fòmasyon batay la kont Siryen yo, yo te goumen kont li. <sup>18</sup> Siryen yo te sove ale devan Israël e David te touye nan Siryen yo, sèt-mil mèt cha avèk karant-mil sòlda a pye e te mete a lanmò Schophach, chèf lame a. <sup>19</sup> Konsa, lè sèvitè a Hadarézer yo te wè ke yo te fin bat pa Israël, yo te fè lapè avèk David e te sèvi li. Konsa, Siryen yo pa t janm dakò ankò pou ede fis a Ammon yo.

## 20

<sup>1</sup> Li te vin rive nan prentan, nan lè ke wa yo konn sòti fè lagè, ke Joab te mennen sòti lame a e te ravaje peyi a fis a Ammon yo. Li te vin fè syèj kont Rabba. Men David te rete Jérusalem. ✧ Joab te frape Rabba e te boulvese li nèt. <sup>2</sup> ✧ David te retire kouwòn a wa yo soti sou tèt li, li te twouve ke li te peze yon talan lò, te gen yon pyè presye ladann; epi yo te plase li sou tèt a David. Epi li te mennen fè sòti piyaj nan vil la, yon trè gran kantite. <sup>3</sup> Li te mennen fè sòti moun ki te ladann yo, ✧ te koupe yo avèk si ak enstriman file e avèk rach. Konsa David te fè a tout vil ki te pou fis a Ammon yo. Alò David avèk tout moun yo te retounen Jérusalem. <sup>4</sup> ✧ Alò li te vin rive apre sa ke lagè te vin pete nan Guézer avèk Filisten yo; epi Sibbecaï, Oushatit la, te touye Sippaï, youn nan desandan a jeyan yo e yo te vin soumèt yo. <sup>5</sup> Te gen lagè avèk Filisten yo ankò e Elchanan, fis a ✧ Jaïr a, te touye frè a Goliath la, Gatit la; shaf a lans li an te gwo tankou shaf aparèy a tise a. <sup>6</sup> Ankò, te gen lagè avèk Gath kote te gen yon nonm gran wotè ki te genyen venn-kat dwèt ak zòtèy, sis avèk sis e li menm, osi, te yon desandan a jeyan yo. <sup>7</sup> Lè li te voye defi bay Israël, Jonathan, fis a Schimea a, frè David la, te touye li. <sup>8</sup> Mesye sila yo te jeyan Gath yo e yo te tonbe pa lamèn David e pa lamèn sèvitè li yo.

## 21

<sup>1</sup> ✧ Alò, Satan te kanpe kont Israël e te bourade David pou kontwole moun Israël yo. <sup>2</sup> Pou sa, David te di a Joab e a chèf a pèp la: ✧ “Ale konte moun Israël yo soti Beer-Schéba jis rive Dan e pote ban m chif yo pou m kab konnen fòs kantite yo. <sup>3</sup> Joab te di: “Ke SENYÈ a kapab ogmante sou pèp li a san fwa ke sa! Men mèt mwen, wa a, èske yo tout se pa sèvitè mèt mwen an? Poukisa mèt mwen an ap chache afè sa a? Poukisa sa ta dwe koz pou Israël ta vin koupab?” <sup>4</sup> Malgre sa, pawòl wa a te vin genyen kont pawòl Joab yo. Konsa, Joab te sòti ale nan tout Israël pou te rive Jérusalem. <sup>5</sup> Joab te bay nimewo a tout moun a David yo. Epi ✧ tout Israël, mesye ki te rale nepe yo, se te yon milyon-san-mil òm e Juda te kat-san-swasann-dis òm ki te rale nepe yo. <sup>6</sup> ✧ Men li pa t kontwole Lévi avèk Benjamin pami yo; paske, kòmand wa a te twouve byen rayisab pou Joab. <sup>7</sup> Bondye pa t kontan avèk bagay sa a e pou sa, li te frape Israël. <sup>8</sup> David te di a Bondye: “Mwen te peche anpil, pwiske mwen te fè bagay sa a’. ✧ Men souple, koulye a, retire inikite a sèvitè Ou a, paske mwen te fè yon bagay byen sòt. <sup>9</sup> SENYÈ a te pale ak ✧ Gad, konseye David la, epi te di l: <sup>10</sup> “Ale pale ak David, epi di l: ‘Konsa pale SENYÈ a, “M ap ofri ou twa bagay; chwazi pou kont ou youn

✧ 20:1 II Sam 12:26 ✧ 20:2 II Sam 12:30-31 ✧ 20:3 II Sam 12:31 ✧ 20:4 II Sam 21:18-22  
 ✧ 20:5 II Sam 21:19 ✧ 21:1 II Sam 24:1-25 ✧ 21:2 I Kwo 27:23-24 ✧ 21:5 II Sam 24:9 ✧ 21:6  
 I Kwo 27:24 ✧ 21:8 II Sam 12:13 ✧ 21:9 II Sam 24:11

nan yo, ke mwen va fè pou ou.” ’ ’ ” <sup>11</sup> Konsa, Gad te vin kote David epi te di li: “Konsa pale SENYÈ a, ‘Pran pou ou menm <sup>12</sup> ✨oswa, twazan gwo grangou, oswa twa mwa ke ou va chase kraze nèt pa lènmi ou, pandan nepe pa yo ap pran ou nèt, oswa gwo epidemi nan peyi a avèk zanj SENYÈ a k ap detwi toupatou nan tout teritwa Israèl la.’ Pou sa, reflechi sou repons ke mwen va retounen bay a Sila ki te voye mwen an.” <sup>13</sup> David te di a Gad: “Mwen byen twouble; souple, kite mwen tonbe nan men SENYÈ a, ✨paske mizerikòd Li byen gran. Men pa kite mwen tonbe nan men a lòm.” <sup>14</sup> ✨Konsa, SENYÈ a te voye epidemi sou Israèl; swasann-di-mil nan mesye Israèl yo te tonbe. <sup>15</sup> Epi Bondye te voye yon zanj Jérusalem pou detwi li; men lè l te prè pou detwi, SENYÈ a te wè e te ✨byen tris akoz gwo dega a, epi te di a zanj ki t ap detwi a: “Sa kont; alò, lache men ou.” Epi zanj SENYÈ a t ap kanpe akote glasi vannen ki pou Ornan an, Jebizyen an. <sup>16</sup> David te leve zye li e te wè zanj SENYÈ a ki te kanpe antre syèl la avèk tè a, avèk nepe li rale nan men l, lonje sou Jérusalem. Epi David avèk ansyen yo te ✨kouvri yo avèk twal sak e te tonbe sou figi yo. <sup>17</sup> David te di a Bondye: “Èske se pa mwen menm ki te kòmande kontwòl a tout pèp la? Anverite, se te mwen ki te peche e ki te fè anpil mal; ✨men mouton sila yo, se kisa yo menm te fè? O SENYÈ, Bondye mwen an, souple, kite men Ou vin kont mwen avèk lakay zansèt mwen yo, men pa kont pèp Ou a, pou yo ta vin toumante.” <sup>18</sup> ✨Alò, zanj SENYÈ a te kòmande Gad pou pale David, pou David ta dwe monte pou bati yon lotèl a SENYÈ a sou glasi vannen ki te pou Ornan an, Jebizyen an. <sup>19</sup> Konsa, David te monte selon pawòl ke Gad te pale nan non SENYÈ a. <sup>20</sup> Alò, Ornan te vire fè bak, li te wè zanj lan e kat fis pa li yo ki te avè l yo te kache tèt yo. Epi Ornan t ap bat ble. <sup>21</sup> Lè David te vin kote Ornan, Ornan te gade, te wè David e te sòti nan glasi vannen an pou te pwostène li menm devan David avèk figi li atè. <sup>22</sup> Alò, David te di a Ornan: “Ban mwen anplasman sila a avèk glasi vannen an, pou m kab bati yon lotèl a SENYÈ a. Pou valè tout pri li, ou va ban mwen li, pou tuman sila a kab vin frennen pami pèp la.” <sup>23</sup> Ornan te di a David: “Pran li pou kont ou; epi kite mèt mwen an, wa a, fè sa ki bon nan zye li. Gade, mwen va bay ou bèf pou ofrann brile a ak mas pilon, kon bwa ak ble kon ofrann sereyal la; m ap ba ou tout.” <sup>24</sup> Men Wa David te di a Ornan: “Non, men, anverite, mwen va achte li pou tout pri li; paske, mwen p ap pran sa ki pou ou pou SENYÈ a, ni ofri ofrann brile ki pa t koute mwen anyen.” <sup>25</sup> Konsa David te bay Ornan sis-san sik an lò selon pwa li pou anplasman an. <sup>26</sup> Alò, David te bati yon lotèl a SENYÈ a la e te ofri ofrann brile yo avèk ofrann lapè yo. Li te rele SENYÈ a, e ✨Li te reponn li avèk dife soti nan syèl la sou lotèl ofrann brile a. <sup>27</sup> SENYÈ a te kòmande zanj lan e li te remet nepe li nan fouwo. <sup>28</sup> Nan lè sa, lè David te wè ke SENYÈ a te reponn li sou glasi vannen Ornan an, Jebizyen an. Li te ofri yon sakrifis la. <sup>29</sup> Paske, tabènak SENYÈ a, ke Moïse te fè nan dezè a ak lotèl ofrann brile a te nan wo plas Gabaon an nan lè sa a. <sup>30</sup> Men David pa t kab ale devan li nan Gabaon pou fè demand Bondye, paske nepe zanj SENYÈ a te bay li gwo lakrent.

✨ 21:12 II Sam 24:13 ✨ 21:13 Sòm 51:1 ✨ 21:14 I Kwo 27:24 ✨ 21:15 Egz 32:14 ✨ 21:16 I Wa 21:27 ✨ 21:17 II Sam 7:8 ✨ 21:18 II Kwo 3:1 ✨ 21:26 Lev 9:24

## 22

<sup>1</sup> Konsa David te di: ✨“Sa se lakay SENYÈ a, Bondye a e sa se lotèl ofrann brile pou Israèl la.” <sup>2</sup> Pou sa, David te bay lòd pou ranmase tout etranje ki te nan peyi Israèl yo e ✨li te mete taye wòch nan travay pou koupe wòch pou bati kay Bondye a. <sup>3</sup> David te ✨prepare yon gran kantite fè pou fè klou pou pòt pòtay yo e pou kranpon yo e plis bwonz ki ta kab peze yo. <sup>4</sup> Epi twòn bwa sèd yo depase kontwòl, paske ✨Sidonyen yo avèk Tiryen yo te mennen gran kantite a twòn bwa sèd yo kote David. <sup>5</sup> David te di: “Fis mwen, ✨Salomon jèn, epi manke eksperyans. Epi kay k ap bati pou SENYÈ a va tèlman ekstrawòdinè, byen koni toupatou e k ap renome pou glwa li nan tout peyi yo; se pou sa ke mwen va fè preparasyon pou li.” Konsa, David te fè anpil preparasyon avan l te mouri. <sup>6</sup> Alò, ✨li te rele fis li a, Salomon e te òdone li pou bati yon kay pou non SENYÈ a, Bondye Israèl la. <sup>7</sup> David te di a Salomon: ✨“Fis mwen, mwen te gen entansyon pou bati yon kay a non SENYÈ a, Bondye mwen an. <sup>8</sup> Men pawòl SENYÈ a te vini a mwen, epi te di: ✨Ou gen tan vèse anpil san e te fè gwo lagè sou latè devan M. <sup>9</sup> Men gade byen, youn fis ki va ne a ou menm yo, va yon moun repo; epi ✨Mwen va bay li repo soti nan tout lènmi li yo nan tout kote. Paske, non li va Salomon e mwen va bay lapè avèk kalm an Israèl nan jou pa li yo. <sup>10</sup> ✨Li va bati yon kay pou non Mwen e li va fis Mwen e Mwen va papa li; epi mwen va etabli twòn a wayòm li sou Israèl jis pou tout tan. <sup>11</sup> Koulye a, fis mwen an, ke ✨SENYÈ a kapab avèk ou, pou ou kapab byen reyisi e bati lakay SENYÈ a, Bondye pa w la, jis jan ke li te pale selon ou menm nan. <sup>12</sup> ✨Sèlman ke SENYÈ a ta kapab bay ou sajès avèk konprann pou fè ou renye sou Israèl, pou ou kapab kenbe lalwa a SENYÈ a, Bondye ou a. <sup>13</sup> ✨Konsa, ou va byen reyisi, si ou fè atansyon pou swiv règleman avèk lòd ke SENYÈ a te kòmande Moïse selon Israèl yo. ✨Kenbe fèm e pran kouraj, pa dekouraje, ni pa krent anyen. <sup>14</sup> Alò, gade byen, avèk gwo lapèn mwen te fè preparasyon pou lakay SENYÈ a; san-mil talan lò, yon-milyon talan ajan e bwonz avèk fè ki depase peze; paske, yo an gran kantite. Anplis, gran twòn bwa avèk wòch ke m te prepare e ou gen dwa mete sou yo toujou. <sup>15</sup> Anplis, gen anpil ouvriye ki avèk ou, tayè wòch, avèk mason ak chapant e tout mesye ak kapasite nan tout kalite mendèv. <sup>16</sup> Selon lò, ajan ak bwonz avèk fè, nanpwen limit. Leve, fè travay ou e ✨ke SENYÈ a kapab avèk ou.” <sup>17</sup> Anplis, ✨David te kòmande tout chèf Israèl yo pou ede fis li a, Salomon epi te di: <sup>18</sup> Èske SENYÈ a, Bondye nou an, pa avèk nou? Epi ✨èske Li pa t bannou repo sou tout kote? Paske, Li te livre sila ki viv nan peyi yo nan men m e peyi a soumèt nèt devan SENYÈ a ak devan pèp Li a. <sup>19</sup> Alò, ✨bay kè nou avèk nanm nou pou chache SENYÈ a, Bondye nou an. Konsa, leve pou bati sanktiyè SENYÈ a, Bondye a, pou nou kapab pote lach akò SENYÈ a avèk veso sakre Bondye yo antre nan kay ki va bati pou non a SENYÈ a.”

✨ 22:1 I Kwo 21:18-28 ✨ 22:2 I Wa 5:17-18 ✨ 22:3 I Kwo 29:2-7 ✨ 22:4 I Wa 5:6-10 ✨ 22:5 I Wa 3:7 ✨ 22:6 I Wa 2:1 ✨ 22:7 II Sam 7:2-3 ✨ 22:8 I Kwo 28:3 ✨ 22:9 I Wa 4:20-25 ✨ 22:10 II Sam 7:13-14 ✨ 22:11 I Kwo 22:16 ✨ 22:12 I Wa 3:9-12 ✨ 22:13 I Kwo 28:7 ✨ 22:13 Jos 6:9 ✨ 22:16 I Kwo 22:11 ✨ 22:17 I Kwo 28:1-6 ✨ 22:18 I Kwo 22:9 ✨ 22:19 I Kwo 28:9

## 23

<sup>1</sup> Alò, ✧lè David te vin granmoun, li te fè fis li Salomon, wa sou Israël.  
<sup>2</sup> Epi li te ranmase tout chèf Israël yo avèk prèt ak Levit yo. <sup>3</sup> Levit yo te kontwole soti nan trant ane oswa plis e ✧fòs non pa yo selon gwo chif kontwòl la, te trant-uit-mil. <sup>4</sup> Nan sila yo, venn-kat-mil te ✧pou sipèvize lè lakay SENYÈ a; epi si-mil te ✧ofisye avèk jij, <sup>5</sup> epi kat-mil te gadyen pòtay yo e ✧kat-mil ki pou louwe SENYÈ a avèk enstriman ke David te fè pou bay lwanj yo. <sup>6</sup> David te divize yo an gwoup ✧selon fanmi de fis yo a Lévi: Guerschon, Kehath, ak Merari. <sup>7</sup> Nan Gèshonit yo: Laedan avèk Schimeï. <sup>8</sup> Fis a Laedan yo: Jehiel, premye a, Zétham ak Joël, ki fè twa. <sup>9</sup> Fis a Schimeri yo: Schelomith, Haziël avèk Haran, ki fè twa. Sila yo se te chèf lakay zansèt a Ladann yo. <sup>10</sup> Fis a Schimeri yo: Jahath, Zina, Jeush avèk Berlah. Kat sila yo te fis a Schimeï. <sup>11</sup> Jachath se te premye a e Zina dezyèm nan; men, Jeusch avèk Beria pa t fè anpil fis; akoz sa, yo te fòme yon sèl kay zansèt, yon sèl gwoup. <sup>12</sup> Fis a Kehath yo: Amram, Jitsehar, Hébron avèk Uziel, kat. <sup>13</sup> Fis a Anram yo: Aaron avèk Moïse. Epi ✧Aaron te mete apa pou l te kab sanktifye li kote ki pi sen pase tout kote a, li menm avèk fis pa li yo jis pou tout tan, pou brile lansan devan SENYÈ a, pou fè sèvis pa Li e pou beni nan non Li jis pou tout tan. <sup>14</sup> Men ✧Moïse, nonm Bondye a, fis pa li yo te rele pami tribi Lévi a. <sup>15</sup> Fis a Moïse yo: Guerschom avèk Éliézer. <sup>16</sup> Fis a Guerschom yo: Schebuel, chèf la. <sup>17</sup> Fis a Éliézer a te Rechabia, chèf la. Éliézer pa t gen lòt fis, men fis a Rechabia yo te an gran kantite. <sup>18</sup> Fis a Jitsehar a: Schelomith, chèf la. <sup>19</sup> Fis a Hébron yo: Jerija, premye a; Amaria, dezyèm nan, Jachaziël, twazyèm nan; epi Jekameam, katriyèm nan. <sup>20</sup> Fis a Uziel yo: Michée, premye a ak Jischija, dezyèm nan. <sup>21</sup> Fis a Merari yo: Machli avèk Muschi. Fis a Machli yo: Éléazar avèk Kis. <sup>22</sup> Éléazar te mouri san fè fis, men fi sèlman; pou sa, frè pa yo, fis a Kis yo te pran yo kon madanm pa yo. <sup>23</sup> Fis a Muschi yo: Machli, Éder avèk Jerémoth, twa. <sup>24</sup> ✧Sila yo se te fis a Lévi selon lakay zansèt pa yo, menm lakay zansèt a sila ki te kontwole nan kantite non nan gwo chif kontwòl la, sila ki t ap fè travay lakay SENYÈ a, soti nan ventan oswa plis. <sup>25</sup> Paske, David te di: “SENYÈ a, Bondye Israël la, ✧te bay repo a pèp Li a e Li va abite Jérusalem jis pou tout tan. <sup>26</sup> Anplis, ✧Levit yo p ap ankò bezwen pote tabènak avèk tout zouti li yo pou sèvis li.” <sup>27</sup> Paske, pa dènye pawòl a David yo, fis a Levi yo te kontwole soti ventan oswa plis. <sup>28</sup> Paske, wòl pa yo se pou ede fis a Aaron yo avèk sèvis lakay SENYÈ a, nan gwo lakou yo, nan chanm yo ak nan pirifye tout bagay sen yo, menm travay a sèvis lakay Bondye a, <sup>29</sup> ✧epi avèk pen konsakre ak farin fen pou yon ofrann sereyal, galèt san ledven, oswa sa ki kwit nan veso, ni sa ki byen mele ak ✧tout mezi a volim oswa gwozè yo. <sup>30</sup> Yo gen pou kanpe chak maten pou bay remèsiman avèk lwanj a SENYÈ a e menm jan an nan aswè, <sup>31</sup> epi pou ofri tout ofrann brile a SENYÈ a, ✧nan Saba yo, nan nouvel lin yo, avèk ✧fèt etabli yo nan kontwòl ki òdone selon òdonans de yo menm, tout tan san rete devan SENYÈ a. <sup>32</sup> Konsa ✧yo gen pou kenbe chaj sou asanble tant yo, chaj sou plas sen an e chaj sou fis Aaron yo, fanmi pa yo, pou sèvis lakay

✧ 23:1 I Kwo 29:28 ✧ 23:3 Nonb 4:48 ✧ 23:4 Esd 3:8-9 ✧ 23:4 I Kwo 26:29 ✧ 23:5 I Kwo 15:16 ✧ 23:6 I Kwo 6:1 ✧ 23:13 Egz 6:20 ✧ 23:14 Det 33:1 ✧ 23:24 Nonb 10:17-21 ✧ 23:25 I Kwo 22:16 ✧ 23:26 Nonb 4:5-15 ✧ 23:29 Lev 24:5-9 ✧ 23:29 Lev 19:35-36 ✧ 23:31 És 1:13-14 ✧ 23:31 Lev 23:2-4 ✧ 23:32 Nonb 1:53



SENYÈ a.

## 24

<sup>1</sup> Alò, men divizyon a desandan a Aaron yo: fis a Aaron yo te Nadab, Abihu, Éléazar avèk Ithamar. <sup>2</sup> ✧Nadab avèk Abihu te mouri avan papa yo, san yo pa t genyen fis. Pou sa, Éléazar avèk Ithamar te sèvi kon prèt. <sup>3</sup> David, avèk ✧Tsadok, fis a Éléazar yo ak Achimélec a desandan a Ithamar yo, te divize yo selon fonksyon yo nan sèvis pa yo. <sup>4</sup> Akoz ke te gen plis chèf nan desandan a Éléazar yo pase nan desandan a Ithamar yo, yo te divize yo konsa: sèz chèf zansèt a desandan a Éléazar yo ak uit nan desandan Ithamar yo, selon lakay zansèt pa yo. <sup>5</sup> ✧Konsa yo te divize pa tiraj osò, youn tankou lòt la; paske, yo te sèvi kon ofisye nan sanktiyè a e ofisye a Bondye, e nan desandan a Éléazar yo ak desandan a Ithamar yo. <sup>6</sup> Schemaeja, fis a Nethaneel la, grefye pou trib Lévi a, te enskri yo nan prezans a wa a, chèf lakay zansèt yo, Tsadok, prèt la, ✧Achimélec, fis a Abiathar a ak chèf a lakay zansèt a prèt avèk Levit yo; youn lakay zansèt ki te pran pou Éléazar yo e youn pou Ithamar yo. <sup>7</sup> Alò, premye tiraj osò a te tonbe pou Jehojarib; dezyèm nan pou Jedaeja; <sup>8</sup> twazyèm nan a Harim; katriyèm nan a Seorim; <sup>9</sup> senkyèm nan a Malkija; sizyèm nan a Mijamin; <sup>10</sup> setyèm nan a Hakkots; uityèm nan a ✧Abija; <sup>11</sup> nevyèm nan a Josué; dizyèm nan a Schecania; <sup>12</sup> onzyèm nan a Éliaschib; douzyèm nan a Jakim; <sup>13</sup> trèzyèm nan a Huppa; katòzyèm nan a Jeschébeab; <sup>14</sup> kenzyèm nan a Bilga; sizyèm nan a Immer; <sup>15</sup> di-setyèm nan a Hézir; di-zuityèm nan a Happitsets; <sup>16</sup> diz-nevyèm nan a Pethachja; ventyèm nan a Ézékiel; <sup>17</sup> ven-te-inyèm nan a Jakin; venn-dezyèm nan a Gamul; <sup>18</sup> venn-twazyèm nan a Delaja; venn-katriyèm nan a Maazia. <sup>19</sup> ✧Sa yo te pozisyon sèvis yo te fè lè yo te antre lakay SENYÈ a selon règleman ki te bay a yo menm pa Aaron, zansèt pa yo, jis jan ke SENYÈ a, Bondye Israël la, te kòmande li a. <sup>20</sup> Alò, pou lòt fis a Lévi yo: nan fis Amram yo: Schubaël; nan fis a Schubaël yo: Jechdia; <sup>21</sup> a Rechabia: selon fis a Rechabia yo: chèf Jischija. <sup>22</sup> Selon Jitsearit yo: Schelomoth; nan fis a Schelomoth yo: Jachath. <sup>23</sup> Fis a Hébron yo: Jerija, premye a, Amaria, dezyèm nan, Jachaziel, twazyèm nan, Jekameam, katriyèm nan. <sup>24</sup> Selon fis a Úziel yo: Michée; epi fis a Michée yo, Shamir. <sup>25</sup> Frè a Michée a, Jischija; nan fis a Jischija yo: Zacharie. <sup>26</sup> Fis a Merari yo: Machli avèk Muschi; fis a Jaazija yo, Beno. <sup>27</sup> Fis a Merari yo: pa Jaazia, Beno, Schoham, Zaccur ak Ibri. <sup>28</sup> Pa Mahli: Éléazar ki pa t gen fis. <sup>29</sup> Pa Kis: nan fis a Kis yo, Jerachmeel. <sup>30</sup> Fis a Muschi yo: Machli, Éder ak Jerimoth. <sup>31</sup> ✧Sila yo osi te voye kon tiraj osò tankou manm fanmi pa yo, fis a Aaron yo nan prezans a David, wa a, Tsadok avèk Achimélec, chèf lakay zansèt pa yo pami prèt ak Levit yo, chèf lakay papa pa yo jis jan sa ye pou nan pi piti frè li yo.

## 25

<sup>1</sup> Anplis, David avèk kòmandan lame yo te mete apa pou sèvis kèk nan fis a Asaph yo, Héman ak Jeduthun pou ✧pwofetize avèk gita yo, ap ak senbal; epi fòs kantite moun ki te fè sèvis pa yo se te: <sup>2</sup> Nan fis a Asaph yo: Zaccur, Joseph, Nethania avèk Aschareéla; fis a Asaph yo te anba direksyon

✧ 24:2 Lev 10:2 ✧ 24:3 I Kwo 6:8 ✧ 24:5 I Kwo 24:31 ✧ 24:6 I Kwo 18:16 ✧ 24:10 Né 12:4 ✧ 24:19 I Kwo 9:25 ✧ 24:31 I Kwo 24:5-6 ✧ 25:1 II Wa 3:15

a Asaph, ki te pwofetize anba direksyon a wa a. <sup>3</sup> ✧ Selon Juduthun, fis a Juduthun yo: Guedalia, Tseri, Ésaïe, Haschabia, Matthithia avèk Schimeï, sis, anba direksyon a papa yo, Juduthun, avèk ap la, ki te konn pwofetize nan bay remèsiman avèk lwanj SENYÈ a. <sup>4</sup> Selon Héman, fis a Héman nan: Bukkija, Matthania, Uziel, Schebuel, Jerimoth, Hanania, Hanani, Éliatha, Guiddalthi, Romamthi-Ézer, Joschbekascha, Mallòthi, Hothir, Machazioth, <sup>5</sup> tout sila yo te fis a Héman yo, ✧konseye a wa a ki pou bay li ekspiyasyon selon pawòl a Bondye; paske, Bondye te bay katòz fis ak twa fi a Héman. <sup>6</sup> Tout te anba direksyon a papa yo pou chante lakay SENYÈ a, avèk senbal, ap ak gita yo, pou sèvis kay Bondye a. ✧Asaph, Jeduthun avèk Héman te anba direksyon wa a. <sup>7</sup> Fòs kantite nan yo ki te prepare kon chantè a SENYÈ yo, avèk manm fanmi pa yo, tout te byen abil, te ✧de-san-katreven-di-zuit. <sup>8</sup> Yo te tire osò pou travay tach yo, tout menm jan an, piti kon gran, pwofesè kon elèv. <sup>9</sup> Alò, premye tiraj osò a te tonbe a Asaph pou Joseph, dezyèm nan pou Guedalia, li menm, fanmi li ak fis pa li yo te fè douz; <sup>10</sup> Twazyèm nan a Zaccur, fis li yo avèk fanmi li, douz; <sup>11</sup> katriyèm nan a Jitseri, fis li yo avèk fanmi li, douz; <sup>12</sup> senkyèm nan a Nethania, fis li yo avèk fanmi li, douz; <sup>13</sup> sizyèm nan a Bukkija, fis li yo avèk fanmi li, douz; <sup>14</sup> setyèm nan a Jesareéla, fis li yo avèk fanmi li, douz; <sup>15</sup> uityèm nan a Ésaïe, fis li yo avèk fanmi li, douz; <sup>16</sup> nevyèm nan a Matthania, fis li yo avèk fanmi li, douz; <sup>17</sup> dizyèm nan a Schimeï, fis li yo avèk fanmi li, douz; <sup>18</sup> onzyèm nan a Azareel, fis li yo avèk fanmi li, douz; <sup>19</sup> douzyèm nan a Haschabia, fis li yo avèk fanmi li, douz; <sup>20</sup> trèzyèm nan a Schubaël, fis li yo avèk fanmi li, douz; <sup>21</sup> katòzyèm nan a Matthithia, fis li yo avèk fanmi li, douz; <sup>22</sup> kenzyèm nan a Jerémoth, fis li yo avèk fanmi li, douz; <sup>23</sup> sèzyèm nan a Hanania, fis li yo avèk fanmi li, douz; <sup>24</sup> di-setyèm nan a Joschbekascha, fis li yo avèk fanmi li, douz; <sup>25</sup> di-zuityèm nan a Hanani, fis li yo avèk fanmi li, douz; <sup>26</sup> diz-nevyèm nan a Mallothi, fis li yo avèk fanmi li, douz; <sup>27</sup> ventyèm nan a Élijatha, fis li yo avèk fanmi li, douz; <sup>28</sup> ven-te-inyèm nan a Hothir, fis li yo avèk fanmi li, douz; <sup>29</sup> venn-dezyèm nan a Guiddalthi, fis li yo avèk fanmi li, douz; <sup>30</sup> venn-twazyèm nan a Machazioth, fis li yo avèk fanmi li, douz; <sup>31</sup> venn-katriyèm nan a Romamthi-Ézer, fis li yo avèk fanmi li, douz.

## 26

<sup>1</sup> Pou divizyon gadyen pòtay yo, te gen nan Koreyit yo; Meschélémia, fis a Koré a, fis yo a Asaph yo. <sup>2</sup> Meschélémia te gen fis: Zacharie, premye ne a, Jediaël, dezyèm nan, Zebadia, twazyèm nan, Jathiel, katriyèm nan, <sup>3</sup> Élam, senkyèm nan, Jochanan, sizyèm nan, Eljoénaï, setyèm nan. <sup>4</sup> Obed-Édom te gen fis: Schemaeja, premye ne a, Jozabad, dezyèm nan, Joach, twazyèm nan, Sacar, katriyèm nan, Nethaneel, senkyèm nan, <sup>5</sup> Ammiel, sizyèm nan, Issacar, setyèm nan, Peulthaï, uityèm nan; paske, Bondye te vrèman beni li. <sup>6</sup> Anplis, a fis li, Schemaeja, te ne fis ki te renye sou lakay papa yo; paske, yo te mesye pwisan ak gwo kouraj. <sup>7</sup> Fis a Schemaeja yo: Othni, Rephaël, Obed, Elzabad, avèk frè pa yo Élihu ak Semaaja ki te mesye ak gwo kouraj. <sup>8</sup> Tout nan sila yo, se te fis a Obed-Édom; yo menm avèk fis pa yo ak fanmi yo te mesye ak gwo kapasite, avèk fòs pou sèvis; swasann-de mesye ki sòti

Obed-Édom. <sup>9</sup> Fis a Meschélémia yo, mesye plen ak kouraj te kontwole diz-uit mesye. <sup>10</sup> Anplis, Hosa, nan fis a Merari yo te fè fis: Schimri, premye a (malgre li pa t ne premyèman, men papa li te fè l premye), <sup>11</sup> Hilkiya, dezyèm nan, Thebalia, twazyèm nan, Zacharie, katriyèm nan. Tout fis yo avèk fanmi a Hosa yo te trèz mesye. <sup>12</sup> Se nan divizyon a gadyen pòtay sila yo, mesye chèf yo te bay reponsabilite kon fanmi pa yo pou fè sèvis lakay SENYÈ a. <sup>13</sup> ✧Yo te tire yo osò, piti kon gran, selon lakay zansèt pa yo pou chak pòtay. <sup>14</sup> Tiraj osò ki tonbe pou lès la te devni pou Schélémia. Alò, yo te tire osò pou fis li a, Zacharie, yon konseye avèk bon konprann e tiraj osò li a te sòti nan nò. <sup>15</sup> Pou Obed-Édom li te tonbe vè sid e a fis li yo, te ale chanm depo yo. <sup>16</sup> Pou Schuppm avèk Hosa, li te tonbe kote lwès, akote pòt Schalléketh la, vè chemen monte a. Yo te pozisyone gad anfas gad. <sup>17</sup> Sou lès la, te gen sis Levit; nan nò a, kat chak jou e nan chanm depo yo, de pa de yon kote apa. <sup>18</sup> Nan cham bati sou kote lwès la, te gen kat sou gran chemen an e de nan cham nan a menm. <sup>19</sup> Sila yo se te divizyon a gadyen pòtay a fis a Kore yo avèk fis a Merari yo. <sup>20</sup> Levit yo avèk fanmi pa yo te gen ✧chaj sou trezò lakay Bondye a ak trezò a don konsakre yo. <sup>21</sup> Fis a Laedan yo, fis a Gèshonit yo, ki apatyen a Laedan, chèf lakay zansèt pa yo ki te rele Jehiéli, te tèt a lakay zansèt pa yo ki te pou Laedan, Gèshonit lan. <sup>22</sup> Fis a Jehiéli yo, Zetham avèk Joël, frè li a, ki te an chaj trezò lakay SENYÈ a. <sup>23</sup> Pou Amramit yo, Jitsearit yo, Ebwonit avèk Izyelit yo, <sup>24</sup> Schebuel, fis a Guerschom an, fis a Moïse la te ofisyè sou trezò yo. <sup>25</sup> Fanmi li pa Éliézer te Rechabia, fis li a, Ésaïe, fis li a, Joram, fis li a, Zicri, fis li a ak Schelomith, fis li a. <sup>26</sup> Schelomith sila avèk fanmi li te gen chaj sou tout trezò a don konsakre ✧ke Wa David avèk chèf lakay zansèt yo, kòmandan a dè milye, a dè santèn e kòmandan lame yo te dedye. <sup>27</sup> Yo te dedye yon pati nan piyaj ki te sezi nan gè yo pou repare lakay SENYÈ a. <sup>28</sup> Epi tout sa ke Samuel, konseye a, te dedye e Saül, fis a Kis la, pa Abner, fis a Ner a, pa Joab, fis a Tseruja a, tout moun ki te dedye bagay anba jerans a Schelomith lan avèk fanmi pa li. <sup>29</sup> Pou Jitsearit yo, Kenania avèk frè pa li yo, yo ✧te anplwaye pou zafè andeyò kon ✧majistra ak jij an Israèl. <sup>30</sup> Pou Ebwonit yo, ✧Haschavbia avèk fanmi li, mil-sèt-san mesye ak kapasite, ki te an chaj tout zafè Israèl yo nan lwès a Jourdain an, pou tout sèvis SENYÈ a ak sèvis wa a. <sup>31</sup> Pou Ebwonit yo, Jerija, chèf la, (Ebwonit sila yo te envestige selon listwa fanmi avèk zansèt pa yo, nan karantèm ane nan règn David la e mesye ak kapasite siperyè yo te twouve pami yo kote Jaezer nan Galaad). <sup>32</sup> epi fanmi pa li, mesye byen kapab, te de-mil-sèt-san òm, chèf lakay zansèt pa yo. Epi Wa David te fè yo sipèvizè sou Ribenit yo, Gadit yo ak mwatye tribi Manassé ✧pou tout zafè Bondye avèk wa a.

## 27

<sup>1</sup> Men chif kontwòl a fis Israèl yo, chèf lakay zansèt yo, kòmandan a dè milye, a dè santèn yo, avèk chèf pa yo ki te sèvi wa a nan tout afè divizyon ki te antre sòti mwa pa mwa pandan tout mwa nan ane yo, chak divizyon te konte a venn-kat-mil sòlda: <sup>2</sup> Sou ✧tèt a premye divizyon an pou premye mwa a te Jaschobeam, fis a Zabdiel la; nan divizyon pa li a te gen venn-kat-mil òm. <sup>3</sup> Sòti nan fis a Pérets yo, chèf a tout kòmandan lame a pou

✧ 26:13 I Kwo 24:5-31 ✧ 26:20 I Kwo 26:22-26 ✧ 26:26 II Sam 8:11 ✧ 26:29 Né 11:16  
✧ 26:29 I Kwo 23:4 ✧ 26:30 I Kwo 27:17 ✧ 26:32 II Kwo 19:11 ✧ 27:2 II Sam 23:8-30

premye mwa a. <sup>4</sup> Sou tèt a divizyon dezyèm mwa a te Dodai, Achochit la; Mikloth te youn nan chèf yo nan divizyon pa li yo; epi li te gen nan divizyon pa li a, venn-kat-mil òm. <sup>5</sup> Twazyèm kòmandan lame a pou twazyèm mwa a te Benaja, fis a prèt la, Jehojada kon chèf; epi nan divizyon pa li te gen venn-kat-mil òm. <sup>6</sup> Benaja sila a se te nonm pwisan a trant yo e li te an chaj sou trant yo; epi Ammizadab, fis li a, te sou divizyon pa li. <sup>7</sup> Katriyèm nan pou katriyèm mwa a te Asaël, frè a Joab la e apre li, Zebadia, fis li a; epi li te gen yon divizyon a venn-kat-mil òm. <sup>8</sup> Senkyèm nan pou senkyèm mwa a te kòmandan Schamehuth, Jizrachit la; epi te gen yon divizyon a venn-kat-mil òm. <sup>9</sup> Sizyèm nan pou sizyèm mwa a te Ira, fis a Ikkesch la, Tekoyit la; epi li te gen yon divizyon a venn-kat-mil òm. <sup>10</sup> Setyèm nan pou setyèm mwa a te Hélets, Pelonit lan, sòti nan fis a Éphraïm yo; li te gen yon divizyon a venn-kat-mil òm. <sup>11</sup> Uityèm nan, pou uityèm mwa a te Sibbecai, Ouchatit la, sòti nan Zerachit yo; epi li te gen yon divizyon a venn-kat-mil òm. <sup>12</sup> Nevyèm nan pou nevyèm mwa a te Abiézer, Anathoth la, sòti nan Benjamit yo; epi li te gen yon divizyon a venn-kat-mil òm. <sup>13</sup> Dizyèm nan pou dizyèm mwa a te Maharai, Netofayit la nan fanmi Zerachit yo; epi li te gen yon divizyon a venn-kat-mil òm. <sup>14</sup> Onzyèm nan pou onzyèm mwa a te Benaja, Piratit la, sòti nan fis Éphraïm nan; epi li te gen yon divizyon a venn-kat-mil òm. <sup>15</sup> Douzyèm nan, pou douzyèm mwa a te Heldaï, Netofit la, sòti nan fanmi Othniel la; epi li te gen yon divizyon venn-kat-mil òm. <sup>16</sup> Men chèf a tribi Israël yo. Chèf a Ribenit yo; Éliézer, fis a Icri a; pou Simeonit yo: Schephathia, fis a Maaca a; <sup>17</sup> pou Levit yo: Haschabia, fis a Kemuel la; nan fanmi Aaron an: Tsadok; <sup>18</sup> pou Juda: Élihu, frè a David la; pou Issacar: Omri, fis a Micaël la; <sup>19</sup> pou Zabulon: Jischemaeja, fis a Abdias la; pou Nephthali: Jerimoth, fis a Azriel la; <sup>20</sup> pou fis Éphraïm yo: Hosée, fis a Azazia a; pou mwatye tribi a Manassé a: Joël, fis a Pedaja a; <sup>21</sup> pou mwatye tribi Manassé nan Galaad: Jiddo, fis a Zacharie a, pou Benjamin: Jaasiel, fis a Abner a; <sup>22</sup> pou Dan: Azareel, fis a Jerocham nan. ✧Sila yo se te chèf a tribi Israël yo. <sup>23</sup> Men David pa t kontwole sila nan laj ventan oswa mwens yo, ✧akoz SENYÈ a te di Li ta miltipliye Israël kon zetwal syèl yo. <sup>24</sup> Joab, fis a Tseruja a, te kòmanse fè gwo kontwòl la, men li pa t fini; epi akoz ✧gwo kòlè sa a ki te vin rive sou Israël e fòs kantite a pa t ladann nan chif kontwòl a Wa David la. <sup>25</sup> Alò, Azmaveth, fis a Adiel la te an chaj depo trezò a wa a. Epi Jonathan, fis a Uzias la, te gen chaj a depo andeyò yo, nan vil yo, nan ti bouk yo ak nan wo fò anlè yo. <sup>26</sup> Ezri, fis a Kelub la te responsab tout ouvriye agrikòl ki te travay tè yo. <sup>27</sup> Schimeï, Ramatit la te gen chaj sou chan rezen yo; epi Zabdi, Shefamit lan, te an chaj tout pwodwi a chan rezen ki te depoze nan depo diven anba tè yo. <sup>28</sup> Baal-Hanan Gedetit la, te an chaj chan bwa oliv ak bwa ✧sikomò nan gran plèn nan e Joasch te an chaj depo lwil yo. <sup>29</sup> Schithraï, Sawonit lan te an chaj bèt ki t ap manje nan ✧Saron yo; epi Schaphath, fis a Adlai a, sou bèt ki te nan vale yo. <sup>30</sup> Obil, Izmayelit la, te an chaj chamo yo; epi Jechdia, Mewonotit la, te an chaj bourik yo. <sup>31</sup> Jaziz, Agarenyen an, te an chaj bann mouton yo. Tout sila yo te sipèvizè nan tèren ki te apatyan a Wa David la. <sup>32</sup> Anplis, Jonathan, tonton David la, te yon konseye, yon nonm ak bon konprann e yon skrib; epi Jehiel, fis a Hacmoni an, te pwofesè a fis Wa yo. <sup>33</sup> ✧Achitophel te yon konseye a wa a e Huschai, Akyen an, te zanmi a wa

✧ 27:22 I Kwo 28:1   ✧ 27:23 I Kwo 21:2-5   ✧ 27:24 II Sam 24:12-15   ✧ 27:28 I Wa 10:27  
 ✧ 27:29 I Kwo 5:16   ✧ 27:33 II Sam 15:12

a. <sup>34</sup> Jehojada, fis a Benaja a avèk ✧Abiathar te ranplase Achitophel; epi Joab te ✧kòmandan lame wa a.

## 28

<sup>1</sup> Alò, David te rasanble Jérusalem tout ofisye Israël yo, chèf a tribi yo, kòmandan a divizyon ki te sèvi wa yo, kòmandan a dè milye yo avèk kòmandan a dè santèn yo, sipèvizè a tout teren avèk bèt ki te apatyen a wa a, avèk fis li yo, avèk ofisye yo ak ✧mesye pwisan yo, menm tout mesye gwo kouraj yo. <sup>2</sup> Epi Wa David te leve sou pye li e te di: “Koute mwen, frè m yo ak pèp mwen an; Mwen ✧te gen entansyon bati yon kay repo pou lach akò SENYÈ a e pou machpye Bondye nou an. Pou sa, mwen te fè preparasyon yo pou bati li. <sup>3</sup> Men Bondye te di mwen: ✧‘Ou p ap bati yon kay pou non Mwen; akoz ou se yon nonm lagè e ou te vèse san.’ <sup>4</sup> Sepandan, SENYÈ a, Bondye Israël la, te ✧chwazi mwen soti nan tout lakay papa m pou vin wa sou Israël ✧jis pou tout tan. <sup>5</sup> Pami tout fis mwen yo, (paske SENYÈ a te ban mwen anpil fis), ✧Li te chwazi fis mwen an, Salomon pou chita sou twòn wayòm SENYÈ a sou Israël. <sup>6</sup> Li te di mwen: ‘Fis ou a, ✧Salomon, se li menm ki va bati kay Mwen an, ak tout teren li yo; paske, Mwen te chwazi Li pou devni yon fis pou Mwen e Mwen va yon papa pou li. <sup>7</sup> Mwen va etabli wayòm li jis pou tout tan ✧si avèk tout kè li, li fè kòmandman Mwen yo avèk règleman Mwen yo, jan sa ap fèt koulye a. <sup>8</sup> Pou sa, koulye a, devan zye a tout Israël, asanble SENYÈ a e nan tande a Bondye nou an, swiv e pran a kè tout kòmandman a SENYÈ yo, Bondye nou an, pou nou kapab posede bon peyi a e bay li a fis apre nou yo, jis pou tout tan. <sup>9</sup> Epi pou ou menm, fis mwen an, Salomon, fè konesans a Bondye papa ou a e ✧sèvi li avèk tout kè ou e avèk bòn volonte; paske, SENYÈ a chache nan tout kè yo e byen konprann entansyon a tout panse yo. Si ou chache Li, Li va kite ou jwenn Li; men, si ou abandone Li, Li va rejte ou jis pou tout tan. <sup>10</sup> Koulye a, reflechi byen, paske SENYÈ a te fin chwazi ou menm pou bati yon kay pou sanktiyè a; ✧pran kouraj e aji.” <sup>11</sup> Epi David te bay a fis li Salomon, ✧plan pou fè galri tanp lan, tout chanm li yo, avèk chanm trezò li yo, chanm anlè li yo, chanm enteryè li yo ak chanm pou twòn pwopiyatwa a; <sup>12</sup> epi plan a tout sa ke li te gen nan tèt li, pou lakou lakay SENYÈ a e pou tout chanm ki te antoure l yo, pou ✧chanm trezò lakay Bondye yo e pou chanm trezò pou tout bagay konsakre yo; <sup>13</sup> anplis, pou ✧divizyon a prèt yo avèk Levit yo pou tout travay sèvis lakay SENYÈ a e pou tout zouti sèvis lakay SENYÈ yo; <sup>14</sup> pou zouti an lò yo, lò pou tout zouti pou tout kalite sèvis yo; pou zouti an ajan yo, ajan pou tout zouti a tout kalite sèvis yo; <sup>15</sup> epi lò pou ✧baz chandelye an lò yo avèk lanp pa li yo; epi ajan a baz chandelye an ajan yo, avèk pwa a chak baz avèk lanp pa li yo selon sèvis a chak chandelye; <sup>16</sup> epi pwa a lò a pou tab pen konsakre pou chak tab la; epi ajan pou tab an ajan yo; <sup>17</sup> epi fouchèt yo, basen yo ak krich an lò pi yo; epi pou bòl an lò yo avèk pwa pou chak bòl; epi pou bòl an ajan avèk pwa a chak bòl; <sup>18</sup> epi pou ✧lotèl lansan an lò rafine pa pwa; epi lò pou modèl a cha a, menm cheriben ki te ouvri zèl yo pou te

✧ 27:34 I Kwo 1:7 ✧ 27:34 I Kwo 11:6 ✧ 28:1 I Kwo 11:10-47 ✧ 28:2 I Kwo 17:1-2 ✧ 28:3 I Kwo 22:8 ✧ 28:4 I Sam 16:6-13 ✧ 28:4 I Kwo 17:23-27 ✧ 28:5 I Kwo 22:9-10 ✧ 28:6 II Sam 7:13-14 ✧ 28:7 I Kwo 22:13 ✧ 28:9 I Wa 8:61 ✧ 28:10 I Kwo 22:13 ✧ 28:11 Egz 25:40 ✧ 28:12 I Kwo 26:20-28 ✧ 28:13 I Kwo 24:1 ✧ 28:15 Egz 25:31-39 ✧ 28:18 Egz 30:1-10

kouvri lach akò SENYÈ a. <sup>19</sup> David te di: “SENYÈ a te fè M konprann avèk men L ki te ekri pou mwen, ✧tout detay a modèl sila a.” <sup>20</sup> Epi David te di a fis li, Salomon: ✧“Kenbe fèm, pran kouraj e aji pran desizyon; pa pè ni dekouraje; paske, SENYÈ a, Bondye a, avèk ou. Li p ap fè fayit, ni Li p ap abandone ou jiskaske ke tout lèw pou lakay SENYÈ a fini. <sup>21</sup> Alò, gade byen, men divizyon a prèt yo avèk Levit yo ✧pou tout sèvis lakay Bondye yo e tout mesye avèk kapasite yo va avèk ou nan travay la pou tout kalite sèvis yo. Anplis, ofisye yo avèk tout pèp la va disponib nèt sou lòd pa ou.

## 29

<sup>1</sup> Epi Wa David te di a tout asanble a: “Fis mwen an, Salomon, ki sèl pou kont li Bondye te chwazi a, ✧ toujours jèn, san gwo eksperyans e travay la byen gwo; paske, tanp lan pa pou lòm, men pou SENYÈ a, Bondye a. <sup>2</sup> Alò, avèk ✧tout kapasite mwen, mwen te fè pwovizyon pou lakay Bondye mwen a; lò, pou bagay fèt an lò yo, ajan pou bagay fèt an ajan yo, bwonz pou bagay fèt an bwonz yo, fè pou bagay fèt an fè yo, bwa pou bagay fèt an bwa yo, pyè oniks pou bagay fèt an pyè oniks yo, pyè byen prezante, pyè briyan avèk anpil koulè ak tout kalite pyè presye avèk mab blan an gran kantite. <sup>3</sup> Anplis, nan gran lajwa mwen pou lakay Bondye mwen an, trezò pèsonèl ke mwen gen an lò avèk ajan, mwen bay li a lakay Bondye mwen an; anplis de sou sa ke m te founi deja pou sen tanp lan, <sup>4</sup> kon swivan, ✧ twa mil talan lò nan lò Ophir ak sèt mil talan ajan rafine, pou kouvri mi kay yo; <sup>5</sup> lò pou bagay an lò e ajan pou bagay an ajan, sa vle di, pou tout lèw ki fèt pa mèt ouvriye yo. Pou sa, se kilès k ap konsakre li nan jou sa a SENYÈ a. <sup>6</sup> Answit ✧chèf lakay zansèt yo, chèf a tribi Israèl yo e kòmandan a dè milye e a dè santèn yo, avèk ✧sipèvizè sou travay a wa a, te bay ofrann avèk bòn volonte; <sup>7</sup> epi pou sèvis lakay Bondye a, yo te bay senk-mil talan avèk di-mil ✧kilo an lò, di mil talan ajan, di-zui-mil talan bwonz ak san-mil-talan an fè. <sup>8</sup> Nenpòt moun ki te posede pyè presye, yo te bay yo a trezò lakay SENYÈ a, sou gerans a ✧Jehiel, Gèshonit lan. <sup>9</sup> Epi pèp la te rejwi paske yo te ofri sa tèlman ak bòn volante; paske, yo te fè ofrann a SENYÈ a ✧avèk tout kè yo, epi Wa David osi te rejwi anpil. <sup>10</sup> Konsa, David te beni SENYÈ a devan zye a tout asanble a; epi David te di: “Beni se Ou menm, O SENYÈ a, Bondye Israèl la, papa nou, jis pou tout tan e tout tan. <sup>11</sup> ✧A Ou menm, O SENYÈ a, grandè, avèk pouvwa, avèk glwa, ak viktwa, ak majeste; anverite, tout sa ki nan syèl la ak sou tè a. A Ou menm, tout règn, O SENYÈ e Ou egzalte Ou menm kon tèt sou tout règn. <sup>12</sup> ✧Ni richès, ni onè se nan Ou yo sòti e Ou regne sou tout. ✧Nan men Ou se pouvwa ak pwisans; epi se nan men W tout moun leve e vin fò. <sup>13</sup> Koulye a, pou sa, Bondye nou an, nou remèsye Ou e bay glwa a non Ou ki plen ak glwa a. <sup>14</sup> Men se kilès mwen ye e kilès pèp mwen an ye, pou nou ta kapab ofri ak jenewozite sa a? Paske tout bagay sòti nan Ou e se sa ki soti nan men Ou, nou te bay Ou. <sup>15</sup> Paske ✧nou se vwayajè devan Ou, lokatè, tankou tout zansèt nou yo te ye tou a; jou nou sou latè a se tankou lonbraj e nanpwen espwa. <sup>16</sup> O SENYÈ a, Bondye pa nou an, tout abondans sa ke nou te founi pou bati yon kay pou non sen pa Ou, soti nan men Ou e tout se pou Ou.

✧ 28:19 I Kwo 28:11-12 ✧ 28:20 I Kwo 22:13 ✧ 28:21 Egz 35:25-35 ✧ 29:1 I Kwo 22:5  
 ✧ 29:2 I Kwo 22:3-5 ✧ 29:4 I Kwo 22:14 ✧ 29:6 I Kwo 27:1 ✧ 29:6 I Kwo 27:25-31 ✧ 29:7  
 Esd 2:69 ✧ 29:8 I Kwo 23:8 ✧ 29:9 I Wa 8:61 ✧ 29:11 Mat 6:13 ✧ 29:12 II Kwo 1:12  
 ✧ 29:12 II Kwo 20:6 ✧ 29:15 Lev 25:23

<sup>17</sup> Akoz mwen konnen, O Bondye mwen an, ke ✨Ou fè sonde tout kè e ✨pran plezi nan ladwati; mwen, ak yon kè entèg, te ofri avèk bòn volonte tout sila yo; epi koulye a, avèk jwa, mwen gen tan wè pèp Ou a, ki prezan isit la, pou fè sakrifis ak bòn volonte a Ou menm. <sup>18</sup> O SENYÈ, Bondye a Abraham nan, Issac avèk Israèl, papa zansèt pa nou yo, sere sa jis pou tout tan nan entansyon kè a pèp Ou a e dirije kè yo vè Ou menm; <sup>19</sup> epi ✨bay a fis mwen an, Salomon, yon kè entèg pou kenbe tout kòmandman Ou yo, temwayaj Ou yo ak règleman Ou yo, pou fè tout sa, pou bati tanp lan, pou sila mwen te fè pwovizyon an.”

<sup>20</sup> Epi David te di a tout asanble a: “Koulye a, beni SENYÈ a, Bondye nou an.” Epi ✨tout asanble a te beni SENYÈ a, Bondye a zansèt pa yo a e te ✨bese ba pou te bay omaj a SENYÈ a e a wa a. <sup>21</sup> Nan pwochen jou a, ✨yo te fè sakrifis a SENYÈ a e te ofri ofrann brile a SENYÈ a; mil towò, mil belye ak mil jenn mouton avèk ofrann bwason pa yo e sakrifis an gran kantite pou tout Israèl. <sup>22</sup> Konsa, yo te manje ak bwè nan jou sa a devan SENYÈ a avèk kè kontan. Epi yo te fè ✨Salomon, fis a David la, wa pou yon dezyèm fwa e yo te onksyone li kon sila ki renye pou SENYÈ a e Tsadok kon prèt la. <sup>23</sup> Apre, ✨Salomon te chita sou twòn SENYÈ a kon wa olye David, papa li; epi li te byen reyisi e tout Israèl te obeyi a li menm. <sup>24</sup> Tout ofisye yo, mesye pwisan yo e anplis, tout fis a Wa David yo te sèmante fidelite a Wa Salomon. <sup>25</sup> SENYÈ a te egzalte Salomon byen wo nan zye a tout Israèl e te ✨bay li yon majeste wayal ki pa t sou okenn wa avan li an Israèl. <sup>26</sup> Alò ✨David, fis a Jesse a te renye sou tout Israèl. <sup>27</sup> ✨Fòs tan ke li te renye sou Israèl la se te karantan; li te renye Hébron pandan setan e Jérusalem pandan trann-twazan. <sup>28</sup> Epi li te mouri a ✨yon gwo laj, trè avanse plen avèk jou, richès, avèk onè; epi fis li a, Salomon te renye nan plas li. <sup>29</sup> Alò, zèv a Wa David yo, premye a jis rive nan dènye a, yo ekri nan Kwonik a Samuel yo, konseye a, nan Kwonik a ✨Nathan yo, pwofèt la ak nan Kwonik a ✨Gad yo, vwayan a, <sup>30</sup> avèk tout règn li, pouvwa li ak sikonstans ki te rive sou li yo, sou Israèl ak sou tout wayòm a peyi yo.

---

✨ 29:17 I Kwo 28:9 ✨ 29:17 Sòm 15:2 ✨ 29:19 I Kwo 28:9 ✨ 29:20 Jos 22:33 ✨ 29:20 Egz 4:31 ✨ 29:21 I Wa 8:62-63 ✨ 29:22 I Kwo 23:1 ✨ 29:23 I Wa 2:12 ✨ 29:25 I Wa 3:13 ✨ 29:26 I Kwo 18:14 ✨ 29:27 II Sam 5:4-5 ✨ 29:28 Jen 15:15 ✨ 29:29 II Sam 7:2-4 ✨ 29:29 I Sam 22:5

## II Kwonik Yo

<sup>1</sup> Alò ✨Salomon, fis a David la te etabli li menm byen solid sou wayòm li an. SENYÈ a, Bondye li a, te avèk li e Li te egzalte li anpil. <sup>2</sup> Salomon te pale a tout Israèl, ✨a kòmandan a dè milye yo e dè santèn yo, a jij yo e tout moun nan sila ki t ap dirije nan tout Israèl yo, chèf lakay zansèt pa yo. <sup>3</sup> Konsa, Salomon avèk tout asanble a avèk li menm te monte nan ✨wo plas ki te Gabaon an; paske, ✨tant asanble a Bondye ke Moïse, sèvitè SENYÈ a, te fè nan dezè a, te la. <sup>4</sup> Sepandan, David te gen tan mennen fè monte ✨lach Bondye a soti Kirjath-Jearim nan plas li te prepare pou li a; paske, li te fè monte yon tant Jérusalem. <sup>5</sup> Alò, ✨lotèl an bwonz ke Betsaleel, fis a Uri a, te fè a te la devan tabènak SENYÈ a e Salomon avèk asanble a te chache jwenn li. <sup>6</sup> Salomon te monte la devan SENYÈ a kote lotèl an bwonz nan tant asanble a, e li te ✨ofri mil ofrann brile sou li. <sup>7</sup> ✨Nan lannwit, Bondye te parèt a Salomon e te di li: “Mande M sa pou M ta ba ou.” <sup>8</sup> Salomon te di a Bondye: “Ou te aji avèk papa m David avèk anpil lanmou dous e Ou ✨te fè m wa nan plas li. <sup>9</sup> Koulye a, O SENYÈ Bondye, ✨Sa Ou te pwomèt a papa m nan, David, akonpli; paske, Ou te fè m wa sou yon pèp ki gran an kantite tankou pousyè latè. <sup>10</sup> ✨Koulye a, ban mwen sajès avèk konesans, pou m kab antre sòti devan pèp sa a, paske se kilès ki kab gouvène gran pèp Ou sa a? <sup>11</sup> ✨Bondye te di a Salomon: “Akoz ou te gen sa nan tèt ou e ou pa t mande richès, ni byen, ni lonè, ni lavi a sila ki rayi ou yo, ni ou pa t menm mande pou yon vi long, men ou te mande pou kont ou sajès pou ou ta kab gouvène pèp Mwen an, sou sila Mwen te fè ou wa a, <sup>12</sup> sajès avèk konesans gen tan bay a ou menm. Epi ✨Mwen va ba ou richès avèk byen, avèk lonè, tankou okenn nan wa avan ou yo pa t janmen genyen, ni sila ki va swiv ou yo.” <sup>13</sup> ✨Konsa, Salomon te sòti nan kote wo ki te Gabaon an, li te soti nan tant asanble a, pou rive Jérusalem e li te renye sou tout Israèl. <sup>14</sup> ✨Salomon te vin gen cha avèk chevalye. Li te gen mil-kat-san cha avèk douz-mil chevalye e li te estasyon yo nan vil a cha yo Jérusalem. <sup>15</sup> ✨Wa a te fè ✨ajan avèk lò vin an kantite Jérusalem, menm jan avèk wòch e li te fè bwa sèd vin anpil tankou bwa sikomò nan ba plèn nan. <sup>16</sup> ✨Cheval Salomon yo te enpòte soti an Égypte avèk Kue; komèsan a wa yo te chache jwenn yo Kue pou yon pri. <sup>17</sup> Yo te enpòte cha yo soti an Égypte pou sis-san sik ajan chak, cheval yo pou san-senkant chak e pa menm mwayen an, yo te fè distribisyon a tout wa Etyen yo avèk wa Siryen yo.

## 2

<sup>1</sup> ✨Alò, Salomon te deside bati yon kay pou non SENYÈ a ak yon palè wayal pou pwòp tèt li. <sup>2</sup> Pou sa, ✨Salomon te chwazi swasann-di-mil mesye pou pote chaj, katreven-mil mesye pou taye wòch nan mòn yo e twa-mil-sis-san pou sipèvize. <sup>3</sup> ✨Epi Salomon te voye kote Hiram, wa Tyr la, e li te di: ✨“Jan ou te aji avèk David la, papa m nan, Ou te voye ba li bwa sèd pou bati yon kay pou li ta rete ladann; konsa, fè sa pou mwen. <sup>4</sup> Gade

✨ 1:1 I Wa 2:12-46 ✨ 1:2 I Kwo 28:1 ✨ 1:3 I Wa 3:4 ✨ 1:3 Egz 36:8 ✨ 1:4 I Kwo 15:25-28  
 ✨ 1:5 Egz 31:9 ✨ 1:6 I Wa 3:4 ✨ 1:7 I Wa 3:5-14 ✨ 1:8 I Kwo 28:5 ✨ 1:9 II Sam 7:12-16  
 ✨ 1:10 I Wa 3:9 ✨ 1:11 I Wa 3:11 ✨ 1:12 I Kwo 29:25 ✨ 1:13 II Kwo 1:3 ✨ 1:14 I Wa 10:26-29 ✨ 1:15 I Wa 10:27 ✨ 1:15 Det 17:17 ✨ 1:16 Det 17:16 ✨ 2:1 I Wa 5:5 ✨ 2:2 I Wa 5:15-16 ✨ 2:3 I Wa 5:2-11 ✨ 2:3 I Kwo 14:1



byen, mwen prè pou bati yon kay pou non SENYÈ a, Bondye a, pou l dedye a Li menm, pou brile lansan santi bon devan L, pou plase pen konsakre tout tan e pou ofri ✨ofrann brile ni nan maten, ni nan aswè, ✨nan Saba avèk nouvèl lin ak nan fèt etabli a SENYÈ a, Bondye nou an, sila kòm egzije jis pou tout tan an Israël. <sup>5</sup> Kay ke m prè pou bati a va tèlman gran; paske, ✨pi gran se Bondye pa nou an, ke tout lòt dye yo. <sup>6</sup> Men se ✨kilès ki kab bati yon kay pou Li, paske syèl yo avèk pi wo syèl yo pa kab kenbe Li? Pou sa, se kilès mwen ye, pou mwen ta dwe bati yon kay pou Li, sof ke pou brile lansan devan L. <sup>7</sup> Alò, voye ban mwen yon nonm abil pou travay an lò, ajan, bwonz, fè ak an twal mov, kramwazi, avèk vyolèt e yon nonm ki konn grave, pou travay avèk mesye kapab ✨ke m genyen Juda avèk Jérusalem, ke papa m, David te chwazi yo. <sup>8</sup> Anplis, ✨voye ban mwen bwa sèd, bwa sipre, avèk bwa sandal; twòn k ap sòti nan Liban, paske mwen konnen ke sèvitè ou yo konnen jan pou yo koupe bwa Liban yo; epi anverite, sèvitè mwen yo va travay avèk sèvitè pa w yo, <sup>9</sup> pou prepare bwa konstriksyon pou mwen an gran kantite, pwiske kay ke mwen prè pou bati a va yon gran mèvèy. <sup>10</sup> Alò, gade byen, ✨mwen va bay a sèvitè ou yo, mesye forè ki koupe bwa konstriksyon yo, ven-mil barik ble kraze ven-mil barik lòj, ven-mil galon diven avèk ven-mil galon lwil.” <sup>11</sup> Hiram, wa Tyr la, te reponn nan yon lèt voye bay Salomon: ✨“Akoz SENYÈ a renmen pèp Li a, Li te fè ou wa sou yo.” <sup>12</sup> Epi Hiram te kontinye: “Beni se ✨SENYÈ a, Bondye Israël la, ki te fè syèl la avèk tè a, ki te bay Wa David yon fis ki saj, plen avèk pridans, avèk bon konprann, ki va bati yon kay pou SENYÈ a, avèk yon palè wayal pou li menm. <sup>13</sup> Alò, mwen ap voye Hiramabi, yon nonm abil avèk anpil bon konprann, <sup>14</sup> ✨fis a yon fanm a Dan avèk yon papa a Tiryen, ki konnen jan pou travay an lò, ajan, bwonz, fè, wòch ak bwa; anplis, avèk twal mov, vyolèt, materyo wouj, pou fè tout kalite bagay grave yo, pou swiv nenpòt plan ke li resevwa, pou travay avèk mesye a kapasite pa w yo, avèk sila a mèt mwen yo, papa ou, David. <sup>15</sup> Alò, pou sa, kite mèt mwen an voye kote sèvitè li yo ble avèk lòj, lwil ak diven ✨sou sa li te pale yo. <sup>16</sup> ✨Nou va koupe nenpòt bwa konstriksyon ke ou bezwen soti nan Liban pou pote ba ou ranje mare ansanm sou lanmè pou rive Japho, pou ou kab pote l monte Jérusalem.” <sup>17</sup> Salomon te fè kontwòl a tout etranje ki te nan peyi Israël yo, pou swiv gran kontwòl ke papa li, David te fè a; epi yo te jwenn san-senkant-twa-mil-sis-san moun. <sup>18</sup> ✨Li te chwazi swasann-di-mil nan yo pou pote chay yo, katreven mil nan yo pou taye wòch nan mòn yo e twa-mil-sis-san sipèvizè pou fè moun yo travay.

### 3

<sup>1</sup> ✨Alò, Salomon te kòmanse bati lakay SENYÈ a Jérusalem sou Mòn Moriah, kote SENYÈ a te parèt a papa li a, David, nan plas ke David te prepare ✨sou glasi vannen ki te pou Ornan, Jebizyen an. <sup>2</sup> Li te kòmanse bati nan dezyèm jou, nan dezyèm mwa nan katriyèm ane règn pa li a. <sup>3</sup> Alò, sila yo se fondasyon ke ✨Salomon te poze pou konstriksyon kay Bondye a. Longè a an koude, selon mezi ansyen an te swasant koude e lajè a te ven koude. <sup>4</sup> Galri ki te devan kay la te ✨menm longè avèk lajè

✨ 2:4 Egz 29:38-42 ✨ 2:4 Nonb 28:9-10 ✨ 2:5 Egz 15:11 ✨ 2:6 I Wa 8:27 ✨ 2:7 I Kwo 22:15  
 ✨ 2:8 I Wa 5:6 ✨ 2:10 I Wa 5:11 ✨ 2:11 I Wa 10:9 ✨ 2:12 Sòm 33:6 ✨ 2:14 I Wa 7:14  
 ✨ 2:15 II Kwo 2:10 ✨ 2:16 I Wa 5:8-9 ✨ 2:18 II Kwo 2:2 ✨ 3:1 I Wa 6:1 ✨ 3:1 I Kwo 21:8  
 ✨ 3:3 I Wa 6:2 ✨ 3:4 I Wa 6:3

kay la, ven koude e wotè a san-ven; pa anndan li te kouvri kay la avèk yon kouch lò pi. <sup>5</sup> Li te kouvri ✧gran chanm nan avèk bwa sipre, li te fè kouvri li ak lò fen e te dekore li avèk pye palmis avèk chenn. <sup>6</sup> Anplis, li te dekore kay la avèk pyè presye; epi lò a te sòti Parvaïm. <sup>7</sup> Anplis, ✧li te kouvri kay la avèk yon kouch lò—travès yo, chanbrann yo, mi li yo, avèk pòtay li yo; epi li te ✧grave cheriben yo sou mi yo. <sup>8</sup> Alò, li te fè ✧chanm ki pi sen pase tout lòt yo a: longè li ki te travèse lajè kay la, te ven koude e lajè li te ven koude; epi li te kouvri li avèk lò fen, ki te rive jis nan sis-san talan. <sup>9</sup> Pwa a klou yo te senkant sik an lò. Anplis, li te kouvri ✧chanm anlè yo avèk lò. <sup>10</sup> Epi li te fè de cheriben skilpte nan chanm ki sen pase tout lòt yo a e li te kouvri yo avèk lò. <sup>11</sup> Distans zèl ouvri pou de cheriben yo te ven koude; zèl a youn te fè senk koude pou touche mi kay la e lòt zèl la senk koude te touche pwent zèl a lòt cheriben an. <sup>12</sup> Zèl a lòt cheriben an, a senk koude, te touche mi a kay la; epi lòt zèl la senk koude te tache a zèl premye cheriben an. <sup>13</sup> Zèl a cheriben sila yo te lonje pou ven koude e yo te kanpe sou pye yo avèk fas yo vè gran chanm nan. <sup>14</sup> Li te fè vwal la avèk len vyolèt, mov, wouj e li te fè desen cheriben yo sou li. <sup>15</sup> Anplis, li te fè ✧de pilye pou devan kay la, trann-senk koude nan wotè e tèt anlè a sou chak te senk koude. <sup>16</sup> Li te fè chenn nan sanktyè enteryè a e li te plase yo sou tèt pilye yo; epi li te fè san grenad e te mete yo sou chenn yo. <sup>17</sup> ✧Li te leve pilye yo pa devan tanp lan, youn adwat e lòt la agoch, li te rele sila adwat la Jakin e sila agoch la Boaz.

## 4

<sup>1</sup> Apre, ✧li te fè yon lotèl an bwonz, ven koude nan longè, ven koude nan lajè e dis koude nan wotè. <sup>2</sup> ✧Anplis, li te fè yon lanmè an fè fòje, dis koude de lajè, tou won, wotè li te senk koude e sikonferans lan te trant koude. <sup>3</sup> Yon estati sanblab a bèf yo te anba li e te antoure li, dis koude, ki te antoure lanmè a nèt. Bèf yo te an de ranje, e yo te fòje yo tankou yon sèl pyès. <sup>4</sup> Lanmè a te kanpe sou douz bèf, twa avèk fas yo vè nò, twa avèk fas yo vè lwès, twa avèk fas yo vè sid e twa avèk fas yo vè lès; epi li te poze sou yo e dèyè a tout bèt te pozisyone pa anndan. <sup>5</sup> Li te gen episè a yon men ouvri, epi rebò li te fèt tankou sila a yon tas, tankou yon flè lis k ap ouvri. Li te kon kenbe volim a twa-mil bat. <sup>6</sup> Anplis, ✧li te fè dis basen kote pou lave e li te pozisyone senk sou kote dwat la e senk sou kote goch la pou lave bagay pou ofrann brile yo; men, lanmè a te pou prèt yo ta kab lave ladann. <sup>7</sup> Epi li te fè ✧dis chandelye an lò selon òdonans ki te etabli yo e li te plase yo nan tanp lan, senk sou bò dwat la e senk sou bò goch la. <sup>8</sup> Anplis, li te fè ✧dis tab e te plase yo nan tanp lan, senk sou kote dwat la e senk sou kote goch la. Epi li te fè san bòl an lò. <sup>9</sup> Li te fè ✧lakou prèt yo avèk ✧gran lakou a avèk pòt pou lakou a e li te kouvri pòt yo avèk bwonz. <sup>10</sup> ✧Li te pozisyone lanmè a sou kote dwat kay la vè sidès. <sup>11</sup> Anplis, ✧Huram te fè bokit sann yo, pèl ak bòl yo. Konsa, Huram te fin fè travay ke li te fè pou Salomon lakay Bondye a: <sup>12</sup> de pilye yo, bòl yo, de gran tèt pilye sou pilye yo ak de sistèm griyaj treyi yo pou kouvri de bòl a tèt pilye ki te chita sou pilye yo, <sup>13</sup> Epi ✧kat-san grenad pou de sistèm griyaj yo, de ranje grenad pou chak sistèm griyaj pou kouvri de tèt pilye ki te sou pilye yo.

✧ 3:5 I Wa 6:17 ✧ 3:7 I Wa 6:20-22 ✧ 3:7 I Wa 6:29-35 ✧ 3:8 Egz 26:33 ✧ 3:9 I Kwo 28:11  
 ✧ 3:15 I Wa 7:15-20 ✧ 3:17 I Wa 7:21 ✧ 4:1 Egz 27:1-2 ✧ 4:2 I Wa 7:23-26 ✧ 4:6 Egz 30:17-21  
 ✧ 4:7 Egz 25:31-40 ✧ 4:8 I Wa 7:48 ✧ 4:9 I Wa 6:36 ✧ 4:9 II Wa 21:5 ✧ 4:10 I Wa 7:39  
 ✧ 4:11 I Wa 7:40-51 ✧ 4:13 I Wa 7:20

14 ✧ Anplis, li te fè baz ak basen sou baz yo, 15 ak yon sèl lanmè avèk douz bèf yo anba li. 16 Bokit yo, pèl yo, fouchèt yo ak tout zouti li yo, ✧ Huram te fè yo avèk bwonz poli pou wa Salomon pou kay SENYÈ a. 17 Nan plèn Jourdain an, Wa a te fonn yo nan tè ajil ki te antre Succoth avèk Tseréda a. 18 ✧ Konsa, Salomon te fè tout zouti sila yo an gran kantite; paske, pwa a bwonz lan pa t kab detèmine. 19 Anplis, Salomon te fè tout bagay ki te nan kay Bondye a: jis lotèl an lò a, ✧ tab yo avèk pen prezans lan sou yo, 20 chandelye yo avèk lanp pa yo an lò pi, pou briye devan sanktyè enteyè a jan sa te òdone a; 21 flè yo, lanp yo ak pens dife yo an lò byen rafine nèt; 22 Epi etennwa yo, bòl yo, kiyè yo, ak plato sann an lò rafine yo; epi antre kay la, pòt enteryè li yo pou kote ki pi sen pase tout lòt yo a ak pòt kay yo, sa vle di, kote gwo sanktyè a te ye a, tout te an lò.

## 5

1 ✧ Konsa, tout travay ke Salomon te acheve pou kay SENYÈ a te fini. Epi Salomon te mennen fè antre tout bagay ke David, papa li, te dedye yo, menm ajan avèk lò a, tout zouti yo e li te mete yo nan trezò lakay Bondye a. 2 ✧ Apre, Salomon te rasanble Jérusalem ansyen Israèl yo ak tout chèf a tribi yo, chèf lakay papa zansèt a fis Israèl yo, pou mennen fè monte lach SENYÈ a sòti andeyò vil David la, ki se Sion. 3 ✧ Tout mesye Israèl yo te rasanble yo kote wa a nan fèt ki te nan setyèm mwa a. 4 Epi tout ansyen Israèl yo te vini e ✧ Levit yo te leve pran lach la. 5 Yo te mennen lach la fè l monte avèk tant asanble a ak tout zouti sen ki te nan tant yo; prèt Levit yo te mennen fè yo monte. 6 Epi Wa Salomon avèk tout asanble Israèl ki te rasanble avèk li devan lach yo, t ap fè sakrifis a yon tèlman gran kantite mouton avèk bèf ke yo pa t kab kontwole ni konte. 7 Answit, prèt yo te mennen lach akò a SENYÈ a antre nan plas li, anndan sanktyè enteryè kay la, nan kote ki sen pase tout lòt yo anba zèl a cheriben yo. 8 Paske, cheriben yo te lonje zèl yo sou plas lach la, jiskaske cheriben yo te fè yon kouvèti sou lach la avèk potò li yo. 9 Potò yo te tèlman long ke ✧ pwent potò a lach yo te vizib devan sanktyè enteryè a; men, yo pa t kab wè pa deyò; epi yo toujou la jis rive jodi a. 10 Pa t gen anyen nan lach la sof ke ✧ de tablo ke Moïse te mete ladann nan Horeb yo, kote SENYÈ a te fè yon akò avèk fis Israèl yo lè yo te sòti an Égypte la. 11 Lè prèt yo te vin sòti nan kote pi sen pase tout lòt kote yo, (paske tout prèt ki te prezan yo te deja sanktifye yo menm san kontwole ✧ divizyon sèvis pa yo), 12 Epi tout chantè Levit yo, ✧ Asaph, Héman, Jeduthun, fis pa yo avèk fanmi pa yo, te abiye an twal len fen, avèk senbal, ap, gita, yo te kanpe nan kote lès a otèl la e avèk yo, san-ven prèt ki t ap ✧ soufle twonpèt yo 13 ansanm lè mesye twonpèt yo avèk chantè yo te gen pou fè son yo tandè ansanm tankou yon sèl vwa pou lwanj avèk glwa SENYÈ a, lè yo te leve vwa yo akonpanye pa ✧ twonpèt avèk senbal ak enstriman mizik yo, lè yo te louwe SENYÈ a e te di: “Sa vrèman bon pwiske lanmou dous Li a dire jis pou tout tan,” epi lakay SENYÈ a te ranpli avèk yon nwaj 14 jiskaske prèt yo pa t kab kanpe pou fè sèvis akòz nwaj la. Paske ✧ glwa SENYÈ a te ranpli kay Bondye a.

✧ 4:14 I Wa 7:27-43 ✧ 4:16 I Wa 7:14 ✧ 4:18 I Wa 7:47 ✧ 4:19 II Kwo 4:8 ✧ 5:1 I Wa 7:51 ✧ 5:2 I Wa 8:1-9 ✧ 5:3 I Wa 8:2 ✧ 5:4 Jos 3:6 ✧ 5:9 I Wa 8:8-9 ✧ 5:10 Det 10:2-5 ✧ 5:11 I Kwo 24:1-5 ✧ 5:12 I Kwo 25:1-4 ✧ 5:12 II Kwo 7:6 ✧ 5:13 I Kwo 16:42 ✧ 5:14 Egz 40:35

## 6

1 ✨Epi Salomon te di:  
 “SENYÈ a te di ke Li ta abite nan nwaj fonsè a.  
 2 Mwen te bati yon kay byen wo ak yon plas pou abitasyon pa W Jis pou tout tan.” 3 Konsa, wa a te vire fas li pou te beni tout asanble Israèl la pandan tout asanble a te kanpe. 4 Li te di: “Beni se SENYÈ a, Bondye Israèl la, ki te pale avèk bouch Li a papa m, David e ki te acheve sa avèk men Li, lè li te di: 5 “Depi jou ke M te mennen pèp Mwen an sòti nan peyi Égypte la, Mwen pa t chwazi yon vil nan tout tribi Israèl yo pou bati yon kay pou non Mwen ta kapab la, ni Mwen pa t chwazi yon moun kòm chèf sou pèp Mwen an, Israèl; 6 men, ✨Mwen te chwazi Jérusalem pou non Mwen ta kapab la e Mwen ✨te chwazi David pou li kapab sou pèp Mwen an, Israèl; 7 ✨Alò, li te nan kè a papa m, David, pou bati yon kay pou non a SENYÈ a, Bondye Israèl la. 8 Men SENYÈ a te di a papa m, David: ‘Akoz li te nan kè ou pou bati kay pou non Mwen an, ou te fè byen lè sa te nan kè ou a. 9 Sepandan, ou p ap bati kay la, men fis ou ki va fèt a ou menm, li va bati kay la pou non Mwen.’ 10 Koulye a, SENYÈ a gen tan fin akonpli pawòl ke Li te pale a; paske, mwen te monte nan plas a papa m David, chita sou twòn Israèl la, jan SENYÈ a te pale a e li te bati kay la pou non SENYÈ a, Bondye Israèl la. 11 La, mwen te mete lach ✨ki gen akò SENYÈ a ladann nan, akò ke Li te fè avèk fis Israèl yo.” 12 Epi li te kanpe devan lotèl SENYÈ a nan prezans a tout asanble Israèl la e li te lonje men li. 13 Alò, Salomon te fè yon etaj an bwonz, senk koude nan longè, senk koude nan lajè ak twa koude nan wotè e li te plase li nan mitan gran lakou a; epi li te kanpe sou li, li ✨te mete li ajenou nan prezans a tout asanble Israèl la e li te lonje men li vè syèl la. 14 Li te di: “O SENYÈ, Bondye Israèl la, ✨nanpwen dye tankou Ou nan syèl la ni sou tè a, k ap ✨kenbe akò avèk lanmou dous avèk sèvitè Ou yo ki mache devan Ou avèk tout kè yo; 15 ✨ki te kenbe pawòl avèk sèvitè Ou, David, papa m, nan sa ke Ou te pwomèt li a; anverite, Ou te pale avèk bouch Ou e Ou te akonpli li avèk men Ou, jan sa ye jodi a. 16 Pou sa, O SENYÈ, Bondye Israèl la, kenbe avèk sèvitè Ou a, David, sa ke ou te pwomèt li a, lè ou te di: ✨‘Ou p ap manke yon nonm ki pou chita sou twòn Israèl la, si sèlman fis ou yo fè atansyon nan chemen yo, pou mache nan lalwa pa Mwen, jan ou te mache devan M nan.’ 17 Alò, pou sa, O SENYÈ, Bondye Israèl la, kite pawòl Ou konfime nan sa Ou te pale a sèvitè Ou a, David. 18 Men ✨èske Bondye va vrèman rete avèk lòm sou tè a? Gade byen, syèl la avèk pi wo syèl la pa kab kenbe Ou; bokou mwens, pou kay sa a ke m te konstwi a. 19 Malgre sa, prete atansyon a lapriyè a sèvitè Ou a, avèk sa li mande a, O SENYÈ Bondye mwen an, pou koute lè m kriye ak lapriyè ke sèvitè Ou a fè devan Ou; 20 pou zye Ou kapab ouvri vè kay sa a lajounen kon lannwit, vè ✨plas sou sila Ou te di ke Ou ta

✨ 6:1 I Wa 8:12-50 ✨ 6:6 II Kwo 12:13 ✨ 6:6 I Kwo 28:4 ✨ 6:7 I Wa 5:3 ✨ 6:11 II Kwo 5:7-10 ✨ 6:13 I Wa 8:54 ✨ 6:14 Egz 15:11 ✨ 6:14 Det 7:9 ✨ 6:15 I Kwo 22:9-10 ✨ 6:16 I Wa 2:4 ✨ 6:18 Sòm 113:5-6 ✨ 6:20 Det 12:11

mete non Ou la, pou koute lapriyè ke sèvitè Ou a va fè vè plas sa a. <sup>21</sup> Koute a siplikasyon a sèvitè Ou yo ak pèp Ou a, Israèl, lè yo priye vè plas sa a; koute depi nan abitasyon Ou an, nan syèl la; ✧koute e padone. <sup>22</sup> Si yon nonm peche kont vwazen li, li oblije sèman e li vin fè yon sèman devan lotèl Ou nan kay sila a, <sup>23</sup> alò, tandè soti nan syèl la e aji pou jije sèvitè Ou yo, avèk ✧pinisyon pou mechan k ap fè chemen pa li vin tonbe sou pwòp tèt li, rann jistis a sila ki dwat yo e ba li selon ladwati li. <sup>24</sup> Si pèp Ou a ta vin bat devan yon lènmi akòz ✧peche ke yo konn fè kont Ou, yo retounen kote Ou pou konfese non Ou, priye devan Ou e fè siplikasyon devan Ou nan kay sa a, <sup>25</sup> alò, koute soti nan syèl la e padone peche a pèp Ou a, Israèl, mennen yo retounen nan peyi ke Ou te bay a yo menm avèk zansèt pa yo. <sup>26</sup> Lè ✧syèl yo vin fèmen e nanpwen lapli akòz peche ke yo fè kont Ou, yo fè lapriyè vè plas sa a e konfese non Ou; epi vire kite peche pa yo lè Ou aflije yo; <sup>27</sup> alò, tandè nan syèl la e padone peche a sèvitè Ou yo ak pèp Ou a, Israèl; anverite, ✧enstwi yo selon bon chemen nan sila yo ta dwe mache a; epi voye lapli sou tè ke Ou te bay a pèp Ou a kòm eritaj la. <sup>28</sup> Si gen ✧gwo grangou nan peyi a, si se gwo maladi, si gen gwo dega jaden ak bèt, oswa kanni, si gen krikèt oswa bèt volan, si lènmi yo fè syèj a yo menm nan teren vil yo, nenpòt toumant, nenpòt maladi, <sup>29</sup> nenpòt lapriyè oswa siplikasyon ki fèt pa nenpòt moun, oswa pa tout pèp Ou a, Israèl, chak moun ki konnen pwòp soufrans li ak pwòp doulè li e ki vin ouvri men li vè kay sila a, <sup>30</sup> nan lè sa a, koute depi nan syèl Ou a, abitasyon pa Ou a, padone e bay a chak moun selon pwòp chemen li, kè a sila Ou konnen yo; ✧paske, Ou menm sèl konnen kè a fis a lòm yo, <sup>31</sup> pou yo ta kapab gen lakrent Ou, pou mache nan chemen Ou yo pou tout tan ke yo rete nan peyi ke Ou te bay a zansèt nou yo. <sup>32</sup> Anplis, selon ✧etranje ki pa sòti nan pèp Ou a, Israèl, lè li sòti nan yon peyi lwen, akòz gran non pa Ou, avèk men pwisan Ou ak bwa Ou ki lonje byen ouvri a, lè yo vini fè lapriyè vè kay sila a, <sup>33</sup> alò, koute depi nan syèl la, depi abitasyon Ou a e fè selon tout sa ke etranje sila a vin mande Ou, jis pou tout pèp sou latè yo kapab konnen non Ou e gen lakrent ou jan pèp Israèl Ou a konn fè a, pou yo kapab rekonèt ke kay sila ke m te bati a ✧rele pa non Ou. <sup>34</sup> Lè pèp Ou a sòti pou batay kont lènmi yo, pa nenpòt chemen ke Ou ta voye yo e yo priye a Ou menm vè vil sila ke Ou te chwazi ak kay ke m te bati pou non Ou a, <sup>35</sup> nan lè sa a, koute lapriyè yo soti nan syèl la avèk siplikasyon yo e bay soutyen a koz pa yo. <sup>36</sup> Lè yo fè peche kont Ou ✧(paske nanpwen lòm ki pa peche), Ou fache avèk yo, Ou livre yo a yon lènmi e yo pran yo mete an kaptivite nan yon peyi lwen oswa pre, <sup>37</sup> si yo vin reflechi nan peyi kote yo te mennen an kaptivite a, repanti e fè siplikasyon a Ou menm nan peyi kaptivite yo a, e di: ‘Nou te peche, nou fè inikite e te aji avèk mechanste’; <sup>38</sup> ✧si yo retounen a Ou menm avèk tout kè yo, avèk tout nanm yo soti nan peyi an kaptivite yo a, kote yo te mennen yo an kaptivite a e priye vè peyi yo a ke Ou te bay a zansèt yo ak vil ke Ou te chwazi a e vè kay ke m te bati pou non Ou a, <sup>39</sup> alò, tandè, depi nan syèl la, depi nan abitasyon pa Ou a, lapriyè pa yo,

✧ 6:21 És 43:25 ✧ 6:23 És 3:11 ✧ 6:24 Sòm 51:4 ✧ 6:26 I Wa 17:1 ✧ 6:27 Sòm 94:12  
 ✧ 6:28 II Kwo 20:9 ✧ 6:30 I Sam 16:7 ✧ 6:32 És 56:3-8 ✧ 6:33 II Kwo 7:14 ✧ 6:36 Job  
 15:14-16 ✧ 6:38 Jr 29:12-13

avèk siplikasyon pa yo e bay soutyen a koz pa yo, padone pèp Ou a ki te peche kont Ou. <sup>40</sup> Koulye a, O Bondye mwen, mwen priye, ✧kite zye Ou louvri e ✧zòrèy ou vin atantif a lapriyè sa a nan plas sa a. <sup>41</sup> ✧Alò, pou sa, leve, O SENYÈ Bondye, a plas repo pa Ou a, Ou menm avèk lach pwisan pa Ou a; kite prèt Ou yo abiye avèk Sali, e kite fidèl Ou yo rejwi nan sa ki bon. <sup>42</sup> O SENYÈ Bondye, pa vire kite fas a onksyone pa Ou a; ✧sonje lanmou dous Ou vè sèvitè Ou a, David.”

## 7

<sup>1</sup> ✧Alò, lè Salomon te fin fè priyè a, ✧dife a te sòti nan syèl la pou te boule ofrann brile a avèk sakrifis yo e glwa a SENYÈ a te ranpli kay la. <sup>2</sup> ✧Prèt yo pa t kab antre lakay SENYÈ a akoz glwa SENYÈ a te ranpli kay la. <sup>3</sup> Tout fis Israèl yo lè yo te wè dife a desann e glwa SENYÈ a sou kay la, yo te bese ba sou pave a avèk figi yo atè pou yo te adore e te bay lwanj a SENYÈ a; ✧“Vrèman Li bon; vrèman, lanmou dous Li a dire jis pou tout tan.” <sup>4</sup> ✧Epi wa a avèk tout pèp la te ofri sakrifis devan SENYÈ a. <sup>5</sup> Wa Salomon te ofri yon sakrifis a venn-de-mil bèf ak san-ven-mil mouton. Konsa, wa a avèk tout pèp la te dedye kay Bondye a. <sup>6</sup> Prèt yo te kanpe nan pòs pa yo e ✧Levit yo tou avèk enstriman mizik a SENYÈ a, ke Wa David te fè pou bay lwanj a SENYÈ a— “paske, lanmou dous Li a se pou tout tan” —nenpòt lè li te bay lwanj avèk yo, ✧pandan prèt sou lòt kote yo te soufle twonpèt yo; epi tout Israèl te kanpe. <sup>7</sup> ✧Epi Salomon te konsakre mitan lakou ki te devan kay SENYÈ a; paske la, li te ofri ofrann brile ak grès a ofrann lapè yo akoz lotèl an bwonz ke Salomon te fè a pa t kab kenbe ofrann brile a, ofrann sereyal la ak grès la. <sup>8</sup> Konsa, ✧Salomon te obsève fèt la nan tan sa a pandan sèt jou e tout Israèl avèk li, yon trè gran asanble ki te sòti depi nan antre Hamath jis rive nan ✧flèv Égypte la. <sup>9</sup> Nan uityèm jou a, yo te kenbe yon ✧asanble solanèl pou obsève dedikasyon lotèl la, yo te obsève sèt jou e fèt la pandan sèt jou. <sup>10</sup> Epi sou venn-twazyèm jou nan setyèm mwa a, li te voye pèp la nan tant yo, ranpli avèk jwa e avèk kè kontan, akoz bonte ke SENYÈ a te montre a David, a Salomon e a pèp Li a, Israèl. <sup>11</sup> ✧Se konsa Salomon te fini kay SENYÈ a avèk palè wa a e li te acheve nèt tout sa ke li te fè plan pou fè lakay SENYÈ a ak nan palè li a. <sup>12</sup> Epi SENYÈ a te parèt a Salomon nan nwit lan, e Li te di li: “Mwen te tande lapriyè ou a e ✧Mwen te chwazi plas sa a pou Mwen menm kòm yon kay pou sakrifis. <sup>13</sup> ✧Si Mwen vin fèmen syèl yo pou pa gen lapli, oswa si Mwen kòmande krikèt yo pou devore latè, oswa si Mwen voye toumant pami pèp Mwen an, <sup>14</sup> ✧Epi pèp Mwen ki rele pa non Mwen an vin imilye yo, priye, chache fas Mwen e vire kite abitud mechan yo; nan moman sa a, Mwen va tande soti nan syèl la, Mwen va padone peche pa yo e Mwen va geri peyi yo. <sup>15</sup> ✧Koulye a, zye M va louvri e zòrèy Mwen va vin atantif a lapriyè ki ofri nan plas sa a. <sup>16</sup> Paske, ✧koulye a, Mwen gen tan chwazi e konsakre kay sila a pou non Mwen kapab la jis pou tout tan, zye Mwen ak kè Mwen va la pou tout tan. <sup>17</sup> Epi pou ou menm, si ou mache devan M tankou papa

✧ 6:40 Né 1:6-11 ✧ 6:40 Sòm 17:1 ✧ 6:41 Sòm 132:8-9 ✧ 6:42 Sòm 132:10-12 ✧ 7:1 I Wa 8:54 ✧ 7:1 Lev 9:23 ✧ 7:2 II Kwo 5:14 ✧ 7:3 II Kwo 5:13 ✧ 7:4 I Wa 8:62-63 ✧ 7:6 I Kwo 15:16-21 ✧ 7:6 II Kwo 5:12 ✧ 7:7 I Wa 8:64-66 ✧ 7:8 I Wa 8:65 ✧ 7:8 Jen 15:18 ✧ 7:9 Lev 23:36 ✧ 7:11 Lev 23:36 ✧ 7:12 Det 12:5-11 ✧ 7:13 II Kwo 6:26-28 ✧ 7:14 II Kwo 6:37-39 ✧ 7:15 II Kwo 6:20-40 ✧ 7:16 II Kwo 7:12

ou, David te mache a, fè selon tout sa ke Mwen te kòmande ou yo e kenbe règleman Mwen yo avèk òdonans Mwen yo, <sup>18</sup> alò, Mwen va etabli twòn wayal ou a jan Mwen te sèman a David la, lè M te di: ✨“Ou p ap manke yon nonm ki pou gouvènè an Israèl.” <sup>19</sup> ✨Men si ou vire kite e abandone règleman Mwen yo, avèk kòmandman ke M te mete devan ou yo, ou ale sèvi lòt dye yo e adore yo, <sup>20</sup> alò, Mwen va dechouke ou soti nan peyi ke M te ba ou a ak kay sa a, ke Mwen te konsakre pou non pa Mwen an, Mwen va jete l andeyò vizaj Mwen e Mwen va fè li yon pwovèb ak yon rizib pami tout pèp yo. <sup>21</sup> Epi pou kay sila a, ki te egzalte a, tout moun ki pase kote li va etone e va di: ✨“Poukisa SENYÈ a te fè sa a peyi sila a e a kay sila a? <sup>22</sup> Epi yo va di: ‘Akoz ✨yo te abandone SENYÈ a, Bondye a zansèt pa yo a, ki te mennen yo soti nan peyi Égypte la, pou yo te adopte lòt dye yo, yo te adore yo e te sèvi yo; pou sa, Li te mennen tout mal sila a sou yo.’”

## 8

<sup>1</sup> ✨Alò, li te vin rive nan fen ven ane pandan sila yo Salomon te bati kay SENYÈ a avèk pwòp kay li a, <sup>2</sup> ke li te fin bati vil ke Hiram te ba li yo e li te etabli Izrayelit yo ladann. <sup>3</sup> Epi Salomon te ale kote Hamath-Tsoba pou te kaptire li. <sup>4</sup> Li te bati Thadmor nan dezè a ak tout vil depo ke li te bati nan Hamath yo. <sup>5</sup> Anplis, li te bati ✨Wo Beth-Horon an avèk Ba Beth-Horon an, vil fòtifye avèk miray, pòtay ak fè fòje; <sup>6</sup> avèk Baalath ak tout vil depo ke Salomon te genyen yo, tout vil pou cha li yo avèk vil pou chevalye yo ak tout sa ki te fè kè Salomon kontan pou bati nan Jérusalem, nan Liban ak nan tout peyi ki te anba règleman li yo. <sup>7</sup> ✨Tout moun nan pèp la ki te rete nan Etyen yo, Amoreyen yo, Ferezyen yo, Evyen yo, avèk Jebizyen ki pa t yon pati nan Israèl, <sup>8</sup> ki te sòti nan desandan pa yo ki te kite nan peyi, ke fis Israèl yo pa t detwi yo, ✨yo menm, Salomon te fè yo leve kòm ouvriye kòve ki fèt jis rive jodi a. <sup>9</sup> Men Salomon pa t fè esklav pou travay li pami fis Israèl yo; yo te mesye lagè; chèf kapitèn li avèk kòmandan a cha li yo ak chevalye li yo. <sup>10</sup> Sila yo te chèf prensipal a Wa Salomon, de san senkant ki te dirijan sou pèp la. <sup>11</sup> Epi Salomon te mennen fè monte ✨fi a Farawon an soti Jérusalem pou rive nan kay ke li te bati pou li a, paske li te di: “Madanm mwen p ap rete lakay David, wa Israèl la, aköz plàs kote lach SENYÈ a te antre a sen. <sup>12</sup> Epi Salomon te ofri ofrann brile bay SENYÈ a, sou ✨lotèl ke li te bati devan galri a. <sup>13</sup> Sa te fèt selon règleman a chak jou a. Li te ofri yo selon lòd Moïse, pou Saba yo, nouvèl lin yo avèk twa fèt nan ane yo—Fèt Pen San Ledven an, Fèt Semèn Yo ak Fèt Tonèl Yo. <sup>14</sup> Alò, selon règleman a papa li yo, David, li te chwazi divizyon a prèt yo pou sèvis pa yo, Levit yo pou devwa pa yo, pou fè lwanj e fè sèvis devan prèt yo selon règ a chak jou a e gadyen pòtay pa divizyon pa yo nan chak pòtay; paske, konsa ✨David, nonm Bondye a, te konn kòmande sa. <sup>15</sup> Epi yo pa t varye menm nan lòd wa a ak prèt yo avèk Levit yo nan okenn fason ki te konsène kay depo yo. <sup>16</sup> Konsa, tout travay a Salomon an te akonpli depi jou lakay SENYÈ a te etabli a, jiskaske li te fini. Konsa, lakay SENYÈ a te vin fini. <sup>17</sup> Epi Salomon te ale kote ✨Etsjon-Guéber ak Élath sou lanmè peyi Édom an. <sup>18</sup> Epi Hiram, pa sèvitè li yo te voye bato kote li avèk sèvitè ki te konnen lanmè yo; epi yo te ale avèk sèvitè a Salomon yo nan

✨ 7:18 I Wa 2:4 ✨ 7:19 Lev 26:14-33 ✨ 7:21 Det 29:24-27 ✨ 7:22 Jij 2:13 ✨ 8:1 I Wa 9:10-28 ✨ 8:5 I Kwo 7:24 ✨ 8:7 Jen 15:18-21 ✨ 8:8 I Wa 4:6 ✨ 8:11 I Wa 3:1 ✨ 8:12 II Kwo 4:1 ✨ 8:14 Né 12:24-36 ✨ 8:17 I Wa 9:26

Ophir e yo te ✨pran soti la, kat-san-senkant talan lò pou te pote yo kote Wa Salomon an.

## 9

<sup>1</sup> ✨Alò, depi rèn Séba te tandè afè rekonesans a Salomon an, li te vini Jérusalem pou fè pase Salomon a leprèv avèk kesyon ki te byen difisil. Li te gen yon gran konpanyen moun avèk chamo chaje avèk epis ak yon gran kantite lò avèk pyè presye; epi lè li te rive kote Salomon, li te pale avèk li selon tout sa ki te nan kè li. <sup>2</sup> Salomon te reponn tout kesyon li yo; anyen pa t kache a Salomon ke li pa t eksplike li. <sup>3</sup> Lè rèn Séba te fin wè sajès a Salomon an, kay ke li te bati a, <sup>4</sup> manje sou tab li, aranjanman pozisyon chèz sèvitè li yo, konpòtman avèk abiman ministè li yo, eskalye li a sou sila li te konn monte pou rive lakay SENYÈ a, sa te fè l pèdi souf. <sup>5</sup> Alò, li te di a wa a: “Se te verite; rapò ke m te tandè nan pwòp peyi mwen konsènan pawòl avèk sajès ou. <sup>6</sup> Sepandan, mwen pa t kwè rapò yo jiskaske m te rive e zye m vin wè. Epi vwala, mwatye a grandè a sajès yo pa t pale mwen sa. Ou depase rapò ke m te tandè a. <sup>7</sup> Jan mesye pa ou yo beni, jan sèvitè ou yo ki kanpe devan ou tout tan pou tandè sajès ou yo beni. <sup>8</sup> Beniswa SENYÈ a, Bondye ou a, ki te pran plezi nan ou e ki te mete ou sou twòn Li kòm wa pou SENYÈ a, Bondye ou a; ✨akoz Bondye ou a te renmen Israèl, Li etabli yo jis pou tout tan; pou sa, Li te fè ou wa sou yo, pou fè lajistis avèk ladwati.” <sup>9</sup> Apre sa, li te bay wa a san-ven talan lò avèk yon trè gran kantite epis avèk pyè presye; pa t janm gen epis konsa ke rèn Séba te bay a Wa Salomon an. <sup>10</sup> Sèvitè a Hiram yo avèk sèvitè a Salomon ✨ki te pote lò sòti nan Ophir yo, anplis te pote bwa sandal avèk pyè presye yo. <sup>11</sup> Avèk bwa sandal yo, wa a te fè eskalye pou kay SENYÈ a ak pou palè wa a ak gita, avèk ap pou chantè yo; epi nanpwen bagay konsa ki te konn wè avan nan peyi Juda. <sup>12</sup> Wa Salomon te bay a rèn Séba tout dezi li nan sa li te mande, plis ke sa li te pote bay wa a. Alò, li te vire retounen nan peyi li avèk sèvitè li yo. <sup>13</sup> ✨Alò, pwa a lò ki te vini a Salomon nan 1 nan an te sis-san-swasan-sis talan an lò, <sup>14</sup> anplis de sa ke machann avèk komèsan yo te pote; epi ✨tout wa Arabie avèk dirijan peyi sa yo te mennen lò avèk ajan bay Salomon. <sup>15</sup> Wa Salomon te fè de-san gran boukliye defans an lò bat, ki te sèvi sis-san sik lò nan chak gran boukliye. <sup>16</sup> Li te fè twa-san boukliye ki te sèvi twa-san sik lò sou chak boukliye e wa a te mete yo nan kay Forè Liban an. <sup>17</sup> Anplis, wa a te fè yon gran twòn avèk ivwa e li te kouvri li avèk lò pi. <sup>18</sup> Te gen sis mach pye eskalye ki pou rive nan twòn nan ak yon mach pye eskalye an lò ki te tache a twòn nan, avèk manch nan chak kote chèz la, avèk de lyon ki te kanpe akote manch yo. <sup>19</sup> Douz lyon yo te kanpe la sou sis etap eskalye sou yon kote ak sou lòt la; nanpwen anyen tankou li ki te fèt pou okenn lòt wayòm. <sup>20</sup> Tout veso pou bwè ke Salomon te genyen yo te fèt an lò e tout veso nan kay Forè Liban an te lò pi. Ajan pa t konsidere kòm tèlman valab nan jou a Salomon yo. <sup>21</sup> ✨Paske, wa a te gen bato ki te konn ale Tarsis avèk sèvitè a Hiram yo; yon fwa chak twazan, bato Tarsis yo te antre avèk lò ak ajan, ivwa, makak ak zwazo pan. <sup>22</sup> ✨Konsa, Wa Salomon te vin pi gran pase tout wa sou latè yo nan richès avèk sajès. <sup>23</sup> Epi tout wa latè yo t ap chache prezans a Salomon pou tandè sajès ke Bondye te mete nan kè li. <sup>24</sup> ✨Yo te pote, tout moun, pwòp kado pa yo, bagay an ajan avèk

✨ 8:18 II Kwo 9:10-13 ✨ 9:1 I Wa 10:1-13 ✨ 9:8 Det 7:8 ✨ 9:10 I Wa 10:11 ✨ 9:13 I Wa 10:14-28 ✨ 9:14 Sòm 68:29 ✨ 9:21 II Kwo 20:36 ✨ 9:22 I Wa 3:13 ✨ 9:24 Sòm 72:10



lò, vètman, zam, epis, cheval, milèt, an gran kantite ane pa ane. <sup>25</sup> Alò, Salomon te gen ✨kat-mil estasyon separe pou cheval avèk cha e douz-mil chevalye; epi li te pozisyone yo nan vil cha yo ak kote wa a Jérusalem. <sup>26</sup> ✨Li te mèt sou tout wa yo soti nan Rivyè Euphrate la jis rive nan peyi Filisten yo e jis rive nan lizyè Égypte la. <sup>27</sup> ✨Wa a te fè ajan gaye tankou wòch Jérusalem e li te fè sèd yo anpil tankou bwa sikomò ki nan ba plèn nan. <sup>28</sup> ✨Epi yo te mennen cheval pou Salomon soti an Égypte avèk tout peyi yo. <sup>29</sup> ✨Alò, tout lòt zèv a Salomon yo, soti nan premye a jis rive nan dènye a, ✨èske yo pa ekri nan rekò a Nathan yo, pwofèt la, nan pwofesi Achija a, Silonit lan ak nan vizyon a Jéedo yo, konseye a Jéroboam nan, fis a Nebath la? <sup>30</sup> ✨Salomon te renye pandan karantan Jérusalem ak sou tout Israël. <sup>31</sup> Epi Salomon te dòmi avèk zansèt li yo e li te antere nan lavil papa li, David; epi fis li, Roboam te renye nan plas li.

## 10

<sup>1</sup> ✨Epi Roboam te ale Sichem, paske tout Israël te vini Sichem pou fè l vin wa. <sup>2</sup> Lè Jéroboam, fis a Nebath la te tande sa, (paske li te an Égypte kote li te sove ale rive pou l kite prezans a wa Salomon), Jéroboam te retounen soti an Égypte. <sup>3</sup> Pou sa, yo te voye lòd pou l vini. Lè Jéroboam avèk tout Israël te vini, yo te pale ak Roboam e te di: <sup>4</sup> Papa ou te fè fado ✨nou rèd; alò, pou sa, lache sèvis di a papa ou sa a ak fado lou sa a ke li te konn mete sou nou an e nou va sèvi ou.” <sup>5</sup> Li te di yo: “Retounen kote mwen nan twa jou.” Konsa, pèp la te ale. <sup>6</sup> Alò, Wa Roboam te fè ✨konsiltasyon avèk ansyen ki te konn sèvi papa li yo, Salomon pandan li te vivan an, e li te mande: “Ki konsèy n ap ban mwen pou reponn a pèp sila a?” <sup>7</sup> Yo te pale avèk li e te di: “Si ou va aji nan dousè avèk pèp sa a, si ou va fè yo kontan e ✨pale pawòl dous a yo; alò, yo va vin sèvi ou nèt.” <sup>8</sup> Men li te ✨echwe konsèy ansyen yo te bay li yo pou te konsilte jennonm ki te grandi ansanm avè l e ki te sèvi li yo. <sup>9</sup> Pou sa, li te mande yo: “Ki konsèy n ap ban mwen pou m ta reponn pèp sila a, ki te pale avèk mwen e ki te di: ‘Fè fado ke papa ou te konn mete sou nou an vin pi lejè?’” <sup>10</sup> Jennonm ki te konn grandi avèk li yo te pale avèk li, e te di: “Konsa ou va reponn a pèp sila ki te pale avèk ou a, ki te di: ‘Papa ou te fè fado nou lou; men, ou menm, fè l pi lejè pou nou.’” Konsa, ou va reponn yo: ‘Ti dwèt mwen pi gwo pase ren papa m!’ <sup>11</sup> Konsi papa m te chaje nou avèk yon fado lou, mwen va mete anplis sou fado nou an; papa m te konn disipline avèk fwèt, men, mwen menm, avèk eskòpyon.’” <sup>12</sup> Konsa, Jéroboam avèk tout pèp la te parèt a Roboam nan twazyèm jou a jan wa a te mande lè l te di: “Retounen kote mwen nan twazyèm jou a.” <sup>13</sup> Wa a te reponn yo byen di e Wa Roboam te echwe konsèy a ansyen yo. <sup>14</sup> Li te pale avèk yo selon konsèy a jennonm yo e li te di: “Papa m te konn fè fado nou lou, men mwen va mete anplis sou li; papa m te fè disiplin avèk fwèt, men mwen va fè disiplin avèk eskòpyon.” <sup>15</sup> Konsa, wa a pa t koute pèp la, paske sa se te yon boulvèsman ki te soti nan Bondye, ✨pou SENYÈ a ta kapab etabli pawòl ke Li te pale pa Achija, Silonit lan, a Jéroboam nan, fis a Nebath la. <sup>16</sup> Lè tout Israël te wè ke wa a pa t koute yo, pèp la te reponn wa a e te di: ✨“Ki pòsyon nou gen nan David? Nanpwen eritaj pou nou nan fis Jesse a. Tout gason rive nan tant

✨ 9:25 Det 17:16 ✨ 9:26 Jen 15:18 ✨ 9:27 II Kwo 1:15-17 ✨ 9:28 II Kwo 1:16 ✨ 9:29 I Wa 11:41-43 ✨ 9:29 I Kwo 29:29 ✨ 9:30 I Wa 11:42-43 ✨ 10:1 I Wa 12:1-20 ✨ 10:4 I Wa 5:13-16 ✨ 10:6 Job 8:8-9 ✨ 10:7 Pwov 15:1 ✨ 10:8 II Sam 17:4 ✨ 10:15 I Wa 11:29-39 ✨ 10:16 II Sam 20:1

ou, O Israël; Soti koulye a, David, okipe pwòp lakay ou, Konsa, tout Israël te pati rive nan tant yo. <sup>17</sup> Men pou fis Israël ki te rive nan vil a Juda yo, Roboam te renye sou yo. <sup>18</sup> Epi Wa Roboam te voye Hadoram ki te chèt kòve yo e fis Israël yo te lapide li ak kout wòch jiskaske li te mouri. Epi Wa Roboam te fè vit monte cha li pou sove ale rive Jérusalem. <sup>19</sup> Konsa, Israël te vin nan rebelyon kont kay David la jis rive jodi a.

## 11

<sup>1</sup> Alò, lè Roboam te vini Jérusalem, li te rasanble lakay Juda avèk Benjamin, san-katre-ven-mil mesye byen chwazi ki te gèrye, pou goumen kont Israël pou reprann wayòm nan pou Roboam. <sup>2</sup> Men pawòl SENYÈ a te vini a Schemaeja, nonm Bondye a e te di: <sup>3</sup> Pale a Roboam, fis a Salomon an, wa a Juda a e a tout Israël nan Juda avèk Benjamin, e di: <sup>4</sup> ‘Konsa pale SENYÈ a: “nou pa pou monte ni goumen kont fanmi pa nou yo; retounen chak mesye yo lakay yo, paske bagay sa a sòti nan Mwen menm.” ’” Konsa, yo te koute pawòl a SENYÈ a e yo te retounen pou yo pa sòti kont Jéroboam. <sup>5</sup> Roboam te viv Jérusalem e li te bati vil pou fè defans nan Juda. <sup>6</sup> Konsa li te bati Bethléem, Étham, Tekoa, <sup>7</sup> Beth-Tsur, Soko, Adullam, <sup>8</sup> Gath, Maréscha, Ziph, <sup>9</sup> Adoraïm, Lakis, Azéka <sup>10</sup> Tsorea, Ajalon avèk Hébron, ki se vil fètifye nan Juda ak nan Benjamin. <sup>11</sup> Anplis, li te ranfòse fò yo e li te mete kòmandan ladan yo avèk depo, manje, lwil ak diven. <sup>12</sup> Li te mete boukliye defans avèk lans nan chak vil yo e li te byen fètifye yo. Konsa, li te kenbe Juda avèk Benjamin. <sup>13</sup> Anplis, prèt avèk Levit ki te nan tout Israël yo te kanpe avèk li soti nan landwa pa yo. <sup>14</sup> Paske Levit yo te kite tè patiraj pa yo pou te rive Juda avèk Jérusalem; paske, Jéroboam te bloke sèvis yo kòm prèt a SENYÈ a. <sup>15</sup> Li te etabli prèt pa li yo pou kont li pou sèvi nan wo plas yo, pou imaj bouk yo avèk jenn bèf ke li te fè yo. <sup>16</sup> Sila yo nan tout tribi Israël ki te dispoze kè yo pou swiv SENYÈ a, Bondye Israël la, te swiv yo rive Jérusalem pou fè sakrifis a SENYÈ a, Bondye a zansèt pa yo a. <sup>17</sup> Yo te fètifye wayòm Juda a e yo te bay soutyen a Roboam, fis a Salomon an pandan twazan; paske, yo te mache nan chemen David avèk Salomon an pandan twazan. <sup>18</sup> Alò, Roboam te pran kòm madanm li, Mahalath, fi a Jerimoth la, fis a David la avèk Abichaïl, fi a Éliab la, fis a Jesse a. <sup>19</sup> Li te fè fis yo: Jeusch, Schemaria, avèk Zaham. <sup>20</sup> Apre, li te pran Maaca, fi a Absalom an. Li te fè pou li Abija, Attaï, Ziza, avèk Schelomith. <sup>21</sup> Roboam te renmen Maaca, fi a Absalom an plis pase tout lòt madanm avèk ti mennaj li yo. Paske, li te pran di-zuit madanm avèk swasant ti mennaj e li te fè venn-tuit fis ak swasant fi. <sup>22</sup> Roboam te chwazi Abija, fis a Maaca a kòm chèf e dirijan pami frè li yo; paske, li te gen entansyon fè l wa. <sup>23</sup> Li te aji avèk sajès e li te plase fis li yo nan tout teritwa a Juda avèk Benjamin nan tout vil fètifye yo e li te ba yo anpil manje. Epi li te chache anpil madanm pou yo.

## 12

<sup>1</sup> Lè wayòm a Roboam nan te fin etabli e byen solid, li menm ak tout Israël avèk li te abandone lalwa SENYÈ a. <sup>2</sup> Epi li te vin rive nan senkyèm

✧ 10:18 I Wa 4:6 ✧ 10:19 I Wa 12:19 ✧ 11:1 I Wa 12:21-24 ✧ 11:2 II Kwo 12:5-7-15 ✧ 11:4 II Kwo 28:8-11 ✧ 11:5 II Kwo 8:2-6 ✧ 11:14 Nonb 35:2-5 ✧ 11:15 I Wa 12:31 ✧ 11:16 II Kwo 15:9 ✧ 11:17 II Kwo 12:1 ✧ 11:20 I Wa 15:2 ✧ 11:21 Det 17:17 ✧ 12:1 II Kwo 26:13-16 ✧ 12:2 I Wa 14:25

ane a Roboam nan, akoz yo pa t fidèl a SENYÈ a, ke Schischak, wa Égypte la, te monte kont Jérusalem<sup>3</sup> avèk mil-de-san cha ak swasann-di-mil chevalye. Epi moun ki te vini avèk li soti an Égypte yo te depase kontwòl: ✧Libyen yo, Sikyen ak Etyopyen yo. <sup>4</sup> Li te kaptire ✧vil fòtifye Juda yo e li te rive jis Jérusalem. <sup>5</sup> Epi ✧Schemaeja, pwofèt la, te vin kote Roboam avèk chèf Juda ki te rasanble nan Jérusalem akoz Schischak yo, e li te di yo: “Konsa pale SENYÈ a: ‘Ou te abandone Mwen e pou sa, Mwen te abandone ou bay Schischak.’” <sup>6</sup> Pou sa, chèf Israèl yo avèk wa a te imilye yo, e te di: ✧SENYÈ a jis. <sup>7</sup> Lè SENYÈ a te wè ke yo te imilye yo, pawòl SENYÈ a te vini a Schemaeja e te di: ✧“Yo te imilye yo; pou sa, Mwen p ap detwi yo; men, Mwen va ba yo yon mezi delivrans e lakòlè Mwen p ap vide sou Jérusalem pa mwayen a Schischak. <sup>8</sup> Men yo va devni esklav li, pou yo ✧kab vin konprann antre sèvi Mwen ak sèvi wayòm lòt peyi yo.” <sup>9</sup> Konsa Schischak, wa Égypte la, te monte kont Jérusalem e li te pran tout trezò lakay SENYÈ a ak trezò nan palè wa a. Li te pran tout bagay. <sup>10</sup> Epi Wa Roboam te fè boukliye defans an bwonz pou ranplase yo e li te mete yo anba pwotèj a kòmandan gad ki te gadyen pòtay lakay wa yo. <sup>11</sup> Depi wa a te antre lakay SENYÈ a, gad yo te pote yo vini e apre, yo te mennen yo tounen nan chanm gad yo. <sup>12</sup> Epi lè li te fin imilye li, lakòlè SENYÈ a te vire kite li, pou l pa ta detwi nèt; epi anplis, ✧tout bagay te mache byen an Juda. <sup>13</sup> ✧Konsa, Wa Roboam te ranfòse tèt li Jérusalem e li te renye. Alò, Roboam te gen laj karanteyen ane lè li te kòmanse renye e li te renye di-sèt-ane Jérusalem, vil ke SENYÈ a te chwazi soti nan tout tribi Israèl yo, pou mete non Li an. Epi non manman li te Naama, Amoreyèn nan. <sup>14</sup> Li te fè mal, ✧paske li pa t aplike kè l pou konnen SENYÈ a. <sup>15</sup> ✧Alò, zèv a Roboam yo, soti nan premye a jis rive nan dènye a, èske yo pa ekri nan rekò a Schemaeja yo, pwofèt a ✧Iddo a, konseye a, selon anrejistreman zansèt yo? Epi te gen lagè kont Roboam avèk Jéroboam tout tan. <sup>16</sup> Epi Roboam te dòmi avèk zansèt li yo e li te antere nan lavil David la; epi fis li a, ✧Abija te vin wa nan plas li.

## 13

<sup>1</sup> ✧Nan di-zuityèm ane Wa Jéroboam nan, Abijah te devni wa sou Juda. <sup>2</sup> Li te renye pandan twazan Jérusalem; epi non manman l te Micaja, fi a Uriel la nan Guibea. ✧Alò, te gen lagè antre Abija avèk Jéroboam. <sup>3</sup> Abija te ouvri batay la avèk yon lame gèye vanyan, kat-san-mil mesye byen chwazi, pandan Jéroboam t ap fè fòmasyon batay la kont li avèk uisan-mil mesye byen chwazi, gèye vanyan. <sup>4</sup> Epi Abija te kanpe sou Mòn ✧Tsemaraïm ki nan peyi ti mòn Éphraïm yo, e li te di: “Koute mwen, O Jéroboam avèk tout Israèl: <sup>5</sup> Èske ou pa konnen ke ✧SENYÈ a, Bondye Israèl la, te bay pouvwa sou Israèl jis pou tout tan a David avèk fis li yo pa ✧yon sèl akò? <sup>6</sup> Men ✧Jéroboam, fis a Nebath la, sèvitè a Salomon an, fis a David la, te leve e te fè rebèl kont mèl li a. <sup>7</sup> Yon bann sanzave te rasanble vè li menm, vagabon yo, yon eprèl ki te twò fò pou Roboam, fis a Salomon an, lè ✧li te trè jèn, timid e li pa t ka kenbe plas pa l kont yo. <sup>8</sup> Epi koulye a,

✧ 12:3 II Kwo 16:8 ✧ 12:4 II Kwo 11:5-12 ✧ 12:5 II Kwo 11:2 ✧ 12:6 Egz 9:27 ✧ 12:7 I Wa 21:29 ✧ 12:8 Det 28:47-48 ✧ 12:12 II Kwo 19:3 ✧ 12:13 I Wa 14:21 ✧ 12:14 II Kwo 19:3 ✧ 12:15 I Wa 14:29 ✧ 12:15 II Kwo 9:29 ✧ 12:16 II Kwo 11:20 ✧ 13:1 I Wa 15:1-2 ✧ 13:2 I Wa 15:7 ✧ 13:4 Jos 18:22 ✧ 13:5 II Sam 7:12-16 ✧ 13:5 Lev 2:13 ✧ 13:6 I Wa 11:26 ✧ 13:7 II Kwo 12:13

ou gen entansyon fè rezistans kont wayòm SENYÈ a pa fis a David yo, akoz se yon gran foul nou ye e nou gen avèk nou ✧jenn bèf an lò ke Jéroboam te fè kòm dye pou nou. <sup>9</sup> ✧Èske nou pa t chase mete deyò prèt SENYÈ yo, fis a Aaron yo avèk Levit yo e te fè pou kont nou prèt tankou pèp lòt peyi yo? Nenpòt moun ki vini konsakre li menm avèk yon jenn towò ak sèt belye, menm li menm kapab devni yon prèt a sila ki pa dye yo. <sup>10</sup> Men pou nou, SENYÈ a se Bondye pa nou an e nou pa t abandone Li; epi fis a Aaron yo ap fè sèvis a SENYÈ a kòm prèt e se Levit yo ki fè travay a yo menm. <sup>11</sup> Chak maten e chak swa, ✧yo brile bay SENYÈ a ofrann brile avèk lansan santi bon, pen konsakre ki sou tab pwòp e chandelye a avèk lanp li yo pou limen chak swa; paske, nou kenbe chaj a SENYÈ a, Bondye nou an, men ou te abandone Li. <sup>12</sup> Koulye a, veye byen, Bondye avèk nou sou tèt nou e ✧prèt Li yo avèk twonpèt siyal pou sonnen alam kont nou. O fis Israèl yo, pa goumen kont SENYÈ a zansèt nou yo, paske nou p ap reyisi. <sup>13</sup> Men Jéroboam ✧te fè yon anbiskad pou vini pa dèyè, pou Israèl ta devan Juda e anbiskad la pa dèyè yo. <sup>14</sup> Lè Juda te vire, alò yo te atake ni devan ni dèyè; pou sa, ✧yo te kriye a SENYÈ a e prèt yo te soufle twonpèt yo. <sup>15</sup> Konsa mesye Juda te fè leve kri lagè a e nan moman sa a, Bondye te ✧boulvèse Jéroboam avèk tout Israèl devan Abija avèk Juda. <sup>16</sup> Lè fis Israèl yo te fin sove ale devan Juda, ✧Bondye te livre yo nan men yo. <sup>17</sup> Abija avèk pèp li a te detwi yo avèk yon gwo masak, jiskaske senk-san-mil mesye Israèl te tonbe mouri. <sup>18</sup> Konsa, fis Israèl yo te soumèt nan tan sa a e fis Juda yo te pran viktwa a ✧akoz yo te depan de SENYÈ a, Bondye a zansèt pa yo a. <sup>19</sup> Abija te kouri dèyè Jéroboam e te kaptire plizyè vil nan men li, Béthel avèk bouk pa li yo, Jeschana avèk bouk pa li yo e Éphron avèk bouk pa li yo. <sup>20</sup> Jéroboam pa t ankò reprann fòs li nan jou a Abija yo; epi SENYÈ a te frappe li e ✧li te vin mouri. <sup>21</sup> Men Abija te vin fò; epi te pran katòz madanm pou kont li e li te devni papa a venn-de fis ak sèz fi. <sup>22</sup> Alò, tout lòt zèv a Abija yo, avèk chemen pa li yo ekri nan memwa a ✧ pwofèt la, Iddo.

## 14

<sup>1</sup> ✧Konsa, Abija te dòmi avèk zansèt li yo e yo te antere li nan lavil David la. Fis li a, Asa, te vin wa nan plas li. Peyi a te rete kalm e san pwoblèm pandan dizan pandan jou li yo. <sup>2</sup> Asa te fè byen ak sa ki dwat nan zye SENYÈ a, Bondye li a, <sup>3</sup> paske li te retire lotèl etranje yo avèk ✧wo plas yo e li te chire pilye sakre yo avèk ✧Asherim yo, <sup>4</sup> Epi li te kòmande Juda pou chache SENYÈ a zansèt yo a e swiv lalwa avèk kòmandman an. <sup>5</sup> Li te osi retire wo plas yo avèk ✧lotèl lansan yo soti nan tout vil Juda yo. Epi wayòm nan te rete kalm anba li. <sup>6</sup> Li te bati vil fòtifye Juda yo, akoz peyi a te san pwoblèm e pa t gen okenn moun ki te fè lagè avèk li pandan ane sila yo, ✧akoz SENYÈ a te ba li repo. <sup>7</sup> Paske, li te di a Juda: ✧“Annou bati vil sila yo e antoure yo avèk miray avèk wo tou, pòtay avèk ba an fè. Peyi a toujou pou nou akoz nou te chache SENYÈ a, Bondye nou an. Nou te chache Li e Li te bannou repo sou tout kote.” Konsa yo te bati e yo te byen reyisi.

✧ **13:8** I Wa 12:28 ✧ **13:9** II Kwo 11:14-15 ✧ **13:11** Egz 29:38 ✧ **13:12** Nonb 10:8-9 ✧ **13:13** Jos 8:4-9 ✧ **13:14** II Kwo 14:11 ✧ **13:15** II Kwo 14:12 ✧ **13:16** II Kwo 16:8 ✧ **13:18** II Kwo 14:11 ✧ **13:20** I Wa 14:20 ✧ **13:22** II Kwo 9:29 ✧ **14:1** I Wa 15:8 ✧ **14:3** I Wa 15:12-14 ✧ **14:3** Egz 34:13 ✧ **14:5** II Kwo 34:4-7 ✧ **14:6** II Kwo 15:15 ✧ **14:7** II Kwo 8:5

<sup>8</sup> Alò, Asa te gen yon lame a ✧twa-san-mil mesye soti nan Juda, avèk gran boukliye defans ak lans e de-san-katreven-mil soti nan Benjamin ki te pote boukliye defans e te manyen banza. Tout nan yo, te gèrye ki plen kouraj. <sup>9</sup> Alò, Zérach, Etyopyen an, te vin parèt kont yo avèk yon lame a yon-milyon moun ak twa-san cha e li te rive nan ✧Maréscha. <sup>10</sup> Pou sa, Asa te sòti pou rankontre li e yo te parèt nan chan batay yo nan vale Maréschja a. <sup>11</sup> Epi Asa te rele SENYÈ a, Bondye li a, e te di: SENYÈ, nanpwen lòt sof ke Ou menm pou ede pami pwisan yo e sila ki san fòs yo. Pou sa, ede nou, O SENYÈ, Bondye nou an; ✧paske, nou mete konfyans nan Ou e nan non Ou, nou te vini kont gran foul sila a. O SENYÈ, se Ou ki Bondye nou an; pa kite lòm pran viktwa kont Ou menm.” <sup>12</sup> Konsa, ✧SENYÈ a te boulvèse Etyopyen devan Asa yo ak devan Juda yo e Etyopyen yo te sove ale. <sup>13</sup> Asa avèk moun ki te avèk li yo te kouri dèyè yo jis rive ✧Guéar; epi yon tèlman gran kantite Etyopyen te tonbe ke yo pa t kab kanpe ankò; paske yo te kraze nèt devan SENYÈ a ak devan lame Li a. Epi yo te pote fè sòti yon trè gran piyaj. <sup>14</sup> Yo te detwi tout vil ki te antoure Guéar yo; ✧paske laperèz SENYÈ a te fin tonbe sou vil yo. Epi yo te depouye tout vil yo, paske yo te gen anpil piyaj. <sup>15</sup> Anplis, yo te touye sila ki te gen bèt yo e yo te pote ale yon gran kantite mouton avèk chamo. Answit, yo te retounen Jérusalem.

## 15

<sup>1</sup> Alò, ✧Lespri Bondye a te vini sou Azaria, fis a Obed la, <sup>2</sup> Epi li te sòti deyò pou rankontre Asa e li te di li: “Koute mwen, Asa e tout Juda avèk Benjamin: ✧SENYÈ a avèk nou lè nou avèk Li. Epi si ou chache Li, Li va kite ou jwenn Li; men, si ou abandone Li, Li va abandone ou. <sup>3</sup> ✧Pandan anpil jou, Israèl te san vrè Bondye a, san enstriksyon, san prèt e san lalwa. <sup>4</sup> Men ✧nan gran twoub yo, yo te vire kote SENYÈ a, Bondye Israèl la, yo te chache Li e Li te kite yo jwenn Li. <sup>5</sup> ✧Nan tan sa yo, pa t gen lapè pou sila ki sòti, ni sila ki antre a, paske anpil gwo zen te twouble tout moun ki te rete nan peyi yo. <sup>6</sup> ✧Nasyon te kraze pa nasyon, vil pa vil, paske Bondye te twouble yo avèk tout kalite gwo twoub. <sup>7</sup> Men nou menm, ✧kenbe fèm e pa pèdi kouraj, paske gen rekonpans pou travay nou yo.” <sup>8</sup> Lè Asa te tandè pawòl sila yo avèk pwofesi ke Azaria, fis a Obed la, te pale a, li te pran kouraj e li te retire zidòl abominab yo soti nan tout peyi Juda avèk Benjamin yo e li te soti ✧nan vil ke li te kaptire nan peyi ti mòn a Éphraïm yo. ✧Lè l fini, li te restore lotèl SENYÈ a ki te devan galri a SENYÈ a. <sup>9</sup> Li te rasanble tout Juda avèk Benjamin avèk tout sila ki te sòti Éphraïm, Manassé ak Siméon yo, ✧ki te rete avèk yo, paske anpil nan yo te vin jwenn li soti an Israèl lè yo te wè ke SENYÈ a, Bondye a, te avèk li. <sup>10</sup> Konsa, yo te rasanble Jérusalem nan twazyèm mwa, nan kenzyèm ane, nan règn Asa a. <sup>11</sup> ✧Yo te fè sakrifis bay SENYÈ a nan jou sa a, sèt-san bèf avèk sèt-mil mouton soti nan piyaj ke yo te pote a. <sup>12</sup> ✧Yo te antre nan akò pou chache SENYÈ a, Bondye a zansèt pa yo a, avèk tout kè yo ak nanm yo; <sup>13</sup> Epi ke nenpòt moun ki te

✧ 14:8 II Kwo 13:3 ✧ 14:9 II Kwo 11:8 ✧ 14:11 II Kwo 13:18 ✧ 14:12 II Kwo 13:15 ✧ 14:13 Jen 10:19 ✧ 14:14 II Kwo 17:10 ✧ 15:1 II Kwo 20:14 ✧ 15:2 II Kwo 20:17 ✧ 15:3 I Wa 12:28-33 ✧ 15:4 Det 4:29 ✧ 15:5 Jij 5:6 ✧ 15:6 Mat 24:7 ✧ 15:7 Jos 1:7-9 ✧ 15:8 II Kwo 13:19 ✧ 15:8 II Kwo 4:1 ✧ 15:9 II Kwo 11:16 ✧ 15:11 II Kwo 14:13-15 ✧ 15:12 II Kwo 23:16

refize chache SENYÈ a, Bondye Israël la, ✨ta dwe mete a lanmò, piti kon gran, gason kon fanm. <sup>14</sup> Anplis, yo te fè yon sèman bay SENYÈ avèk yon gwo kri, avèk twonpèt e avèk kòn. <sup>15</sup> Tout Juda te rejwi akòz sèman an, paske yo te sèman avèk tout kè yo, yo te chache Li ak kè onèt yo e Li te kite yo jwenn Li. Konsa, ✨SENYÈ a te ba yo repo tout kote. <sup>16</sup> ✨Anplis, li te retire Maaca, manman a Wa Asa a, nan pozisyon rèn nan, akòz li te fè imaj li byen abominab tankou yon Astarté e Asa te fè koupe imaj abominab li a, li te kraze li e li brile li nan flèv Cédron an. <sup>17</sup> Men wo plas yo pat retire soti an Israël; sepandan, kè Asa te san repwòch pandan tout jou li yo. <sup>18</sup> Li te pote lakay SENYÈ a tout bagay dedye ki te pou papa li ak bagay dedye ki te pou li yo: ajan avèk lò avèk zouti. <sup>19</sup> Epi pa t gen lagè ankò jis rive nan trann-senk ane règn a Asa a.

## 16

<sup>1</sup> Nan trann-sizyèm ane règn Asa a, ✨Baasha, wa a Israël la, te vin monte kont Juda e li te ranfòse Rama pou anpeche ni antre, ni sòti, vè Asa, wa Juda a. <sup>2</sup> Epi Asa te pote fè sòti ajan avèk lò soti nan trezò lakay SENYÈ a avèk lakay wa a e li te voye yo kote Ben-Hadad, wa Syrie a, ki te rete Damas la, e li te di: <sup>3</sup> “Kite genyen yon alyans antre ou menm avèk mwen, tankou antre papa m ak papa ou. Gade byen, mwen te voye ba ou ajan avèk lò. Ale, kraze alyans ou an avèk Baasha, wa Israël la, pou li retire li sou mwen.” <sup>4</sup> Konsa, Ben-Hadad te koute wa Asa, li te voye chèf lame li yo kont vil Israël yo e yo te soumèt Ijjon, Dan, Abel-Maïm, avèk ✨tout vil depo Nephthali yo. <sup>5</sup> Lè Baasha te tandè sa, li te sispann ranfòse Rama e li te kite travay li. <sup>6</sup> Alò, Wa Asa te mennen tout Juda, yo te retire wòch Rama yo avèk gwo bwa ki t ap sèvi pou bati yo e avèk yo, li te ranfòse Guéba avèk Mitspa. <sup>7</sup> Nan lè sa a, ✨Hanani, konseye a te vin kote Asa, wa Juda a, e te di li: “Akòz ou te depann de wa Syrie a e ou pa t depann de SENYÈ a, Bondye ou a; pou sa, lame wa Syrie a gen tan chape nan men ou. <sup>8</sup> Èske Etyopyen yo avèk Libyen yo pa t yon lame ki vast avèk anpil cha ak chevalye? Men ✨akòz ou te depann de SENYÈ a, Li te livre yo nan men ou. <sup>9</sup> Paske zye a SENYÈ mache toupatou sou latè pou Li kapab bay soutyen ki fò a sila ✨ki gen kè dedye a Li nèt yo. Nou te aji an foli nan afè sa a. Anverite, depi koulye a, nou va toujou gen gè. <sup>10</sup> Alò, Asa te fache avèk konseye a e li te mete li nan prizon, paske li te anraje avèk li pou bagay sa a. Epi nan menm lè a, Asa te oprime kèk moun nan pèp la. <sup>11</sup> Alò, zèv a Asa yo, soti nan premye a jis rive nan dènye a, veye byen, yo ekri nan Liv A Wa a Juda avèk Israël yo. <sup>12</sup> Nan trant-nevyèm ane règn li a, Asa te vin malad nan pye li. Maladi a te grav, men menm nan maladi a, ✨li pa t chache SENYÈ a, men pito doktè. <sup>13</sup> Konsa, Asa te dòmi avèk zansèt li yo lè l fin mouri nan karanteyinyèm ane règn pa li a. <sup>14</sup> Yo te antere li nan pwòp tonm ke li te fouye pou li menm nan lavil David la e yo te kouche li nan plas repo ke li te plen ✨avèk plizyè kalite epis ki te mele selon metye a yon moun ki konn fè pafen; epi yo te fè yon trè gwo dife pou li.

## 17

<sup>1</sup> ✨Josaphat, fis li a, te devni wa nan plas li e li te fè pozisyon li sou Israël

✨ 15:13 Egz 22:20 ✨ 15:15 II Kwo 14:7 ✨ 15:16 I Wa 15:13-15 ✨ 16:1 I Wa 15:17-22 ✨ 16:4 Egz 1:11 ✨ 16:7 I Wa 16:1 ✨ 16:8 II Kwo 13:16-18 ✨ 16:9 II Kwo 15:17 ✨ 16:12 Jr 17:5 ✨ 16:14 Jen 50:2 ✨ 17:1 I Wa 15:24

byen fèm. <sup>2</sup> Li te mete sòlda nan tout ✧vil fòtifye Juda yo e li te fè ganizon militè nan peyi Juda avèk nan vil a Éphraïm ✧ke papa li, Asa te kaptire yo. <sup>3</sup> SENYÈ a te avèk Josaphat akoz li te swiv egzanp a zansèt li a, David, nan premye jou li yo e li pa t chache Baal yo, <sup>4</sup> men, li te chache Bondye a zansèt li yo, li te swiv kòmandman li yo e li ✧pa t aji jan Israèl te fè a. <sup>5</sup> Pou sa, SENYÈ a te etabli wayòm nan sou kontwòl li, tout Juda te pote pèyman bay Josaphat e li te vin gen gwo richès avèk lonè. <sup>6</sup> Li te fyè nan chemen SENYÈ a e ankò li te rache wo plas yo avèk Asherim yo soti nan Juda. <sup>7</sup> Epi nan twazyèm ane règn li a, li te voye reprezantan li yo, chèf Ben-Haïl yo, Abdias, Zacharie, Nethaneel, avèk Michée ✧pou enstwi nan vil a Juda yo; <sup>8</sup> Epi avèk yo ✧Levit yo, Schemaeja, Nethania, Zebadia, Adonija, Tobija ak Tob-Adonija; epi avèk yo, prèt yo, Élischama avèk Joram. <sup>9</sup> ✧Yo te enstwi Juda avèk liv lalwa SENYÈ a ke yo te genyen avèk yo; epi yo te ale toupatou nan tout vil Juda yo pou te enstwi pami pèp la. <sup>10</sup> Alò, ✧lakrent SENYÈ a te sou tout wayòm ki te antoure Juda yo, jiskaske yo pa t fè lagè kont Josaphat. <sup>11</sup> Kèk nan Filisten yo te ✧pote kado avèk lò kòm pèyman bay Josaphat; Arabyen yo tou te pote bann mouton ba li, sèt-mil-sèt-san belye ak sèt-mil-sèt-san mal kabrit. <sup>12</sup> Konsa, Josaphat te vin grandi de plizanplis e li te bati fò avèk vil depo nan Juda. <sup>13</sup> Li te gen anpil depo nan vil a Juda yo ak gèye yo, mesye ki plen kouraj Jérusalem yo. <sup>14</sup> Men kontwòl selon lakay a papa zansèt yo: nan Juda, chèf a dè milye yo, Adna, chèf la avèk twa-san-mil mesye plen kouraj; <sup>15</sup> epi akote li, Jochanan, chèf la, avèk de-san-katre-ven-mil mesye plen kouraj; <sup>16</sup> epi akote li, Amasia, fis a Zicri a, ki te konsakre volontèman a SENYÈ a, avèk de-san-mil mesye plen kouraj. <sup>17</sup> Pou Benjamin: Éliada, yon nonm plen kouraj, avèk de-san-mil mesye lame avèk banza ak boukliye defans, <sup>18</sup> epi akote li, Zozobad, avèk san-katreven-mil mesye pou fè lagè. <sup>19</sup> Se te sila ki te nan sèvis wa yo, yo pa menm konte ✧sila ke wa a te pozisyone nan tout vil fòtifye pami tout Juda yo.

## 18

<sup>1</sup> Alò Josaphat te gen gwo richès avèk lonè; epi li te fè alyans avèk Achab pa maryaj. <sup>2</sup> ✧Kèk ane pita, li te desann kote Achab Samarie. Epi Achab te touye anpil mouton avèk bèf pou li avèk moun ki te avèk li yo e li te konvenk li monte kont Ramoth-Galaad. <sup>3</sup> Achab, wa Israèl la, te di a Josaphat, wa Juda a: “Èske ou va monte avèk mwen kont Ramoth-Galaad? Epi li te di li: “Mwen tankou ou menm e pèp mwen an tankou pèp pa w la, nou avèk ou nan batay la.” <sup>4</sup> Anplis, Josaphat te di a wa Israèl la: “Souple, fè ankèt avan pou pawòl SENYÈ a.” <sup>5</sup> Epi wa Israèl la te rasanble tout pwofèt yo, kat-san mesye, e li te di yo: “Èske nou dwe monte kont Ramoth-Galaad pou batay, oswa èske mwen dwe fè bak?” Epi yo te di: “Ale monte, paske Bondye va livre li nan men a wa a.” <sup>6</sup> Men Josaphat te di: “Èske pa gen toujou yon pwofèt SENYÈ a pou nou kab mande sa?” <sup>7</sup> Wa Israèl la te di a Josaphat: “Gen youn toujou ke nou kab fè demann a SENYÈ a, men mwen rayi li, paske li pa janm pwofetize sa ki bon pou mwen, men toujou, mal. Li se Michée, fis a Jimla a.” Men Josaphat te di: “Pa kite wa a pale konsa.”

✧ 17:2 II Kwo 11:5 ✧ 17:2 II Kwo 15:8 ✧ 17:4 I Wa 12:28 ✧ 17:7 II Kwo 15:3 ✧ 17:8 II Kwo 19:8 ✧ 17:9 Det 6:4-9 ✧ 17:10 II Kwo 14:14 ✧ 17:11 II Kwo 9:14 ✧ 17:19 II Kwo 17:2 ✧ 18:2 I Wa 22:2-35

<sup>8</sup> Epi wa Israël la te rele yon ofisye e te di: “Fè vit, mennen Michée, fis a Jimla a.” <sup>9</sup> Alò, wa Israël la avèk Josaphat, wa Juda a te chita yo chak sou twòn yo, abiye ak manto yo e yo te chita ✧kote glasi vannen an nan antre pòtay Samarie a; epi tout pwofèt yo t ap pwofetize devan yo. <sup>10</sup> Sédécias, fis a Kenaana a, te fè kòn an fè pou kont li, e te di: “Konsa pale SENYÈ a, “Avèk sila yo, ou va frennen Siryen yo, jiskaske yo fin detwi nèt.” <sup>11</sup> Tout pwofèt yo t ap pwofetize konsa e yo t ap di: “Ale monte Ramoth-Galaad e reyisi, paske SENYÈ a va livre li nan men a wa a.” <sup>12</sup> Epi mesaje ki te ale fè demand prezans Michée a te pale avèk li e te di: “Gade byen, pawòl a pwofèt yo favorab nèt pou wa a. Konsa, souple, kite pawòl ou fèt tankou pa yo a e pale anfavè li. <sup>13</sup> Men Michée te di: “Jan SENYÈ a viv la, ✧sa ke Bondye mwen an di, se sa mwen va pale.” <sup>14</sup> Lè li te rive kote wa a, wa a te di li: “Michée, èske nou dwe monte Ramoth-Galaad pou batay la, oswa èske mwen dwe fè bak?” Li te di: “Ale monte e reyisi, paske yo va livre nan men ou.” <sup>15</sup> Epi wa a te di li: “Konbyen fwa mwen oblije fè demann ke ou pa pale anyen sof ke laverite nan non SENYÈ a?” <sup>16</sup> Konsa, li te di: “Mwen te wè tout Israël gaye sou mòn yo ✧tankou mouton ki pa t gen bèje; epi SENYÈ a te di: ‘Sila yo pa gen mèt. Kite yo chak retounen lakay yo anpè.’” <sup>17</sup> Epi wa Israël la te di a Josaphat: “Èske mwen pa t di ou ke li pa t pwofetize sa ki bon pou mwen, men sa ki mal?” <sup>18</sup> Michée te di: “Pou sa, tandè pawòl SENYÈ a. ✧Mwen te wè SENYÈ a ki te chita sou twòn li an ak tout lame syèl la ki te kanpe adwat Li ak agoch Li. <sup>19</sup> SENYÈ a te di: ‘Kilès k ap sedwi Achab, wa Israël la, pou monte tonbe Ramoth-Galaad?’ Epi youn te di sa, pandan yon lòt te di yon lòt bagay. <sup>20</sup> Alò, yon ✧lespri te parèt e te kanpe devan SENYÈ a, e te di: Mwen va sedwi li.’ Epi SENYÈ a te di: ‘Kijan?’ <sup>21</sup> Li te di: “Mwen va ale fè l tankou yon ✧lespri manti nan bouch a tout pwofèt li yo.’ Epi Li te di: ‘Ou dwe sedwi li e genyen li tou. Ale fè sa.’” <sup>22</sup> Alò, pou sa, gade byen, ✧SENYÈ a te mete yon lespri manti nan bouch a sila yo, pwofèt ou yo, paske SENYÈ a te pwoklame dega kont ou. <sup>23</sup> Epi Sédécias, fis a Kenaana a, te pwoche e te ✧frape Michée sou machwè l e te di: “Kòman Lespri SENYÈ a te fè kite mwen pou pale avè w?” <sup>24</sup> Michée te di: “Gade byen, nan jou ke ou antre nan chanm anndan pou kache kò ou la, ou va wè sa.” <sup>25</sup> Alò, wa Israël la te di: ✧“Pran Michée e fè l retounen kote Amon, majistra vil la e a Joas, fis a wa a; <sup>26</sup> epi di: ‘Konsa pale wa a: ✧“Mete nonm sila a nan prizon e ba li tikras pen ak dlo jiskaske m retounen anpè. <sup>27</sup> Michée te di: “Si, anverite, ou ta retounen anpè; SENYÈ a pa t vrèman pale avèk mwen.” Epi li te di: ✧“Koute byen, tout pèp yo. <sup>28</sup> Konsa, wa Israël avèk Josaphat, wa Juda a, te monte kont Ramoth-Galaad. <sup>29</sup> Wa Israël la te di a Josaphat: “Mwen va kache idantite mwen pou antre nan batay la e ou menm, mete pwòp manto ou.” Konsa, wa Israël la te kache idantite li e yo te antre nan batay la. <sup>30</sup> Alò, wa Syrie a te kòmande chèf a cha li yo, e te di: “Pa goumen avèk piti ni gran, men avèk wa Israël la sèlman.” <sup>31</sup> Pou sa, lè chèf a cha yo te wè Josaphat, yo te di: “Li se wa Israël la,” e yo te vire akote pou goumen kont li. Men Josaphat te ✧kriye anmwey, SENYÈ a te ede li e Bondye te distrè yo pou yo te kite l. <sup>32</sup> Lè chèf a cha yo te wè ke se pa t wa Israël la, yo te retounen pa swiv

✧ 18:9 Rt 4:1 ✧ 18:13 Nonb 22:18-35 ✧ 18:16 És 35:4-8 ✧ 18:18 És 6:1-5 ✧ 18:20 Job 1:16 ✧ 18:21 Jn 8:44 ✧ 18:22 És 19:14 ✧ 18:23 Jr 20:2 ✧ 18:25 II Kwo 18:8 ✧ 18:26 II Kwo 16:10 ✧ 18:27 Mi 1:2 ✧ 18:31 II Kwo 13:14-15



li. <sup>33</sup> Yon sèten nonm te rale banza li pa aza e te frape wa Israël la nan yon kwen nan pwotèj kò a. Konsa, li te pale a chofè cha a: “Vire tounen e fè m sòti nan batay la, paske mwen blese byen grav.” <sup>34</sup> Batay la te chofe byen rèd tout jounen an e wa Israël te fòse pou l te kab kanpe nan cha li a devan Siryen yo jis rive nan aswè; epi nan kouche solèy la, li te mouri.

## 19

<sup>1</sup> Epi Josaphat, wa a te retounen sof a lakay li Jérusalem. <sup>2</sup> Jéhu, fis a Hanani a, konseye a, te sòti pou rankontre li e te di a Wa Josaphat: “Èske ou ta dwe ede mechan yo e renmen sila ki rayi SENYÈ yo e konsa, kite lakòlè SENYÈ a vini sou ou? <sup>3</sup> Men gen kèk bagay ki bon nan ou tou, paske ou te retire Astarté a soti nan peyi ou a e ou te bay kè ou pou chache Bondye.” <sup>4</sup> Konsa, Josaphat te rete Jérusalem e li te sòti deyò ankò pami pèp la soti Beer-Schéba jis rive nan peyi ti mòn a Éphraïm yo; epi li te mennen yo retounen a SENYÈ a, Bondye a zansèt pa yo a. <sup>5</sup> Li te chwazi jij nan peyi a nan tout vil fòtifye Juda yo, vil pa vil. <sup>6</sup> Li te pale a jij yo: “Kontwole sa ke n ap fè a, paske nou pa jije pou yon moun, men pou SENYÈ ki avèk nou an pandan n ap rann jijman an. <sup>7</sup> Pou sa, kite lakrent SENYÈ a rete sou nou; fè anpil atansyon nan sa n ap fè a, paske SENYÈ a, Bondye nou an, p ap patisipe nan sa ki pa dwat, nan patipri, ni nan lajan ki pase anba tab. <sup>8</sup> Nan Jérusalem osi, Josaphat te chwazi kèk nan Levit yo avèk prèt yo e kèk nan chèf lakay zansèt Israël yo, pou fè jijman SENYÈ a e pou jije konfli pami moun ki te rete Jérusalem yo. <sup>9</sup> Li te pase lòd bay yo, e te di: “Konsa nou va gen lakrent SENYÈ a, avèk fidelite e avèk tout kè, <sup>10</sup> Nenpòt lè yon konfli rive devan nou soti nan manm fanmi nou yo ki rete nan vil yo, antre san ak san, antre lalwa avèk kòmandman yo, règleman avèk òdonans yo, nou va avèti yo pou yo pa vin koupab devan SENYÈ a e pou kòlè pa rive sou nou avèk fanmi nou. <sup>11</sup> Kontwole byen, Amaria, chèf prèt la, va chèf sou nou nan tout sa ki apatyen a SENYÈ a e Zebadia, fis Ismaël la, chèf lakay Juda a, nan tout sa ki apatyen a wa a. Osì, Levit yo va ajì kòm ofisyè devan nou. Aji avèk kouraj e SENYÈ a va avèk sila ki fè sa ki jis yo.”

## 20

<sup>1</sup> Alò, li te vin rive apre sa ke fis Moab yo avèk fis Ammon yo, ansanm avèk kèk nan Maonit yo te vini pou fè lagè kont Josaphat. <sup>2</sup> Epi kèk moun te vin bay rapò a Josaphat e te di: “Yon gran foul ap pwoche kont ou soti lòtbò lanmè Syrie a e pi lwen; epi gade byen, yo rive Hatsatson-Thamar (ki En-Guédi a). <sup>3</sup> Josaphat te byen pè, li te vire atansyon li pou chache SENYÈ a e te pwoklame yon jèn toupatou nan Juda. <sup>4</sup> Konsa, Juda te rasanble ansanm pou chache èd SENYÈ a; yo te sòti menm nan tout vil a Juda yo pou chache SENYÈ a. <sup>5</sup> Epi Josaphat te kanpe nan asanble Juda a avèk Jérusalem, lakay SENYÈ a devan tribinal nèf la. <sup>6</sup> Li te di: “O SENYÈ, Bondye a zansèt pa nou yo, èske se pa Ou menm ki Bondye nan Syèl yo? Èske se pa Ou menm ki renye sou tout wayòm a nasyon yo? Pwisans

✧ 19:2 II Kwo 18:1-3 ✧ 19:2 II Kwo 24:18 ✧ 19:3 II Kwo 12:12 ✧ 19:3 II Kwo 17:6 ✧ 19:4 II Kwo 15:8-13 ✧ 19:5 Det 16:18-20 ✧ 19:6 Lev 19:15 ✧ 19:7 Det 10:17-18 ✧ 19:8 II Kwo 17:8-9 ✧ 19:10 Det 17:8 ✧ 19:11 I Kwo 28:20 ✧ 20:1 I Kwo 4:41 ✧ 20:2 Jen 14:7 ✧ 20:3 II Kwo 19:3 ✧ 20:4 Jl 1:14 ✧ 20:6 I Kwo 29:11

avèk majeste, se nan men Ou, jiskaske nanpwen moun ki kab kanpe kont Ou. <sup>7</sup> Èske se pa Ou menm, O Bondye nou an, ki te chase tout sila ki te rete nan peyi sa a devan pèp Ou a, Israèl pou bay li a desandan Abraham yo, zanmi Ou an, jis pou tout tan? <sup>8</sup> Yo te abite ladann, yo te bati sanktyè Ou a la pou non Ou, e yo te di: <sup>9</sup> ✨‘Si mechanste ta vini sou nou, nepe, oswa jijman, oswa epidemi, oswa gwo grangou, nou va kanpe devan kay sila a e devan Ou menm, (paske non pa Ou sou kay sa a) pou kriye a Ou menm nan twoub nou yo, Ou va tande pou delivre nou.’ <sup>10</sup> Alò, gade, fis a Ammon yo avèk Moab avèk Mòn Séir, ✨kilès ou te anpeche Israèl pran lè yo te sòti nan peyi Égypte la. Yo te vire akote e yo pa t detwi yo. <sup>11</sup> Gade, koulye a, jan y ap rekonpanse nou lè yo ✨vin parèt pou chase nou mete deyò soti nan posesyon ke Ou te bannou kòm eritaj la. <sup>12</sup> O Bondye nou, ✨èske Ou p ap jije yo? Paske nou san pouvwa devan gran foul sila a k ap vini kont nou an; ni nou pa konnen kisa pou nou fè, men zye nou ap gade sou Ou.” <sup>13</sup> Tout Juda te kanpe devan SENYÈ a avèk ti bebe yo, madanm yo ak zanfan yo. <sup>14</sup> Alò, nan mitan asanble a, ✨Lespri SENYÈ a te vini sou Jachaziel, fis a Zacharie a, fis a Benaja a, fis a Jeïel la, fis a Matthania a, Levit la ak fis a Asaph yo; <sup>15</sup> Epi li te di: “Koute, tout Juda avèk pèp Jérusalem nan ak Wa Josaphat: konsa pale SENYÈ a a nou menm: ‘Pa pè, ni pa pèdi kouraj akoz gran foul sila a, paske ✨batay la pa pou nou, men se pou Bondye li ye. <sup>16</sup> Demen, desann kont yo. Tande byen, yo va vin monte kote pant ti mòn Tsits nan e nou va jwenn yo nan dènye pwent vale a devan dezè Jeruel la. <sup>17</sup> Nou pa bezwen goumen nan batay sila a; pran pozisyon nou e ✨kanpe gade delivrans SENYÈ a anfavè nou, O Juda, avèk Jérusalem: ‘Pa pè, ni pa pèdi kouraj; demen, sòti pou parèt devan yo, paske SENYÈ a avèk nou. <sup>18</sup> Josaphat te ✨bese tèt li jis atè e tout Juda avèk moun Jérusalem yo te tonbe atè devan SENYÈ a, pou adore Li. <sup>19</sup> Levit ki te nan fis a Keatit yo e nan fis a Koreyit yo, te kanpe pou louwe SENYÈ a, Bondye Israèl la, nan yon trè gwo vwa. <sup>20</sup> Yo te leve granmmaten e yo te sòti deyò nan dezè Tekoa a; epi lè yo te sòti, Josaphat te kanpe e te di: “Koute mwen, O Juda avèk moun Jérusalem yo, ✨mete konfyans nou nan SENYÈ a, Bondye nou an e nou va etabli. Mete konfyans nou nan pwofèt Li yo e nou va vin reyisi. <sup>21</sup> Lè li te fin konsilte pèp la, li te chwazi sila ki te chante a SENYÈ yo avèk sila ki te ✨fè louwanj nan vètman sen yo pandan yo t ap sòti devan lame a e t ap di: “Bay remèsiman a SENYÈ a, paske lanmou dous Li a dire jis pou tout tan.” <sup>22</sup> Depi lè a, yo te kòmanse chante ak bay louwanj, SENYÈ a te ✨mete anbiskad kont fis a Ammon yo, Moab avèk Mòn Séir, ki te vini kont Juda yo; jiskaske, yo te vin boulvèse. <sup>23</sup> Paske, fis Ammon yo avèk Moab yo te leve kont fis Mòn Séir yo pou te detwi yo nèt; epi lè yo te fini avèk moun Mòn Séir yo, yo te ✨asiste pou detwi youn lòt. <sup>24</sup> Lè Juda te rive nan wotè sou dezè a, yo te gade vè gwo foul la; epi vwala, te gen kadav ki te kouche atè e okenn pa t chape. <sup>25</sup> Lè Josaphat avèk pèp li a te vini pran piyaj la, yo te twouve anpil bagay pami yo; byen, vètman ak bagay valab ke yo te pran pou yo menm, plis pase yo ta kab pote. Epi yo te pran twa jou pou ranmase piyaj la, paske li te tèlman anpil. <sup>26</sup> Nan katriyèm jou a, yo te fè asanble nan vale Beraca a; paske la, yo te beni SENYÈ a. Akoz

✨ 20:7 És 41:8 ✨ 20:9 II Kwo 6:28-30 ✨ 20:10 Nonb 20:17-21 ✨ 20:11 Sòm 83:12 ✨ 20:12 Jij 11:27 ✨ 20:14 II Kwo 15:1 ✨ 20:15 I Sam 17:47 ✨ 20:17 Egz 14:13 ✨ 20:18 Egz 4:31 ✨ 20:20 És 7:9 ✨ 20:21 I Kwo 16:29 ✨ 20:22 II Kwo 13:13 ✨ 20:23 Jij 7:22

sa, yo te rele plas sa a: “Vale Beraca a” jis rive jodi a. <sup>27</sup> Tout mesye Juda avèk Jérusalem yo te retounen avèk Josaphat sou tèt la; yo te retounen Jérusalem avèk kè kontan, ✧paske SENYÈ a te fè yo rejwi sou lènmi yo. <sup>28</sup> Yo te vini Jérusalem avèk ap, gita yo ak twonpèt pou rive vè kay SENYÈ a. <sup>29</sup> Epi ✧lakrent Bondye te sou tout wayòm a lòt peyi yo lè yo te tandè ke SENYÈ a te goumen kont lènmi Israèl yo. <sup>30</sup> Konsa, wayòm Josaphat a te gen lapè, ✧paske Bondye li a te ba li repo tout kote. <sup>31</sup> ✧Alò, Josaphat te renye sou Juda. Li te gen laj a trann-senk ane lè l te devni wa a e li te renye Jérusalem pandan venn-senkan. Non manman l se te Azuba, fi a Schilchi a. <sup>32</sup> Li te mache nan chemen papa li, Asa, e li pa t kite li. Li te toujou fè sa ki dwat nan zye SENYÈ a. <sup>33</sup> Sepandan, ✧wo plas yo pa t retire; pèp la potko dirije kè yo vè Bondye a zansèt yo a. <sup>34</sup> Alò, tout lòt zèv a Josaphat yo, soti nan premye jis rive nan dènnye a, gade byen, yo ekri nan rejis a ✧Jéhu, fis a Hanani a, ki enskri nan Liv Wa Israèl Yo. <sup>35</sup> ✧Aprè sa, Josaphat, wa Juda a te fè alyans avèk Achazia, wa Israèl la. Li te aji mal nan fè bagay sa a. <sup>36</sup> Konsa, li te alinye li avèk li pou fè bato yo rive ✧Tarsis e yo te fè bato yo rive nan Etsjon-Guéber. <sup>37</sup> Epi Éliézer, fis a Dodava a nan Maréscha, te pwofetize kont Josaphat e te di: “Akoz ou te fè alyans avèk Achazia, SENYÈ a te detwi zèv ou yo.” Pou sa, bato yo te kraze e yo pa t kab ale Tarsis.

## 21

<sup>1</sup> ✧Alò, Josaphat te dòmi avèk zansèt li yo e li te antere avèk zansèt li yo nan vil David la e Joram, fis li a, te vin wa nan plas li. <sup>2</sup> Li Joram te gen frè: fis a Josaphat yo: Azaria, Micaël, avèk Schephathia. Tout sila yo te fis a Josaphat, wa ✧Israèl la. <sup>3</sup> Papa yo te ba yo anpil kado an ajan, lò, avèk bagay presye, ✧ avèk vil fòtifye nan Juda, men li te bay wayòm nan a Joram akòz li te premye ne. <sup>4</sup> Alò, lè Joram te fin kontwole wayòm a papa li a, li te fè pozisyon li byen solid, li te ✧touye tout frè li yo avèk nepe ak kèk nan chèf Israèl yo tou. <sup>5</sup> ✧Joram te gen trann-dezan lè l te devni wa e li te renye pandan uitan Jérusalem. <sup>6</sup> ✧Li te mache nan chemen a wa Israèl yo, menm jan avèk lakay Achab, (✧paske fi Achab la te madanm li) e li te fè mal nan zye a SENYÈ a. <sup>7</sup> Men SENYÈ a pa t vle detwi lakay David akòz akò ke Li te fè ak David la e ✧akòz Li te fè pwomès pou bay yon lanp pou li avèk fis li yo jis pou tout tan. <sup>8</sup> Pandan jou li yo, ✧Édom te fè rebèl kont otorite Juda yo e yo te etabli yon wayòm pou kont yo. <sup>9</sup> Epi Joram te travèse avèk chèf li yo ak tout cha li yo avèk li. Epi li te leve pandan nwit lan e li te touye Edomit ki te antoure li yo, avèk chèf a cha yo. <sup>10</sup> Akòz sa, Édom te fè rebèl kont Juda jis rive Jodi a. Epi Libna te fè rebèl menm lè a kont otorite li, akòz li te bliye SENYÈ a, Bondye a zansèt li yo. <sup>11</sup> Anplis, ✧li te fè wo plas nan mòn Juda yo, li te fè pèp Jérusalem nan ✧jwe pwostitisyon e li te mennen Juda nan move wout. <sup>12</sup> Epi yon lèt te vin kote li soti nan men Élie, pwofèt la, e te di: “Konsa pale SENYÈ a, Bondye a papa zansèt ou a, David: ‘Akoz ✧ ou pa t mache nan chemen a Josaphat, papa ou, ak nan chemen Asa, wa Juda a, <sup>13</sup> men, ou te mache nan chemen wa Israèl

✧ 20:27 Né 12:43 ✧ 20:29 II Kwo 14:14 ✧ 20:30 II Kwo 14:6-7 ✧ 20:31 I Wa 22:41-43  
 ✧ 20:33 II Kwo 17:6 ✧ 20:34 II Kwo 19:2 ✧ 20:35 I Wa 22:48-49 ✧ 20:36 II Kwo 9:21  
 ✧ 21:1 I Wa 22:50 ✧ 21:2 II Kwo 12:6 ✧ 21:3 II Kwo 11:5 ✧ 21:4 Jen 4:8 ✧ 21:5 II Wa  
 8:17-22 ✧ 21:6 I Wa 12:28-30 ✧ 21:6 II Kwo 18:1 ✧ 21:7 II Sam 7:12-17 ✧ 21:8 II Kwo  
 20:22-23 ✧ 21:11 I Wa 11:7 ✧ 21:11 Lev 20:5 ✧ 21:12 II Kwo 17:3-4

yo e ou te fè Juda avèk pèp Jérusalem nan jwe pwostitisyon, ✧jan lakay Achab te jwe pwostitisyon an e anplis, ou te touye frè ou yo, pwòp fanmi pa w, ki te pi bon pase ou, <sup>14</sup> men gade, SENYÈ a va frape pèp ou a, fis ou yo, madanm ou yo ak tout byen ou yo avèk gwo malè. <sup>15</sup> ✧Ou va vin soufri yon maladi ki rèd, yon maladi zantray ou, jiskaske, jou apre jou, zantray ou va vin sòti akòz maladi a.’” <sup>16</sup> Epi SENYÈ a te ✧boulvèse lespri Filisten yo kont Joram, ansanm ak Arab ki te nan lizyè Etyopyen yo. <sup>17</sup> Yo te vini kont Juda pou te atake li, e yo te fè pote ale tout posesyon ke yo te jwenn lakay wa a, ansanm avèk fis li yo, ak madanm li yo, jiskaske pa t gen fis ki te rete pou li, sof ✧Joachaz, pi piti nan fis li yo. <sup>18</sup> Konsa, apre tout bagay sa a, SENYÈ a te frape li ✧nan zantray li avèk yon maladi ki pa t kab geri. <sup>19</sup> Alò, li te vin rive pandan tan pase, nan fen dezan, ke zantray li te sòti akòz maladi li a e li te mouri avèk gwo doulè. Epi pèp li a pa t fè dife pou li tankou ✧dife yo te fè pou papa zansèt li yo. <sup>20</sup> Li te gen trann-dezan lè l te vin wa e li te renye Jérusalem pandan uitan. Lè l te mouri li te ✧san regrè a pèsòn. Yo te antere li lavil David, ✧men pa nan tonm a wa yo.

## 22

<sup>1</sup> Pèp Jérusalem la te fè ✧Achazia, pi piti fis li a, wa nan plas li, akòz bann mesye ki te vini ak Arab yo nan kan an te touye tout pi gran yo. Konsa Achazia, fis a Joram nan, wa Juda a te kòmanse renye. <sup>2</sup> Achazia te gen venn-dezan lè l te devni wa a e li te renye 1 nan Jérusalem. Epi non manman l te Athalie, pitit pitit a Omri. <sup>3</sup> Li menm tou te mache nan chemen lakay Achab yo, paske manman li te konseye li pou fè mal. <sup>4</sup> Li te fè mal nan zye SENYÈ a tankou Achab, paske yo te konseye li apre lanmò papa l, jiskaske sa te fin detwi li. <sup>5</sup> Li te osi mache selon konsèy pa yo e te ale avèk Joram, fis a Achab la, wa Israèl la pou fè lagè kont Hazaël, wa Syrie a nan Ramoth-Galaad. Men ✧Siryen yo te blese Joram. <sup>6</sup> Pou sa, li te retounen pou geri nan Jizreel akòz blese ke yo te ba li nan Rama yo, lè li te fin goumen kont Hazaël, wa Syrie a. Epi Achazia, fis a Joram nan, wa Juda a, te desann pou wè Joram, fis a Achab la Jizreel, akòz li te malad. <sup>7</sup> Alò, destriksyon Achazia te sòti nan Bondye akòz li te ale kote Joram. Paske, lè l te desann, li te sòti avèk Joram kont Jéhu, fis a Nimschi a, ✧ke SENYÈ a te chwazi pou detwi lakay Achab. <sup>8</sup> ✧Li te vin rive ke lè Jéhu t ap egzekite jijman sou lakay Achab la, li te twouve chèf a Juda yo avèk fis a frè Achazia ki t ap sèvi Achazia yo e li te touye yo. <sup>9</sup> ✧Anplis, li te chache Achazia, yo te kenbe li pandan li te kache Samarie a. Yo te mennen li kote Jéhu, yo te mete li a lanmò, e te antere li. Paske, yo te di: “Li se fis a Josaphat, ki te chache SENYÈ a ak tout kè li a.” Konsa, pa t gen moun lakay Achazia pou te kenbe pouvwa wayòm nan. <sup>10</sup> ✧Alò lè Athalie, manman Achazia a, te wè ke fis li a te mouri, li te leve e te detwi tout pitit wa lakay Juda yo. <sup>11</sup> Men Joschabeath, fi a wa a te pran fis a Achazia a e te rache li soti nan mitan fis a wa a ke yo t ap touye yo e li te plase li avèk nouris li nan chanm dòmi an. Konsa, Joschabeath, fi a Wa Joram nan, madanm a Jehojada, prèt la (paske li te sè Achazia), li te kache li pou Athalie pa t kab mete l a lanmò.

✧ 21:13 I Wa 16:31-33 ✧ 21:15 II Kwo 21:18-19 ✧ 21:16 II Kwo 17:11 ✧ 21:17 II Kwo 25:23  
 ✧ 21:18 II Kwo 21:15 ✧ 21:19 II Kwo 16:14 ✧ 21:20 Jr 22:18-28 ✧ 21:20 II Kwo 24:25  
 ✧ 22:1 II Wa 8:24-29 ✧ 22:5 II Wa 8:28 ✧ 22:7 II Wa 9:6-7 ✧ 22:8 II Wa 10:11-14 ✧ 22:9  
 II Wa 9:27 ✧ 22:10 II Wa 11:1-3

12 Li te kache yo lakay SENYÈ a pandan sizan pandan Athalie t ap renye sou peyi a.

## 23

1 ✨Alò, nan setyèm ane, Jehojada te ranfòse tèt li e te pran chèf a dè santèn yo: Azaria, fis a Obed la, Maaséja, fis a Adaja a ak Élishaphath, fis a Zicri a; epi yo te antre nan yon akò avèk li. 2 Yo te ale toupatou nan Juda pou te rasanble Levit soti nan tout vil Juda yo ak chèf lakay zansèt ✨Israël yo e yo te vini Jérusalem. 3 Epi tout asanble a te fè yon akò avèk wa a nan kay Bondye a. Epi Jehojada te di yo: “Gade byen, fis a wa a va renye, ✨jan SENYÈ a te pale pa fis a David yo. 4 Sa se bagay ke ou va fè: yon tyè nan nou, nan prèt avèk Levit ✨ki antre nan Saba yo, va sèvi kòm gadyen pòtay, 5 Epi yon tyè va kote lakay wa a e yon tyè kote Pòtay Fondasyon an; epi tout pèp la va nan lakou lakay SENYÈ a. 6 Men pa kite pèsòn antre lakay SENYÈ a, sof ke prèt avèk ✨Levit k ap fè sèvis yo; yo kab antre, paske yo sen. Epi kite tout pèp la kenbe règleman a SENYÈ a. 7 Levit yo va antoure wa a, chak mesye yo avèk zam yo nan men yo; epi nenpòt moun ki antre nan kay la, fòk li mouri. Konsa l ap ye avèk wa a lè l antre ak lè l sòti. 8 Konsa, Levit yo avèk tout Juda te fè selon tout sa ke Jehojada, prèt la, te kòmande yo a. Epi yo chak te pran mesye pa yo ki te gen pou antre anndan nan Saba a, avèk sila ki t ap sòti nan Saba yo, paske Jehojada, prèt la, pa t fè eksepsyon pou okenn nan ✨divizyon sòlda yo. 9 Epi Jehojada, prèt la, te bay a chèf dè santèn yo lans avèk gwo ak ti boukliye defans, ki te konn pou Wa David, ki te lakay Bondye a. 10 Li te estasyone tout pèp la, chak mesye yo avèk zam yo nan men yo, sòti nan kote dwat kay la jis rive nan kote goch kay la, toupren lotèl la, toupren kay la, antoure wa a nèt. 11 Epi yo te mennen fè parèt fis a wa a, yo te mete kouwòn nan sou li, yo te ba li ✨temwayaj pou te fè l wa. Epi Jehojada avèk fis li yo te onksyone li, e yo te di ansanm: “Viv wa a!” 12 Lè Athalie te tandè bwi a pèp la ki t ap kouri e bay lwanj a wa a, li te antre lakay SENYÈ a kote pèp la. 13 Li te gade e vwala, wa a te kanpe akote pilye li nan antre a e chèf yo avèk mesye twonpèt yo te akote wa a. Epi tout pèp peyi a te rejwi, te soufle twonpèt yo e chantè avèk enstriman yo te dirije lwanj lan. Epi Athalie te chire rad li, e te di: “Trayizon! Trayizon!” 14 Jehojada, prèt la te mennen fè sòti chèf a dè santèn ki te chwazi sou lame yo e te di yo: “Mennen li deyò antre ranje yo; epi nenpòt moun ki swiv li, mete li a lanmò avèk nepe.” Paske prèt la te di: “Pa kite li mouri lakay SENYÈ a.” 15 Konsa, yo te sezi li e lè li te rive kote antre ✨Pòtay Cheval la, lakay wa a, yo te mete li a lanmò la. 16 Epi ✨Jehojada te fè yon akò antre li menm avèk tout pèp la e avèk wa a, pou yo ta pèp a SENYÈ a. 17 Epi tout pèp la te ale kote kay Baal la e yo te chire l, yo te kase an mòso lotèl li yo avèk imaj li yo e yo te ✨touye Matthan, prèt Baal la devan lotèl yo. 18 Anplis, Jehojada te mete ofisye lakay SENYÈ yo anba otorite prèt Levit yo, ✨ke David te chwazi sou lakay SENYÈ a, pou ofri ofrann brile a SENYÈ, jan sa ekri nan lalwa Moïse la—avèk anpil rejwisans ak chante selon lòd a David la. 19 Li te estasyone ✨gadyen pòtay yo lakay SENYÈ a, pou pèsòn pa t kab antre si, pou nenpòt

✨ 23:1 II Wa 11:4-20 ✨ 23:2 II Kwo 11:13-17 ✨ 23:3 II Sam 7:12 ✨ 23:4 I Kwo 9:25 ✨ 23:6 I Kwo 23:28-32 ✨ 23:8 I Kwo 24:1 ✨ 23:11 Egz 25:16-21 ✨ 23:15 Né 3:28 ✨ 23:16 II Wa 11:17 ✨ 23:17 Det 13:6-9 ✨ 23:18 I Kwo 23:6 ✨ 23:19 I Kwo 9:22

rezon li pa t pwòp. <sup>20</sup> ✧Li te pran chèf a dè santèn yo, moun enpòtan yo, moun ki te gouvène pèp la, tout pèp peyi a e yo te mennen wa a desann soti lakay SENYÈ a pou te antre pa wo pòtay la pou antre lakay wa a. Epi yo te mete wa a sou twòn wayal la. <sup>21</sup> Konsa, ✧tout pèp peyi a te rejwi e vil la te vin kalm. Paske, yo te mete Athalie a lanmò avèk nepe.

## 24

<sup>1</sup> ✧Joas te gen laj setan lè l te devni wa e li te renye pandan karantan Jérusalem; epi non manman li te Tsibja soti nan Beer-Schéba. <sup>2</sup> ✧Joas te fè sa ki te bon nan zye SENYÈ a pandan tout jou a Jehojada yo, prèt la. <sup>3</sup> Jehojada te pran de madanm pou li e li te vin papa a fis ak fi. <sup>4</sup> Li te vin rive apre sa ke Joas te pran desizyon pou ✧restore lakay SENYÈ a. <sup>5</sup> Li te rasanble prèt yo avèk Levit yo, e li te di yo: “Ale antre nan tout vil Juda yo e rekeyi lajan pami tout ✧Israël pou repare lakay SENYÈ nou an chak ane; epi fè sa byen vit.” Men Levit yo pa t ajè avèk vitès. <sup>6</sup> Akoz sa, wa a te rele Jehojada, chèf prèt la e te mande li: “Poukisa nou pa t egzije Levit yo pou pote soti Juda avèk Jérusalem ✧taks etabli pa Moïse la, sèvitè SENYÈ a sou asanble Israël la pou tant temwayaj la?” <sup>7</sup> Paske ✧fis a Athalie yo, ki te tèlman mechan, te antre lakay Bondye a e menm te sèvi ak bagay sen nan kay yo pou sèvi Baal. <sup>8</sup> Konsa, wa a te pase lòd e ✧yo te fè yon bwat kès pou te mete li deyò akote pòtay lakay SENYÈ a. <sup>9</sup> ✧Yo te fè yon pwoklamasyon nan Juda avèk Jérusalem pou pote bay SENYÈ a, taks Moïse la, sèvitè Bondye a, ki te etabli nan dezè a pou Israël la. <sup>10</sup> Tout ofisye yo avèk tout pèp la te rejwi, yo te pote taks pa yo e yo te depoze yo nan kès la jiskaske yo te fini. <sup>11</sup> Li te vin rive ke nenpòt lè Levit yo te pote kès la anndan kote ofisye wa a yo e lè ✧yo te wè ke te gen anpil lajan, ke grefye a wa a avèk ofisye a chèf prèt la te vin vide kès la, pran l e remete li nan plas li. Konsa, yo te fè chak jou e yo te rekeyi anpil lajan. <sup>12</sup> Wa a avèk Jehojada te bay li a sila ki te fè travay nan sèvis lakay SENYÈ a; epi yo te anplwaye mason avèk chapant pou restore lakay SENYÈ a, ak ouvriye fè avèk bwonz pou repare lakay SENYÈ a. <sup>13</sup> Konsa, ouvriye yo te travay, èv reparasyon an te avanse nan men yo. Epi yo te restore lakay Bondye a selon plan li e yo te ranfòse li. <sup>14</sup> Lè yo te fini, yo te mennen rès lajan an devan wa a avèk Jehojada. Li te fonn pou fè zouti pou lakay SENYÈ a, zouti pou sèvis la ak ofrann brile a, avèk po ak zouti an lò avèk ajan. Epi yo te ofri ofrann brile yo lakay SENYÈ a san rete pandan tout jou a Jehojada yo. <sup>15</sup> Alò, lè Jehojada te rive a yon gwo laj byen mi, li te vin mouri. Li te gen san-trantan lè l te mouri. <sup>16</sup> Yo te antere li ✧lavil David pami wa yo akoz li te fè byen an Israël ni pou Bondye, ni pou lakay Li a. <sup>17</sup> Men apre lanmò Jehojada, ofisye Juda yo te vini bese ba devan wa a e wa a te koute yo. <sup>18</sup> Yo te abandone lakay SENYÈ a, Bondye a zansèt yo a pou te ✧sèvi Asherim yo avèk zidòl yo. Konsa, ✧lakòlè SENYÈ a te desann sou Juda avèk Jérusalem akoz koupabilite sa a. <sup>19</sup> Malgre sa, ✧Li te voye pwofèt yo kote yo pou mennen yo retounen a SENYÈ a. Sepandan, yo te fè temwayaj kont yo, yo te refize koute yo. <sup>20</sup> ✧Alò Lespri Bondye a te vini sou Zacharie,

✧ 23:20 II Wa 11:19 ✧ 23:21 II Wa 11:20 ✧ 24:1 II Wa 11:21 ✧ 24:2 II Kwo 26:4-5 ✧ 24:4 II Kwo 24:7 ✧ 24:5 II Kwo 21:2 ✧ 24:6 Egz 30:12-16 ✧ 24:7 II Kwo 21:17 ✧ 24:8 II Wa 12:9 ✧ 24:9 II Kwo 36:22 ✧ 24:11 II Wa 12:10 ✧ 24:16 II Kwo 21:20 ✧ 24:18 Egz 34:12-14 ✧ 24:18 Jos 22:20 ✧ 24:19 Jr 7:25 ✧ 24:20 II Kwo 20:14

fis a Jehojada a, prèt la. Epi li te kanpe anwo pèp la, e te pale yo: Konsa Bondye te di: ‘Poukisa nou vyole kòmandman a SENYÈ la e akoz sa nou pa reyisi? ✧Akoz nou te abandone SENYÈ a, Li menm, osi, te abandone nou.’” <sup>21</sup> Pou sa, ✧yo te fè konplo kont li, sou kòmand a wa a, yo te lapide li jiska lanmò nan lakou lakay SENYÈ a. <sup>22</sup> Konsa, Joas pa t sonje bonte ke papa li, Jehojada te montre li a, ✧men li te touye fis li. Epi pandan li t ap mouri, li te di: “Ke SENYÈ a wè e fè revandikasyon!” <sup>23</sup> Alò, li te vin rive nan fen ane ke ✧lame Siryen yo te monte kont li; epi yo te vini Juda avèk Jérusalem, yo te detwi tout ofisyè a pèp la soti pami pèp la e te voye tout piyaj la kote wa a Damas la. <sup>24</sup> Anverite, lame Siryen an te vini avèk yon ti kantite moun; sepandan, ✧SENYÈ a te livre yon trè gwo lame nan men yo, paske yo te abandone SENYÈ a, Bondye a zansèt yo a. Konsa, yo te egzekite jijman sou Joas. <sup>25</sup> ✧Lè yo te kite Joas, (akoz yo te kite li byen malad), pwòp sèvitè li yo te fè konplo kont li akoz san a fis Jehojada a, prèt la e yo te asasine li sou kabann li an. Konsa, li te mouri e yo te antere li lavil David la, men yo pa t antere li nan tonm a wa yo. <sup>26</sup> Alò, sa yo se sila ki te fè konplo kont li yo: Zabad, fis a Schimeath la, Amonit lan, ak Jozabad, fis a Schimrith la, Moabit la. <sup>27</sup> Konsènan fis li yo, tout pawòl madichon kont li yo ak rekonstriksyon lakay Bondye a, gade byen, yo ekri nan ✧istwa Liv A Wa Yo. Epi Amatsia, fis li a, te vin wa nan plas li.

## 25

<sup>1</sup> ✧Amatsia te gen laj a venn-senkan lè l te devni wa e li te renye ventnevan Jérusalem. Epi non manman li te Joaddan nan Jérusalem. <sup>2</sup> Li te fè sa ki dwat nan zye SENYÈ a, ✧sepandan, pa avèk tout kè l. <sup>3</sup> Alò, ✧li te vin rive depi wayòm nan te byen solid nan men l, ke li te touye sèvitè li yo ki te touye papa li, wa a. <sup>4</sup> Sepandan, li pa t touye pitit yo, men li te swiv sa ki ekri nan lalwa nan liv Moïse la, ke SENYÈ a te kòmande, e te di: ✧“Papa yo p ap mete a lanmò pou fis yo, ni fis yo p ap mete a lanmò pou papa yo, men chak moun va mete a lanmò pou pwòp peche pa l.” <sup>5</sup> Anplis, Amatsia te rasanble Juda e li te chwazi yo selon lakay papa yo anba chèf a dè milye e chèf a dè santèn toupatou nan Juda avèk Benjamin; epi li te pran kontwòl global a sila ✧soti nan ventan oswa plis yo e li te twouve yo a twa-san-mil mesye, byen chwazi pou fè lagè ak manyen lans ak pwotèj. <sup>6</sup> Li te anplwaye osi san-mil gèye plen kouraj ki sòti an Israèl pou san talan ajan. <sup>7</sup> Men yon ✧nonm Bondye te rive kote li e te di: “O Wa, pa kite lame Israèl la ale avèk ou, paske SENYÈ a pa avèk Israèl, ni avèk okenn nan fis Éphraïm yo. <sup>8</sup> Men si ou ale, fè li avèk fòs pou batay la; sepandan Bondye va rale ou desann devan lènmi yo, ✧paske Bondye gen pouvwa pou ede e pou desann.” <sup>9</sup> Amatsia te di a nonm Bondye a: “Men kisa n ap fè pou afè san talan ke m te bay a sòlda Israèl yo?” Epi nonm Bondye a te di: ✧“Senyè a gen bokou plis pou bay pase sa.” <sup>10</sup> Epi Amatsia te voye yo ale, sòlda ki te rive kote li soti Éphraïm yo, pou rive lakay yo; jiskaske kòlè yo te brile kont Juda e yo te retounen lakay ak gwo kòlè. <sup>11</sup> Alò, Amatsia te ranfòse tèt li, li te mennen pèp li a sòti, li te ale nan ✧Vale Sèl la e te frape de-san-di-mil nan fis a Séir yo. <sup>12</sup> Fis a Juda yo, anplis, te kaptire di-mil tou

✧ 24:20 II Kwo 15:2 ✧ 24:21 Né 9:26 ✧ 24:22 Jen 9:5 ✧ 24:23 II Wa 12:17 ✧ 24:24 II Kwo 16:7-8 ✧ 24:25 II Wa 12:20-21 ✧ 24:27 II Kwo 13:22 ✧ 25:1 II Wa 14:1-6 ✧ 25:2 II Kwo 25:14 ✧ 25:3 II Wa 14:5 ✧ 25:4 Det 24:16 ✧ 25:5 Nonb 1:3 ✧ 25:7 II Wa 4:9 ✧ 25:8 II Kwo 14:11 ✧ 25:9 Det 8:18 ✧ 25:11 II Wa 14:7

vivan, yo te mennen yo anwo pwent falèz la e te jete yo anba soti anwo falèz la, jiskaske yo tout te kraze chire an mòso. <sup>13</sup> Men sòlda ke Amatsia te voye retounen pou yo pa ale nan batay la avèk li yo, yo te atake vil a Juda yo, soti Samarie jis rive Beth-Horon, yo te frape twa-mil nan yo e te piyaje anpil byen yo. <sup>14</sup> Alò, lè Amatsia te sòti nan masak Edomit yo, li te pote dye a fis a Séir yo, li te pozisyone yo tankou dye pa li, li te bese ba devan yo e te brile lansan a yo menm. <sup>15</sup> Epi lakòlè Bondye te brile kont Amatsia, e Li te voye pwofèt Li ki te di l: “Poukisa ou te chache dye a pèp \*ki pa t kab delivre pwòp pèp pa yo nan men ou?” <sup>16</sup> Pandan li t ap pale avèk li, wa a te di li: “Èske nou te chwazi ou menm kòm konseye wayal? Rete! Poukisa w ap chache mouri?” Epi pwofèt la te rete, e te di: “Mwen konnen ke Bondye te fè plan pou detwi ou, paske ou te fè bagay sa a e pa t koute konsèy mwen.” <sup>17</sup> Alò, Amatsia, wa Juda a te pran konsèy e te voye kote Joas, fis a Joachaz la, fis a Jéhu a, wa Israël la, e te di: “Vini, annou parèt fasafas.” <sup>18</sup> Joas, wa Israël la te voye kote Amatsia, wa Juda a, e te di: \*Bwa pikan ki te Liban an te voye kote bwa sèd ki te Liban an, e te di: ‘Bay fi ou a fis mwen nan maryaj.’ Men yon bèt sovaj te pase akote yon bèt sovaj ki te nan Liban e te foule bwa pikan an. <sup>19</sup> Ou te di: ‘Gade byen, ou te bat Édòm.’ Epi \*kè ou vin plen ak ògèy e anfle. Alò, rete lakay ou; paske poukisa ou ta pwovoke twoub pou tèt ou, jiskaske ou menm, ou ta tonbe e Juda avèk ou?” <sup>20</sup> Men Amatsia pa t ap koute, paske sa te soti nan Bondye, ki ta livre yo nan men Joas akoz yo te chache dye Édòm yo. <sup>21</sup> Konsa, Joas, wa Israël la te monte e li menm avèk Amatsia, wa Juda a te fè fasafas nan Beth-Schémesch, ki te pou Juda a. <sup>22</sup> Juda te bat pa Israël e yo chak te kouri nan pwòp tant yo. <sup>23</sup> Alò, Joas, wa Israël la te kaptire Amatsia, wa Juda a, fis a Joas la, fis a \*Joachaz la, nan Beth-Schémesch, li te mennen li Jérusalem e li te chire miray Jérusalem nan soti nan Pòtay Éphraïm nan jis rive nan Pòtay Kwen an, kat-san koude nan longè. <sup>24</sup> Li te pran tout lò avèk ajan ak tout zouti ki te twouve lakay Bondye a avèk \*Obed-Édom ak trezò lakay wa a, ansanm avèk prizonye yo e te retounen Samarie. <sup>25</sup> Epi Amatsia, fis a Joas la, wa Juda a, te viv kenzan apre lanmò Joas, fis a Joachaz la, wa Israël la. <sup>26</sup> Alò, tout lòt zèv a Amatsia yo, soti nan premye a jis rive nan dènye a, men gade, èske yo pa ekri nan Liv A Wa Juda Avèk Israël yo? <sup>27</sup> Depi lè ke Amatsia te vire kite SENYÈ a, yo te fè konplo kont li Jérusalem e li te sove ale Lakis; men, yo te voye dèyè li Lakis e te touye li la. <sup>28</sup> Epi yo te mennen li sou cheval e te antere li avèk zansèt li yo lavil Juda.

## 26

<sup>1</sup> Epi tout pèp Juda a te pran Ozias, ki te genyen laj a sèzan e te fè li wa nan plas a papa li, Amatsia. <sup>2</sup> Li te bati Élath e te restore li pou Juda apre wa a te dòmi avèk zansèt li yo. <sup>3</sup> Ozias te gen \*sèzan lè l te devni wa a e li te renye pandan senkann-dezan Jérusalem; epi non manman li te Jecolia, nan Jérusalem. <sup>4</sup> Li te fè sa ki bon nan zye a SENYÈ a selon tout sa ke papa li, Amatsia te konn fè. <sup>5</sup> \*Li te kontinye chache Bondye nan tout jou a Zacharie yo, \*ki te gen konprann selon vizyon Bondye; epi pandan tout tan li t ap chache SENYÈ a, Bondye te fè l reyisi. <sup>6</sup> Alò, li te sòti pou fè

\* 25:15 II Kwo 25:11-12    \* 25:17 II Wa 14:8-14    \* 25:18 Jij 9:8-15    \* 25:19 II Kwo 26:16  
 \* 25:23 II Kwo 21:17    \* 25:24 I Kwo 26:15    \* 25:25 II Wa 14:17-22    \* 26:3 II Wa 15:2-3  
 \* 26:5 II Kwo 24:2    \* 26:5 Dan 1:17



✧lagè kont Filisten yo, li te kraze miray a Gath la, miray a Jabné a, miray a Asdod la e li te bati vil nan anviwon Asdod pami Filisten yo. <sup>7</sup> ✧Bondye te ede li kont Filisten yo e kont Arab ki te rete Gur-Baal yo, avèk Maonit yo. <sup>8</sup> Epi Amonit yo osi te peye ✧taks obligatwa a Ozias e rekonesans li te rive jis nan lizyè Égypte, paske li te vin pwisan anpil. <sup>9</sup> Anplis, Ozias te bati fò Jérusalem yo nan ✧Pòtay Kwen an, nan Pòtay Vale a ak nan kwen pilye a pou ranfòse yo toujou. <sup>10</sup> Li te bati fò nan dezè yo e li te ✧fouye anpil sitèn, paske li te gen anpil bèt, ni nan ba plèn nan, ni nan gran plèn nan. Anplis, li te genyen labourè yo avèk moun pou pran swen chan rezen nan peyi ti mòn yo ak nan chan bon tè yo, paske li te renmen latè anpil. <sup>11</sup> Anplis, Ozias te gen yon lame parèt pou batay, ki te antre nan konba a pa divizyon yo selon nimewo pa yo, prepare pa Jeïel, sekretè a, avèk Maaséja, ofisyè a, anba direksyon a Hanania, youn nan ofisyè wa yo. <sup>12</sup> Nonb total a chèf lakay yo, a gèye plen kouraj yo te de-mil-sis-san. <sup>13</sup> Anba direksyon pa yo, te gen yon lame elit de ✧twa-san-mil-senk-san ki te kapab fè lagè avèk gwo pouvwa, pou bay wa a soutyen kont lènmi an. <sup>14</sup> Anplis, Ozias te prepare pou tout lame a boukliye defans yo, lans yo, kas yo, abiman defans kò yo, banza yo ak wòch fistibal yo. <sup>15</sup> Nan Jérusalem, li te fè gwo machin lagè envante pa moun gwo kapasite pou plase sou fò yo pou tire flèch avèk gwo wòch. Pou tout sa, rekonesans li te gaye byen lwen, paske li te resevwa gwo èd jiskaske li te vin byen pwisan. <sup>16</sup> Men lè l te vin fò, kè li te vin plen ògèy, li te aji konwonpi e li pa t fidèl a SENYÈ a, Bondye li a, paske ✧li te antre nan tanp SENYÈ a pou brile lansan sou lotèl lansan an. <sup>17</sup> Epi ✧Azaria, prèt la, te antre dèyè li avèk katreven prèt SENYÈ a, mesye ki te plen kouraj. <sup>18</sup> ✧Yo te opoze a Ozias, wa a e yo te di li: “Se pa ou menm, Ozias, ki pou brile lansan a SENYÈ a, ✧men se prèt yo, fis a Aaron ki konsakre pou brile lansan. Sòti nan sanktyè a, paske ou te manke fidèl e ou p ap twouve lonè devan SENYÈ a, Bondye a.” <sup>19</sup> Men Ozias, avèk veso lansan an nan men l pou brile lansan an, te anraje; epi pandan li te anraje avèk prèt yo, ✧lalèp te pete sou fon li devan prèt yo lakay SENYÈ a, akote lotèl lansan an. <sup>20</sup> Azaria, chèf prèt la avèk tout lòt prèt yo te gade li e vwala, li te gen lalèp sou fon li. Epi yo te fè l sòti la byen vit e li menm tou, li te fè vit sòti akòz SENYÈ a te frape li. <sup>21</sup> ✧Wa Ozias te rete yon moun lalèp jis rive nan jou li te mouri an. Li te rete nan yon kay apa, akòz lalèp la, paske li te entèdi antre lakay SENYÈ a. Konsa, Jotham, fis li a te lakay wa a pou te jije pèp peyi a. <sup>22</sup> Alò, tout rès zèv a Ozias yo, soti nan premye a jis rive nan dènye a, pwofèt ✧Ésaïe, fis a Amots la, te ekri yo. <sup>23</sup> Konsa, Ozias te dòmi avèk zansèt li yo e yo te antere li avèk papa zansèt li yo ✧nan chan akote tonm ki te pou wa yo, paske yo te di: “Li gen lalèp”. Epi Jotham, fis li a, te devni wa nan plas li.

## 27

<sup>1</sup> ✧Jotham te gen laj venn-senkan lè l te devni wa a e li te renye sèzan Jérusalem. Non manman li te Jeruscha, fis a Tsadok la. <sup>2</sup> Li te fè sa ki dwat nan zye SENYÈ a, selon tout sa ke papa Ozias te konn fè; ✧sependan, li pa t

✧ 26:6 És 14:29 ✧ 26:7 II Kwo 21:16 ✧ 26:8 II Kwo 17:11 ✧ 26:9 II Kwo 25:23 ✧ 26:10 Jen 26:18-21 ✧ 26:13 II Kwo 25:5 ✧ 26:16 I Wa 13:1-4 ✧ 26:17 I Kwo 6:10 ✧ 26:18 II Kwo 19:2 ✧ 26:18 Egz 30:7-8 ✧ 26:19 II Wa 5:25-27 ✧ 26:21 II Wa 15:5-7 ✧ 26:22 És 1:1 ✧ 26:23 II Kwo 21:20 ✧ 27:1 II Wa 15:33-35 ✧ 27:2 II Kwo 26:16

antre nan tanp SENYÈ a. Men pèp la te kontinye aji konwonpi. <sup>3</sup> Li te bati pòtay pi wo lakay SENYÈ a e li te bati anpil menm sou ✧miray Ophel la. <sup>4</sup> Anplis, li te bati ✧vil nan peyi ti mòn a Juda yo e li te bati fò avèk fòterès sou ti mòn ki te bwaze yo. <sup>5</sup> Li te goumen, osi, avèk wa a Amonit yo e li te genyen yo jiskaske Amonit yo te ba li nan menm ane sa a, san talan an ajan, di-mil barik ble ak di-mil barik lòj. Amonit yo te peye li menm fòs sa a nan dezyèm ak twazyèm ane a. <sup>6</sup> ✧Akoz sa, Jotham te vin trè pwisan akoz li te fè afè li an lòd devan SENYÈ a, Bondye li a. <sup>7</sup> ✧Alò, tout lòt zèv a Jotham yo, menm tout gè li yo avèk zèv li yo, gade byen, yo ekri nan Liv A Wa Israèl Avèk Juda Yo. <sup>8</sup> Li te gen ✧venn-senkan lè l te vin wa e li te renye sèzan Jérusalem. <sup>9</sup> Konsa, Jotham te dòmi avèk papa zansèt li yo e yo te antere li lavil David. Epi Achaz, fis li a, te devni wa nan plas li.

## 28

<sup>1</sup> ✧Achaz te gen laj a ventan lè l te devni wa e li te renye sèzan Jérusalem; epi li pa t fè sa ki bon nan zye SENYÈ a, jan David, papa zansèt li a, te konn fè a. <sup>2</sup> Men li te mache nan chemen a wa Israèl yo. Anplis, li te ✧fè imaj fonn pou Baal yo. <sup>3</sup> ✧Li te brile lansan nan vale Ben-Hinnon e li te ✧brile fis li yo nan dife, selon abominasyon a nasyon ke SENYÈ a te chase mete deyò devan fis Israèl yo. <sup>4</sup> Li te fè sakrifis e te ✧brile lansan sou wo plas yo, sou ti mòn yo e anba chak bwa vèt. <sup>5</sup> Pou sa, ✧SENYÈ a, Bondye li a, te livre li nan men a wa Syrie a. Epi yo te bat li e te pote ale de li yon gran kantite kaptif pou te fè yo rive Damas. Li te anplis livre nan men a wa Israèl la ki te aflije li avèk anpil moun mouri. <sup>6</sup> Paske ✧Pékach, fis a Remalia a, te touye nan Juda, pandan yon sèl jou, san-ven-mil òm, tout mesye ki plen kouraj yo, akoz yo te abandone SENYÈ a, Bondye a papa zansèt yo. <sup>7</sup> Epi Zicri yon nonm pwisan nan Éphraïm, te touye Maaséja, fis a wa a avèk Azrikam, chèf a kay wayal la e Elkana, dezyèm apre wa a. <sup>8</sup> ✧Fis Israèl yo te pote ale an kaptivite pami frè yo de-san-mil fanm Judah, fis ak fi; epi yo te pran osi anpil piyaj ki sòti nan yo e te mennen piyaj la Samarie. <sup>9</sup> Men yon pwofèt a SENYÈ a ki te rele Oded, te la; epi ✧li te sòti deyò pou rankontre lame ki te vini Samarie a e li te di yo: “Gade byen, paske SENYÈ a zansèt nou yo ✧te fache avèk Juda, Li te livre yo nan men nou e nou te touye yo ak gwo laraj ki te rive jis nan syèl la. <sup>10</sup> Alò, nou ap pwopoze pou fè pou kont nou, pèp a Juda avèk Jérusalem yo ✧vin soumèt kòm esklav mal ak femèl. Anverite, èske nou menm pa gen transgresyon pou kont nou kont SENYÈ a, Bondye nou an? <sup>11</sup> Alò, pou sa, koute mwen e remèt kaptif ke nou te fè prizonye pami frè nou yo, ✧paske, kòlè SENYÈ a byen cho kont nou.” <sup>12</sup> Alò, kèk nan chèf a fis Éphraïm yo—Azaria, fis a Jochanan nan, Bérékia, fis a Meschillémoth la, Ezéchias, fis a Schallum nan e Amasa, fis a Hadlaï a—te leve kont sila ki t ap retounen soti nan batay la. <sup>13</sup> Epi yo te di yo: “Fòk nou pa mennen kaptif yo anndan isit la, paske nou ap tante mennen sou nou koupabilite kont SENYÈ a, ki va ogmante peche nou avèk koupabilite nou. Paske, koupabilite nou vin tèlman gran ke kòlè Li vin kont Israèl.” <sup>14</sup> Pou sa, mesye ki t ap pote zam yo te kite kaptif yo avèk

✧ 27:3 II Kwo 33:14 ✧ 27:4 II Kwo 11:5 ✧ 27:6 II Kwo 26:5 ✧ 27:7 II Wa 15:36 ✧ 27:8 II Kwo 27:1 ✧ 28:1 II Wa 16:2-4 ✧ 28:2 Egz 34:17 ✧ 28:3 Jos 15:8 ✧ 28:3 Lev 18:21 ✧ 28:4 II Kwo 28:25 ✧ 28:5 II Kwo 24:24 ✧ 28:6 II Wa 16:5 ✧ 28:8 Det 28:25-41 ✧ 28:9 II Kwo 25:15 ✧ 28:9 És 47:6 ✧ 28:10 Lev 25:39 ✧ 28:11 Jc 2:13

piyaj la devan ofisye yo avèk tout asanble a. <sup>15</sup> Epi mesye ki te chwazi pa non yo te leve, pran kaptif yo, yo te mete rad ki sòti nan piyaj la sou sila ki te toutouni yo. Epi yo te bay yo rad avèk sandal, yo te bay yo manje e te ✧bay yo bwè, yo te onksyone yo avèk lwil. Yo te mennen tout sila ki te fèb yo sou bourik e te fè yo rive Jéricho, ✧vil palmis yo, kote frè yo. Konsa, yo te retounen Samarie. <sup>16</sup> ✧Nan lè sa a, Wa Achaz te voye kote wa Asiryen yo pou jwenn soutyen. <sup>17</sup> ✧ Paske ankò, Edomit yo te vin atake Juda e te mennen yo sòti kaptif. <sup>18</sup> ✧Filisten yo osi te atake vil nan ba plèn yo avèk Negev nan Juda e te pran Beth-Schemesch, Ajalon, Guedéroth, Soco avèk vil pa li yo, Thimna avèk vil pa li yo e Guimzo avèk vil pa li yo; epi yo te vin abite la. <sup>19</sup> Paske SENYÈ a te imilye Juda akoz Achaz, wa ✧Israël la. Paske, li te fè rive yon mank de lòd nan Juda e te manke fidèl anpil a SENYÈ a. <sup>20</sup> Pou sa, ✧Tilgath-Piléser, wa Assyrie a te vini kont li e te aflije li olye de ranfòse li. <sup>21</sup> ✧Sepandan, Achaz te pran yon pòsyon sòti nan kay SENYÈ a e sòti nan palè wa a ak chèf yo pou te bay li a wa Assyrie a; sa pa t ede li. <sup>22</sup> Alò, nan tan gwo pwoblèm pa li, menm Wa Achaz sila a ✧te vin peche plis devan SENYÈ a. <sup>23</sup> ✧Paske, li te fè sakrifis a lòt dye Damas yo ki te bat li yo, e li te di: ✧“Akoz dye a wa Syrie yo te ede yo, mwen va fè sakrifis a yo pou yo kab ede mwen.” Men yo te koze chit li avèk tout Israël. <sup>24</sup> Anplis, lè Achaz te ranmase ansanm tout zouti lakay Bondye yo, li ✧te koupe tout zouti yo an mòso; epi li te fèmen pòt lakay SENYÈ a e te fè lotèl pou li nan chak kwen nan Jérusalem. <sup>25</sup> Nan chak vil nan Juda, li te fè wo plas pou brile lansan a lòt dye yo e li te pwovoke SENYÈ a, Bondye a papa zansèt li yo, a lakòlè. <sup>26</sup> ✧Alò, tout lòt zèv avèk chemen li yo, soti nan premye a jis rive nan dènye a, men gade byen, yo ekri nan Liv A Wa A Juda yo Avèk Israël yo. <sup>27</sup> ✧Konsa, Achaz te dòmi avèk papa zansèt li yo e yo te antere li nan vil la, Jérusalem; paske, yo pa t mennen li antre nan tonm a wa ✧Israël yo. Epi Ézéchias, fis li a, te renye nan plas li.

## 29

<sup>1</sup> ✧Ézéchias te devni wa a laj venn-senkan. Li te renye pandan vent-nevan Jérusalem. Non manman li te Abija, fi Zacharie a. <sup>2</sup> ✧Li te fè sa ki bon nan zye SENYÈ a selon tout sa ke papa zansèt li a, David te fè. <sup>3</sup> Nan premye ane règn li a, nan premye mwa a, li te ✧ouvri pòt lakay SENYÈ a e te repare yo. <sup>4</sup> Li te mennen prèt yo avèk Levit yo e te rasanble yo nan plas sou lès la. <sup>5</sup> Konsa, li te di yo: “Koute mwen, O Levit yo. ✧Konsakre nou menm koulye a, konsakre lakay SENYÈ a, Bondye a papa zansèt nou yo e pote sa ki pa pwòp deyò pou l vin yon lye sen. <sup>6</sup> Paske, papa nou yo pa t fidèl. Yo te fè mal nan zye a SENYÈ Bondye nou an, yo te abandone Li, yo te ✧vire fas yo lwen plas kote SENYÈ a rete a e te vire do yo. <sup>7</sup> Anplis, yo te ✧fèmen pòt sou galeri yo, etenn lanp yo e yo pa t brile lansan ni ofri ofrann brile nan lye sen Bondye Israël la. <sup>8</sup> Pou sa, ✧kòlè SENYÈ a te kont Juda avèk Jérusalem e Li te fè yo vin yon objè gwo etonman abominab avèk laperèz ak siflèt ki fèt sou yo, jan nou wè avèk pwòp zye nou an.

✧ 28:15 Pwov 25:21-22 ✧ 28:15 Det 34:3 ✧ 28:16 II Wa 16:7 ✧ 28:17 Ab 10 ✧ 28:18 Éz 16:57 ✧ 28:19 II Kwo 21:2 ✧ 28:20 I Kwo 5:26 ✧ 28:21 II Wa 16:8-9 ✧ 28:22 Jr 5:3 ✧ 28:23 II Kwo 25:14 ✧ 28:23 Jr 44:17-18 ✧ 28:24 II Wa 16:17 ✧ 28:26 II Wa 16:19-20 ✧ 28:27 És 14:28 ✧ 28:27 II Kwo 21:2 ✧ 29:1 II Wa 18:1-3 ✧ 29:2 II Kwo 28:1 ✧ 29:3 II Kwo 28:24 ✧ 29:5 II Kwo 29:15-34 ✧ 29:6 Éz 8:16 ✧ 29:7 II Kwo 28:24 ✧ 29:8 II Kwo 24:20

9 Paske, gade byen, pou sa, ✨papa zansèt nou yo fin tonbe anba nepe e fis yo avèk fi yo avèk madanm nou yo vin nan esklavaj akòz sa. 10 Alò, sa nan kè m ✨pou fè yon akò avèk SENYÈ a, Bondye Israèl la, pou chalè kòlè Li a kapab detounen kite nou. 11 Fis mwèn yo, koulye a, pa kite nou vin lach nan moman sa a, paske ✨SENYÈ a te chwazi nou pou kanpe devan L, pou fè sèvis pou Li, pou devni sèvitè Li ak brile lansan.” 12 Epi Levit yo te leve: Machath, fis a Amasaï a, Joël, fis a Azaria a, soti nan fis a Keatit yo; epi soti nan fis a Merari yo, Kis, fis a Abdi a, Azaria, fis a Jehalléleel la; epi soti nan Gèshonit yo, Joach, fis a Zimma a, Éden, fis a Joach la; 13 Epi soti nan fis a Élitsaphan yo, Schimri avèk Jeïel, fis a Asapah yo, Zacharie avèk Matthania; 14 Epi soti nan fis a Héman yo, Jehiel avèk Schimeï; epi soti nan fis a Jeduthun yo, Schemaeja avèk Uzziel. 15 Yo te rasanble frè yo, yo te ✨konsakre yo menm e te antre ✨pou netwaye lakay SENYÈ a, selon kòmandman a wa a, selon pawòl SENYÈ a. 16 Pou sa, prèt yo te antre nan pati enteryè lakay SENYÈ a pou netwaye li; epi chak bagay yo te twouve ki pa t pwòp nan tanp SENYÈ a, yo te mete li deyò nan lakou lakay SENYÈ a. Epi Levit yo te resevwa l pou pote l rive nan ✨Vale Cédron an. 17 Alò, yo te kòmanse fè konsekrasyon an ✨nan premye jou nan premye mwa a e nan uityèm jou nan mwa a, yo te antre sou galeri SENYÈ a. Epi yo te konsakre lakay SENYÈ a nan ui jou e yo te fini sou sèzyèm jou nan premye mwa a. 18 Alò, yo te antre kote Wa Ézéchias la e yo te di: “Nou fin netwaye tout kay SENYÈ a, lotèl ofrann brile a avèk tout zouti li yo ak tab pen konsakre a avèk tout zouti li yo. 19 Anplis, ✨tout zouti ke Wa Achaz te abandone pandan règn enfidèl li a, nou te fin prepare e konsakre yo; epi vwala, yo devan lotèl SENYÈ a.” 20 Konsa, Wa Ézéchias te leve bonè, li te rasanble chèf lavil yo e te monte vè lakay SENYÈ a. 21 Yo te mennen sèt towò, sèt belye, sèt jèn mouton ak sèt mal kabrit ✨kòm ofrann peche pou wayòm nan, sanktyè a ak Juda. Epi li te kòmande prèt yo, fis a Aaron yo, pou ofri yo sou lotèl SENYÈ a. 22 Konsa, yo te touye towò yo, prèt yo te pran san an e te aspèje li sou lotèl la. Anplis, yo te touye belye yo e te aspèje san an sou lotèl la; yo te touye, osi, jèn mouton yo e te ✨aspèje san an sou lotèl la. 23 Alò, yo te mennen mal kabrit yo pou ofrann peche devan wa a avèk asanble a e ✨yo te poze men sou yo. 24 Prèt yo te touye yo e te lave lotèl la avèk san yo ✨pou fè ekspiyasyon pou tout Israèl, paske wa a te kòmande ofrann brile avèk ofrann peche pou tout Israèl. 25 Apre, li te estasyon Levit yo lakay SENYÈ a avèk senbal yo, avèk ap e avèk gita yo, ✨selon kòmand David la avèk ✨Gad, konseye wa a, ak Nathan, pwofèt la; paske, kòmand lan te sòti nan SENYÈ a pa pwofèt li yo. 26 Levit yo te kanpe avèk ✨enstriman mizik a David yo, ✨prèt yo avèk twonpèt yo. 27 Ézéchias te bay lòd pou fè ofrann brile sou lotèl la. Lè ofrann brile yo te kòmanse, ✨chan SENYÈ a te kòmanse tou avèk twonpèt yo, avèk enstriman a David yo, wa Israèl la. 28 Pandan tout asanble a t ap fè adorasyon, chantè yo osi t ap chante e twonpèt yo t ap sone; tout sa te kontinye jiskaske ofrann brile a te fini. 29 Alò, nan fen tout ofrann brile yo, ✨wa a avèk tout moun ki te

✨ 29:9 II Kwo 28:5-8 ✨ 29:10 II Kwo 23:16 ✨ 29:11 Nonb 3:6 ✨ 29:15 II Kwo 29:5 ✨ 29:15 I Kwo 23:28 ✨ 29:16 II Kwo 15:16 ✨ 29:17 II Kwo 29:3 ✨ 29:19 II Kwo 28:24 ✨ 29:21 Lev 4:3-14 ✨ 29:22 Lev 4:18 ✨ 29:23 Lev 4:15 ✨ 29:24 Lev 4:26 ✨ 29:25 II Kwo 8:14 ✨ 29:25 II Sam 24:11 ✨ 29:26 I Kwo 23:5 ✨ 29:26 II Kwo 5:12 ✨ 29:27 II Kwo 23:18 ✨ 29:29 II Kwo 20:18

prezan avèk li yo te bese ba pou te fè adorasyon. <sup>30</sup> Anplis, Wa Ézéchiàs avèk ofisyè yo te kòmande Levit yo pou chante lwanj a SENYÈ a avèk pawòl a David yo, avèk Asaph, konseye a. ✧Konsa, yo te chante lwanj avèk jwa e te bese ba pou te fè adorasyon. <sup>31</sup> Epi Ézéchiàs te di: “Koulye a, akòz nou te konsakre nou menm a SENYÈ a, vin pre pou pote sakrifis avèk ofrann remèsiman lakay SENYÈ a.” Epi asanble a te pote sakrifis yo avèk ofrann remèsiman yo. ✧Tout moun ki te vle, yo te pote ofrann brile. <sup>32</sup> Kantite a ofrann brile ke asanble a te pote yo te swasann-dis towò, san belye ak desan jèn mouton; tout sila yo te pou fè yon ofrann brile a SENYÈ a. <sup>33</sup> Bagay konsakre yo te sis-san towò ak twa-mil mouton. <sup>34</sup> Men prèt yo pa t ase e pou sa, yo pa t kapab kòche tout ofrann brile yo; ✧pou sa, frè yo nan Levit yo te ede yo jiskaske travay la te fini e jiskaske lòt prèt yo te fin konsakre yo menm. Paske, ✧Levit yo te pi dedye pou konsakre yo menm pase prèt yo. <sup>35</sup> Te gen osi anpil ofrann brile avèk ✧grès a ofrann lapè yo e avèk ✧ofrann bwason pou ofrann brile yo. Konsa, sèvis lakay SENYÈ a te vin etabli ankò. <sup>36</sup> Epi Ézéchiàs avèk tout pèp la te rejwi sou sa ke Bondye te prepare pou pèp la, akòz bagay la te rive sibatman.

### 30

<sup>1</sup> Alò, Ézéchiàs te voye kote tout Israèl avèk Juda e anplis, li te ekri lèt a Éphraïm avèk Manassé, pou yo ta vini lakay SENYÈ a Jérusalem pou selebre Pak a SENYÈ a, Bondye Israèl la. <sup>2</sup> Paske wa a avèk chèf pa li yo ak tout asanble Jérusalem nan te pran desizyon ✧pou selebre Pak la nan dezyèm mwa a, <sup>3</sup> akòz yo pa t ka selebre li nan ✧lè sa a, akòz prèt yo potko konsakre yo menm an kantite ase, ni pèp la potko rasanble Jérusalem. <sup>4</sup> Konsa, bagay la te kòrèk nan zye a wa a avèk tout asanble a. <sup>5</sup> Pou sa, yo te etabli yon dekrè pou sikile kòm yon pwoklamasyon pami tout Israèl ✧soti nan Beer-Schéba jis rive menm nan Dan, pou yo ta kapab vin selebre Pak a SENYÈ a, Bondye Israèl la, Jérusalem. Paske, yo pa t selebre li an gran nonb depi lè li te premye etabli a. <sup>6</sup> ✧Mesaje yo te ale patou nan tout Israèl avèk Juda avèk lèt soti nan men a wa a avèk chèf li yo, menm selon lòd a wa a, e te di: “O fis Israèl yo, retounen kote SENYÈ a, Bondye Abraham nan, Isaac, avèk Israèl la, pou Li kapab retounen kote sila nan nou ki fin chape e retire soti nan men a wa Asiryen yo. <sup>7</sup> ✧Pa fè tankou papa zansèt nou yo avèk frè nou yo ki pa t fidèl a SENYÈ a, Bondye a papa zansèt yo, jiskaske li te fè yo parèt tankou yon laperèz etonan, jan nou wè a. <sup>8</sup> Alò, pa ✧fè tèt di tankou papa zansèt nou yo, men bay plas a SENYÈ a e antre nan sanktyè ke Li te konsakre jis pou tout tan an e sèvi SENYÈ a, Bondye nou an, pou kòlè Li k ap brile a kapab vire kite nou. <sup>9</sup> Paske, ✧si nou retounen kote SENYÈ a, frè nou yo avèk fis nou yo va jwenn mizerikòd devan sila ki te mennen yo an kaptivite yo e yo va retounen nan peyi sa a. ✧Paske SENYÈ a, Bondye nou an, plen gras avèk konpasyon e Li p ap vire fas Li kite nou si nou retounen kote Li.” <sup>10</sup> Pou sa, mesaje yo te pase soti nan yon vil a yon lòt vil toupatou nan peyi Éphraïm avèk Manassé e soti rive Zabulon, men ✧yo te fè grimas sou yo, yo te gyonnen yo e moke

✧ 29:30 Sòm 100:1 ✧ 29:31 Egz 35:5-22 ✧ 29:34 II Kwo 35:11 ✧ 29:34 II Kwo 30:3 ✧ 29:35 Lev 3:16 ✧ 29:35 Nonb 15:5-10 ✧ 30:2 Nonb 9:10-11 ✧ 30:3 II Kwo 29:17-34 ✧ 30:5 Jij 20:1 ✧ 30:6 Job 9:25 ✧ 30:7 Éz 20:13 ✧ 30:8 Egz 32:9 ✧ 30:9 Det 30:2 ✧ 30:9 Egz 34:6-7 ✧ 30:10 II Kwo 36:16

yo. <sup>11</sup> Sepandan, ✨kèk nan mesye Aser yo, Manassé, avèk Zabulon yo te imilye yo e yo te vini Jérusalem. <sup>12</sup> Anplis, men Bondye te sou Juda pou bay yo yon sèl kè pou fè sa ke wa a avèk chèf yo te kòmande yo a, pa pawòl SENYÈ a. <sup>13</sup> Alò, anpil moun te rasanble Jérusalem pou ✨selebre Fèt Pen San Ledven an nan dezyèm mwa a, yon asanble ki te trè trè gran. <sup>14</sup> Yo te leve e te retire lotèl ki te Jérusalem yo; anplis, yo te ✨retire tout lotèl lansan yo e te jete yo nan flèv Cédron an. <sup>15</sup> Epi ✨yo te touye jèn mouton Pak yo nan katòzyèm jou nan dezyèm mwa a. Konsa, prèt yo avèk Levit yo te vin wont a yo menm, yo te konsakre yo menm e te pote ofrann brile yo lakay SENYÈ a. <sup>16</sup> ✨Yo te kanpe nan estasyon pa yo selon koutim pa yo, selon lalwa Moïse la, nonm Bondye a; prèt yo te aspèje san ke yo te resevwa nan men Levit yo. <sup>17</sup> Paske te gen anpil prèt nan asanble a ki pa t konsakre yo menm; pou sa, Levit yo te responsab pou touye jèn mouton Pak yo ki te pou tout sila ki pa t pwòp yo, pou yo ta kapab vin konsakre yo a SENYÈ a. <sup>18</sup> Paske, yon foul nan pèp la, menm anpil nan Éphraïm avèk Manassé, Issacar ak Zebulon pa t pirifye yo menm, ✨sepandan yo te manje Pak la ✨yon lòt jan ke sa ki te premye etabli a. Paske, Ézéchiass te priye pou yo e te di: “Ke SENYÈ a kapab padone <sup>19</sup> ✨tout sila ki prepare kè yo pou chache Bondye, SENYÈ a, Bondye a papa zansèt li yo, malgre se pa selon règleman pou pirifikasyon nan sanktyè a. <sup>20</sup> Pou sa, SENYÈ a te tandé Ézéchiass e te ✨geri pèp la. <sup>21</sup> Fis a Israël ki te la Jérusalem yo te ✨selebre Fèt Pen San Ledven an pandan sèt jou avèk gran jwa e Levit yo avèk prèt yo te louwe SENYÈ a, jou apre jou, avèk enstriman ki te fè gwo son a SENYÈ a. <sup>22</sup> Epi Ézéchiass te ✨pale ankourajman a tout Levit ki te montre gwo kapasite pou afè SENYÈ yo. Konsa, yo te manje pandan sèt jou ki te chwazi yo pandan yo t ap fè sakrifis ofrann lapè yo e t ap bay remèsiman a SENYÈ a, Bondye a papa zansèt yo a. <sup>23</sup> Anfen, tout asanble a te ✨deside selebre yon lòt sèt jou ankò e yo te selebre sèt jou yo avèk kè kontan, <sup>24</sup> Paske ✨Ézéchiass, wa Juda a, te bay asanble a mil towo ak sèt-mil mouton; epi yon gran kantite nan prèt yo te konsakre yo menm. <sup>25</sup> Tout asanble a Juda a te rejwi avèk prèt yo ak Levit yo ak ✨tout asanble ki te sòti an Israël la, ni vwayajè ki te sòti nan peyi Israël yo ansanm ak sila ki te rete Juda yo. <sup>26</sup> Konsa, te gen gwo lajwa Jérusalem, akòz pa t janm genyen yon bagay parèy a sa Jérusalem ✨depò nan jou a Salomon yo, fis David la, wa Israël la. <sup>27</sup> Epi prèt Levit yo te leve pou te beni pèp la; epi vwa yo te tandé e lapriyè yo te rive nan ✨lye sen Li an, sa vle di nan syèl la.

## 31

<sup>1</sup> Alò, lè tout sa te fini, tout Israël ki te prezan te sòti antre nan vil Juda yo, yo te ✨krazé pilye Asherim yo an mòso, yo te koupe poto Asherim yo e te rale fè desann wo plas yo avèk lotèl yo pami tout Juda avèk Benjamin e anplis, nan Éphraïm avèk Manassé, jiskaske yo te detwi yo tout. Epi tout fis Israël yo te retounen nan vil pa yo, yo chak nan posesyon pa yo. <sup>2</sup> Epi Ézéchiass te chwazi ✨divizyon a prèt yo e Levit yo pa divizyon pa yo, yo

✨ 30:11 II Kwo 30:18-25 ✨ 30:13 II Kwo 30:2 ✨ 30:14 II Kwo 28:24 ✨ 30:15 II Kwo 30:2-3  
 ✨ 30:16 II Kwo 35:10-15 ✨ 30:18 Nonb 9:10 ✨ 30:18 Egz 12:43-49 ✨ 30:19 II Kwo 19:3  
 ✨ 30:20 Jc 5:16 ✨ 30:21 Egz 12:15 ✨ 30:22 II Kwo 32:6 ✨ 30:23 I Wa 8:65 ✨ 30:24 II  
 Kwo 35:7-8 ✨ 30:25 II Kwo 30:11-18 ✨ 30:26 II Kwo 7:8-10 ✨ 30:27 Det 26:15 ✨ 31:1 II  
 Wa 18:4 ✨ 31:2 I Kwo 24:1

chak selon sèvis pa yo, prèt yo avèk Levit yo pou ofrann brile avèk ofrann lapè yo, pou fè sèvis e bay remèsiman avèk lwanj nan pòtay kan SENYÈ a. <sup>3</sup> Li te etabli osi ✧pòsyon wa a nan byen pa li pou ofrann brile yo, pou ofrann maten avèk aswè a, ofrann brile pou Saba yo, pou nouvèl lin yo e pou fèt etabli yo, ✧jan sa ekri nan lalwa SENYÈ a. <sup>4</sup> Anplis, li te kòmande moun ki te rete Jérusalem yo pou bay ✧pòsyon ki te dwa a prèt yo avèk Levit yo, pou yo ta kapab dedye yo menm a ✧lalwa SENYÈ a. <sup>5</sup> Depi lòd la te fin gaye, fis Israèl yo te mete disponib an abondans, premye fwi nan sereyal yo, diven nèf, lwil, siwo myèl ak tout pwodwi chan an; epi yo te pote an abondans ✧dim nan yo tout. <sup>6</sup> Fis a Israèl avèk Juda ki te rete lavil Juda yo, anplis, te pote fè antre dim nan bèf avèk mouton yo e ✧dim nan don sen ki te konsakre a SENYÈ a, Bondye pa yo a e te plase yo nan gwo pil yo. <sup>7</sup> Nan twazyèm mwa a, yo te kòmanse fè pil yo e te fin fè yo nan setyèm mwa a. <sup>8</sup> Lè Ézéchias avèk chèf yo te vin wè gwo pil yo, yo te beni SENYÈ a avèk ✧pèp Israèl Li a. <sup>9</sup> Epi Ézéchias te kesyone prèt yo avèk Levit yo sou gwo pil yo. <sup>10</sup> Azaria, chèf prèt lakay Tsadok la te di li: ✧“Depi don yo te kòmanse antre lakay SENYÈ a, nou te gen kont pou nou manje avèk anpil ki te rete, paske SENYÈ a te beni pèp Li a e gran kantite sila a rete toujou.” <sup>11</sup> Epi Ézéchias te kòmande yo pou prepare ✧chanm lakay SENYÈ a e yo te prepare yo. <sup>12</sup> Yo te byen fidèl nan pote dim avèk ofrann avèk bagay konsakre yo; Epi Conania, Levit la, te ofisye an chaj ✧sou yo e frè l, Schimeï te dezyèm nan. <sup>13</sup> Jehiel, Azazia, Nachath, Asaël, Jerimoth, Jozabad, Éliel, Jismakia, Machath avèk Benaja te anplwaye anba direksyon Conania avèk frè l, Schimeï, selon chwa Wa Ézéchias yo e ✧Azaria te ofisye prensipal lakay Bondye a. <sup>14</sup> Koré, fis a Jimna a, Levit la, gadyen pòtay lès la, te chèf sou ofrann bòn volonte a Bondye yo, pou fè distribisyon don pou SENYÈ a avèk bagay ki sen pase tout lòt bagay yo. <sup>15</sup> Anba otorite li, te gen Éden, Minjamin, Josué, Schemaeja, Amaria ak Schecania, nan ✧vil prèt yo pou separe, fidèlman, bay frè pa yo pa divizyon yo, piti kon gran, <sup>16</sup> san okipe afè listwa zansèt yo, pou gason soti nan laj ✧trantan oswa plis yo—tout moun ki te antre lakay SENYÈ a kòm obligasyon chak jou yo—pou travay nan devwa yo selon divizyon yo; <sup>17</sup> ansanm ak prèt ki te anrejistre pa zansèt yo selon lakay papa zansèt pa yo e Levit yo ✧soti nan laj a ventan oswa plis, selon devwa yo ak divizyon yo. <sup>18</sup> Anrejistremant pa zansèt yo te kontwole tout timoun yo, madanm yo, fis yo ak fi yo, pou tout asanble a, paske yo te konsakre yo menm, fidèlman, nan sentete. <sup>19</sup> Anplis, pou fis a Aaron yo, prèt yo, ki te nan ✧teren patiraj lavil yo, oswa nan chak vil menm, te gen mesye ki te dezinye pa non pou fè distribisyon pòsyon a chak gason pami prèt yo e chak ki te anrejistre pa zansèt li yo pami Levit yo. <sup>20</sup> Konsa, Ézéchias te fè patou nan tout Juda; epi ✧li te fè sa ki te bon e dwat devan SENYÈ a, Bondye li a. <sup>21</sup> Tout èv ke li te kòmanse fè nan sèvis lakay Bondye a, nan lalwa avèk kòmandman an, nan chache Bondye li a, li te fè yo avèk tout kè li e li te ✧byen reyisi.

✧ 31:3 II Kwo 35:7 ✧ 31:3 Nonb 28:1-29-40 ✧ 31:4 Nonb 18:8 ✧ 31:4 Mal 2:7 ✧ 31:5 Né 13:12 ✧ 31:6 Lev 27:30 ✧ 31:8 Det 33:29 ✧ 31:10 Mal 3:10 ✧ 31:11 I Wa 6:5-8 ✧ 31:12 II Kwo 35:9 ✧ 31:13 II Kwo 31:10 ✧ 31:15 Jos 21:9-19 ✧ 31:16 I Kwo 23:3 ✧ 31:17 I Kwo 23:24 ✧ 31:19 Lev 25:34 ✧ 31:20 II Wa 20:3 ✧ 31:21 Det 29:9

## 32

<sup>1</sup> Apre zak fidelite sila yo, ✧Sanchérib, wa Assyrie a, te vin atake Juda, li te fè syèj a tout vil fòtifye yo e li te fè plan pou antre nan yo pou benefis li menm. <sup>2</sup> Alò, lè Ézéchiass te wè ke Sanchérib te vini e ke li te gen plan pou fè lagè sou Jérusalem, <sup>3</sup> li te deside avèk ofisye pa li yo ak gèrye pa li yo, pou koupe kouran dlo ki te ale deyò lavil la e yo te ede li. <sup>4</sup> Pou sa, anpil moun te rasanble e ✧te bouche tout sous avèk flèv ki te kouri nan zòn nan, e yo te di: “Poukisa wa Asiryen yo ta dwe vini pou jwenn tout dlo sa a?” <sup>5</sup> Konsa, li te pran kouraj e te rebati tout mi ki te kraze yo e te fè monte fò sou yo; epi li te bati ✧yon lòt miray pa deyò pou te ranfòse ✧Millo lavil David la e li te fè zam avèk boukliye defans an gran kantite. <sup>6</sup> Li te chwazi chèf militè sou pèp la e li te rasanble yo kote li nan plas kote pòtay vil la, li te ✧pale pawòl ki pou ankouraje yo, e li te di: <sup>7</sup> Rete fò e pran kouraj, pa pè ni dekouraje akòz tout gran foul ki avèk li a; ✧paske, sila ki avèk nou an pi gran ke sila ki avèk li a. <sup>8</sup> Avèk li menm, se yon bra fèt an chè; men ✧avèk nou, se SENYÈ a, Bondye pa nou an, pou ede nou goumen nan batay nou yo.” Epi pèp la te konte sou pawòl a Ézéchiass yo, wa Juda a. <sup>9</sup> Apre sa ✧Sanchérib, wa Assyrie a, te voye sèvitè li yo Jérusalem pandan li t ap fè syèj Lakis avèk tout lame li a avèk li kont Ézéchiass, wa Juda a e kont tout Juda ki Jérusalem yo, e te di: <sup>10</sup> “Konsa pale Sanchérib, wa Assyrie a: ‘Sou kilès n ap mete konfyans pou nou ta retire Jérusalem anba syèj?’ <sup>11</sup> Èske Ézéchiass p ap egare nou pou fè nou vin mouri avèk grangou ak swaf, e l ap di: ‘SENYÈ a, Bondye nou an, va delivre nou soti nan men a wa Assyrie a?’ <sup>12</sup> ✧Èske menm Ézéchiass sa a pa t retire wo plas Li yo avèk lotèl Li yo, e te di a Juda avèk Jérusalem: ‘Nou va adore devan yon sèl lotèl e sou li, nou va brile lansan’” <sup>13</sup> Èske nou pa konnen sa mwèn avèk zansèt mwèn yo te fè a tout pèp nan lòt peyi yo? ✧Èske dye nan nasyon yo te gen kapasite menm pou delivre peyi yo anba men mwèn? <sup>14</sup> ✧Kilès ki te gen pami tout dye a nasyon sila yo ke zansèt mwèn yo pa t detwi nèt, ki ta kapab delivre pèp li a sòti nan men m pou Dye pa w la ta kapab delivre ou soti nan men m? <sup>15</sup> Alò, pou sa, pa kite Ézéchiass pase nou nan tenten, ni egare nou konsa e pa kwè li; paske, ✧pa t gen dye nan okenn nasyon oswa wayòm ki te konn delivre pèp li nan men m ni soti nan men a zansèt mwèn yo. Konbyen an mwèn Dye pa nou an va delivre nou soti nan men m?” <sup>16</sup> Sèvitè li yo te pale plis kont SENYÈ a, Bondye a e kont sèvitè li a, Ézéchiass. <sup>17</sup> Anplis, li te ekri lèt pou meprize SENYÈ a, Bondye Israèl la e pou pale kont Li, epi li te di: ✧“Jan dye nasyon yo ak peyi yo pa t delivre pèp pa yo soti nan men m, konsa Bondye Ézéchiass la p ap delivre pèp Li a soti nan men m.” <sup>18</sup> Yo te kriye sa byen fò ak gwo vwa nan langaj a Juda a vè pèp Jérusalem ki te sou miray la, pou fè yo pè e teworize yo, pou yo ta kab pran vil la. <sup>19</sup> Yo te pale sou Bondye Jérusalem nan kòmisi ✧ se youn nan dye a pèp lemond yo, zèv a men lòm yo. <sup>20</sup> Men Wa Ézéchiass avèk pwofèt Ésaïe, fis a Amots la, te fè lapriyè sou sa a e te kriye fò a syèl la. <sup>21</sup> Epi SENYÈ a te voye yon zanj ki te detwi tout gwo gèrye, kòmandan ak chèf nan kan wa Assyrie a. Pou sa, li te retounen nan wont li ale nan pwòp

✧ 32:1 II Wa 18:13-37 ✧ 32:4 II Wa 20:20 ✧ 32:5 II Wa 25:4 ✧ 32:5 I Wa 9:24 ✧ 32:6 II Kwo 30:22 ✧ 32:7 II Wa 6:16 ✧ 32:8 II Kwo 20:17 ✧ 32:9 II Wa 18:17 ✧ 32:12 II Kwo 31:1 ✧ 32:13 II Wa 18:33-35 ✧ 32:14 És 10:9-11 ✧ 32:15 És 36:18-20 ✧ 32:17 II Kwo 32:14 ✧ 32:19 Sòm 115:4-8



peyi li. Epi lè li te antre nan tanp dye pa li a, kèk nan pwòp pitit pa li yo te touye li la avèk nepe. <sup>22</sup> Konsa, SENYÈ a te ✨sove Ézéchiàs avèk moun Jérusalem yo soti nan men a Sanchérib, wa Assyrie a, soti nan men a tout ènmi li yo e te gide yo tout kote. <sup>23</sup> Epi ✨anpil moun t ap pote don bay SENYÈ a Jérusalem ak kado byen chwazi a Ézéchiàs, wa Juda a, jis apre, li te fin egzalte nan men a tout nasyon yo. <sup>24</sup> ✨Nan jou sa yo, Ézéchiàs te vin malad jis rive pre lanmò; epi li te priye a SENYÈ a, SENYÈ a te pale avèk li e te ba li yon sign. <sup>25</sup> Men Ézéchiàs pa t remèt anyen pou benefis li te resevwa a, ✨paske kè li te plen ògèy; akòz sa, kòlè SENYÈ a te vini sou li avèk Juda ak Jérusalem. <sup>26</sup> Men Ézéchiàs te vin desann ògèy kè li a, ni li menm, ni pèp Jérusalem nan, jiskaske kòlè pa t rive sou yo pandan jou a Ézéchiàs yo. <sup>27</sup> Alò, Ézéchiàs te gen anpil richès avèk onè; epi li te fè pou kont li trezò an ajan, lò, pyè presye, epis, boukliye defans ak tout kalite bagay ak gwo valè, <sup>28</sup> anplis, depo pou konsève sereyal, diven avèk lwil, pak pou tout kalite bèt, avèk pak pou bann mouton. <sup>29</sup> Li te fè vil pou li menm e te vin genyen bann mouton avèk twoupo an gran kantite, paske ✨Bondye te ba li anpil richès. <sup>30</sup> Se te Ézéchiàs ki te ✨bouche sous piwo dlo Guihon yo e te dirije yo rive nan pati lwès lavil David la. Epi Ézéchiàs te byen reyisi nan tout sa li te fè. <sup>31</sup> Menm nan afè ✨mesaje ki sòti Babylone yo, ki te voye bò kote li pou aprann mèvèy ki te fèt nan peyi a, Bondye te lese li sèl konnen tout sa ki te nan kè li. <sup>32</sup> Alò, tout lòt zèv a Ézéchiàs yo avèk zèv fidèl li yo, vwala, yo ekri nan vizyon Ésaïe, pwofèt la, fis a Amots la, nan Liv A Wa Juda Avèk Israèl Yo. <sup>33</sup> Konsa, Ézéchiàs te dòmi avèk papa zansèt li yo e yo te antere li kote piwo tonm fis a David yo; epi tout Juda avèk pèp Jérusalem nan te ✨onore li nan lanmò li. Epi fis li a, Manassé te devni wa nan plas li.

### 33

<sup>1</sup> ✨Manasse te gen laj douzan lè l te devni wa a e li te renye pandan senkann-senkan Jérusalem. <sup>2</sup> ✨Li te fè mal nan zye a SENYÈ a, selon abominasyon a nasyon ke SENYÈ a te chase deyò devan fis Israèl yo. <sup>3</sup> Paske ✨li te rebati wo plas ke Ézéchiàs, papa li te kraze yo. Anplis, li te monte lotèl pou Baal yo, li te fè Asherim yo, li te adore tout lame syèl yo e te sèvi yo. <sup>4</sup> ✨Li te bati lotèl lakay SENYÈ a sou sila yo SENYÈ a te di: “Non Mwen va Jérusalem jis pou tout tan an.” <sup>5</sup> Paske, li te bati lotèl pou tout lame syèl yo nan ✨de lakou lakay SENYÈ yo. <sup>6</sup> ✨Li te fè fis li yo pase nan dife nan vale Ben-Hinnom; epi li te pratike vye maji, divinasyon, fè wanga e li te fè angajman avèk sila ki pale ak mò yo ak divinò yo. Li te fè anpil mal nan zye a SENYÈ a ki te pwovoke Li a lakòlè. <sup>7</sup> Epi li te mete ✨imaj taye ke li te fè lakay Bondye a, sou sila Bondye te di a David e a Salomon, fis li a: “Nan kay sila a ak nan Jérusalem, ke Mwen te chwazi soti nan tout tribi Israèl yo, Mwen va mete non Mwen jis pou tout tan; <sup>8</sup> Epi Mwen p ap retire ankò pye Israèl soti nan peyi ✨ke Mwen te chwazi pou papa zansèt nou yo, si sèlman yo va obsève pou fè tout sa ke M te kòmande yo pa tout

✨ 32:22 És 31:5 ✨ 32:23 II Sam 8:10 ✨ 32:24 II Wa 20:1-11 ✨ 32:25 II Kwo 26:16; II Kwo 24:18 ✨ 32:29 I Kwo 29:12 ✨ 32:30 II Wa 20:20 ✨ 32:31 II Wa 20:20 ✨ 32:33 Sòm 112:6 ✨ 33:1 II Wa 21:1-9 ✨ 33:2 II Kwo 28:3 ✨ 33:3 II Kwo 31:1 ✨ 33:4 II Kwo 28:24 ✨ 33:5 II Kwo 4:9 ✨ 33:6 II Kwo 28:3 ✨ 33:7 II Kwo 33:15 ✨ 33:8 II Sam 7:10

lalwa, règleman avèk òdonans ki te bay pa Moïse yo.”<sup>9</sup> Konsa, Manassé te egare Juda ak pèp Jérusalem nan pou fè plis mal pase menm nasyon ke SENYÈ a te detwi devan fis Israël yo.<sup>10</sup> SENYÈ a te pale ak Manassé avèk pèp li a, men ✧yo pa t okipe sa menm.<sup>11</sup> Pou sa, SENYÈ a te fè chèf a lame wa Assyrie yo vin parèt kont yo, yo te kaptire Manassé avèk kwòk, yo te ✧mare li avèk chenn an bwonz e te mennen li Babylone.<sup>12</sup> Pandan ✧li te nan gwo twoub, li te sipliye SENYÈ a, Bondye pa li a e li te ✧imilye li anpil devan Bondye a zansèt li yo.<sup>13</sup> Lè li te priye a Li menm, ✧Li te touche pa priyè li a, Li te tande siplikasyon li an, e te mennen li ankò Jérusalem kote wayòm li an. Epi Manassé te konnen ke SENYÈ a te Bondye.<sup>14</sup> Alò, apre sa li te bati miray deyò lavil David la sou kote lwès a ✧Guihon, nan vale a, menm pou rive nan antre Pòtay Pwason an; epi li te antoure Ophel la avèk li e te fè li byen wo. Epi li te mete chèf lame yo nan tout vil fòtifye Juda yo.<sup>15</sup> Anplis, li te ✧retire dye etranje yo avèk zidòl yo soti lakay SENYÈ a e anplis, tout lotèl ke li te bati sou mòn lakay SENYÈ a ak nan Jérusalem yo, li te jete yo deyò lavil la.<sup>16</sup> Li te monte lotèl SENYÈ a e te fè sakrifis ✧ofrann lapè avèk ofrann remèsiman sou li; epi li te kòmande Juda pou sèvi SENYÈ a, Bondye Israël la.<sup>17</sup> Sepandan, ✧pèp la te toujou fè sakrifis nan lye wo yo, men sèlman a SENYÈ Bondye pa yo a.<sup>18</sup> Alò, tout lòt zèv a Manassé yo, menm ✧lapriyè li a Bondye pa li a ak pawòl a konseye ki te pale avèk li nan non SENYÈ a, Bondye Israël la, men gade, yo pami achiv a wa Israël yo.<sup>19</sup> Anplis lapriyè li, ✧jan li te sipliye Bondye a, ak tout peche li yo, enfidelite li ak ✧landwa ke li te bati wo plas pou te fè monte Asherim yo, ak imaj taye yo, avan li te vin imilye li menm, gade, yo tout ekri nan achiv a Hozai yo.<sup>20</sup> Konsa, Manassé te dòmi avèk papa zansèt li yo e yo te antere li nan pwòp kay li. Epi Amon, fis li a, te devni wa nan plas li.<sup>21</sup> ✧Amon te gen laj a venn-dezan lè l te devni wa e li te renye dezan Jérusalem.<sup>22</sup> Li te fè mal nan zye a SENYÈ a tankou Manassé, papa li, te konn fè a e Amon te fè sakrifis a tout ✧imaj taye ke papa li, Manassé te fè yo e li te sèvi yo.<sup>23</sup> Anplis, li pa t imilye li menm devan SENYÈ a ✧jan papa li, Manassé te fè a, men Amon te ogmante koupabilite li.<sup>24</sup> Anfen, sèvitè li yo te ✧fè konplo kont li e te mete li a lanmò nan pwòp kay pa li.<sup>25</sup> Men pèp peyi a te touye tout sila ki te fè konplo a kont Wa Amon yo e pèp peyi a te fè Josias, fis li a, wa nan plas li.

## 34

<sup>1</sup> ✧Josias te gen laj a uitan lè l te devni wa a e li te renye tran-te-yen nan Jérusalem.<sup>2</sup> ✧Li te fè sa ki bon nan zye SENYÈ a, li te mache nan chemen a David, papa zansèt pa li a e li pa t vire akote ni adwat ni agoch.<sup>3</sup> Paske, nan uityèm ane règn pa li a, pandan li te toujou nan jenès li, li te kòmanse chache Bondye a papa zansèt li a, David; epi nan douzyèm ane a, li te kòmanse ✧pirifye Juda avèk Jérusalem sou afè a wo plas yo, Asherim nan, imaj taye yo ak imaj fonn yo.<sup>4</sup> Yo te chire desann lotèl Baal yo nan prezans li, ✧lotèl lansan ki te byen wo sou yo, li te koupe yo desann; anplis,

✧ **33:10** Né 9:29 ✧ **33:11** II Kwo 36:6 ✧ **33:12** Sòm 130:1-2 ✧ **33:12** II Kwo 32:26 ✧ **33:13** I Kwo 5:20 ✧ **33:14** I Wa 1:33 ✧ **33:15** II Kwo 33:3-7 ✧ **33:16** Lev 7:11-18 ✧ **33:17** II Kwo 32:12 ✧ **33:18** II Kwo 33:12-13 ✧ **33:19** II Kwo 33:13 ✧ **33:19** II Kwo 33:3 ✧ **33:21** II Wa 21:19-24 ✧ **33:22** II Kwo 34:3-4 ✧ **33:23** II Kwo 33:12 ✧ **33:24** II Kwo 25:27 ✧ **34:1** II Wa 22:1-2 ✧ **34:2** II Kwo 29:2 ✧ **34:3** I Wa 13:2 ✧ **34:4** II Wa 23:4-11

Asherim yo, imaj taye yo ak imaj fonn yo, li te kase yo an mòso, kraze yo fè poud e li te gaye l sou tonm a sila ki te fè sakrifis a yo menm yo. <sup>5</sup> Epi ✨li te brile zo a prèt Baal yo sou lotèl la e li te pirifye Juda avèk Jérusalem. <sup>6</sup> ✨Nan vil a Manassé yo, Éphraïm, Siméon, jis rive Nephthali, nan mazi kraze yo, <sup>7</sup> li te osi chire fè desann lotèl yo, li te ✨kraze Asherim avèk imaj taye yo jiskaske yo te fè poud e te koupe desann lotèl lansan yo toupatou nan peyi Israèl la. Anfen, li te retounen Jérusalem. <sup>8</sup> ✨Alò, nan di-zuityèm ane règn li a, lè li te fin pirifye peyi a avèk kay la, li te voye Schaphan, fis a Atsalia a avèk Maaséja, yon ofisyè lavil la ak Joach, fis a Joachaz la, grefye a, pou repare lakay SENYÈ a, Bondye li a. <sup>9</sup> Yo te vin kote Hilkaja, wo prèt la e yo te livre li lajan ki te pote lakay Bondye a, ke Levit yo, gadyen pòtay yo, te kolekte soti ✨Manassé, Éphraïm, nan tout retay Israèl yo e soti nan tout Juda avèk Benjamin ak pèp Jérusalem nan. <sup>10</sup> Yo te ba li nan men a ouvriye ki te sipèvize lakay SENYÈ a e ouvriye ki t ap travay lakay SENYÈ a te sèvi ak li pou restore e repare kay la. <sup>11</sup> Epi yo menm, yo te remèt li a chapant avèk mason yo pou achte wòch taye avèk gwo bwa pou travès ak bwa mare pou kay ✨ke wa nan Juda yo te kite detwi yo. <sup>12</sup> ✨Mesye yo te fè travay la avèk bòn fwa ak fòmman ki sou yo pou sipèvize yo: Jachath avèk Abidias, Levit yo nan fis a Merari yo, Zacharie avèk Meschallam nan fis a Keatit yo ak Levit yo, tout moun ki te gen gwo kapasite avèk enstriman mizik yo. <sup>13</sup> Anplis, yo te ✨sou sila ki t ap pote chay yo e yo te sipèvize tout ouvriye soti de yon tach a yon lòt; epi kèk nan Levit yo te skrib, ofisyè ak sipèvizè. <sup>14</sup> Lè yo t ap pote fè sòti lajan ki te antre lakay SENYÈ a, ✨Hilkija, prèt la, te twouve liv lalwa SENYÈ a te bay pa Moïse la. <sup>15</sup> Hilkija te reponn e te di a Schaphan, sekretè a: “Mwen te twouve liv lalwa lakay SENYÈ a.” Epi Hilkija te bay liv la a Schaphan. <sup>16</sup> Epi Schaphan te pote liv la kote wa a e te bay yon rapò anplis a wa a e te di: “Tout sa ou te konfyè a sèvitè ou yo, y ap fè l. <sup>17</sup> Anplis, yo te retire lajan yo te twouve lakay SENYÈ a e yo te livre li nan men a sipèvizè yo ak ouvriye yo.” <sup>18</sup> Anplis, Schaphan, sekretè a te di wa a, Hilkija, prèt la, te ban mwen yon liv.” Epi Schaphan te li ladann nan prezans a wa a. <sup>19</sup> Lè wa a te tandè ✨pawòl lalwa yo, ✨li te chire rad li. <sup>20</sup> Epi wa a te kòmande Hilkija, Achikam, fis a Schaphan nan, Abdon, fis Michée a, Schaphan, sekretè a ak Asaja, sèvitè a wa a e te di: <sup>21</sup> “Ale fè ankèt a SENYÈ a pou mwen e pou sila ki rete Israèl avèk Juda yo, konsènan pawòl a liv ki te twouve a; paske ✨byen gwo, se kòlè SENYÈ a ki vide sou nou akòz papa zansèt nou yo pa t obsève pawòl a SENYÈ a, pou fè selon tout sa ki ekri nan liv sila a.” <sup>22</sup> Konsa, Hilkija avèk sila ke wa a te pale yo te ale kote Hulda, pwofetès la, madanm a Schallum nan, fis a Thokehath la, fis a Hasra a, gadyen vètman yo, (alò, li te rete Jérusalem nan dezyèm katye); epi yo te pale avèk li konsa. <sup>23</sup> Li te di yo: “Konsa pale SENYÈ a, Bondye Israèl la: ‘Di nonm ki te voye nou kote mwen an, <sup>24</sup> konsa pale SENYÈ a: “Veye byen, ✨Mwen ap voye malè sou plas sa a ak sou pèp li a, menm tout ✨malediksyon ki ekri nan liv ke yo te li nan prezans a wa Juda a. <sup>25</sup> “Akoz yo te abandone Mwen e ✨te brile lansan a lòt dye yo, pou yo ta kapab pwovoke Mwen a lakòlè avèk tout zèv a men yo; pou sa, kòlè

✨ 34:5 I Wa 13:2 ✨ 34:6 II Kwo 23:15-19 ✨ 34:7 II Kwo 31:1 ✨ 34:8 II Wa 22:3-20 ✨ 34:9 II Kwo 30:10-18 ✨ 34:11 II Kwo 33:4-7 ✨ 34:12 II Wa 12:15 ✨ 34:13 Né 4:10 ✨ 34:14 II Kwo 34:9 ✨ 34:19 Det 28:3-68 ✨ 34:19 Jos 7:6 ✨ 34:21 II Kwo 29:8 ✨ 34:24 II Kwo 36:14-20 ✨ 34:24 Det 28:15-68 ✨ 34:25 II Kwo 33:3

Mwen va vin vide sou plas sa a e li p ap etenn.”<sup>26</sup> “Men pou wa Juda ki te voye nou fè ankèt devan SENYÈ a, konsa nou va pale a li: ‘Konsa pale SENYÈ a, Bondye Israèl la selon pawòl ke ou te tandè yo,<sup>27</sup> ✧ “Akoz kè ou te mou e ou te imilye ou menm devan Bondye lè ou te tandè pawòl Li yo kont plas sa a e kont pèp li a, aköz ou te imilye ou menm devan Mwen, ou te chire vètman ou e ou te kriye devan M, Mwen, anverite, te tandè ou’, deklare SENYÈ a.<sup>28</sup> Tandè byen, Mwen va ranmase ou a papa zansèt ou yo e ou va ranmase a tonm ou an anpè, pou zye ou pa wè tout malè ke Mwen va pote sou plas sa a avèk pèp li a.”’<sup>29</sup> Epi ✧ wa a te voye rasanble tout ansyen a Juda avèk Jérusalem yo.<sup>30</sup> Wa a te monte vè lakay SENYÈ a e ✧ tout mesye Juda yo, pèp Jérusalem nan, prèt yo, Levit yo e tout moun soti nan pi gran jis rive nan pi piti yo; epi li te li nan zòrèy yo, tout pawòl liv akò ki te twouve lakay SENYÈ a.<sup>31</sup> Epi wa a te kanpe nan plas li a e te ✧ fè yon akò devan SENYÈ a pou mache nan chemen SENYÈ a, pou kenbe kòmandman Li yo avèk temwayaj Li yo, avèk règleman Li yo avèk tout kè li ak tout nanm li, pou reyisi fè tout pawòl a akò ki ekri nan liv sila yo.<sup>32</sup> Anplis, li te fè tout moun ki te prezan Jérusalem avèk Benjamin yo kanpe avèk li. Konsa, pèp Jérusalem la te fè selon akò Bondye a, Bondye a papa zansèt yo a.<sup>33</sup> Josias te ✧ retire tout abominasyon soti nan tout peyi ki te apatyen a fis Israèl yo e te fè tout moun ki te prezan an Israèl yo sèvi SENYÈ a, Bondye pa yo a. Pandan tout lavi li, yo pa t detounen nan swiv SENYÈ a, Bondye a zansèt pa yo a.

## 35

<sup>1</sup> Epi Josias te ✧ selebre fèt Pak a SENYÈ a Jérusalem e yo te touye bèt pou Pak la sou katòzyèm jou nan premye mwa a.<sup>2</sup> Li te plase prèt yo nan pozisyon pa yo e te ✧ ankouraje yo nan sèvis lakay SENYÈ a.<sup>3</sup> Anplis, li te di a Levit ki te enstwi tout Israèl yo e ki te sen a SENYÈ a: “Metè lach SENYÈ a nan kay ke Salomon, fis a David la, wa Israèl la, te bati a; ✧ li p ap ankò yon chaj sou zepòl nou. Alò, koulye a sèvi SENYÈ a, Bondye nou an, avèk pèp Li a, Israèl.<sup>4</sup> ✧ Prepare nou menm selon lakay papa zansèt nou yo nan divizyon nou yo selon ekriti a David la, wa Israèl la e selon ekriti a fis li a, Salomon.<sup>5</sup> Anplis, ✧ kanpe nan lye sen an selon divizyon lakay papa zansèt nou yo ak frè nou yo ak selon Levit yo, pa divizyon a lakay papa zansèt nou yo.<sup>6</sup> Alò, touye bèt pou Pak la, ✧ sanktifye nou e prepare pou frè nou yo pou fè selon pawòl SENYÈ a, selon Moïse.”<sup>7</sup> Josias te fè kontribisyon pou pèp la, tout sa ki te prezan, bann jenn mouton yo ak jenn kabrit yo, tout pou ofrann Pak la, an kantite trant-mil, plis twa-mil towò; sila yo te sòti nan byen ki te pou wa a.<sup>8</sup> Anplis, ofisye pa li yo te fè kontribisyon a yon ofrann bòn volonte a pèp la, prèt yo avèk Levit yo. Hilkija, Zacharie, avèk Jehiel, ✧ chèf lakay Bondye yo, te bay a prèt yo pou Pak la yon ofrann demil-sis-san bèt ki sòti nan bann mouton yo, avèk twa-san towò.<sup>9</sup> Conania osi avèk Schemaeja ak Nethaneel, frè li yo, Haschabia, Jeïel avèk Jozabad, ofisye Levit yo, te kontribye a Levit yo pou ofrann Pak la, senk-mil ki sòti nan bann mouton an ak senk-san towò.<sup>10</sup> Pou sa, sèvis la te fin prepare e ✧ prèt yo te kanpe nan estasyon pa yo avèk Levit yo nan divizyon pa yo

✧ 34:27 II Wa 22:19 ✧ 34:29 II Wa 23:1-3 ✧ 34:30 Né 8:1-3 ✧ 34:31 II Kwo 23:16 ✧ 34:33 II Kwo 34:3-7 ✧ 35:1 II Wa 23:21 ✧ 35:2 II Kwo 29:11 ✧ 35:3 I Kwo 23:26 ✧ 35:4 I Kwo 9:10-13 ✧ 35:5 Esd 6:18 ✧ 35:6 II Kwo 29:5 ✧ 35:8 II Kwo 31:13 ✧ 35:10 II Kwo 35:5

selon lòd a wa a. <sup>11</sup> Yo te touye bèt Pak yo e pandan ✨prèt yo t ap aspèje san ki te resevwa soti nan men Levit yo, ✨ yo menm t ap retire pwal yo. <sup>12</sup> Epi yo te retire ofrann brile yo pou yo ta kab bay yo a divizyon a lakay papa zansèt yo pou pèp la pou prezante a SENYÈ a jan sa ekri nan liv Moïse la. Yo te fè sa tou avèk towò yo. <sup>13</sup> Konsa, ✨yo te boukannen bèt Pak yo, sou dife selon règleman an, yo te bouyi ✨bagay sen yo nan bonm, chodyè ak nan kaswòl e yo te pote yo avèk vitès a tout pèp òdinè yo. <sup>14</sup> Apre yo te prepare pou yo menm e pou prèt yo, akòz prèt yo, fis a Aaron yo t ap ofri ofrann brile avèk grès jis rive nan aswè; pou sa, Levit yo te prepare pou yo menm ak pou prèt yo, fis a Aaron yo. <sup>15</sup> Anplis, chantè yo, fis a Asaph yo, te nan estasyon pa yo selon kòmmand a David la, Asaph, Héman, avèk Jeudthun, konseye a wa a; epi ✨gadyen pòtay nan chak pòtay yo pa t oblije sòti menm nan sèvis pa yo akòz frè yo te prepare Pak la <sup>16</sup> Konsa, tout sèvis SENYÈ a te prepare nan jou sa a pou selebre Pak la e pou ofri ofrann brile yo sou lotèl SENYÈ a selon kòmmand a Wa Josias la. <sup>17</sup> Konsa, ✨fis Israèl ki te prezan yo te selebre Pak la nan lè sa a ak Fèt Pen San Ledven an pandan sèt jou. <sup>18</sup> ✨Pa t janm gen yon selebrasyon Pak tankou sa an Israèl depi jou a Samuel yo, pwofèt la; ni pa te gen okenn nan wa Israèl yo ki te selebre yon Pak jan Josias te fè avèk prèt yo, Levit yo, tout Juda, Israèl ki te prezan yo ak pèp Jérusalem nan. <sup>19</sup> Se te nan uityèm ane règn Josias la, ke Pak sa a te selebre. <sup>20</sup> ✨Apre tout sa, lè Josias te mete tanp lan an lòd, Néco, wa Egypte la, te vin monte pou fè lagè Carkemisch, sou rivyè Euphrate la e Josias te parèt deyò pou rankontre li. <sup>21</sup> Men Néco te voye mesaje yo kote li, e te di: ✨“Kisa nou gen pou fè youn avèk lòt, O Wa Juda a? Se pa kont ou ke m ap vini jodi a, men kont kay avèk sila mwen angaje nan lagè yo e Bondye te kòmmande mwen fè prese. Pou ou sispann opoze ou a Bondye, ki avè m nan, pou Li pa detwi ou. <sup>22</sup> Sepandan, Josias te refize vire kite li, men li te ✨kache idantite li pou l ta kab fè lagè avèk li; ni li pa t koute pawòl a Néco ki soti nan bouch Bondye a, men li te vin fè lagè sou plèn Méguiddo a. <sup>23</sup> Achè yo te tire Wa Josias, e wa a te di a sèvitè li yo: “Ale avè m, sòti, paske mwen blese byen grav.” <sup>24</sup> Pou sa, sèvitè li yo te retire li nan cha a e yo te pote li nan dezyèm cha li te genyen an, yo te mennen li Jérusalem kote li te mouri an e li te antere nan tonm a papa zansèt li yo. ✨Tout Juda avèk Jérusalem te kriye pou Josias. <sup>25</sup> Epi ✨Jérémié te chante yon lamantasyon pou Josias. Epi tout chantè yo, ni gason, ni fanm pale sou Josias nan lamantasyon yo jis rive jodi a. Epi yo te fè pou yo yon òdonans an Israèl; men vwala, anplis, yo ekri nan Lamantasyon yo. <sup>26</sup> Alò, tout lòt zèv a Josias yo avèk zèv fidelite pa li yo, jan sa ki ekri nan lalwa SENYÈ yo, <sup>27</sup> Epi zèv li yo, soti nan premye a jis rive nan dènye a, men vwala, yo ekri nan Liv Wa A Israèl Avèk Juda yo.

## 36

<sup>1</sup> ✨Alò, pèp peyi a te pran Joachaz, fis Josias la e yo te fè li wa nan plas papa li Jérusalem. <sup>2</sup> Joachaz te gen venn-twazan lè l te vin wa e li te renye twa mwa Jérusalem. <sup>3</sup> Epi wa Egypte la te retire li sou pouvwa a Jérusalem e li te egzije yon kontribisyon de san talan ajan ak yon talan lò sou peyi a. <sup>4</sup> Wa Egypte la te fè Éliakim, frè l la, wa sou Juda avèk Jérusalem e

✨ 35:11 II Kwo 29:22 ✨ 35:11 II Kwo 29:34 ✨ 35:13 Egz 12:8-9 ✨ 35:13 Lev 6:28 ✨ 35:15 I Kwo 26:12-19 ✨ 35:17 Egz 12:1-20 ✨ 35:18 II Wa 23:21 ✨ 35:20 II Wa 23:29-30 ✨ 35:21 II Kwo 25:19 ✨ 35:22 II Kwo 18:29 ✨ 35:24 Za 12:11 ✨ 35:25 Jr 22:10 ✨ 36:1 II Wa 23:30-34

li te chanje non li an Jojakim. Men ✨Néco te pran frè li a, Joachaz e te mennen li an Égypte. <sup>5</sup> ✨Jojakim te gen laj a venn-senkan lè l te devni wa e li te renye onzan Jérusalem; epi li te fè mal nan zye SENYÈ a, Bondye li a. <sup>6</sup> Nebucadnetsar, wa Babylone nan, te monte kont li e te ✨mare li avèk chenn an bwonz pou mennen li Babylone. <sup>7</sup> Anplis, ✨Nebucadnetsar te mennen kèk nan bagay ki sòti lakay SENYÈ a Babylone e te mete yo nan tanp Babylone nan. <sup>8</sup> Alò, tout lòt zèv a Jojakim yo avèk abominasyon ke li te fè yo ak sa ki te twouve kont li yo, men vwala, yo ekri nan Liv A Wa A Israèl Avèk Juda yo. Epi Jojakin, fis li a, te vin wa nan plas li. <sup>9</sup> ✨Jojakin te gen laj a uitan lè l te vin wa e li te renye twa mwa avèk dis jou Jérusalem. Epi li te fè mal nan zye SENYÈ a. <sup>10</sup> Nan kòmansman ane a, Wa Nebucadnetsar te mennen li Babylone avèk bagay byen chè ki te sòti lakay SENYÈ a e li te fè moun fanmi li, ✨Sédécias, wa sou Juda avèk Jérusalem. <sup>11</sup> ✨Sédécias te gen laj a ven-te-yen nan lè l te vin wa e li te renye pandan onzan Jérusalem. <sup>12</sup> Li te fè mal nan zye a SENYÈ a, Bondye li a; li pa t imilye li menm ✨devan Jérémie, pwofèt ki te pale pou SENYÈ a. <sup>13</sup> ✨Anplis, li te fè rebèl kont Wa Nebucadnetsar ki te fè li sèmanse fidelite pou Bondye. Men ✨li te fè tèt di e avèk kè di, li te refize vire vè SENYÈ a, Bondye Israèl la. <sup>14</sup> Epi, ofisye a prèt yo avèk pèp la te manke fidèl anpil nan swiv tout abominasyon a nasyon yo e yo te konwonpi kay ke SENYÈ a te fè sen Jérusalem nan. <sup>15</sup> SENYÈ a, Bondye a zansèt pa yo a, te ✨voye kote yo tout tan pa mesaje pa Li yo, akoz li te gen mizerikòd vè pèp li a ak sou kote ke Li te abite a; <sup>16</sup> men, yo te ✨giyonnen mesaje Bondye yo, yo te meprize pawòl Li e yo te moke pwofèt Li yo, jiskaske kòlè SENYÈ a te leve kont pèp Li a jiskaske pa t gen remèd pou sa. <sup>17</sup> ✨Akoz sa, Li te mennen kont yo wa a Kaldeyen yo ki te touye jennonm yo avèk nepe nan kay sanktyè yo a e Li pa t fè gras pou jèn moun, ni vyèj, ni granmoun, ni moun enfim; Li te livre tout nan men yo. <sup>18</sup> ✨Tout bagay ki te sòti lakay SENYÈ a, gran kon piti, trezò lakay SENYÈ a ak trezò a wa yo avèk ofisye li yo, li te mennen tout Babylone. <sup>19</sup> Anfen, ✨yo te brile kay Bondye a, yo te kraze miray Jérusalem nan, yo te brile tout konstriksyon fòtifye li yo avèk dife e yo te detwi tout bagay valab li yo. <sup>20</sup> Sila ki te chape anba nepe yo, li te ✨pote yo ale Babylone; epi yo te ✨sèvitè li avèk fis li jiskaske wayòm Perse la te vin monte, <sup>21</sup> ✨pou fin akonpli pawòl SENYÈ a pa bouch a Jérémie, jiskaske tè a te fin rejwi de tout Saba li yo. Pandan tout jou dezolasyon li yo, li te kenbe Saba a ✨jiskaske swasann-dizan an te fin pase. <sup>22</sup> Alò, nan premye ane Cyrus la, Perse la—pou l te kab akonpli pawòl SENYÈ a ✨pa bouch Jérémie—SENYÈ a te boulvèse lespri a Cyrus, wa Perse la, pou li ta voye yon pwoklamasyon toupatou nan wayòm li an e anplis, ekri li pou di: <sup>23</sup> Konsa pale Cyrus, wa Perse la: ‘SENYÈ a, Bondye Syèl la, te ban mwen tout wayòm yo sou latè e Li te chwazi mwen pou bati pou Li yon kay Jérusalem, ki nan Juda. Nenpòt moun ki la pami nou nan tout pèp Li a, ke SENYÈ a, Bondye pa li a, kapab avèk li e kite li monte.

✨ 36:4 Jr 22:10-12 ✨ 36:5 II Wa 23:36-37 ✨ 36:6 II Kwo 33:11 ✨ 36:7 II Wa 24:13 ✨ 36:9 II Wa 24:8-17 ✨ 36:10 Jr 37:1 ✨ 36:11 II Wa 24:18-20 ✨ 36:12 Jr 21:3-7 ✨ 36:13 Jr 52:3 ✨ 36:13 II Kwo 30:8 ✨ 36:15 Jr 7:13 ✨ 36:16 II Kwo 30:10 ✨ 36:17 II Wa 25:1-7 ✨ 36:18 II Kwo 36:7-10 ✨ 36:19 I Wa 9:8 ✨ 36:20 II Wa 25:11 ✨ 36:20 Jr 27:7 ✨ 36:21 Jr 29:10 ✨ 36:21 Jr 25:11 ✨ 36:22 Jr 25:12

## Esdras

<sup>1</sup> Alò, nan premye ane Cyrus, wa a Perse la, pou pawòl SENYÈ a te kab akonpli pa bouch a Jérémie, SENYÈ a te vire lespri a Cyrus, wa Perse la, pou l te ✧voye yon pwoklamasyon toupatou nan wayòm li an, e anplis pou l ta ekri li pou te di: <sup>2</sup> “Konsa pale Cyrus, wa a Perse la, ‘SENYÈ a, Bondye Syèl la, te ban mwen tout wayòm yo sou latè epi ✧Li te chwazi mwen pou bati yon kay pou Li Jérusalem, ki nan Juda. <sup>3</sup> Nenpòt moun ki pami nou nan tout pèp li a, ke Bondye pa li a kapab avèk li! Lese l monte Jérusalem ki nan Juda pou rebati lakay SENYÈ a, Bondye Israèl la; ✧Li se Bondye ki nan Jérusalem nan. <sup>4</sup> Nenpòt nan yo ki toujou vivan, nenpòt kote ke li ta rete, kite moun nan plas sa yo bay li soutyen avèk ajan avèk lò, avèk byen ak bèt, ansanm avèk yon ofrann bòn volonte pou lakay Bondye ki Jérusalem nan.’” <sup>5</sup> Epi chèf lakay papa zansèt pa yo nan Juda avèk Benjamin e prèt avèk Levit yo te leve, ✧ menm tout sila ki te gen lespri vire pa Bondye yo, pou monte rebati lakay SENYÈ a ki Jérusalem nan. <sup>6</sup> Tout sila ki te antoure yo, te ✧ ankouraje yo avèk bagay an ajan, lò, byen pa yo, bèt yo, bagay yo koute chè pa yo, apati de tout sa ki te bay kon ofrann bòn volonte. <sup>7</sup> Anplis, Wa Cyrus te mennen fè sòti tout bagay ki te pou lakay SENYÈ a ✧ ke Nebucadnetsar te mennen fè sòti Jérusalem pou mete lakay dye a li menm yo; <sup>8</sup> epi Cyrus, wa Perse la, te fè yo sòti pa men Mithredath, trezorye a e li menm, te konte yo pou ✧ Sheshbatsar, prens a Juda a. <sup>9</sup> Alò, men kontwòl yo: trant ✧ asyèt an lò, mil asyèt an ajan, vent-nèf kouto; <sup>10</sup> trant bòl an lò, kat-san-dis bòl an ajan nan yon lòt kalite ak mil nan lòt atik. <sup>11</sup> Tout bagay an lò avèk ajan yo te vin kontwole nan senk-mil-kat-san. Sheshbatsar te mennen yo tout monte avèk moun egzil ki te sòti Babylone yo pou rive Jérusalem.

## 2

<sup>1</sup> Alò, ✧ sila yo se moun pwovens ki te vin sòti an kaptivite kon moun egzil ke Nebucadnetsar, wa Babylone nan, te pote ale Babylone e te gen tan retounen Jérusalem avèk Juda, yo chak nan pwòp vil pa yo. <sup>2</sup> Sila yo te vini avèk Zorobabel, Josué, Néhémie, Seraja, Reélaja, Mardochee, Bilschan, Mispar, Bigtvaï, Rehum ak Baana. Fòs kantite mesye nan pèp Israèl yo: <sup>3</sup> fis a Pareosch yo, de-mil-san-swasann-douz; <sup>4</sup> fis a Schephathia yo, twa-san-swasann-douz; <sup>5</sup> fis Arach yo: sèt-san-swasann-kenz; <sup>6</sup> fis a Pachath-Moab nan fis a Josué avèk Joab yo: de-mil-ui-san-douz; <sup>7</sup> fis Élam yo: mil-de-san-senkant-kat; <sup>8</sup> fis Zatthu yo: nèf-san-karant-senk; <sup>9</sup> fis Zaccaï yo: sèt-san-swasant; <sup>10</sup> fis Bani yo: sis-san-karant-de; <sup>11</sup> fis Bébaï yo: sis-san-venn-twa; <sup>12</sup> fis Azgad yo: mil-de-san-venn-de; <sup>13</sup> fis Adonikam yo: sis-san-swasann-sis; <sup>14</sup> fis Bigvaï yo: de-mil-senkant-sis; <sup>15</sup> fis Adin yo: kat-san-senkant-kat; <sup>16</sup> fis Ather nan fanmi Ézéchias yo: katreven-dizuit; <sup>17</sup> fis Betsaï yo: twa-san-venn-twa; <sup>18</sup> fis Jora yo: san-douz; <sup>19</sup> fis Haschum yo: de-san-venn-twa; <sup>20</sup> fis Guibbar yo: katra-ven-kenz; <sup>21</sup> mesye a Bethléem yo: san-venn-twa; <sup>22</sup> mesye a Nethopha yo: senkant-sis; <sup>23</sup> mesye Anathoth yo: san-venn-tuit; <sup>24</sup> fis a Azmaveth yo: karann-de; <sup>25</sup> fis a Kirjath-Arim yo, Kephira,

✧ 1:1 Esd 5:13 ✧ 1:2 És 44:28 ✧ 1:3 És 37:16 ✧ 1:5 Esd 1:1-2 ✧ 1:6 Né 6:9 ✧ 1:7 II Wa 24:13 ✧ 1:8 Esd 5:14 ✧ 1:9 Esd 8:27 ✧ 2:1 II Wa 24:14-16

avèk Beéroth yo; sèt-san-karann-twa; <sup>26</sup> fis a Rama avèk Guéba yo: sis-san-venteyen; <sup>27</sup> mesye a Micmas yo: san-venn-de; <sup>28</sup> mesye a Béthel avèk Aï yo: de-san-venn-twa; <sup>29</sup> fis a Nebo yo: senkant-de; <sup>30</sup> fis a Magbisch yo: san-senkant-sis; <sup>31</sup> fis a lòt Élam nan: mil-de-san-senkant-kat; <sup>32</sup> fis a Harim yo: twa-san-ven; <sup>33</sup> fis a Lod, Hadid ak Ono yo: sèt-san-venn-senk; <sup>34</sup> fis a Jéricho yo, twa-san-karann-senk; <sup>35</sup> fis a Senaa yo: twa-mil-sis-san-trant; <sup>36</sup> Prèt yo; fis a Jedaeja lakay Josué yo: nèf-san-swasann-trèz; <sup>37</sup> fis a Immer yo: mil-senkant-de; <sup>38</sup> fis a Paschhur yo: mil-de-san-karann-sèt; <sup>39</sup> fis a Harim yo: mil-disèt; <sup>40</sup> Levit yo: fis a Josué yo, fis a Kadmiel yo e fis a Hodavia yo: swasann-katòz; <sup>41</sup> Chantè yo: fis a Asaph yo: san-venn-tuit; <sup>42</sup> fis a gadyen yo: Fis a Schallum yo, fis a Ather yo, fis a Thalmon yo, fis a Akkub yo, fis a Hathitha yo e fis a Schobaï yo an total: san-trant-nèf; <sup>43</sup> Netinyen yo: fis a Tsicha yo, fis a Hasupha yo, avèk fis a Thabbaoth yo, <sup>44</sup> fis a Kéros yo, fis a Siaha yo, avèk fis a Padon yo, <sup>45</sup> fis a Lebana yo, fis a Hagaba yo, fis a Akkub yo, <sup>46</sup> fis a Hagab yo, fis a Schamlai yo, fis a Hanan yo, <sup>47</sup> fis a Guiddel yo, fis a Gachar yo, fis a Reaja yo, <sup>48</sup> fis a Retsin yo, fis a Nekoda yo, fis a Gazzam yo, <sup>49</sup> fis a Uzza yo, fis a Peséach yo, fis a Bésaï yo, <sup>50</sup> fis a Asna yo, fis a Mehunim yo, fis a Nephusim yo, <sup>51</sup> fis a Bakbuk yo, fis a Hakupha yo, fis a Harhur yo, <sup>52</sup> fis a Batsluth yo, fis a Mehida yo, fis a Harscha yo, <sup>53</sup> fis a Barkos yo, fis a Sisera yo, fis a Thamach yo, <sup>54</sup> fis a Netsaich yo, fis a Hathipha yo. <sup>55</sup> Fis a sèvitè Salomon yo: fis a Sothaï yo, fis a Sophéreth yo, fis a Peruda yo, <sup>56</sup> fis a Jaala yo, fis a Darkon yo, fis a Guiddel yo, <sup>57</sup> fis a Schephathia yo, fis a Hatthil yo, fis a Pokéreth-Hatesbaïm yo, fis a Ami yo. <sup>58</sup> Tout sèvitè tanp lan avèk ✧ fis a sèvitè Salomon yo te twa-san-katreven-douz. <sup>59</sup> Alò, sa yo se sila ki te monte sòti Thel-Mélach, Thel-Harscha, Kerub-Addan, avèk Imher ki pa t kapab bay prèv selon lakay zansèt pa yo, ke se moun Israël yo te ye: <sup>60</sup> Fis a Delaja yo, fis a Tobija yo, fis a Nekoda yo, sis-san-senkant-de. <sup>61</sup> Epi pami fis a prèt yo: fis a Habaja yo, fis a Hakkots yo, fis a ✧ Barzillai yo, ki te pran pou madanm li youn nan fi a Barzillai yo, Gadit la e te rele pa non pa yo. <sup>62</sup> Sila yo te fè rechèch pami anrejistremant zansèt pa yo, men yo pa t kab twouve yo; ✧ akoz sa, yo te konsidere pa pwòp e te anpeche fè sèvis kon prèt. <sup>63</sup> Gouvènè a te pale yo pou pa manje bagay ki sen pase tout lòt bagay yo jiskaske yon prèt te kanpe avèk ✧ Ourim nan ak Toumim nan. <sup>64</sup> Tout asanble a te kontwole a karann-de-mil-twa-san-swasant moun, <sup>65</sup> anplis, sèvitè gason ak fanm pa yo ki te kontwole nan sèt-mil-twa-san-trann-sèt; epi yo te gen de-san ✧ chantè, ni gason ni fanm. <sup>66</sup> Cheval yo te kontwole nan sèt-san-trann-sis e milèt yo nan de-san-karann-senk; <sup>67</sup> Chamo yo te kat-san-trann-senk; avèk bourik yo nan si-mil-sèt-san-ven. <sup>68</sup> Kèk nan chèf lakay zansèt yo, lè yo te rive lakay SENYÈ a, ki Jérusalem nan, yo te fè ofrann a bòn volonte pou li ta rekonstwi fondasyon li yo. <sup>69</sup> Selon kapasite pa yo, yo te bay ✧ nan kès la sòm a swasann-te-yen-mil drakma an lò, senk-mil min an ajan, avèk san vètman pou prèt yo. <sup>70</sup> Alò prèt yo avèk Levit yo, kèk nan moun yo, chantè yo, gadyen pòtay yo avèk sèvitè tanp yo te rete nan vil pa yo e tout Israël nan vil pa yo.

### 3

<sup>1</sup> Alò, lè ✧ setyèm mwa a te fin rive e fis Israël yo te nan vil yo, pèp la,

✧ 2:58 I Wa 9:21 ✧ 2:61 II Sam 17:21 ✧ 2:62 Nonb 16:39-40 ✧ 2:63 Egz 28:30 ✧ 2:65 II Kwo 35:25 ✧ 2:69 Esd 8:25-34 ✧ 3:1 Né 7:73



kon yon sèl moun, te reyini ansanm Jérusalem. <sup>2</sup> Epi ✧ Josué, fis a Jotsadak la avèk frè li yo, prèt yo e Zorobabel, fis a Schealthiel la avèk frè li yo, te leve e te bati lotèl Bondye Israël la pou ofri ofrann brile sou li, kon sa ekri nan lalwa Moïse la, nonm Bondye a. <sup>3</sup> Pou sa, yo te mete lotèl la sou fondasyon li, malgre ✧ yo te krent anpil akòz pèp a nasyon yo; epi yo te ofri ofrann brile yo sou li a SENYÈ a, ofrann brile nan maten ak nan aswè. <sup>4</sup> Yo te selebre Fèt Tonèl yo kon sa ekri a e te fè fòs kantite ofrann brile ki te etabli chak jou yo, selon obligasyon chak jou ke òdonans lan egzije yo. <sup>5</sup> epi apre, te genyen ✧ yon ofrann brile san rete; anplis, pou nouvell lin e pou tout fèt SENYÈ a ki te òdone e konsakre yo e soti nan tout moun ki te ofri yon ofrann bòn volonte a SENYÈ a. <sup>6</sup> Soti nan premye jou nan setyèm mwa a, yo te kòmanse ofri ofrann brile a SENYÈ a, men fondasyon tanp lan potko poze. <sup>7</sup> Yo te vèsè bay lajan a mason yo avèk chapant yo avèk manje, bagay pou bwè, lwil pou Sidonyen avèk Tiryen yo ✧ pou pote bwa sèd sòti Liban pou rive nan lanmè ✧ Japho a, selon pèmision ke yo te resevwa soti nan Cyrus, wa Perse la. <sup>8</sup> Alò, nan dezyèm ane a, depi yo te rive lakay Bondye Jérusalem nan dezyèm mwa a, Zorobabel, fis a Schealthiel la avèk Josué, fis a Jotsadak la avèk tout lòt frè pa yo, prèt yo avèk Levit yo e tout moun ki te vini soti an kaptivite pou rive Jérusalem, te kòmanse lèy la e te ✧ chwazi Levit yo ak laj a ventan oswa plis pou sipèvize travay lakay SENYÈ a. <sup>9</sup> Epi ✧ Josué avèk fis li yo ak frè li yo te kanpe ansanm avèk Kadmiel ak fis pa li yo, fis a Juda yo, fis a Hénadad yo avèk fis pa yo ak frè yo, Levit yo, pou sipèvize ouvriye nan tanp Bondye a. <sup>10</sup> Alò, lè ouvriye yo te ✧ fin poze fondasyon tanp SENYÈ a, prèt yo te kanpe ak vètman pa yo avèk twonpèt yo e Levit yo, fis a Asaph yo, avèk senbal yo, pou louwe SENYÈ a selon enstriksyon a Wa David la, a Israël. <sup>11</sup> Yo te chante, te fè lwanj e te bay remèsiman a SENYÈ a, epi te di: ✧ “Li bon, Paske lanmou dous li sou Israël jis pou tout tan.” Epi tout pèp la te leve yon gran kri anlè lè yo te louwe SENYÈ a, akòz fondasyon lakay SENYÈ a te fin poze. <sup>12</sup> Men, anpil nan prèt yo avèk Levit yo avèk chèf lakay zansèt yo, ✧ ansyen granmoun ki te konn wè premye tanp lan, te kriye avèk yon gran vwa lè fondasyon a kay sila a te poze devan zye yo, pandan anpil nan yo te rele fò avèk jwa, <sup>13</sup> jiskaske pèp la pa t kab distenge antre son lajwa ak son kriye a a pèp la, paske pèp la te rele ak gran vwa e son an te koute soti byen lwen.

## 4

<sup>1</sup> Alò, lè lènmi a Juda yo avèk Benjamin yo te tandè ke ✧ moun egzil yo t ap bati yon tanp a SENYÈ a, Bondye Israël la, <sup>2</sup> Yo te pwoche Zorobabel avèk chèf lakay zansèt yo, epi te di yo: Annou bati ansanm avèk nou, paske nou, kon ou menm, ap chache Bondye pa ou a; epi nou t ap fè sakrifis a Li menm soti nan jou a ✧ Ésar-Haddon, wa Assyrie a, ki te mennen nou monte isit la.” <sup>3</sup> Men, Zorobabel avèk Josué ak tout lòt chèf a lakay zansèt a Israël yo te di yo: ✧ “Ou pa gen anyen ansanm avèk nou menm nan bati yon kay a Bondye nou an; men nou menm pou kont nou, nou va bati a SENYÈ a, Bondye Israël la, ✧ kon Cyrus, wa Perse la, te kòmande nou

✧ 3:2 Né 12:1-8 ✧ 3:3 Esd 4:4 ✧ 3:5 Egz 29:38 ✧ 3:7 II Kwo 2:16 ✧ 3:7 Trav 9:36 ✧ 3:8 I Kwo 23:4-24 ✧ 3:9 Esd 2:40 ✧ 3:10 Za 4:6-10 ✧ 3:11 Sòm 100:5 ✧ 3:12 Ag 2:3 ✧ 4:1 Esd 1:11 ✧ 4:2 II Wa 19:37 ✧ 4:3 Né 2:20 ✧ 4:3 Esd 1:1,2

an.” <sup>4</sup> Epi ✧ pèp peyi a te kòmanse dekouraje pèp Juda a e te fè yo pè pou yo pa kontinye bati, <sup>5</sup> Konsa yo te anplwaye konseye yo kont yo pou detounen pwòp konsèy pa yo pandan tout jou a Cyrus yo, wa Perse la, menm jis rive nan règn Darius la, wa Perse la. <sup>6</sup> Alò nan règn ✧ Assuérus la, nan kòmansman règn li a, yo te ekri yon akizasyon kont pèp Juda a avèk Jérusalem nan. <sup>7</sup> Nan jou a Artaxerxès yo, Bischlam, Mithredath, Thabeel ak tout lòt kolèg pa yo te ekri a Artaxerxès, wa Perse la. Lèt la te ekri nan lang Amareyen e tradwi ✧ soti de Amareyen. <sup>8</sup> Rehum, kòmandan an avèk Schimchaï, grefye a, te ekri yon lèt kont Jérusalem a Wa Artaxerxès la, kon swivan <sup>9</sup> alò, ekri pa Rehum, kòmandan an, avèk Schimchaï, avèk tout lòt kolèg yo, jij yo ak ✧ gouvènè lokal yo, ofisye yo, sekretè yo, mesye Erec yo, Babilonyen yo, mesye Suse yo, sa vle di, Elamit yo, <sup>10</sup> ak tout lòt nasyon ke onorab e pwisan Onsappar te depòte e retabli nan vil Samarie ak nan tout lòt rejyon lòtbò rivyè Jourdain an. ✧ Alò, <sup>11</sup> sa se yon kopi a lèt sila ke yo te voye ba li a: “A wa a Artaxerxès: Sèvitè ou yo, mesye nan rejyon lòtbò rivyè a. Nan moman sa a, <sup>12</sup> kite li vin rekonèt a wa a ke Jwif ki te monte sotì kote ou te rive kote nou an Jérusalem; yo ap rebati vil rebèl e mechan sa a e ✧ ap fin fè miray avèk reparasyon fondasyon yo. <sup>13</sup> Alò, kite wa a byen konnen, ke si vil sa a vin rebati e miray yo vin fini, yo ✧ p ap peye kontribisyon obligatwa pa yo ankò, ni tarif yo, ni frè lese pase yo e sa va diminye fòs kès wa a. <sup>14</sup> Alò, akòz nou nan sèvis palè a e se pa pwòp pou nou ta wè derespèktan kont wa a; pou sa a, nou te voye enfòmè wa a, <sup>15</sup> pou ou kab fè rechèch nan achiv a papa zansèt pa ou yo. Epi ou va dekouvri nan rekò ansyen yo ke vil sila a se yon vil rebelyon, ki konn fè donmaj a wa yo avèk pwovens yo e ke yo te pwovoque revolasyon ladann nan tan pase yo; se pou rezon sa a, ke vil sa a te vin detwi nèt konsa. <sup>16</sup> Nou enfòmè wa a ke si vil sa a rebati e miray yo fin fini; akòz sa a, ou p ap ankò posede anyen nan pwovens lòtbò larivyè Jourdain an.” <sup>17</sup> Wa a te voye reponn a Rehum, kòmandan a Schimschaï, grefye a ak tout lòt kolèg pa yo ki te rete Samarie ak nan tout lòt pwovens ki te lòtbò Rivyè Jourdain an: “Lapè. Epi koulè a <sup>18</sup> dokiman ke nou te voye bannou an te ✧ tradwi e li devan m. <sup>19</sup> Mwen te fè yon dekrè, rechèch te fèt e li te dekouvri ke vil sa a te konn leve kont wa yo nan jou pase yo, ke rebelyon avèk revolasyon te konn fèt ladann, <sup>20</sup> ✧ ke wa pwisan pa yo te konn gouvènè tout pwovens lòtbò larivyè yo e ke kontribisyon obligatwa yo, tarif yo e lese pase yo te konn peye a yo menm. <sup>21</sup> Pou sa, pibliye yon dekrè pou fè mesye sila yo sispann travay la pou vil sila a pa rebati jiskaske yon dekrè pibliye pa mwen menm. <sup>22</sup> Veye ke nou pa lach nan akonpli bagay sa a. Poukisa nou ta kite donmaj ki p ap nan avantaj a wa yo vin plis? <sup>23</sup> Depi lè ke kopi a dekrè a wa Artaxerxès te li devan Rehum avèk Schimschaï, grefye a avèk kolèg parèy a yo, yo te ale byen vit Jérusalem kote Jwif yo e te fè yo sispann pa fòs a zam. <sup>24</sup> Alò, travay lakay Bondye Jérusalem nan te sispann jis rive nan dezyèm ane a Darius, wa Perse la.

## 5

<sup>1</sup> Lè pwofèt yo, pwofèt ✧ Agée avèk pwofèt ✧ Zacharie, fis a Iddo a, te pwofetize a Jwif ki te Juda avèk Jérusalem yo nan non Bondye Israèl la, ki te sou yo, <sup>2</sup> alò, Zorobabel fis a Schealthiel la avèk Josué te leve, te kòmanse rebati lakay Bondye ki Jérusalem nan e ✧pwofèt Bondye yo te avèk yo pou

✧ 4:4 Esd 3:3 ✧ 4:6 Est 1:1 ✧ 4:7 II Wa 18:26 ✧ 4:9 Esd 5:6 ✧ 4:10 Esd 4:11-17 ✧ 4:12 Esd 5:3-9 ✧ 4:13 Esd 4:20 ✧ 4:18 Né 8:8 ✧ 4:20 I Wa 4:21 ✧ 5:1 Ag 1:1 ✧ 5:1 Za 1:1 ✧ 5:2 Esd 6:14

bay yo soutyen. <sup>3</sup> Nan lè ✧ Thathnai, gouvènè pwovens lòtbò Rivyè a e Schethar-Boznaï avèk kolèg parèy a yo, te vin kote yo e te pale avèk yo konsa: ✧“Se kilès ki te bay ou dekrè pou fin fè tanp sila a e pou fin fè konstriksyon sila a? <sup>4</sup> ✧ Alò, nou te pale yo konsa non a mesye yo ki t ap fè rekonstriksyon sila a. <sup>5</sup> Men, ✧ zye a Bondye pa yo te veye sou ansyen nan Jwif yo e yo pa t fè yo sispann jiskaske yon rapò te sòti nan Darius, wa Perse la. <sup>6</sup> Kopi a lèt ke Thathnai, gouvènè lòtbò rivyè a e Schethar-Boznaï avèk kolèg parèy a li yo avèk ✧ ofisyèl ki te lòtbò rivyè a, yo te voye a Darius, wa a. <sup>7</sup> Yo te voye bay li yon rapò e ladann, te ekri sa: “A Darius, wa a; lapè avèk ou! <sup>8</sup> Kite li rekonèt a wa a ke nou te ale nan pwovens a Juda a, vè kay a gran Bondye a, ki ap bati avèk wòch ki gwo e travès yo ap poze nan mi li yo; epi travay sila a ap avanse avèk gwo swen e ap byen reyisi nan men yo. <sup>9</sup> Lè nou te kesyonnen ansyen sila yo epi te mande yo konsa: ‘Kilès ki te bay ou dekrè pou rebati tanp sa a e fini avèk konstriksyon sa a?’ <sup>10</sup> Anplis, nou te mande yo non yo pou nou ta kab fè ou konnen e ke nou ta kapab ekri non a mesye ki te chèf an tèt yo. <sup>11</sup> Se konsa yo te reponn nou, epi te di: ‘Nou se sèvitè a Bondye syèl la avèk tè a e n ap rebati tanp ki te bati anpil ane pase yo, ✧ ke yon gran wa Israèl te bati e te fin acheve. <sup>12</sup> Men, akòz papa pa nou yo te pwovoke Bondye syèl la a lakòlè, ✧ Li te livre yo nan men Nebucadnetsar, wa Babylone nan, Kaldeyen ki te detwi tanp sila a e te mennen fè sòti tout pèp la jis rive Babylone. <sup>13</sup> Sepandan, nan premye ane Cyrus la, wa Babylone nan, Wa Cyrus te ✧ pibliye yon dekrè pou rebati kay Bondye sila a. <sup>14</sup> Anplis, ✧ zouti an ajan avèk lò lakay Bondye ke Nebucadnetsar te retire soti nan tanp Jérusalem nan pou te pote yo nan tanp Babylone nan; sila yo, Cyrus te pran soti nan tanp Babylone nan e yo te bay a yon nonm ki te rele Sheshbatsar, sila li te chwazi kon gouvènè a. <sup>15</sup> Li te di li: ‘Pran zouti sila yo, ale depoze yo nan tanp Jérusalem nan e kite kay Bondye a vin rebati nan plas li. <sup>16</sup> Epi Sheshbatsar sila a te vin ✧poze fondasyon kay Bondye a Jérusalem; epi depi lè sa a, jis rive koulye a, li te anba konstriksyon e li poko fini. <sup>17</sup> Alò, si sa ta fè wa a kontan, ✧ kite yon rechèch fèt lakay trezorye wa a ki Babylone nan, se konsa ke yon dekrè te fè pa Cyrus pou rebati kay Bondye sila a Jérusalem; epi kite wa a voye bannou desizyon pa li sou ka sa a.

## 6

<sup>1</sup> Wa Darius te pibliye yon dekrè e ✧ yon rechèch te fèt nan achiv yo kote trezò yo te depoze Babylone nan. <sup>2</sup> Nan ✧ Achemetha, nan fò a, ki nan pwovens a Médie a, yo te twouve yon woulo e ladann te ekri konsa kon yon rekòd anrejistre: <sup>3</sup> ✧ ‘Nan premye ane a Wa Cyrus la, Cyrus, wa a, te pibliye yon dekrè: Sou kay Bondye nan Jérusalem nan, kite tanp kote sakrifis konn vin ofri yo vin rebati e kite fondasyon li yo konsève, wotè ki swasant koude a e lajè ki swasant koude a <sup>4</sup> ✧ avèk twa ranje gwo wòch taye ak yon ranje an bwa. Epi kite frè a peye soti nan trezò wa a. <sup>5</sup> Anplis, kite ✧ zouti an lò avèk ajan ki pou lakay Bondye yo, ke Nebucadnetsar te pran soti nan tanp Jérusalem nan pou te pote Babylone nan, remèt e fè retounen nan plas yo nan tanp Jérusalem nan; epi nou va depoze yo nan kay Bondye a. <sup>6</sup> Alò, pou sa, ✧ Thathnai, ou menm, gouvènè pwovens lòtbò rivyè a, Schethar-

✧ **5:3** Esd 6:6-13 ✧ **5:3** Esd 1:3 ✧ **5:4** Esd 5:10 ✧ **5:5** Esd 7:6-28 ✧ **5:6** Esd 4:9 ✧ **5:11** I Wa 6:1-38 ✧ **5:12** II Wa 25:8-11 ✧ **5:13** Esd 1:1-4 ✧ **5:14** Esd 1:7 ✧ **5:16** Esd 3:8-10 ✧ **5:17** Esd 6:1-2 ✧ **6:1** Esd 5:17 ✧ **6:2** II Wa 17:6 ✧ **6:3** Esd 1:1 ✧ **6:4** I Wa 6:36 ✧ **6:5** Esd 1:7 ✧ **6:6** Esd 5:3

Boznaï avèk kòlèg parèy ou yo, ofisyèl nan pwovens lòtbò rivyè yo, rete lwen de la. <sup>7</sup> Kite travay sila sou kay Bondye a kontinye; kite gouvènè a Jwif yo avèk ansyen a Jwif yo rebati lakay Bondye a sou sit anplasman li an.' ” <sup>8</sup> Anplis, ✧ Mwen menm, Darius, ap bay yon dekrè sou sa nou gen pou fè pou ansyen sila yo nan Juda pou rekonstriksyon lakay Bondye sila a: tout frè li se pou peye a pèp sila yo soti nan kès trezò ki sòti nan taks ki sòti nan pwovens lòtbò rivyè yo, Epi sa dwe fèt san fè reta. <sup>9</sup> Nenpòt sa ki nesèsè, ni jenn towò, belye, ni jenn mouton pou ofrann brile a Bondye syèl la e ble, sèl, diven ak lwil onksyon, jan prèt Jérusalem yo mande a, fòk sa bay a yo chak jou san manke, <sup>10</sup> Pou yo kab ofri sakrifis agreyab a Bondye syèl la e ✧ priye pou lavi a wa a avèk fis li <sup>11</sup> Epi mwen te pibliye yon lòd ke ✧ nenpòt moun ki vyole dekrè sa a, yon travès bwa va rache sou pwòp kay li, li va frennen nèt avè l e lakay li va devni gwo pil fatra. <sup>12</sup> Pou Bondye ✧ ki te fè non Li rete a, ta dechouke nenpòt wa oswa pèp ki ta eseye chanje sa a pou li ta detwi kay Bondye sa a Jérusalem. Mwen, Darius, te pase lòd sa a; kite li akonpli avèk dilijans! <sup>13</sup> Alò, ✧ Thathnaï, gouvènè pwovens lòtbò rivyè a, Schethar-Boznaï, avèk kolèg parèy a yo te konfòme avèk dilijans a lòd sa a jan Wa Darius te voye bay li a. <sup>14</sup> Epi ✧ ansyen pami Jwif yo te reyisi nan konstriksyon an selon asistans pwofesi ki t ap fèt pa Aggée avèk Zacharie yo, fis a Iddo a. Epi yo te fin bati selon lòd Bondye Israèl la, dekrè a Cyrus la, Darius ak Artaxerxès, wa a Perse la. <sup>15</sup> Tanp sa a te fini sou twazyèm jou nan ✧ mwa Adar a; li te nan sizyèm ane règn Wa Darius la. <sup>16</sup> Epi fis Israèl yo, prèt yo, Levit yo ak tout lòt moun egzil ki te retounen yo te ✧ selebre dedikasyon kay Bondye sila a avèk jwa. <sup>17</sup> Yo te ofri pou dedikasyon tanp Bondye sila a san towò, de-san belye, kat-san jenn mouton e kon ofrann peche pou tout Israèl la, ✧ douz mal kabrit ki te koresponn a non tribi Israèl yo. <sup>18</sup> Epi yo te chwazi prèt yo a divizyon pa yo ak Levit yo nan lòd pa yo pou sèvis Bondye Jérusalem nan, ✧ jan sa ekri nan liv Moïse la. <sup>19</sup> Moun egzil yo te obsève fèt Pak la nan ✧ katòzyèm jou nan premye mwa a. <sup>20</sup> Paske, prèt yo avèk Levit yo te fin pirifye yo ansanm; yo tout nan yo te pwòp. Epi ✧ yo te touye jenn mouton Pak la pou tout moun egzil yo, ni pou frè pa yo, prèt yo ak pou yo menm. <sup>21</sup> Fis a Israèl ki te retounen an egzil yo e ✧ tout sila ki te separe yo menm de lenpite a nasyon nan peyi yo pou fè ansanm avèk yo, pou chache SENYÈ a, Bondye Israèl la, te manje Pak la. <sup>22</sup> Epi ✧ yo te obsève Fèt Pen San Ledven an pandan sèt jou avèk jwa, paske SENYÈ a te fè yo rejwi e ✧te detounen kè a wa a Assyrie a vè yo pou ankouraje yo nan travay lakay Bondye a, Bondye Israèl la.

## 7

<sup>1</sup> Alò, apre bagay sila yo, nan règn ✧ Artaxerxès la, wa Perse la, te monte Esdras, fis a Seraja a, fis a Azaria a, fis a Hilkija a, <sup>2</sup> fis a Schallum nan, fis a Tsadok la, fis a Achithub la, <sup>3</sup> fis a Amaria a, fis a Merajoth la, <sup>4</sup> fis a Zerachja a, fis a Uzzi a, fis a Bukki a, <sup>5</sup> fis a Abischura a, fis a Phinées a, fis a Éléazar a, fis a Aaron an, wo prèt la. <sup>6</sup> Esdras sila a te monte soti Babylone e li te yon ✧ skrib avèk anpil konesans nan lalwa Moïse la, ke SENYÈ a, Bondye Israèl la, te bay la; epi wa a te bay li tout sa ke li te

✧ **6:8** Esd 6:4 ✧ **6:10** Esd 7:23 ✧ **6:11** Esd 7:26 ✧ **6:12** Det 12:5-11 ✧ **6:13** Esd 6:6 ✧ **6:14** Esd 5:1-2 ✧ **6:15** Est 3:7 ✧ **6:16** I Wa 8:63 ✧ **6:17** Esd 8:35 ✧ **6:18** Nonb 3:6 ✧ **6:19** Egz 12:6 ✧ **6:20** II Kwo 35:11 ✧ **6:21** Né 9:2 ✧ **6:22** Egz 12:15 ✧ **6:22** Esd 7:27 ✧ **7:1** Esd 7:12-21 ✧ **7:6** Esd 7:11-21

mande akoz men SENYÈ a, Bondye li a, te sou li. <sup>7</sup> ✧ Kèk nan fis Israèl yo avèk kèk nan prèt yo, Levit yo, chantè yo, gadyen pòtay yo, ak sèvitè tanp yo te monte Jérusalem nan setyèm ane a Wa Artaxerxès la. <sup>8</sup> Li te vini Jérusalem nan senkyèm mwa a, ki te nan setyèm ane règn a Wa a. <sup>9</sup> Paske, nan premye jou nan premye mwa a, li te kòmanse monte soti Babylone; epi nan premye jou nan senkyèm mwa a, li te rive Jérusalem, ✧ akoz bon men a Bondye pa li a te sou li. <sup>10</sup> Paske, Esdras te dedye kè li pou etidye lalwa SENYÈ a, pou praktike li, ✧ pou enstwi règleman pa Li yo ak òdonans Li yo an Israèl. <sup>11</sup> Alò, sa se yon kopi a dekrè ke Wa Artaxerxès te bay a Esdras, prèt la, skrib la, ki te byen enstwi nan kòmandman a SENYÈ a, avèk règleman Li yo pou Israèl: <sup>12</sup> “Artaxerxès, wadèwa yo, a Esdras, prèt la, skrib lalwa Bondye Syèl la, lapè pafè. Epi koulye a, <sup>13</sup> ✧ Mwen te bay yon dekrè ke nenpòt moun nan pèp Israèl la avèk prèt pa yo ak Levit nan wayòm pa m nan ki gen volonte pou ale Jérusalem, kapab ale avèk ou. <sup>14</sup> Akoz ke ou voye pa wa a avèk ✧ sèt konseye li yo, pou mande konsèy sou Juda ak Jérusalem, selon lalwa Bondye pa ou a, ki nan men ou a, <sup>15</sup> Epi pou pote ajan avèk lò ke wa a avèk konseye li yo te ofri libreman a Bondye Israèl la, ✧ ki gen plas abitasyon Li Jérusalem, <sup>16</sup> avèk tout ajan ak lò ke ou jwenn nan tout pwovens Babylone yo, ansanm ✧ avèk ofrann bòn volonte a pèp la ak prèt yo, ki te ✧ ofri avèk bòn volonte pou lakay Bondye pa yo a ki Jérusalem nan. <sup>17</sup> Pou sa, avèk lajan sa a, nou va, avèk swen, achte towò, belye, jenn mouton avèk ofrann sereyal pa yo ak ofrann bwason pa yo e ✧ ofri yo sou lotèl lakay Bondye nou an ki Jérusalem nan. <sup>18</sup> Nenpòt sa ou wè ki sanble bon a ou menm avèk frè ou yo pou fè avèk sa ki rete nan ajan avèk lò yo, nou kab fè l selon volonte Bondye pa nou an. <sup>19</sup> Anplis, zouti ki bay a nou pou sèvis lakay Bondye ou a, livre yo nèt devan Bondye Jérusalem nan. <sup>20</sup> Tout lòt bezwen pou lakay Bondye ou a, ke ou kab petèt gen okazyon founi, ✧ founi li soti nan kès trezò wa a. <sup>21</sup> Mwen Mwen menm, Wa Artaxerxès, pibliye yon dekrè a tout trezorye ki nan pwovens lòtbò rivyè a, ke nenpòt sa ke Esdras, prèt la, ✧ skrib lalwa a Bondye syèl la a ta egzije a nou, fòk li fèt avèk swen, <sup>22</sup> jis menm rive a san talan ajan, san barik ble, san galon diven, san galon lwil, avèk sèl si li ta nesesè. <sup>23</sup> Nenpòt sa ki kòmande pa Bondye syèl la, kite li fèt avèk zèl pou lakay Bondye syèl la, ✧ pou pa vin genyen kòlè Li kont wayòm a wa a avèk fis li yo. <sup>24</sup> Anplis, nou fè nou konprann ke ✧ li pa pèmèt pou enpoze taks, kontribisyon obligatwa, ni frè lese pase sou okenn nan prèt yo, Levit yo, chantè yo, gadyen pòtay yo, Netinyen yo, ni sèvitè lakay Bondye sila a. <sup>25</sup> Ou menm, Esdras, selon sajès a Bondye ki nan men ou a, ✧ chwazi majistra yo avèk jij yo pou yo kab jije tout moun ki nan pwovens lòtbò rivyè a, menm tout sila ki konnen lalwa a Bondye pa ou a; epi ou kapab ✧ enstwi nenpòt moun ki manke konprann. <sup>26</sup> ✧ Nenpòt moun ki refize obsève lalwa Bondye ou a, avèk lalwa a wa a, kite jijman vin tonbe sou li avèk severite, swa pou lanmò, swa mete l deyò nan peyi a, swa sezi byen li, oswa ba li prizon.” <sup>27</sup> ✧ Beni se SENYÈ a, Bondye a papa zansèt nou yo, ki te mete yon bagay konsa nan kè a wa a, pou fè bèl kay SENYÈ a ki Jérusalem nan; <sup>28</sup> Epi ✧ te lonje bay lanmou dous Li a mwen menm devan

✧ **7:7** Esd 8:1-20 ✧ **7:9** Esd 7:6 ✧ **7:10** Esd 7:25 ✧ **7:13** Esd 6:1 ✧ **7:14** Esd 7:15-28 ✧ **7:15** Esd 6:12 ✧ **7:16** Esd 1:4 ✧ **7:16** I Kwo 29:6 ✧ **7:17** Det 12:5-11 ✧ **7:20** Esd 6:4 ✧ **7:21** Esd 7:6 ✧ **7:23** Esd 6:10 ✧ **7:24** Esd 4:13-20 ✧ **7:25** Egz 18:21 ✧ **7:25** Mal 2:7 ✧ **7:26** Esd 6:11-12 ✧ **7:27** Esd 6:22 ✧ **7:28** Esd 9:9

wa a avèk konseye li yo e devan tout chèf pwisan a wa yo. Se te konsa mwen te ranfòse pa \*men SENYÈ a, Bondye mwen an, ki te sou mwen an e mwen te rasanble mesye dirijan prensipal yo soti an Israèl pou monte avè m.

## 8

<sup>1</sup> Alò sila yo se chèf a lakay papa zansèt yo e anrejistreman a sila ki te monte avè m soti Babylone yo nan règn Wa Artaxerxès la: <sup>2</sup> nan fis a Phinéés yo, Guerschom; nan fis a Ithamar yo, Daniel; nan fis a David yo, Hatthusch, <sup>3</sup> nan fis a Schecania yo ki te nan fis a \*Pareosch yo, Zacharie e avèk li, san-senkant gason ki te nan chif rejis la; <sup>4</sup> nan fis a Pachat-Moab yo, Eljoénaï, fis a Zerachja a, epi avèk li menm, de-san gason; <sup>5</sup> nan fis a Tsatttu yo, Schecania, fis a Jachaziel la e avèk li, twa-san gason; <sup>6</sup> Epi nan fis a Adin yo, Ébed, fis a Jonathan an e senkant gason avèk li; <sup>7</sup> Epi nan fis a Élam yo, Ésaïe, fis a Athalia a e avèk li, swasann-dis gason; <sup>8</sup> Epi nan fis a Schephathia yo, Zebadia, fis a Micaël la e avèk li, katra-ven gason; <sup>9</sup> nan fis a Joab yo, Abdias, fis a Jehiel la e avèk li, de-san di-zuit gason; <sup>10</sup> Epi nan fis a Schelomith yo, fis a Josiphia yo e avèk li, san-swasant gason; <sup>11</sup> Epi nan fis a Bébaï yo, Zacharie, fis a Bébaï a e avèk li, venn-tuit gason; <sup>12</sup> Epi nan fis a Azgad yo, Jochanan, fis a Hakkathan an e avèk li, san-dis gason; <sup>13</sup> Epi nan fis a Adonikam yo, dènye yo, men non yo, Éliphéleth, Jeiel ak Schemaeja e avèk li, swasant gason. <sup>14</sup> Epi nan fis a Bigvaï yo, Uthaï ak Zabbud e avèk yo, swasann-dis gason. <sup>15</sup> Alò, mwen te rasanble yo akote \*rivyé ki kouri rive Ahava a, kote nou te fè kan pandan twa jou a; epi lè mwen te obsève pèp la avèk prèt yo, mwen pa t twouve okenn nan Levit yo la. <sup>16</sup> Akoz sa, mwen te voye pou chèf yo Éliézer, Ariel, Schemaeja, Elnathan, Jarib, Elnathan, Nathan, Zacharie ak Meschullam e pwofesè yo, Jojarib avèk Einathan. <sup>17</sup> Mwen te voye yo kote Iddo, chèf prensipal nan andwa Casiphia a; epi mwen te fè yo konnen kisa pou yo di Iddo avèk frè li yo, \*sèvitè tanp yo nan andwa Casiphia a, sa vle di pou pote sèvitè yo kote nou pou lakay Bondye pa nou an. <sup>18</sup> Selon bon men SENYÈ a sou nou, yo te mennen bannou yon \*nonm ak anpil konprann nan fis a Machli yo, fis a Lévi a, fis Israèl la, ki rele Schérébia ak fis li yo avèk frè li yo, di-zuit mesye; <sup>19</sup> Epi Haschabia e avèk li, Ésaïe nan fis a Merari yo, avèk frè li yo ak fis li yo, <sup>20</sup> Epi de-san-ven nan \*sèvitè tanp yo, ke David avèk chèf yo te bay pou sèvis Levit yo, tout moun ki te dezigne pa non yo. <sup>21</sup> Epi mwen te pwoklame yon jèn, akote rivyé Ahava a, pou nou ta kab \*imilye nou devan Bondye nou an pou chache soti nan Li, yon vwayaj sof pou nou, pitit nou yo ak tout byen nou yo. <sup>22</sup> Paske, mwen te wont mande a wa a, sòlda yo avèk chevalye yo pou pwoteje nou kont lènmi sou chemen an, akoz nou te di a wa a: “Men Bondye nou an byen dispoze sou sila ki chache Li yo; men, \*pwisans Li avèk lakòlè Li kont tout sila ki \*abandone Li yo.” <sup>23</sup> Konsa, nou te fè jèn nan e te chache Bondye nou konsa e Li te \*koutè sa nou te mande a. <sup>24</sup> Epi mwen te mete akote douz nan prèt prensipal yo, \*Schébéria, Haschabia ak dis nan frè yo; <sup>25</sup> Epi mwen te peze bay yo \*ajan, lò, avèk zouti, ofrann pou lakay Bondye nou an ke wa a avèk konseye li yo ak chèf li yo avèk tout Israèl prezan yo, te bay. <sup>26</sup> \*Konsa, mwen te peze

\* 7:28 Esd 5:5    \* 8:3 Esd 2:3    \* 8:15 Esd 8:21-31    \* 8:17 Esd 2:43    \* 8:18 II Kwo 30:22  
 \* 8:20 Esd 2:43    \* 8:21 Lev 16:29    \* 8:22 Jos 22:16    \* 8:22 II Kwo 15:2    \* 8:23 I Kwo 5:20  
 \* 8:24 Esd 8:18-19    \* 8:25 Esd 7:15-16    \* 8:26 Esd 1:9-11

mete nan men yo sis-san-senkant talan ajan, zouti an ajan ki te gen valè a san talan e anplis, san talan lò, <sup>27</sup> Epi ven bòl an lò ki te gen valè mil darik yo, ak de zouti an bwonz klè, byen fen, presye kon lò. <sup>28</sup> Epi mwen te di yo: ✧ “Nou sen a SENYÈ la e tout zouti yo sen. Epi ajan avèk lò a se yon ofrann bòn volonte a SENYÈ a, Bondye a zansèt nou yo. <sup>29</sup> ✧ Veye e kenbe yo jiskaske nou peze yo devan prèt prensipal yo, Levit yo ak chèf an tèt lakay zansèt a Israèl nou yo Jérusalem, nan chanm lakay SENYÈ yo.” <sup>30</sup> Konsa, prèt yo avèk Levit yo te ✧ aksepte ajan avèk lò ki te fin peze yo ak zouti yo pou pote yo Jérusalem lakay Bondye pa nou an. <sup>31</sup> Epi nou te vwayaje soti nan ✧ rivyè Ahava a nan douzyèm jou nan premye mwa a pou monte Jérusalem; epi men Bondye nou an te sou nou e Li te delivre nou soti nan men a lènmi yo, ak anbiskad nan chemen yo. <sup>32</sup> Konsa, ✧ nou te rive Jérusalem e te rete la pandan twa jou. <sup>33</sup> Nan katriyèm jou a, ajan an avèk lò a avèk zouti ki te ✧ peze pa men a Merémoth la, fis a Urie a, prèt la e avèk li, te gen Éléazar, fis a Phinéas a; epi avèk yo, te gen Levit yo, Jozabad, fis a Josué a ak Noadia, fis a Binnui a. <sup>34</sup> Tout bagay te nimewote e te peze e tout pwa a te rekòde menm lè sa a. <sup>35</sup> ✧ Moun egzil ki te sòti an kaptivite yo te ofri ofrann brile a Bondye Israèl la: douz towò pou tout Israèl, katre-ven-sèz belye, swasann-dis-sèt jenn mouton, douz mal kabrit kon ofrann peche, yo tout kon ofrann brile a SENYÈ a. <sup>36</sup> Epi ✧ yo te livre dekrè a wa a a ✧chèf pwovens yo e a majistra lòtbò rivyè Jourdain an; epi yo te bay soutyen a pèp la avèk lakay Bondye a.

## 9

<sup>1</sup> Alò, lè bagay sa yo te vin fini, chèf yo te vin kote mwen epi te di: “Pèp Israèl la avèk prèt ak Levit yo pa t separe yo menm de pèp peyi yo, ✧ selon abominasyon pa yo, sila nan Canaan yo, Etyen yo, Ferezyen yo, Jebizyen yo, Amonit yo, Moabit yo, Ejiptyen yo ak Amoreyen yo. <sup>2</sup> Paske, ✧ yo te pran kèk nan fi pa yo kon madanm pou yo menm e pou fis pa yo, jiskaske ras sen an te vin mele avèk pèp peyi yo; vrèman, se men a chèf yo avèk dirijan yo ki te pran an avan nan enfidelite sa a.” <sup>3</sup> Lè mwen te tandè afè sila a, mwen te ✧ chire vètman mwen, mwen te rache cheve nan tèt mwen avèk bab mwen e mwen te vin ✧chita, dezole nèt. <sup>4</sup> Epi tout moun ki te tranble sou pawòl a Bondye Israèl la akòz enfidelite a moun egzil yo, te rasanble kote mwen; epi mwen te chita dezole nèt jis rive nan ✧ ofrann aswè a. <sup>5</sup> Men, nan ofrann aswè a, mwen te leve soti nan imilyasyon mwen, menm avèk rad ak manto mwen chire, mwen te tonbe sou jenou mwen e te ✧ lonje men m kote SENYÈ a, Bondye mwen an; <sup>6</sup> Epi mwen te di: “O Bondye mwen, mwen twouble e mwen wont leve figi mwen vè Ou menm, Bondye mwen, paske inikite nou yo vin leve pi wo tèt nou e ✧ koupabilite nou vin grandi menm jis rive nan syèl yo. <sup>7</sup> ✧ Depi nan jou a papa nou yo, jis rive jodi a, nou nan gran koupabilite e akòz inikite nou yo, nou menm, wa nou yo ak prèt nou yo te vin livre nan men a wa peyi yo, a nepe, an kaptivite, piyaj ak wont ki byen vizib, jis rive jodi a. <sup>8</sup> Men koulye a, pou yon ti moman, gras la te parèt soti nan SENYÈ a, Bondye nou an, pou kite pou nou, yon retay ki chape, pou bay nou yon ✧ pikèt kote sen Li an, pou

✧ **8:28** Lev 21:6-8 ✧ **8:29** Esd 8:33-34 ✧ **8:30** Esd 1:9 ✧ **8:31** Esd 8:15-21 ✧ **8:32** Né 2:11  
 ✧ **8:33** Esd 8:30 ✧ **8:35** Esd 2:1 ✧ **8:36** Esd 7:21-24 ✧ **8:36** Esd 4:7 ✧ **9:1** Lev 18:24-30  
 ✧ **9:2** Det 7:3 ✧ **9:3** II Wa 18:37 ✧ **9:3** Né 1:4 ✧ **9:4** Egz 29:39 ✧ **9:5** Egz 9:29 ✧ **9:6**  
 Esd 9:13-15 ✧ **9:7** II Kwo 29:6 ✧ **9:8** És 22:23

Bondye nou an kapab ✧klere zye nou e fè nou twouve yon ti amelyorasyon nan esklavaj nou an. <sup>9</sup> ✧ Paske, se esklav nou ye; sepandan, Bondye pa t abandone nou, men te lonje ban nou lanmou dous Li nan zye a wa Perse yo, pou bannou amelyorasyon pou leve lakay Bondye nou an, pou restore sa ki te kraze nèt yo e pou bannou yon miray nan Juda avèk Jérusalem. <sup>10</sup> Alò, Bondye nou an, kisa nou va di apre sa? Paske nou te abandone kòmandman Ou yo, <sup>11</sup> ke Ou te kòmande pa sèvitè Ou yo, pwofèt yo, epi te di: ‘Peyi ke nou ap antre pou posede a se yon peyi ki pa pwòp avèk moun ki pa pwòp nan peyi yo, avèk abominasyon pa yo avèk sila yo te akonpli soti nan yon pwent jis rive nan yon lòt e ✧ avèk lempite pa yo. <sup>12</sup> Pou sa, pa ✧ bay fi nou yo a fis nou yo, ni pran fi pa yo pou fis pa nou, ✧pa janm chache lapè yo ak pwosperite yo, pou nou kapab kenbe kouraj nou e manje bon bagay a peyi a e lese li kon yon eritaj a fis nou yo jis pou tout tan.’ <sup>13</sup> Apre tout sa ki te rive sou nou pou zak mechan nou yo ak ✧ gran koupabilite nou yo, akoz Ou menm, Bondye nou an, te remèt nou mwens ke linikite nou yo merite e te ban nou yon retay chape kon sila a, <sup>14</sup> èske nou ap ankò kraze kòmandman Ou yo e fè maryaj ak pèp ki fè abominasyon sila yo? ✧ Èske Ou pa t ap fache avèk nou jis nan pwent pou detwi nou, jis pa menm gen yon retay, ni okenn moun ki chape? <sup>15</sup> O SENYÈ a, Bondye Israèl la, ✧ Ou dwat, paske yon retay ki chape te rete pou nou nan jou sa a; men vwala, nou devan Ou nan koupabilite nou yo e ✧pèsòn pa kapab kanpe devan Ou akoz sa.

## 10

<sup>1</sup> Alò, ✧ pandan Esdras t ap priye e t ap fè konfesyon, t ap kriye e pwostène li devan lakay Bondye a, yon trè gran asanble, gason, fanm, ni timoun, te rasanble vè li soti an Israèl; paske pèp yo te kriye byen anmè. <sup>2</sup> Schecania, fis a Jehiel la, youn nan fis a Élam yo, te di Esdras: ✧ “Nou pa t fidèl a Bondye nou an e te marye ak fanm etranje soti nan pèp peyi yo; sepandan, koulye a, gen espwa pou Israèl malgre sa. <sup>3</sup> Alò koulye a, ✧ kite nou fè yon akò avèk Bondye nou an pou mete akote tout fanm yo avèk pitit pa yo, selon konsèy a mèt mwen an e a sila ki tranble sou kòmandman Bondye nou yo; epi kite sa fèt ✧selon lalwa a. <sup>4</sup> Leve! Paske se ou menm ki responsab afè sila a, men nou va avèk nou; ✧ pran kouraj e aji.” <sup>5</sup> Epi Esdras te leve e te ✧ fè prèt prensipal yo, Levit yo ak tout Israèl sèmante pou yo ta fè selon sa ki te pwopoze a; konsa yo te sèmante. <sup>6</sup> Epi Esdras te leve soti devan lakay Bondye a e te antre nan chanm a Jochanan nan, fis a Éliaschib la. Malgre li te ale la, ✧ li pa t manje pen, ni bwè dlo, paske li te tèlman dezole akoz enfidelite a moun egzil yo. <sup>7</sup> Yo te fè yon dekrè nan tout Juda avèk Jérusalem a tout moun egzil yo, ke yo ta dwe rasanble Jérusalem, <sup>8</sup> epi ke nenpòt moun ki pa ta vini nan twa jou yo, selon konsèy a chèf pa yo avèk ansyen yo, tout byen li yo va konfiske e li menm ta retire nan asanble moun egzil yo. <sup>9</sup> Pou sa, tout mesye Juda avèk Benjamin yo te rasanble Jérusalem nan twa jou yo. Se te nan nevyèm mwa a sou ventyèm jou nan mwa a, tout pèp te chita nan plas ouvri devan lakay Bondye a e yo t ap ✧ tranble akoz afè sila a ak gwo lapli a. <sup>10</sup> Alò, Esdras, prèt la, te kanpe epi te di yo: “Nou pa t fidèl e nou te marye avèk fanm etranje

✧ 9:8 Sòm 13:3 ✧ 9:9 Né 9:36 ✧ 9:11 Esd 6:21 ✧ 9:12 Egz 34:15-16 ✧ 9:12 Det 23:6  
 ✧ 9:13 Esd 9:6-7 ✧ 9:14 Det 9:8-14 ✧ 9:15 Né 9:33 ✧ 9:15 Sòm 130:3 ✧ 10:1 Dan 9:4-20  
 ✧ 10:2 Esd 9:2 ✧ 10:3 II Kwo 34:31 ✧ 10:3 Det 7:2-3 ✧ 10:4 I Kwo 28:10 ✧ 10:5 Né 5:12  
 ✧ 10:6 Det 9:18 ✧ 10:9 I Sam 12:18



yo, ki ogmante koupabilite Israël la. <sup>11</sup> Alò, akoz sa a, ✧ konfese a SENYÈ a, Bondye a zansèt nou yo e fè volonte L; epi separe nou menm soti nan moun a peyi yo e soti nan madanm etranje yo.” <sup>12</sup> Epi tout asanble a te reponn ak yon gwo vwa: “Se konsa! jan ou te di a, se devwa nou pou nou fè. <sup>13</sup> Men, gen anpil moun; se sezon lapli a e nou p ap kab kanpe deyò a. Ni tach la pa kab fèt nan youn oswa de jou, paske nou te fè anpil transgresyon nan afè sila a. <sup>14</sup> Kite chèf nou yo reprezante tout asanble a e kite tout sila nan vil nou yo ki te marye ak fanm etranje yo vini nan lè yo chwazi, ansanm avèk ansyen a chak vil yo, jiskaske ✧ kòlè fewòs Bondye nou an, akoz bagay sa a, ta vin detounen kite nou.” <sup>15</sup> Sèlman Jonathan, fis Asèl la avèk Jachzia, fis a Thikva a, te opoze ak sa, avèk Meschullam avèk Schabthai, Levit ki t ap bay yo soutyen an. <sup>16</sup> Men, moun egzil yo te fè li konsa. Epi Esdras, prèt la, te chwazi mesye ki te chèf an tèt lakay zansèt yo pou chak kay zansèt, yo tout pa non yo. Konsa, yo te reyini nan premye jou nan dizyèm mwa a pou fè rechèch sou ka sila a. <sup>17</sup> Yo te fin fè rechèch la sou tout mesye ki te marye ak fanm etranje yo pou rive nan premye jou premye mwa a. <sup>18</sup> Pami fis a prèt ki te marye ak fanm etranje yo, yo te twouve fis a ✧ Josué yo, fis a Jotsadak la e frè li yo: Maaséja, Éliézer, Jarib, avèk Guedalia. <sup>19</sup> Yo te fè sèman pou mete akote fanm pa yo e akoz koupabilite a, ✧ yo te ofri yon belye a bann mouton an pou kouvri ofans lan. <sup>20</sup> Nan fis a Immer yo, te gen Hanani avèk Zebadia; <sup>21</sup> Epi nan fis a Harim yo, Masséja, Élie, Schemaeja, Jehiel, avèk Ozias; <sup>22</sup> Epi nan fis a Paschhur yo, Eljoénaï, Maaséja, Ismaël, Nethaneel, Jozabad, avèk Éléasa. <sup>23</sup> Nan Levit yo, te gen Jozabad, Schimeï, Kélaja, (sa vle di) Kelitha, Pethachja, Juda, avèk Éliézer. <sup>24</sup> Pami chantè yo, te gen Éliaschab. Pami gadyen pòtay yo: Schallum, Thélem ak Uri. <sup>25</sup> Nan Israël, nan fis a ✧ Pareosch yo: Ramia, Jizzija, Malkija, Mijamin, Éléazar, Malkija ak Benaja; <sup>26</sup> Epi nan fis a Élam yo: Matthania, Zacharie, Jehiel, Abdi, Jerémoth, avèk Élie; <sup>27</sup> Epi nan fis a Zathu yo: Elojénaï, Éliaschib, Matthania, Jerémoth, Zabad, epi Aziza; <sup>28</sup> Epi nan fis a Bébaï yo: Jochanan, Hanania, Zabbaï, avèk Athlai; <sup>29</sup> Epi nan fis a Bani yo: Meschullam, Malluc, Adaja, Jaschub, Scheal, avèk Ramoth; <sup>30</sup> nan fis a Pachath-Moab yo: Adna, Kelal, Benaja, Maaséja, Matthania, Betsaleel, Binnui avèk Manassé; <sup>31</sup> nan fis a Harim yo: Éliézer, Jischija, Malkija, Schemaeja, Siméon, <sup>32</sup> Benjamin, Malluc avèk Schemaria; <sup>33</sup> nan fis yo a Haschum: Matthanai, Matthattha, Zabad, Éliphéleth, Jerémaï, Manassé avèk Schimeï; <sup>34</sup> nan fis a Bani yo, Maadaï, Amram, Uel, <sup>35</sup> Benaja, Bédia, Keluhu, <sup>36</sup> Vania, Merémoth, Éliaschib, <sup>37</sup> Matthania, Matthanai, Jaasaï, <sup>38</sup> Bani, Binnui, Schimeï, <sup>39</sup> Schélémia, Nathan, Adaja, <sup>40</sup> Macnadbaï, Schaschaï, Scharaï, <sup>41</sup> Azareel, Schélémia, Schemaria, <sup>42</sup> Schallum, Amaria, avèk Joseph. <sup>43</sup> Nan fis a Nebo yo, Jeïel, Matthithia, Zabad, Zebina, Jaddaï, Joël ak Benaja. <sup>44</sup> Tout nan sila yo te marye avèk ✧ fanm etranje yo e te gen nan yo ki te gen fanm avèk sila yo te fè pitit.

✧ 10:11 Lev 26:40 ✧ 10:14 II Wa 23:26 ✧ 10:18 Ag 1:1-12 ✧ 10:19 Lev 5:15 ✧ 10:25 Esd 2:3 ✧ 10:44 I Wa 11:1-3

## Néhémie

<sup>1</sup> Pawòl a ✧ Néhémie yo, fis a Hacalia a. Alò, sa te fèt nan mwa Kisleu a, nan ventyèm ane a, pandan mwen te nan kapital ✧Suse la, <sup>2</sup> ke ✧ Hanani, youn nan frè mwen yo e kèk nan mesye ki soti Juda yo te vini. Mwen te mande yo sou Jwif yo ki te chape, e ki te reziste malgre kaptivite a, epi sou Jérusalem. <sup>3</sup> Yo te di mwen: “Retay ki la nan pwovens lan, ki te chape e ki te reziste malgre kaptivite a nan gwo pwoblèm ak dezolasyon. Miray Jérusalem nan kraze nèt e pòtay li yo fin brile ak dife.” <sup>4</sup> Lè m te tande pawòl sila yo, ✧ mwen te chita la, mwen te kriye e fè gwo plent pandan kèk jou; epi mwen t ap fè jèn avèk lapriyè devan Bondye syèl la, <sup>5</sup> Mwen te di: “Mwen sipliye W, O SENYÈ syèl la, ✧ Bondye ki gran e mèvèye a, ki gade akò Li avèk lanmou dous Li pou sila ki renmen Li yo e ki kenbe kòmandman Li yo, <sup>6</sup> ke zòrèy W kapab atantif e zye Ou yo louvri pou tande lapriyè sèvitè Ou a ke mwen ap fè devan Ou koulye a, lajounen kon lannwit, nan non a fis Israèl yo, pou ✧ konfese peche a fis Israèl yo ke nou te fè kont Ou menm; mwen menm avèk lakay papa m te peche. <sup>7</sup> ✧ Nou te byen konwonpi nan zak nou te fè kont Ou yo e nou pa t kenbe kòmandman yo, règleman yo, òdonans yo, ke ou te kòmande a sèvitè Ou a, Moïse. <sup>8</sup> Sonje pawòl ke Ou te kòmande sèvitè Ou a, Moïse, lè Ou te di: ✧ ‘Si nou pa fidèl, Mwen va gaye nou pami pèp yo; <sup>9</sup> ✧men si nou retounen kote Mwen, kenbe kòmandman Mwen yo e fè yo, malgre sila nan nou ki te gaye nan zòn pi izole nan syèl yo, Mwen va ranmase yo soti la, pou mennen yo rive nan plas kote Mwen te chwazi pou non Mwen te abite a.’ <sup>10</sup> ✧ Yo se sèvitè Ou e pèp Ou ke Ou te rachte pa gran pouvwa Ou ak men pwisan Ou. <sup>11</sup> O Senyè, mwen sipliye W, pou zòrèy ou kapab atantif a lapriyè a sèvitè Ou a ak lapriyè a sèvitè Ou yo ki pran plezi nan louwe non Ou. Fè sèvitè Ou a reyisi nan jou sila a e bay li mizerikòd devan nonm sila a.” Alò, se te mwen ki te pote tas pou wa a.

## 2

<sup>1</sup> Epi li te vin rive nan mwa Nisan an, nan ventyèm ane a Wa Artaxerxès la, ke te gen diven devan li e mwen te monte pote diven an e te bay li a wa a. Alò, mwen pa t janm konn tris nan prezans li konsa. <sup>2</sup> Konsa, wa a te di mwen: “Poukisa figi ou tris konsa, malgre ou pa malad? ✧ Sa pa mwens ke tristès kè.” Epi mwen te krent anpil. <sup>3</sup> Mwen te di a wa a: “Kite wa a viv jis pou tout tan. Poukisa figi mwen pa ta dwe tris ✧ lè vil la, plas a tonm papa zansèt mwen yo, dezole nèt e pòtay li yo fin brile ak dife?” <sup>4</sup> Epi wa a te di mwen: “Kisa ou ta mande?” ✧ Konsa, mwen te priye a Bondye syèl la. <sup>5</sup> Mwen te di wa a: “Si li ta fè wa plezi e si sèvitè ou a te jwenn favè devan ou, voye m Juda, nan vil tonm a papa zansèt mwen yo, pou m ta kab rebati li.” <sup>6</sup> ✧ Epi wa a te di mwen pandan rèn nan te chita akote l: “Konbyen de tan vwayaj ou kapab ye? Epi kilè ou va retounen?” Konsa, sa te fè wa a plezi pou voye mwen e mwen te bay li yon lè jis. <sup>7</sup> Konsa, mwen te di wa a, si sa fè wa a plezi, kite lèt bay a mwen ✧ pou gouvènè nan pwovens yo lòtbò rivyè a, pou yo kapab kite mwen pase ladann yo

✧ 1:1 Né 10:1 ✧ 1:1 Est 1:2 ✧ 1:2 Né 7:2 ✧ 1:4 Esd 9:3 ✧ 1:5 Né 4:14 ✧ 1:6 És 10:1  
 ✧ 1:7 Dan 9:5 ✧ 1:8 Lev 26:33 ✧ 1:9 Det 30:2 ✧ 1:10 Egz 32:11 ✧ 2:2 Pwov 15:13 ✧ 2:3 Né 1:3 ✧ 2:4 Né 1:4 ✧ 2:6 Né 13:6 ✧ 2:7 Esd 7:21

jiskaske mwen rive Juda, <sup>8</sup> anplis, yon lèt a Asaph, gadyen nan forè a wa a, pou li kapab ban mwen bwa chapant pou fè travès pou pòtay a ✧ fò ki akote tanp lan; epi pou miray lavil la e pou kay nan sila mwen prale a.” Epi wa a te ban m tout sa akoz ✧ bon men Bondye mwen an te sou mwen. <sup>9</sup> Mwen te rive kote gouvènè nan pwovens lòtbò rivyè yo e te bay yo lèt a wa a. Alò, ✧ wa a te voye mwen avèk chèf lame yo ak chevalye yo. <sup>10</sup> Lé ✧ Sanballat, Owonit lan avèk Tobija, chèf Amonit lan te tandè koze sila a, sa te fè yo pa kontan anpil, pou yon moun ta vin chache fè byen pou fis a Israël yo. <sup>11</sup> Konsa, mwen te ✧ vini Jérusalem e mwen te la pandan twa jou. <sup>12</sup> Epi mwen te leve pandan lannwit lan, avèk kèk bon mesye avèk mwen. Mwen pa t pale pèsòn sa ke Bondye mwen an te mete nan tèt mwen pou fè pou Jérusalem nan e pa t gen bèt avè m sof ke sila ke mwen menm te monte a. <sup>13</sup> Konsa, mwen te sòti deyò nan nwit lan akote ✧ Pòtay Vale a vè Pwi Dragon an, anplis pou rive nan Pòtay Fimye a e mwen t ap pase fè enspeksyon miray Jérusalem yo, ki te kraze nèt ak pòtay li yo ki te manje pa dife. <sup>14</sup> Epi mwen te pase rive pi lwen nan Pòtay Sous Bwote a, avèk ✧ Dlo Etan a Wa a; men pa t gen kote pou bèt mwen an pase. <sup>15</sup> Konsa, mwen te pase pandan nwit lan pa ✧ ravin nan pou te fè enspeksyon miray la. Epi mwen te antre ankò nan Pòtay Vale a e mwen te retounen. <sup>16</sup> Chèf lokal yo pa t konnen kote mwen te ale a, ni sa mwen te fè a; ni jis rive nan moman sa a, mwen potko pale Jwif yo, prèt yo, moun nòb yo, chèf yo, ni lòt moun ki t ap fè travay yo. <sup>17</sup> Epi mwen te di yo: “Nou wè move ka nou an, ke ✧ Jérusalem dezole e pòtay li yo fin brile pa dife? Vini, annou rebati miray Jérusalem nan pou nou parèt kon yon wont ankò. <sup>18</sup> Mwen te pale yo jan men Bondye mwen an te ban m favè e anplis, pawòl ke wa a te pale mwen yo. Epi yo te di: “Annou leve pou bati.” ✧ Konsa, yo te mete men yo nan sa ki bon. <sup>19</sup> Men lè Sanballat, Owonit lan avèk Tobija, chèf Amonit lan, avèk Guéschem, Arab la te tandè koze sa a, yo te moke nou, te meprize nou epi te di: “Ki bagay sa n ap fè la a? ✧ Èske nou ap fè rebèl kont wa a? <sup>20</sup> Konsa, mwen te reponn yo epi te di yo: “Bondye syèl la va fè nou reyisi; se akoz sa a, sèvitè li yo va leve pou bati; ✧ men nou menm, nou p ap gen pòsyon, ni dwa, ni souvni nan Jérusalem.

### 3

<sup>1</sup> Epi Éliaschib, wo prèt la, te leve avèk frè li yo, prèt yo pou te bati Pòtay Mouton an; yo te konsakre li e te kwoke pòt li yo. Yo te konsakre miray ki te pou ✧ fò Santèn yo ak ✧ fò Hananeel la. <sup>2</sup> Akote li, ✧ mesye Jéricho yo te bati e akote li, Zaccur, fis a Imri a te bati. <sup>3</sup> Alò, fis a Senna yo te bati ✧ Pòtay Pwason an; yo te poze travès li yo e te kwoke pòt li yo avèk boulon e avèk ba fè. <sup>4</sup> Akote yo, Merémouth, fis a Urie a, fis a Hakkots la, te fè reparasyon yo. Epi akote li, Meschullam, fis a Bérékia a, fis a Meschézabeel la, te fè reparasyon yo. Epi akote li, Tsadok, fis a Baana a, te fè reparasyon yo. <sup>5</sup> Anplis, akote li, Tekoyit yo te fè reparasyon yo, men chèf prensipal pa yo a pa t bay soutyen a mèt ouvriye yo. <sup>6</sup> Jojada, fis a Paséach la avèk Meschullam, fis a Besodia a te repare ✧ Pòtay ansyen an; yo te poze travès li yo e te kwoke pòt li yo avèk boulon ak ba fè. <sup>7</sup> Akote yo, Melatia, Gabonit lan e Jadon, Mewonotit la, avèk mesye Gabaon avèk

✧ 2:8 Né 7:2 ✧ 2:8 Esd 7:6 ✧ 2:9 Esd 8:22 ✧ 2:10 Né 2:19 ✧ 2:11 Egz 8:32 ✧ 2:13 Né 3:13 ✧ 2:14 II Wa 20:20 ✧ 2:15 Jn 18:1 ✧ 2:17 Né 1:3 ✧ 2:18 II Sam 2:7 ✧ 2:19 Né 6:6 ✧ 2:20 Esd 4:3 ✧ 3:1 Né 12:39 ✧ 3:1 Jr 31:38 ✧ 3:2 Né 7:36 ✧ 3:3 Né 12:39 ✧ 3:6 Né 12:39

Mitspa osi te fè reparasyon yo kon reprezantan ☆gouvènè pwovens lòt bò rivyè a. <sup>8</sup> Akote li, Uzziel, fis a Harhaja a, òfèv la, te fè reparasyon yo. Epi akote li, Hanania, youn nan sila ki fè pafen yo, te fè reparasyon yo e yo te restore Jérusalem jis rive nan ☆ Gran Miray la. <sup>9</sup> Akote yo, Rephaja, fis a Hur la, chèf a mwatye nan distrik Jérusalem nan, te fè reparasyon yo. <sup>10</sup> Akote yo, Jedaja, fis a Harumaph la, te fè reparasyon anfas lakay li a. Epi akote li, Hattusch, fis a Haschabnia a, te fè reparasyon yo. <sup>11</sup> Malkija, fis a Harim nan avèk Haschub, fis a Pachath-Moab la, te fè yon lòt pati, avèk ☆ Wo Fò Founo yo. <sup>12</sup> Akote li, Schallum, fis a Hallochesch la, ☆ chèf a mwatye nan distrik Jérusalem nan te fè reparasyon yo ansanm avèk fi li yo. <sup>13</sup> Hanun avèk moun ki te rete Zanoach yo te repare ☆ Pòtay Vale a. Yo te bati li e te kwoke pòt li yo avèk boulon ak ba fè e te fè mil koude nan miray la vè Pòtay Fimye a. <sup>14</sup> Malkija, fis a Récab la, chèf ☆Beth-Hakkérem nan, te repare Pòtay Fimye a. Li te bati li e te kwoke pòt li yo avèk boulon ak ba fè. <sup>15</sup> Schallun, fis a Col-Hozé a, chèf nan distrik Mitspa a, te repare Pòtay Sous Bwote a. Li te bati li, te kouvri li, te kwoke pòt li yo avèk boulon ak ba fè, avèk miray kote Etan Siloé a toupre☆ jaden a wa a jis rive kote mach pye eskalye ki te desann soti lavil David la. <sup>16</sup> Apre li menm, Néhémie, fis a Azbuk la, chèf a mwatye distri Beth-Tsur a te fè reparasyon yo jis rive anfas tonm a David yo, rive jis nan ☆etan fèt a lamèn avèk kay a mesye vanyan yo. <sup>17</sup> Apre li, Levit yo te kontinye reparasyon yo anba Rehum, fis a Bani a. Akote li menm, Haschabia, chèf a mwatye distrik Keïla a, te fè reparasyon yo pou distri pa li a. <sup>18</sup> Apre li, frè pa yo te fè reparasyon yo anba Bavvaï, fis a Hénadad la, chèf a lòt mwatye distri a Keïla a. <sup>19</sup> Akote li Ézer, fis a Josué a, chèf a Mitspa a, te repare yon lòt pòsyon devan pant asnal la, nan ☆ ang lan. <sup>20</sup> Apre li Baruc, fis a Zabbai a te repare avèk gwo kouraj, yon lòt pòsyon soti nan ang lan jis rive devan pòt a Éliaschib la, wo prèt la. <sup>21</sup> Apre li menm, Merémoth, fis a Urie a, fis a Hakkots la, te repare yon lòt pòsyon soti nan pòtay lakay Éliaschib la, jis rive nan dènye pwent lakay Éliaschib la. <sup>22</sup> Apre li, prèt yo ☆mesye a vale yo te reyisi fè reparasyon yo. <sup>23</sup> Apre yo menm, Benjamin avèk Haschub te fè reparasyon yo devan lakay pa yo. Apre yo, Azaria, fis a Maaséja a, fis a Anania a, te fè reparasyon yo devan lakay pa li. <sup>24</sup> Apre li Binnui, fis a Hénadad la, te repare yon lòt pòsyon soti lakay Azaria, jis rive nan ☆ ang lan, jis rive nan kwen an. <sup>25</sup> Palal, fis a Uzaï a te fè reparasyon yo devan ang lan avèk fò ki te parèt soti anwo kote lakay wa a, ki akote lakou gad la. Apre li, Pedaja, fis a Pareosch la, te fè reparasyon yo. <sup>26</sup> Sèvitè tanp ki te rete nan landwa Fimye yo te fè reparasyon yo jis pa devan ☆Pòtay Dlo a vè lès avèk fò pwolonje a. <sup>27</sup> Apre yo menm, ☆ Tekoyit yo te repare yon lòt pati pa devan wo fò pwolonje a jis rive nan miray Fimye a. <sup>28</sup> Piwo ☆Pòtay Cheval la, prèt yo te reyisi fè reparasyon pa yo, yo chak devan pwòp kay pa yo. <sup>29</sup> Apre yo menm, Tsadok, fis Immer a, te fè reparasyon yo devan lakay li. Epi apre li, Schemaeja, fis a Schecania a, gadyen Pòtay lès la te fè reparasyon yo. <sup>30</sup> Apre li, Hanania, fis a Schélémia a e Hanun, sizyèm fis a Tsalaph la, te repare yon lòt pati. Apre li, Meschullam, fis Békékia te travay anfas pwòp chanm li. <sup>31</sup> Apre li menm, Malkija, youn nan ☆ òfèv yo, te fè reparasyon yo jis rive nan kay sèvitè tanp yo ak machann yo devan Pòtay

☆ 3:7 Né 2:7 ☆ 3:8 Né 12:38 ☆ 3:11 Né 12:38 ☆ 3:12 Né 3:9 ☆ 3:13 Né 2:13 ☆ 3:14 Jr 6:1 ☆ 3:15 II Wa 25:4 ☆ 3:16 II Wa 20:20 ☆ 3:19 II Kwo 26:9 ☆ 3:22 Né 12:28 ☆ 3:24 Né 3:19 ☆ 3:26 Né 11:21 ☆ 3:27 Né 3:5 ☆ 3:28 II Kwo 23:15 ☆ 3:31 Né 3:8-22

Enspeksyon an e jis rive nan wo chanm kwen an. <sup>32</sup> Antre wo chanm nan kwen an ak ✧ Pòtay Mouton yo, òfèv yo avèk machann yo te fè reparasyon yo.

## 4

<sup>1</sup> Alò, li te vin rive ke lè ✧Sanballat te tandè ke nou t ap rebati miray la, li te vin anraje nèt, byen fache e te moke Jwif yo. <sup>2</sup> Li te pale nan prezans a frè li yo avèk Samariten rich yo epi te di: “Se kisa Jwif san kapasite ak fòs sa yo ap fè la a? Èske y ap restore li pou kont yo? Èske yo kab ofri sakrifis? Èske yo kab fin fè l nan yon jounen? Èske yo kab restore wòch yo soti nan ranblè plen pousyè a; menm sa ki te brile yo?” <sup>3</sup> Alò, Tobija, Amonit lan, te toupre li e te di: “Menm sa y ap bati, ✧ si yon rena ta vòltije ladann, li ta kraze wòch miray yo!” <sup>4</sup> Tandè, O Bondye pa nou an, kijan nou meprize! Fè repwòch pa yo ✧ retounen sou pwòp tèt yo e livre yo pou yo [ta vin] piyaje nan yon peyi an kaptivite. <sup>5</sup> Pa ✧padone inikite yo e pa kite peche yo efase devan Ou, paske yo te dekouraje ouvriye ki t ap bati yo. <sup>6</sup> Konsa, nou te bati miray la e tout miray la te jwenn ansanm jis rive nan mwatye wotè li, paske pèp la te gen tèt ansanm pou travay la. <sup>7</sup> Alò, lè Sanballat, Tobija, Arab yo, Amonit ak Ashdodit yo te tandè ke reparasyon miray Jérusalem yo te kontinye e ke brèch yo te kòmanse fèmen yo te byen fache. <sup>8</sup> Yo tout ansanm te ✧ fè konplo pou vin goumen kont Jérusalem e pou fè zen ladann. <sup>9</sup> Men nou te priye a Bondye nou an e akòz yo menm, nou te ✧ plase yon gad pou anpeche yo lajounen kon lannwit. <sup>10</sup> Konsa, nan Juda yo t ap di:

“Fòs a sila ki pote chay yo ap febli,  
Malgre, toujou gen anpil fatra;  
Epi nou menm pou kont nou,  
P ap kab rebati miray la.”

<sup>11</sup> Lènmi nou yo t ap di: “Yo p ap konnen ni wè jiskaske nou vini pami yo, touye yo e mete fen nan travay la.” <sup>12</sup> Lè Jwif ki te rete toupre yo te vin kote nou dis fwa epi te di nou: “Yo va vini kont nou soti tout kote ke nou kab vire,” <sup>13</sup> Alò, mwen te estasyone moun nan pati piba nan espas dèyè miray la, kote ki te manke pwotèj e mwen te estasyone moun pami fanmi yo avèk nepe pa yo, lans ak banza yo. <sup>14</sup> Lè m te wè ke yo te pè, mwen te leve pale avèk gwo moun yo, chèf yo ak tout lòt moun yo: “Pa pè yo; sonje Senyè a gran e mèvèye; epi ✧goumen pou frè nou yo, fis nou yo, fi nou yo, madanm nou yo ak lakay nou yo.” <sup>15</sup> Lé lènmi nou yo te tandè ke afè yo te rekonèt pa nou e ke ✧Bondye te jennen plan yo a; alò, nou tout te retounen kote miray la, chak moun nan pwòp travay li. <sup>16</sup> Depi jou sa a, mwatye nan sèvitè mwen yo te fè travay la e lòt mwatye a te kenbe lans yo, boukliye pwotèj yo, banza yo ak pwotèj lestomak yo; epi kapitèn yo te dèyè lakay Juda a. <sup>17</sup> Sila ki t ap rebati miray la avèk sila ki te pote chay yo te pran chay yo nan yon men pou fè travay la e te kenbe yon zam nan lòt men an. <sup>18</sup> Epi pou sila ki t ap bati yo, chak moun te mete yon nepe senti nan ren li pandan li t ap bati a e mesye twonpèt la te rete toupre mwen. <sup>19</sup> Mwen te pale ak gwo moun yo, chèf yo, ak tout lòt moun yo: “Travay la gran e vast e nou se separe sou miray la de yon lwen a yon lòt. <sup>20</sup> Nenpòt kote ke nou tandè twonpèt la, vin rive kote nou la a. ✧Bondye nou an va

goumen pou nou.” <sup>21</sup> Konsa, nou te kontinye travay la avèk mwatye nan yo ki te kenbe lans yo soti nan maten jis rive lè zetwal yo te vin parèt. <sup>22</sup> Nan lè sa a, mwen te di pèp la ankò: “Kite chak mesye yo ansanm avèk sèvitè li pase nwit lan Jérusalem pou yo kab fè yon bon gad pou nou pandan nwit lan e sèvi kon yon ouvriye nan lajounen.” <sup>23</sup> Konsa, ni mwen menm, ni frè m yo, sèvitè mwen yo, ni mesye nan gad ki te swiv mwen yo, okenn pa t rete rad yo, chak moun te pote zam li, menm lè yo ale chache dlo.

## 5

<sup>1</sup> Alò, te gen yon gwo kriye a moun yo avèk madanm pa yo ✧ kont frè Jwif parèy yo. <sup>2</sup> Paske te gen nan yo ki te di: “Nou menm, fis nou yo avèk fi nou yo anpil; pou sa, kite nou ✧jwenn sereyal pou nou kab manje e viv.” <sup>3</sup> Te gen lòt ki te di: “Nou ap prete kòb kont chan nou yo, chan rezen yo, avèk kay nou yo pou nou kab twouve sereyal pou nou manje akoz gwo grangou a.” <sup>4</sup> Anplis, te gen ki te di: “Nou te prete lajan kont chan nou avèk chan rezen nou yo ✧ pou peye taks a wa a sou chan avèk chan rezen yo. <sup>5</sup> Alò, chè nou se menm ak chè a frè nou yo, pitit pa nou yo kon pa yo. Sepandan, ✧ nou ap fòse fè fis nou yo avèk fi nou yo vin esklav, gen nan yo ki deja mare ladann e nou san sekou, akoz chan nou avèk chan rezen nou yo vin pou yon lòt moun. <sup>6</sup> Epi mwen te byen ✧ fache lè mwen te tandè kriye ak pawòl sila yo. <sup>7</sup> Mwen te konsilte avèk tèt mwen, e mwen te kanpe fèm ak gwo chèf yo, avèk gwo moun yo epi te di yo: ✧“Nou ap egzije enterè, soti nan men frè nou yo!” Akoz sa, mwen te reyini yon gran asanble kont yo. <sup>8</sup> “Mwen te di yo: “Nou menm, selon kapasite nou, te rachte Jwif frè parèy nou yo ki te vann a lòt nasyon yo; alò koulye a, èske nou ta menm vann frè nou yo pou yo ta kab vin vann a nou menm? Yo te rete an silans e pa t kab twouve yon pawòl pou pale. <sup>9</sup> Ankò, mwen te di: “Bagay ke n ap fè a pa bon! Èske nou pa ta dwe mache nan lakrent Bondye nou an pou evite repwòch a lòt nasyon yo, lènmi nou yo? <sup>10</sup> Epi anplis, mwen menm ak frè mwen yo ap prete yo lajan avèk sereyal. Souple, sispenn mande enterè sa a. <sup>11</sup> Souple, remèt yo nan menm jou sa a, chan yo, chan rezen yo, chan oliv yo, avèk kay yo, avèk santyèm pati nan lajan, nan sereyal, diven nèf, avèk lwil ke nou ap egzije de yo.” <sup>12</sup> Epi yo te di: “Nou va remèt li e nou p ap mande yo anyen. N ap fè ojis tout sa ke ou di yo.” Konsa, mwen te rele prèt yo e te ✧ pran yon sèman soti nan yo pou yo ta fè selon sa ke yo te pwomèt yo. <sup>13</sup> ✧ Anplis, mwen te souke pati devan vètman mwen epi te di; “Se konsa ke Bondye ta souke retire sou chak moun oswa se lakay li, oswa byen pa li, sila ki pa akonpli pwomès sa a; menm konsa pou l ta souke vide.” Epi tout asanble a te di: “Amen!” Epi yo te fè lwanj a SENYÈ a. Konsa, pèp la te fè selon sa yo te pwomèt yo. <sup>14</sup> Anplis, soti nan jou sa a mwen te chwazi kon gouvènè sou yo nan peyi Juda, soti nan ventyèm ane a jis rive nan ✧ trann-dezyèm ane a Wa Artexarxès la, pandan douzan, ni mwen ni moun fanmi parèy a mwen, yo pa t manje nan pati nan manje prevwa pou gouvènè a. <sup>15</sup> ✧ Men gouvènè ki te avan mwen yo te konn mete chay sou pèp la e te pran soti nan men yo pen avèk diven plis karant sik ajan; menm sèvitè pa yo te konn vin kon chèf sou moun. Men mwen pa t fè sa akoz lakrent Bondye. <sup>16</sup> Anplis, mwen te aplike mwen a travay sou miray la. Nou pa t achte okenn teren e sèvitè pa m yo te toujou rasanble la

✧ 5:1 Lev 25:35 ✧ 5:2 Ag 1:6 ✧ 5:4 Esd 4:13 ✧ 5:5 Lev 25:39 ✧ 5:6 Egz 11:8 ✧ 5:7 Lev 25:36 ✧ 5:12 Esd 10:5 ✧ 5:13 Trav 18:6 ✧ 5:14 Né 13:5 ✧ 5:15 Né 5:9

pou travay la. <sup>17</sup> Toujou te gen sou tab mwen san-senkant Jwif avèk chèf yo, anplis, sila ki te vin kote nou soti nan nasyon ki te antoure nou yo. <sup>18</sup> Alò, ✧ sa ki te prepare chak jou yo se te yon gwo bèf avèk sis mouton nan meyè kalite, zwazo ki te prepare pou mwen; epi yon fwa chak di jou, tout kalite diven an abondans. Men pou tout sa, mwen pa t mande nan taks prevwa pou gouvènè a, akoz chaj la te lou sou pèp sa a. <sup>19</sup> ✧ Sonje mwen, O Bondye mwen avèk bonte Ou, pou tout sa ke m te fè pou pèp sa a.

## 6

<sup>1</sup> Alò, lè l te rapòte a Sanballat, Tobija, Guéschem, Arab la, avèk lòt lènmi nou yo, ke mwen te rebati miray la e ke pa t gen brèch ankò ladann; ✧ malgre nan moman sa a, nou potko monte pòt nan pòtay yo, <sup>2</sup> Sanballat avèk Guéschem te voye kote mwen epi te di: “Vini, annou reyini ansanm nan Chephirim nan plèn ✧ Ono.” Men se mal ke yo te gen entansyon pou fè m. <sup>3</sup> Konsa, mwen te voye mesaj yo kote yo, epi te di: “Mwen ap fè yon gwo travay e mwen p ap kab desann. Poukisa travay la ta dwe rete pandan mwen kite li pou vin kote nou?” <sup>4</sup> Yo te voye kote mwen kat fwa konsa e mwen te reponn yo menm jan an. <sup>5</sup> Epi Sanballat te voye sèvitè li kote mwen yon senkyèm fwa avèk yon lèt ouvri nan men l. <sup>6</sup> Ladann, li te ekri: “Gen yon rapò k ap fèt pami nasyon yo e Gaschmu ap di ke ✧ ou menm avèk Jwif yo gen plan pou fè rebelyon; epi se pou sa ke w ap rebati miray la. Epi se ou menm ki va wa yo, selon rapò yo. <sup>7</sup> Anplis ke ou te chwazi pwofèt Jérusalem yo pou fè pwoklamasyon pou ou menm, pou ‘Yon wa nan Juda!’ Epi koulye a, yon rapò va voye kote wa a sou rapò sila yo. Pou sa a, vin kounye a, pou nou fè konsèy ansanm.” <sup>8</sup> Epi mwen te voye kote li epi te di: “Kalite bagay sa yo ke w ap pale yo, pa t janm fèt, men w ap ✧ envante yo nan pwòp panse ou.” <sup>9</sup> Paske, yo tout t ap eseye fè nou pè e t ap reflechi: “Yo va vin dekouraje avèk travay la e li p ap fèt.” Men koulye a, ✧ O Bondye ranfòse men m. <sup>10</sup> Lè m te antre lakay Schemaeja, fis a Delaja a, fis a Mehétabeel la, ✧ ki pa t kab kite lakay li, li te di: “Annou reyini ansanm lakay Bondye a, anndan tanp lan, annou fèmen pòt tanp yo, paske yo ap vin touye ou e yo ap vini pandan lannwit pou touye ou.” <sup>11</sup> Men mwen te di: ✧ “Èske yon nonm tankou mwen ta dwe sove ale kache? Epi èske yon moun tankou mwen ta antre nan tanp lan pou sove lavi li? Mwen p ap antre.” <sup>12</sup> Epi mwen te vin apès ke, anverite, Bondye pa t voye li, men li te eksprime pwofesi a kont mwen akoz Tobija avèk Sanballat te anplwaye li. <sup>13</sup> Li te anplwaye li pou rezon sa a; ✧ pou m ta kapab vin pè pou aji konsa e peche, pou yo menm ta kab gen yon move rapò kon repwòch kont mwen. <sup>14</sup> ✧ Sonje, O Bondye mwen, Tobija avèk Sanballat selon zèv pa yo e anplis, pwofètès la, Noadia, ak lòt pwofèt ki te eseye fè m pè yo. <sup>15</sup> Konsa, ✧ miray la te vin fini nan venn-senkyèm jou mwa Elul la; sou senkant-de jou. <sup>16</sup> Lè tout lènmi nou yo te tandè e tout nasyon ki antoure nou yo, te wè, yo te pèdi kouraj; paske, ✧ yo te rekonèt ke travay sa a te fèt avèk èd Bondye pa nou an. <sup>17</sup> Anplis, nan jou sa yo, anpil lèt te sòti nan gwo moun a Juda yo bay Tobija e lèt Tobija yo te rive kote yo. <sup>18</sup> Paske, anpil nan yo te mare pa sèman ak li menm, paske li te bofis a Schecania, fis a Arach la e fis pa li a, Jochanan te marye ak fi a

✧ 5:18 I Wa 4:22-23 ✧ 5:19 Né 13:14-23 ✧ 6:1 Né 3:1-3 ✧ 6:2 I Kwo 8:12 ✧ 6:6 Né 2:19  
✧ 6:8 Job 13:4 ✧ 6:9 Sòm 138:3 ✧ 6:10 Jr 36:5 ✧ 6:11 Pwov 28:1 ✧ 6:13 Né 6:6 ✧ 6:14  
Né 13:29 ✧ 6:15 Né 4:1-2 ✧ 6:16 Egz 14:25

Meschullam nan, fis a Bérékia a. <sup>19</sup> Anplis, yo t ap pale afè bon zèv li nan prezans mwen e te bay li rapò a pawòl mwen yo. Epi Tobija te voye ban m lèt yo pou fè m pè.

## 7

<sup>1</sup> Alò, lè ✧ miray la te fin rebati, mwen te fin monte pòt yo e gadyen pòtay yo avèk chantè yo avèk Levit yo te chwazi. <sup>2</sup> Anplis, mwen te mete ✧ Hanani, frè mwen an, avèk Hanania, kòmandan fò a an chaj Jérusalem, paske li te yon nonm fidèl e te gen lakrent Bondye plis pase anpil moun. <sup>3</sup> Mwen te di yo: “Pa kite pòtay Jérusalem yo ouvri jiskaske solèy la vin cho ak pandan gad yo an plas yo, fè yo fèmen pòt yo e boulonnen yo. Anplis, chwazi gad yo soti nan pèp Jérusalem nan, chak moun sou pòs li e chak moun devan pwòp kay pa li.” <sup>4</sup> Alò, vil la te byen gran avèk anpil espas, men moun ladann yo pa t anpil e kay yo potko bati. <sup>5</sup> ✧ Epi Bondye mwen an te mete sa nan kè m pou rasanble sitwayen enpòtan lavil yo, chèf yo avèk pèp la pou vin anrejistre pa lign zansèt yo. Mwen te twouve liv a zansèt a sila ki te monte an premye yo, e ladann, rekò swivan an: <sup>6</sup> ✧ Sila yo se pèp pwovens ki te monte soti an kaptivite nan egzil ke Nebucadnetsar, wa Babylone nan, te pote ale yo e ki te retounen Jérusalem avèk Juda, chak moun nan lavil pa li, <sup>7</sup> moun ki te vini avèk Zorobabel yo, Josué, Néhémie, Azaria, Raamia, Nachamani, Mardoché, Bilschan, Mispéret, Bigvaï, Nehum, Baana. Kantite mesye nan pèp Israël yo: <sup>8</sup> Fis a Pareosch yo, de-mil-san-swasann-douz; <sup>9</sup> fis a Schephathia yo, twa-san-senkant-de; <sup>10</sup> fis a Arach yo, sis-san-senkant-de; <sup>11</sup> fis a Pachath-Moab yo, fis a Josué yo avèk Joab, de-mil-ui-san-dizwit; <sup>12</sup> fis a Élam yo, mil-de-san-senkant-kat; <sup>13</sup> fis a Zathu yo, ui-san-karann-senk; <sup>14</sup> fis a Zaccai yo, sèt-san-swasant; <sup>15</sup> fis a Binnui yo, sis-san-karann-tuit; <sup>16</sup> fis a Bébaï yo, sis-san-venn-tuit; <sup>17</sup> fis a Azgad yo, de-mil-twa-san-venn-de; <sup>18</sup> fis a Adonikam yo, sis-san-swasann-sèt; <sup>19</sup> fis a Bigvaï yo, de-mil-swasann-sèt; <sup>20</sup> fis a Adin yo, Sis-san-senkann-senk; <sup>21</sup> fis a Ather yo, nan fanmi Ézéchias, katra-ven-di-zuit; <sup>22</sup> fis a Haschum yo, twa-san-venn-tuit; <sup>23</sup> fis a Betsaï yo, twa-san-venn-tuit; <sup>24</sup> fis a Hariph yo, san-douz; <sup>25</sup> fis a Gabaon yo, katre-ven-kenz; <sup>26</sup> mesye a Bethléem yo avèk Netopha, san-katre-ven-uit; <sup>27</sup> mesye a Anathoth yo, san-venn-tuit; <sup>28</sup> mesye a Beth-Azmaveth yo, karann-de; <sup>29</sup> mesye a Kirjath-Jearim yo, a Kephira, avèk Beéroth, sèt-san-karann-twa; <sup>30</sup> mesye a Rama yo avèk Guéba, sis-san-ven-te-yen; <sup>31</sup> mesye nan Micmas yo, san-venn-de; <sup>32</sup> mesye nan Béthel avèk Aï yo, san-venn-twa; <sup>33</sup> mesye nan lòt Nebo yo, san-karann-de; <sup>34</sup> fis a lòt Élam yo, mil-de-san-senkann-kat; <sup>35</sup> fis a Harim yo, twa-san-ven; <sup>36</sup> fis a Jéricho yo, twa-san-karann-senk; <sup>37</sup> fis a Lod, Hadid avèk Ono yo, sèt-san-ven-te-yen; <sup>38</sup> fis a Senaa yo, twa-mil-nèf-san-trant; <sup>39</sup> Prèt yo: fis a Jedaeja lakay Josué yo, nèf-san-swasann-trèz; <sup>40</sup> fis a Immer yo, mil-senkann-de; <sup>41</sup> fis a Psachhur yo, mil-de-san-karann-sèt; <sup>42</sup> fis a Harim yo, mil-di-sèt; <sup>43</sup> Levit yo: fis a Josué ak Kadmiel yo, avèk fis a Hodeva yo, swasann-katòz; <sup>44</sup> Chantè yo: fis a Asaph yo, san-karann-tuit; <sup>45</sup> Gadyen pòtay yo: fis a Schallum yo, fis a Ather yo, fis a Thaimon yo, fis a Akkub yo, fis a Hathitha yo, fis a Schobaï yo, san-trann-tuit; <sup>46</sup> Sèvitè tanp yo: fis a Tsicha yo, fis a Hasupha yo, fis a Thabbaoth yo; <sup>47</sup> fis a Kéros yo, fis a Sia yo, fis a Padon yo; <sup>48</sup> fis a Lebana yo, fis a Hagaba yo, fis a Salmaï yo; <sup>49</sup> fis a Hanan yo, fis a Guiddel yo, fis a Gachar yo; <sup>50</sup> fis a Reaja yo, fis



a Retsin yo, fis a Nekoda yo; <sup>51</sup> fis a Gazzam yo, fis a Uzza yo, fis a Paséach yo; <sup>52</sup> fis a Bésaï yo, fis a Mehunim yo, fis a Nephischsim yo; <sup>53</sup> fis a Bakbuk yo, fis a Hakupha yo, fis a Harhur yo; <sup>54</sup> fis a Batslith yo, fis a Mehida yo, fis a Harscha yo, <sup>55</sup> fis a Barkos yo, fis a Sisera yo, fis a Thamach yo, <sup>56</sup> fis a Netsiach yo, fis a Hathipha yo. <sup>57</sup> Fis a sèvitè Salomon yo: fis a Sothaï yo, fis a Sophéreth yo, fis a Perida yo; <sup>58</sup> fis a Jaaia yo, fis a Darkon yo, fis a Guiddel yo; <sup>59</sup> fis a Schephathia yo, fis a Hatthil yo, fis a Pokéreth-Hatsebaim yo, fis a Amon yo. <sup>60</sup> Tout sèvitè tanp yo avèk fis a sèvitè Salomon yo, twa-san-katre-ven-douz. <sup>61</sup> Sila yo se te yo menm ki te monte soti Tel-Melah yo, Tel-Harsha, Cherub, Addon e Immer yo; men yo pa t kab bay prèv lakay papa zansèt pa yo, pou demontre ke se Izrayelit yo te ye: <sup>62</sup> fis a Delaiah yo, fis a Tobiah yo, fis a Nekoda yo, sis-san-karann-de. <sup>63</sup> Nan prèt yo: fis a Hobaja yo, fis a Hakkots yo, fis a Barzillaï yo, ki te pran kon madanm youn nan fis a Barzillaï yo, Galaadit la e te rele selon non pa yo. <sup>64</sup> Sila yo te fè rechèch nan achiv zansèt yo, men yo pa t kapab twouve yo; akoz sa, yo te konsidere pa pwòp e pa t kab fè sèvis kon prèt. <sup>65</sup> Gouvènè a te pale yo ke yo pa t pou manje soti nan bagay sen pase tout lòt bagay yo, jiskaske yon prèt vin leve avèk ✧ Ourim avèk Thoumim nan. <sup>66</sup> Asanble a an antye te karann-de-mil-twa-san-swasant moun, <sup>67</sup> anplis, sèvitè avèk sèvant pa yo, sou sila yo te gen sèt-mil-twa-san-trann-sèt moun; epi yo te gen de-san-karann-senk gason avèk fanm nan chantè yo. <sup>68</sup> ✧ Cheval pa yo te sèt-san-trann-sis; milèt yo, de-san-karann-senk; <sup>69</sup> chamo yo, kat-san-trann-senk, bourik yo, si-mil-sèt-san-ven. <sup>70</sup> Kèk moun pami tèt lakay zansèt yo te fè don pou travay la. ✧Gouvènè a te bay nan trezò a travay la mil ons an lò, senkant basen ak senk-san-trant nan vètman prèt yo. <sup>71</sup> Kèk moun pami tèt lakay zansèt yo te bay nan trezò travay la ven-mil ons an lò ak de-mil-de-san min an ajan. <sup>72</sup> Sa ki te bay pa tout lòt moun nan pèp la te ven-mil ons an lò ak de-mil min an ajan, avèk swasann-sèt nan vètman prèt. <sup>73</sup> Alò, ✧ prèt yo, Levit yo, gadyen pòtay yo, chantè yo, kèk moun nan pèp la, sèvitè tanp yo e tout Israèl te rete nan vil pa yo. Epi lè setyèm mwa a te vin rive, fis Israèl yo te vin antre nan pwòp vil pa yo.

## 8

<sup>1</sup> Epi tout pèp la te rasanble kon yon sèl moun nan plas ki te devan Pòtay Dlo a e yo te mande Esdras, skrib la, pou mennen ✧ liv lalwa Moïse la ke SENYÈ a te bay a Israèl la. <sup>2</sup> Epi Esdras, prèt la, te pote lalwa a devan asanble a mesye yo avèk fanm yo, tout moun te kab koute avèk bon konprann, ✧ nan premye jou nan setyèm mwa a. <sup>3</sup> ✧ Li te li nan liv la devan plas ki te devan Pòtay Dlo a soti granmaten jis rive midi, nan prezans a mesye ak fanm ki te atantif a liv lalwa a. <sup>4</sup> Esdras, skrib la, te kanpe devan yon etaj an bwa ki te fèt eksprè pou afè sila a. Epi akote li, te kanpe Matthithia, Schéma, Anaja, Urie, Hilkija, avèk Maaséja adwat li e agoch li, Pedaja, Mischaël, Malkija, Haschum, Haschbaddana, Zacharie ak Meschullam. <sup>5</sup> Esdras te ouvri liv la devan zye tout pèp la, paske li te kanpe pi wo ke tout pèp la. Lè li te ouvri li, tout pèp la ✧ te kanpe. <sup>6</sup> Epi Esdras te beni SENYÈ a, gran Bondye a. E, tout pèp la te reponn: “Amen Amen!” pandan yo te leve men yo. ✧ Yo te bese ba pou te adore SENYÈ a avèk figi yo jis atè. <sup>7</sup> Anplis, Josué, Bani, Schérébia, Jamin, Akkub, Schabbethaï,

✧ 7:65 Egz 28:30 ✧ 7:68 Esd 2:66 ✧ 7:70 Né 7:65 ✧ 7:73 I Kwo 9:2 ✧ 8:1 II Kwo 34:15  
✧ 8:2 Lev 23:24 ✧ 8:3 Né 8:1 ✧ 8:5 Jij 3:20 ✧ 8:6 Egz 4:31

Hodija, Maaséja, Kelitha, Azaria, Jozabad, Hanan, Pelaja, avèk Levit yo te eksplike lalwa a pèp la pandan pèp la te rete an plas. <sup>8</sup> Yo te li soti nan liv la, soti nan lalwa Bondye a e te tradwi pou fè yo konprann, pou yo ta kab byen sezi sa ki te li a. <sup>9</sup> Néhémie, ki te gouvènè a ak Esdras, prèt la e skrib la, avèk Levit ki te enstwi pèp la, te di a tout pèp la: ✧ “Jou sa a sen a SENYÈ a, Bondye nou an; ✧ pa fè dèy, ni pa kriye.” Paske, tout pèp la t ap kriye lè yo te tandè pawòl lalwa yo. <sup>10</sup> Konsa, li te di yo: “Ale manje grès, bwè sa ki dous e ✧ voye bay pòsyon a sila ki pa t prepare yo; paske jou sa a sen a SENYÈ nou an. Pa fè lapèn ak soufrans, paske lajwa SENYÈ a se fòs nou.” <sup>11</sup> Konsa, Levit yo te kalme tout pèp la, epi te di: “Rete kalm, paske jou a sen. Pa fè doulè.” <sup>12</sup> Tout pèp la te Soti pou manje, bwè e voye bay pòsyon pou selebre yon gwo fèt, ✧ akoz yo te konprann pawòl ke yo te fenk tandè. <sup>13</sup> Epi nan dezyèm jou fèt la, tout chèf zansèt a tout pèp la, prèt yo ak Levit yo te rasanble kote Esdras, skrib la, pou yo ta kab ranmase konesans nan pawòl lalwa yo. <sup>14</sup> Yo te twouve ekri nan lalwa a jan SENYÈ a te kòmande pa Moïse ke fis Israèl yo ✧ ta dwe viv nan tonèl pandan fèt setyèm mwa a. <sup>15</sup> Konsa, yo te fè pwoklamasyon an e te pwoklame li nan tout vil pa yo ak Jérusalem, epi te di: ✧ “Ale deyò vè ti mòn yo e pote branch oliv yo, avèk branch oliv mawon yo, branch bwa bazilik yo, branch palmis yo, avèk branch nan lòt kalite bwa ak fèy, pou fè tonèl yo, jan sa ekri a.” <sup>16</sup> Pou sa, pèp la te sòti e te pote yo pou fè tonèl yo pou yo menm, chak nan twati pla anwo kay pa yo, oswa nan lakou yo, nan lakou lakay Bondye a, nan plas kote Pòtay Dlo a, e nan plas kote Pòtay Ephraïm nan. <sup>17</sup> Tout asanble a sila ki te retounen soti an kaptivite yo te fè tonèl yo e te rete ladann yo. Fis Israèl yo, ✧ anverite, pa t konn fè sa depi nan jou a Josué yo, fis a Nun nan, jis rive nan jou sa a. Epi te gen gwo rejwisans. <sup>18</sup> ✧ Li te li soti nan liv lalwa a chak jou, soti nan premye jou a, jis rive nan dènye jou a. Yo te selebre fèt la pandan sèt jou e nan uityèm jou a, te gen yon asanble solanèl selon òdonans lan.

## 9

<sup>1</sup> Alò, nan venn-katriyèm jou nan mwa sa a, fis Israèl yo te rasanble ✧ fè jèn abiye ak twal sak epi ✧ tèt yo mete sou yo. <sup>2</sup> Desandan Israèl yo te separe yo soti nan tout etranje yo e te kanpe pou konfese peche pa yo avèk inikite a papa zansèt yo. <sup>3</sup> Pandan yo te kanpe nan plas yo, yo te li soti nan liv lalwa SENYÈ a, Bondye pa yo a, pou yon ka de jounen an; epi pou yon lòt ka, yo te konfese e te adore SENYÈ a, Bondye pa yo a. <sup>4</sup> ✧ Alò, sou etaj, Levit yo te kanpe Jousé, Bani, Dadmiel, Schebania, Bunni, Schérébia, Bani avèk Kenani e yo te kriye ak vwa fò anlè a SENYÈ a, Bondye yo a. <sup>5</sup> Epi Levit yo, Josué, Kadmiel, Bani, Haschabnia, Schérébia, Hodija, Schebania, avèk Pethachja te di:

Leve pou beni SENYÈ a, Bondye nou an, jis pou tout tan!

O ke non Ou, ranpli ak glwa kapab beni

Epi leve wo sou tout benediksyon yo ak lwanj yo

<sup>6</sup> Se Ou sèl ki SENYÈ a

Ou te fè syèl yo, syèl a syèl yo avèk tout lame pa yo,

Latè a avèk tout sa ki sou li, lanmè ak tout sa ki ladann.

✧ Se Ou ki bay yo tout lavi

✧ 8:9 Né 8:2 ✧ 8:9 Det 12:7-12 ✧ 8:10 Det 26:11-13 ✧ 8:12 Né 8:7-8 ✧ 8:14 Lev 23:34-42  
 ✧ 8:15 Lev 23:40 ✧ 8:17 II Kwo 7:8 ✧ 8:18 Det 31:11 ✧ 9:1 Esd 8:23 ✧ 9:1 I Sam 4:12  
 ✧ 9:4 Né 8:7 ✧ 9:6 Kol 1:16

e lame syèl la bese ba devan Ou.

7 ✧ Ou se SENYÈ a, ki te chwazi Abram nan,  
E ki te fè l sòti nan Ur a Kaldeyen yo,  
Epi te ✧ bay li non Abraham.

8 Ou te twouve kè li fidèl devan Ou,  
Epi te fè yon akò avèk li,  
Pou bay li tout tè a Canaan yo,  
A Etyen yo avèk Amoreyen yo,  
A Ferezyen yo, Jebizyen yo, avèk Girezyen yo,  
Pou livre bay li a desandan pa li yo.

✧ Epi Ou te akonpli pwomès Ou te fè a,  
Paske Ou jis.

9 Ou te wè ✧ aflikasyon a zansèt nou yo an Egypte,  
Epi te tandè kri yo akote Lanmè Wouj.

10 Epi Ou te fè ✧ sign ak mèvèy kont Farawon,  
Kont tout sèvitè li yo avèk moun a peyi li yo;  
Paske, Ou te konnen ke yo te aji  
avèk awogans kont yo,  
Epi te fè yon non pou tèt Ou ki dire  
Jis rive jodi a.

11 ✧ Ou te divize lanmè a devan yo,  
Konsa, yo te pase nan mitan lanmè a sou tè sèch;  
Epi ✧ sila ki te kouri dèyè yo te jete nan fon,  
Tankou yon wòch nan dlo anraje.

12 Epi avèk yon pilye nwaj, ✧ Ou te mennen pèp la  
pandan lajounen  
E avèk yon pilye dife pandan lannwit  
pou limen chemen yo  
sou sila yo ta dwe mache yo.

13 E te pale avèk yo soti nan syèl la.  
Ou te bay yo òdonans ki ✧ jis  
Avèk lalwa ki te vre,  
Bon règleman avèk bon kòmandman.

14 Konsa, Ou te fè yo rekonèt ✧ Saba sen Ou an,  
Epi te byen poze pou yo kòmandman yo,  
règleman yo, avèk lalwa yo  
pa sèvitè Ou, Moïse.

15 Ou ✧ te founi pen soti nan syèl la  
pou yo pou grangou yo,  
Ou te mennen dlo soti nan yon wòch  
Pou yo menm, pou swaf yo,  
Epi Ou te di yo antre ladann  
nan peyi ke Ou te sèmante  
pou bay yo pou posede a.

16 Men yo menm, zansèt nou yo, te aji  
avèk awogans;  
✧ Yo te fè tèt di, epi te refize koute  
kòmandman Ou yo.

✧ 9:7 Jen 11:31 ✧ 9:7 Jen 17:5 ✧ 9:8 Jos 21:43-45 ✧ 9:9 Egz 3:7 ✧ 9:10 Egz 7:8-25 ✧ 9:11  
Egz 14:21 ✧ 9:11 Egz 15:1-10 ✧ 9:12 Egz 13:21-22 ✧ 9:13 Sòm 19:7-9 ✧ 9:14 Egz 16:23  
✧ 9:15 Egz 16:15 ✧ 9:16 Det 1:26-33

17 Yo te ✨ refize koute e yo pa t sonje mèvèy  
ke Ou te fè pami yo;  
Konsa, yo te vin tèt di e te chwazi  
yon chèf ki pou mennen yo retounen  
an esklavaj yo an Egypte.

Men Ou se yon Bondye ki padone,  
plen ak gras avèk mizerikòd,  
Lan nan kòlè e plen avèk lanmou dous;  
Epi Ou pa t abandone yo.

18 Menm lè yo te ✨ fè pou kont yo  
Yon ti bèf an metal fonn,  
Epi te di: 'Sa se Bondye nou  
Ki te mennen nou monte soti an Egypte la',  
Epi te fè gran blasfèm,

19 ✨ Ou menm, nan gran mizerikòd Ou,  
Pa t abandone yo nan dezè;  
Pilye nwaj la pa t kite yo pandan lajounen,  
Pou gide yo nan chemen yo,  
Ni pilye dife a pandan lannwit,  
pou klere pou yo chemen an e  
montre yo direksyon ke yo dwe ale.

20 ✨ Ou te bay bon lespri pa Ou pou Enstwi yo,  
Lamàn Ou pa t refize antre nan bouch yo,  
ak dlo Ou te bay yo pou lè yo te swaf.

21 Anverite, pandan ✨ karantan, Ou te fè  
Pwovizyon pou yo nan dezè a  
E yo pa t manke anyen;  
Rad yo pa t epwize, ni pye yo pa t anfle.

22 Anplis, Ou te bay yo wayòm yo avèk pèp yo,  
Epi te divize bay yo tout kon lizyè.

✨Yo te pran posesyon a peyi Sihon,  
wa a Hesbon an ak peyi Og,  
wa Basan an.

23 Ou te fè fis pa yo vin anpil

✨ kon zetwal syèl yo,  
Epi Ou te mennen yo antre nan peyi  
Ke Ou te mande zansèt pa yo  
antre pou posede a.

24 ✨ Pou sa, fis pa yo te antre pou  
Posede peyi a.

Epi ✨Ou te fè moun peyi a Canaan yo  
soumèt devan Ou  
Epi Ou te livre yo nan men yo,  
Avèk wa yo ak pèp peyi a,  
Pou fè avèk yo sa yo te pito.

25 Yo te kaptire vil fòtifye yo,  
Avèk tèren byen fèt yo.

Yo te vin posede ✨ kay yo  
plen avèk tout bon bagay,

Sitèn ki fin fouye, chan rezen,  
 Chan oliv avèk pye fwi an kantite.  
 Konsa, yo te manje, te vin plen,  
 Epi te ✧vin gra e te pran plezi  
 Nan gran bonte Ou.

26 ✧ Men yo te tanmen dezobeyi,  
 Epi te fè rebèl kont Ou,  
 Epi te jete lalwa pa Ou dèyè do yo  
 Te touye pwofèt Ou yo, ki te bay yo avètisman,  
 Pou yo ta retounen kote Ou,  
 Epi yo te komèt gwo blasfèm.

27 Pou sa, ✧ Ou te livre yo nan men a  
 Opresè yo ki te oprime yo,  
 Men lè yo te kriye a Ou menm  
 Nan tan gwo twoub yo,  
 Ou te tandè soti nan syèl la,  
 Epi pa gran lanmou dous Ou,  
 Ou te bay yo chèf liberatè yo  
 Ki te delivre yo nan men a opresè yo.

28 Men ✧ soti lè yo te fin jwenn repo a, yo te  
 fè mal ankò devan Ou;  
 Pou sa, Ou te abandone yo nan  
 men a lènmi yo, jiskaske yo te  
 renye sou yo.

Lè yo te kriye ankò a Ou menm, Ou te tandè  
 Soti nan syèl la, epi anpil fwa  
 Ou te fè yo chape akòz gran lanmou dous Ou,

29 Epi te pale rèd ak yo pou fè yo retounen  
 Kote lalwa Ou.

Sepandan, yo te aji avèk awogans e pa t  
 Koute kòmandman Ou yo, men te  
 Peche kont òdonans Ou yo,  
 Selon ✧sila yo, si yon nonm ta swiv yo,  
 Li ta viv.

Epi yo te vire yon do byen di, te fè  
 Tèt di, epi te refize koute.

30 Malgre sa, Ou te sipòte yo pandan anpil ane,  
 Epi te ✧ avèti yo pa Lespri Ou  
 Pa pwofèt Ou yo,  
 Sepandan, yo te refize bay zòrèy yo.  
 Akòz sa, Ou te livre yo nan men  
 A pèp nasyon yo.

31 Men nan gran mizerikòd Ou,  
 Ou ✧pa t fini ak yo, ni abandone yo,  
 Paske Ou menm se yon Bondye gras  
 Avèk mizerikòd.

32 Alò, pou sa, Bondye Nou an, Bondye ✧gran,  
 Pwisan e mèvyèy la, ki kenbe akò li avèk  
 Lanmou dous,  
 Pa kite tout twoub sa yo vin bliye devan Ou,

Ki te vin rive sou nou, wa nou yo, chèf nou yo,  
 Prèt nou yo, papa zansèt nou yo,  
 Ak sou tout pèp Ou yo,  
 Depi nan jou wa Assyrie yo, jis rive jodi a.  
<sup>33</sup> Sepandan, Ou jis nan tout sa ki vin rive nou;  
 Paske ✨Ou te aji avèk fidelite, men nou te aji mal.  
<sup>34</sup> Paske, wa nou yo, chèf nou yo, prèt nou yo  
 Ak zansèt nou yo pa t kenbe lalwa Ou yo,  
 Ni okipe kòmandman Ou yo avèk avètisman  
 Ou yo avèk sila Ou te avèti yo.  
<sup>35</sup> Men yo, malgre nan pwòp wayòm pa yo, ke Ou te bay  
 ✨Yo pa t sèvi Ou, ni kite zak mechan yo.  
<sup>36</sup> Gade byen, ✨nou vin esklav yo jodi a,  
 Epi pou teren ke Ou te bay a zansèt  
 Nou yo, pou manje fwi avèk bonte li,  
 Gade byen, nou vin esklav ladann yo.  
<sup>37</sup> ✨ Gran rekòlt li bay vin pou wa yo  
 Ke Ou te fin mete sou nou akoz peche nou yo;  
 Anplis, yo renye sou kò nou  
 Epi sou bèt nou yo, jan yo pito,  
 Pou sa a, nou nan gran doulè.  
<sup>38</sup> Alò, akoz tout sa, ✨ nou ap fè yon akò ekri;  
 Epi sou ✨dokiman ki sele, se non a  
 Chèf nou yo, Levit nou yo ak prèt nou yo.

## 10

<sup>1</sup> Alò, sou ✨dokiman sele a te gen non a: Néhémie, gouvènè a, fis a Hacalia a ak Sédécias, <sup>2</sup> Seraja, Azaria, Jérémie, <sup>3</sup> Paschhur, Amaria, Malkija, <sup>4</sup> Hattusch, Schebania, Mallue, <sup>5</sup> Harim, Merémoth, Abdias, <sup>6</sup> Daniel, Guinnethon, Baruc, <sup>7</sup> Meschullam, Abija, Mijamin, <sup>8</sup> Maazia, Bilgäi, Schemaeja. Sila yo se te prèt yo. <sup>9</sup> Epi Levit yo: Josué, fis a Azania a, Binnuï, nan fis a Hénadad yo, Kadmiel, <sup>10</sup> anplis frè pa yo, Schebania, Hodija, Kelitha, Pelaja, Hanan, <sup>11</sup> Michée, Rehob, Haschabia, <sup>12</sup> Zaccur, Schérébia, Schebania, <sup>13</sup> Hodija, Bani, Beninu. <sup>14</sup> Chèf a pèp yo: Pareosch, Pachath-Moab, Élam, Zatthu, Bani, <sup>15</sup> Bunni, Azgad, Bébaï, <sup>16</sup> Adonija, Bigvaï, Adin, <sup>17</sup> Ather, Ezéchias, Azzur, <sup>18</sup> Hodija, Haschum, Betsaï <sup>19</sup> Hariph, Anathoth, Nébaï, <sup>20</sup> Magpiash, Meschullam, Hézir, <sup>21</sup> Meschézabeel, Tsadok, Jaddua, <sup>22</sup> Pelathia, Hanan, Anaja, <sup>23</sup> Hosée, Hanania, Haschub, <sup>24</sup> Hallochesch, Pilcha, Schobek, <sup>25</sup> Rehum, Haschabna, Maaséja, <sup>26</sup> Achija, Hanan, Anan, <sup>27</sup> Malluc, Harim, Baana. <sup>28</sup> Alò, tout lòt moun nan pèp la, prèt yo, Levit yo, gadyen pòtay yo, chantè yo, sèvitè tanp yo ak ✨tout sila ki te separe yo menm soti nan pèp peyi yo pou lalwa Bondye pa yo, madanm pa yo, fis yo ak fi yo, tout sila ki te gen konesans avèk bon konprann yo, <sup>29</sup> ap reyini ansanm avèk moun fanmi yo, chèf pa yo e ✨ ap pran sou yo menm, sou nivo madichon, yon sèman, pou mache nan lalwa Bondye, ki te bay pa Moïse la, Sèvitè Bondye a e pou kenbe ak obeyi tout kòmandman a Bondye yo, SENYÈ nou an, avèk òdonans Li yo avèk règleman Li yo; <sup>30</sup> Epi ✨pou nou pa bay fi nou yo a pèp peyi la, ni pran fi pa yo pou fis nou

✨ 9:33 Jen 18:25 ✨ 9:35 Det 28:47 ✨ 9:36 Det 28:48 ✨ 9:37 Det 28:33 ✨ 9:38 Né 10:29  
 ✨ 9:38 Né 10:1 ✨ 10:1 Né 10:38 ✨ 10:28 Né 9:2 ✨ 10:29 Né 5:12 ✨ 10:30 Egz 34:16

yo. <sup>31</sup> Epi selon pèp peyi la ki konn vini avèk machandiz avèk manje pou vann nan Saba a, nou p ap achte nan men yo nan Saba a ni nan okenn jou sen. Anplis, nou va lese rekòlt yo nan setyèm ane a, ansanm avèk koleksyon a tout dèt. <sup>32</sup> Ankò, ☆nou plase pwòp tèt nou anba obligasyon pou fè kontribisyon yon tyè sik chak ane pou sèvis lakay Bondye nou an: <sup>33</sup> pou ☆pen konsakre, ofrann sereyal ki pa janm fini, ofrann brile ki pa janm fini, Saba yo, nouvèl lin, pou lè chwazi yo, pou bagay sen yo e pou ofrann peche pou fè ekspiyasyon pou peche Israèl yo ak tout travay lakay Bondye nou an. <sup>34</sup> Menm jan an, nou te tire osò ☆ pou founi depo bwa pou prèt yo, Levit yo ak pèp la pou yo ta kab mennen li lakay Bondye a, selon lakay zansèt papa nou yo, nan lè ki te etabli nan ane a, pou brile sou lotèl SENYÈ a, Bondye nou an, jan sa ekri nan lalwa a; <sup>35</sup> Epi pou yo ta kab pote premye fwi tè yo avèk ☆premye fwi a tout fwi a tout pyebwa yo, lakay SENYÈ a chak ane, <sup>36</sup> Epi ☆pote lakay Bondye nou an, premye ne a fis nou yo ak bèf nou yo e premye ne nan bann mouton avèk twoupo nou yo, jan sa ekri nan lalwa a, pou prèt ki ap sèvi lakay Bondye nou an. <sup>37</sup> ☆Nou va, osi, pote premye nan pat farin nou yo, kontribisyon nou yo, fwi a tout pyebwa, diven nèf avèk lwil pou prèt yo nan chanm lakay Bondye nou an e dim ☆tè a pou Levit yo; paske, se Levit yo ki resevwa dim nan tout vil andeyò yo. <sup>38</sup> ☆Prèt la, fis a Aaron an, va avèk Levit yo lè Levit yo resevwa dim yo e Levit yo va pote yon dizyèm a dim yo vè lakay Bondye nou an, nan chanm depo yo. <sup>39</sup> Paske, fis Israèl yo avèk fis Lévi yo va pote don sereyal la, diven nèf la ak lwil la nan chanm yo. La se zouti a sanktiyè yo, prèt k ap fè sèvis yo, gadyen pòtay yo, ak chantè yo. Konsa, ☆nou p ap neglije lakay Bondye nou an.

## 11

<sup>1</sup> Alò, ☆ chèf a pèp yo te rete Jérusalem, men res pèp la te tire osò pou fè youn nan dis Izrayelit andeyò yo vin rete Jérusalem, nan vil sen an, pandan nèf sou dis te rete nan lòt vil yo. <sup>2</sup> Epi pèp la te beni tout mesye ki te ☆ pa volonte yo, te vin rete Jérusalem yo. <sup>3</sup> ☆ Alò, sila yo se chèf an tèt pwovens ki te vin rete Jérusalem yo; men nan vil a Juda yo, chak moun te rete sou pwòp teren pa l nan vil pa yo—Izrayelit yo, prèt yo, Levit yo, sèvitè tanp yo ak desandan a sèvitè Salomon yo. <sup>4</sup> Kèk nan fis a Juda yo avèk kèk nan fis a Benjamin yo te rete Jérusalem. Soti nan fis Juda yo: Athaja, fis a Ozias la, fis a Zacharie, fis Amaria, fis a Schephathia, fis a Mahalaleel, fis a Pérets yo; <sup>5</sup> Epi Maaséja, fis a Barue a, fis a Col-Hozé, fis a Hazaja, fis a Adaja a, fis a Jojarib, fis a Zacharie, fis a Schiloni. <sup>6</sup> Total fis a Pérets ki te etabli Jérusalem yo te kat-san-swasann-tuit mesye ak gran kouraj. <sup>7</sup> Men fis a Benjamin yo: Sallu, fis a Meschullam nan, fis a Joëd la, fis a Pedaja, fis a Kolaja a, fis a Maaséja a, fis a Ithiel la, fis a Ésaïe a, <sup>8</sup> Epi apre li, Gabbaai avèk Sallaï, nèf-san-venn-tuit. <sup>9</sup> Joël, fis a Zicri a, te chèf yo; epi Juda, fis a Senua a, se te douzyèm chèf lavil la. <sup>10</sup> Soti nan prèt yo: Jedaeja, fis a Jojarib la, Jakin, <sup>11</sup> Seraja, fis a Hilkija a, fis a Meschullam nan, fis a Tsadok la, fis a Merajoth la, fis a Achithub la, ki te dirije lakay Bondye, <sup>12</sup> Epi fanmi yo ki te fè travay tanp lan, ui-san-venn-de; epi Adaja, fis a Jerocham nan, fis a Pelalia a, fis a Amtsi a, fis a Zacharie a, fis a Paschhur la, fis a Malkija a, <sup>13</sup> Epi fanmi yo, chèf lakay papa zansèt

☆ **10:32** Egz 30:11-16 ☆ **10:33** Lev 24:5-6 ☆ **10:34** Né 13:31 ☆ **10:35** Egz 23:19 ☆ **10:36** Egz 13:2 ☆ **10:37** Lev 23:17 ☆ **10:37** Nonb 18:21 ☆ **10:38** Nonb 18:26 ☆ **10:39** Né 13:10-11 ☆ **11:1** Né 7:4 ☆ **11:2** Jij 5:9 ☆ **11:3** I Kwo 9:2-34

yo, de-san-karann-de; epi Amaschasaï, fis a Azareel la, fis a Achazaï a, fis a Meschillémoth la, fis a Immer a, <sup>14</sup> avèk frè pa yo, mesye ki plen kouraj, san-venn-tuit. Zabdiel, fis a Guedolim nan, se te chèf yo. <sup>15</sup> Alò, soti nan Levit yo: Schemaeja, fis a Haschub la, fis a Azrikam nan, fis a Haschabia a, fis a Bunni an, <sup>16</sup> Schabbethaï avèk Jozabad soti nan dirijan Levit yo, ki te sipèvize ✧ travay deyò nan lakou lakay Bondye a; <sup>17</sup> epi Matthania, fis a Michée a, fis a Zabdi a, fis Asaph ki te responsab ouvri avèk remèsiman a Bondye nan lapriyè a, Bakbukia, dezyèm pami frè li yo e Abda, fis a Schammua a, fis a Galal la, fis a Jeduthun nan. <sup>18</sup> Tout Levit yo nèt nan ✧lavil sen an se te de-san-katre-ven-kat. <sup>19</sup> Anplis, gadyen pòtay yo, Akkub, Thalmon, avèk frè parèy yo ki te okipe pòtay yo te san-swasann-douz. <sup>20</sup> Tout lòt Israèl, pami prèt yo ak Levit yo te nan lòt vil Juda yo, yo chak ✧sou pwòp eritaj pa yo. <sup>21</sup> Men ✧ sèvitè tanp yo te rete nan ti mòn Ophel la e Tsicha avèk Guischpa te chèf a sèvitè tanp yo. <sup>22</sup> ✧ Chèf Levit Jérusalem yo te Uzzi, fis a Bani an, fis a Haschabia a, fis a Matthania a, fis a Michée a, pami fis Asaph, ki te chantè pou sèvis lakay Bondye a. <sup>23</sup> ✧Paske te gen lòd ki sòti nan wa a pa yo menm ak yon règ disiplin pou sila ki te dirije chante yo jou apre jou yo. <sup>24</sup> Pethachja, fis a Meschézabeel la, nan fis a Zérach yo, fis a Juda a, te ✧reprézante wa a nan tout bagay ki te konsène pèp la. <sup>25</sup> Selon vil yo avèk chan pa yo, kèk nan fis a Juda yo te rete Kirjath-Arba avèk bouk pa li yo, nan Dibon avèk landwa ki antoure li a e Jekabtseel avèk bouk ki te antoure li yo. <sup>26</sup> A Jéschua, a Molada, a Beth-Paleth, <sup>27</sup> a Hatsar-Schual, a Beer-Schéba avèk bouk pa li yo, <sup>28</sup> ak Tsiklag, a Mecona, avèk bouk pa li yo, <sup>29</sup> A En-Rimmon, a Tsorea, a Jarmuth, <sup>30</sup> a Zanoach, a Adullam ak bouk li yo, Lakis avèk anviwon li, Azéka avèk bouk pa li yo. Konsa, yo te fè anplasman yo soti Beer-Schéba jis rive nan vale Hinnom an. <sup>31</sup> Anplis, fis a Benjamin yo te rete soti Guéba ale nèt, a Micmasch, a Ajja, a Béthel, avèk bouk pa li yo, <sup>32</sup> a Anathoth, a Nob, a Hanania, <sup>33</sup> a Hatsor, a Rama, a Guithaïm, <sup>34</sup> a Hadid, a Tseboïm, a Neballath, <sup>35</sup> a Lod avèk Ono, vale a ouvriye yo. <sup>36</sup> Soti nan Levit yo, kèk nan divizyon Juda yo te apatyen a Benjamin.

## 12

<sup>1</sup> Alò, sila yo se te prèt avèk Levit ki te monte avèk Zorobabel, fis a Schealthiel la e avèk Josué: Seraja, Jérémie, Esdras, <sup>2</sup> Amaria, Malluc, Hattusch, <sup>3</sup> Schecania, Rehum, Merémoth, <sup>4</sup> Iddo, Guinnethoï, Abija, <sup>5</sup> Mijamin, Maadia, Bilga, <sup>6</sup> Schemaeja, Jojarib, Jedaeja. <sup>7</sup> Sallu, Amok, Hilkija, Jedaeja. Sila yo te chèf prèt yo avèk fanmi pa yo nan tan Josué a. <sup>8</sup> Levit yo te Josué, Binnui, Kadmiel, Schérébia, Juda, Matthania, ki, avèk frè li yo, te dirije chan remèsiman yo. <sup>9</sup> Anplis Bakbukia avèk Unni, frè pa yo ki te kanpe anfas yo nan ✧ divizyon sèvis yo. <sup>10</sup> Josué te vin papa a Jojakim, Jojakim te fè Éliaschib, Éliaschib te fè Jojada, <sup>11</sup> Jojada te fè Jonathan e Jonathan te fè Jaddua. <sup>12</sup> Alò, nan tan Jojakim, prèt yo, chèf an tèt lakay zansèt papa yo te pou Seraja, Meraja, e pou Jérémie, Hanania; <sup>13</sup> pou Esdras, Meschullam; pou Amaria, Jochanan; <sup>14</sup> pou Meluki, Jonathan; pou Schebvania, Jospeh; <sup>15</sup> pou Harim, Adna; pou Merajoth, Helkaï; <sup>16</sup> pou Iddo, Zacharie; pou Guinnethon, Meschullam; <sup>17</sup> pou Abija, Zicri; pou Minjamin avèk Moadia, Pilthaï; <sup>18</sup> pou Bilga Schammua; pou

✧ 11:16 I Kwo 26:29 ✧ 11:18 Né 11:1 ✧ 11:20 Né 11:3 ✧ 11:21 Né 3:26 ✧ 11:22 Né 11:9-24  
✧ 11:23 Esd 6:8 ✧ 11:24 I Kwo 18:17 ✧ 12:9 Né 12:24



Schemaeja, Jonathan; <sup>19</sup> pou Jojarib, Matthnaï; pou Jedaeja, Uzzi; <sup>20</sup> pou Sallai, Kallai; pou Amok, Éber; <sup>21</sup> pou Hilkija, Haschabla; pou Jedaeja, Nathanael. <sup>22</sup> Epi pou Levit yo, chèf an tèt lakay papa zansèt pa yo te anrejistre nan jou a Éliaschib yo, Jojada, avèk Jochanan ak Jaddua; konsa yo te sèvi kon prèt nan règn Darius, Perse la. <sup>23</sup> Fis a Lévi yo, chèf an tèt lakay papa zansèt yo, te anrejistre nan Liv A Kwonik yo jis rive nan tan Jochanan, fis Éliaschib la. <sup>24</sup> Chèf an tèt a Levit yo te Haschabia, Schérébia e Josué, fis a Kadmiel la, avèk frè pa yo anfas yo, ✧ pou bay lwanj avèk remèsiman, jan sa te preskri pa David, nonm Bondye a, divizyon ki te koresponn ak divizyon. <sup>25</sup> Matthania, Bakbukia, Abdias, Meschullam, Thalmon avèk Akkub, te gadyen pòtay ki te responsab veye ✧ depo pòtay yo. <sup>26</sup> Sila yo te sèvi nan jou a Jojakim yo, fis a Josué a, fis a Jotsadak la e nan jou a Néhémie yo, gouvènè a, avèk Esdras, prèt la ak skrib. <sup>27</sup> Alò, nan dedikasyon miray Jérusalem nan, yo te cache twouve Levit soti nan tout plas yo pou mennen yo Jérusalem pou yo ta kab selebre dedikasyon an avèk jwa, avèk lwanj kè kontan, avèk chan ✧ avèk senbal, ap ak gita yo. <sup>28</sup> Konsa, fis a chantè yo te rasanble soti nan distri ki te antoure Jérusalem nan e soti ✧ nan vilaj a Netofatyen yo, <sup>29</sup> soti Beth-Guilgal, avèk chan nan Guéba avèk Azmavet; paske, chantè yo te fin bati pou kont yo vilaj nan anviwon Jérusalem yo. <sup>30</sup> Prèt yo avèk Levit yo te pirifye tèt yo; anplis, yo te ✧ pirifye pèp la, pòt yo avèk miray <sup>31</sup> Epi mwen te fè dirijan a Juda yo vin monte sou miray la e mwen te chwazi de gran gwoup koral premye ki t ap sòti sou bò dwat anlè miray la vè ✧ Pòtay Kolin Fimye a. <sup>32</sup> Hosée avèk mwatye nan dirijan Juda yo te swiv yo, <sup>33</sup> avèk Azaria, Esdras, Meschullam, <sup>34</sup> Juda, Benjamin, Schemaeja, avèk Jérémie, <sup>35</sup> Epi kèk nan fis a prèt yo avèk twonpèt yo; epi Zacharie, fis a Jonathan an, fis a Schemaeja a, fis a Matthania a, fis a Michée a, fis a Zaccur a, fis a Asaph la, <sup>36</sup> avèk fanmi li yo, Schemaeja, Azaneel, Juda ak Hanani, ✧ avèk enstriman mizik a David yo, nonm Bondye a. Epi Esdras, skrib la, te ale devan yo. <sup>37</sup> Nan Pòtay Sous Bwote a, yo te monte tou dwat sou ✧ eskalye lavil David la toupre eskalye miray la anwo lakay David la, pou rive nan Pòtay Dlo a lès. <sup>38</sup> Dezyèm koral la te ale vè goch, pandan mwen t ap swiv yo avèk mwatye pèp la sou miray la, ✧ anwo Tou Founo yo, rive nan Gran Miray la. <sup>39</sup> Epi anwo ✧ Pòtay Éphraïm nan, kote Pòtay ansyen an, kote Pòtay Pwason an, ✧ Fò Hananeel la ak fò a dè Santèn yo, jis rive nan Pòtay Mouton yo; epi yo te rete nan Pòtay Gad la. <sup>40</sup> Epi de koral yo te pran pozisyon yo lakay Bondye a. Mwen menm tou, avèk mwatye ofisye ki te avè m yo; <sup>41</sup> epi prèt yo, Éliakim, Maaséja, Minjamin, Michée, Eljoénaï, Zacharie, Hanania, avèk twonpèt yo; <sup>42</sup> epi Maaséja, Schemaeja, Éléazar, Uzzi, Jochanan, Malkija, Élam ak Ézer. Epi chantè yo te chante avèk Jizrachja, dirijan pa yo a, <sup>43</sup> Epi nan jou sa a, yo te ofri gran sakrifis e te rejwi paske ✧ Bondye te bay yo gwo lajwa, menm fanm yo ak timoun yo te rejwi, jiskaske lajwa Jérusalem nan te tandè byen lwen. <sup>44</sup> Anplis, ✧ nan jou sa a, mesye yo te chwazi kon responsab sou chanm depo yo, kontribisyon yo, premye fwi yo, ak dim yo, pou ranmase yo antre soti nan chan nan vil yo, pòsyon ki te mande pa lalwa a pou prèt ak Levit yo; paske, Juda te rejwi de prèt avèk Levit ki te fè sèvis yo. <sup>45</sup> Paske, yo te ranpli adorasyon Bondye yo a, avèk sèvis

✧ 12:24 Né 11:17 ✧ 12:25 I Kwo 26:15 ✧ 12:27 I Kwo 15:16-28 ✧ 12:28 I Kwo 9:16 ✧ 12:30 Né 13:22-30 ✧ 12:31 Né 2:13 ✧ 12:36 Né 12:24 ✧ 12:37 Né 3:15 ✧ 12:38 Né 3:11 ✧ 12:39 Né 8:16 ✧ 12:39 Né 3:1 ✧ 12:43 Sòm 9:2 ✧ 12:44 Né 13:4-13

pirifikasyon an, ansanm avèk chantè yo ak gadyen pòtay yo ✧ an akò avèk lòd David avèk fis li a, Salomon. <sup>46</sup> Paske nan jou a David avèk ✧ Asaph yo, nan tan ansyen an, te gen ✧ dirijan pou chantè yo, chan adorasyon yo, avèk kantik remèsiman a Bondye. <sup>47</sup> Konsa, tout Israèl nan jou Zorobabel avèk Néhémie yo te bay pòsyon ki te dwe fèt pou chantè yo avèk gadyen pòtay yo kon chak jou te mande a e te ✧ mete apa pòsyon ki te konsakre a Levit yo; epi Levit yo te mete apa pòsyon ki te konsakre pou fis Aaron yo.

## 13

<sup>1</sup> Nan jou sa a, ✧ yo te li soti nan liv Moïse la, nan tandè a pèp la; epi li te twouve ekri ladann ke ni Amonit ni Moabit pa ta janm dwe antre nan asanble Bondye a, <sup>2</sup> paske, yo pa t rankontre fis Israèl yo avèk pen avèk dlo, men te ✧ anplwaye Balaam kont yo pou bay yo madichon. Men ✧ Bondye nou an te vire madichon an fè l vin benediksyon. <sup>3</sup> Pou sa, lè yo te tandè lalwa a, yo te mete ✧ tout etranje yo deyò Israèl. <sup>4</sup> Alò, avan sa a, Éliaschib, prèt la, ✧ ki te chwazi dirijan nan chanm lakay Bondye yo, ki te yon fanmi a Tobija, <sup>5</sup> te prepare yon gran chanm pou li, nan kote, ki oparavan te konn sèvi pou depo ofrann sereyal yo, lansan a, zouti ak dim sereyal yo, diven avèk lwil ki te ✧ pou Levit yo, chantè yo, ak gadyen pòtay yo, avèk kontribisyon prèt yo. <sup>6</sup> Men pandan tout tan sa a, mwen pa t la Jérusalem, paske nan trann-dezyèm ane ✧ Artaxerxès la, wa a Babylone nan, mwen te deja ale kote wa a. Men apre kèk tan, mwen te mande pèmision a wa a pou m sòti, <sup>7</sup> Epi mwen te rive Jérusalem e te vin aprann mal ke Éliachib te fè pou Tobija a, lè l ✧ te prepare yon chanm pou li nan lakou lakay Bondye a. <sup>8</sup> Sa te fè m pa kontan anpil e pou sa, mwen te ✧ jete tout bagay Tobija yo deyò chanm nan. <sup>9</sup> Epi mwen te pase lòd e ✧ yo te netwaye chanm yo; epi mwen te fè remete la zouti lakay Bondye yo avèk ofrann sereyal la ak lansan an. <sup>10</sup> Anplis, mwen te dekouvri ke ✧ pòsyon Levit yo pa t konn bay a yo menm ki te fè Levit yo avèk chantè yo ki te pèfòmè nan fè sèvis yo, ale; yo chak nan pwòp chan pa l. <sup>11</sup> Konsa, mwen te repwoche responsab yo epi te di: ✧ “Poukisa lakay Bondye a abandone?” Epi mwen te ranmase yo ansanm e te fè yo reprann pòs yo. <sup>12</sup> Konsa ankò, tout Juda te pote ✧ dim sereyal la, diven an avèk lwil la antre nan kay depo yo. <sup>13</sup> Kon responsab pou kay depo yo, mwen te chwazi Schélémia, prèt la, Tsadok, skrib la, avèk Pedaja a Levit yo; epi anplis sila yo, Hanan, fis a Zaccur a, fis a Matthania a; paske, ✧ yo te konsidere kon moun serye e se te tach pa yo pou separe bay a fanmi pa yo. <sup>14</sup> ✧ Sonje mwen pou sa, O Bondye mwen e pa efase zèv fidèl ke m te fè pou lakay Bondye mwen an ak sèvis mwen te fè pou li a. <sup>15</sup> Nan jou sa yo, mwen te wè nan Juda kèk moun ki t ap bat rezen ✧ nan Saba a, ki t ap fè antre sak sereyal yo, chaje yo sou bourik yo, ansanm avèk diven an, rezen yo, fig yo ak tout kalite chay yo pou yo te pote yo antre Jérusalem nan jou Saba a. Pou sa, mwen te avèti yo nan jou ke yo t ap vann manje a. <sup>16</sup> Anplis, mesye Tyre yo te rete la e te enpòte pwason avèk tout kalite machandiz, ki te vann a fis Juda yo nan Saba a, menm nan Jérusalem. <sup>17</sup> Epi mwen te ✧ bay repwòch a moun prensipal Juda yo epi te di yo: “Ki kalite mal nou ap fè la a, lè nou vin degrade jou

✧ 12:45 I Kwo 25:1 ✧ 12:46 II Kwo 29:30 ✧ 12:46 I Kwo 9:33 ✧ 12:47 Nonb 18:21 ✧ 13:1 Né 9:3 ✧ 13:2 Nonb 22:3-11 ✧ 13:2 Det 23:5 ✧ 13:3 Egz 12:38 ✧ 13:4 Né 12:44 ✧ 13:5 Nonb 18:21 ✧ 13:6 Esd 6:22 ✧ 13:7 Né 13:5 ✧ 13:8 Jn 2:13-16 ✧ 13:9 II Kwo 29:5-16 ✧ 13:10 Det 12:19 ✧ 13:11 Né 10:39 ✧ 13:12 Né 10:37 ✧ 13:13 Né 7:2 ✧ 13:14 Né 5:19 ✧ 13:15 Det 5:12-14 ✧ 13:17 Né 13:11-25

Saba a?” 18 ✧ Èske papa nou yo pa t fè menm bagay la, jiskaske Bondye nou an te fè rive nou avèk tout vil sa a tout twoub sa yo? Sepandan, nou ap ogmante kòlè sou Israël yo lè nou vin desann jou Saba a konsa.” 19 ✧ Li te vin rive ke lè l te fenk ap fènwa nan pòtay Jérusalem yo avan Saba a, mwen te pase lòd pou pòt yo ta fèmen e pou yo pa ta ouvri yo jiskaske Saba a te fini. Epi mwen te estasyon kèk nan sèvitè mwen yo nan pòtay yo pou okenn chaj pa t antre nan Saba a. 20 Youn oswa de fwa, machann a tout kalite machandiz te oblije pase nwit lan deyò Jérusalem. 21 Epi ✧ mwen te avèti yo, epi te di yo: “Poukisa nou pase nwit lan devan miray la? Si nou fè sa ankò, m ap sèvi ak fòs kont nou.” Depi lè sa a jis ale nèt, yo pa t vini nan Saba a. 22 Epi mwen te pase lòd a Levit yo ✧ ke yo ta dwe pirifye tèt yo e vini tankou gadyen pòtay yo pou sanktifye jou Saba a. Pou sa, anplis, sonje mwen, O Bondye mwen e fè mwen mizerikòd, selon grandè lanmou dous Ou. 23 Anplis, nan jou sa yo, mwen te wè ke Jwif yo te konn ✧ marye ak fanm a Ashdod yo, Ammon, avèk Moab yo. 24 Epi selon pitit yo, mwatye nan yo te pale langaj Ashdod la e nanpwen menm nan yo ki te gen kapasite pou pale langaj Juda a, men pito langaj a pèp pa li a. 25 Pou sa, mwen te kanpe kont yo, mwen te bay yo madichon yo, te frape kèk nan yo, te rale cheve yo e te ✧ fè yo sèman pa Bondye: “Ou p ap bay fi ou yo a fis pa yo, ni pran nan fi pa yo pou fis nou, ni pou nou menm. 26 ✧ Èske Salomon, wa Israël la, pa t peche nan bagay sa yo? ✧ Malgre, pami anpil nasyon yo, pa t gen wa tankou li, li te renmen pa Bondye li a, e Bondye te fè li wa sou tout Israël. Sepandan, fanm etranje yo te fè menm li menm nan fè peche. 27 Alò, èske nou tande pa nou menm ke nou te komèt gran mal sila a e ✧ te aji avèk enfidelite kont Bondye nou an nan fè maryaj avèk fanm etranje yo? 28 Menm youn nan fis a Jojada yo, fis a Éliaschib la, wo prèt la, te bofis a ✧ Sanballat, Owonit lan e pou sa, mwen te chase li lwen mwen. 29 Sonje yo, O Bondye mwen, akòz yo te degrade ✧ otorite a prèt la, avèk akò otorite prèt yo avèk Levit yo. 30 ✧ Konsa, mwen te pirifye soti nan tout bagay etranje yo e te chwazi devwa pou prèt yo ak Levit yo, yo chak nan pwòp tach pa yo, 31 Epi mwen te òganize ✧ pou yo founi bwa nan lè chwazi yo ak pou premye fwi yo. Sonje mwen, O Bondye mwen, pou sa ki bon.

✧ 13:18 Esd 9:13 ✧ 13:19 Lev 23:32 ✧ 13:21 Né 13:15 ✧ 13:22 I Kwo 15:12 ✧ 13:23 Esd 9:2 ✧ 13:25 Né 10:29-30 ✧ 13:26 I Wa 11:1 ✧ 13:26 I Wa 3:13 ✧ 13:27 Esd 10:2 ✧ 13:28 Né 2:10 ✧ 13:29 Nonb 25:13 ✧ 13:30 Né 10:30 ✧ 13:31 Né 10:34

## Esther

<sup>1</sup> Alò li te vin rive nan tan ✧ Wa Assuréus la, menm Assuréus ki te renye soti Inde jis rive Éthiopie sou san-venn-sèt pwovens yo, <sup>2</sup> nan jou sa yo, pandan wa Assuréus te chita sou twòn wayal li a ki te nan sitadèl ✧ Suse la, <sup>3</sup> nan twazyèm ane pouvwa li a, ✧ li te fè yon gran fèt pou tout chèf li yo avèk asistan li yo, chèf lame Perse avèk Mèdes yo, moun prensipal lavil yo, avèk chèf pwovens li yo, tout moun ki te nan prezans li. <sup>4</sup> Konsa li te montre tout richès avèk glwa wayal li yo, avèk mayifisans a gran majeste li pandan anpil jou, san-katre-ven jou. <sup>5</sup> Lè jou sa yo te fin acheve, wa a te bay yon gwo bankè ki te dire pandan sèt jou pou tout moun ki te prezan nan sitadèl Suse la, soti nan sila ki pi pwisan an jis rive nan sila ki pi piti a, nan ✧ lakou jaden a palè wa a. <sup>6</sup> ✧ Te gen bagay pann ki fèt an len fen blan e vyolèt ki te kenbe pa kòd fèt an len fen mov, wondèl an ajan avèk pilye an mèb; epi devan yo, ki te fèt an lò avèk ajan, sou yon pave mozayik ki fèt ak mab wouj, mab blan, gwo pèl klere avèk pyè presye. <sup>7</sup> Bwason yo te sèvi nan veso an lò a plizyè kalite e diven wayal la te anpil, ✧ selon bonte a wa a. <sup>8</sup> Jan yo te bwè se te selon lalwa, san fòse moun, paske wa a te pase lòd a chak ofisye a chak kay ke li ta dwe fè sa selon dezi a chak moun. <sup>9</sup> Anplis, Larenn Vasthi te bay yon bankè pou fanm nan palè ki te pou Wa Assuérus la. <sup>10</sup> Nan setyèm jou a, lè kè a wa a te kontan ak diven, li te bay lòd a Mehuman, Biztha, Harbona, Bigtha, Abagtha, Zéthar, avèk Carcas, sèt enik ki te sèvi wa Assuérus, <sup>11</sup> pou mennen fè parèt nan prezans li, rèn nan, Vasthi, avèk ✧kouwòn wayal la, pou montre bèlte li a pèp la e a moun pwisan yo, paske li te tèlman bèl. <sup>12</sup> Men, rèn Vasthi te refize vini sou lòd a wa a, ki te livre pa enik yo. Epi wa a te vin byen fache e lakòlè te brile anndan l. <sup>13</sup> Alò, wa a te mande a ✧mesye saj ki te konprann tan yo—paske se te koutim a wa a pou pale devan tout sila ki te konprann lalwa a avèk jistis <sup>14</sup> epi, te toupre li: Carschena, Schéthar, Admatha, Tarsis, Mérés, Marsena, Memucan, sèt chèf de Perse avèk Médie yo, ✧ki te gen abitud antre nan prezans a wa a e te chita nan premye plas nan wayòm nan— <sup>15</sup> “Selon lalwa a, se kisa ki ta dwe fèt avèk rèn Vasthi, akòz li pa t obeyi lòd a Wa Assuérus ki te livre pa enik yo?” <sup>16</sup> Nan prezans a wa a avèk chèf yo, Memucan te di: “Rèn Vasthi te fè tò a wa a, men anplis tout moun nan pwovens a Wa Assuérus yo. <sup>17</sup> Paske, si kondwit a rèn nan vin rekonèt a tout fanm yo pou fè yo vin gade mari yo avèk mepriz epi vin di: ‘Wa Assuérus te kòmande rèn Vasthi pou parèt devan l, men li pa t vini.’ <sup>18</sup> Nan jou sa a, fanm a Perse avèk Médie ki te tandè afè kondwit rèn nan, va pale tout chèf a wa a nan menm fason an, e va genyen anpil mepriz avèk mekontantman. <sup>19</sup> Si sa fè wa a kontan, kite yon dekrè wayal sòti nan li e kite li ekri nan lalwa a Perse avèk Médie a pou l ✧pa kab ranvèse, ke Vasthi p ap kab ankò antre nan prezans a Wa Assuérus la. E kite wa a bay pozisyon wayal pa li a yon lòt moun ki pi merite l pase li. <sup>20</sup> Lè dekrè ke a wa a va fè a tandè nan tout wayòm li an, ki tèlman gran; alò ✧tout fanm va gen respè a mari yo, kit gran, kit piti. <sup>21</sup> Pawòl sa a te fè wa a kontan, avèk chèf yo; epi, wa a te fè kon Memucan te pwopoze a. <sup>22</sup> Konsa, li te voye lèt a tout pwovens a wa yo, a chak pwovens selon ekriti

✧ **1:1** Esd 4:6 ✧ **1:2** Né 1:1 ✧ **1:3** Est 2:18 ✧ **1:5** Est 7:7-8 ✧ **1:6** Éz 23:41 ✧ **1:7** Est 2:18  
 ✧ **1:11** Est 2:17 ✧ **1:13** Jr 10:7 ✧ **1:14** II Wa 25:19 ✧ **1:19** Est 8:8 ✧ **1:20** Ef 5:22

pa li e a chak pèp selon langaj pa yo, ke tout mesye yo ta dwe ✧ mèt nan pwòp kay pa yo e sila ki palè nan lang a pwòp pèp li.

## 2

<sup>1</sup> Apre bagay sa yo, ✧ lè kòlè a Wa Assuérus te vin kalme, li te sonje Vasthi ak sa li te fè a e dekrè ki te fèt kont li an. <sup>2</sup> Alò, asistan a wa a ki te sèvi li yo, te di: ✧“Annou fè rechèch pou jwenn jenn vyèj ki byen bèl pou wa a. <sup>3</sup> Kite wa a chwazi sipèvizè nan ✧ tout pwovens a wayòm li yo pou yo kab rasanble tout bèl vyèj pou vin parèt nan sitadèl Suse la, antre nan kay fanm a wa a ki sou kontwòl a Héguaï, enik a wa a, ki an chaj fanm yo; epi, kite yo byen prepare ak tout bagay pou fè yo bèl yo. <sup>4</sup> Alò, kite jenn fi ki bay wa a plezi a vin regne la nan plas a Vasthi a.” Epi koze a te fè wa a kontan e se konsa li te fè l. <sup>5</sup> Te gen nan sitadèl Suse la, yon Jwif ki te rele ✧ Mardochée, fis a Jaïr, fis a Schimeï, fis a Kis, yon Benjamit, <sup>6</sup> ✧ ki te ale an ekzil soti Jérusalem avèk kaptif ki te ekzile avèk Jeconia yo, wa Juda ke Nebudkanetsar, wa Babylone nan, te fè ekzile a. <sup>7</sup> Li t ap elve Hadassa, sa vle di, ✧ Esther, fi a tonton li an, paske li pa t gen papa ni manman. Alò, jenn demwazèl la te byen bèl sou fòm ni figi li e lè papa li avèk manman li te mouri, Mardochée te pran li kon pwòp fi pa li. <sup>8</sup> Konsa, li te vin rive ke lè kòmand avèk dekrè a wa a te tandè e anpil jèn fi te ranmase nan sitadèl Suse la sou sipèvizyon a ✧Héguaï, ke Esther te pran pou antre nan palè a wa a, anba sipèvizyon a Héguaï, ki te responsab fanm yo. <sup>9</sup> Alò, jèn fi a te fè l plezi e te twouve favè devan l. Pou sa, li te bay li ✧ tout atik twalèt avèk manje san fè reta e li te ba li sèt sèvant de chwa nan palè a wa a e te voye li avèk sèvant li yo nan pi bon kote pami fanm a wa yo. <sup>10</sup> ✧ Esther pa t fè pèsòn konnen ras pèp li a ni fanmi li yo, paske Mardochée te enstwi li pou li pa ta dwe fè sa rekonèt <sup>11</sup> Chak jou, Mardochée te mache ale retou devan lakou fanm a wa yo pou vin aprann jan Esther te ye ak jan afè l t ap mache. <sup>12</sup> Alò, lè chans a chak jèn demwazèl te vin rive pou antre kote wa Assuérus la, lè l te fin fè preparasyon douz mwa anba règleman pou fanm yo—paske jou pou konplete preparasyon bèlte yo te fini konsa: si mwa avèk lwil a lamé e si mwa avèk aplikasyon epis ak pafen pou fanm — <sup>13</sup> Men kòman jèn fi a ta antre kote wa a: nenpòt bagay ke li te dezire, ta bay a li menm pou pran avè l soti lakay fanm yo pou rive nan palè a wa a. <sup>14</sup> Nan aswè, li ta ale ladann e nan maten, li ta retounen nan dezyèm kay fanm yo, sou responsablite a Schaaschgaz, enik a wa a ki te an chaj konkibin a wa yo. Li pa t antre kote wa a ankò sof ke wa a te kontan anpil avèk li e te rele li eksprè pa non l. <sup>15</sup> Alò lè pou Esther, ✧fi de Abichaïl la; tonton li, Mardochée, ki te pran li kon pwòp pitit pa li, te rive antre kote wa a, li pa t mande anyen sof ke sa ke Héguaï, enik a wa a ki te an chaj fanm yo, te konseye yo. Epi Esther te jwenn favè nan zye a tout moun ki te wè l yo. <sup>16</sup> Pou sa, Esther te mennen vè Wa Assuérus nan palè wayal li a nan dezyèm mwa ki nan mwa Tébeth la, nan setyèm ane pouvwa li a. <sup>17</sup> Wa a te renmen Esther plis pase tout fanm yo e li te twouve gras avèk favè devan li menm plis pase tout lòt vyèj yo, jiskaske ✧li te mete kouwòn wayal la sou tèt li e te fè li rèn nan plas a Vasthi a. <sup>18</sup> Epi wa a te bay yon gran bankè li te rele bankè Esther, pou tout chèf li yo avèk sèvitè li yo; anplis, li te fè yon jou fèt pou pwovens yo e te bay yo kado ✧ selon jenewozite a

✧ 1:22 Ef 5:22-24 ✧ 2:1 Est 1:19-20 ✧ 2:2 I Wa 1:2 ✧ 2:3 Est 1:1-2 ✧ 2:5 Est 3:2 ✧ 2:6 II Wa 24:14-15 ✧ 2:7 Est 2:15 ✧ 2:8 Est 2:3-15 ✧ 2:9 Est 2:3-20 ✧ 2:10 Est 2:20 ✧ 2:15 Est 2:7 ✧ 2:17 Est 1:11 ✧ 2:18 Est 1:7

wa a. <sup>19</sup> Lè vyèj yo te reyini ansanm yon dezyèm fwa a; alò, Mardochee \*te chita nan pòtay a wa a. <sup>20</sup> Esther potko fè yo konnen fanmi li yo, ni pèp li a, jis jan ke Mardochee te bay li lòd fè a, jis jan li te fè \*lè se te li ki t ap swaye li a. <sup>21</sup> Nan jou sa yo, pandan Mardochee te chita nan pòtay palè a wa a, \* Bigthan avèk Theresch, de ofisyè a wa yo ki t ap veye pòt la, te vin fache e te chache mete men sou wa Assuérus. <sup>22</sup> Men, konplo a te vin rekonèt pa Mardochee e \* li te pale rèn Esther e Esther te pale wa a nan non a Mardochee. <sup>23</sup> Alò, lè yo fè rechèch nan konplo a e jwenn bout li, yo tou de te pann sou yon bwa; epi, li te ekri nan \*Liv Achiv Kwonik Yo nan prezans wa a.

### 3

<sup>1</sup> Apre evènman sa yo, Wa Assuérus te \*elve pozisyon a Haman, fis a Hammedatha a, Agagit la, te pouse l devan e te etabli otorite li sou tout chèf ki te avèk li yo. <sup>2</sup> Tout sèvitè a wa yo ki te nan pòtay a wa a te bese ba e te bay onè a Haman; paske, se sa wa a te kòmande pa li menm. Men, \*Mardochee pa t bese, ni pa t bay onè. <sup>3</sup> Alò, \*sèvitè a wa yo te di a Mardochee: “Poukisa w ap dezobeyi lòd a wa a?” <sup>4</sup> Alò, li te rive ke lè yo te pale chak jou avèk li e li te refize koute yo, ke yo te pale Haman pou wè si koz a Mardochee a ta kanpe, paske li te di yo ke se yon Jwif li te ye. <sup>5</sup> Lè Haman te wè ke \*Mardochee pa t bese ni ba li onè, Haman te ranpli avèk laraj. <sup>6</sup> Men, li pa t satisfè pou mete men l sou Mardochee sèl, paske yo te fè l konnen pèp Mardochee a; konsa, Haman te \*chache detwi tout Jwif yo, pèp Mardochee a, ki te toupatou nan tout wayòm Assuérus la. <sup>7</sup> Nan premye mwa ki se mwa Nisan an, nan douzyèm ane Wa Assuérus la, bagay Pur a, sa vle di tiraj osò a, te voye devan Haman jou apre jou e soti mwa apre mwa, jis rive nan douzyèm mwa a, sa vle di, \*mwa Adar a. <sup>8</sup> Epi Haman te di a Wa Assuérus: “Genyen yon sèten pèp ki gaye toupatou pami pèp la nan tout pwovens nan wayòm ou an; \*lwa pa yo pa menm ak tout lòt pèp nan pwovens a wayòm ou an e yo menm, yo pa swiv lwa a wa a e konsa, li pa nan enterè a wa a pou kite yo rete la. <sup>9</sup> Si se plezi a wa a, kite yon dekrè pibliye pou yo ta detwi e mwèn va peye di-mil talan ajan nan men a sila ki akonpli afè wa a, pou mete li nan kès a wa a.” <sup>10</sup> Konsa, \*wa a te retire bag so li nan men l e te bay li a Haman, fis a Hammedatha a, Agagit la, lènmi a Jwif yo. <sup>11</sup> Wa a te di Haman: “Ajan an se pa w, ni pèp la, pou fè avèk yo sa ou pito.” <sup>12</sup> Epi grefye a wa yo te rele nan trèzyèm jou nan premye mwa a e li te ekri jan ke Haman te kòmande a \*reprézantan a wa a nan tout pwovens yo, a gouvènè ki te sou chak pwovens yo e a chèf a chak pèp, chak pwovens selon ekriti pa li, chak pèp selon langaj pa li, tout sa ekri nan non Wa Assuérus e sele avèk bag so a wa a. <sup>13</sup> Lèt yo te voye pa mesaje wa yo nan tout pwovens a wa yo \*pou detwi, pou touye e anile tout Jwif yo, ni jèn, ni granmoun, fanm avèk timoun, nan yon sèl jou, nan trèzyèm jou a douzyèm mwa a, ki se mwa Adar a e pou \*sezi tout byen pa yo kon piyaj. <sup>14</sup> \*Yon kopi a dekrè a te dwe sikile kon lwa nan chak pwovens e te pibliye a tout pèp yo pou yo ta prepare pou jou sa a. <sup>15</sup> Mesaje wa yo te sòti, ranfòse pa dekrè a wa a, pandan dekrè a te pibliye nan sitadèl Suse la; epi, pandan wa a avèk Haman te chita ansanm pou bwè, \*lavil Suse te nan gwo zen.

\* 2:19 Est 2:21 \* 2:20 Est 2:7 \* 2:21 Est 6:2 \* 2:22 Est 6:1-2 \* 2:23 Est 10:2 \* 3:1 Est 5:11 \* 3:2 Est 2:19 \* 3:3 Est 2:19 \* 3:5 Est 5:9 \* 3:6 Sòm 83:4 \* 3:7 Esd 6:15 \* 3:8 Esd 4:12-15 \* 3:10 Jen 41:42 \* 3:12 Esd 8:36 \* 3:13 Est 7:4 \* 3:13 Est 8:11 \* 3:14 Est 8:13-14 \* 3:15 Est 8:15

## 4

1 Lè Mardochee te vin aprann \*tout sa ki te fèt yo, li te chire rad li, te mete twal sak avèk sann sou li, te ale deyò nan mitan lavil la e te kriye byen fò anlè avèk amètim. 2 Li te rive jis nan pòtay a wa a, paske nanpwen pèsòn ki te abiye an twal sak ki ta kab antre sou pòtay a kay wa a. 3 Nan chak pwovens kote lòd la avèk dekrè a wa a te rive, te gen gwo doule pami Jwif yo, avèk \*fè jèn, gwo kriye avèk lamantasyon. Epi anpil te kouche sou twal sak avèk sann. 4 Konsa, sèvant a Esther yo avèk enik li yo te vin di li sa e rèn nan te tòde vire ak gwo lapèn. Epi li te voye rad pou abiye Mardochee pou l ta kab retire twal sak la sou li, men li te refize. 5 Alò, Esther te voye mande prezans a Hathac soti nan enik a wa yo, pou wa a te chwazi okipe li e te pase l lòd pou parèt kote Mardochee pou mande sa ki t ap pase a, e poukisa? 6 Konsa, Hathac te sòti ale kote Mardochee nan plas lavil la devan pòtay a wa a. 7 Mardochee te rakonte li tout sa ki te rive li e \*an detay, kantite fòs ajan ke Haman te fè pwomès pou bay nan kès a wa a pou fin detwi tout Jwif yo. 8 Anplis, li te bay li \*yon kopi a dekrè ki te pibliye Suse la pou detwi yo, pou li ta kapab montre Esther pou fè l konnen e bay li lòd pou rive antre kote wa a pou plede pou favè li e plede avè l pou pwoteksyon pèp li a. 9 Hathac te retounen e te fè Esther konnen pawòl a Mardochee yo. 10 Esther te pale avèk Hathac e te mande li bay repons a Mardochee: 11 “Tout sèvitè a wa yo avèk pèp an pwovens a wa yo byen konnen ke si nenpòt gason oswa fanm \*antre devan wa a nan lakou enteryè a san invite pa li menm, li gen yon sèl lwa; ke li va mete a lanmò, sof ke wa a lonje baton a wa a pou l kab viv. Epi mwen pa t invite kote wa a pandan trant jou sila yo.” 12 Yo te pataje pawòl a Esther yo avèk Mardochee. 13 Epi Mardochee te di yo reponn a Esther: “Pa imajine ke ou menm nan palè a wa a kab gen chans chape plis ke tout lòt Jwif yo. 14 Paske, si ou rete an silans nan moman sa a, sekou avèk \*delivrans va sòti pou Jwif yo soti yon lòt kote e ou menm avèk lakay papa ou va peri. Epi kilès ki kab konnen si se pa pou moman sa a ke ou te rive nan pozisyon wayal sila a. 15 Alò, Esther te di yo prepare reponn Mardochee, 16 “Ale rasanble tout Jwif ki rete Suse yo e fè jèn pou mwen; pa manje ni bwè pandan twa jou, ni lannwit, ni lajounen. Mwen avèk sèvant mwen yo va \*fè jèn nan menm jan an. Epi se konsa, mwen va antre kote wa a, ki pa selon lalwa; epi, si mwen peri, mwen peri.” 17 Konsa, Mardochee te sòti ale fè jis sa ke Esther te bay li lòd fè a.

## 5

1 Alò, li te vin rive nan twazyèm jou ke Esther te mete sou li vètman wayal la e te kanpe nan \*lakou enteyè a palè wa a devan chanm wa yo e wa a te chita sou twòn wayal li a nan chanm twòn anfas antre pale a. 2 Lè wa a te wè Esther, rèn nan te kanpe nan lakou a, \*li te twouve favè nan zye li; epi, \*wa a te lonje baton a wa a fèt an lò ki te nan men l lan, vè Esther. Pou sa, Esther te pwoche pre pou te touche pwent an wo baton an. 3 Epi wa a te di li: “Se kisa ki twouble ou, rèn Esther? Epi se kisa ke w ap mande? \*Menm jis mwaye wayòm mwen, li va bay a ou menm.” 4 Esther te di: “Si sa fè wa a plezi, ke wa a avèk Haman kapab vini nan menm jou sa a nan yon bankè ke m gen tan prepare pou li.” 5 Alò wa a te di: \* Mennen Haman byen vit pou nou kapab fè kon Esther vle a.” Konsa,

\* 4:1 Est 3:8-10 \* 4:3 Est 4:16 \* 4:7 Est 3:9 \* 4:8 Est 3:14 \* 4:11 Est 5:1 \* 4:14 Lev 26:42 \* 4:16 Jl 1:14 \* 5:1 Est 4:11 \* 5:2 Est 2:9 \* 5:2 Est 4:11 \* 5:3 Est 7:2 \* 5:5 Est 6:14

wa a avèk Haman te vini nan bankè ke Esther te prepare a. <sup>6</sup> Pandan yo t ap bwè diven nan bankè a, ✧ wa a te di a Esther: “Se ki petisyon ke ou ap fè a, paske li va bay a ou menm. Epi, kisa menm ou ap mande a? Menm jis mwatye wayòm nan, li va fèt.” <sup>7</sup> Konsa, Esther te reponn: “Men petisyon mwen an e sa ke m mande a: <sup>8</sup> ✧si mwen twouve favè nan zye a wa a e si sa fè l plezi pou ban mwen petisyon mwen an e fè sa ke m mande a, ke wa a avèk Haman kapab parèt nan bankè ke m va prepare pou yo a e demen, mwen va fè selon sa ke wa a mande a.” <sup>9</sup> Alò, Haman te sòti nan jou sa a byen kontan avèk rejwisans nan kè l; men lè li te wè Mardochee ✧ nan pòtal palè a wa a, e ✧te wè li pa t leve, ni tranble devan l; konsa, Haman te ranpli avèk laraj kont Mardochee. <sup>10</sup> Haman te kontwole tèt li menm malgre sa e te ale lakay li pou te voye chache zanmi li yo avèk madanm li, ✧ Zérescha. <sup>11</sup> Alò, Haman te rakonte yo glwa a richès li, fòs kantite fis li yo, chak moman ke wa a te ✧ leve li e te fè l monte pi wo chèf avèk sèvitè a wa a. <sup>12</sup> Anplis, Haman te di: “Menm Esther, rèn nan pa t kite lòt moun sof ke mwen menm vini avèk wa a nan bankè ke li te prepare a; epi, ✧demen, ankò, mwen envite pa li menm avèk wa a. <sup>13</sup> Malgre tout sa, mwen vin pa kontan chak fwa ke m wè Mardochee, Jwif ki chita nan ✧pòtay a wa a.” <sup>14</sup> Epi Zéresch, madanm li an, te di li: ✧“Fè yo prepare yon wo etaj senkant koude nan wotè e demen maten, mande wa a pou pann Mardochee ladann; epi apre, ale nan bankè a avèk jwa’.” Epi konsèy la te fè Haman byen kontan e li te fè yo prepare etaj la.

## 6

<sup>1</sup> Pandan nwit lan, wa a ✧pa t kab dòmi. Pou sa, li te pase lòd pou mennen liv achiv kwonik yo pou yo te li li devan wa a. <sup>2</sup> Li te twouve ekri ladann sa ke ✧Mardochee te rapòte konsènan Bigthan avèk Theresch la, de nan enik wa ki te gadyen pòtay yo, ki te chache pou mete men yo sou wa Assuérus la. <sup>3</sup> Wa a te mande: “Ki distenksyon oswa onè yo te bay a Mardochee pou sèvis sa a?” Epi sèvitè a wa yo te di: “Anyen pa t fèt pou li.” <sup>4</sup> Pou sa, wa a te di: “Kilès ki nan lakou a?” Alò, Haman te fenk antre nan lakou deyò a palè wa a pou l ta kab pale avèk wa a konsènan afè ✧pann Mardochee sou etaj ki te bati pou li a. <sup>5</sup> Sèvitè a wa a te di li: “Men gade byen, Haman kanpe nan lakou a.” Epi wa a te di li: “Kite li antre.” <sup>6</sup> Pou sa, Haman te antre anndan e wa a te di li: “Kisa ki ta dwe fèt pou nonm nan ✧ke wa a dezire onore a?” Epi Haman te di nan tèt li: “Se kilès wa a ta vle onore plis ke mwen menm nan?” <sup>7</sup> Epi Haman te di a wa a: “Pou nonm ke wa a vle onore a, <sup>8</sup> kite yo mennen yon vètman wayal ke wa a te konn mete, avèk ✧cheval ke wa a te konn monte e sou tèt a sila, yon kouwòn wa a te fin mete; <sup>9</sup> epi, kite vètman avèk cheval la remèt a youn nan chèf a wa ki pi onore a e kite yo abiye moun ke wa a vle onore a, mennen li sou do cheval la toupatou nan plas lavil la ✧e pwoklame devan li, ‘Se konsa pou l ta fèt a moun nan ke wa a vle onore a.’” <sup>10</sup> Epi wa a te di a Haman: “Byen vit pran vètman avèk cheval la kon ou te pale a e fè sa pou Mardochee, Jwif la, ki chita nan pòtay wa a; pa manke nan anyen a tout sa ke ou te pale yo.” <sup>11</sup> Konsa, Haman te pran vètman an avèk cheval la, te abiye Mardochee, te mennen li sou cheval la nan tout plas lavil la e te fè pwoklamasyon devan l, “Se konsa li va fèt pou nonm ke wa a vle

✧ 5:6 Est 7:2 ✧ 5:8 Est 7:3 ✧ 5:9 Est 2:19 ✧ 5:9 Est 3:5 ✧ 5:10 Est 6:13 ✧ 5:11 Est 3:1  
 ✧ 5:12 Est 5:8 ✧ 5:13 Est 5:9 ✧ 5:14 Est 6:4 ✧ 6:1 Det 6:16 ✧ 6:2 Est 2:21-22 ✧ 6:4 Est  
 5:14 ✧ 6:6 Est 6:7-11 ✧ 6:8 I Wa 1:33 ✧ 6:9 Jen 41:43



onore a.” <sup>12</sup> Epi Mardochée te retounen nan pòtay a wa a. Men, Haman te kouri byen vit pou rive lakay li avèk kri doulè, ✧ ak tèt li kouvri. <sup>13</sup> Haman te rakonte a ✧Zéresch, madanm li avèk tout zanmi li yo tout sa ki te rive li yo. Epi mesye saj yo avèk Zéresch, madanm li an, te di li: “Si Mardochée, devan sila ou kòmanse tonbe a, sòti nan Jwif yo; anverite, ou p ap genyen sou li; men, anverite, ou va tonbe devan li.” <sup>14</sup> Pandan yo t ap toujou pale avèk li, enik a wa yo te rive e byen prese, yo te ✧mennen Haman nan bankè ke Esther te prepare a.

## 7

<sup>1</sup> Alò, lè wa a avèk Haman te vini pou bwè diven an avèk Esther, rèn nan. <sup>2</sup> Epi wa a te di a Esther ankò nan dezyèm jou a pandan yo t ap bwè diven pa yo nan bankè a, ✧“Se ki petisyon ou an, rèn Esther? Li va bay a ou menm. Epi, se kisa ke w ap mande a? Menm jis rive mwatye wayòm nan, li va fèt.” <sup>3</sup> Epi rèn Esther te reponn: ✧“Si mwen te jwenn favè nan zye ou, O wa, e si se plezi a wa a, ban mwen lavi mwen kon petisyon mwen an, avèk pèp mwen an, se sa ke mwen mande; <sup>4</sup> paske ✧nou te fin vann, mwen menm avèk pèp mwen an, pou nou fin detwi, ✧pou touye e anile nèt. Alò, si se te sèlman ke nou te vann kon esklav, gason kon fanm, mwen ta rete an silans, paske twoub la pa t ap merite ke m ta twouble wa a.” <sup>5</sup> Epi Wa Assuérus te mande rèn Esther, “Ki moun li ye e kibò li ye, ki ta pwopoze fè afè sila a?” <sup>6</sup> Esther te di: ✧“Yon oprimè avèk yon lènmi, se mechan Haman sila a!” Epi Haman te vin ranpli avèk laperèz devan wa a avèk rèn nan. <sup>7</sup> Wa a nan kòlè li ✧te leve kite bwè diven an e te antre nan jaden palè a; men, Haman te rete pou mande Esther sekou pou lavi li, paske li te wè wa a te vin gen entansyon fè l move bagay. <sup>8</sup> Alò, lè wa a te retounen sòti nan jaden palè a pou l antre nan plas kote yo t ap bwè diven an, Haman t ap tonbe sou ✧sofa kote Esther te ye a. Epi wa a te di: “Èske li va menm vyole rèn nan pandan m la nan kay la?” Depi pawòl la te kite bouch a wa a, yo te kouvri figi a Haman. <sup>9</sup> Alò Harbona, youn nan enik yo devan wa a te di: “Gade byen, anverite, ✧men wo etaj senkant koude nan wotè ki kanpe kote kay Haman an, ke li te fè pou Mardochée ki te pale byen pou wa a!” Epi wa a te di: “Pann li sou li!” <sup>10</sup> ✧Konsa, yo te pann Haman sou wo etaj ke li te prepare pou Mardochée a e kòlè a wa a te vin bese.

## 8

<sup>1</sup> Nan menm jou sa a, Wa Assuérus te bay lakay Haman, lènmi a Jwif yo, a rèn Esther; epi, Mardochée te parèt devan wa a, paske Esther te pale li ✧sa li te ye pou li. <sup>2</sup> Wa a te fin retire bag so ke li te retire nan men a Haman an e te bay li a Mardochée. Epi Esther te plase Mardochée sou kay Haman an. <sup>3</sup> Epi Esther te pale ankò a wa a, te tonbe nan pye li, te kriye e te sipliyè li pou evite mechanste a Haman an, Agagit la, avèk konplo ke li te prepare kont Jwif yo. <sup>4</sup> ✧Wa a te lonje baton an lò a vè Esther. Konsa, Esther te leve kanpe devan wa a. <sup>5</sup> Epi li te di: “Si sa fè wa a plezi, si mwen te twouve favè devan li, wa a twouve koz sa a bon e sa fè kè l kontan pou wè m, kite li ekri pou anile ✧lèt ki te manevre pa Haman an, fis a Hammedatha a, Agagit la, ke li te ekri pou detwi Jwif ki nan tout pwovens a wa yo. <sup>6</sup> Paske, ✧kijan mwen kab sipòte wè gwo dezas ki va rive pèp mwen an e kijan mwen kab

✧ **6:12** II Sam 15:30 ✧ **6:13** Est 5:10 ✧ **6:14** Est 5:8 ✧ **7:2** Est 5:6 ✧ **7:3** Est 5:8 ✧ **7:4** Est 3:9 ✧ **7:4** Est 3:13 ✧ **7:6** Est 3:10 ✧ **7:7** Est 1:12 ✧ **7:8** Est 1:6 ✧ **7:9** Est 5:14 ✧ **7:10** Sòm 7:16 ✧ **8:1** Est 2:7-15 ✧ **8:4** Est 4:11 ✧ **8:5** Est 3:13 ✧ **8:6** Est 7:4

sipòte wè destriksyon a fanmi mwen yo?”<sup>7</sup> Pou sa, Wa Assuérus te pale a rènen Esther e a Mardoché, Jwif la: “Veye byen, ✨Mwen te bay lakay Haman a Esther e li menm, yo te pann li sou wo etaj la akòz li te lonje men li kont Jwif yo.<sup>8</sup> Alò, ou menm ekri a Jwif yo jan ou twouve li bon nan non a wa a e sele lèt la avèk bag so a wa a; paske, yon dekrè ki ekri nan non a wa a e sele avèk bag so a wa a ✨ p ap kapab anile.”<sup>9</sup> Pou sa, grefye a wa yo te rele nan lè sa a nan twazyèm mwa a (sa vle di, mwa Sivan an), nan twazyèm jou a; epi, li te ekri selon tout sa ke Mardoché te kòmande a Jwif yo, reprezantan a wa yo nan pwovens yo, gouvènè yo, avèk chèf a pwovens ki te lonje rive soti nan Inde jis rive Ethiopie, san-venn-sèt pwovens, a ✨chak pwovens selon ekriti pa li e a chak pèp selon langaj yo, epi anplis a Jwif yo selon ekriti pa yo, avèk langaj pa yo.<sup>10</sup> Li te ekri nan non a Wa Assuérus, te sele li avèk bag so a wa a e te voye lèt yo pa mesaje yo monte sou ✨cheval ki te nan ras cheval wayal yo.<sup>11</sup> Nan lèt sa yo, wa a te bay dwa a Jwif yo nan chak vil, pou ✨rasanble e fè defans lavi yo, ✨pou detwi, pou touye e pou anile tout lame a nenpòt pèp oswa pwovens ki ta vin atake yo, menm ansanm avèk pitit yo ak fanm yo e piyajè byen yo,<sup>12</sup> nan ✨yon sèl jou nan tout pwovens a Wa Assuérus yo, trèzyèm jou nan douzyèm mwa a, (sa vle di, mwa Adar a).<sup>13</sup> ✨Yon kopi a dekrè a te gen pou pibliye kon lwa nan chak pwovens e te pibliye a tout pèp yo, pou Jwif yo ta parèt nan jou sila pou fè revandikasyon yo sou lènmi yo.<sup>14</sup> Mesaje yo byen prese, bourade pa lòd a wa a, te sòti monte sou cheval wayal yo; epi, dekrè a te distribye nan sitadèl Suse la.<sup>15</sup> Epi Mardoché te sòti nan prezans a wa a nan vètman wayal la ki te an koulè ble e blan, avèk yon gran kouwòn an lò ak yon manto fèt an len fen e mov; epi, ✨lavil Suse te fè yon gwo kri avèk jwa, epi te rejwi.<sup>16</sup> ✨Pou Jwif yo, te gen limyè, kè kontan, lajwa avèk lonè.<sup>17</sup> Nan chak pwovens nèt ak nan chak vil nenpòt kote lòd a wa a avèk dekrè li te rive a, te gen kè kontan avèk lajwa pou Jwif yo, yon fèt bankè avèk yon ✨jou fèt. Epi ✨anpil moun pami pèp peyi yo te vin Jwif yo, paske krent a Jwif yo te vin tonbe sou yo.

## 9

<sup>1</sup> Alò, nan douzyèm mwa a (sa vle di mwa Adar a), sou trèzyèm jou a, ✨lè lòd a wa a avèk dekrè li a te prèt pou acheve, nan jou lè lènmi a Jwif yo te gen espwa vin mèt sou yo a, li te vin vire tèt anba jiskaske Jwif yo menm te vin domine sou sila ki te rayi yo.<sup>2</sup> Jwif yo te rasanble nan vil pa yo toupatou nan pwovens a Wa Assuérus yo pou mete men yo sou sila ki te chache fè yo mal yo; epi, pa t genyen moun ki te kab kanpe devan yo, ✨paske perèz yo te vin tonbe sou tout moun nan pèp yo.<sup>3</sup> Menm tout chèf pwovens yo, ✨reprezantan a wa yo, gouvènè yo e sila ki t ap fè afè a wa yo te asiste Jwif yo akòz laperèz a Mardoché te vin tonbe sou yo.<sup>4</sup> Anverite, Mardoché te gran lakay a wa a e repitasyon li te gaye toupatou nan pwovens yo; paske nonm nan, Mardouchée ✨te vin pi gwo e pi gwo.<sup>5</sup> Konsa, ✨Jwif yo te frape tout lènmi yo avèk nepe, te touye e detwi; epi, yo te fè sa yo te pito a sila ki te rayi yo.<sup>6</sup> Nan sitadèl Suse la, Jwif yo te touye e detwi senk-san òm,<sup>7</sup> avèk Parchandatha, Dalphon, Aspatha,<sup>8</sup> Poratha, Adalia, Aridatha,<sup>9</sup> Parmaschtha, Arizai, Aridaï avèk Vajezatha,<sup>10</sup> dis fis a Haman yo, fis a Hammedatha yo, lènmi a Jwif yo. Men yo te refize touche

✨ **8:7** Est 8:1 ✨ **8:8** Est 1:19 ✨ **8:9** Est 1:22 ✨ **8:10** I Wa 4:28 ✨ **8:11** Est 9:2 ✨ **8:11** Est 3:13 ✨ **8:12** Est 3:13 ✨ **8:13** Est 3:14 ✨ **8:15** Est 3:15 ✨ **8:16** Sòm 97:11 ✨ **8:17** Est 9:19 ✨ **8:17** Est 9:27 ✨ **9:1** Est 3:13 ✨ **9:2** Est 8:17 ✨ **9:3** Esd 8:36 ✨ **9:4** II Sam 3:1 ✨ **9:5** Est 3:13

piyaj la. <sup>11</sup> Nan menm jou sa a, fòs kantite a sila ki te touye nan sitadèl Suse la te rapòte a wa a. <sup>12</sup> Wa a te di a rènn Esther: “Jwif yo te fin touye e detwi senk-san moun avèk fis a Haman yo nan sitadèl Suse la. Alò, konsa se kisa ke yo gen tan fè nan lòt pwovens a wa yo!” ✧Koulye a, se ki petisyon ou? Menm li menm va bay a ou menm. Epi kisa ou mande anplis? Li menm tou va fèt. <sup>13</sup> Epi Esther te di: “Si sa se plezi a wa a, ✧kite demen, anplis, vin bay a Jwif ki nan Suse yo pou fè menm ak dekrè ki pou jodi a; epi, kite dis fis a Haman yo vin pann sou wo etaj la. <sup>14</sup> Pou sa, wa a te kòmande pou li ta fèt konsa; epi, yon dekrè te pibliye nan Suse e dis fis a Haman yo te pann. <sup>15</sup> Jwif ki te nan Suse yo te rasanble, anplis, nan katòzyèm jou nan mwa a Adar a e te touye twa-san moun nan Suse, men ✧yo pa t mete men yo sou piyaj la. <sup>16</sup> Alò, tout lòt moun nan Jwif yo ki te nan pwovens yo te ✧rasanble pou defann lavi yo, pou te retire lènmi yo pami yo e pou te touye swasann-kenz-mil nan sila ki te rayi yo; men yo pa t mete men yo sou piyaj la. <sup>17</sup> Sa te fèt nan ✧trèzyèm jou nan mwa Adar e nan katòzyèm jou a, yo te repoze e te fè li yon jou gwo fèt avèk rejwisans. <sup>18</sup> Men, ✧Jwif ki te nan Suse yo te rasanble nan trèzyèm avèk katòzyèm jou nan menm mwa a, yo te repoze nan kenzyèm jou a e te fè li yon jou gwo fèt avèk rejwisans. <sup>19</sup> Pou sa, Jwif nan andwa andeyò yo, ki te rete nan ✧lavil riral yo, fè katòzyèm jou nan mwa Adar a yon jou fèt pou rejwi, fè fèt ak voye pòsyon manje bay youn lòt. <sup>20</sup> Epi Mardochee te fè yon rapò de evènman sila yo e li te voye lèt a tout Jwif ki te nan tout pwovens a Wa Assuérus yo, ni sila ki pre yo, ni sila ki te lwen yo, <sup>21</sup> pou fè yo konprann se devwa yo pou selebre katòzyèm jou a mwa Adar a avèk kenzyèm jou nan menm mwa a chak ane, <sup>22</sup> paske, nan jou sa yo, Jwif yo retire lènmi yo e se te nan mwa sa a ke tristès la te ✧vin vire an kè kontan e kite rele anmwey la pou rive fè yon jou fèt; ke yo ta dwe fè yo jou a gwo bankè ak rejwisans; epi, ✧voye manje bay youn lòt avèk kado pou pòv yo. <sup>23</sup> Konsa, Jwif yo te acheve fè sa ke yo te kòmanse fè a e menm sa ke Mardochee te ekri yo. <sup>24</sup> Paske Haman, fis a Hammedatha a, Agagit la, advèsè a tout Jwif yo, te manevre kont Jwif yo pou detwi yo e ✧te voye Pur, sa vle di osò, pou deranje yo ak detwi yo. <sup>25</sup> Men, lè li te rive nan atansyon a wa a, li te pase lòd pa lèt ✧ke manèv mechan li an pou li te divize kont Jwif yo ta retounen sou pwòp tèt li e ke li menm avèk fis li yo ta pann sou wo etaj la. <sup>26</sup> Pou sa, yo rele jou sila yo Purim menm non ak Pur. Epi ✧akoz enstriksyon nan lèt sila yo, akoz sa yo te wè konsa ak sa ki te rive yo, <sup>27</sup> ✧Jwif yo te etabli e te fè konkoutim yo avèk desandan yo, pou tout sila ki te fè alyans avèk yo, pou yo pa ta manke selebre de jou sa yo selon règ e selon tan ki chwazi chak ane. <sup>28</sup> Pou sa, jou sa yo te gen pou sonje e selebre pandan tout jenerasyon, tout fanmi, tout pwovens ak tout vil; epi, jou sila yo a Purim, pa te janm dwe neglije pami Jwif yo, ni memwa yo vin pèdi fòs pami desandan yo. <sup>29</sup> Epi rènn Esther, ✧fi a Abichail la, avèk Mardochee, Jwif la, te ekri avèk plen otorite pou konfime dezyèm lèt sa a konsènan Purim. <sup>30</sup> Li te voye lèt yo a tout Jwif ✧nan san-venn-sèt pwovens a wayòm Assuérus yo, avèk pawòl lapè ak verite, <sup>31</sup> pou etabli jou a Purim sila yo nan tan ki chwazi, jis jan ke Mardochee avèk rènn Esther te etabli a pou yo menm e pou desandan pa yo avèk enstriksyon ✧pou tan jèn avèk lamantasyon yo. <sup>32</sup> Se te lòd Esther

✧ 9:12 Est 5:6 ✧ 9:13 Est 8:11 ✧ 9:15 Est 9:10 ✧ 9:16 Lev 26:7-8 ✧ 9:17 Est 9:1 ✧ 9:18 Est 8:11 ✧ 9:19 Det 3:5 ✧ 9:22 Sòm 30:11 ✧ 9:22 Né 8:12 ✧ 9:24 Est 3:7 ✧ 9:25 Est 3:6-15 ✧ 9:26 Est 9:20 ✧ 9:27 Est 9:20-21 ✧ 9:29 Est 2:15 ✧ 9:30 Est 1:1 ✧ 9:31 Est 4:3

a ki te etabli koutim sila yo pou ✨Purim e sa te ekri nan liv la.

## 10

<sup>1</sup> Alò Wa Assuérus te ✨enpoze yon taks sou peyi a avèk ✨ peyi kot lanmè yo. <sup>2</sup> Epi tout sa li te acheve, otorite li avèk fòs li, ak listwa konplè ak ✨wotè Mardochée te acheve nan sila wa a te fè l rive a, èske sila yo pa ekri nan Liv A Kwonik A Wa Mèdes Avèk Perse yo? <sup>3</sup> Paske Mardochée, Jwif la, te ✨ sèl dezyèm a Wa Assuérus la, byen gran pami Jwif yo e byen renmen pa gwo fanmi li, tankou ✨yon moun ki te chache sa ki bon pou pèp li e yon moun ki te pale pou byen a tout nasyon li an.

## Job

<sup>1</sup> Te gen yon mesye nan ✧peyi Uts ki te rele Job; epi nonm sa a te san repwòch, dwat, te gen lakrent Bondye e te vire kite tout mal. <sup>2</sup> ✧Sèt fis ak twa fi te fèt a li menm. <sup>3</sup> Byen li te monte a sèt-mil mouton, twa-mil chamo, senk-san bèf kabwèt, senk-san femèl bourik ak anpil sèvitè. Nonm sila a se te ✧pi gran òm nan tout pati lès la. <sup>4</sup> Fis li yo te konn ale fè yon fèt lakay a yo chak, selon jou fèt pa li a, e yo te konn envite twa sè yo pou manje e bwè avèk yo. <sup>5</sup> Lè jou a fèt yo te fini, Job ta voye konsakre yo, nan leve granmmaten pou ofri ✧ofrann brile selon fòs kantite a yo tout. Paske Job te di: “Petèt fis mwen yo te peche e te modi Bondye nan kè yo.” Konsa Job te fè tout tan. <sup>6</sup> Alò, te rive yon jou lè ✧ fis a Bondye yo te vin prezante yo menm devan Bondye e Satan, osi, te rive pami yo. <sup>7</sup> SENYÈ a te di a Satan: “Depi kibò ou sòti?” Epi Satan te reponn SENYÈ a epi te di: ✧“Soti pwomennen sou latè e mache toupatou sou li.” <sup>8</sup> SENYÈ a te di a Satan: “Èske ou remake ✧sèvitè mwen an, Job? Paske nanpwen okenn tankou li sou latè, yon nonm san repwòch ki gen lakrent Bondye e ki vire kite mal.” <sup>9</sup> ✧Satan te reponn SENYÈ a: “Èske Job gen lakrent Bondye pou granmesi? <sup>10</sup> Èske Ou pa t fè yon kloti antoure li avèk lakay li avèk tout sa li genyen sou chak kote? Ou te beni zèv men li yo e ✧byen li grandi anpil nan peyi a. <sup>11</sup> ✧Men lonje men Ou depi koulye a touche tout sa li posede. Anverite, li va modi Ou menm devan figi Ou.” <sup>12</sup> SENYÈ a te di a Satan: “Gade byen, tout sa li genyen sou pouvwa ou, sèlman pa lonje men ou sou kò li.” Konsa, Satan te pati devan prezans SENYÈ a. <sup>13</sup> Alò, nan jou ke fis li avèk fi li yo t ap manje ak bwè diven lakay pi gran frè a, <sup>14</sup> yon mesaj te rive kote Job epi te di: “Bèf yo t ap raboure e bourik yo t ap manje akote yo, <sup>15</sup> epi ✧Sabeyen yo te atake vin pran yo. Anplis, yo te touye sèvitè yo ak lam nepe e se sèl mwen ki te chape pou di ou sa.” <sup>16</sup> Pandan li te toujou ap pale, yon lòt osi te rive epi te di: “Dife Bondye te tonbe soti nan syèl la e te brile tout mouton avèk sèvitè yo. Li te manje yo nèt e se mwen sèl ki te chape pou di ou sa. <sup>17</sup> Pandan li te toujou ap pale, yon lòt osi te rive epi te di: “Kaldeyen yo te fòme twa bann e te vin desann sou chamo yo, te pran yo e touye sèvitè yo avèk lanm nepe e se mwen sèl ki chape pou di ou sa.” <sup>18</sup> Pandan li te toujou ap pale, yon lòt osi te rive epi te di: “Fis ou yo avèk fi ou yo t ap manje ak bwè diven lakay pi gran frè a, <sup>19</sup> Epi men vwala, yo gwo van te travèse dezè a, te frape kat kwen kay la. Li te tonbe sou jenn moun sa yo epi yo te mouri. Se mwen sèl ki te chape pou vin di ou sa.” <sup>20</sup> Konsa, Job te leve e te ✧chire vètman li, te pase razwa nan tèt li e te tonbe atè pou te adore. <sup>21</sup> Li te di: “✧toutouni mwen te sòti nan vant manman m e toutouni mwen va retounen la. SENYÈ a te bay e SENYÈ a pran. Beni se non SENYÈ a. <sup>22</sup> Pandan tout sa, Job pa t fè peche, ni li pa t bay repwòch a Bondye.

## 2

<sup>1</sup> ✧Ankò, yon jou te rive lè fis a Bondye yo te vin prezante yo devan

✧ 1:1 Jr 25:20 ✧ 1:2 Job 42:13 ✧ 1:3 Job 29:25 ✧ 1:5 Jen 8:20 ✧ 1:6 Job 38:7 ✧ 1:7 I Pi 5:8 ✧ 1:8 Jos 1:2-7 ✧ 1:9 Rev 12:9 ✧ 1:10 Job 1:3 ✧ 1:11 Job 2:5 ✧ 1:15 Jen 10:7 ✧ 1:20 Jen 37:29-34 ✧ 1:21 Ekl 5:15 ✧ 2:1 Job 1:6-8

SENYÈ a e Satan osi te vin prezante li menm devan SENYÈ a. <sup>2</sup> SENYÈ a te di a Satan: “Kibò ou sòti?” Epi Satan te reponn SENYÈ a epi te di: “Soti pwomenn sou latè e te mache toupatou sou li.” <sup>3</sup> SENYÈ a te di a Satan: “Èske ou te remake sèvitè Mwen an, Job? Paske nanpwen okenn moun tankou li sou latè, yon nonm san repwòch e dwat ki gen lakrent Bondye e ki vire kite tout mal. Epi li toujou ✧kenbe rèd ak entegrite li, malgre ou te eksite Mwen kont li san koz.” <sup>4</sup> Satan te reponn SENYÈ a epi te di: “Chè pou chè! Wi, tout sa yon nonm genyen, li va bay pou lavi li. <sup>5</sup> Malgre sa, lonje men Ou koulye a e ✧touche zo li avèk chè li; li va modi Ou devan figi Ou.” <sup>6</sup> Konsa, SENYÈ a te di a Satan: “Gade byen, li nan pouvwa ou; sèlman konsève lavi li.” <sup>7</sup> Konsa, Satan te sòti nan prezans SENYÈ a e te frape Job avèk ✧abse ak maleng soti anba pye li jis rive sou kwòn tèt li. <sup>8</sup> Epi li te pran yon mòso cha kanari pou grate kò l pandan ✧li te chita nan mitan sann yo. <sup>9</sup> Epi madanm li te di l: “Èske ou toujou kenbe rèd a entegrite ou a? Modi Bondye e mouri!” <sup>10</sup> Men li te di li: “Ou pale kon youn nan fanm san konprann. ✧Èske, anverite, nou va aksepte sa ki bon nan men Bondye e pa aksepte sa ki mal?” Nan tout sa, Job pa t peche avèk bouch li. <sup>11</sup> Alò, lè twa zanmi a Job yo te tandè tout malè ki te rive li yo, yo te vini yo chak sòti nan pwop plas yo, Élip haz, ✧Temanit lan, Bildad, Souachyen an ak Tsophar, Naamatit la. Yo te òganize yon randevou ansanm pou vini fè konsolasyon avèk li e bay li rekonfò. <sup>12</sup> Lè yo te leve zye yo a distans, yo pa t rekonèt li e yo te leve vwa yo anlè e te kriye. Yo chak te chire rad yo e yo te ✧jete pousyè sou tèt yo vè syèl la. <sup>13</sup> ✧Konsa, yo te chita atè avèk li pandan sèt jou ak sèt nwit san pèsòn pa t pale yon mo ak li, paske yo te wè ke doulè li te tèlman gran.

### 3

<sup>1</sup> Lè fini, Job te ouvri bouch li e te modi jou li te fèt la. <sup>2</sup> Job te di:  
<sup>3</sup> ✧Kite jou ke m te dwe fèt la peri  
 ak nwit ki te anonse ‘se yon gason ki fèt la.’  
<sup>4</sup> Ke jou sa a kapab vin fènwa nèt;  
 pa kite Bondye anwo a pran swen li,  
 ni limyè vin klere sou li.  
<sup>5</sup> Kite ✧fènwa avèk gwo tenèb reklame li;  
 kite fènwa jou sa a modi li.  
<sup>6</sup> Selon nwit sa a, kite tenèb sezi li;  
 kite li pa gen rejwisans nan jou ane a;  
 kite li pa antre nan chif ki konte mwa yo.  
<sup>7</sup> Koute byen, kite nwit sa a rete esteril;  
 pa kite okenn kri lajwa antre ladann.  
<sup>8</sup> Kite sila ki konn modi jou yo modi jou sa a,  
 sila ki prè pou fè Levyatan ✧leve kò l.  
<sup>9</sup> Kite zetwal lannwit li yo vin etenn;  
 kite li espere limyè, men pa twouve l  
 e kite li pa wè maten vin parèt;  
<sup>10</sup> Akoz li pa t fèmen ouvèti vant manman m,  
 ni kache twoub devan zye m.

✧ 2:3 Job 27:5-6 ✧ 2:5 Job 19:20 ✧ 2:7 Det 28:35 ✧ 2:8 Éz 27:30 ✧ 2:10 Job 1:21 ✧ 2:11 Job 6:19 ✧ 2:12 Lam 2:10 ✧ 2:13 Jen 50:10 ✧ 3:3 Jr 20:14-18 ✧ 3:5 Jr 13:16 ✧ 3:8 Job 41:1-25

- 11 ✨Poukisa mwen pa t mouri lè m te fèt;  
sòti nan vant l e mouri la menm?
- 12 Poukisa jenou yo te resevwa m e poukisa tete, pou m ta pran?
- 13 Paske, koulye a mwen ✨t ap gen tan kouche e jwenn lapè;  
mwen t ap dòmi depi lè sa a e mwen t ap twouve repo,
- 14 Ansanm ak ✨wa ak konseye latè  
ki te rebati ansyen mazi yo pou kont yo.
- 15 Oswa avèk prens ✨ki te gen lò yo,  
ki t ap plen lakay yo ak ajan.
- 16 Oswa kon yon fòs kouch ki jete, mwen pa t ap egziste,  
kon yon pitit ki pa t janm wè limyè.
- 17 La, mechan yo sispann fè laraj,  
e la moun fatigue yo jwenn ✨repo.
- 18 Prizonnye yo alèz ansanm; yo pa tandè vwa a sipèvizè a.
- 19 Ni piti, ni gran la e esklav la lib de mèt li.
- 20 Poukisa ✨limyè bay a sila ki soufri a e lavi a nanm anmè a,
- 21 Ki ✨anvi wè lanmò; men, nanpwen,  
e fouye plis pou twouve li pase trezò kache,
- 22 Ki rejwi anpil e fè lwanj lè yo rive nan tonbo a?
- 23 Poukisa limyè bay a yon nonm ✨ak chemen an kache a,  
ke Bondye te jennen tout kote a?
- 24 Paske ✨soupi mwen yo parèt menm moman  
manje a rive devan zè m.  
Epi kri mwen yo vide tankou dlo.
- 25 Paske, ✨sa m krent lan te vini sou mwen. Sa ke m pa vle wè a te tonbe  
sou mwen.
- 26 ✨Mwen pa alèz, ni mwen pa anpè.  
Mwen pa jwenn repo, men se boulvèsman ki vin parèt.”

## 4

- 1 Epi Élip haz, Temanit lan te reponn,  
2 Si yon moun ta eseye pale yon mo avèk ou,  
èske ou va pèdi pasyans?  
Men se ✨kilès ki kab refize pale?
- 3 Gade byen, ✨ou te enstwi anpil lòt moun  
e ou te ranfòse menm fèb yo.
- 4 Pawòl ou yo te ede fèb yo kanpe e ou te  
ranfòse jenou ki manke fòs yo.
- 5 Men koulye a, se sou ou sa rive e ou ✨pa gen pasyans;  
sa touche ou menm e ou vin dekouraje nèt.
- 6 Èske se pa ✨lakrent Bondye pa ou ki konfyans ou,  
e entegrite chemen ou yo ki espwa ou?
- 7 Sonje byen ✨se kilès ki te peri inosan?  
Oswa ki kote ou wè moun ladwati yo te detwi?
- 8 Selon sa ke mwen menm te wè, ✨sila ki raboure  
inikite yo e sila ki simen twoub yo, yo rekòlte li.
- 9 ✨Pa souf Bondye, yo peri e pa van chalè Li, yo fini nèt.

✨ 3:11 Job 10:18-19 ✨ 3:13 Job 3:13-19 ✨ 3:14 Job 12:18 ✨ 3:15 Job 27:16-17 ✨ 3:17 Job 17:6 ✨ 3:20 Jr 20:18 ✨ 3:21 Rev 9:6 ✨ 3:23 Job 19:6-12 ✨ 3:24 Job 6:7 ✨ 3:25 Job 9:28 ✨ 3:26 Job 7:13-14 ✨ 4:2 Job 32:18-20 ✨ 4:3 Job 4:3-4 ✨ 4:5 Job 6:4 ✨ 4:6 Job 1:1 ✨ 4:7 Job 36:6-7 ✨ 4:8 Os 10:13 ✨ 4:9 És 11:4

10 ✧Gwo vwa a lyon fewòs la,  
vwa fewòs a lyon an  
e dan a jenn lyon yo fin kase.  
11 ✧Lyon an peri paske li manke manje  
e pitit manman lyon yo vin gaye.  
12 Alò, an kachèt yon pawòl rive sou mwen  
e zòrèy mwen te resevwa yon ✧ti souf li.  
13 Pami ✧refleksyon enkyetan ki sòti nan vizyon lannwit yo,  
lè dòmi pwofon tonbe sou moun,  
14 Laperèz te vini sou mwen;  
mwen te tranble e zo m yo te souke.  
15 Konsa, yon lespri te pase kote figi mwen;  
plim sou chè mwen te kanpe sou kò m.  
16 Li te kanpe an plas, men mwen pa t kab distenge aparans li;  
yon fòm te devan zye m;  
te gen silans e mwen te tande yon vwa:  
17 Èske ✧lòm kapab jis devan Bondye?  
Èske yon nonm kapab san tach devan Sila ki fè l la?  
18 Menm nan sèvitè Li yo, ✧Li pa mete konfyans;  
epi kont zanj Li yo, Li jwenn fot.  
19 Konbyen, anplis, pou sila ki rete nan kay fèt an ajil yo,  
ki gen pousyè kon ✧fondasyon,  
ki vin kraze devan papiyon!  
20 ✧Antre maten ak aswè, yo vin kase an mòso;  
san yo pa wè anyen, yo peri nèt.  
21 Èske ✧kòd soutyen tant yo pa plwaye pa anndan?  
Yo mouri konsa, san sajès.

## 5

1 Rele koulye a; èske gen moun ki pou reponn?  
Epi a kilès nan ✧sen fidèl yo ke ou va vire?  
2 Paske, ✧kòlè va touye moun ki plen foli a,  
e jalouzi va touye moun senp lan.  
3 Mwen te wè ✧moun san konprann ki t ap pran rasin  
e mwen te denonse byen vit kay li.  
4 ✧Fis li yo pa jwenn sekirite ditou;  
menm nan pòtay la, yo oprime e yo pa gen  
moun pou delivre yo.  
5 Moun grangou yo devore rekòlt li e mennen l  
yon kote plen pikan;  
epi ✧sila k ap fè gwo manèv vle pran tout byen yo.  
6 Paske ✧malè pa sòti nan pousyè, ni gwo twoub  
pa pouse soti nan tè,  
7 Paske ✧lòm fèt pou gwo twoub, tankou etensèl  
dife vole anlè.  
8 ✧Men pou mwen, mwen ta chache Bondye  
pou'm ta plede kòz mwen devan Bondye;

✧ 4:10 Job 5:15 ✧ 4:11 Job 29:17 ✧ 4:12 Job 26:14 ✧ 4:13 Job 33:15 ✧ 4:17 Job 9:2  
✧ 4:18 Job 15:15 ✧ 4:19 Jen 2:7 ✧ 4:20 Job 14:2 ✧ 4:21 Job 8:22 ✧ 5:1 Job 15:15 ✧ 5:2  
Pwov 12:16 ✧ 5:3 Jr 12:2 ✧ 5:4 Job 4:11 ✧ 5:5 Job 18:8-10 ✧ 5:6 Job 15:35 ✧ 5:7 Job  
14:1 ✧ 5:8 Job 13:2-3



9 Bondye Ki konn fè gwo bagay ki depase konesans lan; mèwèy ki pa kab menm konte yo.

10 Li ✧bay lapli sou tè a e voye dlo sou chan yo,

11 Jiskaske ✧Li leve sila ki enb yo' e sila ki an dèy yo, li leve bay sekou.

12 Li ✧anile manèv a sila ki gen riz yo pou men yo pa reyisi.

13 Li ✧kaptire saj yo nan pwòp riz pa yo e konsèy a moun k ap twonpe moun nan vin kontrekare byen vit.

14 Nan gwo lajounen, yo ✧jwenn ak tenèb e yo egare gwo midi tankou se te lannwit.

15 Men li sove lòt moun soti nan ✧nepe a bouch mechan yo e ti malere a soti nan men a pwisan an.

16 Akoz sa, sila ki san sekou a gen espwa e ✧inikite pe bouch li.

17 Gade byen kijan nonm ke Bondye bay chatiman an gen kè kontan;

konsa, ✧pa meprize disiplin a Toupwisan an.

18 Paske se ✧Li menm ki bay doulè, e se Li menm ki retire doulè; Li menm ki blese a e pwòp men Li ki geri a.

19 Soti sis fwa, Li va delivre ou de twoub ou yo; Menm nan sèt fwa, mal la p ap kab touche ou.

20 Nan gwo grangou Li va delivre ou devan lanmò e nan ✧lagè, li va delivre ou devan pouvwa nepe a.

21 Ou va pwoteje devan blese a lang lan e ✧ ou p ap pè vyolans lan lè l vin parèt.

22 Ou va ✧ri vyolans lan avèk grangou a e ou p ap pè bèt sovaj yo.

23 Paske ou va fè alyans ak wòch chan yo, e ✧bèt sovaj yo va anpè avèk ou.

24 Ou va konnen ke ✧tant ou an pwoteje, paske ou va vizite lakay ou san krent ni pèt.

25 Anplis, ou va konnen ke ✧desandan ou yo va anpil e ✧sila ki sòti nan ou yo tankou zèb latè.

26 Ou va ✧rive nan tonbo a ak tout fòs ou, tankou gwo sak ble nan sezon li.

27 Gade sa byen; nou te fè ankèt li e se konsa li ye. Tande sa e konnen l pou kont ou.”

## 6

1 Epi Job te reponn:

2 ✧“O ke doulè m ta kab peze e mete nan balans lan ansanm ak gwo dega ki vin sou mwen yo!

✧ 5:10 Job 36:27-29 ✧ 5:11 Job 22:29 ✧ 5:12 Sòm 33:10 ✧ 5:13 Job 37:24 ✧ 5:14 Job 12:25 ✧ 5:15 Job 4:11 ✧ 5:16 Sòm 107:42 ✧ 5:17 Eb 12:5-11 ✧ 5:18 És 30:28 ✧ 5:20 Sòm 144:10 ✧ 5:21 Sòm 91:5-6 ✧ 5:22 Job 8:21 ✧ 5:23 És 11:6-9 ✧ 5:24 Job 8:6 ✧ 5:25 Sòm 112:2 ✧ 5:25 És 44:3-4 ✧ 5:26 Job 42:17 ✧ 6:2 Job 31:6

- 3 Paske, li ta pi lou ✧pase sab lanmè yo;  
akoz sa a, pawòl mwen yo te tèlman sa règ.
- 4 Paske ✧flèch a Toupwisan an fin antre anndan m;  
lespri m ap bwè pwazon;  
gwo laperèz a Bondye vin alinye kont mwen.
- 5 Èske ✧bourik mawon ranni sou zèb li,  
oswa bèf rele sou manje li?
- 6 Èske bagay san gou kapab manje san sèl,  
oswa èske pati blan nan zye a gen gou?
- 7 Nanm mwen ✧refize touche yo;  
yo tankou manje abominab pou mwen.
- 8 O ke sa m mande ta kab rive e ke  
Bondye ta ban m sa m anvè wè a!
- 9 Ke Bondye ✧ta dakò pou kraze m nèt,  
ke Li ta lache men l pou retire mwen nèt.
- 10 Kite sa toujou kòm konsolasyon mwen;  
Wi, kite mwen rejwi nan doulè k ap kraze mwen,  
pou m ✧pa t renye pawòl a Sila Ki Sen an.
- 11 Ki jan fòs mwen ye, pou m ta tan?  
Epi ki es lafen mwen, ke m ta dwe sipote?
- 12 Èske fòs mwen tankou wòch,  
o èske chè m kon bwonz?
- 13 Èske se pa ke nanpwen ✧sekou anndan m,  
pou delivrans lan ta fin chase lwen mwen?
- 14 Paske, pou nonm ki pèdi tout espwa a,  
Li ta dwe twouve konpasyon nan zanmi li;  
pou li pa ta ✧pèdi lakrent a Wo Pwisan an.
- 15 Frè m yo te aji ak ✧desepsyon kon yon ravin,  
kon flèv ravin ki vin disparèt,
- 16 Ki vin sal tankou glas k ap fonn  
lè lanèj tonbe ladann.
- 17 Lè ✧yo parèt san dlo, yo pa fè bwi;  
lè li cho, yo disparèt sou plas yo.
- 18 Chemen a kous pa yo tòde tout kote;  
yo monte rive vin anyen e yo vin disparèt.
- 19 Karavàn ✧Théma yo te vin veye;  
vwayajè yo te gen espwa wè yo.
- 20 Yo ✧te desi paske yo te mete konfyans;  
yo te vini la e te etone.
- 21 Anverite, koulye a se konsa ou ye;  
ou wè laperèz e ou vin pè.
- 22 Èske mwen te di ou: 'Ban m yon bagay',  
oswa m te fè yon demann anba tab pou retire nan richès ou,
- 23 Oswa 'delivre m nan men advèsè a',  
oswa 'rachte mwen nan men opresè sila yo'?
- 24 Enstwi mwen e ✧mwen va pe la;  
montre mwen kote mwen gen tò.
- 25 Kèl doulè pawòl onèt sa yo genyen!

Men kisa diskou ou a pwouve?

26 Èske ou gen entansyon repwoche pawòl mwen yo, lè ou konnen se van ki mèl pawòl yo lè moun dekouraje nèt?

27 Konsa, ou ta menm ✧tire osò pou òfelen yo e fè twòk pou zanmi ou.

28 Alò, souple, gade mwen e wè si se ✧manti m ap fè nan figi ou.

29 Rete la, koulye a e pa kite enjistis fèt. Sispann la menm; jiska prezan, ✧ladwati mwen se toujou ladann.

30 Èske gen enjistis sou lang mwen?

Èske bouch mwen pa kapab distenge gou gwo malè?”

## 7

1 Èske lòm pa ✧oblige fè kòve sou late e èske jou li yo pa tankou jou a yon ✧ouvriye jounalye?

2 Tankou esklav ki rale souf pou rive nan lonbraj, tankou jounalye k ap tann kòb li,

3 Se konsa mwen jwenn mwa yo plen foli e ✧nwit plen ak gwo twoub k ap chwazi mwen.

4 Lè m ✧kouche mwen di: ‘se kilè m ap leve?’ Men nwit lan kontinye; m ap vire tounen jis rive nan maten.

5 ✧Chè m abiye ak vè ak kal ki fèt ak pousyè; po m vin di e li koule pij.

6 Jou m yo mache ✧pi vit ke mach aparèy tise a e fini ✧sanzespwa.

7 Sonje byen ke lavi m ✧pa plis ke yon souf; zye m ✧p ap wè sa ki bon ankò.

8 ✧Zye a sila ki wè m yo, p ap wè m ankò. Zye Ou va sou mwen, men ✧mwen p ap la ankò.

9 Jan yon nwaj vin disparèt, li ale nèt. Konsa sila ki desann nan sejou lanmò a pa monte ankò.

10 Li p ap retounen ankò lakay li, ni ✧plas li p ap rekonèt li ankò.

11 Akoz sa a, mwen p ap ✧met fren nan bouch mwen; mwen va pale nan doulè lespri m, mwen va plenyen nan lespri anmè mwen.

12 Èske se lanmè mwen ye, oswa ✧bèt jeyan lanmè, pou Ou te mete gad sou mwen?

13 Si mwen di: ✧‘Kabann mwen va ban m repo, sofa m va soulaje plent mwen,’

14 Answit, Ou fè m krent ak rèv e teworize m ak vizyon;

15 Jiskaske nanm mwen ta chwazi mouri toufe; pito lanmò olye doulè mwen yo.

16 Mwen fin epwize nèt; mwen p ap viv tout tan.

Kite mwen sèl, paske jou mwen yo se sèlman yon souf.

17 ✧Kisa lòm ye pou Ou reflechi sou li

✧ 6:27 Jl 3:3 ✧ 6:28 Job 27:4 ✧ 6:29 Job 13:18 ✧ 7:1 Job 5:7 ✧ 7:1 Job 14:6 ✧ 7:3 Job 16:7 ✧ 7:4 Det 28:67 ✧ 7:5 Job 2:7 ✧ 7:6 Job 9:25 ✧ 7:6 Job 13:15 ✧ 7:7 Sòm 78:39 ✧ 7:7 Job 9:25 ✧ 7:8 Job 8:18 ✧ 7:8 Job 7:21 ✧ 7:10 Job 8:18 ✧ 7:11 Job 10:1 ✧ 7:12 Éz 32:2-3 ✧ 7:13 Job 7:4 ✧ 7:17 Sòm 8:4

e pou Ou bay ka li enpòtans,

18 pou ✧Ou fè l pase egzamen chak maten e fè l pase eprèv chak moman?

19 ✧Èske Ou p ap janm sispann gade m, ni kite mwen anpè jiskaske m fin vale krache m?

20 ✧Èske mwen te peche? Kisa mwen te fè Ou ✧Ou menm, ki gadyen lòm? Poukisa Ou te fè m objè tiraj Ou Jiskaske mwen vin yon fado pou pwòp tèt mwen?

21 Poukisa konsa ✧Ou pa padone transgresyon mwen yo e retire inikite mwen yo?

Paske, koulye a, mwen va kouche nan pousyè a; Ou va chache pou mwen, men m p ap la ankò.

## 8

1 Epi Bildad Schuach la te reponn:

2 Pou konbyen de tan ou va pale bagay sa yo pou ✧pawòl a bouch ou fè gwo van?

3 Èske ✧Bondye konn konwonpi jistis la? Oswa èske Toupwisan an konwonpi sa ki dwat?

4 ✧Si fis ou yo te peche kont Li; Alò, Li livre yo antre nan pouvwa transgresyon yo.

5 Si ou ta ✧chache Bondye e mande konpasyon a Toupwisan an,

6 Si ou te san tach e dwat; anverite, koulye a, ✧Li ta leve Li menm pou ou e rekonpanse ou jan ou te ye nan ladwati ou.

7 Malgre, kòmansman ou pa t remakab, ou va ✧fini avèk anpil gwo bagay.

8 Souple, fè ✧rechèch nan jenerasyon zansèt ansyen yo e bay konsiderasyon a bagay ke papa yo te twouve.

9 Paske, nou menm se sèl bagay ayè nou konnen e nou pa konnen anyen, paske ✧jou pa nou yo sou latè se sèl yon lonbraj ki pase.

10 Èske yo p ap enstwi ou, pale ou e fè pawòl ki nan tèt yo vin parèt?

11 Èske jon kab grandi san ma dlo?

Èske wozo konn pouse san dlo?

12 Pandan li toujou vèt e san koupe a, l ap fennen avan tout lòt plant yo.

13 Se konsa chemen a ✧tout moun ki bliye Bondye yo; epi espwa a moun enkwayan yo va peri,

14 Sila a ak konfyans frajil la kap mete konfyans li nan ✧fil arenye a.

15 Arenye a mete konfyans sou ✧lakay li, men li p ap kanpe;

li kenbe rès sou li, men li p ap dire.

16 Li ✧byen reyisi nan solèy la e

✧ 7:18 Job 14:3 ✧ 7:19 Job 9:18 ✧ 7:20 Job 35:3-6 ✧ 7:20 Sòm 36:6 ✧ 7:21 Job 9:28  
✧ 8:2 Job 6:26 ✧ 8:3 Jen 18:25 ✧ 8:4 Job 1:5-19 ✧ 8:5 Job 5:17-27 ✧ 8:6 Job 22:27 ✧ 8:7  
Job 42:12 ✧ 8:8 Det 4:32 ✧ 8:9 Job 14:2 ✧ 8:13 Sòm 9:17 ✧ 8:14 És 59:5-6 ✧ 8:15 Job  
8:22 ✧ 8:16 Sòm 37:35

gaye toupatou nan jaden an.

<sup>17</sup> Rasin li yo vlope toupatou sou pil wòch;  
li sezi yon kay wòch.

<sup>18</sup> Si li vin deplase sou \*plas li,  
alò plas li va refize rekonèt li e di:  
“Mwen pa t janm wè w.

<sup>19</sup> Gade byen, \*se sa ki fè lajwa chemen li;  
epi dèyè li, gen lòt yo k ap pete sòti nan pousyè la.

<sup>20</sup> Alò, \*Bondye p ap rejte yon nonm entèg;  
ni li p ap bay soutyen a malfektè yo.

<sup>21</sup> Jiska prezan, Li va ranpli \*bouch ou  
avèk ri lajwa e lèw ou avèk kri plezi.

<sup>22</sup> Sila ki rayi ou yo va vin \*abiye ak wont  
e tant a mechan yo p ap la ankò.”

## 9

<sup>1</sup> Konsa, Job te reponn e te di:

<sup>2</sup> “Anverite, mwen konnen sa se vre;  
men, kijan yon \*nonm kapab genyen dwa  
devan Bondye?

<sup>3</sup> Si yon moun te vle \*diskite avèk Li,  
li pa t ap kab byen reponn li menm yon fwa nan mil.

<sup>4</sup> Saj nan kè e pwisan nan fòs;  
se kilès ki konn \*reziste ak Li san donmaj?

<sup>5</sup> Se Li Menm ki deplase mòn yo, ki jan yo pa menm konnen  
lè Li boulvèse yo nan fachez Li;

<sup>6</sup> Li menm ki \*souke latè sòti nan plas li e  
fè \*pilye fondasyon li yo tranble;

<sup>7</sup> Li menm ki kòmande \*solèy la pou l pa klere  
e ki mete yon so sou zetwal yo;

<sup>8</sup> Se Li menm sèl ki \*rale lonje syèl yo  
e bese vag lanmè yo;

<sup>9</sup> Li sèl ki fè sou syèl la \* gwo Ourse la ak Orion an,  
avèk Pleiades yo, avèk chanm ki nan sid yo;

<sup>10</sup> Li menm ki \*fè gwo bagay mèvèy yo,  
avèk zèv mèvèy san kontwòl yo.

<sup>11</sup> Si Li ta vin pase bò kote mwen, \*mwen pa t ap wè L.  
Si Li ta depase m nan wout, mwen pa t ap apèsi L.

<sup>12</sup> Si Li ta rache retire, se kilès ki ta kab anpeche L?  
Kilès ki ta kab di L: ‘Kisa w ap fè la a’?

<sup>13</sup> Bondye p ap detounen kòlè Li;  
anba Li, byen akwoupi, se asistan a \*Rahab yo.

<sup>14</sup> Kijan \*mwen kab reponn Li e chwazi pwòp pawòl  
mwen yo devan L?

<sup>15</sup> Paske, malgre mwen te gen rezon, mwen pa t kab reponn;  
mwen ta oblije \*mande gras a Jij mwen an.

<sup>16</sup> Menmsi mwen te rele e Li te reponn mwen,

\* 8:18 Job 7:10 \* 8:19 Job 20:5 \* 8:20 Job 4:7 \* 8:21 Job 5:22 \* 8:22 Sòm 132:18 \* 9:2  
Job 4:17 \* 9:3 Job 10:2 \* 9:4 II Kwo 13:2 \* 9:6 És 2:19 \* 9:6 Sòm 75:3 \* 9:7 És 13:10  
\* 9:8 Sòm 104:2 \* 9:9 Job 38:31-32 \* 9:10 Job 5:9 \* 9:11 Job 23:8-9 \* 9:13 És 30:7  
\* 9:14 Job 9:3-32 \* 9:15 Job 8:5

mwen pa t ap kab kwè ke Li ta koute vwa m.

17 Paske, Li fin ✧brize m nèt ak yon tanpèt  
e ogmante blese mwen yo san koz.

18 Li ✧pa lèse m pran souf,  
men fè m debòde ak ✧sa ki anmè.

19 Men ✧pou pouvwa, men gade se Li menm ki gen fòs!  
Epi pou jistis, se kilès menm k ap voye  
pwosè vèbal bay Li menm?

20 Malgre mwen dwat, ✧bouch mwen ap kondane m;  
malgre mwen san tò, Li va deklare m koupab.

21 Mwen inosan; mwen pa okipe mwen menm;  
mwen ✧rayi lavi m.

22 Tout se menm bagay;  
akoz sa mwen di ✧ Li detwi inosan yo avèk koupab yo.'

23 Si frèt la vin touye sibitman,  
L ap ✧moke dezolasyon a inosan an.

24 Tè ✧ a bay nan men a mechan yo;  
Li fin ✧kouvri figi a jij latè yo.

Si se pa Li menm, eh byen se kilès?

25 Alò, ✧jou m yo vin pi rapid pase yon nonm k ap fè kous;  
yo kouri ale, yo pa wè anyen ki bon.

26 Yo glise pase tankou kannòt k ap pase nan ✧wozo,  
tankou yon ✧èg ki vole plonje sou viktim li.

27 Malgre mwen di ke m va bliye ✧plent mwen,  
ke m va kite figi tris la pou fè kè kontan,

28 Mwen krent tout doulè mwen yo;  
mwen konnen ke ✧Ou p ap bliye fot mwen yo.

29 Mwen gen tan fin jije tankou ✧mechan;  
epi poukisa mwen ta dwe fè fòs anven?

30 Si m ta ✧lave m nèt ak lanèj e pwòpte men m  
ak savon lesiv ki fò,

31 Malgre sa, Ou ta plonje mwen nan labou  
e pwòp rad mwen yo ta vin rayi m.

32 Paske ✧Li pa yon nonm kon mwen ✧pou m ta reponn Li,  
pou nou ta kab rive nan tribinal ansanm.

33 Nanpwen moun ki pou ✧fè antant antre nou,  
ki ta kab mete men l sou nou toulède.

34 Kite Li ✧ retire baton Li sou mwen  
e pa kite laperèz Li plen m ak gwo latèrè.

35 Konsa, mwen ✧ta pale e pa fè laperèz devan L;  
men, mwen pa kab konsa pou kont mwen.

## 10

1 ✧Mwen rayi pwòp lavi m;  
mwen va fè tout fòs a ✧plent mwen yo parèt.  
Mwen va pale ak anmè ki fonse nan nanm mwen.

2 Mwen va di a Bondye: ✧'Pa kondane mwen!

✧ 9:17 Job 16:12-14 ✧ 9:18 Job 7:19 ✧ 9:18 Job 13:26 ✧ 9:19 Job 9:4 ✧ 9:20 Job 9:29  
✧ 9:21 Job 7:16 ✧ 9:22 Job 10:7-8 ✧ 9:23 Job 24:12 ✧ 9:24 Job 10:3 ✧ 9:24 Job 12:17  
✧ 9:25 Job 7:6 ✧ 9:26 És 18:2 ✧ 9:26 Hab 1:8 ✧ 9:27 Job 7:11 ✧ 9:28 Job 7:21 ✧ 9:29  
Job 10:2 ✧ 9:30 Jr 2:22 ✧ 9:32 Ekl 6:10 ✧ 9:32 Wo 9:20 ✧ 9:33 Job 9:19 ✧ 9:34 Job  
13:21 ✧ 9:35 Job 13:22 ✧ 10:1 Job 7:16 ✧ 10:1 Job 7:11 ✧ 10:2 Job 9:29

Fè m konnen poukisa W ap goumen ak mwen.

<sup>3</sup> Èske se vrèman bon pou Ou ta \*opprime;  
pou refize zèv men Ou yo

e pou Ou gade ak favè manèv a mechan yo?

<sup>4</sup> Èske zye Ou fèt ak chè? Oswa \*èske Ou wè  
kon yon nonm wè?

<sup>5</sup> Èske jou Ou yo tankou jou a moun mòtèl,  
oswa \*ane Ou yo tankou ane a yon nonm,

<sup>6</sup> pou \*Ou ta dwe chache koupabilite mwen  
e fè rechèch dèyè peche m?

<sup>7</sup> Selon sa Ou konnen; anverite, mwen pa koupab.  
Sepandan, \*nanpwen delivrans ki sòti nan men Ou.

<sup>8</sup> Se \*men Ou ki te fòme mwen nèt.

Konsa, \*èske Ou ta detwi mwen?

<sup>9</sup> Sonje, koulye a, ke Ou te fè m \*kon ajil.

Èske Ou ta fè m retounen pousyè ankò?

<sup>10</sup> Èske se pa tankou lèt ke Ou te vide mwen  
e fè m kaye tankou fwomaj;

<sup>11</sup> Te abiye mwen ak po avèk chè  
e koud mwen ansanm ak gwo venn?

<sup>12</sup> Ou te \*ban mwen lavi avèk lanmou dous;  
epi swen Ou te konsève lespri m.

<sup>13</sup> Malgre \*bagay sila yo, Ou te kache yo nan kè Ou;  
mwen konnen ke Ou konnen sa a:

<sup>14</sup> Si m peche, alò, Ou ta swiv mwen,  
e \*pa ta fè m inosan pou koupabilite mwen.

<sup>15</sup> Si mwen mechan, malè a mwen!

Epi \*si mwen jis, mwen pa ta menm dwe leve tèt mwen.

Mwen chaje ak wont e byen rekonesan a mizè mwen.

<sup>16</sup> Si tèt mwen ta vin leve wo, \*Ou ta fè lachas  
dèyè m tankou yon lyon;

epi ankò, Ou ta montre \*pouvwa Ou kont mwen.

<sup>17</sup> Ou renouvle \*temwayaj Ou kont mwen  
e ogmante kòlè Ou vè mwen.

Dezas monte anwo dezas sou mwen.

<sup>18</sup> Alò, \*poukisa Ou te fè m sòti nan vant manman m?

Pito ke m te mouri e pa t gen zye ki te wè m!

<sup>19</sup> Mwen te dwe tankou mwen pa t janm te egziste;  
pote sòti nan vant pou rive nan tonbo.

<sup>20</sup> Èske Li pa t ap kab retire men L sou \*ti kras jou ke m genyen yo?

Ralanti sou mwen pou m kab jwenn  
yon ti kras kè kontan

<sup>21</sup> Avan ke m ale—\*pou mwen pa tounen,  
nan andwa tenèb ak gwo fènwa,

<sup>22</sup> Peyi ki dezole nèt tankou tenèb la,  
nan fon lonbraj san fòm nan e ki klere tankou fènwa a.”

\* **10:3** Job 9:22-24   \* **10:4** I Sam 16:7   \* **10:5** Job 36:26   \* **10:6** Job 14:16   \* **10:7** Job 9:12  
\* **10:8** Sòm 119:73   \* **10:8** Job 9:22   \* **10:9** Job 4:19   \* **10:12** Job 33:4   \* **10:13** Job 23:13  
\* **10:14** Job 7:21   \* **10:15** Job 6:29   \* **10:16** És 38:13   \* **10:16** Job 5:9   \* **10:17** Rt 1:21  
\* **10:18** Job 3:11-13   \* **10:20** Job 14:1   \* **10:21** Sòm 88:12

## 11

1 Epi Tsophar, Naamatit la, te reponn:  
 2 Èske fòs kantite pawòl sa yo dwe pase san repons  
 e yon nonm ✧pale anpil vin akite?  
 3 Èske se akòz ògèy ou ke moun ta dwe rete san pale?  
 Lè ou ✧moke, èske pèsòn pa pou repwoche ou?  
 4 Paske, ou te di 'enstriksiyon pa m san fot'  
 e ✧mwèn inosan nan zye ou.  
 5 Men fòk Bondye ta pale e ouvri bouch Li kont ou,  
 6 Epi montre ou sekre a sajès!  
 Paske sajès ki bon ✧gen de bò.  
 Alò, konnen byen ke Bondye pa t egzije  
 tout sa inikite ou merite.  
 7 ✧Èske ou kab dekouvri pwofondè a Bondye?  
 Èske ou kab twouve lizyè a Toupwisan an?  
 8 Yo ✧wo tankou syèl la; kisa ou kab fè?  
 Yo pi fon ke sejou lanmò yo, kisa ou kab konnen?  
 9 Mezi li pi long ke latè e pi laj pase lanmè.  
 10 Si Li pase pa la, oswa fèmen la nèt, oswa konvoke yon asanble,  
 ✧kilès kap anpeche Li?  
 11 Paske, ✧Li konnen moun ki fò e Li wè inikite  
 menm san fè ankèt.  
 12 Yon moun ensanse va vin entèlijan lè pòtre  
 a yon ✧bourik mawon fèt kon yon moun.  
 13 Si ou ta vlè vin bon, ✧dirije kè ou  
 e ✧lonje men ou vè Li,  
 14 Si se inikite ki nan men ou, ✧mete l byen lwen  
 e pa kite mechanste demere nan tant pa ou;  
 15 Konsa, anverite, ou ta kab ✧leve figi ou wo san defo,  
 ou ta fidèl nèt e ✧pa oblije gen lakrent.  
 16 Konsa ou ta ✧bliye twoub ou a, tankou dlo ki fin pase,  
 se konsa ou ta kab sonje li.  
 17 Lavi ou ta ✧pi klè ke midi; fènwa a ta tankou maten.  
 18 Ou ta vin gen konfyans, akòz gen espwa;  
 epi ou ta gade toupatou e repoze ou an sekirite.  
 19 Ou ta ✧kouche dòmi e okenn moun pa ta deranje ou;  
 epi anpil moun ta ✧mande favè ou.  
 20 Men ✧zye a mechan yo va gate  
 e ✧ap gen chape pou yo;  
 pou yo, espwa se pou yo kab rann dènye souf yo.

## 12

1 Epi Job te reponn:  
 2 Anverite, konsa, ✧se nou menm ki se pèp la e  
 se ak nou menm tout sajès ap mouri!  
 3 Men ✧mwèn gen lespri menm tankou ou;

✧ 11:2 Job 8:2 ✧ 11:3 Job 17:2 ✧ 11:4 Job 10:7 ✧ 11:6 Job 9:4 ✧ 11:7 Job 33:12-13  
 ✧ 11:8 Job 22:12 ✧ 11:10 Job 9:12 ✧ 11:11 Job 34:21-23 ✧ 11:12 Job 39:5 ✧ 11:13 I Sam  
 7:3 ✧ 11:13 Sòm 88:9 ✧ 11:14 Job 22:23 ✧ 11:15 Job 22:26 ✧ 11:15 Sòm 27:3 ✧ 11:16  
 És 65:16 ✧ 11:17 Job 22:26 ✧ 11:19 So 3:13 ✧ 11:19 És 45:14 ✧ 11:20 Det 28:65 ✧ 11:20  
 Job 27:22 ✧ 12:2 Job 17:10 ✧ 12:3 Job 13:2



mwen pa pi ba pase ou.

Epi se kilès ki pa konnen bagay parèy a sila yo?

<sup>4</sup> Mwen se yon blag devan zanmi mwen yo, sila ki te fè apèl Bondye a e Li te reponn li an; nonm ki dwat e ki \*san tò a vin yon blag.

<sup>5</sup> Sila ki alèz la pa okipe afè gwo pwoblèm nan; konsi sa se pou sila ki fèb e ki kite pye li chape.

<sup>6</sup> \*Tant a sila k ap detwi yo, fè pwofi e sila ki pwovoke Bondye yo alèz;

Se sila ke Bondye mennen fè antre nan pouvwa.

<sup>7</sup> Alò, mande bèt yo menm pou yo kab enstwi ou; ak zwazo syèl yo; kite yo pale ou.

<sup>8</sup> Oswa, pale ak tè a e kite li enstwi ou; epi kite pwason lanmè yo fè deklarasyon pou ou.

<sup>9</sup> Se kilès pami tout sila yo ki pa konnen

ke se \*men SENYÈ a ki fè sa?

<sup>10</sup> \*Nan men a Sila poze lavi a tout sa ki viv la, ansanm ak \*souf tout limanite a.

<sup>11</sup> Èske \*zòrèy la pa pase a leprèv tout pawòl menm jan ke bouch la goute manje li a?

<sup>12</sup> Sajès rete ak \*granmoun; yon lavi ki long se bon konprann.

<sup>13</sup> Avèk Li menm Bondye se \*sajès ak pwisans.

A Li menm se konsèy avèk \* bon konprann.

<sup>14</sup> Gade byen, se Li menm ki \*detwi a e sa p ap kab rebati;

Li mete yon nonm nan prizon e nanpwen lage pou li.

<sup>15</sup> Gade byen, Li anpeche dlo yo e yo seche nèt;

Li \*voye yo deyò pou yo inonde latè a.

<sup>16</sup> Avèk Li menm se fòs ak sajès pwofon; \* sa ke lòt moun egare avèk sila ki egare yo, tou de se pou Li.

<sup>17</sup> Li fè \*konseye yo mache pye atè e fè \*jij yo antre nan foli.

<sup>18</sup> Li \*detache chenn ki mare wa yo e mare senti yo ak yon sentiwon.

<sup>19</sup> Li fè prèt yo mache san rad e

boulvèse \*sila ki ansekirite yo.

<sup>20</sup> Li fè moun konfyans pa kab pale

e \*retire bon jijman a ansyen yo.

<sup>21</sup> Li \*vide mepriz sou prens yo

e lache senti a pwisan yo.

<sup>22</sup> Li \*devwale mistè ki nan tenèb yo

e mennen fènwa pwofon yo antre nan limyè a.

<sup>23</sup> \*Li fè nasyon yo vin gran e Li detwi yo;

Li fè nasyon yo grandi e Li mennen yo ale.

<sup>24</sup> Li \*rache lespri a chèf pèp latè yo

\* **12:4** Job 6:29 \* **12:6** Job 9:24 \* **12:9** És 41:20 \* **12:10** Trav 17:28 \* **12:10** Job 27:3

\* **12:11** Job 34:3 \* **12:12** Job 15:10 \* **12:13** Job 9:4 \* **12:13** Job 11:6 \* **12:14** Job 19:10

\* **12:15** Jen 7:11-24 \* **12:16** Job 13:7-9 \* **12:17** Job 3:14 \* **12:17** Job 9:24 \* **12:18**

Sòm 116:16 \* **12:19** Job 34:24-28 \* **12:20** Job 17:4 \* **12:21** Job 34:19 \* **12:22** Dan 2:22

\* **12:23** És 9:3 \* **12:24** Job 12:20

e fè yo egare nan yon savann san chemen.  
 25 Yo ✨tatonnen nan fènwa a san limyè;  
 Li fè yo ✨kilbite tankou moun sou.

## 13

1 ✨Veye byen, zye m gen tan wè tout sa;  
 zòrèy mwen tande e konprann li.  
 2 ✨Sa ou konnen yo, mwen konnen yo tou;  
 mwen pa pi ba pase ou.  
 3 Men ✨mwen ta pale ak Toupwisan an;  
 Mwen vle diskite ak Bondye.  
 4 Men nou ✨sal moun ak manti;  
 Se yon bann ✨doktè sanzave nou ye.  
 5 Oswa pito ke ou ta ✨rete an silans nèt;  
 ke sa ta sèvi kon sajès ou!  
 6 Souple, tande pawòl mwen e koute mo a lèw mwen.  
 7 Èske ou kab ✨pale pou Bondye sa ki pa jis  
 e pale sa ki manti pou Li?  
 8 Èske ou va ✨pran ka pa Li?  
 Èske ou va diskite pou Bondye?  
 9 Èske sa va sòti byen lè Li bay ou egzamen?  
 Oswa ✨èske ou va twonpe Li  
 kon yon moun konn twonpe yon moun?  
 10 Anverite, Li va repwoche ou  
 si ou apye bò kote Li an sekre.  
 11 Èske ✨majeste Li p ap bay ou lakrent e  
 laperèz Li p ap tonbe sou ou?  
 12 Ansyen pwovèb ou yo se pwovèb ki fèt ak sann;  
 defans ou yo se defans ki fèt ak ajil.  
 13 ✨Rete an silans devan m pou m kab pale;  
 epi kite nenpòt sa ki rive m k ap rive.  
 14 Poukisa mwen ta mete chè m nan pwòp dan m  
 e ✨mete lavi m nan men m?  
 15 ✨Malgre Li ta touye mwen,  
 mwen va mete espwa m nan Li.  
 Malgre, mwen va ✨fè diskou chemen mwen yo devan L.  
 16 Se sa, anplis, ki va ✨delivrans mwen,  
 paske yon enkwayan p ap parèt nan prezans Li.  
 17 Koute pawòl mwen byen pre e  
 kite deklarasyon mwen yo ranpli zòrèy ou.  
 18 Tande koulye a, mwen te prepare ka mwen an;  
 mwen konnen ke ✨mwen va jistifye.  
 19 ✨Se kilès ki va diskite kont mwen?  
 Paske konsa, mwen ta rete anpè e mouri.  
 20 Se sèl de bagay pou pa fè mwen;  
 konsa mwen p ap kache devan figi Ou:

✨ 12:25 Job 5:14 ✨ 12:25 És 24:20 ✨ 13:1 Job 12:9 ✨ 13:2 Job 12:3 ✨ 13:3 Job 13:22  
 ✨ 13:4 Sòm 119:69 ✨ 13:4 Jr 23:32 ✨ 13:5 Job 13:13 ✨ 13:7 Job 27:4 ✨ 13:8 Lev 19:5  
 ✨ 13:9 Job 12:16 ✨ 13:11 Job 31:23 ✨ 13:13 Job 13:5 ✨ 13:14 Sòm 119:109 ✨ 13:15 Job  
 7:6 ✨ 13:15 Job 27:5 ✨ 13:16 Job 23:7 ✨ 13:18 Job 9:21 ✨ 13:19 És 50:8

21 ✧Retire men Ou sou mwen e  
pa kite laperèz Ou fè m sezi.  
22 Epi rele e ✧mwen va reponn;  
oswa kite m pale epi reponn mwen.  
23 ✧Fè m wè fòs kantite inikite mwen yo  
avèk peche m yo?  
Fè m rekonèt rebelyon mwen ak peche m yo.  
24 Poukisa Ou ✧kache figi Ou e  
konsidere m kon ✧lènmi Ou?  
25 Èske Ou ta fè yon fèy k ap vole nan van tranble?  
Oswa èske Ou va kouri dèyè ✧pay van an seche a.  
26 Paske, Ou ekri ✧bagay anmè kont mwen  
e ✧fè m eritye tout inikite a jenès mwen yo.  
27 Ou ✧mete pye m nan chenn e  
ou veye tot chemen mwen yo;  
Ou limite distans pla pye m kab rive,  
28 Pandan mwen ap dekonpoze kon yon  
✧bagay k ap pouri, kon yon vètman ki manje pa mit.

## 14

1 ✧Lòm ki fèt de fanm gen vi kout ki plen traka.  
2 Tankou yon flè, li parèt e li fennen.  
Anplis, ✧li sove ale kon lonbraj e li pa dire.  
3 Anplis, Ou ouvri zye ou sou li e ✧mennen li  
an jijman avèk Ou menm.  
4 ✧Se kilès ki kab fè pwòp sa ki pa pwòp?  
Pèsòn!  
5 Konsi ✧fòs mwa li yo avèk Ou;  
Ou te etabli limit li ke li p ap kab depase.  
6 ✧Retire zye Ou sou li pou l kab repoze  
jiskaske li kab konplete jou li yo kon yon ouvriye jounalye.  
7 Paske, gen espwa pou yon pyebwa lè l koupe  
ke li kab boujonnen ankò e ke nouvo boujon yo kab reyisi.  
8 Malgre rasin li yo vin vye nan tè a,  
e chouk li mouri nan tè sèch,  
9 Fè rive yon gout dlo e li va pete pouse boujon yo kon yon plant.  
10 Men ✧lòm mouri e kouche plat.  
Lòm mouri e kibò li ye?  
11 Tankou ✧dlo lanmè fè vapè monte  
e rivyè a vin sèch,  
12 konsa ✧lòm kouche e li pa leve ankò.  
Jiskaske syèl yo vin disparèt, li p ap reveye, ni leve ankò.  
13 O ke ou ta kapab kache mwen nan sejou lanmò yo,  
pou ou ta kapab fè m kache ✧jiskaske chalè Ou  
retounen jwenn Ou!  
Ke Ou ta fikse yon limit pou mwen e sonje m!  
14 Si yon nonm mouri, èske li va leve ankò?

✧ 13:21 Job 9:34 ✧ 13:22 Job 9:16 ✧ 13:23 Job 7:21 ✧ 13:24 Sòm 13:1 ✧ 13:24 Lam 2:5  
✧ 13:25 Lev 26:36 ✧ 13:26 Job 9:18 ✧ 13:26 Sòm 25:7 ✧ 13:27 Job 33:11 ✧ 13:28 Job  
2:7 ✧ 14:1 Ekl 2:23 ✧ 14:2 Job 8:9 ✧ 14:3 Sòm 143:2 ✧ 14:4 Job 15:4 ✧ 14:5 Job 21:21  
✧ 14:6 Job 7:19 ✧ 14:10 Job 3:13 ✧ 14:11 És 19:5 ✧ 14:12 Job 3:13 ✧ 14:13 És 26:20

Pou tout jou a lit mwen yo, mwen ta tann  
jiskaske lè rive pou yo lage m.

<sup>15</sup> Ou va rele e mwen va reponn Ou;  
Ou va anvi anpil ✨zèv men Ou yo.

<sup>16</sup> Paske koulye a, ou konte tout pa mwen fè yo;  
Èske Ou pa ✨swiv peche m yo.

<sup>17</sup> Transgresyon mwen yo sele nèt nan yon sachè  
e Ou vlope tout inikite m yo.

<sup>18</sup> Men mòn nan kap tonbe pa mòso pa fè anyen;  
wòch la ap kite plas li.

<sup>19</sup> Dlo a epwize wòch yo, gran fòs li lave pousyè tè a.  
Se konsa Ou ✨detwi espwa a lòm.

<sup>20</sup> Ou vin fè l soumèt nèt pou tout tan e li ✨pati;  
Ou chanje aparans li e voye l ale.

<sup>21</sup> Fis li yo vin resevwa lonè, men ✨li menm pa konnen sa;  
oswa fis li yo vin pa anyen, men li pa apèsi sa.

<sup>22</sup> Men kò l fè mal; epi li fè dèy sèlman pou pwòp tèt li.

## 15

<sup>1</sup> Epi Élip haz Temanit lan te reponn:

<sup>2</sup> Èske yon nonm saj ta dwe bay repons ak konesans  
ki sòti nan van ✨e ki plen tèt li avèk van lès?

<sup>3</sup> Èske li ta diskite ak pale inital,  
oswa ak pawòl ki pa gen valè?

<sup>4</sup> Anverite, ou manke respè Bondye e ou  
siprime tout kalite bon refleksyon devan Bondye.

<sup>5</sup> Paske se ✨koupabilite ou ki enstwi bouch ou  
e ou chwazi langaj a rizye yo.

<sup>6</sup> ✨Pwòp bouch ou kondane ou, pa mwen;  
epi pwòp lèv ou fè temwayaj kont ou.

<sup>7</sup> Èske se ou ki te premye la ki te fèt sou tè a,  
oswa ✨eske ou te fèt avan tout kolin yo?

<sup>8</sup> Èske ou konn tande ✨konsèy sekre a Bondye yo,  
oswa eske tout sajès se pou ou sèl?

<sup>9</sup> ✨Kisa ou konnen ke nou pa konnen?

Èske ou konprann sa nou pa kapab konprann?

<sup>10</sup> Genyen ni granmoun ak moun ✨cheve blanch pami nou,  
ki pi gran pase papa ou.

<sup>11</sup> Èske konsolasyon Bondye a twò piti pou ou,  
menm mo ki pale ak dousè avèk ou yo?

<sup>12</sup> Poukisa a ✨kè ou pote ou rive lwen konsa?

Epi poukisa zye ou yo vin limen konsa?

<sup>13</sup> Pou ou ta vire lespri ou kont Bondye e  
kite pawòl parèy a sila yo sòti nan bouch ou?

<sup>14</sup> Kisa lòm nan ye pou ✨li ta kab san tach,  
oswa ✨sila ki fèt de fanm nan pou ta kab dwat?

✨ 14:15 Job 10:3 ✨ 14:16 Job 10:6 ✨ 14:19 Job 7:6 ✨ 14:20 Job 4:20 ✨ 14:21 Ekl 9:5  
✨ 15:2 Job 6:26 ✨ 15:5 Job 22:5 ✨ 15:6 Job 18:7 ✨ 15:7 Job 38:4-21 ✨ 15:8 Wo 11:34  
✨ 15:9 Job 12:3 ✨ 15:10 Job 12:12 ✨ 15:12 Job 11:13 ✨ 15:14 Ekl 7:20 ✨ 15:14 Job 25:4

15 Gade byen, Li pa mete konfyans menm nan ✧sen Li yo  
 e menm syèl yo pa san tach nan zye Li;  
 16 Konbyen anmwens, yon moun ki degoutan e konwonpi;  
 lòm ki ✧bwè inikite kon dlo a!  
 17 M ap di ou, koute m byen;  
 sa mwen konn wè, anplis m ap declare li;  
 18 ✧Sa ke moun saj konn pale e ki pa t kache  
 sòti de papa pa yo,  
 19 A yo menm sèl ke tè a te donnen,  
 e pa t gen etranje ki te pase pami yo.  
 20 Moun mechan an vire tounen ✧nan pwòp doule li tout tan,  
 e fòs lane pou moun mechan yo byen kontwole.  
 21 Bri laperèz sone nan zòrèy li.  
 ✧Pandan li anpè, destriktè a rive sou li.  
 22 Li pa gen espwa ✧sòti nan tenèb la,  
 desten li se ✧nepe.  
 23 Li mache egare pou chache manje epi di:  
 ‘Kote li ye?’ Li konnen ke ✧jou tenèb la gen tan rive.  
 24 Twoub ak gwo soufrans fè l gen gwo laperèz;  
 yo soumèt li tankou yon wa ke yo prèt pou atake,  
 25 Paske, li fin lonje men l kont Bondye  
 e aji ak ✧awogans kont Toupwisan an.  
 26 Li kouri kou rèd sou li tèt avan  
 avèk gwo boukliye li.  
 27 Paske li fin ✧kouvri figi li ak grès li  
 e fè kwis li vin lou ak chè.  
 28 Li te ✧viv nan vil dezole yo,  
 nan kay kote pèsòn pa ta rete yo,  
 ki fèt pou vin dekonble nèt.  
 29 Li ✧p ap vin rich, ni fòtin li p ap dire;  
 epi tèt sereyal li yo p ap janm bese rive atè.  
 30 Li p ap ✧chape nan tenèb la;  
 flam nan va seche tout boujon li yo e  
 kon ✧souf bouch li, li va ale nèt.  
 31 Pa kite li ✧mete konfyans nan gwo vid la,  
 paske gwo vid la va sèvi kon rekonpans li.  
 32 Sa va vin rive ✧avan lè li  
 e branch palmis li p ap vèt.  
 33 Li va lage rezen li ki potko mi soti nan pye rezen a,  
 e va ✧jete flè li kon pye oliv la.  
 34 Paske konpanyen a enkwayan an vin byen esteril,  
 tankou dife ki brile tant konwonpi yo.  
 35 Yo ✧ plante mal la, e yo rekòlte inikite;  
 epi se desepsyon k ap jèmen nan panse yo.

## 16

1 Epi Job te reponn:  
 2 Mwen tande anpil bagay parèy a sila yo;

✧ 15:15 Job 5:1 ✧ 15:16 Job 34:7 ✧ 15:18 Job 8:8 ✧ 15:20 Job 15:24 ✧ 15:21 Job 20:21  
 ✧ 15:22 Job 15:30 ✧ 15:22 Job 19:29 ✧ 15:23 Job 15:22-30 ✧ 15:25 Job 36:9 ✧ 15:27 Sòm  
 73:7 ✧ 15:28 Job 3:14 ✧ 15:29 Job 27:16-17 ✧ 15:30 Job 5:14 ✧ 15:30 Job 4:9 ✧ 15:31  
 Job 35:13 ✧ 15:32 Job 22:16 ✧ 15:33 Job 14:2 ✧ 15:35 Sòm 7:14

✧move konsolatè nou tout ye.  
 3 Èske pa gen limit sou ✧pawòl kap pouse van a?  
 Oswa se kilès k ap toumante ou ki fè ou reponn?  
 4 Mwen osi ta kab pale tankou ou, si mwen te nan plas ou.  
 Mwen ta kab konpoze pawòl yo kont ou  
 e ✧souke tèt mwen sou ou.  
 5 Mwen ta kab ranfòse ou ak bouch mwen  
 e senpati a lèw mwen ta kab redwi doulè ou.  
 6 Si mwen pale sa pa redwi ✧doulè m;  
 si mwen ralanti nan pale, se kisa ki kite mwen?  
 7 Men koulye a, Li ✧fin fatigue m nèt;  
 Ou, Bondye, te ✧gate tout zanmi m yo.  
 8 Ou te fè m vin sèch nèt, sa devni yon temwen;  
 epi ✧jan mwen vin mèt, leve kont mwen.  
 Li fè temwayaj devan figi mwen.  
 9 Kòlè Li fin ✧chire mwen e chase m jis atè,  
 Li te modi blese m ak dan L;  
 ✧Advèsè mwen an chase mwen ak menas Li.  
 10 Yo te gade m, ✧bouch yo louvri;  
 yo te souflete m sou machwè m ak mepriz;  
 yo te fòme yo menm kont mwen.  
 11 Bondye te plase mwen nan men vagabon yo  
 e te jete mwen nan men a mechan yo.  
 12 Mwen te alèz, men Li te ✧brize mwen,  
 Li te sezi mwen nan kou e te souke mwen jiskaske m fè mòso;  
 anplis li te fè m objè tiraj pou l kab tire mwen osò.  
 13 ✧Flèch Li yo antoure mwen. San pitye Li fann ren mwen ouvri nèt;  
 Li vide ✧fyèl mwen atè.  
 14 Li kase antre brèch pa brèch;  
 Li kouri sou mwen kon yon gèye.  
 15 Mwen te koud twal sak sou kò m  
 epi pouse kòn mwen antre nan pousyè.  
 16 Figi mwen vin wouj akòz ✧kri mwen yo  
 e pòpyè zye m vin fonsè nwa,  
 17 Malgre nanpwen vyolans nan men m,  
 e priyè mwen yo san tach.  
 18 O latè a, pa kouvri san kò mwen  
 e pa kite plas pou kri mwen yo.  
 19 Menm koulye a, gade byen,  
 ✧temwen m se nan syèl la e avoka mwen an anwo.  
 20 Se zanmi mwen yo k ap moke m;  
 ✧zye m kriye a Bondye.  
 21 O ke yon nonm ta kab plede avèk Bondye  
 kon yon moun plede ak vwazen li!  
 22 Paske lè kèk ane fin pase, m ap prale  
 nan chemen ki pa retounen an.

✧ 16:2 Job 13:4 ✧ 16:3 Job 6:26 ✧ 16:4 So 2:15 ✧ 16:6 Job 9:27-28 ✧ 16:7 Job 7:3 ✧ 16:7  
 Job 19:13-15 ✧ 16:8 Job 19:20 ✧ 16:9 Os 6:1 ✧ 16:9 Job 13:24 ✧ 16:10 Sòm 22:14 ✧ 16:12  
 Job 9:17 ✧ 16:13 Job 6:4 ✧ 16:13 Job 20:25 ✧ 16:16 Job 16:20 ✧ 16:19 Wo 1:9 ✧ 16:20  
 Job 17:7

## 17

1 Lespri m fin kase, jou m yo etenn;  
 tonbo a pare pou mwen.  
 2 ✧Anverite mokè yo avè m,  
 e zye m fikse sou pwovokasyon yo.  
 3 Depoze la koulye a, yon sekirite pou mwen ak Ou menm;  
 se kilès ki kab ban m garanti?  
 4 Paske Ou te ✧anpeche kè yo konprann;  
 pou sa, ou pa egzalte yo.  
 5 Sila ki enfòmè kont zanmi li yo pou l kab separe piyaj la;  
 zye pitit li yo va vin gate tou.  
 6 Men Li te fè m vin tounen yon ✧vye pwovèb pou pèp la,  
 Konsa, yo vin ✧krache sou figi m.  
 7 Anplis, zye m vin ✧pa wè klè akòz doulè m  
 e tout nanm mwen tankou lonbraj.  
 8 Moun ladwati va byen twouble ak sa,  
 e ✧linosan an va leve li menm kont enkwayan yo.  
 9 Malgre, ✧moun dwat la va kenbe chemen li  
 e ✧sila ki gen men pwòp yo va vin pi fò e pi fò.  
 10 Men nou tout, retounen;  
 paske mwen ✧pa twouve yon nonm saj pami nou.  
 11 ✧Jou pa m yo fin pase, plan mwen yo vin chire nèt,  
 menm dezi a kè mwen yo.  
 12 Yo fè lannwit mwen vin sanble lajounen e  
 di limyè a toupres prezans a tenèb la.  
 13 Si mwen chache ✧Sejou mò yo kon lakay mwen,  
 mwen fè kabann mwen nan tenèb la;  
 14 Si mwen kriye a fòs tonbo a:  
 ‘Se ou ki papa m’; epi a ✧vè a:  
 ‘Ou se manman m ak sè m’;  
 15 Alò, koulye a, se kibò ✧espwa mwen ye?  
 Epi se kilès k ap okipe espwa m?  
 16 Èske espwa m va desann avèk mwen  
 nan Sejou Lanmò yo?  
 Èske se ansanm n ap ✧desann nan pousyè a?

## 18

1 Epi Bildad, Shuach la te reponn:  
 2 Pou jiskilè ou va chase pawòl?  
 Montre bon sans ou pou nou kab pale.  
 3 Poukisa nou ✧gade tankou bèt,  
 tankou sòt nan zye ou?  
 4 O ou menm ki chire pwòp kò ou menm nan kòlè ou;  
 èske se pou lakoz ou menm ke tè a ta abandone,  
 oswa wòch la deplase nan plas li?  
 5 Anverite, ✧limyè a mechan an etenn,  
 e flanm dife li pa bay limyè.

✧ 17:2 Job 12:4   ✧ 17:4 Job 12:20   ✧ 17:6 Job 17:2   ✧ 17:6 Job 30:10   ✧ 17:7 Job 16:16  
 ✧ 17:8 Job 22:19   ✧ 17:9 Pwov 4:18   ✧ 17:9 Job 22:30   ✧ 17:10 Job 12:12   ✧ 17:11 Job 7:6  
 ✧ 17:13 Job 3:13   ✧ 17:14 Job 21:26   ✧ 17:15 Job 7:6   ✧ 17:16 Job 3:17   ✧ 18:3 Sòm 73:22  
 ✧ 18:5 Job 21:17

6 Limyè nan tant li an vin ✧fènwa  
 e lanp li etenn sou li.  
 7 Gran pa dyanm li yo vin kout,  
 e ✧pwòp manèv li a vin desann li.  
 8 Paske li ✧tonbe nan pèlen an akòz pwòp pye li  
 e li mache sou file a.  
 9 Yon pèlen pran l pa talon e yon filè vin fèmen sou li.  
 10 Yon pyèj kache pou li nan tè a,  
 e yon zatrap sou chemen li.  
 11 Patou ✧laperèz fè l sezi e kouri dèyè l  
 nan chak pa ke li fè.  
 12 Fòs li vin ✧epwize e gwo dega parèt akote li.  
 13 Kò li devore pa maladi;  
 premye ne lanmò a ✧devore manm kò li.  
 14 Li ✧fin chire soti nan sekirite tant li an  
 e yo pran l pou l parèt devan wa laperèz la.  
 15 Anyen pa rete nan tant li ki pou li;  
 ✧souf gaye toupatou sou abitasyon li.  
 16 ✧Rasin li vin sèch anba li,  
 e ✧branch li fin koupe pa anwo.  
 17 ✧ Memwa li fin disparèt sou tè a  
 me li pa gen non nan okenn lòt peyi.  
 18 Li bourade pouse lwen limyè a pou rive ✧nan tenèb,  
 e chase jis deyò mond kote moun rete a.  
 19 Li pa gen ni ✧desandan ni posterite pami pèp li a,  
 ni okenn moun ki rete kote li te demere.  
 20 Sila nan lwès yo vin revòlte de ✧desten li  
 e sila nan lès yo vin sezi ak laperèz.  
 21 Anverite, se konsa ✧abitasyon a mechan yo ye a.  
 Sa se plas a sila ki pa konnen Bondye a.”

## 19

1 Epi Job te reponn:  
 2 Pou konbyen de tan, nou va toumante m,  
 e kraze mwen avèk pawòl yo?  
 3 Dis fwa sa yo nou te ensilte m;  
 nou pa menm wont fè m tò.  
 4 Menm si m fè erè, erè sa repoze anndan m.  
 5 Si anverite nou vin ✧ògeye kont mwen,  
 e fè m wè prèv a gwo wont mwen,  
 6 Alò, konnen byen ke ✧Bondye te fè m tò,  
 e te fèmen ✧pèlen Li an antoure mwen.  
 7 Gade byen, ✧mwen kriye: ‘Vyolans!’ Men nanpwen repons.  
 Mwen rele sekou! Men nanpwen jistis.  
 8 Li te ✧bare chemen mwen pou m pa kab pase,  
 e Li te mete fènwa sou pa m yo.  
 9 Li te retire lonè sou mwen e

✧ 18:6 Job 12:25 ✧ 18:7 Job 15:6 ✧ 18:8 És 24:17-18 ✧ 18:11 Job 15:21 ✧ 18:12 És 8:21  
 ✧ 18:13 Za 14:12 ✧ 18:14 Job 8:22 ✧ 18:15 Sòm 11:6 ✧ 18:16 Mat 4:1 ✧ 18:16 Job 15:30-32  
 ✧ 18:17 Sòm 34:16 ✧ 18:18 Job 5:14 ✧ 18:19 Job 27:14-15 ✧ 18:20 Jr 50:27 ✧ 18:21 Job  
 21:28 ✧ 19:5 Sòm 35:26 ✧ 19:6 Job 16:11 ✧ 19:6 Lam 1:13 ✧ 19:7 Job 30:20-24 ✧ 19:8  
 Job 3:23



te retire kouwòn nan sou tèt mwen.

<sup>10</sup> Li ✨krazé desann mwen tout kote e mwen fin disparèt;

Li te dechouke espwa m kon yon pyebwa.

<sup>11</sup> Anplis, Li te ✨limen lakòlè Li kont mwen

e te ✨konsidere m kon lènmi Li.

<sup>12</sup> Lame Li a vin rasanble, ✨bati chemen pa yo kont mwen e fè kan kap antoure tant mwen an.

<sup>13</sup> Li te retire frè m yo byen lwen mwen e sila mwen te konnen yo vin separe de mwen nèt.

<sup>14</sup> Fanmi mwen yo vin fè fayit e pi pwòch ✨zami m yo te bliye m.

<sup>15</sup> Sila ki rete lakay mwen yo ak sèvant mwen yo konsidere m kon yon etranje.

Mwen se yon etranje menm nan zye yo.

<sup>16</sup> Mwen rele sèvitè mwen an, men li pa reponn; mwen oblije sipliye l ak bouch mwen.

<sup>17</sup> Menm souf mwen fè bay ofans a madanm mwen, e mwen vin abominab a pwòp frè m.

<sup>18</sup> Menm timoun yo meprize mwen.

Mwen leve e yo pale kont mwen.

<sup>19</sup> Tout ✨asosye m yo etone ak krent devan m.

Sila ke m byen renmen yo te vire kont mwen.

<sup>20</sup> ✨Zo m yo kole sou po m ak chè m; se sèl pa po dan mwen ke mwen chape lanmò.

<sup>21</sup> Gen pitye pou mwen, gen pitye, O nou menm ki zanmi mwen yo, paske ✨men Bondye vin frape mwen.

<sup>22</sup> Poukisa n ap ✨pèsekite mwen menm tankou Bondye e pa satisfè ak chè mwen.

<sup>23</sup> O ke pawòl mwen yo te ekri! O ke yo te ✨enskri nan yon liv!

<sup>24</sup> Ke avèk pwent plim ak plon, yo te grave sou wòch la jis pou tout tan!

<sup>25</sup> Men pou mwen, mwen konnen ke ✨Redanmtè mwen an vivan e an dènye, li va vin kanpe sou latè.

<sup>26</sup> Menm lè po m fin detwi, malgre soti nan chè m, mwen va ✨wè Bondye;

<sup>27</sup> Ke mwen menm va wè, ke zye m va wè, e se pa kon yon etranje.

Kè m ✨vin fèb anndan m.

<sup>28</sup> Si nou di: 'Kijan nou kab pèsekite li?'

E 'ki pretèks nou kab twouve kon ka kont li?'

<sup>29</sup> Fè lakrent ✨nepe a pou kont nou, paske lakòlè Bondye mennen pinisyon nepe, a pou nou kab konnen gen jijman.

## 20

<sup>1</sup> Epi Tsophar, Naamatit lan, te reponn:

<sup>2</sup> Akoz sa a, tout refleksyon k ap boulvèse m yo

✨ 19:10 Job 12:14 ✨ 19:11 Job 16:9 ✨ 19:11 Job 13:24 ✨ 19:12 Job 30:12 ✨ 19:14 Job 19:19 ✨ 19:19 Sòm 38:11 ✨ 19:20 Sòm 102:5 ✨ 19:21 Job 1:11 ✨ 19:22 Job 13:24-25 ✨ 19:23 És 30:8 ✨ 19:25 És 43:14 ✨ 19:26 I Kor 13:12 ✨ 19:27 Sòm 73:26 ✨ 19:29 Job 15:22

fè m fè repons, menm akoz tout anndan m tèlman ajite.  
 3 Mwen tandè ✧repwòch ki ensilte mwen an  
 e lespri bon konprann mwen fè m reponn.  
 4 Èske ou konnen bagay sa a depi nan ✧tan ansyen an,  
 depi lòm te fèt sou latè,  
 5 Ke ✧viktwa a mechan yo kout  
 e ✧jwa a enkwayan an se pou yon moman?  
 6 Malgre wotè li ta ✧rive nan syèl la  
 e tèt li ta touche nwaj yo,  
 7 Li ✧peri nèt tankou fatra;  
 sila ki te konn wè li yo va di: 'Kibò li ye?'  
 8 Li vole ale tankou yon ✧rèv e yo pa kab jwenn li;  
 menm tankou yon rèv lannwit, li fin ✧chase ale.  
 9 ✧Zye ki te wè l la pa wè l ankò  
 e plas li a pa gade li ankò.  
 10 ✧Fis li yo fè byen pou malere yo  
 e men yo ✧remèt byen li yo.  
 11 ✧Zo li yo plen ak fòs jenès li,  
 men li kouche ansanm avè l nan pousyè a.  
 12 Sepandan, ✧mechanste dous nan bouch li  
 e li kache li anba lang li,  
 13 Li pito mal la e refize lage l,  
 men kenbe li ✧nan bouch li,  
 14 Men manje nan vant li vin tounen pwazon vipè anndan li.  
 15 Li vale richès, men ✧vomi fè yo retounen vin parèt;  
 Bondye va fè yo sòti nan vant li.  
 16 Li souse ✧pwazon koulèv yo;  
 lang a vipè a touye li.  
 17 Li pa gade ✧ dlo yo ankò,  
 ni rivyè ki koule yo ak siwo ak bòl lèt yo.  
 18 Li ✧remèt sa ke li te pran an e li pa kab vale li;  
 pou richès a komès li yo, li pa kab menm rejwi de yo.  
 19 Paske li te ✧opprime e abandone malere yo;  
 li te sezi yon kay ke li pa t bati.  
 20 Paske li pa t kab kalme kè li,  
 li pa kab ✧ kenbe anyen nan sa li renmen.  
 21 Anyen pa rete pou li ta devore; akoz sa a, ✧ byen li yo pa dire.  
 22 Ranpli ak tout bagay li, li va jennen;  
 ✧ men a tout moun ki souffri yo va vini kont li.  
 23 Lè li ✧ plen vant li, Bondye va voye kòlè fewòs pa Li sou li  
 e li va tonbe tankou lapli sou li pandan l ap manje.  
 24 Li kapab ✧ sove ale devan zam an fè a,  
 men banza fèt an bwonz lan va tire frennen l.  
 25 L ap rale sòti parèt deyè do li,  
 menm pwent klere a soti nan fyèl li.

✧ 20:3 Job 19:3 ✧ 20:4 Job 8:8 ✧ 20:5 Sòm 37:35-36 ✧ 20:5 Job 8:13 ✧ 20:6 És 14:13-14  
 ✧ 20:7 Job 4:20 ✧ 20:8 Sòm 73:20 ✧ 20:8 Job 27:21-23 ✧ 20:9 Job 7:8 ✧ 20:10 Job  
 5:4 ✧ 20:10 Job 27:16-17 ✧ 20:11 Job 21:23-24 ✧ 20:12 Job 15:16 ✧ 20:13 Nonb 11:18-23  
 ✧ 20:15 Job 20:10-21 ✧ 20:16 Det 32:24-33 ✧ 20:17 Det 32:13-14 ✧ 20:18 Job 20:10-15  
 ✧ 20:19 Job 24:2-4 ✧ 20:20 Ekl 5:13-14 ✧ 20:21 Job 15:29 ✧ 20:22 Job 5:5 ✧ 20:23 Job  
 20:13 ✧ 20:24 És 24:18

✧ Gwo laperèz va parèt sou li,  
 26 Fènwa nèt rezève kon trezò li  
 e ✧ flannm dife san van an va devore li;  
 Li va manje sila ki rete vivan nan tant li an.  
 27 ✧ Syèl yo va revele inikite li  
 e tè a va leve kont li.  
 28 ✧ Kwasans lakay li va pati;  
 posasyon li yo va ale ✧nan jou kòlè Li a.  
 29 Sa se ✧ pòsyon a moun mechan  
 k ap sòti nan men Bondye,  
 sa se eritaj ke Bondye òdone pou bay li.”

## 21

1 Epi Job te reponn:  
 2 Koute pawòl mwen byen pre e  
 kite sa sèvi tankou chemen pou konsòle.  
 3 Pran pasyans pou m kab pale;  
 epi tann lè m fini pou ou kab ✧ giyonnen m.  
 4 Pou mwen, èske ✧ plent mwen an se anvè yon nonm?  
 Epi poukisa mwen pa ta dwe manke pasyans?  
 5 Gade mwen! Vin etone e ✧ kouvri bouch ou ak men ou!  
 6 Lè m sonje, mwen twouble;  
 chè m vin ranpli ak ✧ laperèz.  
 7 Poukisa ✧ mechan yo viv toujou,  
 kontinye konsa e vin pwisan nèt?  
 8 ✧ Desandan yo vin etabli kote yo toujou wè yo  
 ak pitit pa yo devan zye yo,  
 9 Lakay yo ✧ pwoteje kont laperèz  
 e baton Bondye pa janm rive sou yo.  
 10 Towo li toujou koupè san manke.  
 Vach li fè pitit e pa fè fos kouch.  
 11 Yo mete pitit yo deyò tankou yon bann  
 e yo flannen toupatou.  
 12 Yo chante ak tanbouren avèk ap  
 e rejwi ak son flit.  
 13 Yo ✧ pase jou yo nan byen reyisi.  
 Epi konsa, yo desann nan Sejou Lanmò Yo.  
 14 Yo di Bondye: ✧ ‘Kite nou!’  
 Nou pa menm vle konnen chemen Ou yo.  
 15 ‘Se kilès Toupwisan an ye pou nou ta sèvi Li  
 e ki rekonpans nou ta twouve si nou ta priye anvè Li?’  
 16 Gade byen, bonè pa yo pa rete nan men yo;  
 ✧ konsèy a mechan yo lwen mwen.  
 17 Èske se souvan ke ✧ lanp a mechan yo etenn?  
 Èske ✧malè konn vin tonbe sou yo?  
 Èske Bondye mezire destriksyon nan lakòlè Li?  
 18 Èske se tankou pay nan van yo ye vre,

✧ 20:25 Job 18:11-14 ✧ 20:26 Job 15:30 ✧ 20:27 Det 31:28 ✧ 20:28 Det 28:31 ✧ 20:28 Job  
 20:15 ✧ 20:29 Job 27:13 ✧ 21:3 Job 11:3 ✧ 21:4 Job 7:11 ✧ 21:5 Jij 18:19 ✧ 21:6 Sòm  
 55:5 ✧ 21:7 Jr 12:1 ✧ 21:8 Sòm 17:14 ✧ 21:9 Job 12:6 ✧ 21:13 Job 21:23 ✧ 21:14 Job  
 22:17 ✧ 21:16 Job 22:18 ✧ 21:17 Job 18:5-6 ✧ 21:17 Job 31:2-3

pay ke van pouse ale?

<sup>19</sup> Ou di ke Bondye konsève inikite a yon nonm pou fis li yo.

Kite Bondye rekonpanse li menm pou l konnen sa.

<sup>20</sup> Kite ✧ pwòp zye pa li wè lè l pouri gate e kite li bwè lakòlè Bondye.

<sup>21</sup> Paske ki konsiderasyon ki genyen pou lakay sila ki swiv li a lè fòs kantite mwa li yo vin koupe?

<sup>22</sup> Èske gen moun kab ✧ bay Bondye konesans? Se Li menm ki jije sila anwo yo.

<sup>23</sup> Yon moun ✧ mouri ak tout fòs li, byen alèz e satisfè nèt;

<sup>24</sup> Tout bokal li yo plen lèt e tout ✧mwèl zo l li byen mou,

<sup>25</sup> Pandan yon lòt mouri ak yon nanm anmè e pa janm goute nan sa ki bon.

<sup>26</sup> Ansanm yo ✧kouche nan pousyè a e vè vin kouvri yo.

<sup>27</sup> Gade byen, mwen konnen sa ou ap panse ak plan nou sèvi pou fè m tò yo.

<sup>28</sup> Paske ou ap di: “Kote kay a ✧prens lan e kote tant kote mechan an rete a?”

<sup>29</sup> Èske nou pa janm mande vwayajè yo? Èske nou pa konnen temwayaj yo bay?

<sup>30</sup> Paske mechan an, li menm, konsève pou gwo jou malè a; Y ap vin parèt nan jou kòlè a.

<sup>31</sup> Se kilès ki va fè l repwòch pou zak li yo? E kilès ki va rekonpanse li pou sa l fè?

<sup>32</sup> Pandan l ap pote nan tonbo a, y ap veye tonm li.

<sup>33</sup> Bòl tè vale a va kouvri l ak tout dousè; anplis, ✧tout moun va swiv dèyè li,

pandan sila ki pa kab menm konte yo, prale devan l.

<sup>34</sup> Konsa, se kijan pou m ta ✧twouve rekonfò nan konsolasyon an ven nou yo?

Paske repons nou yo fèt ak manti.

## 22

<sup>1</sup> Epi Élip haz, Temanit lan, te reponn:

<sup>2</sup> Èske yon ✧nonm plen kouraj kapab itil a Bondye? Byen klè yon nonm saj se itil a pwòp tèt li.

<sup>3</sup> Èske Toupwisan an pran plezi nan ladwati ou, oswa twouve pwofi si chemen ou yo san fot?

<sup>4</sup> Èske se akòz krentif la menm ou gen pou Bondye ke l ap repwoche ou;

ke l ap ✧antre nan jijman kont ou?

<sup>5</sup> Se pa ke ✧mechanste ou gran e inikite ou yo san limit?

<sup>6</sup> Paske, ou te ✧pran garanti a frè ou yo san koz e te menm retire rad pa yo jis yo vin toutouni.

✧ 21:20 Jr 31:30 ✧ 21:22 Wo 11:34 ✧ 21:23 Job 20:11 ✧ 21:24 Pwov 3:8 ✧ 21:26 Job 3:13 ✧ 21:28 Job 1:3 ✧ 21:33 Job 3:19 ✧ 21:34 Job 16:2 ✧ 22:2 Job 35:7 ✧ 22:4 Job 14:3 ✧ 22:5 Job 11:6 ✧ 22:6 Job 24:3-9

7 A moun fatigue yo, ou ✨pa t bay dlo pou bwè  
 e a grangou yo, ou te ✨refize yo pen.  
 8 Men tè a se pou nonm ki pwisan an  
 e se ✨moun entèg ki rete ladann.  
 9 Ou te voye vèv yo ale men vid  
 e te kraze fòs a ✨òfelen yo.  
 10 Akoz sa, pèlen yo antoure ou  
 e ✨laperèz, sibitman, vin bay ou gwo lakrent,  
 11 Oswa se ✨fènwa pou ou pa kab wè  
 ak anpil dlo ki kouvri ou.  
 12 Èske Bondye pa ✨nan wotè syèl la?  
 Menm anplis, gade zetwal byen lwen yo; kijan yo wo!  
 13 Ou di: ✨'Kisa Bondye konnen?  
 Èske Li kab jije nan fènwa pwofon an?  
 14 ✨Nwaj yo se yon plas pou L kab kache,  
 pou L pa kab wè; epi se anwo plafon syèl la l ap mache.'  
 15 Èske ou va kenbe ✨ansyen chemen a  
 kote mesye mechan yo te mache,  
 16 ki te rachte avan lè yo,  
 ki te lese fondasyon ki lave retire nèt yo pa rivyè a?  
 17 Yo te ✨di a Bondye: 'Kite nou!',  
 Epi: 'Kisa Toupwisan an kab fè yo?'  
 18 Sepandan, Li te ✨ranpli lakay yo ak byen;  
 men, ✨konsèy a mechan yo lwen m.  
 19 ✨Moun ladwati yo wè, fè kè kontan;  
 Inosan yo moke yo.  
 20 Yo di: 'Anverite, advèsè nou yo koupe retire nèt  
 e gwo fòs byen pa yo, ✨dife a fin manje l nèt.'  
 21 ✨Soumèt ou depi koulye a e fè lapè avè L;  
 se konsa sa ki bon va rive kote ou.  
 22 Souple, resevwa ✨enstriksyon nan bouch Li  
 e etabli pawòl Li yo nan kè ou.  
 23 Si ou retounen bò kote Toupwisan an,  
 ou va restore; si ou ✨retire inikite a byen lwen tant ou.  
 24 ✨Metè lò ou nan pousyè a, lò Ophir a  
 pami wòch kouran dlò yo,  
 25 Alò, se Toupwisan an ki va lò ou  
 e pi bèl ajan pou ou menm.  
 26 Paske, konsa ou va ✨rejwi nan Toupwisan an  
 e leve figi ou vè Bondye.  
 27 Ou va priye a Li menm e ✨Li va tande ou;  
 epi ou va peye ve ou yo.  
 28 Anplis, ou va fè yon dekrè e li va etabli pou ou;  
 konsa limyè va briye sou wout ou.  
 29 Lè ou santi ou vin ba, alò ou va pale ak konfyans  
 e moun ki ✨enb lan, Li va sove li.

✨ 22:7 Job 31:16-17 ✨ 22:7 Job 31:31 ✨ 22:8 És 3:3 ✨ 22:9 Job 6:27 ✨ 22:10 Job 15:21  
 ✨ 22:11 Job 5:14 ✨ 22:12 Job 11:7-9 ✨ 22:13 És 29:15 ✨ 22:14 Job 26:9 ✨ 22:15 Job 34:36  
 ✨ 22:17 Job 21:14-15 ✨ 22:18 Job 12:6 ✨ 22:18 Job 21:16 ✨ 22:19 Sòm 52:6 ✨ 22:20  
 Job 15:30 ✨ 22:21 Sòm 34:10 ✨ 22:22 Job 8:10 ✨ 22:23 Job 11:14 ✨ 22:24 Job 31:24-25  
 ✨ 22:26 Sòm 37:4 ✨ 22:27 Job 34:28 ✨ 22:29 Jc 4:5

30 Li va delivre menm sila ki pa inosan yo e \*delivrans sa a va fèt akoz men ou ki pwòp.”

## 23

1 Alò, Job te reponn:  
 2 Menm jodi a, \*plent mwen yo se rebelyon. Men Li rete lou malgre tout plent mwen yo.  
 3 O ke m ta kab konnen kibò mwen ta kab twouve Li, pou m ta kab pwoche chèz Li a!  
 4 Mwen ta \*prezante ka m nan devan L, e plen bouch mwen ak diskou yo.  
 5 Mwen ta vin aprann pawòl ke Li ta reponn yo e apèsi sa Li ta di m.  
 6 Èske Li ta sèvi \*gran fòs Li pou goumen ak mwen? Non, anverite, Li ta koute mwen.  
 7 La, moun ladwati yo ta \*rezone avè L; epi mwen ta \*delivre jis pou tout tan de Jij mwen an.  
 8 Men gade, mwen fè avan, men Li pa la, e mwen fè bak, men mwen \*pa kab twouve Li.  
 9 Lè L aji agoch, mwen pa kab wè Li; Li vire adwat, mwen pa wè L.  
 10 Men Li konnen chemen ke m pran an; Li fè m \*pase a leprèv e mwen va sòti tankou lo.  
 11 Pye m te \*kenbe fèm a pa Li; mwen te kenbe chemen Li an e mwen pa t vire akote.  
 12 Mwen pa t kite kòmand a lèw Li yo; mwen te kenbe \*pawòl a bouch Li kon pi presye pase manje ki fè m gen fòs la.  
 13 Men pa gen lòt tankou Li; se kilès ki kab vire Li? Epi sa ke nanm Li pito, se sa ke Li fè.  
 m 14 Paske li acheve sa ki deziye pou mwen an, e anpil dekrè konsa rete avè L.  
 15 Pou sa, mwen ta deranje nèt nan prezans Li; lè m kalkile, Li fè m pè anpil.  
 16 Se Bondye ki fè \*kè m sote, e se Toupwisan an ki deranje m konsa,  
 17 Men se pa fènwa a ki pou ta fè m \*sispann pale, ni \*gran tristès k ap kouvri m nan.

## 24

1 \*Poukisa Toupwisan an pa mete tan nan rezèv, e poukisa sila ki konnen Li yo pa wè \*jou Li yo?  
 2 Kèk \*retire limit bòn yo; yo sezi e devore bann mouton yo.  
 3 Yo pouse fè ale bourik a \*òfelen yo; Yo pran bèf a vèw la kon garanti.  
 4 Yo pouse \*endijan yo akote wout la;

\* 22:30 Job 42:7-8    \* 23:2 Job 7:11    \* 23:4 Job 13:18    \* 23:6 Job 9:4    \* 23:7 Job 13:3  
 \* 23:7 Job 23:10    \* 23:8 Job 9:11    \* 23:10 Za 13:9    \* 23:11 Job 31:7    \* 23:12 Job 6:10  
 \* 23:16 Det 20:3    \* 23:17 Job 10:18-19    \* 23:17 Job 19:8    \* 24:1 Trav 1:7    \* 24:1 És 2:12  
 \* 24:2 Det 19:14    \* 24:3 Job 6:27    \* 24:4 Job 24:14

malere peyi a oblije kache nèt.

<sup>5</sup> Gade byen, kon bourik mawon nan dezè a,  
yo ✧vin parèt pou chache manje.

Dezè a bay yo anpil manje pou pitit yo.

<sup>6</sup> Yo rekòlte nan chan a lòt yo  
e ranmase nan chan rezen a mechan yo.

<sup>7</sup> ✧Yo pase lannwit lan toutouni san rad,  
e yo pa gen pwotèj kont fredri a.

<sup>8</sup> Yo mouye ak lapli mòn yo  
e yo anbrase wòch yo akòz mank pwotèj yo.

<sup>9</sup> Lòt yo sezi ✧òfelen an soti nan tete a,  
e kont malere a, yo pran garanti.

<sup>10</sup> Se yo ki koz a malere a ale toutouni san rad  
e yo sezi pran pakèt a sila ki grangou yo.

<sup>11</sup> Anndan miray yo, yo pwodwi lwil;  
yo foule li nan preswa, men yo swaf.

<sup>12</sup> Depi nan vil la, moun yo plenyen fò  
e nanm a sila ki blese yo pouse gran kri;  
men Bondye pa prete atansyon ak foli.

<sup>13</sup> Gen lòt moun ki fè rebèl kont limyè a;  
yo pa vle konnen pa li, ni rete nan chemen li yo.

<sup>14</sup> Asasen an ✧leve granmmaten;  
Li ✧touye malere a ak endijan an,  
epi nan lannwit, se yon vòlè li ye.

<sup>15</sup> Zye ✧adiltè a tann lannwit rive;  
Li di: 'Zye p ap janm wè m.' Epi li kouvri figi li.

<sup>16</sup> Nan fènwa, yo ✧fouye anndan kay yo;  
yo ✧fèmen yo menm pandan jounen an;  
yo pa konnen limyè.

<sup>17</sup> Paske pou li maten se menm jan ak fènwa a byen pwès,  
tèlman li abitye ak ✧gwo perèz nan fènwa pwès la.

<sup>18</sup> Pou ryen yo san fòs monte sou dlo.

Pòsyon pa yo ✧modi sou latè.

<sup>19</sup> Sechrès ak chalè manje dlo lanèj la.  
Menm jan ✧Sejou Lanmò fè sila ki te peche yo.

<sup>20</sup> Yon manman ✧va bliye li;  
Vè va manje li byen dous jiskaske li pa sonje ankò.

Epi mechanste l a va kase tankou yon pyebwa.

<sup>21</sup> Li fè tò a fanm esteril la e li pa fè anyen ki bon  
pou ✧vèv la.

<sup>22</sup> Men Li rale pran nonm vanyan an pa lafòs Li.  
Li vin gwo, men ✧li pa gen asirans lavi.

<sup>23</sup> Li bay yo sekirite e yo twouve soutyen;  
epi ✧zye Li rete sou chemen pa yo.

<sup>24</sup> Yo leve wo pou yon ✧ti tan e yo ale.

Anplis, yo vin ✧rale ba e tankou tout lòt bagay, yo ranmase.  
Menm tankou tèt sereyal, yo koupe, yo retire.

✧ 24:5 Sòm 104:23 ✧ 24:7 Egz 22:26 ✧ 24:9 Job 6:27 ✧ 24:14 Mi 2:1 ✧ 24:14 Sòm 10:8  
✧ 24:15 Pwov 7:9 ✧ 24:16 Egz 22:2 ✧ 24:16 Jn 3:20 ✧ 24:17 Job 15:21 ✧ 24:18 Job 15:21  
✧ 24:19 Job 21:13 ✧ 24:20 És 49:15 ✧ 24:21 Job 22:9 ✧ 24:22 Job 18:20 ✧ 24:23 Job 10:4  
✧ 24:24 Sòm 37:10 ✧ 24:24 Job 14:21

25 Alò, si se pa konsa li ye, se kilès ki kab fè prèv ke m bay manti, oswa anile pawòl mwen yo?

## 25

1 Alò, Bildad, Shouachyen an, te reponn:  
 2 ✧ Tout pouvwa ak lakrent apatyen a Sila ki etabli lapè nan wotè Li yo.  
 3 Èske fòs kantite ✧ sòlda li yo kab kontwòle? Epi sou kilès ke limyè Li pa leve?  
 4 Konsa, se kijan yon nonm kapab ✧ dwat devan Bondye? Oswa, kijan sila ki te fèt de fanm nan kapab vin pwòp?  
 5 Si nan zye pa Li, menm lalin pa klè, ni ✧ zetwal yo pa pwòp,  
 6 Konbyen, anmwens ✧ lòm, vè sila ki manje kadav la, e fis la a lòm nan, vè a menm nan!

## 26

1 Epi Job te reponn:  
 2 Kèl kalite èd ou ye pou fèb yo!  
 Kèl sekou ou te bay a bra ki te ✧ san fòs la!  
 3 Kèl konsèy ou te bay a sila ki san sajès la!  
 Kèl kalite bèl eklèsisman ou te bay an abondans!  
 4 Se a kilès ou t ap eksprime pawòl sa yo menm? Epi se lespri a kilès ki te enspire ou menm?  
 5 ✧ Lespri mò yo tranble anba dlo yo avèk tout sila ki rete ladann yo.  
 6 Toutouni se Sejou Lanmò Yo devan L, e ✧ labim nan pa gen kouvèti.  
 7 Li ✧ lonje rale zetwal nò a sou espas vid e fè mond lan pandye san anyen pa kenbe l.  
 8 Li ✧ vlope dlo yo nan nwaj Li yo e nwaj la pa pete anba fòs yo.  
 9 Li fè ✧ kache figi gwo lalin nan e gaye nwaj Li sou li.  
 10 Li te trase yon sèk won sou sifas dlo yo kote ✧ limit a tenèb la ak limyè a.  
 11 Pilye syèl yo tanmen tranble e yo etone lè L repwòche yo.  
 12 Ak pwisans Li, li kalme lanmè a e ak bon konprann Li, li te brize ✧ Rahab  
 13 Ak souf Li, li netwaye ✧ syèl yo; se men L ki te frennen sèpan ki t ap sove ale a.  
 14 Gade byen, sa se yon ti kras bagay de tout chemen pa Li yo; epi a la ti kras pawòl nou konn tande de Li!  
 Men tonnè pwisan Li an! Se kilès ki kab konprann li?

## 27

1 Alò, Job te kontinye ✧ diskou li a epi te di:  
 2 Kon Bondye viv la, ki kab retire dwa mwen

✧ 25:2 Job 9:4 ✧ 25:3 Job 16:13 ✧ 25:4 Job 4:14-17 ✧ 25:5 Job 15:15 ✧ 25:6 Job 7:17  
 ✧ 26:2 Sòm 71:9 ✧ 26:5 Job 3:13 ✧ 26:6 Job 28:22 ✧ 26:7 Job 9:8 ✧ 26:8 Job 37:11  
 ✧ 26:9 Job 22:14 ✧ 26:10 Job 38:19-24 ✧ 26:12 És 51:15 ✧ 26:13 Job 9:8 ✧ 27:1 Job 13:12



e Toupwisan\*ki te fè m gen nanm anmè a,  
<sup>3</sup> Paske depi gen lavi nan mwen  
 e \*souf Bondye nan twou nen m,  
<sup>4</sup> Lèw mwen, anverite, p ap pale enjistis,  
 ni \*lang mwen fòme manti.  
<sup>5</sup> Fòk se lwen m pou m ta bay ou rezon;  
 jiskaske m mouri, \*mwen p ap elwagne mwen de entegrite m.  
<sup>6</sup> Mwen \*kenbe fèm a ladwati mwen e mwen p ap lage l menm.  
 Kè m pa repwoche okenn nan jou mwen yo.  
<sup>7</sup> Ke lènmi m kapab tankou mechan a  
 e sila ki leve kont mwen, san jistis.  
<sup>8</sup> Paske ki \*espwa sila ki san Bondye a genyen  
 lè l koupe retire nèt, lè Bondye fè l oblije bay lavi li?  
<sup>9</sup> Èske Bondye va tandè kri li lè \*malè rive li?  
<sup>10</sup> Èske li va \*pran plezi nan Toupwisan an?  
 Èske li va rele non Bondye a nan tout tan sa yo?  
<sup>11</sup> Mwen va enstwi ou nan pwisans Bondye;  
 pwojè Toupwisan an, mwen p ap kache l.  
<sup>12</sup> Gade byen, nou tout gen tan wè sa;  
 ebyen, poukisa nou aji nan foli?  
<sup>13</sup> Sa se pòsyon a moun mechan an ki va sòti Bondye  
 e eritaj ke \*mechan yo va resevwa nan men Toupwisan an.  
<sup>14</sup> Malgre fis li yo anpil, yo destine pou nepe;  
 epi \*desandan li yo ap toujou manke pen.  
<sup>15</sup> Sila ki swiv li yo va antere akòz epidemi  
 e \*vèv yo p ap kapab kriye pou yo.  
<sup>16</sup> Malgre li fè kès ajan an vin tankou poud  
 e prepare vètman anpil tankou ajil,  
<sup>17</sup> Li kab prepare l, \*men se moun ladwati yo k ap mete li  
 e inosan yo k ap divize ajan an.  
<sup>18</sup> Li te bati \*kay li tankou mèch fil zarenjen,  
 oswa tankou kay poto gadyen te fè.  
<sup>19</sup> Li kouche byen rich, men li pa janm vin genyen ankò;  
 li ouvri zye li e \*se pa sa ankò.  
<sup>20</sup> \*Gwo laperèz yo rive pran l tankou yon flèv;  
 yon move tan vole retire l pandan lannwit lan.  
<sup>21</sup> Van lès la pote l ale e li pa la,  
 paske li fè l vire tounen \*kite plas li.  
<sup>22</sup> Paske l ap plonje sou li san pitye;  
 anverite, li va eseye \*chape soti anba pouvwa li.  
<sup>23</sup> Pèp la va bat men yo sou li  
 e va \*sifle li kon kolèv pou li kite plas li a.

## 28

<sup>1</sup> Anverite, gen yon min pou ajan  
 e yon plas pou rafine lò.  
<sup>2</sup> Fè a retire nan pousyè a

\* 27:2 Job 9:18 \* 27:3 Job 32:8 \* 27:4 Job 6:28 \* 27:5 Job 6:29 \* 27:6 Job 2:3 \* 27:8  
 Job 8:13 \* 27:9 Pwov 1:27 \* 27:10 Sòm 37:4 \* 27:13 Job 15:20 \* 27:14 Job 20:10  
 \* 27:15 Sòm 78:64 \* 27:17 Job 20:18-21 \* 27:18 Job 8:15 \* 27:19 Job 7:8-10 \* 27:20  
 Job 15:21 \* 27:21 Job 7:10 \* 27:22 Job 11:20 \* 27:23 Job 18:18

e kwiv la fonn soti nan wòch la.  
<sup>3</sup> Lòm fè tenèb la pati e rive ✧jis nan dènye limit lan,  
 li chache twouve wòch la nan fènwa a  
 ak nan pwofon fènwa.  
<sup>4</sup> Li fouye yon twou fon byen lwen kote moun rete,  
 kote ki bliye nèt pa pye moun.  
 Sou yo, yo kwoke balanse ale retou byen lwen moun.  
<sup>5</sup> Pou tè a, depi nan li, manje sòti e anba,  
 li boulvèse tankou dife.  
<sup>6</sup> Wòch li se sous a pyè safi yo  
 e nan pousyè li, genyen lò.  
<sup>7</sup> Chemen li pa rekonèt pa koukou,  
 ni zye grigri pa janm wè l.  
<sup>8</sup> Bèt pi fewòs yo pa mache la,  
 ni lyon pa pase sou li.  
<sup>9</sup> Li mete men li sou wòch silèks la;  
 li chavire mòn yo soti nan baz yo.  
<sup>10</sup> Li kreve kanal ki pase nan wòch yo  
 e zye li wè tout sa ki presye.  
<sup>11</sup> Li bouche flèv yo pou dlo pa koule  
 e sa ki kache yo, li fè yo parèt nan limyè.  
<sup>12</sup> Men se ✧kibò yo twouve sajès?  
 Epi kibò yo jwenn bon konprann nan?  
<sup>13</sup> ✧Lòm pa konnen valè li, ni valè li  
 pa kab twouve nan peyi a moun vivan yo.  
<sup>14</sup> Labim nan di: “Li pa nan mwen”;  
 epi lanmè a di: “Li pa bò kote m’.  
<sup>15</sup> ✧Lò pi pa kab bay kon echanj pou li,  
 ni ajan pa kab peze kon pri li.  
<sup>16</sup> Valè li pa kab konpare ak lò Ophir,  
 oswa oniks presye, oswa safi.  
<sup>17</sup> ✧Ni lò ni vit pa egal avè l,  
 ni li pa kab fè echanj pou bagay ki fèt an lò fen.  
<sup>18</sup> Koray ak kristal, bliye nèt;  
 posede ✧sajès se pi wo ke pèl.  
<sup>19</sup> Topaz a Éthiopie a pa kab konpare avè l,  
 ni li pa kab valorize an ✧lò pi.  
<sup>20</sup> E byen, ✧se kibò sajès la sòti?  
 Epi kibò anplasman bon konprann nan ye?  
<sup>21</sup> Konsa, li kache a zye de tout èt vivan yo  
 e kache menm a zwazo syèl yo.  
<sup>22</sup> ✧Labim nan ak lanmò a pale:  
 ‘Ak zòrèy nou, nou konn tande rapò bagay sa a.’  
<sup>23</sup> ✧Bondye konprann chemen li  
 e Li konnen plas li.  
<sup>24</sup> Paske, Li ✧chache jis rive nan dènye pwent latè  
 e wè tout bagay anba syèl yo.  
<sup>25</sup> Lè L te bay ✧pwa a van an

✧ **28:3** Ekl 1:13 ✧ **28:12** Job 28:23-28 ✧ **28:13** Mat 13:44-46 ✧ **28:15** Pwov 3:13-14 ✧ **28:17**  
 Pwov 8:10 ✧ **28:18** Pwov 8:11 ✧ **28:19** Pwov 8:19 ✧ **28:20** Job 28:23-28 ✧ **28:22** Job 26:6  
 ✧ **28:23** Job 9:4 ✧ **28:24** Sòm 11:4 ✧ **28:25** Sòm 135:7

e te ✨divize dlo yo pa mezi,  
 26 Lè L te etabli yon ✨limit pou lapli  
 e yon chemen pou kout eklè,  
 27 Li te wè l e Li te deklare li.  
 Li te etabli li e anplis, Li te konprann bout li.  
 28 Konsa, a lòm Li te di:  
 “Gade byen, ✨lakrent Senyè a, se sa ki sajès;  
 epi kite mal, se sa ki bon konprann.’ ”

## 29

1 Ankò, Job te reprann ✨diskou li epi te di:  
 2 O ke m te menm jan ke m te ye nan mwa pase yo!  
 Kon nan jou ke Bondye te ✨bay rega sou mwen yo;  
 3 Lè ✨lanp Li yo te briye sou tèt mwen  
 e pa limyè Li, mwen te mache pase nan fènwa a;  
 4 Jan mwen te ye nan pi bèl nan jou mwen yo,  
 lè ✨amitye Bondye te sou tant mwen an;  
 5 Lè Toupwisan an te toujou avè m  
 e pitit mwen yo te antoure mwen;  
 6 Lè pa mwen yo te benyen nan bè  
 e yon ✨wòch yo t ap vide ban mwen gwo flèv lwil!  
 7 Lè m te konn sòti nan ✨pòtay lavil la,  
 lè m te gen chèz mwen sou plas la,  
 8 Jennonm yo te wè m e te kache kò yo  
 e granmoun yo te konn leve kanpe.  
 9 Prens yo te sispann pale  
 e te ✨mete men yo sou bouch yo;  
 10 Vwa a moun pwisan yo te rete  
 e ✨lang yo te kole anlè nan bouch yo.  
 11 Paske lè ✨zòrèy la te tandè, li te rele m beni  
 e lè zye a te wè m, li te fè temwayaj pou mwen menm,  
 12 Akoz mwen te delivre malere ki te kriye pou sekou a,  
 avèk ✨òfelen ki pa t gen moun pou ede l la.  
 13 Benediksyon a sila ki te prèt pou peri yo  
 te rive sou mwen e mwen te fè ✨kè vèv la chante avèk jwa.  
 14 Mwen te ✨abiye nan ladwati e li te kouvri m;  
 jistis mwen te tankou yon manto, avèk yon tiban.  
 15 Mwen te sèvi kon ✨zye pou avèg yo  
 e pye pou sila bwate yo.  
 16 Mwen te yon papa pou ✨ malere a  
 e ka ke m pa konnen an, mwen te chache twouve bout li.  
 17 Mwen te ✨kase machwè a mechan an  
 e mwen te retire viktim nan anba dan l.  
 18 Epi mwen te reflechi, “Mwen va mouri nan pwòp nich mwen  
 e mwen va miltipliye jou m yo tankou sab.”  
 19 ✨Rasin mwen gaye tankou dlo e lawozay  
 kouche tout lannwit sou branch mwen yo.

✨ 28:25 Job 38:8-11 ✨ 28:26 Job 37:6-12 ✨ 28:28 Pwov 9:10 ✨ 29:1 Nonb 23:7 ✨ 29:2  
 Jr 31:28 ✨ 29:3 Job 18:6 ✨ 29:4 Sòm 25:14 ✨ 29:6 Det 32:13 ✨ 29:7 Job 31:21 ✨ 29:9  
 Job 21:5 ✨ 29:10 Sòm 137:6 ✨ 29:11 Job 4:3-4 ✨ 29:12 Job 31:17-21 ✨ 29:13 Job 22:9  
 ✨ 29:14 És 61:10 ✨ 29:15 Nonb 10:31 ✨ 29:16 Job 24:4 ✨ 29:17 Sòm 3:7 ✨ 29:19 Os 14:5

20 Laglwa mwen toujou nèf  
 e \*banza m renouvle nan men m.  
 21 Pou mwen menm \*yo te koute e te tann.  
 Epi te rete san pale pou koute konsèy mwen.  
 22 Apre pawòl pa m, yo pa t pale ankò  
 e \*pawòl mwen yo te tonbe sou yo.  
 23 Yo te tann mwen tankou lapli e te ouvri bouch yo  
 konsi se pou lapli nan sezon prentan.  
 24 Mwen te souri sou yo lè yo pa t kwè  
 e limyè a figi m pa t janm vin ba.  
 25 Mwen te chwazi yon chemen pou yo,  
 te chita tankou \*chèf e te demere tankou wa  
 pami sòlda yo,  
 tankou yon moun ki bay rekonfò a sila ki andèy yo.

### 30

1 Men koulye a, sila ki pi jenn pase mwen yo  
 ap \*giyonnen m. Papa a sila mwen pa ta vle  
 mete ansanm ak chen ap mennen bann mwen yo.  
 2 Anverite, ki byen fòs a men yo ta kab fè m?  
 Gwo fòs te deja disparèt nan yo.  
 3 Akoz mank bagay ak grangou, yo fin sèch nèt,  
 sila ki seche a tè nèt nan lannwit lan ak pèt e ak dezolasyon an,  
 4 Ki rache fèy raje nan mitan rakèt la,  
 e ki manje rasin bayawonn.  
 5 Yo chase yo deyò lavil la;  
 yo kriye dèyè yo tankou yon vòlè,  
 6 Jiskaske yo vin rete nan vale tèrib yo,  
 nan twou tè ak nan wòch yo.  
 7 Pami rak tibwa yo, yo rele fò;  
 anba machacha a, yo vin rasanble ansanm.  
 8 Moun fou, menm sila san non yo,  
 yo te ranmase retire sou latè.  
 9 Epi koulye a, se mwen menm yo pase nan \*rizib;  
 mwen te devni yon pawòl betiz pou yo.  
 10 Yo rayi mwen, kanpe lwen m  
 e yo pa sispann \*krache nan figi m.  
 11 Akoz Li te lage fisèl banza a pou te aflije mwen,  
 yo \*rete retire brid la nèt devan m.  
 12 Sou men dwat lan, nich sa yo pote vin leve.  
 Yo \*rale pye mwen akote e  
 bati kont mwen tout manèv destriksyon yo.  
 13 Yo \*kraze chemen m,  
 yo pwofite akoz mwen defèt nèt.  
 Pa gen moun ki anpeche yo.  
 14 Tankou nan yon gran brèch, yo vin parèt;  
 nan mitan tanpèt, yo woule.  
 15 \*Gwo perèz yo vin vire kont mwen;  
 yo tanmen gate respè mwen tankou van

\* 29:20 Jen 49:24 \* 29:21 Job 4:3 \* 29:22 Det 32:2 \* 29:25 Job 1:3 \* 30:1 Job 12:4  
 \* 30:9 Job 12:4 \* 30:10 És 50:6 \* 30:11 Sòm 32:9 \* 30:12 Sòm 140:4-5 \* 30:13 És 3:12  
 \* 30:15 Job 3:25

e bonè mwen disparèt tankou nwaj.

16 Epi koulye a ✧nanm mwen vide anndan pou kite m;  
anpil jou aflikasyon te sezi mwen.

17 Nan lannwit, li frennen ✧zo m yo anndan m  
e sa ki manje m yo pa pran repo.

18 Ak gwo fòs, vètman m vin ✧tòde sou mwen;  
li mare m nèt tankou kolye manto m.

19 Li te jete mwen nan ✧labou  
e mwen te vin tankou pousyè ak sann.

20 Mwen ✧kriye a Ou menm pou sekou, men Ou pa reponn mwen;  
mwen kanpe e Ou vin okipe m ak malveyans.

21 Ou te vin mechan anvè mwen;  
avèk fòs a men Ou, Ou ✧pèsekite m.

22 Ou ✧leve m wo sou van e fè m monte;  
epi Ou fè m fonn nèt nan yon gwo tanpèt.

23 Paske, mwen konnen ke Ou ap ✧mennen m a lanmò  
e jis rive nan gwo ✧kay asanble a  
ki prepare pou tout sila ki vivan yo.

24 Malgre, èske yon moun ki nan yon gwo pil mazi  
ki kraze nèt pa lonje men l;  
oswa nan move eta l konsa, li pa ✧kriye sekou?

25 Èske mwen pa t kriye pou sila ki gen difikilte yo?  
Èske nanm mwen pa t plen tristès pou ✧malere a?

26 Lè m ✧t ap tann sa ki bon an, se pa bon an ki te rive;  
lè m te tann limyè, alò se tenèb ki te vini.

27 Mwen fè cho nèt ✧anndan m, e m pa kab poze.  
Jou plen ak aflikasyon yo parèt devan m.

28 Mwen fè dèy toupatou san rekonfò.  
Mwen kanpe nan asanble a pou mwen ✧rele sekou.

29 Mwen te vin frè ak ✧chen mawon  
e zanmi parèy a otrich.

30 Chè m vin nwa sou mwen  
e ✧zo m yo brile ak lafyèv.

31 Pou sa, ✧ap mwen an jwe nan doulè ak tristès  
e flit mwen an nan son a sila k ap kriye yo.

## 31

1 Mwen te fè yon akò ak ✧zye m;  
alò kòman konsa mwen ta kab voye rega mwen sou yon vyèj?

2 Epi se kisa ki ✧pòsyon Bondye soti anwo a,  
oswa eritaj a Toupwisan an soti anwo a?

3 Èske sa pa yon malè pou sila ki pa jis yo  
e yon dezaz pou ✧sila ki fè inikite yo?

4 Èske Li pa ✧wè chemen mwen yo  
e kontwole tout pa mwen yo?

5 Si mwen te ✧mache nan sa ki fo

✧ 30:16 Sòm 42:4 ✧ 30:17 Job 30:30 ✧ 30:18 Job 2:7 ✧ 30:19 Sòm 69:2-14 ✧ 30:20 Job 19:7 ✧ 30:21 Job 16:9-14 ✧ 30:22 Job 9:17 ✧ 30:23 Job 9:22 ✧ 30:23 Ekl 12:5 ✧ 30:24 Job 19:7 ✧ 30:25 Job 24:4 ✧ 30:26 Job 3:25-26 ✧ 30:27 Lam 2:11 ✧ 30:28 Job 19:7 ✧ 30:29 Sòm 44:19 ✧ 30:30 Sòm 102:3 ✧ 30:31 És 24:8 ✧ 31:1 Mat 5:28 ✧ 31:2 Job 20:29 ✧ 31:3 Job 34:22 ✧ 31:4 II Kwo 16:9 ✧ 31:5 Job 15:31

e pye m te kouri dèyè twonpe moun,  
 6 Kite Li ✧peze mwen nan yon balans ki jis  
 e kite Bondye konnen entegrite m.  
 7 Si pa m yo te ✧vire kite chemen an,  
 oswa kè m te swiv zye m,  
 oswa si gen yon tach ki kole sou men m,  
 8 Kite mwen ✧simen pou yon lòt ta manje  
 e kite tout sa m plante vin rache.  
 9 Si kè m te ✧sedwi pa yon fanm,  
 oswa mwen te mize nan pòtay vwazen mwen,  
 10 Kite madanm mwen graje pou yon lòt  
 e kite ✧lòt yo vin kouche sou li.  
 11 Paske sa ta yon krim ✧sansyèl;  
 anplis, li ta yon inikite ki ta dwe jije.  
 12 Paske li ta yon dife ki pou limen jis rive  
 nan ✧Sejou Lanmò yo  
 e ta derasine tout byen mwen ranmase yo.  
 13 Si mwen te ✧refize demand a esklav mwen,  
 gason kon fanm, lè l te fè yon plent kont mwen,  
 14 Alò, kisa mwen ta kab fè lè Bondye leve?  
 Epi lè L rele m pou jijman,  
 ki repons mwen ta kab bay Li?  
 15 Èske ✧Sila ki te fè m nan vant lan pa t fè yo  
 menm tou e se menm nan ki te fòme nou nan vant lan?  
 16 Si mwen te ✧anpeche malere yo nan dezi yo,  
 oswa te fè zye a vèv la pa wè klè,  
 17 oswa te manje pòsyon pa mwen pou kont mwen  
 e ✧òfelen an pa jwen ladann,  
 18 (Men depi jenès mwen, òfelen an te grandi avè m tankou papa l  
 e soti nan anfans lan, mwen te fè gid pou vèv la),  
 19 Si mwen te wè yon moun peri akòz mank rad,  
 oswa ke ✧sila ak bezwen pa t gen anyen pou kouvri l,  
 20 Si ren li pa t beni m e si li pa t chofo ak lenn mouton mwen yo,  
 21 Si mwen te leve men m kont ✧òfelen an,  
 akòz mwen te wè mwen te gen soutyen nan pòtay la,  
 22 Kite zepòl mwen tonbe sòti nan twou zo a  
 e ✧bra mwen kase soti nan koud la.  
 23 Paske malè ki sòti nan Bondye a  
 se yon gwo perèz pou mwen e akòz ✧majeste Li,  
 pa gen anyen mwen kab fè.  
 24 Si se nan ✧lò mwen te mete konfyans mwen  
 e te rele lò fen mwen an kon espwa m,  
 25 Si mwen te ✧ògeye akòz byen mwen yo  
 te tèlman gran e akòz men m te tèlman ranmase anpil;  
 26 Si mwen te ✧gade solèy la lè l t ap brile,  
 oswa lalin nan lè li prale nan bèlte li,  
 27 Epi kè m te vin sedwi an sekre e men mwen te

✧ 31:6 Job 6:2-3 ✧ 31:7 Job 23:11 ✧ 31:8 Lev 26:16 ✧ 31:9 Job 24:15 ✧ 31:10 Det 28:30  
 ✧ 31:11 Lev 20:10 ✧ 31:12 Job 26:6 ✧ 31:13 Det 24:14-15 ✧ 31:15 Job 10:3 ✧ 31:16 Job  
 5:16 ✧ 31:17 Job 29:12 ✧ 31:19 Job 24:4 ✧ 31:21 Job 29:12 ✧ 31:22 Job 38:15 ✧ 31:23  
 Job 13:11 ✧ 31:24 Job 22:24 ✧ 31:25 Job 1:3-10 ✧ 31:26 Det 4:19

voye yon bo ki sòti nan bouch mwen,  
 28 Sa osi ta yon inikite ki te merite jijman,  
 paske mwen t ap ✨abandone Bondye anwo a.  
 29 Èske mwen te ✨rejwi lè lènmi m te vin disparèt nèt?  
 Oswa bat men m lè mal vin rive li?  
 30 Non, ✨mwen pa t kite bouch mwen peche  
 e mande pou l ta mouri avèk malediksyon.  
 31 Èske mesye nan tant mwen yo pa t di:  
 ‘Kilès ki kab twouve yon moun ki pa ✨satisfè ak vyann pa li a’?  
 32 Etranje a pa t rete deyò;  
 mwen te ouvri pòt mwen yo a vwayajè a.  
 33 Èske m te ✨kouvri transgresyon mwen yo tankou Adam  
 e kache inikite mwen nan kè mwen,  
 34 Akoz mwen te ✨krent gwo foul la,  
 te krent gwo wont lan devan lòt fanmi yo,  
 te kenbe silans mwen e pa t sòti deyò?  
 35 O ke m te gen yon moun ki pou tande mwen!  
 Gade byen, men otograf mwen; kite Toupwisan an reponn mwen!  
 Avèk pwosè vèbal ke ✨lènmi m nan te ekri a.  
 36 Anverite, mwen ta pote l sou zepòl mwen;  
 mwen ta mare l sou mwen tankou yon kouwòn.  
 37 Mwen ta deklare a Li fòs kantite pa pye mwen yo;  
 tankou ✨yon prens mwen ta parèt devan L.  
 38 Si menm ✨teren mwen an rele kont mwen  
 e tout franch li yo kriye ansanm;  
 39 Si mwen te manje fwi li san lajan,  
 oswa te ✨kòz ke mèt li yo te pèdi lavi yo,  
 40 Kite ✨pikan yo grandi olye ble  
 e zèb santi fò ranplase lòj la.” Pawòl yo a Job se fini.

## 32

1 Epi twa mesye sila yo te sispann reponn Job, akoz li te ✨dwat nan pwòp  
 zye pa li. 2 Men kòlè a Élihu, fis a Barakeel la, ✨Bizit nan fanmi a Ram  
 nan, te brile; kont Job, kòlè li te brile paske li te jistifye pwòp tèt li devan  
 Bondye. 3 Epi kòlè li te brile kont twa zanmi li yo akoz yo pa t jwenn bon  
 repons; men sepandan, yo te kondane Job. 4 Alò, Élihu te tann pou pale ak  
 Job akoz yo menm te gen anpil ane pi gran pase li. 5 Epi lè Élihu te wè ke  
 pa t gen repons ki rete nan bouch a twa mesye yo, kòlè a te brile.  
 6 Pou sa, Élihu, fis a Barakeel la, Bizit la, te pale klè, epi te di:  
 “Mwen jèn selon ane yo e nou menm, nou ✨granmoun;  
 akoz sa a, mwen te krent pou di nou sa ke m t ap panse a.  
 7 Mwen te reflechi ke se ✨laj ki te dwe pale  
 e ke anpil ane yo ta dwe bay sajès.  
 8 Men se yon lespri ki nan lòm  
 e se souf a Toupwisan an ki bay yo bon ✨konprann.  
 9 Anpil ane pa vle di saj; ni pa fwa, se pa ✨granmoun  
 ki konprann sa ki jis.

✨ 31:28 Jos 24:27 ✨ 31:29 Pwov 17:5 ✨ 31:30 Sòm 7:4 ✨ 31:31 Job 22:7 ✨ 31:33 Jen 3:10  
 ✨ 31:34 Egz 23:2 ✨ 31:35 Job 27:7 ✨ 31:37 Job 1:3 ✨ 31:38 Job 24:2 ✨ 31:39 I Wa 21:19  
 ✨ 31:40 Job 32:13 ✨ 32:1 Job 10:7 ✨ 32:2 Jen 22:21 ✨ 32:6 Job 15:10 ✨ 32:7 Job 8:8-9  
 ✨ 32:8 Job 38:36 ✨ 32:9 Job 32:7

- 10 Pou sa, mwen di koute mwen;  
mwen menm tou va di nou sa ke m panse.
- 11 Gade byen, mwen t ap tann pawòl nou yo;  
mwen te koute byen rezonman pa nou yo,  
pandan nou t ap reflechi sou sa pou di yo.
- 12 Menm mwen te swiv nou byen pre; anverite, pa t gen  
pèsòn ki te vin genyen Job.  
Nanpwen moun ki te byen reponn pawòl li yo.
- 13 Pa satisfè pou di: ✨'Nou twouve sajès;  
se Bondye ki pou chase l fè l parèt, se pa lòm.'
- 14 Paske pawòl li yo pa t pale kont mwen menm,  
ni mwen p ap reponn li ak diskou pa nou yo.
- 15 Yo fin pèdi kouraj; yo pa reponn ankò.  
Pawòl pa yo fè fayit.
- 16 Èske se tann, pou m ta tann akoz yo pa pale,  
akoz yo rete e pa reponn ankò?
- 17 Mwen menm tou va reponn pou kont mwen,  
mwen osi va bay pozisyon pa m.
- 18 Paske mwen chaje ak pawòl;  
lespri m anndan mwen ap bourade mwen.
- 19 Men gade, vant mwen tankou diven san mwayen respire;  
tankou po diven nèf, li prèt menm pou pete.
- 20 Kite mwen pale pou m kab jwenn soulajman;  
kite mwen ouvri lèw mwen pou bay repons.
- 21 Alò, pa kite mwen ✨pran pati a okenn moun,  
ni flate pèsòn.
- 22 Paske mwen pa konn flate moun,  
sof Sila ki kreye mwen an ta vin ranmase m fè m ale.

### 33

- 1 Malgre sa, koulye a, Job, souple ✨tande mesaj mwen an  
e koute tout pawòl mwen yo.
- 2 Gade byen, se koulye a mwen ouvri bouch mwen e  
se lang nan bouch mwen ki pale.
- 3 Pawòl mwen yo sòti nan ladwati a kè mwen,  
e lèw mwen pale ✨konesans ak verite.
- 4 Se ✨Lespri Bondye ki te fè m  
e souf Toupwisan an ki ban m lavi.
- 5 ✨Di m se pa sa, si ou kapab;  
alinye ou devan m e kanpe kanpe ou.
- 6 Men gade byen, mwen se moun Bondye menm jan tankou ou;  
mwen menm tou te fèt ak ✨ajil la.
- 7 Gade byen, se pa ✨okenn krent mwen menm  
ki ta bay ou laperèz,  
ni se pa akoz fòs pwa balans mwen  
ke ou ta twouve chaj la lou.
- 8 Anverite, ou te pale kote pou m ta tandè  
e mwen te tandè son a pawòl ou yo;
- 9 Job te di: "Mwen san tach, san transgresyon;



mwen inosan e \*nanpwen koupabilite nan mwen.

10 Gade byen, Li envante pretèks kont mwen;

Li \*kontwole m tankou lènmi.

11 Li \*mete pye mwen nan sèp;

Li veye tout chemen mwen yo.'

12 Gade byen Job, kite mwen di ou, \*ou pa gen rezon nan sa, paske Bondye pi gran ke lòm.

13 Poukisa ou \*plenyen kont Li?

Ke Li pa eksplike tout zak Li yo'?

14 Anverite, \*Bondye pale yon fwa, oswa de fwa, men pèsòn pa okipe sa.

15 Nan yon \*rèv, yon vizyon nan nwit,

lè dòmi pwofon kon tonbe sou lòm,

pandan yo nan somèy sou kabann yo,

16 Epi \*Li ouvri zòrèy a lòm

e mete so sou enstriksyon yo,

17 Pou Li kapab vire lòm pou chanje kondwit li

e anpeche li fè ògèy;

18 Konsa, Li \*pwoteje nanm li pou l pa rive nan fòs la

e lavi li pou l pa antre \*nan Sejou Lanmò a.

19 Lòm, anplis, resevwa chatiman \*doulè sou kabann li; avèk plent san rete jis rive nan zo li;

20 Jiskaske lavi li vin \*rayi pen e nanm li,

manje ke li te pi renmen an.

21 \*Chè li epwize vin disparèt pou moun pa wè l

e zo li yo ki pa te konn vizib pouse vin parèt.

22 \*Nanm li vin rale toupre fòs lanmò a

e lavi li, sila ki mennen lamò yo.

23 Si gen yon zanj pou ta \*entèsede pou li,

se tankou youn nan yon milye,

ki pou ta fè yon moun sonje sa k ap bon pou li,

24 Alò, Bondyè fè l gras epi di: 'Delivre li pou l pa rive nan fòs lanmò a,

mwen te twouve yon \*racha;'

25 Kite chè li vin pi fre ke li te nan jenès li,

kite li revini nan jou a fòs jenès li yo;

26 Epi li va \*priye a Bondye, Li va aksepte li,

pou l kab wè figi Li ak jwa e

ke Li kapab restore ladwati a lòm.

27 Li va chante a lèzòm, epi di: "Mwen te peche,

te konwonpi sa ki dwat e li pa t bon pou mwen.

28 Li te rachte nanm mwen pou l pa rive nan fòs lanmò a

e lavi m \*va wè limyè.'

29 Gade byen, sa pa ra; Bondye konn fè \*tout bagay

sa yo souvan ak lòm,

30 Pou \*mennen nanm li fè l sòti retounen nan fòs lanmò a,

pou l kab eklèsi ak limyè lavi a.

31 Prete atansyon, O Job, koute m byen;

\* 33:9 Job 10:14 \* 33:10 Job 13:24 \* 33:11 Job 13:27 \* 33:12 Ekl 7:20 \* 33:13 Job 40:2

\* 33:14 Job 33:29 \* 33:15 Job 4:12-17 \* 33:16 Job 36:10-15 \* 33:18 Job 33:22-30 \* 33:18

Job 15:22 \* 33:19 Job 30:17 \* 33:20 Job 3:24 \* 33:21 Job 16:8 \* 33:22 Job 33:18-28

\* 33:23 Jen 40:8 \* 33:24 Job 36:18 \* 33:26 Job 22:27 \* 33:28 Job 22:28 \* 33:29 Ef 1:11

\* 33:30 Job 33:18

rete an silans e kite mwen pale.

<sup>32</sup> Si ou gen yon bagay pou di, alò, reponn mwen; pale, paske mwen vle ba ou rezon.

<sup>33</sup> Men si non, koute mwen; rete an silans e mwen va montre ou sajès.”

## 34

<sup>1</sup> Alò, Élihu te kontinye epi te di:

<sup>2</sup> “Koute pawòl mwen yo, sila ki saj nan nou yo e koute mwen, nou menm ki gen konesans.

<sup>3</sup> Paske ✧zòrèy la teste pawòl yo jan bouch la goute manje a.

<sup>4</sup> Kite nou chwazi pou nou menm sa ki dwat; kite nou konnen pami nou menm sa ki bon.

<sup>5</sup> Paske, Job te di: “Mwen dwat, men ✧Bondye te rache dwa mwen an;

<sup>6</sup> Èske mwen ta dwe manti selon dwa m?

✧Blese m se san gerizon, san ke m pa fè transgresyon.

<sup>7</sup> Se kilès ki tankou Job,

k ap ✧bwè giyonnen moun tankou se dlo,

<sup>8</sup> Ki ale ✧kenbe konpanyen ak sila ki fè inikite yo e mache avèk moun malveyan yo?

<sup>9</sup> Paske, li te di: ✧‘Sa pa fè okenn avantaj pou moun lè l kontan ak Bondye.’

<sup>10</sup> Pou sa, koute mwen, nou menm ki gen bon konprann. Fòk se lwen pou Bondye ta ✧fè mechanste e pou Toupwisan an fè mal.

<sup>11</sup> Paske Li rekonpanse lòm selon ✧zèy li yo e fè li jwenn selon chemen li.

<sup>12</sup> Anverite, ✧Bondye p ap aji avèk mechanste, e Toupwisan an p ap fè jistis vin konwonpi.

<sup>13</sup> Se kilès ki te ✧bay Li otorite sou latè?

Epi se kilès ki te poze responsabilite tout mond lan sou Li?

<sup>14</sup> Si Li ta pran desizyon pou Li fè; si Li ta ✧ranmase a Li menm pwòp lespri Li a, menm ak souf Li a,

<sup>15</sup> Tout ✧chè ta peri ansanm e lòm ta ✧retounen nan pousyè.

<sup>16</sup> Men si gen moun bon konprann, koute sa a; koute son pawòl mwen yo.

<sup>17</sup> Èske ✧yon moun ki rayi jistis va renye?

Epi èske ou va kondane Sila ki dwat e pwisan an,

<sup>18</sup> Ka p di a yon wa: ‘Sanzave’, a prens yo: ‘nou mechan’;

<sup>19</sup> Ki p ap montre ✧patipri a prens yo,

ni rich yo kon pi enpòtan ke pòv, paske tout moun se zèy a men Li ke yo ye.

<sup>20</sup> Nan yon moman, yo mouri;

epi ✧nan mitan lannwit, yon pèp vin etone,

✧ 34:3 Job 12:11 ✧ 34:5 Job 27:2 ✧ 34:6 Job 6:4 ✧ 34:7 Job 15:16 ✧ 34:8 Job 22:15  
 ✧ 34:9 Job 21:5 ✧ 34:10 Job 8:3 ✧ 34:11 II Kor 5:10 ✧ 34:12 Job 34:10 ✧ 34:13 Job 38:4  
 ✧ 34:14 Sòm 104:29 ✧ 34:15 Jen 7:21 ✧ 34:15 Job 10:9 ✧ 34:17 II Sam 23:3 ✧ 34:19 I  
 Pi 1:17 ✧ 34:20 Egz 12:29

yo disparèt e moun pwisan yo retire san men leve.

<sup>21</sup> Paske ☆zye Li sou chemen a yon nonm e Li wè tout pa li fè.

<sup>22</sup> Nanpwen ☆fènwa, ni lonbraj fonce kote malfektè inikite yo kab kache kò yo.

<sup>23</sup> Paske Li pa ☆bezwen obsève yon nonm anpil pou li ta dwe pase an jijman devan Bondye.

<sup>24</sup> Li kraze ☆moun pwisan an an mòso san mande anyen e mete lòt moun nan plas yo.

<sup>25</sup> Pou sa, Li ☆konnen zèv yo; Li boulvèse yo nan lannwit e yo kraze nèt.

<sup>26</sup> Li ☆frape yo tankou mechan nan yon plas pou tout moun wè,

<sup>27</sup> Akoz yo ☆vire akote nan swiv Li e pa gade chemen Li yo;

<sup>28</sup> Akoz yo te fè ☆kri a malere a rive kote Li pou L ta kab tandè kri a aflije yo——

<sup>29</sup> Lè L rete an silans, se kilès ki kab kondane L? Epi lè L kache figi Li, alò, se kilès ki kab wè L, sa vle di, ni pou nasyon, ni pou lòm?——

<sup>30</sup> Se konsa pou ☆ anpeche moun ki san Bondye yo ta vin reye e vin yon pèlen pou pèp yo.

<sup>31</sup> Paske, èske yon moun te di Bondye:

“Mwen te fin sipòte kont mwen; mwen p ap fè ofans ankò;

<sup>32</sup> Enstwi mwen sa ke m pa wè;

si mwen te ☆fè inikite, mwen p ap fè l ankò’?

<sup>33</sup> Èske Li va ☆rekonpanse ak plan pa ou a, pou ou ta refize li? Paske se ou menm ki oblije chwazi; se pa mwen. Pou sa a, deklare sa ke ou konnen.

<sup>34</sup> Moun ak bon konprann va di mwen, oswa yon nonm saj ki tandè m va di:

<sup>35</sup> ‘Job ☆pale san konesans e pawòl li yo san sajès.

<sup>36</sup> Yo dwe fè pwosè kont Job jis rive nan tout limit li, akoz li reponn ☆tankou moun mechan yo.

<sup>37</sup> Paske li ogmante ☆rebelyon sou tout lòt peche li yo; li bat men li pami nou e ogmante pawòl li yo kont Bondye.’ ”

## 35

<sup>1</sup> Epi Élihu te kontinye epi te di:

<sup>2</sup> Èske ou sipoze ke sa an akò ak ☆jistis?

Èske ou ap di ladwati pa m nan depase sa k nan Bondye a?

<sup>3</sup> Paske, ou di: ‘Ki avantaj sa ye pou ou?’

Ki ☆pwofi m ap jwenn ki plis pase si m te fè peche?’

<sup>4</sup> Mwen va reponn ou menm ak zanmi ou yo tou.

<sup>5</sup> ☆Gade nan syèl yo pou wè; epi gade byen nan nwaj yo; yo pi wo pase ou.

<sup>6</sup> Si ou te peche, ☆kisa ou akonpli kont Li?

☆ 34:21 Pwov 15:3 ☆ 34:22 Sòm 139:11-12 ☆ 34:23 Job 11:11 ☆ 34:24 Job 12:19 ☆ 34:25 Job 34:11 ☆ 34:26 Sòm 9:5 ☆ 34:27 I Sam 15:11 ☆ 34:28 Job 35:9 ☆ 34:30 Job 5:15 ☆ 34:32 Job 33:27 ☆ 34:33 Job 41:11 ☆ 34:35 Job 35:16 ☆ 34:36 Job 22:15 ☆ 34:37 Job 23:2 ☆ 35:2 Job 27:2 ☆ 35:3 Job 9:30-31 ☆ 35:5 Jen 15:5 ☆ 35:6 Pwov 8:36

Epi si transgresyon ou yo anpil, kisa ou fè Li?

<sup>7</sup> Si ou jis, ✧kisa ou ba Li, oswa kisa Li ta jwenn nan men ou?

<sup>8</sup> Mechanste ou ka donmaje yon nonm tankou ou menm e ladwati ou gen benefis pou yon fis a lòm.

<sup>9</sup> Akoz ✧fòs kantite opresyon yo, yo kriye fò; yo kriye pou sekou akòz bra a pwisan yo.

<sup>10</sup> Men ✧pèsòn pa di: ‘Kote Bondye, Kreyatè mwen an, ki bay chan kè kontan yo pandan nwit lan,

<sup>11</sup> Se kilès ki ✧enstwi nou plis pase bèt latè yo e fè nou vin pi saj pase zwazo nan syèl yo?’

<sup>12</sup> La, yo ✧kriye fò, men nanpwen repons akòz ògèy a moun mechan yo.

<sup>13</sup> Anverite, ✧Bondye p ap koute yon kri ki vid, ni Toupwisan an p ap gade l.

<sup>14</sup> Konbyen, anmwens, lè ou di ou pa wè Li; ✧ka a devan L, e fòk se Li ou tann!

<sup>15</sup> Epi koulye a, akòz Li pa t fè vizit nan kòlè Li, ni Li pa t apresye awogans,

<sup>16</sup> Pou sa, Job ouvri bouch li an ven; li ogmante pawòl li yo ✧san konesans.”

## 36

<sup>1</sup> Alò, Élihu te kontinye epi te di:

<sup>2</sup> Tann mwen yon ti kras e mwen va montre ou ke jiska prezan, gen anpil bagay ankò pou di sou pati Bondye.

<sup>3</sup> M ap prale chache lespri m soti byen lwen e mwen va fè prèv ✧ladwati a Kreyatè mwen an.

<sup>4</sup> Paske, anverite, pawòl mwen yo pa fo; yon moun ki pafè nan ✧konesans vin avèk ou.

<sup>5</sup> Gade byen, Bondye pwisan, men li pa ✧meprize pèsòn; Li pwisan nan fòs konprann pa Li.

<sup>6</sup> Li pa konsève lavi a mechan yo, men Li bay jistis a ✧aflije yo.

<sup>7</sup> Li pa ✧retire zye Li sou moun ladwati yo; men avèk wa ki chita sou twòn yo, li bay yo chèz jis pou tout tan e yo egzalte.

<sup>8</sup> Epi si yo mare ak gwo fè e mare nèt nan kòd ✧aflije,

<sup>9</sup> Konsa, Li fè yo konnen travay yo, ak transgresyon yo, ke yo te leve tèt yo wo.

<sup>10</sup> ✧Li ouvri zòrèy yo pou resevwa enstriksyon e pase lòd pou yo retounen kite mechanste a.

<sup>11</sup> Si yo tande e sèvi Li, yo va fè dènye jou yo nan abondans e ane pa yo va ✧ranpli ak rejwisans.

<sup>12</sup> Men si yo pa tande; yo va peri pa nepe e yo va ✧mouri san konesans.

<sup>13</sup> Men enkwayan yo ranmase lakòlè; yo pa kriye sekou lè L mare yo.

✧ 35:7 Luc 17:10 ✧ 35:9 Egz 2:23 ✧ 35:10 Job 21:14 ✧ 35:11 Sòm 94:12 ✧ 35:12 Pwov 1:28 ✧ 35:13 Jr 11:11 ✧ 35:14 Job 31:35 ✧ 35:16 Job 34:35 ✧ 36:3 Job 8:3 ✧ 36:4 Job 37:16 ✧ 36:5 Sòm 22:24 ✧ 36:6 Job 5:15 ✧ 36:7 Sòm 33:18 ✧ 36:8 Job 36:15-21 ✧ 36:10 Job 33:16 ✧ 36:11 Sòm 16:11 ✧ 36:12 Job 4:21

- 14 Yo mouri nan jenès yo e lavi yo  
vin pèdi pami \*pwostitiye tanp yo.
- 15 Li delivre aflije yo nan afliksyon yo  
e ouvri zòrèy yo nan tan opresyon yo.
- 16 Epi anverite, Li te \* mennen ou  
lwen bouch fewòs plen ak gwo twoub la,  
pou ou jwenn yon plas ki laj e san limit;  
epi sa ki plase sou tab ou, va plen ak grès.
- 17 Men ou te ranpli ak \*jijman sou mechan yo;  
se jijman ak jistis ki te posede ou.
- 18 Fè atansyon pou \*lakòlè pa pwovoke ou  
pou moke moun; epi pa kite gwochè sa a  
\*kap vese sou tab fè ou vire akote.
- 19 Èske richès ou yo va fè ou pa antre nan gwo twoub la,  
oswa tout fòs pwisans ou konn enpeche yo?
- 20 Pa fè lanvi pou \*lannwit, lè pèp disparèt kite plas yo.
- 21 Fè atansyon; \*pa vire kote mal la,  
paske ou te chwazi sa a olye afliksyon an.
- 22 Gade byen, Bondye byen wo nan pouvwa Li;  
ki \*pwofesè ki kab tankou Li?
- 23 Se kilès ki te dirije L pou pran chemen Li an  
e kilès ki te di L \*Ou antò a?
- 24 Sonje ke ou dwe \*leve zèv Li yo wo,  
sa yo sou sila moun te konn chante yo.
- 25 Tout moun konn wè sa. Lòm gade l soti lwen.
- 26 Gade byen, Bondye leve wo e nou pa konnen Li;  
\*fòs kantite ane Li yo pa kab dekouvri menm.
- 27 Konsa, \*Li rale fè monte gout dlo yo;  
yo fòme fè lapli ki sòti nan vapè,
- 28 Ke nwaj yo fè vide desann;  
yo vin lage sou lòm an fòs kantite.
- 29 Èske pèsòn kab konprann jan \*nwaj yo vin gaye,  
tonnè k ap gwonde anwo plafon tant Li an?
- 30 Gade byen, Li gaye loray Li a toupatou Li  
e Li kouvri fon lanmè yo.
- 31 Paske, se avèk sa a ke li jije pèp yo;  
Li \*bay yo manje an gran kantite.
- 32 Li kouvri men Li ak eklè  
e \*pase lòd pou frape sou mak la.
- 33 \*Bri li deklare prezans Li;  
menm tout bèt yo konnen sa k ap vin rive a.

## 37

1 “Pou sa, menm kè mwen konn tranble  
e vòltije kite plas li.

2 Koute byen bri vwa L  
k ap \*gwonde tankou tonnè

\* 36:14 Det 23:17 \* 36:16 Os 2:14 \* 36:17 Job 22:5-11 \* 36:18 Jon 4:4-9 \* 36:18 Job  
33:24 \* 36:20 Job 34:20-25 \* 36:21 Job 36:10 \* 36:22 Job 35:11 \* 36:23 Det 32:4 \* 36:24  
Sòm 92:5 \* 36:26 Eb 1:12 \* 36:27 Sòm 147:8 \* 36:29 Job 37:11-16 \* 36:31 Trav 14:17  
\* 36:32 Job 37:11-15 \* 36:33 Job 37:2 \* 37:2 Job 37:4-5

ak bri tonnè a k ap sòti nan bouch Li.  
<sup>3</sup> Anba tout syèl la, Li lage sa nèt ale  
 e loray Li jis rive nan ✧tout pwent tè a.  
<sup>4</sup> Apre sa, yon gwo vwa ki rele fò;  
 Li gwonde ak vwa majeste Li a  
 e Li pa menm ralanti eklè yo, yo tande vwa Li.  
<sup>5</sup> Bondye gwonde avèk vwa mèvèy Li a,  
 k ap fè gwo bagay ke nou pa kab menm konprann.  
<sup>6</sup> Paske nan nèj la, Li di: ‘Tonbe sou latè’,  
 e nan ✧inondasyon lapli a,  
 Li di: ‘Kontinye tonbe fò’.  
<sup>7</sup> Li sele men a chak òm,  
 pou ✧tout moun kab konnen zèv Li yo.  
<sup>8</sup> Konsa, tout bèt sovaj va antre nan ✧kav yo  
 e rete lakay yo.  
<sup>9</sup> Men sòti nan ✧sid, tanpèt la parèt  
 e nan nò, fre di a.  
<sup>10</sup> Soti nan souf Bondye, se ✧glas ki fèt  
 e sifas dlo yo vin glasi.  
<sup>11</sup> Anplis, Li chaje vapè yo ak dlo e fè ✧nwaj la vin lou;  
 Li fè nwaj la vide ekleraj li.  
<sup>12</sup> Li chanje direksyon; Li gide l vire tounen  
 pou l kab fè nenpòt sa Li kòmande l sou tout ✧sifas tè a.  
<sup>13</sup> Se swa pou ✧koreksyon, oswa pou mond Li an,  
 oswa pou ✧lanmou dous Li a, Li fè sa vin rive.  
<sup>14</sup> Tande sa byen, O Job;  
 Kanpe e obsève mèvèy Bondye yo.  
<sup>15</sup> Èske ou konnen kijan Bondye etabli tout sila yo  
 e fè ekleraj nan nwaj Li yo vin limen?  
<sup>16</sup> Èske ou konnen bagay a chak kouch nan nwaj yo,  
 mèvèy a yon moun ki ✧pafè nan konesans?  
<sup>17</sup> Poukisa vètman ou cho lè tè a kalm akòz van sid la?  
<sup>18</sup> Èske ou ansanm avè L, ka ouvri ✧ syèl yo,  
 ak gran fòs tankou yon miwa ki fann nan dife?  
<sup>19</sup> Enstwi nou kisa pou nou ta di a Li menm;  
 ak fènwa, nou ✧pa kab byen ranje ka nou.  
<sup>20</sup> Èske yo ta dwe di Li ke mwen ta renmen pale?  
 Oswa èske yon nonm ta pito di ke li ta vle vin anglouti nèt?  
<sup>21</sup> Alò lezòm pa wè limyè ki klere nan syèl yo  
 sof ke van an fin pase e eklèsi nwaj yo.  
<sup>22</sup> Sòti nan nò, se reyon majeste an lò;  
 Bondye antoure ak majeste etonnan.  
<sup>23</sup> Toupwisan an,—nou pa kab jwenn Li;  
 Li egzalte nan pouvwa Li,  
 ✧Li p ap fè vyolans a lajistis e Li ranpli ak ladwati.  
<sup>24</sup> Se pou sa lezòm gen lakrent Li;  
 Li pa ✧konsidere okenn moun ki saj nan kè.”

✧ 37:3 Job 28:24 ✧ 37:6 Job 36:27 ✧ 37:7 Sòm 111:2 ✧ 37:8 Job 38:40 ✧ 37:9 Job 9:9  
 ✧ 37:10 Job 38:29 ✧ 37:11 Job 37:15 ✧ 37:12 És 14:21 ✧ 37:13 Egz 9:18 ✧ 37:13 I Wa  
 18:41-46 ✧ 37:16 Job 36:4 ✧ 37:18 Jr 10:12 ✧ 37:19 Job 9:14 ✧ 37:23 És 18:23-32 ✧ 37:24  
 Mat 11:25

## 38

- 1 Epi Bondye te ✨reponn Job nan van toubiyon an:  
 2 Se kilès sa a ki ✨twouble konsèy Mwen an ak pawòl san konesans yo?  
 3 Alò, mare senti ou tankou gason,  
 ✨M ap mande ou e ou va enstwi M!  
 4 Kote ou te ye ✨lè M te poze fondasyon mond lan? Pale si ou gen bon konprann,  
 5 Se kilès ki te etabli ✨mezi li? Konsi ou konnen. Oswa se kilès ki te lonje lign sou li?  
 6 Sou kilès ✨baz li yo te fonse? Oswa se kilès ki te poze ang prensipal li a,  
 7 Lè zetwal maten yo te chante ansanm e tout ✨fis Bondye yo te rele fò ak gran jwa?  
 8 Oswa se kilès ki te ✨delimite lanmè a ak pòt lè l te pete sòti nan vant lemonn nan;  
 9 Lè M te fè yon nwaj sèvi vètman li e fènwa byen pwès kon rad anfans li,  
 10 Epi Mwen te ✨plase lizyè sou li e te kadnase pòt li yo,  
 11 Epi Mwen te di: Men la, ou va rive e pa plis; men la vag ògèy ou va rete’?  
 12 Èske pandan tout vi ou, ou te pase lòd pou maten rive e fè solèy granmaten an konnen plas li,  
 13 Pou l ta kenbe sou pwent late e ✨mechan yo vin souke l nèt pou yo sòti ladann?  
 14 Li vin chanje tankou ajil anba yon so; epi yo kanpe la tankou yon abiman.  
 15 ✨Sou mechan yo, limyè yo retire e bwa souleve a vin kase.  
 16 Èske ou konn antre nan sous lanmè yo, oswa mache nan fon pwofondè a?  
 17 Èske pòtay lanmò yo te konn vin vizib a ou menm, oswa èske ou konn wè pòtay ✨lonbraj lanmò yo?  
 18 Èske ou te konprann gwosè ak lajè tout ✨tè a? Di M si ou konnen tout sa a.  
 19 Kote chemen an ye pou rive nan abitasyon limyè a? Epi tenèb la, kote landwa li,  
 20 Pou ou ta mennen li nan ✨peyi li e pou ou ta kab konprann chemen pou rive lakay li?  
 21 Fòk ou konnen paske ✨ou te fèt avan sa, e kantite jou ou yo vast!  
 22 Èske ou konn antre nan ✨kay depo nèj yo, oswa èske ou konn wè kay depo pou lagrèl yo,  
 23 Ke M te rezève pou tan twoub la, pou jou lagè ak batay la?  
 24 Kote chemen a ki pou fè ✨limyè a divize a oswa ki kote van lès la te gaye sou tè a?

✨ 38:1 Job 40:6 ✨ 38:2 Job 35:16 ✨ 38:3 Job 42:4 ✨ 38:4 Sòm 104:5 ✨ 38:5 Pwov 8:29  
 ✨ 38:6 Job 26:7 ✨ 38:7 Job 1:6 ✨ 38:8 Sòm 104:6-9 ✨ 38:10 Pwov 8:29 ✨ 38:13 Job 34:25-26  
 ✨ 38:15 Job 5:14 ✨ 38:17 Job 10:21 ✨ 38:18 Job 28:24 ✨ 38:20 Job 26:10 ✨ 38:21 Job 15:7  
 ✨ 38:22 Job 37:6 ✨ 38:24 Job 26:10

25 Se kilès ki te kreve yon kanal pou gran inondasyon an,  
 oswa yon chemen pou eklè ak tonnè a,  
 26 Pou mennen ✧lapli nan yon teren kote nanpwen moun,  
 nan yon dezè san pèsòn ladann,  
 27 Pou ✧satisfè yon peyi savann dezole  
 e fè grenn zèb yo vin jèmen.  
 28 Èske lapli gen papa?  
 Oswa se kilès ki te reyisi fè gout lawozay yo?  
 29 Nan ki vant manman a sila ✧glas la te sòti?  
 Epi fredri syèl la, se kilès ki te fè nesans li?  
 30 Dlo vin di tankou wòch  
 e sifas pwofondè a vin prizonye ladann.  
 31 Èske ou konn mare chenn zetwal ✧Pleiades yo,  
 oswa lage kòd zetwal Orion yo?  
 32 Èske ou kab mennen fè parèt tout sign Zodyak yo nan sezon yo,  
 oswa gide zetwal Gran Lous la ak pitit li yo?  
 33 Èske ou konnen tout ✧règleman syèl la,  
 oswa èske ou kab etabli règleman pa yo sou tè a?  
 34 Èske ou kab leve vwa ou rive nan nwaj yo,  
 pou fè ✧gwo kantite dlo vin kouvri ou?  
 35 Èske ou kab ✧voye ekleraj yo pou yo rive di ou: ‘Men nou isit la’?  
 36 Se kilès ki te ✧mete sajès nan kè lòm,  
 oswa te bay bon ✧konprann nan panse a?  
 37 Se kilès ki kab konte nwaj yo ak sajès,  
 oswa ✧vide gwo krich dlo syèl yo,  
 38 Pou pousyè a vin di nan yon gwo ma dlo  
 e bòl tè yo vin kole ansanm?  
 39 Èske ou kab fè lachas pou bay lyon ✧manje,  
 oswa satisfè apeti a jenn ti lyon yo,  
 40 Lè yo ✧kouche nan kav pa yo  
 e kouche tann pèlen bò lakay yo?  
 41 Se ✧kilès ki prepare manje pou kòbo a  
 lè pitit li rele Bondye e mache gaye grangou?

### 39

1 Èske ou konnen lè kabrit mòn yo fè pitit?  
 Èske ou konn wè lè ✧sèf yo metba?  
 2 Èske ou kab kontwole mwa ke yo rete plenn yo,  
 oswa èske ou konnen lè yo fè pitit?  
 3 Yo bese a jenou, yo pouse fè pitit yo parèt,  
 yo fòse fè doule yo fini nèt.  
 4 Pitit yo vin fò, yo grandi nan chan lib;  
 yo ale e yo pa retounen kote yo.  
 5 Se kilès ki te fè ✧bourik mawon yo vin lib?  
 Epi kilès ki te lache kòd ki te mare sou bourik kous la,  
 6 A kilès Mwen te bay ✧savann nan kon abitasyon li an

✧ 38:26 Job 36:27 ✧ 38:27 Sòm 104:13-14 ✧ 38:29 Job 37:10 ✧ 38:31 Job 9:9 ✧ 38:33 Sòm 148:6 ✧ 38:34 Job 22:11 ✧ 38:35 Job 36:32 ✧ 38:36 Sòm 51:6 ✧ 38:36 Job 32:8 ✧ 38:37 Job 38:34 ✧ 38:39 Sòm 104:21 ✧ 38:40 Job 37:8 ✧ 38:41 Sòm 147:9 ✧ 39:1 Sòm 29:9 ✧ 39:5 Job 6:5 ✧ 39:6 Jr 2:24



e tè sale a kon kote pou l rete a?

<sup>7</sup> Li pa bay valè a zen lavil la;

kri a chofè yo, li pa okipe yo.

<sup>8</sup> Li chache nan tout mòn yo pou manje l  
e chache jwenn tout sa ki vèt.

<sup>9</sup> Èske ✨bèf mawon va dakò pou sèvi ou,  
oswa èske l ap pase nwit lan devan manjwa ou?

<sup>10</sup> Èske ou kab mare bèf mawon a ak kòd pou l  
rete nan ranp li, oswa èske l ap boulvèse jaden an dèyè w?

<sup>11</sup> Èske ou va fè l konfyans akoz gran fòs li  
e kite l responsab travay ou?

<sup>12</sup> Èske ou va mete lafwa ou nan li pou li remèt  
sereyal ou bay ou e menm ranmase li sou glasi ou?

<sup>13</sup> Zèl a otrich yo bat anlè ak gran jwa,  
ak zèl ak plimaj lanmou,

<sup>14</sup> Men li abandone pwòp ze li yo sou latè a  
pou yo ka chofe yo nan pousyè,

<sup>15</sup> Li bliye si yon grenn pye kraze yo,  
oswa yon bèt sovaj kab foule yo.

<sup>16</sup> Li maltrete pitit li yo ✨ak mechanste, konsi yo pa t pou li;  
menm si tout travay li ta an ven, sa pa regade l;

<sup>17</sup> Akoz Bondye te fè li bliye sajès li  
e pa t bay li yon pòsyon bon konprann.

<sup>18</sup> Lè l leve kò l anlè, li giyonnen cheval la ak chevalye a.

<sup>19</sup> Èske se ou ki te bay cheval la fòs?

Èske ou te abiye kou li ak krenyen?

<sup>20</sup> Èske ou fè l vòltije tankou yon krikèt?

✨Gran souf ki sòti nan nen l byen etonnan.

<sup>21</sup> Pye li fouye tè a nan vale a e li kontan de fòs li;  
li ✨sòti parèt pou rankontre zam yo.

<sup>22</sup> Li ri sou danje e li pa gen lakrent;  
ni li pa vire fè bak devan nepe.

<sup>23</sup> Fouwo soukwe akote l,  
lans k ap briye a, ak gwo frenn nan.

<sup>24</sup> Byen anraje e tranblan, li fè kous sou tè a  
e li p ap kanpe lè vwa twonpèt la sone.

<sup>25</sup> Depi twonpèt la sone li di: 'Aha!'

Soti lwen, li pran sant batay la, tonnè a kapitèn yo ak kri gè a.

<sup>26</sup> Èske se pa bon konprann ou ke malfini an  
konn vole anlè, avèk zèl li lonje vè sid?

<sup>27</sup> Èske se pa kòmand pa ou ke èg la monte wo  
pou fè ✨nich li nan wotè?

<sup>28</sup> Anwo sou falèz la, li rete e fè abitasyon li,  
sou kwen wòch yon kote ki pa kab pwoche.

<sup>29</sup> Se la li ✨veye manje li;  
zye li wè l soti lwen.

<sup>30</sup> Pitit li yo, anplis, konn souse san;  
epi ✨kote mò yo ye; se la, li ye.

✨ 39:9 Sòm 22:21 ✨ 39:16 Lam 4:3 ✨ 39:20 Jr 8:16 ✨ 39:21 Jr 8:6 ✨ 39:27 Jr 49:16

✨ 39:29 Job 9:26 ✨ 39:30 Mat 24:28

## 40

- 1 Epi SENYÈ a te di a Job:  
 2 “Èske li k ap jwenn fot va ✧fè kont ak Tou Pwisan a?  
 Kite li ki repwòche Bondye reponn sa.”  
 3 Epi Job te reponn SENYÈ a epi te di:  
 4 “Anverite, mwen pa anyen; ki repons mwen kab bay Ou?  
 Mwen ✧poze men m sou bouch mwen.  
 5 Yon fwa mwen te pale e ✧mwen pa replike;  
 menm de fwa e mwen pa gen anyen pou m ta mete anplis.”  
 6 Epi ✧SENYÈ a te reponn nan mitan toubiyon an, epi te di:  
 7 Alò, mare senti ou kon gason;  
 Mwen va ✧mande ou yon bagay e ou va enstwi M.  
 8 Èske anverite ou va anile jijman Mwen an?  
 Èske ou va kondane Mwen pou ou menm kab jistifye?  
 9 Oswa èske ou gen yon bra tankou Bondye,  
 ak yon vwa ki ka ✧gwonde tankou pa Li a?  
 10 ✧Abiye ou menm ak mayifisans ak grandè  
 e mete sou ou lonè ak laglwa.  
 11 Vide fè paret nèt tout lakòlè k ap ✧debòde nan ou.  
 Fè yon ti gade sou tout sila ki gen ogèy yo e desann yo.  
 12 Fè rega sou tout sila ki gen ogèy yo e ✧fè yo imilye yo,  
 foule mechan yo nèt kote yo kanpe.  
 13 ✧Kache yo ansanm nan pousyè a;  
 mare yo nan plas kache a.  
 14 Epi konsa M ap konfese a ou menm  
 ke se pwòp men dwat ou ki kab sove ou.  
 15 Gade byen Beyemòt la ✧ke M te fè  
 menm tankou Mwen te fè w la;  
 Li manje zèb tankou bèf.  
 16 Gade koulye a, fòs li nan ren li  
 e pouvwa li nan gwo venn a vant li yo.  
 17 Li koube ke li tankou yon sèd;  
 venn nan kwis li yo koude ansanm nèt.  
 18 Zo li se tiyo ki fèt an bwonz;  
 janm li tankou ba fè.  
 19 Li se ✧premye nan chemen Bondye a;  
 fòk se Sila ki fè l la, ki pou pwoche nepe li.  
 20 Anverite, mòn yo ✧mennen bay li manje  
 e tout bèt sovaj latè yo jwe la.  
 21 Anba zèb dlo, li kouche;  
 nan kouvèti wozo a ak marekaj la.  
 22 Plant dlo yo kouvri li ak lonbraj;  
 bwa sikrèn k ap koule dlo a antoure li.  
 23 Lè rivyè a vin anraje, li pa twouble;  
 li gen konfyans malgre ✧Jourdain an rive jis nan bouch li.  
 24 Èske gen moun ki kab kaptire li lè l ap veye;  
 menm ak pwent anfe, èske yon moun kab pèse nen l?

✧ 40:2 És 45:9 ✧ 40:4 Job 21:5 ✧ 40:5 Job 9:3-15 ✧ 40:6 Job 38:1 ✧ 40:7 Job 38:3  
 ✧ 40:9 Job 37:5 ✧ 40:10 Sòm 93:1 ✧ 40:11 És 42:25 ✧ 40:12 I Sam 2:7 ✧ 40:13 És 2:10-12  
 ✧ 40:15 Job 40:19 ✧ 40:19 Job 41:33 ✧ 40:20 Sòm 104:14 ✧ 40:23 Jen 13:10

## 41

1 Èske ou ka rale ✧Levyatan an deyò ak yon zen lapèch?  
 Oswa peze lang li desann ak yon kòd?  
 2 Èske ou kab ✧mete yon kòd nan nen l,  
 oswa pèse machwè l ak yon zen?  
 3 Èske l ap fè ou anpil siplikasyon,  
 oswa èske l ap pale ak ou ak pawòl dous?  
 4 Èske l ap fè yon akò avèk ou?  
 Èske ou va pran l pou yon sèvitè pou tout tan?  
 5 Èske ou va jwe avè l konsi se yon zwazo,  
 oswa èske ou va mare li pou demwazèl ou yo?  
 6 Èske komèsan yo va fè komès avè l?  
 Èske y ap divize li pami machann yo?  
 7 Èske ou kab plen po li ak gwo lans,  
 oswa tèt li ak fren lapèch?  
 8 Poze men ou sou li; sonje batay la byen;  
 ou p ap fè l ankò!  
 9 Gade byen, esperans ou fo;  
 èske ou va vin bese ou menm devan rega li?  
 10 Nanpwen moun ki gen kouraj ase pou l ta tante ✧fè l leve;  
 ebyen, se kilès li ye ki kab kanpe devan M?  
 11 Kilès ki te ✧ban Mwen yon bagay pou M ta rekonpanse li?  
 Tout bagay anba tout syèl la se pa M.  
 12 Mwen p ap rete an silans akòz manm li yo,  
 oswa gran pwisans li, oswa jan kò l byen òganize.  
 13 Se kilès ki kab retire pwotèj eksteyè li?  
 Kilès ki kab penetre pwotèj fèt ak chenn doub?  
 14 Kilès ki kab ouvri pòt figi li?  
 Gwo laperèz antoure dan l.  
 15 Gwo kal li yo se gran ògèy li;  
 yo fèmen byen byen di.  
 16 Youn tèlman pre lòt ke menm lè pa kab pase antre yo.  
 17 Yo jwenn youn ak lòt;  
 yo kole yo chak youn sou lòt e yo pa kab separe.  
 18 Lè li estène, li fè limyè vin parèt  
 e zye li tankou ✧pòpyè zye nan maten.  
 19 Tòch dife yo sòti nan bouch li;  
 sann volan yo vòltije vin parèt.  
 20 Sòti nan nen l, se lafimen;  
 konsi k ap sòti nan yon gwo bonm k ap bouyi,  
 oswa fèy sèch k ap pran dife.  
 21 Souf li kon chabon limen  
 e yon flanm sòti nan bouch li.  
 22 Kou li se yon rezèvwa fòs  
 e dekourajman vòlitje devan l.  
 23 Tout pli sou chè li vin jwenn ansanm;  
 byen solid sou li e yo pa kab deplase.  
 24 Kè li di tankou wòch,  
 di menm tankou gwo wòch moulen.

25 Lè l leve pi pwisan yo vin pè;  
 akoz gwo son kraze brize a yo fè bak nèt.  
 26 Nepe ki rive kote li pa kab fè anyen,  
 ni gwo lans lan, flèch la, ni frenn nan.  
 27 Pou li fè se konsi se pay; bwonz se tankou bwa pouri  
 28 Flèch pa kab fè l sove ale;  
 wòch fistibal se kras raje devan l.  
 29 Baton yo menm se pay;  
 li ri lè frenn nan kouri vin jwenn l.  
 30 Pati anba li se tankou cha kanari;  
 li gaye tankou yon baton ki vannen sou labou.  
 31 Li fè pwofondè li yo bouyi tankou yon bonm;  
 li fè lanmè a vin tankou yon bokal pomad.  
 32 Dèyè l, li fè yon pa dlo kimen briye;  
 konsi ou ta konnen se cheve blanch k ap soti nan fon dlo a.  
 33 Nanpwen ✧anyen sou latè ki tankou li;  
 yon bèt ki fèt san pè anyen.  
 34 Li gade sou tout bagay ki wo;  
 Li se wa sou tout ✧fis ògèy yo.

## 42

1 Job te reponn SENYÈ a epi te di:  
 2 “Mwen konnen ke ✧Ou ka fè tout bagay  
 e ke nanpwen volonte Ou ki kab detounen;”  
 3 Bondye te di: ‘Kilès sila ki ✧kache konsèy san konesans lan?’  
 Job te reponn: “Konsa, mwen te deklare sa ke m pa t konprann nan;  
 bagay twò bèl pou mwen ke m pa t konnen yo”.  
 4 Bondye te di: ‘Koute mwen, e mwen va pale;  
 mwen va ✧mande Ou e Ou va enstwi mwen.’  
 5 Job te reponn: “Mwen te ✧tande pawòl a Ou nan zòrèy mwen;  
 men koulye a, zye m wè Ou;  
 6 Akoz sa a, mwen fè bak nèt e mwen repanti nan pousyè ak sann yo.”  
 7 Li te vin rive apre SENYÈ a te pale pawòl sa yo a Job, ke SENYÈ a te di  
 a Élip haz, Temanit lan: “Lakòlè mwen limen kont ou e kont de zanmi ou  
 yo, akoz ou pa t pale selon Mwen sa ki dwat, ✧tankou sèvitè Mwen Job te  
 fè a. 8 Alò, pou sa, pran pou nou menm sèt towò avèk sèt belye, rive kote  
 sèvitè Mwen an Job, e ofri yon ✧ofrann brile pou nou menm; epi sèvitè  
 Mwen an, Job, va priye pou nou. Paske Mwen va aksepte li jis pou m pa aji  
 avèk nou selon foli nou, akoz nou pa t pale selon Mwen sa ki bon, tankou  
 sèvitè Mwen Job te fè a.  
 9 Konsa, Élip haz, Temanit lan avèk Bildad, Shouachyen an ak Tsophar,  
 Naamatit la te ale fè sa ke SENYÈ a te di yo; epi SENYÈ a te aksepte Job.  
 10 SENYÈ a te ✧restore Job ak tout byen li ak pozisyon li lè l te priye pou  
 zanmi li yo e SENYÈ a te remèt tout sa li te genyen miltipliye de fwa anplis.  
 11 Epi tout ✧frè li yo ak sè li yo ak tout moun ki te konnen l oparavan yo  
 te vin kote li e yo te manje pen avèk li lakay li; epi yo te rekonfòte li e  
 konsole li akoz tout twoub ke SENYÈ a te mennen sou li yo. Epi yo chak te  
 bay li yon pyès lajan ak yon bag an lò.

✧ 41:33 Job 40:19 ✧ 41:34 Job 28:8 ✧ 42:2 Jen 18:14 ✧ 42:3 Job 38:2 ✧ 42:4 Job 38:3  
 ✧ 42:5 Wo 10:17 ✧ 42:7 Job 40:3-5 ✧ 42:8 Job 1:5 ✧ 42:10 Sòm 85:1-3 ✧ 42:11 Job 19:13

12 ✨SENYÈ a te beni dènnye jou a Job yo plis pase premye yo; epi li te gen katòz-mil mouton ak si-mil chamo, ak mil bèf kabwèt ak mil femèl bourik.  
13 ✨Li te gen sèt fis ak twa fi. 14 Li te rele premye a Jemima, dezyèm nan Ketsia, twazyèm nan Kéren-Happuc. 15 Nan tout peyi a, pa t gen fanm ki te bèl tankou fi a Job yo; epi papa yo te bay yo yon eritaj pami frè yo.  
16 Apre sa, Job te viv pandan san-karant lane e te wè fis li yo ak pitit a fis li yo, jis rive nan kat jenerasyon. 17 Konsa, ✨Job te mouri, granmoun e plen ak jou.

# SÒM YO

## Liv I

### 1

- 1 Beni se nonm ki ✨pa mache nan konsèy mechan yo  
Ni kanpe nan pa pechè yo, ni chita nan chèz mokè yo
- 2 Men ✨gran plezi li se ✨nan lalwa SENYÈ a, Sou lalwa Li, li reflechi lajounen kon lannwit nwit.
- 3 Li va tankou yon ✨pyebwa ki plante bò kote flèv dlo ki bay fwi li nan sezon li e fèy li p ap janm fane; epi nan tout sa li fè li byen reyisi.
- 4 Mechan yo pa konsa; men, yo tankou ✨pay ke van an pouse ale.
- 5 Pou sa, mechan yo p ap kanpe nan chèz ✨jijman an, ni pechè yo nan asanble ak moun dwat yo,
- 6 Paske SENYÈ a ✨konnen chemen a sila ki dwat yo, men chemen a mechan yo va disparèt.

### 2

- 1 Poukisa nasyon yo ap boulvèse konsa e pèp yo fomete yon vye bagay?
- 2 Wa latè yo pran pòz yo e chèf yo pran konsèy ansanm kont SENYÈ a e ✨kont onksyone pa Li a:
- 3 “Annou ✨chire chenn sa yo e jete kòd ki mare Nou yo!”
- 4 Sila ki chita nan syèl la, ✨ri; SENYÈ a ap moke yo.
- 5 Anplis, Li va pale avèk yo nan ✨kòlè Li; Epi fè yo sezi nan kòlè Li
- 6 Men pou Mwen menm, Mwen fin plase Wa Mwen an sou Sion, ✨mòn sen Mwen an.
- 7 Anverite, Mwen va pale selon deklarasyon SENYÈ a; Li te di Mwen: “Ou se ✨Fis Mwen; se jodi a, Mwen te fè Ou.
- 8 Mande Mwen e anverite, Mwen va bay Ou ✨nasyon yo kon eritaj, jis rive nan ✨dènye pwent latè kon posesyon pa Ou.
- 9 Ou va ✨kase yo avèk yon baton fè, Ou va ✨kraze yo tankou veso kannari.’”

✨ 1:1 Pwov 4:14 ✨ 1:2 Sòm 119:14-35 ✨ 1:2 Jos 1:8 ✨ 1:3 Sòm 92:12-14 ✨ 1:4 Sòm 5:5  
✨ 1:5 Sòm 9:7,8,16 ✨ 1:6 Na 1:7 ✨ 2:2 Jn 1:41 ✨ 2:3 Jr 5:5 ✨ 2:4 Sòm 37:13 ✨ 2:5 Sòm 21:8-9  
✨ 2:6 Sòm 48:1-2 ✨ 2:7 Trav 13:33 ✨ 2:8 Sòm 22:27 ✨ 2:8 Sòm 67:7 ✨ 2:9 Rev 2:26-27 ✨ 2:9 Sòm 28:5

10 Konsa, O wa yo, ✨sèvi ak sajès;  
Fè atansyon, O jij sou latè yo.

11 Adore SENYÈ a avèk gran respè e  
rejwi avèk ✨tranbleman.

12 Fè omaj a Fis la, pou L pa vin fache,  
epi ou ta mouri nan chemen an. Paske  
gwo chalè li kab limen ase vit. A la beni  
tout sila ki ✨kache nan Li yo beni!

### 3

Yon Sòm a David lè l te sove ale devan Absalom, fis li a

1 O SENYÈ, gade kijan ✨lènmi mwen yo ap miltipliye;  
Anpil moun leve kont mwen.

2 Anpil moun pale de nanm mwen; “Nanpwen  
✨delivrans pou li nan Bondye.” {Tan}

3 Men Ou menm, O SENYÈ, se yon pwotèj ki  
antoure mwen, glwa mwen e Sila ki ✨fè tèt  
mwen leve a.

4 Mwen t ap kriye a SENYÈ a ak vwa mwen,  
epi Li te ✨reponn mwen soti nan mòn sen  
Li an {Tan}

5 Mwen ✨te kouche e dòmi; mwen te leve, paske  
se SENYÈ a ki ban m fòs.

6 Mwen p ap pè menm dè milye de moun ki  
ta ✨pran pozisyon kont mwen e antoure  
mwèn.

7 Leve, O SENYÈ: Sove mwen, O Bondye mwen;  
Paske Ou te souflete tout lènmi mwen yo;  
Ou te ✨kraze dan a mechan yo

8 ✨Delivrans se nan SENYÈ a; Ke benediksyon Ou  
poze sou pèp Ou a.

### 4

Pou direktè koral la; sou enstriman ak fil yo; yon sòm David

1 Reponn mwen lè m rele Ou, O Bondye  
ladwati mwen; Ou te fè m pran souf  
nan gran twoub mwen an.

✨Fè m gras e tandè lapriyè mwen.

2 O fis a lòm yo, jiskilè laglwa Mwen va devni  
yon repwòch? Jiskilè ou va renmen sa  
Ki san valè e ✨tante twonpe moun? {Tan}

3 Men konnen ke SENYÈ a te mete nonm  
Bondye a apa pou Li menm. SENYÈ a  
✨tandè lè m fè apèl Li.

4 Tranble, men ✨pa fè peche; ✨reflechi nan kè ou  
sou kabann ou e rete kalm

5 Ofri sakrifis ladwati yo e ✨mete konfyans

✨ 2:10 Pwov 8:15 ✨ 2:11 Sòm 119:119-120 ✨ 2:12 Sòm 5:11 ✨ 3:1 II Sam 15:12 ✨ 3:2  
Sòm 22:7-8 ✨ 3:3 Sòm 27:5 ✨ 3:4 Sòm 4:3 ✨ 3:5 Lev 26:6 ✨ 3:6 Sòm 118:10-13 ✨ 3:7  
Sòm 57:4 ✨ 3:8 Sòm 28:8 ✨ 4:1 Sòm 25:16 ✨ 4:2 Sòm 31:18 ✨ 4:3 Sòm 6:8-9 ✨ 4:4 Ef  
4:26 ✨ 4:4 Sòm 77:6 ✨ 4:5 Sòm 37:3-5

SENYÈ a.

<sup>6</sup> Anpil ap di: ✧“Kilès ki kab montre nou yon bagay ki bon?” Leve wo limyè a vizaj Ou devan nou,

SENYÈ!

<sup>7</sup> Ou te mete ✧lajwa nan kè m plis pase lè gwo rekòlt sereyal mi ak diven nèf vin parèt.

<sup>8</sup> Anpè, mwen va kouche pou dòmi, paske Ou sèl, SENYÈ, fè m viv ansekirite.

## 5

Pou Direktè koral yo; fèt pou akonpanye ak flit. Yon Sòm David. Yon sòm David

<sup>1</sup> ✧Prete zòrèy Ou a pawòl mwen yo, O SENYÈ; konsidere plent mwen yo, O SENYÈ.

<sup>2</sup> Koute bri kri sekou mwen yo,

✧Wa mwen e Bondye mwen.

Pou Ou menm, mwen ap priye.

<sup>3</sup> Nan maten O SENYÈ, Ou va tande vwa mwen; Nan maten mwen va adrese lapriyè mwen;

✧tann epi veye

<sup>4</sup> Paske Ou se pa yon Bondye ki gen plezi nan mechanste; ✧nanpwen mal ki rete avèk Ou.

<sup>5</sup> Sila ki plen ògèy p ap kab kanpe devan zye Ou;

✧Ou rayi tout sila ki fè inikite yo.

<sup>6</sup> Ou ✧detwi sila ki pale sa ki fo yo. SENYÈ a rayi yon nonm ki vèse san e ki twonpe moun.

<sup>7</sup> Men pou mwen, pa gran lanmou dous Ou a mwen va antre lakay Ou. Nan tanp sen Ou an Mwen va pwostène mwen nèt an adorasyon.

<sup>8</sup> O SENYÈ, mennen m ✧nan ladwati Ou akoz lènmi mwen yo; fè chemen Ou dwat devan mwen.

<sup>9</sup> Nanpwen anyen stab nan pawòl pa yo;

Anndan yo se pouriti menm.

✧Gòj yo se yon tonm ki louvri; yo fè flatè ak lang yo.

<sup>10</sup> Kenbe yo koupab, O Bondye; selon pwòp manèv pa yo, kite yo tonbe! Nan fòs kantite peche yo pouse yo deyò; paske se ✧rebèl yo ye kont Ou.

<sup>11</sup> Men kite tout sila ki pran refij nan Ou yo, ✧fè kè kontan; kite yo toujou chante ak kè kontan; akoz Ou fèabri pou yo. Kite sila ki renmen non Ou yo, kapab fè kè kontan nan Ou.

<sup>12</sup> Paske se Ou menm ki beni nonm ki dwat la, O SENYÈ. Ou ✧antoure li avèk gras Ou tankou yon boukliye.

✧ **4:6** Job 7:7 ✧ **4:7** És 9:3 ✧ **5:1** Sòm 54:2 ✧ **5:2** Sòm 84:3 ✧ **5:3** Sòm 130:5 ✧ **5:4** Sòm 92:15 ✧ **5:5** Sòm 11:5 ✧ **5:6** Sòm 52:4-5 ✧ **5:8** Sòm 31:1 ✧ **5:9** Wo 3:13 ✧ **5:10** Sòm 107:10 ✧ **5:11** Sòm 64:10 ✧ **5:12** Sòm 32:7-10



## 6

Pou direktè koral la; avèk enstriman ak fil yo sou yon gita uit kòd.

Yon sòm David.

- 1 O SENYÈ, ✧pa repwoche mwen nan kòlè Ou;  
Ni ba m chatiman nan fachèz Ou
- 2 Fè m gras, O SENYÈ, paske mwen chagren anpil;  
✧Geri mwen, O SENYÈ, paske zo m yo rele  
anmwey,
- 3 Epi ✧nanm mwen fè gwo chagren;  
Men Ou, O SENYÈ,—jiskilè?
- 4 Retounen, O SENYÈ, ✧fè nanm mwen chape;  
Sove mwen akòz lanmou dous Ou a.
- 5 Paske mò yo ✧pa rele non Ou; nan andwa kote  
mò yo ye a, se kilès k ap bay Ou remèsiman?
- 6 Mwen bouke ak plent ki sòti anndan m.  
Chak nwit, kabann mwen vin naje ak dlo.  
✧Dlo ki sòt nan zye m yo fin gate kabann nan.
- 7 ✧Zye m pouri nèt ak gwo doulè; yo vin vye  
nèt akòz tout advèsè mwen yo.
- 8 ✧Sòti sou mwen, nou tout ki fè mechanste yo,  
Paske SENYÈ a te tande gwo kri mwen.
- 9 SENYÈ a te tande demand priyè mwen;  
SENYÈ a ✧te resevwa lapriyè mwen.
- 10 Tout lènmi mwen yo va wont e deranje nèt;  
Yo va vire fè bak ✧sibitman; yo va vin wont anpil.

## 7

Yon Sòm David, ke li te chante a SENYÈ a pou yon moun tribi Benjamin ki te rele Cùsh.

- 1 O SENYÈ Bondye mwen an; ✧nan Ou mwen kache;  
Sove mwen de tout sila k ap kouri dèyè m yo e  
fè m sekou,
- 2 Sof ke li ta chire nanm mwen ✧tankou yon lyon,  
epi rale m akote pandan pa gen moun pou delivre m.
- 3 O SENYÈ mwen, si mwen menm te fè sa,  
si gen ✧enjstis nan men m,
- 4 Si mwen te rekonpanse mal a zanmi mwen,  
oswa te ✧piyajè sila ki te lènmi mwen a  
san koz la,
- 5 Kite lènmi an kouri dèyè nanm mwen jiskaske li pran l;  
Epi kite li foule lavi mwen jis atè.  
Fè glwa mwen kouche nèt nan pousyè a. {Tan}
- 6 Leve, O SENYÈ, nan kòlè Ou; leve Ou menm  
kont ✧raj ladvèsè mwen yo.  
Leve, Ou menm pou mwen; Ou menm ki  
te etabli jijman an.
- 7 Kite asanble ✧ a tout pèp yo antoure Ou;

✧ 6:1 Sòm 38:1 ✧ 6:2 Os 6:1 ✧ 6:3 Sòm 88:3 ✧ 6:4 Sòm 17:13 ✧ 6:5 Ekl 9:10 ✧ 6:6  
Sòm 42:3 ✧ 6:7 Job 17:7 ✧ 6:8 Mat 7:23 ✧ 6:9 Sòm 66:19-20 ✧ 6:10 Sòm 73:19 ✧ 7:1  
Sòm 31:1 ✧ 7:2 Sòm 57:4 ✧ 7:3 I Sam 24:11 ✧ 7:4 I Sam 24:7 ✧ 7:6 Sòm 138:7 ✧ 7:7  
Sòm 22:27

Epi kon chèf sou yo, retounen Ou menm an wo.

8 Se SENYÈ a ki jije pèp yo; ✨fè m jistis

O SENYÈ, selon ladwati mwen ak jan mwen kanpe fèm.

9 Alò, mete fen a mechanste malfektè yo;

Men etabli sila ki dwat yo; paske, se ladwati Bondye ki ✨fè prèv nan kè avèk panse moun.

10 Boukliye mwen se avèk Bondye,

Ki ✨sove sila ki dwat yo

11 Bondye se yon jij ki jis e ki ✨rayi enjistis chak jou.

12 Si yon nonm pa repanti, La p ✨file nepe Li;

Li deja koube banza li; li prèt.

13 Anplis, Li fin prepare pou kont Li, zam mòtèl yo;

Li fè flèch ak shaf ki brile yo;

14 Gade byen, l ap lite nan mechanste,

Li plante jèm mechanste a, epi li ✨vin bay nesans a tout sa ki fo.

15 Li te fouye yon twou, kreve l nèt e vin

✨tonbe nan twou ke li te fè a.

16 ✨Mechanste li va retounen sou pwòp tèt li

e vyolans pa li ap desann sou pwòp fwon li.

17 Mwen va bay remèsiman a SENYÈ a

✨selon ladwati Li.

## 8

Pou direktè koral la; jwe sou gitit la.

Yon sòm David.

1 O SENYÈ, Senyè nou an,

A la non Ou gran sou tout latè,

ki te ✨fè parèt klè mayifisans Ou

piwo pase syèl yo!

2 ✨Soti nan bouch a ti bebe ki fenk fèt yo,

ak timoun k ap tete yo, Ou te etabli pwisans Ou,

akoz advèsè Ou yo,

pou fè lènmi an avèk vanjè a sispann.

3 Lè m reflechi sou syèl Ou yo, zèv men Ou yo,

✨lalin ak zetwal ke Ou te fè yo

4 ✨Kisa lòm nan ye, pou Ou reflechi sou li?

Oswa fis a lòm nan, pou Ou pran swen li?

5 Malgre, Ou te fè li yon ✨ti kras pi ba pase Bondye,

E te kouwone li ak glwa avèk lonè!

6 Ou fè li regne sou zèv men Ou yo;

Ou ✨te mete tout bagay anba pye li,

7 Tout mouton yo ak bèf yo, avèk bèt sovaj

nan chan,

8 Zwazo nan syèl yo, avèk pwason lanmè yo,

tout sa ki pase nan chemen lanmè yo.

✨ 7:8 Sòm 18:20 ✨ 7:9 Jr 11:20 ✨ 7:10 Sòm 97:10-11 ✨ 7:11 Sòm 90:9 ✨ 7:12 Det 32:41

✨ 7:14 És 59:4 ✨ 7:15 Job 4:8 ✨ 7:16 Est 9:25 ✨ 7:17 Sòm 71:15-16 ✨ 8:1 Sòm 57:5-11

✨ 8:2 Mat 21:16 ✨ 8:3 Sòm 136:9 ✨ 8:4 Sòm 144:3 ✨ 8:5 Jen 1:26 ✨ 8:6 Ef 1:22

9 O SENYÈ, mèt nou an, a la non Ou gran sou tout latè a.

## 9

Pou direktè koral la; Yon sòm David

1 Mwen va bay remèsiman a SENYÈ a ak ✨tout kè m; Mwen va pale tout mèvèy Ou yo.

2 Mwen va fè kè kontan e rejwi nan Ou; Mwen va chante lwanj non Ou,

O ✨Pi Wo a

3 Lè lènmi m yo vire fè bak, yo ✨tonbe e peri devan Ou.

4 Paske Ou te bay soutyen a dwa m avèk koz mwen ki jis;

Ou chita sou twòn Ou e fè jijman avèk ladwati.

5 Ou te fè chatiman nasyon yo; Ou te detwi mechan yo;

Ou te ✨efase non yo jis pou tout tan e pou tout tan.

6 Lènmi an te rive a nan fen, e li te kraze nèt.

Epi Ou te dechouke vil yo; jiskaske ✨memwa a yo vin disparèt.

7 Men ✨SENYÈ a la jis pou tout tan;

Li te etabli twòn Li pou jijman,

8 Epi li va jije mond lan avèk ladwati; Li va rann jijman pou pèp yo avèk jistis.

9 SENYÈ a va osi yon sitadèl pou sila ki oprime yo; yon sitadèl nan tan twoub la;

10 Epi sila ki konnen non Ou yo, va mete konfyans yo nan Ou;

Paske Ou menm, SENYÈ, pa janm abandone sila ki mete konfyans nan Ou yo;

11 Chante lwanj a SENYÈ a, ki ✨rete nan Sion; deklare pami pèp yo zèv Li yo.

12 Paske Sila ki mande san an sonje yo; Li pa janm bliye kri a sila ki oprime yo.

13 Fè m gras, O SENYÈ; gade byen soufrans mwen akòz sila ki rayi mwen yo, Ou menm ki ✨fè m leve soti nan pòtay lanmò yo,

14 Pou m kab pale tout lwanj a Ou menm yo, dekwa ke nan pòtay a fi Sion yo, mwen Kapab ✨rejwi nan delivrans Ou.

15 Nasyon yo fin fonsè kole nan twou fòs yo te fè a; nan ✨pèlen a yo a te chire, pwòp pye yo vin kole ladann.

16 Senyè a te ✨fè tèt Li byen koni; Li te rann jijman an.

Nan zèv a pwòp men Li, mechan an

✨ 9:1 Sòm 86:12 ✨ 9:2 Sòm 83:18 ✨ 9:3 Sòm 27:2 ✨ 9:5 Sòm 69:28 ✨ 9:6 Sòm 34:1  
 ✨ 9:7 Sòm 89:14 ✨ 9:11 Sòm 76:2 ✨ 9:13 Sòm 30:3 ✨ 9:14 Sòm 13:5 ✨ 9:15 Sòm 57:6  
 ✨ 9:16 Egz 7:5

pran nan pwòp pèlen li. {Tan}

17 ✨Mechan yo va retounen nan sejou lanmò yo, menm tout nasyon ki bliye Bondye yo.

18 Paske ✨malere yo p ap bliye jis pou tout tan, ni espwa a aflije yo p ap peri pou tout tan.

19 Leve, ✨O SENYÈ, pa kite lòm vin genyen; Kite nasyon yo jije devan Ou.

20 Bay yo lakrent, O SENYÈ; fè nasyon yo konnen ke se sèlman ✨lòm yo ye.

## 10

1 Poukisa Ou kanpe tèlman lwen, O Senyè?

Poukisa ✨Ou kache Ou menm nan tan twoub yo?

2 Nan ògèy pa yo, mechan yo kouri cho dèyè aflije yo; kite yo ✨kenbe nan menm pèlen ke yo te fè a.

3 Paske mechan a ap vin ògeye sou ✨dezi a kè li a, Epi nonm voras la bay madichon e rejte SENYÈ a.

4 Mechan an nan wotè a rega li, pa chache Bondye, Tout panse li se ke: ✨“Nanpwen Bondye.”

5 Chemen pa li yo reyisi tout tan; Jijman Ou yo tèlman wo, li pa wè yo; Epi pou lènmi li yo, li giyonnen yo.

6 Li di a pwòp tèt li: ✨“Mwen p ap ebranle menm; Pandan tout jenerasyon yo, mwen p ap gen pwoblèm ditou.

7 ✨Bouch li plen ak malediksyon, avèk twonpe moun avèk oprime moun; Anba lang li, se twonpe moun avèk mechanste.

8 Li chita nan anbiskad pou veye vil yo; nan anbiskad yo, li ✨touye inosan yo; Zye li yo veye san bat sila ki pa gen espwa yo.

9 Li kache yon kote an kachèt tankou lyon nan nan kav li;

Li kache pou kenbe aflije yo; Li kenbe aflije yo lè l rale mennen yo rive nan pèlen ✨an.

10 Li akwoupi, li pare kò l, Konsa malere a vin tonbe pa grif pwisan li yo

11 Li pale a tèt li: ✨“Bondye bliye; Li kache figi Li; Li p ap janm wè sa.”

12 Leve O SENYÈ; O Bondye, ✨leve men Ou wo; pa bliye aflije yo.

13 Poukisa mechan an te meprize Bondye? Li te di nan tèt li: “Ou p ap egzije m sa”.

14 Ou te wè sa, paske Ou te wè kont  
 Mechanste ak agase moun pou  
 Pran sa an men.  
 Malere a ap depann de Ou menm;  
 Se Ou ki konn ede ✨òfelen an.  
 15 ✨Kase bra a mechan yo avèk malfektè a,  
 Dekouvri mechanste li yo jiskaske  
 Ou pa twouve ankò.  
 16 SENYÈ a se Wa jis pou tout tan;  
 ✨Nasyon yo te konn peri soti nan peyi Li a.  
 17 O SENYÈ, Ou te tandè ✨dezi a enb yo;  
 Ou va ranfòse kè yo, Ou va encline zòrèy Ou  
 18 Pou bay jistis a òfelen an avèk ✨oprime a  
 Pou lòm ki sòti sou tè a, pa koze laperèz ankò.

## 11

Pou direktè koral la; yon sòm David  
 1 Se nan SENYÈ a ke m ✨kache; kijan ou kapab di  
 a nanm mwen: “Sove ale kon yon zwazo  
 nan mòn ou;  
 2 Paske, gadè byen, mechan yo koube banza,  
 Yo ✨fè flèch yo parèt sou kòd la,  
 Pou tire nan fènwa sou sila ak kè ki dwat yo.  
 3 Si ✨fondasyon yo vin detwi,  
 Se kisa moun dwat yo kab fè?”  
 4 SENYÈ a nan sen tanp Li an;  
 ✨Twòn SENYÈ a nan syèl la;  
 Zye Li veye, pòpyè zye Li sonde fis a lòm yo.  
 5 SENYÈ a ✨sonde sila ki jis yo avèk  
 sila ki mechan yo; epi, sila ki renmen  
 vyolans, Li rayi nan kè L.  
 6 Sou mechan yo, Li va ✨voye pèlen anpil tankou lapli  
 Dife avèk souf avèk chabon brile va  
 mele nan bwason yo.  
 7 Paske Bondye dwat, Li renmen ladwati;  
 sila ki kanpe dwat yo va ✨wè figi Li.

## 12

Pou direktè koral la; sou yon gita uit kòd  
 Yon sòm David.  
 1 Sekou, SENYÈ, paske ✨moun ladwati yo  
 Sispann egziste,  
 Paske fidèl yo vin disparèt pami  
 fis a lòm yo.  
 2 Yo pale sa ki fo a youn lòt;  
 ✨lèv flatè yo ak kè doub  
 yo pale.  
 3 Ke SENYÈ a vin koupe tout lèv flatè yo,

✨ 10:14 Sòm 68:5 ✨ 10:15 Sòm 37:17 ✨ 10:16 Det 8:20 ✨ 10:17 Sòm 9:18 ✨ 10:18 Sòm  
 9:9 ✨ 11:1 Sòm 2:12 ✨ 11:2 Sòm 64:3 ✨ 11:3 Sòm 82:5 ✨ 11:4 Rev 4:2 ✨ 11:5 Jen 22:1  
 ✨ 11:6 Sòm 18:13-14 ✨ 11:7 Sòm 16:11 ✨ 12:1 És 57:1 ✨ 12:2 Wo 16:18

Lang ki ✨pale gwo bagay la;  
 4 Ki ✨te di: “Avèk lang nou, nou va reyisi;  
 Lèw nou se pou nou;  
 Se kilès ki kab mèt sou nou?  
 5 “Akoz dega a aflije yo, aköz kri  
 a malere yo,  
 Koulye a, ✨Mwen va leve”, pale SENYÈ a;  
 “Mwen va mete li ansekirite pou sa li anvi a.”  
 6 Pawòl a SENYÈ a se pawòl ki san tach;  
 Tankou ajan ki ✨teste nan founo  
 Rafine nan tè sèt fwà.  
 7 Ou menm, O SENYÈ, va kenbe yo;  
 Ou va ✨prezève li soti nan  
 jenerasyon sila a jis pou tout tan.  
 8 Mechan yo pwomennen toupatou tout kote  
 Lè ✨bagay ki lèw vin leve wo  
 pami fis a lòm yo.

## 13

Pou direktè koral la; yon sòm David  
 1 Jiskilè SENYÈ? Èske Ou ap ✨bliye mwen;  
 Jis pou tout tan?  
 Pou konbyen de tan, Ou va kache figi Ou  
 de mwen?  
 2 Pou konbyen de tan, mwen va oblije  
 ✨depann sou pwòp konsèy tèt mwen,  
 ak tristès nan kè m tout lajounen?  
 Jiskilè lènmi m va vin leve wo sou mwen?  
 3 Reflechi e reponn mwen, O SENYÈ,  
 Bondye mwen;  
 ✨Fè zye m wè; sinon mwen va dòmi nan mò yo,  
 4 Epi lènmi mwen an va di: “Mwen fin genyen li,”  
 ✨Epi advèsè mwen yo va rejwi lè m pran chòk.  
 5 Men mwen te ✨mete konfyans mwen  
 Nan lanmou dous Ou a;  
 6 Kè m va rejwi nan delivrans ou  
 Mwen va ✨chante a SENYÈ a,  
 Paske Li te aji ak bon kè avè m.

## 14

Pou direktè koral la; yon sòm David  
 1 Moun fou a di nan kè l: “Nanpwen Bondye.”  
 Yo konwonpi, yo te fè zak abominab;  
 ✨Nanpwen ki fè sa ki bon.  
 2 SENYÈ a te gade anba soti nan syèl la  
 sou fis a lòm yo pou wè si genyen ki ✨konprann,  
 k ap chache Bondye.  
 3 Yo tout te vire akote; ansanm yo te vin konwonpi;

✨ 12:3 Dan 7:8 ✨ 12:4 Sòm 73:8-9 ✨ 12:5 És 33:10 ✨ 12:6 Pwov 30:5 ✨ 12:7 Sòm 37:28  
 ✨ 12:8 És 32:5 ✨ 13:1 Job 13:24 ✨ 13:2 Sòm 42:4 ✨ 13:3 Esd 9:8 ✨ 13:4 Sòm 25:2  
 ✨ 13:5 Sòm 52:8 ✨ 13:6 Sòm 96:1 ✨ 14:1 Wo 3:10-12 ✨ 14:2 Sòm 92:6

✧ Nanpwen ki fè sa ki bon, pa menm youn.  
 4 Èske tout malfektè inikite yo pa konnen,  
 Sila Ki ✧manje pèp mwen yo  
 Tankou y ap manje pen an e ki  
 Pa rele SENYÈ a?  
 5 La, yo nan gwo danje, paske  
 Bondye avèk jenerasyon  
 Ki dwat la.  
 6 Nou ta meprize konsèy aflije a,  
 Men SENYÈ a se ✧refij li  
 7 O ke sali Israèl la ta sòti nan Sion!  
 Lè SENYÈ a ✧restore pèp kaptif li a,  
 Jacob va rejwi e Israèl va gen kè kontan.

## 15

Yon sòm David

1 O SENYÈ, se kilès ki kab rete nan tant Ou?  
 Kilès ki kab demere sou ✧ mòn sen Ou an?  
 2 Sila ki mache nan entègrite a e ki fè zèv ladwati yo,  
 E ki pale verite a nan kè li a  
 3 Li pa fè kout lang sou lòt,  
 ni fè vwazen li mal, ni patisipe  
 nan fè repwòch kont zanmi li,  
 4 Nan zye a sila yon vagabon meprize a,  
 men ki ✧bay lonè a sila ki fè lakrent SENYÈ yo;  
 Li sèman a pwòp pèt li,  
 E li pa chanje menm;  
 5 Li pa vèsè bay lajan li avèk enterè,  
 ni ✧li pa aksepte yon kado anba tab  
 kont inosan.  
 Sila ki fè bagay sa yo p ap janm ebranle.

## 16

Yon Sòm David

1 Pwoteje m O Bondye, paske ✧mwen kache  
 nan Ou.  
 2 Mwen te di a SENYÈ, Ou se Senyè mwen;  
 Mwen pa gen anyen ki bon sof ke Ou menm.  
 3 Selon sen sou latè yo, se moun manyifik yo ye,  
 sou sila mwen pran tout plezi m yo.  
 4 Doulè a sila ki te fè echanj pou yon lòt dye yo  
 va vin ogmante;  
 Mwen p ap vin vide ofrann bwason san pa yo,  
 ni non yo ✧p ap sòti sou lè mwen.  
 5 SENYÈ a se ✧pòsyon eritaj mwen  
 e tas mwen;  
 Se Ou menm ki bay soutyen a pati pa m nan.  
 6 ✧Lizyè yo vin tonbe nan kote ki tèlman bèl  
 pou mwen;  
 Anverite, eritaj mwen bèl pou mwen

✧ 14:3 Sòm 143:2 ✧ 14:4 Jr 10:25 ✧ 14:6 Sòm 46:1 ✧ 14:7 Sòm 85:1-2 ✧ 15:1 Sòm 24:3  
 ✧ 15:4 Trav 28:10 ✧ 15:5 Egz 23:8 ✧ 16:1 Sòm 7:1 ✧ 16:4 Egz 23:13 ✧ 16:5 Sòm 73:26  
 ✧ 16:6 Sòm 78:55

7 Mwen va beni SENYÈ a ki te ban m konsèy la;  
Anverite, ✧panse mwen toujou vin enstwi mwen  
pandan lannwit.

8 ✧Mwen te mete SENYÈ a  
devan zye m tout tan;  
Akoz Li se men dwat mwen,  
mwen p ap ebranle menm.

9 Pou sa, ✧kè m kontan e  
Glwa mwen fè rejwisans;  
Anplis, chè m va toujou pwoteje.

10 Paske Ou p ap abandone nanm mwen  
nan sejou mò yo;  
Ni Ou p ap ✧pèmèt Sila Ki Sen Ou an  
vin tonbe an pouriti.

11 Ou va fè m rekonèt ✧chemen lavi a;  
Nan prezans Ou, se lajwa ki an abondans nèt;  
Nan men dwat Ou, se plezi  
ki dire jis pou tout tan.

## 17

Yon Priyè a David

1 Koute yon koz ki jis, O SENYÈ e  
Okipe kri mwen;  
Prete zòrèy a lapriyè mwen,  
Ki pa sòti nan ✧lèv ki twonpe moun yo  
2 Kite ✧jijman mwen vin parèt soti nan  
prezans Ou;

Kite zye Ou gade avèk jistis.  
3 Ou te teste kè m; Ou te  
vizite mwen pandan lannwit;  
Ou te ✧sonde mwen e  
Ou pa t jwenn anyen; mwen te fè desizyon  
eksprè pou bouch mwen pa fè tò

4 Alò, pou zèy a lòm yo,  
✧Selon pawòl a lèv Ou yo,  
Mwen te evite chemen a vyolan yo.

5 ✧Pa pye mwen, yo te kenbe fèm nan chemen pa W la.  
Pye mwen pa janm glise.

6 Mwen ✧te rele Ou, paske  
Ou va reponn mwen, O Bondye;  
Enkline zòrèy W bò kote m,  
Tande pawòl mwen yo.

7 Kon mèvèy Ou yo, montre m  
Lanmou dous Ou a, O Sovè a sila  
ki kache nan men dwat Ou yo  
kont sila ki leve kont yo.

8 Kenbe m tankou ✧de zye nan tèt Ou,  
Kache mwen anba lonbraj a zèl Ou

9 Kont mechan ki depouye m yo,

✧ 16:7 Sòm 77:6 ✧ 16:8 Sòm 16:8-11 ✧ 16:9 Sòm 4:7 ✧ 16:10 Trav 13:35 ✧ 16:11 Sòm  
139:24 ✧ 17:1 És 29:13 ✧ 17:2 Sòm 103:6 ✧ 17:3 I Pi 1:7 ✧ 17:4 Sòm 119:9 ✧ 17:5 Job  
23:11 ✧ 17:6 Sòm 86:7 ✧ 17:8 Det 32:10



✧Lènmi mòtèl mwen yo ki antoure mwen.  
 10 Yo fin fèmen kè san santiman yo;  
 ✧Avèk bouch yo, yo pale awogans.  
 11 Koulye a, yo fin ✧antoure nou pandan  
 N ap mache  
 Yo fikse zye yo sou nou pou jete nou atè.  
 12 Se tankou yon lyon ki anvè devore,  
 Epi tankou yon jenn lyon k ap ✧kache  
 nan fènwa.  
 13 Leve, O SENYÈ, konfwonte li e  
 bese li;  
 Delivre nanm mwen de mechan yo  
 avèk ✧nepe Ou,  
 14 Depi nan men mesye yo avèk men Ou, O SENYÈ,  
 depi nan men lòm de mond sa yo,  
 ✧k ap resevwa pòsyon pa yo nan vi sa a,  
 Epi ki fin plen vant yo avèk richès Ou;  
 Yo fin satisfè avèk pitit yo e  
 kite kantite fòs byen yo a pitit pa yo.  
 15 Pou mwen menm, mwen va ✧wè figi Ou  
 nan ladwati mwen;  
 Mwen va satisfè avèk vizaj Ou  
 lè m ouvri zye m.

## 18

Pou direktè koral la. Yon sòm David, sèvitè SENYÈ a, ki te pale a SENYÈ a, pawòl a chan ke li te adrese bay SENYÈ a apre Li te delivre li soti nan men a tout lènmi li yo e soti nan men a Saül. Konsa li te di:

1 Mwen renmen Ou, O SENYÈ, fòs mwen  
 2 SENYÈ a se ✧ wòch mwen, sitadèl mwen e  
 Delivrans mwen,  
 Bondye mwen, wòch mwen, nan sila mwen  
 jwenn pwoteksyon an.  
 3 Mwen rele SENYÈ a, ki  
 dign pou bay lwanj,  
 Epi mwen ✧sove de lènmi mwen yo.  
 4 ✧Kòd lanmò yo te antoure mwen e  
 Flè mal ki sòti nan peyi a mò yo  
 te teworize mwen.  
 5 Kòd peyi lanmò yo te antoure mwen;  
 Pèlen lanmò yo te parèt devan m.  
 6 Nan gwo twoub mwen, mwen te rele SENYÈ a,  
 E te kriye a Bondye pou sekou.  
 Depi nan tanp li an, li te tandè vwa m,  
 Epi ✧kri mwen pou sekou devan L  
 te rive nan zòrèy Li.  
 7 Konsa, latè a te tranble;  
 Fondasyon a mòn yo t ap tranble

Yo te ebranle nèt, akoz kòlè Li.  
<sup>8</sup> Lafimen te sòti nan nen L,  
 ✧Ak dife a soti nan bouch Li  
 te devoran; li te limen chabon.  
<sup>9</sup> Anplis, Li te bese syèl la e te desann  
 Avèk ✧fènwa byen pwès anba pye Li.  
<sup>10</sup> Li te monte sou yon cheriben e te vole;  
 Li te vole sou ✧zèl a van yo.  
<sup>11</sup> Li te sèvi ✧fènwa a tankou kote pou L kache,  
 yon tant ki pou kouvri L,  
 Fènwa nan dlo yo, nwaj pwès nan syèl yo.  
<sup>12</sup> Soti nan gran ✧klate devan L,  
 gwo nwaj pwès Li yo,  
 Lagrèl avèk chabon dife te pase.  
<sup>13</sup> Anplis, SENYÈ a te eklate nan syèl yo;  
 Pi Pwisan an te fè vwa l sone,  
 Wòch lagrèl yo avèk chabon dife.  
<sup>14</sup> Li te ✧voye flèch li yo deyò e te gaye yo;  
 Avèk anpil gwo klate,  
 Li te fè yo sove ale.  
<sup>15</sup> Epi gwo kanal dlo yo te parèt;  
 Fondasyon mond yo te vin toutouni;  
 Ak repwòch Ou, O SENYÈ,  
 ✧lè gwo souf sòti nan nen Ou.  
<sup>16</sup> Li te voye soti an wo, Li te pran m;  
 Li te rale mwen sòti nan pil dlo yo.  
<sup>17</sup> Li te ✧delivre mwen nan men  
 advèsè mwen byen fò;  
 Ak sila yo ki te rayi mwen yo,  
 paske yo te twò fò pou mwen.  
<sup>18</sup> Yo te konfwonte mwen nan jou malè mwen,  
 Men ✧SENYÈ a te pwotèj mwen.  
<sup>19</sup> Li te mennen mwen fè m parèt nan yon  
 bèl plas byen laj;  
 Li te fè m sekou, akoz ✧Li te pran plezi nan mwen.  
<sup>20</sup> SENYÈ a te byen ✧rekonpanse mwen  
 selon ladwati mwen;  
 Selon men m ki pwòp, Li fè m rekonpans.  
<sup>21</sup> Paske mwen te kenbe chemen SENYÈ a,  
 Epi mwen pa t janm kite Bondye mwen an  
<sup>22</sup> Paske tout ✧òdonans Li yo te devan m,  
 Epi mwen pa t janm mete règleman  
 Li yo akote  
<sup>23</sup> Anplis, mwen te toujou san fot devan L  
 E mwen te ✧rete lib de inikite mwen.  
<sup>24</sup> Pou sa, SENYÈ a te ✧fè m rekonpans  
 selon ladwati mwen, selon men pwòp ke Li te wè yo.  
<sup>25</sup> Avèk sila ki gen bon kè, Ou montre kè ki bon;

✧ **18:8** Sòm 50:3 ✧ **18:9** Sòm 97:2 ✧ **18:10** Sòm 104:3 ✧ **18:11** Det 4:11 ✧ **18:12** Sòm 104:2  
 ✧ **18:14** Sòm 144:6 ✧ **18:15** Sòm 106:9 ✧ **18:17** Sòm 59:1 ✧ **18:18** Sòm 16:8 ✧ **18:19** Sòm  
 37:23 ✧ **18:20** I Sam 24:19 ✧ **18:22** Sòm 119:30 ✧ **18:23** Sòm 19:12,13 ✧ **18:24** I Sam 26:23

Avèk sila ki san fot, Ou vin parèt san fot;  
 26 Avèk sila ki san tach, Ou montre li san tach Ou ☆  
 Epi avèk sila ki kwochi a, Ou parèt koken.  
 27 Paske Ou sove yon pèp aflije, men sila ak zye  
 ki leve wo yo, Ou bese yo.  
 28 Paske Ou lime lanp mwen;  
 Se SENYÈ a, Bondye mwen an,  
 ki klere tenèb mwen.  
 29 Paske avèk Ou, mwen kapab  
 ☆Kouri sou yon ekip lame.  
 Avèk Bondye mwen,  
 Mwen kab vòltije sou yon mi.  
 30 Pou Bondye mwen an, chemen  
 Li ☆san fot;  
 Pawòl SENYÈ a pase a leprèv;  
 Li se yon boukliye pou tout moun  
 Kap pran sekou nan Li.  
 31 Paske ☆se kilès ke Bondye ye,  
 Sof ke SENYÈ a?  
 Epi se kilès ki wòch la, sof ke Bondye nou an.  
 32 Bondye ki ☆mare senti m ak fòs  
 Epi fè chemen mwen san fot la?  
 33 Li fè pye m yo vin tankou sèf,  
 epi ☆fè m vin plase kote ki wo yo.  
 34 Li antrene men m pou batay la,  
 jiskaske men m ka koube banza  
 ki fèt an bwonz.  
 35 Anplis, Ou te ban mwen  
 ☆boukliye sali Ou e  
 men dwat Ou te ban soutyen;  
 Se bonte Ou ki fè m gran.  
 36 Ou ☆fè longè pa m yo lonje pi laj anba m,  
 Epi pye m pa t janm chape.  
 37 Mwen te ☆kouri dèyè lènmi m yo,  
 E mwen te pran yo.  
 Mwen pa t fè bak jiskaske yo tout te fin manje nèt.  
 38 Mwen te frape yo jiskaske yo pa t kab leve;  
 Yo te tonbe ☆anba pye mwen.  
 39 Ou te mare senti m avèk fòs pou batay la;  
 Ou te ☆soumèt anba m sila ki te leve  
 kont mwen yo.  
 40 Ou te, anplis, fè lènmi m yo vire do yo  
 ban mwen;  
 Konsa, mwen te ☆detwi sila ki te rayi mwen yo.  
 41 Yo te kriye sekou, men ☆pa t gen moun pou sove yo,  
 Menm a SENYÈ a, men Li pa t reponn yo.  
 42 Mwen te bat yo kraze fen tankou ☆pousyè  
 devan van;

☆ 18:26 Job 25:5 ☆ 18:29 Sòm 18:33 ☆ 18:30 Rev 15:3 ☆ 18:31 Sòm 86:8-10 ☆ 18:32 És  
 45:5 ☆ 18:33 Det 32:13 ☆ 18:35 Sòm 33:20 ☆ 18:36 Sòm 18:33 ☆ 18:37 Sòm 44:5 ☆ 18:38  
 Sòm 47:3 ☆ 18:39 Sòm 18:47 ☆ 18:40 Sòm 94:23 ☆ 18:41 Sòm 50:22 ☆ 18:42 Sòm 83:13

Mwen te vide jete yo tankou labou nan lari

43 Ou te delivre mwen devan yon pèp

Plen ak konfli;

Ou te plase mwen kon ✧chèf an tèt  
a nasyon yo;

Yon pèp ke m pa menm konnen ke se sèvitè  
mwen yo ye.

44 Depi yo tandè, yo obeyi mwen;

Etranje yo ✧soumèt devan m.

45 Etranje yo vin disparèt devan m,  
epi vin sòti tranblan nan fò yo.

46 SENYÈ a ✧viv; beni, se wòch mwen an;  
Leve byen wo, se Bondye a sali mwen an,

47 Bondye ki egzekite vanjans pou mwen an,  
E ki fè pèp yo soumèt anba m nan.

48 Se Li menm ki delivre m de lènmi mwen yo;

Anverite, Ou leve m pi wo de sila ki  
fè rebèl kont mwen yo;

Ou delivre mwen kont men  
lòm ✧vyolans lan.

49 Pou sa, mwen va ✧bay remèsiman  
a Ou menm pami nasyon yo, O SENYÈ,  
Epi mwen va chante lwanj a non Ou.

50 Li bay gran delivrans a wa Li a,  
Epi montre lanmou dous Li a ✧onksyone  
Li a,

A David avèk desandan li yo jis pou tout tan.

## 19

Pou direktè koral la; yon sòm David

1 ✧Syèl yo ap pale glwa Bondye a;  
Jan yo tèlman gran deklare zèv men Li yo.

2 Jou apre jou, l ap pale san rete,  
Epi ✧nwit apre nwit, li revele konesans

3 Nanpwen langaj, ni pa gen pawòl;  
Nou pa janm tandè vwa yo.

4 ✧ Sepandan, eko yo retanti sou tout latè,  
Epi sa yo pale rive jis nan ekstremite latè.  
Nan mitan yo, Li te plase yon tant pou solèy la,

5 Ki tankou yon jennonm ki fenk marye  
k ap sòti nan chanm li;

Li rejwi kon yon nonm fò k ap fè kous.

6 Li ✧leve soti nan yon pwent syèl,  
epi fè wonn li rive jis nan lòt pwent lan;  
Epi anyen pa chape devan chalè li.

7 Lalwa SENYÈ a ✧pafè

Li rekonfòte nanm;  
Temwayaj SENYÈ a vrè,  
k ap fè saj yo senp.

✧ 18:43 II Sam 8:1-18 ✧ 18:44 Sòm 66:3 ✧ 18:46 Job 19:25 ✧ 18:48 Sòm 11:5 ✧ 18:49  
Wo 15:9 ✧ 18:50 Sòm 28:8 ✧ 19:1 Sòm 8:1 ✧ 19:2 Sòm 139:12 ✧ 19:4 Wo 10:18 ✧ 19:6  
Sòm 113:3 ✧ 19:7 Sòm 119:160

8 Prensip a SENYÈ yo dwat;  
ki fè kè rejwi;

Kòmandman SENYÈ a san tach,  
li ✨fè zye yo limen.

9 Lakrent SENYÈ a san tach,  
Li dire jis pou tout tan;

Jijman yo SENYÈ a vrè;  
Yo ✨jis san manke.

10 Yo ✨pi chè pase lò, wi, pase anpil lò fen;  
Epi yo pi dous pase myèl, pase siwo a  
ki tonbe nan gato myèl la.

11 Anplis, se pa yo menm ke sèvitè Ou a  
resevwa avètisman pou fè atansyon;  
Pou sila ki kenbe yo, gen gran ✨rekonpans.

12 Se kilès ki kab rekonèt fot li?  
Padone mwen ✨pou fot ke m pa konnen yo. 13 Anplis, pwoteje sèvitè ou a  
kont peche

ògèy yo;

Pa kite yo vin domine m;  
Konsa, mwen kab rete san fot,  
Epi va inosan a gran peche.

14 Kite pawòl bouch mwen a avèk  
✨Refleksyon kè m

Vin akseptab devan zye Ou,  
O SENYÈ, wòch mwen, ak sovè mwen an.

## 20

Pou direktè koral la; Yon sòm David

1 Ke SENYÈ a kapab reponn ou ✨nan jou  
gran twoub la!

Ke non Bondye Jacob la kapab  
kenbe ou ansekirite an wo!

2 Ke Li kapab voye bay ou èd soti nan  
sanktiyè a,

Epi ✨bay ou soutyen soti nan Sion!

3 Ke Li kapab ✨sonje tout ofrann sereyal ou yo,  
Ke Li twouve tout ofrann brile ou yo byen akseptab!

4 Ke Li kapab bay ou dezi a kè ou,  
E ✨akonpli tout plan ou yo!

5 Nou va chante avèk jwa akoz  
viktwa ou,

Epi nan non Bondye nou an, nou va  
monte drapo nou yo.

Ke SENYÈ a kapab ✨akonpli tout  
priyè ou yo.

6 Alò, mwen konnen ke SENYÈ a  
Va delivre moun onksyone pa Li a;  
Li va ✨reponn li soti nan syèl sen Li an

✨ 19:8 Sòm 36:9 ✨ 19:9 Sòm 119:138 ✨ 19:10 Sòm 119:72 ✨ 19:11 Sòm 24:5-6 ✨ 19:12  
Sòm 139:23-24 ✨ 19:14 Sòm 104:34 ✨ 20:1 Sòm 50:15 ✨ 20:2 Sòm 110:2 ✨ 20:3 Trav 10:4  
✨ 20:4 Sòm 145:19 ✨ 20:5 I Sam 1:17 ✨ 20:6 És 58:9

avèk delivrans pwisan men dwat Li a.  
 7 Genyen kèk ki gen ògèy nan cha yo e  
 kèk nan cheval yo,  
 ✧Men nou va gen ògèy nan non SENYÈ a,  
 Bondye nou an.  
 8 Yo te pliye e yo te tonbe,  
 Men ✧nou te leve e nou te kanpe dwat.  
 9 Delivre nou O SENYÈ;  
 Ke ✧Wa a kapab reponn nou nan jou  
 ke nou rele Non Li an.

## 21

Pou direktè koral la; Yon sòm David  
 1 O SENYÈ, ✧nan fòs Ou, Wa a va fè kè kontan,  
 epi nan delivrans Ou, ki gran rejwisans li va gen!  
 2 Ou te bay li dezi a kè li e Ou pa t refize  
 demand a lèw li yo.  
 3 Paske Ou te vin rankontre Li avèk  
 Benediksyon de tout bon bagay;  
 Ou te mete yon ✧kouwòn sou tèt li  
 4 Li te mande Ou lavi e Ou te bay li  
 Yon vi ki long ak ✧jou k ap dire  
 jis pou tout tan.  
 5 Glwa li gran akoz sali pa Ou,  
 ✧Onè ak majeste Ou te mete sou li.  
 6 Paske Ou te fè li beni pase tout moun  
 jis pou tout tan;  
 Ou te fè li plen ak lajwa ✧avèk kè kontan  
 nan prezans Ou.  
 7 Paske wa a mete konfyans li nan SENYÈ a,  
 Epi akoz lanmou dous a Pi Wo a,  
 ✧Li p ap ebranle menm.  
 8 Men ou va ✧dekouvri tout lènmi ou yo;  
 Men dwat ou va jwenn sila ki rayi ou yo.  
 9 Ou va fè yo tankou yon founo k ap brile  
 nan tan kòlè ou;  
 SENYÈ a va ✧vare yo nèt nan kòlè Li,  
 Epi dife va devore yo.  
 10 Ou va detwi posterite pa yo soti sou latè,  
 Epi ✧desandan yo ap disparèt pami  
 fis a lòm yo.  
 11 Malgre yo te anvizaje mal kont Ou  
 e te ✧fòme yon konplo,  
 Yo p ap reyisi.  
 12 Paske Ou va fè yo vire do yo;  
 Ou va pwente ✧banza sou figi yo  
 ak bon kontwòl.  
 13 Ke Ou leve wo, O SENYÈ,

✧ 20:7 II Kwo 32:8 ✧ 20:8 Sòm 37:24 ✧ 20:9 Sòm 3:7 ✧ 21:1 Sòm 59:16-17 ✧ 21:3 II Sam  
 12:30 ✧ 21:4 Sòm 91:16 ✧ 21:5 Sòm 96:6 ✧ 21:6 Sòm 43:4 ✧ 21:7 Sòm 112:6 ✧ 21:8  
 És 10:10 ✧ 21:9 Lam 2:2 ✧ 21:10 Sòm 37:28 ✧ 21:11 Sòm 10:2 ✧ 21:12 Sòm 7:12-13

nan tout fòs Ou;  
Nou va ✧chante e bay lwanj  
a pwisans Ou.

## 22

Pou direktè koral la, avèk mizik bich granmaten an;  
Yon sòm David.

<sup>1</sup> ✧Bondye mwen, Bondye mwen, poukisa Ou  
te abandone m?

Kri a doule sa a lwen delivrans mwen.

<sup>2</sup> O Bondye mwen, mwen ✧kriye pandan lajounen;  
men Ou pa reponn.

E nan lannwit men m pa jwenn repo.

<sup>3</sup> Sepandan, Ou sen; Ou menm ki ✧sou twòn  
lwanj pèp Israël la.

<sup>4</sup> Nan Ou menm, zansèt nou yo te mete konfyans yo.  
Yo te mete konfyans yo nan Ou,  
E Ou te ✧delivre yo.

<sup>5</sup> A Ou menm, yo te kriye e yo te delivre.

✧Nan Ou, yo te mete konfyans yo,  
epi pa t desu.

<sup>6</sup> Men mwen se yon ✧vè, mwen pa menm yon moun;  
Parèt abominab devan lèzòm,  
E meprize pa tout moun.

<sup>7</sup> Tout moun ki wè m vin moke mwen;  
Yo ✧separe avèk lè yo e yo  
souke tèt yo pou di:

<sup>8</sup> Mete konfyans ou nan SENYÈ a.

Kite Li menm delivre li;  
Kite Li sove li, paske Li pran plezi nan li.

<sup>9</sup> Sepandan, Ou menm se Sila ki te  
fè m sòti nan vant manman m nan;  
Ou te fè m gen konfyans depi m  
t ap souse tète manman m.

<sup>10</sup> Sou Ou, mwen te depann ✧depi nesans mwen;  
Ou te Bondye mwen depi nan vant manman m.

<sup>11</sup> ✧Pa rete lwen mwen, paske gwo twoub la toupre;  
Paske nanpwen moun ki pou ede m.

<sup>12</sup> Anpil towò vin antoure m;  
Towò fò a ✧Basan yo te ansèkle m.

<sup>13</sup> Yo ouvri bouch yo byen laj sou mwen,  
Tankou yon ✧lyon voras k ap rele fò

<sup>14</sup> Mwen vin vide tankou dlo,  
Epi tout zo m fin dejwente;

<sup>15</sup> Fòs mwen vin sèch tankou cha kanari,  
Epi lang mwen kole akote nan bouch mwen,  
Epi ✧Ou fè m kouche nan pousyè lanmò a.

<sup>16</sup> Konsa, chen yo vin antoure mwen;  
Yon bann malfektè vin ansèkle m;

✧ 21:13 Sòm 59:16 ✧ 22:1 Mat 27:46 ✧ 22:2 Sòm 42:3 ✧ 22:3 Det 10:21 ✧ 22:4 Sòm 107:6  
✧ 22:5 És 49:23 ✧ 22:6 Job 25:6 ✧ 22:7 Mat 27:39 ✧ 22:10 És 46:3 ✧ 22:11 Sòm 71:12  
✧ 22:12 Det 32:14 ✧ 22:13 Sòm 10:9 ✧ 22:15 Jn 19:28

Yo te ✨pèse dwat mwen avèk pye m  
 17 Mwen kab kontwole tout zo m yo.  
 Yo ✨gade mwen, yo fikse zye yo sou mwen;  
 18 Yo ✨divize rad mwen pami yo,  
 epi pou vètman m, yo tire osò.  
 19 Men Ou menm, O SENYÈ, pa rete lwen;  
 Ou menm, sekou mwen, ✨fè vit, vin rive ede m.  
 20 Delivre nanm mwen devan ✨nepe a,  
 lavi mwen devan pouvwa a chen an.  
 21 Fè m sekou soti nan bouch a ✨lyon an;  
 soti sou kòn a bèf mawon, Ou menm  
 reponn mwen.  
 22 Mwen va ✨pale non Ou a frè m yo;  
 Nan mitan asanble a, mwen va louwe Ou.  
 23 ✨Ou menm ki krent SENYÈ a, louwe Li;  
 Nou tout, desandan Jacob yo, bay Li glwa,  
 Epi kanpe byen sezi devan L,  
 Nou tout, desandan Israèl yo.  
 24 Paske Li pa t meprize ni  
 rayi afliksyon a aflije yo;  
 Ni Li pa t kache figi Li a li menm;  
 Men ✨lè li te kriye a Li pou sekou,  
 Li te tandè.  
 25 Se depi a Ou menm ke lwanj mwen sòti  
 nan gran asanble a;  
 Mwen va ✨akonpli ve mwen yo  
 devan sila ki krent Li yo.  
 26 Aflije yo va manje e ✨va satisfè;  
 Sila ki chache Li yo, va louwe SENYÈ a.  
 Ke kè Ou kapab viv jis pou tout tan!  
 27 Tout ✨ekstremite tè a nèt va sonje  
 e va vire bò kote SENYÈ a,  
 Epi tout fanmi nan nasyon yo va  
 adore devan Ou.  
 28 Paske ✨wayòm nan se pou SENYÈ a,  
 Epi pouvwa Li se sou tout nasyon yo.  
 29 Tout moun ✨ki byen reyisi sou latè va manje  
 e adore;  
 Tout sila ki desann nan pousyè a  
 va bese devan Li,  
 Menm sila ki pa kab fè nanm li viv la.  
 30 Yon desandan va sèvi Li;  
 yo va pale de SENYÈ a  
 a ✨jenerasyon k ap vini an.  
 31 Yo va vini e va deklare ladwati Li  
 a yon pèp ki ✨va vin fèt, ke  
 Li te reyisi fè tout bagay sa a.

✨ 22:16 Mat 27:35 ✨ 22:17 Luc 23:27-35 ✨ 22:18 Mat 27:35 ✨ 22:19 Sòm 70:5 ✨ 22:20  
 Sòm 37:14 ✨ 22:21 Sòm 22:13 ✨ 22:22 Sòm 40:10 ✨ 22:23 Sòm 135:19-20 ✨ 22:24 Sòm  
 31:22 ✨ 22:25 Sòm 61:8 ✨ 22:26 Sòm 107:9 ✨ 22:27 Sòm 2:8 ✨ 22:28 Za 14:9 ✨ 22:29  
 Hab 1:16 ✨ 22:30 Sòm 102:18 ✨ 22:31 Sòm 78:6



## 23

Yon sòm David

- 1 Bondye se ✧bèje mwen;  
mwen p ap janm manke anyen.
- 2 Li fè m kouche nan patiraj vèt yo;  
Li ✧mennen m akote dlo pezib yo.
- 3 Li restore nanm mwen; Li gide mwen  
nan ✧chemen ladwati yo, akòz non sen Li an.
- 4 Malgre mwen ta mache nan vale  
lonbraj lanmò a, mwen p ap pè okenn mal,  
Paske Ou avè m;  
✧Baton Ou avèk kwòk Ou fè m gen konfyans.
- 5 Ou ranje yon tab devan mwen nan prezans lènmi mwen yo;  
Ou onksyone tèt mwen avèk lwil;  
✧Tas mwen fin debòde nèt.
- 6 Anverite, bonte Ou avèk lanmou dous Ou  
va swiv mwen pou tout jou lavi mwen yo,  
E mwen va ✧viv lakay  
SENYÈ a jis pou tout tan.

## 24

Yon sòm David

- 1 Tè a se pou SENYÈ a, avèk ✧tout sa ki ladann;  
Lemonn avèk tout sila ki rete ladann yo.
- 2 Li te ✧fonde li sou lanmè yo  
e te etabli li sou rivyè yo
- 3 Se kilès ki kab monte sou kolin SENYÈ a?  
Epi kilès ki kab kanpe nan ✧lye sen pa Li an?
- 4 Sila ki gen men pwòp avèk yon kè ki san tach,  
Ki pa ✧leve nanm li vè sa ki fo, ni  
ki pa fè fo temwayaj.
- 5 Li va resevwa yon benediksyon soti nan SENYÈ a,  
Ak ✧ladwati soti nan Bondye delivrans li an.
- 6 Sa se jenerasyon a sila k ap  
✧chache Li yo,  
Ka p chache figi Ou—menm Jacob {Tan}
- 7 Leve wo lento ou yo, o pòtay yo,  
E leve wo, o pòt ansyen yo,  
Pou Wa ✧glwa la kapab antre!
- 8 Se kilès ki Wa a glwa a?  
SENYÈ fò e pwisan an,  
SENYÈ a ✧pwisan nan batay la.
- 9 Leve wo lento ou yo, O Pòtay yo e  
Leve wo, O pòt ansyen yo,  
Pou Wa ✧glwa la kapab antre!
- 10 Se kilès ki Wa glwa a?  
SENYÈ dèzame ✧ yo; se Li menm ki

✧ 23:1 Éz 34:11-13 ✧ 23:2 Rev 7:17 ✧ 23:3 Pwov 4:11 ✧ 23:4 Mi 7:14 ✧ 23:5 Sòm 16:5  
✧ 23:6 Sòm 27:4-6 ✧ 24:1 I Kor 10:26 ✧ 24:2 Sòm 104:3-5 ✧ 24:3 Sòm 65:4 ✧ 24:4 Éz  
18:15 ✧ 24:5 Sòm 36:10 ✧ 24:6 Sòm 27:4-8 ✧ 24:7 Trav 7:2 ✧ 24:8 Sòm 76:3-6 ✧ 24:9  
Sòm 26:8 ✧ 24:10 II Sam 5:10

Wa glwa a. {Tan}.

## 25

Yon sòm David

<sup>1</sup> A Ou menm, O SENYÈ, mwen ✨leve nanm mwen.

<sup>2</sup> O Bondye mwen; nan Ou, mwen mete konfyans mwen,

Pa kite mwen vin wont;

Pa kite ✨lènmi m yo fè fèt sou mwen.

<sup>3</sup> Anverite, nanpwen nan sila ki tann Ou yo ki va wont;

Sila ki ✨fè konplo kont Ou san koz yo, va wont.

<sup>4</sup> ✨Fè m konnen pa Ou yo, O SENYÈ;

Enstwi m nan chemen Ou yo.

<sup>5</sup> Mennen mwen nan verite Ou e enstwi mwen,

Paske se Ou menm ki ✨Bondye delivrans mwen;

Se Ou m ap tann tout lajounen.

<sup>6</sup> Sonje, O SENYÈ, mizerikòd Ou ak

lanmou dous Ou a,

Paske se yo ki la ✨depi tan ale nèt.

<sup>7</sup> Pa sonje ✨peche jenès mwen yo,

ni transgresyon mwen yo;

Selon lanmou dous Ou, sonje mwen,

Pou koz a bonte Ou, O SENYÈ.

<sup>8</sup> Bon e plen ladwati, se SENYÈ a;

Pou sa, Li enstwi pechè yo nan chemen an.

<sup>9</sup> Li ✨dirije enb yo nan jistis e

Li enstwi enb yo nan chemen Li.

<sup>10</sup> Tout chemen Bondye se nan

lanmou dous avèk verite

pou ✨sila ki kenbe akò Li yo ak

temwayaj Li yo.

<sup>11</sup> Pou koz a non Ou, O SENYÈ,

✨Padone inikite mwen, paske li anpil.

<sup>12</sup> Kilès nonm nan ki gen krent SENYÈ a?

Li va ✨enstwi li nan chemen li ta dwe chwazi a.

<sup>13</sup> Nanm li va viv an abondans e desandan li yo va resevwa eritaj peyi a.

<sup>14</sup> ✨Sekrè a SENYÈ a se pou sila ki

gen lakrent Li yo e Li va fè yo konnen

akò Li.

<sup>15</sup> Zye m toujou vè SENYÈ a,

Paske Li va ✨retire pye mwen

nan pèlen an.

<sup>16</sup> ✨Vire vè mwen e fè m gras,

Paske mwen abandone e aflije.

<sup>17</sup> Twoub a kè m yo vin plis;

Mennen m sòti nan gwo detrès sa a.

✨ 25:1 II Sam 5:10 ✨ 25:2 Sòm 13:4 ✨ 25:3 Hab 1:13 ✨ 25:4 Egz 33:13 ✨ 25:5 Sòm 79:9  
 ✨ 25:6 Sòm 103:17 ✨ 25:7 Job 13:26 ✨ 25:9 Sòm 23:3 ✨ 25:10 Sòm 103:18 ✨ 25:11 Egz  
 34:9 ✨ 25:12 Sòm 25:8 ✨ 25:14 Pwov 3:32 ✨ 25:15 Sòm 124:7 ✨ 25:16 Sòm 69:16

- 18 Gade sou afliksyon mwen avèk twoub mwen yo,  
E ✨padone tout peche mwen yo.
- 19 Gade sou tout lènmi mwen yo, paske  
yo anpil,  
Epi yo ✨rayi mwen avèk yon rayisman  
ki vyolan.
- 20 Gade nanm mwen e delivre mwen;  
Pa kite m ✨vin wont, paske mwen  
pran refij nan Ou menm.
- 21 Kite ✨entegrite avèk ladwati pwoteje mwen,  
Paske se Ou m ap tann.
- 22 Delivre Israèl, O Bondye, sou  
tout twoub li yo.

## 26

Yon sòm David

- 1 Fè m jistis, O SENYÈ, paske mwen te mache  
nan entegrite mwen,  
Mwen te mete konfyans mwen nan SENYÈ a san varye
- 2 Chache anndan m, O SENYE e pase mwen a leprèv;  
✨Sonde panse mwen avèk kè m.
- 3 Paske lanmou dous Ou a devan zye m,  
Epi mwen ✨te mache nan verite Ou.
- 4 Mwen pa ✨chita avèk mesye k ap twonpe moun yo,  
Ni mwen pa pale avèk sila k ap pran poz yo
- 5 Mwen rayi asanble malfektè yo e  
mwen pa chita avèk mechan yo.
- 6 Mwen va lave men m nan inosanş e  
mwen va antoure lotèl Ou, O SENYÈ
- 7 pou mwen kapab pwoklame avèk  
vwa remèsiman a e deklare  
tout mèvèy Ou yo.
- 8 O SENYÈ, Mwen renmen abitasyon lakay Ou  
avèk kote ke ✨glwa Ou rete a.
- 9 Pa retire nanm mwen ansanm avèk  
pechè yo,  
Ni lavi m avèk ✨mesye ki vèse san yo,
- 10 Nan men a sila ki gen manèv mechan yo,  
Epi men dwat plen ak ✨kado  
vèse anba tab yo.
- 11 Men pou mwen, mwen va mache nan  
entegrite mwen;  
✨Delivre mwen e fè m gras.
- 12 Pye m kanpe sou yon plas byen plat;  
Nan ✨asanble a, mwen va beni SENYÈ a.

## 27

Yon sòm David

- 1 SENYÈ a se limyè mwen e ✨sali mwen;

✨ 25:18 Sòm 103:3 ✨ 25:19 Sòm 9:13 ✨ 25:20 Sòm 25:2 ✨ 25:21 Sòm 41:12 ✨ 26:2 Sòm  
7:9 ✨ 26:3 II Wa 20:3 ✨ 26:4 Sòm 1:1 ✨ 26:8 Sòm 24:7 ✨ 26:9 Sòm 139:19 ✨ 26:10  
Sòm 15:5 ✨ 26:11 Sòm 44:26 ✨ 26:12 Sòm 22:22 ✨ 27:1 És 33:2

Se kilès pou m ta pè? SENYÈ a se  
defans lavi mwen;

Se kilès k ap fè m gen laperèz?

<sup>2</sup> Lè malfektè yo te rive sou mwen  
pou yo ta devore chè m,  
advèsè mwen yo ak lènmi m yo  
te ✧chape tonbe.

<sup>3</sup> Malgre yon lame ta fè kan kont mwen,  
kè m p ap pè;

Malgre lagè leve kont mwen,  
Malgre sa, m ap gen ✧konfyans.

<sup>4</sup> Yon sèl bagay ke m te mande  
a SENYÈ a; se li, mwen va chache:  
Pou m ta kab rete lakay SENYÈ a  
tout jou lavi m yo,

Pou m kab gade bèlte SENYÈ a e  
reflechi jis nan fon kè m  
nan tanp Li an.

<sup>5</sup> Paske nan jou twoub la,  
Li va ✧kache mwen nan tabènak Li;  
Nan plas sekre kote tant Li an ye a.  
Se la, Li va fè m kache;  
Li va leve mwen sou yon wòch.

<sup>6</sup> Epi koulye a, ✧tèt mwen va vin leve wo  
sou lènmi m ki antoure m yo,  
Epi mwen va ofri nan tant Li sakrifis avèk gwo kri lajwa.  
Mwen va chante, wi, mwen va chante  
lwanj a SENYÈ a.

<sup>7</sup> ✧Tande, O SENYÈ, lè m kriye avèk vwa m,  
Epi fè m gras e reponn mwen.

<sup>8</sup> Lè Ou te di m: ✧“Chache wè figi Mwen”,  
Kè m te di Ou: “Figi Ou menm, O SENYÈ;  
Se li, mwen va chache.”

<sup>9</sup> Pa kache figi Ou de mwen,  
Pa detounen sèvitè Ou a pa deyò  
nan kòlè Ou; se Ou ki konn sekou mwen;  
Pa abandone mwen, ni ✧kite m sèl,  
O Bondye, delivrans mwen an.

<sup>10</sup> Paske papa m ak manman m te  
abandone mwen,

Men ✧SENYÈ a va ranmase mwen.

<sup>11</sup> ✧Enstwi mwen nan chemen Ou,  
O SENYÈ,

Epi mennen m nan yon wout ki a nivo,  
akoz lènmi mwen yo.

<sup>12</sup> Pa livre mwen de dezi lènmi mwen yo,  
Paske ✧fo temwen yo vin leve kont mwen,  
Epi sila ki respire vyolans yo.

<sup>13</sup> Mwen t ap fin pèdi kouraj nèt amwenske mwen

te kwè ke m ta wè ✨bonte SENYÈ a  
nan peyi a vivan yo.

14 Tann SENYÈ a;

✨Kenbe fòs Ou e kite kè Ou pran kouraj;

Wi, tann SENYÈ a.

## 28

Yon sòm David

1 A Ou menm, O SENYÈ, mwen rele!

Wòch mwen an, pa vin soud devan m,

Paske si Ou ✨rete silan devan mwen, mwen va  
devni kon sila ki desann nan twou fòs la nèt.

2 Tande ✨vwa a siplikasyon mwen yo lè m kriye  
a Ou menm pou sekou,

Lè m leve men m vè sanktiye sen Ou an.

3 ✨Pa rale m sòti avèk mechan yo e  
avèk sila ki fè inikite yo, ki pale lapè avèk  
vwazen yo, pandan mechanste nan kè yo.

4 Rekonpanse yo ✨selon zèv yo ak selon  
Mechanste yo abitye fè yo;

Rekonpanse yo selon zèv men yo;

Remèt yo tout rekonpans pa yo.

5 Akoz yo ✨pa okipe zèv a SENYÈ yo,

Ni travay men Li yo,

Pou sa, Li va chire yo desann e Li  
p ap fè yo remonte.

6 Beni se SENYÈ a,

Akoz Li ✨te tande vwa a siplikasyon mwen yo.

7 SENYÈ a se fòs mwen ak boukliye mwen;

Kè m ✨mete konfyans nan Li, e mwen  
jwenn sekou;

Pou sa, kè m leve wo nèt e avèk chan mwen,  
mwen di Li mèsi.

8 SENYÈ a se ✨fòs yo e Li se yon defans  
pou sove onksyone Li yo.

9 ✨Sove pèp Ou a e beni eritaj pa Ou a;

Devni bèje yo tou e bay yo

soutyen jis pou tout tan.

## 29

Yon sòm David

1 ✨Bay a SENYÈ a, O Fis a moun pwisan yo,  
bay a SENYÈ a, glwa avèk gwo fòs.

2 Bay a SENYÈ a, glwa ke non Li merite a;

Adore SENYÈ a ✨avèk tout sa ki sen.

3 Vwa SENYÈ a sou dlo yo;

Bondye glwa la ✨fè tonnè gwonde, eklate;

SENYÈ a sou anpil dlo.

✨ 27:13 Sòm 31:19 ✨ 27:14 Sòm 31:24 ✨ 28:1 Sòm 83:1 ✨ 28:2 Sòm 140:6 ✨ 28:3 Sòm  
26:9 ✨ 28:4 Rev 18:6 ✨ 28:5 És 5:12 ✨ 28:6 Sòm 28:2 ✨ 28:7 Sòm 13:5 ✨ 28:8 Sòm  
20:6 ✨ 28:9 Sòm 80:1 ✨ 29:1 I Kwo 16:28-29 ✨ 29:2 II Kwo 20:21 ✨ 29:3 Job 37:4,5

4 Vwa SENYÈ a gen ✧gwo fòs,  
Vwa SENYÈ a ranpli ak majeste.  
5 Vwa SENYÈ a fann bwa sèd yo;  
Wi, SENYÈ a fann an mòso ✧ bwa sèd  
Liban yo.  
6 Li fè Liban sote. Li pompe tankou yon ti bèf e  
✧Sirion tankou yon jèn bèf mawon.  
7 Vwa SENYÈ a koupe fè flanm dife.  
8 Vwa SENYÈ a souke savann nan;  
Vwa SENYÈ a souke savann Kadès la.  
9 Vwa SENYÈ a fè ✧bich la fè pitit e  
fè forè a vin toutouni;  
Epi nan tanp Li a, tout moun ki la yo rele: “Glwa”!  
10 SENYÈ a te chita kon Wa nan  
gran inondasyon an;  
Wi, SENYÈ a chita kon ✧Wa jis pou tout tan.  
11 SENYÈ a va bay fòs a pèp Li a;  
SENYÈ a va beni pèp li a avèk ✧lapè.

### 30

Yon Som; yon chan nan Dedikasyon Kay La; Yon Sòm David

1 Mwen va leve Ou wo, O SENYÈ, paske Ou ✧te leve mwen  
e pa t kite lènmi m yo rejwi sou mwen.  
2 O SENYÈ, Bondye mwen an, mwen te kriye  
a Ou menm pou sekou e Ou te ✧geri mwen.  
3 O SENYÈ, Ou te fè nanm mwen monte  
kite sejou lanmò yo;  
Ou te kenbe m vivan, pou m pa t desann  
nan gwo fòs la. Sòm 86:13; Sòm 28:1  
4 Chante lwanj a SENYÈ a, nou menm  
ki fidèl Li yo,  
Epi bay remèsiman a ✧sen non Li.  
5 Paske kòlè Li se sèlman pou yon moman,  
Men Bonte Li se pou tout tan.  
Kriye a kapab dire ✧pou nwit lan,  
Men kri lajwa a vin parèt nan maten.  
6 Alò, pou mwen, mwen te di nan bon tan mwen,  
“Mwen ✧p ap janm ebranle.”  
7 O SENYÈ, pa gras Ou, Ou te fè mòn mwen an  
kanpe fèm;  
Ou te kache figi Ou; mwen te dekouraje nèt;  
8 A Ou menm, SENYÈ, mwen te rele,  
epi a SENYÈ mwen an, mwen te fè siplikasyon mwen yo:  
9 Ki benefis ki genyen nan san mwen  
si mwen ✧desann nan gwo fòs la?  
Èske pousyè a kab louwe Ou?

✧ 29:4 Sòm 68:33 ✧ 29:5 Sòm 104:16 ✧ 29:6 Det 3:9 ✧ 29:9 Job 39:1 ✧ 29:10 Sòm 10:16  
✧ 29:11 Sòm 72:3 ✧ 30:1 Sòm 3:3 ✧ 30:2 És 53:5 ✧ 30:4 Os 12:5 ✧ 30:5 II Kwo 4:17  
✧ 30:6 Sòm 10:6 ✧ 30:9 Sòm 28:1

Èske li va deklare fidelite Ou?

<sup>10</sup> Tande, O SENYÈ e fè m gras;

O SENYÈ, ✧ban m soutyen.

<sup>11</sup> Ou te chanje doulè mwen e

sa te fè m vin danse ak lajwa;

Ou te ✧demare rad twal sak mwen an e

te mare senti m avèk kè kontan,

<sup>12</sup> Pou kè m kab chante lwanj Ou e

pa rete an silans.

O SENYÈ, Bondye mwen an, mwen va

bay Ou glwa pou tout tan, nèt.

## 31

Yon Sòm David

<sup>1</sup> Nan Ou menm, SENYÈ, mwen te kache;

pa janm kite mwen ✧vin wont;

Nan ladwati Ou, delivre mwen.

<sup>2</sup> Panche zòrèy W bò kote mwen, delivre

mwen byen vit;

Devni pou mwen ✧wòch ki ban m fòs,

Yon sitadèl ki pou sove m.

<sup>3</sup> Paske Ou se wòch mwen ak sitadèl mwen;

Pou koz a non Ou, Ou va gide mwen.

<sup>4</sup> Ou va rale m sòti nan filè ke yo te

prepare an sekre pou mwen an,

Paske se Ou ki fòs mwen.

<sup>5</sup> ✧Nan men Ou, mwen mete lespri mwen;

Ou te rachte m, O SENYÈ,

Bondye verite a.

<sup>6</sup> Mwen rayi sila ki fè rega a fo zidòl yo,

Men nan Bondye, mwen ✧mete konfyans mwen.

<sup>7</sup> Mwen va rejwi e fè kè kontan nan

lanmou dous Ou, akoz Ou te wè soufrans mwen;

Ou te ✧wè soufrans a nanm mwen,

<sup>8</sup> Epi ✧Ou pa t lage mwen nan men a lènmi an;

Ou te mete pye mwen yon kote byen laj

<sup>9</sup> Fè m gras, O SENYÈ, paske mwen nan gwo twoub;

Zye m fin gate nèt akoz doulè mwen,

Kò mwen ✧ak nanm mwen, osi.

<sup>10</sup> Paske lavi m fin pase nèt ak gwo doulè m;

Epi ane mwen yo avèk soupi;

✧Fòs mwen fin ale akoz inikite m e

kò mwen fin epwize.

<sup>11</sup> Akoz tout advèsè mwen yo, mwen te

devni yon objè ✧abominab,

Sitou a vwazen mwen yo e yon

objè laperèz a sila ki rekonèt mwen yo;

Sila ki wè m nan lari yo sove ale devan m.

<sup>12</sup> Mwen fin ✧bliye tankou yon moun mouri,

✧ **30:10** Sòm 27:9 ✧ **30:11** És 20:2 ✧ **31:1** Sòm 25:2 ✧ **31:2** Sòm 18:2 ✧ **31:5** Luc 23:46  
 ✧ **31:6** Sòm 52:8 ✧ **31:7** Sòm 10:14 ✧ **31:8** Det 32:30 ✧ **31:9** Sòm 63:1 ✧ **31:10** Sòm 39:11  
 ✧ **31:11** Sòm 69:19 ✧ **31:12** Sòm 88:5

disparèt nan panse (moun); mwen tankou yon veso ki fin kraze.

13 Paske mwen konn tande kout lang anpil moun; laperèz toupatou; Pandan ✧yo t ap pran konsèy ansanm kont mwen, Yo te fè konplo pou rache lavi m.

14 Men pou mwen, mwen mete konfyans nan Ou, O SENYÈ; Mwen di: ✧“Se Ou menm ki Bondye mwen”.

15 Moman mwen yo nan men Ou; ✧Delivre mwen nan men a lènmi mwen yo avèk sila ki pèsekite mwen yo.

16 Fè limyè figi Ou vin parèt sou sèvitè Ou a; ✧Sove mwen nan lanmou dous Ou a.

17 Pa kite mwen fè wont, O SENYÈ, Paske se Ou ke m rele;

18 Kite lèv ki manti yo vin bèbè; Ka p ✧pale ak awogans kont moun dwat yo, Ak ògèy pou desann moun.

19 Men a la gran ✧bonte ke Ou te konsève pou sila ki krent Ou yo, Ke Ou te fòje pou sila ki kache nan Ou yo, Devan fis a lòm yo!

20 Ou kache yo nan kote sekre a prezans Ou, kont tout ✧manèv a lòm; Ou konsève yo an sekre nan yon pwotèj kont konplo a tout lang lèzòm.

21 Beni se SENYÈ a, paske li te fè mèvèy a lanmou dous Li a anvè mwen nan yon ✧vil anba sène.

22 Pou mwen, mwen te di ak kè sote mwen: “Mwen ✧koupe soti devan zye Ou”; sepandan, Ou te tande vwa a siplikasyon mwen yo lè m te kriye a Ou menm.

23 O renmen SENYÈ a, nou tout, moun fidèl yo, SENYÈ a toujou ✧prezève moun fidèl yo e bay pwòp rekonpans a sila ki plen ògèy yo.

24 Kenbe fèm e ✧kite kè ou pran kouraj; Nou tout ki mete espwa nan SENYÈ a.

## 32

Yon Sòm David. Yon Sòm Refleksyon

1 ✧A la beni se sila ki padone pou transgresyon li; pou peche li ki kouvri a!

2 A la nonm beni se sila SENYÈ a pa jije kon koupab la e nan lespri a sila ✧pa gen manti a.

3 Lè m te ✧kenbe silans selon peche mwen,

✧ 31:13 Mat 27:1 ✧ 31:14 Sòm 140:6 ✧ 31:15 Sòm 143:9 ✧ 31:16 Sòm 6:4 ✧ 31:18 Jd 15  
✧ 31:19 És 64:4 ✧ 31:20 Sòm 37:12 ✧ 31:21 I Sam 23:7 ✧ 31:22 És 38:11-12 ✧ 31:23  
Sòm 145:20 ✧ 31:24 Sòm 27:14 ✧ 32:1 Sòm 85:2 ✧ 32:2 Jn 1:47 ✧ 32:3 Sòm 39:2-3



kò m te desann bese nèt e mwen t ap plenyen tout lajounen.

4 Paske lajounen kon lannwit, ✧men Ou te lou sou mwen; Fòs mwen te epwize vin bese tankou gwo chalè nan gran sezon ete. {Tan}

5 Mwen te vin rekonèt peche m devan Ou, e inikite mwen, mwen pa t ankò kache; Mwen te di: ✧“Mwen va konfese transgresyon mwen yo a SENYÈ a”; Epi Ou te padone koupabilite m pou peche mwen yo.

6 Konsa, kite tout sila ki fidèl yo priye vè Ou menm, ✧nan yon lè ke Ou toujou disponib; Anverite, nan gran flèv dlo yo, yo p ap kab rive kote li ankò.

7 Ou se kote ke m konn kache a; Ou ✧pwoteje mwen kont gwo twoub; Ou antoure mwen avèk chanson delivrans yo.

8 Mwen va ✧enstwi ou e fè ou aprann chemen nan sila ou dwe ale a; Mwen va bay ou konsèy avèk zye M sou ou.

9 Pa fè ✧tankou cheval oswa milèt ki pa gen konprann menm; Ki nan tout sikonstans, oblije gen brid ak bosal ki pou ralanti yo.

Otreman, yo p ap vin kote ou.

10 Anpil se ✧tristès a mechan yo; men, sila ki mete konfyans li nan SENYÈ a, se lanmou dous ki va antoure li.

11 Fè kè kontan nan SENYÈ a e rejwi, nou menm ki jis; Epi rele avèk jwa, nou tout ✧ki dwat nan kè nou yo.

### 33

1 Rejwi ak lajwa nan SENYÈ a, O moun ladwati yo; Lwanj ✧bèl lè l sòti nan moun ki dwat.

2 ✧Bay remèsiman a SENYÈ avèk gita; chante lwanj a Li menm avèk ap dis kòd.

3 Chante a Li menm yon chan tounèf; jwe ak kapasite e fò avèk yon ✧gwo kri lajwa.

4 Paske pawòl SENYÈ a dwat e tout zèv Li yo fèt ✧avèk fidelite.

5 Li ✧renmen ladwati avèk jistis; Latè ranpli avèk lanmou dous SENYÈ a.

6 Avèk pawòl SENYÈ a syèl yo te fèt e pa souf a bouch Li, ✧tout lame syèl yo.

7 Li ranmase tout ✧dlo lanmè yo ansanm pou fè yon gwo pil;

✧ 32:4 I Sam 5:6 ✧ 32:5 I Jn 1:9 ✧ 32:6 Sòm 69:13 ✧ 32:7 Sòm 121:7 ✧ 32:8 Sòm 25:8  
 ✧ 32:9 Pwov 26:3 ✧ 32:10 Wo 2:9 ✧ 32:11 Sòm 7:10 ✧ 33:1 Sòm 92:1 ✧ 33:2 Sòm 71:22  
 ✧ 33:3 Sòm 98:4 ✧ 33:4 Sòm 119:90 ✧ 33:5 Sòm 11:7 ✧ 33:6 Jen 2:1 ✧ 33:7 Egz 15:8

Li fè pwofondè yo kouche fè kay depo.  
 8 Kite ✧tout latè krent SENYÈ a;  
 Kite tout sila ki rete nan mond lan  
 kanpe etone nèt pa Li menm.  
 9 Paske ✧Li te pale e mond lan te fèt;  
 Li te kòmande e li te kanpe fèm.  
 10 SENYÈ a ✧ranvèse konsèy a  
 nasyon yo;  
 Li anile pwojè a pèp yo  
 11 ✧Konsèy SENYÈ a kanpe jis pou tout tan,  
 Epi pwojè a kè Li yo de jenerasyon  
 an jenerasyon.  
 12 Beni se nasyon ki gen Bondye  
 kon SENYÈ yo,  
 13 Pèp ke Li te ✧chwazi pou pwòp eritaj  
 Li a.  
 SENYÈ a ✧gade depi nan syèl la;  
 Li wè tout fis a lòm yo;  
 14 soti nan ✧abitasyon Li an,  
 Li veye sou tout sila ki rete sou latè yo,  
 15 Li menm ki ✧fòme kè a yo tout,  
 Li menm ki konprann tout zèv yo.  
 16 ✧Wa a pa sove pa yon lame pwisan;  
 Yon gèrye pa delivre pa gran fòs Li.  
 17 Yon cheval se yon ✧fo espwa pou viktwa a;  
 Ni li p ap delivre pèsòn ak pwisans li.  
 18 Veye byen, zye SENYÈ a sou sila  
 ki krent Li yo,  
 Sou sila ki ✧mete espwa yo nan lanmou  
 dous Li a.  
 19 Pou ✧delivre nanm pa yo devan lanmò e  
 kenbe yo vivan nan gwo grangou.  
 20 Nanm nou ✧ap tann SENYÈ a;  
 Se Li menm ki sekou nou ak boukliye nou.  
 21 Paske ✧kè nou rejwi nan Li, akoz  
 Nou mete konfyans nou nan sen non Li.  
 22 Kite lanmou dous Ou, O SENYÈ,  
 vin poze sou nou,  
 Selon esperans ke nou te mete nan Ou a.

## 34

Yon Sòm David lè l te parèt tankou moun fou devan Abimélec  
 ki te pouse l ale, epi konsa, li te pati.

1 Mwen va ✧beni SENYÈ a nan tout tan;  
 Lwanj Li va toujou nan bouch mwen  
 2 Nanm mwen va ✧fè glwa li nan SENYÈ a;  
 Enb yo va tande l e yo va rejwi.

✧ 33:8 Sòm 67:7 ✧ 33:9 Jen 1:3 ✧ 33:10 Sòm 2:1-3 ✧ 33:11 Job 23:12 ✧ 33:13 Egz 19:5  
 ✧ 33:13 Job 28:24 ✧ 33:14 I Wa 8:39-43 ✧ 33:15 Job 10:8 ✧ 33:16 Sòm 44:6 ✧ 33:17 Sòm  
 20:7 ✧ 33:18 Sòm 32:10 ✧ 33:19 Sòm 56:13 ✧ 33:20 És 8:17 ✧ 33:21 Za 10:7 ✧ 34:1 Ef  
 5:20 ✧ 34:2 Jr 9:24

3 O leve SENYÈ a byen wo avè m e  
 Annou ✨leve non L wo ansanm  
 4 Mwen te ✨chache SENYÈ a e Li te reponn mwen,  
 Epi te delivre mwen de tout perèz mwen yo.  
 5 Yo te gade vè Li e te vin ranpli ak limyè,  
 Epi figi yo ✨p ap janm wont.  
 6 Malere sila a te rele e SENYÈ a  
 te tandè li,  
 Epi ✨te sove li sòti nan tout twoub li yo.  
 7 ✨Zanj SENYÈ a fè kan antoure sila  
 ki krent Li yo,  
 Epi li sove yo nan gwo twoub.  
 8 O goute e wè ke Bondye bon;  
 A la beni nonm ✨ki kache nan Li a beni!  
 9 Krent SENYÈ a, O nou menm ki ✨sen Li yo;  
 Pou sila ki krent Li yo, anyen pa manke.  
 10 Jenn ti lyon yo konn manke manje e soufri grangou;  
 Men sila ki chache SENYÈ yo,  
 ✨p ap manke okenn bon bagay.  
 11 Vini, pitit, koute mwen;  
 Mwen va enstwi ou nan ✨lakrent  
 SENYÈ a.  
 12 Se ki moun ki dezire lavi e renmen  
 jou li yo pou li kapab ✨wè sa ki bon?  
 13 Kenbe ✨lang ou apa de sa ki mal e  
 lèw ou pou pa bay manti.  
 14 Kite sa ki mal la epi fè sa ki bon;  
 ✨Chache lapè e fè efò pou twouve li.  
 15 ✨Zye a SENYÈ a sou sila ki dwat yo,  
 Epi zòrèy Li a kri yo.  
 16 Figi SENYÈ a kont malfektè yo,  
 pou ✨efase memwa yo sou tè a.  
 17 ✨Moun dwat Kriye; SENYÈ a tandè e vin  
 delivre yo tout nan tout twoub yo.  
 18 SENYÈ a pre sila ak kè kase yo  
 Epi sove sila ki ✨kraze nan lespri yo.  
 19 Anpil, se ✨afliksyon a moun dwat yo,  
 Men SENYÈ a delivre li sòti nan yo tout.  
 20 Li konsève tout zo li yo;  
 ✨Pa menm youn nan yo va kase.  
 21 Se ✨malè ki va touye mechan an e  
 sila ki rayi moun ladwati yo va kondane.  
 22 SENYÈ a rachte nanm a sèvitè Li yo,  
 Epi p ap gen nan sila ki ✨kache nan Li yo  
 k ap kondane.

✨ 34:3 Sòm 18:46 ✨ 34:4 Mat 7:7 ✨ 34:5 Sòm 25:3 ✨ 34:6 Sòm 34:4 ✨ 34:7 Sòm 91:11  
 ✨ 34:8 Sòm 2:12 ✨ 34:9 Sòm 31:23 ✨ 34:10 Sòm 84:11 ✨ 34:11 Sòm 111:10 ✨ 34:12 Ekl  
 3:13 ✨ 34:13 Pwov 13:3 ✨ 34:14 És 1:16 ✨ 34:15 Job 36:7 ✨ 34:16 Am 9:4 ✨ 34:17  
 Sòm 34:6 ✨ 34:18 És 57:15 ✨ 34:19 II Tim 3:11 ✨ 34:20 Jn 19:33-36 ✨ 34:21 Sòm 94:23  
 ✨ 34:22 Sòm 37:40

## 35

Yon Sòm David

<sup>1</sup> Fè fòs SENYÈ, kont sila k ap sèvi ak fòs kont mwen yo;  
Goumen ak sila k ap ☆goumen kont mwen yo.

<sup>2</sup> Pran an men boukliye ak pwotèj la,  
epi leve kon ☆sekou mwen.

<sup>3</sup> Anplis rale lans ak rach batay la pou  
rankontre sila k ap kouri dèyè m yo.

Pale ak nanm mwen “Se Mwen ki delivrans ou”!

<sup>4</sup> Kite sila k ap chache lavi m yo vin wont  
e dezonere;

Kite sa yo ki anvizaje mal pou mwen  
Vire do fè bak plen imiliyasyon.

<sup>5</sup> Kite yo vin ☆tankou pay nan van  
avèk zanj SENYÈ a k ap pouse yo ale.

<sup>6</sup> ☆Kite wout yo plen avèk tenèb e vin glisan,  
Avèk zanj SENYÈ a k ap kouri dèyè yo.

<sup>7</sup> Paske san koz, yo te kache ☆pèlen yo pou mwen;  
San koz, yo te fouye yon fòs pou nanm mwen.

<sup>8</sup> Kite l ☆fin detwi nèt san l pa konnen e  
Kite pèlen ke li te prepare a, kenbe li menm;  
Epi nan destriksyon sa a, kite li tonbe.

<sup>9</sup> Epi nanm mwen va rejwi nan SENYÈ a;  
Li va ☆leve wo nan delivrans Li.

<sup>10</sup> Tout zo m menm va di: “SENYÈ, se ☆kilès  
ki tankou Ou menm.

Kilès ki delivre aflije yo nan men a sila ki  
twò fò pou li yo e aflije avèk malere yo  
soti nan men a sila menm k ap vòlè yo?

<sup>11</sup> ☆Fo temwen sovaj yo leve;

Yo mande mwen bagay ke m pa menm konnen.

<sup>12</sup> Yo ☆remèt mwen mal pou byen, jiskaske gwo tristès  
antre nan nanm mwen.

<sup>13</sup> Men pou mwen menm, lè yo menm te malad, ☆rad  
mwen te vin twal sak;

Mwen te imilye nanm mwen nan fè jèn,  
Epi lapriyè m te kontinye retounen  
nan kè m.

<sup>14</sup> Mwen te ale toupatou konsi se te zanmi mwen,  
oswa frè mwen;

Mwen te ☆koube ak gwo tristès, tankou yon moun  
ta fè dèy pou manman li.

<sup>15</sup> Men moman ke m te chape tonbe a, yo te ☆rejwi  
e te ranmase yo ansanm;

Sila ke mwen pa menm konnen t ap bay kout pwèn  
pandan yo t ap ranmase yo kont mwen,

Yo fè ☆kout lang sou mwen san rete.

<sup>16</sup> Kon giyon pwofesyonèl, yo te ☆fè konsi yo  
ta mode m ak dan yo.

☆ 35:1 Sòm 56:2 ☆ 35:2 Sòm 44:26 ☆ 35:5 Sòm 83:13 ☆ 35:6 Sòm 73:18 ☆ 35:7 Sòm 9:15  
☆ 35:8 I Tes 5:3 ☆ 35:9 Sòm 9:14 ☆ 35:10 Egz 15:11 ☆ 35:11 Sòm 27:12 ☆ 35:12 Jr 18:20  
☆ 35:13 Sòm 69:11 ☆ 35:14 Sòm 38:6 ☆ 35:15 Ab 12 ☆ 35:15 Sòm 7:2 ☆ 35:16 Sòm 37:12

- 17 SENYÈ, ✨jiskilè Ou va kontinye gade bagay  
Sa a konsa?  
Sove nanm mwen kont ravaj yo,  
Sèl lavi mwen genyen kont lyon yo.
- 18 Mwen va ✨bay Ou remèsiman nan gran asanble a;  
Mwen va bay Ou glwa pami yon gran foul.
- 19 Pa kite sila ki lènmi m san koz yo, rejwi sou mwen;  
Ni pa kite sila ki rayi mwen san koz yo epi  
fè kout zye sou mwen.
- 20 Paske yo pa pale lapè, men yo divize pawòl  
nan ✨twonpe sila ki kalm nan peyi yo.
- 21 Yo te ouvri bouch yo laj kont mwen;  
Yo te di: ✨“Men li, men li, zye nou te wè !”
- 22 Ou te wè li, O SENYÈ, pa rete an silans  
O SENYÈ, ✨pa rete lwen mwen.
- 23 ✨Reveye Ou; reveye Ou pou dwa m,  
E pou koz mwen, Bondye mwen ak  
SENYÈ mwen.
- 24 ✨Jije mwen, O SENYÈ, Bondye mwen an,  
Selon dwati Ou,  
Epi pa kite yo rejwi sou mwen.
- 25 Pa kite yo di nan kè yo:  
“Men li, men sa nou pi pito a!”  
Pa kite yo di: “Nou gen tan ✨fin vale li nèt!”
- 26 Kite sila ki rejwi nan gwo twoub mwen yo wont;  
Kite sila ki leve yo menm sou mwen yo vin abiye ak wont avèk imilyasyon
- 27 Kite sila ki vle wè vanjans mwen yo  
rele avèk lajwa e rejwi;  
Epi kite yo di tout tan: “Leve SENYÈ a wo  
Sila ki ✨pran plezi lè sèvitè li fin reyisi.”
- 28 Epi lang mwen va deklare ladwati Ou  
avèk lwanj Ou tout lajounen.

## 36

- Pou direktè koral la; Yon Sòm David, sèvitè SENYÈ a
- 1 Se Peche ki pale nan fon kè a lòm ki san Bondye.  
Nanpwen ✨krent Bondye devan zye l.
- 2 Jan li kontan ak pwòp tèt li,  
Li sipoze jan l aji pa p janm dekouvri.
- 3 ✨Pawòl a bouch li se mechanste avèk manti;  
Li vin sispann sèvi ak sajès ni fè sa ki bon.
- 4 Sou kabann li, li fè plan mechan;  
Li antre nan yon chemen ki p ap sòti byen;  
Li ✨pa rayi mal.
- 5 ✨Lanmou dous Ou, O SENYÈ, rive jis nan syèl yo,  
Fidelite Ou nan syèl la.
- 6 Ladwati Ou se tankou mòn Bondye yo;  
✨Jijman Ou yo tankou yon gran pwofondè.

✨ 35:17 Hab 1:13 ✨ 35:18 Sòm 22:22 ✨ 35:20 Jr 9:7 ✨ 35:21 Sòm 40:15 ✨ 35:22 Sòm  
10:1 ✨ 35:23 Sòm 7:6 ✨ 35:24 Sòm 9:4 ✨ 35:25 Pwov 1:12 ✨ 35:27 Sòm 147:11 ✨ 36:1  
Wo 3:18 ✨ 36:3 Sòm 10:7 ✨ 36:4 Wo 12:9 ✨ 36:5 Sòm 57:10 ✨ 36:6 Wo 11:33

O SENYÈ, Ou prezève ni lòm, ni bèt.  
 7 Lanmou dous Ou chè, O Bondye!  
 Epi pitit a lòm yo ✧pran azil anba lonbraj  
 zèl Ou.  
 8 Yo ✧bwè jiskaske yo vin plen an abondans lakay Ou;  
 Epi Ou bay yo bwè nan rivyè plezi Ou yo.  
 9 Paske avèk Ou, se ✧fontèn dlo lavi a;  
 Nan limyè pa Ou a, nou wè limyè.  
 10 O bay toujou lanmou dous Ou a pou sila  
 ki konnen Ou yo,  
 Epi ✧ladwati Ou pou sila ki dwat nan kè yo.  
 11 Pa kite pye ògèy vini sou mwen,  
 E pa kite men a mechan yo chase mwen ale.  
 12 Se la ✧sila k ap fè inikite yo gen tan fin tonbe;  
 Yo te peze desann ak fòs e yo p ap kab leve ankò.

### 37

Yon Sòm David

1 Pa twouble tèt ou akoz mechan yo. Pa vin ✧pote lanvi  
 vè malfektè yo.  
 2 Paske yo va ✧fennen vit tankou zèb chan,  
 e disparèt tankou zèb ki vèt  
 3 Mete konfyans ou nan SENYÈ a e  
 fè sa ki bon;  
 ✧Demere nan peyi a e kiltive fidelite.  
 4 Pran plezi ou nan SENYÈ a;  
 Epi Li va ✧bay ou tout dezi a kè ou.  
 5 ✧Dedye chemen ou a SENYÈ a,  
 Mete konfyans nan Li e Li va fè l.  
 6 Li va mennen fè parèt ladwati ou  
 kon limyè,  
 Epi jijman ou klere ✧kon midi.  
 7 Pran repo nan SENYÈ a e ✧tann Li ak pasyans;  
 Pa twouble ou akoz sila ki reyisi nan chemen li an,  
 Akoz nonm ki reyisi fè manev mechan li yo.  
 8 Sispann fache e abandone fè kòlè; pa twouble ou;  
 se sèl nan fè zak ki mal l ap fè ou rive.  
 9 Paske ✧malfektè yo va koupe retire nèt,  
 Men sila k ap tann SENYÈ yo,  
 Se yo ki va vin genyen peyi a kon eritaj yo.  
 10 Men yon ✧ti tan ankò, mechan an  
 p ap la ankò;  
 Epi ou va chache avèk atansyon plas li e  
 li p ap egziste.  
 11 Men ✧enb yo va fè eritaj peyi a e  
 va pran plezi yo nan reyisi anpil.  
 12 Mechan an ✧fè konplo kont sila ki dwat yo

✧ 36:7 Rt 2:12 ✧ 36:8 És 25:6 ✧ 36:9 Jr 2:13 ✧ 36:10 Sòm 24:5 ✧ 36:12 Sòm 140:10  
 ✧ 37:1 Sòm 73:3 ✧ 37:2 Job 14:2 ✧ 37:3 Éz 34:13-14 ✧ 37:4 Sòm 145:19 ✧ 37:5 Pwov  
 16:3 ✧ 37:6 Job 11:17 ✧ 37:7 Sòm 40:1 ✧ 37:9 Sòm 37:2-22 ✧ 37:10 Job 24:24 ✧ 37:11  
 Mat 5:5 ✧ 37:12 Sòm 31:13-20

Epi manje dan l sou li.

<sup>13</sup> SENYÈ a ri sou li, paske Li wè ke ✧jou li a ap rive.

<sup>14</sup> Mechan yo rale nepe e ✧koube banza yo

Pou jete aflije yo avèk malere a,  
Pou touye sila ki dwat nan kondwit yo.

<sup>15</sup> Nepe yo va antre nan pwòp kè yo,  
Epi ✧banza yo va kase.

<sup>16</sup> ✧Pi bon se ti kras a moun dwat yo pase abondans a anpil mechan yo.

<sup>17</sup> Paske bra a mechan yo va kase,  
Men SENYÈ a va ranfòse moun dwat yo.

<sup>18</sup> SENYÈ a ✧konnen jou a sila ki dwat yo,  
epi eritaj yo va dire jis pou tout tan.

<sup>19</sup> Yo p ap wont nan move tan,  
Epi nan ✧jou gwo grangou yo, y ap gen anpil.

<sup>20</sup> Men mechan yo va peri; epi, lènmi a SENYÈ a va tankou laglwa a bèl chan yo; Yo vin disparèt—tankou ✧lafimen yo ale nèt.

<sup>21</sup> Mechan an prete, men li pa remèt,  
Men moun dwat la ✧ranpli ak gras Pou li bay.

<sup>22</sup> Paske sila ke Li beni yo, va ✧eritye peyi a,  
Men sila ke Li modi yo, va vin koupe retire nèt.

<sup>23</sup> ✧Pa a yon nonm etabli pa SENYÈ a,  
Epi Li pran plezi nan chemen li.

<sup>24</sup> Lè ✧li tonbe, li p ap voye tèt anba nèt,  
Paske SENYÈ a se Sila ki kenbe men li an.

<sup>25</sup> Mwen te jèn e koulye a, mwen fin granmoun,  
Men ✧mwen poko wè moun dwat ki abandone,

Ni desandan li yo k ap mande pen.

<sup>26</sup> Tout lajounen, ✧ li plen ak gras pou prete moun,  
Epi desandan li yo se yon benediksyon.

<sup>27</sup> Kite mal e fè sa ki bon,  
Pou ou kab viv ✧jis pou tout tan.

<sup>28</sup> Paske SENYÈ a renmen jistis e li pa abandone fidèl li yo;  
Yo prezève pou tout tan, men mechan yo Va vin koupe retire nèt.

<sup>29</sup> Moun ladwati yo va ✧eritye peyi a,  
Pou viv ladann pou tout tan.

<sup>30</sup> Bouch a moun dwat yo va eksprime sajès,  
Epi lang li va ✧pale jistis.

✧ 37:13 I Sam 26:10 ✧ 37:14 Lam 2:4 ✧ 37:15 I Sam 2:4 ✧ 37:16 Pwov 15:16 ✧ 37:18 Sòm 1:6 ✧ 37:19 Job 5:20 ✧ 37:20 Sòm 68:2 ✧ 37:21 Sòm 112:5-9 ✧ 37:22 Pwov 3:33 ✧ 37:23 I Sam 2:9 ✧ 37:24 Pwov 24:15 ✧ 37:25 Eb 13:5 ✧ 37:26 Det 15:8 ✧ 37:27 Sòm 102:28 ✧ 37:29 Sòm 37:9 ✧ 37:30 Sòm 119:13

31 ✨Lalwa Bondye nan kè li;  
 Pa li yo pa janm glise.  
 32 Mechan an ap veye dwat la  
 pou ✨chache touye li.  
 33 SENYÈ a p ap kite li nan men li,  
 Ni ✨kite li kondane lè li jije.  
 34 Tann SENYÈ a e kenbe chemen Li an,  
 Epi Li va leve ou wo pou eritye peyi a;  
 Lè ✨mechan yo koupe retire, ou va wè sa.  
 35 Mwen konn ✨wè yon nonm mechan e vyolan  
 Ki gaye kò l tankou yon gwo pyebwa nan  
 tè peyi natal li.  
 36 Epi li mouri nèt e vwala, li ✨pa t la ankò;  
 Mwen te chache li, men li pa t kab twouve.  
 37 Byen remake nonm san tò a,  
 Epi gade byen nonm ladwati a;  
 Paske nonm lapè a va gen ✨posterite.  
 38 Men pechè a va detwi nèt;  
 Posterite a mechan an va ✨koupe retire nèt.  
 39 Men ✨delivrans a moun dwat yo soti nan  
 SENYÈ a; Se Li menm ki fòs yo nan tan twoub la.  
 40 SENYÈ a ede yo e delivre yo;  
 Li delivre yo soti nan men mechan yo  
 e sove yo,  
 Akoz se nan Li ke yo ✨kache.

## 38

Youn Sòm David; tankou yon sonj memorab

1 O SENYÈ, ✨pa repwoche mwen nan kòlè Ou,  
 ni fè m chatiman nan kòlè Ou k ap brile. <sup>2</sup> Paske ✨flèch Ou yo fin antre  
 fon anndan m,  
 Epi men Ou fin peze m.  
 3 ✨Nanpwen anyen ki ansante nan chè m, akoz  
 endiyasyon Ou;  
 Nanpwen lasante nan zo m yo akoz  
 peche mwen.  
 4 Paske ✨inikite mwen yo fin monte sou tèt mwen;  
 Tankou yon fado lou, yo peze twòp pou mwen.  
 5 Blese mwen yo vin santi e anfle akoz  
 ✨foli mwen.  
 6 Mwen fin koube nèt e ✨bese anpil;  
 Mwen ap fè doulè tout lajounen.  
 7 Paske ren mwen plen ak ✨brile,  
 Epi nanpwen anyen ansante nan chè m  
 8 Mwen ✨pa kab santi anyen ankò e  
 Mwen fin kraze nèt  
 Vwa m plenyen akoz kè m ajite.

✨ 37:31 Det 6:6 ✨ 37:32 Sòm 37:14 ✨ 37:33 Sòm 34:22 ✨ 37:34 Sòm 52:5-6 ✨ 37:35 Job  
 5:3 ✨ 37:36 Job 20:5 ✨ 37:37 És 57:1-2 ✨ 37:38 Sòm 37:9 ✨ 37:39 Sòm 3:8 ✨ 37:40 I  
 Kwo 5:20 ✨ 38:1 Sòm 6:1 ✨ 38:2 Job 6:4 ✨ 38:3 És 1:6 ✨ 38:4 Esd 9:6 ✨ 38:5 Sòm 69:5  
 ✨ 38:6 Sòm 35:14 ✨ 38:7 Sòm 102:3 ✨ 38:8 Lam 1:13-20



- 9 SENYÈ, toutvolonte m devan Ou;  
Tout ✧plent a vwa m yo pa kache a Ou menm.
- 10 Kè m bat fò, ✧fòs mwen kite m;  
Menm limyè a zye m, menm sa  
fin kite mwen.
- 11 Pwòch mwen yo avèk zanmi mwen yo  
kanpe nan distans akoz touman m;  
Epi fanmi mwen yo ✧kanpe byen lwen.
- 12 Sila ki chache lavi m yo, ap prepare  
pyèj yo pou mwen;  
Epi sila ki chache fè m donmaj yo ap fè menas destriksyon,  
Epi y ap manniganse trayizon tout lajounen.
- 13 Men mwen menm, tankou yon moun mouri, mwen pa tande;  
Epi se tankou yon bèbè, ki pa ouvri bouch li.
- 14 Wi, mwen tankou yon nonm ki pa tande,  
E nan bouch a sila nanpwen repons lan.
- 15 Paske mwen mete espwa mwen nan Ou, O SENYÈ;  
Ou ✧va reponn, O SENYÈ, Bondye mwen an.
- 16 Paske mwen te di: “Ke yo pa vin rejwi sou mwen,  
Pou lè pye m chape, pou yo ✧ta vante tèt  
yo kont mwen.
- 17 Paske mwen prèt pou tonbe e ✧tristès mwen  
devan m tout tan.
- 18 Paske mwen konfese inikite mwen;  
Mwen ranpli avèk ✧laperèz akoz peche m.
- 19 Men lènmi m yo plen kouraj e fò,  
Epi anpil, se sila ki ✧rayi mwen san koz yo.
- 20 Epi sila ki remèt mal pou byen yo; yo parèt  
kont mwen akoz mwen swiv sa ki bon.
- 21 Pa abandone m, O SENYÈ;  
O Bondye m nan, ✧pa rete lwen m!
- 22 Fè vit pou ede mwen,  
O SENYÈ, delivrans mwen an!

## 39

- Pou direktè koral la. Pou Jeduthyèn. Yon Sòm David
- 1 Mwen te di, mwen va veye chemen mwen, pou m pa  
✧fè peche ak lang mwen;  
Mwen va veye bouch mwen konsi li gen  
yon mizo ladann  
Pandan mechan yo rete nan prezans mwen.
- 2 Mwen te ✧tankou bèbè e mwen te rete an silans,  
Mwen te evite menm sa ki ta kab bon,  
Epi tristès mwen te vin pi mal.
- 3 ✧Kè m te cho anndan m, pandan mwen  
t ap reflechi dife a t ap brile;  
Konsa, mwen te pale ak lang mwen:
- 4 SENYÈ, fè m konnen ✧longè a jou mwen yo;

✧ 38:9 Sòm 6:5 ✧ 38:10 Sòm 31:10 ✧ 38:11 Luc 23:49 ✧ 38:15 Sòm 17:6 ✧ 38:16 Sòm  
35:26 ✧ 38:17 Sòm 13:2 ✧ 38:18 II Kor 7:9-10 ✧ 38:19 Sòm 35:19 ✧ 38:21 Sòm 22:19  
✧ 39:1 Job 2:10 ✧ 39:2 Sòm 38:13 ✧ 39:3 Sòm 32:4 ✧ 39:4 Job 6:11

Fè m konnen ke m p ap dire anpil.

<sup>5</sup> Gade byen, Ou te fè jou mwen yo kontwole tankou lajè a men m ki louvri,  
Epi lavi mwen konsi li pa anyen devan zye Ou;  
Anverite, lavi tout moun, menm pi bon an,  
✧Se yon sèl grenn souf.

<sup>6</sup> Anverite, tout moun mache toupatou tankou yon lonbraj;

✧Anverite, yo fè gwo zen pou ryen;  
Li ranmase byen yo men l pa konnen kilès k ap rasanble yo.

<sup>7</sup> Epi koulye a, SENYÈ, Sila m ap tann nan?

✧Espwa m se nan Ou.

<sup>8</sup> ✧Delivre mwen de tout transgresyon mwen yo;  
Pa fè m repwòch pou moun san sajès yo.

<sup>9</sup> Mwen tounen tibebe, mwen pa ouvri bouch mwen,  
Akoz se ✧Ou ki te fè sa.

<sup>10</sup> ✧Rete touman Ou sou mwen;  
Akoz men Ou ki kont mwen, m ap peri.

<sup>11</sup> Avèk repwòch, Ou fè chatiman a yon nonm pou inikite li;  
Ou ✧manje tankou mit nan rad sa ki konsidere pi chè pou li menm nan;  
Anverite, tout moun se sèlman yon souf.

<sup>12</sup> Tande lapriyè mwen, O SENYÈ e prete zòrèy Ou a kri mwen;  
Pa rete an silans lè dlo ap koule nan zye m;  
Paske mwen se yon etranje devan Ou,  
Yon vwayajè tankou tout papa zansèt mwen yo.

<sup>13</sup> ✧Vire rega figi Ou lwen mwen, pou m kab ri ankò avan m mouri pou m pa la ankò.”

## 40

Pou direktè koral la; Yon Sòm David

<sup>1</sup> Mwen te ✧tann avèk pasyans SENYÈ a;  
Epi Li te encline vè mwen e te tande kri mwen.

<sup>2</sup> Li te mennen mwen sòti nan fòs k ap detwi a, sòti deyò gwo ma ajil la  
Epi Li te mete pye m sou wòch la e te ✧fè chak pa m fè, poze byen fèm.

<sup>3</sup> Li te mete yon ✧chanson nèf nan bouch mwen,  
Yon chan lwanj Bondye nou an;  
Anpil moun va wè, vin gen lakrent e va mete konfyans nan Bondye.

<sup>4</sup> A la ✧beni se nonm ki mete konfyans li nan SENYÈ a,

✧ 39:5 Sòm 89:47 ✧ 39:6 I Kor 7:31 ✧ 39:7 Sòm 38:15 ✧ 39:8 Sòm 51:9-14 ✧ 39:9 II Sam 16:10 ✧ 39:10 Job 9:34 ✧ 39:11 Job 13:28 ✧ 39:13 Job 7:19 ✧ 40:1 Sòm 25:5 ✧ 40:2 Sòm 37:23 ✧ 40:3 Sòm 32:7 ✧ 40:4 Sòm 34:8

E ki pa t vire vè moun ògèy yo, ni a sila  
ki vin vire nan sa ki fo yo.

<sup>5</sup> Anpil, O SENYÈ Bondye mwen an, se ✨mèvèy  
ke Ou te fè yo,

Avèk panse Ou yo anvè nou;

Nanpwen ki kab konpare avèk Ou.

Si m ta deklare yo e pale sou yo tout, yo ta vin  
twòp pou m ta kab konte.

<sup>6</sup> ✨Sakrifis avèk ofrann sereyal, Ou pa t dezire yo;

Ou te ouvri zòrèy mwen;

Ofrann brile avèk ofrann peche yo,

Ou pa t mande yo.

<sup>7</sup> Epi mwen te di: “Gade byen, mwen vini;

Nan woulo liv la, li ekri sou mwen menm.

<sup>8</sup> ✨Mwen pran plezi nan fè volonte pa Ou, O SENYÈ;

Lalwa Ou nan kè m.”

<sup>9</sup> Mwen te ✨pwoklame bòn nouvèl ladwati

yo nan gran asanble a;

Gade byen, mwen p ap anpeche lèw mwen;

O SENYÈ, Ou konnen.

<sup>10</sup> Mwen pa t kache ladwati Ou anndan kè m;

Mwen te pale selon fidelite Ou, avèk sali Ou;

Mwen pa t kache lanmou dous Ou avèk

verite Ou devan gran asanble a.

<sup>11</sup> Ou menm O SENYÈ, p ap refize mwen.

✨Lanmou dous Ou avèk verite Ou va

prezève mwen tout tan.

<sup>12</sup> Paske malè ki depase kontwòl yo te antoure mwen;

✨Inikite mwen yo te fin pran m nèt

jiskaske mwen pa t kab wè;

Yo plis pase cheve sou tèt mwen,

Epi kè m fin fè fayit.

<sup>13</sup> ✨Fè l plezi Ou, O SENYÈ, pou delivre mwen;

Fè vit, O SENYÈ, pou ede mwen.

<sup>14</sup> Kite sila yo vin wont e imilye ansanm,

Sila ki ✨chache lavi mwen pou detwi li;

Kite sila yo vire fè bak e dezonore, sila ki

pran plezi nan fè m mal yo.

<sup>15</sup> Kite sila yo etone nèt akoz wont yo,

Sila ki ✨di mwen: “Wayan, wayan!”

<sup>16</sup> Kite tout sila ki wè Ou yo rejwi e

fè kè kontan nan Ou;

Kite tout sila ki renmen sali Ou yo

✨pale tout tan: “Ke SENYÈ a kapab

leve wo!”

<sup>17</sup> Akoz mwen aflije e nan gwo bezwen,

✨Kite SENYÈ a toujou sonje mwen.

Se Ou menm ki soutyen mwen ak delivrans mwen;

✨ 40:5 Job 5:9 ✨ 40:6 I Sam 15:22 ✨ 40:8 Jn 4:34 ✨ 40:9 Sòm 22:22 ✨ 40:11 Sòm 43:3

✨ 40:12 Sòm 38:4 ✨ 40:13 Sòm 22:19 ✨ 40:14 Sòm 63:9 ✨ 40:15 Sòm 35:21 ✨ 40:16 Sòm

35:27 ✨ 40:17 Sòm 40:5

Pa fè reta, O Bondye mwen an.

## 41

Pou direktè koral la; Yon Sòm David

<sup>1</sup> A la beni sila ki konsidere ka malere a beni;

SENYÈ a va delivre li ✧nan jou twoub li

<sup>2</sup> SENYÈ a va pwoteje li e fè l viv, epi

Li va rele beni sou latè a

E li ✧p ap livre a volonte lènmi li yo.

<sup>3</sup> SENYÈ a va bay li soutyen lè l malad sou kabann;

Nan maladi li, li va restore li a lasante.

<sup>4</sup> Konsa, pou mwen, mwen te di: “O SENYÈ, fè m gras;

Geri nanm mwen paske ✧mwen te peche kont Ou.

<sup>5</sup> Lènmi m yo ✧pale mal kont mwen:

“Kilè l ap mouri pou non li vin peri?”

<sup>6</sup> Epi lè l vin wè m, li ✧bay manti;

Kè li ranmase mechanste pou kont li;

Lè l sòti deyò, li pale sa.

<sup>7</sup> Tout sila ki rayi mwen yo

Soufle ti pawòl nan zòrèy youn lòt;

Kont mwen, yo ✧fè plan pou

donmaje mwen epi yo di:

<sup>8</sup> “Yon bagay mechan gen tan vide

sou li pou lè l kouche pou li ✧pa leve ankò.”

<sup>9</sup> Menm ✧zanmi ki te pre m yo, nan sila mwen

te mete konfyans yo,

Ki te manje pen mwen, te leve talon li

kont mwen.

<sup>10</sup> Men Ou menm, O SENYÈ, fè m gras e ✧fè m leve

Pou m kab bay yo rekonpans yo.

<sup>11</sup> Akoz sa, ✧mwen konnen ke Ou pran

plezi nan mwen,

Akoz lènmi mwen an pa kriye viktwa

sou mwen.

<sup>12</sup> Pou mwen menm, Ou soutni mwen nan

entegrite mwen,

Epi Ou mete mwen ✧nan prezans Ou

jis pou tout tan.

<sup>13</sup> ✧Beni se SENYÈ a, Bondye Israèl la,

Soti pou tout tan, jis rive pou tout tan.

Amen e Amen.

## LIV 2

## 42

Pou direktè koral la. Refleksyon pa fis Koré Yo

<sup>1</sup> Poukisa ou jete tèlman ba, O nanm mwen?

Pou direktè koral la; yon chan Fis a Koré yo

✧ **41:1** Sòm 27:5 ✧ **41:2** Sòm 27:12 ✧ **41:4** Sòm 51:4 ✧ **41:5** Sòm 38:12 ✧ **41:6** Sòm 12:2

✧ **41:7** Sòm 56:5 ✧ **41:8** Sòm 71:10-11 ✧ **41:9** II Sam 15:12 ✧ **41:10** Sòm 3:3 ✧ **41:11** Sòm

37:23 ✧ **41:12** Job 36:7 ✧ **41:13** Sòm 72:18-19

Yon Sòm David  
Jan sèf la ✨rale souf ak swaf pou dlo ravin nan,  
Konsa nanm mwen rale souf pou Ou,  
O Bondye.

<sup>2</sup> Nanm mwen swaf pou Bondye,  
Pou Bondye vivan an;  
Se kilè mwen kab vini pou ✨ parèt  
devan Bondye?

<sup>3</sup> Se dlo nan zye m ki manje mwen lajounen  
kon lannwit,  
Pandan y ap ✨di m tout lajounen:  
“Kote Bondye ou a?”

<sup>4</sup> Bagay sa yo mwen sonje e mwen  
✨vide nanm mwen nèt anndan m.  
Paske mwen te konn ale ansanm ak foul la,  
E pran devan nan pwosesyon pou rive  
lakay Bondye.

Avèk yon vwa ak lajwa, ak remèsiman, yon  
gran foul k ap fè fèt la.

<sup>5</sup> Poukisa, o! nanm mwen, ou nan dezespwa?  
Epi poukisa ou twouble anndan m?  
Mete espwa ou nan Bondye, paske mwen  
va louwe Li ankò akòz ✨sekou a prezans Li an.

<sup>6</sup> O, Bondye mwen, nanm mwen pèdi  
espwa anndan mwen;  
Pou sa, mwen sonje Ou soti nan peyi  
Jourdain an avèk tèt mòn a Hermon yo  
soti kanpe nan Mòn Mitsear.

<sup>7</sup> Pwofondè a rele pwofondè a nan son kaskad dlo Ou yo;  
Tout ✨gwo dlo ak move lanmè Ou yo  
fin koule sou mwen.

<sup>8</sup> SENYÈ a va òdone lanmou dous Li a  
nan lajounen;  
Chan Li yo va avèk mwen ✨pandan nwit lan,  
Yon lapriyè a Bondye lavi mwen an.

<sup>9</sup> Mwen va di a Bondye, wòch mwen an:  
“Poukisa Ou te bliye mwen?  
Poukisa mwen antre nan tristès akòz  
✨opresyon lènmi an?”

<sup>10</sup> Se tankou tout zo mwen yo kraze,  
Jan advèsè mwen yo anmède mwen,  
Pandan y ap ✨di m tout lajounen:  
“Kote Bondye Ou a”?

<sup>11</sup> Poukisa ou nan dezespwa, O nanm mwen?  
Epi poukisa ou vin twouble anndan mwen?  
Mete espwa ou nan Bondye, paske  
M ap louwe Li ankò,  
O soutyen kè mwen an e Bondye mwen an.

## 43

- 1 ✧ Deklare m inosan, O Bondye mwen; plede ka mwen kont yon nasyon enfidèl;  
O delivre mwen soti nan men a yon nonm mantè e enjis!
- 2 Paske Ou se Bondye a fòs mwen an; poukisa Ou rejte m?  
Poukisa mwen ✧fè dèy akòz opresyon a lènmi an?"
- 3 Voye ✧limyè Ou deyò avèk verite Ou;  
Kite yo mennen mwen;  
Kite yo mennen m nan mòn sen Ou an  
Ak kote Ou abite yo.
- 4 Konsa, mwen va ale vè lotèl Bondye a,  
Bondye ✧lajwa m ki depase limit lan  
Epi sou gita a, mwen va bay Ou lwanj,  
O Bondye, Bondye mwen an.
- 5 ✧Poukisa ou nan dezespwa, O nanm mwen?  
E poukisa ou twouble anndan m?  
Mete espwa ou nan Bondye paske m ap louwe Li ankò O soutyen a kè mwen an e Bondye mwen an.

## 44

- Pou direktè koral la; Yon Sòm refleksyon pa fis a Koré yo
- 1 O Bondye, nou te tandè avèk zòrèy nou. Zansèt nou yo te pale nou ✧travay ke Ou te fè nan jou pa yo, nan jou ansyen yo.
- 2 Ou menm, avèk pwòp men Ou, Ou te ✧chase mete nasyon yo deyò;  
Epi Ou te foule yo anba; Ou te aflije pèp yo,  
Epi Ou te gaye yo toupatou.
- 3 Konsa, ✧se pa ak pwòp nepe pa yo ke yo te posede peyi a,  
Ni se pa pwòp bra yo ki te sove yo,  
Men se men dwat Ou avèk bra Ou e limyè prezans Ou an,  
Paske Ou te bay yo favè.
- 4 Se Ou menm ki ✧Wa m, O Bondye;  
Òdone viktwa pou Jacob.
- 5 Ak pouvwa Ou menm, nou va pouse fè advèsè nou fè bak;  
Nan non Ou, nou va ✧pile fè desann sila ki leve kont nou yo.
- 6 Paske mwen ✧p ap mete konfyans nan banza mwen;  
Ni se pa nepe m k ap sove mwen.
- 7 Men Ou ✧te sove nou kont advèsè nou yo,  
Epi Ou te fè tout sila ki rayi nou yo wont.
- 8 Nan Bondye, nou te ✧louwe tout lajounen,

✧ 43:1 Sòm 26:1 ✧ 43:2 Sòm 42:9 ✧ 43:3 Sòm 36:9 ✧ 43:4 Sòm 21:6 ✧ 43:5 Sòm 42:5-11  
✧ 44:1 Det 32:7 ✧ 44:2 Jos 3:10 ✧ 44:3 Det 8:17-18 ✧ 44:4 Sòm 74:12 ✧ 44:5 Sòm 108:13  
✧ 44:6 I Sam 17:47 ✧ 44:7 Sòm 136:24 ✧ 44:8 Sòm 34:2

Epi nou va bay remèsiman a non Ou  
jis pou tout tan.

<sup>9</sup> Sepandan, Ou te rejte nou e te mennen  
nou nan gwo wont lan,  
e Ou ✨pa t sòti ankò avèk lame nou yo.

<sup>10</sup> Ou fè nou vire ✨fè bak devan advèsè a;  
Epi sila ki rayi nou yo te fè piyaj  
pou kont yo.

<sup>11</sup> Ou te vese bay nou kon kado,  
Tankou mouton ki te livre kon manje  
Epi te ✨gaye nou pami nasyon yo.

<sup>12</sup> Ou ✨vann pèp Ou bon mache e Ou pa t  
fè pwofi nan vant lan.

<sup>13</sup> Ou fè nou repwòche devan vwazen nou yo,  
Yon objè ki moke e ✨giyonnen pa sila  
ki antoure nou yo.

<sup>14</sup> Ou fè nou ✨tounen yon vye mò pami nasyon yo,  
Yon rizib ki fè moun ri pami pèp yo.

<sup>15</sup> Tout lajounen dezonè sa a rete la devan m  
Epi imilyasyon mwen kraze m nèt.

<sup>16</sup> Akoz vwa a sila ki ✨fè m repwòch e ki meprize mwen,  
Akoz prezans lènmi an avèk vanjè a.

<sup>17</sup> Tout sa gen tan rive sou nou, men  
Nou pa te bliye Ou, ni nou pa t ✨aji  
nan manti avèk akò Ou a.

<sup>18</sup> Kè nou pa t vire fè bak, ni pa nou yo  
✨pa t varye soti nan chemen Ou.

<sup>19</sup> Malgre, Ou te kraze nou nan landwa chen mawon yo  
E te kouvri nou avèk ✨lonbraj lanmò a.

<sup>20</sup> Si nou te bliye non a Bondye nou an, oswa  
lonje men nou vè yon ✨lòt dye etranje,

<sup>21</sup> Èske Bondye pa ta ✨dekouvri sa a?  
Paske Li konnen tout sekre a kè yo.

<sup>22</sup> Men ✨pou lakoz a Ou menm, nou vin touye  
tout lajounen;

Nou konsidere tankou mouton  
k ap rive labatwa.

<sup>23</sup> Leve Ou menm! Poukisa Ou ap dòmi,  
O SENYÈ?

Leve nan dòmi! ✨Pa rejte nou nèt.

<sup>24</sup> Poukisa Ou ✨kache figi Ou e bliye  
ke n ap souffri e oprime?

<sup>25</sup> Paske ✨nanm nou te neye jis rive nan pousyè;  
Kò nou kole jis rive atè,

<sup>26</sup> ✨Leve monte; vin parèt kon sekou nou,  
E rachte nou pou koz  
lanmou dous Ou a.

✨ **44:9** Sòm 60:10 ✨ **44:10** Lev 26:17 ✨ **44:11** Lev 26:33 ✨ **44:12** Det 32:30 ✨ **44:13**  
Sòm 80:6 ✨ **44:14** II Wa 19:21 ✨ **44:16** Sòm 74:10 ✨ **44:17** Sòm 78:57 ✨ **44:18** Job 23:11  
✨ **44:19** Job 3:5 ✨ **44:20** Det 6:14 ✨ **44:21** Sòm 139:1-2 ✨ **44:22** Wo 8:36 ✨ **44:23** Sòm  
77:7 ✨ **44:24** Job 13:24 ✨ **44:25** Sòm 119:25 ✨ **44:26** Sòm 35:2

## 45

Pou direktè koral la; selon Schoshannim nan. Yon Sòm a fis a Koré yo.

Yon Chanson Fèt Maryaj

<sup>1</sup> Kè m debòde avèk yon bèl sijè; se a Wa a ke m adrese vèsè sila yo;

Lang mwen se plim a yon ekriven byen prepare.

<sup>2</sup> Ou pi bo pase fis a lòm yo;

✧Lagras debòde sou lèw ou;

Pou sa, Bondye te beni ou jis pou tout tan.

<sup>3</sup> Mete nepe Ou sou kwis ou, O Sila Ki Pwisan an,

Nan bèlte Ou avèk majeste Ou!

<sup>4</sup> Epi nan majeste Ou, Ou monte nèt an vikwa,

Pou koz verite avèk ✧imilite, avèk ladwati;

Kite men dwat Ou enstwi Ou bagay mèwèy yo.

<sup>5</sup> Flèch Ou yo se filè; tout pèp yo tonbe anba Ou;

Flèch Ou yo ✧nan kè a lènmi a Wa a.

<sup>6</sup> Twòn Ou, O SENYÈ, se pou tout tan e pou tout tan;

Baton ✧ladwati a se baton wayal a wayòm Ou an.

<sup>7</sup> Ou te renmen ladwati e te rayi mechanste;

Pou sa, Bondye, Bondye pa Ou a te ✧onksyone Ou

Avèk lwil lajwa plis ke moun parèy Ou yo.

<sup>8</sup> Tout vètman Ou yo santi tankou lami,

womaren ak sitwonèl;

enstriman a kòd ki sòti nan palè yo

vin fè Ou kontan.

<sup>9</sup> Fi a wa yo vin pami fanm enpòtan Ou yo;

Sou ✧men dwat Ou, kanpe

rèn abiye an lò ki sòti Ophir a.

<sup>10</sup> Koute byen, O fi, prete atansyon e

panche zòrèy Ou:

✧Bliye pèp ou a avèk lakay papa ou;

<sup>11</sup> Epi wa a va dezire bèlte ou;

Paske li se Senyè ou, ✧vin bese ba devan Li.

<sup>12</sup> Fi a ✧Tyr la va vini avèk yon kado; rich pami

pèp yo k ap chache favè ou.

<sup>13</sup> Fi a wa a bèl nèt anndan;

Vètman li ✧trese antre sòti avèk lò.

<sup>14</sup> Li va ✧mennen kote Wa a nan yon zèv bwodri

Vyèy yo, konpanyen li yo, ki swiv li va mennen

bò kote Ou.

<sup>15</sup> Yo va mennen fè parèt avèk kè kontan ak

anpil rejwisans;

Nan palè a wa a, yo va antre.

<sup>16</sup> Nan plas a papa zansèt ou yo, va gen

fis ou yo;

Ou va fè yo prens sou tout latè.

<sup>17</sup> Mwen va fè ✧non Ou vin sonje nan

✧ 45:2 Luc 4:22 ✧ 45:4 So 2:3 ✧ 45:5 II Sam 18:14 ✧ 45:6 Sòm 98:9 ✧ 45:7 Sòm 2:2

✧ 45:9 I Wa 2:19 ✧ 45:10 Det 21:13 ✧ 45:11 Ef 5:33 ✧ 45:12 Sòm 87:4 ✧ 45:13 Egz 39:2-3

✧ 45:14 So 1:4 ✧ 45:17 Mal 1:11



tout jenerasyon yo;  
Akoz sa, tout pèp yo va bay Ou remèsiman  
pou tout tan e pou tout tan.

## 46

Yon Sòm a fis a Koré yo, selon Alamot; Yon chanson

- 1 Bondye se ✨pwotèj nou ak fòs nou, yon sekou ki toujou la nan tan twoub la.
- 2 Pou sa, nou ✨p ap pè anyen, malgre latè ta chanje e malgre mòn yo ta chape antre nan fon lanmè;
- 3 Malgre dlo li yo ta fè laraj e kimen, Malgre mòn yo souke nan anfle ak ògèy yo. {Tan}
- 4 Genyen yon rivyè ak flèv li yo Ki fè kè vil Bondye a kontan, Lye sen a kote Pi Wo a ✨demere a.
- 5 Bondye nan mitan li, li p ap deplase menm; Bondye va ede li vin parèt nan maten.
- 6 Nasyon yo te fè gwo boulvèsman, Wayòm yo te souke; Li te leve vwa l e latè te ✨fonn.
- 7 SENYÈ dèzame yo ✨avèk nou; Bondye Jacob la se sitadèl nou.
- 8 Vini, ✨gade byen zèv a SENYÈ yo ki te fè gwo dega nan tout latè.
- 9 Li fè lagè yo sispann jis rive nan ekstremitè latè; Li kase banza a e koupe lans lan an de bout; Li brile cha yo avèk dife.
- 10 Kanpe la e ✨konnen ke se Mwen menm ki Bondye; Mwen va leve wo pami nasyon yo, Mwen va leve wo sou tè a.”
- 11 SENYÈ dèzame yo avèk nou; Bondye Jacob la se sitadèl nou. {Tan}

## 47

Pou direktè koral la; Yo Sòm pa fis Koré yo.

- 1 O bat men nou ansanm, tout pèp yo; rele fò a Bondye ✨Rele a Bondye avèk yon vwa plen ak jwa.
- 2 Paske fòk nou gen lakrent a SENYÈ Pi Wo a, Yon ✨gran wa sou tout tè a.
- 3 Li fè soumèt pèp yo anba nou e nasyon yo anba pye nou.
- 4 Pou nou menm, Li chwazi eritaj nou, ✨glwa a Jacob ke Li renmen an. {Tan}
- 5 Bondye te monte avèk yon gwo rèl, SENYÈ a avèk ✨son a twonpèt la.
- 6 Chante lwanj Bondye a, chante lwanj yo; Chante lwanj ✨Wa nou an, chante lwanj yo.

✨ 46:1 Sòm 14:6 ✨ 46:2 Sòm 23:4 ✨ 46:4 Sòm 43:3 ✨ 46:6 Am 9:5 ✨ 46:7 Nonb 14:9  
✨ 46:8 Sòm 66:5 ✨ 46:10 Sòm 100:3 ✨ 47:1 Sòm 106:47 ✨ 47:2 Mal 1:1 ✨ 47:4 Am 6:8  
✨ 47:5 Sòm 98:6 ✨ 47:6 Sòm 89:18

7 Paske Bondye se Wa a tout tè a;  
Chante lwanj yo ✧avèk yon chan byen bèl.  
8 Bondye ✧regne sou nasyon yo;  
Bondye chita sou twòn wayal Li a.  
9 Prens a pèp yo te rasanble yo kon  
✧pèp a Bondye Abraham nan.  
Paske tout boukliye sou latè yo se pou Bondye.  
Li leve byen wo.

## 48

Yon Chan; yon Sòm fis a Koré yo.  
1 Gran se Bondye e gran se lwanj Li merite a,  
Nan vil a Bondye nou an, mòn sen pa Li a.  
2 Bèl nan wotè li, jwa a tout tè a, se  
Mòn Sion jis rive nan nò, ✧Vil a gran Wa a.  
3 Bondye nan palè li yo;  
Li te fè tèt Li rekonèt kon yon ✧sitadèl.  
4 Men gade, ✧wa yo te rasanble yo;  
Yo pase akote vil la ansanm.  
5 Yo te wè li e yo te etone;  
Yo te ✧sezi nèt, yo te kouri nan laperèz.  
6 La, yo pèdi ekilib yo nèt; doule ak sezisman  
Te pran yo tankou ✧fanm k ap akouche.  
7 Avèk ✧van lès la, Ou te kraze bato a Tarsis yo.  
8 Jan nou konn tande a, se konsa nou vin wè  
Nan vil SENYÈ dèzame yo, nan vil  
Bondye pa nou an;  
Bondye va ✧etabli li nèt, jis pou tout tan.  
9 Nou te reflechi sou ✧lanmou dous  
Ou a, O Bondye, nan mitan tanp Ou a.  
10 Jan ✧non Ou ye a, O Bondye,  
Se konsa Lwanj Ou ye jis rive nan dènye pwent tè a;  
Men dwat Ou plen ladwati.  
11 Kite Mòn Sion fè kè kontan; kite ✧ fi a  
Juda yo rejwi akòz jijman Ou yo.  
12 Mache toupatou nan Sion e antoure li;  
✧Konte fò wo li yo;  
13 Konsidere ranpa li yo;  
Antre nan palè li yo, pou ou kab  
✧pale jenerasyon k ap vini an.  
14 Paske se konsa Bondye ye,  
Bondye pa nou an jis pou tout tan;  
✧Li va gide nou jiska lanmò.

## 49

Pou direktè koral la; Yon Sòm fis a Koré yo  
1 Tande sa, tout pèp yo; prete zòrèy nou,  
tout sila ki rete nan mond la!

✧ 47:7 I Kor 14:15 ✧ 47:8 I Kwo 16:31 ✧ 47:9 Wo 4:11-12 ✧ 48:2 Mat 5:35 ✧ 48:3 Sòm  
46:7 ✧ 48:4 II Sam 10:6-19 ✧ 48:5 Egz 15:15 ✧ 48:6 És 13:8 ✧ 48:7 Jr 18:17 ✧ 48:8 Sòm  
87:5 ✧ 48:9 Sòm 26:3 ✧ 48:10 Det 28:58 ✧ 48:11 Sòm 97:8 ✧ 48:12 Né 3:1-27 ✧ 48:13  
Sòm 78:5-7 ✧ 48:14 Sòm 23:4

- 2 Ni ✨ba, ni wo, rich avèk malere ansanm.  
 3 Bouch mwen va ✨pale sajès,  
 Epi meditasyon a kè m va vin konprann.  
 4 Mwen va apiye zòrèy mwen vè yon pwovèb;  
 Mwen va eksprime yon ✨devinèt  
 sou ap la.  
 5 Poukisa mwen ta gen ✨krent nan move jou yo,  
 Lè inikite a lènmi m yo antoure m,  
 6 Malgre sila ki ✨mete konfyans nan richès yo,  
 E ki ògeye nan kantite fòs lajan yo?  
 7 Nanpwen moun ki kab sou okenn mwayen  
 ✨sove frè li, ni li p ap kab bay Bondye  
 yon racha pou li.  
 8 Paske ✨redanmsyon nanm li koute chè,  
 epi li ta dwe sispann fè esèy sa a nèt.  
 9 Pou li ta ✨viv toujou jis pou letènite  
 Pou li ✨pa ta janm tonbe en pouriti menm.  
 10 Paske li wè ke menm moun saj yo mouri;  
 Sila ki bèt ak sila ki fou yo mouri menm jan,  
 Epi ✨kite byen yo pou lòt yo.  
 11 Yo ✨reflechi anndan kè yo ke kay yo se pou tout tan,  
 Epi kote yo rete a se pou tout jenerasyon yo;  
 Yo te rele peyi yo a menm non ak yo.  
 12 Men yon ✨nonm nan gran ògèy li p ap dire;  
 Li tankou bèt ki peri.  
 13 Konsa, se ✨chemen a sila ki manke sajès yo,  
 Ak sila ki swiv yo e ki vin dakò avèk pawòl yo.  
 14 Tankou mouton, yo fin chwazi pou rive nan sejou lanmò;  
 Lanmò va bèje yo;  
 Epi moun dwat yo va domine sou yo nan maten.  
 Epi fòm yo va ✨fini nèt pa sejou lanmò a,  
 Jiskaske yo pa gen kote pou rete.  
 15 Men ✨Bondye va rachte nanm mwen soti  
 pouvwa a sejou lanmò a,  
 Paske Li va resevwa m.  
 16 Ou pa bezwen pè ✨lè yon nonm vin rich,  
 Lè glwa lakay li vin ogmante;  
 17 Paske lè l mouri li p ap pote anyen ale;  
 Glwa li a p ap swiv li desann.  
 18 Sepandan, pandan l ap viv, li ✨bat bravo pou pwòp tèt li—  
 Epi malgre moun ta bay ou glwa lè ou fè byen  
 pou pwòp tèt ou—  
 19 Li va ale nan jenerasyon a zansèt li yo;  
 Yo p ap janm wè ✨limyè an.  
 20 Lòm, nan pwòp glwa avèk ògèy li;  
 Poutan, san konprann,  
 Se tankou bèt ki peri.

✨ 49:2 Sòm 62:9 ✨ 49:3 Sòm 37:30 ✨ 49:4 Nonb 12:8 ✨ 49:5 Sòm 23:4 ✨ 49:6 Job 31:24  
 ✨ 49:7 Mat 25:8-9 ✨ 49:8 Mat 16:26 ✨ 49:9 Sòm 22:29 ✨ 49:9 Sòm 16:10 ✨ 49:10 Sòm  
 39:6 ✨ 49:11 Jen 4:17 ✨ 49:12 Sòm 49:20 ✨ 49:13 Jr 17:11 ✨ 49:14 Job 24:19 ✨ 49:15  
 Jen 5:24 ✨ 49:16 Sòm 37:7 ✨ 49:18 Det 29:19 ✨ 49:19 Job 33:30

## 50

Yon Sòm Asaph

- 1 Sila Ki Pwisan Nèt la, Bondye, SENYÈ a, fin pale,  
Epi te rele lemonn lan soti nan ✨leve solèy la  
jis rive nan kote li kouche a.
- 2 Soti nan Sion, ✨bèlte pafè a;  
Konsa Bondye te fè limyè Li parèt.
- 3 Pou Bondye nou kapab ✨vin parèt e pa rete an silans;  
Dife devore devan L, e tanpèt yo antoure L
- 4 Li ✨fè pwosè vèbal syèl yo anwo,  
avèk latè pou jije pèp Li a:
- 5 “Rasanble fidèl Mwen yo kote M,  
Sila ki te fè yon akò avèk Mwen  
avèk ✨sakrifis yo.”
- 6 Epi syèl yo deklare ladwati Li,  
Paske ✨Bondye, Li menm, se Jij. {Tan}
- 7 “Koute O pèp Mwen an e Mwen va pale;  
O Israèl, Mwen va fè temwayaj kont ou;  
Mwen se Bondye, ✨Bondye pa ou a.
- 8 Mwen pa ✨repwoche ou pou sakrifis ou yo,  
Epi ofrann brile yo devan m tout tan.
- 9 Mwen p ap pran okenn ✨jenn towò sòti lakay ou,  
Ni mal kabrit sòti nan Pak ou yo.
- 10 Paske ✨tout bèt nan forè yo se pou mwen,  
Bèf sou mil kolin yo.
- 11 Mwen konnen tout ✨zwazo nan mòn yo,  
Epi tout sa ki fè mouvman nan chan yo  
se pou Mwen.
- 12 Si mwen te grangou, mwen pa t ap di ou sa,  
Paske tout ✨mond lan se pou Mwen, avèk  
tout sa ki ladann.
- 13 Èske m ta manje chè a ✨towo yo,  
oswa bwè san a mal kabrit yo?
- 14 Ofri a Bondye ✨yon sakrifis remèsiman  
e peye ve ou yo a Pi Wo a;
- 15 Rele Mwen nan jou twoub la;  
Mwen va ✨delivre ou e ou va onore Mwen
- 16 Men a mechan yo Bondye di:  
“Ki dwa ou genyen pou pale sou règleman Mwen yo  
e pou pran ✨akò Mwen an nan bouch ou?”
- 17 Paske ou ✨rayi disiplin e jete pawòl  
Mwen yo dèyè w.
- 18 Lè ou wè yon vòlè, sa fè kè ou kontan,  
Epi ou asosye ou avèk moun adiltè yo.
- 19 Ou lage bouch ou nèt nan mechanste,  
Epi ✨lang ou fè ankadreman pou manti.
- 20 Ou chita ✨pale kont frè ou;

✨ 50:1 Sòm 113:3 ✨ 50:2 Sòm 48:2 ✨ 50:3 Sòm 96:13 ✨ 50:4 Det 4:26 ✨ 50:5 Sòm 50:8  
✨ 50:6 Sòm 75:7 ✨ 50:7 Egz 20:2 ✨ 50:8 Sòm 40:6 ✨ 50:9 Sòm 69:31 ✨ 50:10 Sòm 104:24  
✨ 50:11 Mat 6:26 ✨ 50:12 Egz 19:5 ✨ 50:13 Sòm 50:9 ✨ 50:14 Sòm 27:6 ✨ 50:15 Sòm  
81:7 ✨ 50:16 És 29:13 ✨ 50:17 Pwov 5:12 ✨ 50:19 Sòm 36:3 ✨ 50:20 Job 19:18

Ou fè kout lang fò kont pwòp pitit manman ou.

<sup>21</sup> Bagay sa yo, ou te fè yo e Mwen pa t di yon mo; Ou te konprann ke M te menm jan ak ou; Mwen va \*repwoche ou e pale ka a an lòd devan zye ou.

<sup>22</sup> Alò, konsidere sa, nou menm ki \*bliye Bondye, oswa, Mwen va chire nou an mòso, E p ap gen pèsòn ki pou sove nou.

<sup>23</sup> Sila ki ofri yon sakrifis remèsiman onore M; Epi a sila ki fè chemen li dwat la, Mwen va montre sali Bondye a.”

## 51

Yon Sòm David lè pwofèt la, Nathan te rive kote li lè l te fin ale kote Bath-Schéba.

<sup>1</sup> Fè m gras, O Bondye, selon lanmou dous Ou a; Selon grandè a mizerikòd ou, \*efase transgresyon mwen yo.

<sup>2</sup> Lave m nèt de inikite mwen yo e netwaye m de peche mwen an.

<sup>3</sup> Paske mwen konnen transgresyon mwen yo,

Epi peche mwen yo devan m tout tan

<sup>4</sup> Kont Ou, Ou menm sèlman, mwen te peche e te fè mal devan zye Ou;

Akoz sa, \*Ou jis lè Ou pale e san tò lè Ou jije.

<sup>5</sup> Gade byen, mwen te fèt nan inikite e se nan Peche, manman m te vin ansent mwen.

<sup>6</sup> Men vwala, Ou vle verite a menm nan pati

Anndan m nèt,

Epi nan pati kache anndan m, Ou va \*fè m konnen sajès.

<sup>7</sup> Pirifye m ak izòp e mwen va pwòp;

Lave mwen e mwen va \*pi blan ke lanèj.

<sup>8</sup> Fè m tandè lajwa avèk kè kontan,

Kite \*zo ke Ou te kase yo, vin rejwi.

<sup>9</sup> \*Kache figi Ou de peche m yo

Epi efase tout inikite mwen yo.

<sup>10</sup> Kreve nan mwen yon kè pwòp, O SENYÈ,

Epi refè yon lespri ki \*dwat anndan m.

<sup>11</sup> Pa jete mwen lwen prezans Ou e

Pa retire \*Lespri Sen Ou an sou mwen.

<sup>12</sup> Restore nan mwen lajwa sali Ou a e ranfòse m avèk yon lespri bòn volonte.

<sup>13</sup> Konsa, mwen va enstwi transgresè yo,

chemen Ou yo e \*pechè yo va konvèti a Ou menm.

<sup>14</sup> Delivre mwen de \*koupabilite san vèsè a,

O Bondye, Bondye a sali mwen an;

\* 50:21 Sòm 90:8 \* 50:22 Job 8:13 \* 51:1 Sòm 51:9 \* 51:4 Wo 3:4 \* 51:6 Pwov 2:6

\* 51:7 És 1:18 \* 51:8 Sòm 35:10 \* 51:9 Jr 16:17 \* 51:10 Sòm 78:37 \* 51:11 És 63:10-11

\* 51:13 Sòm 22:27 \* 51:14 II Sam 12:9

Konsa, lang mwen va chante avèk jwa  
selon ladwati a Ou menm nan.

15 O Mèt mwen an, \*ouvri lèv mwen pou m  
kab deklare lwanj Ou.

16 Paske Ou \*pa pran plezi nan sakrifis;  
Otreman, mwen ta bay li;  
Ofrann brile yo pa fè Ou kontan.

17 Sakrifis a Bondye yo se yon \*espri ki kraze;  
Yon kè brize e ki repantan, O Bondye,  
Ou p ap meprize l.

18 Avèk \*bonte Ou, fè byen pou Sion;  
Bati miray a Jérusalem yo.

19 Konsa, Ou va rejwi nan \*sakrifis ladwati yo,  
Nan ofrann brile avèk ofrann brile nèt yo;  
Konsa, jenn towò yo va ofri sou lotèl Ou a.

## 52

Pou direktè koral la. Yon Sòm David, lè Doeg, Edomit lan  
te vin di Saül “David gen tan rive lakay Achimélic.

1 Poukisa ou ògeye nan mehanste ou, O lòm pwisan?  
Lanmou dous Bondye a dire tout lajounen.

2 Lang ou envante mal; tankou yon razwa ki file;  
O ouvriye \*desepsyon.

3 Ou \*renmen mehanste plis pase sa ki bon,  
Fo bagay plis pase pale verite a.

4 Ou renmen tout pawòl ki devore,  
Yon lang \*mantè.

5 Men Bondye va kase fè ou desann nèt;  
Li va kenbe ou byen vit e \*chire fè ou  
sòti nan tant ou an,  
Epi dehouke fè ou sòti nan peyi  
vivan yo.

6 Moun dwat yo va \*wè, gen lakrent e va  
ri sou li epi di:

7 “Gade byen, men nonm ki refize pran  
refij nan Bondye a,  
Men ki te mete konfyans nan abondans  
richès li yo,  
Epi te tèlman fò nan dezi fè mal li a.”

8 Men pou mwen menm, mwen tankou yon  
pye doliv vèt lakay Bondye;  
Mwen mete \*konfyans mwen nan lanmou dous  
Bondye a pou tout tan e pou tout tan.

9 Mwen va \*bay Ou remèsiman pou tout tan;  
Paske Ou te fè sa,  
Epi mwen va sèvi non Ou; paske, li bon,  
Nan prezans a fidèl Ou yo.

\* 51:15 Egz 4:15 \* 51:16 I Sam 15:22 \* 51:17 Sòm 34:18 \* 51:18 Sòm 69:35 \* 51:19  
Sòm 4:5 \* 52:2 Sòm 57:4 \* 52:3 Sòm 36:4 \* 52:4 Sòm 120:3 \* 52:5 És 22:18-19 \* 52:6  
Sòm 37:34 \* 52:8 Sòm 13:5 \* 52:9 Sòm 30:12

## 53

Pou direktè koral la; selon mizik Mahalath  
Yon refleksyon pa David

1 Moun fou a di nan kè li: “Nanpwen Bondye”,  
Yo konwonpi e te fè zak enjis ki abominab;

✧Nanpwen ki fè sa ki bon.

2 Bondye te gade anba soti nan syèl la  
sou fis a lòm yo

Pou wè si genyen ✧youn ki gen bon konprann,  
Ka p chache Bondye.

3 ✧yo tout te vire akote; ansanm  
yo vin konwonpi;

Nanpwen nan yo ki fè byen, pa menm youn.

4 Èske malfektè a mechanste sila yo pa gen  
okenn konesans,

Ka p ✧manje pèp Mwen an konsi se  
pen yo manje,

Epi ki pa t rele Bondye?

5 La, yo te nan gwo laperèz kote

Pa te konn gen laperèz;

Paske Bondye te gaye zo a sila ki  
te fè kan kont ou yo;

Ou te fè yo vin wont, akoz ✧Bondye te  
rejte yo.

6 O ke ✧delivrans Israèl ta parèt sòti Sion!

Lè Bondye restore pèp kaptif Li a,

Kite Jacob rejwi, kite Israèl fè kè kontan.

## 54

Pou direktè koral la; sou enstriman ak kòd yo. Yon som  
a David, lè Zifyen yo te vin di Saül: “Èske David pa kache pami nou?”

1 Sove mwen, O Bondye, ak non Ou e fè vanjans  
Mwen ak pouvwa Ou

2 Koute lapriyè mwen, O Bondye;

✧Prete zòrèy a pawòl a bouch mwen.

3 Paske etranje yo fin leve kont mwen e mesye  
vyolans yo te chache lavi mwen;

Yo ✧pa t mete Bondye devan yo.

4 Gade byen, Bondye se èd mwen;

SENYÈ a se ✧soutyen a nanm mwen.

5 Li va rekonpanse mal a lènmi mwen yo;

Detwi yo ✧nan fidelite Ou.

6 ✧Avèk bòn volonte, mwen va fè sakrifis a Ou;

Mwen va bay remèsiman a non Ou, O SENYÈ,

Paske li bon.

7 Paske li te ✧delivre mwen nan tout twoub

E zye mwen te gade avèk satisfaksyon  
lènmi mwen yo.

✧ 53:1 Wo 3:10 ✧ 53:2 Wo 3:11 ✧ 53:3 Wo 3:12 ✧ 53:4 Jr 4:22 ✧ 53:5 II Wa 17:20  
✧ 53:6 Sòm 14:7 ✧ 54:2 Sòm 5:1 ✧ 54:3 Sòm 36:1 ✧ 54:4 Sòm 37:17-24 ✧ 54:5 Sòm  
89:49 ✧ 54:6 Nonb 15:3 ✧ 54:7 Sòm 34:6

## 55

Pou direktè koral la; sou enstriman ak kòd yo  
Yon Refleksyon David

<sup>1</sup> Prete zòrèy a lapriyè mwen, O Bondye;  
Epi ✧pa kache Ou menm a siplikasyon mwen yo.

<sup>2</sup> Prete atansyon a mwen e reponn mwen;  
Mwen pa alèz nan plenn mwen yo e anverite,  
mwen deranje nèt,

<sup>3</sup> Akoz vwa a lènmi an, akoz presyon mechan an;  
Paske yo ✧pote twoub desann sou mwen,  
Epi nan kòlè yo, yo pote  
Rankin kont mwen.

<sup>4</sup> ✧Kè m twouble anndan m,  
Epi sezisman lanmò fin tonbe sou mwen.

<sup>5</sup> Laperèz avèk tranbleman fin rive sou mwen,  
Mwen ✧etone jiskaske m debòde.

<sup>6</sup> Mwen te di: “O ke m te gen zèl kon toutrèl la!  
Konsa, mwen ta sove ale pou ✧twouve repo.

<sup>7</sup> Tande byen, mwen ta rive byen lwen,  
Mwen ta ✧ale rete nan savann nan

<sup>8</sup> Mwen ta fè vit rive kote pou m kache  
Kont ✧van tanpèt la ak move tan an.

<sup>9</sup> Mete yo nan konfizyon, O SENYÈ, ✧divize lang yo,  
Paske mwen te wè vyolans avèk goumen  
nan vil la.

<sup>10</sup> Lajounen kon lannwit, yo antoure vil la sou miray li yo,  
Epi inikite avèk mechanste nan mitan li.

<sup>11</sup> Destriksyon ladann; ✧opresyon avèk  
desepsyon pa janm kite lari li yo.

<sup>12</sup> Paske ✧se pa lènmi an ki fè m repwòch,  
Si se te konsa, mwen ta kab sipòte l;  
Ni se pa yon moun ki rayi mwen ki vin leve  
kont mwen,  
Konsa, mwen ta kab kache de li.

<sup>13</sup> Men se ou menm, yon nonm parèy mwen,  
Konpanyen mwen ak zanmi mwen;

<sup>14</sup> Nou menm, ki te fè kominyon dous ansanm,  
Ki te ✧mache nan kay Bondye a nan mitan  
tout pèp la.

<sup>15</sup> Pou sa a Kite lanmò rive sibatman sou yo;  
Kite yo ✧desann tou vivan kote mò yo ye,  
Paske mechanste a nan abitasyon yo,  
Li rete nan mitan yo.

<sup>16</sup> Pou mwen, mwen va ✧rele Bondye e  
SENYÈ a va sove mwen.

<sup>17</sup> ✧Nan aswè, nan maten ak midi, mwen va  
plenyen e bougonnen e  
li va tande vwa m.

<sup>18</sup> Li va rachte nanm mwen anpè

✧ 55:1 Sòm 27:9 ✧ 55:3 II Sam 16:7-8 ✧ 55:4 Sòm 38:8 ✧ 55:5 21:6 ✧ 55:6 Job 3:13  
✧ 55:7 I Sam 23:14 ✧ 55:8 És 4:6 ✧ 55:9 Jen 11:9 ✧ 55:11 Sòm 10:7 ✧ 55:12 Sòm 41:9  
✧ 55:14 Sòm 42:4 ✧ 55:15 Nonb 16:30-33 ✧ 55:16 Sòm 57:2-3 ✧ 55:17 Sòm 141:2



soti nan batay ki kont mwen an,  
Paske yo ✨anpil, sila k ap lite avè m yo.

19 Bondye va tande e reponn ✨yo——

Menm sila ki chita sou twòn nan  
Depi nan tan ansyen an— {Tan}

Nan sila pa gen chanjman an e  
Pou sila ki pa gen krent Bondye a.

20 Li te lonje men li kont moun  
ki te nan lapè avèk li a;

Li te ✨vyole akò li a.

21 Sepandan, Pawòl li te pi dous pase bè,

Men kè li te fè lagè,

Pawòl li yo te ✨pi dous pase lwil,

Men se nepe rale yo te ye.

22 ✨Voye fado ou sou SENYÈ a e Li va bay ou soutyen;

Li p ap janm kite moun ladwati yo ebranle.

23 Men Ou menm, O Bondye, va rale yo desann  
nan fòs destriksyon an;

✨mesye ki vèse san e ki bay manti

p ap fè menm mwatye nan jou yo.

Men mwen menm va mete konfyans nan Ou.

## 56

Pou direktè koral la. Yon powèm David lè Filisten yo te sezi li Gath.

Chante pa melodi “Toutrèl San Chan Nan Peyi Lwen An”

1 Fè m gras, O Bondye, paske lòm fin foule m anba pye;

Nan goumen tout lajounen, li vin ✨opprime mwen.

2 Lènmi m yo te foule mwen tout lajounen,

Paske yo anpil, sila ki goumen nan ògèy kont mwen yo.

3 Lè mwen pè, mwen va mete konfyans nan Ou.

4 Nan Bondye, pawòl a Sila ke mwen bay lwanj lan

Nan Bondye, mwen te mete konfyans mwen;

Mwen p ap pè. ✨Kisa lòm ka fè m?

5 Tout lajounen, yo ✨tòde pawòl mwen yo;

Tout panse yo kont mwen se mal.

6 Yo atake, yo kache, yo veye pa mwen yo,

Akoz yo t ap ✨tann pou rache lavi m.

7 Akoz mechanste sa a, ✨jete yo deyò,

Nan kòlè Ou, fè desann moun sa yo, O Bondye!

8 Ou te byen konte tout egare mwen fè;

Mete tout gout dlo ki sòti nan zye m yo  
nan boutèy Ou.

Èske yo tout pa ekri nan ✨liv Ou a?

9 Epi lènmi mwen yo va vire fè bak nan  
jou ke m rele a;

Men sa m byen konnen; Bondye pou mwen.

10 Nan Bondye, pawòl ke m louwe a ye,

Nan SENYÈ a, pawòl ke m louwe a ye,

11 Nan Bondye, mwen te mete konfyans mwen,  
Mwen p ap pè. Kisa lòm ka fè m?

12 ✨Ve Ou yo mare sou mwen, O Bondye;

Mwen va rann ofrann remèsiman a Ou menm.

13 Paske Ou te delivre nanm mwen

Soti nan lanmò,

Pou anpeche ✨pye mwen glise tonbe;

Anfen, pou m kab mache devan Bondye

Nan limyè a moun vivan yo.

## 57

Pou direktè koral la; jwe a son Al-tashheth

Yon Mikhtam David, lè l te sove ale devan Saül nan kav la

1 Fè m gras, SENYÈ, O Bondye, fè m gras,

Paske nanm mwen kache nan Ou;

Epi nan ✨lonbraj a zèl Ou, mwen va

pran refij

Jiskaske destriksyon an fin pase.

2 Mwen va kriye a Bondye Pi Wo a,

A Bondye ki ✨acheve tout bagay pou mwen an.

3 Li va ✨voye sòti nan syèl la pou sove mwen;

Li fè repwòch a sila ki foule mwen an. {Tan}

Bondye va voye fè rive lanmou dous Li ak

Verite li

4 Nanm mwen pami ✨lyon yo;

Mwen oblije kouche pami sila k ap respire dife yo,

Fis a lòm yo, dan yo se frenn ak flèch,

Epi lang yo se yon epe file.

5 ✨Leve anwo syèl yo, O Bondye;

Kite glwa Ou fèt sou tout latè.

6 Yo te prepare yon gwo filè pou pa mwen yo;

Nanm mwen koube;

Yo te ✨fouye yon fòs devan m;

Yo te tonbe nan mitan li. {Tan}

7 ✨Kè m kanpe fèm, O Bondye, kè m fèm;

Mwen va chante, wi mwen va chante lwanj!

8 Leve, ✨glwa mwen! Leve ap avèk gita!

Mwen va fè maten vin leve.

9 ✨Mwen va bay Ou remèsiman, O SENYÈ,

pami pèp yo.

Mwen va chante lwanj ou pami nasyon yo.

10 Paske ✨lanmou dous Ou a gran jis rive nan syèl yo,

Epi verite Ou jis rive nan nwaj yo.

11 ✨Leve anwo syèl yo, O Bondye;

Ke Glwa Ou kapab vin pi wo ke tout latè.

## 58

Pou direktè koral la; Nan melodi la "Pa Detwi". Yon Sòm David

1 Vrèman, èske nou pale ladwati, O lòt dye yo?

✨ 56:12 Sòm 50:14 ✨ 56:13 Sòm 116:8 ✨ 57:1 Rt 2:12 ✨ 57:2 Sòm 138:8 ✨ 57:3 Sòm 18:16 ✨ 57:4 Sòm 35:17 ✨ 57:5 Sòm 57:11 ✨ 57:6 Sòm 7:15 ✨ 57:7 Sòm 112:7 ✨ 57:8 Sòm 16:9 ✨ 57:9 Sòm 108:3 ✨ 57:10 Sòm 36:5 ✨ 57:11 Sòm 57:5

Èske nou ✧ jije avèk ladwati, O fis a lòm yo?

<sup>2</sup> Non, nan kè, nou ✧ fomante inikite;  
Sou latè, nou peze balans pou separe  
bay vyolans ak men nou.

<sup>3</sup> Mechan yo pèvès depi nan vant;  
Sila ki bay manti yo fè move wout depi  
nesans yo.

<sup>4</sup> Yo gen pwazon tankou ✧pwazon sèpan;  
Kon vipè soud ki bouche zòrèy li,

<sup>5</sup> Pou li pa tandè vwa a sila k ap chame li yo,  
oswa menm yon ✧ majisyen abil  
k ap fè wanga.

<sup>6</sup> O Bondye, ✧kraze dan nan bouch yo;  
Kase gwo dan a jenn lyon an, O SENYÈ.

<sup>7</sup> Kite yo ✧koule disparèt tankou dlo k ap kouri sou tè;  
Lè flèch li yo parèt; kite yo fèt tankou shaf  
san tè.

<sup>8</sup> Kite yo tankou kalmason ki fonn e ki vin  
disparèt pandan l ap mache,  
Tankou ✧avòtman a yon fanm ki p ap  
janm wè solèy la.

<sup>9</sup> Avan chodyè ou yo kab santi dife pikan yo,  
Li va ✧bale yo fè yo disparèt nan van toubiyon,  
Vèt ak sila kap brile yo, ansanm.

<sup>10</sup> Moun ladwati a va rejwi lè l wè ✧vanjans lan;  
Li va lave pye li nan san a mechan yo.

<sup>11</sup> Epi moun yo va di: “Anverite, gen yon rekonpans  
pou moun ladwati yo;  
Anverite, genyen yon Bondye k ap jije latè!

## 59

Pou direktè koral la; Nan melodi la “Pa Detwi”. Yon powèm David lè  
Saül te voye yo lakay pou touye l.

<sup>1</sup> ✧Delivre mwen de lènmi m yo, O Bondye mwen;  
Plase mwen byen wo an sekirite byen lwen de  
sila ki leve kont mwen yo.

<sup>2</sup> Delivre m de sila ki fè inikite yo e sove mwen de  
✧moun ki vèsè san yo.

<sup>3</sup> Paske gade byen, yo ✧fè anbiskad pou lavi m;  
Mesye fewòs ki fè atak kont mwen yo,

Pa akòz transgresyon mwen, ni peche m, O SENYÈ,

<sup>4</sup> Se pa akòz mwen koupab ke yo vin kouri  
mete yo kont mwen an.

✧Leve Ou menm pou fè m sekou e wè!

<sup>5</sup> Ou menm, O SENYÈ Bondye dèzame yo,  
Bondye Israèl la, leve e pini tout nasyon yo;  
Pa bay gras a okenn moun ki fè tret nan inikite. {Tan}

<sup>6</sup> Yo retounen nan aswè, yo rele tankou ✧chen

✧ 58:1 Sòm 82:2 ✧ 58:2 Mal 3:15 ✧ 58:4 Det 32:33 ✧ 58:5 Ekl 10:11 ✧ 58:6 Job 4:10  
✧ 58:7 Jos 2:11 ✧ 58:8 Job 3:16 ✧ 58:9 Job 27:21 ✧ 58:10 Det 32:43 ✧ 59:1 Sòm 143:9  
✧ 59:2 Sòm 26:9 ✧ 59:3 Sòm 56:6 ✧ 59:4 Sòm 7:6 ✧ 59:6 Sòm 22:16

E yo antoure lavil la.

<sup>7</sup> Gade byen, yo fè pete gwo gaz ak bouch yo;

✧ Nepe yo nan lèy yo, paske yo di:  
“kilès ki tande”?

<sup>8</sup> Men Ou menm, O SENYÈ, ✧ ri sou yo;  
Ou menm, gyonnen tout nasyon sa yo.

<sup>9</sup> Akoz fòs li, mwen va veye tann Ou,  
Paske Bondye se ✧ sitadèl mwen.

<sup>10</sup> Bondye mwen an, nan lanmou dous Li a,  
va rankontre m;

Bondye va kite mwen ✧gade ak viktwa  
sou advèsè mwen yo.

<sup>11</sup> Pa fin touye yo, ✧ sinon moun mwen yo va bliye;  
Gaye yo avèk pouvwa Ou e rale fè yo desann,  
O SENYÈ, boukliye nou an.

<sup>12</sup> Akoz peche a bouch yo avèk pawòl lèy yo,  
Kite yo ✧sezi pran nan pwòp ògèy yo,  
Epi akoz malediksyon avèk manti ke yo bay.

<sup>13</sup> Detwi yo nan kòlè Ou; detwi yo pou  
yo disparèt nèt;

Pou Moun kab ✧konnen se Bondye ki  
renye sou Jacob, jis rive sou tout latè. {Tan}

<sup>14</sup> Yo ✧retounen nan aswè e yo  
rele anlè tankou chen,  
Epi yo antoure vil la.

<sup>15</sup> Yo ✧gaye toupatou e yo rele anlè  
si yo pa satisfè.

<sup>16</sup> Men pou mwen, mwen va chante  
sou fòs Ou;

Wi, avèk jwa, mwen va chante sou  
Lanmou dous Ou nan maten.

Paske se Ou ki te konn sitadèl mwen e  
yon ✧pwotèj nan jou a  
gran twoub mwen an.

<sup>17</sup> O, gran fòs mwen, mwen va chante  
lwanj a Ou menm;

Paske Bondye se sitadèl mwen,  
Bondye ki montre mwen lanmou dous la.

## 60

Pou direktè koral la; selon melodi “Lis Akò La”.

Yon powèm David, pou enstwi; lè l te lite avèk Aram-Naharaim e avèk Aram-Zobah; epi, Joab te retounen e te frape douz-mil Edomit nan Vale Sèl la.

<sup>1</sup> O Bondye, ✧ Ou te rejte nou. Ou te kraze nou;  
Ou te fache; O restore nou.

<sup>2</sup> Ou te fè ✧ latè tranble; Ou te fann li ouvri li;  
Geri brèch li yo, paske l ap sekwe.

<sup>3</sup> Ou te ✧ fè pèp Ou a pase anpil tan di;

✧ 59:7 Sòm 57:4 ✧ 59:8 Sòm 37:13 ✧ 59:9 Sòm 9:9 ✧ 59:10 Sòm 54:7 ✧ 59:11 Det 4:9  
✧ 59:12 So 3:11 ✧ 59:13 Sòm 83:18 ✧ 59:14 Sòm 59:6 ✧ 59:15 Job 15:23 ✧ 59:16 II Sam  
22:3 ✧ 60:1 Sòm 44:9 ✧ 60:2 Sòm 18:7 ✧ 60:3 Sòm 66:12

Ou te bay nou diven pou bwè ki fè nou toudi.  
 4 Ou te bay yon drapo a sila ki gen lakrent Ou yo,  
 Pou sa kab afiche akòz verite a. {Tan}  
 5 Ke ✧ byeneme Ou yo kab delivre,  
 Sove avèk men dwat Ou e reponn nou!  
 6 Bondye te pale nan sentete Li:  
 “Mwen va fè kè kontan; mwen va divize Sichem  
 e divize vale a ✧ Succoth.  
 7 Galaad se pou Mwen e Manassé se pa M;  
 Anplis, Éphraïm se kas sou tèt Mwen;  
 Juda se ✧ baton wayal Mwen.  
 8 Moab se basen lave Mwen;  
 Sou ✧ Edom, Mwen va jete soulye Mwen;  
 Rele anlè, O Filisten yo, akòz Mwen menm!  
 9 Kilès k ap fè m rive nan vil fòterès la?  
 Kilès k ap mennen mwen antre Edom?  
 10 Èske Ou menm, SENYÈ a, pa t ✧ rejte nou?  
 Epi èske Ou p ap sòti avèk lame  
 nou yo, O Bondye?  
 11 O bannou sekou kont advèsè a,  
 Paske delivrans pa lòm se an ven.  
 12 Nan Bondye, nou va fè bagay yo ak gwo kouraj,  
 Epi se Li menm ki va foule lènmi nou yo  
 anba pye.

## 61

Pou direktè koral la; sou yon enstriman a kòd; Yon Sòm David

1 Koute kri mwen, O Bondye; prete atansyon a  
 lapriyè mwen.  
 2 Soti nan dènye pwent late, Mwen  
 rele Ou lè kè m fèb;  
 Mennen mwen sou wòch  
 ki pi wo pase m nan.  
 3 Paske Ou te yon refij pou mwen,  
 yon fò ki wo e yon gran fòs kont lènmi yo.  
 4 Kite mwen ✧ rete nan tant Ou an jis pou tout tan;  
 Kite mwen pran refij anba zèl Ou. {Tan}  
 5 Paske Ou te koute ve mwen yo, O Bondye;  
 Ou te ban mwen eritaj a sila ki  
 ✧ gen krent non Ou yo.  
 6 Ou va fè lavi a wa a byen long;  
 Ane li yo va tankou anpil jenerasyon  
 7 Li va abite devan SENYÈ a jis pou tout tan;  
 Senyè, bay li ✧ lanmou dous avèk verite pou  
 yo kapab konsève li.  
 8 Konsa, mwen va chante lwanj Ou  
 jis pou tout tan,  
 Pou m kab peye ve mwen yo jou apre jou.

**62**

Pou direktè koral la; selon Jeduthun; Yon Sòm David

<sup>1</sup> Nanm mwen ap tann an silans pou Bondye sèl;  
Depi nan Li, se sali mwen.

<sup>2</sup> Se Li sèl ki ✧ wòch mwen avèk sali mwen,  
sitadèl mwen; mem gwo sò pap boulvèse m.

<sup>3</sup> Pou jiskilè, nou va atake yon nonm,  
Pou nou kab touye li, nou tout,  
Tankou yon ✧ miray k ap panche, tankou yon  
Kloti k ap kraze?

<sup>4</sup> Yo te bay konsèy sèlman pou pouse li  
soti nan wo pozisyon li;  
Yo ✧ pran plezi nan tout sa ki fo;  
Yo beni avèk bouch yo; men anndan,  
yo bay madichon.

<sup>5</sup> Nanm mwen, ✧ tann an silans sèlman Bondye;  
Paske espwa mwen sòti nan Li.

<sup>6</sup> Li se sèl ✧ wòch mwen ak sali mwen,  
sitadèl mwen; mwen p ap ebranle menm.

<sup>7</sup> Sou Bondye, ✧ sali mwen an, avèk glwa mwen;  
Wòch fòs mwen an; kote pou m kache a,  
se nan Bondye.

<sup>8</sup> Mete konfyans nan Li tout tan, O pèp la;  
✧Vide kè nou devan Li; Bondye se yon  
refij pou nou.

<sup>9</sup> Moun nan ✧ pozisyon ba yo se sèlman vanite e  
moun ki wo yo se manti; nan balans yo, yo va monte;  
Ansanm menm, yo pi fay ke yon souf.

<sup>10</sup> Pa mete konfyans nan peze moun desann,  
Ni pa mete fo espwa nan ✧vòlè;  
Si richès nou ogmante, pa mete kè nou sou yo,

<sup>11</sup> Yon fwa, Bondye te pale; de fwa  
mwen gen tan tandè sa:

Ke pouvwa, se pou Bondye;

<sup>12</sup> Epi lanmou dous, se pou Ou; O Senyè,  
Paske Ou bay rekonpans a lòm selon  
zèv li yo.

**63**

Yon Sòm David, lè l te nan dezè Juda a

<sup>1</sup> O Bondye, Ou se Bondye mwen;  
Mwen va chache Ou ak tout kè m;  
Nanm mwen ✧ swaf Ou,  
Chè m anvi Ou nan yon peyi epwize e sèch  
Kote nanpwen dlo.

<sup>2</sup> Konsa, mwen ✧ te wè Ou nan sanktiyè a,  
Pou wè pouvwa Ou ak laglwa Ou.

<sup>3</sup> Akoz ✧ lanmou dous Ou pi bon pase lavi,  
Lèw mwen va louwe Ou.

✧ **62:2** Sòm 89:26 ✧ **62:3** És 30:13 ✧ **62:4** Sòm 4:2 ✧ **62:5** Sòm 62:1 ✧ **62:6** Sòm 62:2  
✧ **62:7** Sòm 85:9 ✧ **62:8** I Sam 1:15 ✧ **62:9** Sòm 49:2 ✧ **62:10** És 61:8 ✧ **63:1** Sòm 42:2  
✧ **63:2** Sòm 27:4 ✧ **63:3** Sòm 69:16

4 Pou sa, mwen va beni Ou ✧ tout tan ke m viv;  
 Mwen va leve men m nan non Ou.  
 5 Nanm mwen ✧ satisfè konsi avèk  
 ma zo ak grès e bouch mwen  
 Ap ofri lwanj avèk lèv ranpli ak jwa.  
 6 Lè m sonje Ou sou kabann mwen,  
 Mwen medite sou Ou nan ✧vèy de nwi yo,  
 7 Paske Ou te konn sekou mwen e  
 Nan ✧ lonbraj a zèl Ou, mwen chante ak jwa.  
 8 Nanm mwen ✧ kole ak Ou; men dwat Ou  
 fè m kenbe.  
 9 Men sila ki chache lavi mwen pou detwi li yo,  
 Va ale ✧jis nan fon latè.  
 10 Yo va ✧ livre a pouvwa nepe; yo va vin  
 tounen manje pou rena mawon.  
 11 Men Wa a va rejwi nan Bondye;  
 Tout moun ki sèman pa Li menm yo, va twouve glwa,  
 Paske bouch a sila ki bay manti  
 yo, va fèmen.

## 64

Pou direktè koral la; yon Sòm David

1 Tande vwa m, O Bondye nan plent mwen an; ✧konsève  
 lavi m kont laperèz lènmi an.  
 2 Pwoteje m kont konsèy sekre a malfektè yo,  
 Kont boulvèsman a ✧sila ki fè mechanste yo.  
 3 Ki te file lang yo tankou nepe.  
 Yo te pwente flèch pawòl anmè yo,  
 4 Pou tire an kachèt sou sila ki inosan yo;  
 Sibitman yo tire sou li, san lakrent.  
 5 Yo kenbe fèm a pwòp desen mechan yo;  
 Yo pale sou ✧ pyèj ke y ap fòme an sekre yo;  
 Yo di: “Se kilès ki kab wè yo?”  
 6 Yo fè manèv pou enjistis e di:  
 “Nou prè pou yon konplo byen fòme”;  
 Paske panse lenteyè a moun se byen fon.  
 7 Men ✧ Bondye va tire sou yo avèk yon flèch;  
 Sibitman, yo va blese.  
 8 Konsa, yo va ✧ fè li chape tonbe; pwòp lang pa yo  
 kont yo;  
 Tout moun ki wè yo va souke tèt yo.  
 9 Nan moman sa a, tout moun va krent,  
 Epi yo va ✧ deklare zèv Bondye yo e  
 konsidere sa Li te fè a.  
 10 Nonm ladwati a va ✧ kontan nan SENYÈ a e  
 va pran refij nan Li;  
 Epi tout moun ki dwat yo va fè kè kontan.

✧ 63:4 Sòm 104:33 ✧ 63:5 Sòm 36:8 ✧ 63:6 Sòm 16:7 ✧ 63:7 Sòm 17:8 ✧ 63:8 Nonb  
 32:12 ✧ 63:9 Sòm 55:15 ✧ 63:10 Jr 18:21 ✧ 64:1 Sòm 140:1 ✧ 64:2 Sòm 59:2 ✧ 64:5  
 Sòm 140:5 ✧ 64:7 Sòm 7:12-13 ✧ 64:8 Sòm 9:3 ✧ 64:9 Jr 51:10 ✧ 64:10 Job 22:19

## 65

Pou direktè koral la; yon Sòm David. Yon chan.

1 Va genyen silans devan Ou, avèk lwanj nan Sion,  
O Bondye e a Ou menm, ve yo va acheve.

2 O Ou menm ki tande priyè yo, a Ou menm  
✧ tout moun vini yo.

3 Inikite yo kanpe kont mwen; men pou  
transgresyon nou yo, Ou padone yo.

4 A la ✧ beni se sila ke Ou chwazi a e  
mennen toupre, pou rete nan lakou Ou.  
Nou va satisfè ak tout bagay ki bon lakay Ou,  
Nan sen tanp Ou a.

5 Avèk ✧ zèv mèvèy, Ou reponn nou  
nan ladwati, O Bondye sali nou an;  
Se Ou menm ki kenbe konfyans menm a  
tout pwen latè a, jis rive nan lanmè pi lwen an;

6 Ki etabli mòn yo pa pwisans Li,  
Ki ✧ abiye ak fòs;

7 Ki kalme raj vag lanmè yo,  
Avèk gwo boulvèsman a pèp yo.

8 Sila ki rete jis nan ✧ dènye pwent latè yo  
kanpe byen etone a sign Ou yo;  
Ou fè maten avèk aswè kriye ak jwa'.

9 Ou vizite tè a e fè li gen abondans;  
Ou anrichi li anpil; flèv Bondye a  
plen ak dlo;

Ou prepare sereyal yo, paske se konsa  
ou prepare tè a.

10 Ou wouze tranch li yo an abondans,  
Ou fè do li vin poze; Ou fè l vin  
mou ✧ ak lapli an abondans;  
Ou beni kwasans plant li.

11 Ou te kouwone ane a avèk ✧ bonte Ou,  
chemen Ou yo degoute ak grès e  
mòn yo, yo menm, avèk rejwisans.

12 ✧ Patiraj nan dezè yo gen abondans,  
Epi mòn yo mare senti yo ak jwa.

13 Chan yo ✧ abiye menm ak bann mouton e  
vale yo fin ranpli ak sereyal;  
Yo rele fò ak lajwa; wi yo chante.

## 66

Pou direktè koral la; yon chan, yon Som

1 ✧ Rele fò ak lajwa, Bondye tout late a;

2 Chante ✧ glwa a non Li;  
ranpli lwanj Li ak laglwa.

3 Di Bondye: “Zèv Ou yo ✧ mèvèye”!

Akoz grandè a pwisans Ou, menm  
lènmi Ou yo va fè konsi y ap obeyi Ou.

✧ 65:2 Sòm 86:9 ✧ 65:4 Sòm 33:12 ✧ 65:5 Sòm 45:4 ✧ 65:6 Sòm 93:1 ✧ 65:8 Sòm 2:8  
✧ 65:10 Det 32:2 ✧ 65:11 Sòm 104:28 ✧ 65:12 Job 38:26-27 ✧ 65:13 Sòm 144:13 ✧ 66:1  
Sòm 81:1 ✧ 66:2 Sòm 79:9 ✧ 66:3 Sòm 47:2



4 ✧ Tout latè va fè adorasyon a Ou menm e  
 va chante lwanj Ou;  
 Yo va chante lwanj a non Ou; {Tan}  
 5 Vini pou wè zèv Bondye yo,  
 Ki etonnan nan zèv Li yo  
 anvè fis a lòm yo.  
 6 Li te ✧ chanje lanmè a an tè sèch;  
 Yo te pase travèse ✧ rivyè apye;  
 La menm, annou rejwi nan Li!  
 7 Li renye ak pwisans Li jis pou tout tan;  
 ✧ Zye Li veye sou nasyon yo;  
 Pa kite rebèl yo egzalte tèt yo.  
 8 Beni Bondye nou an, O pèp yo,  
 Fè lwanj Li ✧ sone  
 Jis rive nan peyi etranje yo,  
 9 Ki ✧ kenbe nou nan lavi e ki  
 pa kite pye nou glise.  
 10 Paske Ou te fè nou pase a leprèv, O Bondye;  
 Ou te ✧ rafine nou tankou ajan konn rafine.  
 11 Ou te ✧ rale nou antre nan filè a;  
 Ou te mete yon fado lou  
 sou ren nou.  
 12 Ou te fè moun ✧ monte sou tèt nou;  
 Nou te pase nan dife ak nan dlo,  
 Men Ou te fè nou sòti antre yon kote  
 avèk anpil abondans.  
 13 Mwen va vini lakay Ou avèk  
 Ofrann brile;  
 Mwen va ✧ peye Ou ve mwen yo,  
 14 Ki te sòti nan lèw mwen e  
 Bouch mwen te pale lè m te ✧ nan gwo twoub yo.  
 15 Mwen va ofri a Ou menm yon ofrann brile nan  
 grès a bèt gra yo, avèk lafimen a ✧ belye yo.  
 Mwen va fè ofrann a towò yo avèk  
 mal kabrit yo.  
 16 Vin tande, nou tout ki gen lakrent Bondye e  
 mwen va ✧ pale ou tout sa Li te fè  
 pou nanm mwen.  
 17 Mwen te kriye a Li menm avèk bouch mwen;  
 ak lang mwen, mwen te ✧ leve Li wo  
 18 Si mwen ✧ gade inikite nan kè m,  
 Senyè a p ap koute mwen;  
 19 Men anverite, ✧ Bondye te tande;  
 Li te teni kont de vwa a priyè mwen.  
 20 Beni se Bondye, ki pa t refize koute  
 lapriyè mwen, ni ki pa t kache  
 lanmou dous Li a sou mwen.

✧ **66:4** Sòm 22:27 ✧ **66:6** Egz 14:21 ✧ **66:6** Jos 3:16 ✧ **66:7** Sòm 11:4 ✧ **66:8** Sòm 98:4  
 ✧ **66:9** Sòm 30:3 ✧ **66:10** És 48:10 ✧ **66:11** Lam 1:13 ✧ **66:12** És 51:23 ✧ **66:13** Sòm 22:25  
 ✧ **66:14** Sòm 18:6 ✧ **66:15** Nonb 6:14 ✧ **66:16** Sòm 71:15-24 ✧ **66:17** Sòm 31:1 ✧ **66:18**  
 Job 36:21 ✧ **66:19** Sòm 18:6

**67**

Pou direktè koral la; avèk enstriman ak kòd yo. Yon Sòm; Yon Chan

<sup>1</sup> Ke Bondye, ka fè nou gras, ✧ beni nou e fè vizaj Li  
vin klere sou nou——

<sup>2</sup> Ke chemen Ou kapab byen koni sou tè a,  
Ak ✧sali Ou pami tout nasyon yo.

<sup>3</sup> Kite ✧ pèp yo louwe Ou, O Bondye;  
Kite tout pèp yo louwe Ou.

<sup>4</sup> Kite nasyon yo fè kè kontan e chante ak jwa;  
Paske Ou va jije pèp yo avèk ladwati e

✧gide nasyon yo sou tè a. {Tan

<sup>5</sup> Kite ✧ pèp yo louwe Ou, O Bondye;  
Kite tout pèp yo louwe Ou;

<sup>6</sup> ✧ Latè te bay pwodwi li;

Bondye, Bondye pa nou an, ap toujou beni nou.

<sup>7</sup> Bondye ap toujou beni nou, jiskaske ✧ dènye  
pwent tè yo kapab gen lakrent Li.

**68**

Pou direktè koral la; avèk enstriman ak kòd yo. Yon Sòm; Yon Chan

<sup>1</sup> Kite ✧ Bondye leve, kite lènmi Li yo vin gaye,  
Epi kite sila ki rayi Li yo sove ale devan L.

<sup>2</sup> Kon lafimen konn chase; konsa, chase yo.

Kon ✧ lasi kon fann devan dife; konsa,  
kite mechan yo peri devan Bondye.

<sup>3</sup> Men kite moun ✧ ladwati yo fè kè kontan;  
Kite yo leve wo devan Bondye;

Wi, kite yo rejwi avèk kè kontan.

<sup>4</sup> Chante a Bondye, chante lwanj  
a non Li;

Leve wo pou Sila ki travèse dezè yo,

Ki pote ✧non SENYÈ a e ki rejwi devan Li an.

<sup>5</sup> Yon ✧ papa pou òfelen yo e yon jij pou vèv yo,  
Se Bondye nan lye sen Li an.

<sup>6</sup> Bondye ✧ fè yon fanmi pou sila ki pa genyen an;  
Li fè prizonye yo vin sòti deyò ak abondans

Se sèl rebèl ki viv nan yon peyi deseche.

<sup>7</sup> O Bondye, lè Ou ✧ te sòti devan pèp Ou a,  
Lè Ou te mache travèse dezè a,

<sup>8</sup> ✧ Tè a te souke; syèl yo tou te lage lapli  
devan prezans Bondye, Bondye Israèl la.

Deze a li menm tè a souke devan prezans  
Bondye a, Bondye Israèl la.

<sup>9</sup> Ou te voye nan tout kote yon gwo lapli, O Bondye;  
te konfime eritaj Ou lè li te sèch nèt.

<sup>10</sup> Kreyatè pa Ou yo te vin rete ladann;

Ou te ✧ founi tout bonte Ou pou  
malere yo, O Bondye.

✧ **67:1** Nonb 6:25 ✧ **67:2** És 52:10 ✧ **67:3** Sòm 66:4 ✧ **67:4** Sòm 47:8 ✧ **67:5** Sòm 67:3  
✧ **67:6** Lev 26:4 ✧ **67:7** Sòm 22:27 ✧ **68:1** Nonb 10:35 ✧ **68:2** Sòm 22:14 ✧ **68:3** Sòm  
32:11 ✧ **68:4** Egz 6:3 ✧ **68:5** Sòm 10:14 ✧ **68:6** Sòm 107:4-7 ✧ **68:7** Egz 13:21 ✧ **68:8**  
Egz 19:18 ✧ **68:10** Sòm 65:9

11 Senyè a pase lòd;  
 ✧ Mesaje ki pwoklame bòn nouvèl yo  
 se yon gwo lame:  
 12 “Wa lame yo sove ale, yo kouri e  
 sila ki rete nan kay la va ✧divize piyaj la!”  
 13 Lè ou kouche ✧ nan Pak mouton yo,  
 Se tankou zèl toutrèl ki kouvri ak ajan e  
 plim li ak lò briyan.  
 14 Lè Toupwisan an te gaye wa yo la a,  
 Nèj t ap tonbe ✧Tsalmon.  
 15 Yon mòn Bondye se Mòn Basan;  
 Yon mòn ak anpil tèt se Mòn Basan.  
 16 Poukisa nou gade ak anvi, O mòn ak anpil tèt yo  
 Sou mòn ke Bondye te ✧ vle pou abitasyon Li an?  
 Anverite, SENYÈ a va abite la pou tout tan.  
 17 Cha Bondye yo anpil sou milye dè milye;  
 Senyè a pami yo; Nan Sinai, nan sentete Li.  
 18 Ou te monte an wo; Ou te mennen an kaptivite,  
 kaptif Ou yo;  
 Anplis, Ou te resevwa kado pami lòm,  
 Menm pami rebèl yo tou, SENYÈ a, Bondye a,  
 kapab abite la.  
 19 Beni se Senyè a, ki ✧ pote fado nou chak jou,  
 Bondye ki se delivrans nou an. {Tan}  
 20 Bondye pou nou se yon ✧ Bondye delivrans;  
 Epi BONDYE, Senyè a, responsab pou  
 fè nou chape devan lanmò.  
 21 Anverite, Bondye va ✧ kraze tèt a  
 lènmi Li yo,  
 Tèt la menm ak cheve a sila ki  
 pèsiste nan mechanste li yo.  
 22 Senyè a te di: ✧ “Mwen va mennen fè yo  
 sòti Basan.  
 Mwen va mennen yo retounen  
 Jis rive nan fon lanmè a;  
 23 Pou pye ou kapab kraze yo an san,  
 pou lang a ✧ chen ou yo kapab genyen pòsyon  
 pa li sou lènmi ou yo.  
 24 Yo te wè ✧ posesyon solanèl Ou a, O Bondye,  
 Posesyon a Bondye mwen an, Wa mwen,  
 pou antre nan sanktiyè a.  
 25 Chantè yo te ale e mizisyen yo te swiv,  
 Nan mitan a jenn fi ki t ap bat tanbouren yo.  
 26 Beni Bondye nan asanble yo, SENYÈ a,  
 Ou menm ki ✧ fontèn dlo Israèl la.  
 27 Men ✧ Benjamin, pi piti an Israèl la,  
 k ap renye sou yo,  
 Prens a Juda ki pami foul la,

✧ 68:11 Egz 15:20 ✧ 68:12 Jij 5:30 ✧ 68:13 Jen 49:14 ✧ 68:14 Jij 9:48 ✧ 68:16 Det 12:5  
 ✧ 68:19 Sòm 55:22 ✧ 68:20 Sòm 106:43 ✧ 68:21 Sòm 110:6 ✧ 68:22 Nonb 21:33 ✧ 68:23  
 I Wa 21:19 ✧ 68:24 Sòm 77:13 ✧ 68:26 Det 33:28 ✧ 68:27 Jij 5:14

Prens Zabulon, prens a Nephthali yo.

28 Bondye Ou a te kòmande fòs Ou;  
Montre ou dyanm, O Bondye, \*ki te  
aji pou nou menm.

29 Akoz tanp Jérusalem Ou a,  
\* Wa yo va mennen kado bay Ou.

30 Repwoche bèt sovaj yo nan mitan wozo a,  
Twoupo \* towo yo avèk ti bèf a pèp yo,  
K ap foule anba pye pyès ajan yo;  
Li te gaye pèp ki te renmen fè lagè yo.

31 Reprézantan yo va sòti an \* Égypte;  
Ethiopie va rapidman lonje men l  
vè Bondye.

32 Chante a Bondye, O \* wayòm sou latè yo,  
Chante lwanj a Senyè a, {Tan}

33 A Sila ki vwayaje monte sou \*pi wo syèl la,  
Ki la depi nan tan ansyen yo;  
Gade byen, Li pale ak gwo vwa,  
Yon vwa plen pwisans.

34 Bay fòs a Bondye; majeste Li  
sou tout Israèl e \*pwisans Li  
nan syèl yo.

35 O Bondye, Ou \* etonnan pandan Ou  
soti nan sanktiyè Ou a.  
Bondye Israèl la Li menm bay fòs ak pouvwa a pèp yo.  
Beni se Bondye!

## 69

Pou direktè koral la. Sou melodi “Lis Yo”. Yon Sòm David.

1 Sove mwen, O Bondye, paske \* dlo yo fin  
monte jis nan kou m.

2 Mwen desann fon nan labou e  
nanpwen plas pou pye m ta kenbe;  
Mwen fin rive nan dlo fon yo e yon  
\* gwo inondasyon ap debòde sou mwen.

3 Mwen \* fatigue nèt ak kriye mwen an;  
Gòj mwen sèk nèt;  
Zye m varye pandan mwen  
ap tann Bondye mwen an.

4 Sila ki \* rayi mwen san koz yo plis  
pase cheve sou tèt mwen;  
Sila ki ta detwi mwen yo pwisan e  
san rezon, yo fè lènmi avè m;  
Sa ke m pa t janm vòlè,  
mwen oblije remèt li.

5 O Bondye, se Ou menm ki konnen \* foli mwen e  
koupabilite mwen pa kache devan Ou.

6 pou sila k ap tann Ou yo pa \* wont akoz

\* 68:28 És 26:12 \* 68:29 I Wa 10:25 \* 68:30 Sòm 22:12 \* 68:31 És 19:19-21 \* 68:32  
Sòm 102:22 \* 68:33 Det 10:14 \* 68:34 Sòm 150:1 \* 68:35 Det 7:21 \* 69:1 Job 22:11  
\* 69:2 Jon 2:3 \* 69:3 Sòm 6:6 \* 69:4 Sòm 35:19 \* 69:5 Sòm 38:5 \* 69:6 II Sam 12:14

mwen, O Senyè BONDYE dèzame yo;  
 pou sila k ap chache Ou yo pa vin dezonere  
 akoz mwen, O Bondye Israèl la,  
 7 Paske pou koz Ou, mwen te pote repwòch;  
 Dezonè fin kouvri figi mwen.  
 8 Mwen vin izole de frè m yo e  
 kon yon etranje de fis a manman m yo.  
 9 Epi akoz zèl mwen gen pou lakay Ou, yo  
 Manje m nèt,  
 Epi ✧ repwòch a sila ki te repwoche Ou yo  
 te vin tonbe sou mwen.  
 10 Lè mwen te kriye ✧ nan nanm mwen e te fè  
 jèn, sa te vin yon repwòch pou mwen.  
 11 Lè m te fè ✧ twal sak sèvi kon rad mwen,  
 Mwen te vin yon vye pawòl rizib pou yo menm.  
 12 Sila ki ✧ chita nan pòtay yo pale afè mwen e  
 moun sòt yo fè chan sou mwen.  
 13 Men pou mwen, priyè mwen se a Ou menm, O SENYÈ,  
 ✧ nan yon lè ki bon, nan grandè lanmou dous Ou a,  
 Reponn mwen avèk sali verite Ou a.  
 14 Delivre mwen sòti nan ✧ labou a e  
 pa kite mwen fonsè nèt ladann;  
 pou m kab delivre de advèsè mwen yo  
 avèk dlo fon yo.  
 15 Pou ✧ dlo inondasyon yo pa vin anvayi  
 mwen, ni fon an pa vale m, ni fòs la fèmen  
 bouch li sou mwen.  
 16 Reponn mwen, O SENYÈ, paske lanmou  
 dous Ou a bon;  
 Selon grandè a mizerikòd Ou, ✧ vire kote mwen.  
 17 Epi ✧ pa kache figi Ou de sèvitè Ou a, paske mwen  
 nan gwo pwoblèm; reponn mwen vit.  
 18 O rale nanm mwen pre; rachte l;  
 ✧ Rachte mwen akoz lènmi mwen yo!  
 19 Ou konnen ✧ repwòch mwen, wont mwen,  
 avèk dezonè mwen an;  
 Tout advèsè mwen yo devan Ou.  
 20 Repwòch fin kraze kè m e mwen  
 vin malad.  
 Mwen te chache pitye, men pa t genyen e  
 ✧ kondoleyans, men nanpwen.  
 21 Anplis, yo te ban mwen fyèl kon manje e  
 ✧ Vinèg pou swaf mwen.  
 22 Ke ✧ tab devan yo devni yon pèlen;  
 Epi lè yo nan tan lapè, kite li tounen yon pyèj.  
 23 Ke ✧ zye yo vin twouble pou yo pa kab wè e  
 fè ren yo pran souke san rete.  
 24 ✧ Vide kòlè Ou sou yo, ke

✧ 69:9 Sòm 119:139 ✧ 69:10 Sòm 35:13 ✧ 69:11 Sòm 35:13 ✧ 69:12 Jen 19:1 ✧ 69:13  
 Sòm 32:6 ✧ 69:14 Sòm 69:2 ✧ 69:15 Sòm 124:4-5 ✧ 69:16 Sòm 25:16 ✧ 69:17 Sòm 27:9  
 ✧ 69:18 Sòm 119:134 ✧ 69:19 Sòm 22:6 ✧ 69:20 Job 16:2 ✧ 69:21 Mat 27:34-48 ✧ 69:22  
 Wo 11:9-10 ✧ 69:23 És 6:10 ✧ 69:24 Sòm 79:6

kòlè Ou ki brile a vini sou yo.

25 Pou ✧ kan yo kapab dezole; pou okenn moun pa rete ankò nan tant yo.

26 Paske yo te pèsekite sila ke Ou menm ✧te frape a e yo pale sou doulè a sila ke Ou menm te blese yo.

27 Ogmante inikite sou inikite yo, Epi ✧ pa kite yo antre nan ladwati Ou.

28 Ke yo kapab efase soti nan liv lavi a e ke yo pa vin anrejistre nan achiv ak moun ladwati yo.

29 Men mwen aflije e mwen nan doulè; Ke delivrans Ou, O Bondye kapab plase mwen an sekirite an wo.

30 Mwen va louwe non Bondye avèk chan yo Epi ✧leve Li wo avèk remèsiman.

31 Epi sa va ✧ fè kè SENYÈ kontan plis pase yon bèf, oswa yon jenn towò avèk kòn ak zago.

32 Enb yo te wè sa e yo kontan; Nou menm ki chache Bondye, ✧kite kè nou reprann fòs.

33 Paske ✧ SENYÈ a tandè malere yo e Li pa meprize moun pa L ki prizonye yo.

34 Kite syèl la avèk tè a louwe Li, Lanmè yo avèk ✧ tout sa ki fè mouvman ladann yo.

35 Paske Bondye va delivre Sion e bati vil Juda yo, pou yo kab rete la e posede li.

36 Desandan a sèvitè Li yo va eritye li e Sila ki renmen non Li yo ✧ va rete ladann.

## 70

Pou direktè koral la; Yon Sòm David. Yon souvni

1 ✧ O Bondye, fè vit pou delivre mwen;

O SENYÈ, fè vit pou ban m sekou!

2 ✧ Kite sila k ap chache lavi m yo vin wont e imilye;

Kite sila ki pran plezi nan fè m mal yo vire fè bak ak dezonè.

3 ✧ Kite sila ki di: “ah, ah!” yo

vire fè bak akòz wont yo

4 Kite tout moun k ap chache Ou yo rejwi e fè kè kontan nan Ou;

Epi kite sila ki renmen sali Ou yo di tout tan: “Kite Bondye egzalte”.

5 Men mwen aflije e mwen nan nesèsite;

✧Fè vit vin kote mwen, O Bondye!

Se Ou menm ki sekou mwen ak delivrans mwen;

O SENYÈ, pa mize.

✧ 69:25 Mat 23:38 ✧ 69:26 És 53:4 ✧ 69:27 És 26:10 ✧ 69:30 Sòm 34:3 ✧ 69:31 Sòm 50:13-14 ✧ 69:32 Sòm 22:26 ✧ 69:33 Sòm 12:5 ✧ 69:34 És 55:12 ✧ 69:36 Sòm 37:29 ✧ 70:1 Sòm 40:13-17 ✧ 70:2 Sòm 35:4-26 ✧ 70:3 Sòm 40:15 ✧ 70:5 Sòm 141:1

## 71

1 ✧ Nan Ou, O SENYÈ, mwen te pran refij; pa janm kite mwen vin wont.

2 ✧ Nan ladwati Ou, delivre mwen e fè m sekou; Panche zòrèy Ou bò kote m e sove mwen.

3 Devni pou mwen wòch abitasyon mwen an, kote mwen kab vini tout tan; Ou te pase lòd pou sove mwen, paske Ou se ✧wòch mwen ak sitadèl mwen.

4 ✧ Delivre mwen, O Bondye mwen, nan men a mechan yo, Fè m sòti nan ponyèt a malfektè a ak san pitye a,

5 Paske Ou se espwa m; O SENYÈ Bondye, Ou se ✧ konfyans mwen soti nan jenès mwen.

6 Pa Ou menm, mwen te twouve ✧ soutyen depi lè m te fèt; se Ou menm ki te retire mwen nan vant manman m; Tout tan se Ou menm ke m louwe.

7 Mwen parèt kon yon ✧ mèvèy pou anpil moun Paske Ou se fò refij mwen.

8 Bouch mwen plen avèk lwanj Ou ak ✧ glwa Ou tout lajounen.

9 Pa jete mwen akote nan ✧ tan vyeyès mwen; Pa abandone mwen lè fòs mwen vin febli.

10 Paske Lènmi m yo te pale kont mwen; Epi sila k ap veye pou pran lavi m yo ✧ fin konsilte ansanm,

11 Y ap di: ✧ “Bondye fin abandone li; Annou kouri dèyè l, e sezi li. Paske nanpwen moun ki pou delivre l.

12 O Bondye, ✧ pa rete lwen mwen; O Bondye m, fè vit a sekou mwen!

13 Kite sila ki advèsè a nanm mwen yo vin wont e manje nèt; Kite yo kouvri avèk repwòch ak dezonè K ap ✧chache blese mwen.

14 Men pou mwen, mwen va kenbe espwa m pou tout tan, Epi va ✧bay Ou lwanj plis toujou.

15 Bouch mwen va pale ladwati Ou, Ak sali Ou tout lajounen; Paske mwen ✧pa kab fin konnen Fòs valè tout jou sa yo.

16 Mwen va vini ak zèv pwisan SENYÈ Bondye a; Mwen va ✧pale ladwati Ou, Sèl de Ou menm.

17 O Bondye, Ou ✧ te enstwi mwen depi

✧ 71:1 Sòm 25:2-3 ✧ 71:2 Sòm 31:1 ✧ 71:3 Sòm 18:2 ✧ 71:4 Sòm 140:1-4 ✧ 71:5 Sòm 22:9  
 ✧ 71:6 Sòm 22:10 ✧ 71:7 És 8:18 ✧ 71:8 Sòm 96:6 ✧ 71:9 Sòm 71:18 ✧ 71:10 Sòm 31:13  
 ✧ 71:11 Sòm 3:2 ✧ 71:12 Sòm 10:1 ✧ 71:13 Est 9:2 ✧ 71:14 Sòm 71:8 ✧ 71:15 Sòm 40:5  
 ✧ 71:16 Sòm 51:14 ✧ 71:17 Det 4:5

jenès mwen e jiska prezan,  
 Mwen toujou deklare mèvèy Ou yo.  
 18 Epi menm lè m vye ak cheve blanch,  
 O Bondye, pa abandone m, jiskaske  
 Mwen ✧deklare fòs Ou a jenerasyon sila a;  
 Pwisans Ou a tout sila k ap vini yo.  
 19 Paske ladwati Ou, O Bondye, rive  
 jis nan syèl yo;  
 Ou menm ki te fè gwo bagay yo;  
 O Bondye, se ✧kilès ki  
 tankou Ou menm?  
 20 Ou menm ki te fè m wè anpil twoub  
 Ak gwo pwoblèm, va fè m leve ankò e  
 va mennen mwen monte soti nan ✧Fon tè yo.  
 21 Ke Ou fè grandè mwen vin plis e  
 vire ban m konsolasyon  
 22 Anplis, mwen va louwe Ou avèk ap la,  
 Menm a verite Ou, O Bondye mwen;  
 A Ou menm, mwen va chante lwanj avèk gita,  
 O ✧Sila Ki Sen an Israël la.  
 23 Lè mwen va rele ak jwa lè mwen  
 chante lwanj a Ou menm;  
 Epi ✧ nanm mwen ke Ou te rachte a.  
 24 Lang mwen, anplis, va pale ladwati  
 Ou tout lajounen;  
 Paske yo wont, yo imilye  
 Sila ki te chache fè m mal yo.

## 72

Yon Sòm a Salomon

- 1 Bay a wa a ✧ jijman Ou yo, O Bondye,  
 Ak ladwati Ou a fis a Wa a.  
 2 Ke li kapab ✧ jije pèp Ou a avèk ladwati e  
 aflije Ou yo avèk jistis.  
 3 Kite mòn yo pote ✧ lapè a pèp la e  
 Kolin yo, ladwati.  
 4 Ke li kapab ✧ vanje sila ki aflije pèp la,  
 fè sekou pou pitit a malere yo e  
 Kraze opresè a.  
 5 Kite yo krent Ou ✧ pou tout tan ke solèy la klere ak  
 tout tan ke genyen lalin,  
 pandan tout jenerasyon yo.  
 6 Ke li kapab desann ✧ tankou lapli sou chan  
 zèb fenk koupe yo, tankou farinaj ki  
 wouze tè a.  
 7 Nan jou li yo, ke moun ladwati yo fleri,  
 Avèk ✧lapè an abondans jiskaske lalin nan  
 Pa la ankò.  
 8 Anplis, ke li kapab renye jiskaske yon ✧ lanmè rive

✧ 71:18 Sòm 22:31 ✧ 71:19 Det 3:24 ✧ 71:20 Sòm 86:13 ✧ 71:22 II Wa 19:22 ✧ 71:23  
 Sòm 34:22 ✧ 72:1 I Wa 3:9 ✧ 72:2 És 9:7 ✧ 72:3 És 2:4 ✧ 72:4 És 11:4 ✧ 72:5 Sòm  
 72:17 ✧ 72:6 Det 32:2 ✧ 72:7 És 2:4 ✧ 72:8 Egz 23:31



Nan yon lòt lanmè a e soti nan Rivyè a jis rive nan dènye pwent tè a.

<sup>9</sup> Kite pèp ki abite nan dezè a bese devan l  
E lènmi li yo ✧ niche pousyè a.

<sup>10</sup> Kite wa a Tarsis yo avèk lil yo pote kado;

Wa a Séba avèk ✧Saba yo ofri kado.

<sup>11</sup> Epi kite tout wa yo bese ba devan l,  
Pou tout ✧nasyon yo sèvi li.

<sup>12</sup> Paske li va ✧ delivre malere a lè l kriye sekou,  
Aflije yo tou, avèk sila ki san soutyen an.

<sup>13</sup> Li va gen ✧ mizerikòd sou malere a avèk endijan an e lavi a pòv yo, li va sove.

<sup>14</sup> Li va delivre lavi yo soti nan opresyon avèk vyolans e san yo va chè nan zye Li.

<sup>15</sup> Konsa, ke li viv e ke ✧ lò a Séba kapab bay a li menm;

Epi ke yo kab priye pou li san rete;  
Kite yo beni li tout lajounen.

<sup>16</sup> Ke yo kapab genyen anpil sereyal nan tè sou mòn yo;

Fwi li yo va vannen nan van tankou pye sèd a Liban yo;

Epi ke sa ki nan vil yo kapab fleri tankou ✧ vèdi latè.

<sup>17</sup> Ke non li kapab dire jis pou tout tan;  
Ke non li kapab grandi ✧toutotan solèy la ap briye a;  
Epi kite moun beni pwòp tè yo pa non li;  
Kite tout nasyon yo rele li beni.

<sup>18</sup> Beni se SENYÈ a, Bondye a, Bondye Israël la,  
Ki Li sèl fè mèvèy.

<sup>19</sup> Epi beni se ✧ non laglwa Li jis pou tout tan;  
Ke tout tè a kapab ranpli ak glwa Li.

Amen e amen.

<sup>20</sup> Priyè yo a David, fis la a Jesse fini.

## LIV 3

### 73

Yon Sòm Asaph

<sup>1</sup> Anverite, Bondye bon a Israël,  
a sila avèk kè ki ✧ san tach yo!

<sup>2</sup> Men pou mwen, ✧ pye m te prèt pou glise tonbe,  
Pa m yo te prèt pou chape.

<sup>3</sup> Paske mwen te gen anvi awogan yo,  
Lè m te wè jan ✧mechan yo te byen reyisi.

<sup>4</sup> Paske nan lanmò yo, nanpwen soufrans e kò yo byen gra.

<sup>5</sup> Yo pa nan pwoblèm tankou lòt moun,  
Ni yo pa toumante tankou limanite.

✧ 72:9 És 49:23 ✧ 72:10 Jen 10:7 ✧ 72:11 Sòm 86:9 ✧ 72:12 Job 29:12 ✧ 72:13 Pwov 19:17 ✧ 72:15 És 60:6 ✧ 72:16 Job 5:25 ✧ 72:17 Sòm 89:36 ✧ 72:19 Né 9:5 ✧ 73:1 Sòm 24:4 ✧ 73:2 Sòm 94:18 ✧ 73:3 Job 21:7

6 Pou sa, yo pote ògèy tankou yon bèl ✧ kolye;  
 Se abiman vyolans ki sou yo.  
 7 Zye yo anfle nan mitan ✧ grès yo;  
 Imajinasyon a kè yo dechennen.  
 8 Yo ✧ giyonnen e avèk mechanste, yo pale  
 sou afè oprime lòt moun.  
 Yo pale konsi soti anwo.  
 9 Yo te ✧ mare bouch yo kont syèl yo e  
 lang yo fè gwo pwomnad sou tout late.  
 10 Akoz sa a, pèp li a retounen nan plas sa a e  
 yo bwè ✧ nan gran sous yo nèt.  
 11 Yo di: “Kòman Bondye konnen? Epi èske gen  
 konesans avèk Pi Wo a?”  
 12 Gade byen, sila yo se mechan yo ye;  
 Epi toujou ✧ alèz; yo te agrandi richès yo.  
 13 Anverite, ✧ an ven, mwen te kenbe kè m san tach e  
 lave men m nan inosans;  
 14 Paske mwen te frape tout lajounen e  
 resevwa ✧ chatiman chak maten.  
 15 Si mwen te di: “Mwen va pale konsa,”  
 Gade byen, mwen ta trayi ✧ jenerasyon  
 pitit Ou yo.  
 16 Lè m te ✧ reflechi pou konprann sa,  
 Zye m pa t wè klè menm  
 17 Jiskaske m te antre nan sanktiyè Bondye a;  
 Nan lè sa a, mwen te konprann jan yo ta ✧ fini.  
 18 Anverite, Ou te mete yo kote ki ✧ glise anpil.  
 Ou te jete yo ba jiskaske yo fini nèt.  
 19 Men kijan yo te ✧ detwi nan yon enstan!  
 Yo te bale nèt ale nan gran laperèz  
 ki te rive sibitman!  
 20 Tankou yon rèv lè yon leve,  
 O SENYÈ, lè yo fin fè Ou leve, Ou va ✧ meprize  
 pwòp fòm yo.  
 21 Lè kè m te vin anmè, e  
 Mwen te vin ✧frennen pa anndan,  
 22 Alò, mwen te vin ensansib e san bon konprann;  
 Mwen te tankou yon ✧bèt devan Ou.  
 23 Sepandan, ✧ mwen avè W tout tan.  
 Ou te kenbe men dwat mwen.  
 24 Avèk konsèy Ou, Ou va gide mwen e  
 Apre, ✧resevwa mwen nan laglwa.  
 25 ✧ Se kilès mwen gen nan syèl la sof ke Ou?  
 Epi anplis ke Ou, mwen pa vle anyen sou latè.  
 26 ✧ Chè mwen avèk kè mwen kab fè fayit,  
 Men Bondye se fòs kè mwen  
 e pòsyon mwen jis pou tout tan.

✧ 73:6 Jen 41:42 ✧ 73:7 Job 15:27 ✧ 73:8 Sòm 1:1 ✧ 73:9 Rev 13:6 ✧ 73:10 Sòm 23:5  
 ✧ 73:12 Jr 49:31 ✧ 73:13 Job 21:15 ✧ 73:14 Job 33:9 ✧ 73:15 Sòm 14:5 ✧ 73:16 Ekl 8:17  
 ✧ 73:17 Sòm 37:38 ✧ 73:18 Sòm 35:6 ✧ 73:19 Nonb 16:21 ✧ 73:20 I Sam 2:30 ✧ 73:21  
 Trav 2:37 ✧ 73:22 Job 18:3 ✧ 73:23 Sòm 16:8 ✧ 73:24 Jen 5:24 ✧ 73:25 Sòm 16:2 ✧ 73:26  
 Sòm 38:10

27 Paske gade byen, sila ki lwen yo va ✧ peri;  
Ou te detwi tout sila ki pa t fidèl a Ou menm yo.

28 Men pou mwen, rete pre Bondye se  
bonte mwen;  
Mwen te fè Senyè a, BONDYE a, ✧refij mwen,  
Pou m kab pale tout zèv Ou yo.

## 74

Yon Sòm Asaph

1 O Bondye, poukisa Ou te rejte nou pou tout tan?

Poukisa kòlè Ou ✧ fè lafimen kont mouton  
patiraj Ou an?

2 Sonje asanble Ou a ke Ou te achte depi tan  
ansyen yo,

Ke Ou te ✧rachte pou fè tribi eritaj pa Ou;  
Epi Mòn Sion sila a, kote Ou te abite.

3 Vire pa Ou yo pou rive kote mazi ki  
kraze nèt yo;

Lènmi a ✧ fin donmaje tout bagay anndan sanktiyè a.

4 Advèsè Ou yo te vin anraje nan mitan kote  
asanble Ou a;

Yo fin monte ✧ pwòp drapo yo kon sign.

5 Se konsi yon moun te leve ✧ rach li nan mitan  
yon forè bwa.

6 Epi koulye a, tout travay skilpti li yo, ✧

Yo kraze ak rach avèk mato.

7 Yo te fin ✧ brile sanktiyè Ou a jis rive atè;

Yo te souye kote abitasyon

ki fèt nan non Ou an.

8 Yo te ✧ pale nan kè yo: “Annou  
sòmèt yo nèt.”

Yo te brile tout kote asanble Bondye  
nan tout peyi a.

9 Nou potko wè sign nou yo;

✧Nanpwen pwofèt ankò,

Ni pa genyen pami nou ki konnen  
konbyen de tan sa va dire.

10 Konbyen de tan, O Bondye,

advèsè a va moke nou ak mo brile;

Epi lènmi an va ✧giyonnen non Ou tout tan?

11 Poukisa Ou retire men Ou;

Sitou men dwat Ou?

Soti anndan lestonmak Ou, ✧detwi yo!

12 Men Bondye se ✧ Wa mwen depi nan tan ansyen yo,

Ki fè zèv delivrans nan mitan latè.

13 Ou te divize lanmè a ak fòs kouraj Ou;

Ou te kraze tèt a ✧gwo bèt lanmè yo

14 Ou te kraze tèt a ✧ Levyatan an;

Ou te bay li kon manje bèt sovaj.

✧ 73:27 Sòm 37:20 ✧ 73:28 Sòm 14:6 ✧ 74:1 Det 29:20 ✧ 74:2 Egz 15:13 ✧ 74:3 Sòm 79:1  
✧ 74:4 Nonb 2:2 ✧ 74:5 Jr 46:22 ✧ 74:6 I Wa 6:18-35 ✧ 74:7 II Wa 25:9 ✧ 74:8 Sòm 83:4  
✧ 74:9 I Sam 3:1 ✧ 74:10 Lev 24:16 ✧ 74:11 Sòm 59:13 ✧ 74:12 Sòm 44:4 ✧ 74:13 Sòm  
148:7 ✧ 74:14 Job 41:1

15 Ou te fè pete sous avèk rivyè;  
 Ou te seche flèv ki pa t janm te konn sèch yo.  
 16 Jou yo se pou Ou, anplis, nwit yo se pou Ou;  
 Ou te ✧ prepare limyè a avèk solèy la.  
 17 Ou te etabli tout lizyè latè yo;  
 Yo te fè ✧ sezon ete ak sezon livè  
 18 Sonje bagay sa a, O SENYÈ, ke lènmi yo  
 te meprize e ✧ yon pèp ki plen ak foli  
 te refize non Ou.  
 19 Pa livre nanm a toutrèl Ou a  
 a bèt sovaj yo;  
 Pa bliye lavi aflije Ou yo pou tout tan.  
 20 Konsidere akò a; paske ✧ kote fènwa  
 peyi a plen ak abitasyon vyolans yo.  
 21 Pa kite ✧ oprime yo retounen nan gwo wont;  
 Kite aflije yo ak malere yo louwe Non Ou.  
 22 Leve, O Bondye; plede koz Ou;  
 Sonje jan ✧ lòm ki plen foli meprize Ou  
 tout lajounen.  
 23 Pa bliye vwa a advèsè Ou yo,  
 ✧ Gwo zen a sila ki leve kont Ou yo  
 tout tan san rete.

## 75

Pou direktè koral la; pou jwe a melodi "Pa Detwi"  
 Yon Sòm Asaph, yon Chanson

1 Nou bay remèsiman a Ou menm, O Bondye,  
 Nou bay remèsiman, paske non Ou toupren.  
 Moun yo fè deklarasyon ✧zèv  
 mèvèy Ou yo.  
 2 "Lè Mwen menm fikse yon tan ki chwazi,  
 Se Mwen ki ✧jije avèk jistis.  
 3 Latè avèk tout sa ki ladann fann;  
 Se Mwen menm ki etabli pilye li yo." {Tan}  
 4 "Mwen te di a awogan yo: 'Pa vin ògeye' e  
 a mechan an: ✧ 'Pa leve kòn nan;  
 5 Pa leve kòn ou anwo; ✧ pa pale  
 avèk ògèy ensolan."  
 6 Paske ni sòti nan lès, ni nan lwès,  
 Ni bò kote ✧ dezè a, kab gen fòs pou leve  
 moun anwo;  
 7 Men Bondye se jij la; Li ✧ fè yon moun desann  
 E li leve yon lòt fè l wo.  
 8 Paske gen yon tas nan men SENYÈ a  
 e diven an ap kimen;  
 Li byen mele e Bondye vide fè sòti ladann;  
 Anverite, ✧ tout mechan yo oblije vide bwè li  
 jis rive nan dènnye ti gout li.  
 9 Men pou mwen, mwen va ✧ deklare

✧ 74:16 Jen 1:14-18 ✧ 74:17 Det 32:8 ✧ 74:18 Det 32:6 ✧ 74:20 Sòm 88:6 ✧ 74:21 Sòm  
 103:6 ✧ 74:22 Sòm 14:1 ✧ 74:23 Sòm 65:7 ✧ 75:1 Sòm 26:7 ✧ 75:2 Sòm 9:8 ✧ 75:4 Za  
 1:21 ✧ 75:5 I Sam 2:3 ✧ 75:6 Sòm 3:3 ✧ 75:7 Sòm 50:6 ✧ 75:8 Ab 16 ✧ 75:9 Sòm 22:22

sa jis pou tout tan;  
 Mwen va chante lwanj a Bondye Jacob la.  
 10 Epi tout kòn a mechan yo, Li va koupe  
 Fè yo sòti nèt;  
 Men ✧ kòn a moun ladwati yo va leve wo.

## 76

Pou direktè koral la; sou enstriman ak kòd  
 Yon Sòm Asaph, yon Chanson  
 1 Bondye byen rekonèt nan Juda;  
 Non Li ✧ gran an Israèl.  
 2 Tabènak Li a nan Salem; ✧ abitasyon Li an osi  
 nan Sion.  
 3 La, Li te ✧ kase flèch dife,  
 boukliye ak nepe ak zam lagè yo.  
 4 Ou manyifik, pi majeste pase mòn  
 ak bèt lachas yo.  
 5 Sila ak ✧ gran kouraj yo te piyaje,  
 Yo te fonsè tonbe nan dòmi nèt;  
 Okenn nan gèrye yo ta kab itilize men yo.  
 6 Nan repwòch Ou, O Bondye Jacob,  
 Ni ✧ chevalye yo ak cheval la te tonbe  
 nan yon pwofon somèy.  
 7 Ou menm, Ou merite lakrent.  
 Epi se ✧ kilès ki kab kanpe nan prezans Ou  
 lè Ou fache?  
 8 Ou te fè jijman tandè soti nan syèl la;  
 Latè te ✧ krent e te kanpe rete an plas  
 9 Lè Bondye te leve nan jijman an,  
 Pou sove tout enb sou latè yo. {Tan}  
 10 Paske kòlè a lòm va bay Ou glwa;  
 Avèk yon retay kòlè pa W, Ou va mare senti Ou.  
 11 ✧ Fè ve Ou yo a SENYÈ a, Bondye Ou a e akonpli yo;  
 Kite tout sila ki antoure Li yo mennen don a Sila  
 ki merite lakrent lan.  
 12 Li va koupe retire nanm a prens yo;  
 Wa latè yo ✧ gen lakrent Li.

## 77

Pou direktè koral la: pou Jeduthun. Yon Sòm Asaph  
 1 Vwa m leve vè Bondye e mwen va ✧ kriye byen fò;  
 Vwa m leve vè Bondye e Li va tandè mwen.  
 2 Nan ✧ jou gwo twoub mwen an, mwen te chache SENYÈ a.  
 Nan nwit, mwen te lonje men m san fatig;  
 Nanm mwen te refize rekonfòte.  
 3 Lè mwen sonje Bondye, alò, lespri m twouble;  
 Lè m fè soupi, ✧ lespri m vin febli.  
 4 Ou te kenbe zye mwen yo louvri;  
 Mwen tèlman twouble ke m ✧ pa kab pale.

✧ 75:10 I Sam 2:1 ✧ 76:1 Sòm 99:3 ✧ 76:2 Sòm 27:5 ✧ 76:3 Sòm 46:9 ✧ 76:5 És 10:12  
 ✧ 76:6 Egz 15:1-21 ✧ 76:7 Esd 9:15 ✧ 76:8 I Kwo 16:30 ✧ 76:11 Ekl 5:4-6 ✧ 76:12 Sòm  
 47:2 ✧ 77:1 Sòm 3:4 ✧ 77:2 Sòm 50:15 ✧ 77:3 Sòm 61:2 ✧ 77:4 Sòm 39:9

5 Mwen te reflechi sou ✧ jou lansyen yo,  
 ane lontan yo.  
 6 Chanson mwen, mwen va sonje pandan  
 lannwit;  
 Mwen ✧ va reflechi tout tan nan kè mwen e  
 lespri m reflechi jis rive nan fon kè m:  
 7 Èske Senyè a va rejte nou pou tout tan?  
 Èske Li ✧p ap janm kite favè Li vini  
 sou nou ankò?  
 8 Èske lanmou dous Li a kite nou pou tout tan?  
 Èske ✧pwomès Li yo fini nèt?  
 9 Èske Bondye te bliye gras Li,  
 Oswa nan kòlè Li, èske Li te retire mizerikòd Li a? {Tan}  
 10 Epi mwen te di: “Se chagren mwen  
 ke ✧ men dwat a Wo Pwisan an vin chanje.”  
 11 Mwen va sonje ✧ zèv SENYÈ yo;  
 Anverite, Mwen va sonje mèvèy Ou yo nan  
 tan ansyen yo.  
 12 Mwen va ✧ reflechi tout tan sou tout zèv Ou yo,  
 Epi sonje nan kè m zèv Ou yo.  
 13 Chemen Ou a, O Bondye, sen an;  
 ✧ Ki dye ki gran tankou Bondye pa nou an?  
 14 Ou se Bondye ki fè zèv mèvèy.  
 Ou te fè pwisans Ou rekonèt pami pèp yo.  
 15 Avèk pwòp pouvwa Ou, Ou te ✧ rachte  
 pèp Ou a,  
 Fis a Jacob yo avèk Joseph. {Tan}  
 16 ✧ Dlo yo te wè Ou, O Bondye; dlo yo te  
 wè Ou; yo te nan gran doulè;  
 Anplis, fon yo te tranble.  
 17 ✧ Nwaj yo te vide gwo dlo;  
 Syèl yo te bay gwo bwi;  
 Flèch Ou yo te lime pa isit e pa lòtbò.  
 18 ✧ Bwi tonnè a eklate nan toubiyon an;  
 Loray yo te klere tout tè a;  
 Mond lan te tranble e souke.  
 19 ✧ Chemen Ou an te nan lanmè a e vwa Ou  
 nan dlo pwisan yo,  
 Epi mak pla pye Ou yo p ap kab dekouvri menm.  
 20 Ou te dirije pèp Ou a tankou yon twoupo,  
 Pa men ✧Moïse avèk Aaron.

## 78

Yon Sòm a Asaph

1 ✧ Koute, O pèp mwen an a lenstriksyon mwen;  
 Panche zòrèy Ou vè pawòl a bouch mwen.  
 2 Mwen va ✧ ouvri bouch mwen avèk yon parabòl.  
 Mwen va pale pawòl fonsè a tan ansyen yo,

✧ 77:5 Det 32:7 ✧ 77:6 Sòm 4:4 ✧ 77:7 Sòm 85:1-5 ✧ 77:8 II Pi 3:9 ✧ 77:10 Sòm 44:2-3  
 ✧ 77:11 Sòm 105:5 ✧ 77:12 Sòm 145:5 ✧ 77:13 Egz 15:11 ✧ 77:15 Egz 6:6 ✧ 77:16 Egz  
 14:21 ✧ 77:17 Jij 5:4 ✧ 77:18 Sòm 18:13 ✧ 77:19 És 51:10 ✧ 77:20 Egz 6:26 ✧ 78:1 És  
 51:4 ✧ 78:2 Sòm 49:4

3 Ke nou te tandé, konnen e ke  
 ✧ Papa zansèt nou yo te fè nou konprann.  
 4 Nou p ap kache yo a pitit nou yo,  
 Men nou va ✧ pale a jenerasyon k ap vini yo  
 Tout lwanj a SENYÈ a,  
 fòs Li ak gran mèvèy ke  
 Li te konn fè yo.  
 5 Paske Li te etabli yon temwayaj nan Jacob e  
 te chwazi yon lwa an Israèl, sou sila  
 Li te kòmande papa zansèt nou yo pou  
 Yo ta ✧ enstwi yo a pitit pa yo.  
 6 Ke jenerasyon k ap vini an ta kab konnen,  
 Menm sila ki poko fèt yo, pou yo ta kab leve e  
 ✧ pale yo a pitit yo,  
 7 Pou yo kab mete konfyans yo nan Bondye e  
 pa bliye zèv Bondye yo, men ✧ kenbe  
 kòmandman Li yo;  
 8 Epi ✧ pa fè tankou papa zansèt yo, yon  
 Jenerasyon tèt di e rebèl,  
 Yon jenerasyon ki pa t prepare kè Li,  
 Avèk yon lespri ki pa t fidèl a Bondye.  
 9 Fis a Éphraïm yo ki kon tire flèch, te pote banza yo.  
 Sepandan, nan jou batay la, ✧ yo te fè bak.  
 10 Yo ✧ pa t kenbe akò yo ak Bondye e te refize  
 Mache nan lalwa Li;  
 11 Yo te ✧ bliye zèv Li yo avèk mirak  
 Ke Li te montre yo.  
 12 Li te fòje mirak yo devan zansèt yo,  
 Nan peyi Égypte la ak nan ✧ chan  
 Tsoan an.  
 13 Li te divize lanmè a e te fè yo pase ladann;  
 Epi Li te fè dlo yo ✧ kanpe wo tankou  
 yon gwo pil.  
 14 Apre, Li te dirije yo avèk nwaj nan lajounen e  
 Nan tout nwit lan avèk ✧ limyè dife.  
 15 Li te ✧ fann wòch yo nan dezè a e te bay  
 Yo anpil dlo pou bwè tankou nan fon lanmè.  
 16 Li te ✧ fè parèt sous ki te pete sòti nan wòch la e  
 te fè dlo desann tankou larivyè.  
 17 Sepandan, yo te kontinye peche kont Li e  
 fè ✧ rebèl kont Pi Wo a nan dezè a.  
 18 Epi nan kè yo, yo te pase Bondye a leprèv  
 Lè yo te mande ✧ manje selon dezi yo.  
 19 Epi yo te pale kont Bondye; yo te di: ✧ “Èske  
 Bondye kapab prepare yon tab nan dezè a?  
 20 Gade byen, Li te frape wòch la pou dlo  
 kouri sòti e rivyè yo t ap debòde;

✧ 78:3 Sòm 44:1 ✧ 78:4 Egz 13:8 ✧ 78:5 Det 4:9 ✧ 78:6 Det 11:19 ✧ 78:7 Det 4:2 ✧ 78:8  
 II Wa 17:14 ✧ 78:9 Jij 20:39 ✧ 78:10 Jij 2:20 ✧ 78:11 Sòm 106:13 ✧ 78:12 Nonb 13:22  
 ✧ 78:13 Egz 15:8 ✧ 78:14 Egz 14:24 ✧ 78:15 Egz 17:6 ✧ 78:16 Nonb 20:8 ✧ 78:17 Det  
 9:22 ✧ 78:18 Nonb 11:4 ✧ 78:19 Egz 16:3

Èske Li kapab bay pen tou? Èske Li kab  
 ✧founi vyann pou pèp Li a?"

21 Pou sa, SENYÈ a te tandè e te ✧ ranpli ak  
 Kòlè.

Epi yon dife te limen kont Jacob e  
 chalè te monte tou kont Israèl,

22 Paske yo ✧ pa t kwè nan Bondye e pa t mete  
 Konfyans yo nan delivrans Li.

23 Men Li te kòmande nwaj anlè yo e  
 te ✧ louvri pòt syèl yo;

24 Li te fè lamàn vin tonbe tankou lapli  
 sou yo pou yo manje e te bay yo manje  
 soti nan syèl la.

25 Lòm te manje manje a zanj yo;  
 Li te voye manje ba yo an abondans.

26 Li te ✧ fè van lès la vante nan syèl yo e  
 avèk pwisans Li,  
 Li te dirije van sid la.

27 Li te fè tonbe vyann sou yo tankou  
 lapli, tankou pousyè,

Menm ✧ zwazo ak zèl tankou sab lanmè,

28 Alò, Li te kite yo tonbe nan mitan kan an,  
 toupatou abitasyon yo.

29 Konsa, yo te ✧ manje vant plen e  
 Sa yo te mande, se sa Li te bay yo.

30 Avan, yo te satisfè dezi yo, ✧ pandan manje a  
 te toujou nan bouch yo,

31 ✧ kòlè Bondye te leve kont yo e  
 te touye kèk nan pi vayan pami yo e te fè soumèt  
 mesye pi chwazi Israèl yo.

32 Malgre tout sa, yo te peche toujou e pa t  
 kwè nan zèv mèvèy Li yo.

33 Akoz sa, Li te fè ✧ jou yo fini mal e  
 ane yo nan laperèz sibat.

34 Lè Li te touye yo; nan lè sa a, yo te ✧ chache Li e  
 te retounen chache Li ak dilijans;

35 Epi yo te sonje ke Bondye te wòch yo e  
 Pi Wo a, ✧redanmtè yo.

36 Men yo te ✧ twonpe Li ak bouch yo e  
 te manti a Li ak lang yo.

37 Paske kè yo pa t ✧ fèm vè Li menm,  
 Ni yo pa t fidèl selon akò Li.

38 Men Li menm, akoz mizerikòd Li,  
 Te padone inikite yo e pa t detwi yo;  
 Epi souvan, Li te ralanti kòlè Li e pa t kite  
 tout kòlè li vin leve.

39 Konsa, Li te sonje ke se sèl chè yo te ye,  
 Yon ✧van pase e yo pa retounen ankò.

✧ 78:20 Nonb 11:18 ✧ 78:21 Nonb 11:1 ✧ 78:22 Det 1:32 ✧ 78:23 Jen 7:11 ✧ 78:26  
 Nonb 11:31 ✧ 78:27 Egz 16:13 ✧ 78:29 Nonb 11:19-20 ✧ 78:30 Nonb 11:33 ✧ 78:31 Nonb  
 11:33-34 ✧ 78:33 Nonb 14:29-35 ✧ 78:34 Nonb 21:7 ✧ 78:35 Egz 15:13 ✧ 78:36 Egz 24:7-8  
 ✧ 78:37 Sòm 51:10 ✧ 78:39 Job 7:7-16



- 40 Konbyen fwa yo te fè rebèl kont Li  
nan dezè a e te ✨fè L soufri lapèn  
dezè a!
- 41 Anpil fwa, yo te pase Bondye a ✨ leprèv,  
Epi te fè Sila Ki Sen A Israèl la soufri doulè.
- 42 Yo ✨ pa t sonje pwisans Li nan jou ke Li te  
delivre yo nan men advèsè yo,
- 43 Lè Li te akonpli mirak Li yo an Égypte ak  
✨mèvèy Li yo nan chan Tsoan an,
- 44 Epi te chanje rivyè yo an san e  
nan sous yo, yo pa t kab bwè.
- 45 Li te voye pami yo mouch an gran kantite  
ki te devore yo,  
Avèk ✨krapo ki te detwi yo.
- 46 Li te bay chan rekòlt a chwالبwa,  
Pwodwi a travay yo a ✨ krikèt.
- 47 Li te detwi chan fwi yo ak ✨ lagrèl e  
Bwa sikomò yo ak fredì.
- 48 Li te bay ✨ bèt yo tou a lagrèl e  
twoupo yo a loray.
- 49 Li te ✨ voye sou yo chalè kòlè Li,  
Gwo kòlè avèk endiyasyon ak twoub,  
Yon bann zanj ki pou detwi yo.
- 50 Li te menm fè chemen kòlè Li a byen pla;  
Li pa t epagne nanm yo de lanmò,  
Men te ✨ bay lavi yo a gwo fleyo e
- 51 te frape di tout premye ne an Égypte yo,  
premye sòti a fòs kouraj yo  
nan tant a Cham yo.
- 52 Men Li te mennen fè sòti pwòp pèp  
li a tankou mouton e  
te dirije yo nan dezè a ✨tankou  
yon twoupo;
- 53 Li te dirije yo avèk swen pou yo pa pè;  
Men ✨lanmè te vale lènmi yo.
- 54 Konsa, ✨ Li te mennen yo nan peyi sen Li an,  
Vè peyi ti kolin ke men dwat Li te vin posede a.
- 55 Anplis, li te chase nasyon yo devan yo,  
Te pataje pou yo yon eritaj selon mezi li e  
Te fè tribi Israèl yo abite nan tant yo.
- 56 Sepandan, yo te tante, ✨ fè rebèl kont  
Bondye Pi Wo a e pa t kenbe temwayaj Li yo,
- 57 Men te vire fè bak e te aji nan malveyans  
tankou papa zansèt yo;  
Yo te vire akote tankou yon banza ki tòde.
- 58 Paske yo te pwovoke Li avèk ✨ wo plas yo e  
te fè L jalou avèk imaj taye yo.
- 59 Lè Bondye te tandè, Li te vin ranpli avèk kòlè e

✨ 78:40 Sòm 95:10 ✨ 78:41 Nonb 14:22 ✨ 78:42 Jij 8:34 ✨ 78:43 Egz 4:21 ✨ 78:45 Egz 8:6  
✨ 78:46 Egz 10:14 ✨ 78:47 Egz 9:23-25 ✨ 78:48 Egz 9:19 ✨ 78:49 Egz 15:7 ✨ 78:50 Egz  
12:29-30 ✨ 78:52 Sòm 77:20 ✨ 78:53 Egz 14:27-28 ✨ 78:54 Egz 15:7 ✨ 78:56 Jij 2:11-13  
✨ 78:58 Lev 26:30

te ✧vin deteste Israël anpil;  
 60 Jiskaske Li te abandone abitasyon  
 Silo, tant ke li te konn monte pami lòm nan e  
 61 te bay yo menm ki te fòs Li an kaptivite e  
 glwa Li nan men advèsè a.  
 62 Anplis, Li te livre pèp Li a de nepe e  
 te vin ranpli avèk kòlè kont eritaj Li a.  
 63 Dife te devore jennonm Li yo e  
 ✧vyèj Li yo pa t gen chan maryaj.  
 64 ✧ Prèt Li yo te tonbe pa nepe e  
 Vèv Li yo pa t kab kriye.  
 65 Epi SENYÈ a te leve tankou se nan  
 dòmi Li te ye,  
 Tankou yon ✧ gèrye ki te kon soumèt  
 nèt akòz diven.  
 66 Li ✧ te pouse advèsè Li yo fè bak;  
 Li te mete sou yo yon repwòch ki pa t  
 gen pou sòti menm.  
 67 Anplis, Li te ✧ rejte tant Jospèh la e  
 pa t chwazi tribi Éphraïm nan,  
 68 Men Li te chwazi tribi Juda a, Mòn ✧ Sion  
 ke Li te renmen anpil la.  
 69 Epi li te ✧ bati sanktiyè Li tankou wotè mòn yo  
 Tankou latè ke Li te etabli jis pou tout tan an.  
 70 Anplis, Li te chwazi David, sèvitè Li a e  
 Te pran li sòti nan Pak mouton yo;  
 71 Sòti nan okipe mouton k ap fè pitit,  
 avèk ti mouton nouris,  
 Li te mennen li, pou vin bèje Jacob, pèp Li a,  
 Avèk ✧Israël, eritaj Li a  
 72 Konsa, Li te fè bèje yo selon ✧ entegrite kè l e  
 te gide yo avèk men abil li.

## 79

Yon Sòm Asaph

1 O Bondye, nasyon yo te anvayi eritaj Ou a;  
 Yo te souye sen tanp Ou an; yo te fè Jérusalem  
 kouche nan yon pil ranblè.  
 2 Yo te bay kadav sèvitè Ou yo kon manje  
 pou zwazo syèl yo,  
 Chè a fidèl Ou yo fin bay a bèt latè yo.  
 3 Yo te vide san yo tankou dlo toupato Jérusalem  
 Epi ✧ pa t genyen moun ki pou antere yo.  
 4 Nou gen tan vin yon repwòch pou vwazen nou yo,  
 Yon rizib ak yon betiz pou sila ki antoure nou yo.  
 5 Jiskilè, O SENYÈ? Èske Ou va rete fache nèt?  
 Èske jalouzi Ou va ✧brile tankou dife  
 tout tan?

✧ 78:59 Lev 26:30 ✧ 78:63 Jr 7:34 ✧ 78:64 I Sam 4:17 ✧ 78:65 És 42:13 ✧ 78:66 I Sam 5:6  
 ✧ 78:67 Sòm 78:60 ✧ 78:68 Sòm 87:2 ✧ 78:69 I Wa 6:1-38 ✧ 78:71 I Sam 10:1 ✧ 78:72 I  
 Wa 9:4 ✧ 79:3 Jr 14:16 ✧ 79:5 Sòm 89:46

6 ✧ Vide kòlè Ou sou nasyon ki pa rekonèt Ou yo ak sou wayòm yo ki pa rele non Ou yo.

7 Paske yo te ✧ devore Jacob e fè devaste abitasyon Li an.

8 ✧ Pa sonje inikite a papa zansèt nou yo pou kenbe kont nou;

Kite mizerikòd Ou vini vit rankontre nou, Paske nou fin rive ba nèt.

9 ✧ Fè nou sekou, O Bondye sali nou an, Pou glwa a non Ou;

Epi delivre nou e padone peche nou yo, Pou koz a non Ou.

10 ✧ Poukisa nasyon yo ta di: “Kote Bondye yo ye?”

Kite li vin rekonèt pami nasyon yo devan zye nou, Vanjans pou san sèvitè Ou yo ki te vèse.

11 Kite prizonye ak ✧ vwa k ap plenyen yo rive devan Ou; Selon grandè fòs Ou, prezève sila ki kondane pou mouri yo.

12 Epi fè retounen a vwazen nou yo, ✧ sèt fwa antre nan vant yo, repwòch avèk sila Yo te repwoche Ou a, O SENYÈ.

13 Konsa nou menm, pèp Ou a ak ✧ mouton a patiraj Ou a, Va bay Ou remèsiman jis pou tout tan; A tout jenerasyon yo, nou va pale lwanj Ou.

## 80

Pou direktè koral la; pou jwe a “Lis Akò Yo”. Yon Sòm Asaph

1 O prete zòrèy Ou, Bèje Israèl la; Ou menm ki mennen Joseph tankou yon twoupo; Ou menm ki ✧ chita sou twòn anwo cheriben yo, se pou ou briye.

2 Devan Éphraïm avèk Benjamin ak Manassé, fè vire tout fòs Ou; Epi vin bannou sekou!

3 O Bondye, restore nou e ✧ fè vizaj Ou briye sou nou e nou va sove.

4 O Bondye dèzame yo, ✧ pou konbyen de tan Ou va fache avèk lapriyè a pèp Ou a?

5 Ou te bay yo ✧ pen fèt ak dlo ki t ap sòti nan zye yo e Ou te fè yo bwè dlo a zye yo an gran kantite.

6 Ou fè nou vin yon objè konfli devan ✧ vwazen nou yo e lènmi nou yo ri pami yo menm.

7 O Bondye dèzame yo, restore nou, fè vizaj Ou klere sou nou e nou va sove.

8 Ou te rachte yon pye razen soti an Égypte; Ou te chase mete nasyon yo deyò pou te ✧ plante li la.

9 Ou te netwaye tè a devan l, li te ✧ anrasine byen fon e te

✧ 79:6 Sòm 69:24 ✧ 79:7 Sòm 53:4 ✧ 79:8 Sòm 106:6 ✧ 79:9 II Kwo 14:11 ✧ 79:10 Sòm 42:10 ✧ 79:11 Sòm 102:20 ✧ 79:12 Jen 4:15 ✧ 79:13 Sòm 74:1 ✧ 80:1 Egz 25:22 ✧ 80:3 Nonb 6:25 ✧ 80:4 Sòm 79:5 ✧ 80:5 Sòm 42:3 ✧ 80:6 Sòm 44:13 ✧ 80:8 Jr 11:17 ✧ 80:9 Os 14:5

ranpli peyi a.

<sup>10</sup> Mòn yo te kouvri ak lonbraj li e  
Pye sèd Bondye yo avèk tout ✧ branch yo.

<sup>11</sup> Li te voye branch li yo rive ✧ jis nan lanmè e  
boujon li yo jis nan Rivyè a.

<sup>12</sup> Poukisa Ou te ✧ kraze tout kloti li yo,  
Pou tout sila ki pase la yo kab rekòlte fwi li yo?

<sup>13</sup> Yon gwo mal kochon sovaj sòti nan forè  
pou manje ladann e nenpòt bagay ki fè mouvman nan chan an,  
manje sou li.

<sup>14</sup> O Bondye dèzame yo, vire fè bak depi koulye a,  
nou sipliye Ou, souple;

✧Gade soti anwo nan syèl la pou wè e  
okipe pye sila a,

<sup>15</sup> Menm boujon ke men dwat Ou te plante a e  
fis ke Ou te bay fòs pou Ou menm nan.

<sup>16</sup> Li fin brile ak dife, li fin koupe atè nèt;  
Yo peri ak repwòch fas Ou.

<sup>17</sup> Kite ✧ men Ou rete sou nonm nan  
ki se men dwat Ou a,  
Sou fis a lòm ke ou te fè pwisan  
pou Ou menm nan.

<sup>18</sup> Konsa, nou p ap vire fè bak kite Ou;  
Fè nou leve ankò e nou va rele non Ou.

<sup>19</sup> O SENYÈ dezame yo, restore nou;  
Fè figi Ou briye sou nou e nou va sove.

## 81

Pou direktè koral la; pou jwe sou Gitit la. Yon Sòm Asaph

<sup>1</sup> Chante avèk jwa a Bondye ki se fòs nou;  
Rele fò ak jwa a ✧Bondye a Jacob la.

<sup>2</sup> Leve yon chan, bat ✧ tanbouren an,  
gita ak son ki dous la avèk ap la.

<sup>3</sup> Sone twonpèt la nan nouvèl lin nan,  
Sou plèn lin nan jou ✧fèt nou an.

<sup>4</sup> Paske se yon règleman Israël,  
Yon òdonans a Bondye Jacob la.

<sup>5</sup> Li te etabli li kon yon temwayaj nan Joseph  
Lè li te ✧ ale toupatou nan peyi Égypte la.

Mwen te tande yon lang ke M pa t konnen:

<sup>6</sup> Mwen te retire fado a sou zepòl li,  
Men li yo te vin lib panyen an.

<sup>7</sup> Ou te ✧ rele nan twoub la e Mwen  
te fè ou sekou;

Mwen te reponn Ou nan plas kote tonnè a kache a;  
Mwen te fè ou pase eprèv nan dlo Meriba yo. {Tan}

<sup>8</sup> Tande, O pèp Mwen an e Mwen va korije nou;  
O Israël, si ou ✧ ta koute Mwen!

<sup>9</sup> Pa kite okenn dye etranje rete pami nou;

✧ **80:10** Jen 49:22 ✧ **80:11** Sòm 72:8 ✧ **80:12** Sòm 89:40 ✧ **80:14** Sòm 102:19 ✧ **80:17**  
Sòm 89:21 ✧ **81:1** Sòm 84:8 ✧ **81:2** Egz 15:20 ✧ **81:3** Lev 23:24 ✧ **81:5** Egz 11:4 ✧ **81:7**  
Egz 2:23 ✧ **81:8** Sòm 95:7

Ni nou pa pou adore okenn dye etranje.

10 ✧ Mwen menm, SENYÈ a, se Bondye nou an,  
Ki te mennen nou sòti nan peyi Égypte la;  
Ouvri bouch nou byen laj e mwen  
va ranpli li.

11 Men pèp Mwen an ✧ pa t koute vwa M,  
Ni Israèl pa t obeyi Mwen.

12 Akoz sa, Mwen te ✧ lage yo a kè di yo,  
Pou mache nan pwòp manèv yo.

13 O ke pèp Mwen an ta koute Mwen,  
Ke Israèl ta ✧ mache nan vwa Mwen yo!

14 Mwen ta ✧ soumèt lènmi yo byen vit e  
ta vire men m kont advèsè yo.

15 ✧ Sila ki rayi SENYÈ yo ta pran pòz  
obeyisans a Li menm e  
tan pinisyon yo ta jis pou tout tan.

16 Men ou menm, Mwen ta nourri ou avèk ✧ pi bon  
Kalite nan ble a.  
Avèk siwo ki sòti nan wòch, Mwen ta  
satisfè ou.

## 82

Yon Sòm Asaph

1 Bondye vin kanpe nan mitan pwòp asanble Li a;  
Li fè jijman nan mitan ✧chèf yo.

2 Pou konbyen de tan nou va jije san jistis  
E ✧montre favè a mechan yo?

3 Fè vanjans pou fèb yo ak òfelen yo;  
Fè jistis a aflije yo ak malere yo.

4 ✧ Sove fèb yo ak malere yo;  
Delivre fè yo sòti nan men a mechan yo.

5 Yo pa konnen ni yo pa konprann;  
Yo ✧mache toupatou nan fènwa;

Tout fondasyon tè yo fin souke nèt.

6 Mwen ✧ te di: “Se dye ke nou ye e  
nou tout se fis a Pi Wo a.”

7 Sepandan, ✧ nou va mouri tankou moun e  
tonbe tankou nenpòt nan prens yo.”

8 Leve, O Bondye, jije tè a!  
Paske se Ou ki ✧posede tout  
nasyon yo.

## 83

Yon Chan. Yon Sòm Asaph

1 O Bondye, ✧ pa rete an silans;  
Pa fè silans, O Bondye e  
Pa rete trankil.

2 Paske gade byen, lènmi Ou yo ap fè zen e  
sila ki rayi Ou yo te leve tèt yo menm byen wo.

✧ **81:10** Egz 20:2 ✧ **81:11** Det 32:15 ✧ **81:12** Job 8:4 ✧ **81:13** Sòm 128:1 ✧ **81:14** Sòm 18:47 ✧ **81:15** Wo 1:30 ✧ **81:16** Det 32:14 ✧ **82:1** Egz 21:6 ✧ **82:2** Det 1:17 ✧ **82:4** Job 29:12 ✧ **82:5** Pwov 2:13 ✧ **82:6** Sòm 82:1 ✧ **82:7** Job 21:32 ✧ **82:8** Sòm 2:8 ✧ **83:1** Sòm 28:1

3 Yo fè plan malen kont pèp Ou a e  
 fè konplo ansanm kont sila  
 ki se trezò  
 4 Yo te di: “Vini, ✧ annou disparèt yo nèt  
 kon nasyon,  
 Pou non Israël la pa sonje ankò menm.”  
 5 Paske yo te ✧ fè konplo ansanm ak yon sèl panse;  
 Kont Ou menm, yo fè yon akò:  
 6 Tant a Édom avèk Izmayelit yo, Moab ak  
 Agarenyen yo,  
 7 Guebal, Ammon, Amalek, Filisten yo avèk  
 pèp Tyr yo;  
 8 Anplis, Asiryen yo te vin jwenn ansanm avèk yo,  
 yo te prete lamèn a ✧ pitit a Lot yo. {Tan}  
 9 Aji avèk yo ✧ tankou Madian, tankou avèk  
 Sisera ak Jabin nan ravin Kison an!  
 10 Ki te fin detwi nan En-Dor, ki te ✧ vin  
 tankou fimye sou latè.  
 11 Fè tout chèf yo tankou  
 Oreb avèk Zeeb e tout prens yo  
 tankou ✧Zébach avèk Tsalmunna,  
 12 Ki te di: ✧ “Annou vin posede patiraj  
 Bondye yo pou kont nou.”  
 13 O Bondye mwen, fè yo tankou pousyè toubiyon!  
 Tankou pay devan van!  
 14 Tankou ✧ dife ki brile forè a, ak flanm ki  
 Limen nan tout mòn nan pou yo brile nèt.  
 15 Konsa, kouri dèyè yo ✧ avèk tanpèt Ou e  
 teworize yo ak gwo siklòn Ou.  
 16 ✧ Plen figi yo ak gwo wont,  
 Pou yo kab chache non pa Ou, O SENYÈ.  
 17 Kite yo vin ✧ wont e dekouraje jis pou tout tan,  
 kite yo imilye e peri,  
 18 Pou yo kapab konnen ke se Ou menm sèl  
 ki pote non “Bondye”,  
 ✧Pi Wo sou tout tè a.

## 84

1 Pou direktè koral la; sou gitit la  
 Yon Sòm a fis a Koré yo  
 A la abitasyon Ou yo bèl, O SENYÈ  
 dèzame yo!  
 2 ✧ Nanm mwen anvi e menm gen anpil dezi pou  
 lakou SENYÈ a;  
 Kè m ak chè m chante avèk jwa a  
 Bondye vivan an.  
 3 Zwazo a osi te twouve yon kay e  
 iwondèl la yon nich pou li menm,

✧ 83:4 Est 3:6 ✧ 83:5 Sòm 2:2 ✧ 83:8 Det 2:9 ✧ 83:9 Jij 7:1-24 ✧ 83:10 So 1:17 ✧ 83:11  
 Jij 8:12-21 ✧ 83:12 II Kwo 20:11 ✧ 83:14 És 9:18 ✧ 83:15 Job 9:17 ✧ 83:16 Job 10:15  
 ✧ 83:17 Sòm 35:4 ✧ 83:18 Sòm 9:2 ✧ 84:2 Sòm 42:1-2

kote li kapab mete pitit li yo,  
 4 A la ✧ beni sila ki demere nan lakay Ou yo beni!  
 Y ap ba Ou lwanj jis pou tout tan.  
 5 A la beni nonm ki ✧ gen fòs li nan Ou a beni!  
 Nan kè a sila gran chemen vè Sion an ye.  
 6 Lè yo pase nan vale Baca a, yo fè l fè yon sous;  
 ✧ Premye lapli a kouvri li avèk benediksyon.  
 7 Yo sòti nan fòs pou antre nan fòs yo,  
 Yo chak parèt devan Bondye nan Sion.  
 8 O SENYÈ dèzame yo, tandè lapriyè mwen;  
 Prete zorèy Ou, O ✧ Bondye Jacob la! {Tan}  
 9 Gade byen boukliye nou an, O Bondye e  
 gade sou vizaj a ✧ onksyone Ou a.  
 10 Paske ✧ yon sèl jou nan lakou Ou a  
 Pi bon pase mil jou deyò.  
 Pito m te kanpe nan lakou kay Bondye mwen an  
 Pase pou m ta abite nan tant a mechan yo.  
 11 Paske SENYÈ a, Bondye a, se ✧ yon solèy  
 ak yon boukliye;  
 SENYÈ a bay gras avèk glwa;  
 Li pa refize anyen ki bon a sila ki  
 mache dwat yo.  
 12 O SENYÈ dèzame yo! A la nonm  
 ki mete konfyans li nan Ou a beni!

## 85

Pou direktè koral la; Yon Sòm a fis a Koré yo  
 1 O SENYÈ, Ou te montre favè Ou a peyi Ou a;  
 Ou te ✧ restore kaptivite a Jacob la.  
 2 Ou te ✧ padone inikite a pèp Ou a;  
 Ou te kouvri tout peche yo.  
 3 Ou te retire tout gran kòlè Ou;  
 Ou te ✧ detounen kòlè Ou ki brile a.  
 4 Restore nou, O Bondye a sali nou an e  
 ✧fè endiyasyon Ou anvè nou, sispann.  
 5 Èske ✧ Ou va fache avèk nou jis pou tout tan?  
 Èske Ou va pwolonje kòlè Ou jis a tout  
 jenerasyon yo?  
 6 Èske se pa Ou menm ki pou fè nou ✧ reprann ankò?  
 Pou pèp Ou a kapab rejwi nan Ou?  
 7 Montre nou lanmou dous Ou a, O SENYÈ e  
 ✧ pèmèt nou resevwa sali Ou a.  
 8 Mwen va tandè sa ke Bondye, SENYÈ a, va di;  
 Paske La p ✧ pale lapè a pèp Li a, a fidèl Li yo;  
 Men Li pa kite yo retounen nan foli yo.  
 9 Anverite, sekou Li toupre a sila ki

✧ 84:4 Sòm 65:4 ✧ 84:5 Sòm 81:1 ✧ 84:6 Sòm 107:35 ✧ 84:8 Sòm 81:1 ✧ 84:9 I Sam 16:6  
 ✧ 84:10 Sòm 27:4 ✧ 84:11 És 60:19-20 ✧ 85:1 Egz 1:11 ✧ 85:2 Nonb 14:19 ✧ 85:3 Egz  
 32:12 ✧ 85:4 Dan 9:16 ✧ 85:5 Sòm 74:1 ✧ 85:6 Sòm 71:20 ✧ 85:7 Sòm 106:4 ✧ 85:8  
 Sòm 29:11

gen lakrent Li yo,  
 Pou laglwa Li kapab rete nan peyi nou an.  
 10 Lanmou dous avèk verite te vin jwenn ansanm;  
 ✧Ladwati avèk lapè te vin bo youn lòt.  
 11 Verite ✧ vòltije sòti nan latè e  
 Ladwati gade soti anwo nan syèl la.  
 12 Anverite, SENYÈ a va bay sa ki bon e  
 ✧ peyi nou an va bay rekòlt li.  
 13 Ladwati va mache devan L e  
 va fè mak pla pye Li devni yon gran chemen.

## 86

Yon priyè a David

1 Prete m zòrèy Ou, O SENYÈ e reponn mwen;  
 Paske mwen ✧ aflije e malere.  
 2 ✧ Konsève nanm mwen, paske mwen  
 se yon nonm fidèl;  
 O Ou menm, Bondye mwen an, sove sèvitè Ou  
 ki mete konfyans nan Ou a.  
 3 Montre m gras Ou, O SENYÈ, paske  
 se ✧ a Ou menm mwen kriye tout lajounen.  
 4 Fè nanm a sèvitè Ou a kontan, paske a Ou menm,  
 SENYÈ, mwen leve nanm mwen.  
 5 Paske Ou menm, Senyè a, Ou plen bonte e Ou  
 ✧prèt pou padone,  
 ranpli avèk lanmou dous, tout sila  
 ki rele sou non Ou yo.  
 6 ✧ Prete zòrèy Ou, O SENYÈ, a lapriyè mwen;  
 Epi prete atansyon a vwa  
 siplikasyon mwen yo.  
 7 Nan jou twoub mwen an, mwen va rele Ou,  
 Paske ✧ Ou va reponn mwen.  
 8 Nanpwen tankou Ou pami dye yo, O Senyè,  
 Ni nanpwen zèv ✧ tankou pa Ou yo.  
 9 ✧ Tout nasyon ke Ou te fè yo, va vini pou  
 adore devan Ou, O Senyè e  
 yo va bay non Ou glwa.  
 10 Paske Ou gran e ✧fè zèv  
 ki mèvèye; Se Ou sèl ki Bondye.  
 11 Montre m chemen Ou an, O SENYÈ;  
 Mwen va mache nan verite Ou;  
 ✧Fè kè m dispoze pou krent non Ou.  
 12 Mwen va ✧ ba Ou remèsiman, O SENYÈ,  
 Bondye mwen an, avèk tout kè m, e  
 Mwen va bay glwa a non Ou jis pou tout tan.  
 13 Paske lanmou dous Ou anvè mwen gran, e  
 Ou te ✧ delivre nanm mwen soti nan

✧ **85:10** Sòm 72:3 ✧ **85:11** És 45:8 ✧ **85:12** Lev 26:4 ✧ **86:1** Sòm 40:17 ✧ **86:2** Sòm 25:20  
 ✧ **86:3** Sòm 25:5 ✧ **86:5** Sòm 130:4 ✧ **86:6** Sòm 55:1 ✧ **86:7** Sòm 17:6 ✧ **86:8** Det 3:24  
 ✧ **86:9** Sòm 22:27 ✧ **86:10** Egz 15:11 ✧ **86:11** Jr 32:39 ✧ **86:12** Sòm 111:1 ✧ **86:13** Sòm  
 30:3



fon sejou lanmò yo.

14 O Bondye, mesye awogan yo te ✧ leve  
kont mwen,  
yon bann mesye vyolan ap chache  
lavi mwen, e  
yo pa mete Ou devan yo.

15 Men Ou menm, O SENYÈ, Ou se yon Bondye ki  
✧ plen ak gras avèk mizerikòd,  
Lan nan kòlè e plen avèk lanmou  
dous ak verite.

16 Vire vè mwen e fè m gras;  
O ✧ dispoze fòs Ou a sèvitè Ou a, e  
fè sekou a fis a sèvant Ou a.

17 Montre m yon sign bonte Ou,  
Pou sila ki rayi mwen yo kapab wè l e vin wont,  
Paske Ou menm, O SENYÈ, ✧ te fè m sekou, e  
te konsole mwen.

## 87

Yon Sòm a fis a Koré yo; Yon Chan

1 ✧ Fondasyon Li nan mòn sen yo.

2 SENYÈ a ✧ renmen pòtay a Sion yo  
Plis pase tout lòt abitasyon a Jacob yo.

3 Yo pale sou gran mèvèy ou yo,

O ✧ gran vil Bondye. {Tan}

4 Mwen va rele ✧ Rahab avèk Babylone  
pami sila ki rekonèt Mwen yo;

Men vwala, Philistie, Tyr, avèk Éthopie:  
‘Tèl moun te fèt la’.

5 Men selon Sion, li va pale,

“Sa a ak sila a fèt ladann;”

Epi Pi Wo a, Li menm, va ✧ etabli li.

6 SENYÈ a va konte lè Li ✧ anrejistre  
tout pèp yo: “Sa a te fèt la”.

7 Epi sila ki chante ansanm avèk sila  
ki jwe flit yo va di:

“Tout ✧ sous lajwa mwen se nan ou”.

## 88

Yon Chan. Yon Sòm a fis a Koré yo

Pou direktè Koral la; selon melodi “Soufrans Afliksiyon An”.

Yon refleksyon pa Héman, Ezechiel la

1 O SENYÈ, Bondye a sali mwen an,

Mwen te kriye fò lajounen kon lannwit devan Ou.

2 Kite priyè a ✧ vini devan Ou;

Panche zòrèy Ou vè kri mwen an!

3 Paske nanm mwen gen kont twoub li, e

✧lavi m vin toupre sejou lanmò.

✧ **86:14** Sòm 54:3 ✧ **86:15** Sòm 86:5 ✧ **86:16** Sòm 68:35 ✧ **86:17** Sòm 78:69 ✧ **87:1** Sòm  
78:69 ✧ **87:2** Sòm 78:67-68 ✧ **87:3** Sòm 46:4 ✧ **87:4** Job 9:13 ✧ **87:5** Sòm 48:8 ✧ **87:6**  
Sòm 69:28 ✧ **87:7** Sòm 36:9 ✧ **88:2** Sòm 18:6 ✧ **88:3** Sòm 107:18

4 Mwen vin konte pami sila ki ✨ desann nan fòs yo;  
 Mwen parèt tankou yon nonm san fòs,  
 5 Abandone pami mò yo, tankou sila  
 ki te touye e kouche nan tonm yo,  
 Ke nou pa sonje ankò menm, e yo ✨ koupe  
 retire nan men Ou.  
 6 Ou te mete m nan ✨ fòs pi ba a, nan plas  
 fènwa yo, nan fon yo.  
 7 Kòlè Ou ✨ vin poze sou mwen, e Ou te  
 aflije m ak tout vag lanmè Ou yo. {Tan}  
 8 Ou te retire tout moun mwen konnen byen lwen m;  
 Ou te fè m yon objè abominab devan yo;  
 Mwen fèmen anndan nèt e mwen pa kab sòti.  
 9 Zye m gen tan pouri akòz aflikasyon;  
 Mwen te rele Ou chak jou, O SENYÈ;  
 Mwen te lonje men m yo vè Ou menm.  
 10 Èske Ou va fè mirak pou mò yo?  
 Èske ✨ lespri ki fin pati yo va leve pou bay  
 Ou lwanj? {Tan}  
 11 Èske lanmò dous Ou a va deklare nan tonbo a?  
 Fidelite Ou nan labim nan?  
 12 Èske mirak Ou yo va fèt parèt nan ✨ tenèb la?  
 Epi ladwati Ou nan peyi kote tout bagay bliye yo?  
 13 Men mwen, O SENYÈ, mwen te kriye fò a  
 Ou menm pou sekou, e  
 nan maten, lapriye mwen vini devan Ou.  
 14 O SENYÈ, poukisa Ou rejte nanm mwen?  
 Poukisa Ou ✨kache figi Ou kont mwen?  
 15 Mwen te aflije e ✨ prèt pou mouri depi  
 nan jenès mwen;  
 Mwen soufri gwo laperèz Ou yo; mwen vin soumèt nèt.  
 16 Kòlè Ou ki brile fin pase sou mwen;  
 Gwo laperèz Ou yo te ✨detwi m.  
 17 Yo fin antoure mwen tankou dlo tout lajounen;  
 Yo ✨ansèkle m nèt.  
 18 Ou te retire zanmi m ak sila ki renmen m nan lwen m nèt;  
 Moun mwen konnen yo vin nan tenèb.

## 89

Yon Refleksyon pa Éthan, Ezrachit la  
 1 Mwen va chante lanmou dous SENYÈ a jis pou tout tan;  
 Tout jenerasyon yo, mwen va fè yo konnen  
 Fidelite Ou avèk bouch mwen.  
 2 Paske mwen te di: "Lanmou dous Ou a va  
 Vin ogmante plis jis pou tout tan;  
 Nan syèl yo, Ou va etabli ✨ fidelite Ou.  
 3 "Mwen, Bondye, te fè yon akò avèk ✨ moun  
 chwazi mwen yo;

✨ 88:4 Sòm 28:1 ✨ 88:5 Sòm 31:22 ✨ 88:6 Sòm 86:13 ✨ 88:7 Sòm 32:4 ✨ 88:10 Sòm 6:5  
 ✨ 88:12 Job 10:21 ✨ 88:14 Job 13:24 ✨ 88:15 Pwov 24:11 ✨ 88:16 Lam 3:54 ✨ 88:17 Sòm  
 17:11 ✨ 89:2 Sòm 36:5 ✨ 89:3 I Wa 8:16

Mwen te sèmante pa David,  
 sèvitè mwen an,  
 4 Mwen va etabli ✧ jèm ou nèt e  
 bati twòn Ou pandan tout  
 jenerasyon yo. {Tan}

5 Syèl yo va louwe mèvèy Ou yo, O SENYÈ;  
 Ansanm ak fidelite Ou nan asanble  
 ✧ sen yo.

6 Paske kilès nan syèl la ki konpare ak  
 SENYÈ a?  
 Kilès pami ✧ fis a pwisan yo ki  
 tankou SENYÈ a,

7 Yon Bondye ki resevwa lakrent anpil nan  
 asanble a sen yo, e  
 ✧ mèvèye plis pase tout sila ki antoure Li yo?

8 O SENYÈ Bondye dèzame yo, ✧ se kilès ki  
 tankou Ou, O SENYÈ pwisan an?  
 Anplis, fidelite Ou antoure Ou.

9 Ou domine ògèy lanmè a;  
 Lè vag li yo vin leve, Ou ✧ kalme yo.

10 Ou menm, Ou te kraze ✧ Rahab (Égypte)  
 Tankou yon moun ki fin touye;  
 Ou te gaye lènmi Ou yo avèk  
 men pwisan Ou.

11 ✧ Syèl yo se pou Ou, ansanm tè a  
 se pa Ou tou;  
 Lemond ak tout sa ki ladann, se Ou menm ki  
 te etabli yo.

12 ✧ Nò ak sid, se Ou menm ki te kreye yo;  
 Thabor avèk Hermon kriye avèk jwa  
 a non Ou.

13 Ou gen yon men byen fò; men Ou pwisan;  
 ✧ Men dwat Ou leve byen wo.

14 Ladwati avèk jistis se fondasyon twòn Ou an;  
 ✧ Lanmou dous avèk verite mache devan Ou.

15 A la beni pèp ki konnen son lajwa a beni!  
 O SENYÈ, yo mache nan ✧ limyè a vizaj Ou a.

16 Nan ✧ non Ou, yo rejwi tout lajounen e  
 Pa ladwati Ou, yo vin egzalte.

17 Paske Ou se glwa a ✧ fòs yo e  
 Pa favè Ou, kòn nou vin egzalte.

18 Paske boukliye nou apatyen a SENYÈ a, e  
 Wa nou an se Sila Ki Sen An Israël la. ✧

19 Yon fwa, Ou te pale nan yon vizyon a fidèl Ou yo, e  
 Ou te di: “Mwen te bay soutyen a yon moun ki pwisan;  
 Mwen te fè leve yon moun ki te chwazi  
 pami pèp la.

✧ 89:4 II Sam 7:16 ✧ 89:5 Job 5:1 ✧ 89:6 Sòm 29:1 ✧ 89:7 Sòm 96:4 ✧ 89:8 Sòm 35:10  
 ✧ 89:9 Sòm 65:7 ✧ 89:10 Sòm 87:4 ✧ 89:11 Jen 1:1 ✧ 89:12 Jos 19:22 ✧ 89:13 Sòm 98:1  
 ✧ 89:14 Sòm 85:13 ✧ 89:15 Sòm 4:6 ✧ 89:16 Sòm 105:3 ✧ 89:17 Sòm 28:8 ✧ 89:18 I Wa  
 11:34

- 20 Mwen te ✧ twouve David, sèvitè Mwen an;  
Avèk lwil sen Mwen an, mwen te onksyone l.
- 21 Avèk li menm, ✧ men M va vin etabli;  
Anplis, bra M va ranfòse li.
- 22 Lènmi an p ap ✧ twonpe li, ni fis a mechanste a  
p ap aflije li.
- 23 Men Mwen va ✧ kraze advèsè li yo devan l, e  
frape sila ki rayi li yo.
- 24 Fidelite Mwen avèk lanmou dous Mwen va  
avèk li, e nan non Mwen,  
✧kòn li va vin egzalte.
- 25 Mwen va osi mete men li ✧ sou lanmè a, ak  
men dwat li sou rivyè yo.
- 26 Li va kriye a Mwen: ‘Ou se papa m,  
✧Wòch a sali mwen an.
- 27 Anplis, Mwen va fè li premye ne Mwen,  
Pi wo pami tout wa latè yo.
- 28 Lanmou dous Mwen va kenbe pou li jis pou tout tan, e  
✧ Akò Mwen va konfime a li menm.
- 29 Konsa, Mwen va etabli ✧ desandan li yo  
jis pou tout tan, e  
twòn li tankou jou syèl yo.
- 30 Si fis li yo ✧ abandone lalwa Mwen an, e  
pa mache nan jijman Mwen yo,
- 31 Si yo vyole règleman Mwen yo e  
pa kenbe kòmandman Mwen yo,
- 32 Alò Mwen va pini transgresyon yo  
avèk yon ✧ baton e inikite yo avèk  
kout fwèt.
- 33 Men Mwen p ap retire ✧ lanmou dous sou li,  
ni aji avèk movèz fwa selon fidelite mwen.
- 34 Mwen p ap vyole ✧ akò mwen an, ni fè okenn  
chanjman nanpawòl ki te sòti nan lèw Mwen yo.
- 35 Depi Mwen fin ✧ sèmante selon sentete Mwen;  
Mwen p ap manti a David.
- 36 Desandan li yo va dire jis pou tout tan, e  
twòn li va ✧tankou solèy la devan M.
- 37 Li va etabli jis pou tout tan tankou lalin nan, e  
✧temwen nan syèl la toujou fidèl.”
- 38 Men koulye a Ou vin ✧rejte,  
Ou te plen ak kòlè kont onksyone Ou a.
- 39 Ou te ✧ desann e rejte akò a sèvitè ou a;  
Ou te pwofane kouwòn li an nan pousyè.
- 40 Ou te ✧ kraze tout miray li yo;  
Ou te fè sitadèl li yo kraze nèt.
- 41 ✧ Tout moun ki pase akote piyaje li;

✧ **89:20** I Sam 13:14 ✧ **89:21** Sòm 18:35 ✧ **89:22** II Sam 7:10 ✧ **89:23** II Sam 7:9 ✧ **89:24**  
Sòm 132:7 ✧ **89:25** Sòm 72:8 ✧ **89:26** II Sam 22:47 ✧ **89:28** Sòm 89:3-34 ✧ **89:29** Sòm  
18:50 ✧ **89:30** II Sam 7:14 ✧ **89:32** Job 9:34 ✧ **89:33** II Sam 7:15 ✧ **89:34** Det 7:9 ✧ **89:35**  
Sòm 60:6 ✧ **89:36** Sòm 72:17 ✧ **89:37** Job 16:19 ✧ **89:38** Det 32:19 ✧ **89:39** Sòm 60:6  
✧ **89:40** Sòm 80:12 ✧ **89:41** Sòm 80:12

Li devni yon objè abominab pami vwazen li yo.

<sup>42</sup> Ou te egzalte men dwat a advèsè li yo;

Ou te ✨ fè lènmi li yo rejwi.

<sup>43</sup> Anplis, ou te plwaye lam nepe li a, e

✨ fè l pa kanpe pou batay la.

<sup>44</sup> Ou te fè ✨ mayifisans li vin kraze fini e te jete twòn li jis atè.

<sup>45</sup> Ou te fè jou a jenès li yo ✨ vin kout;

Ou te kouvri li ak gwo wont.

<sup>46</sup> Jiskilè, O SENYÈ?

Èske Ou va kache figi Ou jis pou tout tan?

Èske ✨kòlè Ou va brile tankou dife pou tout tan?

<sup>47</sup> ✨ Sonje longè lavi mwen genyen; paske ki kalite foli sa ye, Ou te kreye tout fis a lòm yo!

<sup>48</sup> Ki moun ki kab viv e pa ✨ wè lanmò?

Èske li kab delivre nanm li de pouvwa sejou lanmò a? {Tan}

<sup>49</sup> Kote lanmou dous Ou te kon genyen,

O SENYÈ,

Ke Ou te ✨ sèman a David nan fidelite Ou a?

<sup>50</sup> Sonje, O Senyè, ✨ repwòch a sèvitè Ou yo;

jan mwen pote nan lestonmak mwen, repwòch a tout pèp anpil la,

<sup>51</sup> Avèk sila, ✨ lènmi Ou yo te fè repwòch yo, O SENYÈ,

Avèk sila, yo te repwoche mak pla pye onksyone

Ou a.

<sup>52</sup> ✨ Beni se SENYÈ a pou tout tan!

Amen, e Amen.

## LIV 4

### 90

Yon priyè Moïse; Moun Bondye a.

<sup>1</sup> Senyè, se te kote Ou, lakay nou te ye pandan tout jenerasyon yo.

<sup>2</sup> Avan mòn yo te vin parèt, oswa Ou te bay nesans a mond lan avèk tè a,

Menm ✨ pou tout tan e pou tout tan,

Ou se Bondye.

<sup>3</sup> Ou fè lòm retounen nan pousyè a, epi di:

“Retounen, O pitit a lòm yo.”

<sup>4</sup> Paske mil ane devan zye Ou

Se tankou ayè lè l fenk pase, oswa tankou

yon veye lannwit lan.

<sup>5</sup> Ou ✨ te bale yo tankou yon gwo inondasyon;

Yo vin tonbe nan dòmi.

Nan maten, yo vin tankou zèb chan ki fenk leve.

<sup>6</sup> Nan maten, zèb la rejenere e vin tounèf;

Vè aswè, li vin febli e fennen nèt ale.

✨ **89:42** Sòm 80:6 ✨ **89:43** Sòm 44:10 ✨ **89:44** Éz 28:7 ✨ **89:45** Sòm 102:23 ✨ **89:46** Sòm 79:5 ✨ **89:47** Job 7:7 ✨ **89:48** Sòm 22:29 ✨ **89:49** II Sam 7:15 ✨ **89:50** Sòm 69:9 ✨ **89:51** Sòm 74:10-22 ✨ **89:52** Sòm 41:13 ✨ **90:2** Sòm 93:2 ✨ **90:5** Job 22:16

- 7 Paske nou ✨ fin manje nèt akoz kòlè Ou  
E akoz kòlè Ou, nou pèdi espwa nèt.
- 8 Ou te ✨ mete inikite nou yo devan Ou,  
Peché ki cache yo vin parèt nan limyè  
prezans Ou.
- 9 Paske ✨ tout jou nou yo pase nan gran kòlè Ou;  
Ane nou yo te fini kon souf.
- 10 Pou jou lavi nou yo, yo gen swasann-dizan,  
oswa akoz gwo fòs, katre-ventan.  
Men ògèy a jou sa yo se sèlman kòve ak tristès;  
Paske byen vit li prale e nou ✨vole ale.
- 11 Se kilès ki konprann ✨ fòs a kòlè Ou a,  
Avèk gwo kòlè Ou, selon krent ke Ou merite a?
- 12 Pou sa, montre nou jan pou konte jou nou yo,  
Pou nou kab ✨ofri Ou yon kè ki plen sajès.
- 13 Retounen, O SENYÈ; konbyen tan sa va ye?  
Pran sa akè pou kòz sèvitè ou yo.
- 14 O fè nou satisfè nan maten avèk lanmou dous Ou a,  
Pou nou kab chante ak jwa e fè kè kontan  
pandan tout jou nou yo.
- 15 Fè nou rejwi pou menm kantite jou ke Ou  
te aflije nou yo,  
Tout ✨ane ke nou te wè mal yo.
- 16 Kite zèv Ou yo vin parèt a sèvitè Ou yo e  
✨majeste Ou a pitit yo.
- 17 Kite favè SENYÈ a, Bondye nou an, vini sou nou;  
Epi ✨konfime pou nou menm zèv men nou yo;  
Wi, konfime zèv men nou yo.

## 91

- 1 Sila ki rete nanabri Pi Wo a va poze nan ✨lonbraj  
a Toupwisan an.
- 2 Mwen va di a SENYÈ a: “Pwotèj mwen ak  
ak sitadèl mwen an,  
Bondye nan Ou mwen mete ✨konfyans  
mwen an!”
- 3 Paske se Li menm ki delivre ou soti nan pèlen  
a chasè a,  
Avèk ✨ravaj a gwo maladi yo.
- 4 Li va ✨kouvri ou ak plim Li yo e  
Anba zèl Li, ou kapab cache pwotèj;  
Fidelite Li se yon boukliye ak yon ranpa.
- 5 Ou p ap pè laperèz lannwit, ni ✨flèch  
k ap vole lajounen;
- 6 Ni gwo maladi ki swiv nan fènwa,  
Ni destriksyon ki devaste a midi.
- 7 Yon milye kapab tonbe bò kote dwat ou,  
Ak di mil sou men agoch ou,

✨ 90:7 Sòm 39:11 ✨ 90:8 Sòm 50:21 ✨ 90:9 Sòm 78:33 ✨ 90:10 Job 20:8 ✨ 90:11 Sòm 76:7  
✨ 90:12 Pwov 2:1-6 ✨ 90:15 Det 2:14-16 ✨ 90:16 I Wa 8:11 ✨ 90:17 Sòm 37:23 ✨ 91:1  
Sòm 17:8 ✨ 91:2 Sòm 25:2 ✨ 91:3 I Wa 8:37 ✨ 91:4 És 51:16 ✨ 91:5 Sòm 64:4

Men ✧ sa p ap pwoche ou.  
 8 Ou va sèlman gade avèk zye ou pou  
 ✧ wè rekonpans a mechan yo.  
 9 Paske ou te fè SENYÈ a, vin ✧ sekou mwen,  
 Menm Pi Wo a, kote pou ou rete.  
 10 ✧ Nanpwen mal k ap rive ou,  
 Ni okenn toumant k ap pwoche tant ou.  
 11 Paske Li va bay ✧ zanj Li yo lòd  
 Konsènan ou menm, pou veye ou  
 nan tout chemen ou yo.  
 12 Yo va ✧ leve ou byen wo nan men yo,  
 pou ou pa frape pye ou kont wòch.  
 13 Ou va ✧ pile lyon an ak koulèv la,  
 Jenn ti lyon an avèk sèpan an, ou va foule yo nèt.  
 14 Paske li te renmen Mwen; pou sa, Mwen  
 va delivre li;  
 Mwen va ✧mete li byen solid an wo,  
 Akoz li te rekonèt non Mwen.  
 15 Li va ✧ fè apèl non Mwen e Mwen  
 va reponn li;  
 Mwen va avèk Li nan tan twoub la;  
 Mwen va delivre li e bay li lonè.  
 16 Mwen va satisfè li avèk yon lavi ki long e  
 kite li wè sali mwen.

## 92

Yon Som. Yon chan pou jou Saba a  
 1 Li bon pou bay lwanj a SENYÈ a e pou  
 chante lwanj a non Ou, O Pi Wo a;  
 2 Pou deklare lanmou dous Ou nan maten  
 Avèk ✧fidelite Ou nan lannwit,  
 3 Avèk ✧ gita dis kòd e avèk ap,  
 Avèk mizik ki retanti sou gita.  
 4 Paske Ou menm, O SENYÈ, te fè m kontan  
 avèk sa Ou te fè a,  
 Mwen va chante avèk jwa  
 akoz ✧zèv men Ou yo.  
 5 A la zèv Ou yo gran, O SENYÈ!  
 Panse Ou yo byen pwofon.  
 6 Yon ✧ nonm ensanse pa gen konesans,  
 Ni yon nonm bèt pa konprann sa: <sup>7</sup> Ke lè mechan yo te pouse tankou zèb  
 la  
 E tout sa ki fè inikite t ap byen reyisi yo,  
 Se te pou yo ta kapab ✧detwi jis pou tout tan.  
 8 Men Ou menm O SENYÈ, Ou ✧ an wo jis pou tout tan.  
 9 Paske gade byen, lènmi Ou yo, O SENYÈ,  
 Paske gade byen, ✧ lènmi Ou yo va peri;  
 Tout moun ki fè inikite yo va gaye nèt.

✧ 91:7 Jen 7:23 ✧ 91:8 Sòm 37:34 ✧ 91:9 Sòm 91:2 ✧ 91:10 Pwov 12:21 ✧ 91:11 Sòm 34:7  
 ✧ 91:12 Mat 4:6 ✧ 91:13 Jij 14:6 ✧ 91:14 Sòm 59:1 ✧ 91:15 Job 12:4 ✧ 92:2 Sòm 89:1  
 ✧ 92:3 I Sam 10:5 ✧ 92:4 Sòm 8:6 ✧ 92:6 Sòm 49:10 ✧ 92:7 Sòm 37:38 ✧ 92:8 Sòm 83:18  
 ✧ 92:9 Sòm 37:20

10 Men Ou te fè kòn mwen an leve wo tankou bèf mawon;  
Mwen te onksyone avèk lwil nèf.

11 Epi zye mwen vin ✧ gade avèk kè kontan  
malfektè ki leve kont mwen yo.

12 Moun dwat la va fleri tankou palmis,  
Li va grandi tankou pye sèd nan Liban.

13 Plante lakay SENYÈ a, yo va fleri  
tankou palmis,  
Yo va fleri nan lakou kay Bondye nou an.

14 Yo va ✧ bay fwi toujou lè yo vin vye;  
Yo va plen ak dlo bwa vèt;  
Y ap rete vèt nèt,

15 Pou deklare ke SENYÈ a toujou dwat;  
Li se wòch mwen e ✧ nanpwen anyen ki  
pa dwat nan Li.

## 93

1 SENYÈ a renye; Li abiye an majeste;  
SENYÈ a te abiye Li ak fòs;  
Anverite, mond lan etabli byen solid;  
li pa ebranle menm.

2 Twòn Ou etabli depi tan ansyen an;  
Ou la depi nan etènite.

3 Flèv yo te leve, O SENYÈ,  
Flèv yo te leve vwa yo, flèv yo te leve gwo  
vag frapan yo.

4 Plis pase bri a anpil dlo, pase gwo vag  
lanmè debòde,  
SENYÈ anwo a pwisan.

5 ✧ Temwayaj Ou yo vin confime nèt;  
Sentete byen plase lakay Ou a  
O SENYÈ, jis pou tout tan.

## 94

1 O SENYÈ, Bondye a ✧ vanjans lan,  
Bondye a vanjans lan, kite limyè vin parèt!

2 Vin leve, O ✧ Jij sou tè a,  
Bay rekonpans a moun ògeye yo.

3 Pou konbyen de tan mechan yo, O SENYÈ,  
Pou konbyen de tan ✧ mechan yo va leve  
tèt yo wo?

4 Yo vide pawòl yo, yo pale avèk ògèy;  
Tout moun ki fè mechanste yo ✧ vante tèt yo.

5 Yo kraze pèp Ou a, O SENYÈ e  
✧Yo aflije eritaj Ou a.

6 Yo ✧ touye vèv yo avèk etranje a e  
Yo asasine òfelen yo.

7 ✧ Yo fin di: "SENYÈ a pa wè, ni Bondye

✧ 92:11 Sòm 54:7 ✧ 92:14 Pwov 11:30 ✧ 92:15 Wo 9:14 ✧ 93:5 Sòm 19:7 ✧ 94:1 Det  
32:35 ✧ 94:2 Jen 18:25 ✧ 94:3 Job 20:5 ✧ 94:4 Sòm 10:3 ✧ 94:5 És 3:15 ✧ 94:6 És 10:2  
✧ 94:7 Job 22:13



a Jacob la p ap okipe sa a.”  
 8 Veye sa a, nou menm ki ✧ ensansib pami pèp la;  
 Kilè n ap konprann, nou menm ki bèt?  
 9 Sila ki ✧ plante zòrèy la; èske Li pa tandè?  
 Sila ke te fòme zye a; èske Li pa wè.  
 10 Sila ki fè chatiman nasyon yo,  
 Èske Li p ap fè repwòch?  
 Sila ki ✧ enstwi lòm nan konesans lan?  
 11 SENYÈ a ✧ konnen panse a lòm,  
 Ke se sèlman yon souf ke yo ye.  
 12 Beni se nonm ke Ou bay chatiman an,  
 O SENYÈ e ke Ou ✧ enstwi nan lalwa Ou a;  
 13 Pou Ou kapab bay li sekou nan ✧jou advèsite yo,  
 Jiskaske yon fòs fin fouye pou mechan yo.  
 14 Paske SENYÈ a p ap abandone pèp Li a,  
 Ni Li p ap ✧ lage pèp eritaj Li a.  
 15 Paske ✧ jijman an va devni dwat ankò e  
 tout pèp ladwati yo va swiv li.  
 16 Se kilès ki va ✧ kanpe pou mwen kont  
 malfektè yo?  
 Se kilès ki va pran pozisyon li pou mwen  
 kont sila ki fè mechanste yo?  
 17 Si ✧ SENYÈ a pa t sekou mwen, nanm mwen  
 ta fin abite nan andwa silans lan.  
 18 Si mwen ta di: ✧ “pye m glise,”  
 Lanmou dous Ou a, O SENYÈ, va kenbe m.  
 19 Lè panse twoub mwen yo vin  
 ogmante anndan m,  
 ✧ Konsolasyon Ou yo fè kè m kontan.  
 20 Èske yon ✧ twòn detwi kapab fè  
 alyans avèk Ou?  
 Yon moun ki imajine fè mal pa dekrè?  
 21 Yo vin reyini ansanm kont lavi moun dwat yo  
 e ✧ kondane inosan yo a lanmò.  
 22 Men SENYÈ a te toujou sitadèl mwen e  
 Bondye mwen an, ✧wòch ki pwoteje mwen an.  
 23 Li te fè mechanste pa yo retounen sou yo e  
 va ✧ detwi yo nan mechanste pa yo;  
 SENYÈ nou an va detwi yo.

## 95

1 O vini, annou chante avèk jwa a wòch ki  
 sove nou an;  
 2 Annou vini devan prezans Li avèk remèsiman,  
 Annou rele fò a Li menm avèk som.  
 3 Paske SENYÈ a se yon ✧ gran Bondye e  
 yon gran Wa pli wo ke tout dye yo.

✧ 94:8 Sòm 92:6 ✧ 94:9 Egz 4:11 ✧ 94:10 Job 35:11 ✧ 94:11 Job 11:11 ✧ 94:12 Sòm  
 119:171 ✧ 94:13 Sòm 49:5 ✧ 94:14 Sòm 37:28 ✧ 94:15 Sòm 97:2 ✧ 94:16 Nonb 10:35  
 ✧ 94:17 Sòm 124:1-2 ✧ 94:18 Sòm 38:16 ✧ 94:19 És 57:18 ✧ 94:20 Am 6:3 ✧ 94:21 Egz  
 23:7 ✧ 94:22 Sòm 18:2 ✧ 94:23 Sòm 7:16 ✧ 95:3 Sòm 48:1

4 Nan men Sila ✧ pwofondè latè yo ye a,  
Pwent mòn yo osi se pou Li.  
5 Lanmè a se pou Li, paske se te Li menm ✧ ki te fè l,  
E men Li ki te fòme tè sèch la.  
6 Vini, annou fè adorasyon e annou pwostène;  
Annou mete ajenou devan SENYÈ  
✧ ki te fè nou an.  
7 Paske se Li menm ki Bondye nou an e  
nou se moun patiraj Li ak mouton  
men Li yo.  
✧ Jodi a, si nou ta vle tandè vwa L,  
8 Pa fè kè nou vin di tankou nan ✧ Meriba,  
Tankou nan jou a Massa nan dezè yo,  
9 “Lè papa zansèt nou yo te ✧ pase M a leprèv.  
Yo te tante Mwen, malgre yo te deja wè  
zèv Mwen yo.  
10 Pandan ✧ karantan, Mwen te rayi jenerasyon sila a e  
te di ke yo se yon pèp ki egare nan kè yo,  
ke yo pa rekonèt chemen Mwen yo.  
11 Akoz sa, Mwen te sèmante nan kòlè Mwen;  
Anverite, yo p ap antre nan ✧repo  
Mwen an.”

## 96

1 Chante a SENYÈ a yon ✧ chan tounèf; chante a SENYÈ a  
tout latè.  
2 Chante a SENYÈ a, beni non Li; ✧ pwoklame  
bòn nouvèl a Sali a Li de jou an jou.  
3 Pale ✧ glwa Li pami nasyon yo, zèv mèvèy Li yo  
pami tout pèp yo.  
4 Paske gran se SENYÈ a;  
Li merite gran lwanj;  
Fòk Li resevwa krentif nou ✧pli wo  
ke tout dye yo.  
5 Paske tout dye a pèp yo se zidòl;  
Men SENYÈ a te fè syèl yo.  
6 ✧ Tout bèlte ak majeste devan L,  
Pwisans ak bèlte rete nan sanktiyè Li a.  
7 Bay a SENYÈ a, O fanmi a pèp yo;  
✧ Bay a SENYÈ a glwa ak pwisans.  
8 Bay a SENYÈ a ✧ glwa a non Li;  
Pote yon ofrann e antre nan lakou Li yo.  
9 Adore SENYÈ a nan abiman ki sen;  
✧ Travnble devan L, tout tè a.  
10 Pale pami nasyon yo, “SENYÈ a renye;  
Anverite, mond lan etabli byen solid, li p ap  
ebranle menm;

✧ 95:4 Sòm 135:6 ✧ 95:5 Jen 1:9-10 ✧ 95:6 Sòm 100:3 ✧ 95:7 Eb 3:7-11-15 ✧ 95:8 Egz  
17:2-7 ✧ 95:9 Nonb 14:22 ✧ 95:10 Trav 7:36 ✧ 95:11 Det 12:9 ✧ 96:1 Sòm 40:3 ✧ 96:2  
Sòm 71:15 ✧ 96:3 Sòm 145:12 ✧ 96:4 Sòm 95:3 ✧ 96:6 Sòm 104:1 ✧ 96:7 I Kwo 16:28-29  
✧ 96:8 Sòm 79:9 ✧ 96:9 Sòm 33:8

Li va jije pèp yo avèk jistis.

<sup>11</sup> Kite ✧ syèl yo vin kontan e kite latè rejwi;

Kite lanmè a fè gwo bri ansanm ak tout sa ki ladann;

<sup>12</sup> Kite chan yo leve fè kè kontan, ak tout sa ki ladann yo.

Epi tout ✧bwa nan forè yo va chante ak jwa

<sup>13</sup> Devan SENYÈ a, paske La p vini,

Paske La p vini pou jije latè. ✧ Li va jije mond lan avèk ladwati e pèp yo ak fidelite Li.

## 97

<sup>1</sup> SENYÈ a renye, kite latè rejwi;

kite tout ✧ lil yo fè kè kontan;

<sup>2</sup> Nwaj ak fènwa pwofon ki antoure Li yo;

✧ Ladwati avèk jistis se fondasyon a twòn Li an.

<sup>3</sup> Se ✧ dife ki ale devan L pou brile tout advèsè Li yo toupatou.

<sup>4</sup> ✧ Loray Li yo ki te klere tout mond lan;

Latè te wè e te tranble.

<sup>5</sup> Mòn yo te ✧ fonn tankou lasi devan prezans

SENYÈ a,

Devan prezans SENYÈ tout tè a.

<sup>6</sup> ✧ Syèl yo deklare ladwati Li e tout pèp yo te wè glwa Li.

<sup>7</sup> Kite tout sila ki sèvi limaj taye yo vin wont,

Ki vin ògeye sou zafè ✧zidòl yo;

Adore Li, tout dye yo.

<sup>8</sup> Sion te tandè sa e ✧ te rejwi e

fi a Sion yo te rejwi akòz jijman Ou,

O SENYÈ.

<sup>9</sup> Paske Ou menm se SENYÈ Pi Wo a sou tout latè;

Ou leve ✧ pi wo anpil pase tout dye yo.

<sup>10</sup> ✧ Se pou nou rayi mal, nou tout ki renmen SENYÈ a

Ki pwoteje nanm a fidèl Li yo;

Li delivre yo nan men a mechan yo.

<sup>11</sup> Se limyè ki simen kon semans pou moun ladwati yo

Epi ✧kè kontan pou sila ak kè ki dwat yo.

<sup>12</sup> Fè kè kontan nan SENYÈ a, nou menm ki moun dwat yo e bay remèsiman a non sen Li an.

## 98

Yon Sòm

<sup>1</sup> O chante a SENYÈ a yon chan tounèf, paske Li te fè anpil bèl mèvèy.

Men dwat Li ak ✧ bra sen Li yo te vin genyen viktwa pou Li.

✧ 96:11 Sòm 69:34 ✧ 96:12 És 44:23 ✧ 96:13 Rev 19:11 ✧ 97:1 És 42:10-12 ✧ 97:2 Sòm 89:14 ✧ 97:3 Mal 4:1 ✧ 97:4 Egz 19:16 ✧ 97:5 Sòm 46:6 ✧ 97:6 Sòm 19:1 ✧ 97:7 Sòm 106:36 ✧ 97:8 Sòm 48:11 ✧ 97:9 Sòm 83:18 ✧ 97:10 Sòm 34:14 ✧ 97:11 Sòm 64:10 ✧ 98:1 És 52:10

2 SENYÈ a te fè sali Li rekonèt; Li te ✧devwale  
Ladwati Li pou tout nasyon yo wè.  
3 Li te sonje lanmou dous Li a avèk fidelite Li pou lakay Israël;  
4 Rele fò ak jwa a SENYÈ a, tout latè; eklate ak  
5 Chante lwanj a SENYÈ a avèk gita,  
Avèk gita ak ✧ son melodi.  
6 Avèk ✧ twonpèt ak son a kòn.  
Rele fò devan Wa a, SENYÈ a.  
7 Kite ✧ lanmè a fè gwo bri ak tout sa ki ladann,  
Lemonn ak tout sa ki rete ladann yo.  
8 Kite ✧ larivyè yo bat men yo; kite mòn yo  
chante ansanm ak jwa  
9 Devan SENYÈ a, paske l ap vini pou jije latè;  
Li va jije lemonn ak ladwati Li  
E ✧pèp yo avèk jistis.

## 99

1 SENYÈ a renye; kite pèp yo pran tranble;  
Li ✧ plase twòn Li an anwo cheriben yo,  
Kite latè pran tranble!  
2 SENYÈ a gran nan Sion e Li ✧ leve wo  
anwo tout pèp yo.  
3 Kite yo louwe non Ou ki ✧ gran e mèvèye;  
Se sen ke Li ye.  
4 Pwisans a Wa a ✧ renmen lajistis.  
Ou te etabli ekite; Ou te fè jistis ak ladwati Ou  
vin rive nan Jacob.  
5 Leve wo SENYÈ, Bondye nou an e  
✧adore nan machpye twòn Li an.  
Se sen ke Li ye.  
6 Moïse avèk Aaron te pami prèt Li yo e  
Samuel te pami sila ki te rele non Li yo;  
Yo te ✧rele non SENYÈ a e Li te reponn yo.  
7 Li ✧ te pale ak yo nan pilye nwaj la; yo te kenbe  
temwayaj Li yo, avèk règleman ke Li te bay yo.  
8 O SENYÈ, Bondye nou an, Ou te reponn yo;  
Ou te pou yo yon Bondye ki padone;  
Sepandan, Ou te pran ✧vanjans sou zak  
mechan yo.  
9 Egzalte SENYÈ, Bondye nou an, e adore  
Nan ti mòn Li an,  
Paske sen se SENYÈ a, Bondye nou an.

## 100

Yon Sòm Remèsiman an

1 ✧ Rele fò a SENYÈ tout latè a.  
2 ✧ Sèvi SENYÈ a avèk kè kontan; vini devan Li

✧ 98:2 És 62:2 ✧ 98:5 És 51:3 ✧ 98:6 Nonb 10:10 ✧ 98:7 Sòm 96:11 ✧ 98:8 Sòm 93:3  
✧ 98:9 Sòm 96:10 ✧ 99:1 Egz 25:22 ✧ 99:2 Sòm 97:9 ✧ 99:3 Det 28:58 ✧ 99:4 Sòm 11:7  
✧ 99:5 Sòm 132:7 ✧ 99:6 Egz 15:25 ✧ 99:7 Egz 33:9 ✧ 99:8 Egz 32:28 ✧ 100:1 Sòm 95:1  
✧ 100:2 Det 12:11-12

avèk chan lajwa.

<sup>3</sup> Konnen ke SENYÈ a, Li menm, se Bondye.  
Se Li menm ki te ✧ fè nou e se pa nou menm;  
Nou se pèp Li e mouton nan patiraj Li.  
<sup>4</sup> Antre nan pòtay Li yo avèk remèsiman e  
nan lakou Li yo avèk lwanj.  
Ba Li remèsiman; beni non Li,  
<sup>5</sup> Paske Bondye bon.  
Lanmou dous li a dire jis pou tout tan e  
✧ fidelite Li a tout jenerasyon yo.

## 101

Yon Sòm David

<sup>1</sup> Mwen va ✧ chante de lanmou dous avèk jistis,  
A Ou menm, O SENYÈ, mwen va chante lwanj.  
<sup>2</sup> Mwen va prete atansyon a chemen san repwòch la.  
Kilè Ou va vini kote mwen?  
Mwen va mache anndan lakay mwen ak  
✧ entegrite nan kè m.  
<sup>3</sup> Mwen p ap mete okenn vye bagay devan zye m;  
Mwen rayi zèv a sila ki ✧ chite yo;  
Sa p ap tache men l sou mwen.  
<sup>4</sup> Yon ✧ kè ki pèvès va oblije kite prezans mwen;  
Mwen p ap aksepte konnen okenn mal.  
<sup>5</sup> Nenpòt moun ki bay vwazen li kout lang an sekre;  
Li menm, mwen va detwi;  
Nenpòt moun ak ✧ rega awogan oswa ògèy, mwen  
p ap sipòte li.  
<sup>6</sup> Zye m va sou fidèl a peyi a pou yo  
kab rete avè m;  
sila ki mache nan chemen ✧ san fot la, se li menm  
ki va sèvitè mwen.  
<sup>7</sup> Sila ki ✧ pratike manti p ap rete lakay mwen;  
sila ki bay manti p ap kenbe pozisyon li devan m.  
<sup>8</sup> Chak maten, mwen va detwi tout mechan  
nan peyi yo,  
Pou m kab ✧ koupe retire nan vil SENYÈ a  
Tout moun ki fè inikite yo.

## 102

<sup>1</sup> Koute lapriyè mwen, O SENYÈ!  
Epi kite kri pou sekou mwen ✧ rive  
bò kote Ou.  
<sup>2</sup> Pa kache figi Ou sou mwen nan jou  
gwo twoub mwen an;  
Panche zòrèy Ou bò kote m; nan jou ke m  
rele Ou a, ✧ reponn mwen vit.  
<sup>3</sup> Paske jou m yo ✧ te manje nèt nan lafimen e  
zo m te chofof tankou yon chemine.

✧ **100:3** Job 10:3-8 ✧ **100:5** Sòm 119:90 ✧ **101:1** Sòm 51:14 ✧ **101:2** I Wa 9:4 ✧ **101:3**  
Jos 23:6 ✧ **101:4** Pwov 11:20 ✧ **101:5** Sòm 10:4 ✧ **101:6** Sòm 119:1 ✧ **101:7** Sòm 43:1  
✧ **101:8** Sòm 118:10-12 ✧ **102:1** Egz 2:23 ✧ **102:2** Sòm 69:17 ✧ **102:3** Sòm 37:20

- 4 Kè m ✨fin frape tankou zèb; li fennen nèt.  
Anverite, mwen bliye manje pen mwen.
- 5 Akoz gwo bri kri mwen yo,  
✨Zo m yo kole sou chè m.
- 6 Mwen sanble ak yon ✨grangozye nan dezè;  
Mwen tankou yon frize nan gran savann. 7 Mwen ✨kouche zye tou louvri,  
Mwen tankou yon zwazo izole sou  
twati kay la.
- 8 Lènmi m yo repwoche m tout lajounen;  
Sila ki ✨moke m yo konn sèvi ak non mwen  
kon madichon.
- 9 Paske mwen te manje sann kon pen e  
✨mele bwason m ak dlo zye m
- 10 Akoz endiyasyon avèk kòlè Ou,  
Ou te ✨leve m wo e te jete m lwen.
- 11 Jou m yo tankou yon ✨lonbraj ki vin long e  
Mwen vin fennen tankou zèb.
- 12 Men Ou menm, O SENYÈ, Ou dire jis pou tout tan  
E ✨non Ou jis a tout jenerasyon yo.
- 13 Ou va leve pou fè pitye sou Sion;  
Paske se lè pou ✨fè li gras, paske lè  
Chwazi a fin rive.
- 14 Anverite, sèvitè Ou yo twouve  
plezi nan wòch li yo,  
E santi tristès akoz pousyè li.
- 15 Pou sa, ✨nasyon yo va krent non  
SENYÈ a  
E tout wa latè yo va krent glwa Ou.
- 16 Paske se SENYÈ a ki te ✨ranfòse Sion;  
Li te parèt nan glwa Li.
- 17 Li te ✨prete atansyon a lapriyè a malere yo e  
pa t meprize priyè yo.
- 18 Sa va ekri pou jenerasyon k ap vini an,  
Pou ✨yon pèp ki poko kreye  
kapab bay lwanj a SENYÈ a.
- 19 Li te gade anba soti nan wotè sen Li an;  
✨Soti nan syèl la, SENYÈ a te veye sou latè,
- 20 Pou tande vwa plenyen a prizonye a,  
Pou ✨mete an libète sila ki te kondane  
a lanmò yo,
- 21 Pou lezòm ta kab ✨pale sou non SENYÈ a nan Sion  
e bay lwanj Li nan Jérusalem,
- 22 Lè ✨pèp yo rasanble ansanm ak  
wayòm yo, pou sèvi SENYÈ a.
- 23 Li fin febli fòs mwen nan chemen an;  
Li ✨rakousi nonb de jou mwen yo.

✨ **102:4** Sòm 90:5-6 ✨ **102:5** Job 19:20 ✨ **102:6** És 34:11 ✨ **102:7** Sòm 77:4 ✨ **102:8**  
Trav 26:11 ✨ **102:9** Sòm 42:3 ✨ **102:10** Job 27:21 ✨ **102:11** Job 14:2 ✨ **102:12** Egz 3:15  
✨ **102:13** És 60:10 ✨ **102:15** I Wa 8:43 ✨ **102:16** Sòm 142:2 ✨ **102:17** Né 1:6 ✨ **102:18**  
Sòm 22:31 ✨ **102:19** Sòm 33:13 ✨ **102:20** Sòm 146:7 ✨ **102:21** Sòm 22:22 ✨ **102:22** Sòm  
22:27 ✨ **102:23** Sòm 39:5

24 Mwen di: “O Bondye mwen an, ✨pa rache m nan mitan jou mwen yo, Ane pa Ou yo dire pandan tout jenerasyon yo.  
 25 Depi tan ansyen yo, Ou te ✨fonde latè, E syèl yo se zèv yo lamen Ou.  
 26 Malgre yo ✨peri, Ou menm va rete toujou; Epi tout bagay nan yo va vin epwize tankou yon vètman; Tankou rad, Ou va chanje yo e yo va chanje.  
 27 Men Ou menm, se menm jan an Ou ye, E ane pa Ou yo p ap janm fini.  
 28 Pitit a sèvitè Ou yo va kontinye E desandan pa yo va etabli devan Ou.”

## 103

Yon Sòm David

1 ✨Beni SENYÈ a, O nanm mwen ak tout sa ki nan mwen, beni sen non Li.  
 2 Beni SENYÈ a, O nanm mwen e Pa janm ✨bliye benefis Li yo;  
 3 Ki ✨padone tout inikite ou yo, Ki geri tout maladi ou yo;  
 4 Ki rachte lavi ou soti nan fòs la, Ki kouwone ou avèk lanmou dous avèk mizerikòd;  
 5 Ki satisfè ane ou yo avèk bon bagay, Pou jenès ou vin ✨renouvle tankou èg la.  
 6 SENYÈ a ✨fè zèv ladwati pou tout sila ki oprime yo.  
 7 Li te fè chemen Li yo byen klè a Moïse, Zèv Li yo a fis Israël yo.  
 8 SENYÈ a plen ✨mizerikòd ak gras, Lan nan kòlè e ranpli avèk lanmou dous.  
 9 Li p ap toujou goumen ak nou, Ni Li p ap ✨kenbe kòlè Li jis pou tout tan.  
 10 Li ✨pa t aji avèk nou selon peche nou yo, Ni rekonpanse nou selon inikite nou yo.  
 11 Paske menm wotè ke syèl yo ye Ak anwo tè a, Menm jan an lanmou dous Li a ye anvè sila ki krent Li yo.  
 12 Menm jan lès lwen lwès la, Se konsa li te retire transgresyon nou yo lwen nou.  
 13 Menm jan ✨ke yon papa gen konpasyon pou pitit li yo, Se konsa ke SENYÈ a gen konpasyon pou sila ki krent Li yo.

✨ 102:24 Sòm 39:13 ✨ 102:25 Jen 1:1 ✨ 102:26 És 34:4 ✨ 103:1 Sòm 104:1-35 ✨ 103:2 Det 6:12 ✨ 103:3 Egz 34:7 ✨ 103:5 És 40:31 ✨ 103:6 Sòm 99:4 ✨ 103:8 Egz 34:6 ✨ 103:9 Jr 3:5-12 ✨ 103:10 Esd 9:13 ✨ 103:13 Mal 3:17

14 Paske Li menm, Li konnen jan nou te fèt;  
Li sonje byen ke nou pa plis  
ke ✧pousyè.  
15 Men pou lòm, jou li yo se ✧tankou zèb;  
Tankou yon flè nan chan, se konsa li fleri.  
16 Depi ✧van fin pase sou li, li pa la ankò e  
plas li a pa rekonèt li ankò.  
17 Men ✧lanmou dous a SENYÈ a  
Soti pou tout tan jis rive pou tout tan sou sila  
ki gen lakrent Li yo e ladwati Li a pitit pitit li yo,  
18 Pou sila ki kenbe akò Li yo e sonje  
règleman Li yo pou fè yo.  
19 SENYÈ a te etabli twòn li nan syèl la  
E souverènte li regne sou tout bagay.  
20 Beni SENYÈ a, nou menm ki zanj Li yo,  
Pwisan nan fòs, ki akonpli pawòl Li,  
Obeyisan a vwa pawòl Li!  
21 Beni SENYÈ a, nou tout, lame Li a  
Nou menm ✧ki sèvi Li nan fè volonte Li.  
22 Beni SENYÈ a, nou tout, zèv Li yo,  
Nan tout kote nan wayòm Li an;  
Beni SENYÈ a, O nanm mwen!

## 104

1 Beni SENYÈ a, O nanm mwen!  
O SENYÈ, Bondye mwen an, Ou tèlman gran;  
Ou ✧abiye avèk bèlte ak majeste,  
2 Li kouvri Li menm ak limyè  
kon yon manto,  
✧Ki ouvri syèl la tankou yon rido tant.  
3 Li poze gran travès wo chanm nan nan dlo;  
Li fè ✧nwaj yo sèvi kon cha Li;  
Li mache sou zèl van an;  
4 Li fè van yo vin mesajè Li,  
Flanm ✧dife yo se minis Li.  
5 Li te ✧etabli tè a sou pwòp fondasyon li,  
Pou l pa varye pou tout tan ni pou tout tan.  
6 Ou te ✧kouvri li avèk fon an tankou yon vètman;  
Dlo yo te kanpe anwo mòn yo.  
7 Ak repwòch Ou, yo te sove ale,  
Lè vwa Ou te ✧sone, yo te kouri ale.  
8 Mòn yo te leve, vale yo te vin fon  
Nan ✧plas ke Ou te etabli pou yo a.  
9 Ou te plase yon ✧limit pou dlo yo pa ta depase,  
Pou yo pa retounen kouvri tè a.  
10 Li fè ✧sous yo vin koule nan vale yo;  
Yo koule antre mòn yo;

✧ **103:14** Jen 3:19 ✧ **103:15** Sòm 90:5 ✧ **103:16** És 40:7 ✧ **103:17** Sòm 25:6 ✧ **103:21** Sòm  
104:4 ✧ **104:1** Sòm 93:1 ✧ **104:2** És 40:22 ✧ **104:3** És 19:1 ✧ **104:4** II Wa 2:11 ✧ **104:5**  
Job 38:4 ✧ **104:6** Jen 1:2 ✧ **104:7** Sòm 29:3 ✧ **104:8** Sòm 33:7 ✧ **104:9** Job 38:10 ✧ **104:10**  
Sòm 107:35



11 Yo bay dlo pou bwè a tout bèt chan yo;  
 ✧Bourik mawon yo bwè pou satisfè swaf yo;  
 12 Akote yo, zwazo syèl yo va ✧poze kay;  
 Yo va leve vwa yo pami branch bwa yo.  
 13 Li awoze mòn yo soti nan chanm anwo yo;  
 ✧Latè satisfè avèk fwi a zèv Li yo.  
 14 Li fè ✧zèb grandi pou bèt yo e vèdi  
 Pou zèv a lòm nan,  
 Pou li kab fè manje sòti nan tè a e  
 15 diven ki fè kè a lòm kontan an,  
 Pou li kab fè figi li klere ak lwil e  
 manje ki ✧bay soutyen a kè a lòm.  
 16 Pyebwa a SENYÈ yo bwè dlo jiskaske yo plen,  
 Pye sèd Liban ke Li te plante yo,  
 17 Kote zwazo yo fè nich yo,  
 Sigòy ki fè kay li nan pye sipre yo.  
 18 Mòn wo yo se pou kabrit mawon yo;  
 Gwo falèz yo se yon kote pou ✧daman  
 yo kache.  
 19 Li te fè lalin nan ✧pou sezon yo;  
 Solèy la konnen plas kote  
 pou l vin kouche a.  
 20 Ou te chwazi tenèb la e  
 li te devni lannwit,  
 Nan sila tout ✧bèt forè yo mache toupatou.  
 21 Jenn lyon yo rele fò dèyè viktim yo  
 E ✧chache manje yo nan men Bondye.  
 22 Solèy la vin leve, yo retire yo pou ale kouche  
 nan ✧tanyè yo.  
 23 Lòm ale fè ✧travay li  
 E li fè fòs jis lannwit rive.  
 24 O SENYÈ, a la zèv Ou yo anpil!  
 Nan sajès, Ou te fè tout bagay;  
 Latè ranpli ak byen Ou yo.  
 25 Genyen ✧lanmè, gran e vast,  
 Ladann, gen gwo ekip pwason  
 ki pa kab menm konte  
 Ni gwo bèt, ni ti bèt.  
 26 Genyen gwo bato k ap glise ladann ak  
 Levyatan ke Ou te fòme pou  
 fè spò ladann nan.  
 27 Yo tout ap tann Ou pou ✧bay yo manje  
 Nan lè yo.  
 28 Ou bay yo li e yo ranmase li;  
 Ou ✧ouvri men Ou e yo satisfè ak bonte.  
 29 Ou kache figi Ou; yo vin chagren nèt;  
 Ou retire ✧lespri yo; yo mouri e yo retounen

✧ **104:11** Job 39:5 ✧ **104:12** Mat 8:20 ✧ **104:13** Jr 10:13 ✧ **104:14** Job 38:27 ✧ **104:15** Jen 18:5 ✧ **104:18** Lev 11:5 ✧ **104:19** Jen 1:14 ✧ **104:20** Sòm 50:10 ✧ **104:21** Sòm 145:15 ✧ **104:22** Job 37:8 ✧ **104:23** Jen 3:19 ✧ **104:25** Sòm 8:8 ✧ **104:27** Job 36:31 ✧ **104:28** Sòm 145:16 ✧ **104:29** Jen 3:19

nan pousyè yo.

<sup>30</sup> Ou voye ✧Lespri Ou deyò; yo vin kreye;  
Epi Ou renouvle fas tè a.

<sup>31</sup> Kite ✧glwa SENYÈ a dire jis pou tout tan;

Kite SENYÈ a rejwi nan zèv Li yo;

<sup>32</sup> Li gade tè a e tè a vin ✧tranble;

Li touche mòn yo e yo fè lafimen.

<sup>33</sup> Mwen va chante a SENYÈ a ✧toutotan ke m ap viv;

Mwen va chante lwanj a Bondye mwen an

Toutotan ke m la.

<sup>34</sup> Kite ✧refleksyon mwen yo fè L plezi;

Pou kont mwen, mwen va kontan

nan SENYÈ a.

<sup>35</sup> Kite pechè yo vin disparèt sou tè a

E ✧mechan yo vin pa la ankò.

Beni SENYÈ a, O nanm mwen.

Bay SENYÈ a lwanj!

## 105

<sup>1</sup> O bay remèsiman a SENYÈ a, rele non Li;  
Fè zèv Li yo ✧rekonèt pami pèp yo.

<sup>2</sup> Chante a Li menm. Chante lwanj a Li.

✧Pale sou tout mèvyè Li yo.

<sup>3</sup> Bay non Li glwa; kite ✧kè a sila ki cache  
SENYÈ yo vin kontan.

<sup>4</sup> Cache SENYÈ a ak fòs Li;

✧Cache fas Li san rete.

<sup>5</sup> Sonje mèvyè ke Li te fè yo

Mirak Li yo avèk ✧jijman ke bouch Li  
te pale yo.

<sup>6</sup> O jèm Abraham, sèvitè Li a, O fis a Jacob,  
sila ke Li te ✧chwazi yo!

<sup>7</sup> Li se SENYÈ a, Bondye nou an;

✧Jijman Li yo nan tout latè.

<sup>8</sup> Li te sonje akò Li a jis pou tout tan,

Pawòl ke Li te pase lòd bay pandan

✧mil jenerasyon.

<sup>9</sup> Akò ke Li te fè avèk Abraham nan

E ✧sèman ke Li te fè avèk Isaac la.

<sup>10</sup> Epi li te ✧konfime li a Jacob kon

yon règleman,

A Israèl kon yon akò ki la pou tout tan.

<sup>11</sup> Epi te di: “A ou menm, Mwen va bay peyi

Canaan kon ✧pòsyon eritaj ou.

<sup>12</sup> Lè se te sèlman kèk grenn moun ke yo te ye,

Pa anpil menm

E moun ✧etranje yo te ye.

✧ **104:30** Job 33:4 ✧ **104:31** Sòm 86:12 ✧ **104:32** Hab 3:10 ✧ **104:33** Sòm 63:4 ✧ **104:34**  
Sòm 19:4 ✧ **104:35** Sòm 37:10 ✧ **105:1** Sòm 145:12 ✧ **105:2** Sòm 77:12 ✧ **105:3** Sòm 33:21  
✧ **105:4** Sòm 27:8 ✧ **105:5** Sòm 119:13 ✧ **105:6** I Kwo 16:13 ✧ **105:7** És 26:9 ✧ **105:8** Det  
7:9 ✧ **105:9** Jen 26:3 ✧ **105:10** Jen 28:13-15 ✧ **105:11** Jos 23:4 ✧ **105:12** Jen 23:4

- 13 Epi yo te mache toupatou soti nan yon nasyon  
pou rive nan yon lòt,  
Soti nan yon wayòm pou rive kote yon lòt pèp.
- 14 Li ✨pa t kite pèsòn peze yo e Li te repwoche wa yo  
pou koz a yo menm:
- 15 ✨“Pa touche onksyone mwen yo e pa fè pwofèt  
Mwen yo okenn mal.”
- 16 Epi Li te ✨rele pou gwo grangou rive nan peyi a;  
Li te kraze sous pen an nèt.
- 17 Li te voye yon nonm devan yo, Joseph ki te vann  
kon esklav.
- 18 Yo te aflije ✨pye li ak chenn; li menm, pou  
kont li, te kouche nan fè yo;
- 19 Jiskaske pawòl li te vin acheve, ✨pawòl a SENYÈ a  
te fè l pase eprèv.
- 20 ✨Wa a te voye lage li; dirijan a pèp la,  
E te bay li libète.
- 21 Li te ✨fè li mèl lakay li e chèf sou  
tout byen li yo,
- 22 Pou mete prens li yo nan prizon lè l te pito,  
Pou l te kab enstwi ansyen li yo sajès.
- 23 Israèl osi te rive an Égypte; konsa Jacob  
te ✨vin demere nan peyi a Cham nan.
- 24 Epi Li te fè pèp Li a vin peple anpil  
E te ✨fè yo vin pifò ke advèsè yo.
- 25 Li te ✨vire kè yo pou yo rayi pèp Li a,  
Pou aji ak gwo mechanste avèk sèvitè Li yo.
- 26 Li te ✨ voye Moïse, sèvitè Li a, avèk Aaron  
ke Li te chwazi.
- 27 Yo te ✨fè zèv mèvèy Li yo pami yo,  
Avèk mirak nan peyi Cham yo.
- 28 Li te ✨voye tenèb e te fè l fènwa;  
Epi yo pa t fè rebèl kont pawòl Li yo.
- 29 Li te ✨fè dlo yo devni san e te fè pwason  
yo mouri.
- 30 Peyi yo te ranvaye avèk ✨krapo.  
Menm jis rive nan chanm a wa yo.
- 31 Li te pale e te vin rive yon ✨epidemi  
mouch yo, ak vèmin  
nan tout teritwa yo.
- 32 Li te bay yo ✨lagraèl pou lapli, avèk dife brile  
nan peyi yo.
- 33 Li te frape fè desann tout chan fwi yo e  
te kraze fann pyebwa nan teritwa yo.
- 34 Li te pale e ✨krikèt volan yo te vini,  
Jenn krikèt san kontwòl,

✨ **105:14** Jen 20:7 ✨ **105:15** Jen 26:11 ✨ **105:16** Jen 41:54 ✨ **105:18** Jen 39:20 ✨ **105:19**  
Jen 40:20 ✨ **105:20** Jen 41:14 ✨ **105:21** Jen 41:40-44 ✨ **105:23** Trav 13:7 ✨ **105:24** Egz  
1:7-9 ✨ **105:25** Egz 1:8 ✨ **105:26** Egz 3:10 ✨ **105:27** Sòm 78:43-51 ✨ **105:28** Egz 10:21-22  
✨ **105:29** Egz 7:20-21 ✨ **105:30** Egz 8:6 ✨ **105:31** Egz 8:16-21 ✨ **105:32** Egz 9:23-25 ✨ **105:34**  
Egz 10:12-15

35 Te manje tout sa ki te vèt nan peyi yo  
E te manje fwi a teren yo.  
36 Anplis, Li te frape touye tout premye ne  
nan peyi yo,  
✧Premye fwi a fòs yo.  
37 Epi Li te fè yo sòti ak ✧ajan ak lò e  
pami tribi Li yo, pa t gen ki te tonbe.  
38 Égypte te ✧kontan lè yo te sòti, paske laperèz  
Yo te fin tonbe sou yo.  
39 Li te louvri yon ✧nwaj kon kouvèti,  
Avèk dife ki pou klere nan nwit.  
40 Yo te mande e li te pote zòtolan e  
te satisfè yo avèk ✧pen syèl la.  
41 Li te ouvri wòch la e ✧dlo te sòti ladann;  
Li te koule kote sèch yo tankou  
yon rivyè.  
42 Li te ✧sonje pawòl sen Li yo avèk Abraham,  
sèvitè Li a;  
43 Epi Li te mennen fè sòti pèp Li a avèk jwa,  
Sila ke Li te chwazi avèk ✧gwo kri  
ak kè kontan yo.  
44 Li te ✧bay yo, anplis, peyi a nasyon yo,  
Pou yo ta pran posesyon a zèv a pèp yo,  
45 Pou yo te kab ✧kenbe règleman Li yo e  
swiv lwa Li yo,  
Louwe SENYÈ a!

## 106

1 Rebelyon Israèl la avèk delivrans SENYÈ a  
Louwe SENYÈ la! O bay remèsiman a SENYÈ a,  
Paske Li Bon;  
Paske ✧lanmou dous Li an se pou tout tan.  
2 Se kilès ki kab pale sou zèv pwisan a SENYÈ yo,  
Oswa fè vin parèt tout lwanj Li yo?  
3 A la beni sila ki ✧kenbe jistis yo beni, sila ki pratike  
Ladwati tout tan yo!  
4 Sonje mwen, O SENYÈ, nan ✧favè Ou  
anvè pèp Ou a;  
Vizite mwen avèk sali Ou.  
5 Pou m kab wè sila ke Ou te chwazi yo  
✧byen reyisi,  
Pou m kab rejwi nan kè kontan a nasyon Ou an,  
pou m ka bay glwa ansanm avèk eritaj Ou a.  
6 Nou te peche menm jan ✧ak papa  
zansèt nou yo,  
Nou te fè inikite, nou te aji mal.  
7 Papa zansèt nou yo an Égypte pa t konprann

✧ 105:36 Jen 49:3 ✧ 105:37 Egz 12:35-36 ✧ 105:38 Egz 12:33 ✧ 105:39 Egz 13:21 ✧ 105:40  
Egz 16:15 ✧ 105:41 Egz 17:6 ✧ 105:42 Jen 15:13-14 ✧ 105:43 Egz 15:1 ✧ 105:44 Jos 11:16-23  
✧ 105:45 Det 4:1-40 ✧ 106:1 I Kwo 16:34-41 ✧ 106:3 Sòm 15:2 ✧ 106:4 Sòm 44:3 ✧ 106:5  
Sòm 1:3 ✧ 106:6 II Kwo 30:7

mèvèy Ou yo;

Yo pa t sonje bonte an abondans Ou yo,

Men yo te ✨fè rebèl bò lanmè a,

nan Lanmè Wouj la.

<sup>8</sup> Sepandan, Li te sove yo pou koz non Li,

Pou L te kab ✨fè pwisans Li rekonèt.

<sup>9</sup> Konsa, Li te repwoche Lanmè Wouj e li te vin sèch,

Li te ✨mennen yo pase nan fon yo, menm jan

Yo te pase nan dezè a.

<sup>10</sup> Konsa, Li te ✨sove yo nan men a sila ki te rayi yo e

te rachte yo soti nan men a lènmi an.

<sup>11</sup> ✨Dlo yo te kouvri advèsè yo; nanpwen nan yo

ki te rete.

<sup>12</sup> Nan lè sa a, yo te kwè nan pawòl Li yo;

Yo te chante lwanj Li.

<sup>13</sup> Men Byen vit, yo te ✨bliye zèv Li yo;

Yo pa t tann konsèy Li

<sup>14</sup> Men yo te vin gen ✨gwo anvè nan savann nan

E te pase Bondye a leprèv nan dezè a.

<sup>15</sup> Pou sa, Li te ✨ba yo sa yo te mande a,

Men te voye yon maladi epwizan

pami yo.

<sup>16</sup> Lè yo te vin ✨jalou a Moïse nan kan an

Ak Aaron, sila ki sen a SENYÈ a,

<sup>17</sup> ✨Tè la te louvri, te vale Dathan, epi te

anglouti tout konpanyen Abiram yo.

<sup>18</sup> Epi yon gwo ✨dife te vin monte nan mitan

konpanyen yo;

Flanm nan te manje mechan yo.

<sup>19</sup> Yo te ✨fè yon jèn bèf nan Horeb. Yo te adore

yon imaj fonn.

<sup>20</sup> Konsa, yo te ✨fè echanj glwa yo pou imaj a yon bèf

ki manje zèb.

<sup>21</sup> Yo te ✨bliye Bondye, sovè yo a,

Ki te fè gwo bagay an Égypte yo,

<sup>22</sup> ✨Mèvèy nan peyi Cham yo, ak bagay mèvèy

bò Lanmè Wouj la.

<sup>23</sup> Akoz sa, Li te di Li ta detwi yo, si se pa t pou

✨Moïse ki te kanpe nan brèch la devan Li,

Pou detounen kòlè Li pou l pa t detwi yo.

<sup>24</sup> Alò, yo te meprize bèl peyi a;

Yo ✨pa t kwè nan pawòl Li,

<sup>25</sup> Men te ✨plenyen nan tant yo;

Yo pa t koute vwa SENYÈ a.

<sup>26</sup> Akoz sa, Li te ✨sèmante a yo ke Li ta

jete yo nan dezè a,

✨ **106:7** Egz 14:11-12 ✨ **106:8** Egz 9:16 ✨ **106:9** És 63:11-13 ✨ **106:10** Egz 14:30 ✨ **106:11** Egz 14:27-28 ✨ **106:13** Egz 15:24 ✨ **106:14** Nonb 11:4 ✨ **106:15** Nonb 11:31 ✨ **106:16** Nonb 16:1-3 ✨ **106:17** Nonb 16:32 ✨ **106:18** Nonb 16:35 ✨ **106:19** Egz 32:4 ✨ **106:20** Jr 2:11 ✨ **106:21** Sòm 78:11 ✨ **106:22** Sòm 105:27 ✨ **106:23** Egz 32:11-14 ✨ **106:24** Det 1:32 ✨ **106:25** Nonb 14:2 ✨ **106:26** Nonb 14:28-35

- 27 Epi ke Li ta voye desandan yo pami nasyon yo  
E ☆gaye yo nan peyi yo,
- 28 Yo te vin ☆jwenn yo menm, anplis, ak Baal-Peor  
E te manje sakrifis ki te ofri a mò yo.
- 29 Konsa, yo te ☆pwovoke Li a lakòlè ak zèv yo  
E yon epidemi te kase vin parèt nan mitan yo.
- 30 Epi Phinéés ☆te kanpe pou te entèsede;  
Konsa, epidemi an te vin sispann.
- 31 Epi sa te ☆konte a li menm kon ladwati, a tout  
jenerasyon yo jis pou tout tan.
- 32 Anplis, yo te ☆pwovoke Li a lakòlè bò  
dlo Meriba yo,  
Jiskaske sa te sòti byen mal pou Moïse sou  
kont yo.
- 33 Akoz yo te ☆fè rebèl kont Lespri Li a,  
Li te pale san reflechi avèk lè v li.
- 34 Yo pa t detwi lòt pèp yo, jan ☆SENYÈ a  
te kòmande yo a,
- 35 Men ☆yo te fè melanj ak nasyon yo e te  
aprann abitud yo
- 36 E te sèvi zidòl yo, ☆ki te devni yon pèlen  
pou yo.
- 37 Se te menm pwòp fi ak fis yo ke yo ☆ofri kon  
sakrifis a dyab yo e
- 38 te vèse san inosan, san a ☆fis ak fi yo,  
Ke yo te bay kon sakrifis a zidòl Canaan yo;  
Epi peyi a te kontamine nèt ak san.
- 39 Konsa, yo te vin ☆pa pwòp nan abitud yo e  
te jwe pwostitiye nan zèv yo.
- 40 Akoz sa, kòlè SENYÈ a te limen kont pèp Li a  
E Li te vin rayi eritaj Li a.
- 41 Konsa, ☆Li te bay yo nan men a nasyon yo e  
sila ki te rayi yo te vin renye sou yo.
- 42 Lènmi yo, anplis, te oprime yo e  
te soumèt anba pouvwa yo.
- 43 Anpil fwa, Li te delivre yo; malgre yo menm  
te plen rebelyon nan konsèy yo  
E pou sa, yo te plonje desann nan inikite yo.
- 44 Sepandan, Li te gade twoub yo  
Lè Li te ☆tande kri yo;
- 45 Epi Li te vin ☆sonje akò Li pou koz yo menm  
E Te vin ralanti li selon grandè lanmou dous Li a.
- 46 Anplis, Li te fè yo ☆resevwa mizerikòd Li,  
Nan prezans a tout pèp ki te fè yo prizonnye yo.

47 ☆Sove nou, O SENYÈ, Bondye nou an.

☆ **106:27** Lev 26:33 ☆ **106:28** Nonb 25:3 ☆ **106:29** Nonb 25:4 ☆ **106:30** Nonb 25:7 ☆ **106:31** Jen 15:6 ☆ **106:32** Nonb 20:2-13 ☆ **106:33** Nonb 20:3-10 ☆ **106:34** Det 7:2-16 ☆ **106:35** Jij 3:5-6 ☆ **106:36** Det 7:16 ☆ **106:37** Det 12:31 ☆ **106:38** Det 18:10 ☆ **106:39** Lev 18:24 ☆ **106:41** Jij 4:3 ☆ **106:44** Jij 3:9 ☆ **106:45** Lev 26:42 ☆ **106:46** I Wa 8:50 ☆ **106:47** I Kwo 16:35-36

Ranmase nou pami nasyon yo,  
Pou bay remèsiman a non sen Ou an,  
Avèk laglwa nan lwanj Ou yo.

48 ✧ Beni se SENYÈ a, Bondye Israèl la,  
Pou tout tan jis pou tout tan.  
Epi kite tout pèp la di: "Amen."  
Louwe SENYÈ a!

## LIV 5

### 107

1 O bay remèsiman a Bondye, paske ✧ Li Bon,  
Paske lanmou dous Li dire jis pou tout tan.  
2 Kite ✧ rachte a SENYÈ yo pale: "Se sa"  
Sila ke Li fin rachte soti nan men advèsè a  
3 E te ✧ ranmase soti nan peyi yo,  
Soti nan lès e soti nan lwès,  
Soti nan nò e soti nan sid.  
4 Yo te ✧ mache egare nan dezè yo;  
Yo pa t jwenn yon chemen ki pou rive  
nan vil kote ki gen moun.  
5 Yo te grangou e swaf;  
✧ Nanm yo te fennen anndan yo.  
6 Epi yo te ✧ kriye fò a SENYÈ a  
nan gran twoub yo;  
Konsa, Li te delivre yo sòti nan twoub yo.  
7 Anplis, Li te mennen yo pa yon chemen dwat,  
Pou rive nan yon vil ki deja etabli ak moun ladann.  
8 ✧ Kite yo bay remèsiman a SENYÈ a pou  
Lanmou dous Li a, e  
pou mèvèy Li yo anvè fis a lòm yo!  
9 Paske Li te satisfè nanm swaf la, e  
✧ nanm grangou a, Li te ranpli li ak  
Sa ki bon.  
10 Te gen sila ki te viv nan tenèb yo ak  
nan lonbraj lanmò yo,  
✧ Prizonnye yo nan mizè ak chenn yo;  
11 Yo te fè rebèl kont pawòl Bondye a, e  
Te meprize ✧ konsèy a Pi Wo a.  
12 Akoz sa, Li te imilye kè yo ak travay fòse;  
Yo te chape tonbe e ✧ pa t gen moun ki pou  
bay yo sekou.  
13 Epi nan gwo pwoblèm yo,  
yo te ✧ rele fò a SENYÈ a;  
Li te delivre yo sòti nan gwo twoub yo.  
14 Li te ✧ mennen yo sòti nan tenèb la,  
nan lonbraj lanmò a e te kase  
chire kòd li yo.

✧ 106:48 Sòm 41:13 ✧ 107:1 II Kwo 5:13 ✧ 107:2 És 35:9-10 ✧ 107:3 Det 30:20 ✧ 107:4  
Nonb 14:33 ✧ 107:5 Sòm 77:3 ✧ 107:6 Sòm 50:15 ✧ 107:8 Sòm 107:15-31 ✧ 107:9 Sòm  
146:7 ✧ 107:10 Job 36:8 ✧ 107:11 Sòm 73:24 ✧ 107:12 Sòm 22:11 ✧ 107:13 Sòm 107:6  
✧ 107:14 Sòm 86:13

- 15 ✧Kite yo bay remèsiman a SENYÈ a pou Lanmou dous Li a ak pou mèvèy Li yo anvè fis a lòm yo!
- 16 Paske Li te ✧kraze pòtay an bwonz yo E te koupe ba fè yo.
- 17 Yo te vin fou nèt nan rebelyon yo E ✧akoz inikite yo, yo te aflije.
- 18 Nanm yo te rayi tout kalite manje E yo te rive toupres ✧pòtay lanmò yo.
- 19 Epi yo te kriye fò a SENYÈ a nan gran mizè yo; Konsa, Li te sove yo sòti nan gwo pwoblèm yo.
- 20 Li te voye pawòl Li pou te geri yo e pou te ✧delivre yo sòti nan destriksyon yo.
- 21 Lese yo bay remèsiman pou Lanmou dous Li a ak mèvèy Li yo anvè fis a lòm yo!
- 22 Anplis, kite yo ofri ✧sakrifis a remèsiman yo E pale sou afè zèv Li yo ak chan lajwa.
- 23 Sila ki ✧desann bò kote lanmè nan bato yo, Ki fè komès sou gwo dlo yo;
- 24 Yo te konn wè zèv SENYÈ yo, avèk mèvèy Li yo nan gran fon an.
- 25 Paske Li te pale e fè leve yon gwo van tanpèt, Ki te ✧fè leve gwo vag lanmè yo.
- 26 Yo te leve jis rive nan syèl yo e te desann jis rive nan fon yo; Nanm yo te ✧fann avèk mizè.
- 27 Yo te gaye, bite tankou moun sou. Yo te fin about nèt.
- 28 Yo te kriye a Bondye nan mizè yo, E Li te mennen yo sòti nan twoub yo.
- 29 Li ✧te fè tanpèt la vin kalm, jiskaske vag lanmè yo te vin kalm.
- 30 Epi yo te kontan akoz yo te kalme; Konsa, Li te gide yo pou rive nan pò ke yo te pito a.
- 31 Kite yo bay remèsiman a SENYÈ' a pou lanmou dous Li a E pou mèvèy Li yo anvè fis a lòm yo!
- 32 Kite yo ✧leve L wo, anplis, nan asanble a pèp la E beni Li nan asanble a ansyen yo.
- 33 Li ✧chanje rivyè yo vin tounen dezè e sous dlo yo an tè deseche;
- 34 Yon tè fètil vin tounen savann tè sale, Akoz mechanste a sila ki rete ladann yo.
- 35 Li ✧chanje dezè a vin tounen gwo sous dlo e tè deseche a an sous k ap koule.
- 36 Epi la, li fè moun grangou yo vin rete,

✧ **107:15** Sòm 107:8-31 ✧ **107:16** És 45:1-2 ✧ **107:17** És 65:6-7 ✧ **107:18** Job 38:17 ✧ **107:20** Job 33:28-30 ✧ **107:22** Lev 7:12 ✧ **107:23** És 42:10 ✧ **107:25** Sòm 93:3,4 ✧ **107:26** Sòm 22:14 ✧ **107:29** Sòm 65:7 ✧ **107:32** Sòm 34:3 ✧ **107:33** I Wa 17:1-7 ✧ **107:35** Sòm 105:41



Pou yo vin etabli ✧yon vil ki plen moun.

37 Pou yo ka plante chan yo, ✧plante chan rezen yo e ranmase yon gwo rekòlt.

38 Anplis, Li beni yo, yo ✧miltipliye anpil e li pa kite bèt chan pa yo vin diminye.

39 Lè yo ✧vin febli e koube nèt, Akoz opresyon avèk mizè ak tristès,

40 Li ✧vide wont sou prens yo e fè yo vin mache egare nan yon savann ki san chemen.

41 Men Li ✧fè malere a chita wo ansekirite, Byen lwen tout aflikasyon E fè fanmi li yo byen pwoteje kon yon twoupo.

42 Moun ✧dwat yo wè l e yo kontan; Men tout mechan yo fèmen bouch yo.

43 Se kilès ki ✧saj? Kite li bay atansyon a bagay sa yo e konsidere lanmou dous a SENYÈ a.

## 108

Yon chan. Yon Sòm David

1 ✧Kè m fèm, O Bondye; mwen va chante, Mwen va chante lwanj ou, menm avèk tout nanm mwen.

2 Fè leve ap avèk gita; mwen va fè leve solèy la!

3 Mwen va bay remèsiman a Ou menm, O SENYÈ, Pami pèp yo,

E Mwen va chante lwanj a Ou pami nasyon yo.

4 Paske lanmou dous Ou a gran ✧pase syèl yo, E verite Ou rive jis nan syèl yo.

5 ✧Leve wo, O Bondye, anwo syèl yo e glwa Ou anwo tout tè a.

6 ✧Pou sila ke Ou tèlman renmen an, kapab delivre. Sove avèk men dwat Ou e reponn mwen!

7 Bondye te pale nan sentete Li a: “Mwen va leve wo, Mwen va divize Sichem e mezire tout vale Succoth la.

8 Galaad se pou Mwen, Manassé se pa M; Ephraïm se kas sou tèt Mwen; ✧Juda se baton wayal Mwen.

9 Moab se basen lesiv Mwen; Sou Edom, Mwen va jete soulye M; Sou Philistie, Mwen va rele byen fò.”

10 Se ✧kilès ki va mennen M antre nan vil fòtifye a? Kilès ki va mennen M Edom?

11 Se pa Ou, Ou menm, O Bondye, ki ✧rejte nou an? Èske Ou p ap sòti avèk lame nou yo, O Bondye?

12 O bannou sekou kont advèsè a; paske, Delivrans a lòm se anven.

✧ 107:36 Sòm 107:4-7 ✧ 107:37 II Wa 19:29 ✧ 107:38 Jen 12:2 ✧ 107:39 II Wa 10:32  
 ✧ 107:40 Job 12:21 ✧ 107:41 I Sam 2:8 ✧ 107:42 Job 22:19 ✧ 107:43 Sòm 64:9 ✧ 108:1  
 Sòm 57:7-11 ✧ 108:4 Sòm 113:4 ✧ 108:5 Sòm 57:5 ✧ 108:6 Sòm 60:5-12 ✧ 108:8 Jen 49:10  
 ✧ 108:10 Sòm 60:9 ✧ 108:11 Sòm 44:9

13 Avèk Bondye, nou va fè zèv vanyan e  
 ✧se Li menm ki va foule advèsè nou yo anba pye L.

## 109

Pou direktè koral la; Yon Sòm David

1 O Bondye lwanj mwen an, ✧pa rete an silans!

2 Paske yo te ouvri bouch ✧desepsyon  
 ak mechanste a kont mwen;  
 Yo te pale kont mwen avèk yon lang  
 k ap manti.

3 Anplis, yo te antoure mwen avèk pawòl  
 ki plen rayisman

E yo te goumen kont mwen ✧san koz.

4 An echanj pou lanmou m, yo te aji kon  
 akizati mwen; men, mwen rete nan lapriyè.

5 Konsa, yo te rekonpanse mwen mal pou byen e  
 ✧rayisman pou lanmou m.

6 Plase yon nonm mechan sou li e kite  
 yon akizati kanpe sou men dwat Li.

7 Lè l fin jije, kite li sòti koupab e kite ✧lapriyè  
 li devni peche.

8 Kite jou li yo vin mwens; kite ✧yon lòt moun pran  
 pozisyon li.

9 Kite pitit li yo rete san papa e kite ✧madanm li  
 vin vèv.

10 Kite pitit li yo mache egare e mande nan lari;  
 Kite yo chache nouriti soti lwen kay depouye  
 yo.

11 Kite moun li dwe, sezi tout sa li posede e  
 etranje yo piyaje tout sa li pwodwi.

12 Kite l rive ke nanpwen moun ki pou ofri  
 li lanmou dous,  
 Ni okenn moun ki pou fè gras a òfelen li yo.

13 Kite desandan li yo koupe retire nèt;  
 Nan jenerasyon ki swiv yo, kite ✧non yo  
 efase nèt.

14 Kite ✧inikite a papa zansèt li yo vin sonje  
 devan SENYÈ a,  
 E pa kite peche a manman l yo vin efase.

15 Kite yo devan SENYÈ a tout tan pou L  
 ✧koupe retire memwa yo sou latè;

16 Akoz li pa t sonje montre lanmou  
 Dous; men te pèsikite e te aflije malere a e  
 sila ki dekouraje nan kè l la, pou mete  
 yo a lanmò.

17 Anplis, li te renmen bay madichon e  
 Konsa, ✧madichon an te retounen sou li;  
 Epi li pa t renmen beni; konsa, sa te rete lwen li.

18 Men li te abiye li menm ak madichon

✧ 108:13 És 60:12 ✧ 109:1 Sòm 28:1 ✧ 109:2 Sòm 10:7 ✧ 109:3 Sòm 35:7 ✧ 109:5 Jn 7:7  
 ✧ 109:7 Pwov 28:9 ✧ 109:8 Trav 1:20 ✧ 109:9 Jr 18:21 ✧ 109:13 Sòm 9:5 ✧ 109:14 Egz  
 20:5 ✧ 109:15 Job 18:17 ✧ 109:17 Pwov 14:14

tankou vètman

E sa te ✧antre nan kò l tankou dlo; tankou lwil,  
Sa rive nan zo li.

19 Kite sa rive li tankou yon ✧vètman k ap sèvi  
pou kouvri kò l,  
oswa yon sentiwon avèk sila li mare senti li nèt la.

20 Kite SENYÈ a bay sa kon rekonpans  
a akizate mwen yo,  
Ak sila ki ✧pale mal kont  
nanm mwen yo.

21 Men Ou menm, O Bondye, SENYÈ a,  
aji dousman avè m ✧pou koz a non Ou;  
Akoz lanmou dous Ou a bon, delivre m;

22 Paske mwen aflije e malere e  
kè m blese anndan m.

23 Mwen ap pase tankou yon lonbraj lè  
Li vin long;

Mwen vin souke tankou ✧krikèt volan.

24 Jenou m vin fèb nan fè ✧jèn  
E chè m vin mèg, san grès.

25 Mwen menm, anplis, te vin yon repwòch a yo menm;  
Lè yo wè m, yo ✧souke tèt yo.

26 ✧Fè m sekou, O SENYÈ, Bondye mwen an;  
Sove mwen selon lanmou dous Ou a.

27 Epi kite yo konnen ke sa fèt pa men Ou;  
Ke se Ou menm, SENYÈ a, ki te fè l.

28 Kite yo menm bay madichon sou mwen,  
Men pou Ou menm, bay benediksyon.

Lè yo leve, yo va wont, men ✧sèvitè Ou a  
ap kontan.

29 Kite ✧akizate mwen yo vin abiye ak dezonè e  
kite yo kouvri yo menm ak pwòp wont  
yo tankou se avèk yon manto.

30 Avèk bouch mwen, mwen va bay anpil remèsiman  
a SENYÈ a;

Epi nan mitan an anpil moun, ✧mwen va louwe Li.

31 Paske Li kanpe kote men dwat malere a  
Pou sove li nan men a sila ki  
✧jije nanm Li yo.

## 110

Yon Sòm David

1 ✧SENYÈ a di a Senyè mwen an: “Chita bò kote  
men dwat Mwen  
Jiskaske Mwen fè ènmi Ou yo vin yon machpye  
pou Ou.

2 SENYÈ a va lonje ✧baton wayal Ou a  
soti nan Sion e di:  
“Se pou ou renye nan mitan ènmi Ou yo”.

✧ 109:18 Nonb 5:22 ✧ 109:19 Sòm 73:6 ✧ 109:20 Sòm 41:5 ✧ 109:21 Sòm 23:3 ✧ 109:23  
Egz 10:19 ✧ 109:24 Sòm 35:13 ✧ 109:25 Sòm 22:7 ✧ 109:26 Sòm 119:86 ✧ 109:28 És 65:14  
✧ 109:29 Job 8:22 ✧ 109:30 Sòm 22:22 ✧ 109:31 Sòm 37:33 ✧ 110:1 Mat 22:44 ✧ 110:2  
Sòm 45:6

3 Pèp Ou a va sèvi ak bòn volonte  
nan jou pouvwa Ou yo.  
Yo deplwaye an sentete, soti nan zantray maten,  
Jèn Ou yo ap pou Ou kon ✨lawozay.  
4 SENYÈ a te sèman e Li ✨p ap chanje lide:  
“Ou se yon prèt jis pou tout tan selon lòd  
Melchisédek.”  
5 SENYÈ a sou men dwat ou;  
Li va ✨kraze wa yo nan jou kòlè Li a.  
6 Li va ✨jije pami nasyon yo, Li va ranpli yo  
ak kadav,  
Li va brize tèt a chèf yo nan yon peyi  
ki vast.  
7 Li va ✨bwè nan flèv akote chemen an;  
konsa, Li va leve tèt Li wo.

## 111

1 Louwe SENYÈ a!  
Mwen va bay lwanj a SENYÈ a ak tout kè m,  
✨Ansanm ak moun ladwati yo ak nan asanble a.  
2 ✨Gran se zèv a SENYÈ yo;  
Yo etidye pa tout moun ki pran  
plezi nan yo.  
3 Ranpli ak bèlte avèk majeste se zèv Li yo  
E ladwati Li dire jis pou tout tan.  
4 Li te fè mèvèy Li yo pou nou sonje nèt;  
SENYÈ a ✨ranpli ak gras avèk mizerikòd.  
5 Li te ✨bay manje a sila ki gen lakrent Li yo;  
Li va sonje akò Li a jis pou tout tan.  
6 Li te fè rekonèt a pèp Li a, pouvwa a  
a zèv Li yo, lè L bay yo eritaj a nasyon yo.  
7 Zèv a men Li yo se ✨verite avèk jistis;  
Tout òdonans Li yo vrè.  
8 Yo va ✨gen soutyen jis pou tout tan;  
Yo fèt nan verite avèk ladwati.  
9 Li te voye ✨delivrans a pèp Li a;  
Li te òdone akò Li a jis pou tout tan;  
Sen e mèvèye, se non Li.  
10 ✨Lakrent SENYÈ a se kòmansman a sajès;  
Tout sila ki fè kòmandman Li yo gen bon konprann;  
Lwanj Li dire jis pou tout tan.

## 112

1 Louwe SENYÈ a! A la beni nonm ✨  
Ki krent SENYÈ a beni,  
Sila ki pran gwo plezi nan kòmandman Li yo.  
2 Desandan li yo va pwisan sou latè;  
Jenerasyon ladwati a va beni.

✨ 110:3 II Sam 17:12 ✨ 110:4 Nonb 23:19 ✨ 110:5 Sòm 68:14 ✨ 110:6 És 2:4 ✨ 110:7  
Jij 7:5-6 ✨ 111:1 Sòm 89:7 ✨ 111:2 Sòm 92:5 ✨ 111:4 Sòm 86:5-17 ✨ 111:5 Mat 6:31-33  
✨ 111:7 Rev 13:3 ✨ 111:8 Sòm 119:160 ✨ 111:9 Luc 1:69 ✨ 111:10 Job 28:28 ✨ 112:1  
Sòm 128:1

3 Anpil byen ak gwo richès lakay li,  
 E ladwati li dire pou tout tan.  
 4 Limyè vin leve nan tenèb ✧pou  
 moun ladwati a;  
 Li gen gras ak mizerikòd, ak jistis.  
 5 Sa va ale byen pou nonm ki ✧gen mizerikòd  
 E ki prete;  
 Li va prezève koz li a nan jijman an.  
 6 Paske li p ap janm ebranle;  
 Moun ✧dwat la va sonje jis pou tout tan.  
 7 Li p ap krent move nouvèl; kè Li fèm  
 ✧nan konfyans nan SENYÈ a.  
 8 ✧Kè li soutni; li pa pè anyen, jiskaske  
 li gade ak kè kontan advèsè li yo.  
 9 Li ✧te bay ak jenewozite a pòv yo,  
 Ladwati li dire jis pou tout tan;  
 Kòn li va egzalte nan lonè.  
 10 Mechan an va wè l e l ap vekse nèt;  
 Li va ✧manje dan l e vin fonn tou disparèt.  
 Dezi a mechan an va peri.

## 113

1 Louwe SENYÈ a! Louwe, O ✧sèvitè a SENYÈ yo,  
 Louwe non SENYÈ a.  
 2 ✧Beni se non SENYÈ a soti nan tan sa a e  
 jis pou tout tan.  
 3 ✧Depi solèy leve jiskaske li kouche, non SENYÈ a  
 dwe louwe.  
 4 SENYÈ a ✧wo, anwo tout nasyon yo;  
 Glwa Li pi wo syèl yo  
 5 Se ✧kilès ki tankou SENYÈ a, Bondye nou an,  
 Ki sou twòn Li anwo a,  
 6 Ki ✧abese tèt Li pou gade tout bagay  
 ki nan syèl yo ak sou latè yo?  
 7 Li ✧fè malere a leve sòti nan pousyè a  
 E leve endijan an sòti nan pil sann nan  
 8 Pou fè yo ✧chita avèk prens yo;  
 Avèk prens a pèp Li yo.  
 9 Li ✧fè fanm steril la vin rete nan kay  
 kon yon manman pitit ak kè kontan.  
 Louwe SENYÈ a!

## 114

1 Lè Israèl te sòti ✧an Égypte,  
 lakay Jacob soti de yon pèp lang etranje,  
 2 Juda te vin sanktiyè Li a, Israèl, ✧wayòm Li.  
 3 Lanmè a te gade e te sove ale;

✧ 112:4 Job 11:17 ✧ 112:5 Sòm 37:21 ✧ 112:6 Sòm 15:5 ✧ 112:7 Sòm 56:4 ✧ 112:8 Eb  
 13:9 ✧ 112:9 II Kor 9:9 ✧ 112:10 Sòm 35:16 ✧ 113:1 Sòm 34:22 ✧ 113:2 Sòm 145:21  
 ✧ 113:3 Sòm 50:1 ✧ 113:4 Sòm 8:1 ✧ 113:5 Egz 15:11 ✧ 113:6 Sòm 11:4 ✧ 113:7 I Sam  
 2:6 ✧ 113:8 Job 36:7 ✧ 113:9 I Sam 2:5 ✧ 114:1 Egz 12:51 ✧ 114:2 Egz 19:6

✧ Jourdain an te vire fè bak.  
 4 Mòn yo te ✧sote tankou belye,  
 kolin yo tankou ti mouton.  
 5 ✧Sa k pase ou menm, O lanmè, ke ou te sove ale konsa?  
 O Jourdain an, ke Ou te vire fè bak konsa?  
 6 O mòn yo, ke ou sote tankou belye konsa?  
 O kolin yo, tankou ti mouton konsa?  
 7 ✧Pran tranble, O latè, devan SENYÈ a,  
 Devan Bondye a Jacob la,  
 8 Ki te fè wòch la devni yon ma dlo,  
 ✧wòch silèks la yon sous k ap koule.

## 115

1 Pa pou nou, O SENYÈ, pa pou nou,  
 men ✧pou Non Ou glwa bay,  
 akoz lanmou dous Ou, akoz verite Ou.  
 2 Poukisa nasyon yo ta di: ✧“Kote Bondye yo a ye  
 koulye a?”  
 3 Men ✧Bondye nou an nan syèl yo;  
 Li fè sa Li pito.  
 4 Zidòl yo se ajan ak lò; ✧zèv men a lòm.  
 5 Yo gen bouch, men yo ✧pa kab pale;  
 Yo gen zye, men yo pa kab wè; 6 Yo gen zòrèy, men yo pa kab tande;  
 Yo gen nen, men yo pa kab santi anyen;  
 7 Yo gen men, men yo pa kab manyen;  
 Yo gen pye, men yo pa kab mache;  
 Nanpwen okenn bri ki sòti nan gòj yo.  
 8 ✧Sila ki mete konfyans nan yo va  
 tankou yo; tout moun ki fè yo konfyans yo.  
 9 O Israèl, mete konfyans ou nan SENYÈ a;  
 Se Li menm ki ✧sekou ak boukliye yo.  
 10 O lakay ✧Aaron, mete konfyans ou nan SENYÈ a;  
 Se Li menm ki sekou ak boukliye yo.  
 11 Nou menm ki ✧gen lakrent SENYÈ a, mete konfyans nou  
 nan SENYÈ a;  
 Se Li menm ki sekou yo ak boukliye yo.  
 12 SENYÈ a ✧te toujou sonje nou; Li va beni nou;  
 Li va beni lakay Israèl la; Li va beni  
 lakay Aaron an.  
 13 Li va beni sila ki krent SENYÈ yo,  
 ✧Piti kon gran.  
 14 Ke SENYÈ a kab ✧fè nou grandi plis,  
 Nou menm ak pitit nou yo.  
 15 Ke nou ta vin beni pa SENYÈ a,  
 ✧Kreyatè syèl la ak tè a.  
 16 Syèl yo se ✧Syèl a SENYÈ a,

✧ 114:3 Jos 3:13-16 ✧ 114:4 Egz 19:18 ✧ 114:5 Hab 3:8 ✧ 114:7 Sòm 96:9 ✧ 114:8 Det 8:15  
 ✧ 115:1 Sòm 29:2 ✧ 115:2 Sòm 42:3-10 ✧ 115:3 Sòm 103:19 ✧ 115:4 Det 4:28 ✧ 115:5  
 Jr 10:5 ✧ 115:8 Sòm 135:18 ✧ 115:9 Sòm 33:20 ✧ 115:10 Sòm 118:3 ✧ 115:11 Sòm 22:23  
 ✧ 115:12 Sòm 98:3 ✧ 115:13 Rev 11:18 ✧ 115:14 Det 1:11 ✧ 115:15 Jen 1:1 ✧ 115:16  
 Sòm 89:11

Men latè, Li te bay li a fis a lòm yo.

17 ✧Mò yo pa louwe SENYÈ a, ni sila ki desann antre nan silans yo;

18 Men pou nou menm, nou va beni SENYÈ a Soti nan moman sa a e rive jis pou tout tan. Louwe SENYÈ la.

## 116

1 Mwen renmen SENYÈ a, paske Li tande vwa m, avèk siplikasyon mwen yo.

2 Akoz Li te ✧panche zòrèy Li bò kote m, Pou sa, mwen va rele non Li pandan tout tan ke m viv.

3 Kòd lanmò yo te antoure m e laperèz fòs lanmò te vini sou mwen; Mwen te jwenn twoub ak gwo tristès.

4 Alò, mwen te rele non SENYÈ a, O SENYÈ, mwen sipliye Ou, ✧Sove lavi mwen!

5 Ranpli ak gras ak ladwati, se SENYÈ a; Wi, Bondye nou an plen ak ✧mizerikòd.

6 SENYÈ a toujou pwoteje ✧ moun senp yo; Mwen te abese mwen nèt e Li te sove mwen.

7 Reprann ✧repo ou, O nanm mwen, paske Bondye te aji nan bonte Li avèk ou.

8 Paske Ou te ✧delivre nanm mwen devan lanmò, Zye m pou m pa kriye, pye m pou m pa glise tonbe.

9 Mwen va mache devan SENYÈ a nan ✧peyi moun vivan an.

10 Mwen ✧te kwè lè m te di: “Mwen vin vrèman aflije.”

11 Mwen te di nan mitan gwo twoub mwen yo: ✧“Tout moun se mantè”.

12 Kisa mwen kapab ✧bay a SENYÈ a Pou tout bonte Li anvè mwen?

13 Mwen va leve wo ✧koup sali a e rele non SENYÈ a.

14 Mwen va ✧peye tout ve mwen yo anvè SENYÈ a, O ke sa fèt nan prezans a tout pèp Li a!

15 ✧Byen chè nan zye a SENYÈ a, se lanmò a fidèl Li yo.

16 O SENYÈ, anverite, mwen se sèvitè Ou, Mwen se sèvitè Ou, fis a sèvant Ou an, Ou fin ✧lache kòd mwen yo.

17 A Ou menm, mwen va ofri yon ✧sakrifis remèsiman e Mwen va rele non SENYÈ a.

✧ **115:17** Sòm 6:5 ✧ **116:2** Sòm 17:6 ✧ **116:4** Sòm 17:13 ✧ **116:5** Egz 34:6 ✧ **116:6** Sòm 19:7 ✧ **116:7** Jr 6:16 ✧ **116:8** Sòm 49:15 ✧ **116:9** Sòm 27:13 ✧ **116:10** II Kor 4:13 ✧ **116:11** Sòm 62:9 ✧ **116:12** II Kwo 32:25 ✧ **116:13** Sòm 16:5 ✧ **116:14** Sòm 50:14 ✧ **116:15** Sòm 72:14 ✧ **116:16** Sòm 107:14 ✧ **116:17** Lev 7:12

18 Mwen va ✨peye ve mwen yo a SENYÈ a,  
O ke sa fèt nan prezans a tout pèp Li a!  
19 Nan ✨lakou lakay SENYÈ a, nan mitan nou menm,  
O Jérusalem, louwe SENYÈ a!

## 117

1 ✨Louwe SENYÈ a, tout nasyon yo; selebre Li,  
tout pèp yo!  
2 Paske lanmou dous Li a gran anvè nou e  
verite SENYÈ' a dire jis pou tout tan.  
Beni SENYÈ a!

## 118

1 Bay remèsiman a SENYÈ a, paske Li bon;  
Paske lanmou dous Li a dire jis pou tout tan.  
2 O kite ✨Israël di: "Lanmou dous Li a se  
pou tout tan".  
3 O kite ✨lakay Aaron di: "Lanmou dous Li a se pou  
Tout tan."  
4 O kite sila ✨ki krent SENYÈ yo di: "Lanmou  
dous Li a se pou tout tan."  
5 Depi nan ✨gran pwoblèm mwen yo, mwen te rele  
SENYÈ a;  
SENYÈ a te reponn mwen e te mete m  
yon kote byen laj.  
6 SENYÈ a pou mwen; mwen pa pè.  
✨Kisa lòm kab fè m?  
7 SENYÈ a pou mwen pami sila ki  
ede mwen yo;  
Akoz sa, mwen va gade ak kè kontan  
sila ki rayi mwen yo.  
8 Li ✨pi bon pou kache nan SENYÈ a pase pou  
mete konfyans nan lòm.  
9 Li ✨pi bon pou kache nan SENYÈ a pase pou  
mete konfyans nan prens yo.  
10 Tout nasyon yo ✨te antoure mwen;  
Nan non SENYÈ a; mwen va, anverite,  
Koupe retire yo nèt.  
11 Yo te antoure mwen, wi, yo te antoure mwen;  
Nan non SENYÈ a; mwen va, anverite,  
koupe retire yo nèt.  
12 Yo te antoure mwen ✨tankou myèl;  
Yo te efase nèt tankou dife bwa pikan;  
Nan non SENYÈ a; mwen va, anverite, koupe retire  
yo nèt.  
13 Ou te pouse mwen ak vyolans jiskaske mwen t ap tonbe,  
Men SENYÈ a te ✨fè m sekou.

✨ **116:18** Sòm 116:14 ✨ **116:19** Sòm 92:13 ✨ **117:1** Wo 15:11 ✨ **118:2** Sòm 115:9 ✨ **118:3**  
Sòm 115:10 ✨ **118:4** Sòm 115:11 ✨ **118:5** Sòm 18:6 ✨ **118:6** Sòm 56:4-11 ✨ **118:8** II Kwo  
32:7-8 ✨ **118:9** Sòm 146:3 ✨ **118:10** Sòm 3:6 ✨ **118:12** Det 1:44 ✨ **118:13** Sòm 86:17



14 SENYÈ a se fòs mwen ak chanson mwen e  
 Li te vin sali mwen.  
 15 Son lajwa eklate ak delivrans nan tant  
 a moun ki dwat yo;  
 Men ✧dwat a SENYÈ a se vanyan.  
 16 Men dwat a SENYÈ a leve wo;  
 Men ✧dwat a SENYÈ a se vanyan.  
 17 Mwen p ap mouri; men, m ap viv e mwen va  
 ✧Pale sou zèv a SENYÈ yo.  
 18 SENYÈ a te ✧korige m ak severite,  
 Men Li pa t remèt mwen a lanmò.  
 19 ✧Ouvri pòtay ladwati yo pou mwen; mwen va  
 antre nan yo, mwen va bay remèsiman a  
 SENYÈ a.  
 20 Sa se pòtay SENYÈ a; ✧moun ladwati yo va  
 antre ladann.  
 21 Mwen va bay Ou remèsiman, paske Ou  
 te ✧reponn mwen e Ou te vin sali mwen.  
 22 ✧Wòch ke sila ki t ap bati yo te refize a,  
 Gen tan vini wòch ang prensipal la.  
 23 Sa fèt pa SENYÈ a; li se yon mèvèy  
 nan zye nou.  
 24 Sa se jou ke SENYÈ a te fè; annou  
 ✧rejwi nou e fè kè kontan ladann.  
 25 O SENYÈ, sove, nou sipliye Ou;  
 O SENYÈ, nou sipliye Ou,  
 voye ✧ abondans!  
 26 ✧Beni se sila ki vini nan non SENYÈ a;  
 Nou te beni Ou depi lakay SENYÈ a.  
 27 SENYÈ a se Bondye e Li te bannou ✧limyè;  
 Mare sakrifis fèt la ak kòd sou kòn lotèl yo.  
 28 Ou se Bondye mwen e mwen bay Ou remèsiman;  
 Ou se Bondye mwen e mwen leve Ou wo.  
 29 Bay remèsiman a SENYÈ a, paske Li bon;  
 Paske lanmou dous Li a dire jis pou tout tan.

## 119

ALÈPH.

1 A la beni se sila ak chemen ki ✧san fot yo;  
 Ki mache nan lalwa SENYÈ a.  
 2 A la beni se sila ki kenbe temwayaj Li yo,  
 Ki chache Li ✧ak tout kè yo.  
 3 Ki ✧pa fè okenn inikite. Yo mache nan chemen  
 Li yo.  
 4 Ou te ✧òdone règleman Ou yo, pou nou ta  
 kenbe yo ak dilijans.

✧ **118:15** Egz 15:6 ✧ **118:16** Egz 15:6 ✧ **118:17** Sòm 73:28 ✧ **118:18** Sòm 73:14 ✧ **118:19**  
 És 26:2 ✧ **118:20** Sòm 15:1-2 ✧ **118:21** Sòm 116:1 ✧ **118:22** Mat 21:42 ✧ **118:24** Sòm 31:7  
 ✧ **118:25** Sòm 122:6-7 ✧ **118:26** Mat 21:9 ✧ **118:27** Est 8:16 ✧ **119:1** Sòm 128:1 ✧ **119:2**  
 Det 6:5 ✧ **119:3** I Jn 3:9 ✧ **119:4** Det 4:13

5 O ke chemen mwen yo kapab vin etabli  
Pou kenbe règleman Ou yo!

6 Konsa, mwen p ap vin wont lè m gade  
kòmandman Ou yo.

7 Mwen va bay Ou remèsiman avèk yon kè ki dwat,  
Lè mwen aprann jijman dwat Ou yo.

8 Mwen va kenbe règleman Ou yo;  
Pa abandone m nèt!

BETH

9 Kijan yon jennonm kapab kenbe wout li yo san fot?

✧ Nan kenbe li selon pawòl Ou.

10 Ak ✧ tout kè mwen, mwen te chache Ou;  
Pa kite mwen vin egare kite lòd Ou yo.

11 Pawòl Ou yo, mwen te kenbe yo nan kè m,  
Pou m pa t peche kont Ou.

12 Beni se Ou menm SENYÈ a. Enstwi mwen nan  
règleman Ou yo.

13 Avèk lèv mwen, mwen te pale selon tout  
òdonans bouch Ou yo.

14 Mwen te rejwi nan chemen temwayaj Ou yo,  
Konsi se nan tout richès yo.

15 Mwen va reflechi sou règleman Ou yo e  
okipe chemen Ou yo.

16 Mwen va ✧ rejwi nan lòd Ou yo; mwen p ap  
bliye pawòl Ou.

GIMEL

17 Aji ak gras avèk sèvitè Ou a, pou m kab viv  
e kenbe pawòl Ou.

18 Ouvri zye m pou m kab wè bèl bagay  
nan lalwa Ou yo.

19 Mwen se yon ✧ etranje sou latè; pa kache  
kòmandman Ou yo de mwen.

20 Nanm mwen kraze ak anvi pou òdonans  
Ou yo tout tan.

21 Ou repwoche ògeye yo, moun madichonnen ✧ yo,  
k ap egare kite kòmandman Ou yo.

22 Retire repwòch ak mepri a sou mwen,  
Paske mwen obsève temwayaj Ou yo.

23 Malgre prens yo vin chita pou pale kont mwen,  
Sèvitè Ou va reflechi tout tan sou  
règleman Ou yo.

24 Anplis, temwayaj Ou yo se plezi mwen; yo se  
konseye mwen.

DALETH

25 Nanm mwen kole rès nan pousyè a;  
Fè m leve selon pawòl Ou.

26 Mwen te pale sou chemen mwen yo e  
Ou te reponn mwen;

✧ Enstwi mwen nan règleman Ou yo.

27 Fè m konprann chemen òdonans Ou yo,

Pou m kab reflechi tout tan sou mèvèy Ou yo.

28 ✨Nanm mwen ap kriye akòz doule;

Ban m fòs selon pawòl Ou a.

29 Retire sou mwen fo chemen an e ban mwen gras nan lalwa Ou a.

30 Mwen te chwazi chemen fidèl Ou a; Mwen te mete òdonans Ou yo devan m.

31 Mwen ✨kole rèd de temwayaj Ou yo;

O SENYÈ, pa fè m wont.

32 Mwen va kouri nan vwa kòmandman Ou yo, Paske Ou va fè kè m vin grandi.

HE

33 Enstwi mwen, O SENYÈ, chemen règleman Ou yo e mwen va obsève li jiska lafen.

34 Ban mwen bon konprann, pou m kab obsève lalwa Ou e kenbe li ak tout kè m.

35 Fè m mache nan pa kòmandman Ou yo, Paske sa fè kè m kontan.

36 Enkline kè m a temwayaj Ou yo e pa nan ranmase richès malonèt.

37 Vire zye m pou yo pa gade vanite e Fè m reprann mwen nan chemen Ou yo.

38 ✨Etabli pawòl Ou a Sèvitè Ou a, Kon sila ki gen lakrent Ou.

39 Detounen lwen m repwòch Ou ke mwen krent anpil, paske òdonans Ou yo bon.

40 Gade byen, mwen gen anpil anv pou òdonans Ou yo; Fè m remonte nan ladwati Ou.

VAV

41 Anplis, ke lanmou dous Ou a kapab rive kote mwen, O SENYÈ, sali Ou a selon pawòl Ou;

42 Pou m kab genyen yon repons pou sila ki repwoche m nan, Paske mwen mete konfyans mwen nan pawòl Ou.

43 Epi pa retire pawòl verite a pou l ta kite bouch mwen nèt, Paske se òdonans Ou yo ke m ap tann.

44 Konsa, mwen va kenbe lalwa Ou tout tan nèt, Pou tout tan e pou tout tan.

45 Epi mwen va ✨mache nan libète, paske Se òdonans Ou ke m chache.

46 Anplis, mwen va pale sou temwayaj Ou yo

✨Devan wa yo e mwen p ap wont,

47 Mwen va pran plezi nan kòmandman Ou yo, Ke mwen tèlman renmen.

48 Epi mwen va leve men m a kòmandman Ou yo Ke m tèlman renmen;

Epi mwen va reflechi tout tan sou règleman Ou yo.

ZAYIN

49 Sonje pawòl a sèvitè Ou a, nan sila Ou te fè m vin gen espwa a.

- 50 Se sa ki ban m rekonfò nan mizè mwen an,  
Ki se pawòl Ou ki fè m rekouvri fòs.
- 51 Moun awogan yo meprize m nèt,  
Malgre mwen pa ✧vire kite lalwa Ou.
- 52 Mwen te sonje òdonans Ou yo depi nan tan ansyen,  
O SENYÈ, e rekonfòte mwen.
- 53 Endiyasyon chalè gen tan pran m akoz mechan yo,  
Ki ✧abandone lalwa Ou.
- 54 Règleman Ou yo se chanson mwen  
Nan kay kote m se ✧vwayajè a.
- 55 O SENYÈ, Mwen sonje non Ou nan lannwit e  
mwen kenbe lalwa Ou.
- 56 Se sa ki vin pa m, ke mwen obsève  
tout òdonans Ou yo.
- HETH
- 57 Se SENYÈ a ki pòsyon mwen; mwen te fè  
pwomès pou ✧kenbe pawòl Ou yo.
- 58 Mwen te ✧chache favè Ou ak tout kè m;  
Fè m gras selon pawòl Ou.
- 59 Mwen te ✧konsidere chemen mwen yo e  
te vire pye m vè temwayaj Ou yo.
- 60 Mwen te fè vit e mwen pa t fè reta pou obeyi  
kòmandman Ou yo.
- 61 ✧Kòd a mechan yo te antoure m,  
Men mwen pa t bliye lalwa Ou.
- 62 A minwi, mwen va leve bay Ou remèsiman,  
Akoz òdonans dwat Ou yo.
- 63 Mwen se zanmi parèy a tout sila ki  
gen lakrent Ou yo ak  
sila ki swiv règleman Ou yo.
- 64 Latè ranpli ak lanmou dous Ou a, O SENYÈ;  
Enstwi m règleman Ou yo.
- TETH
- 65 Ou te aji ak sèvitè Ou a, O SENYÈ, selon  
pawòl Ou.
- 66 Enstwi mwen pou m ✧sèvi bon jijman ak konesans,  
Paske mwen kwè nan kòmandman Ou yo.
- 67 Avan mwen te aflije, mwen te mache nan wout egare;  
Men koulye a, mwen swiv pawòl Ou.
- 68 Ou bon e Ou ✧fè sa ki bon; enstwi mwen nan  
règleman Ou yo.
- 69 Awogan yo te fòje yon manti kont mwen;  
Avèk tout kè m, mwen va obsève tout  
òdonans Ou yo.
- 70 Kè yo ✧kouvri ak grès, men mwen  
pran plezi nan lalwa Ou.
- 71 Li bon pou mwen ke m te aflije,  
Pou m te kab aprann règleman Ou yo.
- 72 Lalwa bouch Ou pi bon pou mwen,

✧ 119:51 Job 23:11 ✧ 119:53 Sòm 89:30 ✧ 119:54 Jen 47:9 ✧ 119:57 Det 33:9 ✧ 119:58  
I Wa 13:6 ✧ 119:59 Mc 14:72 ✧ 119:61 Job 36:8 ✧ 119:66 Phm 1:9 ✧ 119:68 Det 8:16  
✧ 119:70 Det 32:15

pase pyès lò ak ajan pa milye.

YODH

<sup>73</sup> Men Ou te fè m e te fòme mwen;  
Ban m bon konprann pou m kab aprann kòmandman  
Ou yo.

<sup>74</sup> Ke sila ki krent Ou yo kapab wè m  
E fè kè kontan.  
Paske mwen ap tann pawòl Ou yo.

<sup>75</sup> Mwen konnen, O SENYÈ, ke jijman Ou  
yo dwat e nan ✨fidelite, Ou te aflije mwen.

<sup>76</sup> O ke lanmou dous Ou a kapab konsole mwen,  
Selon pawòl Ou a sèvitè Ou a.

<sup>77</sup> Ke mizerikòd Ou kapab rive kote mwen,  
pou m kab viv,  
Paske lalwa Ou se plezi mwen.

<sup>78</sup> Ke ✨awogan yo kapab vin wont, paske  
yo desann mwen, ranvèse mwen ak yon manti;  
Men mwen va reflechi tout tan sou  
òdonans Ou yo.

<sup>79</sup> Ke sila ki krent Ou yo kapab vire kote mwen,  
Menm sila ki bay temwayaj Ou yo.

<sup>80</sup> Ke kè m kapab san tò nan règleman Ou yo,  
Pou m pa vin wont.

KAPH

<sup>81</sup> Nanm mwen fè gwo anvi pou sali Ou;  
Se pawòl Ou m ap tann.

<sup>82</sup> Zye m vin bese ak anvi pawòl Ou,  
pandan m ap di: “Kilè W ap vin  
konsole mwen?”

<sup>83</sup> Sepandan, mwen vin tankou yon vye  
kwi diven k ap pran lafimen,  
Mwen pa bliye règleman Ou yo.

<sup>84</sup> Konbyen jou sèvitè Ou yo ye?  
Se kilè Ou va ✨pase jijman sou sila ki  
pèsekite mwen yo?

<sup>85</sup> Awogan yo fin fouye fòs yo pou mwen,  
Sila ki pa an akò ak lalwa Ou yo.

<sup>86</sup> Tout kòmandman Ou yo fidèl;  
Se ak manti yo te pèsekite mwen;  
Fè m sekou!

<sup>87</sup> Yo te preske fin detwi m sou latè,  
Men pou mwen, mwen ✨pa t kite  
òdonans Ou yo.

<sup>88</sup> Fe m reprann mwen selon lanmou dous Ou a,  
Pou m kab kenbe temwayaj a bouch Ou yo.

LAMEDH

<sup>89</sup> Jis pou tout tan, O SENYÈ, pawòl Ou fin  
etabli nan syèl la.

<sup>90</sup> Fidelite Ou pandan tout jenerasyon yo;  
Ou te etabli tè a e li vin kanpe nèt.

- 91 Yo kanpe nan jou sa a selon ✨lòd Ou.  
Paske tout bagay se sèvitè Ou.
- 92 Si lalwa Ou pa t plezi mwen,  
Mwen t ap gen tan peri nan mizè mwen an.
- 93 Mwen p ap janm bliye òdonans Ou yo,  
Paske se avèk yo menm ke Ou fè m reprann fòs.
- 94 Se pa W mwen ye: fè m sekou!  
Paske mwen te chache òdonans Ou yo.
- 95 Mechan yo ap tann mwen pou detwi m;  
Se ak dilijans ke mwen konsidere temwayaj  
Ou yo.
- 96 Mwen gen tan fin wè lizyè a tout sila ki  
Pafè yo;  
Kòmandman Ou an vrèman vast.
- MEM
- 97 O! A la mwen renmen lalwa Ou a!  
Se sou li ke m ✨reflechi tout lajounen.
- 98 ✨Kòmandman Ou yo fè m pi saj pase ènmi m yo,  
Paske yo toujou pou mwen.
- 99 Mwen vin gen plis konprann pase tout pwofesè  
mwen yo,  
Paske temwayaj Ou yo se meditasyon mwen.
- 100 Mwen gen konprann plis pase granmoun yo,  
Akoz mwen te swiv òdonans Ou yo.
- 101 Mwen te ✨anpeche pye m antre nan tout  
wout ki gen mechanste,  
Pou m te kab kenbe pawòl Ou.
- 102 Mwen pa t ✨vire kite règleman Ou yo,  
Paske se Ou menm ki te enstwi m.
- 103 A la pawòl Ou yo dous nan gou mwen!  
Wi, pi dous pase siwo myèl nan bouch mwen!
- 104 Soti nan òdonans Ou yo, mwen jwenn bon konprann;  
Pou sa, mwen rayi tout fo chemen yo.
- NUN
- 105 Pawòl Ou se yon lanp pou pye m, e  
Yon limyè nan pa pye mwen.
- 106 Mwen te sèmante e mwen va konfime sa,  
Ke m va kenbe òdonans Ou yo.
- 107 Mwen vin aflije anpil, anpil; fè m reprann fòs mwen,  
O SENYÈ, selon pawòl Ou.
- 108 O akseptè ✨ofrann bòn volonte a bouch mwen an,  
O SENYÈ! e  
enstwi mwen nan òdonans Ou yo.
- 109 ✨Lavi m tout tan nan men m;  
Malgre, mwen pa bliye lalwa Ou a.
- 110 Mechan yo te poze yon pèlen pou mwen,  
Malgre, mwen pa t varye soti nan òdonans Ou yo.
- 111 Mwen te ✨eritye temwayaj Ou yo pou tout tan,  
Paske se yo ki lajwa kè m.
- 112 Mwen te encline kè m pou fè règleman Ou yo

jis pou tout tan, jiska lafen.

**SAMEKH**

113 Mwen rayi moun ki ✨gen de fas, men mwen renmen lalwa Ou a.

114 Ou se kote a pou m kache a

Ak ✨boukliye mwen; Mwen ap tann pawòl Ou.

115 Kite mwen, malfektè, pou m kab swiv

Kòmandman a Bondye mwen yo.

116 Soutni mwen selon pawòl Ou, pou m kab viv;

Epi pa kite mwen vin wont nan espwa mwen.

117 Kenbe mwen pou m kab jwenn sekou, pou m gen konsiderasyon pou règleman Ou yo tout tan.

118 Ou te rejte tout sila ki te egare

kite règleman Ou yo,

Paske sediksyon yo a pa reyisi.

119 Ou te fè tout mechan sou latè yo disparèt

tankou ✨kim inital;

Pou sa, mwen renmen temwayaj Ou yo.

120 Chè m ap tranble akoz lakrent Ou menm, e

mwen gen laperèz jijman Ou yo.

**AYIN**

121 Mwen te ✨fè sa ki jis e dwat;

Pa kite mwen nan men opresè mwen yo.

122 Aji kon ✨garanti pou bonte a sèvitè Ou a;

Pa kite awogan yo oprime mwen.

123 Zye m va vin bese ak anvi pou delivrans Ou,

Avèk pawòl ladwati Ou.

124 Aji avèk sèvitè Ou ✨selon lanmou dous Ou a e enstwi mwen règleman Ou yo.

125 Mwen se sèvitè Ou; fè m konprann pou m konnen temwayaj Ou yo.

126 Se lè pou SENYÈ a ✨aji, paske yo te vyole

lalwa Ou a.

127 Pou sa, mwen renmen kòmandman Ou yo,

Plis pase lò, wi plis pase lò fen.

128 Pou sa, mwen konsidere byen tout

òdonans Ou yo konsènan tout bagay;

Mwen rayi tout sa ki fo.

**PE**

129 Temwayaj Ou yo mèvèye; akoz sa, nanm mwen toujou swiv yo.

130 Deplwaman pawòl ✨Ou bay limyè;

Li bay bon konprann a sila ki senp yo.

131 Mwen te louvri bouch mwen byen laj e

te rale souf mwen byen vit.

Paske mwen te gen anvi pou kòmandman

Ou yo.

132 Vire kote mwen e fè m gras, menm jan ke

Ou konn fè ak sila ki renmen non Ou yo.

133 Byen etabli tout pa mwen yo nan pawòl Ou e

✨ **119:113** I Wa 18:21 ✨ **119:114** Sòm 84:9 ✨ **119:119** És 1:22-25 ✨ **119:121** II Sam 8:15

✨ **119:122** Job 17:3 ✨ **119:124** Sòm 51:1 ✨ **119:126** Jr 18:23 ✨ **119:130** Pwov 6:23

pa kite inikite vin domine sou mwen.

134 Rachte mwen anba opresyon a lòm,

Pou m kab kenbe òdonans Ou yo.

135 ✧Fè figi Ou klere sou sèvitè Ou a e enstwi mwen nan règleman Ou yo.

136 Se ✧rivyè dlo menm ki koule sòti nan zye m, Akoz yo menm ki pa kenbe lalwa Ou a.

TZADHE

137 Ou✧dwat, O SENYÈ e jis se jijman Ou yo.

138 Ou te kòmande tout temwayaj Ou yo ak ladwati ak anpil fidelite.

139 Zèl mwen fin manje m nèt, akoz advèsè mwen yo te bliye pawòl Ou yo.

140 Pawòl Ou san tach; akoz sa, sèvitè Ou a renmen li anpil.

141 Mwen vin piti e meprize; sepandan, mwen pa janm bliye òdonans Ou yo.

142 Ladwati Ou se yon dwati ki jis pou tout tan e lalwa Ou se verite.

QOPH

143 Twoub ak doule gen tan rive sou mwen, Malgre kòmandman Ou yo se plezi mwen.

144 Temwayaj Ou yo dwat jis pou tout tan; Ban mwen bon konprann pou m kab viv.

Qoph.

145 Mwen te kriye ak tout kè mwen; reponn mwen, O SENYÈ,

Mwen va swiv tout règleman Ou yo.

146 Mwen te kriye a Ou menm; “Sove mwen e mwen va kenbe tout temwayaj Ou yo.

147 Mwen leve avan solèy leve pou kriye pou sekou; Mwen ap tann pawòl Ou yo.

148 Zye m anvi tann lannwit rive, pou m kab reflechi san rete sou pawòl Ou.

149 Tande vwa m selon lanmou dous Ou a; fè m reprann fòs mwen, O SENYÈ, selon règleman Ou yo.

150 Sila ki swiv mechanste yo vin apwoche; yo lwen lalwa Ou a.

151 Ou toupren a, O SENYÈ e tout kòmandman Ou yo se verite.

152 Depi nan tan ansyen yo, mwen te ✧konnen de temwayaj ke Ou te etabli jis pou tout tan yo.

RESH

153 ✧Gade sou aflikasyon mwen an e rachte mwen, Paske mwen pa bliye lalwa Ou a.

154 ✧Plede kòz mwen e rachte mwen; fè m reprann fòs mwen selon pawòl Ou.

155 Sali a ✧lwen mechan yo, paske yo pa chache règleman pa W yo.

✧ 119:135 Nonb 6:25 ✧ 119:136 Jr 9:1-18 ✧ 119:137 Esd 9:15 ✧ 119:152 Sòm 119:125

✧ 119:153 Lam 5:1 ✧ 119:154 I Sam 24:15 ✧ 119:155 Job 5:4



156 ✧ Gran se mizerikòd Ou yo, O SENYÈ;  
 Fè m reprann fòs mwen selon òdonans Ou yo.  
 157 Anpil se pèsekite mwen yo, ak advèsè mwen yo,  
 Malgre mwen pa vire kite temwayaj Ou yo.  
 158 Mwen gade ✧moun trèt yo e mwen rayi yo nèt,  
 Akoz yo pa kenbe pawòl Ou.  
 159 Konsidere jan mwen renmen òdonans Ou yo;  
 Fè m reprann fòs, O SENYÈ, selon lanmou  
 dous Ou a.  
 160 Fòs Kantite tout pawòl Ou yo se verite, e  
 tout règleman dwat Ou yo la jis pou tout tan.  
 SIN AK SHIN  
 161 ✧Prens yo pèsekite mwen san koz, men kè m kanpe  
 enpresyonan devan pawòl Ou yo.  
 162 Mwen rejwi nan pawòl Ou kon yon moun ki ✧jwenn  
 gwo piyaj.  
 163 Mwen rayi tankou bagay abominab, tout  
 sa ki fo,  
 Men lalwa Ou a, mwen renmen l nèt.  
 164 Sèt fwa pa jou mwen louwe Ou, akoz  
 òdonans dwat Ou yo.  
 165 Sila ki renmen lalwa Ou yo gen gwo lapè, e  
 pa gen anyen pou ta fè yo chite.  
 166 Mwen espere ✧gen Sali Ou, O SENYÈ, e  
 fè kòmandman Ou yo.  
 167 Nanm mwen kenbe temwayaj Ou yo,  
 Mwen renmen yo anpil anpil.  
 168 Mwen kenbe òdonans Ou yo avèk temwayaj Ou yo,  
 Paske se ✧tout chemen mwen yo ki devan Ou.  
 TAV  
 169 Kite kri mwen vini devan Ou, O SENYÈ;  
 Ban mwen konesans selon pawòl Ou.  
 170 Kite siplikasyon mwen yo parèt devan Ou;  
 ✧Delivre mwen selon pawòl Ou.  
 171 Kite lèv mwen eksprime lwanj,  
 Paske Ou enstwi mwen règleman Ou yo.  
 172 Kite lang mwen chante bagay pawòl Ou,  
 Paske tout kòmandman Ou yo dwat.  
 173 Lese men Ou parèt pou fè m sekou,  
 Paske mwen te ✧chwazi òdonans Ou yo.  
 174 Mwen anvi wè delivrans Ou, O SENYÈ, e  
 lalwa Ou se gran plezi mwen.  
 175 Kite ✧nanm mwen viv pou l kapab louwe Ou, e  
 kite òdonans Ou yo ban m sekou.  
 176 Mwen te ✧vin egare tankou yon mouton pèdi;  
 Chache jwenn sèvitè Ou a, paske mwen pa bliye  
 kòmandman Ou yo.

✧ 119:156 II Sam 24:14 ✧ 119:158 És 21:2 ✧ 119:161 I Sam 24:11 ✧ 119:162 I Sam  
 30:16 ✧ 119:166 Jen 49:18 ✧ 119:168 Job 24:23 ✧ 119:170 Sòm 22:20 ✧ 119:173 Jos 24:22  
 ✧ 119:175 És 55:3 ✧ 119:176 És 53:6

**120**

Yon chanson pou monte vè tanp lan

1 ✧Nan gran twoub mwen an, mwen te kriye a SENYÈ a, e  
Li te reponn mwen.

2 Delivre nanm mwen, O SENYÈ, de lè v k ap bay desepsyon,  
de lang ki plen manti yo.

3 Kisa pou W ta resevwa e kisa pou m ta fè ou,  
O ✧lang mansonjè?

4 Flèch pwent file a gèrye yo, avèk chabon  
pye gayak tou limen

5 Malè a mwen, paske mwen demere nan tant  
a ✧Méschec,

Paske mwen rete pami tant a Kédar yo!

6 Nanm mwen gen demè li avèk sila ki

✧rayi lapè yo pandan twòp tan.

7 Mwen ✧vle lapè, men lè m pale, se lagè yo pito.

**121**

Yon Sòm pou monte vè tanp lan

Mwen leve zye m vè ✧mòn yo; se kibò sekou  
mwen va sòti?

1 Sekou mwen sòti nan SENYÈ a  
Yon Sòm pou monte vè tanp lan

Mwen leve zye m vè ✧mòn yo; se kibò sekou  
mwen va sòti?

2 Sekou m sòti nan SENYÈ a, ki ✧te fè syèl la  
ak tè a.

3 Li ✧p ap kite pye ou chape; Sila ki kenbe ou a  
p ap kabicha, ni dòmi.

4 Gade byen, Sila ki kenbe Israèl p ap kabicha,  
ni Li p ap dòmi.

5 SENYÈ a se ✧gadyen ou; SENYÈ a se  
lonbraj a men dwat ou.

6 ✧Solèy p ap frape ou lajounen, ni lalin  
pandan lannwit.

7 SENYÈ a va pwoteje ou de tout mal; Li va  
kenbe nanm ou.

8 Li va ✧pwoteje ou lè ou sòti ak lè ou antre, soti nan  
moman sa a e jis rive pou tout tan.

**122**

Yon Sòm pou monte vè tanp lan. Yon Sòm David.

1 Mwen te kontan lè yo te di mwen:

“Annou ✧ale lakay SENYÈ a.”

2 Pye nou kanpe anndan pòtay ou yo,  
O Jérusalem,

3 Jérusalem, ki bati kon yon vil ki ✨kole dyanm ansanm;  
 4 Sou sila, tribi yo konn ✨monte, menm tribi  
 a SENYÈ yo——Yon òdonans pou Israèl——pou  
 Bay remèsiman a non SENYÈ a.  
 5 Paske la, ✨twòn yo te plase pou jijman, twòn  
 lakay David yo.  
 6 Priye pou lapè Jérusalem: ke sila ki renmen ou yo  
 ✨pwospere.  
 7 Ke lapè kapab anndan miray ou yo e pwosperite  
 nan ✨palè ou yo.  
 8 Pou koz a frè m yo ak zanmi mwen yo, m ap di koulye a:  
 ✨“Ke lapè anndan ou”.  
 9 ✨Pou koz a kay SENYÈ a, Bondye nou an,  
 mwen va chache byen ou.

## 123

Yon chan pou monte vè tanp lan.  
 1 A Ou menm, mwen leve zye mwen;  
 O Ou menm ✨ki chita sou  
 Twòn Ou nan syèl la!  
 2 Men gade, jan zye a ✨sèvitè yo rete sou  
 men a mèt yo,  
 Jan zye a yon sèvant sou men mètrès li,  
 Se konsa, zye nou ye vè SENYÈ a,  
 Bondye nou an, jiskaskè li fè nou gras.  
 3 Bannou gras, O SENYÈ, bannou gras,  
 Paske nou ranpli ✨ak mepriz.  
 4 Nanm nou ranpli ak ✨ensilt a sila ki alèz yo,  
 Avèk mepriz a sila ki plen ògèy yo.

## 124

Yon Sòm pou monte vè tanp lan. Yon Sòm David.  
 1 ✨Si se pa t SENYÈ a ki te pou nou,” Kite Israèl  
 di koulye a,  
 2 “Si se pa t SENYÈ a ki te pou nou, lè lezòm te  
 leve kont nou yo,  
 3 Alò, yo t ap gen tan fin ✨vale nou tou vivan, lè kòlè  
 yo te limen kont nou an;  
 4 Nan lè sa a, ✨dlo yo t ap fin anglouti nou nèt; kouran dlo yo ta  
 fin pase sou nanm nou;  
 5 Nan lè sa a, ✨dlo anraje yo t ap fin pase sou  
 nanm nou.  
 6 Beni se SENYÈ a, ki pa t livre nou pou ✨chire  
 nan dan yo.  
 7 Nanm nou gen tan fin chapetankou yon zwazo  
 Ki sòti nan ✨pèlen a sila k ap fè lachas yo;  
 Pèlen an fin kase e nou chape.

✨ 122:3 II Sam 5:9 ✨ 122:4 Egz 23:17 ✨ 122:5 Det 17:8 ✨ 122:6 Sòm 102:14 ✨ 122:7  
 Sòm 48:3-13 ✨ 122:8 I Sam 25:6 ✨ 122:9 Né 2:10 ✨ 123:1 Sòm 2:4 ✨ 123:2 Pwov 27:18  
 ✨ 123:3 Né 4:4 ✨ 123:4 Né 2:19 ✨ 124:1 Sòm 94:17 ✨ 124:3 Nonb 16:30 ✨ 124:4 Job  
 22:11 ✨ 124:5 Job 38:11 ✨ 124:6 Sòm 27:2 ✨ 124:7 Sòm 91:3

8 Sekou nou se nan non SENYÈ a, ki te  
 ✧fè syèl la ak tè a.

## 125

Yon chan pou monte vè tanp lan.

1 Sila ki mete konfyans yo nan SENYÈ a tankou  
 Mòn Sion, ki pa kab deplase, men ki dire jis pou tout tan.

2 Kon mòn antoure Jérusalem yo, se konsa ✧SENYÈ a  
 antoure pèp Li a, depi moman sa a,  
 e jis rive pou tout tan.

3 Paske baton wayal plen mechanste p ap poze sou  
 peyi a moun ladwati yo,  
 Jis pou moun dwat yo pa pwopoze men yo pou fè mal.

4 Fè byen, SENYÈ, a sila ki bon yo ak sila ki  
 ✧dwat nan kè yo.

5 Men pou sila ki vire akote pou ✧chemen  
 Kwochi pa yo, SENYÈ a va mennen yo sòti avèk  
 sila ki fè inikite yo.  
 Ke lapè rete sou Israël.

## 126

Yon chan pou monte vè tanp lan

1 Lè SENYÈ a te fè mennen tounen kaptif Sion yo,  
 Nou te ✧tankou sila ki fè rèv yo.

2 Nan lè sa a, bouch nou te plen ak ri lajwa e  
 lang nou avèk kri lajwa;  
 Epi yo te di pami nasyon yo:

“SENYÈ a ✧te fè gwo bagay pou yo.”

3 “SENYÈ a te fè gwo bagay yo pou nou;  
 Nou ✧kontan.

4 Fè retounen kaptif nou yo, O SENYÈ,  
 Kon ✧rivyè nan sid yo.

5 Sila ki simen ak dlo nan zye yo  
 Va rekòlte avèk ✧gwo kri lajwa.

6 Sila ki fè ale retou ap kriye a, nan pote  
 makout semans lan,  
 Anverite, va retounen ankò ak kri lajwa e  
 pote pakèt rekòlt li yo avè l.

## 127

Yon chan pou monte vè tanp lan. Yon chan Salomon.

1 Amwenske se SENYÈ a ki bati kay la, sila ki bati li yo,  
 travay anven;

Amwenske SENYÈ a ✧veye pòtay la, gadyen an  
 rete zye louvri anven.

2 Se an ven pou ou leve bonè e ale  
 dòmi ta,

Pou ✧manje pen a travay di yo;

Paske Li va bay li a moun byeneme Li a,  
menm nan dòmi.

<sup>3</sup> Veye byen, pitit se yon don SENYÈ a,  
✧Fwi a vant yo se yon rekonpans.

<sup>4</sup> Tankou flèch nan men a yon ✧gèrye,  
Se konsa pitit a jèn yo ye.

<sup>5</sup> A la ✧beni se nonm ke veso l plen ak yo a  
Yo p ap wont lè yo pale ak lènmi yo  
nan pôtay la.

## 128

Yon chan pou monte vè tanp lan.

<sup>1</sup> Beni se tout moun ki krent SENYÈ a  
Yon chan pou monte vè tanp lan

✧A la beni se tout sila ki gen lakrent SENYÈ yo,  
ki mache nan chemen Li yo.

<sup>2</sup> Lè ou manje nan ✧fwi a men ou yo, ou va  
Kontan e sa va ale byen pou ou.

<sup>3</sup> Madanm ou ap tankou yon ✧chan rezen ki  
bay anpil rezen lakay ou,  
Pitit ou yo va tankou plan bwa doliv ki  
antoure tab ou.

<sup>4</sup> Gade byen, paske se konsa nonm  
ki krent SENYÈ a va beni.

<sup>5</sup> ✧Ke SENYÈ a beni ou depi nan Sion, e  
Fè ou wè pwosperite Jérusalem nan  
pandan tout jou lavi ou yo!

<sup>6</sup> Anverite, pou ou ta wè ✧pitit a pitit ou yo!  
Ke lapè rete sou Israël!

## 129

Yon chan pou monte vè tanp lan.

<sup>1</sup> “Anpil fwa, yo te pèsekite mwen soti nan ✧jenès mwen,  
jiskaske m vin gran,”

Kite Israël di koulye a:

<sup>2</sup> “Anpil fwa, yo te pèsekite mwen soti nan jenès mwen;  
sepandan, yo pa janm reyisi kont mwen.

<sup>3</sup> Labourè yo te laboure chan yo sou do m; yo fè tranch tè yo  
vin pi long.”

<sup>4</sup> SENYÈ a dwat; kòd a mechan yo, Li te  
Koupe yo fè bout.

<sup>5</sup> Ke tout sila ki ✧rayi Sion yo vin wont e  
Retounen dèyè.

<sup>6</sup> Kite yo vin tankou ✧zèb sou kay la, zèb ki fennen  
avan li grandi;

<sup>7</sup> Avèk sila moun rekòlt la p ap kapab plen men l,  
oubyen sila ki mare pote pake a, pa p ka plen lestomak li.

<sup>8</sup> Ni sila ki pase yo, p ap di: “Ke ✧benediksyon SENYÈ a

✧ 127:3 Det 7:13 ✧ 127:4 Sòm 112:2 ✧ 127:5 Sòm 128:2-3 ✧ 128:1 Sòm 112:1 ✧ 128:2  
Sòm 109:11 ✧ 128:3 Éz 19:10 ✧ 128:5 Sòm 134:3 ✧ 128:6 Jen 48:11 ✧ 129:1 És 47:12  
✧ 129:5 Mi 4:11 ✧ 129:6 II Wa 19:26 ✧ 129:8 Rt 2:4

rete avèk ou; nou beni ou nan non SENYÈ a.”

## 130

Yon chan pou monte vè tanp lan.

<sup>1</sup> Soti nan ✧pwofondè abim nan, mwen te kriye a

Ou menm, O SENYÈ.

<sup>2</sup> SENYÈ, koute vwa mwen! Kite zòrèy Ou

rete atantif a vwa a siplikasyon mwen yo

<sup>3</sup> Si Ou menm, SENYÈ, ta sonje inikite yo, O SENYÈ,  
se kilès ki ta kab ✧kanpe?

<sup>4</sup> Men avèk Ou menm, gen padon, pou moun ta gen  
reverans Ou.

<sup>5</sup> Mwen tann SENYÈ a, nanm mwen ap tann e  
nan pawòl Li, mwen mete espwa m.

<sup>6</sup> Nanm mwen ap tann SENYÈ a plis pase  
gadyen k ap tann maten rive a;

Anverite, plis pase gadyen k ap tann  
Maten rive a.

<sup>7</sup> O Israèl, mete espwa nan SENYÈ a;

Paske kote SENYÈ a ye, gen mizerikòd e  
avèk Li, gen redanmsyon an ✧abondans.

<sup>8</sup> Epi Li va fè ✧redanmsyon Israèl de tout  
inikite Li yo.

## 131

Yon chan pou monte vè tanp lan.

<sup>1</sup> O SENYÈ, kè m pa ògeye, ni zye m pa ✧gen awogans;

Ni m pa fouye kò m nan gwo zafè, ni nan sa  
ki twò wo pou mwen.

<sup>2</sup> Anverite, mwen te fin ranje e kalme nanm mwen;  
Menm jan ke yon ✧pitit poze sou manman l, anndan m,  
Nanm mwen tankou yon pitit ki sevre.

<sup>3</sup> O Israèl, ✧mete espwa nan SENYÈ a depi  
koulye a e jis rive pou tout tan.

## 132

Yon chan pou monte vè tanp lan.

<sup>1</sup> Sonje, SENYÈ, pou koz David, ✧tout soufrans li an;

<sup>2</sup> Jan li te sèmante a SENYÈ a e te fè ve a  
Toupwisan a Jacob la,

<sup>3</sup> Anverite, mwen p ap antre ✧lakay mwen,  
Ni kouche sou kabann mwen;

<sup>4</sup> Mwen p ap ✧kite zye m dòmi,  
Ni pòpyè zye m fèmen,

<sup>5</sup> Jiskaske m jwenn yon ✧kote pou SENYÈ a,  
Yon abitasyon pou Toupwisan a Jacob la.

<sup>6</sup> Men koute, nou te tandè koze sa a nan  
✧Éphrata,

✧ 130:1 Sòm 42:7 ✧ 130:3 Sòm 76:7 ✧ 130:7 Sòm 111:9 ✧ 130:8 Sòm 103:3-4 ✧ 131:1  
Pwov 30:13 ✧ 131:2 Mat 18:3 ✧ 131:3 Sòm 130:7 ✧ 132:1 Jen 49:24 ✧ 132:3 Job 21:28  
✧ 132:4 Pwov 6:4 ✧ 132:5 I Wa 8:17 ✧ 132:6 Jen 35:19

Nou te twouve l nan plèn Jaar a.

<sup>7</sup> Annou antre nan abitasyon Li a;  
Annou fè adorasyon kote machpye  
twòn Li an ye a.

<sup>8</sup> Leve, O SENYÈ, vini nan plas repo Ou a,  
Ou menm avèk lach

<sup>9</sup> Kite prèt Ou yo ✨abiye nan ladwati, e  
kite fidèl Ou yo chante ak lajwa. <sup>10</sup> Pou koz David, sèvitè Ou a, pa vire fas  
kont ✨onksyone Ou a.

<sup>11</sup> SENYÈ a te sèmante a David yon verite.

Sou sila Li p ap fè bak:

“Nan fwi a kò Ou, mwen va etabli sou twòn Ou.

<sup>12</sup> Si fis ou yo kenbe akò Mwen ak  
temwayaj ke Mwen va enstwi yo,  
Fis pa yo tou va ✨chita sou twòn Ou an  
jis pou tout tan.

<sup>13</sup> Paske SENYÈ a te ✨chwazi Sion;  
Li te vle l pou abitasyon Li.

<sup>14</sup> “Sa se ✨plas repo Mwen, jis pou tout tan;  
Isit la, Mwen va rete, paske Mwen te  
vle sa.

<sup>15</sup> Mwen va beni pwovizyon li ak abondans;  
Mwen va satisfè malere li yo ak pen.

<sup>16</sup> Anplis, Mwen va abiye ✨prèt li yo ak Sali, e  
fidèl li yo va chante byen fò ak lajwa.

<sup>17</sup> La Mwen va koze kòn a David la  
Boujonen pou l parèt;  
Mwen te prepare yon ✨lanp pou onksyone pa M nan.

<sup>18</sup> Lènmi li yo, Mwen va abiye yo ak wont;  
Men sou li menm, ✨kouwòn li an va briye.”

## 133

Yon chan pou monte vè tanp land.

<sup>1</sup> Gade byen, a la bon e agreyab pou ✨frè yo  
viv ak tèt ansanm!

<sup>2</sup> Se tankou ✨lwil presye ki koule sou tèt,  
Vin desann jis sou bab, menm bab Aaron,  
Vin desann rive sou kote vètman li.

<sup>3</sup> Se tankou lawouze Mòn Hermon  
Ki vin desann sou mòn Sion nan;  
Paske la, SENYÈ a te kòmande  
benediksyon an——✨lavi jis pou tout tan.

## 134

Yon chan pou monte vè tanp lan.

<sup>1</sup> Gade byen! ✨Beni SENYÈ a, tout sèvitè SENYÈ yo,  
Ki sèvi pandan lannwit lakay SENYÈ a!

<sup>2</sup> ✨Leve men nou vè sanktiye a e beni SENYÈ a.

✨ **132:9** Jen 35:19 ✨ **132:10** Sòm 2:2 ✨ **132:12** Luc 1:32 ✨ **132:13** Sòm 48:1-2 ✨ **132:14**  
Sòm 132:8 ✨ **132:16** II Kwo 6:41 ✨ **132:17** I Wa 11:36 ✨ **132:18** Sòm 21:3 ✨ **133:1** Jen 13:8  
✨ **133:2** Egz 29:7 ✨ **133:3** Sòm 21:4 ✨ **134:1** Sòm 103:21 ✨ **134:2** Sòm 28:2

3 Ke SENYÈ a ✧beni ou soti nan Sion,  
Sila ki te fè syèl la avèk tè a.

## 135

1 ✧Beni SENYÈ a! Beni non SENYÈ a;  
Beni, O sèvitè a SENYÈ yo,  
2 Nou menm ki kanpe lakay SENYÈ a,  
Nan ✧lakou lakay SENYÈ nou an!  
3 Beni SENYÈ a, paske ✧SENYÈ a bon;  
Chante lwanj a non Li, paske li bèl.  
4 Paske SENYÈ a te chwazi Jacob pou  
Li menm,  
Israël pou pwòp ✧posesyon pa Li.  
5 Paske mwen konnen ke SENYÈ a gran e  
ke SENYÈ nou an ✧pi wo ke tout dye yo.  
6 ✧Nenpòt sa ke SENYÈ a vle, Li fè l,  
Nan syèl la oswa sou tè a,  
Nan lanmè yo ak nan tout fon yo.  
7 Li fè vapè monte soti nan tout pwent  
tè yo;  
Ki ✧fè rive loray pou lapli yo, ki fè van vin parèt  
sòti nan trezò Li yo.  
8 Li te ✧frape premye ne Égypte yo, ni lòm, ni bèt.  
9 Li te voye ✧sign ak mèvèy nan mitan nou,  
O Égypte, sou Farawon avèk tout sèvitè Li yo.  
10 Li te ✧frape anpil nasyon e te detwi wa  
pwisan yo,  
11 Sihon, wa Amoreyen yo, Og, wa Basan ak  
tout wayòm a Canaan yo;  
12 Epi Li te ✧bay yo peyi yo kon eritaj,  
Yon eritaj a Israël, pèp Li a.  
13 ✧Non Ou, O SENYÈ, dire jis pou tout tan,  
Memwa Ou, O SENYÈ, pou tout jenerasyon yo.  
14 Paske SENYÈ a va ✧jije pèp Li a, e  
va gen konpasyon pou sèvitè Li yo.  
15 ✧Zidòl a nasyon yo pa anyen sof ke ajan  
ak lò, zèv a men a lòm.  
16 Yo gen bouch, men yo pa pale; yo gen zye,  
men yo pa wè;  
17 Yo gen zòrèy, men yo pa tande, ni nanpwen  
Souf nan bouch yo.  
18 Sila ki fè yo va vin tankou yo; wi, tout sila  
ki mete konfyans nan yo.  
19 O lakay ✧Israël, beni SENÈ a; O lakay Aaron,  
Beni SENYÈ a

✧ 134:3 Sòm 128:5 ✧ 135:1 Sòm 113:1 ✧ 135:2 Sòm 92:13 ✧ 135:3 Sòm 100:5 ✧ 135:4 Egz 19:5 ✧ 135:5 Sòm 97:9 ✧ 135:6 Sòm 115:3 ✧ 135:7 Jr 10:13 ✧ 135:8 Egz 12:12 ✧ 135:9 Egz 7:10 ✧ 135:10 Sòm 44:2 ✧ 135:12 Det 29:8 ✧ 135:13 Egz 3:15 ✧ 135:14 Det 32:26 ✧ 135:15 Sòm 115:4-8 ✧ 135:19 Sòm 115:9



20 O lakay Lévi, beni SENYÈ a; nou menm ✧ki gen lakrent  
SENYÈ a, beni SENYÈ a.

21 Ke SENYÈ a beni soti ✧nan Sion,  
Sila ki abite Jérusalem nan. Beni SENYÈ a!

## 136

1 ✧Bay remèsiman a SENYÈ a, paske Li Bon,  
Paske lanmou dous Li a dire jis pou tout tan.  
2 Bay remèsiman a ✧Bondye anwo tout dye yo,  
Paske lanmou dous Li a dire jis pou tout tan.  
3 Bay remèsiman a Senyè a tout senyè yo,  
Paske lanmou dous li a dire jis pou tout tan.  
4 A Sila ✧sèl ki fè gwo mèvèy yo,  
Paske lanmou dous Li a dire jis pou tout tan;  
5 A Sila ki ak gran kapasite te fè syèl la,  
Paske lanmou dous Li a dire jis pou tout tan;  
6 A Sila ki te ✧ranje tè a anwo dlo yo,  
Paske lanmou dous Li a dire jis pou tout tan;  
7 A Sila ki te ✧fè gran limyè yo,  
Paske lanmou dous Li a dire jis pou tout tan;  
8 ✧Solèy ki pou domine lajounen an,  
Paske lanmou dous Li a dire jis pou tout tan;  
9 Lalin ak zetwal pou domine lannwit,  
Paske lanmou dous Li a dire jis pou tout tan.  
10 A Sila ki te ✧frape Ejiptyen yo nan premye ne yo,  
Paske lanmou dous Li a dire jis pou tout tan, e  
11 te ✧mennen Israèl fè l sòti nan mitan yo,  
Paske lanmou dous Li a dire jis pou tout tan,  
12 Avèk yon men fò ak yon bra ✧lonje nèt,  
Paske lanmou dous Li a dire jis pou tout tan,  
13 A Sila ki te ✧divize Lanmè Wouj fè de bò a,  
Paske lanmou dous Li a dire jis pou tout tan, e  
14 te fè Israèl pase nan mitan li,  
Paske lanmou dous Li a dire jis pou tout tan;  
15 Men ✧Li te boulvèse Farawon ak lame li a  
Nan Lanmè Wouj la,  
Paske lanmou dous Li a dire jis pou tout tan;  
16 A Sila ki te ✧mennen pèp Li a nan dezè a,  
Paske lanmou dous Li a dire jis pou tout tan;  
17 A Sila ki te ✧frape gran wa yo,  
Paske lanmou dous Li a dire jis pou tout tan;  
18 e ki te ✧touye wa pwisan yo,  
Paske lanmou dous Li a dire jis pou tout tan;  
19 ✧Sihon, wa Amoreyen an,  
Paske lanmou dous Li a dire jis pou tout tan, ak  
20 ✧Og, wa Basan an,

✧ **135:20** Sòm 118:4 ✧ **135:21** Sòm 128:5 ✧ **136:1** I Kwo 16:34 ✧ **136:2** Det 10:17 ✧ **136:4**  
Det 6:22 ✧ **136:6** Jen 1:2-9 ✧ **136:7** Jen 1:14-18 ✧ **136:8** Jen 1:16 ✧ **136:10** Egz 12:29  
✧ **136:11** Egz 12:51 ✧ **136:12** Egz 6:1-6 ✧ **136:13** Egz 14:21 ✧ **136:15** Egz 14:27 ✧ **136:16**  
Egz 13:18 ✧ **136:17** Sòm 135:10-12 ✧ **136:18** Det 29:7 ✧ **136:19** Nonb 21:21-24 ✧ **136:20**  
Nonb 21:33-35

Paske lanmou dous Li a dire jis pou tout tan, e  
<sup>21</sup> te ✧bay peyi yo kon eritaj,  
 Paske lanmou dous Li a dire jis pou tout tan;  
<sup>22</sup> Menm yon eritaj a Israèl, ✧sèvitè Li a,  
 Paske lanmou dous Li a dire jis pou tout tan;  
<sup>23</sup> Ki te ✧sonje nou nan eta imilyasyon nou yo,  
 Paske lanmou dous Li a dire jis pou tout tan;  
<sup>24</sup> Epi ki te ✧delivre nou nan men advèsè nou yo,  
 Paske lanmou dous Li a dire jis pou tout tan;  
<sup>25</sup> Ki ✧bay manje a tout chè,  
 Paske lanmou dous Li a dire jis pou tout tan;  
<sup>26</sup> Bay remèsiman a ✧Bondye syèl la,  
 Paske lanmou dous Li a dire jis pou tout tan.

## 137

<sup>1</sup> Bò rivyè a Babylone yo, se la nou te chita pou ✧kriye,  
 lè nou te sonje Sion,  
<sup>2</sup> Sou pye ✧sikrèn nan mitan li an, nou te pandye  
 ap nou yo.  
<sup>3</sup> Paske la, ravisè nou yo te mande nou  
 chante pou yo, e  
 ✧bouwo nou yo ak gwo kè kontan,  
 T ap di: “Chante pou nou youn nan chanson  
 Sion yo.”  
<sup>4</sup> Kijan pou nou ta chante ✧chan SENYÈ a nan  
 yon peyi etranje?  
<sup>5</sup> Si mwen ✧ta bliye ou, O Jérusalem, kite men  
 dwat mwen bliye kapasite li.  
<sup>6</sup> Ke lang mwen kole rèd anlè bouch mwen,  
 Si m pa ta sonje ou, si m pa ta ✧leve Jérusalem wo,  
 Pi wo ke pi gwo plezi m yo.  
<sup>7</sup> Sonje, O SENYÈ, kont fis a Édoum yo  
 Jou a Jérusalem nan, ke yo te di: “Raze l nèt,  
 Raze l ✧jis rive nan fondasyon li.”  
<sup>8</sup> O! fi a Babylone nan, Ou menm ki te ✧devaste nou an,  
 A la beni sila ki rekonpanse ou ak menm  
 rekonpans ke ou te rekonpanse nou an va beni!  
<sup>9</sup> A la beni sila ki sezi pitit ou yo e ki  
 ✧kraze yo nan wòch la va beni!

## 138

Yon Sòm David

<sup>1</sup> ✧Mwen va bay Ou remèsiman avèk tout kè m;  
 Mwen va chante lwanj a Ou devan lòt dye yo.  
<sup>2</sup> Mwen va pwostène mwen ✧vè sen tanp Ou a, e  
 bay remèsiman a non Ou pou lanmou  
 dous Ou ak verite Ou a;

✧ **136:21** Jos 12:1 ✧ **136:22** Sòm 105:6 ✧ **136:23** Sòm 9:12 ✧ **136:24** Jij 6:9 ✧ **136:25**  
 Sòm 104:27 ✧ **136:26** Sòm 104:27 ✧ **137:1** Né 1:4 ✧ **137:2** Lev 23:40 ✧ **137:3** És 49:17  
 ✧ **137:4** II Kwo 29:27 ✧ **137:5** És 65:11 ✧ **137:6** Né 2:3 ✧ **137:7** Sòm 74:7 ✧ **137:8** És  
 13:1-22 ✧ **137:9** II Wa 8:12 ✧ **138:1** Sòm 111:1 ✧ **138:2** I Wa 8:29

Paske Ou te bay glwa a pawòl Ou selon tout non Ou.

<sup>3</sup> Nan jou ke m te rele Ou a, Ou te reponn mwen; Ou te fè m plen ak kouraj ak ✨fòs nan nanm mwen.

<sup>4</sup> ✨Tout wa sou latè yo va ba Ou remèsiman,

O SENYÈ,

Lè yo fin tandè pawòl a bouch Ou. <sup>5</sup> Epi yo va chante sou chemen SENYÈ a;

Paske ✨gran se glwa SENYÈ a.

<sup>6</sup> Paske malgre SENYÈ a egzalte,

Li toujou okipe sila ki ba yo; men moun ki ✨ògeye yo,

Li rekonèt yo de lwen.

<sup>7</sup> Malgre mwen mache nan mitan gwo twoub,

Ou va fè m ✨reprann mwen;

Ou va lonje fè parèt men Ou kont kòlè

ènmi m yo, e

Men dwat Ou va sove mwen.

<sup>8</sup> SENYÈ a va akonpli sa ki konsène mwen an;

Lanmou dous Ou a, O SENYÈ, se pou tout tan;

Pa abandone zèv men Ou yo.

## 139

Pou direktè koral la; Yon Sòm David

<sup>1</sup> O SENYÈ, Ou te ✨sonde mwen e te konnen mwen.

<sup>2</sup> Ou konnen lè m chita ak lè m leve; Ou konprann panse mwen yo de lwen.

<sup>3</sup> Ou konn ✨egzamine chemen mwen fè avèk kouche mwen, e rekonèt bagay pi entim nan chemen mwen yo.

<sup>4</sup> Menm avan mwen gen yon pawòl sou bouch mwen,

Men gade, O SENYÈ, Ou ✨konnen tout li menm.

<sup>5</sup> Ou fin antoure mwen ni devan, ni dèyè e

Ou te ✨poze men Ou sou mwen.

<sup>6</sup> ✨Konesans konsa twò mèvèye pou mwen;

Li twò wo; mwen pa kab rive kote l.

<sup>7</sup> ✨Kibò mwen kab ale kite lespri Ou?

Oswa kibò mwen kab sove ale pou m ta kite prezans Ou?

<sup>8</sup> ✨Si mwen monte nan syèl la, Ou la;

Si m fè kabann mwen nan sejou mò yo,

Men vwala, Ou la.

<sup>9</sup> Si mwen pran zèl nan maten, si m ta rete nan pati lanmè pi lwen an,

<sup>10</sup> Menm la, se men Ou k ap ✨mennen mwen, e Se men dwat Ou k ap sezi mwen.

<sup>11</sup> Si mwen di: “Anverite, ✨tenèb la va kouvri mwen, e limyè ki antoure mwen an va vin fènwa,”

<sup>12</sup> Menm tenèb la pa tenèb pou Ou, e

✨ 138:3 Sòm 28:7 ✨ 138:4 Sòm 72:11 ✨ 138:5 Sòm 21:5 ✨ 138:6 Sòm 40:4 ✨ 138:7 Éz 9:8-9 ✨ 139:1 Sòm 17:3 ✨ 139:3 Job 14:16 ✨ 139:4 Eb 4:13 ✨ 139:5 Job 9:33 ✨ 139:6 Wo 11:33 ✨ 139:7 Jr 23:24 ✨ 139:8 Am 9:2-4 ✨ 139:10 Sòm 23:2-3 ✨ 139:11 Job 22:13

fènwa a klere menm jan ak lajounen.

✧Tenèb ak limyè se menm pou Ou menm.

13 Paske se Ou menm ki te fòme pati anndan m yo;

Ou te ✧tise mwen, pyese m soti nan vant

Manman m.

14 Mwen va bay Ou anpil remèsiman, paske

mwen fèt yon fason mèvèye;

Zèv Ou yo ✧depase bon konprann e nanm mwen  
byen konnen sa.

15 ✧Fòm mwen pa t kache a Ou menm lè m te fèt nan sekre a, e  
tise kon mèvèy etonnan nan fon tè a;

16 Zye Ou te wè matyè san fòm mwen;

Epi nan liv ✧Ou a, te deja ekri tout jou ki te

òdone pou mwen yo, menm lè youn nan yo potko  
fin rive.

17 Anplis, SENYÈ, a la presye se ✧panse Ou yo

Anvè mwen menm;

A la gran, kantite a yo byen gran!

18 Si m te konte yo, yo t ap an kantite depase  
sab.

Lè m ✧leve nan dòmi, mwen toujou avèk Ou.

19 O! ke Ou ta ✧touye mechan yo, O Bondye;

Soti sou mwen, O moun ki vèse san.

20 Paske yo ✧pale kont Ou ak mechanste, e

Lènmi Ou yo pran non Ou an ven.

21 Èske m pa ✧rayi sila ki rayi Ou yo, O SENYÈ?

Epi èske mwen pa deteste nèt

sila ki leve kont Ou yo?

22 Mwen rayi yo ak yon rayisman ale nèt;

Yo vin devni lènmi m.

23 Sonde mwen, O Bondye e konnen kè mwen;

Mete mwen a leprèv e konnen panse mwen yo;

24 Epi wè si gen yon move chemen nan mwen e  
mennen mwen nan chemen etènèl la.

## 140

Pou direktè koral la; Yon Sòm David

1 ✧Delivre m, O SENYÈ, de moun mechan yo;

Delivre m de moun vyolan yo

2 Ka p ✧ fè manèv mechan nan kè yo;

Tout tan, y ap fè pwovokasyon pou fè lagè.

3 Yo file lang yo tankou koulèv; ✧pwazon a  
sèpan mòtèl la anba lèv yo. {Tan}

4 Kenbe m, O SENYÈ, de men moun mechan yo;

Pwoteje m de moun vyolan ki te ✧fè plan pou  
pye m yo ta tonbe yo.

5 Ògeye yo fin ranje yon pèlen pou mwen, avèk  
kòd;

Yo te ouvri yon pèlen bò wout la; yo fin plase yon  
 ✧pyèj pou mwen. {Tan}

6 Mwen te di a SENYÈ a: “Se Ou ki Bondye mwen;  
 Bay zòrèy, O SENYÈ, a vwa a siplikasyon  
 mwen yo.

7 O BONDYE Senyè a, fòs a sali mwen an,  
 Ou te ✧kouvri tèt mwen nan jou batay la.

8 Pa akonpli, O SENYÈ, dezi a mechan an;  
 Pa avanse manèv mechan li yo, pou l pa  
 vin leve wo.

9 Epi pou chèf an tèt a sila ki antoure mwen yo,  
 pou ✧malveyans a pwòp lè yo kapab  
 vin kouvri yo.

10 Kite ✧chabon tou limen vin tonbe sou yo; kite yo  
 jete nan dife, nan fòs fon kote yo p ap  
 kab leve sòti.

11 Ke sila ki bay kout lang yo pa vin etabli sou latè;  
 ✧Ke mal kouri vit dèyè moun a vyolans lan.

12 Mwen konnen ke SENYÈ a va bay soutyen a  
 aflije yo e fè ✧jistis pou malere a.

13 Anverite, moun dwat yo va bay remèsiman a  
 non Ou;  
 Epi moun dwat yo va abite nan prezans Ou.

## 141

Yon Sòm David

1 ✧O SENYÈ, mwen rele non Ou; fè vit, vin kote m!  
 Prete zòrèy Ou a vwa mwen lè m rele Ou!

2 Ke lapriyè mwen kapab konte kon lansan  
 devan Ou; lè m ✧leve men m kon  
 ofrann nan aswè.

3 Plase yon gadyen sou bouch mwen, O SENYÈ;  
 Veye dri sou ✧pòt a lè mwen.

4 Pa mennen kè m vè okenn mal, pou pratike  
 zèv mechan yo

Avèk moun ki ✧fè inikite yo; epi, pa kite mwen manje  
 manje ki fèt pa yo.

5 Kite moun ✧ladwati yo frape mwen ak dousè yo  
 e korije mwen;

Sa se lwil ki koule sou tèt la; pa kite tèt mwen  
 refize li,

Paske lapriyè mwen toujou kont zak mechan  
 yo.

6 Jij yo ✧ voye jete bò kote wòch yo e yo tande  
 pawòl mwen yo, paske yo dous.

7 Tankou lè yon moun laboure e fann tè a,  
 se konsa zo nou yo fin gaye nan ✧bouch  
 sejou mò yo.

8 Paske zye mwen se vè Ou, O BONDYE,

✧ 140:5 Sòm 141:9 ✧ 140:7 Sòm 144:10 ✧ 140:9 Sòm 7:16 ✧ 140:10 Sòm 11:6 ✧ 140:11  
 Sòm 24:2-10 ✧ 140:12 Sòm 12:5 ✧ 141:1 Sòm 22:19 ✧ 141:2 I Tim 2:8 ✧ 141:3 Mi 7:5  
 ✧ 141:4 És 32:6 ✧ 141:5 Pwov 9:8 ✧ 141:6 II Kwo 25:12 ✧ 141:7 Nonb 16:32-33

Senyè a; nan Ou, mwen kache;  
pa kite mwen san pwotèj.

<sup>9</sup> Sove m de dan pyèj ke yo te prepare  
pou mwen yo,

Avèk \*pèlen a sila ki fè inikite yo.

<sup>10</sup> Kite mechan yo \*tonbe nan pwòp filè yo,  
Pandann mwen pase ladann byen sof.

## 142

Yon Sòm Refleksyon pa David lè l te nan kav la. Yon lapriyè

<sup>1</sup> Mwen kriye fò avèk vwa mwen vè SENYÈ a;  
Mwen \*fè siplikasyon mwen parèt ak vwa mwen  
a SENYÈ a.

<sup>2</sup> Mwen vide plent mwen yo devan L; mwen  
deklare \*pwoblèm mwen yo devan L.

<sup>3</sup> Lè \*lespri m te fin bat anndan m, Ou te konnen  
chemen mwen.

Nan wout kote m mache a, yo te sere yon  
pyèj pou mwen.

<sup>4</sup> Gade adwat pou wè; paske nanpwen  
moun ki veye pou mwen;

Nanpwen moun ki pou fè m chape; nanpwen moun  
ki pou pran swen nanm mwen

<sup>5</sup> Mwen te kriye a Ou menm, O SENYÈ; mwen te di  
Se Ou menm ki \*sekou mwen, pòsyon mwen nan peyi  
a moun vivan yo.

<sup>6</sup> “Prete atansyon a kri mwen yo, paske mwen vin desann ba  
Nèt; delivre mwen nan men pèsekite mwen yo,  
Paske yo \*twò fò pou mwen.

<sup>7</sup> \*Mennen nanm mwen sòti nan prizon,  
Pou m kab bay remèsiman a non Ou;  
Moun ladwati mwen yo va antoure mwen,  
Paske Ou va aji nan bonte Ou anvè mwen.”

## 143

Yon Sòm David

<sup>1</sup> Tande lapriyè mwen, O SENYÈ,  
Prete zòrèy Ou a siplikasyon mwen yo!  
Nan fidelite Ou, reponn mwen, ak

\*ladwati Ou!

<sup>2</sup> Epi pa antre nan jijman avèk sèvitè Ou a, \*paske  
nan zye Ou, nanpwen moun vivan ki jis.

<sup>3</sup> Paske lènmi an te pèsekite nanm mwen;

Li fin kraze lavi m jis rive atè;

Li \*te fè m rete kote fènwa, tankou sila  
ki mouri lontan yo.

<sup>4</sup> Pou sa, lespri m kraze nèt anndan m;  
Kè m \*nan gwo twoub anndan m.

<sup>5</sup> Mwen sonje ansyen jou yo;

\* **141:9** Sòm 140:5    \* **141:10** Sòm 7:15    \* **142:1** Sòm 30:8    \* **142:2** Sòm 77:2    \* **142:3**  
Sòm 77:3    \* **142:5** Sòm 91:2-9    \* **142:6** Sòm 18:17    \* **142:7** Sòm 143:11    \* **143:1** Sòm 71:2  
\* **143:2** Job 14:3    \* **143:3** Sòm 88:6    \* **143:4** Lam 3:11

Mwen reflechi tout tan sou tout sa Ou te fè;  
Mwen panse sou zèv men Ou yo.

6 Mwen lonje men m vè Ou menm; ✧nanm mwen  
fè gwo anvi pou Ou, kon yon peyi deseche.

7 Reponn mwen vit, O SENYÈ, lespri m vin febli;  
✧Pa kache figi Ou sou mwen, oswa mwen va vini  
kon sila ki desann nan fòs yo.

8 Kite mwen tandè lanmou dous Ou a nan granmmaten;  
Paske mwen mete konfyans mwen nan Ou;  
Enstwi mwen nan chemen ke m ta dwe mache a;  
Paske se a Ou ke mwen ✧leve nanm mwen.

9 ✧Delivre mwen, O SENYÈ, de lènmi mwen yo;  
Mwen kache nan Ou.

10 Enstwi mwen pou fè volonte Ou, paske se Ou menm  
ki Bondye mwen;

Kite ✧bon lespri Ou kondwi mwen sou tèren  
ki a nivo.

11 ✧Pou koz a non Ou, O SENYÈ, fè m reprann fòs mwen.  
Nan ladwati Ou, mennen nanm mwen sòti  
nan gwo twoub la.

12 Epi nan lanmou dous Ou a, koupe retire nèt lènmi m yo, e  
✧detwi tout sila ki aflije nanm mwen yo,  
Paske mwen se sèvitè Ou.

## 144

Yon Sòm David

1 Beni se SENYÈ a, wòch mwen an,  
ki ✧enstwi men m pou lagè, ak dwèt  
mwen pou batay;

2 Lanmou dous mwen e sitadèl mwen an,  
✧Fòterès mwen ak liberatè mwen an,  
Boukliye mwen an nan sila mwen kache a,  
Ki soumèt pèp mwen an anba m.

3 O SENYÈ, ✧se kisa lòm nan ye pou Ou  
panse a li?

Oswa fis a lòm nan pou Ou panse a Li?

4 ✧Lòm se tankou yon sèl souf; jou li yo se tankou  
yon lonbraj k ap pase.

5 Bese syèl Ou yo, O SENYÈ e desann;  
Touche mòn yo pou yo kab fè lafimen.

6 fè parèt ✧eklè pou gaye yo;  
Voye flèch Ou pou mete yo nan konfizyon.

7 Lonje men Ou soti anwo; fè m sekou, e  
Delivre m sòti nan gwo dlo yo ak nan men  
✧etranje yo

8 Bouch a sila pale manti yo e ✧men  
dwat a sila ki se men dwat a manti yo.

9 Mwen va chante yon ✧chan tounèf a Ou menm,

✧ 143:6 Sòm 42:2 ✧ 143:7 Sòm 27:9 ✧ 143:8 Sòm 86:4 ✧ 143:9 Sòm 31:15 ✧ 143:10 Né  
9:20 ✧ 143:11 Sòm 25:11 ✧ 143:12 Sòm 54:5 ✧ 144:1 II Sam 22:35 ✧ 144:2 Sòm 59:9  
✧ 144:3 Sòm 8:4 ✧ 144:4 Sòm 39:11 ✧ 144:6 Sòm 18:14 ✧ 144:7 Sòm 18:44 ✧ 144:8 Jen  
14:22 ✧ 144:9 Sòm 33:3

O Bondye;  
 Sou ap dis kòd yo, mwen va chante lwanj  
 a Ou menm,  
 10 Ki konn sove wa yo, ki fè David, sèvitè Li a, ✨soti  
 De epe mechanste a.  
 11 Fè m sekou e delivre m de men a ✨etranje yo,  
 Bouch a sila ki pale desepsyon yo e men  
 dwat a sila ki men dwat a manti yo.  
 12 Kite fis nou yo nan jenès yo parèt tankou plant  
 ki fin grandi, e  
 fi nou yo tankou pilye ang ki pou ta embeli  
 yon palè wayal;  
 13 Kite ✨depo nou yo toujou plen, nan bay tout kalite  
 Pwodwi, e  
 Kite twoupo nou yo pwodwi dè milye e dè di milye  
 nan chan nou yo;  
 14 Kite bèf nou yo pote san pwoblèm e san pèt e ke  
 nanpwen moun k ap ✨rele “anmwey” nan lari  
 nou yo.  
 15 A la beni pèp ki ranje konsa beni;  
 A la ✨beni pèp ki gen Bondye pou SENYÈ yo beni.

## 145

Yon chan lwanj pa David  
 1 Mwen va ✨leve Ou wo, O Bondye mwen, O Wa  
 E mwen va beni non Ou pou tout tan e  
 pou tout tan.  
 2 Chak jou, mwen va beni Ou e mwen va louwe  
 non Ou pou tout tan e pou tout tan.  
 3 Gran se SENYÈ a, dign de lwanj.  
 ✨Grandè Li pa kab fin sonde menm.  
 4 Yon ✨jenerasyon va louwe zèv Ou yo jis rive  
 nan yon lòt, e  
 Va pwoklame zèv pwisan Ou yo.  
 5 Sou bèlte e glwa a majeste Ou avèk ✨zèv  
 mèvèy Ou yo, mwen va reflechi tout tan.  
 6 Lezòm va pale sou pouvwa a ✨zèv mèvèy Ou yo e  
 mwen va pale jan Ou gran.  
 7 Yo va pouse pale ak enpasyans sou memwa a  
 bonte Ou.  
 Yo va rele fò ak lajwa de ladwati Ou.  
 8 SENYÈ a ✨plen gras avèk mizerikòd;  
 Lan nan kòlè e gran nan lanmou dous Li a.  
 9 SENYÈ a bon pou tout moun e gras Li  
 Lonje rive sou tout zèv Li yo.  
 10 ✨Tout zèv Ou yo va di Ou: ‘Mèsi’,  
 O SENYÈ, e fidèl Ou yo va beni Ou.  
 11 Yo va pale ✨glwa a wayòm Ou an, e

✨ 144:10 II Sam 18:7 ✨ 144:11 Sòm 18:44 ✨ 144:13 Pwov 3:9-10 ✨ 144:14 És 24:11  
 ✨ 144:15 Sòm 33:12 ✨ 145:1 Sòm 30:1 ✨ 145:3 Job 5:9 ✨ 145:4 Sòm 22:30-31 ✨ 145:5  
 Sòm 119:27 ✨ 145:6 Det 10:21 ✨ 145:8 Egz 34:6 ✨ 145:10 Sòm 19:1 ✨ 145:11 Jr 14:21



pale sou zafè pouvwa Ou yo;

<sup>12</sup> Pou ✨fè rekonèt a fis a lòm yo, zèv pwisan  
Ou yo avèk glwa ak majeste a wayòm Ou an.

<sup>13</sup> Wayòm Ou an se yon ✨wayòm etènèl e règn Ou an  
dire pou tout jenerasyon yo.

<sup>14</sup> SENYÈ a bay soutyen a tout moun ki tonbe, e  
Li ✨leve wo tout sila ki vin pwostène yo.

<sup>15</sup> Zye a tout moun genyen espwa sou Ou, e  
Ou ✨bay yo manje yo nan lè yo.

<sup>16</sup> Ou ✨ouvri men Ou pou satisfè dezi  
a tout sila k ap viv yo.

<sup>17</sup> Senyè a ✨dwat nan tout chemen Li yo, e  
ranpli ak bonte nan tout zèv Li yo.

<sup>18</sup> SENYÈ a toupre tout sila ki rele  
Li yo, tout sila ki rele li ✨ ak verite yo.

<sup>19</sup> Li va ✨ranpli dezi a sila ki gen lakrent Li yo;  
Anplis Li va tande kri yo e Li va sove yo.

<sup>20</sup> SENYÈ a kenbe tout sila ki renmen Li yo;  
Men ✨mechan yo, Li va detwi yo.

<sup>21</sup> Bouch mwen va pale lwanj SENYÈ a, e  
✨tout chè va beni sen non Li an jis pou  
Tout tan e pou tout tan.

## 146

<sup>1</sup> Beni SENYÈ a! ✨Beni SENYÈ a, O nanm mwen!

<sup>2</sup> Mwen va beni SENYÈ a ✨pandan mwen ap viv;  
Mwen va chante lwanj a Bondye pa mwen an  
pandan mwen sou latè a;

<sup>3</sup> ✨Pa mete konfyans nan prens yo,  
Nan lòm mòtèl, nan sila  
nanpwen Sali a.

<sup>4</sup> ✨Lespri li pa rete; li retounen nan tè a;  
Nan menm jou sa a, panse li yo vin peri.

<sup>5</sup> A la beni sila ki gen sekou nan Bondye  
a Jacob la beni,

sila ki ✨mete espwa li nan SENYÈ a,  
Bondye li a,

<sup>6</sup> Ki te fè syèl la avèk tè a, ✨lanmè ak tout  
sa ki ladann; ki fidèl jis pou tout tan;

<sup>7</sup> Ki ✨egzekite jistis pou oprime yo; ki bay  
manje a moun grangou yo.

SENYÈ a mete prizonye yo an libète.

<sup>8</sup> SENYÈ a ✨ouvri zye a avèg yo;

SENYÈ a leve sila ki vin pwostène yo;

SENYÈ a renmen moun ladwati yo;

✨ **145:12** Jr 14:21 ✨ **145:13** Sòm 10:16 ✨ **145:14** Sòm 146:8 ✨ **145:15** Sòm 104:27 ✨ **145:16**  
Sòm 104:28 ✨ **145:17** Sòm 116:5 ✨ **145:18** Jn 4:24 ✨ **145:19** Sòm 21:2 ✨ **145:20** Sòm 9:5  
✨ **145:21** Sòm 65:2 ✨ **146:1** Sòm 103:1 ✨ **146:2** Sòm 63:4 ✨ **146:3** Sòm 118:9 ✨ **146:4** Ekl  
12:7 ✨ **146:5** Sòm 71:5 ✨ **146:6** Trav 14:15 ✨ **146:7** Sòm 103:6 ✨ **146:8** Mat 9:30

9 SENYÈ a ✧pwoteje etranje yo;  
Li bay soutyen a ofelen an ak vèw la,  
Men Li jennen wout a mechan an.  
10 SENYÈ a va renye jis pou tout tan,  
Bondye pa Ou a, O Sion, jis pou tout jenerasyon yo.  
Louwe SENYÈ a!

## 147

1 Louwe SENYÈ a!  
Paske li bon pou chante lwanj a Bondye nou an;  
Paske se agreyab epi lwanj Li se ✧dous.  
2 SENYÈ a ap ranfose Jérusalem; Li ✧ranmase  
egzile Israël yo.  
3 Li geri sila ak ✧kè kase yo e mete pansman  
Sou blesi yo.  
4 Li konte fòs kantite zetwal yo;  
Li ✧bay non a yo tout.  
5 Gran se SENYÈ nou an e Li ranpli ak fòs;  
✧Bon konprann Li an san limit nèt.  
6 SENYÈ a bay ✧soutyen a aflije yo;  
Li fè mechan yo bese desann jis rive atè.  
7 ✧Chante a SENYÈ a ak remèsiman;  
Chante lwanj a Bondye nou an sou gita,  
8 Ki kouvri syèl la ak nwaj yo, ki ✧founi lapli  
pou tè a,  
Ki fè zèb yo grandi sou mòn yo.  
9 Li bay a bèt la, manje li ak ✧jenn kòbo  
k ap kriye yo.  
10 Li pa pran plezi nan fòs a cheval;  
Li ✧pa pran plezi nan janm a moun.  
11 SENYÈ a bay favè a sila ki krent Li yo,  
✧Sila ki tann lanmou dous Li yo.  
12 Louwe SENYÈ a, O Jérusalem!  
Louwe Bondye ou a, O Sion!  
13 Paske Li te fòtifye ba fè nan pòtay  
ou yo;  
Li te ✧beni fis ou yo nan ou.  
14 Li ✧fè lapè anndan lizyè ou yo;  
Li satisfè ou ak meyè kalite ble.  
15 Li voye lòd Li sou latè;  
✧Pawòl Li kouri byen vit.  
16 Li bay lanèj kon lènn;  
Li gaye ✧lawouze glase kon sann;  
17 Li jete voye glas Li kon ti mòso;  
Se kilès ki kab kanpe devan ✧fredi Li a?  
18 Li voye pawòl Li pou fonn yo;  
Li fè ✧van Li soufle e dlo yo koule.

✧ 146:9 Egz 22:21 ✧ 147:1 Sòm 33:1 ✧ 147:2 Det 30:3 ✧ 147:3 Sòm 34:8 ✧ 147:4 És 40:26  
✧ 147:5 És 40:28 ✧ 147:6 Sòm 37:24 ✧ 147:7 Sòm 33:2 ✧ 147:8 Job 5:10 ✧ 147:9 Job  
38:41 ✧ 147:10 I Sam 16:7 ✧ 147:11 Sòm 33:18 ✧ 147:13 Sòm 37:26 ✧ 147:14 Sòm 29:11  
✧ 147:15 Sòm 104:4 ✧ 147:16 Job 38:29 ✧ 147:17 Job 37:9 ✧ 147:18 Sòm 107:25

19 Li ✨deklare pawòl Li yo a Jacob, règleman Li yo ak òdonans Li yo a Israèl.

20 Li ✨pa t aji konsa avèk okenn lòt nasyon; epi, pou òdonans Li yo, yo pa t konnen yo.

Louwe SENYÈ a!

## 148

1 ✨Louwe SENYÈ a!

Louwe SENYÈ a soti nan syèl yo!

Louwe Li kote ki wo yo!

2 Louwe Li, tout zanj Li yo; louwe Li ✨tout lame Li yo!

3 Louwe Li, solèy ak lalin nan; louwe Li, tout zetwal ki limen yo!

4 Louwe Li, pi wo syèl yo, ak ✨dlo ki anwo syèl yo.

5 Kite yo louwe non SENYÈ a, paske ✨Li te pase lòd e yo te fèt.

6 Anplis, Li te etabli yo jis pou tout tan; Li te pase yon ✨dekrè ki p ap janm disparèt.

7 Louwe SENYÈ a soti sou latè, ✨gwo bèt voras lanmè a ak tout fon an;

8 Dife ak lagrèl, lanèj ak nwaj; van tanpèt ki ✨akonpli pawòl Li yo;

9 Mòn yo ak tout kolin yo; ✨pye fwi yo ak tout pye sèd yo;

10 Bèt sovaj yo ak tout bèt chan yo; sa ki ✨trennen atè ak bèt ki vole yo;

11 ✨Wa latè yo ak tout pèp yo; prens yo ak tout jij latè yo;

12 Ni jennonm, ni vyèj; granmoun ak timoun.

13 Kite yo louwe non SENYÈ a, paske se sèl non Li ki leve wo;

✨Glwa Li pi wo tè a ak syèl la.

14 Epi Li te leve yon kòn pou pèp Li a, Lwanj pou tout fidèl Li yo; menm pou fis Israèl yo, Yon pèp toupre Li. Louwe SENYÈ a.

## 149

1 Louwe SENYÈ a!

Chante a SENYÈ a yon chan tounèf, Avèk lwanj Li ✨nan asanble fidèl Li yo.

2 Kite Israèl fè kè kontan nan Kreyatè li a; Kite fis a Sion yo rejwi nan ✨Wa yo a.

3 Kite yo louwe non Li avèk dans; kite yo chante lwanj a Li avèk ✨tanbouren ak gita.

4 Paske SENYÈ a pran plezi nan pèp Li a; Li va ✨anbeli ki aflije yo avèk sali Li.

✨ 147:19 Det 33:3-4 ✨ 147:20 Det 4:7-34 ✨ 148:1 Sòm 69:34 ✨ 148:2 Sòm 103:20-21 ✨ 148:4 Jen 1:7 ✨ 148:5 Jen 1:1 ✨ 148:6 Job 38:33 ✨ 148:7 Jen 1:21 ✨ 148:8 Job 37:12 ✨ 148:9 És 55:12 ✨ 148:10 Os 2:18 ✨ 148:11 Sòm 102:15 ✨ 148:13 És 12:4 ✨ 149:1 Sòm 35:18 ✨ 149:2 Jij 8:23 ✨ 149:3 Egz 15:20 ✨ 149:4 Sòm 132:16

5 Kite fidèl yo leve wo nan glwa; kite yo chante  
 ak lajwa sou kabann yo.  
 6 Ke ✧ gwo lwanj a Bondye yo kapab nan bouch yo e  
 yon nepe file de bò nan men yo,  
 7 Pou ✧fè vanjans sou nasyon yo  
 Avèk pinisyon sou lòt pèp yo,  
 8 Pou mare wa yo ak chenn e  
 ✧moun pwisan yo ak gwo chenn an fè,  
 9 Pou ✧egzekite sou yo jijman ki te ekri a;  
 Sa se yon privilèj pou tout fidèl Li yo.  
 Louwe SENYÈ a!

## 150

1 Louwe SENYÈ a!  
 Louwe SENYÈ a nan ✧sanktiyè Li a!  
 Louwe Li nan gran espas san limit lan.  
 2 Louwe Li pou ✧zèv pwisan Li yo!  
 Louwe Li selon bèlte a grandè Li.  
 3 Louwe Li ak son ✧twonpèt; louwe Li ak  
 ap avèk gita.  
 4 Louwe Li ak ✧tanbouren ak dans;  
 Louwe Li ak enstriman a kòd ak vaksen.  
 5 Louwe Li ak ✧ senbal byen fò; louwe Li ak  
 senbal k ap retanti.  
 6 Kite ✧tout sa ki gen souf louwe SENYÈ a.  
 Louwe SENYÈ a.

## Pwovèb Yo

- 1 ✨Pwovèb Salomon yo, fis a David la, wa Israël la:  
 2 Pou konnen sajès avèk enstriksyon,  
 pou dekouvri pawòl ✨bon konprann yo,  
 3 Pou ✨resevwa enstriksyon nan jan pou aji ak sajès,  
 ladwati, jistis, menm jan pou tout moun;  
 4 Pou ✨avèti san konprann yo e bay konesans  
 ak pridans a jenn yo.  
 5 Yon nonm saj va tande, va grandi nan konesans li  
 e yon ✨nonm bon konprann va twouve konsèy ki saj,  
 6 Pou konprann yon pwovèb ak mo kache,  
 Pawòl a saj yo avèk ✨devinèt yo.  
 7 ✨Lakrent SENYÈ a se kòmansman sajès la;  
 sila ki plen foli a meprize sajès ak lenstriksyon.  
 8 Tandè byen, fis mwen an, lenstriksyon papa ou,  
 e ✨pa abandone lesan a manman ou yo;  
 9 Anverite, yo fè yon ✨kouwòn byen bèl sou tèt ou  
 ak yon bèl dekorasyon nan kou ou.  
 10 Fis mwen an, si pechè yo vin tante ou, ✨pa dakò.  
 11 Si yo di: “Vini avèk nou, annou ✨kouche yon pyèj pou san,  
 annou fè anbiskad pou inosan yo san koz;  
 12 Annou ✨vale yo vivan tankou Sejou mò yo,  
 menm an antye tankou sila k ap desann nan fòs yo;  
 13 Nou va jwenn tout kalite byen presye,  
 nou va ranpli lakay nou ak piyaj;  
 14 Tire osò pa ou ansanm ak nou,  
 nou tout va gen yon bous,”  
 15 Fis mwen an, ✨pa mache nan chemen avèk yo.  
 Anpeche pye ou antre sou wout yo,  
 16 Paske ✨pye yo kouri jwenn mal  
 e yo fè vit pou yo vèse san.  
 17 Anverite, se initil pou ouvri yon filè ak pen gaye  
 devan nenpòt kalite zwazo;  
 18 Men, yo va kouche yon pyèj pou pwòp san pa yo;  
 ✨yo fè anbiskad pou pwòp lavi pa yo.  
 19 Se konsa tout chemen yo ye a  
 tout moun ki ✨vin genyen pa mwayen vyolans;  
 se pwòp lavi li ki vin rache.  
 20 ✨Sajès rele fò nan lari;  
 li leve vwa li nan plas la;  
 21 Nan tèt lari ki gen zen yo, li kriye fò;  
 nan antre pòtay lari yo, li fè moun tandè tout pawòl li yo:  
 22 Jiskilè, O moun san bon konprann yo,  
 nou va renmen rete san bon konprann?

✨ 1:1 I Wa 4:32 ✨ 1:2 Pwov 4:1 ✨ 1:3 Pwov 2:1 ✨ 1:4 Pwov 8:5-12 ✨ 1:5 Pwov 14:6  
 ✨ 1:6 Nonb 12:8 ✨ 1:7 Job 28:28 ✨ 1:8 Pwov 6:20 ✨ 1:9 Jen 41:42 ✨ 1:10 Jen 39:7-10  
 ✨ 1:11 Pwov 12:6 ✨ 1:12 Sòm 124:3 ✨ 1:15 Sòm 1:1 ✨ 1:16 Pwov 6:17-18 ✨ 1:18 Pwov  
 11:19 ✨ 1:19 Pwov 15:27 ✨ 1:20 Pwov 8:1-3

Mokè yo va rejwi yo nan moke moun e moun san bon konprann yo va rayi konesans?

<sup>23</sup> Vire a repwòch mwen an;

gade byen, mwen ✨va vide lespri m sou nou; mwen va fè nou konnen pawòl mwen yo.

<sup>24</sup> Akoz mwen te rele nou e nou te refize, Mwen te ✨lonje men m e pèsòn pa t okipe sa;

<sup>25</sup> Epi, nou te neglije tout konsèy mwen yo e nou ✨pa t vle tandè repwòch mwen;

<sup>26</sup> Mwen menm, anplis, va ri sou malè nou yo; mwen va moke nou lè ✨gran laperèz la rive,

<sup>27</sup> Lè gran laperèz nou rive tankou tanpèt e gwo dezas nou yo tankou ✨toubiyon, lè gwo pwoblèm ak soufrans rive sou nou.

<sup>28</sup> Nan lè sa a, yo va rele m, men mwen p ap reponn; yo va ✨chache mwen avèk dilijans, men yo p ap twouve m,

<sup>29</sup> Akoz yo te ✨rayi konesans e pa t chwazi gen lakrent SENYÈ a.

<sup>30</sup> Yo te refize konsèy mwen; yo te rejte tout repwòch mwen yo.

<sup>31</sup> Pou sa, yo va ✨manje nan fwi a pwòp chemen yo e vant yo va vin plen ak pwòp manèv yo

<sup>32</sup> Paske ✨chemen kwochi a moun san konprann yo va touye yo; e kè kontan a sila ki plen foli va detwi yo.

<sup>33</sup> Men, sila ki koute mwen an va viv ansekirite, e li va rete alèz san pè malè.”

## 2

<sup>1</sup> Fis mwen an, si ou resevwa pawòl mwen yo, e ✨gade kòmandman mwen yo nan kè ou,

<sup>2</sup> ✨Fè zòrèy ou atantif a sajès.

Enkline zòrèy ou vè bon konprann.

<sup>3</sup> Paske, si ou kriye pou sajès e leve vwa ou vè bon konprann;

<sup>4</sup> Si ou chache li kon ajan, e fè rechèch dèyè li kon trezò ✨ki kache;

<sup>5</sup> Nan lè sa a, ou va dekouvri ✨lakrent SENYÈ a, e dekouvri konesans Bondye a.

<sup>6</sup> Paske, ✨SENYÈ a bay sajès.

Nan bouch Li, soti konesans ak bon konprann.

<sup>7</sup> Li mete sajès nan depo pou moun dwat la; Li se ✨boukliye pou sila ki mache ak entegrite yo,

<sup>8</sup> Ka p veye chemen lajistis yo e ✨pwoteje chemen a fidèl Li yo.

<sup>9</sup> Konsa, ou va dekouvri ✨ladwati, jistis, egalite avèk tout chemen ki bon yo.

✨ 1:23 És 32:15 ✨ 1:24 És 65:2 ✨ 1:25 Pwov 15:10 ✨ 1:26 Pwov 10:24 ✨ 1:27 Pwov 10:25 ✨ 1:28 Pwov 8:17 ✨ 1:29 Job 21:14 ✨ 1:31 Job 4:8 ✨ 1:32 Jr 2:19 ✨ 2:1 Pwov 3:1 ✨ 2:2 Pwov 22:17 ✨ 2:4 Job 3:21 ✨ 2:5 Pwov 1:7 ✨ 2:6 I Wa 3:12 ✨ 2:7 Sòm 84:11 ✨ 2:8 I Sam 2:9 ✨ 2:9 Pwov 8:20

- 10 Paske, sajès va antre nan kè ou  
e \*konesans va fè ou alèz jis rive nan nanm ou;
- 11 Bon konprann va \*pwoteje ou,  
konesans va veye sou ou,
- 12 Pou \*pwoteje ou kont chemen mal la,  
kont lòm ki pale bagay pèvès yo;
- 13 Kont sila ki \*kite chemen ladwati yo  
pou mache nan chemen fènwa yo;
- 14 Ki \*pran plezi nan fè sa ki mal  
e rejwi nan mechanste mal la;
- 15 Chemen a sila ki vin \*kwochi yo  
e ki vin gen gaye kò yo nan tout sa yo fè;
- 16 Pou delivre ou soti nan men fanm etranje a,  
soti nan men \*fanm adiltè ki flate ak pawòl li;
- 17 Ki kite \*konpanyen jenès li a,  
e ki bliye akò a Bondye li;
- 18 Paske lakay li koule vè lanmò  
e tras a pla pye li yo rive kote mò yo;
- 19 Pèsòn \*ki ale kote li menm, pa retounen ankò,  
ni yo pa jwenn pa lavi.
- 20 Akoz sa a, ou va \*mache nan chemen a sila ki bon yo,  
e swiv tras a moun ladwati yo.
- 21 Paske moun dwat yo va viv nan peyi a,  
e \*sila ki san tò yo va rete ladann;
- 22 Men, mechan yo va koupe retire nèt de peyi a,  
e moun trèt yo va \*dechouke de li.

### 3

- 1 Fis mwen an, \*pa bliye enstriksyon mwen an,  
men kite kè ou kenbe kòmandman Mwen yo;
- 2 Paske konsa, longè jou, ane lavi ak lapè yo  
va vin ogmante sou ou.
- 3 Pa kite \*dousè ak verite kite ou;  
mare yo antoure kou ou;  
ekri yo sou tablo kè ou.
- 4 Konsa, ou va twouve favè avèk \*bon repitasyon  
nan men Bondye a, ak moun.
- 5 \*Mete konfyans nan SENYÈ a ak tout kè ou;  
pa apiye sou pwòp bon konprann pa w.
- 6 Nan tout chemen ou yo rekonèt Li;  
konsa Li va \*fè pa ou yo vin dwat.
- 7 \*Pa vin saj nan pwòp zye pa ou;  
krent SENYÈ a e vire kite mal.
- 8 Li va sèvi kon yon \*gerizon pou kò ou  
ak rafrechisman a zo ou.
- 9 Onore SENYÈ a soti nan bonte ou yo,  
ak \*premye pati nan tout prodwi ou;

\* 2:10 Pwov 22:18   \* 2:11 Pwov 4:6   \* 2:12 Pwov 28:26   \* 2:13 Pwov 21:16   \* 2:14 Pwov 10:23  
\* 2:15 Sòm 125:5   \* 2:16 Pwov 23:27   \* 2:17 Mat 2:14-15   \* 2:19 Ekl 7:26   \* 2:20 Eb 6:12  
\* 2:21 Pwov 28:10   \* 2:22 Det 28:63   \* 3:1 Sòm 119:61   \* 3:3 II Sam 15:20  
\* 3:4 Sòm 111:10   \* 3:5 Sòm 37:3-5   \* 3:6 És 45:13   \* 3:7 Wo 12:16   \* 3:8 Pwov 4:22  
\* 3:9 Egz 23:19

- 10 Pou ✨depo ou yo kab vin plen ak abondans,  
e pou sitèn ou yo plen ak diven tounèf.
- 11 ✨Fis mwen an, pa rejte disiplin SENYÈ a,  
ni rayi repwòch Li,
- 12 Paske ✨sila ke SENYÈ a renmen an, Li korije li,  
jis tankou yon papa konn korije  
fis nan sila li pran plezi a.
- 13 ✨A la beni nonm ki twouve sajès,  
e nonm ki vin genyen bon konprann nan beni!
- 14 Paske ✨avantaj li pi bon ke avantaj ajan,  
e pwofi li pi bon ke lò fen.
- 15 Li ✨pi presye pase bijou;  
e okenn lòt bagay ke ou ta dezire pa kab konpare avèk li.
- 16 Lavi ki long nan men dwat li;  
nan men goch li se ✨richès ak lonè.
- 17 ✨Chemen li yo byen dous,  
e tout pa li yo se lapè.
- 18 Li se yon ✨pyebwa lavi a sila ki pran l yo,  
e byen kontan se tout sila ki kenbe l fèm yo.
- 19 SENYÈ a ✨ak sajès te fonde latè a;  
ak bon konprann Li te etabli syèl yo.
- 20 Ak konesans Li, ✨fon yo te vin ouvri,  
e syèl yo te vin degoute lawouze.
- 21 Fis mwen an, pa kite yo vin disparèt devan zye ou;  
kenbe bon sajès ak bon konprann.
- 22 Konsa yo va ✨lavi pou nanm ou  
ak dekorasyon pou kou ou.
- 23 Epi ou va mache nan chemen ou ak sekirite,  
e pye ou p ap ✨chape.
- 24 Lè ou ✨kouche ou p ap pè;  
kouche ou ak dòmi ou va byen dous.
- 25 Pa pè gwo laperèz ki parèt sibitman,  
ni atak a mechan an lè l vini;
- 26 Paske Bondye va konfyans ou,  
e va ✨veye pye ou pou l pa pran nan pyèj.
- 27 ✨Pa refize fè byen a sila ki merite l yo,  
si se nan kapasite ou pou fè l.
- 28 Pa di vwazen ou: “Ale e retounen pita”,  
oswa “Demen, m ap bay ou”, lè l deja nan men w.
- 29 ✨Pa kalkile mal kont vwazen ou  
pandan l ap viv an sekirite akote ou.
- 30 Pa fè kont ak yon nonm san koz,  
depi li pa konn fè ou tò.
- 31 ✨Pinga ou gen anvi a yon nonm vyolan,  
ni pa chwazi chemen li yo.

✨ 3:10 Det 28:8 ✨ 3:11 Job 5:17 ✨ 3:12 Rev 3:19 ✨ 3:13 Pwov 8:32-34 ✨ 3:14 Job 28:15-19  
 ✨ 3:15 Job 28:18 ✨ 3:16 Pwov 8:18 ✨ 3:17 Mat 11:29 ✨ 3:18 Jen 2:9 ✨ 3:19 Sòm 104:24  
 ✨ 3:20 Jen 7:11 ✨ 3:22 Det 32:47 ✨ 3:23 Sòm 91:12 ✨ 3:24 Job 11:9 ✨ 3:26 I Sam 2:9  
 ✨ 3:27 Wo 13:7 ✨ 3:29 Pwov 6:14 ✨ 3:31 Sòm 37:1



32 Paske foub se yon abominasyon a SENYÈ a; men SENYÈ a ✨vin toupre a sila yo ki dwat yo.

33 Malediksyon SENYÈ a sou kay mekan yo, men Li ✨beni abitasyon a moun dwat yo.

34 ✨Li moke moun k ap moke, men Li bay gras a sila ki aflije yo.

35 ✨Saj yo va resevwa gran respe kon eritaj, men moun plen foli yo va dezonere.

#### 4

1 Tande, O fis yo, ✨enstriksyon a yon papa, e fè atansyon pou ou kab reyisi jwenn bon konprann,

2 Paske mwen bay ou bon konsèy; ✨pa abandone enstriksyon mwen.

3 Lè m te yon jenn timoun ak papa m, byen jenn e ✨sèl fis devan zye a manman m,

4 Alò, li te ✨enstwi mwen e te di mwen: “Kite kè ou kenbe fèm a pawòl mwen; kenbe lòd mwen yo pou ou viv;

5 Vin ranmase sajès!

✨Ranmase bon konprann!

Pa bliye, ni pa vire kite pawòl a bouch mwen yo.

6 Pa abandone li e li va pwoteje ou;

✨renmen li e li va veye sou ou.

7 Men sa ki kòmansman sajès la:

✨ranmase sajès; epi, avèk sa ou rasanble a, chache bon konprann.

8 ✨Mete valè li wo e li va fè ou leve; li va bay ou onè si ou anbrase l.

9 Li va poze ✨sou tèt ou yon kouwòn lagras; li va prezante ou avèk yon kouwòn byen bèl.”

10 Tande, fis mwen an, ✨vin dakò ak pawòl mwen yo e lane lavi ou yo va vin byen long.

11 Mwen te ✨dirije ou nan chemen sajès la; mwen te kondwi ou nan pa ladwati yo.

12 Lè ou mache, pa ou yo p ap jennen; epi si ou kouri, ✨ou p ap glise tonbe.

13 ✨Pran enstriksyon; pa lage menm. Pwoteje li paske li se lavi ou.

14 ✨Pa antre nan chemen mekan yo, e pa avanse nan vwa malfektè yo.

15 Evite li, pa pase kote li; vire kite li e ale byen lwen.

16 Paske, yo p ap kab dòmi si yo pa fè mal; epi dòmi vin vòlè soti nan zye yo si yo pa fè lòt glise tonbe.

17 Paske yo ✨manje pen a malveyan yo

✨ 3:32 Job 29:4 ✨ 3:33 Job 8:6 ✨ 3:34 Jc 4:6 ✨ 3:35 Dan 12:3 ✨ 4:1 Sòm 34:11 ✨ 4:2 Sòm 89:30 ✨ 4:3 Za 12:10 ✨ 4:4 Ef 6:4 ✨ 4:5 Pwov 16:16 ✨ 4:6 II Tim 2:10 ✨ 4:7 Pwov 23:23 ✨ 4:8 I Sam 2:30 ✨ 4:9 Pwov 1:9 ✨ 4:10 Pwov 2:1 ✨ 4:11 I Sam 12:23 ✨ 4:12 Sòm 91:11 ✨ 4:13 Pwov 3:18 ✨ 4:14 Sòm 1:1 ✨ 4:17 Pwov 13:2

e bwè diven vyolans.

18 Men pa a moun dwat yo se tankou limyè granmmaten ki ✧ briye pi fò e pi fò jiskaske li vin fè jou nèt.

19 ✧Chemen mechan yo tankou tenèb; yo pa konnen sou kisa pou yo tonbe.

20 Fis mwen an, ✧prete atansyon a pawòl mwen yo; panche zòrèy ou vè diskou mwen yo.

21 Pa kite yo vin disparèt devan zye ou; ✧kenbe yo nan fon kè ou.

22 Paske, yo se ✧lavi a sila ki jwenn yo, ak lasante a tout kò yo.

23 Veye sou kè ou ak tout dilijans; paske ✧de li, sous lavi yo koule.

24 Mete lwen de ou yon bouch manti e ✧mete tout pawòl foub byen lwen ou.

25 Kite zye ou gade tou dwat devan e kite vizyon ou konsantre devan nèt.

26 ✧Veye wout pye ou konn pran e tout chemen ou yo va byen etabli.

27 ✧Pa vire ni adwat ni agoch; fè pye ou vire kite mal.

## 5

1 Fis mwen an, fè atansyon a sajès mwen, ✧apiye zòrèy ou vè bon konprann mwen;

2 Pou ou kab kenbe sajès e pou ✧lèv ou ka konsève konesans.

3 Paske lèv a fanm adiltè a degoute siwo, e pale li ✧pi dous pase lwil;

4 Men a lafen, li vin anmè pase kou fyèl, epi file kon yon nepe ki koupe de bò.

5 Pye li yo ✧desann vè lanmò e pa li yo kenbe fèm nan chemen Sejou mò yo.

6 Li pa reflechi sou pa lavi a; vwa li yo pa stab; ✧li pa rekonèt bagay sa a.

7 Alò, fis mwen yo, koute mwen, e ✧pa bliye pawòl a bouch mwen yo.

8 Kenbe wout ou byen lwen li, e pa pwoche toupri ✧pòt lakay li;

9 oswa ou va bay fòs ou a lòt yo ak ane ou yo a mechan an;

10 Konsa, etranje yo va ranpli ak fòs ou, e byen yo ke ou te ranmasé ak swè ou, va rive lakay a yon etranje;

11 Epi ou va plenyen nan gòj lè dènye moman lavi ou rive, lè chè ou ak kò ou fin manje nèt;

✧ 4:18 Dan 12:3 ✧ 4:19 Job 18:5-6 ✧ 4:20 Pwov 5:1 ✧ 4:21 Pwov 7:1-2 ✧ 4:22 Pwov 3:22  
 ✧ 4:23 Mat 12:34 ✧ 4:24 Pwov 19:1 ✧ 4:26 Pwov 5:21 ✧ 4:27 Det 5:32 ✧ 5:1 Pwov 22:17  
 ✧ 5:2 Mal 2:7 ✧ 5:3 Sòm 55:21 ✧ 5:5 Pwov 7:27 ✧ 5:6 Pwov 30:20 ✧ 5:7 Sòm 119:102  
 ✧ 5:8 Pwov 9:14

- 12 Pou ou di: “Ki jan mwen te ✨rayi enstriksyon!”  
Ak “Ki jan kè m te rayi repwòch!”
- 13 Mwen pa t koute vwa a sa yo kap enstwi m yo,  
ni mwen pa t panche zòrèy mwen vè ✨mèt mwen yo.
- 14 Mwen te prèt pou fini nèt nan mitan asanble a ak kongregasyon an.”
- 15 Bwè dlo nan pwòp sitèn pa ou e dlo fre nan pwi pa ou.
- 16 Èske ✨sous ou yo dwe dispèse nan peyi etranje,  
vwa dlo k ap kouri nan lari yo?
- 17 Kite yo pou ou sèl, e pa pou etranje yo avèk ou yo.
- 18 Kite fontèn dlo ou a rete beni,  
e rejwi ou nan madanm a jenès ou a.
- 19 Tankou yon sèf amourez ak yon bich elegan,  
kite tete li yo satisfè ou tout tan;  
rete debòde nèt ak lanmou li.
- 20 Paske poukisa fis mwen an,  
ou ta dwe renmen ak yon fanm adiltè  
e anbrase lestonmak a yon ✨etranje?
- 21 Paske chemen a yon nonm se devan zye a SENYÈ a,  
e Li ✨veye tout pa li yo.
- 22 ✨Pwòp inikite a mechan an va kaptire li,  
e li va kole nan kòd a pwòp peche pa li.
- 23 Li va ✨mouri akòz mank enstriksyon,  
e nan grandè foli li, li va vin egare.

## 6

- 1 Fis mwen an, si ou devni ✨garanti dèt pou vwazen ou,  
ou te fè pwomès pou yon lòt ki pa pa w.
- 2 Ou te tonbe nan pèlen akòz pawòl a bouch ou,  
ou te kenbe menm, akòz pawòl bouch ou yo,
- 3 Alò fè sa, fis mwen an, pou delivre tèt ou.  
Akoz ou te vin antre nan men a vwazen ou an,  
ale desann pou jennen vwazen ou an.
- 4 Pa kite ✨dòmi tonbe nan zye ou,  
ni somèy rive sou pòpyè zye ou;
- 5 Chape tèt ou kon yon antilòp nan men a chase,  
oswa ✨zwazo a nan men a sila k ap fè laches la.
- 6 Ale kote ✨foumi, o parese; veye abitud li yo e vin saj!
- 7 Li menm, ✨ san pa gen chèf, ni ofisyè, ni mèl,
- 8 Kon prepare manje li ✨nan gran sezon an  
e ranmase pwovizyon li nan rekòlt la.
- 9 Pou konbyen de tan ou va kouche konsa O parese?  
Se kilè ou va leve soti nan dòmi?
- 10 ✨Yon ti dòmi, yon ti somèy,  
yon ti pliye men ou yo pou repoze”;
- 11 ✨Mizè ou va vin parèt sou ou tankou yon vagabon,  
e nesesite ou tankou yon nonm k ap pote zam.
- 12 Yon sanzave, yon moun mechan  
se sila ki mache ak yon ✨bouch pèvès,

✨ 5:12 Pwov 1:7-29 ✨ 5:13 Pwov 1:8 ✨ 5:16 Pwov 5:18 ✨ 5:20 Pwov 2:16 ✨ 5:21 Pwov 4:26 ✨ 5:22 Nonb 32:23 ✨ 5:23 Job 4:21 ✨ 6:1 Pwov 11:15 ✨ 6:4 Sòm 132:4 ✨ 6:5 Sòm 91:3 ✨ 6:6 Pwov 30:24-25 ✨ 6:7 Pwov 30:27 ✨ 6:8 Pwov 10:5 ✨ 6:10 Pwov 24:33 ✨ 6:11 Pwov 24:34 ✨ 6:12 Pwov 4:24

- 13 Ki ✨bat zye li, ki fè siy ak pye li,  
ki pwente ak dwèt li;
- 14 Ki avèk pèvèsite nan kè l, fè tout tan sa ki mal,  
ki ✨gaye konfli.
- 15 Pou sa, ✨malè li va parèt sibitman;  
nan yon enstan li va kase nèt;  
e li p ap gen gerizon ditou.
- 16 Gen sis bagay ke SENYÈ a rayi;  
wi sèt menm ki abominab devan l:
- 17 Zye ògeye, ✨yon lang k ap bay manti,  
avèk men ki vèsè san inosan,
- 18 Yon kè ki divize plan mechan yo,  
✨pye ki kouri vit pou jwenn mal,
- 19 Yon ✨fo temwen ki bay manti,  
ak yon moun ki gaye konfli pami frè yo.
- 20 ✨Fis mwen an, swiv lòd a papa ou  
e pa abandone enstriksyon manman ou;
- 21 ✨Mare yo tout tan sou kè ou; mare yo nan kou ou.
- 22 Lè ou ✨mache toupatou, yo va gide ou; lè ou dòmi, yo va veye sou ou;  
epi, lè ou leve, yo va pale avèk ou.
- 23 Paske ✨kòmandman an se yon lanp  
e enstriksyon li se limyè;  
epi repwòch ki disipline a se chemen lavi a
- 24 Pou ✨anpeche ou rive nan fanm movèz vi a,  
a lang glise de fanm adiltè a.
- 25 ✨Pa dezire bote li nan kè ou,  
ni kite li kapte ou avèk pòpyè zye li.
- 26 Paske akoz yon pwostitiye,  
yon gason redwi a yon mòso pen;  
yon fanm adiltè chase lavi ki gen wo valè.
- 27 Èske yon moun kab mete dife nan lestonmak li  
pou rad li pa brile?
- 28 Oswa èske yon nonm kab mache sou chabon limen  
san ke pye li pa brile?
- 29 Se konsa li ye ak yon nonm ki  
✨antre nan madanm vwazen li;  
nenpòt moun ki manyen l p ap sòti san pinisyon.
- 30 Pèsòn pa meprize yon vòlè  
si li vòlè pou l kab ✨satisfè grangou;
- 31 Men depi li vin kenbe, li oblije ✨repeye li sèt fwa.  
Li oblije bay tout sa li posede lakay li.
- 32 Sila ki fè adiltè ak yon fanm manke sajès;  
se li menm ki ✨ta vle detwi pwòp lavi li a kap fè sa.
- 33 L ap twouve blese ak gwo wont  
e repwòch li p ap efase menm.
- 34 Paske ✨jalouzi fè laraj nan yon nonm;  
li p ap fè gras nan jou vanjans lan.

✨ 6:13 Job 15:12 ✨ 6:14 Pwov 6:19 ✨ 6:15 Pwov 24:22 ✨ 6:17 Sòm 31:18 ✨ 6:18 Pwov  
1:16 ✨ 6:19 Sòm 27:1 ✨ 6:20 Ef 6:1 ✨ 6:21 Pwov 3:3 ✨ 6:22 Pwov 3:23 ✨ 6:23 Sòm  
19:8 ✨ 6:24 Pwov 5:3 ✨ 6:25 Mat 5:28 ✨ 6:29 Éz 18:6 ✨ 6:30 Job 38:39 ✨ 6:31 Egz  
22:1-4 ✨ 6:32 Pwov 7:22-23 ✨ 6:34 Pwov 27:4

35 Li p ap dakò dedonmaje ak ranson,  
ni li p ap satisfè malgre ou fè li anpil kado.

## 7

- 1 Fis mwen an, ✧kenbe pawòl mwen yo  
e kache kòmandman mwen yo anndan ou.
- 2 Kenbe kòmandman mwen yo pou viv, ak enstriksyon mwen yo  
✧kon de grenn zye nan tèt ou.
- 3 Mare yo sou dwèt ou;  
✧ekri yo sou tablo a kè ou.
- 4 Di a sajès: “Se ou ki sè mwen,”  
e rele sajès pi bon zanmi ou;
- 5 Pou yo kab anpeche ou ale jwenn ak yon fanm adiltè;  
kont etranje a ki flate ak pawòl li.
- 6 Paske, nan fenèt lakay mwen, mwen te gade  
✧nan fant fenèt mwen an,
- 7 Epi mwen te wè pami moun ✧sòt yo  
e te rekonèt pami jenn yo,  
yon jennonm ki te manke bon sans;
- 8 Ki t ap pase nan lari a toupre kwen kay fanm nan.  
Konsa, li pran chemen pou rive ✧lakay li,
- 9 Nan solèy kouche a, nan aswè,  
nan mitan lannwit ak nan fènwa.
- 10 Epi gade, yon fanm vin pwoche li  
✧abiye kon pwostitiye ak riz nan kè l.
- 11 Li parèt plen kouraj nan rebelyon li;  
✧pye li pa rete lakay li;
- 12 Koulye a nan lari yo, koulye a nan plas yo,  
e ✧kache nan tout kwen.
- 13 Konsa, li sezi li, bo li,  
e ak ✧figi byen ranje, li di li:
- 14 “Mwen te prèt pou ale fè ofrann lapè yo;  
jodi a, mwen ✧fin peye ve mwen yo.
- 15 Konsa, mwen te vin rankontre ou, jwenn prezans ou  
e konsa, mwen te twouve ou.
- 16 Mwen byen ranje kabann mwen ak kouvèti,  
avèk bèl ✧dra Égypte yo.
- 17 Mwen te flite kabann nan ak pafen  
flè jasmen, lwil womaren ak ✧kanèl.
- 18 Vini, annou bwè ladann e fè lanmou jis rive nan maten;  
annou fè kè nou kontan ak doudous nou yo.
- 19 Paske mari m pa lakay la;  
li ale nan yon gran vwayaj;
- 20 Li te pran yon sak lajan avè l.  
Jis rive nan plèn lin, l ap retounen lakay.”
- 21 Ak anpil ankourajman, li atire li;  
avèk ✧lèv a flatè, li sedwi li.
- 22 Sibitman, li swiv li tankou yon bèf k ap monte labatwa,

tankou gran chenn an fè yo kab sèvi pou disipline moun fou.

<sup>23</sup> Jiskaske yon flèch frennen li nan fwa l;  
tankou yon ✨zwazo k ap fè vit pou rive nan pèlen;  
se konsa, li pa konnen ke sa va koute lavi li.

<sup>24</sup> Alò, pou sa, fis yo, ✨koute mwen  
e okipe pawòl a bouch mwen yo.

<sup>25</sup> Pa kite kè ou ✨vire akote nan chemen li yo!  
Pa vin antre egare nan wout li yo!

<sup>26</sup> Paske, anpil se viktim ke li deja jete anba yo;  
e ✨anpil se sila ki te mouri akòz li.

<sup>27</sup> ✨Lakay li nan wout Sejou mò yo,  
k ap desann nan chanm lanmò yo.

## 8

<sup>1</sup> Èske ✨sajès pa rele?

Èske bon konprann pa leve vwa li?

<sup>2</sup> Anlè ✨wotè akote chemen yo, akote kafou wout yo;  
la li pran pozisyon li.

<sup>3</sup> Akote ✨pòtay yo, nan ouvèti vil la,  
nan antre pòtay yo, li kriye fò:

<sup>4</sup> Vè nou menm, O mesye yo,  
mwen rele; e vwa m se pou fis a lòm yo.

<sup>5</sup> O! moun ensanse yo, vin aprann pridans!  
✨Moun fou yo, vin konprann sajès!

<sup>6</sup> Koute mwen, paske mwen va pale gwo bagay.  
Lè lèw mwen louvri, ✨y ap devwale bagay ki kòrèk.

<sup>7</sup> Paske ✨bouch mwen va eksprime verite;  
epi mechanste vin abominab a lèw mwen.

<sup>8</sup> Tout pawòl a bouch mwen yo dwat;  
nanpwen anyen ✨kwochi oswa pèvès ladann yo.

<sup>9</sup> Yo byen dwat pou sila ki konprann nan,  
e kòrèk pou sila ki ✨jwenn konesans lan.

<sup>10</sup> Pran ✨konsèy mwen olye ajan,  
e konesans olye pi chwa nan lò pi.

<sup>11</sup> Paske, sajès ✨pi bon ke bijou;  
epi tout pi bèl bagay yo p ap kab konpare avè l.

<sup>12</sup> Mwen se sajès. Mwen rete avèk bon konprann.  
Konsa, mwen jwenn ✨konesans ak bon sans.

<sup>13</sup> ✨Lakrent SENYÈ a se pou rayi mal;  
ògèy, awogans, ak move chemen.

Mwen rayi yon bouch pèvès.

<sup>14</sup> ✨Konsèy ak bon sajès se pou mwen;  
entèlijans se non mwen. Pouvwa se pa m.

<sup>15</sup> Akòz mwen ✨wa yo vin renye;  
e gouvènè yo fè dekrè lajistis.

<sup>16</sup> Akòz mwen prens ak nòb yo pran pouvwa;

✨ 7:23 Ekl 9:12 ✨ 7:24 Pwov 5:7 ✨ 7:25 Pwov 5:8 ✨ 7:26 Pwov 9:18 ✨ 7:27 Pwov 2:18  
✨ 8:1 Pwov 1:20-21 ✨ 8:2 Pwov 9:3-14 ✨ 8:3 Job 29:7 ✨ 8:5 Pwov 1:22-32 ✨ 8:6 Pwov  
23:16 ✨ 8:7 Sòm 37:30 ✨ 8:8 Det 32:5 ✨ 8:9 Pwov 3:13 ✨ 8:10 Pwov 3:14-15 ✨ 8:11  
Job 28:15-18 ✨ 8:12 Pwov 1:4 ✨ 8:13 Pwov 3:7 ✨ 8:14 Pwov 1:25 ✨ 8:15 II Kwo 1:10

tout moun ki fè jijman ki bon yo.  
 17 Mwen renmen sila ki renmen m yo.  
 ✧Sila ki chache mwen ak dilijans yo va jwenn mwen.  
 18 ✧Richès ak lonè avèk mwen;  
 richès k ap dire ak ladwati.  
 19 Fwi mwen ✧pi bon ke lò, menm lò pi.  
 Rannman mwen pi bon ke pi bèl ajan an.  
 20 Mwen mache nan ladwati,  
 nan mitan wout lajistis yo,  
 21 Pou m bay a sila ki renmen m, richès;  
 pou m kab ✧ranpli kès yo.  
 22 SENYÈ a te posede m ✧nan kòmansman travay pa Li;  
 menm avan zèv ansyen Li yo.  
 23 Depi nan etènite, mwen te etabli,  
 depi nan kòmansman, ✧depi nan tan pi ansyen mond lan.  
 24 Lè potko gen ✧pwofondè, mwen te fèt,  
 lè pa t gen sous ki t ap bonbade dlo yo.  
 25 ✧Avan mòn yo te poze, avan kolin yo,  
 mwen te rale fèt;  
 26 Pandan li potko fè tè a ak chan yo,  
 ni premye grenn pousyè mond lan.  
 27 Lè Li te etabli syèl yo, mwen te la,  
 lè ✧Li te trase yon sèk won fas a pwofondè a,  
 28 Lè Li te fè syèl yo anwo vin fèm,  
 lè sous nan fon yo te vin etabli,  
 29 Lè Li te mete lizyè sou lanmè a pou dlo pa t vyole lòd Li,  
 lè Li te make tras ✧fondasyon tè a;  
 30 Nan tan sa a, mwen te akote Li,  
 yon mèt ouvriye; epi, mwen te fè L plezi tout lajounen  
 e te rejwi devan L tout tan,  
 31 Mwen t ap Rejwi nan mond lan, tè Li a,  
 e fè ✧kè kontan nan fis a lòm yo.  
 32 Alò, pou sa, fis yo, ✧koutè mwen;  
 paske beni se sila ki kenbe chemen mwen yo.  
 33 ✧Koutè lenstriksyon pou ou vin saj e pa neglije l.  
 34 ✧Beni se moun ki koutè mwen an,  
 k ap veye chak jou nan pòtay mwen yo,  
 k ap veye kote poto pòt kay mwen an.  
 35 Paske sila ki twouve mwen an, jwenn lavi  
 e resevwa lonè devan SENYÈ a.  
 36 Men sila ki peche kont mwen an, fè pwòp tèt li mal;  
 tout sila ki rayi mwen yo, ✧renmen lanmò.”

## 9

1 Sajès ✧bati kay li a;  
 li taye sèt gwo pilye li yo;  
 2 Li te ✧prepare manje li,

✧ 8:17 Pwov 2:4-5 ✧ 8:18 Pwov 3:16 ✧ 8:19 Job 28:15 ✧ 8:21 Pwov 24:4 ✧ 8:22 Job 28:26-28 ✧ 8:23 Jn 17:5 ✧ 8:24 Jen 1:2 ✧ 8:25 Job 15:7 ✧ 8:27 Job 26:10 ✧ 8:29 Job 38:6 ✧ 8:31 Sòm 16:3 ✧ 8:32 Pwov 5:7 ✧ 8:33 Pwov 4:1 ✧ 8:34 Pwov 3:13-18 ✧ 8:36 Pwov 21:6 ✧ 9:1 Kol 3:9-10 ✧ 9:2 Mat 22:4

li te mele diven li; anplis, li fin ranje tab li;  
<sup>3</sup> Li ✨voye demwazèl li yo deyò,  
 li rele soti nan anlè wotè pwent vil yo:  
<sup>4</sup> Pou sila ki ensanse a, kite li antre isit la!  
 Pou sila ki ✨manke bon konprann nan, li di:  
<sup>5</sup> Vin ✨manje manje mwen an,  
 e bwè diven ke m te melanje a.  
<sup>6</sup> Kite foli ou pou ou viv;  
 epi ✨avance nan chemen bon konprann nan.  
<sup>7</sup> Sila ki ✨korije yon mokè resevwa dezonè pou pwòp tèt li,  
 e sila ki repwoche yon nonm mechan  
 va resevwa ofans sou tèt li.  
<sup>8</sup> Pa repwoche yon mokè, sinon li va rayi ou;  
 ✨repwoche yon nonm saj e li va renmen ou.  
<sup>9</sup> Bay konsèy a yon nonm saj e li va vin pi saj,  
 enstwi yon nonm dwat e li va ✨ogmante konesans li.  
<sup>10</sup> ✨Lakrent SENYÈ a se kòmansman a sajès  
 e konesans a Sila Ki Sen an se bon konprann.  
<sup>11</sup> Paske ✨pa mwen, jou ou yo va miltipliye  
 e ane yo ap ogmante sou lavi ou.  
<sup>12</sup> Si ou saj, ou saj ✨pou pwòp tèt ou;  
 e si ou moke, ou pote sa a pou kont ou.  
<sup>13</sup> Fanm sòt ✨pale byen fò ak gwo vwa;  
 li bèt, e li pa konnen anyen. <sup>14</sup> Li chita devan pòtay lakay li,  
 sou yon chèz akote ✨wo plas vil yo,  
<sup>15</sup> Li rele sila ki pase yo,  
 ki ap fè chemen yo dwat yo:  
<sup>16</sup> ✨Sila ki pa konnen anyen an, kite li antre isit la;  
 pou sila ki manke konprann nan, li di:  
<sup>17</sup> “Dlo yo vòlè dous  
 e ✨pen ki manje an sekrè byen agreyab.  
<sup>18</sup> Men mesye a pa konnen ke se la mò yo ye a;  
 vizitè li yo la yo rive jis nan fon Sejou mò yo.

## 10

<sup>1</sup> Pwovèb a Salomon yo.  
 Yon fis ki saj fè papa li kontan,  
 men yon fis ki plen ak foli se yon gwo doulè pou manman l.  
<sup>2</sup> ✨Richès ranmase pa mechanste pa reyisi,  
 men ladwati delivre soti nan lanmò.  
<sup>3</sup> SENYÈ a p ap kite moun ladwati yo grangou,  
 men l ap rejte anvè a mechan an.  
<sup>4</sup> Malere se sila ki travay ak men lach;  
 men lamèn moun dilijan an, anrichi.  
<sup>5</sup> Sila ki fè rekòlt nan sezon ete a se yon fis ki aji ak sajès;  
 men sila ki dòmi nan lè rekòlt la fè gwo wont.  
<sup>6</sup> Benediksyon se sou tèt a moun dwat la;  
 men ✨bouch mechan an kache vyolans.

✨ 9:3 Sòm 68:11 ✨ 9:4 Pwov 6:32 ✨ 9:5 Kan 5:1 ✨ 9:6 Éz 11:20 ✨ 9:7 Pwov 23:9 ✨ 9:8  
 Sòm 141:5 ✨ 9:9 Pwov 1:5 ✨ 9:10 Job 28:28 ✨ 9:11 Pwov 3:16 ✨ 9:12 Job 22:2 ✨ 9:13  
 Pwov 7:11 ✨ 9:14 Pwov 9:3 ✨ 9:16 Pwov 9:4 ✨ 9:17 Pwov 20:17 ✨ 10:2 Sòm 49:7 ✨ 10:6  
 Pwov 10:11



- 7 Memwa a moun dwat la beni;  
men ✧non mechan an vin pouri.
- 8 ✧Saj nan kè yo va resevwa lòd chèf la;  
men moun fou ki pale anpil yo ap pèdi.
- 9 Sila ki mache ak entegrite a, mache an sekirite;  
men sila ✧ki fè wout kwochi a va vin dekouvri.
- 10 Sila ✧ki bat zye a, koze pwoblèm,  
e moun fou a ki pale anpil, va fè dega.
- 11 ✧Bouch a moun dwat se yon fontèn dlo lavi,  
men bouch a mechan an kache vyolans.
- 12 Rayisman pwovoke konfli; men lanmou kouvri tout fot.
- 13 Sou ✧lèv a moun ki konn disène, nou twouve sajès;  
men gen baton pou do a sila ki manke konprann nan.
- 14 Moun saj yo ranmase konesans;  
men ak ✧bouch moun fou a, destriksyon an toupre.
- 15 Byen a moun rich se yon sitadèl pou li.  
✧ Sa ki detwi malere a se mizè.
- 16 ✧Salè a moun dwat se lavi;  
revni a mechan an se pinisyon.
- 17 Sila ki swiv enstriksyon an ✧sou wout lavi;  
men sila ki pa tande repwòch la vin egare nèt.
- 18 Sila ✧ki kache rayisman an gen lèv k ap bay manti;  
e sila ki gaye difamasyon an se yon moun fou.
- 19 Lè gen anpil pawòl, transgresyon pa kab evite;  
men ✧sila ki frennen lèv li gen sajès.
- 20 Lang a moun dwat yo se tankou ✧ajan pi chwazi a;  
men kè a mechan an vo piti.
- 21 ✧Lèv a moun dwat yo fè anpil moun manje;  
men moun fou yo mouri akòz mank bon konprann.
- 22 Benediksyon SENYÈ a fè moun rich;  
konsa li pa mele ak chagren.
- 23 Fè mal se tankou fè spò pou moun san konprann nan;  
e se konsa sajès la ye pou moun entèlijan an.
- 24 Sa ke mechan an pè a, ap rive sou li;  
men ✧sa ke moun dwat la vle va vin reyisi.
- 25 Lè toubiyon an fin pase, mechan an vin disparèt;  
men moun dwat la gen yon fondasyon etènèl.
- 26 Tankou vinèg anba dan ak lafimen nan zye;  
se konsa ✧parese a ye pou sila ki voye li yo.
- 27 ✧Lakrent SENYÈ a pwolonje lavi;  
men lane mechan yo va vin kout.
- 28 Lespwa a moun dwat la se kè kontan;  
men ✧entansyon mechan an va peri
- 29 Chemen Bondye a se yon sitadèl pou moun dwat yo;  
men ✧destriksyon nèt pou tout ouvriye inikite yo.
- 30 Moun ladwati a p ap janm souke;

✧ 10:7 Sòm 9:5 ✧ 10:8 Pwov 9:8 ✧ 10:9 Pwov 26:6 ✧ 10:10 Sòm 35:19 ✧ 10:11 Sòm 37:30 ✧ 10:13 Pwov 10:31 ✧ 10:14 Pwov 10:8-10 ✧ 10:15 Pwov 19:7 ✧ 10:16 Pwov 11:18-19 ✧ 10:17 Pwov 6:23 ✧ 10:18 Pwov 26:24 ✧ 10:19 Pwov 17:27 ✧ 10:20 Pwov 8:19 ✧ 10:21 Pwov 10:11 ✧ 10:24 Sòm 145:19 ✧ 10:26 Pwov 26:6 ✧ 10:27 Pwov 3:2 ✧ 10:28 Job 8:13 ✧ 10:29 Pwov 21:15

men ✧mechan yo p ap demere nan peyi a.  
 31 a ✧Bouch a moun dwat la koule ak sajès;  
 men lang pèvès la vin koupe.  
 32 Lèv a moun dwat yo fè parèt ✧sa ki bon;  
 men bouch a mechan an, sa ki pèvèti.

## 11

1 Yon ✧fo balans se abominasyon a SENYÈ a;  
 men yon pwa ki jis se plezi Li.  
 2 Lè ✧ògèy vin monte, dezonè vin swiv;  
 men avèk moun enb lan, se sajès.  
 3 Entegrite a moun dwat la va gide yo;  
 men ✧koripsyon a sila ki fè konplo a va detwi yo.  
 4 Richès pa gen avantaj nan jou jijman an;  
 men ✧ladwati va delivre moun soti nan lanmò.  
 5 Ladwati a sila ki san tò a va fè wout li vin swa;  
 men mechan an va tonbe akòz pwòp inikite pa Li.  
 6 Ladwati a moun dwat yo va delivre yo;  
 men moun trèt yo ✧va kenbe pa pwòp vorasite yo.  
 7 Lè yon nonm mechan mouri,  
 ✧sa li anvizaje a mouri avè l; espwa a nonm fò a va peri.  
 8 Moun dwat la va delivre soti nan twoub;  
 men mechan an va pran plas li.  
 9 Avèk bouch li, moun san Bondye a detwi vwazen li;  
 men ak konesans, moun dwat yo va delivre.  
 10 Lè sa ✧ale byen ak moun dwat yo, vil la fè rejwisans;  
 e lè mechan yo peri, gen gwo kri lajwa.  
 11 Avèk benediksyon a moun dwat yo, yon vil vin leve wo;  
 men avèk bouch a mechan yo, li vin chire nèt.  
 12 Sila ki meprize vwazen li an, manke bon tèt;  
 men yon nonm ak bon konprann pa pale menm.  
 13 Sila ki mache toupatou tankou rapòtè, revele sekre yo;  
 men sila ki dign de konfyans sere yon bagay.  
 14 Kote ki pa gen ✧gid, moun yo tonbe;  
 men ak anpil konseye, gen viktwa.  
 15 Sila ki se ✧garanti pou yon moun li pa konnen,  
 va vrèman soufri pou sa a;  
 men sila ki rayi vin yon garanti va asire.  
 16 Yon ✧fanm ak gras twouve onè;  
 e mesye san prensip yo twouve richès.  
 17 Yon nonm ki fè ✧gras fè byen pou pwòp tèt li;  
 men yon nonm mechan fè tèt li mal.  
 18 Mechan an ranmase salè li nan koken;  
 men sila ki ✧simen ladwati a, va twouve vrè rekonpans lan.  
 19 Sila ki fidèl nan ladwati a va jwenn lavi,  
 e sila ki pouswiv mal la va jwenn pwòp lanmò pa li.  
 20 Sila ki pèvès nan kè yo abominab a SENYÈ a;

✧ 10:30 Pwov 2:22 ✧ 10:31 Sòm 37:30 ✧ 10:32 Ekl 12:10 ✧ 11:1 Lev 19:35-36 ✧ 11:2  
 Pwov 16:18 ✧ 11:3 Pwov 19:3 ✧ 11:4 Jen 7:1 ✧ 11:6 Sòm 7:15-16 ✧ 11:7 Pwov 10:28  
 ✧ 11:10 Pwov 28:12 ✧ 11:14 Pwov 15:22 ✧ 11:15 Pwov 6:1 ✧ 11:16 Pwov 31:28-30 ✧ 11:17  
 Mat 5:7 ✧ 11:18 Os 10:12

men sila ki san tò nan chemen yo, se ✧plezi Li.  
 21 Anverite, moun mechan an p ap chape anba pinisyon;  
 men desandan a moun dwat yo va delivre.  
 22 Tankou yon bag fèt an lò nan nen a kochon,  
 se konsa yon bèl fanm ki manke bon sans.  
 23 Dezi a moun dwat la se sèlman sa ki bon;  
 men ✧dezi a mechan an mennen jijman.  
 24 Gen yon moun ki separe bay; malgre sa li vin ogmante plis.  
 Genyen ki refize bay sa ke li dwe, e sa fè l vin manke.  
 25 Sila ✧ki bay ak bon kè a va pwospere;  
 sila ki bay dlo a va jwenn dlo kont pou tèt li.  
 26 Sila ki refize bay manje sereyal la, ✧va modi pa pèp la;  
 men benediksyon va tonbe sou sila ki vann li an.  
 27 Sila ki chache sa ki bon an, chache favè Bondye;  
 men ✧sila ki chache mal la,  
 se mal la k ap vin jwenn li.  
 28 Sila ki ✧mete konfyans nan richès li va vin tonbe;  
 men moun dwat la va grandi tankou fèy vèt sou pyebwa.  
 29 Sila ki mennen twoub lakay li va eritye van;  
 e san konprann nan va vin sèvitè a sila ki gen kè saj la.  
 30 Fwi ladwati a se yon pyebwa lavi,  
 e ✧sila ki saj va sove nanm yo.  
 31 Si ✧moun dwat yo twouve rekonpans yo sou latè,  
 konbyen anplis pou mechan an avèk pechè a!

## 12

1 Nenpòt moun ki renmen disiplin, renmen konesans,  
 men sila ki rayi korije a, se bèt.  
 2 Yon ✧bon moun va jwenn favè SENYÈ a;  
 men Bondye va kondanne sila ki fè manèv mechanste a.  
 3 Yon nonm p ap etabli ak mal la;  
 men rasin ✧moun dwat la p ap sòti menm.  
 4 Yon bon madanm se kouwòn a mari li;  
 men sila ki fè l wont lan se tankou ✧pouriti nan zo li.  
 5 Panse a moun dwat yo jis;  
 men konsèy a mechan yo se desepsyon.  
 6 Pawòl a mechan yo kouche tann pyèj pou vèsè san;  
 men ✧bouch moun dwat yo va delivre yo.  
 7 Mechan yo va boulvèsè e vin disparèt;  
 men kay a moun dwat yo va kanpe.  
 8 Yon nonm ap twouve glwa selon entèlijans li;  
 men sila akpanse pèvès la va meprize.  
 9 Meyè se sila ki enkoni a, men gen sèvitè,  
 pase sila ki onore pwòp tèt li e manke pen an.  
 10 Yon nonm ladwati gen respè pou lavi a bèt li;  
 men konpasyon a mechan an se mechanste.  
 11 Sila ✧ki raboure tè li a va gen anpil pen;  
 men sila ki swiv bagay san valè yo manke bon konprann.

✧ 11:20 I Kwo 29:17 ✧ 11:23 Pwov 10:28 ✧ 11:25 Pwov 3:9-10 ✧ 11:26 Pwov 24:24 ✧ 11:27 Est 7:10 ✧ 11:28 Sòm 49:6 ✧ 11:30 Pwov 14:25 ✧ 11:31 II Sam 22:21-25 ✧ 12:2 Pwov 3:4 ✧ 12:3 Pwov 10:25 ✧ 12:4 Pwov 14:30 ✧ 12:6 Pwov 14:3 ✧ 12:11 Pwov 28:19

- 12 Moun mechan an vle pran piyaj a mechan yo; men rasin ladwati yo ✨va donne fwi li.
- 13 Yon moun mechan pyeje pa transgresyon lèw li; men moun dwat la va evite pwoblèm.
- 14 Yon nonm va satisfè avèk sa ki bon kon fwi a pawòl li, e zèw lamèn a yon nonm va retounen kote li.
- 15 Chemen a yon moun fou bon nan zye li; men yon nonm saj koute konsèy.
- 16 Lè yon moun fou vekse, ou konnen sa vit; men sila ki saj la evite wont.
- 17 Sila ki pale verite a pale sa ki dwat; men yon fo temwen twonpe.
- 18 Genyen yon moun ki pale san pridans tankou sila k ap goumen ak nepe yo; men lang a saj la pote gerizon.
- 19 Lèw verite yo va etabli pou tout tan; men ✨lang ki bay manti a rete pou yon moman.
- 20 Desepsyon se nan kè a sila k ap fè manèw mechanste yo; men konseye lapè yo gen jwa.
- 21 ✨Nanpwèn mal ki rive moun dwat yo; men mechan yo plen ak twoub.
- 22 ✨Lèw ki manti a abominab a SENYÈ a; men sila ki aji nan fidelite, se plezi Li.
- 23 Yon moun ✨pridan kache sa li konnen; men kè moun san konprann pale jis nan foli.
- 24 Men a dilijan yo va kòmande; men parese a va ✨fè kòve.
- 25 Gwo pwoblèm nan kè a yon moun peze li desann; men yon ✨bon pawòl fè l kontan.
- 26 Moun ladwati a se yon gid a vwazen li; men chemen a mechan an egare yo.
- 27 Yon nonm parese pa menm boukannen bèt lachas li, men pi presye nan sa yon nonm ✨posede se dilijans.
- 28 ✨Nan chemen ladwati se lavi; e nan wout li nanpwèn lanmò.

## 13

- 1 Yon ✨fis ki saj aksepte disiplin a papa l, men yon mokè pa koute repwòch.
- 2 Fwi a ki soti nan bouch moun se rejwisans de sa ki bon; men volonte a mechan an se vyolans.
- 3 Sila ki ✨kontwole bouch li, konsève lavi li; sila ki ouvri lèw li byen laj va detwi nèt.
- 4 Nanm a parese a anvè, e li pa jwenn; men nanm a moun dilijan an vin gra.
- 5 Yon nonm dwat ✨rayi sa ki fo; men zak mechan yo degoutan e fè gwo wont.
- 6 Ladwati se ✨yon pwotèj pou sila ki san fot la;

✨ 12:12 Pwov 11:30 ✨ 12:19 Sòm 52:4-5 ✨ 12:21 Sòm 91:10 ✨ 12:22 Rev 22:15 ✨ 12:23 Pwov 10:14 ✨ 12:24 Jen 49:15 ✨ 12:25 És 50:4 ✨ 12:27 Pwov 10:4 ✨ 12:28 Det 30:15 ✨ 13:1 Pwov 10:1 ✨ 13:3 Pwov 18:21 ✨ 13:5 Kol 3:9 ✨ 13:6 Pwov 11:3

men mechanste fè pechè a vin souye nèt.

<sup>7</sup> Genyen moun ki pretann yo rich, men yo pa gen anyen; yon lòt pretann li ✧malere men li gen gwo richès.

<sup>8</sup> Ranson pou lavi a yon nonm rich se richès li; men malere a pa tandè repwòch.

<sup>9</sup> Limyè a moun dwat la se rejwisans; men ✧lanp a mechan an va etenn.

<sup>10</sup> Ògèy pa pote anyen sof ke konfli; men sajès rete ak sila ki resevwa konsèy yo.

<sup>11</sup> Richès ki sòti nan manti koule ale; men sila ki rasanble pa travay la ogmante li.

<sup>12</sup> Lespwa jennen fè kè a malad; men dezi acheve a se yon pyebwa lavi.

<sup>13</sup> Sila ki ✧meprize lenstriksyon va peye fwe a; men sila ki respekte lòd yo va resevwa rekonpans li.

<sup>14</sup> Lenstriksyon a saj yo se yon ✧fontèn dlo lavi pou detounen pèlen lanmò a.

<sup>15</sup> ✧Bon konprann pwodwi favè; men chemen moun trèt la di.

<sup>16</sup> Tout moun ki ✧pridan aji ak konesans; men yon moun san konprann parèt ak foli li.

<sup>17</sup> Yon mesaj mechan tonbe nan advèsite; men sila ki pote pawòl ak bòn fwa a, pote gerizon

<sup>18</sup> Mizè ak wont se pou sila ki ✧manke disiplin nan; men sila ki konsidere repwòch la va onore.

<sup>19</sup> Yon dezi ki realize se dous a nanm nan, men moun bèt twouve l rayisab pou kite mechanste.

<sup>20</sup> ✧Sila ki mache ak moun saj va vin saj; men bon zanmi a moun ensanse a va jwenn soufrans.

<sup>21</sup> Se malè ki kouri dèyè pechè yo; men moun dwat yo va pwospere.

<sup>22</sup> Yon bon moun va ✧lese eritaj pou pitit pitit li; men richès a pechè yo konsève pou moun dwat yo.

<sup>23</sup> Gen ✧anpil manje nan tè poze a malere a; men li fin bale nèt akòz enjistis.

<sup>24</sup> Sila ki ralanti baton li, rayi fis li; men sila ki renmen l va ba li ✧disiplin ak dilijans.

<sup>25</sup> Moun dwat la gen kont pou satisfè dezi li; men vant ✧mechan an toujou gen bezwen.

## 14

<sup>1</sup> ✧Fanm saj la bati kay li,

men fanm ensanse a demoli li ak pwòp men li.

<sup>2</sup> Sila ki mache nan ladwati a gen lakrent SENYÈ a; men sila ki fè chemen ✧kwochi a meprize li.

<sup>3</sup> Nan bouch a moun sòt la, se yon baton pou do li; men ✧lèv a saj yo va pwoteje yo.

✧ **13:7** Luc 12:33 ✧ **13:9** Job 18:5 ✧ **13:13** Nonb 15:31 ✧ **13:14** Sòm 10:11 ✧ **13:15** Sòm 111:10 ✧ **13:16** Pwov 12:23 ✧ **13:18** Pwov 15:5-32 ✧ **13:20** Pwov 2:20 ✧ **13:22** Esd 9:12 ✧ **13:23** Pwov 12:11 ✧ **13:24** Det 8:5 ✧ **13:25** Pwov 13:18 ✧ **14:1** Rt 4:11 ✧ **14:2** Pwov 2:15 ✧ **14:3** Pwov 12:6

- 4 Kote nanpwen bèf, manjwa a pwòp;  
men se fòs a bèf la ki fè richès.
- 5 Yon ✧temwen fidèl p ap bay manti;  
men yon fò temwen pale manti.
- 6 Yon mokè chache sajès e li pa jwenn anyen;  
men konesans fasil pou sila ki gen bon konprann nan.
- 7 Kite ✧prezans a yon moun ensanse,  
sinon ou p ap rekonèt pawòl a saj yo.
- 8 Sajès a moun rezonab la se pou l konprann chemen li;  
men ✧betiz a moun ensanse a se desepsyon.
- 9 Moun ensanse kontwole peche kon jwèt;  
men ✧pami moun dwat yo, gen bòn volonte.
- 10 Kè a konnen pwòp ✧amètlim li, ak moun deyò li p ap pataje jwa sila a.
- 11 ✧Lakay mechan yo va detwi;  
men tant a moun dwat la va fleri.
- 12 Gen yon chemen ki sanble bon pou lòm;  
men ✧fen li se chemen lanmò an.
- 13 Menm ri nan kè ka gen doule,  
e ✧lajwa ka fini ak tristès.
- 14 Kè a ki chite fè bak va ✧vin bouke nan pwòp chemen li;  
men yon bon moun va satisfè avèk pa li a.
- 15 Moun san konprann kwè nan tout bagay;  
men yon nonm rezonab veye pa li yo.
- 16 Yon nonm saj fè atansyon pou l ✧vire kite mal;  
men yon moun fou plen ògèy e pa pè anyen.
- 17 Yon nonm kolerik aji nan foli,  
e yon nonm k ap fè manèv mechan va rayi pa lòt yo.
- 18 Moun san konprann yo gen foli kon eritaj;  
men moun rezonab yo kouwone ak konesans.
- 19 ✧Mal la va bese devan sa ki bon an;  
e mechan yo devan pòtay a moun dwat yo.
- 20 ✧Malere a vin rayi menm pa vwazen li;  
men sila ki renmen rich yo anpil.
- 21 Sila ki meprize vwazen li fè peche;  
men ✧kontan se moun ki fè gras a malere a.
- 22 Èske sila ki ✧fòmante mechanste a, p ap vin egare?  
Men ladousè avèk verite va vini a moun nan ki fè sa ki bon.
- 23 Nan tout travay gen pwofi;  
men pale sèl mennen nan povrete.
- 24 ✧Kouwòn saj yo se richès yo;  
men betiz moun ensanse se foli yo.
- 25 Yon vrè temwen sove lavi a moun;  
men sila ki ✧pale manti a se yon gwo danje.
- 26 Nan ✧lakrent SENYÈ a, gen gwo konfyans;  
e pitit li yo va jwenn sekou.
- 27 Lakrent SENYÈ a se yon fontèn dlo lavi  
pou moun ka evite pèlen lanmò yo.

✧ 14:5 Rev 1:5 ✧ 14:7 Pwov 23:9 ✧ 14:8 I Kor 3:19 ✧ 14:9 Pwov 3:34 ✧ 14:10 I Sam 1:10 ✧ 14:11 Job 8:15 ✧ 14:12 Wo 6:21 ✧ 14:13 Ekl 2:1-2 ✧ 14:14 Pwov 1:31 ✧ 14:16 Job 28:28 ✧ 14:19 I Sam 2:36 ✧ 14:20 Pwov 19:7 ✧ 14:21 Sòm 41:1 ✧ 14:22 Sòm 36:4 ✧ 14:24 Pwov 10:22 ✧ 14:25 Pwov 14:5 ✧ 14:26 Pwov 18:10

28 Nan fòs kantite a pèp yo se glwa a yon wa,  
men afè prens ki manke moun gate nèt.  
29 Sila ki ✨lan nan kòlè a, gen gwo konprann;  
men sila ki fè fache vit la leve foli byen wo.  
30 Yon kè trankil se lavi pou kò a;  
men pasyon fè tout zo yo ✨pouri.  
31 Sila ki oprime malere a ap vekse Kreyatè li;  
men sila ki gen bonte anvè pòv la, onore L.  
32 Mechan an jete anba pa malfezans li;  
men moun ladwati a gen sekou lè l mouri.  
33 Sajès se nan kè a sila ki gen bon konprann nan;  
men nan kè a moun ensanse yo, gen lòt kap fè yo konnen.  
34 Ladwati leve yon nasyon;  
men peche se yon gwo wont pou yon pèp.  
35 Favè a wa a se anvè ✨sèvitè ki aji ak sajès yo;  
men kòlè li se anvè sila ki fè gwo wont yo.

## 15

1 Yon repons ki dous kalme kòlè;  
men yon ✨mo sevè pwovoke gwo fache.  
2 ✨Lang a saj la fè konesans vin akseptab;  
men bouch a sila ki manke konprann nan eksprime foli.  
3 Zye a SENYÈ a tout kote;  
y ap veye sa ki bon ak sa ki mal.  
4 Yon lang ki kalme se yon pyebwa lavi;  
men lè pèvèsite ladann l, li kraze lespri.  
5 Yon moun ensanse refize disiplin a papa l;  
men sila ki akseptè repwòch gen bon tèt.  
6 Gran richès twouve nan kay a moun dwat yo;  
men gwo twoub se salè a mechan an.  
7 Lèv a moun saj yo gaye konesans;  
men se pa konsa ak kè moun ensansib yo.  
8 Sakrifis a mechan an abominab a SENYÈ a;  
men ✨lapriyè moun dwat yo se gwo plezi Li.  
9 Chemen mechan an abominab a SENYÈ a;  
men Li renmen sila ki ✨chache ladwati a.  
10 Pinisyon byen di ap tann sila ki abandone chemen an;  
sila ki rayi repwòch la va mouri.  
11 Sejou mò yo ak labim nan parèt devan zye SENYÈ a;  
konbyen, anplis, pou ✨kè a lòm!  
12 ✨Sila ki moke a pa renmen sila ki fè l repwòch la;  
li pa janm ale kote moun saj.  
13 Kè ki gen lajwa fè figi moun rejwi;  
men lè kè a tris, ✨lespri a vin brize.  
14 ✨Lespri a moun entèlijan an chache konesans;  
men bouch a moun sòt la, manje foli.  
15 Tout jou aflije yo move;  
men yon kè kontan se yon fèt ki pa janm sispann.

✨ 14:29 Pwov 16:32 ✨ 14:30 Pwov 12:4 ✨ 14:35 Mat 24:45-47 ✨ 15:1 I Sam 25:10-13  
✨ 15:2 Pwov 15:7 ✨ 15:8 Pwov 15:29 ✨ 15:9 I Tim 6:11 ✨ 15:11 I Sam 16:7 ✨ 15:12  
Pwov 13:1 ✨ 15:13 Pwov 17:22 ✨ 15:14 Pwov 18:15

- 16 Pi bon se yon piti ak lakrent SENYÈ a  
pase gwo richès ak gwo twoub ladann.
- 17 Pi bon se yon plato legim avèk lanmou,  
pase yon bèf gra ak rayisman.
- 18 Yon nonm ki kolerik pwovoke konfli;  
men sila ki lan nan kòlè a kalme yon kont.
- 19 Wout a parese a se tankou yon ran pikan;  
men pa a moun dwat la se yon gran chemen.
- 20 Yon ✨fis ki saj fè papa l kontan;  
men yon gason ensanse meprize manman l.
- 21 Foli se gwo plezi pou sila ki manke bon konprann nan;  
men yon nonm ak bon konprann ✨mache dwat.
- 22 San konsèy, plan yo vin jennen;  
men ak anpil konseye, yo vin reyisi.
- 23 Yon nonm jwenn kè kontan nan yon repons ki jis,  
e a la bèl yon mo livre nan pwòp lè li bèl!
- 24 Wout lavi a mennen moun saj la anwo,  
pou l kab evite Sejou mò k ap tann li anba a.
- 25 SENYÈ a va demoli kay moun ògeye a;  
men l ap etabli lizyè vèv la.
- 26 Plan mechan yo abominab a SENYÈ a;  
men pawòl agreyab yo san tach.
- 27 Sila ki fè pwofi ak movèz fwa a, twouble pwòp lakay li;  
men sila ki rayi afè anba tab la, va viv.
- 28 Kè a moun dwat la ✨reflech ch anpil pou bay repons;  
men bouch a mechan an fè anpil move bagay vin parèt.
- 29 SENYÈ a lwen mechan an;  
men Li ✨tande lapriyè a moun dwat yo.
- 30 Zye klè fè kè kontan;  
bòn nouvell kon mete grès sou zo.
- 31 Zòrèy k ap koute repwòch ap viv;  
zore ki koute koreksyon ap alèz pami saj yo.
- 32 Sila ki neglije disiplin meprize pwòp tèt li;  
men sila ki ✨koute repwòch ranmase bon konprann.
- 33 Lakrent SENYÈ a se enstriksyon ki bay sajès;  
e avan onè, fòk imilite.

## 16

- 1 ✨Plan kè a sòti nan lòm;  
men repons a lang lan sòti nan SENYÈ a.
- 2 Tout chemen a yon nonm pwòp nan zye pa li;  
men SENYÈ a peze sa k nan kè l.
- 3 ✨Konsakre tout zèv ou yo a SENYÈ a  
e plan ou yo va etabli.
- 4 SENYÈ a te fè tout bagay pou pwòp sèvis li;  
menm ✨mechan yo pou jou jijman an.
- 5 Tout sila ki gen kè ògèy abominab a SENYÈ a;  
anverite, li p ap chape anba pinisyon.



- 6 Pa \*lanmou dous avèk verite, inikite lave;  
e pa lakrent SENYÈ a moun chape anba mal.
- 7 Lè chemen a yon nonm fè SENYÈ a kontan,  
\*l ap fè menm lènmi li yo vin anpè avè l.
- 8 Pi bon se yon piti ak ladwati  
pase gwo kòb k ap antre avèk enjistis.
- 9 Panse a lòm fè plan pou wout li;  
men \*SENYÈ a dirije pa li yo.
- 10 Se desizyon diven ki nan lè v a wa a;  
bouch li pa dwe fè erè nan jijman.
- 11 Yon balans ki jis apatyen a Bondye.  
Li veye sou tout pwa nan sak yo.
- 12 Se abominab pou wa yo komèt zak mechan,  
paske yon \*twòn etabli sou ladwati.
- 13 Lè v ki dwat se plezi a wa yo;  
e sila ki pale dwat, vin renmen.
- 14 Kòlè a yon wa se tankou mesaje lanmò;  
men yon nonm saj va kalme li.
- 15 Nan vizaj a yon wa briye lavi;  
e favè li se tankou yon nwaj avèk lapli prentan.
- 16 A la bon li pi bon pou resevwa sajès pase lò!  
pito nou jwenn bon konprann pase ajan.
- 17 \*Gran chemen a moun dwat la se pou kite mal;  
sila ki veye chemen li an prezève lavi li.
- 18 Ògèy ale devan destriksyon  
e yon lespri ògèy devan moun kap tonbe.
- 19 Li pi bon pou rete \*enb nan lespri avèk sila ki ba yo,  
pase divize piyaj ak moun ògeye yo.
- 20 Sila ki bay atansyon a pawòl la va jwenn sa ki bon;  
beni se sila ki mete konfyans li nan SENYÈ a.
- 21 \*Moun saj nan kè va rele moun bon konprann;  
e dousè nan pale va ogmante pouvwa pou konvenk moun.
- 22 Bon konprann se yon fontèn dlo lavi pou sila ki genyen l;  
men disiplin a moun ensanse yo se foli.
- 23 \*Kè moun saj la enstwi bouch li,  
epi ogmante pouvwa l pou konvenk moun ak lè v li.
- 24 \*Pawòl agreyab se yon nich gato siwo myèl,  
dous pou nanm nan, ak gerizon pou zo.
- 25 \*Gen wout ki parèt bon a yon nonm;  
men fen li se lanmò.
- 26 Apeti a yon ouvriye fè byen pou li;  
paske se grangou ki ankouraje l.
- 27 Yon \*sanzave fouye jwenn mechanste  
pandan pawòl li yo brile tankou dife wouj.
- 28 Yon nonm pèvès gaye konfli,  
e yon nonm k ap bay kout lang ap separe bon zanmi yo.
- 29 Yon nonm vyolan \*ap tante vwazen li

pou l mennen li nan move chemen.

<sup>30</sup> Sila kap bay je dou, fè l pou l kab mennen bagay pèvès;  
sila ki fèmen sere lèw li, fè mal la rive.

<sup>31</sup> Yon ✨tèt blanch se yon kouwòn laglwa;  
li jwenn nan chemen ladwati a.

<sup>32</sup> Sila ki lan nan kòlè a pi bon pase pwisan yo;  
e sila ki gouvène lespri li a pi bon pase sila kap kaptire yon gran vil.

<sup>33</sup> Tiraj osò fèt nan fon wòb;  
men tout desizyon ki sòti, sòti nan SENYÈ a.

## 17

<sup>1</sup> Pi bon se yon mòso pen sèch ak lapè  
pase yon kay ak gwo manje nan konfli.

<sup>2</sup> Yon sèvitè ki aji avèk sajès  
va renye sou yon fis ki aji ak wont;  
li va pataje eritaj la pami frè yo.

<sup>3</sup> Po rafine se pou ajan, e founo se pou lò;  
men ✨SENYÈ a ap sonde tout kè.

<sup>4</sup> Yon malfektè koute lèw mechan yo;  
yon mantè prete atansyon a yon lang kap detwi.

<sup>5</sup> Sila ki moke ✨malere a moke Kreyatè li;  
sila ki rejwi nan malè a, p ap soti san pinisyon.

<sup>6</sup> Pitit a pitit se kouwòn a granmoun,  
e ✨glwa a fis yo se papa yo.

<sup>7</sup> Bèl diskou pa byen koresponn ak yon moun ki ensanse,  
bokou mwens ✨lèw kap manti sou yon prens.

<sup>8</sup> Vèsè kòb anba tab se tankou wanga pou mèw li;  
nenpòt kote li vire, li byen reyisi.

<sup>9</sup> Sila ki ✨kouvri yon transgresyon, cache lanmou;  
men sila ki repete yon koze, separe bon zanmi yo.

<sup>10</sup> Yon repwòch antre pi fon nan moun bon konprann nan  
pase anpil kou sou yon moun ensanse.

<sup>11</sup> Yon nonm rebèl se mal l ap cache;  
konsa, yon mesajè byen sovaj va voye kont li.

<sup>12</sup> Pito yon nonm rankontre yon ✨ lous fewòs ki separe de pitit li,  
pase yon moun ensanse nan mitan foli li.

<sup>13</sup> Pou sila ki ✨remèt mal pou byen an,  
mal la p ap janm kite lakay li.

<sup>14</sup> Kòmansman a konfli se tankou lage dlo;  
konsa, ✨kite kont la avan l kòmansman.

<sup>15</sup> Sila ki ✨bay rezon a mechan an, ni sila ki kondane moun dwat la;  
tou de abominab a SENYÈ a.

<sup>16</sup> Poukisa gen kòb nan men moun ensanse a  
pou l ✨achte sajès, konsi, li pa konprann anyen?

<sup>17</sup> Yon ✨zanmi renmen tout tan;  
yon frè fèt pou move tan.

<sup>18</sup> Yon nonm ki manke konprann ✨sèvi garanti,  
e devni responsab nan prezans a vwazen li.

- 19 Sila ki renmen vyole lalwa a renmen konfli;  
sila ki ✨awogan an, chache gwo dega.
- 20 Sila ki gen panse kwochi a, ✨pa jwenn anyen ki bon,  
e sila ki pèvès nan pawòl li yo tonbe nan mal.
- 21 Sila ki fè pitit ki san konprann nan, fè l nan tristès;  
e papa a yon moun ensanse pa gen kè kontan.
- 22 Yon kè kontan se bon remèd;  
men yon lespri brize ✨seche tout zo.
- 23 Yon nonm mechan an resevwa kòb anba tab an sekre;  
pou l ✨tòde chemen lajistis.
- 24 Sajès se nan men a sila ki gen bon konprann nan;  
men ✨zye a moun ensanse yo chache jis rive nan tout pwent latè.
- 25 Yon fis ki san konprann se yon tèt chaje a papa l,  
ak ✨gwo chagren a sila ki te pòte li a.
- 26 Anplis, li pa bon pou fè moun dwat ✨peye amann,  
ni pou frape prens yo akòz ladwati yo.
- 27 Sila ki kenbe pawòl li, gen konesans; e sila ki gen ✨lespri kalm nan se  
yon nonm ak bon konprann.
- 28 Menm yon moun ensanse, lè l rete an silans, konsidere kon saj;  
lè l fèmen lèv li, li parèt rezonab.

## 18

- 1 Sila ki izole pwòp tèt li, chache pwòp volonte li;  
li goumen kont tout gwo sajès.
- 2 Yon moun ensanse pa pran plezi nan bon konprann;  
men sèlman ✨nan devwale pwòp panse li.
- 3 Lè yon nonm mechan vin parèt, mepriz la vini ansanm avè l;  
e avèk dezonè wont vin parèt.
- 4 Pawòl yo ki sòti nan bouch a yon nonm se yon ✨dlo byen fon;  
dlo sajès se yon dlo fre k ap koule tout tan.
- 5 Panche vè youn moun mechan an pa bon,  
ni pou fè jijman ki mete moun dwat yo akote.
- 6 Lèv a yon moun ensanse mennen konfli;  
bouch li ap rele mande
- 7 Bouch a ✨moun san konprann nan se dega li;  
e lèv li se pèlen pou nanm li.
- 8 Pawòl a sila ki chichote pawòl nan zòrèy moun nan  
se tankou bonbon ki gen gou dous; se jis nan fon kò a yo desann.
- 9 Anplis, sila ki parese nan travay li a  
se ✨frè a sila ki detwi.
- 10 ✨Non SENYÈ a se yon sitadèl byen fò;  
moun ladwati a kouri ladann pou jwenn sekou.
- 11 Pou yon nonm ✨rich, byen li se yon vil ki fò;  
e pwòp imajinasyon li kon yon miray byen wo.
- 12 ✨Avan destriksyon, kè yon nonm plen ògèy;  
men imilite ale devan onè.
- 13 Sila ki ✨bay repons avan li koute a;  
a li menm se foli ak wont.

✨ 17:19 Pwov 16:18 ✨ 17:20 Pwov 24:20 ✨ 17:22 Sòm 22:15 ✨ 17:23 Egz 23:8 ✨ 17:24  
Ekl 2:14 ✨ 17:25 Pwov 10:1 ✨ 17:26 Pwov 17:5 ✨ 17:27 Pwov 14:29 ✨ 18:2 Pwov 12:23  
✨ 18:4 Pwov 20:5 ✨ 18:7 Sòm 64:8 ✨ 18:9 Pwov 28:24 ✨ 18:10 Egz 3:15 ✨ 18:11 Pwov  
10:15 ✨ 18:12 Pwov 11:2 ✨ 18:13 Pwov 20:25

14 Lespri a yon nonm kapab sipòte maladi li;  
men nan ka lespri brize a, se kilès ki kab sipòte li?  
15 ✨Panse a sila ki gen bon konprann nan, ranmase konesans;  
anplis, zòrèy a saj la chache konesans.  
16 ✨Don a yon nonm fè kont espas pou li,  
e mennen li devan moun enpòtan.  
17 Premye moun pou plede ka li a, sanble gen rezon;  
jiskaske yon lòt moun vin egzamine l.  
18 ✨Tiraj osò fè konfli sispann;  
lap pran desizyon antre moun pwisan yo.  
19 Yon frè ki blese se pi rèd pou konvenk pase yon vil fòtifye;  
e konfli ak li se tankou ba fè nan yon sitadèl.  
20 Se fwi a bouch moun ki satisfè vant li;  
✨l ap satisfè ak sa ke lèy li pwodwi;  
21 ✨Lanmò ak lavi nan pouvwa a lang lan;  
e sila ki renmen l yo, va manje fwi li.  
22 Sila ki jwenn yon ✨madanm, jwenn yon bon bagay,  
e twouve favè SENYÈ a.  
23 ✨Malere a pale: “Souple”;  
men moun rich la reponn byen di.  
24 Yon nonm ak anpil zanmi vin kraze nèt;  
men gen ✨yon kalite zanmi ki rete pi pwoch pase yon frè.

## 19

1 ✨Pi bon se yon malere ki mache ak entegrite  
pase sila ak bouch konwonpi ki ensanse a.  
2 Anplis, li pa bon pou moun ta manke konesans,  
e li ki prese rive ✨ fè fo pa.  
3 Foli a yon nonm fè chemen l gate;  
e kè li anraje kont SENYÈ a.  
4 ✨Richès fè zanmi ogmante anpil;  
men malere pèdi zanmi li yo.  
5 Yon ✨fo temwen pa prale san pinisyon;  
e sila ki fè manti a, p ap chape.  
6 ✨Anpil moun va chache favè a yon moun jenere ak men ouvri;  
tout moun se zanmi a sila ki bay kado.  
7 Tout frè a malere yo a rayi li;  
konbyen, anplis, pou zanmi l kouri kite l.  
✨L ale jwenn yo ak pawòl plede; men yo fin ale.  
8 Sila ki twouve sajès renmen pwòp nanm li;  
sila ki kenbe ak bon konprann nan va ✨ jwenn sa ki bon.  
9 Yon ✨fo temwen pa prale san pinisyon;  
epi sila ki bay manti a, va peri.  
10 Lavi alèz pa fèt pou moun ensanse;  
bokou mwens pou yon ✨esklav ta gen otorite sou prens yo.  
11 Yon nonm ak bon konprann lan nan kòlè;  
se glwa li ✨pou bliye yon transgresyon.

✨ 18:15 Pwov 15:4 ✨ 18:16 Jen 32:20 ✨ 18:18 Pwov 16:33 ✨ 18:20 Pwov 14:14 ✨ 18:21  
Pwov 12:13 ✨ 18:22 Jen 2:18 ✨ 18:23 Pwov 19:7 ✨ 18:24 Pwov 17:17 ✨ 19:1 Pwov 28:6  
✨ 19:2 Pwov 21:5 ✨ 19:4 Pwov 14:20 ✨ 19:5 Egz 23:1 ✨ 19:6 Pwov 29:26 ✨ 19:7 Pwov  
18:23 ✨ 19:8 Pwov 16:20 ✨ 19:9 Pwov 19:5 ✨ 19:10 Pwov 30:22 ✨ 19:11 Mat 5:44

- 12 ✨Kòlè a wa a se tankou yon lyon k ap rele fò;  
men favè li se tankou lawouze sou zèb vèt.
- 13 Se yon fis plen foli k ap detwi papa l, e yon  
madanm k ap ✨diskite a se tankou dlo kap  
degoute san rete.
- 14 Kay ak byen se ✨eritaj ki sòti nan papa;  
men yon fanm pridan sòti nan SENYÈ a.
- 15 ✨Parès va voye yon pwofon somèy sou moun,  
e yon nonm ki pa travay, va souffri grangou.
- 16 Sila ki ✨kenbe kòmandman an kenbe nanm li;  
sila ki enpridan nan kondwit va mouri.
- 17 Yon moun ki ✨fè gras a yon malere prete a SENYÈ a,  
e Li va bay li rekonpans pou bon zèv li a.
- 18 ✨Bay fis ou a disiplin pandan gen espwa;  
pa chache lanmò li.
- 19 Yon nonm ak gwo kòlè va pote pinisyon li;  
paske si ou pwoteje moun nan ou va oblije fè l ankò.
- 20 Koute konsèy e aksepte disiplin pou ou  
kab vin saj pou tout rès vi ou.
- 21 Plan nan kè lòm yo anpil;  
men se konsèy SENYÈ a ki kanpe.
- 22 Sa ki dezirab nan yon nonm se yon kè ki dous;  
e pito yon nonm ta malere pase li ta yon mantè.
- 23 ✨Lakrent SENYÈ a dirije a lavi pou fè moun dòmi  
ak kè satisfè, san kontamine ak mal.
- 24 Parese a fouye men l nan plato a;  
men li refize rale l rive nan bouch li.
- 25 Frape yon mokè pou moun san konprann nan vin gen lespri;  
men ✨repwòch a yon moun bon konprann,  
va fè l genyen konnesans.
- 26 Sila ✨ki atake papa li e chase manman l ale,  
se yon fis ki fè wont ak dega patou.
- 27 Sispann koute disiplin, fis mwen an  
e ou va pedi chemen konnesans.
- 28 Yon temwen ki fè dezòd moke lajistis;  
e bouch mechan an ✨gaye inikite.
- 29 Gen desizyon jijman ki prepare pou mokè yo;  
ak kou pou do a moun ensanse yo.

## 20

- 1 Diven se yon mokè, e ✨bwason fò fè goumen rive nan tenten;  
nenpòt moun ki vin sou pa li, pa saj.
- 2 Laperèz a wa a se tankou gwo vwa lyon k ap rele fò;  
sila ki fè l fache ✨va pèdi lavi l.
- 3 ✨Rete lwen konfli ak rayisman, e ou va gen respe;  
alò, nenpòt moun ensanse ka fè yon kont.
- 4 ✨Parese a pa laboure tè nan sezon otòm;

✨ 19:12 Pwov 16:14 ✨ 19:13 Pwov 21:9-19 ✨ 19:14 II Kwo 12:14 ✨ 19:15 Pwov 6:9-10  
✨ 19:16 Pwov 16:16 ✨ 19:17 Det 15:7-8 ✨ 19:18 Pwov 13:24 ✨ 19:23 Pwov 14:27 ✨ 19:25  
Pwov 9:8 ✨ 19:26 Pwov 28:24 ✨ 19:28 Job 15:16 ✨ 20:1 Pwov 3:14 ✨ 20:2 Nonb 16:38  
✨ 20:3 Jen 13:7 ✨ 20:4 Pwov 13:4

akoz sa li mande charite pandan rekòlt la, e pa gen anyen.

<sup>5</sup> Yon plan nan kè a yon moun se tankou dlo fon;  
men yon nonm ak bon konprann rale l fè l sòti.

<sup>6</sup> Gen anpil moun ki pwoklame fidelite;  
men kibò pou jwenn yon nonm onèt?

<sup>7</sup> Yon nonm dwat ki mache nan entegrite l;

✧ A la beni fis ki vini apre li yo beni!

<sup>8</sup> ✧ Yon wa ki chita sou twòn lajistis  
fè tout mal sove ale ak pwòp zye l.

<sup>9</sup> ✧ Se kilès ki kapab di: “Mwen te netwaye kè m;  
mwen vin pirifye de tout peche m?”

<sup>10</sup> ✧ Balans ki pa ojis ak mezi ki pa ojis;

tou de abominab a SENYÈ a.

<sup>11</sup> Menm yon ti moun se ✧ rekonnet pa zèv li yo;  
Si li aji byen e si kondwit li dwat.

<sup>12</sup> ✧ Zòrèy ki tandè ak zye ki wè;

se SENYÈ a ki te fè tou de.

<sup>13</sup> ✧ Pa renmen dòmi, sinon ou va vin malere;  
ouvri zye ou e ou va satisfè ak manje.

<sup>14</sup> “Pa bon, pa bon”, di sila k ap achte a;  
men lè l fè wout li, li vin plen ògèy.

<sup>15</sup> Gen lò ak tout kalite bijou;  
men lè l plen konesans se pi bèl bagay.

<sup>16</sup> Lè l sèvi garanti pou yon enkonni, pran manto li;  
epi pou etranje a, fè papyè pwose vèbal pou sa li pwomèt la.

<sup>17</sup> ✧ Pen ki twouve nan bay manti dous;  
men pita, bouch la plen gravye.

<sup>18</sup> Fè tout plan ak konsiltasyon;  
e ✧ fè lagè ak konsèy saj.

<sup>19</sup> Sila ki difame moun devwale sekre;  
pou sa a, pa asosye ou ak moun ki bay zen sou do moun.

<sup>20</sup> Sila ki ✧ modi papa li oswa manman li an,  
lanp li va etenn nan tan fènwa.

<sup>21</sup> Yon eritaj ranmase vit nan kòmansman a,  
p ap beni nan lafen.

<sup>22</sup> ✧ Pa di: “M ap rekonpanse mechanste”;  
tann SENYÈ a, e Li va delivre ou.

<sup>23</sup> ✧ Pwa ki pa ojis ak mezi ki pa ojis;  
tou de abominab a SENYÈ a.

<sup>24</sup> ✧ Pa a yon nonm regle pa SENYÈ a;  
konsa, kijan yon nonm kab vin konprann chemen li?

<sup>25</sup> Se yon pèlen pou yon nonm ta di avèk enpridans:  
“Sa sen!” e ✧ apre ve yo, pou kòmansè fè ankèt.

<sup>26</sup> Yon wa ki saj va vannen mechan yo  
e fè ✧ wou moulen pase anwo yo.

<sup>27</sup> Lespri a lòm se lanp SENYÈ a,  
nan chache pati ki pi entim nan li yo.

✧ **20:7** Sòm 37:26 ✧ **20:8** Pwov 20:26 ✧ **20:9** I Wa 8:46 ✧ **20:10** Pwov 11:1 ✧ **20:11**  
Mat 7:16 ✧ **20:12** Egz 4:11 ✧ **20:13** Pwov 6:9-10 ✧ **20:17** Pwov 9:17 ✧ **20:18** Pwov 24:6  
✧ **20:20** Egz 21:17 ✧ **20:22** Sòm 27:14 ✧ **20:23** Pwov 11:1 ✧ **20:24** Pwov 16:9 ✧ **20:25**  
Ekl 5:4-5 ✧ **20:26** És 28:27

- 28 Fidelite ak ✧verite prezève wa a,  
e ladwati bay twòn li an soutyen.  
29 Glwa a jèn yo se fòs yo,  
e lonè a granmoun yo se cheve blan yo.  
30 ✧Kout fwèt ki blese fè disparèt mechanste;  
li frape rive nan pati pi fon yo.

## 21

- 1 Kè a wa a se tankou kanal dlo nan men SENYÈ a;  
Li ✧vire l kote Li vle.  
2 Chemen a yon moun bon nan pwòp zye li;  
men SENYÈ a ✧peze kè yo.  
3 SENYÈ a pito ✧ladwati ak lajistis  
plis pase sakrifis.  
4 Zye ki leve wo ak kè ki plen ògèy;  
✧lanp a mechan yo se peche.  
5 Plan a ✧dilijan an mennen byen si, vè avantaj;  
men tout moun ki aji san reflechi va, san dout, vin pòv.  
6 Ranmase anpil byen ak lang k ap bay manti  
se yon vapè k ap sove ale, k ap kouri dèyè lanmò.  
7 Vyolans a mechan yo va trennen yo fè yo pati,  
akoz yo ✧refize aji ak jistis.  
8 Chemen a yon moun koupab ✧kwochi;  
men pou sila ki san tach la, kondwit li dwat.  
9 Li pi bon pou viv nan ti kwen sou twati a  
pase nan yon kay ak yon fanm k ap fè kont tout tan.  
10 Nanm a mechan an vle mal;  
vwazen li an pa twouve gras nan zye l.  
11 Lè ✧mokè a vin pini, moun san konprann nan vin saj;  
men lè moun saj la enstwi, li resevwa konesans.  
12 Lè moun dwat la pran an konsiderasyon kay mechan an,  
✧afè mechan an vin detwi nèt.  
13 Sila ki ✧fèmen zòrèy li a kri aflije a,  
va vin kriye pou kont li; men li p ap jwenn ✧repons.  
14 Yon ✧kado vèsè an sekre kalme fachez,  
e yon anba tab ki glise rive, bese gwo kòlè.  
15 Aplike lajistis se yon plezi pou moun dwat;  
men se yon gwo laperèz pou malfektè inikite yo.  
16 Yon nonm egare ki kite chemen bon konprann nan,  
va jwenn repo nan asanble mò yo.  
17 Sila ki ✧renmen plezi, va vin pòv;  
sila ki renmen diven ak lwil, p ap janm rich.  
18 Mechan an se yon ✧ranson pou moun dwat yo;  
e sila ki fè trèt la pou moun dwat yo.  
19 ✧Li pi bon pou rete nan dezè  
pase viv ak yon fanm k ap agase moun tout tan.  
20 Gen bèl trezò ak lwil nan abitasyon a moun saj la;

✧ 20:28 Pwov 29:14 ✧ 20:30 Sòm 89:32 ✧ 21:1 Esd 6:22 ✧ 21:2 Pwov 16:2 ✧ 21:3 I Sam 15:22 ✧ 21:4 Pwov 24:20 ✧ 21:5 Pwov 10:4 ✧ 21:7 Am 5:7 ✧ 21:8 Pwov 2:15 ✧ 21:11 Pwov 19:25 ✧ 21:12 Pwov 14:11 ✧ 21:13 Mat 18:30-34 ✧ 21:13 Jc 2:13 ✧ 21:14 Pwov 18:16 ✧ 21:17 Pwov 23:21 ✧ 21:18 És 43:3 ✧ 21:19 Pwov 21:9

men, moun san konprann nan ✨valeur tout.

21 Sila ki ✨swiv ladwati ak fidelite a jwenn lavi, ladwati ak lonè.

22 Yon ✨nonm saj monte sou miray vil pwisan, e fè tonbe sitadèl la ki te bay yo konfyans.

23 Sila ki ✨veye bouch li ak lang li pwoteje nanm li kont gwo twoub.

24 Ògèy, Monte Tèt Wo, Mokè; men tit a sila ki aji nan ògèy ak ensolans yo.

25 Se ✨volonte a parese a ki fè l mouri, paske men li refize travay;

26 Tout lajounen l ap anvè yon bagay, pandan moun dwat yo ✨ ap vèse bay san rete.

27 Sakrifis an mechan yo abominab; se konbyen anplis, lè l pote ak movèz fwa.

28 Yon ✨fo temwen va peri; men sila ki koute verite a va pale pou tout letènite.

29 Moun mechan an afiche yon figi brav; men pou ✨moun ladwati a, chemen li an sèten.

30 ✨Nanpwen sajès, ni bon konprann, ni konsèy kont SENYÈ a.

31 Cheval la prepare pou jou batay la; men ✨viktwa a se nan men SENYÈ a.

## 22

1 Yon ✨bon non pi bon pase tout richès; epi favè Bondye pase ajan ak lò.

2 Rich la ak malere a mare ansanm; se SENYYÈ a ki ✨ fè yo tout.

3 Sila ki ✨reflechi, wè mal e kache kò li; men ensanse yo antre ladann e jwenn pinisyon.

4 Rekonpans pou imilite avèk lakrent SENYÈ a se richès, bon repitasyon, ak lavi.

5 ✨Pikan ak pèlen se nan chemen a pèvès yo; sila ki veye kò l la, va rete lwen yo.

6 ✨Leve yon timoun nan chemen li ta dwe ale, e lè li vin gran, li p ap kite li; menm lè l granmoun, li p ap kite li.

7 ✨Rich yo domine sou pòv yo, e moun ki prete vin esklav a sila k ap bay prè a.

8 Sila ki ✨simen inikite a va rekòlte vanite; e baton kòlè li a va disparèt.

9 Sila ki ✨bay ak men louvri va beni; paske li bay manje a malere.

10 ✨Mete moun k ap moke moun yo deyò, e diskisyon an prale tou; konfli ak dezonore moun ap sispann.

✨ 21:20 Job 20:15-18 ✨ 21:21 Pwov 15:9 ✨ 21:22 II Sam 5:6-9 ✨ 21:23 Pwov 12:13 ✨ 21:25 Pwov 13:4 ✨ 21:26 Sòm 37:26 ✨ 21:28 Pwov 19:5-9 ✨ 21:29 Sòm 119:5 ✨ 21:30 Jr 9:23 ✨ 21:31 Sòm 3:8 ✨ 22:1 Pwov 10:7 ✨ 22:2 Job 31:15 ✨ 22:3 Pwov 14:16 ✨ 22:5 Pwov 15:19 ✨ 22:6 Ef 6:4 ✨ 22:7 Pwov 18:23 ✨ 22:8 Job 4:8 ✨ 22:9 Pwov 19:17 ✨ 22:10 Jen 21:9-10



- 11 Sila ki renmen ✨kè ki san tach  
e ki pale ak gras, va zanmi a wa a.
- 12 Zye a SENYÈ a konsève konesans;  
men Li boulvèse pawòl moun malveyan yo.
- 13 ✨Parese a di: “Gen yon lyon deyò a;  
m ap mouri nan lari!”
- 14 Bouch a ✨fanm adiltè a se yon fòs byen fon;  
sila ke SENYÈ a modi va tonbe ladann.
- 15 Foli mare nan kè a yon timoun;  
baton disiplin nan va retire sa mete lwen li.
- 16 Sila ki oprime malere a pou ogmante pou tèt li;  
ni sila k ap fè kado a rich yo, va rive nan povrete.
- 17 ✨Apiye zòrèy ou pou tandè pawòl a saj yo;  
epi aplike ou a konesans mwen;
- 18 Paske sa va ✨byen agreyab pou ou  
si ou kenbe yo anndan ou, pou yo toujou prè sou lèy ou.
- 19 Pou ✨konfyans ou kapab nan SENYÈ a,  
mwen te enstwi ou jodi a, menm ou menm nan.
- 20 Èske mwen pa t ekri ou ✨bèl bagay,  
konsèy ak konesans yo?
- 21 Pou fè ou ✨konnen vrè pawòl verite yo,  
pou ou kab byen reponn sila ki te voye ou a?
- 22 Pa vòlè malere a paske li pòv,  
ni ✨kraze aflije nan pòtay la;
- 23 Paske, SENYÈ a va ✨plede ka yo  
e pran lavi a sila ki vòlè yo.
- 24 Pa asosye ak yon nonm ki livre a kòlè;  
oswa ale ak yon ✨moun kolerik,
- 25 Sinon, ou va ✨aprann mès li yo  
e jwenn yon pèlen pou tèt ou.
- 26 Pa konte pami sila ki ✨sèvi kon garanti yo,  
pami sila ki fè sekirite pou dèt yo.
- 27 Si ou pa gen anyen pou ou kab peye,  
poukisa ou ta kite l ✨rale kabann sòti anba ou?
- 28 ✨Pa deplase ansyen bòn  
ke papa zansèt nou yo te mete a.
- 29 Èske ou wè yon nonm byen abil nan travay li?  
Li va ✨kanpe devan wa yo;  
li p ap oblije kanpe devan nenpòt kalite vye moun.

## 23

- 1 Lè ou chita sou tab ak yon ki gouvènè,  
konsidere byen sa ki devan ou,
- 2 Konsa, mete yon kouto sou gòj ou  
si ou se yon ✨nonm ak gwo lanvi.
- 3 Pa dezire bon manje sa yo,  
paske se yon repa desepsyon.

✨ 22:11 Sòm 24:4 ✨ 22:13 Pwov 26:13 ✨ 22:14 Pwov 21:16 ✨ 22:17 Pwov 5:1 ✨ 22:18  
Pwov 2:10 ✨ 22:19 Pwov 3:5 ✨ 22:20 Pwov 8:6 ✨ 22:21 Luc 1:3-4 ✨ 22:22 Za 7:10  
✨ 22:23 I Sam 25:39 ✨ 22:24 Pwov 29:22 ✨ 22:25 I Kor 15:33 ✨ 22:26 Pwov 17:18 ✨ 22:27  
Egz 22:26 ✨ 22:28 Det 19:14 ✨ 22:29 Jen 41:46 ✨ 23:2 Pwov 23:20

4 Pa fatigue kò ou pou jwenn richès;  
 ✧sispann reflechi sou sa.  
 5 Depi ou mete zye ou sou li, l ale.  
 Paske, anverite, ✧li gen zèl kon yon èg  
 k ap vole vè syèl yo.  
 6 Pa manje pen a yon ✧mesye ki chich,  
 ni anvi bèl bagay li;  
 7 Paske jan li panse nan tèt li a, se konsa li ye.  
 Li di ou: “Manje e bwè!” Men ✧kè li pa avè w.  
 8 Ou va ✧vomi mòso ke ou te manje a  
 e gaspiye tout bèl pawòl ou yo.  
 9 ✧Pa pale nan zòrèy a moun sòt,  
 paske l ap meprize sajès a pawòl ou yo.  
 10 Pa deplase ansyen bòn nan,  
 ni ✧antre nan chan òfelen yo,  
 11 Paske ✧Redanmtè yo a pwisan;  
 Li va plede ka yo kont ou.  
 12 Aplike kè ou a disiplin  
 e zòrèy ou a pawòl ki pote konesans.  
 13 ✧Pa ralanti disiplin sou yon timoun;  
 malgre ou frape li ak yon baton, li p ap mouri.  
 14 Ou va frape li ak baton  
 pou ✧delivre nanm li de sejou mò yo.  
 15 Fis mwèn an, si kè ou ✧saj,  
 pwòp kè m va kontan tou;  
 16 Epi jis anndan m va rejwi  
 lè lèw ou pale ✧sa ki dwat.  
 17 ✧Pa kite kè ou fè lavi pechè yo,  
 men viv nan lakrent SENYÈ a tout tan. 18 Anverite, gen avni,  
 e ✧espwa ou p ap anile.  
 19 Koute, fis mwèn an, vin saj  
 pou ✧dirije kè ou nan chemen an.  
 20 Pa bwè twòp diven,  
 ni fè ✧voras nan manje vyann;  
 21 Paske sila ki ✧bwè twòp la ak moun voras la va vin pòv,  
 e dòmi nan zye a va fè l abiye ak vye twal chire.  
 22 ✧Koute papa ou ki te fè ou a,  
 e pa meprize manman ou lè l vin granmoun.  
 23 ✧Achte verite e pa vann li;  
 sajès, enstriksyon ak bon konprann.  
 24 Papa a sila ki dwat la va rejwi anpil,  
 e ✧sila ki fè yon fis ki saj la va gen kè kontan nan li.  
 25 Kite ✧papa ou ak manman ou fè kè kontan,  
 e kite fanm ki te fè ou a, rejwi.  
 26 Ban m kè ou, fis mwèn an  
 e kite zye ou ✧fè kè kontan nan chemen mwèn yo.

✧ 23:4 Pwov 3:5-7 ✧ 23:5 Pwov 27:24 ✧ 23:6 Det 15:9 ✧ 23:7 Pwov 26:24-25 ✧ 23:8 Pwov  
 25:16 ✧ 23:9 Mat 7:6 ✧ 23:10 Jr 22:3 ✧ 23:11 Job 19:25 ✧ 23:13 Pwov 13:24 ✧ 23:14  
 I Kor 5:5 ✧ 23:15 Pwov 23:24 ✧ 23:16 Pwov 8:6 ✧ 23:17 Sòm 37:1 ✧ 23:18 Sòm 9:18  
 ✧ 23:19 Pwov 4:23 ✧ 23:20 Det 21:20 ✧ 23:21 Pwov 21:17 ✧ 23:22 Pwov 1:8 ✧ 23:23  
 Pwov 4:7 ✧ 23:24 Pwov 10:1 ✧ 23:25 Pwov 27:11 ✧ 23:26 Sòm 1:2

27 Paske yon pwostitiye se yon fòs byen fon  
e yon ✨fanm adiltè se yon ti pwi etwat.  
28 Anverite, li ✨kache veye tankou vòlè  
e ogmante enfidelite pami lòm.  
29 Se kilès ki gen ✨gwo pwoblèm? Se kilès ki gen kont?  
Se kilès ki blese san rezon? Se kilès ki gen zye wouj?  
30 Sila ki ✨pèsiste sou diven yo,  
sila ki ale goute diven mele yo.  
31 Pa gade diven an lè l wouj, lè l klè nan tas la,  
lè l ✨desann byen dous;  
32 Nan dènye moman an, li ✨mòde tankou sèpan  
e li brile tankou bouch koulèv.  
33 Zye ou va wè bagay ki dwòl  
e panse ou va ✨eksprime bagay pèvès.  
34 Ou va tankou yon moun ki kouche nan mitan lanmè,  
oswa tankou yon moun ki kouche sou ma batiman.  
35 “Yo te frape m, men mwen pa t santi anyen;  
yo te bat mwen, men mwen pa t konnen sa.  
Lè m leve, m ap ✨chache pou m kab bwè ankò.”

## 24

1 Pa fè anvi a moun mechan,  
ni dezire ✨pou avèk yo;  
2 Paske, panse yo fòmante ✨vyolans  
e lè yo pale inikite.  
3 ✨Avèk sajès, kay la bati  
e avèk bon konprann, li vin etabli.  
4 Epi pa konesans, chanm yon moun vin ✨ranpli  
avèk tout bèl kalite richès.  
5 Yon nonm saj byen fò  
e yon nonm ak konesans ogmante pouvwa li.  
6 Paske ak konsèy saj ou va fè lagè,  
e ✨ak konseye an abondans, gen viktwa.  
7 Sajès ✨twò wo pou moun ensanse a;  
li pa ouvri bouch li nan pòtay la.  
8 Yon moun ki fè plan pou fè mal,  
moun va rele li magouyè.  
9 Fòmante foli se peche,  
e mokè a abominab a tout moun.  
10 Si ou ✨lach nan jou gran pwoblèm nan,  
fòs ou pa fò.  
11 ✨Delivre sila k ap mennen vè lanmò a,  
ak sila k ap mache tonbe vè labatwa a. O, kenbe yo!  
12 Si ou di: “Gade, nou pa t konnen sa”;  
èske Li pa ✨konsidere sa, sila ki peze kè?  
Epi èske Li pa konnen sa, sila kap kenbe nanm ou an?  
Èske Li p ap rann a lòm selon zèv li?

✨ 23:27 Pwov 5:20 ✨ 23:28 Pwov 6:26 ✨ 23:29 És 5:11-22 ✨ 23:30 I Sam 25:36 ✨ 23:31  
Kan 7:9 ✨ 23:32 Job 20:16 ✨ 23:33 Pwov 2:12 ✨ 23:35 Pwov 26:11 ✨ 24:1 Sòm 1:1  
✨ 24:2 És 30:12 ✨ 24:3 Pwov 9:1 ✨ 24:4 Pwov 8:21 ✨ 24:6 Pwov 11:14 ✨ 24:7 Sòm 10:5  
✨ 24:10 Det 20:8 ✨ 24:11 Sòm 82:4 ✨ 24:12 Ekl 5:8

- 13 Fis mwen, manje ✨siwo myèl, paske li bon;  
wi, siwo sòti nan nich lan dous pou goute.
- 14 Konnen ke ✨sajès se konsa pou nanm ou;  
si ou twouve li, va gen yon avni, e espwa ou p ap anile.
- 15 ✨Pa kouche mete pyèj, o lòm mechan,  
kont kote ke moun dwat la rete a;  
pa detwi kote repo li a;
- 16 Paske yon ✨nonm ladwati tonbe sèt fwa e leve ankò;  
men se nan lè gwo malè ke mechan an tonbe.
- 17 ✨Pa rejwi lè lènmi ou tonbe,  
e pa kite kè ou kontan lè l tonbe;
- 18 Oswa, SENYÈ a va wè l,  
vin pa kontan e detounen kòlè Li de li.
- 19 ✨Pa twouble tèt ou pou malveyan yo,  
ni fè lanvi pou mechan yo;
- 20 Paske pou yon nonm mechan, ✨pa gen avni;  
lanp a mechan an va etenn nèt.
- 21 Fis mwen an, ✨gen lakrent SENYÈ a ak wa a;  
pa asosye ak sila ki pa stab yo,
- 22 Paske, ✨malè yo va leve vit  
e kilès ki konnen destriksyon an k ap sòti nan yo de a.
- 23 Sila yo, anplis, se pawòl a sajès.  
Fè ✨ patipri nan jijman pa bon.
- 24 Sila ki di a mechan an: “Ou dwat”,  
✨pèp yo va modi li e nasyon yo va rayi li;
- 25 Men pou ✨sila ki repwoche mechan yo,  
va gen plezi; e bon benediksyon va tonbe sou yo.
- 26 Yon repons onèt tankou yon bo sou lèv yo.
- 27 Prepare tout travay ou a deyò e byen prepare chan ou;  
apre, alò, bati kay ou.
- 28 Pa vin yon temwen kont vwazen ou san koz,  
e ✨pa bay manti ak lèv ou.
- 29 ✨Pa di: “Se konsa mwen va fè l paske li te fè m konsa;  
mwen va rann a nonm nan selon zèv li yo.”
- 30 Mwen te pase nan chan parese a;  
akote chan rezen a nonm ki manke ✨bon konprann nan,
- 31 Epi gade byen, li te plen ak raje pikan,  
kouvri ak move zèb, e ✨miray an wòch la te fin kraze nèt.
- 32 Lè m te wè, mwen te reflechi sou sa;  
mwen te gade e m te resevwa enstriksyon.
- 33 ✨“Yon ti dòmi, yon ti somèy,  
yon ti pliye men pou repoze,”
- 34 Epi mizè ou va vin parèt sou ou tankou yon vòlè;  
ak bezwen tankou yon bandi kon zam.

## 25

<sup>1</sup> Sila yo se ✧pwovèb yo a Salomon ke mesye Ézéchias yo, wa Juda a te dechifre.

<sup>2</sup> Se glwa Bondye pou kache yon bagay;  
men se glwa a ✧wa yo pou chache konprann yon bagay.

<sup>3</sup> Tankou syèl la nan wotè a, ak tè a nan pwofondè a,  
se konsa kè a wa a ensondab.

<sup>4</sup> Retire vye kras sou ajan k ap fonn nan, e va sòti yon vaz pou òfèv la.

<sup>5</sup> Retire ✧mechan an devan wa a,  
e twòn li an va etabli nan ladwati.

<sup>6</sup> Pa reklame bèl repitasyon nan prezans a wa a,  
e pa kanpe nan plas a moun pwisan yo;

<sup>7</sup> Paske li pi bon pou yo di ou: “Vin monte isit la”  
olye pou ou ta oblije desann piba nan prezans a prens lan,  
ke zye ou te wè.

<sup>8</sup> Pa parèt deyò vit ✧pou diskite ka ou;  
anfen, sa ou va fè lè vwazen ou fè ou desann nèt.

<sup>9</sup> ✧Diskite pwòp ka pa ou devan vwazen ou,  
e pa devwale sekrè a yon lòt.

<sup>10</sup> Oswa sila ki tande ou a, va fè ou repwòch,  
e move rapò sou ou menm p ap janm disparèt.

<sup>11</sup> Tankou pòm an lò ki monte sou ajan,  
se konsa yon ✧mo ki byen plase nan moman li.

<sup>12</sup> Tankou yon ✧zanno an lò ak yon dekorasyon an lò fen  
se yon repwòch saj nan zòrèy k ap koute.

<sup>13</sup> Tankou fredri lanèj nan lè rekòlt,  
se konsa yon ✧mesaje fidèl ye a sila ki voye l yo,  
paske li rafrech nanm a mèl li yo.

<sup>14</sup> Tankou ✧nwaj ak van san lapli,  
se konsa yon nonm ki ogmanté don li yo ak manti.

<sup>15</sup> Ak ✧pasyans, yon chèf ka vin pès Wade;  
se yon lang dous ki kase zo.

<sup>16</sup> Èske ou te ✧jwenn siwo myèl?  
Manje sèlman kont ou,  
pou ou pa gen twòp pou vomi li.

<sup>17</sup> Kite pye ou raman pile lakay vwazen ou,  
sinon li va fatige avè w, e vin rayi ou.

<sup>18</sup> Tankou gwo baton, nepe ak flèch file,  
se konsa yon nonm ki pote ✧fo temwen kont vwazen li.

<sup>19</sup> Tankou yon move dan ak yon pye ki pa estab,  
se konsa konfyans nan yon ✧nonm enfidèl nan tan gwo twoub.

<sup>20</sup> Tankou yon moun ki retire rad li nan jou fredri,  
oswa tankou vinèg sou poud bikabonat,  
se konsa sila ki chante chan ak kè twouble yo ye.

<sup>21</sup> ✧Si lènmi ou grangou, ba li manje;  
epi si li swaf, ba li dlo pou l bwè;

<sup>22</sup> Paske, ou va anpile chabon tou limen sou tèt li,  
e ✧SENYÈ a va bay ou rekonpans.

✧ 25:1 Pwov 1:1 ✧ 25:2 Esd 6:1 ✧ 25:5 Pwov 20:8 ✧ 25:8 Pwov 17:14 ✧ 25:9 Mat 18:15  
✧ 25:11 Pwov 15:23 ✧ 25:12 Egz 32:2 ✧ 25:13 Pwov 13:17 ✧ 25:14 Jd 12 ✧ 25:15 Jen  
32:4 ✧ 25:16 Jij 14:8 ✧ 25:18 Egz 20:16 ✧ 25:19 Job 6:15 ✧ 25:21 Egz 23:4-5 ✧ 25:22  
II Sam 16:12

23 Van nò pote lapli  
e yon ✨lang medizan, pote yon move vizaj.  
24 Li ✨pi bon pou viv nan yon kwen twati  
pase nan yon kay avèk yon fanm k ap fè kont tout tan.  
25 Tankou dlo frèt pou yon nanm fatige,  
se konsa yon ✨bòn nouvèl ki sòti nan yon peyi lwen.  
26 Tankou yon ✨sous ki foule anba pye ak yon pwi kontamine,  
se konsa yon nonm dwat ki bay plas a mechan an.  
27 Li pa bon pou bwè anpil siwo myèl,  
ni se pa laglwa ki pou ✨chache pwòp glwa pa w.  
28 Tankou yon gran vil ki kase antre san miray,  
se konsa yon nonm ki ✨pa kontwole pwòp tèt li.

## 26

1 Tankou lanèj nan sezon chalè a, tankou lapli nan sezon rekòlt,  
se konsa respè ✨pa merite rive sou yon moun ki ensanse.  
2 Tankou yon ti zwazo k ap sove ale, tankou yon ti iwondèl nan vòl li,  
se konsa yon ✨madichon san koz p ap poze.  
3 Yon fwèt se pou chwal la, yon brid pou bourik la,  
ak ✨baton pou do a moun ensanse a.  
4 ✨Pa reponn yon moun ensanse selon foli li,  
oswa ou va vin tankou li.  
5 ✨Reponn yon moun ensanse selon foli li merite,  
pou l pa vinsaj nan pwòp zye li.  
6 Li koupe pwòp pye li, e bwè vyolans ki voye  
yon mesaj pa men a moun ensanse a.  
7 Tankou janm ki initil pou moun bwate a,  
se konsa yon pwovèb nan bouch a moun ki ensanse.  
8 Tankou yon moun ki mare wòch anndan fistibal  
se konsa sila ki bay respè a moun ensanse a.  
9 Tankou yon pikan ki tonbe nan men yon moun k ap bwè gwòg,  
se konsa yon pwovèb nan bouch a moun ki ensanse.  
10 Tankou moun ak banza k ap blese tout moun,  
se konsa sila ki anplwaye moun ensanse a,  
oswa sila ki anplwaye sila k ap pase pa aza a.  
11 Tankou ✨yon chen ki retounen nan vomi li,  
se konsa yon moun ensanse ki repete foli li.  
12 Èske ou wè yon moun ki saj nan pwòp zye li?  
✨Gen plis espwa pou moun fou pase li menm.  
13 ✨Parese a di: “Gen yon lyon nan lari a!  
Yon lyon nan plas la!”  
14 Tankou pòt la vire sou gon li,  
se konsa ✨parese a sou kabann li.  
15 ✨Parese a fouye men l nan plato a;  
men l twò fatige pou fè l ankò rive nan bouch li.  
16 Parese a ✨pi saj nan pwòp zye li  
pase sèt moun ki kab reponn ak bon konprann.

✨ 25:23 Sòm 101:5 ✨ 25:24 Pwov 21:9 ✨ 25:25 Pwov 15:30 ✨ 25:26 Éz 32:2 ✨ 25:27  
Pwov 27:2 ✨ 25:28 II Kwo 32:5 ✨ 26:1 Pwov 17:7 ✨ 26:2 Nonb 23:8 ✨ 26:3 Pwov 10:13  
✨ 26:4 Pwov 23:9 ✨ 26:5 Mat 16:1-4 ✨ 26:11 II Pi 2:22 ✨ 26:12 Pwov 29:20 ✨ 26:13  
Pwov 22:13 ✨ 26:14 Pwov 6:9 ✨ 26:15 Pwov 19:24 ✨ 26:16 Pwov 27:11

- 17 Tankou yon moun ki pran yon chen pa zòrèy,  
se konsa sila k ap pase pa aza a,  
e ki gaye nan goumen ki pa apatyen a li menm nan.
- 18 Tankou yon moun fou k ap jete ✧bwa dife, flèch ak lanmò,  
19 se konsa nonm ki tronpe vwazen li an pou di:  
✧“Èske se pa blag mwèn t ap fè?”
- 20 Akoz mank bwa, dife a etenn,  
e kote moun pa pale ti koze nan zòrèy moun, ✧rayisman vin kalme.
- 21 Tankou chabon tou limen anvè sann ki cho e bwa anvè dife,  
se konsa yon moun ✧ap chofe pwoblèm pou limen konfli.
- 22 ✧Pawòl a moun k ap pale ti koze nan zòrèy moun nan,  
vin tankou bèl ti mòso delika, e yo desann rive jis nan pati pi fon kò a.
- 23 Tankou veso ki fèt ak tè ki kouvri ak yon kouch ajan,  
se konsa lèy ki brile ak yon kè ki mechan.
- 24 Yon nonm malonèt, ✧kache sa pou l pa parèt sou lèy li;  
men nan kè l, li fè depo akdesepsyon.
- 25 Lè l ✧pale byen dous, pa kwè l;  
paske, gen sèt abominasyon nan kè l.
- 26 Malgre rayisman kouvri kò l ak riz,  
mechanste li va ✧devwale devan asanble a.
- 27 Sila ki ✧fouye fòs la va tonbe ladann,  
e sila ki woule wòch la, sou li menm l ap retounen.
- 28 Yon lang ki bay manti, rayi sila li kraze yo,  
e zèv a lang flatè a se dega.

## 27

- 1 Pa vin ògeye sou bagay demen,  
paske ou ✧pa konnen kisa yon jou ka pote.
- 2 Kite ✧yon lòt moun ba ou lwanj,  
e pa fè ak pwòp bouch ou.  
Kite l fèt pa yon ou pa konnen,  
e pa de pwòp lèy ou.
- 3 Yon gwo wòch lou ak sab gen pwa;  
men moun ensanse k ap anmède a pi lou pase yo tou de.
- 4 Fachez rèd ak kòlè se yon inondasyon;  
men se ✧kilès ki ka kanpe devan jalouzi.
- 5 Repwòch ki klè pi bon pase lanmou ki kache.
- 6 Fidèl se blese a yon zanmi;  
men twonpri se ✧bo a yon ènmi.
- 7 Moun vant plen rayi siwo myèl;  
men pou sila ki grangou nèt, nenpòt bagay anmè vin dous.
- 8 Tankou yon ✧zwazo ki egare nich li,  
se konsa yon nonm ki mache lwen kay li.
- 9 ✧Lwil ak pafen fè kè kontan;  
se konsa konsèy a yon nonm dous pou zanmi li.
- 10 Pa abandone pwòp zanmi ou, ni ✧zanmi a papa ou,  
e pa ale lakay frè ou nan jou malè ou.

✧ 26:18 És 50:11 ✧ 26:19 Ef 5:4 ✧ 26:20 Pwov 22:10 ✧ 26:21 Pwov 15:18 ✧ 26:22 Pwov 18:8 ✧ 26:24 Sòm 41:6 ✧ 26:25 Sòm 28:3 ✧ 26:26 Luc 8:17 ✧ 26:27 Est 7:10 ✧ 27:1 Luc 12:19-20 ✧ 27:2 Pwov 25:27 ✧ 27:4 Pwov 6:34 ✧ 27:6 Mat 26:49 ✧ 27:8 Pwov 26:2 ✧ 27:9 Sòm 23:5 ✧ 27:10 I Wa 12:6-8

Pi bon se yon vwazen toupre pase yon frè ki byen lwen.

11 ✨Sèvi ak sajès, fis mwen, e fè kè m kontan pou m kab reponn sila ki repwoche mwen an.

12 Yon nonm ki saj wè mal e li kache kò l; men sila ki fou a avanse pou peye pri a.

13 Pran vètman li lè l sèvi garanti pou yon enkonni, e pou yon fanm adiltè, kenbe mesye a menm kon garanti a.

14 Sila ki beni zanmi li ak gwo vwa bonè nan maten, sa va rekonèt kon madichon pou li.

15 ✨Dlo k ap degoute san rete nan jou gwo lapli avèk fanm k ap fè kont san rete sòti menm jan;

16 Sila ki ta anpeche fanm sa a, vle anpeche van, oswa sezi lwil ak men dwat li.

17 Se fè ki file fè; se konsa yon nonm file yon lòt.

18 Sila ki pran swen pye fig la va manje fwi li, e sila ki pran swen mèt li a va jwenn lonè.

19 Tankou nan dlo, figi reflete figi, konsa kè a yon nonm reflete lentansyon l.

20 ✨Sejou Lanmò ak labim pa janm satisfè, ni zye a lòm pa janm satisfè.

21 Po fonn nan se pou ajan, e founo se pou lò, e tout moun teste pa lwanj ke l resevwa.

22 Malgre ou ta ✨foule yon moun fou ak pilon jiskaske li fè poud, tankou sereyal byen kraze a, foli li p ap sòti sou li.

23 ✨Konnen byen kondisyon a bann twoupo ou yo, e prete atansyon ak yo;

24 Paske richès pa la pou tout tan, ni yon ✨kouwòn pa rete pandan tout jenerasyon.

25 Lè zèb yo vin disparèt, sa ki nèf la vin pouse, e epis mòn yo ✨vin ranmase.

26 Jenn mouton yo va sèvi kon vètman ou e kabrit yo va mennen pri a yon chan,

27 Epi lèt kabrit ap kont pou manje ou, pou manje tout lakay ou, ak soutyen pou tout sèvant lakay ou yo.

## 28

1 Mechan yo ✨sove ale lè pa gen k ap kouri dèyè yo; men moun dwat yo gen kouraj kon lyon.

2 Pa transgresyon a yon pèp, ✨chèf peyi yo vin anpil; men lòd se etabi pa yon nonm bon konprann ak konesans.

3 Yon moun pòv ki peze malere se tankou gwo lapli ki lave tè a san kite anyen.

4 Sila ki abandone lalwa yo ✨bay lwanj a moun mechan; men sila ki kenbe lalwa yo va goumen kont yo.

5 Moun mechan yo ✨pa konprann lajistis; men sila ki chache SENYÈ yo konprann tout bagay.

✨ 27:11 Pwov 10:1 ✨ 27:15 Pwov 19:13 ✨ 27:20 Job 26:6 ✨ 27:22 Pwov 23:35 ✨ 27:23 Jr 31:10 ✨ 27:24 Job 19:9 ✨ 27:25 És 17:5 ✨ 28:1 Lev 26:17-36 ✨ 28:2 I Wa 16:8-28 ✨ 28:4 Sòm 49:18 ✨ 28:5 Sòm 92:6



- 6 ✨Pi bon se malere ki mache ak ladwati a pase sila ki kwochi a, menm si l gen anpil richès.
- 7 Sila ki kenbe lalwa a se yon fis ak bon konprann; men sila ki fè zanmi ak moun ✨glouton fè papa l wont.
- 8 Sila ki agrandi richès li avèk ✨enterè sou lajan, ranmase li pou sila k ap fè gras a malere a.
- 9 Sila ki vire zòrèy li pou pa koute lalwa a, menm ✨lapriyè li abominab.
- 10 Sila ki egare moun dwat la nan move chemen an va li menm tonbe nan pwòp fòs li; men ✨sila ki san tò a, va gen bon eritaj.
- 11 Mesye rich la saj nan pwòp zye l; men malere ki gen bon konprann nan wè l jis li sonde l nèt.
- 12 Lè moun ladwati a gen vikwa, gen anpil glwa; men ✨lè mechan yo leve tout moun kache kò yo.
- 13 Sila ki kache transgresyon li yo p ap fè pwogrè; men sila ki ✨konfese yo e kite yo, va jwenn konpasyon.
- 14 A la beni se sila ki toujou ✨gen lakrent Bondye a! Men sila ki fè kè l di va tonbe nan malè.
- 15 Tankou lyon k ap rele fò ak lous k ap atake, se konsa yon ✨chèf mechan ye sou yon pèp malere.
- 16 Yon ✨gouvènè ki peze pèp la manke bon konprann; men sila ki rayi richès ki pa jis, pwolonje jou li yo.
- 17 Yon nonm ki ✨chaje ak koupabilite san moun va yon fijitif jiskaske li mouri; pinga pèsòn ba li soutyen.
- 18 Sila ki mache san tò a va delivre; men sila ki ✨kwochi a va tonbe byen vit.
- 19 ✨Sila ki laboure tè a va gen anpil manje; men sila ki swiv vanite va jwenn anpil mizè.
- 20 Yon nonm ✨fidèl va gen anpil benediksyon; men sila ki fè vit pou jwenn richès, p ap chape anba pinisyon.
- 21 Montre patipri pa bon, paske yon sèl mòso pen ka fè yon moun transgrese.
- 22 Yon nonm ak ✨move zye kouri dèyè richès e li pa konnen kisa k ap rive li.
- 23 Sila ki bay yon moun repwòch va jwenn plis favè pase sila ki ✨fè flatè ak lang li an.
- 24 Sila ki vòlè papa li oswa manman l epi di: “Sa pa yon transgresyon”, se ✨parèy ak yon moun ki detwi.
- 25 Yon nonm awogan ap ✨pwovoke konfli; men sila ki mete konfyans nan SENYÈ a va pwospere.
- 26 Sila ki ✨mete konfyans nan pwòp kè li a se yon moun fou; men sila ki mache ak sajès la va delivre.
- 27 Sila ki ✨bay a malere a p ap janm manke;

✨ 28:6 Pwov 19:1 ✨ 28:7 Pwov 23:20 ✨ 28:8 Egz 22:25 ✨ 28:9 Sòm 66:18 ✨ 28:10 Mat 6:33 ✨ 28:12 Pwov 28:28 ✨ 28:13 Sòm 32:5 ✨ 28:14 Pwov 23:17 ✨ 28:15 Egz 1:14 ✨ 28:16 Ekl 10:16 ✨ 28:17 Jen 9:6 ✨ 28:18 Pwov 10:27 ✨ 28:19 Pwov 12:11 ✨ 28:20 Pwov 10:6 ✨ 28:22 Pwov 23:6 ✨ 28:23 Pwov 29:5 ✨ 28:24 Pwov 18:9 ✨ 28:25 Pwov 15:18 ✨ 28:26 Pwov 3:5 ✨ 28:27 Pwov 11:24

men sila ki fèmen zye l ap jwenn anpil malediksyon.  
 28 Lè mechan yo leve, pèp la kache kò yo;  
 men lè yo peri moun dwat yo vin plis.

## 29

- 1 Yon nonm ki fè tèt di apre anpil repwòch  
 va ✧sibitman vin kraze nèt san remèd.
- 2 Lè ✧moun dwat yo vin ogmante, pèp la rejwi;  
 men lè yon moun mechan gouvène, pèp la jemi.
- 3 Yon nonm ki ✧renmen sajès fè papa l kontan;  
 men sila ki pase tan l ak pwostitiye yo gate byen li.
- 4 ✧Avèk jistis, wa a fè tout peyi a vin estab;  
 men yon nonm ki aksepte kòb anba tab boulvèse li.
- 5 Yon nonm ki ✧flate vwazen li  
 ap ouvri filè pou pla pye li.
- 6 Pa transgresyon yon nonm mechan vin ✧pran nan pyèj nèt;  
 men moun dwat la va chante e rejwi.
- 7 Moun ✧ladwati a gen kè pou dwa malere;  
 men mechan an pa menm konprann afè sa a.
- 8 Sila k ap moke yo fè gwo vil la pran dife;  
 men moun ✧saj yo kalme kòlè.
- 9 Lè yon nonm saj gen yon kont ak yon moun san konprann,  
 moun san konprann nan anraje oswa ri, e nanpwen repo.
- 10 Moun k ap ✧vèse san rayi inosan an;  
 men moun dwat yo pwoteje lavi li.
- 11 Moun san konprann toujou fache;  
 men ✧yon nonm saj kenbe tèt li anba kontwòl.
- 12 Si ✧gouvènè a prete atansyon a manti,  
 tout minis li yo va vin mechan.
- 13 Malere a ak opresè a gen yon bagay ki sanble;  
 se SENYÈ a ki ✧ mete limyè nan zye tou de.
- 14 Si yon ✧wa jije pòv yo ak verite,  
 twòn li va etabli jis pou tout tan.
- 15 ✧Baton ak repwòch bay sajès;  
 men timoun ki fè sa li pito a mennen wont sou manman l.
- 16 Lè mechan yo vin plis, transgresyon yo ogmante;  
 men, ✧moun dwat yo va wè tonbe yo.
- 17 Koriye fis ou e li va ba ou rekonfò;  
 anplis, li va ✧bay nanm ou gwo plezi.
- 18 Kote nanpwen ✧vizyon, pèp la san fren;  
 men byen kontan se sila ki kenbe lalwa a.
- 19 Pawòl sèl p ap ka enstwi yon esklav;  
 paske malgre li konprann, li p ap reponn.
- 20 Èske ou wè yon nonm ki ✧ pale vit san reflechi?  
 Gen plis espwa pou moun fou a pase li menm.
- 21 Sila ki byen swaye esklav li depi li piti a,  
 nan lafen, twouve yon fis.

✧ 29:1 Pwov 6:15 ✧ 29:2 Est 8:15 ✧ 29:3 Pwov 10:1 ✧ 29:4 II Kwo 9:8 ✧ 29:5 Sòm 5:9 ✧ 29:6 Pwov 22:5 ✧ 29:7 Job 29:16 ✧ 29:8 Pwov 16:14 ✧ 29:10 Jen 4:5-8 ✧ 29:11 Pwov 19:11 ✧ 29:12 I Wa 12:14 ✧ 29:13 Esd 9:8 ✧ 29:14 Sòm 72:4 ✧ 29:15 Pwov 13:24 ✧ 29:16 Sòm 37:34-36 ✧ 29:17 Pwov 10:1 ✧ 29:18 I Sam 3:1 ✧ 29:20 Jc 1:19

- 22 Yon ✨nonm an kòlè pwovoke konfli e yon nonm ki kolerik fè anpil tò.
- 23 Ògèy a yon nonm va mennen li ba; men yon ✨lespri enb va jwenn respè.
- 24 Sila ki fè konplo ak yon volè rayi pwòp lavi li; li ✨pran sèman an men li pa pale anyen.
- 25 Lakrent a lòm mennen yon pèlen; men sila ki ✨mete konfyans li nan SENYÈ a va leve wo.
- 26 Gen anpil moun k ap chache favè a sila ki gouvène a; men ✨lajistis pou lòm va sòti nan SENYÈ a.
- 27 Tankou yon nonm ✨enjis abominab a moun dwat, yon nonm ladwati abominab a mechan yo.

### 30

- 1 Pawòl a Agur, fis a Jaké a, pwofèt la. Nonm nan ki fè deklarasyon a Ithiel, a Ithiel ak Ucal.
- 2 Anverite, mwen ✨pi bèt pase tout moun e mwen pa gen konprann a yon nonm.
- 3 Mwen pa t aprann sajès, ni mwen pa gen ✨konesans a Sila Ki Sen an.
- 4 Kilès ki te ✨monte nan syèl la e te desann? Kilès ki te ranmase van nan ponyèt li? Kilès ki te vlope dlo nan vètman li? Kilès ki te etabli tout pwent tè yo? Ki non li e ki non fis Li a? Asireman, ou konnen!
- 5 Tout ✨pawòl Bondye pase a leprèv; Li se yon boukliye pou sila ki kache nan Li yo.
- 6 ✨Pa ogmante sou pawòl Li yo, oswa Li va repwoche ou e ou va fè prèv ke se yon mantè ou ye.
- 7 De bagay m te mande ou yo; pa refize m yo avan m mouri:
- 8 Fè desepsyon ak manti rete lwen mwen, pa ban m richès ni povrete; nourri mwen ak ✨manje ki se pòsyon pa m nan,
- 9 Pou m pa ✨vin plen e refize rekonèt Ou pou di: “Se kilès ki SENYÈ a?” Oswa, pou m ta manke, vin vòlè e fè yon gwo wont sou non Bondye mwen an.
- 10 Pa pale mal yon esklav a mèt li, sinon li va ✨modi ou e ou va twouve koupab.
- 11 Gen yon kalite moun ki ✨modi papa li e refize beni manman l.
- 12 Gen yon kalite ki san tach nan pwòp zye li; sepandan, li poko lave pou sòti nan enpite a.
- 13 Gen yon kalite—O, jan ✨zye li leve wo,

✨ 29:22 Pwov 15:18 ✨ 29:23 Pwov 15:33 ✨ 29:24 Lev 5:1 ✨ 29:25 Sòm 91:1-16 ✨ 29:26 És 49:4 ✨ 29:27 Sòm 6:8 ✨ 30:2 Sòm 49:10 ✨ 30:3 Pwov 9:10 ✨ 30:4 Rev 19:12 ✨ 30:5 Sòm 12:6 ✨ 30:6 Det 4:2 ✨ 30:8 Job 23:12 ✨ 30:9 Det 8:12 ✨ 30:10 Ekl 7:21 ✨ 30:11 Egz 21:17 ✨ 30:13 Pwov 6:17

e pòpyè zye li leve ak awogans.

14 Gen yon kalite moun ak dan tankou nepe ak machwè tankou kouto, ki prèt pou ✧devore aflije sou fas tè yo, e fè moun malere yo disparèt pami moun.

15 Sansi a gen de fi: “Ban mwen” ak Ban m”.

Gen twa bagay ki pa janm satisfè, menm kat ki refize di: “Se kont”:

16 Sejou Lanmò a, ✧vant fanm esteril la, latè a ki pa janm jwenn dlo ase, ak dife ki pa janm di: “Se kont”.

17 Zye moun ki moke yon papa e ki giyonnen yon manman; ✧kòbo nan vale a va vin rache l, e jenn èg yo va manje li.

18 Gen twa bagay ki twò bèl pou mwen, kat ke m pa konprann:

19 ✧Vòl a yon èg nan syèl la, pa a sèpan sou wòch, chemen a gwo bato nan mitan lanmè a, ak manèv a yon jennonm ak yon fi.

20 Men chemen a ✧fanm adiltè a: Li manje, li siye bouch li e li pale klè: “Mwen pa t fè mal”.

21 Anba twa bagay, latè tranble, e anba kat, li pa ka kenbe:

22 Anba yon ✧esklav lè li vin wa, ak yon moun fou lè l vin satisfè ak manje,

23 Anba yon fanm neglije lè l jwenn mari, ak yon sèvant lè l pran plas mètrès kay la.

24 Kat bagay ki tou piti sou latè, men yo plen sajès:

25 ✧Foumi se pa yon pèp ki fò; men yo prepare manje yo nan gran sezon;

26 ✧Chat mawon se pa yon pèp pwisan; men yo fè kay yo nan wòch;

27 Krikèt volan yo pa gen wa; men yo parèt ✧byen alinye;

28 Zandolit ke ou kab kenbe nan men ou; sepandan, li antre nan palè a wa a.

29 Gen twa bagay ki mache parèt bèl, menm kat ki bèl lè yo mache:

30 Lyon ki ✧pwisan pami bèt yo, e ki pa fè bak devan okenn bèt,

31 Jan kòk mache a, menm ak mal kabrit o yon wa lè lame parèt avè l.

32 Si ou te fè foli nan leve tè ou byen wo, oswa si ou te fè konplo pou mal, ✧mete men ou sou bouch ou.

33 Paske lèt k ap laboure vin fè bè, ak peze nen pote san; se konsa ✧laboure kòlè pwodwi konfli.

✧ 30:14 Sòm 14:4 ✧ 30:16 Jen 30:1 ✧ 30:17 Det 28:26 ✧ 30:19 Det 28:49 ✧ 30:20 Pwov 5:6 ✧ 30:22 Pwov 19:10 ✧ 30:25 Pwov 6:5 ✧ 30:26 Lev 11:5 ✧ 30:27 Job 2:7 ✧ 30:30 Jij 14:18 ✧ 30:32 Job 21:5 ✧ 30:33 Pwov 10:12

**31**

1 Pawòl a wa Lemuel yo; pwofesi ke manman li te ansegne li a:

2 O fis mwen an!

O fis a vant mwen an!

O fis a ve mwen yo!

3 ✨Pa bay fòs ou a fanm,

ni wout ou a sila ki konn detwi wa yo.

4 Se pa pou ✨wa yo, O Lemuel,

se pa pou wa yo bwè diven, ni pou chèf yo ta bwè diven,

5 Paske y ap bwè epi vin bliye dekrè ki te fèt la,

e ✨tòde dwa a sila ki aflije yo.

6 Bay bwason fò a sila k ap ✨peri a,

ak diven a sila ki gen lavi anmè a.

7 Kite li bwè pou bliye mizè li

e pa sonje pwoblèm li ankò.

8 ✨Ouvri bouch ou pou bèbè a;

pou dwa yo a tout sila ki pa gen chans yo.

9 Ouvri bouch ou, fè jijman ak dwati,

e defann ✨dwa a aflije yo ak endijan an.

10 Yon ✨madanm ki ekselan, se kilès ki ka twouve li?

Paske valè li depase bijou.

11 Kè a mari li mete konfyans nan li

e li p ap manke reyisi.

12 Li fè l sa ki bon e pa sa ki mal

pandan tout jou lavi li.

13 Li chache lèn ak len e travay avèk men l ak kè kontan.

14 Li tankou bato komès;

li mennen manje li soti byen lwen.

15 Anplis, li leve pandan li toujou fènwa pou

✨bay manje a tout lakay li; ak

yon pòsyon pou sèvant li yo.

16 Li konsidere yon chan e achte li;

ak benefis travay li, li plante yon chan rezen.

17 Li ✨mare senti l ak gwo fòs

pou fè bra li vin fò.

18 Li santi ke siksè li bon;

lanp li pa janm etenn lannwit.

19 Li lonje men l vè aparèy tise a

e men l kenbe l.

20 Li ✨lonje men l vè pòv yo

avèk sila ki gen bezwen an.

21 Lakay li pa fè krent pou lanèj,

paske tout lakay ✨abiye an wouj.

22 Li fè ✨kouvèti pou tèt li;

tout vètman li se twal fen blan ak mov.

23 Mari li byen rekonèt ✨nan pòtay lavil yo,

lè l chita pami ansyen a peyi yo.

24 Li fè ✨vètman an len pou vann yo,

✨ 31:3 Pwov 5:9 ✨ 31:4 Ekl 10:17 ✨ 31:5 Egz 23:6 ✨ 31:6 Job 29:13 ✨ 31:8 Job 29:12-17

✨ 31:9 És 1:17 ✨ 31:10 Rt 3:11 ✨ 31:15 Luc 12:42 ✨ 31:17 I Wa 18:46 ✨ 31:20 Det 15:11

✨ 31:21 II Sam 1:24 ✨ 31:22 Pwov 7:16 ✨ 31:23 Det 16:18 ✨ 31:24 Jij 14:12

e founi sentiwon a tout komèsan yo.  
25 Fòs ak ✧respè se abiman li  
e li souri a lavni.  
26 Li ✧ouvri bouch li avèk sajès  
e enstriksyon ladousè sou lang li.  
27 Li gade byen tout afè lakay li  
e li pa manje ✧pen laparès.  
28 Pitit li yo leve e beni li;  
mari li tou ba li gwo lwanj pou di l:  
29 “Anpil fi te fè byen bon;  
men ou pi bon anpil pase yo tout.”  
30 Chàm konn twonpe e bèlte konn vanite;  
men se fanm nan ki ✧krent SENYÈ a  
k ap resevwa lwanj.  
31 Ba li sa ke men l te pwodwi,  
epi kite zèv li yo fè lwanj li nan pòtay yo.

## Eklezyas Yo

<sup>1</sup> Pawòl ☆predikatè a, fis a David la, Wa Jérusalem. <sup>2</sup> ☆“Vanite sou vanite”, predikatè la di: “Vanite sou vanite!” Tout se vanite.” <sup>3</sup> ☆Ki avantaj yon nonm gen nan tout travay ke li fè anba solèy la? <sup>4</sup> Yon jenerasyon ale e yon jenerasyon vini; men ☆tè a rete pou tout tan. <sup>5</sup> Anplis, ☆solèy la leve e solèy la kouche; epi kouri al jwenn plas li pou li leve la ankò. <sup>6</sup> Van an ☆soufle vè sid, vire kote nò e kontinye vire fè wonn li; epi sou menm kous vire won an, li retounen ankò. <sup>7</sup> Tout rivyè yo desann vè lanmè a; sepandan li pa vin plen. Nan plas kote rivyè yo koule a; se la yo koule ankò. <sup>8</sup> Tout bagay sa yo fatigan; lòm pa kapab menm eksplike sa. ☆Zye pa satisfè ak wè, ni zòrèy ak tande. <sup>9</sup> ☆Sa ki te ye, se sa ki va ye e sa ki te konn fèt, se sa k ap fèt. Konsa, nanpwen anyen ki nèf anba syèl la. <sup>10</sup> Èske gen yon bagay sou sila a nou ta kab di: “Men sa a nèf”? Deja, li te la depi syèk ki te ekoule avan nou yo. <sup>11</sup> ☆Nanpwen memwa a ansyen bagay yo; ni anplis a sila k ap vini pita, o k ap vin fèt; ap gen pou yo okenn memwa pami sila ki vini apre yo. <sup>12</sup> Mwen menm, ☆predikatè a, te sèvi kon wa sou Israèl nan Jérusalem. <sup>13</sup> Mwen te konsantre tout refleksyon mwen pou chache e ☆egzamine sou sajès tout sa ki te konn fèt anba syèl la. Sa se yon gwo tach lou ke Bondye te bay fis a lòm yo pou l ta aflije yo. <sup>14</sup> Mwen te wè tout zèv ki te fèt anba solèy la e, men vwala, tout se ☆vanite e chache kouri dèyè van. <sup>15</sup> Sa ki ☆kwochi p ap ka dresse e sa ki manke p ap ka konte. <sup>16</sup> Mwen te di a pwòp tèt mwen: “Men gade, mwen te fè ☆sajès vin grandi e ogmante plis pase tout lòt wa ki te sou Jérusalem avan mwen yo; epi panse mwen te obsève anpil richès nan sajès avèk konesans.” <sup>17</sup> Mwen te dirije panse mwen pou konnen sajès e pou konnen sa ki ensanse ak sa ki foli nèf; konsa, mwen te vin wè ke sa osi se ☆chache kouri dèyè van. <sup>18</sup> Paske ☆nan anpil sajès gen anpil tristès, e nan anpil konesans gen anpil doule.

## 2

<sup>1</sup> Mwen te di nan tèt mwen: “Vini koulye a, mwen va teste ou ak ☆plezi. Pou sa, fè kè ou kontan.” Epi sa osi se te vanite. <sup>2</sup> ☆Mwen te di de afè ri, sa se foli, e de plezi, kisa l ap akonpli?” <sup>3</sup> Mwen te fè ankèt ak panse m kòman pou eksite kò m ak diven pandan panse m ap gide m ak sajès ak jan pou kenbe foli, jiskaske mwen ta kapab wè ☆sa ki bon ki genyen pou fis a lòm yo fè anba syèl la pandan ti kras ane ke y ap viv yo. <sup>4</sup> Mwen te agrandi zèv mwen yo. Mwen te ☆bati kay pou mwen, mwen te plante chan rezen pou mwen; <sup>5</sup> Mwen te fè jaden ak ☆bèl plas pou tèt mwen e mwen te plante ladann yo tout kalite pye fwi; <sup>6</sup> Mwen te fè ☆gwo basen dlo pou tèt mwen pou awoze yon forè bwa ki t ap grandi. <sup>7</sup> Mwen te achte esklav, ni mal ni femèl e mwen te genyen ☆ki te fèt lakay mwen. nplis, mwen te genyen bann mouton avèk twoupo pi gran pase tout wa ki te Jérusalem avan m yo. <sup>8</sup> Anplis, mwen te ranmase ajan ak ☆lò pou pwòp tèt mwen

☆ **1:1** Ekl 1:12 ☆ **1:2** Sòm 39:5-6 ☆ **1:3** Ekl 2:11 ☆ **1:4** Sòm 104:5 ☆ **1:5** Sòm 19:6 ☆ **1:6** Ekl 11:5 ☆ **1:8** Pwov 27:20 ☆ **1:9** Ekl 1:10 ☆ **1:11** Ekl 2:16 ☆ **1:12** Ekl 1:1 ☆ **1:13** Ekl 3:10-11 ☆ **1:14** Ekl 2:11-17 ☆ **1:15** Ekl 7:13 ☆ **1:16** I Wa 3:12 ☆ **1:17** Ekl 1:14 ☆ **1:18** Ekl 2:23 ☆ **2:1** Ekl 7:4 ☆ **2:2** Pwov 14:13 ☆ **2:3** Ekl 2:24 ☆ **2:4** I Wa 7:1-12 ☆ **2:5** Né 2:8 ☆ **2:6** Né 2:14 ☆ **2:7** Jen 14:14 ☆ **2:8** I Wa 9:28

ansanm ak trezò a wa yo ak pwovens pa yo. Mwen te founi pou pwòp tèt mwen chantè, ni mal, ni femèl, e tout plezi a lòm yo—anpil konkibin. <sup>9</sup> Epi mwen te vin ✧gran, pi gran pase tout wa ki te avan m Jérusalem yo. Konsa, sajès mwen te kanpe avè m. <sup>10</sup> Tout sa ke zye m te anvè, mwen pa t refize yo. Mwen pa t refize kè m okenn plezi li te vle, paske kè m te kontan akoz tout zèv mwen yo, e sa se te ✧rekonpans pou tout travay mwen yo. <sup>11</sup> Konsa, mwen te konsidere tout zèv men m te konn fè yo, avèk travay ke m te fòse fè yo, men gade byen, tout te ✧vanite ak kouri dèyè van, e pa t gen okenn avantaj anba solèy la. <sup>12</sup> Konsa mwen te vire ✧konsidere sajès, afè moun ensanse menm ak foli; paske se kisa yon nonm ki swiv wa sila a ka fè, sinon sa ki te konn fèt deja? <sup>13</sup> Epi mwen te wè ke ✧sajès toujou genyen sou vanite tankou limyè genyen sou tenèb. <sup>14</sup> Zye a mesye saj la anndan tèt li; men ✧moun ensanse a mache nan tenèb. Sepandan, mwen konnen ke se menm desten ki va rive yo tou de. <sup>15</sup> Konsa, mwen rive di tèt mwen: “Kon desten a moun ensanse a, se konsa l ap rive m. ✧Alò, poukisa mwen te fòse fè anpil sajès?” Alò, pou sa mwen te di tèt mwen: “Sa, anplis, se vanite.” <sup>16</sup> Paske nanpwen ✧okenn memwa k ap sonje nonm saj la, menm jan pou ensanse a, akoz nan tout jou k ap vini yo, tout moun va bliye yo nèt. Epi konsa, nonm saj la ak ensanse a mouri tou de! <sup>17</sup> Pou sa, mwen te ✧rayi lavi, paske travay ki te fèt anba syèl la te yon doulè pou mwen; paske tout bagay se kòve ak kouri dèyè van. <sup>18</sup> Konsa, mwen te rayi ✧tout fwi a travay mwen yo, pou sila mwen te fè efò anba solèy la; paske mwen ap oblije kite li bay nonm nan k ap swiv mwen an. <sup>19</sup> Epi se kilès ki konnen si li va saj, oswa ✧moun fou? Malgre li va gen kontwòl sou tout fwi a travay mwen, pou sila mwen te fòse fè ak sajès yo, anba solèy la. Sa, anplis, se vanite. <sup>20</sup> Pou sa, mwen te pèdi espwa nèt a tout fwi a zèv mwen pou sila mwen te travay anba solèy la. <sup>21</sup> Kote ki genyen yon nonm ki te travay ak sajès, konesans ak ✧kapasite; alò, li va kite eritaj li a yon moun ki pa t travay pou yo. Sa osi se vanite ak yon gwo mal. <sup>22</sup> Paske se kisa ke yon nonm jwenn ✧pou tout travay li, nan efò ke li te fòse fè anba solèy la? <sup>23</sup> Paske tout jou li yo travay li plen ak doulè ak chagren; menm nan lannwit tèt li ✧pa jwenn repo. Sa tou, se vanite. <sup>24</sup> Nanpwen anyen pi bon pou yon nonm ke manje, bwè, e di tèt li ke travay li a bon. Sa a mwen konn wè tou, ke li sòti ✧nan men Bondye. <sup>25</sup> Paske se kilès ki ka manje, e kilès ki ka jwenn plezi li san Li menm? <sup>26</sup> Paske a yon nonm ki bon nan zye Bondye, ✧Li te bay sajès, konesans ak lajwa; men a pechè a, Li te bay tach ranmase ak rasanble pou li kab bay a sila ki bon nan zye Bondye a. Sa anplis se vanite ak kouri dèyè van.

### 3

<sup>1</sup> Gen yon lè chwazi pou tout bagay. Epi gen yon ✧tan pou chak sa ki rive anba syèl la—

<sup>2</sup> Yon tan pou ne,  
yon ✧tan pou mouri;  
yon tan pou plante,  
ak yon tan pou dechouke  
sa ki plante a.

✧ 2:9 I Kwo 29:25   ✧ 2:10 Ekl 3:22   ✧ 2:11 Ekl 1:14   ✧ 2:12 Ekl 1:17   ✧ 2:13 Ekl 7:11-19  
✧ 2:14 I Jn 2:11   ✧ 2:15 Ekl 6:8-11   ✧ 2:16 Ekl 1:11   ✧ 2:17 Ekl 4:2-3   ✧ 2:18 Sòm 39:6  
✧ 2:19 I Wa 12:13   ✧ 2:21 Ekl 4:4   ✧ 2:22 Ekl 4:4   ✧ 2:23 Sòm 127:2   ✧ 2:24 Ekl 3:13  
✧ 2:26 Job 32:8   ✧ 3:1 Ekl 3:17   ✧ 3:2 Job 14:5



3 Yon ✧tan pou touye  
e yon tan pou geri;  
yon tan pou demoli  
e yon tan pou bati.

4 Yon tan pou ✧kriye  
e yon tan pou ri;  
Yon tan pou fè dèy  
e yon tan pou danse.

5 Yon tan pou voye wòch  
e yon tan pou ranmase wòch;  
yon tan pou anbrase  
e yon tan pou evite anbrase.

6 Yon tan pou chache  
e yon tan pou lage sa kon pèdi.  
Yon tan pou konsève,  
e yon tan pou jete.

7 Yon tan pou chire  
e yon tan pou koud ansanm;  
yon tan pou ✧rete an silans  
e yon tan pou pale.

8 Yon tan pou fè lanmou  
e yon tan pou fè ✧rayisman;  
yon tan pou fè lagè  
e yon tan pou fè lapè.

9 ✧Ki avantaj ouvriye a genyen nan tout efò ke li fè yo? 10 Mwen te wè ✧tach ke Bondye te bay a fis a lòm yo, avèk sila yo okipe tèt yo. 11 Li te ✧fè tout bagay bon nan tan li. Anplis, Li te mete letènite nan kè yo, pou ke lòm pa ka fin konprann travay Bondye te fè a soti nan kòmansman jis rive nan lafen. 12 Mwen konnen ke ✧pa gen pi bon bagay pou yo ta fè pase rejwi e fè byen pandan yo gen lavi a; 13 Anplis, pou tout moun ki manje ak bwè yo wè bonte Bondye nan tout travay li yo—se don Bondye sa ye. 14 Mwen konnen ke tout sa Bondye fè va dire pou tout tan; ke nanpwen anyen pou mete sou li e nanpwen anyen pou retire sou li; paske Bondye te tèlman travay pou lòm ta ✧gen lakrent Li. 15 Sa ✧ki egziste, te la deja e sa ki va ye, te ye deja; paske Bondye chache jwenn sa ki fin pase. 16 Anplis, mwen te wè anba solèy la ke nan plas lajistis gen ✧mechanste, e nan plas ladwati gen mechanste. 17 Mwen te di a pwòp tèt mwen: ✧“Bondye va jije ni sila ki dwat la, ni sila ki mechan an,” paske, gen yon tan pou chak zè ak chak bagay. 18 Mwen te di pwòp tèt mwen selon fis a lòm yo: “Anverite, Bondye te fè yo pase a leprèv pou yo ta wè ke se sèlman ✧bèt ke yo ye.” 19 ✧Paske desten a fis a lòm yo ak desten a bèt yo se menm. Tankou youn mouri, konsa lòt la mouri; anverite, yo tout gen menm souf la e nanpwen avantaj pou lòm sou bèt yo, paske tout se vanite. 20 Tout ale menm kote. Tout te sòti nan ✧pousyè a, e tout ap retounen nan pousyè a. 21 Se kilès ki ka konnen ke ✧souf a lòm monte anwo e souf a bèt yo desann anba tè? 22 Mwen te wè ke ✧nanpwen anyen ki pi bon pou lòm ta fè pase fè kè

✧ 3:3 Jen 9:5 ✧ 3:4 Wo 12:15 ✧ 3:7 Am 5:13 ✧ 3:8 Sòm 101:3 ✧ 3:9 Ekl 1:3 ✧ 3:10 Ekl 1:13 ✧ 3:11 Jen 1:31 ✧ 3:12 Ekl 2:24 ✧ 3:14 Ekl 5:7 ✧ 3:15 Ekl 1:9 ✧ 3:16 Ekl 4:1 ✧ 3:17 Jen 18:25 ✧ 3:18 Sòm 49:12-20 ✧ 3:19 Sòm 49:12 ✧ 3:20 Jen 3:19 ✧ 3:21 Ekl 12:7 ✧ 3:22 Ekl 2:24

kontan nan tout sa li fè, paske se konsa sò a tonbe pou li. Paske se kilès ki ka fè l wè sa ki va vin rive apre li?

## 4

<sup>1</sup> Epi mwen te gade ankò sou tout zèv k ap oprime moun anba solèy la. Epi, gade byen, mwen te wè dlo nan zye a oprime yo, e yo ✧pa t jwenn pèsòn pou bay yo soulajman. Sou kote a sila ki t ap oprime yo, te gen gwo pouvwa; men, yo pa t jwenn pèsòn pou bay yo soulajman. <sup>2</sup> Pou sa, ✧mwen te felisite tout sila ki fin mouri deja yo, olye sila k ap viv yo. <sup>3</sup> Men ✧pi beni pase tou de nan yo se sila ki pa t janm egziste a, ki pa t wè tout mechanste ki konn fèt anba solèy la. <sup>4</sup> Mwen konn wè tout zèv ak tout ✧metye ki konn fèt, fèt akòz konpetisyon antre yon nonm ak vwazen li. Sa anplis se vanite ak fè lachas dèyè van. <sup>5</sup> Moun ensanse a ✧pliye men l e manje pwòp chè li. <sup>6</sup> Yon men plen repo se ✧miyò ke de ponyèt plen travay k ap fè kòve dèyè van an. <sup>7</sup> Konsa mwen te gade ankò sou vanite anba solèy la. <sup>8</sup> Te gen yon sèten mesye san fanmi ki pa t genyen ni fis, ni frè; sepandan, nan travay li, pa t gen repo menm. Anverite, ✧zye li pa t janm satisfè ak richès, men li pa t janm kon mande: “Epi pou ki moun m ap travay e prive tèt mwen de plezi konsa?” Sa, anplis se vanite, e sa se yon kòve ki plen doulè. <sup>9</sup> De moun pi bon pase yon sèl, paske y ap jwenn bon benefis pou travay yo. <sup>10</sup> Paske si youn nan yo ta tonbe, lòt la va leve pare li. Men malè a sila ki tonbe lè nanpwen lòt pou fè l leve a. <sup>11</sup> Anplis, si de moun kouche ansanm, youn chofe lòt; men ✧ki jan yon sèl moun ta ka chofe? <sup>12</sup> Epi si youn ka venk sila ki sèl la, de ka reziste ak li. Yon kòd fèt ak twa fil ap mal pou chire. <sup>13</sup> Yon jennjan ki ✧malere men ki gen sajès miyò pase yon ansyen wa ki ensanse, e ki pa konn resevwa konsèy. <sup>14</sup> Paske li te sòti nan prizon pou vin wa, malgre li te fèt malere nan wayòm li an. <sup>15</sup> Mwen te wè tout sa k ap viv anba solèy la kouri bò kote dezyèm jennjan ki ranplase li an. <sup>16</sup> Pèp la p ap janm fini; tout moun ki te avan yo ni sila k ap vini pita yo p ap kontan avèk li; paske sa osi se vanite ak kouri dèyè van.

## 5

<sup>1</sup> Veye pa ou yo pandan w ap desann lakay Bondye a, e vin toupre pou koute olye ✧ofri sakrifis a moun ensanse yo. Paske yo pa konnen ke se mal y ap fè. <sup>2</sup> Pa ✧fè vit avèk pawòl ou, ni kouri twò vit pou soulve yon refleksyon devan prezans Bondye. Paske Bondye nan syèl la, e ou sou tè a; pou sa pa kite pawòl ou yo vin anpil. <sup>3</sup> Paske rèv la vin akonpli ak anpil travay; e vwa a yon ✧moun ensanse, ak anpil pawòl. <sup>4</sup> Lè ou ✧fè yon ve a Bondye, pa fè reta pou peye l; paske li pa pran plezi nan moun ki plen foli. Peye sa ou te pwomèt la! <sup>5</sup> Li ✧pi bon pou pa fè ve pase fè yon ve pou pa peye l. <sup>6</sup> Pa kite pawòl ou yo fè ou fè peche, e pa di nan prezans a mesaj Bondye a ke ou te mal pale. Poukisa Bondye ta dwe vin fache akòz vwa ou, e detwi tout zèv men ou yo? <sup>7</sup> Paske nan fè anpil rèv ak nan anpil pawòl, gen yon gwo vid. Pito ✧gen lakrent Bondye. <sup>8</sup> Si ou wè malere a vin oprime e ✧pa gen lajistis nan pwovens yo, pa sezi lè ou wè l. Paske gen chèf sou chèf, e gen chèf pi wo sou yo. <sup>9</sup> Apre tout bagay, yon wa ki kiltive latè se yon avantaj pou peyi a. <sup>10</sup> ✧Sila ki renmen lajan an p ap satisfè ak

✧ 4:1 Jr 16:7 ✧ 4:2 Job 3:11-26 ✧ 4:3 Job 3:11-26 ✧ 4:4 Ekl 2:21 ✧ 4:5 Pwov 6:10 ✧ 4:6 Pwov 15:16-17 ✧ 4:8 Pwov 27:20 ✧ 4:11 I Wa 1:1-4 ✧ 4:13 Ekl 7:19 ✧ 5:1 I Sam 15:22 ✧ 5:2 Pwov 20:25 ✧ 5:3 Job 11:2 ✧ 5:4 Nonb 30:2 ✧ 5:5 Pwov 20:25 ✧ 5:7 Ekl 3:14 ✧ 5:8 Éz 18:18 ✧ 5:10 Ekl 1:8

lajan; ni sila ki renmen richès la ak sa li reyisi. Sa anplis se vanite. <sup>11</sup> ✧Lè bon bagay ogmante, sila ki manje yo ogmante. Konsa, pa gen lòt avantaj pou mèt yo, sof ke kanpe veye? <sup>12</sup> Dòmni a ouvriye a ✧dous, kit li manje piti oswa anpil; men vant plen a moun rich la p ap kite l dòmi. <sup>13</sup> Gen yon gwo mechanste ke m konn wè anba solèy la: ✧richès sere pa mèt li jiskaske li rive donmaje pwòp tèt li. <sup>14</sup> Lè richès sa yo te pèdi akoz yon move investiman, e li vin papa a yon fis; alò, nanpwen anyen pou sipòte li. <sup>15</sup> Kon li soti nan vant manman li toutouni an; se konsa li va retounen jan li te sòti a. Li ap ✧pote anyen nan men l kon fwi travay li. <sup>16</sup> Sa anplis se yon gwo malè—menm jan yon nonm fèt la, se konsa l ap mouri. Alò, kote avantaj pou sila k ap travay di nan van an? <sup>17</sup> Pandan tout lavi li li manje nan tenèb ak gwo chagren, maladi ak kòlè. <sup>18</sup> Men sa mwen konn wè ki bon e ki pwòp pou moun fè a: manje, bwè e fè kè kontan nan tout travay ke li fè anba solèy la pandan ti tan kout ke Bondye ba li a. Paske se sa ki ✧rekonpans li. <sup>19</sup> Anplis, menm jan pou tout moun ke ✧Bondye te bay richès ak byen yo, anplis Li te bay li kapasite pou manje ladann yo e rejwi nan travay li. Sa se don Bondye a. <sup>20</sup> Konsa, se pa souvan ke moun nan va konsidere ane lavi li yo, paske ✧Bondye kenbe l okipe tout tan ak rejwisans kè li.

## 6

<sup>1</sup> Gen yon ✧mal ke m konn wè anba syèl la e ki gaye patou pami lòm—  
<sup>2</sup> Yon nonm ke Bondye ✧fin bay richès, byen ak lonè, jiskaske nanm li pa manke anyen nan tout sa ke li dezire. Men Bondye pa kite li manje ladann, paske yon etranje ap jwe benefis yo. Sa se vanite ak gwo malè. <sup>3</sup> Si yon nonm fè yon santèn timoun e viv anpil ane, malgre fòs kantite ke yo kapab ye, men nanm li pa janm satisfè ak bon bagay, e li pa menm ka fè yon bon antèman; alò, mwen di: ✧“Pito li te sòti kon foskouch nan vant li.” <sup>4</sup> Paske li parèt an ven e non li vin kouvri nan fènwa. <sup>5</sup> Li pa janm wè solèy la, e li p ap janm konnen anyen; li pi bon pase lòt la. <sup>6</sup> Menm si lòt la viv pandan mil ane de fwa e pa rejwi de bon bagay—èske se pa tout moun ki ale menm kote a? <sup>7</sup> ✧Tout travay a lòm se pou satisfè bouch li; malgre sa, apeti li pa janm satisfè. <sup>8</sup> Paske, se ki lavantaj yon nonm saj genyen sou yon moun san konprann? Ki lavantaj malere a genyen nan konnen jan pou mache devan sila ki vivan yo? <sup>9</sup> Sa ke zye wè pi bon pase sa ke nanm dezire. Sa tou, se san rezon ak kouri dèyè van. <sup>10</sup> Tout sa ki egziste te gen non deja, e yo tout konnen sa ke lòm nan ye; paske li ✧pa ka goumen ak sila ki pi fò pase l. <sup>11</sup> Paske, gen anpil pawòl ki ogmante vanite. Alò, se ki lavantaj pou yon nonm? <sup>12</sup> Paske kilès ki konnen sa ki bon pou yon nonm pandan lavi li, pandan ti kras ane lavi li ki san rezon an? Li va pase yo tankou lonbraj. Paske se kilès ki ka di ✧sa k ap rive apre li anba solèy la?

## 7

<sup>1</sup> Yon ✧bon non pi bon pase yon pomad swa, e jou mouri pi bon pase jou nou te ne a. <sup>2</sup> Li pi bon pou ale nan kay k ap fè dèyè pase nan kay k ap fè fèt; paske se konsa ke ✧chak moun va fini, e sila ki vivan an pran sa a kè. <sup>3</sup> Tristès pi bon pase ri; paske lè figi moun nan tris, kè a ka kontan. <sup>4</sup> Panse a saj la anndan lakay k ap fè dèyè; men panse a san konprann nan

✧ 5:11 Ekl 2:9 ✧ 5:12 Pwov 3:24 ✧ 5:13 Ekl 6:2 ✧ 5:15 Sòm 49:17 ✧ 5:18 Ekl 2:10 ✧ 5:19 II Kwo 1:12 ✧ 5:20 Egz 23:25 ✧ 6:1 Ekl 5:13 ✧ 6:2 I Wa 3:13 ✧ 6:3 Job 3:16 ✧ 6:7 Pwov 16:26 ✧ 6:10 Job 9:32 ✧ 6:12 Ekl 3:22 ✧ 7:1 Pwov 22:1 ✧ 7:2 Ekl 2:14-16

nan kay plezi. <sup>5</sup> Li pi bon pou koute repwòch a yon nonm saj pase pou yon moun ta koute chanson a moun san konprann yo. <sup>6</sup> Paske tankou bwa pikan sèch pete nan dife; se konsa ✨lè yon nonm ensanse ap ri; epi sa anlès se vanite. <sup>7</sup> Paske opresyon ka fè yon nonm saj vin fou, e ✨lajan anba tab fè kè vin konwonpi. <sup>8</sup> Lè yon bagay ✨fin fèt, li pi bon pase lè l te kòmanse a; pasyans nan lespri pi bon pase awogans lespri a. <sup>9</sup> Pa ✨chofè kè ou pou vin fache; paske fache rete nan kè a moun ensanse. <sup>10</sup> Pa di: “Poukisa jou lontan yo te pi bon pase jodi a”? Paske nanpwen sajès nan kesyon sa a. <sup>11</sup> Sajès ansanm ak eritaj bon, e se yon ✨avantaj pou sila ki konn wè solèy yo. <sup>12</sup> Paske sajès se yon pwotèj, menm ke lajan se yon pwotèj la; men avantaj a bon konprann nan se ke ✨sajès va prezève lavi a sila ki genyen l. <sup>13</sup> Konsidere zèv Bondye yo, paske se kilès ki ✨ka dresse sa ke li menm te koube? <sup>14</sup> Nan jou bonè yo fè kè kontan; men ✨nan jou malè yo, reflechi—Bondye te fè tou de pou lòm pa dekouvri anyen nan sa k ap swiv li. <sup>15</sup> Mwen te wè tout bagay pandan ✨tout jou vanite mwen yo; gen yon nonm dwat ki mouri nan ladwati, ak yon nonm mekan ki fè vi li long ak mekanste li a. <sup>16</sup> Pa fè eksè nan ladwati, ✨ni pa vin twò saj. Poukisa ou ta detwi pwòp tèt ou? <sup>17</sup> Pa fè eksè nan mekanste, ni pa vin ensanse. Poukisa ou ta vle ✨mouri avan lè ou? <sup>18</sup> Li bon pou ou ta kenbe pran yon bagay san ou pa lage lòt la; paske sila ki ✨gen lakrent Bondye a ap vini ak tou de. <sup>19</sup> ✨Sajès ranfòse yon nonm saj plis pase dis gwo chèf ki nan yon vil. <sup>20</sup> Anverite, ✨nanpwen yon moun dwat sou latè ki fè sa ki bon tout tan, e ki pa janm peche. <sup>21</sup> Anplis, pa pran a kè tout pawòl ki pale, sof ke ou ta tandè sèvitè ou lè l ap ✨bay ou madichon. <sup>22</sup> Paske ou vin konprann ke ou menm tou anpil fwa konn bay moun madichon. <sup>23</sup> Mwen te tante fè tout sa ak sajès e mwen te di: “Mwen va saj”, men sa te chape lwen mwen. <sup>24</sup> Sa ki te konn egziste vin lwen, e se yon ✨mistè menm. Se kilès ki ka dekouvri li? <sup>25</sup> Mwen te ✨dirije panse m pou konnen; pou fè ankèt e chache sajès avèk rezon; e pou konnen mekanste a foli ak foli jis menm nan afè moun fou a. <sup>26</sup> Epi mwen te dekouvri pi anmè pase mouri, kè a fanm ki pran nan pèlen an ak men ki tankou chenn yo. Yon moun ki plè Bondye va chape anba men l, men ✨pechè a va vin kaptire anba l. <sup>27</sup> “Gade byen, se sa mwen dekouvri,” predikatè a di: “Ajoute yon bagay a yon lòt pou twouve konprann.” <sup>28</sup> Sou sila m toujou ap chache a, men m poko jwenn; mwen te twouve yon nonm pami mil, men mwen pa t jwenn ✨fanm pami tout sa yo. <sup>29</sup> Men gade, se sèl sa mwen dekouvri; Bondye te fè lòm kanpe dwat, men yo chache anpil manèv pou vin koube.

## 8

<sup>1</sup> Se kilès ki tankou nonm saj ki konnen sans a yon bagay? Sajès a yon nonm klere li e fè vizaj sevè li a vin briye. <sup>2</sup> Mwen di: “Swiv lòd wa a akòz ✨sèman ki te fèt devan Bondye a. <sup>3</sup> Pa prese ✨abandone lòd li. Pa jwenn ou menm nan yon move konbinezon, paske l ap fè nenpòt sa ki fè li plezi.” <sup>4</sup> Akòz pawòl a wa a pote otorite, ✨se kilès ki va di l: “Kisa w ap fè la a?” <sup>5</sup> Sila ki swiv yon kòmand wayal pa ✨jwenn twoub; paske yon kè saj konnen tan ak mwayen ki bon pou aji. <sup>6</sup> Paske ✨gen yon tan ak mwayen

✨ 7:6 Ekl 2:2 ✨ 7:7 Egz 23:8 ✨ 7:8 Ekl 7:1 ✨ 7:9 Pwov 14:7 ✨ 7:11 Pwov 8:10-11 ✨ 7:12 Pwov 3:18 ✨ 7:13 Ekl 1:15 ✨ 7:14 Det 8:5 ✨ 7:15 Ekl 6:12 ✨ 7:16 Wo 12:3 ✨ 7:17 Job 22:16 ✨ 7:18 Ekl 3:14 ✨ 7:19 Ekl 7:12 ✨ 7:20 I Wa 8:46 ✨ 7:21 Pwov 30:10 ✨ 7:24 Wo 11:33 ✨ 7:25 Ekl 1:15-17 ✨ 7:26 Pwov 22:14 ✨ 7:28 I Wa 11:3 ✨ 8:2 Egz 22:11 ✨ 8:3 Ekl 10:4 ✨ 8:4 Job 9:12 ✨ 8:5 Pwov 12:21 ✨ 8:6 Ekl 3:1-17

ki bon pou chak plezi, malgre pwoblèm moun an peze lou sou li. <sup>7</sup> Si pa gen pèsòn ki \*konnen ki sa k ap vin rive, se kilès ki ka di li kilè li va rive. <sup>8</sup> Nanpwen moun ki ka sèvi ak van pou anpeche van, ni ki gen otorite sou jou lanmò a; epi pa gen lese tonbe ni kite nan tan lagè, ni \*mal la kap fèt p ap delivre sila ki fè l yo. <sup>9</sup> Tout sa mwen konn wè yo, e kon aplike panse m a tout zèv ki te fèt anba solèy la, kote moun sèvi \*otorite l sou lòt pou fè mal la. <sup>10</sup> Konsa, mwen konn wè mechan yo antere, menm sila ki te konn antre sòti nan lye sen yo, e \*ase vit yo vin bliye nèt nan menm vil kote yo te aji konsa a. Sa tou, se vanite. <sup>11</sup> Akoz jijman kont yon zak mechan pa rive ase vit; akoz sa, \*kè fis a lòm nan ki rete pami yo vin dedye nèt pou fè mal. <sup>12</sup> Malgre yon pechè fè mal san fwa e mennen yon vi ki long, mwen toujou konnen ke sa \*prale byen pou sila ki gen lakrent Bondye yo, ki gen lakrent devan L yo. <sup>13</sup> Men, sa \*pa prale byen pou moun mechan an, e li p ap pwolonje jou li yo tankou yon lonbraj, paske li pa gen lakrent Bondye. <sup>14</sup> Gen yon vanite ki fèt sou latè, sa vle di, gen \*moun dwat ki vin viktim a mechan yo. Yon lòt kote, gen moun mechan an ki vin tonbe akoz zèv moun dwat yo. Mwen di sa anplis se vanite. <sup>15</sup> Pou sa, mwen te rekòmande plezi; paske, pa gen anyen pou \*yon nonm anba solèy la fè sof ke manje, bwè, e fè plezi; epi sa va fè l kanpe nan travay di li diran tout jou lavi, ke Bondye te bay li anba solèy la. <sup>16</sup> Lè mwen te bay kè m pou aprann sajès ak pou m wè tach ki te konn fèt sou tè a, (malgre sa ta fè yon moun pa janm dòmi ni lajounen, ni lannwit), <sup>17</sup> Konsa, lè mwen te wè tout zèv Bondye te fè, mwen te vin aprann ke \*lòm p ap kapab dekouvri travay ki te konn fèt anba syèl la. Malgre lòm ta chache ak tout dilijans, li p ap twouve li. Malgre yon nonm saj ta di: “Mwen konnen”, li p ap ka dekouvri li.

## 9

<sup>1</sup> Paske, tout sa mwen te pote kon fado nan kè m pou eksplike li; ke moun dwat yo, moun saj yo, avèk tout zèv yonan men Bondye. Lòm pa konnen si se lanmou, oswa rayisman; nenpòt bagay kapab tann li. <sup>2</sup> Se menm bagay la pou tout moun. Gen yon sèl desten pou moun dwat yo ak mechan yo; pou bon an, pou moun san tach la, ak pou enpi a; pou sila ki ofri sakrifis ak sila ki pa ofri sakrifis la. Tankou sila ki dwat pechè a menm jan; tankou sila ki fè sèman an, se konsa sila ki refize sèman a ye. <sup>3</sup> Men yon mal nan tout sa ki konn fèt anba solèy la, ke gen menm desten an pou tout moun. Anplis, kè a fis a lòm yo plen mechanste, e \*foli rete nan kè yo pandan tout lavi yo. Apre, yo ale kote mò yo. <sup>4</sup> Paske, nenpòt moun ki jwenn ansanm ak lòt vivan yo gen espwa; anverite, yon chen vivan pi bon pase yon lyon ki mouri. <sup>5</sup> Paske vivan yo konnen ke y ap mouri; men mò yo \*pa konnen anyen; ni yo pa jwenn rekonpans ankò, paske memwa yo fin bliye nèt. <sup>6</sup> Anverite, lanmou yo, rayisman yo, ak fòs kouraj yo deja fin mouri, e yo \*pa gen pati ankò nan tout sa ki fèt anba solèy la. <sup>7</sup> Ale \*manje pen ou ak kè kontan e bwè diven ak kè plen ak jwa; paske Bondye deja pran plezi nan sa ou fè a. <sup>8</sup> Kite tout \*vètman ou yo rete blan tout tan, e pa kite lwil la manke sou tè ou. <sup>9</sup> Fè rejwisans lavi ou ak fanm ke ou renmen pandan tout jou kout lavi ou, ke Li te bay ou anba solèy la. Paske sa se \*rekonpans ou nan lavi ak nan travay di ou konn fè anba solèy

\* 8:7 Ekl 3:22 \* 8:8 Ekl 8:13 \* 8:9 Ekl 4:1 \* 8:10 Ekl 1:11 \* 8:11 Ekl 9:3 \* 8:12 Det 4:40 \* 8:13 Ekl 8:8 \* 8:14 Sòm 73:14 \* 8:15 Ekl 2:24 \* 8:17 Ekl 3:11 \* 9:3 Ekl 1:17 \* 9:5 Job 14:21 \* 9:6 Ekl 2:10 \* 9:7 Ekl 2:24 \* 9:8 Rev 3:4 \* 9:9 Ekl 2:10

la. <sup>10</sup> Nenpòt sa ke men ou jwenn pou fè, ✧fè l ak tout kouraj ou. Paske pa gen aktivite, ni plan, ni konesans, ni sajès nan Sejou mò kote ou prale a. <sup>11</sup> Anplis, mwen te wè anba solèy la ke ✧kous la pa pou moun ki rapid la, ni batay la pa pou gwo gèrye yo, ni pen pou saj la, ni richès a sila ki byen konprann nan, ni favè a moun abil; paske tan avèk jan tout bagay dewoule vin genyen yo tout. <sup>12</sup> Anplis, lòm ✧pa konnen lè li tankou pwason ki kenbe nan yon filè mechan o zwazo ki kenbe nan pèlen; se konsa fis a lòm yo sezi nan yon move moman epi lanmò tonbe sou yo sibitman. <sup>13</sup> Sa osi, mwen te vin konprann kon sajès anba solèy la, e li te etone panse m. <sup>14</sup> ✧Te gen yon ti vil ak kèk grenn moun ladann; yon gran wa te parèt sou li, te antoure li, e te konstwi zam syèj kont li. <sup>15</sup> Men te twouve ladann yon malere byen saj, e li te delivre vil la ✧avèk sajès li. Men pa t gen pèsòn ki te sonje moun malere sila a. <sup>16</sup> Konsa mwen te di: ✧“Sajès pi bon pase pwisans.” Men sajès a malere a meprize, e pou pawòl li, pèsòn pa tande yo. <sup>17</sup> ✧Pawòl a saj k ap koute lè tout bagay kalm pi bon pase vwa chèf k ap rele fò nan mitan moun ensanse. <sup>18</sup> Sajès pi bon ke zam lagè; ✧men yon sèl pechè detwi anpil ki bon.

## 10

<sup>1</sup> Mouch mouri bay

✧Iwil pafen yon move odè;

Se konsa yon ti kras foli gen pouvwa pou depase sajès ak respè.

<sup>2</sup> Kè a yon moun saj mennen li adwat, men ✧kè a moun san konprann nan mennen l agoch.

<sup>3</sup> Menm lè ensanse a mache nan lari li manke bon tèt, e ✧montre tout moun ke se moun fou li ye.

<sup>4</sup> Si kòlè a wa a vin monte kont ou, pa abandone pozisyon ou; paske rete kalm ka evite gwo ofans.

<sup>5</sup> Gen yon mal mwen konn wè anba solèy la, tankou yon fot ki sòti nan sila k ap gouvène a— <sup>6</sup> ✧Foli plase nan anpil kote byen wo pandan rich yo chita kote ki ba. <sup>7</sup> Mwen konn wè esklav ki ✧monte sou cheval ak prens k ap mache atè tankou esklav. <sup>8</sup> ✧Sila ki fouye fè yon twou ka byen tonbe ladann, e yon sèpan ka mòde geryè a ki kraze yon miray. <sup>9</sup> Sila ki taye wòch yo ka blese ladann, e sila ki fann gwo bout bwa a kapab an danje. <sup>10</sup> Si rach la pa gen tay, e li pa file pwent li; alò, li va egzije plis fòs. Avantaj a sajès; reyisi! <sup>11</sup> Si sèpan an mòde ✧avan li vin chame, nanpwen pwofi. <sup>12</sup> ✧Pawòl ki soti nan bouch sila ki saj la plen ak gras, men pawòl a moun ensanse a fin manje l nèt; <sup>13</sup> Kòmansman diskou ensanse a se foli, e fen diskou li se plen ✧mechanste ak betiz <sup>14</sup> Malgre tout sa, moun ensanse a ogmante pawòl li yo. Pèsòn pa konnen sa ki va rive, e kilès kab di li ✧sa ki va rive apre li. <sup>15</sup> Zèv a moun ensanse a tèlman fatige l ke li pa konnen kijan pou li rive nan vil la.

✧ 9:10 Ekl 11:6 ✧ 9:11 Am 2:14 ✧ 9:12 Luc 21:34-35 ✧ 9:14 II Sam 20:16-22 ✧ 9:15 II Sam 20:16-22 ✧ 9:16 Pwov 21:22 ✧ 9:17 Ekl 7:5 ✧ 9:18 Jos 7:1-26 ✧ 10:1 Egz 30:25 ✧ 10:2 Mat 6:33 ✧ 10:3 Pwov 13:16 ✧ 10:6 Est 3:1-5 ✧ 10:7 Est 6:8-10 ✧ 10:8 Sòm 7:15 ✧ 10:11 Sòm 58:4-5 ✧ 10:12 Pwov 10:32 ✧ 10:13 Ekl 7:25 ✧ 10:14 Ekl 3:22

16 Malè a ou menm, O peyi ki gen jenn ti gason kon wa;  
ak prens yo k ap fè fèt granmaten.

17 Beni se ou menm, O peyi ki gen yon yon fis byen  
prepare kon wa a  
ak prens ki manje nan pwòp lè yo.

pou bay fòs e non pou fè \*banbòch vin sou.

18 Akoz \*parès ak neglijan, twati a vin pann,  
e nan enpridans kay la vin koule.

19 Yon gwo tab manje fèt pou yo rejwi yo,  
\*diven pou fè kè kontan;

epi lajan se repons pou tout bagay. 20 Anplis, nan chanm a kouche ou, pa  
\*bay wa a madichon;

e nan chanm a kouche ou, pa bay yon moun rich madichon.

Paske yon zwazo syèl la ka pote bri a,

e sa ki gen zèl yo ka fè yo konnen bagay la.

## 11

1 \*Voye pen ou sou sifas dlo,

e apre anpil jou, ou va twouve l.

2 Divize byen ou fè sèt, oswa uit menm;  
paske ou pa janm konnen ki malè k ap rive sou latè.

3 Si nwaj yo plen, yo vide lapli sou latè;  
epi si yon bwa tonbe vè sid, oswa vè nò,  
kote li tonbe a, se la l ap kouche.

4 Sila ke veye van an p ap simen;  
ni sila ki veye syèl la p ap rekòlte.

5 Menm jan ke ou pa konnen chemen van an  
ni jan zo yo vin fòme nan vant a fanm ansent lan,  
se konsa ou pa konnen zèv Bondye  
ki fè tout bagay la.

6 Simen semans ou \*nan maten an;  
ni pa gaspiye tan nan aswè.  
Paske ou pa janm konnen si se nan maten  
oswa nan aswè semans lan ap reyisi;  
ni si se pa tou de k ap bon.

7 Limyè a byen bèl,  
e li bon pou zye \*wè solèy la.

8 Anverite, si yon nonm ta viv anpil ane,  
kite li rejwi li nan yo tout;  
e fè li sonje \*jou tenèb yo, paske yo va anpil.  
Tout sa ki gen pou vini yo, se vanite.

9 Rejwi jennonm, pandan jenès ou,  
e kite kè ou rete kontan pandan ane a laj jenès ou yo.  
Swiv sa ki atire kè ou ak dezi a zye ou.  
Sepandan, konnen byen ke Bondye  
va rele ou nan jijman pou tout bagay sa yo.

10 Pou sa, retire gwo doulè ak kòlè pou l pa nan kè ou,  
e fè \*doulè kò ou rete lwen ou;  
paske jenès ak ane yo kon jèn gason va disparèt vit.

## 12

<sup>1</sup> Anplis, ✧sonje Kreyatè ou a nan jou jenès ou yo, avan move jou yo rive e ane yo pwoche lè ou va di: “Mwen pa pran plezi nan yo;”

<sup>2</sup> Avan ✧solèy la ak limyè a, lalin nan ak zetwal yo vin tounwa, e nwaj yo retounen apre lapli yo;

<sup>3</sup> Nan jou ke gadyen kay la tranble a, e mesye pwisan yo vin ✧koube a, sa yo k ap moule a rete san travay

akoz anpil nan yo ki manke, e sila k ap gade nan fenèt yo vin mal pou wè;

<sup>4</sup> Epi pòt vè lari yo vin fèmen akoz bri moulen an vin ba, yon moun va leve ak son zwazo a, e tout fi chanson yo va chante byen dous.

<sup>5</sup> Anplis mesye yo va vin pè yon wo plas ak gwo danje sou wout la;

lè pye zanmann nan fleri, krikèt volan rale kò l olon wout la, e dezi gason an pa ka.

Paske lòm nan ap prale nan ✧kay etènèl li a, pandan sila k ap fè dèy yo vire toupatou nan wout la.

<sup>6</sup> Sonje Li avan kòd ajan an kase, e ✧bòl an lò a kraze kivèt dlo la kote pwi a vin fann, e wou sitèn nan vin kraze;

<sup>7</sup> Konsa pousyè a va retounen nan tè a jan li te ye a, e lespri a va retounen kote ✧Bondye ki te bay li a.

<sup>8</sup> ✧“Vanite sou vanite”, predikatè a di: “tout se vanite!” <sup>9</sup> Anplis ke li se yon nonm saj, predikatè a te enstwi pèp la ak konesans; epi li te reflechi, chache twouve e te aranje ✧anpil pwovèb. <sup>10</sup> Predikatè a te chache jwenn bèl mò pou ekri ✧pawòl verite yo byen kòrèk. <sup>11</sup> ✧Pawòl a moun saj yo se tankou pwent pike bèt yo ye; tankou klou ki kloure nèt, se konsa ansanm a pawòl sila yo ye. Se yon sèl Bèje ki bay yo tout. <sup>12</sup> Men anplis ke sa, fis mwen, veye byen: ekri ✧anpil liv se yon bagay san rete e anpil devosyon a liv yo va fatigue kò ou. <sup>13</sup> Konklizyon lè tout bagay fin tandè se: ✧gen lakrent Bondye e kenbe kòmandman li yo, akoz se sa ki aplike a tout moun. <sup>14</sup> Paske ✧Bondye va pote tout zèv nan jijman; tout sa ki kache, kit li bon kit li mal.



## Kantik A Kantik Yo

<sup>1</sup> Kantik A ✧Kantik Yo, ki ekri pa Salomon.

*Jenn Fi a*

<sup>2</sup> Kite l bo m ak bo bouch li!  
Paske ✧lanmou ou bon pase diven.

<sup>3</sup> Lwil pafen ou yo santi bon.

✧Non ou menm se tankou lwil san tach;  
se pou sa ke tout jenn fi yo renmen ou konsa.

<sup>4</sup> Rale m dèyè ou e annou kouri ansanm!  
Wa a mennen m nan chanm li.”

*Lòt Yo*

✧“Nou va rejwi nan ou e fè kè kontan;  
nou va leve lanmou ou wo plis pase diven.  
Ak bon rezon, yo renmen ou konsa.”

*Jenn Fi a*

<sup>5</sup> Mwen menm, mwen nwa; men mwen byen bèl,  
O fi a Jérusalem yo, tankou tant ✧Kédar yo,  
tankou rido a Salomon yo.

<sup>6</sup> Pa gade mwen konsa akoz mwen nwa;  
solèy la brile m konsa.  
✧Fis a manman m yo te byen fache avè m;  
Yo te fè m gadyen chan rezen yo.  
Men pwòp jaden pa m nan vin neglije.

<sup>7</sup> Pale mwen, ou menm nan  
ke nanm mwen tèlman renmen;  
ki kote ou fè patiraj twoupo ou a?  
Ki kote ou konn fè l kouche a midi?  
Paske poukisa mwen ta tankou yon moun  
ki vwale figi li nan kote twoupo ✧zanmi ou yo?

*Salomon*

<sup>8</sup> Si ou menm, ou pa konnen,  
O ✧pi bèl pami tout fanm yo;  
janbe swiv wout a twoupo a,  
e fè patiraj pou jenn kabrit ou yo  
akote tant bèje ou yo.

<sup>9</sup> Pou mwen, cheri mwen an,  
ou tankou ✧ pi bèl femèl cheval la  
pami sa ki t ap rale cha Farawon an.

<sup>10</sup> Bò figi ou byen bèl ak zanno,  
kou ou ak ✧bèl kolye.”

*Lòt Yo*

<sup>11</sup> Nou va fè pou ou dekorasyon an lò  
anbeli ak pwent an ajan tou won.”

*Jenn Fi a*

✧ 1:1 I Wa 4:32 ✧ 1:2 Kan 1:4 ✧ 1:3 Ekl 7:1 ✧ 1:4 Kan 1:4 ✧ 1:5 És 60:7 ✧ 1:6 Sòm  
69:8 ✧ 1:7 Kan 8:13 ✧ 1:8 Kan 5:9 ✧ 1:9 II Kwo 1:16-17 ✧ 1:10 Jen 24:53

12 Pandan wa a te sou tab li,  
 ✧pafen mwen te rive kote l ak bèl odè.  
 13 Sila ke m renmen an se yon pòch pafen  
 ✧fèy bazilik ki pase tout nwit lan antre tete mwen.  
 14 Cheri mwen an se yon grap flè  
 byen plase nan chan rezen ✧En-Guédi yo.  
 Konsa li ye pou mwen.

*Salomon*

15 “Tèlman ou bèl, cheri mwen an; tèlman ou bèl!  
 ✧Zye ou tankou toutrèl.”

*Jenn Fi Lan*

16 Gade jan ou bèl e byen agreyab, ✧cheri mwen an;  
 anverite, se zèb vèt ki fè kabann nou.

*Salomon*

17 Pilye kay nou se ✧bwa sèd  
 e travès yo se bwa pen.

## 2

*Jenn Fi An*

<sup>1</sup> Mwen se flè Woz Saron an,  
 flè Lis a vale yo.”

*Salomon*

<sup>2</sup> Tankou yon flè lis pami pikan yo,  
 se konsa ✧cheri mwen an ye  
 pami tout jenn fi yo.”

*Jenn Fi an*

<sup>3</sup> Tankou yon ✧pye pòm pami bwa nan forè,  
 se konsa cheri mwen an ye pami jennonm yo.  
 Nan lonbraj li mwen te pran gwo plezi pou m te chita;  
 konsa fwi li te dous nan gou m.

<sup>4</sup> Li te mennen m nan gwo sal bankè li,  
 e ✧drapo li monte sou mwen an se lanmou.

<sup>5</sup> Ban m fòs ak ✧gato rezen,  
 rafrech m ak pòm,  
 akoz mwen malad ak lanmou.

<sup>6</sup> Kite men goch li rete anba tèt mwen  
 ak men dwat li pou l ✧anbrase m.”

<sup>7</sup> M ap ✧avèti nou, O fi a Jérusalem yo,  
 nan non antilòp ak bich mawon an,  
 pou nou pa fè lanmou m leve,  
 ni ouvri zye li jiskaske se plezi li.

<sup>8</sup> Koute! Men cheri mwen an!  
 Men l ap vini,  
 monte ✧sou mòn yo,  
 epi vòltije sou kolin yo!

<sup>9</sup> Cheri mwen an tankou yon ✧antilòp,

✧ 1:12 Kan 4:14 ✧ 1:13 Sòm 45:8 ✧ 1:14 I Sam 23:29 ✧ 1:15 Kan 4:1 ✧ 1:16 Kan 2:3-17  
 ✧ 1:17 I Wa 6:9-10 ✧ 2:2 Kan 1:9 ✧ 2:3 Kan 8:5 ✧ 2:4 Sòm 20:5 ✧ 2:5 II Sam 6:19  
 ✧ 2:6 Pwov 4:8 ✧ 2:7 Kan 3:5 ✧ 2:8 Kan 2:17 ✧ 2:9 Pwov 6:5

oswa yon jenn sèf.  
 Gade byen, li kanpe dèyè mi kay nou an;  
 l ap gade nan fenèt yo, l ap gade nan jalouzi a.

<sup>10</sup> Cheri mwen an te reponn mwen  
 e te di m: ✧“Leve vini cheri mwen an,  
 pi bèl mwen an.

<sup>11</sup> Paske gade, sezon fredri a fin pase,  
 lapli fin pati nèt.

<sup>12</sup> Flè yo deja parèt nan peyi a;  
 tan an fin rive pou taye branch yo;  
 vwa a ✧toutrèl la ap koute deja nan peyi a.

<sup>13</sup> Fwi ✧pye fig etranje a fin mi  
 e chan rezen yo bay odè pafen.  
 Leve vini, pi bèl mwen an!

### *Salomon*

<sup>14</sup> O toutrèl nan ✧fant wòch mwen an,  
 nan kote sekrè chemen ki monte apik,  
 kite mwen wè fòm ou, kite mwen tandè vwa ou!  
 Paske vwa ou dous e fòm ou bèl nèt.”

<sup>15</sup> ✧Kenbe rena yo pou nou,  
 ti rena k ap detwi chan rezen yo  
 pandan chan nou yo ap fè flè.”

### *Jenn Fi an*

<sup>16</sup> Cheri mwen an se pa m,  
 e mwen se pa l;  
 li fè patiraj twoupo li pami flè lis yo.

<sup>17</sup> ✧Jiskaske joune a vin fè fre  
 e lonbraj yo kouri ale; vire, cheri mwen an  
 e fè tankou antilòp la, oswa jenn sèf  
 sou mòn Bether a.

## 3

### *Jenn Fi an*

<sup>1</sup> Sou kabann mwen, nwit apre nwit,  
 mwen te chache sila ✧ke nanm mwen renmen an;  
 mwen te chache l, men m pa t jwenn li.

<sup>2</sup> ‘Koulye a fòk mwen leve mache toupatou nan vil la;  
 nan ✧ri yo ak nan plas yo.

Fòk mwen chache sila ke nanm mwen renmen an.’  
 Mwen te chache l, men m pa t jwenn li.

<sup>3</sup> ✧Gadyen ki fè tou vil la te twouve m;  
 mwen te mande l: ‘Èske ou konn wè  
 sila ke nanm mwen renmen an?’

<sup>4</sup> Lè m ✧fenk kite yo mwen te jwenn  
 sila ke nanm mwen renmen an;  
 mwen te kenbe l, mwen te refize lage l  
 jiskaske mwen mennen l rive lakay manman m,  
 pou l antre nan chanm a sila ki te vin ansent mwen an.”

5 M ap ✨avèti nou, O fi a Jérusalem yo,  
nan non antilòp ak bich mawon an,  
pou nou pa fè lanmou m leve  
ni ouvri zye l jiskaske se plezi li.

6 Se kisa k ap monte kite dezè a  
tankou pilye lafimen yo,  
byen pafime ak fèy bazilik ak ✨lansan,  
plen ak poud santi bon machann yo?

7 Gade byen, se kanape vwayaj Salomon k ap monte;  
swasant òm pwisan kap antoure l, mesye pwisan Israël yo.

8 Yo tout ki konn manyen nepe,  
✨ki fò nan afè lagè;  
chak mesye gen nepe l bò kote li,  
pou fè gad kont menas lannwit yo.

9 Wa Salomon te fè pou kont li  
yon kanape vwayaj ak bwa Liban an.

10 Li te fè pye li ak ajan e repo pou do a ak lò.  
Kote pou chita a fabrike ak twal mov  
e tout anndan li byen dekore pa ✨fi Jérusalem yo.

11 Ale, O fi a Sion yo,  
e fikse byen Wa Salomon ak kouwòn sila a  
manman l te kouwone l nan ✨jou fèt maryaj li, a  
ak jou kè kontan li an.”

## 4

### Salomon

1 A la ou bèl, cheri mwen an, a la ou bèl!

✨Zye ou tankou toutrèl dèyè vwal ou;  
cheve ou tankou yon bann kabrit  
ki fin desann sòti Mòn Galaad.

2 ✨Dan ou tankou yon bann mouton  
ak lenn fenk taye ki sot benyen,  
yo tout fè pòtre jimo yo  
san ke youn nan yo pa pèdi pitit li.

3 Lè ou tankou yon ✨fisèl wouj  
e bouch ou tèlman bèl.  
De bò figi ou tankou yon tranch grenad dèyè vwal ou.

4 ✨Kou ou tankou fò David la,  
bati ak wòch byen ranje sou sila yo mete mil boukliye yo,  
tout boukliye won a mesye pwisan yo.

5 ✨De tete ou tankou de jèn ti antilòp;  
jimo manman k ap chache manje pami flè lis yo.

6 ✨Jiskaske jou a bese pou l vin fre  
e lonbraj yo vin disparèt,  
mwen va trase chemen mwen rive nan mòn  
fèy bazilik la, ak nan kolin lansan an.

7 ✨Ou fin bèl nèt, cheri mwen an,  
e nanpwen defo nan ou.

8 Vin avè m soti ✨Liban, fi maryaj mwen an;  
m bezwen ou vini avè m sòti Liban.  
Vwayaje desann soti nan wo pwent Amana,  
soti nan wo pwent Mòn Senir ak Hermon;  
soti nan kav lyon yo, nan mòn a leyopa yo.

9 Ou fè kè m bat pi vit sè mwen, fi a maryaj mwen an;  
ou te fè kè m bat pi vit ak yon sèl ti kout zye tou kout,  
ak yon sèl bout fisèl nan ✨kolye ou.

10 ✨A la bèl lanmou ou bèl, sè mwen an,  
fi a maryaj mwen an!

A la pi bon lanmou ou pi bon pase diven  
e bon odè a lwil ou depase tout kalite epis!

11 Lèv ou, fi a maryaj mwen an,  
gen gou siwo myèl; siwo myèl ak lèt anba lang ou  
ak bon odè vètman ou tankou ✨bon odè Liban an.

12 Yon jaden fèmèn ak kle se sè mwen,  
fi a maryaj mwen;

yon jaden wòch ki fèmèn,  
yon fontèn dlo ki ✨ansèkle.

13 Boujon ou se yon chan kiltive ak pye grenad,  
ak fwi chwazi, pye jasmen ak ti bonm;

14 ti bonm ak safran, sitwonèl ak kannèl,  
ak tout bwa lansan yo, ✨lami ak lalwa,  
ansanm ak tout meyè kalite epis yo.

15 Ou menm se yon sous jaden,  
yon pwi ✨dlo fre ak ti ravin dlo k ap kouri soti Liban.

*Jenn Fi an*

16 Leve, o van nan nò a, e vini van nan sid;  
fè jaden mwen respire ak souf bon odè;  
kite epis li yo vante gaye toupatou. Ke cheri mwen an vin nan jaden li an  
pou manje tout fwi chwazi li yo.

## 5

*Salomon*

1 Mwen te vini nan jaden mwen an, sè mwen,  
fi a maryaj mwen an;  
mwen te ranmase lami mwen ak tout fèy awomatik mwen.  
Mwen te manje gato myèl ak siwo myèl mwen;  
mwen te bwè diven mwen ak lèt mwen.

*Lèt Yo Manje, zanmi nou yo; bwè e vin sou ak lanmou!*

*Jenn Fi a*

2 Mwen t ap dòmi, men kè m t ap veye.  
Yon vwa! Cheri mwen an t ap frape sou pòt la:  
“Ouvri pou mwen, sè mwen, cheri mwen an,

toutrèl mwen an, ou menm ki pafè pou mwen an! Tèt mwen mouye ak lawouze,

✧très cheve mwen ak imidite nwit lan.

<sup>3</sup> Mwen te ✧fin retire rad mwen;

kijan pou m ta remete l ankò a?

Mwen te lave pye mwen;

kijan pou m ta fè vin sal yo ankò a?

<sup>4</sup> Cheri mwen an te lonje men l pase nan twou pòt la

e tout ✧santiman mwen te leve pou li.

<sup>5</sup> Mwen te leve pou ouvri pou cheri mwen an;

epi men m te ✧degoute menm ak lami

e dwèt mwen ak dlo lami, sou manch boulon pòt lan.

<sup>6</sup> Mwen te ouvri a cheri mwen an,

men cheri mwen an te ✧vire kite pou l ale!

Kè m te sòti lè l t ap prale a.

Mwen te cache li, men mwen pa t jwenn li;

mwen te rele li, men li pa t reponn mwen.

<sup>7</sup> ✧Gadyen ki te fè tou vil la te twouve mwen;

yo te frape mwen e yo te blese mwen.

Jandàm sou miray la te retire gwo manto sou mwen an.

<sup>8</sup> “M ap ✧avèti nou, O fi a Jérusalem yo,

si nou jwenn cheri mwen an, konsa nou va di l;

ke mwen malad ak lanmou.”

### *Lòt Yo*

<sup>9</sup> “Ki kalite cheri ki cheri ou a,

sinon pi bèl pami fanm yo?

Ki kalite cheri ki cheri ou a,

ke ou ta avèti nou konsa?”

### *Jenn Fi a*

<sup>10</sup> Cheri mwen an mèvèye,

yon figi wouj ranpli ak sante,

k ap ✧parèt miyò pami di-mil.

<sup>11</sup> Tèt li tankou lò, lò san tach;

✧très cheve li tankou grap rezen

e nwa tankou kòbo.

<sup>12</sup> Zye li tankou toutrèl

kote dlo k ap koule benyen nan lèt,

ki chita akote yon ✧basen dlo.

<sup>13</sup> De bò figi li tankou yon kabann fèt ak fèy awomatik,

kouch fèt ak zèb santi bon;

lèv li se flè ✧lis ki degoute dlo lami.

<sup>14</sup> Bra li se baton fèt an lò, anbeli ak bijou beril; vant li se ivwa taye ki kouvri ak pyè safi.

<sup>15</sup> Janm li se pilye fèt an mèb blan e plase sou yon baz lò san tach; aparans li tankou ✧chwa Liban kon bwa sèd.

<sup>16</sup> Bouch li plen ak dousè e li totalman dezirab. Sa se cheri mwen an e sa se zanmi mwen an, o fi Jérusalem yo.

✧ 5:2 Kan 5:11 ✧ 5:3 Luc 11:7 ✧ 5:4 Jr 31:20 ✧ 5:5 Kan 5:13 ✧ 5:6 Kan 6:1 ✧ 5:7 Kan 3:3 ✧ 5:8 Kan 2:5 ✧ 5:10 Sòm 45:2 ✧ 5:11 Kan 5:2 ✧ 5:12 Egz 25:7 ✧ 5:13 Kan 2:1 ✧ 5:15 Kan 7:4

## 6

### Lòt yo

<sup>1</sup> ✧ “Kote cheri ou a te ale, o pi bèl pami fanm yo?  
Kote cheri ou a te vire, pou nou ka chache li ansanm avèk ou?”

### Jenn Fi a

<sup>2</sup> Cheri mwen an te desann nan jaden li an,  
nan kabann ki fèt ak fèy awomatik,  
pou fè patiraj twoupo li nan jaden yo  
e ranmase flè ✧lis.  
<sup>3</sup> Mwen pou cheri mwen an e cheri mwen pou mwen;  
sila ki fè patiraj twoupo li pami flè lis yo.”

### Salomon

<sup>4</sup> Ou bèl, cheri mwen an, tankou ✧Thirtsa;  
bèl tankou Jérusalem,  
mèveye tankou yon lame ak drapo.  
<sup>5</sup> Vire zye ou; pa gade m,  
paske zye ou fè m egare.  
✧Cheve ou tankou yon bann kabrit k ap  
soti desann Galaad.  
<sup>6</sup> ✧Dan ou tankou yon bann mouton  
ki fenk monte sot benyen,  
yo tout ki pòtre marasa,  
e nanpwen menm youn nan yo ki pèdi pitit.  
<sup>7</sup> ✧De bò figi ou tankou yon tranch grenad  
dèyè vwal ou.

<sup>8</sup> Genyen swasant rèn ak katre-ven konkibin,  
ak ✧jèn fi menm pa kab konte;  
<sup>9</sup> Men toutrèl mwen an, parèy san parèy mwen an inik:  
li se sèl fi a manman li; fi san tach a sila ki te pote li a.  
✧Jenn fi yo te wè l e te rele l beni,  
ni rèn ni konkibin yo, e yo te louwe l pou di:

<sup>10</sup> ‘Kilès sa ki grandi kon solèy leve a,  
bèl tankou plèn lin nan,  
san tach tankou ✧solèy la,  
e mèveye tankou yon lame ak tout drapo li a?’

<sup>11</sup> Mwen te desann nan chan bwa nwa yo  
pou wè flè yo nan vale a,  
pou wè si chan rezen fin fè boujon,  
oswa ✧grenad yo te fleri.  
<sup>12</sup> Avan mwen te menm konnen,  
dezi m te plase mwen sou cha a pèp nòb mwen an.

### Lòt Yo

<sup>13</sup> Retounen, retounen, O Silamit lan;  
✧retounen, retounen, pou zye nou ka gade ou!

*Salomon*

Poukisa ou ta gade Silamit lan tankou se nan dans a de twoup koral?

**7**

<sup>1</sup> A la bèl pye ou bèl nan sandal yo, o pitit a nòb yo!  
 O ✨fi a prens lan!  
 Koube kwis ou tankou bijou, zèv a yon vrè atis.  
<sup>2</sup> Lonbrit ou kon yon tas won ki pa janm manke diven mele;  
 vant ou se yon bèl pakèt ble ankadre ak flè lis;  
<sup>3</sup> ✨De tete ou se de jenn pòtre a yon antilòp,  
 jimo a yon antilòp.  
<sup>4</sup> Kou ou se yon kou ivwa,  
 zye ou tankou sous dlo nan ✨Hesbon yo  
 akote pòtay a Bath-Rabbim nan;  
 nen ou tankou tou Liban ki gade vè Damas la.  
<sup>5</sup> Tèt ou kouwone ou tankou ✨Mòn Carmel  
 e trè cheve tèt ou tankou fisèl mov;  
 wa a kaptire pa trè ou yo.  
<sup>6</sup> A la ou ✨bèl e a la ou mèvèye,  
 ak tout bèlte ou yo!  
<sup>7</sup> Lè ou kanpe se tankou yon pye palmis  
 e tete ou se grap li yo.  
<sup>8</sup> Mwen te di: “Mwen va monte pye palmis lan,  
 mwen va kenbe tij fwi li yo.”  
 O ke tete ou yo kapab tankou grap  
 ki pann sou chan rezen nan  
 e bon odè a ✨souf ou tankou pòm,  
<sup>9</sup> Epi ✨bouch ou tankou meye diven an! ki desann byen swa pou cheri  
 mwen an,  
 e koule dousman nan lè a sila  
 ki tonbe nan dòmi yo.

*Jenn Fi a*

<sup>10</sup> Mwen pou cheri mwen an  
 e ✨dezi li se pou mwen.  
<sup>11</sup> Vini! cheri mwen an;  
 annou pati ale nan chan yo  
 e fè lojman nan ti vil yo.  
<sup>12</sup> Annou leve bonè pou rive nan chan rezen yo;  
 annou ✨gade pou wè si chan rezen an  
 gen tan boujonnen e flè li yo fin ouvri.  
 Se la, m ap bay ou lanmou mwen an.  
<sup>13</sup> Mandragò yo fin bay bèl odè;  
 epi sou tout pòt nou yo se tout meye fwi yo,  
 ni nèf ni ansyen,  
 ki te konsève pou ou, lanmou mwen an.

**8**

<sup>1</sup> O ke ou te tankou yon frè m  
 ki te souse nan tete a manman m.



Si mwen te jwenn ou deyò, mwen ta bo ou;  
nonplis, pèsòn pa ta denonse m pou sa!

<sup>2</sup> Mwen ta mennen ou e \*fè ou antre  
lakay a manman m ki te konn enstwi mwen an;  
mwen ta bay ou diven pafime ki sòti  
nan ji grenad mwen yo pou ou bwè.

<sup>3</sup> Kite \*men goch li rete anba tèt mwen  
e men dwat li anbrase m.”

<sup>4</sup> “\*Mwen vle nou sèman, o fi Jérusalem yo,  
pa fè lanmou mwen vin leve,  
ni ankouraje l jiskaske se plezi li.

### *Lòt Yo*

<sup>5</sup> Se \*ki fi sa a k ap monte sòti nan dezè a,  
k ap apiye sou cheri li a?”

### *Jenn Fi an*

Anba pye pòm nan, mwen te fè ou leve;  
se la manman ou te gen doulè e te fè ou vin parèt.

<sup>6</sup> Mete mwen tankou yon so sou kè ou,  
tankou yon \*so sou bra ou.  
Paske lanmou gen fòs menm jan ak lanmò;  
jalouzi sevè tankou Sejou mò yo;  
lè l pete se tankou dife k ap pete.  
Vrèman se flanm SENYÈ a.

<sup>7</sup> Anpil dlo p ap ka etenn lanmou,  
ni rivyè p ap ka inonde l.

\*Menm si yon nonm ta bay tout richès lakay li pou lanmou,  
sa ta konplètman meprize.

### *Frè Yo*

<sup>8</sup> Nou gen yon ti sè e li \*pa gen tete menm;  
kisa n ap fè pou sè nou an nan jou ke yon moun  
ta vin pale pou l ta fyanse avè l?

<sup>9</sup> Si li se yon mi, nou va bati yon ranpa fèt an ajan pou antoure l;  
men, si li se yon pòt, n ap fè yon barikad  
ak \*gwo planch bwa sèd.

### *Jenn Fi a*

<sup>10</sup> Mwen te yon miray e \*tete mwen te tankou fò;  
konsa, mwen te devni nan zye li kon yon moun ki jwenn lapè.

<sup>11</sup> Salomon te gen yon chan rezen nan Baal-Hamon;  
Li te \*bay jerans chan rezen an a gadyen yo.

Yo chak te gen pou pote mil sik ajan pou fwi li yo.

<sup>12</sup> Pwòp chan rezen mwen an se pou m fè sa m pito;  
mil sik ajan yo se pou ou, Salomon  
ak de-san pou sila ki okipe fwi li yo.”

### *Salomon*

\* 8:2 Kan 3:4 \* 8:3 Kan 2:6 \* 8:4 Kan 2:7 \* 8:5 Kan 3:6 \* 8:6 És 49:16 \* 8:7 Pwov  
6:35 \* 8:8 És 16:7 \* 8:9 I Wa 6:15 \* 8:10 És 16:7 \* 8:11 Mat 21:33

<sup>13</sup> O! ou menm, ki chita nan jaden yo,  
zanmi mwen yo ap koute vwa ou;  
kite m tandè l.

*Jenn Fi an*

<sup>14</sup> Fè vit, cheri mwen an;  
fè tankou yon antilòp,  
oswa yon jenn sèf sou mòn ki plen epis yo.

## Ésaïe

<sup>1</sup> Vizyon Ésaïe a, fis a Amots la, konsènan Juda avèk Jérusalem, ke li te wè pandan tan pouvwa a Ozias, Jotham, Achaz ak ✧Ézéchiass, wa Juda yo.

<sup>2</sup> Koute O syèl yo e tande O latè;

paske SENYÈ a pale:

“Fis Mwen leve yo,  
men yo ✧fè rebèl kont Mwen.

<sup>3</sup> Yon bèf konnen mèl li  
e yon bourik manjwa a mèl li,  
men Israèl ✧pa konsa;  
pèp Mwen an pa konprann.

<sup>4</sup> Elas, yon nasyon plen peche,  
yon pèp peze avèk inikite,  
✧ras malfektè, fis ki fè zak konwonpi!

Yo te abandone SENYÈ a;  
yo te meprize Sila Ki Sen Israèl la.

Yo te vire kite Li nèt!

<sup>5</sup> Se ki bo nou va pran so ankò?  
✧Poukisa nou mache fè rebèl san rete?  
Tout tèt la malad e tout kè a fèb.

<sup>6</sup> ✧Depi nan pla pye jis rive nan tèt,  
nanpwen anyen ak sante ladann,  
sèlman kote ki brize, ak maleng ak blese;  
pa pran swen, ni panse, ni trete dous ak lwil.

<sup>7</sup> ✧Peyi nou an vin devaste, vil nou yo brile ak dife;  
chan nou yo—se etranje k ap devore yo nan prezans nou;  
se dezolasyon nèt, pandan etranje yo ap ranvèse li.

<sup>8</sup> Fis a Sion an vin tankou yon ti tonèl  
nan yon chan rezen,  
tankou abri a yon gadyen nan yon chan konkonb,  
tankou yon vil ki anba syèj.

<sup>9</sup> ✧Amwenske SENYÈ dèzame yo te kite kèk grenn  
chape viv,  
nou t ap tankou Sodome,  
nou t ap sanble ak Gomorrhe.

<sup>10</sup> Tande pawòl SENYÈ a, nou menm,  
chèf ✧Sodome yo;  
bay zòrèy nou enstriksyon Bondye nou a,  
nou menm pèp Gomorrhe.

<sup>11</sup> ✧“Ki sa gran fòs kantite sakrifis sa yo ye  
k ap ogmante pou Mwen?” di SENYÈ a.  
Mwen fin resevwa kont ofrann brile a belye  
ak grès a bèf gra yo.  
Mwen pa pran plezi nan san towò yo,  
jenn mouton, ni kabrit.

12 Lè nou vin ✧parèt devan M,  
kilès ki egzije nou vin foule lakou Mwen an konsa?  
13 Pa vin pote ofrann san valè sa yo ankò;  
lansan vin abominab devan M.  
Nouvèl lin ak Saba a, apèl asanble yo—  
Mwen pa ka ✧sipòte inikite ansanm ak asanble solanèl la.  
14 Mwen rayi fèt nouvèl lin yo ak fèt chwazi nou yo,  
yo vin yon gwo fado pou mwen;  
Mwen ✧fatige sipòte yo.  
15 Pou sa, lè nou ouvri men nou nan lapriyè,  
Mwen va kache zye M de nou menm;  
wi, menm si nou ogmante lapriyè nou yo, Mwen p ap koute yo.  
Men nou kouvri ak san.  
16 Lave nou pou nou vin pwòp;  
retire zak malonèt nou yo devan zye M.  
✧Sispann fè mechanste.  
17 Aprann fè sa ki bon;  
chache lajistis,  
fè sekou oprime yo,  
defann òfelen yo,  
plede ka a a vèv la.

18 “Alò, vini koulye a; ✧annou rezone ansanm, di SENYÈ a:  
“Malgre peche nou yo wouj yo va vin blan tankou lanèj;  
malgre yo fonsè tankou kramwazi, y ap vin tankou len.  
19 Si nou vin dakò e obeyi,  
nou va ✧manje pi bon bagay ki gen nan peyi a;  
20 Men si nou refize, e fè rebel, nou va devore pa nepe.”  
Anverite, ✧bouch SENYÈ a fin pale.  
21 Gade vil fidèl la vin devni yon ✧pwostitiye!  
Sila ki te konn plen ak jistis la!  
Nan yon lè, ladwati te rete nan li,  
men koulye a, se asasen yo ye.  
22 Ajan ou yo, koulye a vin tounen kim  
e bwason ou vin mele ak dlo.  
23 ✧Chèf ou yo se rebèl yo ye  
k ap fè zanmi parèy ak volè;  
se yo tout ki renmen resevwa anba tab ak kouri dèyè benifis.  
Yo pa defann òfelen an,  
ni ka a vèv la pa rive devan yo.

24 Pou sa, Senyè BONDYE dèzame yo,  
Toupwisan Israèl la, deklare:  
“Ah, Mwen va delivre a advèsè Mwen yo,  
e ✧pran vanjans mwen sou lènmi Mwen yo.  
25 Anplis Mwen va vire men m kont nou  
e Mwen va ✧fonn kim nou an tankou se ak likid lesiv,  
pou M rete tout melanj k ap fè l gen fòs yo.  
26 Epi Mwen va restore ✧jij nou yo

✧ 1:12 Egz 23:17 ✧ 1:13 Jr 7:9-10 ✧ 1:14 És 7:13 ✧ 1:16 Jr 25:5 ✧ 1:18 És 41:1-21  
✧ 1:19 És 55:2 ✧ 1:20 És 40:5 ✧ 1:21 És 57:3-9 ✧ 1:23 Os 5:10 ✧ 1:24 Det 28:63 ✧ 1:25  
Éz 22:19-22 ✧ 1:26 És 60:17

tankou nan kòmansman an  
ak konseye yo jan lè nou te fenk kòmanse a.  
Aprè sa, yo va rele nou vil ladwati,  
yon vil ki fidèl.

<sup>27</sup> Sion va ✧rachte ak lajistis,  
e sila ki repanti ladann  
yo va plen ladwati a.

<sup>28</sup> Men transgresè ak pechè yo va ✧kraze ansanm,  
e sila ki abandone SENYÈ yo va vin disparèt nèt.

<sup>29</sup> Anverite, nou va wont pou bwadchenn  
ke nou te pito yo,

e nou va wont pou ✧jaden ke nou te pito yo.

<sup>30</sup> Paske nou va tankou yon bwadchenn ak ✧fèy ki fennen,  
oswa tankou yon jaden ki pa gen dlo menm.

<sup>31</sup> Sila ki pwisan an va devni retay pishpèn,  
zèv li yo anplis tankou etensèl dife. Konsa, y ap brile ansanm  
e p ap gen moun ki pou fè yo etenn.

## 2

<sup>1</sup> Pawòl ke ✧Ésaïe, fis a Amots la, te wè konsènan Juda avèk Jérusalem.

<sup>2</sup> Alò, li va vin rive ✧nan dènye jou yo  
ke mòn lakay SENYÈ a va etabli kon chèf a mòn yo.  
Li va leve pi wo pase kolin yo,  
epi tout nasyon yo va kouri vin jwenn li.

<sup>3</sup> Konsa, anpil pèp va vini e yo va di:  
“Vini, annou monte nan mòn SENYÈ a,  
lakay Bondye a Jacob la;  
pou L kab enstwi nou konsènan chemen Li yo  
e pou nou kapab mache nan pa Li yo.  
Paske lalwa a va sòti fè parèt ✧soti nan Sion,  
e pawòl Bondye a soti nan Jérusalem.

<sup>4</sup> Li va jije pami nasyon yo,  
e Li va rann desizyon pou anpil pèp.  
Yo va frape nepe yo pou fè cha,  
ak lans lagè pou fè kwòk imondaj yo.  
Nasyon p ap leve nepe kont nasyon  
e jis pou tout tan,  
yo p ap vin aprann fè lagè ankò.

<sup>5</sup> Vini lakay Jacob;

annou mache nan ✧limyè SENYÈ a,

<sup>6</sup> Paske ou te ✧abandone pèp Ou a, lakay Jacob,  
akoz yo plen ak jan de panse yo  
ki sòti nan lès,  
akoz yo vin pwofèt ki swiv Filisten yo,  
k ap antann yo ak pitit a etranje yo.

<sup>7</sup> Anplis, peyi yo vin plen ak ajan ak lò  
e pou richès yo, nanpwen fen.  
Peyi yo osi vin plen ak cheval yo,

e ak cha lagè yo, nanpwen fen.

<sup>8</sup> Peyi yo anplis ✧plen ak zidòl;

yo adore zèv men pa yo, sa ke dwèt yo te fè.

<sup>9</sup> Pou sa, sila lòm vin imilye e sila ki gran yo

e limanite vin bese; men ✧pa padone yo.

<sup>10</sup> Antre nan wòch e kache nan pousyè

kont ✧laperèz SENYÈ a,

kont mayifisans ak majeste li.

<sup>11</sup> ✧Ògèy a lòm va vin bese

e wotè a lòm va vin imilye,

e nan jou sa a se sèl SENYÈ a k ap egzalte.

<sup>12</sup> Paske SENYÈ dèzame yo va gen yon jou jijman

kont nenpòt moun ✧ki ògeye e ki awogan;

nenpòt moun ki leve tèt li wo va bese li.

<sup>13</sup> Epi kont tout bwa sèd Liban an ki byen wo,

e ki leve tèt yo wo,

kont tout ✧chenn Basan yo.

<sup>14</sup> Kont tout ✧ mòn wo yo,

kont tout kolin ki leve wo yo,

<sup>15</sup> Kont tout ✧fò wo yo,

kont tout miray fòtifye yo,

<sup>16</sup> Kont tout ✧bato Tarsis yo,

kont tout sa ki bèl pou wè yo.

<sup>17</sup> Ògèy a lòm va vin imilye

e wotè a lòm va vin desann;

se sèl SENYÈ a ki va egzalte nan jou sa a,

<sup>18</sup> Men ✧zidòl yo va vin disparèt nèt.

<sup>19</sup> Tout moun va ✧antre nan kav pami wòch yo,

ak nan twou tè

devan gran laperèz SENYÈ a,

ak gwo bagay etonnan de majeste Li,

lè L ap leve pou fè tè a tranble.

<sup>20</sup> Nan jou sa a, tout moun va ✧jete deyò rat ak chov-sourit,

zidòl fèt an ajan, ak zidòl fèt an lò,

ke yo te fè pou yo menm ta adore,

<sup>21</sup> Pou yo ka ✧antre nan kav wòch

ak twou wòch nan falèz yo,

pou yo pa parèt devan laperèz SENYÈ,

ak gwo bagay etonan a majeste Li a,

lè Li leve pou fè latè tranble.

<sup>22</sup> Sispann mete konfyans nan lòm;

souf vi li se sèl nan nen l.

✧Poukisa li dwe onore?

✧ **2:8** És 10:11 ✧ **2:9** Né 4:5 ✧ **2:10** II Tes 1:9 ✧ **2:11** És 5:15 ✧ **2:12** Job 40:11-12 ✧ **2:13** Za 11:2 ✧ **2:14** És 40:4 ✧ **2:15** És 25:12 ✧ **2:16** I Wa 10:22 ✧ **2:18** És 21:9 ✧ **2:19** És 2:10 ✧ **2:20** És 30:22 ✧ **2:21** És 2:19 ✧ **2:22** És 40:15-17

## 3

1 Paske gade byen, Senyè BONDYE dèzame yo va ✨retire sou Jérusalem ak Juda ni sipò, ni mwayen materyo, tout sa ki pou founi pen e tout sa ki pou founi dlo;

2 ✨Nonm pwisan an, gèrye la,

jij ak pwofèt la, divinò a ak ansyen an,

3 Kapitèn dè senkant yo, nonm ki resevwa onè a, konseye a,

atizan an, ak sila ki fò nan fè wanga a.

4 Epi Mwen va fè ✨senp tigason yo vin chèf sou yo, e timoun san kontwòl yo va vin renye sou yo.

5 Epi pèp la va ✨opprime, youn pa yon lòt e chak pa vwazen li; jenn yo va fè rebèl kont granmoun yo e sila ki enferyè a kont sila ki gen onè a.

6 Lè yon nonm ✨mete men l sou frè l lakay papa l, epi di: “Se ou ki gen manto a, se ou k ap chèf nou an, e tout miray kraze sa yo va anba pouvwa ou”,

7 Nan jou sa a, li va diskite ak yo e li va di: “Se pa mwen menm k ap ✨geri nou an; paske lakay mwen pa gen ni pen, ni manto; se pa mwen menm pou nou ta chwazi chèf sou pèp la.”

8 Paske Jérusalem chape glise e Juda fin tonbe akoz pawòl ak zak yo kont SENYÈ a; pou yo ✨fè rebèl kont prezans sen Li an.

9 Vizaj figi yo fè temwen kont yo, e yo montre tout moun peche yo tankou Sodome. Yo pa menm kache sa a. Malè a yo menm! Paske yo ✨mennen mal la vin tonbe sou yo.

10 Di a ✨moun dwat yo sa prale byen pou yo, paske yo va manje fwi a zèv yo.

11 Malè a mechan an! Sa prale mal pou li. Paske ✨sa li merite a, se sa k ap rive li.

12 O pèp Mwen an! Moun ki oprime yo se timoun ak fanm ki gouvène sou yo.

O pèp Mwen an! ✨Sila k ap gide ou yo egare ou, e konfonn direksyon chemen nou yo.

13 Se ✨SENYÈ a ki parèt kon advèsè yo e ki kanpe pou jije pèp la.

14 SENYÈ a ✨antre nan jijman ak ansyen ak prens a pèp Li a. Se nou ki te devore chan rezen an;

✨ 3:1 Lev 26:26 ✨ 3:2 II Wa 24:14 ✨ 3:4 Ekl 10:16 ✨ 3:5 Mi 7:3-6 ✨ 3:6 És 4:1 ✨ 3:7 És 34:4 ✨ 3:8 És 65:3 ✨ 3:9 Pwov 8:36 ✨ 3:10 Det 28:1-14 ✨ 3:11 Det 28:15-68 ✨ 3:12 És 9:16 ✨ 3:13 És 66:16 ✨ 3:14 Job 22:4

piyaj malere a fèt anndan lakay nou.

<sup>15</sup> Se kilès ki bannou dwa pou \*krazè pèp Mwen an, e foule figi malere yo?” SENYÈ dèzame yo pale.

<sup>16</sup> Anplis SENYÈ a di: “Akoz \*fi a Sion yo ògeye, mache ak tèt anlè ak zye k ap sedwi, mache ak ti pa kout pou atire zye gason, e fè sone tout ti son braslè sou pye yo.

<sup>17</sup> Pou sa, SENYÈ a va aflije tèt fi a Sion yo ak kal, e SENYÈ a va dekouvri fontèn tèt yo.

<sup>18</sup> Nan jou sa a, SENYÈ a va retire bèlte a braslè pye yo, bando sou tèt yo, \*dekorasyon kwasan yo, <sup>19</sup> Zanno zòrèy yo, braslè yo, vwal yo, <sup>20</sup> \*dekorasyon tèt yo, chenn nan pye yo, bèl twal sentiwon yo ak bwat pafen yo, bwòch yo, <sup>21</sup> Bag dwèt yo, \*zanno nen yo. <sup>22</sup> Vètman gwo fèt yo, gwo manto yo, bous lajan yo, <sup>23</sup> Miwa men yo, ti sou-vètman yo, tiban yo, ak vwal yo.

<sup>24</sup> Epi li va fin rive ke olye sant pafen dous, ap gen move odè pouriti; olye se sentiwon, ap gen yon kòd; olye se \*cheve swa byen ranje, ap gen yon tèt cheve rache; olye se bèl vètman, ya mete twal sak; epi y ap pote etanp sou kò pou ranplase bote.

<sup>25</sup> Gason nou yo va \*tonbe devan nepe, e moun pwisan nou yo nan batay.

<sup>26</sup> Epi pòtay li yo va kriye fò ak lamantasyon, doule ak dezolasyon nèt; li va \*chita atè.

## 4

<sup>1</sup> Paske sèt fanm va kenbe \*yon sèl gason nan jou sa a e yo va di: “Nou va manje pwòp pen nou e mete pwòp rad nou; sèlman, kite nou rele pa non ou; souple retire wont nou an!”

<sup>2</sup> Nan jou sa a, Branch SENYÈ a va bèl, plen ak glwa, e fwi tè a va fè yo leve tèt yo wo akoz bèlte a tout retay Israèl yo. <sup>3</sup> Li va rive ke sila ki rete Sion an ak sila yo ki rete Jerusalem nan va rele sen—— tout moun ki anrejistre pou \*lavi Jérusalem yo. <sup>4</sup> Lè Senyè a fin lave fè sòti tout salte fi a Sion yo, e pirifye Jérusalem de tout san vèse pou fè l sòti nan mitan li, pa lespri jijman ak \*lespri brile a, <sup>5</sup> Alò, SENYÈ la va fè sou tout landwa Mon Sion, ak sou tout asanble li yo, yon \*nwaj pa jou, lafimen a menm, epi eklere ak yon flanm dife pandan nwit la; paske sou tout glwa la, va genyen yon kouvèti. <sup>6</sup> Va gen \*abri pou bay lonbraj kont chalè jounen an, e pou pwoteje kont tanpèt ak lapli.

## 5

<sup>1</sup> Kite mwen chante koulye a pou byeneme mwen an, sou chan rezen Li.

Byeneme m nan te gen yon \*chan rezen sou yon kolin byen fètil.

\* 3:15 Sòm 94:5 \* 3:16 Kan 3:11 \* 3:18 Jij 8:21-26 \* 3:20 Egz 29:38 \* 3:21 Jen 24:47  
 \* 3:24 I Pi 3:3 \* 3:25 És 1:20 \* 3:26 Lam 2:10 \* 4:1 Jen 30:23 \* 4:3 Egz 32:32 \* 4:4 És 1:31 \* 4:5 Egz 13:21-22 \* 4:6 Sòm 27:5 \* 5:1 Sòm 80:8



2 Li te fouye toupatou li,  
 retire wòch li yo,  
 e te plante li avèk diven pi chwazi a.  
 ✧Li te bati yon fò nan mitan l,  
 e te fouye yon basen diven ladann.  
 Alò, li te sipoze pou l ta pwodwi bon rezen yo,  
 men li te pwodwi sèlman sa ki pa bon.

3 Epi koulye a, O abitan Jérusalem yo ak mesye Juda yo,  
 ✧jije antre Mwen menm ak chan rezen Mwen an.

4 ✧Kisa anplis ki gen pou fèt pou chan rezen Mwen an  
 ke M pa t fè deja?

Poukisa lè M te atann a bon rezen yo,  
 li te vin pwodwi sa ki pa bon yo?

5 Pou sa a, kite Mwen di nou koulye a sa M ap fè ak chan rezen sa a:  
 Mwen va retire kloti li e li va brile;  
 Mwen va kraze miray li e sòl li va vin foule nèt.

6 Mwen va gaye gate l nèt;  
 li p ap koupe ni sèkle ak wou,  
 men pikan ak zepin va vin leve nan li.  
 Anplis, Mwen va pase lòd sou nwaj yo  
 pou ✧lapli pa tonbe ladann.

7 Paske ✧chan rezen SENYÈ dèzame yo se lakay Israël,  
 e pèp Juda a se plant ki ba Li plezi a.  
 Konsa, Li t ap chache jistis;  
 men olye sa Li te jwenn san vèse;  
 pou ladwati, men olye sa, yon moun k ap rele “Amwey”.

8 Malè a sila ki ogmante kay sou kay  
 e jwenn chan a yon lòt chan,  
 jiskaske pa gen plas,  
 pou li oblije rete sèl nan mitan peyi a!

9 Nan zòrèy mwen SENYÈ dèzame yo te sèmante:  
 “Anverite, anpil kay va vin ✧vid,  
 menm sa ki bèl yo, san moun pou rete ladann.

10 Paske kat ekta teren p ap donner plis ke yon bat (22) lit diven  
 e yon ✧omè (220 lit) p ap bay plis ke yon efa (22 lit) sereyal.

11 Malè a sila ki leve granmaten yo  
 pou yo ka kouri dèyè ✧bwason fò,  
 sila ki rete kanpe tan lannwit pou diven an  
 ka anflame yo.

12 Gwo fèt pa yo akonpanye ak jwe gita ak ap,  
 tanbouren, flit ak diven;  
 men ✧yo pa okipe zèv SENYÈ yo,  
 ni yo pa konsidere zèv men Li yo.

13 Pou sa, pèp Mwen an antre an egzil akòz ✧mank konesans yo;  
 epi mesye ki gen onè yo  
 rete grangou e foul moun yo rete sèch ak swaf.

14 Pou sa, ✧Sejou mò yo vin fè gòj li pi gwo  
e louvri bouch li jiskaske li pa ka kontwole;  
epi bèlte a Jérusalem, tout pèp li a,  
gwo kri kè kontan ki la yo, vin desann ladann.

15 Pou sa, moun lari yo va imilye  
e moun ak pwa yo va abese;  
anplis, ✧zye a ògeye a va vin febli nèt.

16 Men SENYÈ dèzame yo va leve wo nan jijman  
e Bondye sen an va montre ✧sentete Li nan ladwati.

17 Konsa, ✧jèn mouton yo va manje alèz  
konsi se nan chan patiraj  
e etranje yo va manje pami ansyen mazi a moun rich yo.

18 Malè a sila ki rale ✧inikite ak kòd manti,  
e ki fè peche tankou se kòd kabwèt;

19 ✧Ka p di: “Kite Li fè vit,  
kite Li prese fè travay Li pou nou ka wè;  
epi kite volonte a Sila Ki Sen an Israël la  
vin rapwoche pou fè sa rive pou nou ka konnen!

20 Malè a sila ki ✧rele mal la bon,  
ak bon nan mal;  
sila ki prezante tenèb la tankou limyè a,  
ak limyè a kon tenèb la;  
sila ki prezante sa ki anmè a kon dous,  
e sa ki dous kon anmè.

21 Malè a sila ki ✧saj nan pwòp zye yo  
e ki sipoze ke yo byen koken yo!

22 ✧Malè a sila ki vanyan nan bwè gwòg la  
e gen gwo kouraj nan mele bwason fò a,

23 sila ki jistifye mechan yo pou kòb glise anba tab  
e ki ✧rachte dwa a sila ki gen rezon yo!

24 Akoz sa, tankou lang dife a manje pay sèch yo  
e konsonmen zèb sèch nan flanm nan,  
konsa rasin yo va vin tankou pouriti  
e flè yo va vannen ale tankou pousyè;  
paske yo fin ✧rejte lalwa SENYÈ dèzame yo  
e te rayi pawòl a Sila Ki Sen An Israël la.

25 Akoz sa, kòlè SENYÈ a te brile kont pèp Li a,  
Li te lonje men l kont yo e te frape yo tonbe anba.  
Epi mòn yo te tranble

e kadav yo te kouche tankou fatra nan mitan lari a.  
✧Menm ak tout sa a, kòlè Li a poko fin pase, men men L toujou lonje.

26 Anplis, Li va leve yon ✧drapo a yon nasyon byen lwen  
e Li va soufle pou li soti nan dènye pwent latè;  
epi gade byen, li va vini byen vit ak gwo vitès.

27 Nan nasyon sila a, nanpwen moun ki ni fatigue, ni tonbe;  
nanpwen moun k ap kabicha oswa k ap dòmi;

✧ 5:14 Pwov 30:16 ✧ 5:15 És 2:11 ✧ 5:16 És 8:13 ✧ 5:17 És 7:25 ✧ 5:18 És 59:4-8  
✧ 5:19 Éz 12:22 ✧ 5:20 Pwov 17:15 ✧ 5:21 Pwov 3:7 ✧ 5:22 Pwov 23:30 ✧ 5:23 Sòm  
94:21 ✧ 5:24 És 8:6 ✧ 5:25 És 9:12-21 ✧ 5:26 És 13:2-3

ni ✧sentiwon nan senti li pa lage,  
menm bretèl sandal li pa janm kase.

28 ✧Flèch li yo file e tout banza li yo fin koube;  
pye cheval li yo parèt kon pyè silèks,  
e wou cha li yo tankou toubiyon.

29 Kri ✧gwonde li tankou yon lyon  
e vwa li tankou jèn lyon;  
li fè gwo bri pandan l ap sezi viktim li an  
e pote l ale kote nanpwen moun pou delivre li.

30 Epi li va gwonde sou li nan jou sa a tankou gwo bri lanmè.  
Si yon moun ✧ta gade vè latè;  
men gade, tout fènwa ak gwo twoub;  
menm limyè fènwa devan nwaj li yo.

## 6

1 Nan ane Wa Ozias te mouri an, ✧mwèn te wè SENYÈ a ki te chita sou yon twòn, byen wo e egzalte, avèk ke wòb Li ki te ranpli tanp lan. 2 Serafen yo te kanpe pi wo Li, ✧yo chak ak sis zèl: ak de, li te kouvri figi li; ak de, li te kouvri pye li e ak de, li te vole.

3 Epi youn te rele a yon lòt epi te di:  
“Sen, Sen, Sen, se SENYÈ dèzame yo;  
✧ tout latè plen ak glwa Li.”

4 Epi fondasyon a papòt yo te tranble ak vwa a sila ki te rele fò a pandan ✧tanp lan te plen ak lafimen. 5 Epi mwèn te di: “Malè a mwèn, paske mwèn fin detwi nè! Akoz mwèn se yon nonm ak ✧lèv ki pa pwòp e mwèn viv pami yon pèp ak lèv ki pa pwòp; paske zye m te wè Wa a, SENYÈ dèzame yo.”

6 Epi youn nan serafen yo te vole kote m ak yon mòso chabon tou limen nan men l, ke li te pran sou ✧lotèl la ak pensèt. 7 Li te touche bouch mwèn ak li, epi te di: “Men vwala, sa fin touche lèv ou; epi ✧inikite pa ou retire e pechè ou vin padone.”

8 Epi mwèn te tandè vwa SENYÈ a, ki te di: “Se kilès ke m ap voye e se kilès k ap ale pou Nou?”

Epi ✧mwèn te di: “Men mwèn! Voye mwèn!”

9 Li te di: ‘Ale di pèp sa a:  
“Kontinye ✧koutè, men pa wè;  
kontinye gade, men pa konprann.’

10 ✧Rann kè a pèp sa a ensansib, zòrèy yo di  
e zye yo mal pou wè;  
otremàn, petèt yo ta wè ak zye yo,  
tandè ak zòrèy yo,  
konprann ak kè yo  
e retounen pou resevwa gerizon.

11 Epi mwèn te di: “Senyè, pou konbyen tan?”

Li te reponn:  
“Jiskaske vil yo fin devaste nè e pa gen moun pou rete ladan yo,  
kay yo vin san moun e peyi a fin dezole,

<sup>12</sup> epi SENYÈ a fin ✧retire moun yo byen lwen e plas abandone yo vin anpil nan mitan peyi a.  
<sup>13</sup> Sepandan, si genyen yon dizyèm pòsyon ladann, li va ankò sijè a brile tankou yon bwa terebinth oswa yon bwadchenn ak chouk ki rete lè l koupe mete atè.  
 ✧Konsa, Semans ki sen se chouk li.”

## 7

<sup>1</sup> Alò, li te vin rive nan jou Achaz yo, fis a Jotham la, fis a Ozias la, wa Juda a, ke Retsin, wa Syrie a ak Pékach, fis a Remalia a, wa Israël la, te monte vè Jérusalem pou fè lagè kont li, men yo ✧pa t ka genyen l. <sup>2</sup> Lè rapò a te rive kote ✧lakay David e te di: “Siryen yo te fè kan Éphraïm, ke Achaz te vin ajite tankou bwa forè k ap souke nan van.

<sup>3</sup> Epi SENYÈ a te di a Ésaïe: “Sòti la koulye a pou rankontre Achaz, ou menm ak fis ou, Schear-Jaschub, nan pwent ✧kanal la premye ma dlo sou gran chemen ki mennen kote chan Foulon an, <sup>4</sup> Epi di li: “Fè atansyon e rete kalm; pa pè e pa dekouraje akoz grenn chouk ✧sann cho sa yo k ap fè lafimen akoz de gwo kòlè Retsin ak Syrie, ak fis Remalia a. <sup>5</sup> Paske ✧Syrie, Éphraïm ak fis a Remalia yo, te fè plan mechanste kont ou e te di: <sup>6</sup> Annou monte kont Juda, teworize l, fè pou nou yon brèch nan miray li yo e fè fis a Tabeel la vin wa nan mitan li,” <sup>7</sup> Konsa pale Senyè BONDYE a: ✧“Sa p ap kanpe, ni sa p ap pase. <sup>8</sup> Paske tèt Syrie a se ✧Damas, tèt Damas se Retsin (e nan yon lòt swasann-senk ane, Éphraïm va kraze nèt jiskaske li pa menm yon pèp ankò), <sup>9</sup> Epi tèt a Éphraïm se Samarie, tèt a Samarie se fis a Remalia a. ✧Si ou pa kwè, anverite, ou p ap chape.

<sup>10</sup> Epi SENYÈ a te pale ankò ak Achaz e te di: <sup>11</sup> Mande yon ✧sign pou ou menm soti nan SENYÈ a, Bondye ou a; fè l fon tankou Sejou mò yo, oswa wo tankou rive nan syèl la.”

<sup>12</sup> Men Achaz te di: “Mwen p ap mande, ni mwen p ap pase SENYÈ a a leprèv!”

<sup>13</sup> Epi li te di: “Koute koulye a, O lakay David! Èske se yon bagay ki twò piti pou nou menm pou tante pasyans a lòm, ke nou va tante pasyans a ✧Bondye mwen an tou? <sup>14</sup> Pou sa, SENYÈ a, Li menm, va bay nou yon sign: Gade byen, yon ✧vyèj va vin ansent, li va fè yon fis e li va rele non Li ✧Emmanuel. <sup>15</sup> Li va manje ✧bòl lèt kaye ak siwo myèl nan lè Li gen konesans ase pou refize mal e chwazi sa ki bon. <sup>16</sup> Paske avan jenn gason a va gen ase konesans pou refize mal e chwazi sa ki bon, ✧peyi a de wa ke nou krent yo va abandone nèt. <sup>17</sup> SENYÈ a va mennen fè rive sou nou, sou pèp nou an ak sou lakay papa nou, jou konsi ki pa t janm gen parèy depi jou ke ✧Éphraïm te separe ak Juda a—Wa Assyrie a.

<sup>18</sup> Nan jou sa a, SENYÈ a va souffle mouch ki nan ✧kote pi lwen nan rivyè Égypte yo ak foul myèl ki rete Assyrie yo. <sup>19</sup> Yo tout va vini fè anplasman sou ravin apik yo, sou ✧ti pla falèz yo, kote bwa pikan yo ak sou tout sous k ap bay dlo.

✧ 6:12 Det 28:64 ✧ 6:13 Det 7:6 ✧ 7:1 És 7:6-7 ✧ 7:2 És 7:13 ✧ 7:3 II Wa 18:17 ✧ 7:4 Am 4:11 ✧ 7:5 És 7:2 ✧ 7:7 És 8:10 ✧ 7:8 Jen 14:15 ✧ 7:9 II Kwo 20:20 ✧ 7:11 II Wa 19:29 ✧ 7:13 És 25:1 ✧ 7:14 Mat 1:23 ✧ 7:14 És 8:8-10 ✧ 7:15 És 7:22 ✧ 7:16 És 8:14 ✧ 7:17 I Wa 12:16 ✧ 7:18 És 13:5 ✧ 7:19 És 2:19

<sup>20</sup> Nan jou sa a, SENYÈ a va ✧raze ak yon razwa, ke Li lwe soti nan rejyon lòt bò rivyè Euphrate la (sa vle di, wa Assyrie, tèt ak plim pye; epi li va retire nan bab la, tou.

<sup>21</sup> Alò, nan jou sa a, yon nonm ka petèt fè chape viv yon ✧gazèl ak yon pè mouton; <sup>22</sup> Epi akòz gwo kantite lèt ki pwodwi, li va bwè bòl lèt kaye a, paske tout moun ki rete nan peyi a va bwè ✧bòl lèt ak siwo myèl la.

<sup>23</sup> Epi li va rive nan jou sa a, ke ✧tout kote ki te konn genyen mil pye rezen, ki te gen valè a mil sik ajan, va vin tounen raje ak pikan. <sup>24</sup> Moun va vini la ak banza ak flèch yo akòz tout tè a va vin fè raje ak pikan. <sup>25</sup> Epi pou tout kolin ki te konn kiltive ak wou yo, ou pa prale la akòz nou pè raje ak pikan; men sa va devni yon kote pou ✧ pye bèf ak mouton pou yo foule l nèt.

## 8

<sup>1</sup> SENYÈ a te di mwen, pran pou ou yon gwo tablo e ekri sou li an lèt òdinè: “Apatyen a Maher-Schalal-Chasch-Baz” ✧Vit se piyaj la e rapid se viktim nan, <sup>2</sup> Epi Mwen va pran pou Mwen temwen fidèl pou fè temwayaj, ✧ Urie, prèt la ak Zacharie, fis a Bérékia a.

<sup>3</sup> Pou sa, mwen te pwoche pwofetès la, li te vin ansent e li te bay nesans a yon fis. Epi SENYÈ a te di mwen: “Bay li non Maher-Schalal-Chasch-Baz. <sup>4</sup> paske avan tigason an konnen jan pou li kriye: ‘Papa mwen oswa manman mwen’, tout richès Damas ak piyaj Samarie yo va fin pote ale devan wa Assyrie a.

<sup>5</sup> Ankò SENYÈ a te pale ak mwen epi te di: <sup>6</sup> Konsi moun sa yo fin ✧ rejte dlo Siloé k ap koule dous la pou rejwi nan Retsin ak fis a Remalia a; <sup>7</sup> Alò, pou sa, men gade, SENYÈ a prè pou mennen sou yo dlo fò an gran kantite ki sòti nan rivyè Euphrate la, wa Assyrie ak tout glwa li; epi li va ✧monte wo pou kite kanal li yo e vide sou tout rebò li yo. <sup>8</sup> Epi li va pase kouri nèt rive Juda, li va debòde e pase sou li nèt jiskaske li ✧rive menm nan kou li; epi zèl ouvri li yo va ranpli lajè peyi ou a, O Emmanuel!

<sup>9</sup> Se pou nou vin kraze, o pèp yo, e vin ✧brize nèt; epi bay zòrèy nou, tout kote izole sou latè yo. Mare senti nou, malgre nou fin brize nèt; mare senti nou, malgre nou fin brize nèt. <sup>10</sup> ✧ Fè yon plan, men l ap bloke; pran yon pozisyon, men li p ap kenbe. Paske Bondye avèk nou.”

<sup>11</sup> paske se konsa SENYÈ a te pale mwen ak gwo pouvwa e te pase m lòd pou m ✧ pa mache nan chemen a pèp sa a, epi te di: <sup>12</sup> “Ou pa dwe di: ‘Se yon konplo!’ Selon tout sa ke pèp sa a rele ‘konplo’ a, e ✧ ou pa pou pè sa ke yo menm pè a, ni etone pa li. <sup>13</sup> Se SENYÈ dèzame yo ✧ ke ou ta dwe gade kon sen. Epi Li va vin lakrent ou e se li k ap fè w etone. <sup>14</sup> Epi Li va devni yon sanktiyè; men pou toulède kay Israèl yo, yon ✧ wòch pou fè nou bite, yon zatrap ak yon pèlen pou sila ki rete Jérusalem yo. <sup>15</sup> Se anpil moun ✧ k ap bite sou yo, yo va tonbe e yo va kraze nèt; yo menm va pran nan pyèj e vin kenbe nèt.”

<sup>16</sup> Mare temwayaj la; sele lalwa pami ✧ disip mwen yo. <sup>17</sup> Epi mwen va ✧ tann SENYÈ a ki kache figi Li kont kay Jacob la; mwen va menm chache Li ak enpasyans. <sup>18</sup> Gade byen, mwen menm ak pitit ke SENYÈ a te ban

✧ 7:20 II Wa 18:13-16 ✧ 7:21 És 14:30 ✧ 7:22 És 8:15 ✧ 7:23 És 5:10 ✧ 7:25 És 5:17  
 ✧ 8:1 És 8:3 ✧ 8:2 II Wa 16:10-16 ✧ 8:6 És 1:20 ✧ 8:7 Am 8:8 ✧ 8:8 És 30:28 ✧ 8:9  
 Dan 2:34-35 ✧ 8:10 Job 5:12 ✧ 8:11 Esd 2:8 ✧ 8:12 I Pi 3:14-15 ✧ 8:13 Nonb 20:12 ✧ 8:14  
 Luc 2:34 ✧ 8:15 És 28:13 ✧ 8:16 Dan 12:4 ✧ 8:17 És 25:9

mwen yo se pou ✧ sign ak mèvèy an Israël ki sòti depi nan SENYÈ dèzame yo, ki demere sou Mòn Sion.

<sup>19</sup> Lè yo di nou: “Konsilte sila ki konn pale ak mò yo ak divinò ki yo menm pale ak ti souf e bougonnen, ‘Èske yon pèp pa ta dwe konsilte Bondye pa yo? Èske yo ta dwe konsilte mò yo pou sila ki vivan yo?’ <sup>20</sup> Selon lalwa ak temwayaj la! Si yo pa pale selon pawòl sa a, se akòz ke ✧ yo pa gen granmaten k ap vini. <sup>21</sup> Yo va pase nan peyi a, ✧ plen gwo pwoblèm ak grangou nèt, li va vin rive ke lè yo grangou, y ap vin anraje e modi wa yo ak Bondye pandan y ap gade anlè. <sup>22</sup> Epi y ap gade vè latè, gade byen, gwo twoub ak fènwa, dezolasyon ak gwo lapèn; epi yo va ✧ chase ale nan tenèb.

## 9

<sup>1</sup> Men nanpwen tristès ankò pou sila ki te nan gwo lapèn nan; nan tan pase yo, Li te trete ✧peyi Zabulon ak peyi Nephthali tankou sa ki pa t gen valè; men pi lwen, Li va bay li glwa, pa lòtbò rivyè Jourdain an, Galilée a pèp etranje yo.

<sup>2</sup> ✧ Pèp ki mache nan tenèb la va wè yon gwo limyè; sila ki rete nan yon peyi tenèb yo, limyè va fonse briye sou yo;

<sup>3</sup> ✧ Ou va fè pèp la grandi anpil; Ou ogmante kè kontan yo.

Yo kontan prezans Ou. Menm jan moun yo gen kè kontan an nan rekòlt la lè y ap divize piyaj la. <sup>4</sup> Paske Ou va kraze fado ki peze sou do yo a ak baton sou zepòl yo; baton a ✧sila ki oprime yo, tankou nan batay Madian an. <sup>5</sup> Paske tout bòt a gèrye ak bòt la nan gwo batay la ak manto ki woule nan san va sèvi pou brile, yon lwil pou dife a. <sup>6</sup> Paske yon pitit va ne a nou menm, yon fis va bay a nou menm; epi ✧gouvènman an va rete sou zepòl Li; epi non Li va rele Konseye Mèvèye, Bondye Pwisan an, Papa Etènèl la, Prens Lapè a. <sup>7</sup> ✧ P ap gen fen nan gouvènman Li an ni p ap manke gen lapè sou twòn David la ak sou wayòm li an, pou etabli li e soutni li ak jistis avèk ladwati soti nan moman sa a jis rive pou tout tan. Zèl a SENYÈ dèzame yo va akonpli li.

<sup>8</sup> SENYÈ a voye yon mesaj kont Jacob e li tonbe sou Israël.

<sup>9</sup> Epi tout pèp la va konnen sa;

✧ Éphraïm ak moun ki rete Samarie yo, k ap pale ak awogans e ak ògèy nan kè yo:

<sup>10</sup> ✧ “Brik yo fin tonbe, men nou va rebati ak wòch ki swa; bwa sikomò yo fin koupe, men nou va ranplase yo ak bwa sèd.”

<sup>11</sup> Akòz sa, SENYÈ a fè leve kont yo advèsè ki sòti ✧ Retsin yo e chofe ènmi yo,

<sup>12</sup> Siryen lès yo ak ✧ Filisten lwès yo; epi yo va devore Israël ak machwè ki ouvri. Malgre sa, kòlè Li p ap detounen

e men L va toujou lonje.

<sup>13</sup> Sepandan, pèp la ✧ ap vire retounen  
kote Sila ki te frape yo a,  
ni yo pa chache SENYÈ dèzame yo.

<sup>14</sup> Konsa, SENYÈ a va koupe retire ni ✧ tèt ni ke soti Israèl,  
ni branch palmis ak wozo nan yon sèl jou.

<sup>15</sup> Tèt la se ✧ ansyen ki byen respekte a  
e ke a se pwofèt ki ansegne manti a.

<sup>16</sup> paske sila k ap gide pèp sa yo, egare yo.

Epi sila ki gide pa yo ap mennen yo antre nan gwo konfizyon.

<sup>17</sup> Akoz sa, SENYÈ a pa pran plezi nan jennonm yo,  
ni Li pa fè pitye pou òfelen yo, ni pou vèv yo;  
paske yo tout se malfektè ki san Bondye  
e ✧bouch yo tout ap pale nan foli.  
Malgre tout sa, kòlè Li pa detounen  
e men L toujou lonje.

<sup>18</sup> ✧ Paske mechanste brile tankou dife;  
li manje ni pikan ni raje.

Menm gwo rak bwa forè, li fè pran flanm  
e yo woule monte kon yon gwo kolòn lafimen.

<sup>19</sup> Se gwo kòlè a SENYÈ dèzame yo ki brile peyi a  
e se pèp la ki se lwil pou dife a;

✧nanpwen moun ki eseye sove frè l.

<sup>20</sup> Yo retire sa ki sou men dwat la, men yo rete grangou;  
yo manje sa ki sou men goch la, men yo pa satisfè;  
yo chak manje ✧ chè a pwòp bra yo.

<sup>21</sup> Manassé devore Éphraïm, Éphraïm devore Manasse  
e ansanm, yo kont Juda.

✧ Malgre tout sa, kòlè Li pa detounen  
e men Li toujou lonje.

## 10

<sup>1</sup> Malè a sila ki ✧ fè règleman lajistis ki pa dwat yo ak sila k ap anrejistre  
desizyon ki pa jis yo, <sup>2</sup> Pou rache lajistis nan men a endijan yo, vòlè dwa a  
moun malere yo, pou vèv ka sèvi kon piyaj pou yo e ✧pou yo ka piyaje  
òfelen yo. <sup>3</sup> Alò, se kisa nou va fè nan ✧jou pinisyon an ak nan jou  
destriksyon ki va sòti byen lwen an? A kilès nou va kouri rive pou jwenn  
sekou? Epi se ki kote nou va lèse richès ak byen nou? <sup>4</sup> Anyen pa rete  
men akwoupi pami kaptif yo oswa tonbe pami sila ki touye yo. ✧Malgre  
sa, kòlè Li pa detounen e men L toujou lonje. <sup>5</sup> Malè a ✧ Assyrie, baton kòlè  
Mwen an e zouti pou kòlè Mwen an. <sup>6</sup> Mwen voye li kont yon nasyon ki  
san Bondye e Mwen bay li komisyon kont pèp k ap resevwa kòlè Mwen an,  
pou kaptire piyaj yo, sezi byen yo e pou foule yo anba tankou ✧labou nan  
lari. <sup>7</sup> Men ✧ se pa sa ki entansyon an; ni plan an pa konsa nan kè l, men  
pito bi a se pou detwi e koupe retire nèt pami anpil nasyon. <sup>8</sup> Paske li di:

✧ **9:13** Jr 5:3 ✧ **9:14** És 19:15 ✧ **9:15** És 3:2-3 ✧ **9:17** Mat 12:34 ✧ **9:18** Sòm 83:14  
✧ **9:19** Mi 7:2-6 ✧ **9:20** És 49:26 ✧ **9:21** És 5:25 ✧ **10:1** Sòm 94:20 ✧ **10:2** És 1:23  
✧ **10:3** És 13:6 ✧ **10:4** És 5:25 ✧ **10:5** Jr 51:20 ✧ **10:6** És 5:25 ✧ **10:7** Jen 50:20

“Èske tout prens mwen yo pa wa yo? <sup>9</sup> Èske Calno pa tankou ✧Carkemisch, oswa Hamath pa tankou Arpad? Ni Samarie pa tankou Damas? <sup>10</sup> Menm tankou men m te rive kote ✧ wayòm a zidòl yo, ki te gen imaj taye pi gran pase sila Jérusalem ak Samarie yo, <sup>11</sup> Èske mwen p ap fè a Jérusalem ak imaj pa li yo menm jan ke m te fè a Samarie ak ✧ zidòl pa li yo?” <sup>12</sup> Se konsa li va rive ke lè Senyè a fin akonpli tout travay Li yo sou Mòn Sion ak sou Jérusalem, Li va di: “Mwen va pini fwi a kè ògèy a wa Assyrie a ak gwochè awogans li. <sup>13</sup> Paske li te di: “Ak pouvwa men m ak sajès mwen, mwen te fè sa a, paske mwen gen konprann; epi mwen te ✧ retire bòn a tout pèp la, mwen te piyaje tout byen yo e tankou yon nonm pwisan, mwen te ranvèse abitan yo. <sup>14</sup> Epi men m te lonje desann jis li rive nan richès a pèp la kon yon ✧ nich e tankou yon moun ta ranmase ze ki abandone, se konsa mwen te ranmase tout latè; epi pa t gen youn nan yo ki te bat zèl li, oswa te ouvri bèk li, ni ki te kriye.” <sup>15</sup> Èske rach la fèt pou ✧ vin ògeye sou sila ki koupe avè l la? Èske si konn egzalte tèt li sou sila ki manevre l la? Sa ta sanble ak yon baton ki voye sila ki leve l la, oswa tankou yon baton ki leve sa ki pa fèt ak bwa a. <sup>16</sup> Pou sa, Senyè a, BONDYE dèzame yo, va voye yon ✧ maladi deperi moun nèt pami gèrye vanyan li yo; epi anba ògèy li, va rasanble yon dife tankou yon flanm k ap brile. <sup>17</sup> Epi limyè Israèl la va devni yon dife; ✧ Sila ki Sen an, yon flanm. Li va brile yo e devore pikan li yo ak raje li yo nan yon sèl jou. <sup>18</sup> Epi Li va ✧ detwi glwa a forè ak jaden plen ak fwi li yo, ni nanm, ni kò; epi sa va tankou lè yon nonm malad vin deperi nèt e deseche nèt. <sup>19</sup> Epi ✧ rès bwa ki rete nan forè li yo, va vin tèlman piti an kantite, ke yon timoun ta ka konte yo. <sup>20</sup> Alò nan jou sa a, retay Israèl la ak sila lakay Jacob ki te chape yo p ap janm depann de sila ki te frape yo; men va anverite ✧ depann de SENYÈ a, Sila ki sen an Israèl la. <sup>21</sup> Yon retay va retounen, retay a Jacob la, retounen kote Bondye pwisan an. <sup>22</sup> Paske malgre pèp ou a, O Israèl, kapab tankou sab lanmè, sèlman yon retay ladann va retounen; yon ✧ destriksyon, debòde ak ladwati, fèt pou rive. <sup>23</sup> Paske yon destriksyon konplè, ki dekrete deja, ✧ SENYÈ dèzame yo va egzèkite li nan mitan tout peyi a. <sup>24</sup> Pou sa, konsa pale Senyè BONDYE dèzame yo: “O pèp Mwen an, ki rete Sion an, pa pè Assyrie ki ✧ frape nou ak baton an e ki leve baton l kont nou kon Ejiptyen yo te konn fè a. <sup>25</sup> Paske nan ✧ yon tan byen kout, kòlè Mwen kont nou va fin pase, e kòlè Mwen va dirije vè destriksyon pa yo. <sup>26</sup> SENYÈ dèzame yo va leve yon gwo fwèt kont li tankou masak a Madian nan wòch Oreb la; epi baton Li va lonje sou lanmè a e Li va leve li wo ✧ jan Li te konn fè an Égypte la. <sup>27</sup> Konsa li va ye nan jou sa a, ke ✧ chaj Li va leve soti sou do nou, jouk Li sou kou nou e jouk la va kraze akòz anpil grès. <sup>28</sup> Li te vini kont Ajjath, li te pase nan Migron; nan Micmasch, li te depoze ✧ bagaj li. <sup>29</sup> Yo te pase nan lakoup lan epi te di: ✧ “Nan Guéba, nou va fè plas pou nou rete.” Rama nan laperèz nèt e Guibeà a Saul la sove ale nèt. <sup>30</sup> Kriye fò ak vwa ou, ✧ fi a Gallim nan! Fè atansyon, Laïs ak malere Anathoth! <sup>31</sup> Madména fin sove ale. Abitan Guébim yo fin chache sekou. <sup>32</sup> Men jodi a, li va rete Nob; ✧ li souke ponyèt li vè mòn a fi a Sion an, kolin a Jérusalem nan.

✧ **10:9** II Kwo 35:20 ✧ **10:10** II Wa 19:17-18 ✧ **10:11** És 2:8 ✧ **10:13** Ag 2:6-11 ✧ **10:14** Jr 49:16 ✧ **10:15** És 29:16 ✧ **10:16** Sòm 106:15 ✧ **10:17** És 37:23 ✧ **10:18** És 10:33-34 ✧ **10:19** És 21:17 ✧ **10:20** II Kwo 14:11 ✧ **10:22** És 28:22 ✧ **10:23** És 28:22 ✧ **10:24** Egz 5:14-16 ✧ **10:25** És 17:4 ✧ **10:26** Egz 14:27 ✧ **10:27** És 9:4 ✧ **10:28** Jij 18:21 ✧ **10:29** Jos 21:17 ✧ **10:30** I Sam 25:44 ✧ **10:32** És 19:16



<sup>33</sup> Gade byen, SENYÈ a, BONDYE dèzame yo va koupe tout branch yo ak yon gran bri; Sa osi ki gen ✧gran tay va koupe nèt e sila a gran wotè yo va vin bese nèt. <sup>34</sup> Li va koupe nèt gwo rakbwa a forè a ak yon rach ki fèt an fè e Liban va tonbe akòz Toupwisan an.

## 11

<sup>1</sup> Yon boujon va vòltije soti nan chouk Jessé a e yon ✧branch ki sòti nan rasin li, va bay anpil fwi.

<sup>2</sup> ✧Lespri SENYÈ a va poze sou Li, lespri a sajès ak bon konprann, lespri a konsèy ak pwisans lan, lespri a konesans ak lakrent SENYÈ a.

<sup>3</sup> Li va pran plezi nan lakrent SENYÈ a e Li p ap jije selon sa ke zye l ✧wè, ni fè yon desizyon pa sa ke zòrèy li tande;

<sup>4</sup> Men ak ✧ladwati, Li va jije malere yo e pran desizyon ak jistis pou aflije sou latè yo. Li va frape tè a ak baton a bouch Li e avèk souf a lèy Li, Li va detwi mechan yo.

<sup>5</sup> Anplis, ladwati va sentiwon ki antoure ren Li e fidelite va sentiwon ki pase nan senti Li a.

<sup>6</sup> ✧Lou a va demere ak jèn mouton an, leyopa va kouche ak jèn kabrit la, jèn bèf la ak jèn lyon an ansanm ak bèf gra a; epi yon tigason va mennen yo.

<sup>7</sup> Anplis, vach la ak lous la va manje zèb nan patiraj la; pitit pa yo va kouche ansanm e lyon an va manje zèb tankou bèf la.

<sup>8</sup> Pitit k ap tete, va jwe bò twou koulèv anpwazone a, e pitit sevre a va mete men l sou kav a vipè a.

<sup>9</sup> Yo p ap donmaje ni detwi nan tout mòn sen Mwen an, paske latè va ranpli ak konesans SENYÈ a, tankou dlo kouvri lanmè a.

<sup>10</sup> Nan jou sa a, ✧nasyon yo va retounen vè rasin a Jessé a, ki va kanpe tankou yon sinyal pou pèp la. Epi plas repo Li a va ranpli ak laglwa.

<sup>11</sup> Li va vin rive nan jou sa a ke SENYÈ a va ranmase yon dezyem fwa ak men Li, retay a pèp Li a ki rete soti Assyrie ✧Égypte, Pathros, Cush, Elam Schinear, ak Hamath ak devan lil lanmè yo. <sup>12</sup> Epi Li va leve yon drapo pou nasyon yo, ✧rasanble egzile Israèl yo e Li va rasanble dispèse Juda ki soti nan kat kwen latè yo. <sup>13</sup> Epi ✧jalouzi a Éphraïm va sòti e sila ki twouble Juda yo va koupe retire nèt; Éphraïm p ap jalou a Juda e Juda p ap twouble Éphraïm. <sup>14</sup> Yo va ✧desann sou pant a Filisten yo vè lwès; ansanm yo va piyaje fis a lès yo; yo va posede Edom ak Moab e fis a Ammon yo va vin soumèt a yo menm. <sup>15</sup> Epi SENYÈ a va detwi lang lanmè Égypte la nèt; Li va pase men L sou ✧rivyè a ak van cho a e Li va li frape an sèt flèy e fè moun kapab travèse li pye sèk. <sup>16</sup> Epi va gen yon gran wout k ap sòti depi

✧ **10:33** És 37:24-38 ✧ **11:1** Rev 5:5 ✧ **11:2** És 42:1 ✧ **11:3** Jn 2:25 ✧ **11:4** És 9:7 ✧ **11:6** És 65:25 ✧ **11:10** Luc 2:32 ✧ **11:11** És 19:21-22 ✧ **11:12** És 56:8 ✧ **11:13** És 9:21 ✧ **11:14** Jr 48:40 ✧ **11:15** És 7:20

Assyrie pou retay a pèp Sila ki rete a, menm jan te genyen pou Israël ✧nan jou ke yo te monte kite peyi Egypte la.

## 12

<sup>1</sup> Epi nou va di nan jou sa a: “Mwen va bay remèsiman a Ou menm, O SENYÈ; paske ✧malgre ou te fache avèk mwen, kòlè Ou vin detounen e Ou fè m twouve rekonfò. <sup>2</sup> Gade byen, Bondye se delivrans mwen, mwen va ✧fè Li konfyans e mwen pa pè; paske SENYÈ BONDYE a se fòs mwen ak chan mwen e se Sila ki te vin sove mwen an. <sup>3</sup> Akoz sa, plen ak jwa, nou va ✧rale dlo nan sous sali yo. <sup>4</sup> Epi nan jou sa a, nou va di: “Bay remèsiman a SENYÈ a, rele non Li. ✧Fè konnen zèv Li yo pami pèp latè yo; fè yo sonje ke non Li egzalte.” <sup>5</sup> ✧Louwe SENYÈ a ak chanson yo, paske Li te fè gwo bagay; kite sa konnen sou tout latè. <sup>6</sup> Fè kri anlè e rele ak jwa, O! nou menm ki rete Sion, paske ✧gran nan mitan nou se Sila Ki Sen an Israël la.

## 13

<sup>1</sup> Pwofesi konsènan ✧Babylon ke Ésaïe, fis a Amots la, te wè a. <sup>2</sup> Leve yon drapo sou ✧mòn toutouni an; leve vwa nou vè yo. Fè sign ak men pou yo ka antre nan pòt a prens yo. <sup>3</sup> Mwen te pase lòd anvè konsakre Mwen yo; menm ✧gran gèrye Mwen yo, Mwen te rele; sila ki rejwi nan pwisans Mwen yo, pou egzekite kòlè Mwen. <sup>4</sup> Yon ✧bri a gwo zen sou mòn yo, tankou bri a anpil moun! Yon son a gwo bri nan wayòm yo; son a nasyon yo ki vin rasanble ansanm! SENYÈ dèzame yo ap rasanble lame a pou batay. <sup>5</sup> Yo sòti nan yon peyi byen lwen, soti nan ekstrimite pi lwen yo, SENYÈ a avèk zouti a gwo kòlè yo, pou ✧detwi tout peyi a. <sup>6</sup> Rele anmwey, paske ✧jou a SENYÈ a toupre! Li va rive tankou yon destriksyon k ap sòti nan Toupwisan an. <sup>7</sup> Akoz sa, tout men yo va tonbe san fòs e ✧kè a tout moun va fann. <sup>8</sup> Y ap vin pè anpil; doule ak gwo lapèn va sezi yo nèt. Yo va ✧vire tòde tankou fanm k ap akouche; youn va gade lòt ak sezisman figi yo k ap fè flanm dife. <sup>9</sup> Gade byen, ✧jou a SENYÈ a ap vini, byen sovaj ak gwo kòlè tèrib e kòlè k ap brile pou fè peyi a dezole; epi Li va ekstèmine pechè ki sou li yo. <sup>10</sup> Paske zetwal syèl yo ak fòmasyon yo p ap bay limyé yo; ✧solèy la va nwa lè l leve e lalin nan p ap bay limyé li. <sup>11</sup> Konsa Mwen va pini mond lan pou mechanste li e ✧mechan yo pou inikite yo; Mwen va mete fen ak awogans moun ogèye e desann awogans a sila ki san pitye a. <sup>12</sup> Mwen va fè lòm mòtèl la vin ✧pi rà pase lò san tach e limanite ke lò Ophir. <sup>13</sup> Pou sa, Mwen va fè syèl yo tranble e latè va fin souke jiskaske li kite plas li nan kòlè a SENYÈ dèzame yo nan ✧jou kòlè Li k ap anflame a. <sup>14</sup> Epi li va rive ke menm tankou yon antilop k ap chase, oswa ✧mouton san moun pou rasanble yo, yo chak va vire vè pwòp pèp li, e yo chak va sove ale rive nan pwòp peyi li. <sup>15</sup> Nenpòt moun yo rankontre, va ✧frennen touye nèt e nenpòt moun ke yo kaptire, va mouri pa nepe. <sup>16</sup> ✧Timoun piti pa yo, anplis, va kraze an mòso devan zye yo; lakay yo va piyaje e madanm yo va vyole.

✧ 11:16 Egz 14:26-29 ✧ 12:1 Sòm 30:5 ✧ 12:2 És 26:3 ✧ 12:3 Jn 4:10 ✧ 12:4 Sòm 145:4  
 ✧ 12:5 Egz 15:1 ✧ 12:6 És 1:24 ✧ 13:1 És 47:1-15 ✧ 13:2 Jr 51:25 ✧ 13:3 Jl 3:11 ✧ 13:4 És 5:30 ✧ 13:5 És 24:1 ✧ 13:6 És 2:12 ✧ 13:7 És 19:1 ✧ 13:8 És 26:17 ✧ 13:9 És 13:6  
 ✧ 13:10 És 24:23 ✧ 13:11 És 3:11 ✧ 13:12 És 4:1 ✧ 13:13 Lam 1:12 ✧ 13:14 I Wa 22:17  
 ✧ 13:15 És 14:9 ✧ 13:16 Sòm 137:8-9

<sup>17</sup> Gade byen, Mwen va fè Mèdes ✧leve kont yo, kont sila ki p ap bay ajan valè yo, ni pran plezi nan lò yo. <sup>18</sup> Epi banza yo va koupe jennonm yo tankou zèb; yo p ap menm gen konpasyon pou fwi a zantray la, ni ✧zye yo p ap fè pitye pou timoun. <sup>19</sup> Epi Babylon ✧bèlte a wayòm yo, glwa ak ògèy a Kaldeyen yo, va tankou lè ke Bondye te boulvèse Sodome ak Gomorrhe a. <sup>20</sup> Li ✧p ap janm abite ni pèsòn p ap viv ladann soti nan yon jenerasyon a yon lòt; ni Arab la p ap monte tant li la, ni bèje yo fè twoupo yo kouche la. <sup>21</sup> Men se ✧bèt sovaj dezè ki va kouche la e lakay yo va plen koukou; anplis, otrich va viv la e kabrit mawon k ap vòltije la. <sup>22</sup> Chat mawon va plenyen nan fò ki wo yo e chen sovaj yo nan bèl ✧palè yo. Move lè pa li a va rive ase vit e jou li yo p ap pwolonje.

## 14

<sup>1</sup> Lè SENYÈ a va ankò gen konpasyon sou Jacob, chwazi Israèl ankò e fè yo rete nan pwop peyi yo, etranje yo va vin jwenn ak yo e atache yo menm a kay Jacob la. <sup>2</sup> Yo va mennen yo fè yo vini nan plas yo e lakay Israèl va posede yo kon yon eritaj nan peyi SENYÈ a, kon sèvant ak sèvitè. Konsa, yo va pran sila ki te pran yo kaptif yo, yo va kaptire yo e vin mèt sou sila ki te oprime yo.

<sup>3</sup> Epi li va rive nan jou lè SENYÈ a ✧ba ou repo sou doulè ou, twoub ou ak redi di nan sila ou te vin esklav la, <sup>4</sup> Ke ou va ✧pran chante sa a kont wa Babylon nan epi di: “Gade kijan opresè a vin sispann, gwo twoub la pa la ankò. <sup>5</sup> SENYÈ a fin kase baton a mechan an, baton a wa yo <sup>6</sup> ✧ki te konn frape pèp la ak gran kolè ak kou san rete, ki te soumèt nasyon yo ak gwo kòlè ak gwo pèsekisyon san fren. <sup>7</sup> Tout latè gen repo e rete kalm; yo ✧eklate ak chante kè kontan yo. <sup>8</sup> Menm ✧bwa pichpen yo rejwi sou ou e bwa sèd Liban yo ap di: “Paske ou te bese ou, pa gen moun ki koupe bwa k ap monte kont nou. <sup>9</sup> ✧Sejou mò yo depi anba, gen kè kontan sou ou, pou ka rankontre ou lè ou vini; li leve menm pou ou lespri mò yo, tout chèf sou tout latè yo; li fè leve tout wa a tout nasyon yo soti nan twòn yo. <sup>10</sup> ✧Yo tout va reponn epi di ou: ‘Ou menm, ou vin fèb tankou nou; ou vini tankou nou’. <sup>11</sup> Tout ✧gwo bagay fèt ou ak mizik a ap ou yo fin desann rive nan sejou mò yo; se vè ki fè kabann anba ou e se vè k ap kouvri ou.

<sup>12</sup> Kòman ou te tonbe soti nan syèl la, O ✧zetwal granmmaten an! Ou te koupe ra tè; ou menm ki te febli tout nasyon yo! <sup>13</sup> Men nan kè ou, ou te di: “Mwen va ✧monte jis rive nan syèl la; mwen va fè leve twòn mwen piwo zetwal Bondye yo e mwen va chita sou mòn asanble a nan fon nò yo. <sup>14</sup> Mwen va monte piwo nwaj yo; mwen va fè mwen menm tankou Pi Wo a.’ <sup>15</sup> Sepandan, ou ✧va pouse desann nan Sejou mò yo, kote fon a gwo fòs la ye a. <sup>16</sup> Sila ki wè ou va fikse zye sou ou, yo va reflechi sou ou epi di: ‘Èske se nonm sila a ki te fè tè a tranble a, ki te souke wayòm yo? <sup>17</sup> Ki te fè mond lan tankou yon dezè a, ki te boulvèse gwo vil li yo, ki te ✧refize kite prizonye li yo ale lakay yo? <sup>18</sup> Tout wa sou latè yo kouche nan glwa yo, yo chak nan pwòp tonbo pa yo. <sup>19</sup> Men ou menm, ou te jete deyò tonbo pa ou a, tankou yon branch rejte, abiye ak sila ki te touye yo, ki te pèse ak nepe yo, ki te desann kote wòch a fòs la tankou yon kadav ✧kraze foule

✧ 13:17 Jr 51:11 ✧ 13:18 Esd 9:5-10 ✧ 13:19 Dan 4:30 ✧ 13:20 És 14:23 ✧ 13:21 És 34:11-15 ✧ 13:22 És 25:2 ✧ 14:3 Esd 9:8-9 ✧ 14:4 Ag 2:6 ✧ 14:6 És 10:14 ✧ 14:7 Sòm 47:1-3 ✧ 14:8 És 55:12 ✧ 14:9 És 5:14 ✧ 14:10 Éz 32:21 ✧ 14:11 És 5:14 ✧ 14:12 II Pi 1:19 ✧ 14:13 Éz 28:2 ✧ 14:15 Éz 28:8 ✧ 14:17 És 45:13 ✧ 14:19 És 5:25

ak pye. <sup>20</sup> Ou p ap reyini ak yo nan antèman, akoz ou te detwi peyi ou a, ou te touye pèp ou a. Ke non ✨desandan a malfektè yo pa nonmen jis pou tout tan!

<sup>21</sup> Prepare pou fis li yo yon kote pou masak, akoz ✨inikite a papa yo. Yo pa dwe leve pran posesyon latè e ranpli sifas mond lan ak gwo vil.”

<sup>22</sup> “Mwen va leve kont yo”, deklare SENYÈ dèzame yo, “Epi va koupe retire yo nèt de non Babylone ak ak desandan yo ✨sila ki fèt ak sila ki gen pou vini yo,” deklare SENYÈ a. <sup>23</sup> “Anplis, M ap fè l tounen yon marekaj pou ✨kochon mawon yo e Mwen va bale li ak bale destriksyon an, deklare SENYÈ dèzame yo.

<sup>24</sup> SENYÈ dèzame yo fin sèman, epi te di: “Anverite, ✨jan ke Mwen te fè plan an, se konsa li te rive e jan ke M te planifye a, se konsa l ap kanpe; <sup>25</sup> Pou kraze Assyrie nan peyi Mwen an e Mwen va foule li sou mòn Mwen yo. Konsa ✨jouk li a va retire sou yo e gwo chaj li a va sòti sou zepòl yo. <sup>26</sup> Sa se ✨plan a ki te fòmè kont tout tè a; epi sa se men ki lonje kont tout nasyon yo. <sup>27</sup> Paske ✨SENYÈ dèzame yo te fè yon plan e se kilès ki ka anpeche l? Epi pou men lonje pa l la, se kilès ki ka fè l fè l fè bak? <sup>28</sup> Nan ✨ane Wa Achaz te mouri an, Pwofesi sa a te fèt:

<sup>29</sup> “Pa rejwi, O Peyi Filisten yo, nou tout, akoz baton ki te konn frape ou a fin kase; paske soti nan rasin a sèpan an, yon vipè va vin parèt e fwi li va yon ✨sèpan k ap vole. <sup>30</sup> Sila ki pa gen sekou menm yo, va manje byen e endijan an va kouche ansekirite; Mwen va detwi rasin pa ou ak ✨gwo grangou e l ap touye sila ki te chape yo.

<sup>31</sup> Rele anmwey, O pòtay la; kriye fò, O Gran Vil la; fann nèt, O Filisten yo, nou tout; paske lafimen ap sòti nan ✨nò e nanpwen moun k ap fè reta nan ran sòlda li yo.

<sup>32</sup> Alò, kòman yon moun ka reponn ✨mesaje a nasyon yo? Ke se SENYÈ a ki te etabli Sion e aflije a pèp Li yo va chache sekou nan li.”

## 15

<sup>1</sup> Pwofesi konsènan Moab la.

Anverite nan yon sèl nwit, ✨Ar-Moab fin devaste e detwi nèt; anverite, Kir-Moab fin devaste e detwi nèt. <sup>2</sup> Yo fin monte nan tanp lan ak ✨Dibon, menm kote wo plas yo pou kriye. Moab rele anmwey sou Nebo ak Médeba; razwa fin pase sou tèt a tout moun e tout bab fin koupe. <sup>3</sup> Nan lari yo, yo fin abiye ak ✨twal sak; sou twati lakay yo e sou gwo plas yo, tout moun ap rele anmwey e vin fann nèt akoz dlo ki sòti nan zye yo. <sup>4</sup> Anplis, ✨Hesbon ak Élealé rele anmwey; vwa yo konn tande jis rive Jahats; akoz sa, tout mesye ak zam yo kriye fò; nanm li tranble anndan l. <sup>5</sup> Kè m kriye fò pou Moab; sila ki sove ale rive jis Tsoar yo, jis Églath-Schelischija yo, paske y ap monte pant Luchith la pandan y ap kriye nèt; anverite, menm sou wout pou rive Choronaïm nan, y ap leve yon kri anmwey ✨pou destriksyon yo. <sup>6</sup> Paske dlo a Nimrin yo abandone. Anverite, zèb la fennen nèt e gen boujon gazon ki mouri; ✨pa gen anyen ki vèt. <sup>7</sup> Pou sa, ✨gwo kantite byen ke yo vin genyen pou mete nan depo, yo pote yo ale sou flèv dlo Arabim nan. <sup>8</sup> Paske kri anmwey la fin kouri ale antoure peyi Moab la; plenyen li an

✨ 14:20 Job 18:16-19 ✨ 14:21 Egz 20:5 ✨ 14:22 Job 18:19 ✨ 14:23 És 34:11 ✨ 14:24 Job 23:13 ✨ 14:25 És 9:4 ✨ 14:26 És 23:9 ✨ 14:27 II Kwo 20:6 ✨ 14:28 II Wa 16:20 ✨ 14:29 És 30:6 ✨ 14:30 És 8:21 ✨ 14:31 Jr 1:14 ✨ 14:32 És 37:9 ✨ 15:1 Nonb 21:28 ✨ 15:2 Jr 48:18-22 ✨ 15:3 Jon 3:6-8 ✨ 15:4 Nonb 21:28 ✨ 15:5 És 59:7 ✨ 15:6 Jl 1:10-12 ✨ 15:7 És 30:6

rive jis Egalim e lamantasyon li an jis Beer-Élim. <sup>9</sup> Paske dlo a Dimon yo plen ak san; anverite, Mwen va ogmante mizè sou Dimon; yon \*lyon ki sou sila yo k ap sove ale Moab yo ak sou retay yo nan peyi a.

## 16

<sup>1</sup> Voye mouton tribi a bay gouvènè peyi a, soti nan Sela pa wout dezè a, jis rive nan mòn a fi Sion an. <sup>2</sup> Epi tankou \*zwazo k ap sove ale, oswa ki gaye sòti nan nich yo, fi a Moab yo va parèt kote pou janbe Arnon an. <sup>3</sup> “Bannou konsèy, fè yon desizyon; voye lonbraj ou tankou lannwit nan gran lajounen; \*kache sila ki sanabri yo, pa trayi refijye a. <sup>4</sup> Kite refijye Moab yo rete avè w. Devni yon kote pou yo kache kont destriktè a.” Paske \*opresè yo fini e destriksyon an gen tan sispann; opresè a fin disparèt nèt nan peyi a. <sup>5</sup> Yon twòn va etabli menm nan lanmou dous e yon jij va chita ak fidelite sou li nan tant a \*David la; anplis, li va chache jistis e va fè vit pou etabli ladwati.

<sup>6</sup> \*Nou konn tande afè ògèy Moab la, yon ògèy ki depase; afè awogans li an, ògèy li a, ak gwo kòlè li a; pawòl anpil ògèy li a se fo. <sup>7</sup> Pou sa, Moab va rele anmwey; tout sila nan Moab yo va plenyen anlè. Ou va plenyen pou \*gato rezen a Kir-Harésèth kon sila konplètman frape yo. <sup>8</sup> Paske chan a Hesbon yo te fennen, ansanm ak chan rezen a \*Sibma yo; mèt nasyon yo te kraze gwo grap ki te pi chwazi li yo, ki te rive jis Jaezer e te lonje kote dezè yo. Lyann li yo te gaye nèt e te menm pase lòtbò lanmè a. <sup>9</sup> Pou sa, Mwen va \*kriye byen fò pou Jaezer, pou chan Sibma a; mwen va tranpe nou nèt ak dlo k ap sòti nan zye m, O! Hesbon ak Élealé pou kri sou fwi gran sezon nou yo ak rekòlt nou yo ki fin disparèt. <sup>10</sup> \*Kè kontan ak lajwa a retire nan chan fètil la; nan chan rezen yo tou, p ap genyen kri lajwa, ni gwo kri ak egzaltasyon, ni ouvriye k ap foule diven anba pye li nan peze yo; paske Mwen te fè kriye sa yo sispann. <sup>11</sup> Pou sa, \*kè mwen sone tankou ap pou Moab ak santiman anndan mwen pou Kir-Harésèth. <sup>12</sup> Konsa, li va rive ke lè Moab prezante tèt li, lè l fin fatige kò l sou \*wo plas li e rive nan sanktiyè li a pou fè lapriyè, li p ap reyisi.

<sup>13</sup> Se pawòl sa a ke SENYÈ a te pale avan sa sou Moab. <sup>14</sup> Men koulye a, SENYÈ a pale e di: “Avan twazan fin rive, jan yon \*anplwaye ta konte yo, glwa a Moab la va vin degrade ansanm ak tout gwo kantite pèp li a e retay la va vin piti e san fòs.”

## 17

<sup>1</sup> Pwofesi sou Damas.

“Gade byen, Damas prèt pou retire nèt kon vil e li va tonbe nèt an yon \*gwo pil mazi. <sup>2</sup> Vil a \*Aroër yo ap abandone nèt; y ap sèvi kon plas pou twoupo yo kouche e p ap gen pèsòn pou fè yo pè. <sup>3</sup> \*Vil fòtifye a va disparèt Éphraïm e wa Damas la ak retay Syrie; yo va tankou laglwa a fis Israèl yo, deklare SENYÈ dèzame yo.

<sup>4</sup> Alò, nan jou sa a, \*glwa Jacob la va febli nèt e grès chè li va vin megri. <sup>5</sup> Li va tankou lè sila k ap mwasone sereyal la kanpe; pandan bra li ap rekòlte tèt sereyal yo, oswa li tankou yon moun k ap ranmase tèt sereyal ki tonbe atè nan \*vale Rephaïm yo. <sup>6</sup> Sepandan, \*kèk nan mwason an va

\* 15:9 II Wa 17:25    \* 16:2 Pwov 27:8    \* 16:3 I Wa 18:4    \* 16:4 És 9:4    \* 16:5 És 9:7  
 \* 16:6 Jr 48:29    \* 16:7 I Kwo 16:3    \* 16:8 Nonb 32:38    \* 16:9 Jr 48:32    \* 16:10 És 24:8  
 \* 16:11 És 24:8    \* 16:12 És 15:2    \* 16:14 Job 7:1    \* 17:1 És 25:2    \* 17:2 Nonb 32:34  
 \* 17:3 És 7:8-16    \* 17:4 És 10:3    \* 17:5 II Sam 5:18-22    \* 17:6 Det 4:27

rete tankou lè yo rekòlte bwa doliv e jwenn de oswa twa grenn sou branch piwo a, kat oswa senk nan bwa ki donnen pi byen yo, deklare SENYÈ a, Bondye Israël la. <sup>7</sup> Nan jou sa a, lòm va \*gen respè pou Kreyatè li a e zye li va gade vè Sila Ki Sen An Israël la. <sup>8</sup> Li p ap gade vè lotèl yo, zèv a men li yo, ni li p ap okipe sa ke dwèt li te fè yo, menm \*Asherim yo ak lanp lansan yo. <sup>9</sup> Nan jou sa a, vil ranfòse yo va tankou kote abandone nan forè a, oswa tankou branch ke yo te abandone devan fis Israël yo; epi tè a va dezole. <sup>10</sup> Paske nou te bliye \*Bondye a sali nou an e nou pa t sonje wòch ki se sekou nou an. Pou sa, nou plante bèl plant e mete yo pami boujon chan a yon dye etranje. <sup>11</sup> Nan jou ke nou plante l la, nou fè bèl kloti pou li e nan \*maten, nou fè jèm nan rive fè flè; men rekòlt la va sove ale nan jou gwo maladi ak doule san rete a.

<sup>12</sup> Sepandan, gwo zen a anpil nasyon \*ki gwonde tankou anpil dlo yo e ki fè bri a anpil nasyon k ap kouri desann tankou gwo dlo pwisan! <sup>13</sup> \*Nasyon yo fè gwo bri desann tankou gwonde a anpil dlo, men Li va repwoche yo e yo va kouri rive byen lwen, yo va chase tankou pay sou mòn devan van, oswa toubiyon van an fè avan gwo tanpèt. <sup>14</sup> Nan aswè, gade gen gwo laperèz! Avan matin, yo \*disparèt nèt. Se konsa pòsyon a sila k ap ranmase byen nou yo e tiraj osò a sila ki piyaje nou yo.

## 18

<sup>1</sup> Elas! O peyi a zèl k ap fè gwo bri krikèt volan yo, ki rete lòtbò rivyè a \*Ethiopie yo. <sup>2</sup> Ki voye reprezantan yo bò lanmè a, menm sou veso fèt ak fèy papiris ki kouri sou sifas dlo. Ale, mesaje rapid yo, vè yon nasyon \*wo e swa, vè yon pèp ke tout moun pè, ni sa ki pre ni sa ki lwen, vè yon nasyon pwisan ki oprime tout moun, peyi ke rivyè yo divize a, <sup>3</sup> Nou tout, abitan mond lan ak sila ki rete sou latè yo, depi drapo a leve sou mòn yo, \*nou va wè l e depi twonpèt la sone, n ap tandè l.

<sup>4</sup> Paske se konsa SENYÈ a te pale mwèn: “Mwèn va gade soti nan \*kote ke M rete byen kalm la, tankou gwo chalè nan plen solèy, tankou yon nwaj lawouze nan chalè rekòlt la. <sup>5</sup> Paske \*avan rekòlt la, la menm boujon yo ak flè a devni rezen ki mi; alò, Li va koupe retire nan bwa rezen ak yon sèpèt e koupe retire branch k ap gaye yo. <sup>6</sup> Yo va lese ansanm pou \*zwazo mòn ki manje chè yo, pou bèt latè yo; epi zwazo ki manje chè yo va pase tout gran sezon an nan manje yo e tout bèt latè yo va paske sezon rekòlt la sou yo. <sup>7</sup> Nan lè sa a, yon kado omaj, ki sòti nan yon \*pèp wo e swa, va pote bay SENYÈ dèzame yo, soti menm nan yon pèp ki inspire lakrent a sila ki pre e sila ki lwen yo, yon nasyon pwisan ki oprime tout moun, peyi ke rivyè yo divize a— Pou rive nan plas ki pote non SENYÈ dèzame yo, menm Mòn Sion an.

## 19

<sup>1</sup> Pwofesi konsènan Égypte la.

Gade byen, SENYÈ a monte sou yon nwaj rapid e Li prèt pou rive sou Égypte. Zidòl a Égypte yo va tranble nan prezans Li e \*kè Ejipsyen yo va fann anndan yo. <sup>2</sup> Pou sa, Mwèn va eksite Ejipsyen vin kont Ejipsyen; yo \*chak va goumen kont frè pa yo e yo chak kont vwazen yo, vil kont vil

\* 17:7 És 10:20 \* 17:8 Egz 34:13 \* 17:10 Sòm 68:19 \* 17:11 Sòm 90:6 \* 17:12 És 5:30  
 \* 17:13 És 33:3 \* 17:14 II Wa 19:35 \* 18:1 II Wa 19:19 \* 18:2 És 18:7 \* 18:3 És 26:11  
 \* 18:4 És 26:21 \* 18:5 És 17:10-11 \* 18:6 És 46:11 \* 18:7 Sòm 68:31 \* 19:1 Jos 2:11  
 \* 19:2 Jij 7:22

e wayòm kont wayòm. <sup>3</sup> Epi lespri a Ejipsyen yo va vin twouble anndan yo; epi Mwen va boulvèse tout plan yo, jiskaske ✧yo va vire kote zidòl, fantom a mò yo, sila ki pale ak mò yo ak divinò yo. <sup>4</sup> Anplis, Mwen va delivre Ejipsyen yo nan men a yon ✧mèt mechan e yon gran wa pwisan va gouvène sou yo,” deklare Senyè BONDYE dèzame yo.

<sup>5</sup> ✧Dlo lanmè yo va vin sèch e rivyè a va vin sèch e san dlo. <sup>6</sup> Kanal yo va lage yon movèz odè e rivyè Égypte yo va vin sèch e san dlo; ✧wozo ak zèb dlo yo va rete pouri. <sup>7</sup> Gwo wozo a bò Rivyè ✧Nil la, arebò Nil la e tout chan ki simen akote Nil la va vin sèch, pote ale e p ap gen la ankò. <sup>8</sup> Epi ✧moun lapèch yo va plenyen, tout sila ki konn voye yon liy nan Nil la va lamante e sila ki ouvri fiè sou dlo yo va santi gwo pèt. <sup>9</sup> Anplis, sila k ap pwodwi twal len nan ki fèt ak len swa e bòs a ✧twal blan yo va tris nèt. <sup>10</sup> Epi ✧pilye a Égypte yo va kraze nèt; tout anplwaye yo vaofilje nan nanm yo.

<sup>11</sup> Prens a ✧Tsoan yo pa plis ke moun fou; konseye a Farawon yo vin bèt nèt. Kòman nou menm, mesye, nou ka di Farawon: “Mwen se fis a moun saj yo, fis a wa ansyen yo”? <sup>12</sup> Eh byen, kote moun saj ou yo? Souple, kite yo pale ak ou e kite yo konprann sa ke SENYÈ dèzame yo te ✧ planifye pou fè kont Égypte. <sup>13</sup> Prens a Tsoan yo te aji nan foli, prens a ✧Noph yo te byen tronpe; sila ki ta ang prensipal a pèp li a fin mennen Égypte nan wout egare. <sup>14</sup> SENYÈ a te mele nan li yon lespri ki fè l toudi; ✧yo mennen Égypte nan wout egare nan tout sa li fè, tankou moun sou k ap glise tonbe nan vomisman li. <sup>15</sup> P ap gen travay pou Égypte ✧ke tèt li, ke li, branch palmis li oswa wozo yo ka fè. <sup>16</sup> Nan jou sa a, Ejipsyen yo va vin tankou fanm e yo va tranble nan gwo laperèz akoz ✧pase men ke SENYÈ a ap fè pase sou yo. <sup>17</sup> Peyi Juda va devni yon gwo laperèz pou Égypte; tout moun ki tandè non li va gen gwo lakrent li, akoz volonte a SENYÈ dèzame yo ki poze kont yo. <sup>18</sup> Nan jou sa a, senk gwo vil peyi Égypte yo va pale langaj a Kanaraneyen yo e yo va ✧sèmante alyans ak SENYÈ dèzame yo; youn nan yo va rele Vil Destriksyon an.

<sup>19</sup> Nan jou sa a, va gen yon ✧lotèl a SENYÈ a nan mitan peyi Égypte la e yon pilye a SENYÈ a toupre fwontyè li a. <sup>20</sup> Li va vin fè yon sign ak yon temwen a SENYÈ dèzame yo nan peyi Égypte; paske yo va kriye a SENYÈ a akoz sila k ap oprime moun yo e Li va voye ba yo yon ✧Sovè, yon ewo e Li va delivre yo. <sup>21</sup> Konsa SENYÈ a va fè Égypte konnen Li e Ejipsyen yo va konnen SENYÈ a nan jou sa a. Yo va anplis adore Li avèk ✧sakrifis ak ofrann. Yo va fè yon ve a SENYÈ a, epi yo va akonpli li. <sup>22</sup> SENYÈ a va frape Égypte; frape, men ✧geri li; pou l ta tounen kote SENYÈ. Epi Li va reponn yo e geri yo.

<sup>23</sup> Nan jou sa a, va gen yon gran chemen soti an Égypte pou rive Assyrie e Asiryen yo va antre an Égypte, Ejipsyen yo an Assyrie; epi Ejipsyen ak Asiryen yo va ✧adore ansanm.

✧ 19:3 I Kwo 10:13 ✧ 19:4 És 20:4 ✧ 19:5 És 50:2 ✧ 19:6 Job 8:11 ✧ 19:7 És 23:3-10  
 ✧ 19:8 Éz 47:10 ✧ 19:9 Pwov 7:16 ✧ 19:10 Sòm 11:3 ✧ 19:11 Nonb 13:22 ✧ 19:12 És 14:24  
 ✧ 19:13 Jr 2:16 ✧ 19:14 És 3:12 ✧ 19:15 És 9:14-15 ✧ 19:16 És 11:15 ✧ 19:18 És 45:23  
 ✧ 19:19 És 56:7 ✧ 19:20 És 43:3 ✧ 19:21 És 56:7 ✧ 19:22 Det 32:39 ✧ 19:23 És 27:13

<sup>24</sup> Nan jou sa a, Israël va fè yon twazyèm ansanm ak Égypte ak Assyrie, yon gran benediksyon nan mitan mond lan, <sup>25</sup> Ke SENYÈ dèzame yo te beni e te di: “Beni se ✨Égypte, pèp Mwen an e Assyrie, zèv men Mwen an, ak Israël, eritaj Mwen an.”

## 20

<sup>1</sup> Nan ane ke kòmandan Asiryen an te vini ✨Asdod la, lè Sargon, wa Assyrie a, te voye li goumen kont Asdod la pou te pran li, <sup>2</sup> nan lè ke SENYÈ a te pale pa Ésaïe, fis a Amots la, epi te di: “Ale retire ✨twal sak la sou kwis ou e retire soulye nan pye ou.” Se konsa li te fè, epi li te ale toutouni epi pye a tè. <sup>3</sup> Epi SENYÈ a te di: “Menm jan tankou sèvitè Mwen an, Ésaïe, te ale toutouni e pye atè pandan twazan kon yon ✨sign nan e kon yon avètisman kont Égypte ak Éthiopie, <sup>4</sup> Konsa, wa a Assyrie va mennen fè sòti kaptif Ejiptyen yo ansanm ak egzile Éthiopie yo ✨jenn kon vye, toutouni e pye atè ak tout do yo dekouvri, pou fè Égypte vin wont. <sup>5</sup> Epi yo va vin dezole e wont akòz Éthiopie, espwa yo, e anplis ak Égypte, fyète yo a. <sup>6</sup> Pou sa, moun ki rete nan peyi bò lanmè sa a, va di nan jou sa a: ‘Gade byen, se konsa espwa nou vin rive; kote nou te kouri ale pou sekou, pou nou te ka delivre anba men wa a Assyrie a; epi nou menm, ✨se kòman nou va chape?’ ”

## 21

<sup>1</sup> Pwofesi konsènan dezè lanmè a.  
Kon tanpèt van nan dezè a kontinye ravaje, sa sòti nan dezè a, nan yon peyi k ap fè moun vin pè nèt. <sup>2</sup> Yon vizyon tèlman rèd te devwale devan m; ✨sila ki konn fè trèt la, fè trèt toujou e sila k ap detwi a, detwi toujou. Monte Élam, fè syèj, Médie; Mwen te fè sispann tout plenyen ke fi a te koze a. <sup>3</sup> Pou rezon sa a, ✨ren mwen plen doulè; gwo lapèn sezi mwen tankou doulè a fanm ansent. Mwen tèlman twouble ke m pa ka tandè, mwen tèlman pè ke m pa ka wè. <sup>4</sup> Panse mwen ap vire tounen; gwo efryans plen tèt mwen; ti limyè aswè a ke m te anvi wè a vin ✨chanje pou mwen an tranbleman. <sup>5</sup> Yo ✨prepare tab la, yo ouvri nap sou li, yo manje, yo bwè. Leve, o kapitèn yo, mete lwil sou boukliye yo,” <sup>6</sup> Paske konsa SENYÈ a pale avèk mwen: “Ale pozisyone gadyen an; kite li ✨bay rapò a sa li wè a. <sup>7</sup> Lè l wè sila ki ✨monte cheval yo, chevalye aliye pa de yo, yon lign bourik yo, yon lign chamo yo, kite li veye ak atansyon, veye byen pre.” <sup>8</sup> Epi gadyen an te rele: ✨“O SENYÈ, mwen kanpe tout tan san rete, jou apre jou sou fò gadyen an e chak nwit sou pòs gad la. <sup>9</sup> Koulye a, gade byen, men yon ekip moun monte, chevalye alinye pa de yo ap vin. Epi yon moun ap di: “Tonbe, tonbe Babylone; epi tout ✨imaj a dye li yo fin kraze atè.

<sup>10</sup> O ✨moun pa m ke yo fin bat nèt yo; aflije mwen yo k ap kouche sou glasi vannan an! Sa ke m te tandè soti nan SENYÈ dèzame yo, Bondye Israël la, mwen fè nou konnen. <sup>11</sup> Pwofesi konsènan Edom an.

Gen yon moun ki toujou ap rele m depi nan ✨Séir: “Gadyen, kijan nwit lan ap avanse? Gadyen, kijan nwit lan ap avanse? <sup>12</sup> Gadyen an reponn:

✨ 19:25 És 45:14 ✨ 20:1 I Sam 5:1 ✨ 20:2 Za 13:4 ✨ 20:3 És 8:18 ✨ 20:4 És 47:2-3  
✨ 20:6 Mat 23:33 ✨ 21:2 És 24:16 ✨ 21:3 És 13:8 ✨ 21:4 Det 28:67 ✨ 21:5 Jr 51:39-57  
✨ 21:6 II Wa 9:17-20 ✨ 21:7 És 21:9 ✨ 21:8 Ag 2:1 ✨ 21:9 És 46:1 ✨ 21:10 Jr 51:33  
✨ 21:11 Jen 32:3



“Maten an vin pwoche; men osi anplis, nwit lan. Si ou ta vle fè ankèt, fè ankèt. Retounen ankò.”

<sup>13</sup> Pwofesi konsènan Arabie a.

Fòk nou pase nwit lan nan rakbwa pikan Arabie yo, O karavàn a ✧Dedan yo. <sup>14</sup> Pote dlo pou moun swaf yo, O moun ki rete nan peyi ✧Théma yo; rankontre ak sila k ap sove ale ak pen an. <sup>15</sup> Paske yo te ✧sove ale chape devan nepe yo, devan nepe ki rale yo, banza ki koube a ak presyon batay la. <sup>16</sup> paske konsa SENYÈ a te di mwen: “Nan yon ane, jan yon anplwaye ta kab konte li a, tout grandè a ✧Kédar va fini; <sup>17</sup> Epi ✧retay a sòlda banza yo, mesye pwisan a fis a Kédar yo, va vin yon tikras; paske SENYÈ a, Bondye Israèl la, te pale.”

## 22

<sup>1</sup> Pwofesi konsènan vale a vizyon an.

Sa k pase nou koulye a, ke nou tout monte sou ✧twati kay yo? <sup>2</sup> Nou menm ki te plen ak gwo bri, nou menm vil plen ak zen; mò pa nou yo ✧pa t mouri akoz nepe, ni yo pa t mouri nan batay la. <sup>3</sup> ✧Tout chèf nou yo te kouri ale ansanm e te kaptire san sèvi ak banza yo; nou tout ke yo te twouve yo te kaptire ansanm, malgre yo te sove ale rive byen lwen. <sup>4</sup> Akoz sa, mwen di nou: “Tounen zye nou byen lwen m; kite mwen ✧kriye byen fò, pa eseye rekonfòte m pou destriksyon a fi a pèp mwen an.”

<sup>5</sup> paske Senyè BONDYE dèzame yo te fè yon jou panik ✧opresyon ak konfizyon nan vale vizyon an, miray ki kraze ak kriye nan mòn lan. <sup>6</sup> Elam te leve fouwo flèch yo, cha yo, sòlda sou pa yo ak chevalye yo; epi ✧Kir te dekouvri boukliye a. <sup>7</sup> Epi vale pi bèl nou yo te vin plen ak cha e chevalye yo te pran pozisyon yo nan pòtay la. <sup>8</sup> Epi li te retire defans Juda. Nan jou sa a, nou te depann de zam a ✧kay forè yo, <sup>9</sup> Epi nou te wè ke brèch nan miray vil a David yo te anpil; epi nou te ✧fè koleksyon dlo nan etan dlo pi ba a. <sup>10</sup> Konsa nou te konte kay Jérusalem e nou te detwi kay yo pou ranfòse miray la. <sup>11</sup> Epi nou te fè yon rezèvwa antre de miray yo pou dlo a ✧ansyen etan dlo a. Men nou pa t depann sou Li ki te fè l, ni ou pa t fè konsiderasyon de Li ki te fè plan an depi tan ansyen nan.

<sup>12</sup> Akoz sa, nan jou ke Senyè BONDYE dèzame yo te rele nou pou kriye ak gwo plenyen yo, pou ✧pase razwa nan tèt ak mete twal sak yo. <sup>13</sup> Men olye sa, nou fè gwo fèt ak kè kontan, touye bèf, kòche mouton, manje vyann ak bwè diven: ✧“Kite nou fè fèt; paske demen nou ka mouri.” <sup>14</sup> Men SENYÈ dèzame yo te revele Li menm a mwen menm: “Anverite, ✧nou p ap padone pou krim sa a jiskaske nou mouri”, pale Senyè BONDYE dèzame yo. <sup>15</sup> Se konsa, pale Senyè BONDYE dèzame yo: “Vini, ale kote jeran sila a, kote ✧Schebna ki se chèf an tèt anndan kay wa a. <sup>16</sup> ‘Ki dwa ou gen isit la e se kilès ou gen isit la ki fè w fouye yon tonm pou ou menm isit la, ou menm ki fouye yon tonm sou gran wotè a, ki fouye yon plas repo nan wòch la? <sup>17</sup> Gade byen, SENYÈ a prèt pou voye ou tèt devan, O! lòm. Li prèt pou sezi ou byen di, <sup>18</sup> Epi fè ou woule fè yon bòl pou jete nan yon gwo peyi. La, ou va mouri e la, bèl cha ou yo ap ye; Ou menm ki se wont pou lakay mèt

✧ 21:13 Jen 10:7 ✧ 21:14 Jen 25:15 ✧ 21:15 És 13:14-15 ✧ 21:16 Sòm 120:5 ✧ 21:17 És 10:19 ✧ 22:1 És 15:3 ✧ 22:2 Jr 14:18 ✧ 22:3 És 21:15 ✧ 22:4 És 15:3 ✧ 22:5 És 10:6 ✧ 22:6 II Wa 16:9 ✧ 22:8 I Wa 7:2 ✧ 22:9 II Wa 20:20 ✧ 22:11 II Wa 20:20 ✧ 22:12 Mi 1:16 ✧ 22:13 És 56:12 ✧ 22:14 I Sam 3:14 ✧ 22:15 II Wa 18:18-37

ou a. <sup>19</sup> M ap ✧retire ou nan pozisyon ou e m ap rale ou desann soti nan wo plas ou.

<sup>20</sup> Epi li va rive nan jou sa a ke Mwen va voye rele sèvitè Mwen an, ✧Éliakim, fis a Hilkija a, <sup>21</sup> Epi Mwen va abiye l ak vètman pa w e tache sentiwon pa w, byen tache sou li. Mwen va fè l konfyans pou l pran otorite pa w la e li va vin yon ✧papa a sila ki rete Jérusalem yo ak lakay Juda a. <sup>22</sup> Konsa, Mwen va mete ✧kle lakay David la sou zepòl li; lè l ouvri li, pèsòn p ap fèmen l e lè l fèmen l, pèsòn p ap ouvri li. <sup>23</sup> Mwen va kondwi li antre tankou yon ✧pikèt yon kote byen solid e li va devni yon twòn glwa pou lakay papa l. <sup>24</sup> Konsa, yo va kwoke sou li tout glwa lakay papa l, desandan ak sila k ap vini yo, tout veso pi piti yo, soti nan bòl, jis rive nan bokal. <sup>25</sup> “Nan jou sa a”, deklare SENYÈ dèzame yo: ✧“Pikèt ki kondwi antre yon kote solid la, va kase tonbe; epi chaj ki kwoke sou li a va koupe nèt; paske SENYÈ a te pale.”

## 23

<sup>1</sup> Pwofesi konsènan Tyr a.

Rele anmwey, O bato a ✧Tarsis yo, paske Tyr detwi e li vin rete san kay, ni pò; Rapò a rive kote yo soti nan peyi Chypre. <sup>2</sup> ✧Rete san pale, O moun ki rete nan peyi kot yo, komèsan a Sidon yo; mesaje ou yo te travèse lanmè a <sup>3</sup> epi te sou anpil dlo. Sereyal a ✧Nil la, rekòlt a Rivyè a te mwayen lavi li; epi se te li menm ki te mache pou nasyon yo. <sup>4</sup> Rete wont, ✧O Sidon; paske lanmè a pale, sitadèl lanmè a, di: “Mwen pa t gen doulè, ni fè pitit; mwen pa t leve jennonm, ni leve vyèj. <sup>5</sup> Lè rapò a rive an Égypte, y ap twouble anpil akòz rapò Tyr a. <sup>6</sup> Janbe rive ✧Tarsis; rele anmwey, O moun ki rete nan peyi kot yo. <sup>7</sup> Èske sa se gwo vil ✧kè kontan nou an, ki te bati soti antikite yo, pye a sila ki te konn pote li jis pou kolonize kote byen lwen yo?

<sup>8</sup> Kilès ki te fè plan sila a kont Tyr, ki te konn ✧bay tout kouwòn yo, komèsan a sila ki te prens yo, machannm a sila ki te gen onè sou tout latè yo? <sup>9</sup> SENYÈ dèzame yo te planifye sa, pou souye ògèy a tout bèlte sa a e imilye ✧tout gran sou latè yo. <sup>10</sup> Debòde peyi ou a tankou Rivyè Nil, O! fi a Tarsis; nanpwen anyen ki pou anpeche ou ankò. <sup>11</sup> Li fin lonje men l sou lanmè a, Li te fè wayòm yo tranble; SENYÈ a te pase lòd konsènan Canaan pou ✧detwi tout fò ranfòse yo. <sup>12</sup> Li fin di: “Ou p ap leve tèt ou wo ankò, O vyèj kraze Sidon nan! Leve, travèse ✧Chypre; menm la, ou p ap jwenn repo.”

<sup>13</sup> Gade byen, peyi a Kaldeyen yo—sa se pèp ki pa t egziste; Assyrie te dezigne l pou bèt dezè—yo te fè leve fò syèj yo, byen wo; yo te kraze palè li yo, yo te fè l vin yon pil mazi kraze. <sup>14</sup> Rele anmwey, O ✧bato a Tarsis yo, paske sitadèl ranfòse nou yo vin detwi. <sup>15</sup> Alò, nan jou sa a, Tyr va vin bliye pandan ✧swasann-dizan, tankou jou a yon sèl wa. Nan fen swasann-dizan yo, sa va vin rive Tyr tankou nan chanson a fanm pwostitiye a: <sup>16</sup> ‘Pran ap ou, mache nan vil la, O fanm pwostitiye ki fin bliye; rale kòd li yo ak ladrès, chante anpil chan pou yo ka sonje ou’. <sup>17</sup> Li va vin rive nan ✧fen swasann-dizan yo, ke SENYÈ a va vizite Tyr. Apre, li va retounen jwenn

✧ 22:19 Job 40:11-12 ✧ 22:20 II Wa 18:18 ✧ 22:21 Jen 45:8 ✧ 22:22 Rev 3:7 ✧ 22:23 Esd 9:8 ✧ 22:25 És 22:23 ✧ 23:1 Jen 10:4 ✧ 23:2 És 47:5 ✧ 23:3 Jos 13:3 ✧ 23:4 Jen 10:15-19 ✧ 23:6 És 23:1 ✧ 23:7 És 22:2 ✧ 23:8 Éz 28:2 ✧ 23:9 És 5:13 ✧ 23:11 És 25:2 ✧ 23:12 És 23:1 ✧ 23:14 És 2:16 ✧ 23:15 Jr 25:11-22 ✧ 23:17 És 23:15

salè pwostitiye li yo e li va fè pwostitiye ak tout wayòm sou tout fas latè yo. <sup>18</sup> Sa li reyalize ak salè pwostitiye a, li va \*mete li apa pou SENYÈ a; li p ap mete li nan depo, ni sere l nan depo; men sa li reyalize a va devni manje ase ak vètman byen chwazi pou sila ki demere nan prezans SENYÈ yo.

## 24

<sup>1</sup> Gade byen, SENYÈ a \*va devaste tout latè ak gwo destriksyon; boulvèse sifas li e gaye tout moun ki rete ladann. <sup>2</sup> Epi pèp la va menm jan ak prèt la, sèvitè a tankou mèt li, sèvant lan tankou mètrès li, sa k ap achte tankou sa k ap vann, sila k ap fè prè a tankou sila k ap prete a, \*sila ki resevwa kredi a tankou sila k ap bay kredi a. <sup>3</sup> Latè va devaste nèt e vin depouye, paske SENYÈ a te pale pawòl sa a. <sup>4</sup> \*Latè kriye ak doulè e vin fennen, sila ki egzalte sou moun sou latè yo vin disparèt. <sup>5</sup> Anplis, latè vin plen ak pouriti a moun k ap viv ladann, paske yo te transgrese lalwa yo, vyole règleman yo e te kraze akò letènèl la. <sup>6</sup> Akoz sa, yon \*malediksyon devore latè e sila ki rete ladann yo vin twouve koupab. Akoz sa, sila ki rete sou latè yo vin brile e se sèl kèk moun ki rete. <sup>7</sup> \*Diven nèf la tris, chan rezen an vin gate, tout kè kontan yo vin fè gwo plenyen. <sup>8</sup> \*Kè kontan a tanbouren yo vin rete, bri a moun k ap fete yo vin sispann. <sup>9</sup> Yo pa bwè diven ak chanson; bwason fò yo vin \*anmè pou sila ki bwè l yo. <sup>10</sup> Vil gwo dezòd la vin kraze nèt; \*tout kay vin fèmen pou pèsòn pa antre. <sup>11</sup> Gen gwo kriye nan lari a pou afè diven; \*tout kè kontan vire an gwo tristès. <sup>12</sup> Se dezolasyon ki rete nan vil la e \*pòtay la fin kraze nèt. <sup>13</sup> Paske se \*konsa l ap ye nan mitan latè a pami pèp yo; tankou lè bwa doliv souke fò, tankou sila ki ranmase apre rekòlt rezen an fin fèt yo. <sup>14</sup> \*Yo leve vwa yo, yo kriye ak kè kontan; yo kriye soti nan lwès akoz majeste a SENYÈ a. <sup>15</sup> Pou sa, bay glwa a SENYÈ a nan lès, non SENYÈ a, Bondye Israèl la, nan \*peyi kot lanmè yo. <sup>16</sup> Soti nan \*dènye pwent latè, nou tandè chan yo: “Glwa a Sila Ki Dwat la,” men mwèn di: “Malè a mwèn menm! Malè a mwèn menm! Elas pou mwèn! Moun trèt yo aji an trèt e moun trèt yo aji an trèt anpil. <sup>17</sup> \*Gwo laperèz, twou fòs ak pèlen vin devan nou, O! nou menm ki rete sou latè. <sup>18</sup> Epi li va rive ke sila ki sove ale lè l tandè gwo dega a va vin tonbe nan fòs la e sila ki rale kò l sòti nan fòs la va pran nan pèlen an; paske \*fenèt anlè yo vin louvri e fondasyon latè yo ap tranble. <sup>19</sup> Latè vin dechire, latè vin \*fann nèt, latè vin souke ak vyolans. <sup>20</sup> Latè woule de bò tankou moun ki anba gwòg, li pyete tankou vye kay pay; paske transgresyon yo peze lou sou li, li va tonbe nèt \*pou l pa janm leve ankò. <sup>21</sup> Li va rive nan jou sa a ke SENYÈ a va \*pini lame syèl anwo yo e wa latè sou latè yo. <sup>22</sup> Yo va ranmase ansanm tankou \*prizonnye nan yon kacho e yo va fèmen nan prizon; epi apre anpil jou, yo va pini. <sup>23</sup> Epi \*lalin nan va vin twouble e solèy la va vin wont, paske SENYÈ dèzame yo va renye sou Mòn Sion ak Jérusalem e laglwa Li va devan ansyen Li yo.

\* 23:18 Egz 28:36 \* 24:1 És 2:19 \* 24:2 Lev 25:36-37 \* 24:4 És 33:8 \* 24:6 Jos 23:15  
 \* 24:7 És 16:10 \* 24:8 És 5:12-14 \* 24:9 És 5:20 \* 24:10 És 23:1 \* 24:11 És 16:10  
 \* 24:12 És 14:31 \* 24:13 És 17:6 \* 24:14 És 12:6 \* 24:15 És 11:11 \* 24:16 És 11:12  
 \* 24:17 Jr 48:43 \* 24:18 Jen 7:11 \* 24:19 Nonb 16:31-32 \* 24:20 Dan 11:19 \* 24:21  
 És 10:12 \* 24:22 És 10:4 \* 24:23 És 13:10

## 25

<sup>1</sup> O SENYÈ, Ou se Bondye mwen; mwen va leve Ou byen wo, Mwen va bay remèsiman a non Ou; paske Ou te fè gwo mèvèy; ✧plan yo fòmè depi lontan, avèk tout fidelite e verite. <sup>2</sup> Paske Ou te fè yon gran vil vin tounen yon gwo pil wòch, yon vil byen fòtifye vin detwi nèt; yon ✧palè pou etranje yo vin pa yon vil ankò, li p ap janm rebati. <sup>3</sup> Akoz sa, yon pèp byen fò va bay Ou glwa; ✧gran vil a nasyon ki mechan yo va adore Ou. <sup>4</sup> Ou te toujou yonabri pou sila ki san sekou yo; yon defans pou malere nan gwo twoub la, yon pwotèj kont tanpèt, lonbraj kont chalè; paske souf a ✧mèchan yo se tankou gwo tanpèt lapli kont yon miray. <sup>5</sup> Tankou chalè nan gwo sechrès, Ou fè bese ✧zen a etranje yo; tankou chalè toupren lonbraj a yon nwaj, chanson a malveyan an vin sispann.

<sup>6</sup> SENYÈ dèzame yo va prepare yon gwo bankè pou ✧tout pèp sou mòn sa a; yon bankè diven rasi, mòso chwazi ak mwèl zo, diven byen rafine. <sup>7</sup> Sou mòn sa a, Li va vale nèt ✧kouvèti pwotej ki sou tout pèp yo, menm vwal ki tann sou tout nasyon yo. <sup>8</sup> Li va ✧vale lanmò jis pou tout tan, Senyè BONDYE a va siye tout dlo nan zye a tout moun e li va retire repwòch a pèp Li a sou tout latè. Paske SENYÈ a te pale.

<sup>9</sup> Epi li va pale nan jou sa a, Gade byen, ✧sa se Bondye nou an, Sila nou te tann pou L te ka sove nou an. Sa se SENYÈ a, Sila nou t ap tann nan; annou rejwi e fè kè kontan nan sali Li a.” <sup>10</sup> Paske men SENYÈ a va rete sou mòn sa a.

Epi ✧Moab va foule anba pye li tankou pay fin foule nan dlo a yon pil fimye. <sup>11</sup> Epi l ap ouvri men l byen gran nan mitan li kon yon moun k ap naje ta lonje men l yo pou naje; men SENYÈ a va ✧desann ògèy li ansanm ak manèv koken a men li yo. <sup>12</sup> Ranfòsman fò ki ✧pa kab menm atake yo, li va ranvèse yo, bese yo e jete yo atè, jis rive nan pousyè.

## 26

<sup>1</sup> Nan jou sa a, chanson sa a va chante nan peyi Juda:

“Nou gen yon vil ki fò;

Li monte miray ak ranfò pou ✧sekirite.

<sup>2</sup> Ouvri ✧pòtay yo pou nasyon ladwati a ka antre; sila ki rete fidèl la.

<sup>3</sup> Sila ki rete fèm nan panse li yo,

Ou va kenbe nan ✧lapè pafè, akoz li gen konfyans nan Ou.

<sup>4</sup> Mete konfyans nan SENYÈ a jis pou tout tan, paske nan BONDYE SENYÈ a, nou gen yon ✧Wòch etènèl.

<sup>5</sup> Paske Li te bese sila ki te rete anwo yo, vil ki pa t kapab venk lan;

✧Li te desann li ba; li te desann li jis atè, Li te jete li nan pousyè.

<sup>6</sup> ✧Pye va foule l, pye a sila ki oprime yo, pla pye a sila ki san sekou yo.”

✧ 25:1 Ef 1:11 ✧ 25:2 És 13:22 ✧ 25:3 És 13:11 ✧ 25:4 És 29:5-20 ✧ 25:5 Jr 51:54-56  
 ✧ 25:6 És 2:2-4 ✧ 25:7 II Kor 3:15-16 ✧ 25:8 Os 13:14 ✧ 25:9 És 35:2 ✧ 25:10 És 16:14  
 ✧ 25:11 Job 40:11 ✧ 25:12 És 15:1 ✧ 26:1 És 60:18 ✧ 26:2 És 60:11-18 ✧ 26:3 És 26:12  
 ✧ 26:4 És 17:10 ✧ 26:5 Job 40:11-13 ✧ 26:6 Job 40:11-13

7 ✧Chemen moun ladwati byen swa;  
O Sila Ki Dwat la, fè wout a moun dwat yo a byen pla.

8 Anverite, pandan nou t ap swiv ou  
nou t ap tann chemen a jijman Ou yo, O SENYÈ.  
Nou t ap tann Ou ak enpasyans.  
Non Ou, menm ✧memwa Ou, se dezi a nanm nou.

9 ✧Nan lannwit, nanm mwen anvi Ou;  
anverite, lespri m anndan mwen chache Ou ak enpasyans;  
paske lè jijman Ou yo rive sou latè,  
sila ki rete ladann yo, aprann ladwati.

10 Malgre mechan an jwenn favè, li pa aprann ladwati;  
li ✧aji ak enjistis nan peyi ladwati a  
e pa remake majeste Senyè a.

11 O SENYÈ, men Ou leve wo; men ✧yo pa wè li.  
Yo wè zèl Ou pou pèp la e yo vin wont;  
anverite, dife va devore lènmi Ou yo.

12 SENYÈ, Ou va etabli ✧lapè pou nou,  
akoz ou te akonpli pou nou tout zèv nou yo.

13 O SENYÈ, Bondye nou an, lòt mèt apà de ou  
te gouvène nou;  
men se non Ou sèl, ke nap konfese.

14 ✧Sila ki mouri yo p ap viv,  
lespri ki pati yo p ap leve ankò;  
konsa, Ou te pini yo, detwi yo  
e Ou te efase tout memwa a yo menm.

15 ✧ Ou te ogmante nasyon an, O SENYÈ,  
Ou te agrandi nasyon an! Ou leve wo!  
Ou te fè tout lizyè peyi a vin pi laj.

16 O SENYÈ, nan mitan ✧gwo twoub yo, yo te chache Ou;  
yo pa t ka fè plis pase respire yon priyè;  
chatiman Ou te sou yo.

17 ✧Tankou fanm ansent k ap pwoche tan pou akouche;  
li vire kò l e li rele anmwey nan doulè ansent lan;  
se konsa nou te ye devan Ou, O SENYÈ.

18 Nou te ansent, nou te vire kò,  
men nou pa t bay nesans a plis ke van.  
Nou pa t ka akonpli delivrans sou tè a,  
ni ✧nou pa t ka livre fè pitit pou mond lan.

19 Moun ✧mouri Ou yo va viv;  
kadav pa yo va leve.  
Nou menm ki kouche nan pousyè a leve  
e fè kri lajwa, paske lawouze ou  
se lawouze solèy leve a  
e latè va bay nesans a lespri ki te pati yo.

✧ 26:7 És 57:2 ✧ 26:8 Egz 3:15 ✧ 26:9 Sòm 63:5-6 ✧ 26:10 Os 11:7 ✧ 26:11 És 44:9-18  
✧ 26:12 És 26:3 ✧ 26:14 Det 4:28 ✧ 26:15 És 9:3 ✧ 26:16 És 37:3 ✧ 26:17 És 13:8  
✧ 26:18 Sòm 17:14 ✧ 26:19 És 25:8

20 Vini, pèp mwen an, antre nan chanm nou  
e fèmen pòt nou dèyè nou;  
kache pou yon ti tan jiskaske ✧gwo kòlè a fin pase.

21 paske gade byen, SENYÈ a prèt pou sòti nan plas Li  
pou pini sila ki rete sou latè yo pou inikite yo;  
epi latè va fè parèt tout san vèse li yo  
e li p ap kache sila ki touye sou li yo ankò.

## 27

1 Nan jou sa a, SENYÈ a va pini Leviathan, sèpan a k ap sove ale a, ak  
gwo nepe fewòs li; menm Leviathan, sèpan tòde a; epi ✧li va touye dragon  
ki rete nan lanmè a.

2 Nan jou sa a, yon ✧chan rezen diven; chante sou sa! 3 “Mwen, SENYÈ a,  
se jeran li; Mwen wouze li nan tout tan. Pou pèsòn pa fè l donmaj, Mwen  
✧veye li lajounen kon lannwit. 4 Mwen pa gen kòlè. Si yon moun ta ban  
Mwen raje ak pikan yo nan batay, Mwen ta mache sou yo, ✧Mwen ta brile  
yo nèt. 5 Oswa, kite li ✧depann de pwoteksyon Mwen, kite li fè lapè avè M,  
kite li fè lapè avè M.

6 Nan jou k ap vini yo, Jacob va pran rasin, Israèl va fleri e boujonnen  
e yo va plen tout mond lan ak ✧fwi. 7 Tankou frap a Sila ki te frape yo a,  
èske se konsa ✧Li te frape yo? Oswa èske se tankou masak Sila ki touye  
yo a, Li te touye yo? 8 Ou te konfwonte yo ak egzil; ou te pouse yo ale. Ak  
souf fewòs Li, Li te chase yo ale nan jou ✧van lès la. 9 Akoz sa e atravè  
sa, inikite a Jacob la va padone. Epi sa va pri total a ✧padon peche li: lè  
l fè lotèl wòch yo vin tankou poud wòch lakrè; Lè Asherim nan ak lotèl  
lansan yo p ap kanpe. 10 Paske vil fòtifye a vin izole, yon anplasman kay  
ki dezole e ki vin bliye tankou dezè; ✧jenn bèf la va manje la, li va kouche  
e manje sou branch li yo. 11 Lè branch li yo vin sèch, yo vin kase e fanm  
yo vini pou fè dife avèk yo; paske yo pa yon pèp ak bon konprann; akoz  
sa ✧Kreyatè yo a p ap fè konpasyon sou yo. Kreyatè yo a p ap bay yo gras.

12 Nan jou sa a, SENYÈ a va kòmanse bat gwo rekòlt Li depi nan flèv  
Rivyè Euphrate la jis rive nan dlo Égypte la e nou va vin ranmase youn pa  
youn, O fis Israèl yo.

13 Anplis, li va vin rive ke nan jou ke ✧gran twonpèt la ap sone a. Sila ki  
t ap peri nan peyi Assyrie yo e ki te gaye an Égypte yo va vin adore SENYÈ  
a nan mòn sen Jérusalem nan.

## 28

1 Malè a kouwòn ògèy a moun sou ak diven ✧Éphraïm yo e a flè fane ki  
pèdi bèlte ak glwa li, ki sou tèt vale fètil a sila ki fin sou ak diven yo! 2 Veye  
byen, SENYÈ a gen ✧yon ajan ase fò e pwisan; tankou tanpèt lagrèl, yon  
tanpèt destriksyon, yon tanpèt pwisan k ap debòde dlo, Li vin jete l atè ak  
men Li. 3 Kouwòn ògèy a moun sou Éphraïm yo vin ✧foule anba pye. 4 Epi  
flè ki kanpe sou tèt valè fètil la, vin pèdi bèlte li; li va tankou ✧premye fwi  
figye etranje ke yon moun wè avan gran sezon a, e menm lè li vin nan men  
l, li vale l. 5 Nan jou sa a, SENYÈ dèzame yo va vini yon bèl ✧kouwòn, yon

✧ 26:20 És 10:5-25 ✧ 27:1 És 51:9 ✧ 27:2 Sòm 80:8 ✧ 27:3 I Sam 2:9 ✧ 27:4 És 33:12  
✧ 27:5 És 12:2 ✧ 27:6 És 4:2 ✧ 27:7 És 10:12-17 ✧ 27:8 Jr 4:11 ✧ 27:9 Wo 11:27 ✧ 27:10  
És 17:2 ✧ 27:11 Det 32:18 ✧ 27:13 Lev 25:9 ✧ 28:1 És 9:9 ✧ 28:2 És 8:7 ✧ 28:3 És  
26:6 ✧ 28:4 Os 9:10 ✧ 28:5 És 62:3

dyadèm ranpli ak glwa pou retay a pèp Li a; <sup>6</sup> Yon ✨espri lajistis pou sila ki chita nan jijman an, yon ranfòsman pou sila k ap detounen atak devan pòtay yo.

<sup>7</sup> Epi sila ki, osi, vin toudi akòz bwason fò yo: prèt la ak pwofèt la vin toudi ak bwason fò. Yo vin konfonn akòz divèn an e yo vin toudi akòz bwason fò a; yo kilbite pandan y ap fè ✨vizyon e yo manke tonbe lè y ap rann jijman. <sup>8</sup> paske tout tab yo plen ak salte ✨vomisman; pa menm gen yon kote ki pwòp.

<sup>9</sup> A ki moun Li ta enstwi konesans e a kilès Li ta entèprete mesaj la? Sila ki fenk ✨sevri nan lèt yo? Sila ki fenk sispann pran tete yo? <sup>10</sup> Paske Li pale, ✨ Lòd sou lòd, lòd sou lòd, liy sou liy, liy sou liy, yon ti kras pa isi, yon ti kras pa la.’”

<sup>11</sup> Anverite, Li va pale ak pèp sa a ak ✨lèv bege e ak yon lang etranje, <sup>12</sup> Sila ki te di yo: “Men ✨repo isit la; bay repo a sila ki fatige yo,” epi: “Men repo”, men yo pa t koute. <sup>13</sup> Akòz sa, pawòl SENYÈ a a yo va: “Lòd sou lòd, lòd sou lòd, liy sou liy, liy sou liy, yon ti kras pa isi, yon ti kras pa la,” pou yo kapab ale, ✨chape glise pa dèyè, vin kraze, pran nan pèlen e vin prizonye.

<sup>14</sup> Pou sa, koute pawòl SENYÈ a, O! ✨nou menm k ap moke yo, sila ki chèf sou pèp sa a ki rete nan Jérusalem nan, <sup>15</sup> Akòz nou te di: “Nou te fè yon akò ak lanmò”, epi ak Sejou mò yo, nou te vin angaje. Gwo dega p ap rive sou nou lè l pase, paske nou te fè pwotèj nou ak manti e nou te ✨kache kò nou ak desepsyon.” <sup>16</sup> Pou sa, Senyè BONDYE a di: ✨“Gade byen, Mwen ap poze nan Sion yon wòch, yon wòch eprèy, yon wòch ang prensipal pou fondasyon ki plase byen solid la. Sila ki kwè nan li a, p ap twouble menm. <sup>17</sup> Mwen va fè ✨jistis sèvi kon lign mezi e ladwati kon règ nivo; epi lagrèl va bale tout fatra nèt ki fèt ak manti e dlo yo va debòde antre nan kote sekrè a. <sup>18</sup> Akò nou an ak lanmò va anile e angajman nou an ak Sejou mò yo p ap kanpe; lè gwo twoub la k ap kraze tout moun nan, pase kote nou, alò, nou va vin ✨kote pou l foule. <sup>19</sup> Otan li pase, li va kenbe nou; maten apre maten, l ap pase; nenpòt lè pandan lajounen oswa lannwit e pou konprann sa li ye a, li va pote gwo laperèz.” <sup>20</sup> Kabann nan twò kout pou lonje kò nou e ✨dra a twò piti pou vlope nou. <sup>21</sup> Paske SENYÈ a va leve tankou nan Mòn Peratsim; Li va fache tankou nan vale ✨Gabaon, pou fè tach Li, tach ki pa sanblab ak lòt e pou egzekite travay Li, travay ekstrawòdinè Li. <sup>22</sup> Alò, koulye a, pa aji tankou mokè yo, sinon chenn ki mare nou yo va vin pi rès; paske mwen te tande soti nan Senyè BONDYE dèzame yo de desizyon pou ✨detwi tout tè a.

<sup>23</sup> Prete zòrèy nou pou tande vwa mwen, koute e tande pawòl mwen yo. <sup>24</sup> Èske kiltivatè a raboure tout tan pou plante grenn semans? Èske li pa janm sispann vire tè a? <sup>25</sup> Èske li pa fè tè a nivo pou simen ✨grenn lanni, gaye grenn kimen, plante ble nan ranje yolòj nan plas li ak pitimi nan kote pa li? <sup>26</sup> Paske Bondye pa li a enstwi li e montre li sa ki bon. <sup>27</sup> Paske grenn lanni pa kraze vannan ak ✨gwo baton, ni wou kabwèt pa woule sou kimen, men lanni bat ak yon planch bwa e kimen ak yon baton. <sup>28</sup> Sereyal pou fè pen kraze; anverite, li p ap ka kontinye bat pou vannan li tout tan. Akòz

✨ 28:6 I Wa 3:28 ✨ 28:7 És 29:11 ✨ 28:8 Jr 48:26 ✨ 28:9 Sòm 131:2 ✨ 28:10 II Kwo 36:15  
 ✨ 28:11 És 33:19 ✨ 28:12 És 11:10 ✨ 28:13 És 8:15 ✨ 28:14 És 29:20 ✨ 28:15 És 29:15  
 ✨ 28:16 Wo 9:33 ✨ 28:17 II Wa 21:13 ✨ 28:18 És 28:3 ✨ 28:20 És 59:6 ✨ 28:21 Jos  
 10:10-12 ✨ 28:22 És 10:22-23 ✨ 28:25 Mat 23:23 ✨ 28:27 Am 1:3

wou kabwèt li a ak pye cheval li yo ta fè l donmaj, li pa kontinye bat e vannen. <sup>29</sup> Sa anplis, sòti nan SENYÈ dèzame yo, ki te fè konsèy Li mèvèye e sajès Li ✧byen gran.

## 29

<sup>1</sup> Malè a Ariel; Ariel, vil kote David yon fwa ✧te fè kan an! Ogmante lane sou lane, obzève fèt ou yo nan lè yo. <sup>2</sup> Mwen va mennen gwo pwoblèm sou Ariel e li va vin yon vil ✧gwo doulè ak lamantasyon; epi li va tankou Ariel pou mwen. <sup>3</sup> Mwen va ✧fè kan kont ou e antoure ou. Mwen va monte aparèy syèj kont ou e fè yo monte fò batay kont ou. <sup>4</sup> Konsa ou va vin ✧bese; soti nan tè a, ou va pale e soti nan pousyè kote ou kouche plat la, pawòl ou yo va vini. Vwa ou va, anplis, tankou yon vwa a yon lespri ki soti nan tè a e pawòl ou yo va soufle soti nan pousyè a.

<sup>5</sup> Men fòs kantite a lènmi ou yo va devni tankou ✧pousyè fen e fòs kantite a mechan san prensip yo va tankou pay k ap vannen ale; epi sa va fèt nan yon moman; sibatman. <sup>6</sup> Soti nan SENYÈ dèzame yo, ou va pini ak ✧tonnè, tranbleman detè, gwo bri, toubiyon ak tanpèt ak flanm a dife ki manje tout bagay. <sup>7</sup> Epi ✧fòs kantite a tout nasyon ki va fè lagè kont Ariel yo, menm tout moun ki fè lagè kont li ak gwo fò li yo ak sila ki bay li gwo twoub, sa va tankou yon rèv, yon vizyon nan nwit. <sup>8</sup> Sa va tankou lè yon nonm grangou fè rèv—e gade byen, l ap manje; men lè l leve nan dòmi a, gade byen, li toujou fèb e grangou li pa satisfè. Oswa lè yon nonm swaf fè rev—epi gade byen, l ap bwe, men lè l leve li toujou fèb, e swaf la pa satisfè. Se ✧konsa kantite tout nasyon ki fè lagè kont Mòn Sion yo va ye.

<sup>9</sup> ✧Pran reta epi tan; avegle tèt nou pou nou vin avèg; yo vin sou, men pa avèk diven; yo kilbite, men pa akoz bwason fò. <sup>10</sup> Paske SENYÈ a te vide sou nou, yon lespri ✧pwofon somèy; Li te fèmen zye nou menm, pwofèt yo e Li te kouvri tèt nou menm, konseye yo. <sup>11</sup> Tout vizyon va pou nou tankou pawòl a yon ✧liv ki fèmen ak so, sila lè yo bay li a yon moun ki konn li e di l: “Souple, li sa a,” li va di: “Mwen pa kapab, paske li fèmen ak so.” <sup>12</sup> Epi liv la va bay a sila ki pa ka li a e y ap di l: “Souple, li sa a.” Epi li va di: “Mwen pa kapab li.”

<sup>13</sup> Epi Senyè a te di: “Akoz ✧pèp sa a rapwoche yo ak pawòl pa yo e onore Mwen ak lè yo; men yo retire kè yo byen lwen Mwen e adorasyon yo pou Mwen fèt pa tradisyon ki aprann pa kè. <sup>14</sup> Pou sa, gade byen, Mwen va yon fwa ankò aji ak mèvèy ak pèp sa, mèvèy ki etonan; epi ✧sajès a moun saj pa yo va disparèt e konesans a moun ki gen bon konprann yo va vin kache.”

<sup>15</sup> Malè a sila ki kache plan yo byen fon pou SÈNYÈ a pa wè e ki fè ✧zak yo nan fènwa a e yo di: “Se kilès ki wè nou?” oswa “Se kilès ki rekonèt nou?” <sup>16</sup> Ou chanje bagay la nèt! Èske sila ki fè kanari a ta dwe konsidere egal ak ajil la, pou sa ki te fèt la ta ka di a sila ki fè li a: “Li pa t fè mwen”; oswa ✧sa ki te fòme a ta ka di a sila ki te fòme li a: “Li pa konprann anyen?”

<sup>17</sup> Èske se pa yon ti kras tan ki rete ankò avan Liban vin transfòme an yon ✧chan fètil, e chan fètil la va konsidere kon yon forè? <sup>18</sup> Nan jou sa a, ✧moun soud yo va tande pawòl a yon liv e sòti nan obskirite ak tenèb, zye

✧ 28:29 És 31:2 ✧ 29:1 II Sam 5:9 ✧ 29:2 És 3:26 ✧ 29:3 Luc 19:43 ✧ 29:4 És 8:19  
 ✧ 29:5 És 17:13 ✧ 29:6 I Sam 2:10 ✧ 29:7 Mi 4:11-12 ✧ 29:8 És 8:19 ✧ 29:9 És 29:1  
 ✧ 29:10 Sòm 69:23 ✧ 29:11 És 8:16 ✧ 29:13 Éz 33:31 ✧ 29:14 És 44:25 ✧ 29:15 Job 22:13  
 ✧ 29:16 És 45:9 ✧ 29:17 Sòm 84:6 ✧ 29:18 És 35:5



a avèg yo va wè. <sup>19</sup> Anplis, ✧moun aflije yo va fè kè yo pi kontan ak SENYÈ a e malere yo pami moun yo va rejwi nan Sila Ki Sen an Israèl la. <sup>20</sup> paske moun san pitye yo va rive nan fen yo e mokè yo va vin disparèt; anverite, ✧tout moun ak lentansyon fè mal, va vin koupe retire nèt. <sup>21</sup> Sila ki avèk yon sèl pawòl, fè yo rele moun nan tribinal la pou pyeje sila ki defann moun nan pòtay la e ak fwod, ki rache dwa a inosan an ak diskisyon ki san valè yo.

<sup>22</sup> Akoz sa a, SENYÈ a ki te rachte Abraham nan, di konsènan lakay Jacob: ✧“Se pa, koulye a, Jacob va vin wont, ni figi li vin pal; <sup>23</sup> Men lè li wè ✧pitit li yo, zèv men Mwen yo nan mitan li, yo va sanktifye non Mwen; anverite, yo va sanktifye non a Sila Ki Sen a Jacob la e va kanpe byen etone a Bondye Israèl la. <sup>24</sup> Sila ki fè tò nan panse yo, va ✧konnen verite a e sila ki kritike yo va aksepte enstriksyon.”

### 30

<sup>1</sup> “Malè a pitit k ap fè rebèl yo”, deklare SENYÈ a: “Sila ki akonpli yon plan, men ki pa pa M; ki ✧fè yon alyans, men pa nan Lespri pa M; pou ogmante peche sou peche; <sup>2</sup> Ki fè wout desann an Égypte san konsilte Mwen, pou yo ka ✧fè azil pou Farawon bay yo sekirite e chache pwotèj nan lonbraj Égypte! <sup>3</sup> Akoz sa, sekirite Farawon va vin ✧wont nou e pwotèj nan lonbraj Égypte la va vin imilyasyon nou. <sup>4</sup> Paske ✧prens pa yo se nan Tsoan e anbasadè pa yo vin parèt nan Hanès. <sup>5</sup> Tout moun va vin ✧wont akoz yon pèp ki p ap ka bay yo okenn avantaj, ni pou sekou, ni pou pwofi, men pou wont e anplis, pou repwòch.

<sup>6</sup> Pwofesi konsènan bèt nan ✧dezè Midi yo.

Pa yon peyi gwo twoub ak gwo doulè, ladan ki sòti manman lyon ak lyon an, vipè ak sèpan volan an; yo pote gwo kantite byen yo sou do jenn bourik e trezò yo sou do chamo, pou rive kote yon pèp ki pa kapab bay yo okenn avantaj; <sup>7</sup> Menm Égypte, ak sekou vanite e vid li a. Akoz sa, Mwen te rele li Rahab ki te vin ekstèmène nèt. ✧ <sup>8</sup> Koulye a, ale, ✧ekri li sou yon adwaz devan yo e enskri li sou yon woulo papyè pou l ka sèvi nan tan k ap vini yo, kon yon temwen jis pou tout tan. <sup>9</sup> Paske sa se yon pèp rebèl, fis manti, fis ki refize ✧koutte enstriksyon SENYÈ a; <sup>10</sup> Ki di a konseye yo: “Ou pa dwe wè vizyon”; epi a pwofèt yo: “Ou pa dwe pwofetize a nou menm sa ki dwat; ✧pale nou bèl pawòl dous, pwofetize ilizyon. <sup>11</sup> Sòti nan wout la, ✧vire sou kote chemen an. Pa kite nou tandè menm ankò afè a Sila Ki Sen an Israèl la. <sup>12</sup> Akoz sa, konsa pale Sila Ki Sen an Israèl la: ✧“Akoz nou te rejte pawòl sa a e te mete konfyans nou nan opresyon ak desepsyon e te depann de yo, <sup>13</sup> Akoz sa, ✧inikite sa a va pou nou kon yon gwo brèch nan miray ki prèt pou tonbe a, yon gwo pati souke nan yon miray ki wo, ki ka pete tonbe ✧sibitman, nan yon enstan, <sup>14</sup> Lè l vin kraze, l ap tankou ✧po a mèt kanari a, ki tèlman kraze ak vyolans ke yon mòso cha p ap ka twouve pami mòso yo sa ki ka pote dife sòti nan founo a, oswa kenbe dlo ki sòti nan sitèn nan.

<sup>15</sup> Paske konsa pale Senyè BONDYE a, sèl Sila Ki Sen an Israèl la te di: “Nan repantans ak ✧repo, nou va sove; nan kalm ak konfyans, fòs nou ye.”

✧ 29:19 Sòm 25:9 ✧ 29:20 És 59:4 ✧ 29:22 És 45:17 ✧ 29:23 És 49:20-26 ✧ 29:24 És 41:20 ✧ 30:1 És 8:11-12 ✧ 30:2 És 36:9 ✧ 30:3 És 20:5-6 ✧ 30:4 És 19:11 ✧ 30:5 Jr 2:36 ✧ 30:6 Jen 12:9 ✧ 30:7 Job 9:13 ✧ 30:8 És 8:1 ✧ 30:9 És 1:10 ✧ 30:10 I Wa 22:8-13 ✧ 30:11 Trav 13:8 ✧ 30:12 És 5:24 ✧ 30:13 És 26:21 ✧ 30:13 És 29:5 ✧ 30:14 Sòm 2:9 ✧ 30:15 Sòm 116:7

Men nou pa t vle, <sup>16</sup> Epi nou te di: “Non, paske nou va sove ale sou ✧cheval”; akoz sa, nou va sove ale! “Epi nou va sove ale ak tout vitès”. Konsa, sila ki kouri dèyè ou yo dwe rapid. <sup>17</sup> ✧Mil moun va sove ale menase pa yon sèl moun; nou va sove ale sou menas a senk moun, jiskaske nou vin lage tankou yon drapo sou yon do mòn e tankou yon siyal sou yon kolin.

<sup>18</sup> Konsa, SENYÈ a anvè fè nou gras e pou sa, li tann anwo pou fè nou mizerikòd. paske SENYÈ a se yon Bondye jistis; a la beni sila ki gen anvè pou Li yo beni! ✧ <sup>19</sup> O! moun Sion yo, sila ki rete Jérusalem yo, nou ✧p ap kriye ankò. Anverite Li va fè nou gras lè L tandè kri nou; lè L tandè l, Li va reponn nou. <sup>20</sup> Sepandan, Senyè a te bay nou pen ki pou fè nou manke pen, ak dlo ki pou peze nou, Li menm, Pwofesè nou an, p ap ✧kache tèt li ankò, men zye nou va wè Pwofesè nou an. <sup>21</sup> Zorèy nou va tandè yon pawòl dèyè nou: “Sa se chemen an, mache ladann”, nenpòt lè ou vire adwat oswa agoch. <sup>22</sup> Nou va jete gaye limaj taye nou yo ki kouvri ak yon kouch ajàn, ak limaj fon yo ki kouvri ak lò toupatou. Nou va gaye yo tankou bagay sal. Nou va di yo: “Retire ou la!”

<sup>23</sup> Epi Li va ✧bay lapli pou grenn semans ke ou simen nan tè a, ak pen ki soti nan rekòlt tè a. Li va bon e li va anpil. Nan jou sa a, bèt nou yo va manje nan yon patiraj byen laj. <sup>24</sup> Anplis, bèt ak bourik ki travay latè yo va manje yon manje konpoze ak sèl ladann, ki te ✧vannen ak pèl ak fouchèt. <sup>25</sup> Sou chak mòn ki wo ak chak ✧kolin, va gen sous ki kouri ak dlo nan jou a gwo masak la lè fò yo vin tonbe. <sup>26</sup> ✧Limyè lalin nan va tankou limyè solèy la, e limyè solèy la va sèt fwa pi klere tankou limyè pandan sèt jou, nan jou ke SENYÈ a panse frakti a pèp Li a e geri blese ke Li te fè yo.

<sup>27</sup> Gade byen, ✧non a SENYÈ a sòti yon kote byen lwen; kòlè Li plen ak chalè ak lafimen k ap monte byen pwès; lè Li plen ak gwo kòlè e lang Li tankou yon dife k ap brile tout bagay; <sup>28</sup> Souf Li tankou yon flèv k ap debòde, ki rive jis nan kou, pou souke nasyon yo fè ale retou nan yon paswa e pou plase nan bouch a pèp yo, ✧brid ki mennen nan destriksyon an. <sup>29</sup> Nou va gen chan tankou nan lannwit lè nou rete nan fèt e kè kontan tankou lè yon moun ap mache sou son a flit, pou ale nan mòn SENYÈ a, Wòch Israèl la. <sup>30</sup> Epi SENYÈ a va fè yo tandè vwa otorite Li, bra Li k ap desann ak gwo kòlè, nan flanm dife k ap brile tout bagay la, nan nwaj k ap pete ak gwo lapli ak lagrèl yo. <sup>31</sup> Paske ak vwa SENYÈ a, Assyrie va vin etone nèt; L ap vin frape ak ✧baton. <sup>32</sup> Epi chak kout baton pinisyon ke SENYÈ a va mete sou li, va fèt ak mizik a tanbouren ak gita; epi nan batay yo ✧ak tout zam yo brandi, Li va goumen kont yo. <sup>33</sup> paske ✧plas pou brile a fin prepare depi lontan; anverite, li te prepare pou wa a. Li te fè l fon e laj, yon boukan ak anpil bwa; se souf SENYÈ a, tankou yon tòran souf k ap limen dife sou li.

## 31

<sup>1</sup> Malè a sila ki desann Égypte pou sekou yo,  
ki depann de cheval yo,  
ki fè konfyans a cha yo paske yo anpil,  
ak nan chevalye yo paske yo tèlman fò;

✧ **30:16** És 2:7 ✧ **30:17** Lev 26:36 ✧ **30:18** És 8:17 ✧ **30:19** És 25:8 ✧ **30:20** Sòm 74:9  
✧ **30:23** Sòm 65:9-13 ✧ **30:24** Mat 3:12 ✧ **30:25** És 35:6-7 ✧ **30:26** És 24:23 ✧ **30:27** És  
59:19 ✧ **30:28** Am 9:9 ✧ **30:31** És 10:26 ✧ **30:32** Éz 32:10 ✧ **30:33** II Wa 23:10

men yo pa gade sou ✨Sila Ki Sen an Israël la,  
ni chache SENYÈ a!

<sup>2</sup> Men anplis, Li saj, Li va mennen dezaz;

Li ✨p ap retire pawòl Li menm;

men Li va leve kont kay malfektè yo

ak kont sekou a sila ki fè mechanste yo.

<sup>3</sup> Alò, Ejipsyen yo se ✨moun, se pa Bondye;

cheval yo se chè, se pa lespri;

pou sa, SENYÈ la va lonje men L;

sila k ap bay sekou a va glise tonbe.

Sila ki resevwa sekou a va tonbe

e yo tout va rive fini ansanm.

<sup>4</sup> paske konsa SENYÈ a di mwèn:

“Tankou lyon oswa jenn lyon gwonde sou kò bèt l ap manje,

lè yon bann bèje vin parèt la; li p ap pè vwa yo,

ni li p ap deranje akòz bri yo fè.

Konsa, SENYÈ dèzame yo va vin desann pou

✨fè lagè sou Mòn Sion ak sou kolin li an.”

<sup>5</sup> Tankou zwazo k ap vole,

se konsa SENYÈ a va pwoteje Jérusalem.

Li va ✨pwoteje li e delivre li;

Li va pase sou sa pou sove li.

<sup>6</sup> Retounen kote Sila ke nou te ✨tèlman neglije a,

O fis Israël yo. <sup>7</sup> Paske nan jou sa a, tout moun va jete deyò zidòl an ajan

li yo ak zidòl an lò li yo, ke ✨men plen peche nou yo te fè pou nou

kon peche.

<sup>8</sup> Epi Asiryen an va tonbe pa yon nepe ki pa t pou lòm

e yon ✨nepe ki pa pou lòm va devore l.

Pou sa, li p ap chape anba nepe a

e jenn mesye li yo va devni ouvriye kòve.

<sup>9</sup> “Epi wòch li va disparèt akòz panik

e prens li yo va gen gwo lakrent devan drapo a”

deklare SENYÈ a, ✨Sila ki gen dife nan Sion an

ak founo nan Jérusalem nan.

## 32

<sup>1</sup> Gade byen, yon ✨wa va renye ak ladwati

e prens yo va renye ak jistis.

<sup>2</sup> Yo chak va tankou yon abri kont van

ak yon pwotèj kont tanpèt,

tankou sous dlo nan yon peyi sèch,

tankou ✨lonbraj a yon gwo wòch nan yon peyi ki deseche.

<sup>3</sup> Alò, zye a sila ki wè yo, p ap vin avegle;

zòrèy a sila ki tande yo, va koute.

<sup>4</sup> Panse a sila ki ✨aji san reflechi a va konprann verite

e lang lan a sila ki bege a va fè vit pou pale klè.

<sup>5</sup> Li p ap rive ankò ke yo rele ✨moun fou, gwo moun;

✨ 31:1 És 10:17 ✨ 31:2 Nonb 23:19 ✨ 31:3 Éz 28:9 ✨ 31:4 És 42:13 ✨ 31:5 És 37:35

✨ 31:6 És 1:2-5 ✨ 31:7 I Wa 12:30 ✨ 31:8 És 66:16 ✨ 31:9 És 10:16-17 ✨ 32:1 Sòm 72:1-4

✨ 32:2 És 4:6 ✨ 32:4 És 29:24 ✨ 32:5 I Sam 25:25

ni rele vakabon, moun bon kè.

6 paske moun fou a pale foli  
e kè li apiye vè mechanste:  
pou fè sa ki kont Bondye  
e pale mal kont SENYÈ a,  
pou ✧kenbe moun grangou a san satisfè  
e pou anpeche moun swaf la bwè.

7 Epi pou vakabon an, zam li se mechanste;  
li ✧fòme plan mechan pou detwi moun aflije a ak kout lang,  
malgre sila ki nan bezwen an pale sa ki bon.

8 Men ✧gwo moun nan fòme plan ki gwo;  
epi pa gwo plan an, li kanpe.

9 Leve ou menm, O ✧fanm ki alèz e tande vwa mwen!  
Prete zòrèy a pawòl mwen, fi ki alèz, san pwoblèm yo.

10 Nan yon ane ak kèk jou, nou va twouble,  
O fi ki san pwoblèm yo;  
✧paske, afè fè diven an fini e rekòlt la p ap rive.

11 Tranble, nou menm ki alèz;  
twouble, nou menm ki san pwoblèm;  
✧retire rad nou; dezabiye nou  
e mete twal sak nan senti nou,

12 ✧Bat lestomak nou pou bèl chan jaden yo,  
pou chan ki plen ak fwi rezen yo,

13 ✧Pou peyi a pèp mwen an kote pikan ak raje va pouse monte;  
wi pou tout kay plen ak jwa yo  
ak gran vil kè kontan yo.

14 Paske ✧palè a vin vid  
e gran vil plen moun yo vin abandone.  
Kolin ak fò ki wo yo vin tounen kav yo  
jis pou tout tan, yon  
plezi pou bourik mawon,  
yon patiraj pou bann mouton;

15 Jiskaske ✧Lespri a vide sou nou soti anwo,  
epi savann nan vin fè yon chan fètil,  
e chan fètil la va vin konsidere kon yon forè.

16 Nan lè sa a ✧lajistis va demere nan dezè a  
e ladwati nan chan fètil la.

17 Epi ✧zèv ladwati a va lapè,  
e sèvis ladwati a va kalm ak konfyans  
k ap dire jis pou tout tan.

18 Nan lè sa a, pèp mwen an va viv nan yon abitasyon lapè,  
ak sekirite ki san twoub nan plas repo san pwoblèm.

19 Malgre lagrèl tonbe kraze forè a, e ✧gran vil la va vin devaste nèt.

20 A la ✧beni nou va beni, nou menm ki simen akote tout dlo yo, ki lage bèf  
ak bourik pou mache lib.

✧ 32:6 És 3:15 ✧ 32:7 Jr 5:26-28 ✧ 32:8 Pwov 11:25 ✧ 32:9 És 47:8 ✧ 32:10 És 5:5-6  
✧ 32:11 És 47:2 ✧ 32:12 Na 2:7 ✧ 32:13 És 5:6-17 ✧ 32:14 És 13:22 ✧ 32:15 És 11:2  
✧ 32:16 És 33:5 ✧ 32:17 Sòm 72:2-3 ✧ 32:19 És 24:10-12 ✧ 32:20 Ekl 11:1

### 33

<sup>1</sup> Malè a ou menm, O ou ki detwi lòt pandan ou pa t detwi; epi sila ki fè tret pandan lòt moun pa t aji an trèt avè l. Depi ou fin detwi, ou osi va vin detwi nèt. Depi ou fin fè trèt, lòt moun va ✧fè trèt kont ou. <sup>2</sup> O SENYÈ, ✧fè nou gras; nou t ap tann Ou. Sèvi kon fòs pa yo chak maten, delivrans pa nou nan tan gwo twoub. <sup>3</sup> Lè bri zen an vin leve, ✧pèp yo sove ale; lè Ou fè leve Ou menm, nasyon yo gaye. <sup>4</sup> Piyaj pa W ranmase tankou cheni ranmase; tankou krikèt volan konn vòltije, se konsa y ap vòltije sou li. <sup>5</sup> SENYÈ a leve wo, paske se anwo ke Li rete; Li te ✧ranpli Sion ak jistis ak ladwati. <sup>6</sup> Epi se Li k ap fè tan pa nou estab, ✧richès a delivrans, sajes ak konesans; lakrent SENYÈ a se trezò li. <sup>7</sup> Gade byen, mesye pwisan pa yo kriye nan lari, ✧anbasadè lapè yo kriye fò. <sup>8</sup> Gran chemen yo rete vid, ✧moun ki vwayaje yo sispann li te kase akò a, li te meprize vil yo, li pa t respekte pèsòn. <sup>9</sup> ✧Peyi a kriye ak doulè, ak kè fennen, Liban vin wont e menm vin fennen, Saron vin tankou yon dezè e Basan ak Carmel pèdi tout fèy yo. <sup>10</sup> “Koulye a, ✧Mwen va leve”, SENYÈ a di: “koulye a Mwen va egzalte, koulye a Mwen va leve wo. <sup>11</sup> Nou te ansent pay e nou va akouche pay; ✧souf Mwen va manje nou tankou dife. <sup>12</sup> “Pèp yo va brile kon lacho, ✧tankou pikan koupe ki fin brile nan dife a. <sup>13</sup> Nou menm ki lwen yo, ✧koute sa ke M te fè a; epi nou menm ki toupren, rekonèt pwisans Mwen.” <sup>14</sup> ✧Pechè Sion yo vin sezi ak laperèz; tranbleman fin sezi enkwayan yo. “Se kilès pami nou ki ka viv ak yon difè ki manje tout bagay? “Se kilès nan nou ki ka viv ak dife k ap brile tou tan an?” <sup>15</sup> Sila ki mache nan ladwati a e ki pale ak kè sensè a, sila ki refize benefis lajan ki sòti nan enjistis la e ki souke men l pou sa ki vèsè anba tab pa rete nan yo; sila ki bouche zòrèy li pou l pa menm tande afè vèsè san e ki ✧fèmen zye l pou l pa gade mal;. <sup>16</sup> Li va demere nan wotè yo; ✧pwotèj pa li va nan wòch solid ke lènmi yo pa ka pwoche; pen li va vèsè bay li e dlo li va asire. <sup>17</sup> Zye li va wè Wa a nan tout bèlte Li; yo va wè ✧yon peyi ki byen lwen. <sup>18</sup> Kè ou va medite sou gwo laperèz: “Kote sila ki konn konte a? Kote sila ki konn peze a? Kote sila ki konn konte fò yo a?” <sup>19</sup> Ou p ap wè yon pèp fewòs ankò, yon pèp ak ✧langaj dwòl ke ou pa konprann, a lang bege ke pèsòn pa konprann. <sup>20</sup> Gade sou Sion, gran vil a gwo fèt dezinyè yo; zye ou va wè Jérusalem, yon abitasyon san twoub, yon ✧tant ki p ap bezwen pliye; pikèt li p ap janm rache, ni kòd li yo p ap chire. <sup>21</sup> Men la, Sila ki gen majeste a, SENYÈ a, va pou nou yon ✧kote ak rivyè ak gwo kanal, sou sila kannòt ak zaviwon p ap janm pase e sou sila gwo bato p ap janm pase— <sup>22</sup> Paske SENYÈ a se ✧jij nou, se SENYÈ a ki bay lwa nou yo, se SENYÈ a ki wa nou; se Li menm ki va sove nou. <sup>23</sup> Kòd nou yo sou vwal la vin lach; li p ap kenbe baz a ma bato a byen, ni kenbe vwal la ouvri. Alò, piyaj la a gwo boutin nan va divize; ✧menm sila ki bwate a va pran nan piyaj la. <sup>24</sup> Nanpwen moun ki rezide ki va di: “Mwen malad”; moun ki rete la yo va padone pou inikite yo.

### 34

<sup>1</sup> Rapwoche, O nasyon yo pou tande;

✧ **33:1** Jr 25:12-14 ✧ **33:2** És 30:18-19 ✧ **33:3** És 17:13 ✧ **33:5** És 1:26 ✧ **33:6** És 45:17  
 ✧ **33:7** II Wa 18:18-37 ✧ **33:8** És 35:8 ✧ **33:9** És 3:26 ✧ **33:10** Sòm 12:5 ✧ **33:11** És 1:31  
 ✧ **33:12** II Sam 23:6-7 ✧ **33:13** Sòm 48:10 ✧ **33:14** És 1:28 ✧ **33:15** Sòm 119:37  
 ✧ **33:16** És 25:4 ✧ **33:17** És 26:15 ✧ **33:19** Det 28:49-50 ✧ **33:20** És 54:2 ✧ **33:21** És 41:18  
 ✧ **33:22** És 2:4 ✧ **33:23** II Wa 7:8

epi koute, o pèp yo!

✧Kite latè ak tout sa ki ladann tande  
e lemonn ak tout sa ki rebondi soti ladann. <sup>2</sup> Paske

✧gwo kòlè SENYÈ a kont tout nasyon yo  
e jijman Li brile kont tout lame yo;

Li te bay yo pou detwi yo nèt.

Li te pèmèt yon gwo masak rive nan yo.

<sup>3</sup> Akoz sa, moun yo touye yo va ✧jete deyò,  
kadav yo va fè movèz odè e mòn yo va tranpe ak san yo.

<sup>4</sup> Epi tout lame syèl la va vin efase.

✧Syèl la va woule monte tankou yon woulo liv;  
anplis, tout lame yo va vin fennen nèt,  
tankou yon fèy fennen sou branch chan rezen an,  
oswa jan li fennen sou yon pye fig.

<sup>5</sup> Paske ✧nepe Mwen satisfè nèt nan syèl la;

gade byen, li va desann pou jije Édom  
ak pèp ke Mwen te chwazi pou destriksiyon yo.

<sup>6</sup> Nepe SENYÈ a plen ak san,

li kouvri ak grès, ak san jenn mouton, ak bouk, ak grès a ren belye.

Paske SENYÈ a gen yon sakrifis nan ✧Botsra

ak yon gwo masak nan peyi Édom.

<sup>7</sup> Anplis, bèf mawon ak jenn towò avèk sila ki fò yo

va tonbe avèk yo;

konsa, peyi yo va ✧tranpe ak san

e pousyè yo va vin gra ak grès.

<sup>8</sup> Paske SENYÈ a gen yon jou vanjans,

yon ane vanjans pou koz a Sion an.

<sup>9</sup> Sous dlo li yo va devni goudwon

e tè lage li a kon ✧souf

e peyi li va devni goudwon k ap brile.

<sup>10</sup> Li p ap etenn ni lajounen, ni lannwit;

✧lafimen li va monte jis pou tout tan.

De jenerasyon an jenerasyon, li va dezole;

okenn moun p ap pase ladann pou tout tan e pou tout tan.

<sup>11</sup> Men ✧grangozye ak ti bèt atè a va vin posede li

e ibou ak kònèy a va demere ladann;

epi Li va tann sou li lign dezolasyon ak fil a plon vid la.

<sup>12</sup> Gwo moun li yo——✧nanpwen pèsòn ki la

pou ta pwoklame l kon wa e tout prens li yo p ap anyen.

<sup>13</sup> Pikan va pouse nan gwo fò li yo,

chadwon ak gwo raje nan ✧gwo vil ranfòse li yo;

li va vin yon kote frekante pa chen mawon ak kay a otrich.

<sup>14</sup> ✧Bèt dezè yo va fè reyinyon ak lou yo,

kabrit sovaj ak gwo plim va kriye a parèy li.

Epi wi, gwo bèt lannwit va vin rete la

e twouve pou kont li yon kote pou l ka repoze.

<sup>15</sup> Koulèv pyebwa a va fè nich li pou ponn ze la;

✧ **34:1** Det 32:1 ✧ **34:2** És 26:20 ✧ **34:3** És 14:9 ✧ **34:4** Rev 6:12-14 ✧ **34:5** Det 32:41-42

✧ **34:6** És 63:1 ✧ **34:7** És 63:6 ✧ **34:9** Det 29:23 ✧ **34:10** Rev 14:11 ✧ **34:11** So 2:14

✧ **34:12** Jr 27:20 ✧ **34:13** És 13:22 ✧ **34:14** És 13:21

epi li va kale yo e ranmase yo anba pwotèj li.  
Wi, ✨bèt malfini yo va rankontre la,  
yo chak ak pwòp parèy yo.

16 Chache nan liv SENYÈ a, epi li:  
Nanpwen youn nan sila yo ki p ap la;  
okenn p ap manke parèy yo.  
Paske ✨bouch Li te pase lòd e Lespri Li te ranmase yo.  
17 Li te ✨tire osò pou yo e se men L  
ki separe bay yo selon lign nan.  
Yo va posede li jis pou tout tan;  
de jenerasyon an jenerasyon, yo va abite ladann.

## 35

1 Savann nan ak dezè a va kontan  
e ✨tè dezole a va rejwi ak anpil flè, tankou kwokis,  
2 Li va fleri anpil, rejwi ak kè kontan e fè yon kri lajwa.  
Glwa Liban an va bay a li menm,  
majeste a Carmen ak Saron an.  
Yo va wè ✨glwa SENYÈ a, majeste a Bondye nou an.

3 ✨Ankouraje sila ki bouke nèt  
e ranfòse sila ki fèb la.  
4 Pale a sila ki gen ✨kè twouble yo:  
“Pran kouraj, pa pè. Gade byen, Bondye nou an  
va vini ak vanjans; rekonpans Li an va rive;  
men nou menm, Li va sove nou.

5 Epi ✨zye avèg yo va louvri  
e zòrèy a soud yo va debouche.  
6 Epi ✨moun bwate yo va vòltije tankou sèf  
e lang bèbè a va rele ak gwo jwa.  
Paske dlo va pete nan tè sèch yo  
e vwa dlo yo va nan dezè a.  
7 Peyi deseche a va vin tounen yon letan  
e tè swaf, ✨sous k ap pete dlo;  
nan landwa chen mawon yo, kote li repoze a,  
zèb yo va tounen wozo ak jon.  
8 Yon gran chemen va la, yon gran ri  
e li va rele Chemen Sen an.  
Sila ki pa pwòp p ap vwayaje sou li,  
men li va sèvi pou sila ki mache nan chemen sa a  
e moun mechan ki bèt pap mache la.  
9 Nanpwen lyon ki va la,  
ni p ap gen bèt sovaj k ap mache sou li;  
sila yo p ap twouve la.  
Men ✨rachte yo va mache la.  
10 Epi ✨rachte a SENYÈ yo va retounen  
vini ak gwo kri lajwa nan Sion,

✨ 34:15 Det 14:13 ✨ 34:16 És 1:20 ✨ 34:17 És 17:13 ✨ 35:1 És 41:19 ✨ 35:2 És 25:9  
✨ 35:3 Job 4:3-4 ✨ 35:4 És 32:4 ✨ 35:5 És 29:18 ✨ 35:6 Mat 15:30 ✨ 35:7 És 49:10  
✨ 35:9 És 51:10 ✨ 35:10 És 1:27

ak lajwa ki p ap janm fini sou tèt yo.  
Yo va twouve kè kontan ak lajwa  
e tristès ak soupi va sove ale.

## 36

<sup>1</sup> ✧ Alò, nan katòzyèm ane a Wa Ézéchiàs la Sanchérib, wa Assyrie a, te monte kont tout vil ranfòse Juda yo e te sezi yo. <sup>2</sup> Epi wa Assyrie a te voye Rabschaké sòti Lakis nan Jérusalem vè wa Ézéchiàs avèk yon gwo lame. Li te kanpe kote kanal la sou gran chemen a chan foule a. <sup>3</sup> Epi ✧Éliakim, fis a Hilkiya a, ki te chèf sou kay wa a, Schebna, grefye a ak Joach, fis a Asaph la, grefye achiv la, te sòti vin kote l.

<sup>4</sup> Epi ✧Rabschaké te di yo: “Pale koulye a a Ézéchiàs, se konsa gran wa a, wa Assyrie a pale: “Ki konfyans sa ou genyen an? <sup>5</sup> Mwen di ou ke Konsèy nou ak fòs pou fè lagè nou pa plis pase pawòl vid. Alò, de kilès nou va depann lè ✧nou te fè rebelyon kont mwen an? <sup>6</sup> Gade byen, ou depann de baton a wozo kraze sila a; menm Égypte, sou sila si yon nonm apiye li a, baton an ap antre nan men l e frennen l nèt. ✧Se konsa Farawon, wa Égypte la ye pou tout sila ki depann de li yo. <sup>7</sup> Men si ou di m: ‘Nou mete konfyans nan SENYÈ a, Bondye nou an’, èske se pa ✧wo plas ak lotèl a Li menm yo ke Ézéchiàs te retire e te di Juda ak Jérusalem: ‘Ou va adore isit la devan lotèl sila a?’ <sup>8</sup> Alò, pou rezon sa a, vin fè yon antant ak mèt mwen an, wa a Assyrie a e mwen va bannou de-mil cheval, si nou ka mete chevalye sou yo. <sup>9</sup> Kijan, alò, nou ka refize menm youn nan piti ofisye a mèt mwen yo pou ✧depann de Égypte pou cha ak chevalye? <sup>10</sup> Èske koulye a, mwen ta monte san pèmisyon SENYÈ a, kont peyi sa a pou detwi l? ✧SENYÈ a te di mwen: ‘Ale monte kont peyi sa a pou detwi l.’ ”

<sup>11</sup> Epi Éliakim, Schebna ak Joach te di a Rabschaké: “Alò, pale ak sèvitè ou yo an Arameyen, paske nou konprann li; pa pale ak nou an ✧Jideyen nan zòrèy a moun ki sou miray yo.” <sup>12</sup> Men Rabschaké te di: “Èske mèt mwen an te voye m sèlman a mèt nou e a nou menm pou pale pawòl sa yo e pa a moun sila yo ki chita sou miray la, ki va oblije manje pwòp pou pou yo e bwè dlo pipi yo ansanm avèk nou?” <sup>13</sup> Epi Rabschaké te kanpe e te ✧kriye ak yon gwo vwa an Jideyen e te di: “Tande pawòl a gran wa a, wa Assyrie a. <sup>14</sup> Konsa pale wa a: ‘Pa kite Ézéchiàs pase nou nan ✧tenten, paske li p ap ka delivre nou; <sup>15</sup> Ni pa kite Ézéchiàs fè nou ✧mete konfyans nan SENYÈ a, oswa di nou: ‘Anverite SENYÈ a va delivre nou, vil sa a p ap bay nan men a wa Assyrie a.’ <sup>16</sup> Pa koute Ézéchiàs, paske konsa pale wa Assyrie a: ‘Fè lapè ak mwen, vin jwenn mwen, chak moun va manje nan pwòp chan rezen pa li, chak moun nan pwòp pye fig pa li e chak moun va bwè ✧dlo nan pwòp sitèn pa li, <sup>17</sup> Jiskaske m vin mennen nou ale nan yon peyi tankou peyi pa nou an, yon peyi ak anpil sereyal ak diven nèf, yon peyi ak pen ak chan rezen. <sup>18</sup> Veye pou Ézéchiàs pa egare nou e di nou: ✧‘SENYÈ a va delivre nou’. Èske youn nan dye a nasyon yo te delivre tè li a anba men a wa Assyrie a? <sup>19</sup> Kote dye a Hamath ak Arpad yo? Kote dye a Sepharvaïm yo? Epi kilè yo te ✧delivre Samarie nan men m?’” <sup>20</sup> Se kilès

✧ 36:1 II Wa 18:13 ✧ 36:3 És 22:20 ✧ 36:4 II Wa 18:19 ✧ 36:5 II Wa 18:7 ✧ 36:6 Sòm 146:3 ✧ 36:7 Det 12:2-5 ✧ 36:9 És 20:5 ✧ 36:10 I Wa 13:18 ✧ 36:11 És 36:13 ✧ 36:13 II Kwo 32:18 ✧ 36:14 És 37:10 ✧ 36:15 És 36:18-20 ✧ 36:16 Pwov 5:15 ✧ 36:18 És 36:15 ✧ 36:19 II Wa 17:6



pami tout \*dye peyi sila yo ki te delivre peyi pa yo nan men m, pou SENYÈ a ta delivre Jérusalem nan men m?”

<sup>21</sup> Men yo te pe la e \*pa t di l yon mo, paske lòd a wa a se te: “Pa reponn li”.

<sup>22</sup> Epi \*Éliakim, fis a Hilkija a, ki te chèf sou kay la, Schebna, sekretè a ak Joach, fis a Asaph, achivist la, te rive kote Ézéchias ak rad yo chire e te di li pawòl a Rabschaké yo.

## 37

<sup>1</sup> Epi \*lè wa Ézéchais te tande sa, li te chire rad li, te kouvri kò l ak sak twal e li te antre lakay SENYÈ a. <sup>2</sup> Epi li te voye Éliakim ki te chèf nan kay la avèk Schebna, grefye a ak ansyen a prèt yo, kouvri ak sak twal, kote \*Ésaïe, pwofèt la, fis a Amots la. <sup>3</sup> Yo te di l: “Men konsa pale Ézéchias: ‘Jou sa a se yon \*jou gwo malè, repwòch ak rejè; paske pitit yo rive nan lè pou yo fèt e nanpwen fòs pou akouche yo. <sup>4</sup> Petèt, SENYÈ Bondye ou a va tande pawòl a Rabschaké, ke mèl li a, wa Assyrie a, te voye pou \*repwoche Bondye vivan an e li va repwoche pawòl ke SENYÈ a, Bondye ou a, te tande yo. Pou sa, ofri yon lapriyè pou retay ki la toujou yo.’ ” <sup>5</sup> Se konsa sèvitè a Wa Ézéchias yo te rive kote Ésaïe. <sup>6</sup> Ésaïe te di yo: “Konsa nou va pale mèl nou an, ‘Se konsa SENYÈ a pale: \*‘Pa pè akoz pawòl ke ou te tande yo, avèk sila sèvitè a wa Assyrie yo te blasphème non Mwen. <sup>7</sup> Gade byen, Mwen va mete yon lespri nan li pou l \*tande yon rimè pou li retounen nan pwòp peyi li. Epi Mwen va fè l tonbe pa nepe nan pwòp peyi li.’ ” <sup>8</sup> Epi Rabschaké te retounen e te twouve wa Assyrie a t ap goumen kont Libna, paske li te tande ke wa a te kite \*Lakis. <sup>9</sup> Lè li menm wa Assyrie a tande yo pale de Tirhaka, wa \*Cush la: “Li te parèt deyò pou goumen kont nou,” epi lè l tande sa, li te voye mesaj yo kote Ézéchias e te di: <sup>10</sup> “Konsa ou va di a Ézéchias, wa a Juda a: \*‘Pa kite Bondye ou a nan sila ou mete konfyans ou an pase ou anba rizib e di ou: ‘Jérusalem p ap bay nan men wa Assyrie a. <sup>11</sup> \*Gade byen, ou te tande sa ke wa Assyrie yo te fè a tout peyi yo, ke yo te detwi yo nèt. Konsa, èske ou va chape? <sup>12</sup> Èske dye a nasyon sa yo ke papa m te detwi yo te delivre yo; Gozan, Charan, Retseph, ak fis a Éden ki te Telassar yo? <sup>13</sup> Kote wa Hamath la, wa Arpad la, ak wa nan vil a Sepharvaïm lan, Héna, ak Ivva?’ ” <sup>14</sup> Epi Ézéchias te pran lèt la nan men mesaj a, li te li li. Konsa, li te monte lakay SENYÈ a e li te ouvri li devan SENYÈ a. <sup>15</sup> Ézéchias te priye a SENYÈ a e te di: <sup>16</sup> “O SENYÈ dèzame yo, Bondye Israël la, ki chita sou twòn li anwo cheriben yo, Ou se Bondye a, Ou menm sèl, sou tout wayòm latè yo; \*Ou te fè syèl la ak latè a. <sup>17</sup> Panche zòrèy Ou, O SENYÈ pou \*tande; ouvri zye Ou, O SENYÈ pou Ou wè; koute byen tout pawòl ke Sanchérib te voye pou repwoche Bondye vivan an. <sup>18</sup> Anverite O SENYÈ, \*wa Assyrie yo te detwi tout peyi yo ak tout tè pa yo, <sup>19</sup> epi te jete dye pa yo nan dife, paske se pa t dye yo te ye, men \*zèv ki te fèt pa men a lòm, ak bwa ak wòch. Konsa yo te detwi yo. <sup>20</sup> Koulye a, O SENYÈ, Bondye nou an, \*delivre nou soti nan men l pou

\* 36:20 I Wa 20:23-28 \* 36:21 Pwov 9:7-8 \* 36:22 És 22:20 \* 37:1 II Wa 19:1-37 \* 37:2 És 1:1 \* 37:3 És 22:5 \* 37:4 És 36:13-20 \* 37:6 És 7:4 \* 37:7 És 37:37-38 \* 37:8 Jos 10:31-32 \* 37:9 És 18:1 \* 37:10 És 36:15 \* 37:11 És 10:9-11 \* 37:16 És 42:5 \* 37:17 Sòm 74:22 \* 37:18 II Wa 15:29 \* 37:19 És 2:8 \* 37:20 És 25:9

tout wayòm latè yo ka konnen ke Ou menm sèl SENYÈ a, se Bondye. <sup>21</sup> Epi Ésaïe, fis a Amots la te voye kote Ézéchiass e te di: “Konsa pale SENYÈ a, Bondye Israèl la, ‘Akoz nou te priye a Mwen menm sou Sanchérib, wa Assyrie a, <sup>22</sup> Men pawòl ke SENYÈ a fin pale kont li: li te meprize ou e te moke ou, \*fi vyèj a Sion an; li te souke tèt li dèyè ou, fi a Jérusalem nan! <sup>23</sup> Se kilès ou te meprize e blasphème? Epi kont kilès ou te leve vwa ou e kont kilès ou te leve zye ou ak ògèy la? Kont \*Sila Ki Sen an Israèl la! <sup>24</sup> Ak sèvitè ou yo, ou te meprize SENYÈ a, epi ou te di: ‘Ak tout cha mwen yo, mwen te monte sou wotè a mòn yo, kote pi izole nan Liban yo. Epi mwen te koupe \*bwa sèd li yo ak tout bwa pichpen pi bèl yo. Epi mwen va monte kote tèt mòn pi wo li a, nan forè pi dans li yo. <sup>25</sup> Mwen te fouye pwi yo, mwen te bwè dlo yo e \*ak pla pye mwen, mwen fè tout rivyè an Égypte yo vin sèch.’ <sup>26</sup> “Èske ou pa t tande? Lontan sa, Mwen te fè li; depi nan tan ansyen yo, Mwen te \*planifye sa. Koulye a Mwen fin fè l rive, pou ou ta fè gwo vil fòtifye yo vin tounen gwo pil mazi. <sup>27</sup> Akoz sa, moun ki te rete ladann yo te manke fòs, yo te vin nan konfizyon e wont; yo te tankou zèb chan, tankou zèb vèt, tankou \*zèb sou twati kay ki fennen avan li fin grandi. <sup>28</sup> Men Mwen \*konnen lè ou chita ak lè ou sòti, lè ou antre ak lè ou fè laraj kont Mwen. <sup>29</sup> Akoz laraj ou fè kont Mwen e akòz \*ògèy ou rive monte nan zòrèy Mwen; pou sa, Mwen va mete yon gwo kwòk nan nen ou ak brid Mwen nan lè ou e Mwen va vire fè ou tounen pa chemen ke ou te antre a.” <sup>30</sup> “Epi sa va sign pou ou: ou va manje ane sa a sa ki \*grandi pou li, nan dezyèm ane sa ki vin parèt menm jan an. Nan twazyèm ane a, plante, rekòlte, plante chan rezen yo e manje fwi yo. <sup>31</sup> Retay lakay Juda ki chape a va ankò \*pran rasin anba pou donner fwi anlè. <sup>32</sup> paske soti nan Jérusalem, va vin parèt yon retay e sòti nan Mòn Sion, kèk moun ki chape. \*Zèl kouraj SENYÈ a va akonpli sa a.” <sup>33</sup> “Pou sa” pale SENYÈ a pale konsènan wa Assyrie a konsa: “Li p ap rive nan vil sa a, ni tire yon flèch la; epi li p ap parèt devan l ak boukliye, ni monte yon \*ran syèj kont li. <sup>34</sup> \*Pa menm chemen ke li te vini an, pa li menm li va retounen e li p ap rive sou vil sa a, deklare SENYÈ a. <sup>35</sup> Paske Mwen va \*defann vil sa a pou sove li pou pwòp koz pa M e pou koz sèvitè Mwen an, David.” <sup>36</sup> Epi \*zanj SENYÈ a te sòti deyò e te frape san-katre-ven-senk-mil lòm nan kan Asiryen yo; epi lè moun te leve bonè granmmaten; gade byen, tout sila yo te mouri. <sup>37</sup> Konsa, Sanchérib, wa Assyrie a te sòti, te retounen lakay li e te rete \*Ninive. <sup>38</sup> Li te vin rive pandan li t ap adore lakay Nisroc, dye pa li a, ke Adrammélec ak Scharretser, fis li yo, te touye li ak nepe e li te chape antre nan peyi Ararat. Epi \*Ésar-Haddon, fis li a, te renye nan plas li.

## 38

<sup>1</sup> \*Nan jou sa yo, Ézéchiass te vin malad a mò. Epi Ésaïe, pwofèt la, fis a Amots la, te vin kote li e te di l: “Konsa pale SENYÈ a: Mete lakay ou an lòd, paske ou va mouri, ou p ap viv.”

<sup>2</sup> Epi Ézéchiass te vire figi li vè mi kay la pou te priye a SENYÈ a, <sup>3</sup> Epi te di: “Sonje koulye a, O SENYÈ, mwen mande Ou souple, pou jan mwen te

\* 37:22 Sòm 9:14 \* 37:23 Éz 39:7 \* 37:24 És 14:8 \* 37:25 Det 11:10 \* 37:26 Trav 2:23  
 \* 37:27 Sòm 129:6 \* 37:28 Sòm 139:1 \* 37:29 És 10:12 \* 37:30 Lev 25:5-11 \* 37:31 És 27:6  
 \* 37:32 II Wa 19:31 \* 37:33 Jr 6:6 \* 37:34 És 37:29 \* 37:35 II Wa 20:6 \* 37:36 II Wa 19:35  
 \* 37:37 Jen 10:11 \* 37:38 Éz 4:12 \* 38:1 II Wa 20:1-11

✧mache devan Ou nan verite, ak yon kè entèg e te fè sa ki te bon devan zye Ou.” Epi Ézéchiàs te plere byen fò.

<sup>4</sup> Epi pawòl SENYÈ a te rive kote Ésaïe, epi te di: <sup>5</sup> Ale pale ak Ézéchiàs epi di li: ‘Konsa pale SENYÈ a: “Mwen te tandè lapriyè ou, Mwen te wè dlo ki t ap sòti nan zye ou; gade byen, Mwen va mete ✧kenzan sou lavi ou. <sup>6</sup> Mwen va ✧delivre ou ak vil sa a soti nan men a wa Assyrie a; epi Mwen va defann vil sa a.”’ <sup>7</sup> Epi sa va ✧sign pou ou soti nan SENYÈ a, ke SENYÈ a va fè bagay sa ke Li te pale a: <sup>8</sup> Gade byen, Mwen va ✧fè lonbraj sou eskalye a, lonbraj ki te desann avèk solèy la sou eskalye Achaz la, pou fè back dis pa.” Epi konsa lonbraj solèy la te fè bak a dis pa sou menm eskalye kote li te desann nan.

<sup>9</sup> Men yon chanson ke Ézéchiàs te ekri apre li te malad e te vin refè a:

<sup>10</sup> Mwen te di: ✧“Nan mitan lavi m, mwen gen pou antre nan pòtay Sejou mò yo; mwen gen pou pèdi tout rès ane mwen yo.

<sup>11</sup> Mwen te di: “Mwen p ap wè SENYÈ a, SENYÈ ✧nan peyi vivan yo; mwen p ap wè moun ankò pami sila ki viv nan mond yo.

<sup>12</sup> Tankou ✧tant a yon bèje, lakay mwen va rache retire sou mwen; tankou yon bòs twal, mwen te woule fè monte lavi m.

Li koupe m fè m sòti nan ankadreman bòs twal la; soti lajounen rive nan lannwit, ou fè yon fen ak mwen.

<sup>13</sup> Mwen te kalme nanm mwen jis rive nan maten.

✧Tankou yon lyon——se konsa Li kraze tout zo m, soti lajounen jis rive lannwit, ou fè yon fen ak mwen.

<sup>14</sup> Tankou yon iwondèl, tankou yon zwazo se konsa mwen kriye; mwen plenyen kon yon toutrèl; zye m gade ak nostalji vè wotè yo;

O Senyè, mwen oprime, fè mwen

<sup>15</sup> Kisa pou m ta di? Paske Li te pale ak mwen e Li menm, Li te fè sa.

Mwen va ✧mache egare pandan tout ane m yo akoz gou anmè nanm mwen.

<sup>16</sup> O Senyè, se pou bagay sa yo ke moun viv e nan sa yo, lavi nanm mwen ye;

✧O restore m a lasante e kite m viv!

<sup>17</sup> Alò, pou bòn sante pa m, mwen te gen gwo amètim; se Ou menm ki te ✧kenbe nanm mwen pou l pa antre nan fòs gwo abim nan, paske Ou te jete tout peche m yo deyè do Ou.

<sup>18</sup> paske Sejou mò yo p ap ka remèsye Ou, Lanmò menm p ap ka bay Ou lwanj; sila ki ✧desann nan fos yo p ap ka gen espwa fidelite Ou.

<sup>19</sup> Se ✧vivan ki bay Ou remèsiman; tankou mwen menm, mwen fè jodi a; yon papa pale ak fis li yo selon fidelite Ou.

<sup>20</sup> Anverite, SENYÈ a va sove mwen;

✧ **38:3** II Wa 18:5-6 ✧ **38:5** II Wa 18:2-13 ✧ **38:6** És 31:5 ✧ **38:7** Jij 6:17-40 ✧ **38:8** II Wa 20:9-11 ✧ **38:10** Sòm 102:24 ✧ **38:11** Sòm 27:13 ✧ **38:12** II Kor 5:1-4 ✧ **38:13** Job 10:16 ✧ **38:15** I Wa 21:27 ✧ **38:16** Sòm 119:25 ✧ **38:17** Sòm 30:3 ✧ **38:18** Nonb 16:33 ✧ **38:19** Sòm 118:17

pou sa, nou va jwe chanson mwen yo sou enstriman kòd yo pou tout lavi nou lakay SENYÈ a.”

<sup>21</sup> Alò ✨Ésaïe te di: “kite yo fè yon pomad ak gato fig etranje e mete li sou abse a, pou l ka geri.” <sup>22</sup> Epi Ézéchiàs te di: “Se kisa k ap ✨sign ke mwen va monte lakay SENYÈ a?”

## 39

<sup>1</sup> ✨Nan lè sa a Merodac-Baladan, fis a Baladan nan, wa Babylon nan, te voye lèt ak yon kado bay Ézéchiàs, paske li te tandè ke li te malad e li te refè. <sup>2</sup> Ézéchiàs te ✨kontan e te montre yo tout trezò lakay li yo, ajan ak lò a, epis ak lwil presye, tout zam li yo ak tout sa ki te la nan trezò a. Pa t gen anyen lakay li a ni nan tout wayòm li an ke Ézéchiàs pa t montre yo. <sup>3</sup> Alò, Ésaïe, pwofèt la, te vin kote Wa Ézéchiàs e te di li: “Se kisa mesye sa yo te di e se kibò yo sòti pou vin kote nou la a?”

Epi Ézéchiàs te di: “Yo vin kote m soti nan yon ✨peyi lwen, Babylone.”

<sup>4</sup> Li te di: “Se kisa yo te wè lakay ou a?”

Epi Ézéchiàs te reponn: “Yo te wè tout sa ki lakay mwen an; nanpwen anyen pami trezò mwen yo ke mwen pa t montre yo.”

<sup>5</sup> Epi Ésaïe te di a Ézéchiàs: “Tandè ✨pawòl SENYÈ dèzame yo, <sup>6</sup> ‘Gade byen, jou yo ap vini lè ✨tout sa ki lakay ou ak tout sa ke papa ou yo te mete nan depo, jis rive nan jodi a, va pote ale Babylone; anyen p ap rete’, pale SENYÈ a. <sup>7</sup> ‘Epi gen kèk nan fis ou yo ki va sòti nan ou menm, ke ou va fè, va ✨ pote ale e yo va vin fè ofisye nan palè a wa Babylon nan.’”

<sup>8</sup> Epi Ézéchiàs te di a Ésaïe: “Pawòl SENYÈ ke ou te pale a, bon.” Paske li te panse: “Se paske va gen lapè ak verite ✨nan jou mwen yo.”

## 40

<sup>1</sup> ✨Konsole, O konsole pèp Mwen an,” pale Bondye ou an. <sup>2</sup> Pale ak dousè ak Jérusalem; epi rele a li menm, ke ✨konfli li fini an, ke inikite li retire a, ke li te resevwa nan men SENYÈ a doub pou tout peche li yo.”

<sup>3</sup> Yon vwa ap rele, debleye chemen an pou SENYÈ a nan dezè a; fè vin swa nan dezè a yon gran chemen pou Bondye nou an.

<sup>4</sup> Kite tout vale yo vin leve wo e tout mòn ak kolin yo vin ba; epi kite move teren an vin pla e teren difisil yo vin yon vale ki byen laj.

<sup>5</sup> Epi ✨glwa a SENYÈ a va vin parèt e tout chè va wè sa ansanm; paske bouch a SENYÈ a fin pale.”

<sup>6</sup> Yon vwa pale: “Relè fò.” Epi li te reponn: “Kisa pou m rele?”

✨ “Tout chè se zèb e tout bèlte li se tankou flè nan chan.

<sup>7</sup> ✨Zèb la fennen,  
flè a pèdi koulè l

depi souf SENYÈ a soufle sou li.

Anverite, pèp la se zèb.

<sup>8</sup> Zèb la fennen,  
flè a pèdi koulè l,

✨ 38:21 II Wa 20:7-8 ✨ 38:22 És 38:7 ✨ 39:1 II Wa 20:12-19 ✨ 39:2 II Kwo 32:25-31 ✨ 39:3 Det 28:49 ✨ 39:5 I Sam 13:13-14 ✨ 39:6 II Wa 24:13 ✨ 39:7 II Wa 24:10-16 ✨ 39:8 II Kwo 34:28 ✨ 40:1 És 12:1 ✨ 40:2 És 41:11-13 ✨ 40:5 És 6:3 ✨ 40:6 Job 14:2 ✨ 40:7 Sòm 90:5-6

men ✧pawòl Bondye nou an kanpe jis pou tout tan.

9 Mete ou menm sou yon mòn ki wo,  
O Sion, ki pote bòn nouvèl;  
leve vwa ou wo ak gwo pouvwa,  
O Jérusalem, ki pote bòn nouvèl la;  
leve wo, pa pè anyen.

Di a ✧vil Juda yo: Men Bondye nou an!

10 Gade byen, Senyè BONDYE a, va vini ✧ak pouvwa,  
ak bra Li k ap kòmande pou Li.

Gade byen salè Li avè L e rekonpans li devan L.

11 Tankou yon bèje, Li va ✧pran swen bann mouton Li;  
nan bra Li, Li va ranmase jenn mouton yo  
e pote yo nan lestonmak Li;  
ak dousè, Li va mennen ti mouton piti yo.

12 Se kilès ki te ✧mezire dlo nan pla men L,  
kilès ki te etabli mezi syèl yo ak yon men louveri,  
ki te fè kalkil pousyè latè pa mezi,  
ki te peze mòn yo nan yon balans  
e ki te peze kolin yo nan yon pè balans?

13 Se ✧kilès ki te dirije Lespri SENYÈ a  
oswa jan konseye Li te enfòmè Li a?

14 Ak kilès li te konsilte  
e se kilès ki te ✧bay Li bon konprann?  
Epi kilès ki te montre Li chemen lajistis la,  
ki te enstwi li nan bon konprann  
e ki te fè l konnen chemen sajès la?

15 Gade byen, ✧nasyon yo se tankou yon gout dlo nan yon bokit,  
e parèt tankou yon grenn pousyè sou balans;  
gade byen, li leve fè monte lil yo konsi se pousyè fen yo ye.

16 Menm Liban pa kont pou brile, ni ✧bèt li yo  
pa kont pou fè ofrann brile.

17 ✧Tout nasyon yo se konsi yo pa anyen devan L,  
yo gade pa Li menm tankou mwens ke anyen e san sans.

18 ✧ A kilès, alò, nou ta konpare Bondye?  
Oswa avèk ki imaj nou ta fè l sanble?

19 Pou Zidòl la, se yon ouvriye ki fòmè l,  
ak òfèv ki ✧kouvri l ak lò e yon òfèv ajan ki fè chenn an ajan.

20 Sila ki twò pòv pou fè ofrann sa a,  
pran yon pyebwa ki pa konn pouri;  
li chache jwenn yon mèt atizan pou prepare  
yon zidòl ki ✧p ap tonbe.

21 ✧ Èske nou pa konnen? Èske nou pa konn tande?

Èske sa pa t deklare a nou menm depi nan kòmansman?

Èske nou pa t konprann sa depi nan fondasyon latè yo?

✧ 40:8 És 55:11 ✧ 40:9 És 44:26 ✧ 40:10 És 9:6-7 ✧ 40:11 Jr 31:10 ✧ 40:12 Job 38:8-11  
✧ 40:13 Wo 11:34 ✧ 40:14 Job 21:22 ✧ 40:15 Jr 10:10 ✧ 40:16 Sòm 50:9-11 ✧ 40:17 És  
29:7 ✧ 40:18 Egz 8:10 ✧ 40:19 És 2:20 ✧ 40:20 I Sam 5:3-4 ✧ 40:21 Sòm 19:1

22 Se Li menm ki chita anwo ✧wonn tè a  
e sila ki rete ladann yo tankou krikèt volan;  
ki lonje ouvri syèl yo tankou yon rido  
e fè yo deplwaye tankou yon tant pou moun viv ladann.

23 Se Li menm ki redwi gwo chèf yo pou yo pa anyen,  
ki ✧fè jij latè yo vin san sans.

24 Apèn yo fin plante, apèn yo fin semen,  
apèn stòk yo fin pran rasin nan tè a,  
Li sèlman soufle sou yo,  
yo fennen e ✧tanpèt la pote ale tankou pay.

25 “Alò, ✧ak kilès ou va konpare Mwen,  
pou M ta kapab vin egal avè l?” Sila Ki Sen an pale.

26 ✧Leve zye nou anlè e gade kilès ki te kreye zetwal sila yo;  
Sila ki mennen lame selès yo sòti pa chif yo.

Li rele yo tout pa non yo,  
akoz grandè a pwisans Li  
e fòs a pouvwa Li,  
nanpwen youn nan yo ki manke.

27 Poukisa ou di, O Jacob e pale O Israël:  
“Chemen Mwen an kache de SENYÈ a  
e ✧jistis ke m merite a chape de atansyon a Bondye M”?

28 Èske nou pa konnen?

Èske nou pa tande?

Ke ✧Bondye Etènèl la, SENYÈ a,  
Kreyatè a dènye pwent latè a,  
pa konn fatigue, ni bouke.  
Konprann pa Li depase tout bon konprann.

29 Li bay fòs a sila ki ✧fatige yo  
e a sila ki manke fòs yo, li bay plis pouvwa.

30 Malgre moun ✧jenn yo vin fatigue, bouke  
e jenn mesye plen kouraj yo vin glise tonbe,

31 Men sila ki tann SENYÈ yo va ✧renouvle ak kouraj nèf;  
yo va monte anwo ak zèl kon èg.

Yo va kouri e yo p ap bouke;  
yo va mache e yo p ap fatigue.

## 41

1 Peyi kot lanmè yo, koute Mwen an silans  
e kite pèp yo renouvele fòs yo;  
kite yo vin parèt pa devan  
e kite yo pale;

annou reyini ansanm pou fè jijman.

2 Kilès ki te fè leve yon moun soti nan lès,  
ke Li rele vin kanpe a pye nan ladwati la;  
Li livre nasyon yo devan li e Li fè wa yo soumèt;  
li fè yo tankou pousyè ak nepe li,

✧ 40:22 Job 22:14 ✧ 40:23 És 5:21 ✧ 40:24 És 17:13 ✧ 40:25 És 40:18 ✧ 40:26 És 51:6  
✧ 40:27 Job 27:2 ✧ 40:28 Jen 21:33 ✧ 40:29 És 50:4 ✧ 40:30 Jr 6:11 ✧ 40:31 Job 17:9

tankou pay k ap chase pa van ak banza li.

<sup>3</sup> Li kouri dèyè yo e yo fin pase san danje,  
pa yon chemen kote li pa t konn pase ak pye li.

<sup>4</sup> “Se kilès ki te fè sa a e ki te acheve li;  
ki te rele fè parèt tout jenerasyon yo soti nan kòmansman?

✧Mwen, SENYÈ a, se premye a ak dènye a. Mwen se Li.’ ”

<sup>5</sup> Peyi kot yo te wè e yo gen lakrent;

✧dènye pwent latè yo tranble;  
yo te rapwoche e yo te rive.

<sup>6</sup> Chak moun ap ede vwazen li  
e di a frè li: “Pran kouraj!”

<sup>7</sup> Konsa, ✧bòs atizan an ankouraje bòs fonn metal la,  
sila ki fè metal vin poli ak mato a ankouraje sila k ap bat fè a  
e li di a sila k ap soude a: “Li bon”;  
epi li kloure li ak klou pou l rete fèm.

<sup>8</sup> Men ou menm, O Israël, ✧sèvitè Mwen an,  
Jacob ke M te chwazi a,

desandan Abraham nan, zami Mwen an,

<sup>9</sup> Ou menm, ke M te ✧pran soti nan tout ekstremitè latè yo  
e te rele soti nan kote pi izole yo pou te di ou:

‘Ou se sèvitè Mwen, Mwen te chwazi ou  
e Mwen pa t rejte ou.

<sup>10</sup> Pa ✧pè, paske Mwen avèk ou;

pa gade toupatou ak kè twouble, paske Mwen se Bondye ou.

Mwen va fòtifye ou,

anverite Mwen va bay ou sekou;

anverite Mwen va bay ou soutyen ak men ladwati, men dwat Mwen.

<sup>11</sup> Gade byen, ✧tout sila ki fache ak ou yo

va vin wont e dezonore;

sila k ap pran pòz kont ou yo va vin konsi

se pa anyen e yo va peri.

<sup>12</sup> ✧Ou va chache sila k ap fè pwoblèm ak ou yo,

men ou p ap jwenn yo;

sila ki fè lagè ak ou yo va vin konsi se pa anyen

e yo p ap egziste ankò.

<sup>13</sup> Paske Mwen se SENYÈ a, Bondye ou a,

ki soutni men dwat Ou,

ki di ou, pa pè, Mwen va ba ou sekou.

<sup>14</sup> Pinga ou pè, ou menm, ✧vètè Jacob la,

nou menm mesye Israël yo;

Mwen va ede nou”, deklare SENYÈ a:

“epi Redanmtè ou a se Sila Ki Sen an Israël la.

<sup>15</sup> Gade byen, Mwen te fè ou vin yon zouti pou  
kraze vannen rekòlt tounèf, byen file tou de bò;

✧Ou va pike mòn yo, kraze yo nèt

e fè kolin yo vin tankou pay.

<sup>16</sup> Ou va ✧vannan yo;

van a va pote yo ale e tanpèt va gaye yo.

✧ 41:4 És 43:10 ✧ 41:5 Jos 5:1 ✧ 41:7 És 44:12-13 ✧ 41:8 És 42:19 ✧ 41:9 És 11:11

✧ 41:10 Det 20:1 ✧ 41:11 És 45:24 ✧ 41:12 Job 20:7-9 ✧ 41:14 Job 25:6 ✧ 41:15 Mi 4:13

✧ 41:16 Jr 51:2

Men ou va rejwi nan SENYÈ a,  
ou va fè lwanj Sila Ki Sen an Israèl la.

17 Aflije yo ak malere yo ap chache dlo, men nanpwen,  
e lang yo sèch ak swaf la.

Mwen menm, SENYÈ a, Mwen ✧va reponn yo.  
Bondye Israèl la p ap abandone yo.

18 Mwen va ouvri rivyè yo sou wotè ki vid yo  
e sous nan mitan vale yo;

Mwen va fè ✧dezè a vin yon letan dlo  
e tè sèch la yon fontèn dlo.

19 Mwen va mete pye sèd nan dezè a,  
pye akasya, ak pye jasmen ak pye doliv;  
Mwen va mete pye pichpen nan dezè a ansanm ak pye bwadòm,

20 Pou yo ka wè, vin rekonèt,  
reflechì e ranmase bon konprann tou,  
ke ✧men SENYÈ a te fè sa,  
epi Sila Ki Sen an Israèl te kreye li a.

21 “Prezante ka nou yo”, pale SENYÈ a.  
Pote l devan gwo diskou nou yo”, pale Wa a Jacob la.

22 Mennen fè yo vin parèt e deklare a nou menm  
sa ki va rive;  
epi pou ✧evenman lontan yo, deklare kisa  
yo te ye, pou nou ka konsidere yo  
e konnen kijan y ap sòti.

Oswa, anonse a nou menm sa k ap vini an;

23 Deklare bagay ki va vin rive apre yo,  
pou nou ka konnen ke se dye nou ye;  
anverite, ✧fè byen, oswa fè mal, pou nou ka  
gade toupatou ansanm ak kè twouble.

24 Gade byen, nou pou ryen e zèv nou yo pa pou anyen;  
Se yon abominasyon pou Sila ki chwazi nou an.

25 Mwen te pwovoke ✧yon moun soti nan nò  
e li vin parèt;

depi nan solèy leve a, li va rele non Mwen;  
epi li va vini sou chèf yo kon sou mòtye,  
menm kon bòs kanari mache sou ajil.

26 Se kilès ki te ✧deklare sa depi nan kòmansman an,  
pou nou ta ka konnen?

Oswa depi tan ansyen yo, pou nou ta kapab di: ‘Sa se vre’?  
San dout, pa t gen moun ki te deklare sa;  
san dout, pa t gen moun ki te pwoklame sa;  
san dout, pa t gen moun ki te tande pawòl sila yo.

27 Oparavan, Mwen te di a Sion:  
‘Men vwala, men yo la.’

Epi a Jérusalem: ‘Mwen va voye yon ✧mesaje bòn nouvèl’.

28 Men ✧lè M gade, nanpwen pèsòn e pa gen konseye pami yo,



ki, si M te mande, ta kapab bay yon repons.  
 29 Gade byen, yo tout fo; zèv pa yo san valè;  
 imaj fonn yo se ✧van ak gran abim.

## 42

1 Gade byen, men Sèvitè Mwen an, ke M ap soutni an;  
 ✧sila ke M chwazi a, ki fè nanm Mwen plezi a.

Mwen te mete Lespri M sou Li;  
 Li va mennen fè lajistis vin parèt devan nasyon yo.

2 Li p ap kriye menm,  
 ni leve vwa l,

ni fè vwa l tandè nan lari.

3 Yon wozo ki brize, Li p ap kase  
 e yon fisèl bouji ki brile nèt,  
 Li p ap etenn;

ak fidelite, Li va mennen ✧lajistis  
 e fè l vin parèt.

4 Li p ap ✧dekouraje oswa vin kraze  
 jiskaske Li etabli lajistis sou tout latè;  
 epi peyi kot yo va tann ak enpasyans lalwa Li.

5 Konsa pale Bondye SENYÈ a  
 ki te ✧krete syèl yo e ki tann yo,  
 ki te fè latè vin laj ak tout sa ki viv ladann,  
 ki bay souf a tout pèp ki vivan sou li  
 e lespri a tout moun ki mache ladann,

6 Mwen menm se SENYÈ a;  
 Mwen te ✧rele Ou nan ladwati;  
 anplis, Mwen va kenbe Ou nan Men pran swen Ou  
 e Mwen va chwazi Ou kon yon akò ak pèp la,  
 kon yon limyè a nasyon yo,

7 Pou ✧ouvri zye avèg yo, pou mennen prizonye yo sòti nan kacho a  
 e fè sila ki viv nan tenèb yo sòti nan prizon an.

8 Mwen se SENYÈ a;  
 sa se non Mwen;  
 Mwen p ap bay ✧glwa Mwen a yon lòt,  
 ni lwanj Mwen a imaj taye.

9 Gade byen, ✧ansyen bagay yo te fin akonpli;  
 koulye a, Mwen deklare bagay nèt yo;  
 Avan yo leve vin parèt, Mwen pwoklame yo a nou menm.”

10 Chante a SENYÈ a yon chan tounèf,  
 lwanj Li jis rive nan ✧dènye pwent latè!  
 Nou menm ki desann nan lanmè a, ak tout sa ki ladann.  
 Nou menm lil yo ak sila ki viv sou yo.

11 Kite ✧dezè a ak vil li yo leve vwa yo;  
 anplasman kote Kédar rete a.  
 Kite sila ki rete nan Sela la chante anlè;  
 kite yo chante ak kè kontan soti nan wotè mòn yo.

✧ 41:29 Jr 5:13 ✧ 42:1 Luc 9:35 ✧ 42:3 Sòm 72:2-4 ✧ 42:4 És 40:28 ✧ 42:5 Sòm 102:25-26  
 ✧ 42:6 És 41:2 ✧ 42:7 És 29:18 ✧ 42:8 Egz 20:3-5 ✧ 42:9 És 48:3 ✧ 42:10 És 49:6 ✧ 42:11  
 És 32:16

12 Kite yo ✨bay glwa a SENYÈ a  
e deklare lwanj Li nan peyi kot yo.

13 ✨SENYÈ a va avanse tankou yon gèrye,  
li va chofo zèl Li tankou yon nonm lagè.  
Li va kriye fò, wi Li va leve yon kri lagè.  
Li va enpoze Li sou lènmi Li yo.

14 ✨Mwen te rete an silans depi lontan sa,  
Mwen te rete kalm e te kontwole Mwen.  
Koulye a, tankou yon fanm k ap fè pitit, Mwen va plenyen,  
Mwen va rale gwo souf e respire fò.

15 Mwen va ✨ravaje tout mòn yo ak kolin yo  
e zèb ak raje yo va vin fennen nèt;  
Mwen va fè rivyè yo vin il yo e seche letan.

16 Mwen va ✨mennen avèg yo pa yon chemen yo pa konnen,  
nan wout yo pa konnen, Mwen va guide yo.  
Mwen va fè tenèb la vin limyè devan yo  
e move kote yo va vin plat.  
Se bagay sa yo Mwen va fè  
e Mwen p ap kite yo pa fèt.”

17 Sila ki mete konfyans yo nan zidòl yo  
e ki di a imaj fonn yo:  
‘Se nou menm ki dye pa nou’,  
va voye tounen pa dèyè e va ✨vin wont nèt.

18 ✨Tande, nou menm ki soud!  
Epi gade, nou menm ki avèg, pou nou ka wè.

19 Se kilès ki avèg sof ke ✨sèvitè Mwen an,  
oswa telman soud tankou mesaje ke Mwen voye a?  
Se kilès ki avèg tankou sila ki anpè avè M,  
oswa tèlman avèg tankou sèvitè a SENYÈ a?

20 ✨Nou te wè anpil bagay, men nou pa swiv yo;  
zòrèy nou louvri, men nanpwen moun ki tande.

21 SENYÈ a te kontan pou koz ladwati Li  
pou fè lalwa a ✨gran e plen avèk laglwa Li.

22 Men pèp sa a se yon pèp depouye e piyaje;  
yo tout ✨oblige rete nan kav yo oswa  
ap kache nan prizon yo;  
yo devni viktim san okenn moun ki pou delivre yo,  
epi yon piyaj san okenn moun ki pou di:  
“Fè yo tounen!”

23 Se kilès pami nou k ap prete zòrèy a sa a?  
Kilès k ap okipe sa e kòmanse koute depi koulye a?

24 Se kilès ki te livre Jacob pou l depouye e Israël a piyajè yo?  
Èske se pa t SENYÈ a, kont sila nou te peche a,  
nan chemen a sila yo pa t dakò mache a

ak lalwa a sila yo pa t obeyi a?  
 25 Pou sa, Li te vide sou li chalè kòlè Li  
 e Li ✧te fewòs nan batay la;  
 epi sa te fè l pran flanm toupatou.  
 Malgre, li pa t rekonèt sa a;  
 li te brile li, men li pa t okipe sa.

## 43

1 Men koulye a, konsa pale SENYÈ a, ✧Kreyatè ou a, O Jacob  
 e Sila ki te fòme ou a, O Israël;  
 “Pa pè, paske Mwen te rachte ou pa non ou;  
 se pa M ou ye!

2 Lè w ap ✧pase nan dlo, Mwen va la avèk ou;  
 epi nan rivyè, yo p ap debòde sou ou.  
 Lè w ap mache nan dife a, ou p ap brile,  
 ni flanm nan p ap brile ou.

3 Paske Mwen se SENYÈ a, Bondye ou a,  
 Sila Ki Sen en Israël la, ✧Sovè ou a;  
 Mwen te bay Égypte kon ranson ou  
 Cush ak Saba nan plas ou.

4 Akoz ou ✧presye nan zye M, akoz ou gen gran valè  
 e Mwen renmen ou,  
 Mwen va bay lòt moun nan plas ou  
 e lòt pèp an echanj pou lavi ou.

5 Pa pè, paske ✧Mwen avèk ou;  
 Mwen va mennen desandan ou yo soti nan lès  
 e ranmase ou nan lwès.

6 Mwen va di a ✧nò: “Lage yo!”  
 Epi a sid: ‘Pa anpeche yo!’  
 Mennen fis Mwen yo soti lwen  
 e fi Mwen yo soti nan dènye pwent latè yo,

7 Tout moun ki rele pa non Mwen  
 e ke Mwen te ✧kreye pou glwa Mwen,  
 ke M te fòme, menm sa ke m te fè.”

8 Mennen fè parèt pèp ki ✧avèg la, malgre yo gen zye  
 e soud la, malgre yo gen zòrèy.

9 Kite tout nasyon yo ✧reyini ansanm  
 e tout pèp yo rasanble.  
 Kilès pami yo ki kapab deklare sa  
 e pwoklame a nou menm bagay a tan ansyen yo?  
 Kite yo prezante temwen pa yo pou yo ka jistifye,  
 oswa kite yo tandè e di: “Sa se vre”.

10 “Nou temwen Mwen,” deklare SENYÈ a,  
 “Epi sèvitè ke M te chwazi,  
 pou nou ka konnen, kwè nan Mwen  
 e konprann ke ✧Mwen se Li menm nan.  
 Avan Mwen, pa t gen lòt Bondye ki te fòme

✧ 42:25 És 5:25 ✧ 43:1 És 43:15 ✧ 43:2 Sòm 66:12 ✧ 43:3 És 19:20 ✧ 43:4 Egz 19:5-6  
 ✧ 43:5 És 8:10 ✧ 43:6 És 8:10 ✧ 43:7 Sòm 100:3 ✧ 43:8 És 6:9 ✧ 43:9 És 34:1 ✧ 43:10  
 És 41:4

e apre Mwen, p ap gen menm.

11 Mwen menm, Mwen se SENYÈ a e nanpwen ✧sové  
apa de Mwen menm.

12 Se Mwen ki te deklare, sove, pwoklame  
e pat genyen ✧dye etranje pami nou;

konsa nou se temwen M”, deklare SENYÈ a:  
“Epi Mwen se Bondye.

13 Menm depi nan letènite, Mwen se Li menm  
e ✧pa genyen moun ki ka delivre fè sòti nan men M;  
Mwen aji e se kilès ki ka ranvèse l?”

14 Konsa pale SENYÈ a, ✧Redanmtè nou an, Sila Ki Sen an Israèl la; pou  
koz nou, Mwen voye kote Babylone e Mwen va mennen yo tout desann  
kote nou kon kaptif, menm Kaldeyen yo nan bato anndan sila yo rejwi yo.

15 Mwen se SENYÈ a, Sila Ki Sen pa nou an, ✧Kreyatè Israèl la, Wa nou an.”

16 Konsa pale SENYÈ a, ki ✧fè yon wout sou lanmè a,  
e yon chemen nan dlo pwisan yo,

17 Ki mennen fè parèt ✧cha avèk cheval la,  
lame ak mesye pwisan a

(Yo va kouche ansanm e yo p ap leve ankò;  
yo te etenn tankou yon fisèl bouji):

18 Pa kite ansyen bagay yo antre nan tèt nou,  
ni reflechi sou bagay ki fin pase.

19 Gade byen, Mwen va fè yon bagay ✧tounèf;  
koulye a, li va pete vin parèt.

Èske nou p ap rekonèt li?

Menm yon chemen nan dezè a Mwen va fè,  
rivyè nan dezè a.

20 Bèt nan chan yo va bay glwa a Mwen menm,  
chen mawon nan chan yo ak otrich yo,  
akoz Mwen te ✧bay dlo nan savann nan  
e rivyè nan dezè a pou pèp chwazi Mwen an ka bwè.

21 ✧Pèp ke M te fòme pou Mwen an va deklare lwanj Mwen.

22 Men ou pa t rele Mwen, O Jacob;

men ou te ✧vin fatigue ak Mwen, O Israèl.

23 Ou ✧pa t mennen ban Mwen mouton a ofrann brile ou yo,  
ni ou pa t onore M ak ofrann brile ou yo,

ni ou pa t onore M ak sakrifis ou yo.

Mwen pa t mete gwo fado sou ou ak ofrann yo,  
ni fè ou fatigue ak lansan.

24 Ou pa t mennen ban M kann dous ak lajan,  
ni ou pa t plen M ak grès a sakrifis ou yo;

olye de sa, ou te chaje Mwen ak peche ou yo,  
Ou te ✧fatige M ak inikite ou yo.

25 Mwen menm, Mwen se Sila ki ✧efase transgresyon ou yo,  
pou koz Mwen e Mwen p ap sonje peche ou yo.

✧ 43:11 És 43:3 ✧ 43:12 Det 32:16 ✧ 43:13 Sòm 50:22 ✧ 43:14 És 41:14 ✧ 43:15 És 43:1  
✧ 43:16 Egz 14:21-22 ✧ 43:17 Egz 15:19 ✧ 43:19 És 42:9 ✧ 43:20 És 41:17-18 ✧ 43:21 És  
43:1 ✧ 43:22 Mi 6:3 ✧ 43:23 Am 5:25 ✧ 43:24 Sòm 95:10 ✧ 43:25 És 44:22

26 Mete M nan memwa ou,  
 ✧annou diskite ka nou ansanm;  
 prezante ka ou pou ou ka jistifye ak eprèv ou.  
 27 ✧Premye zansèt ou yo te peche e reprezantan ou yo  
 te fè transgresyon kont Mwen.  
 28 Pou sa, Mwen va deklare prens a sanktyè yo pa pwòp,  
 Mwen va bay Jacob pou destriksyon  
 e Israèl pou l ✧resevwa anpil gwo pwoblèm.

## 44

1 Men koulye a, koute, O Jacob, ✧sèvitè Mwen an  
 e Israèl ke M te chwazi a:  
 2 Konsa pale SENYÈ ki te fè ou a  
 e ki te fòme ou soti nan vant lan,  
 ki va bay ou soutyen, kap di:  
 ‘Pa pè, O Jacob, sèvitè Mwen an;  
 epi ou menm ✧Israèl ke M te chwazi a.  
 3 Paske Mwen va vide dlo sou yon tè ki swaf  
 e vwa dlo sou tè ki sèch;  
 Mwen va ✧vide Lespri M sou ras ou  
 e benediksyon sou desandan ou yo;  
 4 Epi yo va vin vòltije pami zèb  
 kon ✧bwa akote sous dlo.  
 5 Sila a va di: “Mwen pou SENYÈ a;  
 epi lòt la va rele sou non Jacob;  
 epi yon lòt va ✧ekri sou men l:  
 “Apatyen a SENYÈ a’,  
 epi va nonmen non Israèl ak respè.  
 6 Konsa pale SENYÈ a, Wa Israèl la,  
 ak ✧Redanmtè li a, SENYÈ dèzame yo:  
 Mwen se premye a e Mwen se dènye a;  
 nanpwen Bondye sof ke Mwen menm.  
 7 Se kilès ki tankou Mwen? ✧Kite li pwoklame e deklare sa;  
 Wi, kite li pale M sa an lòd.  
 Depi lè ke M te etabli ansyen nasyon a.  
 Epi kite yo deklare a yo menm bagay  
 k ap vini yo ak evenman ki va rive yo.  
 8 Pa tranble, pa pè;  
 èske depi lontan, Mwen pa t anonse sa a nou menm  
 e te deklare sa?  
 Epi nou se temwen M.  
 Èske gen okenn Bondye ✧sof ke Mwen menm,  
 oswa èske gen okenn lòt wòch?  
 Mwen pa konnen okenn.’ ”  
 9 Sila ki fè yon imaj taye yo, tout se pou ryen  
 e sa ke yo bay enpòtans yo, pa gen benefis;  
 menm pwòp temwen pa yo pa wè ni konnen.

✧ 43:26 És 1:18 ✧ 43:27 És 51:2 ✧ 43:28 Sòm 79:4 ✧ 44:1 És 41:8 ✧ 44:2 Det 32:15  
 ✧ 44:3 És 32:15 ✧ 44:4 Lev 23:40 ✧ 44:5 Egz 13:9 ✧ 44:6 És 41:14 ✧ 44:7 És 41:22-26  
 ✧ 44:8 Det 4:35-39

Akoz sa, yo va ✨vin wont.

10 Se kilès ki te fòmè yon dye,  
oswa te fè yon zidòl fonn ki ✨san benefis?

11 Gade byen, tout konpanyen l yo va ✨vin wont,  
paske bès atizan yo menm se sèlman lòm.  
Kite yo rasanble yo menm,  
kite yo kanpe,  
kite to tranble,  
kite yo tout ansanm vin wont.

12 ✨Moun nan fòmè bout fè a pou fè yon zouti pou koupe  
e fè travay li sou chabon limen;  
li fòmè li ak mato e travay li ak bra li ki fò.  
Anplis, li vin grangou e pèdi fòs;  
li pa bwè dlo e li vin fatige.

13 ✨Yon lòt taye bwa, li mezire li ak mèt mezi;  
li trase sou li ak lakrè wouj.  
Li travay li ak rif la, trase l ak konpa  
e fè li sanble ak fòm a yon moun,  
tankou bèlte a lòm,  
pou l ka plase li anndan yon kay.

14 Anverite, li koupe bwa sèd yo pou kont li,  
pran yon bwa pichpen oswa yon bwadchenn  
e leve li pou kont li pami bwa forè yo.  
Li plante yon bwa pen e lapli fè l grandi.

15 Epi li devni yon bagay pou moun ka brile.  
Li pran youn nan yo pou l ka chofe  
e anplis, fè dife pou kwit pen. Anplis li fè yon dye epi l adore l.  
Li fè li yon imaj taye e li ✨tonbe ba devan l.

16 Mwatye li, li brile nan dife;  
sou mwatye sa a, li manje vyann  
pandan li kwit yon gwo mòs e li satisfè.  
Anplis, li chofè kò l epi di: “Aha, koulye a mwen fin chofe ase; mwen te wè  
dife a.”

17 Men rès la, li sèvi pou fòmè yon dye, imaj taye pa li.  
Li tonbe ba devan l pou adore l; anplis,  
li ✨priye a li menm e di: “Delivre m, paske se ou ki dye mwen.”

18 Yo pa konnen, ni yo pa konprann,  
paske Li te ✨fèmen zye yo pou yo pa wè  
e kè yo pou yo pa konprann.

19 Nanpwen moun ki sonje, ni pa gen konesans  
ni konprann pou l ta di:  
“Mwen te brile mwatye li nan dife a  
e anplis, mwen te kwit pen sou chabon li.  
Mwen boukannen vyann, e mwen manje li.  
Epi mwen fè rès la vin yon ✨abominasyon,  
mwen tonbe ba devan yon bout bwa!

20 La p manje sou sann yo.

Yon ✨kè ki twonpe te mennen l sou kote.  
Epi li p ap kapab delivre li menm, ni mande:  
“Èske pa gen manti nan men dwat mwen?”

21 ✨“Sonje bagay sa yo, O Jacob e Israël,  
paske ou se sèvitè Mwen, O Israël;  
Mwen p ap janm bliye ou.  
22 Mwen te ✨efase transgresyon ou yo  
tankou yon nwaj byen pwès  
e peche ou yo tankou yon vapè byen lou.  
Retounen kote Mwen, paske Mwen te rachte ou.”

23 Rele ak jwa, O syèl yo, paske SENYÈ a te fè sa.  
Rele ak jwa, ou menm, kote pi ba sou latè yo;  
pete ak gwo kri lajwa, O mòn yo,  
O forè ak tout pyebwa ki ladann yo;  
paske ✨SENYÈ a te rachte Jacob e an Israël,  
Li te montre glwa Li.

24 Konsa pale SENYÈ a, Redanmtè ou a  
e sila ki te fè ou soti nan vant la:  
“Mwen, SENYÈ a, se Kreyatè a tout bagay,  
Mwen te ✨lonje ouvri syèl yo pou kont Mwen  
e Mwen te lonje ouvri latè, Mwen sèl Mwen,  
25 ✨Ki te fè sign a sila ki te ògeye yo, vin sispann;  
ki te devwale divinò yo tankou moun fou,  
ki te fè mesye saj yo rale fè bak  
e te vire sajès yo fè l tounen foli,  
26 Ki te ✨konfime pawòl a sèvitè Li a  
e te acheve bi a mesaje Li yo.  
Se Mwen menm ki di de Jérusalem:  
Li va gen moun ladann!’ Epi a vil a Juda yo:  
‘Yo va bati.’  
Epi Mwen va fè leve mazi li yo ankò.  
27 Se Mwen menm ki pale a fon lanmè a: ‘Vin sèch!’  
e Mwen va fè rivyè ou yo ✨vin sèk.  
28 Se Mwen menm ki di de Cyrus:  
‘Li se bèje Mwen! Epi li va acheve tout volonte mwen.’  
Epi li deklare a Jérusalem: ✨ “Li va bati  
e de tanp lan: ‘Fondasyon ou yo va poze.’ ”

## 45

1 Konsa pale SENYÈ a a Cyrus, onksyone Li a, ke M te pran pa ✨men dwat  
la, pou soumèt nasyon yo devan l e pou lache senti a wa yo; pou ouvri pòt  
devan l pou pòtay yo pa fèmen:  
2 Mwen va ale devan ou  
e ✨fè move kote yo vin swa;  
Mwen va kraze pòt an bwonz yo

✨ 44:20 Job 15:31 ✨ 44:21 És 46:8 ✨ 44:22 Sòm 51:1-9 ✨ 44:23 És 43:1 ✨ 44:24 És 40:22  
✨ 44:25 És 47:13 ✨ 44:26 Za 1:6 ✨ 44:27 És 42:15 ✨ 44:28 II Kwo 36:22-23 ✨ 45:1 Sòm  
73:23 ✨ 45:2 Sòm 107:6

e fin koupe nèt ba an fè li yo.

<sup>3</sup> Mwen va bay ou ✨trezò lannwit yo  
ak richès k ap kache kote sekrè yo,  
pou ou ka konnen ke se Mwen, SENYÈ a,  
Bondye Israël la, ki rele ou pa non ou.

<sup>4</sup> Pou koz sèvitè Mwen an, Jacob ak Israël,  
sila ke M te chwazi a,  
Mwen te, anplis, rele ou pa non ou;  
Mwen te bay ou yon tit k ap respekte,  
malgre ou ✨pa t rekonèt Mwen.

<sup>5</sup> Mwen se SENYÈ a e pa gen lòt;  
Apa de Mwen menm, pa gen Bondye.  
Mwen va ✨fòtifye ou  
malgre ou pa t rekonèt Mwen;

<sup>6</sup> Ke ✨lèzòm ka konnen depi solèy leve  
jiskaske solèy kouche,  
ke nanpwen lòt sof ke Mwen menm.

Mwen se SENYÈ a e nanpwen lòt,  
<sup>7</sup> Sila ki te fòm limyè a ak fènwa a,  
ki fè bonè e ki ✨kreye malè;  
Mwen se SENYÈ a ki fè tout sila yo.

<sup>8</sup> Degoute depi anwo, O syèl yo  
e kite nwaj yo vide fè ladwati desann;  
kite ✨latè ouvri nèt pou sali a ka vin bay fwi  
pou ladwati vòltije monte avè l.  
Mwen, SENYÈ a te kreye l.

<sup>9</sup> Malè a sila ki goumen ak Kreyatè li a—  
yon veso fèt ak tè pami veso latè yo!  
Èske ✨ajil va di a bòs kanari a: ‘Se kisa w ap fè la a?’  
Oswa bagay w ap fè a, ta di: ‘Li pa gen men?’

<sup>10</sup> Malè a sila ki di papa l: ‘Kisa w ap fè la?’  
Oswa a yon fanm: ‘A kilès w ap bay nesans lan?’ ”

<sup>11</sup> Konsa pale SENYÈ a, Sila Ki Sen An Israël  
e Kreyatè li a:

✨“Mande M de bagay k ap vini konsènan fis Mwen yo  
e ou kòmande Mwen menm selon zèv men M yo?”

<sup>12</sup> Se Mwen ki te fè latè e te kreye lòm sou li.

Mwen te lonje ouvri syèl yo ak men M  
e mete tout ✨lame selès pa yo an lòd.

<sup>13</sup> Mwen te fè leve nan li ✨ladwati  
e Mwen va fè wout li yo swa;  
Li va bati vil Mwen yo e va kite egzile Mwen yo vin libere,  
san okenn pèyman oswa rekonpans,”  
pale SENYÈ dèzame yo.

<sup>14</sup> Konsa pale SENYÈ a: “Prodwi a Égypte yo

✨ 45:3 Jr 41:8 ✨ 45:4 Trav 17:23 ✨ 45:5 Sòm 18:39 ✨ 45:6 Sòm 102:15 ✨ 45:7 És 31:2  
✨ 45:8 Sòm 85:11 ✨ 45:9 És 29:16 ✨ 45:11 Jr 31:9 ✨ 45:12 Jen 2:1 ✨ 45:13 És 41:2



ak machandiz a Ethiopie a ak Sabeyen yo,  
mesye a gran tay yo, va vin travèse kote ou  
e va vin pou ou; yo va mache dèyè w.  
Yo va vini ak chenn sou yo, e va bese devan ou;  
yo va fè siplikasyon a ou menm:  
'Anverite ✧Bondye pami nou e pa gen lòt; nanpwen lòt Bondye' ”

15 Anverite, Ou se yon Dye ki ✧kache tèt Li,  
O Bondye Israël la Sovè a!

16 Yo va ✧vin wont, imilye menm, yo tout.  
Sa yo ki fabrike zidòl yo va sòti ansanm ak gwo wont.

17 Israël te fin sove pa SENYÈ a, ak yon sali ki pou tout tan;  
ou ✧p ap vin wont, ni imilye jiska letènite.

18 Paske konsa pale SENYÈ a ki te kreye syèl la ak tè a  
(Dye la ki te fòme tè a e ki te fè l la;  
Li te etabli li e Li pa t kreye li ✧vid,  
men te fòme l pou moun ka viv ladann):

“Mwen se SENYÈ a e nanpwen lòt.

19 Mwen pa t pale an sekre, nan yon peyi fènwa;  
Mwen pa t di a desandan Jacob yo, ‘Cache M nan  
kèk vye peyi fènwa’;

Mwen, SENYÈ a, ✧pale ladwati  
ki deklare sa ki dwat.

20 ✧Rasanble nou e vini;  
rapwoche nou ansanm, nou menm, refijye a nasyon yo;  
lòt yo pa gen konseans,  
sila ki pote zidòl an bwa yo toupatou  
e ki priye a yon dye ki p ap ka sove yo.

21 Deklare e prezante ka nou an;  
Anverite, kite yo fè konsiltasyon ansanm.  
Se kilès ki te anonse sa depi nan tan ansyen yo,  
ki te deklare sa depi lontan?  
Èske se pa Mwen, SENYÈ a?  
Epi ✧nanpwen lòt Dye sof ke Mwen,  
yon Dye ladwati e yon Sovè. Nanpwen lòt sof ke Mwen.

22 ✧Vire kote Mwen pou vin sove, tout pwent latè yo;  
paske Mwen se Bondye e pa gen lòt.

23 Mwen te sèmante pa Mwen menm,  
pawòl la te fin sòti nan bouch Mwen nan ladwati  
e li p ap vire fè bak;  
ke a Mwen menm, ✧tout jenou va koube  
e tout lang va sèmante fidelite.

24 Yo va di de Mwen:  
'Se sèlman ✧nan SENYÈ a ki gen ladwati ak pwisans.'  
Lèzòm va vin kote Li e tout moun ki te  
fache ak Li va vin wont nèt.

25 Nan SENYÈ a, tout desandan Israël yo va vin ✧jistifye

e va resevwa glwa.

## 46

1 ✨ Bel vin pwostène,  
Nebo koube nèt.  
Imaj pa yo vin kondane pou pote sou bèt.  
Bagay ke nou pote yo lou;  
yon chaj sa yo ki fatige.

2 Yo koube nèt e yo vin pwostène ansanm;  
yo pa t ka sove chaj lou a,  
men yo menm ✨ vin prizonnye yo.

3 Koute Mwen, O lakay Jacob  
ak tout retay lakay Israël la;  
Nou menm ki te ✨ sipòte pa Mwen menm depi nan nesans  
e te pote depi nan vant;

4 Jis rive nan vyeyès nou, Mwen va menm jan an  
e menm lè ✨ cheve nou blanch, Mwen va pote nou,  
Mwen te fè sa e Mwen va pote nou. Mwen va pote nou e Mwen  
va delivre nou.

5 ✨ A kilès nou ta fè Mwen sanble, fè Mwen vin egal  
e konpare Mwen, pou nou ta menm bagay?

6 Kèk kon ✨ founi lò ki sòti nan bous, peze ajan sou balans,  
anplwaye yon òfèv e li fè l vin tounen yon dye; yo pwostène  
e anverite, yo adore l.

7 Yo fè l monte sou zepòl pou pote l; yo mete li li nan plas li  
e li kanpe la.

Li pa deplase nan plas li.

Malgre yon moun ta kriye anvè li, ✨ li p ap ka reponn;  
li p ap ka delivre l nan gwo pwoblèm li an.

8 Sonje sa e kanpe fèm kon gason; ✨ kenbe sa nan tèt nou ankò  
transgresè yo.

9 Sonje ✨ ansyen bagay ki pase lontan yo,  
Paske Mwen se Bondye e nanpwen lòt.  
Mwen se Bondye, epi pa gen tankou Mwen,

10 Ki deklare lafen depi nan kòmansman  
e depi tan lansyen yo, bagay ki pa t janm fèt yo  
e ki di: ✨ “Volonte m va etabli e Mwen va akonpli tout bon plezi  
Mwen;”

11 M ap rele yon zwazo ki manje chè soti nan lès,  
nonm a volonte Mwen an soti nan yon peyi lwen.

Anverite, Mwen te ✨ pale;  
anverite, Mwen va fè sa rive.  
Mwen te fè plan li;  
Mwen va fè l.

12 Koute Mwen, nou menm, moun ✨ tèt di ki

✨ 46:1 És 2:18 ✨ 46:2 Jij 18:17-24 ✨ 46:3 Sòm 71:6 ✨ 46:4 Sòm 71:18 ✨ 46:5 És 40:18-25  
✨ 46:6 És 40:19 ✨ 46:7 És 41:28 ✨ 46:8 És 44:19 ✨ 46:9 Det 32:7 ✨ 46:10 Sòm 33:11  
✨ 46:11 Nonb 23:19 ✨ 46:12 Sòm 76:5

lwen ladwati yo.

<sup>13</sup> Mwen ap mennen ladwati Mwen vin toupre;

li pa lwen.

Epi sali Mwen p ap fè reta.

Mwen va bay ✧sali nan Sion e glwa Mwen pou Israël.

## 47

<sup>1</sup> Vin desann chita nan pousyè a, O ✧fi vyèj a Babylone nan;  
Chita atè san twòn, O fi a Kaldeyen yo!

Paske ou p ap rele fanm dous ankò, ni bèl fanm.

<sup>2</sup> Pran yon wòch moulen pou moulen farin.

Retire ✧vwal ou leve jip la wo, dekouvri janm yo,  
epi travèse rivyè yo.

<sup>3</sup> Toutouni ou va dekouvri e wont ou va vin parèt;

Mwen va ✧pran vanjans

e Mwen p ap bliye pèsòn.

<sup>4</sup> ✧Redanmtè nou an, SENYÈ dèzame yo se non Li,  
Sila Ki Sen an Israël la.

<sup>5</sup> ✧Chita an silans e antre nan fènwa a,

O fi a Kaldeyen yo,

paske ou p ap rele ankò rèn a wayòm yo.

<sup>6</sup> Mwen te fache ak pèp Mwen an;

Mwen te pwofane eritaj Mwen an

e Mwen te livre pèp Mwen nan men ou.

Ou pa t montre yo gras,

men menm ak ✧granmoun nan vyeyès yo,

ou te fè jouk ou byen lou.

<sup>7</sup> Malgre, ou te di: ‘Se ✧rèn ke m ap ye jis pou tout tan.’

Bagay sila yo, ou pa t konsidere yo, ni sonje kote yo t ap rive.

<sup>8</sup> Alò, tande sa, ou menm, moun ki sansyèl,

ki viv ansekirite, k ap di nan kè ou:

‘Se mwen menm e nanpwen lòt.

Mwen p ap janm ✧chita tankou yon vè,

ni konnen pèt a timoun.’

<sup>9</sup> Men de bagay sa yo va rive sou nou ✧sibitman

nan yon jou:

pèt a pitit ak afè vin vè la.

Yo va rive an mezi plen nèt;

malgre tout maji nou ak gwo pouvwa

wanga nou konn fè yo.

<sup>10</sup> Ou te santi ou te ✧byen pwoteje nan mechanste ou

e ou te di: ‘Pèsòn pa wè m’.

Sajès ou ak konesans ou, yo fin chape kite ou;

paske nan kè ou, ou te di:

‘Se mwen menm e nanpwen lòt sof ke mwen’.

<sup>11</sup> Men ✧malè va vini sou ou ke ou p ap gen

maji pou detounen;

✧ 46:13 És 61:3 ✧ 47:1 Sòm 137:8 ✧ 47:2 Jen 24:65 ✧ 47:3 És 34:8 ✧ 47:4 És 41:14

✧ 47:5 És 23:2 ✧ 47:6 Det 28:50 ✧ 47:7 És 47:5 ✧ 47:8 Rev 18:7 ✧ 47:9 Sòm 73:19

✧ 47:10 Sòm 52:7 ✧ 47:11 És 57:1

epi gwo dega ke ou p ap ka menm konprann va vini sou ou;  
epi destriksyon ke ou pa t janmn konnen  
va rive sou ou sibatman.

<sup>12</sup> Kanpe fèm nan tout ✨maji ak wanga ke ou te sèvi  
depi nan jenès ou yo.

Petèt ou va reyisi, petèt ou va fè moun tranble.

<sup>13</sup> Ou vin ✨fatige ak tout konsèy yo;  
alò koulye a, kite mèt zetwal ki fè pwofesi ak yo,  
k ap fè prediksyon avni ak nouvell lin yo,  
vin kanpe pou pwoteje ou sou sa k ap vin rive ou yo.

<sup>14</sup> Gade byen, yo ✨tankou pay, dife ap brile yo;  
yo p ap ka sove kò yo devan pouvwa flanm yo.  
P ap gen chabon ki pou chofe kò yo,  
ni flanm dife pou yo chita devan !!

<sup>15</sup> Se sa ki vin rive sila ki te travay ansanm ak ou yo;  
avèk sila ou te ✨fè komès depi nan jenès ou yo;  
yo chak te mache egare nan pwòp chemen pa yo;  
nanpwen moun ki pou ta sove ou.

## 48

<sup>1</sup> Tande sa, O lakay Jacob,  
ki rele Israël e ki te sòti nan vant Jacob la,  
ki te ✨sèmante pa non SENYÈ a  
e ki te envoke Bondye Israël la;  
men san verite e san ladwati.

<sup>2</sup> paske yo rele tèt yo menm jan ak vil sen an  
e yo ✨apiye sou Bondye Israël la;

SENYÈ dèzame se non Li.

<sup>3</sup> Mwen te ✨deklare ansyen bagay lontan yo,  
yo te sòti nan bouch Mwen e Mwen te pwoklame yo.  
Sibatman Mwen te aji e yo te vin rive.

<sup>4</sup> Akoz Mwen konnen ke ✨tèt ou di  
kou ou tankou ba fè  
e fwontèn ou tankou bwonz,

<sup>5</sup> Pou sa, Mwen te deklare sa a ou menm lontan sa;  
avan yo te rive, Mwen te pwoklame yo a Ou menm,  
pou ou pa ta di: ‘Se ✨zidòl mwen an ki te fè l,  
imaj taye mwen ak imaj fonn mwen an  
ki te kòmande yo.’

<sup>6</sup> Ou te tande; gade tout sa. Epi ou menm, èske ou p ap deklare li?

Mwen pwoklame ✨bagay tounèf yo a ou menm soti kounye a,  
tout bagay kache a ke ou pa t konnen yo.

<sup>7</sup> Se koulye a yo fèt e pa lontan sa;  
epi avan jou sa a, ou pa t tande yo.

Pou sa, ou p ap di: “Gade byen, mwen te konnen yo”.

<sup>8</sup> Ou pa t konn tande yo, ni ou pa t konnen yo.

Menm depi lontan, zòrèy ou pa t ouvri,  
paske Mwen te konnen ke ou ta aji nan koken;

epi depi nan nesans ou, se ✨rebèl ou te ye.

9 ✨Pou koz a non Mwen, M ap fè kòlè Mwen pran ti reta; pou koz a lwanj Mwen, Mwen ralanti l pou ou, pou ou pa vin efase nèt.

10 Gade byen, Mwen te rafine ou, men pa tankou ajan; Mwen te fè ou pase a leprèv nan founo doulè a.

11 Pou koz pa M, pou pwòp koz pa Mwen, Mwen va aji; paske kòman non Mwen ka vin pwofane konsa? Epi ✨glwa Mwen, Mwen p ap ka sede l bay yon lòt.

12 Koute Mwen, O Jacob, menm Israèl ke M te rele a; Mwen se Li menm nan, ✨Mwen se premye a e Mwen se osi dènye a.

13 Anverite, men M te ✨etabli latè e men dwat Mwen te louvri syèl yo; lè M rele yo, yo kanpe ansanm.

14 Rasanble, nou tout pou koute! Se kilès pami yo ki te deklare bagay sa yo? Sila SENYÈ a renmen; li va ✨akonpli sa li pito sou Babylone.

15 Mwen menm, Mwen te pale; anverite, Mwen te ✨rele li, Mwen te mennen li e Li va fè chemen li yo vin reyisi.

16 Vin toupre Mwen, koute sa:

‘Depi nan kòmansman, Mwen pa t pale an sekre; depi tan sa te rive a, Mwen te la.

Epi koulye a ✨Senyè BONDYE a te voye Mwen ak Lespri Li.’

17 Konsa pale SENYÈ a, Redanmtè ou a, Sila Ki Sen an Israèl la: “Mwen se SENYÈ a, Bondye ou a, ki enstwi ou pou ou ta byen reyisi a, Ki ✨mennen ou nan chemen ke ou ta dwe ale a.

18 Si sèlman ou te ✨okipe kòmandman Mwen yo! Konsa afè ou t ap mache byen tankou yon rivyè e ladwati ou tankou lam lanmè.

19 Desandan nou yo t ap tankou sab e pitit ou yo tankou grenn sab.

✨Non pa li pa ta janm vin disparèt ni detwi devan prezans Mwen.”

20 ✨Ale kite Babylone! Sove ale devan Kaldeyen yo!

✨ 48:8 Det 9:7-24 ✨ 48:9 Né 9:30-31 ✨ 48:11 Det 32:26-27 ✨ 48:12 És 44:6 ✨ 48:13 Egz 20:11 ✨ 48:14 És 46:10-11 ✨ 48:15 És 41:12 ✨ 48:16 Za 2:9-11 ✨ 48:17 Sòm 32:8 ✨ 48:18 Det 5:29 ✨ 48:19 És 56:5 ✨ 48:20 Jr 50:8

Deklare ak son a kri lajwa, pwoklame sa.  
 Voye li rive jis nan dènye pwent latè.  
 Anonse li, “SENYÈ a te rachte sèvitè Li a, Jacob.”  
 21 Yo pa t swaf lè Li te mennen yo travèse dezè yo.  
 Li te fè dlo sòti nan wòch pou yo;  
 Li te fann wòch la e ✧dlo te vin pete.

22 ✧“Pa gen lapè pou mechan yo”, SENYÈ a di.

## 49

1 Koute Mwen, O ✧lil yo  
 e tande byen, pèp ki sòti lwen yo.  
 SENYÈ a te rele Mwen depi nan vant;  
 depi nan vant manman M, Li te rele M.  
 2 Li te fè bouch Mwen tankou yon nepe file;  
 nan ✧lonbraj men L, Li te kache Mwen;  
 anplis, Li te fè M vin yon flèch byen poli  
 e Li te kache Mwen nan fouwo Li.  
 3 Li te di Mwen: ✧“Ou se sèvitè Mwen,  
 Israël nan sila Mwen va montre glwa Mwen an.”  
 4 Men Mwen te di: “Mwen te ✧travay di an ven,  
 mwen te depanse fòs Mwen pou ryen ak vanite;  
 sepandan, anverite, jistis pa m avèk SENYÈ a  
 e rekonpans Mwen avèk Bondye Mwen an.”  
 5 Epi koulye a, pale SENYÈ a, ki te fòme m depi nan vant  
 pou m ta Sèvitè Li a,  
 pou mennen Jacob retounen kote Li a,  
 pou Israël ta ranmase vè Li  
 (paske mwen te ✧resevwa lonè nan zye SENYÈ a  
 e Bondye Mwen an se fòs Mwen),  
 6 Li di: “Se yon bagay twò piti pou ou ta Sèvitè Mwen,  
 pou leve fè monte tout tribi Jacob yo  
 e restore retay Israël la.  
 Anplis, Mwen va fè Ou ✧yon limyè a nasyon yo,  
 pou sali Mwen ka rive jis nan dènye pwent latè.”  
 7 Konsa pale SENYÈ a, Redanmtè Israël la e Sila Ki Sen li an,  
 a Sila ke lòm ✧meprize a, a Sila ki rayi pa nasyon an,  
 a Sèvitè a chèf yo:  
 “Wa yo va wè e vin leve,  
 Prens yo, Anplis, va vin pwostène, akoz SENYÈ a,  
 Sila ki fidèl la, Sila Ki Sen an Israël ki te chwazi Ou a.  
 8 Konsa pale SENYÈ a, nan yon tan konvenab,  
 Mwen te reponn Ou  
 e nan jou sali a, Mwen te bay Ou sekou;  
 epi Mwen va kenbe Ou e ✧bay Ou kon yon akò pou pèp la,  
 pou restore peyi a e pou fè yo posede eritaj

dezole yo.

<sup>9</sup> Pou pale a ✨kaptif yo: ‘Vin parèt’!  
Epi a sila nan tenèb yo: ‘Montre tèt ou’.

Akote chemen yo, yo va manje  
e patiraj yo va sou tout wotè vid yo.

<sup>10</sup> Yo p ap grangou, ni souffri swaf,  
ni solèy ki brile p ap frape yo;  
Paske Sila ki gen konpasyon pou yo a va ✨mennen yo  
e va gide yo rive nan sous dlo yo.

<sup>11</sup> Mwen va fè tout ✨mòn Mwen yo vin chemen  
e gran chemen Mwen yo va vin leve.

<sup>12</sup> Gade byen, sa yo va vini sòti lwen;  
epi gade, sila yo va soti nan ✨nò ak nan lwès la  
e sila yo va soti nan peyi Sinim yo. <sup>13</sup> Rele fò ak jwa, O syèl yo! Epi rejwi, O  
latè! eklate ak gwo kri lajwa, O mòn yo! Paske ✨SENYÈ a te konsole  
pèp Li a e Li va gen konpasyon pou aflije Li yo.

<sup>14</sup> Men Sion te di: “SENYÈ a te abandone mwen  
e Senyè a te bliye mwen.”

<sup>15</sup> Èske yon fanm ka bliye pitit k ap souse li a  
e pa gen konpasyon pou fis ki sòti nan vant li an?  
Menm sila yo ka bliye, men ✨Mwen p ap bliye ou.

<sup>16</sup> Gade byen, Mwen te ✨enskri ou nan pla men Mwen;  
miray ou yo devan Mwen tout tan.

<sup>17</sup> Sila k ap bati yo, fè vit;  
Sila k ap ✨detwi yo e k ap devaste yo  
va sòti nan mitan ou.

<sup>18</sup> “Leve zye ou e gade toupatou;  
yo tout rasanble ansanm pou yo vin kote ou. ✨Kon Mwen viv la,”

deklare SENYÈ a:  
“Ou va, anverite abiye ak yo tout  
pou yo sèvi kon bijou ou e tache yo sou ou  
kon yon jenn fi k ap marye.

<sup>19</sup> Nan plas dezè e dezole ou yo,  
nan peyi detwi nèt ou a—  
anverite, koulye a, ou va manke kont espas  
pou sila ki vivan yo  
e ✨sila ki te vale ou yo va ale byen lwen.

<sup>20</sup> ✨Pitit ke ou te pèdi yo va gen tan di nan zòrèy ou:  
“Plas sa a twò piti pou mwen;  
fè espas pou mwen pou m ka viv isit la.”

<sup>21</sup> Epi ou va di nan kè ou: ‘Se kilès ki te fè sila yo pou mwen,  
paske mwen te pèdi pitit mwen yo e mwen vin esteril,  
yon ✨egzile e yon vwayajè?  
Epi se kilès ki te leve sila yo?  
Gade byen, mwen te kite sèl; Ki kote sila yo te sòti?’ ”

<sup>22</sup> Konsa pale Senyè BONDYE a:

✨ 49:9 És 42:7 ✨ 49:10 Sòm 23:2 ✨ 49:11 És 40:4 ✨ 49:12 És 43:5-6 ✨ 49:13 És 40:1  
✨ 49:15 És 44:21 ✨ 49:16 Kan 8:6 ✨ 49:17 És 10:6 ✨ 49:18 És 45:23 ✨ 49:19 Sòm 56:1-2  
✨ 49:20 És 54:1-3 ✨ 49:21 És 5:13

“Gade byen, Mwen va leve men M vè nasyon yo  
e Mwen va monte drapo Mwen a lòt pèp yo;  
epi yo va ✧mennen fis ou yo nan sen yo  
e fi nou yo va pote sou zepòl yo.

<sup>23</sup> Wa yo va sèvi kon gadyen ou e fi yo kon enfimyè ou.  
Yo va bese ba devan ou ak figi yo atè  
e niche pousyè nan pye ou;  
epi ou va konnen ke Mwen se SENYÈ a;  
sila ki ✧tann Mwen yo p ap vin wont.

<sup>24</sup> ✧Èske viktim nan a kapab pran soti  
nan men a nonm pwisan an,  
oswa èske kaptif a yon move chèf di kapab delivre?

<sup>25</sup> Anverite, konsa pale SENYÈ a: “Menm ✧kaptif a nonm pwisan yo va  
retire  
e viktim kaptire a move chèf di a va delivre;  
paske Mwen va batay ak sila ki batay avèk ou  
e Mwen va sove fis ou yo.

<sup>26</sup> Mwen va fè opresè ou yo manje pwòp chè yo  
e yo va vin sou ak san tankou ak diven dous;  
epi tout chè va konnen ke Mwen menm, SENYÈ a,  
se Sovè ou e redanmtè ou, Pwisan A Jacob la.”

## 50

<sup>1</sup> Konsa pale SENYÈ a: “Kote sètifika divòs ak sila  
Mwen te voye manman ou ale a?  
Oswa a sila ke M dwe yo, èske Mwen te ✧vann ou?  
Gade byen, ou te vann pou inikite ou yo  
e akòz transgresyon ou yo, ou te vin voye ale.

<sup>2</sup> Poukisa pa t gen moun lè M te vini an?  
Lè M te rele a, èske pa t gen moun pou reponn?  
Èske men M tèlman kout pou li pa ka rachte?  
Oswa èske Mwen pa gen okenn pouvwa pou rachte moun?  
Gade byen, Mwen fè lanmè a sèk ak repwòch Mwen;  
Mwen ✧fè rivyè yo vin dezè;  
pwason yo gen move sant akòz mank dlo e yo  
mouri ak swaf.

<sup>3</sup> Mwen ✧abiye syèl yo ak fènwa  
e kouvri yo ak twal sak.”

<sup>4</sup> Senyè a te ban Mwen lang a ✧disip yo,  
pou M ka konnen jan pou bay yon pawòl soutyen  
a sila ki fatige.  
Li fè M leve maten apre maten,  
Li fè zòrèy Mwen leve pou koute kon yon disip.  
<sup>5</sup> SENYÈ a te ouvri zòrèy Mwen;  
epi Mwen ✧pa t dezobeyi,  
ni Mwen pa t fè bak.



6 Mwen ✨te bay do M a sila ki te vle frape Mwen yo ak machwè M a sila ki t ap rache bab Mwen yo; Mwen pa t kouvri figi Mwen devan imilyasyon ak krache.

7 Paske Senyè BONDYE a ✨fè M sekou; pou sa, Mwen pa t vin wont; pou sa, Mwen te fè figi M vin di tankou silèks. Epi Mwen konnen ke M p ap vin wont.

8 Sila ki ✨jistifye Mwen an toupre; se kilès ki gen ka kont Mwen? Ann kanpe a youn lòt.

9 Gade byen, Senyè BONDYE a fè M sekou; se kilès ki kondane Mwen? Gade byen, yo tout va vin epwize tankou yon vètman; mit papiyon twal yo va manje yo.

10 Se kilès pami nou ki krent SENYÈ a, ki obeyi vwa a ✨sèvitè Li a, ki mache nan fènwa a e ki pa gen limyè a? Kite li mete konfyans nan non SENYÈ a e depann de Bondye li a.

11 Gade byen, nou tout ki ✨limen yon dife, ki antoure nou ak tòch ki limen dife yo, mache nan limyè dife nou te fè a, e pami sann cho kote nou rasanble difè a. Men sa nou va jwenn nan men Mwen an: Nou va kouche nan touman.

## 51

1 Koute mwen, nou menm ki swiv ladwati a, k ap ✨chache SENYÈ a:

Gade vè wòch sou sila nou te taye a e vè min wòch kote nou te retire a.

2 Gade vè ✨Abraham, papa nou an e Sarah, ki te fè akouchman nou ak anpil doulè; lè li te yon sèl Mwen te rele li, Mwen te beni li e te fè l vin miltipliye.”

3 Anverite, SENYÈ a va konsole Sion; Li va rekonfòte tout kote dezole li yo. Epi savann li yo va fè sanble ak ✨Éden e dezè yo tankou jaden Bondye a; lajwa ak kè kontan va twouve nan li; remèsiman ak son melodi chanson.

4 Prete atansyon a Mwen, O pèp Mwen an e prete Mwen zòrèy nou, O nasyon Mwen an; paske yon lwa va sòti nan Mwen e Mwen va ✨poze jistis Mwen kon yon limyè a tout pèp yo.

5 ✨Ladwati Mwen toupre a; sali Mwen fin ale e bra M va jije pèp yo.

Peyi kot yo va tann Mwen  
e bra M yap tann ak espwa.

6 Leve zye nou vè syèl la  
e gade anba vè latè;  
paske syèl la va disparèt tankou lafimen;  
✧latè va epwize tankou yon vètman  
e sila ki rete ladann yo va mouri menm jan an;  
men delivrans Mwen va la jis pou tout tan  
e ladwati Mwen p ap janm redwi menm.

7 Koute Mwen, nou menm ki konnen ladwati,  
yon pèp ki gen lalwa M nan ✧kè yo.  
Pa pè repwòch a lòm, ni dekouraje lè y ap meprize nou.

8 Paske papiyon va manje yo tankou yon vètman  
e ✧mit va manje yo tankou len.  
Men ladwati Mwen va jis pou tout tan  
e sali Mwen a tout jenerasyon yo.”

9 Leve, leve, mete fòs sou Ou, O bra SENYÈ a;  
leve tankou nan jou lansyen yo.  
✧Èske se pa t Ou menm ki te koupe Rahab an ti mòso a,  
ki te frennen dragon an nèt la?

10 Èske se pa Ou menm ki te seche lanmè a,  
dlo yo a gran fon an;  
ki te fè pwofondè lanmè yo yon chemen  
pou rachte yo ta ka travèse lòtbò?

11 Pou sa, rachte a SENYÈ yo va retounen;  
vini ak gwo kri lajwa a Sion yo  
e lajwa ki va dire nèt la va sou tèt yo.  
Yo va jwenn kè kontan ak lajwa  
e ✧tristès ak soupi pa yo va disparèt nèt.

12 Mwen menm, Mwen se Sila ki ✧bannou konsolasyon an.  
Se kilès ou ye pou ou pè moun ki va mouri  
ak fis a moun ki fèt tankou zèb la,

13 Pou ou ta ✧bliye SENYÈ a, Kreyatè ou a,  
ki te rale ouvri syèl yo  
e te poze fondasyon latè yo,  
pou ou ta krent tout jounen akòz kòlè opresè a,  
pandan l ap prepare pou detwi?  
Men se kibò ou wè kòlè a opresè a?

14 Toutalè ✧egzile a va libere e li p ap mouri nan kacho a,  
ni li p ap manke pen.

15 Paske Mwen se SENYÈ Bondye ou a,  
ki fè ✧boulvèse lanmè a  
e lanm li yo gwonde.

SENYÈ dèzame yo se non Li.

16 Mwen te ✧mete pawòl Mwen nan bouch ou

✧ 51:6 Sòm 102:25-26 ✧ 51:7 Sòm 37:31 ✧ 51:8 És 14:11 ✧ 51:9 Job 26:12 ✧ 51:11 És 60:19 ✧ 51:12 És 51:3 ✧ 51:13 Det 6:12 ✧ 51:14 És 48:20 ✧ 51:15 Sòm 107:25 ✧ 51:16 Det 18:18

e te kouvri ou avèk lonbraj men Mwen,  
pou etabli syèl yo, fonde latè a  
e pou di a Sion: ‘Ou se pèp Mwen.’ ”

17 ✨Leve ou menm! Leve ou menm!  
Kanpe O Jérusalem,

Ou menm ki te bwè depi nan men SENYÈ a, tas kòlè Li;  
Gode ki pou fè ou kilbite a;  
ou fin bwè jis rive nan kras anba l.

18 ✨Nanpwen moun ki pou gide fi a  
pami tout fis li te fè yo,  
ni nanpwen moun ki pou pran l pa lamèn  
pami tout fis li te leve yo.

19 Se de bagay sa yo ki gen tan rive ou;  
se kilès ki va kriye pou ou?

✨Devastasyon ak destriksyon, gwo grangou, ak nepe;  
kijan pou m ta konsòle ou?

20 Fis ou yo vin endispoze;  
yo kouche atè sou pwent a chak ri,  
tankou antilòp ki kenbe nan pèlen.

Yo ranpli ak kòlè SENYÈ a, ak ✨repwòch a Bondye ou a.

21 Pou sa, souple, koute sa, ou menm ki ✨aflije,  
ki sou, men pa avèk diven:

22 Konsa pale Senyè ou a,

SENYÈ a, menm Bondye ou ki pran plede kòz pou pèp Li a:  
“Gade byen, Mwen te retire ✨tas kilbite a, gode kòlè Mwen an;  
ou p ap janm bwè l ankò.

23 M ap mete li nan men a sila k ap toumante ou yo,  
ki te di ou: ✨ ‘Kouche pou nou ka mache sou ou’.

Ou te menm fè do ou vin tankou tè a;  
epi tankou gran lari pou sila k ap mache sou li yo.”

## 52

1 ✨Leve, leve! Abiye ou menm ak fòs ou, O Sion;  
abiye ak bèl vètman ou yo, O Jérusalem, vil sen an;  
paske ensikonsi yo ak pa pwòp yo  
p ap antre kote ou a ankò.

2 Souke leve kò ou ✨sòti nan pousyè a,  
O kaptif Jérusalem nan; retire chenn sa yo  
nan kou ou, O fi kaptif a Sion an.

3 Paske konsa pale SENYÈ a: “Ou te vann pou granmesi  
e ou va ✨rachte san vèsè lajan.”

4 paske konsa pale SENYÈ a: “Pèp Mwen an  
nan kòmansman, ✨te desann an Égypte pou rezide la;  
epi Asiryen yo te oprime yo san koz.

5 Alò, pou sa, kisa Mwen gen isit la,” deklare SENYÈ a:

✨ 51:17 És 51:9 ✨ 51:18 Sòm 88:18 ✨ 51:19 És 8:21 ✨ 51:20 És 66:15 ✨ 51:21 És 54:11

✨ 51:22 És 51:17 ✨ 51:23 Jos 10:24 ✨ 52:1 És 51:9-17 ✨ 52:2 És 29:4 ✨ 52:3 És 1:27

✨ 52:4 Jen 46:6

“Konsi pèp Mwen an te retire san koz?”

Ankò deklare SENYÈ a: “Sila ki renye sou yo rele anlè ak kè kontan e \*non Mwen blafeme tout lajounen.

<sup>6</sup> Pou sa, pèp Mwen an va \*konnen non Mwen; pou sa, nan jou sa a, se Mwen menm k ap di: Men Mwen isit la’.

<sup>7</sup> A la bèl pye a sila ki pote \*bòn nouvèl yo bèl sou mòn yo, ki anonse lapè e ki pote bòn nouvèl ki fè kè kontan, ki anonse Sali e di a Sion: “Bondye pa ou a renye!

<sup>8</sup> Koute! Gadyen ou yo leve \*vwa yo; yo rele fò ak kè kontan ansanm; paske yo va wè ak pwòp zye yo lè SENYÈ a retounen nan Sion an.

<sup>9</sup> Eklate, rele ak jwa ansanm, kote ki dezole Jérusalem yo; Paske SENYÈ a te konsole pèp Li a, Li te \*rachte Jérusalem.

<sup>10</sup> SENYÈ a te dekouvri sen bra Li pou tout nasyon yo wè, \*pou dènye pwent latè yo ka wè sali a Bondye nou an.

<sup>11</sup> \*Sòti, sòti, kite kote sa a, pa touche anyen ki pa pwòp; sòti nan mitan li, vin pirifye nou menm, nou ki pote veso a SENYÈ a.

<sup>12</sup> Men nou p ap sòti rapid, ni se pa kon kaptif ke nou prale; paske \*SENYÈ a va ale devan nou e Bondye Israël la va fè gad an aryè.

<sup>13</sup> Gade byen, \*sèvitè Mwen an va byen reyisi; Li va leve wo e vin egzalte anpil.

<sup>14</sup> Menm jan ke anpil moun te etone a nou menm, pèp Mwen an, konsa \*aparans Li te defòm plis ke tout lòt moun e fòm li plis ke fis a lòt yo.

<sup>15</sup> Konsa, Li va farinen sou anpil nasyon. Wa yo va pe bouch yo pou koz Li; paske \*sa ke yo pa t konn tandè a, yo va wè l e sa ke yo pa t koute a, yo va konprann li.

## 53

<sup>1</sup> \*Se kilès ki te kwè mesaj nou yo?

Epi a kilès bra SENYÈ a te vin revele?

<sup>2</sup> Paske Li te grandi devan nou kon yon \*boujon vèt e tankou yon rasin ki sòti nan tè sèk.

Li pa gen okenn bèlte nan fòm Li, ni majeste pou nou ta gade sou Li, ni aparans pou nou ta atire a Li.

<sup>3</sup> Li te meprize e abandone pa lòt; yon nonm ak gwo tristès e ki te konnen gwo soufrans; epi tankou yon moun de sila moun kache figi yo,

\* 52:5 Éz 36:20-23 \* 52:6 És 49:23 \* 52:7 És 40:9 \* 52:8 És 62:6 \* 52:9 És 43:1 \* 52:10 És 45:22 \* 52:11 És 48:20 \* 52:12 És 26:7 \* 52:13 És 42:1 \* 52:14 És 53:2-3 \* 52:15 Wo 15:21 \* 53:1 Jn 12:38 \* 53:2 És 11:1

Li te vin ✧meprize e nou pa t bay Li okenn valè.

4 Anverite, se soufrans nou yo Li te ✧pote ak doulè nou yo Li te chaje sou do L; men nou te rekonèt Li kon moun pini, Frape pa Bondye e aflije.

5 Men Li te vin frennen, pèse nèt pou peche nou yo; Li te kraze pou ✧inikite nou yo. Chatiman ki fè nou gen lapè a te tonbe sou Li, e se pa kout fwèt Li resevwa yo, nou te jwenn gerizon.

6 Nou tout tankou mouton ki pèdi chemen yo; nou chak te fin antre nan pwòp chemen pa nou. Men SENYÈ a te fè inikite a nou tout tonbe sou Li.

7 Li te vin oprime e aflije; malgre sa, Li pa t ouvri bouch Li; ✧tankou yon jèn mouton ki t ap mennen labatwa e tankou yon mouton ki rete an silans devan sila k ap taye lenn li yo, konsa Li pa t ouvri bouch Li.

8 Avèk opresyon avèk jijman Li te vin retire; epi selon jenerasyon Li, ki te konsidere Li te koupe retire nèt nan peyi a vivan yo, ✧pou transgresyon a anpil moun ki te merite sò a.

9 Tonbo pa L te pataje pami moun mechan yo, men se avèk yon nonm rich Li te ye nan lanmò Li, Akoz Li pa t fè okenn vyolans, ni pa t gen manti nan bouch Li.

10 Men SENYÈ a te kontan ✧kraze L, pou mete Li nan gwo soufrans, pou ta rann Li menm kon yon ofrann koupabilite. Li va wè desandan Li yo; Li va pwolonje jou Li yo e bon plezi SENYÈ a va reyisi nan men Li.

11 Apre gwo doulè a nanm Li, Li va ✧wè limyè a, e li va satisfè; pa konesans Li, Sila Ki Dwat la, Sèvitè Mwen an, va jistifye anpil moun, paske Li va pote inikite yo.

12 Akoz sa, Mwen va bay Li yon pòsyon ak gwo moun yo e Li va divize piyaj ak moun pwisan yo; akoz Li te livre ✧tèt Li menm a lanmò e Li te konte avèk malfektè yo; malgre Li pou kont Li, te pote peche a anpil moun e Li te entèsede pou koupab yo.

## 54

1 Rele fò ak lajwa, O! ou menm ki pa t kapab fè pitit; Eklate nan yon gwo kri lajwa e kriye fò, ou menm ki pa t gen doulè ansent lan; paske fis a ✧abandone yo a va plis ke fis a

fanm ki marye yo”, SENYÈ a di.

<sup>2</sup> Agrandi anplasman tant ou;  
lonje rido lakay ou, pa ralanti;  
fè kòd yo pi long e fòtifye \*pikèt yo.

<sup>3</sup> Paske ou va \*gaye toupatou, ni adwat, ni agoch.  
Epi desandan ou yo va posede nasyon yo  
e yo va rete ankò nan vil abandone yo.

<sup>4</sup> Pa pè, paske ou \*p ap vin wont;  
epi pa santi ou imilye, paske ou p ap vin wont;  
men ou va bliye wont jenès ou e repwòch a yon vèv,  
ou va bliye nèt.

<sup>5</sup> Paske \*mari ou se Kreyatè ou a, ki rele SENYÈ dèzame yo;  
epi Redanmtè ou se Sila Ki Sen An Israël la,  
ki rele Bondye a tout latè a.

<sup>6</sup> Paske SENYÈ a te rele ou kon yon madanm \*abandone  
e atriste nan lespri,  
menm kon madanm nan jenès li lè l abandone,” Bondye ou di.

<sup>7</sup> Pou yon \*ti tan kout, Mwen te kite ou;  
men ak gran konpasyon, Mwen va ranmase ou.

<sup>8</sup> Nan yon eksplozyon kòlè, Mwen te kache figi M  
pou yon moman, men ak lanmou dous ki p ap janm fini an,  
Mwen va gen konpasyon pou ou”, di SENYÈ a, Redanmtè ou a.

<sup>9</sup> paske pou Mwen, sa se tankou jou Noé yo,  
lè M te sèmante ke dlo a Noé yo \*pa ta janm inonde latè ankò.  
Konsa, Mwen te sèmante ke Mwen p ap fache avèk ou,  
ni ke Mwen p ap repwoche nou.

<sup>10</sup> Paske mòn yo kapab deplase e kolin yo ka souke,  
men lanmou dous Mwen anvè ou menm  
p ap retire de ou e \*akò lapè Mwen p ap soti menm,”  
di SENYÈ ki gen konpasyon pou ou a.

<sup>11</sup> O! sila ki aflije a, balote pa tanpèt la e san \*konsolasyon an;  
gade byen, Mwen va monte bijou ou ak bon kòl  
ki fèt pou bijou bèl koulè yo, epi fondasyon ou yo  
va poze ak pyè safi.

<sup>12</sup> Anplis, Mwen va fè ranpa ou ak bijou ribi,  
pòtay nou yo ak pyè kristal, e tout miray ou yo  
ak pyè presye.

<sup>13</sup> Epi \*tout fis ou yo va enstwi pa SENYÈ a;  
pitit ou yo va gen lapè ak bonè nèt.

<sup>14</sup> Nan \*ladwati, ou va etabli;  
ou va rete lwen opresyon, paske ou p ap gen lakrent.  
Epi ou p ap gen gwo laperèz, paske li p ap pwoche ou.

<sup>15</sup> Si nenpòt moun atake ou, se pa kote M sa va sòti.  
\*Nenpòt moun ki atake ou va tonbe akòz ou menm.

\* 54:2 Egz 35:18 \* 54:3 Jen 28:14 \* 54:4 És 45:17 \* 54:5 Jr 3:14 \* 54:6 És 49:14-21  
\* 54:7 És 26:20 \* 54:9 Jen 9:11 \* 54:10 II Sam 23:5 \* 54:11 És 51:18-19 \* 54:13 Jn 6:45  
\* 54:14 És 1:26-27 \* 54:15 És 41:11-16

16 Gade byen, se Mwen menm ki te kreye bòs fòjewon ki soufle dife chabon an e fè sòti yon zam pou travay li; epi Mwen te kreye destriktè a pou l ka detwi.

17 Nanpwen zam ki fòme kont ou ki va reyisi; epi tout lang ki akize ou nan jijman, ou va kondane yo. Sa se eritaj a sèvitè a SENYÈ yo e \*revandikasyon pa yo sòti nan Mwen, “deklare SENYÈ a.

## 55

1 Gade! Tout sa ki swaf yo, vin nan dlo! Epi nou menm ki pa gen kòb yo, vin achte pou manje. Vin achte diven ak lèt san lajan e san frè.

2 Poukisa nou depanse lajan pou sa ki pa pen e salè nou pou sa ki pa ka satisfè? Koute Mwen avèk atansyon, \*manje sa ki bon e pran plezi nou an abondans.

3 Prete zòrèy nou e vin kote Mwen. Koute pou nou ka viv; epi \*Mwen va fè yon akò avè w k ap dire pou tout tan, selon mizerikòd fidèl ki te montre a David la.

4 Gade byen, Mwen te fè \*li vin yon temwen a pèp la, yon chèf k ap kòmande pèp la.

5 Gade byen, ou va rele yon nasyon ou pa rekonèt e yon nasyon ki pa rekonèt ou va \*kouri bò kote ou, akoz SENYÈ Bondye ou a, menm Sila Ki Sen an Israèl la; paske li te bay ou glwa.”

6 \*Chache SENYÈ a pandan Li kapab twouve; rele Li pandan Li toupre a.

7 \*Kite mechan an abandone chemen li an e pechè a abandone panse li yo. Epi kite li retounen kote SENYÈ a e Li va gen mizerikòd pou li; anvè Bondye nou an, ki pa janm manke padone.

8 “Paske, panse pa Mwen yo se pa \*panse pa w”, ni wout ou yo se pa wout pa M”, deklare SENYÈ a.

9 paske \*tankou syèl yo pi wo ke tè a, konsa wout Mwen yo pi wo ke wout pa w yo e panse Mwen yo ke panse pa w yo.

10 paske menm jan ke lapli ak lanèj desann sòti nan syèl la e pa retounen la san ke yo pa awoze tè a, fè l donner e boujonnen, bay \*semans a kiltivatè a e pen a sila k ap manje a;

11 se konsa pawòl Mwen ki sòti nan bouch Mwen va ye; li \*p ap retounen kote Mwen vid, san ke li pa akonpli sa ke M dezire a, san ke li pa akonpli bi pou sila Mwen te voye li a.

\* 54:17 És 45:24 \* 55:2 Sòm 22:26 \* 55:3 Trav 13:34 \* 55:4 Sòm 18:43 \* 55:5 Za 8:22 \* 55:6 Sòm 32:6 \* 55:7 És 1:16-19 \* 55:8 És 65:2 \* 55:9 Sòm 103:11 \* 55:10 II Kwo 9:10 \* 55:11 És 44:26

12 paske ou va sòti ak ✧kè kontan  
e mennen devan ak lapè.

Mòn yo ak kolin yo va eklate nan gwo kri lajwa devan ou  
e tout bwa nan chan yo va bat men yo.

13 Olye de bwa pikan, bwa pichpen va leve, olye de ✧machacha, bwa jasmen  
va leve,

e sa va yon memoryal a SENYÈ a,  
kon yon sign k ap dire nèt, ki p ap janm disparèt.

## 56

1 Konsa pale SENYÈ a:

“Konsève sa ki jis

e fè sa ki dwat,

paske ✧sali Mwen an prèt pou rive

e ladwati Mwen va vin revele.

2 A la ✧beni nonm ki fè sa a beni

e fis a mesye a ki kenbe fèm;

ki pa janm derespekte Saba a

e ki anpeche men l fè mal la.”

3 Pa kite etranje ki te vin jwenn li menm ak SENYÈ a di:

“Anverite, SENYÈ a va fè m separe de pèp li a.”

Ni pa kite ✧sòlda enik lan di:

“Gade byen, mwen se yon bwa sèch”.

4 paske konsa pale SENYÈ a:

“A enik yo ki ✧kenbe Saba Mwen yo,

ki chwazi sa ki fè M plezi

e ki kenbe fèm nan akò Mwen an.

5 A yo menm, Mwen va livre lakay Mwen;

anndan miray Mwen yo, yon memorial

e yon ✧non ki meye a fis yo oswa fi yo;

Mwen va bay yo yon non k ap dire nèt jis pou letènite,

ki p ap janm disparèt.

6 Anplis, ✧etranje ki vin jwenn yo menm a SENYÈ a,

pou sèvi Li, pou renmen non a SENYÈ a, pou vin sèvitè Li,

yo tout ki pa derespekte Saba a

e ki kenbe fèm a akò Mwen an;

7 Menm sila ke Mwen va mennen sou mòn sen Mwen yo

ak sila mwen fè vin gen lajwa nan kay priyè Mwen an.

Ofrann brile yo ak sakrifis yo va akseptab sou lotèl Mwen an;

paske ✧kay Mwen an va rele yon kay lapriyè pou tout pèp yo.”

8 Senyè BONDYE a, ki ✧rasanble dispèse a Israël yo, deklare:

“Mwen va rasanble lòt yo anvè yo,

lòt anplis de sila ki deja rasanble yo.

9 Nou tout, ✧bèt a chan yo, nou tout bèt a forè yo, vin manje.

10 ✧Gadyen Li yo vin avèg; yo tout pa konnen anyen.

✧ 55:12 Sòm 105:43 ✧ 55:13 És 5:6 ✧ 56:1 Sòm 85:9 ✧ 56:2 Sòm 112:1 ✧ 56:3 Det 23:1  
✧ 56:4 És 56:2-6 ✧ 56:5 És 62:2 ✧ 56:6 És 56:3 ✧ 56:7 Mat 21:13 ✧ 56:8 És 11:12 ✧ 56:9  
Éz 3:17 ✧ 56:10 Éz 3:17



Yo tout se chen bèbè ki pa ka jape,  
moun k ap fè rèv kouche e ki renmen somèy;

<sup>11</sup> Epi chen yo voras; yo p ap ka satisfè.

Yo se bèje ki pa gen okenn bon konprann;

yo tout vin ✧vire pwòp chemen pa yo,

yo chak ak lajan yo mal fè yo, jis rive nan dènye a.

<sup>12</sup> “Vini”, yo di: “Annou twouve diven

e annou bwè anpil bwason fò;

epi ✧demen va menm jan ak jodi a, byen bèl san kontwole.”

## 57

<sup>1</sup> Moun dwat la peri

e pèsòn pa pran sa a kè;

epi sila ak mizerikòd vin retire e pèsòn pa konsidere  
ke moun dwat la retire soti pou enpeche

✧mal la rive l,

<sup>2</sup> Li antre nan lapè; yo antre nan pwòp kabann pa yo, sila ki te

✧mache dwat nan chemen li yo.

<sup>3</sup> Men vini isit la, nou menm fis a yon manbo,

✧desandan a yon fanm adiltè ak yon pwostitiye.

<sup>4</sup> Se kont kilès nou fè plezi a?

Kont kilès nou ouvri bouch nou laj e lonje lang nou an?

Se pa desandan a ✧rebèl nou ye? Pòtè a desepsyon,

<sup>5</sup> Ki limen tèt nou pami bwadchenn yo,

anba tout gwo bwa vèt,

ki ✧fè masak timoun yo nan ravin yo,

anba fenèt wòch gwo falèz yo?

<sup>6</sup> Pami ✧wòch swa nan ravin nan se pòsyon pa w;

menm pou yo menm, ou te vide yon ofrann bwason;

ou te fè yon ofrann sereyal.

Èske M ta vin sede konsènan bagay sa yo?

<sup>7</sup> Sou yon gwo mòn byen wo, ou ✧te fè kabann ou.

Anplis, se la, ou te monte pou ofri sakrifis.

<sup>8</sup> Dèyè pòt la ak chanbrann pòt la, ou te fè monte ransèyman ou;

anverite, byen lwen Mwen, ou te ✧dekouvri tèt ou

e ou te ale fè kabann ou byen laj.

Epi ou te antann ou avèk yo;

ou te byen renmen kabann yo, ou te gade sou pati mal pa yo.

<sup>9</sup> Ou te fè vwayaj kote wa a ak lwil

e ou te ogmante pafen ou yo;

ou te ✧voye mesaje ou yo a yon gran distans

e te fè yo desann nan Sejou mò yo.

<sup>10</sup> Ou te fatigue akoz wout ou te long, men ou pa t di:

✧‘Nanpwen espwa.’ Ou te jwenn fòs renouvle.

Akoz sa, ou pa t dekouraje.

<sup>11</sup> De ✧kilès ou te pè e twouble a lè ou te fè manti

✧ 56:11 És 57:17 ✧ 56:12 Sòm 10:6 ✧ 57:1 II Wa 22:20 ✧ 57:2 És 26:7 ✧ 57:3 És 1:4  
✧ 57:4 És 48:8 ✧ 57:5 II Wa 23:10 ✧ 57:6 Jr 3:9 ✧ 57:7 Éz 23:41 ✧ 57:8 Éz 23:18 ✧ 57:9  
Éz 23:16-40 ✧ 57:10 Jr 2:25 ✧ 57:11 Pwov 29:25

e pa t sonje Mwen an,  
ni menm panse a Mwen an?  
Èske Mwen pa t rete an silans pou anpil tan  
ki fè ou pa gen lakrent Mwen an?  
12 Mwen va ✨deklare ladwati ou ak zèv ou yo,  
men yo p ap nan avantaj ou.  
13 Lè ou vin kriye fò, ✨kite zidòl ou yo delivre ou.  
Men van an va pote yo monte e yon souf va rale yo ale.  
Men sila ki kache nan Mwen an va eritye peyi a  
e va posede mòn sen Mwen an.”

14 Li va di: ✨“Fè l monte, fè l monte, prepare chemen an;  
retire tout obstak ki nan wout pèp Mwen an.”  
15 Paske se konsa Sila ki wo e egzalte a pale,  
Sila ki viv jis pou tout tan an, non a Sila ki Sen an:  
“Mwen rete yon kote ki wo e ki sen  
e osi avèk sila ki gen ✨kè ki plen ak regrè ak lespri ki enb,  
pou fè leve lespri a enb lan  
e fè leve kè a sila ki plen regrè pou peche.  
16 Mwen p ap goumen ak ou jis pou tout tan,  
✨ni se pa tout tan ke M ap fache a;  
paske lespri a ta vin fèb devan M  
e souf a sila ke M te fè yo.  
17 Akoz inikite a ✨sa ki fè lajan mal yo,  
Mwen te fè kòlè e Mwen te frape li;  
Mwen te kache figi Mwen; Mwen te fache.  
Konsa li te kontinye detounen nan wout kè l te pran an.  
18 Mwen te wè chemen li yo; malgre sa, ✨M ap geri li;  
Mwen va mennen li e restore konsolasyon a li menm  
e a sila k ap lamante yo,  
19 Mwen va kreye lwanj a lè yo.  
“Lapè, lapè pou sila ki ✨lwen yo e pou sila ki pre yo,”  
SENYÈ a di: “Epi Mwen va geri li.”  
20 Men ✨mechan yo tankou lanmè k ap boulvèse,  
paske li p ap ka kalme e dlo li yo rale fè monte fatra ak labou.  
21 ✨“Nanpwen lapè” Bondye Mwen an di:  
“pou mechan yo”.

## 58

1 ✨“Kriye fò, ni pa rete;  
leve vwa ou tankou yon twonpèt!  
Deklare a pèp Mwen transgresyon yo,  
e a lakay Jacob la, peche yo.  
2 Malgre yo chache Mwen de jou an jou  
e te fè gwo lanvi pou konnen chemen Mwen yo,  
konsi se yon nasyon ki fè ladwati  
e ki pa t abandone règleman a Bondye yo.  
Yo mande Mwen pou fè desizyon ki jis;

✨ 57:12 És 58:1-2 ✨ 57:13 Jr 22:20 ✨ 57:14 És 62:10 ✨ 57:15 Sòm 34:18 ✨ 57:16 Sòm 85:5 ✨ 57:17 És 2:7 ✨ 57:18 És 19:22 ✨ 57:19 Trav 2:39 ✨ 57:20 Job 18:5-14 ✨ 57:21 És 48:22 ✨ 58:1 És 40:6

yo pran plezi ☆nan pwoksimite Bondye a.

<sup>3</sup> ‘Poukisa nou ☆fè jèn e Ou pa wè?

Èske nou imilye nou e Ou pa wè?’

Gade byen, nan jou jèn lan, ou satisfè tout dezi nou yo  
e nou kòmande byen di tout ouvriye nou yo.

<sup>4</sup> Gade byen, nou fè jèn pou ☆konfli ak kont  
e pou nou frape ak ponyèt mechan an.

Se pa tankou sa nou fè jodi a pou te fè vwa nou tande an wo.

<sup>5</sup> Èske se jèn sa a ki fè kè M kontan;

yon jou pou yon nonm ta imilye li menm?

Pou bese tèt li kon wozo

e gaye ☆twal sak ak sann kon kabann?

Èske se yon jèn ke ou rele sa;

menm yon jou k ap akseptab a SENYÈ a?

<sup>6</sup> Se pa jèn sa ke M pito;

pou ☆lache lyen mechanste yo,

pou demare kòd jouk la,

pou lese oprime yo pran libète

e kase tout jouk yo?

<sup>7</sup> Èske se pa pou divize pen ou ak moun grangou yo

e mennen endijan yo antre nan kay;

lè ou wè ☆toutouni an, pou kouvri l;

e pi pou ou pa kache tèt ou de pwòp chè ou?

<sup>8</sup> Konsa, limyè ou va pete kon granmmaten,

e ☆gerizon ou va vòltije vit devan ou;

e pi ladwati ou va ale devan ou;

e laglwa SENYÈ a va fè gad ou an aryè.

<sup>9</sup> Nan lè sa a, ou va rele e SENYÈ a va reponn;

ou va kriye e Li va di: Men Mwen isit la’.

Si ou retire jouk la nan mitan nou,

sispann ☆pwente dwat sou lòt

e sispann pale mechanste,

<sup>10</sup> Si ou dedye ou menm a sila ki grangou a

e satisfè dezi a aflije a;

nan lè sa a, ☆limyè ou va leve nan fènwa

e tristès ou va klere kon gran lajounen.

<sup>11</sup> Epi SENYÈ a va gide ou tout tan,

satisfè dezi ou yo kote ki sèch nèt yo

e bay fòs a zo ou yo.

Epi ou va kon yon jaden byen awoze e tankou yon ☆sous dlo ki p ap janm

seche. <sup>12</sup> Sila ki pami ou yo va ☆rebat ansyen mazi yo; Ou va fè

releve ansyen fondasyon yo. Epi yo va rele ou sila ki te repare brèch

la, sila ki te restore lari yo pou bannou kote pou nou ka rete a’.

<sup>13</sup> Si, akòz Saba a, ou vire pye ou

☆ 58:2 Sòm 119:151 ☆ 58:3 Mal 3:14 ☆ 58:4 És 3:14 ☆ 58:5 I Wa 21:27 ☆ 58:6 Né 5:10-12

☆ 58:7 Mat 25:35-36 ☆ 58:8 Egz 14:19 ☆ 58:9 Pwov 6:13 ☆ 58:10 Job 11:17 ☆ 58:11 Jn

4:14 ☆ 58:12 És 49:8

pou ou sispann fè pwòp plezi pa ou nan Jou sen Mwen,  
 e rele Saba a yon gwo plezi, epi jou sen a SENYÈ onorab,  
 e bay li onè pou sispann chache ✧chemen pa ou,  
 ak pwòp plezi pa ou, ak pale pwòp pawòl pa w,  
 14 Alò, ou va pran plezi nan SENYÈ a  
 e Mwen va fè ou monte ✧sou wotè latè yo.  
 Epi kon manje, Mwen va ba ou eritaj a Jacob, papa ou a,  
 paske bouch SENYÈ a fin pale.”

## 59

- 1 Gade byen, ✧men SENYÈ a pa tèlman kout  
 pou l pa ka sove;  
 ni zòrèy Li pa di pou l pa ka tandè.
- 2 Men se ✧inikite nou yo ki fè nou separe ak Bondye nou an  
 e se peche nou yo ki te kache figi Li de nou menm  
 pou Li pa tandè.
- 3 Paske ✧men nou souye ak san vèsè  
 e dwèt nou ak inikite;  
 lèw nou fin pale sa ki fo  
 e lang nou plenyen mechanste.
- 4 Nanpwen moun ki fè pwosè ak dwati,  
 ni ki fè plent ak entegrite.  
 Yo mete konfyans nan vanite e yo pale manti.  
 Yo ✧simen mal e yo rekòlte mechanste.
- 5 Yo kale ze koulèv yo e ✧trese fil arenye yo.  
 Sila ki manje ze yo va mouri e nan sa ki kraze a,  
 yon koulèv va pete vin parèt.
- 6 Fil pa yo p ap fè rad, ni zèw yo p ap ka ✧kouvri yo.  
 Zèw pa yo se zèw inikite  
 e se zak vyolans ki rete nan men yo.
- 7 ✧Pye pa yo kouri vè mal  
 e yo fè vit pou vèsè san inosan an.  
 Panse pa yo se panse inikite  
 e destriksyon ak dega sou chemen yo.
- 8 Yo pa konnen ✧chemen lapè  
 e nanpwen jistis nan yo;  
 yo te fè wout kwochi.  
 Nenpòt moun ki antre kote yo pa konnen lapè.
- 9 Akoz sa, lajistis rete lwen nou  
 e ladwati pa fin rive sou nou;  
 nou espere jwenn limyè pou klere nou,  
 men nou mache nan fènwa.
- 10 Nou ✧tatonnen akote mi an tankou moun avèg,  
 nou tatonnen kon sila ki pa gen zye yo;  
 nou kilbite a midi konsi se nan aswè;  
 pami sila ki plen kouraj yo, nou parèt tankou moun mouri.
- 11 Epi nou tout ✧gwonde tankou lous

✧ 58:13 És 55:8 ✧ 58:14 Det 32:13 ✧ 59:1 Nonb 1:23 ✧ 59:2 És 1:15 ✧ 59:3 És 1:15-21  
 ✧ 59:4 Job 15:35 ✧ 59:5 Job 8:14 ✧ 59:6 És 28:20 ✧ 59:7 Pwov 1:16 ✧ 59:8 Luc 1:79  
 ✧ 59:10 Det 28:29 ✧ 59:11 És 38:14

e plenyen ak tristès kon toutrèl;  
nou espere lajistis, men nanpwen;  
pou delivrans, men li lwen nou.

<sup>12</sup> Paske transgresyon nou yo multipliyè devan Ou  
e ✨peche nou yo temwaye kont nou;  
paske transgresyon nou yo rete avèk nou  
e nou konnen inikite nou yo:

<sup>13</sup> Nou fè rebèl e nou ✨nye SENYÈ a.  
Nou vire kite Bondye nou an, ak pawòl opresyon ak rebèl.  
Nan kè a, nou fòmante e fè vin parèt pawòl manti.

<sup>14</sup> ✨Lajistis vin detounen  
e ladwati vin kanpe byen lwen;  
paske verite a fin glise tonbe nan lari  
e ladwati p ap ka antre.

<sup>15</sup> Wi, verite a manke;  
epi sila ki vire akote pou li pa fè mal la,  
✨fin fè pwòp tèt li vin yon viktim.

Alò, SENYÈ a te wè  
e sa pa t fè plezi devan zye L ke pa t gen jistis.

<sup>16</sup> Epi Li te wè ke pa t gen pèsòn  
e te etone ke pa t gen moun ki pou entèsede.  
Epi ✨pwòp bra Li te mennen sali a rive kote Li.

<sup>17</sup> Li te abiye ak ladwati kon pwotèj lestomak  
e ak ✨kas sali a sou tèt li;  
epi li te mete vètman vanjans kon abiman  
e te vlope tèt Li ak zèl kon manto Li.

<sup>18</sup> ✨Selon zèv pa yo, konsa Li va rekonpanse yo,  
jijman ak kòlè a advèsè Li yo,  
rekonpans a lènmi Li yo;  
a peyi kot yo, Li va bay sa yo merite.

<sup>19</sup> Akoz sa, yo va gen krent non SENYÈ a soti nan lwès  
e glwa Li soti kote solèy leve a,  
paske Li va ✨vini tankou dlo ravin k ap desann byen rapid.  
Se van SENYÈ a kap pouse l.

<sup>20</sup> “Yon ✨Redanmtè va vini nan Sion  
e a sila ki vire kite transgresyon Jacob yo,” deklare SENYÈ a.

<sup>21</sup> “Pou Mwen menm, sa se ✨akò mwen avèk yo,” di SENYÈ a: “Lespri  
Mwen ki sou ou a e pawòl Mwen ke M te mete nan bouch ou yo p ap janm  
disparèt nan bouch ou, ni bouch a desandan ou yo, ni bouch a desandan  
pa yo,” pale SENYÈ a, “depi koulye a e jis rive pou tout tan.”

## 60

<sup>1</sup> “Leve, briye; paske limyè ou fin parèt  
e ✨glwa a SENYÈ a fin leve sou ou.

<sup>2</sup> Paske gade byen, ✨tenèb va kouvri latè

✨ 59:12 És 3:9 ✨ 59:13 Jos 24:27 ✨ 59:14 És 1:21 ✨ 59:15 És 5:23 ✨ 59:16 Sòm 98:1  
✨ 59:17 Ef 6:17 ✨ 59:18 Job 34:11 ✨ 59:19 És 30:28 ✨ 59:20 Wo 11:26 ✨ 59:21 Jr 31:31-34  
✨ 60:1 És 24:23 ✨ 60:2 És 58:10

e pwofon tenèb tout pèp yo.  
Men SENYÈ a va vin leve sou ou e glwa li va parèt sou ou.  
3 ✨Nasyon yo va vin kote limyè ou a,  
e wa yo nan klate lè ou leve a.

4 ✨Leve zye ou toupatou e gade;  
yo tout rasanble ansanm;  
yo vin kote ou.  
Fis ou yo va vini soti lwen  
e fi ou yo va pote nan bra yo.  
5 Epi ou va wè, ou va ✨plen ak limyè;  
kè ou va kontan e ou va rejwi;  
paske abondans lanmè a va vire vè ou;  
gran richès a nasyon yo va rive kote ou.

6 Anpil chamo va kouvri ou,  
jenn chamo a Madian ak Épha yo;  
epi tout sila ki ✨Séba yo va vini.  
Yo va pote lò ak lansan  
e yo va pote bòn nouvèl a lwanj a SENYÈ a.  
7 Tout bann mouton a Kédar yo va rasanble kote ou,  
belye a Nebajoth yo va sèvi ou;  
yo va vin aksepte pou monte sou lotèl Mwen an  
e Mwen va ✨glorifye kay Mwen an  
ki plen lonè ak mayifisans.

8 ✨Se kilès sa yo ki vole tankou yon nwaj  
ak tankou toutrèl vè fenèt pa yo?  
9 Anverite, peyi kot yo va tann Mwen;  
epi ✨gwo bato Tarsis yo va vini premyèman  
pou mennen fis ou yo soti lwen;  
ajan ak lò yo avèk yo, pou non SENYÈ Bondye ou a  
e pou Sila Ki Sen an Israèl la,  
akoz Li te bay ou glwa.

10 ✨Etranje yo va bati, fòtifye miray ou yo,  
epi wa pa yo va fè sèvis pa yo;  
paske nan kòlè Mwen, Mwen te frape ou  
e nan gras Mwen, Mwen te fè ou mizerikòd.

11 ✨Pòtay ou yo va vin louvri nèt tout tan;  
yo p ap fèmen ni lajounen, ni lannwit,  
pou yo kapab pote bay ou richès a tout nasyon yo,  
avèk wa pa yo sou tèt antouraj la.

12 Paske ✨nasyon ak wayòm ki p ap sèvi ou a va peri  
e nasyon sa yo va fin detwi nèt.

13 Glwa a Liban an va rive kote ou,  
bwa pichpen an, bwa sèd ak bwa blan  
pou anbeli plas sanktyè Mwen an;

e pi Mwen va fè ✨plas a pye Mwen vin plen ak glwa.  
 14 ✨Fis a sila ki te aflije ou yo va vin bese devan ou  
 e tout sila ki te meprize ou yo  
 va bese yo menm devan pla pye ou;  
 epi yo va rele ou vil SENYÈ a,  
 Sion a Sila Ki Sen an Israël la.

15 Konsi, ou te abandone e rayi, pou pèsòn pa pase ladann,  
 Mwen va fè ou ✨vin plen ak majeste,  
 yon objè lajwa de jenerasyon an jenerasyon.

16 Anplis, ou va souse lèt a nasyon yo  
 e ou va souse tete a wa yo;  
 epi ou va konnen ke Mwen, SENYÈ a,  
 se ✨Sovè ou e Redanmtè ou,  
 Sila Ki Pwisan a Jacob la.

17 Olye bwonz, Mwen va pote lò;  
 olye fè, Mwen va pote ajan;  
 olye bwa, Mwen va pote bwonz  
 e olye wòch, Mwen va pote fè.  
 Epi Mwen va fè lapè vin chèf ou  
 e ladwati kon konseye ou.

18 ✨Vyolans p ap tandè ankò nan peyi ou,  
 ni devastasyon oswa destriksyon anndan lizyè ou;  
 men ou va rele miray ou yo: “Sali e pòtay ou yo: “Lwanj.

19 Ou p ap sèvi ✨solèy la pou limyè lajounen ankò,  
 ni klate lalin a nan pou ba ou limyè;  
 men ou va gen SENYÈ a kon yon limyè etènèl  
 e Bondye ou kon glwa ou.

20 ✨Solèy ou p ap bese ankò,  
 ni lalin nan p ap febli;  
 paske ou va gen SENYÈ a kon limyè etènèl  
 e jou ke ou kriye ak gwo doulè yo va fini.

21 Epi tout moun ou yo va dwat;  
 Yo va ✨posede peyi a jis pou tout tan,  
 branch ke M te plante a zèv a men M yo,  
 pou M kapab resevwa glwa.

22 Pi piti a va devni yon gran pèp  
 e pi piti de yon nasyon pwisan.  
 Mwen, SENYÈ a va fè l prese rive nan lè l.”

## 61

1 ✨Lespri Senyè BONDYE a sou mwen,  
 akòz SENYÈ a te onksyone mwen pou pote bòn nouvèl  
 a moun aflije yo;  
 Li te voye mwen pou bay soutyen a sila ak kè brize yo,  
 pou pwoklame libète a kaptif yo  
 e delivrans a prizonye yo;

2 Pou ✨pwoklame lane gras SENYÈ a

e jou a vanjans Bondye nou an;  
 pou konsoule tout moun ak kè ki tris,  
<sup>3</sup> Pou akòde pwovizyon pou sila ak kè tris Sion yo,  
 pou bay yo yon bèl kouwòn pou ranplase sann yo,  
 ak ✧lwil kè kontan pou ranplase tristès la;  
 abiman lwanj pou ranplase lespri kraze a.  
 Konsa, yo va rele pye chenn ladwati,  
 yon plantasyon a SENYÈ a,  
 pou Li kapab resevwa glwa.

<sup>4</sup> Epi yo va ✧rebati ansyen mazi yo,  
 yo va fè leve wo sa ki te kraze depi lontan yo;  
 epi yo va repare vil ki te detwi yo,  
 dezolasyon a anpil jenerasyon yo.  
<sup>5</sup> ✧Etranje yo va kanpe fè bèje bann mouton nou yo  
 e pitit a etranje yo va kiltivatè tè nou yo  
 ak chan rezen nou yo.

<sup>6</sup> Men nou va rele kon ✧prèt a SENYÈ a;  
 nou va rele pa lòt moun kon sèvitè Bondye nou an.  
 Nou va manje richès a nasyon yo  
 e nan richès pa yo, nou va vante tèt nou.

<sup>7</sup> Olye de wont nou, ✧nou va gen yon pòsyon doub;  
 olye de imilyasyon, yo va rele ak lajwa sou pòsyon pa yo.  
 Akoz sa, yo va posede yon pòsyon doub nan peyi yo;  
 lajwa etènèl la va pou yo.

<sup>8</sup> Paske Mwen, SENYÈ a, ✧renmen lajistis;  
 Mwen rayi vòl ak malfezans nan ofran brile a.  
 Epi ak fidelite Mwen va bay yo rekonpans yo  
 e Mwen va fè yon akò k ap dire pou tout tan avèk yo.

<sup>9</sup> Epi desandan pa yo va rekonèt pami nasyon yo  
 e posterite yo nan mitan a tout pèp yo.  
 Tout moun ki wè yo va rekonèt yo,  
 akoz yo se ✧desandan a sila ke SENYÈ a te beni yo.

<sup>10</sup> Mwen va rejwi anpil nan SENYÈ a;  
 nanm mwen va rejwi anpil nan SENYÈ a.  
 Paske Li te abiye mwen ak vètman sali yo.  
 Li te vlope m nan yon manto ladwati,  
 tankou yon jennonm fenk marye  
 dekore kò l ak yon kouwòn,  
 e tankou yon ✧jenn fi maryaj  
 abiye kò l ak bijou.

<sup>11</sup> Paske jan tè a fè boujon li vin parèt la,  
 jaden an fè bagay ki simen ladann yo  
 vin pete grandi yo,  
 konsa Senyè BONDYE a va fè  
 ✧ladwati ak lwanj Pete grandi devan tout nasyon yo.



## 62

<sup>1</sup> Pou koz Sion, Mwen p ap rete an silans  
e pou koz Jérusalem, Mwen p ap rete san pawòl,  
jiskaske ✧ladwati li vin parèt tankou gran limyè  
e sali li tankou yon tòch k ap brile.

<sup>2</sup> ✧Nasyon yo va wè ladwati ou  
e tout wa yo glwa ou;  
epi ou va rele pa yon non nouvo  
ke bouch SENYÈ a va bay.

<sup>3</sup> Anplis, ou va yon ✧kouwòn byen bèl nan men SENYÈ a  
e yon dyadèm wayal nan men Bondye ou a.

<sup>4</sup> Sa p ap di a ou menm ankò: “Abandone”,  
ni a peyi ou, yo p ap di ankò: “Dezole”;  
men ou va rele: “Plezi Mwen nan li”, epi peyi ou: ✧“Marye”.

Paske SENYÈ a pran plezi nan ou  
e a Li menm, peyi ou va marye.

<sup>5</sup> Paske menm jan ke yon jennonm marye ak yon vyèj,  
konsa fis ou yo va marye avèk ou;  
epi menm jan jennonm maryaj la  
ap rejwi ak jenn fi maryaj la,  
konsa ✧Bondye ou a va rejwi ak ou.

<sup>6</sup> Sou miray ou yo, O Jérusalem,  
Mwen te plase ✧gadyen yo;  
tout lajounen ak tout lannwit,  
yo p ap janm rete an silans.  
Nou menm ki raple SENYÈ a,  
pa pran repo pou tèt nou;

<sup>7</sup> Epi pa bay Li repo jiskaske Li etabli  
e fè ✧Jérusalem yon lwanj sou tout tè a.

<sup>8</sup> ✧SENYÈ a te sèmante pa men dwat Li  
e pa men pwisan Li:  
“Mwen p ap janm bay sereyal pa ou ankò  
kon manje pou lènmi ou yo;  
ni etranje yo p ap janm bwè diven nèf  
pou sila ou te depanse fòs ou a.” <sup>9</sup> Men sila ki ✧ranmase li yo va manje li e  
louwe SENYÈ a;  
epi sila ki rekòlte li yo va bwè li nan lakou  
sanktiyè pa Mwen an.

<sup>10</sup> Antre ladann, antre nan pòtay yo!  
Netwaye chemen an pou pèp la!  
✧Bati, bati chemen an!  
Retire wòch yo, leve yon drapo sou nasyon yo.

<sup>11</sup> Gade byen, SENYÈ a te pwoklame a pwent tè a:  
Di a fi Sion an: “Men ✧sali ou a rive!  
Gade byen rekonpans Li avè L e rekonpans Li devan L.

✧ 62:1 És 1:26 ✧ 62:2 És 60:3 ✧ 62:3 És 28:5 ✧ 62:4 Os 2:19-20 ✧ 62:5 És 65:19 ✧ 62:6  
És 52:8 ✧ 62:7 És 60:18 ✧ 62:8 És 45:23 ✧ 62:9 És 65:13-23 ✧ 62:10 És 57:14 ✧ 62:11  
És 51:5

12 Epi yo va rele yo: ✧“Pèp sen an, rachte a SENYÈ yo”.  
Ou va rele: “Sila Ki Chache e ki vin twouve a,  
yon Vil Ki Pa Abandone.”

## 63

1 Se kilès sa ki sòti Edom an,  
avèk vètman byen kolore soti Botsra a;  
Kilès ki majeste nan abiman li an,  
k ap mache nan grandè ak fòs li a?  
“Se Mwen menm ki pale nan ladwati,  
✧ki pwisan pou delivre a.”

2 Poukisa abiman Ou wouj  
e vètman Ou tankou sila  
k ap ✧mache nan kivèt diven an?

3 Mwen te konn foule nan kivèt diven an sèl  
e soti nan pèp yo, pa t gen moun avè M.  
Anplis, Mwen te foule yo nan kòlè Mwen  
e Mwen te ✧mache kraze yo nan kòlè Mwen an;  
epi gout san lavi yo te kole sou abiman Mwen  
e te tache sou tout vètman Mwen yo.

4 Paske ✧jou vanjans lan te nan kè M e ane racha a vini.

5 Mwen te gade e pa t gen pèsòn pou ede;  
Mwen te etone e pa t gen pèsòn pou bay soutyen.  
Akoz sa ✧pwòp bra M te pote Salí Mwen  
e kòlè Mwen te soutni Mwen.

6 Mwen ✧te foule nasyon yo byen ba nan kòlè Mwen,  
Mwen te fè yo sou nan kòlè Mwen  
e Mwen te vide pwòp san lavi yo sou tè a.”

7 Mwen va pale de ✧lanmou dous SENYÈ a,  
ak lwanj a SENYÈ a.

Aprè tout sa ke SENYÈ a te bannou,  
ak gran bonte anvè lakay Israèl ke Li te bay yo,  
selon labondans konpasyon li,  
epi selon gran mizerikòd Li.

8 paske Li te di: “Anverite, yo se pèp Mwen,  
fis ki p ap aji nan manti.”

Pou sa, Li te devni ✧Sovè yo.

9 Nan tout afliksyon yo, ✧Li te aflije  
e zanj a prezans Li an te sove yo.  
Nan lanmou dous Li a ak mizerikòd Li,  
Li te rachte yo, Li te leve yo  
e te pote yo pandan tout ansyen jou yo.

10 Men yo te fè rebèl  
e konsa, yo te fè ✧Lespri Sen Li an vin tris;  
akoz sa, Li te vire Li menm e Li te vin lènmi yo;  
Li te goumen kont yo.

11 Epi pèp Li a te vin sonje ansyen jou yo ak Moïse.  
Kote Li, sila ki te fè yo monte sòti nan lanmè  
ak bèje a bann mouton Li yo?

Kote Li, Sila ki te ✧mete Lespri Sen Li nan mitan yo a,  
12 Ki te fè men glwa Li a ale akote men dwat Moïse la,  
ki te ✧divize dlo yo devan yo pou fè pou pwòp tèt Li  
yon non ki ta dire pou tout tan,

13 Ki te mennen yo atravè fon yo?

Tankou cheval nan dezè, yo pa t ✧chape tonbe;

14 Tankou bèt ki te desann nan vale yo,

Lespri SENYÈ a te bay yo repo.

Konsa, Ou te ✧mennen pèp Ou a  
pou fè pou Ou yon non ki plen ak laglwa.

15 Gade anba soti nan syèl la  
e wè soti nan abitasyon sen Ou ki plen ak glwa Ou.

Kote zèl Ou ak zèv pwisan Ou yo?

Santiman a kè ou ak konpasyon Ou te vin anpeche de mwen.

16 Paske Ou se ✧Papa nou,  
malgre Abraham pa rekonèt nou,  
ni Israèl pa rekonèt nou.

Ou menm, O SENYÈ, Ou se Papa nou,  
Redanmtè nou soti nan tan ansyen yo se non Ou.

17 Poukisa, O SENYÈ, Ou ✧fè nou egare kite chemen Ou yo  
e te fè kè nou di pou nou pa gen lakrent Ou?

Pou koz sèvitè Ou yo, tribi a eritaj Ou yo, retounen.

18 Pèp sen Ou yo te posede sanktyè Ou a pou yon ti tan;  
advèsè nou yo te ✧foule li ba nèt.

19 Nou te vin sanble ak sila ke Ou pa t janm gouvène yo,  
tankou sila ki pa t rele pa non Ou yo.

## 64

1 O ke Ou ta chire syèl yo pou Ou desann,  
ke mòn yo ta ✧tranble devan prezans Ou—

2 Tankou dife anflame touf bwa chan an,  
tankou dife fè dlo bouyi—

pou non Ou ta kapab vin rekonèt a advèsè Ou yo,  
pou ✧nasyon yo ta ka tranble devan prezans Ou!

3 Lè Ou te fè ✧bagay mèvèy ke nou pa t prevwa yo;  
Ou te desann, mòn yo te tranble devan prezans Ou.

4 Depi nan jou ansyen yo, ✧yo pa t tandè ni sezi pa zorèy,  
ni zye pa t wè yon Bondye sof ke Ou,  
k ap ajì pou sila k ap tann Li an.

5 Ou rankontre avèk sila ki rejwi a nan fè sa ki dwat,  
ki sonje Ou nan chemen pa Ou yo.

Gade byen, ✧Ou te fache paske nou te peche,  
nou te kontinye ladann pandan anpil tan.

Epi èske nou va sove?

✧ 63:11 Nonb 11:17-29 ✧ 63:12 Egz 14:21-22 ✧ 63:13 Jr 31:9 ✧ 63:14 Det 32:12 ✧ 63:16  
És 1:2 ✧ 63:17 És 30:28 ✧ 63:18 Sòm 74:3-7 ✧ 64:1 Jij 5:5 ✧ 64:2 Sòm 99:1 ✧ 64:3 Sòm  
65:5 ✧ 64:4 I Kor 2:9 ✧ 64:5 És 12:1

6 Paske nou tout te vini tankou yon moun ki pa pwòp e tout ✨zèv ladwati nou yo tankou yon rad ki sal nèt; epi nou tout vin fennen kon yon fèy e inikite nou yo tankou van, pote nou ale.

7 Nanpwen moun ki rele non Ou, ki leve pou atache a Ou menm; paske Ou te ✨kache figi Ou a nou menm e te livre nou nan pouvwa inikite nou yo.

8 Pou sa, O SENYÈ, Ou se Papa nou, nou se ajil la e se Ou ki te fè nou; nou tout se ✨zèv men Ou yo.

9 Pa vin fache depase, O SENYÈ, ✨ni sonje inikite nou yo pou tout tan. Gade byen, gade koulye a, nou tout se pèp Ou a.

10 ✨Vil sen Ou yo te vin yon dezè; Sion te vin yon dezè, Jérusalem yon kote dezole.

11 ✨Bèl kay sen nou an, kote papa nou yo te ba Ou lwanj yo, te brile ak dife; epi tout bagay ki te chè a nou menm te vin kraze nèt.

12 Èske Ou va ✨ralanti Ou menm, devan bagay sa yo, O SENYÈ? Èske Ou va rete an silans e bannou lapèn ki depase mezi a?

## 65

1 “Mwen te lese Mwen menm chache pa ✨sila ki pa t mande pou Mwen yo; Mwen te lese Mwen menm vin twouve pa sila ki pa t ap chache Mwen yo. Mwen te di: “Men Mwen isit la! Men Mwen isit la!” a yon nasyon ki pa t rele non Mwen.

2 ✨Mwen te louvri men M tout lajounen a yon pèp rebèl, ki mache nan chemen ki pa bon, k ap swiv pwòp panse pa yo,

3 Yon pèp ki ✨pwovoke M tout tan nan figi M, k ap ofri sakrifis nan jaden yo e k ap brile lansan sou brik yo;

4 Ki chita nan mitan tonm yo e ki pase nwit lan kote kache yo; ki ✨manje chè kochon ak soup fèt ak sa ki pa pwòp.

5 Ki di: ✨Rete la, ou menm, pa pwoche mwen; mwen pi sen pase ou! Sila yo se lafimen nan nen Mwen, yon dife ki brile tout lajounen.

6 “Gade byen, li ekri devan Mwen: Mwen p ap rete an silans, men ✨Mwen va bay rekonpans; Mwen va rekonpanse jis rive nan lestonmak yo,

✨ 64:6 És 46:12 ✨ 64:7 Det 31:18 ✨ 64:8 Sòm 100:3 ✨ 64:9 És 43:25 ✨ 64:10 És 48:2 ✨ 64:11 II Wa 25:9 ✨ 64:12 Sòm 74:10 ✨ 65:1 Wo 9:24-26 ✨ 65:2 Wo 10:21 ✨ 65:3 Job 1:11 ✨ 65:4 Lev 11:7 ✨ 65:5 Mat 9:11 ✨ 65:6 Jr 16:18

7 Ni pou pwòp inikite pa yo  
ak inikite a zansèt yo ansanm”, pale SENYÈ a.  
“Akoz yo te brile lansan sou mòn yo  
e te moke M sou kolin yo;  
pou sa, Mwen va ✨mezire ansyen zèv yo te fè,  
remèt jis rive nan lestonmak yo.”

8 Konsa pale SENYÈ a: “Menm jan divin tounèf  
twouve nan yon grap rezen,  
e yon moun di: ‘pa detwi l, paske gen benefis ladann’,  
konsa Mwen va aji pou sèvitè ki pou Mwen yo,  
pou M ✨pa detwi yo tout.

9 Mwen va mennen fè sòti zanfan Jacob yo  
e yon eritye mòn Mwen yo kap soti nan Juda;  
menm ✨chwazi pa M yo va eritye l  
e sèvitè Mwen yo va demere la.

10 Saron va yon peyi ki fè patiraj pou bann mouton yo  
e vale Acor yon kote pou twoupo yo ka repoze,  
pou pèp Mwen ki ✨chache Mwen an.

11 Men nou menm ki ✨abandone SENYÈ a,  
ki bliye mòn sen Mwen an,  
ki ranje yon tab pou Gran Chans  
ki plen tas ak diven mele pou Desten an,

12 Mwen va ranje desten nou ak nepe  
e nou tout va bese devan masak la.  
Akoz Mwen te rele nou, men nou ✨pa t reponn;  
Mwen te pale, men nou pa t tandè.  
Epi nou te fè mal devan zye M  
e te chwazi sa ki pa t fè m plezi.”

13 Pou sa, konsa pale Senyè BONDYÈ a:  
“Gade byen, sèvitè Mwen yo va ✨manje,  
men nou va rete grangou.

Gade byen, sèvitè Mwen yo va bwè,  
men nou va rete swaf.  
Gade byen, sèvitè Mwen yo va rejwi,  
men nou va twouve gwo wont.

14 Gade byen, sèvitè Mwen yo va rele ak jwa ak kè kontan,  
men nou va ✨kriye fò ak yon gwo kè  
e nou va rele anmwey ak yon lespri ki kraze nèt.

15 Ou va kite non nou kon yon malediksyon  
a moun chwazi pa Mwen yo  
e Senyè BONDYÈ a va touye nou.  
Men sèvitè pa M yo va rele pa yon ✨lòt non.

16 Paske sila ki beni sou tè a,  
va beni pa ✨Bondye a verite a;  
epi sila ki sèmante nan tout tè a,  
va sèmante pa Bondye a verite a;  
paske ansyen twoub yo vin bliye

✨ 65:7 Jr 5:29 ✨ 65:8 És 1:9 ✨ 65:9 És 57:13 ✨ 65:10 És 51:1 ✨ 65:11 Det 29:24-25  
✨ 65:12 II Kwo 36:15-16 ✨ 65:13 És 1:19 ✨ 65:14 És 13:6 ✨ 65:15 És 62:2 ✨ 65:16 Egz  
34:6

e vin kache devan zye M.

17 Paske gade byen, Mwen va kreye yon ✨syèl tounèf ak yon tè tounèf;

epi ansyen bagay yo p ap sonje ankò, ni p ap menm antre nan panse.

18 Men ✨fè kè kontan e rejwi nou jis pou tout tan nan sa ke M kreye yo; paske gade byen, Mwen kreye Jérusalem pou rejwisans e pèp li a pou kè kontan.

19 Anplis, Mwen va ✨rejwi de Jérusalem e Mwen fè kè kontan nan pèp Mwen an. Epi p ap tandè ankò nan li vwa kriye ak son moun k ap kriye.

20 P ap genyen ladann ankò timoun ki viv sèlman kèk jou, ni granmoun ki pa fin fè tout jou li yo; paske jenn yo va mouri nan laj santan e sila ki pa rive nan laj santan yo va konsidere kon moun modi.

21 Yo va ✨bati kay yo pou yo viv ladann; anplis, yo va plante chan rezen yo e manje fwi yo.

22 Yo p ap bati kay pou yon lòt moun rete ladann, yo p ap plante pou yon lòt moun vin manje.

Paske ✨kon lavi a yon pyebwa, se konsa jou a pèp Mwen an va ye e moun chwazi pa M yo va gen tan rejwi nan pwòp zèv men yo.

23 Yo ✨p ap travay an ven, ni fè pitit pou mizè; paske yo se desandan a sila ki beni pa SENYÈ a, e anplis, desandan yo, menm jan.

24 Anplis, li va vin rive ke avan yo rele, Mwen va reponn; epi pandan yo toujou ap pale, Mwen va ✨tandè;

25 ✨Lou ak ti mouton va manje ansanm e lyon an va manje pay kon bèf;

epi pousyè va sèvi kon manje pou sèpan an.

Yo p ap fè ni mal ni donmaj nan tout mòn sen Mwen an,” di SENYÈ a.

## 66

1 Konsa pale SENYÈ a:

✨“Syèl la se twòn Mwen e tè a se machpye M. Alò, ki kote ou ta kab bati yon kay pou Mwen? Epi ki kote pou M ta ka repoze?”

2 Paske se ✨men M ki te fè tout bagay sa yo; se konsa tout bagay sa yo te vin egziste,” deklare SENYÈ a. “Men a sila Mwen va gade a; sila ki enb ak kè ki repanti a e ki tranble devan pawòl Mwen yo.

✨ 65:17 És 66:22 ✨ 65:18 Sòm 98 ✨ 65:19 És 62:4-5 ✨ 65:21 És 32:18 ✨ 65:22 Sòm 92:12-14 ✨ 65:23 Det 28:3-12 ✨ 65:24 Sòm 91:15 ✨ 65:25 És 11:6 ✨ 66:1 I Wa 8:27 ✨ 66:2 És 40:26

3 Men sila ki touye yon bèf la,  
li tankou sila ki touye yon moun nan;  
sila ki fè sakrifis a yon jenn mouton an, li tankou yon moun  
ki kase kou a yon chen;  
sila ki fè ofrann sereyal la, li tankou sila  
ki ofri san kochon an;  
sila ki brile lansan an, li tankou sila  
ki fè beni yon zidòl la.

Konsi yo te chwazi pwòp chemen pa yo  
e nanm yo pran gwo plezi nan abominasyon yo,

4 Konsa, Mwen va deziye pinisyon yo  
e Mwen va mennen sou yo sa ke yo plis pè a.  
Paske Mwen te rele, men pèsòn pa t reponn;  
Mwen te pale, men yo pa t koute.  
Epi se ✨mal yo te fè devan zye M  
e yo te chwazi sa ki pa t fè M plezi.

5 Tande pawòl SENYÈ a,  
nou menm ki tranble devan pawòl Li yo:  
“Frè nou ki rayi nou yo, ki ✨rejte nou akòz non Mwen,  
te di: ‘Kite SENYÈ a resevwa glwa, pou nou ka wè kè nou kontan.’  
Men sila yo va vin wont.

6 Yon vwa gwo boulvèsman soti nan vil la,  
yon vwa soti nan tanp lan,  
vwa a SENYÈ la k ap ✨rann rekonpans a lènmi Li yo.

7 “Avan fi a gen doulè, li te anfante;  
avan gwo doulè a te rive li, ✨li te fè yon gason.

8 Se ✨kilès ki te tande yon koze sa a?  
Kilès ki te wè yon bagay konsa?  
Èske yon peyi kapab fèt nan yon sèl jou?  
Èske yon nasyon ka vin parèt nan yon enstan?  
La menm Sion te vin gen doulè, li te fè fis li yo vin parèt.

9 Èske Mwen va rive pre pwen akouchman an,  
pou mwen ✨pa livre pitit la?” pale SENYÈ a.  
“Oswa èske Mwen ta sila ki fè fanm akouche a,  
Mwen ta fèmen vant lan? “pale Bondye nou an.

10 Fè ✨kè kontan ak Jérusalem e rejwi de li, nou tout  
ki renmen li yo;

fè kè kontan anpil, nou tout ki te fè doulè pou li yo,  
11 pou nou kapab tete e ✨jwenn satisfaksyon nan tete li,  
pou nou kapab souse e twouve plezi nan gwo lestonmak li a.”

12 paske konsa pale SENYÈ a: “Gade byen, Mwen lonje bay li  
✨lapè tankou yon rivyè  
e glwa a nasyon yo kon yon flèv k ap debòde.  
Epi nou va vin tete, nou va pote sou kwis e vin jwe sou jenou.

13 Tankou yon timoun ki jwenn rekonfò a manman l,

se konsa Mwen va ✨rekonfòte nou;  
epi nou va rekonfòte nan Jérusalem.

<sup>14</sup> Epi nou va wè sa; ✨kè nou va kontan e zo nou va fleri  
tankou zèb tounèf.  
Epi men a SENYÈ a va vin rekonèt pa sèvitè Li yo,  
men Li va fè gwo kòlè vè lènmi Li yo.

<sup>15</sup> Paske gade byen, SENYÈ a va vini avèk dife,  
e ✨cha Li yo va tankou van toubiyon,  
pou rann kòlè Li ak gwo raj  
e repwòch Li ak flanm dife.

<sup>16</sup> Paske SENYÈ a va egzekite jijman ak ✨dife  
e avèk nepe Li sou tout chè  
e sila ki va touye pa nepe yo va anpil.

<sup>17</sup> “Sila ki sanktifye e pirifye tèt pou ale nan jaden yo, k ap swiv nan sant lan yon moun k ap manje chè kochon, bagay abominab ak sourit, va vin ✨fini konplètman”, deklare SENYÈ a. <sup>18</sup> “Paske Mwen konnen zèv yo ak ✨panse yo. Lè a ap rive pou rasanble tout nasyon ak tout lang yo. Epi yo va vini wè glwa Mwen. <sup>19</sup> Mwen va mete yon sign pami yo e yo va voye bay nasyon yo sila ki chape pami yo: Tarsis, Pul, Lud, Tubal ak Javan, nan peyi kot byen lwen ki pa t janm tandè afè laglwa Mwen, ni ki pa t konn wè laglwa Mwen. Epi yo va ✨deklare glwa Mwen pami nasyon yo. <sup>20</sup> Epi yo va ✨mennen tout frè nou yo soti nan tout nasyon yo kon yon ofrann sereyal a SENYÈ a, sou cheval, nan cha, sou kabwèt kouvri, sou milèt ak chamo pou rive sou mòn sen Mwen an, Jérusalem”, SENYÈ a di: “Jis konsa, fis Israèl yo pote ofrann sereyal nan yon veso pwòp a lakay SENYÈ a. <sup>21</sup> Anplis, Mwen va pran kèk nan yo kon ✨prèt ak Levit”, SENYÈ a di. <sup>22</sup> Paske menm jan ke ✨syèl tounèf la ak tè tounèf ke Mwen va fè a va dire nèt devan Mwen”, deklare SENYÈ a, se konsa desandan nou yo ak non nou va dire nèt. <sup>23</sup> Epi li va fèt ke soti nan lalin tounèf pou rive nan lalin tounèf la, e soti nan Saba a pou rive nan Saba a, tout limanite va vin pwostène ✨devan Mwen,” SENYÈ a di. <sup>24</sup> Epi yo va ale gade sou kadav a moun ki te fè transgresyon kont Mwen yo. paske ✨vè pa yo p ap mouri e dife pa yo p ap etenn. Epi yo va vin yon abominasyon pou tout limanite.”

✨ **66:13** És 12:1 ✨ **66:14** Za 10:7 ✨ **66:15** Sòm 68:17 ✨ **66:16** És 30:30 ✨ **66:17** És 1:28-31  
✨ **66:18** És 59:7 ✨ **66:19** I Kwo 16:24 ✨ **66:20** És 43:6 ✨ **66:21** Egz 19:6 ✨ **66:22** És 65:17  
✨ **66:23** És 19:21-23 ✨ **66:24** És 14:11



## Liv Jérémie

<sup>1</sup> Pawòl a ✧Jérémie yo, fis a Hilkiya a, a prèt ki te Anathoth nan peyi Benjamin yo, <sup>2</sup> A sila pawòl SENYÈ a te vini nan jou a ✧Josias yo, fis a Amon an, wa Juda a, nan trèzyèm ane règn li an. <sup>3</sup> Li te anplis, vin rive nan jou a ✧Jojakim yo, fis a Josias la, wa Juda a, jis rive nan fen onzyèm ane a Sédécias, fis a Josias la, wa Juda a, jis rive nan egzil a Jérusalem nan senkyèm mwa a. <sup>4</sup> Alò, pawòl SENYÈ a te vin kote mwen e te di:

<sup>5</sup> Avan Mwen te fòme ou nan vant, Mwen te konnen ou, e avan ou te fèt mwen te konsakre ou. Mwen te ✧deziye ou kon yon pwofèt a nasyon yo.

<sup>6</sup> Epi mwen te di: “Malè a mwen, Senyè BONDYE! Gade byen, mwen pa menm konnen kijan pou m pale, paske ✧mwen se sèlman yon jennonm.”

<sup>7</sup> Men SENYÈ a te di mwen: “Pa di Mwen se sèlman yon jennonm ou ye’, paske tout kote Mwen voye ou, ou va ale, e ✧tout sa ke Mwen kòmande ou, ou va pale l. <sup>8</sup> ✧Pa pè yo, Paske Mwen avèk ou pou delivre ou”, SENYÈ a di.

<sup>9</sup> Epi SENYÈ a te lonje men L, Li te ✧touche bouch mwen, epi SENYÈ a te di mwen: “Gade byen, Mwen te mete pawòl Mwen nan bouch ou. <sup>10</sup> Ou wè, ✧Mwen te deziye ou nan jou sa a sou nasyon yo ak sou wayòm yo, pou rache, pou demoli, pou detwi, pou boulvèse, pou bati ak pou plante.

<sup>11</sup> Pawòl SENYÈ a te rive kote mwen epi te di: “Se kisa ou wè, ✧Jérémie?” Epi mwen te di: “Mwen wè yon bout branch zanmann.”

<sup>12</sup> Epi SENYÈ a te di mwen: “Ou te wè byen, paske ✧Mwen ap veye sou pawòl Mwen pou pawòl Mwen vin fèt.

<sup>13</sup> Pawòl SENYÈ a te vin kote mwen yon dezyèm fwa epi te di: “Se kisa ou wè”?

Epi mwen te di: “Mwen wè yon chodyè k ap bouyi, ki bay fas li nan nò.”

✧ <sup>14</sup> Epi SENYÈ a te di mwen: ✧“Sòti nan nò, mal la va pete vin parèt sou tout sila ki rete nan peyi a. <sup>15</sup> Paske gade byen, Mwen ap rele tout fanmi a wayòm yo nan nò”, deklare SENYÈ a;

“Epi yo va vini, e yo chak va ✧plase twòn yo nan antre pòtay a Jérusalem, kont tout miray antoure li yo e kont tout vil Juda yo.

<sup>16</sup> Mwen va pwononse jijman Mwen sou yo pou tout mechanste yo, akòz yo te abandone Mwen, te ✧ofri sakrifis a lòt dye yo, e te adore pwòp zèv men pa yo.

<sup>17</sup> Alò, ✧mare senti ou, epi leve pou pale yo tout sa ke M kòmande ou. Pa pè devan yo, sinon Mwen va fè ou pè devan yo. <sup>18</sup> Alò, gade byen, Mwen te fè ou menm jodi a kon yon vil fòtifye, kon yon pilye fè e kon miray an bwonz kont yon peyi nèt; a wa Juda yo, ak prens li yo, vè prèt li yo e a pèp

✧ **1:1** II Kwo 35:25 ✧ **1:2** I Wa 13:2 ✧ **1:3** II Wa 23:34 ✧ **1:5** Jr 1:10 ✧ **1:6** I Wa 3:7 ✧ **1:7** Nonb 22:20 ✧ **1:8** Egz 3:12 ✧ **1:9** És 6:7 ✧ **1:10** Rev 11:3-6 ✧ **1:11** Jr 24:3 ✧ **1:12** Jr 31:28 ✧ **1:13** Za 4:2 ✧ **1:14** És 41:25 ✧ **1:15** És 22:7 ✧ **1:16** Jr 7:9 ✧ **1:17** I Wa 18:46

a peyi a. <sup>19</sup> Yo va goumen kont ou, men yo p ap reyisi; paske ✧Mwen avèk ou pou delivre ou,” deklare SENYÈ a.

## 2

<sup>1</sup> Alò pawòl SENYÈ a te vin kote mwen epi te di: <sup>2</sup> Ale e pwoklame nan zòrèy a Jérusalem pou di: ‘Konsa pale SENYÈ a: “Mwen sonje nan ou, ✧jan ou te renmen M lè ou te jenn; lanmou ou lè ou te fyanse avè M jan ou te swiv Mwen nan dezè a, nan yon peyi ki pa t konn simen.

<sup>3</sup> Israèl te sen a SENYÈ, ✧premye a rekòlt Li a. Tout moun ki te manje de li te vin koupab; se mal ki te rive yo,” deklare SENYÈ a.

<sup>4</sup> Tande pawòl SENYÈ a, O lakay Jacob ak tout fanmi lakay Israèl yo.

<sup>5</sup> Konsa pale SENYÈ a: ✧“Ki enjistis papa zansèt nou yo te jwenn nan Mwen, pou yo te ale lwenn Mwen, pou yo te mache dèyè sa ki vid pou te vin vid yo menm?

<sup>6</sup> Yo pa t mande: ‘Kote SENYÈ a ki te mennen nou sòti nan peyi Égypte la, ki te mennen nou nan dezè a, pou travèse yon peyi dezè ak fòs yo, nan yon peyi ak sechrès e ak fon tenèb, yon peyi ke pèsòn pa t konn travèse e kote okenn moun pa t rete.

<sup>7</sup> Mwen te mennen ou antre nan yon peyi fètil pou manje fwi li ak bon bagay li yo. Men nou te vini, e nou te ✧souye peyi Mwen an ak eritaj Mwen an, nou te fè li vin abominab.

<sup>8</sup> Prèt yo pa t di: ‘Kote SENYÈ a ye?’ Epi sila ki okipe yo de lalwa yo ✧pa t rekonèt Mwen. Chèf yo tou te fè transgresyon kont Mwen; pwofèt yo te pwofetize pou Baal e te mache dèyè bagay ki pa t gen benefis.

<sup>9</sup> Pou sa, jiska prezan, Mwen va ✧fè kont avèk nou”, deklare SENYÈ a: “Epi avèk pitit a pitit nou yo, Mwen va fè kont.

<sup>10</sup> Alò, ✧travèse rive nan peyi kot yo nan Kittim pou wè, voye Kédar pou obsève e wè si janmen te gen yon bagay konsa!

<sup>11</sup> Èske yon nasyon janm te chanje dye pa yo malgre, se pa dye yo te ye? Men pèp Mwen an te ✧fè echanj glwa pa yo pou sa ki san benefis.

<sup>12</sup> Se pou nou vin pè ✧o syèl yo, pou sa menm, vin fremi e trè dezole, deklare SENYÈ a.

<sup>13</sup> Paske pèp Mwen an te komèt de bagay ki mal: Yo te abandone Mwen, ✧fontèn dlo vivan yo,

✧ 1:19 Nonb 14:9 ✧ 2:2 Éz 16:8 ✧ 2:3 Jc 1:18 ✧ 2:5 És 5:4 ✧ 2:7 Sòm 106:38 ✧ 2:8 Jr 4:22 ✧ 2:9 Jr 2:35 ✧ 2:10 És 23:12 ✧ 2:11 Sòm 106:20 ✧ 2:12 És 1:2 ✧ 2:13 Sòm 36:9

pou fouye pou kont yo sitèn,  
sitèn kraze ki pa ka kenbe dlo.

14 Èske Israèl se yon ✧esklav? Oswa èske li se yon  
sèvitè ki te fèt lakay nou?

Pou ki rezon, li te vin viktim konsa?

15 Jenn ✧lyon yo gwonde sou li;  
ak gwo bri, yo gwonde.

Epi yo te fin gate peyi li a nèt; vil li yo vin detwi  
san moun ki pou rete ladan yo. 16 Anplis, mesye Memphis ak Tachpanès  
yo te pase razwa

sou ✧kouwòn tèt ou a.

17 Èske Se pa ou menm ki ✧fè sa nan kite SENYÈ Bondye ou a,  
pandan Li t ap mennen ou nan chemen an?

18 Men koulye a, se kisa w ap fè ✧nan wout pou rive Égypte la,  
pou bwè dlo nan Rivyè Nil lan?

Oswa se kisa w ap fè nan wout pou ale Assyrie a,  
pou bwè dlo nan Rivyè Euphrate la?

19 Pwòp mechanste ou va korije ou e ✧enfidelite ou  
va repwoche ou.

Pou sa, konnen e wè ke se mal e anmè pou ou  
abandone SENYÈ a, Bondye ou a.

Laperèz Mwen pa nan ou, deklare Senyè BONDYE dèzame yo.

20 Paske lontan sa, ✧Mwen te kraze jouk ou a  
e Mwen te chire kòd mare ou yo;

men ou te di: “Mwen p ap sèvi!”

Paske sou chak kolin ki wo e anba chak bwa vèt, ou te kouche  
tankou pwostitiye.

21 Sepandan, Mwen te plante chan rezen pi chwazi pou ou,  
yon grenn ki fidèl nèt.

Alò kòman konsa ou te vin detounen tèt ou devan M  
pou tounen yon ✧boujon ki dejenere nèt  
sou yon chan rezen etranje?

22 Malgre se ak savon lesiv e ou ta savonnen anpil,  
✧tach inikite ou rete devan M,” deklare Senyè BONDYE a.

23 ✧Kòman ou ka di: ‘Mwen pa sal,  
Mwen pa t kouri dèyè Baal yo?’

Gade chemen ou nan vale a! Konnen byen sa ou te fè a!

Ou se yon jenn femèl chamo byen rapid

k ap fè chemen l kote li pito.

24 Yon ✧femèl bourik mawon ki abitye nan savann,  
k ap pran sant van nan lè li bezwen kwaze ak mal.

Nan lè chalè li, se kilès ki ka detounen l?

Tout moun k ap chache l p ap vin fatige; nan mwa li,  
yo va jwenn ak li.

25 Kenbe bon fè sou pye ou e mouye gòj ou pou ou pa swaf;  
men ou te di: ‘Sa p ap ka fèt, Non! Paske mwen te fè renmen ak  
etranje yo e se dèyè yo m ap prale.’

26 Tankou ✧vòlè vin wont lè l vin dekouvri,  
se konsa lakay Israèl vin wont;

✧ 2:14 Jr 5:19 ✧ 2:15 Jr 50:17 ✧ 2:16 Det 33:20 ✧ 2:17 Det 32:10 ✧ 2:18 És 30:2 ✧ 2:19  
És 3:9 ✧ 2:20 Lev 26:13 ✧ 2:21 És 5:4 ✧ 2:22 Job 14:7 ✧ 2:23 Pwov 30:12 ✧ 2:24 Jr  
14:6 ✧ 2:26 Jr 48:27

wa yo, prens yo, ak prèt yo ak pwofèt yo,  
<sup>27</sup> Kilès ki di a yon pyebwa: ‘Se ou ki papa mwen’,  
 Epi a yon wòch: ‘Se ou ki fè mwen.’  
 Paske yo te ✧vire do ban Mwen olye figi yo;  
 men nan tan gwo pwoblèm yo, yo va di Mwen: ‘Leve pou sove nou.’  
<sup>28</sup> Men kote ✧dye ke ou te fè pou kont ou yo ye?  
 Kite yo leve, si yo ka sove ou nan tan twoub ou yo;  
 paske selon fòs kantite vil ou yo, kantite dye ou yo, O Juda.  
<sup>29</sup> Poukisa ou fè kont avè M?  
 ✧Nou tout te fè transgresyon kont Mwen,” deklare SENYÈ a.  
<sup>30</sup> ✧Anven Mwen te frape fis ou yo;  
 yo pa t aksepte okenn chatiman.  
 Nepe ou te fin devore pwofèt ou yo tankou lyon k ap detwi.  
<sup>31</sup> O jenerasyon, koute byen a pawòl SENYÈ a.  
 Èske Mwen te yon dezè pou Israèl,  
 oswa yon peyi fènwa byen pwès?  
 Poukisa pèp Mwen an di: ✧ ‘Nou lib pou nou gaye toupatou;  
 nou p ap vin kote Ou ankò?’  
<sup>32</sup> Èske vyèj la ka bliye dekorasyon li yo,  
 oswa fi maryaj la, vètman li an?  
 Sepandan, pèp Mwen an fin ✧bliye Mwen  
 pandan jou ki pa ka menm konte.  
<sup>33</sup> A la byen ou prepare chemen ou pou chache lanmou!  
 Konsa, menm fanm mechan yo, ou te enstwi nan chemen ou yo.  
<sup>34</sup> Anplis, sou jip ou, yo twouve ✧san lavi a malere ki inosan yo;  
 ou pa t jwenn yo t ap kase kay ou.  
 Men se akòz tout bagay sa yo,  
<sup>35</sup> Sepandan, ou te di: “Mwen inosan.  
 Asireman, kòlè Li pa sou mwen.’  
 Gade byen, Mwen va ✧antre nan jijman avèk ou, paske ou di:  
 “Mwen pa t peche.’  
<sup>36</sup> Poukisa ou mache toupatou konsa nan chanje wout ou?  
 Anplis, ✧Égypte va fè ou wont, menm jan ke Assyrie  
 te fè ou wont lan.  
<sup>37</sup> Soti kote sa a tou, ou va sòti ak men ou sou tèt;  
 paske SENYÈ a te rejte ✧sila ke ou te fè konfyans yo  
 e ou p ap jwenn avantaj avèk yo.”

### 3

<sup>1</sup> Bondye di: ✧“Si yon mari divòse ak madanm li e li kite li pou jwenn yon lòt gason, èske li va retounen kote li? Èske tè sa a p ap souye nèt? Men ou se yon pwostitiye ak anpil renmen; sepandan, se bò kote M, ou vin vire,” deklare SENYÈ a. <sup>2</sup> “Leve zye ou pou wè mòn vid yo epi gade: “Se ki kote yo pa t vyole nou? Akote chemen yo, ou te chita tann yo. Tankou yon Arab nan dezè, ou te ✧pouri peyi a ak pwostitisyon ou ak mechanste ou. <sup>3</sup> Akòz sa, farinaj lapli te vin sispann e lapli sezon prentan pa t rive. Men

✧ 2:27 Jr 18:17 ✧ 2:28 Det 32:37 ✧ 2:29 Jr 5:1 ✧ 2:30 És 1:5 ✧ 2:31 Det 32:15 ✧ 2:32 Sòm 106:21 ✧ 2:34 II Wa 21:16 ✧ 2:35 Pwov 28:13 ✧ 2:36 II Kwo 28:16 ✧ 2:37 Jr 37:7-10 ✧ 3:1 Det 24:1-4 ✧ 3:2 Jr 2:7

fon ou te gen yon fontèn ✧pwostitiye; ou te refize vin wont. <sup>4</sup> Se pa depi koulye a, ou te rele Mwen: ‘Papa mwen, ou se zanmi jenès mwen?’

<sup>5</sup> ✧ ‘Èske Li va fache jis pou tout tan? Èske Li va ensanse ak kòlè jiska lafen?’ Gade byen, ou te pale, ou te fè bagay ki mal e ou te fè pwòp volonte ou.”

<sup>6</sup> Alò, SENYÈ a te di m nan jou a wa Josias yo: “Èske ou te wè sa ke Israël enfidèl te fè a? Li te ✧monte sou tout kolin ki wo yo e anba tout bwa vèt; la, li te yon pwostitiye. <sup>7</sup> ✧Mwen te reflechi: ‘Aprè li fin fè tout bagay sa yo, li va retounen kote Mwen;’ men li pa t retounen e sè trèt li a, Juda, te wè l. <sup>8</sup> Epi Mwen te wè ke pou tout enfidelite ak pwostitiye li yo, Mwen te voye li ale e Mwen te fè yon dekrè pou divòse ak li. Men ✧sè trèt li a, Juda, pa t gen lakrent, men li te ale fè pwostitiye tou.

<sup>9</sup> Akoz li te pran pwostitiye li a kon yon bagay lejè, li te pouri peyi a e te fè adiltè ak ✧wòch ak pyebwa. <sup>10</sup> Men malgre tout sa, sè trèt li a, Juda, pa t retounen kote Mwen ak tout kè l, men pito ak ✧desepsyon”, deklare SENYÈ a.

<sup>11</sup> Epi SENYÈ a te di m: “Israël enfidèl la te montre li pi dwat pase trèt la, Juda. <sup>12</sup> Ale pwoklame pawòl sa yo vè nò, epi di: ✧ ‘Retounen, Israël enfidèl’, deklare SENYÈ a; Mwen p ap gade ou ak kòlè. Paske Mwen gen mizerikòd, deklare SENYÈ a; Mwen p ap rete fache jis pou tout tan. <sup>13</sup> Sèlman ✧rekonèt inikite ou, ke ou te transgrese kont SENYÈ a, Bondye ou a, ou te gaye favè ou bay etranje yo anba tout bwa vèt e ou pa t obeyi vwa M, deklare SENYÈ a. <sup>14</sup> ‘Retounen, O fis enfidèl,’ deklare SENYÈ a; ‘Paske Mwen se yon ✧mèt pou nou, Mwen va retire nou youn nan yon vil e de nan yon fanmi e Mwen va mennen nou Sion.’ <sup>15</sup> Epi Mwen va bannou bèje selon pwòp kè Mwen, ki va ✧fè nou manje sou konesans ak bon konprann. <sup>16</sup> Li va vin rive nan jou sa yo ke lè nou vin ogmante e vin anpil nan peyi a”, deklare SENYÈ a, “yo ✧p ap di mo ankò: ‘Lach akò SENYÈ a’. Ni sa p ap vini nan tèt yo, yo p ap sonje li, yo p ap fè manke l, ni li p ap refèt ankò. <sup>17</sup> Nan lè sa a, yo va rele Jérusalem: ✧ ‘Twòn A SENYÈ a’ e tout nasyon yo va rasanble vè li, Jérusalem, pou non SENYÈ a; ni yo p ap ankò mache ak tèt di ak kè mekan yo. <sup>18</sup> Nan jou sa yo, lakay Juda va mache ak lakay Israël e yo va vini ansanm sòti nan peyi nò pou rive nan ✧peyi ke Mwen te bay a papa zansèt nou yo kon eritaj la.

<sup>19</sup> Epi Mwen te di: ‘Kòman Mwen fè lanvi pou plase ou pami fis Mwen yo e bay ou yon bèl peyi, eritaj ki ✧pi bèl pami nasyon yo!’ Epi Mwen te di: ‘Ou va rele Mwen: “Papa Mwen” e ou p ap detounen sispann swiv Mwen.’

<sup>20</sup> Anverite, kon yon fanm pati kite ak koken sila ke li renmen an, se konsa ou te ✧fè pati kite Mwen, O lakay Israël”, deklare SENYÈ a. <sup>21</sup> Yon vwa vin tandè sou wòte san vid yo; vwa k ap kriye ak vwa siplikasyon a fis Israël yo; akoz yo te pèvèti chemen yo, yo te ✧bliye SENYÈ a, Bondye yo. <sup>22</sup> Retounen, O fis enfidèl, Mwen va geri enfidelite ou.”

“Gade byen, nou vin kote Ou; paske Ou se SENYÈ a, Bondye nou an. <sup>23</sup> Anverite, ✧kolin yo se yon desepsyon, yon zen sou mòn yo. Anverite, SENYÈ a, Bondye nou an, se sali Israël. <sup>24</sup> Men ✧afè wont sa a te manje fòs

✧ 3:3 Lev 26:19 ✧ 3:5 Sòm 103:9 ✧ 3:6 Jr 17:2 ✧ 3:7 II Wa 17:13 ✧ 3:8 Éz 16:46-47  
 ✧ 3:9 És 57:6 ✧ 3:10 Jr 12:2 ✧ 3:12 Jr 3:14-22 ✧ 3:13 Det 30:1-3 ✧ 3:14 Jr 31:32 ✧ 3:15  
 Trav 20:28 ✧ 3:16 És 65:17 ✧ 3:17 Jr 17:12 ✧ 3:18 Am 9:15 ✧ 3:19 Sòm 16:6 ✧ 3:20  
 És 48:8 ✧ 3:21 És 17:10 ✧ 3:23 Jr 17:2 ✧ 3:24 Os 9:10

zèv zansèt nou yo depi nan jenès nou, bann mouton yo ak twoupo yo, fis ak fi yo. <sup>25</sup> Kite nou kouche nan wont nou e kite imiliasyon kouvri nou; paske nou te peche kontre Senyè a, nou menm ak papa nou yo, depi nan jenès nou yo, jis rive menm jodi a. E nou pa t obeyi lavwa Senyè a, papa nou yo.

## 4

<sup>1</sup> “Si ou va ✨retounen, O Israël”, deklare SENYÈ a, alò ou ta dwe retounen kote Mwen. Epi si ou va retire bagay abominab ou yo devan prezans Mwen e vin pa varye menm, <sup>2</sup> Epi ou va sèmante: ‘Kon SENYÈ a vivan an’, ✨anverite, ak jistis, e nan ladwati; konsa, nasyon yo va beni tèt yo nan Li, e nan Li yo va glorifye.”

<sup>3</sup> Paske se konsa SENYÈ a pale a mesye a Juda ak Jérusalem yo: “Kraze e prepare tè ki poze a e ✨pa simen pami pikan yo. <sup>4</sup> Sikonsi tèt nou a SENYÈ a e retire prepuce kè nou, mesye Juda yo ak sila ki rete Jérusalem yo; sinon kòlè Mwen va vin parèt tankou dife e brile ✨pou okenn moun pa ka tenyen l, akoz mechanste a zèv nou yo.” <sup>5</sup> Deklare nan Juda e pwoklame nan Jérusalem, epi di: “Soufle twonpèt nan peyi a; kriye fò epi di: ✨ ‘Rasanble nou pou nou antre nan vil fòtifye yo.’ <sup>6</sup> Leve yon drapo vè Sion! Chache sekou! Pa kanpe anplas paske Mwen ap mennen ✨malè sòti nan nò, ak gwo destriksyon.

<sup>7</sup> Yon ✨lyon ale soti nan rak bwa li e yon destriktè a nasyon yo gen tan derape; li fin kite plas li pou fè peyi ou a vin yon savann. Vil ou yo va pil mazi ki san moun pou rete ladan yo. <sup>8</sup> Pou sa, ✨abiye an twal sak, rele fò e kriye anmwey; paske gwo kòlè SENYÈ a pa t kite nou.” <sup>9</sup> “Li va vin rive nan jou sa a, deklare SENYÈ a: “ke kè a wa a ak kè a prens yo va fè fayit; epi prèt yo va sezi e ✨pwofèt yo va etone.”

<sup>10</sup> Nan lè sa a, mwen te di: “O, Senyè BONDYE! Asireman ou te pase pèp sa ✨nan rizib nèt e Ou te di: ‘Ou va gen lapè’; men alò, yon nepe parèt sou gòj yo.”

<sup>11</sup> Nan lè sa a, li va pale a pèp sa a e a Jérusalem: “Yon ✨van sechrès ki sòti nan mòn sèk nan dezè a nan direksyon fi a pèp Mwen an—pa pou vannen ni pa pou netwaye, <sup>12</sup> Yon van two fò pou sa a—va vini sou lòd Mwen. Alò, anplis Mwen va pwononse jijman kont yo.

<sup>13</sup> Gade byen, li monte tankou nwaj e cha lagè li yo kon toubiyon; cheval li yo ✨pi vit ke èg. Malè a nou menm, paske nou vin detwi nèt! <sup>14</sup> Lave kè ou retire mal la, O! Jérusalem, pou ou ka sove. Pou jiskilè ✨panse mechan nou yo va rete anndan ou? <sup>15</sup> Paske yon vwa deklare soti ✨Dan e pwoklame mechanste soti mòn Éphraïm. <sup>16</sup> Livre rapò li bay nasyon yo koulye a! Pwoklame sou Jérusalem, moun syèj yo sòti nan yon ✨peyi lwen e yo leve vwa pa yo kontra vil Juda yo. <sup>17</sup> Tankou gadyen k ap veye yon chan an, yo kont li toupatou, akoz li te ✨fè rebèl kont Mwen”, deklare SENYÈ a. <sup>18</sup> ✨Chemen pa ou yo ak zèv pa ou yo te mennen fè bagay sa yo rive ou. Sa se mal ou. A la amè! A la sa te touche kè ou!”

<sup>19</sup> ✨Nanm mwen, nanm mwen! Mwen nan gwo soufrans! O kè mwen! Kè m ap bat anndan m; mwen p ap ka rete an silans, Pwiske ou te tande, O nanm mwen, son a twonpèt la, alam lagè a. <sup>20</sup> ✨Dega sou dega vin

✨ 4:1 Jr 3:22 ✨ 4:2 És 48:1 ✨ 4:3 Mat 13:7 ✨ 4:4 Am 5:6 ✨ 4:5 Jos 10:20 ✨ 4:6 Jr 1:14-15 ✨ 4:7 Jr 5:6 ✨ 4:8 És 22:12 ✨ 4:9 És 29:9-10 ✨ 4:10 Éz 14:9 ✨ 4:11 Jr 13:24 ✨ 4:13 Lam 4:19 ✨ 4:14 Pwov 1:22 ✨ 4:15 Jr 8:16 ✨ 4:16 És 39:3 ✨ 4:17 És 1:20-23 ✨ 4:18 Sòm 107:17 ✨ 4:19 És 15:5 ✨ 4:20 Sòm 42:7

pwoklame, paske tout peyi a fin detwi nèt; sibitman, tant mwen yo vin devaste, rido mwen yo vin devaste nan yon moman. <sup>21</sup> Pou konbyen de tan mwen va oblije wè drapo a e koute son a twonpèt la?

<sup>22</sup> “Paske, pèp mwen an rete nan foli; yo pa rekonèt Mwen. Yo se timoun sòt e pa gen konprann. Yo koken nan ✧fè mal; men pou fè sa ki bon, yo pa konnen. <sup>23</sup> Mwen te gade sou tè a e gade byen, li te ✧san fòm e vid; epi nan syèl yo e yo pa t gen limyè. <sup>24</sup> Mwen te gade vè mòn yo e gade byen, yo t ap ✧souke e tout kolin yo te fè mouvman ale retou. <sup>25</sup> Mwen te gade, e gadé byen, pa t gen moun e tout ✧zwazo syèl yo te vin sove ale. <sup>26</sup> Mwen te gade e gade byen, bon peyi fètil la te vin yon dezè e tout vil li yo te fin demoli devan SENYÈ a, devan gwo kòlè Li. <sup>27</sup> Paske konsa pale SENYÈ a: ✧“Tout peyi a va dezole; sepandan, Mwen p ap fin detwi li nèt. <sup>28</sup> Pou sa, tout latè va kriye ak doule e syèl anwo yo va fènwa, akoz Mwen te pale, Mwen te pran desizyon e Mwen p ap chanje lide Mwen, ni Mwen p ap detounen sou sa.”

<sup>29</sup> Ak bri a chevalye ak mèt banza yo, ✧tout vil yo vin sove ale; yo antre nan gran rak bwa e yo monte sou wòch yo; tout vil yo vin abandone e nanpwen pèsòn ki rete ladan yo. <sup>30</sup> Epi ou menm, O sila ki dezole a, ✧se kisa ou va fè? Malgre ou abiye an kramwazi, malgre ou dekore kò ou ak dekorasyon an lò, malgre ou agrandi zye ou ak penti, se anven ou fè kò ou bèl la. Sila ki renmen ou yo meprize ou; yo cache lavi ou. <sup>31</sup> Paske mwen te tandè kri yon fanm nan doule l; doule a yon fanm k ap fè premye pitit, kri fi a Sion an, k ap ✧soufle fò lonje men l e rele anmwey, m ap vin endispoze devan asasen yo.”

## 5

<sup>1</sup> Mache ale retou toupatou nan lari Jérusalem, gade koulye a e pran nèt. Epi chèche nan plas ouvri li yo, si ou ka twouve yon moun ✧ki fè jistis, k ap cache verite; alò Mwen va padone li Jérusalem. <sup>2</sup> E ✧poutan, yo di: “Tankou SENYÈ a viv la’, anverite, se yon fo temwayaj.”

<sup>3</sup> O SENYÈ, èske zye ou pa cache verite? Ou te frape yo, men yo pa t vin febli; Ou te manje yo, men yo pa t aksepte korije. Yo fè figi yo pi di pase wòch; yo refize repanti.

<sup>4</sup> Alò, mwen te di: “Se sèlman malere ke yo ye; se ensanse yo ye; ✧yo pa konnen chemen SENYÈ a, ni règleman a Bondye yo. <sup>5</sup> Mwen va ale kote gwo moun yo e se ak yo ke mwen va pale, paske ✧yo menm konnen chemen SENYÈ a e règleman a Bondye yo. Men yo menm tou, ak volonte ansanm te kraze fado a e chire tout kòd yo. <sup>6</sup> Akoz sa, yon lyon ki sòti nan forè va touye yo, yon lou a dezè va detwi yo, yon ✧leyopa ap veye vil yo. Tout moun ki sòti kote yo va chire an mòso, akoz transgresyon yo anpil, enfidelite yo bokou.

<sup>7</sup> Pou ki rezon Mwen ta padone ou? Fis ou yo te abandone Mwen e te ✧sèmante pa sila ki pa dye yo. Lè M te fin bay yo manje vant plen, yo te fè adiltè e yo te mache rive lakay pwostitiye a. <sup>8</sup> Se te gwo cheval kò dyanm, byen nourri, yo chak t ap ranni dèyè ✧madanm vwazen yo. <sup>9</sup> “Èske Mwen p ap pini pèp sa a,” deklare SENYÈ a: “Epi sou yon nasyon konsa, ✧èske Mwen p ap pran vanjans?

✧ 4:22 Jr 9:3 ✧ 4:23 Jen 1:2 ✧ 4:24 És 5:25 ✧ 4:25 Jr 9:10 ✧ 4:27 Jr 12:11-12 ✧ 4:29 II Wa 25:4 ✧ 4:30 És 10:3 ✧ 4:31 És 42:14 ✧ 5:1 Jen 18:26-32 ✧ 5:2 És 48:1 ✧ 5:4 És 27:11 ✧ 5:5 Mi 3:1 ✧ 5:6 Os 13:7 ✧ 5:7 Jos 23:7 ✧ 5:8 Jr 13:27 ✧ 5:9 Jr 9:9

<sup>10</sup> Ale monte nan ranje chan rezen li yo e detwi yo, men pa fin detwi nèt; rache branch li yo, paske se pa pou SENYÈ a yo ye. <sup>11</sup> Paske lakay Israèl ak lakay Juda te fè M trèt anpil”, deklare SENYÈ a.

<sup>12</sup> Yo te manti sou SENYÈ a, epi te di: “Li p ap fè anyen; malè p ap rive nou e nou ✧p ap wè nepe ni gwo grangou. <sup>13</sup> ✧Pwofèt yo se tankou van e pawòl la pa nan yo. Konsa, li va rive yo!”

<sup>14</sup> Pou sa, pale SENYÈ a, Bondye dèzame yo: “Akoz nou te pale pawòl sa a, gade byen, Mwen ap fè ✧pawòl Mwen nan bouch ou vin dife, pèp sa a vin bwa a e li va manje yo. <sup>15</sup> Gade byen, M ap ✧fè parèt yon nasyon kont nou soti byen lwen, O lakay Israèl,” deklare SENYÈ a. “Li se yon nasyon ki dire anpil, yon nasyon depi nan tan lansyen yo, yon nasyon ak yon lang ou pa konnen, ni ou p ap ka konprann sa y ap di. <sup>16</sup> Fouwo pa yo se kon yon tonm tou ✧louvri; yo tout se gèye vanyan. <sup>17</sup> Yo va devore rekòlt ou ak manje ou; yo va devore fis ou yo ak fi ou yo; yo va devore bann mouton ou yo ak twoupo ou yo; yo va devore chan rezen ou yo ak figye etranje ou yo; yo va kraze ak nepe, tout ✧vil fòtifye ou yo kote ou konn mete konfyans ou.”

<sup>18</sup> “Malgre, menm nan jou sa yo”, deklare SENYÈ a, “Mwen p ap fin detwi nou nèt. <sup>19</sup> Li va vin rive ke lè yo di: ‘Poukisa SENYÈ Bondye nou an te fè nou tout bagay sa yo?’ ke ou va di yo: ‘Jan nou te abandone M nan pou te sèvi dye etranje nan peyi nou; alò, se konsa nou va ✧sèvi etranje nan yon peyi ki pa pou nou.’

<sup>20</sup> Deklare sa a nan kay Jacob la e pwoklame li nan Juda, epi di: <sup>21</sup> ‘Alò, tandè sa, O pèp ki plen foli e ki san konprann, ki gen ✧zye, men ki pa ka wè; ki gen zòrèy, men ki pa ka tandè. <sup>22</sup> Èske nou pa ✧krent Mwen?’ deklare SENYÈ a. ‘Èske nou pa tranble devan prezans Mwen? Paske Mwen te poze sab la kon lizyè lanmè a, yon dekrè etènèl, pou l pa ka travèse l. Malgre lanm lanmè yo vole, yo p ap ka enpoze yo; malgre yo fè raj, yo p ap ka travèse li.

<sup>23</sup> Men pèp sa a gen kè rebèl ak kè ki ✧di; yo te vire sou kote e yo te ale. <sup>24</sup> Yo pa di nan kè yo: ‘Alò koulye a, annou gen lakrent SENYÈ a, Bondye nou an, ki ✧bay lapli nan sezon li ni lapli sezon otòn ak lapli sezon prentan, Sila ki kenbe pou nou semèn rekòlt nou yo.’

<sup>25</sup> ✧Inikite nou yo fin detounen sa yo e peche nou yo te retire tout sa ki bon pou nou. <sup>26</sup> Paske moun mechan twouve yo pami pèp Mwen an, yo ✧veye tankou moun k ap pran bèt nan pèlen; yo ranje pèlen an, epi se moun yo pran. <sup>27</sup> Kon yon kalòj plen zwazo, se konsa lakay yo plen ✧desepsyon; aköz sa, yo te vin moun byen enpòtan ak anpil byen. <sup>28</sup> Yo ✧gra, kò yo plen ak grès e yo vin reyisi depase ak zèv fèt ak mechanste yo; Yo pa plede koz òfelen an, pou yo ka reyisi; epi yo pa defann dwa malere yo.

<sup>29</sup> ✧ ‘Èske Mwen p ap pini pèp sa a?’ deklare SENYÈ a, ‘Sou yon nasyon konsa, èske Mwen p ap pran vanjans Mwen?’ <sup>30</sup> Yon bagay degoutan e ✧etonan te rive nan peyi a: <sup>31</sup> ✧Pwofèt yo fè fo pwofesi e prèt yo domine selon pwòp otorite yo. Epi a la renmen pèp Mwen an renmen l konsa! Men se kisa n ap fè lè sa rive nan bout pou l fini?

✧ 5:12 Jr 23:17 ✧ 5:13 Job 8:2 ✧ 5:14 És 24:6 ✧ 5:15 Det 28:49 ✧ 5:16 Sòm 5:9 ✧ 5:17 Os 8:14 ✧ 5:19 Det 28:48 ✧ 5:21 És 6:9 ✧ 5:22 Det 28:58 ✧ 5:23 Det 21:18 ✧ 5:24 Sòm 147:8 ✧ 5:25 Jr 2:17 ✧ 5:26 Sòm 10:9 ✧ 5:27 Jr 9:6 ✧ 5:28 Det 32:15 ✧ 5:29 Jr 5:9 ✧ 5:30 Jr 23:14 ✧ 5:31 Éz 13:6



## 6

<sup>1</sup> “Pran flit pou sove, O fis a ✧Benjamin yo, pou sòti nan mitan Jérusalem! Soufle yon twonpèt Tekoa e leve sinyal la sou Beth-Hakkérem; paske malè ap veye nou soti nan nò, yon gwo destriksyon. <sup>2</sup> Sila ki bèl e delika a, ✧fis a Sion an, Mwen va koupe retire nèt. <sup>3</sup> ✧Bèje yo ak bann mouton pa yo va vin kote li; yo va monte tant yo antoure li e yo chak va fè pak bèt yo nan plas yo.

<sup>4</sup> ✧Prepare lagè kont li; leve e annou atake a midi. Malè a nou menm, paske jounè a ap vin bese, paske lonbraj lannwit yo ap vin pi long! <sup>5</sup> Leve e annou atake pandan nwit lan pou ✧detwi palè li yo! <sup>6</sup> Paske se konsa pale SENYÈ dèzame yo; koupe pyebwa li yo e fè monte yon ✧ran syèj kont Jérusalem. Se vil ki dwe pini an, vil nan mitan a sila plen opresyon an. <sup>7</sup> Kon yon pwi kenbe dlo li fre, se konsa li rafrechi mechanste li. ✧Vyolans ak destriksyon vin tandè nan li; maladi ak blese devan M tout tan. <sup>8</sup> Se pou ou vin avèti, O Jérusalem, ✧pou M pa vin about ak ou pou vin fè ou dezole, yon peyi ki san moun.”

<sup>9</sup> Konsa pale SENYÈ dèzame yo: “Yo va ✧fè yon rekòlt nèt, tankou chan rezen retay Israèl la; repase men ou ankò sou branch yo konsi se dènye ranmase rezen yo.”

<sup>10</sup> Se a kilès pou m ta pale e bay avètisman pou yo ka tandè? Gade byen, zòrèy yo bouche e yo p ap ka koute. Gade byen, ✧pawòl SENYÈ a vin sèvi kon repwòch pou yo. Yo pa twouve okenn plezi ladann. <sup>11</sup> Men mwen ✧plen ak kòlè SENYÈ a; mwen vin bouke ak kenbe l anndan. “Vide li sou timoun lari yo ak sou jenn gason nan ti gwoup yo; paske ni mari, ni madanm, yo va vin pran, menm sa ki nan laj ak granmoun.

<sup>12</sup> ✧Lakay pa yo va bay a lòt moun, chan yo ak madanm yo ansanm; paske M ap lonje men M kont tout sila ki rete nan peyi yo,” deklare SENYÈ a.

<sup>13</sup> Paske soti nan pi piti pami yo jis rive nan pi gran yo; yo tout se ✧voras dèyè richès e soti nan pwofèt la, jis rive nan prèt la. Tout se malonèt.

<sup>14</sup> Yo te ✧geri gwo blese pèp Mwen an ak pansman lejè. Y ap di: “Lapè, lapè”, men nanpwen lapè.

<sup>15</sup> Èske yo te vin ✧wont akoz bagay abominab yo te fè? Yo pa t wont menm; yo pa t menm konnen kijan pou yo ta vin wont.

Akoz sa, yo va tonbe pami sila ki tonbe yo; nan lè ke Mwen pini yo a, yo va vin abese yo”, di SENYÈ a.

<sup>16</sup> Konsa pale SENYÈ a: “Kanpe akote wout yo e mande pou ansyen wout yo, kote bon chemen an ye a e mache ladann; epi ✧nou va jwenn repo pou nanm nou. Men yo te di: ‘Nou p ap mache ladann’. <sup>17</sup> “Epi Mwen te mete ✧gadyen yo sou nou, epi te di: ‘Koute son a twonpèt la!’ Men yo te di: ‘Nou p ap koute.’ <sup>18</sup> Pou sa, tandè, O nasyon yo e konnen, O asanble a, sa ki pami yo. <sup>19</sup> Koute, O latè: gade byen, Mwen ap mennen gwo dega sou pèp sa a;

✧ 6:1 Jos 18:28 ✧ 6:2 És 1:8 ✧ 6:3 Jr 12:10 ✧ 6:4 Jr 6:23 ✧ 6:5 És 32:14 ✧ 6:6 Jr 32:24  
✧ 6:7 Jr 20:8 ✧ 6:8 Éz 23:18 ✧ 6:9 Jr 16:16 ✧ 6:10 Jr 20:8 ✧ 6:11 Job 32:18-19 ✧ 6:12 Det 28:30 ✧ 6:13 És 56:11 ✧ 6:14 Jr 8:11 ✧ 6:15 Jr 3:3 ✧ 6:16 Mat 11:29 ✧ 6:17 És 21:11

✧fwi a plan pa yo, akoz yo pa t koute pawòl Mwen yo e selon lalwa Mwen an, yo te rejte li tou. <sup>20</sup> Paske kisa sa sèvi ✧lansan ki rive kote Mwen sòti Séba e kann dous soti nan yon peyi lwen? Ofrann brile nou yo pa fè M plezi.

<sup>21</sup> Pou sa, pale SENYÈ a: “Gade byen, ✧Mwen ap poze blòk k ap fè pèp sa a bite. Epi yo va bite kont yo, papa yo ak fis yo ansanm; vwazen ak zanmi yo va peri.” <sup>22</sup> Konsa pale SENYÈ a: “Gade byen, ✧yon pèp ap sòti nan peyi nò, yon gwo nasyon va leve soti nan ekstremitè latè byen lwen. <sup>23</sup> Yo sezi byen ✧banza ak lans; yo mechan anpil e yo pa gen mizerikòd menm; vwa pa yo fè raj tankou lanmè e yo monte sou cheval yo, alinyen kon yon sèl moun pou batay kont ou, O fis a Sion!”

<sup>24</sup> Nou konn tande rapò sou sa; men nou yo vin lage nèt. Gwo ✧doulè fin sezi nou tankou doule a yon fanm k ap akouche. <sup>25</sup> Pa antre nan chan an, ni pa mache sou wout la, paske lènmi an gen yon nepe, ✧gwo laperèz sou tout kote. <sup>26</sup> O fi a pèp mwen an, mete twal sak e woule nan sann; ✧kriye fò konsi se pou sèl fis ke ou te fè a, yon lamantasyon ki anmè pase tout lòt yo. Paske sibatman destriktè a va parèt sou nou.

<sup>27</sup> Mwen te ✧fè ou eseye sonde metal pami pèp Mwen an, pou ou ka sonde e konnen chemen yo.” <sup>28</sup> Yo tout fè rebèl ak tèt di; y ap mache toupatou bay move rapò a lòt. Yo se ✧bwonz ak fè; yo tout konwonpi. <sup>29</sup> Ponp fòj la souffle fò; plon an manje nèt nan dife a; anven, yo rafine toujou, men ✧mechan yo pa janm vin separe. <sup>30</sup> Yo rele yo ajan rejte, akoz ✧SENYÈ a te rejte yo.

## 7

<sup>1</sup> Pawòl ki te vini a Jérémie soti nan SENYÈ a, ki te di: <sup>2</sup> ✧Kanpe nan pòtay lakay SENYÈ a e la; pwoklame pawòl sa, epi di: ‘Koute pawòl SENYÈ a, nou tout nan Juda, ki antre nan pòtay sa yo pou adore SENYÈ a!’ ”

<sup>3</sup> Konsa pale SENYÈ dèzame yo, Bondye Israèl la, ✧“Korije chemen nou yo ak zèv nou yo e Mwen va kite nou rete nan plas sa a. <sup>4</sup> ✧Pa mete konfyans nan pawòl manti k ap di nou: ‘Sa se tanp SENYÈ a, tanp SENYÈ a, tanp SENYÈ a.’ <sup>5</sup> Paske si, anverite, nou korije chemen nou yo, ak zèv nou yo; si, anverite, nou ✧pratike jistis antre yon nonm ak vwazen li, <sup>6</sup> Si nou pa oprime etranje a, òfelen an, oswa vèv la e pa vèse san inosan a nan plas sa, ni ✧mache dèyè lòt dye a pwòp destriksyon nou, <sup>7</sup> Alò, Mwen va kite nou rete nan plas sa a, nan ✧peyi ke M te bay a papa zansèt nou yo jis pou tout tan. <sup>8</sup> Gade byen, nou ap mete konfyans nan ✧pawòl riz yo, san yo p ap fè anyen pou nou. <sup>9</sup> Èske nou va vòlè, touye moun, komèt adiltè, bay fo temwayaj, ofri sakrifis a Baal e mache dèyè ✧lòt dye ke nou pa t konnen, <sup>10</sup> Epi ✧vin kanpe devan Mwen nan kay sila a, ki rele pa non Mwen an, epi di: ‘Nou tout fin delivre!’ —pou nou ka fè tout bagay abominab sila yo? <sup>11</sup> Èske kay sila a, ki rele pa non pa M non vin chanje pou l vin yon ✧kav plen vòlè devan zye nou? Gade byen, Mwen menm, Mwen te wè l,” deklare SENYÈ a.

✧ 6:19 Pwov 1:31 ✧ 6:20 Egz 30:23 ✧ 6:21 És 8:14 ✧ 6:22 Jr 1:15 ✧ 6:23 És 13:18 ✧ 6:24 És 21:3 ✧ 6:25 Jr 20:10 ✧ 6:26 Am 8:10 ✧ 6:27 Jr 1:18 ✧ 6:28 Éz 22:18 ✧ 6:29 Jr 15:9 ✧ 6:30 Jr 7:29 ✧ 7:2 Jr 17:19 ✧ 7:3 Jr 4:1 ✧ 7:4 Jr 7:8 ✧ 7:5 I Wa 6:12 ✧ 7:6 Det 6:14-15 ✧ 7:7 Jr 3:18 ✧ 7:8 Jr 7:4 ✧ 7:9 Egz 20:3 ✧ 7:10 Éz 23:39 ✧ 7:11 Mat 21:13

<sup>12</sup> Men ale koulye a kote plas Mwen an ✨Silo, kote non Mwen te rete an premye a e wè sa M te fè li akoz mechanste a pèp Mwen an, Israèl. <sup>13</sup> Epi alò, akoz nou te fè tout bagay sa yo,” deklare SENYÈ a: “Epi Mwen te pale ak nou, Mwen te ✨leve bonè pou te pale, men nou pa t tandè e Mwen te rele nou, men nou pa t reponn, <sup>14</sup> Pou sa, Mwen va fè rive nan ✨kay ki rele pa non Mwen an, nan sila nou mete konfyans lan e plas ke M te bay a nou menm ak papa zansèt nou yo, menm sa M te fè a Silo a. <sup>15</sup> Mwen va ✨jete nou deyò pou zye m pa wè nou, tankou Mwen te jete tout frè nou yo deyò, tout desandan a Éphraïm yo.

<sup>16</sup> “Pou ou menm, ✨pa priye pou pèp sila a, pa leve yon kri pou yo, ni entèsede avè M’, paske Mwen pa tandè ou. <sup>17</sup> Èske ou pa wè ki sa y ap fè nan vil a Juda yo ak nan lari Jérusalem yo? <sup>18</sup> Timoun yo ranmase bwa, papa yo mete dife ladann e fanm yo bat pat farin nan pou fè gato pou rèn syèl la; epi yo vide ofrann bwason bay lòt dye yo pou yo ka ✨vekse M. <sup>19</sup> ✨Èske yo vekse M? deklare SENYÈ a. “Èske se pa tèt yo ke y ap vekse jis rive nan pwòp wont yo?”

<sup>20</sup> Pou sa, pale Senyè BONDYE a, ✨ ‘Kòlè Mwen ak chalè Mwen va vide sou plas sa a, ni sou lòm, ni bèt, ni bwa chan ak sou tout fwi tè yo; epi li va brile e li p ap ka etenn.” <sup>21</sup> Konsa pale SENYÈ dèzame yo, Bondye Israèl la: “Ajoute ofrann nou yo sou sakrifis nou yo e ✨manje chè. <sup>22</sup> Paske Mwen pa t ✨pale ak papa zansèt nou yo, ni kòmande yo nan jou ke M te mennen yo sòti nan peyi Égypte la, pou ofrann brile, ni pou sakrifis. <sup>23</sup> Men sa ke M te kòmande yo e Mwen te di: ✨ ‘Obeyi vwa M, Mwen va Bondye nou e nou va pèp Mwen; epi nou va mache nan tout vwa ke M kòmande nou yo, pou tout bagay ale byen pou nou.’ <sup>24</sup> Sepandan, yo pa t obeyi, ni yo pa t panche zòrèy vè Mwen, men te mache nan pwòp konsèy pa yo, nan tèt di a kè mechan yo e yo ✨te fè an aryè olye yo fè devan. <sup>25</sup> Depi nan jou ke papa zansèt nou yo te sòti nan peyi Égypte la jis rive nan jou sila a, ✨Mwen te voye bannou tout sèvitè Mwen yo ak pwofèt yo. Chak jou Mwen te leve granmmaten pou voye yo. <sup>26</sup> Sepandan, yo pa t koute Mwen, ni panche zòrèy yo, men yo te fè tèt di yo; yo te ✨fè plis mal pase papa yo.

<sup>27</sup> Ou va ✨pale tout pawòl sa yo avèk yo, men yo p ap koute ou; epi ou va rele vè yo, men yo p ap reponn ou. <sup>28</sup> Ou va di yo: ‘Sa se nasyon ki ✨pa t obeyi vwa SENYÈ a, Bondye pa yo a, ni ki pa t aksepté koreksyon; verite fin peri e koupe retire nèt nan bouch yo. <sup>29</sup> Koupe retire cheve ou e jete li; kòmanse fè gwo kri sou wotè vid yo. Paske SENYÈ a fin ✨rejte e abandone jenerasyon kòlè Li a.’

<sup>30</sup> “Paske fis a Juda yo te fè mal nan zye M,” deklare SENYÈ a, “yo te ✨mete bagay abominab pa yo nan kay ki rele pa non Mwen an, pou souye li. <sup>31</sup> Yo te bati wo plas la nan Topheth, ki nan vale a fis a Hinnom an, pou ✨brile fis ak fi pa yo nan dife, ke M pa t kòmande, ni sa pa t rive nan tèt Mwen. <sup>32</sup> ✨“Pou sa, gade byen, jou yo ap vini,” deklare SENYÈ a: “lè li p ap rele Topheth ankò, ni vale a fis a Hinnom an, men vale a masak la; paske yo va fè antèman Topheth, akoz pa gen lòt kote. <sup>33</sup> ✨Kadav mouri a pèp sila yo va fè manje pou zwazo syèl yo ak pou bèt latè yo; epi nanpwen moun

✨ 7:12 Jij 18:31 ✨ 7:13 Jr 7:25 ✨ 7:14 Det 12:5 ✨ 7:15 Jr 15:1 ✨ 7:16 Egz 32:10 ✨ 7:18 Det 32:16-21 ✨ 7:19 Job 35:6 ✨ 7:20 És 42:25 ✨ 7:21 Éz 33:25 ✨ 7:22 I Sam 15:22 ✨ 7:23 Egz 15:26 ✨ 7:24 Jr 15:6 ✨ 7:25 II Kwo 36:15 ✨ 7:26 Jr 16:12 ✨ 7:27 Jr 1:7 ✨ 7:28 Jr 6:17 ✨ 7:29 Jr 6:30 ✨ 7:30 II Wa 21:3 ✨ 7:31 Lev 18:21 ✨ 7:32 Jr 19:6-11 ✨ 7:33 Det 28:26

k ap chase yo ale. <sup>34</sup> Nan moman sa a, Mwen va fè sispann soti nan vil a Juda yo ak lari a Jérusalem yo, vwa a kè kontan ak vwa a jennonm k ap marye a, ak fi maryaj la; paske ✧peyi a va devni yon pil ranblè.

## 8

<sup>1</sup> Nan lè sa a”, deklare SENYÈ a: “yo va ✧mennen fè vin parèt zo a wa a Juda yo ak zo a prens pa yo, zo a prèt yo ak zo a pwofèt yo e zo a pèp Jérusalem yo soti nan tonm pa yo. <sup>2</sup> Yo va gaye yo parèt devan solèy la, lalin nan ak tout ✧lame syèl, ke yo te renmen yo, ke yo te sèvi yo, ke yo te kouri dèyè yo e ke yo te adore yo. Yo p ap ranmase, ni yo p ap antere; yo va rete kon fimye bèt sou sifas latè. <sup>3</sup> Epi pami retay sila ki rete nan fanmi mechan sila yo, se ✧lanmò ke y ap chwazi pito ke lavi, retay ki rete nan tout plas ke M te konn bourade yo rive yo,” deklare SENYÈ dèzame yo.

<sup>4</sup> Ou va di yo: ‘Konsa pale SENYÈ a, “Èske moun konn ✧tonbe e pa leve ankò? Èske moun konn vire kite e pa retounen pou vin repanti?’

<sup>5</sup> Poukisa pèp sa a, Jérusalem, te ✧vire akote nan enfidelite san rete sa a? Yo kenbe rèd a desepsyon; yo refize retounen.

<sup>6</sup> Mwen te koute e te tandè, yo te pale sa ki pa dwat; ✧okenn moun pa t repanti de mechanste yo pou l ta di: ‘Kisa mwen te fè la a?’ Yo chak vin vire nan pwòp chemen pa yo,

tankou yon cheval k ap kouri antre nan batay.

<sup>7</sup> Menm zwazo sigòy anlè a konnen sezon li; epi toutrèl ak iwondèl ak valèt kontwole lè antre sòti pa yo; men ✧pèp Mwen an pa konnen règleman SENYÈ a.

<sup>8</sup> ✧Kòman nou ka di: “Mwen saj’ e lalwa SENYÈ a avèk nou”? Men gade byen, plim manti a skrib yo fè sa vin tounen gwo manti.

<sup>9</sup> Mesye saj yo ✧vin wont, yo vin deranje e sezi; gade byen, yo te rejte pawòl SENYÈ la e ki kalite sajès yo genyen?

<sup>10</sup> Akoz sa, Mwen va bay madanm pa yo a lòt moun, chan pa yo a nouvo mèt; paske soti nan pi piti a jis rive nan pi gran an, yo tout ✧voras pou ranmase byen; soti nan pwofèt la jis rive nan prèt la, tout ap pratike manti.

<sup>11</sup> Yo ✧fè gerizon pèp Mwen an ak pansman ki lejè lè y ap di: “lapè, lapè”, men nanpwen lapè.

<sup>12</sup> Èske yo pa t wont akoz zak abominab yo te fè yo? Anverite, yo pa t wont.

Yo pa t konprann menm ki jan pou yo ta vin wont. Akoz sa, yo va ✧tonbe pami sila k ap tonbe yo;

✧ 7:34 Lev 26:33 ✧ 8:1 Éz 6:5 ✧ 8:2 II Wa 23:5 ✧ 8:3 Job 3:21-22 ✧ 8:4 Pwov 24:16  
✧ 8:5 Jr 5:6 ✧ 8:6 Éz 22:30 ✧ 8:7 Pwov 6:6-8 ✧ 8:8 Job 5:12-13 ✧ 8:9 És 19:11 ✧ 8:10 És 56:11 ✧ 8:11 Jr 6:4 ✧ 8:12 És 9:14

nan lè pinisyon pa yo, yo va vin abese,” di SENYÈ a.

13 ✨“Anverite, Mwen va sezi pran yo, “deklare SENYÈ a; p ap gen rezen sou chan rezen an, ni fig sou pye figye etranje a e fèy yo va fennen; epi sa ke M te bay yo va disparèt.” ’ ’ ”

14 Poukisa nou chita an plas? Rasanble nou e annou antre nan vil fòtifye yo; epi annou mouri la, akòz SENYÈ a, Bondye nou an, te kondane nou. Li te bannou ✨dlo anpwazone pou nou bwè, paske nou te peche kont SENYÈ a.

15 Nou ✨te tann lapè, men anyen bon pa t vini; yon tan gerizon, men gade byen, gwo laperèz

16 Soti Dan te tandè gwo souf cheval; nan son ranni mal cheval li yo, tout tè a souke; paske yo te vini ✨devore peyi a ak tout grès li, vil la ansanm ak tout moun ki rete ladann.

17 Paske gade byen, Mwen ap ✨voye sèpan kont nou, vipè ki p ap ka chame; e yo va mòde nou,” deklare SENYÈ a.

18 Tristès Mwen depase gerizon; ✨kè M fennen anndan m!

19 Gade byen, koute! Kri a fi pèp mwen an soti nan yon peyi byen lwen:

“Èske SENYÈ a pa nan Sion? Èske wa li a pa anndan l?

“Poukisa yo te pwovoke Mwen ak imaj taye yo; ak ✨zidòl etranje yo?”

20 “Rekòlt la fin pase; gran sezon an vin fini e nou poko sove.”

21 Akòz fi a pèp mwen an vin brize, mwen menm vin brize tou;

mwen fè gwo kri e mwen vin desi nèt.

22 Èske pa gen pomad gerizon nan Galaad?

Èske nanpwen doktè la?

Alò ✨poukisa lasante a fi a pèp mwen an pa t restore?

## 9

1 O! ke tèt mwen te dlo e ke zye m yo te yon fontèn dlo

pou m ta ka kriye lajounen kon lannwit pou lanmò a ✨fi a pèp mwen an!

2 O! ke m ta gen nan dezè a, yon plas pou moun k ap vwayaje rete; pou m ta ka sòti nan mitan pèp mwen an e kite yo! Paske yo tout se ✨adiltè, yon bann moun trèt.

3 “Yo koube lang yo konsi se banza;

se manti san laverite ki domine peyi a;  
 paske yo kite yon mechanste pou antre nan yon lòt  
 e yo pa rekonèt Mwen”, deklare SENYÈ a.

<sup>4</sup> Kite chak ✧byen veye kont vwazen li  
 e pa mete konfyans nan okenn frè;  
 akoz tout frè yo aji nan koken  
 e tout vwazen yo ap voye kout lang.

<sup>5</sup> Yo tout ✧pase vwazen l nan rizib e yo pa pale verite.  
 Yo fin enstwi lang pa yo pou pale manti;  
 yo vin fatigue nèt nan fè inikite.

<sup>6</sup> Abitasyon ou nan mitan desepsyon;  
 nan desepsyon yo ✧refize rekonèt Mwen”, deklare SENYÈ a.

<sup>7</sup> Pou sa, konsa pale SENYÈ dèzame yo:  
 “Gade byen, Mwen va rafine yo e ✧fè yo pase a leprèv;  
 paske se kisa anplis ke M ka fè, akoz fi a pèp Mwen an?”

<sup>8</sup> Lang pa yo se yon flèch mòtèl;  
 li pale ✧manti.

Avèk bouch li, li pale lapè ak vwazen li,  
 men anndan li fè plan anbiskad pou pran l.

<sup>9</sup> Èske mwen p ap pini yo pou bagay sa yo?” deklare SENYÈ a.  
 “Sou yon nasyon konsa, èske Mwen p ap pran vanjans.

<sup>10</sup> Paske mòn yo va tanmen fè gwo kri ak dèy  
 e nan patiraj dezè a, gwo plent, akoz yo vin ✧devaste nèt  
 jiskaske pèsòn pa pase ladann.

Menm vwa a bèf yo p ap la ankò; ni zwazo syèl yo  
 ak bèt latè yo fin sove ale; yo ale nèt.

<sup>11</sup> Mwen va fè Jérusalem tounen yon pil mazi,  
 yon kote abandone pou chen mawon;  
 epi Mwen va fè vil Juda yo yon ✧kote ki kraze nèt,  
 san pèsòn pou rete ladan yo.

<sup>12</sup> Ki moun saj ki ka konprann sa a? Epi kilès sila a li menm bouch SENYÈ  
 a te pale, pou l ka fè deklarasyon sa a? ✧Poukisa peyi a vin detwi konsa,  
 devaste kon yon dezè, pou pèsòn pa menm pase ladann?

<sup>13</sup> SENYÈ a di: “Akoz yo te ✧abandone Lalwa ke Mwen te mete devan  
 yo a e yo pa t obeyi vwa Mwen, ni mache selon li, <sup>14</sup> Men te ✧mache dèyè  
 tèt di a pwòp kè yo e dèyè Baal yo, kon papa yo te montre yo a,” <sup>15</sup> Pou  
 sa, pale SENYÈ dèzame yo, Bondye Israèl la: “Gade byen, Mwen va ✧fè yo  
 manje bwa anmè e bay yo dlo anpwazone pou yo bwè. <sup>16</sup> Mwen va ✧gaye  
 yo pami nasyon, ke ni yo menm, ni papa zansèt yo pa t janm konnen; epi  
 mwen va voye nepe pou swiv yo jiskaske yo vin kraze.”

<sup>17</sup> Konsa pale SENYÈ dèzame yo:  
 “Konsidere e rele ✧fanm pou fè dèy, pou yo ka vini;  
 epi voye fanm pou rele anmwey, pou yo ka vini!

<sup>18</sup> Kite yo fè vit pran rele anmwey pou nou,  
 pou ✧zye nou ka vide dlo e pòpyè zye nou ka  
 fè dlo kouri desann.

✧ 9:4 Sòm 12:2 ✧ 9:5 Mi 6:12 ✧ 9:6 Job 21:14-15 ✧ 9:7 Os 11:8 ✧ 9:8 Sòm 28:3 ✧ 9:10  
 Jr 12:4-10 ✧ 9:11 És 25:2 ✧ 9:12 Sòm 107:34 ✧ 9:13 II Kwo 7:19 ✧ 9:14 Jr 7:24 ✧ 9:15  
 Sòm 80:5 ✧ 9:16 Lev 26:33 ✧ 9:17 II Kwo 35:25 ✧ 9:18 És 22:4

19 Paske vwa ki rele anmwey la tande soti nan Sion:  
A la detwi nou vin detwi nèt!  
Nou te vin mete nan gwo wont, paske nou ✧te kite peyi a,  
akoz yo te kaze tout lakay nou yo.’ ”

20 Alò tande byen pawòl SENYÈ a, O ✧fanm yo,  
e kite zòrèy nou resevwa pawòl bouch Li.  
Montre fi nou yo jan pou yo fè dèy e chak moun  
montre vwazen li yon chan lamantasyon.

21 Paske ✧lanmò fin antre nan fenèt nou nèt;  
li te antre nan palè nou yo pou fèmen timoun yo deyò  
e jenn gason yo sou plas.

22 Pale, “Konsa di SENYÈ a,  
‘Kadav a moun yo va tonbe tankou ✧fimye bèt nan chan  
e tankou pakèt sereyal dèyè moun k ap koupe rekòlt la,  
men pèsòn p ap rekòlte.’ ”

23 Konsa pale SENYÈ a:

✧“Pa kite yon nonm saj vin ògeye nan sajès li  
e pa kite yon nonm pwisan vin ògeye nan fòs li,  
ni yon nonm rich vin ògeye nan richès li;

24 Men kite sila ki ✧vin ògeye a, vin ògeye nan sa,  
ke li gen konprann e li rekonèt Mwen,  
ke se Mwen ki SENYÈ a; ki aji nan lanmou dous, jistis,  
ak ladwati sou latè a;

paske Mwen pran gwo plezi nan bagay sa yo, “deklare SENYÈ a.

25 Gade byen, gen jou k ap vini, “deklare SENYÈ a, ke Mwen va pini tout  
sila ki sikonsi yo pandan vrèman yo ✧pa sikonsi yo— 26 Ègypte ak Juda,  
Édom ak fis a Ammon yo e Moab ak tout sila k ap viv nan dezè yo, k ap  
taye cheve sou de bò tanp yo; paske tout nasyon yo ensikonsi e lakay Israèl  
vin ✧ensikonsi nan kè.”

## 10

1 Tande pawòl avèk sila SENYÈ a ap pale ou a, O lakay Israèl. 2 Konsa  
pale SENYÈ a:

✧“Pa aprann abitud a nasyon yo,  
ni pa vin krent sign nan syèl yo,  
malgre nasyon yo krent yo anpil;

3 Paske abitud a pèp yo se afè twonpe moun;  
konsi se ✧bwa ki koupe nan forè,  
zèv men atizan ki koupe ak zouti.

4 Yo dekore l ak ajan ak lò; yo  
✧tache li ak klou ak mato, pou l pa deplase.

5 Yo tankou yon bwa palmis ki fome pa men moun  
men yo ✧pa ka pale;

fòk yo pote yo, paske yo pa ka mache!  
Pa krent yo, paske yo p ap ka fè okenn mal,  
ni yo p ap ka fè anyen ki bon.”

6 ✧Nanpwen moun ki tankou Ou, O SENYÈ;

✧ 9:19 Det 28:29 ✧ 9:20 És 32:9 ✧ 9:21 II Kwo 36:17 ✧ 9:22 Sòm 83:10 ✧ 9:23 Ekl 9:11  
✧ 9:24 Sòm 20:7 ✧ 9:25 Jr 4:4 ✧ 9:26 Lev 26 ✧ 10:2 Lev 18:3 ✧ 10:3 És 44:9-20 ✧ 10:4  
És 40:20 ✧ 10:5 Sòm 115:5 ✧ 10:6 Egz 15:11

Ou gran e gran se non Ou an pwisans.

<sup>7</sup> Se ✨kilès ki pa ta krent Ou, O Wa a nasyon yo?

Anverite, se sa Ou merite!

Paske pami tout moun saj nan nasyon yo

e nan tout wayòm yo,

nanpwen okenn tankou Ou.

<sup>8</sup> Men yo tout ansanm se ✨ensanse e plen ak foli;

disipline nan bay manti—zidòl yo se bwa!

<sup>9</sup> Ajan byen bat pote soti Tarsis e lò ki sòti Uphaz,

travay a yon atizan e men a yon òfèv;

vètman yo vyolèt e mov; yo tout se ✨zèv a

ouvriye byen fò.

<sup>10</sup> Men SENYÈ a se ✨vrè Bondye a;

Li se Bondye vivan an e Wa etènèl la.

Devan kòlè Li, tout latè tranble

e nasyon yo p ap ka sipòte gwo kòlè Li a.

<sup>11</sup> Konsa ou va di yo: ✨“dye ki pa t fè syèl la ak tè yo va peri soti sou latè ak anba syèl yo.”

<sup>12</sup> Bondye te fè tè a pa pouvwa Li.

Li te ✨etabli lemond ak sajès Li;

epi ak konprann Li, Li te etann syèl yo. <sup>13</sup> Lè Li fè vwa L sone, dlo yo mele nan syèl yo

e Li fè ✨nwaj yo monte soti nan dènye pwent tè a;

Li fè loray pou lapli e Li fè van sòti nan depo Li yo.

<sup>14</sup> Tout moun se ✨ensanse, san konesans;

tout òfèv yo va vin wont akòz zidòl yo;

paske imaj fonn li yo se desepsyon yo ye.

Nanpwen souf nan yo.

<sup>15</sup> Yo ✨san valè, yon zèv mokè;

nan lè pinisyon pa yo, yo va peri.

<sup>16</sup> Pòsyon ki pou Jacob la pa kon sila yo;

paske ✨Kreyatè a tout bagay la se Li menm

e Israèl se tribi eritaj Li;

SENYÈ dèzame yo se non Li.

<sup>17</sup> ✨Leve pakèt ou atè a, nou menm ki anba syèj!

<sup>18</sup> Paske konsa pale SENYÈ a:

“Gade byen, Mwen ap ✨jete moun ki rete nan peyi sa a

deyò nan moman sa a

e Mwen va fè yo pase anpil doulè, pou yo ka vin jwenn.”

<sup>19</sup> Malè a mwen, akòz ✨blese m nan!

Blese m nan p ap ka geri. Men mwen te di:

‘Anverite, sa se yon maladi e fòk mwen pote l.’

<sup>20</sup> ✨Tant mwen an fin detwi e tout kòd mwen yo fin chire;

fis mwen yo te kite mwen e yo pa egziste ankò.

Nanpwen moun ki pou rale monte tant mwen an ankò,

ni pou monte rido mwen yo.

<sup>21</sup> Paske bèje yo vin ensanse e yo ✨pa t chache SENYÈ a;

✨ 10:7 Rev 15:4 ✨ 10:8 Jr 4:22 ✨ 10:9 Sòm 115:4 ✨ 10:10 És 65:16 ✨ 10:11 Sòm 96:5

✨ 10:12 Sòm 78:69 ✨ 10:13 Job 36:27-29 ✨ 10:14 Jr 10:8 ✨ 10:15 És 41:24 ✨ 10:16 És

45:7 ✨ 10:17 És 12:3-12 ✨ 10:18 I Sam 25:29 ✨ 10:19 Jr 14:17 ✨ 10:20 Jr 4:20 ✨ 10:21

Jr 2:8



akoz sa, yo pa reyisi e tout bann mouton yo fin gaye.

<sup>22</sup> Bri rapò a rive! Gade byen, l ap vini— yon gwo zen k ap ✨sòti nan peyi nò a— pou fè vil a Juda yo vin yon dezolasyon, yon andwa pou chen mawon.

<sup>23</sup> Mwen konnen, O SENYÈ, ke ✨chemen a yon nonm pa nan li menm,

ni se pa posib pou moun ki mache a dirije pwòp pa pye li.

<sup>24</sup> ✨Korije mwen, O SENYÈ, men avèk jistis; pa avèk kòlè Ou, sinon Ou va fè m vin pa anyen menm.

<sup>25</sup> ✨Vide gwo kòlè Ou a sou nasyon ki pa konnen Ou yo ak sou fanmi ki pa konnen non Ou yo; paske yo te devore Jacob; yo te devore li, manje l nèt e te devaste tout abitasyon li an.

## 11

<sup>1</sup> Pawòl ki te vini a Jérémie soti nan SENYÈ a, t ap di: <sup>2</sup> Koute pawòl a ✨akò sila a e pale avèk mesye Juda yo ak sila ki rete Jérusalem yo; <sup>3</sup> epi di yo: ‘Konsa pale SENYÈ a, Bondye Israèl la, ✨“Modi se nonm ki pa okipe pawòl a akò sila a, <sup>4</sup> ke Mwen te kòmande papa zansèt nou yo pou fè nan jou ke M te mennen yo sòti nan peyi Égypte la, soti nan ✨founo fè a e te di yo: ‘Koute vwa Mwen e fè selon tout sa ke Mwen kòmande nou; epi konsa, nou va pèp Mwen e Mwen va Bondye nou,’ <sup>5</sup> pou m ka konfime ✨sèman ke M te fè a papa zansèt nou yo, pou bay yo yon peyi k ap koule ak lèt ak siwo myèl, jan li ye nan jou sa a.’”

Epi Mwen te di: “Amen O SENYÈ”. <sup>6</sup> Epi SENYÈ a te di mwen: “Pwoklame tout pawòl sa yo nan vil a Juda yo ak nan lari Jérusalem yo, epi di: ✨Tande pawòl a akò sa a pou <sup>7</sup> ‘Paske Mwen te ✨avèti papa zansèt pa w yo solanèlman nan jou ke M te mennen yo sòti nan peyi Égypte la, menm pou rive nan jou sila a, t ap avèti tout tan e t ap di: “Tande vwa Mwen”. <sup>8</sup> Malgre sa, yo pa t obeyi, ni panche zòrèy yo vè Mwen; men te mache yo chak selon tèt di a kè mechan yo; akoz sa, Mwen te mennen sou yo tout ✨pawòl a akò sila a, ke M te kòmande pou yo fè, men yo pa t fè yo.’”

<sup>9</sup> Epi SENYÈ a te di m: “Yon ✨konplo vin dekouvri pami mesye Juda yo e pami moun ki rete Jérusalem yo. <sup>10</sup> Yo te vire retounen vè inikite a papa zansèt yo, ki te refize tandè pawòl Mwen yo e yo ✨te ale dèyè lòt dye pou sèvi yo; lakay Israèl ak lakay Juda te kraze akò, ke M te fè ak papa zansèt yo.” <sup>11</sup> Pou sa, pale SENYÈ a: “Gade byen” Mwen ap ✨mennen yon gwo dezaz sou yo, ke yo p ap ka chape menm. Malgre yo kriye ban Mwen, Mwen p ap koute yo. <sup>12</sup> Konsa, lavil a Juda ak pèp Jérusalem nan va ✨ale kriye bay dye ke yo brile lansan bay yo a; men anverite, yo p ap sove yo nan tan gwo dezaz yo. <sup>13</sup> Paske dye nou yo menm kantite ak vil nou yo, O Juda; epi menm kantite ak lari Jérusalem yo se lotèl ke nou te plase ✨a gwo wont sa yo, pou brile lansan bay Baal yo.

<sup>14</sup> Akoz sa, pa priye pou pèp sa a, ni leve gwo kri oswa fè lapriye pou yo; paske Mwen ✨p ap koute yo lè yo rele Mwen akoz gwo dezaz yo. <sup>15</sup> Ki dwa ✨Byeneme Mwen an genyen lakay Mwen an lè l fin fè anpil move zak yo?

✨ 10:22 Jr 1:14 ✨ 10:23 Pwov 16:1 ✨ 10:24 Sòm 6:1 ✨ 10:25 Sòm 79:6-7 ✨ 11:2 Egz 19:5  
 ✨ 11:3 Det 27:26 ✨ 11:4 Det 4:20 ✨ 11:5 Egz 13:5 ✨ 11:6 Jn 13:17 ✨ 11:7 I Sam 8:9  
 ✨ 11:8 Lev 26:14-43 ✨ 11:9 Éz 22:25 ✨ 11:10 Jij 2:11-13 ✨ 11:11 II Wa 22:16 ✨ 11:12 Det 32:37  
 ✨ 11:13 Jr 3:24 ✨ 11:14 Jr 3:24 ✨ 11:15 Jr 13:27

Èske chè a sakrifis ta ka anpeche dega rive ou, pou ou ka rejwi? <sup>16</sup> SENYÈ a te rele non ou: “Bwa doliv, byen bèl nan fwi ak fòm”; ak ✧bri a yon gwo zen, li te limen dife sou li e branch li yo vin san valè.

<sup>17</sup> SENYÈ dèzame ki te plante ou a, te pase lòd malè kont ou akòz mechanste lakay Israèl la ak lakay Juda a, ke yo te fè pou pwovoke Mwen ak ✧ofrann sakrifis ke yo te leve vè Baal yo.

<sup>18</sup> Anplis, SENYÈ a te ✧fè m konprann e mwen te konnen li; epi Ou te montre m zak yo. <sup>19</sup> Men mwen te tankou yon ✧jenn mouton dou k ap mennen labatwa; epi mwen pa t konnen ke yo te fòme yon konplo kont mwen; “Annou detwi bwa ak fwi li a e annou koupe l nèt soti nan peyi vivan yo, pou non li pa sonje ankò.” <sup>20</sup> Men O SENYÈ dèzame yo, ki ✧fè jijman ki dwat la, ki sonde santiman ak kè yo, kite mwen wè vanjans Ou sou yo; paske a Ou menm, mwen te konfyè koz mwen an.

<sup>21</sup> Akòz sa, pale SENYÈ a selon mesye ✧Anathoth yo, k ap chache lavi ou, k ap di: “Pa pwofetize nan non SENYÈ a, pou ou pa mouri nan men nou”; <sup>22</sup> Akòz sa, pale SENYÈ dèzame yo: “Gade byen, Mwen prèt pou pini yo! ✧Jennonm yo va mouri pa nepe, fis ak fi yo va mouri ak gwo grangou; <sup>23</sup> Menm yon retay ✧p ap rete pou yo; paske Mwen va mennen yon dezans sou mesye Anathoth yo—ane a pinisyon pa yo.”

## 12

<sup>1</sup> Byen dwat, se Ou menm, O SENYÈ; pou sa, mwen ta plede koz mwen avèk Ou; anverite, mwen ta diskite sijè lajistis avèk Ou: poukisa ✧chemen a mechan an byen reyisi konsa? Epi tout sa ki aji nan manti yo rete alèz konsa?

<sup>2</sup> Ou te plante yo e anplis, yo te fin pran rasin; yo grandi. Se fwi menm yo pwodwi. Ou ✧toupren nan lè yo, men lwen lespri yo.

<sup>3</sup> Men Ou konnen mwen, O SENYÈ; Ou wè mwen; epi Ou egzamine pozisyon kè m vè Ou menm. Rale yo akote, tankou mouton k ap prale labatwa e mete yo apa pou yon ✧jou gwo masak.

<sup>4</sup> Depi kilè peyi a va gen dèy, konsa e ✧vèdi chan an vin sèch konsa? Akòz mechanste a sila ki rete ladann yo, ni bèt ni zwazo pa vin rete ladann; akòz yo te di: “Li p ap wè dènye fen nou an.”

<sup>5</sup> Si ou te kouri ak moun apye e yo fè ou bouke, kijan ou ka fè kous ak cheval?

Si ou tonbe nan yon peyi ak lapè, kijan ou va reyisi nan ✧vye rakbwa Jourdain an?

<sup>6</sup> Paske menm ✧frè ou yo ak lakay papa ou a; menm yo menm, te fè trèt avèk ou; menm yo menm, te rele dèyè ou. Pa kwè yo, malgre yo di ou bagay ki dous.”

✧ 11:16 Sòm 83:2 ✧ 11:17 Jr 7:9 ✧ 11:18 I Sam 23:11-12 ✧ 11:19 És 53:7 ✧ 11:20 Jen 18:25 ✧ 11:21 Jr 1:1 ✧ 11:22 II Kwo 36:17 ✧ 11:23 Jr 6:9 ✧ 12:1 Job 12:6 ✧ 12:2 És 29:13 ✧ 12:3 Jr 17:8 ✧ 12:4 Jl 1:10-17 ✧ 12:5 Jr 49:19 ✧ 12:6 Jen 37:4-11

7 “Mwen te abandone lakay Mwen an,  
Mwen te abandone eritaj Mwen an;  
Mwen fin bay ✧fi byeneme a nanm Mwen an  
pou antre nan men lènmi li yo.

8 Eritaj Mwen an te vini pou Mwen, kon yon lyon  
k ap gwonde nan forè a. Li te gwonde kont Mwen.  
Akoz sa, Mwen te vin ✧rayi li.

9 Èske, pou Mwen, eritaj Mwen an tankou yon zwazo lachas  
ak ti takte sou li?

Èske gen ✧zwazo voras kont li tout kote?  
Ale, rasanble tout bèt sovaj nan chan yo;  
mennen yo pou devore!

10 Anpil ✧bèje fin gate chan rezen Mwen yo,  
yo te foule anba pye chan Mwen an;  
yo te fè bèl chan Mwen an vin yon savann dezole.

11 Li te vin yon dezè. Abandonen, li plenyen devan M.  
Tout latè vin dezole, akoz pèsòn ✧pa pran sa an kè.

12 Sou tout ✧do mòn sèch nan dezè yo, destriktè yo vin parèt,  
paske yon nepe SENYÈ a ap devore soti nan yon pwent peyi a  
jis rive nan lòt la; nanpwen lapè pou pèsòn.

13 Se ✧ble yo te simen e yo rekòlte pikan,  
yo te fè gwo efò, san ke yo pa reyisi anyen.

Men se pou nou vin wont rekòlt nou an akoz gwo kòlè SENYÈ a.

14 Konsa pale SENYÈ a de tout ✧vwazen mechan k ap atake eritaj ke Mwen  
te bay a pèp Mwen an, Israèl: “Gade byen, Mwen prèt pou dechouke yo  
nan peyi pa yo e Mwen va dechouke lakay Juda soti nan mitan yo. 15 Epi  
li va vin rive ke apre Mwen dechouke yo, Mwen va ankò gen konpasyon  
pou yo; epi Mwen va ✧mennen yo retounen, yo chak a eritaj pa yo e yo  
chak a pwòp peyi pa yo. 16 Epi si, anverite, yo va ✧apran chemen a pèp  
Mwen an, pou sèman pa non Mwen: ‘Kon SENYÈ a viv la’, menm jan ke  
yo menm te enstwi pèp Mwen an pou sèman pa Baal yo, yo va vin etabli  
nan mitan pèp Mwen an. 17 Men si yo pa koute; alò, Mwen va ✧dechouke  
nasyon sa a, dechouke e detwi li, “deklare SENYÈ a.

## 13

1 Konsa SENYÈ a te pale mwen: “Ale ✧achte pou kont ou yon senti an  
twal len e mete l nan senti ou, men pa mete li nan dlo.”

2 Konsa mwen te achte senti a selon ✧pawòl SENYÈ a e te mete l nan senti  
mwen.

3 Epi pawòl SENYÈ a te vin kote mwen yon dezyèm fwa a, epi te di:

4 ‘Pran senti ke ou te achte a, ki antoure senti ou a, leve ale nan ✧Rivyè  
Euphrate la e kache li la nan yon twou wòch.’”

5 Konsa, mwen te ale kache li akote Rivyè Euphrate la, ✧jan SENYÈ a te  
kòmande mwen an.

6 Apre anpil jou, SENYÈ a te di m: “Leve ale nan Rivyè Euphrate la e leve  
pran senti ke M te kòmande ou sere la a.”

✧ 12:7 Jr 11:15 ✧ 12:8 Os 9:15 ✧ 12:9 II Wa 24:2 ✧ 12:10 Jr 6:3 ✧ 12:11 És 42:25 ✧ 12:12  
Jr 3:2-21 ✧ 12:13 Lev 26:16 ✧ 12:14 Jr 49:1-7 ✧ 12:15 Am 9:14 ✧ 12:16 És 42:6 ✧ 12:17  
Sòm 2:8-12 ✧ 13:1 Jr 13:11 ✧ 13:2 És 20:2 ✧ 13:4 Jr 51:63 ✧ 13:5 Egz 39:42-43

<sup>7</sup> Epi mwen te ale nan Rivyè Euphrate la, mwen te fouye e mwen te pran senti a sòti nan plas kote mwen te sere li a; epi gade byen, senti a te gate; li te vin san valè.

<sup>8</sup> Epi pawòl SENYÈ a te rive kote mwen e te di: <sup>9</sup> “Konsa pale SENYÈ a: ‘Se konsa Mwen va detwi ✧ògèy a Juda ak gwo ògèy a Jérusalem nan. <sup>10</sup> Pèp mechan sila a, ki refize koute pawòl Mwen yo, ki mache nan kou tèt di a kè yo e te ale dèyè lòt dye pou sèvi yo e pou pwostène devan yo, kite yo vin tankou senti sa a, san okenn valè nèt. <sup>11</sup> Paske jan senti a kwoke nan senti a yon nonm nan, se konsa Mwen te fè tout lakay Israèl ✧kwoke sou Mwen,’ deklare SENYÈ a: ‘pou yo ta kapab pou Mwen, yon pèp, pa rekonesans, pou lwanj e pou glwa; men yo pa t koute.’

<sup>12</sup> Pou sa, ou gen pou pale pawòl sa a a yo: ‘Konsa pale SENYÈ a, Bondye Israèl la, “Fòk tout veso yo plen ak diven.”’ Epi lè yo di ou: ‘Èske nou pa konnen ke tout veso oblije plen ak diven?’ <sup>13</sup> Alò, pale yo: ‘Konsa pale SENYÈ a: “Gade byen, Mwen prèt pou plen tout sila ki rete nan peyi sa yo—wa k ap chita pou David sou twòn li an, prèt yo, pwofèt yo ak tout moun nan peyi Jérusalem yo—ak koze ✧vin sou nèt la! <sup>14</sup> Mwen va kraze yo youn kont lòt, ni papa ni fis ansanm”, deklare SENYÈ a. “Mwen p ap gen ✧pitye, ni regrè, ni konpasyon pou yo pa detwi.”’

<sup>15</sup> Koute e prete atansyon ak sa.

Pa fè ✧ògèy, paske SENYÈ a fin pale.

<sup>16</sup> Bay glwa a SENYÈ a, Bondye nou an, avan li pote ✧fènwa, avan pye nou vin glise tonbe sou mòn k ap vin nwa yo; epi pandan nou ap tann limyè,

Li fè l antre nan fon tenèb  
e fè l antre nan tenèb ki san espwa.

<sup>17</sup> Men ✧si ou pa koute sa a, nanm mwen va kriye an sekre pou kalite ògèy sa a; epi zye m va kriye anpil e koule anpil dlo, akoz bann mouton SENYÈ a fin pran an kaptivite.

<sup>18</sup> Di a ✧wa a e a rèn nan: “Pran yon chèz ki ba, paske bèl kouwòn ou an fin tonbe kite tèt ou.

<sup>19</sup> ✧Vil negev yo te fèmen ak kle e nanpwen moun ki pou louvre yo; tout Juda fin antre an egzil, antre an egzil nèt.

<sup>20</sup> Leve zye ou pou wè, ✧men sila k ap vini soti nan nò yo. Kote bann mouton ki te bay a ou menm nan, bèl mouton ou yo?

<sup>21</sup> Kisa ou va di lè Li chwazi yo chèf sou nou—epi se nou menm ki te enstwi yo—ansyen ✧zanmi nou yo vin chèf sou nou?

Èske gwo doulè p ap sezi ou tankou yon fanm nan akouchman?

<sup>22</sup> “Si ou di nan kè ou, ✧poukisa bagay sa te rive mwen?”

Akoz grandè a inikite ou, jip ou yo te vin retire e talon ou yo te vin ekspoze.

<sup>23</sup> ✧Èske Etyopyen an ka chanje koulè po li, oswa leyopa a takte li yo?

Sèl Konsa nou menm tou, ak abitud fè mal, ta ka chanje pou vin fè byen.

✧ **13:9** Lev 26:19 ✧ **13:11** Egz 19:5-6 ✧ **13:13** Sòm 60:3 ✧ **13:14** Det 29:20 ✧ **13:15** Pwov 16:5 ✧ **13:16** És 5:30 ✧ **13:17** Mal 2:2 ✧ **13:18** II Wa 24:12 ✧ **13:19** Jr 32:44 ✧ **13:20** Jr 1:15 ✧ **13:21** Jr 2:25 ✧ **13:22** Jr 5:19 ✧ **13:23** Pwov 27:22

24 Akoz sa, Mwen va ✨gaye yo kon pay nan van,  
nan van dezè a.  
25 Sa se ✨tiraj osò pa nou,  
pòsyon ke nou resevwa sòti nan Mwen an”, deklare SENYÈ a,  
“akoz nou te bliye Mwen  
e te mete konfyans nan sa ki fo.  
26 Akoz sa, Mwen menm va ✨retire jip ou anwo figi ou,  
pou wont ou kapab vin vizib.  
27 Pou ✨adiltè ou yo e ranni ak anvi pou fè pwostitisyon ou yo,  
jan pwostitisyon ou te vin lèd,  
sou kolin ak nan chan yo, Mwen te wè abominasyon ou yo.  
Malè a ou menm, O Jérusalem!  
Pou jiskilè ou va rete pa pwòp?”

## 14

1 Sa ki te rive selon pawòl SENYÈ a a Jérémie konsènan ✨gwo sechrès la:  
2 Juda kriye ak doulè  
e pòtay li yo vin abandone.  
Yo chita atè pou fè dèy e ✨kri Jérusalem vin monte.  
3 Prens pa yo te ✨voye sèvitè yo cache dlo nan sitèn,  
men nanpwen dlo.  
Yo te retounen ak veso yo vid.  
Yo te vin wont, imilye e yo te kouvri tèt yo.  
4 Akoz ✨tè sèch la vin fann, paske pa t gen lapli sou peyi a;  
kiltivatè yo te vin wont.  
Yo te kouvri tèt yo.  
5 Paske menm femèl sèf nan chan an te fè pitit  
e kite yo, akoz ✨nanpwen zèb.  
6 ✨Bourik mawon yo kanpe sou kolin sèch yo.  
Y ap rale soufle fò tankou chen mawon;  
zye yo vin febli, paske nanpwen anyen ki vèt.  
7 Anverite, inikite nou yo temwaye kont nou,  
O SENYÈ, aji pou koz a non Ou!  
8 O Espwa Israël la,  
✨Sovè li nan tan gwo twoub la,  
poukisa Ou tankou yon etranje nan peyi a?  
Oswa yon vwayajè ki te monte tant li lannwit?  
9 Poukisa Ou tankou yon nonm twouble,  
tankou yon nonm pwisan ki pa kapab bay sekou?  
Malgre sa, Ou nan mitan nou, O SENYÈ e nou vin rele pa non Ou;  
pa abandone nou!  
10 Konsa pale SENYÈ a a pèp sa a:  
“Malgre yo tèlman renmen egare;  
yo pa t kenbe pye yo nan bon kontwòl.  
Akoz sa, SENYÈ a pa aksepte yo;  
koulye a, li va sonje inikite yo e rele yo bay  
kont randi pou peche yo.”

✨ 13:24 Lev 26:33 ✨ 13:25 Job 20:29 ✨ 13:26 Lam 1:8 ✨ 13:27 Jr 5:7-8 ✨ 14:1 Jr 17:8  
✨ 14:2 I Sam 5:12 ✨ 14:3 I Wa 18:5 ✨ 14:4 Jl 1:19 ✨ 14:5 És 15:6 ✨ 14:6 Job 39:5-6  
✨ 14:8 És 43:3

11 Pou sa, SENYÈ a te di m: ✨“Pa fè lapriyè nan favè a pèp sa a. 12 Lè yo fè jèn, Mwen p ap koute kri yo; epi lè yo ofri ofrann brile ak ofrann sereyal, Mwen p ap aksepte yo. Pito Mwen va fè yo disparèt ak nepe, ak gwo grangou, bèt ak maladi k ap ravaje chan yo. 13 Men “A, Senyè, BONDYE a!” Mwen te di: “Gade, pwofèt yo ap di yo: ‘Ou ✨p ap wè nepe, ni gwo grangou, men se lapè k ap rete nèt nan plas sa a.’” 14 Epi SENYÈ a te di Mwen: ✨ “Pwofèt yo ap pwofetize sa ki fo nan non Mwen. Mwen pa t voye yo, ni kòmande yo, ni pale avèk yo; y ap pwofetize yon vizyon ki fo, prediksyon, sa ki san enpòtans, ak manti k ap sòti nan pwòp panse pa yo. 15 Pou sa, pale SENYÈ a, pa pwofèt ki pwofetize nan non Mwen, malgre se pa Mwen ki te voye yo—men yo kontinye ap di: ‘P ap gen nepe ni gwo grangou nan peyi sa a—’ ✨ ‘pa nepe ak gwo grangou, pwofèt sa yo ap rankontre fen yo! 16 Pèp la tou, a sila yo bay pwofesi sa a ap jete deyò nan lari Jérusalem akoz gwo grangou ak nepe; epi p ap menm gen moun ki pou antere yo—ni yo menm, ni madanm yo, ni fis yo ni fi yo—paske Mwen va ✨vide pwòp mechanste pa yo sou yo.

17 Ou va di yo pawòl sa a:  
 ‘Kite zye m koule ak dlo lannwit kon lajounen  
 e pa kite dlo yo sispann;  
 Paske ✨fi vyèj a pèp mwen an te kraze ak yon kou  
 byen pwisan,  
 a yon enfeksyon ki sòti nan maleng.

18 Si mwen ale andeyò peyi a,  
 gade byen, tout sila ki mouri ak nepe yo!  
 Oswa si mwen antre nan vil la; gade byen, maladi ak gwo grangou!  
 Paske ✨pwofèt la, ak prèt la tou te fè ale vini  
 nan yon peyi ke yo pa t menm konnen.’”

19 Èske Ou te rejte Juda nèt?  
 Oswa èske Ou te rayi Sion?  
 Poukisa Ou te frape nou jiskaske nou ✨vin pa ka geri?  
 Nou t ap tann lapè, men anyen ki bon pa t vini.  
 Epi yon tan pou nou ta ka geri;  
 men gade byen, se gwo laperèz!

20 Nou konnen mechanste nou yo, O SENYÈ,  
 inikite a papa zansèt nou yo,  
 paske ✨nou te peche kont Ou.

21 Pa meprize nou, ✨pou koz a pwòp non Ou;  
 pa kite twòn a glwa ou a dezonore;  
 sonje e pa anile akò avèk nou yo.

22 Èske genyen pami zidòl a nasyon yo ki konn bay lapli?  
 Oswa èske syèl yo ka fè lapli pou kont yo?  
 Èske se pa Ou menm, O SENYÈ, Bondye nou an?  
 Akoz sa, nou mete ✨espwa nan Ou,  
 Paske Ou se Sila ki te fè tout bagay sa yo.

## 15

<sup>1</sup> Alò, SENYÈ a te di mwen: “Menm si ✨Moïse ak Samuel te kanpe devan

✨ 14:11 Egz 32:10 ✨ 14:13 Jr 5:12 ✨ 14:14 Jr 5:31 ✨ 14:15 Jr 23:15 ✨ 14:16 Pwov 1:31  
 ✨ 14:17 És 37:22 ✨ 14:18 Jr 6:13 ✨ 14:19 Jr 30:13 ✨ 14:20 Jr 8:14 ✨ 14:21 Sòm 25:11  
 ✨ 14:22 Lam 3:26 ✨ 15:1 Egz 32:11-14

M, kè M pa t ap avèk pèp sa a; voye yo sòti nan prezans Mwen e kite yo ale nè! <sup>2</sup> Epi li va vin rive ke lè yo mande ou: ‘Ki kote nou prale?’, alò, ou va di yo: ‘Se konsa SENYÈ a pale: sila ki ✧pou mouri yo, a lanmò; epi sila ki pou nepe yo, a nepe; epi sila ki pou gwo grangou yo, a gwo grangou e sila ki pou kaptif yo a kaptivite.’

<sup>3</sup> “Mwen va ✧chwazi sou yo kat kalite madichon,” pale SENYÈ a: “nepe ki pou touye, chen ki pou rale fè yo sòti e bèt syèl ak bèt latè pou devore e detwi yo. <sup>4</sup> Mwen va ✧fè yo yon objè sezisman pami tout wayòm latè yo, akoz Manassé, fis a Ézéchias la, wa Juda a, pou sa li te fè Jérusalem nan.

<sup>5</sup> Anverite, se kilès k ap gen pitye pou ou, O Jérusalem?

Oswa kilès k ap ✧fè gwo kri pou ou?

Oswa k ap vire sou kote pou mande si ou byen?

<sup>6</sup> Ou menm ki abandonen Mwen an,” deklare SENYÈ a, “Ou kontinye ap fè bak.

Pou sa, Mwen va ✧lonje men M kont ou pou detwi ou;

Mwen bouke pran pasyans avèk ou!

<sup>7</sup> Mwen va vannen yo ak yon fouchèt vannen, nan pòtay peyi a;

Mwen va ✧prive yo de pitit yo,

Mwen va detwi pèp Mwen an;

yo pa t repanti de chemen yo.

<sup>8</sup> ✧Vè pa yo va vin plis ke grenn sab lanmè devan Mwen;

Mwen va fè parèt kont yo, kont manman a yon jennonm, yon destriktè a midi;

Mwen va sibitman fè desann sou li gwo doulè ak sezisman.

<sup>9</sup> Sila ki te ✧fè sèt pitit gason la ap vin chagren;

l ap mal pou li rale souf.

Solèy pa li te vin desann nan mitan lajounen;

li te soufri wont e li te menm imilye.

Konsa, Mwen va remèt sila ki chape de nepe yo

devan lènmi yo,” deklare SENYÈ a.

<sup>10</sup> Malè a mwen menm, manman mwen, ki te fè mwen an;

yon ✧nonm konfli e yon nonm diskisyon nan tout latè a!

Mwen pa t prete lajan a lòt moun, ni pèsòn pa t prete mwen;

malgre sa, yo tout ban m madichon.

<sup>11</sup> SENYÈ a te di: “Anverite, Mwen va ✧lage ou lib pou sa ki bon;

anverite, Mwen va fè lènmi an fè siplikasyon pou ou

nan yon tan gwo dezaz ak yon tan gwo doulè.

<sup>12</sup> Èske yon moun ka kraze fè;

✧fè ki sòti nan nò, oswa bwonz?

<sup>13</sup> Gwo richès ou ak trezò ou, Mwen va bay yo

kon piyaj ki ✧san frè,

epi sa a pou tout peche ou yo

e anndan tout lizyè ou yo.

<sup>14</sup> Epi Mwen va fè lènmi ou yo mennen yo nan yon

✧peyi ke ou pa konnen;

✧ 15:2 Jr 14:12 ✧ 15:3 Lev 26:16-25 ✧ 15:4 Lev 26:33 ✧ 15:5 Na 3:7 ✧ 15:6 És 1:4

✧ 15:7 Jr 18:21 ✧ 15:8 És 3:25-26 ✧ 15:9 I Sam 2:5 ✧ 15:10 Jr 1:18-19 ✧ 15:11 Sòm 138:3

✧ 15:12 Jr 28:14 ✧ 15:13 Sòm 44:12 ✧ 15:14 Sòm 44:12

paske yon dife te vin limen nan kòlè Mwen  
ki va brile sou ou.”

15 ✧Ou menm ki konnen, O SENYÈ,  
sonje mwen e pran vanjans sou pèsèkitè mwen yo.

Nan pasyans Ou, O SENYÈ, pa retire m nèt;  
rekonèt ke pou non Ou, mwen ap sipòte repwòch.

16 Pawòl Ou yo te vin twouve, mwen te ✧manje yo  
e pawòl Ou yo te vin pou mwen yon gwo jwa  
ak yon plezi pou kè mwen;

paske mwen te rele pa non Ou, O SENYÈ Bondye dèzame yo.

17 Mwen ✧pa t chita nan sèk moun k ap fè banbòch,  
ni mwen pa t vante tèt mwen wo.

Akoz men Ou sou mwen, mwen te chita apa pou kont mwen,  
paske Ou te ranpli mwen ak endiyasyon.

18 Poukisa, doulè mwen an te rete tout tan,  
✧blese mwen an te san gerizon e te vin refize geri?

Èske Ou menm, anverite, ou va devni pou mwen kon  
yon sous twonpe ak dlo sou sila yo pa ka depann?

19 Konsa, pale SENYÈ a:

✧“Si ou retounen; alò, Mwen va restore ou——  
devan M ou va kanpe;

epi si ou separe sa ki presye soti nan sa ki san valè,  
ou va vin pòt pawòl Mwen.

Pou pati pa yo ka petèt vire vè ou menm;

men ou menm, ou pa pou vire kote yo menm.

20 Epi Mwen va fè ou a pèp sa a, yon miray fòtifye ak bwonz;  
epi malgre yo goumen kont ou, yo p ap genyen sou ou;  
paske ✧Mwen avèk ou pou ba ou sekou

e pou delivre ou,” deklare SENYÈ a.

21 Konsa, Mwen va delivre ou nan men a mechan yo  
e Mwen va ✧rachte ou soti nan men sezi a vyolan yo.”

## 16

1 Anplis, pawòl SENYÈ a te vin kote mwen, epi te di: 2 Ou p ap pran yon  
madanm pou ou menm ni fè fis ak fi nan kote sa a.” 3 Paske konsa pale  
SENYÈ a konsènan fis ak fi ki fèt nan plas sila a e konsènan ✧manman yo  
ki te fè yo ak papa yo ki te fè yo nan peyi sa a: 4 “Yo va ✧mouri akoz maladi  
mòtèl yo p ap fè dèy pou yo, ni antere yo; yo va tankou fimye bèt sou sifas  
latè, yo va fini ak nepe ak gwo grangou e kadav yo va devni manje pou  
zwazo syèl ak pou bèt sovaj latè yo.”

5 Paske konsa pale SENYÈ a: “Pa antre nan ✧kay doulè a, ni pa ale kriye  
pou yo, ni pa konsole yo; paske Mwen te retire lapè M de pèp sa a,” deklare  
SENYÈ a: lanmou Mwen ak konpasyon Mwen. 6 Ni gran, ni piti va mouri  
nan peyi sa a; yo p ap antere, yo p ap fè dèy pou yo, ni p ap gen moun  
ki ✧blese kò l oswa pase razwa nan tèt li pou yo. 7 Pèsòn p ap ✧kase pen  
doulè a pou yo, pou konsole okenn moun pou lanmò, ni bay yo yon tas  
konsolasyon pou bwè pou papa yo, oswa manman yo.

✧ 15:15 Jr 12:3 ✧ 15:16 Éz 3:3 ✧ 15:17 Sòm 1:1 ✧ 15:18 Job 34:6 ✧ 15:19 Job 34:6  
✧ 15:20 Sòm 46:7 ✧ 15:21 Jen 48:16 ✧ 16:3 Jr 15:8 ✧ 16:4 Jr 15:2 ✧ 16:5 Éz 24:16-23  
✧ 16:6 Det 14:1 ✧ 16:7 Det 14:1



<sup>8</sup> Anplis, ou ✧pa prale nan yon kay ki gen fèt pou chita ak yo pou manje ak bwè.” <sup>9</sup> Paske konsa pale SENYÈ dèzame yo, Bondye Israël la: “Gade byen, Mwen va ✧elimine nèt nan plas sa, vwa rejwisans ak vwa kè kontan, vwa a jèn gason fenk marye ak vwa a jèn fi marye, devan zye nou e nan pwòp tan pa nou. <sup>10</sup> Alò, lè ou di pèp sa a tout pawòl sa yo, yo va di ou: ✧ ‘Pou ki rezon SENYÈ a te deklare tout gwo malè sa a kont nou? Epi ki inikite oswa ki peche ke nou te fè kont SENYÈ a, Bondye nou an?’ <sup>11</sup> Nan lè sa a, ou gen pou di yo: ✧ ‘Akoz papa zansèt nou yo te abandone Mwen,’ deklare SENYÈ a: ‘pou te swiv lòt dye yo, pou te sèvi yo e te pwostène devan yo; men Mwen, yo te abandone Mwen e yo pa t kenbe lalwa Mwen an. <sup>12</sup> ‘Nou tou, te fè mal ✧plis menm ke papa zansèt nou yo; paske gade byen, nou chak ap mache selon tèt di a pwòp kè mechan pa nou, san koute Mwen. <sup>13</sup> ‘Akoz sa, Mwen va ✧jete nou deyò peyi sa a, antre nan yon peyi ke nou pa t janm konnen, ni nou menm, ni papa zansèt nou yo; epi la, nou va sèvi lòt dye yo lajounen kon lannwit; paske Mwen p ap bannou okenn favè.’

<sup>14</sup> “Akoz sa, gade byen, gen jou k ap vini,” deklare SENYÈ a: “lè sa p ap menm repete ankò: ‘Jan SENYÈ vivan an, ki te mennen, fè fis Israël yo soti nan ✧peyi Égypte la’, <sup>15</sup> Men: ‘Jan SENYÈ vivan an, ki te mennen fè monte fis Israël yo ✧soti nan peyi nò a e soti nan tout peyi kote Li te ekzile yo.’ Paske Mwen va restore yo a pwòp peyi yo, ke Mwen te bay a papa zansèt yo.

<sup>16</sup> Gade byen, Mwen ap voye anpil ✧moun lapèch,” deklare SENYÈ a: “Epi yo va fè lapèch pou yo; epi apre, Mwen va voye anpil moun lachas e yo va fè lachas pou yo nan tout kolin ak nan tout kwen nan gwo wòch yo. <sup>17</sup> Paske zye M sou tout chemen pa yo; yo pa kache devan figi Mwen, ✧ni inikite yo pa kache devan zye M. <sup>18</sup> Premyèman, Mwen va rekonpanse doub tout inikite ak peche yo, akoz yo te ✧fè peyi a pouri nèt; yo te ranpli eritaj Mwen an ak kadav a zidòl abominab yo e ak abominasyon pa yo.”

<sup>19</sup> O SENYÈ, fòs mwen an, sitadèl mwen an e ✧sekou mwen an nan jou gwo malè a; vè Ou menm, nasyon yo va vini soti nan dènnye pwent latè, epi va di:

“Papa zansèt nou yo pa gen okenn eritaj sof ke sa ki fo, san enpòtans ak sa ki san benefis.”

<sup>20</sup> Èske lòm ka fè dye pou kont li?

Malgre ✧se pa dye yo ye!

<sup>21</sup> Akoz sa, gade byen, Mwen va fè yo konnen—

fwa sa a, Mwen va ✧fè yo konnen pouvwa M ak pwisans Mwen;

epi yo va konnen ke non Mwen se SENYÈ a.”

## 17

<sup>1</sup> Peche a Juda ekri ak yon plim fèt an fè;

ak yon pwent dyaman,

li ✧grave sou tablo kè yo ak sou kòn lotèl pa yo,

<sup>2</sup> Menm jan yo sonje ✧pitit pa yo, se konsa yo sonje

✧ **16:8** Ekl 7:2-4 ✧ **16:9** Jr 7:34 ✧ **16:10** Det 29:24 ✧ **16:11** Det 29:25 ✧ **16:12** Jr 7:26  
 ✧ **16:13** Det 4:26-27 ✧ **16:14** Egz 20:2 ✧ **16:15** Sòm 106:47 ✧ **16:16** Am 4:2 ✧ **16:17** Jr 2:22  
 ✧ **16:18** Nonb 35:33-34 ✧ **16:19** Na 1:7 ✧ **16:20** Sòm 115:4-8 ✧ **16:21** Sòm 9:16 ✧ **17:1**  
 Pwov 3:3 ✧ **17:2** Jr 7:18

lotèl pa yo

ak Asherim sou kote bwa vèt sou wo kolin yo.

<sup>3</sup> O! ✧mòn nan vil andeyò Mwen an,

Mwen va bay tout richès ou yo ak tout trezò ou yo kon piyaj;  
wo plas ou yo pou peche, nan tout lizyè ou yo.

<sup>4</sup> Epi ou va menm pou kont ou, ✧kite eritaj ke M te ba ou la;  
epi Mwen va fè ou sèvi lènmi ou yo  
nan peyi ke ou pa konnen an;  
paske ou te limen nan kòlè Mwen yon dife  
ki va brile jis pou tout tan.

<sup>5</sup> Konsa pale SENYÈ a:

✧“Modi se moun ki mete konfyans nan lòm,

ki fè lachè vin fòs li ak kè a sila ki tounen lwen SENYÈ a.

<sup>6</sup> Paske li va tankou ✧bwa raje nan dezè

e li p ap janm wè lè bonè rive;

men li va viv pami savann wòch nan dezè yo,  
nan yon peyi izole, san pèsòn ki rete ladann.

<sup>7</sup> Beni se nonm ki konfye nan SENYÈ a

e sila ke ✧konfyans li se SENYÈ a.

<sup>8</sup> Paske li va tankou yon ab ki plante kote dlo,

ki lonje rasin li akote yon sous dlo.

Li p ap pè lè chalè a rive, men fèy li yo va vèt;

e li p ap twouble nan ane ✧sechrès la, ni sispann bay fwi.

<sup>9</sup> Kè lòm plen ✧ manti plis ke tout lòt yo.

Nanpwen lasante ladann nan. Se kilès ki ka konprann li?

<sup>10</sup> Mwen, SENYÈ a, Mwen sonde kè; Mwen pase panse a leprèv,

✧pou M ka menm bay a chak moun selon chemen pa li,  
selon rezilta a zèv li.

<sup>11</sup> Kon yon pentad ki kale ze ke li pa t ponn,

se konsa sila ki ranmase richès san jistis la.

Nan mitan jou li yo, li va kite li e nan dènye moman an,

li va vin yon ✧moun fou.

<sup>12</sup> ✧Yon twòn plen ak laglwa an wo, soti nan kòmansman an,  
se azil nou.

<sup>13</sup> O SENYÈ, espwa Israèl la, tout moun ki abandone Ou yo,  
va vin wont.

Sila ki vire do ba ou sou latè yo, non yo va vin ✧enskri,

akoz yo te abandone sous dlo vivan an, SENYÈ a menm.

<sup>14</sup> ✧Geri mwen, O SENYÈ e mwen va vin geri;

sove mwen e mwen va vin sove,

paske se Ou menm ki lwanj mwen an.

<sup>15</sup> Gade, y ap ✧di mwen tout tan: “Kote pawòl SENYÈ a?

Kite l vini koulye a”.

<sup>16</sup> Men pou mwen menm, mwen pa t kouri pou m ta sispann  
fè bèje pou Ou,

✧ 17:3 Jr 26:18 ✧ 17:4 Jr 12:7 ✧ 17:5 Sòm 146:3 ✧ 17:6 Jr 48:6 ✧ 17:7 Sòm 40:4 ✧ 17:8  
Sòm 1:1 ✧ 17:9 Wo 7:11 ✧ 17:10 Sòm 62:12 ✧ 17:11 Luc 12:20 ✧ 17:12 Jr 3:17 ✧ 17:13  
Luc 10:20 ✧ 17:14 Jr 30:17 ✧ 17:15 És 5:19

ni mwen pa t anvè wè jou malè sa a;  
 ✧Ou menm, Ou konnen ke tout pawòl lèw mwen yo  
 te nan prezans Ou.

17 Pa ✧teworize mwen;

Ou se azil mwen nan jou gwo twoub la.

18 Ke sila ki pèsikite mwen yo vin wont;  
 men pou mwen menm, pa kite mwen vin wont;  
 kite yo twouble nèt, men pa kite m vin twouble.

✧Mennen sou yo yon jou gwo twoub e kraze yo  
 ak yon destriksyon ki doub!

19 Konsa SENYÈ a te pale mwen: “Ale kanpe nan pòtay piblik la, sou sila  
 wa Juda yo fè antre sòti a, li menm ak tout pòtay Jérusalem yo; 20 Epi di  
 yo: ✧ ‘Koute pawòl SENYÈ a, wa Juda yo e tout Juda ak tout sila k ap viv  
 Jérusalem yo, k ap fè antre sòti nan pòtay sila yo: 21 Konsa pale SENYÈ  
 a: “Veye afè nou e ✧pa pote okenn chay nan jou Saba a, ni mennen anyen  
 antre nan pòtay Jérusalem nan. 22 Nou p ap fè okenn chay sòti lakay nou  
 nan jou Saba a, ni ✧fè okenn travay; men kenbe jou Saba a sen, jan Mwen  
 te kòmande papa zansèt nou yo. 23 Men yo pa t koute, ni panche zòrèy yo;  
 men yo te fè tèt di pou yo pa ta koute, ni vin korije. 24 “Men li va vin rive  
 ke si ou ✧koute M byen pre, deklare SENYÈ a, “pou pa fè chay antre nan  
 pòtay lavil sa a nan jou Saba a, men ou kenbe Saba a sen e pa fè travay  
 sou li, 25 ✧Alò, va genyen moun ki antre nan pòtay lavil sa a, wa ak prens  
 ki chita sou twòn a David yo, monte sou cha yo ak sou cheval yo, yo menm  
 ak prens pa yo, moun Juda ak sila ki rete Jérusalem yo e vil sa a va abite jis  
 pou tout tan. 26 Yo va antre ladann soti nan ✧vil a Juda yo ak tout andwa ki  
 antoure Jérusalem yo, soti nan peyi Benjamin, soti nan ba plèn nan, nan  
 peyi kolin yo ak nan dezè a, ap pote ofrann brile, sakrifis, ofrann sereyal,  
 ak lansan e yo va mennen sakrifis a remèsiman lakay SENYÈ a. 27 Men  
 ✧si nou pa koute Mwen e pa kenbe jou Saba a sen ak sispann pote chay e  
 antre nan pòtay Jérusalem nan jou Saba a; alò, Mwen va limen yon dife  
 nan pòtay li yo, li va devore palè a Jérusalem yo e li p ap etenn menm.” ’ ’ ”

## 18

1 Pawòl ki te vini a Jérémie soti nan SENYÈ a ki te di: 2 “Leve ✧desann  
 lakay mèt krich la e la, Mwen va anonse pawòl Mwen yo a ou menm.”

3 Konsa, mwen te desann lakay mèt krich la, e la li te ye; li t ap fè yon  
 bagay sou wou a. 4 Men veso ke li tap fè ak ajil la, te gate nan men mèt  
 krich la; pou sa, li te refòme l an yon lòt veso jan sa te fè l plezi fè a.

5 Pawòl SENYÈ a te vin kote mwen e te di: 6 Èske Mwen pa kabab, O  
 lakay Israël, aji avèk ou menm jan mèt krich la konn fè a? deklare SENYÈ  
 a. Gade byen, tankou ✧ajil la nan men mèt krich la a, se konsa ou ye  
 nan men Mwen, O lakay Israël. 7 Nan yon moman, Mwen ka petèt pale  
 konsènan yon nasyon, oswa konsènan yon wayòm pou ✧dechouke li, pou  
 jete li atè, oswa pou detwi li; 8 Si nasyon sa a sou sila Mwen te pale a, vin  
 kite mechanste li a, Mwen va vin ✧repanti konsènan gwo twoub ke m te  
 gen entansyon fè rive l la. 9 Oswa, nan yon lòt moman, Mwen ka petèt pale  
 konsènan yon nasyon, oswa konsènan yon wayòm pou ✧bati li, oswa pou

✧ 17:16 Jr 12:3 ✧ 17:17 Sòm 88:15 ✧ 17:18 Sòm 35:8 ✧ 17:20 Esd 2:7 ✧ 17:21 Nonb  
 15:32-36 ✧ 17:22 Egz 16:23-29 ✧ 17:24 Egz 15:26 ✧ 17:25 Jr 22:4 ✧ 17:26 Jr 32:44 ✧ 17:27  
 És 1:20 ✧ 18:2 Jr 19:1-2 ✧ 18:6 És 45:9 ✧ 18:7 Jr 1:10 ✧ 18:8 Sòm 106:45 ✧ 18:9 Jr 1:10

etabli li; <sup>10</sup> Si li fè mal nan zye M e pa obeyi vwa M; alò, Mwen va ✨reflechi yon lòt jan sou byen avèk sila Mwen te fè pwomès beni li an.

<sup>11</sup> Alò, pou sa, pale ak mesye Juda yo e kont moun ki rete Jérusalem yo, epi di: ‘Konsa pale SENYÈ a: “Gade byen, Mwen ap prepare gwo malè kont nou e Mwen ap fòme yon plan kont nou. O! ✨vire fè bak, nou chak, soti nan wout mechan li an e korije de zak nou yo.”’ <sup>12</sup> “Men yo va di: “se san espwa! Paske nou ap swiv pwòp plan pa nou e nou chak va aji selon pwòp panse a ✨kè di nou.’

<sup>13</sup> Akoz sa a, pale SENYÈ a:  
 “Mande, koulye a, pami nasyon yo;  
 se kilès ki konn tande yon koze konsa?  
 ✨Vyèj Israèl la te fè yon bagay pi lèd pase tout bagay.  
<sup>14</sup> Èske lanèj Liban konn kite wòch a yon peyi ki vast?  
 Oswa èske dlo frèt ki koule soti nan yon tè etranje janm  
 fin rache nèt?

<sup>15</sup> Paske pèp Mwen an fin bliye Mwen;  
 ✨yo brile lansan bay dye ki san valè yo  
 e yo chape tonbe kite chemen yo,  
 soti nan chemen ansyen yo, pou mache nan vye ti wout,  
 men pa sou gran chemen an,

<sup>16</sup> Pou fè peyi nou vin yon ✨dega, yon objè moun ap sifle;  
 tout sila ki pase ladann va etone pou sa e va souke tèt yo.

<sup>17</sup> Tankou van lès, Mwen va ✨gaye yo nèt devan lènmi an;  
 nan jou kalamite yo, Mwen va ba yo do m  
 e non pa figi Mwen.

<sup>18</sup> Epi yo te di: “Vini e annou ✨fè konplo kont Jérémie. Anverite, lalwa a pa pral pèdi a prèt la, a konsèy a saj yo, a pawòl sen a pwofèt la! Vini, annou frape li ak kout lang e pa bay atansyon nou a okenn nan pawòl li yo.

<sup>19</sup> Prete atansyon a mwen, SENYÈ e koute sa ke  
 lènmi m yo ap di!

<sup>20</sup> ✨Èske se ak mal ke yon moun dwe rekonpanse sa ki bon?  
 Paske se yon fòs yo fin fouye pou mwen. Sonje kijan mwen te  
 kanpe devan Ou,  
 pou pale sa ki bon pou yo menm,  
 pou m ta ka fè kòlè Ou vire kite yo.

<sup>21</sup> Pou sa, ✨livre pitit yo a gwo grangou  
 e livre yo anba pouvwa a nepe a.  
 Kite madanm pa yo rete san pitit e vè.  
 Kite mesye yo tou vin frape a lanmò;  
 e jennonm yo vin frape ak nepe nan batay la.

<sup>22</sup> Pou yon gwo kri ka tande soti lakay yo;  
 ✨lè sibitman, Ou mennen rive yon bann piyajè sou yo;  
 paske yo te fouye yon fòs pou pran mwen,  
 e te kache pèlen pou pye m.

<sup>23</sup> Malgre sa, Ou menm, O SENYÈ, Ou konnen tout  
 manèv mòtèl yo kont mwen yo.  
 ✨Pa padone inikite pa yo, ni efase peche yo devan zye Ou.

✨ 18:10 I Sam 2:30 ✨ 18:11 II Wa 17:3 ✨ 18:12 Det 29:19 ✨ 18:13 Jr 14:7 ✨ 18:15 És 65:7  
 ✨ 18:16 Jr 25:9 ✨ 18:17 Job 27:21 ✨ 18:18 Jr 11:19 ✨ 18:20 Sòm 109:4 ✨ 18:21 Sòm 109:9  
 ✨ 18:22 Jr 18:20 ✨ 18:23 Né 4:5

Men ke yo ta boulvèse nèt jis yo rive anba devan Ou;  
aji avèk yo nan lè kòlè Ou a!

## 19

<sup>1</sup> Konsa pale SENYÈ a: “Ale achte yon po kanari nan men mèt krich la; pran kèk nan ✧ansyen a pèp yo, ak kèk nan prèt prensipal yo. <sup>2</sup> Epi ale deyò nan ✧vale Ben-Hinnom nan, ki akote antre pòtay kanari kraze a e la, pwoklame pawòl ke M pale ou yo, <sup>3</sup> Epi di: ‘Tande pawòl SENYÈ a, O wa Juda yo ak moun ki rete Jérusalem yo: konsa pale SENYÈ dèzame yo, Bondye Israël la: “Gade byen, Mwen prèt pou mennen gwo malè sou plas sa a, k ap fè ✧zòrèy a tout moun ki tandè yo vin toudi. <sup>4</sup> Akoz yo te abandone Mwen, yo te ✧fè plas sa a vin pa pwòp e yo te brile sakrifis nan li bay lòt dye, ke ni yo menm, ni papa zansèt yo, ni wa a Juda yo pa t janm konnen; epi akoz yo te plen plas sa a ak san a inosan yo, <sup>5</sup> Epi yo te bati ✧wo plas a Baal yo pou brile pwòp fis pa yo nan dife kon ofrann brile a Baal yo, yon bagay ke Mwen pa t janm kòmande, ni pale, ni li pa t janm antre nan tèt Mwen; <sup>6</sup> Akoz sa, gade byen, jou yo ap vini,” deklare SENYÈ a: “pou plas sa a pa rele ✧Topheth ankò, oswa vale Ben-Hinnom; men pito, vale a Gwo Masak la.

<sup>7</sup> “Mwen va ✧fè nil tout konsèy Juda ak Jérusalem nan plas sa a Mwen va fè yo tonbe pa nepe devan lènmi yo e pa men a sila k ap cache lavi yo; epi Mwen va bay kadav yo pou manje a zwazo syèl yo, ak bèt sovaj latè yo. <sup>8</sup> Anplis, Mwen va fè vil sa a yon dega e yon objè degoutan k ap fè moun soufle anlè kon koulèv; ✧tout moun ki pase akote li va vin etone e sifle anlè akoz tout dezans li yo. <sup>9</sup> Mwen va fè yo ✧manje chè pwòp fis pa yo ak fi pa yo, yo va manje chè youn lòt nan syèl la ak nan gwo twoub avèk sila lènmi pa yo ak sila k ap cache lavi yo va twoub yo.”

<sup>10</sup> “Nan moman sa a, ou gen pou kraze ✧kanari a devan zye a tout moun ki akonpanye ou. <sup>11</sup> Epi di yo: ‘Konsa pale SENYÈ dèzame yo: “Se konsa Mwen va ✧kraze pèp sa a ak vil sa a, jis jan ke yon moun kraze yon po kanari, ki pa ka repare ankò; epi yo va antere Topheth, paske p ap gen lòt kote pou fè antèman. <sup>12</sup> Se konsa, mwen va trete plas sa a ak moun ki rete ladann yo,” deklare SENYÈ a, “pou fè vil sa a tankou Topheth. <sup>13</sup> Lakay Juda ak lakay a wa a Juda yo va vin souye kon ✧Topheth, akoz anwo twati a tout kay yo te brile sakrifis a tout lame syèl yo e te vide bwason kon ofrann a lòt dye yo.” ’ ’ ”

<sup>14</sup> Epi Jérémie te sòti Topheth, kote SENYÈ a te voye l pwofetize a; epi li te kanpe nan ✧lakou lakay SENYÈ a e te di a tout pèp la: <sup>15</sup> Konsa pale SENYÈ dèzame yo, Bondye Israël la: ‘Gade byen, Mwen prèt pou mennen sou vil sila a ak tout bouk li yo tout gwo twoub ke M te deklare kont li yo, akoz yo te fè tèt yo di ✧pou pa koute pawòl Mwen yo.’ ”

## 20

<sup>1</sup> Lè Paschhur, prèt la, fis a Immer a, ki te ✧chèf ofisye lakay SENYÈ a, te tandè Jérémie fè pwofesi sila yo, <sup>2</sup> Paschhur te fè yo ✧bat Jérémie, pwofèt la e te mete li nan sèp ki te kote Pòtay Anwo Benjamin an, ki te akote

✧ 19:1 Nonb 11:16 ✧ 19:2 Jos 15:8 ✧ 19:3 I Sam 3:11 ✧ 19:4 Éz 7:22 ✧ 19:5 Nonb 22:41  
✧ 19:6 És 30:33 ✧ 19:7 Sòm 33:10-11 ✧ 19:8 I Wa 9:8 ✧ 19:9 Lev 26:29 ✧ 19:10 Jr 19:1  
✧ 19:11 Sòm 2:9 ✧ 19:13 II Wa 23:10 ✧ 19:14 II Kwo 20:5 ✧ 19:15 Sòm 58:4 ✧ 20:1 II  
Wa 25:18 ✧ 20:2 I Wa 22:27

lakay SENYÈ a. <sup>3</sup> Nan pwochen jou a, lè Paschhur te lage Jérémie sòti nan sèp yo, Jérémie te di li: “Paschhur se pa non ke SENYÈ a te ✧bay ou, men pito Magor-Missabib. <sup>4</sup> Paske konsa pale SENYÈ a: ‘Gade byen, Mwen va fè ou vin yon gwo laperèz pou tèt ou ak a tout zanmi ou yo; pandan zye ou toujou ap gade, yo va tonbe pa nepe lènmi pa yo. Se konsa, mwen va ✧livre tout Juda nan men a wa Babylone nan, li va pote yo ale tankou egzile Babylone e li va touye yo ak nepe. <sup>5</sup> Anplis, Mwen va livre tout richès vil sa a, tout pwodwi li yo ak tout bagay koute chè li yo; menm tout trezò a wa a Juda yo, mwen va livre yo nan ✧men a lènmi yo, yo va piyaje yo, pote yo ale e pote yo Babylone. <sup>6</sup> Epi ou menm, Paschhur, ou menm ak tout sila ki rete lakay ou yo, va ale an kaptivite; ou va antre Babylone, ou va mouri la e la, ou va antere, ou menm avèk tout ✧zanmi ou yo a sila ou te bay fo pwofesi yo.’ ”

<sup>7</sup> O SENYÈ, Ou te twonpe mwen e mwen te vin twonpe;

Ou te venk mwen e Ou te enpoze Ou.

Mwen te vin yon ✧gwo blag tout lajounen;

se tout moun k ap moke mwen.

<sup>8</sup> Paske chak fwa ke m pale, mwen kriye fò;

mwen pwoklame vyolans ak destriksyon;

paske pou mwen, ✧pawòl SENYÈ a te fè m resevwa repwòch ak pase nan rizib tout lajounen.

<sup>9</sup> Men si mwen di: “Mwen p ap sonje Li ankò, ni pale ankò nan non Li”.

Alò, anndan kè mwen vin ✧kon yon dife k ap brile

ki fèmen nan zo mwen.

Mwen bouke kenbe l anndan mwen e mwen vin pa ka sipòte l.

<sup>10</sup> Paske mwen tande ti pawòl nan zòrèy a anpil moun:

“Danje, danje toupatou! Denonse! Wi, annou denonse li!”

Tout zanmi m ke m kon fè konfyans yo, k ap tann pou yo wè lè mwen tonbe, ap di:

“Petèt li va vin twonpe li, pou nou ka vin enpoze nou

kont li e pran vanjans sou li.

<sup>11</sup> Men ✧SENYÈ a avè m kon yon ewo fewòs;

akoz sa, pèsekite mwen yo va tonbe vin fè bak.

Yo p ap reyisi; yo va wont nèt akoz yo fè fayit,

ak yon wont ki p ap janm pase, ki p ap janm bliye.

<sup>12</sup> Sepandan, O SENYÈ dèzame yo, Ou menm ki ✧sonde moun dwat yo,

ki wè panse ak kè a;

kite mwen wè vanjans Ou sou yo;

paske a Ou menm, mwen te konfye ka m nan.

<sup>13</sup> Chante a SENYÈ a, louwe SENYÈ a! paske Li te

✧delivre nanm a malere a soti nan men a malfektè yo.

<sup>14</sup> Kite ✧jou ke mwen te fèt la modi;

kite jou ke manman m te akouche m nan vin pa beni!

<sup>15</sup> Kite nonm ki te mennen nouvell kote papa m nan

e ki te di a: “Yon ✧tigason te fèt a ou menm!”

✧ 20:3 És 8:3 ✧ 20:4 Jr 21:4-10 ✧ 20:5 II Wa 20:17-18 ✧ 20:6 Jr 20:4 ✧ 20:7 Job 12:4

✧ 20:8 II Kwo 36:16 ✧ 20:9 Éz 3:14 ✧ 20:11 Jr 1:8 ✧ 20:12 Sòm 7:9 ✧ 20:13 Sòm 34:6

✧ 20:14 Job 3:3-6 ✧ 20:15 Jen 21:6-7

e ki te fè l byen kontan an, vin modi.

<sup>16</sup> Men kite nonm sa a vin kon gwo vil ke SENYÈ a te ✨kraze nèt san pitye a

e kite li tande gwo kri nan granmmaten ak kri: “Anmwey” a midi;

<sup>17</sup> Akoz li pa t ✨touye m avan mwen te fèt, pou manman m ta ka sèvi kon tonbo a e vant li rete ansent pou tout tan.

<sup>18</sup> Poukisa mwen te janm sòti nan vant, pou m ta ✨gade twoub ak tristès, pou jou m yo ta pase nan wont?

## 21

<sup>1</sup> Pawòl ki te vini kote Jérémie soti nan SENYÈ a, lè ✨Wa Sédécias te voye Paschhur, fis a Malkija a, ak Sophonie, fis a Maaséja a, prèt la, pou di l: <sup>2</sup> Souple, mande a SENYÈ a pou nou menm, paske ✨Nebucadnetsar, wa Babylone nan ap fè lagè kont nou; petèt SENYÈ a va aji avèk nou selon zèv mèvey Li yo, pou lènmi an rete kò l sou nou.

<sup>3</sup> Alò, Jérémie te di yo: “Nou va di Sédécias konsa: <sup>4</sup> ‘Konsa pale SENYÈ Bondye Israèl la: “Gade byen, Mwen prèt pou ✨vire zam lagè ki nan men nou yo, zam ak sila n ap batay kont wa Babylone nan, ak Kaldeyen k ap fè syèj nou deyò miray la; epi Mwen va rasanble yo nan mitan vil sa a. <sup>5</sup> Mwen menm, ✨Mwen va fè lagè kont nou ak yon men lonje, ak yon bra pwisan, menm ak kòlè, gwo kòlè, ak gwo endiyasyon. <sup>6</sup> Anplis, Mwen va frape tout sa ki rete nan vil sa a, ni lòm, ni bèt; yo va mouri akoz yon gwo ✨epidemi. <sup>7</sup> Epi apre”, deklare SENYÈ a: ✨“Mwen va livre Sédécias, wa Juda a ak sèvitè li yo ak pèp la, menm sila ki chape nan vil sa a soti nan epidemi, nepe, ak gwo grangou, pou antre nan men a wa Nebucadnetsar, wa Babylone nan, nan men a lènmi pa yo ak nan men a sila k ap chache lavi yo; epi li va frape yo ak kout nepe. Li p ap lese yo, ni gen okenn pitye, ni konpasyon pou yo.

<sup>8</sup> Anplis, Ou va di a pèp sa a: ‘Konsa pale SENYÈ a: “Gade byen, Mwen ✨mete devan nou chemen lavi ak chemen lanmò. <sup>9</sup> Sila ki ✨rete nan vil sa a va mouri pa nepe ak gwo grangou, ak epidemi; men sila ki soti e desann a Kaldeyen k ap fè syèj kont nou yo, va sove lavi li e lavi li va sèvi kon pwòp piyaj li. <sup>10</sup> Paske Mwen te ✨ranje figi M kont vil sa a pou mal e pa pou byen,” deklare SENYÈ a. “Li va livre nan men a wa Babylone nan e li va brile li ak dife.” ’

<sup>11</sup> Epi di a lakay ✨wa Juda a: ‘Tande pawòl SENYÈ a. <sup>12</sup> O lakay David, konsa pale SENYÈ a: Aji ak jistis chak maten.

Delivre moun ki te vòlè devan pouvwa a sila ki te oprime l la, pou gwo kòlè Mwen pa sòti deyò kon dife e brile yon jan pou okenn pa ka etenn, akoz mechanste a zak yo.

<sup>13</sup> Gade byen, Mwen kontra ou, O! ✨sila ki rete nan ba plèn nan, “deklare SENYÈ a; nou menm k ap di: ‘Se kilès k ap desann kont nou? Oswa se kilès k ap antre nan abitasyon nou yo?’

✨ 20:16 Jen 19:25 ✨ 20:17 Job 3:10-16 ✨ 20:18 Job 3:20 ✨ 21:1 II Wa 24:17-18 ✨ 21:2 II Wa 25:1 ✨ 21:4 Jr 32:5 ✨ 21:5 És 63:10 ✨ 21:6 Jr 14:12 ✨ 21:7 II Wa 25:5-21 ✨ 21:8 Det 30:15-19 ✨ 21:9 Jr 38:2-23 ✨ 21:10 Lev 17:10 ✨ 21:11 Jr 17:20 ✨ 21:13 Sòm 125:2

14 Men Mwen va pini nou ✨selon rezilta zak nou yo”,  
deklare SENYÈ a:  
“Epi Mwen va limen yon dife nan forè li ki va devore tout ozanviwon li.’ ”

## 22

1 Konsa pale SENYÈ a: “Ale desann kote kay wa a Juda a e la, pale pawòl sa a: 2 Epi di: ‘Koute pawòl SENYÈ a, O wa Juda, ki ✨chita sou twòn David la, ou menm, sèvitè ou yo ak pèp ou a ki antre nan pòtay sila yo. 3 Konsa pale SENYÈ a: ✨“Fè jistis ak ladwati e delivre sila ki te vòlè devan pouvwa sila ki te oprime l la. Anplis pa maltrete ni fè vyolans a yon etranje, òfelen an ak vèw la; epi pa vèse san inosan nan plas sa a. 4 Paske si nou menm mesye yo va, anverite, fè bagay sa a; alò, ✨wa yo va antre nan pòtay a kay sa a e va chita nan plas David sou twòn li an, monte sou cha yo ak sou cheval yo menm wa a li menm, sèvitè li yo ak pèp li a. 5 Men si nou pa obeyi pawòl sa yo, Mwen ✨sèmante pa Mwen menm, “deklare SENYÈ a: “ke kay sila a va vin dezole.” ’ ”

6 Paske konsa pale SENYÈ a konsènan kay wa a Juda a:  
“Ou tankou Galaad pou Mwen, tankou tèt mòn a Liban;  
malgre, anverite Mwen va fè nou kon yon ✨dezè,  
kon vil ki abandone.

7 Paske Mwen va mete ✨destriktè apa pou ou,  
yo chak ak zam yo; epi yo va koupe mete atè bwa sèd  
pi chwazi ou yo e jete yo nan dife.

8 Anpil nasyon va pase kote vil sa a; epi yo va ✨di youn lòt: ‘Poukisa SENYÈ a te fè bagay sa a gwo vil sa a? 9 Epi yo va reponn: ‘Akoz yo te ✨abandone akò SENYÈ a, Bondye yo a e te pwostène yo a lòt dye yo e te sèvi yo.’ ”

10 ✨Pa kriye pou mò a  
oswa fè dèy pou li,  
men kriye san rete pou sila ki sòti a;  
paske li p ap janm retounen, ni wè peyi l ankò.

11 Paske se konsa SENYÈ a pale pa ✨Schallum, fis a Josias, wa Juda a, ki te vin wa nan plas Josias, papa li, ki te ale kite plas sa a: “Li p ap janm retounen la; 12 Men nan plas kote li te mennen an kaptivite a; se la, li va ✨mourì e li p ap wè peyi sila ankò.”

13 Malè a sila ki bati kay li ✨san ladwati,  
chanm anlè yo san jistis,  
ki itilize sèvis vwazen li san peye  
e ki pa bay li salè li,

14 Ki di: “Mwen va ✨bati pou mwen menm yon kay  
ak anpil espas,  
ak gwo chanm Anlè, mwen va koupe fenèt li yo,  
ba li panno bwa sèd e pentire l wouj, byen klere.’

15 Èske ou vin wa akòz ou pi fò nan afè bwa sèd?  
Èske papa ou pa t manje, bwè  
e ✨fè jistis ak sa ki dwat?

✨ 21:14 És 3:10-11 ✨ 22:2 És 9:7 ✨ 22:3 És 58:6-7 ✨ 22:4 Jr 17:25 ✨ 22:5 Jen 22:16  
✨ 22:6 Sòm 107:34 ✨ 22:7 És 10:3-6 ✨ 22:8 Det 29:24-26 ✨ 22:9 II Wa 22:17 ✨ 22:10 Ekl  
4:2 ✨ 22:11 II Wa 23:30-34 ✨ 22:12 II Wa 23:34 ✨ 22:13 Jr 17:11 ✨ 22:14 És 5:8 ✨ 22:15  
II Wa 23:25



Epi sa te ale byen pou li.

<sup>16</sup> Li te plede koz a malere ak aflije yo; epi sa te ale byen.

✧Èske se pa sa ki vle di ou rekonèt Mwen an?” Deklare SENYÈ a.

<sup>17</sup> Men zye ou ak kè ou rete sèlman sou richès ki ranmase nan zak malonèt, nan vèsè san inosan, nan opresyon ak vyolans.”

<sup>18</sup> Pou sa, konsa SENYÈ a pale konsènan Jojakim, fis a Josias, wa Juda a: “Yo p ap fè dèy pou li: ni ‘Anmwey, frè m!’ ni ‘Anmwey sè m!’

Yo p ap fè gwo kri pou li: ni ‘Anmwey, mèt mwen!’ ni ‘Anmwey, pou grandè li!’

<sup>19</sup> Li va ✧antere ak antèman bourik; trennen e jete deyò pòtay a Jérusalem yo.

<sup>20</sup> Ale monte kote Liban, kriye fò e leve vwa ou nan Basan; kriye anplis depi ✧Abarim, pou tout moun ki renmen ou yo vin kraze.

<sup>21</sup> Mwen te pale ak ou nan pwosperite ou; men ✧ou te di: “Mwen p ap koute’!

Se te abitud ou depi nan jenès ou, ke ou te refize obeyi lavwa M.

<sup>22</sup> Van va bale fè disparèt tout bèje ou yo e moun ki renmen ou yo tou, va ale an kaptivite; epi ou va, anverite ✧wont e imilye akoz tout mechanste ou yo.

<sup>23</sup> Nou menm k ap viv Liban, ki fè nich ak bwa sèd yo,

a la ou va plenyen nan gòj lè gran doulè a rive sou ou;

✧doulè tankou yon fanm k ap akouche a!

<sup>24</sup> “Kon Mwen viv la”, deklare SENYÈ a: “Menmsi ✧Jeconia, fis a Jojakim nan, te yon bag so nan men dwat Mwen; malgre sa, Mwen ta rale retire ou;

<sup>25</sup> Epi mwen va ✧lese ou tonbe nan men a sila k ap chache lavi ou yo; wi, nan men a sila ke ou krent anpil yo, menm nan men Nebucadnetsar, wa a Babylone nan e nan men a Kaldeyen yo. <sup>26</sup> Mwen va jete ou ak ✧manman ou ki te fè ou a jis nan yon lòt peyi kote ou pa t fèt e la, ou va mouri. <sup>27</sup> Men pou peyi kote yo ta vle retounen an, yo p ap retounen la.

<sup>28</sup> Èske nonm sa a, Jenocia se yon po meprize, kraze nèt? Oswa èske li se yon veso lèd, san valè?

Poukisa li menm ak desandan li yo te ✧jete deyò konsa e depoze nan yon peyi ke yo pa t konnen?

<sup>29</sup> O! peyi, peyi, peyi, ✧tande pawòl SENYÈ a!

<sup>30</sup> Konsa pale SENYÈ a:

“Mete nonm sa a nan lis kon ✧“san pitit”;

yon nonm ki p ap reyisi nan jou li yo;

paske nanpwen moun nan desandan li yo ki va reyisi,

ni k ap chita sou twòn David la,

ni gouvènè ankò nan Juda.’ ”

✧ 22:16 I Kwo 28:9 ✧ 22:19 I Wa 21:23 ✧ 22:20 Nonb 27:12 ✧ 22:21 Jr 13:10 ✧ 22:22 És 65:13 ✧ 22:23 Jr 4:31 ✧ 22:24 II Wa 24:6 ✧ 22:25 II Wa 24:15-16 ✧ 22:26 II Wa 24:8 ✧ 22:28 Jr 15:1 ✧ 22:29 Det 4:26 ✧ 22:30 I Kwo 3:17

## 23

1 “Malè a bèje k ap ✨detwi e gaye mouton patiraj Mwen yo” deklare SENYÈ a. 2 Akoz sa, pale SENYÈ Bondye Israèl la konsènan bèje k ap fè gadyen pèp Mwen yo: “Nou fin gaye bann mouton Mwen, chase yo ale e nou pa t okipe yo: gade byen, Mwen prèt pou ✨regle nou pou mechanste a zak nou yo,” deklare SENYÈ a. 3 Epi Mwen menm, Mwen va ✨rasanble retay a bann mouton Mwen an soti nan tout peyi ke m te pouse yo ale yo e mennen yo retounen nan pa yo, yo va vin bay fwi e peple anpil. 4 Anplis, Mwen va leve bèje sou yo e yo va okipe yo; epi yo ✨p ap pè ankò, ni plen ak laperèz ni okenn moun p ap manke,” deklare SENYÈ a.

5 “Gade byen, jou yo ap vini”, deklare SENYÈ a:  
 “Lè Mwen va fè leve pou lakay David,  
 yon ✨branch plen ladwati;  
 epi li va renye kon wa, ajì ak sajès e fè jistis  
 ak ladwati nan peyi a.

6 Nan jou Li yo, Juda va sove e Israèl va rete ansekirite;  
 epi sa se ✨non pa sila yo va rele Li a:  
 ‘SENYÈ a, Ladwati Nou an.’

7 ✨“Akoz sa, gade byen, jou yo ap vini”, deklare SENYÈ a: “lè yo p ap di ankò:  
 ‘Kon SENYÈ a ki te mennen fè monte fis Israèl yo soti nan peyi Égypte la  
 viv la,’ 8 men: ‘Kon SENYÈ a, ki te ✨mennen e fè retounen desandan lakay  
 Israèl yo soti nan peyi nò a e soti nan tout peyi kote mwen te chase yo ale  
 yo, viv la.’ Epi yo va viv sou pwòp tèren pa yo.”

9 Epi pou pwofèt yo:  
 ✨kè m fin kase anndan m e tout zo m yo tranble;  
 mwen vin kon yon moun sou, menm yon moun  
 ki soumèt anba gwòg, akoz SENYÈ a  
 e akoz pawòl sen Li yo.

10 Paske peyi a plen ak ✨adiltè;  
 paske peyi a fè lamantasyon akoz madichon.  
 Patiraj nan savann yo fin seche.  
 Y ap kouri nan move chemen  
 e pwisans yo pa pou sa ki dwat.

11 ✨Ni pwofèt ni prèt yo vin pouri nèt;  
 menm anndan lakay Mwen an, Mwen jwenn mechanste yo”,  
 deklare SENYÈ a.

12 Akoz sa, chemen pa yo va tankou yon wout glise pou yo;  
 yo va vin chase jis rive nan fènwa  
 e vin glise tonbe ladann;  
 paske Mwen va mennen gwo kalamite sou yo  
 nan ane pinisyon yo,” deklare SENYÈ a.

13 Anplis, pami pwofèt Samarie yo,  
 Mwen te wè yon move bagay:  
 yo te ✨pwofetize pa Baal  
 e yo te egare pèp Mwen an, Israèl.

14 Osi, pami pwofèt Jérusalem yo, Mwen te wè yon move bagay:

✨ 23:1 És 56:9-12 ✨ 23:2 Egz 32:34 ✨ 23:3 És 11:11-16 ✨ 23:4 Jr 30:10 ✨ 23:5 És 4:2  
 ✨ 23:6 És 7:14 ✨ 23:7 És 43:18-19 ✨ 23:8 És 43:5-6 ✨ 23:9 Jr 8:18 ✨ 23:10 Sòm 107:34  
 ✨ 23:11 Jr 6:13 ✨ 23:13 I Wa 18:18-21

Zak ✨adiltè, e yo mache nan sa ki fo;  
epi yo ranfòse men a malfektè yo,  
pou okenn moun pa vire kite mechanste li.  
Yo tout vin pou Mwen tankou Sodome  
e abitan li yo kon Gomorrhe.

15 Akoz sa, pale SENYÈ dèzame yo konsènan pwofèt yo:  
‘Gade byen, Mwen ap bay yo ✨manje bwa lanmè  
e fè yo bwè dlo anpwazone,  
paske soti nan pwofèt Jérusalem yo,  
tout kalite pouriti gaye nan tout peyi a.’

16 Konsa pale SENYÈ dèzame yo:  
“Pa koute pawòl a pwofèt k ap fè pwofetize devan nou yo.  
Y ap ✨mennen nou nan bagay ki pou ryen;  
yo pale yon vizyon ki sòti nan pwop Imajinasyon pa yo,  
men pa nan bouch SENYÈ a.

17 Yo kontinye di a sila k ap meprize Mwen yo,  
SENYÈ a te di: ✨“Nou va gen lapè”  
e pou tout sila k ap mache nan pwòp tèt di yo, yo di:  
“Malè p ap rive nou.’

18 Men se kilès ki te kanpe nan konsèy a SENYÈ a,  
pou l ta wè e tande pawòl li?  
Kilès ki te ✨prete atansyon a pawòl li e ki te koute?

19 Gade byen, ✨tanpèt SENYÈ a vin sòti nan gwo kòlè li,  
tankou yon toubiyon k ap vire touwon;  
li va vire desann sou tèt a mechan an.

20 ✨Kòlè SENYÈ a p ap vire fè bak jiskaske Li fin fè  
e acheve tout volonte a kè li yo.  
Nan dènye jou yo, nou va konprann sa byen klè.

21 Mwen pa t voye ✨pwofèt sila yo, men yo te kouri.  
Mwen pa t pale ak yo, men yo te fè pwofesi.

22 Men si yo te konn ✨kanpe nan konsèy Mwen an;  
alò, yo t ap anonse pawòl Mwen yo a pèp Mwen an  
e yo t ap fè yo vire fè bak kite wout mechan yo,  
ak mechanste a zak pa yo.”

23 “Èske Mwen se pa yon Bondye ki ✨toupren?”  
deklare SENYÈ a: “E ki pa yon Bondye ki lwen?”

24 Èske yon nonm ka kache kò l yon kote kachèt pou M pa wè l?”  
deklare SENYÈ a?

✨“Èske Mwen pa ranpli syèl yo ak tè a?”  
deklare SENYÈ a?”

25 Mwen te tande sa pwofèt ki fè ✨fo pwofesi nan non Mwen yo te di, y  
ap di: mwen te fè yon rèv, mwen te fè yon rèv!’ 26 Pou konbyen de tan?  
Èske gen yon bagay nan kè pwofèt ki fè fo pwofesi yo, menm pwofèt sila  
ki ✨twonpe pwòp kè yo? 27 Ki gen entansyon ✨fè pèp Mwen an bliye non  
Mwen ak rèv ke yo repete youn ak lòt yo, menm jan ke papa zansèt yo te

✨ 23:14 Jr 29:23 ✨ 23:15 Det 29:18 ✨ 23:16 Jr 27:9-10 ✨ 23:17 Jr 8:11 ✨ 23:18 Job 33:31  
✨ 23:19 Jr 25:32 ✨ 23:20 II Wa 23:26 ✨ 23:21 Jr 14:14 ✨ 23:22 Jr 9:12 ✨ 23:23 Sòm  
139:1-10 ✨ 23:24 I Wa 8:27 ✨ 23:25 Jr 14:14 ✨ 23:26 I Tim 4:1-2 ✨ 23:27 Det 13:1-3

bliye non M akoz Baal? <sup>28</sup> Pwofèt ki fè rèv la kapab repete rèv li a, men kite li ki gen pawòl pa M, pale pawòl pa M nan ak verite. ✧Èske gen yon bagay nan pay ki sanble ak sereyal? <sup>29</sup> “Èske pawòl Mwen pa tankou yon dife?” deklare SENYÈ a: “E li pa tankou yon ✧mato ki kraze fann wòch?”

<sup>30</sup> Pou sa, gade byen, ✧Mwen kont pwofèt yo, “deklare SENYÈ a: “Ki vòlè pawòl Mwen yo soti nan youn lòt.” <sup>31</sup> “Gade byen, Mwen kont pwofèt yo”, deklare SENYÈ a: “Ki sèvi lang ak yo pou deklare, ‘SENYÈ a deklare’.” <sup>32</sup> Gade byen, Mwen kont sila ki te fè pwofesi fo ✧rèv” deklare SENYÈ a: “E ki te repete yo pou egare pèp Mwen yo pa manti yo ak ògèy san kontwòl yo; malgre se pa Mwen ki te voye yo ni kòmande yo, ni yo pa founi okenn benefis pou pèp sa a,” deklare SENYÈ a.

<sup>33</sup> Alò, lè pèp sa a, pwofèt la oswa prèt la mande ou e di: ‘Se kilès ki ✧pòt pawòl SENYÈ a?’ alò, ou va reponn yo: ‘Ki pòt pawòl sa a?’ SENYÈ a deklare: “Mwen va abandone nou.’ <sup>34</sup> Epi pou pwofèt la, prèt la oswa pèp la ki di: ✧ ‘Pòt pawòl SENYÈ a’, Mwen va mennen pinisyon sou moun sila a ak lakay li. <sup>35</sup> Konsa nou chak va di a vwazen li, ak frè li: ✧ ‘Se ki repons SENYÈ a te bay’, oswa se ak kilès SENYÈ a te pale?’ <sup>36</sup> Paske nou p ap sonje pwofesi SENYÈ a ankò, akoz pawòl a chak moun va vin pwofesi e nou te ✧tòde pawòl a SENYÈ dèzame yo, Bondye nou an. <sup>37</sup> Konsa, nou va di a pwofèt sa a: ‘Ki repons SENYÈ a te bannou?’ epi ‘Kisa SENYÈ a te di?’ <sup>38</sup> Paske si nou di: ‘Pwofesi SENYÈ a!’ anverite, konsa pale SENYÈ a: “Men akoz nou te sèvi pawòl sila a, “pwofesi SENYÈ a!”; Mwen, anplis, voye kote nou pou di: “Nou pa pou di ‘Pwofesi SENYÈ a!’” <sup>39</sup> Akoz sa, gade byen, ✧Mwen va, anverite, bliye nou e jete nou lwen prezans Mwen, ansanm ak vil ke M te bannou ak papa zansèt nou yo. <sup>40</sup> Mwen va fè poze yon ✧repwoch ki p ap janm sòti sou nou, ak yon imilyasyon ki p ap janm bliye.”

## 24

<sup>1</sup> Apre ✧Nebucadnetsar, wa Babylone nan, te pote Jeconia, fis a Jojakim nan, wa Juda a, dirijan a Juda yo ak gwo atizan ak bès fòjewon Jérusalem yo pou te mennen yo Babylone, SENYÈ a te montre mwen: gade byen, de panyen fig etranje ki te plase devan tanp SENYÈ a! <sup>2</sup> Yon panyen te gen bon fig etranje yo, tankou nan ✧premye rekòlt yo e lòt panyen an te gen move fig ki pa t ka manje akoz yo te pouri.

<sup>3</sup> Epi SENYÈ a te di m: ✧“Kisa ou wè, Jérémie?”

Epi mwen te di: “Fig etranje yo, bon fig etranje yo, byen bon; epi move fig etranje yo, byen move, ki pa ka manje akoz yo pouri.” <sup>4</sup> Epi pawòl SENYÈ a te vin kote mwen e te di: <sup>5</sup> “Konsa pale SENYÈ Israël a ‘Tankou bon fig etranje yo, konsa Mwen va konsidere ✧kon bon, kaptif a Juda yo, ke m te voye sòti nan plas sa a pou antre nan peyi Kaldeyen yo. <sup>6</sup> Paske Mwen va fikse zye M sou yo pou byen e Mwen va ✧mennen yo ankò nan peyi sa a; epi Mwen va bati yo e Mwen p ap ranvèse, Mwen va plante yo e Mwen p ap rache yo. <sup>7</sup> Mwen va bay yo yon ✧kè pou rekonèt Mwen, paske Mwen se

✧ 23:28 I Kor 3:12-13 ✧ 23:29 II Kor 10:4-5 ✧ 23:30 Det 18:20 ✧ 23:32 Det 13:1-2 ✧ 23:33 És 13:1 ✧ 23:34 Lam 2:14 ✧ 23:35 Jr 33:3 ✧ 23:36 Gal 1:7-8 ✧ 23:39 Jr 7:14-15 ✧ 23:40 Jr 20:11 ✧ 24:1 II Wa 24:10-16 ✧ 24:2 Mi 7:1 ✧ 24:3 Jr 1:11-13 ✧ 24:5 Na 1:7 ✧ 24:6 Jr 12:15 ✧ 24:7 Jr 12:15

SENYÈ a; epi yo va pèp Mwen e Mwen va Bondye yo, paske yo va retounen kote Mwen ak tout kè yo.

<sup>8</sup> Men tankou move fig etranje ki pa ka manje akoz yo pouri yo— anverite, konsa pale SENYÈ a—konsa Mwen va abandone Sédécias, wa Juda a, dirijan li yo, ✧retay Jérusalem ki rete nan peyi sa a, ak sila ki rete nan peyi Égypte yo. <sup>9</sup> Mwen va fè yo vin yon gwo laperèz ak yon mal pou tout wayòm latè yo, kon repwòch, yon vye mo, yon rizib e yon ✧madichon tout kote ke M gaye yo. <sup>10</sup> Mwen va voye ✧nepe ak gwo grangou, maladi ak bèt pou ravaje chan yo jiskaske yo fin detwi soti nan peyi ke M te bay a yo menm nan ak papa zansèt yo.’”

## 25

<sup>1</sup> Pawòl ki te rive kote Jérémie konsènan tout pèp a Juda a, nan katriyèm ane a ✧Jojakim, fis a Josias, wa Juda a, (ki te nan premye ane Nebucadnetsar, wa Babylone nan), <sup>2</sup> Ke Jérémie, pwofèt la, te pale a tout ✧pèp Juda a e a tout moun ki te rete Jérusalem yo, epi te di: <sup>3</sup> Depi nan trèzyèm ane Josias, fis a Amon an, wa Juda a, menm rive nan jou sa a, pandan venn-twazan sila yo, pawòl SENYÈ a te vin kote mwen, mwen te pale avèk nou ankò e ankò, men nou pa t koute, ni nou pa t panche zòrèy nou pou tande.

<sup>4</sup> Epi SENYÈ a te voye bannou tout ✧sèvitè Li yo ak pwofèt yo, ankò e ankò, men nou pa t koute, ni panche zòrèy nou pou koute, <sup>5</sup> Epi Li te di: ✧ ‘Vire koulye a nou tout e kite wout mechan nou, mechanste a zak nou yo e vin rete nan peyi ke SENYÈ a te bannou ak papa zansèt nou yo pou tout tan, jis rive pou tout tan; <sup>6</sup> Epi ✧pa mache dèyè lòt dye pou sèvi e adore yo; epi pa pwovoke M a lakòlè ak zèv men nou yo e Mwen p ap fè nou okenn mal.’

<sup>7</sup> “Sepandan, nou pa t janm koute Mwen,” deklare SENYÈ a: “pou nou ka pwovoke m a lakòlè ak zèv men nou yo, jis rive nan pwòp donmaj nou.

<sup>8</sup> Pou sa, konsa pale SENYÈ dèzame yo: “Akoz nou pa t obeyi pawòl Mwen yo, <sup>9</sup> Gade byen, Mwen va voye pran tout fanmi nò yo, ‘deklare SENYÈ a: ‘Epi Mwen va voye kote Nebucadnetsar, wa Babylone nan, ✧sèvitè Mwen an, Mwen va fè yo vini kont peyi sa a, kont tout moun ki rete ladann yo e kont tout nasyon ki antoure li yo; epi Mwen va detwi yo nèt, fè yo vin yon gwo laperèz, yon objè moun sifle kon koulèv ak yon dezolasyon k ap la pou tout tan. <sup>10</sup> Anplis, Mwen va ✧retire sou yo vwa ki plen ak lajwa a e vwa a kè kontan an, vwa a jennonm ki fenk marye, vwa a a jenn fi marye a, son a wòch moulen yo ak limyè a lanp lan. <sup>11</sup> Tout peyi sa a va vin yon dezolasyon ak yon gwo laperèz e nasyon sa yo va sèvi wa Babylone nan pandan ✧swasann-dis ane.

<sup>12</sup> Epi li va vin rive ke ✧lè swasann-dis ane vin fini, Mwen va pini wa Babylone nan ak nasyon sa a,” deklare SENYÈ a: “pou inikite pa yo, ak peyi Kaldeyen yo; epi Mwen va fè li vin yon dezolasyon nèt jis pou tout tan.

<sup>13</sup> Mwen va fè rive sou peyi sa a tout pawòl Mwen ke Mwen te pwononse kont li yo, tout sa ki ekri nan ✧liv sa a, ke Jérémie te fè kon pwofesi kont tout nasyon sa yo. <sup>14</sup> (Paske, ✧anpil nasyon ak gwo wa va fè yo vin esklav, menm yo menm; epi Mwen va rekonpanse yo selon zèv yo.)”

<sup>15</sup> Paske konsa SENYÈ a, Bondye Israèl la di mwen: “Pran ✧tas diven kòlè

✧ 24:8 Jr 39:9 ✧ 24:9 És 65:15 ✧ 24:10 És 51:19 ✧ 25:1 II Wa 24:1-2 ✧ 25:2 Jr 18:11  
 ✧ 25:4 II Kwo 36:15 ✧ 25:5 II Wa 17:13 ✧ 25:6 Det 6:14 ✧ 25:9 És 13:3 ✧ 25:10 És 24:8-11  
 ✧ 25:11 II Kwo 36:21 ✧ 25:12 Esd 1:1 ✧ 25:13 Jr 36:4-32 ✧ 25:14 Jr 27:7 ✧ 25:15 Job 21:20

sa a soti nan men Mwen e fè tout nasyon kote Mwen voye ou yo bwè l.  
 16 Yo va ✨bwè, kilbite e vin fou akoz nepe ke Mwen va voye pami yo.

17 Epi mwen te pran tas la nan men SENYÈ a e mwen te ✨fè tout nasyon sou sila SENYÈ a te voye mwen yo, bwè l: 18 ✨Jérusalem ak vil Juda yo, wa pa li yo ak prens li yo, pou fè yo vin detwi nèt, yon gwo laperèz, yon objè k ap fè moun sifle anlè kon koulèv, yon madichon, jis jan sa ye jodi a; 19 ✨Farawon, wa Égypte la, sèvitè li yo, prens li yo ak tout pèp li a; 20 Epi tout etranje yo, tout wa ✨peyi Uts yo, tout wa peyi Filisten yo, menm Askalon, Gaza, Ékron, ak sila ki rete Asdod yo; 21 Édom, ✨Moab ak fis Ammon yo; 22 Epi tout wa Tyr yo, tout wa Sidon yo ak wa ✨peyi kot ki lòtbò lanmè yo; 23 Epi Dedan ak Théma, ak ✨Buz e tout sila ki koupe kwen cheve yo 24 Epi tout wa Arabie yo ak tout wa a pèp etranje ki rete nan dezè yo; 25 Epi tout wa Zimri yo, tout wa a ✨Élam yo ak tout wa a Médie yo; 26 Epi tout wa nò yo, ni pre, ni lwen, youn avèk lòt; epi ✨tout wayòm latè ki sou sifas tè a ak wa a Schéschac la va bwè apre yo.

27 Ou va di yo: ‘Konsa pale SENYÈ dèzame yo, Bondye Israèl la, “Bwè, vin sou, vomi, tonbe e pa leve ankò akoz ✨nepe ke Mwen va voye pami nou an.”’ 28 Epi li va vin rive ke si yo ✨refize pran tas la nan men ou pou bwè, alò ou va di yo: ‘Konsa pale SENYÈ dèzame yo: “Anverite, nou va bwè! 29 Paske gade byen, Mwen ap kòmanse fè yon zèv k ap yon kalamite nan vil sa a, ki ✨rele pa non Mwen an, èske nou va konplètman chape anba pinisyon? Nou p ap chape anba pinisyon, paske Mwen ap fè apèl a nepe kont tout sila ki rete sou latè yo”, deklare SENYÈ dèzame yo.’

30 Akoz sa, ou va pwofetize kont yo ak tout pawòl sa yo, epi ou va di yo: ‘SENYÈ a va ✨ gwonde fò depi anwo; vwa l va eksprime depi nan abitasyon sen li an; Li va gwonde ak pwisans kont bann mouton pa li an. Li va rele fò tankou sila k ap foule rezen yo, kont tout sila ki rete sou latè yo.

31 Yon zen vin rive soti nan dènye ekstremitè latè, akoz SENYÈ a ✨gen yon kont pou regle ak tout nasyon yo. Li ap antre nan jijman ak tout chè yo; epi pou mechan yo, li va livre yo a nepe,’ deklare SENYÈ a.”

32 Konsa pale SENYÈ dèzame yo: “Gade byen, mal la va sòti vin parèt de nasyon a nasyon e yon ✨gwo tanpèt ap tòde sòti nan pwent ki pi lwen mond lan.

33 Sila ki ✨touye pa SENYÈ yo nan jou sa a va soti nan yon pwent latè jis rive nan lòt la. Yo p ap kriye pou yo, vin ranmase oswa antere; yo va tankou fimye bèt sou sifas latè.

34 Kriye fò, nou menm k ap fè bèje yo e rele anmwey; woule kò nou nan sann, nou menm ki mèt a bann mouton yo; paske jou a ✨masak nou yo ak egzil la fin rive e nou va tonbe kon veso pi chwazi a.

✨ 25:16 Na 3:11 ✨ 25:17 Jr 1:10 ✨ 25:18 Sòm 60:3 ✨ 25:19 Jr 46:2-28 ✨ 25:20 Job 1:1  
 ✨ 25:21 Jr 48:1-47 ✨ 25:22 Jr 31:10 ✨ 25:23 Jen 22:21 ✨ 25:25 Jen 10:22 ✨ 25:26 Jr 25:9  
 ✨ 25:27 Éz 21:4-5 ✨ 25:28 Job 34:33 ✨ 25:29 I Wa 8:43 ✨ 25:30 Jl 2:11 ✨ 25:31 Os 4:1  
 ✨ 25:32 És 30:30 ✨ 25:33 És 34:2-3 ✨ 25:34 És 34:6-7

35 ✨Sove ale va enposib pou bèje yo e chape pou mèt a bann mouton yo.  
 36 Tande kri a bèje yo e plent a mèt bann mouton yo? Paske SENYÈ a ap detwi patiraj yo,  
 37 Epi ✨pak mouton lapè yo vin fè silans, akoz gwo kòlè SENYÈ a.”  
 38 Li te kite kote kachèt Li yo ✨kon lyon an; paske peyi yo te vin devni yon gwo laperèz akoz gwo vyolans nepe k ap oprime a e akoz gwo raj a kòlè Li.

## 26

1 Nan kòmansman règn a ✨wa Jojakim nan, fis a Josias la, wa a Juda a, pawòl sa a te sòti nan SENYÈ a, epi te di: 2 “Konsa pale SENYÈ a: ‘Kanpe nan lakou lakay SENYÈ a e pale ak tout vil a Juda ki te vin adore lakay SENYÈ a, tout pawòl ke M te kòmande ou pou pale avèk yo ✨Pa manke menm yon mo! 3 Petèt yo va koute e tout moun va vire kite pwòp wout mechan pa yo, pou M ✨ta kapab repanti de malè ke M planifye pou fè rive yo akoz mechanste a zak yo.’ 4 Epi ou va di yo: ‘Konsa pale SENYÈ a: ✨“Si nou refize koute Mwen, pou mache nan lalwa ke M te mete devan nou an, 5 Pou koute pawòl a ✨sèvitè Mwen yo, pwofèt ke M te voye a nou menm tout tan, tout tan yo, men nou pa t koute; 6 konsa, Mwen va fè kay sila kon Silo e vil sa a, Mwen va fè li vin yon ✨madichon pou tout nasyon sou latè yo.” ’ 7 ✨Prèt yo, pwofèt yo ak tout pèp la te tande Jérémie pale pawòl sa yo lakay SENYÈ a. 8 Lè Jérémie te fin pale tout sa ke SENYÈ a te kòmande pale a tout pèp la, prèt yo ak pwofèt yo ak tout pèp la te sezi li e te di: ✨“Fòk ou mouri! 9 Poukisa ou te pwofetize nan non SENYÈ a e te di: “Kay sa a va tankou Silo e vil sa a va vin dezète, san moun?” Epi ✨tout pèp la te rasanble antoure Jérémie lakay SENYÈ a. 10 Lè ofisye a Juda yo te tande bagay sa yo, yo te vin monte soti lakay a wa a pou rive lakay SENYÈ a e te chita nan antre Pòtay Nèf lakay SENYÈ a. 11 Epi prèt yo ak pwofèt yo te pale ak ofisye yo e a tout pèp la e te di: “Nonm sa a merite mouri! Li te pwofetize kont vil sila a, jan nou te koute ak pwòp tande nou an. 12 Epi Jérémie te pale ak tout ofisye yo ak tout pèp la, epi te di: ✨“SENYÈ a te voye mwen pou pwofetize kont tout kay sila a, tout pawòl ke nou te tande yo. 13 Alò, pou sa, ✨korije chemen nou yo ak zèv nou yo e obeyi a vwa SENYÈ a, Bondye nou an; epi SENYÈ a va chanje lide sou malè ke Li te pwononse kont nou an. 14 Men pou mwen menm, ✨se nan men nou mwen ye; fè sa nou pito avè m jan nou wè li bon nan zye nou an. 15 Sèlman, konnen byen ke si nou mete m a lanmò, nou va mennen ✨san inosan vin tonbe sou nou menm; paske anverite, SENYÈ a te voye mwen kote nou pou pale tout pawòl sa yo pou nou ka tande. 16 Epi ofisye yo ak tout pèp la te di a prèt yo e a pwofèt yo: ✨“Nou p ap pase lòd lanmò pou nonm sa a! paske li te pale nou nan non SENYÈ a, Bondye nou an.” 17 Epi ✨kèk nan ansyen a Peyi yo te leve e te pale a tout asanble a pèp la epi te di: 18 ✨Michée, moun

✨ 25:35 Job 11:20 ✨ 25:37 És 27:10 ✨ 25:38 Jr 4:7 ✨ 26:1 II Wa 23:36 ✨ 26:2 Det 4:2  
 ✨ 26:3 Jr 18:8 ✨ 26:4 Lev 26:14 ✨ 26:5 II Wa 9:7 ✨ 26:6 II Wa 22:19 ✨ 26:7 Jr 5:31  
 ✨ 26:8 Jr 11:19 ✨ 26:9 Trav 3:11 ✨ 26:12 Jr 1:17-18 ✨ 26:13 Jr 7:3-5 ✨ 26:14 Jr 38:5  
 ✨ 26:15 Nonb 35:33 ✨ 26:16 Trav 5:34-39 ✨ 26:17 Trav 5:34 ✨ 26:18 Mi 1:1

Moréscheth la, te pwofetize nan tan Ézéchias, wa Juda a; epi li te pale a tout pèp Juda a e te di: ‘Konsa SENYÈ dèzame yo te pale: “Sion va raboure kon yon chan, Jérusalem va vin yon pil mazi e mòn kay la kon pwent ki piwo nan yon forè.” ’<sup>19</sup> Èske Ézéchias, wa Juda a, ak tout Juda te mete l a lanmò? Èske li pa t gen lakrent SENYÈ a, chache favè SENYÈ a e SENYÈ a te chanje lide Li sou malè ke li te pwononse kont yo a? Men nou ap komèt yon gwo mal kont pwòp tèt pa nou.<sup>20</sup> Anverite, te gen yon nonm ki te pwofetize nan non SENYÈ a, Urie, fis a Schemaeja a, a ✧Kirjath-Jearim; epi li te pwofetize kont vil sa a e kont peyi sa a, pawòl parèy a tout sa a Jérémie yo.<sup>21</sup> Lè wa Jojakim ak tout mesye pwisan pa li yo ak tout ofisyè yo te tandè pawòl li yo. Alò, wa a te eseye mete l a lanmò; men Urie te tandè; li te krent e li te ✧sove ale rive an Égypte.<sup>22</sup> Epi wa Jojakim te voye mesye li yo an Égypte: Elnathan, fis a Acbor a e kèk lòt mesye avèk li te ale antre an Égypte.<sup>23</sup> Epi yo te mennen Urie soti an Égypte, te fè l rive kote wa Jojakim ki te ✧touye l ak yon nepe e te jete kadav li nan simityè endijan yo.<sup>24</sup> Men men Achikam, fis a Schaphan nan, te avèk Jérémie, ki te fè l ✧pa rive nan men a pèp la pou mete l a lanmò.

## 27

<sup>1</sup> Nan kòmansman règn wa ✧Sédécias, fis a Josias la, wa Juda a, pawòl sa a te rive kote Jérémie soti nan SENYÈ a, epi te di: —<sup>2</sup> Konsa SENYÈ a pale ak mwen— “Fè pou kont ou ✧lyen ak jouk e mete yo sou kou ou,<sup>3</sup> Epi voye pawòl kote wa ✧Edom an, wa Moab la, wa a fis Ammon yo, wa Tyre la e wa a Sidon an pa mesaje ki vini Jérusalem kote Sédécias, wa Juda a.<sup>4</sup> Kòmande yo ale kote mèt pa yo e di yo: ‘Konsa pale SENYÈ dèzame yo, Bondye Israèl la, konsa nou va di a mèt nou yo,<sup>5</sup> “Mwen te fè latè, lèzòm ak bèt ki sou sifas latè yo ✧pa gran pouvwa Mwen, pa men M lonje e Mwen va bay li a sila ki fè M plezi nan zye mwen.<sup>6</sup> Koulye a, Mwen ✧te bay tout peyi sila yo nan men a Nebucadnetsar, wa Babylone, sèvitè Mwen an e Mwen te bay li, anplis, bèt sovaj chan yo pou sèvi li.<sup>7</sup> Tout nasyon yo va sèvi li e fis li ak gran fis li jis rive nan lè pwòp peyi li vini; nan moman sa a, anpil nasyon ak anpil wa va fè li vin sèvitè yo.

<sup>8</sup> Li va rive ke nasyon oswa wayòm ki refize sèvi li a, Nebucadnetsar, wa Babylone nan e ki pa mete kou li anba jouk a wa Babylone nan, Mwen va pini nasyon sa a ak ✧nepe a, ak gwo grangou e ak envazyon ensèk k ap ravaje tout chan yo”, deklare SENYÈ a: “jiskaske mwen fin detwi nasyon sa a pa men li.<sup>9</sup> Men pou nou menm, ✧pa koute pwofèt nou yo, divinò nou yo, moun ki fè rèv yo, moun k ap devine yo, ni sila ki fè wanga yo, k ap di: ‘Nou p ap sèvi wa Babylone nan’.<sup>10</sup> Paske pwofesi pa yo se ✧manti y ap bannou pou yo deplase nou ale lwen peyi nou; epi Mwen va pouse bourade nou deyò e nou va peri.<sup>11</sup> Men nasyon a ki ✧bese kou li anba fado a wa Babylone nan e ki sèvi li, Mwen va kite nan teren li,” deklare SENYÈ a, “Epi yo va travay tè a pou viv ladann.” ’ ”

<sup>12</sup> Mwen te pale pawòl tankou sila yo a ✧Sédécias, wa Juda a, e Mwen te di: “Mennen kou nou anba jouk a wa Babylone nan pou sèvi li ak pèp li a e pou viv!<sup>13</sup> Poukisa nou va ✧mouri, nou menm avèk pèp nou an, pa nepe,

✧ 26:20 Jos 9:17 ✧ 26:21 Jr 36:12 ✧ 26:23 Jr 2:30 ✧ 26:24 I Wa 18:4 ✧ 27:1 II Wa 24:18-20  
 ✧ 27:2 Jr 30:8 ✧ 27:3 Jr 25:21-22 ✧ 27:5 Det 9:29 ✧ 27:6 Jr 21:7 ✧ 27:8 Jr 24:10 ✧ 27:9  
 Egz 22:18 ✧ 27:10 Jr 23:25 ✧ 27:11 Jr 27:2-12 ✧ 27:12 Jr 27:3 ✧ 27:13 Pwov 8:36



gwo grangou, ak ravaj bèt ki manje tout chan yo, kon SENYÈ a te pale a nasyon sa a ki refize sèvi wa Babylone nan? <sup>14</sup> Konsa, ✧pa koute pawòl a pwofèt k ap pale ak nou e k ap di: ‘Nou p ap oblije sèvi wa Babylone nan, paske y ap fè pwofesi manti a nou menm; <sup>15</sup> paske ✧Mwen pa t voye yo,’ deklare SENYÈ a: “Men yo fè fo pwofesi nan non Mwen, pou m ka pouse bourade nou deyò pou nou ka peri, nou menm ak pwofèt ki fè pwofesi sa yo bannou yo.

<sup>16</sup> Apre, mwen te pale ak prèt yo e a tout pèp sa a, epi te di: “Konsa pale SENYÈ a: ‘Pa koute pawòl a pwofèt nou yo ki fè pwofesi bannou ki di: ‘Gade byen, ✧veso lakay SENYÈ yo va retounen rapid soti Babylone’; paske yo fè pwofesi manti bannou. <sup>17</sup> Pa koute yo; sèvi wa Babylone nan e viv! Poukisa vil sa a ta dwe ✧detwi nèt? <sup>18</sup> Men ✧si se pwofèt yo ye e si pawòl SENYÈ a avèk yo, kite yo koulye a fè demann a SENYÈ dèzame yo, pou vesò ki rete lakay SENYÈ yo, lakay wa Juda a ak Jérusalem yo pa ale Babylone. <sup>19</sup> Paske se konsa pale SENYÈ dèzame yo konsènan ✧pilye yo, konsènan lanmè a, konsènan baz yo e konsènan tout lòt vesò ki rete nan vil sa a, <sup>20</sup> Ke Nebucadnetsar, wa Babylone nan, pa t pran lè l te pote Jeconia, fis a Jojakim nan, wa Juda a, te fè ✧sòti Jérusalem pou rive Babylone, ak tout gwo moun Juda ak Jérusalem yo. <sup>21</sup> Wi, se konsa SENYÈ dèzame yo, Bondye Israèl la, te pale konsènan vesò ki rete lakay SENYÈ yo, lakay wa Juda a ak Jérusalem yo, <sup>22</sup> ‘Yo va pote rive Babylone e yo va la jis rive jou ke m vizite yo a, ‘deklare SENYÈ a. ‘Apre, Mwen va ✧mennen yo retounen e restore yo nan plas sa a.’ ”

## 28

<sup>1</sup> Alò, nan menm ane a, nan kòmansman règn a ✧Sédécias, wa Juda a, nan katriyèm ane, nan senkyèm mwa Hanania, fis a Azzur a, pwofèt ki te sòti nan Gabaon an, te pale ak mwen lakay SENYÈ a, nan prezans a prèt yo e a tout pèp yo, epi te di: <sup>2</sup> ✧Konsa pale SENYÈ dèzame yo, Bondye Israèl la, Mwen te kase jouk a wa Babylone nan. <sup>3</sup> Pandan dezan Mwen va fè rive nan plas sa a, ✧tout vesò lakay SENYÈ yo, ke Nebucadnetsar, wa Babylone nan, te pran fè sòti nan plas sa a pou te pote Babylone yo. <sup>4</sup> Anplis, Mwen va mennen fè retounen nan plas sa a, Jeconia, fis a Jojakim nan, wa a Juda a ak tout egzile Juda ki te ale Babylone yo,’ deklare SENYÈ a, paske Mwen va kase fado a wa a Babylone nan.’ ”

<sup>5</sup> Answit pwofèt Jérémie te pale ak pwofèt Hanania nan prezans a prèt yo e nan prezans lan a tout moun ki te kanpe ✧lakay SENYÈ yo, <sup>6</sup> Epi pwofèt Jérémie te di: ✧“Amen! Ke SENYÈ a fè l konsa; ke SENYÈ a kapab konfime pawòl ke ou te pale yo, pou fè mennen retounen vesò lakay SENYÈ yo e tout moun ki ekzile yo, sòti Babylone pou antre nan plas sa a. <sup>7</sup> Malgre sa, ✧tande pawòl sa a ke m prèt pou pale nan tandè pa w ak tandè a tout pèp la! <sup>8</sup> Pwofèt ki te avan mwen yo e avan ou depi nan tan ansyen an, te ✧pwofetize kont anpil peyi e kont gwo wayòm, pou lagè, pou kalamite ak evazyon ensèk ki ta ravaje peyi yo. <sup>9</sup> Pwofèt ki te pwofetize lapè a, ✧lè

✧ 27:14 Jr 27:9 ✧ 27:15 Jr 23:21 ✧ 27:16 II Wa 24:13 ✧ 27:17 Jr 7:34 ✧ 27:18 I Wa 18:24 ✧ 27:19 I Wa 7:15 ✧ 27:20 II Wa 24:12-16 ✧ 27:22 Esd 1:7-11 ✧ 28:1 II Wa 24:18-20 ✧ 28:2 Jr 27:12 ✧ 28:3 II Wa 24:13 ✧ 28:5 Jr 28:1 ✧ 28:6 I Wa 1:36 ✧ 28:7 I Wa 22:28 ✧ 28:8 Lev 26:14-39 ✧ 28:9 Det 18:22

pwofesi sa a vin rive; alò, pwofèt sa a va vin rekonèt kon yon pwofèt ke SENYÈ te vrèman voye.”

<sup>10</sup> Alò Hanania, pwofèt la, te retire ☆jouk la sou kou Jérémie e te kraze li.

<sup>11</sup> Hanania te pale nan prezans a tout pèp la e te di: ☆“Konsa pale SENYÈ a, Menm konsa, avan dezan, Mwen va kase jouk Nebucadnetsar, wa Babylone nan, fè l sòti sou kou a tout nasyon yo.” Alò, pwofèt Jérémie te al fè wout li.

<sup>12</sup> ☆Pawòl SENYÈ a te rive kote Jérémie lè Hanania te fin kase fado a sou kou pwofèt Jérémie an e te di: <sup>13</sup> “Ale pale ak Hanania e di: ‘Konsa pale SENYÈ a, “Ou te kase jouk ki fèt an bwa yo, men ou fè olye de yo, jouk yo ki fèt an fè.” ’ <sup>14</sup> ‘Paske konsa pale SENYÈ dèzame yo, Bondye Israël la: “Mwen te mete yon ☆jouk fèt an fè sou kou a tout nasyon sila yo, pou yo ka sèvi Nebucadnetsar, wa Babylone nan; epi yo va sèvi li. Anplis, Mwen te bay li bèt chan yo.” ’

<sup>15</sup> Epi Jérémie, pwofèt la, te di a Hanania, pwofèt la: “Koute koulye a, Hanania, SENYÈ a pa t voye ou e ☆ou te fè pèp sa a kwè nan yon manti.

<sup>16</sup> Pou sa, se konsa SENYÈ a pale: ‘Gade byen, Mwen prèt pou retire ou sou sifas tè a. Ane sa a, ou va mouri, akoz ou te ☆konseye rebelyon kont SENYÈ a.’ ” <sup>17</sup> Se konsa Hanania, pwofèt la, te mouri nan menm ane sa a nan setyèm mwa a.

## 29

<sup>1</sup> Alò, sila yo se pawòl a ☆lèt ke Jérémie, pwofèt la, te voye soti Jérusalem bay lòt ansyen an egzil yo; prèt yo, pwofèt yo ak tout moun ke Nebucadnetsar te pran pou fè antre an egzil soti Jérusalem pou rive Babylone yo. <sup>2</sup> (Se te nan lè Wa ☆Jeconia ak rèn nan, ofisye tribinal yo, prens a Juda yo, gwo bòs atizan yo, ak sila ki travay nan metal yo te fin pati Jérusalem.) <sup>3</sup> Lèt la te voye pa men Éleasa, fis a Schaphan ak Guemaria a, fis a ☆Hilkija a, ke Sédécias, fis wa Juda a, te voye Babylone kote wa Nebucadnetsar e te di:

<sup>4</sup> Konsa pale SENYÈ dèzame yo, Bondye Israël la, a tout egzile ke m te ☆voye an egzil soti Jérusalem pou rive Babylone yo, <sup>5</sup> ☆ ‘Bati kay e viv nan yo; epi plante jaden e manje pwodwi yo. <sup>6</sup> ‘Pran ☆madanm e vin papa a fis ak fi, pran madanm pou fis nou yo e bay a fi nou yo mari yo; epi vin miltipliye la e pa diminye. <sup>7</sup> Chache bonè a peyi sa a kote Mwen te voye nou an egzil la e priye a SENYÈ a pou li; paske nan bonè pa li, ou va jwenn bonè. <sup>8</sup> Paske konsa pale SENYÈ dèzame yo, Bondye Israël la: ‘Pa kite ☆pwofèt ki rete nan mitan nou yo ak divinò nou yo twonpe nou, ni pa koute rèv ke yo fè. <sup>9</sup> Paske yo ☆fè fo pwofesi bannou nan non Mwen; Mwen pa t voye yo,’ deklare SENYÈ a. <sup>10</sup> Paske konsa pale SENYÈ a: “Lè ☆swasann-dizan yo fin ekoule pou Babylone, Mwen va vizite nou e ranpli nou ak bon pawòl Mwen a nou menm, pou mennen nou retounen nan plas sa a. <sup>11</sup> ‘Paske Mwen konnen ☆plan ke M genyen pou nou yo,’ deklare SENYÈ a, plan pou bonè e pa pou malè, pou bay nou yon bon avni ak espwa. <sup>12</sup> ‘Epi nou va ☆rele Mwen, vin kote Mwen pou priye e Mwen va koute nou. <sup>13</sup> Nou va ☆chache Mwen e nou va jwenn Mwen lè

☆ 28:10 Jr 27:2 ☆ 28:11 Jr 14:14 ☆ 28:12 Jr 1:2 ☆ 28:14 Det 28:48 ☆ 28:15 Jr 20:6 ☆ 28:16 Det 13:5 ☆ 29:1 II Kwo 30:1-6 ☆ 29:2 II Wa 24:12-16 ☆ 29:3 I Kwo 6:13 ☆ 29:4 Jr 24:5 ☆ 29:5 Jr 29:28 ☆ 29:6 Jr 16:2-4 ☆ 29:8 Jr 27:9 ☆ 29:9 Jr 27:15 ☆ 29:10 II Kwo 36:21-23 ☆ 29:11 Sòm 40:5 ☆ 29:12 Sòm 50:15 ☆ 29:13 Det 4:29

nou chache M ak tout kè nou. <sup>14</sup> Mwen va vin ✧twouve pa nou menm' deklare SENYÈ a: 'Epi Mwen va restore bonte nou e ranmase nou soti nan tout nasyon yo ak plas kote Mwen te chase fè nou rive yo,' deklare SENYÈ a: 'Epi Mwen va mennen nou fè nou retounen soti nan plas kote Mwen te fè nou antre an egzil la.

<sup>15</sup> Akoz nou te di: 'SENYÈ a te fè leve pwofèt pou nou Babylone'— <sup>16</sup> Pou sa, pale SENYÈ a konsènan wa ki chita sou twòn David la e konsènan tout moun ki rete nan vil sa yo, frè nou yo ki ✧pa t antre ak nou an egzil yo — <sup>17</sup> Konsa pale SENYÈ dèzame yo: 'Gade byen, Mwen ap voye sou yo ✧nepe ak gwo grangou, ensèk ak maladi pou ravaje chan yo, Mwen va fè yo tankou fig etranje ki louvri pete fann yo e ki pa ka manje akoz yo pouri yo. <sup>18</sup> Mwen va kouri dèyè yo ak nepe, ak gwo grangou, ak ensèk ak maladi pou ravaje chan yo; epi Mwen va fè yo vin yon gwo laperèz pou tout wayòm sou latè yo, pou yo kapab vin yon ✧madichon, yon bagay lèd e degoutan, yon objè k ap fè moun sifle anlè kon koulèv, yon repwòch pami tout nasyon kote Mwen te chase fè yo ale yo, <sup>19</sup> Akoz yo ✧pa t koute pawòl Mwen yo,' deklare SENYÈ a: 'ke Mwen te voye bay yo ankò e ankò pa sèvitè Mwen yo, pwofèt yo; men nou pa t koute', deklare SENYÈ a.

<sup>20</sup> Pou sa, nou menm, koute pawòl SENYÈ a, nou menm ki ekzile yo, ke M te ✧voye ale kite Jérusalem pou rive Babylone yo. <sup>21</sup> "Konsa pale SENYÈ dèzame yo, Bondye Israël la, konsènan Achab, fis a Kolaja a e konsènan Sédécias, fis a Maaséja a, k ap ✧fè fo pwofesi bannou nan non Mwen, 'Gade Byen, Mwen va livre yo nan men Nebucadnetsar, wa Babylone nan e li va touye yo devan zye nou. <sup>22</sup> Akoz yo menm, yon ✧madichon va vin itilize pa tout egzile Juda ki Babylone yo, ki va di: "Ke SENYÈ a fè ou tankou Sédécias ak tankou Achab, ke wa Babylone nan te boukannen nan dife a, <sup>23</sup> Akoz yo te aji ak foli an Israël, yo te ✧komèt adiltè ak madanm a vwazen yo e yo te pale manti nan non Mwen, ke M pa t janm kòmande yo fè; epi Mwen se Sila ki konnen an e Mwen yon temwen," deklare SENYÈ a.' "

<sup>24</sup> "A ✧Schemaeja, Nechemit lan, ou va di: <sup>25</sup> 'Konsa pale SENYÈ dèzame yo, Bondye Israël la: 'Akoz ou te voye ✧lèt nan pwòp non pa w a tout pèp Jérusalem nan, a Sophonie, fis a Maaséja a, prèt la, epi a tout prèt yo, epi di: <sup>26</sup> SENYÈ a te fè nou prèt olye Johojada, prèt la, pou vin chèf lakay SENYÈ a sou chak moun fou ki pwofetize, pou ✧mete li nan sèp ak nan kolye an fè. <sup>27</sup> Alò, konsa, poukisa ou pa t repwoche Jérémie a ✧Anathoth ki pwofetize a ou menm nan? <sup>28</sup> "Paske, li te ✧voye nou Babylone e te di: 'Egzil la va byen long; bati kay pou viv; plante jaden pou manje pwodwi yo.' "

<sup>29</sup> ✧Sophonie, prèt la, te li lèt sa a bay Jérémie, pwofèt la. <sup>30</sup> Epi pawòl a SENYÈ a te vini a Jérémie ki te di: <sup>31</sup> "Voye kote tout egzile yo e di: 'Konsa pale SENYÈ a konsènan Schemaeja, Nechemit lan: "Akoz Schemaeja te ✧pwofetize a nou menm, malgre Mwen pa t voye l e li te fè nou kwè nan yon manti," <sup>32</sup> Akoz sa, pale SENYÈ a: "Gade byen, Mwen prèt pou pini Schemaeja, Nechemit lan, ak desandan li yo; ✧li p ap gen pèsòn k ap viv

✧ 29:14 Det 30:1-10 ✧ 29:16 Jr 38:2-23 ✧ 29:17 Jr 27:8 ✧ 29:18 És 65:15 ✧ 29:19 Jr 6:19  
 ✧ 29:20 Jr 24:5 ✧ 29:21 Jr 14:14-15 ✧ 29:22 És 65:15 ✧ 29:23 Jr 5:8 ✧ 29:24 Jr 29:31-32  
 ✧ 29:25 Jr 29:1 ✧ 29:26 Trav 16:24 ✧ 29:27 Jr 1:1 ✧ 29:28 Jr 29:1 ✧ 29:29 Jr 29:25  
 ✧ 29:31 Jr 14:14-15 ✧ 29:32 I Sam 2:30-34

pami pèp sa a, ni li p ap wè bonte ke Mwen prèt pou fè pou pèp Mwen an,” deklare SENYÈ a: “akoz li te preche rebelyon kont SENYÈ a.” ’ ’ ”

### 30

<sup>1</sup> Pawòl ki te vini a Jérémie soti nan SENYÈ a, ki te di: <sup>2</sup> Konsa pale SENYÈ a, Bondye Israèl la: ✧ ‘Ekri tout pawòl ke M te bay ou yo nan yon liv. <sup>3</sup> paske gade byen, jou yo ap vini,’ deklare SENYÈ a: “lè Mwen va restore fòtin pèp Mwen an, ✧Israèl ak Juda.’ Senyè a di: ‘Anplis, Mwen va mennen yo retounen nan peyi ke m te bay a papa zansèt yo e yo va posede li.’ ”

<sup>4</sup> Alò, sila yo se pawòl ke SENYÈ a te pale konsènan Israèl e konsènan Juda: <sup>5</sup> “Paske konsa pale SENYÈ a:

“Mwen te tande son a yon ✧gwo laperèz,  
a yon gwo krent e pa gen lapè.

<sup>6</sup> Mande koulye a pou wè si yon gason kapab fè pitit.  
Poukisa Mwen wè tout gason ak men li sou ti vant yo,  
✧konsi se fanm k ap fè pitit?

Epi poukisa tout figi yo vin pal konsa?

<sup>7</sup> Elas! paske jou sa a gran, pa gen ki parèy a li;  
epi se lè a ✧gwo doulè Jacob la, men li va sove de li.

<sup>8</sup> Li va vin rive nan jou sa a’, deklare SENYÈ dèzame yo:  
‘ke Mwen va ✧kase jouk li a soti sou kou yo,  
Mwen va chire lyen yo; epi etranje yo p ap fè yo  
esklav ankò.

<sup>9</sup> Men yo va sèvi SENYÈ a, Bondye pa yo a  
e ✧David, wa yo a, ke Mwen va fè leve wo pou yo.

<sup>10</sup> ‘Pa pè anyen, O Jacob, sèvitè Mwen an,’ deklare SENYÈ a:  
‘Epi pa pèdi kouraj, O Israèl;  
paske gade byen, Mwen va sove ou soti lwen  
e posterite ou soti nan peyi kaptivite yo.  
Epi Jacob va retounen, va kalm, alèz  
e ✧nanpwen moun k ap fè l fè pè.

<sup>11</sup> Paske Mwen avèk ou, deklare SENYÈ a: pou sove ou;  
paske Mwen va detwi nèt tout nasyon kote Mwen  
te gaye ou yo,  
sèlman ou ke M p ap detwi nèt.  
Men m ap fè ou chatiman ki jis e anverite,  
Mwen p ap kite ou san pinisyon.’

<sup>12</sup> Paske konsa pale SENYÈ a:  
“Blese ou yo pa kab geri,  
e ✧kondisyon ou byen grav.

<sup>13</sup> Nanpwen moun ki pou plede koz ou;  
pa gen gerizon pou maleng nan, ✧ni ou p ap ka refè.

<sup>14</sup> Tout moun ki renmen ou yo fin bliye ou,  
yo pa chache ou;  
paske Mwen te blese ou ak blese a yon lènmi,  
ak pinisyon a yon moun ki mechan,

akoz inikite ou gran e peche ou anpil.

<sup>15</sup> Poukisa w ap kriye akoz blese ou yo?

Doulè ou a pa gen gerizon.

Akoz inikite ou yo gran e peche ou yo anpil,

Mwen te fè ou sa a.

<sup>16</sup> ‘Akoz sa, tout sila ki ✨devore ou yo va vin devore; epi tout advèsè ou yo, yo chak, yo va antre an kaptivite; epi sila ki piyaje ou yo va tounen piyaj yo menm e tout sila yo ki fè nou vin viktim yo, va vin viktim yo menm.

<sup>17</sup> Paske M ap fè ou ✨reprann lasante e Mwen va geri ou de tout blese ou yo,’

deklare SENYÈ a:

‘Akoz yo te rele ou yon rejte e yo te di:

“Se Sion; nanpwen moun k ap okipe l.” ’

<sup>18</sup> Konsa pale SENYÈ a:

‘Gade byen, Mwen va restore fòtin a tant a Jacob yo

e gen konpasyon pou lakay li yo;

vil la va rebati sou ranblè li yo

e ✨palè a va kanpe nan pwòp plas li.

<sup>19</sup> ‘Nan yo menm, va sòti remèsiman ak vwa a sila k ap fè fèt yo; epi Mwen va miltipliye yo e yo p ap diminye;

anplis, Mwen va bay yo ✨respè e yo p ap meprize;

<sup>20</sup> Pitit pa yo tou va tankou oparavan e kongregasyon yo va ✨etabli devan M;

epi Mwen va pini tout sila k ap oprime yo.

<sup>21</sup> Chèf pa yo va youn nan yo

e sila ki gouvène yo va sòti nan mitan yo;

epi Mwen va ✨mennen li toupre

e li va vin toupre Mwen;

paske se kilès ki ta riske lavi l pou pwoche M?’

deklare SENYÈ a.

<sup>22</sup> ‘Nou va vin pèp Mwen e Mwen va vin Bondye pa nou.’ ”

<sup>23</sup> Gade byen, ✨tanpèt SENYÈ a! kòlè Li vin soti nèt, yon tanpèt k ap ravaje;

li va eklate sou tèt a mechan yo.

<sup>24</sup> ✨Kòlè fewòs SENYÈ a p ap detounen jiskaske li fin fè

e jiskaske li fin acheve entansyon a kè Li;

nan dènye jou yo, ou va konprann sa.

## 31

<sup>1</sup> “Nan lè sa a”, deklare SENYÈ a: “Mwen va vin ✨Bondye a tout fanmi Israèl yo e yo va vin pèp Mwen.”

<sup>2</sup> Konsa pale SENYÈ a: “Pèp ki te chape de nepe a, ✨te jwenn gras nan dezè a— Israèl, lè l te ale jwenn repo li a.”

<sup>3</sup> SENYÈ a te parèt a li menm soti lwen epi te di:

“Mwen te renmen ou ak yon lanmou ki p ap janm fini; pou sa, Mwen te atire ou ak lanmou dous.

✨ 30:16 Jr 2:3 ✨ 30:17 Egz 15:26 ✨ 30:18 I Kwo 29:1-19 ✨ 30:19 És 55:5 ✨ 30:20 És 54:14 ✨ 30:21 Nonb 16:5 ✨ 30:23 Jr 23:19 ✨ 30:24 Jr 4:8 ✨ 31:1 Jr 30:22 ✨ 31:2 Nonb 14:20

4 ✨Yon lòt fwa, Mwen va bati ou e ou va vin rebati,  
O vyèj Israèl la!

Yon lòt fwa, ou va reprann tanbouren ou yo  
e vin parèt nan dans a sila k ap fete yo.

5 Yon lòt fwa, ou va ✨plante chan rezen yo sou kolin Samarie yo;  
plantè yo va plante e yo va rejwi.

6 Paske jou a va rive lè gadyen sou kolin Éphraïm yo va kriye fò:  
“Annou leve e annou ✨monte Sion, kote SENYÈ a, Bondye nou an.”

7 Paske konsa pale SENYÈ a:  
“Chante anlè ak kè kontan pou Jacob  
e kriye fò pami chèf nasyon yo;  
Pwoklame, bay lwanj epi di:

‘O SENYÈ ✨sove pèp Ou a, retay Israèl la.’

8 “Gade byen, Mwen ap mennen yo sòti nan peyi nò a  
e Mwen va ranmase yo soti nan pati pi lwen latè a.  
Pami yo, avèg ak ✨bwate yo, fanm lan ak pitit li ak sila ki gen  
doulè tranche ansanm;  
yon gran konpanyen, yo va retounen isit la.

9 Ak dlo nan zye, yo va vini e pa siplikasyon,  
Mwen va mennen yo;

Mwen va fè yo mache akote sous dlo yo, sou yon chemen  
dwat nan sila yo p ap ✨tonbe a;  
paske Mwen se yon Papa pou Israèl  
me Éphraïm se premye ne Mwen.”

10 Tande pawòl SENYÈ a, O nasyon yo!  
E deklare nan peyi kot byen lwen yo, epi di:  
“Sila ki te gaye Israèl la, va ranmase li  
e kenbe li kon yon ✨bèje k ap gade bann mouton li.”

11 Paske SENYÈ a te ✨rachte Jacob.

Li te rachte l soti nan men a sila ki te pi fò pase l la.

12 “Yo va vin kriye fò ak lajwa sou ✨wotè a Sion yo  
e yo va gen kè kontan nèt sou bonte SENYÈ a——  
Sou sereyal ak diven tounèf, ak lwil  
e sou jenn a bann mouton an ak twoupo a;  
epi lavi yo va tankou yon jaden wouze  
e yo p ap janm soufri tristès ankò.

13 Epi vyèj la va rejwi nan dans lan,  
ansanm ak jennonm yo ak ansyen yo;  
paske Mwen va ✨fè tristès yo vin tounen lajwa.  
Mwen va rekonfòte yo e bay yo kè kontan pou ranplase  
tristès yo.

14 Mwen va ranpli nanm a prèt yo ak abondans  
e pèp Mwen an va ✨satisfè ak bonte Mwen,”  
deklare SENYÈ a.

15 Konsa pale SENYÈ a,  
✨“Yon vwa vin tande nan Rama, lamantasyon yo

✨ 31:4 Jr 24:6 ✨ 31:5 Sòm 107:37 ✨ 31:6 És 2:3 ✨ 31:7 Sòm 28:9 ✨ 31:8 Éz 34:16 ✨ 31:9  
És 63:13 ✨ 31:10 És 40:11 ✨ 31:11 És 44:23 ✨ 31:12 Éz 17:23 ✨ 31:13 És 61:3 ✨ 31:14  
Jr 50:19 ✨ 31:15 Mat 2:18

ak gwo kriye dlo k ap sòti nan zye yo.  
 Rachel ap kriye pou pitit li yo;  
 Li refize vin rekonfòte pou pitit li yo,  
 akoz yo pa la ankò. <sup>16</sup> Konsa pale SENYÈ a:  
 “Anpeche vwa ou ap kriye e zye ou ap fè dlo;  
 paske ✧travay ou va vin rekonpanse,”  
 deklare SENYÈ a:  
 “Epi yo va retounen sòti nan peyi ènmi an.  
<sup>17</sup> Gen ✧espwa avni pou ou,” deklare SENYÈ a:  
 “Epi pitit ou yo va retounen nan peyi pa yo.

<sup>18</sup> Anverite, Mwen te tande Éphraïm ap kriye ak doulè:  
 ‘Ou te fè m ✧ sibi chatiman.  
 Mwen te sibi chatiman ke m te resevwa a  
 tankou yon jenn bèf ki poko fin donte;  
 mennen m pou m ka restore, paske se Ou menm  
 ki SENYÈ a, Bondye mwen an.  
<sup>19</sup> ‘Paske lè m te retounen, mwen te ✧repanti;  
 epi apre mwen te enstwi.  
 Mwen te frape sou kwis mwen.  
 Mwen te vin wont e twouble menm;  
 paske mwen te pote repwòch jenès mwen.  
<sup>20</sup> Èske ✧Éphraïm se fis Mwen?  
 Èske li se yon pitit ki fè M anpil plezi?  
 Anverite, Mwen te pale kont li souvan, men M sonje l toujou;  
 konsa kè M gen gwo dezi pou li.  
 Anverite, Mwen va fè gras pou li”, deklare SENYÈ a.

<sup>21</sup> Plase pou ou menm ransèyman chemen yo;  
 mete pou kont ou poto k ap dirije;  
 konsantre tout panse ou sou direksyon gran chemen an,  
 wout sou sila ou te ale a, ✧Retounen, O vèj Israël.  
 Retounen kote sila yo, vil pa w yo.  
<sup>22</sup> Pou konbyen de tan ou va fè ale retou a,  
 O ✧fi ki enfidèl?  
 Paske SENYÈ a te fè yon bagay nèf sou latè:  
 yon fanm va antoure yon nonm.

<sup>23</sup> Konsa pale SENYÈ dèzame yo, Bondye Israël la: “Yon fwa ankò, yo va pale pawòl sa a nan peyi Juda ak nan vil li yo lè M fin restore bonè li: ‘Ke SENYÈ a beni ou, O ✧kote ladwati a, O mòn sen an!’ <sup>24</sup> “Juda ak tout vil li yo va demere ansanm ladann, kiltivatè a ak sila k ap deplase ak bann mouton li yo. <sup>25</sup> ✧Paske, Mwen satisfè sila ki fatigue a e rafrechì tout moun ki pèdi fòs yo.”

<sup>26</sup> Nan moman sa a, mwen te ✧reveye nan dòmi e mwen te gade; dòmi an te fè m byen kontan.

<sup>27</sup> “Gade byen, jou yo ap vini, “deklare SENYÈ a: “Lè M va ✧plante lakay Israël ak lakay Juda avèk semans a lòm e avèk semans a bèt. <sup>28</sup> Konsi

✧ 31:16 Rt 2:12 ✧ 31:17 Jr 29:11 ✧ 31:18 Job 5:17 ✧ 31:19 Éz 36:31 ✧ 31:20 Os 11:8  
 ✧ 31:21 És 48:20 ✧ 31:22 Jr 3:6 ✧ 31:23 És 1:26 ✧ 31:25 Sòm 107:9 ✧ 31:26 Za 4:1  
 ✧ 31:27 Éz 39:11

Mwen te veye sou yo pou rache yo, pou kraze yo, pou boulvèse yo, pou detwi yo e pou mennen gwo dezaz; se konsa mwen va veye sou yo pou \*bati e pou plante,” deklare SENYÈ a. <sup>29</sup> Nan jou sa yo, yo p ap di ankò:

\* ‘Papa yo te manje rezen si e dan timoun yo vin kanpe apik.

<sup>30</sup> Men \*chak moun va mouri akoz pwòp inikite pa li; chak moun ki manje rezen si yo, se pwòp dan pa l k ap vin kanpe apik.

<sup>31</sup> Gade byen, jou yo ap vini”, deklare SENYÈ a: “Lè Mwen va fè yon \*akò tounèf avèk lakay Israèl e avèk lakay Juda, <sup>32</sup> Pa tankou \*akò ke M te fè ak papa yo a nan jou ke M te pran yo pa lamèn pou mennen yo sòti nan peyi Égypte la; akò Mwen ke yo te kraze a, malgre Mwen te yon mari pou yo a,” deklare SENYÈ a. <sup>33</sup> “Men sa se akò ke M va fè ak lakay Israèl apre jou sa yo”, deklare SENYÈ a:

“\*Mwen va mete lalwa M anndan yo e sou kè yo Mwen va ekri l;

epi Mwen va Bondye yo e yo va pèp Mwen.

<sup>34</sup> “Yo p ap ankò enstwi, chak moun vwazen pa li e chak moun frè pa li pou di: ‘Konnen SENYÈ a,’ paske yo tout va konnen Mwen, soti nan pi piti nan yo jis rive nan pi gran nan yo a,” deklare SENYÈ a, “paske Mwen va padone inikite yo e \*peche yo, Mwen p ap sonje yo ankò.”

<sup>35</sup> Konsa pale SENYÈ a:

“Ki \*bay solèy kon limyè nan lajounen e ki etabli lòd pou lalin ak zetwal yo pou bay limyè nan aswè, ki boulvèse lanmè a jis lanm li gwonde; SENYÈ dèzame yo se non Li:

<sup>36</sup> \* “Si lòd sa a vin deregle devan M, deklare SENYÈ a: “Alò desandan Israèl yo osi va sispann kon yon nasyon devan M, jis pou tout tan.”

<sup>37</sup> Konsa pale SENYÈ a: “\*Si syèl anwo yo ka mezire e fondasyon tè yo ka kontwole pa anba; alò, Mwen va osi jete tout desandan Israèl yo nèt pou tout sa yo te fè yo,” deklare SENYÈ a.

<sup>38</sup> Gade byen, jou yo ap vini,” deklare SENYÈ a: “Lè \*vil la va rebati pou SENYÈ a, soti nan fò Hananeel la jis rive nan Pòtay Kwen an. <sup>39</sup> Konsa \*lign mezi a va kontinye ale tou dwat jis rive nan kolin Gareb; epi li va vire Goath. <sup>40</sup> “Epi tout vale a kadav yo ak sann yo e tout chan yo jis rive nan flèv \*Cédron, nan kwen Pòtay Cheval la, vè lès, va sen a SENYÈ a; li p ap rache retire, ni vin soumèt ankò, jis pou tout tan.

## 32

<sup>1</sup> Pawòl ki te vini a Jérémie soti nan SENYÈ a, nan \*dizyèm ane Sédécias, wa Juda a, ki te nan dizuityèm ane a Nebucadnetsar. <sup>2</sup> Alò, nan lè sa a,

\* **31:28** Jr 24:6 \* **31:29** Lam 5:7 \* **31:30** Det 24:16 \* **31:31** Jr 32:40 \* **31:32** Egz 19:5 \* **31:33** Sòm 40:8 \* **31:34** És 43:25 \* **31:35** Jen 1:14-18 \* **31:36** Am 9:8-9 \* **31:37** És 40:12 \* **31:38** Jr 30:18 \* **31:39** Za 2:1 \* **31:40** II Sam 15:23 \* **32:1** II Wa 25:1-2



lame a wa Babylone nan t ap fè syèl sou Jérusalem e Jérémie, pwofèt la, te fèmen nan ✧lakou gad ki te lakay wa a Juda a.

<sup>3</sup> Akoz Sédécias, wa Juda a te ✧mete li nan prizon e te di: “Poukisa ou pwofetize konsa e di: ‘Konsa pale SENYÈ a: “Gade byen, Mwen prèt pou bay vil sa a nan men a Wa Babylone nan e li va pran l; <sup>4</sup> Epi Sédécias, wa Juda a p ap chape nan men a Kaldeyen yo; men anverite, li va livre bay lame a wa Babylone nan; li va ✧pale ak li fasafas e va wè li zye nan zye. <sup>5</sup> Epi li va pran Sédécias fè l rive Babylone e li va la jiskaske Mwen vizite li,” deklare SENYÈ a. “Si nou goumen kont Kaldeyen yo, nou ✧p ap reyisi.” ’

<sup>6</sup> Epi Jérémie te di: “Pawòl SENYÈ a te rive kote mwen e te di: <sup>7</sup> Gade byen, Hanameel, fis a Schallum nan, tonton ou, ap vin kote ou e li va di: ‘Achte pou ou menm chan ki Anathoth mwen an, paske se ou menm ki gen ✧dwa redanmsyon pou achte l.’ ”

<sup>8</sup> Epi Hanameel, fis a tonton m nan, te vin kote mwen nan ✧lakou gad la selon pawòl SENYÈ a, epi te di mwen: ‘Achte chan mwen an, souple, ki Anathoth, nan peyi Benjamin an; paske ou gen dwa posede l e redanmsyon an se pou ou. Achte l pou ou menm.’

Epi mwen te konnen ke sa se te pawòl SENYÈ a. <sup>9</sup> Mwen te achte chan ki te Anathoth la nan men Hanameel, fis a tonton m nan e mwen te ✧peze ajan bay pou li, disèt sik ajan. <sup>10</sup> Mwen te ✧siyen e mete so sou papye tè a, te rele temwen e te peze ajan sou balans pou bay. <sup>11</sup> Alò, mwen te pran papye vant lan, ansanm ak kopi ki te fèmen anba so a, tout ✧tèm ak kondisyon vant yo, ak kopi a ouvri; <sup>12</sup> Epi mwen te bay papye vant lan bay ✧Baruc, fis a Nérija a, fis a Macheséja a, devan zye a Hanameel, fis a tonton m nan e devan zye a temwen ki te siyen papye vant lan, devan tout Jwif ki te chita nan lakou gad yo.

<sup>13</sup> Epi mwen te kòmande Baruc nan prezans yo e mwen te di: <sup>14</sup> Konsa pale SENYÈ dèzame yo, Bondye Israël a: “Pran papye tè sila yo, zak vant sa a ki fèmen ak so, ansanm ak zak vant sa a ki ouvri e mete yo nan yon veso fèt ak ajil, pou yo ka dire pou anpil tan.” <sup>15</sup> ‘Paske, konsa pale SENYÈ dèzame yo, Bondye Israël la: ✧“Kay yo, jaden yo ak chan rezen yo ap vin achte ankò nan peyi sa a.” ’

<sup>16</sup> “Lè mwen te fin bay papye tè a a Baruc, fis a Nérija a; alò, mwen te ✧priye a SENYÈ a e te di:

<sup>17</sup> ‘A, SENYÈ Bondye! Gade byen, Ou te ✧fè syèl yo ak tè a ak gran pouvwa Ou e ak men Ou lonje! Nanpwen anyen ki twò difisil pou Ou, <sup>18</sup> Ou menm ki montre lanmou dous a dè milye, men rekonpanse inikite a papa yo nan sen a jenerasyon k ap swiv yo, O! gran e pwisan Bondye. SENYÈ dèzame yo se non Li; <sup>19</sup> ✧Gran an konsèy e pwisan an zèv, ki gen zye ki ouvri nan tout chemen a fis a lòm yo, ki rekonpanse tout moun selon chemen li e selon fwi lan a zèv li; <sup>20</sup> Ki te ✧opere sign ak mèvèy nan peyi Égypte la, jis rive nan jou sa a, an Israël e pami tout imanite; epi Ou te fè yon non pou Ou menm, jan sa ye jodi a. <sup>21</sup> Ou te ✧mennen pèp Ou a, Israël sòti nan peyi Égypte ak sign ak mèvèy, avèk yon men pwisan, yon bra lonje e avèk gwo laperèz; <sup>22</sup> Epi Ou te bay yo peyi sa a, ke Ou

✧ 32:2 Né 3:25 ✧ 32:3 II Wa 6:32 ✧ 32:4 Jr 39:5 ✧ 32:5 Éz 17:9-15 ✧ 32:7 Lev 25:25  
 ✧ 32:8 Jr 32:2 ✧ 32:9 Jen 23:16 ✧ 32:10 És 44:5 ✧ 32:11 Luc 2:27 ✧ 32:12 Jr 32:16  
 ✧ 32:15 Jr 30:18 ✧ 32:16 Jen 32:9-12 ✧ 32:17 II Wa 19:15 ✧ 32:19 És 9:6 ✧ 32:20 Sòm 78:43 ✧ 32:21 Egz 6:6

te ✨sèmante a papa zansèt yo pou bay yo, yon peyi k ap koule ak lèt ak siwo myèl. <sup>23</sup> Yo te antre e te pran posesyon li, men yo pa t obeyi a vwa Ou, ni ✨mache nan lalwa Ou; yo pa t fè anyen nan tout sa Ou te kòmande yo fè yo; pou sa, Ou fè tout malè sa a rive sou yo.

<sup>24</sup> Gade byen, men balkon tè syèj yo fin rive kote vil la pou pran l; epi vil la fin bay nan men a Kaldeyen ki goumen kont li yo, akoz nepe, ak gwo grangou, avèk ensèk ak maladi ki devasté; epi sa Ou te pale a fin rive; epi gade byen, Ou wè l. <sup>25</sup> Ou te di mwen: “O! Senyè BONDYE, “Achte pou ou menm chan an ak lajan rele temwen” —malgre vil la fin bay nan men a Kaldeyen yo.’”

<sup>26</sup> Epi pawòl SENYÈ a te rive a Jérémie e te di: <sup>27</sup> “Gade byen, Mwen se SENYÈ a, ✨Bondye a tout chè yo; èske gen bagay twò difisil pou Mwen? <sup>28</sup> Pou sa, pale SENYÈ a: “Gade byen, Mwen prèt pou ✨bay vil sa a nan men a Kaldeyen yo e nan men a Nebucadnetsar, wa Babylone nan e li va pran l. <sup>29</sup> Kaldeyen k ap goumen kont vil sa yo va antre ✨mete dife nan tout vil sa a e brile li, ak kay kote te gen ofrann lansan a Baal sou twati yo e yo te vide ofrann bwason yo a lòt dye pou fè m fache.

<sup>30</sup> Anverite, fis Israèl yo ak fis Juda yo t ap fè sèlman sa ki ✨mal devan zye M soti nan jenès yo; paske fis a Israèl yo te pwovoke M sèlman a lakòlè ak zèv men yo”, deklare SENYÈ a. <sup>31</sup> “Anverite, vil sa a te pou Mwen, kòlè M ak gwo kòlè Mwen soti nan jou ke yo te bati li a, menm rive nan jou sa a, pou sa ta ka ✨retire devan figi Mwen, <sup>32</sup> Akoz tout mechanste ke fis Israèl yo ak fis Juda yo te fè, pou yo ta pwovoke Mwen a lakòlè—yo menm, ✨wa yo, chèf yo, prèt yo, pwofèt yo, mesye a Juda yo ak tout moun ki rete Jérusalem yo. <sup>33</sup> Yo te vire do ban Mwen olye figi yo; malgre ✨enstriksyon ke Mwen te bay yo ankò e ankò, men yo pa t ap koute M e resevwa lenstriksyon an. <sup>34</sup> Men yo te ✨mete bagay abominab pa yo nan kay ki rele pa non pa M nan, pou souye l. <sup>35</sup> Yo te bati ✨wo plas a Baal ki nan vale Ben-Hinnom an pou fè fis yo pase nan dife a Moloc, bagay ke M pa t kòmande yo, ni sa pa t antre nan panse M ke yo ta dwe fè bagay abominab sa a, pou fè Juda peche.

<sup>36</sup> Alò, pou sa, konsa pale SENYÈ a, Bondye Israèl la, konsènan vil sa a ke ou te di: “Li te ✨livre nan men a wa a Babylone nan pa nepe, pa gwo grangou e pa gwo epidemi.’ <sup>37</sup> “Gade byen, Mwen va ranmase yo soti nan tout peyi kote Mwen te pouse bourade yo ale nan kòlè ak gwo kòlè Mwen, ak gran endiyasyon Mwen; epi Mwen va mennen yo retounen nan plas sa a e Mwen va ✨fè yo rete anpè. <sup>38</sup> Yo va ✨pèp Mwen e Mwen va Bondye yo; <sup>39</sup> Epi Mwen va ✨bay yo yon sèl kè ak yon sèl chemen pou yo ka toujou gen lakrent Mwen pou pwòp byen pa yo e pou byen a pitit apre yo. <sup>40</sup> Mwen va fè yon akò k ap pou tout tan nèt avèk yo, ke Mwen ✨p ap vire kite yo, pou fè yo byen; epi Mwen va mete lakrent Mwen anndan kè yo pou yo pa vire kite Mwen. <sup>41</sup> Mwen va rejwi de yo pou fè byen pou yo e Mwen va, ak fidelite, ✨plante yo nan peyi sa a ak tout kè Mwen e ak tout nanm Mwen.

<sup>42</sup> Paske konsa pale SENYÈ a, ✨Menm jan ke M te mennen tout gwo dezaz sa a sou pèp sa a, konsa Mwen va mennen sou yo tout bonte ke Mwen ap pwomèt yo. <sup>43</sup> ✨Chan yo va vin achte nan peyi sa a ke ou te di: “Sa se yon

✨ 32:22 Egz 3:8-17 ✨ 32:23 Esd 9:7 ✨ 32:27 Nonb 16:22 ✨ 32:28 II Wa 25:11 ✨ 32:29 II Kwo 36:19 ✨ 32:30 Det 9:7-12 ✨ 32:31 II Wa 23:27 ✨ 32:32 Esd 9:7 ✨ 32:33 II Kwo 36:15-16 ✨ 32:34 II Wa 21:1-7 ✨ 32:35 II Kwo 28:2 ✨ 32:36 Jr 32:24 ✨ 32:37 Jr 23:6 ✨ 32:38 Jr 24:7 ✨ 32:39 II Kwo 30:12 ✨ 32:40 Det 31:6 ✨ 32:41 Os 2:19-20 ✨ 32:42 Jr 31:28 ✨ 32:43 Jr 32:15-25

dezolasyon, san moun ni bèt; li livre nan men a Kaldeyen yo.”<sup>44</sup> Mesye yo va achte chan yo pou lajan, ✧siyen, mete so sou papye tè yo e rele temwen peyi Benjamin yo, nan andwa a Jérusalem yo, nan vil a Juda yo, nan vil a peyi kolin yo, nan vil nan ba plèn yo ak nan vil dezè yo; paske Mwen va restore avni yo, deklare SENYÈ a.”

### 33

<sup>1</sup> Epi pawòl SENYÈ a te vin kote Jérémie yon dezyèm fwa, pandan li te toujou ✧nan prizon nan lakou gad la e te di: <sup>2</sup> Konsa pale ✧SENYÈ a ki te fè tè a, SENYÈ a ki te fòme li pou etabli li a; SENYÈ a se non Li. <sup>3</sup> ✧Rele Mwen, Mwen va reponn ou e Mwen va di ou gwo bagay pwisan ke ou pa t janm konnen.’ <sup>4</sup> Paske konsa pale SENYÈ Israèl la konsènan kay nan vil sa yo e konsènan kay a wa a Juda k ap vin kraze pou fè yon ranpa kont ✧balkon tè syèj yo e kont nepe a, <sup>5</sup> ‘Pandan y ap vini pou goumen kont Kaldeyen yo e pou plen yo ak kadav a moun ke M te masakre nan kòlè Mwen ak gwo kòlè Mwen yo; epi Mwen te ✧kache figi M kont vil sa a, akoz tout mechanste yo, <sup>6</sup> ‘Gade byen, Mwen va mennen kote li lasante ak gerizon e Mwen va geri yo; epi Mwen va montre yo ✧lapè ak verite an abondans. <sup>7</sup> Mwen va restore bonè a Juda ak bonè a Israèl e Mwen va ✧rebati yo jan yo te ye o kòmansman an. <sup>8</sup> Mwen va ✧netwaye yo de tout inikite avèk sila yo te peche kont Mwen yo, Mwen va padone tout inikite pa sila yo te peche kont Mwen yo e pa sila yo te fè transgresyon kont Mwen yo. <sup>9</sup> Sa va pou Mwen yon non lajwa, lwanj ak laglwa devan ✧tout nasyon latè yo, ki va tandè afè tout byen ke M fè pou yo, yo va gen lakrent e tranble akoz tout byen ak tout lapè ke M fè pou sa.’

<sup>10</sup> Konsa pale SENYÈ a: “Men sa ankò yo va tandè nan plas sa a, sou sa ou di a: “Sa se yon ✧dezè, san moun e san bèt,” sa vle di nan vil a Juda yo ak ri a Jérusalem yo, ki dezole, san moun e san pèsòn ni bèt pou rete ladann, <sup>11</sup> Vwa lajwa a ak vwa kè kontan, vwa a yon jennonm ki fenk marye e vwa a a jenn fi maryaj la, vwa a sila k ap di yo: “Bay remèsiman a SENYÈ dèzame yo, paske SENYÈ a bon, paske lanmou dous Li dire jis pou tout tan’; k ap pote yon ofrann remèsiman antre lakay SENYÈ a. Paske Mwen va restore bonè a peyi a jan yo te ye oparavan an,’ pale SENYÈ a.

<sup>12</sup> “Konsa pale SENYÈ dèzame yo: ‘Va ankò gen nan plas sa a ki dezè ki ✧san moun ni bèt e nan tout vil li yo, yon kote pou bèje k ap okipe bann mouton yo rete. <sup>13</sup> Nan vil a peyi kolin yo, nan vil a ba plèn yo, nan vil a dezè yo, nan peyi Benjamin an, nan andwa a Jérusalem yo e nan vil a Juda yo, bann mouton yo va ankò ✧pase anba men a sila k ap konte yo a,’ pale SENYÈ a.

<sup>14</sup> ‘Gade byen, jou yo ap vini’, deklare SENYÈ a: “Lè Mwen va ✧akonpli bon pawòl la M te pale konsènan lakay Israèl la ak lakay Juda a.

<sup>15</sup> Nan jou sa yo e nan lè sa a, Mwen va fè yon ✧Branch ladwati a David pete vin parèt; epi Li va egzekite ✧lajistis ak ladwati sou tout latè.

<sup>16</sup> Nan jou sa yo, Juda va vin sove e Jérusalem va ansekirite;

✧ 32:44 Jr 32:10 ✧ 33:1 Jr 32:2-8 ✧ 33:2 Jr 51:19 ✧ 33:3 Sòm 50:15 ✧ 33:4 Jr 32:24 ✧ 33:5 És 8:17 ✧ 33:6 És 66:12 ✧ 33:7 És 1:26 ✧ 33:8 Sòm 51:2 ✧ 33:9 Jr 3:17-19 ✧ 33:10 Jr 32:43 ✧ 33:12 Jr 32:43 ✧ 33:13 Lev 27:32 ✧ 33:14 És 32:1-2 ✧ 33:15 És 4:2 ✧ 33:15 És 4:2

epi sa se non pa sila li va rele a:

✧SENYÈ a se ladwati nou.’

<sup>17</sup> “Paske, se konsa SENYÈ a pale: ‘David ✧p ap janm manke yon nonm pou chita sou twòn lakay Israèl la; <sup>18</sup> Epi ✧prèt Levit yo p ap janm manke yon nonm devan Mwen, pou ofri ofrann brile, pou brile ofrann sereyal e pou prepare sakrifis yo tout tan san rete.’ ”

<sup>19</sup> Pawòl SENYÈ a te vin kote Jérémie e te di: <sup>20</sup> “Konsa pale SENYÈ a: ‘Si ou ka ✧kraze akò Mwen an pou jounen an e akò Mwen an pou nwit lan; konsa, jou sa a ak nwit sa a p ap rive nan lè deziye yo, <sup>21</sup> Alò, konsa sèlman✧akò Mwen an kab kraze avèk David, Sèvitè Mwen an, pou li pa gen yon fis pou renye sou twòn li an e avèk prèt Levit yo, pou ministè pa m yo. <sup>22</sup> “Tankou lame syèl la pa ka konte e sab lanmè a pa ka mezire, konsa Mwen va miltipliye desandan a David yo, sèvitè Mwen an ak Levit ki sèvi Mwen yo.’

<sup>23</sup> Epi pawòl SENYÈ a te vini a Jérémie e te di: <sup>24</sup> “Èske ou pa t obsève sa pèp sa a te pale, e te di: ✧ ‘De fanmi ke SENYÈ a te chwazi yo, Li te fin rejte yo?’ Konsa, yo meprize pèp Mwen an; yo pa menm ankò tankou yon nasyon nan zye yo. <sup>25</sup> Konsa pale SENYÈ a: ‘Si ✧ akò Mwen an pou lajounen ak lannwit pa kanpe, epi aranjanman ki òdone nan syèl yo pa t fèt pa Mwen menm, <sup>26</sup> Alò, sèl konsa, Mwen ta rejte desandan a Jacob yo ak David, sèvitè Mwen an e pa chwazi pami desandan li yo ✧chèf sou desandan a Abraham, Issac ak Jacob yo. Men Mwen va restore bonè pa yo e Mwen va genyen mizerikòd pou yo.’ ”

## 34

<sup>1</sup> Pawòl ki te vini a Jérémie soti nan SENYÈ a, lè Nebucadnetsar, wa Babylone nan, ak tout lame li a, ak ✧tout wayòm latè ki te anba pouvwa l yo ak tout pèp yo, yo t ap goumen kont Jérusalem e kont tout vil li yo, ki te di: <sup>2</sup> Konsa pale SENYÈ Bondye Israèl la: ‘Ale pale a Sédécias, wa Juda a, epi di li: “Konsa pale SENYÈ a: ‘Gade byen, ✧Mwen ap bay vil sa a pou antre nan men a wa Babylone nan e li va brile li ak dife. <sup>3</sup> ✧Ou p ap chape nan men l; paske anverite, ou va kapte e va livre nan men l; epi ou va wè wa Babylone nan zye nan zye, li va pale avèk ou fasafas e se Babylone ou prale.’ ”’

<sup>4</sup> “Sepandan, tandè pawòl SENYÈ a, O! Sédécias, wa Juda a! Konsa pale SENYÈ a konsènan ou menm, ‘Ou p ap mouri pa nepe. <sup>5</sup> Ou va mouri anpè; epi tankou epis yo te brile pou antèman papa zansèt ou yo, ansyen wa ki te avan ou yo, se konsa yo va brile epis pou ou; epi ✧yo va fè kri dèy pou ou: “Anmwey mèt nou an,’ ” deklare SENYÈ a.

<sup>6</sup> Epi Jérémie te pale ✧tout pawòl sila yo a Sédécias, wa Juda nan Jérusalem <sup>7</sup> lè lame a wa Babylone nan te goumen kont Jérusalem e kont tout rès vil Juda yo; konsi, Lakis ak Azéka, paske se sèl yo ki te rete kon ✧vil fòtifye pami vil a Juda yo.

<sup>8</sup> Pawòl ki te vini a Jérémie soti nan SENYÈ a apre Wa Sédécias te fin ✧fè yon antant ak tout moun ki te Jérusalem yo pou libere yo: <sup>9</sup> pou chak moun ta bay libète a sèvitè li e chak moun a sèvant li, yon gason Ebre

✧ **33:16** És 45:24-25 ✧ **33:17** II Sam 7:16 ✧ **33:18** Nonb 3:5-10 ✧ **33:20** Sòm 89:37 ✧ **33:21** II Sam 23:5 ✧ **33:24** És 7:17 ✧ **33:25** Jen 8:22 ✧ **33:26** Jen 49:10 ✧ **34:1** Jr 1:15 ✧ **34:2** Jr 21:10 ✧ **34:3** II Wa 25:4-5 ✧ **34:5** Jr 22:18 ✧ **34:6** I Sam 3:18 ✧ **34:7** I Sam 3:18 ✧ **34:8** II Wa 11:17

oswa yon fanm Ebre; ✨pou pèsòn pa ta kenbe yo, yon Jwif frè parèy yo, nan esklavaj. <sup>10</sup> Epi tout ✨ofisye yo ak tout pèp la te obeyi a sila ki te antre nan akò a, ke chan moun ta libere sèvitè ak sèvant li yo, pou okenn moun pa ta kenbe yo an esklavaj; yo te obeyi e te bay yo libète. <sup>11</sup> Men apre yo te fin vire, yo te reprann sèvitè ak sèvant ke yo te bay libète yo e te soumèt ankò nan wòl sèvitè ak sèvant yo.

<sup>12</sup> Alò, pawòl SENYÈ a te vini a Jérémie soti nan SENYÈ a, epi te di: <sup>13</sup> Konsa pale SENYÈ Bondye Israèl la, Mwen te ✨fè yon akò ak papa zansèt nou yo nan jou ke M te mennen yo sòti nan peyi Égypte la, soti nan kay esklavaj la e Mwen te di: <sup>14</sup> ✨Nan fen sèt ane yo, nou chak va libere frè Ebre ki te vann a li menm nan e ki te sèvi nou pandan sis ane yo, yo va voye li lib de nou menm; men papa zansèt nou yo pa t obeyi Mwen ni pa t panche zòrèy yo kote Mwen. <sup>15</sup> Malgre sa, nan tan sa a, nou te vire fè sa ki dwat nan zye M, chak moun te pwoklame libète a vwazen li e nou te fè yon akò avèk Mwen nan kay ki rele pa non Mwen an. <sup>16</sup> Men koulye a, nou te vire ✨derespekte non Mwen, chak moun te reprann sèvitè ak sèvant ke nou te libere selon dezi yo e nou te fè yo vin soumèt pou devni ankò sèvitè ak sèvant nou.

<sup>17</sup> Akoz sa, pale SENYÈ a: ‘Nou pa t obeyi Mwen nan pwoklame libète chak mesye a frè li e chak mesye a vwazen li. Gade byen, Mwen ap pwoklame libète pou nou,’ deklare SENYÈ a: pou nepe, pou envazyon ensèk ak maladi, pou gwo grangou; epi Mwen va fè nou vin yon ✨objè lèd e degoutan pou tout wayòm yo sou latè yo. <sup>18</sup> Mwen va bay mesye ki te transgrese akò Mwen yo, ki pa t akonpli pawòl a akò ke yo te fè devan M, lè yo te ✨koupe jenn bèf lan an de mòso pou te pase nan mitan de pati li yo— <sup>19</sup> Ofisyèl a Juda yo, ak ofisyèl a Jérusalem yo, ofisye tribinal la e prèt ak tout pèp peyi ki te pase antre de pati jenn bèf la— <sup>20</sup> Mwen va livre yo nan men a lènmi yo e nan men a sila k ap chache pran lavi yo. Epi kadav yo va sèvi kon manje pou zwazo syèl yo, ak bèt sovaj latè yo.

<sup>21</sup> Sédécias, wa Juda a, ak ofisye pa l yo, Mwen va livre yo nan men lènmi pa yo, nan men a sila k ap chache lavi yo ak nan men a lame Babylone ✨ki te ale kite nou an. <sup>22</sup> Gade byen, Mwen va pase lòd’, deklare SENYÈ a: ‘Epi Mwen va mennen yo retounen nan vil sa a; epi yo va goumen kont li, pran li e brile li ak dife; epi Mwen va fè lavil Juda yo vin yon ✨kote dezète san moun ki rete ladan yo.

## 35

<sup>1</sup> Pawòl ki te rive a Jérémie soti nan SENYÈ a nan jou a ✨Jojakim yo, fis a Josias la, wa Juda a, te di: <sup>2</sup> Ale lakay ✨Rekabit yo, pale avèk yo e mennen yo antre lakay SENYÈ a, nan youn nan chanm yo e bay yo diven pou yo bwè.”

<sup>3</sup> Epi mwen te pran Jaazania, fis a Jérémie an, fis a Habazinia a, frè li yo, tout fis li yo ak tout kay Rekabit yo, <sup>4</sup> Epi mwen te mennen yo lakay SENYÈ la, nan chanm a fis a Hanan yo, fis a Jigdalia a, nonm Bondye ki te toupre chanm ofisye yo, ki te anwo chanm Maaséja a, fis a Schallum nan, ✨gadyen pòt la. <sup>5</sup> Epi mwen te plase devan mesye lakay Rekabit yo, krich plen ak diven ak tas; epi mwen te di yo: ✨“Bwè diven!”

✨ 34:9 Lev 25:39 ✨ 34:10 Jr 26:10-16 ✨ 34:13 Egz 24:3-8 ✨ 34:14 Egz 21:2 ✨ 34:16 Egz 20:7 ✨ 34:17 Det 28:25 ✨ 34:18 Jen 15:10 ✨ 34:21 Jr 37:5-11 ✨ 34:22 Jr 4:7 ✨ 35:1 II Wa 23:34-36 ✨ 35:2 II Wa 10:15 ✨ 35:4 I Kwo 9:18 ✨ 35:5 Am 2:12

6 Men yo te di: “Nou p ap bwè diven, paske Jonadab, fis a Récab la, papa nou, te bannou lòd e te di: ✧ ‘Nou p ap bwè diven, ni nou menm, ni fis nou yo jis pou tout tan. 7 Nou pa pou bati kay e nou pa pou simen semans, ni plante chan rezen, ni achte youn; men se nan tant nou dwe viv pandan tout jou nou yo, pou nou kapab viv ✧anpil jou nan peyi kote nou demere a.’ 8 Nou te ✧obeyi a vwa Jonadab, fis a Récab la, papa nou, nan tout sa li te kòmande nou, pou pa bwè diven pandan tout jou nou yo, nou menm, madanm nou, fis nou yo ak fi nou yo, 9 Ni bati pou nou menm kay pou nou ta viv ladann; epi nou ✧pa genyen chan rezen yo, ni chan kiltive, ni semans. 10 “Se sèlman ✧nan tant nou te rete yo, nou te obeyi e te fè selon tout sa ke Jonadab, papa nou, te kòmande nou yo. 11 Men lè Nebucadnetsar, wa Babylone nan, te monte kont peyi a, nou te di: ‘Vini e annou ale Jérusalem devan lame Kaldeyen yo e devan lame Siryen yo.’ Pou sa, nou rete Jérusalem.”

12 Epi pawòl SENYÈ a te vini a Jérémie e te di: 13 “Konsa pale SENYÈ a, Bondye Israèl la: ‘Ale di a mesye Juda yo e a sila k ap viv Jérusalem yo: ✧“Èske nou pa resevwa lenstriksyon nan koute pawòl Mwen yo? deklare SENYÈ a. 14 ✧Pawòl a Jonadab, fis a Récab la, ke li te kòmande fis li yo pou pa bwè diven yo, byen obsève. Pou sa, yo pa bwè diven jis rive jou sa a, paske yo te obeyi lòd papa yo. Men Mwen te pale ak nou ankò e ankò; men nou pa t koute Mwen. 15 Anplis, Mwen te voye a nou menm tout sèvitè Mwen yo, pwofèt yo; Mwen te voye yo ankò e ankò e yo te di: ‘Vire koulye a chak moun kite move chemen li, korije zèv mechan nou yo e ✧pa kouri dèyè lòt dye yo pou adore yo. Konsa, nou va demere nan peyi ke M te ba a nou menm e a papa zansèt nou yo; men nou pa t encline zòrèy nou, ni nou pa t koute Mwen. 16 Anverite, fis a Jonadab yo, fis a Récab la te ✧swiv lòd a papa yo ak sila li te kòmande yo, men pèp sa a pa t koute Mwen.”

17 Akoz sa, pale SENYÈ a, Bondye dèzame yo, Bondye Israèl la: ‘Gade byen, ✧Mwen ap mennen sou Juda ak sou tout sila ki rete Jérusalem yo, tout dezans ke M te pwononse kont yo; akoz Mwen te pale ak yo, men yo pa t koute e Mwen te rele yo, men yo pa t reponn.’

18 Epi Jérémie te di a lakay Rekabit yo: “Konsa pale SENYÈ dèzame yo, Bondye Israèl la: ‘Akoz nou te ✧obeyi lòd a Jonadab, papa nou an, nou te swiv tout lòd li yo e te fè tout sa ke li te kòmande nou; 19 Pou sa, konsa pale SENYÈ dèzame yo, Bondye Israèl la: “Jonadab, fis a Récab la, ✧p ap manke yon nonm ki pou toujou kanpe devan M.”

## 36

1 Nan ✧katriyèm ane Jojakim, fis a Josias la, wa Juda a, pawòl sa a te rive a Jérémie soti nan SENYÈ a e te di: 2 Pran yon woulo e ekri sou li tout pawòl ke M te pale ou konsènan ✧Israèl, konsènan Juda e konsènan tout nasyon yo, depi nan jou ke M te premyèmman pale ak ou a, depi nan jou a Josias yo, jis pou rive nan jou sa a. 3 Petèt, lakay Juda va tandè afè tout malè ke M gen lentansyon fè rive yo, jiskaske tout moun va detounen kite chemen mechan pa yo; epi konsa, Mwen va ✧padone inikite ak peche yo.”

✧ 35:6 Lev 10:9 ✧ 35:7 Egz 20:12 ✧ 35:8 Pwov 1:8-9 ✧ 35:9 Sòm 37:16 ✧ 35:10 Jr 35:7  
✧ 35:13 És 28:9-12 ✧ 35:14 Jr 35:6-10 ✧ 35:15 Det 2:14 ✧ 35:16 Jr 35:14 ✧ 35:17 Jos 23:15 ✧ 35:18 Egz 20:12 ✧ 35:19 I Kwo 2:55 ✧ 36:1 II Wa 24:1 ✧ 36:2 Jr 3:3-10 ✧ 36:3 Jon 3:10

<sup>4</sup> Epi Jérémie te rele Baruc, fis a Nérija a e Baruc te ekri sou yon ✧woulo, selon dikte Jérémie, tout pawòl ke SENYÈ a te pale a li yo. <sup>5</sup> Jérémie te kòmande Baruc e te di: “Mwen ✧limite; mwen p ap ka antre lakay SENYÈ a. <sup>6</sup> Akoz sa, ou va ale li nan woulo ke ou te ekri selon dikte mwen an, pawòl a SENYÈ a, a pèp lakay SENYÈ a nan yon ✧jou jèn. Epi anplis, ou va li yo a tout pèp Juda a lè yo antre sòti nan vil yo. <sup>7</sup> ✧Petèt siplikasyon yo va vini devan SENYÈ a e tout moun va detounen kite chemen mechan yo, paske kòlè ak gwo mekontantman SENYÈ a te pwononse kont pèp sa a, byen gran.

<sup>8</sup> Baruc, fis a Nérija a, te fè selon tout sa ke Jérémie, pwofèt la, te kòmande li yo e te ✧li nan woulo pawòl a SENYÈ a, lakay SENYÈ a. <sup>9</sup> Alò, nan senkyèm ane Jojakim lan, fis a Josias, wa a Juda a, nan nevyèm mwa a, tout pèp Jérusalem nan ak tout moun ki te antre soti nan vil a Jérusalem yo, te pwoklame yon ✧jèn devan SENYÈ a. <sup>10</sup> Epi Baruc te li nan woulo pawòl a Jérémie yo lakay SENYÈ a nan ✧chanm a Guemaria, fis a Schaphan an, grefye nan tribunal anwo a, nan antre a Pòtay Nèf la lakay SENYÈ a, devan tout pèp la.

<sup>11</sup> Alò, lè ✧Michée, fis a Guemaria, fis a Schaphan an, te tande tout pawòl a SENYÈ a soti nan liv la, <sup>12</sup> Li te desann lakay wa a, nan chanm grefye a. Epi gade byen, tout ofisye yo te chita la—✧Élischama, grefye a, Delaja, fis a Schemaeja a, Elnathan, fis a Achbor a, Guemaria, fis a Schaphan an e Sédécias, fis a Hanania a, ak tout lòt chèf yo. <sup>13</sup> Michée te ✧deklare a yo menm tout pawòl ke li te tande lè Baruc te li soti nan liv a pèp la. <sup>14</sup> Epi tout ofisye yo te voye Jehudi, fis a Nethania, fis a Schélémia, fis a Cuschi a, kote Baruc e te di: “Pran nan men ou woulo ke ou te li a pèp la e vini.”

Konsa Baruc, fis a Nethania, ✧te pran woulo a nan men l e te ale kote yo. <sup>15</sup> Yo te di li: “Chita la, souple e li li bannou.”

Epi Baruc te ✧li li bay yo.

<sup>16</sup> Lè yo te tande tout pawòl yo; ak gwo perèz, yo ✧te vire youn vè lòt e yo te di a Baruc: “Anverite, nou va bay rapò tout pawòl sa yo bay wa a.”

<sup>17</sup> Epi yo te mande Baruc e te di: “Di nou, souple, ✧kijan ou te ekri tout pawòl sa yo? Èske se te selon dikte pa li?”

<sup>18</sup> Epi Baruc te di yo: “Li te ✧dikte tout pawòl sa yo e mwen te ekri yo ak lank nan liv la.” <sup>19</sup> Alò, ofisye yo te di a Baruc: “Ale, ✧kache tèt ou, ou menm ak Jérémie e pa kite pèsòn konnen kote nou ye.

<sup>20</sup> Pou sa, yo te ale kote ✧wa a nan lakou a, men yo te depoze woulo a nan chanm Élischama, grefye a e yo te fè rapò tout pawòl sa yo a wa a. <sup>21</sup> Epi wa a te voye Jehudi chache woulo a e li te retire li nan chanm Élischama, grefye a. Epi Jehudi ✧te li li bay wa a ansanm ak tout ofisye ki te kanpe akote wa a. <sup>22</sup> Alò, wa a te chita nan ✧kay sezon livè a, nan nevyèm mwa a, ak dife ki t ap brile nan recho la devan l. <sup>23</sup> Lè Jehudi te fin li twa oswa kat pòsyon, wa a te koupe li ak yon kouto e te ✧jete li nan dife ki te nan recho a, jiskaske woulo a te fin manje nèt nan dife ki te nan recho a. <sup>24</sup> Malgre sa, wa a ak tout sèvitè ki te tande pawòl sila yo ✧pa t pè, ni yo pa t chire

✧ 36:4 Jr 36:14 ✧ 36:5 Jr 32:2 ✧ 36:6 Jr 36:9 ✧ 36:7 I Wa 8:33 ✧ 36:8 Jr 1:17 ✧ 36:9 Jij 20:26 ✧ 36:10 Jr 35:4 ✧ 36:11 Jr 36:13 ✧ 36:12 Jr 36:20 ✧ 36:13 II Wa 22:10 ✧ 36:14 Jr 36:2 ✧ 36:15 Jr 36:21 ✧ 36:16 Jr 36:24 ✧ 36:17 Jn 9:10-26 ✧ 36:18 Jr 36:4 ✧ 36:19 I Wa 17:3 ✧ 36:20 Jr 36:12 ✧ 36:21 II Wa 22:10 ✧ 36:22 Jij 3:20 ✧ 36:23 I Wa 22:8-27 ✧ 36:24 Sòm 36:1

rad yo. <sup>25</sup> Menmsi Elnathan, Delaja ak Guemaria te \*sipliye wa a pou l pa brile woulo a, li te refize koute yo. <sup>26</sup> Epi wa a te kòmande Jerachmeel, fis a wa a, Seraja, fis Azriel e Schélémia, fis a Abdeel, pou \*sezi Baruc, grefye a ak Jérémie, pwofèt la, men SENYÈ a te kache yo.

<sup>27</sup> Epi pawòl SENYÈ a te rive kote Jérémie lè wa a te fin \*brile woulo pawòl ke Baruc te ekri selon dikte Jérémie a e te di: <sup>28</sup> \**“Pran ankò yon lòt woulo e ekri sou li tout menm pawòl ki te ekri sou premye woulo ke Jojakim, wa Juda a, te brile a. <sup>29</sup> Epi konsènan Jojakim, wa Juda a, ou va di: ‘Konsa pale SENYÈ a: “Ou te brile woulo sa a e ou te di: \* ‘Poukisa ou te ekri sou li ke wa Babylone nan va, anverite, vin detwi peyi sa a e va fè ni lòm ni bèt vin disparèt ladann?’ ” <sup>30</sup> ‘Akoz sa’, pale SENYÈ a konsènan Jojakim wa Juda a: “Li \*p ap gen okenn moun ki pou chita sou twòn David la e kadav li va jete deyò nan chalè lajounen ak gwo fredyè lannwit. <sup>31</sup> Anplis, Mwen va \*pini li ak desandan li yo ak sèvitè li yo pou inikite yo e Mwen va mennen sou yo ak sila k ap viv Jérusalem yo ak mesye Juda yo, tout malè ke M te deklare a yo menm yo—men yo pa t koute.” ’ ”*

<sup>32</sup> Epi Jérémie te pran yon lòt woulo e te bay li a Baruc, fis a Nérija a, grefye a; epi li te \*ekri sou li selon dikte a Jérémie, tout pawòl a liv ke Jojakim, wa Juda a. te brile nan dife a; epi anpil pawòl parèy a yo te ajoute nan yo.

## 37

<sup>1</sup> Alò, \*Sédécias, fis a Josias ke Nebucadnetsar, wa Babylone nan, te fè wa nan peyi Juda a, te renye kon wa nan plas a Jeconia, fis a Jojakim nan. <sup>2</sup> Men \*ni li menm, ni sèvitè li yo, ni pèp peyi a te koute pawòl a SENYÈ a, ke li te pale pa Jérémie, pwofèt la.

<sup>3</sup> Men wa Sédécias te voye Jucal, fis a Schélémia a, ak Sophonie, fis a Maaséja a, kote Jérémie, pwofèt la e te di: \**“Souple, priye a SENYÈ a, Bondye nou an, pou nou menm.”*

<sup>4</sup> Alò, Jérémie te toujou ap sikile pami pèp la, paske yo potko \*mete l nan prizon. <sup>5</sup> Antretan, \*lame Farawon an te gen tan sòti an Égypte; epi lè Kaldeyen ki t ap fè syèj Jérusalem yo te tande rapò de yo a, yo te leve syèj la sou Jérusalem.

<sup>6</sup> Alò, pawòl SENYÈ a te vin kote Jérémie, pwofèt la e te di: <sup>7</sup> *“Konsa pale SENYÈ a, Bondye Israèl la: ‘Konsa nou va di a wa Juda a, ki te voye nou kote m pou mande konsèy la: “Gade byen, lame \*Farawon ki te vin parèt pou bannou asistans lan va retounen nan pwòp peyi li an Égypte. <sup>8</sup> Kaldeyen yo va \*retounen pou goumen kont vil sa a e yo va pran l pou brile l ak dife.” ’ ”*

<sup>9</sup> Konsa pale SENYÈ a: ‘Pa \*twonpe tèt nou pou nou di: “Kaldeyen yo vrèman va kite nou”, paske vrèman, yo pa prale. <sup>10</sup> Paske \*menm si nou te bat tout lame Kaldeyen ki t ap goumen kont nou yo e te gen sèlman moun blese ki rete pami yo, yo chak nan tant pa yo, yo ta soulve e brile vil sa a ak dife.’ ”

<sup>11</sup> Alò, li te vin rive ke lè lame Kaldeyen an te leve syèj Jérusalem nan akòz lame Farawon an, <sup>12</sup> Ke Jérémie te sòti deyò Jérusalem pou ale

\* 36:25 Jen 37:22-27 \* 36:26 I Wa 19:1-14 \* 36:27 Jr 36:23 \* 36:28 Jr 36:4-23 \* 36:29 És 29:21 \* 36:30 II Wa 24:12-15 \* 36:31 Jr 23:34 \* 36:32 Egz 4:15-16 \* 37:1 II Wa 24:17 \* 37:2 II Wa 24:19-20 \* 37:3 I Wa 13:6 \* 37:4 I Wa 13:6 \* 37:5 I Wa 13:6 \* 37:7 És 30:1-3 \* 37:8 Jr 34:22 \* 37:9 Jr 29:8 \* 37:10 Lev 26:36-38



nan peyi Benjamin pou l ta ka ✨pran posesyon a yon teren pami pèp la. <sup>13</sup> Pandan li te kote Pòtay Benjamin an, yon kapitèn nan gad la ki te rele Jireija, fis a Schélémia, fis a Hanania a, te la; epi li te ✨arete Jérémie, pwofèt la e te di: “W ap vin apiye Kaldeyen yo!”

<sup>14</sup> Men Jérémie te di: ✨“Manti! Mwen p ap apiye Kaldeyen yo”; men li te refize koute li. Konsa, Jireija te arete Jérémie e te mennen li kote ofisye yo. <sup>15</sup> Epi ofisye yo te fache ak Jérémie, yo te bat li e yo te ✨anprizone li lakay Jonathan, grefye a, ke yo te sèvi pou prizon.

<sup>16</sup> Paske Jérémie te fin rive nan ✨donjon an, sa vle di, yon chanm prizon; epi se la, li te rete pandan anpil jou. <sup>17</sup> Alò, Wa Sédécias te voye retire li; epi nan palè li, wa a an sekre te kesyone l e te di: “Èske gen yon pawòl ki sòti nan SENYÈ a?”

Epi Jérémie te di: “Wi, genyen!” Epi li te di: “Ou va ✨livre nan men wa a Babylone nan.

<sup>18</sup> Anplis, Jérémie te di a Wa Sédécias: “Nan ki fason mwen te peche kont ou an, oswa kont sèvitè ou yo, oswa kont pèp sa a, pou ou te mete m nan prizon an? <sup>19</sup> Alò, ki kote pwofèt ki te pwofetize devan ou yo te ye, ki t ap di: ✨ ‘Wa Babylone nan p ap parèt kont nou, ni kont peyi sa a?’ <sup>20</sup> Men koulye a, souple, koute mwen, O mèt mwen e wa mwen; souple, kite ✨demann mwen an rive devan ou e pa fè m retounen lakay Jonathan, grefye a, pou mwen pa mouri la.”

<sup>21</sup> Epi Wa Sédécias te pase lòd e yo te angaje Jérémie pou l rete nan ✨lakou kay gad la, yo te bay li yon pen ki sòti nan lari boulanje a, jiskaske tout pen nan vil la te fini nèt. Konsa, Jérémie te rete nan lakou kay gad la.

## 38

<sup>1</sup> Alò, Schephathia, fis a Mattan e Guedalia, fis a ✨Paschhur, fis a Malkija, te tandè pawòl ke Jérémie t ap pale a tout pèp la e t ap di: <sup>2</sup> “Konsa pale SENYÈ a: ✨ “Sila ki rete nan vil sa a va mouri ak nepe, ak gwo grangou e ak gwo ravaj ak maladi, men sila ki sòti devan Kaldeyen yo va viv, li va gen pwòp lavi l kon pwòp benefis pa l e li va viv. <sup>3</sup> “Konsa pale SENYÈ a: “Vil sa a va, anverite, ✨livre nan men a wa Babylone nan e li va kaptire l.”

<sup>4</sup> Epi ofisye yo te di a wa a: “Koulye a, kite nonm sa a vin mete a lanmò, konsi l ap ✨dekouraje mesye lagè ki rete nan vil sa a ak tout pèp la lè l pale pawòl konsa avèk yo; paske nonm sa a p ap chache byen a pèp sa a, men malè yo.

<sup>5</sup> Konsa, Wa Sédécias te di: “Gade byen, li nan men nou; paske wa a ✨p ap ka fè anyen kont nou menm.”

<sup>6</sup> Epi yo te pran Jérémie e te jete li nan ✨sitèn a Malkija, fis a wa a, ki te nan lakou kay gad la; epi yo te fè Jérémie desann ladann ak kòd yo. Alò, nan sitèn nan, pa t gen dlo, men sèlman labou e Jérémie te fonsè antre nan labou a.

<sup>7</sup> Men ✨Ébed Mélec, Etyopyen an, yon enik, pandan li te lakay wa a, te tandè ke yo te mete Jérémie nan sitèn nan. Alò, wa a te chita nan antre Pòtay Benjamin an; <sup>8</sup> Epi Ébed-Mélec te sòti nan palè a wa a, te pale ak wa a e te di: <sup>9</sup> Mèt mwen, wa a, mesye sila yo te aji ak mechanste nan tout

✨ 37:12 Jr 32:8 ✨ 37:13 Jr 18:18 ✨ 37:14 Sòm 27:12 ✨ 37:15 Jen 39:20 ✨ 37:16 Jr 38:6 ✨ 37:17 Jr 21:7 ✨ 37:19 Jr 27:14 ✨ 37:20 Jr 36:7 ✨ 37:21 Jr 32:2 ✨ 38:1 Jr 21:1 ✨ 38:2 Jr 21:9 ✨ 38:3 Jr 21:10 ✨ 38:4 Egz 5:4 ✨ 38:5 II Sam 3:39 ✨ 38:6 Jr 37:16-21 ✨ 38:7 Jr 39:16

sa yo te fè Jérémie yo, pwofèt ki te jete nan sitèn nan; epi li va mouri kote li ye akòz gwo grangou, paske ✧nanpwen pen ankò nan vil la.”

<sup>10</sup> Epi wa a te kòmande Ébed-Mélec, Etyopyen an e te di l: “Pran trant mesye soti isit la anba otorite ou e mennen fè monte Jérémie soti nan sitèn nan avan l mouri.” <sup>11</sup> Konsa, Ébed-Mélec te pran mesye yo anba otorite li e te antre nan palè a wa a, yon kote pi ba depo a, li te pran la vye rad epwize ak vye twal epwize e fè yo desann sou kòd, antre nan pwi a rive kote Jérémie. <sup>12</sup> Epi Ébed-Mélec, Etyopyen an te di a Jérémie: “Alò, mete rad epwize sa yo ak twal yo anba bra ou, anba kòd yo.

Jérémie te fè l. <sup>13</sup> Konsa, yo te rale Jérémie fè l monte leve sòti nan sitèn nan e Jérémie te rete nan ✧lakou kay gad la.

<sup>14</sup> Epi Wa Sédécias te voye fè yo mennen Jérémie, pwofèt la, kote li nan twazyèm antre ki nan kay SENYÈ a; epi wa a te di a Jérémie: “Mwen ap ✧mande ou yon bagay; pa kache anyen pou mwen.”

<sup>15</sup> Epi Jérémie te di a Sédécias: ✧“Si mwen pale ou; anverite, ou p ap mete m a lanmò? Anplis, menm si m ta bay ou konsèy, ou p ap koute mwen.”

<sup>16</sup> Men wa Sédécias te sèman a Jérémie an sekre e te di: “Kon SENYÈ a viv la, ki te fè ✧lavi sa a pou nou; anverite, mwen p ap mete ou a lanmò, ni mwen p ap livre ou nan men a mesye sila k ap chache pran lavi ou yo.

<sup>17</sup> Epi Jérémie te di a Sédécias: “Konsa pale SENYÈ a, Bondye dèzame yo, Bondye Israèl la; ‘Si, anverite, ou va ✧sòti deyò pou vin soumèt a wa a Babylone nan; alò, ou va viv, vil sa a p ap brile ak dife e ou menm ak lakay ou va viv. <sup>18</sup> Men si ou pa ale deyò kote ofisye a wa Babylone yo; alò, vil sa va livre nan men a Kaldeyen yo; epi yo va brile li ak dife e ou menm, ou p ap chape nan men yo.’ ”

<sup>19</sup> Epi Wa Sédécias te di a Jérémie: “Mwen ✧krent Jwif ki te janbe kote Kaldeyen yo, paske yo kapab petèt livre mwen nan men yo e yo va abize m.”

<sup>20</sup> Men Jérémie te di: “Yo p ap livre ou nan men yo. Souple, ✧obeyi SENYÈ a nan sa ke m ap di ou a, pou l ka ale byen pou ou e pou ou kapab viv.

<sup>21</sup> Men si ou kontinye refize ale deyò, men pawòl ke SENYÈ a te montre m nan: <sup>22</sup> Alò, gade byen, tout fanm ki te rete nan palè wa Juda a, va mennen deyò kote ofisye a wa Babylone nan; epi fanm sa yo va di:

“Pwòch zanmi ou yo te egare ou  
e te vin domine ou;  
pandan pye ou te kole nan labou a,  
yo te vire kite ou.”

<sup>23</sup> Anplis, yo va mennen deyò tout madanm ou yo ak fis ou yo devan Kaldeyen yo e ou ✧menm, ou p ap ka chape nan men yo, men ou va sezi pa men wa Babylone nan e vil sa a va brile ak dife.’ ”

<sup>24</sup> Epi Sédécias te di a Jérémie: “Pa kite pèsòn konnen pawòl sa yo e ou p ap mouri. <sup>25</sup> Men si ofisye yo tandè ke mwen te pale avèk ou, te vin rekonèt ou e di ou: ‘Pale a nou sa ke ou te di wa a, sa ke wa a te di ou a; pa kache sa devan nou e nou p ap mete ou a lanmò,’ <sup>26</sup> Alò, ou gen pou di yo: “Mwen t ap ✧prezante siplikasyon mwen yo devan wa a, pou l pa fè m retounen lakay Jonathan pou m pa ta mouri la.’ ”

✧ 38:9 Jr 37:21 ✧ 38:13 Né 3:25 ✧ 38:14 I Sam 3:17-18 ✧ 38:15 Luc 22:67-68 ✧ 38:16 Nonb 16:22 ✧ 38:17 II Wa 24:12 ✧ 38:19 És 51:12 ✧ 38:20 II Kwo 20:20 ✧ 38:23 Jr 38:18 ✧ 38:26 Jr 37:20

<sup>27</sup> Epi tout ofisye yo te vin kote Jérémie pou te kesyone li. Pou sa, li te reponn yo selon pawòl ke wa a te kòmande yo; epi yo te sispann pale ak li, konsi konvèsasyon an pa t koute pa okenn moun.

<sup>28</sup> Konsa, Jérémie te ✨rete nan lakou kay gad yo jis rive jou ke Jérusalem te vin kaptire a.

## 39

<sup>1</sup> Alò, lè Jérusalem te vin kaptire ✨nan nevyèm ane pouvwa Sédécias la, wa Juda a, nan dizyèm mwa, Nebucadnetsar, wa Babylone nan, ak tout lame li te rive kote Jérusalem pou te fè syèj sou li. <sup>2</sup> Nan onzyèm ane pouvwa Sédécias la, nan katyèm mwa a, nan nevyèm jou nan mwa a, yon ✨brèch te fèt nan miray vil la. <sup>3</sup> Epi tout ✨ofisye a wa Babylone yo te antre ladann e te chita bò kote Pòtay Mitan a; Nérgal-Scharetser, Samgar-Nebu, Sarsekim, chèf a enik yo, Nergal-Sar-Ezer, chèf a majisyen yo, ak tout rès chèf a wa Babylon yo. <sup>4</sup> Lè Sédécias, wa Juda a, ak tout mesye lagè yo te wè yo, yo te sove ale e te ale deyò lavil la nan nwit lan pa chemen jaden a wa a, atravè ✨pòtay antre de miray yo; epi li te sove ale vè dezè a.

<sup>5</sup> Men lame Kaldeyen yo te kouri dèyè yo e te kaptire Sédécias nan plèn Jericho; epi yo te sezi li e te mennen li monte kote Nebucadnetsar, wa Babylone nan, nan ✨Ribla, nan peyi a Hamath la; epi li te pase sou li. <sup>6</sup> Epi wa Babylone nan te touye fis a Sédécias yo, devan zye l nan Ribla; anplis, wa Babylone nan te touye tout mesye enpòtan Juda yo. <sup>7</sup> Epi li te ✨avegle zye a Sédécias e te mare li ak braslè an bwonz pou mennen l Babylone.

<sup>8</sup> Anplis, Kaldeyen yo te ✨brile palè wa a ak dife avèk kay a pèp la e yo te kraze miray Jérusalem yo. <sup>9</sup> Epi pou tout rès pèp la ki te rete lavil la, ✨sila ki te abandone vil la, ki te janbe kote li e retay ki te rete nan pèp la, Nebuzaradan, chèf gad yo, te pote yo an egzil Babylone. <sup>10</sup> Men kèk nan sila ki te ✨malere nèt yo, ki pa t gen anyen yo; Nebuzaradan, chèf gad yo, te kite yo dèyè nan peyi Juda e te bay yo chan rezen ak chan pou yo kiltive nan menm lè sa a.

<sup>11</sup> Alò, Nebucadnetsar, wa Babylone nan, te pase lòd de ✨Jérémie pa Nebuzaradan, chèf gad la e te di: <sup>12</sup> Pran l e okipe l, ✨pa fè l anyen ki mal, men pito aji avèk li jan li mande ou a.”

<sup>13</sup> Konsa Nebuzaradan, chèf gad yo, te voye pawòl pa Nebuschazban, chèf a enik yo, Nergal-Scharetser, chèf a majisyen yo, ak tout chèf a wa Babylone yo; <sup>14</sup> Menm anplis, yo te voye ✨retire Jérémie sòti nan lakou kay gad la e te fè Guedalia, fis Achikam, fis a Schaphan nan, responsab pou mennen li lakay li. Konsa, li te rete pami pèp li a.

<sup>15</sup> Alò, pawòl SENYÈ a te rive kote Jérémie pandan li te ✨anprizone nan lakou kay gad la e te di: <sup>16</sup> Ale pale ak Ébed-Mélec, Etyopyen an e di: ‘Konsa pale SENYÈ dèzame yo, Bondye Israèl la: “Gade byen, Mwen prèt pou mennen pawòl Mwen yo sou vil sa a pou dezas e pa pou pwosperite; epi ✨yo va fèt devan nou nan jou sa a. <sup>17</sup> Men mwen va ✨delivre ou nan jou sa a,” deklare SENYÈ a: “Epi ou p ap livre nan men a moun sa yo ke ou pè yo. <sup>18</sup> Paske anverite, Mwen va sove ou e ou p ap tonbe anba nepe; men ou va gen lavi ou kon benefis, akoz ou te ✨mete konfyans nan Mwen,” deklare SENYÈ a.

✨ 38:28 Sòm 23:4 ✨ 39:1 II Wa 25:1-2 ✨ 39:2 II Wa 25:4 ✨ 39:3 Jr 38:17 ✨ 39:4 II Kwo 32:5 ✨ 39:5 II Wa 23:33 ✨ 39:7 II Wa 25:7 ✨ 39:8 II Wa 25:9 ✨ 39:9 Jr 38:19 ✨ 39:10 II Wa 25:12 ✨ 39:11 Job 5:15-16 ✨ 39:12 Sòm 105:14-15 ✨ 39:14 Jr 38:28 ✨ 39:15 Jr 38:28 ✨ 39:16 Sòm 91:8 ✨ 39:17 Sòm 41:1-2 ✨ 39:18 Sòm 34:22

## 40

<sup>1</sup> Pawòl ki te rive kote Jérémie soti nan SENYÈ a lè Nebuzaradan, chèf a gad yo te lage li Rama lè l te pran li mare ak \*chenn pami tout egzil a Jérusalem ak Juda ki t ap egzile Babylone yo. <sup>2</sup> Alò, chèf a gad yo te pran Jérémie e te di l: \**“SENYÈ a, Bondye ou a, te pwomèt gwo malè sa a kont plas sa a; <sup>3</sup> Epi SENYÈ a te fè l vin parèt e fèt jan sa te pwomèt la. Akoz nou te \*peche kont SENYÈ a e pa t koute vwa li; pou sa, bagay sa a te vin rive nou”.* <sup>4</sup> Men koulye a, gade byen, mwen ap \*libere ou jodi a de chenn ki nan men ou yo. Si ou ta prefere vini ak mwen Babylone, vini e mwen va okipe ou; men si ou prefere pa ale, ou pa oblije. Gade, tout peyi a devan ou; ale kote li sanble bon e kòrèk pou ou ta ale.” <sup>5</sup> Kòm Jérémie te toujou pa t ap tounen, li te di: *“Ale konsa, alò, retounen a Guedalia, fis a Achikam, fis a Schaphan an, ke wa Babylone nan te \*chwazi sou vil a Juda yo e rete la pami pèp la; oswa, ale kote li sanble pi bon pou ou ta ale.”*

Konsa chèf gad la te bay li yon pòsyon manje ak yon kado e te kite li ale. <sup>6</sup> Apre Jérémie te ale \*Mitspa, kote Guedalia, fis a Achikam e te rete avè l pami moun ki te rete nan peyi a.

<sup>7</sup> Alò, tout chèf lame ki te nan chan an ak mesye pa yo te tandè ke wa Babylone nan te chwazi Guedalia, fis a Achikam nan, sou peyi a e ke li te mete li an chaj de tout mesye yo, fanm ak timoun yo, sila ki te \*pi malere pase tout moun nan peyi a, ki pa t oblije fè egzil Babylone yo. <sup>8</sup> Pou sa, yo te vin kote Guedalia Mitspa, ansanm ak Ismaël, fis a Nethania a ak Jochanan e Jonathan, fis a Karéach, Seraja, fis a Thanhumeth, fis a Éphaï, \*Nethopha ak Jezania, fis a Maacatite, yo menm ak mesye pa yo. <sup>9</sup> Epi Guedalia, fis a Achikam, fis a Schaphan an, te \*sèmante a yo menm e a mesye pa yo, epi te di: *“Pa pe sèvi Kaldeyen yo; rete nan peyi a pou sèvi wa Babylone nan, pou sa ale byen pou nou. <sup>10</sup> Alò, pou mwen menm, gade byen, mwen ap rete Mitspa, pou m ka \*kanpe pou nou devan Kaldeyen ki te vini kote nou yo; men pou nou, ranmase divin nan, fwi sezon ete a ak lwil epi mete yo nan veso pou konsève yo e rete nan vil nou ke nou fin okipe yo.*

<sup>11</sup> Menm jan an osi, tout Jwif ki te \*Moab yo, pami fis a Ammon nan Edom yo e ki te nan tout lòt peyi yo, te tandè ke wa Babylone nan te kite yon retay pou Juda e ke li te deziyen sou yo, Guedalia, fis a Achakim, fis a Schaphan an. <sup>12</sup> Epi tout Jwif yo te \* retounen soti tout kote ke yo te chase ale yo pou te vini nan peyi Juda, kote Guedalia nan Mitspa e te ranmase diven nan gran sezon an an gran kantite.

<sup>13</sup> Alò, Jochanan, fis a Karéach ak tout chèf lame ki te nan chan an te vini a Guedalia nan Mitspa, <sup>14</sup> Epi te di a li menm: *“Èske ou konnen ke Baalis, wa a fis \*Ammon yo te voye Ismaël, fis a Nethania a, pou pran lavi ou?”*

Men Guedalia, fis a Achakim nan, pa t kwè yo.

<sup>15</sup> Epi Jochanan, fis a Karéach la, te pale an sekrè ak Guedalia nan Mitspa e te di: \**“Kite mwen ale touye Ismaël, fis a Nethania a e pèsòn p ap konnen! Poukisa li ta dwe pran lavi ou pou tout Jwif ki rasanble a ou menm yo ta gaye e pou retay Juda a ta peri?”*

<sup>16</sup> Men Guedalia, fis a Achikam nan, te di a Jochanan, fis a Karéach la: \**“Pa fè bagay sa a, paske ou ap di yon manti sou Ismaël.”*

\* **40:1** Trav 12:6-7 \* **40:2** Lev 26:14-38 \* **40:3** Jr 50:7 \* **40:4** Jr 39:11-12 \* **40:5** II Wa 25:23 \* **40:6** Jij 20:1 \* **40:7** Jr 39:10 \* **40:8** II Sam 23:28-29 \* **40:9** I Sam 20:16-17 \* **40:10** Det 1:38 \* **40:11** Nonb 22:1 \* **40:12** Jr 43:5 \* **40:14** I Sam 11:1-3 \* **40:15** I Sam 26:8 \* **40:16** Mat 10:16

## 41

<sup>1</sup> Nan setyèm mwa Ismaël, fis a Nethania a, fis a Élischama, manm fanmi wayal la e youn nan chèf prensipal a wa yo, ansanm ak dis mesye te rive Mitspa, kote Guedalia, fis a Achikam nan. Pandan yo ✧t ap manje pen ansanm nan Mitspa, <sup>2</sup> Ismaël, fis a Nethania a ak dis mesye ki t ap manje avèk li yo te leve e te ✧touye Guedalia, fis a Achikam, fis a Schaphan an, ak nepe e te mete a lanmò sila ke wa Babylone nan te chwazi sou peyi a. <sup>3</sup> Ismaël, anplis, te frape touye tout Jwif ki te avè l yo, sa vle di ak Guedalia nan Mitspa, menm ak Kaldeyen ki te la yo, mesye lagè yo.

<sup>4</sup> Alò, li te rive nan pwochen jou apre lanmò a Guedalia a, lè pèsòn pa t konnen anyen sou sa, <sup>5</sup> Ke katre-ven gason te sòti Sichem, Silo ak Samarie avèk ✧bab yo retire nèt ak razwa, ak rad yo chire e kò yo blese, ofrann ak lansan nan men yo pou pote lakay SENYÈ a. <sup>6</sup> Epi Ismaël, fis a Nethania a, te sòti Mitspa pou rankontre yo e li t ap ✧kriye nan wout la; epi pandan li te rankontre yo, li te di yo: “Vin kote Guedalia, fis a Akchikam nan!” <sup>7</sup> Malgre sa, li te rive ke lè yo te antre anndan vil la, Ismaël, fis a Nethania a ak mesye ki te avè l yo te ✧touye yo e jete yo nan sitèn nan. <sup>8</sup> Men dis nan mesye ki te pami yo te di a Ismaël: “pa mete nou a lanmò, paske nou gen depo ble, lòj, lwil ansanm ak siwo myèl ki cache nan chan an.”

Akoz sa, li te ralanti e pa t mete yo ansanm ak zanmi parèy yo a lanmò. <sup>9</sup> Alò, konsènan sitèn kote Ismaël te jete tout kadav a mesye ke li te touye aköz Guedalia yo, se te sila ki te bati pa wa Asa a pou Baescha, wa Israèl la; Ismaël, fis a Nethania a, te plen li ak moun mouri yo.

<sup>10</sup> Epi Ismaël te pran an kaptif tout ✧retay ki te Mitspa yo fi a wa yo ak tout moun ki te rete Mitspa yo, ke Nebuzaradan, chèf gad la, te mete sou chaj Guedalia, fis a Achikam nan. Konsa Ismaël, fis a Nethania a, te pran yo an kaptif e te pati pou janbe kote fis a Ammon yo.

<sup>11</sup> Men Jochanan, fis a Karéach la ak tout ✧chèf a fòs lame ki te avèk li yo te tande afè mechanste ke Ismaël, fis a Nethania a, te fè a. <sup>12</sup> Pou sa, yo te pran tout mesye yo pou te ale goumen ak Ismaël, fis a Nethania a e yo te rankontre li akote ✧gwo basen ki Gabaon an. <sup>13</sup> Alò, la menm tout moun ki te avèk Ismaël yo te wè Jochanan, fis a Karéach la ak chèf a lame ki te avèk li yo, yo te kontan. <sup>14</sup> Konsa, tout moun ke Ismaël te pran kaptif soti Mitspa yo te vire retounen pou te ale kote Jochanan, fis a Karéach la. <sup>15</sup> Men Ismaël, fis a Nethania a, te ✧chape nan men Jochanan ak uit mesye pou te rive kote fis a Ammon yo.

<sup>16</sup> Epi Jochanan, fis a Karéach la ak tout chèf fòs lame ki te avèk li yo te pran soti Mitspa ✧tout sila nan retay moun ke li te rebran soti nan men Ismaël, fis a Nethania a, lè l te fin touye Guedalia, fis a Achikam nan, ki vle di mesye ki te sòlda yo, fanm yo, timoun yo, ak enik ke li te mennen retounen soti Gabaon an. <sup>17</sup> Epi yo te ale rete Gerut-Kimham, toupri Bethléem, pou yo te ka ale an Égypte <sup>18</sup> Aköz Kaldeyen yo; paske yo te krent yo, aköz Ismaël, fis a Nethania a, te touye Guedalia, fis a Achikam nan, ke ✧wa Babylone nan te chwazi sou peyi a.

## 42

<sup>1</sup> Epi tout gran chèf lame yo, ✧Jochanan, fis a Karéach la, Jezania, fis a Hosée a, ak tout pèp la, ni piti, ni gran, te pwoche <sup>2</sup> Epi te di a Jérémie,

✧ **41:1** Sòm 41:9 ✧ **41:2** II Sam 3:27 ✧ **41:5** Lev 19:27 ✧ **41:6** II Sam 3:16 ✧ **41:7** Sòm 55:23 ✧ **41:10** Jr 40:11-12 ✧ **41:11** Jr 40:11-12 ✧ **41:12** II Sam 2:13 ✧ **41:15** I Sam 30:17 ✧ **41:16** Jr 42:8 ✧ **41:18** Jr 40:5 ✧ **42:1** Jr 40:8-13

pwofèt la: “Souple, kite demand nou an vin parèt devan ou e priye SENYÈ a, Bondye ou a, pou nou pou tout retay sa a; akòz nou se sèlman ✧kèk grenn ki rete pami anpil nan nou, jan zye ou konn wè nou an, <sup>3</sup> pou SENYÈ a, Bondye ou a, kapab pale nou de ✧chemen ke nou ta dwe pran an e de bagay ke nou ta dwe fè a.”

<sup>4</sup> Epi Jérémie, pwofèt la, te di yo: “Mwen te tandè. Gade byen, mwen va priye a SENYÈ a, Bondye nou an, an akò ak tout pawòl nou yo; epi mwen va di nou tout mesaj avèk sila SENYÈ a va reponn nou yo. Mwen p ap kenbe dèyè menm yon mo pou nou.”

<sup>5</sup> Epi yo te di a Jérémie: “Ke ✧SENYÈ a kapab yon vrè fidèl temwen kont nou si nou pa aji selon tout mesaj ke SENYÈ a, Bondye ou a, va voye pou nou. <sup>6</sup> Kit li dous, kit li pa dous, nou va ✧koutè vwa SENYÈ a sou sila nou ap voye ou a, pou sa kapab ale byen pou nou lè nou koute vwa SENYÈ a, Bondye nou an.”

<sup>7</sup> Alò, lè ✧sèt jou fin ekoule, pawòl SENYÈ a te rive kote Jérémie. <sup>8</sup> Epi li te rele Jochanan, fis a Karéach la, ak tout chèf lame ki te avè l yo ak tout pèp la, ni piti, ni gran, <sup>9</sup> Epi te di yo: “Konsa ✧pale SENYÈ a, Bondye Israèl la, a Sila nou te voye mwen pou prezante sa nou t ap mande devan L lan: <sup>10</sup> Si, anverite, nou va rete nan peyi sa a; alò, Mwen va ✧ankouraje nou, Mwen p ap detwi nou, Mwen va plante nou e Mwen p ap dechouke nou; paske Mwen va ralanti sou malè avèk sila Mwen te aflije nou an. <sup>11</sup> ‘Pa pè wa Babylone nan, k ap bannou perèz nan moman sa a; pa pè l!’ paske ✧Mwen avèk nou pou sove nou e pou delivre nou nan men l. <sup>12</sup> Anplis, Mwen va montre nou konpasyon, ✧pou l ta genyen konpasyon anvè nou e restore nou sou pwòp tè pa nou.”

<sup>13</sup> Men si nou ap di: ✧“Nou p ap rete nan peyi sa a,” pou nou pa ta koute vwa a SENYÈ a, Bondye nou an, <sup>14</sup> Epi di: “Non, men nou va ale ✧nan peyi Égypte, kote nou p ap tandè afè lagè, ni son a twonpèt, ni grangou pou pen e se la, nou va rete”; <sup>15</sup> Alò, nan ka sa a, koute pawòl SENYÈ a, O retay a Juda yo. Konsa pale SENYÈ dèzame yo, Bondye Israèl la: “Si nou, anverite, fikse vizaj nou pou antre an ✧Égypte e pou antre nan rezidans lan, <sup>16</sup> Alò, ✧nepe ke nou vrèman krent lan va rive pran nou nan peyi Égypte la; epi grangou ke nou krent anpil la, va swiv nou de prè an Égypte e la, nou va mouri. <sup>17</sup> Konsa, tout mesye ki fikse panse yo pou rive la an Égypte, pou fè rezidans yo la, va mouri pa nepe, pa grangou, ak gwo epidemi; epi yo ✧p ap gen retay, ni egzile ki sòti nan gwo malè ke Mwen va fè vini sou yo a.” ’ ’ ” <sup>18</sup> Paske konsa pale SENYÈ dèzame yo, Bondye Israèl la: “Tankou gwo kòlè ak mekontantman Mwen te vide sou sila ki rete Jérusalem yo, se konsa gwo kòlè Mwen va vide sou nou lè nou antre an Égypte. Epi nou va devni yon ✧madichon, yon objè degoutan, yon anatèm e yon repwòch; epi nou p ap janm wè kote sila a ankò.”

<sup>19</sup> SENYÈ a te pale ak nou, O retay Juda a: “Pa ✧ale antre an Égypte!” Nou ta dwe konprann byen klè ke jodi a, mwen te avèti nou sa. <sup>20</sup> Paske nou ✧twonpe pwòp tèt nou; paske se nou menm ki te voye mwen kote

✧ 42:2 Lev 26:22 ✧ 42:3 Sòm 86:11 ✧ 42:5 Jen 31:50 ✧ 42:6 Egz 24:7 ✧ 42:7 Sòm 27:14  
 ✧ 42:9 II Wa 19:4 ✧ 42:10 Jr 24:6 ✧ 42:11 Nonb 14:9 ✧ 42:12 Né 1:11 ✧ 42:13 Egz 5:2  
 ✧ 42:14 És 31:1 ✧ 42:15 Det 17:16 ✧ 42:16 Jr 44:13-27 ✧ 42:17 Jr 44:14-28 ✧ 42:18 Det  
 29:21 ✧ 42:19 Det 17:16 ✧ 42:20 Jr 43:2

SENYÈ a, Bondye nou an e ki te di: “Priye pou nou a SENYÈ a, Bondye nou an; epi nenpòt sa SENYÈ a, Bondye nou an di, fè nou konnen e nou va fè l.” <sup>21</sup> Konsa, jodi a, mwen te di nou, men nou ☆pa t obeyi SENYÈ a, Bondye nou an, menm nan tout sa Li te voye mwen pale nou yo. <sup>22</sup> Akoz sa, nou ta koulye a dwe konprann ke nou va ☆mouri pa nepe, pa grangou e pa gwo epidemi, nan plas kote nou vle ale rezide a.

## 43

<sup>1</sup> Men la menm Jérémie, ke SENYÈ a, Bondye pa yo a, te voye a, te ☆fin pale tout pèp la tout pawòl a SENYÈ a, Bondye pa yo a— sa vle di, tout pawòl sila yo— <sup>2</sup> Azaria, ☆fis a Hosée, Jochanan, fis a Karéach e tout mesye ògeye yo te di a Jérémie: “W ap bay manti! SENYÈ a, Bondye nou an, pa t voye ou di: ‘Nou p ap antre Égypte pou rete la’; <sup>3</sup> Men ☆Baruc, fis a Nérija a, ap chofe ou kont nou pou livre nou nan men a Kaldeye yo, pou yo menm mete nou a lanmò, oswa ekzile nou Babylone.

<sup>4</sup> Pou sa, Jochanan, fis a Karéach la ak tout chèf lame yo, ak tout pèp la, pa t obeyi vwa SENYÈ a pou rete nan peyi Juda a— <sup>5</sup> Men Jochanan, fis a Karéach la, ak tout chèf lame yo te pran ☆tout retay a Juda yo, ki te retounen soti nan tout nasyon kote yo te konn chase yo rive, pou yo ta ka rete nan peyi Juda a— <sup>6</sup> Mesye yo, fanm yo, timoun yo, ☆fi a wa yo e chak moun ke Nebuzaradan, chèf a kò gad la te kite avèk Guedalia, fis a Achikam nan ak granpapa a Schaphan, ansanm ak Jérémie, pwofèt la e Baruc, fis a Nérija a— <sup>7</sup> Epi yo te antre nan peyi Égypte la (paske yo pa t obeyi a vwa SENYÈ ☆e yo te rive jis Tachnaès.

<sup>8</sup> Epi pawòl SENYÈ a te vin kote Jérémie nan ☆Tachpanès e te di: <sup>9</sup> “Pran kèk nan gwo wòch nan men ou e sere yo nan mòtye nan pave brik ki nan antre palè Farawon ki nan Tachpanès la, devan zye a kèk nan Jwif yo; <sup>10</sup> Epi di yo: ‘Konsa pale SENYÈ dèzame yo, Bondye Israèl la: “Gade byen, Mwen va voye chache Nebucadnetsar, wa Babylone nan ☆sèvitè Mwen an e Mwen va plase twòn li byen dirèk anwo wòch sila ke m te kache yo; epi li va ouvriabri pa l sou yo. <sup>11</sup> Anplis, li va vin frape peyi Égypte la; sila ki te fèt pou mouri va twouve lanmò; sila pou prizon yo, va vin anprizone e sila ki pou nepe yo, va jwenn nepe. <sup>12</sup> Epi Mwen va mete dife sou tanp dye Égypte yo, li va brile yo e fè yo vin prizonye. Li va vlope li menm ak peyi Égypte kon yon bèje vlope kò l ak vètman li e li va sòti la, ansekirite. <sup>13</sup> Anplis, li va kraze nèt imaj an wòch Beth-Schémech yo, ki nan peyi Égypte la; epi tanp dye a Égypte yo, li va brile yo ak dife.” ’ ”

## 44

<sup>1</sup> Pawòl ki te rive kote Jérémie pou tout Jwif ki te rete nan peyi Égypte yo, sila ki te rete nan ☆Migdol yo, Tachpanès Noph ak nan peyi a Pathros yo e te di: <sup>2</sup> “Konsa pale SENYÈ dèzame yo, Bondye Israèl la: ‘Nou menm, nou te wè tout malè ke M te mennen sou Jérusalem ak tout vil Juda yo; epi gade byen, nan jou sa a, ☆yo fin kraze nèt e pèsòn pa rete nan yo, <sup>3</sup> Akoz mechanste ke yo te fè pou ☆pwovoke M a lakòlè; akoz yo te kontinye brile sakrifis pou sèvi lòt dye ke yo pa t konnen, ni yo, ni nou menm, ni zansèt

☆ 42:21 Jr 43:4 ☆ 42:22 Os 9:6 ☆ 43:1 Jr 26:8 ☆ 43:2 Jr 42:1 ☆ 43:3 Jr 36:4-32 ☆ 43:5 Jr 40:11 ☆ 43:6 Jr 41:10 ☆ 43:7 Jr 2:16 ☆ 43:8 Jr 46:14 ☆ 43:10 És 44:28 ☆ 44:1 Egz 14:2 ☆ 44:2 És 6:11 ☆ 44:3 És 3:8

nou yo. <sup>4</sup> Malgre sa, Mwen te ☆voye bannou tout sèvitè mwen yo, pwofèt yo, ankò e ankò e Mwen te di: “Ah, pa fè bagay abominab sila ke m menm rayi a.” <sup>5</sup> Men ☆yo pa t koute, ni panche zòrèy yo pou kite mechanste yo, pou yo pa brile sakrifis a lòt dye yo. <sup>6</sup> Akoz sa, kòlè Mwen ak mekontantman Mwen te vide e te brile nan ☆vil Juda yo ak nan ri a Jérusalem yo, jiskaske yo vin detwi nèt e vin yon dezolasyon jis rive jodi a.

<sup>7</sup> Alò, konsa pale SENYÈ a, Bondye Israèl la: “Poukisa n ap fè gwo mal sa a nou menm, pou nou ta ☆koupe retire nèt de nou menm, gason, fanm, pitit, ak tibebe, pou kite tèt nou san retay. <sup>8</sup> Epi pwovoke M a lakòlè avèk zèv men nou, ☆brile sakrifis a lòt dye nan peyi Égypte yo, kote nou ap antre pou rezide, pou nou kab vin koupe retire nèt nèt e devni yon madichon ak yon repwòch pami tout nasyon sou latè yo? <sup>9</sup> Èske nou fin bliye ☆mechanste a papa zansèt nou yo, mechanste a wa a Juda yo, mechanste a madanm yo, pwòp mechanste pa nou, mechanste a madanm pa nou yo, ke yo te komèt nan peyi Juda a ak nan ri Jérusalem yo. <sup>10</sup> Men yo pa t repanti, menm jis rive jodi a, ni yo pa t gen lakrent, ni ☆mache nan lalwa Mwen, ni règleman ke M te mete devan nou yo ak devan papa zansèt nou yo.” ’

<sup>11</sup> Pou sa, konsa pale SENYÈ dèzame yo, Bondye Israèl la: ‘Gade byen, Mwen ap ☆fikse fas Mwen kont nou pou malè, menm pou koupe retire tout Juda. <sup>12</sup> Epi Mwen va ☆retire retay Juda ki te fikse panse yo sou antre nan peyi Égypte pou abite la e yo va tout twouve move desten pa yo; la, nan peyi Égypte; yo va tonbe pa nepe e rankontre desten yo nan grangou; epi yo va devni yon madichon, yon objè degoutan, yon anatèm ak yon repwòch. <sup>13</sup> Epi Mwen va pini sila ki rete an peyi Égypte, kon mwen te pini Jérusalem, ak nepe a, ak grangou, ak bèt ki ravaje chan e ak epidemi. <sup>14</sup> Konsa, ☆p ap gen moun ki chape, ni ki retounen nan retay Juda ki te antre nan peyi Égypte pou rezide la ak entansyon pou retounen nan peyi Juda, kote yo gen anvì retounen viv la; paske okenn moun p ap retounen sof ke kèk grenn egzile.

<sup>15</sup> Epi ☆tout sila ki te konnen ke madanm yo t ap brile sakrifis a lòt dye yo, ansanm ak tout fanm ki te kanpe la yo, yon gwo asanble, menm ak tout moun ki te rete Pathros nan peyi Égypte la, te reponn a Jérémie e te di: <sup>16</sup> Selon ☆mesaj ke ou te di nou nan non SENYÈ a nou p ap koute ou! <sup>17</sup> Men pito, nou va akonpli tout pawòl ki te sòti nan bouch pa nou, lè n ap brile sakrifis a ☆rèn syèl la e vide bwason devan l, menm jan ke nou menm, ak papa zansèt nou yo, wa nou yo, ak prèt nou yo te konn fè nan vil Juda yo ak nan ri a Jérusalem yo; paske nan lè sa a, nou te gen kont manje, nou te byen alèz e nou pa t konn soufri malè. <sup>18</sup> Men depi lè nou te sispann brile sakrifis a rèn syèl la ak vide bwason devan l, nou te vin ☆manke tout bagay e nou te vin anile pa nepe ak gwo grangou.” <sup>19</sup> “Epi” fanm yo te pale: “Lè nou t ap ☆brile sakrifis a rèn syèl la e nou t ap vide ofrann bwason a li menm, èske se te san mari nou ke nou te fè pou li gato sakrifis nan imaj li e te vide ofrann bwason a li menm?”

<sup>20</sup> Epi Jérémie te di a tout pèp la, a mesye yo ak fanm yo——menm a tout pèp ki t ap reponn li konsa yo——e li te di: <sup>21</sup> Pou ☆sakrifis lafimen ke nou te brile nan vil a Juda yo ak ri a Jérusalem yo, nou menm ak papa

☆ 44:4 Jr 7:13-25 ☆ 44:5 Jr 11:8-10 ☆ 44:6 Jr 7:17-34 ☆ 44:7 Jr 3:24 ☆ 44:8 Jr 7:9 ☆ 44:9 Jr 7:9-18 ☆ 44:10 Jr 26:4 ☆ 44:11 Lev 17:10 ☆ 44:12 Jr 42:15-22 ☆ 44:14 Jr 22:10 ☆ 44:15 Pwov 11:21 ☆ 44:16 Pwov 1:24-27 ☆ 44:17 II Wa 17:16 ☆ 44:18 Nonb 11:5-6 ☆ 44:19 Jr 7:18 ☆ 44:21 Éz 8:10-11



zansèt nou yo, wa nou yo, ak prens nou yo e pèp peyi a, èske SENYÈ a pa t sonje yo e èske tout sa pa t antre nan panse Li? <sup>22</sup> Konsa, SENYÈ a pa t ka sipòte sa akoz mechanste a zak nou yo, akoz zak abominab ke nou te komèt yo; pou sa, peyi nou an fin detwi nèt, yon objè degoutan ak yon madichon, san pèsòn pou rete ladann, jan li ye jodi a. <sup>23</sup> Akoz nou te brile sakrifis yo, nou te peche kont SENYÈ a e pa t obeyi vwa SENYÈ a, ni mache nan lalwa Li, règleman Li yo, ak temwayaj Li yo; akoz sa, gran malè sa a vin tonbe sou nou, jan li ye jodi a.

<sup>24</sup> Epi Jérémie te di a tout pèp la, ansanm ak tout fanm yo: “Tande pawòl SENYÈ a, tout Juda ki rete ✧nan peyi Égypte la, <sup>25</sup> Konsa pale SENYÈ dèzame yo, Bondye Israèl la, konsa: ‘Pou nou menm ak madanm nou, nou te pale ak bouch nou, nou te akonpli sa ak men nou e nou te di: “Anverite, nou va akonpli ve ke nou te fè yo, pou nou brile sakrifis a rèn syèl la e vide bwason nou yo a li menm.”

✧Ale fè l, pou akonpli ve nou yo e byen si, akonpli ve nou yo!’.

<sup>26</sup> Sepandan, tande pawòl SENYÈ a, tout moun Juda ki rete nan peyi Égypte la: ‘Gade byen, Mwen te sèmante pa gran non Mwen, SENYÈ a di: ✧ ‘Pinga non Mwen janm nome ankò nan bouch a okenn moun Juda nan tout peyi Égypte la, pou ta di: “Jan Senyè BONDYE a viv la.” <sup>27</sup> Gade byen, M ap veye sou yo pou malè yo e pa pou byen yo, ✧tout mesye Juda ki nan peyi Égypte yo, va rankontre lafen pa yo ak nepe e ak gwo grangou jiskaske yo fin disparèt nèt. <sup>28</sup> Sila ki chape anba nepe yo va retounen sòti nan peyi Égypte pou rive Juda ✧ p ap gen anpil menm. Nan lè sa a, retay Juda ki te ale nan peyi Égypte pou rezide yo va konnen pawòl a kilès ki va kanpe, si se pa M nan, oswa pa yo a’.

<sup>29</sup> ‘Sa va sèvi kon sign pou nou’, SENYÈ a di: ‘ke Mwen va pini nou nan plas sa a, pou nou ka konnen ke ✧pawòl Mwen va, anverite, kanpe kont nou pou malè nou.’ <sup>30</sup> Konsa pale SENYÈ a: ‘Gade byen, Mwen va livre ✧ Farawon Hophra, wa Égypte la, nan men lènmi li yo, nan men a sila k ap chache lavi li, menm jan ke m te livre Sédécias, wa Juda a, nan men Nebucadnetsar, wa Babylone nan, ki te ènmi li e ki t ap chache lavi li.’ ”

## 45

<sup>1</sup> Mesaj ke Jérémie, pwofèt la, te pale a Baruc, fis a Nérija, lè l te fin ekri pawòl sila yo nan yon liv selon dikte Jérémie, nan ✧katriyèm ane Jojakim, fis a Josias, wa Juda a, lè l te di: <sup>2</sup> Konsa pale SENYÈ a, Bondye Israèl la a ou menm, O Baruc: <sup>3</sup> Ou te di: “Ah! Malè a mwen menm! Paske SENYÈ a te mete tristès nan doulè m; mwen fatigue ak plent mwen yo e mwen pa jwenn repo.” ’

<sup>4</sup> Se konsa ou dwe pale li, ‘Konsa pale SENYÈ a: “Gade byen, ✧sa ke M te bati a, Mwen prèt pou demoli li e sa ke M te plante a, Mwen prèt pou dechouke li, sa vle di, tout peyi a.” <sup>5</sup> Men ou menm, èske w ap chache gwo bagay pou ou menm? Pa chache, paske gade byen, Mwen va mennen dezaz sou tout chè,’ deklare SENYÈ a: “Men Mwen va bay lavi ou a ou menm kon piyaj tout kote ou ka ale.” ’

✧ 44:24 Jr 43:7 ✧ 44:25 Éz 20:39 ✧ 44:26 Sòm 50:16 ✧ 44:27 II Wa 21:14 ✧ 44:28 És 10:19 ✧ 44:29 Pwov 19:21 ✧ 44:30 II Wa 25:4-7 ✧ 45:1 II Wa 24:1 ✧ 45:4 És 5:5

## 46

<sup>1</sup> Sa ki te rive jan pawòl SENYÈ a a Jérémie, pwofèt la, ✧konsènan nasyon yo.

<sup>2</sup> Pou Égypte, konsènan lame ✧Farawon Neco, wa Égypte la, ki te akote rivyè Euphrate nan Carkemisch; ke Nebucadnetsar, wa Babylone nan, te bat nèt nan katriyèm ane Jojakim, fis a Josias, wa Juda a.

<sup>3</sup> ✧Alinye pwotèj ak boukliye e pwoche pre pou batay la.

<sup>4</sup> Sele cheval yo e monte sou do yo; pran pozisyon nou ak kas nan tèt! Netwaye tout lans yo e mete abiman an bwonz!

<sup>5</sup> Poukisa mwen te wè sa? Yo pè nèt, y ap ✧rale fè bak, mesye pwisan yo fin bat nèt e sèlabri yo se sove ale san gade dèyè; se gwo laperèz tout kote!”

Deklare SENYÈ a.

<sup>6</sup> Pa kite ✧sila ki pi rapid la sove ale, ni moun pwisan an chape poul li; nan nò, akote rivyè Euphrate la, yo te glise chape tonbe.

<sup>7</sup> Se kilès sa ki ✧leve tankou rivyè Nil la, tankou rivyè ki gen dlo k ap jayi toupatou yo?

<sup>8</sup> Égypte leve tankou rivyè Nil la, menm tankou rivyè ki gen dlo k ap jayi toupatou yo; epi Li te di: “Mwen va ✧leve kouvri peyi sa a; anverite, Mwen va detwi vil la ak moun ki rete ladann yo.”

<sup>9</sup> Monte, nou menm, cheval yo!

Kouri tankou moun fou, cha lagè yo! Kite moun pwisan yo ka mache devan: Éthiopie ak Puth ki manevre boukliye a, e ✧Lidyen ki manevre e koube banza a.

<sup>10</sup> Paske jou sa a apatyen a Senyè BONDYE dèzame yo, yon jou vanjans, pou L kapab fè vanjans Li sou lènmi Li yo; epi nepe va devore, vin satisfè e bwè kont li nan san yo; paske va genyen yon ✧sakrifis pou Senyè BONDYE dèzame yo, nan peyi nò a, akote Larivyè Euphrate la.

<sup>11</sup> ✧Monte Galaad pou jwenn pomad gerizon an,

O fi vyèj Égypte la! Anven nou te miltipliye remèd yo; nanpwen gerizon pou nou.

<sup>12</sup> Nasyon yo te tande de bagay ✧wont ou an, e tè a plen ak kri detrès ou; paske yon gran gèye tonbe sou gran gèye, e toulède tonbe atè ansanm.

✧ 46:1 Jr 1:10 ✧ 46:2 II Wa 18:21 ✧ 46:3 És 21:5 ✧ 46:5 És 42:17 ✧ 46:6 És 30:16 ✧ 46:7 Jr 47:2 ✧ 46:8 És 37:24 ✧ 46:9 Jr 47:3 ✧ 46:10 És 34:6 ✧ 46:11 Jr 8:22 ✧ 46:12 Jr 2:36

13 Sa se mesaj ke SENYÈ a te pale a Jérémie, pwofèt la, konsènan avni a wa Nebucadnetsar, wa Babylone nan, pou ✧frape peyi Égypte la:

14 Se pou nou deklare an Égypte e pwoklame nan Migdol; pwoklame tou nan Noph e nan ✧Tachpanés; Di: “Pran pozisyon nou e kanpe, paske nepe fin devore sila ki antoure nou yo.

15 Poukisa mesye pwisan nou yo vin pwostène? Yo pa kanpe akòz SENYÈ a te ✧pouse yo desann.

16 Yo te ✧tonbe plizyè fwa; anverite, yo tonbe youn kont lòt. Epi yo te di: “Kanpe! annou retounen kote pwòp pèp pa nou, nan peyi natal nou, lwen nepe a sila k ap oprime a.

17 Yo te kriye la: “Farawon, wa Égypte la, pa plis ke yon ✧gwo bri; li te kite tan deziye a fin pase!”

18 Jan Mwen viv la, deklare ✧Wa a ki gen kon non Li SENYÈ dèzame yo, “Anverite, youn ki parèt gran tankou Mòn Thabor pami mòn yo, oswa tankou Carmel akote lanmè a; Se konsa lap vini.

19 Prepare valiz ou pou ✧egzil, O fi k ap demere an Égypte, paske Noph va devni yon dezolasyon; li va brile menm e rete vid san moun ladann.

20 Égypte se yon gazèl byen bèl, men yon gwo mouch ap vini ✧soti nan nò—l ap vini!

21 Anplis, sòlda mèsenè etranje nan mitan li yo l tankou jenn bèf yo byen angrese, paske yo menm tou te fin vire nèt e te sove ale ansanm; yo pa t kanpe, paske jou a malè pa yo fin rive sou yo, lè ✧pinisyon pa yo.

22 Son li deplase kon yon sèpan; paske tankou yon lame, yo vini, yo rive kote li, ak moun k ap koupe bwa ak rach.

23 “Yo fin koupe forè li a”, deklare SENYÈ a; Anverite, li p ap twouve ankò; malgre, koulye a, yo plis pase gwo lame krikèt volan lè yo anvayi tè; fòs kantite yo depase kontwòl.

24 Fi Égypte la fè gwo wont; Lap vin bay pouvwa a moun nan nò yo.”

<sup>25</sup> SENYÈ dèzame yo, Bondye Israël la di: “Gade byen, Mwen ap pini Amon ki rete ✧Thebes la, Farawon e Égypte ansanm ak dye li yo ak wa li yo, menm Farawon ak sila ki mete konfyans nan li yo. <sup>26</sup> Mwen va livre yo a sila k ap ✧chache touye yo, menm nan men Nebucadnetsar, wa Babylone nan ak nan men chè li yo. Malgre sa, apre, li va vin gen moun ki rete ladann jan li te ye nan tan pase a.” deklare SENYÈ a.

<sup>27</sup> Men pou ou menm, O! Jacob, sèvitè Mwen an, pa gen lakrent, ni pa twouble, O Israël! Paske ou wè, Mwen va ✧sove nou soti lwen e desandan nou yo soti nan peyi kaptivite yo; Jacob va retounen pou rete san twoub, ansekirite, san pèsòn ki pou fè l tranble.

<sup>28</sup> “O Jacob!, sèvitè Mwen an, pa gen lakrent,” deklare SENYÈ a: “paske, Mwen avèk ou. Paske Mwen va fè fen a tout nasyon kote Mwen te chase ou ale yo. Sepandan, Mwen ✧p ap fè fen a ou menm; men Mwen va korije ou jan sa dwe fèt e Mwen p ap kite ou san pinisyon.

## 47

<sup>1</sup> Sa ki te vini kon pawòl SENYÈ a a Jérémie, pwofèt la, konsènan ✧Filisten yo, avan Farawon te fin bat peyi Gaza.

<sup>2</sup> Konsa pale SENYÈ a: “Gade byen, dlo yo ap leve soti nan ✧nò e l ap vin fè yon gwo fòs inondasyon dlo k ap debòde jis li vin kouvri latè ak tout kapasite l, menm vil a sila ki rete ladann; epi mesye yo va kriye fò e tout moun ladann va rele anmwey.

<sup>3</sup> Akoz bri zago cheval li k ap kouri rèd, zen a cha li yo ak gwonde a wou yo. Papa yo pa t retounen pran pitit yo, akoz men yo vin lage nèt ak sezisman.

<sup>4</sup> Akoz jou k ap vini pou detwi tout Filisten yo, pou koupe retire nèt de Tyr ak Sidon tout alye ki rete yo; paske SENYÈ a ap detwi Filisten yo, retay a kot Caphtor a.

<sup>5</sup> Gaza vin chòv; ✧Askalon te fin detwi nèt. O retay vale yo! Pandan konbyen de tan nou va blese pwòp chè nou?

<sup>6</sup> Ah ✧nepe SENYÈ a! Pandan konbyen de tan ou va refize vin kalm? Ralanti, rantre nan fouwo a; repoze e rete trankil.

<sup>7</sup> Kòman li ka kalm, lè SENYÈ a bay li lòd? Kont Ashkalon, kont kot lanmè a; Se la, Li te ✧ranje pou l te fèt.”

## 48

<sup>1</sup> Konsènan ✧Moab. Konsa pale SENYÈ dèzame yo, Bondye Israèl la:

“Malè a Nebo!  
Paske li fin detwi;  
Kirjathaim te rive wont nèt;  
li vin kaptire; sitadèl ki te leve byen wo a te fè wont  
e te vin kraze nèt.

<sup>2</sup> Pa genyen lwanj pou Moab ankò;  
nan ✧Hesbon, yo te fè plan pou malè li:  
“Vini, annou koupe retire l nèt pou l pa menm  
yon nasyon ankò!”

Nou menm tou, moun fou yo, va vin an silans;  
nepe va swiv nou.

<sup>3</sup> Bri a gwo kri k ap sòti ✧Choronaïm;  
ravaj ak gwo destriksyon!

<sup>4</sup> Moab fin kraze; pitit li yo te fè yon kri detrès.

<sup>5</sup> Paske akote pant ki monte vè ✧Luchith la,  
yo va monte avèk kri san rete;  
paske nan pant ki desann kote Choronaïm nan,  
yo te tande gwo kri ak doulè akoz destriksyon an.

<sup>6</sup> ✧Chape poul nou, sove lavi nou, pou nou ka  
tankou yon bwa pichpen nan dezè a.

<sup>7</sup> Paske akoz konfyans nou mete nan pwòp zèv nou  
ak trezò pa nou;  
menm nou menm va vin kaptire;  
epi ✧Kemosch va antre an egzil ansanm ak prèt li yo  
ak prens li yo.

<sup>8</sup> Yon destriktè va vini nan chak vil,  
pou pa gen vil ki chape;  
vale a, anplis, ap detwi e ✧wo plèn nan va detwi,  
jan SENYÈ a te pale a.

<sup>9</sup> Bay zèl a Moab, paske li va sove ale;  
epi vil pa li yo va vin yon ✧dezè,  
san moun ki pou rete ladan yo.

<sup>10</sup> Malè a sila ki fè travay SENYÈ a ak ✧neglijans  
e malè a sila ki anpeche nepe l bay san.

<sup>11</sup> Moab te ✧alèz depi nan jenès li;  
anplis, li pa t janm deranje,  
tankou diven ki rete nan boutèy original,  
ki pa t vide de veso a veso,  
nonplis li pa t janm ale an egzil.  
Akoz sa, li kenbe bon gou li,  
ni odè li pa chanje.

<sup>12</sup> “Akoz sa, gade byen, jou yo ap vini”, deklare SENYÈ a:  
“lè Mwen va voye kote li sila ki ranvèse bato yo  
e yo va ranvèse li, yo va vide veso li yo  
e kraze tout bokal li yo.

13 Epi Moab va wont pou Kemosch, menm jan lakay Israël te wont pou ✧Béthel, konfyans pa yo.”

14 “Kòman nou ka di: ‘Nou se ✧vanyan gèrye e moun plen kouraj pou batay’?”

15 Moab fin detwi e moun fin monte kote vil li yo; anplis, ✧jenn mesye pi chwazi li yo fin tonbe nan masak,” deklare Wa a ki pote non a SENYÈ dèzame yo.

16 Gwo dega Moab la ✧prèt pou rive e malè li va chofe rive vit.

17 Fè dèy pou li, nou menm tout ki antoure li, menm nou menm tout ki te konnen non li; di: ‘Gade kijan gwo fòs ✧baton wayal la fin kase, yon baton ki te tèlman bèl!’

18 Desann kite glwa ou pou vin chita sou tè sèk, O fi ki rete Dibon an, paske destriktè Moab la te vin kont ou; li te detwi sitadèl ou yo. 19 Kanpe akote wout la pou veye, O moun ki rete Aroër.

Mande gason ‘ki moun ki sove ale a’, e fi a ‘ki moun ki chape poul li a’ e mande: “Kisa ki te pase?”

20 Moab fin fè wont nèt, paske li fin kraze nèt. Fè gwo kri, rele anmwey!

Deklare akote Rivyè Arnon an ke Moab te fin detwi.

21 Jijman fin rive sou plèn nan tou, sou Holon, sou Jahats e kont Méphaath,

22 Sou Dibon, sou Nebo, sou Beth-Diblathaïm,

23 Sou Kirjathaïm sou Beth-Gamul, sou Beth-Meon,

24 Sou ✧Kerijoth, sou Botsra, sou tout vil nan peyi Moab yo, ni lwen, ni pre.

25 ✧Kòn Moab te fin koupe nèt e bra li te fin kase,” deklare SENYÈ a.

26 ✧Fè l vin sou, paske li te plen ògèy anvè SENYÈ a; pou sa, Moab va vire tounen nan vomisman li e anplis, li va vin yon rizib pou tout moun ka ri.

27 Alò, èske nou pa t konsidere Israël kon yon rizib? Oswa, èske se pami volè li te tonbe? Paske chak fwa nou pale sou li, nou souke tèt nou konsi n ap giyonnen li.

28 Kite vil yo pou rete nan ✧kav wo yo, O moun Moab yo! Fè tankou toutrèl ki fè nich li dèyè bouch gwo kav yo.

29 ✧Nou konn tande afè ògèy Moab la. Li vrèman ògeye nan ensolans li, ògèy li, awogans li ak ak leve pwòp tèt li byen wo.

✧ 48:13 I Wa 12:29 ✧ 48:14 Sòm 33:16 ✧ 48:15 És 40:30-31 ✧ 48:16 És 13:22 ✧ 48:17 És 13:22 ✧ 48:24 Jr 48:41 ✧ 48:25 Sòm 75:10 ✧ 48:26 Jr 25:15 ✧ 48:28 Jij 6:2 ✧ 48:29 És 16:6

30 “Mwen konnen ✧gwo kòlè li,” deklare SENYÈ a:  
 “Men sa inital; gwo ògèy li a pa reyisi anyen.  
 31 Pou sa, mwen va ✧rele anmwey pou Moab,  
 menm pou tout Moab mwen va rele fò.  
 Mwen va plenyen ak tristès pou mesye a Kir-Hérès yo.  
 32 Plis ke ✧kriye pou Jaezer, mwen va kriye  
 pou ou, O chan rezen Sibma a!  
 Chan rezen nou yo te lonje rive lòtbò lanmè a.  
 Yo te rive nan lanmè Jaezer a.  
 Sou fwi gran sezon ak rekòlt rezen nou,  
 destriktè a vin tonbe.  
 33 Konsa, ✧lajwa ak kè kontan vin retire nan chan  
 plen ak fwi a, menm nan Moab.  
 Epi Mwen te fè diven vin sispann nan pèz diven yo;  
 pèsòn p ap foule yo ak gwo kri;  
 kri yo p ap kri kè kontan.  
 34 Soti nan gwo kri Hesbon an, menm rive Élealé,  
 menm nan Jahats, yo te leve vwa yo, soti Tsoar,  
 jis rive Choronaïm, jiska Églath-Schelischija;  
 paske dlo a Nimrim yo va anplis va vin dezole.  
 35 “M ap fè Moab fini nèt”, deklare SENYÈ a:  
 “Sila ki ofri sakrifis sou wo plas yo e sila ki  
 ✧brile lansan a dye li yo.  
 36 Akoz sa, ✧kè M kriye pou Moab tankou flit;  
 kè M kriye tou pou mesye Kir-Hérès yo.  
 Akoz yo te pèdi tout abondans li te konn pwodwi.  
 37 Paske ✧tout tèt vin chòv e tout bab vin koupe kout;  
 genyen blese sou tout men yo ak twal sak sou kwis.  
 38 Sou tout ✧twati a Moab yo ak nan ri yo,  
 se lamantasyon tout kote;  
 paske mwen te kraze Moab kon yon veso san valè,”  
 deklare SENYÈ a.  
 39 A la kraze li kraze! Yo te rele anmwey.  
 Gade kijan Moab te vire do li—li vin wont nèt!  
 Konsa, Moab va vin yon rizib e yon ✧objè degoutan  
 a tout moun ki antoure li yo.  
 40 Paske konsa pale SENYÈ a: “Gade byen, li va vole  
 rapid tankou èg e ✧lonje zèl li ouvri kont Moab.  
 41 Kerijoth te fin kaptire e sitadèl yo te vin pran,  
 pouke ✧kè a mesye pwisan Moab yo kab tankou kè  
 a yon fanm k ap pouse pitit.  
 42 Moab va ✧detwi jiskaske li vin pa yon pèp ankò,  
 akoz li te vin awogan anvè SENYÈ a.  
 43 ✧Gwo laperèz, twou fòs ak pèlen ap vini sou nou,  
 O moun Moab yo, deklare SENYÈ a.  
 44 Sila ki sove ale devan gwo laperèz la,  
 va tonbe nan fòs la  
 e sila ki monte sòti nan fòs la, va kenbe nan pèlen an;

✧ 48:30 És 37:28 ✧ 48:31 És 15:5 ✧ 48:32 És 16:8-9 ✧ 48:33 És 16:10 ✧ 48:35 Jr 7:9  
 ✧ 48:36 És 5:15 ✧ 48:37 És 15:2 ✧ 48:38 És 22:1 ✧ 48:39 Éz 26:16 ✧ 48:40 És 8:8  
 ✧ 48:41 Jr 49:22 ✧ 48:42 Sòm 83:4 ✧ 48:43 És 24:17-18

paske Mwen va mennen sou li, menm sou Moab,  
ane a ✧pinisyon yo”, deklare SENYÈ a.

<sup>45</sup> Nan lonbraj Hesbon, mesye ki chape yo rete san fòs;  
paske dife a parèt sòti nan Hesbon,  
yon ✧flanm soti nan mitan Sihon  
e li te devore fwontèn tèt a Moab  
ak zo bwa tèt mò a banbochè yo.

<sup>46</sup> Malè pou ou, Moab! Pèp ✧Kemosch la fin peri;  
paske fis nou yo vin prizonye e fi nou yo ale an kaptivite.

<sup>47</sup> Malgre sa, Mwen va ✧restore Moab nan dènye jou yo,  
deklare SENYÈ a.

Jiska prezan, jijman an sou Moab.

## 49

<sup>1</sup> Konsènan fis a ✧Ammon yo. Konsa pale SENYÈ a:

“Èske Israël pa gen fis?

Oswa èske li pa gen eritye?

Alò poukisa Malcom te pran posesyon sou Gad,

e se pèp li ki vin rete nan vil pa yo?

<sup>2</sup> “Pou sa, gade byen, jou yo ap vini”,

deklare SENYÈ a:

ke Mwen va fè yon twonpèt fè son lagè

kont Rabbath, fis a Ammon yo;

epi li va devni pil dezole e ✧vil li yo va limen ak dife.

Epi Israël va pran posesyon de sila ki posede l yo,”

pale SENYÈ a.

<sup>3</sup> Rele anmwey, O! Hesbon, paske Aï fin detwi!

Kriye fò, O! fi a Rabbath yo,

✧mare senti nou ak twal sak ak gwo kri

e kouri fè ale retou anndan miray yo;

paske Malcom va ale an egzil ansanm ak prèt li yo

ak prens yo.

<sup>4</sup> A la ògeye ou ògeye de vale yo! Vale ou a ap koule,

O fi ki fè bak, ki plase konfyans li nan trezò li yo

e k ap di: ‘Kilès ki va vini kont mwen?’

<sup>5</sup> Gade byen, m ap fè gwo laperèz rive sou ou,

deklare Senyè BONDYE dèzame yo:

“Soti nan tout kote ki antoure ou yo;

epi nou chak va chase sòti tèt devan, san pèsòn pou

rasanble ansanm sila ki gaye yo.

<sup>6</sup> “Men apre, Mwen va restore fòtin a fis a Ammon yo,”

deklare SENYÈ a.

<sup>7</sup> Konsènan Édom. Konsa pale SENYÈ dèzame yo:

“Èske pa gen sajès ankò nan ✧Théman?

Èske tout konsèy a sila ki pridan yo fin pèdi?



Èske sajès yo vin pouri?

<sup>8</sup> Chape poul ou, retounen, rete nan pwofondè yo, O sila ki rete Dedan yo! Paske Mwen va mennen

✧dezas Ésaü a sou li nan lè M ap pini li a.

<sup>9</sup> Si sila k ap ranmase rezen yo te vin kote ou, èske yo pa t ap kite kèk grenn fwi tonbe atè?

Si yon ✧vòlè te vini lannwit, yo ta vole sèlman kont yo pou yo ta jwenn ase.

<sup>10</sup> Men Mwen te dezabiye Ésaü;

Mwen te dekouvri kote kache li yo

jiskaske li pa t ka kache menm.

Desandan li yo, moun fanmi li yo, vwazen li yo ak

✧li menm pa egziste menm ankò.

<sup>11</sup> Kite òfelen ou yo dèyè; Mwen va kenbe yo vivan.

Epi kite ✧vèv ou yo mete konfyans yo nan Mwen.”

<sup>12</sup> Paske konsa pale SENYÈ a: “Gade byen, sila ki pa t kondane pou bwè ✧tas yo va, anverite, bwè l e èske se ou sèl k ap epanye? Nou p ap epanye; men anverite, nou va bwè li. <sup>13</sup> Paske Mwen te ✧sèmante pa Mwen menm”, deklare SENYÈ a: “ke Botsra va devni yon objè degoutan, yon repwòch, yon pil mazi kraze ak yon malediksyon; epi tout vil li yo va vin pil mazi.”

<sup>14</sup> Mwen te tande yon mesaj soti nan SENYÈ a

e yon ✧mesaje vin voye pami tout nasyon yo, t ap di:

“rasanble nou pou vin kont li! Leve pou batay!”

<sup>15</sup> Paske gade byen, Mwen te fè nou piti pami nasyon yo, meprize pami lòm.

<sup>16</sup> Men pou laperèz a ou menm, awogans a kè ou te twonpe ou;

ou menm ki rete nan twou wòch yo,

ki okipe wotè a kolin nan.

Malgre ou fè nich ou wo tankou èg,

M ap ✧rale ou desann soti la,”

deklare SENYÈ a.

<sup>17</sup> “Édom va devni yon ✧objè degoutan;

chak moun ki pase bò kote li va etone

e va sifle kon koulèv sou tout blese li yo.

<sup>18</sup> Tankou ✧boulvèsman Sodome ak Gomorrhe ak vwazen li yo”, di SENYÈ a:

“pèsòn p ap viv la, ni p ap gen youn nan fis a lòm ki rete la.

<sup>19</sup> Gade byen, youn va monte kon yon lyon

ki soti nan rakkwa Jourdain an kont yon patiraj ki tèlman byen wouze;

pou yon moman, mwen va fè l kouri kite li

e nenpòt moun ki ✧deziye,

Mwen va bay li pouvwa sou li.

Paske se kilès ki tankou Mwen menm

e se kilès k ap voye pwosè vèbal tribinal ban Mwen?  
Alò, se kilès ki bèje ki ka kanpe kont Mwen?”

<sup>20</sup> Pou sa, koute ✧plan ke SENYÈ a fòme kont Édom  
ak objektif ke Li te fòme kont moun ki rete Théman yo:

“Anverite, yo va trennen yo deyò,  
menm pi piti nan bann mouton an;  
anverite, Li va fè patiraj yo vin dezole akòz de yo menm.

<sup>21</sup> ✧Latè te souke akòz bri chit yo. Gen yon gwo kri anmwey!  
Bri li te rive jis nan Lamè Wouj.

<sup>22</sup> Gade byen, Li va monte, desann kon yon èg  
e lonje zèl li kont Botsra;  
epi ✧kè a moun pwisan yo va tankou kè a yon fanm  
k ap pouse pitit.

<sup>23</sup> Konsènan ✧Damas.  
Hamath ak Arpad fè wont nèt,  
paske yo te resevwa move nouvèl.  
Yo dekouraje. Kouraj yo ba nèt.  
Gen enkyetid bò lanmè a;  
li pa ka kalme.

<sup>24</sup> Damas vin enpwisan nèt;  
li te vire sove ale e gwo laperèz fin sezi li.  
Gwo doulè ak sezisman pran l  
tankou yon fanm k ap akouche.

<sup>25</sup> Ki jan ✧vil lwanj Mwen an pa vin dezète,  
vil lajwa Mwen an!

<sup>26</sup> Konsa, ✧jennonm pa l yo va tonbe nan ri li yo  
e tout mesye lagè yo va tonbe an silans nan jou sa a,”  
deklare SENYÈ dèzame yo.

<sup>27</sup> Mwen va mete dife nan miray Damas lan  
e li va devore tou fòtifye Ben-hadad yo.

<sup>28</sup> Konsènan Kédar ak wayòm a Hatsor yo,  
ke Nebucadnetsar, wa Babylone nan, te pran nan batay.  
Konsa pale SENYÈ a:

“Leve monte Kédar e detwi ✧mesye nan lès yo.

<sup>29</sup> Yo va pran tant yo ak bann mouton yo;  
yo va pote pou kont yo tout rido tant yo, tout byen yo  
ak tout ✧chamo yo e yo va rele a youn lòt:

“Gwo laperèz tout kote!

<sup>30</sup> “Kouri, sove ale! Rete nan pwofondè yo, o pèp Hatsor a”,  
deklare SENYÈ a:

“Paske ✧Nebucadnetsar, wa Babylone nan,  
te fòme yon plan kont nou  
e te envante yon manèv kont nou.

<sup>31</sup> Leve monte kont yon nasyon ✧ki alèz, ki viv ansekirite,”

deklare SENYÈ a:  
“Li pa gen pòtay, ni fè fòje; yo rete pou kont yo.”

32 Chamo pa yo va devni piyaj, gran kantite bèt yo va sèvi kon bagay sòlda pran,  
Mwen va ✧gaye bay tout van yo sila ki koupe kwen cheve yo  
e Mwen va mennen sou yo gwo dezas ki sòti tout kote,”  
deklare SENYÈ a.  
33 Hatsor va vin yon kote pou chen mawon,  
yon kote dezole jis pou tout tan;  
p ap gen moun ki rete la,  
ni yon grenn nan fis a lòm p ap rete ladann.”

34 Sa ki te sòti kon pawòl SENYÈ a konsènan Élam, nan kòmansman règn a Sédécias, wa Juda a, t ap di: 35 “Konsa pale SENYÈ dèzame yo:  
‘Gade byen, Mwen va ✧kraze banza Élam nan, pi fò nan pwisans pa yo.  
36 Mwen va mennen sou Élam kat van ki sòti nan kat pwent syèl yo  
e Mwen va ✧gaye pèp yo a tout van sa yo.  
P ap gen nasyon kote moun rejte a Élam yo pa prale.  
37 Konsa, Mwen va kraze Élam devan lènmi yo ak devan sila k ap chache lavi yo;  
Mwen va ✧mennen gwo kalamite sou yo, menm kòlè sovaj Mwen”, deklare SENYÈ a.  
“Mwen va voye nepe kont yo jiskaske Mwen fin manje yo nèt.  
38 Epi Mwen va mete twòn pa Mwen nan Élam e Mwen va detwi wa pa yo ak ofisye pa yo,” deklare SENYÈ a.  
39 “Men li va vin rive nan dènye jou yo, ke Mwen va ✧restore fòtin Élam yo”, deklare SENYÈ a.

## 50

1 Pawòl ke SENYÈ a te pale konsènan ✧Babylone, peyi Kaldeyen yo, pa Jérémie, pwofèt la:  
2 “Deklare e pwoklame pami nasyon yo. Pwoklame sa e leve yon drapo.  
Pa kache sa, men di: ✧ ‘Babylone te kaptire Bel gen tan fè wont, Merodac fin detwi nèt!  
Imaj li yo fè wont, e zidòl li yo fin kraze nèt.’  
3 Paske yon nasyon gen tan monte kont li soti nan ✧nò; sa va fè peyi li vin yon objè degoutan e p ap genyen moun ki rete ladann.  
Ni moun, ni bèt fin egare ale; yo ale nèt!  
4 “Nan jou sa yo ak nan lè sa a, “deklare SENYÈ a: “Fis Israèl yo va vini, ni yo menm, ni fis a Juda yo tou; yo va avanse ap kriye ✧pandan yo prale e se va SENYÈ a, Bondye ke yo va chache a.

✧ 49:32 Éz 5:10 ✧ 49:35 Sòm 46:9 ✧ 49:36 Jr 49:32 ✧ 49:37 Jr 6:19 ✧ 49:39 Jr 48:47  
✧ 50:1 Jen 10:10 ✧ 50:2 Jr 51:31 ✧ 50:3 És 13:7 ✧ 50:4 Éz 3:12-13

5 Yo va ✧mande pou chemen ki ale nan Sion an e vire figi yo vè direksyon li; yo va vini pou yo kapab vin mete tèt yo ak SENYÈ a nan yon akò k ap dire jis pou tout tan, youn ki p ap janm bliye.

6 Pèp Mwen an gen tan vin ✧mouton ki pèdi; bèje yo te egare yo. Yo te fè yo vire akote mòn yo; yo te avanse soti sou mòn pou rive sou kolin e yo te bliye plas repo yo.

7 Tout moun ki rive sou yo te devore yo; epi advèsè yo te di: ✧ ‘Nou pa koupab, paske se yo ki te peche kont SENYÈ ki se abitasyon ladwati a, menm SENYÈ a, espwa a papa zansèt yo.

8 Detounen kite ✧mitan Babylone e sòti nan peyi Kaldeyen yo; fè konsi se mal kabrit k ap mache nan tèt bann an.

9 Paske gade byen, Mwen va ✧leve fè parèt kont Babylone yon gwo foul nasyon pwisan soti nan peyi nò a e yo va rale lign batay yo kont li; depi la, yo va vin an kaptivite. Flèch yo va tankou yon gèrye ekspè ki pa janm retounen men vid.

10 Chaldée va vin yon piyaj; tout moun ki piyaje li va jwenn kont yo,” deklare SENYÈ a.

11 Akoz nou kontan, akoz nou ap fete, o nou menm ki te konn ✧piyaje eritaj Mwen an; akoz nou fè sote tankou yon jenn gazèl k ap foule sereyal;

e pi ki vin ranni kon jenn poulen,  
12 ✧manman nou va tèlman wont, sila ki te bay nou nesans lan va imilye. Gade byen, li va pi piti pami nasyon yo, yon savann, yon peyi sèch, yon dezè.

13 Akoz endiyasyon SENYÈ a, li p ap abite, men li va dezole nèt; tout moun ki pase kote Babylone va vin sezi e va sifle kon koulèv akoz tout blese li yo.

14 Monte lign batay ou kont Babylone tout kote, nou tout ki konn koube banza. Tire sou li, pa konsève flèch nou yo, paske li te peche kont SENYÈ a.

15 Leve kriye batay la kont li tout kote! Li te lese tèt li ale, pilye li yo fin tonbe, miray li yo fin demoli.

Paske sa se ✧vanjans SENYÈ a:  
 pran vanjans sou li; jan li te konn fè a;  
 fè l konsa.

16 Koupe retire ✧kiltivatè a  
 ak sila ki voye kouto nan lè rekòlt Babylone nan;  
 soti devan nepe opresè a  
 yo chak va retounen vè pwòp pèp pa yo  
 e yo chak va sove ale nan pwòp peyi yo.

17 Israël se yon ✧bann moun ki gaye nèt;  
 lyon te chase yo ale.  
 Premye ki te devore li a se te wa Assyrie a  
 e dènye ki te kraze zo li yo se te Nebucadnetsar,  
 wa Babylone nan.

18 Pou sa, konsa pale SENYÈ dèzame yo, Bondye Israël la:  
 “Gade byen, Mwen va pini wa Babylone nan  
 ak peyi li a,  
 menm jan ke M ✧te pini wa Assyrie a.

19 Epi Mwen va ✧mennen Israël retounen nan patiraj li  
 e li va jwen manje li sou Carmel ak sou Basan;  
 epi dezi li va satisfè nan peyi kolin  
 Éphraïm ak Galaad yo.

20 Nan jou sa yo ak nan lè sa a”, deklare SENYÈ a:  
 “rechèch va fèt pou jwenn inikite Israël la,  
 men ✧p ap genyen;  
 epi pou peche a Juda yo, men yo p ap jwenn;  
 paske Mwen va padone sila ke M kite kon retay yo.”

21 Kont peyi Merathaïm nan, monte;  
 kont li ak kont moun ✧Pékod yo.  
 Touye yo e detwi yo nèt,” deklare SENYÈ a;  
 “epi fè selon tout sa ke M te kòmande nou yo.

22 Bri batay la nan peyi a ak destriksyon an vin gran.

23 Gade kijan ✧mato k ap frape tout latè a  
 fin koupe apa e kraze!

Gade kijan Babylone te vin yon objè degoutan  
 pami nasyon yo!

24 Mwen te ✧poze yon pèlen pou ou  
 e ou te vin kenbe tou, o Babylone,  
 pandan ou pa t menm konnen;  
 ou tou te dekouvri e te pran,  
 akoz ou te angaje an konfli ak SENYÈ a.”

25 SENYÈ a te ouvri depo zam Li  
 e te pwodwi ✧zam a endiyasyon Li yo,  
 paske sa se yon travay a Senyè BONDYE dèzame yo  
 nan peyi Kaldeyen yo.

26 Vin kote li soti nan lizyè ki pi lwen an;  
 ouvri depo li yo, anpile li kon gwo pil

✧ 50:15 Sòm 137:8 ✧ 50:16 Jl 1:11 ✧ 50:17 Jl 3:2 ✧ 50:18 És 10:12 ✧ 50:19 És 65:10  
 ✧ 50:20 És 43:25 ✧ 50:21 Éz 23:23 ✧ 50:23 Jr 51:20-24 ✧ 50:24 Jr 48:43-44 ✧ 50:25 És  
 13:5

e ✧detwi li nèt;  
 pa kite anyen rete pou li.  
 27 ✧Mete tout jenn towò li yo a nepe;  
 kite yo desann nan masak la!  
 Malè a yo menm, paske jou pa yo a rive,  
 lè pinisyon pa yo a.  
 28 Gen ✧bri a sila k ap sove ale yo  
 ak sila k ap refijye soti kite tè Babylone nan,  
 pou deklare an Sion vanjans a SENYÈ  
 Bondye nou an;  
 vanjans pou tanp Li an.

29 Rele anpil kont Babylone,  
 tout sila ki konn koube banza yo;  
 fè kan kont li tout kote,  
 pa kite mwayen pou chape menm.  
 Rekonpanse li selon zèv li yo;  
 selon tout sa li te fè yo, konsa fè li;  
 paske li te vin ✧awogan kont SENYÈ a,  
 kont Sila Ki Sen an Israèl la.  
 30 Pou sa, ✧jennonm pa l yo va tonbe nan lari  
 e tout mesye lagè li yo va tonbe an silans  
 nan jou sa a,” deklare SENYÈ a.  
 31 “Gade byen, ✧Mwen kont ou,  
 O sila ki plen awogans lan”, deklare Senyè  
 BONDYE dèzame yo,  
 “Paske jou pa ou a fin rive,  
 lè ke M va pini ou a.  
 32 ✧Sila ki awogan an va glise tonbe,  
 san pèsòn pou leve li;  
 epi Mwen va mete dife nan vil li yo  
 e li va devore tout andwa l yo.”  
 33 Konsa pale SENYÈ dèzame yo:  
 “Fis Israèl yo vin oprime, ansanm ak fis a Juda yo;  
 epi ✧tout moun ki te pran yo an kaptivite yo  
 te kenbe yo di e te refize lage yo.  
 34 Redanmtè yo a fò, SENYÈ dèzame yo se non Li;  
 Li va plede ka yo ak gwo fòs  
 pou L ka mennen lapè sou tè a,  
 men gwo twoub sou sila ki rete Babylone yo.

35 “Yon nepe kont Kaldeyen yo”, deklare SENYÈ a:  
 “Kont moun ki rete Babylone yo,  
 kont ✧ofisye li yo ak mesye saj li yo!  
 36 Yon nepe kont ✧prèt pòt pawòl yo;  
 yo va devni moun fou!  
 Yon nepe se kont mesye pwisan li yo;  
 yo va vin kraze nèt!

37 Yon nepe kont ✧cheval li yo,  
kont cha lagè yo,  
kont tout etranje ki rete nan mitan l yo  
e yo va tounen fanm!  
Yon nepe kont trezò li yo  
e yo va vin piyaje!  
38 Yon sechrès sou dlo li yo  
e yo va vin sèch nèt!  
Paske se yon peyi ✧zidòl yo  
e yo fou pou move zidòl efreyan sa yo.  
39 Akoz sa, ✧bèt dezè yo va viv la ansanm ak chen mawon;  
anplis, otrich va viv ladann  
e li p ap janm gen moun ladann ankò,  
ni moun k ap viv la de jenerasyon an jenerasyon.  
40 “Tankou lè Bondye te boulvèse ✧Sodome ak Gomorrhe  
ak vwazen li yo,” deklare SENYÈ a:  
“Nanpwen moun k ap viv la, ni fis a lòm k ap rete ladann.

41 Gade byen, yon pèp ap vini ✧soti nan nò  
e yon gwo nasyon ak anpil wa  
va leve soti nan dènye pwent latè.  
42 Yo sezi banza yo, ak lans yo;  
yo mechan e yo san mizerikòd.  
✧Vwa yo gwonde tankou lanmè;  
epi yo monte sou cheval yo;  
òdone tankou moun pou batay kont ou,  
O fi a Babylone nan.  
43 Wa Babylone nan te tande rapò de yo a  
e men li pann san fòs;  
✧Gwo dekourajman sezi li,  
gwo doulè tankou yon fanm k ap pouse pitit.  
44 Gade byen, youn va monte kon yon lyon  
soti nan rakbwa Jourdain an,  
rive nan yon patiraj vèt wouze nèt;  
paske nan yon moman, Mwen va fè yo kouri kite li  
e nenpòt moun ki ✧chwazi,  
Mwen va dezinye mete li sou li.  
Paske se kilès ki tankou Mwen  
e se kilès k ap rele M parèt devan tribinal?  
Epi èske gen bèje ki ka kanpe devan M?  
45 Pou sa, tande ✧plan SENYÈ a,  
ke li te fè kont Babylone  
ak objektif ke Li te gen kont peyi Kaldeyen yo:  
anverite, yo va vin trennen deyò,  
menm piti nan bann mouton yo;  
anverite, li va fè patiraj yo dezole akoz de yo menm.  
46 Nan gwo kri a: “Babylone te vin pran!”,  
latè vin souke  
e yon ✧gwo kri vin tande pami nasyon yo.

✧ 50:37 Sòm 20:7 ✧ 50:38 És 46:1-7 ✧ 50:39 És 13:21 ✧ 50:40 Jen 19:24-25 ✧ 50:41 És 13:2-5 ✧ 50:42 És 5:30 ✧ 50:43 Jr 30:6 ✧ 50:44 Nonb 16:5 ✧ 50:45 Sòm 33:11 ✧ 50:46 És 5:7

## 51

- 1 Konsa pale SENYÈ a:  
 “Gade byen, Mwen va fè leve kont Babylone  
 e kont moun k ap viv Chaldée yo,  
 ✧lespri a yon destriktè.
- 2 Mwen va voye etranje yo Babylone  
 pou yo ka ✧vannen l e pou yo kapab devaste  
 peyi li a;  
 paske tout kote, yo va kont li nan jou  
 gwo malè li a.
- 3 Pa kite sila ki konn ✧koube banza a koube l,  
 ni kite li leve nan pwotèj li yo;  
 pa kite jennonm li yo chape;  
 dedye tout lame li a a destriksyon.
- 4 Yo va tonbe atè mouri nèt nan peyi Kaldeyen yo  
 e vin ✧frennen nèt, kouche nan lari yo.
- 5 Paske ni Israël, ni Juda te abandone pa Bondye li,  
 SENYÈ dèzame yo;  
 sepandan, peyi yo ✧plen koupabilite devan  
 Sila Ki Sen an Israël la.
- 6 ✧Sove ale soti nan mitan Babylone  
 e nou chak sove lavi nou!  
 Pa vin detwi nan pinisyon li,  
 paske sa se lè vanjans SENYÈ a;  
 Li va rann rekonpans bay li.
- 7 Babylone te kon yon tas fèt an lò nan men SENYÈ a,  
 ki t ap fè tout mond lan vin sou.  
 Nasyon yo te bwè nan diven l lan;  
 akoz sa, nasyon yo ap vin anraje.
- 8 Sibitman, ✧Babylone vin tonbe e kraze nèt;  
 rele anmwey’ sou li!  
 Pote pomad pou doulè li; petèt li ka geri.
- 9 Nou te aplike gerizon a Babylone, men li pa t geri;  
 abandone l pou nou chak ale nan pwòp peyi pa nou,  
 paske jijman li an ✧fin rive nan syèl la  
 e fè tou ki wo rive jis anwo nan syèl yo.
- 10 SENYÈ a te ✧mennen revandikasyon nou an;  
 vini e annou rakonte nan Sion  
 zèv a SENYÈ a, Bondye nou an!
- 11 ✧File flèch, plen fouwo yo!  
 SENYÈ a te fè leve lespri a wa yo nan Médie,  
 paske volonte L kont Babylone pou detwi li;  
 paske se vanjans SENYÈ a,  
 vanjans pou tanp Li an.
- 12 Leve yon sinyal kont miray a Babylone yo;



plase yon gad byen fò,  
pozisyone santinèl yo,  
mete gason an anbiskad!

Paske SENYÈ a pa t sèlman ✧fè plan,  
men te acheve objektif sa Li te pale  
konsènan sila ki rete Babylone yo.

<sup>13</sup> O nou menm ki rete bò kote anpil dlo yo,  
plen ak richès yo, dènye lè nou an gen tan rive,  
mezi ✧lafen nou an.

<sup>14</sup> SENYÈ dèzame yo te sèmante pa Li menm:  
“Anverite, mwen va plen nou ak moun  
kon yon gwo foul krikèt volan  
e yo va kriye fò ak gwo kri laviktwa sou nou.”

<sup>15</sup> Sila ki te fè latè a ak fòs pouvwa Li a,  
ki te etabli lemonn ak sajès Li  
e ak bon konprann Li, li te ✧etabli syèl yo.

<sup>16</sup> Lè ✧vwa L sone,  
yon gwo kaskad dlo desann nan syèl yo  
e Li koze nwaj monte soti nan dènye pwent latè yo.  
Li fè loray pou lapli e mennen fè parèt van  
ki sòti nan depo Li yo.

<sup>17</sup> Tout lòm se bèt, san okenn konesans;  
tout òfèv yo fè wont akòz imaj fonn yo,  
paske imaj fonn yo se yon desepsyon  
e nanpwen souf nan yo.

<sup>18</sup> Yo ✧san valè, yon zèv pou moke moun;  
nan tan pinisyon yo, yo va peri.

<sup>19</sup> ✧Pòsyon Jacob pa tankou sa yo;  
paske Sila ki fè tout bagay la se Li menm  
e selon tribi eritaj Li a, SENYÈ dèzame yo se non L.

<sup>20</sup> Li di: “Ou se baton lagè M ak zam lagè M yo;  
epi avèk ou, Mwen kraze nasyon yo.  
Epi avèk ou, Mwen detwi wayòm yo.

<sup>21</sup> Avèk ou, Mwen ✧kraze cheval la  
ak sila ki monte sou li a  
e avèk ou, mwen kraze cha lagè a  
ak sila ki monte ladann nan,

<sup>22</sup> Avèk ou, Mwen kraze ni gason, ni fanm  
e avèk ou, Mwen kraze jennonm nan ak vyèj la,

<sup>23</sup> Epi avèk ou, Mwen kraze bèje a ak bann mouton li an  
e avèk ou, Mwen kraze kiltivatè a ak bèf cha li yo  
e avèk ou, Mwen kraze majistra yo ak prefè yo.

<sup>24</sup> Men Mwen va rekonpanse Babylone ak tout pèp Chaldée a pou ✧tout  
mechanste ke yo te fè nan Sion devan zye nou”, deklare SENYÈ a.

<sup>25</sup> “Gade byen, ✧Mwen kont ou O mòn k ap detwi,  
ki detwi tout tè a,” deklare SENYÈ a:

✧ 51:12 Jr 4:28 ✧ 51:13 És 57:17 ✧ 51:15 Job 9:8 ✧ 51:16 Job 37:2-6 ✧ 51:18 Jr 18:15  
✧ 51:19 Sòm 73:26 ✧ 51:21 Egz 15:1 ✧ 51:24 Jr 50:15-29 ✧ 51:25 Jr 50:31

“Epi Mwen va lonje men M kont ou,  
fè ou woule desann soti nan kwen falèz byen wo yo  
e Mwen va fè ou vin yon mòn ki fin brile nèt.

<sup>26</sup> Yo p ap pran nan men ou,  
menm yon wòch pou fè kwen,  
ni yon wòch pou fondasyon yo,  
men ou va ✧dezole jis pou tout tan,” deklare SENYÈ a.

<sup>27</sup> Leve yon sinyal nan peyi a,  
soufle yon twonpèt pami nasyon yo!  
Konsakre nasyon yo kont li!  
Rele kont li wayòm ✧Ararat, Minni ak Aschkenaz yo!  
Chwazi yon gwo chèf kont li;  
leve cheval tankou yon foul krikèt volan voras.

<sup>28</sup> Konsakre nasyon yo kont li,  
Wa a Médie yo, majistra pa yo ak prefè yo,  
ak tout peyi ke yo konn domine yo.

<sup>29</sup> Pou ✧peyi a ta tranble e tòde  
pou volonte a SENYÈ a kont Babylone ka kanpe,  
pou fè peyi Babylone vin yon dezolasyon san moun.

<sup>30</sup> Mesye pwisan a Babylone yo te sispann goumen  
yo rete nan sitadèl fòtifye yo;  
fòs yo fin epwize nèt, yo vin tankou fanm;  
lakay yo pran dife, fè fòje sou pòtay li yo fin kraze.

<sup>31</sup> ✧Youn kouri rankontre yon lòt;  
yon mesajè rankontre yon lòt,  
pou pale wa Babylone nan ke vil li a fin kaptire  
soti nan yon pwent pou rive nan yon lòt;

<sup>32</sup> Kote pou yo janbe rivyè yo fin sezi tou;  
yo te brile marekaj yo ak dife  
e sòlda lagè yo vin sezi ak gwo laperèz.

<sup>33</sup> Paske konsa pale SENYÈ dèzame yo, Bondye Israèl la:  
“Fi Babylone nan tankou yon ✧glasi vannen.  
Nan lè li, li foule byen solid, men nan yon ti tan,  
sezon rekòlt la va rive sou li.”

<sup>34</sup> “Nebucadnetsar, wa Babylone nan,  
te devore mwen e kraze mwen;  
li te depoze mwen tankou yon boutèy vid;  
tankou yon dragon, li te ✧vale mwen;  
li te plen vant li ak bagay liks mwen yo;  
Li te lave mwen ale nèt. <sup>35</sup> Ke ✧vyolans anvè mwen an e anvè chè mwen  
an

kapab tonbe sou Babylone.”  
Pèp Sion an va di:  
“Ke san mwen kapab tonbe sou moun Chaldée yo”,  
Jérusalem va di.

<sup>36</sup> “Akoz sa”, pale SENYÈ a:

✧ 51:26 És 13:19-22 ✧ 51:27 Jen 8:4 ✧ 51:29 Jr 8:16 ✧ 51:31 II Kwo 30:6 ✧ 51:33 És  
21:10 ✧ 51:34 Job 20:15 ✧ 51:35 Sòm 137:8

“Gade byen, Mwen va ✨plede ka ou  
e egzije vanjans nèt pou ou;  
epi Mwen va seche lanmè li  
e fè sous li yo vin sèch.

37 ✨Babylone va devni yon gwo pil ranblè,  
yon kay pou chen mawon,  
yon objè degoutan, ak sifle kon koulèv,  
san gen moun ki rete ladann.

38 Yo va gwonde ansanm kon ✨jenn lyon,  
yo va gwonde kon pitit a lyon.

39 Lè yo vin rive cho ase, mwen va sèvi yo bankè yo  
e fè yo sou, pou yo ka fè kè kontan nèt e ✨dòmi nèt,  
pou yo pa leve ankò menm”, deklare SENYÈ a.

40 Mwen va bese yo tankou jenn mouton ✨nan labatwa, kon belye ansanm  
ak mal kabrit.

41 Gade kijan ✨Schéschac fin kaptire  
e glwa a tout tè a vin pran!  
Gade kijan Babylone vin devni yon objè degoutan  
pami nasyon yo!

42 ✨Lanmè fin monte sou Babylone;  
li te anvayi pa move vag li yo.

43 Vil li yo te devni yon objè degoutan e lèd,  
yon peyi sèk, yon dezè, yon peyi kote  
✨moun pa viv e pami sila, yon fis a lòm pa menm pase.

44 Mwen va pini Bel nan Babylone  
e Mwen va fè sa li te vale a ✨sòti nan bouch li;  
epi nasyon yo p ap kouri ankò kote li.  
Menm miray Babylone nan fin tonbe!

45 ✨Sòti nan mitan li, pèp Mwen an  
e nou chak sove tèt nou de kòlè SENYÈ a.

46 Alò, pa kite kè nou vin febli e pa pè ✨rapò  
k ap tandè nan tout peyi a—paske rapò a va rive  
nan yon ane

e apre yon lòt rapò nan yon lòt ane,  
gen vyolans nan peyi a  
e yon wa kont yon lòt wa.

47 Pou sa, gade byen, jou yo ap vini lè Mwen va pini  
✨zidòl a Babylone yo;  
epi tout peyi li a va vin wont e tout mò li yo  
va tonbe nan mitan li.

48 Answit, syèl ak tè a ak tout sa ki ladann va  
rele fò ak jwa sou Babylone,  
paske ✨destriktè yo va vin kote li soti nan nò,”  
deklare SENYÈ a.

49 Anverite, Babylone gen pou tonbe  
pou sila ki te touye an Israël yo,

✨ 51:36 Sòm 140:12 ✨ 51:37 Rev 18:2 ✨ 51:38 Jr 2:15 ✨ 51:39 Sòm 76:5 ✨ 51:40 Jr 48:15  
✨ 51:41 Jr 25:26 ✨ 51:42 És 8:7-8 ✨ 51:43 És 13:20 ✨ 51:44 Éz 1:7-8 ✨ 51:45 És 48:20  
✨ 51:46 II Wa 19:7 ✨ 51:47 És 21:9 ✨ 51:48 Jr 50:3

menm jan nan Babylone,  
 ✧moun de tout pati peyi a va tonbe  
 50 Nou menm ki te chape anba nepe yo, sòti!  
 Pa rete menm!  
 ✧Sonje SENYÈ a de lwen e kite Jérusalem  
 parèt nan lespri ou.

51 ✧Nou vin wont akoz nou te tandè repwòch;  
 wont lan fin kouvri figi nou,  
 paske etranje yo te antre kote sen  
 lakay SENYÈ a.

52 “Pou sa, gade byen, jou yo ap vini”, deklare SENYÈ a:  
 “Lè Mwen va pini ✧zidòl yo  
 e sila ak blese mòtèl yo va plenyen nan tout peyi li a.  
 53 Malgre Babylone ta monte nan syèl la,  
 e malgre li ta ranfòse sitadèl li a;  
 destriktè yo va soti kote ✧Mwen,  
 e destriktè yo va rive kote li”, deklare SENYÈ a.

54 ✧Bri a gwo kri k ap sòti Babylone,  
 ak gwo destriksyon k ap soti nan  
 peyi Kaldeyen yo!  
 55 Paske SENYÈ a va detwi Babylone  
 e li va fè gwo bri li te konn fè a sòti sou li. Epi ✧vag lanmè yo  
 va gwonde tankou anpil dlo;  
 gwo son a vwa yo va retanti toupatou.  
 56 Paske sila k ap detwi a va rive kont li,  
 kont Babylone e mesye pwisan l yo va kaptire;  
 banza yo fin kraze nèt.  
 Paske SENYÈ a se yon Bondye k ap bay rekonpans;  
 L ap rekonpanse nèt.  
 57 Mwen va fè prens li yo ak saj li yo sou;  
 menm majistra li yo ak prefè li yo,  
 pou yo ka dòmi yon ✧dòmi san rete e pa leve menm”,  
 deklare Wa a, ki rele SENYÈ dèzame yo.

58 Konsa pale SENYÈ dèzame yo:  
 “Miray Babylone nan ki tèlman laj va vin demoli nèt;  
 wo ✧pòtay li yo va pran dife.  
 Donk, pèp yo va travay di pou ryen e nasyon yo  
 vin bouke nèt sèlman akòz dife a.”

59 Mesaj ke Jérémie, pwofèt la, te kòmande Seraja, fis a Nérija a, pitit  
 pitit gason a Machséja, lè l te ale ak ✧Sédécias, wa Juda a, Babylone nan  
 katriyèm ane règn li a. (Alò, Seraja te chèf dirijan lakay wa a.) 60 Konsa,  
 Jérémie te ✧ekri nan yon sèl woulo tout malè ki ta rive sou Babylone yo,  
 sa vle di tout pawòl sila ki te ekri konsènan Babylone yo. 61 Epi Jérémie  
 te di a Seraja: “Depi ou vini Babylone; alò, fè si ke ou li tout pawòl sila yo  
 a wot vwa, 62 Epi di: ‘Ou menm, O SENYÈ! Ou te pwomèt, konsènan plas

✧ 51:49 Rev 18:24 ✧ 51:50 Det 4:29-31 ✧ 51:51 Sòm 44:15 ✧ 51:52 Jr 50:38 ✧ 51:53 És  
 13:3 ✧ 51:54 Jr 48:3-5 ✧ 51:55 Sòm 18:4 ✧ 51:57 Sòm 76:5-6 ✧ 51:58 És 45:1-2 ✧ 51:59  
 Jr 28:1 ✧ 51:60 És 30:8

sa a pou koupe retire l nèt, pou pa menm gen anyen ki rete ladann, ni lòm, ni bèt, men li va yon kote dezole jis pou tout tan'. <sup>63</sup> Epi depi ou fin li woulo sa a, ou va mare yon wòch sou li e jete l nan mitan rivyè Euphrate la. <sup>64</sup> Epi di: 'Se konsa Babylone va fonsé desann e pa leve ankò, akòz malè ke Mwen va mennen sou li; epi yo va vin bouke nèt. Jiska prezan, sa se pawòl a Jérémie yo.

## 52

<sup>1</sup> Sédécias te gen laj a venteyen ane lè l te devni wa a e li te renye pandan onz ane Jérusalem; epi non manman l te Hamuthal, fi a Jérémie nan Libna a. <sup>2</sup> Li te fè mal nan zye SENYÈ a tankou tout sa ke Jojakim te fè yo. <sup>3</sup> Paske akòz kòlè SENYÈ a, bagay sa a te rive Jérusalem ak Juda jiskaske Li te jete yo deyò prezans Li.

Epi Sédécias te fè rebèl kont wa Babylone nan. <sup>4</sup> Alò, li te vin rive nan nevyèm ane règn li an, nan dizyèm jou nan dizyèm mwa a, ke Nebucadnetsar, wa Babylone nan te vini, li menm ak tout lame li a, kont Jérusalem, te fè kan kont li e te bati yon miray syèj ki te antoure li. <sup>5</sup> Konsa, vil la te anba syèj jis rive nan onzyèm ane a wa Sédécias.

<sup>6</sup> Nan Nevyèm jou nan katriyèm mwa a, gwo grangou a te tèlman rèd nan vil la ke pa t gen manje pou pèp peyi a. <sup>7</sup> Epi yo te kase antre nan vil la e tout mesye lagè yo te kouri kite vil la pandan lannwit lan bò kote pòtay ki te antre de miray ki te akote jaden a wa a; sepandan, Kaldeyen yo te antoure vil la nèt. Epi yo te ale pa chemen Araba a vle di dezè a. <sup>8</sup> Men lame Kaldeyen an te kouri dèyè wa a, li te rive sou Sédécias nan plèn Jericho e tout lame li a te gen tan gaye kite li. <sup>9</sup> Epi yo te kaptire wa a, yo te mennen li monte kote wa Babylone nan nan Ribla nan peyi Hamath e li te kondane li la. <sup>10</sup> Wa Babylone nan te touye fis a Sédécias yo devan zye l e anplis, li te touye tout prens Juda yo Ribla. <sup>11</sup> Epi li te avegle zye a Sédécias; epi wa Babylone nan te anprizon l ak braslè an bwonz, te mennen li Babylone e te mete l nan prizon jis rive jou ke li te mouri an.

<sup>12</sup> Alò, nan dizyèm jou nan senkyèm mwa a, ki te diz-nevyèm ane a wa Nebucadnetsar, wa Babylone nan, Nebuzaradan, chèf an tèt kò gad la, ki te nan sèvis wa a Babylone nan, te rive Jérusalem. <sup>13</sup> Li te brile kay SENYÈ a lakay wa a, ak tout kay Jérusalem yo; menm tout gwo kay yo, li te brile yo ak dife. <sup>14</sup> Konsa, tout lame Kaldeyen ki te avèk chèf kò gad yo, te demoli tout miray ki te antoure Jérusalem yo. <sup>15</sup> Epi Nebuzaradan, chèf kò gad yo, te mennen, pote an egzil kèk nan moun ki pi malere pami pèp la, tout lòt moun ki te rete nan vil la, sila ki te dezète Jérusalem yo pou ale kote wa Babylone nan ak tout rès moun metye yo. <sup>16</sup> Men Nebuzaradan, chèf kò gad la, te kite kèk moun nan pi malere yo pou okipe chan rezen yo e pou laboure tè a.

<sup>17</sup> Alò, pilye an bwonz, ki te apatye a lakay SENYÈ a, baz yo, ak gwo lanmè an bwonz ki te lakay SENYÈ a, Kaldeyen yo te kraze yo an mòso e te pote tout bwonz yo Babylone. <sup>18</sup> Anplis, yo te pran veso yo, pèl yo, etoufè yo, basen yo, po yo ak tout veso an bwonz ki te sèvi nan tanp lan. <sup>19</sup> Anplis, chèf kò gad la te retire bòl yo, plato sann yo, basen yo, po yo,

☆ 51:62 Jr 51:43 ☆ 51:63 Jr 19:10 ☆ 51:64 Na 1:8 ☆ 52:1 II Wa 24:18 ☆ 52:2 Jr 36:30-31  
 ☆ 52:3 II Kwo 36:13 ☆ 52:4 Jr 32:24 ☆ 52:5 II Wa 25:2 ☆ 52:6 II Wa 25:3 ☆ 52:7 II Wa 25:4  
 ☆ 52:8 Jr 21:7 ☆ 52:9 Nonb 34:11 ☆ 52:10 II Wa 25:7 ☆ 52:11 Jr 39:7 ☆ 52:12 Jr 39:9  
 ☆ 52:13 I Wa 9:8 ☆ 52:14 II Wa 25:10 ☆ 52:15 II Wa 25:11 ☆ 52:16 II Wa 25:12  
 ☆ 52:17 I Wa 7:23-26 ☆ 52:18 Egz 27:3 ☆ 52:19 I Wa 7:49-50

chandelye yo, sa ki te fèt an lò fen ak sa ki te fèt an ajan fen.

<sup>20</sup> De pilye yo, sèl lanmè a, douz towò an bwonz ki te anba lanmè a, ak baz yo, ke Wa Salomon te fè pou lakay SENYÈ a—bwonz nan tout veso sa yo te <sup>✧</sup>depase kontwòl nan pwa. <sup>21</sup> Epi pou pilye yo, wotè a chak pilye te diz-uit koude, li te mezire douz koude <sup>✧</sup>sikonferans lan, kat dwat nan epès e vid nan mitan. <sup>22</sup> Alò, yon <sup>✧</sup>tèt kouvèti an bwonz te sou li; epi wotè a chak tèt kouvèti te senk koude, ak yon sistèm mèch fèt avèk chèn an fil tòde pou tèt kouvèti ak grenad sou tèt kouvèti ki antoure l yo, tout nan bwonz nèt. Epi dezyèm pilye a te tankou sila a, menm ak grenad yo. <sup>23</sup> Te gen <sup>✧</sup>katre-ven-sèz grenad byen parèt; tout nan grenad yo te kontwole an santèn, sou sistèm mèch la toupatou.

<sup>24</sup> Epi chèf kò gad la te pran Seraja, chèf prèt la, Sophonie, dezyèm wo prèt la, ak twa <sup>✧</sup>ofisyè a tanp yo. <sup>25</sup> Anplis, li te pran soti nan vil la, yon ofisyè ki te yon sipèvizè pou mesye lagè yo, sèt nan <sup>✧</sup>konseye wa ki te twouve nan vil yo, grefye a wo kòmandan ki te òganize pèp peyi a ak swasant mesye a pèp ki te twouve nan mitan vil yo. <sup>26</sup> Nebuzaradan, chèf kò gad la te pran yo e te <sup>✧</sup>mennen yo kote wa Babylone nan Ribla. <sup>27</sup> Epi wa Babylone nan te <sup>✧</sup>frape yo mete a lanmò nan Ribla nan peyi Hamath la.

Konsa, Juda te mennen ale an egzil kite peyi li. <sup>28</sup> Sila yo se moun ke <sup>✧</sup>Nebucadnetsar te pote ale an egzil; nan setyèm ane a, twa-mil-venn-twa Jwif;

<sup>29</sup> Nan diz-uityèm ane Nebucadnetsar a, ui-san-trant-de moun ki sòti Jérusalem; <sup>30</sup> Nan venn-twazyèm ane a Nebucadnetsar a, <sup>✧</sup>Nebuzaradan, chèf kò gad yo te pote an egzil sèt-san-karant-senk Jwif; te gen kat-mil moun antou.

<sup>31</sup> Alò, li te vin rive nan trant-setyèm ane egzil a Jojakin, wa Juda a, nan douzyèm mwa a, sou venn-senkyèm jou a mwa a, ke Évil-Merodac, wa Babylone nan, nan premye ane règn li a, te montre favè li a Jojakin, wa Juda a e te lage li nan prizon. <sup>32</sup> <sup>✧</sup>Epi li te pale dousman avèk li e te mete twòn li pi wo pase twòn a wa ki te avèk li Babylone yo. <sup>33</sup> Konsa, Jojakin te chanje rad prizonye li a e te <sup>✧</sup>pran repa li nan prezans a wa a pandan tout rès jou lavi li yo. <sup>34</sup> Pou okipe li, li te resevwa yon <sup>✧</sup>pòsyon nòm al chak jou pandan tout rès jou lavi li, jis rive jou li te mouri an.

<sup>✧</sup> 52:20 I Wa 7:47   <sup>✧</sup> 52:21 I Wa 7:15   <sup>✧</sup> 52:22 I Wa 7:16   <sup>✧</sup> 52:23 I Wa 7:20   <sup>✧</sup> 52:24 I Kwo 9:19   <sup>✧</sup> 52:25 II Wa 25:19   <sup>✧</sup> 52:26 II Wa 25:20   <sup>✧</sup> 52:27 II Wa 25:21   <sup>✧</sup> 52:28 II Wa 24:2-16   <sup>✧</sup> 52:30 II Wa 25:11   <sup>✧</sup> 52:32 II Wa 25:28   <sup>✧</sup> 52:33 II Sam 9:7-13   <sup>✧</sup> 52:34 II Sam 9:10

## Lamantasyon Yo

1 A la sèl;  
vil ki te konn ✧plen moun nan chita sèl!  
Li vin tankou yon vèv  
ki te konn byen pwisan pami nasyon yo!  
Sila ki te konn yon fanm  
byen admire pami pwovens yo!  
Koulye a, se travo fòse li oblije fè!

2 Li kriye byen anmè nan nwit lan  
e dlo zye li sou machwè l;  
nanpwen moun ki pou bay li rekonfò  
menm pami tout sila ki te renmen l yo.  
Tout zanmi li yo trèt li;  
yo te devni lènmi l.

3 ✧Juda antre an egzil anba gwo opresyon;  
anba esklavaj byen di.  
Li demere pami nasyon yo;  
pou repo, nanpwen;  
tout sila k ap kouri dèyè l yo  
fin sezi li nan mitan gwo pwoblèm li.

4 ✧Chemen Sion yo ap fè dèy;  
pèsòn pa rive nan fèt li yo.  
Tout pòtay li yo vin dezole.  
Prèt li yo ap plenn nan gòj,  
vyèj li yo vin aflije  
e li menm, li vin anmè.

5 Advèsè li yo te vin mèl li  
e lènmi li yo ap byen reyisi;  
paske SENYÈ a te ✧koze doulè l,  
akoz gwo kantite transgresyon li yo.  
Pitit li yo fin ale kon prizonye devan advèsè yo.

6 Tout ✧majeste fin kite fi a Sion an;  
prens li yo vin tankou sèf  
ki pa t jwenn patiraj  
e ki te sove ale san rezistans  
devan mèl lachas la.

7 ✧Nan jou afliksyon li yo,  
pandan li pa gen kay pou kouvri l,  
Jérusalem sonje tout bagay presye li yo  
ki te la depi nan jou ansyen yo,  
lè pèp li a te tonbe nan men a advèsè a

e pèsòn pa t ede li.  
Advèsè yo te wè l,  
yo te gyonnen l lè yo te fin bat li nèt.

8 Jérusalem te ✨fè gwo peche;  
akoz sa, li te vin yon bagay ki pa pwòp.  
Tout sila ki te konn louwe l yo,  
meprize l akoz yo te wè li toutouni.  
Menm li menm plenn nan gòj e vire an àyè.

9 Depi nan jip li, li te vin pa pwòp;  
li pa t konsidere avni li.  
Akoz sa li te vin tonbe yon fason etonan;  
li pa gen moun pou konsole l.  
“Gade, O SENYÈ, afliksyon mwen an;  
paske ènmi an vante tèt; li vin ògeye!”

10 Advèsè a te lonje men l sou tout bagay  
presye fi a te genyen,  
paske li te wè ènmi yo antre nan sanktyè li a,  
sila ke Ou menm te kòmande pou yo  
✨pa ta antre nan asanble Ou a.

11 Tout pèp li a plenn nan gòj nan ✨chache pen;  
yo te fin bay tout bagay presye yo pou manje,  
pou yo ta restore lavi a yo menm.  
“Gade, O SENYÈ, paske mwen vin meprize.”

12 Èske sa pa anyen pou nou tout ki pase nan wout sa a?  
Gade pou wè si genyen yon doulè ki tankou  
doulè mwen an,  
doulè ki te pase vin nan men m nan,  
avèk sila ✨SENYÈ a te aflije m  
nan jou a gran kòlè Li a.

13 Soti anwo, Li te voye dife antre nan ✨zo m  
e li te dominen yo.  
Li te ouvri yon pèlen pou pye m;  
Li te fè m vire fè bak;  
Li te fè m vin dezole, fèb tout lajounen.

14 Jouk a transgresyon mwen yo vin mare;  
ak men Li yo koude nèt ansanm.  
Yo te rive jis nan kou m;  
Li te fè fòs mwen vin kraze disparèt.  
Senyè a te ✨livre m nan men a sila yo  
kont sa mwen pa ka kanpe yo.

15 Senyè a te rejte tout mesye pwisan ki nan mitan m yo;

✨ 1:8 És 59:2-13 ✨ 1:10 Det 23:3 ✨ 1:11 Jr 38:9 ✨ 1:12 Jr 30:23-24 ✨ 1:13 Job 30:30  
✨ 1:14 Jr 32:3-5



Li te rele yon asanble solonèl kont mwen pou kraze  
 ✧jennonm mwen yo;  
 Senyè a te foule, konsi se nan yon pèz rezen,  
 fi vyèj a Juda a.

16 Pou bagay sa yo, mwen ap kriye;  
 zye m koule ak dlo;  
 akoz de konsolatè lwen m, ✧okenn ki ta ka  
 konsole mwen,  
 okenn ki ta ka restore nanm mwen.  
 Pitit mwen yo vin dezole akoz ènmi an  
 te vin genyen.

17 Sion lonje men l; nanpwen ki pou konsole l;  
 SENYÈ a te bay lòd konsènan Jacob,  
 ke sila ki antoure l yo ta lènmi avè l;  
 ✧Jérusalem te devni yon bagay pa pwòp pami yo.

18 SENYÈ a jis; paske mwen te ✧fè rebèl kont lòd Li;  
 tandè koulye a, tout pèp yo  
 e gade byen doulè m nan;  
 vyèj mwen yo ak jennonm mwen yo  
 te vin antre an kaptivite.

19 Mwen te rele vè renmen mwen yo, men yo te fè m desi;  
 ✧prèt mwen yo ak ansyen mwen yo te peri  
 nan vil la pandan yo t ap cache manje  
 pou restore fòs yo pou kont yo.

20 Gade, O SENYÈ, paske mwen nan gwo twoub;  
 ✧lespri m twouble anpil; kè m boulvèse anndan m,  
 paske mwen te fè anpil rebèl.  
 Nan lari, se nepe k ap touye; nan kay, se tankou lanmò.

21 Yo te tandè ke m ap plenn nan gòj;  
 nanpwen ki pou konsole m;  
 tout lènmi mwen yo te tandè afè gwo malè m nan;  
 yo ✧kontan ke Ou te fè sa.  
 O ke Ou ta mennen jou ke Ou te pwoklame a,  
 pou yo ka vin tankou mwen.

22 Kite tout mechanste yo vini devan Ou;  
 epi ✧aji avèk yo kon Ou te aji avè m nan,  
 pou tout transgresyon mwen yo;  
 paske plent k ap sòti anndan m yo anpil  
 e kè m vin fèb nèt.

## 2

1 Gade kijan Senyè a te kouvri fi a Sion an  
 ak yon nwaj nan kòlè li!

Li te ✨jete soti nan syèl la, jis rive atè glwa Israèl la,  
e Li pa t menm sonje machpye Li a, nan jou kòlè Li a.

2 Senyè a te vale tout nèt;  
Li pa t epanye tout abitasyon Jacob yo.  
Nan gwo chalè Li, Li te jete sitadèl fi a Juda a;  
Li te ✨bese yo nèt jis rive atè.  
Li te pwofane wayòm nan ak tout prens li yo.

3 Nan gwo chalè, Li te koupe tout fòs Israèl la;  
Li te retire men dwat Li soti devan lènmi an.  
Epi Li te ✨brile nan Jacob tankou flanm dife  
ki konsome toupatou.

4 Li te koube ✨banza Li kon yon lènmi;  
Li te poze men dwat li konsi se yon advèsè  
e Li te touye tout moun ki bèl pou gade;  
nan tant a fi a Sion an,  
Li te vin vide kòlè Li tankou dife.

5 Senyè a vin tankou yon ✨lènmi.  
Li te vale Israèl nèt;  
Li te vale tout palè li yo,  
li te detwi sitadèl li yo  
e Li te miltipliye nan fi a Juda a  
doulè yo ak plent yo.

6 Epi ak vyolans, Li te aji sou tanp Li an  
konsi se yon tonèl jaden;  
Li te ✨detwi kote ke Li menm te deziye  
pou asanble yo.  
SENYÈ a te fè bliye tout jou fèt ak Saba Sion yo  
e Li te meprize ni wa a, ni prèt la  
nan gwo kòlè Li a.

7 Senyè a te rejte lotèl Li a,  
Li te abandone sanktyè Li a;  
Li te ✨livre nan men lènmi an, miray a palè li yo.  
Yo te fè yon bri nan kay SENYÈ a, konsi  
se ta nan yon jou fèt deziye.

8 SENYÈ a te pran desizyon pou detwi miray  
a fi a Sion an.  
Li te ✨lonje yon lign,  
Li pa t ralanti men l nan destriksyon.  
Li te fè ni ranpa, ni miray la byen tris;  
y ap souffri ansanm.

9 ✨Pòtay li yo te fonsè antre nan tè,  
Li te detwi e kraze fè fòje a.

Wa li yo ak prens li yo vin gaye pami nasyon yo;  
lalwa, nanpwen ankò.  
Anplis, pwofèt li yo pa resevwa vizyon de SENYÈ a.

10 Ansyen a fi a Sion yo chita atè;  
yo rete an silans.  
Yo te jete ✧pousyè sou tèt yo;  
yo te abiye yo ak twal sak.  
Vyèj Jérusalem yo fin bese tèt yo  
jis a tè a.

11 Zye m gate akoz dlo k ap sòti ladann,  
✧lespri m vin nan gwo twoub;  
kè m vin vide atè nèt, akoz  
fi a pèp mwen an vin detwi  
e timoun ak tibebe yo ap fennen  
nan lari vil la.

12 Yo di yo: ✧“Kote sereyal ak diven an?”  
Epi yo fennen tankou yon nonm ki blese  
nan lari vil yo, pandan lavi yo menm vin  
vide nan sen manman yo.

13 Kòman Mwen ta korije ou?  
A kilès pou m ta konpare ou, O! fi Jérusalem nan?  
A kisa pou m ta di ou sanble pandan mwen  
ap mennen rekonfò bay ou a,  
O fi vyèj a Sion an?  
Paske destriksyon ou an vast tankou lanmè.  
Se kilès ki ka ✧geri ou?

14 Pwofèt ou yo te wè pou ou vizyon ki te fo  
e ki te plen foli.  
Yo pa t ✧dekouvri inikite ou pou restore ou  
sòti an kaptivite, men yo te wè pou ou vizyon  
pòt pawòl ki te fo, ki te egare ou.

15 Tout moun ki pase akote chemen an  
✧bat men yo pou moke ou;  
yo sifle anlè kon koulèv  
e yo souke tèt yo sou fi a Jérusalem nan:  
“Men èske se vil sa a, yo te konn rele  
‘pèfeksyon a bèlte a, yon jwa pou tout tè a?’”

16 Tout lènmi ou yo te louvri bouch yo laj kont ou;  
yo sifle anlè kon koulèv e yo fwote dan yo.  
Yo di: “Nou te ✧vale l nèt!  
Anverite, se jou sa ke nou t ap tann nan;  
nou gen tan jwenn li, nou gen tan wè li.

17 SENYÈ a te ✨acheve objektif Li;  
Li te akonpli pawòl Li, pawòl ke Li  
te kòmande soti nan jou ansyen yo.  
Li te jete san pitye  
e Li te fè lènmi an rejwi sou ou;  
Li te egzalte pwisans a advèsè ou yo.

18 ✨Kè yo te kriye fò a Senyè a:  
“O miray a fi Sion an,  
kite dlo sòti nan zye ou lajounen kon lannwit;  
pa aksepte okenn soulajman;  
pa kite zye ou pran repo.

19 Leve, kriye fò nan nwit lan,  
nan kòmansman vèy nwit lan;  
✨vide kè ou konsi se dlo devan prezans Senyè a;  
leve men ou a Li menm pou lavi pitit ou yo  
ki fèb nèt ak grangou sou tèt a tout ri yo.

20 Wè, O SENYÈ, gade! Avèk kilès ou te aji konsa?  
Èske fanm ta dwe ✨manje pwòp pitit pa yo,  
pitit yo ki te fèt an bòn sante?  
Èske prèt la ak pwofèt la  
dwe vin touye nan sanktyè Senyè a?

21 Sou tè nan lari yo, kouche ✨jenn yo ak granmoun yo;  
vyèj mwen yo ak jennonm mwen yo te tonbe sou nepe.  
Ou te touye yo nan jou gwo kòlè Ou a;  
Ou te fè masak, san pitye.

22 Ou te rele nou konsi se nan jou a yon fèt etabli,  
gwo laperèz mwen yo tout kote;  
epi ✨nanpwen moun ki te chape sòti vivan  
nan jou kòlè SENYÈ a. Sila ke m te fè e leve yo,  
lènmi m te anile yo nèt.

### 3

1 Mwen se moun ki te ✨wè afliksyon  
akoz baton kòlè Li a.  
2 Li te bourade mwen e te fè m  
mache nan ✨tenèb, pa nan limyè.  
3 Anverite, li te ✨vire men L  
kont mwen plizyè fwa, tout jounen an.

4 Li te fè chè m ak po m vin epwize sòti sou mwen,  
Li te ✨kase zo m yo.

5 Li te ✨jennen mwen e te antoure m  
ak ametim ak difikilte.

6 Nan kote ki ✨fènwa, li te fè m abite,

✨ 2:17 Jr 4:28 ✨ 2:18 Sòm 119:145 ✨ 2:19 I Sam 1:15 ✨ 2:20 Jr 19:9 ✨ 2:21 II Kwo 36:17  
✨ 2:22 Jr 11:11 ✨ 3:1 Sòm 88:7-16 ✨ 3:2 Job 30:26 ✨ 3:3 Sòm 38:2 ✨ 3:4 Sòm 51:8 ✨ 3:5  
Job 19:8 ✨ 3:6 Sòm 88:5-6

tankou sila ki fin mouri lontan yo.

<sup>7</sup> Li te ✨antoure m anndan pou m pa ka sòti;

Li te fè chenn mwen an byen lou.

<sup>8</sup> Menm lè m kriye e rele 'sekou',

Li ✨fèmen lapriyè m deyò.

<sup>9</sup> Li te ✨bloke wout mwen yo ak wòch taye;

Li te fè chemen mwen yo vin kwochi.

<sup>10</sup> Li pou mwen tankou yon lous ki kouche ap tann,  
tankou yon lyon nan kote an kachèt.

<sup>11</sup> Li te detounen tout chemen mwen yo

e Li te ✨chire mwen an mòso;

Li te fè m vin dezole nèt.

<sup>12</sup> Li te koube banza Li e Li te ✨chwazi m  
kon pwen final pou flèch Li.

<sup>13</sup> Li te fè flèch nan ✨fouwo L yo  
antre anndan m.

<sup>14</sup> Mwen te vin yon ✨rizib pou tout pèp mwen an,  
chante giyonnen yo tout lajounen.

<sup>15</sup> Li te ✨plen mwen ak anmetim;

Li te fè m sou ak dlo absent.

<sup>16</sup> Li te ✨kase dan m ak gravye;

Li fè m kache nan pousyè.

<sup>17</sup> Nanm mwen ✨p ap jwenn lapè ankò;  
bonè vin bliye pou mwen.

<sup>18</sup> Konsa mwen di: "Fòs mwen fin peri  
e ✨espwa m ki sòti nan SENYÈ a, avè l.

<sup>19</sup> Sonje soufrans mwen ak mizè mwen an;  
dlo absent ak anmetim ki nan kè m nan.

<sup>20</sup> Anverite, nanm mwen vin ✨koube anndan mwen.

<sup>21</sup> Men sa mwen raple a lespri mwen;  
pou sa, mwen gen ✨espwa.

<sup>22</sup> Lamou dous SENYÈ a, anvèrite, p ap janm sispann,  
✨paske mizerikòd Li p ap janm manke.

<sup>23</sup> Yo renouvle chak maten; gran se ✨fidelite Ou.

<sup>24</sup> "SENYÈ a se ✨pòsyon mwen," nanm mwen pale;  
pou sa mwen gen espwa nan Li.

<sup>25</sup> SENYÈ a montre dousè Li a sila ki ✨tann Li yo,  
a moun ki cache Li a.

<sup>26</sup> Se bon pou sila ki ✨tann an silans sali SENYÈ a.

<sup>27</sup> Se bon pou yon nonm ki ta pote jouk la nan jenès li.

✨ **3:7** Job 3:23 ✨ **3:8** Job 30:20 ✨ **3:9** És 63:17 ✨ **3:11** Job 16:12-13 ✨ **3:12** Job 6:4 ✨ **3:13** Jr 5:16 ✨ **3:14** Sòm 22:6-7 ✨ **3:15** Jr 9:15 ✨ **3:16** Sòm 3:7 ✨ **3:17** És 59:11 ✨ **3:18** Job 17:5 ✨ **3:20** Sòm 42:5-11 ✨ **3:21** Sòm 130:7 ✨ **3:22** Mal 3:6 ✨ **3:23** Eb 10:23 ✨ **3:24** Sòm 16:5 ✨ **3:25** Sòm 27:14 ✨ **3:26** Sòm 37:7

28 Kite li ✨chita apa pou kont li e rete an silans,  
 akoz Li te poze sa sou li.  
 29 Kite li mete bouch li nan pousyè;  
 petèt ka gen ✨espwa.  
 30 Kite li ranje ✨machwè li, bay sila k ap frape l la;  
 kite li ranpli ak repwòch.

31 Paske se pa pou tout tan ke Senyè a ap ✨rejte,  
 32 Paske si se gwo doulè ke Li fè rive;  
 alò, Li va gen ✨mizerikòd selon gran lanmou  
 dous Li a.  
 33 Paske ✨se pa ak kè kontan ke Li aflije  
 oswa atriste fis a lòm yo.

34 Pou kraze anba pye Li tout prizonye a peyi yo,  
 35 Pou retire ✨jistis sou yon nonm  
 nan prezans a Pi Wo a,  
 36 Pou ✨fè yon nonm tò nan pwochè legal pa li,  
 sou bagay sa yo, Senyè a p ap dakò.

37 Se kilès la ki pale e ✨sa vin rive,  
 amwenske Senyè a te pase lòd la?  
 38 Èske sa pa soti nan bouch a Pi Wo a  
 ✨pou sa ki bon ak sa ki mal vin soti?  
 39 Poukisa nenpòt nonm vivan, oswa nenpòt moun,  
 ✨ta plenyen lè l gade pwòp peche l yo.

40 Annou ✨egzamine, sonde wout nou yo  
 e annou retounen kote SENYÈ a.  
 41 Nou ✨leve kè nou ak men nou vè Bondye  
 nan syèl la;  
 42 Nou te ✨peche e nou te fè rebèl;  
 Ou pa t padone.

43 Ou te kouvri nou ak ✨kòlè e te kouri dèyè nou;  
 Ou te touye e Ou pa t gen pitye menm.  
 44 Ou te ✨kouvri tèt Ou ak yon nwaj,  
 pou okenn lapriyè pa ka pase ladann.  
 45 Ou fè nou vin ✨poupou bèt ak fatra  
 ki rejte nan mitan lòt pèp yo.

46 Tout lènmi nou yo te ✨ouvri bouch yo kont nou.  
 47 ✨Sezisman ak pyèj tonbe sou nou,  
 ravaj ak destriksyon.

48 ✨Zye m koule nèt ak flèv dlo  
 akoz destriksyon a fi a pèp mwen an.

✨ 3:28 Jr 15:7 ✨ 3:29 Jr 31:17 ✨ 3:30 Job 16:10 ✨ 3:31 Sòm 77:7 ✨ 3:32 Sòm 78:38  
 ✨ 3:33 Sòm 119:67-75 ✨ 3:35 Sòm 140:12 ✨ 3:36 Jr 22:3 ✨ 3:37 Sòm 33:9-11 ✨ 3:38 Job  
 2:10 ✨ 3:39 Jr 30:15 ✨ 3:40 Sòm 119:59 ✨ 3:41 Sòm 25:1 ✨ 3:42 Né 9:26 ✨ 3:43 Lam  
 2:2-21 ✨ 3:44 Lam 3:8 ✨ 3:45 I Kor 4:13 ✨ 3:46 Job 30:9-10 ✨ 3:47 És 24:17-18 ✨ 3:48  
 Sòm 119:136

49 Zye m koule ✨san sès, san rete,

50 Jiskaske SENYÈ a ✨gade anba soti nan wotè syèl la pou wè.

51 Zye m pote doulè rive nan nanm mwen, akoz tout fi nan vil yo.

52 ✨Lènmi m yo san koz te fè lachas dèyè m tankou zwazo;

53 Yo te fè m rete an silans ✨nan twou fòs la e te poze yon wòch sou mwen.

54 Dlo yo te koule ✨depase tèt mwen; mwen te di: “Mwen fin koupe retire nèt”!

55 Mwen ✨te rele non Ou, O SENYÈ, soti nan twou fòs pi ba a.

56 Ou te ✨tande vwa m: pa kache zòrèy W de lapriyè mwen pou sekou.

57 Ou te ✨vin rapwoche lè m te rele Ou a; Ou te di: “Pa pè!”

58 O Senyè, Ou ✨te plede ka pou nanm mwen an; Ou te rachte lavi mwen.

59 O SENYÈ, Ou te wè jan m oprime; ✨jije ka m nan.

60 Ou te wè tout vanjans pa yo; tout ✨manèv yo kont mwen.

61 Ou te tande ✨repwòch yo, O SENYÈ, tout manèv yo kont mwen.

62 ✨Lèv a sila k ap atake m yo ak konplo yo kont mwen tout lajounen.

63 Gade jan yo ✨chita ak jan yo leve; se mwen ki sijè chan giyonnen yo a.

64 Ou va ✨rekonpanse yo, O SENYÈ, selon zèv men yo.

65 Ou va bay yo yon kè ki di; ✨madichon pa yo va sou yo.

66 Ou va ✨kouri dèyè yo nan kòlè Ou e detwi yo soti anba syèl SENYÈ a!

## 4

1 A la fonsè koulè lò a vin ✨fonsè; lò pi a vin chanje!  
Pyè sakre yo vide deyò nan tout kwen lari.

2 Pyè presye a fis a Sion yo;

✨ 3:49 Sòm 77:2 ✨ 3:50 Sòm 80:14 ✨ 3:52 I Sam 26:20 ✨ 3:53 Dan 6:17 ✨ 3:54 Sòm 69:2  
✨ 3:55 Sòm 130:1 ✨ 3:56 Job 34:28 ✨ 3:57 Sòm 145:18 ✨ 3:58 Jr 50:34 ✨ 3:59 Sòm 26:1  
✨ 3:60 Jr 11:19 ✨ 3:61 Sòm 74:18 ✨ 3:62 Sòm 59:7-12 ✨ 3:63 Sòm 139:2 ✨ 3:64 Sòm 28:4  
✨ 3:65 Egz 14:8 ✨ 3:66 Lam 3:43 ✨ 4:1 Éz 7:19-22

te peze kont lò fen,  
gade kijan yo konsidere kon ✨veso tè,  
travay a potye a!

<sup>3</sup> Menm chen mawon yo konn bay tete;  
yo kite pitit yo souse yo.  
Men fi a pèp mwen an te vin ✨mechan  
kon yon otrich nan dezè.

<sup>4</sup> ✨Lang a ti bebe a kole nan fon bouch yo,  
tèlman yo swaf;  
ti piti yo mande pen,  
men pèsòn pa kase bay yo.

<sup>5</sup> Sila ki te konn manje ✨ti manje delika yo;  
vin abandone nan lari.  
Sila ki te leve nan abiman an mov yo  
ap degaje viv nan twou plen ak sann.

<sup>6</sup> Paske inikite a fi a pèp mwen an  
pi gwo ke peche Sodome,  
ki te ✨boulvèse nan yon moman  
e ki pa t gen men ki te vire vè li.

<sup>7</sup> Prens li yo te ✨pi pwòp ke lanèj,  
yo te pi blan ke lèt;  
yo te pi dyanm pase koray.  
Yo te poli tankou pyè safi.

<sup>8</sup> Aparans yo koulye a ✨pi nwa ke poud chabon;  
yo pa menm rekonèt yo nan lari.  
Chè yo vin kole sou zo yo;  
li vin fennen,  
li vin tankou bwa.

<sup>9</sup> Pi bon se sila ki te touye ak nepe yo  
ke sila ki touye ak grangou yo;  
paske yo vin chagren  
e epwize akòz mank fwi chan an.

<sup>10</sup> Men a fanm ki te konn plen konpasyon yo  
te bouyi pwòp pitit yo;  
yo te devni ✨manje pou yo  
akòz destriksyon a fi a pèp mwen an.

<sup>11</sup> SENYÈ a te ✨acheve gwo kòlè Li a;  
Li te vide gwo kòlè Li a  
e Li te limen yon dife nan Sion  
ki te manje tout fondasyon Li yo.



12 Wa latè yo pa t kwè,  
ni okenn abitan nan mond lan,  
ke advèsè ak ènmi an ta ka ✧antre  
nan pòtay Jérusalem nan.

13 Akoz peche a pwofèt li yo  
ak inikite a prèt li yo,  
ki te vèsè nan mitan li  
✧san a moun ladwati yo.

14 Yo te egare e avèg nan lari yo;  
yo te vin souye ak ✧san  
jiskaske pèsòn pa t ka manyen abiman yo.

15 “Sòti! ✧Pa pwòp!” Yo te kriye a yo menm.  
“Sòti, sòti, pa touche!”  
Konsa yo te sove ale e te mache toupatou.  
Pami nasyon yo, yo te di: “yo p ap kontinye rete pami nou”.

16 Prezans a SENYÈ a te gaye yo;  
Li p ap kontinye bay yo swen;  
yo pa t ✧onore prèt yo,  
yo pa t respekte ansyen yo.

17 Malgre sa, zye nou te febli;  
chache sekou te vin ✧initil.  
Nan chache, nou te chache pou yon nasyon  
ki pa t ka sove.

18 Konsa, yo te ✧fè lachas dèyè nou  
jiskaske nou pa t ka mache nan lari nou yo.  
Lafen nou te vin pwòch,  
paske dènye moman an nou te vin rive.

19 Sila ki te kouri dèyè nou yo  
te pi vit pase èg k ap volè anlè;  
yo te fè lachas sou nou nan mòn yo,  
yo te kache tann anbiskad pou nou nan savann nan.

20 Souf lè ki nan nen nou,  
nou menm ki onksyone pa ✧SENYÈ a,  
te vin kaptire nan twou fòs yo,  
de sila nou te konn di:  
“Anba lonbraj li, nou va viv pami nasyon yo”.

21 Rejwi e fè kè kontan, O fi a ✧Edom an,  
ki rete nan peyi Uts la;  
men tas la va fè wonn vin jwenn ou tou.  
Ou va vin sou e mete tèt ou toutouni.

✧ 4:12 Jr 21:13 ✧ 4:13 Jr 2:30 ✧ 4:14 És 1:15 ✧ 4:15 Lev 13:45-46 ✧ 4:16 És 9:14-16  
✧ 4:17 Jr 37:7 ✧ 4:18 Jr 16:16 ✧ 4:20 II Sam 1:14 ✧ 4:21 Sòm 137:7

22 Pinisyon pou inikite nou yo fin ✨konplete,  
O fi a Sion an; Li p ap ekzile nou ankò;  
Li va pini inikite nou an, O fi Edom an.  
Li va fè vin parèt tout peche ou yo!

## 5

1 Sonje, O SENYÈ, sa ki te rive nou an;  
gade pou wè ✨repwòch nou!  
2 Eritaj nou te bay kon don a ✨etranje yo,  
kay nou yo a moun nou pa konnen.  
3 Nou te devni òfelen ✨san papa;  
manman nou yo tankou vèv.  
4 Nou oblije achte ✨dlo pou nou nou bwè  
e bwa rive kote nou pou yon pri.  
5 Sila k ap kouri dèyè nou yo rive sou kou nou;  
nou vin bouke nèt; ✨nanpwen repo pou nou.  
6 Nou te vin soumèt devan ✨Egypte ak Assyrie  
pou nou jwenn ase pen.  
7 ✨Papa zansèt nou yo te peche e vin pa la ankò;  
se nou menm ki te pote inikite pa yo.  
8 Se ✨esklav yo k ap domine sou nou;  
nanpwen moun ki pou delivre nou nan men yo.  
9 Nou ✨riske lavi nou pou jwenn pen  
akoz nepe nan dezè a.  
10 Po nou vin ✨kwit tankou yon fou,  
akoz gwo chalè grangou a.  
11 Yo te ravaje tout ✨fanm Sion yo;  
vyè lavil a Juda yo.  
12 Prens yo te pann pa men yo;  
✨ansyen yo te vin pa respekte.  
13 Jennonm yo te ✨fòse travay devan moulen an  
e timoun yo te kilbite anba gwo chaj bwa yo.  
14 Ansyen yo ale kite pòtay la;  
jennonm yo ale kite ✨mizik yo.  
15 Jwa nan kè nou vin ✨sispann;  
danse vin ranplase pa fè dèy.  
16 Kouwòn nan te vin kite tèt nou;  
✨malè a nou menm, paske nou te peche!  
17 Akoz sa, ✨kè nou vin febli;  
akoz bagay sa yo, zye nou vin pa wè klè;  
18 Akoz ✨Mòn Sion ki kouche dezole nèt  
rena yo fè patwouj ladann.

19 Ou menm, O SENYÈ, Ou renye jis pou tout tan;  
✨twòn Ou se de jenerasyon an jenerasyon.  
20 Poukisa Ou ✨bliye nou jis pou tout tan?  
Poukisa Ou abandone nou jis rive tout tan sa a?

✨ 4:22 És 40:2 ✨ 5:1 Sòm 44:13-16 ✨ 5:2 És 1:7 ✨ 5:3 Egz 22:24 ✨ 5:4 És 3:1 ✨ 5:5  
Né 9:36-37 ✨ 5:6 Os 9:3 ✨ 5:7 Jr 14:20 ✨ 5:8 Né 5:15 ✨ 5:9 Jr 40:9-12 ✨ 5:10 Job 30:30  
✨ 5:11 És 13:16 ✨ 5:12 És 47:6 ✨ 5:13 Jij 16:21 ✨ 5:14 És 24:8 ✨ 5:15 Jr 25:10 ✨ 5:16  
És 3:9-11 ✨ 5:17 És 1:5 ✨ 5:18 Mi 3:12 ✨ 5:19 Sòm 45:6 ✨ 5:20 Sòm 13:1

21 ✨ Restore nou a Ou menm O SENYÈ,  
pou nou ka vin restore;  
fè jou nou yo vin jan yo te ye nan tan pase yo,  
22 amwenske ✨ Ou deja fin rejte nou nèt,  
e W ap rete byen fache nèt ak nou.

## Ézéchiel

<sup>1</sup> Alò, li te vin rive nan trèzyèm ane, sou senkyèm jou a Katriyèm mwa a, pandan mwen te akote rivyè Kebar a, pami egzile yo, ke ✧syèl yo te louvri e mwen te wè vizyon a Bondye.

<sup>2</sup> (Sou senkyèm jou nan mwa a, nan senkyèm ane a egzil a Wa Jojakin nan, <sup>3</sup> ✧Pawòl SENYÈ a te rive eksprè a Ézéchiel, prèt la, fis a Buzi, nan peyi Kaldeyen yo akote rivyè Kebar a; epi la, men SENYÈ a te vini sou li.)

<sup>4</sup> Pandan mwen t ap gade, men gade byen, yon ✧van tanpèt te vini soti nan nò, yon gwo nwaj ak dife t ap parèt san rete, yon limyè byen klere te antoure l e nan mitan l, yon bagay tankou metal ki klere nan mitan dife a.

<sup>5</sup> Anndan li, te gen fòm ki te sanble ✧kat kreyati vivan. Epi men ki jan yo te parèt: yo te gen yon fòm tankou moun. <sup>6</sup> Yo chak te gen ✧kat figi ak kat zèl. <sup>7</sup> Janm yo te dwat, pye yo te tankou zago jenn bèf e yo te klere tankou ✧bwonz poli. <sup>8</sup> Anba zèl yo, nan kat kote yo, te gen ✧men a moun. Selon figi ak zèl a yo kat nan yo, <sup>9</sup> zèl pa yo te touche youn lòt; figi yo pa t vire lè yo te deplase, yo chak te ✧ale tou dwat devan.

<sup>10</sup> Pou ✧fòm a figi yo a, yo chak te gen figi tankou a yon moun; toule kat te gen figi a yon lyon adwat, figi a yon towo agoch e toule kat te gen figi a yon èg. <sup>11</sup> Se konsa figi yo te ye. Zèl yo te ouvri anlè; yo chak te gen de ki te touche a yon lòt kreyati e ✧ de ki te kouvri kò yo. <sup>12</sup> Epi yo chak te ale tou dwat devan; ✧nenpòt kote lespri a te prèt pou ale, yo ta ale, san menm vire pandan yo t ap prale a. <sup>13</sup> Nan mitan kreyati vivan yo, te gen yon bagay ki te sanble ak ✧chabon dife, tankou tòch ki t ap file fè ale retou pami kreyati vivan yo. Dife a te klere e loray te vòltije soti nan dife a. <sup>14</sup> Epi kreyati vivan yo te ✧kouri fè ale retou tankou kout loray.

<sup>15</sup> Alò, pandan mwen t ap gade kreyati vivan yo, gade byen, te gen yon ✧wou sou tè a akote kreyati vivan yo, pou chak kat nan yo. <sup>16</sup> Wou yo te sanble, jan yo te fèt la, tankou yon ✧wòch krizolit briyan e toule kat te gen menm fòm, nan aparans a jan yo fè l la, yo te fèt konsi yon wou te anndan yon lòt. <sup>17</sup> Nenpòt lè yo deplase, yo te deplase nan nenpòt nan kat direksyon yo, ✧san menm vire pandan yo t ap deplase a. <sup>18</sup> Wotè a wou yo te tèlman wo, mèvèye e arebò toule kat te ✧plen ak zye toutotou l nèt.

<sup>19</sup> Nenpòt lè kreyati vivan yo te deplase, wou yo te deplase avèk yo. Epi nenpòt lè kreyati vivan yo te ✧leve kite tè a, wou yo te leve tou. <sup>20</sup> ✧Nenpòt kote lespri a te prèt pou ale, yo ta ale nan direksyon sa a. Epi wou yo te leve toupren bò kote yo; paske lespri a kreyati vivan yo te nan wou yo. <sup>21</sup> ✧Nenpòt kote sa yo te ale, sila yo te ale tou; epi lè sa yo te kanpe an plas, sila yo te kanpe an plas tou. Epi nenpòt lè sa yo te monte kite tè a, wou yo te leve toupren bò kote yo; paske lespri a kreyati vivan yo te nan wou yo.

<sup>22</sup> Alò, ✧anwo tè a kreyati vivan yo, te gen yon bagay tankou yon gwo espas, tankou yon briyans mèvèy kon kristal, ki te ouvri byen laj sou tè yo. <sup>23</sup> Anba gwo espas la, zèl yo te lonje dwat, youn anvè lòt; yo chak te gen ✧de zèl ki te kouvri kò l tou, youn yon kote e youn yon lòt kote. <sup>24</sup> Anplis,

✧ **1:1** Mat 3:16 ✧ **1:3** II Pi 1:21 ✧ **1:4** És 21:1 ✧ **1:5** Éz 10:15 ✧ **1:6** Éz 1:10 ✧ **1:7** Dan 10:6 ✧ **1:8** Éz 10:8-21 ✧ **1:9** Éz 1:12 ✧ **1:10** Rev 4:7 ✧ **1:11** És 6:2 ✧ **1:12** Éz 1:20 ✧ **1:13** Sòm 104:4 ✧ **1:14** Za 4:10 ✧ **1:15** Éz 1:19-21 ✧ **1:16** Éz 10:9 ✧ **1:17** Éz 1:9-12 ✧ **1:18** Éz 10:12 ✧ **1:19** Éz 10:19 ✧ **1:20** Éz 1:12 ✧ **1:21** Éz 10:17 ✧ **1:22** Éz 10:1 ✧ **1:23** Éz 1:6-11

mwen te tande son a zèl yo tankou son a anpil gwo dlo pandan yo t ap prale, tankou vwa a Toupwisan an, yon son a gwo boulvèsman, tankou son a yon lame ki nan kan li; nenpòt lè yo sispann fè mouvman, yo lage zèl yo.

<sup>25</sup> Epi te sòti yon vwa depi anwo ✧ gran espas lan ki te sou tèt pa yo; nenpòt lè yo te sispann fè mouvman, yo te lage zèl yo. <sup>26</sup> Alò, anwo gwo espas ki te anwo tèt yo a, te gen yon bagay ki ✧te sanble ak yon twòn, tankou yon pyè safi nan aparans; epi sou sa ki te sanble a yon twòn nan, byen wo, te gen yon fòm ak aparans a yon nonm. <sup>27</sup> Epi mwen te wè soti nan aparans a ren Li e piwo, yon bagay tankou metal klere ki te sanble dife toutotou anndan l, soti nan aparans a ren Li e piba, mwen te wè yon bagay tankou dife; epi te gen yon ekla limyè ki te antoure Li. <sup>28</sup> Menm jan ak aparans a ✧lakansyèl nan nwaj yo nan jou l ap fè lapli, konsa aparans a ekla limyè ki te antoure li a te ye.

Konsa aparans a imaj a glwa a SENYÈ a te ye. Epi lè m te wè l, mwen te tonbe sou figi mwen e mwen te tande yon vwa ki t ap pale.

## 2

<sup>1</sup> Epi Li te di mwen: “Fis a lòm, ✧kanpe sou pye ou pou m ka pale avèk ou!” <sup>2</sup> Pandan Li t ap pale ak mwen an, ✧Lespri a te antre nan mwen e te mete mwen sou pye mwen; epi mwen te tande Li pale ak mwen.

<sup>3</sup> Epi Li te di mwen: “Fis a lòm, Mwen ap voye ou kote fis Israèl yo, a yon pèp rebèl ki te fè rebèl kont Mwen; ✧yo menm ak papa zansèt yo te transgrese kont Mwen jis rive jodi a. <sup>4</sup> M ap voye ou kote yo ki gen ✧tèt di, pitit ki gen tèt di e ou va di yo: “Konsa pale Senyè BONDYE a.” <sup>5</sup> Pou yo menm, menm si yo koute oswa pa koute—paske se kay rebèl ke yo ye—yo va ✧konnen ke yon pwofèt te pami yo. <sup>6</sup> Epi ou menm, fis a lòm, ✧pa krent yo ni krent pawòl yo, malgre pikan ak zepin avèk ou e malgre ou chita sou eskòpyon; ni pa krent pawòl yo, ni twouble nan prezans yo, paske se yon kay rebèl ke yo ye. <sup>7</sup> Men ou va ✧pale pawòl Mwen yo avèk yo, menm si yo koute oswa yo pa koute, paske se rebèl yo ye. <sup>8</sup> Alò, ou menm, fis a lòm, koute sa ke M ap pale ou a; pa vin fè rebèl tankou kay rebèl sila a. Ouvri bouch ou pou ✧manje sa ke M ap bay ou a.”

<sup>9</sup> Epi mwen te gade e gade byen, yon men te lonje vè mwen menm; epi alò, yon ✧woulo liv te ladann. <sup>10</sup> Lè L te louvri li devan mwen, li te ekri ni pa devan ni pa dèyè e ekri sou li, se te lamantasyon, doulè ak ✧mizè.

## 3

<sup>1</sup> Epi Li te di mwen: “Fis a lòm, manje sa ou jwenn; ✧manje woulo sa a pou ale pale ak lakay Israèl.

<sup>2</sup> Konsa, mwen te louvri bouch mwen e ✧Li te lonje ban m woulo a pou manje.

<sup>3</sup> Li te di mwen: “Fis a lòm, bay vant ou manje e plen kò ou ak woulo sa ke Mwen ap bay ou a.”

Alò, mwen te manje li e li te dous kon siwo myèl nan bouch mwen.

<sup>4</sup> Epi Li te di mwen: “Fis a lòm, ale lakay Israèl pou pale pawòl Mwen yo avèk yo. <sup>5</sup> Paske ✧ou p ap voye kote yon pèp ak langaj ki difisil, men a pèp Israèl la. <sup>6</sup> Ni a anpil pèp ak pawòl ki pa ka konprann, ni lang difisil,

✧ 1:25 Éz 1:22 ✧ 1:26 És 6:1 ✧ 1:28 Jen 9:13 ✧ 2:1 Dan 10:11 ✧ 2:2 Éz 3:24 ✧ 2:3 Éz 20:18-30 ✧ 2:4 Sòm 95:8 ✧ 2:5 Éz 33:33 ✧ 2:6 És 51:12 ✧ 2:7 Jr 1:7-17 ✧ 2:8 Jr 15:16 ✧ 2:9 Jr 36:2 ✧ 2:10 És 3:11 ✧ 3:1 Éz 2:9 ✧ 3:2 Jr 25:17 ✧ 3:5 Jon 1:2

ak pawòl ke ou p ap ka konprann. Men Mwen voye ou kote sila ki ta dwe koute ou yo; <sup>7</sup> Malgre sa, lakay Israèl p ap dakò koute ou, akoz yo p ap dakò koute Mwen menm. ✧Anverite, tout lakay Israèl gen tèt di e wondonmon. <sup>8</sup> Gade byen, Mwen te fin fè figi ou di tankou figi yo e fwontèn ou di menm jan ak fwontèn yo. <sup>9</sup> Tankou dyaman, pi di pase silèks, Mwen te fè fwontèn ou. Pa krent yo ni vin twouble devan yo, malgre yo se yon kay rebèl.”

<sup>10</sup> Anplis, Li te di mwen: “Fis a lòm, pran mete nan kè ou tout ✧pawòl Mwen yo, ke Mwen va pale a ou e koute ak atansyon. <sup>11</sup> Ale kote egzile yo, fis a pèp ou yo. Pale ak yo e di yo, menm si yo koute oswa yo pa koute: ‘Konsa pale Senyè BONDYE a.’ ”

<sup>12</sup> Epi ✧Lespri a te leve mwen monte e mwen te tande yon gwo bri k ap gwonde dèyè m: “Beni se glwa SENYÈ a nan plas Li a.” <sup>13</sup> Epi mwen te tande zèl a kreyati vivan yo, youn k ap touche lòt e bri a ✧wou yo bò kote yo, menm yon gwo bri k ap gwonde. <sup>14</sup> Konsa, Lespri a te leve mwen monte e te pran m ale; epi mwen te ale byen anmè ak laraj nan lespri m e ✧men SENYÈ a te fò sou mwen. <sup>15</sup> Epi mwen te vini kote egzile ki te rete akote rivyè Kebar yo nan Thel-Abib e mwen te chita la pandan ✧sèt jou kote yo te rete a, ki te fè yo vekse anpil.

<sup>16</sup> ✧Nan fen sèt jou yo, pawòl SENYÈ a te vini sou mwen e te di: <sup>17</sup> “Fis a lòm, Mwen te chwazi ou ✧gadyen pou lakay Israèl; depi lè ou tande yon pawòl sòti nan bouch mwen avèti yo li soti nan Mwen. <sup>18</sup> Lè Mwen di a mechan an: ‘Ou va, anverite, mouri’ e ou pa avèti li, ni pale fò pou avèti mechan an pou kite chemen mechan l lan, pou l ka viv, mechan sila a va mouri nan inikite li, men ✧san li, mwen va egzije li soti nan men ou. <sup>19</sup> Men si ou te avèti mechan an e li pa kite mechanste li a, ni chemen mechan li an, li va mouri nan inikite li, men ou ✧delivre tèt ou.

<sup>20</sup> Ankò, ✧lè yon nonm ladwati ta vire kite ladwati pou komèt inikite e Mwen plase yon obstak devan l, li va mouri; akoz ou pa t avèti li, li va mouri nan peche li e zèv ladwati ke li te konn fè yo, p ap sonje; men san li, mwen va egzije li nan men ou. <sup>21</sup> Sepandan, si ou te ✧avèti nonm dwat la ke moun ladwati pa dwe peche e li pa peche; li va, anverite, viv akoz li te koute avètisman an; epi ou delivre tèt ou.”

<sup>22</sup> Men a SENYÈ a te sou mwen la e Li te di m: “Leve ou menm, ale deyò nan plèn nan e la, Mwen va ✧pale avèk ou.”

<sup>23</sup> Konsa, mwen te leve ale nan plèn nan; epi gade byen, ✧glwa a SENYÈ a te kanpe la, tankou glwa ke m te wè akote rivyè Kebar a e mwen te tonbe sou figi m.

<sup>24</sup> Nan lè sa a, ✧Lespri a te antre nan mwen, Li te fè m kanpe sou pye m, Li te pale avè m e te di mwen: “Ale, fèmen tèt ou anndan lakay ou. <sup>25</sup> Epi pou ou menm, fis a lòm, yo va ✧mete kòd sou ou e mare ou ak yo pou ou pa ka sòti deyò pami yo. <sup>26</sup> Anplis, ✧Mwen va fè lang ou kole anlè bouch ou pou ou vin bèbè e pou ou pa ka yon nonm k ap repwoche yo, paske lakay yo rebèl. <sup>27</sup> Men ✧lè M pale ak ou, Mwen va ouvri bouch ou e ou va di yo: ‘Konsa pale Senyè BONDYE a: “Sila ki tande a, kite li tande; epi sila ki refize tande a, kite li refize; paske yo se yon kay rebèl.

✧ 3:7 I Sam 8:7 ✧ 3:10 Job 22:22 ✧ 3:12 Éz 3:14 ✧ 3:13 Éz 1:15 ✧ 3:14 II Wa 3:15 ✧ 3:15 Job 2:13 ✧ 3:16 Jr 42:7 ✧ 3:17 És 52:8 ✧ 3:18 Éz 3:20 ✧ 3:19 Éz 14:14-20 ✧ 3:20 Sòm 125:5 ✧ 3:21 Trav 20:31 ✧ 3:22 Trav 9:6 ✧ 3:23 Éz 1:28 ✧ 3:24 Éz 2:2 ✧ 3:25 Éz 4:8 ✧ 3:26 Éz 24:27 ✧ 3:27 Éz 24:27

## 4

<sup>1</sup> “Alò, ou menm, fis a lòm, ✧chache pou ou yon brik; mete l devan ou e enskri yon vil sou li, Jérusalem. <sup>2</sup> Epi poze ✧fè syèj kontra li; bati yon miray syèj, leve teras, fòme kan, prepare e pozisyone dè belye mouton kont li tout ozanviwon. <sup>3</sup> Epi chache pou ou yon plak an fè, pozisyone li tankou yon miray ki fèt an fè antre ou menm ak vil la e mete fas ou anvè li pou li ka anba syèj; epi mete li anba syèj menm. Sa se yon ✧sign pou lakay Israèl.

<sup>4</sup> Pou ou menm, kouche sou kote goch ou e mete inikite lakay Israèl la sou li; ou va ✧ pote inikite yo pou menm fòs jou ke ou kouche sou li yo. <sup>5</sup> Mwen te kontwole fòs kantite jou ki koresponn a fòs kantite ane a inikite yo; twa-san-katra-ven-di jou. Konsa ✧ou va pote inikite a lakay Israèl la.

<sup>6</sup> Lè ou fin konplete sila yo, ou va kouche yon dezyèm fwa sou kote dwat ou pou pote inikite lakay Juda a; Mwen te kontwole li pou ou pandan karant jou; yon jou pou ✧chak ane. <sup>7</sup> Epi ou va mete figi ou vè syèj a Jérusalem ak ak bra ou dekouvri pou ✧pwofetize kont li. <sup>8</sup> Alò, gade byen, Mwen va ✧mete kòd sou ou pou ou pa kapab vire soti yon kote a yon lòt jiskaske ou fin konplete jou a syèj ou yo.

<sup>9</sup> Men pou ou menm, pran ble, lòj, pwa, pwa tann, pitimi, ak ✧ble mòn; mete yo nan yon sèl veso e fè pen pou ou menm. Ou va manje l selon nonb jou ke ou kouche sou kote ou yo, twa-san-katre-ven-di jou. <sup>10</sup> Manje ke ou va manje a va ✧ ven sik pa jou selon pwa li; ou va manje ladann de tanzantan. <sup>11</sup> Dlo ou bwè a va yon sizyèm en 1 lit. pa mezi; ou va bwè l de tanzantan. <sup>12</sup> Ou va manje li kon gato lòj, lè ou fin kwit li devan yo ak ✧poupou moun.” <sup>13</sup> Epi SENYÈ a te di: “Konsa fis Israèl yo va manje pen ✧pa pwòp yo pami nasyon kote m ap chase yo ale yo.”

<sup>14</sup> Men mwen te di: “Ah Senyè BONDYE! Mwen pa t janm konn souye kò m; paske depi nan jenès mwen jis rive koulye a, mwen pa t janm manje sa ki te mouri pou kont li, oswa ki te chire pa bèt sovaj, ni okenn ✧vyann ki pa t pwòp pa t janm antre nan bouch mwen.”

<sup>15</sup> Epi Li te di mwen: “Men gade, m ap bay ou kaka bèf pou ranplase poupou moun nan, sou sila ou va prepare pen ou an.”

<sup>16</sup> Anplis ke sa, Li te di mwen: “Fis a lòm, gade byen, Mwen va ✧kase baton pen an nan Jérusalem, yo va manje pen mezire selon pwa e ak kè twouble, bwè dlo pa mezi ak gwo laperèz, <sup>17</sup> akòz pen ak dlo va vin ra; epi yo va degoute youn lòt e yo ✧vin deperi nan inikite yo.”

## 5

<sup>1</sup> “Pou ou menm, Fis a lòm, pran yon ✧nepe byen file; pran l pou sèvi kon razwa sou tèt ou ak bab ou. Epi pran yon ✧balans pou peze e divize cheve a. <sup>2</sup> Yon tyè, ou va brile nan dife nan mitan vil la, lè ✧jou syèj yo vin fini. Epi ou va pran yon tyè e frape l avèk nepe toupatou nan vil la e yon tyè, ou va gaye nan van; epi Mwen va rale yon nepe fè l sòti nan fouwo pa dèyè yo. <sup>3</sup> Pran osi, kèk grenn nan yo, pa anpil e mare yo nan pwent wòb ou. <sup>4</sup> Ankò, pran kèk nan yo pou jete nan dife e brile yo nan dife a; soti nan li, yon dife va gaye rive nan tout kay Israèl la.

✧ 4:1 És 20:2 ✧ 4:2 Jr 6:6 ✧ 4:3 És 8:18 ✧ 4:4 Lev 10:17 ✧ 4:5 Nonb 14:34 ✧ 4:6 Nonb 14:34 ✧ 4:7 Éz 21:2 ✧ 4:8 Éz 3:25 ✧ 4:9 Egz 9:32 ✧ 4:10 Éz 45:12 ✧ 4:12 És 36:12 ✧ 4:13 Dan 1:8 ✧ 4:14 Trav 10:14 ✧ 4:16 Lev 26:26 ✧ 4:17 Lev 26:39 ✧ 5:1 Lev 21:5 ✧ 5:1 Dan 5:27 ✧ 5:2 Jr 39:1-2

<sup>5</sup> Konsa pale Senyè BONDYE a: ‘Sa se Jérusalem; Mwen te mete li nan ✧mitan a nasyon yo ak peyi ki antoure li yo. <sup>6</sup> Men li te fè rebèl kont lòd Mwen yo pi mal pase nasyon yo e kont règleman Mwen yo, ✧plis ke peyi ki antoure li yo; akoz yo te rejte lòd Mwen yo e pa t mache nan règleman Mwen yo.’

<sup>7</sup> Akoz sa, konsa pale Senyè BONDYE a: ‘Akoz ou gen ✧plis twoub pase nasyon ki te antoure ou yo, ou pa t mache nan règleman Mwen yo, ni ou pa t swiv lòd Mwen yo, ni ou pa t swiv lòd a nasyon ki te antoure ou yo’, <sup>8</sup> Akoz sa, konsa pale Senyè BONDYE a: ‘Gade byen, Mwen, Mwen menm, kont ou e Mwen va ✧egzekite jijman pami nou pou tout lòt nasyon yo ka wè. <sup>9</sup> Epi akoz tout abominasyon nou yo, Mwen va fè pami nou sa ke Mwen ✧pa t fè e tankou sa Mwen p ap janm fèt ankò. <sup>10</sup> Pou sa, ✧papa yo va manje fis yo pami nou e fis yo va manje papa yo; paske Mwen va egzekite jijman sou nou e gaye tout retay nou yo nan tout van. <sup>11</sup> ‘Jan Mwen viv la’, deklare Senyè BONDYE a: ‘Anverite, akoz nou te ✧souye Sanktyè pa M nan ak tout zidòl abominab nou yo e ak tout abominasyon nou yo; pou sa, Mwen tou va ralanti fè bak, zye m p ap gen pitye e Mwen p ap epanye (pèsòn). <sup>12</sup> Yon tyè nan nou va mouri akoz epidemi, oswa va vin manje nan gwo grangou pami nou; yon tyè va tonbe devan nepe ki antoure nou e yon tyè, mwen va ✧gaye yo nan tout van e Mwen va rale yon nepe sòti nan fouwo M dèyè yo.

<sup>13</sup> Konsa, kòlè M va fin pase, Mwen va satisfè gwo mekontantman Mwen sou yo e Mwen va ✧satisfè kòlè Mwen. Epi yo va vin konnen ke Mwen menm, SENYÈ a, Mwen te pale ak zèl lè Mwen te pase gwo kòlè Mwen sou yo a.

<sup>14</sup> Anplis, Mwen va fè ou vin yon kote dezole ak yon ✧objè repwòch pami nasyon ki antoure ou yo, nan zye a tout sila ki pase la yo. <sup>15</sup> Konsa, sa va yon repwòch, yon ensilt, yon avètisman e yon objè degoutan pou nasyon ki antoure ou yo lè Mwen ✧egzekite jijman kontra ou nan kòlè Mwen, mekontantman, ak repwòch plen ak raj. Mwen, SENYÈ a fin pale. <sup>16</sup> Lè Mwen voye kont yo flèch dife kon gwo grangou a, flèch ki tefèt pou detwi sila ke M ap voye pou detwi ou yo; alò, Mwen va osi fè gwo grangou a vin pi rèd sou ou e Mwen kase baton pen an. <sup>17</sup> Anplis, ✧Mwen va voye sou ou gwo grangou, ak bèt sovaj yo e yo va rache timoun yo nan men ou; epidemi ak vèsè san va rive sou ou e Mwen va mennen nepe sou ou. Mwen, SENYÈ a, Mwen te pale.’ ”

## 6

<sup>1</sup> Epi pawòl SENYÈ a te vin kote mwen e te di: <sup>2</sup> “Fis a lòm, mete figi ou vè ✧mòn Israèl yo e pwofetize kont yo. <sup>3</sup> Epi di: “Mòn Israèl yo, koute pawòl Senyè BONDYE a! Konsa pale Senyè BONDYE a a mòn yo, kolin yo, ravin yo, ak vale yo: “Gade byen, Mwen menm, Mwen va mennen yon nepe sou nou e ✧Mwen va detwi wo plas nou yo. <sup>4</sup> Konsa lotèl nou yo va vin dezole e lotèl lansan yo va vin kraze nèt; epi Mwen va fè mò nou yo tonbe devan zidòl nou yo. <sup>5</sup> Anplis, Mwen va poze kadav mò a fis Israèl yo devan zidòl yo; epi Mwen va gaye ✧zo nou toutotou lotèl nou yo. <sup>6</sup> Nan tout kay nou yo, vil nou yo va vin yon savann e wo plas yo va vin dezole, pou lotèl nou yo kapab vin abandone nèt, yon kote dezole, pou zidòl nou yo ka vin kraze

✧ 5:5 Det 4:6 ✧ 5:6 II Wa 17:8-20 ✧ 5:7 II Wa 21:9-11 ✧ 5:8 Jr 24:9 ✧ 5:9 Dan 9:12  
 ✧ 5:10 Sòm 44:11 ✧ 5:11 Jr 7:9-11 ✧ 5:12 Éz 5:2-10 ✧ 5:13 És 1:24 ✧ 5:14 Sòm 74:3-10  
 ✧ 5:15 És 66:15-16 ✧ 5:17 Lev 26:22 ✧ 6:2 Éz 36:1 ✧ 6:3 Lev 26:30 ✧ 6:5 II Wa 23:14-20



e fini nèt, pou lotèl lansan yo ka vin kraze nèt e zèw nou yo ka vin efase nèt. <sup>7</sup> Sila yo touye yo va tonbe pami nou e nou va konnen ke se Mwen ki SENYÈ a.

<sup>8</sup> “ ‘Malgre sa, Mwen va kite yon ✨retay, paske nou va genyen sila ki chape anba nepe pami nasyon yo nan lè nou vin gaye pami lòt peyi yo. <sup>9</sup> Nan moman sa a, sila ki te chape yo va sonje Mwen pami nasyon a sila yo va pote vin an kaptif yo, a la blese Mwen blese ✨pa kè adiltè yo, ki te vire kite Mwen e pa zye yo, ki te fè pwostitiye dèyè zidòl yo; epi yo va rayi tèt yo nan pwòp zye yo pou mechanste ke yo te komèt yo, pou tout abominasyon yo. <sup>10</sup> Epi yo va konnen ke Mwen se SENYÈ a; Mwen pa t pale anven lè M te di ke Mwen ta mennen dezans sa a fè vin rive sou yo.’ ”

<sup>11</sup> “Konsa pale Senyè BONDYE a: ‘Bat men nou, frape pye nou atè e di: “Elas”, akoz mechanste a tout mal abominab lakay Israèl ki va tonbe pa ✨nepe a, gwo grangou ak epidemi yo. <sup>12</sup> Sila ki lwen an va mouri pa epidemi, sila ki pre a va tonbe sou nepe e sila ki rete vin anba syèj la va mouri nan gwo grangou a. Konsa, Mwen va ✨pase gwo kòlè Mwen sou yo. <sup>13</sup> Nan moman sa a, nou va konnen ke Mwen se SENYÈ a, lè ✨moun touye pa yo pami zidòl ki antoure lotèl yo, sou tout kolin ki wo, sou tout tèt mòn, anba tout bwa vèt— kote yo te ofri odè ki santi bon a tout zidòl yo. <sup>14</sup> Konsa, pami tout abitasyon yo, Mwen va lonje men m kont yo, fè peyi a vin pi dezole e abandone dezè a ki pase vè Dibla a; konsa, yo va konnen ke Mwen se SENYÈ a.’ ”

## 7

<sup>1</sup> Anplis, pawòl SENYÈ a te vin kote mwen e te di: <sup>2</sup> Epi ou menm, fis a lòm, konsa pale Senyè BONDYE a, konsa pale Senyè BONDYE a peyi Israèl la, ✨Lafen! Lafen ap pwoche sou kat kwen peyi a. <sup>3</sup> Se koulye a, lafen an sou ou e Mwen va voye kòlè Mwen kont ou; Mwen va jije ou selon zèw ou e mennen tout abominasyon ou yo sou ou. <sup>4</sup> Paske zye M p ap gen pitye pou ou, ni Mwen p ap ralanti pou ou, men Mwen va ✨mennen chemen ou yo rive sou ou, abominasyon ou yo pami ou e ou va konnen ke Mwen se SENYÈ a!

<sup>5</sup> Konsa pale Senyè BONDYE a: ‘Yon gwo ✨dezas, yon dezans san parèy, gade byen, k ap vini. <sup>6</sup> Lafen an ap vini; lafen an gen tan rive! Li te ✨leve kont ou; gade byen, li fin rive! <sup>7</sup> Move lè ou a fin rive, O moun peyi a. Lè a rive, ✨jou toupren—gwo zen olye de lajwa ap kriye sou mòn yo. <sup>8</sup> Koulye a, nan yon ti tan, Mwen va vide kòlè Mwen sou ou e pase kòlè Mwen kont ou; pou ✨jije ou selon tout chemen ou yo e mennen sou ou tout abominasyon ou yo. <sup>9</sup> Zye m p ap montre okenn pitye, ni Mwen p ap ralanti. Mwen va rekonpanse ou selon chemen ou yo pandan abominasyon ou yo pami nou; epi ou va konnen ke se Mwen, SENYÈ a, ki fè frap la.

<sup>10</sup> Gade byen, jou a! Gade byen, l ap vini! Move lè ou a deja parèt; ✨baton an fin boujonen, ògèy la fin fleri. <sup>11</sup> Vyolans fin grandi pou vin yon baton ✨mechanste. Okenn nan yo p ap rete, okenn nan moun yo, okenn nan richès yo, ni okenn bagay ki gen gwo valè pami yo. <sup>12</sup> Lè a fin rive, jou a rive. Pa kite moun k ap achte a rejwi, ni moun k ap vann nan soufri, paske ✨gwo chalè a kont tout foul moun yo. <sup>13</sup> Anverite, moun k ap vann nan p ap ✨jwenn sa li te vann nan pandan tout tan ke yo toulède va viv

✨ 6:8 És 6:13 ✨ 6:9 Sòm 78:40 ✨ 6:11 Éz 5:12 ✨ 6:12 Lam 4:11-22 ✨ 6:13 Éz 6:4-7 ✨ 7:2 Éz 7:3-6 ✨ 7:4 Éz 11:21 ✨ 7:5 II Wa 21:12-13 ✨ 7:6 Za 13:7 ✨ 7:7 És 22:5 ✨ 7:8 Éz 7:3 ✨ 7:10 Sòm 89:32 ✨ 7:11 Sòm 73:8 ✨ 7:12 És 5:13-14 ✨ 7:13 Lev 25:24-31

la; paske vizyon konsènan tout foul moun yo p ap detounen, ni okenn nan yo p ap ka pwolonje lavi yo pa inikite yo. <sup>14</sup> Yo te ☆soufle twonpèt la e te fè tout bagay vin prè, men pèsòn pa prale nan batay la, paske gwo kòlè Mwen an kont tout foul moun yo.

<sup>15</sup> ☆Nepe a deyò e epidemi ak gwo grangou a anndan. Sila ki nan chan an va mouri pa nepe; gwo grangou ak epidemi va, anplis, manje sila anndan vil yo. <sup>16</sup> Menm lè sila ki chape yo rive deyò, yo va sou mòn yo tankou ☆toutrèl nan vale yo, yo tout ap kriye, yo chak pou pwòp inikite yo. <sup>17</sup> ☆Tout men yo va lage vid e tout jenou yo va vin kon dlo. <sup>18</sup> Yo va ☆abiye yo menm ak twal sak e lafyèv frison va boulvèse yo; epi lawont va sou tout figi yo e tout tèt yo va chòv. <sup>19</sup> Yo va jete ☆ajan yo nan lari e lò yo va vin yon bagay repinyans; lajan ak lò yo p ap kapab delivre yo nan jou gwo chalè SENYÈ a. Yo p ap ka satisfè apeti yo, ni yo p ap kapab plen vant yo, paske inikite yo te vin yon okazyon pou fè yo chite. <sup>20</sup> Yo te transfòme bote a òneman pa Li yo pou vin ògèy e ☆yo te fè imaj a abominasyon yo ak bagay detestab yo avè l; pou sa, Mwen va fè l vin yon bagay abominab pou yo menm. <sup>21</sup> Mwen va bay li nan men ☆etranje yo kon piyaj, nan men mechan sou latè yo kon donmaj e yo va pwofane li nèt. <sup>22</sup> Anplis, Mwen va vire ☆figi Mwen lwen yo e yo va pwofane plas sekre Mwen an; answit, vòlè yo va antre pwofane li.

<sup>23</sup> Fè chèn nan, paske peyi a plen ak ☆krim sanglan e vil la plen ak vyolans. <sup>24</sup> Akoz sa, Mwen va mennen fè vini sila ki pi mal nan tout nasyon yo e se yo k ap posede lakay yo. Mwen va, anplis, fè ògèy a sila ki pwisan yo sispann e lye sen yo va vin degrade. <sup>25</sup> Lè gwo doulè a rive, yo va chache ☆lapè, men p ap genyen menm. <sup>26</sup> ☆Gwo dega va rive sou gwo dega e gwo koze sou gwo koze; epi konsa, yo va chache yon vizyon soti nan yon pwofèt, men lalwa va fin pèdi nan men prèt la e konsèy va vin pèdi nan men ansyen yo. <sup>27</sup> Wa a va fè dèy, prens lan va ☆abiye ak degoutans e men a pèp peyi a va pran tranble. Selon kondwit yo, Mwen va aji avèk yo e selon jijman yo, Mwen va jije yo. Epi yo va konnen ke se Mwen ki SENYÈ a.’ ”

## 8

<sup>1</sup> Li te vin rive nan sizyèm ane, sou senkyèm jou, nan sizyèm mwa a, pandan mwen te chita lakay mwen ak ansyen a Juda yo ki te chita devan m, ke men Senyè BONDYE a te tonbe sou mwen la. <sup>2</sup> Answit, mwen te gade e vwala, yon imaj kon aparans a yon nonm; soti nan ren li pou rive anba, te gen aparans dife e soti nan ren li pou monte, aparans yon bagay briyan ☆tankou metal k ap klere. <sup>3</sup> Li te lonje yon fòm ki sanble a yon men e li te kenbe m nan cheve m nan pati dèyè tèt mwen; epi ☆Lespri a te leve m monte rive antre tè a ak syèl la e li te mennen mwen nan vizyon a Bondye rive Jérusalem nan antre kote nò nan pòtay pa anndan an, kote ki te gen chèz pou zidòl ki rele jalouzi a, ki konn pwovoke jalouzi a. <sup>4</sup> Epi gade byen, ☆glwa a Bondye Israèl la te la, tankou aparans ke m te wè nan plèn nan.

<sup>5</sup> Epi Li te di mwen: “Fis a lòm, leve zye ou koulye a vè nò.”

Konsa, mwen te leve zye m vè nò e gade byen, nan nò a pòtay lotèl, se te ☆zidòl jalouzi a ki te nan antre a.

☆ 7:14 Nonb 10:9 ☆ 7:15 Jr 14:18 ☆ 7:16 És 38:14 ☆ 7:17 És 13:7 ☆ 7:18 És 15:3 ☆ 7:19 Pwov 11:4 ☆ 7:20 Jr 7:30 ☆ 7:21 II Wa 24:13 ☆ 7:22 Jr 18:17 ☆ 7:23 Éz 9:9 ☆ 7:25 Éz 13:10-16 ☆ 7:26 És 47:11 ☆ 7:27 Job 8:22 ☆ 8:2 Éz 1:4-27 ☆ 8:3 Éz 3:12 ☆ 8:4 Éz 1:28 ☆ 8:5 Sòm 78:58

<sup>6</sup> Epi li te di mwen: “Fis a lòm, èske ou wè ki sa y ap fè, gwo ✧abominasyon ke lakay Israèl ap fè isit la, pou m ka lwen sanktyè Mwen an? Malgre toujou, ou va wè abominasyon ki pi gwo.

<sup>7</sup> Epi Li te mennen m nan antre a lakou enteyè a e lè m te gade; vwala, yon twou nan mi an. <sup>8</sup> Li te di mwen: “Fis a lòm, ✧fouye yon twou antre nan mi an.” Konsa, mwen te fouye yon twou antre nan mi an e vwala, yon kote pou antre.

<sup>9</sup> Epi Li te di mwen: “Antre ladann pou wè abominasyon mechan ke y ap komèt isit la.”

<sup>10</sup> Konsa, mwen te antre e vwala, tout fòm bagay ki trennen atè, bèt ak bagay abominab, ak tout zidòl lakay Israèl yo te grave kon desen sou mi an toutotou li. <sup>11</sup> Epi te kanpe devan yo, ✧swasann-dis lansyen a lakay Israèl yo e Jaazania, fis a Schaphan an, te kanpe nan mitan yo, chak moun ak pwòp veso lansan li e odè nwaj lansan an a t ap leve.

<sup>12</sup> Epi Li te di mwen: “Fis a lòm, èske ou wè sa ke ansyen lakay Israèl yo ap komèt nan fènwa a; chak moun nan chanm a pwòp imaj taye li? Paske men ki sa y ap di: ‘SENYÈ a pa wè nou; SENYÈ a fin abandone peyi a.’”

<sup>13</sup> Epi Li te di mwen: “Malgre sa, ou va wè abominasyon ki pi gwo ke y ap komèt.”

<sup>14</sup> Epi Li te mennen mwen nan antre a ✧pòtay lakay SENYÈ a ki te vè nò; epi vwala, te gen fanm la ki t ap kriye pou Thammuz. <sup>15</sup> Li te di mwen: “Èske ou wè sa, fis a lòm? Malgre sa, ou va wè pi gwo abominasyon ke sa yo.”

<sup>16</sup> Epi Li te mennen mwen antre nan lakou enteyè lakay SENYÈ a. Epi vwala, nan antre tanp SENYÈ a, antre galri ak lotèl la, anviwon venn-senk òm, avèk do yo bay tanp SENYÈ a e figi yo vè lès; epi ✧yo t ap pwostène yo nan lès vè solèy la.

<sup>17</sup> Li te di mwen: “Èske ou wè sa, fis a lòm? Èske se yon bagay twò piti pou lakay Juda ta komèt abominasyon ke yo te komèt isit la, pou yo te ✧ranpli peyi a ak vyolans e te pwovoke M plizyè fwa? paske gade byen, y ap vèkse M menm ak ti branch bwa nan nen yo. <sup>18</sup> Akoz sa, anverite, Mwen va aji ak gwo kòlè. Zye m p ap gen pitye, ni Mwen p ap epanye pèsòn; epi ✧malgre yo kriye nan zòrèy Mwen ak gwo vwa; malgre sa, Mwen p ap koute yo.”

## 9

<sup>1</sup> Answit, Li te kriye fò pou m tande ak yon gwo ✧vwa e te di: “Vin pi pre, O nou menm k ap egzekite vil la, chak moun ak pwòp zam destriksyon li nan men l.” <sup>2</sup> Gade byen, sis mesye te sòti nan pòtay anlè ki pozisyone vè nò a, chak moun ak pwòp zam kraze li nan men l; epi pami yo, te gen yon ✧sèten nonm abiye an len, ak yon valiz pou ekri nan senti l. Epi yo te antre ladann e te kanpe akote lotèl an bwonz lan.

<sup>3</sup> Epi laglwa Bondye Israèl la te leve monte soti nan cheriben kote l te poze a, pou rive nan papòt tanp lan. Epi Li te rele nonm abiye an len ak yon valiz pou ekri nan senti li an. <sup>4</sup> SENYÈ a te di li: “Ale pase nan mitan vil la, menm nan mitan Jérusalem, mete yon mak sou fwon a mesye ki plenn nan gòj e ki ✧fè soupi pou tout abominasyon k ap komèt nan mitan li yo.”

✧ 8:6 II Wa 23:4-5 ✧ 8:8 És 29:15 ✧ 8:11 Nonb 11:16-25 ✧ 8:14 Éz 44:4 ✧ 8:16 Det 4:19  
✧ 8:17 Éz 7:11-23 ✧ 8:18 És 1:15 ✧ 9:1 És 6:8 ✧ 9:2 Lev 16:4 ✧ 9:4 Sòm 119:53-136

<sup>5</sup> Men pou lòt yo, Li te di nan zòrèy mwen: “Travèse vil la dèyè li pou frape li; pa kite zye ou fè pitye, ni pa ralanti. <sup>6</sup> Konplètman, ☆touye granmoun, jenn gason, jenn fi, timoun yo ak fanm, men pa touche okenn moun ki gen mak la; epi ou va kòmanse soti nan sanktyè pa Mwen an.”

Konsa, yo te kòmanse ak ansyen ki te devan tanp yo.

<sup>7</sup> Epi Li te di yo: “Souye tanp lan e plen lakou a ak mò yo. Ale deyò!” Konsa, yo te ale deyò pou te frape moun nan vil yo.

<sup>8</sup> Pandan yo t ap frape moun yo e mwen sèl te rete, mwen te ☆tonbe sou figi mwen, mwen te kriye fò pou te di: “Anmwey, Senyè BONDYE! Èske W ap detwi tout retay Israèl la pandan W ap vide gwo kòlè ou sou Jérusalem nan?”

<sup>9</sup> Epi li te di mwen: “Inikite lakay Israèl ak Juda yo vin trè trè gran, peyi a vin plen ak san e vil la ☆plen ak pèvèsyon; paske yo di: ‘SENYÈ a te abandone tout peyi a e SENYÈ a pa wè!’ <sup>10</sup> Men pou Mwen, ☆zye M p ap gen pitye ni Mwen p ap ralanti, men Mwen va fè kondwit yo vin rive sou pwòp tèt yo.

<sup>11</sup> Epi gade byen, nonm abiye an len, ki te gen valiz ekri nan senti li jan nou te di a, t ap di: “Mwen te fè l jis jan ou te kòmande mwen an.”

## 10

<sup>1</sup> Answit, mwen te gade e vwala, nan ☆gran espas ouvri ki te sou tèt a cheriben yo, yon bagay tankou yon wòch safi ki pa aparans, te sanble yon twòn ki te parèt anlè yo. <sup>2</sup> Epi Li te pale ak nonm abiye an len an e te di: “Antre nan mitan ☆wou k ap vire vit fè wonn anba cheriben an, plen men nou ak chabon tou limen ki antre cheriben yo e gaye yo toupatou nan vil la.”

Epi li te antre pou m te ka wè l. <sup>3</sup> Alò, cheriben yo te kanpe bò dwat a tanp lan lè nonm te antre ladann nan e nwaj la te plen ☆lakou enteyè a. <sup>4</sup> Epi ☆glwa a SENYÈ a te leve monte soti nan cheriben yo, jis rive nan papòt tanp lan, tanp lan te plen ak nwaj la e lakou a te plen ak ekla a glwa a SENYÈ a. <sup>5</sup> Anplis, bri a zèl yo a cheriben yo te vin tandè jis rive nan lakou eksteyè a, tankou ☆vwa SENYÈ Pwisan an lè L pale.

<sup>6</sup> Li te vin rive lè Li te kòmande nonm abiye an len an e te di: “Pran dife soti nan mitan wou k ap vire vit fè wonn yo, soti antre cheriben yo”, li te antre e te kanpe akote yon wou. <sup>7</sup> Epi cheriben an te lonje men l soti antre cheriben kote dife ki te antre cheriben yo, pran ladann pou mete nan men a sila ki te abiye an len an, ki te pran l e te sòti deyò. <sup>8</sup> Cheriben yo te sanble gen fòm men a yon moun anba zèl.

<sup>9</sup> Alò, mwen te gade e vwala, ☆kat wou akote cheriben yo, yon wou akote chak cheriben; epi aparans a wou yo te tankou ekla a pyè krizolit. <sup>10</sup> Selon aparans yo, toule kat te sanble menm jan, konsi se te yon wou ki te anndan yon lòt wou. <sup>11</sup> Lè yo te deplase yo, yo te ale ☆nan kat direksyon pa yo san vire pandan yo t ap prale a; men yo te swiv direksyon kote yo te fikse a, san vire pandan yo t ap prale a. <sup>12</sup> Tout ☆kò yo, do yo, men yo, zèl yo e wou yo te plen zye toutotou, wou ki t ap sèvi pou toule kat yo. <sup>13</sup> Wou yo te rele nan zòrèy mwen, kon wou toubiyon. <sup>14</sup> Epi yo chak te gen kat figi. Premye figi a te figi a yon cheriben, dezyèm figi a te figi a yon nonm, twazyèm figi a te figi a yon lyon e katyèm figi a te figi a yon èg.

☆ 9:6 II Kwo 36:17 ☆ 9:8 I Kwo 21:16 ☆ 9:9 Éz 22:29 ☆ 9:10 És 65:6 ☆ 10:1 Éz 1:22-26  
 ☆ 10:2 Éz 1:15-21 ☆ 10:3 Éz 8:3-16 ☆ 10:4 Éz 9:3 ☆ 10:5 Job 40:9 ☆ 10:9 Éz 1:15-17  
 ☆ 10:11 Éz 1:17 ☆ 10:12 Rev 4:6-8

<sup>15</sup> Epi cheriben yo te leve monte. Yo se ✨kreyati vivan ke m te wè akote rivyè Kebar a. <sup>16</sup> Alò, lè cheriben yo te deplase, wou yo ta ale bò kote yo; anplis, lè cheriben yo te leve zèl yo pou leve atè a, wou yo pa ta vire kite bò kote yo. <sup>17</sup> Lè cheriben yo te ✨kanpe an plas, wou yo ta kanpe an plas; epi lè yo te leve, wou yo ta leve avèk yo, paske lespri a kreyati vivan an te nan yo.

<sup>18</sup> Epi glwa SENYÈ a te kite papòt tanp lan e te kanpe ✨anlè cheriben yo. <sup>19</sup> Lè ✨cheriben yo te pati, yo te leve zèl yo pou te monte leve kite tè a devan zye m avèk wou yo bò kote yo; epi yo te kanpe dyanm nan antre a pòtay lès lakay SENYÈ a; e glwa a Bondye Israèl la te tann sou yo.

<sup>20</sup> Sa yo se ✨kreyati vivan ke m te wè anba Bondye Israèl la akote rivyè Kebar a; konsa, mwen te konnen ke se cheriben yo te ye. <sup>21</sup> ✨Chak te gen kat figi, chak te gen kat zèl e anba zèl yo, se te fòm men moun. <sup>22</sup> Selon sa figi yo te sanble, yo te gen menm figi yo aparans ke mwen te wè akote rivyè Kebar a. Yo chak te ale tou dwat devan.

## 11

<sup>1</sup> Anplis, ✨Lespri a te leve m monte e te mennen mwen nan pòtay lès lakay SENYÈ a ki te anfas vè lès. Epi gade byen, venn-senk mesye nan antre pòtay la e pami yo, mwen te wè Jaazania, fis a Azzur a ak Pelathia, fis a Benaja a, chèf yo a pèp la. <sup>2</sup> Li te di mwen: “Fis a lòm, sila yo se mesye yo ki fè plan inikite e ki ✨bay move konsèy nan vil sa a, <sup>3</sup> Ka p di: “Tan pou bati kay yo pa pwòch. ✨Vil sa a se chodyè a e nou se chè a. <sup>4</sup> Akoz sa, ✨pwofetize kont yo, fis a lòm, se pou ou pwofetize!

<sup>5</sup> Lespri SENYÈ a te tonbe sou mwen e Li te di mwen: “Pale konsa, ‘Konsa pale SENYÈ a: “Konsa ou reflechi, o lakay Israèl, paske ✨Mwen konnen panse nou yo. <sup>6</sup> Nou te ✨miltipliye moun ki touye yo nan vil sa a e plen ri yo nèt avèk yo.”

<sup>7</sup> Pou sa, pale Senyè BONDYE a: ✨“Moun touye nou yo ke nou te fè kouche nan mitan vil la, se chè a e vil la se chodyè a; men M ap mennen nou sòti ladann. <sup>8</sup> Nou te ✨pè yon nepe; pou sa, mwen va mennen yon nepe rive sou nou,” deklare Senyè BONDYE a. <sup>9</sup> Epi Mwen va mennen nou sòti nan mitan vil la, Mwen va delivre nou nan men a etranje yo e ✨egzekite jijman kont nou. <sup>10</sup> Nou va ✨tonbe pa nepe. Mwen va jije nou jis rive nan lizyè Israèl la; pou nou ka konnen ke Mwen se SENYÈ a. <sup>11</sup> Vil la p ap yon ✨chodyè pou nou, ni nou p ap chè nan mitan l; men Mwen va jije nou jis rive nan lizyè Israèl la. <sup>12</sup> Konsa, nou va konnen ke Mwen se SENYÈ a; paske nou pa t mache nan règleman Mwen yo, ni nou pa t ✨swiv lalwa Mwen yo, men nou te aji selon lalwa a nasyon sila ki antoure nou yo.” ’ ’ ”

<sup>13</sup> Alò, li te vin rive ke pandan mwen t ap pwofetize a, ke ✨Pelathia, fis a Benaja a, te mouri. Epi mwen te tonbe sou figi mwen, mwen te kriye fò ak yon gwo vwa e mwen te di: “Anmwey, Senyè BONDYE! Èske Ou va mennen retay Israèl la pou fin detwi nèt?” <sup>14</sup> Epi pawòl SENYÈ a te rive kote mwen e te di: <sup>15</sup> Fis a lòm, frè ou yo, fanmi ou yo, egzile parèy ou yo ak tout lakay Israèl la, yo tout, se moun a sila abitan Jérusalem yo te di: ‘Ale lwen SENYÈ a; peyi sa a te bay a ✨nou kon posesyon.’

✨ 10:15 Éz 1:3-5 ✨ 10:17 Éz 1:21 ✨ 10:18 Sòm 18:10 ✨ 10:19 Éz 11:22 ✨ 10:20 Éz 1:5-26  
 ✨ 10:21 Éz 1:6-8 ✨ 11:1 Éz 3:12-14 ✨ 11:2 Sòm 2:1 ✨ 11:3 Jr 1:13 ✨ 11:4 Éz 3:4-17  
 ✨ 11:5 Jr 11:20 ✨ 11:6 És 1:15 ✨ 11:7 Éz 24:3-13 ✨ 11:8 Pwov 10:24 ✨ 11:9 Éz 5:8  
 ✨ 11:10 Jr 52:9-10 ✨ 11:11 Éz 11:3-7 ✨ 11:12 Éz 18:8-9 ✨ 11:13 Éz 11:1 ✨ 11:15 Éz 33:24

16 “Akoz sa, ou va di: ‘Konsa pale Senyè BONDYE a: “Byenke mwen te deplase yo byen lwen pami nasyon yo e byenke mwen te gaye yo pami peyi yo, byenke mwen te yon ✨abri pou yo pou yon ti tan nan peyi kote yo te ale yo.”’

17 Akoz sa, ou va di: ‘Konsa pale Senyè BONDYE a: “Mwen va ✨ranmase nou soti nan pèp yo, Mwen va rasanble nou sòti nan peyi pami sila nou te gaye yo e Mwen va bannou peyi Israèl la.”’

18 Lè yo vini la, yo va ✨retire tout bagay abominab li yo ak tout abominasyon li yo sòti ladann. 19 Epi Mwen va bay yo yon sèl kè e Mwen va mete yon lespri nèf anndan yo. Epi Mwen va retire ✨kè wòch ki nan chè yo a e Mwen bay yo yon kè ki fèt ak chè, 20 Pou yo ka ✨mache nan règleman Mwen yo e kenbe lalwa Mwen yo pou fè yo. Konsa, yo va pèp Mwen e Mwen va Bondye yo. 21 Men pou sila ak kè k ap swiv bagay abominab yo ak abominasyon yo, Mwen va ✨mennen kondwit yo desann sou tèt yo,” deklare “Senyè BONDYE a.

22 Epi cheriben yo te ✨leve zèl yo ak wou akote yo e glwa a Bondye Israèl la te vin pann sou yo. 23 ✨Glwa SENYÈ a te monte soti nan mitan vil la e te kanpe anwo mòn ki nan pati lès vil la. 24 Epi Lespri a te fè m leve e te mennen mwen nan yon vizyon pa Lespri Bondye a, bò kote egzile Chaldée yo.

Se konsa vizyon mwen te wè a, te ✨kite mwen. 25 Epi mwen te ✨di egzile yo tout bagay ke SENYÈ a te montre mwen.

## 12

1 Epi pawòl SENYÈ a te vin kote mwen e te di: 2 Fis a lòm, ou rete nan mitan yon ✨kay rebèl, ki gen zye pou wè, men yo pa wè e zòrèy pou tande, men yo pa tande; paske se kay rebèl yo ye.

3 Pou sa, fis a lòm, prepare valiz ou menm pou ou ekzile e antre an egzil nan mitan jounen an kote yo ka wè l byen klè; menm antre an egzil soti yon kote pou rive yon lòt kote devan zye yo. ✨Petèt yo va konprann, malgre se yon kay rebèl yo ye. 4 Mete bagaj ou deyò devan zye yo, kon bagaj pou egzil. Epi ou va sòti deyò nan aswè devan zye yo, tankou sila ki prale an egzil yo. 5 Fouye yon twou nan miray la devan zye yo e sòti ladann pou vin deyò. 6 Mete bagaj ou sou zepòl ou devan yo pou yo wè e pote li sòti deyò nan aswè. Ou va kouvri figi ou pou ou pa ka wè peyi a, paske Mwen plase ou kon yon sign pou lakay Israèl.

7 ✨Mwen te fè sa konsa jan mwen te kòmande a. Nan lajounen, mwen te mennen bagaj mwen deyò, tankou bagaj a yon egzile. Epi nan aswè, mwen te fouye yon twou nan miray la ak men m; Mwen te sòti deyò nan fènwa a e te pote li sou zepòl mwen pou yo ta ka wè l.

8 Nan maten, pawòl SENYÈ a te rive kote mwen e te di: 9 “Fis a lòm, èske lakay Israèl, kay rebèl sa a, pa t di ou: ✨‘Kisa w ap fè la a?’

10 Di yo: ‘Konsa pale Senyè BONDYE a: ✨“Fado sa a se pou prens Jérusalem nan, li menm ak tout lakay Israèl ki ladann nan.”’

11 Di yo: “Mwen se yon sign pou nou. Jan mwen te fè, se konsa l ap vin rive nou; epi yo va ✨ale an egzil, an kaptivite.’

✨ 11:16 Sòm 31:20 ✨ 11:17 És 11:11-16 ✨ 11:18 Éz 37:23 ✨ 11:19 Za 7:12 ✨ 11:20 Sòm 105:45 ✨ 11:21 Éz 9:10 ✨ 11:22 Éz 10:19 ✨ 11:23 Éz 8:4 ✨ 11:24 Trav 10:16 ✨ 11:25 Éz 2:7 ✨ 12:2 Sòm 78:40 ✨ 12:3 Jr 26:3 ✨ 12:7 Éz 24:18 ✨ 12:9 Éz 17:12 ✨ 12:10 II Wa 9:25 ✨ 12:11 Jr 15:2

12 ✨Prens ki pami yo a va chaje bagaj li sou zepòl li nan aswè pou sòti. Yo va fouye yon twou nan miray la pou fè l sòti. Li va kouvri figi li pou li pa wè peyi a ak pwòp zye li. 13 Anplis, Mwen va voye filè Mwen sou li e li va vin kenbe nan pèlen Mwen. Epi Mwen va mennen li Babylone, nan peyi a Kaldeyen yo; men ✨li p ap wè l; malgre sa, se la l ap mouri. 14 Mwen va ✨gaye nan tout van, tout sila ki antoure li yo, moun k ap ede li yo ak tout sòlda li yo; epi Mwen va rale yon nepe dèyè yo.

15 “ ‘Pou yo ka ✨konnen ke Mwen se SENYÈ a lè Mwen gaye yo pami nasyon yo e pwopaje yo pami peyi yo. 16 Men Mwen va epanye kèk nan yo de nepe a, gwo grangou a, ak epidemi a, pou yo ka pale tout abominasyon yo pami nasyon kote yo prale yo e ke yo ✨konnen ke Mwen se SENYÈ a.’ ”

17 Anplis, pawòl SENYÈ a te vin kote mwen e te di: 18 “Fis a lòm, ✨manje pen ou ak tranbleman e bwè dlo ou ak tranbleman e ak kè twouble. 19 Epi di a pèp peyi a: ‘Konsa pale Senyè BONDYE a konsènan moun ki rete Jérusalem yo nan peyi Israèl la: “Yo va manje pen yo ak kè twouble e bwè dlo ak gwo laperèz, akoz peyi yo va ✨depouye nèt de tout bonte li, akoz vyolans a tout moun ki rete ladann yo. 20 ✨Vil kote moun rete yo va vin devaste nèt e peyi a va vin yon dezolasyon. Konsa, ou va konnen ke Mwen se SENYÈ a.’ ”

21 Epi pawòl SENYÈ a te vin kote mwen e te di: 22 Fis a lòm, ki pwovèb sa a, ke nou menm pèp la, gen konsènan peyi Israèl, ki di: ✨‘Jou yo long e tout vizyon vin gate?’ 23 Pou sa, di yo: ‘Konsa pale Senyè BONDYE a: “Mwen va fè pwovèb sa a sispann pou yo pa sèvi l ankò kon pwovèb an Israèl.” Men di yo: ✨ “Jou yo ap apwoche ansanm ak lè pou tout vizyon yo akonpli. 24 Paske p ap gen ankò okenn ✨fo vizyon ni okenn divination flatè anndan kay Israèl la. 25 Paske Mwen menm, SENYÈ a va pale e nenpòt ✨pawòl ke M di, va vin acheve. Sa p ap pran reta ankò, paske nan jou ou yo, O lakay rebèl, Mwen va pale pawòl la e Mwen va akonpli li,” deklare Senyè BONDYE a.’ ”

26 Anplis, pawòl SENYÈ a te vin kote mwen e te di: 27 “Fis a lòm, gade byen, lakay Israèl ap di: ‘Vizyon ke li fè a se pou ✨anpil ane k ap vini e li pwofetize pou yon tan ki lwen.’

28 Pou sa, di yo: ‘konsa pale Senyè BONDYE a: “Okenn nan pawòl Mwen yo p ap pran reta ankò. Nenpòt sa ke M pale, va vin akonpli,” deklare Senyè BONDYE a.

## 13

1 Epi pawòl SENYÈ a te vin kote mwen e te di: 2 “Fis a lòm, pwofetize kont ✨pwofèt Israèl ki pwofetize e ki di a sila ki pale ki pwofetize apati de pwòp enspirasyon yo, ‘Koute pawòl SENYÈ a! 3 ‘Konsa pale Senyè BONDYE a: “Malè a pwofèt fou k ap swiv pwòp lespri pa yo e ki pa t vrèman wè anyen. 4 O Israèl, pwofèt nou yo te tankou rena pami pil mazi ki fin kraze. 5 Nou pa t antre nan brèch yo, ni nou pa t bati yon miray pou antoure lakay Israèl pou l ta ka kanpe nan batay la nan jou SENYÈ a. 6 Yo wè ✨tout sa ki fo, ak divinò k ap bay manti yo, k ap di: ‘Pawòl SENYÈ a deklare: “Lè se pa SENYÈ a ki te voye yo; malgre sa, yo gen espwa ke pawòl yo va vin

✨ 12:12 II Wa 25:4 ✨ 12:13 Jr 39:7 ✨ 12:14 II Wa 25:4-5 ✨ 12:15 Éz 6:7-14 ✨ 12:16 Jr 22:8-9 ✨ 12:18 Lam 5:9 ✨ 12:19 Jr 10:22 ✨ 12:20 És 3:26 ✨ 12:22 Jr 5:12 ✨ 12:23 Sòm 37:13 ✨ 12:24 Jr 14:13-16 ✨ 12:25 Nonb 14:28-34 ✨ 12:27 Éz 12:22 ✨ 13:2 És 9:15 ✨ 13:6 Jr 29:8

akonpli. <sup>7</sup> ✧Èske nou pa t fè yon fo vizyon e pale ak lang ki t ap bay manti lè nou te di: ‘SENYÈ a deklare, men se pa Mwen ki te pale a?’”

<sup>8</sup> Akoz sa, pale Senyè BONDYE a: “Akoz nou te pale sa ki fo e te fè yon manti; akoz sa, gade byen, ✧Mwen kont nou, “deklare Senyè BONDYE a. <sup>9</sup> Konsa, men Mwen va kont ✧pwofèt yo ki fè fo vizyon yo e ki pale divinasyon ki manti yo. Yo p ap gen plas nan konsèy a pèp Mwen an ni yo p ap ekri nan rejis lakay Israèl yo, ni yo p ap antre nan peyi Israèl la, pou nou ka konnen ke Mwen se Senyè BONDYE a.

<sup>10</sup> Anverite, se definitivman paske yo te ✧egare pèp Mwen an lè yo te di: Lapè!’ lè pa t gen lapè. Epi lè nenpòt moun bati yon miray; gade byen, yo menm, yo randwi li ak lacho; <sup>11</sup> Donk, pale a sila ki randwi li ak lacho yo, ke li va tonbe. Yon inondasyon lapli va vini e nou menm, o lagrèl! va tonbe; epi yon van vyolan va pete. <sup>12</sup> Gade byen, lè miray la fin tonbe, èske yo p ap mande nou: ‘kote lacho ke nou te sèvi nan randwi li a?’

<sup>13</sup> Pou sa, pale Senyè BONDYE a: “Mwen va fè yon van violan vin pete nan kòlè Mwen. Anplis, va genyen nan mekontantman Mwen, yon inondasyon lapli ak ✧lagrèl pou konsonmen li nèt nan gwo laraj. <sup>14</sup> Konsa, Mwen va demoli miray ke nou te kouvri ak randisaj la jis rive atè, jis ✧fondasyon li yo fin ekspozè nèt; epi lè l tonbe, nou va vin manje nan mitan li. Epi nou va vin konprann ke se Mwen ki SENYÈ a. <sup>15</sup> Se konsa, Mwen va pase kòlè Mwen sou miray la ak sou sila ki te fè randisaj ak lacho sou li yo; epi Mwen va di nou, miray la fin ale e bès randisaj yo fin ale, <sup>16</sup> Pwofèt Israèl ki pwofetize a Jérusalem yo e ki te ✧fè vizyon lapè pou li yo lè pa gen lapè a,’ deklare Senyè BONDYE a.

<sup>17</sup> Alò, ou menm, fis a lòm, mete figi ou kont fi a pèp ou yo k ap pwofetize apati ✧pwòp enspirasyon yo. Se pou ou pwofetize kont yo <sup>18</sup> Epi di: ‘Konsa pale Senyè BONDYE a: “Malè a fanm ki koud braslè kon wanga sou tout ponyèt yo e fè vwal yo pou tèt moun tout wotè pou ✧chase lavi moun! Èske nou va chase lavi a pèp Mwen an, men konsève lavi a lòt yo pou nou menm? <sup>19</sup> ✧Pou men ki plen ak lòj ak kèk grenn pen, nou te degrade Mwen a pèp Mwen an pou mete a lanmò kèk moun ki pa ta dwe mouri e kenbe vivan lòt ki pa ta dwe viv, nan fè manti ou a pèp Mwen an ki koute manti.” ’ ”

<sup>20</sup> Akoz sa, pale Senyè BONDYE a: “Gade byen, Mwen kont braslè wanga nou yo avèk sila nou chache lavi moun tankou se zwazo yo e Mwen va rache yo nan bra nou; epi Mwen va lage yo, menm lavi a sila ke nou chache tankou se zwazo yo. <sup>21</sup> Anplis, Mwen va chire vwal nou yo, Mwen va ✧delivre pèp Mwen an soti nan men nou e yo p ap nan men nou ankò pou viktim lachas la; epi nou va konnen ke Mwen se SENYÈ a. <sup>22</sup> Akoz nou te ✧dekouraje moun ladwati a avèk manti; lè Mwen pa t fè l soufri doulè, men nou te ankouraje mechan an pou l pa kite mechanste li e sove lavi li, <sup>23</sup> Pou sa, fanm nou yo p ap fè fo vizyon ankò, ni pratike divinasyon e Mwen va ✧delivre pèp Mwen an soti nan men nou. Konsa, nou va konnen ke Mwen se SENYÈ a.”

## 14

<sup>1</sup> Epi kèk nan ✧ansyen Israèl yo te parèt kote mwen e te chita devan m. <sup>2</sup> Epi pawòl SENYÈ a te rive kote mwen e te di: <sup>3</sup> “Fis a lòm, mesye sila yo

✧ 13:7 Éz 22:28 ✧ 13:8 Éz 5:8 ✧ 13:9 Jr 20:3-6 ✧ 13:10 Jr 23:32 ✧ 13:13 Egz 9:24-25  
 ✧ 13:14 Mí 1:6 ✧ 13:16 Jr 6:14 ✧ 13:17 Éz 13:2 ✧ 13:18 II Pi 2:14 ✧ 13:19 Pwov 28:21  
 ✧ 13:21 Sòm 91:3 ✧ 13:22 Am 5:12 ✧ 13:23 Éz 13:21 ✧ 14:1 II Wa 6:32



te ✨fin etabli zidòl pa yo nan kè yo e yo te mete dwat devan figi yo kon wòch k ap fè moun chite a pou fè yo tonbe nan inikite yo. Èske Mwen ta menm dwe resevwa avi pa yo? <sup>4</sup> Pou sa, pale ak yo e di yo: ‘Konsa pale Senyè BONDYE a: “Nenpòt moun lakay Israèl ki pozisyone zidòl nan kè li, mete dwat devan figi l wòch ki pou fè l tonbe nan inikite li a e alò, ta vin jwenn pwofèt la, Mwen menm, SENYÈ a, Mwen va vin bay li yon repons sou sijè a an konsènan ✨tout kantite zidòl li genyen yo, <sup>5</sup> Pou anpare ✨kè a lakay Israèl yo ki separe de Mwen akoz tout zidòl yo.”’

<sup>6</sup> Pou sa, di a tout lakay Israèl la, ‘Konsa pale Senyè BONDYE a: ✨ “Repanti, vire kite zidòl nou yo e vire figi nou lwen de tout abominasyon nou yo.

<sup>7</sup> “ “Paske nenpòt moun lakay Israèl, kit se ✨etranje ki vin viv la, ki separe li de Mwen menm, ki vin mete zidòl li yo nan kè l, ki vin mete dwat devan figi li wòch ki pou fè l tonbe nan inikite li a, e alò apre ta rive kote pwofèt la pou mande koze pou pwòp tèt li, Mwen menm, SENYÈ a, Mwen va vin parèt pou bay li repons nan pwòp pèsonaj pa M. <sup>8</sup> Mwen va ✨pozisyone figi M kont mesye sa a, fè li yon sign ak yon pwovèb e Mwen va koupe retire li nèt de pèp Mwen an. Konsa, nou va konnen ke Mwen se SENYÈ a.

<sup>9</sup> “ “Men si pwofèt sila sanse rele pou pale yon pawòl, se Mwen menm, SENYÈ a, ki te rele pwofèt sa a, Mwen va lonje men M kont li pou ✨detwi li soti pami pèp Mwen an, Israèl. <sup>10</sup> Yo va pote frè inikite yo; jan inikite a sila k ap mande l pale a, se konsa inikite a pwofèt la va ye, <sup>11</sup> Pou lakay Israèl pa egare lwen Mwen ankò e pou yo pa souye tèt yo ankò ak tout transgresyon yo. Konsa, yo va vin pèp mwen e Mwen va Bondye yo,” deklare Senyè BONDYE a.

<sup>12</sup> Epi pawòl SENYÈ a te vin kote mwen e te di: <sup>13</sup> Fis a lòm, si yon peyi peche kont Mwen nan ✨komèt enfidelite, Mwen va lonje men M kont li, detwi sous pen li, voye gwo grangou kont li e koupe retire nèt de li ni lòm, ni bèt, <sup>14</sup> ✨Menmsi twa mesye sila yo, Noé, Daniel, ak Job te nan mitan yo, pa pwòp ladwati yo se sèl pwòp tèt pa yo ke yo ta ka delivre”, deklare Senyè BONDYE a.

<sup>15</sup> “Si Mwen te fè ✨bèt sovaj pase nan peyi a pou detwi moun ladann e li te vin dezole jis pou pèsòn pa ta pase ladann akoz bèt yo, <sup>16</sup> Menmsi twa mesye sila yo te la nan mitan l, kon Mwen viv la”, deklare Senyè BONDYE a, “yo pa t ap ka delivre ni fis yo, ni fi yo. ✨Se yo sèl ki t ap delivre, men peyi a t ap vin dezole nèt.

<sup>17</sup> Ni, si Mwen ta ✨mennen yon nepe sou peyi sa a e di: ‘Kite nepe a pase nan tout peyi a pou koupe retire nèt ni lòm ni bèt ladann,’ <sup>18</sup> “Menmsi, twa mesye sila yo te nan mitan l, kon Mwen viv la,” deklare Senyè BONDYE a, “yo pa t ap ka delivre ni fis yo, ni fi yo, men se sèl yo menm ki ta delivre.

<sup>19</sup> “Oswa, si M ta voye yon ✨gwo grangou kont peyi sa e vide kòlè Mwen an san sou li pou koupe retire nèt ni lòm ni bèt ladann, <sup>20</sup> Menmsi Noé, Daniel ak Job te nan mitan l, kon Mwen viv la, deklare Senyè BONDYE a, “yo pa t ap ka delivre ni fis yo, ni fi yo. Yo ta delivre sèlman pwòp tèt yo, pa ladwati pa yo.”

✨ 14:3 Éz 20:16 ✨ 14:4 I Wa 21:20-24 ✨ 14:5 Jr 17:10 ✨ 14:6 I Sam 7:3 ✨ 14:7 Egz 12:48  
 ✨ 14:8 Jr 44:11 ✨ 14:9 Jr 6:14-15 ✨ 14:13 Éz 15:8 ✨ 14:14 Jr 15:1 ✨ 14:15 Lev 26:22  
 ✨ 14:16 Jen 19:29 ✨ 14:17 Lev 26:25 ✨ 14:19 Jr 14:12

<sup>21</sup> paske konsa pale Senyè BONDYE a: “Konbyen ankò ✨lè Mwen voye kat gwo jijman Mwen yo kont Jérusalem: nepe, gwo grangou, bèt sovaj ak epidemi pou koupe retire nèt ni lòm ni bèt sou li. <sup>22</sup> Malgre sa, gade byen, gen yon retay ki va rete soti ladann, ni fis, ni fi. Gade byen, yo va vin parèt wè ou menm e ou va wè ✨kondwit ak zèv yo; epi ou va vin rekonfòte pou gwo malè ke M te mennen sou Jérusalem nan, pou tout bagay ke M te mennen sou li yo. <sup>23</sup> Nan lè sa a, yo va rekonfòte ou lè ou wè kondwit ak aksyon yo, paske ou va konnen ke M pa t fè ✨anyen anven,” deklare Senyè BONDYE a.

## 15

<sup>1</sup> Epi pawòl SENYÈ a te vin kote mwen e te di: <sup>2</sup> Fis a lòm, kòman bwa ✨chan rezen fè pi bon ke nenpòt bwa ki sòti nan branch pami pyebwa forè yo? <sup>3</sup> Èske ou ka retire bwa sou li pou fè yon bagay, oswa èske moun ka fè yon kwòk ak li pou pann veso? <sup>4</sup> Si yo te mete li nan ✨dife la pou brile, dife a fin manje de pwent li e mitan an fin boukannen tounwa, èske li ka itil pou yon bagay? <sup>5</sup> Gade byen, pandan li an bòn fòm nan, li pa itil anyen. Konbyen anmwens lè dife fin manje li e vin boukannen tounwa a, li ka toujou itil pou fè yon bagay!

<sup>6</sup> Pou sa, konsa pale Senyè BONDYE a: ‘Jan bwa chan rezen pami tout pyebwa forè yo, ke m te bay nan dife pou brile a, se konsa mwen te bay moun ki rete Jérusalem yo; <sup>7</sup> Epi mwen mete figi M kont yo. Byenke yo te ✨sòti nan dife a; men malgre sa, dife a va manje yo. Epi ou va konnen ke Mwen se SENYÈ a, lè Mwen mete figi M kont yo. <sup>8</sup> Konsa, Mwen va fè tè a vin dezole, akoz yo te ✨aji ak enfidelite,’” deklare Senyè BONDYE a.

## 16

<sup>1</sup> Epi pawòl SENYÈ a te vin kote mwen e te di: <sup>2</sup> Fis a lòm, ✨fè Jérusalem konnen abominasyon li yo <sup>3</sup> Epi di: ‘Konsa pale Senyè BONDYE a a Jérusalem: “Orijin ou ak nesans ou se te nan peyi Canaan, papa ou se te yon Amoreyen e manman ou yon Etyèn. <sup>4</sup> Pou nesans ou, ✨nan jou ou te fèt la, kòd lonbrit ou pa t koupe, ni ou pa t lave ak dlo pou vin pwòp; ou pa t fwote ak sèl, ni menm vlope nan rad. <sup>5</sup> Pa t gen zye ki te gen pitye pou ou, ni ki te gen konpasyon pou ou. Pito ou te jete nan nan yon ✨chan ouvri, paske yo te twouve ou abominab depi jou ke ou te fèt la.

<sup>6</sup> “ ‘Lè m te pase bò kote ou e Mwen te wè ou t ap tòde nan san ou, Mwen te di ou pandan ou te nan san ou an: ‘Viv’! Wi, Mwen te di ou pandan ou te nan san ou an: ‘Viv’! <sup>7</sup> Mwen te ✨fè ou vin anpil, tankou plant nan chan yo. Epi ou te vin grandi, ou te vin wo e ou te vin rive nan laj pou bèl flè; Tete ou te fòme e cheve ou te grandi. Malgre sa, ou te toutouni e san rad.

<sup>8</sup> “Epi Mwen te pase bò kote ou pou te wè ou e gade byen, ou te vin nan lè pou fè renmen; alò konsa, mwen te lonje jip Mwen sou ou pou te kouvri toutouni ou an. Anplis, Mwen te ✨sèmante a ou menm e te antre nan yon akò avèk ou pou ou te vin pou Mwen,” deklare Senyè BONDYE a.

<sup>9</sup> “Epi Mwen te benyen ou ak dlo, lave fè san sòti sou ou e Mwen te ✨onksyone ou avèk lwil. <sup>10</sup> Anplis, Mwen te abiye ou ak twal ak bèl ✨bwodri, Mwen te mete sandal fèt ak po bazann nan pye ou, Mwen te vlope ou ak len fen e te kouvri ou ak swa. <sup>11</sup> Mwen te fè ou bèl ak dekorasyon,

✨ 14:21 Éz 5:17 ✨ 14:22 Éz 12:16 ✨ 14:23 Jr 22:8-9 ✨ 15:2 Sòm 80:8-16 ✨ 15:4 És 27:11 ✨ 15:7 I Wa 19:17 ✨ 15:8 Éz 14:13 ✨ 16:2 És 58:1 ✨ 16:4 Os 2:3 ✨ 16:5 Det 32:10 ✨ 16:7 Egz 1:7 ✨ 16:8 Jen 22:16-18 ✨ 16:9 Rt 3:3 ✨ 16:10 Egz 26:36

Mwen te mete braslè nan men ou ak yon ✨kolye nan kou ou. <sup>12</sup> Anplis, mwen te mete yon zanno nan nen ou, zanno nan zòrèy ou ak yon ✨bèl kouwòn nan tèt ou. <sup>13</sup> Konsa, ou te anbeli ak lò ak ajan e wòb ou te fèt ak len fen, oswa ak twal bwodri. Ou te manje farin fen, siwo myèl, ak lwil; konsa, ou te tèlman vin bèl e vin avanse nan yon pozisyon ✨wayal. <sup>14</sup> Answit, rekonesans ou te ale toupatou pami nasyon yo akoz bèlte ou, paske li te ✨pafè, akoz mayifisans ke Mwen te fè poze sou ou a,” deklare Senyè BONDYE a.

<sup>15</sup> “Men ou te ✨mete konfyans nan bèlte ou, ou te fè pwostitiye akoz tout rekonesans ou e ou te vide pwostitisyon ou an nan tout ale vini ki te disponib. <sup>16</sup> Ou te pran kèk nan rad ou yo, ou te fè pou kont ou wo plas ak plizyè koulè e te jwe pwostitiye ak yo, ki pa ta janm dwe rive, ni fèt. <sup>17</sup> Anplis, ou te pran bèl ✨bijou ou yo, fèt ak lò ak ajan pa M, ke M te bay ou e ou te fè pou kont ou imaj a gason pou ou te ka jwe pwostitiye ak yo. <sup>18</sup> Epi ou te pran twal bwodri ou a pou te kouvri yo e te ofri lwil ak lansan Mwen an devan yo. <sup>19</sup> Anplis, ✨pen Mwen an, ke M te bay ou a, farin fen, lwil ak siwo myèl, avèk sila Mwen te konn bay ou manje yo, ou ta ofri yo devan yo kon yon odè santi bon; konsa sa te rive,” deklare Senyè BONDYE a.

<sup>20</sup> “Anplis, ou te pran fis ak fi ke ou te fè pou Mwen yo e ou te sèvi yo kon ✨sakrifis a zidòl pou yo ta ka vin devore. Èske afè pwostitisyon ou an te yon ti bagay piti? <sup>21</sup> Ou te fè labatwa ak pitit Mwen yo e te ofri yo bay zidòl lè ou koze yo ✨pase nan dife. <sup>22</sup> Anplis ke tout abominasyon ak pwostitisyon ou yo, ou pa t sonje jou ✨jenès ou yo, lè ou te toutouni yo, san rad e t ap tòde nan pwòp san ou an.

<sup>23</sup> “Epi li te vin rive apre tout mechanste ou yo, (Malè, malè a ou menm!”, deklare Senyè BONDYE, <sup>24</sup> Ke ou te bati pou kont ou yon lotèl e te fè yon ✨wo plas tout kote. <sup>25</sup> Ou te bati pou kont ou yon wo plas nan pwent anwo nan ✨tout lari, ou te fè belte ou vin abominab e ou te ouvri janm ou pou tout ale vini pou ogmante pwostitisyon ou an. <sup>26</sup> Anplis, ou te jwe pwostitiye ak Ejipsyen yo, vwazen ou yo ak gwo anvi lachè e ou te ogmante pwostitisyon ou an pou ✨fè m vin fache. <sup>27</sup> Gade byen, Mwen te lonje men M kont ou pou te diminye nan sa ki te pou ou yo. Epi Mwen te livre ou a volonte a sila ki rayi ou yo, ✨fi a Filisten yo, ki wont devan kondwit lèd ou a. <sup>28</sup> Anplis, ou te jwe pwostitiye ak ✨Asiryen yo akoz ou pa t satisfè; ou te jwe pwostitiye ak yo e ou te toujou pa satisfè a. <sup>29</sup> Anplis, ou te ogmante pwostitisyon ou an ak peyi komèsan yo, Chaldée; menm malgre sa, ou pa t satisfè.” ’ ’

<sup>30</sup> “A la soufri kè ou ap soufri!” deklare Senyè BONDYE a, “pandan w ap fè tout bagay sa yo, aksyon a yon ✨pwostitiye ki san wont. <sup>31</sup> Lè ou te bati lotèl ou yo nan pwent a tout lari a e te fè wo plas ou yo tout kote yo, ✨san menm mande kòb, ou pa t sanble a yon pwostitiye.

<sup>32</sup> “Ou menm, fanm adiltè, ki pran etranje olye de mari li! <sup>33</sup> Mesye yo konn bay kado a tout pwostitiye, men ou te bay kado ou a tout moun ki renmen ou yo pou rale yo vin kote ou sòti nan tout direksyon pou zak pwostitisyon ou yo. <sup>34</sup> Konsa, ou diferan de fanm sa yo nan fè pwostitisyon ou an; nan sa, nanpwent moun ki jwe pwostitiye tankou ou; akoz ou menm konn bay lajan e pa janm resevwa lajan; konsa, ou diferan.”

✨ **16:11** Jen 41:42 ✨ **16:12** És 28:5 ✨ **16:13** I Sam 10:1 ✨ **16:14** Sòm 50:2 ✨ **16:15** És 57:8  
 ✨ **16:17** Éz 16:11-12 ✨ **16:19** Os 2:8 ✨ **16:20** Sòm 106:37-38 ✨ **16:21** Egz 13:2 ✨ **16:22** Jr 2:2 ✨ **16:24** Sòm 78:58 ✨ **16:25** Pwov 9:14 ✨ **16:26** Jr 7:18-19 ✨ **16:27** És 9:12 ✨ **16:28** II Wa 16:7-18 ✨ **16:30** És 3:9 ✨ **16:31** És 52:3

<sup>35</sup> Pou sa, O pwostitiye! tandè pawòl SENYÈ a. <sup>36</sup> Konsa pale Senyè BONDYE a: “Akoz bagay lèd ou yo te vin vide nèt, toutouni ou a te fin dekouvri nèt atravè pwostitasyon ou ak moun ki renmen ou yo e ak tout ✧zidòl abominab ou yo e akoz san a fis ou ke ou te bay a zidòl yo, <sup>37</sup> Akoz sa, gade byen, Mwen va ✧rasanble tout moun ki renmen ou yo avèk sila ou te pran plezi yo, menm tout sila ke ou te renmen yo ak tout sila ou te rayi yo. Konsa, Mwen va rasanble yo kont ou soti nan tout direksyon e Mwen va fè toutouni ou an vin parèt a yo menm pou yo ka wè toutouni ou an nèt. <sup>38</sup> Konsa, Mwen va jije ou kon fanm k ap komèt adiltè, oswa k ap vèse san moun, ou vin jije; epi Mwen va mennen sou ou san gwo kòlè a ak jalouzi. <sup>39</sup> Anplis, Mwen va bay ou nan men a moun ki renmen ou yo e yo va demoli tout lotèl ou yo, demoli wo plas ou yo, ✧retire tout rad sou ou, retire tout bijou ou yo e kite ou toutouni, san rad. <sup>40</sup> Yo va pouse yon ✧gwo foul kont ou, yo va lapide ou e rache ou an mòso ak nepe yo. <sup>41</sup> Yo va ✧brile lakay ou ak dife e egzekite jijman sou ou devan zye anpil fanm. Nan lè sa a, mwen va fè ou sispann jwe pwostitiye e ou p ap peye moun ou renmen yo ankò. <sup>42</sup> Konsa, Mwen ✧va kalme gwo chalè kòlè Mwen an kont ou, Jalouzi Mwen va kite ou, Mwen va vin satisfè e Mwen p ap fache ankò.

<sup>43</sup> Akoz ou pa t sonje jou jenès ou yo, men te fè m ✧vin anraje akoz tout bagay sa yo; gade byen, Mwen, nan kou pa M nan, Mwen va desann tout kondwit ou a sou pwòp tèt ou,” deklare Senyè BONDYE a, “pou ou pa komèt bagay lèd sa a pou mete sou tout lòt abominasyon ou yo.

<sup>44</sup> “Gade byen, tout moun ki site ✧pwovèb va site pwovèb sila a konsènan ou menm e va di: ‘Jan manman an ye a, se konsa fi a ye.’ <sup>45</sup> Ou se fi a manman ou, li te rayi mari li ak pitit li. Ou se, anplis, sè a sè ou yo, ki te ✧rayi mari yo ak pitit yo. Manman ou te yon Etyèn e papa ou te yon Amoreyen. <sup>46</sup> Alò, ✧pi gran sè ou a se Samarie, ki viv sou kote nò ou, ak tout fi li yo; epi pi jèn sè ou a, ki rete nan kote sid ou a, se Sodome, ak tout fi li yo. <sup>47</sup> Malgre sa, ou pa t sèlman mache nan chemen yo, oswa aji selon abominasyon yo; men konsi sa te twò piti, ou te aji ✧pi konwonpi nan kondwit ou ke yo menm. <sup>48</sup> “Kon Mwen viv la”, deklare Senyè BONDYE a: “Sodome, sè ou a, ak fi li yo pa t fè menm jan ak ou ak fi ou yo.

<sup>49</sup> Gade byen, sa se te koupabilite a sè ou a, Sodome: li menm ak fi li yo te gen ✧awogans, anpil manje ak lavi alèz, men li pa t ede endijan ak malere yo. <sup>50</sup> Konsa, yo te plen vin ògèy e te komèt ✧abominasyon devan Mwen. Pou sa, Mwen te retire yo lè M te wè sa. <sup>51</sup> Anplis, Samarie pa t komèt mwatye nan peche ou yo, paske ou te ogmante abominasyon ou yo plis pase yo. Konsa, ou te fè sè ou a vin parèt ✧dwat akoz tout abominasyon ke ou te komèt yo. <sup>52</sup> Anplis, sipòte wont ou paske ou te fè jijman an vin favorab pou sè ou yo. Akoz peche nan sila ou te ✧aji pi mal ke yo menm yo, yo vin pi dwat pase ou. Wi, anplis vin wont e sipòte wont ou an, akoz ou te fè sè ou yo parèt dwat.

<sup>53</sup> “Malgre sa, Mwen va restore kaptivite yo, kaptivite Sodome ak fi li yo, kaptivite Samarie ak fi li yo e ansanm avèk yo, kaptivite ou, <sup>54</sup> Pou ou ka pote imilyasyon ou e sanse vin ✧wont pou tout sa ou te fè lè ou te devni yon konsolasyon pou yo yo. <sup>55</sup> Sè ou yo, Sodome ak fi li yo e Samarie ak fi

✧ 16:36 Jr 19:5 ✧ 16:37 Jr 13:22-26 ✧ 16:39 Éz 23:47 ✧ 16:40 Éz 23:47 ✧ 16:41 II Wa 25:9 ✧ 16:42 II Sam 24:25 ✧ 16:43 És 63:10 ✧ 16:44 I Sam 24:13 ✧ 16:45 És 1:4 ✧ 16:46 Jr 3:8-11 ✧ 16:47 II Wa 21:9 ✧ 16:49 Jen 19:9 ✧ 16:50 Jen 13:13 ✧ 16:51 Jr 3:8-11 ✧ 16:52 Éz 16:47-51 ✧ 16:54 Jr 2:26

li yo, va retounen nan eta yo te ye a e ou menm avèk fi ou yo va, anplis, retounen nan eta nou te ye a. <sup>56</sup> Jan non a sè ou a, Sodome, pa t tande nan lèw ou nan jou ògèy ou a, <sup>57</sup> Avan ✧mechanste ou te dekouvri a; paske koulye a, ou devni repwòch a fi a Edom yo e a tout sila ki antoure li yo, a fi a Filisten yo—sila ki antoure ou ki meprize ou yo. <sup>58</sup> Ou te ✧pote pinisyon a tout sa ou te fè ki te lèd yo, ak abominasyon yo,” deklare SENYÈ a.

<sup>59</sup> Paske konsa pale Senyè BONDYE a: “Mwen va, anplis, fè avèk ou jan ou te fè a, ou menm ki te ✧meprize sèman an e ki te kraze akò a. <sup>60</sup> Malgre sa, Mwen va sonje akò Mwen an avèk ou nan jou jenès ou yo e Mwen va etabli yon akò ✧k ap dire pou tout tan avèk ou. <sup>61</sup> Epi ou va ✧sonje chemen ou yo e ou va vin wont lè ou resevwa sè ou yo, ni pi gran, ni pi piti; epi Mwen va bay yo a ou menm kon fi, men pa akòz de akò ou a. <sup>62</sup> Konsa, Mwen va ✧etabli akò Mwen an avèk ou e ou va konnen ke Mwen se SENYÈ a, <sup>63</sup> Pou ou ka ✧sonje, vin wont e pa janm ouvri bouch ou ankò akòz imilyasyon ou, lè M te padone ou pou tout sa ou te fè yo,” Senyè, BONDYE a deklare.

## 17

<sup>1</sup> Alò, pawòl SENYÈ a te vin kote mwen e te di: <sup>2</sup> Fis a lòm, pwopoze yon devinèt e pale yon ✧parabòl a lakay Israèl, <sup>3</sup> Epi di: ‘Konsa pale Senyè BONDYE a: “Yon gwo èg ak ✧gwo zèl, gwo zèl louvri ak anpil bèl plim de anpil koulè te vini Liban e te rache pran tèt pye sèd la. <sup>4</sup> Li te rache tout ti branch nan pi wo tèt li e te pote li nan peyi komèsan yo; li te plase li nan yon vil machann yo.

<sup>5</sup> Anplis, li te pran kèk nan semans peyi a pou te plante li nan yon ✧tè fètil. Li te mete li akote gwo dlo; li te plase li tankou yon pye sikren. <sup>6</sup> Epi li te boujonnen e te vin yon pye rezen ba ki t ap kouvri toupatou ak branch li yo ki te tounen vè li menm, men rasin li yo te rete anba l. Konsa, li te vin yon plant, li te bay boujon e li te pwodwi branch.

<sup>7</sup> “Men te gen yon lòt gwo èg ak gwo zèl ak anpil plim; epi gade byen, pye rezen sa a te koube rasin li yo vè li menm e te voye branch yo deyò vè li menm soti nan ban kote li te ✧plante a, pou l te ka wouze li. <sup>8</sup> Li te plante nan bon tè, akote anpil dlo, pou l te ka fè anpil branch ak bay fwi e vin yon pye rezen byen bèl.”

<sup>9</sup> “Pale, ‘Konsa di Senyè BONDYE a: “Èske li va grandi byen? Èske li pa t rache rasin li yo e koupe fwi li, pou li fennen nèt—pou tout fèy k ap pete yo ta fennen? Epi kit se pa gwo fòs, kit se pa anpil moun, li p ap ka leve sòti nan rasin li ankò. <sup>10</sup> Gade byen, malgre li ta plante, èske l ap grandi byen? Èske li p ap ✧fennen nèt toutotan ke van lès ap frape li yo—fennen sou ban kote li te plante a?” ’ ”

<sup>11</sup> Anplis, pawòl SENYÈ a te rive kote mwen e te di: <sup>12</sup> “Di koulye a a kay rebèl la, ‘Èske ou pa konnen sa bagay sa yo vle di?’ Di: ‘Gade byen, ✧wa a Babylone nan te rive Jérusalem, te pran wa ak prens li yo e te mennen yo kote li Babylone. <sup>13</sup> Li te pran youn nan fanmi wa a pou te fè yon akò avè l e te fè l sèman. Anplis, li te retire pwisan yo nan peyi a, <sup>14</sup> Pou wayòm nan ✧ta vin soumèt, pa egzalte tèt li, men swiv akò a pou li ka kontinye. <sup>15</sup> Men li te fè rebèl kont li lè l te voye reprezantan li yo kote Égypte pou

✧ 16:57 Éz 16:36-37 ✧ 16:58 Éz 23:49 ✧ 16:59 És 24:5 ✧ 16:60 És 55:3 ✧ 16:61 Jr 50:4-5  
 ✧ 16:62 Éz 20:37 ✧ 16:63 Éz 36:31-32 ✧ 17:2 Éz 20:49 ✧ 17:3 Dan 4:22 ✧ 17:5 Det 8:7-9  
 ✧ 17:7 Éz 31:4 ✧ 17:10 Éz 19:14 ✧ 17:12 II Wa 24:11-15 ✧ 17:14 Éz 29:14

yo ta ka ba li cheval ak anpil sòlda. Èske li va reyisi? Èske sila ki fè kalite bagay sa yo va chape? Èske li, anverite kapab kraze akò a e chape?

<sup>16</sup> ‘Jan Mwen viv la’, deklare Senyè BONDYE a, ‘Anverite, nan peyi wa ki te plase li sou twòn nan, sèman a sila li te meprize a e akò a sila li te kraze a; ✨nan Babylone, li va mouri. <sup>17</sup> ✨Farawon ak lame pwisan li an, ak gran fòs pèp li a, p ap ede li nan lagè a, lè yo fè monte ran syèj e bati miray syèj pou koupe lavi anpil moun. <sup>18</sup> ‘Alò, li te meprize sèman an lè l te kraze akò a e gade byen, li te ✨fè sèman li an, men gade tout bagay li te fè; li p ap chape.’”

<sup>19</sup> Akoz sa, pale Senyè BONDYE a: “Jan Mwen viv la, anverite, sèman Mwen an ke li te meprize a ak akò Mwen an ke li te kraze a, Mwen va koze malè sou tèt li. <sup>20</sup> Filè Mwen an va kouvri li nèt e li va kenbe nan pèlen an. Epi Mwen va mennen li Babylone e ✨antre nan jijman avèk li selon zak enfidèl ke li te komèt kont Mwen an. <sup>21</sup> Tout mesye byen chwazi pami sòlda li yo va tonbe pa nepe e sila ki chape yo va gaye nan tout van; epi nou va konnen ke Mwen menm, SENYÈ a te pale.”

<sup>22</sup> “Konsa pale Senyè BONDYE a: “Anplis, Mwen va pran yon ti branch piti soti anlè pye sèd la e Mwen va ranje li; Mwen va rache nan pi wo pwent a jenn ti boujon li yo, youn ki piti e ki mou e Mwen va plante li sou yon ✨mòn ki byen wo. <sup>23</sup> Sou mòn byen wo Israèl la, Mwen va plante li, pou li kapab pwodwi gwo branch, bay fwi e devni yon gwo pye ✨sèd majeste. Epi zwazo de tout kalite yo va fè nich yo anba li. Yo va pran repo nan lonbraj branch li yo. <sup>24</sup> Tout pyebwa nan chan yo va konnen ke Mwen se SENYÈ a; Mwen desann pyebwa ki byen wo a, egzalte pyebwa ki ba a, seche pyebwa ki vèt la e fè pyebwa ki sèch la fleri.

Mwen se SENYÈ a; Mwen te pale e Mwen va akonpli sa.

## 18

<sup>1</sup> Epi pawòl SENYÈ a te vin kote mwen e te di: <sup>2</sup> ✨Kisa sa vle di lè ou sèvi pwovèb sa a konsènan peyi Israèl e di:

“Papa yo manje rezen si yo, epi dan timoun yo va kanpe apik?”

<sup>3</sup> “Jan Mwen viv la”, deklare Senyè BONDYE a: “nou p ap itilize pwovèb sa a an Israèl ankò. <sup>4</sup> “Gade byen, tout nanm yo se pa M yo ye; nanm a papa a ansanm ak nanm a fis la se pa M. Nanm ki ✨peche a, va mouri.

<sup>5</sup> Men si yon nonm dwat e li aji ak jistis ak ladwati,

<sup>6</sup> Epi pa manje nan lotèl mòn yo, ni ✨leve zye li vè zidòl lakay Israèl yo, ni souye ak madanm vwazen li, ni pwoche yon fanm pandan lè règ li—

<sup>7</sup> Si yon nonm pa oprime okenn moun, men remèt a sila ki te prete li sa li te pwomèt, epi ✨pa fè vòl, men bay pen li a sila ki grangou e kouvri moun toutouni ak rad,

<sup>8</sup> Si li pa prete moun lajan ak ✨enterè, ni pran plis, si li gade men l pou l pa fè inikite

✨ 17:16 Jr 52:11 ✨ 17:17 És 36:6 ✨ 17:18 I Kwo 29:24 ✨ 17:20 Jr 2:35 ✨ 17:22 Sòm 72:16  
✨ 17:23 Sòm 72:16 ✨ 18:2 És 3:15 ✨ 18:4 Éz 18:20 ✨ 18:6 Det 4:19 ✨ 18:7 Lev 19:13  
✨ 18:8 Egz 22:15

e egzekite yon vrè jistis antre moun ak moun,  
 9 Si li mache nan ✨règleman Mwen yo  
 ak lòd Mwen yo pou l aji ak fidelite;  
 li dwat  
 e anverite, li va viv,” deklare Senyè BONDYE a.

10 Alò, li kapab gen yon fis vyolan ki vèse san e ki fè nenpòt nan bagay  
 sa yo a yon frè, 11 sepandan li menm li pa t fè okenn nan bagay sa yo,  
 men li konn manje kote lotèl mòn yo  
 e ✨souye ak madanm a vwazen li,  
 12 Oprime malere ak endijen, ✨vòlè moun,  
 pa remèt sa li pwomèt, men leve zye li a zidòl  
 e komèt abominasyon,  
 13 Li prete lajan e li prete moun lajan sou enterè  
 e pran benefis;  
 èske l ap viv?  
 Li p ap viv!  
 Li te komèt tout abominasyon sila yo;  
 anverite, li va mouri.  
 San li va tonbe sou pwòp tèt li.

14 Alò, gade byen, li gen yon fis ki te wè tout peche papa l te komèt, e ✨lè  
 l wè sa, li pa fè menm jan.

15 Li pa manje nan lotèl mòn yo  
 ni leve zye li a zidòl lakay Israèl yo,  
 ni souye ak madanm vwazen li,

16 Ni oprime okenn moun,  
 ni refize remèt sa li te pwomèt pou l te fè,  
 ni pa vòlè, men li ✨bay pen li a moun grangou yo  
 e kouvri sila ki toutouni yo ak rad,

17 Li retire men li sou malere a,  
 li pa egzije enterè, ni pwofi,  
 men li fè règleman Mwen yo  
 e mache nan lòd mwen yo.

✨Li p ap mouri pou inikite a papa li; men li va anverite viv. 18 Alò, pou  
 papa li, akòz li te pratike opresyon, te vòlè frè li e te fè sa ki pa t bon pami  
 pèp li a; gade byen, li va mouri pou inikite li a.

19 Malgre sa, ou di: ‘Poukisa fis la pa pote pinisyon pou inikite a papa li?  
 Lè fis la pratike ✨jistis ak ladwati, swiv tout lòd Mwen yo e fè yo; anverite,  
 li va viv. 20 Moun ki fè peche a, va mouri. Fis la p ap pote pinisyon pou  
 linikite a papa li, ni papa a p ap chaje ak pinisyon pou peche a fis la;  
 ✨ladwati a moun ki dwat va sou pwòp tèt pa li e mechanste a mechan an  
 va sou pwòp tèt li.

21 Men si moun ✨mechan an vire kite tout peche ke li te konn komèt yo  
 pou vin swiv tout règleman Mwen yo e pratike lajistis ak ladwati; anverite,  
 li va viv, li p ap mouri. 22 Tout transgresyon ke li te konn komèt yo, p ap  
 sonje ankò kont li; akòz ✨ladwati ke li te vin pratike a, li va viv. 23 Èske  
 Mwen pran plezi nan lanmò a mechan yo,” deklare Senyè BONDYE a: “Pa  
 pito ke li ta ✨vire kite chemen li an pou li viv?”

✨ 18:9 Lev 18:5 ✨ 18:11 I Kor 6:9 ✨ 18:12 És 59:6-7 ✨ 18:14 II Kwo 29:6-10 ✨ 18:16  
 Job 31:16-20 ✨ 18:17 Wo 2:6 ✨ 18:19 Éz 18:9 ✨ 18:20 I Wa 8:32 ✨ 18:21 Éz 18:27-28  
 ✨ 18:22 Sòm 18:20-24 ✨ 18:23 Sòm 147:11

<sup>24</sup> Men lè yon nonm ladwati vire kite ladwati li a, komèt inikite e fè selon tout abominasyon ke yon nonm mechan konn fè, èske li va viv? ✧ Tout zèv ladwati ke li te konn fè yo, p ap sonje akòz trèt ke li te fè ak peche ke li te komèt la; pou sa yo, li va mouri.

<sup>25</sup> Men nou di: ‘Wout Senyè pa dwat.’ Koute koulye a, O lakay Israèl! Èske ✧ wout Mwen an pa dwat? Èske se pa wout pa nou an ki pa dwat? <sup>26</sup> Lè yon moun ladwati vire kite ladwati li, komèt inikite e mouri akòz li, pou inikite ke li te komèt la, li va mouri. <sup>27</sup> Ankò, lè yon nonm mechan vire ✧ kite mechanste ke li te komèt pou pratike lajistis ak ladwati, li va sove lavi li. <sup>28</sup> Akòz li te konsidere e te vire kite tout transgresyon ke li te konn komèt yo; li va anverite viv, li p ap mouri. <sup>29</sup> Men lakay Israèl ap di: ‘Wout Senyè a pa dwat.’ Èske wout Mwen yo pa dwat, O lakay Israèl? Èske se pa wout pa ou yo ki pa dwat?

<sup>30</sup> Akòz sa a, Mwen va jije nou, O lakay Israèl, chak moun selon kondwit li,” deklare Senyè BONDYE a. ✧ “Repanti e vire kite tout transgresyon nou yo, pou inikite sa a pa devni yon wòch chite ki pou fè nou tonbe. <sup>31</sup> ✧ Jete lwen nou tout transgresyon ke nou konn komèt yo, epi fè pou tèt nou yon kè tounèf avèk yon lespri tounèf! Paske poukisa ou ta mouri, O lakay Israèl? <sup>32</sup> Paske Mwen pa pran ✧ plezi nan lanmò a okenn moun ki mouri, “deklare Senyè BONDYE a. “Akòz sa, repanti pou ou viv.”

## 19

<sup>1</sup> Pou nou menm, komanse fè gwo lamantasyon pou ✧ prens Israèl yo, II Wa 23:29-34 <sup>2</sup> Epi di:

‘Kisa manman ou te ye?

Yon manman lyon pami lyon yo!

Li te kouche pami jenn ti lyon yo;

li te leve pitit li yo.

<sup>3</sup> Lé l te fin leve youn nan pitit li yo, pitit la te devni yon lyon e li te vin aprann jan pou li dechire bèt pou li manje; li te devore moun.

<sup>4</sup> Alò, nasyon yo te tandè de li; li te vin kaptire nan twou fòs pa yo

e yo te ✧ mennen li ak kwòk, rive nan peyi Égypte.

<sup>5</sup> Lè li menm, manman lyon an, te wè ke pandan li t ap tann, espwa li vin pèdi,

Li te pran yon lòt nan pitit li yo e te fè l vin yon jenn ti lyon.

<sup>6</sup> Epi li te ✧ mache toupatou pami lyon yo; li te devni yon jenn ti lyon;

li te aprann jan pou li dechire bèt pou li manje.

Li te devore moun.

<sup>7</sup> Li te detwi vil fòtifye yo

e li te devaste vil yo;

e pi peyi a ak tout bèlte li te vin sezi

akòz son a kri li.

✧ 18:24 Éz 18:22 ✧ 18:25 Jen 18:25 ✧ 18:27 És 1:18 ✧ 18:30 Éz 14:6 ✧ 18:31 És 1:16-17  
✧ 18:32 Éz 18:23 ✧ 19:1 II Wa 23:29-34 ✧ 19:4 II Wa 23:34 ✧ 19:6 II Wa 24:9



8 Alò, ✨nasyon yo te rasanble kont li tout kote  
soti nan pwovens yo  
e yo te ouvri filè yo sou li;  
li te vin kaptire nan twou fòs yo.  
9 Yo te mete li nan yon kalòj ak kwòk  
e te ✨mennen li kote wa Babylone nan;  
yo te mennen li nan filè lachas  
pou vwa l vin pa tandè menm ankò  
sou mòn Israèl yo.

10 Manman ou te ✨tankou yon plant  
nan chan rezen ou an;  
li te plante bò kote dlo.  
Li te plen fwi ak anpil branch, akòz dlo an abondans.

11 Epi li te gen branch ki dyanm,  
ki ta ka sèvi pou baton wa yo  
e wotè li te leve pi wo nwaj yo  
pou mounta ka wè l nan tout wotè li ak pil branch li yo.

12 Men li te vin ✨rache ak kòlè;  
li te vin jete atè; epi van nan lès te seche fwi li yo.  
Gwo branch dyanm li yo te vin rache;  
konsa li te vin fennen. Dife te manje yo nèt.

13 Epi koulye a, li vin plante nan ✨dezè a,  
nan yon peyi ki sèch e ki swaf.

14 Epi ✨dife a fin gaye nan tout branch li yo;  
li te konsonmen boujon ak fwi li yo jiskaske pa t gen  
ladann yon branch ki dyanm, pou fè baton pou wa a.  
“Sa se yon lamantasyon e sa gen tan devni yon lamantasyon.

## 20

1 Alò, nan setyèm ane, nan senkyèm mwa a, nan dizyèm mwa a, kèk nan  
✨ansyen Israèl yo te vin mande SENYÈ a konsèy e te chita devan mwen.

2 Epi pawòl SENYÈ a te vin kote mwen e te di: 3 “Fis a lòm, pale ak  
ansyen Israèl yo e di yo: ‘Konsa pale Senyè BONDYE a: “Èske nou vini la  
pou mande M konsèy? Jan Mwen viv la, “deklare Senyè BONDYE a: ✨“Nou  
p ap vin mande M konsèy.”’

4 Èske ou va jije yo, èske ou va jije yo, fis a lòm? Fè yo konnen  
abominasyon a papa yo; 5 Epi di yo: ‘Konsa pale Senyè BONDYE a: “Nan  
jou ke M te ✨chwazi Israèl la e te sèmante a desandan a lakay Jacob yo pou  
te revele Mwen menm a yo menm nan peyi Égypte la, lè M te sèmante  
a yo menm e te di: “Mwen se SENYÈ a, Bondye nou an, 6 “Nan jou sa a,  
Mwen te sèmante a yo menm ✨pou mennen fè yo sòti nan peyi Égypte,  
pou antre nan yon peyi ke M te chwazi pou yo, ki koule lèt avèk siwo myèl,  
ki se glwa a tout peyi yo. 7 Mwen te di a yo menm: ✨ ‘Voye jete, nou chak,  
bagay abominab a zye nou yo e pa souye tèt nou ak zidòl a Égypte yo;  
Mwen se SENYÈ a, Bondye nou an.’

✨ 19:8 II Wa 24:11 ✨ 19:9 II Wa 24:15 ✨ 19:10 Sòm 80:8-11 ✨ 19:12 Jr 31:28 ✨ 19:13 II  
Wa 24:12-16 ✨ 19:14 Éz 15:4 ✨ 20:1 Éz 8:1-12 ✨ 20:3 Éz 14:3 ✨ 20:5 Egz 6:6-8 ✨ 20:6  
Jr 32:22 ✨ 20:7 Egz 20:4

<sup>8</sup> Men yo te fè rebèl kont Mwen e yo pa t dakò koute Mwen; yo pa t voye jete bagay abominab a zye yo, ni yo pa t abandone \*zidòl a Égypte yo. Konsa, Mwen te detèmine pou vide gwo chalè kòlè Mwen sou yo, pou akonpli kòlè Mwen sou yo nan mitan peyi Égypte. <sup>9</sup> Men Mwen te aji \*pou koz non Mwen, pou li pa ta vin degrade nan zye a nasyon pami sila yo te rete yo, nan zye a sila Mwen te fè Mwen menm rekonèt a yo lè M te fè yo sòti nan peyi Égypte la. <sup>10</sup> Konsa, Mwen te retire yo nan peyi Égypte pou te mennen yo nan \*dezè a. <sup>11</sup> Mwen te bay yo \*lalwa Mwen yo e te fè yo rekonèt règleman Mwen yo, pa sila, si yon nonm swiv yo, li va viv la. <sup>12</sup> Anplis, Mwen te bay yo Saba Mwen yo pou vin yon \*sign antre Mwen menm ak yo, pou yo ta ka konnen ke Mwen se SENYÈ ki sanktifye yo a.

<sup>13</sup> Men lakay Israèl te fè rebèl kont Mwen, nan dezè a. Yo pa t mache nan lalwa Mwen yo e yo te refize règleman Mwen yo, pa sila, si yon nonm swiv yo, li va viv la; epi \*Saba Mwen yo, yo te vin pwofane nèt. Konsa, Mwen te pran desizyon pou vide chalè kòlè Mwen sou yo nan dezè a, pou kraze yo nèt. <sup>14</sup> Men Mwen te aji pou koz non Mwen, pou li pa ta degrade nan zye a nasyon yo, devan zye a sila Mwen te fè yo sòti yo. <sup>15</sup> Anplis, \*Mwen te sèmante a yo nan dezè a pou Mwen pa ta mennen yo antre nan peyi ke M te bay a yo menm nan, peyi ki t ap koule ak siwo myèl, ki se glwa a tout peyi yo, <sup>16</sup> Akoz yo te rejte règleman Mwen yo e pou lalwa Mwen yo, yo pa t mache ladan yo; menm Saba Mwen yo, yo te pwofane yo, paske \*kè yo te tout tan ap mache dèyè zidòl yo. <sup>17</sup> Malgre sa, zye M te epanye yo olye de detwi yo e Mwen pa t \*kraze yo nan dezè a. <sup>18</sup> Mwen te di a \*pitit yo nan dezè a: ‘Pa mache nan règleman a papa nou yo, ni swiv règleman yo oswa souye tèt nou ak zidòl yo. <sup>19</sup> Mwen se SENYÈ a, Bondye nou an; \*mache nan règleman Mwen yo e swiv òdonans Mwen yo pou fè yo. <sup>20</sup> Sanktifye Saba Mwen yo; epi yo va vin yon sign antre Mwen menm ak nou, pou nou ka konnen ke Mwen se SENYÈ Bondye nou an.’ <sup>21</sup> Men \*pitit yo te fè rebèl kont Mwen; yo pa t mache nan règleman Mwen yo, ni yo pa t fè atansyon pou swiv òdonans Mwen yo, pa sila, si yon nonm swiv yo, li va viv la; yo te pwofane Saba Mwen yo. Konsa, mwen te pran desizyon pou vide chalè kòlè Mwen sou yo, pou akonpli kòlè Mwen kont yo nan dezè a. <sup>22</sup> Men Mwen te ralanti men M e Mwen te aji \*pou koz non Mwen, pou li pa ta vin degrade devan zye a nasyon yo devan zye sila Mwen te fè yo sòti yo. <sup>23</sup> Anplis, Mwen te sèmante a yo menm nan dezè a pou Mwen ta \*gaye yo pami nasyon yo e dispèse yo nan tout peyi yo, <sup>24</sup> Akoz yo pa t swiv òdonans Mwen yo, men te refize tout règleman Mwen yo, te pwofane Saba Mwen yo e \*zye yo te sou zidòl a papa zansèt yo. <sup>25</sup> Mwen te bay yo tou règleman ki \*pa t bon ak òdonans yo sou sila yo pa t ka viv; <sup>26</sup> Epi Mwen te deklare yo pa pwòp akoz de sakrifis yo; ladan yo, yo te koze tout premye ne yo pase nan dife pou Mwen ta fè yo vin dezole, pou yo ta konnen ke se Mwen menm ki SENYÈ a.”

<sup>27</sup> “Pou sa, fis a lòm, pale ak lakay Israèl e di yo: ‘Konsa pale Senyè BONDYE a: “Malgre nan sa, papa zansèt nou yo te \*blasfeme Mwen lè yo fè trèt kont Mwen yo. <sup>28</sup> Lè Mwen te mennen yo nan peyi ke M te sèmante pou bay yo a, yo te vin wè tout \*kolin wo ak tout bwa ki plen fèy yo; la,

\* 20:8 Egz 32:1-9 \* 20:9 Egz 32:11-14 \* 20:10 Egz 19:1 \* 20:11 Egz 20:1-26 \* 20:12 Egz 31:13-17 \* 20:13 És 56:6 \* 20:15 Nonb 14:30 \* 20:16 Éz 11:21 \* 20:17 Jr 4:27 \* 20:18 Nonb 14:31 \* 20:19 Det 5:32-33 \* 20:21 Nonb 21:5 \* 20:22 És 48:9-11 \* 20:23 Lev 26:33 \* 20:24 Éz 6:9 \* 20:25 Sòm 81:12 \* 20:27 Nonb 15:30 \* 20:28 I Wa 14:23

yo te ofri sakrifis yo e la, yo te prezante ofrann ki te fè M vin fache nèt la. La, yo te fè monte odè santi bon e la, yo te vide ofrann bwason yo. <sup>29</sup> Epi Mwen te di yo: ‘Kisa wo plas kote nou prale a ye?’ Pou sa, yo rele non plas sa a “Bama “jis rive jou sa a.”’

<sup>30</sup> Akoz sa, pale ak lakay Israèl: ‘Konsa pale Senyè BONDYE a: “Èske nou va souye tèt nou menm, swiv abitud ✨papa zansèt nou yo e jwe pwostitiye apre bagay abominab yo? <sup>31</sup> Lè nou ofri ofrann nou yo, lè nou ✨fè fis nou yo pase nan dife, nou ap souye tèt nou ak tout zidòl yo jis rive nan jou sa a. Epi èske nou ta dwe vin mande Mwen konsèy, O lakay Israèl? Jan Mwen viv la,” deklare Senyè BONDYE a: “Mwen p ap kite nou mande M anyen.

<sup>32</sup> Sa ki ✨vini nan lespri nou an, se pa sa k ap rive vre, lè nou di: ‘Nou va tankou lòt nasyon yo, tankou fanmi a peyi yo, k ap sèvi bwa ak wòch yo.’ <sup>33</sup> “Jan Mwen viv la”, deklare Senyè BONDYE a: “Anverite, ak yon men pwisan, ak yon ✨bra lonje e avèk chalè a kòlè Mwen vide deyò, Mwen va vin wa sou nou. <sup>34</sup> Mwen va mennen nou soti nan tout pèp yo, rasanble nou soti nan peyi kote nou gaye yo, ak yon men pwisan, ak yon bra lonje e ak ✨chalè kòlè Mwen vide nèt; <sup>35</sup> Epi Mwen va mennen nou antre nan ✨dezè a pèp yo e la, Mwen va antre nan jijman avèk nou fasafas. <sup>36</sup> Jan Mwen te ✨antre nan jijman ak papa zansèt nou yo nan dezè an Égypte la, konsa Mwen va antre nan jijman avèk nou”, deklare Senyè BONDYE a. <sup>37</sup> Mwen va fè nou ✨pase anba baton e Mwen va mennen nou antre anba angajman akò a; <sup>38</sup> Epi Mwen va fè retire pami nou, rebèl ak sila ki transgrese kont Mwen yo; Mwen va mennen yo sòti nan peyi kote yo demere a, men yo ✨p ap antre nan peyi Israèl. Konsa, nou va konnen ke Mwen se SENYÈ a.

<sup>39</sup> Pou nou menm, O lakay Israèl,” deklare Senyè BONDYE a: “Ale, nou chak sèvi zidòl pa nou; men pita, nou va anverite koute Mwen e non sen Mwen an, nou p ap ✨pwofane li ankò ak ofrann ak zidòl nou yo. <sup>40</sup> Paske sou mòn sen Mwen an, sou wo mòn Israèl la, “deklare Senyè BONDYE a: “la, tout lakay Israèl, ✨yo tout va sèvi Mwen nan peyi a; la, Mwen va aksepte yo e la, Mwen va chache kontribisyon nou yo, avèk ofrann pi chwazi nou yo, ak tout bagay sen nou yo. <sup>41</sup> Kon yon odè santi bon, Mwen va aksepte nou lè Mwen ✨mennen nou sòti nan pèp yo e rasanble nou soti nan peyi kote nou te gaye yo; epi Mwen va pwouve a Mwen menm ke Mwen sen pami nou devan zye a tout nasyon yo. <sup>42</sup> Epi nou va konnen ke Mwen se SENYÈ a, ✨lè mwen mennen nou fè nou antre nan peyi Israèl la, nan peyi ke M te sèmante pou bay a papa zansèt nou yo. <sup>43</sup> La, nou va sonje chemen nou yo ak tout zèv yo avèk sila nou te souye tèt nou yo; epi nou va ✨rayi pwòp tèt nou nan pwòp zye nou pou tout bagay mal ke nou te fè yo. <sup>44</sup> Epi nou va konnen ke se Mwen ki SENYÈ a, lè Mwen fin regle avèk nou pou koz non Mwen, pa selon vwa mechan nou yo, ni selon zak konwonpi nou yo, O lakay Israèl,” deklare Senyè BONDYE a.’ ”

<sup>45</sup> Alò, pawòl SENYÈ a te rive kote mwen e te di: <sup>46</sup> Fis a lòm, mete figi ou vè Theman, pale fò kont tout sid la e ✨ pwofetize kont peyi forè nan Negev la, <sup>47</sup> Epi di a forè Negev la: ‘Koute pawòl SENYÈ a: “Konsa pale Senyè BONDYE a, “Gade byen, Mwen prèt pou ✨limen yon dife nan nou e

✨ 20:30 Jij 2:19 ✨ 20:31 Sòm 106:37-39 ✨ 20:32 Éz 11:5 ✨ 20:33 Jr 21:5 ✨ 20:34 Jr 42:18 ✨ 20:35 Éz 19:13 ✨ 20:36 Nonb 11:1-35 ✨ 20:37 Lev 27:32 ✨ 20:38 Nonb 14:29-30 ✨ 20:39 És 1:3-15 ✨ 20:40 És 66:23 ✨ 20:41 És 27:12-13 ✨ 20:42 És 27:12-13 ✨ 20:43 Jr 31:18 ✨ 20:46 Éz 21:2 ✨ 20:47 És 9:18

li va konsonmen tout bwa vèt nan nou menm ak tout bwa sèch. Flannm dife sa a p ap etenn e tout sifas latè soti nan sid jis rive nan nò va brile pa li menm. <sup>48</sup> Tout chè va wè ke Mwen menm, SENYÈ a, te limen li; li p ap etenn.” ’ ’ ”

<sup>49</sup> Epi mwen te di: O Senyè BONDYE! Y ap di de mwen: ‘Èske se pa parabol sèlman ✨ ap pale?’ ”

## 21

<sup>1</sup> Epi pawòl SENYÈ a te vin kote Mwen e te di: <sup>2</sup> “Fis a lòm, ✨ranje figi ou vè Jérusalem pale kont sanktyè yo e pwofetize kont peyi Israèl: <sup>3</sup> Epi di a peyi Israèl la: ‘Konsa pale SENYÈ a: “Gade byen, Mwen vin kont nou; epi Mwen va rale nepe Mwen nan fouwo e Mwen va koupe retire de nou ✨moun dwat yo ak mechan yo. <sup>4</sup> Paske M ap koupe retire nèt de nou moun dwat yo ansanm ak mechan yo; pou sa, nepe M va rale soti nan fouwo li kont tout chè soti nan sid jis rive nan nò. <sup>5</sup> Konsa, tout chè va konnen ke Mwen, SENYÈ a, te rale nepe Mwen sòti nan fouwo. Li ✨p ap remete nan fouwo ankò.

<sup>6</sup> Epi pou ou menm, fis a lòm, plenn fò nan gòj ou ak kè kase, ak doule òrib, plenn nan gòj devan zye yo. <sup>7</sup> Epi lè yo mande ou poukisa w ap plenn nan?’ ou va di: “Akoz ✨nouvèl k ap vini an; epi tout kè va fann, tout men va vin pèdi fòs, nanm a tout moun va vin fennen e tout jenou yo va vin fèb tankou dlo. Gade byen, sa ap vini e sa va fèt’, deklare Senyè BONDYE a.”

<sup>8</sup> Ankò, pawòl SENYÈ a te rive kote mwen e te di: <sup>9</sup> Fis a lòm, pwofetize e di: ‘Konsa pale SENYÈ a.’ Di:

‘Yon ✨nepe, yon nepe, file e anplis, klere!

<sup>10</sup> File pou fè yon ✨masak,  
klere pou tire kon kout loray!

Oswa èske nou ta ka rejwi?

Baton an fis Mwen an, kondannen denyè pyebwa a.

<sup>11</sup> Li fèt pou li ta poli, pou yo kab manyen li;  
nepe a file e poli, pou plase nan men a sila k ap touye a.

<sup>12</sup> Kriye fò e rele anmwey, fis a lòm;  
paske li kont pèp Mwen an, li kont tout ✨ofisye Israèl yo.

Yo vin livre a nepe a avèk pèp Mwen an.

Akoz sa, frape kwis ou.

<sup>13</sup> Paske gen eprèv ki pou pase; epi kisa pou di si menm baton ki meprize an pa la ankò?” deklare Senyè BONDYE a.

<sup>14</sup> “Pou sa, ou menm, fis a lòm,  
pwofetize e bat men ou ansanm.  
Kite nepe a vin ✨double pou twazyèm fwa a,

nepe pou sila yo fin touye a.

Se nepe pou sila ki gran ki gen yon blesi fatal.

<sup>15</sup> Pou kè yo ka fann, e anpil moun  
✨tonbe sou pòtay yo, Mwen te bay nepe klere a.

Ah! Li fèt pou frape tankou loray;  
li byen vlope ak lentansyon fè masak.

<sup>16</sup> Montre kapasite ou; ale adwat;

✨ 20:49 Éz 17:2 ✨ 21:2 Éz 20:46 ✨ 21:3 Jr 31:13 ✨ 21:5 I Sam 3:12 ✨ 21:7 Éz 7:26  
✨ 21:9 Det 32:41 ✨ 21:10 És 34:5-6 ✨ 21:12 Éz 21:25 ✨ 21:14 Lev 26:21-24 ✨ 21:15 És 59:10

pozisyone ou, ale agoch,  
nenpòt kote ou gade, lanm file ou gen pou rive.

17 Anplis, Mwen va bat men M ansanm;  
Mwen va ✨satisfè chalè kòlè Mwen.  
Mwen, SENYÈ a, Mwen fin pale.”

18 Pawòl SENYÈ a te vin konte mwen e te di: 19 Pou ou menm, fis a lòm, ✨fè de wout pou nepe a wa a Babylone nan kapab vini; toulède va sòti nan yon sèl peyi. Epi fè yon endikasyon sou poto bwa; fè l nan tèt wout pou antre nan vil la. 20 Ou va trase wout la pou nepe a vin rive nan Rabbath a fis a Ammon yo e vè Juda, nan ✨Jérusalem fòtifye a. 21 Paske wa Babylone nan kanpe nan kote wout yo divize a, nan tèt a de wout yo, pou fè sèvis divinò; li souke flèch yo, li konsilte zidòl lakay yo, li egzamine fwa a. 22 Sou men dwat li, divinasyon an te vini, ‘Jérusalem,’ pou ✨monte ak gwo moso bwa long pou kraze pòtay yo, pou ouvri bouch pou masak la, pou leve vwa gwo kri batay la, pou mete gwo bout bwa long yo kont pòtay yo, pou monte ran syèj yo, pou bati yon miray syèj. 23 Epi sa va pou yo kon yon fo divinasyon nan zye yo; yo te fè sèman solanèl. Men li ✨mennen inikite nan memwa yo, pou yo ka vin sezi yo.

24 “Akoz sa”, pale Senyè BONDYE a: “Akoz nou te mennen inikite nan memwa nou; nan sa, transgresyon nou yo vin dekouvri nèt, pou tout zak peche nou yo vin parèt—akoz nou vin sonje yo, men an va vin sezi nou.

25 Epi ou menm, O sila ki te touye a, mechan an, prens Israèl la, ke ✨jou li vin rive a, nan lè pinisyon final la. 26 Konsa pale Senyè BONDYE a: ‘Retire mouchwa nan tèt ou a e retire kouwòn nan; sa p ap menm ankò. ✨Leve sa ki ba e bese sa ki wo. 27 Yon dezolasyon, yon dezolasyon, yon dezolasyon, Mwen va fè l. Sa tou p ap genyen li ankò jiskaske ✨Sila ki gen dwa a vini e Mwen va bay li a Li menm.’

28 “Epi ou menm, fis a lòm, pwofetize e di: ‘Konsa pale Senyè BONDYE a konsènan fis a Ammon yo e konsènan ‘repwòch’ yo e di:  
‘Yon nepe, yon nepe rale!

Klere pou masak la,  
pou fè l konsonmen nèt,  
pou li kapab tankou loray——.

29 Pandan yo wè pou ou ✨fo vizyon,  
pandan yo devine manti pou ou,  
pou mete ou sou kou a mechan ki gen blesi fatal,  
jou a sila ki fin rive a, nan lè pinisyon final la.

30 Remete li nan fouwo a.  
Nan ✨plas kote ou te kreye a,  
nan pwòp peyi ou an, Mwen va jije ou.

31 Mwen va ✨vide kòlè Mwen sou ou;  
Mwen va soufle sou ou ak dife kòlè Mwen  
e Mwen va livre ou nan men a mesye brital yo,  
sila ak gran kapasite pou detwi.

32 Ou va vin ✨bwa sèch pou dife a;  
san ou va vide nan mitan peyi a.  
Ou p ap sonje ankò;

paske Mwen menm, SENYÈ a, Mwen fin pale.

✨ 21:17 Éz 5:13 ✨ 21:19 Jr 1:10 ✨ 21:20 Sòm 48:12 ✨ 21:22 Éz 4:2 ✨ 21:23 Nonb 5:15  
✨ 21:25 Sòm 37:13 ✨ 21:26 Sòm 75:7 ✨ 21:27 Sòm 2:6 ✨ 21:29 Jr 27:9 ✨ 21:30 Éz 25:5  
✨ 21:31 Éz 14:9 ✨ 21:32 Éz 20:47-48

## 22

<sup>1</sup> Alò, pawòl SENYÈ a te rive kote mwen e te di: <sup>2</sup> Epi ou menm, fis a lòm, èske ou va jije, èske ou jije vil sanglan an? Alò, fè l konnen tout abominasyon li yo. <sup>3</sup> Ou va di: ‘Konsa pale Senyè BONDYE a: “Yon vil k ap ✧vèsè san nan mitan li, pou tan pa li ka vini e fè zidòl ki kont enterè li, pou l ka vin souye! <sup>4</sup> Ou te vin koupab pa san ke ou te vèse yo e vin souye pa zidòl ke ou te fè yo. Konsa, ou te mennen jou ou a vin pre e ou fin rive nan ane ou yo; akoz sa, Mwen te fè ou vin yon repwòch pou nasyon yo e yon vye rizib pou tout peyi yo. <sup>5</sup> Sila ki pre ak sila ki lwen ou yo va moke ou, ou menm ak move repitasyon, plen ✧twoub.

<sup>6</sup> “Gade byen, ✧chèf Israèl yo, yo chak selon fòs pouvwa yo, te nan ou ak bi pou vèse san an. <sup>7</sup> Yo te trete papa ak manman a la lejè pami ou ✧Etranje yo te oprime nan mitan ou; òfelen ak vèv yo te maltrete nan ou. <sup>8</sup> Ou te meprize bagay sen Mwen yo e ou pwofane ✧Saba Mwen yo. <sup>9</sup> Mesye medizan yo te anndan ou nan bi pou yo ta ka vèse san e nan ou, yo te manje nan lotèl mòn yo. Nan mitan ou, yo te ✧komèt zak ki tèlman lèd. <sup>10</sup> Nan ou, yo te ✧dekouvri nidite a papa yo; nan ou, yo te imilye fanm ki pa t pwòp akoz règ yo. <sup>11</sup> Youn te komèt abominasyon ak madanm a vwazen li e yon lòt, nan yon zak byen lèd, te ✧souye bèlfi li. Epi yon lòt, nan ou, te imilye sè li, pitit a papa li. <sup>12</sup> Nan ou, yo te ✧touche anba tab pou yo ta vèse san; ou te pran enterè ak pwofi, ou te fè donmaj a vwazen ou yo pou ou kab vin genyen nan fè opresyon e ou te bliye Mwen,” deklare Senyè BONDYE a.

<sup>13</sup> “Alò, gade byen, Mwen frape men M nan pwofi malonèt ou ke ou te vin genyen nan vèse san moun ki pami ou. <sup>14</sup> Èske ✧kè ou kapab sipòte, oswa èske men ou kapab gen fòs nan jou ke Mwen va regle ou a? Mwen menm, SENYÈ a, te pale e Mwen va ajì. <sup>15</sup> Mwen va gaye ou pami nasyon yo, Mwen va dispèse ou nan tout peyi yo e Mwen va ✧fè disparèt sa ki pa pwòp pami ou. <sup>16</sup> Ou va pwofane tèt ou devan zye a tout nasyon yo e ou va ✧konnen ke Mwen se SENYÈ a.” ’ ’ ”

<sup>17</sup> Epi pawòl SENYÈ a te vin kote mwen e te di: <sup>18</sup> “Fis a lòm, lakay Israèl la te vin dechè pou Mwen; yo tout se ✧bwonz, fè blan, fè ak plon nan fou; yo se dechè ajan. <sup>19</sup> Pou sa, konsa pale Senyè BONDYE a: ‘Akoz nou tout te vin dechè; pou sa, gade byen, Mwen pral rasanble nou nan mitan Jérusalem. <sup>20</sup> Jan yo rasanble ajan, bwonz, fè, plon, ak fè blan nan ✧fou pou soufle dife sou li pou fann li; konsa, Mwen va rasanble nou nan mekontantman Mwen ak nan chalè kòlè Mwen e la, Mwen va depoze nou pou fann nou. <sup>21</sup> Mwen va rasanble nou pou soufle sou nou avèk dife kòlè Mwen e nou va vin fann nèt nan mitan li. <sup>22</sup> Tankou ajan fann nan founo, se konsa nou va fann nan mitan li; epi nou va konnen ke Mwen menm, SENYÈ a, te ✧vide chalè kòlè Mwen sou nou.’ ”

<sup>23</sup> Epi pawòl SENYÈ a te vin kote mwen e te di: <sup>24</sup> “Fis a lòm, di a fi a: “Ou se peyi ki ✧pa pwòp la, ki p ap gen lapli nan jou kòlè a. <sup>25</sup> Gen konplo a pwofèt nan mitan li yo, kon yon lyon voras k ap dechire bèt pou li manje. Yo fin devore lavi yo; yo te pran trezò presye ak tout bagay chè yo; yo te fè anpil vèv nan mitan li. <sup>26</sup> Prèt li yo te fè vyolans kont lalwa Mwen an e te pwofane bagay sen Mwen yo; yo pa t fè okenn ✧separasyon antre sa ki sen

✧ 22:3 Éz 22:6-27 ✧ 22:5 És 22:2 ✧ 22:6 És 1:23 ✧ 22:7 Egz 22:21 ✧ 22:8 Éz 20:13-24  
 ✧ 22:9 Éz 23:29 ✧ 22:10 Lev 18:8 ✧ 22:11 Lev 18:15 ✧ 22:12 Lev 19:13 ✧ 22:14 Éz 21:7  
 ✧ 22:15 Éz 23:27-48 ✧ 22:16 Sòm 83:18 ✧ 22:18 Jr 6:23-30 ✧ 22:20 És 1:25 ✧ 22:22 Éz 20:8-33 ✧ 22:24 És 9:13 ✧ 22:26 Lev 10:10

ak sa ki pwofàn, yo pa t anseigne distenksyon antre sa ki pa pwòp ak sa ki pwòp; yo kache zye yo devan Saba Mwen yo e Mwen vin pwofane pami yo. <sup>27</sup> Prens ki anndan li yo tankou lou k ap dechire bèt pou yo manje, k ap vèse san e detwi ✧lavi pou fè benefis malonèt. <sup>28</sup> Pwofèt li yo blanchi tout bagay ak lacho pou yo, nan fè fo ✧vizyon ak divinasyon manti pou yo, divinasyon k ap di: ‘Konsa pale Senyè BONDYE a’, lè SENYÈ a pa t pale. <sup>29</sup> Pèp peyi a te pratike ✧opresyon ak vòl, yo te vòlè malere ak endijan yo e te oprime sila ki rete pami yo san jistis.

<sup>30</sup> Mwen te ✧chache pami yo yon nonm ki pou ta bati miray la e kanpe nan brèch la devan Mwen pou peyi a, pou M pa ta detwi li; men Mwen pa t jwenn pèsòn. <sup>31</sup> Pou sa, Mwen fin vide chalè a kòlè Mwen sou yo; Mwen te konsonmen yo nèt ak dife a chalè kòlè Mwen; ✧chemen yo, Mwen te desann li sou tèt yo,” deklare Senyè BONDYE a.

## 23

<sup>1</sup> Epi pawòl SENYÈ a te vini kote Mwen ankò e te di: <sup>2</sup> “Fis a lòm, te gen ✧de fanm, fi a yon sèl manman; <sup>3</sup> Yo te ✧jwe pwostitiye an Égypte. Yo te jwe pwostitiye a nan jenès yo; tete yo te peze e flè vyèj yo te touche. <sup>4</sup> Non yo se te Ohola ak sè li, Oholiba. Epi yo te vin pou Mwen; epi yo te vin fè fis ak fi. Epi pou zafè non yo a, Samarie se Ohola e Jérusalem se Oholiba.

<sup>5</sup> “Ohola te jwe pwostitiye a pandan li te pou Mwen an; epi li te kouri ak anvi dèyè moun ki renmen li yo, dèyè ✧Asiryen yo, vwazen li yo, <sup>6</sup> Ki te abiye an mòv, ✧chèf ak ofisyè yo, yo tout te bèl jenn gason, chevalye k ap galope cheval. <sup>7</sup> Li te pataje pwostitiye li a ak yo, yo tout te dè mesye byen chwazi an Assyrie; epi avèk yo tout, li te kouri ak anvi lachè a, ak tout zidòl yo, li te ✧souye tèt li. <sup>8</sup> Li pa t abandone zak pwostitisyon li yo ki te la ✧depi nan tan Égypte la; paske nan jenès li, gason te kouche avèk li, yo te manyen tete vyèj li e te vide dezi lachè sou li.

<sup>9</sup> “Akoz sa, Mwen te bay li nan men a moun ki ✧renmen li yo, nan men Asiryen yo, dèyè sila li te pote anvi lachè yo. <sup>10</sup> Yo te ✧dekouvri nidite li; yo te pran fis ak fi li yo, men yo te touye li menm ak nepe. Konsa, li te vin yon pawòl avètisman pami fanm yo e yo te egzekite jijman yo sou li. <sup>11</sup> Alò sè li, Oholiba, te wè sa; men li menm te vin ✧pi konwonpi nan anvi pa li a ke sè li a e pwostitiye li a te plis pase pwostitiye li. <sup>12</sup> Li te gen anvi pou ✧Asiryen yo, chèf yo, ak ofisyè yo, sila ki pre yo, sila ki abiye kon prens yo, chevalye k ap galope cheval yo, yo tout se bèl gason byen pòtan. <sup>13</sup> Mwen te wè ke li te souye tèt li; yo toulède te pran menm wout la.

<sup>14</sup> “Konsa, li te fè pwostitiye li a vin pi gwo. Epi li te wè ✧pòtre gason yo sou miray la, imaj a Kaldeyen yo fèt an penti wouj, <sup>15</sup> Abiye ak sentiwon nan ren yo, avèk mòso twal long nan tèt yo, yo tout te sanble ofisyè, tankou Babilonyen ki Chaldée yo, peyi nesans yo. <sup>16</sup> Lè li te wè yo, li te fè ✧gwo anvi lachè dèyè yo e te voye mesaje kote yo Chaldée. <sup>17</sup> ✧Babilonyen yo te vin kote li sou kabann lanmou an e te souye li ak pwostitiye yo. Epi lè li te fin defile pa yo, li te bouke jis li about ak yo. <sup>18</sup> Li te dekouvri zak pwostitisyon li an e li te dekouvri nidite li; epi Mwen te vin ✧about avèk li, menm jan Mwen te about ak sè li a. <sup>19</sup> Malgre sa, li te miltipliye

✧ 22:27 Éz 22:25 ✧ 22:28 Jr 23:25-32 ✧ 22:29 És 5:7 ✧ 22:30 És 59:16 ✧ 22:31 Éz 7:3-9  
 ✧ 23:2 Éz 16:46 ✧ 23:3 Lev 17:7 ✧ 23:5 II Wa 15:19 ✧ 23:6 Éz 23:12-13 ✧ 23:7 Éz 20:7  
 ✧ 23:8 Egz 32:4 ✧ 23:9 Éz 16:37 ✧ 23:10 Éz 16:37-41 ✧ 23:11 Jr 3:8-11 ✧ 23:12 II Wa 16:7  
 ✧ 23:14 Éz 8:10 ✧ 23:16 Éz 23:20 ✧ 23:17 II Wa 24:17 ✧ 23:18 Sòm 78:59

pwostitasyon li yo, lè l te sonje jou jenès li yo, lè l te konn jwe pwostitiye nan peyi Égypte la. <sup>20</sup> Li te ✨fè lanvi nan kouri dèyè tout moun ki gen chè tankou chè bourik ak desandans kon cheval ki renmen li yo. <sup>21</sup> Konsa, ou te fè lanvi pou ✨bagay lèd jenès ou yo lè Ejipsyen yo te konn manyen lestonmak ou akoz tete jenès ou.

<sup>22</sup> “Akoz sa, O! Oholiba, konsa pale Senyè BONDYE a: ‘Gade byen, Mwen va fè moun ki renmen ou yo sòlve kont ou, soti nan sila ou te ekate yo, e Mwen va mennen yo kont ou soti tout kote: <sup>23</sup> ✨Babilonyen yo ak tout Kaldeyen yo, Pekod, Schoa, Koa, ak tout Asiryen ki avèk yo; jenn gason byen pòtan yo, chèf yo ak tout ofisye yo, ofisye ak mesye ki gen bon renome yo, tout sila k ap galope cheval yo. <sup>24</sup> Yo va vini kont ou ak zam, cha, ak charyo e avèk yon gwo twoup moun yo. Yo va mete yo menm kont ou avèk zam, cha e avèk gwo twoup moun. Yo va mete yo kont ou tout kote ak nepe, boukliye ak kas; epi Mwen va angaje ✨jijman a yo menm e yo va jije ou selon koutim yo. <sup>25</sup> Mwen va pozisyone ✨jalouzi Mwen kont ou, pou yo ka aji avèk ou nan kòlè a gwo chalè Mwen an. Yo va retire nen ou ak zòrèy ou; epi sila ki chape yo va tonbe pa nepe. Yo va pran fis ou yo ak fi ou yo e sila ki chape yo va manje nan dife. <sup>26</sup> Anplis, yo va ✨retire tout rad sou ou e yo va pran bèl bijou ou yo. <sup>27</sup> Konsa, ✨Mwen va fè zak lèd ak zak pwostitasyon ke ou mennen sòti an Égypte yo vin sispann nan ou, pou ou pa leve zye ou bay yo, ni sonje Égypte ankò.

<sup>28</sup> “Paske konsa pale Senyè BONDYE a: ‘Gade byen, Mwen va livre ou nan men a sila ke ou ✨rayi yo, nan men a yo menm de sila ou te vin ekate yo. <sup>29</sup> Yo va ✨aji avèk ou ak rayisman, pran tout sa ou posede e kite ou toutouni san anyen menm. Epi nidite a zak pwostitasyon ou yo va vin ekspoze, ni zak lèd ou yo, ni zak pwostitasyon ou yo. <sup>30</sup> Bagay sa yo ap fèt a ou menm akoz ou te ✨jwe pwostitiye ak nasyon yo, akoz ou te souye tèt ou ak zidòl yo. <sup>31</sup> Ou te mache nan chemen a sè ou a; pou sa, Mwen va mete ✨tas pa li a nan men ou.”

<sup>32</sup> Konsa pale Senyè BONDYE a:

“Ou va ✨bwè tas a sè ou a ki fon e ki laj.

Yo va ri sou ou e fè rizib sou ou;  
li kenbe anpil.

<sup>33</sup> Ou va vin plen ak ✨soulay ak tristès,  
tas a gwo laperèz ak dezolasyon,  
tas a sè ou a, Samarie.

<sup>34</sup> Ou va ✨bwè li e vide li nèl.

Epi ou va manje kraze ti mòso  
li yo ak dan ou e dechire tete ou;

paske Mwen te pale”, deklare Senyè BONDYE a.

<sup>35</sup> “Pou sa”, pale Senyè BONDYE a: ‘Akoz ou te bliye Mwen e te jete Mwen dèyè do ou, se pou ou sipòte, koulye a, pinasyon zak lèd ak zak pwostitasyon ou yo.” <sup>36</sup> Anplis, SENYÈ a te di mwen: “Fis a lòm, èske ou va jije Oholiba? Alò, ✨deklare a yo menm abominasyon yo. <sup>37</sup> Paske yo te komèt adiltè e yo gen san nan men yo. Konsa, yo te komèt adiltè ak zidòl yo e te menm fè fis yo, ✨ke yo te fè pou Mwen yo, pase nan dife pou sèvi kon manje zidòl. <sup>38</sup> Ankò, yo te fè M sa: yo te ✨souye sanktyè Mwen an nan

✨ 23:20 Éz 16:26 ✨ 23:21 Jr 3:9 ✨ 23:23 II Wa 20:14-17 ✨ 23:24 Jr 39:5-6 ✨ 23:25 Egz 34:14 ✨ 23:26 Jr 13:22 ✨ 23:27 Éz 16:41 ✨ 23:28 Jr 21:7-10 ✨ 23:29 Det 28:48 ✨ 23:30 Éz 6:9 ✨ 23:31 II Wa 21:13 ✨ 23:32 Sòm 60:3 ✨ 23:33 Jr 25:15-27 ✨ 23:34 Sòm 75:8 ✨ 23:36 Éz 58:1 ✨ 23:37 Éz 16:20 ✨ 23:38 II Wa 21:4-7



menm jou a e te pwofane Saba Mwen yo. <sup>39</sup> Paske lè yo te fin masakre tout fis yo pou zidòl yo, yo te antre nan ✧sanktyè Mwen an nan menm jou a pou pwofane li; epi konsa, yo te fè anndan lakay Mwen an.

<sup>40</sup> Anplis, yo te menm voye mesye ki te sòti lwen yo, bay sila mesaje te voye yo; epi gade byen, yo te vini—pou sila ou te benyen yo, ✧pentire zye ou e dekore tèt ou ak dekorasyon yo; <sup>41</sup> Epi ou te chita sou yon ✧sofa byen bèl ak yon tab byen ranje devan l sou sila ou te mete lansan Mwen ak lwil Mwen an.

<sup>42</sup> “Bri a ✧yon fèt ki plen moun te avèk li; epi moun sou yo, ak moun banal yo te mennen soti nan dezè a. Epi yo te mete braslè nan men a fanm yo ak bèl kouwòn nan tèt yo. <sup>43</sup> Epi Mwen te di konsènan sila ki te ✧epwize nèt akoz adiltè li yo: ‘Èske yo va komèt adiltè ak li, koulye a, pandan li konsa a? <sup>44</sup> Men yo te antre ladann konsi yo t ap antre nan yon pwostitiye. Konsa, yo te antre nan Ohola ak Oholiba, fanm zak lèd yo. <sup>45</sup> Men yo menm, moun ladwati yo, va ✧jije yo ak jijman a yon fanm adiltè e avèk jijman a yon fanm ki te vèse san, akoz se fanm adiltè ke yo ye; epi san nan men yo.

<sup>46</sup> “Paske konsa pale Senyè BONDYE a: “Mennen yon twoup kont yo e livre yo a ✧gwo laperèz ak piyaj. <sup>47</sup> Twoup sa a va ✧lapide yo ak wòch e rache yo ak nepe yo; yo va touye fis ak fi yo e brile lakay yo ak dife.

<sup>48</sup> “Konsa, Mwen va fè zak lèd yo kite peyi a, pou tout fanm yo kapab vin avèti e pa komèt zak lèd jan nou konn fè a. <sup>49</sup> Zak lèd nou yo va ✧vin rekonpanse sou nou e nou va pote pinisyon pou adorasyon zidòl nou yo; konsa, nou va konnen ke Mwen se Senyè BONDYE a.’ ”

## 24

<sup>1</sup> Epi pawòl SENYÈ a te vin kote mwen nan nevyèm ane, nan dizyèm mwa a, nan dizyèm jou nan mwa a e te di: <sup>2</sup> “Fis a lòm, ekri non a jou a, jou sa a menm. Wa Babylone nan te vin ✧mete syèj sou Jérusalem nan menm jou sa a. <sup>3</sup> Pale yon ✧parabòl a kay rebèl la e di yo: ‘Konsa pale Senyè BONDYE a:

“Mete chodyè a; mete l e anplis, vide dlo ladann;

<sup>4</sup> ✧Mete mòso yo ladann, tout bon mòso yo, kwis ak zepòl la;

plen li ak zo byen chwazi yo.

<sup>5</sup> Pran mouton ki pi byen ✧chwazi

nan bann mouton an e anplis,

mete pil bwa anba chodyè a.

Fè l bouyi fò.

Anplis, fè bouyi zo ki ladann yo nèt.”

<sup>6</sup> Pou sa, pale Senyè BONDYE a:

“Malè a peyi ✧sanglan sila a,

a chodyè nan sila gen lawouy la

e chodyè nan sila lawouy la pa sòti ladann nan!

Retire ladann mòso pa mòso,

san menm chwazi.

<sup>7</sup> Paske san li an nan mitan l;

✧ 23:39 Jr 7:9-11 ✧ 23:40 II Wa 9:30 ✧ 23:41 Est 1:6 ✧ 23:42 Éz 16:49 ✧ 23:43 Éz 23:3  
✧ 23:45 Éz 16:38 ✧ 23:46 Jr 15:4 ✧ 23:47 Lev 20:10 ✧ 23:49 És 59:18 ✧ 24:2 II Wa 25:1  
✧ 24:3 Sòm 78:2 ✧ 24:4 Mi 3:2-3 ✧ 24:5 Jr 39:6 ✧ 24:6 II Wa 24:3-4

li te mete l sou wòch vid la;  
li pa t ✧vide li atè a  
pou kouvri li ak pousyè.

<sup>8</sup> Pou li kapab ✧koze gwo chalè  
ak kòlè vin pran vanjans;  
Mwen te mete san li sou wòch vid la  
pou li kab pa kouvri.”

<sup>9</sup> Akoz sa, pale Senyè BONDYE a: ✧  
“Malè a vil sanglan sila a!  
Anplis, Mwen menm, Mwen va fè pil la gwo.

<sup>10</sup> Ogmante bwa a, byen ranje dife a,  
bouyi chè vyann nan byen,  
mele epis ladann e kite zo yo vin brile.

<sup>11</sup> Epi mete li vid sou chabon limen li an  
pou li ka byen cho,  
pou bwonz li an kapab vin gen koulè wouj  
e tout ✧salte li yo kapab vin fann ladann,  
jiskaske lawouy li a fin manje nèt.

<sup>12</sup> Fi a te ✧fè M fatigue ak travay di ke M fè;  
malgre sa, gwo lawouy li a pa t kite li.  
Kite lawouy li a rete nan dife a!

<sup>13</sup> “Nan salte ou a se tout zak ki lèd yo. Akoz mwen ta netwaye ou; malgre sa, ou pa pwòp; ou p ap vin pwòp de salte ou yo jiskaske Mwen ✧fin pase chalè kòlè Mwen an sou ou.

<sup>14</sup> “Mwen, SENYÈ a, Mwen te pale; sa ap vini e Mwen va aji. Mwen p ap ralanti e Mwen p ap gen pitye ni mwen p ap gen regrè; selon zak ou yo, Mwen va jije ou,” deklare Senyè BONDYE a.”

<sup>15</sup> Epi pawòl SENYÈ a te rive kote mwen e te di: <sup>16</sup> “Fis a lòm, gade byen, Mwen prèt pou retire sou ou ✧dezi zye ou yo ak yon sèl kou; men ou p ap plenyen, ni ou p ap kriye, ni dlo p ap vini nan zye ou. <sup>17</sup> Plenn nan gòj san fè bri; pa fè dèy pou mò. Mare moso twal long ou nan tèt ou, mete soulye nan pye ou, pa kouvri moustach ou e ✧pa manje pen a lòt moun.”

<sup>18</sup> Konsa, mwen te pale ak pèp la nan maten e nan aswè, madanm mwen te mouri. Epi nan maten an, mwen te fè jan yo te kòmande mwen an.

<sup>19</sup> Pèp la te di mwen: “Èske ou p ap di nou kisa bagay sa yo ke w ap fè yo vle di pou nou?”

<sup>20</sup> Epi mwen te di yo: “Pawòl SENYÈ a te vin kote mwen e te di: <sup>21</sup> ‘Pale ak lakay Israèl: “Konsa pale Senyè BONDYE a: ‘Gade byen, Mwen prèt pou pwofane sanktyè Mwen an, ògèy a pouvwa nou an, dezi a zye nou e plezi a nanm nou; epi ✧fis ak fi nou yo, ke nou te kite dèyè yo, yo va tonbe pa nepe. <sup>22</sup> Nou va fè jan mwen te fè a; nou p ap kouvri moustach nou, ni nou p ap manje pen a lòt moun. <sup>23</sup> Mòso twal long nou va sou tèt nou e soulye nou nan pye nou. Nou p ap fè dèy, ni nou p ap kriye; men ✧nou va pouri nèt nan inikite nou yo e nou va plenyen youn bay lòt. <sup>24</sup> Konsa, Ézékiel va vin yon ✧sign pou nou; selon tout sa ke li menm te fè, nou va fè yo; lè sa rive, alò nou va konnen ke Mwen se Senyè BONDYE a.’ ”

<sup>25</sup> “Pou ou menm, fis a lòm, èske sa p ap nan jou a lè M ap retire ✧sitàdèl yo nan men yo, lajwa fyète yo, dezi a zye yo e plezi a kè yo, fis ak fi pa yo,

✧ 24:7 Lev 17:13 ✧ 24:8 És 26:21 ✧ 24:9 Éz 24:6 ✧ 24:11 Éz 22:15 ✧ 24:12 Jr 9:5 ✧ 24:13 Éz 5:13 ✧ 24:16 Kan 7:10 ✧ 24:17 Jr 16:7 ✧ 24:21 Jr 6:11 ✧ 24:23 Lev 26:39 ✧ 24:24 Éz 4:3 ✧ 24:25 Sòm 48:2

26 pou nan sou jou sila a, sila ki ✨chape a va vin kote ou ak enfòmasyon pou zòrèy ou? 27 Nan jou sa a, ✨bouch ou va vin louvri a sila ki te chape a, ou va pale e ou p ap bèbè ankò. Konsa, ou va vin yon sign pou yo e yo va konnen ke Mwen se SENYÈ a.’ ”

## 25

1 Epi pawòl SENYÈ a te rive kote mwen e te di: 2 Fis a lòm, mete figi ou vè ✨fis a Ammon yo e pwofetize kont yo, 3 Epi di a fis a Ammon yo: “Tande pawòl Senyè BONDYE a! Konsa pale Senyè BONDYE a: “Akoz ou te di: “Ha ha! kont sanktyè Mwen an lè li te vin pwofane a, kont peyi Israèl lè l te vin dezole nèt la e kont lakay Juda lè l te antre an egzil la, 4 Pou sa, gade byen, Mwen va bay ou menm a ✨fis lès yo kon posesyon, yo va mete kan yo pami ou e fè anplasman yo pami ou; y ap manje fwi ou yo e bwè lèt ou yo. 5 Mwen va fè ✨Rabba vin yon patiraj pou chamo e fis a Ammon yo vin yon kote pou fè Pak pou bann mouton. Konsa, nou va konnen ke Mwen se SENYÈ a.” 6 Paske konsa pale Senyè BONDYE a: “Akoz nou te ✨bat men nou, frape pye nou atè e te rejwi ak tout mepriz ki te nan kè nou kont peyi Israèl, 7 Pou sa, gade byen, Mwen te lonje men M kont nou e Mwen va bay nou kon ✨piyaj a nasyon yo. Epi Mwen va koupe retire noun nèt de pèp yo e fè nou peri soti nan peyi yo; Mwen va detwi nou. Konsa, nou va konnen ke Mwen se SENYÈ a.”

8 ‘Konsa pale Senyè BONDYE a: “Akoz ✨Moab ak Séir di: ‘Gade byen, lakay Juda a tankou tout nasyon yo,’ 9 Pou sa, gade byen, Mwen prive prive vil li yo de pòsyon bò kote yo, vil ki sou fwontyè li yo, ki se glwa a tout peyi a; ✨Beth-Jeschimoth Baal-Meon, ak Kirjathaïm, 10 Epi Mwen va bay li kon posesyon ansanm avèk ✨fis a Ammon yo bay fis a lès yo, pou fis a Ammon pa vin sonje menm pami nasyon yo. 11 Konsa, Mwen va egzekite jijman sou Moab; epi yo va ✨konnen ke Mwen se SENYÈ a.

12 ‘Konsa pale Senyè BONDYE a: “Akoz ✨Édom te aji kont lakay Juda lè l te pran vanjans, e te vin koupab anpil nan vanje tèt yo sou yo,” 13 Akoz sa, konsa pale Senyè BONDYE a: “Mwen va osi ✨lonje men M kont Édom e koupe retire nèt ni lòm ni bèt sou li. Epi Mwen va fè dega ladann nèt; soti nan Théman, jis rive nan Dedan, yo va tonbe pa nepe. 14 ✨Mwen va poze vanjans Mwen sou Édom pa men a pèp Mwen an, Israèl. Pou sa, yo va aji nan Édom selon mekontantman Mwen e selon chalè kòlè Mwen; konsa, yo va vin konnen vanjans Mwen an,” deklare Senyè BONDYE a.

15 ‘Konsa pale Senyè BONDYE a: “Akoz Filisten yo te aji ak ✨vanjans e te pran vanjans yo avèk tout mepriz a nanm pou detwi ak yon rayisman etènèl,” 16 Akoz sa, konsa pale Senyè BONDYE a: “Gade byen, Mwen va lonje men M kont Filisten yo, menm koupe retire ✨Keretyen yo nèt, e detwi retay ki bò kot lanmè a. 17 Mwen va egzekite gwo vanjans sou yo ak repwòch ki plen ak chalè kòlè Mwen; epi yo va ✨konnen ke Mwen se SENYÈ a lè Mwen poze vanjans Mwen sou yo a.” ’ ”

✨ 24:26 I Sam 4:12 ✨ 24:27 Éz 3:26 ✨ 25:2 Jr 49:1-6 ✨ 25:4 Jij 6:3-33 ✨ 25:5 Det 3:11  
 ✨ 25:6 Job 27:23 ✨ 25:7 És 33:4 ✨ 25:8 És 15:1 ✨ 25:9 Nonb 33:49 ✨ 25:10 Éz 25:4  
 ✨ 25:11 Sòm 9:16 ✨ 25:12 II Kwo 28:17 ✨ 25:13 Jr 49:8 ✨ 25:14 És 11:14 ✨ 25:15 És  
 14:29-31 ✨ 25:16 I Sam 30:14 ✨ 25:17 Sòm 9:16

## 26

<sup>1</sup> Alò, nan onzyèm ane, nan premye nan mwa a, pawòl SENYÈ a te vin kote mwen e te di: <sup>2</sup> “Fis a lòm, akoz Tyr te di konsènan Jérusalem: “Ha ha! Gade byen, \*pòtay a pèp yo fin kraze; li vin ouvri a mwen menm. Mwen va vin ranpli koulye a akoz li vin devaste nèt,” <sup>3</sup> Akoz sa, pale Senyè BONDYE a: ‘Gade byen, Mwen vin kont ou, O Tyr! e Mwen va mennen fè monte \*anpil nasyon kont ou, tankou lanmè mennen lanm li. <sup>4</sup> Yo va \*detwi miray a Tyr e demoli tou wo li yo; epi. Mwen va grate ranblè li yo soti sou li e fè l vin yon wòch vid. <sup>5</sup> Li va vin yon kote pou ouvri filè nan mitan lanmè a, paske Mwen te pale,’ deklare Senyè BONDYE a: ‘Epi li va vin \*piyaj pou nasyon yo. <sup>6</sup> Anplis, fi li yo ki lòtbò pi gwo teren an va vin touye pa nepe e yo va konnen ke Mwen se SENYÈ a.’”

<sup>7</sup> Paske konsa pale Senyè BONDYE a: “Gade byen, Mwen va mennen sou Tyr soti nan nò Nebucadnetsar, wa Babylone nan, \*wadèwa a, ak cheval, cha, kavalye ak yon gwo lame. <sup>8</sup> Li va touye fi ou yo sou gwo chan an ak nepe; li va fè miray syèj kont ou, fè monte yon \*ran kont ou e fè monte yon gwo boukliye kont ou. <sup>9</sup> Kou a gwo mòso bwa fèt pou kraze a, li va dirije kont li miray ou yo e ak rach li yo, li va demoli tou wo ou yo. <sup>10</sup> Akoz gwo fòs kantite cheval li yo, pousyè leve la yo va kouvri ou; miray ou yo va \*souke ak bri kavalye, charyo ak cha yo lè l ap antre nan pòtay ou yo tankou lè moun ap antre nan yon vil yo fin fè brèch ladann. <sup>11</sup> Ak zago \*cheval li yo, li va foule tout lari ou yo nèt. Li va touye moun ou yo ak nepe; epi gwo pilye ou yo va tonbe atè. <sup>12</sup> Anplis, yo va fè piyaj a tout richès ou yo ak machandiz ke yon sèvi kon piyaj yo; \*yo va kraze mi ou yo, detwi bèl kay ou yo e jete wòch ak, poto bwa yo ak tout ranblè ou yo nan dlo. <sup>13</sup> Konsa, Mwen va fè son a chante ou yo vin sispann e son \*ap ou yo vin sispann pou yo pa tandè yo ankò. <sup>14</sup> Mwen va fè ou yon vin wòch vid; ou va vin sèvi kon yon kote pou ouvri filè. Ou p ap \*bati ankò, paske Mwen, SENYÈ a te pale”, deklare Senyè BONDYE a.

<sup>15</sup> ‘Konsa pale Senyè BONDYE a a Tyr: “Èske \*peyi kot lanmè yo pa ta souke menm nan son chit ou a lè sila ki blese yo plenn nan gòj yo, lè masak fèt nan mitan nou? <sup>16</sup> Nan lè sa a, tout prens lanmè yo va \*desann soti nan twòn yo retire wòb yo e menm retire bèl vètman bwodri yo. Yo va abiye tèt yo ak men yo k ap tranble; yo va chita atè, ap tranble tout tan e vin efreye akoz de ou. <sup>17</sup> Yo va leve yon \*lamantasyon sou ou e di ou:

“Gade kijan ou vin peri, O sila ki te plen moun nan,  
Soti sou lanmè yo, O gwo vil byen renome  
Ki te pwisan sou lanmè,

li menm ak tout moun ki te rete ladann yo,  
Ki te enpoze gwo laperèz li sou tout abitan li yo!

<sup>18</sup> Koulye a, \*peyi bò lanmè yo va tranble nan jou chit ou a; Wi, peyi kot ki bò lanmè yo va vin etone jiskaske yo tranble akoz ou vin disparèt.

<sup>19</sup> Paske konsa pale Senyè BONDYE a: “Lè Mwen fè ou vin yon vil dezole, kon vil ki pa gen moun yo, lè Mwen \*mennen pwofondè sou ou pou gwo dlo vin kouvri ou. <sup>20</sup> Epi Mwen va fè ou desann ak sila ki \*desann nan twou fòs la, al jwenn pèp ansyen yo, Mwen va fè ou rete nan pati ki piba sou tè a, tankou ansyen kote dezole yo, ak sila ki desann nan twou fòs la,

\* 26:2 És 62:10 \* 26:3 Mi 4:11 \* 26:4 És 23:11 \* 26:5 Éz 25:7 \* 26:7 Éz 7:12 \* 26:8 Jr 32:24 \* 26:10 Éz 26:15 \* 26:11 És 5:28 \* 26:12 Jr 52:14 \* 26:13 És 5:12 \* 26:14 Det 13:16 \* 26:15 Éz 26:18 \* 26:16 Jon 3:6 \* 26:17 Éz 19:1-14 \* 26:18 És 41:5 \* 26:19 És 8:7-8 \* 26:20 És 14:9

pou ou pa menm gen moun ki abite nan ou; men Mwen va mete laglwa nan peyi a vivan yo. <sup>21</sup> Mwen va mennen ✧gwo laperèz sou ou e ou p ap egziste ankò; malgre y ap chache ou, yo p ap janm jwenn ou ankò”, deklare Senyè BONDYE a.

## 27

<sup>1</sup> Anplis, pawòl SENYÈ a te rive kote mwen e te di: <sup>2</sup> Epi ou menm, fis a lòm, ✧leve yon lamantasyon sou Tyr <sup>3</sup> Epi di a Tyr, ki rete nan antre lanmè a, komèsan a pèp a anpil peyi bò kot lanmè yo, ‘Konsa pale Senyè BONDYE a:

O Tyr, ou te di “Mwen pafè nan bèlte.”

<sup>4</sup> Lizyè ou nan kè lanmè yo;

Sila ki te bati ou yo te fè bèlte ou pafè.

<sup>5</sup> Yo te fè tout planch ou yo ak pye sapen Senir yo;

Yo te chache pye sèd Liban yo pou fè ma pou ou.

<sup>6</sup> Ak chèn a Basan, yo te fè zaviwon ou yo;

Ak ban ivwa, yo te koupe fè tras sou pon an

ki te fèt ak pye sèd ki te mennen sòti jis rive Kittim.

<sup>7</sup> Vwal ou te fèt ak len fen ki te sòti an Égypte

Ki te sèvi kon mak pou distenge ou;

Byen kolore ak ✧ble, mov ki te sòti nan peyi

kòt Élischa yo

<sup>8</sup> Mesye Sidon yo ak Arvad t ap bourade zaviwon ou yo;

Mesye ✧saj ou yo, O Tyr, te sou lanmè a;

Se yo ki te pilòt yo.

<sup>9</sup> Ansyen a ✧Guebal yo ak mesye saj li yo te avèk nou

pou repare kote ki ouvri yo;

Tout bato lanmè yo ak mèt bato yo te la pou

okipe machandiz ou yo.

<sup>10</sup> ✧Perse, Lud, ak Puth te nan lame ou, mesye lagè ou yo. Yo te pann boukliye ak kas nan ou; yo te fè grandè ou parèt byen bèl. <sup>11</sup> Fis a Avad yo ak lame ou a te sou miray ou yo toupatou e gèrye yo te pann boukliye yo sou miray ou yo toupatou; yo te vin pèfeksone bèlte ou a.

<sup>12</sup> “Tarsis te kliyan ou, akòz abondans tout kalite richès ou yo; avèk ajan, fè, fè blan, ak plon, yo te peye machandiz ou yo.

<sup>13</sup> “Javan, Tubal, ak Méschec te fè komès ak ou; ak ✧lavi a moun ak veso plen bwonz, yo te peye machandiz ou yo.”

<sup>14</sup> “Sila nan ✧Beth-Togarma yo te bay cheval ak cheval lagè ak milèt pou byen ou yo.”

<sup>15</sup> “Fis a ✧Dedan yo te fè trafik avèk ou. Anpil peyi kot lanmè yo te vin mache ou; kòn ivwa ak ebèn te pote pou peye ou.”

<sup>16</sup> ✧“Syrie te fè trafik avèk ou akòz abondans byen ou yo; yo te peye pou bagay ou yo ak pyè presye, tenti mov, zèv bwodri, len fen, koray ak pyè woubi.”

<sup>17</sup> “Juda ak peyi Israèl te fè komès ak ou; ak ble ki sòti ✧Minnith, gato, siwo myèl, lwil ak bom, yo te peye pou machandiz ou.”

✧ 26:21 Éz 26:15-16 ✧ 27:2 Jr 9:10 ✧ 27:7 Egz 25:4 ✧ 27:8 I Wa 9:27 ✧ 27:9 Jos 13:5  
✧ 27:10 Éz 30:5 ✧ 27:13 Jl 3:3 ✧ 27:14 Jen 10:3 ✧ 27:15 Jr 25:23 ✧ 27:16 Jij 10:6 ✧ 27:17  
Jij 11:33

18 ✨ “Damas te kliyan ou akoz gwo kantite byen ou yo, akoz gwo kantite a tout kalite richès ou yo, akoz diven Helbon an ak len blan an.”

19 “Vendan ak Javan te peye pou bagay ki sòti Uzal yo; fè fòje, kasya, ak kann dous te pami machandiz ou yo.”

20 ✨ “Dedan te fè komès ak ou nan sèl pou monte cheval.”

21 “Arabie ak tout prens a Kédar yo, yo te kliyan ou pou jenn mouton, belye ak kabrit yo; akoz de sa yo, yo te kliyan ou.”

22 “Vandè a ✨ Séba ak Raema yo te fè trafik ak ou; yo te peye pou byen ou yo ak pi bon nan tout kalite epis e ak tout bijou presye ak lò.”

23 “Charan, Canné, ak ✨ Éden, machann a Séba, Assyrie, ak Kilmad yo te fè komès ak ou.” 24 Yo te fè komès ak ou nan bèl abiman, nan vètman an ble ak bwodri fen, nan tapi a tout koulè, ak kòd trese byen sere, ki te pami machandiz ou yo.

25 ✨ Bato a Tarsis yo te transpòte machandiz ou yo.

Epi ou te vin ranpli

e te tèlman vin bèl nan kè lanmè yo.

26 Mèt zaviwon yo te mennen ou nan ✨ gwo dlo;

Van lès la te vin kraze ou nan kè lanmè yo.

27 Richès ou yo, byen ou yo, machandiz ou yo, maren ak pilòt ou yo,

Gwo bòs pou ranje bato yo,

vandè ki fè komès machandiz,

Ak tout mesye lagè ki nan ou yo,

ak tout twoup ki pami ou a,

Va tonbe antre nan kè lanmè yo nan jou

boulvèsman ou an.

28 Nan son kri a pilòt ou yo,

tè patiraj yo va ✨ souke.

29 Tout moun ki konn manyen zaviwon,

✨ mesye maren ak tout pilòt lanmè yo

Va desann kite bato yo;

yo va kanpe atè,

30 Epi yo va fè vwa yo vin tandè sou ou

e yo va kriye fò.

Yo va ✨ jete pousyè sou tèt yo,

yo va vire tounen nan mitan sann yo

31 Anplis, yo va fè yo menm vin chòv pou ou

e mare senti yo ak twal sak;

Epi yo va kriye pou ou nan amètim nanm yo,

ak yon plenyen byen anmè.

32 Anplis, nan gwo kri yo fè, yo va fè leve yon

✨ lamantasyon pou ou e menm kriye pou ou:

Se kilès ki tankou Tyr, tankou sila ki

rete an silans nan mitan lanmè a?

33 Lè tout byen ou yo te sòti toupatou sou lanmè yo,

Ou te fè kè anpil pèp kontan; ak ✨ fòs kantite

richès ak machandiz ou yo,

ou te fè wa latè yo vin rich.

34 Alò, koulye a lè ou vin kraze nèt pa lanmè yo,

✨ 27:18 Jen 14:15 ✨ 27:20 Jen 25:3 ✨ 27:22 Jen 10:7 ✨ 27:23 II Wa 19:12 ✨ 27:25 És 2:16

✨ 27:26 Éz 26:19 ✨ 27:28 Éz 26:10-18 ✨ 27:29 Rev 18:17-19 ✨ 27:30 I Sam 4:12 ✨ 27:32

Éz 26:17 ✨ 27:33 Éz 27:12-18

Nan fon dlo yo,  
 ✧machandiz ou ak tout twoup ou yo  
 te tonbe pami ou.  
 35 Tout ✧sila ki rete nan peyi kot lanmè yo  
 te vin efreye de ou  
 e wa yo vin plen ak gwo laperèz;  
 vizaj yo vin twouble.  
 36 Komèsan pami pèp yo vin sifle anlè kon koulèv sou ou;  
 ou te vin plen ak gwo laperèz  
 e ou ✧va sispann egziste jis pou tout tan.”

## 28

1 Pawòl SENYÈ a te vin kote M ankò e te di: 2 Fis a lòm, pale ak chèf Tyr la: ‘Konsa pale Senyè BONDYE a,  
 “Akoz kè ou vin leve e ou te di: “Mwen se yon dye,  
 Mwen chita sou chèz a dye nan kè lanmè yo’;  
 malgre, ou se yon ✧nonm e ou pa Bondye;  
 sepandan, ou ta fè kè ou tankou kè Bondye——  
 3 Gade byen, ou pi saj ke ✧Daniel; nanpwen sekre ki twò difisil pou ou.  
 4 Ak sajès ou ak bon konprann ou,  
 ou te vin genyen richès pou tèt ou  
 e ou te vin gen lò ak ajan pou kès trezò ou yo.  
 5 Ak gwo sajès ou, ak komès ou, ou te vin ogmante richès ou e ✧kè ou vin leve akòz richès ou yo——  
 6 Akòz sa, konsa pale Senyè BONDYE a,  
 “Akoz ou te ✧fè kè ou tankou kè Bondye,  
 7 Akòz sa, gade byen, Mwen va mennen ✧etranje yo sou ou, etranje ki pi sovaj pami nasyon yo.  
 Epi yo va rale nepe yo kont bèlte a sajès ou e yo va souye gwo bèlte ou a.  
 8 Yo va mennen ou desann nan twou fòs la e ou va mouri ✧lanmò a sila ki touye nan kè lanmè yo.  
 9 Èske ou va di: “Mwen se yon dye”, nan prezans a sila ki te touye ou a;  
 Donk, ou se yon nonm e ou pa Bondye, nan men a sila ki blese ou yo?  
 10 Ou va mouri lanmò a ✧ensikonsi yo, nan men etranje yo, Paske Mwen te pale!’ deklare Senyè BONDYE a!” ’ ’ ”

11 Ankò pawòl SENYÈ a te vin kote mwen e te di:  
 12 “Fis a lòm, reprann lamantasyon sou wa Tyr la e di li:  
 ‘Konsa pale Senyè BONDYE a:  
 “Ou te genyen so a pèfeksyon an,  
 plen sajès e pafè an bèlte.  
 13 Ou te nan ✧Éden, jaden Bondye a;

✧ 27:34 Za 9:3-4 ✧ 27:35 És 23:6 ✧ 27:36 Sòm 37:10-36 ✧ 28:2 Sòm 9:20 ✧ 28:3 Dan 1:20 ✧ 28:5 Job 31:24-25 ✧ 28:6 Egz 9:17 ✧ 28:7 Éz 26:7 ✧ 28:8 Éz 27:26-34 ✧ 28:10 I Sam 17:26-36 ✧ 28:13 Jen 2:8

tout pyè presye yo te sèvi pou kouvri ou:  
 Ribì, topaz, dyaman; krizolit, oniks, ak jasp;  
 Safi, malachi, emwòd;  
 Epi lò, baz kalite travay pou tout prezantasyon  
 Te nan ou.  
 Nan jou ou te kreye a, yo te prepare.  
 14 Ou te cheriben onksyone ki kouvri a  
 e Mwen te plase ou la.  
 Ou te sou mòn sen Bondye a;  
 ou te mache nan mitan a pyè dife yo.  
 15 Ou te ✨san fot nan tout chemen ou yo depi jou  
 Ou te kreye a,  
 jis rive nan lè inikite te vin twouve nan ou a.  
 16 Akoz ✨gwo fòs kantite komès ou a,  
 ou te vin ranpli anndan ou ak vyolans  
 e ou te peche;  
 Akoz sa, Mwen te jete ou kon pwofane  
 Sòti nan mòn Bondye a.  
 Epi Mwen te detwi ou, O cheriben ki kouvri a,  
 soti nan mitan wòch dife a.  
 17 Kè ou te vin leve wo akoz ✨bèlte ou;  
 ou te fè sajès ou vin konwonpi  
 akoz gwo bèlte ou a.  
 Mwen te jete ou atè;  
 Mwen te mete ou devan wa yo  
 pou yo wè ou.  
 18 Akoz gwo fòs kantite inikite ou yo,  
 nan enjistis a komès ou a,  
 ou te pwofane sanktyè ou yo.  
 Akoz sa, Mwen te mennen ✨dife soti nan mitan ou;  
 li te fin manje ou nèt  
 e Mwen te fè ou vin tounen sann sou tè a  
 devan zye a tout moun ki wè ou yo.  
 19 Tout moun ki rekonèt ou pami pèp yo  
 vin etone jiskaske yo vin sezi de ou;  
 Ou te vin plen ak gwo laperèz  
 e ou va sispann egziste jis ✨pou tout tan.  
 20 Epi pawòl SENYÈ a te rive kote mwen e te di:  
 21 Fis a lòm, mete figi ou vè ✨Sidon;  
 pwofetize kont li  
 22 Epi di: ‘Konsa pale Senyè BONDYE a:  
 “Gade byen, Mwen kont ou, O Sidon  
 e Mwen va vin glorifye nan mitan ou.  
 Nan lè sa a, yo va konnen ke Mwen se SENYÈ a,  
 lè Mwen ✨egzekite jijman ladann  
 e Mwen va fè sentete Mwen vin parèt ladann.  
 23 Paske Mwen va voye epidemi ak bèt ki ravaje chan  
 sou li, ak san k ap koule nan ri li yo  
 e ✨sila ki blese yo va tonbe nan mitan li

✨ 28:15 Éz 27:3-4 ✨ 28:16 Éz 27:12 ✨ 28:17 Éz 27:3-4 ✨ 28:18 Am 1:9-10 ✨ 28:19 Jr 51:64  
 ✨ 28:21 Jen 10:15-19 ✨ 28:22 Éz 28:26 ✨ 28:23 Jr 51:52



pa nepe nan tout kote;

Epi yo va konnen ke Mwen se SENYÈ a.

<sup>24</sup> Epi p ap gen pou lakay Israèl ankò ✧rakhwa pikan ni yon grenn pikan plen doulè k ap sòti nan sila ki te moke yo; epi yo va konnen ke Mwen se Senyè BONDYÈ a.”

<sup>25</sup> ‘Konsa pale Senyè BONDYÈ a: “Lè M ✧rasanble lakay Israèl soti nan pèp kote yo gaye yo e fè sentete Mwen vin parèt nan yo devan zye a tout nasyon yo; nan lè sa a, yo va viv nan peyi ke M te bay a sèvitè Mwen an, Jacob la. <sup>26</sup> Yo va viv an sekirite ladann; epi yo va ✧bati kay, plante chan rezen e viv ansekirite lè Mwen egzekite jijman sou tout sila ki moke de yo yo. Epi yo va konnen ke Mwen se SENYÈ a, Bondye yo a.” ’ ”

## 29

<sup>1</sup> Nan ✧dizyèm ane, nan dizyèm mwa, nan douz nan mwa a, pawòl SENYÈ a te vin kote mwen e te di: Éz 6:1 <sup>2</sup> Fis a lòm, mete figi ou kont Farawon, wa Égypte la e pwofetize kont li ak tout Égypte. <sup>3</sup> Pale e di: ‘Konsa pale Senyè BONDYÈ a,

“Gade byen, Mwen kont ou, Farawon, wa Égypte

La, ✧Gwo mons ki kouche nan mitan

rivyè li yo, k ap di:

Rivyè Nil lan se pou mwen

e se mwen menm ki te fè li.

<sup>4</sup> ✧Mwen va mete gwo kwòk nan machwè ou e fè pwason larivyè ou yo vin kole sou kal ou yo.

Epi Mwen va rale fè ou sòti nan mitan rivyè ou yo e tout pwason larivyè ou yo va kole sou kal ou yo.

<sup>5</sup> Mwen va ✧abandonnen ou nan dezè a, ou menm ak tout pwason rivyè ou yo;

Ou va tonbe nan chan ouvri;

ou p ap vin ansanm ni rasanble.

Mwen te bay ou kon manje bèt latè

ak zwazo syèl yo.

<sup>6</sup> Konsa, tout moun ki rete an Égypte va konnen ke Mwen se SENYÈ a. Paske, yo te sèlman yon ✧gòl fèt ak wozo pou lakay Israèl. <sup>7</sup> Lè yo te kenbe ou nan men yo, ou te kraze e chire tout men yo, Epi lè yo te apiye sou ou, ou te kraze e fè ren yo souke.

<sup>8</sup> ‘Akoz sa, pale Senyè BONDYÈ a: “Gade byen, Mwen va ✧mennen sou ou nepe e Mwen va koupe retire nèt de ou ni moun, ni bèt. <sup>9</sup> Peyi Égypte va devni yon dezolasyon ak yon savann dezole. Epi yo va konnen ke Mwen se SENYÈ a.

Paske ou te di: ‘Larivyè Nil lan se pou mwen e mwen te fè l,’ <sup>10</sup> Pou sa, gade byen, Mwen ✧kont ou, Mwen kont rivyè ou yo e Mwen va fè peyi Égypte vin yon savann dezole ak yon dezolasyon, soti Migdol jis rive Syène e menm rive nan lizyè Éthiopie. <sup>11</sup> Pye a moun ✧p ap pase ladann, pye a bèt p ap pase ladann e l ap rete san moun pandan karantan. <sup>12</sup> Konsa, Mwen va fè peyi Égypte vin yon dezolasyon nan mitan peyi ki dezole yo. Epi vil li yo, nan mitan a vil ki fin devaste nèt yo, yo va dezole pandan karantan;

✧ 28:24 Nonb 33:55 ✧ 28:25 Sòm 106:47 ✧ 28:26 Jr 32:15-44 ✧ 29:1 Éz 6:1 ✧ 29:3 És 27:1 ✧ 29:4 II Wa 19:28 ✧ 29:5 Éz 32:4-6 ✧ 29:6 II Wa 18:21 ✧ 29:8 Jr 46:13 ✧ 29:10 És 13:8 ✧ 29:11 Jr 43:11-12

epi Mwen va \*gaye Ejipsyen yo pami nasyon yo e lage yo toupatou pami peyi yo.” ’

<sup>13</sup> ‘Paske konsa pale Senyè BONDYE a: “Nan fen karantan an, Mwen va \*rasanble Ejipsyen yo soti nan pèp pami sila yo te gaye yo. <sup>14</sup> Mwen va ranvèse fòtin li yo e fè yo retounen nan peyi \*Pathros, nan peyi orijin yo e la, yo va vin yon wayòm ki fèb. <sup>15</sup> Li va pi fèb nan wayòm yo e li p ap janm leve tèt li ankò piwo ke lòt nasyon yo. Epi Mwen va fè yo tèlman vin piti ke yo p ap \*renye sou lòt nasyon yo. <sup>16</sup> Epi li p ap janm sèvi ankò kon konfyans a lakay Israèl la, k ap \*pote nan tèt yo, inikite lè yo te vire kote Égypte la. Epi konsa, yo va konnen ke Mwen se Senyè BONDYE a.” ’ ’

<sup>17</sup> Alò, \*nan venn-setyèm ane, nan premye mwa, nan premye jou nan mwa a, pawòl SENYÈ a te vin kote mwen e te di: <sup>18</sup> Fis a lòm, \*Nebucadnetsar, wa Babylone nan, te fè lame li a travay di kont Tyr; tout tèt te vin chòv e tout epòl te fwote vin fè maleng. Men li menm ak lame li pa t reyisi salè soti nan Tyre pou travay li te fè kont li an. <sup>19</sup> Akoz sa, pale Senyè BONDYE a: “Gade byen, Mwen va bay peyi Égypte a Nebucadnetsar, wa Babylone nan. Epi li va pote fè ale tout \*richès li yo, kaptire donmaj li yo e sezi li kon piyaj; epi sa va sèvi kon salè pou lame li a. <sup>20</sup> Mwen te bay li peyi Égypte pou travay ke li te \*fè a, paske yo te aji pou Mwen,” deklare Senyè BONDYE a.

<sup>21</sup> Nan jou sa a, \*Mwen va fè yon kòn vin pouse pou lakay Israèl e Mwen va ouvri bouch ou nan mitan yo. Epi konsa, yo va konnen ke Mwen se SENYÈ a.

## 30

<sup>1</sup> Pawòl SENYÈ a te vin kote m ankò e te di:

<sup>2</sup> Fis a lòm, pwofetize e di:

‘Konsa pale Senyè BONDYE a,  
“Rele \*anmwey, elas pou jou a!’

<sup>3</sup> Paske jou a pwòch, menm \*jou SENYÈ a pwòch;  
Li va yon jou nwaj,  
yon tan fènwa pou nasyon yo.

<sup>4</sup> Yon nepe va rive sou Égypte  
e gwo doulè va rive Ethiopie;

Lè sila yo touye yo tonbe an Égypte,  
yo \*retire tout richès li yo  
e fondasyon li yo fin demoli nèt.

<sup>5</sup> Ethiopie, Puth, Lud, tout \*Arabie, Cub, ak tout moun peyi ki nan gwoup yo va tonbe ak yo pa nepe.

<sup>6</sup> Konsa pale SENYÈ a  
“Anverite, sila ki sipòte \*Égypte yo va tonbe  
e ògèy a pouvwa li a va tonbe;  
soti nan Migdol jis rive Syène  
Yo va tonbe ladann pa nepe,” deklare Senyè  
BONDYE a.”

<sup>7</sup> Yo va vin dezole nan \*mitan peyi ki dezole yo;

\* 29:12 Jr 46:19    \* 29:13 És 19:22    \* 29:14 És 11:11    \* 29:15 Éz 31:2    \* 29:16 És 64:9  
\* 29:17 Éz 24:1    \* 29:18 Jr 25:9    \* 29:19 Jr 43:10-13    \* 29:20 És 10:6-7    \* 29:21 I Sam 2:10  
\* 30:2 És 13:6    \* 30:3 Éz 7:19    \* 30:4 Éz 29:19    \* 30:5 Jr 25:20-24    \* 30:6 És 20:3-6  
\* 30:7 Jr 25:18-26

Epi vil li yo va nan mitan vil devaste yo.

<sup>8</sup> Epi yo va konnen ke Mwen se SENYÈ a, lè M limen ✧dife an Égypte la e tout sila ki te ede l yo vin kraze nèt.

<sup>9</sup> Nan jou sa a, ✧mesaje yo va ale soti devan Mwen sou bato pou entimide Ethiopie; epi gwo doulè va vin sou yo menm jan ak jou Égypte la; paske gade byen, l ap vini!”

<sup>10</sup> Konsa pale Senyè BONDYE a: “Anplis, ✧Mwen va fè gwo foul lame Égypte la vin sispann pa men a Nebucadnetsar, wa Babylone nan.

<sup>11</sup> Li menm ak pèp li a avè l; ✧pi mechan pami nasyon yo va antre pou detwi peyi a; epi yo va rale nepe yo kont Égypte e plen peyi a ak mò.

<sup>12</sup> Anplis, Mwen va seche kanal larivyè Nil yo e vann ✧peyi a pou antre nan men moun mechan yo. Mwen va fè peyi a vin dezole ak tout sa ki ladann pa men etranje yo; Mwen, SENYÈ a, fin pale.”

<sup>13</sup> Konsa pale Senyè BONDYE a: “Anplis, Mwen va ✧detwi zidòl yo e fè imaj yo sispann nan Noph. P ap gen prens ankò nan peyi Égypte; Epi Mwen va mete laperèz nan peyi Égypte.

<sup>14</sup> Mwen va fè Pathros vin dezole, mete dife nan ✧Tsoan e egzekite jijman sou No.

<sup>15</sup> Mwen va vide chalè kòlè Mwen sou Sin, sitadèl a Égypte la; anplis, Mwen va koupe retire nèt gwo foul No yo.

<sup>16</sup> Mwen va mete dife an Égypte; No va vin tòde ak gwo doulè, Sin va gen brèch nèt e Noph va gen gwo twoub chak jou.

<sup>17</sup> Jenn mesye a On ak Pi Béseth yo va tonbe pa nepe e anplis, fanm yo va antre an kaptivite.

<sup>18</sup> Nan ✧Tachpanès, jounen an va vin fènwa lè M kraze jouk an fè Égypte la. Nan lè sa a, ògèy pouvwa li va sispann nan li; yon nwaj va kouvri li e fi li yo va antre an kaptivite.

<sup>19</sup> Konsa Mwen va ✧egzekite jijman sou Égypte e yo va konnen ke Mwen se SENYÈ a.” ’ ’ ”

20 Nan ☆onzyèm ane, nan premye mwa, nan setyèm jou nan mwa a, pawòl SENYÈ a te vin kote mwen e te di: 21 Fis a lòm, Mwen te ☆kase bra a Farawon, wa Égypte la; epi gade byen, li pa t mete pansman pou l ta geri, ni vlope ak bandaj pou l ta ka vin gen fòs pou kenbe nepe. 22 Konsa, pale Senyè BONDYE a: ☆Gade byen, Mwen kont Farawon, wa Égypte la e Mwen va kase bra li, ni sa ki gen fòs la ni sa ki kase deja a; epi Mwen va fè nepe a tonbe kite men li. 23 Mwen va gaye Ejipsyen yo pami nasyon yo e dispèse yo pami peyi yo. 24 Paske Mwen va ranfòse men a wa Babylone nan e mete nepe Mwen nan men l; epi Mwen va kase bra a Farawon, pou li ka vin plenyen nan gòj devan li ak plent a yon nonm ki blese. 25 Konsa, Mwen va ranfòse bra a wa Babylone nan, men bra a Farawon yo va tonbe. Nan lè sa a, yo va konnen ke Mwen se SENYÈ a, lè M mete nepe M nan men a wa Babylone nan e lè li ☆lonje li kont peyi Égypte la. 26 Lè Mwen gaye Ejipsyen yo pami nasyon yo e dispèse pami peyi yo; alò, yo va konnen ke Mwen se SENYÈ a.’ ”

### 31

1 Nan ☆onzyèm ane, nan twazyèm mwa, nan premye nan mwa a, pawòl SENYÈ a te vin kote mwen e te di: 2 “Fis a lòm, pale a Farawon, wa Égypte la, ak gwo foul lame li yo:

‘Ak kilès ou sanble nan grandè ou?

3 Gade byen, Assyrie te yon pye ☆sèd nan Liban Branch li yo te bèl nan lonbraj forè a e byen wo, Tèt li te rive pami nwaj yo.

4 ☆Dlo te fè l grandi, pwofondè te fè li wo.

Ak rivyè li yo, li te tout tan ap vin elaji lizyè li toupatou

e voye kanal li yo nan tout pyebwa chan yo.

5 Akoz sa, ☆wotè li te piwo ke tout pyebwa chan yo e branch li yo te vin anpil e byen long akoz anpil dlo ki te fè l gaye yo.

6 Tout ☆zwazo syèl yo te fè nich nan branch li yo e anba branch sila yo, tout bèt chan yo te vin fè pitit e tout gran nasyon yo te vin rete anba lonbraj li.

7 Konsa, li te bèl nan grandè li, nan longè branch li yo; Paske rasin li te lonje rive kote anpil dlo.

8 Pye sèd nan jaden ☆Bondye yo pa t ka egal ak li; Pye sipre yo pa t ka gen branch tankou l ni pyebwa òdinè yo pa t ka konpare ak branch li yo. Pa t gen pyebwa nan jaden Bondye yo ki ta ka parèy li nan bèlte.

9 Mwen te fè l bèl ak fòs kantite branch li yo e tout pyebwa ☆Éden yo te jalou devan l.

10 ‘Akoz sa, pale Senyè BONDYE a: “Akoz li byenwo nan wotè l, te mete tèt li rive pami nwaj yo e ☆kè l te awogan nan wotè li, 11 Pou sa, Mwen va livre li nan men a ☆yon diktatè a nasyon yo; li va regle sa nèt. Selon mechanste li, konsa Mwen te chase li. 12 ☆Etranje yo, pi pwisan a nasyon

☆ 30:20 Éz 26:1 ☆ 30:21 Sòm 10:5 ☆ 30:22 II Wa 24:7 ☆ 30:25 Jos 8:18 ☆ 31:1 Jr 52:5-6  
 ☆ 31:3 És 10:33-34 ☆ 31:4 Éz 17:5-8 ☆ 31:5 Dan 4:11 ☆ 31:6 Éz 17:23 ☆ 31:8 Jen 2:8-9  
 ☆ 31:9 Jen 2:8-9 ☆ 31:10 II Kwo 32:25 ☆ 31:11 Éz 30:10-11 ☆ 31:12 Éz 7:21

yo, te koupe li a tè e te kite li; sou mòn yo e nan tout vale yo, branch li yo te vin tonbe e gwo branch li yo te vin kase nan tout ravin peyi yo. Epi tout pèp sou latè yo te desann kite lonbraj li e te menm kite li. <sup>13</sup> Nan gwo dega li yo, tout \*zwazo syèl yo va vin demere e tout bèt chan yo va sou branch pa l ki tonbe. <sup>14</sup> Pou tout pyebwa akote dlo yo ka pa ka vin leve tèt yo wo nan wotè yo, ni mete tèt yo pami nwaj yo, ni pou pi pwisan akote sous dlo yo pa ka kanpe dwat nan wotè yo. Paske yo tout te livre a lanmò, a \*anba tè, pami fis a lòm yo, ak sila ki desann nan twou fòs yo.

<sup>15</sup> Konsa pale Senyè BONDYE a: “Nan jou ke li te desann nan sejou mò yo, Mwen te \*koze lamantasyon; Mwen te fèmen pwofondè a sou li epi te bouche rivyè li yo. Epi anpil dlo li yo te vin bouche nèt, Mwen te fè Liban kriye ak gwo doulè pou li e tout pyebwa nan chan yo te vin fennen akoz li. <sup>16</sup> Mwen te fè tout nasyon yo \*tranble nan son a chit li a, lè M t ap fè l desann nan sejou mò yo ak sila ki desann nan twou fòs yo; epi tout pyebwa byen wouze Liban yo, pi byen chwazi ak pi meyè a Liban yo, te vin rekonfòte anba tè. <sup>17</sup> Yo menm tou \*te desann avè l nan sejou mò yo akote sila ki te touye pa nepe yo; epi sila ki te fòs li yo te rete anba lonbraj li pami nasyon yo.

<sup>18</sup> A kilès nan pyebwa a Éden yo ou egal konsa nan glwa ak grandè? Malgre sa, ou va vin desann ak pyebwa Éden yo jis rive anba tè; ou va vin kouche nan mitan ensikonsi yo, avèk sila ki te touye pa nepe yo. \*Se konsa Farawon va ye ak tout gwo foul lame li yo!” deklare Senyè BONDYE a.”

## 32

<sup>1</sup> Nan \*douzyèm ane, nan douzyèm mwa, nan premye nan mwa a, pawòl SENYÈ a te vin kote mwen e te di: <sup>2</sup> Fis a lòm, leve fè lamantasyon sou Farawon, wa Égypte la e di li:

‘Ou te konpare tèt ou ak yon jenn \*lyon nasyon yo; sepandan, ou tankou yon gwo bèt sovaj nan lanmè, ou pete vin parèt nan rivyè ou yo, ou te fè labou vin leve ak pye ou yo e te fè larivyè pa yo vin sal nèt.’ ”

<sup>3</sup> Konsa pale Senyè BONDYE a:

“Koulye a, Mwen va \*ouvri filè Mwen sou ou avèk konpanyen a anpil moun e nan filè Mwen an, yo va leve ou.

<sup>4</sup> Mwen va kite ou sou latè;

Mwen va jete ou nan chan ki ouvri.

Epi Mwen va fè tout \*zwazo syèl yo rete sou ou e

Mwen va fè tout bèt sou latè yo vin satisfè sou ou.

<sup>5</sup> Mwen va fè chè ou kouche \*sou mòn yo

e Mwen va plen vale yo ak kadav ou yo.

<sup>6</sup> Anplis, Mwen va fè tè a bwè san ou

k ap koule menm jan ak mòn yo.

\*Ravin yo va vin plen ak ou.

<sup>7</sup> Epi lè M \*etenn ou, Mwen va kouvri syèl yo

e fè zetwal yo antre vin nan fènwa;

Mwen va kouvri solèy la ak yon nwaj

\* 31:13 És 18:6 \* 31:14 Nonb 16:30-33 \* 31:15 Éz 32:7 \* 31:16 Éz 26:15 \* 31:17 Sòm 9:17 \* 31:18 Sòm 52:7 \* 32:1 Éz 30:20 \* 32:2 Jr 4:7 \* 32:3 Éz 12:13 \* 32:4 És 18:6 \* 32:5 Éz 31:12 \* 32:6 Egz 7:17 \* 32:7 Job 18:5-6

e lalin nan p ap bay limyè.

<sup>8</sup> Tout ✧limyè k ap briye nan syèl la, Mwen va fè yo vin nwa sou ou e va mete fènwa sou peyi ou a,” deklare Senyè BONDYE a.

<sup>9</sup> Anplis, Mwen va twouble kè a anpil nasyon lè Mwen ✧mennen destriksyon ou pami nasyon yo, jis rive nan peyi ke ou pa t janm konnen.

<sup>10</sup> Mwen va fè anpil pèp vin ✧etone sezi de ou e wa yo va tèlman gen gwo laperèz lè M fè nepe M parèt devan yo akoz ou menm; epi yo va tranble tout tan, chak moun pou pwòp lavi li, nan jou ke ou tonbe a.”

<sup>11</sup> Paske konsa pale Senyè BONDYE a: “Nepe a wa Babylone nan va vini sou ou.

<sup>12</sup> Pa nepe a pwisan yo, Mwen va fè gwo foul lame ou yo tonbe; yo tout se ✧chèf sovaj pami nasyon yo, yo va devaste ògèy Égypte la e tout gwo foul lame li yo va detwi.

<sup>13</sup> Anplis, Mwen va detwi tout bèt ki rete bò kote anpil dlo li yo; Epi pye a moun p ap gaye labou ankò, ni zago a bèt p ap gaye labou ankò.

<sup>14</sup> Epi Mwen va fè dlo yo vin kalm e fè rivyè yo vin kouri kon lwil”, deklare Senyè BONDYE a.

<sup>15</sup> “Lè Mwen fè peyi Égypte vin yon ✧dezolasyon e peyi a vin pèdi tout sa ki te fè l plen yo, Lè M frape tout sila ki rete ladann yo; alò, yo va konnen ke Mwen se SENYÈ a.

<sup>16</sup> Sa se yon ✧lamantasyon e yo va chante l. Fi a nasyon yo va chante li. Sou Égypte ak sou tout gwo foul lame li yo, yo va chante li”, deklare Senyè BONDYE a.

<sup>17</sup> Nan ✧douzyèm ane, nan kenz nan mwa a, pawòl SENYÈ a te vin kote mwen e te di: <sup>18</sup> Fis a lòm, rele anmwey pou gwo foul lame a Égypte yo e ✧desann li, li menm ak fi a nasyon pwisan yo, jis rive nan pwofondè tè a, avèk sila ki desann nan twou fòs yo; <sup>19</sup> ‘Se ki moun ou depase nan bèlte? Desann e Fè kabann ou ak ✧ensikonsi yo.’ <sup>20</sup> Yo va tonbe nan mitan sila ki touye pa nepe yo. Fi a vin livre a nepe. Yo te ✧rale tout gwo foul lame li yo sòti. <sup>21</sup> Pi gran pami pwisan yo va pale sou li ak sila ki t ap ede li yo soti nan mitan sejou mò yo: ‘Yo fin desann, yo kouche san fè mouvman, ensikonsi yo, touye pa nepe yo, <sup>22</sup> ✧Assyrie la ak tout konpanyen li yo; tonbo yo antoure li. Yo tout touye, tonbe pa nepe, <sup>23</sup> ✧Tonbo a sila ki plase

✧ 32:8 Jen 1:14 ✧ 32:9 Egz 15:14-16 ✧ 32:10 Éz 27:35 ✧ 32:12 Éz 28:7 ✧ 32:15 Sòm 107:33-34 ✧ 32:16 II Sam 1:17 ✧ 32:17 Éz 31:1 ✧ 32:18 Jr 1:10 ✧ 32:19 Jr 9:25-26 ✧ 32:20 Sòm 28:3 ✧ 32:22 Éz 27:23 ✧ 32:23 És 14:15

nan pati pi izole twou fòs la ak konpanyen li yo antoure tonbo li a. Yo tout touye; tonbe pa nepe, ki te fè gwo laperèz gaye nan peyi moun vivan yo.

<sup>24</sup> ✧Élam la ak tout gwo foul lame li yo ki antoure tonbo li a; yo tout mouri, tonbe pa nepe, ki te desann ensikonsi nan pati piba latè yo, ki te kreye gwo laperèz nan tout peyi moun vivan yo e te pote wont yo avèk sila ki te desann nan twou fòs yo. <sup>25</sup> Yo fè ✧kabann fi a pami sila ki touye ak tout gwo foul lame li yo. Tonbo yo antoure li; yo tout se ensikonsi, touye pa nepe (sepandan, gwo laperèz te vin kreye nan peyi moun vivan yo) e yo te pote wont yo avèk sila ki desann nan twou fòs yo. Yo te mete yo nan mitan sila ki te touye yo.

<sup>26</sup> Méschec ✧Tubal, ak tout gwo foul lame yo la; tonbo yo antoure yo. Yo tout te touye pa nepe a ensikonsi a; sepandan, yo te kreye gwo laperèz nan peyi a moun vivan yo. <sup>27</sup> ✧Ni yo pa kouche akote chèf pwisan a ensikonsi yo, sila ki te desann nan sejou mò yo ak zam lagè yo, ak nepe yo plase anba tèt yo; men pinisyon pou inikite yo te rete sou zo yo; sepandan, gwo laperèz a chèf pwisan sila yo, nan yon tan, te pami moun vivan yo.

<sup>28</sup> Men nan mitan ensikonsi a, ou va vin kraze e kouche avèk sila ki te touye pa nepe yo.

<sup>29</sup> La tou, gen ✧Édom, wa li ak tout prens li yo, ki malgre tout pwisans yo, vin kouche avèk sila ki te touye pa nepe yo; yo va kouche avèk ensikonsi yo e avèk sila ki desann nan twou fòs yo.

<sup>30</sup> La tou, gen chèf ✧lanò yo, yo tout ak tout Sidonyen yo, ki malgre tout gwo laperèz ki te vini de pwisans yo; ak wont, yo te desann avèk sila ki te touye yo. Konsa, yo te kouche ensikonsi avèk sila ki te touye pa nepe yo e te pote gwo wont yo avèk sila yo ki desann nan twou fòs yo.

<sup>31</sup> Sa yo, Farawon va wè e li va twouve ✧konsolasyon pou tout gwo foul lame li yo ki te touye pa nepe yo, menm Farawon ak tout lame li a,” deklare Senyè BONDYÈ a. <sup>32</sup> Sepandan, Mwen te mete gwo laperèz li nan peyi moun vivan yo; malgre sa, li va oblije vin kouche ak ensikonsi yo avèk sila ki te touye pa nepe yo, menm Farawon ak tout gwo lame li yo”, deklare Senyè BONDYÈ a.

### 33

<sup>1</sup> Epi pawòl SENYÈ a te rive kote mwen e te di: <sup>2</sup> Fis a lòm, pale a ✧fis a pèp ou yo e di yo: ‘Si Mwen mennen nepe sou yon peyi e pèp peyi a pran yon nonm soti pami yo pou fè li gadyen yo, <sup>3</sup> Epi li wè nepe a ap vini sou peyi a, li ✧soufle sou twonpèt pou avèti moun yo, <sup>4</sup> Epi, sila ki tandè son twonpèt la ✧pa okipe l e nepe a rive pran l mennen l ale, san li ap tonbe sou pwòp tèt li. <sup>5</sup> Li te tandè son twonpèt la men li pa t okipe l; san li va sou tèt li. Men si li te okipe sa a, li t ap sove lavi li. <sup>6</sup> Men si gadyen an wè nepe a ap vini, li pa sonnen twonpèt la, moun yo pa avèti e nepe a rive retire yon moun pami yo, li ✧vin soti nan inikite li; men san li, Mwen va egzije sa nan men gadyen an.’

<sup>7</sup> Alò, pou ou menm, fis a lòm, Mwen te chwazi ou kon gadyen pou lakay Israël; konsa, ou va tandè yon mesaj soti nan bouch Mwen pou ✧avèti yo pou Mwen. <sup>8</sup> “Lè M di a mechan an: ‘O nonm mechan ✧anverite ou va mouri’ e ou pa pale pou avèti pou detounen mechan an pou l ka kite chemen mechan li an; nonm mechan sa a va mouri nan inikite li; men san

✧ 32:24 Jen 10:22 ✧ 32:25 Sòm 139:8 ✧ 32:26 Jen 10:2 ✧ 32:27 És 14:18-19 ✧ 32:29 És 34:5-15 ✧ 32:30 Jr 1:15 ✧ 32:31 Éz 14:22 ✧ 33:2 Éz 3:11 ✧ 33:3 Né 4:18-20 ✧ 33:4 II Kwo 25:16 ✧ 33:6 Éz 18:20-24 ✧ 33:7 Jr 1:17 ✧ 33:8 És 3:11

li, Mwen va egzije sa nan men ou. <sup>9</sup> Men si ou, bò kote pa ou, ou avèti yon nonm mechan pou vire kite chemen li e li ✨pa vire kite chemen li an, li va mouri nan inikite li, men ou delivre lavi ou.

<sup>10</sup> Alò, pou ou, fis a lòm, pale ak lakay Israël: ‘Konsa nou pale e te di: “Anverite, transgresyon nou yo ak peche nou yo sou nou e nou ap ✨pouri ladan yo; donk kòman nou ka chape?”’ <sup>11</sup> “Pale ak yo: ‘Jan Mwen viv la!’ deklare Senyè BONDYE a: ✨“Mwen pa pran plezi nan lanmò a mechan yo, men pito pou mechan an vire kite chemen li an pou li viv. Retounen, retounen kite chemen mechan nou yo! Poukisa konsa ou ta mouri, O! lakay Israël?’

<sup>12</sup> “Epi ou menm, fis a lòm, di a sitwayen parèy ou yo: ‘Ladwati a yon nonm dwat p ap ka delivre li nan jou transgresyon li e mechanste a mechan an, li ✨p ap tonbe akòz li nan jou ke li vire kite mechanste li a; ni yon nonm dwat p ap ka viv sou ladwati li nan jou ke li vin fè peche a.’ <sup>13</sup> Lè Mwen di a nonm dwat la ke, anverite, li va viv la e li tèlman kwè nan ladwati li pou li komèt inikite, okenn nan zèv ladwat li yo p ap vin sonje; men nan menm inikite sa ke li te fè a, li va mouri. <sup>14</sup> Men lè Mwen di a mechan an: ‘Anverite, ou va mouri’ e li ✨vire kite peche li, pou vin pratike lajistis ak ladwati, <sup>15</sup> Si yon nonm mechan vin remèt sa li te pwomèt pou bay, ✨remèt sa li te pran nan vòlè, mache nan règleman ki bay lavi san ke li pa komèt inikite, li va anverite viv; li p ap mouri. <sup>16</sup> ✨Okenn nan peche ke li te komèt yo p ap vin sonje kont li. Li pratike lajistis ak ladwati; anverite, li va viv.

<sup>17</sup> Malgre sa, sitwayen parèy ou yo di: “Chemen Senyè a pa dwat,” lè se pwòp chemen pa yo ki pa dwat la. <sup>18</sup> Lè moun ladwati a kite ladwati pou ✨komèt inikite; alò, li va mouri ladann. <sup>19</sup> Men lè mechan an vire kite mechanste li an pou vin pratike lajistis ak ladwati, li va viv ladan yo. <sup>20</sup> Men nou di: ✨‘Chemen SENYÈ a pa dwat’. O! lakay Israël, Mwen va jije nou chak selon chemen nou.”

<sup>21</sup> Alò, nan douzyèm ane egzil nou an, nan senk nan dizyèm mwa a, refijye ki t ap sòti Jérusalem yo te vin kote mwen e te di: ✨“Yo fin pran vil la.” <sup>22</sup> Alò, ✨men SENYÈ a te sou mwen pandan nwit lan avan refijye yo te vin parèt la. Epi Li te louvri bouch mwen nan lè yo te vin kote mwen nan maten an; donk, bouch mwen te louvri e mwen pa t bèbè ankò.

<sup>23</sup> Epi pawòl SENYÈ a te vin kote mwen e te di: <sup>24</sup> “Fis a lòm, sila ki ✨rete kote dezole sa yo nan peyi Israël ap di: ‘Abraham se te yon sèl, malgre sa, li te posede tè a; konsa, a nou menm ki anpil yo, peyi a vin bay kon posesyon.’ <sup>25</sup> Pou sa, pale yo: ‘Konsa pale Senyè BONDYE a: “Nou manje vyann ak ✨san ladann, nou leve zye nou vè zidòl yo pandan n ap vèsè san. Èske konsa, nou ta dwe vin posede peyi a? <sup>26</sup> Nou ✨mete konfyans nou nan nepe nou, nou komèt zak abominab e nou tout souye madanm a vwazen nou. Èske konsa, nou ta dwe posede peyi a?”’

<sup>27</sup> Konsa ou va pale ak yo: ‘Konsa pale Senyè BONDYE a: “Jan Mwen viv la, anverite, sila ki kote izole yo va ✨tonbe pa nepe; nenpòt moun ki nan chan ouvri a, Mwen va bay li a bèt sovaj pou devore li, e sila ki nan sitadèl ak nan kav yo, yo va mouri akòz ensèk ak gwo maladi. <sup>28</sup> Mwen va ✨fè tè a vin dezole, menm vin yon dezè e ògèy a pouvwa li a va sispann; epi mòn Israël yo va vin dezole jiskaske pèsòn pa travèse. <sup>29</sup> Epi yo va konnen ke

✨ **33:9** Trav 13:40-46 ✨ **33:10** Lev 26:39 ✨ **33:11** Éz 18:23-32 ✨ **33:12** II Kwo 7:14 ✨ **33:14** És 55:7 ✨ **33:15** Egz 22:1-4 ✨ **33:16** És 1:18 ✨ **33:18** Éz 3:20 ✨ **33:20** Éz 18:25 ✨ **33:21** II Wa 25:10 ✨ **33:22** Éz 1:3 ✨ **33:24** Jr 39:10 ✨ **33:25** Lev 17:10-14 ✨ **33:26** Mi 2:1-2 ✨ **33:27** Jr 15:2-3 ✨ **33:28** Éz 5:14



Mwen se SENYÈ a, lè M fè peyi a vin yon dezolasyon ak yon dezè akoz tout zak abominab ke yo te komèt yo.”

<sup>30</sup> Men pou ou menm, fis a lòm, sitwayen parèy ou yo k ap pale de ou menm akote miray yo ak nan pòtay kay yo, yo pale a youn a lòt, yo chak a frè yo e y ap di: ✨“Vini koulye a pou tandè mesaj sila ki sòti nan SENYÈ a.”

<sup>31</sup> Yo vin kote ou jan moun konn vini, yo chita devan ou tankou pèp Mwen an pou yo tandè pawòl ou, men yo pa fè yo, paske yo fè tout dezi lachè ki eksprime pa ✨bouch yo e kè yo ap kouri dèyè pwòp benifis yo. <sup>32</sup> Gade byen, ou vin pou yo yon chan sansyèl ki chante pa yon moun ak yon ✨bèl vwa e byen jwe sou enstriman; paske yo tandè pawòl ou yo, men yo pa pratike yo.

<sup>33</sup> Pou sa, lè a rive—asireman, li va rive—alò, yo va konnen ke ✨yon pwofèt te la nan mitan yo.”

## 34

<sup>1</sup> Epi pawòl SENYÈ a te vin kote mwen e te di: <sup>2</sup> Fis a lòm, pwofetize kont ✨bèje Israèl yo. Pwofetize e di a bèje sila yo: ‘Konsa pale Senyè BONDYE a: “Malè, bèje Israèl yo ki t ap nourri pwòp tèt yo! Èske bèje yo pa dwe bay manje a bann mouton an? <sup>3</sup> Nou ✨manje grès e fè abiman ak len an; nou kòche mouton gra a, san bay manje a bann mouton an. <sup>4</sup> Sila ki manke lasante yo, nou pa t ranfòse yo; sa ki malad yo, nou pa t geri yo; sa ki brize yo nou pa t panse yo; sa ki gaye yo, nou pa t mennen yo retounen, ni nou pa t chache sa ki pèdi yo; men ak opresyon e ak severite, nou te domine sou yo. <sup>5</sup> Yo te gaye akoz yo te manke yon bèje, yo te devni ✨manje pou tout bèt sovaj nan chan a e yo te vin gaye nèt. <sup>6</sup> Bann mouton Mwen an te ✨mache egare nan tout mòn yo ak sou tout wo kolin yo; bann mouton Mwen an te gaye sou tout sifas tè a e pa t gen moun pou ale jwenn yo, ni chache yo.”’”

<sup>7</sup> Pou sa, nou menm ki bèje yo, tandè pawòl SENYÈ a: <sup>8</sup> “Jan Mwen viv la,” deklare Senyè BONDYE a: “Anverite, akoz bann mouton Mwen an te vin ✨viktim, bann mouton Mwen an te menm vin manje pa tout bèt chan yo akoz yo te manke yon bèje. Bèje Mwen yo pa t chache bann mouton Mwen an, men bèje Mwen yo te nourri pwòp tèt pa yo e yo pa t bay manje a bann mouton Mwen an. <sup>9</sup> Akoz sa, nou menm ki bèje yo, tandè pawòl SENYÈ a: <sup>10</sup> ‘Konsa pale Senyè BONDYE a: “Gade byen, Mwen kont bèje yo, Mwen va egzije mouton Mwen yo nan men yo e fè yo ✨sispann bay manje a mouton yo. Konsa bèje yo p ap bay pwòp tèt yo manje ankò, men Mwen va delivre bann mouton Mwen an soti nan bouch yo, pou yo ka pa sèvi kon manje pou yo ankò.

<sup>11</sup> Paske konsa pale Senyè BONDYE a: “Gade byen, Mwen va ✨chache mouton Mwen yo pou kont Mwen e Mwen va chache yo. <sup>12</sup> Kon yon bèje konn pran swen bann mouton li nan jou ke li pami mouton ki gaye yo, konsa Mwen va ✨pran swen mouton Mwen yo e Mwen va delivre yo soti tout kote ke yo te gaye yo nan jou gwo nwaj ki te plen ak tristès la. <sup>13</sup> Mwen va mennen yo sòti pami pèp yo, rasanble yo soti nan peyi yo e mennen yo nan pwòp peyi yo; epi Mwen va bay yo manje sou mòn Israèl yo, akote ✨sous dlo yo ak tout kote ki abite nan peyi a. <sup>14</sup> Mwen va bay yo manje nan

✨ 33:30 És 29:13 ✨ 33:31 Sòm 78:36-37 ✨ 33:32 Mc 6:20 ✨ 33:33 Jr 28:9 ✨ 34:2 Jr 2:8 ✨ 34:3 Za 11:16 ✨ 34:5 Éz 34:8-28 ✨ 34:6 Jr 40:11-12 ✨ 34:8 Trav 20:29 ✨ 34:10 I Sam 2:29-30 ✨ 34:11 Éz 11:17 ✨ 34:12 És 40:11 ✨ 34:13 És 30:25

yon ✧bon patiraj e teren kote yo manje yo, va sou wotè mòn Israèl yo. La, yo va kouche sou bon patiraj la e manje nan patiraj rich sou mòn Israèl yo. <sup>15</sup> Mwen va bay manje a bann mouton pa M nan e Mwen va mennen yo nan repo,” deklare Senyè BONDYE a. Sòm 23:1,2 <sup>16</sup> Mwen va chache sila ki pèdi yo, mennen fè retounen sila ki gaye yo, panse sila ki blese yo e ranfòse malad yo; men sila ki ✧gra ak gwo fòs yo, Mwen va detwi yo. Mwen va bay yo manje jijman.

<sup>17</sup> Epi pou nou menm, bann Mwen an, konsa pale Senyè BONDYE a: ‘Gade byen, Mwen va ✧jije antre yon mouton ak yon lòt, antre belye ak mal kabrit. <sup>18</sup> Èske se yon bagay ki ✧twò piti pou nou, pou nou ta manje nan bon patiraj, pou nou oblije foule anba pye nou rès patiraj nou yo? Oswa pou ou ta bwè nan dlo ki pwòp yo, pou ou oblije foule tout lòt yo ak pye nou? <sup>19</sup> Pou bann mouton Mwen yo, oblije manje sa ke ou foule ak pye e bwè sa ke ou fè vin sal ak pye ou!”

<sup>20</sup> Akoz sa, konsa pale Senyè BONDYE a a yo menm: “Gade byen, Mwen menm, Mwen va fè jijman antre mouton gra ak mouton mèg yo. <sup>21</sup> Akoz nou pouse ak bò kote e ak zepòl la e ✧lanse kòn sou tout sila ki fèb yo, jiskaske nou fin gaye yo a letranje, <sup>22</sup> Pou sa, Mwen va ✧delivre bann mouton Mwen an e yo p ap viktim ankò; epi Mwen va jije antre yon mouton ak yon lòt. <sup>23</sup> Epi Mwen va ✧plase sou yo yon sèl bèje, sèvitè Mwen an, David e li va bay yo manje; li va bay yo manje li menm e li va vin bèje yo. <sup>24</sup> Epi Mwen menm, SENYÈ a, va vin Bondye yo e sèvitè Mwen an, ✧David, va prens pami yo; Mwen menm, SENYÈ a, fin pale.

<sup>25</sup> “Mwen va fè yon akò lapè ak yo e ✧retire bèt sovaj sou peyi a pou yo ka viv ansekirite nan dezè a e dòmi byen nan forè a. <sup>26</sup> Mwen va fè yo menm ak tout kote ki antoure kolin Mwen yo vin yon ✧benediksyon. Epi Mwen va fè bèl lapli tonbe e lapli sa a va yon lapli ki pote benediksyon. <sup>27</sup> Anplis, pyebwa nan chan yo va donner fwi yo, latè va donner pwodwi li e yo va ✧ansekirite nan peyi yo. Konsa, yo va konnen ke Mwen se SENYÈ a, lè M fin kase fè jouk yo a e delivre yo soti nan men a sila ki te fè yo esklav yo. <sup>28</sup> Yo p ap viktim a nasyon yo ankò e bèt latè yo p ap devore yo ankò; men yo va ✧viv ansekirite e pèsòn p ap fè yo pè. <sup>29</sup> Mwen va etabli pou yo yon ✧plantasyon ki byen koni e yo p ap viktim a gwo grangou ankò, ni yo p ap sipòte ensilt a nasyon yo ankò. <sup>30</sup> Nan lè sa a, yo va konnen ke ✧Mwen menm, SENYÈ a, Bondye pa yo avèk yo e ke yo menm, lakay Israèl la, se pèp Mwen,” deklare Senyè BONDYE a. <sup>31</sup> Pou nou menm, ✧mouton Mwen yo, mouton a patiraj pa Mwen yo, nou se lòm e Mwen se Bondye nou, deklare Senyè BONDYE a.

## 35

<sup>1</sup> Anplis, pawòl SENYÈ a te vin kote Mwen e te di: <sup>2</sup> Fis a lòm, mete figi ou kont ✧Mòn Séir e pwofetize kont li <sup>3</sup> Epi di li:

‘Konsa pale Senyè BONDYE a:

“Gade byen, Mwen kont ou, Mòn Séir,

Mwen va lonje men M kont ou

pou fè ou vin yon ✧dezolasyon ak yon dezè.

✧ 34:14 Sòm 23:2 ✧ 34:16 És 10:16 ✧ 34:17 Éz 20:38 ✧ 34:18 Nonb 16:9-13 ✧ 34:21 Det 33:17 ✧ 34:22 Sòm 72:12-14 ✧ 34:23 Rev 7:17 ✧ 34:24 És 55:3 ✧ 34:25 Job 5:22-23 ✧ 34:26 Jen 12:2 ✧ 34:27 Éz 38:8-11 ✧ 34:28 Jr 30:10 ✧ 34:29 És 4:2 ✧ 34:30 Sòm 46:7-11 ✧ 34:31 Sòm 78:52 ✧ 35:2 Jen 36:8 ✧ 35:3 Jr 49:13-18

4 Mwen va fè ✨devaste vil ou yo e ou va vin Yon dezolasyon.

Epi ou va konnen ke Mwen se SENYÈ a.

5 Paske ou te gen ✨rayisman etènèl e ou te livre fis Israël yo bay pouvwa a nepe nan lè malè yo, nan lè gwo pinisyon a lafen an, 6 Akoz sa, jan Mwen viv la”, deklare Senyè BONDYÈ a: “Mwen va livre ou a ✨san vèse, san vèse va swiv ou; akoz ou pa t rayi san vèse; pou sa, san vèse va swiv ou. 7 Mwen va fè Mòn Séir vin yon dezè ak yon kote dezole e Mwen va dekoupe retire nèt sou li sila ki pase antre e retounen ladann yo. 8 Mwen va ✨plen mòn li yo ak kadav li yo; sou kolin ou yo, nan vale ou yo ak nan tout ravin ou yo, sila ki mouri pa nepe yo va tonbe. 9 Mwen va fè ou vin yon ✨dezolasyon jis pou tout tan e vil ou yo p ap gen moun menm. Epi ou va konnen ke Mwen se SENYÈ a.

10 “Akoz ou te ✨di: ‘Nasyon sila yo ak de peyi sa yo va pou mwen e nou va posede yo,’ sepandan, SENYÈ a te la, 11 Jan Mwen viv la”, deklare Senyè BONDYÈ a: “Mwen va regle ou ✨selon kòlè ou ak selon jalouzi ke ou te montre akoz rayisman ou kont yo; konsa, Mwen va fè Mwen menm vin rekonèt pami yo lè M jije ou. 12 Nan lè sa a, ou va konnen ke Mwen menm, SENYÈ a, te tandè tout vye mo ou yo, ke ou te pale kont mòn a Israël yo lè ou te di: ‘Yo fin dezole nèt; yo fin ✨livre nan men nou kon manje.’ 13 Epi ou te ✨pale ak awogans kont Mwen e ou te miltipliye pawòl ou yo kont Mwen; Mwen te tandè sa.” 14 Konsa pale Senyè BONDYÈ a: ✨“Pandan tout tè a ap rejwi, Mwen va fè ou vin dezolasyon. 15 Jan ou te rejwi sou eritaj lakay Israël akoz li te dezole a, se ✨konsa Mwen va fè ou menm. Ou va vin yon dezolasyon, O! Mòn Séir, ak tout Édoum, yo tout ladann. Nan lè sa a, yo va konnen ke Mwen se SENYÈ a.”

## 36

1 Epi ou menm, fis a lòm, pwofetize a mòn Israël yo e di: ‘O! mòn Israël yo, tandè pawòl SENYÈ a. 2 Konsa pale Senyè BONDYÈ a: “Akoz lènmi an te pale kont nou, ‘Ah, ah!’ ✨Wotè etènèl yo vin devni posesyon nou,’ 3 Akoz sa, pwofetize e di: ‘Konsa pale Senyè BONDYÈ a: “Se ak bon rezon yo te fè nou ✨dezole e te kraze nou tout kote a, pou nou te vin yon posesyon a rès nasyon yo, epi nou te vin retire nan pawòl ak ti soufle nan zòrèy a pèp la.” ’ ” 4 Akoz sa, O! mòn Israël yo, tandè pawòl a Senyè BONDYÈ a. Konsa pale Senyè BONDYÈ a a mòn yo ak kolin yo, a ravin yo ak vale yo, a vil dezole ki te vin ✨viktim ak yon rizib pou rès nasyon ki antoure l yo, 5 Akoz sa, pale Senyè BONDYÈ a: “Anverite nan dife a jalouzi Mwen, Mwen te pale kont tout ✨rès nasyon yo e kont tout Édoum, ki te konfiske peyi Mwen an pou yo menm tankou yon posesyon ak yon kè ki plen ak jwa e yon nanm ki plen ak mepriz, pou yo ta ka sezi chan li yo kon viktim.”. 6 Akoz sa, pwofetize konsènan peyi Israël la e di a mòn e a kolin yo, a ravin yo e a vale yo: “konsa pale Senyè BONDYÈ a: ‘Gade byen, Mwen te pale nan jalouzi Mwen ak nan chalè kòlè Mwen, akoz nou te ✨andire ensilt a nasyon yo.’ 7 Akoz sa, pale Senyè BONDYÈ a: “Mwen te sèmante ke, anverite, nasyon ki antoure nou yo va yo menm andire ensilt pa yo.

✨ 35:4 Éz 6:6 ✨ 35:5 Sòm 137:7 ✨ 35:6 És 63:2-6 ✨ 35:8 És 34:5-6 ✨ 35:9 Jr 49:13  
 ✨ 35:10 Sòm 83:4-12 ✨ 35:11 Sòm 137:7 ✨ 35:12 Jr 50:7 ✨ 35:13 És 10:13-14 ✨ 35:14 És 44:23 ✨ 35:15 Ab 15 ✨ 36:2 Det 32:13 ✨ 36:3 Jr 2:15 ✨ 36:4 Éz 34:8-28 ✨ 36:5 Jr 25:9  
 ✨ 36:6 Sòm 74:10

8 “Men nou menm, O! mòn Israël yo, nou va ✨lonje fè branch nou yo vin parèt pou pote fwi pou pèp Mwen an, Israël; paske avan anpil tan, y ap vini. 9 Paske gade byen, Mwen pou nou, Mwen va ✨vire kote nou e nou va vin kiltive e plante. 10 Mwen va fè moun miltipliye sou nou, ✨tout lakay Israël la, tout moun ladann; epi vil yo va abite e dezè yo va vin rebati. 11 Mwen va miltipliye sou nou, ni moun, ni bèt; epi yo va vin ogmante e yo va bay fwi; epi Mwen va fè nou peple teren an jan nou te ye avan an e Mwen va trete nou ✨pi byen ke avan. Konsa, nou va konnen ke Mwen se SENYÈ a. 12 Wi, Mwen va fè ✨mesye yo—pèp Mwen an, Israël— mache sou ou e posede ou, pou ou kapab vin eritaj pa yo pou yo pa janm retire pitit yo nan men yo ankò.’

13 Konsa pale Senyè BONDYE a: ‘Akoz lòt nasyon yo di nou: “Ou se yon ✨pèp ki manje moun e ou te fè peye ou pedi pitit li yo,” 14 Akoz sa, ou p ap manje moun ankò e ou p ap responsab pèt pitit peye ou yo,’ deklare Senyè BONDYE a. 15 Mwen p ap kite nou koute ensilt a nasyon yo ankò, ni nou p ap pote mepriz a nasyon yo ankò, ni ou p ap fè nasyon ✨vin chite ankò”, deklare Senyè BONDYE a.’”

16 Epi pawòl SENYÈ a te rive kote mwen e te di: 17 “Fis a lòm, lè lakay Israël t ap viv nan pwòp peyi yo, yo te ✨souye li ak chemen pa yo ak zak yo; chemen yo devan M pa t pwòp tankou yon fanm nan lè règ li. 18 Akoz sa, Mwen te ✨vide chalè kòlè Mwen sou yo pou san ke yo te vèse sou peyi a, akoz yo te souye li ak zidòl yo. 19 Anplis, Mwen te ✨gaye yo pami nasyon yo e yo te vin dispèse toupatou nan peyi yo. Selon chemen yo ak zak yo, Mwen te jije yo. 20 Lè yo te rive nan nasyon kote yo te ale yo, yo te ✨pwofane non Mwen, paske sa te di a yo menm: ‘Sila yo se pèp SENYÈ a; malgre, yo te vin sòti kite peyi Li a.’ 21 Men Mwen te vle konsève onè a ✨non sen Mwen an, ke lakay Israël te pwofane pami nasyon kote yo te ale yo.

22 Akoz sa, pale ak lakay Israël: ‘Konsa pale Senyè BONDYE a: ✨“Se pa pou koz nou, O! lakay Israël, ke Mwen prèt pou aji a, men pou non sen Mwen an, ke ou te pwofane pami nasyon kote nou te ale yo. 23 Mwen va ✨fè valè sentete a gwo non Mwen an ki te pwofane pami nasyon yo, ke nou te pwofane nan mitan yo. Nan lè sa a nasyon yo va konnen ke Mwen se SENYÈ a,” deklare Senyè BONDYE a: “Lè M fè prèv sentete Mwen pami nou devan zye yo.”

24 “Paske Mwen va ✨retire nou soti nan nasyon yo, rasanble nou soti nan tout peyi yo pou mennen nou antre nan pwòp peyi pa nou an. 25 Epi Mwen va flite yon dlo pwòp sou nou e nou va vin pwòp; Mwen va netwaye nou de ✨tout sa ki malpwòp nan nou e de tout zidòl nou yo. 26 Anplis, Mwen va bay nou yon kè tounèf e Mwen va mete yon lespri tounèf anndan nou; epi Mwen va retire ✨kè wòch la soti nan chè nou pou bay nou yon kè ki fèt ak chè. 27 Mwen va ✨mete Lespri M anndan nou, fè nou mache nan règleman Mwen yo e nou va fè atansyon pou swiv tout lwa Mwen yo. 28 Nou va rete nan peyi ke M te bay a papa zansèt nou yo; konsa, nou va ✨pèp Mwen yo e Mwen va Bondye pa nou. 29 Anplis, Mwen va sove nou de tout sa ki pa pwòp nan nou; epi Mwen va rele pou sereyal miltipliye li e mwen

✨ 36:8 És 4:2 ✨ 36:9 Lev 26:9 ✨ 36:10 És 27:6 ✨ 36:11 Job 42:12 ✨ 36:12 Éz 34:13-14 ✨ 36:13 Nonb 13:22 ✨ 36:15 És 63:13 ✨ 36:17 Jr 2:7 ✨ 36:18 II Kwo 34:21-25 ✨ 36:19 Det 28:64 ✨ 36:20 És 52:5 ✨ 36:21 Sòm 74:18 ✨ 36:22 Det 7:7-8 ✨ 36:23 És 5:16 ✨ 36:24 És 43:5-6 ✨ 36:25 És 4:4 ✨ 36:26 Éz 11:19 ✨ 36:27 És 44:3 ✨ 36:28 Éz 14:11

✧p ap mennen gwo grangou rive sou nou. <sup>30</sup> Mwen va ✧miltipliye fwi sou pyebwa ak pwodwi chan an, pou nou pa resevwa mepriz a gwo grangou pami nasyon yo ankò.”

<sup>31</sup> “Nan lè sa a, nou va ✧sonje chemen mechan nou yo, zak nou ki pa t bon yo e nou va rayi tèt nou nan pwòp zye nou akoz inikite ak abominasyon nou yo. <sup>32</sup> Se pa ✧pou koz nou ke m ap fè sa,” deklare Senyè BONDYE a: “Ke nou byen konprann sa a. Rete wont e twouble akoz chemen nou yo, O! lakay Israèl!”

<sup>33</sup> Konsa pale Senyè BONDYE a: “Nan jou ke M netwaye nou soti nan tout inikite nou yo, ✧Mwen va fè vil la vin peple ak moun e kote dezole yo vin rebati. <sup>34</sup> Tèren dezole a va kiltive olye de vin yon dezolasyon devan zye a tout moun ki pase yo. <sup>35</sup> Yo va di: ‘Tè dezole sa a te vin tankou ✧jaden Éden; epi dezè a, vil ranblè yo vin ranfòse e vin gen moun.’ <sup>36</sup> Nan lè sa a, nasyon ki rete antoure nou yo va konnen ke Mwen menm, SENYÈ a, te rebati pil mazi yo e te plante sa ki te vin dezè a; Mwen menm, SENYÈ a, fin pale e Mwen ✧va fè sa.”

<sup>37</sup> Konsa pale Senyè BONDYE a: “Konsa anplis, Mwen va kite lakay Israèl mande M sa pou M fè pou yo: Mwen va fè pèp pa yo a vin anpil tankou bann mouton. <sup>38</sup> Tankou bann mouton ki pou fè sakrifis, tankou bann mouton Jérusalem nan lè fèt li yo, konsa vil dezole yo va vin plen ak yon ✧bann moun. Konsa, yo va konnen ke Mwen se SENYÈ a.”

## 37

<sup>1</sup> Men SENYÈ a te sou mwen, Li te ✧mennen mwen sòti pa Lespri SENYÈ a e te depoze m nan mitan vale a; epi vale a te plen ak zo. <sup>2</sup> Li te fè m pase pami toutotou yo e gade byen, te gen anpil sou sifas vale a; epi gade byen, yo te byen sèch. <sup>3</sup> Li te di mwen: “Fis a lòm, ✧èske zo sila yo kapab viv?”

Epi mwen te reponn: “O! Senyè BONDYE Ou menm ki konnen.”

<sup>4</sup> Ankò li te di mwen: ✧ “Pwofetize sou zo sila yo e di yo: ‘O! zo sèch yo, tandè pawòl SENYÈ a. <sup>5</sup> Konsa pale Senyè BONDYE a a zo sila yo: ‘Gade byen, Mwen va fè ✧souf lavi antre nan nou pou nou kapab vin vivan. <sup>6</sup> Mwen va mete venn sou nou, kite chè vin grandi sou nou ankò e mete souf nan nou pou nou ka vin vivan; epi nou va ✧konnen ke Mwen se SENYÈ a.’ <sup>7</sup> Konsa, mwen te pwofetize ✧jan mwen te kòmande a; epi pandan mwen t ap pwofetize a, te gen yon bri e gade byen, yon son tankou yon bagay k ap souke; epi zo yo te vin rive ansanm, zo ak zo parèy yo. <sup>8</sup> Epi mwen te gade e vwala, venn te vin sou yo, chè te vin grandi e po yo te vin kouvri; men pa t gen souf nan yo.

<sup>9</sup> Epi li te di mwen: “Pwofetize a souf lavi a, pwofetize, fis a lòm e di a souf lavi a: ‘Konsa pale Senyè BONDÈ a: “Vin sòti nan kat van yo, O! souf lavi e ✧soufle sou sila ke yo te touye yo, pou yo ka vin vivan.” ’ ”

<sup>10</sup> Konsa, mwen te pwofetize jan Li te kòmande mwen an, ✧souf lavi a te antre nan yo, yo te vin vivan e te kanpe sou pye yo, yon lame gran depase.

<sup>11</sup> Epi li te di mwen: “Fis a lòm, zo sila yo se ✧tout lakay Israèl; gade byen, yo di: ‘Zo nou yo vin sèch e espwa nou fin peri. Nou fin izole nèt.’

<sup>12</sup> Pou sa, pwofetize e di yo: ‘Konsa pale Senyè BONDYE a: “Gade byen,

✧ **36:29** Éz 34:27-29 ✧ **36:30** Lev 26:4 ✧ **36:31** Éz 16:61-63 ✧ **36:32** Det 9:5 ✧ **36:33** Éz 36:10 ✧ **36:35** És 51:3 ✧ **36:36** Éz 17:24 ✧ **36:38** Sòm 74:1 ✧ **37:1** Éz 8:3 ✧ **37:3** Éz 26:19 ✧ **37:4** Éz 37:9-12 ✧ **37:5** Jen 2:7 ✧ **37:6** És 49:23 ✧ **37:7** Jr 13:5-7 ✧ **37:9** Sòm 104:30 ✧ **37:10** Rev 11:11 ✧ **37:11** Jr 33:24

Mwen va ouvri tonm nou yo pou ✨fè nou monte sòti nan tonm nou yo, pèp Mwen an; epi Mwen va mennen nou antre nan peyi Israèl. <sup>13</sup> Nan lè sa a, nou va konnen ke Mwen se SENYÈ a, lè M fin ouvri tonm nou yo e fè nou monte sòti nan tonm nou yo, pèp Mwen an. <sup>14</sup> Mwen va ✨mete Lespri M anndan nou, nou va vin vivan e Mwen va mete nou sou pwòp teren pa nou. Nan lè sa a, nou va konnen ke Mwen, SENYÈ a, te fin pale e te fè sa,” deklare SENYÈ a.’ ”

<sup>15</sup> Pawòl SENYÈ a te vin kote mwen ankò e te di: <sup>16</sup> “Epi ou menm, fis a lòm, pran pou kont ou yon mòso bwa e ekri sou li: ‘Pou ✨Juda e pou fis a Israèl parèy li yo’; epi pran yon lòt mòso bwa e ekri sou li: ‘Pou Joseph, bwa Éphraïm nan, ak tout lakay Israèl parèy li yo.’ <sup>17</sup> Epi pou kont ou, fè yo ✨vin jwenn youn ak lòt pou vin fè yon sèl bwa, pou yo ka vin youn nan men ou.”

<sup>18</sup> “Lè fis a pèp ou yo pale ak ou e di: ‘Èske ou p ap deklare a nou menm ✨sa ou vle di ak sa yo?’ <sup>19</sup> Di yo: ‘Konsa pale Senyè BONDYE a: “Gade byen, Mwen va pran bwa Joseph la, ki nan men Éphraïm nan ak tribi Israèl parèy li yo; epi Mwen va mete yo avèk li, avèk bwa a Juda a, fè yo vin yon sèl bwa e yo va vin youn nan men M.” ’ <sup>20</sup> “Bwa sou sila ou va ekri yo, va nan men ou devan zye yo. <sup>21</sup> Pale ak yo: ‘Konsa pale Senyè BONDYE a: “Gade byen, Mwen va ✨pran fis Israèl yo soti nan nasyon kote yo te ale yo e Mwen va rasanble yo soti tout kote pou mennen yo antre nan pwòp peyi pa yo; <sup>22</sup> Epi Mwen va fè yo vin ✨yon nasyon nan peyi a, sou mòn Israèl yo; epi yon wa va wa pou yo tout; epi yo p ap fè de nasyon ankò e yo p ap divize an de wayòm ankò. <sup>23</sup> Yo p ap souye tèt yo ak zidòl yo ankò, ni ak bagay abominab yo, ni ak okenn nan transgresyon yo; men ✨Mwen va delivre yo de tout abitasyon kote yo te fè peche yo e Mwen va netwaye yo. Epi yo va pèp Mwen e Mwen va Bondye yo.”

<sup>24</sup> “ “Sèvitè Mwen an, ✨David va wa sou yo e yo tout va gen yon sèl bèje; epi yo va mache nan règleman Mwen yo, yo va kenbe lalwa M yo e yo va swiv yo. <sup>25</sup> Yo va viv sou tè ke M te bay a Jacob la, sèvitè Mwen an, nan sila papa zansèt nou yo te rete a; epi yo va viv sou li; yo menm, fis yo ak fis a fis yo, jis pou tout tan; epi ✨David, sèvitè Mwen an, va prens yo jis pou tout tan. <sup>26</sup> Mwen va fè yon akò lapè avèk yo; li va yon ✨akò k ap dire pou tout tan avèk yo. Epi Mwen va etabli yo, fè yo vin miltipliye e Mwen va mete sanktyè Mwen nan mitan yo jis pou tout tan. <sup>27</sup> Anplis, ✨abitasyon Mwen an va avèk yo; epi Mwen va Bondye yo e yo va pèp Mwen. <sup>28</sup> Epi nasyon yo va konnen ke ✨Mwen se SENYÈ ki sanktifye Israèl la lè sanktyè Mwen an nan mitan yo jis pou tout tan.” ’ ”

## 38

<sup>1</sup> Epi pawòl Bondye te vin kote mwen e te di: <sup>2</sup> “Fis a lòm, mete figi ou vè ✨Gog nan peyi Magog, prens a Rosch la, Méschec, ak Tubal e pwofetize kont li <sup>3</sup> Epi di: ‘Konsa pale Senyè BONDYE a: “Gade byen, Mwen kont ou, O Gog, prens a Rosch la, Méschec ak Tubal. <sup>4</sup> Mwen va fè detounen ou, Mwen va mete yon kwòk nan machwè ou e Mwen va ✨rale ou deyò, ak tout lame ou a, cheval ak chevalye yo, yo tout nan byen abiye, yon gran twoup moun, boukliye ak pwotèj, yo tout ap manyen nepe; <sup>5</sup> ✨Perse Ethiopie e Put

✨ 37:12 Det 32:39 ✨ 37:14 És 32:15 ✨ 37:16 II Kwo 10:17 ✨ 37:17 És 11:13 ✨ 37:18 Éz 12:9 ✨ 37:21 És 43:5-6 ✨ 37:22 Jr 3:18 ✨ 37:23 Éz 36:28-29 ✨ 37:24 Jr 30:9 ✨ 37:25 És 11:1 ✨ 37:26 Sòm 89:3-4 ✨ 37:27 Jn 1:14 ✨ 37:28 Egz 31:13 ✨ 38:2 Éz 38:3-18 ✨ 38:4 És 43:17 ✨ 38:5 II Kwo 36:20

avèk yo, yo tout ak boukliye ak kas; <sup>6</sup> Gomer ak tout twoup li yo; ✨Beth-Togarma soti kote ki pi lwen nan nò a avèk tout twoup li yo—anpil moun avèk ou.”

<sup>7</sup> ✨“Prepare ou e rete prepare, ou menm ak tout twoup ki rasanble antoure ou yo, epi veye byen sou yo. <sup>8</sup> Apre anpil jou, yo va fè apèl ou pou vini; nan dènye ane yo, ou va vin antre nan teren ki vin restore soti anba nepe a, moun ki rete ladann yo vin ✨rasanble soti anpil nasyon pou nan mòn Israèl ki te vin yon kote san vale; men moun li yo te mennen sòti nan nasyon yo e y ap viv ansekirite, yo tout. <sup>9</sup> Ou va monte, ou va vini ✨tankou yon tanpèt; ou va tankou yon nwaj k ap kouvri peyi a, ou menm ak tout twoup ou yo e anpil nan nasyon yo va avèk ou.”

<sup>10</sup> Konsa pale Senyè BONDYE a: ✨“Li va rive nan jou sa a, ke panse va vin antre nan lespri ou e ou va anvizaje yon move plan, <sup>11</sup> Epi ou va di: “Mwen va monte kont peyi a ak ✨vil san miray yo. Mwen va ale kont sila ki an repo yo, ki viv ansekirite yo, yo tout k ap viv san miray yo, san fè fòje ni pòtay yo, <sup>12</sup> Pou ✨kaptire e sezi piyaj la, pou vire men ou kont kote dezè ki, koulye a, gen moun yo e kont pèp ki vin rasanble soti nan nasyon yo, ki viv nan mitan mond lan, ki te vin genyen byen ak bèt. <sup>13</sup> Séba, Dedan, komèsan ✨Tarsis yo ak tout ti vil li yo va di ou: ‘Èske ou vini pou kaptire piyaj la? Èske ou te rasanble twoup ou yo ou pou sezi piyaj la, pou pote ale ajan ak lò, pou pote ale bèt ak anpil byen, pou sezi gwo piyaj la?’ ”

<sup>14</sup> “Pou sa, pwofetize, fis a lòm e di a Gog: ‘Konsa pale Senyè BONDYE a: “Nan jou ke pèp Mwen an ap ✨viv ansekirite a, èske ou p ap konnen sa? <sup>15</sup> Ou va sòti nan plas kote ki pi lwen yo nan nò a, ou menm ak anpil pèp avèk ou, yo tout ap galope cheval, yon gwo asanble e yon lame pwisan; <sup>16</sup> Epi ou va vini kont pèp Mwen an, Israèl, tankou yon gran nwaj k ap kouvri tout tè a. Li va vin rive nan dènye jou ke Mwen va mennen ou vini kont peyi Mwen, pou nasyon yo ka konnen Mwen lè M fin ✨sanktifye atravè ou menm devan zye yo, O! Gog.”

<sup>17</sup> ‘Konsa pale Senyè BONDYE a: “Èske ou se moun sou sila ke M te pale nan ansyen jou yo pa sèvitè Mwen yo, pwofèt Israèl yo, ki te ✨pwofetize nan jou sa yo pandan anpil ane pou M ta mennen ou kont yo? <sup>18</sup> Li va vin rive nan jou sila a, lè Gog monte kont peyi Israèl: “deklare Senyè BONDYE a: “Ke gwo chalè a mekontantman Mwen va monte nan ✨kòlè Mwen. <sup>19</sup> Nan devouman Mwen ak nan chalè kòlè Mwen, Mwen deklare ke nan jou sa a, va anverite gen yon gwo ✨tranbleman detè nan peyi Israèl. <sup>20</sup> ✨Pwason lanmè yo, zwazo syèl yo, bèt nan chan yo, tout bèt sila k ap kouri atè yo ak tout moun sou sifas tè a va souke devan prezans Mwen; mòn yo tou va jete anba, ti wout apik yo va vin bouche e tout miray va tonbe atè. <sup>21</sup> Mwen va rele yon nepe kont li sou tout mòn Mwen yo”, deklare Senyè BONDYE a. ✨“Nepe a tout moun va kont frè yo. <sup>22</sup> Ak ensèk ak maladi e ak san, Mwen va antre an ✨jijman ak li; epi Mwen va voye lapli sou li ak twoup li yo e sou kantite moun ki vini avèk li yo, yon gwo lapli ak gwo wòch lagrèl, ak dife, ak souf. <sup>23</sup> Mwen va egzalte tèt Mwen, sanktifye tèt Mwen e ✨fè tèt Mwen menm vin rekonèt nan zye a anpil nasyon; epi yo va konnen ke Mwen se SENYÈ a.’ ”

✨ **38:6** Jen 10:3 ✨ **38:7** És 8:9 ✨ **38:8** És 11:11 ✨ **38:9** És 5:28 ✨ **38:10** Sòm 36:4 ✨ **38:11** Za 2:4 ✨ **38:12** És 10:6 ✨ **38:13** Éz 27:12 ✨ **38:14** Jr 23:6 ✨ **38:16** És 5:16 ✨ **38:17** És 5:26-29 ✨ **38:18** Sòm 18:8-15 ✨ **38:19** Jl 3:16 ✨ **38:20** Jr 4:24-25 ✨ **38:21** Jij 7:22 ✨ **38:22** És 66:16 ✨ **38:23** Sòm 9:16

## 39

<sup>1</sup> “Epi ☆ou menm, fis a lòm, pwofetize kont Gog e di: ‘Konsa pale Senyè BONDYE a: “Gade byen, Mwen kont ou, O! Gog, prens a Rosch, Méschec ak Tubal la; <sup>2</sup> Epi Mwen va detounen ou, kontinye wout la, pran ou soti nan kote nò ki pi izole a pou mennen ou kont mòn Israël yo. <sup>3</sup> Mwen va ☆frape banza ou jis li kite men goch ou e fè flèch yo tonbe kite men dwat ou. <sup>4</sup> Ou va ☆tonbe sou mòn Israël yo, ou menm, tout sòlda ou yo ak moun ki avèk ou yo; Mwen va bay ou kon manje a tout kalite zwazo kanivò ak bèt nan chan. <sup>5</sup> Ou va tonbe nan chan ouvri; paske se Mwen menm ki fin pale sa,” deklare Senyè BONDYE a. <sup>6</sup> Epi Mwen va voye dife sou Magog ak sila ki rete ansekirite nan peyi ☆kot lanmè yo; epi yo va konnen ke Mwen se SENYÈ a.

<sup>7</sup> “Non sen Mwen an, Mwen va fè Li vin rekonèt nan mitan pèp Mwen an, Israël; epi Mwen p ap kite non Mwen vin ☆pwofane ankò. Epi nasyon yo va konnen ke Mwen se Senyè a, Sila Ki Sen an Israël la. <sup>8</sup> Gade byen, sa ap vini e sa va fèt,” deklare Senyè BONDYE a. “Sa se jou nan sila Mwen te pale a.”

<sup>9</sup> “Nan lè sa a, sila ki rete nan vil Israël yo va ☆sòti deyò pou limen dife ak zam yo pou brile yo, ni pwotèj yo, ni boukliye yo, banza ak flèch yo, baton lagè ak nepe yo e pandan sèt ane, yo va fè dife ak yo. <sup>10</sup> Yo p ap pran bwa nan chan a ni sanble bwa dife ki soti nan forè yo, paske yo va fè dife ak zam yo; epi yo va pran piyaj a sila ki te pillaje moun yo e sezi ☆piyaj a sila ki te fè piyaj yo,” deklare Senyè BONDYE a.”

<sup>11</sup> “Nan jou sa a, Mwen va bay Gog yon simityè la an Israël, nan vale a a sila ki pase sou kote lès lanmè a e li va bloke sila ki ta pase yo. Konsa, yo va antere Gog ak tout foul lame li a e yo va rele la, “Vale Moun Gog la”.

<sup>12</sup> “Pandan sèt mwa, lakay Israël va fè antèman yo pou ☆netwaye peyi a. <sup>13</sup> Menm tout pèp peyi a, va fè antèman yo; epi sa va nan renome yo nan jou sa a, ke Mwen bay pwòp tèt Mwen glwa,” deklare Senyè BONDYE a.”

<sup>14</sup> “Yo va mete apa moun ki va pase tout tan nan peyi a, pandan y ap ☆antere sila ki t ap pase ladann yo, menm sila ki te rete sou sifas tè yo, pou yo ka netwaye li. Nan fen sèt mwa yo, yo va fè yon rechèch pou twouve yo. <sup>15</sup> Pandan sila k ap pase nan peyi yo ap pase e nenpòt moun wè zo a yon moun; alò, li va mete yon makè akote l jiskaske ekip antèman an vin antere li nan Vale Moun Gog la. <sup>16</sup> Pou sa, non vil la menm va Hamona.”

<sup>17</sup> “Pou ou menm, fis a lòm, konsa pale Senyè BONDYE a: ‘Pale a tout kalite ☆zwazo, ak tout bèt nan chan: ‘Rasanble nou e vini, rasanble soti tout kote a sakrifis Mwen, ke Mwen pral fè pou nou an, kon yon gwo sakrifis sou mòn Israël yo, pou nou ka manje chè ak bwè san. <sup>18</sup> Nou va manje chè a mesye pwisan yo e bwè san a prens latè yo, konsi se te ☆belye, jenn mouton, kabrit, ak towò, tout bèt gra a Basan yo. <sup>19</sup> Akoz sa, nou va mange grès jiskaske nou vin toufe nèt ak sakrifis Mwen, ke M fin fè pou nou an. <sup>20</sup> Nou va toufe nèt sou tab Mwen an ak ☆cheval yo, ak mesye mèt cha yo, mesye pwisan yo ak tout gwo mesye lagè yo”, deklare Senyè BONDYE a.

<sup>21</sup> “Epi Mwen va mete ☆glwa Mwen pami nasyon yo; epi tout nasyon yo va wè jijman ke Mwen te egzekite ak men M ke M te fè poze sou yo a. <sup>22</sup> Epi lakay Israël va ☆konnen ke Mwen se SENYÈ a, Bondye yo a, depi jou

☆ 39:1 Éz 38:2 ☆ 39:3 Sòm 76:3 ☆ 39:4 És 14:24-25 ☆ 39:6 Sòm 72:10 ☆ 39:7 Egz 20:7  
 ☆ 39:9 És 66:24 ☆ 39:10 És 14:2 ☆ 39:12 Det 21:23 ☆ 39:14 Jr 14:16 ☆ 39:17 És 56:9  
 ☆ 39:18 Jr 51:40 ☆ 39:20 Sòm 76:5-6 ☆ 39:21 Egz 9:16 ☆ 39:22 Jr 24:7



sa a, pou rive ale nèt. <sup>23</sup> Nasyon yo va konnen ke lakay Israèl te antre an egzil akòz ✧inikite yo, akòz yo te aji kon trèt ak Mwen, Mwen te kache figi Mwen de yo. Konsa, Mwen te livre yo nan men advèsè yo e yo tout te tonbe devan nepe. <sup>24</sup> ✧Selon salte yo e selon transgresyon yo, Mwen te aji avèk yo e Mwen te kache figi Mwen de yo.”

<sup>25</sup> Pou sa, pale Senyè BONDYE a: “Koulye a, Mwen va ✧restore avni a Jacob e Mwen va gen mizerikòd pou tout lakay Israèl; epi Mwen va jalou pou non sen Mwen an. <sup>26</sup> Yo va bliye wont yo ak tout trèt yo te konn fè kont Mwen yo, lè y ap ✧viv ansekirite nan pwòp peyi pa yo, lè okenn p ap fè yo pè. <sup>27</sup> Lè Mwen ✧mennen yo retounen soti nan lòt pèp yo e rasanble yo soti nan peyi lènmi yo; nan lè sa a, Mwen va vin sanktifye pa yo devan zye a anpil nasyon. <sup>28</sup> Nan lè sa a, yo va konnen ke Mwen se SENYÈ a, Bondye yo a, akòz mwen te fè yo antre an egzil pami nasyon yo e alò, Mwen te rasanble yo ankò nan pwòp peyi yo; epi Mwen p ap kite okenn nan yo la ankò. <sup>29</sup> Mwen p ap kache figi Mwen de yo ankò, paske M ap gen tan fin ✧vide Lespri m sou lakay Israèl,” deklare Senyè BONDYE a.”

## 40

<sup>1</sup> Nan venn-senkyèm ane egzil nou an, nan kòmansman ane a, nan dis nan mwa a, nan katòzyèm ane apre ✧vil la te fin pran an, nan menm jou sa a men SENYÈ a te sou mwen e Li te mennen mwen la. <sup>2</sup> Nan vizyon a Bondye yo, Li te mennen m nan peyi Israèl, Li te depoze m sou yon mòn byen wo; e sou li vè sid te gen yon ✧konstriksyon tankou yon vil. <sup>3</sup> Konsa, se la li te mennen mwen; epi gade byen, te gen yon nonm ak aparans tankou aparans a bwonz, yon lign fisèl fèt ak len ak yon ✧baton apantaj nan men l; epi li te kanpe nan pòtay la. <sup>4</sup> Nonm nan te di m: “Fis a lòm, wè ak zye ou e prete atansyon a tout sa ke m va montre ou; paske ou te vin mennen isit la pou m ta ka montre ou li. Deklare a lakay Israèl tout sa ke ou wè.”

<sup>5</sup> “Epi, gade byen, te gen yon ✧miray sou deyò a tanp lan toutozanviwon e nan men a nonm nan, te gen yon baton ki mezire sis koude, yo chak te yon koude plis lajè a yon pla men twa pous.

<sup>6</sup> Epi li te ale nan pòtay ki te gen fas li vè lès, li te monte sou eskalye li yo e te mezire papòt pòtay la, yon ba kann nan lajè; epi lòt papòt la te yon ba kann nan lajè. <sup>7</sup> ✧Chanm gad la te yon ba kann nan longè e yon ba kann nan lajè; epi te gen senk koude antre chanm gad yo. Epi papòt pòtay la akote galri pòtay ki te ouvri pa anndan an te yon ba kann.

<sup>8</sup> Epi li te mezire galri a vè fas pòtay la pa anndan, yon ba kann. <sup>9</sup> Li te mezire galri a pòtay la, uit koude; epi pilye akote li yo, de koude. Epi galri a pòtay la te gen fas pa anndan.

<sup>10</sup> Chanm gad a pòtay lès yo te twa nan chak kote; toule twa te gen menm mezi. Pilye akote yo te gen menm mezi a nan chak kote tou. <sup>11</sup> Epi li te mezire lajè pòtay la, dis koude e longè pòtay la, trèz koude. <sup>12</sup> Te gen yon mi baryè yon koude lajè nan chak kote; epi chanm gad yo te sis koude kare nan chak kote. <sup>13</sup> Li te mezire pòtay la soti nan twati a youn nan chanm gad yo, rive nan twati a lòt la, yon lajè a venn-senk koude soti nan yon pòt jis rive nan pòt a lòt anfas la. <sup>14</sup> Li te fè pilye akote yo swasant koude wotè; pòtay la te rive antoure jis kote pilye akote ✧lakou a. <sup>15</sup> Soti devan antre a pòtay antre a pou rive devan galri enteryè a, te gen senkant

✧ 39:23 Jr 22:8-9 ✧ 39:24 II Wa 17:7 ✧ 39:25 És 27:12-13 ✧ 39:26 I Wa 4:25 ✧ 39:27 És 36:24 ✧ 39:29 És 32:15 ✧ 40:1 II Wa 25:1-7 ✧ 40:2 I Kwo 28:12-19 ✧ 40:3 Rev 11:1 ✧ 40:5 És 26:1 ✧ 40:7 És 40:10-21 ✧ 40:14 Egz 27:9

koude. <sup>16</sup> Te gen ✨fenèt ki fèt ak gri ki te vizavi a chanm gad yo, nan pozisyon akote pilye yo ak pòtay ki te antoure yo a e menm jan pou galri yo. Epi te gen fenèt toutozanviwon pa anndan; epi sou chak pilye akote yo, te gen dekorasyon pye palmis.

<sup>17</sup> Epi li te mennen mwen nan lakou eksteryè a e gade byen, te gen chanm ak yon pave ki te fèt pou tout lakou a toupatou; trant chanm yo te ouvri sou pave a. <sup>18</sup> Pave a (ki se, pave pi ba te akote pòtay yo e te koresponn a longè pòtay yo. <sup>19</sup> Epi li te mezire lajè a soti devan ✨pòtay pi ba a pou rive devan pati eksteryè a lakou enteryè a, yon santèn koude nan lès ak nan nò.

<sup>20</sup> ✨Jan pou pòtay lakou eksteryè ki bay fas vè nò a, li te mezire longè li ak lajè li. <sup>21</sup> Li te gen twa ✨chanm gad chak kote; epi pilye akote li yo ak galri li yo te gen menm mezi ak premye pòtay la. Longè li te senkant koude e lajè a te venn-senk koude. <sup>22</sup> ✨Fenèt li yo, galri li yo ak dekorasyon pye palmis li yo te gen menm mezi ak pòtay ki te bay fas vè lès la; epi li te vin jwenn pa sèt mach eskalye yo e galri li te devan yo. <sup>23</sup> Lakou enteryè a te gen yon pòtay anfas pòtay nan nò a, menm jan ak pòtay nan lès la; epi li te mezire ✨san koude soti nan yon pòtay a yon pòtay.

<sup>24</sup> Nan lè sa a, li te mennen m vè sid e gade byen, te gen yon ✨pòtay vè sid la; epi li te mezire pilye akote li yo ak galri li yo selon menm mezi sila yo. <sup>25</sup> Pòtay ak galri li yo te gen ✨fenèt toutotou tankou lòt fenèt yo; longè a te senkant koude e lajè a te venn-senk koude. <sup>26</sup> Te gen sèt ✨machpye ki t ap monte vè li e galri li yo te devan yo; epi li te gen dekorasyon pye palmis yo sou pilye akote yo, youn nan chak kote. <sup>27</sup> Lakou enteryè a te gen yon pòtay vè ✨sid; epi li te mezire de pòtay a pòtay vè sid, san koude.

<sup>28</sup> Epi li te mennen m nan lakou enteryè a pa pòtay sid la e li te mezire pòtay sid la ✨selon menm mezi yo. <sup>29</sup> ✨Chanm gad li yo tou, pilye akote li yo ak galri li yo tout selon menm mezi yo. Epi pòtay ak galri li yo te gen fenèt ki te antoure l toupatou; li te senkant koude nan longè e venn-senk koude nan lajè. <sup>30</sup> Te gen ✨galri toupatou, venn-senk koude longè e senk koude lajè. <sup>31</sup> Galri li yo te vè lakou eksteryè a; epi dekorasyon pye palmis yo te sou pilye akote li yo e eskalye li a te gen uit ✨machpye.

<sup>32</sup> Li te mennen m nan ✨lakou enteryè a vè lès. Epi li te mezire pòtay la selon menm mezi sila yo. <sup>33</sup> ✨Chanm gad li yo tou, pilye akote li yo ak galri li yo te selon menm mezi sa yo. Epi pòtay ak galri li yo te gen fenèt toutotou; li te senkant koude nan longè e venn-senk koude nan lajè. <sup>34</sup> ✨Galri li yo te vè lakou eksteryè a; epi dekorasyon pye palmis yo te sou pilye akote li yo e eskalye a te gen uit machpye.

<sup>35</sup> Epi li te mennen mwen antre nan ✨pòtay nò a; epi li te mezire li selon menm mezi yo, <sup>36</sup> Avèk ✨chanm gad li yo, pilye akote li yo ak galri li yo. Epi pòtay la te gen fenèt toutotou; longè a te senkant koude e lajè a te venn-senk koude. <sup>37</sup> Pilye akote li yo te vè lakou eksteryè a; epi dekorasyon pye palmis yo te sou pilye akote li yo, youn sou chak kote e eskalye li a te gen uit ✨machpye.

<sup>38</sup> Yon ✨chanm ak pòtay li te bò pilye nan pòtay yo; la, yo te lave ofrann brile yo. <sup>39</sup> Nan galri pòtay la, te gen de tab nan chak kote, tab sou sila yo

✨ 40:16 I Wa 6:4 ✨ 40:19 Éz 40:23-27 ✨ 40:20 Éz 40:6 ✨ 40:21 Éz 40:7 ✨ 40:22 Éz 40:16 ✨ 40:23 Éz 40:19-27 ✨ 40:24 Éz 40:6-22 ✨ 40:25 Éz 40:16-29 ✨ 40:26 Éz 40:6-22 ✨ 40:27 Éz 40:23-32 ✨ 40:28 Éz 40:32-35 ✨ 40:29 Éz 40:7-21 ✨ 40:30 Éz 40:16-21 ✨ 40:31 Éz 40:22-37 ✨ 40:32 Éz 40:28-35 ✨ 40:33 Éz 40:29 ✨ 40:34 Éz 40:16 ✨ 40:35 Éz 40:27-32 ✨ 40:36 Éz 40:7-29 ✨ 40:37 Éz 40:34 ✨ 40:38 I Kwo 28:12

te touye ✨ofrann brile yo, ofrann peche yo ak ofrann koupabilite a. <sup>40</sup> Sou kote deyò a, pandan yon moun t ap monte vè pòtay nò a, te gen de tab; epi sou lòt kote galri pòtay la, te gen de tab. <sup>41</sup> Kat ✨tab te nan chak kote touprè pòtay la; uit tab antou sou sila yo te touye sakrifis yo. <sup>42</sup> Pou ofrann brile yo, te gen kat tab an ✨wòch taye, yon koude edmi nan longè, yon koude edmi nan lajè e yon koude nan wotè, tab sou sila yo poze enstriman avèk sila yo touye ofrann brile ak sakrifis la. <sup>43</sup> Kwòk doub yo, longè a yon pla Men te enstale toupatou nan kay la; epi sou tab yo, te chè a ofrann nan.

<sup>44</sup> Soti deyò jis rive nan pòtay enteryè a, se te chanm pou ✨chantè nan lakou enteryè yo, youn nan sila yo te akote pòtay nò a, ak fas li vè sid e youn akote pòtay sid la, ak fas li vè nò. <sup>45</sup> Li te di mwen: “Sa se chanm ki bay fas vè sid la, ki pou prèt ki responsab ✨lokipe tanp yo; <sup>46</sup> Men chanm ki bay fas vè nò a se pou prèt ki responsab okipe lotèl yo; sila yo se ✨fis a Tsadok yo, ki soti nan fis a Levi vin rapwoche yo de SENYÈ a pou fè sèvis Li.” <sup>47</sup> Li te mezire lakou a, an fòm kare nèt, ✨san koude nan longè pa san koude nan lajè; epi lotèl la te devan tanp lan.

<sup>48</sup> Nan lè sa a, li te mennen m nan ✨galri a tanp lan e li te mezire chak kote pilye a galri a, senk koude nan chak kote; epi lajè a pòtay la te twa koude nan chak kote. <sup>49</sup> Longè a galeri a te ven koude e lajè a te onz koude; epi vè ✨eskalye pa sila li ta ka monte a, te gen kolòn ki te apatyen a pilye akote yo, youn nan chak kote.

## 41

<sup>1</sup> Epi li te fè m rive kote ✨chanm gran asanble tanp lan e li te mezire pilye akote yo; sis koude nan lajè nan chak kote se te lajè a pilye akote a. <sup>2</sup> Lajè a antre a te dis koude e akote chak antre yo te dis koude nan chak kote, epi akote antre a te senk koude de shak kote. Epi li te mezire longè a chanm gran asanble tanp lan, ki te ✨karant koude e lajè a, ven koude.

<sup>3</sup> Epi li te antre ✨annndan an e li te mezire chak pilye akote pòtay la, de koude e pòtay la, sis koude nan wotè; epi lajè pòtay la, sèt koude. <sup>4</sup> Li te mezire longè li, ven koude ak lajè li, ven koude, devan ✨chanm gran asanble a e li te di mwen: “Sa a se lye ki pi sen an”.

<sup>5</sup> Epi li te mezire miray a tanp lan, sis koude; epi lajè a chanm akote yo, kat koude, toutotou kay la nan chak kote. <sup>6</sup> ✨Chanm akote yo te nan twa etaj, youn anwo lòt e trant nan chak etaj; epi chanm akote yo te lonje rive nan miray ki te toupatou sou kote enteryè yo, pou yo ta ka vin kole, men pa tache nan miray a tanp lan li menm. <sup>7</sup> Chanm akote ki te antoure tanp yo te vin pi laj nan chak nivo etaj yo. Akoz ✨konstriksyon ki te antoure tanp lan te monte pa etaj sou tout kote a tanp lan. Konsa, lajè a tanp lan te vin pi gwo pandan li t ap monte piwo; epi konsa, yon moun ta monte soti nan pi ba etaj la pou rive nan piwo a pa yon pasaj nan dezyèm etaj la.

<sup>8</sup> Mwen te wè anplis ke kay la te gen yon plafon elve toutotou li; fondasyon a chanm akote yo te yon bwa kann nèt (de ✨sis koude long) nan wotè. <sup>9</sup> Gwosè a miray eksteryè pou chanm akote yo te senk koude. ✨Men espas lib antre chanm akote yo apatyen a tanp lan, <sup>10</sup> Epi lòt ✨chanm yo te yon espas de ven koude toutotou tanp lan nan chak kote. <sup>11</sup> Pòtay a chanm akote yo vè ✨espas lib la te yon sèl pòtay vè nò a ak yon lòt pòtay

✨ 40:39 Lev 1:3-7 ✨ 40:41 Éz 40:39-40 ✨ 40:42 Egz 20:25 ✨ 40:44 I Kwo 6:31-32 ✨ 40:45 I Kwo 9:23 ✨ 40:46 I Wa 2:35 ✨ 40:47 Éz 40:19-27 ✨ 40:48 I Wa 6:3 ✨ 40:49 Éz 40:31-37 ✨ 41:1 Éz 41:21-23 ✨ 41:2 I Wa 6:2-17 ✨ 41:3 Éz 40:16 ✨ 41:4 I Wa 6:5 ✨ 41:6 I Wa 6:5-10 ✨ 41:7 I Wa 6:8 ✨ 41:8 Éz 40:5 ✨ 41:9 Éz 41:11 ✨ 41:10 Éz 40:17 ✨ 41:11 Éz 41:9

vè sid; epi lajè a espas lib la te senk koude toutotou li.

<sup>12</sup> ✧Konstriksyon ki te devan kote ki apa nan bò vè lwès la, te swasann-dis koude lajè; epi miray a konstriksyon an te senk koude nan gwochè nan toutotou li e longè li te katre-ven-dis koude.

<sup>13</sup> Epi li te mezire tanp lan, yon santèn koude nan longè l; ✧kote apa a konstriksyon an ak miray li yo, te osi san koude nan longè. <sup>14</sup> Anplis, lajè pa devan a tanp lan e lajè a kote apa yo avèk kote lès la, te vin totalize a san koude.

<sup>15</sup> Li te mezire longè a konstriksyon an avèk devan kote apa a dèyè li a, ak yon galri nan chak bò, san koude; li te osi mezire enteryè a chanm gran asanble a ak galri lakou yo, <sup>16</sup> ✧Papòt yo, fenèt ak gri yo, ak galri ki antoure twa etaj yo; anfas papòt la, te fèt ak pano anbwa toupato soti atè jis rive nan fenèt yo, (men fenèt yo menm te kouvri), <sup>17</sup> Nan antre a, nan anndan kay la, nan deyò ak nan tout miray la toutotou li nèt, ni anndan ni deyò, te mezire. <sup>18</sup> Li te grave ak ✧cheriben ak pye palmis; epi yon pye palmis te antre cheriben ak cheriben e chak cheriben te gen de figi, <sup>19</sup> Figi a yon nonm vè pye palmis lan sou yon bò e figi a yon jenn lyon vè pye palmis lan sou lòtbò a; yo te grave sou tout lakay toutotou li. <sup>20</sup> Soti atè jis rive anwo, nan antre a, cheriben yo ak ✧pye palmis yo te grave e sou miray a chanm gran asanble a tou.

<sup>21</sup> ✧Pilye pòt a chanm gran asanble a te an fòm kare; pou devan sanktyè a, aparans a yon pilye pòt te menm ak lòt la. <sup>22</sup> ✧Lotèl la te fèt an bwa, twa koude nan wotè e longè a de koude; kwen li yo, baz li e akote li yo te an bwa. Epi li te di mwen: “Sa se tab ki devan SENYÈ a.” <sup>23</sup> Gran chanm asanble a ak sanktyè a, yo chak te gen yon ✧pòt doub. <sup>24</sup> Chak nan pòt yo te gen de fèy, ✧de fèy ki koube plwaye ouvri fèmèn; de fèy pou yon pòt e de fèy pou lòt la. <sup>25</sup> Anplis, te gen grave sou yo, sou pòt chanm gran asanble a, ✧cheriben ak pye palmis yo tankou sila ki te grave sou miray yo; epi te gen yon papòt an bwa devan galeri pa deyò. <sup>26</sup> Te gen ✧fenèt ak gri yo, ak pye palmis yo sou yon bò ak yon lòt, sou kote galeri yo; se konsa chanm akote ak papòt kay yo te ye.

## 42

<sup>1</sup> Epi li te mennen mwen deyò nan lakou a, nan chemen vè nò a; epi li te mennen m nan ✧chanm ki te anfas kote apa a ak anfas konstriksyon an vè nò. <sup>2</sup> Avèk longè a, ki te ✧san koude a, se te pòt nò a; lajè a te senkant koude. <sup>3</sup> Anfas ven koude ki te pou lakou enteryè a e anfas ✧pave ki te apatyen a lakou eksteryè a, se te galri ki te koresponn ak galeri sou twa etaj yo. <sup>4</sup> Devan ✧chanm yo, se te yon machpye pa anndan de dis koude nan lajè, yon chemen de san koude nan longè; epi ouvèti pa yo te nan nò. <sup>5</sup> Alò, chanm anlè yo te pi piti akoz ✧galri yo te pran plis espas sou yo ke sila nan baz ak mitan etaj nan konstriksyon yo. <sup>6</sup> Paske se nan ✧twa etaj yo te ye e pa t gen pilye tankou pilye nan lakou yo; akoz sa, chanm anlè yo te vin pi etwat ke mitan ak piba yo. <sup>7</sup> Pou ✧miray eksteryè bò chanm yo, vè lakou deyò anfas chanm yo, longè li te senkant koude. <sup>8</sup> Paske longè a chanm ki te nan lakou eksteryè yo te senkant koude; epi gade byen, longè

✧ **41:12** Éz 41:13-15 ✧ **41:13** Éz 41:13-15 ✧ **41:16** És 6:4 ✧ **41:18** I Wa 6:29-35 ✧ **41:20** Éz 41:18 ✧ **41:21** I Wa 6:33 ✧ **41:22** Egz 30:1-3 ✧ **41:23** I Wa 6:31-35 ✧ **41:24** I Wa 6:34 ✧ **41:25** Éz 41:18 ✧ **41:26** Éz 41:16 ✧ **42:1** Éz 40:17 ✧ **42:2** Éz 41:13 ✧ **42:3** Éz 40:17 ✧ **42:4** Éz 46:19 ✧ **42:5** Éz 42:3 ✧ **42:6** Éz 41:6 ✧ **42:7** Éz 42:10-12

a sila anfas tanp yo te ✨san koude. <sup>9</sup> Pi ba chanm sa yo, se te antre sou kote lès la, kote yon moun ka antre nan yo soti nan lakou eksteryè a.

<sup>10</sup> Nan epesè miray la sou kote lès, anfas kote apa a e anfas konstriksyon an, te gen ✨chanm yo. <sup>11</sup> ✨Chemen devan yo a te sanble ak chanm ki te sou kote nò yo, selon longè yo, konsa lajè yo te ye e tout kote pou antre sòti yo te menm selon aranjanman ak ouvèti pa yo. <sup>12</sup> Nan koresponn a pòt chanm ki te vè sid yo, te gen yon pòt nan tèt chemen an, chemen devan ✨miray ki te vè lès la, kote yon moun ka antre ladan yo.

<sup>13</sup> Epi li te di mwen: “Chanm nò yo ak chanm sid yo, ki anfas a kote apa a, yo se ✨chanm sen kote prèt ki rapwoche de SENYÈ a va manje bagay ki sen pase tout lòt yo. La, yo va fè poze bagay pi sen yo, ofrann sereyal la, ofrann peche ak ofrann koupabilite a; paske kote sa a sen. <sup>14</sup> Lè prèt yo antre, alò yo p ap sòti nan lakou eksteryè a lè yo kite sanktyè a san ke yo pa mete la vètman ak sila yo fè sèvis la, paske yo sen. Yo va mete lòt vètman sou yo; nan lè sa a, yo va pwoche sa ki pou pèp la.”

<sup>15</sup> Alò, lè l te fin mezire kay enteryè a, li te mennen mwen deyò pa chemen ✨pòtay ki te bay fas vè lès la e te mezire li toupatou. <sup>16</sup> Li te mezire kote lès la ak baton mezi a, senk-san baton pa ✨mezi baton an. <sup>17</sup> Li te mezire kote nò a senk-san baton pa mezi baton an. <sup>18</sup> Nan sid, li te mezire senk-san baton ak mezi baton an. <sup>19</sup> Li te vire kote lwès e li te mezire senk-san baton ak mezi baton an. <sup>20</sup> Li te mezire li nan kat kote yo; li te gen yon ✨miray ki te antoure l nèt; longè ki te senk-san ak lajè ki te senk-san an, pou te divize antre sa ki sen ak sa ki pwofàn.

## 43

<sup>1</sup> Nan lè sa a, li te mennen m nan ✨pòtay la; pòtay ki gen fas li vè lès la; <sup>2</sup> Epi gade byen, glwa Bondye Israèl la t ap vini soti nan chemen lès la. Epi vwa Li te tankou son anpil dlo; epi tè a te limen ak glwa Li. <sup>3</sup> Epi se te tankou vizyon ke m te fè a, tankou vizyon ke m te fè lè Li te vini pou ✨detwi vil la. Epi vizyon yo te tankou vizyon ke m te fè bò kote rivyè Kebar a; epi mwen te tonbe sou figi m. <sup>4</sup> Epi glwa SENYÈ a te vini nan kay la pa chemen pòtay ki te gen fas li vè ✨lès la. <sup>5</sup> Epi Lespri a te leve m anlè e te mennen m antre nan lakou enteryè a; epi gade byen, glwa SENYÈ a te ranpli kay la.

<sup>6</sup> Nan lè sa a, mwen te tande yon moun ki t ap pale ak mwen soti nan kay la, pandan yon ✨nonm te kanpe akote mwen. <sup>7</sup> Li te di mwen: “Fis a lòm, sa se plas pou ✨twòn Mwen an ak plas a machpye Mwen, kote Mwen va demere pami fis Israèl yo jis pou tout tan. Epi lakay Israèl p ap souye non sen Mwen an ankò, ni yo menm ni wa yo, pa zak pwostitisyon yo e pa kadav a wa yo lè yo fin mouri, <sup>8</sup> Paske yo te mete papòt pa yo akote papòt pa Mwen, poto pòt pa yo akote poto pòt pa Mwen e se sèl miray ki te antre Mwen ak yo. Epi yo te ✨souye non sen Mwen an ak abominasyon ke yo te komèt yo. Pou sa, Mwen te konsonmen yo nan gwo kòlè Mwen. <sup>9</sup> Koulye a, kite yo ✨mete akote zak pwostitisyon yo ak kadav a wa yo byen lwen Mwen; epi Mwen va demere pami yo jis pou tout tan.”

<sup>10</sup> “Pou ou menm, fis a lòm, ✨bay detay a tanp lan bay lakay Israèl, pou yo ka wont de inikite yo; epi kite yo mezire plan an. <sup>11</sup> Si yo vin wont de

✨ 42:8 Éz 44:5 ✨ 42:10 Éz 40:17 ✨ 42:11 Éz 42:4 ✨ 42:12 Éz 42:7 ✨ 42:13 Egz 29:31  
 ✨ 42:15 Éz 40:6 ✨ 42:16 Éz 40:3 ✨ 42:20 És 60:18 ✨ 43:1 Éz 10:19 ✨ 43:3 Jr 1:10 ✨ 43:4  
 Éz 10:19 ✨ 43:6 Éz 1:26 ✨ 43:7 Sòm 47:8 ✨ 43:8 Éz 8:3-16 ✨ 43:9 Éz 18:30-31 ✨ 43:10  
 Éz 40:4

tout sa ke yo te fè yo, fè yo konnen dizay kay la, fòm li, antre ak sòti li yo, dizay li, tout règleman ak tout lwa li yo. Epi ekri li ✧devan zye yo pou yo ka wè tout dizay ak tout règleman li yo pou fè yo.

<sup>12</sup> “Sa se lwa kay la: tout espas toutozanviwon anwo ✧mòn nan va sen pase tout kote. Gade byen, sa se lwa kay la.”

<sup>13</sup> “Epi sa yo se mezi lotèl la an koude ✧(koude ki se yon koude plis mezi yon pla men): baz la va yon koude, lajè a va yon koude e arebò sou akote a va anviwon yon pous; epi sa va wotè a baz lotèl la. <sup>14</sup> Soti nan baz atè a pou rive ✧piba ankadreman an, li va de koude e lajè a va yon koude; epi soti nan pi piti ankadreman an pou rive nan pi gran ankadreman an, li va kat koude e lajè a va yon koude. <sup>15</sup> Fou chofaj lotèl la va kat koude; epi soti nan fou chofaj la, kat kòn yo va monte anwo a. <sup>16</sup> Alò, fou lotèl la va longè a douz koude pa douz nan lajè, ✧an kare nan kat kote li yo. <sup>17</sup> Ankadreman an va katòz koude nan longè, katòz nan lajè nan kat kote li yo, arebò li va mwaye koude a e baz li va yon koude toutozanviwon li; epi ✧eskalye li yo va bay fas vè lès.

<sup>18</sup> Epi Li te di mwen: “Fis a lòm, konsa pale Senyè BONDYE a: ‘Sila yo se règleman pou lotèl la nan jou ke li bati a, pou ofri ✧ofrann brile sou li e pou flite san sou li. <sup>19</sup> ‘Ou va bay a prèt Levit ki sòti nan fami ✧Tsadok yo, ki rapwoche de Mwen pou fè sèvis Mwen yo,’ deklare Senyè BONDYE a, ‘yon jenn towò pou yon ofrann peche. <sup>20</sup> ‘Ou va pran kèk nan san li, mete li sou kat ✧kòn yo, sou kat kwen ankadreman an ak toutotou arebò a; konsa, ou va fè l vin pwòp e fè ekspiyasyon pou li. <sup>21</sup> Ou va, anplis, pran towò pou ofrann peche a e li va vin ✧brile nan kote ki chwazi nan kay la deyò sanktiyè a.

<sup>22</sup> “Nan dezyèm jou a, ou va ofri yon mal kabrit san defo kon ofrann peche e yo va ✧netwaye lotèl la jan yo te netwaye li ak towò a. <sup>23</sup> Lè ou fin netwaye li, ou va prezante yon ✧jenn towò san defo ak yon belye san defo ki soti nan bann mouton an. <sup>24</sup> Ou va prezante yo devan SENYÈ a, prèt yo va jete ✧sèl sou yo e yo va ofri yo kon ofrann brile a SENYÈ a.”

<sup>25</sup> ✧“Pandan sèt jou, ou va prepare chak jou yon kabrit kon ofrann peche; anplis, yon jenn towò ak yon belye san defo ki soti nan bann mouton an, va vin prepare. <sup>26</sup> Pandan sèt jou, yo va fè ekspiyasyon pou lotèl la e fè l vin pwòp; se konsa yo va konsakre li. <sup>27</sup> Lè yo fin konplete nonb de jou yo, li va rive ke nan ✧uityèm jou a e kontinye, prèt yo va ofri ofrann brile pa nou an sou otèl la ak ofrann lapè nou yo; epi Mwen va aksepte nou,’ deklare Senyè BONDYE a.”

## 44

<sup>1</sup> Nan lè sa a, Li te mennen m retounen pa chemen a ✧pòtay eksteryè sanktiyè a, ki bay fas li vè lès la; epi li te fèmen. <sup>2</sup> SENYÈ a te di mwen: “Pòtay sa a va fèmen; li p ap louvri, ni pèsòn p ap janm antre pa li, paske ✧SENYÈ Bondye Israèl la te antre pa li; akòz sa, li va fèmen. <sup>3</sup> Pou ✧prens lan, li va chita ladann tankou prens pou manje pen devan SENYÈ a; li va antre pa chemen galri pòtay la e li va sòti pa menm chemen an.

✧ 43:11 Éz 12:3 ✧ 43:12 Éz 40:2 ✧ 43:13 Éz 40:5 ✧ 43:14 Éz 43:17-20 ✧ 43:16 Egz 27:1  
 ✧ 43:17 Egz 20:26 ✧ 43:18 Egz 40:29 ✧ 43:19 I Wa 2:35 ✧ 43:20 Lev 8:15 ✧ 43:21 Egz 29:14  
 ✧ 43:22 Éz 43:20-26 ✧ 43:23 Egz 29:1-10 ✧ 43:24 Lev 2:13 ✧ 43:25 Egz 29:35-37  
 ✧ 43:27 Lev 9:1 ✧ 44:1 Éz 40:6-17 ✧ 44:2 Éz 43:2-4 ✧ 44:3 Éz 34:24

<sup>4</sup> Epi li te mennen m pa chemen pòtay nò a pou rive devan kay la; epi mwen te gade e vwala ✧glwa SENYÈ a te ranpli lakay SENYÈ a e mwen te tonbe sou figi m.

<sup>5</sup> SENYÈ a te di mwen: “Fis a lòm, make byen, gade ak zye ou e tande ak zòrèy ou tout sa ke M di ou konsènan tout ✧règleman lakay SENYÈ yo e konsènan tout lwa li yo; epi make byen antre kay la, ak tout sòti ki gen nan sanktyè a. <sup>6</sup> Ou va di a ✧sila k ap fè rebèl yo: “Se kont! tout abominasyon nou yo, O! lakay Israël, <sup>7</sup> Lè nou te mennen etranje yo antre, ✧ensikonsi nan kè yo ak ensikonsi nan chè yo, pou antre nan sanktyè Mwen an, pou pwofane li, menm lakay Mwen an, lè nou te ofri manje Mwen an, grès ak san an; paske yo te anile akò Mwen an—tout sa, anplis de tout abominasyon nou yo. <sup>8</sup> Epi nou pa t ✧rete responsab nou menm de bagay sen Mwen yo, men te mete etranje yo responsab de sanktyè mwen an.” <sup>9</sup> Konsa pale Senyè BONDYE a: ✧“Okenn etranje ensikonsi nan kè ak ensikonsi nan chè, tout etranje ki pami fis Israël yo, p ap antre nan sanktyè pa M nan.”

<sup>10</sup> “Men Levit ki te ale lwen Mwen lè Israël te vin egare a, ki te ✧vin egare kite Mwen ki t ap kouri dèyè zidòl yo, va pote pinisyon pou inikite pa yo. <sup>11</sup> Malgre sa, yo va ✧fè sèvis nan sanktyè Mwen an gen zye sou pòtay kay yo ak fè sèvis nan kay la; yo va touye ofrann brile ak sakrifis pou pèp la e yo va kanpe devan yo pou fè sèvis. <sup>12</sup> Akoz yo te fè sèvis pou yo ✧devan zidòl yo e yo te vin yon wòch chite inikite pou lakay Israël; akoz sa, Mwen te sèman kont yo”, deklare Senyè BONDYE a: “Ke yo va pote pinisyon pou inikite pa yo a. <sup>13</sup> Epi yo p ap ✧vin rapwoche de Mwen pou sèvi kon prèt pou Mwen, ni vin rapwoche de okenn nan bagay sen Mwen yo, vè bagay ki sen pase tout lòt yo; men yo va pote wont ak abominasyon ke yo te fè yo. <sup>14</sup> Malgre sa, Mwen va deziye yo pou ✧kenbe responsabilite kay la, pou tout sèvis ak tout sa k ap fèt ladann.”

<sup>15</sup> “Men ✧prèt Levit yo, fis a Tsadok yo, ki te kenbe responsabilite sanktyè pa M nan lè fis Israël yo te vin egare kite Mwen an, va vin rapwoche de Mwen pou fè sèvis pou Mwen; epi yo va kanpe devan M pou ofri Mwen grès ak san,” deklare Senyè BONDYE a. <sup>16</sup> Yo va ✧antre nan sanktyè Mwen an; yo va vin rapwoche de tab Mwen an pou fè sèvis Mwen e kenbe responsabilite Mwen an.

<sup>17</sup> “Li va fèt ke lè yo antre nan pòtay a lakou enteryè yo, yo va abiye ak ✧vètman len; epi lènn p ap sou yo pandan y ap fè sèvis nan pòtay lakou enteryè yo ak anndan kay yo. <sup>18</sup> Moso twal an len va sou tèt yo e sou vètman fèt ak len va nan ren yo; yo p ap abiye ak okenn bagay ki pou fè yo swe. <sup>19</sup> Lè yo sòti deyò vè pèp la, nan lakou deyò a, yo va ✧retire vètman yo te sèvi nan fè sèvis la e lage yo nan chanm sen yo; epi yo va mete lòt vètman pou yo pa transmèt sentete a pèp la avèk vètman yo.

<sup>20</sup> “Anplis, yo ✧p ap pase razwa nan tèt yo; malgre sa, yo p ap kite cheve a vin long; yo va senpleman koupe cheve nan tèt yo. <sup>21</sup> Ni ✧okenn nan prèt yo pa pou bwè divin pandan y ap antre nan lakou enteryè a. <sup>22</sup> Epi yo p ap marye ak yon vèv ni yon ✧fanm divòse; men yo va pran vyèj ki soti nan desandan lakay Israël yo, oswa yon vèv ki se vèv a yon prèt. <sup>23</sup> Anplis, yo

✧ **44:4** És 6:3-4 ✧ **44:5** Det 12:32 ✧ **44:6** Éz 2:5-7 ✧ **44:7** Lev 26:41 ✧ **44:8** Lev 22:2  
 ✧ **44:9** Éz 44:7 ✧ **44:10** II Wa 23:8-9 ✧ **44:11** Nonb 3:5-37 ✧ **44:12** II Wa 16:10-16 ✧ **44:13**  
 Nonb 18:3 ✧ **44:14** Nonb 18:4 ✧ **44:15** Jr 33:18-22 ✧ **44:16** Nonb 18:5-8 ✧ **44:17** Egz  
 28:42-43 ✧ **44:19** Lev 6:10 ✧ **44:20** Lev 21:5 ✧ **44:21** Lev 10:9 ✧ **44:22** Lev 21:7-14

va enstwi pèp Mwen an pou ✨distenge antre sa ki sen ak sa ki pwofàn e fè yo distenge antre sa ki pa pwòp ak sa ki pwòp.”

<sup>24</sup> “Nan yon diskisyon, yo va pran plas yo pou jije; yo va jije sa selon òdonans Mwen yo. Yo va, anplis, kenbe lwa M yo ak règleman Mwen yo, nan tout ✨fèt chwazi Mwen yo e yo kenbe tout Saba Mwen yo sen.”

<sup>25</sup> ✨“Yo p ap ale kote yon moun mouri pou yo vin souye; sepandan, pou papa, manman, pou fis, fi, pou frè, oswa yon sè ki pa t gen mari, yo kapab souye tèt yo. <sup>26</sup> Aprè li fin ✨netwaye, sèt jou va ekoule pou li. <sup>27</sup> Nan jou ke li antre nan sanktiyè a, nan ✨lakou enteryè pou fè sèvis nan sanktiyè a, li va ofri lofrann peche pa li a”, deklare Senyè BONDYE a.”

<sup>28</sup> “Epi sa va konsidere kon yon eritaj pou yo, ke ✨se Mwen ki eritaj yo; epi ou p ap bay yo okenn posesyon an Israèl—se Mwen menm ki posesyon yo. <sup>29</sup> Yo va ✨manje ofrann sereyal la, ofrann peche a ak ofrann koupabilite; epi tout bagay ki konsakre an Israèl va pou yo. <sup>30</sup> Premye a tout premye fwi tout kalite ak tout don a tout kalite soti nan tout sa nou kontribye va pou prèt yo; nou va, anplis, bay prèt la premye nan bòl farin nou yo, pou fè ✨benediksyon vin poze sou lakay nou. <sup>31</sup> Prèt yo p ap manje okenn zwazo, bèt ki te ✨mouri pa mò natirèl, oswa ki te dechire an mòso.

## 45

<sup>1</sup> “Epi lè ou ✨divize pa tiraj osò peyi eritaj la, ou va ofri yon pòsyon a SENYÈ a, yon pòsyon sen nan tè a; longè li va venn-senk-mil koude e lajè li va ven-mil koude. Li va sen anndan toutozanviwon lizyè li yo. <sup>2</sup> Sòti nan pòsyon sa a, va gen pou kote sen an yon pòsyon ✨senk-san koude pa senk-san koude ak yon espas ouvri de senkant koude nan lajè ki antoure li. <sup>3</sup> Soti kote sa a, ou va mezire yon longè venn-senk-mil koude ak yon lajè di-mil koude; epi nan li, va gen sanktiyè a, kote ki sen pase tout kote a. <sup>4</sup> Se va pòsyon ki sen nan peyi a; li va pou prèt yo, sèvitè sanktiyè yo, ki te vin rapwoche pou fè sèvis SENYÈ a, li va yon kote pou lakay yo e yon kote ki sen pou sanktiyè a. <sup>5</sup> Yon kote ✨venn-senk-mil koude nan longè e di-mil koude nan lajè va pou Levit yo, sèvitè kay yo ak posesyon pa yo, vil pou yo rete ladann.

<sup>6</sup> “Ou va bay ✨vil la yon pòsyon senk-mil koude nan lajè ak venn-senk-mil koude nan longè, k ap akote pòsyon sen an. Sa va pou tout kay Israèl la nèt.”

<sup>7</sup> “Prens lan va gen tè e sou kote pòsyon sen an e sou tè vil la, akote espas sen an ak tè vil la, sou kote lwès vè lwès e sou kote lès vè lès, ki koresponn nan longè a youn nan pòsyon a tribi yo, k ap sòti nan lizyè lwès peyi a pou rive nan lizyè lès la. <sup>8</sup> Nan peyi a, sa va tèren pa li an Israèl. Epi prens Mwen yo p ap ✨opprime pèp Mwen an ankò, men yo va kite lakay Israèl gen tè selon tribi pa yo.”

<sup>9</sup> “Konsa pale Senyè BONDYE a: “Se ase! Nou menm ki prens an Israèl yo; kite vyolans ak destriksyon an pou pratike ✨lajistis ak ladwati. Sispann fè piyaj sou pèp Mwen an,” deklare Senyè BONDYE a. <sup>10</sup> Ou va gen balans ki ✨peze byen, yon mezi efa ak yon mezi bat ki jis. <sup>11</sup> Mezi efa a ak bat la va gen menm fòs, jiskaske yon mezi bat gen yon dizyèm ✨omè e yon mezi efa gen yon dizyèm omè; se selon omè yo va regle. <sup>12</sup> ✨Sekèl la va gen ven

✨ 44:23 Lev 10:10 ✨ 44:24 Lev 23:2-4 ✨ 44:25 Lev 21:1-4 ✨ 44:26 Nonb 19:13-19 ✨ 44:27 Éz 44:17 ✨ 44:28 Nonb 18:20 ✨ 44:29 Nonb 18:9-14 ✨ 44:30 Mal 3:10 ✨ 44:31 Lev 22:8 ✨ 45:1 Nonb 34:13 ✨ 45:2 Éz 42:20 ✨ 45:5 Éz 48:13 ✨ 45:6 Éz 48:15-18 ✨ 45:8 És 11:3-5 ✨ 45:9 Jr 22:3 ✨ 45:10 Lev 19:36 ✨ 45:11 És 5:10 ✨ 45:12 Egz 30:13



gera; ven sekèl, plis venn-senk sekèl, plis kenz sekèl va sèvi kon mezi min ou.”

<sup>13</sup> “Men ofrann ke ou va ofri a: yon sizyèm efa soti nan yon omè ble; yon sizyèm efa soti nan yon omè lòj; <sup>14</sup> Epi pòsyon lwil la jan li etabli a; yon dizyèm bat soti nan chak kò (kò a tankou omè a, gen 10 bat). <sup>15</sup> Epi yon mouton soti nan chak bann mouton ak de-san bèt ki soti kote ki awoze an Israèl yo—pou yon ✧ofrann sereyal, yon ofrann brile ak ofrann lapè yo, pou fè ekspiyasyon pou yo”, deklare Senyè BONDYE a. <sup>16</sup> ✧Tout pèp peyi a va bay ofrann sa a pou prens Israèl la. <sup>17</sup> Se va devwa ✧prens lan pou founi ofrann brile yo, ofrann sereyal yo ak ofrann bwason yo nan fèt yo, nan fèt nouvèl lalin yo, nan Saba yo, nan tout fèt etabli pou lakay Israèl yo; li va founi ofrann peche a, ofrann sereyal la ak ofrann brile a, pou fè ekspiyasyon pou lakay Israèl.”

<sup>18</sup> ‘Konsa pale Senyè BONDYE a: “Nan premye mwa a, nan premye nan mwa a, ou va pran yon jenn towò ✧san defo pou netwaye sanktiyè a. <sup>19</sup> Prèt la va pran kèk nan san soti nan ofrann peche a pou mete li sou poto pòt yo, nan ✧kat kwen ankadreman lotèl la ak sou poto pòtay la nan lakou enteryè a tanp lan. <sup>20</sup> Konsa nou va fè nan setyèm jou nan mwa a pou tout moun ki ✧vin egare kite chemen dwat la, oswa ki fè enpridans; konsa ou va fè ekspiyasyon pou kay la.

<sup>21</sup> “Nan premye mwa a, nan katòzyèm jou nan mwa a, ou va fè ✧Pak la, yon fèt pandan sèt jou; pen san ledven va manje. <sup>22</sup> Nan jou sa a, prens lan va founi pou tèt li ak tout pèp peyi a, yon ✧towò pou yon ofrann peche. <sup>23</sup> Pandan ✧sèt jou nan fèt la, li va founi kon yon ofrann brile a SENYÈ a sèt towò ak sèt belye san defo chak jou nan sèt jou yo ak yon mal kabrit chak jou kon yon ofrann peche. <sup>24</sup> Li va founi kon yon ✧ofrann sereyal, yon efa ak yon towò, yon efa ak yon belye e yon mezi lwil ak yon efa.”

<sup>25</sup> “Nan ✧setyèm mwa a, nan kenzyèm jou a, nan fèt la, li va founi konsa, sèt jou pou ofrann peche a, ofrann brile a, ofrann sereyal la ak lwil la.”

## 46

<sup>1</sup> ‘Konsa pale Senyè BONDYE a: “Pòtay pou lakou enteryè ki bay fas vè lès la va fèmen pandan sis ✧jou travay yo; men li va ouvri nan Saba a e li va vin ouvri nan jou nouvèl lin nan. <sup>2</sup> ✧Prens lan va antre pa chemen galri a soti deyò pou kanpe akote poto pòtay la. Epi prèt yo va founi ofrann brile li yo ak ofrann lapè li yo, li va adore nan papòt pòtay la e li va sòti; men pòtay la p ap fèmen jis rive nan aswè. <sup>3</sup> ✧Pèp peyi a osi va adore nan papòt pòtay la devan SENYÈ a, nan Saba yo ak nouvèl lin yo. <sup>4</sup> Ofrann brile ke prens lan va ofri a SENYÈ a nan jou Saba a va ✧sis jenn mouton san defo, ak yon belye san defo; <sup>5</sup> Epi ofrann ✧sereyal la va yon efa ak belye a, ofrann sereyal la ak jenn mouton yo va kantite ke li kapab bay la e yon mezi lwil ak yon efa. <sup>6</sup> Nan jou nouvèl ✧lin nan, li va ofri yon jenn towò san defo; anplis, sis jenn mouton ak yon belye ki san defo. <sup>7</sup> Epi li va founi yon ofrann sereyal, yon efa ak towò a, yon efa ak belye a, ak jenn mouton yo, kantite ke li kapab bay la, yon mezi lwil ak yon efa. <sup>8</sup> Lè ✧prens lan antre, li va antre pa galri pòtay la e li va sòti pa menm chemen an.”

<sup>9</sup> “Men lè pèp peyi a vini ✧devan SENYÈ la nan fèt chwazi yo, sila ki antre

✧ 45:15 Éz 45:17 ✧ 45:16 Egz 30:14-15 ✧ 45:17 Éz 46:4-12 ✧ 45:18 Lev 22:20 ✧ 45:19 Lev 16:18-20 ✧ 45:20 Lev 4:27 ✧ 45:21 Egz 12:1-24 ✧ 45:22 Lev 4:14 ✧ 45:23 Lev 23:8 ✧ 45:24 Nonb 28:12-15 ✧ 45:25 Lev 23:33-43 ✧ 46:1 Egz 20:9 ✧ 46:2 Éz 44:3 ✧ 46:3 Luc 1:10 ✧ 46:4 Nonb 28:9 ✧ 46:5 Nonb 28:12 ✧ 46:6 Éz 46:1 ✧ 46:8 Éz 44:3 ✧ 46:9 Egz 34:23

pa pòtay nò pou adore a va sòti pa pòtay sid la. Epi sila ki antre pa pòtay sid la va sòti pa pòtay nò a. Pèsòn pa pou retounen pa menm chemen ke li te antre a, men li va sòti tou dwat. <sup>10</sup> Lè yo antre, prens lan va antre \*pami yo; epi lè yo sòti, li va sòti.”

<sup>11</sup> “Nan \*fèt ak jou fèt chwazi yo, ofrann sereyal yo va yon efa ak yon towò, yon efa ak yon belye, ak jenn mouton yo, kantite ke l ap kapab bay la, yon mezi lwil ak yon efa. <sup>12</sup> Lè prens lan founi yon \*ofrann bòn volonte, yon ofrann brile, oswa ofrann lapè kon ofrann bòn volonte a SENYÈ la, pòtay vè lès la va vin ouvri pou li. Epi li va founi ofrann brile pa li a, ak ofrann lapè li a jan li konn fè nan jou Saba a. Epi li va sòti e pòtay la va vin fèmen lè li fin sòti.”

<sup>13</sup> “Epi ou va founi yon \*mouton yon lane, san defo pou yon ofrann brile a SENYÈ a chak jou; chak maten, ou va founi li. <sup>14</sup> Anplis, ou va founi yon ofrann sereyal ak li chak maten, yon sizyèm efa ak yon tyè mezi lwil pou mouye farin fen an, yon ofrann sereyal a SENYÈ a tout tan selon yon òdonans ki p ap janm fini oubyen chanje. <sup>15</sup> Konsa, yo va founi yon ofrann sereyal ak li chak maten, kon yon \*ofrann brile ki va fèt tout tan.”

<sup>16</sup> Konsa pale Senyè BONDYE a: “Si prens lan bay yon \*don eritaj a nenpòt nan fis li yo, li va apatyen a fis li yo; se posesyon pa yo selon règleman eritaj la. <sup>17</sup> Men si li bay yon don nan eritaj li a youn nan sèvitè li yo, sa va pou li jis rive nan \*ane libète a; epi li va retounen a prens lan. Eritaj li va sèl pou fis li yo; li va apatyen a yo menm. <sup>18</sup> Prens lan pa pou pran nan eritaj a pèp la e mete yo deyò nan pwòp posesyon pa yo; li va bay fis li yo yon eritaj k ap sòti nan pwòp posesyon pa li, pou pèp Mwen an pa vin divize, okenn moun nan posesyon pa li a.”

<sup>19</sup> “Epi li te mennen m pase nan \*antre akote pòtay la, antre anndan chanm sen pou prèt yo, ki te bay fas vè nò; epi gade byen, te gen yo plas pa deyè nèl vè lwès. <sup>20</sup> Li te di mwen: “Sa se plas kote prèt yo va bouyi \*ofrann koupab ak ofrann peche a ak kote yo va kwit ofrann sereyal la, pou yo pa oblije mennen yo deyò nan lakou eksteryè a pou transmèt sentete a pèp la.”

<sup>21</sup> “Epi li te mennen m deyò nan lakou eksteryè a e te mennen m travès kat kwen a lakou a; epi gade byen; nan chak kwen lakou a, te gen yon ti lakou. <sup>22</sup> Nan kat kwen lakou a, te gen ti lakou fèMen karant koude nan longè e trant koude nan lajè, yo tout te nan menm mezi. <sup>23</sup> Te gen yon ranje miray ki te antoure yo, antoure yo toule kat e pozisyon pou bouyi yo a te fèt toutozanviwon anba ranje yo. <sup>24</sup> Epi li te di m: “Sila yo se plas bouyi kote sèvitè kay yo va bouyi sakrifis a pèp yo.”

## 47

<sup>1</sup> Epi li te mennen m retounen nan \*pòt kay la; epi gade byen dlo t ap koule soti anba papòt kay la vè lès, paske kay la te bay fas vè lès. Epi dlo a t ap koule soti pa anba, soti akote dwat kay la, soti kote sid lotèl la. <sup>2</sup> Li te mennen mwen deyò pa chemen pòtay nò a, epi te mennen m ozanviwon pa deyò rive nan pòtay eksteryè a pa chemen pòtay ki bay fas vè lès la. Epi gade byen, dlo t ap koule soti nan kote sid la.

<sup>3</sup> Lè mesye a te sòti deyò vè lès ak yon kòd mezi nan men l, li te mezire mil koude e li te mennen m pase nan dlo a, dlo ki te rive nan cheviy pye l

\* 46:10 II Sam 6:14-15 \* 46:11 Éz 45:17 \* 46:12 Lev 23:38 \* 46:13 Nonb 28:3-5 \* 46:15 Egz 29:42 \* 46:16 II Kwo 21:3 \* 46:17 Lev 25:10 \* 46:19 Éz 42:9 \* 46:20 II Kwo 35:13 \* 47:1 Éz 41:2

yo. <sup>4</sup> Ankò, li te mezire mil koude e li te mennen m pase nan dlo ki rive jis nan jenou yo. Ankò, li te mezire mil koude e li te mennen m pase nan dlo ki rive nan senti a. <sup>5</sup> Ankò, li te mezire mil koude; epi yon riviyè ke m pa t ka travèse, paske dlo a te vin leve, te gen ase dlo naje ladann, yon ✧riviyè ki pa t ka janbe.

<sup>6</sup> Li te di m: “Fis a lòm, èske ou ✧wè sa a?” Epi li te mennen m retounen rive arebò riviyè a. <sup>7</sup> Alò, lè m te retounen, gade byen, akote riviyè a, te gen anpil ✧pyebwa nan yon kote yo ak nan lòt la. <sup>8</sup> Epi li te di mwèn: “Dlo sila yo sòti nan rejyon lès pou desann rive nan ✧dezè a; epi kontinye vè lanmè, menm antre nan lanmè a e dlo lanmè yo vin fre. <sup>9</sup> Li va vin rive ke tout kreyati vivan ki naje tout kote ke riviyè a ale, yo va viv. Epi yo va genyen anpil pwason, paske dlo sa yo ale la e lòt yo vin fre; konsa, ✧tout bagay va viv kote riviyè a ale. <sup>10</sup> Epi li va vin rive ke ✧mesye lapèch yo va kanpe akote li; soti En-Guédi jis rive En-Églaim, va gen kote pou ouvri filè yo. Pwason pa yo va selon espès pa yo, tankou pwason Gwo Lanmè a, anpil, anpil. <sup>11</sup> Men marekaj li yo ak fòs li yo p ap vin fre; yo va rete ✧sale. <sup>12</sup> Akote riviyè a, arebò li, soti yon kote a yon lòt, va grandi tout pyebwa ki bay manje. Fèy yo p ap fennen e fwi yo p ap manke. Yo va donnen chak mwa akoz dlo yo koule soti nan sanktiyè a, fwi pa yo va pou manje e ✧fèy yo va pou gerizon.”

<sup>13</sup> Konsa pale Senyè BONDYE a: “Sa va sèvi kon ✧lizyè ak sila nou va divize peyi a kon eritaj pami douz tribi Israèl yo; Joseph va gen de pòsyon. <sup>14</sup> Nou va divize li kon eritaj, chak egal ak lòt; paske Mwen te ✧sèmante pou bay li a papa zansèt nou yo e peyi sa a va tonbe a nou menm kon eritaj.

<sup>15</sup> “Sa se ✧lizyè peyi a: nan kote nò, soti nan Gwo Lanmè a, pa chemen Hethlon, jis rive nan antre a Tsedad; <sup>16</sup> ✧Hamath, Bérotha, Sibraïm, ki antre lizyè Damas ak lizyè Hamath; Hatzer-Hatthicon, kote lizyè Havran an. <sup>17</sup> Lizyè a va rive soti nan lanmè a ✧Hatsar-Énon nan lizyè Damas e nan rejyon nò, vè nò, se lizyè Hamath la. Sa se fwontyè nan kote nò a.”

<sup>18</sup> “Nan kote ✧lès la, soti nan antre Havran, Damas Galaad ak peyi Israèl, se va Larivyè Jourdain an; soti nan lizyè nò a jis rive nan lanmè lès la, ou va mezire li. Sa se kote lès la.”

<sup>19</sup> “Nan kote sid la, vè sid li va soti Thamar jis rive nan dlo ✧Meriba-Kadès, pou rive nan flèv Égypte la ak nan Gwo Lanmè a. Sa se kote sid la, vè sid.”

<sup>20</sup> “Nan kote ✧lwès la, se va Gwo Lanmè a, soti nan lizyè sid la pou rive nan yon pwent anfas Lebo-Hamath. Sa se kote lwès la.”

<sup>21</sup> “Konsa nou va pataje peyi sa pami nou menm selon trib Israèl yo. <sup>22</sup> Ou va divize li pa tiraj osò kon eritaj pami nou menm e pami letranje ki rete nan mitan nou yo, ki fè fis nan mitan nou yo. Epi yo va pou nou tankou moun peyi natal, pami fis Israèl yo; yo va resevwa yon ✧eritaj avèk nou pami tribi Israèl yo. <sup>23</sup> Epi nan tribi kote etranje a rete a, se la ou va bay li eritaj li,” deklare Senyè BONDYE a.

✧ 47:5 És 11:9 ✧ 47:6 Éz 8:6 ✧ 47:7 És 60:13-21 ✧ 47:8 Det 3:17 ✧ 47:9 És 12:3 ✧ 47:10 Mat 4:19 ✧ 47:11 Det 29:23 ✧ 47:12 Rev 22:2 ✧ 47:13 Nonb 34:2-12 ✧ 47:14 Det 1:8 ✧ 47:15 Nonb 34:7-9 ✧ 47:16 Nonb 13:21 ✧ 47:17 Nonb 34:9 ✧ 47:18 Nonb 34:10-12 ✧ 47:19 Det 32:51 ✧ 47:20 Nonb 34:6 ✧ 47:22 Trav 11:18

## 48

<sup>1</sup> Alò, ✨sila yo se non a tribi yo: soti nan pwent nò a akote chemen a Hethlon rive Lebo-Hamath, Hatsar-Énon nan lizyè Damas la, vè nò a akote Hamath, ki kouri soti nan lès pou ale nan lwès Dan, yon pòsyon.

<sup>2</sup> ✨Akote lizyè a Dan nan, soti nan kote lès la pou rive nan kote lwès la, Aser, yon pòsyon.

<sup>3</sup> Akote lizyè Aser a, soti nan kote lès la pou rive nan kote lwès la, ✨Nephthali, yon pòsyon.

<sup>4</sup> Akote lizyè ✨Nephthali a, soti nan kote lès la pou rive nan kote lwès la, Manassé, yon pòsyon.

<sup>5</sup> Akote ✨lizyè Manassé a, soti nan kote lès la pou rive nan kote lwès la, Éphraïm, yon pòsyon.

<sup>6</sup> Akote ✨lizyè Éphraïm nan, soti nan kote lès la pou rive nan kote lwès la, Ruben, yon pòsyon.

<sup>7</sup> Akote ✨lizyè Ruben an, soti nan kote lès la pou rive nan kote lwès la, Juda, yon pòsyon.

<sup>8</sup> Epi akote ✨lizyè Juda a, soti nan kote lès la jis rive nan kote lwès la, va yon pòsyon ke nou va mete akote, venn-senk-mil koude nan lajè ak nan longè, kon youn nan pòsyon yo, soti nan kote lès la pou rive nan kote lwès la; epi sanktiyè a va nan mitan li.

<sup>9</sup> Pòsyon ke nou va rezève pou SENYÈ a, venn-senk-mil koude nan longè e di-mil koude nan lajè. <sup>10</sup> Pòsyon sen an va pou sila yo; pou ✨prèt yo, vè nò, venn-senk-mil koude nan longè vè lwès, di-mil nan lajè e vè sid, venn-senk-mil nan longè; epi sanktiyè SENYÈ a va nan mitan l. <sup>11</sup> Li va pou prèt ki sen ✨pami fis a Tsadok yo, ki te kenbe responsabilite Mwen an, ki pa t vin egare lè fis Israèl yo te vin egare, jan Levit yo te egare a. <sup>12</sup> Li va yon pòsyon pou yo soti nan pòsyon peyi a, yon kote ki sen pase tout kote, akote pòsyon Levit yo.

<sup>13</sup> Akote lizyè prèt yo, Levit yo va gen venn-senk-mil koude nan longè e di-mil nan lajè. Longè total la va venn-senk-mil koude e lajè a va di-mil koude. <sup>14</sup> Anplis, yo ✨p ap ni vann ni fè echanj okenn ladann, ni anile okenn nan pòsyon chwazi nan teren sa a; paske li sen a SENYÈ a.

<sup>15</sup> Rèl la, senk-mil koude nan lajè e venn-senk-mil koude nan longè, va pou ✨sèvis vil la, pou kay yo ak pou espas ouvri yo; epi lavil la va nan mitan li. <sup>16</sup> Sa yo va mezi li: Nan kote nò a, kat-mil-senk-san koude, kote sid la, ✨kat-mil-senk-san koude, kote lès la, kat-mil-senk-san koude e kote lwès la, kat-mil-senk-san koude. <sup>17</sup> Vil la va gen espas ouvri yo: Nan nò, de-san-senkant koude, nan sid, de-san-senkant koude, nan lès, de-san-senkant koude e nan lwès, de-san-senkant koude. <sup>18</sup> Rèl longè akote pòsyon ki sen an, va di-mil koude vè lès e di-mil koude vè lwès; epi li va kouri akote pòsyon sen an. Epi pwodwi li yo va vin manje pou ouvriye vil yo. <sup>19</sup> Ouvriye vil yo, ki sòti nan tout tribi Israèl yo, va kiltive li. <sup>20</sup> Tout pòsyon an va venn-senk-mil pa venn-senk-mil koude; nou va mete apa pòsyon sen an, yon pòsyon an fòm kare, ak teren vil la.

<sup>21</sup> Tout sa ki rete va pou prens lan, de yon kote a yon lòt kote de pòsyon sen an ak teren vil la; devan venn-senk-mil koude a pòsyon an vè lizyè lès la e vè lwès, devan venn-senk-mil koude vè lizyè lwès la, akote pòsyon yo,

✨ 48:1 Egz 1:1 ✨ 48:2 Jos 19:24-31 ✨ 48:3 Jos 19:32-39 ✨ 48:4 Jos 13:29-31 ✨ 48:5 Jos 16:5-9 ✨ 48:6 Jos 13:15-21 ✨ 48:7 Jos 15:1-63 ✨ 48:8 És 12:6 ✨ 48:10 Éz 44:28 ✨ 48:11 Éz 40:46 ✨ 48:14 Lev 25:32-34 ✨ 48:15 Éz 42:20 ✨ 48:16 Rev 21:16

li va pou prens lan. Epi pòsyon sen an ak sanktiyè kay la va nan mitan li.  
<sup>22</sup> Apa de teren Levit yo ak teren vil la, ki nan mitan a sila ki apatyen a prens lan, tout bagay antre lizyè Juda a ak lizyè Benjamin an va pou prens lan.

<sup>23</sup> Pou tout rès tribi yo: Soti nan kote lès la pou rive nan kote lwès la, ✧Benjamin, yon pòsyon.

<sup>24</sup> Akote lizyè Benjamin an, soti nan kote lès la pou rive nan lwès la, ✧Siméon, yon pòsyon.

<sup>25</sup> Akote lizyè Siméon an, soti nan kote lès la pou rive nan kote lwès la, ✧Issacar, yon pòsyon.

<sup>26</sup> Akote lizyè Issacar a, soti nan kote lès la pou rive nan kote lwès la, ✧Zabulon, yon pòsyon.

<sup>27</sup> Akote lizyè Zabulon an, soti nan kote lès la pou rive nan kote lwès la, ✧Gad, yon pòsyon.

<sup>28</sup> Akote lizyè Gad la, soti nan kote vè sid la, lizyè a va soti ✧Thamar jis rive nan dlo a Meriba yo nan Kadès, nan flèv Égypte la, jis rive nan Gwo Lanmè a.

<sup>29</sup> Sa se ✧peyi ke nou va divize selon tiraj osò bay tribi Israël yo kon eritaj e sila yo se pòsyon pa yo,” deklare Senyè BONDYE a.

<sup>30</sup> Sa yo se kote pou sòti nan vil la: ✧Nan kote nò a, kat-mil-senk-san koude pa mezi, <sup>31</sup> Sa yo va pòtay vil yo, ✧ki gen non a tribi Israël yo, twa pòtay vè nò: pòtay Ruben an, youn; pòtay Juda a, youn; pòtay Levi a, youn.

<sup>32</sup> Nan kote lès la, kat-mil-senk-san koude, va gen twa pòtay sila yo: pòtay Joseph la, youn; pòtay Benjamin an, youn; pòtay Dan nan, youn.

<sup>33</sup> Nan kote sid la, kat-mil-senk-san koude pa mezi, va gen twa pòtay: pòtay Siméon an, youn; pòtay Issacar a, youn; pòtay Zabulon an, youn.

<sup>34</sup> Nan kote lwès la, kat-mil-senk-san koude, twa pòtay: pòtay Gad la, youn; pòtay Aser a, youn; pòtay Nephthali a, youn.

<sup>35</sup> Vil la va diz-ui-mil koude antoure nèt; epi non a vil la soti nan jou sa a va: ‘SENYÈ a la.’”

## DANIEL

<sup>1</sup> Nan twazyèm ane a règn ✧Jojakim, wa Juda a; Nebucadnetsar, wa Babylone nan, te rive Jérusalem e te fè syèj sou li. <sup>2</sup> Senyè a te livre Jojakim, wa Juda a, nan men li, ansanm ak kèk nan ✧veso lakay Bondye yo; Epi li te mennen yo nan peyi Schinear, kote lakay dye pa li a e li te mennen veso yo antre nan trezò a dye li a.

<sup>3</sup> Alò, wa a te pase lòd a Aschpenaz, chèf sou ofisye pa l yo, pou mennen kèk nan fis Israèl yo, ansanm ak kèk nan ✧fanmi wayal la ak kèk nan prens yo <sup>4</sup> Pami jennonm ki te san defo, ki te bo gason, ki te montre yo entèlijan nan tout kalite sajès, beni avèk bon konprann e ak kapasite pou desène e ki te gen kapasite pou fè sèvis nan palè a wa a; Epi pou enstwi yo nan lèt ak langaj a Kaldeyen yo. <sup>5</sup> Wa a te chwazi pou yo yon pòsyon manje ki te sòti nan meyè manje a wa a ak nan diven ke li te konn bwè e li te etabli pou yo ta kapab fè enstriksyon lekòl pandan twazan, nan fen a twazan yo, yo te dwe antre nan sèvis pèsònèl a wa a.

<sup>6</sup> Alò, pami yo, soti nan fis a Juda yo, se te ✧Daniel, Hanania, Mischaël, ak Azaria. <sup>7</sup> Answit, chèf ofisye yo te bay nouvo non a yo menm; epi a Daniel, li te bay non Beltschatsar, Hanania non a Schadrac, Mischaël non a Méschac e Azaria, non a Abed-Nego.

<sup>8</sup> Men Daniel te pran desizyon nan panse li pou li pa t ✧souye tèt li ak meyè manje a wa a, ni ak diven li te konn bwè a; konsa, li te chache pèmisyon a chèf ofisye yo pou li pa ta souye tèt li. <sup>9</sup> Alò, Bondye te bay Daniel ✧favè ak gras devan zye a chèf ofisye yo, <sup>10</sup> Epi chèf a ofisye yo te di a Daniel: “Mwen gen krent mèt mwen, Wa a, ki te bay lòd konsènan manje nou ak bwason nou; paske poukisa li ta dwe wè figi nou nan yon eta pi mal ke lòt jennonm ki gen menm laj avèk nou yo? Alò, nou ta fè mwen peye pri tèt mwen bay wa a.”

<sup>11</sup> Men Daniel te di a sipèvizè ke ofisye yo te chwazi sou Daniel, Hanania, Mischaël, ak Azaria a, <sup>12</sup> “Souple, teste sèvitè ou yo pandan di jou e kite nou ✧resevwa sèlman kèk legim pou manje ak dlo pou bwè. <sup>13</sup> Epi kite aparans nou vin konpare ak aparans a jennonm k ap manje meyè manje a wa a; Epi aji ak sèvitè ou yo selon sa ou wè a.” <sup>14</sup> Konsa, li te koute yo nan bagay sa a e te teste yo pandan di jou.

<sup>15</sup> ✧Nan fen di jou yo, aparans yo te parèt pi bon e yo te angrese plis ke tout jennonm ki t ap manje meyè manje a wa a. <sup>16</sup> Akoz sa, sipèvizè a te kontinye refize chwa manje pa yo a ak diven yo te dwe pou bwè a pou te kontinye ✧bay yo legim yo.

<sup>17</sup> Konsènan kat jennonm sila yo ✧Bondye te bay yo konesans ak entèlijans nan tout pati literati ak sajès yo; Daniel te menm konprann tout kalite vizyon ak rèv.

<sup>18</sup> Epi nan fen jou wa a te etabli pou prezante yo a, ofisye a te fè yo parèt devan Nebucadnetsar. <sup>19</sup> Wa a te pale ak yo e pami yo tout, pa t gen youn ki te konpare ak Daniel, Hanania, Mischaël, ak Azaria. Akoz sa, yo te ✧antre nan sèvis pèsònèl a wa a. <sup>20</sup> Pou chak sikonstans ke wa a te konsilte yo pou

✧ **1:1** II Wa 24:1 ✧ **1:2** II Kwo 36:7 ✧ **1:3** II Wa 24:15 ✧ **1:6** Éz 14:14-20 ✧ **1:8** Lev 11:47  
 ✧ **1:9** Jen 39:21 ✧ **1:12** Dan 1:16 ✧ **1:15** Egz 23:25 ✧ **1:16** Dan 1:12 ✧ **1:17** I Wa 3:12-28  
 ✧ **1:19** Jen 41:46

sajès ak bon konprann, li te twouve yo ✨dis fwa pi bon ke tout majisyen ak mèt zetwal ki te nan tout wayòm li a.

<sup>21</sup> Epi Daniel te kontinye jis rive nan ✨premye ane Cyrus, wa a.

## 2

<sup>1</sup> Alò, nan dezyèm ane règn a Nebucadnetsar a, Nebucadnetsar te ✨fè rèv; Epi lespri li te twouble e li pa t ka dòmi. <sup>2</sup> Epi wa a te pase lòd pou rele fè antre tout ✨majisyen yo, mèt zetwal yo, moun ki fè cham, mèt wanga ak Kaldeyen yo pou pale ak wa a e fè l tandè ki rèv li te fè yo. Konsa, yo te antre e te kanpe devan wa a. <sup>3</sup> Wa a te di yo: “Mwen ✨te fè yon rèv e lespri m vin twouble pou l ta konprann rèv la.”

<sup>4</sup> Kaldeyen yo te pale ak wa a an Arameyen: “O wa, viv jis pou tout tan! Pale rèv la a sèvitè ou yo e nou va deklare entèpretasyon li.”

<sup>5</sup> Wa a te reponn a Kaldeyen yo: “Lòd mwen an fin etabli: si nou pa fè m konnen rèv la ak entèpretasyon li a, nou va vin ✨chire mòso an mòso, e lakay nou va vin yon pil ranble. <sup>6</sup> Men si nou deklare rèv la ak entèpretasyon li, nou va resevwa nan men m, ✨kado, rekonpans ak gwo lonè; pou sa, fè m deklarasyon rèv la ak entèpretasyon li.”

<sup>7</sup> Yo te reponn yon dezyèm fwa e te di: “Kite wa a ✨eksplike rèv la a sèvitè li yo e nou va deklare entèpretasyon li.”

<sup>8</sup> Wa a te reponn: “Mwen konnen, anverite, ke nou ap pran tan la a, paske nou te wè ke lòd mwen an gentan fin byen etabli, <sup>9</sup> ke si nou pa fè m konnen rèv la, ap gen ✨yon sèl dekrè pou nou. Paske nou te vin antann nou, youn ak lòt pou fè manti ak pale pawòl konwonpi devan m jiskaske bagay la vin chanje; pou sa a, fè m konnen rèv la pou m ka konnen ke nou kapab deklare entèpretasyon li ban mwen.

<sup>10</sup> Kaldeyen yo te reponn wa a e te di: “Nanpwen yon nonm sou latè ki kapab deklare bagay la bay wa a, otan ke okenn gwo wa oswa chèf pa t janm mande okenn bagay konsa a okenn ✨majisyen, mèt wanga, oswa Kaldeyen. <sup>11</sup> Anplis, bagay ke wa a mande a difisil e nanpwen okenn lòt moun ki ka deklare li bay wa a sof ke ✨dye yo ki pa rete nan chè mòtèl.”

<sup>12</sup> Akoz sa, wa a te vin ✨ranpli ak kòlè ak gwo mekontantman, e li te bay lòd pou detwi tout mesye saj Babylone yo. <sup>13</sup> Konsa, dekrè a te pibliye ke mesye saj yo ta dwe touye; e yo t ap chache ✨Daniel ak zanmi li yo pou touye yo.

<sup>14</sup> Epi Daniel te reponn ak sajès e ak bon konprann a ✨Ajoc, chèf kò gad a wa a, ki te ale deyò pou touye mesye saj a Babylone yo. <sup>15</sup> Li te di a Ajoc, chèf pou wa a: “Pou ki rezon dekrè a wa a prese konsa?” Epi Ajoc te pale Daniel tout bagay la. <sup>16</sup> Konsa, Daniel te antre anndan e te fè yon demann a wa a pou li ta bay li tan, pou l ta ka deklare entèpretasyon an bay a wa a.

<sup>17</sup> Epi Daniel te ale lakay li e te fè zanmi li yo ✨Hanania, Mischaël, ak Azaria okouran konsènan bagay sila a <sup>18</sup> Pou yo ta kapab ✨fè yon demann mizèrikòd a Bondye syèl la konsènan mistè sa a, pou Daniel ak zanmi li yo pa ta vin detwi ak lòt nan mesye saj a Babylone yo. <sup>19</sup> Epi mistè a te revele a Daniel nan yon ✨vizyon nan aswè. <sup>20</sup> Daniel te di:

Kite non Bondye vin beni jis pou tout tan,  
Paske ✨sajès ak pouvwa se pou Li

✨ 1:20 I Wa 4:30-31 ✨ 1:21 Dan 6:28 ✨ 2:1 Jen 40:5-8 ✨ 2:2 Jen 41:8 ✨ 2:3 Jen 40:8 ✨ 2:5 Éz 6:11 ✨ 2:6 Dan 2:48 ✨ 2:7 Dan 2:4 ✨ 2:9 Est 4:11 ✨ 2:10 Dan 2:2-27 ✨ 2:11 Jen 41:39 ✨ 2:12 Sòm 76:10 ✨ 2:13 Dan 1:19-20 ✨ 2:14 Dan 2:24 ✨ 2:17 Dan 1:6 ✨ 2:18 Est 4:15 ✨ 2:19 Nonb 12:6 ✨ 2:20 I Kwo 29:11-12

21 Se Li menm ki ✨chanje tan ak sikonstans yo;  
Li retire wa e Li etabli wa;  
Li bay sajès a moun saj yo,  
e konesans a moun ki gen Bon konprann.

22 Se Li menm ki ✨Revele bagay pwofondè yo  
ak sa ki kache yo;  
Li konnen sa ki nan tenèb yo,  
e limyè a rete avè L.

23 A Ou menm, O ✨Bondye  
a papa zansèt mwèn yo,  
mwèn bay lwanj,  
Paske Ou te ban mwèn sajès ak pouvwa;  
Menm koulye a, Ou te fè m konnen sa  
ke nou te mande Ou a,  
Paske Ou te revele a nou menm sekrè a wa a.”

24 Akoz sa, Daniel te antre kote Ajoc, ke wa a te chwazi pou detwi mesye  
saj a Babylone yo; li te antre e te pale avè l konsa: ✨ “Pa detwi mesye  
saj a Babylone yo! Pran m antre nan prezans a wa a e mwèn va deklare  
entèpretasyon an bay wa a.

25 Epi Ajoc te ✨mennen Daniel byen vit devan prezans a wa a e li te pale  
avèk li konsa: “Mwèn te twouve yon nonm pami egzile Juda yo ki kapab  
fè wa a konnen entèpretasyon an.

26 Wa a te di a Daniel, ki te rele ✨Beltschatsar: “Èske ou kapab fè m  
konnen rèv ke m te fè a ak entèpretasyon li an?”

27 Daniel te reponn devan wa a e te di: ✨“Konsènan mistè sou sila wa a  
te mande a, ni mesye saj yo, ni mèt zetwal yo, ni majisyen yo, ni divinò  
yo p ap kapab deklare sa a wa a. 28 Men gen yon Bondye nan syèl la ki  
devwale mistè yo e Li te fè konnen a Wa Nebucadnetsar sa ki va rive nan  
✨dènye jou yo. Sa se te rèv ak vizyon ou yo nan panse ou sou kabann ou  
an.

29 Epi konsènan ou menm, o wa, pandan sou kabann ou an, refleksyon  
ou te vire vè sa ki ta vin rive nan tan ki gen pou vini yo; epi ✨Sila ki fè  
revelasyon mistè yo te fè ou konnen sa k ap vini yo. 30 Men selon mwèn  
menm, mistè sa a pa t revele a mwèn menm akoz sajès ki plis pase tout lòt  
moun k ap viv yo, men pou bi ke entèpretasyon an ta kapab vin konnen  
a wa a e ke ou ta ka konprann ✨refleksyon a panse ou yo.

31 Ou menm, O wa, ou t ap gade e vwala, te gen yon sèl gwo estati; estati  
sa a, ki te byen laj e tèlman bèl, te kanpe devan ou e aparans li te ✨etonan.

32 ✨Tèt estati a an lò fen, lestomak ak bra li an ajan, vant li ak kwis li an  
bwonz 33 Janm li an fè; pye li, yon pati an fè e yon pati an ajil. 34 Ou te  
kontinye gade, jiskaske yon pyè wòch te taye ✨san men moun e li ta frape  
estati a sou pye li ki fèt an fè ak ajil la e li te kraze yo. 35 Epi fè a, ajil la,  
bronz ak ajan an te vin kraze nan menm moman an e te vin tankou pay ki  
sòti sou glasi vannan nan gran sezon; Epi van te pote yo ale jiskaske ✨yo  
pa t menm jwenn tras yo. Men wòch ki te frape estati a te vin fè yon gwo  
mòn e te ranpli tout latè.

36 Se sa ki te rèv la; koulye a, nou va bay ✨entèpretasyon li devan wa a.

37 Ou menm, O wa, ou se ✨wadèwa yo, a sila Bondye syèl la te bay wayòm

✨ 2:21 Sòm 31:15 ✨ 2:22 Job 12:22 ✨ 2:23 Jen 31:42 ✨ 2:24 Dan 2:12-13 ✨ 2:25 Dan 1:7  
✨ 2:26 Jen 46:8-27 ✨ 2:27 Dan 2:2-11 ✨ 2:28 Jen 49:1 ✨ 2:29 Dan 2:23-47 ✨ 2:30 Sòm  
139:2 ✨ 2:31 Hab 1:7 ✨ 2:32 Dan 2:38 ✨ 2:34 Dan 8:25 ✨ 2:35 Sòm 37:10 ✨ 2:36 Dan  
2:24 ✨ 2:37 És 47:5



nan, pouvwa, pwisans ak glwa a; <sup>38</sup> Epi nenpòt kote fis a lòm yo rete, oswa ✧bèt nan chan yo, oswa zwazo syèl yo, Li te bay yo nan men ou e Li te fè ou chèf sou yo. Ou se tèt an lò a.

<sup>39</sup> Apre ou, va leve yon lòt wayòm ki enfèryè a ou menm e yon lòt twazyèm ak bwonz, ki va renye sou tout latè. <sup>40</sup> Epi va gen yon ✧katriyèm wayòm ak fòs tankou fè; menm jan ke fè a kraze e fann tout bagay yo; konsa, tankou fè ki kraze vin fè anpil mòso yo, li va vin kraze e fann tout sila yo an mòso. <sup>41</sup> Nan sila ou te wè pye ak dwèt pye yo, yon pati an fè ak yon pati an ajil la, li va yon wayòm divize; men, li va genyen nan li kapasite pou vin di kon fè, jan ou te wè fè a mele ak ajil la. <sup>42</sup> Dwèt pye li yo te mele fè ak kanari; konsa, yon pati nan wayòm nan va fò e yon pati va frajil. <sup>43</sup> Epi jan ou te wè fè a mele ak ajil òdinè a, yo va vin mele youn ak lòt nan jèm a lòm; men, yo p ap kole byen youn ak lòt, menm jan fè a pa mele ak kanari.

<sup>44</sup> Nan jou a wa sila yo, Bondye syèl yo va ✧etabli yon wayòm ki p ap janm detwi e wayòm sa a p ap lese pou yon lòt pèp; li va kraze e mete fen a tout wayòm sila yo, men li va li menm dire pou tout tan. <sup>45</sup> Jan ou te wè ke yon wòch te taye sòti sou yon mòn san sèvi ak men moun e ke li te kraze fè a, bwonz lan, ajil la, ajan an, ak lò a ✧gran Bondye a te fè konnen a wa a sa ki va rive nan tan k ap vini an. Donk, rèv la vrè e entèpretasyon li fèt ak fidelite.

<sup>46</sup> Epi Wa Nebucadnetsar te tonbe sou figi li, li te rann ✧omaj a Daniel e li te pase lòd pou prezante li ak yon ofrann ak lansan ki santi bon. <sup>47</sup> Wa a te reponn Daniel e te di: “Anverite, Bondye ou a se yon ✧Dye a tout dye yo, yon Senyè a wa yo e youn ki devwale mistè yo, paske ou te vin gen kapasite pou revele mistè sila a.

<sup>48</sup> Epi wa a te ✧Lev e Daniel, te bay li anpil gwo kado, li te fè li chèf sou tout pwovens a Babylone yo e li te chèf an tèt a tout mesye saj a Babylone yo. <sup>49</sup> Daniel te fè yon demann a wa a e li te chwazi Schadrac, Méschac ak Abed-Nego. Epi Daniel te nan lakou a wa a.

### 3

<sup>1</sup> 1Wa Nebucadnetsar te fè yon estati fèt an lò ak yon ✧imaj lò, wotè a sila a te swasant koude e lajè li sis koude. Li te fè l monte sou plèn Dura nan pwovens a Babylone. <sup>2</sup> Epi Nebucadnetsar, wa a, te voye rasanble tout ✧satrap yo, prefè yo, gouvènè yo, konseye yo, trezorye yo, jij yo, tout majistra ak chèf an pwovens yo pou vini nan seremoni dedikas imaj ke Nebucadnetsar, wa a, te fè monte a. <sup>3</sup> Epi satrap yo, prefè yo, gouvènè yo, konseye yo, trezorye yo, jij yo, majistra yo ak tout chèf an pwovens yo te rasanble pou seremoni dedikas imaj ke Nebucadnetsar te fè monte a; epi yo te kanpe devan imaj ke Nebucadnetsar te fè monte a.

<sup>4</sup> Moun ki konn fè piblikasyon pou wa a te pwoklame byen fò: “A nou menm, lòd la bay ✧O pèp yo, nasyon yo ak tout lang yo <sup>5</sup> Ke nan moman ke nou tande son a twonpèt la, flit la, bandyo a, saltiyon an, gita a, kònmiz lan, ak tout lòt kalite enstriman mizik yo, nou va pwostène nou pou adore imaj an lò ke Nebucadnetsar, wa a, te fè monte a. <sup>6</sup> Men, nenpòt moun ki pa pwostène pou adore va, lapoula, vin jete nan yon ✧founo dife byen cho.

<sup>7</sup> Pou sa, lè tout pèp yo te tande son a twonpèt la, flit la, bandyo a, saltiyon an, gita a, kònmiz lan, ak tout lòt kalite enstriman mizik yo, tout pèp yo,

✧ 2:38 Sòm 50:10-11 ✧ 2:40 Dan 7:23 ✧ 2:44 És 9:6-7 ✧ 2:45 Det 10:17 ✧ 2:46 Dan 3:5-7  
 ✧ 2:47 Det 10:17 ✧ 2:48 Jen 41:39-43 ✧ 3:1 I Wa 12:28 ✧ 3:2 Dan 3:3-27 ✧ 3:4 Dan 3:7  
 ✧ 3:6 Jr 29:22

nasyon yo ak langaj yo te pwostène e te adore imaj an lò ke Nebucadnetsar, wa a, te fè monte a.

<sup>8</sup> Pou rezon sa a, nan lè sa a, kèk Kaldeyen te vin parèt pou fè pwosè kont Jwif yo. <sup>9</sup> Yo te pale e te di a Nebucadnetsar, wa a: “O wa, viv jis pou tout tan! <sup>10</sup> Ou menm, O wa, ou te fè yon dekrè ke tout moun ki tandè son a twonpèt la, flit la, bandyo a, saltiyon an, gita a, kònmiz lan, ak tout lòt kalite enstriman mizik yo, yo va pwostène pou adore imaj an lò a. <sup>11</sup> Men nenpòt moun ki pa pwostène, va jete nan mitan a yon founo dife byen cho. <sup>12</sup> Genyen sèten Jwif ke ou te chwazi sou administrasyon pwovens Babylone nan, Schadrac, Méschac ak Abed-Nego. Mesye sila yo, O wa, pa t okipe ou; yo pa sèvi dye pa ou yo, ni adore imaj an lò ke ou te fè monte a.”

<sup>13</sup> Epi Nebucadnetsar byen anraje ak kòlè te pase lòd pou mennen Schadrac, Méschac ak Abed-Nego; Epi mesye sila yo te mennen devan wa a. <sup>14</sup> Nebucadnetsar te reponn e te di yo: “Èske se vre, Schadrac, Méschac ak abed-Nego, ke nou pa sèvi dye mwen yo ni adore imaj an lò ke mwen te fè monte a? <sup>15</sup> Alò, si nou pare, nan moman nou tandè son a twonpèt la, flit la, bandyo a, saltiyon an, gita a, kònmiz lan, ak tout lòt kalite enstriman mizik yo, pou nou pwostène e adore imaj ke mwen te fè a, se byen. Men, si nou pa adore, nou va byen vit jete nan yon founo dife byen cho; epi ki dye ki genyen ki kapab delivre nou sòti nan men mwen?”

<sup>16</sup> Schadrac, Méschac ak Abed-Nego te reponn a wa a: “O! Nebucadnetsar, nou pa oblije bay ou yon repons a kesyon sa a. <sup>17</sup> Si se konsa, Bondye nou an, Sila ke nou sèvi a, kapab delivre nou soti nan founo dife byen cho a; epi Li va delivre nou sòti nan men ou, O! wa. <sup>18</sup> Men menm si li pa fè sa kite sa vin konnen a a ou menm; O! wa, ke nou p ap sèvi dye pa ou yo ni adore imaj fèt an lò ke ou te fè monte a.

<sup>19</sup> Epi Nebucadnetsar te ranpli ak chalè kòlè e figi li te vin move kont Schadrac Méschac ak Abed-Nego. Li te reponn ak bay lòd pou monte chalè founo a sèt fwa plis ke li te konn brile a. <sup>20</sup> Li te kòmande sèten gèye vanyan ki te nan lame li a pou mare Schadrac, Méschac ak Abed-Nego, pou yo ta jete yo nan founo dife byen cho a cho a. <sup>21</sup> Alò, mesye sila yo te mare nèt ak pantalon yo, mayo yo, kas yo, ak tout lòt rad pa yo e yo te jete nan mitan founo dife byen cho a. <sup>22</sup> Pou rezon sa a, akòz lòd a wa te byen ijan e founo a te vin tèlman cho, flanm dife a te touye mesye ki te pote, fè monte, Schadrac, Méschac ak Abed-Nego yo. <sup>23</sup> Men twa mesye sila yo, Schadrac, Méschac ak Abed-Nego te tonbe nan mitan founo dife byen cho a toujou mare.

<sup>24</sup> Epi Nebucadnetsar, wa a, te vin etone e te kanpe vit; li te di a wo ofisye li yo: “Se pa twa mesye nou te voye jete tou mare nan mitan dife a?”

Yo te reponn a wa a: “Byen si, O! wa.”

<sup>25</sup> Li te di: “Gade! Mwen wè kat mesye lage k ap mache toupatou nan mitan dife a san yo pa gen anyen e aparans a katriyèm nan se tankou yon fis a dye yo!” <sup>26</sup> Epi Nebucadnetsar te vin toupè pòt founo dife byen cho a; li te reponn e te di: “Schadrac, Méschac ak Abed-Nego, vini deyò, sèvitè a Bondye Pi Wo a e vin la a!”

✧ 3:8 Éz 4:12-16 ✧ 3:9 Dan 2:4 ✧ 3:10 Est 3:12-14 ✧ 3:12 Dan 2:49 ✧ 3:13 Dan 2:12  
 ✧ 3:14 És 46:1 ✧ 3:15 Dan 3:6 ✧ 3:15 Egz 5:2 ✧ 3:16 Dan 1:7 ✧ 3:17 I Sam 17:37  
 ✧ 3:18 Eb 11:25 ✧ 3:19 Est 7:7 ✧ 3:21 Dan 3:27 ✧ 3:22 Egz 12:33 ✧ 3:23 És 43:2  
 ✧ 3:25 Sòm 91:3-9 ✧ 3:26 Dan 3:17

Epi Schadrac, Méschac ak Abed-Nego ✧te sòti nan mitan dife a. <sup>27</sup> Satrap yo, prefè yo, gouvènè yo, ak wo ofisye a wa yo te reyini antoure yo e te wè ke dife a pa t fè okenn efè sou kò a mesye sila yo, ni menm cheve yo pa t brile, ni pantalon pa yo pa t abime, ni sant dife a pa t rive sou yo.✧

<sup>28</sup> Nebucadnetsar te reponn e te di: “Beni se Bondye a Schadrac, Méschac ak Abed-Nego a, ki te voye ✧zanj Li pou te delivre sèvitè Li yo ki te mete ✧konfyans yo nan Li, ki te vyole lòd a wa a e ki te sede bay kò yo pou yo pa ta sèvi ni adore okenn lòt dye sof ke Bondye pa yo a. <sup>29</sup> Konsa, mwen ✧fè yon dekrè ke nenpòt pèp, nasyon, oswa lang ki pale yon bagay kont Bondye a Schadrac, Méschac, ak Abed-Nego a, li va chire mòso an mòso e lakay pa li va redwi a yon pil ranblè, paske ✧nanpwen lòt dye ki kapab delivre konsa.”

<sup>30</sup> Answit, wa a te ✧fè Schadrac, Méschac ak Abed-Nego vin pwospere nan pwovens Babylone nan.

## 4

<sup>1</sup> Nebucadnetsar, wa a

A tout pèp yo, nasyon ak lang, ki rete sou tout tè a:

“Ke lapè nou kapab vin anpil!✧

<sup>2</sup> Li te sanble bon pou mwen deklare sign ak mèvey ke ✧ Bondye Pi Wo a te fè pou mwen yo.

<sup>3</sup> A la gran ✧sign Li yo gran!

A la pwisan mèvey Li yo pwisan!

Wayòm Li se yon wayòm k ap dire jis pou tout tan;

Epi dominasyon li de jenerasyon an jenerasyon.

<sup>4</sup> Mwen, Nebucadnetsar, mwen te alèz nan lakay mwen e mwen ✧t ap pwospere nan palè mwen an. <sup>5</sup> Mwen te fè yon rèv e li te fè m gen gwo laperèz; Epi refleksyon sila yo sou kabann mwen ak ✧vizyon yo nan panse m te fè m gen gwo laperèz. <sup>6</sup> Konsa, mwen te pase lòd pou fè ✧mennen devan prezans mwen tout mesye saj Babylone yo, pou yo ta ka fè m konnen entèpretasyon a rèv la. <sup>7</sup> Epi majisyen yo, mèt zetwal yo, Kaldeyen yo ak divinò yo te antre e mwen te pale yo rèv la, men yo pa t ka fè m konnen ✧entèpretasyon li. <sup>8</sup> Men finalman, Daniel te antre devan m, ke non li te Beltschatsar, selon non dye pa mwen an e nan sila ✧lespri a dye sen yo ye a; Epi mwen te pale rèv la a li menm e te di

<sup>9</sup> O! Beltschatsar, chèf majisyen yo, akòz mwen konnen ke lespri a dye sen yo nan ou e ✧nanpwen mistè ki difisil pou ou ✧fè m konnen vizyon a rèv mwen ke m te fè yo, ansanm ak entèpretasyon li. <sup>10</sup> Alò, men vizyon ki te nan tèt mwen pandan mwen kouche sou kabann mwen an: Mwen t ap gade e vwala, yon ✧bwa nan mitan tè a e wotè l te byen gran.

<sup>11</sup> Bwa a te grandi byen gwo e li te vin fò epi wòtè l te ✧rive jis nan syèl la, Epi li te vizib jis rive nan dènye pwent a tout tè a. <sup>12</sup> Fèy li te byen bèl, fwi li te anpil e nan li, Se te manje pou tout moun. Bèt chan yo te jwenn lonbraj anba li, Epi zwazo nan syèl yo te rete sou branch li, Epi tout kreyati vivan yo te jwenn manje yo ladann.✧

<sup>13</sup> Mwen t ap gade vizyon yo nan panse m, sou kabann mwen an; Epi vwala ✧yon moun ki t ap veye ak ✧yon moun ki sen te desann soti nan

✧ 3:26 Det 4:20 ✧ 3:27 És 43:2; Dan 3:21 ✧ 3:28 Sòm 34:7-8 ✧ 3:28 Sòm 22:4-5 ✧ 3:29 Dan 6:26 ✧ 3:29 Dan 2:47 ✧ 3:30 Dan 2:49 ✧ 4:1 Éz 4:17 ✧ 4:2 Dan 3:26 ✧ 4:3 Sòm 77:19 ✧ 4:4 Sòm 30:6 ✧ 4:5 Dan 2:1-28 ✧ 4:6 Jen 41:8 ✧ 4:7 És 44:25 ✧ 4:8 Dan 4:9-18 ✧ 4:9 Éz 28:3 ✧ 4:9 Jen 41:15 ✧ 4:10 Éz 31:3-6 ✧ 4:11 Det 9:1 ✧ 4:12 Jr 27:6 ✧ 4:13 Dan 4:17,23 ✧ 4:13 Det 33:2

syèl la. <sup>14</sup> Li te kriye fò e te pale konsa: Koupe bwa a e retire branch li, Retire tout fèy li e gaye fwi li yo; Kite bèt yo ale soti anba l Epi zwazo yo soti sou branch li. <sup>15</sup> Sepandan \*kite chouk la rete anrasine nan tè a, Menm avèk yon bann an fè ak bwonz k ap ansèkle l Nan zèb nèf chan an, kite li menm moun nan tranpe ak lawoze syèl la, Epi kite li pataje zèb la avèk bèt chan latè yo. <sup>16</sup> Kite kè li vin chanje pou l pa kè Moun ankò Epi kite kè a yon bèt vin bay a li menm, Epi kite \*sèt epòk vin pase sou li.

<sup>17</sup> Dekrèt sa a se dekrè a sila ki t ap veye yo Epi desizyon sa a se yon lòd a sila ki sen yo, Pou sila k ap viv yo kapab \*konnen Ke Pli Wo a se chèf sou wayòm a lèzòm, Epi Li va \* bay li a nenpòt moun Li pito, Epi Li va enstale li sou moun ki pi ba yo.

<sup>18</sup> Sa se rèv ke mwen menm, Nebucadnetsar, te fè. Alò, ou menm, Beltschatsar, ou fè m konnen entèpretasyon li, kòm si nanpwen lòt moun pami \*mesye saj wayòm mwen yo ki kapab fè m konnen entèpretasyon an; men ou menm, ou kapab; paske lespri a dye sen yo nan ou.”

<sup>19</sup> Epi Daniel, ki rele Beltschatsar, te vin san pawòl pandan yon ti tan e \*refleksyon li yo te fè l pè. Wa a te reponn e te di: ‘Beltschatsar, pa kite rèv la, ni entèpretasyon li twouble ou.’

Beltschatsar te reponn: “Senyè mwen, rèv la te apatye a sila ki rayi ou yo e entèpretasyon li a lènmi ou yo! <sup>20</sup> \*Pyebwa ke ou te wè a, ki te vin gran e te vin fò a, wotè a sila ki te rive jis nan syèl la e te vizib a tout tè a <sup>21</sup> Epi fèy a sila ki te bèl, fwi anpil la, pyebwa nan sila te gen manje pou tout moun nan, pyebwa anba sila bèt chan yo te viv la e sou branch a sila zwazo syèl yo te vin poze a— <sup>22</sup> Se \*ou menm, O wa! Paske ou te vin gran e ou te vin fò; Epi majeste ou te vin gran rive jis nan syèl la e \*dominasyon ou jis rive nan dènye pwent latè.

<sup>23</sup> Epi tandiske wa a te wè yon moun ki t ap veye, yon moun ki sen, ki t ap desann kite syèl la e ki t ap di: \*‘Koupe bwa a e detwi li; sepandan, kite chouk la ak rasin li nan tè a, menm avèk yon bann fè ak bwonz k ap ansèkle li nan zèb nèf nan chan an, kite li menm moun nan tranpe ak lawoze syèl la e kite li pataje li ak bèt chan yo jiskaske sèt epòk vin pase sou li.’”

<sup>24</sup> Sa se entèpretasyon an, O! wa e sa se dekrè a Pli Wo a ki te \*vin rive sou senyè mwen an, wa a: <sup>25</sup> Ke ou va chase ale lwen de moun, ou va rete ak bèt chan, yo va fè ou manje zèb tankou bèt bèf e ou va tranpe ak lawoze syèl la; Epi sèt epòk va vin pase sou ou jiskaske ou vin rekonèt ke \*Pli Wo a se chèf sou wayòm a lèzòm e Li bay li a sila ke Li pito. <sup>26</sup> Epi, tandiske li te kòmande pou kite chouk la ak rasin pyebwa a, wayòm ou an va asire apre ou vin rekonèt ke se \*syèl la ki renye <sup>27</sup> Akoz sa, O wa, ke konsèy mwen an kapab fè ou kontan: sispann koulye a, peche ou yo pa ladwati e inikite ou yo pa \*montre mizerikòd a malere yo, pou si petèt ta kapab genyen yon pwolonjman pou trankilite ou.

<sup>28</sup> Tout sa te vin rive a Nebucadnetsar, wa a. <sup>29</sup> \*Douz mwa pita, li t ap mache sou twati palè wa a Babylone. <sup>30</sup> Wa a te reflechi e te di: ‘Èske se pa Gran Babylone \*sa a, ke m te bati kon yon rezidans wayal pa fòs a pouvwa mwen an e pou glwa a pwòp majeste mwen an?’

\* 4:14 Éz 31:10-14   \* 4:15 Job 14:7-9   \* 4:16 Dan 4:23-32   \* 4:17 Sòm 9:16   \* 4:17 Jr 27:5-7   \* 4:18 Jen 41:8-15   \* 4:19 Jr 4:19   \* 4:20 Dan 4:10-12   \* 4:22 II Sam 12:7   \* 4:22 Jr 27:6,7   \* 4:23 Dan 4:14-15   \* 4:24 Job 40:11-12   \* 4:25 Sòm 83:18   \* 4:26 Dan 2:18-44   \* 4:27 Sòm 41:1-3   \* 4:28 Nonb 23:19   \* 4:29 II Pi 3:9   \* 4:30 Eb 2:4

<sup>31</sup> Pandan pawòl sa te toujou nan bouch a wa a, yon vwa te sòti nan syèl la e te di: ‘Wa Nebucadnetsar, a ou menm sa deklare; wayòm nan rache soti nan men ou, <sup>32</sup> Epi ou va chase ale lwen de moun e plas ou pou rete va avèk bèt chan yo. Yo va fè ou manje zèb tankou bèf e sèt epòk a va pase sou ou jiskaske ou rekonèt ke Pli Wo a se chèf sou tout wayòm a lèzòm e Li bay li a nenpòt moun ke Li pito.’<sup>\*</sup>

<sup>33</sup> Lapoula, pawòl konsènan Nebucadnetsar a te vin akonpli; Epi li te <sup>\*</sup>chase ale lwen de moun, li te kòmanse manje zèb tankou bèf, kò l te tranpe ak lawoze syèl la jiskaske cheve li te vin gran kon plim a yon èg e zong li kon zong a yon zwazo.

<sup>34</sup> “Men lè tan sa a te fini, mwen menm, Nebucadnetsar, mwen te leve zye m vè syèl la, bon konprann mwen te retounen sou mwen, mwen te beni <sup>\*</sup>Pi Wo a, mwen te louwe e mwen te bay omaj a <sup>\*</sup>Sila ki vivan jis pou tout tan an;

Paske règn Li se yon règn ki dire pou tout tan  
Epi wayòm Li de jenerasyon an jenerasyon.

<sup>35</sup> Tout sila ki rete sou latè yo pa konte pou anyen,  
Men <sup>\*</sup>Li fè selon volonte Li nan lame syèl la  
e pami sila ki rete sou latè yo;  
Epi nanpwen moun ki ka evite men Li,  
ni mande Li: ‘Kisa Ou fè la a?’

<sup>36</sup> Nan lè sa a <sup>\*</sup>bon konprann mwen te retounen sou mwen. Epi majeste ak mayifisans mwen te restore a mwen menm pou glwa a wayòm mwen an; Epi konseye mwen yo ak prens mwen yo te kòmanse chache twouve mwen; konsa, mwen te retabli souverènte mwen e menm <sup>\*</sup>pi gwo pwisans te vin ogmante sou mwen. <sup>37</sup> Alò, mwen menm Nebucadnetsar, mwen fè lwanj, egzaltasyon ak lonè a Wa syèl la, paske <sup>\*</sup>tout zèv Li yo vrè, chemen Li yo jis e Li kapab imilye sila ki <sup>\*</sup>mache ak ògèy yo.”

## 5

<sup>1</sup> Belschatsar, wa a te fè yon <sup>\*</sup>gran fèt pou yon milye nan gwo chèf li yo e li t ap bwè diven nan prezans a milye a gwo chèf yo. <sup>2</sup> Lè Belschatsar te goute diven an, li te pase lòd pou pote <sup>\*</sup>veso fèt an lò ak ajan ke Nebucadnetsar, papa li, te retire nan tanp ki te Jérusalem yo, pou wa a ak prens li yo, madanm li yo ak ti mennaj li yo ta kapab bwè nan yo. <sup>3</sup> Konsa, yo te mennen veso fèt an lò ki te sòti nan tanp lan, lakay Bondye ki te Jérusalem nan; Epi wa a ak prens li yo, madanm li yo ak ti mennaj li yo te bwè nan yo. <sup>4</sup> Yo te bwè diven an e te louwe dye a <sup>\*</sup>lò, ak ajan, bwonz, fè, bwa ak wòch yo.

<sup>5</sup> Sibitman, men a yon moun te vin parèt, li te kòmanse ekri anfas chandelye sou randisaj miray palè a Wa a e wa a te wè pati dèyè a men ki t ap ekri a. <sup>6</sup> Epi figi a wa a te vin blanchi, refleksyon li yo te fè l gen gwo laperèz, jwen ren li te vin pèdi fòs e jenou li te kòmanse souke jiskaske youn t ap frape kont lòt.

<sup>7</sup> Wa a te rele byen fò pou yo mennen mèt zetwal yo, Kaldeyen ak divinò yo. Wa a te pale e te di a mesye saj Babylone yo: “Nenpòt moun ki ka li enskripsyon sa a e eksplike entèpretasyon li, li va abiye an mov, resevwa

<sup>\*</sup> 4:32 Dan 4:25; Dan 4:16 <sup>\*</sup> 4:33 Dan 4:25 <sup>\*</sup> 4:34 Dan 4:2 <sup>\*</sup> 4:34 Sòm 102:24-27 <sup>\*</sup> 4:35 Sòm 33:11; Job 42:2 <sup>\*</sup> 4:36 II Kwo 33:12,13 <sup>\*</sup> 4:36 Pwov 22:4 <sup>\*</sup> 4:37 Det 32:4 <sup>\*</sup> 4:37 Egz 18:11 <sup>\*</sup> 5:1 Est 1:3 <sup>\*</sup> 5:2 II Wa 24:13 <sup>\*</sup> 5:4 Sòm 115:4

yon kolye an lò nan kou li e vin jwenn pozisyon kon twazyèm chèf nan peyi a.”

<sup>8</sup> Alò, tout moun nan mesye saj a wa yo te antre, men ✧yo pa t ka li enskripsyon an ni fè wa a konnen sa li vle di. <sup>9</sup> Epi wa Belschatsar te plen ak ✧gwo laperèz, figi li te vin pi pal e prens li yo te vin twouble.

<sup>10</sup> Rèn nan te antre nan kay bankè a akoz pawòl a wa a ak prens li yo; rènnan te pale e te di: ✧“O! wa, viv jis pou tout tan! Pa kite refleksyon ou yo fè ou pè, ni figi ou vin pal. <sup>11</sup> Gen yon ✧nonm nan wayòm ou a, nan li menm twouve ✧lespri a dye sen yo; Epi nan jou a papa ou yo, limyè, bon konprann, ak sajès tankou sajès a dye yo te twouve nan li. Epi Wa Nebucadnetsar, papa ou, Wa a, te chwazi li chèf sou majisye yo, mè zetwal yo, Kaldeyen ak divinò yo. <sup>12</sup> Se te akoz yon ✧lespri ekstrawòdinè, konesans, bon konprann, entèpretasyon a rèv yo, eksplikasyon a fraz ki nwa ak kapasite pou rezoud pwoblèm difisil. Tout sa te twouve nan Daniel sila a, ke wa a te rele Belshatsar. Kounye a, kite yo rele Daniel e li va fè deklarasyon a entèpretasyon an.”

<sup>13</sup> Epi Daniel te mennen devan wa a. Wa a te pale e te di a Daniel: “Èske ou se menm Daniel ki te youn nan ✧egzile a Juda yo, ke papa mwen, wa a, te mennen soti Juda a? <sup>14</sup> Alò, mwen te tandè de ou menm, ke lespri a dye yo nan ou, ke konesans, bon konprann ak sajès ki depase tout moun twouve nan ou. <sup>15</sup> Epi koulye a, mesye saj yo, mè zetwal yo te mennen devan m pou yo ta ka li enskripsyon sa a e fè entèpretasyon an vin konnen a mwen menm, men yo ✧pa t ka deklare entèpretasyon a mesaj la. <sup>16</sup> Men mwen te tandè pèsònèlman konsènan ou menm, ke ou kapab bay entèpretasyon e rezoud pwoblèm difisil. Alò, si ou kapab li enskripsyon an e fè mwen konnen entèpretasyon an, ou va abiye an mov, pote yon kolye an lò nan kou ou e ou va gen otorite kon twazyèm chèf nan wayòm nan.”✧

<sup>17</sup> Daniel te reponn e te di devan wa a: ✧“Kenbe kado ou yo pou ou menm, oswa bay rekonpans ou yo a yon lòt moun; sepandan, mwen va li enskripsyon an pou wa a e mwen fè l konnen entèpretasyon an.

<sup>18</sup> O! wa ✧Lè Bondye Pli Wo a ✧te bay souverènte, grandè ak glwa a Nebucadnetsar, papa ou. <sup>19</sup> Akoz grandè ke Li te bay li a, tout pèp yo, nasyon ak lang yo te gen lakrent li e te tranble devan l; ✧nenpòt moun li te pito, li te touye l e nenpòt moun li te pito, li te lese l viv; Epi nenpòt moun li te pito, li te leve l e nenpòt moun li te pito, li te imilye l. <sup>20</sup> Men lè kè l te ✧vin egzalte wo, lespri li te vin ✧tèlman ògeye, ke li te aji ak awogans, li te destitue de twòn wayal li a e glwa li a te rache soti nan men l. <sup>21</sup> Anplis, li te ✧chase lwen de lòm, kè l te vin transfòmè kon kè a bèt e li te vin rete ak bourik mawon. Yo te fè li manje zèb kon bèt e kò l te tranpe ak lawoze syèl la jiskaske li te vin rekonèt Bondye Pli Wo a se chèf sou wayòm a lèzòm e ke li mete chèf sou li sila ke Li pito.

<sup>22</sup> Malgre sa, ou menm, fis li a, Belschatsar ✧pa t imilye kè ou, malgre ou te konnen tout sa <sup>23</sup> Men ou te ✧egzalte tèt ou kont Senyè syèl la; Epi yo te mennen veso lakay Li yo devan ou e ou menm ak prens ou yo, madanm ou yo, ak ti mennaj ou yo t ap bwè diven nan yo; Epi ou te bay lwanj a dye a ajan, lò, bwonz, fè, bwa, ak wòch yo, ki pa wè, tandè, ni konprann. Men Bondye ✧nan men a Sila souf lavi ou ye a, pou Sila tout chemen ou yo ye

✧ 5:8 Jen 41:8 ✧ 5:9 Job 18:11 ✧ 5:10 Dan 3:9 ✧ 5:11 Jen 41:11-15 ✧ 5:11 Dan 4:8  
 ✧ 5:12 Dan 5:14 ✧ 5:13 Éz 4:1 ✧ 5:15 És 47:12 ✧ 5:16 Jen 40:8 ✧ 5:17 II Wa 5:16  
 ✧ 5:18 Dan 4:2 ✧ 5:18 Dan 2:37 ✧ 5:19 Dan 2:12-13 ✧ 5:20 Egz 9:17 ✧ 5:20 II Wa 17:4  
 ✧ 5:21 Job 30:3-7 ✧ 5:22 Egz 10:3 ✧ 5:23 II Wa 14:10 ✧ 5:23 Job 12:10

a, ou pa t bay Li glwa. <sup>24</sup> Konsa, men an te voye nan li e sa se enskripsyon ki te byen ekri a.✧

<sup>25</sup> Alò, sa se enskripsyon ki te byen ekri a: MENE, MENE, TEKEL, UPHARSIN.’

<sup>26</sup> Sa se entèpretasyon a mesaj la: MENE—Bondye te konte wayòm ou an e te mete fen a li.✧

<sup>27</sup> “‘TEKEL’—ou te ✧peze sou balans e ou te manke.

<sup>28</sup> “‘PERES’—wayòm ou an vin divize e li va bay a ✧ moun Mèd ak Pès yo.

<sup>29</sup> Epi Belschatsar te pase lòd pou yo te ✧abiye Daniel an mov, yo te mete yon kolye an lò nan kou li e yo te pibliye yon dekrè selon li ke Daniel te gen otorite kon twazyèm chèf nan wayòm nan.

<sup>30</sup> Menm nwit sa a, Belschatsar, wa Kaldeyen an te touye.✧ <sup>31</sup> Konsa ✧Darius, Mèd la, te resevwa wayòm nan ak anviwon laj swasann-de lane.

## 6

<sup>1</sup> Sa te fè Darius plezi pou chwazi san-ven satrap sou wayòm nan, pou yo ta kapab pran chaj a tout wayòm nan, <sup>2</sup> Epi sou yo menm, twa chèf (youn nan sila yo se te ✧Daniel), pou satrap sa yo ta kapab bay kont sou yo menm e pou wa a pa ta gen okenn donmaj. <sup>3</sup> Epi Daniel te kòmanse distenge li menm pami chèf ak satrap yo akoz li te posede yon ✧lespri ekstrawòdinè e wa a te fè plan pou plase li sou ✧tout wayòm nan.

<sup>4</sup> Epi chèf ak satrap yo te kòmanse chache pou twouve yon koz akizasyon kont Daniel nan zafè wayòm nan; men, yo pa t ka jwenn ✧okenn baz pou akize l, ni okenn koripsyon; akoz li te fidèl, okenn neglijan ni koripsyon pa t ka twouve nan li. <sup>5</sup> Epi mesye sila yo te di: “Nou p ap jwenn okenn mwayen pou fè akizasyon kont Daniel eksepte nou jwenn sa kont li konsènan ✧Lalwa Bondye li a.”

<sup>6</sup> Alò, chèf sila yo ak satrap yo te antann yo pou te parèt devan wa a e te pale avèk li konsa: “Wa Darius, viv jis pou tout tan!✧ <sup>7</sup> Tout chèf wayòm ak prefè yo, satrap yo, wo ofisyèl ak gouvènè yo te ✧fè konsiltasyon ansanm pou wa a ta etabli yon estati e fè yon dekrè pou nenpòt moun ki ta fè yon priyè a yon lòt dye oswa lòm sof ke ou menm pandan trant jou, o! wa, dwe ✧jete nan fòs lyon an. <sup>8</sup> Alò, O! wa ✧fè dekrè a e siyen dokiman pou l pa ka chanje selon lalwa Mèd ak Pès yo, ki p ap ka chanje. <sup>9</sup> Konsa Darius, wa a, te ✧siyen dokiman an, sa vle di, dekrè a.

<sup>10</sup> Alò, lè Daniel te konnen ke dokiman an te fin siyen, li te lantre lakay li (alò, nan chanm anwo a, te gen fenèt ki te ouvri vè Jérusalem); Epi li te mete li sou jenou li twa fwa pa jou, pou ✧fè lapriyè e ✧bay remèsiman devan Bondye li a, jan li te kon fè oparavan an. <sup>11</sup> Alò, mesye sila yo te reyini ansanm ✧ e yo te vin jwenn Daniel ki t ap fè petisyon ak siplikasyon li devan Bondye li a. <sup>12</sup> Epi yo te pwoche pou te pale devan wa a konsènan dekrè a: “Èske ou pa t siyen yon dekrè ke yon moun ki ta fè petisyon a yon lòt dye oswa lòm sof ke ou menm, O! wa, pandan trant jou, ta vin jete nan fòs lyon an?”

Wa a te reponn: “Pawòl sa a se verite, selon ✧Lalwa a Mèd ak Pès yo, ki p ap ka chanje menm.”

✧ 5:24 Dan 5:5 ✧ 5:26 És 13:6,17-19 ✧ 5:27 Job 31:6 ✧ 5:28 És 13:17 ✧ 5:29 Dan 5:7-16

✧ 5:30 És 21:4-9 ✧ 5:31 Dan 6:1 ✧ 6:2 Dan 2:48,49 ✧ 6:3 Dan 5:12,14 ✧ 6:3 Jen 41:40

✧ 6:4 Dan 6:22 ✧ 6:5 Trav 24:13-21 ✧ 6:6 Né 2:3 ✧ 6:7 Sòm 59:3 ✧ 6:7 Sòm 10:9

✧ 6:8 Est 3:12; Est 1:19 ✧ 6:9 Sòm 118:9 ✧ 6:10 Dan 9:4-19 ✧ 6:10 Sòm 34:1 ✧ 6:11

Sòm 37:32-33 ✧ 6:12 Est 1:19

<sup>13</sup> Epi yo te reponn e te pale devan wa a: “Daniel, ki se youn nan egzile ki soti Juda yo ✨pa okipe ou, O! wa, ni dekrè ke ou te siyen an, men kontinye fè petisyon li yo twa fwa pa jou.” <sup>14</sup> Alò, depi wa a te fin tandè pawòl sa a, li te vin byen twouble e te dirije pansè li sou mwayen pou delivre Daniel; Epi jiskaske solèy fin kouche, li te kontinye fè efò pou l ta ka sove li.

<sup>15</sup> Epi mesye sila yo te rasanble ansanm devan wa a e te di wa a: “Byen konprann, O! wa, ke sa se yon ✨lwa a Mèd ak Pès yo, ke okenn pwosè legal, ni dekrè ke wa a ta etabli, pa kapab chanje.”

<sup>16</sup> Konsa, wa a te pase lòd pou mennen Daniel jete nan fos lyon an. Wa a te pale e te di a Daniel: ✨“Bondye ou a, ke ou sèvi san rete a, va Li menm, delivre ou.”

<sup>17</sup> Yon ✨wòch te mennen pou te plase sou bouch a fòs la; Epi wa a sele li ak pwòp bag so a li a e ak bag so a prens li yo, pou anyen pa ta chanje konsènan Daniel. <sup>18</sup> Epi wa a te ale nan palè li e te pase nwit lan nan fè jèn; pa t gen okenn enstriman mizik ki te pote devan l; Epi somèy te kite l. ✨

<sup>19</sup> Alò, wa a te leve avan solèy la, lè bajou fenk kase e li te fè vit ale nan fòs lyon an. <sup>20</sup> Lè li te vin pre fòs kote Daniel la, li te kriye fò ak yon vwa byen twouble. Wa a te pale e te di a Daniel: “Daniel, sèvitè a Bondye vivan an, èske ✨Bondye ou a, ke ou sèvi san rete a ✨te gen kapasite pou delivre ou de lyon yo?”

<sup>21</sup> Epi Daniel te reponn a wa a: ✨“O! wa, viv jis pou tout tan! <sup>22</sup> Bondye mwen an ✨te voye zanj li, li ✨te fèmen bouch a lyon yo e yo pa t fè m okenn mal; paske, mwen te twouve inosan devan l; epi osi, anvè ou menm, O! wa, mwen pa t fè okenn krim.

<sup>23</sup> Epi wa a te vrèman kontan e te pase lòd pou Daniel ta retire nan fòs la. Konsa, Daniel te vin retire nan fòs la e okenn blesi pa t menm twouve sou li, akoz li te ✨mete konfyans nan Bondye li a.

<sup>24</sup> Epi wa a te pase lòd pou yo te mennen mesye sila ki te aji ak movèz fwa, pou akize Daniel yo e yo te ✨jete yo menm, pitit yo ak madanm yo nan fòs lyon an; Epi yo pa t menm rive nan baz fòs la avan lyon yo te sezi yo e te kraze tout zo yo.

<sup>25</sup> Epi Darius, wa a te ekri a tout pèp yo, nasyon ak lang ki t ap viv nan tout peyi a:

‣“Ke lapè ou kapab vin miltipliye!

<sup>26</sup> Mwen fè yon dekrè ke nan tout dominasyon wayòm mwen an, pou tout moun gen pou gen lakrent e tranble devan Dye Daniel la; Paske Li se ✨Bondye vivan an, ki ✨dire jis pou tout tan an, epi wayòm Li an se yon wayòm ki p ap janm detwi e règn li an va jis pou tout tan.

<sup>27</sup> Li delivre e Li sove,

Li fè sign ak mèvèy nan syèl la ak sou tè a.

Li te anplis delivre Daniel soti nan pouvwa a lyon yo.” ✨

<sup>28</sup> Konsa, Daniel sila a te vin pwospere pandan règn a Darius la e pandan règn a Cyrus, Pès la. ✨

‣ **6:13** Est 3:8 ‣ **6:15** Est 8:8 ‣ **6:16** Job 5:19 ‣ **6:17** Lam 3:53 ‣ **6:18** II Sam 12:16,17; Est 6:1 ‣ **6:20** Jen 18:14 ‣ **6:20** Dan 6:16,27 ‣ **6:21** Dan 2:4 ‣ **6:22** Sòm 91:11-13 ‣ **6:22** Nonb 20:16 ‣ **6:23** I Kwo 5:20 ‣ **6:24** Det 19:18,19; Det 24:16 ‣ **6:25** Esd 4:17 ‣ **6:26** Dan 4:34 ‣ **6:26** Sòm 93:1,2 ‣ **6:27** Dan 4:2-3 ‣ **6:28** II Kwo 36:22



## 7

<sup>1</sup> Nan premye ane Belschatsar, wa Babylone nan, Daniel te fè yon rèv ak vizyon nan panse li, sou kabann li; Epi li te ✨ekri rèv la e te rakonte bagay prensipal yo.

<sup>2</sup> Daniel te di: “Mwen t ap gade nan vizyon mwen pandan nwit lan; epi vwala ✨kat van syèl yo t ap boulvèse gwo lanmè a. <sup>3</sup> Epi kat gran ✨bèt t ap monte soti nan lanmè a, youn pa t sanble lòt.

<sup>4</sup> Premye a te ✨tankou yon lyon e li te gen zèl a èg. Mwen te gade jiskaske plim li yo te vin rache, li te leve kite tè a e li te fèt vin kanpe sou de pye kon yon moun. Anplis, li te resevwa kè a yon moun.

<sup>5</sup> Epi vwala, yon lòt bèt, yon dezyèm, ki te sanble ak yon lous. Li te vin leve nan yon bò e twa zo kòt te nan bouch li nan dan li; epi konsa, yo te di a li: “Leve, devore anpil vyann!”

<sup>6</sup> Apre sa, mwen te kontinye gade e vwala, yon lòt ✨tankou yon leyopa, ki te gen sou do li kat zèl a yon zwazo; bèt la, anplis, te gen ✨kat tèt e dominasyon te vin bay a li menm.

<sup>7</sup> Apre sa, mwen te kontinye gade nan vizyon nwit lan e vwala, yon katriyèm bèt, byen tèrib, pwisan e ki te fò depase; ak gwo dan fèt an fè. Li te devore, kraze e foule tout sa ki te rete anba pye li; Epi li te diferan de tout lòt bèt ki te parèt avan li yo e li te gen ✨dis kòn.

<sup>8</sup> Pandan mwen t ap reflechi sou kòn yo, vwala ✨yon lòt kòn, yon ti piti, te vin leve pami yo e twa nan premye kòn yo te rache pa rasin yo devan li; Epi vwala, kòn sila a te gen zye tankou zye a moun e yon ✨bouch ki te eksprime anpil bagay ak gwo awogans.

<sup>9</sup> Mwen te kontinye gade jiskaske ✨twòn yo te vin plase. Epi youn ki te ansyen de jou te chita.

Abiman Li te tankou lanèj blan

e cheve nan tèt Li te tankou lenn san tach.

Twòn Li te briyan akoz flanm yo, E wou li yo te yon dife ki t ap brile.

<sup>10</sup> Yon rivyè dife t ap koule te vin parèt devan L;

Milye dè milye t ap okipe L

e Di-mil fwa di-mil te kanpe devan L;

Jijman an te prè

e ✨liv yo te vin ouvri.

<sup>11</sup> Alò, mwen te kontinye gade, akoz son a pawòl awogan ke kòn nan t ap pale yo; mwen te kontinye gade jiskaske dènye bèt la te vin touye, kò l te detwi e te vin bay a ✨dife ki t ap brile a. <sup>12</sup> Pou tout lòt bèt yo, dominasyon yo te vin retire, men yo te resevwa yon pwolongasyon lavi pandan yon sezon ak pandan yon tan.

<sup>13</sup> Mwen te kontinye gade nan vizyon nwit lan; Epi vwala, la te vini ak nwaj syèl yo. Yon moun tankou yon ✨Fis a Lòm ki t ap vini; Epi Li te vin parèt devan Ansyen A Jou Yo e te prezante devan L. <sup>14</sup> Epi a li menm, Li te bay ✨dominasyon, glwa a ak yon wayòm, pou tout pèp, nasyon ak lang yo ta ka sèvi Li. ✨Dominasyon Li an se yon dominasyon k ap dire jis pou tout tan, Ki p ap janm fini. Epi wayòm Li an se yon wayòm ki p ap detwi.

<sup>15</sup> Pou mwen menm, Daniel, lespri mwen te twouble anndan mwen e vizyon nan panse m yo te kontinye ban m ✨gwo laperèz. <sup>16</sup> Mwen te

✨ 7:1 Jr 36:4 ✨ 7:2 Rev 7:1 ✨ 7:3 Dan 7:7 ✨ 7:4 Jr 4:7 ✨ 7:6 Rev 13:2 ✨ 7:6 Dan 8:22 ✨ 7:7 Rev 12:3 ✨ 7:8 Dan 8:9 ✨ 7:8 Rev 13:5,6 ✨ 7:9 Rev 20:4 ✨ 7:10 Dan 12:1 ✨ 7:11 Rev 19:20 ✨ 7:13 Mat 24:30 ✨ 7:14 Dan 7:27 ✨ 7:14 Mi 4:7 ✨ 7:15 Dan 4:19

pwoche youn nan sila ki te ✨kanpe akote yo e te kòmanse mande li kisa tout sa te vle di.

Konsa, li te ✨eksplike mwen e te fè m konnen byen dirèk entèpretasyon a tout bagay sa yo: <sup>17</sup> Gwo bèt sila yo, ki se kat yo, se kat wa ki va leve soti nan tè a. <sup>18</sup> Men sen a Sila Ki Pli Wo yo va ✨resevwa wayòm nan e va posede wayòm nan jis pou tout tan, pou tout laj ki gen pou vini yo.

<sup>19</sup> Epi mwen te dezire konnen kisa ✨Katriyèm bèt la te sinyifi, ki pa t menm jan ak lòt bèt yo, te vrèman tèrib, ak dan li an fè e grif li an bwonz, ki te devore, kraze e foule rès la anba pye li <sup>20</sup> Epi kisa dis kòn sou tèt li yo ak lòt kòn ki te vin leve a te sinyifi e devan sila twa nan yo te tonbe a, kòn ki te gen zye ak bouch ki te pi gran nan aparans ke parèy li yo. <sup>21</sup> Mwen te kontinye gade, kòn sa a t ap ✨fè lagè ak fidèl yo e te enpoze li sou yo. <sup>22</sup> Jiskaske Ansyen A Jou Yo te vini ✨jijman an te fèt nan favè a sen a Sila Ki Pli Wo a e lè a te rive pou sen yo te pran posesyon a wayòm nan.

<sup>23</sup> Konsa, li te di: ‘Katriyèm bèt la va yon katriyèm wayòm sou latè, ki va apa de tout lòt wayòm yo, li va devore tout latè, mache sou li e kraze li an mòso. <sup>24</sup> E pou ✨dis kòn yo, sòti nan wayòm sa a, dis wa va leve; Epi yon lòt va leve apre yo, li p ap menm jan ak lòt ki te avan yo e li va kraze twa wa yo. <sup>25</sup> Li va pale kont Pli Wo a, li va ✨epwize sen a Sila Ki Pli Wo a, li va gen entansyon pou ✨fè chanjman nan tan ak lwa yo; Epi yo va vin livre nan men li pandan yon tan dè tan ak yon mwatye tan.

<sup>26</sup> Men jijman an va prè, dominasyon li an va ✨rache, anile e detwi jis pou tout tan. <sup>27</sup> Epi wayòm a dominasyon an, ak grandè a tout wayòm yo anba tout syèl la va vin livre a pèp a sen a Pli Wo yo; wayòm Li an, yon wayòm k ap dire jis pou tout tan e tout dominasyon yo va sèvi e obeyi Li.’ ✨

<sup>28</sup> Rive nan pwèn sa a, revelasyon an te sispann. Pou mwen menm, Daniel, refleksyon mwen yo te ✨twouble m anpil anpil e figi m te vin pal; men, mwen te ✨kenbe bagay la nan kè m.”

## 8

<sup>1</sup> Nan twazyèm ane règn a Belschatsar a, wa a, yon vizyon te parèt a mwen menm, Daniel, apre sa ki parèt a mwen an premye a. <sup>2</sup> Mwen te gade nan vizyon an e pandan mwen t ap gade a, mwen te nan ✨Suse, palè ki nan pwovens Élam nan; Epi mwen te gade nan vizyon an e mwen te bò Kanal Ulaï a. <sup>3</sup> Epi mwen te leve zye m pou te gade e vwala, yon ✨belye ak de kòn ki te kanpe devan kanal la. Alò, de kòn yo te long, men youn te pi long ke lòt la e sa ki pi long lan ki te leve an dènye. <sup>4</sup> Mwen te wè belye a ki t ap frape tèt li vè lwès, vè nò e vè sid e pa t gen bèt ki te ka kanpe devan l, ni pa t gen youn ki te kab delivre soti anba men li; ✨ Men, li te fè sa li te pito e te leve tèt li Wo.

<sup>5</sup> Pandan mwen t ap gade a, vwala yon mal kabrit t ap vini soti nan lwès sou fas tout tè a, san touche tè a e kabrit la te gen yon kòn ✨parèt byen klè antre zye li. <sup>6</sup> Li te pwoche kote belye ki te gen de kòn nan, belye ke m te wè kanpe devan kanal la e li te kouri fò sou li ak gwo chalè pwisans li. <sup>7</sup> Mwen te wè li vin bò kote belye a e li te anraje sou li; Epi li te frape belye a, li te kraze de kòn li yo e belye a pa t gen fòs pou reziste ak li. Konsa, li te voye l a tè e te ponpe sou li. Pa t gen moun ki pou delivre belye a devan

✨ 7:16 Za 1:9-19 ✨ 7:16 Dan 8:16 ✨ 7:18 Sòm 149:5-9 ✨ 7:19 Dan 7:7-8 ✨ 7:21 Rev 11:7  
 ✨ 7:22 Dan 7:10 ✨ 7:24 Dan 7:7 ✨ 7:25 Rev 13:7 ✨ 7:25 Dan 2:21 ✨ 7:26 Rev 17:4  
 ✨ 7:27 És 54:3; Sòm 2:6-12 ✨ 7:28 Dan 4:19 ✨ 7:28 Luc 2:19,51 ✨ 8:2 Né 1:1; Jen 10:22  
 ✨ 8:3 Dan 8:20 ✨ 8:4 Dan 11:3 ✨ 8:5 Dan 8:8-21

pouvwa li. <sup>8</sup> Epi kabrit mal la te agrandi pouvwa li anpil, anpil. Men depi li te vin pwisan an ✨pi gwo kòn nan te kase; Epi li te ranplase ak kat kòn ki parèt byen klè ki te sòti vè ✨kat van syèl yo.

<sup>9</sup> Youn nan kòn yo te parèt ✨yon ti jan piti e li te grandi byen vit vè sid, vè lès e vè ✨peyi laglwa a. <sup>10</sup> Li te grandi rive jis nan lame syèl la, li te fè kèk nan lame a ak kèk nan ✨zetwal yo tonbe atè e li te ✨ponpe sou yo. <sup>11</sup> Li te menm agrandi pwòp tèt li pou l ta ka egal ak Chèf Tèt lame syèl la; Epi li te retire ✨sakrifis nòm al la soul Li e plas a sanktyè Li a te jete anba. <sup>12</sup> Epi akòz transgresyon, lame a va vin livre a kòn nan ansanm ak sakrifis nòm al la; Epi li va ✨voye verite a jis atè e sa te fè plezi e li te pwospere.

<sup>13</sup> Alò, mwen te tande sila ki sen an ap pale e yon lòt ki sen te di a sila ki t ap pale a: ✨“Pandan konbyen tan vizyon a sakrifis nòm al la va kontinye, pandan transgresyon an ap ravaje e kite ni sen lye an ansanm ak lame a vin foule anba pye?”

<sup>14</sup> Li te di mwen: “Pandan ✨de-mil-twa-san swa ak maten; Epi alò, sen lye a va retabli jan li dwe ye a.

<sup>15</sup> Lè mwen menm, Daniel, te fè vizyon an, mwen te chache konprann li; Epi gade byen, kanpe devan mwen se te yon bagay ki te sanble ak yon ✨moun. <sup>16</sup> Epi mwen te tande vwa a yon moun antre de rebò kanal Ulaï a, li te rele fò e li te di: ✨“Gabriel, fè nonm sa a konprann pou vizyon an.”

<sup>17</sup> Konsa, li te vin toupre kote mwen te kanpe a; lè l te vini an, mwen te gen gwo laperèz e mwen te tonbe sou figi m; men, li te di mwen: “Fis a lòm, konprann vizyon an; paske vizyon an apatyen a bagay a dènye tan yo.” ✨

<sup>18</sup> Alò, pandan li t ap pale avè m, Mwen te ✨tonbe nan yon pwofon somèy, ak figi m atè; men, li te ✨touche mwen e te fè m kanpe dwat.

<sup>19</sup> Li te di: “Gade byen, mwen va fè ou konnen sa k ap vin rive nan dènye epòk gwo kòlè a, paske li apatyen a moman ki chwazi pou lafen an. ✨ <sup>20</sup> ✨Belye ke ou te wè ak de kòn yo reprezante wa a Mèdes ak Perse yo. <sup>21</sup> Epi kabrit la se wayòm a Grèce la e gran kòn antre zye li yo se premye wa a. <sup>22</sup> Kòn ki te kase a ak kat kòn ki te leve nan plas li a se kat wayòm ki va leve sòti nan nasyon sa a, malgre se pa avèk pouvwa li. ✨

<sup>23</sup> Epi nan dènye pati wayòm yo a, lè transgresè yo fin fè tout transgresyon yo, Yon wa va leve, youn ki ensolan e plen manèv koken. <sup>24</sup> Pouvwa li a va trè pwisan, men se pa pa pwòp pouvwa li, Epi li va ✨detwi ak mèvèy, Epi li va pwospere e li va fè plezi li; Li va detwi mesye pwisan ak moun ki sen yo. <sup>25</sup> Epi ak manèv li a, li va itilize riz pou li Pwospere nan men li; Epi li va leve tèt li wo nan kè l, Epi li va detwi anpil moun pandan yo ansekirite. Li va osi kanpe kont Prens dè prens yo, Men li va vin kraze ✨san èd moun.

<sup>26</sup> Epi vizyon aswè ak maten ki Te pale a, se verite; men ✨pa pale vizyon an, Paske li apatyen a anpil ✨jou ki gen pou vini.

<sup>27</sup> Epi mwen menm, Daniel, kò mwen te vin kraze e mwen te vin malad pandan anpil jou. Epi mwen te leve ankò e mwen te kontinye fè zafè a wa a; men mwen te etone de vizyon an e mwen pa t gen moun pou fè m konprann li.

✨ **8:8** Dan 8:22 ✨ **8:8** Dan 7:2 ✨ **8:9** Dan 8:23 ✨ **8:9** Sòm 48:2 ✨ **8:10** És 14:13 ✨ **8:10** Dan 7:7 ✨ **8:11** És 46:14 ✨ **8:12** És 59:14 ✨ **8:13** Sòm 74:10 ✨ **8:14** Dan 7:25 ✨ **8:15** Dan 7:13 ✨ **8:16** Dan 9:21 ✨ **8:17** Dan 8:19 ✨ **8:18** Dan 10:9 ✨ **8:18** És 2:2 ✨ **8:19** Dan 8:15-17 ✨ **8:20** Dan 8:3 ✨ **8:22** Dan 8:8 ✨ **8:24** Dan 8:11-13 ✨ **8:25** Job 34:20 ✨ **8:26** És 12:27 ✨ **8:26** Dan 10:14

## 9

<sup>1</sup> Nan premye ane ✧Darius, fis a Assuérus, Mèd la, ki te vin wa sou wayòm a Kaldeyen yo <sup>2</sup> Nan premye ane a règn pa li a, mwen menm, Daniel, mwen te wè nan liv yo, nonb ane kote pawòl SENYÈ a te vini a Jérémie, pwofèt la, pou akonplisman dezolasyon a Jérusalem yo, menm swasan-dis ane yo. <sup>3</sup> Konsa, mwen te chache bay atansyon mwen a Senyè Bondye a pou jwenn Li nan lapriyè ak siplikasyon, fè jèn ak twal sak ak sann.

<sup>4</sup> Mwen te priye a SENYÈ a, Bondye mwen an, mwen te konfese e mwen te di:

“O SENYÈ, Gran Bondye ki tèrib la, ✧ ki ✧kenbe akò ak mizerikòd li pou sila ki renmen Li e ki kenbe kòmandman Li yo <sup>5</sup> Nou te peche, nou te komèt inikite, nou te aji ak mechanste e nou te fè ✧rebèl, jiskaske nou ✧vire kite kòmandman Ou yo ak règleman Ou yo. <sup>6</sup> Anplis, nou pa t ✧koute sèvitè Ou yo, pwofèt yo, ki te pale nan non Ou a wa nou yo, prens nou yo, papa zansèt nou yo ak tout moun peyi a.

<sup>7</sup> ✧Ladwati apatyen a Ou menm, O! Senyè, men a nou menm, gwo wont parèt byen klè, jan li ye jis rive nan jou sa a—a moun Juda yo, sila k ap viv Jérusalem ak tout Israël yo, sila ki rete pre ak sila ki lwen ✧nan tout peyi kote Ou te chase yo ale akoz zak enfidèl ke yo te komèt kont Ou yo.

<sup>8</sup> Gwo wont byen klè se pou nou, O! Senyè, a wa nou yo, prens nou yo ak papa zansèt nou yo akoz yo te peche kont Ou. <sup>9</sup> A Senyè Bondye nou an, se ✧Mizerikòd ak padon akoz nou te fè rebèl kont Li; <sup>10</sup> Ni nou pa t obeyi vwa SENYÈ Bondye nou an, pou mache nan enstriksyon ke Li te ✧mete devan nou pa sèvitè Li yo, pwofèt yo. <sup>11</sup> Anverite ✧tout Israël te transgrese lalwa Ou a, te vire akote e pa t obeyi vwa Ou;

jiskaske ✧malediksyon te vide sou nou, ansanm ak sèman ki ekri nan lalwa Moïse, sèvitè Bondye a, paske nou te peche kont Li. <sup>12</sup> Konsa, Li te konfime pawòl ke Li te pale kont nou e kont chèf ki te gouvène nou yo, pou fè vini sou nou yon gwo malè; paske, anba tout syèl la, pa t janm gen okenn bagay ki te fèt tankou sa ki te fèt Jérusalem nan. ✧ <sup>13</sup> Jan sa ekri nan lalwa Moïse la, tout malè sa a te vini sou nou; malgre sa, nou ✧pa t chache gras a SENYÈ la, Bondye nou an, ak desizyon pou ✧vire kite inikite nou e vin okipe nou de laverite. <sup>14</sup> Akoz sa, SENYÈ a te ✧kenbe malè nan men l e te pote li sou nou; paske, SENYÈ a, Bondye nou an, dwat nan tout zèv ke Li te fè yo, men nou pa t obeyi vwa li.

<sup>15</sup> Epi koulye a, O Senyè, Bondye nou an, ki te ✧mennen pèp Ou a sòti nan peyi Egipte la ak yon men pwisan e te fè yon non pou Ou menm, jan sa ye nan jou sa a—nou te peche, nou te fè mechanste. <sup>16</sup> O! Senyè, an akò ak tout zak ladwati Ou yo, kite ✧gwo kòlè ak mekontantman Ou vire kite vil Ou a, Jérusalem, mòn sen Ou an; paske, akoz peche nou yo ak inikite a papa zansèt nou yo, Jérusalem ak pèp Ou a te vin yon repwòch pou tout sila ki antoure nou yo.

<sup>17</sup> Pou sa, koulye a, Bondye nou an, koute lapriyè a sèvitè Ou a ak siplikasyon li yo e pou koz a Ou menm, O Senyè ✧kite fas ou briye sou sanktiyè dezole Ou a. <sup>18</sup> O! Bondye mwen an, apiye zòrèy W pou tande! Ouvri zye ou pou wè dezolasyon nou yo ak vil ki rele pa non Ou a; paske

✧ 9:1 Dan 5:31 ✧ 9:4 Det 7:21 ✧ 9:4 Det 7:9 ✧ 9:5 Lam 1:18-20 ✧ 9:5 Sòm 119:176  
 ✧ 9:6 II Kwo 36:16 ✧ 9:7 Jr 23:6 ✧ 9:7 Det 4:27 ✧ 9:9 Né 9:17 ✧ 9:10 II Wa 17:13-15  
 ✧ 9:11 És 1:3,4 ✧ 9:11 Det 27:15-26 ✧ 9:12 És 44:26 ✧ 9:13 Job 36:13 ✧ 9:13 Jr 31:18  
 ✧ 9:14 Jr 31:28 ✧ 9:15 Det 5:15 ✧ 9:16 Jr 32:31-32 ✧ 9:17 Nonb 6:24-26; Lam 5:18

nou p ap prezante siplikasyon nou yo akòz okenn merit de nou menm, men akòz gran mizerikòd Ou. ✧ 19 O! Senyè, koute! O Senyè, padone! O! Senyè, tandè e aji! Pou koz pa Ou, O! Bondye mwen an ✧pa fè reta; paske, vil Ou a ak pèp Ou a rele pa non Ou.”

20 Alò, pandan mwen t ap pale e fè priyè a ✧konfese peche m yo ak peche a pèp mwen an, Israèl e prezante siplikasyon mwen yo devan SENYÈ a, Bondye mwen an, pou mòn sen a Bondye mwen an 21 Pandan mwen te toujou ap pale nan lapriyè a; alò, nonm nan ✧Gabriel, ke m te wè nan vizyon oparavan an, te rive kote mwen nan mitan gwo fatig mwen an vè lè pou ofrann nan aswè a. 22 Li te ban mwen enstriksyon, li te pale ak mwen e te di: “O! Daniel, koulye a, mwen vin parèt pou bay sajes ak bon ✧konprann. 23 Nan kòmansman siplikasyon ou yo, lòd la te fin pase e mwen vin di Ou, paske ou ✧se yon gran byeneme; konsa, prete atansyon a mesaj la pou vin konprann vizyon an.

24 Swasann-dis semèn te òdone pou pèp ou ak vil sen ou an, pou fini ak transgresyon, pou mete fen a peche, pou fè konfesyon inikite yo, pou mennen fè antre ✧Ladwati ki san fen, pou mete so sou vizyon ak pwofesi e pou onksyone lye ki sen pase tout la.

25 Konsa, ou ta dwe konnen e disène ke depi yon ✧dekrè vin pibliye pou restore e rebati Jérusalem jis rive nan Onksyone a, Prens lan, va gen sèt semèn ak swasann-de semèn; li va rebati ankò, ak plas la e ak kanal ranpa a, menm nan moman gwo twoub yo. 26 Epi apre swasann-de semèn yo, Onksyone a va ✧vin izole, p ap gen anyen e pèp a prens ki gen pou vini an va ✧detwi vil ak sanktyè a. Epi lafen li an va vini ak yon inondasyon; Epi lafen an va menm gen lagè; dezolasyon yo detèmine. 27 Epi li va fè yon akò solid avèk anpil moun pandan yon semèn; men nan mitan semèn nan, li va mete fen a sakrifis ak ofrann sereyal yo; Epi sou zèl ✧abominasyon yo, va vini yon moun ki fè dezolasyon, menm rive nan fen an nèt ✧ e ki detèmine, lakòlè va vide sou sila ki fè dezolasyon an.”

## 10

1 Nan twazyèm ane Cyrus, wa Perse la, yon mesaj te revele a Daniel, ki te rele Belschatsar; epi ✧mesaj la te vre e menm plen gwo konfli, men li te konprann mesaj la e te ✧gen yon konprann de vizyon an.

2 Nan jou sila yo, mwen menm, Daniel, mwen t ap fè dèy pandan twa semèn. 3 Mwen ✧pa t manje okenn bon manje, ni vyann, ni diven nan pa t antre nan bouch mwen, ni mwen pa t sèvi okenn pomad pou onksyone jiskaske tout twa semèn sila yo te fin akonpli.

4 Nan venn-katriyèm jou nan premye mwa a, pandan mwen te akote gran ✧rivyè a, ki se Hiddékel 5 Mwen te leve zye m gade e vwala, te gen yon sèten nonm ✧abiye an len, ak senti l mare ak yon sentiwon lò pi ki sòti Uphaz. 6 Anplis, kò li te tankou krizolit, figi li kon aparans ak loray ✧zye li kon tòch flanm dife, bra li ak pye li tankou bwonz byen poli e son a pawòl li yo kon son a yon gran foul.

✧ 9:18 Sòm 80:14; Jr 7:10-12 ✧ 9:19 Sòm 44:23 ✧ 9:20 És 6:5 ✧ 9:21 Dan 8:16 ✧ 9:22 Dan 8:16 ✧ 9:23 Dan 10:11,19; Mat 24:15 ✧ 9:24 II Kwo 29:24; És 51:6,8 ✧ 9:25 Esd 4:24 ✧ 9:26 És 53:8 ✧ 9:26 Mat 24:2 ✧ 9:27 Dan 11:31 ✧ 9:27 És 10:23 ✧ 10:1 Dan 8:26 ✧ 10:1 Dan 1:17 ✧ 10:3 Dan 6:18 ✧ 10:4 Éz 1:3 ✧ 10:5 Éz 9:2; Rev 1:13 ✧ 10:6 Rev 1:14

<sup>7</sup> Alò, mwen menm, Daniel, mwen ☆tou sèl te wè vizyon an, pandan mesye ki te avè m yo pa t wè vizyon an; malgre sa, yon gwo laperèz te vin tonbe sou yo e yo te kouri ale kache kò yo. <sup>8</sup> Konsa, mwen te ☆rete sèl e mwen te wè gran vizyon sila a; malgre ☆pa t gen fòs ki te rete nan mwen, paske koulè po nòm al mwen te vin pal tankou moun ki mouri e mwen te pèdi tout fòs mwen nèt. <sup>9</sup> Men mwen te tandè son a pawòl li yo; Epi depi mwen te tandè son a pawòl li yo, mwen te ☆tonbe nan yon gwo somèy sou figi mwen, ak figi m atè nèt.

<sup>10</sup> Epi gade byen, yon men te ☆touche mwen e te fè m kòmanse tranble sou men m ak jenou m. <sup>11</sup> Li te di mwen: “O! Daniel, nonm ki trè byeneme a ☆konprann pawòl ke mwen va pale ou yo pou ou ☆kanpe dwat, paske mwen te voye kote ou.” Epi lè li te pale pawòl sa a mwen menm, mwen te kanpe; mwen t ap tranble.

<sup>12</sup> Alò, li te di mwen: “Pa pè, Daniel, paske depi premye jou ke ou te dedye kè ou pou konprann sa a, ou te ☆imilye ou devan Bondye ou a, pawòl ou yo te vin tandè e mwen te vini bay repons ☆a pawòl ou yo. <sup>13</sup> Men prens a wayòm Perse la te kanpe kont mwen pandan venteyen jou; Epi gade byen ☆Micaël, youn nan chèf a prens yo, te vin ede m, paske mwen te rete la sèl ak wa a Perse yo. <sup>14</sup> Koulye a, mwen gen tan vini pou bay ou konprann de sa ki va rive a pèp ou a nan ☆dènye jou yo, paske vizyon an apatye a anpil jou ki poko rive.”

<sup>15</sup> Lè li te pale ak mwen konsènan pawòl sila yo, mwen te vire figi mwen vè tè a e mwen ☆pa t ka pale menm. <sup>16</sup> Epi gade byen, yon bagay ki te sanble ak yon moun te ☆touche lèw mwen; Epi mwen te louvri bouch mwen pou te pale e mwen te di a sila ki te kanpe devan m nan: “O! senyè mwen an, akòz vizyon an ☆chagren te antre nan mwen e tout fòs mwen te kite m. <sup>17</sup> Paske ☆kòman yon kalite sèvitè konsa kapab pale ak youn tankou senyè mwen an? Epi pou mwen, fòs pa rete nan mwen, ni okenn souf pa rete nan mwen.”

<sup>18</sup> Epi sila a ki te sanble ak moun nan, te touche mwen ankò e te ☆ban m fòs. <sup>19</sup> Li te di mwen: “O! nonm trè byeneme a ☆pa pè. Lapè avèk ou; pran kouraj e se pou vin vanyan!”

Alò, depi lè li te fin pale ak mwen an, mwen te resevwa fòs e mwen te di: “Kite senyè mwen an pale, paske ou te ban m fòs.”

<sup>20</sup> Epi li te di: “Èske ou pa konprann poukisa mwen te vin kote ou a? Men mwen va retounen, koulye a, pou goumen kont prens a Perse la; konsa, lè mwen ale, gade byen ☆prens a Grèce la va vini. <sup>21</sup> Men mwen va di ou sa ki enskri nan pawòl ☆verite a. Epi nanpwen okenn moun k ap kanpe avè m kont sila yo, men ☆Micaël, prens ou an.

## 11

<sup>1</sup> Nan ☆premye ane Darius, Mèd la, Mwen te leve pou m ta kapab vin yon ankourajman ak yon pwotèj pou li.

<sup>2</sup> Epi koulye a, mwen va di ou verite a. Gade byen, va gen twa wa ankò ki va leve Perse. Epi katriyèm nan va bokou pi rich ke tout lòt yo; Epi lè li vin fò akòz richès li yo, li va pwovoke tout pouvwa li a kont wayòm ☆Grèce

☆ **10:7** II Wa 6:17-20 ☆ **10:8** Jen 32:24 ☆ **10:8** Dan 7:28 ☆ **10:9** Jen 15:12 ☆ **10:10** Jr 1:9 ☆ **10:11** Dan 8:16,17 ☆ **10:11** Éz 2:1 ☆ **10:12** Dan 9:20-23 ☆ **10:12** Trav 10:30,31 ☆ **10:13** Dan 10:21 ☆ **10:14** Det 31:29; Dan 8:26 ☆ **10:15** Éz 3:26 ☆ **10:16** És 6:7 ☆ **10:16** Dan 7:15,28 ☆ **10:17** Egz 24:10-11 ☆ **10:18** És 35:3-4 ☆ **10:19** Jij 6:23 ☆ **10:20** Dan 8:21 ☆ **10:21** Dan 12:4 ☆ **10:21** Dan 10:13 ☆ **11:1** Dan 5:31 ☆ **11:2** Dan 8:21

la. <sup>3</sup> Epi yon ✨wa pwisan va vin leve, li va gouvène ak gwo otorite e fè sa li pito. <sup>4</sup> Epi lè li fin leve, wayòm li an va vin kraze e divize vè kat van syèl yo, men se pa a pwòp desandan pa li, ni selon otorite ke li te gouvène, paske wayòm li an va ✨vin deshouke e vin bay a lòt moun ke yo menm.

<sup>5</sup> Epi ✨wa a Sid la va vin fò, ansanm ak youn nan prens li yo ki va vin pi fò ke li e li va domine li; dominasyon li an va vrèman gran. <sup>6</sup> Apre kèk ane, yo va fè yon alyans e fi wa a Sid la va vin kote ✨wa Nò a pou antann yo pou yo gen lapè. Men li p ap ka kenbe pozisyon pouvwa li a, ni li menm wa Sid la, li p ap ka kenbe pouvwa pa li a; men, fi a va vin livre, ansanm ak sila ki te mennen l antre ak sila ki te renmen l yo, menm ak sila ki te bay li soutyen nan lè sa yo.

<sup>7</sup> Men youn nan desandan fanmi fi yo va leve nan plas li sila ki te bay fi a soutyen an, li va vin kont lame pa yo, li va antre nan ✨sitàdèl wa Nò a; li va aji kont yo e li va enpoze li sou yo. <sup>8</sup> Anplis ✨dye, imaj metal, veso presye an ajan ak lò yo, li va pote yo an kaptivite an Egypte; Epi li va sispann atake wa Nò a pandan kèk ane. <sup>9</sup> Epi dènye a va antre nan wayòm a wa Sid la, men li va retounen nan pwòp peyi li. <sup>10</sup> Fis li yo va rasanble yon pil gwo lame ki va vin debòde ✨ e travèse; Epi yo va retounen fè lagè rive jis rive nan pwòp sitadèl li a.

<sup>11</sup> ✨Wa Sid la va anraje e vin goumen ak wa Nò a. Epi dezyèm nan va leve yon gwo foul lame kont premye a, men foul lame sila a va livre nan men a premye a. <sup>12</sup> Epi foul lame a va vin leve, kè li va vin egzalte e li va fè sòlda tonbe pa di-milye; men, li p ap ka enpoze li. <sup>13</sup> Paske, wa Nò a va retounen e leve yon foul ki pi gwo ke sa avan an; Epi li va vini nan fen tan yo, menm nan fen ane yo, avèk yon gwo lame e avèk anpil minisyon. ✨

<sup>14</sup> Alò, nan tan sila yo, va gen anpil moun ki va leve kont wa Sid la; sila ki vyolan pami pèp nou an va leve yo menm pou etabli vizyon an, men yo va tonbe. <sup>15</sup> Epi wa Nò a va vini, li va monte yon ✨teras e li va pran yon vil byen fòtifye; Epi lame a Sid yo p ap ka kanpe, ni moun byen chwazi li yo, ni li p ap gen okenn fòs pou l ka kanpe. <sup>16</sup> Men sila ki vini kont li an va ✨fè sa li pito e ✨nanpwen moun ki ka kanpe devan li; Epi li va kanpe nan peyi laglwa a e nan men li, se va destriksyon. <sup>17</sup> Li va ✨mete fas li pou vini ak pouvwa a tout wayòm li a e li va mennen avèk li yon pwopozisyon lapè, ke li va etabli; li va anplis bay li fi a fanm nan pou fè koripsyon ak li. Men li p ap kanpe pou li, ni bay li soutyen. <sup>18</sup> Epi li va vire fas li vè ✨peyi kot yo e li va kaptire anpil nan yo. Men yon chèf va fè l sispann ak repwòch li a; anplis, li va fè l peye pou ensolans li. <sup>19</sup> Konsa, li va vire fas li vè fòterès a pwòp peyi li a, men li va glise tonbe e li p ap ka vin twouve.

<sup>20</sup> Epi nan plas li a, yon moun va koze egzaksyon pou travèse Bijou a wayòm nan; malgre sa, nan kèk jou, li va vin detwi, malgre se pa ni nan kòlè, ni nan batay. ✨

<sup>21</sup> Nan plas li a, yon nonm meprizab va vin leve, a sila tit a wa a pa t vin bay, men li va vini nan yon tan trankil e li va ✨sezi wayòm nan ak ti manèv koken li. <sup>22</sup> ✨Lame debòde peyi a va vin debòde soti devan l e vin kraze nèt e prens a akò osi. <sup>23</sup> Apre yon akò lapè fin fèt ak li, li va vin twonpe tèt li; paske li va monte reyisi pran pouvwa a ak yon ti ekip tou piti.' <sup>24</sup> Nan tan lapè a, li va antre nan pati wayòm ki ✨pi rich la e li va fè sa ke zansèt li

✨ **11:3** Dan 8:5-21 ✨ **11:4** Jr 12:15-17 ✨ **11:5** Dan 11:9-11 ✨ **11:6** Dan 11:7-40 ✨ **11:7** Dan 11:19-39 ✨ **11:8** És 37:19 ✨ **11:10** És 8:8 ✨ **11:11** Dan 11:5 ✨ **11:13** Dan 4:16 ✨ **11:15** Jr 6:6 ✨ **11:16** Dan 5:19 ✨ **11:16** Jos 1:5 ✨ **11:17** II Wa 12:17 ✨ **11:18** Jen 10:5 ✨ **11:20** És 60:17 ✨ **11:21** II Sam 15:6 ✨ **11:22** Dan 9:26 ✨ **11:24** Nonb 13:20

yo pa t janm fè, ni zansèt zansèt li yo; li va distribye piyaj, viktim ak byen yo pami yo e li va elabore konplo li yo kont sitadèl yo, menm pou yon ti tan.

<sup>25</sup> Li va pwovoke pwisans ak kouraj li kont ✨wa a Sid yo ak yon gwo lame; konsa, wa Sid la va fòme yon vrèman gwo lame pou fè lagè; men, li p ap ka kanpe, paske yo va elabore konplo kont li. <sup>26</sup> Sila ki manje pi bon manje yo va detwi li, lame li a va vin ✨debòde e anpil moun va tonbe mouri. <sup>27</sup> Epi konsènan toulède wa yo, kè yo va sou fè mal e yo va pale manti youn ak lòt sou menm tab; men, sa p ap pwospere, paske ✨fen an toujou gen pou vini nan lè chwazi a. <sup>28</sup> Epi li va retounen nan peyi li ak anpil piyaj; men kè li va kont akò sen an e li va pran desizyon retounen nan peyi li.

<sup>29</sup> Nan lè chwazi a, li va retounen antre nan Sid la; men nan fwa sa a, li p ap menm jan li te ye fwa avan an. <sup>30</sup> Paske bato a ✨Kittim yo va vini kont li; akòz sa, li va vin gen chagren, li va retounen vin anraje kont akò sen an e li va aji; konsa, li va retounen pran desizyon pou antann li ak sila ki vyole akò sen yo.

<sup>31</sup> Sòlda yo va leve pou li ✨d yo va pwofane sanktyè a e fè sakrifis nòm la vin sispann. Epi yo va fè monte ✨abominasyon ak dezolasyon. <sup>32</sup> Ak lè flatè, li va sedwi sila ki vyole akò yo, men pèp ki konnen Bondye a va ✨kanpe fèm pou aji.

<sup>33</sup> ✨Sila ki gen bon konprann pami pèp la va bay konesans a anpil moun; malgre sa, yo va ✨tonbe pa nepe, pa dife, pa kaptivite e pa piyaj pandan anpil jou. <sup>34</sup> Alò, lè yo tonbe, yo va resevwa yon ti asistans e anpil lòt moun va vin jwenn ak yo an ✨ipokrizi. <sup>35</sup> Kèk nan sila ki gen bon konprann yo va tonbe pou yo ka rafine ✨pirifye e fè yo ✨blan lè dènye tan an rive; akòz li toujou gen pou vini nan lè ki chwazi a.

<sup>36</sup> Epi wa a va fè sa li pito, li va vin egzalte, li va ✨bay tèt li glwa pi wo pase tout dye yo e li va ✨pale anpil bagay byen move kont Bondye a dye yo; Epi li va pwospere jiskaske endiyasyon an fini, paske dekrè ki pibliye a va akonpli. <sup>37</sup> Li p ap montre okenn respè pou dye a zansèt li yo, ni pou dezi fanm, ni li p ap gen respè pou okenn lòt dye; paske li va leve tèt li ak glwa pi wo ke yo tout. <sup>38</sup> Men olye de sa, li va bay glwa a dye a fòterès yo, yon dye ke zansèt li yo pa t konnen; li va bay li glwa ak lò, ajan, pyè presye ak trezò. <sup>39</sup> Li va aji kont fòterès ki pi fò yo ak soutyen a yon dye etranje; nenpòt moun ki rekonèt li va ogmante yo ak glwa e li va fè yo domine sou anpil e yo va divize teritwa a pou yon pri.

<sup>40</sup> Nan lè lafen an ✨wa Sid la va atake li ✨wa Nò a va rive kont li ak cha, ak chevalye e ak anpil bato; Epi li va antre nan peyi yo, debòde yo e pase anndan yo. <sup>41</sup> Anplis, li va antre nan Peyi Laglwa a e anpil peyi va ranvèse; men sila yo va delivre soti nan men li: Edom ✨Moab, ak premye nan fis a ✨Ammon yo. <sup>42</sup> Epi li va lonje men li kont lòt peyi yo e peyi Egipte p ap chape. <sup>43</sup> Men, li va pran kontwòl tout trezò kache ak lò, ajan ak tout bagay presye an Egipte yo; epi ✨Libyen yo ak Etyopyen yo va kouri dèye talon li. <sup>44</sup> Men rimè ki sòti nan Lès ak nan Nò va vin twouble li, li va ale ak gwo kòlè pou detwi e anile anpil konplètman. Libyen yo ak ✨Etyopyen yo va kouri dèye talon li. <sup>45</sup> Li va fè monte tant a palè li a antre lanmè a

✨ **11:25** Dan 11:5 ✨ **11:26** Dan 11:10-40 ✨ **11:27** Dan 8:19 ✨ **11:30** Jen 10:4 ✨ **11:31** Dan 8:11-13 ✨ **11:31** Dan 9:27 ✨ **11:32** Mi 5:7-9 ✨ **11:33** Mal 2:7 ✨ **11:33** Mat 24:9 ✨ **11:34** Dan 11:21-32 ✨ **11:35** Jn 15:2 ✨ **11:35** Rev 7:14 ✨ **11:36** És 14:13 ✨ **11:36** Rev 13:5,6 ✨ **11:40** Dan 11:11 ✨ **11:40** Dan 11:7,13,15 ✨ **11:41** Jr 48:47 ✨ **11:41** Jr 49:6 ✨ **11:43** II Kwo 12:3 ✨ **11:44** Éz 30:4,5



ak ✧Mòn Sen Laglwa a; malgre sa, li va rive nan fen li e nanpwen moun k ap bay li soutyen.

## 12

<sup>1</sup> Alò, nan lè sa a, Micaël, gran prens ki te kanpe pou fis a pèp ou yo, va leve. Epi va gen ✧yon tan gwo twoub ✧jan sa pa t janm te konn fèt soti lè te gen yon nasyon jis rive nan lè sa a; Epi nan lè sa a, pèp ou a va vin delivre, tout moun ke yo va jwenn ekri nan liv sa a. <sup>2</sup> ✧Anpil nan sila ki dòmi nan pousyè latè yo va leve ✧sila pou lavi etènèl yo, men lòt yo pou gwo wont ak mepriz ki p ap janm fini. <sup>3</sup> Sila ki gen bon konprann yo va ✧briye klè tankou ekla a tout syèl la e sila ki ✧mennen anpil moun vè ladwati yo, tankou zetwal jis pou tout tan e pou tout tan. <sup>4</sup> Men ou menm, o! Daniel, kache pawòl sila yo e ✧sele liv la nèt jis rive nan fen tan yo; ✧anpil moun va kouri fè ale vini e konesans va ogmante.”

<sup>5</sup> Epi mwen menm, Daniel te gade e vwala, de lòt moun te kanpe, youn sou bò rivyè sa a e lòt la sou lòtbò a. <sup>6</sup> Epi youn te di a mesye ✧abiye an len an, ki te sou dlo rivyè a: ✧“Konbyen tan fen a bagay mèvey sila yo va ye?”

<sup>7</sup> Mwen te tande nonm abiye an len an, ki te sou dlo rivyè a lè li te ✧Lev e men dwat ak men goch li vè syèl la pou te jire pa li menm ki viv pou tout tan an ke li ta pou ✧yon tan, dè tan, ak demi tan; Epi lè yo fin kraze pouvwa a pèp sen an, tout evenman sila yo va fini.

<sup>8</sup> Epi mwen te tande, men mwen pa t ka konprann; akoz sa, mwen te di: “senyè mwen, kisa ki va fen a evenman sila yo?”

<sup>9</sup> Li te di: “Ale, Daniel, paske pawòl sila yo kache e sele nèt jiska moman lafen an. <sup>10</sup> Anpil moun va pirifye tèt yo e fè tèt yo blan pou vin rafine, men mechan yo va aji ak mechanste; Epi okenn nan mechan yo p ap konprann, men sila ki gen konesans yo va konprann.

<sup>11</sup> Epi soti nan lè ke sakrifis nòm al la te vin aboli a ✧abominasyon ak dezolasyon vin monte a, va genyen mil-de-san-katreven-dis (1,290) jou. <sup>12</sup> beni se sila ki va tann e rive jis nan ✧Mil-twa-san-trann-senk (1335) jou yo.

<sup>13</sup> Men ou menm, ale jis rive nan fen an; Epi ou va antre nan ✧repo e ou va kanpe ankò pou pòsyon pa ou a nan fen jou yo.

## Osée

<sup>1</sup> Pawòl SENYÈ a ki te vini a Osée, fis a Béeri a, pandan jou a Ozias yo, Jotham, Achaz, ak Ézéchias, wa a Juda a e nan tan Jéroboam, fis a Joas la, wa Israël la.

<sup>2</sup> Lè SENYÈ a te pale an premye pa Osée, SENYÈ a te di a Osée: “Ale, pran pou ou menm, yon madanm pwostitiye e ki se pitit a pwostitiye; paske ☆peyi a ap komèt gwo pwostitisyon e ap abandone SENYÈ a.”

<sup>3</sup> Konsa, li te ale pran Gomer, fi a Diblaïm nan, li te vin ansent e li te fè yon fis pou li.

<sup>4</sup> Epi SENYÈ a te di li: “Bay li non ☆Jizreel; paske deja nan yon ti tan ☆mwèn va vanje san a Jizreel sou lakay Jéhu e sa va koze wayòm lakay Israël la fini. <sup>5</sup> Nan jou sa a, Mwen va ☆kraze banza Israël la nan ☆vale Jizreel la.”

<sup>6</sup> Epi li te vin ansent ankò e li te bay nesans a yon fi. Epi SENYÈ a te di li: “Rele li Lo Ruchama’, paske Mwen p ap ☆fè konpasyon ankò pou lakay Israël, pou M ta janm padone yo. <sup>7</sup> Men, Mwen va genyen konpasyon pou lakay Juda, yo va ☆delivre pa SENYÈ Bondye yo a e yo p ap delivre ni pa ☆banza, ni pa nepe, ni pa batay, pa cheval, ni chevallye.

<sup>8</sup> Alò, lè li te fin sevre Lo Ruchama, li te vin ansent e li te fè yon fis.

<sup>9</sup> Epi SENYÈ a te di: “Rele li Lo Ammi, paske nou pa pèp Mwen, ni Mwen pa Bondye nou.” <sup>10</sup> Malgre sa, fis Israël yo va tankou sab lanmè, ki p ap ka mezire, ni konte; Epi ☆nan plas kote sa te pale a yo menm nan ‘Nou pa pèp Mwen an’, sa va pale a yo menm ‘Nou se fis a Bondye vivan an.’ <sup>11</sup> Epi fis a Juda ak fis Israël yo va vin ☆rasanble ansanm; Epi yo va chwazi pou kont yo ☆yon sèl chèf, Paske jou a Jizreel la va gran.

## 2

<sup>1</sup> Di a frè ou a ‘Pèp mwen yo!’  
Epi a sè ou a, ‘Byen ame mwen an!’

<sup>2</sup> Plede ak manman ou!

Plede paske li pa madanm mwen;  
ni mwen pa mari li;

e kite li retire pwostitisyon li yo devan figi li  
ak adiltè li yo soti antre tete li;

<sup>3</sup> Sinon M ta chire retire tout rad li pou fè l parèt  
toutouni menm jan ak ☆jou li te fèt la,  
epi ☆ fè l vin tankou yon peyi dezè  
e touye li ak swaf.

<sup>4</sup> Anplis, Mwen p ap fè mizerikòd sou pitit li yo  
akoz yo se ☆pitit a pwostitiye.

<sup>5</sup> Paske manman yo te fè pwostitisyon.

Li te aji san wont, paske li te di:

“Mwen va swiv moun ki renmen mwen yo,

Ki ban m pen ak dlo mwen, lèn ak len mwen, lwil ak  
bwason mwen.’

☆ 1:2 Det 31:16 ☆ 1:4 Os 2:22 ☆ 1:4 II Wa 10:11 ☆ 1:5 Jr 49:35 ☆ 1:5 Jos 17:16 ☆ 1:6  
Os 2:4 ☆ 1:7 Jr 25:5,6 ☆ 1:7 Sòm 44:3-7 ☆ 1:10 Wo 9:26; És 65:1 ☆ 1:11 Jr 23:5,6 ☆ 1:11  
Jr 30:21 ☆ 2:3 És 16:4 ☆ 2:3 És 32:13,14 ☆ 2:4 Jr 13:14

6 Akoz sa, Mwen va fè monte yon kloti pikan  
e Mwen va bati yon mi kont li  
pou l pa ka twouve ti wout li yo.

7 Li va kouri dèyè moun ki renmen li yo,  
men li p ap ka rive sou yo,  
Epi li va chache yo, men li p ap jwenn yo.  
Konsa li va di: “M ap prale retounen kote premye  
mari Mwen an, paske lè sa a te pi bon  
pou mwen pase koulye a.’

8 Paske li ✧pa t konnen ke se te ✧Mwen  
ki te bay li sereyal la, diven nèf ak lwil la  
e ki te bay li anpil lò ak ajan  
ke yo te fè sèvi pou Baal yo.

9 Akoz sa, Mwen va ✧reprann sereyal Mwen an  
nan lè rekòlt la ak diven Mwen an nan sezon li an.  
Mwen va, anplis, retire lèn Mwen an  
ak len Ki te pou kouvri pou li pa t toutouni an.

10 Epi Mwen va ✧dekouvri wont li devan zye  
a tout moun ki renmen li yo,  
e pèsòn p ap delivre li soti nan men Mwen.

11 Anplis, Mwen va ✧mete fen a tout kè kontan l;  
✧Fèt li yo, nouvèl lin li yo, Saba ak tout Gwo  
rasanbleman fèt li yo.

12 Mwen va detwi pye rezen li yo  
ansanm ak pye fig fwi etranje yo  
selon sila li te di:  
‘Sa yo se salè mwen, ke moun ki renmen m yo  
te ban mwen.’

Epi Mwen va ✧fè yo tounen yon rakbwa  
e bèt chan va devore yo.

13 Mwen va pini li pou jou Baal yo,  
lè yo te konn ✧ofri sakrifis a yo menm yo,  
epi byen abiye tèt li ak zanno ak bijou yo  
e swiv moun ki renmen li yo pou  
✧bliye Mwen Deklare SENYÈ a.

14 Pou sa, gade byen, Mwen va atire li  
✧mennen li antre nan dezè a pou pale dous avèk li.

15 Epi soti la, Mwen va bay li ✧chan rezen yo, Ak Vale Akò a kon yon pòt  
espwa.

Li va reponn la tankou nan jou jenès li yo,  
Tankou nan jou lè l te vin monte soti nan peyi Égypte la.

16 “Li va vin rive nan jou sa a”, deklare SENYÈ a,  
ke ou va rele Mwen: ✧ ‘Mari mwen’  
e ou p ap rele M ankò: ‘Baal mwen’.

17 Paske ✧Mwen va retire non a Baal yo  
soti nan bouch li,  
Pou yo pa nomen pa non yo ankò.

18 Nan jou sa a, anplis, Mwen va fè yon Akò  
pou yo ak ✧bèt chan yo,

✧ 2:8 És 1:3 ✧ 2:8 Éz 16:19 ✧ 2:9 Os 8:7 ✧ 2:10 Éz 16:37 ✧ 2:11 Jr 7:34 ✧ 2:11 Os 3:4  
✧ 2:12 És 5:5 ✧ 2:13 Jr 7:9 ✧ 2:13 Os 4:6 ✧ 2:14 Éz 20:33-38 ✧ 2:15 Jos 7:26 ✧ 2:16  
És 54:5 ✧ 2:17 Egz 23:13 ✧ 2:18 Job 5:23

zwazo syèl yo ak sa ki trennen atè yo.

Mwen va ✨aboli banza, nepe ak lagè

soti nan tout peyi a

e Mwen va fè yo kouche ansekirite

<sup>19</sup> Mwen va fè ou vin renmen M jis pou tout tan;

Wi, Mwen va fè ou vin renmen M nan ladwati ak lajistis,

nan lanmou dous ak konpasyon ✨

<sup>20</sup> Epi Mwen va fè ou renmen M nan fidelite.

Nan lè sa a, ou va konnen SENYÈ a. ✨

<sup>21</sup> “Li va vin rive nan jou sa a ke ✨a Mwen va reponn”,

deklare SENYÈ a.

Mwen va reponn a syèl yo

e yo va reponn a tè a

<sup>22</sup> Epi ✨Latè va reponn a sereyal la,

diven nèf ak lwil la;

Epi yo va reponn a Jizreel.

<sup>23</sup> Mwen va simen pou li fi a, a Mwen menm nan tè a.

Anplis, Mwen va genyen mizerikòd pou li,

fi ki pa t konn jwenn mizerikòd la;

Epi ✨Mwen va di a sila ki pa t pèp Mwen an:

‘Ou se pèp Mwen an!’

Epi yo va reponn: ‘Ou se Bondye mwen’.

### 3

<sup>1</sup> Alò, SENYÈ a te di mwen: “Ale ankò, renmen ak yon fanm ki renmen pa mari li, malgre se yon fanm adiltè, menm jan ✨ke SENYÈ a renmen fis Israèl yo; poutan, yo vire vè lòt dye yo e yo renmen gato rezen yo.”

<sup>2</sup> Konsa, mwen te ✨achte li menm fanm nan pou yon sòm a kenz pyès ajan ak yon omè edmi lòj. <sup>3</sup> Epi mwen te di li: “Ou va rete avè m pandan anpil jou. Ou p ap fè pwostitisyon, ni ou p ap madanm a yon gason; konsa mwen va ye anvè ou menm.” ✨

<sup>4</sup> Paske, fis Israèl yo va ✨rete pandan anpil jou san wa ni prens, san ✨sakrifis, ni pilye sakre, san efòd e san zidòl lakay yo. <sup>5</sup> Apre sa, fis Israèl yo va retounen chache SENYÈ Bondye yo a ak ✨David, wa yo a; Epi yo va vini avèk krentif kote SENYÈ a e kote bonte Li nan dènye jou yo.

### 4

<sup>1</sup> Koute pawòl SENYÈ a, O fis a Israèl yo,

paske SENYÈ a gen yon polemik kont pèp peyi a,

Paske nanpwen fidelite, ni dousè, ni konesans Bondye nan peyi a. ✨

<sup>2</sup> Gen sèman ak madichon, vyole konfyans,

asasine moun, vòlè, fè adiltè;

Yo aji ak vyolans jiskaske yo vèsè san

e kontinye vèsè san. ✨

<sup>3</sup> Akoz sa, peyi a ✨fè dèy e tout moun ki rete ladann Ap plenyen e nan tristès avèk bèt chan yo ak zwazo syèl yo; Epi pwason lanmè yo vin disparèt.

✨ 2:18 És 2:4 ✨ 2:19 És 1:27 ✨ 2:20 Jr 31:33,34 ✨ 2:21 És 55:10 ✨ 2:22 Jr 31:12 ✨ 2:23 Wo 9:25 ✨ 3:1 Jr 3:20 ✨ 3:2 Rt 4:10 ✨ 3:3 Det 21:13 ✨ 3:4 Os 10:3 ✨ 3:4 Dan 9:27 ✨ 3:5 Jr 30:9 ✨ 4:1 Os 12:2; És 59:4 ✨ 4:2 Jen 4:8; Det 5:18 ✨ 4:3 És 24:4

4 Malgre sa, pa kite okenn moun vin gen tò,  
ni okenn moun vin repwoche;  
Paske pèp nou an se tankou sila  
ki ✨fè kont ak prèt yo.

5 Konsa, nou va ✨glise tonbe nan lajounen  
e menm pwofèt la va glise tonbe avèk nou  
nan lannwit;  
Epi Mwen va detwi manman nou.

6 Pèp Mwen an detwi akoz mank konesans.  
Akoz ou te rejte konesans;  
Mwen menm tou, Mwen va rejte ou  
kon prèt Mwen.

Akoz ou te bliye lalwa Bondye nou an,  
Mwen menm tou, Mwen ap bliye pitit nou yo.

7 Plis ke yo te miltipliye,  
plis ke yo te peche kont mwen;  
Mwen va ✨fè glwa yo vin chanje an wont.

8 Yo manje sou manje a pèp Mwen an,  
e yo ✨dirije volonte yo vè inikite yo.

9 Se konsa sa va ye: jan pèp la ye a,  
se konsa prèt la ye;  
Akoz sa, Mwen va pini yo pou chemen yo;  
E Mwen va rekonpanse yo pou zak yo. ✨

10 Yo va manje, men yo p ap gen ase;  
yo va ✨fè pwostitasyon, men yo p ap ogmante;  
akoz yo ✨sispann prete atansyon a SENYÈ a.

11 Lavi prostitasyon, ✨diven ak diven nèf  
retire bon konprann.

12 Pèp mwen an ✨ mande konsèy a zidòl  
ki fèt an bwa yo,  
e se baton divinò a ki enfòm yo;  
Paske yon lespri pwostitasyon te egare yo;  
yo te fè pwostitasyon e yo te kite Bondye yo a.

13 Yo ofri sakrifis sou ✨tèt mòn yo  
e yo brile lansan sou kolin yo ✨anba pye  
bwadchèn yo, pye sikrèn ak pye mapou yo,  
akoz lonbraj yo dous.

Akoz sa, fi nou yo fè pwostitasyon e madanm nou yo  
fè adiltè.

14 Mwen p ap pini fi nou yo lè yo fè pwostitasyon,  
ni madanm nou yo lè yo fè adiltè.

Paske, mesye yo, yo menm, ale sou kote  
ak ✨pwostitiye yo e fè sakrifis yo ak  
pwostitiye tanp yo.

Konsa, pèp san konprann nan vin detwi nèf.

15 Malgre sa, ou menm, Israèl, ou fè pwostitasyon an,  
Men ou pa kite Juda vin koupab;  
ni pa monte vè Guilgal, ni monte nan Beth-Aven

✨ 4:4 Det 14:3,7 ✨ 4:5 Éz 14:3 ✨ 4:7 Hab 2:16 ✨ 4:8 És 56:11 ✨ 4:9 Os 8:13 ✨ 4:10  
Os 7:4 ✨ 4:10 Os 9:1 ✨ 4:11 Pwov 20:1 ✨ 4:12 És 44:19 ✨ 4:13 Jr 3:6 ✨ 4:13 És 1:29  
✨ 4:14 Det 23:17

pou ✨sèmante: “Jan Bondye vivan an!”  
 16 Paske Israël fè tèt li di, tankou yon gazèl.  
 Èske SENYÈ a, koulye a, kapab nourri yo  
 tankou jenn mouton nan yon gwo chan? ✨  
 17 Éphraïm vin jwenn ak ✨zidòl yo;  
 Kite li pou kont li.  
 18 Bwason yo vin gen gou si,  
 Yo jwe pwostit tout tan;  
 chèf yo vrèman renmen wont yo. ✨  
 19 ✨Van an te vlope yo nan zèl li yo;  
 Yo va wont akòz sakrifis yo.

## 5

1 Tande bagay sa a, O prèt yo!  
 Prete zòrèy ou O lakay Israël!  
 Koute byen, O lakay wa a!  
 Paske jijman an se pou ou,  
 Paske ou te yon pèlen nan Mitspa  
 e yon Filè ouvri sou Thabor. ✨  
 2 ✨Rebèl yo te ✨ale fon nan fè masak;  
 Men Mwen va fè chatiman rive sou Yo tout.  
 3 Mwen ✨konnen Éphraïm  
 e Israël pa kache devan M;  
 Paske koulye a, O! Éphraïm, ou te jwe pwostit;  
 Israël te souye tèt li.  
 4 Zak yo p ap pèmèt ke yo retounen  
 jwenn Bondye yo a.  
 Paske, yon ✨lespri pwostitisyon rete anndan yo.  
 Yo ✨pa konnen SENYÈ a.  
 5 Anplis, ògèy Israël la temwaye kont li;  
 Donk, Israël ak Éphraïm tonbe nan inikite yo;  
 Anplis, ✨Juda te tonbe avèk yo.  
 6 Yo va ale avèk bann mouton ak twoupo yo  
 pou y al chache SENYÈ a, men yo ✨p ap jwenn Li;  
 Li te ✨retire tèt Li kite yo.  
 7 Yo te ✨aji an trèt kont SENYÈ a,  
 Paske yo te fè pitit ilejitim.  
 Koulye a nouvèl lin nan  
 va devore yo menm ak peyi yo.

8 ✨Soufle kòn Guibea a, twonpèt Rama a.  
 Sone alam Beth-Aven nan:  
 ✨N ap swiv ou, Benjamin!”  
 9 Éphraïm va vin yon kote dezole  
 nan ✨jou repwòch la;  
 Pami tribi Israël yo, Mwen ✨deklare  
 sa ki va rive.

✨ 4:15 Jr 5:2 ✨ 4:16 És 5:17 ✨ 4:17 Os 13:2 ✨ 4:18 Mi 3:11 ✨ 4:19 Os 12:1 ✨ 5:1 Os  
 9:8 ✨ 5:2 Os 9:15 ✨ 5:2 És 29:15 ✨ 5:3 Am 3:2 ✨ 5:4 Os 4:12 ✨ 5:4 Os 4:6,14 ✨ 5:5  
 És 23:31-35 ✨ 5:6 Pwov 1:28 ✨ 5:6 És 8:6 ✨ 5:7 És 48:8 ✨ 5:8 Jl 2:1 ✨ 5:8 Jij 5:14  
 ✨ 5:9 És 37:3 ✨ 5:9 És 46:10

10 Prens a Juda yo te vin tankou sila ki ✨deplase Bòn yo;  
Sou yo, Mwen va vide tout chalè kòlè Mwen an  
tankou dlo.

11 Éphraïm vin oprime,  
Li vin kraze nan jijman an,  
✨Akoz li te pran desizyon pou swiv lòd moun.

12 Akoz sa, mwen vin tankou yon papiyon  
twal Pou Éphraïm e tankou pouriti pou lakay Juda. ✨

13 Lè Éphraïm te wè maladi li a  
e Juda, jan li te blese a;  
Alò, Éphraïm te ale kote Assyrie  
e li te voye kote Wa Jareb.  
Men li p ap ka geri w, ni li p ap ka fè geri  
maleng ou an. ✨

14 Paske, Mwen va tankou yon lyon pou Éphraïm,  
E Mwen va tankou yon jenn lyon pou lakay Juda.  
✨Mwen menm, Mwen va chire an mòso e Mwen va ale;  
Mwen va pote ale e ✨p ap gen moun ki pou delivre.

15 Mwen va ale retounen nan plas Mwen  
jiskaske yo vin ✨rekonèt koupabilite yo  
pou chache fas Mwen;  
Nan soufrans yo, y ap vin chache Mwen.

## 6

1 Vini, annou retounen kote SENYÈ a.  
Paske li te ✨chire nou, men Li va geri nou;

Li te blese nou, men ✨Li va panse nou

2 Li va ✨fè nou vin refè apre de jou;

Li va fè nou leve nan twazyèm jou a

Pou nou ka viv devan Li.

3 Epi annou ✨rekonèt SENYÈ a;

Annou swiv pou nou konnen SENYÈ a.

Ke ✨ vin parèt Li a asire tankou solèy

k ap leve granmmaten;

Epi Li va vini sou nou tankou lapli,

Tankou lapli prentan k ap wouze latè.

4 Kisa pou M fè ak ou, O Éphraïm?

Kisa pou M fè ak ou, O Juda?

Paske fidelite ou tankou nwaj nan maten,

Tankou lawouze ki vin disparèt bonè

5 Akoz sa, Mwen te taye yo an mòso  
ansanm ak pwofèt yo;

Mwen te touye yo ak ✨pawòl bouch Mwen;

Epi jijman ki sou ou yo se tankou loray k ap tire.

6 Paske, Mwen ✨pran anpil plezi nan fidelite ✨

✨ 5:10 Det 19:14 ✨ 5:11 Mi 6:16 ✨ 5:12 Sòm 39:11 ✨ 5:13 Os 7:11; Os 10:6 ✨ 5:14 Sòm  
50:22 ✨ 5:14 Mi 5:8 ✨ 5:15 És 64:7 ✨ 6:1 Det 32:39 ✨ 6:1 Jr 30:17 ✨ 6:2 Sòm 30:5  
✨ 6:3 És 2:3 ✨ 6:3 Sòm 19:6 ✨ 6:5 Jr 23:29 ✨ 6:6 Mat 9:13 ✨ 6:6 És 1:11

e pa nan sakrifis, epi nan konesans Bondye a plis ke ofrann brile.

<sup>7</sup> Men ✧ yo tankou Adam ki te ✧fè transgresyon akò a; La, yo pa t fidel anvè Mwen.

<sup>8</sup> Galaad se yon vil ki plen ak malfektè, plen ak mak san.✧

<sup>9</sup> Epi tankou bandi k ap tann yon moun; Konsa, yon twoup prèt asasine moun sou wout pou rive Sichem nan. Asireman, se yon krim yo te fè.

<sup>10</sup> Lakay Israël, Mwen te wè yon ✧ move bagay; Pwostitisyon a Éphraïm nan twouve li la; Israël te souye pwòp tèt li.

<sup>11</sup> Ou menm tou, O Juda! Gen yon ✧rekòlt ki deja chwazi pou ou menm, lè Mwen retabli pèp Mwen an.

## 7

<sup>1</sup> Lè M ✧ta geri blesi Israël, inikite a Éphraïm nan vin dekouvri ak mechanste a Samarie a tou; paske yo aji nan ✧manti; Vòlè a antre, bandi yo atake pa deyò.

<sup>2</sup> Epi yo pa menm reflechi nan kè yo ke Mwen ✧Sonje tout mechanste yo. Alò, zak yo ap antoure yo; yo devan figi Mwen.

<sup>3</sup> ✧Ak mechanste yo, yo fè kè wa a kontan E prens yo, ak ✧manti yo.

<sup>4</sup> Yo tout se ✧adiltè; yo tankou yon bòs fou boulanje a ap chofe, men ki sispann vire dife a depi lè l ap petri Pat farin nan, jis rive lè li fin leve.

<sup>5</sup> Nan jou a wa nou an, prens yo te fè tèt yo malad ak chalè diven an; Li te lonje men li avèk sila k ap moke yo✧

<sup>6</sup> Paske fè kè yo vin tankou yon ✧fou pandan y ap fè konplo yo; Bòs boulanje yo a dòmi tout lannwit; nan maten, fou a brile tankou yon flanm dife.

<sup>7</sup> Yo tout cho tankou yon fou e yo manje ✧jij yo; Tout wa yo fin tonbe.

✧Nanpwen youn pami yo ki rele M.

<sup>8</sup> Éphraïm ✧mele li menm ak nasyon yo; Éphraïm se yon gato ki pa t vire.

<sup>9</sup> Etranje yo devore fòs li, men li pa konnen; Anplis, cheve blanch yo la sou li,

✧ 6:7 Job 31:33 ✧ 6:7 Os 8:1 ✧ 6:8 Os 12:11; Os 4:2 ✧ 6:10 Jr 5:30,31 ✧ 6:11 Jr 51:33; So 2:7 ✧ 7:1 Éz 24:13 ✧ 7:1 Os 4:2 ✧ 7:2 Sòm 25:7 ✧ 7:3 Wo 1:32 ✧ 7:3 Os 4:2 ✧ 7:4 Jr 9:2 ✧ 7:5 És 28:1,7 ✧ 7:6 Sòm 21:9 ✧ 7:7 Os 13:10 ✧ 7:7 És 64:7 ✧ 7:8 Sòm 106:35



men li pa konnen.✧

10 Malgre sa ✧ògèy a Israël la temwaye kont li,  
✧Men li pa retounen kote SENYÈ a, Bondye yo a.  
Ni li pa chache Li, malgre tout sa.

11 Konsa, Éphraïm te vin tankou yon toutrèl egare,  
✧san bon sans;

Yo rele vè Egypte; yo ale ✧Assyrie.

12 Lè yo va ale, Mwen va ouvri pèlen Mwen sou yo;  
Mwen va desann yo tankou zwazo syèl yo.

Mwen va bay yo chatiman,  
jan kongregasyon yo a te tandè a✧

13 Malè a yo menm, paske yo te ✧gaye kite Mwen!  
Destriksyon pou yo menm,  
paske yo te fè rebèl kont Mwen!

Mwen ✧ta rachte yo,  
men yo fè manti kont Mwen.

14 Epi ✧yo pa kriye a Mwen menm avèk kè yo

Lè y ap plenn sou kabann yo;

Yo rasanble tèt yo pou grenn a sereyal ak diven nèf;

Yo ✧fè rebèl kont Mwen.

15 Malgre sa, Mwen te enstwi ponyèt yo pou yo ta vin fò,  
Malgre sa yo ✧fè konplo pou mal kont Mwen.

16 Yo vire, men pa a Sila ki anwo a;

yo tankou yon banza k ap twonpe moun.

Prens yo va tonbe devan nepe

akoz ✧ensolans a lang yo.

Sa va fèt pou yo ka vin pase nan rizib

nan peyi Égypte.

## 8

1 Mete twonpèt la sou lèw ou yo!

Yon moun ki tankou yon malfini

vini kont lakay SENYÈ a;

Akoz yo te transgrese akò Mwen an

e fè rebèl kont lalwa Mwen an.

2 Yo va rele a Mwen menm:

‘Bondye mwen an, nou menm—Israël—Nou konnen Ou.’

3 Israël te rejte sa ki bon;

lènmi an va kouri dèyè l.

4 Yo vin plase wa yo, men pa selon Mwen menm;

Yo te chwazi prens yo, men pa selon Mwen menm.

Ak ✧ajan ak lò pa yo, yo te fè zidòl pou kont yo,

jis pou yo ta ka koupe retire nèf.

5 Li te rejte ✧jenn bèf ou a, O Samarie!

Kòlè Mwen ap brile kont yo!”

Pou konbyen de tan yo va konsa,

san kapasite pou vin pirifye?

✧ 7:9 És 1:7 ✧ 7:10 Os 5:5 ✧ 7:10 És 9:13 ✧ 7:11 Os 4:6,11,14 ✧ 7:11 Os 5:13 ✧ 7:12  
Éz 12:13; Lev 26:14-39 ✧ 7:13 Jr 14:10 ✧ 7:13 Jr 51:9 ✧ 7:14 Job 35:9-11 ✧ 7:14 Os 13:16  
✧ 7:15 Na 1:9 ✧ 7:16 Sòm 12:3,4; Éz 23:32 ✧ 8:4 Os 2:8 ✧ 8:5 Os 10:5

6 Paske, sa menm sòti an Israël;  
Se yon ouvriye ki fè l; Li pa yon Dye;  
Anverite, jenn bèf Samarie a va kraze an mòso.\*

7 Paske \*yo simen van e yo rekòlte \*toubiyon.

8 Israël vin \*vale nèt;  
Koulye a, se pami nasyon yo ye;  
Tankou yon \*veso ki pa bay plezi a okenn moun.

9 Paske yo te monte \*Assyrie;  
Kon yon \*bourik mawon pou kont li,  
Éphraïm te achte moun ki renmen li yo.

10 Malgre sa, yo achte relasyon pami nasyon yo;  
Se koulye a, Mwen va ranmase yo.  
Yo va kòmanse vin \*febli akòz presyon  
a \*wa de sa yo ak pwisans.

11 Akòz Éphraïm te \*Miltipliye lotèl pou peche yo,  
Yo te devni lotèl a peche pou li.

12 Malgre sa \*Mwen te ekri pou li  
anpil règleman \*Lalwa Mwen yo,  
Yo gade yo tankou yon bagay ki dwòl.

13 Pou sakrifis a ofrann Mwen yo,  
yo fè sakrifis vyann e E yo manje l;  
SENYÈ a pa pran okenn plezi nan yo.

Alò, Li va \*sonje inikite yo  
e \*pini yo pou peche yo;  
Yo va retounen an Egypte.

14 Paske Israël te \*bliye Kreyatè li a  
e li te \*bati palè yo;  
Epi Juda te miltipliye vil fòtifye yo,  
men Mwen va voye dife sou vil li yo  
e li Va devore gwo palè li yo.

## 9

1 \*Pa rejwi, O Israël, ak lajwa kon nasyon yo!  
Paske ou te \*fè pwostitisyon  
e ou te abandone Bondye ou a.  
Ou te renmen salè kòb ki konn ranmase  
sou nenpòt glasi vannen.

2 Glasi vannen a ak pèz diven an \*p ap nourri yo  
e diven nèf la va fè yo vin desi.

3 Yo p ap rete nan peyi SENYÈ a,  
men Éphraïm va retounen an \*Égypte  
e yo va manje \*sa ki pa pwòp an Assyrie.

4 Yo p ap vide ofrann bwason a diven a SENYÈ a,  
Ni yo p ap fè L plezi.  
Sakrifis yo va tankou pen moun ki fè dèy pou mò;  
Epi tout moun ki manje ladan va vin souye,

\* 8:6 Os 13:2 \* 8:7 Pwov 22:8 \* 8:7 És 66:15 \* 8:8 II Wa 17:6 \* 8:8 Jr 22:28 \* 8:9  
Os 7:11 \* 8:9 Jr 2:24 \* 8:10 Jr 42:2 \* 8:10 És 10:8 \* 8:11 Os 10:1 \* 8:12 Det 4:6,8  
\* 8:12 Os 4:6 \* 8:13 Jr 14:10 \* 8:13 Os 4:9 \* 8:14 Det 32:18 \* 8:14 És 9:9,10 \* 9:1  
És 22:12,13 \* 9:1 Os 4:12 \* 9:2 Os 2:9 \* 9:3 Os 7:16 \* 9:3 Éz 4:13

paske pen pa yo va pou yo sèl; li p ap antre lakay SENYÈ a.✠

5 ✠Kisa ou va fè nan jou fèt chwazi a

e nan jou a fèt SENYÈ a?

6 Paske, gade byen, lè yo pran flit devan destriksyon;

Égypte va ranmase yo.

Moph va antere yo.

Se machacha k ap vin pran trezò ajan yo;

Tant yo va gen pikan ladann.

7 Jou ✠pinisyon yo gen tan rive;

jou pou ✠rekonpans yo gen tan rive;

Israël dwe konnen sa! Pwofèt la se yon moun fou,

Moun ki gen gwo limyè a

vin plen ak foli akoz inikite ou yo tèlman

vin anpil

e akoz rayisman ou yo vin tèlman gran.

8 Éphraïm te yon gadyen avèk Bondye mwen an.

Menm jan pou pwofèt la;

yon pèlen moun k ap kaptire zwazo nan tout chemen li yo

e se sèl mepriz li twouve lakay Bondye li a.

9 Yo antre tèt yo byen ✠fon nan koripsyon

tankou nan jou a Guibeà yo;

Li va sonje ✠inikite yo; Li va pini peche yo.

10 Mwen te twouve Israël tankou ✠rezen yo nan dezè;

Mwen te wè papa zansèt nou yo

tankou ✠premye fwi sou pye fig nan premye sezon li.

Men yo te rive kote Baal-Peor;

yo te konsakre tèt yo a gwo wont,

e yo yo te vin abominab menm ak sila

ki te renmen yo.

11 Pou Éphraïm ✠glwa yo va vole ale kon zwazo;

p ap gen ni nesans, ni ansent, ni fòmasyon.

12 Malgre yo leve pwòp pitit yo,

Mwen va Prive yo de yo

jiskaske pa gen yon moun ki rete.

Wi, anverite ✠malè a yo menm, lè Mwen kite yo!

13 Mwen wè Éphraïm, jan Mwen te wè Tyr la,

plante nan yon bèl chan;

Men Éphraïm va fè parèt ak pitit li yo pou gran masak la.✠

14 Bay yo, O! SENYÈ—kisa Ou va bay yo?

Bay yo yon ti vant foskouch ✠ ak tete sèch.

15 Tout mechanste yo te parèt Guigal;

Anverite se la Mwen te vin rayi yo!

Akoz ✠mechanste a zak yo, Mwen va chase yo

sòti lakay Mwen.

Mwen p ap renmen yo ankò;

tout prens yo se ✠rebèl.

✠ 9:4 Jr 6:20; Ag 2:13,14 ✠ 9:5 És 10:3 ✠ 9:7 És 34:8 ✠ 9:9 És 31:6 ✠ 9:9 Os 7:2 ✠ 9:10 Mi 7:1 ✠ 9:10 Jr 24:2 ✠ 9:11 Os 4:7 ✠ 9:12 Det 31:17 ✠ 9:13 Éz 26:1-21 ✠ 9:14 Os 9:11 ✠ 9:15 Os 4:9 ✠ 9:15 És 1:23

16 Éphraïm vin frape, rasin yo vin sèch;  
Yo p ap bay fwi.  
Menm si yo ki fè pitit,  
Mwen va touye ✧fwi byeneme a vant yo a.

17 Bondye mwen an va jete yo deyò  
akoz yo ✧pa t koute Li;  
Epi yo va ✧vin vagabon pami nasyon yo.

## 10

1 Israël se yon pye rezen byen fètîl;  
li pwodwi fwi pou pwòp tèt li.  
Selon kantite fwi li te genyen,  
li te multipliyè lotèl li yo.  
Selon bonte a peyi yo a, yo te fè pilye sakre.

2 Kè yo vin ✧enfidèl;  
Koulye a, yo gen pou pote pwòp ✧koupabilite yo.  
SENYÈ a va kraze lotèl yo  
e detwi pilye sakre yo.

3 Anverite, koulye a yo va di: ‘Nou ✧pa gen wa,  
paske nou pa krent SENYÈ a.  
Epi wa a, se kisa li ka fè pou nou?’

4 Se sèlman pawòl ke yo pale,  
ak ✧fo sèman nan fè akò;  
Donk ✧jijman yo pete leve tankou zèb  
k ap anpwazone nan tras chan.

5 Pèp Samarie yo va gen lakrent  
akoz jenn bèf Beth-Aven nan.  
Anverite, pèp li a va fè lamantasyon pou li,  
ak ✧prèt zidòl yo k ap kriye pou li,  
pou ✧glwa li, akoz sa fin ale kite li nèt.

6 Sa va pote ale osi an Assyrie  
pou fè omaj a Wa Jareb;  
Éphraïm va vin resevwa lawont  
E Israël va vin wont de pwòp konsèy li.✧

7 Pou Samarie, wa li a va ✧ vin peri  
tankou ti bout bwa Ki parèt sou fas dlo.

8 Anplis, wo plas Aven yo, peche Israël la,  
va vin detwi;  
Pikan ak raje va grandi sou lotèl yo;  
Epi yo va di a mòn yo: “Kouvri nou!”  
E a kolin yo: “Vin tonbe sou nou.”✧

9 O! Israël, depi nan jou a Guibea yo, ou te peche;  
Se la yo te kanpe!  
Ni batay kont fis inikite yo pa t kite yo nan Guibea?

10 Lè se ✧volonte Mwen,  
Mwen va bay yo ✧chatiman;

✧ 9:16 Os 8:7; Éz 24:21 ✧ 9:17 Os 4:10 ✧ 9:17 Os 7:13 ✧ 10:2 Jr 2:28 ✧ 10:2 I Wa 14:23  
✧ 10:3 Sòm 12:4 ✧ 10:4 Éz 17:13-19 ✧ 10:4 Det 31:16,17 ✧ 10:5 II Wa 23:5 ✧ 10:5 Os  
9:11 ✧ 10:6 Os 4:7; És 30:3 ✧ 10:7 Os 13:11 ✧ 10:8 I Wa 12:28-30; És 2:19 ✧ 10:10 Éz  
5:13 ✧ 10:10 Os 4:9

Epi pèp yo va vin rasanble kont yo  
 lè yo mare nèt nan koupabilite double yo.  
 11 Éphraïm se yon ✧gazèl bèf byen antrene  
 ki renmen foule grenn nan,  
 men Mwen va ✧pase jouk la sou bèl kou li a;  
 Mwen va mete yon kavalye sou Éphraïm;  
 Juda va raboure, Jacob va repase pou kont li.  
 12 Simen a nou menm anvè ladwati,  
 rekòlte selon ladousè;  
 fann tè ki poze ou a;  
 Se lè pou chache SENYÈ a  
 jis lè Li vin vide ladwati sou nou.✧  
 13 Nou te ✧raboure mechanste;  
 nou te rekòlte lenjistis.  
 nou te manje fwi a ✧manti,  
 akoz nou te mete konfyans nou  
 nan chemen nou,  
 nan fòs kantite gèye pisan nou yo.  
 14 Akoz sa, yon gwo lòbèy va leve  
 pami pèp nou an  
 e ✧tout fòterès nou yo va detwi,  
 tankou Schalman te detwi Beth-Arbel  
 nan jou batay la,  
 lè manman an te kraze an mòso ak pitit li yo.  
 15 Konsa li va ye pou nou menm  
 nan Bétel akoz gwo Mechanste nou yo.  
 Bonè nan maten, wa Israël la va vin detwi nèt.

## 11

1 Lè Israël te yon timoun, Mwen te renmen l;  
 Epi deyò Égypte, Mwen te rele fis mwen an.✧  
 2 Plis pwofèt yo te rele yo, plis yo te kouri kite yo;  
 Yo te kontinye ✧fè sakrifis bay baal yo e  
 ✧brile lansan bay zidòl yo.  
 3 Malgre sa, se te Mwen ki te montre Éphraïm  
 jan pou l mache;  
 Nan bra M, Mwen te pran yo;  
 Men yo pa t konnen ke Mwen te geri yo.  
 4 Mwen te mennen yo ak kòd a yon nonm,  
 ak lyen lanmou;  
 Epi ✧Mwen te vini pou yo Kon sila ki retire  
 jouk la sòti nan kou yo.  
 Konsa, Mwen te bese mete manje devan yo.  
 5 Yo p ap retounen nan peyi Égypte;  
 men Wa Assyrie a va vin wa yo, akoz yo te  
 ✧refize retounen kote Mwen.  
 6 Nepe va fè laraj kont vil yo,  
 va kraze pòtay ak fè fòje yo e va

✧ 10:11 Jr 50:11 ✧ 10:11 Jr 28:14 ✧ 10:12 Pwov 11:18; Os 12:6 ✧ 10:13 Job 4:8 ✧ 10:13  
 Os 4:2 ✧ 10:14 És 17:3 ✧ 11:1 Os 2:15 ✧ 11:2 Os 2:13 ✧ 11:2 És 65:7 ✧ 11:4 Lev 26:13;  
 Egz 16:32 ✧ 11:5 Os 7:16

✧ devore yo nèt akoz pwòp ✧ konseye pa yo.

7 Pèp Mwen an fè desizyon nèt pou ✧ vire kite Mwen. Malgre yo rele yo vè Sila ki Pi Wo a, pa gen youn nan yo ki va egzalte Li.

8 ✧ Kòman Mwen ta kapab lage ou, O Éphraïm?  
Kòman Mwen ta kapab kite ou ale, O Israël?  
Kòman Mwen ta kapab fè ou tankou Adma?  
Kòman Mwen ta kapab aji avèk ou tankou ✧ Tseboïm?  
Kè M vire nèt anndan M;  
konpasyon Mwen vin anflame.

9 Mwen ✧ p ap egzekite chalè kòlè Mwen;  
Mwen p ap detwi Éphraïm ankò.  
Paske ✧ se Bondye Mwen ye, Mwen pa lòm;  
Sila Ki Sen nan mitan nou an  
e Mwen p ap antre nan kòlè.

10 Yo va ✧ mache dèyè SENYÈ a,  
Li va gwonde kon yon lyon;  
Anverite, Li va gwonde, e fis li yo va vin tou  
ap ✧ tranble soti nan lwès.

11 Yo va vini tou ap tranble tankou zwazo  
soti an Égypte e kon toutrèl soti nan peyi ✧ Assyrie;  
epi Mwen va plase yo nan kay pa yo,  
deklare SENYÈ a.

12 Éphraïm antoure Mwen ak ✧ manti,  
e lakay Israël ak desepsyon,  
men anplis, Juda rete san prensip kont Bondye,  
menm kont Sila Ki Sen, ki fidèl la.

## 12

1 Éphraïm manje sou van  
e kouri dèyè ✧ van lès la.  
Li kontinye ap ogmante nan manti ak vyolans.  
Anplis, li fè yon akò ak Assyrie  
e lwil vin pote an Égypte.

2 Plis toujou, SENYÈ a gen yon kont ak Juda  
e Li va va pini Jacob ✧ selon chemen li yo;  
li va rekonpanse li selon zak li yo.

3 Nan vant manman, li te ✧ kenbe frè l nan talon;  
epi lè l fin grandi, li te ✧ lite ak Bondye.

4 Wi, li te lite ak zanj lan e li te enpoze l;  
li te kriye e li te ✧ cache favè li.  
Li te jwenn Li Béthel e se la, Li te pale ak nou.

5 Menm SENYÈ a, Bondye dèzame yo,  
SENYÈ a se ✧ non Li.

6 Pou sa retounen kote Bondye ou a,  
✧ Swiv ladousè ak lajistis e tann Bondye ou a tout tan.

✧ 11:6 Lam 2:9 ✧ 11:6 Os 4:16,17 ✧ 11:7 Jr 3:6,7 ✧ 11:8 Os 6:4 ✧ 11:8 Jen 14:8 ✧ 11:9 Det 13:17 ✧ 11:9 Nonb 23:19 ✧ 11:10 Os 3:5 ✧ 11:10 És 66:2,5 ✧ 11:11 És 11:11; Éz 28:25,26 ✧ 11:12 Os 4:2 ✧ 12:1 Jen 41:6 ✧ 12:2 Os 4:1; Os 7:2 ✧ 12:3 Jen 25:26 ✧ 12:3 Jen 32:28 ✧ 12:4 Jen 32:26 ✧ 12:5 Egz 3:15 ✧ 12:6 Os 6:1-3; Mi 6:8

7 Li se yon machann, ak ✨fo balans lan nan men l;  
Li renmen oprime (moun).

8 Epi Éphraïm te di: “Anverite, mwen  
gen tan vin rich.

Mwen te twouve richès mwen pou kont mwen;  
Nan tout zèv mwen yo, yo p ap dekouvri  
✨okenn inikite, ki ta peche.”

9 Men Mwen menm, SENYÈ Bondye ou,  
depi nan peyi Égypte la, va fè ou  
✨viv nan tant ankò, tankou nan jou fèt deziye yo.

10 Anplis, Mwen te pale ak pwofèt yo  
e mwen te miltipliye vizyon yo;  
epi selon ministè ✨pwofèt yo, mwen te bay ✨parabòl.

11 Èske gen inikite nan Galaad?

Anverite, yo tout san valè.

Nan Guilgal, yo fè sakrifis towò;  
wi ✨lotèl pa yo tankou pil wòch nan mitan chan.

12 Alò, Jacob te sove ale nan peyi Aram,  
✨Israël te travay pou resevwa yon madanm;  
pou yon madanm, li te fè gadyen mouton.

13 Epi pa yon ✨pwofèt, SENYÈ a te mennen Israël  
sòti an Égypte  
e pa yon pwofèt, li te vin prezève.

14 Éphraïm te pwovoke gwo kòlè amè;  
akoz sa, Senyè li va kite ✨san li koule sou li  
e fè ✨repwòch li tounen sou li.

## 13

1 ✨Lè Éphraïm te pale, te gen tranbleman.

Li te leve tèt li wo an Israël;  
Men ak Baal, li te fè mal e li te mouri.

2 Epi koulye a, yo peche plis toujou  
e yo fè pou tèt yo ✨imaj fonn an ajan,  
menm zidòl yo selon pwòp konpreyansyon pa yo.  
Yo tout se zèv a mèl ouvriye yo ye.

Yo di a yo menm: “Kite mesye k ap  
fè sakrifis imen yo, bo ✨ti bèf yo!”

3 Akoz sa, yo va tankou ✨nwaj nan maten  
ak lawouze k ap disparèt bonè,  
tankou pay ke van pote ale soti nan glasi vannen  
e tankou ✨Lafimen nan chemine.

4 Malgre sa, Mwen se SENYÈ, Bondye ou,  
depi nan peyi Égypte la;  
epi ou pa t pou konnen ✨okenn dye  
sof ke Mwen;  
paske nanpwen sovè ✨sof ke Mwen.

✨ 12:7 Pwov 11:1 ✨ 12:8 Os 4:8 ✨ 12:9 Lev 23:42 ✨ 12:10 II Wa 17:13 ✨ 12:10 Éz 17:2  
✨ 12:11 Os 8:11 ✨ 12:12 Jen 28:5; Jen 29:20 ✨ 12:13 Egz 14:19-22 ✨ 12:14 Éz 18:10-13  
✨ 12:14 Dan 11:18 ✨ 13:1 Job 29:21,22 ✨ 13:2 És 46:6 ✨ 13:2 Os 8:5,6 ✨ 13:3 Os 6:4  
✨ 13:3 Sòm 68:2 ✨ 13:4 Egz 20:3 ✨ 13:4 És 43:11

5 Mwen te ☆pran swen ou nan dezè a,  
 nan peyi sechrès la.  
 6 Lè yo te vin jwenn patiraj yo, yo te vin satisfè;  
 yo te vin satisfè e kè yo te vin ògeye;  
 konsa, yo te bliye Mwen.☆  
 7 Akoz sa, Mwen va vin ☆tankou yon lyon anvè yo;  
 Kon yon ☆leyopa, Mwen va kouche  
 an kachèt bò chemen an.  
 8 Mwen va rankontre yo ☆kon yon lous  
 ki fenk fin pèdi pitit li  
 e mwen va chire lestomak yo nèt;  
 Sou plas, Mwen va ☆devore yo tankou  
 yon manman lyon,  
 jan yon bèt sovaj ta chire yo.  
 9 Se destriksyon pa w, O Israël!  
 Akoz ou kont Mwen, kont ☆sekou ou.  
 10 Kote ☆wa ou a koulye a,  
 pou li ta ka sove ou nan tout vil ou yo?  
 Ak ☆jij ke ou te mande yo: “Ban mwen  
 yon wa ak prens yo”?  
 11 Mwen ☆te bay ou yon wa nan kòlè Mwen  
 e Mwen te fè l soti nan kòlè Mwen.  
 12 Inikite a Éphraïm vin ogmante nèt;  
 peche li vin ☆mete nan depo.  
 13 Doulè a yon fanm k ap pouse pitit va vini sou li;  
 se pa ☆yon fis ki saj, k ap rete nan vant  
 ki ouvri e k ap tann li soti a.  
 14 Mwen va rachte yo soti  
 anba pouvwa a Sejou mò yo;  
 mwen va ☆rachte yo soti anba lanmò.  
 O lanmò! Kote pikan ou yo?  
 O Sejou mò yo! Kote destriksyon ou an?  
 Repantans va vin kache devan zye M.  
 15 Malgre sa, li byen pote fwi pami frè li yo,  
 yon ☆van nan lès va vini;  
 Van SENYÈ k ap monte soti nan dezè a;  
 epi sous dlo li va vin sèch  
 e fontèn dlo li va vin seche.  
 Li va ☆vin piyaje de trezò  
 a tout bagay ki gen valè li yo.  
 16 Samarie va pote ☆koupabilite li,  
 paske li te ☆fè rebèl kont Bondye li a.  
 Yo va tonbe pa nepe.  
 Timoun piti yo va vin kraze an mòso,  
 epi fanm ansent yo va vin dechire nèt.

## 14

1 ☆Retounen, O Israël, kote SENYÈ, Bondye ou a.

☆ 13:5 Det 2:7 ☆ 13:6 Os 7:14; Os 2:13 ☆ 13:7 Lam 3:10 ☆ 13:7 Jr 5:6 ☆ 13:8 II Sam 17:8  
 ☆ 13:8 Sòm 50:22 ☆ 13:9 Det 33:26,29 ☆ 13:10 II Wa 17:4 ☆ 13:10 I Sam 8:5,6 ☆ 13:11  
 I Sam 8:7 ☆ 13:12 Det 32:34,35 ☆ 13:13 Det 32:6 ☆ 13:14 Sòm 49:15 ☆ 13:15 Jen 41:6  
 ☆ 13:15 Jr 20:5 ☆ 13:16 Os 10:2 ☆ 13:16 Os 7:14 ☆ 14:1 Os 6:1



Paske ou te glise tonbe akòz inikite ou.

<sup>2</sup> Pran avèk ou menm pawòl yo pou retounen kote SENYÈ a.

Di Li: ✧“Retire tout inikite nou yo e resevwa nou ak gras Ou pou nou ka bay ofrann bèf yo kon ve a lèw nou.

<sup>3</sup> Assyrie p ap sove nou.

Nou p ap monte sou cheval;

ni nou p ap di ankò a ✧zèw men nou yo: “Ou se dye nou.”

Paske nan Ou, òfelen an twouve mizerikòd.

<sup>4</sup> Mwen va ✧geri enfidelite yo;

Mwen va ✧renmen yo an abondans,

paske kòlè Mwen fin vire lwen yo.

<sup>5</sup> Mwen va tankou ✧Lawouze pou Israël;

li va fleri kon flè lis

e li va anrasine tankou pye sèd a Liban yo.

<sup>6</sup> Boujon li yo va vin pete e bèlte li

va tankou pye doliv etranje a,

<sup>7</sup> Sila ki rete nan lonbraj li va reprann fòs

tankou ✧sereyal ki jwenn lapli;

Yo va fleri tankou pye rezen.

Y ap plen bon odè tankou diven Liban an.

<sup>8</sup> O Éphraïm! Kisa M gen pou fè ankò ak zidòl?

Se Mwen menm ki okipe ou;

Mwen tankou yon pye ✧bwapen byen vèt;

Nan ✧Mwen, tout fwi ou sòti.

<sup>9</sup> ✧Nenpòt moun ki saj, kite li konprann

bagay sa yo;

Sila ki pridan an, kite li konnen yo.

Paske, chemen a SENYÈ yo dwat,

e moun ladwati a va mache ladan yo;

Men transgresè yo va glise tonbe ladan yo.

## JOËL

1 Pawòl SENYÈ a te vin kote ✧Joël,  
 fis a Pethuel la:  
 2 Koute sa ✧ansyen nou yo, tout abitan peyi a!  
 ✧Èske yon bagay konsa konn rive nan jou  
 nou yo,  
 oswa nan jou a papa zansèt nou yo?  
 3 ✧Pale pitit nou yo bagay sa a, e kite pitit nou  
 pale pitit pa yo ak pitit a yon lòt jenerasyon.  
 4 Sa ke ti krikèt la te yo kite  
 ✧gwo krikèt la fin manje.  
 epi sa ke gwo krikèt la te kite,  
 ti cheni an te manje,  
 epi sa ke ti cheni an te kite  
 ✧gwo cheni an te manje.  
 5 Leve pou nou kriye, moun sou yo.  
 rele fò, nou tout k ap bwè diven yo,  
 akoz diven dous lan,  
 paske li deja koupe soti nan bouch nou.✧  
 6 Paske yon nasyon te deja anvayi peyi mwen an,  
 ak gwo pwisans e an kantite ki pa ka kontwole;  
 ✧Dan l se dan a yon lyon  
 e gwo dan l yo se tankou  
 dan a yon manman lyon.  
 7 Li te ✧fè chan rezen mwen an  
 vin yon kote gate,  
 e li te rache pye fig mwen an.  
 Li fin rache li nèt nèt e jete li;  
 Branch yo te vin blanch.  
 8 ✧Rele fò tankou yon vyèj ki ✧abiye ak twal sak,  
 pou fiyanse jenès li ki te mouri.  
 9 ✧Ofrann sereyal ak ofrann bwason an  
 vin koupe soti lakay SENYÈ a.  
 ✧Prèt yo, sèvitè a SENYÈ a, ap lamante.  
 10 Chan an vin gate nèt;  
 ✧Peyi a ap fè dèy.  
 Paske tout sereyal la fin gate nèt, diven nèf la fin seche,  
 lwil fre a vin sispann.  
 11 Se pou nou vin wont O kiltivatè yo!  
 Rele anmwey, O nou menm k ap okipe  
 pye rezen yo,  
 paske ble ak lòj la ak ✧rekòlt chan an fin detwi.  
 12 ✧Pye rezen an vin sèch e pye fig la vin pa donnen;  
 pye grenad la, pye palmis lan ak pye pòm nan;  
 menm tout pyebwa nan chan an fin cheche.

✧ 1:1 Trav 2:16 ✧ 1:2 Job 8:8 ✧ 1:2 Jr 30:7 ✧ 1:3 Egz 10:2 ✧ 1:4 Na 3:15,16 ✧ 1:4  
 És 33:4 ✧ 1:5 Jl 3:3; És 32:10 ✧ 1:6 Rev 9:8 ✧ 1:7 És 5:6 ✧ 1:8 És 22:12 ✧ 1:8 Jl 1:13  
 ✧ 1:9 Os 9:4 ✧ 1:9 Jl 2:17 ✧ 1:10 Jr 12:11 ✧ 1:11 És 17:1 ✧ 1:12 Jl 1:10

Anverite ✧Lajwa a vin seche soti pami  
fis a lòm yo.

13 ✧Mare senti nou ak twal sak e kriye fò,  
O prèt yo! Rele anmwey, O sèvitè a lotèl yo!  
Vin pase nwit lan ak twal sak! O sèvitè  
a Bondye mwen yo.

Paske ofrann sereyal la ak ofrann bwason an  
fin retire soti lakay Bondye nou an.

14 Vin konsakre nou nan yon jèn; pwoklame yon  
asanble solanèl.

Rasanble tout ansyen yo ak tout moun ki rete  
nan peyi a,

pou vini lakay SENYÈ a, Bondye nou an,  
pou kriye fò bay SENYÈ a.✧

15 Elas pou jou a! Paske ✧jou SENYÈ a  
vin pwòch,  
e li va vin tankou ✧destriksyon ki soti  
nan Toupwisan an.

16 Èske manje a pa t retire soti devan zye nou;  
lajwa ak kè kontan soti lakay Bondye nou an"?✧

17 Jèm yo vin pouri anba bòl tè yo;  
depo yo vin abandone, kay bèt yo  
fin demoli nèt,  
paske sereyal la vin sispann nèt.✧

18 Ala plenyen ✧bèt yo pleyen nan gòj!  
twoupo bèt yo ap gaye toupatou,  
paske pa gen patiraj pou yo.  
menm bann mouton yo ap souffri.

19 A Ou menm, O! SENYÈ, Mwen kriye;  
paske dife fin devore patiraj nan savann yo,  
e flanm dife fin brile tout pyebwa nan chan yo.✧

20 Menm bèt chan yo ✧rele vè Ou menm;  
paske ✧sous dlo yo fin seche e dife a te devore  
tout patiraj nan savann yo.

## 2

1 Soufle twonpèt la nan Sion e fè sone  
alam nan sou mòn sen Mwen an!  
kite tout moun k ap viv nan peyi a tranble,  
paske jou SENYÈ a ap vini;  
Anverite, li vin pwòch.✧

2 Yon jou fènwa ak pèdi espwa,  
yon jou nwaj yo ak tenèb byen pwès.  
Tankou solèy k ap leve sou mòn yo;  
konsa gen yon gwo pèp pwisan.  
Pa t janm gen yon bagay konsa,  
ni p ap janm gen anyen ankò jis rive nan ane  
a anpil jenerasyon.✧

✧ 1:12 És 16:10 ✧ 1:13 Jr 4:8 ✧ 1:14 Jon 3:8 ✧ 1:15 Jl 2:1,11,31 ✧ 1:15 És 13:6 ✧ 1:16  
És 3:7 ✧ 1:17 És 17:10,11 ✧ 1:18 I Wa 8:5 ✧ 1:19 Sòm 50:15 ✧ 1:20 Sòm 104:21 ✧ 1:20  
I Wa 17:7 ✧ 2:1 Jl 1:15 ✧ 2:2 Jl 2:10,31; Lam 1:12

3 Devan yo, se dife k ap devore e dèyè yo, se yon flanm k ap brile.

Peyi a vin ✧tankou jaden Edenn devan yo men yon savann ✧dezole dèyè yo e nanpwen anyen ki chape.

4 ✧Aparans yo se tankou aparans a cheval; epi kon yon kavalye kouri cheval li, se konsa yo kouri.

5 Tankou bri a cha k ap voltije sou tèt mòn yo; se konsa yo sote. tankou bri a yon flanm dife k ap devore pay; se konsa yon gwo pèp ranje li pou batay.✧

6 Devan yo, pèp yo vin nan gwo ✧soufrans; tout figi yo vin pal.

7 Yo kouri tankou mesye pwisan yo, yo monte mi tankou sòlda; epi yo ✧mache byen ranje, ni yo pa kite pa yo.

8 Youn pa jennen lòt, Yo chak mache nan pa yo; lè yo ap eklate travèse defans yo, yo pa kite ran an.

9 Yo kouri sou vil la, yo kouri sou miray la; yo antre nan ✧kay yo; ✧nan fenèt yo yo antre kon vòlè.

10 Devan yo, tè a ✧souke; syèl yo tranble; epi ✧solèy la ak lalin nan vin tou nwa e zetwal yo vin pèdi briyans yo.

11 Vwa SENYÈ a pale devan lame Li a. Anverite, kan Li an vin byen gran, paske ✧byen fò se sila ki akonpli pawòl Li a. ✧Anverite, jou SENYÈ a gran e tèrib anpil, se kilès ki ka sipòte li?

12 “Koulye a menm”, deklare SENYÈ a, ✧retounen kote Mwen ak tout kè nou, avèk ✧jèn, avèk gwo kri e avèk gwo lamantasyon.”

13 Epi ✧rann kè nou, olye vètman nou.” Retounen kote SENYÈ a, Bondye nou an, paske Li ✧plen gras ak mizerikòd, lan nan kòlè, plen ak lanmou dous e konn ralanti nan fè malè.

14 Kilès ki ka konnen ✧si Li p ap repanti kite sa, e kite dèyè Li yon benediksyon, Menm yon ofrann sereyal ak yon ofrann bwason pou SENYÈ a, Bondye nou an.

15 Soufle yon twonpèt nan Sion,

✧ 2:3 És 51:3 ✧ 2:3 Egz 10:5,15 ✧ 2:4 Rev 9:7 ✧ 2:5 Rev 9:9 ✧ 2:6 És 13:8 ✧ 2:7 Pwov 30:27 ✧ 2:9 Egz 10:6 ✧ 2:9 Jr 9:21 ✧ 2:10 Sòm 18:7 ✧ 2:10 És 13:10 ✧ 2:11 Jr 50:34 ✧ 2:11 Jl 1:15 ✧ 2:12 Det 4:29 ✧ 2:12 Dan 9:3 ✧ 2:13 Sòm 34:18 ✧ 2:13 Egz 34:6 ✧ 2:14 Jr 26:3

✧Konsakre yon jèn, pwoklame  
yon asanble solanèl

16 Rasanblè moun yo ✧fè yon kongregasyon  
ki sen.

Reyini ansyen yo, rasanble timoun ak  
sila pran tete yo.

Kite mesye marye a sòti nan chanm li e  
lamarye a sòti nan chanm maryaj la.

17 Kite prèt yo, sèvitè SENYÈ yo,  
kriye antre galri a ak lotèl la e

kite yo di: ✧“Epagne pèp Ou a, O SENYÈ!  
e pa fè eritaj Ou a vin yon repwòch,  
yon vye mò pami nasyon yo.

Poukisa pèp yo ta dwe di: ✧“Kote Bondye Yo a ye?”

18 Konsa, SENYÈ a va vin jalou pou peyi Li a,  
e Li va ✧fè mizerikòd a pèp Li a.

19 SENYÈ a va reponn pou di a pèp Li a:  
“Gade byen, Mwen va voye bannou sereyal,  
diven nèf ak lwil e  
nou va vin satisfè nèt ak yo.

✧ Mwen p ap fè nou ankò vin yon repwòch  
pami nasyon yo.

20 Men ✧Lame nò a, Mwen va retire li ale lwen nou,  
Mwen va pouse li ale nan yon peyi

sèk e dezole,  
tèt lame li a, Mwen va lage li nan lanmè lès la;  
dèye a, nan lanmè lwès la.

Epi sant pouriti li a va vin leve e movèz odè  
li a va vin monte,  
paske se gwo bagay li te konn fè.”

21 ✧Pinga nou pè, O peyi a!

Rejwi e fè kè nou kontan,  
paske SENYÈ a te fè gwo bagay.

22 Pa pè, nou menm bèt chan yo;  
paske patiraj yo nan dezè a deja vin vèt,  
paske pyebwa a vin bay fwi e paske  
pye fig la vin donner nèt.✧

23 Konsa, se pou nou fè kè kontan,  
O fis a Sion yo!

Rejwi nou nan SENYÈ a, Bondye nou an;  
Paske Li te ✧bay nou lapli bonè nan kantite ki jis,  
li te fè vide sou nou lapli,  
Premyè ak ✧denyè lapli nan premye mwa a  
tankou avan an.

24 Glasi vannan yo va plen ak sereyal e chodyè  
yo va debòde ak diven nèf ak lwil.✧

✧ 2:15 Jl 1:14 ✧ 2:16 I Sam 16:5 ✧ 2:17 Egz 32:11,12 ✧ 2:17 Sòm 42:10 ✧ 2:18 És 60:10  
✧ 2:19 És 34:29 ✧ 2:20 Jr 1:14,15 ✧ 2:21 És 54:4 ✧ 2:22 Sòm 65:12,13 ✧ 2:23 Det 11:14  
✧ 2:23 Lev 26:4 ✧ 2:24 Lev 26:10

25 Konsa, Mwen va restore bannou pou ane  
ki te pèdi yo;

Ke ✧ gwo krikèt te manje yo,  
ti krikèt la ki kouri a tè a,  
ti cheni ak gwo cheni fin kraze ak dan yo,  
gwo lame ke Mwen menm te  
voye pami nou.

26 Nou va genyen anpil manje,  
nou va vin satisfè  
e nou va fè lwanj non SENYÈ a,  
Bondye nou an,  
ki te ✧aji ak mèvèy avèk nou.  
Konsa, pèp Mwen an ✧p ap janm vin wont.

27 Konsa, nou va konnen ke  
Mwen nan mitan Israël,  
ke Mwen se SENYÈ a, Bondye nou an,  
e ke pa gen okenn lòt;  
epi pèp Mwen an p ap janm vin wont.✧

28 Li va vin rive apre sa,  
ke Mwen va ✧vide Lespri M  
sou tout ✧chè;  
epi fis nou yo ak fi nou yo va pwofetize e  
granmoun nou yo va fè vizyon.

29 Menm sou sèvitè ak sèvan yo,  
mwen va vide Lespri Mwen nan jou sa yo.

30 Epi Mwen va ✧montre mèvèy  
nan syèl la ak sou tè a:  
san, dife, ak gwo kolòn lafimen.

31 Solèy la va vin tou nwa e lalin nan  
tankou san devan gwo jou tèrib SENYÈ a.✧

32 Epi li va vin rive ke ✧nenpòt moun  
ki rele non SENYÈ a, li va delivre;  
Paske nan Mòn Sion ak Jérusalem,  
va gen sila ki chape yo,  
jan SENYÈ a te di a: menm pami  
retay la, SENYÈ a rele (moun).

### 3

1 “Paske gade byen, nan jou sila yo  
ak nan lè sa a, lè Mwen va restore  
Juda ak Jérusalem soti nan kaptivite,✧

2 Mwen va ✧rasanble tout nasyon yo pou  
mennen yo desann nan vale Josaphat la.  
Epi Mwen va ✧antre la nan  
jijman avèk yo

✧ 2:25 Jl 1:4-7 ✧ 2:26 Sòm 126:2,3 ✧ 2:26 És 45:17 ✧ 2:27 Lev 26:11,12; És 45:5,6 ✧ 2:28  
És 32:15 ✧ 2:28 És 40:5 ✧ 2:30 Mat 24:29 ✧ 2:31 És 13:10 ✧ 2:32 Jr 33:3 ✧ 3:1 Jr 16:5  
✧ 3:2 És 66:18 ✧ 3:2 Jr 25:31

pou pèp ak eritaj Mwen an, Israèl,  
ke yo te gaye pami nasyon yo,  
e yo te divize tè Mwen an.

<sup>3</sup> Anplis, yo te \*voye tiraj osò  
sou pèp Mwen an.

Yo te \*twoke yon gason pou yon pwostitiye  
e yo te vann yon fi pou diven  
pou yo ta ka bwè.

<sup>4</sup> Anplis, se kisa ou ye pou Mwen!  
O Tyr, Sidon ak tout rejon a Philistine yo?  
Èske se yon rekonpans ke n ap ban Mwen?  
Men si Mwen pa jwenn rekonpans  
byen vit e san delè,

Mwen va fè rekonpans nou an  
\*retounen sou tèt nou.

<sup>5</sup> Akoz nou te \*pran ajan Mwen  
ak lò Mwen, e te mennen bagay  
presye sakre Mwen yo nan tanp nou yo,

<sup>6</sup> epi nou te vann \*fis a Juda  
ak Jérusalem yo bay Grèk yo  
pou yo ta ka vin rete lwen teritwa yo.

<sup>7</sup> Gade byen, Mwen va \*fè yo leve soti  
nan plas kote nou te vann yo  
e retounen rekonpans nou an  
sou pwòp tèt nou.

<sup>8</sup> Anplis, Mwen va \*vann fis nou yo  
ak fi nou yo

nan men a fis a Juda yo,  
e yo va vann yo bay \*Sabeyen yo,  
yon nasyon byen lwen,”

paske SENYÈ a fin pale.

<sup>9</sup> Pwoklame sa pami nasyon yo:

\*“Prepare nou pou fè lagè; pwovoke mesye  
pwisan yo! Kite tout sòlda yo vin pi pre;  
Kite yo vin monte.

<sup>10</sup> \*Bat lam cha pou yo fè epe yo;  
ak kwòk rebondaj pou fè lans.

Kite moun fèb yo di: “Mwen se yon nonm pwisan.”

<sup>11</sup> \*Fè vit vini, tout nasyon ki ozalantou yo;  
Rasanble nou ansanm.

Fè desann, O SENYÈ, moun pwisan Ou yo.

<sup>12</sup> Kite nasyon yo leve pou vin monte nan  
vale Josaphat la,  
paske se la Mwen va chita pou jije  
tout nasyon ki ozalantou yo.\*

<sup>13</sup> \*Fè antre gwo kouto rekòlt la,  
paske \*rekòlt la vin mi.

Vin mache foule, paske pèz diven an vin plen;

\* 3:3 Ab 11    \* 3:3 Am 2:6    \* 3:4 És 34:8    \* 3:5 II Wa 12:18    \* 3:6 És 27:13    \* 3:7 És 43:5    \* 3:8 És 14:2    \* 3:8 Job 1:15    \* 3:9 Jr 6:4    \* 3:10 És 2:4    \* 3:11 És 38:15,16  
\* 3:12 Jl 3:2,14; Sòm 7:6    \* 3:13 Rev 14:14-19    \* 3:13 Jr 51:33

chodyè yo ap debòde, paske mechanste yo vin gran.

14 ✨Gwo foul yo, Gwo foul nan vale desizyon an!

Paske jou SENYÈ a toupres vale desizyon an.

15 ✨Solèy la ak lalin nan va vin tou nwa e zetwal yo va pèdi briyans yo.

16 Senyè a va gwonde soti nan Sion e va sone vwa Li soti Jérusalem; epi syèl yo ak tè a va tranble.

Men SENYÈ a se yon ✨refij pou pèp Li a e yon ✨sidadèl pou fis Israèl yo.

17 Nan lè sa a, nou va ✨konnen ke Mwen se SENYÈ a, Bondye nou an, ka p viv nan Sion, mòn sen Mwen an. Konsa, Jérusalem va sen e ✨etranje yo p ap pase ladann ankò.

18 Epi nan jou sa a, mòn yo va degoute diven nèf.

Nan kolin yo, se lèt ki va koule; tout ✨ravin nan Juda va gen dlo, epi yon ✨sous va sòti lakay SENYÈ a pou awoze vale a Sittim nan.

19 Égypte va vin yon dezè, Edom va vin yon savann dezole akoz ✨vyolans ki te fèt sou fis Israèl yo, nan sila yo te vèse san inosan an nan peyi yo.

20 Men Juda va gen moun ladann jis pou tout tan e Jérusalem de jenerasyon an jenerasyon. ✨

21 Epi Mwen va vanje san ke M potko vanje yo, paske SENYÈ a rete nan Sion. ✨



## AMOS

<sup>1</sup> Pawòl a Amos, ki te pami bèje mouton ✧Tekoa yo, pawòl ke li te wè nan vizyon konsènan Israèl nan jou a Ozias, wa Juda a, e nan jou a Jéroboam, fis a Joas la, wa Israèl la, dezan avan tranbleman tè an. <sup>2</sup> Li te di:

✧“SENYÈ a va gwonde soti nan Sion;  
Li va fè sone vwa Li soti Jérusalem;  
epi patiraj a bèje yo va fè dèy e  
anwo tèt Carmel va vin seche nèt.”

<sup>3</sup> Konsa pale SENYÈ a:

“Akoz de ✧twa transgresyon a Damas yo,  
menm kat,  
mwen p ap retire pinisyon li;  
akoz yo te bat Galaad ak zouti an fè yo.

<sup>4</sup> Pou sa, Mwen va voye dife sou kay Hazaël  
e li va devore sitadèl a Ben-Hadad yo.✧

<sup>5</sup> Anplis, Mwen va ✧kase baryè an fè  
damas la;

Mwen va koupe retire sila ki rete nan vale  
Bikath-Aven nan,  
ak sila ki kenbe baton wayal la soti Beth-Éden;  
epi pèp Syrie a va ale an egzil an ✧Kir,”

di SENYÈ a.

<sup>6</sup> Konsa pale SENYÈ a:

“Akoz de twa transgresyon a Gaza yo, menm kat,  
mwen p ap retire pinisyon an, akoz yo te  
depòte tout pèp la, pou ✧livre yo bay Édom.

<sup>7</sup> Pou sa, Mwen va voye dife sou miray Gaza a e  
li va devore sitadèl li yo nèt.

<sup>8</sup> Anplis, Mwen va koupe retire sila ki rete Asdod yo  
ak sila ki kenbe baton wayal la nan Askalon;  
epi mwen va tounen men mwen kont Ékron;  
epi retay a ✧Filisten yo va peri,”

di Senyè BONDYE a.

<sup>9</sup> Konsa pale SENYÈ a:

“Akoz de twa transgresyon Tyr yo, menm kat,  
mwen p ap retire pinisyon an, akoz yo te  
livre tout pèp la nèt bay Édom e yo pa t sonje  
akò ✧fratènèl la.

<sup>10</sup> Akoz sa, Mwen va ✧voye dife sou miray  
a Tyr la e li va devore sitadèl li yo.

<sup>11</sup> Konsa pale SENYÈ a:

“Akoz de twa transgresyon Édom yo, menm kat;  
mwen p ap retire pinisyon an,  
akoz li te kouri dèyè frè l ak nepe  
pandan li te refize gen pitye;

mekontantman li te dechire tout tan e li te kenbe kòlè li jis pou tout tan.\*

<sup>12</sup> Pou sa, Mwen va voye dife sou Théman e li va devore tout sitadèl a Botsra yo.\*

<sup>13</sup> Konsa pale SENYÈ a:

“Akoz de twa transgresyon a fis a Ammon yo, menm kat; Mwen p ap retire pinisyon an, akoz yo te \*chire vant fanm ansent a Galaad yo pou \*agrandi lizyè yo.

<sup>14</sup> Pou sa, Mwen va sanble yon dife sou miray \*Rabba a e li va devore sitadèl li yo nèt; nan mitan gwo kri lagè nan jou batay la, nan mitan siklòn nan jou tanpèt la;

<sup>15</sup> Epi wa yo a va antre an egzil, \* li menm ansanm ak prens li yo”, di SENYÈ a.

## 2

<sup>1</sup> Konsa pale SENYÈ a:

“Akoz de twa transgresyon Moab yo, menm kat; mwen p ap retire pinisyon an, akoz li te \*brile zo a wa Édom nan pou l fè lacho.

<sup>2</sup> Pou sa, Mwen va voye dife sou Moab e li va devore sitadèl \*Kérijoth yo; epi Moab va mouri nan mitan gwo zen, kri lagè ak son a twonpèt.

<sup>3</sup> Anplis, Mwen va koupe retire \*jij la nan mitan yo, e touye tout prens li yo avèk li,” di SENYÈ a.

<sup>4</sup> Konsa pale SENYÈ a:

“Akoz de twa transgresyon a Juda yo, menm kat, mwen p ap retire pinisyon an; akoz yo te \*rejte lalwa SENYÈ a e yo pa t kenbe règleman Li yo; \*manti yo te koz yo vin egare, dèyè sila menm papa zansèt yo te mache.

<sup>5</sup> Pou sa, Mwen va voye dife sou Juda e li va devore palè a Jérusalem yo.\*

<sup>6</sup> Konsa pale SENYÈ a:

“Akoz de twa transgresyon a Israël yo, menm kat, mwen p ap retire pinisyon an; akoz yo te \*vann sila ki dwat yo pou lajan e malere yo pou achte de grenn sapat.

<sup>7</sup> Sila yo k ap rale souf anlè dèyè pousyè tè menm sou tèt a sila ki \*san sekou yo e ki detounen chemen a sila ki enb yo;

\* 1:11 Nonb 20:14-21; És 57:16 \* 1:12 Jr 49:7,20 \* 1:13 II Wa 15:16 \* 1:13 És 5:8 \* 1:14 Det 3:11 \* 1:15 Jr 49:3 \* 2:1 II Wa 3:26,27 \* 2:2 Jr 48:24,41 \* 2:3 Sòm 2:10 \* 2:4 Jij 2:17-20 \* 2:4 És 9:15,16 \* 2:5 Jr 17:27 \* 2:6 Jl 3:3 \* 2:7 Am 8:4

yon gason ak papa li antre nan menm fanm nan pou yo ka pwofane non sen Mwen an.

<sup>8</sup> Sila ki te konn lonje kò yo bò kote tout lotèl sou vètman ✧ki te pran kon garanti yo e nan kay Bondye yo a, yo bwè diven sila ki te peye kon amann yo.

<sup>9</sup> Malgre sa, se te Mwen menm ki te detwi ✧Amoreyen yo devan yo, malgre ✧wotè yo te tankou wotè a pye palmis e yo te gen fòs tankou bwadchenn; mwen te detwi ni fwi yo pa anlè, ni rasin yo pa anba.

<sup>10</sup> Se te Mwen menm ki te mennen nou monte soti peyi Égypte e mwen te mennen nou nan dezè a pandan ✧karantan,

pou nou ta ka posede peyi ✧Amoreyen yo.

<sup>11</sup> Epi Mwen te ✧fè leve kèk nan fis nou yo kon pwofèt e kèk nan jennonm nou yo kon ✧Nazareyen.

Èske se pa sa, fis Israël yo?" di SENYÈ a.

<sup>12</sup> Men, nou te fè Nazareyen yo bwè divin e nou te kòmande pwofèt yo e te di yo:

✧“pa pwofetize!”

<sup>13</sup> Gade byen, Mwen ✧va peze nou anba chaj kon kabwa chaje lè l plen chaj pakèt sereyal.

<sup>14</sup> ✧Kouri kite p ap posib menm pou sila ki pi rapid la; Sila ki dyanm lan p ap ka ranfòse fòs li, ni sila ki pwisan an p ap ka delivre tèt li.

<sup>15</sup> Ni sila ki konn ✧manyen banza byen an p ap ka kanpe, sila ki rapid a pye a p ap ka delivre tèt li, ni sila ki konn monte ✧cheval la p ap ka delivre tèt li.

<sup>16</sup> Menm pi brav pami gèrye yo va ✧chape poul yo toutouni nan jou sa a”, di SENYÈ a.

### 3

<sup>1</sup> Tande pawòl sa a ke SENYÈ a te pale kont nou menm, fis Israël yo; kont tout fanmi ke Li te mennen fè monte soti nan peyi Égypte la:✧

<sup>2</sup> “Nou sèlman, Mwen te chwazi pami tout fanmi sou latè yo.

Akoz sa, Mwen va ✧pini nou pou tout inikite nou yo.

<sup>3</sup> De gason p ap ka mache ansanm, eksepte yo dakò; se pa sa a?

<sup>4</sup> Èske yon lyon va gwonde nan forè a san ke li pa kaptire yon bagay? Èske yon jèn ti lyon ka kriye soti nan tanyè li si li pa pran anyen?

✧ 2:8 Egz 22:26 ✧ 2:9 Nonb 21:23-25 ✧ 2:9 Nonb 13:32 ✧ 2:10 Det 2:7 ✧ 2:10 Egz 3:8  
✧ 2:11 Det 18:18 ✧ 2:11 Nonb 6:2,3 ✧ 2:12 És 30:10 ✧ 2:13 És 1:14 ✧ 2:14 És 30:16,17  
✧ 2:15 Jr 51:56 ✧ 2:15 És 31:3 ✧ 2:16 Jij 4:17 ✧ 3:1 Jr 8:3 ✧ 3:2 Jr 14:10

5 Èske yon zwazo ka tonbe nan yon pèlen atè san ke pa gen manje ladann?

Èske pèlen an ka vòltije sòti atè san ke li kaptire anyen?

6 Si twonpèt sone yon vil, èske pèp la p ap pè?

Èske si malè rive nan yon vil, se pa SENYÈ a ki fè l?\*

7 Anverite, SENYÈ a p ap fè anyen, eksepte li \*revele konsèy kache Li a bay sèvitè li yo, pwofèt yo.

8 Yon lyon fin gwonde! Se kilès ki p ap pè? SENYÈ a fin pale! Se kilès ki ka fè lòt bagay ke pwofetize?

9 Pwoklame sou sitadèl Asdod yo ak sitadèl peyi Égypte yo e di:

“Rasanble nou sou \*mòn Samarie yo pou wè gwo zen ki anndan yo ak \*opresyon ki nan mitan yo.

10 “Paske yo pa konn fè sa ki dwat,” di SENYÈ a, “sila yo k ap \*kache konsève vyolans ak destriksyon nan sitadèl pa yo.”

11 Pou sa, konsa pale Senyè BONDYE a: “Yon \*lènmi, menm youn ki antoure peyi a va rale fòs ou desann sòti nan ou e \*sitadèl ou yo va vin piyaje.”

12 Konsa pale SENYÈ a: menm jan bèje a \*rache soti nan bouch lyon an de janm yo oswa yon mòso zòrèy, konsa, fis Israël ki rete Samarie yo va vin rache — nan kwen kabann nan ak sou kouvèti sofa a!

13 Tande pou temwaye kont kay Jacob la,” di Senyè BONDYE a, Bondye dèzame yo.\*

14 Paske nan jou ke Mwen va vizite transgresyon Israël yo sou li, Mwen va vizite lotèl Béthel yo tou; epi kòn lotèl yo va vin koupe retire nèt e yo va tonbe atè.\*

15 Epi Mwen va frape kay \* sezon Livè a ansanm avèk kay \* sezon Lete a; epi kay livwa yo va vin peri e gran kay yo va fini nèt.”

di Senyè a.

\* 3:6 És 14:24-27 \* 3:7 Jen 6:13 \* 3:9 Am 4:1 \* 3:9 Am 5:11 \* 3:10 Hab 2:8-10 \* 3:11 Am 6:14 \* 3:11 Am 2:5 \* 3:12 I Sam 17:34-37 \* 3:13 Éz 2:7 \* 3:14 II Wa 23:15 \* 3:15 Jr 36:22 \* 3:15 Jij 3:20

## 4

<sup>1</sup> Tande pawòl sa a, nou menm, vach a ✧Basan ki rete sou mòn Samarie yo, k ap oprime malere e kraze sila ki nan bezwen yo, ki di a mari nou yo: “Pote yon bagay koulye a pou nou ka bwè!”

<sup>2</sup> Senyè BONDYE a te sèmante pa sentete Li:

“Gade byen, jou yo ap vini sou nou, lè yo va rache pran nou ak kwòk vyann, e dènye bout nan nou ak gaf pwason.✧

<sup>3</sup> Nou va ✧sòti atravè brèch miray yo, nou chak tou dwat devan li a, e nou va jete nan sitadèl la,” deklare SENYÈ a.

<sup>4</sup> Antre nan Béthel pou fè transgresyon; nan Guilgal pou miltipliye transgresyon!

✧Pote sakrifis nou yo chak maten, dim nou yo chak twa jou.

<sup>5</sup> Ofri yon ✧ofrann remèsiman sitou sa ki gen ledven ladan yo.

epi pwoklame ✧ofrann bòn volonte yo; fè moun konnen yo!

Paske se konsa nou renmen fè l, nou menm, fis Israèl yo,” deklare SENYÈ a.

<sup>6</sup> Men Mwen te bay nou anplis, ✧dan netwaye nan tout vil nou yo, ak mank pen tout kote.

Malgre sa, nou pa t retounen vin jwenn Mwen,” Deklare SENYÈ a.

<sup>7</sup> Anplis de sa, Mwen te ✧fè lapli sispann pandan te gen twa mwa ankò avan rekòlt la.

Answit, Mwen te voye lapli nan yon vil e refize li nan yon lòt;

yon pati te jwenn lapli, pandan pati ki pa t resevwa lapli a te vin seche.

<sup>8</sup> Konsa, de oswa twa vil te kilbite rive nan yon lòt pou bwè ✧dlo, men yo pa t satisfè; malgre sa, nou ✧pa t retounen vin jwenn Mwen, deklare SENYÈ a.

<sup>9</sup> Mwen te ✧frape nou ak van cho, ak lakanni; epi ✧cheni te devore jaden ak chan rezen nou yo, pye figye etranje ak pye doliv yo. Malgre sa, nou pa t retounen vin jwenn Mwen,” deklare SENYÈ a.

<sup>10</sup> Mwen te voye yon epidemi nan mitan nou tankou sa ki te konn rive an Égypte yo; mwen te ✧touye jenn mesye nou yo ak nepe ansanm ak cheval kaptire nou yo e Mwen te fè ✧movèz odè monte antre nan nen nou; malgre sa, nou pa t retounen vin jwenn Mwen,”

✧ 4:1 Sòm 22:12 ✧ 4:2 És 37:29; Jr 16:16 ✧ 4:3 Jr 52:7 ✧ 4:4 Nonb 28:3 ✧ 4:5 Lev 7:13  
✧ 4:5 Lev 22:18-21 ✧ 4:6 És 3:1 ✧ 4:7 Det 11:17 ✧ 4:8 I Wa 18:5 ✧ 4:8 Jr 3:7 ✧ 4:9  
Det 28:22 ✧ 4:9 Jl 1:4,7 ✧ 4:10 Jr 11:22 ✧ 4:10 Jl 2:20

deklare SENYÈ a.

<sup>11</sup> Mwen te boulvèse nou nèt, jan ✧Bondye  
te boulvèse Sodome ak Gomorrhe  
e nou te tankou yon bout bwa byen cho  
ki te rache soti nan dife.  
Malgre sa, nou pa t retounen vin jwenn Mwen,”  
deklare SENYÈ a.

<sup>12</sup> Akoz sa, se konsa Mwen va fè ou,  
O Israël!  
Paske se sa Mwen va fè ou;  
prepare pou ✧rankontre Bondye ou a, O! Israël.

<sup>13</sup> Paske gade byen, Sila ki ✧fòme mòn yo, ki  
kreye van an  
e ki ✧deklare a lòm tout refleksyon li yo;  
Sila ki fè jou leve nan fènwa a e ki  
foule wo plas sou latè yo;  
SENYÈ Bondye dèzame yo, se non Li.

## 5

<sup>1</sup> Tande pawòl sa ke m reprann pou nou kon yon chan pou sila ki mouri  
deja yo, O! lakay Israël:✧

<sup>2</sup> Li fin tonbe, li p ap leve ankò—  
✧Vyèj Israël la.

Li kouché byen neglije sou tèren li;  
✧Nanpwen moun ki pou leve l.

<sup>3</sup> Paske, konsa pale Senyè BONDYE a:  
“Vil ki gen mil sòlda ki ale yo, va gen  
✧san ki rete,  
e sila ki gen san ki ale yo, va gen ✧dis  
ki rete pou lakay Israël.

<sup>4</sup> Paske, konsa pale SENYÈ a a lakay Israël:  
✧“Chache Mwen ✧pou nou ka viv.

<sup>5</sup> Men pa ale Béthel, ni pa vini Guilgal,  
ni travèse Beer-Schéba.  
Paske anverite, Guilgal va antre an kaptivite  
e gwo twoub va rive Béthel.✧

<sup>6</sup> ✧Chache SENYÈ a pou nou ka viv,  
sinon Li va eklate kon ✧dife  
nan lakay Joseph,  
e li va devore san pa gen okenn moun  
ki pou etenn li Béthel;

<sup>7</sup> Nou menm ki fè ✧jistis vin tounen lanvè,  
e ki jete ladwati rive jis atè yo,

<sup>8</sup> Chache Li ki te kreye ✧Pléiades ak Orion yo,  
ki ✧chanje gwo fènwa yo pou vin tounen maten,  
ki etenn lajounen pou fè lannwit,  
ki rele dlo lanmè yo e vide  
sou sifas tè a;

✧ 4:11 Jen 19:24,25; So 3:2 ✧ 4:12 És 32:11 ✧ 4:13 Job 38:4-7 ✧ 4:13 Dan 2:28,30 ✧ 5:1  
Jr 7:29 ✧ 5:2 Jr 14:17 ✧ 5:2 És 51:18 ✧ 5:3 És 6:13 ✧ 5:3 Am 6:9 ✧ 5:4 Det 4:29  
✧ 5:4 És 55:3 ✧ 5:5 I Wa 12:28,29 ✧ 5:6 És 55:3,6,7 ✧ 5:6 Det 4:24 ✧ 5:7 Am 2:3 ✧ 5:8  
Job 9:9 ✧ 5:8 Job 12:22

SENYÈ a, se non L.

<sup>9</sup> Se Li menm ki jayi ak destriksyon

sou moun pwisan yo,

jiskaske ✨destriksyon sa a rive sou sitadèl la.

<sup>10</sup> Yo rayi sila k ap ✨reprimande nan pòtay la ni yo pa vle wè sila ki pale ak entegrite a.

<sup>11</sup> Konsa, akòz gwo frè lwaye nou enpoze

sou malere a,

ak gwo frè tarif sereyal nou egzije sou yo;

epi nou fin bati bèl ✨kay ak wòch byen taye;

Alò, nou p ap rete ladan yo.

Nou fin plante bèl chan rezen yo, men nou

✨p ap bwè diven yo.

<sup>12</sup> Paske Mwen konnen transgresyon nou yo

vin anpil e peche nou yo vin gran;

nou menm ki ✨boulvèse moun dwat yo,

ki aksepte tout sa ki glise anba tab yo,

e ki detounen malere a nan pòtay la.

<sup>13</sup> Alò nan yon tan konsa, sila ki saj la

oblije rete an silans,

paske tan an vin plen ak mechanste. ✨

<sup>14</sup> Chache sa ki bon e pa sa ki mal, pou nou

ka viv;

epi konsa, SENYÈ dèzame yo kapab avèk nou,

jis jan nou te pale a! ✨

<sup>15</sup> Rayi mal e renmen sa ki bon e

etabli jistis nan pòtay la!

petèt SENYÈ Bondye dèzame yo

ta kab fè gras a retay Joseph la. ✨

<sup>16</sup> Alò, konsa pale SENYÈ Bondye

dèzame yo, Senyè a:

“Gen gwo lamantasyon tout kote

e nan lari a, y ap rele: ‘Elas! Elas!’

yo rele kiltivatè a tou pou fè dèy

e yo peye moun ki pou fè lamantasyon. ✨

<sup>17</sup> Epi nan ✨ tout chan rezen yo, gen gwo kri,

paske Mwen va pase nan mitan nou”,

di SENYÈ a.

<sup>18</sup> Elas pou nou menm ki anvi wè ✨jou SENYÈ a,

ki bi jou sa a gen pou nou?

li va yon jou ✨tenèb olye de yon jou limyè;

<sup>19</sup> Tankou lè yon nonm ✨kouri kite yon lyon pou

rakontre yon lous,

oswa rive lakay li, apiye men l sou mi kay la

e yon koulèv vin mòde l.

<sup>20</sup> Èske jou SENYÈ a p ap yon jou ✨tenèb

olye de limyè a, fènwa a menm san klate ladann?

✨ 5:9 Mi 5:11 ✨ 5:10 És 29:21 ✨ 5:11 Am 3:15 ✨ 5:11 Mi 6:15 ✨ 5:12 És 1:23 ✨ 5:13  
Ekl 3:7 ✨ 5:14 Mi 3:11 ✨ 5:15 Sòm 97:10 ✨ 5:16 Jr 9:10,18-20 ✨ 5:17 És 16:10 ✨ 5:18  
És 5:19 ✨ 5:18 Jl 2:2 ✨ 5:19 Job 20:24 ✨ 5:20 És 13:10

21 Mwen rayi, Mwen va ✨refize aksepte fèt nou yo, ni Mwen p ap pran plezi nan asanble solanèl nou yo.

22 Menmsi nou ofri ban Mwen ofrann brile ak ofrann sereyal,

Mwen p ap aksepte yo;

ni Mwen p ap menm gade ✨ofrann lapè a bèt gra nou yo.

23 Retire sou Mwen bri a chanson nou yo; mwen p ap menm koute son a ap nou yo.

24 Men kite jistis desann tankou dlo e ladwati tankou yon gwo larivyè ki p ap janm seche.

25 ✨Èske nou te prezante ban Mwen ofrann sakrifis ak ofrann sereyal nan dezè a pandan karant ane yo, O lakay Israèl? 26 Anplis ✨nou te pote Sikkuth, wa nou an, ak Kiyyun, imaj nou yo, zetwal dye ke nou te fè pou nou menm yo.” 27 “Pou sa, Mwen va fè nou antre an egzil pi lwen Damas,” di SENYÈ a, ki gen non Li ki se Bondye dèzame yo.

## 6

1 Malè a sila ki alèz Sion yo e ak sila ki santi yo ansekirite nan mòn Samarie yo,

✨mesye ki distenge pami meyè nan nasyon yo, a sila lakay Israèl konn vini yo.

2 Ale janbe kote ✨Calné e gade; soti la rive Hamath Gran an pou desann kote Gath ki pou Filisten yo.

Èske yo pi bon ke wayòm sila yo, oswa èske teritwa pa yo a pi gran pase pa nou an?

3 Èske nou konn ✨ranvoye jou malè e èske nou ta ka pote sant vyolans lan vin pi pre?

4 Sila k ap repoze sou kabann fèt ak livwa yo, k ap gaye kò yo sou gwo sofa yo e k ap ✨manje jenn mouton ki soti nan Pak la, ak jenn bèf ki soti nan mitan tonèl bèt la

5 Sila ki enpwovize a son ap la, menm jan ak David, pou konpoze ✨chan yo pou yo,

6 Sila ki bwè diven nan kalbas sakrifis yo pandan yo onksyone kò yo ak pi bon lwil yo.

Malgre sa, yo pa t janm ✨kriye pou Joseph, ki fin devaste nèt la.

7 Akoz sa, yo va antre an egzil nan tèt a egzile yo, e banbòch a sanzave yo va sispann. ✨

8 Senyè BONDYE a te sèman te pa Li menm, SENYÈ Bondye dèzame yo te deklare:

“Mwen rayi awogans a Jacob la e Mwen deteste sitadèl li yo.

Pou sa, Mwen va livre tout vil la ak tout sa

✨ 5:21 És 1:11-16; Lev 26:31 ✨ 5:22 Lev 7:11-15 ✨ 5:25 Det 32:17 ✨ 5:26 Trav 7:43 ✨ 6:1 Egz 19:5 ✨ 6:2 Jen 10:10 ✨ 6:3 És 56:12 ✨ 6:4 Éz 34:2,3 ✨ 6:5 I Kwo 15:16 ✨ 6:6 Éz 9:4 ✨ 6:7 És 13:10; Am 7:11,17



ki ladann.”✧

<sup>9</sup> Epi li va vin rive ke si genyen dis moun ki rete nan yon kay, yo va mourì.

<sup>10</sup> Alò tonton a youn, oswa ✧mèt mòg k ap antere li a va leve pote zo li sòti nan kay la e li va mande a sila ki nan pati pi anndan nan kay la: “Èske gen lòt moun avèk ou?” Epi sila a va reponn: “Nanpwen moun”. epi li va reponn: “Rete an silans. Paske non a SENYÈ a ✧pa dwe nonmen menm.”

<sup>11</sup> Paske gade byen, SENYÈ a pral ✧kòmande ✧ pou gwo lakay la vin kraze nèt e ti kay la an ti mòso nèt.

<sup>12</sup> Èske cheval konn kouri sou wòch, oswa èske yo ka charye wòch yo ak bèf?

Malgre sa, nou te fè ✧Lajistis vin tounen pwazon e fwi ladwati vin tounen lanvè

<sup>13</sup> Nou menm k ap rejwi nan yon ✧bagay ki pa anyen, epi k ap di: “Èske se pa ak pwòp fòs kouraj nou nou rive pran kòn nan pou nou?”

<sup>14</sup> “Paske gade byen, Mwen pral leve yon nasyon kont nou, O lakay Israël!” deklare SENYÈ Bondye dèzame yo e yo va aflije nou soti nan antre Hamath pou rive jis nan flèv Araba a.”

## 7

<sup>1</sup> Konsa Senyè BONDYE a te montre m e gade byen, Li t ap fòme yon gwo ✧rafal krikèt nan lè jaden prentan an te kòmanse boujonnen an. Epi gade byen, jaden prentan an te gen gwo rekòlt apre wa a te koupe zèb la. <sup>2</sup> Epi li te vin rive lè li te ✧fin manje tout plant peyi a, ke m te di: “Senyè BONDYE, souple, padone! Kòman Jacob ka kanpe, li tèlman ✧piti?”

<sup>3</sup> SENYÈ a te repanti de sa. “Sa p ap rive,” SENYÈ a te di.✧

<sup>4</sup> Konsa Senyè BONDYE a te montre mwen, e gade byen, Senyè BONDYE a t ap rele pou afwonte yo ak ✧dife a. Li te devore tout gwo pwofondè a e te kòmanse devore tèren ki te kiltive a. <sup>5</sup> Epi mwen te di: “Senyè, souple, sispann! ✧Kòman Jacob ka kanpe, li tèlman piti?”

<sup>6</sup> SENYÈ a te ✧repanti de sa. “Sa a tou, p ap rive”, Senyè BONDYE a te di.

<sup>7</sup> Konsa Li te monte m, e gade byen, Senyè a te kanpe akote yon mi ki monte ak yon filaplon nan men L. <sup>8</sup> SENYÈ a te di m: “Se kisa ou wè, Amos?”

Epi mwen te di: “yon filaplon.”

Epi Senyè a te di: “Gade byen, Mwen prèt pou plase yon ✧filaplon nan mitan pèp Mwen an, Israël. mwen p ap ✧kite yo chape ankò. <sup>9</sup> ✧Wo plas Isaac yo va vin abandone e ✧sanktyè Israël yo va vin kraze nèt. Answit, Mwen va leve kont lakay Jéroboam ak nepe.

<sup>10</sup> Epi Amatsia, prèt Béthel la te voye pawòl kote Jéroboam, wa Israël la e te di: “Amos te ✧fè konplo kont ou nan mitan kay Israël la; peyi a p ap ka sipòte tout pawòl li yo. <sup>11</sup> Paske konsa Amos di: ‘Jéroboam va mourì pa nepe a, e Israël va anverite kite peyi li pou ale an egzil.’ ”

✧ **6:8** És 13:10; Lev 26:30 ✧ **6:10** I Sam 31:12 ✧ **6:10** Jr 44:26 ✧ **6:11** És 55:11 ✧ **6:11** II Wa 25:9 ✧ **6:12** I Wa 21:7-13 ✧ **6:13** Job 8:14,15 ✧ **7:1** Jl 1:4 ✧ **7:2** Egz 10:15 ✧ **7:2** És 37:4 ✧ **7:3** És 13:10; Det 32:36 ✧ **7:4** Det 32:22 ✧ **7:5** Am 7:2 ✧ **7:6** Sòm 106:45 ✧ **7:8** II Wa 21:13 ✧ **7:8** Jr 15:6 ✧ **7:9** Jen 46:1 ✧ **7:9** Lev 26:31 ✧ **7:10** Jr 26:8-11

<sup>12</sup> Epi Amatsia te di a Amos: ✨“Ale, ou menm ki divinò, sove ale nan peyi Juda, manje pen e pwofetize la! <sup>13</sup> Men ✨poko pwofetize Béthel, paske se yon ✨sanktyè ak rezidans la a wa a!”

<sup>14</sup> Konsa, Amos te reponn a Amatsia: “Mwen pa yon pwofèt, ni mwen pa fis a yon pwofèt; paske mwen se yon gadyen bèt ak yon kiltivatè pye fig. ✨ <sup>15</sup> Men SENYÈ a te retire mwen soti dèyè bann mouton an e SENYÈ a te di mwen: ‘Ale ✨pwofetize a pèp Mwen an, Israèl. <sup>16</sup> Kounye a, tandè pawòl SENYÈ a: “W ap di: ‘Ou pa pou pwofetize kont Israèl ✨ni ou pa pou pale kont lakay Isaac.’ ” <sup>17</sup> Akoz sa, SENYÈ a di: ✨“Madanm ou va devni yon pwostitiye nan vil la, ✨fis ou yo ak fi ou yo va tonbe pa nepe, peyi ou a va divize ak yon lign apantaj, e ou menm, ou va mouri sou tè ki pa pwòp la. Anplis, Israèl va anverite kite peyi li a pou li ale an egzil.’ ”

## 8

<sup>1</sup> Konsa Senyè BONDYE a te montre mwen, e gade byen, te gen yon panyen fwi gran sezon.

<sup>2</sup> Li te di: “Kisa ou wè, Amos?”

Epi mwen te di: “Yon panyen fwi gran sezon.”

Epi SENYÈ a te di mwen:

✨“Lafen gen tan rive pou pèp Mwen an, Israèl. Mwen p ap ✨pwoteje yo ankò.

<sup>3</sup> Kantik a tanp la va vin tounen chan lamantasyon nan jou sa a,” deklare Senyè BONDYE a.

✨“Kadav yo va anpil;

Nan chak andwa, yo va jete yo deyò an silans.

<sup>4</sup> Tandè sa, nou menm k ap ✨foule malere yo, pou mete fen a tout pòv yo,

<sup>5</sup> Ka p di: “Kilè nouvèl lin nan ap fini pou nou ka vann sereyal la,

ak Saba a pou nou ka ouvri mache ble a,

pou fè efa a pi piti, sik la pi gwo e

pou ✨twonpe ak balans malonèt,

<sup>6</sup> Pou l kapab ✨achte sila ki san sekou a pou lajan, malere a pou de grenn sapat e pou nou ka vann pay ki sòti nan ble a?”

<sup>7</sup> SENYÈ a te sèman pa glwa a Jacob la:

“Anverite, Mwen p ap janm bliye okenn nan zak yo. ✨

<sup>8</sup> Akoz sa, èske peyi a p ap ✨pran tranble e tout moun ki rete ladann p ap ✨fè lamantasyon? Anverite, tout peyi a va leve tankou rivyè nil lan, li va vin ajite toupatou e bese tankou (rivyè) Nil an Égypte la.

<sup>9</sup> “Sa va vin rive nan jou sa a”, deklare Senyè BONDYE a,

ke Mwen va fè ✨solèy la desann a midi,

e mwen va ✨fè tè a nan fènwa nan plen jounen.

✨ 7:12 Mat 8:34 ✨ 7:13 Am 2:12 ✨ 7:13 I Wa 12:29,32 ✨ 7:14 I Wa 20:35 ✨ 7:15 Jr 1:7  
 ✨ 7:16 Det 32:2 ✨ 7:17 Os 4:13,14 ✨ 7:17 Jr 14:16 ✨ 8:2 Éz 7:2,3,6 ✨ 8:2 Am 7:8  
 ✨ 8:3 Am 6:8-10 ✨ 8:4 Sòm 14:4 ✨ 8:5 Os 12:7 ✨ 8:6 Am 2:6 ✨ 8:7 És 13:10; Sòm 10:11  
 ✨ 8:8 Sòm 18:7 ✨ 8:8 Os 4:3 ✨ 8:9 Job 5:14 ✨ 8:9 És 59:9,10

10 Answit, Mwen va fè fèt nou yo vin tounen dèy e tout chan lajwa nou yo vin tounen lamantasyon; epi mwen va pote \*twal sak sou senti a tout moun e Mwen va pote tèt chòv sou tout tèt.

Mwen va fè li \*tankou yon moman dèy pou yon sèl fis inik, e a lafen, li va tankou yon jou anmè.

11 “Gade byen, jou yo ap vini,” deklare Senyè BONDYE a,

lè Mwen va voye gwo grangou sou peyi a, pa yon grangou pou pen oswa pou dlo, men \*pou koute pawòl a SENYÈ a.

12 Pèp la va kilbite tou egare sòti nan yon lanmè pou rive nan lòt lanmè,

e sòti nan nò pou rive menm nan lès;

yo va gaye toupatou pou \*chache pawòl SENYÈ a, men yo p ap jwenn li.

13 Nan jou sa a, bèl tifi vyèj yo ak jennonm yo va \*vin endispoze akòz swaf la.

14 Menm jan pou sila ki sèmante pa \*peche Samarie a e ki di: ‘Jan dye ou a vivan an, O \*Dan!

E ‘Jan chemen Beer-Schéba vivan an’; yo va tonbe e yo p ap leve ankò.”

## 9

1 Mwen te wè Senyè a ki te kanpe akote lotèl la e Li te di: “Frape tèt potò yo jiskaske papòt yo tranble e kraze sou tèt a yo tout! Answit, mwen va \*touye rès yo ak nepe; yo \*p ap gen yon grenn refijye ki pou sove ale, ni yon refijye k ap chape. 2 Menmsi yo ta fouye antre nan \*sejou mò yo; men Mwen va pran yo soti la. Epi menmsi yo \*monte rive nan syèl la, Mwen va rale yo soti la pou fè yo desann. 3 Menmsi yo kache sou tèt mòn Carmel la, Mwen va \*chèche soti la; epi menmsi yo ta kache kò yo anba nan pwofondè lanmè a, mwen va kòmande \*sèpan soti la e li va mòde yo. 4 Epi menmsi yo antre an \*kaptivite devan lènmi yo, Mwen va kòmande nepe soti la pou touye yo; epi Mwen va fikse zye M kont yo pou mal e non pa pou byen. 5 Senyè BONDYE dèzame yo, Sila ki \*touche tè a pou li fann ak \*tout sila ki rete ladann yo va fè fè dèy; epi kriye sa va monte tankou Rivyè Nil lan e vin bese tankou Nil an Égypte la; 6 Sila ki bati chanm wo Li yo nan syèl yo e ki te etabli vout plafon syèl la anwo tè a, sila ki rele dlo lanmè yo pou vide yo sou sifas tè a; se SENYÈ a ki non Li.\* 7 Èske nou pa tankou fis a Ethiopie yo pou Mwen, O fis Israël yo?” deklare SENYÈ a. Èske Mwen pa t mennen Israël fè l monte soti nan peyi Égypte, \*Filisten yo soti Caphtor e Siryen yo soti Kir? 8 Gade byen, zye a Senyè BONDYE a sou wayòm nan ki plen peche a; Mwen va detwi l soti sou sifas tè a. Sepandan \*Lakay Jacob la p ap detwi nèt,” deklare SENYÈ a. 9 Paske gade byen, Mwen ap kòmande e Mwen va \*souke lakay Israël pami nasyon yo;

\* 8:10 És 15:2,3    \* 8:10 Jr 6:26    \* 8:11 I Sam 3:1    \* 8:12 Éz 20:3,31    \* 8:13 És 41:17  
 \* 8:14 Os 8:5    \* 8:14 I Wa 12:28,29    \* 9:1 Am 7:17    \* 9:1 Jr 11:11    \* 9:2 Sòm 139:8  
 \* 9:2 Jr 51:53    \* 9:3 Jr 16:16    \* 9:3 És 27:1    \* 9:4 Lev 26:33    \* 9:5 Sòm 104:32    \* 9:5 Am 8:8    \* 9:6 És 13:10; Sòm 104:3,13    \* 9:7 Det 2:23    \* 9:8 Jr 5:10    \* 9:9 És 30:28

tankou yon grenn k ap souke nan yon paswa, men menm yon grenn p ap tonbe atè. <sup>10</sup> Tout \*pechè pami pèp Mwen an va mouri pa nepe, sila yo k ap di: \**“Malè pa rive sou nou ni parèt devan nou.”* <sup>11</sup> Nan jou sa a, Mwen va \*fè leve \*Lakay David ki te tonbe a, e ranfòse brèch li yo. Anplis, Mwen va leve mazi kraze li yo e fè l vin rebati tankou nan jou ansyen yo; <sup>12</sup> \*pou yo kapab vin posede retay \*Édom an ak tout nasyon ki rele pa non Mwen yo,” deklare SENYÈ ki fè sa a.

<sup>13</sup> “Gade byen, jou yo ap vini,” deklare

SENYÈ a,

lè \*sila k ap raboure a va depase sila

k ap rekòlte a,

e sila k ap foule rezen an va depase

sila k ap simen grenn nan;

lè \*mòn yo va degoute diven dous e

tout kolin yo va vin fann nèt ak dousè li.

<sup>14</sup> Anplis, Mwen va \*restore pèp Mwen an

Israël, ki an kaptivite a,

e yo va \*rebati vil ki kraze nèt yo

pou yo viv ladan yo,

anplis, yo va plante chan rezen yo

pou bwè diven yo;

epi fè jaden pou manje fwi yo.

<sup>15</sup> Mwen va osi plante yo sou pwòp tèren pa yo

e \*yo p ap dehouke yo ankò soti nan peyi

ke Mwen te bay yo a,” pale SENYÈ a,

Bondye Ou a.

## ABIDAS

<sup>1</sup> Vizyon Abdias la. Konsa pale Senyè BONDYE a konsènan Édom. Nou te tande yon rapò soti nan SENYÈ a, yon ✧mesaje te voye pami nasyon yo e t ap di: ✧“Leve, annou ale goumen kont li”—<sup>2</sup> Gade byen, Mwen va fè ou ✧vin piti pami nasyon yo. Ou vin meprize anpil. <sup>3</sup> ✧Awogans a kè nou te twonpe nou, nou menm ki rete nan falèz wòch yo, nan wotè a abitasyon nou, ki di nan kè nou: ‘Se kilès ki ka rale m rive atè?’ <sup>4</sup> Menmsi nou ✧bati anlè tankou èg, menmsi nou mete nich nou pami ✧zetwal yo, mwen va rale nou fè nou desann soti la,” deklare SENYÈ a. <sup>5</sup> Si ✧vòlè te vin kote nou, vòlè nan lannwit yo— o ala devaste nou va vin devaste!— èske yo pa t ap vòlè sèlman pou yo ta jwenn ase? Si ranmasè rezen yo te rive kote nou ✧èske yo pa t ap kite kèk ti rès? <sup>6</sup> O! ala depouye Ésaü va vin ✧depouye e ala fouye yo va fouye trezò kache trezò kache li yo! <sup>7</sup> Tout ✧sila ki fè alyans avèk nou yo va voye nou kote fwontyè a. Sila ki anpè ak nou yo te twonpe nou e yo deja genyen nou. Zanmi ki manje ✧pen ou yo ap fè pèlen pou nou. (nanpwen bon konprann nan li).

<sup>8</sup> Èske Mwen p ap nan jou sa a, deklare SENYÈ a; ✧Detwi mesye saj Édom yo, e retire bon konprann ki soti sou mòn Ésaü a? <sup>9</sup> Answit, mesye pwisan nou yo va vin enkyete, O ✧Théman, pou tout kapab koupe retire nèt de mòn Ésaü ak gwo masak. <sup>10</sup> Akoz ✧vyolans anvè frè nou Jacob, nou va vin kouvri ak wont e nou va vin koupe retire nèt jis pou tout tan. <sup>11</sup> Nan jou ke nou te kanpe a distans, nan jou ke etranje yo te bwote tout byen li, lòt nasyon yo te antre nan pòtay li e te fè tiraj osò pou Jérusalem— nou menm tou te youn nan yo. ✧<sup>12</sup> Pa vin rejwi ou nan jou frè ou a, nan jou malè li, ni pa rejwi ou sou fis a Juda yo nan jou destwiksyon yo a. Pa anfle ou menm nan jou malè yo. ✧<sup>13</sup> Pa antre nan pòtay pèp Mwen an nan ✧jou malè yo. Ni pa rejwi ou de gwo dega nan jou malè yo. Pa ✧piyajè byen yo nan jou malè yo. <sup>14</sup> Pa ✧kanpe nan kafou chemen pou touye sila k ap sove ale sòti nan yo yo. Epi pa livrezon a ledmi sila ki chape nan jou malè yo. <sup>15</sup> Paske ✧jou SENYÈ a ap rapwoche sou tout nasyon yo. jan ou te fè a, se konsa yo va fè ou. <sup>16</sup> Paske menm jan ou te ✧bwè sou mòn sen Mwen an, Konsa tout nasyon yo va bwè tout tan. Yo va bwè, vale e yo va vin konsi yo pa t janm egziste. <sup>17</sup> Men sou mòn ✧Sion, va genyen sila ki chape yo e mon sa va sen. Epi lakay Jacob va posede posesyon yo. <sup>18</sup> Answit, lakay Jacob va vin yon dife e lakay Joseph va vin yon flanm; men lakay Ésaü va vin kon pay. Epi yo va limen dife sou yo pou brile yo nèt pou ✧pa gen ki rete lakay Ésaü ankò,” paske SENYÈ a fin pale.

<sup>19</sup> Moun Negev la va vin ✧posede mòn a Ésaü ak sila a Schfela yo, gwo plèn Philistie a; teritwa Éphraïm, teritwa Samarie e Benjamin va vin posede Galaad, tou. <sup>20</sup> Epi egzile a lame fis Israël sa a, ki pami Kananeyen yo jis rive ✧Sarepta e egzile Jérusalem ki Sepharad yo va vin posede ✧vil a

✧ **1:1** És 18:2 ✧ **1:1** Jr 6:4,5 ✧ **1:2** Nonb 24:18 ✧ **1:3** És 16:6 ✧ **1:4** Job 20:6,7 ✧ **1:4** És 14:12-15 ✧ **1:5** Jr 49:9 ✧ **1:5** Det 24:21 ✧ **1:6** Jr 49:10 ✧ **1:7** Jr 30:14 ✧ **1:7** Sòm 41:9 ✧ **1:8** Job 5:12-14 ✧ **1:9** Jen 36:11 ✧ **1:10** Jen 27:41; És 35:9 ✧ **1:11** Sòm 83:5,6; És 35:10 ✧ **1:12** És 13:10; Mi 4:11 ✧ **1:13** És 35:5 ✧ **1:13** És 36:2,3 ✧ **1:14** És 16:3,4 ✧ **1:15** És 30:3 ✧ **1:16** Jr 49:12 ✧ **1:17** És 4:2,3; És 14:1,2 ✧ **1:18** Jr 11:23 ✧ **1:19** És 11:14 ✧ **1:20** I Wa 17:9 ✧ **1:20** Jr 32:44

Négev yo. <sup>21</sup> ✧ Liberatè yo va monte Mòn Sion pou jije mòn Ésaü a e wayòm nan va vin pou a SENYÈ a.

## JONAS

<sup>1</sup> Pawòl SENYÈ a te vini a ✨Jonas, fis a Amitthaï a e te di: <sup>2</sup> “Leve, ale Ninive, gran vil la e kriye kont li, paske ✨mechanste yo monte devan Mwen.”

<sup>3</sup> Men Jonas te leve al kache ✨Tarsis pou kite prezans SENYÈ a. Konsa, li te desann ✨Joppa e li te jwenn yon bato ki t ap prale Tarsis. Li te peye frè a e te desann ladann pou ale avèk yo Tarsis, pou l envite prezans SENYÈ a.

<sup>4</sup> ✨SENYÈ a te lanse yon gwo van sou lanmè a. Te gen yon gwo tanpèt sou lanmè a jiskaske bato a te prèt pou kraze nèt. <sup>5</sup> Answit, ouvriye bato yo te vin pè e yo chak te kriye a ✨pwòp dye pa yo. Yo te ✨vide chaj ki te nan bato a nan lanmè a pou te fè l pi lejè. Men Jonas te ale anba nan fon bato a, kote li te kouche e li te tonbe dòmi. <sup>6</sup> Konsa, kapitèn bato a te pwoche li e te di: “Kòman fè w ap dòmi an? Leve ✨rele dye pa ou a. Petèt ✨dye ou a va fè pa nou pou nou pa peri.

<sup>7</sup> Chak mesye yo te di a konparèy yo: “Vini, annou fè tiraj osò pou nou ka konprann sou kont kilès gwo malè sa a rive nou an.” Epi yo te fè tiraj osò a, e ✨sò a te tonbe sou Jonas. <sup>8</sup> Konsa yo te di li: ✨“Pale nou koulye a! Sou kont a kilès malè sa a rive nou an? Ki metye ou? Epi ki kote ou sòti? Ki peyi ou? Nan ki pèp ou sòti?”

<sup>9</sup> Li te di yo: “Mwen se yon ✨Ebre e mwen gen lakrent pou SENYÈ Bondye syèl la, ki te fè lanmè a ak tè sèch la. <sup>10</sup> Pou sa a, mesye yo te vin pè anpil e yo te di li: “Kòman ou ta ka fè nou sa?” Paske mesye yo te deja konprann ke li ✨t ap sove ale sòti kite prezans a SENYÈ a, akoz sa li te di yo. <sup>11</sup> Konsa, yo te di l: “Kisa pou nou ta fè ou pou lanmè a vin kalm pou nou?— paske lanmè a t ap vin pi move plis toujou.

<sup>12</sup> Li te di yo: “Leve mwen, jete m nan lanmè a. Konsa, lanmè va vin kalm pou nou; paske mwen konnen ke se ✨akoz mwen menm ke gwo tanpèt sa a rive sou nou.”

<sup>13</sup> Sepandan, mesye yo te bouje zaviwon yo fò pou yo ta ka rive atè, men yo pa t kapab, paske lanmè te vin pi move kont yo. <sup>14</sup> Pou sa a, yo te rele SENYÈ a e te di: “O SENYÈ, pa kite nou peri sou kont a nonm sila a, ni pa mete san inosan sou nou; paske ✨Ou menm, O SENYÈ, Ou fè sa ki fè Ou plezi.” <sup>15</sup> Konsa, yo te leve Jonas, yo te voye li nan lanmè a e lanmè ✨te vin sispann anraje. <sup>16</sup> Epi mesye yo te vin krent SENYÈ a anpil, yo te ofri yon sakrifis a SENYÈ a e te fè ✨ve yo a Li menm.

<sup>17</sup> Epi SENYÈ a te chwazi yon gwo pwason pou vale Jonas e Jonas te nan ✨vant pwason a pandan twa jou ak twa nwit.

## 2

<sup>1</sup> Epi Jonas te priye a SENYÈ Bondye li a depi ✨nan vant pwason an. <sup>2</sup> Li te di:

“Mwen te rele nan detrès mwen bay SENYÈ a,

✨ 1:1 II Wa 14:25 ✨ 1:2 Jen 18:20 ✨ 1:3 És 23:1,6,10 ✨ 1:3 Jos 19:46 ✨ 1:4 Sòm 107:23-28 ✨ 1:5 I Wa 18:26 ✨ 1:5 Trav 27:18,19,38 ✨ 1:6 Sòm 107:28 ✨ 1:6 II Sam 12:22 ✨ 1:7 Nonb 32:23 ✨ 1:8 Jos 7:19 ✨ 1:9 Jen 14:13 ✨ 1:10 Job 27:22 ✨ 1:12 II Sam 24:17 ✨ 1:14 Sòm 115:3 ✨ 1:15 Sòm 65:7 ✨ 1:16 Sòm 50:14 ✨ 1:17 Mat 12:40 ✨ 2:1 Job 13:15

e Li te reponn mwen.  
 Mwen te kriye pou sekou depi nan pwofondè  
 ✧sejou mò yo;  
 Ou te tandè vwa mwen.  
 3 Ou te ✧jete mwen nan gwo pwofondè a,  
 nan kè lanmè yo,  
 e gwo kouran dlo a te vale mwen.  
 Gwo lam lanmè ou yo ak gwo vag lanmè  
 ou yo te pase sou mwen.  
 4 Konsa, mwen te di: “Mwen te ✧vin chase lwen fas ou.  
 Malgre sa, mwen va gade ankò vè tanp sen Ou an.’  
 5 ✧Dlo te antoure mwen  
 jiskaske m rive nan pwen lanmò.  
 Gwo ✧pwofondè a te vale mwen;  
 zèb lanmè yo te vlope tèt mwen.  
 6 Mwen te desann jis rive nan baz mòn yo.  
 Latè ak bawo li yo te antoure mwen pou tout tan,  
 men Ou te ✧leve lavi m monte soti nan fòs la,  
 O SENYÈ Bondye mwen an!

7 Pandan mwen t ap ✧vin endispoze nèt,  
 Mwen te ✧sonje SENYÈ a  
 e lapriyè mwen te rive kote Ou nan tanp sen Ou an.  
 8 Sila ki ✧konsidere zidòl san valè yo  
 abandone tout sous mizerikòd,  
 9 Men mwen va fè sakrifis a Ou menm  
 ak vwa aksyon de gras la.  
 Sa ke mwen te sèman a, se li mwen va ✧akonpli.  
 ✧Sali a sòti nan SENYÈ a.”  
 10 Epi SENYÈ a te kòmande ✧pwason an  
 e li te vomi Jonas sou tè sèch la.

### 3

1 Alò, pawòl SENYÈ a te vini a Jonas pou yon dezyèm fwa e te di: 2 “Leve ale ✧Ninive, gwo vil la e ✧pwoklame a li menm tout pwoklamasyon ke Mwen va pale ou yo.”

3 Konsa, Jonas te ale Ninive selon pawòl SENYÈ a. Alò, Ninive te ✧tèlman yon gwo vil, li te pran twa jou ap mache pou travèse l. 4 Jonas te kòmanse travèse vil la pandan yon jou. Li te ✧kriye fò e te di: “Nan karant jou, Ninive va detwi nèt.

5 Answit, pèp Ninive lan te kwè nan Bondye; epi yo te deklare yon ✧jèn e yo te mete twal sak soti nan pi gran pou rive nan pi piti pami yo. 6 Lè pawòl la te rive kote wa Ninive lan, li te leve soti sou twòn li, e te mete manto wayal li sou kote. Li te kouvri tèt li ak twal sak e li te chita nan mitan sann.✧ 7 Li te pibliye yon ✧pwoklamasyon e li te di: “Nan Ninive, pa dekrè wa a ak prens li yo: Pa kite ni lòm, ni bèt, ni bann mouton, ni twoupo goute anyen. Pa kite yo ni manje ni bwè dlo. 8 Men ni lòm ni bèt dwe vin kouvri ak twal sak; epi kite mesye yo rele Bondye avèk tout kè yo,

✧ 2:2 Sòm 18:5,6 ✧ 2:3 Sòm 69:1,2,14,15 ✧ 2:4 Sòm 31:22 ✧ 2:5 Lam 3:54 ✧ 2:5 Sòm 69:1-2 ✧ 2:6 Job 33:28 ✧ 2:7 Sòm 142:3 ✧ 2:7 Sòm 77:10,11 ✧ 2:8 II Wa 17:15 ✧ 2:9 Job 22:27 ✧ 2:9 Sòm 3:8 ✧ 2:10 Jon 1:17 ✧ 3:2 So 2:13 ✧ 3:2 Jr 1:17 ✧ 3:3 Jon 1:2 ✧ 3:4 Mat 12:41 ✧ 3:5 Dan 9:3 ✧ 3:6 Est 4:1-4 ✧ 3:7 II Kwo 20:3



pou tout moun kapab ✨vire kite chemen mechan yo a e vire kite vyolans ki nan men yo a. <sup>9</sup> ✨Kilès ki konnen, petèt Bondye va repanti e ralanti sou gwo kòlè Li a pou nou pa peri.”

<sup>10</sup> Lè Bondye te wè zèv yo, ke yo te ✨vire kite chemen mechan yo a, alò ✨Bondye te repanti de gwo malè ke Li te deklare pou fè rive sou yo a. Epi Li pa t fè sa ankò.

#### 4

<sup>1</sup> Men sa te fè Jonas pa kontan anpil e li te vin ✨fache. <sup>2</sup> Li te priye a SENYÈ a e te di: “Souple, SENYÈ, èske se pa sa ke m te di lè m te nan pwòp peyi mwen an? Alò, se pou m te evite sa ki fè m te sove ale rive Tarsis. Paske mwen te konnen ke Ou se yon Bondye ki plen gras ak mizerikòd, ki lan nan kòlè, ki ranpli ak lanmou dous e Ou se Sila ki ralanti selon malè a. <sup>3</sup> Alò, pou sa, kourye a, O SENYÈ, souple, pran lavi mwen; paske lanmò ✨pi bon ke lavi pou mwen.”

<sup>4</sup> SENYÈ a te di: “Èske ou gen bon rezon pou ou fache a?”

<sup>5</sup> Epi Jonas te sòti nan vil la e te chita sou kote lès la. La, li te fè yon tonèl pou li menm e li te ✨chita anba l nan lonbraj jis pou l ta wè sa ki ta rive nan vil la. <sup>6</sup> Konsa, SENYÈ Bondye a te chwazi yon plant. Plant lan te monte grandi sou Jonas pou l ta sèvi kon abri sou tèt li, pou delivre l de mekontantman li an. Epi plant lan te fè Jonas byen kontan. <sup>7</sup> Men Bondye te chwazi yon cheni nan granmmaten nan pwochen jou a, li te atake plant lan e li te vin ✨fennen. <sup>8</sup> Lè solèy la te leve, Bondye te chwazi yon ✨van lès byen cho, solèy la ✨te bat tèt Jonas jiskaske li te vin fèb, li t ap mande ak tout nanm li e li t ap di: “Lanmò pi bon ke lavi pou mwen.”

<sup>9</sup> Epi Bondye te di a Jonas: “Èske ou gen bon rezon pou fache akoz plant lan?”

Epi li menm Jonas te reponn: “Mwen gen bon rezon pou m fache, menm jiska lanmò.”

<sup>10</sup> Epi SENYÈ a te di: “Ou te gen konpasyon pou plant sila ke ou pa t fè okenn travay pou li a, ke ou menm pa t fè grandi, ki te vin parèt nan yon nwit e te vin peri nan yon nwit. <sup>11</sup> Èske Mwen pa ta dwe ✨gen konpasyon pou Ninive, gwo vil la, nan sila ki genyen plis ke san-ven-mil moun ki pa konn diferans antre men dwat ak men goch yo ak yon gwo kantite bèt, tou?”

✨ 3:8 És 1:16-19 ✨ 3:9 II Sam 12:22 ✨ 3:10 I Wa 21:27-29 ✨ 3:10 Egz 32:14 ✨ 4:1 Jon 4:4 ✨ 4:3 Job 7:15,16 ✨ 4:5 I Wa 19:9,13 ✨ 4:7 Jl 1:12 ✨ 4:8 Éz 19:12 ✨ 4:8 Sòm 121:6 ✨ 4:11 Jon 3:10; Det 1:39

## MICHÉE

<sup>1</sup> Pawòl SENYÈ a ki te adrese a ✧Michée, moun Moréscheth la, nan jou a Jotham, Achaz, ak Ézéchias, wa Juda yo, pawòl ke li te wè konsènan Samarie ak Jérusalem nan.

<sup>2</sup> Tande, O pèp yo, nou tout; ✧koute, O latè a ak tout sa ki ladann, epi kite SENYÈ Bondye a vin ✧temwen kont nou; SENYÈ a, depi nan tanp sen Li an.

<sup>3</sup> Paske gade byen, SENYÈ a ap vin ✧sòti nan plas Li a.

li va vin desann pou ✧foule wo plas latè yo.

<sup>4</sup> ✧Mòn yo va fann anba Li, vale yo va vin fann tankou lasi devan dife, tankou dlo k ap vide desann yon pant apik.

<sup>5</sup> Tout sa se pou rebelyon a Jacob la ak pou peche Israèl la.

Se kisa ki ✧rebelyon a Jacob la?

Èske se pa ✧Samarie?

Se kisa ki wo plas a Juda yo?

Èske se pa Jérusalem?

<sup>6</sup> Alò, Mwen va fè Samarie vin yon pil ✧mazi nan yon chan louvri,

tankou yon kote pou plante yon chan rezen; epi Mwen va vide wòch batisman yo nan vale a, e Mwen va dekouvri mete toutouni tout fondasyon li yo.

<sup>7</sup> Tout ✧zidòl li yo va vin kraze nèt, tout kado yo bay li yo va vin brile ak dife a e tout zidòl li yo va vin abandone; paske se pou salè a yon ✧pwostitiye ke li te ranmase e pou salè a yon pwostitiye li va retounen.

<sup>8</sup> Pousa, mwen oblije fè dèy e kriye fò, mwen oblije ale ✧pye atè e toutouni; Mwen oblije fè lamantasyon tankou ✧chen mawon, plenyen tankou otrich!

<sup>9</sup> Paske ✧blese li a p ap ka geri, paske li menm fin rive Juda.

Li rive nan pòtay a pèp mwen an, menm Jérusalem.

<sup>10</sup> ✧Pa pale sa nan Gath; pa kriye menm.

Nan Beth-Leaphra mwen te woule kò mwen nan pousyè.

✧ 1:1 Jr 26:18 ✧ 1:2 Jr 6:19 ✧ 1:2 És 50:7 ✧ 1:3 És 26:21 ✧ 1:3 Am 4:13 ✧ 1:4 Sòm 97:5 ✧ 1:5 Jr 2:19 ✧ 1:5 És 7:9 ✧ 1:6 II Wa 19:25 ✧ 1:7 Det 9:21 ✧ 1:7 Det 23:18 ✧ 1:8 És 32:11 ✧ 1:8 És 13:21,22 ✧ 1:9 És 3:26 ✧ 1:10 II Sam 1:20

11 Ale fè wout ou, ou menm ki rete Schaphir  
nan ✧Lawont ak toutouni ou,  
moun ✧Tsaanan p ap chape.  
Plenyen Beth-Haëtsel la:

Li va retire sou ou tout soutyen li.”

12 Paske moun Maroth vin fèb nan ✧tann sa ki bon  
akoz malè vin desann sòti nan SENYÈ a,  
rive nan pòtay Jérusalem nan.

13 Tache cheval yo nan cha lagè a, O moun ✧Lakisch!—  
fi sila a te kòmansman peche pou fi Sion an—  
akoz se nan ou, yo te twouve zak rebelyon a Israël yo.

14 Alò, ou va bay kado dadye a Moreschet-Gath;  
lakay a ✧Aczib yo va vin yon ✧desepsyon  
pou wa Israël yo.

15 Anplis, Mwen va mennen bay nou sila ki va  
pran posesyon nou an,

O nou menm k ap viv nan ✧Marescha yo!

Glwa Israël la va antre menm ✧Adullam.

16 Se pou ou vin ✧chòv nèt;

koupe tout cheve ou akoz pitit a gwo plezi ou yo,  
elaji tèt chòv ou pou vin tankou èg,  
paske ✧yo ale an egzil kite ou!

## 2

1 Malè a sila k ap ✧fè plan inikite yo,  
k ap manevre mechanste sou kabann yo!  
Lè maten rive, yo pratike li, paske sa nan pouvwa a  
men yo. 2 Yo lanvi chan a lòt, epi konsa yo sezi yo,  
kay yo, e konsa yo pran yo.  
Yo vole yon nonm ak kay li,  
Yon nonm ak tout eritaj li.

3 Pou sa, pale SENYÈ a:

“Gade byen, Mwen ap fè yon plan kont  
pèp sa a,

yon malè nan sila nou p ap ka retire kou nou;

ni nou p ap ka mache ak awogans,

paske sa se yon ✧move tan.

4 Nan jou sa a, yo va ✧fè leve kont nou yon pawòl’;

mokè yo va kriye ak yon lamantasyon tris

e yo va di: ‘Nou fin ✧detwi nèt!

Li divize eritaj a pèp mwen an.

A la retire li retire li nan men mwen!

Li bay moun trèt yo! Li divize bay chan nou yo!

5 Akoz sa, nou p ap gen pèsòn ki va tann ✧lign mezi

pou fè tiraj osò nan asanble SENYÈ a.

6 ‘Pa pwofetize’! Y ap pwofetize!

✧ 1:11 Éz 23:29 ✧ 1:11 Jos 15:37 ✧ 1:12 Éz 59:9-11 ✧ 1:13 Jos 10:3 ✧ 1:14 Jos 15:44  
✧ 1:14 Jr 15:18 ✧ 1:15 Jos 15:44 ✧ 1:15 II Sam 23:13 ✧ 1:16 Éz 22:12 ✧ 1:16 II Wa 17:6  
✧ 2:1 Sòm 36:4 ✧ 2:3 Det 28:48; Am 5:13 ✧ 2:4 Hab 2:6 ✧ 2:4 Éz 6:11 ✧ 2:5 Nonb  
34:13,16-29

pa pwofetize de bagay de sila yo;  
repwòch yo p ap janm kite nou.”

<sup>7</sup> Èske se konsa sa va pale, O! Lakay Jacob?

“Èske Lespri SENYÈ a vin ☆an kolè?

Èske sa yo se zèv pa Li?

Èske pawòl Mwen yo pa fè byen pou sila  
k ap mache dwat la?”

<sup>8</sup> Nan tan sa a, pèp Mwen an te vin leve tankou  
yon ☆ènmi.

Nou chire retire manto sou abiman a sila  
k ap pase pa aza yo,  
jis rive nan sila k ap retounen sòti nan lagè yo.

<sup>9</sup> Fanm a pèp Mwen yo, nou ☆mete yo deyò

soti kite bèl ti kay yo;

nan jèn pitit yo, nou rache retire

tout benediksyon Mwen,

jis pou tout tan.

<sup>10</sup> Leve ale!

Paske isit la, se pa yon kote pou ☆ou repoze;

li plen ak sa ki ☆pa pwòp ki kab detwi,

menm avèk yon destriksyon ki

bay gwo doulè.

<sup>11</sup> Si yon nonm ap mache nan yon lespri

manti e ap di: ☆

“Mwen va pale avèk nou konsènan

diven ak bwason fò’,

li ta kapab menm vin pwofèt a ☆pèp q1 sa a.

<sup>12</sup> Anverite, Mwen va ☆rasanble nou tout, O Jacob!

Anverite, Mwen va ranmase ☆retay Israèl yo.

Mwen va mete yo ansanm tankou mouton

nan Pak;

tankou yon bann mouton nan mitan patiraj yo,

yo va fè gwo bri akòz de gwo kantite

moun yo.

<sup>13</sup> Sila k ap ouvri kraze a ale devan yo;

yo kraze pòtay la pou pase ladann.

Se wa yo ki pase devan yo e

SENYÈ la a latèt yo.”

### 3

<sup>1</sup> Epi mwen te di:

“Koute koulye a, chèf a Jacob yo ak sila

k ap gouvène lakay Israèl yo.

Èske nou pa dwe konnen lajistis?☆

<sup>2</sup> Nou menm ki rayi sa ki bon e ki renmen sa ki mal,

ki ☆rache po yo sou kò yo e

chè yo sotì sou zo yo;

<sup>3</sup> K ap anplis☆manje chè a pèp Mwen an,

☆ 2:7 És 50:2 ☆ 2:8 Jr 12:8 ☆ 2:9 Jr 10:20 ☆ 2:10 Det 12:9 ☆ 2:10 Sòm 106:38 ☆ 2:11  
Jr 5:31 ☆ 2:11 És 30:10,11 ☆ 2:12 Mi 4:6,7 ☆ 2:12 Mi 5:7,8 ☆ 3:1 Sòm 82:1-5 ☆ 3:2  
Sòm 53:4 ☆ 3:3 Sòm 14:4

kwòche po yo sou yo, kraze zo yo  
e ✧koupe yo an mòso  
tankou se pou mete nan chodyè,  
tankou vyann nan bonm.

<sup>4</sup> Nan lè sa a, yo va kriye fò bay SENYÈ a,  
men Li p ap reponn yo.  
Olye de sa, nan lè sa a, Li va ✧kache figi li a yo menm;  
akoz yo te pratike zak ki mechan.

<sup>5</sup> Konsa pale SENYÈ a konsènan pwofèt ki te ✧mennen pèp mwen an nan  
erè yo. Lè yo jwenn kèk bagay pou mòde ak dan yo, yo kriye: “Lapè”, men  
kont sila ki pa mete anyen nan bouch yo, yo deklare lagè sen.

<sup>6</sup> Akoz sa, li va fènwa ✧ pou nou—san vizyon  
e fènwa pou nou—san pwofesi.  
✧Solèy la va kouche sou pwofèt yo,  
e lajounen va vin fènwa sou yo.

<sup>7</sup> Vwayan yo va wont  
e ✧divinò yo va nan konfizyon.  
Anverite, yo tout va ✧kouvri bouch yo akoz pa  
gen repons Bondye.

<sup>8</sup> Men kanta mwen menm ✧mwen ranpli ak pouvwa—  
pa Lespri SENYÈ a—  
jistis ak kouraj Li pou ✧fè Jacob konnen  
zak rebelyon li an;  
menm a Israèl, peche pa l la.

<sup>9</sup> Alò, tandè sa, chèf lakay Jacob yo  
ak sila k ap gouvène lakay Israèl yo,  
ki ✧rayi jistis e ki vire tòde tout sa ki dwat,  
<sup>10</sup> Ki ✧bati Sion ak san koule e Jérusalem ak  
vyolans e enjistis.

<sup>11</sup> Chèf li yo fè ✧ijiman pou jwenn sa ki glise anba tab  
e ✧prèt li yo enstwi pou kòb, pandan pwofèt li yo  
pwofetize pou lajan.

Malgre sa, yo apiye sou SENYÈ a e yo di:  
“Se pa SENYÈ a ki nan mitan nou?  
Okenn malè p ap rive sou nou.”

<sup>12</sup> Konsa, akoz nou menm ✧Sion va vin raboure  
tankou yon chan,  
✧Jérusalem va vin yon pil mazi  
e mòn tanp lan va devni wo plas a yon forè.

## 4

<sup>1</sup> Men nan dènye jou yo, li va vin rive ke mòn  
a SENYÈ a va vin etabli kon chèf a mòn yo.  
Li va vin leve anwo kolin yo e pèp nasyon yo  
va kouri kon dlo pou rive kote l.✧

<sup>2</sup> Anpil nasyon va vin di:

✧ 3:3 Éz 11:3 ✧ 3:4 Det 31:17; És 3:11 ✧ 3:5 És 3:12 ✧ 3:6 És 8:20-22 ✧ 3:6 És 59:10  
✧ 3:7 És 44:25 ✧ 3:7 Mi 7:16 ✧ 3:8 És 61:1-2 ✧ 3:8 És 58:1 ✧ 3:9 Sòm 58:1,2 ✧ 3:10  
Jr 22:13,17 ✧ 3:11 És 1:23 ✧ 3:11 Jr 6:13 ✧ 3:12 Jr 26:18 ✧ 3:12 Sòm 79:1 ✧ 4:1 És  
2:2-4; Sòm 22:27

“Vini, annou monte sou mòn SENYÈ a,  
lakay Bondye Jacob la,  
pou L ka enstwi nou nan chemen Li yo  
e pou nou ka mache sou pa Li yo.”  
Paske depi nan Sion, lalwa va sòti e  
pawòl SENYÈ a va soti Jérusalem.✧  
3 Epi Li va ✧jije antre anpil pèp e pran  
desizyon pou anpil nasyon ki byen lwen.  
epi yo va bat nepe yo pou fè yo tounen ✧cha  
pou laboure latè yo e  
lans lagè yo pou fè yo tounen kwòk imondaj yo;  
nasyon p ap leve nepe kont nasyon e  
p ap aprann fè lagè ankò.

4 Men yo va fè chak moun ✧chita anba chan  
rezen pa yo ak anba pye fig pa yo; epi pèsòn  
p ap fè yo pè:

paske bouch SENYÈ dèzame yo fin pale sa.

5 Malgre tout pèp yo mache nan non dye pa yo,  
pou nou menm ✧nou va mache nan non SENYÈ Bondye  
nou an jis pou tout tan e pou tout tan.

6 “Nan jou sa a”, deklare SENYÈ a,  
“Mwen va ✧rasanble moun bwate yo e Mwen  
va reyini moun yo rejte yo,  
menm sila ke M te aflije yo.

7 Mwen va fè moun bwate yo vin yon ✧retay e moun rejte yo  
vin yon nasyon pwisan;

epi ✧SENYÈ a va renye sou yo nan Mòn Sion  
depi koulye a rive jis pou tout tan.

8 Epi ou menm ✧ wo tou a bann mouton an, mòn a  
fi Sion an,  
sou ou menm, li va retounen—  
menm ✧ansyen pouvwa a, wayòm a fi  
Jérusalem nan.

9 Alò, poukisa ou ✧rele anmwey konsa?

Èske pa gen wa pami nou, èske ✧konseye nou an  
fin peri,  
ke gwo doulè a sezi nou kon yon fanm k ap  
pouse fè pitit?

10 Se pou ou vin an doulè, doulè pou pouse fè pitit  
fi a Sion an,  
kon yon fanm ki ansent;  
paske koulye a, ou va ✧sòti nan vil la  
pou rete nan chan,  
e ou va menm ale Babylone.

✧La ou va delivre;

la SENYÈ a va rachte ou soti nan men

✧ 4:2 És 2:3; Sòm 25:8,9,12 ✧ 4:3 És 2:4 ✧ 4:3 Jl 3:10 ✧ 4:4 I Wa 4:25; Lev 26:6 ✧ 4:5  
Za 10:12 ✧ 4:6 Sòm 147:2 ✧ 4:7 Mi 5:7,8 ✧ 4:7 És 24:23 ✧ 4:8 Sòm 48:3,12 ✧ 4:8 És  
1:26 ✧ 4:9 Jr 8:19 ✧ 4:9 És 3:1-3 ✧ 4:10 II Wa 20:18 ✧ 4:10 És 43:14

ènmi ou yo.

11 Epi koulye a, gen ✧anpil nasyon ki rasanble kont ou k ap di:

‘Kite li fin souye nèt e kite zye nou wè dezi nou sou Sion.’

12 Men yo pa ✧konnen refleksyon a SENYÈ a, ni yo pa konprann bi Li a; paske Li te ranmase yo kon yon pakèt sereyal yo pou pote sou glasi vannan an.

13 Leve pou ✧bat jèm nan, O fi a Sion an! Paske M ap fè kòn ou an vin yon kòn fè, e zago ou kon yon zago an bwonz. Ou va ✧bat an mòso anpil pèp, pou ou kapab konsakre a SENYÈ a tout richès enjis pa yo ke nou ranmase ak tout byen pa yo bay SENYÈ tout latè a.

## 5

1 Alò, rasanble nou an twoup lame, O fi a lame yo. Yo fin fè syèj kont ou; Ak gwo baton, yo va ✧frape jij Israël la nan machwè.

2 Men ou menm, Bethléhem Éphrata, pi piti pami fanmi a Juda yo, nan ✧ou va soti pou Mwen Youn pou vin chèf an Israël. Lè pou L vin parèt la te etabli depi nan tan ansyen yo, jis rive nan jou etènite yo.”

3 Akoz sa, Li va ✧lese yo ale jiskaske sila ki te gen doulè a, fin pouse fè pitit la. Nan lè sa a, retay nan frè li yo va retounen vin jwenn fis Israël yo.

4 Epi Li va leve e nourri ✧ bann mouton Li an nan fòs SENYÈ a; Nan majeste a non SENYÈ, Bondye Li a. Epi yo va rete; paske nan tan sa a, Li va pwisan jis rive nan ✧dènye pwent latè.

5 Epi Nonm sila a, va lapè nou ✧ lè Asiryen yo vini nan peyi nou an, e lè li va mache nan palè nou yo, nou va leve kont li sèt bèje ak uit òm prensipal.

6 Yo va ✧regle peyi Assyrie ak nepe e peyi Nimrod la menm nan pòtay li yo;

✧ 4:11 És 5:25-30 ✧ 4:12 Sòm 147:19,20 ✧ 4:13 És 41:15 ✧ 4:13 Jr 51:20-23 ✧ 5:1 I Wa 22:24 ✧ 5:2 És 11:1; Jr 30:21 ✧ 5:3 Os 11:8 ✧ 5:4 És 40:11 ✧ 5:4 És 45:22 ✧ 5:5 És 9:6; És 8:7-8 ✧ 5:6 Na 2:11-13

Epi li va ✨delivre nou soti nan men Asiryen an  
lè l fè envazyon peyi nou an  
ak lòt li mache anndan fwontyè nou an.

7 Epi konsa, ✨retay Jacob la va nan mitan anpil  
nasyon pèp yo,

tankou lawouze ki sòti nan SENYÈ a,  
tankou lapli k ap farinen sou tout vèdi latè,  
ki pa tann lòt, ni fè reta pou fis a lòt yo.

8 Retay Jacob la va pami nasyon yo, pami  
anpil pèp;

Tankou yon lyon pami bèt forè,  
tankou yon jèn lyon nan mitan bann mouton;  
li menm, si l pase, mache, dechire an mòso  
e ✨p ap gen pèsòn ki pou delivre.

9 Ke men ou vin ✨Leve kont advèsè Ou yo  
e lènmi Ou yo va vin koupe retire nèt.

10 “Li va rive, nan jou sa a,” deklare SENYÈ a,  
✨“Ke Mwen va retire cheval nou yo nan mitan  
nou e Mwen va detwi cha lagè nou yo.

11 “Anplis, Mwen va koupe retire ✨vil  
nan peyi nou yo e mwen va jete tout  
miray fòterès nou yo.

12 Mwen va koupe retire zafè tout ✨wanga soti  
nan men nou e nou p ap gen divinò ankò.

13 ✨Mwen va retire imaj taye nou yo ak  
pilye sakre ki pami nou yo,  
pou nou pa adore zèv men nou yo ankò.

14 Mwen va dechouke ✨Asherim ki pami nou yo e  
mwen va detwi vil nou yo.

15 Epi Mwen va ✨egzekite vanjans kòlè  
ak gwo mekontantman sou nasyon ki pa t koute yo.

## 6

1 Koute koulye a sa ke SENYÈ a ap di:  
“Leve, plede ka ou devan mòn yo e  
kite kolin yo tande vwa ou.

2 Koute, O mòn yo, pwosè vèbal SENYÈ a,  
e ou menm, fondasyon latè ki dire tout tan yo.  
Paske ✨SENYÈ a gen yon ka kont pèp Li a e Li  
va plede ka a ak Israèl.

3 “Pèp Mwen, se kisa Mwen te fè Ou, e  
✨nan kisa Mwen te fatigue ou? Reponn Mwen!

4 Anverite Mwen te mennen nou monte soti  
nan peyi Égypte,  
Mwen te rachte ou soti nan kay esklavaj la,  
e mwen te voye devan ou Moïse, Aaron ak Marie.” ✨

5 Pèp mwen, sonje koulye a konsèy a Balak,  
wa Moab la ak sa Balaam, fis a Beor a, te reponn li;

✨ 5:6 És 14:25 ✨ 5:7 Mi 2:12 ✨ 5:8 Jen 49:9; Sòm 50:22 ✨ 5:9 Sòm 10:12 ✨ 5:10 Za  
9:10 ✨ 5:11 És 1:7 ✨ 5:12 Det 18:10-12 ✨ 5:13 És 2:18 ✨ 5:14 Egz 34:13 ✨ 5:15 És 1:24  
✨ 6:2 És 1:18 ✨ 6:3 Jr 2:5; És 43:22,23 ✨ 6:4 Det 7:8; Egz 4:10-16



Sonje soti nan Sittim rive Guilgal, pou nou ta ka konnen zèv ladwati a SENYÈ a.”

6 ✧ Avèk kisa mwen ta dwe vin parèt devan SENYÈ a, e bese m ba devan Bondye anlè a?

Èske mwen ta vini ak ofrann brile, ak ti bèf ki gen yon lane?

7 ✧ Èske SENYÈ a pran plezi nan ✧ milye de belye yo,

oswa nan dè di-milye de rivyè lwil yo?

Èske se ✧premye ne mwen an mwen dwe bay pou zak rebelyon mwen yo,

fwi a kò m pou peche nanm mwen an?

8 ✧ Li te montre ou, O lòm, sa ki bon.

Ki sa SENYÈ a egzije de ou?

Sèl pou ✧fè sa ki jis, renmen ✧Mizerikòd, e mache nan imilite ak Bondye ou a?

9 ✧ Vwa SENYÈ a va rele vè vil la, e sajès, li menm, gen respe pou non ou.

Koute baton an, ak Sila ki te deziye l.

10 ✧ Èske toujou gen trezò ✧mechanste lakay mechan an,

ak yon mezi manke, ki se madichonnen?

11 ✧ Èske Mwen kapab jistifye yon ✧ fo balans ak yon sachè fo pèz?

12 ✧ Paske moun rich li yo plen vyolans, rezidan li yo fè ✧manti e

✧lang yo twonpe soti nan bouch yo.

13 ✧ Konsa tou, Mwen te frape ak ✧yon blesi grav. Mwen va fè ou vin dezole akoz peche ou yo.

14 ✧ Ou va manje, men ou ✧p ap satisfè e imilyasyon ou va nan mitan ou;

ou va vin mete sou kote, men ou p ap ✧rezève, e sa ke ou t ap rezève a,

Mwen va bay li a nepe.

15 ✧ Ou va simen, men ou p ap rekòlte.

Ou va kraze grenn oliv,

men ou menm p ap onksyone ak lwil;

ak rezen, men ou p ap bwè nan diven an. ✧

16 ✧ Paske se règleman a ✧Omri yo nou kenbe,

zèv lakay Achab yo ou te obsève,

e se nan manèv yo ke ou te ✧mache.

Akoz sa, Mwen va fè ou vin tounen yon dezolasyon.

Pèp ou a va vin gyonnen e

ou va sipòte repwòch a pèp Mwen an.”

✧ 6:6 Sòm 40:6-8 ✧ 6:7 Sòm 50:9 ✧ 6:7 Lev 18:21 ✧ 6:8 És 56:1 ✧ 6:8 Os 6:6 ✧ 6:10 Jr 5:26,27 ✧ 6:11 Lev 19:36 ✧ 6:12 Jr 9:2-6,8 ✧ 6:12 És 3:8 ✧ 6:13 Mi 1:9; És 1:7 ✧ 6:14 És 9:20 ✧ 6:14 És 30:6 ✧ 6:15 Det 28:38-40; Am 5:11 ✧ 6:16 I Wa 16:25,26 ✧ 6:16 Jr 7:24

## 7

<sup>1</sup> Malè a mwen menm! Paske mwen tankou  
lè y ap ranmase fwi gran sezon,  
tankou ti rèz rezen apre yo fin retire diven.  
Pa menm gen grap rezen pou manje,  
ni yon ✧premye fwi fig etranje pou mwen ta anvi  
goute.

<sup>2</sup> Moun fidèl ✧fin disparèt sou latè a,  
e nanpwen moun dwat pami lòm.  
Yo tout kouche an anbiskad pou ✧vèsè san;  
yo tout fè lachas dèyè frè yo ak pèlen.

<sup>3</sup> Toude men yo sou sa ki mal la pou pou fè l ✧byen.  
Prens lan mande e jij la prè pou yon ✧glise anba tab.  
Yon nonm pwisan an pale tout mechanste  
ke nanm li bezwen.  
Yo trese li fè l vin yon sèl.

<sup>4</sup> Pi bon nan yo se pikan e pi dwat la se kloti zepin.  
Jou gadyen ou yo, jou ✧vizitasyon ou an fin rive.  
Koulye a se lè y ap ✧boulvèsè, egare nèt.

<sup>5</sup> Pa ✧fè konfyans ak yon vwazen; pa fè  
konfyans ak yon zanmi.  
Ak fi la k ap kouche ak ou a,  
gade pòt bouch ou!

<sup>6</sup> Paske ✧fis la maltrete papa a san respè,  
fi a leve kont manman li,  
bèlfi a kont bèlmè li;  
lènmi a yon nonm se anndan lakay li.

<sup>7</sup> Men pou mwen menm,  
mwen va ✧toune vè SENYÈ a.  
mwen va ✧tann Bondye a sali mwen an;  
Bondye mwen an va koute mwen.

<sup>8</sup> ✧Pa rejwi nou kont mwen menm, O lènmi mwen.  
Malgre mwen tonbe, mwen va leve ankò;  
malgre mwen chita nan tenèb, SENYÈ a  
va yon ✧limyè pou mwen.

<sup>9</sup> Mwen va pote endiyasyon a SENYÈ a,  
akoz mwen te peche kont Li,  
jiskaske li rive li ✧plede ka mwen an  
e egzekite jijman pou mwen.  
li va mennen m sòti nan plen limyè e  
mwen va wè ladwati Li.

<sup>10</sup> Answit, lènmi mwen an va wè sa e gwo wont va  
kouvri fi ki te di m nan: “Kote SENYÈ  
Bondye ou a?  
Zye m va gade fi a; epi nan lè sa a, li va  
vin foule anba pye  
tankou kras labou nan lari.✧

<sup>11</sup> Se va yon jou pou ✧bati miray ou yo.  
Nan jou sa a, lizyè ou yo va vin grandi.

12 Se va yon jou ke yo va ✨vin kote ou  
soti Assyrie ak vil Égypte yo;  
soti Égypte menm pou rive Rivyè Euphrate la,  
menm soti nan lanmè, rive nan lanmè e  
nan mòn rive nan mòn.  
13 Malgre, latè va vin ✨dezole akòz sila k ap  
viv ladann yo, akòz fwi a zak yo.  
14 ✨Mennen pèp Ou a ak kwòk beje Ou a,  
bann mouton a eritaj Ou a, ki rete pou  
kont li, nan forè nan mitan Carmel.  
kite yo manje nan Basan ak Galaad,  
✨tankou nan ansyen tan an.  
15 “Tankou nan jou lè ou te sòti nan peyi  
Égypte la,  
Mwen va montre ou ✨Mirak.”  
16 Nasyon yo ✨va wè e yo va wont  
de tout pwisans yo.  
Yo va ✨mete men yo sou bouch yo;  
zòrèy yo va vin soud.  
17 Yo va niche pousyè tankou sèpan,  
tankou bagay k ap ranpe sou latè,  
yo va sòti ✨tou ap tranble nan sitadèl souteren yo.  
Yo va vin vè SENYÈ Bondye nou an, ak ✨gwo lakrent;  
Konsa, yo va pè devan Ou.  
18 Se kilès ki yon Bondye tankou Ou,  
ki ✨padone inikite,  
e ki bliye zak rebèl a retay pèp li a?  
Sila ki pa ✨kenbe kòlè li pou tout tan an,  
akòz li pran plezi nan bonte.  
19 Li va gen konpasyon pou nou ankò;  
✨Li va foule inikite nou yo anba pye L.  
Wi, Ou va ✨jete tout peche yo nan fon lanmè.  
20 Ou va bay ✨verite a Jacob  
e mizerikòd a Abraham,  
tankou Ou te sèmante a papa zansèt nou yo  
depi nan jou ansyen yo.

---

✨ 7:12 És 19:23-25 ✨ 7:13 Jr 25:11 ✨ 7:14 Sòm 95:7 ✨ 7:14 Am 9:11 ✨ 7:15 Egz 3:20  
✨ 7:16 És 26:11 ✨ 7:16 Mi 3:7 ✨ 7:17 Sòm 18:45 ✨ 7:17 És 25:3 ✨ 7:18 Egz 34:7,9  
✨ 7:18 Sòm 103:8,9,13 ✨ 7:19 Jr 50:20 ✨ 7:19 És 38:17 ✨ 7:20 Jen 24:27

## NAHUM

<sup>1</sup> Pwofesi pou Ninive. Liv vizyon a Nahum nan, Elkochit la. <sup>2</sup> Yon Dye \*jalou k ap fè vanjans se SENYÈ a. SENYÈ a plen chalè kòlè ak vanjans. SENYÈ a ap pran vanjans Li sou lènmi Li yo e se sou lènmi Li yo, li konsève chalè kòlè Li. <sup>3</sup> SENYÈ a \*lan nan kòlè e Li plen pwisans; ni pou okenn rezon, SENYÈ a p ap kite koupab la san pinisyon. Mwayen Li se nan toubiyon ak tanpèt e nwaj yo se pousyè anba pye Li. <sup>4</sup> Li \*Repwoche lanmè a e fè l vin sèch; li fè larivyè yo vin sèch. Basan ak Carmel seche; flè a Liban yo vin fennen. <sup>5</sup> Mòn yo \*tranble akòz Li e kolin yo vin fann nèt. Anverite, latè boulvèse pa prezans Li, lemonn ak tout sa ki rete ladann. <sup>6</sup> Se kilès ki ka kanpe devan gwo kòlè Li? Kilès ki ka sipòte \*chalè kòlè Li? Se tankou dife \*kòlè Li vide; pa Li menm, wòch yo kraze an mòso. <sup>7</sup> SENYÈ a \*bon; se yon sitadèl nan jòu malè; epi Li konnen sila ki pran refij nan li yo. <sup>8</sup> Men tankou yon \*inondasyon ki debòde nèt, li va fè fen a espas Ninive a nèt, e kouri dèyè lènmi Li yo jis rive nan fènwa. <sup>9</sup> Nenpòt panse nou konn \*fè kont SENYÈ a, li va mete fen a sa \*nèt. Gwo twoub sa a p ap parèt de fwa. <sup>10</sup> Kon bwa pikan mele mare, kon sila ki sou ak bwason yo, yo va \*vin konsonmen nèt kon pay ki fennen nèt. <sup>11</sup> Nan ou, te sòti yon moun ki te \*fè move konplo kont SENYÈ a, yon \*konseye mechan.

<sup>12</sup> Konsa pale SENYÈ a: “Byenke yo plen fòs e yo gen anpil moun; malgre sa, yo va \*vin koupe retire e disparèt. Bienke Mwen te aflije ou, Mwen p ap aflije ou \*ankò. <sup>13</sup> Pou sa, Koulye a, Mwen va \*kraze retire jouk li ki mare sou ou a, e mwen va eklate chèn ou yo.”

<sup>14</sup> SENYÈ a fin pase lòd konsènan ou menm: “Non pèp ou a \*p ap konsève ankò. Mwen va koupe retire zidòl ak imaj soti lakay dye ou yo. M ap prepare yon kote antèman pou ou; paske ou vin abominab.”

<sup>15</sup> Gade byen \*sou mòn yo, se pye a li ki pote bòn nouvèl, ki anonse lapè yo! Fè fèt nou, O Juda! Akonpli ve nou yo. Paske sa p ap janm rive ankò pou mechan an vin pase nan mitan nou; li fin koupe retire nèt.

## 2

<sup>1</sup> Sila ki konn kaze brize a te vin monte kont ou. Mete solda nan fò a, veye chemen an; fòtifye dèyè do ou, ranmase tout kouraj ou.\*

<sup>2</sup> Paske SENYÈ a va restore tout \*glwa a Jacob, menm jan ak glwa Israël la, paske piyajè yo fin piyajè yo, e te \*rache branch rezen li yo.

<sup>3</sup> Boukliye a mesye pwisan li yo vin wouj; gèrye yo vin abiye an \*kramwazi, cha yo klere an asye lè l prèt pou derape e lans an bwa pichpen yo vin parèt. <sup>4</sup> \*Cha yo kouri fou nan lari, yo sikile san kontwòl sou wout yo. Aparans yo tankou tòch, yo kouri patou tankou kout loray. <sup>5</sup> Li rele \*gèye pi chwa li yo; yo \*manke tonbe nan fè defile yo, yo prese rive nan miray la gwo tou kote syèj defans la fin prepare. <sup>6</sup> Pòtay rivyè yo ouvri e

\* **1:2** Egz 20:5; Det 32:35,41    \* **1:3** Egz 34:6,7    \* **1:4** Jos 3:15,16; És 33:9    \* **1:5** Egz 19:18; És 24:1,20    \* **1:6** És 13:13    \* **1:6** És 66:15    \* **1:7** Sòm 25:8    \* **1:8** És 28:2,17    \* **1:9** Sòm 2:1    \* **1:9** És 28:22    \* **1:10** És 5:24    \* **1:11** És 10:7-11    \* **1:11** Éz 11:2    \* **1:12** És 10:16-19,33,34    \* **1:12** Lam 3:31,32    \* **1:13** És 9:4    \* **1:14** Job 18:17; Éz 32:22    \* **1:15** És 40:9    \* **2:1** Jr 51:20-23    \* **2:2** És 60:15    \* **2:2** Sòm 80:12,13    \* **2:3** Éz 23:14,15    \* **2:4** És 66:15    \* **2:5** Na 3:18    \* **2:5** Jr 46:12

palè a fin kraze nèt. <sup>7</sup> Bagay la fin fèt; fi Jérusalem nan vin toutouni, li fin pote ale nèt; sèvant li yo ap plenyen ak vwa toutrèl, yo ap ✧bat lestonmak yo. <sup>8</sup> Men Ninive te tankou ti lak dlo depi lontan; malgre sa, y ap sove ale; “Rete, Rete”! Men ✧pèsòn pa gade dèyè. <sup>9</sup> Pran piyaj ajan! Pran piyaj ✧lò! gen trezò san limit—gen valè nan nan tout bagay presye yo. <sup>10</sup> Li vin vid nèt! Wi, li vin dezole e gate. ✧Kè yo ap fann e jenou yo si tèlman ap sekwe, youn bat lòt. Doulè ak laperèz domine tout kò a e ✧Figi yo vin blèm! <sup>11</sup> Kote fòs lyon yo ye, ki kote ke tout jenn lyon yo manje, ki kote lyon an, manman lyon an ak ti lyon an te konn mache, okenn nan yo pa t konn fè yo pè? <sup>12</sup> Lyon an te kon chire viktim yo an mòso ase pou ti lyon li yo. Li te touye pou manman lyon li yo, li te plen kav li ak chè ki dechire e tanyè li ak kòbo. <sup>13</sup> “Gade byen ✧Mwen vin kont ou”, pale SENYÈ dèzame yo. “Mwen va brile cha lagè li yo nan lafimen; nepe a va devore jenn lyon ou yo. Mwen va retire nan peyi a, tout chè nou te konn twouve yo e vwa mesaje nou yo p ap tande ankò.”

### 3

<sup>1</sup> ✧Malè a vil sanglan an! Li plen nèt ak manti ak piyaj; viktim li yo pa janm chape. <sup>2</sup> ✧Bri a fwèt la, bri a wou k ap sone sou wòch yo, cheval k ap galope yo ak cha k ap vòltije yo! <sup>3</sup> Chevalye k ap kouri desann yo; nepe k ap klere yo, lans k ap briye tankou solèy yo. ✧Anpil mò, yon gwo ma kadav, ak ✧kò mouri san kontwòl— yo manke tonbe sou kadav mò yo! <sup>4</sup> Tout sa akòz anpil aktivite a pwostitiye yo, sila ki vrèman byen pòtan yo, mètrès a gwo maji yo, ki vann nasyon yo nan pwostitisyon li yo, e fanmi yo nan gwo wanga li konn fè yo. <sup>5</sup> “Gade byen, Mwen vin kont ou”, deklare SENYÈ dèzame yo; mwen va ✧Leve jip ou jis rive nan figi ou pou ✧montre a nasyon yo toutouni ou, e a wayòm yo wont ou. <sup>6</sup> Mwen va jete bagay ki sal nèt sou ou, ✧fè ou vin avili e fè ou vin ✧espektak. <sup>7</sup> Epi li va vin rive ke tout moun ki wè ou, yo va fè bak e yo va di: “Men Ninive fin devaste nèt! ✧Se kilès k ap fè dèy pou li? Se kibò pou m ta jwenn moun ki pou rekonfòte ou?”

<sup>8</sup> Èske ou pi bon pase ✧No Amon ki te pozisyone pami rivyè yo, ki te antoure ak dlo, ki te gen lanmè kon pwotèj li, e se lanmè ki te sèvi kon miray li? <sup>9</sup> Se Éthiopie ki te pwisans li, ansanm ak Égypte ki te san limit. ✧Puth ak ✧Libie te pami soutyen ou yo. <sup>10</sup> Men li te ✧devni yon egzile; li te antre an kaptivite. Tout ti pitit li yo te vin kraze an mòso nan tèt tout ri yo; yo te fè tiraj osò pou onorab li yo, e mesye pwisan li yo te mare nan chèn. <sup>11</sup> Ou menm tou va vin sou nèt; ou va ✧kache. Ou menm tou va chache yon kote pou ou kache akòz de ènmi an. <sup>12</sup> Tout gwo fò nou yo va tankou ✧pye fig ak ✧fwi ki mi— lè yo sekwe yo, yo tonbe nan bouch a sila k ap manje yo a. <sup>13</sup> Gade byen, pèp ou a se fanm yo ye pami nou! Pòtay peyi ou yo vin ✧ouvri byen laj bay lènmi ou yo; dife fin devore baryè pòtay ou yo.

<sup>14</sup> ✧Ralè dlo ou pou kont ou pou fè syèj la! Ranfòse fò ou yo! Antre nan ajil la e foule mòtye a anba pye ou; fè ankadreman k ap fè brik yo fò! <sup>15</sup> Dife va vin devore ou nèt; nepe va koupe ou; li va devore ou tankou

✧ 2:7 És 32:12 ✧ 2:8 Jr 46:5 ✧ 2:9 Rev 18:12,16 ✧ 2:10 Sòm 22:14 ✧ 2:10 Jl 2:6 ✧ 2:13 Jr 21:13 ✧ 3:1 És 2:6,9 ✧ 3:2 Job 39:22-25 ✧ 3:3 És 34:3 ✧ 3:3 És 37:36 ✧ 3:5 És 47:2,3 ✧ 3:5 És 16:37 ✧ 3:6 Job 30:8 ✧ 3:6 És 14:16 ✧ 3:7 És 51:19 ✧ 3:8 Jr 46:25 ✧ 3:9 Jr 46:9 ✧ 3:9 II Kwo 12:3 ✧ 3:10 És 19:4 ✧ 3:11 És 2:10,19 ✧ 3:12 Rev 6:13 ✧ 3:12 És 28:4 ✧ 3:13 És 45:1,2 ✧ 3:14 II Kwo 32:3,4; Na 2:1

krikèt volan. Li va fè ou vin anpil tankou krikèt volan, li va fè ou vin anpil tankou krikèt. <sup>16</sup> Ou fin ogmante ✧machann ou yo plis pase zetwal syèl yo— krikèt volan ravaje yo e yo vole ale. <sup>17</sup> ✧Gad nou yo tankou krikèt. ✧Jandam nou yo tankou gwo lame krikèt volan k ap poze sou wòch nan jou fredì. Solèy la leve e yo sove ale; kote yo rive a, pèsòn pa konnen.

<sup>18</sup> Bèje ou yo ap dòmi, O wa Assyrie; prens ou yo ap repoze. Pèp ou an vin gaye sou mòn yo e nanpwen moun ki pou rasanble yo. ✧ <sup>19</sup> Nanpwen ✧ti apezman pou sa k ap fè ou mal la, ✧Blese ou a p ap ka geri. Tout moun ki tandè koze ou a va bat men yo sou ou, Paske sou ki moun mechanste ou a pa t rive san rete?

## HABACAC

<sup>1</sup> ✧Pwofesi ke Habacuc, pwofèt la te wè a. <sup>2</sup> ✧Pandan konbyen tan, O SENYÈ, mwen va kriye sekou e Ou pa tandè? Mwen kriye a Ou menm, “Vyolans!” Men Ou ✧pa delivre. <sup>3</sup> Poukisa Ou fè m wè inikite e Ou gade sou tout mechanste yo? Wi, se ✧destriksyon ak vyolans ki devan mwen; ✧gwo konfli ak kont k ap leve toupatou. <sup>4</sup> Akoz sa, yo vin pa okipe yo de lalwa e jistis la pa janm avanse. Paske mechan yo vin antoure moun ladwati yo. Lajistis tòde nèt. ✧

<sup>5</sup> “Gade pami nasyon yo! Obsève byen! Se pou nou vin sezi e menm etone! Paske Mwen ap fè nan jou pa w yo, yon bagay ke ou pa tap kwe, malgre ke ou ta tandè l. <sup>6</sup> Paske, gade byen, Mwen ap ✧leve Kaldeyen yo, pèp fewòs e san kontwòl sa a k ap mache sou tout tè a pou ✧sezi kote ki pa pou yo. <sup>7</sup> Yo plen tout moun ak gwo ✧laperèz; ak lakrent. ✧Jistis ak otorite pa yo sòti sèl nan yo menm. <sup>8</sup> ✧Cheval yo pi vit ke leyopa e pi vijilan ke ✧lou nan lannwit. Chevalye yo vin galope; chevalye yo sòti lwen. Yo vole tankou èg k ap plonje desann pou devore. <sup>9</sup> Yo tout vini pou fè vyolans. Nan rega pa yo ✧ se an avan. Yo ranmase kaptif tankou sab. <sup>10</sup> Yo gyonnen wa yo e yo moke gouvènè yo. Yo pase tout bastyon yo nan tenten, paske yo sanble ranblè tè yo e yo sezi yo. <sup>11</sup> Tankou ✧van yo va vole pase, pou yo ale nèt. Yo vreman ✧koupab; sila ki mete fòs yo nan dye pa yo a.”

<sup>12</sup> Èske se pa nan letènite Ou sòti, O SENYÈ, Bondye mwen an, Sila Ki Sen mwen an? Nou p ap mouri. Ou menm, O SENYÈ, Ou te chwazi yo pou pase jijman an; epi Ou menm, O Woche a, Ou te etabli yo pou pini. <sup>13</sup> Zye Ou twò pafè pou gade mal e Ou pa ka wè mechanste. Poukisa Ou sipòte sila ki trèt yo? Poukisa Ou rete an silans pandan mechan yo ap vale sila ki pi jis pase yo? ✧ <sup>14</sup> Poukisa Ou fè lòm tankou pwason lanmè, tankou sila k ap trennen atè e ki pa gen gouvènè sou yo? <sup>15</sup> Pou Kaldeyen yo, ✧ rale yo fè yo tout monte ak yon zen; ✧rale pote yo ale ak pèlen e ranmase yo ansanm nan filè pwason. Se konsa yo rejwi e yo fè kè kontan. <sup>16</sup> Akoz sa, yo ofri yon sakrifis nan filè yo a e yo brile lansan nan filè a; paske pa bagay sa yo, rekòlt yo vin gwo e manje yo vin anpil. <sup>17</sup> Èske se konsa y ap kontinye vide filè yo e kontinye ✧detwi nasyon yo san mizerikòd?

## 2

<sup>1</sup> Mwen va kanpe sou pòs gad mwen e mwen va pran pozisyon sou ranpa a. Mwen va ✧veye san rete pou wè ✧ki sa Li va pale avèk mwen ak jan pou m ta reponn lè m jwenn repwòch.

<sup>2</sup> Epi SENYÈ a te reponn mwen e te di: ✧“Ekri vizyon an e montre li klè sou tablo, pou sila k ap kouri a ka li. <sup>3</sup> Paske vizyon an toujou nan lè deziye a; la p pwoche vit pou rive nan bi li, e li p ap fè fayit. Menmsi li fè reta, ✧tann li; paske anverite, li va vini e li ✧p ap fè mize. <sup>4</sup> Gade byen, pou sila ki plen ògèy la, nanm li pa dwat anndan l; men ✧moun dwat la va viv pa

✧ 1:1 És 13:1 ✧ 1:2 Sòm 13:1,2 ✧ 1:2 Jr 14:9 ✧ 1:3 Jr 20:8 ✧ 1:3 Jr 15:10 ✧ 1:4 Sòm 58:1,2; És 5:20 ✧ 1:6 II Wa 24:2 ✧ 1:6 Jr 8:10 ✧ 1:7 És 18:2,7 ✧ 1:7 Jr 39:5-9 ✧ 1:8 Jr 4:13 ✧ 1:8 So 3:3 ✧ 1:9 II Wa 12:17 ✧ 1:11 Jr 2:3 ✧ 1:11 Jr 4:11 ✧ 1:13 Sòm 50:21; Sòm 35:25 ✧ 1:15 Jr 16:16 ✧ 1:15 Sòm 10:9 ✧ 1:17 És 14:5,6 ✧ 2:1 Sòm 5:3 ✧ 2:1 Sòm 85:8 ✧ 2:2 Det 27:8 ✧ 2:3 Sòm 27:14 ✧ 2:3 Éz 12:25 ✧ 2:4 Wo 1:17

lafwa li. <sup>5</sup> Anplis, diven devwale yon ✧moun ògeye, pou 1 pa rete lakay li. ✧Li ogmante apeti li tankou Sejou mò yo a e li menm, tankou lanmò, pa kapab satisfè. Li rasanble a li menm tout nasyon yo e li ranmase tout pèp yo a li menm.

<sup>6</sup> Èske tout moun sa yo p ap ✧Leve yon chan mokè kont li, yon tire pwen kont li pou di: “Malè a sila ki ogmante sa ki pa pou li— pou jiskilè l ap fè tèt li rich ak prè li yo?” <sup>7</sup> Èske moun k ap prete ou kòb yo p ap leve ✧sibitman? Èske yo p ap vin souleve? Anverite, ou va vin piyaj pou yo. <sup>8</sup> Akoz ou te ✧piyaje anpil nasyon, tout retay a pèp yo va piyaje ou— akoz tout san moun ki vèse ak vyolans ki fèt nan peyi a, nan vil la, ak tout moun ki rete ladann yo.

<sup>9</sup> Malè a sila ki jwenn ✧avantaj malonèt pou lakay li a, pou ✧mete nich li byen wo, pou l ta ka delivre soti nan men a gwo malè! <sup>10</sup> Ou te panse yon gwo wont pou lakay ou nan koupe retire anpil pèp. Konsa, w ap ✧peche kont pwòp tèt ou. <sup>11</sup> Anverite, wòch la va kriye soti nan mi an e potò travès la va reponn soti nan ankadreman an.✧

<sup>12</sup> Malè a sila ki ✧bati yon vil ak san vèse e ki fonde yon vil ak vyolans! <sup>13</sup> Anverite, èske sa pa soti nan SENYÈ dèzame yo pou moun travay di pou dife, e nasyon yo fatige kò yo pou granmesi?✧ <sup>14</sup> Paske latè va ✧ranpli ak konesans e laglwa a SENYÈ a, tankou dlo kouvri lanmè.

<sup>15</sup> Malè a ou menm k ap fòse vwazen ou bwè, k ap mele ladann pwazon pa w menm pou fè yo sou, pou gade toutouni yo! <sup>16</sup> Ou va vin plen ak wont pase onè. Alò, bwè ou menm e dekouvri pwòp toutouni pa ou. ✧Tas nan men dwat SENYÈ a va vire tou won pou rive kote ou e ✧wont total va ranplase laglwa ou. <sup>17</sup> Paske vyolans ki fèt Liban an va fè ou plonje desann, ansanm ak destriksyon a bèt ki t ap bay yo gwo laperèz yo; akoz de san vèse a moun ak vyolans tè a, nan vil la ak tout sila ki rete ladann yo.

<sup>18</sup> Ki pwofi ki gen nan zidòl la, lè mèt li fin taye l; swa yon imaj, yon ✧pwofesè k ap bay manti? Paske sila menm ki te fè l la mete konfyans li nan pwòp zèv li a lè l fòme zidòl ki pa gen pawòl yo. <sup>19</sup> Malè a sila ki di a yon mòso bwa: “Leve!” a yon wòch ki pa ka pale: “Kanpe!” Èske se sila a ki ka instwi? Men gade byen, li kouvri nèt ak lò ak ajan e ✧pa gen okenn souf ladann. <sup>20</sup> Men SENYÈ a nan sen tanp Li. Ke tout tè a fè silans devan Li.✧

### 3

<sup>1</sup> Yon priyè Habacuc, pwofèt la, selon fòm Sigonoth la.

<sup>2</sup> SENYÈ, mwen te tande yon rapò sou Ou menm e mwen kanpe etonnen nèt.

O SENYÈ, fè zèv ou yo leve ankò nan mitan ane yo;

Fè yo vin koni nan mitan ane yo;

Nan chalè kòlè, Ou sonje mizerikòd.✧

<sup>3</sup> Bondye soti nan Théman

e Sila ki Sen an soti nan Mòn ✧Paran.

✧ 2:5 Pwov 21:24 ✧ 2:5 Pwov 27:20 ✧ 2:6 És 14:4-10 ✧ 2:7 Pwov 29:1 ✧ 2:8 És 33:1  
 ✧ 2:9 Jr 22:13 ✧ 2:9 Jr 49:16 ✧ 2:10 Jr 26:19 ✧ 2:11 Jos 24:27 ✧ 2:12 Mi 3:10 ✧ 2:13 És 50:11 ✧ 2:14 Sòm 22:27 ✧ 2:16 Jr 25:15,17 ✧ 2:16 Na 3:6 ✧ 2:18 Jr 10:8,14 ✧ 2:19 Sòm 135:17 ✧ 2:20 Mi 1:2; So 1:7 ✧ 3:2 Sòm 71:20; Hab 1:5 ✧ 3:3 Jr 49:7; Jen 21:21



Bèlte Li kouvri syèl la,  
 e tè a vin plen ak lwanj Li.  
 4 ✧ Ekla Li tankou reyon solèy la;  
 li gen tras klate limyè ki soti nan men L e  
 nanpwen anyen ki cache de ✧pouvwa Li.  
 5 Devan Li, tout kalite touman mache e  
 se dèyè Li epidemi a vini. ✧  
 6 Li te kanpe pou te veye latè;  
 li te gade e nasyon yo te ✧etone.  
 Wi, mòn etènèl yo te vin detwi, ansyen  
 kolin yo te vin efondre.  
 Chemen li yo ap dire jis pou tout tan.  
 7 Mwen te wè tant a Cush yo ✧te anba detrès;  
 rido tant a Madian yo t ap tranble.  
 8 Èske SENYÈ a te gen raj kont rivyè yo,  
 oswa, èske kòlè Ou te kont rivyè yo  
 oswa, èske kòlè Ou te kont lanmè a,  
 ki fè ou Ou te monte sou cheval Ou yo,  
 sou cha delivrans Ou yo? ✧  
 9 Ou te rale banza a soti nan kouvèti l; flèch  
 chatiman yo te sèmante. Selah.  
 Ou te fann tè a ak rivyè yo ✧  
 10 Mòn yo te wè Ou e yo te tranble;  
 flèv dlo yo te baleye.  
 Pwofondè a te ✧pouse vwa l e te leve  
 men l anlè.  
 11 ✧Solèy la ak lalin nan te kanpe nan plas yo;  
 yo te disparèt nan eklè flèch Ou yo,  
 nan ekla ki sòti nan lans Ou yo.  
 12 Nan gwo kòlè Ou, Ou te ✧mache travèse tè a;  
 nan kòlè Ou, Ou te ✧foule mache sou nasyon yo.  
 13 Ou te ale pou ✧delivrans a pèp Ou a,  
 pou delivre pèp onksyon Ou an.  
 Ou te frape tèt kay mechan an,  
 pou ekspoze li sòti depi nan kwis li pou rive  
 nan kou l. Selah.

14 Ou te fennen ak pwòp nepe li yo, tèt  
 a foul li yo.  
 Yo te antre kon toubiyon pou gaye nou;  
 ak gwo lajwa yo te tankou sila ki devore  
 malere an sekre yo. ✧  
 15 Ou te ✧foule mache sou lanmè a ak cheval Ou yo, sou  
 lam lanmè a anpil dlo yo.  
 16 Mwen te tandè e zantray mwen te tranble;  
 nan son an lèv mwen te vin tranble,  
 zo m yo te vin manje,  
 e sou plas, mwen menm te tranble.

✧ 3:4 Sòm 18:12 ✧ 3:4 Job 26:14 ✧ 3:5 Egz 12:29-30 ✧ 3:6 Job 21:18; Hab 1:12 ✧ 3:7 Egz 15:14-16 ✧ 3:8 Egz 7:19,20; Egz 14:16,21 ✧ 3:9 Sòm 78:16 ✧ 3:10 Sòm 93:3 ✧ 3:11 Jos 10:12-14 ✧ 3:12 Sòm 68:7 ✧ 3:12 Ès 41:15 ✧ 3:13 Egz 15:2 ✧ 3:14 Dan 11:40; Sòm 10:8 ✧ 3:15 Sòm 77:19

Paske byen poze ✨mwen oblije tann  
jou detrès la,

pou pèp la leve pou vin anvayi nou.

<sup>17</sup> Menmsi ✨pye fig la pa ta fleri,

ni pa gen fwi sou branch rezen yo,

Menmsi donn oliv la ta vin sispann,

e chan yo pa ta pwodwi manje,

menmsi bann mouton an ta koupe

separe de Pak mouton an,

menmsi pa ta gen bèf nan pak bèf la,

<sup>18</sup> mwen va toujou egzalte nan SENYÈ a,

mwen va rejwi nan ✨Bondye.

Mwen va ranpli ak jwa

akoz delivrans mwen an.

<sup>19</sup> Senyè BONDYE mwen an se ✨fòs mwen,

Li te fè pye mwen vin tankou pye sèf;

Li te fè mwen mache sou wo plas mwen yo.

Pou direktè koral la, sou enstriman a kòd yo.

## SOPHONIE

<sup>1</sup> Pawòl SENYÈ a ki te vini a Sophonie, fis a Cuschi a, fis a Guedalia, fis a Amaria, fis a Ézéchiass, nan tan Josias, fis a Amon an, wa a Juda a.

<sup>2</sup> “Mwen va retire tout bagay nèt sou fas tè a”, deklare SENYÈ a. <sup>3</sup> Mwen va retire ni lòm, ni bèt; Mwen va retire zwazo syèl yo ak pwason lanmè yo e Mwen va tounen yon wòch pou fè moun tonbe avèk mechan yo; mwen va koupe retire lòm soti sou fas tè a”, deklare SENYÈ a. <sup>4</sup> Epi Mwen va lonje men M kont Juda e kont tout sila ki rete Jérusalem yo. Mwen va koupe retire retay a Baal la nan plas sa a ak non a tout prèt zidòl yo, <sup>5</sup> epi sila ki adore twati kay lame syèl yo, sila ki adore yo ki fè sèman pa SENYÈ a e ki an menm tan, fè sèman pa Milcom tou, <sup>6</sup> Epi sila ki te vire fè bak pou yo pa swiv SENYÈ yo ak sila ki pa t ni chache ni mande pou SENYÈ a.

<sup>7</sup> Fè silans devan Senyè BONDYE a! Paske jou SENYÈ a pre rive, paske Bondye te prepare yon sakrifis; Li te konsakre envite Li yo. <sup>8</sup> Li va vin rive nan jou a sakrifis SENYÈ a, ke mwen va pini prens yo, fis a wa yo ak tout sila ki abiye ak vètman etranje yo. <sup>9</sup> Epi Mwen va pini nan jou sa a tout sila ki sote anlè papòt tanp yo, ki plen kay mèt yo ak vyolans ak desepsyon.

<sup>10</sup> Nan jou sa a, deklare SENYÈ a, va gen son a yon gwo kri soti nan Pòtay Pwason an, yon kri: “Anmwey” soti nan dezyèm katye a ak yon gwo bri eklatman soti nan kolin yo. <sup>11</sup> Rele: “Anmwey!”, O nou menm k ap viv Mactesch. Paske tout pèp Canaran an va pe bouch yo nèt; tout sila ki chaje avèk ajan yo va vin koupe retire nèt. <sup>12</sup> Li va vin rive nan lè sa a ke Mwen va chache tout Jérusalem ak lanp, e mwen va pini moun ki deside sou lespri yo, k ap di nan kè yo: “SENYÈ a p ap fè ni byen, ni mal!” <sup>13</sup> Anplis, richès yo va tounen piyaj e lakay yo va vin devasté; wi, yo va bati kay, men yo p ap rete ladan yo. Yo va plante chan rezen, men yo p ap bwè diven yo.”

<sup>14</sup> Pre rive se gran jou a SENYÈ a, pre rive e l ap pwoche byen vit; menm koute vwa jou a SENYÈ a! Nan jou sa a, gèye a va kriye amè. <sup>15</sup> Jou sa a se yon jou kòlè ak chalè, yon jou gwo twoub ak rele anmwey, yon jou destriksyon ak dezolasyon, yon jou tenèb ak dekourajman, you jou nwaj yo ak gwo fènwa a. <sup>16</sup> Yon jou twonpèt ak kri batay kont vil fòtifye yo, e kont gwo ranpa yo. <sup>17</sup> Mwen va mennen gwo pwoblèm sou lezòm, pou yo vin mache tankou moun avèg, akoz yo te peche kont SENYÈ a; epi san yo va vide tankou pousyè e chè yo kon femye bèt. <sup>18</sup> Ni ajan yo, ni lò yo p ap kapab delivre yo nan jou jijman an; men tout latè va vin devore nèt pa dife jalouzi Li, paske Li va mete yon fen, yon fen ki tèrib, a tout moun ki rete sou tè a.

✧ 1:2 Jen 6:7 ✧ 1:3 És 6:11,12 ✧ 1:3 Jr 4:25 ✧ 1:4 Mi 5:13 ✧ 1:4 II Wa 23:5 ✧ 1:5 II Wa 23:12 ✧ 1:5 I Wa 11:5,23 ✧ 1:6 És 1:4 ✧ 1:6 És 9:13 ✧ 1:7 Hab 2:20 ✧ 1:7 So 1:14 ✧ 1:8 És 24:21 ✧ 1:8 És 2:6 ✧ 1:9 Jr 5:27 ✧ 1:10 II Kwo 33:14 ✧ 1:10 II Kwo 34:22 ✧ 1:11 So 2:5 ✧ 1:12 Jr 48:11 ✧ 1:12 Éz 8:12 ✧ 1:13 Am 5:11 ✧ 1:14 Jr 30:7 ✧ 1:14 Éz 7:7-12 ✧ 1:15 És 22:5 ✧ 1:15 Jl 2:2,31 ✧ 1:16 És 27:13 ✧ 1:17 Jr 10:18 ✧ 1:17 Det 28:29 ✧ 1:18 Éz 7:19 ✧ 1:18 So 3:8

## 2

<sup>1</sup> Rasanble nou ansanm, wi rasanble nou, O nasyon ✧ki pa gen wont, <sup>2</sup> avan dekrè a vini— avan jou pase tankou pay vannen — avan ✧chalè vyolan SENYÈ a vin rive sou nou, avan ✧jou a kòlè SENYÈ a vin rive sou nou. <sup>3</sup> ✧Chache SENYÈ a, nou tout ki enb sou tè a, ki te kenbe òdonans li yo; ✧Chache ladwati, chache imilite. Petèt nou va jwenn pwoteksyon nan jou kòlè SENYÈ a. <sup>4</sup> Paske Gaza va vin abandone e Askalon va vin yon kote dezole; Asdod va chase nan mitan jounen e ✧Ékron va vin derasine. <sup>5</sup> Malè pou sila ki rete kote lanmè yo, nasyon a ✧Keretyen yo! Pawòl SENYÈ a kont ou, O Canaran, peyi Filisten yo! Mwen va detwi nou jiskaske pa gen moun ki rete la ankò. <sup>6</sup> Konsa bò kot lanmè a va tounen patiraj pou bèt, avèk kav pou bèje ak pak pou bann mouton yo. ✧ <sup>7</sup> Epi kot lanmè a va apatyen a ✧retay lakay Juda a, yo va fè ✧patiraj yo sou li. Nan kay Askalon yo, yo va kouche nan aswè; paske SENYÈ Bondye yo a va pran swen yo e restore avni yo. <sup>8</sup> Mwen te tandè lè Moab t ap ✧vekse nou an. Ak ✧malediksyon a fis a Ammon yo, ke yo t ap vekse pèp Mwen an e te fè tèt yo vin plen ògèy kont teritwa pa yo a. <sup>9</sup> Akoz sa, jan Mwen vivan an, deklare SENYÈ dèzame yo, Bondye Israèl la, “Anverite, Moab va vin tankou Sodome e fis a Ammon yo tankou Gomorrhe— yon kote plen pikan, yon twou plen sèl, yon kote devaste nèt. Retay a pèp Mwen an va ✧piyajè yo e sila ki rete nan nasyon Mwen an va eritye yo.” <sup>10</sup> Se sa yo va twouve kon rekonpans pou ✧ògèy yo, akoz yo te ✧vekse e te vin awogan kont pèp a SENYÈ dèzame yo. <sup>11</sup> SENYÈ a va vin ✧tèrib pou yo, paske Li va fè tout dye sou latè yo mouri ak grangou; epi tout peyi kot a nasyon yo va ✧adore Li, yo chak nan pwòp plas yo.

<sup>12</sup> Nou menm tou ✧Etyopyen yo, nou va detwi pa nepe Mwen.”

<sup>13</sup> Epi Li va ✧lonje men Li kont nò pou detwi Assyrie, e li va fè Ninive vin yon kote dezole, sèk tankou dezè. <sup>14</sup> Bann bèt sovaj va vin kouche nan mitan l, tout kalite bèt nasyon yo; ni ✧grangozye, ni zagoudi va vin rete sou tèt pilye li yo. Vwa yo va chante nan fenèt yo, destriksyon va sou papòt yo; paske Li te devwale nèt tout zèv bwa sèd la. <sup>15</sup> Sa se gwo vil ki plen ògèy la, ki ✧te rete an neglijan, e ki te nan kè l: ✧“Se Mwen menm, e nanpwen ke mwen.” Ala dezole li vin dezole! Yon kote pou bèt repoze yo. Tout moun ki pase kote l va soufle kon koulèv e va voye pwen mare yo anlè sou li pou derespekte l.

## 3

<sup>1</sup> Malè a sila ki ✧fè rebèl e ki ✧vin souye a, vil k ap oprime tout moun nan! <sup>2</sup> Fi ki pa t obeyi a okenn vwa a; li ✧pa t dakò resevwa enstriksyon. Li pa t mete ✧konfyans nan SENYÈ a, li pa t rapwoche de Bondye li a.

<sup>3</sup> ✧Prens anndan li yo tankou lyon voras; jij li yo tankou ✧lou nan aswè. Yo p ap kite anyen rete pou maten. <sup>4</sup> Pwofèt li yo se moun trèt ✧san prensip; ✧Prèt li yo te souye sanktyè a. Yo te fè vyolans a lalwa. <sup>5</sup> SENYÈ a ✧plen ladwati nan mitan li; li p ap ✧fè okenn enjistis. Chak maten Li fè jistis pa li

✧ 2:1 Jr 3:3 ✧ 2:2 Lam 4:11 ✧ 2:2 So 1:18 ✧ 2:3 Sòm 105:4 ✧ 2:3 Am 5:14,15 ✧ 2:4 Am 1:7,8 ✧ 2:5 Éz 25:16 ✧ 2:6 És 5:17 ✧ 2:7 És 11:16 ✧ 2:7 És 32:14 ✧ 2:8 Éz 25:8 ✧ 2:8 Éz 25:3 ✧ 2:9 És 11:14 ✧ 2:10 És 16:6 ✧ 2:10 So 2:8 ✧ 2:11 Jl 2:11 ✧ 2:11 Sòm 72:8-11 ✧ 2:12 És 18:1-7 ✧ 2:13 És 14:26 ✧ 2:14 És 14:23 ✧ 2:15 És 32:9,11 ✧ 2:15 És 47:8 ✧ 3:1 Jr 5:23 ✧ 3:1 Éz 23:30 ✧ 3:2 Jr 2:30 ✧ 3:2 Sòm 78:22 ✧ 3:3 Éz 22:27 ✧ 3:3 Jr 5:6 ✧ 3:4 Jij 9:4 ✧ 3:4 Éz 22:26 ✧ 3:5 Det 32:4 ✧ 3:5 Sòm 92:15

vin parèt nan limyè; li pa janm pa reyisi. Men moun enjis yo pa gen wont.

<sup>6</sup> Mwen te detwi nasyon yo; ranpa yo te vin dezole nèt. Ri yo te vin ✧dezole, pou pèsòn moun pa pase; vil yo fin detwi nèt, pou pa gen moun ✧pou pa gen pèsòn ki rete ladan yo. <sup>7</sup> Mwen te di: ‘Sèlman gen lakrent Mwen, ✧resevwa enstriksyon’. Konsa, kote nou rete a pa p vin koupe retire nèt, selon tout sa ke Mwen te deziye kont li yo. Men yo te leve bonè e gate tout zèv yo.

<sup>8</sup> Akoz sa, tann Mwen, deklare SENYÈ a, jis rive jou ke M leve kon temwen an. Anverite, se desizyon Mwen pou ✧rasanble nasyon yo, pou mete wayòm yo yo ansanm, pou M ka vide sou yo tout chalè kòlè Mwen, tout kòlè vyolan Mwen an. Paske ✧tout tè a va vin devore avèk dife jalouzi Mwen an.

<sup>9</sup> Paske nan lè sa a, Mwen va bay a pèp nasyon yo ✧lèv ki pirifye, pou yo tout ka rele non SENYÈ a, pou sèvi Li de zepòl an zepòl. <sup>10</sup> Soti byen lwen rivyè Ethiopie yo, moun ki adore Mwen yo, menm fi dispèse Mwen an va vin ✧pote ofrann ban Mwen. <sup>11</sup> Nan jou sa a, ou p ap ✧vin gen okenn wont pou zak avèk sila ou te fè rebèl kont Mwen yo; paske nan lè sa a Mwen va retire nan mitan nou, sila ki ✧plen ak ògèy nou yo; e nou p ap janm vin awogan ankò sou mòn sen Mwen an. <sup>12</sup> Men Mwen va kite pami nou yon pèp ki enb, ki piti e yo va chache pwoteksyon yo nan non SENYÈ a. ✧  
<sup>13</sup> Retay Israèl la p ap ✧fè anyen ki mal, ni yo p ap bay manti, ni yon lang twonpe moun p ap twouve nan bouch yo; paske yo va manje, kouche e pèsòn moun p ap fè yo pè.

<sup>14</sup> Chante, O fi a Sion an! Rele fò, O Israèl! se pou ou kontan e rejwi ak tout kè ou, O fi a Jérusalem nan! <sup>15</sup> SENYÈ a te retire ✧ijman ou yo. Li te chase tout ènmi ou yo. Wa Israèl la, SENYÈ a ✧nan mitan nou. Ou pa gen pou pè gwo dega ankò. <sup>16</sup> Nan jou sa a, sa va di a Jérusalem: ✧Pa pè anyen, O Sion! ✧Pa kite sezisman fè men ou fèb. <sup>17</sup> SENYÈ a, Bondye ou a nan mitan ou; Yon plen pwisans ki va sove a. Li va rejwi sou ou avèk gwo lajwa, li va fè ou vin kalm ak lanmou Li; byen fò, Li va chante fete ak lajwa sou ou. <sup>18</sup> Mwen va rasanble sila ki gen chagren ✧pou fèt deziye yo sila ki te vini kote ou yo, O Sion! Repwòch se yon gwo fado li ye sou yo. <sup>19</sup> Gade byen, nan lè sa a, Mwen va regle ak ✧tout sila ki oprime ou yo; mwen va sove sila ki bwate yo e Mwen va rasanble sila ki te rejte yo. M ap fè wont yo vin tounen lwanj ak lonè sou tout latè. <sup>20</sup> Nan lè sa a, Mwen va ✧fè nou antre e nan menm lè sa a, Mwen va rasanble nou ansanm. Anverite, mwen va bannou lonè ak lwanj pami tout nasyon pèp sou latè yo, lè Mwen mennen ✧ retounen tout bonè nou devan zye nou, pale SENYÈ a.

✧ 3:6 Jr 9:12 ✧ 3:6 So 2:5 ✧ 3:7 Job 36:10 ✧ 3:8 Éz 38:14-23 ✧ 3:8 So 1:18 ✧ 3:9  
És 19:18 ✧ 3:10 És 60:6,7 ✧ 3:11 És 45:17 ✧ 3:11 És 2:12 ✧ 3:12 És 14:30; És 50:10  
✧ 3:13 Sòm 119:3; Za 8:3,16 ✧ 3:15 Sòm 19:9 ✧ 3:15 Éz 37:26-28 ✧ 3:16 És 35:3,4 ✧ 3:16  
Job 4:3 ✧ 3:18 Sòm 42:2-4 ✧ 3:19 És 60:14 ✧ 3:20 Éz 37:12,21 ✧ 3:20 Jr 29:14

## AGGÉE

<sup>1</sup> Nan dezyèm ane Darius, wa a, nan premye jou sizyèm mwa a, pawòl SENYÈ a te vini pa pwofèt ✨Aggée a ✨Zorobabel, fis a Schealthiel la, gouvènè a Juda e a Josué, fis la a Jotsadak la, wo prèt la e te di: <sup>2</sup> “Konsa pale SENYÈ dèzame yo: ‘Pèp sa a di: “Lè a poko rive; lè pou rebati kay SENYÈ a.” ’ ”

<sup>3</sup> Epi pawòl SENYÈ a te vini pa Aggée, pwofèt la e te di: <sup>4</sup> Èske se lè pou nou menm, pou nou rete nan kay panno nou pandan kay sila a ✨rete nan movèz eta?” <sup>5</sup> Alò, konsa pale SENYÈ dèzame yo: “Konsidere chemen nou yo! <sup>6</sup> Nou te ✨simen anpil, men rekòlt la te piti; nou manje, men nou pa manje ase; nou bwè, men nou pa twouve kont pou nou vin sou; nou mete rad, men nanpwen rad pou chofe nou ase; epi sila ki jwenn salè li a, li mete salè li a nan yon bous ki plen twou.”

<sup>7</sup> Konsa pale SENYÈ dèzame yo: “Konsidere chemen nou yo! <sup>8</sup> Monte sou mòn yo, pote bwa pou ✨rebati tanp lan pou M kapab ✨pran plezi e jwenn glwa ladann,” pale SENYÈ a. <sup>9</sup> Nou cache anpil, men gade byen, ti kras vin jwenn nou; lè nou mennen l lakay nou, Mwen ✨soufle sou li pou fè l ale. Poukisa?” deklare SENYÈ dèzame yo: “Akoz kay Mwen ki rete an movèz eta a, pandan nou tout ap byen okipe pwòp lakay nou. <sup>10</sup> Akoz sa, akoz nou menm ✨syèl la te vin ralanti nan lawouze li e latè te vin refize pwodwi fwi li. <sup>11</sup> Mwen te rele yon ✨gwo sechrès vini sou peyi a, sou mòn yo, sou grenn sereyal yo, sou diven nèf la, sou lwil la, sou tout pwodwi latè yo, sou lòm, sou bèt ak sou tout zèv men nou yo.”

<sup>12</sup> Epi Zorobabel, fis a Schealthiel la ak Josué, fis a Jotsadak la, wo prèt la ak tout retay a pèp la, te ✨obeyi vwa a SENYÈ a, Bondye yo a e a pawòl a Aggée yo, pwofèt la, akoz se SENYÈ a, Bondye yo a ki te voye li. Epi pèp la te ✨montre lakrent pou SENYÈ a.

<sup>13</sup> Answit Aggée, mesaje SENYÈ a, te pale nan komisyon SENYÈ a bay pèp la e te di ✨ “Mwen avèk nou, deklare SENYÈ a.”

<sup>14</sup> Konsa, SENYÈ a te twouble lespri Zorobabel, fis a Schealthiel la, gouvènè a Juda a, lespri Josué, fis a Jotsadak la, wo prèt la ak lespri a ✨retay pèp la; epi yo te vini ✨travay nan kay SENYÈ dèzame yo, Bondye yo a, <sup>15</sup> Nan venn-katriyèm jou sizyèm mwa a, nan dezyèm ane a Darius, wa a.

## 2

<sup>1</sup> Nan vente-yinyèm jou nan setyèm mwa a, pawòl SENYÈ a te vin kote ✨Aggée, pwofèt la e te di: <sup>2</sup> “Pale koulye a a Zorobabel, fis a Schealthiel la, gouvènè a Juda a, a Josué, fis a Jotsadak la, wo prèt la e a ✨retay a pèp la e di: <sup>3</sup> “Se kilès ki rete pami nou ki te wè tanp sa a lontan nan tout glwa li? Se kijan nou wè li koulye a? Èske li pa vin pa sanble anyen nan zye nou? ✨ <sup>4</sup> Men koulye a ✨se pou ou vin dyanm, Zorobabel,’ deklare SENYÈ a: “Se pou ou vin dyanm, ou menm tou, Josué, fis a Jotsadak la, wo prèt

✨ 1:1 Esd 5:1 ✨ 1:1 Né 7:7 ✨ 1:4 Jr 33:10,12 ✨ 1:6 Det 28:38-40 ✨ 1:8 I Wa 6:1 ✨ 1:8 Sòm 132:13,14 ✨ 1:9 És 40:7 ✨ 1:10 Det 28:23,24 ✨ 1:11 Jr 14:2-6 ✨ 1:12 És 1:19 ✨ 1:12 Det 31:12,13 ✨ 1:13 Sòm 46:11 ✨ 1:14 Ag 1:12 ✨ 1:14 Esd 5:2 ✨ 2:1 Ag 1:11 ✨ 2:2 Ag 1:12 ✨ 2:3 Esd 3:12 ✨ 2:4 Det 31:23

la e tout pèp peyi a, se pou nou vin dyanm,' deklare SENYÈ a: 'Epi travay; paske ✧Mwen avèk nou,' deklare SENYÈ dèzame yo. <sup>5</sup> 'Selon ✧pwomès ke M te fè nou an depi lè nou te sòti nan peyi Égypte la, Lespri M ap demere pami nou; pa pè anyen! <sup>6</sup> Paske konsa pale SENYÈ dèzame yo: ✧'Yon fwa ankò ✧nan yon ti tan, Mwen va souke syèl yo, tè a, lanmè a ak tè sèch la. <sup>7</sup> Mwen va souke ✧tout nasyon yo; epi tout ak ✧gwo richès a tout nasyon yo va vini e Mwen va plen kay sa a ak laglwa,' pale SENYÈ dèzame yo. <sup>8</sup> ✧'Ajan se pa M e lò se pa M', deklare SENYÈ dèzame yo. <sup>9</sup> 'Denyè ✧glwa kay sa a va pi gran ke ansyen an,' pale SENYÈ dèzame yo: Epi nan plas sa a, Mwen va bay ✧Lapè', deklare SENYÈ dèzame yo."

<sup>10</sup> Nan ✧venn-kat nan nevyèm mwa a, nan dezyèm ane Darius la, pawòl SENYÈ a te vini a Aggée, pwofèt la e te di: <sup>11</sup> "Konsa pale SENYÈ dèzame yo: 'Kounye a ✧mande prèt yo konsènan Lalwa a e di: <sup>12</sup> Si yon nonm pote ✧vyann sakre vlope nan ke wòb li e avèk ke wòb li, li touche pen, manje kwit, diven, lwil, oswa nenpòt lòt manje, èske sa ki touche pa li menm va vin sakre?' "

Prèt yo te reponn: "Non".

<sup>13</sup> Epi Aggée te di: ✧ "Si yon moun ki pa pwòp akoz yon kadav ta touche nenpòt bagay nan sa yo, èske li p ap pwòp?"

Prèt yo te reponn: "Li va vin pa pwòp."

<sup>14</sup> Epi Aggée te di: ✧ "Se konsa pèp sa a ye. Epi se konsa nasyon sa a ye devan Mwen,' deklare SENYÈ a: "Anplis, se konsa tout zèv men yo ak sa ke yo ofri la yo vin pa pwòp. <sup>15</sup> Alò, koulye a, m ap priye nou ✧byen konsidere sa soti nan jou sa a ale dèyè nèt: avan yon sèl wòch te plase sou yon wòch sou tanp SENYÈ a <sup>16</sup> Depi lè sa a, lè yon moun te rive sou yon pil sereyal ak ven mezi, te gen sèlman dis; epi lè yon moun te rive sou yon bokit diven, pou rale retire senkant mezi, te gen sèlman ven. <sup>17</sup> Tout zèv ki te fèt ak men nou yo, Mwen te frape ak ✧destriksyon, lakanni, ak lagrèl; malgre sa, nou pa t retounen vin jwenn Mwen,' deklare SENYÈ a. <sup>18</sup> ✧Byen konsidere sa, m ap priye nou, soti nan jou sa a ale dèyè nèt, soti nan venn-katriyèm jou nan nevyèm mwa a; depi jou lè tanp SENYÈ a te ✧fonde a, konsidere sa: <sup>19</sup> 'Èske semans lan toujou nan depo a? Menm pye rezen an, pye fig etranje a, pye grenad ak bwa doliv la, pa reyisi pote anyen. Malgre sa, soti nan jou sila a, Mwen va ✧beni nou.

<sup>20</sup> Epi pawòl SENYÈ a te vini yon dezyèm fwa a Aggée nan ✧venn-katriyèm jou nan mwa a e te di: <sup>21</sup> Pale ak Zorobabel, gouvènè a Juda a e di: "Mwen va ✧souke syèl yo ak tè a. <sup>22</sup> Mwen va ✧boulvèse twòn a wayòm yo e detwi ✧pouvwa wayòm a nasyon yo; Epi Mwen va boulvèse cha lagè yo ansanm ak sila k ap kondwi cha yo; cheval yo ak chevalye yo va vin desann, yo tout pa epe a frè yo.' <sup>23</sup> 'Nan jou sa a,' deklare SENYÈ dèzame yo: "Mwen va pran ou, Zorobabel, fis a Schealthiel la, sèvitè Mwen an,' deklare SENYÈ a: 'Epi Mwen va fè ou vin tankou yon ✧ bag so, paske ✧Mwen te chwazi ou,' " deklare SENYÈ dèzame yo.

✧ 2:4 II Sam 5:10   ✧ 2:5 Egz 19:4-6   ✧ 2:6 Eb 12:26   ✧ 2:6 És 10:25   ✧ 2:7 Dan 2:44  
 ✧ 2:7 És 60:4-9   ✧ 2:8 I Kwo 29:14-16   ✧ 2:9 Za 2:5   ✧ 2:9 És 9:6,7   ✧ 2:10 Ag 2:20  
 ✧ 2:11 Det 17:8-11   ✧ 2:12 Egz 29:37   ✧ 2:13 Lev 22:4-6   ✧ 2:14 Pwov 15:8   ✧ 2:15 Ag 1:5,7  
 ✧ 2:17 Det 28:22   ✧ 2:18 Det 32:29   ✧ 2:18 Esd 5:1,2   ✧ 2:19 Sòm 128:1-6   ✧ 2:20 Ag 2:10  
 ✧ 2:21 Ag 2:6   ✧ 2:22 Éz 26:16   ✧ 2:22 Mi 7:16   ✧ 2:23 Kan 8:6   ✧ 2:23 És 42:1

## ZACHARIE

<sup>1</sup> Nan uityèm mwa, dezyèm ane Wa Darius la, pawòl SENYÈ a te vini a ✧Zacharie, pwofèt la, fis a Bérékia, fis a ✧Iddo a e te di: <sup>2</sup> “SENYÈ a te ✧fache anpil anpil avèk zansèt nou yo. <sup>3</sup> Konsa, se pou ou di a yo menm: ‘Konsa pale SENYÈ dèzame yo: ✧“Retounen vin jwenn Mwen,” deklare SENYÈ dèzame yo: “Pou M kapab retounen vin jwenn nou,” pale SENYÈ dèzame yo. <sup>4</sup> Pa fè tankou zansèt nou yo, a sila ansyen pwofèt yo te kriye e te di: ‘Konsa pale SENYÈ dèzame yo: “Retounen koulye a kite chemen mechan ak zak mechan nou yo.”’ Men yo ✧pa t ni koute ni okipe Mwen”, deklare SENYÈ a. ✧<sup>5</sup> ✧Papa zansèt nou yo; ki kote yo ye? Epi ✧pwofèt yo; èske yo viv pou tout tan? <sup>6</sup> Men èske pawòl Mwen yo ak règleman Mwen yo, lòd ke M te bay a sèvitè Mwen yo, pwofèt yo, èske yo pa t depase zansèt nou yo?

Epi yo te repanti e te di: ✧“Jan SENYÈ dèzame yo te gen entansyon fè ak nou selon chemen ak zak nou yo; se konsa Li fin aji avèk nou.’ ” ’ ”

<sup>7</sup> Nan venn-katriyèm jou nan onzyèm mwa a, ki se mwa Schebat a, nan dezyèm ane wa Darius la, pawòl SENYÈ a te rive kote Zacharie, pwofèt la, fis a Bérékia, fis a Iddo a, konsa: <sup>8</sup> Mwen t ap gade pandan nwit lan e vwala, yon nonm te monte sou yon ✧cheval wouj. Li te kanpe pami pye Jasmen ki te nan ravin yo e dèyè li, te gen cheval wouj, cheval alzan ak cheval ✧blan.

<sup>9</sup> Epi mwen te di: “O Senyè mwen an! Se kisa sa yo ye?”

Epi ✧zanj ki t ap pale avèk mwen an te di mwen: “Mwen va montre ou kisa yo ye.”

<sup>10</sup> Epi nonm ki te kanpe pami pye Jasmen yo te reponn e te di: “Sa yo se sila ke SENYÈ a te voye pou fè ✧patwouj sou latè.”

<sup>11</sup> Konsa, yo te reponn zanj SENYÈ ki te kanpe pami pye Jasmen yo e te di: “Nou te fè patwouj sou tè a e gade byen ✧tout tè a kalm e gen lapè.”

<sup>12</sup> Epi zanj SENYÈ a te di: “O SENYÈ dèzame yo, ✧pandan konbyen de tan Ou va refize gen konpasyon pou Jérusalem ak vil a Juda yo; avèk sila Ou te si tèlman pa t kontan pandan ✧swasann-dis ane yo?”

<sup>13</sup> SENYÈ a te reponn zanj ki t ap pale avè m nan ak pawòl ki plen gras, pawòl dous ki ka kalme. ✧<sup>14</sup> Konsa, zanj ki t ap pale avè m nan te di mwen: “Se pou ou kriye e di: ‘Konsa pale SENYÈ dèzame yo: “Mwen ✧jalou depase pou Jérusalem ak Sion. <sup>15</sup> Men Mwen fache anpil anpil ak nasyon ki ✧alèz yo; paske pandan Mwen te fache sèlman yon ti kras, yo te ogmante afliksyon an.” <sup>16</sup> Akoz sa, SENYÈ a di konsa: “Mwen va ✧retounen Jérusalem ak mizerikòd; ✧Kay Mwen an va bati ladann”, deklare SENYÈ dèzame yo; yon lign va vin detire sou Jérusalem.” ’ ”

✧ 1:1 Esd 5:1 ✧ 1:1 Né 12:4,16 ✧ 1:2 II Kwo 36:16 ✧ 1:3 És 31:6 ✧ 1:4 Jr 6:17 ✧ 1:4 És 1:16-19 ✧ 1:5 Lam 5:7 ✧ 1:5 Jn 8:52 ✧ 1:6 Lam 2:17 ✧ 1:8 Za 6:2 ✧ 1:8 Rev 6:2 ✧ 1:9 Za 2:3 ✧ 1:10 Job 1:7 ✧ 1:11 És 14:7 ✧ 1:12 Sòm 74:10 ✧ 1:12 Jr 25:11 ✧ 1:13 És 40:1,2 ✧ 1:14 Za 8:2 ✧ 1:15 Sòm 123:4; Am 1:11 ✧ 1:16 És 54:8-10 ✧ 1:16 Esd 6:14,15



<sup>17</sup> Se pou ou kriye ankò e di: ‘Konsa pale SENYÈ dèzame yo: ✨“Vil Mwen yo va vin debòde ak abondans ankò, SENYÈ a va soulaje Sion e ✨chwazi Jérusalem ankò.” ’ ’ ”

<sup>18</sup> Epi Mwen te leve zye m, mwen te gade e wè kat kòn. <sup>19</sup> Konsa, Mwen te di a zanj ki t ap pale avè m nan: “Kisa sa yo ye?”

Epi li te reponn mwen: “Sa yo se ✨kòn ki te gaye Juda, Israèl, ak Jérusalem yo.” <sup>20</sup> SENYÈ a te montre mwen kat ✨gwo bòs fòjewon. <sup>21</sup> Mwen te di: “Se kisa sa yo ap vin fè?” Epi li te di: “Sa yo se kòn ki te gaye Juda yo pou pèsòn pa t leve tèt yo; men bòs fòjewon sila yo te vini pou teworize yo, pou ✨fonn kòn a nasyon ki te leve kòn yo kont peyi Juda pou pou te gaye li a.”

## 2

<sup>1</sup> Epi Mwen te leve zye m gade e vwala, te gen yon nonm ak yon ✨lign mezi nan men l. <sup>2</sup> Konsa mwen te di: “Ki kote ou prale la a?”

Li te di mwen: “Pou mezire Jérusalem, pou wè ki lajè li genyen ak longè li.” ✨

<sup>3</sup> Epi vwala ✨zanj ki t ap pale avèk mwen an te sòti e yon lòt zanj t ap vin parèt rankontre avè l <sup>4</sup> Epi te di li: “Kouri pale ak jennnonm sa a e di l: ✨Jérusalem va vin plen moun tankou vilaj ki ✨san miray akoz kantite moun ak bèt k ap rete ladann. <sup>5</sup> ‘Paske Mwen menm’, deklare SENYÈ a: ‘Mwen va devni yon ✨Miray dife k ap antoure li e Mwen va vin laglwa nan mitan li.’ ”

<sup>6</sup> “Veye la! ✨Sove ale kite peyi nò a,” deklare SENYÈ a: “paske Mwen te gaye nou tankou kat van syèl yo,” deklare SENYÈ a. <sup>7</sup> Veye la Sion! ✨Kouri chape poul nou, nou k ap vin rete ak fi a Babylone nan.” <sup>8</sup> Paske konsa pale SENYÈ dèzame yo: “Dèyè ✨glwa pa Li a, Li te voye mwen kont nasyon k ap piyaje nou yo, paske sila ki touche ou a, te touche de grenn zye nan a tèt Li. <sup>9</sup> Paske, gade byen, Mwen va ✨souke men M sou yo e yo va vin ✨piyaj pou sila ki te sèvi Mwen yo. Epi konsa, ou va konnen ke se SENYÈ dèzame yo ki te voye Mwen. <sup>10</sup> “Chante ak lajwa e fè kè ou kontan, O fi a Sion an; paske, gade byen, Mwen ap vini e Mwen va ✨demere nan mitan nou,” deklare SENYÈ a. <sup>11</sup> ✨Anpil nasyon va vin jwenn yo ak SENYÈ a nan jou sa a e va devni pèp Mwen. Epi Mwen va demere nan mitan nou e nou va konnen ke se SENYÈ dèzame yo ki te voye Mwen kote nou. <sup>12</sup> SENYÈ a va ✨posede Juda kon pòsyon pa Li nan peyi sen an, e Li va ✨chwazi Jérusalem ankò. <sup>13</sup> ✨Se pou nou fè silans, tout chè, devan SENYÈ a; paske Li vin leve soti nan abitasyon sen Li an.

## 3

<sup>1</sup> Epi li te montre mwen ✨Josué, wo prèt ki te kanpe devan zanj SENYÈ a ak ✨Satan ki te kanpe sou men dwat li pou akize li. <sup>2</sup> SENYÈ a te di a Satan: ✨“Se pou SENYÈ a repwoche ou, Satan! Anverite, SENYÈ ki te chwazi Jérusalem nan va repwoche ou! Èske sa se pa yon bout bwa cho ki retire soti nan dife?”

✨ 1:17 És 44:26 ✨ 1:17 Za 2:12 ✨ 1:19 I Wa 22:11 ✨ 1:20 És 44:12 ✨ 1:21 Sòm 75:10  
 ✨ 2:1 Jr 31:39 ✨ 2:2 Jr 31:39 ✨ 2:3 Za 1:9 ✨ 2:4 Za 1:17 ✨ 2:4 Èz 38:11 ✨ 2:5 És 4:5  
 ✨ 2:6 Jr 3:18 ✨ 2:7 És 48:20 ✨ 2:8 És 60:7-9 ✨ 2:9 És 19:16 ✨ 2:9 És 14:2 ✨ 2:10 Za 2:5  
 ✨ 2:11 Mi 4:2 ✨ 2:12 Det 32:9 ✨ 2:12 II Kwo 6:6 ✨ 2:13 Hab 2:20 ✨ 3:1 Esd 5:2  
 ✨ 3:1 I Kwo 21:1 ✨ 3:2 Am 4:11

<sup>3</sup> Alò, Josué te abiye ak ✨rad sal e te kanpe devan zanj lan. <sup>4</sup> Li te pale e te di a sila ki te kanpe devan l yo: ✨“Retire rad sal yo sou li, “Gade byen, Mwen te ✨retire inikite sou ou e Mwen va abiye ou ak vètman pou ale nan fèt.”

<sup>5</sup> Epi mwen te di: “Kite yo mete yon ✨tiban pwòp sou tèt li.”

Konsa, yo te mete yon tiban pwòp sou tèt li e yo te abiye li ak vètman an, pandan zanj SENYÈ a te kanpe sou kote.

<sup>6</sup> Epi zanj SENYÈ a te avèti Josué e te di: <sup>7</sup> Konsa pale SENYÈ dèzame yo: ‘Si ou va ✨mache nan chemen Mwen yo, si ou va fè sèvis Mwen; alò, ou va osi gouvène lakay Mwen an, ou va osi gadyen tanp Mwen an e ou va gen lib aksè pami tout sila ki kanpe la yo. <sup>8</sup> Alò koute, Josué, wo prèt la, ou menm ak zanmi ki chita devan ou yo——anverite, yo se moun ki va sèvi kon sign; paske gade byen, Mwen va fè antre sèvitè Mwen an ✨Scion an. <sup>9</sup> Paske gade byen, wòch ke Mwen te mete devan Josué a; sou yon sèl wòch, gen sèt zye. Gade byen, Mwen va grave yon ekriti sou li, ‘deklare SENYÈ dèzame yo; ‘Epi Mwen va ✨retire inikite a peyi sa a nan yon sèl jou. <sup>10</sup> ‘Nan jou sa a,’ deklare SENYÈ dèzame yo: ‘chak moun va envite vwazen li pou vin chita anba ✨pye rezen an ak anba pye fig pa li.’ ”

## 4

<sup>1</sup> Epi ✨zanj ki t ap pale avè m nan te retounen e te ✨Leve m tankou yon nonm ke yo te leve soti nan dòmi. <sup>2</sup> Li te di m: “Kisa ou wè?”

Epi mwen te di: “Mwen te wè e vwala, yon chandelye ki fèt nèt an lò avèk bòl li sou tèt li ak sèt lanp li yo; gen sèt bobèch pou chak lanp ki te sou li yo; ✨<sup>3</sup> Anplis, te gen ✨de bwa doliv yo sou kote li, youn sou kote dwat bòl la e lòt la sou kote goch la.

<sup>4</sup> Epi mwen te di a zanj ki t ap pale avè m nan e te di: “Kisa sa yo ye ✨mèt mwen?”

<sup>5</sup> Konsa, zanj ki t ap pale avè m nan te reponn e te di m: “Èske ou pa konnen kisa sa yo ye?”

Epi mwen te di: “Non, mèt mwen.” ✨

<sup>6</sup> Epi li te di m: “Sa se pawòl SENYÈ a Zorobabel la ki di: ✨‘Se pa pa lafòs, ni pa pwisans, men pa ✨Lespri Mwen, pale SENYÈ dèzame yo. <sup>7</sup> ‘Se kilès ou ye, O gran montay la? Devan Zorobabel, ou va vin tounen plèn; epi li va fè vin parèt wòch prensipal la ak gwo kri k ap di: “Gras, gras pou li!” ’ ”

<sup>8</sup> Anplis, pawòl SENYÈ a te vin kote mwen e te di: <sup>9</sup> “Men a Zorobabel te poze fondasyon kay sa a e men li va fin fè l. Epi ou va konnen ke se SENYÈ dèzame yo ki te voye mwen kote ou. <sup>10</sup> Paske se kilès ki te meprize jou a ti bagay yo? Men sèt sila yo va rejwi lè yo wè nivo a nan men Zorobabel——sa yo se ✨zye a SENYÈ a k ap ✨veye toupatou sou tout tè a.”

<sup>11</sup> Mwen te di li: “Se kisa ✨de bwa doliv sila yo ki sou kote dwat ak sou kote goch a chandelye yo ye?”

<sup>12</sup> Mwen te reponn yon dezyèm fwa e te di li: “Se kisa de branch doliv sila yo ki sou kote de tiyo an lò k ap vide lwil an lò k ap soti nan yo a?”

✨ 3:3 Esd 9:15 ✨ 3:4 És 43:25 ✨ 3:4 Mi 7:18,19 ✨ 3:5 Job 29:14 ✨ 3:7 I Wa 3:14 ✨ 3:8 És 11:1 ✨ 3:9 Jr 31:34 ✨ 3:10 I Wa 4:25 ✨ 4:1 Za 1:9 ✨ 4:1 I Wa 19:5-7 ✨ 4:2 Egz 25:31,37; Rev 4:5 ✨ 4:3 Za 4:11 ✨ 4:4 Za 1:9 ✨ 4:5 Za 1:9 ✨ 4:6 És 11:2-4 ✨ 4:6 II Kwo 32:7-8 ✨ 4:10 II Kwo 16:9 ✨ 4:10 Za 1:10 ✨ 4:11 Za 4:3

<sup>13</sup> Li te reponn mwen e te di: “Èske ou pa konnen kisa yo ye?” Mwen te di: “Non mèt mwen.” <sup>14</sup> Li te di: “Sa yo se de ☆onksyone yo ki kanpe akote Mèt a tout tè a.”

## 5

<sup>1</sup> Answit, mwen te leve zye m ankò, mwen te gade e mwen te wè, yon woulo ki t ap vole anlè. ☆ <sup>2</sup> Epi li te di mwen: ☆“Kisa ou wè la a?”

Mwen te reponn: “Mwen wè yon woulo k ap vole anlè; longè li se ven koude e lajè li se dis koude.”

<sup>3</sup> Li te di mwen: “Sa se malediksyon k ap vin parèt sou fas a tout tè a; anverite, tout moun ki ☆vòlè va vin koupe retire selon nan yon bò selon li; epi tout moun ki ☆fè fo sèman va vin koupe retire nan lòt bò a selon li.

<sup>4</sup> “Mwen va fè li vin parèt”, deklare SENYÈ dèzame yo: “Epi li va ☆antre lakay a vòlè a ak lakay a sila ki fè fo sèman non Mwen an; epi li va rete nèt nan mitan kay li a, li va ☆manje l nèt ansanm ak bwa travès ak tout wòch yo.”

<sup>5</sup> Epi ☆zanj ki t ap pale avè m nan te sòti deyò e te di mwen: “Koulye a leve zye ou pou wè sa k ap vin parèt la.”

<sup>6</sup> Mwen te di: “Kisa li ye?”

Li te di: “Sa se panyen an k ap vin parèt la.” Li te di ankò: “Sa se inikite ki nan tout peyi a.☆ <sup>7</sup> (Epi vwala, yon kouvèti an plon te vin leve); epi sa se yon fanm ki chita nan mitan panyen an”.☆ <sup>8</sup> Epi li te di: “Sa se ☆Mechanste!” Epi li te pouse li antre nan panyen an e li te voye mas plon an sou ouvèti a.

<sup>9</sup> Mwen te leve zye m, mwen te gade e mwen te wè, te gen de fanm ki t ap sòti parèt ak van nan zèl yo; epi yo te gen zèl tankou zèl a ☆sigòy; epi yo te leve panyen an antre tè a ak syèl la. <sup>10</sup> Mwen te di a zanj ki t ap pale avè m nan: “Se ki kote yo prale ak panyen an la a?”

<sup>11</sup> Li te di mwen: “Pou bati yon tanp pou li nan peyi Schinear; epi lè l fin prepare, li va pozisyone la sou pwòp baz li.”

## 6

<sup>1</sup> Alò, mwen te leve zye m ankò pou m te gade e vwala ☆te gen kat cha ki t ap soti antre de mòn; epi mòn yo se te mòn ki fèt an bwonz. <sup>2</sup> Nan premye cha a, te gen ☆cheval wouj; epi ak dezyèm cha a, cheval nwa; <sup>3</sup> Nan twazyèm cha a ☆cheval blan; epi nan katyèm cha a, cheval takte wouj ki dyanm. <sup>4</sup> Epi mwen te pale e te di a zanj ki t ap pale avè m nan: ☆“Kisa sa yo ye, mèt mwen?”

<sup>5</sup> Zanj lan te reponn mwen e te di: “Sa yo se ☆kat lespri a syèl yo k ap prale soti devan Senyè a tout tè a. <sup>6</sup> Cha kote cheval nwa yo ye a ap prale nan ☆peyi nò a; epi blan yo prale dèyè yo, pandan takte yo ap prale nan ☆peyi sid la. <sup>7</sup> Epi cheval ki dyanm yo te ale, yo te anvi sòti fè ☆patwouj sou latè.

<sup>8</sup> Answit, li te kriye fò a mwen menm e te pale pou te di m: “Gade byen, yo se sila k ap prale vè peyi nò a e yo te ☆apeze chalè kòlè Mwen nan peyi nò a.”

☆ 4:14 Egz 29:7 ☆ 5:1 Jr 36:2 ☆ 5:2 Za 4:2 ☆ 5:3 Egz 20:15 ☆ 5:3 Lev 19:12 ☆ 5:4 Os 4:2,3 ☆ 5:4 Lev 14:34,35 ☆ 5:5 Za 1:9 ☆ 5:6 Lev 19:36 ☆ 5:7 Os 12:7 ☆ 5:8 Os 12:7 ☆ 5:9 Lev 11:13 ☆ 6:1 Dan 7:3 ☆ 6:2 Za 1:8 ☆ 6:3 Rev 6:2 ☆ 6:4 Za 1:9 ☆ 6:5 Jr 49:36 ☆ 6:6 Jr 1:14,15 ☆ 6:6 És 43:6 ☆ 6:7 Za 1:10 ☆ 6:8 Éz 5:13

9 Anplis, pawòl SENYÈ a te vin kote mwen e te di: ✨ 10 ✨“Pran yon ofrann soti nan egzile yo, soti nan Heldai, Tobija, ak Jedaeja; epi ale nan menm jou a e antre lakay Josias, fis a Sophonie an, kote yo soti Babylone nan. 11 Pran ajan ak lò; fè yon ✨kouwòn byen bèl e mete li sou tèt a Josué, fis a Jotsadak la, wo prèt la. 12 Epi di a li menm: ‘Konsa pale SENYÈ dèzame yo: “Gade byen, nonm ki gen non ki rele ✨Scion an; Li va grandi soti kote Li ye a e Li va bati tanp SENYÈ a. 13 Wi, se Li menm ki va bati tanp SENYÈ a e Li ki va ✨pote laglwa, e Li va chita pou gouvènè sou twòn Li an. Konsa, Li va yon ✨prèt ki chita sou twòn Li e konseye lapè a va antre de fonksyon sa yo. 14 Alò ✨kouwòn nan va devni yon souvni nan tanp SENYÈ a pou Hélem, Tobija, Jedaeja, Hen, fis a Sophonie an.

15 ✨Epi sila ki lwen yo va vin bati tanp SENYÈ a; konsa ou va konnen ke se SENYÈ dèzame yo ki te voye mwen vè nou. Sa va vin rive si nou obeye nèt SENYÈ a, Bondye nou an.

## 7

1 Nan katriyèm ane wa Darius la, pawòl SENYÈ a te vini a Zacharie, nan katriyèm jou nevyèm mwa a, ki se Kisleu. ✨ 2 Alò, vil Béthel te voye Scharetser, Réguem-Mélèc avèk moun pa yo pou ✨chache favè SENYÈ a. 3 Li te pale ak prèt ki apatyan a lakay SENYÈ dèzame yo, a pwofèt yo e di: “Èske mwen ta kriye nan senkyèm mwa a e sispannn, menm jan mwen te fè l pandan anpil anpil lane yo?” ✨

4 Epi pawòl SENYÈ a te vin kote mwen e te di: 5 Di a tout pèp peyi a e a prèt yo: “Lè nou te fè jèn ak lamantasyon nan senkyèm jou nan setyèm mwa yo, pandan ✨swasann-dis ane sila yo, èske se te vrèman pou ✨Mwen ke nou te fè jèn nan? 6 Lè nou manje ak bwè, èske nou pa manje pou pwòp tèt nou e èske nou pa bwè pou pwòp tèt nou? 7 Èske se pa pawòl sila yo ke SENYÈ a te pwoklame pa ansyen pwofèt yo, lè Jérusalem te gen anpil moun e t ap ✨pwospere ansanm ak vil ki te antoure li yo e lè Negev ak ti kolin yo te gen moun ki t ap viv ladan yo?”

8 Epi pawòl SENYÈ a te vin kote Zacharie e te di: 9 Konsa pale SENYÈ dèzame yo: ✨“Ekzekite vrè jijman e praktike ✨Ladousè ak konpasyon, chak moun anvè frè li. 10 ✨Pa oprime ni vèv, ni òfelen, ni etranje, ni malere; epi ✨ pa kite pèsòn nan nou panse mal nan kè li, nou youn kont lòt.’ 11 Men yo te ✨refize koute sa e, yo te leve zepòl yo e te bouche zòrèy yo pou yo pa tande. 12 Yo te fè ✨kè yo di tankou ✨silèks pou yo pa tande lalwa ak zèv ke SENYÈ dèzame yo te voye pa Lespri Li pa ansyen pwofèt yo. Akoz sa, chalè a gwo kòlè a te sòti nan SENYÈ dèzame yo. 13 Epi menm jan Li te rele e yo pa t koute a; konsa ✨yo va rele e Mwen p ap koute, pale SENYÈ dèzame yo. 14 Men Mwen va ✨gaye yo ak yon van tanpèt pami tout nasyon ke yo pa t konnen yo. Konsa, peyi a te vin dezole dèyè yo pou ✨pèsòn moun pa t fè ale vini ladann, paske yo te fè bèl peyi a vin dezole nèt.”

✨ 6:9 Za 1:1 ✨ 6:10 Esd 7:14-16 ✨ 6:11 II Sam 12:30 ✨ 6:12 És 4:2 ✨ 6:13 És 9:6  
 ✨ 6:13 Sòm 110:1,4 ✨ 6:14 Za 6:11 ✨ 6:15 És 56:6-8 ✨ 7:1 Né 1:1 ✨ 7:2 I Wa 13:6  
 ✨ 7:3 Esd 3:10-12; Za 8:19 ✨ 7:5 Za 1:12 ✨ 7:5 És 1:11,12 ✨ 7:7 Jr 22:21; Jr 13:19 ✨ 7:9  
 És 18:8 ✨ 7:9 II Sam 9:7 ✨ 7:10 Egz 22:22 ✨ 7:10 Sòm 21:11 ✨ 7:11 Jr 5:3 ✨ 7:12 II  
 Kwo 36:13 ✨ 7:12 Jr 17:1 ✨ 7:13 Pwov 1:24-28 ✨ 7:14 Det 4:27 ✨ 7:14 És 60:15

## 8

<sup>1</sup> epi pawòl SENYÈ dèzame yo te vini e te di: <sup>2</sup> Konsa pale SENYÈ dèzame yo: “Mwen ✨jalou anpil pou Sion; wi, ak gwo kòlè, Mwen jalou pou li.”

<sup>3</sup> Konsa pale SENYÈ a: “Mwen va retounen Sion e Mwen va ✨demere nan mitan Jérusalem. Epi Jérusalem va rele Vil Verite a e mòn a SENYÈ dèzame yo va rele Mòn Sen an.”

<sup>4</sup> Konsa pale SENYÈ dèzame yo: ✨“Va gen ni granmoun gason, ni granmoun fanm nan ri a Jérusalem yo, chak gason ak baton nan men l akoz anpil laj li. <sup>5</sup> Epi ri vil yo va vin ranpli ak ✨jenn gason e jenn fi k ap jwe nan ri yo tou.”

<sup>6</sup> “Konsa pale SENYÈ dèzame yo: ‘Si sa parèt twò difisil nan zye a retay pèp sila a nan jou sa yo, èske sa va parèt ✨twò difisil tou nan zye pa m?’ deklare SENYÈ dèzame yo.

<sup>7</sup> Konsa pale SENYÈ dèzame yo: ‘Gade byen, Mwen va sove pèp Mwen soti nan peyi ✨lès la e soti nan peyi lwès la; <sup>8</sup> Epi Mwen va ✨mennen yo vin rete nan mitan Jérusalem; epi yo va ✨pèp Mwen e Mwen va Bondye yo nan laverite ak ladwati.’

<sup>9</sup> Konsa pale SENYÈ dèzame yo: ‘Kite men nou vin dyanm (nou menm k ap koute nan jou sa yo pawòl sa yo ki soti nan bouch a ✨pwofèt ki te pale nan jou ke fondasyon kay SENYÈ dèzame yo te poze a), menm tanp lan, pou li te kapab vin bati. <sup>10</sup> Paske avan jou sa yo, pa t gen salè pou moun, pa t gen salè bèt; pa t gen lapè nonplis pou sila ki t ap antre oswa ki t ap soti, ✨ akoz lènmi li yo. E Mwen ✨te mete tout moun kont pwochen yo. <sup>11</sup> Men koulye a, Mwen ✨p ap aji ak retay pèp sa a tankou nan tan ansyen yo,’ deklare SENYÈ dèzame yo. <sup>12</sup> Paske va gen semans ✨Lapè; pye rezen an va bay fwi li, peyi a va fè pwodiksyon pa l e syèl yo va bay lawoze yo. Epi Mwen va fè retay a pèp sa a vin eritye ✨tout bagay sa yo. <sup>13</sup> Li va vin rive ke menm jan nou te yon ✨madichon pami nasyon yo, O lakay Juda; konsa Mwen va sove nou, pou nou kapab devni yon ✨benediksyon. Pa pè; men kite men nou rete dyanm.’

<sup>14</sup> Paske konsa pale SENYÈ dèzame yo: “Menm jan ke Mwen te ✨gen entansyon fè nou mal lè papa zansèt nou yo te pwovoke Mwen a lakòlè a,’ pale SENYÈ dèzame yo, ‘epi Mwen pa ✨t ap repanti, <sup>15</sup> Konsa ankò, Mwen te pran desizyon nan jou sila yo pou ✨fè byen pou Jérusalem ak lakay Juda. Pa pè! <sup>16</sup> Sa yo se bagay ke nou va fè yo: pale ✨verite a youn lòt; ✨egzekite jijman pou laverite ak lapè nan pòtay nou yo. <sup>17</sup> Anplis, ke pèsòn nan nou pa fè plan mal nan kè li kont pwochen li, ni pa renmen fo sèman nan jijman; paske tout sa yo se bagay ke M rayi,’ deklare SENYÈ a.” ✨

<sup>18</sup> Epi pawòl SENYÈ dèzame yo te vin kote mwen e te di: <sup>19</sup> Konsa pale SENYÈ dèzame yo: ‘Jèn nan katriyèm mwa a, jèn nan ✨senkyèm mwa a, jèn nan setyèm mwa a e jèn nan dizyèm mwa yo va devni pou lakay Juda gwo lajwa, kè kontan ak gwo fèt rejwisans; Donk ✨Lanmou, laverite ak lapè.’

<sup>20</sup> Konsa pale SENYÈ dèzame yo: ‘Li va toujou rive ke ✨pèp nasyon yo

✨ 8:2 Za 1:14 ✨ 8:3 Za 2:10,11 ✨ 8:4 És 65:20 ✨ 8:5 Jr 30:19,20 ✨ 8:6 Jr 32:17,27  
 ✨ 8:7 Sòm 107:3 ✨ 8:8 So 3:20 ✨ 8:8 Éz 11:20 ✨ 8:9 Esd 5:1 ✨ 8:10 II Kwo 15:5  
 ✨ 8:10 És 19:2 ✨ 8:11 Sòm 103:9 ✨ 8:12 Lev 26:3-6 ✨ 8:12 És 61:7 ✨ 8:13 Jr 29:18  
 ✨ 8:13 Sòm 72:17 ✨ 8:14 Jr 31:28 ✨ 8:14 Jr 4:28 ✨ 8:15 Jr 29:11 ✨ 8:16 Sòm 15:2  
 ✨ 8:16 És 9:7 ✨ 8:17 Pwov 3:29; Za 5:4 ✨ 8:19 Za 7:3,5 ✨ 8:19 Luc 1:74,75 ✨ 8:20 Sòm 117:1

va vini, pèp a anpil vil. <sup>21</sup> Pèp k ap viv nan yon nasyon va ale nan yon lòt e va di: “Annou ale vit ✧chache favè SENYÈ a e chache SENYÈ dèzame yo; mwen menm tou, mwen prale.” <sup>22</sup> Konsa ✧anpil pèp ak nasyon pwisan va vin chache SENYÈ dèzame yo nan Jérusalem e pou ✧mande favè SENYÈ a.’ <sup>23</sup> Konsa pale SENYÈ dèzame yo: ‘Nan jou sila yo, dis mesye ki nan tout nasyon yo va ✧kenbe vètman an sila ki Jwif la e va di: “Na p ale avèk ou, paske nou tandè ke Bondye avèk ou.”’

## 9

### 1 Revelasyon.

SENYÈ a kont peyi a Hadrac la ak ✧Damas  
kon plas repo li

paske zye a lòm se vè SENYÈ a,  
sitou tout tribi Israèl yo,

<sup>2</sup> Epi osi vè ✧Hamath, ki nan lizyè li a;  
✧Tyr ak Sidon paske yo saj anpil.

<sup>3</sup> Paske Tyr te bati pou kont li yon ✧fò;  
li te fè depo ajan tankou pousyè  
ak depo ✧lò tankou labou nan lari.

<sup>4</sup> Gade byen, SENYÈ a va ✧rache tout sa  
li posede,  
e jete tout richès li yo nan lanmè;  
li va devore nèt ak dife a.

<sup>5</sup> Askalon va wè l e vin pè.  
Anplis, gaza va tòde ak gwo doulè;  
epi Ékron, pou sa li te te atann va vin wont.  
Anplis ke sa, wa a va peri Gaza e Askalon  
va vin pa gen moun.

<sup>6</sup> Epi yon ras mele va vin rete ✧Asdod  
e Mwen va rache ògèy a Filisten yo.

<sup>7</sup> Epi Mwen va retire san soti nan bouch yo ak  
abominasyon soti nan mitan dan yo.  
Konsa, yo va devni osi yon retay  
pou Bondye nou an.

Yo va tankou yon chèf pou Juda e  
Ékron va tankou Jebizyen yo.

<sup>8</sup> Epi Mwen va kanpe antoure kay Mwen an  
kont lame a,  
pou pèsòn moun pa travèse oswa retounen;  
epi p ap gen moun k ap travèse pou oprime  
yo ankò;  
paske koulye a, ak zye pa m, Mwen wè.✧

<sup>9</sup> Rejwi anpil, O fi a Sion an!  
kriye yon son vikwa, O fi a Sion an!  
Gade byen ✧wa ou ap vini kote ou;

✧ 8:21 Za 7:2 ✧ 8:22 És 2:2,3 ✧ 8:22 Za 8:21 ✧ 8:23 És 45:14-24 ✧ 9:1 És 17:1 ✧ 9:2 Jr 49:23 ✧ 9:2 És 28:2-5,12 ✧ 9:3 Jos 19:29 ✧ 9:3 I Wa 10:21,27 ✧ 9:4 És 26:3-5; És 28:18 ✧ 9:6 Am 1:8 ✧ 9:8 És 54:14 ✧ 9:9 Sòm 110:1

Li ✨jis e Li gen Sali;  
 Li enb e Li monte sou yon bourik,  
 menm yon jenn pòtre, pitit a yon bourik.  
 10 Mwen va koupe retire cha Éphraïm nan,  
 ansanm ak cheval Jérusalem nan;  
 banza lagè a va vin koupe retire.  
 Li va pale ✨Lapè a nasyon yo.  
 Wayòm Li an va soti nan lanmè jis rive nan lanmè,  
 e nan Rivyè Euphrate la pou jis rive nan dènye  
 pwent tè a.

11 Menmjan an pou ou menm tou,  
 akoz ✨san akò Mwen an ki avèk ou,  
 mwen te mete prizonye ou yo an libète  
 soti nan twou fòs ki pa gen dlo a.  
 12 Retounen nan ✨sitàdèl la, O prizonye  
 ki gen lespwa la;  
 Nan jou sa a menm, Mwen deklare ke Mwen  
 va ✨remèt ou doub de sa.  
 13 Paske Mwen te ✨koube Juda  
 konsi se te banza Mwen;  
 mwen te plen banza a avèk Éphraïm.  
 Epi Mwen va fè leve fis ou yo, O Sion,  
 kont fis ou yo, O Grèce,  
 e Mwen va fè ou vin tankou ✨nepe  
 a yon gèrye.

14 Epi SENYÈ a va vin parèt ✨sou yo e  
 flèch Li va pati tankou kout loray.  
 Senyè BONDYE a va sone twonpèt la e  
 Li va mache nan van tanpèt sid yo.  
 15 ✨SENYÈ dèzame yo va defann yo.  
 Yo va ✨devore e yo va foule anba pye  
 tout wòch fistibal yo;  
 Yo va bwè e fè bwi tankou se diven y ap bwè;  
 epi yo va vin ranpli tankou basen sakrifis,  
 tankou kwen lotèl yo.

16 Konsa SENYÈ a, Bondye yo a, va ✨sove yo  
 nan jou sa a, tankou fowl moun a pèp Li a;  
 paske yo tankou wòch presye,  
 k ap klere toupato nan tout peyi Li a.  
 17 Paske a la gran bonte Li va gran,  
 e a la gran bèlte Li va gran!  
 Sereyal la va fè jenn mesye yo pwospere e  
 diven nèf pou vyèj yo. ✨

✨ 9:9 So 3:5 ✨ 9:10 És 57:19; Sòm 72:8 ✨ 9:11 Egz 24:8 ✨ 9:12 Jr 16:19 ✨ 9:12 És 61:7  
 ✨ 9:13 Jr 51:20 ✨ 9:13 Sòm 45:3 ✨ 9:14 És 31:5; Sòm 18:14 ✨ 9:15 És 37:35 ✨ 9:15 Za  
 12:6 ✨ 9:16 Jr 31:10,11 ✨ 9:17 Jr 31:12,14; Sòm 27:4

**10**

1 Mande pou ✧Lapli ki sòti nan SENYÈ a nan epòk prentan

Se SENYÈ a ki ✧fè nwaj tanpèt yo; epi se Li ki bay lapli lèjè a tout pou jaden plant yo.

2 Paske ✧zidòl lakay yo pale inikite; ✧divinò yo k ap fè vizyon ki pa vre, ke yo repete kòn fo rèv. yo bay rekonfò an ven.

Konsa, pèp la mache egare tankou mouton; yo aflije akòz yo pa gen bèje.

3 Kòlè ✧Mwen limen kont bèje yo e mwen va pini mal kabrit yo; paske SENYÈ dèzame yo te ✧vizite bann mouton li an lakay Juda e Li va fè yo vin tankou cheval majeste Li nan batay la.

4 De li menm, va vin parèt ✧wòch ang lan; de li menm, pikèt tant lan; de li menm, banza batay la, de li menm, tout wa yo ansanm.

5 Yo va tankou mesye pwisan yo, k ap ✧foule lènmi yo anba pye yo nan labou lari a nan batay la.

Yo va goumen, paske SENYÈ a va avèk yo; epi sila ki monte sou cheval yo va anbwouye.

6 Mwen va ranfòse lakay Juda a, Mwen va sove lakay Joseph la e mwen va ✧fè yo retounen; paske Mwen te gen ✧konpasyon pou yo; epi yo va vin konsi Mwen pa t janm rejte yo, paske Mwen se SENYÈ a, Bondye yo a e mwen va reponn yo.

7 Éphraïm va vin tankou yon gwo nonm pwisan e kè yo va kontan konsi se ak diven. Anverite, pitit yo va wè sa e yo va kontan, kè yo va rejwi nan SENYÈ a.✧

8 Mwen va soufle pou yo pou yo kab vin rasanble yo, paske Mwen te rachte yo, epi yo va vin ✧anpil ✧jan yo te ye oparavan an.

9 Lè Mwen gaye yo pami lòt pèp yo, yo va ✧sonje Mwen nan peyi lwèn yo.

✧ 10:1 Jl 2:23 ✧ 10:1 Jr 10:13 ✧ 10:2 Éz 21:21 ✧ 10:2 Jr 27:9 ✧ 10:3 Jr 25:34-36 ✧ 10:3 Éz 34:12 ✧ 10:4 Luc 20:17 ✧ 10:5 II Sam 22:43 ✧ 10:6 Za 8:8 ✧ 10:6 Éz 54:8 ✧ 10:7 Éz 54:13 ✧ 10:8 Jr 33:22 ✧ 10:8 Éz 36:11 ✧ 10:9 I Wa 8:47,48



Yo va viv ak pitit yo e yo  
va retounen.

<sup>10</sup> Mwen va mennen yo retounen

soti nan peyi Égypte la  
e rasanble yo soti Assyrie;

Mwen va mennen yo antre nan peyi

✧Galaad ak Liban jiskaske

✧pa gen espas pou yo.

<sup>11</sup> Li va pase nan ✧Lanmè aflikasyon an,

e Li va frape lanm lanmè yo,

jiskaske tout pwofondè ✧ Rivyè Nil lan vin sèch.

Epi ògèy Assyrie va vin bese e

baton Égypte la va sòti.

<sup>12</sup> Mwen va ranfòse yo nan SENYÈ a.

Nan non pa Li, yo va mache monte desann.”

deklare SENYÈ a.✧

## 11

<sup>1</sup> Ouvri pòt ou yo, O Liban, pou ✧dife ka devore

✧bwa sèd ou yo.

<sup>2</sup> Rele anmwey, O pye sapen an,

paske bwa sèd la fin tonbe.

akoz bèl ab plen ak glwa yo fin detwi.

Rele anmwey, O bwadchenn a Basan yo,

paske forè ke yo pa t ka travèse a fin tonbe.

<sup>3</sup> Men yon vwa kriye lamantasyon a bèje yo

✧ paske glwa pa yo fin detwi;

yon vwa gwonde a jenn lyon yo,

paske ògèy Jourdain nan fin kraze nèt.

<sup>4</sup> Konsa pale SENYÈ a, Bondye mwen an: “Nouri bann mouton an pou yo ✧kòche. <sup>5</sup> Sila ki achte yo, va kòche yo e rete san koupabilite; epi sila ki

vann yo va di: ‘Beni se SENYÈ a, paske mwen vin rich!’ Epi pwòp bèje pa yo pa menm gen pitye pou yo.✧ <sup>6</sup> “Paske Mwen ✧p ap fè pitye ankò pou pèp

peyi a,” deklare SENYÈ a; “men gade byen, Mwen va delivre tout mesye yo, yo tout anba a pwochen yo e anba pouvwa a wa li a; epi yo p ap frape peyi a e Mwen ✧p ap delivre yo anba pouvwa yo.

<sup>7</sup> Konsa, mwen te nourri bann mouton pou kòche a; anverite, aflije nan bann mouton yo. Epi mwen te pran pou mwen de baton: youn mwen te

rele ✧Gras e lòt la, mwen te rele li ✧Tèt Ansanm; konsa, mwen te nourri bann mouton an. <sup>8</sup> Epi mwen te izole twa bèje sila yo nan ✧yon mwa,

paske nanm mwen te pèdi pasyans avèk yo e nanm pa yo te fatigue avè m tou. <sup>9</sup> Epi mwen te di: “Mwen p ap nourri nou. Sa ki fèt pou ✧mouri, kite l

mouri e sa ki fèt, kite li detwi nèt. Epi kite sila ki rete yo manje chè youn lòt.” <sup>10</sup> Mwen te pran baton Gras la e mwen te koupe li an twa mòso pou

m te kab ✧kraze akò ke m te fè ak tout pèp la. <sup>11</sup> Konsa, li te kraze nan jou sa a; epi konsa, aflije nan bann mouton yo ki t ap gade mwen an, te vin konprann ke se te pawòl SENYÈ a.✧ <sup>12</sup> Mwen te di yo: “Si sa bon nan zye

✧ 10:10 Jr 50:19 ✧ 10:10 És 49:19,20 ✧ 10:11 És 51:9,10 ✧ 10:11 És 19:5-7 ✧ 10:12 Mi 4:5 ✧ 11:1 Jr 22:6,7 ✧ 11:1 Éz 31:3 ✧ 11:3 Jr 25:34-36 ✧ 11:4 Sòm 44:22 ✧ 11:5 Os 12:8; Éz 34:2,3 ✧ 11:6 Jr 13:14 ✧ 11:6 Sòm 50:22 ✧ 11:7 Sòm 27:4 ✧ 11:7 Sòm 133:1 ✧ 11:8 Os 5:7 ✧ 11:9 Jr 15:2 ✧ 11:10 Sòm 89:39 ✧ 11:11 So 3:12

nou, peye m salè mwen an; men si se pa sa, pa okipe w.” Konsa, yo te peze trant sik ajan kòm salè mwen an. <sup>13</sup> Epi SENYÈ a te di mwen: “Jete sa vè <sup>✧</sup>bòs potye a, pri manyifik ki te estime pa yo menm nan”. Konsa, mwen te pran trant sik ajan e mwen te jete yo vè bòs potye a, lakay SENYÈ a. <sup>14</sup> Epi mwen te koupe an mòso dezyèm baton ki rele Tèt Ansanm nan, pou <sup>✧</sup>kraze fratènite ki te egziste antre Juda ak Israèl la.

<sup>15</sup> SENYÈ a te di mwen: “Pran ankò pou ou menm, enstriman a yon bèje ki <sup>✧</sup>san konprann. <sup>16</sup> Paske, gade byen, Mwen ap fè leve yon bèje nan peyi a, yon bèje ki <sup>✧</sup>p ap vizite sila ke yo koupe retire yo, ni chache sila ke yo gaye yo, ni geri sila ki aflije a, ni nourri sila ki ansante a; men li va devore chè a mouton gra yo e li va menm chire retire zago yo. <sup>17</sup> <sup>✧</sup>Malè a bèje san valè ki abandone bann mouton an! nepe va sou bra li ak sou zye dwat li! Bra li va vin seche nèt e zye dwat la va vin avèg.”

## 12

<sup>1</sup> Fado pawòl SENYÈ a konsènan Israèl la. Konsa pale SENYÈ ki etann syèl yo a, ki poze fondasyon latè yo e ki <sup>✧</sup>kreye lespri a lòm nan anndan l lan. <sup>2</sup> “Gade byen, Mwen ap fè Jérusalem vin yon tas ki va fè tout pèp ki antoure l yo vin toudi; epi lè syèj la vin kont Jérusalem nan, li va vin osi, kont <sup>✧</sup>Juda. <sup>3</sup> “Li va vin rive nan jou sa a, ke Mwen va fè Jérusalem vin yon <sup>✧</sup>wòch ki lou pou tout pèp yo. Tout ki vin leve l va vin blese grav. Epi tout nasyon latè yo va rasanble ansanm kont li. <sup>4</sup> “Nan jou sa a,” deklare SENYÈ a: “Mwen va frape tout cheval yo pou l dezoyante e chevallye yo avèk foli. Men Mwen va ouvri zye Mwen sou lakay Juda, pandan Mwen ap frape tout cheval a pèp nasyon yo pou yo vin avèg. <sup>5</sup> Epi tout chèf a Juda yo va di nan kè yo: ‘Moun ki rete Jérusaelm yo se fòs mwen nan SENYÈ dèzame yo, Bondye pa yo a.’

<sup>6</sup> Nan jou sa a, Mwen va fè chèf Juda yo vin tankou yon gwo boukan dife pami mòso bwa yo ak yon tòch k ap fè flanm dife pami pakèt sereyal yo; epi yo va devore tout pèp ki ozanviwon yo, ni sou men dwat yo ni sou men goch yo pandan <sup>✧</sup>sila ki rete Jérusalem yo va toujou demere nan pwòp lye pa yo Jérusaelm.

<sup>7</sup> SENYÈ a va osi <sup>✧</sup>sove anpremye tant a Juda yo, pou glwa kay David la e glwa a sila ki viv rete Jérusalem p ap depase Juda. <sup>8</sup> Nan jou sa a, SENYÈ a va <sup>✧</sup>defann moun Jérusalem yo, sila ki fèb pami yo nan jou sa a va tankou David e kay David la va tankou Bondye, tankou <sup>✧</sup>zanj SENYÈ a devan yo. <sup>9</sup> Epi nan jou sa a, Mwen va <sup>✧</sup>kòmanse detwi tout nasyon ki vini kont Jérusalem yo.

<sup>10</sup> Epi Mwen va <sup>✧</sup>vide sou kay David la ak sou moun Jérusalem yo, Lespri a gras ak Lespri lapriyè pou mande mizerikòd; epi yo va gade vè Mwen menm Sila ke yo te <sup>✧</sup>pèse a; epi yo va soufri gwo doulè pou Li, tankou yon moun k ap fè dèy pou yon sèl fis li genyen e yo va kriye anpil anpil sou Li jan yon moun ki kriye anpil anpil sou sèl fis inik li. <sup>11</sup> Nan jou sa a, va gen <sup>✧</sup>gwo doulè Jérusalem, tankou fè dèy pou Hadadrimmon nan vale Meguidon an. <sup>12</sup> Peyi a va kriye, chak fami apa; fanmi lakay David la apa e madanm yo apa; fanmi lakay Nathan an apa e madanm yo apa <sup>13</sup> Fanmi

<sup>✧</sup> 11:12 Jen 37:28 <sup>✧</sup> 11:13 Mat 27:3-10 <sup>✧</sup> 11:14 És 9:21 <sup>✧</sup> 11:15 És 6:10-12 <sup>✧</sup> 11:16 Jr 23:2 <sup>✧</sup> 11:17 Jr 23:1 <sup>✧</sup> 12:1 És 57:16 <sup>✧</sup> 12:2 Za 14:14 <sup>✧</sup> 12:3 Dan 2:34,35,44,45 <sup>✧</sup> 12:6 Za 2:4 <sup>✧</sup> 12:7 Jr 30:18 <sup>✧</sup> 12:8 Jl 3:16 <sup>✧</sup> 12:8 Egz 14:19 <sup>✧</sup> 12:9 Za 14:2,3 <sup>✧</sup> 12:10 És 44:3 <sup>✧</sup> 12:10 Jn 19:37 <sup>✧</sup> 12:11 Mat 24:30

lakay Levi apa e madanm yo apa; fanmi a Schimeï yo apa e madanm yo apa; <sup>14</sup> Tout fanmi ki rete yo, chak fanmi apa e madanm yo apa.

## 13

<sup>1</sup> Nan jou sa a, va gen yon fontèn dlo ki ✧ va ouvri pou lakay David e pou sila ki rete Jérusalem yo, pou lave ✧peche ak salte.

<sup>2</sup> “Li va vin rive nan jou sa a”, deklare SENYÈ dèzame yo: “Ke Mwen va koupe retire non a zidòl yo soti nan peyi a e yo p ap sonje yo ankò; epi Mwen va osi retire ✧pwofèt ak ✧lespri pa pwòp la soti nan peyi a. <sup>3</sup> Lè yon moun va pwofetize; alò, papa l ak manman l ki te fè l la va di li: ‘Ou ✧p ap viv, paske ou ✧pale fò nan non SENYÈ a; epi papa li ak manman li ki te fè l la va kwè atravè li lè li pwofetize. <sup>4</sup> Anplis, li va vin rive nan jou sa a, ke tout pwofèt yo va ✧vin wont de vizyon yo fè, lè yo ap pwofetize e yo p ap mete gwo wòb fèt an pwal pou twonpe moun; <sup>5</sup> Men yon pwofèt va di: mwen ✧pa yon pwofèt; mwen se yon kiltivatè, paske mwen se yon esklav depi mwen jèn.’ <sup>6</sup> Epi yon moun va vin di l: ‘Ki blese sa ki ✧nan mitan bra ou yo?’ Epi li va reponn: ‘Sa yo se blese ke mwen te pran lakay zami mwen yo.’

<sup>7</sup> Leve, O! nepe, kont ✧bèje Mwen an e kont nonm ki Asosye Mwen an,”

deklare SENYÈ dèzame yo.

Frape bèje a pou mouton yo ka gaye; epi Mwen va vire men M kont jenn ti piti yo.

<sup>8</sup> Sa va vin rive nan tout peyi a” deklare SENYÈ a, “Ke ✧de pati ladann va vin koupe retire e mourir; men twazyèm pati a va rete ladann.

<sup>9</sup> Epi Mwen va mennen fè pase twazyèm pati a nan dife.

Mwen va rafine yo tankou yo rafine ajan e pase yo a leprèv tankou lò.

Yo va rele non Mwen e Mwen va tande yo.

Mwen va di: ‘Yo se pèp Mwen’ e

yo va di: ‘SENYÈ a, se Bondye mwen an.’ ”✧

## 14

<sup>1</sup> Gade byen, yon ✧jou pou SENYÈ a ap vini, jou lè piyaj ke yo rache de nou menm yo va divize pami nou. <sup>2</sup> Paske Mwen va ✧rasanble tout nasyon yo kont Jérusalem pou batay, vil la va vin kaptire, kay yo va piyaje, fanm yo va vyole. Mwatye nan vil la va voye an egzil, men rès a pèp la p ap koupe retire de vil la. <sup>3</sup> Epi SENYÈ a va parèt pou ✧goumen kont nasyon sila yo jan Li goumen nan yon jou batay la. <sup>4</sup> Nan jou sa a, pye Li va ✧poze sou Mòn Olivier a, ki devan Jérusalem sou pati lès la; epi Mòn Olivier a va ✧fann nan mitan soti nan lès pou rive nan lwès e va gen yon gwo gwo vale. Epi mwatye nan mòn nan va deplase vè nò e lòt mwatye a vè sid. <sup>5</sup> Nou va sove ale pa vale a mòn Mwen yo, paske vale a mòn yo va rive jis Atzel. Wi, nou va sove ale menm jan ke nou te sove ale devan ✧tranbleman tè

✧ 13:1 Jr 2:13 ✧ 13:1 Sòm 51:2,7 ✧ 13:2 Jr 23:14,15 ✧ 13:2 I Wa 22:22 ✧ 13:3 Det 18:20  
 ✧ 13:3 Jr 23:35 ✧ 13:4 Jr 6:15 ✧ 13:5 Am 7:14 ✧ 13:6 II Wa 9:24 ✧ 13:7 És 40:11  
 ✧ 13:8 És 6:13 ✧ 13:9 És 48:10 ✧ 14:1 És 13:6,9; Za 14:14 ✧ 14:2 Za 12:2,3 ✧ 14:3 Za 9:14,15 ✧ 14:4 Éz 11:23 ✧ 14:4 És 64:1,2 ✧ 14:5 És 29:6

nan jou Ozias la, wa Juda a. Epi SENYÈ a, Bondye mwen an va vini e tout sen fidèl yo va avèk Li!

<sup>6</sup> Nan jou sa a ✧ ap gen fredri; p ap gen limyè. <sup>7</sup> Li va yon jou inik ki ✧konnen pa SENYÈ a; li p ap ni lajounen ni lannwit, men li va vin rive ke nan ✧aswè, va gen limyè.

<sup>8</sup> Epi nan jou sa a ✧dlo kouran yo va koule sòti Jérusaelm, mwatye nan yo vè pati lès lanmè a e lòt mwatye a vè pati lwès lanmè a; li va konsa ni nan sezon etè ni nan sezon ivè.

<sup>9</sup> Epi SENYÈ a va ✧wa sou tout tè a; nan jou sa a, se SENYÈ a ki va sèl e se non Li ki va sèl.

<sup>10</sup> Tout peyi a va devni yon laplenn, depi ✧Guéba jis rive ✧Rimmon, nan sid a Jérusalem. Men Jérusalem va vin leve e rete nan plas li soti nan Pòtay Benjamin an, jis rive nan pozisyon premye Pòtay la; epi janbe nan Pòtal Kwen an e soti nan tou Hananéel la jis rive nan pèz diven a wa a.

<sup>11</sup> Moun yo va viv ladann e p ap gen malediksyon ankò, paske Jérusalem va ✧rete ansekirite.

<sup>12</sup> Men sa va fleyo avèk sila SENYÈ a va frape tout pèp ki te fè lagè kont Jérusalem yo; chè yo va ✧pouri pandan yo kanpe sou pye yo, zye yo va pouri nan tèt yo e lang yo va pouri nan pwòp bouch yo. <sup>13</sup> Li va vin rive nan jou sa a ke yon gwo boulvès ki sòti nan SENYÈ a va tonbe sou yo; epi yo va ✧kenbe men youn lòt e men a youn va vin leve kont men a lòt la. <sup>14</sup> ✧ Anplis, Juda va goumen nan Jérusalem; epi richès a tout nasyon ki ozanviwon yo va vin rasanble ansanm; lò, ajan ak vètman an gran kantite.

<sup>15</sup> Jan ✧fleyo sa a ye a, se konsa tou fleyo a va ye sou cheval, milèt, chamo, bourik ak tout bèf ki va nan kan sa yo.

<sup>16</sup> Epi li va vin rive ke tout moun ki rete nan tout nasyon ki te ale kont Jérusalem yo, yo tout va ✧ale monte ane pa ane pou adore Wa a, SENYÈ dèzame yo e pou selebre ✧Fèt Tonèl yo. <sup>17</sup> Epi sa va rive ke nenpòt moun nan fanmi sou latè yo ki pa monte Jérusalem pou adore Wa a, SENYÈ dèzame yo, ✧Lapli p ap tonbe sou yo. <sup>18</sup> Si fanmi peyi Egypte la pa monte oswa pa vini; alò, lapli p ap tonbe sou yo. Va gen fleyo ke SENYÈ a te frape nasyon ki pa t monte pou selebre Fèt Tonèl Yo. ✧ <sup>19</sup> Sa va pinisyon Egypte la ak pinisyon a tout nasyon ki pa monte pou selebre Fèt Tonèl yo.

<sup>20</sup> Nan jou sa a, va gen anons sa sou klòch cheval yo: ✧“SEN A SENYÈ A”. Epi chodyè ki kwit manje lakay SENYÈ yo va tankou bòl devan lotèl yo. <sup>21</sup> Tout chodyè pou kwit manje Jérusalem ak Juda yo va vin sen pou SENYÈ dèzame yo; epi tout moun ki fè sakrifis yo va vin pran yo e bouyi sakrifis ladan yo. Epi p ap gen ✧Kananeyen ankò nan kay SENYÈ dèzame yo nan jou sa a.

---

✧ **14:6** És 13:10 ✧ **14:7** És 45:21 ✧ **14:7** És 58:10 ✧ **14:8** Éz 47:1-12 ✧ **14:9** És 2:2-4  
 ✧ **14:10** I Wa 15:22 ✧ **14:10** Jos 15:32 ✧ **14:11** Jr 23:5,6 ✧ **14:12** Lev 26:16 ✧ **14:13**  
 Za 11:6 ✧ **14:14** Za 12:2,5 ✧ **14:15** Za 14:12 ✧ **14:16** És 60:6-9 ✧ **14:16** Lev 23:34-44  
 ✧ **14:17** Jr 14:3-6 ✧ **14:18** Za 14:12,15 ✧ **14:20** Egz 28:36-38 ✧ **14:21** So 1:11

## MALACHIE

<sup>1</sup> ✧Revelasyon pawòl SENYÈ a bay Israèl pa Malachie.

<sup>2</sup> “Mwen ✧renmen nou,” pale SENYÈ a.

Men ou di: “Nan kisa ou renmen nou an?”

“Se pa Ésaü ki te frè Jacob?” deklare SENYÈ a. “Men se Jacob Mwen te renmen; <sup>3</sup> Men Mwen te rayi Ésaü. Mwen te ✧fè mòn li yo vin yon kote dezole e Mwen te livre eritaj li bay chen mawon dezè yo.” <sup>4</sup> Tandiske Edom di: “Yo fin bat nou nèt, ✧men nou va ✧retounen vin bati sou ranblè yo;” konsa pale SENYÈ dèzame yo: “Yo va bati, men mwen va jete; epi moun va rele yo peyi mechan an, e pèp sou sila SENYÈ a fache pou tout tan an.”

<sup>5</sup> Zye nou va wè sa e nou va di: “SENYÈ a gran! Menm lè se lwen lizyè Israèl la!” ✧

<sup>6</sup> ‘Yon fis ✧onore papa li e yon sèvitè onore mèt li. Alò, si Mwen se yon ✧papa, kote onè pa M nan? Epi si Mwen se yon mèt, kote respè M nan?’ pale SENYÈ dèzame yo a nou menm, O prèt ki meprize non Mwen yo. Men nou di: “Nan kisa nou te meprize non Ou an?” <sup>7</sup> N ap ofri ✧manje ki souye sou lotèl Mwen an. Men nou di: ‘Nan kisa nou te souye Ou a?’ Nan sa, n ap di: ‘Tab SENYÈ a meprizab.’ <sup>8</sup> Epi lè nou ofri ✧ bèt avèg kon sakrifis la, èske sa pa yon mal? Epi lè nou ofri bèt ki bwate e ki malad la, èske sa pa yon mal? Poukisa nou pa ofri sa yo bay gwo chèf peyi a? Èske l ap kontan avèk nou? Oswa, èske se ak dousè ak kè kontan ke l ap aksepte nou?” pale SENYÈ dèzame yo.

<sup>9</sup> Men koulye a, m ap priye nou pou nou mande favè Bondye, pou Li kapab beni nou? Ak yon ofrann konsa, èske L ap aksepte okenn nan nou ak dousè? pale SENYÈ dèzame yo. ✧

<sup>10</sup> O ke te genyen youn nan nou pou ta ✧fèmen pòt yo, pou nou pa ta chofo dife san reyalize anyen sou lotèl Mwen an! “Mwen pa kontan avèk nou”, pale SENYÈ dèzame yo, “Ofrann nan k ap sòti nan men nou, Mwen p ap aksepte l tou. <sup>11</sup> Paske depi solèy la leve jis rive kote li kouche a ✧non Mwen va ✧gran pami nasyon yo e tout kote, lansan ak ofrann sereyal ki san tach va vin ofri nan non Mwen; paske non Mwen va gran pami nasyon yo.” Pale SENYÈ dèzame yo. <sup>12</sup> “Men nou ap ✧pwofane li lè nou di: ‘Tab SENYÈ a vin souye, fwi li, menm manje li vin meprizab.’ <sup>13</sup> Nou di tou: “Gade, a la fatigan sa fatigan!’ Nou pa vle menm pran sant li,” pale SENYÈ dèzame yo: “epi nou te pote sa ke yo te pran nan ✧vòlè, sa ki te ✧bwate ak sa ki te malad; konsa, nou pote ofrann nan! Èske se sa ke Mwen ta dwe aksepte nan men nou an?” pale SENYÈ a.

<sup>14</sup> Men malè pou sila k ap ✧twonpe a, ki gen nan bann mouton li an, yon mal, ki fè sèman pou livre li; men ki anfen, fè sakrifis bay SENYÈ a ak yon ✧bèt ki gen defo; paske Mwen se yon gwo Wa,” Pale SENYÈ dèzame yo, “e non Mwen tèrib pami nasyon yo.”

✧ **1:1** És 13:1 ✧ **1:2** Det 4:37 ✧ **1:3** Jr 49:10,16-18 ✧ **1:4** Jr 5:17 ✧ **1:4** És 9:9,10 ✧ **1:5** Sòm 35:27 ✧ **1:6** Egz 20:12 ✧ **1:6** Det 1:31 ✧ **1:7** Lev 3:11 ✧ **1:8** Jr 27:18 ✧ **1:9** Jr 27:18 ✧ **1:10** És 1:13 ✧ **1:11** Sòm 111:9 ✧ **1:11** És 66:18,19 ✧ **1:12** Mal 1:7 ✧ **1:13** Lev 6:4 ✧ **1:13** Mal 1:8 ✧ **1:14** Trav 5:1-4 ✧ **1:14** Lev 22:18-20

## 2

<sup>1</sup> Alò, koulye a, prèt yo, lòd sa a se pou nou. <sup>2</sup> Si nou \*pa koute e si nou pa pran sa a kè pou bay lonè a non Mwen”, pale SENYÈ dèzame yo, “alò, Mwen va voye malediksyon sou nou e Mwen va fè benediksyon nou yo vin tounen malediksyon; anverite, Mwen fin modi yo deja, akoz nou pa pran sa a kè. <sup>3</sup> Gade byen, Mwen va fè repwòch nou rive jis sou desandan nou yo e Mwen va gaye poupou sou figi nou, menm poupou a festen nou yo; epi nou va vin disparèt ansanm avè l.\* <sup>4</sup> “Konsa, nou va konnen ke Mwen te voye lòd sa a bannou, pou \*akò Mwen an kapab kontinye ak Lévi”, pale SENYÈ dèzame yo. <sup>5</sup> Akò Mwen an avèk li se te akò pou lavi ak lapè e Mwen te bay li yo pou li ta kab vin gen lakrent; epi li te krent Mwen e te vin gen gwo lakrent pou non Mwen.\* <sup>6</sup> \*Lalwa verite a te nan bouch li e inikite pa t janm sou lè v li; li te mache avè M nan lapè ak ladwati e li te \*detounen anpil moun soti nan inikite. <sup>7</sup> Paske lè v a yon prèt dwe gade \*konesans e moun ta dwe \*chache lalwa soti nan bouch li; paske li se mesaje a SENYÈ dèzame yo. <sup>8</sup> Men pou nou menm, nou te detounen kite chemen an; nou te koze anpil moun \*chite nan lalwa a; nou te dezonore akò Lévi a,” pale SENYÈ dèzame yo. <sup>9</sup> Akoz sa \*Mwen te fè nou vin meprizab tou e vin \*imilye devan tout pèp la; nou pa t gade chemen Mwen yo, men nou te nan patipri nan lalwa a. <sup>10</sup> Èske se pa \*yon sèl papa nou genyen? \*Èske se pa yon sèl Bondye a ki te kreye nou? Poukisa nou chak ap trayi pwòp frè nou, nan pwofane akò a papa zansèt nou yo? <sup>11</sup> Juda te aji nan \*enfidelite e yon abominasyon te fèt an Israël; paske Juda te \*pwofane sanktyè a SENYÈ a, ke li te vin renmen e te vin marye ak fi a yon dye etranje. <sup>12</sup> SENYÈ a va koupe retire nonm ki fè sa a, sila ki leve e sila ki reponn nan, soti nan tant a Jacob yo, oswa sila ki prezante ofrann a SENYÈ dèzame yo.\* <sup>13</sup> Men yon lòt bagay nou fè: nou kouvri lotèl SENYÈ a ak dlo k ap sòti nan zye nou, nan kriye ak plenyen, akoz \*Li pa konsidere ofrann yo ankò, ni aksepte yo ak favè ki soti nan men nou. <sup>14</sup> Malgre sa, nou di: ‘Pou ki rezon?’ Paske SENYÈ a te yon temwen antre nou menm \*ak madanm jenès nou an, kont sila nou te \*aji an trèt la, malgre li se konpanyen e madanm nou selon akò nou an. <sup>15</sup> Men pa gen moun ki fè sa ki gen menm yon ti kras Lespri a; sepandan te gen youn. Epi poukisa youn sa a? Li t ap chache \*desandan ladwati a. Alò, veye lespri nou byen e ke pèsòn pa \*aji mal kont madanm jenès li a. <sup>16</sup> “Paske Mwen rayi \*divòs”, pale SENYÈ a, Bondye Israël la, “ak sila ki kouvri vètman li ak vyolans lan,” pale SENYÈ a. Pou sa, veye lespri nou byen, ke nou pa aji an trèt.” <sup>17</sup> Nou te fatigue SENYÈ a ak pawòl nou yo. Malgre sa, nou di: “Nan kisa nou te fatigue Li a? Paske n ap di: \*‘Tout moun k ap fè mal, bon nan zye SENYÈ a e Li \*pran plezi nan yo’”; oswa: “Kote Bondye jistis la ye?”

## 3

<sup>1</sup> \*Gade byen, Mwen va voye mesaje Mwen an e li va \*netwaye chemen an devan Mwen. Epi Senyè a, ke n ap chache a, va vini sibitman nan tanp

\* 2:2 Lev 26:14,15   \* 2:3 Lev 26:16   \* 2:4 Nonb 3:11-13,45   \* 2:5 Nonb 25:7,8,13   \* 2:6 Sòm 119:142,151,160   \* 2:6 Jr 23:22   \* 2:7 Lev 10:11   \* 2:7 Nonb 27:21   \* 2:8 Jr 18:15  
 \* 2:9 Na 3:6   \* 2:9 Éz 7:26   \* 2:10 És 63:16   \* 2:10 Trav 17:24   \* 2:11 Jr 3:7-9   \* 2:11 Esd 9:1,2   \* 2:12 Jr 11:14   \* 2:13 Jr 11:14   \* 2:14 És 54:6   \* 2:14 Jr 9:2   \* 2:15 Rt 4:12  
 \* 2:15 Egz 20:14   \* 2:16 Det 24:1   \* 2:17 És 5:20   \* 2:17 Job 9:24   \* 3:1 Mat 11:10,14  
 \* 3:1 És 40:3

Li an; epi mesaje a akò a, nan sila nou pran plezi a, gade byen, Li ap vini,” pale SENYÈ dèzame yo. <sup>2</sup> Men se kilès k ap ka \*sipòte jou vini Li an? Epi se kilès k ap ka kanpe lè Li vin parèt la? Paske se va tankou dife nan founo a e se va tankou savon lave. <sup>3</sup> Li va chita tankou yon bòs metal k ap pirifye ajan, Li va \*pirifye fis a Levi yo e rafine yo tankou lò ak ajan, pou yo ka ofri bay SENYÈ a ofrann ladwati. <sup>4</sup> Konsa, ofrann Juda ak Jérusalem yo va yon \*plezi pou SENYÈ a tankou nan jou ansyen ak jou lontan yo. <sup>5</sup> Epi Mwen va rapwoche nou vè jijman; epi Mwen va vin yon temwen byen rapid kont \*wangatè yo, kont moun \*adiltè yo ak kont sila k ap fè fo temwayaj yo; kont sila k ap oprime ouvriye yo nan salè yo, vèv yo, òfelen yo, sila ki refize bay soutyen yo a etranje yo ak sila ki pa gen lakrent Mwen yo,” pale SENYÈ dèzame yo. <sup>6</sup> Paske Mwen menm SENYÈ a, Mwen \*pa chanje; akoz sa, nou menm, O fis a Jacob yo, nou pa t fin detwi nèt. <sup>7</sup> Depi nan jou a papa zansèt nou yo, nou te vire kite règleman Mwen yo e nou pa t kenbe yo. \*Retounen vin jwenn Mwen e Mwen va retounen vin jwenn nou,” pale SENYÈ dèzame yo. “Men nou di: ‘Nan kisa nou va retounen vin jwenn Ou an?’ <sup>8</sup> “Èske yon nonm va vòlè Bondye? Men nou ap vòlè M! Men nou di: ‘Nan kisa nou te vòlè Ou a?’ Nan dim ak ofrann yo.\* <sup>9</sup> Nou vin \*modi avèk malediksyon, paske nou ap vòlè Mwen, tout nasyon an nèt! <sup>10</sup> \*Mennen fè antre tout dim yo nan depo kay la, pou ka gen manje nan kay Mwen an e pase Mwen a leprèv nan sa”, pale SENYÈ a: “Pou nou wè si Mwen p ap louvri pou nou tout fenèt syèl yo e vide sou nou yon benediksyon jiskaske nou pa gen ase kote ankò pou nou resevwa li. <sup>11</sup> Nan lè sa a, Mwen va repwoche pou nou menm sila k ap \*devore a, pou li pa detwi fwi latè yo; ni pye rezen an p ap jete fwi li avan lè nan chan an”, pale SENYÈ dèzame yo. <sup>12</sup> “Tout nasyon yo va rele nou beni, paske nou va yon peyi byen bèl”, pale SENYÈ dèzame yo. <sup>13</sup> “Pawòl nou yo te di kont mwen.” Pale SENYÈ a. Malgre sa, nou di: “Kisa nou te pale kont Ou yo?” <sup>14</sup> “Nou te di: ‘Se an ven yo sèvi Bondye’; epi ki avantaj sa gen pou nou kenbe règleman Li yo e pou nou mache lamante devan SENYÈ dèzame yo? \* <sup>15</sup> Koulye a, nou vin rele moun ògeye yo, ‘beni’; non sèlman malfektè sila yo vin leve wo, yo menm tante Bondye, e yo \*chape.’” <sup>16</sup> Answit, sila ki te \*gen lakrent SENYÈ yo te pale a youn lòt; epi SENYÈ a te prete zòrèy Li, te tandè e yon liv souvni te ekri devan Li pou sila ki te gen lakrent SENYÈ yo e ki te bay gwo respè a non Li yo. <sup>17</sup> “Epi yo va vin \*pou Mwen”, pale SENYÈ dèzame yo, “nan jou ke M prepare posesyon Mwen an; epi Mwen va fè yo gras menm jan yon nonm ta \*fè gras a pwòp fis k ap sèvi li a.” <sup>18</sup> Konsa, nou va retounen pou \*destenge antre ladwati ak mal, antre sila k ap sèvi Bondye ak sila ki p ap sèvi Li.

## 4

<sup>1</sup> Paske gade byen, jou a ap vini, byen cho tankou yon founo; epi tout moun ògeye yo ak tout malfektè yo va vin tounen pay vannan; epi jou k ap vini an va fin boule yo nèt”, pale SENYÈ dèzame yo: “jiskaske li pa kite pou yo ni rasin ni branch.\* <sup>2</sup> Men nou menm ki gen lakrent non Mwen an

\* **3:2** És 33:14 \* **3:3** És 1:25 \* **3:4** Sòm 51:17-19 \* **3:5** Det 18:10 \* **3:5** Éz 22:9-11 \* **3:6** Nonb 23:19 \* **3:7** Za 1:3 \* **3:8** Né 13:11,12 \* **3:9** Mal 2:2 \* **3:10** Lev 27:30 \* **3:11** Jl 1:4 \* **3:14** És 58:3 \* **3:15** Jr 7:10 \* **3:16** Sòm 34:15 \* **3:17** És 43:1 \* **3:17** Sòm 103:13 \* **3:18** Jen 18:25 \* **4:1** Sòm 21:9; És 9:18,19

✧solèy ladwati a va vin leve ak gerizon nan zèl li; epi nou va sòti pou sote toupatou tankou ti bèf ki fenk sòti nan Pak yo. <sup>3</sup> Nou va ✧foule mechan an anba pye nou, paske yo va tankou sann anba pla pye nou nan jou ke Mwen ap prepare a,” pale SENYÈ dèzame yo. <sup>4</sup> ✧“Sonje lalwa a sèvitè Mwen an, Moïse, règleman ak òdonans ke M te kòmande li nan Horeb pou tout Israël yo. <sup>5</sup> Gade byen, Mwen ap voye bannou ✧Élie, pwofèt la, avan gwo jou tèrib a SENYÈ a vin rive a. <sup>6</sup> Li va ✧tounen kè a papa yo vè pitit yo e kè a pitit yo vè papa yo, pou m pa vin ✧frape peyi a avèk yon malediksyon.”



## LEVANJIL SELON MATTHIEU

<sup>1</sup> Rejis a zansèt Jésus Kris yo, ✨fis a David, fis a Abraham nan. <sup>2</sup> Abraham te papa Isaac. Isaac te fè Jacob. Jacob te papa Juda ak lòt frè l yo. <sup>3</sup> Juda te papa ✨Pharès avèk Zara pa Thamar, Pharès te papa Esrom, epi Esrom te papa a Ram. <sup>4</sup> Ram te papa Aminadab; Aminadab te papa Naasson; Naasson te papa Salmon. <sup>5</sup> Salmon e Rehab te fè Boaz; Boaz te papa Obed pa Ruth; Obed te papa Isai; <sup>6</sup> Epi Isai te bay nesans a David, wa a; ✨David te fè Salomon pa Bathshéba ki te madanm a Urie; <sup>7</sup> Salomon te fè ✨Roboam; e pa Roboam, Abia, e pa Abia, Asa; <sup>8</sup> Asa te fè Josaphat; e pa Josaphat, Joram; e pa Joram, Ozias; <sup>9</sup> Pou Ozias te fèt Jotham; e a Jotham, Achaz; epi a Achaz, Ézéchias; <sup>10</sup> Epi pa Ézéchias te fèt Manassé; e a Manassé, Amon; e pa Amon ✨Josias; <sup>11</sup> Josias te fè Jéchonias ak frè li yo nan tan ✨depòtasyon Babylone nan.

<sup>12</sup> Aprè depòtasyon Babylone nan, Jéchonias te fè Salathiel; e pa Salathiel, Zorobabel; <sup>13</sup> E a Zorobabel te fèt Abiud; e a Abiud, Eliakim; e a Eliakim, Azor; <sup>14</sup> Pou Azor te vin fèt Sadok; e a Sadok, Achim; e a Achim, Éliud; <sup>15</sup> Epi a Éliud te vin fèt Éléazar; pou Éléazar, ki fè Matthan, e pou Matthan, Jacob; <sup>16</sup> Jacob te fè Joseph, mari a Marie a, manman a Jésus ✨ke yo rele Kris la.

<sup>17</sup> Konsa, tout jenerasyon yo soti nan Abraham jiska David se katòz jenerasyon epi kite David pou rive nan depòtasyon Babylone nan, se katòz jenerasyon; e ✨kite depòtasyon Babylone nan pou rive a Kris La, se katòz jenerasyon.

<sup>18</sup> Nesans a Jésus, Kris la te fèt konsa; Lè ✨manman Li, Marie, te fyanse ak Joseph, avan ke yo te vini ansanm, li te twouve ansent pa Lespri Sen an. <sup>19</sup> Epi Joseph, mari li, ki te yon nonm dwat, pa t vle fè l wont, epi te pran desizyon pou ✨mete l sou kote an sekrè. <sup>20</sup> Men pandan li t ap anvizaje sa; konsa, yon zanj Bondye te parèt devan li nan yon rèv epi te di l konsa: ✨“Joseph, fis a David la, ou pa bezwen pè pran Marie kon madanm ou; pwiske sa ki gen tan plase nan vant li an, soti nan Lespri Sen an. <sup>21</sup> Li va fè yon fis, epi ou va rele li Jésus paske se Li menm ki ✨va sove pèp li a de peche yo.”

<sup>22</sup> Tout sa te fèt pou akonpli sa ki ✨te pale pa Senyè a, atravè pwofèt yo; <sup>23</sup> ✨“Koute byen, vyèj la va ✨vin ansent e l ap fè yon gason; y ap nonmen li Emmanuel”, ki tradwi vle di “Bondye Avèk Nou”.

<sup>24</sup> Epi Joseph te leve nan dòmi, li te fè sa ke zanj Senyè a te mande l fè a, e te pran li pou madanm li. <sup>25</sup> Li te kenbe l kon yon vyèj jiskaske li te fin fè gason an, epi ✨li te rele li Jésus.

## 2

<sup>1</sup> Aprè Jésus te fin ✨fèt Bethléem nan peyi Judée pandan Hérode te wa, konsa yon ekip mesye saj ki sòti nan lès te rive Jérusalem pou mande;

✨ **1:1** És 9:6 ✨ **1:3** Rt 4:18-22 ✨ **1:6** II Sam 11:27 ✨ **1:7** I Kwo 3:10 ✨ **1:10** I Kwo 3:14 ✨ **1:11** II Wa 24:14 ✨ **1:16** Mat 27:17-22 ✨ **1:17** II Wa 24:14 ✨ **1:18** Mat 12:46 ✨ **1:19** Det 22:20-24 ✨ **1:20** Luc 2:4 ✨ **1:21** Luc 2:11 ✨ **1:22** Luc 24:44 ✨ **1:23** És 7:14 ✨ **1:23** És 9:6,7 ✨ **1:25** Mat 1:21 ✨ **2:1** Mi 5:2

2 “Kote sila ki fèt ✨Wa a Jwif yo a”? Nou gen tan wè zetwal Li nan pati lès la, e nou vini pou adore Li.

3 Lè Hérode te tandé sa, li te vin twouble, e tout Jérusalem avèk li. 4 Li te rasanble tout chèf prèt yo avèk skrib a pèp la, e te kòmanse mande yo kote Kris la t ap fèt la.

5 E yo te di li: ✨“Nan Bethléem a Judée jan li te ekri pa pwofèt la”;

6 ✨“E ou menm, Bethléem, peyi Judée, ou pa manke valè pami chèf Judée yo: paske yon Gran Chèf ap sòti nan ou menm, Li va vin yon bèje pou pèp Mwen an, Israël”.

7 Epi Hérode te rele mesye saj yo an sekre pou fè yon ankèt egzakt pou konnen kilè ✨zetwal la te parèt la. 8 Epi li te voye yo Bethléem e li te di yo: “Ale Chèche pou twouve Pitit la, e lè nou jwenn li, voye di m sa, pou m ka ale adore Li tou.”

9 Lè yo fin tandé wa a, yo ale fè wout yo, e konsa zetwal la ke yo te wè nan lès la te ale devan yo jiskaske li te vin kanpe kote menm ke Pitit la te ye a. 10 Epi lè yo te wè zetwal la, yo te rejwi anpil avèk anpil jwa. 11 Yo te ale nan kay la e te wè Pitit la avèk Marie, manman Li. Yo te pwostène devan Li pou te ✨adore L. Yo te ouvri trezò yo e te prezante L kòm kado, lò, lansan, ak lami. 12 Men akòz ke yo te avèti ✨nan yon rèv ke yo pa t dwe retounen kote Hérode, yo te ale nan peyi yo pa yon lòt wout.

13 Lè yo fin pati, lapoula yon zanj Bondye te ✨vin parèt a Joseph nan yon rèv e te di l: “Leve pran Pitit la avèk manman L epi kouri ale an Égypte. Rete la jiskaske mwen di ou, paske Hérode ap chèche Zanfan sila a pou l ka detwi L.”

14 Epi Joseph te leve pran Pitit la avèk manman L pandan nwit lan pou te ale an Égypte. 15 Li te rete la jiskaske Hérode te mouri. Sa te fèt pou akonpli sa Senyè a te pale pa pwofèt la pou li ta kapab akonpli lè l te di: “Pou soti an Égypte, Mwen te rele Fis Mwen an”.

16 Lè Hérode te vin wè ke li te ✨twonpe pa mesye saj yo, li te vin anraje. Konsa, li te voye touye tout ti gason mwens ke de zan nan tout anviwon Bethléem nan, selon tan li te vin konprann pa mesye saj yo. 17 Konsa, sa ki te pale pa pwofèt Jérémie an te vin akonpli lè l te di konsa:

18 ✨“Yon vwa te tandé nan Rama; yo te kriye e fè gwo lamantasyon; Rachel ki t ap kriye pou Pitit li yo; li te refize konsole, paske yo pa t la ankò.”

19 Men lè Hérode te vin mouri; konsa, yon zanj ✨te parèt an Égypte pou di Joseph nan yon rèv: 20 3 “Leve, pran Pitit la avèk manman L pou ale nan peyi Israël, paske sila yo ki t ap chèche touye Pitit la gen tan mouri.”

21 Konsa Joseph te leve pran Pitit la avèk manman L, e te ale nan peyi Israël. 22 Men lè li tandé ke Archélaüs te gwo chèf nan Judée nan plas papa li, Hérode, li te pè ale la. Lè li te fin ✨avèti pa Bondye nan yon rèv, li te sòti la e te ale nan anviwon Galilée yo. 23 Epi li te vin rete nan yon vil yo rele ✨Nazareth pou sa ke pwofèt yo te pale yo ta kapab akonpli: “Yo va rele Li yon Nazareyen”.

### 3

<sup>1</sup> Alò, ✧nan jou sa yo, Jean Baptiste te vin parèt. Li t ap preche nan gran savann Judée a e li t ap di: <sup>2</sup> ✧“Repanti paske Wayòm Syèl la gen tan parèt.”

<sup>3</sup> Paske sila a se de ✧li menm ke pwofèt Esaïe te pale a lè l te di: ✧

“Men vwa a youn k ap kriye nan savann nan

Prepare chemen Bondye a;

fè chemen Li yo dwat”!

<sup>4</sup> Alò, Jean li menm te gen ✧yon rad fèt avèk pwal chamo avèk yon sentiwon fèt an kwi nan senti li. Li te konn manje krikèt avèk siwo myèl sovaj. <sup>5</sup> Jérusalem avèk tout Judée ✧t ap vin kote l, avèk tout zòn ozanviwon Jourdain an. <sup>6</sup> Epi yo t ap ✧batize pa li menm nan lariviyè Jourdain an pandan yo t ap konfese peche yo.

<sup>7</sup> Men lè li te wè anpil ✧Farizyen avèk ✧Sadiseyen ki t ap vini pou batèm nan, li te di yo: “Men yon bann vipè; kilès ki te di nou chape anba kòlè k ap vini an? <sup>8</sup> ✧Pou sa, pote yon fwi ki dign de repantans lan. <sup>9</sup> Pa sipoze ke nou kapab di pwòp tèt nou: ✧‘Nou gen Abraham kòm papa’. Paske m ap di nou ke Bondye kapab fè leve soti nan wòch sa yo, pitit Abraham yo. <sup>10</sup> ✧Rach la tou parèt nan rasin bwa yo; konsa, tout ab ki pa pote bon fwi va koupe pou jete nan lanfè.”

<sup>11</sup> “Pou mwen menm, m ap batize nou avèk dlo pou repantans, men sila a k ap vini aprè mwen an pi fò pase m. Mwen pa menm dign pou m retire sandal Li yo. Li menm L ap batize nou avèk ✧Lespri Sen an, epi avèk dife. <sup>12</sup> Fouch vannan an deja nan men Li, L ap netwaye glasi a nèt e mete tout ble yo nan depo; men L ap brile tout pay la avèk yon dife ki p ap kapab etenn.”

<sup>13</sup> ✧Nan lè sa a, Jésus te rive soti Galilée toupre lariviyè Jourdain an. Li te vin kote Jean pou L ta kapab batize. <sup>14</sup> Men Jean te eseye anpeche Li; li te di: “Mwen bezwen batize pa Ou menm; men Ou vin kote mwen?”

<sup>15</sup> Men Jésus te reponn li e te di l: **“Kite sa fèt nan moman sa a; paske se konsa li dwe fèt ✧pou nou kapab akonpli tout ladwati.”** Konsa li te kite sa fèt.

<sup>16</sup> Aprè Jésus te batize, Li te soti tou dwat nan dlo a e lapoula, syèl yo te vin louvri; ✧li te wè Lespri Bondye a desann kon yon toutrèl e vin poze sou Li; <sup>17</sup> Epi yon vwa ki te soti nan syèl yo te di: ✧“Sa se Fis byeneme Mwen an, e nan Li menm, Mwen pran plezi.”

### 4

<sup>1</sup> ✧Aprè sa, Lespri Sen an te mennen Jésus nan savann nan pou L ta kapab tante pa Satan. <sup>2</sup> Lè Li te fin fè jèn ✧karant jou avèk karant nwit lan, Li te vin grangou. <sup>3</sup> ✧Epi Tantatè a te parèt e te di Li: “Si Ou se ✧Fis Bondye a, kòmande wòch sa yo vin pen.”

<sup>4</sup> Men Li te reponn li e te di l: **“Sa ekri ✧Lòm pa pou viv sèlman pa pen, men pa chak mo ki sòti nan bouch Bondye”.**

<sup>5</sup> Aprè sa, Satan te mennen Li antre nan ✧vil Sen (Jérusalem nan), e Li te kanpe sou pi wo pwent tanp lan. <sup>6</sup> Epi li te di Li: “Si Ou menm se Fis Bondye a, jete kò Ou anba, paske sa ekri:

✧‘L ap bay zanj Li yo lòd pou Ou menm, e

✧ **3:1** Jn 1:6-8 ✧ **3:2** Mat 4:17 ✧ **3:3** Luc 1:17-76 ✧ **3:3** És 40:3 ✧ **3:4** II Wa 1:8 ✧ **3:5** Mc 1:5 ✧ **3:6** Mat 3:11 ✧ **3:7** Mat 16:1 ✧ **3:7** Mat 22:23 ✧ **3:8** Luc 3:8 ✧ **3:9** Luc 3:8 ✧ **3:10** Luc 3:9 ✧ **3:11** Mc 1:4-8 ✧ **3:13** Jn 1:29-34 ✧ **3:15** Sòm 40:7-8 ✧ **3:16** Mc 1:10 ✧ **3:17** Sòm 2:7 ✧ **4:1** Mc 1:12,13 ✧ **4:2** Egz 34:28 ✧ **4:3** I Tes 3:5 ✧ **4:3** Mat 14:33 ✧ **4:4** Det 8:3 ✧ **4:5** Né 11:18 ✧ **4:6** Sòm 91:11-12

‘ak men yo, y ap bay Ou soutyen pou ke Ou pa ta menm frape pye Ou kont yon wòch’ ”.

<sup>7</sup> Jésus te di l: **“Anplis sa ekri: ‘Ou pa pou tante Senyè a, Bondye Ou a’ ”.**

<sup>8</sup> ✧ Ankò Dyab la te mennen Li nan yon mòn wo e te montre Li tout wayòm nan mond lan, avèk tout glwa yo. <sup>9</sup> Epi li te di Li: ✧ “Tout bagay sa yo, mwen va bay Ou yo si Ou pwostène pou adore mwen.”

<sup>10</sup> Konsa, Jésus te di li: **“Soti la Satan! Paske sa ekri: ✧ ‘Ou va adore Senyè a, Bondye ou a, e sèvi Li menm sèl’ ”.**

<sup>11</sup> Konsa, dyab la te kite Li e lapoula, ✧zanj yo te vini sèvi Li.

<sup>12</sup> Alò lè Jésus te tandè ke ✧Jean te arete, Li te retire kò li pou L antre Galilée. <sup>13</sup> Lè Li kite Nazareth, Li te vin ✧rete Capernanüm, toupre lanmè a, nan zòn Zabulon avèk Nephtali. <sup>14</sup> Sa te fèt pou akonpli sa ke pwofèt Esaïe te pale lè li te di:

<sup>15</sup> ✧ “Peyi Zabulon ak peyi Nephtali, toupre lanmè a, lòtbò Jourdain an, Galilée ki pou Payen yo”

<sup>16</sup> ✧ “Pèp la ki te chita nan tenèb la te wè yon gwo limyè, e sila yo ki te chita nan peyi lonbraj lanmò a; sou yo menm yon limyè te vin parèt.”

<sup>17</sup> ✧ Depi lè sa a, Jésus te kòmanse preche konsa: **“Repanti, paske wayòm syèl la pwòch.”**

<sup>18</sup> ✧ Alò pandan Jésus t ap mache sou kote lanmè Galilée a, Li te wè de frè yo, Simon, ke yo rele Pierre, ak André, frè li. Yo t ap voye yon filè nan lanmè a, paske se moun lapèch yo te ye. <sup>19</sup> Epi Li te di yo: **“Swiv Mwen e M ap fè nou vin fè lapèch moun.”**

<sup>20</sup> Epi lapoula, yo te kite filè yo pou yo te swiv Li.

<sup>21</sup> Lè Li te vin ale pi lwen, Li te wè de lòt frè, ✧Jacques fis a Zébédé avèk Jean, frè li. Yo te nan kannòt la avèk Zébédé, papa yo. Yo t ap repare filè yo. Li te rele yo.

<sup>22</sup> Imedyatman, yo te kite kannòt la avèk papa yo pou yo te swiv Li.

<sup>23</sup> Jésus t ap prale toupatou nan tout Galilée. Li t ap ✧enstwi nan sinagòg yo pou pwoklame bòn nouvèl wayòm nan, e Li t ap fè gerizon tout kalite maladi pami pèp la.

<sup>24</sup> Nouvèl Li te gaye ✧toupatou nan peyi Syrie. Epi yo te pote bay Li tout sila ki te gen maladi avèk tout kalite doule yo, sila ki te gen move lespri yo, sila ki te fè gwo kriz, ki te vin paralize yo, e Li te geri yo.

<sup>25</sup> Gran foul la te swiv Li ✧soti Galilée, Decapolis, Jérusalem avèk Judée e rive jis lòtbò Jourdain an.

## 5

<sup>1</sup> Lè Jésus te wè foul la, Li te monte sou mòn nan. Lè Li fin chita, disip Li yo te vin kote L. <sup>2</sup> Li te ✧louvri bouch Li e te kòmanse enstwi yo konsa:

<sup>3</sup> **“Beni se sila yo ki malere an espri; paske wayòm syèl la se pou yo.**

<sup>4</sup> **Beni se ✧sila yo ki soufri doule akòz gwo pèt; yo va konsole.**

✧ **4:8** Mat 16:26 ✧ **4:9** I Kor 10:20 ✧ **4:10** Det 6:13 ✧ **4:11** Mat 28:5 ✧ **4:12** Mat 14:3  
 ✧ **4:13** Mat 11:23 ✧ **4:15** És 9:1 ✧ **4:16** És 9:2 ✧ **4:17** Mc 1:14,15 ✧ **4:18** Luc 5:2-11  
 ✧ **4:21** Mat 10:2 ✧ **4:23** Mat 9:35 ✧ **4:24** Mc 7:26 ✧ **4:25** Mc 3:7,8 ✧ **5:2** Mat 13:35 ✧ **5:4** És 61:2

- 5 Beni se sila yo ki ✨enb;  
yo va resevwa tout latè kòm eritaj.
- 6 Beni se ✨sila yo ki grangou avèk swaf pou ladwati;  
yo va satisfè.
- 7 Beni se ✨sila yo ki bay mizerikòd;  
yo va resevwa mizerikòd.
- 8 Beni se ✨sila yo ki gen kè pwòp;  
yo va wè Bondye.
- 9 Beni se sila yo ki fè lapè; ✨  
yo va rele yo fis Bondye.
- 10 Beni se sila yo ki te ✨pèsekite pou ladwati;  
wayòm syèl la se pou yo.

11 “Beni se nou menm lè moun ✨ensilte nou, pèsekite nou e pale san verite tout kalite mal kont nou pou koz a Non Mwen. 12 Rejwi e fè kè nou kontan. Rekonpans nou nan syèl la gran; paske ✨se konsa yo te pèsekite pwofèt ki te avan nou yo.

13 “Nou se sèl latè; men ✨si sèl la pèdi gou li, kijan pou l fè l rekouvri gou sèl ankò? Li p ap bon ankò sof pou voye jete e pile anba pye moun.

14 “Nou se ✨limyè lemonn; yon vil ki plase sou tèt yon mòn pa kapab kache. 15 ✨Ni moun p ap limen yon lanp pou mete li anba yon panyen; men sou yon tab kote li va bay limyè pou tout sila yo ki nan kay la. 16 Kite limyè nou an klere devan tout moun pou yo kapab ✨wè bon zèv nou e bay glwa a Papa nou ki nan syèl la.

17 “Pa panse ke Mwen te vini pou ✨aboli Lalwa ak pwofèt yo; Mwen pa te vini pou aboli, men pou akonpli. 18 Paske vrèman Mwen di nou ✨jiskaske syèl la avèk tè a disparèt, ni yon ti lèt, ni yon ti mak p ap disparèt nan Lalwa a, jiskaske tout bagay fin acheve. 19 Pou sa, nenpòt moun ki anile menm youn ki pi piti nan kòmandman sa yo, e bay enstriksyon a lòt pou fè sa, l ap rele pi piti ✨nan wayòm syèl la; men sila ki kenbe yo e enstwi lòt pou fè yo tou, li va rele pi gran nan wayòm syèl la. 20 Paske m ap di nou ke si ladwati nou pa depase sila a skrib avèk Farizyen yo, nou p ap janm antre nan wayòm syèl la. 21 Nou konn tande ke tout ansyen yo te di: ✨‘Nou pa pou touye moun’ e ‘Nenpòt moun ki touye moun ap rann kont devan tribinal’. 22 Men Mwen di nou ke nenpòt moun ki fache avèk frè li ap koupab devan ✨tribinal; epi nenpòt moun ki di: ‘Raka’ (pou ryan) ap koupab devan tribinal pi wo a; epi sila ki di: ‘enbesil’ ap koupab pou l antre nan lanfè.

23 “Pou sa, lè ou ap ✨prezante ofrann ou sou lotèl la, e pandan ou la, ou sonje ke frè ou a gen yon bagay kont ou, 24 Kite ofrann ou an la devan lotèl a e ale fè wout ou. Premyeman, rekonsilye avèk frè ou, e apre vin prezante ofrann ou an.

25 “Fè zanmi depi nan wout avèk lènmi k ap mennen ou tribinal la pou li pa livre ou devan jij la, e jij la va livre ou bay lapolis pou jete ou nan prizon. 26 Anverite Mwen di nou, ✨nou p ap soti la jiskaske nou peye dènnye santim nan.

✨ 5:5 Sòm 37:11 ✨ 5:6 És 55:1-2 ✨ 5:7 Pwov 11:17 ✨ 5:8 Sòm 24:4 ✨ 5:9 Mat 5:45  
 ✨ 5:10 I Pi 3:14 ✨ 5:11 I Pi 4:14 ✨ 5:12 II Kwo 36:16 ✨ 5:13 Mc 9:50 ✨ 5:14 Pwov 4:18  
 ✨ 5:15 Mc 4:21 ✨ 5:16 I Pi 2:12 ✨ 5:17 Mc 7:12 ✨ 5:18 Mat 24:35 ✨ 5:19 Mat 11:11  
 ✨ 5:21 Mat 10:2 ✨ 5:22 Det 16:18 ✨ 5:23 Mat 5:24 ✨ 5:26 Luc 12:59

27 “Nou konn tande ke yo te di: ✨“Nou pa pou fè adiltè”; 28 men Mwen di nou ke nenpòt moun ki gade yon fanm ✨avèk lanvi pou li, li gen tan fè adiltè avèk li deja nan kè l.

29 “Epi ✨si zye dwat ou fè ou tonbe, rache li e jete li lwen ou; paske li pi bon pou pèdi yon manm nan kò ou, pase pou kite tout kò ou jete nan lanfè. 30 Epi ✨si men dwat ou fè ou tonbe, koupe li e jete li lwen ou; paske li pi bon pou yon pati nan kò ou ta pèdi olye pou tout kò ou ta ale nan lanfè.”

31 “Epi yo te konn di: ✨‘Nenpòt moun ki voye madanm li ale; kite li bay li yon sètifika divòs pou voye l ale.’ 32 ✨Men Mwen di nou ke nenpòt moun ki voye madanm li ale, sof pou enfidelite, fè l komèt adiltè, e nenpòt moun ki marye avèk yon fanm divòse fè adiltè.

33 “Ankò, nou konn tande yo te di lansyen yo: ✨“Nou pa pou fè fo sèman, men nou gen pou akonpli tout sa ke nou sèman a Bondye”. 34 Men Mwen di nou: ✨“Pa sèman menm, ni pa syèl la, paske se pa Jérusalem, paske se Gran Vil a Gran Wa a; ✨twòn Bondye li ye; 35 Ni pa tè a, paske se kote Li mete pye Li, ni 36 Ni nou pa pou sèman sou tèt nou paske nou pa kapab fè menm yon grenn cheve vin blan, ni nwa. 37 Men kite pawòl nou sèlman “wi pou wi” e “non pou non”; nenpòt bagay ki depase sa yo se yon.

38 “Nou konn tande ke yo konn di: ✨“Zye pou zye e dan pou dan”; 39 men Mwen di nou: “Pa reziste a sila ki mechan an, men si ✨nenpòt moun frape nou bò figi dwat nou, vire bay li lòt la tou. 40 Epi si nenpòt moun vle fè pwosè kont nou pou l pran chemiz nou, bay li palto a tou. 41 Epi nenpòt moun ki fòse nou pou mache yon kilomèt avèk li, fè de kilomèt. 42 ✨Bay a sila ki mande nou an, e pa vire do bay sila ki vle prete nan men nou an.

43 “Nou konn tande ke yo di: rayi lènmi nou;” 44 men Mwen di nou: ✨Renmen lènmi nou yo e priye pou sila ki pèsekite nou yo, 45 Pou nou kapab ✨fis a Papa nou ki nan syèl la. Paske Li fè solèy Li leve sou mechan yo, ak bon yo, e voye lapli sou sila ki dwat yo, ak sila ki pa dwat yo.

46 “Paske ✨ si nou renmen sila ki renmen nou yo, ki rekonpans nou ka resevwa? Èske kolektè kontribisyon yo pa fè menm bagay la tou? 47 Epi si nou salye frè nou yo sèlman, kisa nou fè plis ke lòt moun yo? Èske Payen yo pa fè menm bagay la tou?

48 “Pou sa, nou dwe pafè menm jan ke Papa nou ki nan syèl la pafè. ✨

## 6

1 Veye pou nou pa pratike ladwati nou devan moun ✨pou yo kapab wè nou; si se konsa, nou p ap twouve okenn rekonpans nan men Papa nou ki nan syèl la.

2 Pou sa, lè nou ap bay lacharite, pa sonnen yon twonpèt devan nou tankou ipokrit yo konn fè nan sinagòg ak lari yo pou yo ✨kapab resevwa lonè a lòm. M ap di ou, yo gen tan resevwa tout rekonpans yo. 3 Men lè nou ap bay lacharite, pa kite men goch nou konnen kisa men dwat nou ap fè; 4 Ke lacharite nou kapab an sekre, e ✨Papa nou ki wè an sekre a, ap bannou rekonpans.

✨ 5:27 Egz 20:14 ✨ 5:28 II Sam 11:25 ✨ 5:29 Mat 18:9 ✨ 5:30 Mat 18:8 ✨ 5:31 Det 24:1,3 ✨ 5:32 Mat 19:9 ✨ 5:33 Lev 19:12 ✨ 5:34 Jc 5:12 ✨ 5:34 Det 23:3-6; És 66:1 ✨ 5:38 Egz 21:24 ✨ 5:39 I Kor 6:7 ✨ 5:42 Det 15:7-11 ✨ 5:44 Luc 6:27 ✨ 5:45 Mat 5:9 ✨ 5:46 Luc 6:32 ✨ 5:48 Lev 19:2; I Jn 3:12 ✨ 6:1 Mat 6:5,16 ✨ 6:2 Mat 6:5,16 ✨ 6:4 Jr 17:10

<sup>5</sup> Epi lè nou ap fè lapriyè, pa fè l tankou ipokrit yo; yo ✨renmen kanpe pou fè lapriyè nan sinagòg yo ak nan kwen lari pou moun kapab wè yo. Anverite, Mwen di nou, yo gen tan twouve tout rekonpans yo.

<sup>6</sup> Men nou menm, lè nou ap priye, ✨ale nan ti chanm andedan kay nou an e fèmen pòt nou. Priye a Papa nou ki an sekre a, e Papa nou ki wè an sekre a ap bay nou rekonpans.

<sup>7</sup> Epi lè nou ap priye, pa itilize pil mo vag e san sans jan Payen yo konn fè a; paske yo sipoze ke lapriyè yo ap tandè akòz ✨anpil mo. <sup>8</sup> Men pa fè tankou yo; paske ✨ Papa nou konnen kisa nou bezwen menm avan nou mande Li. <sup>9</sup> Pou tout sa, ✨priye konsa:

“Papa nou ki nan syèl la Ke non Ou kapab Sen

<sup>10</sup> Ke Wayòm Ou kapab vini, Ke volonte Ou kapab fèt  
Sou latè menm jan ke li fèt nan syèl la.

<sup>11</sup> Bay nou pou jou sa a pen ✨ ke nou bezwen an,

<sup>12</sup> Epi ✨padone nou ofans nou yo  
menm jan ke nou padone sila ki fè nou tò yo.

<sup>13</sup> Epi pa mennen nou nan tantasyon, men ✨  
delivre nou de mal.

Paske wayòm nan, pouvwa a, avèk glwa a  
se pou Ou menm pou tout letènite. Amèn.

<sup>14</sup> ✨Paske si nou padone moun yo pou ofans pa yo, Papa nou ki nan syèl la va padone nou menm. <sup>15</sup> Men ✨si nou pa padone moun yo pou ofans pa yo, Papa nou p ap padone ofans pa nou yo.

<sup>16</sup> Epi ✨lè nou ap fè jèn, pa mete yon figi tris jan ipokrit yo konn fè a; paske yo neglije aparans yo pou moun kapab wè lè y ap fè jèn. Anverite, yo deja twouve tout rekonpans pa yo.

<sup>17</sup> Men nou menm, lè nou ap fè jèn, ✨onksyone tèt nou avèk lwil e lave figi nou, <sup>18</sup> Pou moun pa wè ke nou ap fè jèn, men se Papa nou ki nan sekre a k ap wè. Epi ✨Papa nou ki wè nan sekre a ap bannou rekonpans.

<sup>19</sup> ✨Pa ranmase trezò nou isit la nan mond sa a kote ensèk avèk lawouj ap detwi yo, e kote vòlè kapab kase antre pou vòlè. <sup>20</sup> Men pito nou ranmase pou nou ✨trezò ki nan syèl la kote ensèk avèk lawouj p ap detwi yo, e kote vòlè p ap kase ni vòlè. <sup>21</sup> Paske ✨kote trezò nou ye se la kè nou va ye tou.

<sup>22</sup> Lanp kò nou se ✨zye nou; konsa si zye nou klè, tout kò nou ap plen limyè; <sup>23</sup> Men si ✨zye nou pa bon, tout kò nou ap plen tenèb.

Konsa, si limyè ki nan nou an se tenèb, ki pwofondè tenèb sa a genyen!

<sup>24</sup> ✨Nanpwen moun ki kab sèvi de mèt; swa l ap rayi youn pou renmen lòt la, oswa l ap renmen youn pou meprize lòt la. Nou pa kapab sèvi Bondye ak richès.

<sup>25</sup> ✨Pou rezon sa a, Mwen di nou pa enkyete nou pou lavi nou, kisa nou ap manje, ni sa nou ap bwè; ni pou kò nou, pou sa nou ap mete sou li. Èske lavi pa plis ke manje, e kò a plis ke rad nou mete sou li? <sup>26</sup> ✨Gade zwazo ki anlè yo; yo pa simen, ni rekòlte, ni ranmase pou mete nan depo. Malgre sa, Papa yo bay yo manje. Èske nou pa vo bokou plis ke yo?

<sup>27</sup> Epi kilès nan nou ki avèk ✨enkyetid kapab ogmante vi li menm yon ti kras? <sup>28</sup> E poukisa nou ✨enkyete pou zafè rad?

✨ **6:5** Mc 11:25 ✨ **6:6** És 26:20 ✨ **6:7** I Wa 18:26 ✨ **6:8** Sòm 38:9 ✨ **6:9** Luc 11:1-4 ✨ **6:11** Pwov 30:8 ✨ **6:12** Egz 34:7 ✨ **6:13** Jn 17:15 ✨ **6:14** Mat 7:2 ✨ **6:15** Mat 18:35 ✨ **6:16** És 58:5 ✨ **6:17** Rt 3:3 ✨ **6:18** Mat 6:4-6 ✨ **6:19** Pwov 23:4 ✨ **6:20** Mat 19:21 ✨ **6:21** Luc 12:34 ✨ **6:22** Luc 11:34-35 ✨ **6:23** Mat 20:15 ✨ **6:24** I Wa 18:21 ✨ **6:25** Luc 12:22-31 ✨ **6:26** Job 35:11 ✨ **6:27** Mat 6:25,28,31,34 ✨ **6:28** Mat 6:25-28

Gade flè lis ki nan chan yo; yo pa travay, ni fè twal; <sup>29</sup> men Mwen di nou ke menm ✨Salomon nan tout glwa li pa t mete pi bèl rad pase youn nan yo. <sup>30</sup> Men si se konsa ke Bondye abiye ✨zèb chan ki la jodi a, e demen ap jete nan dife, konbyen anplis L ap fè pou nou, o ✨nou menm, moun ki manke lafwa!

<sup>31</sup> Konsa, pa ✨enkyete nou, pou di: “Kisa n ap manje?” ni “Kisa n ap bwè?” ni “Avèk kisa n ap abiye?” <sup>32</sup> Paske se tout bagay sa yo ke tout payen yo cho pou chèche, men ✨Papa nou ki nan syèl la konnen ke nou bezwen tout bagay sa yo. <sup>33</sup> Chèche premyèman wayòm Li avèk ladwati Li, epi ✨tout bagay sa yo ap vini anplis.

<sup>34</sup> Pou sa, pa enkyete nou pou demen, paske demen ap okipe tèt li. Chak jou gen kont pwoblèm li pou regle pou kont li. ✨

## 7

<sup>1</sup> ✨Pa jije pou nou menm pa vin jije. <sup>2</sup> Paske menm jan ke nou jije a, nou menm tou, nou va vin jije: ✨pa menm mezi ke nou sèvi a, yo va mezire nou. <sup>3</sup> E poukisa nou ✨gade ti kras poud ki nan zye frè nou an, men nou pa wè gwo bout bwa ki nan zye pa nou an? <sup>4</sup> ✨O kijan nou kapab di frè nou an: “Kite m retire ti kras sa a ki nan zye ou a”, epi gade, gwo bout bwa nan zye w? <sup>5</sup> Ipokrit! Premyeman, retire gwo bout bwa nan zye ou a, e konsa w ap kapab wè byen klè pou retire ti kras ki nan zye frè ou a.

<sup>6</sup> ✨Pa bay sa ki sen a chen yo; ni pa jete pèl nou yo devan kochon yo, sinon yo va foule yo anba pye epi vire pou chire nou an mòso.

<sup>7</sup> ✨Mande, e nou va resevwa; chache, e nou va twouve; frape nan pòt la, e l ap louvri. <sup>8</sup> Paske tout moun ki mande ap resevwa, e sila ki chèche yo va twouve; e a sila ki frape yo, pòt la va louvri. <sup>9</sup> Ò ki moun pami nou lè Pitit li mande yon moso pen, l ap bay li yon wòch? <sup>10</sup> Ò si li mande yon pwason, èske l ap bay li yon koulèv? <sup>11</sup> Si nou menm ki mechan, nou konnen kijan pou bay bon kado a pitit nou yo, ✨konbyen anplis, Papa nou ki nan syèl la ap bay sa ki bon a sila ki mande Li yo. <sup>12</sup> ✨Pou sa, menm jan ke nou vle moun aji avèk nou, fè yo menm bagay la, paske ✨sa se Lalwa, ak Pwofèt yo.

<sup>13</sup> ✨Antre pa pòt etwat la; paske pòt laj la, e chemen byen gwo ki mennen nan destriksyon an; gen anpil moun k ap antre pa li menm. <sup>14</sup> Paske pòt etwat la, ak chemen piti ki mennen a lavi a; ni pa gen anpil moun k ap twouve l.

<sup>15</sup> Veye nou ak ✨fo pwofèt yo, ki vin kote nou ak vètman brebi; men anndan se lou visye yo ye. <sup>16</sup> Nou ap ✨konnen yo pa fwi yo; rezen pa janm soti nan raje pikan, ni fig frans nan move zèb. <sup>17</sup> Menm jan an, ✨chak bon ab ap bay bon fwi, men yon move ab ap bay move fwi. <sup>18</sup> Yon bon ab p ap kapab bay move fwi, ni yon move ab p ap pwodwi bon fwi. <sup>19</sup> ✨Chak ab ki pa bay bon fwi ap koupe jete nan lanfè. <sup>20</sup> Konsa, nou ap konnen yo ✨pa fwi yo.

<sup>21</sup> ✨Se pa tout moun ki rele ‘Senyè, Senyè k ap antre nan wayòm syèl la, men sila yo ki fè volonte a Papa M ki nan syèl la. <sup>22</sup> ✨Anpil ap di Mwen nan jou sa: “Senyè, Senyè, èske nou pa t pwofetize nan non Ou? Èske nan non

✨ 6:29 I Wa 10:4-7 ✨ 6:30 Jc 1:10-11 ✨ 6:30 Mat 8:26 ✨ 6:31 Mat 6:25,27,28,34 ✨ 6:32 Mat 6:8 ✨ 6:33 Mat 19:28 ✨ 6:34 Pwov 30:8 ✨ 7:1 Wo 14:10,13 ✨ 7:2 Mc 4:24 ✨ 7:3 Wo 2:1 ✨ 7:4 Luc 6:42 ✨ 7:6 Mat 15:26 ✨ 7:7 Luc 11:9-13 ✨ 7:11 Sòm 84:11 ✨ 7:12 Luc 6:31 ✨ 7:12 Mat 22:40 ✨ 7:13 Luc 13:24 ✨ 7:15 Mat 24:11,24 ✨ 7:16 Mat 7:20 ✨ 7:17 Mat 12:33,35 ✨ 7:19 Mat 3:10 ✨ 7:20 Mat 7:16 ✨ 7:21 Luc 6:46 ✨ 7:22 Mat 25:11



Ou, nou pa t chase move lespri yo e nan non Ou, nou pa t fè anpil mirak?”  
<sup>23</sup> Epi nan moman sa a, M ap deklare: ✨“Mwen pa t janm konnen nou; soti sou Mwen, nou tout ki pratike lenjistis.

<sup>24</sup> Pou sa, ✨tout moun ki tandè pawòl sa yo ke Mwen bay yo e ki aji sou yo, y ap tankou yon nonm saj ki bati kay li sou wòch. <sup>25</sup> Lapli te tonbe, inondasyon te vini, van te soufle e te frape kont kay la, men li pa t tonbe paske fondasyon li te sou wòch. <sup>26</sup> Tout moun ki tandè pawòl sa yo ke Mwen pale yo e ki pa aji sou yo, y ap tankou yon moun sòt. Li te bati kay li sou sab. <sup>27</sup> Lapli te tonbe, inondasyon te vini; van te soufle e te frape kont kay la; li te tonbe, e tonbe sa a te byen gwo.”

<sup>28</sup> Lè Jésus te fin pale mo sa yo, ✨foul la te byen etone pou jan Li te enstwi yo a. <sup>29</sup> Paske Li te enstwi yo tankou yon moun avèk otorite, e pa tankou skrib yo.

## 8

<sup>1</sup> Lè Jésus te fin desann mòn nan, yon gran foul te swiv Li. <sup>2</sup> Epi konsa ✨yon moun lalèp te vin kote L, te bese devan Li, e te di: “Senyè, si se volonte Ou, Ou kapab fè m vin pwòp.

<sup>3</sup> Jésus te lonje men Li e te touche l; Li te di l: “Se volonte Mwen; vin pwòp.” Imedyatman ✨lèp la te vin pwòp. <sup>4</sup> Jésus te di li: “Gade pou ou pa di pèsòn sa, men ✨ale prezante ou bay prèt la, epi bay yo ofrann ke Moïse te mande a kon yon temwayaj a yo menm.

<sup>5</sup> Epi ✨lè Jésus te fin antre Capernaüm, yon chèf sentiwon Women te vin siplye Li konsa: <sup>6</sup> Senyè, sèvitè mwen an kouche ✨paralize lakay mwen; l ap soufri anpil.

<sup>7</sup> Epi Li te di li: “M ap vin geri li.”

<sup>8</sup> Men sentiwon an te reponn Li: “Senyè, mwen pa dign pou Ou pase anba twati kay mwen, men sèlman di yon mo a e sèvitè mwen an va geri. <sup>9</sup> Paske mwen menm tou se yon moun anba ✨otorite, avèk sòlda anba mwen; mwen di a youn ‘ale’, li ale, e a yon lòt ‘vini’, li vini, epi a esklav mwen ‘fè sa’ e li fè l.”

<sup>10</sup> Lè Jésus te tandè sa, Li te etone e te di a sila ki t ap swiv Li yo: “Anverite, Mwen di nou, Mwen pa twouve lafwa konsa nan okenn moun an Israël. <sup>11</sup> Epi Mwen di nou ke anpil moun ✨va vin soti nan lès ak lwès pou chita sou tab avèk Abraham, Isaac ak Jacob nan wayòm syèl la; <sup>12</sup> Men ✨fis a wayòm yo ap jete deyò nan ✨fon tenèb, e nan plas sa a, yo va rele anmwey e yo va manje dan yo. <sup>13</sup> Epi Jésus te di a sentiwon an: “Ou mèt ale; ke sa fèt pou ou ✨jan ou kwè a.” Konsa, sèvitè li a te geri nan menm lè sa a.

<sup>14</sup> Epi ✨lè Jésus te ale lakay Pierre, Li te wè bèlmè li kouche malad sou kabann li avèk lafyè. <sup>15</sup> Epi lè Li fin touche men li, lafyè la te kite l; e li te leve pou sèvi Li. <sup>16</sup> Lè fènwa te vin rive, yo te pote bay Li anpil moun ✨ki te gen move lespri. Li te jete move lespri sa yo deyò avèk yon mo e te ✨geri tout malad yo. <sup>17</sup> Se te pou akonpli sa ke pwofèt Ésaïe te di lè li te di: ✨“Li menm te pran tout enfimite nou yo, e pote tout maladi nou yo.”

<sup>18</sup> Lè Jésus te wè yon foul t ap antoure l, ✨Li te pase lòd pou pati ale lòtbò lanmè a.

✨ 7:23 Sòm 6:8 ✨ 7:24 Mat 16:18 ✨ 7:28 Mat 13:54 ✨ 8:2 Mc 1:40-44 ✨ 8:3 Mat 11:5  
 ✨ 8:4 Mc 1:44 ✨ 8:5 Luc 7:1-10 ✨ 8:6 Mat 4:24 ✨ 8:9 Mc 1:27 ✨ 8:11 És 49:12 ✨ 8:12  
 Mat 13:38 ✨ 8:12 Mat 22:13 ✨ 8:13 Mat 9:22,29 ✨ 8:14 Mc 1:29-34 ✨ 8:16 Mat 4:24  
 ✨ 8:16 Mat 4:23 ✨ 8:17 És 53:4 ✨ 8:18 Mc 4:35

<sup>19</sup> ✧Epi yon sèten skrib te vini e te di Li: “Mèt, m ap swiv ou nenpòt kote ou ale.”

<sup>20</sup> Epi Jésus te di li: “**Rena yo gen twou pou yo kache, e zwazo anlè yo gen nich pa yo, men ✧Fis a Lòm nan pa gen kote pou repoze tèt Li.**”

<sup>21</sup> Yon lòt nan disip Li yo te di Li: “Senyè, kite mwen premyèman ale antere papa m.”

<sup>22</sup> Men Jésus te di li: ✧**“Swiv Mwen; kite mò yo antere mò parèy yo.”**

<sup>23</sup> ✧Lè L fin antre nan kannòt la, disip Li yo te swiv Li. <sup>24</sup> Epi konsa, te vin leve yon gwo tanpèt sou lanmè a, ki te fè vag lanmè yo kouvri kannòt la; men Jésus, Li menm, t ap dòmi. <sup>25</sup> Epi yo te vin fè L leve e te di Li: “Senyè, sove nou; n ap peri.”

<sup>26</sup> Li te di yo: “**Poukisa nou pè konsa, ✧moun ak ti lafwa piti?**” Konsa Li te leve, Li te reprimande van an avèk lanmè a, e sa te vin kalm nèt.

<sup>27</sup> Epi moun yo te etone e te di: “Ki kalite moun sa a ye, ke menm van avèk lanmè obeyi Li?”

<sup>28</sup> ✧Lè li te rive lòtbò nan peyi Gadarenyen yo, de moun ki te gen move lespri te rankontre li pandan yo t ap soti nan tonm yo. Yo te tèlman vyolan ke pèsòn pa t kapab pase nan chemen sa a. <sup>29</sup> Epi yo te kriye e te di: ✧**“Kisa nou gen avè W, Fis Bondye a? Èske Ou vini la pou toumante nou avan lè a?”** <sup>30</sup> A yon distans, te gen yon bann kochon ki t ap manje. <sup>31</sup> Epi lespri yo te kòmanse sipliye Li konsa: “Si ou ap mete nou deyò, voye nou nan bann kochon sa yo.”

<sup>32</sup> E Li te di yo: **“Ale!”**

E yo te pati e te ale nan kochon yo. Lapoula, tout bann kochon yo te kouri desann falèz la, tonbe nan lanmè, epi mouri nan dlo a.

<sup>33</sup> Gadyen yo te kouri ale antre nan vil la kote yo te fè rapò tout bagay sa yo, ansanm avèk sa ki te rive ✧moun move lespri yo. <sup>34</sup> Konsa, tout vil la te soti pou rankontre Jésus; epi lè yo te wè L, ✧yo te sipliye Li pou kite peyi yo a.

## 9

<sup>1</sup> Jésus te antre nan yon kannòt pou travèse dlo a, e te vin rive nan ✧pwòp vil Li a. <sup>2</sup> ✧Epi konsa, yo te pote bay Li yon moun paralize ki kouche sou yon kabann. Lè Jésus te wè lafwa yo, Li te di a moun paralize a: **“Pran kouraj fis Mwen, peche ou yo padone.**

<sup>3</sup> Kèk nan skrib yo te reflechi nan kè yo: “Moun sa a ✧ap blasfeme.”

<sup>4</sup> Men Jésus te ✧konnen panse yo e Li te di: **“Poukisa nou ap reflechi mal nan kè nou? <sup>5</sup> Kisa ki pi fasil pou di: ✧‘Peche ou yo padone’, oubyen leve mache?”** <sup>6</sup> Men pou nou kapab konprann ke Fis a lòm nan gen otorite sou latè pou padone peche”, Li te di a paralitik la: **“Leve, pran kabann ou e ale lakay ou!”**

<sup>7</sup> Epi konsa, Li te leve ale lakay li. <sup>8</sup> Lè foul la te wè sa, yo te ranpli avèk laperèz, e yo te ✧bay glwa a Bondye ki te bay otorite konsa a lèzòm.

<sup>9</sup> ✧Lè Jésus te kite kote sa a, Li te wè yon nonm yo rele Matthieu ki te chita nan biwo kontribisyon an e Li te di l: **“Swiv Mwen!”** Epi li te leve e te swiv Li. <sup>10</sup> Li vin rive pandan Li te sou tab nan kay la, ke anpil ouvriye travay Kontribisyon an, avèk anpil pechè t ap manje avèk Jésus ak disip

✧ **8:19** Luc 9:57-60 ✧ **8:20** Dan 7:13 ✧ **8:22** Mat 9:9 ✧ **8:23** Mc 4:36-41 ✧ **8:26** Mat 6:30  
 ✧ **8:28** Mc 5:1-17 ✧ **8:29** Jij 11:12 ✧ **8:33** Mat 4:24 ✧ **8:34** Am 7:12 ✧ **9:1** Mat 4:13 ✧ **9:2** Mc 2:3-12 ✧ **9:3** Mc 3:28-29 ✧ **9:4** Mat 12:25 ✧ **9:5** Mat 9:2,6 ✧ **9:8** Mat 5:16 ✧ **9:9** Mc 2:14-22

Li yo. <sup>11</sup> Lè Farizyen yo te wè sa, yo te di a disip Li yo: ✨“Poukisa Mèt nou ap manje avèk moun kontribisyon ak pechè sa yo?”

<sup>12</sup> Men, lè Jésus tande sa, Li te di: **“Se pa ✨sila ki ansante yo ki bezwen yon doktè, men sila ki malad yo. <sup>13</sup> Men ale konprann kisa sa vle di: ✨Mwen dezire mizerikòd, pa sakrifis’, paske mwen pa t vini pou rele jis yo, men pechè yo.’”**

<sup>14</sup> Aprè sa, disip a Jean yo ✨te vini mande L: “Poukisa nou menm avèk Farizyen yo fè jèn, men disip Ou yo pa fè l?”

<sup>15</sup> Epi Jésus di yo konsa: **“Èske moun k ap fete avèk mesye maryaj la kapab tris pandan mesye a toujou la? Men jou yo ap vini lè mesye a p ap la ankò e nan tan sa a, yo va fè jèn. <sup>16</sup> Men pèsòn pa pyese yon vye rad avèk yon twal nèf dekwa ke twal nèf la pa vin etwat lè l ap chache kole de moso twal yo pou chire rad la pa vin pi mal. <sup>17</sup> Ni moun pa mete diven nèf nan po kwi ansyen, sinon po a ap fann pou diven an tonbe gate ansyen po a. Men yo mete diven nèf nan po nèf pou tou de kapab konsève.”**

<sup>18</sup> ✨Pandan Li t ap pale konsa avèk yo, yon ofisyè sinagòg la te vin bese devan Li e te di L: “Fi mwen an apèn fin mouri, men si ou vin mete men ou sou li, l ap viv.”

<sup>19</sup> Jésus te leve e te swiv li ansanm avèk tout disip Li yo. <sup>20</sup> Epi konsa, yon fanm ki te soufri yon maladi pèt de san depi douz ane te parèt pa dèyè Li e te touche ✨rebò vètman Li; <sup>21</sup> Paske li t ap di nan tèt li: “Si sèlman mwen kapab ✨touche rebò vètman Li, m ap geri.”

<sup>22</sup> Men Jésus te vire wè li e te di li: **“Fi mwen, pran kouraj, ✨fwa ou gen tan fè ou geri.** Epi lapoula, fanm nan te gen tan geri.

<sup>23</sup> Konsa, lè Jésus te ale lakay ofisyè a, Li te wè ✨moun ki t ap jwe flit avèk yon foul ki t ap fè anpil bwi avèk dezòd, <sup>24</sup> Li te di: **“Ou mèt ale; fi a ✨pa mouri, men se dòmi, l ap dòmi.”**

Epi yo te kòmanse ri sou Li. <sup>25</sup> Men ✨lè foul la te soti deyò, Li te antre, ✨pran men li, e fi a te vin leve. <sup>26</sup> ✨Nouvèl sa a te kouri toupatou nan peyi a.

<sup>27</sup> Lè Jésus te rive pi lwen, de moun avèg t ap swiv Li, e yo t ap kriye: “Fè nou gras ✨Fis a David la!” <sup>28</sup> Konsa, lè L te fin antre nan kay la, yo te vin kote L e Li te mande yo: **“Èske nou kwè ke Mwen kapab fè sa?”**

Yo te reponn Li: “Wi, Senyè”.

<sup>29</sup> Li te touche zye yo e te di: **“Ke sa fèt ✨selon lafwa nou.”** <sup>30</sup> Epi zye yo te vin louvri. Jésus ✨te pale ak yo sevèman: **“Gade byen, pa kite pèsòn konnen bagay sa a.”** <sup>31</sup> Men yo te ale deyò e ✨te gaye nouvèl la toupatou nan peyi a.

<sup>32</sup> Epi pandan yo t ap soti deyò; konsa, yo te pote bay Li ✨yon bèbè avèk yon move lespri. <sup>33</sup> Lè Li fin jete move lespri a, bèbè a vin pale. Tout foul la te byen etone e yo te di: ✨“Nou pa janm wè anyen parèy a sa an Israèl.”

<sup>34</sup> Men Farizyen yo t ap di: ✨“Li chase move lespri yo pa pouvwa a mèt move lespri yo.”

<sup>35</sup> Jésus t ap prale toupatou nan tout vil ak tout bouk yo; Li t ap ✨enstwi nan sinagòg yo pou pwoklame bòn nouvèl wayòm nan, e Li t ap geri tout kalite maladi ak pwoblèm fizik. <sup>36</sup> Epi lè Li wè tout foul moun yo, Li te

✨ 9:11 Mat 11:19 ✨ 9:12 Mc 2:17 ✨ 9:13 Os 6:6 ✨ 9:14 Luc 18:12 ✨ 9:18 Mc 5:22-43  
 ✨ 9:20 Nonb 15:38 ✨ 9:21 Mat 14:36 ✨ 9:22 Mat 9:29 ✨ 9:23 II Kwo 35:25 ✨ 9:24 Jn 11:13  
 ✨ 9:25 Trav 9:40 ✨ 9:25 Mc 9:27 ✨ 9:26 Mat 4:24 ✨ 9:27 Mat 1:1 ✨ 9:29 Mat 8:13  
 ✨ 9:30 Mat 8:4 ✨ 9:31 Mat 4:24 ✨ 9:32 Mat 12:22,24 ✨ 9:33 Mc 2:12 ✨ 9:34 Mat 12:24  
 ✨ 9:35 Mat 4:23

gen konpasyon pou yo, ✨ paske yo te dezole e dekouraje tankou mouton ki san gadò. <sup>37</sup> Konsa Li di a disip Li yo: ✨ “**Rekòlt la anpil, men ouvriye yo manke.** <sup>38</sup> Pou sa, sipliye Senyè rekòlt la pou voye ouvriye nan rekòlt Li a.

## 10

<sup>1</sup> Jésus te rele douz disip li yo. Li te bay yo pouvwa sou move lespri yo, pou chase yo deyò e pou geri tout kalite enfimite avèk maladi. ✨ <sup>2</sup> ✨ Alò, non a douz apot yo te konsa: Premye a, Simon, ke yo rele Pierre, André, frè li, Jacques, fis a Zébédée, Jean, frè li, <sup>3</sup> ✨ Philippe ak Barthélèmy; Thomas ak Matthieu ki te kolektè kontribisyon an, Jacques, fis Alphée a, ak Thaddée; <sup>4</sup> Simon, Zelòt la ak ✨ Judas Iscariot, sila ki te trayi Jésus a.

<sup>5</sup> Douz sila yo Jésus te voye lè Li te fin enstwi yo konsa: “**Pa antre nan chemen Payen yo, ni pa antre nan okenn vil ki pou ✨ Samariten yo,** <sup>6</sup> Men pito ale vè ✨ mouton ki pèdi lakay Israèl yo. <sup>7</sup> Epi pandan n ap prale, preche epi di: ✨ ‘Wayòm syèl la prèt pou rive.’ <sup>8</sup> Geri malad yo, leve mò yo, pirifye lepre yo, chase move lespri yo; nou te resevwa gratis, nou mèt bay gratis. <sup>9</sup> ✨ Nou pa pou pran ni lò, ni lajan ni kwiv pou mete nan bous senti nou, <sup>10</sup> Ni yon sak pou vwayaj nou, pa menm de chemiz, ni sapat, ni baton; paske yon ✨ ouvriye merite soutyen li.

<sup>11</sup> Epi nan nenpòt vil oubyen bouk ke nou antre, mande kilès ki gen merit nan li, epi ak li pou nou rete jis lè nou kite vil sa a. <sup>12</sup> Pandan n ap antre nan kay la, ✨ bay li salitasyon nou; <sup>13</sup> Epi si kay la gen merit, ke benediksyon lapè nou rete sou li; men si li pa gen merit, ke benediksyon lapè nou retounen sou nou. <sup>14</sup> Epi nenpòt moun ki pa resevwa nou, ni pa okipe pawòl nou, lè nou kite kay sa a, oubyen vil sa a, ✨ souke pye nou pou pousyè li pa rete. <sup>15</sup> Anverite Mwen di nou, ✨ l ap pi tolerab pou peyi Sodome ak Gomorrhe nan jou jijman an pase vil sa a.

<sup>16</sup> ✨ Veye byen, Mwen voye nou tankou mouton nan mitan lou; konsa, se pou nou saj kon sèpan, men inosan kon toutrèl.

<sup>17</sup> Men veye lèzòm, y ap livre nou devan ✨ tribinal yo, e y ap bat nou ak fwèt nan sinagòg yo; <sup>18</sup> Epi y ap menm fè nou vini devan ofisye ak wa yo pou non Mwen, kon yon temwayaj pou yo menm ak pou Payen yo. <sup>19</sup> ✨ Men lè yo livre nou nan men yo, pa enkyete pou sa n ap di; paske nou va resevwa nan lè sa, sa nou gen pou nou pale. <sup>20</sup> Paske ✨ se pa nou menm k ap pale, men se Lespri Papa nou an k ap pale nan nou.

<sup>21</sup> ✨ Frè va livre frè l a lanmò, e papa va livre Pitit li; zanfan yo ap leve kont paran yo e fè mete yo a lanmò. <sup>22</sup> ✨ Nou va rayi pa tout moun akon non Mwen; men sila ki reziste jiska lafen an ap sove.

<sup>23</sup> Men nenpòt lè ke yo pèsekite nou nan yon vil, sove ale nan yon lòt; paske anverite Mwen di nou, nou p ap gen tan fin pase nan tout vil Israèl yo ✨ pou lè Fis a Lòm nan vini.

<sup>24</sup> ✨ Yon disip pa pi wo pase enstriktè li, ni yon esklav pase mèt li. <sup>25</sup> Se kont pou yon disip pou li vini menm jan avèk enstriktè li, e yon esklav menm jan ak mèt li. Si yo rele mèt kay la ✨ Béelzébul, konbyen anplis pou yo kalomye manm kay li yo! <sup>26</sup> Pou sa, pa pè yo; ✨ paske pa gen anyen ki

✨ **9:36** Nonb 27:17 ✨ **9:37** Luc 10:2 ✨ **10:1** Mc 3:13-15 ✨ **10:2** Mc 3:16-19 ✨ **10:3** Jn 1:4; Jn 11:16 ✨ **10:4** Mat 26:14 ✨ **10:5** II Wa 17:24 ✨ **10:6** Mat 15:24 ✨ **10:7** Mat 3:2 ✨ **10:9** Luc 22:35 ✨ **10:10** I Kor 9:14 ✨ **10:12** I Sam 25:6 ✨ **10:14** Trav 15:21 ✨ **10:15** Mat 11:22,24 ✨ **10:16** Luc 10:3 ✨ **10:17** Mat 5:22 ✨ **10:19** Mc 13:11-13 ✨ **10:20** Luc 12:12 ✨ **10:21** Mat 10:35,36 ✨ **10:22** Mat 24:9 ✨ **10:23** Mat 16:27 ✨ **10:24** Luc 6:40 ✨ **10:25** II Wa 1:2 ✨ **10:26** Mc 4:22

kouvri ki p ap dekouvri, e cache ki p ap revele. <sup>27</sup> ✧ Sa ke Mwen di nou nan tenèb, pale li nan plen limyè, e sa ke nou tande yo chikote nan zòrèy nou, pwoklame li sou twati kay la. <sup>28</sup> Epi pa pè sa ki kapab touye kò a men ki pa ka touye nanm nan; men pito ✧ pè sila ki kapab detwi ni nanm nan, ni kò a nan lanfè.

<sup>29</sup> ✧ Èske yo pa vann de zwazo pou yon santim? Malgre sa, pa gen youn nan yo k ap tonbe atè san ke Papa nou pa konnen. <sup>30</sup> Men ✧ menm chak ti grenn cheve nan tèt nou gen tan kontwole; <sup>31</sup> Konsa, nou pa bezwen pè; nou ✧ gen bokou plis valè pase anpil zwazo. <sup>32</sup> Pou sa, tout moun ki konfese M devan lòm; Mwen menm osi, M ap konfese l devan Papa m ki nan syèl la. <sup>33</sup> Men ✧ nenpòt moun ki renye m devan lòm, M ap renye l devan papa M ki nan syèl la.

<sup>34</sup> ✧ Pa sipoze ke Mwen vini pou pote lapè sou latè; Mwen pa t vini pou pote lapè, men nepe. <sup>35</sup> Mwen te vini pou ✧ mete yon nonm kont papa li, yon fi kont manman li, e yon bèlfi kont bèlmè Li; <sup>36</sup> Epi ✧ lènmi a yon nonm ap manm a pwòp kay li. <sup>37</sup> ✧ Sila ki renmen papa li oubyen manman li plis ke Mwen, li pa dign de Mwen; e sila ki renmen fis li, oubyen fi li plis ke Mwen, li pa dign de Mwen. <sup>38</sup> Epi ✧ sila ki pa pran kwa li pou swiv Mwen, li pa merite Mwen. <sup>39</sup> ✧ Sila k ap konsève lavi li, li va pèdi li; men sila ki pèdi vi li pou Mwen, l ap twouve li.

<sup>40</sup> Sila ki resevwa nou menm, resevwa M; e ✧ si la ki resevwa Mwen, resevwa Sila ki te voye Mwen an. <sup>41</sup> ✧ Sila ki resevwa yon pwofèt nan non a yon pwofèt ap resevwa rekonpans a yon pwofèt. Epi li ki resevwa yon nonm ladwati nan non a yon nonm ladwati, va resevwa rekonpans la a yon nonm dwat. <sup>42</sup> Epi nenpòt moun ki nan non a yon disip, bay youn nan pitit sa yo, menm yon tas dlo frèt pou bwe; anverite, Mwen di nou li pa pèdi rekonpans li.

## 11

<sup>1</sup> ✧ Lè Jésus te fin bay enstriksyon a douz disip Li yo, Li te kite kote sa a pou enstwi e preche nan vil pa yo.

<sup>2</sup> ✧ Alò, lè Jean te nan prizon e te tande tout zèv ke Kris la t ap fè yo, li te voye yon mesaj pa disip Li yo; <sup>3</sup> Epi te mande L: “Èske Ou se ✧ Sila ke nou t ap tann nan, oubyen èske nou bezwen tann yon lòt?”

<sup>4</sup> Jésus te reponn yo e te di: “Ale fè rapò a Jean selon tout sa nou tande e wè: <sup>5</sup> ✧ Avèg yo vin wè, sila ki t ap bwate yo vin mache dwat, lepre yo vin pirifye, soud yo vin tande, mò yo vin resisite e malere yo tande bon nouvèl la. <sup>6</sup> Beni se sila ki ✧ pa chite akòz Mwen menm nan.”

<sup>7</sup> Pandan mesye sa yo, disip a Jean Baptiste yo t ap prale, Jésus te kòmanse pale avèk foul la konsènan Jean: “Kisa nou te ✧ ale wè nan savann nan? Yon wozo ki souke pa van? <sup>8</sup> Men kisa nou te ale wè? Yon nonm abiye ak rad ki swa? Sila ki mete rad swa yo rete nan palè a wa yo. <sup>9</sup> Men kisa nou te sòti pou wè? ✧ Yon pwofèt? Wi, Mwen di nou e se youn ki plis ke yon pwofèt. <sup>10</sup> Se selon sila menm ke pwofèt yo te ekri: ✧ “Gade byen! Mwen voye mesaje Mwen an devan fas nou, ki va prepare chemen an devan nou.”

<sup>11</sup> Anverite Mwen di nou, pami sila ki fèt pa fanm yo, pa janm leve youn

✧ **10:27** Luc 12:3 ✧ **10:28** Eb 10:31 ✧ **10:29** Luc 12:6 ✧ **10:30** I Sam 14:45 ✧ **10:31** Mat 12:12 ✧ **10:33** Mc 8:38 ✧ **10:34** Luc 12:51-55 ✧ **10:35** Mi 7:6 ✧ **10:36** Mi 7:6 ✧ **10:37** Det 33:9 ✧ **10:38** Mat 16:24 ✧ **10:39** Mat 16:25 ✧ **10:40** Mc 9:37 ✧ **10:41** Mat 25:44-45 ✧ **11:1** Mat 7:28 ✧ **11:2** Mat 4:12 ✧ **11:3** Sòm 118:26 ✧ **11:5** És 35:5 ✧ **11:6** Mat 5:29 ✧ **11:7** Mat 3:1 ✧ **11:9** Mat 14:5 ✧ **11:10** Mal 3:1

ki pi gran ke Jean Baptiste; malgre sa, sila ki pi piti nan wayòm syèl la, pi gran pase li. <sup>12</sup> ✧Depi jou a Jean Baptiste yo jis rive kounye a, wayòm syèl la ap soufri vyolans, e lòm vyolan yo pran li pa lafòs. <sup>13</sup> Paske tout pwofèt yo ansanm ak Lalwa a te pwofetize jiska Jean. <sup>14</sup> Epi si nou kapab aksepte l, se li menm ki ✧Elie, sila ki te genyen pou vini an. <sup>15</sup> ✧Sila ki gen zòrèy pou tande, kite l tande.

<sup>16</sup> Men a kisa Mwen kapab konpare jenerasyon sila a? Li tankou timoun ki chita nan mache, k ap rele lòt timoun <sup>17</sup> pou di: ‘Nou te jwe flit pou nou, e nou pa t danse; nou te chante yon antèman, e nou pa t kriye’. <sup>18</sup> Paske Jean te vini san manje ni ✧bwè, e yo di: ✧ ‘Li gen yon move lespri!’ <sup>19</sup> Men Fis a Lòm nan te vini avèk manje e avèk bwè, e yo di: ✧ ‘Gade, li manje twòp, li bwè twòp, e li fè zanmi avèk moun biwo kontribisyon an, ak pechè yo!’ Men sajès la toujou jistifye pa zak li yo.”

<sup>20</sup> Li te kòmanse repwoche vil kote pi fò ✧mirak yo te fèt yo, paske yo pa t repanti. <sup>21</sup> ✧Malè a ou menm, Chorazin! Malè a ou menm, Bethsaïda! Si mirak ki te fèt nan nou yo te fèt nan Tyr ak Sidon, yo t ap gen tan repanti lontan avèk rad sak ak sann. <sup>22</sup> Malgre sa Mwen di nou, l ap pi tolerab pou Tir ak Sidon nan ✧jou jijman an pase pou nou menm. <sup>23</sup> Epi nou menm, ✧Capernaüm; nou p ap monte nan syèl la! Nou konnen sa? Nou ap ✧desann nan Lanfè; paske si mirak ki te fèt nan nou yo, te fèt nan Sodome; yo ta toujou la jodi a. <sup>24</sup> Malgre sa, Mwen di nou ke ✧li va pi tolerab pou peyi Sodome nan jou jijman an pase pou nou menm.

<sup>25</sup> ✧ Nan lè sa a, Jésus te reponn e te di: “Mwen bay Ou glwa, O Papa, Senyè syèl la ak tè a, ke Ou kache bagay sa yo pou saj avèk entèlijan yo pa wè, e Ou te montre yo menm a zanfan yo. <sup>26</sup> Wi ✧Papa, konsa sa te fè plezi nan zye Ou. <sup>27</sup> Papa M ✧lonje ban Mwen tout bagay; epi pèsòn pa konnen Fis la, sof Papa a; ni pèsòn pa konnen Papa a, sof ke Fis La, ak nenpòt moun ke Fis La vle revele Li menm.

<sup>28</sup> ✧Vini a Mwen menm, tout sila yo ki fatige, k ap pote chaj lou, e M ap bannou repo. Aprann de Mwen menm; paske Mwen dous e enb nan kè; e nou va jwenn repo pou nanm nou. <sup>29</sup> Pran jouk sou nou e vin ✧aprann de Mwen menm; paske Mwen dous e enb nan kè; e ✧ nou va jwenn repo pou nanm nou. <sup>30</sup> Paske ✧jouk Mwen an fasil, e chaj Mwen an lejè.”

## 12

<sup>1</sup> Nan lè sa a, Jésus te pase nan chan sereyal yo nan jou Saba a e disip Li yo te vin grangou. Yo te kòmanse keyi tèt grenn sereyal pou manje yo. <sup>2</sup> Men lè Farizyen yo te wè sa, yo te di Li: “Gade, disip Ou yo fè sa ki ✧pa pèmi nan yon jou Saba.

<sup>3</sup> Men Li te di yo: “Èske nou pa li sa ke David te fè lè li te vin grangou; li menm avèk lòt moun ki te avè l yo? <sup>4</sup> Jan li te antre nan kay Bondye a, e ✧te manje pen ki te konsakre ki pa t pèmi pou li ta manje, ni pou sa yo ki te avè l yo, men te sèlman pou prèt yo? <sup>5</sup> Oubyen èske nou pa t li nan Lalwa a ke nan jou Saba a, prèt yo nan tanp lan te konn vyole Saba a men rete inosan? <sup>6</sup> Men Mwen di nou ke yon choz ✧pi gran pase tanp lan isit la. <sup>7</sup> Men si nou te konnen kisa sa vle di: ✧Mwen dezire mizerikòd olye

✧ **11:12** Luc 16:16 ✧ **11:14** Mal 4:5 ✧ **11:15** Mat 13:9,43 ✧ **11:18** Luc 1:15 ✧ **11:18** Mat 9:34 ✧ **11:19** Mat 9:11 ✧ **11:20** Luc 10:13-15 ✧ **11:21** Luc 10:13-15 ✧ **11:22** Mat 10:15 ✧ **11:23** Mat 4:13 ✧ **11:23** És 14:13-15 ✧ **11:24** Mat 10:15 ✧ **11:25** Luc 10:21 ✧ **11:26** Luc 22:42 ✧ **11:27** Mat 28:18 ✧ **11:28** Jr 31:25 ✧ **11:29** Jn 13:15 ✧ **11:29** Jr 6:16 ✧ **11:30** I Jn 5:3 ✧ **12:2** Mat 12:10 ✧ **12:4** I Sam 2:16 ✧ **12:6** II Kwo 6:18 ✧ **12:7** I Sam 6:6

sakrifis', nou pa t ap kondane inosan yo. <sup>8</sup> Paske ✧Fis a Lòm nan se Senyè a Saba a.

<sup>9</sup> Konsa, Li te ✧kite la e te ale nan sinagòg yo. <sup>10</sup> Epi vwala, te gen yon mesye avèk yon men ki sèch, e Farizyen yo, mande L: ✧“Èske li pèmi pou geri nan jou Saba a? Yo te mande sa a pou yo ta kapab akize Li.

<sup>11</sup> Epi Li te di yo: ✧“Ki moun nan sila ki pami nou yo, si li te gen yon mouton ki tonbe nan yon twou nan Saba a, pa t ap lonje pran l e fè l sòti nan twou a? <sup>12</sup> ✧Konbyen plis valè a yon moun pase yon mouton? Ebyen, li pèmi pou fè sa ki bon nan Saba a.” <sup>13</sup> Epi Li di mesye a: “Lonje men ou!” ✧Li te lonje li, e li te retounen nòm al tankou lòt la. <sup>14</sup> Men Farizyen yo te soti deyò, pou ✧fè konplo ansanm kont Li; sou kijan yo ta kapab detwi L.

<sup>15</sup> Men Jésus te vin konnen tout sa e Li te retire kò l.

Anpil moun te swiv Li, e ✧Li te geri yo tout.

<sup>16</sup> Epi Li te ✧pase lòd pou yo pa fè pèsòn konnen ki moun Li te ye. <sup>17</sup> Sa te fèt Pou akonpli sa ki te pale pa pwofèt Ésaïe a ta kapab akonpli lè li te di:

<sup>18</sup> ✧“Gade sèvitè Mwen ke Mwen te chwazi a;

✧Byeneme Mwen ki fè nanm Mwen byen kontan an.

M ap mete lespri Mwen sou Li, e Li va pwoklame jistis a Payen yo.

<sup>19</sup> ✧Li p ap diskite, ni kriye; ni pèsòn p ap tandè vwa Li nan lari.

<sup>20</sup> ✧Yon wozo brize, Li p ap kase, e yon fisèl bouji k ap toufe

Li p ap tenyen, jouk lè Li mennen jistis la rive nan viktwa a.

<sup>21</sup> ✧Epi nan Non Pa Li, Payen yo ap gen espwa.”

<sup>22</sup> ✧Aprè sa, yo te pote bay Li yon mesye ki te avèg e bèbè akòz yon move lespri. Li te geri li, e bèbè a te vin pale e li te vin wè. <sup>23</sup> Tout foul la te etone, e te kòmanse di: “Èske se posib ke moun sa a kapab ✧Fis a David?”

<sup>24</sup> Men lè Farizyen yo tandè sa, yo te di: “Mesye sa ap ✧chase move lespri sa yo pa Béelzébul ki mèt a tout move lespri yo.”

<sup>25</sup> ✧Li te konnen panse yo, e Li te di yo: “Nenpòt wayòm ki divize kont pwòp tèt li va gaye; e nenpòt vil oswa kay ki divize kont pwòp tèt li p ap kanpe. <sup>26</sup> Epi si se ✧Satan k ap jete Satan, li divize kont pwòp tèt li; epi kijan konsa wayòm li va kanpe. <sup>27</sup> Epi si Mwen menm ✧pa Béelzébul, chase move lespri yo, pa kilès fis nou yo ap jete yo? Pou rezon sa a, se yo menm k ap jije nou. <sup>28</sup> Men ✧si Mwen chase move lespri yo pa Lespri Bondye a, wayòm Bondye a gen tan vini sou nou. <sup>29</sup> Oubyen kijan yon moun kapab antre nan kay a nonm fò pou pran tout byen li, sof ke premyèman li mare nonm fò a? Epi aprè, l ap piyaje kay la.

<sup>30</sup> ✧Sila ki pa pou Mwen an, kont Mwen; e sila ki pa ranmase avè M nan ap gaye. <sup>31</sup> ✧Pou sa, Mwen di nou, nenpòt peche, menm blasfèm kapab padone; men blasfèm kont Lespri Sen an p ap kapab padone. <sup>32</sup> ✧Nenpòt moun ki pale yon mo kont Fis a Lòm nan, l ap padone; men nenpòt moun ki pale yon mo kont Lespri Sen an, sa p ap padone; ni nan ✧laj sila a ni nan laj k ap vini an.

<sup>33</sup> Swa pyebwa a bon, e fwi li bon; oubyen pyebwa a pouri e fwi li pouri. ✧Pyebwa a rekonèt pa fwi ke li bay. <sup>34</sup> ✧Nou menm nich vipè, jan nou

✧ 12:8 Mat 8:20 ✧ 12:9 Mc 3:1-6 ✧ 12:10 Mat 12:2 ✧ 12:11 Luc 14:5 ✧ 12:12 Mat 10:31  
 ✧ 12:13 Mat 8:3 ✧ 12:14 Mat 26:4 ✧ 12:15 Mat 4:23 ✧ 12:16 Mat 8:4 ✧ 12:18 És 42:1  
 ✧ 12:18 Mat 3:17 ✧ 12:19 És 42:2 ✧ 12:20 És 42:3 ✧ 12:21 Wo 15:2 ✧ 12:22 Mat 9:32,34  
 ✧ 12:23 Mat 9:27 ✧ 12:24 Mat 9:34 ✧ 12:25 Mat 23:27 ✧ 12:26 Mat 4:10 ✧ 12:27 Trav 19:13  
 ✧ 12:28 I Jn 3:8 ✧ 12:30 Mc 9:40 ✧ 12:31 Luc 12:10 ✧ 12:32 Luc 12:10 ✧ 12:32 Mat 13:22,39 ✧ 12:33 Mat 7:16-18 ✧ 12:34 Mat 3:7

mechan; kijan nou sipoze nou kapab pale sa ki bon? Se bouch la ki pale tout sa ki plen kè a. <sup>35</sup> ✧Bon moun nan fè sòti nan bon trezò li, sa ki bon; e move moun nan fè sòti nan move trezò li, sa ki mal. <sup>36</sup> Epi Mwen di nou ke nan ✧jou jijman an, moun ap rann kont pou chak ti mo ke yo pale anven. <sup>37</sup> Paske pa pawòl nou, nou va jistifye; e pa pawòl nou, nou va kondane.”

<sup>38</sup> Kèk nan Skrib ak Farizyen yo te reponn li konsa: ✧“Mèt, nou vle wè yon sign de Ou menm”.

<sup>39</sup> Men li te reponn yo konsa: ✧“Yon jenerasyon mechan ak adiltè vle yon sign; men pa gen yon sign ke n ap bay sof ke sign ki pou pwofèt Jonas la; <sup>40</sup> Menm jan ke ✧Jonas te pase twa jou ak twa nwit nan vant gwo pwason an, konsa Fis a Lòm nan ap pase ✧twa jou ak twa nwit nan kè latè. <sup>41</sup> Moun Niniv ap kanpe avèk jenerasyon sila a nan jijman e kondane li, paske ✧yo te repanti lè Jonas te preche yo. Epi veye byen, yon bagay pi gran pase Jonas gen tan rive isit la. <sup>42</sup> ✧Rèn nan Sid la ap leve avèk jenerasyon sila a nan jijman e kondane li, paske li te sòti nan dènye ekstremitè latè pou tande sajès Salomon; epi veye byen, yon choz pi gran pase Salomon gen tan rive isit la.

<sup>43</sup> ✧Alò, lè yon move lespri kite yon nonm, li pase nan zòn sèk san dlo pou chache repo, men li pa jwenn. <sup>44</sup> Konsa li di: M ap retounen lakay kote mwen te sòti a. Lè li vini li twouve li vid, bale e ranje nan lòd. <sup>45</sup> Konsa l ale chache sèt lòt espri pi mal ke li. Yo antre la pou viv avè l, epi ✧dènye eta a moun sa a pi mal pase premye a. Se konsa l ap ye avèk jenerasyon mechan sila a.

<sup>46</sup> ✧Pandan Li te toujou ap pale avèk foul la, konsa, manman L avèk frè Li yo te vin parèt pa deyò akoz yo te vle pale avèk Li. <sup>47</sup> Yon moun te di li: “Gade, manman Ou avèk frè Ou yo kanpe deyò a pou pale avèk ou!”

<sup>48</sup> Men Li te reponn sila ki te pale avèk Li a e te di l: “**Kilès ki manman M, e kilès ki frè M?**” <sup>49</sup> Epi byen lonje men L vè disip Li yo, Li te di: “Gade manman M ak frè Mwen yo. <sup>50</sup> Paske sila ki fè volonte a Papa M ki nan syèl la, se li menm ki frè M, sè M, ak manman M.

## 13

<sup>1</sup> Nan jou sa a, Jésus te sòti nan kay la e te chita ✧bò kote lanmè a. <sup>2</sup> Yon gran foul te rasanble bò kote L, epi ✧Li te antre chita nan yon kannòt. Foul la te kanpe arebò lanmè a. <sup>3</sup> Epi Li te pale anpil bagay avèk yo an ✧parabòl konsa: “Gade byen, yon moun ki t ap plante, te ale deyò pou simen grenn. <sup>4</sup> Epi pandan li t ap simen, kèk grenn te tonbe akote wout la, e zwazo te vin manje yo. <sup>5</sup> Epi lòt te tonbe kote ki plen wòch ki te manke tè, epi yo te leve byen vit pwiske tè a te manke pwofondè. <sup>6</sup> Men lè solèy la vin leve, yo te vin sèch; akoz ke yo te manke rasin, yo te vin fennen. <sup>7</sup> Epi lòt te tonbe pami pikan e pikan yo te leve toufe yo. <sup>8</sup> Epi lòt te tonbe nan bon tè kote yo te bay yon bon rekòlt; kèk miltipliye ✧san fwa, kèk swasant fwa, e kèk trant fwa. <sup>9</sup> ✧Sila ki gen zòrèy la, kite li tande.”

<sup>10</sup> Disip Li yo te vin kote L e te mande: “Poukisa ou pale avèk yo an parabòl konsa?”

<sup>11</sup> Epi Li te reponn yo: ✧“A nou menm, li pèmèt pou nou konnen sekrè a wayòm syèl la; men pou yo menm, sa pokò pèmèt. <sup>12</sup> ✧Paske pou nenpòt

✧ **12:35** Pwov 10:20,21 ✧ **12:36** Mat 10:15 ✧ **12:38** Mat 16:1 ✧ **12:39** Mat 16:4 ✧ **12:40** Jon 1:17 ✧ **12:40** Mat 16:21 ✧ **12:41** Jon 3:5 ✧ **12:42** I Wa 10:1 ✧ **12:43** Luc 11:24-26 ✧ **12:45** Mc 5:9 ✧ **12:46** Mc 3:31-35 ✧ **13:1** Mc 2:13 ✧ **13:2** Luc 5:3 ✧ **13:3** Mat 13:10 ✧ **13:8** Jen 26:12 ✧ **13:9** Mat 11:15 ✧ **13:11** Mat 19:11 ✧ **13:12** Mat 25:29



moun ki genyen, l ap vin resevwa plis, e l ap gen an abondans; men pou nenpòt moun ki pa genyen, menm sa li genyen an ap retire nan men l. <sup>13</sup> Se pou sa Mwen pale ak yo an parabòl; paske pandan y ap ✧gade yo p ap wè, e pandan y ap tande yo p ap koute, ni yo p ap konprann. <sup>14</sup> Se pou ka yo a ke pwofesi Ésaïe a ap akonpli, sa ki di:

✧‘Nou va kontinye tande, men nou p ap konprann; nou va kontinye gade, men nap manke apèsi.

<sup>15</sup> ✧Paske kè a pèp sa a pa sansib ankò; avèk zòrèy yo manke tande e yo fèmèn zye yo; otreman yo ta wè avèk zye yo, tande avèk zòrèy yo, konprann avèk kè yo, e retounen pou M ta kapab geri yo.’

<sup>16</sup> ✧Men beni se zye pa nou paske yo wè; e zòrèy nou paske yo tande.

<sup>17</sup> Anverite, Mwen di nou ke ✧anpil pwofèt ak moun ladwati te vle wè sa ke nou menm wè a, men yo pa t janm wè; e pou tande sa ke nou tande a, men yo pa t tande l.

<sup>18</sup> Pou sa, ✧tande parabòl moun ki t ap simen an; <sup>19</sup> Lè nenpòt moun tande ✧pawòl wayòm nan e li pa konprann li, mechan an (Satan) vini rache sa ki te plante nan kè li a. Sa se grenn ki te simen akote wout la. <sup>20</sup> Sa ki te simen nan wòch yo se moun ki tande pawòl la e imedyatman li resevwa l avèk jwa; <sup>21</sup> Men li pa gen rasin pou kont li, men li dire sèlman pou yon moman; lè gen afliksyon avèk pèsekisyon akòz pawòl la, byen vit ✧ li chite. <sup>22</sup> Epi sila ki te simen pami pikan yo se moun ki tande pawòl la, men tout pwoblèm mond sa a, avèk ✧sediksyon richès yo toufe pawòl la e li pa donnen fwi. <sup>23</sup> Epi sila ki te gen grenn ki tonbe nan bon tè a, se moun ki tande pawòl la e ki konprann li; ki vrèman pote fwi ki pwodwi pafwa, ✧san fwa, pafwa swasant fwa, e pafwa trant fwa sa li te simen an.

<sup>24</sup> Jésus te bay yo yon lòt parabòl ki te di: ✧‘Wayòm syèl la se kon yon nonm ki simen bon semans nan chan li. <sup>25</sup> Men pandan ouvriye li yo t ap dòmi, lènmi li yo te vin simen zèb pikan pami ble a e ale. <sup>26</sup> Men lè ble a te vin leve e fòme tèt grenn, zèb pikan yo te parèt tou. <sup>27</sup> Epi esklav a mèt tè yo te vin di l: Mèt, èske nou pa t simen bon semans nan chan ou an? Kijan konsa li vin plen avèk zèb pikan sa yo.’

<sup>28</sup> Epi Li te di yo: ‘Yon lènmi te fè sa!’ E esklav yo te di li: ‘Ou pa vle nou ale ranmase yo?’

<sup>29</sup> Men li te di yo: ‘Non, paske pandan nou ap ranmase zèb pikan yo, nou kab derasinen ble a tou. <sup>30</sup> Kite toulède grandi ansanm jouk rekòlt la rive; nan tan rekòlt la, mwen va di ouvriye yo premyèman, ranmase zèb pikan yo, mare yo nan pake e brile yo; men ✧ranmase ble a pou mete li nan depo mwen.

<sup>31</sup> Li te pale yon lòt parabòl a yo menm, e Li te di: ✧‘Wayòm syèl la tankou yon grenn moutad ke yon nonm te pran pou simen nan jaden li. <sup>32</sup> Malgre grenn sa a pi piti pase tout lòt grenn yo; lè li vin grandi, li pi gran pase tout lòt plant nan jaden an e te vin fè yon pyebwa kote tout zwazo ki vole anlè vin ✧fè nich nan branch li yo.

<sup>33</sup> Li pale yon lòt parabòl a yo menm konsa: ✧‘Wayòm syèl la tankou ledven ke yon fanm te pran pou sere nan twa mezi farin jiskaske tout vin leve.’

✧ **13:13** Det 29:4 ✧ **13:14** És 16:9 ✧ **13:15** És 6:10 ✧ **13:16** Mat 16:17 ✧ **13:17** Jn 8:56  
 ✧ **13:18** Mc 4:13-20 ✧ **13:19** Mat 4:23 ✧ **13:21** Mat 11:6 ✧ **13:22** Mat 19:23 ✧ **13:23** Mat 13:8 ✧ **13:24** Mat 13:31,33,45,47 ✧ **13:30** Mat 3:12 ✧ **13:31** Mat 13:24 ✧ **13:32** Éz 17:23  
 ✧ **13:33** Mat 13:24

<sup>34</sup> Tout bagay sa yo, Jésus te pale a foul la an parabòl, epi Li pa t pale avèk yo ✧san parabòl. <sup>35</sup> Se te pou akonpli sa ki te pale pa pwofèt yo lè yo te di: ✧

“Mwen va ouvri bouch Mwen an parabòl;

Mwen va eksprime sekrè ki cache depi fondasyon mond sa a.”

<sup>36</sup> Apre sa, Li kite foul la e Li te ale nan ✧kay la. Disip Li yo te vin kote l pou di: ✧“Eksplike nou parabòl konsènan zèb pikan nan chan an.”

<sup>37</sup> Epi Li te di: “Sila a ki simen bon semans lan se ✧Fis a Lòm nan; <sup>38</sup> Chan an se lemonn, e bon semans lan, se sila yo ki ✧fis a wayòm nan. Zèb pikan yo se sila yo ki ✧fis a mechan an. <sup>39</sup> Epi lènmi ki te simen move grenn nan se Satan, e rekòlt la se ✧fen tan yo; epi ouvriye yo se zanj yo. <sup>40</sup> Pou sa, menm jan ke zèb pikan yo ranmase e brile avèk dife, konsa sa ap ye nan ✧fen tan yo. <sup>41</sup> ✧Fis a Lòm nan ap voye zanj li yo pou ranmase fè sòti nan wayòm Li an tout obstak ki fè moun tonbe, avèk tout sila k ap vyole lalwa yo; <sup>42</sup> ✧L ap jete yo nan founo dife a e nan plas sa a, ✧y ap kriye e y ap manje dan yo. <sup>43</sup> ✧Epi sila ki gen ladwati yo ap fè klè tankou solèy la nan wayòm Papa yo a. Sila ki gen zòrèy la, kite l tande.

<sup>44</sup> Wayòm syèl la tankou yon trezò ki te sere nan yon chan. Yon nonm te twouve li e te sere l ankò. Ranpli ak lajwa, li te kouri ale ✧vann tout sa li te posede, e te achte chan sa a.

<sup>45</sup> Ankò, ✧wayòm syèl la tankou yon machann k ap chèche bèl pèl. <sup>46</sup> Lè li twouve youn ki gen gran valè, li te ale vann tout sa li te posede pou te achte l.

<sup>47</sup> Ankò, ✧ wayòm syèl la se yon filè ki voye nan lanmè pou ranmase tout kalite pwason. <sup>48</sup> Lè l fin ranpli, yo rale li atè, yo te chita pou mete bon pwason nan yon veso, e te jete move yo. <sup>49</sup> Konsa sa ap ye nan ✧fen tan yo; zanj yo ap tou parèt e y ap fè triyaj mechan yo pami jis yo. <sup>50</sup> Epi ✧y ap jete yo nan founo dife a, kote y ap kriye e manje dan yo.

<sup>51</sup> Èske nou konprann tout bagay sa yo?

Yo reponn Li: “Wi”.

<sup>52</sup> Epi Jésus te di yo: “Konsa, chak skrib ki vini yon disip a wayòm nan se tankou yon mèt kay ki fè vin parèt nan trezò li sa ki nèf ak sa ki vye.

<sup>53</sup> ✧Lè Jésus te fini avèk parabòl sa yo, li kite la. <sup>54</sup> ✧Li rive nan vil pa Li a, e Li te ✧kòmanse preche nan sinagòg yo, jiskaske yo te etone e te di: “Kote nonm sa a twouve sajès sila a ak pouvwa fè mirak sa yo? <sup>55</sup> Se pa pitit a chapant la? Èske yo pa rele ✧manman L Marie, e frè li yo Jacques, Joseph, Simon ak Judas? <sup>56</sup> Epi ✧sè Li yo; èske yo tout pa avèk nou? Ebyen, kote nonm sa a twouve tout bagay sa yo?” <sup>57</sup> Epi yo te ✧pran ofans de Li.

Men Jésus te di yo: ✧“Yon pwofèt p ap janm manke respè sof ke nan pwòp vil li, ak nan pwòp kay li.” <sup>58</sup> Epi Li pa t fè anpil mirak la akoz ke yo pa t kwè.

## 14

<sup>1</sup> ✧Nan lè sa a, Hérode, tetrak la, te tande nouvèl a Jésus. <sup>2</sup> Epi Li te di a sèvitè pa li yo: ✧“Se Jean Baptiste sa a ye; li gen tan leve soti vivan nan

✧ **13:34** Mc 4:34 ✧ **13:35** Sòm 78:2 ✧ **13:36** Mat 13:1 ✧ **13:36** Mat 15:15 ✧ **13:37** Mat 8:20  
 ✧ **13:38** Mat 8:12 ✧ **13:38** Jn 8:44 ✧ **13:39** Mat 16:4 ✧ **13:40** Mat 12:32 ✧ **13:41** Mat 8:20  
 ✧ **13:42** Mat 13:50 ✧ **13:42** Mat 8:12 ✧ **13:43** Dan 12:3 ✧ **13:44** Mat 13:46 ✧ **13:45** Mat 13:24  
 ✧ **13:47** Mat 13:44 ✧ **13:49** Mat 13:39,40 ✧ **13:50** Mat 13:42 ✧ **13:53** Mat 7:28  
 ✧ **13:54** Mc 6:1-6 ✧ **13:54** Mat 4:23 ✧ **13:55** Mat 12:46 ✧ **13:56** Mc 6:3 ✧ **13:57** Mat 11:6  
 ✧ **13:57** Mc 6:4 ✧ **14:1** Mc 6:14-29 ✧ **14:2** Mat 16:14

lanmò. Se pou sa li kapab fè tout mirak sa yo.”<sup>3</sup> Paske lè ✨Hérode te fè yo arete Jean, li te mare li e mete li nan prizon akòz Hérodiás, madanm a frè li, Philippe.<sup>4</sup> Paske Jean t ap di li ke ✨li pa pèmèt pou l ta genyen li.<sup>5</sup> Epi malgre ke Hérode te vle touye li, li te pè pèp la paske yo te konsidere li kon ✨yon pwofèt.<sup>6</sup> Men lè fèt nesans Hérode te rive, Pitit a Hérodiás te vin danse devan yo e ✨Hérode te trè kontan.<sup>7</sup> Konsa, li menm te sèman pou bay li nenpòt sa ke li te mande li.<sup>8</sup> Akòz ke li te ankouraje pa manman l, li te di: “Ban m isit la menm sou yon plato, tèt a Jean Baptiste.”

<sup>9</sup> Malgre sa te fè l tris, wa a te kòmande sa fèt akòz sèman an, e akòz tout vizitè envite ki te la yo.<sup>10</sup> Li te voye fè yo koupe tèt a Jean nan prizon an.<sup>11</sup> Yo te pote tèt li sou yon plato e te bay fi a, e li te pote l bay manman l.<sup>12</sup> Disip li yo te vin pran kò a e te antere l; epi yo te ale bay rapò a Jésus.<sup>13</sup> ✨Alò, lè Jésus tandè sa, Li te retire kò L nan yon kannòt pou kont Li nan yon landwa izole. Lè foul la te tandè sa, yo te sòti lavil la apye pou swiv Li.

<sup>14</sup> Lè L te debake atè, Li te wè yon gran foul. Li te gen konpasyon pou yo e Li te ✨geri malad yo.

<sup>15</sup> Lè li te vin fènwa, disip yo te vin di Li: “Plas sa a dezète e lè a gen tan depase; konsa, voye foul la ale pou yo kapab rive nan bouk yo pou achte kèk manje.

<sup>16</sup> Men Jésus te di yo: **“Yo pa bezwen ale; nou menm, bay yo manje!”**

<sup>17</sup> Yo te di Li: “Nou gen sèlman ✨senk pen ak de grenn pwason.”

<sup>18</sup> Li te di: **“Pote yo ban Mwen!”**<sup>19</sup> Li te kòmande tout foul la chita atè. Li te pran senk pen avèk de pwason yo, Li te gade anwo nan syèl la, e te ✨beni manje a. Li te kase pen yo e Li te bay disip yo, epi disip yo te bay foul la.<sup>20</sup> Tout te manje e tout te byen satisfè. Yo te ranmase sa ki te rete nan mòso kase yo e yo te rete douz ✨panyen byen plen.<sup>21</sup> Epi te gen anviwon senk-mil gason ki te manje san konte fanm avèk timoun.

<sup>22</sup> ✨Imedyatman, Li te fè disip yo antre nan kannòt la pou ale lòtbò a, pandan Li menm te voye foul la ale.<sup>23</sup> Apre li te voye foul la ale, ✨Li te monte mòn nan Li sèl Li pou L ta kapab priye. Lè lannwit vin rive, Li te la pou kont Li.<sup>24</sup> Men kannòt la te deja byen lwen tè a, byen bat pa vag lanmè yo, paske van an te byen ✨move.<sup>25</sup> Nan katriyèm vèy nwit lan, Li te vin kote yo ap mache sou lanmè a.<sup>26</sup> Lè disip Li yo te wè L ap mache sou lanmè a, yo te krent e yo te di: “Sa se yon ✨fantom” epi yo te kriye fò avèk laperèz.<sup>27</sup> Men imedyatman, Jésus te pale avèk yo e te di: ✨**“Pran kouraj; se Mwen menm; pa pè.”**

<sup>28</sup> Epi Pierre te reponn Li: “Senyè, si se Ou menm, kòmande m vin kote Ou sou dlo a.

<sup>29</sup> Epi Li te di: **“Vini!”** E Pierre te sòti nan kannòt la, e te mache sou dlo a vè Jésus.<sup>30</sup> Men lè l te wè van an, li te vin pè e te kòmanse desann nan dlo a; li rele: “Senyè, sove m!”

<sup>31</sup> Lapoula, Jésus te lonje men li e te kenbe l. Li te di l konsa: **“Ou menm avèk mank lafwa; poukisa ou doute?”**<sup>32</sup> Lè yo te fin antre nan kannòt la, van an te vin sispann.<sup>33</sup> Epi sila ki te nan kannòt yo te adore Li e te di: “Anverite, Ou se ✨Fis Bondye a!”

✨ 14:3 Mc 8:15 ✨ 14:4 Lev 18:16 ✨ 14:5 Mat 11:9 ✨ 14:6 Mc 8:15 ✨ 14:13 Mat 15:32-38  
 ✨ 14:14 Mat 4:23 ✨ 14:17 Mat 16:9 ✨ 14:19 I Sam 9:13 ✨ 14:20 Mat 16:9 ✨ 14:22 Mc 6:45-51 ✨ 14:23 Mc 6:46 ✨ 14:24 Trav 27:4 ✨ 14:26 Luc 24:37 ✨ 14:27 Mat 9:2 ✨ 14:33 Mat 4:3

34 ✨Lè yo te fin travèse, yo te rive atè nan Génésareth. 35 Epi lè moun nan plas sa yo te rekonèt Li, yo te voye nouvèl nan tout ozanviwon an e yo te pote bay Li tout sila ki te malad yo. 36 Yo t ap sipliye L pou yo ta kapab sèlman touche rebò a vètman Li, e tout sila ki te ✨touche L yo te geri nèt.

## 15

1 ✨Aprè sa, kèk Farizyen ak Skrib ki te sòti Jérusalem te vin kote Jésus pou mande L: 2 “Poukisa disip ou yo vyole tradisyon a lansyen nou yo? Paske yo ✨pa lave men yo lè yo manje pen.”

3 Epi Li te reponn yo e di yo: “E poukisa nou menm vyole kòmandman Bondye a pou koz a tradisyon nou yo? 4 Paske Bondye te di: ‘Onore papa ou avèk manman ou,’ epi: ‘Sila ki pale mal a manman li oswa a papa li, va mete a lanmò.’

5 Men nou di: “Nenpòt moun ki di a manman l oswa papa l, tout sa mwen genyen ki ta kapab ede ou se pou Bondye, 6 Li pa oblije onore ni papa l ni manman l”. Konsa, nou te anile pawòl Bondye a pou koz tradisyon pa nou an. 7 Nou menm ipokrit; anverite, Ésaïe te bay pwofesi sou nou lè l te di:

8 ✨Pèp sa a onore M avèk lèv yo, men kè yo byen lwen Mwen.

9 An ven yo adore M;

lè yo enstwi kòm ✨doktrin, prensip a lòm.

10 Aprè sa, Li te rele foul akote Li a e Li te di yo: “Tande e konprann; 11 ✨Se pa sa ki antre nan bouch la ki kontamine yon nonm, men se sa ki sòti nan bouch la ki kontamine l.”

12 Alò, disip Li yo te vin kote L e te di L: “Èske Ou konnen ke Farizyen yo te blese lè yo te tande pawòl sa a?”

13 Men Li te reponn yo e di: ✨“Chak plant ke Papa M pa plante, ap vin rache. 14 Pa okipe yo; yo se ✨avèg k ap gide avèg; epi ✨si yon avèg ap gide yon avèg, se toulède k ap tonbe nan yon twou.

15 Epi Pierre te reponn Li e te di L: ✨“Eksplike nou parabòl sa a.”

16 Epi Li te di: “Èske nou menm, nou toujou manke konprann nan? 17 Èske nou pa konprann ke tout bagay ki antre nan bouch e ki pase nan vant, ap vin elimine? 18 Men ✨bagay ki sòti nan bouch yo, se nan kè yo sòti, e se sa yo ki kontamine yon moun.

19 Paske se nan kè move panse yo sòti; touye moun, adiltè, imoralite seksyèl, vòlè, fo temwen, tripotay, 20 Se bagay sa yo ki kontamine yon moun, men manje san lave men pa kapab kontamine yon moun.

21 Epi Jésus te kite la, e retire kò l pou landwa ✨Tyr ak Sidon. 22 Epi yon fanm Canaan nan rejyon sa a te vin parèt, e li te kòmanse kriye fò e te di: “Fè m gras, Senyè, Fis a David la; fi mwen an gen yon ✨move lespri.”

23 Men Li pa t reponn li yon mo.

Epi disip Li yo te vin kote L e te di L: “Fè l ale; l ap rele dèyè nou tout kote nou ale”.

24 Men Li te reponn e te di: “Mwen te voye sèlman pou ✨mouton pèdi nan kay Israèl la.”

25 Men li te ✨vin bese devan Li, e te di: “Senyè, ede m!”

✨ 14:34 Jn 6:24,25 ✨ 14:36 Mat 9:21 ✨ 15:1 Mc 7:1-23 ✨ 15:2 Luc 11:38 ✨ 15:8 És 29:13 ✨ 15:9 Kol 2:22 ✨ 15:11 Mat 15:18 ✨ 15:13 És 60:21 ✨ 15:14 Mat 23:16,24 ✨ 15:14 Luc 6:39 ✨ 15:15 Mat 13:36 ✨ 15:18 Mat 12:34 ✨ 15:21 Mat 11:21 ✨ 15:22 Mat 4:24 ✨ 15:24 Mat 10:6 ✨ 15:25 Mat 8:2

<sup>26</sup> Epi Li te reponn li e te di l: “**Li pa bon pou pran manje ki pou timoun yo pou jete l bay chen.**”

<sup>27</sup> Men li te di: “Wi Senyè, men menm chen yo manje ti kras manje k ap tonbe sòti sou tab mèl la.”

<sup>28</sup> Jésus te reponn, e te di Li: “**Men fanm, ✧lafwa ou gran; ke sa fèt jan ou vle a**”. Epi fi li a te geri lapoula.

<sup>29</sup> ✧Lè Li kite la, Jésus te ale bò kote Lanmè Galilée a; Li te monte yon mòn e Li te chita la.

<sup>30</sup> Gran foul la te vin kote Li. Yo t ap mennen avèk yo sila ki te bwete, kokobe, avèg, bèbè ak anpil lòt. Yo te depoze yo bò kote pye Li e ✧Li te geri yo. <sup>31</sup> Jiskaske foul la te vin etone lè yo te wè bèbè pale, kokobe restore, bwete mache, avèk avèg yo ki te wè e yo te ✧bay glwa a Bondye Israèl la.

<sup>32</sup> ✧Epi Jésus te rele disip Li yo pou vin kote L, e Li te di: “**Mwen santi konpasyon pou foul la, paske yo la avè M koulye a pandan twa jou, e yo pa gen anyen pou yo manje. Mwen pa vle voye yo ale grangou, paske yo kab fennen sou wout la.**”

<sup>33</sup> Epi disip Li yo te mande L: “**Kibò nou ta twouve kantite pen sa a nan yon andwa izole konsa pou bay yon gran foul konsa?**”

<sup>34</sup> Epi Jésus te di yo: “**Konbyen pen nou genyen?**”

Yo te di: “Sèt, avèk kèk ti pwason.”

<sup>35</sup> Epi Li te kòmande foul la chita atè. <sup>36</sup> Li te pran sèt ti pen yo avèk pwason an; lè Li te fin ✧remèsye Bondye pou yo, Li te kase yo e te bay disip Li yo, ki te bay tout foul la. <sup>37</sup> Epi tout moun te manje e te satisfè. Lè yo te ranmase mòso kase ki te rete yo, te rete sèt gran ✧panyen byen plen.

<sup>38</sup> Epi sila ki te manje yo te kat mil gason plis fanm avèk timoun.

<sup>39</sup> Apre Li voye foul la ale, Li te monte nan yon kannòt e te ale nan rejyon ✧Magadan nan.

## 16

<sup>1</sup> ✧Farizyen ak Sadiseyen yo te vin kote Jésus pou sonde L, yo te mande Li pou bay yo yon sign ki sòti nan syèl la.

<sup>2</sup> Men Li te reponn yo: ✧“**Lè se nan aswè, nou di l ap fè bon tan, paske syèl la wouj**”. <sup>3</sup> Epi nan maten, pral gen yon tanpèt jodi a, paske syèl la wouj e menasan.’ ✧Èske nou konn kalkile aparans syèl la, men nou pa konn kalkile sign nan tan sila yo? <sup>4</sup> ✧Yon jenerasyon mechan e adiltè ap chache yon sign, men yo p ap resevwa l, eksepte sign ki pou Jonas la.” Epi Li te sòti kite yo.

<sup>5</sup> Lè disip yo te ale lòtbò lanmè a, yo te bliye pote pen.

<sup>6</sup> E Jésus te di yo: “**Veye e fè atansyon pou ledven Farizyen ak Sadiseyen yo.**”

<sup>7</sup> Epi yo te kòmanse diskite pami yo menm e te di: “Se paske nou pa pote pen an.”

<sup>8</sup> Men Jésus, okouran de sa, te di: ✧“**O moun ak ti lafwa piti yo, poukisa nou diskite pami nou ke nou pa gen pen?**” <sup>9</sup> Èske nou poko konprann ni sonje jiska prezan ✧senk pen ki te pou senk mil mesye yo, e konbyen panyen nou te ranmase? <sup>10</sup> Ni ✧sèt pen ki te kat mil moun yo, e konbyen gran panyen nou te ranmase? <sup>11</sup> Kijan ke nou pa konprann ke Mwen pa

✧ **15:28** Mat 9:22 ✧ **15:29** Mat 15:29-31 ✧ **15:30** Mat 4:23 ✧ **15:31** Mat 9:8 ✧ **15:32** Mat 14:13-21 ✧ **15:36** Mat 14:9 ✧ **15:37** Mat 16:10 ✧ **15:39** Mc 8:10 ✧ **16:1** Mc 8:11-21 ✧ **16:2** Luc 12:54 ✧ **16:3** Luc 12:56 ✧ **16:4** Mat 12:39 ✧ **16:8** Mat 6:30 ✧ **16:9** Mat 14:17-21 ✧ **16:10** Mat 15:34-38

t pale avèk nou pou afè pen? Men fè atansyon ak ledven Farizyen ak Sadiseyen yo.”

<sup>12</sup> Konsa, yo te vin konprann ke Li pa t pale de ledven nan pen, men enstriksyon a ✨Farizyen ak Sadiseyen yo.

<sup>13</sup> ✨Alò, lè Jésus te vini nan landwa Césarée de Philippe, Li te kòmanse mande disip Li yo: “**Ki moun yo di ke Fis a Lòm nan ye?**”

<sup>14</sup> Epi yo te di: “Kèk moun di ke se ✨Jean Baptiste, lòt ✨Elie, e lòt, Jérémie oswa youn nan pwofèt yo.”

<sup>15</sup> Li te di yo: “**Men nou menm, ki moun nou di Mwen ye?**”

<sup>16</sup> Simon Pierre te reponn Li: “**Ou menm se Kris La, ✨Fis a ✨Bondye vivan an.**”

<sup>17</sup> Epi Jésus te reponn e te di L: “**Ou menm ou beni, Simon, fis Jonas la, paske chè avèk san pa t revele ou sa, men Papa M ki nan syèl la.** <sup>18</sup> Epi Mwen di Ou ke ou menm, ou se ✨ Pierre e se sou wòch sa a M ap bati legliz Mwen an; e pòtay peyi ✨ mò yo p ap kapab venk li. <sup>19</sup> Epi M ap bay ou kle wayòm syèl la; ✨nenpòt sa ou mare sou latè, ap mare nan syèl la; e nenpòt sa ou demare sou latè, ap demare nan syèl la.

<sup>20</sup> ✨Aprè sa, Li te avèti yo pou pa di pèsòn ke se Kris La ke Li te ye.

<sup>21</sup> ✨Depi lè sa a, Jésus te kòmanse montre disip Li yo ke Li te oblije ale Jérusalem pou soufri anpil bagay nan men lansyen yo, wo prèt yo ak skrib yo; pou yo ta menm touye L, e pou L ta leve nan twazyèm jou a.

<sup>22</sup> Konsa, Pierre te mennen L akote e te di Li: “Ke Bondye anpeche sa, Senyè! Sa p ap janm rive Ou.”

<sup>23</sup> Men Li te vire bò kote Pierre: “**Mete ou dèyè M ✨ Satan! Ou menm, ou se yon wòch chite pou Mwen; ou pa mete tèt ou nan enterè Bondye, men nan enterè a lòm.**

<sup>24</sup> Epi Jésus te di a disip Li yo: “**Si yon moun vle swiv Mwen, li dwe nye tèt li, ✨pran kwa li e swiv Mwen.** <sup>25</sup> Paske ✨nenpòt moun ki vle sove vi li, ap pèdi li; men nenpòt moun ki pèdi vi li pou koz Mwen menm, ap twouve li. <sup>26</sup> Paske ki pwofi yon nonm ap twouve si li vin genyen tout lemonn, men li pèdi pwòp nanm li? Kisa yon nonm ap bay an echanj pou nanm li?

<sup>27</sup> Paske Fis a Lòm nan ✨ap vini nan tout glwa Papa Li, avèk zanj Li yo, e y ap rekonpanse tout moun selon zak yo.

<sup>28</sup> Anverite, Mwen di nou, gen nan nou ki kanpe la a ki p ap goute lanmò jiskaske yo wè Fis a Lòm nan k ap vini nan wayòm Li an.”

## 17

<sup>1</sup> ✨Sis jou pita, Jésus te pran ✨Pierre, Jacques ak frè li, Jean pou kont yo, e te mennen yo sou yon mòn byen wo. <sup>2</sup> Epi Li te transfòme la devan yo; figi Li te klere tankou solèy la, e vètman li te vin blanch tankou limyè. <sup>3</sup> Konsa gade, yo te wè Moïse ak Elie ki t ap pale avèk Li.

<sup>4</sup> Pierre te di a Jésus: “Senyè, se bon pou nou isit la; si Ou vle, ✨m ap fè twa tabènak isit la; youn pou Ou, youn pou Moïse, e youn pou Elie.”

<sup>5</sup> Pandan Li t ap pale, vwala, yon nwaj byen briyan te kouvri yo; e konsa, ✨yon vwa sòti nan nwaj la e te di: “Sa se Fis byeneme Mwen an; avèk Li, Mwen byen kontan; koute Li!”

<sup>6</sup> Lè disip Li yo te tandè sa, yo te tonbe sou figi yo byen sezi avèk laperèz.

✨ **16:12** Mat 3:7 ✨ **16:13** Mc 8:27-29 ✨ **16:14** Mat 14:2 ✨ **16:14** Mat 17:10 ✨ **16:16** Mat 4:3 ✨ **16:16** Sòm 42:2 ✨ **16:18** Mat 4:18 ✨ **16:18** Mat 11:23 ✨ **16:19** Mat 18:18 ✨ **16:20** Mat 8:4 ✨ **16:21** Mc 8:31-38 ✨ **16:23** Mat 4:10 ✨ **16:24** Mat 10:38 ✨ **16:25** Mat 10:39 ✨ **16:27** Mc 8:38 ✨ **17:1** Mc 9:2-8 ✨ **17:1** Mat 26:37 ✨ **17:4** Mc 9:5 ✨ **17:5** Mc 1:11

7 Epi Jésus te vin kote yo; Li te touche yo, e te di: “Leve, e ✨pa pè.”  
 8 Lè yo leve zye yo, yo pa t wè pèsòn sof ke Jésus ki te la pou kont Li.  
 9 ✨Pandan yo t ap desann mòn nan, Jésus te kòmande yo: “Pa pale pèsòn afè vizyon sila a jiskaske Fis a Lòm nan fin ✨leve soti nan lanmò.”  
 10 Epi disip Li yo te mande L: “E poukisa Skrib yo toujou di ke ✨Elie oblije vini avan?”  
 11 Li te reponn yo e te di: “Elie ap vini e l ap restore tout bagay; 12 men Mwen di nou ke Elie te vini deja, e yo pa t rekonèt li, men yo te fè avè l sa ke yo te pito. Menm jan an, ✨Fis a Lòm nan ap soufri nan men yo.”  
 13 Konsa, disip yo te vin konprann ke Li t ap pale de Jean Baptiste.  
 14 ✨Lè yo rive bò kote foul la, yon mesye te vin tonbe sou jenou devan Li e te di: 15 “Senyè, gen pitye pou fis mwen an; li se yon ✨moun fou, e li byen malad. Souvan li tonbe nan dife e pafwa menm nan dlo. 16 Mwen te pote li bay disip Ou yo, men yo pa t kapab geri li.”  
 17 Epi Jésus te reponn yo e te di: “O jenerasyon enkredil e pèvès; pandan konbyen de tan M ap avèk nou? Pandan konbyen de tan M ap sipòte nou? Mennen li ban Mwen!” 18 Epi Jésus te reprimande lespri a; dyab la te sòti sou li, epi jennonm nan te geri lapoula.  
 19 Konsa, disip yo te vin kote Jésus an prive e te mande L: “Poukisa nou menm pa t kapab chase l?”  
 20 Epi Li te di yo: “Paske lafwa nou tèlman piti; konsa Mwen di nou: ✨Si nou gen lafwa gwose yon grenn moutad, nou ap di a mòn sa a: ‘Deplase ou isit la, ale la, epi li prale. Nanpwen anyen k ap enposib pou nou. 21 ✨Men kalite sila a pa sòti sof ke pa lapriyè, avèk jèn.’”  
 22 ✨Epi pandan yo t ap rasanble Galilée, Jésus te di yo: “Fis a Lòm nan va vin livre nan men a lèzòm; 23 ✨yo va touye Li, e Li va leve nan twazyèm jou a.” Epi yo te tris nèt.  
 24 Lè yo te ale Capernaüm, sila ki te fè koleksyon taks ✨drachma yo te vin Kote Pierre e te di li: Èske mèt ou a pa peye taks drachma?  
 25 Li te di: “Wi”.  
 Lè Pierre te antre nan kay la, Jésus te pale avèk li avan e te di: “Kisa ou panse, Simon? Nan men ki moun wa sou latè yo ranmase ✨tarif ak enpo? Èske se nan men fis pa yo, oubyen èske se nan men moun yo pa rekonèt?”  
 26 Lè li reponn: “Moun yo pa rekonèt”, Jésus te di l: “Konsa, fis yo egzante. 27 Sepandan, pou nou pa ✨ofanse yo, ale bò kote lanmè a, voye yon filè ladann e rale premye pwason ki vini an. Lè nou ouvri bouch li nou va wè yon statèr (yon kòb Women). Pran li pote bay yo pou ou ak Mwen.”

## 18

1 ✨Nan lè sa a, disip yo te vin jwenn Jésus pou mande L: “Kilès konsa ki pi gran nan wayòm syèl la?”

2 Li te rele yon timoun vin kote Li e te plase l nan mitan yo; 3 Li te di yo: “Anverite Mwen di nou, anmwenske nou konvèti pou ✨vini tankou timoun yo, nou p ap antre nan wayòm syèl la. 4 Nenpòt moun ki vin enb tankou timoun sa a, se li menm ki pi gran nan wayòm syèl la.

✨ 17:7 Mat 14:27 ✨ 17:9 Mc 9:9-13 ✨ 17:9 Mat 16:21 ✨ 17:10 Mal 4:5 ✨ 17:12 Mat 8:20 ✨ 17:14 Mc 9:14-28 ✨ 17:15 Mat 4:24 ✨ 17:20 Mat 21:2 ✨ 17:21 Mc 9:29 ✨ 17:22 Mc 9:30-32 ✨ 17:23 Mat 16:21 ✨ 17:24 Egz 30:13 ✨ 17:25 Wo 13:7 ✨ 17:27 Mat 5:29-30 ✨ 18:1 Mc 9:33-37 ✨ 18:3 Mat 19:14

<sup>5</sup> Epi nenpòt moun ki resevwa yon pitit tankou sa a nan non Mwen, li resevwa Mwen; <sup>6</sup> Men ✨nenpòt moun ki lakoz pou fè youn nan timoun sa yo ki kwè nan Mwen vin chape tonbe, li ta mye pou li menm si yon gwo wòch moulen ta mare nan kou li, e li ta vin mouri nan fon lanmè.

<sup>7</sup> Malè a mond sa a akòz wòch chite li yo! Wòch chite sa yo ✨pa kapab pa vini, men malè a moun sila a ki fè yo parèt.

<sup>8</sup> ✨Si men nou oubyen pye nou fè nou tonbe, koupe l e jete l lwen nou; li pi bon pou antre nan lavi tankou yon kokobe oubyen bwate, pase ak tou de men ak pye nou pou nou ta jete nan lanfè etènèl la.

<sup>9</sup> ✨Epi si zye nou fè nou tonbe, rache li jete li byen lwen nou. Li pi bon pou antre nan lavi avèk yon sèl grenn zye olye avèk toulède pou nou ta jete nan lanfè dife a.

<sup>10</sup> Veye pou nou pa meprize youn nan timoun sa yo, paske Mwen di nou ke ✨zanj yo nan syèl la toujou wè figi a Papa M ki nan syèl la. <sup>11</sup> ✨Paske Fis a Lòm nan te vini pou sove sila ki te pèdi a.

<sup>12</sup> Kisa nou panse? ✨Si yon moun gen san mouton e youn vin pèdi, èske li p ap kite katre-ven-diz-nèf yo sou mòn nan pou ale chèche sila ki pèdi a? <sup>13</sup> Epi si li twouve li, Mwen di nou, l ap rejwi plis sou sila a pase lòt katre-ven-diz-nèf ki pa t janm pèdi yo.

<sup>14</sup> Konsa se pa volonte Papa nou nan syèl la pou youn nan Pitit sila yo ta pèdi.

<sup>15</sup> ✨Si frè ou peche, rele l apa pou pale avèk li; si li koute ou, ou gen tan rekonsilye ak frè ou a. <sup>16</sup> Men si li pa koute ou, ale kote l avèk youn oubyen de lòt dekwa ke ✨pa bouch a de oubyen twa temwen tout bagay ki fèt kapab konfime.’ <sup>17</sup> Epi si li refize koute yo, pale avèk legliz la, e si li refize koute menm legliz la, ✨kite li devni a ou menm tankou yon payen oswa youn nan kolektè kontribisyon yo.

<sup>18</sup> Anverite Mwen di nou: ✨“Nenpòt sa nou mare sou latè, l ap mare nan syèl la; e nenpòt sa nou lage sou latè, l ap lage nan syèl la.

<sup>19</sup> Ankò Mwen di nou ke si de nan nou dakò sou latè sou nenpòt bagay ke yo mande, ✨li va fèt pou yo pa Papa M ki nan syèl la. <sup>20</sup> Paske kote de oubyen twa reyini ansanm nan non Mwen, ✨Mwen la nan mitan yo.”

<sup>21</sup> Apre sa, Pierre te vin kote L e te mande L: “Senyè, ✨konbyen fwa frè m kapab peche kont mwen pou m toujou padone l? Jis ✨sèt fwa?”

<sup>22</sup> Jésus te reponn li: “Mwen p ap di ou sèt fwa, men jiska ✨swasann-dis fwa sèt.

<sup>23</sup> Pou rezon sa a, ✨wayòm syèl la kapab konpare avèk yon sèten wa ki te vle ✨regle kont lajan yo avèk esklav li yo. <sup>24</sup> Lè li kòmanse regle yo, yo mennen bay li yon nonm ki te dwe li di-mil talan (yon fòtin imans.) <sup>25</sup> Men akòz ke li ✨pa t gen mwayen pou peye, mèl li te kòmande ke yo ta ✨vann li, ni madanm li ak Pitit li yo ak tout sa li te posede, pou ranbousman an ta kapab fèt.

<sup>26</sup> Konsa, esklav la vin tonbe atè ✨pwostène devan li, e te di: ‘Gen pasyans avè m e m ap peye ou tout.’ <sup>27</sup> Epi mèl esklav sila a te santi konpasyon pou li, te lage li e ✨padone dèt la.

✨ **18:6** Mc 9:42 ✨ **18:7** Luc 17:1 ✨ **18:8** Mat 5:30 ✨ **18:9** Mat 5:29 ✨ **18:10** Luc 1:19  
 ✨ **18:11** Luc 19:10 ✨ **18:12** Luc 15:4-7 ✨ **18:15** Lev 19:17 ✨ **18:16** Det 19:15 ✨ **18:17** II  
 Tim 3:6-14 ✨ **18:18** Mat 16:19 ✨ **18:19** Mat 7:7 ✨ **18:20** Mat 28:20 ✨ **18:21** Mat 18:15  
 ✨ **18:21** Luc 17:4 ✨ **18:22** Jen 4:24 ✨ **18:23** Mat 13:24 ✨ **18:23** Mat 25:19 ✨ **18:25** Luc  
 7:42 ✨ **18:25** Egz 21:2 ✨ **18:26** Mat 8:2 ✨ **18:27** Luc 7:42



**28** Men esklav la te ale twouve yon lòt esklav parèy li, ki te dwe l san denye (yon ti kòb). Li te sezi li, li te kòmanse trangle l e te di: peye sa ou dwe a’.

**29** Esklav parèy li a te tonbe pwostène e te sipliye l: ‘Pran pasyans avè m, e m ap peye ou.’ **30** Men li pa t vle fè sa. Li te voye jete l nan prizon jis lè li ta kapab repeye tout sa li te dwe a.

**31** Lè lòt esklav yo te wè sa ki te rive a, yo te byen twouble e te vin bay yon rapò a mèt pa yo a sou tout sa ki te rive yo.

**32** Konsa, mèt li a te voye yon manda pou fè l vini, e te di li: Ala esklav mechan ou ye; mwen te padone ou tout dèt sa a, paske ou te sipliye m.

**33** ✧Konsa, èske ou pa t dwe gen konpasyon pou esklav parèy ou a menm jan ke mwen te gen konpasyon pou ou a? **34** Epi mèt li a, byen fache, te livre li bay moun pou tòtire jis lè li ta repeye tout sa li te dwe l la.

**35** Konsa ✧ Papa M nan syèl la va fè a nou menm osi si nou pa padone frè nou yo jis nan kè nou.

## 19

**1** Lè Jésus te fin pale pawòl sa yo, li te kite Galilée pou ✧ale nan rejyon Judée, lòtbò Jourdain an; **2** Epi yon gran foul te swiv Li e ✧Li te geri yo la.

**3** Kèk Farizyen te vin kote Li pou fè pase L eprèv. Yo mande L: ✧“Èske li pèmèt pou yon nonm divòse ak madanm li pou okenn rezon?”

**4** Li te reponn e te di: “Èske nou pa konn li ✧ke Sila ki te kreye yo depi nan kòmansman an, te fè yo mal ak femèl, **5** epi te di: ✧“Pou koz sa a, yon nonm ap kite papa ak manman li pou vin atache a madanm li; epi yo de a ap vini yon sèl chè? **6** Konsa, se pa de yo ye ankò, men yon sèl chè. Sa ke Bondye mete ansanm, pa kite okenn moun separe.

**7** Yo te mande L: “Ebyen, ✧poukisa Moïse te kòmande yo pou ‘Bay li yon sètifika divòs e voye li ale?’ ”

**8** Li te reponn yo: “Akoz kè di nou, Moïse te pèmèt nou divòse ak madanm nou yo; men depi nan kòmansman an, se pa konsa li te ye;

**9** Epi Mwen di nou: ✧ “Nenpòt moun ki divòse ak madanm li, sof ke pou imoralite, epi marye avèk yon lòt fanm, li fè adiltè.”

**10** Disip Li yo te di L: “Si se konsa relasyon a yon mesye ye avèk madanm li, li pi bon pou pa marye.”

**11** Men Li te di yo: ✧“Se pa tout moun ki kapab aksepte sa nou di a, men sèl sa yo ke li te bay. **12** Paske gen enik ki te fèt konsa depi nan vant manman yo; e gen enik ki te fèt konsa pa lòm; e gen enik ki te fèt konsa pou tèt yo, pou koz a wayòm syèl la. Sila ki kapab aksepte sa, kite l aksepte li.

**13** Apre sa, ✧yo te mennen kèk timoun kote L pou Li ta kapab mete men Li sou yo e priye pou yo; epi disip yo te reprimande yo.

**14** Men Jésus te di: ✧“Lese timoun sa yo e pa anpeche yo vin kote Mwen; paske wayòm syèl la se pou sila ki tankou yo”. **15** Apre Li mete men Li sou yo, Li kite la.

**16** ✧Epi youn moun te vini la, e te di: “Mèt, ki bon bagay Mwen kapab fè pou m jwenn lavi etènèl?”

**17** Epi Li te di l: “Poukisa ou ap kesyone M sou sa ki bon? Gen yon sèl ki bon; men ✧si ou vle antre nan lavi, kenbe kòmandman yo.”

✧ **18:33** Mat 6:12 ✧ **18:35** Mat 6:14 ✧ **19:1** Mc 10:1-12 ✧ **19:2** Mat 4:23 ✧ **19:3** Mat 5:31  
 ✧ **19:4** Jen 1:27 ✧ **19:5** Jen 2:24 ✧ **19:7** Det 24:1-4 ✧ **19:9** Mat 5:32 ✧ **19:11** I Kor 7:7  
 ✧ **19:13** Mc 10:13-16 ✧ **19:14** Mat 18:3 ✧ **19:16** Luc 10:25-28 ✧ **19:17** Lev 18:5

<sup>18</sup> Li te di Li: “Kilès nan yo?”

Epi Jésus te reponn li: ✨“Ou pa pou touye moun, ou pa pou fè adiltè, ou pa pou vòlè, ou pa pou pote fo temwayaj; <sup>19</sup> ✨Onore papa ou avèk manman ou, epi ✨renmen pwochen ou tankou tèt ou.”

<sup>20</sup> Jennonm nan te di L: “Tout bagay sa yo mwen fè yo; kisa mwen manke?”

<sup>21</sup> Jésus te di l: “Si ou vle pafè, ✨ ale vann tout sa ou posede, bay malere yo, e w ap gen richès nan syèl la; epi vin swiv Mwen.”

<sup>22</sup> Men lè jennonm nan te tande pawòl sa a, li te sòti dezole, paske li te gen anpil byen.

<sup>23</sup> Epi Jésus te di a disip Li yo: “Anverite Mwen di nou: ✨“Li difisil pou yon nonm rich antre nan wayòm syèl la. <sup>24</sup> Epi ankò Mwen di nou: ✨Li pi fasil pou yon chamo pase nan zye a yon zegwi, pase pou yon nonm rich antre nan wayòm Bondye a.”

<sup>25</sup> Epi lè disip Li yo te tande sa, yo te etone e te di: “Kilès konsa ki kab sove?”

<sup>26</sup> Jésus te byen gade yo, e te di: ✨“Avèk moun, li pa posib, men avèk Bondye, tout bagay posib.”

<sup>27</sup> Konsa Pierre te reponn Li e te di: “Gade, nou fin kite tout bagay pou te swiv Ou; kisa k ap gen pou nou?”

<sup>28</sup> Epi Jésus te di yo: “Anverite, Mwen di nou ke nou ki te swiv Mwen yo, nan tan renouvèlman tout bagay la, lè Fis a Lòm nan vin chita sou twòn Li nan tout glwa Li, nou menm ✨tou, n ap chita sou douz twòn pou jije douz tribi Israèl yo.

<sup>29</sup> Epi ✨tout moun ki kite kay yo oubyen frè yo oubyen sè yo, papa, Manman, zanfan, oubyen tè pou koz a Non Mwen, ap resevwa anpil fwa sa a, e va eritye lavi etènèl. <sup>30</sup> ✨Men anpil moun ki premye ap dènye, e dènye yo, ap vin premye.

## 20

<sup>1</sup> Paske wayòm syèl la tankou yon mèt tè ki ale deyò granmaten pou anplwaye ouvriye pou ✨chan rezen li. <sup>2</sup> Lè li te fin antann li avèk ouvriye yo pou yon denye (frè kòb jounalye) pou jou a, li voye yo nan chan an.

<sup>3</sup> Epi vè twazyèm lè, li te wè lòt moun san anyen pou fè, ki te kanpe nan mache a. <sup>4</sup> Epi a yo menm li te di: ‘Nou menm tou, ale nan chan rezen an; epi nenpòt bagay ki jis, m ap bannou.’ Konsa, yo ale.

<sup>5</sup> Ankò li ale deyò vè sizyèm lè, nevyèm lè, e te fè menm bagay la. <sup>6</sup> Epi vè onzyèm lè, li te ale deyò e te twouve lòt moun ki te kanpe e li te di yo: ‘Poukisa nou kanpe la tout lajounen san fè anyen?’

<sup>7</sup> Yo te di li: ‘Paske pèsòn pa anplwaye nou.’

Li te di yo: ‘Nou menm tou, ale nan chan rezen an.

<sup>8</sup> Lè ✨aswè te rive, mèt chan rezen an te di fòmman nan: “Rele ouvriye yo pou peye yo salè yo. Kòmanse avèk dènye ekip la, pou ale nan premye a.

<sup>9</sup> Epi lè ouvriye ki te antre vè onzyèm lè yo te vini, yo chak te resevwa yon denye. <sup>10</sup> Epi lè sa ki te anplwaye anpremye yo te vini, yo te sipoze yo t ap resevwa plis, men yo chak te resevwa yon denye. <sup>11</sup> Konsa, lè yo te resevwa l yo te plenyen kont mèt tè a, <sup>12</sup> epi te di: “Moun sa yo te travay

✨ 19:18 Egz 20:13-16 ✨ 19:19 Egz 20:12 ✨ 19:19 Lev 19:18 ✨ 19:21 Luc 12:33 ✨ 19:23 Mat 13:22 ✨ 19:24 Mc 10:25 ✨ 19:26 Jen 18:14 ✨ 19:28 Luc 22:30 ✨ 19:29 Mat 6:33 ✨ 19:30 Mat 20:16 ✨ 20:1 Mat 21:28,33 ✨ 20:8 Lev 19:13

sèlman pou yon èdtan, men ou fè yo menm jan avèk nou ki pote tout fado a avèk ✧ chalè ki t ap brile nou tout jounen an.’

13 Men li te reponn e te di youn nan yo: ✧‘Zanmi m, mwen pa fè ou okenn tò; èske ou pa t vin dakò pou yon denye? 14 Pran sa ki pou ou a, epi al fè wout ou. Mwen vle bay moun sa menm fòs avèk ou. 15 Èske m pa gen dwa fè sa mwen vle avèk sa ki pou mwen? Oubyen èske ✧zye ou plen ak lanvi paske mwen gen jenewozite?’

16 Konsa ✧dènye a ap vin premye, e premye a ap vin dènye.”

17 ✧ Lè Jèsus te apèn parèt pou monte a Jérusalem, Li te pran douz disip yo akote pou kont yo; pandan yo nan wout la, Li te di yo: 18 “Gade, n ap monte Jérusalem; epi Fis a Lòm nan ✧ap livre a chèf prèt yo ak Skrib yo, e y ap kondane Li a lanmò. 19 Epi y ap livre Li a Payen yo pou yo ka moke L e bay Li kout fwèt; epi y ap krisifye Li; epi ✧nan twazyèm jou a, L ap leve.

20 ✧Epi manman a fis Zébédée yo te vin kote L avèk fis li yo; li te bese devan L pou mande L yon favè.

21 Epi Li te di L: “Kisa ou vle?”

Li te di L: “Pase lòd pou nan Wayòm ou an, de fis mwen yo ✧kapab chita youn sou bò dwat Ou e youn sou bò goch Ou.”

22 Men Jèsus te di yo: “Nou pa konnen kisa n ap mande a. Èske nou kapab ✧bwè tas ke Mwen prè pou M bwè a?”

Yo te di Li: “Nou kapab”.

23 Li te di yo: ✧“Tas Mwen an nou ap bwè, men pou chita adwat Mwen, oubyen agoch Mwen, se pa Mwen ki pou bay li, men se pou sila papa M te ✧prepare li yo.”

24 Epi lè dis yo te tandè sa, yo te vin trè fache avèk de frè yo.

25 ✧Men Jèsus te rele yo a Li menm e te di yo: “Ou konnen ke chèf a Payen yo pran pozisyon yo kon gwo chèf sou yo, epi moun enpòtan pa yo egzèsè gwo otorite sou yo.

26 Li pa konsa pami nou, ✧men sila ki ta vle gran pami nou an, ap vin sèvitè nou. 27 Epi sila a ki vle premye pami nou an, va vin esklav nou; 28 Menm jan ke Fis a Lòm nan ✧pa t vini pou fè lòt sèvi Li, men pou sèvi lòt yo, e pou bay vi li pou ranson vi a anpil lòt moun.”

29 ✧Pandan yo t ap kite Jéricho, yon gran foul te swiv Li.

30 Epi konsa de moun avèg ki te chita akote wout la te tandè ke Jèsus t ap pase la, e te kòmanse kriye:” Senyè, ✧gen pitye pou nou, Fis a David la!”

31 Men moun yo pale ak yo sevèman pou yo sispann pale, men yo rele pi fò: “Senyè, gen pitye pou nou, ✧Fis a David la”.

32 Epi Jèsus te rete la, Li te rele yo, e te di: “Kisa nou ta renmen Mwen fè pou nou?”

33 Yo te reponn Li: “Senyè, nou vle zye nou louvri”.

34 Jèsus, ranpli avèk konpasyon, te touche zye yo; epi imedyatman yo te vin wè, e yo te swiv Li.

✧ 20:12 Jon 4:8 ✧ 20:13 Mat 22:12 ✧ 20:15 Det 15:9 ✧ 20:16 Mat 19:30 ✧ 20:17 Mc 10:32-34 ✧ 20:18 Mat 16:21 ✧ 20:19 Mat 16:21 ✧ 20:20 Mc 10:35-45 ✧ 20:21 Mat 19:28 ✧ 20:22 És 51:17-22 ✧ 20:23 Trav 12:2 ✧ 20:23 Mat 25:34 ✧ 20:25 Mat 20:25-28 ✧ 20:26 Mat 2:11 ✧ 20:28 Mat 26:28 ✧ 20:29 Mat 9:27-31 ✧ 20:30 Mat 9:27 ✧ 20:31 Mat 9:27

## 21

<sup>1</sup> ✧Lè yo te pwoche Jérusalem e rive kote Bethphagé nan Mòn Oliv la, Jésus te voye de nan disip li yo, <sup>2</sup> epi te di yo: “Ale nan vilaj anfas nou an, epi nou va twouve yon bourik ki mare la avèk pitit li. Demare yo, e mennen yo ban Mwen. <sup>3</sup> Epi si yon moun di nou yon bagay, nou va di li konsa: ‘Senyè a gen bezwen yo’, epi lapoula, l ap voye yo.”

<sup>4</sup> ✧Sa te fèt pou sa ki te pale pa pwofèt la ta kapab akonpli, lè li te di:

<sup>5</sup> ✧“Pale a fi Sion an,

Men gade, Wa ou ap vin kote ou;

dou, e monte sou yon bourik;

yon jenn bourik, Pitit a yon bèt ki pote chaj’ ”.

<sup>6</sup> Epi disip yo te ale fè tout sa Li te mande yo, <sup>7</sup> epi te mennen bourik la avèk Pitit li a e te mete vètman yo. Konsa, sou vètman yo Li te chita.

<sup>8</sup> Pifò nan foul la te ✧plase vètman yo louvri sou wout la, e kèk lòt t ap koupe branch nan bwa yo pou plase sou wout la.

<sup>9</sup> Epi foul ki te ale devan Li an, ni sa ki te swiv Li t ap rele: ‘Ozana (Glwa a Bondye) a Fis a David la; ✧Beni se Sila ki vini nan non Senyè a; ozana ✧nan pi wo a!’

<sup>10</sup> Lè Li te antre Jérusalem, tout vil la te byen boulvèse e t ap di: “Ki moun sa ye?” <sup>11</sup> Epi foul la t ap di: “Sa se ✧pwofèt Jésus ki sòti Nazareth nan Galilée a”.

<sup>12</sup> ✧Epi Jésus te antre nan tanp lan e te chase mete tout moun deyò ki t ap achte e vann nan tanp lan. Li te chavire tab a moun ki t ap chanje lajan yo, avèk chèz a moun ki t ap vann toutrèl yo, <sup>13</sup> epi Li te di yo: “Li ekri: ✧Lakay Mwen an va rele yon kay pou lapriyè, men nou menm, nou fè li yon ✧twou kachèt pou vòlè.

<sup>14</sup> Epi avèg yo avèk bwate yo te vin kote L nan tanp lan, e ✧Li te geri yo.

<sup>15</sup> Men lè chèf prèt yo avèk skrib yo te wè tout mèvèy ke Li te fè yo, epi timoun nan tanp yo ki t ap kriye: “Ozana a ✧Fis a David la”, yo te ankòlè anpil. <sup>16</sup> Epi yo te di Li: “Ou pa tandè kisa timoun sa yo ap di?” E Jésus te di yo: “Wi, nou pa janm konn li ✧“Nan bouch a timoun avèk ti bebe k ap tete yo, nou prepare lwanj pou Ou menm”?

<sup>17</sup> Epi Li te kite yo, e sòti pou ale nan vil ✧Béthanie pou pase nwit lan.

<sup>18</sup> ✧Alò nan maten, Li te retounen nan vil la. Li te vin grangou. <sup>19</sup> Li te wè yon sèl ✧pye fig Frans akote wout la. Men lè L vin kote l, Li pa twouve anyen sof ke fèy yo; konsa Li pale li: “Ou p ap janm gen fwi ki sòti sou ou ankò!” Epi lapoula, pye fig Frans lan te vin fennen nèt.

<sup>20</sup> Lè yo wè sa, disip yo te etone, e te di: “Kijan fig Frans sa a fè vin fennen nan yon moman konsa?”

<sup>21</sup> Epi Jésus te reponn e te di yo: “Anverite Mwen di nou: ✧Si nou gen lafwa e nou pa doute, non sèlman n ap fè sa ki te fèt a fig Frans lan, men menm si nou di a mòn sa a: ‘Leve ale jete ou nan lanmè’, sa va fèt. <sup>22</sup> “Epi ✧tout sa nou mande nan lapriyè e kwè, nou va resevwa li.”

<sup>23</sup> ✧Lè Li te fin antre nan tanp lan, chèf prèt yo avèk lansyen pami pèp la te vin kote L pandan Li t ap enstwi e te mande L: “Pa ki otorite Ou fè bagay sa yo; e kilès ki te bay ou otorite sila a?”

✧ 21:1 Mc 11:1-10 ✧ 21:4 Mc 11:7-10 ✧ 21:5 És 62:11 ✧ 21:8 II Wa 9:13 ✧ 21:9 Sòm 118:26 ✧ 21:9 Luc 2:14 ✧ 21:11 Mat 21:26 ✧ 21:12 Mc 11:15-18 ✧ 21:13 És 56:7 ✧ 21:13 Jr 7:11 ✧ 21:14 Mat 4:23 ✧ 21:15 Mat 9:27 ✧ 21:16 Sòm 8:2 ✧ 21:17 Mat 26:6 ✧ 21:18 Mc 11:12-24 ✧ 21:19 Luc 13:6-9 ✧ 21:21 Mat 17:20 ✧ 21:22 Mat 7:7 ✧ 21:23 Mc 11:27-33

24 Jésus te reponn yo e te di yo: “M ap mande nou yon bagay tou, e si nou reponn Mwen, M ap fè nou konnen pa ki otorite Mwen fè bagay sila yo. 25 Batèm a Jean an, kibò li sòti? Èske sous li se syèl la, oubyen lòm?”

Konsa, yo te kòmanse rezone pami yo menm. Yo te di: “Si nou di ‘syèl la’, L ap di nou ‘ebyen poukisa nou pa t kwè l?’ 26 Men si nou di lòm’, nou pè foul la, paske yo tout kwè ke Jean te ☆yon pwofèt.”

27 Yo te reponn Jésus e di: “Nou pa konnen”.

Li te reponn yo e di: “Ni Mwen menm p ap di nou pa ki otorite Mwen fè bagay sa yo.”

28 “Men kisa nou panse? Yon nonm te gen de fis; li te vini a premye a e te di l: ‘Fis mwen, ale travay pou mwen jodi a nan ☆chan rezen an.’

29 Epi li te reponn e te di: M pa prale’, men, apre li te regrèt sa, e li te ale.

30 Nonm nan te rive kote dezyèm nan, e te di menm bagay la. Men li menm te reponn e te di: Avozdò; men li pa t ale. 31 Kilès nan de fis sa yo ki te fè volonte a papa l?

Yo te reponn: “Premye a”.

Jésus te di yo: “Anverite, Mwen di nou ke ☆kolektè kontribisyon yo avèk fanm movèz vi yo va antre nan wayòm syèl la avan nou menm. 32 Paske Jean te vini a nou menm nan chemen ladwati, men nou pa t kwè li; men ☆kolektè kontribisyon yo avèk fanm movèz vi yo te kwè li. Men nou menm ki te wè sa, nou pa t menm regrèt apre pou nou ta kwè li.

33 Koute yon lòt parabol. Te gen yon mèt tè ki te plante yon chan rezen e li te antoure li avèk yon miray. Li te fouye yon rezèwva pou kraze rezen yo, e te bati yon tou ki wo. Li te antann demwatye ak kiltivatè yo, e te ale fè yon vwayaj.

34 Lè lè rekòlt la te rive, li te ☆voye esklav li yo jwenn kiltivatè yo pou resewva pwodwi pa li a. 35 Epi kiltivatè yo te pran esklav li yo. Yo te bat youn, te touye yon lòt e yo te kalonnen twazyèm lan avèk kout wòch.

36 Ankò li ☆te voye yon lòt ekip esklav pi gran pase premye yo, e yo fè yo menm bagay la.

37 Men anfen, li te voye fis li a. Li te di: “Y ap respekte fis mwen an.”

38 “Men lè kiltivatè yo te wè fis la, yo te di pami yo, ‘Sa se eritye a; vini, annou touye li epi sezi eritaj li a’. 39 Epi yo te pran li, voye li deyò chan an e yo te touye li.

40 Akoz sa, lè mèt teren an va vini, kisa l ap fè avèk kiltivatè sa yo?”

41 Yo te di Li: “L ap mennen malveyan sa yo a yon move fen, epi li ☆va lwe chan sa a bay lòt kiltivatè k ap peye li sa yo dwe yo nan pwòp lè yo.”

42 Jésus te di yo:

“Èske nou pa janm li nan Ekriti Sen yo, ☆

‘Wòch ke sila ki t ap bati yo te rejte a,

te devni wòch ang prensipal la;

sa te sòti nan Senyè a, e se te yon mèvèy nan zye nou.’?”

43 Akoz sa Mwen di nou: “Wayòm syèl la ap vin pran nan men nou pou plase bay yon nasyon k ap pwodwi fwi li. 44 Epi ☆sila ki tonbe sou wòch sila ap kraze an mòso, men sou sila ke li tonbe a, l ap gaye li an poud.”

☆ 21:26 Mat 11:9 ☆ 21:28 Mat 20:1 ☆ 21:31 Luc 7:29,37 ☆ 21:32 Luc 3:12 ☆ 21:34 Mat 22:3 ☆ 21:36 Mat 22:4 ☆ 21:41 Mat 8:11 ☆ 21:42 Sòm 118:22 ☆ 21:44 És 8:14,15

<sup>45</sup> Epi lè chèf prèt ak Farizyen yo te tandè parabol Li yo, yo te konprann ke Li t ap pale de yo menm. <sup>46</sup> Epi lè yo te chèche mwayen sezi Li, yo te ✧krent foul la paske yo te konsidere Li kon yon ✧pwofèt.

## 22

<sup>1</sup> Ankò Jésus te reponn yo e pale ak yo an parabol. Li te di: <sup>2</sup> ✧“Wayòm syèl la tankou yon wa ki fè yon fèt maryaj pou fis li. <sup>3</sup> Li te ✧voye esklav li yo deyò pou rele sila yo ki te envite nan fèt maryaj la, men yo pa t dakò vini.

<sup>4</sup> Ankò li ✧voye lòt esklav pou di: “Gade, mwen prepare anpil manje; bèf avèk anpil lòt bèt gra gen tan fin kòche; tout bagay prè. Vini nan fèt maryaj la.”

<sup>5</sup> Men yo pa t okipe li; yo fè wout yo, youn ale nan chan li, yon lòt pou okipe afè l. <sup>6</sup> Epi rès yo te sezi esklav li yo, te maltrete e touye yo. <sup>7</sup> Men wa te anraje, li te voye lame li pou te detwi tout asasen sa yo, e te mete dife nan vil pa yo.

<sup>8</sup> Apre, li te di a esklav li yo: Maryaj la prepare, men sila ki te envite yo pa dign. <sup>9</sup> Pou sa, ale nan ✧gran wout yo, epi tout sila nou twouve la yo, envite yo nan fèt maryaj la.’

<sup>10</sup> Epi esklav sila yo te ale deyò nan lari yo pou te ranmase tout sa yo te twouve, ni mechan, ni bon; epi chan maryaj la te ranpli avèk sila ki te envite yo.

<sup>11</sup> Men lè wa a te vini pou wè sila ki te vini yo, li twouve ✧yon nonm ki pa abiye avèk vètman maryaj la. <sup>12</sup> Li te di li: ✧ ‘Zanmi m, kijan ou fè antre isit la san vètman maryaj la?’ Epi moun nan pa t kab menm pale.

<sup>13</sup> Konsa, wa a te di a sèvitè yo: Mare men li avèk pye li, e jete li deyò nan ✧fon tenèb; nan plas sa a, va genyen gwo kriye avèk manje dan. <sup>14</sup> Paske gen anpil moun k ap ✧resevwa apèl la, men pa anpil moun kap chwazi.”

<sup>15</sup> ✧Konsa, Farizyen yo te ale pran konsèy ansanm pou twouve kijan yo ta kab kenbe L nan pèlen pawòl ke Li te pale yo. <sup>16</sup> Yo te voye disip pa yo ansanm avèk ✧Ewodyen yo ki te di: “Mèt, nou konnen ke Ou bay verite, e enstwi chemen Bondye a ak verite, san patipri, paske Ou pa pran pati a pèsòn. <sup>17</sup> Pou sa, di nou kisa Ou panse? Èske li pèmèt pou peye ✧taks a ✧César; wi oubyen non?”

<sup>18</sup> Men Jésus te konprann mechanste yo, e te reponn: “Poukisa nou ap tante M konsa? Ipokrit nou ye! <sup>19</sup> Montre M ✧kòb ke nou sèvi pou peye taks la.”

Yo te pote bay Li yon denye.

<sup>20</sup> Epi Li te di yo: “Limaj avèk lenskripsyon a ki moun nou wè la a?”

<sup>21</sup> Yo reponn Li: “Se pou César”.

Epi Li te di yo: ✧“Ebyen, bay a César sa ki pou César, e bay Bondye sa ki pou Bondye.”

<sup>22</sup> Lè yo tandè sa, yo te etone e yo te ✧kite Li ale.

<sup>23</sup> ✧Nan menm jou sa a, kèk nan Sadiseyen yo (ki di mò yo p ap janm leve) te vin kote L pou poze L kesyon. <sup>24</sup> Yo te di: “Mèt, Moïse te di: ✧‘Si yon nonm mouri, li pa gen pitit, frè li, nan fanmi ki pi prè a va marye avèk madanm li e elve yon Pitit pou frè li.’ <sup>25</sup> Konsa, te gen sèt frè avèk nou.

✧ 21:46 Mat 21:26 ✧ 21:46 Mat 21:11 ✧ 22:2 Mat 13:24 ✧ 22:3 Mat 21:34 ✧ 22:4 Mat 21:36  
✧ 22:9 Éz 21:21 ✧ 22:11 II Wa 10:22 ✧ 22:12 Mat 20:13 ✧ 22:13 Mat 8:12 ✧ 22:14 Mat 24:22 ✧ 22:15 Mc 12:13-17 ✧ 22:16 Mc 3:6 ✧ 22:17 Mat 17:25 ✧ 22:17 Luc 3:1 ✧ 22:19 Mat 17:25 ✧ 22:21 Mc 12:7 ✧ 22:22 Mc 12:12 ✧ 22:23 Mc 12:18-27 ✧ 22:24 Det 25:5

Premye a te marye. Li mouri san fè Pitit e li te kite madanm li pou frè l la. <sup>26</sup> Konsa tou, dezyèm lan, twazyèm nan, jouk rive nan setyèm frè a. <sup>27</sup> An dènye lye, fanm nan te mouri. <sup>28</sup> Konsa nan rezirèksyon an, se madanm a kilès l ap ye? Paske yo tout te genyen l.”

<sup>29</sup> Men Jésus te reponn yo: “Nou twonpe nou e nou ✧pa konprann Ekriti Sen yo, ni pouvwa Bondye a. <sup>30</sup> Paske nan rezirèksyon an, yo ✧pa marye, ni bay moun nan maryaj, men se kon zanj nan syèl yo. <sup>31</sup> Men, konsènan rezirèksyon mò yo, nou pa t li sa ki te pale a nou pa Bondye lè Li di nou: <sup>32</sup> ✧‘Mwen menm se Bondye Abraham, Bondye Isaac, Bondye Jacob la’? Li menm se pa Bondye a mò yo, men a sila ki vivan yo.”

<sup>33</sup> Epi lè foul la te tande sa, ✧yo te etone de jan Li te enstwi a.

<sup>34</sup> ✧Men lè Farizyen yo te tande ke Li gen tan fè Sadiseyen yo sispann pale, yo te reyini ansanm.

<sup>35</sup> Epi youn nan yo, yon ✧avoka, te kesyone L pou pase l a leprèv. <sup>36</sup> “Mèt, kilès nan kòmandman nan Lalwa a ki pi gran?” <sup>37</sup> Epi Li te di li: ✧“‘Ou va renmen Senyè a, Bondye ou avèk tout kè ou, avèk tout nanm ou, epi avèk tout lespri ou’.

<sup>38</sup> Sa se premye e pi gran kòmandman an. <sup>39</sup> Dezyèm nan se parèy a li menm: ✧‘Ou va renmen vwazen ou tankou tèt ou’.

<sup>40</sup> ✧Sou de kòmandman sa yo depann tout Lalwa, avèk pwofèt yo.”

<sup>41</sup> ✧Alò, pandan Farizyen yo te ansanm, Jésus te poze yo yon kesyon. <sup>42</sup> Li te mande yo: “Kisa nou panse de Kris la; se Fis a kilès Li ye?”

Yo te reponn Li: ✧“Fis a David la”.

<sup>43</sup> Li te di yo: “Ebyen, ki an konsa ke nan Lespri a, David te rele Li ‘Senyè’ lè li te di:

<sup>44</sup> ✧“SENYÈ a di a SENYÈ mwen an,  
‘Chita sou men dwat Mwen,  
jouk lè Mwen mete lènmi ou yo anba pye ou’?

<sup>45</sup> Si David li menm rele Li ‘Senyè’, kijan Li fè kapab Pitit Li?”

<sup>46</sup> Pèsòn pa t kapab reponn Li yon mo, ✧ni yo pa t tante mande Li anyen depi jou sa a.

## 23

<sup>1</sup> Alò, Jésus te pale avèk foul la ak disip Li yo <sup>2</sup> Li te di yo: ✧“Skrìb yo avèk Farizyen yo gen tan chita pou kont yo nan chèz Moïse la. <sup>3</sup> Pou sa, tout sa yo mande nou fè e swiv, fè l. Men pa swiv zak yo, paske yo pale bagay sa yo, men yo pa fè yo. <sup>4</sup> ✧Yo mare gwo chaj e mete yo sou zepòl a moun; men yo menm, yo p ap deplase, menm avèk yon dwèt.

<sup>5</sup> Men yo fè tout zak pa yo pou moun kapab wè; yo ✧agrandi filaktè pa yo (ti bwat ki pote woulo avèk Ekriti Sen yo ekri ladann) e fè ganiti (alonj ki fèt ak kòd) arebò vètman yo vin pi long. <sup>6</sup> Epi yo ✧renmen plas onè nan resepsyon yo, avèk plas ki pi enpòtan nan sinagòg yo, <sup>7</sup> Ak salitasyon ki plen respè nan mache yo, e pou tout moun rele yo ✧‘Rabbi’ (Mèt).

<sup>8</sup> Men pa kite yo rele nou ✧‘Rabbi’; paske se yon sèl ki Mèt nou, e nou tout se frè nou ye. <sup>9</sup> Epi pa rele pèsòn sou latè papa’, paske se ✧Yon sèl ki Papa nou; Sila ki nan syèl la. <sup>10</sup> Epi pa kite yo rele nou Direktè, paske nou gen yon sèl Direktè; se Kris la.

✧ 22:29 Jn 20:9 ✧ 22:30 Mat 24:38 ✧ 22:32 Egz 3:6 ✧ 22:33 Mat 7:28 ✧ 22:34 Luc 10:25-37 ✧ 22:35 Luc 7:30 ✧ 22:37 Det 6:5 ✧ 22:39 Lev 19:18 ✧ 22:40 Mat 7:12 ✧ 22:41 Mc 12:35-37 ✧ 22:42 Mat 9:27 ✧ 22:44 Mc 12:34 ✧ 22:46 Sòm 110:1 ✧ 23:2 Det 33:3 ✧ 23:4 Luc 11:46 ✧ 23:5 Egz 13:9 ✧ 23:6 Luc 11:43 ✧ 23:7 Mat 23:8 ✧ 23:8 Mat 23:7 ✧ 23:9 Mat 6:9

11 ✨Men pi gran pami nou an va vin sèvitè nou. 12 ✨Epi sila ki pran wo plas yo ap desann, e sila ki desann tèt yo ap vin gen yon wo plas.

13 Men malè a nou menm Skrib yo avèk Farizyen yo; ipokrit ✨paske nou bloke wayòm syèl la pou moun; paske nou pa antre nou menm, ni nou pa kite sila k ap antre yo ale ladann. 14 Malè a nou menm Skrib ak Farizyen yo; ipokrit, paske ✨nou devore kay vèv yo menm lè nou pretann n ap fè lapriyè long; pou sa, nou ap resevwa yon pi gwo kondanasyon.

15 Malè a nou menm Skrib ak Farizyen yo; ipokrit nou ye! Paske nou travèse tout latè avèk lanmè pou fè ✨yon sèl disip, e lè nou fè l, li vini de fwa plis fis lanfè ke nou menm.

16 Malè a nou menm, ✨gid ki avèg! Ki di: ‘Sila ki sèmante sou tanp lan, sa pa anyen, men sila ki sèmante sou lò a tanp lan, se oblije.’ 17 Bann sòt ak moun avèg; ✨kisa ki pi gran; lò a, oubyen tanp lan ki sanktifye lò a?

18 Epi ‘sila ki sèmante sou lotèl la, sa pa anyen; men sila ki sèmante sou ofrann ki sou lotèl la, li oblije’. 19 Moun avèg; ✨kilès ki pi enpòtan, ofrann sou lotèl la, oubyen lotèl la ki sanktifye lofrann nan.

20 Pou sa, sila ki sèmante sou lotèl la, sèmante ni sou li, ni sou tout bagay ki sou li. 21 Epi sila ki sèmante sou tanp lan, sèmante non sèlman sou tanp lan, men osi sou Sila ki ✨rete ladann nan. 22 Epi sila ki sèmante sou syèl la, ✨sèmante non sèlman sou twòn Bondye a, men sou Sila ki chita ladann nan.

23 ✨Malè a nou menm, Skrib ak Farizyen yo, ipokrit! Paske nou bay ladim nan mant, ani, avèk pèsi (yon kalite epis) men nou neglije pòsyon Lalwa ki pote plis pwa yo; lajistis, mizerikòd, ak fidelite. Men bagay sa yo nou dwe fè yo san neglije lòt yo. 24 Nou menm, ✨gid ki avèg, ki sèvi ak yon paswa pou retire mouch, men nou vale yon chamo!

25 Malè a nou menm Skrib ak Farizyen yo, ipokrit! ✨Nou netwaye deyò tas la ak plato a, men anndan yo plen avèk bann vòlè ak dezi pou akonpli tout bezwen pèsònèl yo. 26 Nou menm, Farizyen ki avèg yo; premyèman, ✨netwaye anndan tas la ak plato a pou deyò li kapab vin pwòp tou.

27 ✨Malè a nou menm, Skrib ak Farizyen yo, ipokrit! Paske nou tankou tonm ki blanchi deyò pou parèt bèl, men anndan yo ranpli avèk zo mò ak tout kalite pouriti. 28 Menm jan an, nou menm tou, nou gen aparans ladwati, men anndan nou ranpli avèk ipokrizi ak linikite.

29 ✨Malè a nou menm Skrib ak Farizyen yo, ipokrit! Nou bati tonm pou pwofèt yo e dekore moniman a sila ki te jis yo, 30 epi di: “Si nou te viv nan jou zansèt nou yo, nou pa t ap ede yo vèsè san a pwofèt yo”. 31 An konsekans, nou temwaye kont pwòp tèt pa nou; ke nou menm ✨se fis a moun ki te touye pwofèt yo.

32 Konsa, akonpli mezi koupabilite nou, menm jan tankou zansèt nou yo te fè a. 33 Bann sèpan, ✨nich ranpli ak koulèv; kijan pou nou ta kapab chape de chatiman lanfè a?

34 ✨Pou sa, gade, Mwen ap voye bannou pwofèt ak moun saj, ak Skrib yo; kèk nan yo, nou va touye e krisifye; e kèk nan yo, nou ap bay kout fwèt nan sinagòg nou yo e pèsèkite yo soti nan yon vil jiska yon lòt. 35 Pou sa rive ke sou nou kapab tonbe koupabilite pou tout san ki te vèsè sou latè yo, kòmanse avèk Abel ki te jis, pou rive jouk nan san Zacharie, ✨ fis a

✨ 23:11 Mat 20:26 ✨ 23:12 Luc 14:11 ✨ 23:13 Luc 11:52 ✨ 23:14 Mc 12:40 ✨ 23:15 Trav 2:10 ✨ 23:16 Mat 15:14 ✨ 23:17 Egz 30:29 ✨ 23:19 Egz 29:37 ✨ 23:21 I Wa 8:13 ✨ 23:22 És 66:1 ✨ 23:23 Mat 23:13 ✨ 23:24 Mat 23:16 ✨ 23:25 Mc 7:4 ✨ 23:26 Mc 7:4 ✨ 23:27 Luc 11:44 ✨ 23:29 Luc 11:47 ✨ 23:31 Mat 23:34-37 ✨ 23:33 Mat 3:7 ✨ 23:34 Mat 23:34-36 ✨ 23:35 Za 1:1



Barachie a, ke nou te ✨asasine antre tanp lan ak lotèl la.

<sup>36</sup> Anverite, Mwen di nou ke tout bagay sa yo ap rive sou ✨jenerasyon sila a.

<sup>37</sup> O ✨Jérusalem, Jérusalem, ki touye pwofèt yo e asasine sila ki te voye a li menm yo avèk kout wòch! Konbyen fwa Mwen te vle rasanble nou ansanm, kon yon poul rasanble Pitit li anba zèl li; men nou pa t vle.

<sup>38</sup> Gade byen, ✨lakay nou rete nan men nou dezole nèt. <sup>39</sup> Paske Mwen di nou: “Depi koulye a, nou p ap wè M jiskaske nou di: ✨‘Beni se Sila ki vini nan non Senyè a.

## 24

<sup>1</sup> ✨Jésus te sòti nan tanp lan e t ap kite lye a lè disip Li yo te vin kòmanse montre Li bèl konstriksyon tanp lan, <sup>2</sup> epi Li te reponn yo e te di yo: “Èske nou pa wè tout bagay sa yo? Anverite, Mwen di nou ke ✨pa menm yon wòch isit la ap rete sou youn lòt ki p ap dekonble nèt.”

<sup>3</sup> Epi pandan Li te chita sou ✨Mòn Oliv la, disip Li yo te vin kote Li an prive pou mande L: “Di nou kilè bagay sa yo ap rive, e ki sign k ap fè nou konnen ke Ou ap vini, e k ap enfòm nou sou fen tan yo?”

<sup>4</sup> Epi Jésus te reponn yo e te di yo: “Fè atansyon pou pèsòn pa kondwi nou nan erè!” <sup>5</sup> Paske ✨anpil moun ap vini nan non Mwen e y ap di: ‘Se Mwen ki Kris La’, e y ap kondwi anpil moun nan erè.

<sup>6</sup> Nou va tandè afè ✨lagè, avèk bwi ki pale sou lagè, men fè atansyon pou nou pa pè; paske fòk bagay sa yo rive, men sa se pa lafen an. <sup>7</sup> Paske ✨nasyon ap leve kont nasyon, epi wayòm kont wayòm; e nan plizyè andwa, va gen gwo grangou avèk tranbleman de tè. <sup>8</sup> ✨Men tout bagay sa yo se sèlman kòmansman an; tankou premye doulè a fanm k ap akouche a.

<sup>9</sup> ✨Epi konsa yo va livre nou nan touman, e yo va touye nou; ✨nou va rayi pa tout nasyon yo pou koz a non Mwen.

<sup>10</sup> Epi nan tan sa a, anpil moun ap ✨chite; youn ap denonse lòt, e youn ap rayi lòt. <sup>11</sup> Epi anpil ✨fo pwofèt ap leve e y ap redwi anpil moun nan erè. <sup>12</sup> Epi akòz inikite yo ogmante, lanmou a pi fò moun ap vin fwèt. <sup>13</sup> ✨Men sila ki kenbe fèm jiska lafen an ap sove.

<sup>14</sup> Epi ✨bòn nouvèl a wayòm sila a va preche nan tout ✨lemonn kon yon temwayaj a tout nasyon yo; e apre sa, lafen an va rive.

<sup>15</sup> Pou sa, kon pwofèt Daniel te pale a, lè nou wè ✨abominasyon ak dezolasyon ki te pale pa Daniel, pwofèt la, kanpe nan lye sen an (ke moun k ap li a konprann) <sup>16</sup> Nan moman sa a kite sila nan Judée yo sove pou ale nan mòn yo. <sup>17</sup> Nenpòt moun ki ✨anwo kay la pa dwe desann pou pran byen li nan kay li, <sup>18</sup> Epi nenpòt moun ki nan chan an pa dwe retounen pou pran rad li, <sup>19</sup> Men ✨malè a sila ki ansent yo e a sila k ap bay pitit yo tete nan jou sa yo!

<sup>20</sup> Men priye pou ou pa oblije sove ale nan livè, ni nan yon jou Saba; <sup>21</sup> paske nan tan sa a, ap gen yon ✨gwo tribilasyon yon jan ki pa janm fèt depi nan kòmansman mond lan jouk rive koulye a, ni p ap janm genyen l. <sup>22</sup> Epi si jou sa yo pa t rakousi, pa t ap gen vi ki t ap sove; men pou ✨lakoz a sila ki chwazi yo, y ap rakousi.

✨ 23:35 II Kwo 24:21 ✨ 23:36 Mat 10:23 ✨ 23:37 Luc 13:34-35 ✨ 23:38 I Wa 9:7 ✨ 23:39 Sòm 118:26 ✨ 24:1 Mc 13 ✨ 24:2 Luc 19:44 ✨ 24:3 Mat 21:1 ✨ 24:5 Mat 24:11-24 ✨ 24:6 Rev 4:6 ✨ 24:7 II Kwo 15:6 ✨ 24:8 Mat 24:8-20 ✨ 24:9 Mat 10:17 ✨ 24:9 Mat 10:22 ✨ 24:10 Mat 11:6 ✨ 24:11 Mat 7:15 ✨ 24:13 Mat 10:22 ✨ 24:14 Mat 4:23 ✨ 24:14 Luc 4:5 ✨ 24:15 Dan 9:27 ✨ 24:17 I Sam 9:25 ✨ 24:19 Luc 23:29 ✨ 24:21 Dan 12:1 ✨ 24:22 Mat 22:14

23 ✨Epi si yon moun di nou: ‘Gade, men Kris la isit la’, oubyen Men Li la’, pa kwè li. 24 Paske fo Kris yo ak fo pwofèt yo ap prezante e montre gwo ✨sign avèk mirak pou yo ta kab, si li te posib, redwi nan erè menm ✨sila ki eli yo. 25 Veye, Mwen avèti nou davans.

26 Si yo di nou Men Li nan dezè a’ pa ale la; oubyen ‘Gade la, Li la nan chanm pa anndan an, pa kwè yo. 27 ✨Paske menm jan ke kout eklè a sòti nan lès pou klere jouk rive nan lwès, konsa n ap wè vini Fis a Lòm nan. 28 ✨Nenpòt kote kadav la ye, se la ou va twouve votou yo.

29 Men imedyatman apre tribilasyon nan jou sa yo, ✨solèy la va vin nwa, lalin lan p ap bay limyè, zetwal yo va tonbe sòti nan syèl la, e pouvwa syèl yo va souke.

30 Epi nan moman sa a, ✨sign a Fis a Lòm nan va parèt nan syèl la, e tout tribi sou tè a va kriye avèk doulè; e yo va wè ✨Fis a Lòm nan vini sòti sou nyaj syèl yo avèk pouvwa ak gran glwa, 31 epi Li va voye zanj Li avèk ✨yon gwo twonpèt e yo va rasanble ansanm ak sila ki eli yo, ki sòti nan kat van yo, sòti nan yon pwent syèl la ale nan lòt pwent lan.

32 Koulye a, vin konprann parabòl a pye fig frans lan; lè branch li vin vèt, e prezante fèy, nou konnen ke gran sezon chalè a rive sou nou; 33 Ou menm tou, lè nou wè tout bagay sa yo, rekonèt ke Li pwòch, ✨Li parèt nan pòt la.

34 Anverite, Mwen di nou: ✨ Jenerasyon sila a p ap disparèt jouk lè ke tout bagay sa yo fin pase. 35 ✨Syèl la avèk tè a va disparèt, men pawòl pa M yo p ap janm disparèt. 36 Men ✨konsènan jou sa a, avèk lè sa a, pèsòn pa konnen, pa menm zanj nan syèl yo, ni Fis la, men sèl Papa a.

37 Paske vini a Fis a Lòm nan va ✨menm jan avèk jou a Noé yo. 38 Paske menm jan ke jou yo te ye avan gwo delij la, yo t ap manje e bwè; yo t ap ✨marye, e t ap bay moun nan maryaj, jouk jou ke ✨Noé te antre nan lach la. 39 Epi yo pa t konprann jiskaske delij la te vini e pote yo tout ale; konsa l ap ye avèk ✨vini a Fis a Lòm nan.

40 Nan moman sa a, ap gen de nonm nan yon chan; youn ap prale; lòt la ap rete. 41 ✨De fanm k ap moulen nan moulen an; youn ap prale; lòt la ap rete.

42 Pou sa, ✨ 43 Men konnen byen yon bagay; ✨si mèl kay la te konnen a ✨kilè nan nwit lan vòlè a t ap parèt, li t ap veye plis, e pa t ap kite kay la kase. 44 Pou rezon sa a, ✨fòk nou menm, nou byen prepare tou; paske Fis a Lòm nan ap vini nan yon lè ke nou pa sipoze.

45 ✨Kilès, konsa, ki se esklav fidèl e rezonab ke mèl la te mete responsab tout lakay li pou bay yo manje nan lè ke yo bezwen? 46 Beni se esklav k ap fè sa lè mèl li vini an. 47 Anverite Mwen di nou ke ✨l ap mete li kòm chèf sou tout byen li yo.

48 Men si esklav mechan sa a di nan kè li; Mèt mwen p ap vini pandan anpil jou’, 49 Epi li kòmanse bat esklav parèy li yo, manje e bwè avèk moun sou yo; 50 Mèt a esklav sa a ap vini nan yon jou ke li pa t atann, e nan yon lè ke li pa t konnen, 51 Epi li va koupe li an mòso e bay li yon plas avèk ipokrit yo; kote k ap gen ✨ kriye avèk manje dan.

✨ 24:23 Luc 17:23 ✨ 24:24 Jn 4:48 ✨ 24:24 Mat 22:14 ✨ 24:27 Luc 17:24 ✨ 24:28 Job 39:30 ✨ 24:29 Ès 13:10 ✨ 24:30 Mat 24:3 ✨ 24:30 Dan 7:13 ✨ 24:31 Egz 19:16 ✨ 24:33 Jc 5:9 ✨ 24:34 Mat 10:23 ✨ 24:35 Mat 5:18 ✨ 24:36 Mc 13:32 ✨ 24:37 Jen 6:5 ✨ 24:38 Mat 22:30 ✨ 24:38 Jen 7:7 ✨ 24:39 Mat 16:27 ✨ 24:41 Luc 17:35 ✨ 24:42 Mat 24:43-44 ✨ 24:43 Luc 12:39 ✨ 24:43 Mc 13:35 ✨ 24:44 Mat 24:42,43 ✨ 24:45 Luc 12:42-46 ✨ 24:47 Mat 25:21-23 ✨ 24:51 Mat 8:12

## 25

1 ✨Konsa, Wayòm syèl la tankou dis vyèj ki te pran ✨lanp yo pou soti e rankontre jennonm k ap marye a. 2 Senk nan yo te manke sajès, men lòt senk yo te ✨gen bon konprann. 3 Lè sila ki manke sajès yo te pran lanp yo, yo pa t pran lwil avèk yo. 4 Men ✨saj yo te pran lwil nan veso ansanm avèk lanp yo. 5 Konsa, pandan jennonm nan t ap pran reta, yo tout te vin fatige, e dòmi te pran yo.

6 Men a minwi, te gen yon gwo kri: Men gade, jennonm k ap marye a parèt! Vin rankontre li.'

7 Alò, tout vyèj sa yo te leve pou prepare lanp pa yo. 8 Men sila ki pa t saj yo te di a sila ki te pridan yo: 'Bannou kèk nan lwil pa nou an, paske lanp nou yo ap etenn.'

9 Men ✨saj yo te reponn: 'Non, pwiske si nou fè sa, nou p ap rete kont pou nou; pito nou ale kote machann pou nou achte pou tèt nou.'

10 Epi pandan yo t ap pral achte, jennonm nan te vin parèt e sila ki te ✨prepare yo te antre avè l ✨nan fèt maryaj la; epi pòt la te vin fèmen.

11 Pita lòt vyèj yo te vini e yo te di: ✨ 'Senyè, Senyè, louvri pòt la pou nou.'

12 Men li te reponn yo e te di: 'Anverite mwen di nou, mwen pa rekonèt nou.'

13 Pou sa, ✨fè atansyon, paske nou pa konnen ni jou, ni lè.

14 ✨Paske se menm jan avèk yon nonm ki fenk pare pou fè yon vwayaj, ki rele esklav li yo, e konfyè tout sa li posede a yo menm. 15 A youn li te bay senk talan (yon gwo sòm dajan) a yon lòt de, e a yon lòt, youn, selon kapasite ke chak te genyen, epi li te ✨sòti pou fè vwayaj la. 16 Imedyatman, sila ki te resevwa senk ✨talan yo te fè afè avèk yo, e te ranmase yon lòt senk talan anplis. 17 Menm jan an, sila ki te resevwa de talan yo te vin jwenn de lòt. 18 Men sila ki te resevwa yon sèl talan an te ale fouye yon twou nan tè pou te sere lajan mèl li.

19 Apre anpil tan, mèl a esklav sa yo te vini pou te ✨regle kont avèk yo.

20 Sila ki te resevwa senk ✨talan yo te vin pote li avèk yon lòt senk talan ankò, epi te di: Mèt, ou te fè m konfyans ak senk talan; ou wè, mwen fè l rapòte senk talan anplis.'

21 Mèt li te di li: 'Byen fèt, bon e fidèl sèvitè; ou te fidèl avèk yon ti kras bagay, m ap ✨fè ou responsab anpil bagay. Antre nan lajwa a mèl ou.'

22 Sila ki te resevwa de ✨talan yo te vini epi te di: Mèt, ou te fè m konfyans ak de talan; ou wè, mwen fè l rapòte de talan anplis.'

23 Mèt li te di li: 'Byen fèt, bon sèvitè ✨ fidèl la; ou te fidèl avèk yon ti kras bagay, m ap fè ou responsab anpil bagay; antre nan lajwa a mèl ou.'

24 Epi sila osi ki te resevwa yon sèl ✨talan an te vini e te di: Mèt, mwen te byen konprann ke ou menm se te yon mèl ki di; ke ou rekòlte kote ou pa plante, e ranmase kote ou pa simen. 25 Epi mwen te krent, e te ale sere talan an nan tè. Ou wè, ou twouve sa ki pou ou a.'

26 Men mèl li te reponn li e te di: 'Esklav malveyan e parese; ou te konnen ke mwen rekòlte kote mwen pa plante, e ranmase kote mwen pa simen.'

27 Pou sa, ou te dwe mete kòb mwen an labank pou lè m rive mwen ta kapab resevwa l avèk enterè.

✨ 25:1 Mat 13:24 ✨ 25:1 Trav 20:8 ✨ 25:2 Mat 7:24 ✨ 25:4 Mat 7:24 ✨ 25:9 Mat 7:24  
 ✨ 25:10 Mat 24:42 ✨ 25:10 Luc 12:35 ✨ 25:11 Mat 7:2 ✨ 25:13 Mat 24:42 ✨ 25:14 Mat 25:14-30 ✨ 25:15 Mat 21:33 ✨ 25:16 Mat 18:24 ✨ 25:19 Mat 18:23 ✨ 25:20 Mat 18:24  
 ✨ 25:21 Luc 12:44 ✨ 25:22 Mat 18:24 ✨ 25:23 Mat 24:45,47 ✨ 25:24 Mat 18:24

28 Konsa, retire talan an nan men li, epi bay li a sila a ki gen dis talan yo.  
 29 ✨ Paske a sila a ki genyen an, l ap resevwa plis e l ap gen an abondans, men pou sila a ki pa genyen an, menm sa li genyen an ap retire nan men l. 30 Voye esklav inital sila a nan ✨fon tenèb, nan plas kote ap genyen kriye ak manje dan.’

31 Men lè ✨ Fis a Lòm nan vini nan tout glwa Li avèk tout zanj Li yo, Li va chita sou twòn glwa pa Li a. 32 Tout nasyon yo va rasanble devan Li; e L ap separe yo youn de lòt, ✨kon yon gadyen patiraj separe mouton avèk kabrit. 33 Epi l ap mete mouton yo adwat li, e kabrit yo ✨agoch Li.

34 Epi Wa a va di a sila ki adwat li yo: ‘Vini, nou menm ki beni pa Papa m; ✨eritye wayòm nan ki te prepare pou nou depi fondasyon mond lan. 35 Paske ✨Mwen te grangou, e nou te ban M bagay pou M manje; Mwen te swaf, e nou te ban M bwè; Mwen te yon etranje, e nou te envite M antre; 36 ✨Touni, e nou te ban M rad; Mwen te malad e nou te vizite M; Mwen te nan prizon e nou te vin kote M.

37 Epi jis yo ap di Li: ‘Senyè, kilè nou te wè Ou grangou e te bay Ou manje, ni swaf pou te bay Ou bwè? 38 Epi kilè nou te wè Ou yon etranje, epi envite Ou antre, oubyen touni pou te bay Ou rad? 39 Epi kilè nou te wè Ou malad, e te vizite Ou; oubyen nan prizon pou te vizite Ou?’

40 Epi wa a va reponn e di yo: ‘Anverite, Mwen di nou ✨menm jan ke nou te fè li a youn nan frè Mwen yo, nou te fè l a Mwen menm tou.’

41 Apre Li va di a sila ki agoch Li yo: ✨ ‘Sòti sou Mwen, nou menm ki modi, pou ale nan dife etènèl ki te prepare pou Satan avèk zanj li yo a. 42 Paske Mwen te grangou, men nou te refize ban M manje; Mwen te swaf, e nou pa t ban M bwè; 43 Mwen te yon etranje, e nou pa t envite M antre; touni, e nou pa t ban M rad, nan prizon e nou pa t vizite M.

44 Alò yo menm va reponn: ‘Senyè, kilè nou te wè Ou grangou, oswa swaf, oswa yon etranje, touni, malad oubyen nan prizon, e nou pa t okipe Ou?’

45 Epi L ap reponn yo e di: ‘Anverite Mwen di nou, menm jan ke nou pa t fè li pou youn nan pi piti nan sa yo, nou pa t fè l pou Mwen tou.’ 46 Epi sila yo va ale nan pinisyon etènèl, men jis yo nan ✨lavi etènèl.

## 26

1 ✨ Lè Jésus te fin pale tout pawòl sa yo, Li te di a disip Li yo: 2 ✨“Nou konnen ke apre de jou, Jou Pak Jwif la ap vini, e Fis a Lòm nan ap livre a yo menm pou yo kab krisifye L.”

3 Nan moman sa a, chèf prèt yo avèk lansyen a pèp yo te reyini ansanm ✨nan lakou tribinal wo prèt ke yo te rele Caïphe la. 4 Epi yo te ✨fè konplo ansanm pou sezi Jésus an sekre e touye Li. 5 Men yo t ap di: “Pa fè l pandan fèt la ✨otreman sa kab fè yon gwo revòlt pami pèp la.

6 ✨Alò, lè Jésus te Béthanie nan kay a Simon, lepre a, 7 ✨Yon fanm te vin kote L avèk yon bokal pòslèn plen avèk pafen ki te trè chè. Li te vide li sou tèt Li, pandan Li te sou tab la.

8 Men disip yo te mekontan lè yo te wè sa, e te di L: “Poukisa w ap fè gaspiyaj konsa?” 9 Pwiske pafen sa a ta kapab vann pou yon gwo pri, e lajan sa a ta kapab separe bay a malere yo.”

✨ 25:29 Mat 13:12 ✨ 25:30 Mat 8:12 ✨ 25:31 Mat 16:27 ✨ 25:32 Éz 34:17-20 ✨ 25:33 Ekl 10:2 ✨ 25:34 Mat 5:3 ✨ 25:35 És 58:7 ✨ 25:36 És 58:7 ✨ 25:40 Pwov 19:17 ✨ 25:41 Mat 7:23 ✨ 25:46 Mat 19:20 ✨ 26:1 Mat 7:28 ✨ 26:2 Mc 14:1-2 ✨ 26:3 Mat 26:58,59 ✨ 26:4 Mat 12:14 ✨ 26:5 Mat 27:24 ✨ 26:6 Luc 7:37-39 ✨ 26:7 Luc 7:37

10 Men Jésus te konprann sa, e te di yo: “Poukisa nou ap twouble fanm nan? Li fè M yon bon bagay. 11 Paske ✧malere yo ap toujou avèk nou; men Mwen menm, Mwen p ap la pou tout tan. 12 Pwiske lè li te vide pafen sila a sou kò M, li te fè l ✧pou prepare Mwen pou lantèman. 13 Anverite, Mwen di nou ke ✧nenpòt kote ke bòn nouvèl sila a preche nan tout mond lan; sa ke fanm sila a te fè a, ap toujou pale nan memwa a li menm.”

14 ✧Epi youn nan douz yo ki te rele Judas Iscariot te ale kote chèf prèt yo 15 e te di yo: “Kisa nou ap ban mwen si mwen livre Li bannou?”

E ✧yo te peze bay li trant pyès ajan. 16 Depi lè sa a, li te kòmanse chache yon bon moman pou trayi li.

17 ✧Konsa, nan premye jou fèt Pen San ledven an, disip yo te vin kote Jésus pou mande L: “Kibò Ou vle nou prepare manje Jou Pak Jwif la pou Ou?”

18 E Li te di yo: “Ale nan vil la a yon ✧sètèn mesye e di li: ‘Mèt la di nou “Lè Mwen prèske rive; m ap fè fèt Jou Pak la lakay ou avèk disip Mwen yo.’”

19 Epi disip yo te fè sa, jan Jésus te mande yo a; epi yo te prepare Jou Pak la.

20 ✧Alò, lè fènwa te vin rive, Li te lonje sou tab la avèk douz disip yo.

21 Pandan yo t ap manje Li te di yo: ✧ “Anverite Mwen di nou, youn nan nou ap trayi M”.

22 Avèk yon doulè pwofon, yo chak te kòmanse mande L: “Asireman, se pa mwen menm, Senyè?”

23 Epi Li te reponn pou te di: ✧“Sila ki mete men l avèk mwen nan bòl la, se li menm k ap trayi Mwen an. 24 Fis a Lòm nan gen pou ale, ✧jan ke li ekri sou Li a, men malè a sila ki trayi Fis a Lòm nan; li t ap pi bon pou li si li pa t janm fèt.”

25 Epi ✧Judas, ki t ap trayi Li a te reponn e te di: “Asireman se pa mwen menm, Rabbi (Mèt)?”

Li te di li: “Se ou menm ki di l.”

26 ✧Pandan yo t ap manje, Jésus te pran kèk pen; Li te beni li, kase l epi separe bay disip Li yo, e Li te di: “Pran, manje; sa se kò Mwen.”

27 Epi Li te pran tas la e te bay remèsiman, Li te bay yo e Li te di: “Bwè ladann, nou tout; 28 paske ✧sa se san akò Mwen ki vèse pou anpil moun, pou padon peche yo. 29 Men Mwen di nou, Mwen p ap bwè fwi rezen sila a ankò depi koulye a, jouk rive lè Mwen bwè l de nouvo avèk nou nan wayòm Papa Mwen an.

30 ✧Aprè yo chante yon kantik, yo te ale nan Mòn Oliv la.

31 Konsa, Jésus te di yo: “Nou tout ap gaye akoz Mwen pandan nwit sa a; paske sa ekri: ✧Mwen va frape e fè tonbe bèje a epi tout mouton va gaye.”

32 Men lè M leve, ✧M ap prale devan nou Galilée.”

33 Men Pierre te reponn e te di Li: “Menm lè tout lòt yo fè bak akoz de Ou menm; mwen menm, mwen p ap fè bak.”

34 Jésus te di li: ✧“Anverite Mwen di ou ke menm nwit sa a, avan kòk la gen tan chante, ou ap gen tan nye Mwen twa fwa.

35 Pierre te di Li: ✧“Menm si mwen oblije mouri avèk Ou, mwen p ap janm nye Ou.” Tout lòt disip yo te di menm bagay sila a tou.

✧ 26:11 Det 15:11 ✧ 26:12 Jn 19:40 ✧ 26:13 Mc 14:9 ✧ 26:14 Mc 14:10-11 ✧ 26:15 Egz 21:32 ✧ 26:17 Mc 14:12-16 ✧ 26:18 Mc 14:13 ✧ 26:20 Mc 14:17-21 ✧ 26:21 Luc 22:21-23 ✧ 26:23 Sòm 41:9 ✧ 26:24 Mat 26:31-54 ✧ 26:25 Mat 26:14 ✧ 26:26 I Kor 10:16 ✧ 26:28 Egz 24:8 ✧ 26:30 Mc 14:26-31 ✧ 26:31 Za 13:7 ✧ 26:32 Mat 28:7,10,16 ✧ 26:34 Mat 26:75 ✧ 26:35 Jn 13:37

<sup>36</sup> ✧Epi Jésus te vini avèk yo nan yon plas yo rele Gethsémané, epi Li te di a disip Li yo: “Chita isit la pandan Mwen prale lòtbò a pou priye.”

<sup>37</sup> E Li te pran avè L ✧Pierre, avèk de fis Zébédée yo, epi Li te kòmanse ranpli avèk gwo doulè ak tristès. <sup>38</sup> Konsa Li te di yo: “Nanm Mwen jis nan fon Mwen tris, jiskaske rive nan pwent pou mouri; “Rete isit la pou veye avè M”. ✧ <sup>39</sup> Li te ale yon ti jan pi lwen, Li te tonbe sou figi Li, e te priye konsa: “Papa M, si se posib, kite ✧tas sila a chape de Mwen menm; ✧men pa jan Mwen menm ta vle l la, men jan volonte pa W la.”

<sup>40</sup> Epi Li te vin vire vè disip Li yo e te twouve yo t ap dòmi. Li te di a Pierre: “Konsa, nou pa t kapab ✧veye avè M pandan yon sèl èdtan? <sup>41</sup> Veye byen e priye pou nou pa antre nan tantasyon; ✧lespri a byen dispoze, men chè a fèb.”

<sup>42</sup> Li te kite yo yon dezyèm fwa e te priye konsa: “Papa M, si tas sa a p ap kab retire anmwens ke M bwè l, ✧ke volonte Ou fèt.”

<sup>43</sup> Ankò Li te retounen e te twouve yo t ap dòmi, paske zye yo te byen lou. <sup>44</sup> Epi Li te kite yo ankò pou te ale pou priye yon twazyèm fwa; Li te fè menm priyè a yon fwa ankò.

<sup>45</sup> Apre Li te vini a disip Li yo e te di yo: “Èske nou toujou ap dòmi epi pran repo nou? Gade, ✧ lè a rive e Fis a Lòm nan ap livre nan men pechè yo. <sup>46</sup> Leve, annou ale; men gade, sila k ap trayi Mwen an gen tan rive!”

<sup>47</sup> ✧Pandan Li te toujou ap pale; konsa, Judas, youn nan douz yo, te pwoche. Li te akonpanye pa yon gwo foul avèk nepe ak baton, ki te voye pa gran prèt ak lansyen a pèp yo. <sup>48</sup> Konsa, sila ki t ap trayi Li a te bay yo yon sinyal, e te di: “Sila ke m bo a, se Li menm; sezi Li.” <sup>49</sup> Epi touswit, Li te ale kote Jésus e te di: “Bonswa ✧Rabbi (Mèt)!” e te bo Li.

<sup>50</sup> Jésus te di Li: ✧ “Zanmi M, poukisa ou vini la.” Konsa yo vin mete men yo sou Li, e te sezi Li.

<sup>51</sup> Epi konsa, ✧youn nan yo ki te avèk Jésus te rale nepe l, te voye l e koupe zòrèy a esklav gran prèt la.

<sup>52</sup> Alò, Jésus te di l: “Remete nepe ou nan plas li; paske ✧tout sila ki leve nepe yo, y ap peri pa nepe. <sup>53</sup> Men èske nou panse ke Mwen pa kapab fè apèl a Papa M, e l ap voye ban Mwen plis ke ✧douz lejyon (sa vle di 72,000) ✧zanj? <sup>54</sup> Men kijan konsa, ✧pou Ekriti Sen yo kab vin akonpli sa ki di yo, se konsa l ap oblije fèt?

<sup>55</sup> Nan moman sa a, Jésus te di a foul la: “Èske nou vini avèk nepe ak baton pou arete M, konsi nou ta vin kont yon vòlè? ✧Chak jou Mwen te konn chita nan tanp lan pou enstwi nou, e nou pa t janm sezi M. <sup>56</sup> Men tout sa vin rive pou ✧Ekriti Sen yo selon pwofèt yo ta kapab vin akonpli.”

Lapoula, tout disip Li yo te kouri kite Li.

<sup>57</sup> ✧Sila ki te sezi Jésus yo te mennen L ale pou wè Caïphe, gran prèt la, kote skrib yo avèk lansyen a pèp yo te gen tan rasanble.

<sup>58</sup> Men ✧Pierre te swiv Li a yon distans jouk yo rive nan ✧lakou wo prèt la; li te antre avèk yo e chita avèk gad yo pou wè ki rezilta.

<sup>59</sup> Epi chèf prèt yo avèk tout ✧Konsèy la t ap fòse wè si yo ta kab twouve kèk fo temwayaj kont Jésus, pou yo ta kapab mete L a lanmò. <sup>60</sup> Men yo pa t twouve okenn, malgre ke anpil fo temwayaj te vin prezante.

✧ 26:36 Mc 14:32-42 ✧ 26:37 Mat 4:21 ✧ 26:38 Jn 12:27 ✧ 26:39 Mat 20:22 ✧ 26:39 Mat 26:42 ✧ 26:40 Mat 26:38 ✧ 26:41 Mc 14:38 ✧ 26:42 Mat 26:39 ✧ 26:45 Mc 14:41 ✧ 26:47 Mc 14:43-50 ✧ 26:49 Mat 23:7 ✧ 26:50 Mat 20:13 ✧ 26:51 Mc 14:47 ✧ 26:52 Jen 9:6 ✧ 26:53 Mc 5:9,15 ✧ 26:53 Mat 4:11 ✧ 26:54 Mat 26:24 ✧ 26:55 Mc 12:35 ✧ 26:56 Mat 26:24 ✧ 26:57 Mc 14:53-65 ✧ 26:58 Jn 18:15 ✧ 26:58 Mat 26:3 ✧ 26:59 Mat 5:22

Men pita, ✨te gen de ki te vin prezante. <sup>61</sup> Yo te di: “Nonm sa a te di: ✨‘Mwen kapab detwi tanp Bondye a, e rebati li nan twa jou.’”

<sup>62</sup> Epi wo prèt la te kanpe pou te di L: “Èske Ou p ap reponn? Kisa ke moun sa yo ap temwaye kont ou an?”

<sup>63</sup> Men Jésus te rete an silans.

✨Epi wo prèt la te di L: “Mwen egzije Ou pa Bondye vivan an, pou di nou; si Ou menm se Kris La, Fis Bondye a.

<sup>64</sup> Jésus te di li: “**Ou di li ou menm; malgre sa, Mwen di nou, apre sa, nou va wè Fis a Lòm nan ki chita sou men dwat Pwisan an e ✨k ap vini sou nyaj ki nan syèl yo.**”

<sup>65</sup> Konsa wo prèt la te ✨chire rad li e te di: “Li gen tan vin blasfeme! Kisa nou bezwen ankò kon temwayaj? Gade, nou fin tandè blasfèm nan. <sup>66</sup> Kisa nou panse?” Yo te reponn e te di: ✨“Li merite lanmò!”

<sup>67</sup> ✨Epi yo krache nan figi Li, e te bat Li avèk kout pwen; lòt yo te souflete L. <sup>68</sup> Epi yo te di: ✨“Pwofetize pou nou Ou menm Kris la; kilès ki te frape Ou a?”

<sup>69</sup> ✨Konsa, Pierre te chita deyò a nan lakou a e yon sèten fi ki t ap sèvi lòt yo te vin kote l e te di l: “Ou te osi avèk Jésus, Galileyen an.

<sup>70</sup> Men Li demanti devan tout e te di: “Mwen pa konnen menm de kisa w ap pale a!”

<sup>71</sup> Epi lè li fin sòti nan pòtay la, yon lòt fi ki t ap sèvi te wè l e te di: “Mesye sila a te avèk Jésus, Nazareyen an.”

<sup>72</sup> Ankò li te demanti sa avèk yon sèman: “Mwen pa menm konnen mesye sila a!”

<sup>73</sup> Epi yon ti jan pita, sila ki te la yo, te vin kote Pierre e te di l: “Asireman ou menm, ou se youn nan yo; ✨jan ou pale a devwale ou.”

<sup>74</sup> Konsa li te kòmanse bay madichon e te sèman: “Mwen pa menm konnen nonm sila a!”

Epi imedyatman, kòk la te chante. <sup>75</sup> Epi Pierre te sonje mo a Jésus a, lè Li te di: “**Avan kòk la chante, ou va nye Mwen twa fwa.**” E li te ale deyò pou te kriye yon kriye anmè.

## 27

<sup>1</sup> Alò, lè maten ✨vin rive, tout chèf prèt yo avèk lansyen a pèp la te pran diskite kont Jésus pou mete Li a lanmò. <sup>2</sup> Yo te mare Li, mennen L ale pou te livre Li a ✨Pilate, gouvènè peyi a.

<sup>3</sup> Konsa, lè ✨Judas ki te trayi Li a te wè ke Li te kondane, Li te sanse regrèt, e li te retounen bay ✨trant pyès ajan yo bay chèf prèt yo avèk lansyen a pèp yo. <sup>4</sup> Li te di yo: “Mwen peche e trayi san inosan an.”

Men yo te di l: “Kisa sa ye pou nou? ✨Okipe sa ou menm!”

<sup>5</sup> Epi li te jete pyès ajan yo nan santye tanp lan. ✨Li te sòti, e te ale pann tèt li.

<sup>6</sup> Chèf prèt yo te pran pyès ajan yo, e te di: “Sa pa pèmèt pou nou mete yo nan kès tanp lan, akòz ke se pri san.” <sup>7</sup> Epi yo te mete tèt yo ansanm; avèk kòb la, yo te achte yon chan yo te rele Chan Kanari a pou yon simityè pou etranje yo. <sup>8</sup> ✨Pou rezon sa a, yo rele chan sa a Chan San an, jiska jodi a.

<sup>9</sup> Epi sa ki te pale pa pwofèt Jérémie a te akonpli, sa ki te di:

✨ **26:60** Det 19:15 ✨ **26:61** Mat 27:40 ✨ **26:63** Mat 26:63-66 ✨ **26:64** Dan 7:13 ✨ **26:65** Nonb 14:6 ✨ **26:66** Lev 24:16 ✨ **26:67** És 50:6 ✨ **26:68** Mc 14:65 ✨ **26:69** Mc 14:66-72 ✨ **26:73** Mc 14:70 ✨ **27:1** Mc 15:1 ✨ **27:2** Luc 3:1 ✨ **27:3** Mat 26:14 ✨ **27:3** Mat 26:15 ✨ **27:4** Mat 27:24 ✨ **27:5** Mat 26:24 ✨ **27:8** Trav 1:19

✧“Yo te pran trant pyès ajan,  
pri a youn ki te etabli pa fis Israël yo;  
10 epi yo te bay yo pou ✧Chan Kanari a  
jan Senyè a te dirije m nan.”

11 ✧Alò, Jésus te kanpe devan gouvènè a, e gouvènè a te kesyone L konsa:  
“Èske ou se Wa a Jwif yo?”

Epi Jésus te reponn li: **“Se jan ou di a.”**

12 Epi pandan Li t ap akize pa chèf prèt yo avèk lansyen a pèp yo, ✧Li pa t reponn.

13 Epi Pilate te di L: “Èske ou pa tande konbyen bagay yo temwaye kont Ou?”

14 E ✧Li pa t reponn li menm a yon sèl akizasyon. Gouvènè a te byen etone pou sa.

15 ✧Alò, nan fèt la, gouvènè a te abitye lage pou pèp la yon sèl prizonye selon volonte pa yo. 16 Nan moman sa a, yo te gen yon move prizonye byen rekonèt, yo te rele Barabbas.

17 Konsa, lè yo te reyini ansanm, Pilate te mande yo: “Kilès nou vle m lage pou nou? Barabbas, oubyen Jésus ✧ke yo rele Kris la?” 18 Paske li te byen konprann ke se jalouzi ki te fè yo livre Li.

19 ✧Pandan Li te chita sou chèz jijman an, madanm li te voye di li: “Pa gen anyen pou fè avèk Nonm jis sila a; paske yèswa, mwen te soufri anpil nan yon rèv akòz de Li menm.

20 Men chèf prèt yo avèk lansyen yo te konvenk yo pou ✧mande pou Barabbas, e pou mete Jésus a lanmò.

21 Men gouvènè a te reponn e te di yo: “Kilès nan de sa yo nou ta vle m lage bannou?”

E yo te di: “Barabbas.”

22 Pilate te di: “E kisa pou mwen ta fè avèk Jésus ✧ke yo rele Kris la?”

E yo te di: “Krisifye Li!”

23 Epi li te di: “Poukisa, ki mal Li fè?”

Men yo te kontinye rele pi fò: “Krisifye Li!”

24 Epi lè Pilate te wè ke li pa t ap rezoud anyen; men okontrè, pèp la te kòmanse ap revòlte, li te pran dlo pou ✧te lave men li devan pèp la, e te di: “Mwen inosan a san Nonm sila a; fè l nou menm”.

25 Epi pèp la te reponn e te di: ✧“Kite san Li sou nou e sou Pitit nou yo!”

26 Epi li te lage Barabbas pou yo; men apre li fin fè yo ✧bat Jésus avèk fwèt, li te livre Li pou L te krisifye.

27 ✧Epi sòlda a gouvènè yo te pran Jésus ale nan pretwa a (lakou gad la), e te rasanble tout kowòt la (yon bann sòlda Women) pou antoure Li. 28 Epi yo te retire rad sou Li, e te abiye Li avèk yon vètman wouj. 29 ✧Epi lè yo fin trese yon kouwòn avèk bwa pikan, yo te mete li sou tèt Li, e yon wozo nan men dwat Li; epi yo te bese ajenou devan L pou te moke L. Yo te di L: “Salitasyon pou Wa Jwif yo!” 30 ✧Yo te krache sou Li, yo te pran wozo a e te kòmanse bat Li nan tèt.

31 ✧Lè yo te fin moke L, yo te retire vètman wouj la sou Li, e te remete rad Li sou Li pou mennen L al krisifye. 32 ✧Pandan yo t ap sòti, yo te rankontre yon nonm peyi Aram ke yo te rele Simon, e yo te fòse li pote Kwa Li a.

✧ 27:9 Za 11:12 ✧ 27:10 Za 11:13 ✧ 27:11 Mc 15:2-5 ✧ 27:12 Mat 26:63 ✧ 27:14 Mat 27:12 ✧ 27:15 Jn 18:39 ✧ 27:17 Mat 1:16 ✧ 27:19 Jn 19:13 ✧ 27:20 Trav 3:14 ✧ 27:22 Mat 1:16 ✧ 27:24 Det 21:6-8 ✧ 27:25 Jos 2:19 ✧ 27:26 Mc 15:15 ✧ 27:27 Mc 15:16-20 ✧ 27:29 Mc 15:17 ✧ 27:30 Mat 26:67 ✧ 27:31 Mc 15:20 ✧ 27:32 Jn 19:17



<sup>33</sup> ✧Epi lè yo te rive nan yon plas yo rele Golgotha, ki vle di Plas Zo Bwa Tèt La, <sup>34</sup> ✧yo te bay Li diven pou bwè mele avèk fyèl. Men lè L te goute l, Li pa t dakò bwè l. <sup>35</sup> Answit lè yo te fin krisifye L, yo te ✧pataje vètman Li pami yo selon tiraj osò. <sup>36</sup> Epi yo te chita e te ✧kòmanse veye L la. <sup>37</sup> E yo te plase anwo tèt Li akizasyon ki te kont Li an ki te di: ✧ “SA SE JÉSUS WA JWIF LA”.

<sup>38</sup> Nan menm lè sa a, de vòlè te krisifye avè L, youn pa adwat Li, e youn pa agoch Li. <sup>39</sup> Epi sila ki t ap pase la yo t ap voye kout lang sou Li e t ap ✧souke tèt yo. <sup>40</sup> Yo t ap di: ✧“Ou menm k ap detwi tanp lan pou rebati li nan twa jou a, sove pwòp tèt ou! ✧Si ou se Fis Bondye a, sòti sou kwa a.”

<sup>41</sup> Epi menm jan an, chèf prèt yo avèk skrib ak lansyen yo t ap moke L e t ap di: <sup>42</sup> ✧“Li te sove lòt yo; Li pa kapab sove pwòp tèt Li. Li se Wa Israël la; koulye a, ke L sòti sou kwa a, e n ap kwè nan Li. <sup>43</sup> ✧Li mete konfyans nan Bondye; ke Li sove Li koulye a, si Li pran plezi nan Li; paske Li te di: **Mwen se Fis Bondye a’.**

<sup>44</sup> Anplis, ✧volè ki te krisifye avè L yo t ap voye menm ensilt yo sou Li.

<sup>45</sup> ✧Alò, depi sizyèm lè (midi), fènwa te tonbe sou tout tè a jis rive nan nevyèm lè (twazè).

<sup>46</sup> Nan anviwon nevyèm lè, Jésus te kriye avèk yon vwa byen fò: ✧“**Eli, Eli, lima sabachthani?**” Ki vle di: “**Bondye m, Bondye m, Poukisa Ou abandone Mwen?**”

<sup>47</sup> Epi kèk nan yo ki te kanpe la, lè yo te tandè sa, yo te kòmanse di: “Nonm sa a ap rele Elie”. <sup>48</sup> ✧E lapoula, youn nan yo te kouri pran yon eponj; li te ranpli li avèk vinèg si e plase li sou yon wozo pou te bay Li pou bwè. <sup>49</sup> Men lòt yo te di: “Annou wè si Elie ap vin sove L”.

<sup>50</sup> Epi Jésus ✧te kriye ankò avèk yon vwa fò, e te kite nanm Li sòti.

<sup>51</sup> ✧Epi gade, ✧vwal tanp lan te chire de bout soti anwo, rive jouk anba, epi latè te tranble, e wòch yo te vin fann, <sup>52</sup> Konsa, tonm yo te louvri e kò anpil sen ki ✧t ap dòmi te vin leve. <sup>53</sup> Yo te sòti nan tonm yo lè Li te fin resisite e te antre nan ✧vil sen an kote yo te parèt a anpil moun.

<sup>54</sup> ✧Epi santenye a ak sila ki te avèk li yo ki t ap veye Jésus yo, lè yo te wè tranbleman de tè a, ak bagay ki t ap fèt yo te vin fè pè anpil, yo te di: “Anverite, sa se te Fis a Bondye a!”

<sup>55</sup> ✧Anpil fanm te la. Yo t ap gade a yon distans. Se te sila ki te swiv Jésus yo soti Galilée pandan yo t ap sèvi L. <sup>56</sup> Pami yo, te gen ✧Marie a Magdala, Marie, manman a Jacques ak Joseph, e manman a fis Zébédée yo.

<sup>57</sup> ✧Lè li te fin fènwa, te vini yon nonm rich ki te soti Arimathée, ke yo te rele Joseph. Li menm osi, li te deja yon disip a Jésus. <sup>58</sup> Mesye sila a te mande Pilate pou kò Jésus.

Konsa Pilate te kòmande ke li te livre bay li.

<sup>59</sup> Epi Joseph te pran kò a e te vlope li nan yon twal lèn pwòp. <sup>60</sup> Li te mete li nan pwòp tonm nèf pa li ki te fouye nan wòch. Li te woule yon ✧gwo wòch kont antre a, e li te kite lye a.

<sup>61</sup> Epi Marie ki te sòti Magdala te la avèk lòt Marie a, ki te chita anfas tonm lan.

✧ **27:33** Mc 15:22-32 ✧ **27:34** Sòm 69:21 ✧ **27:35** Sòm 22:18 ✧ **27:36** Mat 27:54 ✧ **27:37** Mc 15:26 ✧ **27:39** Job 16:4 ✧ **27:40** Mat 26:61 ✧ **27:40** Mat 27:42 ✧ **27:42** Mc 15:31 ✧ **27:43** Sòm 22:8 ✧ **27:44** Luc 23:3-9-43 ✧ **27:45** Mc 15:33-41 ✧ **27:46** Sòm 22:1 ✧ **27:48** Sòm 69:21 ✧ **27:50** Mc 15:37 ✧ **27:51** Luc 23:47-49 ✧ **27:51** Egz 26:31 ✧ **27:52** Trav 7:60 ✧ **27:53** Mat 4:5 ✧ **27:54** Mc 15:39 ✧ **27:55** Mc 15:40 ✧ **27:56** Mat 28:1 ✧ **27:57** Mc 15:42-47 ✧ **27:60** Mat 27:66

<sup>62</sup> Konsa, nan jou swivan an, ki te jou apre ✧preparasyon an, chèf prèt yo avèk Farizyen yo te reyini avèk Pilate. <sup>63</sup> Yo te di l: “Mèt, nou sonje ke lè Li te vivan an ke twonpè sila a te di: ✧**“Aprè twa jou, Mwen va leve ankò.”** <sup>64</sup> Pou sa, kòmande pou yo mete tonm nan an sekirite jiska twa jou. Otreman, disip Li yo kab vin vòlè Li e di pèp la ke Li gen tan leve nan lanmò; epi dènye desepsyon sila a ap pi mal pase premye a.”

<sup>65</sup> Pilate te di yo: “Nou genyen ✧gad la; ale mete li ansekirite jan nou konnen an.

<sup>66</sup> Epi yo te ale mete tonm nan ansekirite. Plis ke gad la, yo te mete yon ✧so sou wòch la.

## 28

<sup>1</sup> ✧Alò, apre Saba a, lè li te kòmanse fè jou pou premye jou semèn nan, Marie Magdala ak lòt Marie a te vini pou gade tonm nan.

<sup>2</sup> Epi gade, te gen yon gwo tranbleman de tè, e ✧yon zanj Bondye te desann soti nan syèl la, li te vin woule ✧wòch akote a, e li te chita sou li.

<sup>3</sup> Li te ✧parèt tankou kout eklè, e vètman li te blanch tankou lanèj.

<sup>4</sup> Epi gad yo te vin tranble avèk lakrent, e yo te vin tankou moun mouri.

<sup>5</sup> Konsa zanj lan te reponn e te di a fanm yo: ✧“Pa pè, paske mwen konnen ke nou ap chèche Jésus ki te krisifye a. <sup>6</sup> Li pa la, paske Li leve, ✧menm jan Li te di a. Vin wè plas kote Li te kouche a.” <sup>7</sup> “Epi ale vit pou di disip Li yo ke Li leve soti nan lanmò; epi gade byen, l ap prale devan nou nan ✧Galilée. La nou va wè Li; veye byen, mwen gen tan di nou sa.”

<sup>8</sup> Epi yo te kite tonm nan vit avèk lakrent, avèk gwo lajwa e yo te kouri ale bay rapò a disip Li yo.

<sup>9</sup> Epi gade, Jésus te rankontre yo e te salye yo.

Yo te vin pre L; konsa yo te kenbe pye Li pou yo te adore L. <sup>10</sup> Jésus te di yo: **“Pa pè; ale pote pawòl la bay ✧frè M yo pou pati Galilée; epi la, yo va wè m.”**

<sup>11</sup> Pandan yo te nan wout la, konsa kèk nan ✧gad yo te antre lavil la pou te bay rapò a chèf prèt yo sou tout sa ki te rive yo a. <sup>12</sup> Epi lè yo te rasanble avèk tout lansyen yo e te pran konsèy ansanm, yo te bay yon gwo sòm lajan a sòlda yo. <sup>13</sup> Yo te di yo: “Nou gen pou di: ‘Disip Li yo te vini nan lanmwit e te vòlè L pote ale pandan nou t ap dòmi. <sup>14</sup> E si sa gen tan rive nan ✧zòrèy Gouvènè a, n ap pale avè l pou pwoteje nou pou nou pa gen pwoblèm’.

<sup>15</sup> Epi yo te pran kòb la, e te fè jan yo te enstwi yo a; epi listwa sila a te ✧gaye pami Jwif yo e kontinye jouk jou sila a.

<sup>16</sup> Men onz disip yo te fè wout yo pou ✧Galilée, vè mòn ke Jésus te dezinye a. <sup>17</sup> Lè yo te wè Li, yo te adore Li; men ✧kèk te doute.

<sup>18</sup> Epi Jésus te vin pale avèk yo, e te di: ✧**“Mwen fin resevwa tout pouvwa nan syèl la ak sou latè. <sup>19</sup> Konsa, ale ✧ fè disip a tout nasyon yo; epi ✧batize yo nan non Papa a, Fis la, avèk Lespri Sen an; <sup>20</sup> Enstwi yo pou swiv tout sa ke Mwen te kòmande nou yo, epi konsa, ✧ Mwen va avèk nou toujou jiska lafen tan yo.”**

✧ 27:62 Mat 27:56 ✧ 27:63 Mat 16:21 ✧ 27:65 Mat 27:66 ✧ 27:66 Dan 6:17 ✧ 28:1 Jn 20:1-8 ✧ 28:2 Luc 24:4 ✧ 28:2 Mat 27:66 ✧ 28:3 Dan 7:9 ✧ 28:5 Mc 14:27 ✧ 28:6 Mat 12:40 ✧ 28:7 Mat 26:32 ✧ 28:10 Jn 20:17 ✧ 28:11 Mat 27:65,66 ✧ 28:14 Mat 27:2 ✧ 28:15 Mat 9:31 ✧ 28:16 Mat 26:32 ✧ 28:17 Mc 16:11 ✧ 28:18 Dan 7:13 ✧ 28:19 Mat 15:32 ✧ 28:19 Trav 2:38 ✧ 28:20 Mat 18:20

## LEVANJIL SELON MARC

<sup>1</sup> Kòmansman bòn nouvèl Jésus Kris la, ✨Fis Bondye a. <sup>2</sup> Jan li ekri nan Ésaïe, pwofèt la,

✨“Gade byen, Mwen voye mesajé Mwen an pa devan nou, ki va prepare chemen nou;

<sup>3</sup> ✨Se vwa a youn k ap kriye nan dezè a,

✨“Prepare chemen SENYÈ a; fè wout li dwat.”

<sup>4</sup> Jean Baptiste te parèt nan savann nan, pou ✨preche batèm repantans lan pou ✨padon peche yo.

<sup>5</sup> Epi tout peyi Judée a t ap prale bò kote li avèk tout pèp Jérusalem lan, epi yo t ap batize pa li menm nan larivyè Jourdain an e yo t ap konfese peche yo.

<sup>6</sup> Jean te abiye avèk pwal chamo; yon sentiwon te antoure senti li, epi manje li se te krikèt avèk myèl sovaj. <sup>7</sup> Epi li t ap preche pou di: “Apré mwen gen youn k ap vini ki pi gran pase m, epi mwen pa menm dign pou m ta bese demare lasèt sandal Li. <sup>8</sup> Mwen batize nou avèk dlo, men Li va batize nou avèk Lespri Sen an.

<sup>9</sup> ✨Nan jou sa yo, Jésus te sòti Nazareth nan Galilée, e te batize pa Jean nan Jourdain an. <sup>10</sup> Nan menm moman ke Li te sòti nan dlo a, Li te wè syèl la vin louvri, epi Lespri a kon yon toutrèl te vin desann sou Li. <sup>11</sup> Epi yon vwa te sòti nan syèl la: ✨“Ou menm se Fis byeneme Mwen an; nan Ou menm, Mwen byen kontan.

<sup>12</sup> Nan menm moman an Lespri a te pouse Li ale nan dezè a. ✨ <sup>13</sup> Konsa, Li te nan dezè a pou karant jou pandan ✨Satan t ap tante Li. Li te avèk bèt sovaj yo, epi se zanj yo ki te okipe Li.

<sup>14</sup> ✨Alò, apré Jean te fin arete, Jésus te vini Galilée e Li t ap ✨preche Bòn Nouvèl Bondye a. <sup>15</sup> Epi li te di: ✨“**Lè a gen tan rive, epi wayòm Bondye a pwòch; repanti e kwè nan Bòn Nouvèl la.**

<sup>16</sup> ✨Pandan li t ap pase bò kote lanmè Galilée a, Li te wè Simon avèk André, frè a Simon an, ki t ap voye yon senn nan lanmè a, paske se moun lapèch yo te ye. <sup>17</sup> Epi Jésus te di yo: “**Swiv Mwen, e M ap fè nou fè lapèch moun.**” <sup>18</sup> Epi la menm, yo te kite senn yo pou te swiv Li.

<sup>19</sup> Pi lwen Li te wè Jacques, fis Zébédée a, ak Jean, frè li a, ki t ap repara senn yo nan kannòt la. <sup>20</sup> Lapoula Li te rele yo; e yo te kite Zébédée, papa yo, nan kannòt la avèk sèvitè jounalye yo, e te sòti pou swiv Li.

<sup>21</sup> Yo te ale Capernaüm; epi imedyatman nan Saba a, Li te antre nan sinagòg la pou l te kòmanse enstwi.

✨ <sup>22</sup> ✨Yo te etone pou jan Li te enstwi a; paske Li te enstwi kon yon moun ki te gen otorite, e pa kon skrib yo.

<sup>23</sup> Nan menm lè sa a, te gen yon mesye nan sinagòg la ki te gen yon move lespri; e li t ap rele fò. <sup>24</sup> Li te di: ✨“Kisa nou gen avè w, Jésus de Nazareth? Èske Ou vini pou detwi nou? Mwen konnen kilès Ou ye ✨Sila ki Sen Bondye a!”

✨ **1:1** Mat 4:3 ✨ **1:2** Mat 3:1-11 ✨ **1:3** És 40:3 ✨ **1:3** Mat 11:10; Luc 7:10 ✨ **1:4** Trav 13:24  
 ✨ **1:4** Luc 1:77 ✨ **1:9** Mat 3:13-17 ✨ **1:11** Sòm 2:7 ✨ **1:12** Mat 4:1-11 ✨ **1:13** Mat 4:10  
 ✨ **1:14** Mat 4:12 ✨ **1:14** Mat 4:23 ✨ **1:15** Gal 4:4 ✨ **1:16** Luc 5:2-11 ✨ **1:21** Luc 4:31-37  
 ✨ **1:22** Mat 7:28 ✨ **1:24** Mat 8:29 ✨ **1:24** Luc 4:24

<sup>25</sup> Epi Jésus te reprimande L e te di l: **“Pe la, e sòti nan li!”**

<sup>26</sup> Move lespri a te boulvèse li avèk gwo kriz; li te kriye ak yon vwa fò, e te kite li.

<sup>27</sup> Yo tout te etone, yo te diskite pami yo e te di: “Kisa sa ye? Yon enstriksyon nèf avèk otorite! Li kòmande menm move lespri yo, e yo obeyi Li.

<sup>28</sup> Byen vit nouvèl la te kouri toupatou nan tout anviwon Galilée a.

<sup>29</sup> ✧Depi lè yo kite sinagòg la, yo te antre lakay Simon avèk André ansanm avèk Jacques ak Jean.

<sup>30</sup> Epi bèlmè Simon an te kouche malad avèk yon lafyèv. Imedyatman an yo te pale avèk Li konsènan li.

<sup>31</sup> Jésus te vin kote l, leve li pa men li, epi lafyèv la te kite li. Konsa li te sèvi yo.

<sup>32</sup> ✧Lè nwit lan te rive e solèy la fin kouche, yo te pote bay Li tout moun ki te malad yo, avèk sila ki te gen move lespri yo. <sup>33</sup> Epi tout ✧vil la te rasanble devan pòt la.

<sup>34</sup> Li te ✧geri anpil moun ki te malad avèk plizyè kalite maladi, e te chase anpil dyab; epi Li pa t kite yo pale paske yo te konnen kilès Li te ye.

<sup>35</sup> ✧Nan granmmaten, pandan li te toujou fènwa, Li te leve e te ale deyò nan yon kote izole kote li t ap priye.

<sup>36</sup> Konsa, Simon avèk sila ki te avè l yo t ap chèche Li; <sup>37</sup> Yo te twouve li, e te di L: “Tout moun ap chèche Ou”.

<sup>38</sup> Li te di yo: **“Annou ale yon lòt kote nan vil ki toupre yo pou M kab preche la tou; paske se pou sa ke M te vini.”** <sup>39</sup> ✧Epi Li te ale nan sinagòg yo toupatou nan tout Galilée, e Li t ap preche, e chase move lespri yo.

<sup>40</sup> ✧Epi yon lepre te vin kote L, e t ap sipliye L; li te tonbe ajenou devan L, e te di L: “Si Ou vle, Ou kapab fè m vin pwòp”.

<sup>41</sup> Kè Li te vin plen avèk konpasyon. Li te lonje men L, Li touche li, e te di L: **“Mwen vle; vin pwòp”.** <sup>42</sup> Konsa, touswit lèp la te kite l, e li te vin pwòp.

<sup>43</sup> Epi Li te avèti li byen sevè, e byen vit, Li te voye l ale. <sup>44</sup> Li te di li: ✧**“Fè atansyon pou pa di anyen a pèsòn; men ✧ ale montre ou menm a prèt la e ofri li yon ofrann pou pirifikasyon ou, sa ke Moïse te kòmande a, kon yon temwayaj a yo menm.**

<sup>45</sup> Men li te ale deyò e te kòmanse ✧pwoklame sa toupatou, e li te gaye nouvèl la jouk lè Jésus pa t kapab antre piblikman nan yon vil ankò, men te rete nan zòn izole yo. Epi yo te sòti vin kote l de tout andwa.

## 2

<sup>1</sup> Lè L te retounen kèk jou apre, nouvèl la te gaye ke Li te lakay Li.

<sup>2</sup> E ✧anpil moun te rasanble devan pòt la pou jis lè pa t gen plas ankò, e Li te pale pawòl la bay yo.

<sup>3</sup> E yo te pote bay Li yon paralitik ki te pote pa kat mesye. <sup>4</sup> Yo pa t kab rive bò kote L akòz foul la, yo te retire twati kay la, e lè yo te fin fouye yon twou, yo te lonje palèt la desann sou li avèk mesye paralize ki te kouche a.

<sup>5</sup> Jésus, lè L te wè lafwa yo, te di a paralitik la: **“Fis Mwen, peche ou yo padone.”**

✧ **1:29** Mat 8:14,15 ✧ **1:32** Mat 8:16,17 ✧ **1:33** Mc 1:21 ✧ **1:34** Mat 4:23 ✧ **1:35** Luc 4:42,43 ✧ **1:39** Mat 4:23 ✧ **1:40** Mat 8:2-4 ✧ **1:44** Mat 8:4 ✧ **1:44** Lev 14:1 ✧ **1:45** Mat 28:15 ✧ **2:2** Mc 1:45

<sup>6</sup> Men te gen kèk nan skrib yo ki te chita la ki te rezone nan kè yo: ✧  
<sup>7</sup> “Poukisa nonm sa a pale konsa? L ap blasfeme; ✧kilès sof ke Bondye sèl ki kab padone peche?”

<sup>8</sup> Epi nan menm moman an, Jésus, okouran nan lespri Li ke yo t ap refleshi konsa, te di yo: “Poukisa nou ap rezone sou bagay sa yo konsa nan kè nou? <sup>9</sup> Kisa ki pi fasil pou di a paralitik la: ‘Peche ou yo padone’, oubyen leve pran palèt ou e mache?” <sup>10</sup> Men pou nou ka konnen ke Fis a Lòm nan gen otorite sou latè pou padone peche yo” —Li te di a paralitik la: <sup>11</sup> “Mwen di ou leve, pran palèt ou e ale lakay ou.”

<sup>12</sup> Byen vit, li te leve, pran palèt li, e te sòti deyò devan tout moun. Yo tout te etone; yo t ap ✧bay glwa a Bondye e t ap di: ✧“Nou pa janm wè yon bagay konsa”.

<sup>13</sup> Li te ale deyò ankò bò kote lanmè a; ✧tout foul la te vin kote Li, e Li t ap enstwi yo. <sup>14</sup> ✧Pandan Li t ap pase, Li te wè Lévi, fis a Alphée a, ki te chita nan biwo kontribisyon an, e li te di li: “Swiv Mwen”! Konsa, li te leve pou swiv Li.

<sup>15</sup> Li te vin rive pandan Li te sou tab lakay li a, ke anpil kolektè kontribisyon avèk pechè yo t ap dine avèk Jésus ak disip Li yo; paske yo te anpil, e yo t ap swiv Li. <sup>16</sup> Lè ✧skrib ak Farizyen yo te wè ke Li t ap manje avèk pechè ak ajan kontribisyon yo, yo te kòmanse di a disip Li yo: “Poukisa L ap manje e bwè avèk ajan kontribisyon yo avèk pechè yo?”

<sup>17</sup> Lè L te tandè sa, Jésus te di yo: ✧ “Se pa sila ki ansante yo ki bezwen yon doktè, men sila ki malad yo; Mwen pa t vini pou rele moun ki jis yo, men pechè yo”.

<sup>18</sup> ✧Disip a Jean avèk Farizyen yo t ap fè jèn; epi yo te vin di L: “Poukisa disip a Jean avèk disip a Farizyen yo fè jèn, men disip Ou yo pa fè L?”

<sup>19</sup> Epi Jésus te di yo: “Pandan jenn gason k ap marye a avèk yo, èske patisipan fèt yo fè jèn? Non, depi jennonm nan la, yo pa kapab fè jèn. <sup>20</sup> Men ✧jou yo ap vini lè jennonm nan va retire de yo; konsa, nan jou sa a, ya fè jèn.

<sup>21</sup> Pèsòn pa koud yon moso twal ki poko lave sou yon vye rad, pou lè l fin lave, twal nèf la pa sere e separe de li; nèf la va kite ansyen an, e rad la va vin chire pi mal. <sup>22</sup> E pèsòn pa mete diven nèf nan ansyen veso kwi; otreman, diven an va pete kwi a e diven an va vin pèdi, ansanm ak kwi a; men diven nèf toujou ale nan veso kwi ki fre.”

<sup>23</sup> ✧Epi li te vin rive ke pandan Li t ap pase nan chan sereyal yo nan Saba a, pandan disip Li yo t ap ale, yo te kòmanse keyi tèt grenn sereyal.

<sup>24</sup> Farizyen yo t ap di Li: “Gade la, ✧poukisa y ap fè sa ki pa pèmi nan Saba”?

<sup>25</sup> Epi Li te di yo: “Èske nou pa janm li sa ke David te fè lè li te nan bezwen e te vin grangou, li menm avèk moun pa l yo? <sup>26</sup> Kijan li te antre menm nan kay Bondye a nan tan wo prèt la ✧Abiathar: li te manje pen konsakre a ki pa pèmi pou pèsòn manje sof ke prèt yo, e li te bay li osi a sila ki te avè l yo?”

<sup>27</sup> Jésus te di yo: ✧“Saba a te fèt pou lòm, e pa lòm pou Saba a. <sup>28</sup> Konsa, Fis a Lòm nan se Mèt la, menm a Saba a.”

✧ 2:6 Luc 6:10 ✧ 2:7 És 43:25 ✧ 2:12 Mat 9:8 ✧ 2:12 Mat 9:33 ✧ 2:13 Mc 1:45 ✧ 2:14 Mc 9:9-13 ✧ 2:16 Luc 5:30 ✧ 2:17 Mat 9:12,13 ✧ 2:18 Mat 9:14-17 ✧ 2:20 Mat 9:15 ✧ 2:23 Mat 12:1-8 ✧ 2:24 Mat 12:2 ✧ 2:26 I Sam 21:1 ✧ 2:27 Egz 23:12

## 3

1 ✨ Li te antre ankò nan sinagòg la; epi yon nonm te la avèk yon men sèch. 2 E yo t ap veye L pou wè si Li t ap geri li nan Saba a ✨ pou yo ta kapab akize Li.

3 Li te di nonm avèk men sèch la: **“Leve vin devan!”**

4 Epi L i te di yo: **“Èske li pèmi nan Saba a pou fè byen, oubyen pou fè mal, pou sove yon vi, oubyen pou touye?”** Men yo te rete an silans.

5 Lè L fin ✨gade toupatou, byen fache, byen blese akoz kè di yo, Li te di a nonm nan: **“Lonje men ou”**. Epi li te lonje l, e men li te geri.

6 Imedyatman, Farizyen yo te ale deyò pou fè konplo kont Li avèk ✨Ewodyen yo pou wè kijan yo ta kapab detwi Li.

7 ✨Jésus te retire kò l bò kote lanmè a ansanm avèk disip Li yo. E yon gran foul ki sòti Galilée t ap swiv li; ansanm avèk moun peyi Judée yo, 8 avèk Jérusalem, Idumée ak lòtbò Jourdain an ak landwa Tyr avèk Sidon, yon gwo foul moun te tandè tout sa Li t ap fè, te vin kote Li. 9 ✨ E Li te di disip Li yo ke yon kannòt ta dwe prepare pou Li, akoz gran foul la; pou yo pa peze L twòp. 10 Paske Li te ✨geri anpil moun, e kon rezilta, tout sa ki te aflije yo t ap peze L pou yo ta kapab ✨touche L.

11 E nenpòt lè ke move lespri yo te wè L, yo t ap tonbe devan Li, kriye fò e di: **“Ou se ✨Fis Bondye a!”**

12 Konsa, Li te reponn yo ✨avèk severite pou yo pa di ki moun li te ye.

13 Li te ✨monte sou mòn nan, pou L te rele sila ke Li menm te vle yo, e yo te vin kote Li. 14 Epi li te dezinye douz yo, pou yo ta kapab avè L, e pou Li ta kapab voye yo deyò pou preche. 15 E pou yo ta kab gen otorite pou chase move lespri yo. 16 Epi Li te dezinye douz yo; ✨Simon, ki rele Pierre, 17 Jacques, fis Zébédée a, avèk Jean, frè a Jacques, (a li menm Li te bay non Boanergès ki vle di Fis a tonnè yo; 18 André, ak Philippe, ak Barthélemy, ak Matthieu, ak Thomas, ak Jacques, fis Alphée a, ak Thaddée, e Simon, Zelòt la; 19 Epi Judas Iscariot, sila ki te trayi Jésus a.

20 Apre, Li te ✨retounen lakay Li, e foul la te rasanble ankò jiskaske yo pa t kab menm manje yon repa.

21 Lè ✨pwòp fanmi pa Li te tandè sa, yo te ale deyò pou pran chaj Li, paske yo t ap di: **“Li gen tan pèdi bon tèt Li”**.

22 Epi skrib ki te sòti Jérusalem yo t ap di: **“Se ✨Béelzébul menm ki pran L; Li ✨chase move lespri yo pa mèt move lespri yo”**.

23 ✨Epi Li te rele yo a Li menm, e te kòmanse pale ak yo an parabòl: **“Kijan Satan kapab chase Satan mete l deyò? 24 Si yon wayòm divize kont tèt li, wayòm sa a p ap kapab kanpe. 25 Si yon kay divize kont tèt li, kay sa a p ap kab kanpe. 26 Si ✨Satan fin leve kont tèt li, epi li divize, li p ap kab kanpe, men li fini!**

27 ✨Men pèsòn p ap kapab antre lakay a yon nonm fò, e piyaje byen li, sof ke premyèman li mare mesye fò a; e apre sa, l ap piyaje kay li.

28 ✨Anverite, Mwen di nou tout peche fis a lòm yo ap padone, e menm nenpòt blasfèm yo fè; 29 Men ✨nenpòt moun ki blasfème kont Lespri Sen an p ap janm gen padon, men yo va rete koupab de yon peche etènèl.”

30 Paske yo t ap di ke **“Li gen yon move lespri”**.

✨ 3:1 Mat 12:9-14 ✨ 3:2 Mat 12:10 ✨ 3:5 Luc 6:10 ✨ 3:6 Mat 22:16 ✨ 3:7 Mat 12:15,16 ✨ 3:9 Mc 4:1 ✨ 3:10 Mat 4:23 ✨ 3:10 Mat 9:21 ✨ 3:11 Mat 4:3 ✨ 3:12 Mat 8:4 ✨ 3:13 Mat 5:1 ✨ 3:16 Trav 1:13 ✨ 3:20 Mc 2:1 ✨ 3:21 Jn 10:20 ✨ 3:22 Mat 10:25 ✨ 3:22 Mat 9:34 ✨ 3:23 Mat 12:25-29 ✨ 3:26 Mat 4:10 ✨ 3:27 És 49:24,25 ✨ 3:28 Mat 12:31-32 ✨ 3:29 Luc 12:10

<sup>31</sup> ✧ Alò, manman Li, avèk frè Li yo te rive kanpe deyò a, yo te voye kote Li e te rele Li.

<sup>32</sup> Yon foul te chita toupatou antoure L, e yo te di Li: “Gade, manman Ou avèk frè Ou yo ap chèche Ou deyò a”.

<sup>33</sup> Li te reponn yo e te di: “**Kilès ki manman M ak frè M?**”

<sup>34</sup> Li te gade toupatou sou sila ki te chita antoure Li yo e Li te di: ✧ “**Gade, men manman M avèk frè M yo!** <sup>35</sup> **Paske sila ki ✧fè volonte a Papa M yo, se yo menm ki frè M, sè M, ak manman M**”.

## 4

<sup>1</sup> ✧ Li te kòmanse enstwi yo ankò bò kote lanmè a, e yon gwo foul te ransanble kote Li jiskaske Li te vin antre nan yon kannòt sou lanmè a e Li te chita; e tout foul la te kanpe atè bò lanmè a.

<sup>2</sup> Konsa, Li te enstwi yo anpil bagay an parabòl, e Li t ap di yo nan ansèyman li an; <sup>3</sup> “**Koute! Yon moun ki t ap simen, te ale deyò pou simen grenn; ✧ <sup>4</sup> Pandan li t ap simen, kèk grenn te tonbe akote wout la pou zwazo yo vin manje l nèt.**

<sup>5</sup> E lòt grenn te tonbe nan wòch kote pa t gen anpil tè; epi byen vit, li te leve, paske tè a pa t gen pwofondè. <sup>6</sup> Konsa, lè solèy la fin leve, li te vin brile, e akòz li pa t gen rasin, li te vin fennen.

<sup>7</sup> Epi lòt grenn tonbe pami pikan yo. Pikan yo leve toufe li, e li pa t bay donn.

<sup>8</sup> Lòt grenn te tonbe nan bon tè e pandan yo t ap grandi, ogmante, yo vin bay yon rekòlt ki te pwodwi trant, swasant, e menm san fwa.

<sup>9</sup> Epi li t ap di: ✧ “**Sila ki gen zòrèy pou tande, kite l tande**”.

<sup>10</sup> Pandan Li te apa pou kont Li, sila ki t ap swiv Li yo ansanm avèk douz yo t ap poze L kesyon sou parabòl yo.

<sup>11</sup> Li te di yo: “**A nou menm te gen tan bay mistè a wayòm Bondye a; men ✧ sila ki rete deyò yo, ap resevwa tout bagay an parabòl.** <sup>12</sup> **Pou l rive ke ✧Malgre yo wè, yo kapab wè san apèsi; e pandan y ap tande, yo kapab tande e pa konprann; otreman, yo ta kab retounen pou twouve padon.**”

<sup>13</sup> ✧ E Li te di yo: “**Èske nou pa konprann parabòl sila a? Alò kijan nou va konprann tout parabòl yo?**

<sup>14</sup> **Moun k ap simen an simen pawòl la.** <sup>15</sup> **Se sila ki akote wout yo, ke lè pawòl la fin simen, yo tande; men byen vit, ✧Satan vin pran pawòl ki te simen an, e rachte l soti nan yo.**

<sup>16</sup> **E nan yon jan ki sanble ak sa, sila yo se yo menm ki te simen kote ki plen wòch yo; ke lè yo fin tande pawòl la; byen vit, yo resevwa l avèk jwa;** <sup>17</sup> **epi yo pa gen rasin fon nan yo menm, men yo la pou yon ti tan; e lè afliksyon oswa pèsekisyon vini akòz pawòl la; lapoula yo vin chite.**

<sup>18</sup> **Epi lòt yo se sila sou yo ke grenn yo te simen pami pikan yo; se sila yo ki te tande pawòl yo,** <sup>19</sup> **Men tout pwoblèm ✧ mond sa a ak ✧sediksyon richès yo, avèk lanvi pou lòt bagay toufe pawòl la, e li pa donnen fwi.**

<sup>20</sup> **E lòt yo se sila sou yo semans lan te simen nan bon tè a; yo te tande pawòl la, yo te aksepte li; yo te vin ✧bay fwi trant, swasant e menm san fwa.**

<sup>21</sup> **Konsa Li t ap di yo: ✧“Èske yon lanp pote pou mete anba yon panyen oubyen anba yon kabann? Èske yo pa pote li pou mete li sou yon**

✧ **3:31** Mat 12:46-50 ✧ **3:34** Mat 12:49 ✧ **3:35** Ef 6:6 ✧ **4:1** Mat 13:1-15 ✧ **4:3** Mat 13:3  
 ✧ **4:9** Mat 11:15 ✧ **4:11** I Kor 5:12 ✧ **4:12** Ès 6:9 ✧ **4:13** Mat 13:18-23 ✧ **4:15** Mat 4:10  
 ✧ **4:19** Pwov 23:4 ✧ **4:19** Pwov 23:4 ✧ **4:20** Jn 15:2 ✧ **4:21** Mat 5:15

chandelye? <sup>22</sup> ✧ Paske anyen pa kache, sof ke pou revele, ni anyen pa an sekrè, sof ke pou parèt nan limyè. <sup>23</sup> ✧ Si yon moun gen zòrèy pou tande; kite l tande.

<sup>24</sup> E Li t ap di yo: “Fè atansyon a sa nou koute. ✧ Menm jan ke nou mezire bay, li va mezire remèt a nou menm; e menm plis, y ap bannou. <sup>25</sup> ✧ Paske a nenpòt moun ki genyen, l ap resevwa anplis; e a nenpòt moun ki pa genyen, menm sa li genyen an ap retire nan men li.

<sup>26</sup> E Li t ap di: “Wayòm syèl la se tankou yon mesye k ap voye semans sou latè; <sup>27</sup> Konsa, l ale sou kabann li nan aswè, li leve lajounen, e semans lan pouse e grandi; kijan sa fè fèt, li menm pa konnen. <sup>28</sup> Tè a pwodwi rekòlt pou kont li; premyèman flèch, answit tèt la, e apre sa, grenn mi yo nan tèt la. <sup>29</sup> Men depi rekòlt la vin prè, byen vit l ap bay li kouto; paske lè rekòlt la rive.”

<sup>30</sup> ✧ Epi Li te di: “Kijan n ap imajine wayòm Bondye a, oubyen selon ki parabòl nou kapab reprezante li? <sup>31</sup> Li tankou yon grenn moutad ke lè l simen nan tè, li pi piti pase tout grenn ki sou latè, <sup>32</sup> Malgre sa, lè l fin simen, li grandi e vin pi gwo pase tout lòt plant nan jaden yo, epi fè gwo branch; pou zwazo anlè yo kab vin fè nich anba lonbraj li.”

<sup>33</sup> Ak anpil parabòl konsa, Li te pale pawòl la avèk yo nan limit yo ta kapab tande l pou konprann. <sup>34</sup> Li pa t pale avèk yo ✧ san parabòl; men Li t ap eksplike tout bagay an prive a disip Li yo.

<sup>35</sup> ✧ Nan jou sa a, lè lannwit vin rive, Li te di yo: “**Annou pase pa lòtbò**”. <sup>36</sup> Yo te kite foul la e te ✧ pran Li avèk yo jan Li te ye nan kannòt la; epi te gen lòt kannòt ki te avèk Li.

<sup>37</sup> Epi te vin leve yon gwo van tanpèt, ak vag lanmè ki t ap kase sou kannòt la otan ke kannòt la te prèske fin plen nèt; <sup>38</sup> Jésus Li menm te nan pwent dèyè kote L t ap dòmi sou yon kousen, epi yo te fè L leve e te di Li: “Mèt, èske sa pa fè Ou anyen ke n ap mouri?”

<sup>39</sup> Li te leve, e konsa, Li te ✧ reprimande van an e te di a lanmè a: “**Fè silans, rete kalm!**” Epi van an te vin bese e tan an te vini byen kalm.

<sup>40</sup> Li te di yo: “**Poukisa nou pè konsa? ✧ Jiska prezan, nou poko gen lafwa?**”

<sup>41</sup> Yo te etone avèk laperèz e yo te di: “Ki moun sa ye ke menm van avèk dlo lanmè obeyi Li?”

## 5

<sup>1</sup> ✧ Yo te vini lòtbò lanmè a nan peyi Gadarenyen yo. <sup>2</sup> Lè Li te fin sòti nan ✧ kannòt la; lapoula, yon mesye avèk yon move lespri ki sòti nan tonm yo te rankontre Li. <sup>3</sup> Li t ap viv pami tonm yo, e pèsòn pa t kab mare l ankò, menm avèk yon chèn. <sup>4</sup> Paske li te konn mare souvan avèk gwo fè avèk chèn nan pye li. Chèn yo te konn vin chire, separe nèt pa fòs li, e fè yo te kase an mòso. Pèsòn pa t kab donte l. <sup>5</sup> Konsa, tout tan, lajounen kon lannwit, pami tonm yo, ak nan mòn yo, li t ap kriye fò e t ap blese kò l avèk wòch.

<sup>6</sup> Epi lè l wè Jésus a distans, li kouri pwoche L pou l bese devan L; <sup>7</sup> Li te kriye avèk yon vwa fò, e te di: ✧ “Kisa m gen avè w Jésus, Fis a ✧ Bondye Pi Wo a? Mwen sipliye Ou pa Bondye, pa toumante mwen!”

✧ 4:22 Mat 10:26 ✧ 4:23 Mat 11:15 ✧ 4:24 Mat 7:2 ✧ 4:25 Mat 13:12 ✧ 4:30 Mat 13:31-32  
 ✧ 4:34 Mat 13:34 ✧ 4:35 Mat 8:18-27 ✧ 4:36 Mat 3:9 ✧ 4:39 Sòm 65:7 ✧ 4:40 Mat 14:31  
 ✧ 5:1 Mat 8:28-34 ✧ 5:2 Mc 3:9 ✧ 5:7 Mat 8:29 ✧ 5:7 Luc 8:28



<sup>8</sup> Paske Li t ap di a li menm: **“Sòti nan mesye sa a, ou menm move lespri a!”** <sup>9</sup> Epi Li t ap mande li: **“Kòman yo rele ou?”**

E li te di Li: “Yo rele m ✧Lejyon, paske nou anpil.” <sup>10</sup> E li te kòmanse sipliye Li seryezman pou Li pa voye yo deyò peyi a.

<sup>11</sup> Konsa, te gen yon gwo bann kochon ki t ap manje la nan mòn nan. <sup>12</sup> Epi move lespri yo te sipliye Li e te di: “Voye nou nan kochon yo pou nou kapab antre nan yo”. <sup>13</sup> Jésus te bay yo pèmisyon. Konsa nan sòti a, move lespri yo te antre nan kochon yo, e bann nan te kouri desann pant falèz mòn nan, jouk rive nan lanmè. Te gen anviwon de-mil nan yo, e yo te mouri nan dlo lanmè a.

<sup>14</sup> Konsa, gadyen yo te kouri kite lye a, e te bay rapò sa nan vil la, tankou andeyò. E moun yo te vini pou wè sa ki te rive a. <sup>15</sup> Yo te vin kote Jésus e yo te wè mesye ki te konn gen move lespri a byen chita, byen abiye ✧avèk tout bon lespri li. Se te menm moun ki te gen ✧“Lejyon an”, e yo te vin gen krent. <sup>16</sup> Epi sila ki te wè li yo, te pale ak yo sou jan sa te rive ✧mesye move lespri a, ak tout afè kochon yo. <sup>17</sup> E yo te kòmanse ✧sipliye L pou L kite landwa sa a.

<sup>18</sup> ✧Pandan Li t ap antre nan kannòt la, mesye ki te gen move lespri a te sipliye L pou l ta kapab ale avèk Li. <sup>19</sup> Men Li pa t kite L ale, men te di li: ✧**“Ale lakay moun ou yo e bay yo rapò sou ki gran bagay SENYÈ a te fè pou ou, ak jan Li te fè ou gras.”** <sup>20</sup> Epi Li te sòti, e te kòmanse ✧pwoklame nan ✧Decapolis ki kalite bon bagay Jésus te fè pou li, e tout moun te etone.

<sup>21</sup> Lè Jésus te fin pase lòtbò ankò nan ✧kannòt la, yon gwo foul te rasanble antoure Li; e akòz sa, Li te rete ✧bò kote lanmè a. <sup>22</sup> ✧Youn nan ofisyè sinagòg yo ki te rele Jàirus te pwoche, e lè l te wè Li, li te tonbe sou jenou Li, <sup>23</sup> Li te sipliye Li byen fò e te di: “Tifi mwen an prèt pou mouri; silvoulè, vin ✧poze men Ou sou Li pou li kapab vin geri e viv.” <sup>24</sup> Epi Li te ale avèk li; e yon gwo foul t ap swiv Li e yo t ap peze L.

<sup>25</sup> Konsa, te gen yon fanm ki te gen yon emoraji pandan douz lane. <sup>26</sup> E li te soufri anpil nan men a anpil doktè; li te depanse tout sa li te posede san rezilta, men li te vin pi mal atò. <sup>27</sup> Apre li te fin tandè koze Jésus a, li te pwoche deyè Li nan foul la, e te touche vètman Li. <sup>28</sup> Paske li te reflechi: “Si m sèlman touche rad Li, mwen va geri”. <sup>29</sup> Konsa, nan menm moman an, ekoulman san an te vin seche; e fanm nan te santi nan kò l ke ✧maladi a te geri.

<sup>30</sup> Nan menm moman an, Jésus te santi nan Li menm ke ✧pouvwa a te kite L; Li te vire kote foul la e te di: **“Kilès ki te touche vètman Mwen an?”**

<sup>31</sup> Epi disip Li yo te di L: “Ou wè tout foul sa a k ap peze Ou, e Ou mande: “Kilès ki touche M nan?”

<sup>32</sup> E Li te gade toupatou pou wè fanm ki te fè sa a.

<sup>33</sup> Konsa fanm nan, tou ap tranble avèk lakrent, konsyan de sa ki te rive l la; li te vin tonbe devan Li, e te di Li tout laverite.

<sup>34</sup> Jésus te di li: **“Fi, ✧se lafwa ou ki bay ou lasante. ✧Ale anpè, e resevwa gerizon de maladi ou a”.**

<sup>35</sup> Pandan Li t ap pale, moun yo te rive sòti lakay ofisyè sinagòg la, e te di: “Fi ou a gen tan mouri; ou pa bezwen twouble Mèt la ankò”. ✧ <sup>36</sup> Men

✧ 5:9 Mat 26:53 ✧ 5:15 Luc 8:35 ✧ 5:15 Mc 5:9 ✧ 5:16 Mat 4:24 ✧ 5:17 Mat 8:34 ✧ 5:18 Luc 8:38-39 ✧ 5:19 Luc 8:39 ✧ 5:20 Sòm 66:16 ✧ 5:20 Mat 4:25 ✧ 5:21 Mc 4:36 ✧ 5:21 Mc 4:1 ✧ 5:22 Mat 9:18-26 ✧ 5:23 Mc 6:5 ✧ 5:29 Mc 3:10 ✧ 5:30 Luc 5:17 ✧ 5:34 Mat 9:22 ✧ 5:34 Luc 7:50 ✧ 5:35 Mc 5:22

Jésus te gen tan tande sa ki t ap pale a, e te di a ofisye sinagòg la: **☆“Pa pè ankò; sèlman kwè”**.

<sup>37</sup> Konsa, Li pa t kite pèsòn swiv Li sof ke ☆Pierre, Jacques, ak Jean, frè a Jacques. <sup>38</sup> Yo ☆te vini lakay ofisye sinagòg la, epi Li te wè yon gwo pale anpil, ak moun ki t ap kriye fò e rele “anmwey”. <sup>39</sup> Li antre, e Li te di yo: **“Poukisa nou ap fè tout bri sa a, e kriye konsa? Pitit sa a pa mouri, men l ap dòmi”**.

<sup>40</sup> Konsa yo te kòmanse ri sou Li. Men lè Li te fin mete yo tout deyò, Li te pran manman ak papa a pitit la avèk moun pa L yo, e te antre kote pitit la te ye a. <sup>41</sup> Li te pran pitit la pa men li, e te di li: **“Talita koum”** ki vle di ☆**“Tifi, Mwen di ou leve!”**

<sup>42</sup> Lapoula, tifi a te leve e te kòmanse mache; li te gen douz lane. Epi konsa, yo te sezi. <sup>43</sup> Konsa, Li te ☆bay yo yon lòd sevè ke pèsòn pa dwe tande afè sa a; epi Li di yo pou bay tifi a yon bagay pou li manje.

## 6

<sup>1</sup> ☆Jésus te kite la, Li te vini nan ☆pwòp vil pa Li a; e disip Li yo te swiv Li. <sup>2</sup> Lè Saba a te vin rive, Li te kòmanse ☆enstwi nan sinagòg la; anpil moun te tande L; yo te etone e te di: “Kote nonm sa a twouve bagay sa yo, e se ki sajès sa ke Li resevwa, ak mirak konsa yo ki fèt pa men L?” <sup>3</sup> Se pa ☆chapant lan, fis Marie a, frè a Jacques, avèk Joses, ak Jude, ak Simon an? Se pa sè Li yo ki avèk nou? E yo te ☆ofanse de Li.

<sup>4</sup> Epi Jésus te di yo: **☆“Yon pwofèt pa janm san onè sof ke nan pwòp vil pa L, pami pwòp fanmi li e nan pwòp kay Li.** <sup>5</sup> E Li pa t kab fè anpil mirak la; malgre Li te ☆poze men Li sou kèk moun malad, e Li te geri yo. <sup>6</sup> Li te etone pa enkredilite yo. Epi Li t ap ale toupatou nan ti bouk yo pou bay enstriksyon. ☆

<sup>7</sup> ☆Epi Li te rele douz yo e te kòmanse voye yo sòti ☆de pa de; e Li t ap bay yo otorite sou move lespri yo. <sup>8</sup> ☆E Li te avèti yo ke yo pa t pou pran anyen pou vwayaj la sof ke yon baton; ni pen, ni yon sak, ni lajan pou mete nan senti yo; <sup>9</sup> Men yo te gen pou mete sapat yo, e Li te di anplis: **“Pa menm mete de tinik (yon wòb lejè)”**.

<sup>10</sup> Li te di yo: **“Nenpòt kote nou antre nan yon kay, rete la jouk lè nou kite vil la.** <sup>11</sup> Epi nenpòt kote ki pa resevwa nou, oswa koute nou, pandan nou ap kite la, ☆souke retire menm pousyè ki anba pye nou kon temwayaj kont yo. Asireman mwen di ou, l ap pi tolerab pou Sodome ak Gomorrhe nan jou jijman an pase vil sa a!”

<sup>12</sup> ☆Yo te sòti deyò e yo t ap preche ke moun dwe repanti. <sup>13</sup> Epi yo t ap chase anpil move lespri, yo t ap ☆onksyone malad yo avèk lwil, e t ap geri yo.

<sup>14</sup> ☆Epi Wa Hérode te tande de bagay sa yo pwiske non Li te deja vini byen koni; e moun t ap di ke Jean Baptiste te gen tan leve soti nan lanmò; se pou sa ke Li vin gen pouvwa pou fè tout mirak sa yo.

<sup>15</sup> Men lòt t ap di: “Li menm se ☆Élie”, epi lòt t ap di: “Li se yon pwofèt, kon youn nan ansyen pwofèt yo”.

<sup>16</sup> Men lè Hérode te tande sa, Li t ap di: “Jean, tèt sila ke m te fin koupe a gen tan resisite!” <sup>17</sup> Paske se te Hérode menm ki te voye fè arete Jean,

☆ 5:36 Luc 8:50 ☆ 5:37 Mat 17:1 ☆ 5:38 Mc 5:22 ☆ 5:41 Luc 7:14 ☆ 5:43 Mat 8:4 ☆ 6:1 Mat 13:54-58 ☆ 6:1 Luc 4:16-23 ☆ 6:2 Mat 4:23 ☆ 6:3 Mat 13:55 ☆ 6:3 Mat 11:6 ☆ 6:4 Mat 13:57 ☆ 6:5 Mc 5:23 ☆ 6:6 Mat 9:35 ☆ 6:7 Luc 10:4-11 ☆ 6:7 Luc 10:1 ☆ 6:8 Mat 10:10 ☆ 6:11 Mat 10:14 ☆ 6:12 Mat 11:1 ☆ 6:13 Jc 5:14 ☆ 6:14 Mat 14:1-12 ☆ 6:15 Mat 16:14

e li te mare l nan prizon pou koz ✨Hérodiás, madanm a frè li a, Philippe, akoz ke li te marye avè l. <sup>18</sup> Paske Jean t ap di a Hérode: ✨“Li pa pèmèt pou ou gen madanm a frè ou”. <sup>19</sup> Epi Hérodiás te gen yon kont avèk li, e te vle mete l a lanmò men l pa t kab fè l; ✨ <sup>20</sup> Paske ✨Hérode te pè Jean, pwiske li te konnen ke li te yon nonm ladwati ki sen, e li te pwoteje l. Epi lè Hérode te konn koute l, li te konn byen twouble; men li te bay li plezi pou koute l.

<sup>21</sup> Men yon jou okazyon an te vin parèt pandan fèt nesans Hérode; li te ✨ofri yon gwo fèt pou gwo chèf dirijan avèk kòmandan militè yo nan Galilée. <sup>22</sup> Epi lè ✨fi a Hérodiás la te vini pou kont li e te danse, li te fè Hérode kontan ak tout vizitè li yo nan fèt la. Konsa Wa a te di fi a: “Mande mwen nenpòt sa ou vle, e m ap bay ou li”. <sup>23</sup> Epi li te sèmante a li menm: “Nenpòt sa ou vle, m ap bay ou li, ✨jiska mwatye wayòm mwen an”.

<sup>24</sup> Konsa, li te ale deyò e te mande manman l: “Kisa mwen dwe mande?” Epi li te di l: “Tèt a Jean Baptiste”.

<sup>25</sup> E lapoula, li vini avèk vitès devan Wa a avèk yon demann e te di: “Mwen vle ke ou ban mwen koulye a menm, tèt a Jean Baptiste sou yon plato”.

<sup>26</sup> Malgre ke Wa a te byen tris akoz sèman an, e akoz vizitè li yo, li pa t gen kouraj pou l refize l. <sup>27</sup> Imedyatman Wa a te voye yon gad avèk lòd pou vini avèk tèt li. Li te ale, e te fè yo koupe tèt li nan prizon an. <sup>28</sup> Konsa yo te pote tèt li sou yon plato pou te bay fi a, e fi a te bay li a manman l.

<sup>29</sup> Lè disip li yo te tandè sa, yo te vin pran kò l, e te mete l nan yon tonm.

<sup>30</sup> ✨Apòt yo te rasanble avèk Jésus; epi yo te bay Li yon rapò de tout sa yo te fè ak sa yo te enstwi.

<sup>31</sup> E Li te di yo: **“Vini apa pou kont nou nan yon plas apa pou pran yon ti repo”**. Paske anpil moun t ap antre, sòti, e yo pa t menm gen tan manje.

<sup>32</sup> ✨Yo te kite la nan yon kannòt pou ale nan yon plas apa pou kont yo.

<sup>33</sup> Konsa, lè pèp la te wè ke yo t ap prale, anpil moun te rekonèt yo, e te kouri jwenn yo apye, sòti nan tout vil yo, epi yo te rive avan yo.

<sup>34</sup> Lè Jésus te rive atè, Li ✨te wè yon gwò foul, epi Li te gen konpasyon pou yo paske ✨yo te tankou mouton san gadò. Li te kòmanse enstwi yo anpil bagay.

<sup>35</sup> Lè li te deja fin byen ta, disip Li yo te vin kote Li e te di: “Plas sa a byen izole, e li deja fin byen ta. <sup>36</sup> Voye yo ale pou yo kapab ale nan landwa pa yo avèk vil pa yo pou achte kèk manje pou tèt yo.”

<sup>37</sup> Men Li te di yo: **“Nou menm bay yo manje!”** ✨

Epi yo te di Li: “Ou vle nou ale depanse de-san denye nan pen pou nou bay yo manje?”

<sup>38</sup> Epi Li te di yo: **“Konbyen pen nou genyen; al gade!”** E lè yo chèche, yo di: “Senk pen ak de pwason”.

<sup>39</sup> Konsa, Li te kòmande yo pou chita pa gwoup nan zèb vèt la. <sup>40</sup> Yo te chita pa gwoup de santèn, e pa gwoup de senkantèn. <sup>41</sup> Li te pran senk pen yo avèk de pwason yo; Li te gade vè syèl la, e Li te ✨beni manje a. Li te kase pen yo, e Li te kontinye bay disip yo pou mete devan yo. Li te divize bay yo de pwason yo pami yo tout.

<sup>42</sup> Yo tout te manje, e yo te vin satisfè. <sup>43</sup> Epi yo te ranmase douz ✨panyen byen plen avèk moso kase yo; e anplis, pwason. <sup>44</sup> Te gen ✨senk-mil mesye

✨ **6:17** Mat 14:3 ✨ **6:18** Mat 14:4 ✨ **6:19** Mat 14:3 ✨ **6:20** Mat 21:26 ✨ **6:21** Est 1:3  
 ✨ **6:22** Mat 14:3 ✨ **6:23** Est 5:3-6 ✨ **6:30** Mat 10:2 ✨ **6:32** Mc 8:2-9 ✨ **6:34** Mat 9:36  
 ✨ **6:34** Nonb 27:17 ✨ **6:37** Jn 6:7 ✨ **6:41** Mat 14:9 ✨ **6:43** Mat 14:21 ✨ **6:44** Mat 14:21

ki te manje pen yo.

<sup>45</sup> ✧Konsa, Jésus te fè disip Li yo antre nan kannòt la pou ale devan Li lòtbò vè Bethsaïda, pandan Li menm t ap voye fowl la ale. <sup>46</sup> Apre Li fin ✧di yo orevwa, Li te ale nan mòn nan pou priye.

<sup>47</sup> Lè lannwit te vin rive, kannòt la te nan mitan lanmè a, e Jésus te atè pou kont Li. <sup>48</sup> Konsa, lè L te wè yo t ap fè fòs sou zaviwon yo akoz van an ki te kont yo, nan anviwon ✧katriyèm è nan aswè, Li te vin kote yo ap mache sou lanmè a, kòm si Li te gen entansyon ale devan pou kite yo dèyè.

<sup>49</sup> Men lè yo te wè L ap mache sou lanmè a, yo te sipoze ke Li te yon fantom e yo te kriye fò; <sup>50</sup> Paske yo tout te wè Li e yo te pè. Men nan moman sa a Li te pale avèk yo e te di yo: ✧**“Pran kouraj; se Mwen menm; ✧pa pè.”** <sup>51</sup> Epi Li te antre ✧nan kannòt la avèk yo, e van an te sispann; e yo te vrèman sezi. <sup>52</sup> Akoz yo pa t reyisi gen okenn konprann nan afè pen yo, men kè yo te di.

✧ <sup>53</sup> ✧Lè yo te fin travèse lòtbò, yo te rive atè nan Génésareth e mare kannòt la atè. <sup>54</sup> Nan moman yo te kite kannòt la, pèp la te rekonèt yo. <sup>55</sup> Epi pèp la te kouri toupatou nan tout peyi a, e te kòmanse pote sila ki te malad yo sou palèt nan plas kote Li te ye a.

<sup>56</sup> Nenpòt kote Li te antre nan bouk ak gran vil oswa andeyò, yo t ap vin depoze moun malad nan mache yo pou sipliye L pou yo ta kapab sèlman ✧touche ✧rebò vètman Li; akoz tout moun ki te touche l t ap vin geri.

## 7

<sup>1</sup> ✧Farizyen yo avèk kèk nan skrib yo te antoure Jésus lè yo te sòti Jérusalem. <sup>2</sup> Lè yo te wè ke kèk nan disip Li yo t ap manje pen avèk men ✧enpi, sa vle di, san lave. <sup>3</sup> (Pwiske Farizyen yo avèk tout Jwif yo pa manje sof ke yo lave men yo kòrèk, pou obsève ✧Tradisyon a ansyen yo. <sup>4</sup> Lè yo sòti nan mache, yo pa manje sof ke yo gen tan netwaye tèt yo. Anplis yo gen anpil lòt bagay ke yo konn resevwa kon prensip, tankou lavaj a ✧tas, avèk krich, ak po kwiv yo.)

<sup>5</sup> Farizyen yo ak skrib yo te mande L: “Poukisa disip ou yo pa mache selon ✧Tradisyon ansyen yo, men manje pen avèk men yo pa pwòp?”

<sup>6</sup> Epi Li te di yo: **“Byen jis Ésaïe te fè pwofesi sou nou kom ipokrit; lè li te ekri: ✧ ‘Pèp sa bay Mwen lonè avèk lè yo, men kè yo lwen Mwen. <sup>7</sup> ✧Men anven sila yo adore Mwen lè y ap enstwi kòm doktrin, prensip a lòm.’**

<sup>8</sup> **Nou neglije kòmandman a Bondye yo, pou kenbe tradisyon a lòm yo —kon lavaj krich yo ak anpil lòt bagay”** ✧ <sup>9</sup> Li t ap di yo anplis: **“Nou gen ekspètiz nan mete kòmandman Bondye a akote pou kenbe tradisyon pa nou yo. <sup>10</sup> Paske Moïse te di: ✧‘Onore papa ou avèk manman ou’; epi ✧sila ki pale mal a papa li oswa manman li, fòk li mete a lanmò.’**

<sup>11</sup> Men nou di: **‘Si yon nonm di a papa l, ni a manman l, nenpòt sa ke m genyen se ✧Kòban (sa vle di, ‘bay a Bondye’), <sup>12</sup> Nou pa pèmèt moun nan fè anyen ankò ni pou papa l, ni pou manman l; <sup>13</sup> Konsa nou fè pawòl Bondye a vin nil ak ✧Tradisyon ke nou transmèt a youn lòt. Epi nou fè anpil bagay konsa.’**

✧ **6:45** Mat 14:22-32 ✧ **6:46** Trav 18:18-21 ✧ **6:48** Mat 24:43 ✧ **6:50** Mat 9:2 ✧ **6:50** Mat 14:27 ✧ **6:51** Mc 6:32 ✧ **6:52** Mc 8:17; Wo 11:7 ✧ **6:53** Jn 6:24 ✧ **6:56** Mc 3:10 ✧ **6:56** Mat 9:20 ✧ **7:1** Mat 15:1-20 ✧ **7:2** Mat 15:2 ✧ **7:3** Mc 7:5,8,9,13 ✧ **7:4** Mat 23:25 ✧ **7:5** Mc 7:3,8,9,13 ✧ **7:6** És 29:13 ✧ **7:7** És 29:13 ✧ **7:8** Mc 7:3,5,9,13 ✧ **7:10** Egz 20:12 ✧ **7:10** Egz 21:17 ✧ **7:11** Lev 1:2 ✧ **7:13** Mc 7:3-9

<sup>14</sup> Apre Li te rele foul la kote Li ankò, Li te kòmanse di yo: “**Koute Mwen, nou tout, e konprann:** <sup>15</sup> **Nanpwen anyen deyò yon nonm k ap fè l sal, men se bagay ki sòti pa anndan yon nonm ki fè l sal.** <sup>16</sup> **Si yon moun gen zòrèy, kite li tande.**

<sup>17</sup> Lè Li te kite foul la, Li te antre ✧nan kay la. Disip Li yo te kesyone L sou parabol sila a.

<sup>18</sup> Epi Li te di yo: “**Èske nou si tèlman manke konprann tou? Èske nou pa konprann ke sa ki sòti deyò yon nonm pou antre ladann pa kapab souye l;** <sup>19</sup> **Paske sa pa antre nan kè l, men nan vant li epi li vin elimine?”** (Konsa Li te deklare ke tout kalite manje ✧pwòp.)

<sup>20</sup> E Li t ap di ✧“**Sa ki sòti nan yon moun, se sa ki souye l.** <sup>21</sup> **Paske pa anndan, sòti nan kè lòm tout move panse, fònikasyon, vòl, touye moun, adiltè,** <sup>22</sup> **zak lanvi sa ki pou lòt, mechanste, desepsyon, sansyalite, ✧jalouzi, kout lang, ògèy, ak tout kalite foli.** <sup>23</sup> **Tout mal sa yo sòti pa anndan, epi souye yon nonm.”**

<sup>24</sup> ✧Jésus te leve e te pati pou rejyon Tyr la. E lè Li te antre nan yon kay, Li pa t vle pèsòn konnen sa, men Li pa t kab evite atire atansyon.

<sup>25</sup> Men lè yon fanm ak yon tifi ki te gen yon move lespri te tande de Jésus, li te vin kote L nan menm moman an, e te tonbe nan pye Li. <sup>26</sup> Alò, fanm sila a te yon moun etranje nan ras Siwofonisyèn. E li te kontinye mande L pou chase move lespri a sou pitit li a.

<sup>27</sup> Epi Jésus t ap di li: “**Kite zanfan yo satisfè avan, paske li pa bon pou pran pen timoun yo pou jete l bay chen.”**

<sup>28</sup> Men fanm nan te reponn Li: “**Wi Mèt, men menm ti chen anba tab yo manje ti moso ke timoun yo lese tonbe yo.”**

<sup>29</sup> Konsa Li te di li: “**Akoz repons sa a, al fè wout ou; move lespri a gen tan kite fi ou a.”**

<sup>30</sup> E lè fanm nan te retounen lakay li, li te twouve tifi a byen kouche sou kabann nan, e move lespri a te gen tan kite li.

<sup>31</sup> ✧Ankò Li te kite rejyon Tyr la, e te pase pa Sidon jiska lanmè Galilée a, nan rejyon Decapolis.

<sup>32</sup> Epi yo te mennen bay Li yon moun ki te soud e ki te pale avèk anpil difikilte, e yo te sipliye L pou ✧mete men Li sou li.

<sup>33</sup> ✧Jésus te mennen l apa de gran foul la, e te mete dwat Li anndan zòrèy moun nan; e apre Li te fin krache, Li te touche lang li avèk krache a. <sup>34</sup> Epi nan gade vè syèl la, Li te ✧souponne byen fò, e te di li: “**Ifafata!**” **Sa vle di “ouvri!”** <sup>35</sup> Konsa zòrèy li te louvri, lang lou a te sòti, e li te vin pale kon nòm.

<sup>36</sup> E Li te bay yo lòd pou yo pa pale avèk pèsòn; men plis Li te bay lòd, plis yo te ✧kontinye gaye nouvèl la toupatou. <sup>37</sup> Yo te vin etone nèt, e te di: “**Li fè tout bagay byen; Li fè menm soud yo tande, e bèbè yo pale.**”

## 8

<sup>1</sup> Nan jou sa yo, lè te gen ankò yon gwo foul ki pa t gen anyen pou yo manje, ✧Jésus te rele disip Li yo e te di yo: <sup>2</sup> ✧“**Mwen santi konpasyon pou foul la pwiske yo rete avèk Mwen koulye a pandan twa jou, e yo pa gen anyen pou yo manje;** <sup>3</sup> **E si Mwen voye yo lakay yo grangou, y ap fennen nan wout la, e gen nan yo ki sòti a yon bon distans.”**

✧ 7:17 Mc 2:1 ✧ 7:19 Luc 11:41 ✧ 7:20 Mat 15:18 ✧ 7:22 Mat 6:23 ✧ 7:24 Mat 15:21-28  
 ✧ 7:31 Mat 15:29-31 ✧ 7:32 Mc 5:23 ✧ 7:33 Mc 8:23 ✧ 7:34 Mc 8:12 ✧ 7:36 Mc 1:45  
 ✧ 8:1 Mc 6:34-44 ✧ 8:2 Mc 9:36

<sup>4</sup> Disip Li yo te reponn Li: “Kote yon moun kapab jwenn ase pen isit la pou satisfè moun sa yo nan yon andwa izole konsa?”

<sup>5</sup> Epi Li t ap mande yo: **“Konbyen moso pen nou genyen?”** Epi yo te di Li: “Sèt”.

<sup>6</sup> Konsa, Li te fè yo chita atè. Li te pran sèt pen yo e te kase yo an mòso, Li te kòmanse bay yo a disip Li yo pou sèvi yo, e yo te bay yo a foul la.

<sup>7</sup> Osi yo te genyen kèk ti pwason; ✨lè L fin beni yo, Li te kòmande sa yo anplis pou separe bay.

<sup>8</sup> Yo te manje e yo te satisfè; yo te ranmase sèt gwo ✨panyen plen avèk moso kase ki te rete. <sup>9</sup> E te gen anviwon kat mil ki te la, epi Li te voye yo ale. <sup>10</sup> Nan menm moman sa a, Li te antre nan kannòt la avèk disip Li yo e te vini nan peyi yo rele ✨Dalmanutha a.

<sup>11</sup> Konsa, ✨Farizyen yo te parèt e yo te kòmanse diskite avè L. Yo te mande L yon sign ki sòti nan syèl la pou teste li.

<sup>12</sup> Avèk yon gwo soupi ki sòti nan lespri Li, Li te di: “Poukisa jenerasyon sila a ap chèche yon sign? Anverite Mwen di nou: ✨Nanpwen sign k ap parèt a jenerasyon sila a.” <sup>13</sup> Lè L fin kite yo, Li te monte kannòt la pou te ale lòtbò.

<sup>14</sup> Yo te bliye pran pen; e pa t gen plis ke yon moso nan kannòt la avèk yo.

<sup>15</sup> E Li t ap bay yo lòd, pou di: ✨**“Veye byen! Fè atansyon kont ledven Farizyen yo, ak ledven Hérode la!”**

<sup>16</sup> Epi yo te kòmanse diskite youn avèk lòt pwoblèm ke yo pa t gen pen an.

<sup>17</sup> Jésus te konprann sa byen, e te di yo: **“Poukisa nou ap pale afè pen an? ✨Èske nou poko wè ni konprann? Èske nou gen kè di? <sup>18</sup> ✨Malgre nou gen zye, èske nou pa wè? E malgre nou gen zòrèy, èske nou pa tande? E èske nou pa sonje <sup>19</sup> lè Mwen te kase ✨senk pen yo pou senk mil moun yo, konbyen ✨panyen plen avèk moso kase nou te ranmase?”**

Yo te di Li: “Douz”.

<sup>20</sup> **“Epi lè Mwen te kase ✨sèt pou kat mil moun yo, konbyen gwo panyen plen avèk moso kase nou te ranmase?”**

Epi yo te di li: “Sèt”.

<sup>21</sup> Epi Li t ap di yo: ✨**“Èske nou poko menm konprann?”**

<sup>22</sup> Yo te rive Bethsaïda, e yo te pote bay Li yon mesye avèg e yo te sipliyè L pou te ✨touche l.

<sup>23</sup> An pran mesye avèg la pa men li, Li te ✨mennen L sòti nan vil la. Lè L fin krache sou zye li e mete men L sou li, Li te mande l: **“Èske ou pa wè anyen?”**

<sup>24</sup> Epi li te leve tèt li gade e di: “Mwen wè moun, konsa mwen wè yo tankou pyebwa k ap mache toupatou.

<sup>25</sup> Ankò Li te mete men Li sou zye li; epi li te gade byen fiks, e li te vin restore. Epi li te kòmanse wè tout bagay byen klè.

<sup>26</sup> Konsa Li te voye li lakay li e te di: **“Pa menm antre ✨nan vil la.”**

<sup>27</sup> ✨Philippe. Sou Jésus te sòti avèk disip Li yo nan vilaj a Césarée wout la Li te diskite ak disip Li yo, e te mande yo: **“Kilès moun yo di ke Mwen ye?”**

✨ **8:7** Mat 14:19 ✨ **8:8** Mat 15:37 ✨ **8:10** Mat 15:39 ✨ **8:11** Mat 16:1-12; Mat 12:38 ✨ **8:12** Mat 12:39 ✨ **8:15** Mat 16:6 ✨ **8:17** Mc 6:52 ✨ **8:18** Jr 5:21 ✨ **8:19** Mc 6:41-44 ✨ **8:19** Mat 14:20 ✨ **8:20** Mc 8:6-9 ✨ **8:21** Mc 6:52 ✨ **8:22** Mc 3:10 ✨ **8:23** Mc 7:33; Mc 5:23 ✨ **8:26** Mc 8:23 ✨ **8:26** Mat 16:13-16

<sup>27</sup> Jésus te sòti avèk disip Li yo nan vilaj a Césarée de Philippe. Sou wout la Li te diskite ak disip Li yo, e te mande yo: “Kilès moun yo di ke Mwen ye?”

<sup>28</sup> Yo te di Li: “Jean Baptiste, e kèk lòt Élie, men lòt, youn nan pwofèt yo”.

<sup>29</sup> Li te kesyone yo plis; **“Men kilès nou menm nou di ke Mwen ye?”** ✧ Pierre te reponn e te di Li: “Ou menm se Kris la.

<sup>30</sup> E ✧ Li te avèti yo pou pa di pèsòn anyen sou Li menm.

<sup>31</sup> ✧ Li te kòmanse enstwi yo ke Fis a Lòm nan t ap oblije soufri anpil bagay, vin rechte pa ansyen yo avèk chèf prèt ak skrib yo, e touye; e apre twa jou, Li va resisite ankò. <sup>32</sup> Epi Li t ap pale bagay la ✧ byen klè.

Konsa, Pierre te mennen L akote e te kòmanse repwoche L.

<sup>33</sup> Men lè l te vire gade dèyè, Li te wè disip Li yo, Li te repwoche Pierre e te di l: **“Metè ou dèyè M, ✧ Satan; paske ou p ap metè panse ou sou enterè Bondye a, men enterè lòm.”**

<sup>34</sup> Epi Li te rele foul la avèk disip Li yo, e te di yo: **“Si yon moun vle swiv Mwen, fòk li renonse a pwòp tèt li, ✧ pran kwa li, e swiv Mwen. <sup>35</sup> Paske ✧ nenpòt moun ki vle sove vi li, va pèdi li; men nenpòt moun ki pèdi vi li akòz Mwen ak levanjil la, ap sove li.**

<sup>36</sup> Paske kisa sa sèvi a yon nonm si l genyen tou lemonn men l pèdi nanm li? <sup>37</sup> Paske kisa yon nonm ap bay an echanj pou nanm Li.

<sup>38</sup> Paske ✧ nenpòt moun ki wont de Mwen menm avèk pawòl Mwen, nan jenerasyon adiltè e konwonpi sila a, Fis a Lòm nan ap wont de li menm tou lè Li vini nan glwa a Papa Li avèk zanj sen yo.

## 9

<sup>1</sup> Epi Jésus t ap di yo: ✧ **“Anverite Mwen di nou, gen kèk moun nan sila ki kanpe la yo ki p ap goute lanmò jouk lè yo fin wè wayòm Bondye a rive avèk pouvwa.”**

<sup>2</sup> ✧ Sis jou pita, Jésus te pran avè L, Pierre, Jacques, avèk Jean, e te mennen yo sou yon mòn wo pou kont yo. Epi Li te transfòme la devan yo. <sup>3</sup> ✧ Rad Li yo te vin klere jis yo blanchi nèt, blanch kon okenn moun k ap fè lesiv nan mond sa a, pa t janm kab fè. <sup>4</sup> Epi Élie te parèt devan yo ansanm avèk Moïse; e yo t ap pale avèk Jésus.

<sup>5</sup> Pierre te reponn e te di Jésus: “Mèt, se bon pou nou isit la; ✧ annou fè twa tabènak, youn pou Ou, youn pou Moïse, e youn pou Élie.” <sup>6</sup> Paske li pa t konnen ki repons pou bay, akòz kè yo te plen avèk laperèz.

<sup>7</sup> Konsa, yon nwaj te fòme ki te vin mete yo nan fon lonbraj, e yon vwa te vin sòti nan nwaj la, ✧ **“Sa se Fis Mwen; koute Li!”**

<sup>8</sup> Nan menm moman sa a, yo te gade toupatou e pa t wè pèsòn avèk yo ankò, sof ke Jésus sèl.

<sup>9</sup> ✧ Pandan yo t ap desann mòn nan, Li te bay yo lòd pou pa di pèsòn sa yo te wè a, jouk lè ke Fis a Lòm nan ta leve soti nan lanmò. <sup>10</sup> Epi yo te reflechi anpil sou pawòl sa a, e te diskite youn avèk lòt sou sa sa vle di: **“leve soti nan lanmò an”.**

<sup>11</sup> Yo te mande Li: **“Poukisa skrib yo di ke ✧ Élie oblije vini avan an?”**

✧ **8:29** Jn 6:68-69 ✧ **8:30** Mat 8:4 ✧ **8:31** Mat 16:21-28 ✧ **8:32** Jn 10:24 ✧ **8:33** Mat 4:10  
 ✧ **8:34** Mat 10:38 ✧ **8:35** Mat 10:39 ✧ **8:38** Mat 10:33 ✧ **9:1** Mat 16:28 ✧ **9:2** Mat 17:1-8  
 ✧ **9:3** Mat 28:3 ✧ **9:5** Mat 17:4 ✧ **9:7** Mat 3:17 ✧ **9:9** Mat 17:9-13 ✧ **9:11** Mal 4:5

<sup>12</sup> Li te di yo: “Élie vrèman ap vini avan pou restore tout bagay. Men jan sa ekri sou Fis a Lòm nan ke ✨Li va soufri anpil bagay, e vin meprize?”

<sup>13</sup> Men Mwen di nou Élie vrèman gen tan vini, e yo te fè l sa ke yo te pito, jan ke sa ekri sou li a.”

<sup>14</sup> ✨Lè yo te retounen kote disip yo, yo te wè yon gwo foul ki te antoure yo, e kèk skrib ki t ap diskite avèk yo. <sup>15</sup> Epi imedyatman, lè tout foul la te wè Li, yo te ✨etone, e yo te kouri vini salye Li.

<sup>16</sup> E Li te mande yo: “Kisa nou ap diskite avèk yo la a?”

<sup>17</sup> Epi yon moun nan foul la te reponn Li: “Mèt, mwen te pote bay Ou fis Mwen an, ki gen yon move lespri ki fè l bèbè; <sup>18</sup> Epi lè li sezi l, li voye li atè, epi li kimen nan bouch e manje dan l; kò li vin tou rèd. Mwen te pale disip Ou yo pou chase l, men yo pa t kapab.”

<sup>19</sup> Epi Li te reponn yo e te di: “O jenerasyon enkredil, pou konbyen de tan ankò M ap avèk nou? Konbyen de tan ankò M ap sipòte nou? Fè l vin kote Mwen!”

<sup>20</sup> Yo te pote gason an kote Li. E lè li te wè L, lapoula lespri a te jete li nan yon gwo kriz. Li te tonbe atè, te kòmanse woule toupatou e kimen nan bouch.

<sup>21</sup> Jésus te mande papa li: “Depi kilè bagay sa a konn rive li?” Li te di: “Depi li timoun. <sup>22</sup> Souvan li konn voye li ni nan dlo, ni nan dife pou l detwi l. Men si Ou kapab fè yon bagay, gen pitye pou nou, e ede nou!”

<sup>23</sup> E Jésus te di li: “Si Ou kapab?” ✨Tout bagay posib pou sila a ki kwè a.”

<sup>24</sup> Konsa, papa a tigason an te kriye fò e te di: “Mwen kwè; ede enkredilite Mwen.”

<sup>25</sup> Lè Jésus te wè yon ✨foul moun t ap rasanble, Li te reprimande move lespri a. Li te di L: “Ou menm lespri soud e bèbè, Mwen kòmande ou, sòti nan li, e pa antre nan li ankò.”

<sup>26</sup> Lè lespri a fin kriye fò, e jete li nan gwo kriz tèrib, li te sòti. Ti gason an te tèlman parèt kon yon kadav, ki te fè pi fò nan yo te di: “Li mouri!”

<sup>27</sup> Men Jésus te pran li pa men li, te leve l, e Li te kanpe.

<sup>28</sup> Lè Li te vini ✨nan kay la, disip Li yo te kòmanse kesyone Li an prive: “Poukisa nou pa t kapab chase l?”

<sup>29</sup> Li te di yo: “Kalite sila a p ap kab sòti pa anyen, sof ke lapriye.”

<sup>30</sup> ✨Depi la yo te ale pase nan tout Galilée, e Li pa t vle ke pèsòn konnen anyen sou sa. <sup>31</sup> Paske Li t ap enstwi disip Li yo e t ap di yo: ✨“Fis a Lòm nan va livre nan men a lèzòm, e yo va touye Li. Epi lè Li fin touye, L ap resisite ankò twa jou pita. <sup>32</sup> Men ✨yo pa t konprann pawòl sila a, e yo te pè mande L.

<sup>33</sup> ✨Yo te vini Capernaüm, e lè Li te nan kay la, Li te kòmanse kesyone yo: “De kisa nou t ap diskite nan wout la?” <sup>34</sup> Men yo te rete an silans; paske nan wout la, yo ✨t ap diskite de kilès nan yo ki te pi gran.

<sup>35</sup> Lè Li te fin chita, Li te rele douz yo, e Li te ✨di yo: “Si yon moun vle premye, li va dènye de tout moun, e vin sèvitè a tout moun.”

<sup>36</sup> Li te pran yon timoun, e te fè l chita devan yo; epi lè L pran li nan bra Li, Li te di yo: <sup>37</sup> ✨“Nenpòt moun ki resevwa yon timoun tankou sila a nan non pa M, resevwa M; e nenpòt moun ki resevwa M, li pa resevwa Mwen; men Sila ki voye Mwen an.”

✨ 9:12 Mat 16:21 ✨ 9:14 Mat 17:14-19 ✨ 9:15 Mc 14:33 ✨ 9:23 Mat 17:20 ✨ 9:25 Mc 9:15  
 ✨ 9:28 Mc 2:1 ✨ 9:30 Mat 17:22-23 ✨ 9:31 Mat 16:21 ✨ 9:32 Luc 2:50 ✨ 9:33 Mat 18:1-5  
 ✨ 9:34 Mat 18:4 ✨ 9:35 Mat 20:26 ✨ 9:37 Mat 10:40



38 ✨Jean te di Li: “Mèt, nou te wè yon moun ki t ap chase move lespri nan non Ou, e nou te eseye fè l sispann, paske li pa t ap swiv nou.”

39 Men Jésus te di: “Pa anpeche li, paske pa gen moun k ap fè yon mirak nan non Mwen, e apre byen vit ki ka pale mal de Mwen. 40 ✨Paske sila ki pa kont nou an, li pou nou. 41 Paske nenpòt moun ki bay nou yon tas dlo pou bwè akòz non pa nou, kon disip a Kris yo, anverite Mwen di nou, li p ap pèdi rekonpans li.

42 ✨Nenpòt moun ki fè youn nan pitit sa yo ki kwè vin chape tonbe, li t ap pi bon pou li si yo te mete yon gwo wòch moulen nan kou li, e jete l nan lanmè.

43 ✨Si men nou fè nou chape tonbe, koupe l nèt; li pi bon pou nou ta antre nan lavi kokobe, pase avèk de men, pou nou ta jete nan twou san fon an, nan lanfè ki pa kapab etenn nan, 44 kote vè pa mouri, e dife pa janm etenn.

45 E si pye nou fè nou chape tonbe, koupe li nèt; li pi bon pou nou antre nan lavi bwete, pase genyen tou de pye nou, e vin jete nan ✨lanfè, 46 kote vè pa mouri, e dife pa janm etenn.

47 ✨Si zye nou fè nou chape tonbe, retire li jete; li pi bon pou nou antre nan wayòm Bondye a avèk yon sèl zye, pase jete nan lanfè avèk de zye. 48 Kote vè pa mouri, e dife pa janm etenn.

✨ 49 Paske tout moun va vin sale ak dife.

50 Disèl la bon, men ✨si disèl la vin pèdi gou, kilès k ap fè l gen gou sèl ankò. Fòk nou gen sèl nan nou, e rete anpè youn avèk lòt.

## 10

1 ✨Lè l leve, Li te kite la pou landwa Juda a, ak lòtbò Jourdain an. Foul yo te antoure Li ankò, e selon koutim Li, Li te kòmanse enstwi yo ankò.

2 Kèk Farizyen te vin kote L pou sonde L, e te kesyone L pou si li te pèmi pou yon mesye divòse ak madanm li.

3 Konsa, Li te reponn li e te di: “Kisa Moïse te kòmande nou?”

4 Yo te di: ✨“Moïse te bay dwa pou yon mesye ekri yon sètifika pou l divòse ak li, epi voye l ale.”

5 Men Jésus te di yo: ✨“Akòz kè di nou, li te ekri nou kòmandman sa a. 6 Men ✨depi kòmansman kreyasyon an, Bondye te fè yo mal ak femèl. 7 Pou rezon sa a, yon gason va kite papa li ak manman li, 8 ✨Epi yo de a ap vin fè yon sèl chè; an konsekans, se pa de yo ye ankò, men yon sèl chè. 9 Pou rezon sa a, sa ke Bondye gen tan lye ansanm, pa kite okenn moun separe l.

10 Anndan kay la, disip yo te kesyone Li ankò. 11 E Li te di yo: ✨ “Nenpòt moun ki divòse ak madanm li pou marye avèk yon lòt fanm, fè adiltè kont li; 12 E si ✨li menm divòse ak mari li e marye avèk yon lòt, li menm tou fè adiltè.”

13 ✨Konsa yo t ap pote timoun bay li pou L ta kapab touche yo, e disip yo te reprimande yo.

14 Men lè Jésus te wè sa, Li te mekontan e te di yo: “Kite timoun yo vini kote Mwen; pa anpeche yo, ✨paske wayòm Bondye a se pou sila ki tankou

✨ 9:38 Luc 9:49-50 ✨ 9:40 Mat 12:30 ✨ 9:42 Mat 18:6 ✨ 9:43 Mat 5:3; Mat 3:12 ✨ 9:45 Mat 5:22 ✨ 9:47 Mat 5:29 ✨ 9:48 És 66:24; Mat 3:12 ✨ 9:50 Mat 5:13 ✨ 10:1 Mat 19:1-9 ✨ 10:4 Det 24:1-3 ✨ 10:5 Mat 19:8 ✨ 10:6 Mc 13:19; Jen 1:27 ✨ 10:8 Jen 2:24 ✨ 10:11 Mat 5:32 ✨ 10:12 I Kor 7:11 ✨ 10:13 Mat 19:13-15 ✨ 10:14 Mat 5:3

sa yo. <sup>15</sup> Anverite Mwen di nou: ✨nenpòt moun ki pa resevwa wayòm Bondye a kon yon timoun, li p ap antre li menm.

<sup>16</sup> Epi li te ✨pran yo nan bra Li, te beni yo, e te poze men L sou yo.

<sup>17</sup> ✨Pandan Li t ap prepare pou yon vwayaj, yon nonm te kouri kote L, te mete l ajenou devan Li. Li te mande L: “Bon Mèt, kisa mwen dwe fè pou ✨eritye lavi etènèl?”

<sup>18</sup> Epi Jésus te di Li: “Poukisa ou rele M bon? Nanpwen moun ki bon sof ke Bondye sèl. <sup>19</sup> Ou konnen kòmandman yo, ✨‘Pa touye moun, pa fè adiltè, pa vòlè, pa fè fo temwayaj, pa twonpe moun, onore papa ou avèk manman ou’.”

<sup>20</sup> Konsa li te di Li: “Mèt, mwen fè ✨tout bagay sa yo depi mwen timoun.

<sup>21</sup> Epi byen gade li, Jésus te gen yon lanmou pou li. Li te di l: “Yon bagay ou manke; ale vann tout sa ou posede, bay malere yo, e ou va gen ✨richès nan syèl la. Epi vin swiv Mwen.”

<sup>22</sup> Men avèk pawòl sa yo, li te vin atriste, e li te kite lye sa a tou dezole; paske li te yon moun ki te gen anpil byen.

<sup>23</sup> Jésus te gade toupatou e te di a disip li yo: ✨ “Ala sa ap difisil pou sila ki gen anpil richès antre nan wayòm Bondye a!”

<sup>24</sup> Disip Li yo te ✨etone de pawòl Li yo. Men Jésus te reponn yo ankò e te di yo: “Zanfan yo, ala sa difisil pou antre nan wayòm Bondye a! <sup>25</sup> ✨L ap pi fasil pou yon chamo pase nan zye a yon egwi, pase pou yon mesye rich antre nan wayòm Bondye a.

<sup>26</sup> Yo te menm pi etone e te di l: “Ebyen, kilès ki kab sove?”

<sup>27</sup> Tou ap gade yo Jésus te di: ✨“Avèk moun, sa pa posib, men li pa konsa avèk Bondye; paske tout bagay posib avèk Bondye.”

<sup>28</sup> ✨Pierre te kòmanse di L: “Gade, nou gen tan kite tout bagay, e te swiv Ou.”

<sup>29</sup> Jésus te di: “Anverite Mwen di nou, ✨Nanpwen pèsòn ki kite kay li, oswa frè li, oswa sè li ak pitit li, ni manman ni papa, oswa jaden li pou koz Mwen ak pou koz levanjil la, <sup>30</sup> men ke l ap resevwa san fwa plis koulè a, nan tan sila a, kay, frè, sè ansanm avèk pèsèkisyon yo; e ✨nan laj k ap vini an, lavi etènèl. <sup>31</sup> Men ✨ anpil moun ki premye ap vin dènye; e dènye yo va vin premye.

<sup>32</sup> ✨Yo te sou wout la pou ale Jérusalem e Jésus t ap mache pi devan yo. Yo te etone, e sila ki te swiv yo te pè anpil.

Ankò Li te rele douz yo akote e te kòmanse di yo kisa ki ta vin rive Li.

<sup>33</sup> “Byen gade, nou ap monte Jérusalem, e ✨Fis a Lòm nan va livre a chèf prèt yo avèk skrib yo; epi yo va kondane Li a lanmò, e yo va livre li a Payen yo. <sup>34</sup> Epi y ap moke L, ✨krache sou Li, bay Li gwo kout fwèt, e touye L; epi twa jou pita, L ap leve ankò.”

<sup>35</sup> ✨Jacques, Jean, avèk de fis Zébédée yo te vin kote L e te di L: “Mèt, nou vle ke Ou fè pou nou nenpòt sa ke nou mande Ou”.

<sup>36</sup> Li te di yo: “Kisa nou vle M fè pou nou”?

<sup>37</sup> Yo te di L: “Bannou dwa pou nou ✨kapab chita nan glwa Ou, youn sou bò dwat Ou, e youn sou bò gòch Ou na glwa Ou.

✨ 10:15 Mat 18:3 ✨ 10:16 Mc 9:36 ✨ 10:17 Mat 19:16-30 ✨ 10:17 Mat 25:34 ✨ 10:19 Egz 20:12-16 ✨ 10:20 Mat 19:20 ✨ 10:21 Mat 6:20 ✨ 10:23 Mat 19:23 ✨ 10:24 Mc 1:27 ✨ 10:25 Mat 19:24 ✨ 10:27 Mat 19:26 ✨ 10:28 Mat 4:20-22 ✨ 10:29 Mat 6:33 ✨ 10:30 Mat 12:32 ✨ 10:31 Mat 19:3 ✨ 10:32 Mat 20:17-19 ✨ 10:33 Mc 8:31 ✨ 10:34 Mat 16:21 ✨ 10:35 Mat 20:20-28 ✨ 10:37 Mat 19:28

<sup>38</sup> Men Jésus te di yo: ✨“Nou pa konnen sa n ap mande a. Èske nou kapab bwè tas ke M ap bwè a, oubyen batize avèk batèm ke Mwen ap batize a?”

<sup>39</sup> Yo te di L: “Nou kapab”. Epi Jésus te di yo: “Tas ke M ap bwè a, ✨nou ap bwè; epi nou ap batize avèk menm batèm ke M ap batize a. <sup>40</sup> Men pou chita bò dwat Mwen, oubyen bò gòch Mwen an, sila a se pa pa M nan pou M ta bay; ✨men se pou sila ke li te prepare yo.”

<sup>41</sup> ✨Lè yo tande sa, dis lòt yo te kòmanse santi ke yo te mekontan avèk Jacques ak Jean.

<sup>42</sup> Konsa, Jésus te rele yo a Li menm, e te di yo: “Nou konnen ke sila ki rekonèt kon chèf pami Payen yo domine sou yo; epi gwo chèf yo egzèsè otorite sou yo. <sup>43</sup> Men li pa konsa pami nou menm, ✨men nenpòt moun ki vle vin gran pami nou, va sèvi nou; <sup>44</sup> E nenpòt moun ki vle premye pami nou, va vin esklav a nou tout. <sup>45</sup> Paske menm Fis a Lòm nan ✨pa t vin pou yo sèvi Li, men pou bay vi li kon yon ranson pou anpil lòt.”

<sup>46</sup> ✨Konsa yo te rive Jéricho. E pandan Li t ap kite Jéricho avèk disip Li yo e yon gwo foul, yon avèg ki t ap mande, ke yo te rele Bartimée, fis a Timée, te chita akote wout la. <sup>47</sup> Lè l tande ke se te Jésus, Nazareyen an, li te kòmanse kriye fò e te di: “Jésus, ✨Fis a David la, gen pitye pou mwen!”

<sup>48</sup> E anpil moun t ap pale ak li sevèman pou li ta pe la, men li te kriye pi fò: ✨“Fis a David la:” gen pitye pou mwen!”

<sup>49</sup> Konsa, Jésus te rete e te di: “**Rele Li.**”

Epi yo te rele avèg la, e te di l: ✨“Pran kouraj, leve kanpe! L ap rele ou.”

<sup>50</sup> Li te jete akote gwo vètman li, te vòltije kanpe byen vit, e te rive kote Jésus.

<sup>51</sup> Jésus te reponn li, e te di l: “**Kisa ou vle M fè pou ou?**”

Mesye avèg la te di L: “Rabouni (ki vle di Mèt), mwen vle wè ankò!” ✨

<sup>52</sup> Epi Jésus te di l: “**Ale; lafwa ou fè ou geri.**”

Lapoula, li te wè ankò e li t ap swiv Li sou wout la.

## 11

<sup>1</sup> ✨Pandan yo t ap pwoche Jérusalem, nan Bethphagé avèk Béthanie, toupre mòn Oliv la, Li te voye de nan disip Li yo, <sup>2</sup> Epi Li te di yo: “**Ale nan bouk ki anfas nou an, e pandan n ap antre, nou ap twouve yon ti bourik mare, ki poko menm monte; demare li e mennen l isit la. <sup>3</sup> Si yon moun di nou: ‘Poukisa n ap fè sa?’, di l: ‘Senyè a gen bezwen li’; e konsa, l ap voye l isit la.**

<sup>4</sup> Epi yo te ale, e te twouve yon ti bourik mare toupre pòt la, deyò nan lari a, e yo te demare li.

<sup>5</sup> Konsa, kèk nan sila ki te la yo t ap di yo: “Kisa nou ap fè la a; n ap demare ti bourik la?”

<sup>6</sup> E yo te pale yo jan Jésus te di a, e yo te bay yo dwa pran l.

<sup>7</sup> Yo te ✨pote ti bourik la bay Jésus, e te mete vètman yo sou li; epi Li te chita sou li.

<sup>8</sup> Epi anpil moun te tann vètman yo sou wout la, e lòt t ap sèvi branch fèy ke yo te koupe nan chan. <sup>9</sup> Sila ki te ale devan yo ak sila ki t ap swiv yo, t ap kriye fò: “Ozana! ✨Beni se Sila a ki vini nan Non SENYÈ a; <sup>10</sup> Beni se wayòm zansèt nou David, k ap vini an; Ozana ✨nan pi wo a.”

<sup>11</sup> ✨Jésus te antre Jérusalem e te antre nan tanp lan. Lè Li te fin gade

✨ **10:38** Mat 20:22 ✨ **10:39** Trav 12:2 ✨ **10:40** Mat 13:11 ✨ **10:41** Mc 10:42-45 ✨ **10:43** Mat 20:26 ✨ **10:45** Mat 20:28 ✨ **10:46** Mat 20:29-34 ✨ **10:47** Mat 9:27 ✨ **10:48** Mat 9:27 ✨ **10:49** Mat 9:2 ✨ **10:51** Mat 23:7 ✨ **11:1** Mat 21:1-9 ✨ **11:7** Mat 21:4-9 ✨ **11:9** Sòm 118:26 ✨ **11:10** Mat 21:9 ✨ **11:11** Mat 21:12

sou tout bagay, ✨Li te kite la pou Béthanie avèk douz yo akoz ke li te deja ta.

12 Nan demen, lè yo te kite Béthanie, Li te vin grangou. ✨ 13 E Li te wè nan distans, yon pye fig etranje avèk tout fèy yo. Li te ale pou wè si petèt li t ap twouve kèk bagay sou li. Lè l rive, li pa t twouve anyen sof ke fèy yo, paske li pa t nan sezon fwi. 14 E Li te pale a li: **“Ke pèsòn pa janm manje fwi ki sòti nan ou ankò!”**

E disip Li yo t ap koute L.

15 ✨Konsa yo te rive Jérusalem. Li te antre nan tanp lan e te kòmanse voye deyò sila ki t ap achte ak vann nan tanp lan; Li te chavire tab a sila ki t ap chanje lajan yo ak chèz a sila ki t ap vann toutrèl yo. 16 Epi Li pa t ap kite pèsòn pase nan tanp lan avèk machandiz. 17 Li te kòmanse enstwi e di yo: **“Èske li pa ekri: ✨Lakay Mwen an ap rele yon Kay Lapriyè pou tout nasyon yo? Men nou fin fè l vin yon kav kote vòlè kache.”**

18 Chèf prèt yo avèk skrib yo te tandè, e yo ✨te kòmanse ap chèche jan pou detwi Li; paske yo te pè Li akoz tout foul la te etone pa prensip ke Li te bay yo.

19 ✨Lè aswè te rive, yo te konn ale deyò vil la.

20 ✨Pandan yo t ap pase nan granmmaten, yo vin wè ke pye fig etranje a te seche jis rive nan rasin.

21 Epi Pierre te sonje, e te di Li: ✨“Rabbi, gade pye fig frans ke Ou te modi a gen tan vin sèch”.

22 Jésus te reponn e te di yo: ✨**“Metè lafwa nan Bondye. 23 Anverite, Mwen di nou, nenpòt moun ki di a mòn sa a: ‘Retire ou la e ale jete ou nan lanmè, san doute nan kè l, men kwè ke sa li di a va rive, sa va rive. ✨ 24 Pou sa, Mwen di nou, pou ✨tout bagay ke nou priye e mande, kwè ke nou gen tan resevwa l deja, e li va fèt.**

25 **Nenpòt lè ke n ap kanpe pou fè lapriyè, ✨si nou gen yon bagay kont yon moun, padone l, pou Papa nou osi, ki nan syèl la kapab padone nou pou ofans pa nou yo. 26 ✨ Men si nou pa padone, Papa nou nan syèl la p ap padone ofans pa nou yo nonplis.**

27 Konsa, yo te rive ankò Jérusalem. ✨E pandan Li t ap mache nan tanp lan, chèf prèt yo avèk skrib yo ak ansyen yo te vin kote L.

28 Yo te di L: **“Pa ki otorite W ap fè bagay sa yo; oubyen kilès ki te bay Ou otorite sa a pou fè bagay sa yo?”**

29 Epi Jésus te di yo: **“M ap poze nou yon kesyon, e nou va reponn Mwen; epi konsa, Mwen menm, M ap di nou pa ki otorite Mwen fè bagay sa yo. 30 Èske batèm a Jean an te sòti nan syèl la, oubyen nan lòm? Reponn Mwen.”**

31 Yo te rezone pami yo menm e t ap di: **“Si nou di ‘nan syèl la, l ap di poukisa nou pa t kwè li? 32 Men èske nou kapab di de lòm?’** Akoz yo te pè foul la, paske yo tout te konsidere ke Jean te vrèman yon pwofèt.

33 Yo te reponn Jésus e te di: **“Nou pa konnen”.**

Konsa, Jésus te di yo: **“Nonplis, Mwen p ap di nou pa ki otorite Mwen fè bagay sa yo”.**

✨ 11:11 Mat 21:17 ✨ 11:12 Mat 21:18-22 ✨ 11:15 Jn 2:13-16 ✨ 11:17 És 56:7; Jr 7:11 ✨ 11:18 Mat 21:46 ✨ 11:19 Mat 21:17 ✨ 11:20 Mat 21:19-22 ✨ 11:21 Mat 23:7 ✨ 11:22 Mat 17:20 ✨ 11:23 Mat 17:20 ✨ 11:24 Mat 7:7 ✨ 11:25 Mat 6:14 ✨ 11:26 Mat 6:15 ✨ 11:27 Mat 21:23-27

## 12

<sup>1</sup> Konsa, Li te kòmanse pale yo an parabòl: ✨“Yon nonm te plante yon jaden rezen, e te antoure l avèk yon miray e te fouye yon basen anba pèz diven an. Li te bati yon kay gad byen wo; li te lwe l a kiltivatè yo, e li te fè yon vwayaj. <sup>2</sup> Nan lè rekòlt la, li te voye yon esklav li kote kiltivatè yo pou l ta kapab resevwa kèk nan pwodwi jaden an nan men a kiltivatè yo. <sup>3</sup> Konsa, yo te pran li; yo te bat li, e te voye li ale men vid. <sup>4</sup> Ankò li te voye yon lòt esklav; yo te blese li nan tèt, e te maltrete l byen maltrete. <sup>5</sup> Epi li voye yon lòt; e sila a yo te touye. E anpil lòt; kèk yo te bat, e kèk yo te touye.

<sup>6</sup> Li te gen youn anplis, yon fis byeneme; e an dènye lye, li te voye li bay yo e te di: ‘Yo va respekte fis mwen an’.

<sup>7</sup> Men kiltivatè rezen sa yo te di youn ak lòt: “Sa se eritye a; vini, annou touye l e jete l deyò jaden an, e eritaj la ap vin pou nou!” <sup>8</sup> Epi yo te pran li, yo te touye li, e te jete li deyò jaden an.

<sup>9</sup> Kisa mèt jaden an ap fè? Li va vin detwi kiltivatè rezen yo, e li va bay jaden an a lòt moun. <sup>10</sup> Èske nou pa t menm li ekriti sila a?: ✨“Wòch ke moun ki t ap bati yo te refize a; sila a te devni wòch ang prensipal la. <sup>11</sup> ✨Sa te vin rive soti nan Bondye, e se yon mèvèy nan zye nou.’”

<sup>12</sup> Konsa, yo t ap chache sezi li; malgre yo te pè foul la, paske yo te konprann ke Li te pale parabòl sa a kont yo menm. Konsa, ✨yo te kite Li e te ale.

<sup>13</sup> Yo te voye kèk nan Farizyen yo ak Ewodyen yo a Li menm pou yo ta kapab pran l nan pèlen avèk pwòp pawòl Li. ✨ <sup>14</sup> Yo te vini, e te di Li: “Mèt, nou konnen ke Ou bay verite a, e Ou pa nan patipri a pèsòn, men enstwi chemen Bondye a ak verite:” Èske li pèmi pou peye taks a César; wi, oubyen non?

<sup>15</sup> Èske n ap peye, oubyen èske nou p ap peye?” Men Li menm ki te konnen se ipokrit yo t ap fè, Li te di yo: “**Poukisa nou ap tante Mwen? Pote ban m yon denye (kòb peyi a) pou M gade l.**”

<sup>16</sup> Epi yo te pote l.

Li te di yo: “**Se imaj ak non a ki moun ki la a?**”

Epi yo te di Li: “Se pou César”.

<sup>17</sup> E Jésus te di yo: ✨“**Bay César bagay sila a ki pou César yo, e a Bondye bagay ki pou Bondye yo.**” E yo te etone de Li menm.

<sup>18</sup> Alò, ✨Sadiseyen yo, ki di ke nanpwen rezirèksyon, te vin kote L e te kesyone L. Yo te di: <sup>19</sup> “Mèt, Moïse te ekri pou nou ke ✨‘Si frè a yon nonm mouri, e kite dèyè l madanm li, san li pa gen pitit, ke frè l la dwe pran madanm nan pou fè yon eritye pou frè li a.’ <sup>20</sup> Te gen sèt frè; epi premye a te pran yon madanm, e li te mouri san fè eritye. <sup>21</sup> Epi dezyèm nan te pran l, e te mouri san kite eritye; epi twazyèm nan menm jan an, <sup>22</sup> Epi menm jan an tout sèt yo, san kite eritye. An dènye lye, fanm nan te mouri tou. <sup>23</sup> Nan rezirèksyon an, lè yo leve ankò, se madanm a kilès l ap ye? Paske tout sèt yo te genyen l kòm madanm.”

<sup>24</sup> Jésus te di yo: “**Èske se pa pou rezon sa a ke nou twonpe nou an; paske nou pa konprann ni ekriti yo ni pouvwa Bondye?** <sup>25</sup> Paske lè yo leve soti nan lanmò, yo p ap marye, ni bay moun nan maryaj, men yo ap tankou zanj nan syèl yo. <sup>26</sup> Men konsènan fè ke mò yo leve ankò a, èske nou pa t

li nan ✨pasaj liv Moïse la, devan ti bwa brile a, ke Bondye te pale l e te di l: Mwen menm se Bondye Abraham nan, Bondye Isaac ak Bondye Jacob la?’

27 ✨Li pa Bondye a mò yo, men a vivan yo; nou menm nou byen twonpe nou.

28 ✨Youn nan skrib yo te vini e te tande y ap diskite; akòz ke li te konprann ke Li te reponn yo byen, li te mande L: “Ki kòmandman ki pi enpòtan an?”

29 Epi Jésus te reponn: “Pi enpòtan an se ✨ ‘Tande O Israèl! SENYÈ, Bondye nou an se Yon Sèl SENYÈ a; 30 ✨Epi ou va renmen SENYÈ ou a, Bondye ou a avèk tout kè ou, avèk tout nanm ou, avèk tout lespri ou, e avèk tout fòs ou.’

31 Dezyèm nan se sa: ✨‘Ou va renmen vwazen ou an tankou tèt ou.’ Nanpwen lòt kòmandman pi gran pase sa yo.”

32 Epi skrib la te di L: “Se sa Mèt, Ou vrèman pale ke ✨Li se Youn, e nanpwen lòt sof ke Li Menm. 33 ✨E pou renmen Li avèk tout kè nou, avèk tout konprann nou, e avèk tout fòs nou, e pou renmen vwazen nou tankou tèt ou, se bokou plis pase tout ofrann brile avèk sakrifis.”

34 E lè Jésus te wè ke li te reponn avèk bon konprann, Li te di li: “Ou pa lwen wayòm Bondye a”.

✨Aprè sa, pèsòn pa t tante poze Li okenn lòt kesyon.

35 ✨Jésus te kòmanse di pandan Li t ap enstwi nan tanp lan: “Kijan sa rive ke skrib yo di ke Kris la se fis a David la? 36 Menm David te di nan Lespri Sen an: ✨‘SENYÈ a te di a Senyè Mwen an, chita sou men dwat Mwen, jouk lè ke M mete tout lènmi Ou yo anba pye Ou.’” 37 David li menm rele Li ‘Senyè’, e nan ki sans Li kapab fis Li?”

Epi ✨gwo foul la te kontan tande Li.

38 ✨Nan enstriksyon Li, Li t ap di: “Fè atansyon kont skrib yo ki renmen mache toupatou ak gwo vètman, e ki renmen resevwa salitasyon ak respè nan mache a. 39 Ak premye plas nan sinagòg yo, ak pozisyon lonè nan bankè yo, 40 ✨Ki devore kay vèv yo, e pou parèt byen, yo fè gwo priyè. Sila yo ap resevwa yon pi gwo kondanasyon.”

41 ✨Li te chita anfas trezò tanp lan, e te kòmanse gade jan foul la t ap mete kòb yo nan trezò a; anpil moun rich t ap mete gwo lajan ladann.

42 Epi yon vèv malere te vin mete ladann de ti kòb an kwiv ki te gen valè a yon santim.

43 Li te rele disip Li yo a Li menm e Li te di yo: “Anverite Mwen di nou, vèv malere sila a te mete plis pase tout lòt ki bay nan trezò a; 44 Paske yo tout te mete selon fòs sa yo te genyen; men, malgre li te malere, li te mete tout sa li te posede, tout sa ke li te gen ✨pou li viv.

## 13

1 ✨Pandan Li t ap sòti nan tanp lan, youn nan disip Li yo te di Li: “Mèt, gade! A la bèl wòch, e a la bèl konstriksyon!”

2 Epi Jésus te di li: “Ou wè gwo konstriksyon sa yo? ✨Pa menm yon wòch va rete sou yon lòt ki p ap dekonble.

3 Pandan Li te chita sou ✨Mòn Oliv la, anfas tanp lan, Pierre avèk Jacques e Jean ak André t ap kesyone L an prive. 4 “Di nou kilè bagay sa yo ap rive, e kisa k ap yon sign pou lè tout bagay sa yo va akonpli.”

✨ 12:26 Luc 20:37; Egz 3:6 ✨ 12:27 Mat 22:32 ✨ 12:28 Luc 10:25-28 ✨ 12:29 Det 6:5 ✨ 12:30 Det 6:5 ✨ 12:31 Lev 19:18 ✨ 12:32 Det 4:35 ✨ 12:33 Det 6:5; I Sam 15:22 ✨ 12:34 Mat 22:46 ✨ 12:35 Mat 22:41-46 ✨ 12:36 Sòm 110:1 ✨ 12:37 Jn 12:9 ✨ 12:38 Mat 23:1-7 ✨ 12:40 Luc 20:47 ✨ 12:41 Luc 21:1-4 ✨ 12:44 Luc 8:43 ✨ 13:1 Mat 24:2 ✨ 13:2 Luc 19:44 ✨ 13:3 Mat 21:1

<sup>5</sup> Epi Jésus te kòmanse di yo: “Veye ke pèsòn pa mete nou nan erè. <sup>6</sup> Anpil va vini nan non Mwen, e y ap di: ✨Mwen se Li menm!” Epi y ap mete nou nan anpil erè. <sup>7</sup> Lè nou tandè afè lagè ak bwi lagè, pa enkyete nou; fòk sa fèt, men se pa lafen. <sup>8</sup> Paske nasyon va leve kont nasyon, e wayòm kont wayòm. Va gen tranbleman de tè nan plizyè andwa, va gen famin. Bagay sa yo se sèlman kòmansman a doulè nesans lan.

<sup>9</sup> Men veze nou; paske y ap ✨livre nou devan tribinal yo, e nou va resevwa kout fwèt nan sinagòg yo, e nou va kanpe devan gouvènè avèk wa yo pou koz a non Mwen, kon yon temwayaj a yo menm. <sup>10</sup> Men, premyèman, fòk ✨bòn nouvèl la preche a tout nasyon yo. <sup>11</sup> ✨Lè yo arete nou, e livre nou, pa enkyete nou an avans pou sa ke nou va di, men di nenpòt sa ke nou resevwa nan lè sa a; paske se pa nou ki pale, men Lespri Sen an.

<sup>12</sup> Epi frè va livre frè a lanmò, e yon papa, pitit li; e pitit yo va leve kont paran yo, e fè mete yo a lanmò. <sup>13</sup> ✨Nou va rayi pa tout moun akòz non Mwen, men sila a ki pèsevere jiska lafen an; li va sove.

<sup>14</sup> Men ✨lè nou wè Abominasyon Dezolasyon an, sila ke Daniel te pale a, k ap kanpe kote li pa ta dwe ye (ke sila k ap li sa a konprann), alò, kite sila ki nan Juda yo kouri ale nan mòn yo. <sup>15</sup> ✨Epi kite sila ki sou do kay yo pa desann antre ladann pou pran anyen nan kay la. <sup>16</sup> Epi kite sila ki nan chan an pa retounen pran vètman li. <sup>17</sup> Men malè a sila avèk pitit nan vant yo, ak sila ki nouris nan jou sa yo.

<sup>18</sup> Men priye ke sa pa rive nan sezon fwedi; <sup>19</sup> Paske jou sa yo va yon tribilasyon ki pa janm fèt ✨depi kòmansman kreyasyon an ke Bondye te fè jouk koulye a e ki p ap janm fèt ankò.

<sup>20</sup> Anmwens ke Bondye te fè jou sa yo pi kout, nanpwen lavi ki t ap sove; men pou koz a eli ke Li te chwazi yo, Li te fè yo vin pi kout. <sup>21</sup> E alò, si nenpòt moun ta di nou: “Men Kris la isit la”, oubyen: “Gade, Li la”; pa kwè li. <sup>22</sup> Paske fo Kris yo ak fo pwofèt yo va parèt, e va montre nou ✨sign ak mèvèy jis, si te posib, pou sedwi menm eli yo. <sup>23</sup> Men fè atansyon, gade byen, Mwen te di nou tout bagay davans.

<sup>24</sup> Men nan jou sa yo, apre tribilasyon sila yo, solèy la ap vin nwa fonsè e lalin nan p ap bay limyè. ✨ <sup>25</sup> ✨Epi zetwal yo va ap tonbe soti nan syèl la, e pouvwa ki nan syèl yo va souke nèt.

<sup>26</sup> Epi yo va wè ✨Fis a Lòm nan k ap vini nan nyaj yo avèk gwo pouvwa avèk glwa. <sup>27</sup> E konsa, Li va voye zanj Li yo, e yo va ✨ranmase tout eli Li yo, soti nan kat van yo, jis rive nan pwent tè ki pi lwen an, jouk nan pwent syèl ki pi lwen an.

<sup>28</sup> Alò, konprann parabòl de pye fig etranje a. Lè branch li vin vèt, e l ap pouse fèy, nou konnen ke gran sezon an prèt pou rive. <sup>29</sup> Menm jan an nou menm, lè nou wè bagay sa yo ap fèt, rekonèt ke Li menm Li prè, Li nan pòt la menm. <sup>30</sup> Anverite Mwen di nou, jenerasyon sila p ap gen tan pase jouk lè ke tout bagay sa yo fèt. <sup>31</sup> Syèl la ak latè ap pase, men pawòl pa M yo p ap pase.

<sup>32</sup> ✨Men de jou sa a, oubyen lè sa a, pèsòn pa konnen, pa menm zanj ki nan syèl yo, ni Fis la, men sèl Papa a. <sup>33</sup> Fè atansyon, ✨ rete vijilan, paske nou pa konnen lè a. <sup>34</sup> ✨Se tankou yon mesye ki sòti nan yon vwayaj ki

✨ **13:6** Jn 8:24 ✨ **13:9** Mat 10:17 ✨ **13:10** Mat 24:14 ✨ **13:11** Mat 10:19-22 ✨ **13:13** Mat 10:22 ✨ **13:14** Mat 24:15 ✨ **13:15** Luc 17:31 ✨ **13:19** Dan 12:1 ✨ **13:22** Mat 24:24 ✨ **13:24** És 13:10 ✨ **13:25** És 34:4 ✨ **13:26** Dan 7:13 ✨ **13:27** Det 30:4 ✨ **13:32** Mat 24:36 ✨ **13:33** Ef 6:18 ✨ **13:34** Luc 12:36-38

kite kay li e mete esklav li yo responsab. Li te bay a chak moun, tach li, e osi a gadyen pòt la, pou l ta rete vijilan.

<sup>35</sup> Pou sa, rete vijilan; paske nou pa konnen kilè mèt kay la ap parèt; si se nan aswè, a minwi, oubyen ✨lè kòk la chante granmmaten; <sup>36</sup> Sof ke li ta vini sibitman, e twouve nou nan dòmi, ✨ <sup>37</sup> E sa ke Mwen di nou an, Mwen di li a tout moun; ✨“rete vijilan”.

## 14

<sup>1</sup> ✨Alò, Pak Jwif la avèk Pen San Ledven an, t ap fète nan de jou; e chèf prèt avèk skrib yo t ap chache kijan pou yo ta sezi L pa riz pou touye Li.

<sup>2</sup> Paske yo t ap di: “Pa pandan fèt la otreman sa kab fè pèp la fè twoub.”

<sup>3</sup> ✨Pandan Li te Béthanie lakay Simon, lepre a, e yo te chita sou tab la, yon fanm te vini avèk yon bokal alabat, ranpli avèk nard ki te koute byen chè. Epi li te kraze bokal la, e te vide li sou tèt Li.

<sup>4</sup> Men kèk moun te mekontan e te pale youn ak lòt: “Poukisa l ap gaspiye pafen sila a? <sup>5</sup> Paske pafen sila a ta kapab vann pou plis ke twa san denye (fòs kòb yon jou travay) e li ta kab bay a malere yo.” E yo t ap kritike l.

<sup>6</sup> Men Jésus te di: “Lese li; poukisa nou ap twouble li? Li fè M yon bon zèv. <sup>7</sup> Paske ✨malere yo ap toujou la avèk nou, e nenpòt lè nou vle, nou kapab fè byen pou yo; men Mwen menm, M p ap la tout tan. <sup>8</sup> Li fè sa li ta kapab; ✨li te fè onksyon kò M davans, pou lantèman an. <sup>9</sup> Anverite Mwen di nou: ✨Nenpòt kote ke bòn nouvèl la va preche nan tout lemond, sa ke fanm sa a fè a, li va pale nan memwa li.”

<sup>10</sup> ✨Epi Judas Iscariot, ki te youn nan douz yo, te ale bò kote chèf prèt yo pou li ta kapab trayi Jésus a yo menm. <sup>11</sup> E yo te kontan lè yo te tandè sa, e te pwomèt li lajan. Epi li t ap chache kijan pou trayi Li nan yon moman favorab.

<sup>12</sup> ✨Nan premye jou Pen San Ledven an, lè jenn mouton Pak la t ap touye kon sakrifis la, disip Li yo te di Li: “Kote Ou vle nou ale pou prepare pou Ou kapab manje Pak la?”

<sup>13</sup> Epi Li te voye de nan disip Li yo e te di yo: “Antre nan vil la, e yon mesye k ap pote yon krich dlo ap rankontre nou. Swiv li. <sup>14</sup> Epi nenpòt kote li antre, di a mèt kay la: ‘Mèt la di: “Kote chanm ✨vizitè Mwen an, pou M kab manje Pak la avèk disip Mwen yo?” ’” <sup>15</sup> “Epi li menm va montre nou yon gran chanm anlè, byen meble e prè. Prepare pou nou la.

<sup>16</sup> Konsa, disip yo te sòti e te vini nan vil la, e yo te twouve l jan ke Li te eksplike yo a; e yo te prepare Pak la la.

<sup>17</sup> ✨Lè li te fènwa, li te vini avèk douz yo.

<sup>18</sup> Epi pandan yo te chita a tab e t ap manje, Jésus te di: “Anverite, Mwen di nou ke youn nan nou va trayi Mwen; youn k ap manje avè M.”

<sup>19</sup> Yo te kòmanse tris, e te di Li youn pa youn: “Asireman se pa mwen!”

<sup>20</sup> Li te di yo: “Se youn nan douz yo; youn ki tranpe manje l nan veso ansanm avè M nan.” <sup>21</sup> Paske Fis a Lòm nan gen pou ale, jan ke sa ekri sou Li a; men malè a nonm sa a pa li menm Fis a Lòm nan trayi a. Li t ap pi bon pou li si li pa t janm fèt.”

<sup>22</sup> ✨Pandan yo t ap manje, Li te pran pen an, e apre yon benediksyon, Li te kase li; e te bay yo, e te di: “Pran sa; se kò Mwen.”

✨ 13:35 Mc 14:30 ✨ 13:36 Wo 13:11 ✨ 13:37 Mat 24:42 ✨ 14:1 Mat 26:2-5 ✨ 14:3 Luc 7:37-39 ✨ 14:7 Det 15:11 ✨ 14:8 Jn 19:40 ✨ 14:9 Mat 26:13 ✨ 14:10 Mat 26:14-16 ✨ 14:12 Mat 26:17-19 ✨ 14:14 Luc 22:11 ✨ 14:17 Jn 13:18 ✨ 14:22 Mc 10:16



<sup>23</sup> Epi lè Li te pran yon tas, e te bay gras, Li te bay yo li, e yo tout te bwè ladann. <sup>24</sup> Epi Li te di yo: “Sa se ✨san akò Mwen ki vèsè pou anpil moun. <sup>25</sup> Anverite Mwen di nou, Mwen p ap janm bwè fwi rezen ankò jouk jou ke M bwè l de nouvo nan wayòm Bondye a.”

<sup>26</sup> ✨Aprè yo te fin chante yon kantik, yo ale deyò nan Mòn Oliv la.

<sup>27</sup> ✨Epi Jésus te di yo: “Nou tout va gaye; paske sa ekri: ✨Mwen va frape atè bèje a, e mouton yo va gaye’.

<sup>28</sup> Men apre M fin leve, ✨M ap prale devan nou Galilée.”

<sup>29</sup> Men Pierre te di Li: “Menm si tout moun gaye; mwen menm, m p ap fè sa.”

<sup>30</sup> Epi Jésus te di l: “Anverite, Mwen di ou, ke, ✨nan menm nwit sa a, ou va nye Mwen twa fwa avan ✨kòk la gen tan chante de fwa.

<sup>31</sup> Men Pierre te kontinye pèsiste: “Menm si mwen oblije mouriri avè Ou, Mwen p ap nye Ou. Epi yo tout t ap di menm bagay la tou.

<sup>32</sup> ✨Yo te vini nan yon plas yo te rele Gethsémané, e Li te di disip Li yo: “Chita isit la jouk lè ke M fin priye.”

<sup>33</sup> Epi Li te ✨pran avè L Pierre, Jacques, ak Jean, yo te kòmanse trè enkyete, e twouble. <sup>34</sup> Li te di yo: ✨“Nanm Mwen gen yon tristès pwofon; jis nan pwen pou M mouriri. Rete la e veye toujou.

<sup>35</sup> Epi Li te ale yon ti kras pi devan, te tonbe atè e te kòmanse priye pou si se te posib, pou ✨lè sa a ta kapab pase de Li. <sup>36</sup> Epi Li t ap di: ✨“Abba! Papa! Tout bagay posib pou Ou; retire tas sa a sou Mwen. ✨Malgre pa kon Mwen vle a, men kon Ou vle a.”

<sup>37</sup> Li vini e twouve yo t ap dòmi, e te di Pierre: “Simon, èske w ap dòmi? Èske ou pa t kapab rete veye pou yon sèl èdtan? <sup>38</sup> ✨Kontinye veye e priye pou ou pa antre nan tantasyon; lespri a dispoze, men chè a fèb.

<sup>39</sup> Epi yon lòt fwa Li te ale priye, e te di menm mo yo. <sup>40</sup> Epi ankò, Li te vini e te twouve yo t ap dòmi, paske zye yo te byen lou; epi yo pa t konnen kisa pou yo ta di Li.

<sup>41</sup> Epi Li te vini yon twazyèm fwa e te di yo: “Èske nou ap dòmi toujou e pran repo nou? Sa sifi; ✨lè a fin rive; gade, Fis a Lòm nan ap trayi nan men pechè yo. <sup>42</sup> Leve, annou ale; gade, sila a ki trayi M nan parèt.”

<sup>43</sup> ✨Nan menm moman an, pandan Li te toujou ap pale, Judas, youn nan douz yo, te vin parèt, akonpanye pa yon fowl avèk nepe ak baton ki te sòti nan chèf prèt yo, avèk skrib yo, ak ansyen yo.

<sup>44</sup> Alò, sila ki t ap trayi Li a, te bay yo yon siyal lè l te di: “Nenpòt moun ke m bo, se Li menm; sezi Li e mennen Li ale anba gad yo.” <sup>45</sup> Apre li vini, l ale nan menm moman an bò kote Li, e te di: ✨“Mèt”, e te bo Li.

<sup>46</sup> Yo te mete men sou Li e te sezi Li. <sup>47</sup> Men yon sèten mesye nan sila ki te kanpe la yo te rale nepe li; li te frape esklav a wo prèt la, e te koupe retire zòrèy li.

<sup>48</sup> Jésus te reponn e te di yo: “Èske nou vini avèk nepe ak baton pou arete M, konsi nou ta kab kont yon vòlè? <sup>49</sup> Chak jou Mwen te avèk nou ✨ nan tanp la ap enstwi, e nou pa t janm sezi M; men sa fèt pou Ekriti yo kapab akonpli.” <sup>50</sup> Epi yo tout te kouri kite Li.

✨ 14:24 Egz 24:8 ✨ 14:26 Mat 26:30 ✨ 14:27 Mat 26:31-35 ✨ 14:27 Za 13:7 ✨ 14:28 Mat 28:16 ✨ 14:30 Mat 26:34 ✨ 14:30 Mc 14:68-72 ✨ 14:32 Mat 26:36-46 ✨ 14:33 Mc 9:15 ✨ 14:34 Mat 26:38 ✨ 14:35 Mat 26:45 ✨ 14:36 Wo 8:15 ✨ 14:36 Mat 26:39 ✨ 14:38 Mat 26:41 ✨ 14:41 Mc 14:35 ✨ 14:43 Mat 26:47-56 ✨ 14:45 Mat 23:7 ✨ 14:49 Mc 12:35

<sup>51</sup> Yon sèten jennonm t ap swiv Li, abiye sèl ak yon dra lèn ki kouvri kò l toutouni, e yo te sezi li. <sup>52</sup> Men li te rale kò l pou l kite dra a, e chape toutouni.

<sup>53</sup> ✧ Yo te mennen Jésus ale vè wo prèt la; epi tout chèf prèt avèk ansyen yo, ak skrib yo te reyini ansanm.

<sup>54</sup> Pierre te swiv Li a yon distans, jouk L antre nan lakou wo prèt la; e li te chita avèk ofisye yo e t ap ✧chofe kò li bò kote dife a.

<sup>55</sup> Alò, chèf prèt yo avèk tout ✧konsèy la t ap eseye twouve temwayaj kont Jésus, pou mete L a lanmò; men yo pa t twouve anyen. <sup>56</sup> Paske anpil t ap bay fo temwayaj kont Li, e temwayaj yo pa t koresponn. <sup>57</sup> Kèk te kanpe e te bay fo temwayaj kont Li e te di: <sup>58</sup> Nou te tandè Li di: ✧“Mwen va detwi tanp sa ki fèt avèk men; e nan twa jou, mwen va bati yon lòt ki fèt san men. <sup>59</sup> Epi menm nan sa a, temwayaj yo pa t koresponn.

<sup>60</sup> Wo prèt la te leve; li te vini devan, e te kesyone Jésus. Li te di: “Èske ou pa reponn kesyon yo? Kisa ke moun sa yo ap temwaye konsa kont ou yo?”

<sup>61</sup> Men Li te rete an silans, e pa t reponn yo. ✧Ankò wo prèt la te poze L kesyon e t ap di Li: “Èske Ou menm se Kris la, Fis a Sila Ki Beni an?”

<sup>62</sup> Jésus te reponn li: **“Se Mwen; e nou va wè ✧ Fis a Lòm nan vin chita bò dwat Pwisans lan, e ✧vini avèk nwaj nan syèl yo.”**

<sup>63</sup> Konsa, wo prèt la te ✧chire rad li e te di: “Kisa nou bezwen kòm temwayaj ankò? <sup>64</sup> Nou tandè ✧blasfèm nan; kisa sa sanble selon nou menm?”

Epi yo tout te kondane Li; ke Li te merite lanmò. <sup>65</sup> Epi kèk te kòmanse ✧krache sou Li, e bat Li avèk kout pwen, e di L: ✧“Pwofetize!” Epi ofisye yo te resevwa L ak kalòt nan figi.

<sup>66</sup> ✧Epi kòm Pierre te anba nan lakou tribinal la, yon fi ki sèvi nan kay a wo prèt la te vini, <sup>67</sup> E lè l wè Pierre ki t ap ✧chofe kò l, li byen gade l e te di: “Ou te la tou avèk Jésus, ✧Nazareyen an.”

<sup>68</sup> Men Li te demanti sa, e te di: “Mwen pa menm konnen, ni konprann, kisa w ap pale a. Epi li ale sou galeri deyò a.

<sup>69</sup> Sèvant kay la te wè li e te kòmanse di ankò a sila ki te la yo: “Sila a se youn nan yo!” <sup>70</sup> Men ankò, li t ap demanti sa a.

E apre kèk tan, sila ki te la yo t ap di ankò a Pierre: “Asireman ou se youn nan yo, ✧paske ou menm osi se yon Galilyen.”

<sup>71</sup> Men li te kòmanse bay madichon e joure: “Mwen pa konnen nonm sila a ke n ap pale a.”

<sup>72</sup> Epi imedyatman, kòk la te chante yon dezyèm fwa. E Pierre te sonje jan Jésus te di l la: **“Avan ✧kòk la chante de fwa, ou va nye M twa fwa.”** Epi li te kòmanse kriye.

## 15

<sup>1</sup> ✧Nan granmmaten, chèf prèt avèk ansyen yo ak skrib yo, e tout konsèy la te reyini lamenn. Yo te mare Jésus e te mennen Li ale pou livre Li bay Pilate.

<sup>2</sup> ✧Pilate te kesyone L: “Èske Ou se Wa a Jwif yo?”

Epi Li te reponn yo e te di li: **“Se jan ou di l la.”**

✧ **14:53** Mat 26:57-68 ✧ **14:54** Mc 14:67 ✧ **14:55** Mat 5:22 ✧ **14:58** Mat 26:61 ✧ **14:61** Mat 26:63 ✧ **14:62** Sòm 110:1 ✧ **14:62** Dan 7:13 ✧ **14:63** Nonb 14:6 ✧ **14:64** Lev 24:16 ✧ **14:65** Mat 26:67 ✧ **14:65** Luc 22:64 ✧ **14:66** Mat 26:69-75 ✧ **14:67** Mc 14:54 ✧ **14:67** Mc 1:24 ✧ **14:70** Mat 26:73 ✧ **14:72** Mc 14:30-68 ✧ **15:1** Mat 27:1 ✧ **15:2** Mat 27:11-14

<sup>3</sup> Chèf prèt yo te akize L byen sevè sou anpil bagay.

<sup>4</sup> Epi Pilate t ap kesyone L ankò e te di: “Kòm si Ou pa reponn? Ou pa wè konbyen akizasyon y ap pote kont Ou?”

<sup>5</sup> Men Jésus \*pa t reponn anplis; jiskaske Pilate te etone.

<sup>6</sup> \*Alò, nan fèt la, li te konn lage pou yo yon prizonye, ki chwazi selon demann pa yo. <sup>7</sup> Epi mesye yo te rele Barabbas la te vin pran prizon an avèk sila ki t ap fè revòlt yo. Se te li ki te touye moun nan soulèvman an. <sup>8</sup> Konsa, foul la te pwoche Pilate, e te kòmanse mande l fè sa ke li te gen abitud fè pou yo a. <sup>9</sup> Pilate te reponn yo e te di: “Èske nou vle ke m ta lage pou nou Wa a Jwif yo?” <sup>10</sup> Paske li te byen konprann ke chèf prèt yo te livre Li akòz jalouzi.

<sup>11</sup> Men chèf prèt yo te chofe foul la \*pou mande l olye sa a, pou li ta lage bay yo Barabbas.

<sup>12</sup> Epi Pilate te reponn yo ankò: “Ebyen, kisa pou m ta fè avèk Li menm ke nou rele Wa Jwif yo?”

<sup>13</sup> Epi yo te rele reponn: “Krisifye Li!”

<sup>14</sup> Men Pilate t ap di yo: “Poukisa; ki mal Li fè? “Men yo te rele pi fò: “Krisifye Li!”

<sup>15</sup> Epi akòz ke li te vle satisfè foul la, Pilate te lage Barabbas pou yo, e apre li te fè yo bat Jésus \*ak fwèt, li te livre L pou krisifye.

<sup>16</sup> \*Sòlda yo te pran L antre nan palè a (sa vle di Pretwa a), epi yo te rele ansanm tout kowòt Women an. <sup>17</sup> Yo te abiye Li an mov, e apre yo te fin trese yon kouwòn zepin, yo te mete l sou tèt Li; <sup>18</sup> Epi yo te kòmanse salye Li: “Sali, Wa a Jwif yo!” <sup>19</sup> Yo te kontinye bat tèt Li avèk yon wozo, yo te krache sou Li, yo te mete yo ajenou, e t ap bese devan Li. <sup>20</sup> Lè yo te fin moke L, yo retire vètman mov la, e te mete pwòp rad Li sou Li. E yo te mennen Li deyò pou krisifye Li. <sup>21</sup> \*Yo te pran yon mesye pa lafòs ki t ap sòti andeyò pou fè l fè kòve; Simon de Cyrène, (papa a Alexandre ak Rufus), pou pote kwa Li a.

<sup>22</sup> E yo te \*mennen Li nan plas Golgotha, ki tradwi kon Plas A Zo Bwatèt.

<sup>23</sup> Yo te eseye bay Li \*diven mele avèk myrr; men Li pa t pran li. <sup>24</sup> Epi yo te krisifye Li e te \*divize vètman Li yo pami yo menm. Yo te fè tiraj osò pou yo detèmine sa ke yo chak ta pran.

<sup>25</sup> Se te nan \*twazyèm lè ke yo te krisifye Li a.

<sup>26</sup> Epi enskripsyon avèk detay akizasyon kont Li an te di: \**“Wa a Jwif yo”*.

<sup>27</sup> Epi yo te krisifye de vòlè avè L; youn sou men dwat Li, e youn sou men goch Li. <sup>28</sup> Epi lekriti sen an te akonpli ki te di: \**“Epi Li te konte pami malfektè yo.”*

<sup>29</sup> E sila ki t ap pase yo t ap voye ensilt; yo t ap \*souke tèt yo e t ap di: *“Gade! Ou menm ki t ap \*detwi tanp lan e rebati li nan twa jou a. <sup>30</sup> Sove tèt Ou, e desann sou kwa a.”*

<sup>31</sup> Menm jan an, chèf prèt yo ansanm avèk skrib yo, t ap moke Li pami yo menm e t ap di: \**“Li te sove lòt yo; Li pa kapab sove tèt Li.” <sup>32</sup> “Ke Kris sa a, Wa Israèl La, desann kwa a koulye a pou nou kapab wè e kwè!”* Epi \*sila ki te krisifye avèk Li yo t ap ensilte L menm jan an.

<sup>33</sup> \*Lè sizyèm lè a te rive, tenèb te tonbe sou tout latè jiska nevyèm

\* 15:5 Mat 27:12 \* 15:6 Mat 27:15-26 \* 15:11 Trav 3:14 \* 15:15 Mat 27:26 \* 15:16 Mat 27:27-31 \* 15:21 Mat 27:32 \* 15:22 Mat 27:33-44 \* 15:23 Mat 27:34 \* 15:24 Sòm 22:18 \* 15:25 Mc 15:33 \* 15:26 Mat 27:37 \* 15:28 És 53:12 \* 15:29 Sòm 22:7 \* 15:29 Mc 14:58 \* 15:31 Mat 27:42 \* 15:32 Mat 27:44 \* 15:33 Sòm 22:1

lè. <sup>34</sup> Epi nan nevyèm lè a, Jèsus te kriye fò avèk yon gwo vwa: “Eloi, Eloi, lama sabachthani?” ki tradwi “Bondye M, Bondye M, poukisa Ou abandone Mwen?”

✧ <sup>35</sup> Lè kèk nan moun ki te la yo tande sa, yo te di: “Gade, L ap rele Élie.

<sup>36</sup> Yon moun te kouri ale pran yon eponj e te ranpli li avèk vinèg si. Li te mete l sou yon wozo, e te bay Li bwè, e te di: “Annou wè koulye a si Élie ap vin fè L desann.”

<sup>37</sup> ✧ Epi Jèsus te pouse yon gwo kri, e te rann dènye souf li.

<sup>38</sup> ✧ Epi vwal tanp lan te chire an de, soti anwo, jis rive anba.

<sup>39</sup> ✧ Lè santenye Women nan, ki te kanpe tou dwat devan Li a, te wè jan Li te rann dènye souf Li a, li te di: “Anverite, nonm sila a se te Fis Bondye a.

<sup>40</sup> ✧ Te gen osi, fanm ki t ap veye a yon distans, e pami yo se te Marie Magdalène, e Marie, manman a Jacques Le Mineur, avèk Joset, e Salomé.

<sup>41</sup> Lè Li te Galilée, yo te konn swiv Li e ✧ sèvi Li, e anpil lòt fanm osi te vin monte avèk Li Jérusalem.

<sup>42</sup> Lè aswè te rive, akòz Jou Preparasyon an, sa vle di, jou avan Saba a,

✧ <sup>43</sup> Joseph Arimathée ✧ te vini. Li te yon manm enpòtan nan Konsèy la, e li osi t ap tann wayòm Bondye a. Li te ✧ ranmase kouraj li pou ale devan Pilate, e li te mande kò Jèsus a.

<sup>44</sup> Pilate te vle konnen si Li te gen tan mouri. Li te rele santenye Women an, e te mande l si li te mouri deja. <sup>45</sup> Epi lè l vin konprann sa selon ✧ santenye Women an, li te bay kò a a Joseph.

<sup>46</sup> Joseph te pote yon twal lèn, te desann Li, e te vlope L nan twal lèn an. Li te mete L nan tonm ki te fouye nan wòch la, e li te woule yon gwo wòch kont antre a tonm nan.

<sup>47</sup> ✧ Marie Magdala, avèk Marie, manman Josès t ap gade pou wè kote yo te mete Li.

## 16

<sup>1</sup> ✧ Lè Saba a te fini, Marie Magdala, avèk Marie, manman a Jacques, ak Salomé, te pote epis pou yo ta kab fè onksyon kò Li. <sup>2</sup> Epi trè bonè, nan premye jou semèn nan, yo te vini nan tonm nan lè solèy la t ap leve, <sup>3</sup> E yo t ap di youn ak lòt: Kilès k ap woule ✧ wòch la sòti nan antre tonm nan pou nou?”

<sup>4</sup> Nan gade anlè, yo te wè ke wòch la te deja gen tan woule sòti, malgre ke li te byen gwo. <sup>5</sup> ✧ Epi lè yo te antre nan tonm nan, yo te wè yon jennonm ki te chita sou bò dwat, abiye ak yon vètman blan, epi yo te sezi.

<sup>6</sup> Li te di yo:” Pa sezi, nou ap chache Jèsus, Nazareyen ki te krisifye a. ✧ Li leve. Li pa isit la. Gade, la se plas kote yo te mete L la. <sup>7</sup> Men ale, pale disip Li yo, ansanm avèk Pierre; ✧ L ap prale devan nou Galilée. La nou va wè Li jan ke Li te di nou an.”

<sup>8</sup> Yo te sòti pou sove ale kite tonm nan akòz tranbleman ak sezisman te gen tan pran yo; e yo pa t di anyen a pèsòn, paske yo te krent.

<sup>9</sup> Alò, apre Li te leve bonè nan premye jou semèn nan, Li te parèt premyèman a ✧ Marie Magdala, moun sou sila ke Li te retire sèt move lespri yo. <sup>10</sup> ✧ Marie te ale bay rapò a sila ki te konn avèk Li yo pandan yo

✧ **15:34** Sòm 22:1 ✧ **15:37** Mat 27:50 ✧ **15:38** Egz 26:31-33 ✧ **15:39** Mat 27:54 ✧ **15:40** Luc 23:49 ✧ **15:41** Mat 27:55 ✧ **15:42** Mat 27:57-61 ✧ **15:43** Mat 27:57 ✧ **15:43** Jn 19:38 ✧ **15:45** Mc 15:39 ✧ **15:47** Mat 27:56 ✧ **16:1** Jn 20:1-8 ✧ **16:3** Mat 27:60 ✧ **16:5** Jn 20:11-12 ✧ **16:6** Mat 28:6 ✧ **16:7** Mat 26:32 ✧ **16:9** Mat 27:56 ✧ **16:10** Jn 20:18

te nan doulè e t ap kriye. <sup>11</sup> E lè yo te tandè ke Li te vivan, e li te wè L, ✧yo te refize kwè sa.

<sup>12</sup> Epi apre sa, Li te parèt nan yon lòt fòm a ✧yo de pandan yo t ap mache fè wout yo andeyò. <sup>13</sup> Epi yo te kite la, e te ale bay rapò a lòt yo, men yo ✧pa t kwè yo nonplis.

<sup>14</sup> Apre, Li te vin parèt a ✧onz yo menm, pandan yo te sou tab; e Li te bay yo repwòch pou enkredilite ak kè di yo, paske yo pa t kwè sila ki te wè l yo apre li te leve a.

<sup>15</sup> Epi Li te di yo: ✧**“Ale nan tout lemonn e preche bòn nouvèl la a tout kreyasyon an.** <sup>16</sup> Epi sila ki kwè e vin batize yo, va sove; men sila ki pa kwè yo, va kondane. ✧ <sup>17</sup> Sign sa yo ap swiv sila ki kwè yo. ✧Nan non pa M, yo va chase move lespri yo; yo va pale an lang tounèf; <sup>18</sup> Yo va kenbe koulèv, e si yo bwè nenpòt pwazon mòtèl, li p ap fè yo anyen; yo va ✧mete men sou malad yo, e y ap refè.”

<sup>19</sup> Alò, lè SENYÈ a te fin pale avèk yo, Li te monte resevwa nan syèl la e te chita sou men dwat Bondye. ✧ <sup>20</sup> Epi yo te ale deyò e te preche toupatou, pandan Senyè a te avèk yo, e te konfime pawòl pa sign ki te swiv yo. Epi nan menm lè a, yo te bay rapò ak tout enstriksyon sila yo bay Pierre ak moun li yo. Apre sa, Jésus li menm te voye atravè yo menm jis soti nan lès pou rive nan lwès, pwoklamasyon sakre e enperisab de sali etènèl la.

## LEVANJIL SELON LUC

<sup>1</sup> Akoz gen anpil moun ki deja antreprann pou rasanble yon listwa de bagay ki te ✨fèt pami nou yo, <sup>2</sup> jis jan ke yo te lonje bay a nou menm pa men a sila yo ki ✨depi nan kòmansman an te wè avèk ✨pwòp zye yo, e kon sèvitè a pawòl la, te fè nou konnen yo. <sup>3</sup> Sa te sanble bon pou mwen tou, akoz ke m te fè yon ankèt konplè depi nan kòmansman an, pou m ekri sa pou nou ta byen konprann jan li te rive a, ✨chè ekselans Théophile; <sup>4</sup> pou ou ta kapab konnen verite egzakt la, selon bagay ke ou te ✨enstwi yo.

<sup>5</sup> Nan jou Hérode yo, wa Juda a, te gen yon sèten prèt ki te rele Zacharie nan ✨divizyon Abijah; epi li te gen yon madanm ki soti nan fi Aaron yo, yo te rele Elizabeth. <sup>6</sup> Yo te toude jis devan zye Bondye, e te mache ✨san fot nan tout kòmandman ak devwa Senyè a. <sup>7</sup> Yo pa t gen pitit, akoz Elizabeth te esteril, e yo toude te avanse nan laj.

<sup>8</sup> Alò, li vin rive ke pandan ✨li t ap fè sèvis prèt la devan Bondye nan pwòp tan divizyon pa l, <sup>9</sup> selon koutim nan pozisyon li kon prèt, li te chwazi pa tiraj osò pou ✨antre nan tanp Senyè a pou brile lansan. <sup>10</sup> Tout foul pèp la t ap priye ✨deyò a nan lè ofrann lansan an.

<sup>11</sup> Konsa, ✨yon zanj Bondye te parèt kote li, e te kanpe adwat lotèl lansan an. <sup>12</sup> Zacharie te twouble lè l te wè li, e ✨lakrent te sezi li.

<sup>13</sup> Men zanj lan te di l: “Ou pa bezwen pè, Zacharie, paske sa ou te mande a, tande nan syèl la e madanm ou, Elizabeth, va fè yon fis pou ou, e ✨ou va nonmen li Jean. <sup>14</sup> Ou va gen lajwa avèk kè kontan, e anpil moun va rejwi nan nesans li.

<sup>15</sup> Paske li va gran nan zye Bondye. Li p ap ✨bwè ni diven, ni gwòg; e li va ranpli avèk Lespri Sen an menm lè l toujou nan vant. <sup>16</sup> Li va fè anpil moun nan fis Israèl yo ✨retounen a Senyè a, Bondye yo a. <sup>17</sup> Se li ki va ale devan Li menm, nan lespri avèk pouvwa Élie a, ✨pou fè kè a papa yo retounen a zanfan yo, e dezobeyisan yo a yon lespri ladwati; pou fè prepare yon pèp pou Bondye.

<sup>18</sup> Zacharie te di a zanj lan: “Kijan m ap fè konnen sa? Paske ✨mwen menm se yon granmoun, e madanm mwen avanse nan laj.”

<sup>19</sup> Zanj lan te reponn li e te di: “Mwen se ✨Gabriel, ki kanpe nan prezans a Bondye; e mwen te voye pou pale ak ou, e pou pote bòn nouvèl sila a. <sup>20</sup> Epi gade, ou va rete an silans nèt, e ou p ap kapab pale jiskaske bagay sa yo rive, paske ou pa t kwè pawòl mwen, ki va akonpli nan pwòp lè pa l la.

<sup>21</sup> Pèp la t ap tann Zacharie, e yo te etone pa reta ke li te fè nan tanp lan.

<sup>22</sup> Men lè l parèt li pa t kapab pale avèk yo; epi yo te vin konprann ke se te yon vizyon ke li te fè nan tanp lan. Li te ✨kontinye fè sign bay yo, e te rete bèbè.

<sup>23</sup> Lè jou a sèvis li kon prèt te fini, li te retounen lakay li. <sup>24</sup> Apre jou sa yo, Elizabeth te vin ansent; epi li te kache pandan senk mwa, e te di: <sup>25</sup> “Se konsa ke Senyè a aji avè m nan jou ke Li te voye gras Li sou mwen, e Li te ✨retire wont mwen pami lèzòm”.

✨ 1:1 Wo 4:21 ✨ 1:2 Jn 15:27 ✨ 1:2 II Pi 1:16 ✨ 1:3 Trav 23:26 ✨ 1:4 Trav 18:25 ✨ 1:5 I Kwo 24:10 ✨ 1:6 Fil 2:15 ✨ 1:8 I Kwo 24:19 ✨ 1:9 Egz 30:7 ✨ 1:10 Lev 16:17 ✨ 1:11 Luc 2:9 ✨ 1:12 Luc 2:9 ✨ 1:13 Luc 1:6-63 ✨ 1:15 Nonb 6:3 ✨ 1:16 Mat 3:2,6 ✨ 1:17 Mal 4:6 ✨ 1:18 Jen 17:17 ✨ 1:19 Dan 8:16 ✨ 1:22 Luc 1:62 ✨ 1:25 Jen 30:23

<sup>26</sup> Alò, nan sizyèm mwa ansent Elizabeth la zanj Gabriel la te voye sòti nan Bondye a yon vil nan Galilée ki te rele ✧Nazareth, <sup>27</sup> A yon vyèj ki te fyanse a yon nonm ki te rele Joseph, ki te sòti nan ✧desandan David yo; e vyèj la te rele Marie. <sup>28</sup> Epi lè l te antre, li te di li: “Sali a ou menm ki twouve favè! Bondye se avèk ou. Ou beni pami fanm yo!”

<sup>29</sup> Men li ✧te twouble anpil pa pawòl sa a, e li t ap reflechi sou ki kalite salitasyon sa a te ye.

<sup>30</sup> Konsa zanj lan te di l: ✧“Ou pa bezwen krent, Marie, paske ou gen tan twouve favè ak Bondye. <sup>31</sup> Gade byen, ou va vin ansent, ou va fè yon fis, e ou ✧va bay li non a Jésus. <sup>32</sup> Li va gran e Li va rele Fis a ✧Pi Wo a; epi Senyè Bondye a va bay Li ✧twòn a zansèt Li a, David. <sup>33</sup> Li va renye sou lakay Jacob pou tout tan; ✧e wayòm Li an p ap janm fini.”

<sup>34</sup> Marie te di a zanj lan: “Kijan bagay sa a kapab ye, paske mwen menm se yon vyèj?”

<sup>35</sup> Zanj lan te reponn e te di li: “Lespri Sen an va vini sou ou, e pwisans a Pi Wo a va kouvri ou avèk lonbraj Li; epi pou rezon sa a, pitit sen sa a va rele Fis a Bondye. <sup>36</sup> Epi veye byen, menm nan fanmi ou Elizabeth anplis gen tan vin ansent avèk yon fis nan vyeyès li; e li menm ki te rele esteril, koulye a, li nan sizyèm mwa li. <sup>37</sup> Paske ✧anyen pa enposib avèk Bondye.”

<sup>38</sup> Epi Marie te di li: “Men gade, sèvant-dedike a Senyè a; kite sa fèt sou mwen selon pawòl ou.” Konsa, zanj lan te kite li.

<sup>39</sup> Alò, nan moman sa a, Marie te leve e te sòti byen vit pou rive nan peyi kolin yo, nan yon ✧vil yo rele Juda. <sup>40</sup> Li te antre lakay a Zacharie, e te salye Elizabeth.

<sup>41</sup> Li te rive ke lè Elizabeth te tandè salitasyon Marie a, pitit la te sote nan vant li; epi Elizabeth te ✧ranpli avèk Lespri Sen an. <sup>42</sup> Li te kriye fò avèk yon gran vwa e te di: “Beni se ou pami fanm yo, e beni se fwi a vant ou an! <sup>43</sup> Kijan bagay sa a rive m, ke manman ✧Senyè mwen an ta vin kote mwen? <sup>44</sup> Paske gade byen, lè son a salitasyon ou an te rive nan zòrèy mwen, pitit la te sote nan vant mwen avèk jwa, <sup>45</sup> Epi ✧beni se sila a ki te kwè ke sa Senyè a te pale a ta vin akonpli.”

<sup>46</sup> Marie te di:  
✧“Nanm mwen ✧egzalte Senyè a,

<sup>47</sup> Lespri ✧mwen gen tan rejwi nan Bondye, Sovè mwen an.

<sup>48</sup> Paske li te gade ✧eta ba sèvant Li an;  
paske gade byen, soti nan moman sa a jiska tout jenerasyon yo,  
yo va rele m beni.

<sup>49</sup> Paske Toupwisan an te fè gwo bagay pou mwen;  
Non Li sen.

<sup>50</sup> ✧Epi mizerikòd Li sou jenerasyon apre jenerasyon  
vè sila ki krent Li yo.

<sup>51</sup> ✧Li fè zèv pwisan yo avèk bra Li;  
Li te gaye sila avèk panse ògèy nan kè yo.

<sup>52</sup> Li rale fè desann chèf yo sou twòn yo,  
e Li ✧egzalte sila ki enb yo.

<sup>53</sup> ✧Li ranpli sila ki grangou yo avèk bon bagay;

✧ **1:26** Mat 2:23 ✧ **1:27** Mat 1:16-20 ✧ **1:29** Luc 1:12 ✧ **1:30** Mat 14:27 ✧ **1:31** És 7:14  
✧ **1:32** Mc 5:7 ✧ **1:32** II Sam 7:12-16 ✧ **1:33** II Sam 7:13-16 ✧ **1:37** Jen 18:4 ✧ **1:39** Jos 20:7  
✧ **1:41** Luc 1:67 ✧ **1:43** Luc 2:11 ✧ **1:45** Luc 1:20-48 ✧ **1:46** I Sam 2:1-10 ✧ **1:46** Sòm  
34:21 ✧ **1:47** Sòm 35:9 ✧ **1:48** Sòm 138:6 ✧ **1:50** Sòm 103:17 ✧ **1:51** Sòm 98:1 ✧ **1:52**  
Job 5:11 ✧ **1:53** Sòm 107:9

e Li voye rich yo ale avèk men vid.

<sup>54</sup> Li bay sekou a Israël, sèvitè Li a, kon yon sonj mizerikòd Li,

<sup>55</sup> jan Li te pale a zansèt nou yo,

a ✧Abraham avèk jenerasyon Li yo jis pou tout tan”.

<sup>56</sup> Epi Marie te rete avèk li pandan anviwon twa mwa, e te retounen lakay li. <sup>57</sup> Alò, lè te rive pou Elizabeth akouche, e li te fè yon fis. <sup>58</sup> Vwazen li yo avèk fanmi li yo te tandè ke Senyè a te ✧montre mizerikòd Li, e yo t ap rejwi avèk li. <sup>59</sup> Li te vin rive ke nan ✧uityèm jou a, yo te vini pou sikonsi pitit la, e yo t ap rele li Zacharie, non a papa li. <sup>60</sup> Men manman li te reponn e te di: “Non anverite, men ✧! ap rele Jean.” <sup>61</sup> Epi yo te di li: “Nanpwen pèsòn pami fanmi ou ki rele pa non sa a.” <sup>62</sup> Epi yo te ✧fè sign a papa a, pou konnen ki non li te vle bay li. <sup>63</sup> Epi li te mande yon tablo, e te ekri konsa: ✧“Non li se Jean”. Epi yo tout te etone. <sup>64</sup> ✧Konsa, nan yon sèl kou bouch li te louvri, lang li te vin lache e li te kòmanse pale e bay glwa a Bondye. <sup>65</sup> Lakrent te vin tonbe sou tout sila yo ki te rete nan landwa sila a; epi tout bagay sa yo te pale nan tout ✧peyi kolin a Juda yo. <sup>66</sup> Tout sila ki te tandè koze sa yo te ✧sonje sa, e te toujou mande: “Alò, kisa nou sipoze pitit sa a va devni? Paske men Senyè a te vrèman sou li.

<sup>67</sup> Epi papa li, Zacharie, te ✧ranpli avèk Lespri Sen an, te pwofetize, e te di:

<sup>68</sup> Beni se Senyè a, Bondye Israël la, paske li vizite nou, e te acheve ✧redanmsyon pou pèp Li a.

<sup>69</sup> E Li te leve yon ✧kòn sali pou nou lakay David la, sèvitè Li a.

<sup>70</sup> ✧Jan Li te pale pa bouch a pwofèt Li yo depi nan ansyen tan an,

<sup>71</sup> Delivrans sou ✧lènmi nou yo, ak nan men a tout sila ki rayi nou yo;

<sup>72</sup> Pou montre mizerikòd vè zansèt nou yo, ✧e pou sonje akò sen Li an,

<sup>73</sup> ✧Sèman ke Li te fè a Abraham, zansèt nou an,

<sup>74</sup> Pou pèmèt ke nou menm, ki te delivre nan men lènmi nou yo, ta kapab sèvi Li san krent,

<sup>75</sup> ✧Nan sentete ak ladwati devan Li pandan tout jou nou yo.

<sup>76</sup> Epi ou menm pitit, ou va rele pwofèt a Pi Wo a; paske ou va ale ✧devan Senyè a, pou prepare chemen Li an;

<sup>77</sup> Pou bay pèp Li a konesans a sali a, ✧pou padon peche pa yo.

<sup>78</sup> Akoz de mizerikòd byen dous a Bondye nou an,

✧k ap fè Solèy ki leve soti anwo a vin vizite nou.

<sup>79</sup> ✧Pou briye sou sila ki chita nan tenèb yo ak nan lonbraj lanmò a, pou gide pye nou nan chemen lapè a.

<sup>80</sup> ✧Epi pitit la te kontinye grandi, e te vin fò nan lespri. Konsa, li te viv nan dezè yo jis jou li te parèt piblikman an Israël.

## 2

<sup>1</sup> Alò, li te rive nan jou sa yo ke yon dekrè te sòti nan ✧César Auguste, ke yon ✧resansman global ta vin fèt pou tout mond lan kote moun rete.

<sup>2</sup> Sa se te premye resansman global ki te fèt pandan Quirinius te gouvènè a Syrie. <sup>3</sup> Tout moun te kòmanse anrejistre pou resansman an, chak moun nan pwòp vil pa li.

✧ **1:55** Jen 17:7 ✧ **1:58** Jen 19:19 ✧ **1:59** Jen 17:12 ✧ **1:60** Luc 1:13-63 ✧ **1:62** Luc 1:22  
 ✧ **1:63** Luc 1:13-60 ✧ **1:64** Luc 1:20 ✧ **1:65** Luc 1:39 ✧ **1:66** Trav 11:21 ✧ **1:67** Luc 1:41  
 ✧ **1:68** Luc 2:38 ✧ **1:69** I Sam 2:1-10 ✧ **1:70** Wo 1:2 ✧ **1:71** Sòm 106:10 ✧ **1:72** Sòm 105:8-42 ✧ **1:73** Jen 22:16 ✧ **1:75** Ef 4:24 ✧ **1:76** Mal 3:1 ✧ **1:77** Jr 31:34 ✧ **1:78** Mal 4:2  
 ✧ **1:79** És 9:2 ✧ **1:80** Luc 2:40 ✧ **2:1** Mat 22:17 ✧ **2:1** Mat 4:24



<sup>4</sup> Epi Joseph tou te monte kite Galilée nan vil Nazareth la, pou rive nan Juda, vil David, ke yo rele Bethléhem nan, akoz ke ✨li te sòti nan kay ak fanmi a David; <sup>5</sup> pou l ta kapab anrejistre ansanm avèk Marie, ki te fyanse li, e ki te ansent.

<sup>6</sup> Li te vin rive ke pandan yo te la, jou yo te vin rive pou l akouche. <sup>7</sup> Li te ✨bay nesans a premye fis li, epi li te vlope Li nan twal pou nouvo ne yo. Li te mete Li nan yon manjwa, akoz ke pa t gen plas pou Li nan otèl la.

<sup>8</sup> Nan menm andwa a, te gen bèje deyò nan chan an ki t ap okipe bann mouton yo pandan nwit lan.

<sup>9</sup> Konsa yon ✨zanj Bondye te vin kanpe sibatman devan yo, epi glwa a Bondye te klere toutotou de yo; e yo te vin ranpli avèk laperèz. <sup>10</sup> Men zanj yo te di yo: ✨“Pa pè, paske gade, mwen pote bòn nouvèl a gwo lajwa ki va pou tout pèp la; <sup>11</sup> Paske jodi a nan vil David la, te vin ne pou nou menm, yon ✨Sovè, ki se Kris la, Senyè a. <sup>12</sup> ✨Epi sa va yon sign pou nou; nou va twouve yon anfan vlope nan twal, e kouche nan yon manjwa.”

<sup>13</sup> Epi lapoula te parèt avèk zanj lan yon foul lame syèl la ki t ap fè lwanj Bondye, e ap di:

<sup>14</sup> ✨“Glwa a Bondye nan pi wo a,  
e sou latè a, lapè pami lèzòm  
ki fè L kontan yo.”

<sup>15</sup> Li te rive ke lè zanj yo te kite yo pou retounen nan syèl, ke bèje yo te kòmanse di youn ak lòt: “Alò, annou ale toudwat Bethléhem pou wè bagay sa a ke Bondye fè nou konprann nan.”

<sup>16</sup> Yo te fè vit pou rive e te twouve chemen pou rive kote Marie avèk Joseph, avèk pitit ki te kouche nan manjwa a. <sup>17</sup> Alò, lè yo te wè sa, yo te fè konnen pawòl ki te livre a yo konsènan pitit sila a. <sup>18</sup> Tout moun ki te tande sa te etone de bagay ke bèje yo t ap di yo.

<sup>19</sup> Men Marie te ✨kache tout sa nan memwa l, e li te reflechi sou yo nan kè li.

<sup>20</sup> Bèje yo te retounen e yo ✨t ap bay Bondye glwa avèk lwanj pou tout sa ke yo te tande e wè, jan ke li te pale a yo menm nan.

<sup>21</sup> Lè ✨uit jou te fin pase avan sikonsizyon Li te fèt, yo te bay Li non Jésus, menm non ki te bay pa zanj yo avan Li te menm mete nan vant lan.

<sup>22</sup> ✨Epi lè jou pou yo vin pirifye yo te rive selon Lalwa Moïse la, yo te mennen Li Jérusalem pou prezante Li devan Senyè a. <sup>23</sup> (Jan li ekri nan Lalwa Senyè a: ✨“Tout mal ki premye ouvri vant lan va rele sen a Bondye”), <sup>24</sup> epi pou ofri yon sakrifis selon sa ki te pale nan Lalwa Senyè a, ✨“yon pè toutrèl, oswa, de jenn pijon.”

<sup>25</sup> Konsa, te gen yon mesye Jérusalem ki te rele Siméon. Mesye sa a te jis e devwe. Li t ap ✨chache konsolasyon Israèl; epi Lespri Sen an te sou li.

<sup>26</sup> Epi li te revele a li menm ke li pa t ap ✨wè lanmò avan ke li te wè Kris a Senyè a. <sup>27</sup> Epi li te nan Lespri a lè l te antre nan tanp lan nan menm lè paran Jésus yo te pote pitit la, ✨pou akonpli pou Li koutim Lalwa a, <sup>28</sup> Alò, li te ranmase li nan bwa li; li te beni Bondye, e te di:

<sup>29</sup> “Koulye a Senyè, W ap kite sèvitè Ou a pati anpè ✨selon pawòl Ou;

<sup>30</sup> Paske zye m gen tan ✨wè delivrans Ou,

✨ 2:4 Luc 1:27 ✨ 2:7 Mat 1:25 ✨ 2:9 Luc 1:11 ✨ 2:10 Mat 14:27 ✨ 2:11 Mat 1:21 ✨ 2:12 I Sam 2:34 ✨ 2:14 Mat 21:9 ✨ 2:19 Luc 2:51 ✨ 2:20 Mat 9:8 ✨ 2:21 Jen 17:12 ✨ 2:22 Lev 12:6-8 ✨ 2:23 Egz 13:2,12 ✨ 2:24 Lev 5:11 ✨ 2:25 Mc 15:43 ✨ 2:26 Sòm 89:48 ✨ 2:27 Luc 2:22 ✨ 2:29 Luc 2:26 ✨ 2:30 Sòm 119:166-174

<sup>31</sup> Ke ou prepare devan tout nasyon yo;

<sup>32</sup> “Yon limyè revelasyon pou payen yo,

Epi laglwa a pèp Ou a, Israël.”

<sup>33</sup> Epi papa L avèk ✧manman L te etone de bagay ke yo t ap di sou Li yo.

<sup>34</sup> Siméon te beni yo, e te di a Marie, manman Li: “Veye byen, anfan sila a fèt pou ✧tonbe ak leve a anpil moun an Israël, e pou yon sign k ap koze opozisyon, <sup>35</sup> Yon nepe va travèse menm nanm pa ou, jiskaske panse a kè anpil moun kapab vin revele.”

<sup>36</sup> Anplis te gen yon pwofetès, Anne, fi a Phanuel, ki te nan ✧tribi Aser. Li te avanse nan laj, e li ✧te viv avèk mari li pandan sèt ane apre maryaj la, <sup>37</sup> Answit, kon vèv jis rive nan laj katre-ven-kat ane. Li pa t janm kite tanp lan e te sèvi lajounen kon lannwit nan ✧jèn ak lapriyè. <sup>38</sup> Nan menm moman sila a, li te avanse, e li te bay glwa a Bondye. Li te kontinye pale de Li a tout sila ki t ap ✧chache redanmsyon Jérusalem nan.

<sup>39</sup> Lè yo te fin acheve tout bagay selon Lalwa Senyè a, yo te retounen Galilée, nan ✧pwòp vil pa yo, nan Nazareth.

<sup>40</sup> ✧Pitit la te kontinye grandi e Li t ap vin fò. Li te ogmante nan sajès; e gras Bondye te sou Li.

<sup>41</sup> Alò paran Li yo te konn ale Jérusalem chak ane nan ✧fèt Pak la.

<sup>42</sup> Lè L te vin gen douz ane, yo te monte la selon koutim fèt la; <sup>43</sup> Pandan yo t ap retounen, apre ✧tout jou yo te pase, jenn gason an, Jésus te rete deyè nan Jérusalem. Men paran Li yo pa t konnen sa, <sup>44</sup> men yo te sipoze ke Li te pami lòt moun yo. Yo te vwayaje pandan yon jou, e yo te kòmanse ap chache Li pami manm fanmi avèk zanmi yo.

<sup>45</sup> Lè yo pa t twouve Li, yo te retounen Jérusalem pou chache Li. <sup>46</sup> Konsa apre twa jou, yo te twouve Li nan tanp lan, kote Li te chita pami mèt yo, pou tandè yo, e poze yo kesyon. <sup>47</sup> Tout sila ki te tandè Li yo ✧te etone de jan li te konprann, ak repons ke Li te bay yo.

<sup>48</sup> Lè yo te wè Li, yo te etone. Manman Li te di Li: Pitit mwen, Poukisa Ou trete nou konsa? Gade, ✧papa Ou ak mwen menm te enkyete, e nou t ap chache Ou.”

<sup>49</sup> Li te di yo: **“Poukisa nou t ap chache mwen? Èske nou pa t konnen ke M ✧te oblije lakay Papa M?”** <sup>50</sup> Men ✧yo pa t konprann pawòl ke Li te di yo a.

<sup>51</sup> Konsa, Li te ale avèk yo, e Li te vini ✧Nazareth. Li te kontinye anba otorite yo, e manman L ✧te gade tout bagay sa yo nan kè l.

<sup>52</sup> Epi Jésus te kontinye grandi nan sajès, ak wotè, epi nan ✧gras avèk Bondye e avèk lèzòm.

### 3

<sup>1</sup> Alò nan kenzyèm ane pouvwa a Tibère César a, pandan ✧Ponce Pilate te Gouvènè Juda, ✧Hérode te tetrak (wa a zòn sila a), frè l Philippe te tetrak pou Liturée avèk Trachonite, e Lysanias te tetrark nan Abilène, <sup>2</sup> nan tan a Anne ak Caïphe kon wo prèt, ✧pawòl Bondye a te vini a Jean, fis Zacharie a, pandan l te nan dezè a.

✧ 2:33 Mat 12:46 ✧ 2:34 Mat 21:44 ✧ 2:36 Jos 19:24 ✧ 2:36 I Tim 5:9 ✧ 2:37 Luc 5:33  
 ✧ 2:38 Luc 1:68 ✧ 2:39 Mat 2:23 ✧ 2:40 Luc 1:80 ✧ 2:41 Egz 12:11 ✧ 2:43 Egz 12:15  
 ✧ 2:47 Mat 7:28 ✧ 2:48 Luc 2:49 ✧ 2:49 Jn 4:34 ✧ 2:50 Mc 9:32 ✧ 2:51 Luc 2:3 ✧ 2:51  
 Luc 2:19 ✧ 2:52 Luc 2:40 ✧ 3:1 Mat 27:2 ✧ 3:1 Mat 14:1 ✧ 3:2 Mat 3:1-10

<sup>3</sup> Konsa, li te vini nan ✨tout distri ki te antoure Jourdain yo, e li t ap preche yon batèm repantans pou padon peche yo. <sup>4</sup> Jan sa ekri nan liv pawòl a Ésaïe yo, pwofèt la:

“Lavwa a yon moun ✨ k ap kriye nan dezè a,  
 ‘Prepare chemen SENYÈ a, Fè wout Li yo dwat,  
<sup>5</sup> ✨ Chak vale va ranpli,  
 E tout gwo mòn ak ti kolin va vin bese.  
 Kwochi yo a va vin drese,  
 E move wout yo va vin swa;

<sup>6</sup> Epi ✨ tout chè va wè delivrans Bondye a.”

<sup>7</sup> Konsa, li te kòmanse pale avèk foul la ki te sòti avè l pou batèm nan: ✨“Nou menm, nich vipè! Kilès ki te avèti nou sove kite kòlè k ap vini an?”

<sup>8</sup> Pou sa, pote fwi ki an akò avèk repantans yo, e pa kòmanse di a nou menm: ✨“Nou gen Abraham pou papa nou, paske mwen di nou ke menm nan wòch sa yo, Bondye kapab fè leve pitit a Abraham yo. <sup>9</sup> Anverite, rach la deja poze sou rasin a bwa yo; konsa, chak ✨bwa ki pa donner bon fwi va koupe e jete nan dife.

<sup>10</sup> Epi foul la ki t ap kesyone li, t ap di: ✨“Alò, kisa pou nou ta fè?”

<sup>11</sup> Li te reponn yo, e te di: “Ke moun ki gen de tinik lan ✨pataje avèk sila ki pa genyen an; e ke sila ki gen manje a fè menm jan an.”

<sup>12</sup> Epi ✨ajan kolektè kontribisyon yo te vini osi pou batize, e yo t ap mande l: “Mèt, kisa nou dwe fè?”

<sup>13</sup> Li te di yo: “Pa kolekte plis ke yo mande nou pran.”

<sup>14</sup> Konsa, kèk sòlda t ap mande li: “Epi kisa pou nou menm fè?”

Li te di yo: “Pa pran lajan sou okenn moun pa lafòs, ni ✨fè fo akizasyon kont pèsòn; rete satisfè avèk salè nou.

<sup>15</sup> Alò, pandan pèp la t ap antisipe, e t ap reflechi nan kè yo sou Jean, ✨pou konprann si se Kris la ke li te ye, <sup>16</sup> ✨Jean te reponn e te di yo tout: “Kanta mwen menm, mwen ap batize nou avèk dlo, men gen Youn k ap vini ki pi pwisan pase m, menm lasèt sandal Li, mwen pa dign pou demare; Li va batize nou avèk Lespri Sen an, e avèk dife. <sup>17</sup> Epi laye vannen an deja nan men L, pou netwaye glasi a nèt, e ranmase tout ble antre nan depo Li; men l ap brile pay yo avèk ✨dife ki pa kapab etenn.”

<sup>18</sup> Konsa, avèk anpil lòt egzòtasyon tou, Li te preche bòn nouvèl la bay pèp la.

<sup>19</sup> Men lè l te bay ✨Hérode, tetrak la tò akòz Hérodiás, madanm a frè l la, e akòz tout mechanste ke Hérode te fè yo, <sup>20</sup> Hérode te ogmante peche l sou sa yo; li te vin ✨mete Jean nan prizon.

<sup>21</sup> ✨Epi li te vin rive ke lè tout pèp la t ap batize, Jésus te batize tou; epi pandan Li t ap priye, syèl la te vin ouvri, <sup>22</sup> e Lespri Sen an te desann sou Li nan fòm fizik tankou yon toutrèl, e yon vwa te sòti nan syèl la: ✨ “Ou menm se Fis byeneme Mwen an; nan Ou menm, Mwen byen kontan.”

<sup>23</sup> ✨Epi lè L te kòmanse ministè Li, Jésus Li menm te nan laj, anviwon trant ane, e selon kwayans moun yo, fis a Joseph, fis a Héli, <sup>24</sup> fis a Matthat, fis a Lévi, fis a Melchi, fis a Jannaï, fis a Joseph, <sup>25</sup> fis a Mattathias, fis a Amos, fis a Nahum, fis a Esli, fis a Naggai, <sup>26</sup> fis a Maath, fis a Mattathias, fis a Sémeï, fis a Joseph, fis a Joda, <sup>27</sup> fis a Joanan, fis a Rhésa, ✨fis a Zorobabel,

✨ **3:3** Mat 3:5 ✨ **3:4** És 40:3 ✨ **3:5** És 40:4 ✨ **3:6** És 40:5 ✨ **3:7** Mat 12:34 ✨ **3:8** Jn 8:33 ✨ **3:9** Mat 7:9 ✨ **3:10** Luc 3:12,14 ✨ **3:11** És 58:7 ✨ **3:12** Luc 7:29 ✨ **3:14** Egz 20:16 ✨ **3:15** Jn 1:19 ✨ **3:16** Mat 3:11-12 ✨ **3:17** Mc 9:43-48 ✨ **3:19** Mat 14:3 ✨ **3:20** Jn 3:24 ✨ **3:21** Mat 3:13-17 ✨ **3:22** Sòm 2:7 ✨ **3:23** Mat 4:17 ✨ **3:27** Mat 1:12

fis a Salathiel, fis a Néeri, <sup>28</sup> fis a Melchi, fis a Addi, fis a Kosam, fis a Elmadam, fis a Er, <sup>29</sup> fis a Jésus, fis a Éliézer, fis a Jorim, fis a Matthat, fis a Lévi <sup>30</sup> fis a Siméon, fis a Juda, fis a Joseph, fis a Jonam, fis a Éliakim, <sup>31</sup> fis a Méléa, fis a Menna, fis a Mattatha, fis a Nathan, fis a David, <sup>32</sup> ✧ fis a Isai, fis a Jobed, fis a Booz, fis a Salmon, fis a Naason, <sup>33</sup> fis a Aminadab, fis a Admin, fis a Arni, fis a Esrom, fis a Pharès, fis a Juda <sup>34</sup> fis a Jacob, fis a Isaac ✧ fis a Abraham, fis a Thara, fis a Nachor, <sup>35</sup> fis a Seruch, fis a Ragau, fis a Phalek, fis a Éber, fis a Sala, <sup>36</sup> fis a Kaïnarn, fis a Arphaxad, fis a Sem, ✧ fis a Noé, fis a Lamech, <sup>37</sup> fis a Mathusala, fis a Énoch, fis a Jared, fis a Malélél, fis a Kaïnan, <sup>38</sup> fis a Énos, fis a Seth, fis a Adam, fis a Bondye.

#### 4

<sup>1</sup> ✧ Jésus, ranpli avèk Lespri Sen an, te retounen soti nan Jourdain an, e Li te mennen pa Lespri a nan dezè a <sup>2</sup> pandan ✧ karant jou, e Li te vin tante pa dyab la. Li pa t manje anyen pandan jou sa yo, epi lè jou yo te fini, Li te vin grangou.

<sup>3</sup> Konsa, dyab la te di L: “Si Ou se fis Bondye a, kòmmande wòch sila a vin pen.”

<sup>4</sup> Jésus te reponn li: **Li ekri. ✧ ‘Lòm pa viv sèlman sou pen.’**”

<sup>5</sup> ✧ Konsa, li te mennen Li monte, e te montre Li tout wayòm latè yo nan yon enstan de tan. <sup>6</sup> Dyab la te di Li: “Mwen va bay Ou tout domenn sila a avèk glwa li; ✧ paske li livre nan men m, e mwen ap bay li a sila a ke m pito. <sup>7</sup> Konsa, si Ou pwostène devan m, tout li ap vini pou Ou.”

<sup>8</sup> Jésus te reponn, e te di l konsa: **“Sa ekri ✧ ‘Ou va adore Senyè a Bondye ou a, e sèvi Li menm sèlman.’**”

<sup>9</sup> ✧ Ankò li te mennen Li Jérusalem. Li te fè L kanpe sou pwent twati tanp lan, e te di Li: “Si Ou se Fis Bondye a, voye kò Ou anba soti isit la, <sup>10</sup> paske sa ekri:

‘Li va bay zanj Li yo chaj de ou pou pwoteje ou,’

<sup>11</sup> Epi nan men pa yo, yo va kenbe ou, pou ou pa frape pye ou kont wòch.’”

<sup>12</sup> Epi Jésus te reponn li e te di: **“Li kon di; ✧ ‘Nou pa pou pase Senyè a, Bondye nou nan eprè.’**”

<sup>13</sup> Lè dyab la te fin fè tout tantasyon yo, li te kite Li jiska yon moman konvenab.

<sup>14</sup> Epi ✧ Jésus te retounen Galilée anba pouvwa Lespri a. ✧ Nouvèl Li te gaye toupatou nan tout andwa ki antoure distri yo. <sup>15</sup> Li te kòmansé ✧ enstwi nan sinagòg yo, e te resevwa lwanj a tout moun.

<sup>16</sup> Li te vini Nazareth, kote Li te elve a; e kon koutim Li, ✧ Li te antre nan sinagòg la nan Saba a, e Li te kanpe pou li. <sup>17</sup> Yo te lonje bay Li liv a pwofèt Ésaïe a. Li te ouvri l e te twouve plas kote sa te ekri:

**<sup>18</sup> ✧ “Lespri Senyè a sou Mwen, paske Li te onksyone M pou preche bòn nouvèl la a malere yo.**

**Li te voye M pou pwoklame libète a prizonnye yo, pou fè avèg yo vin wè, pou libere sila ki oprime yo.**

**<sup>19</sup> Pou pwoklame ✧ ane favorab a Senyè a.”**

✧ **3:32** Mat 1:16 ✧ **3:34** Jen 11:26-30 ✧ **3:36** Jen 5:3-32 ✧ **4:1** Mat 4:1-11 ✧ **4:2** Egz 34:28  
 ✧ **4:4** Det 8:3 ✧ **4:5** Mat 4:8-10 ✧ **4:6** I Jn 5:9 ✧ **4:8** Det 6:13 ✧ **4:9** Mat 4:5-7 ✧ **4:12** Det 6:16 ✧ **4:14** Mat 4:12 ✧ **4:14** Mat 9:26 ✧ **4:15** Mat 4:23 ✧ **4:16** Mat 13:54 ✧ **4:18** És 61:1 ✧ **4:19** És 61:1

<sup>20</sup> Li te ✨fèmen liv la; Li te remèt li bay atandan an, e Li te chita. Zye a tout sinagòg la te fikse sou Li. <sup>21</sup> Li te di yo: **“Jodi a menm, ekriti sila a akonpli nan zòrèy nou.”**

<sup>22</sup> Epi tout moun t ap pale byen de Li, e yo te etone akòz pawòl a gras ki ap tonbe soti nan lèy Li. Yo t ap di: ✨“Se pa fis a Joseph la?”

<sup>23</sup> Li te di yo: **San dout nou va repete pwovèb sila pou Mwen: ‘Doktè, geri pwòp tèt Ou!’ Sa ke nou tande ke Ou te fè nan ✨Capernaüm, fè l isit la lakay Ou tou.’”**

<sup>24</sup> Epi Li te di: **Anverite Mwen di nou, ✨nanpwen pwofèt ki byen resevwa nan pwòp vil li.** <sup>25</sup> Men, Mwen di nou anverite, ke te gen anpil vèy nan Israèl ✨nan jou Élie yo, lè syèl la te fèmen nèt pandan twazan si mwa, lè gwo grangou te rive sou tout peyi a; <sup>26</sup> Malgre sa, Élie pa t voye a okenn nan yo, men sèlman a ✨Sarepta, nan peyi Sidon, a yon fanm ki te yon vèy. <sup>27</sup> Epi te gen anpil lèp an Israèl nan tan pwofèt Élie a, men okenn pa t pirifye, men ✨sèlman Naaman, yon Siryen.”

<sup>28</sup> Konsa, tout sinagòg la te anraje lè yo te tande bagay sa yo; <sup>29</sup> Yo te soulve, yote ✨pouse bourade Li deyò vil la, e te mennen Li nan <sup>30</sup> do ti mòn a kote vil yo te bati, pou yo ta kapab jete L anba nan falèz la. Li te ✨pase nan mitan yo, e Li te al fè wout Li.

<sup>31</sup> Konsa, ✨Li te desann Capernaüm, yon vil nan Galilée. Li t ap enstwi yo nan Saba a. <sup>32</sup> Yo te etone de enstriksyon Li, paske ✨mesaj Li yo te avèk otorite.

<sup>33</sup> Te gen yon mesye nan sinagòg la ki te posede pa lespri a yon dyab enpi, e li t ap kriye avèk yon vwa fò: <sup>34</sup> “Kite nou pou kont nou! ✨ Kisa nou gen avè Ou, Jésus de ✨Nazareth? Èske Ou vini pou detwi nou? Mwen konnen ki moun Ou ye, Sila Ki Sen a Bondye a!”

<sup>35</sup> Jésus te ✨reprimande li e te di: **“Fè silans e sòti sou li!”** Apre dyab la te jete li atè a nan mitan yo, li te sòti sou li san fè l mal.

<sup>36</sup> Sezisman te pran yo tout. Yo t ap diskite youn avèk lòt e t ap di: “Ki mesaj sa a? Paske avèk otorite ak pwisans Li kòmande lespri enpi yo, e yo te sòti. <sup>37</sup> ✨Nouvèl a Li menm t ap gaye toupatou nan distri ozanviwon yo.

<sup>38</sup> ✨Konsa, Li te leve, e Lite kite sinagòg la, e Li te antre lakay Simon. Alò, bèlmè Simon t ap soufri anba yon gwo lafyèv; e yo te mande Li pou ede l. <sup>39</sup> Konsa Li te kanpe anwo li; Li te ✨reprimande fyèv la. Fyèv la te kite li; epi imedyatman li te leve pou sèvi yo.

<sup>40</sup> ✨Pandan solèy la t ap kouche, tout moun ki te gen moun malad avèk plizyè kalite maladi, te pote yo vini. Li te mete men L sou yo tout, e Li t ap geri yo. <sup>41</sup> Anplis, dyab yo t ap sòti nan anpil moun Yo t ap kriye e t ap di: “Ou se Fis Bondye a!” Men Li t ap reprimande yo. Li ✨pa t kite yo pale menm, paske yo te konnen ke Li te Kris la.

<sup>42</sup> ✨Lè jou a te rive, Li te sòti pou te ale yon kote izole. Foul la t ap chache Li, e te vini kote Li. Konsa, yo te eseye anpeche Li ale.

<sup>43</sup> Men Li te di yo: **Mwen oblije preche Wayòm Bondye a nan lòt vil yo osi; ✨paske Mwen te voye pou rezon sa a.”** <sup>44</sup> Konsa, Li te kontinye ap preche nan sinagòg ✨Judée yo.

✨ 4:20 Luc 4:17 ✨ 4:22 Mat 13:55 ✨ 4:23 Mat 4:13 ✨ 4:24 Mat 13:57 ✨ 4:25 I Wa 17:1  
 ✨ 4:26 I Wa 17:9 ✨ 4:27 II Wa 5:1-14 ✨ 4:29 Nonb 15:35 ✨ 4:30 Jn 10:39 ✨ 4:31 Mc  
 1:21-28 ✨ 4:32 Luc 4:36 ✨ 4:34 Mat 8:29 ✨ 4:34 Mc 1:24 ✨ 4:35 Mat 8:26 ✨ 4:37 Luc  
 4:14 ✨ 4:38 Mat 8:14-15 ✨ 4:39 Luc 4:35-41 ✨ 4:40 Mat 8:16-17 ✨ 4:41 Mat 8:16 ✨ 4:42  
 Mc 1:35-38 ✨ 4:43 Mc 1:38 ✨ 4:44 Mat 4:23

## 5

<sup>1</sup> ✧ Alò, sa te vin pase ke foul la t ap peze li pou koute pawòl Bondye a, lè Li te kanpe akote lak ke yo rele Génésareth la. <sup>2</sup> Li te wè de kannòt ki te twouve akote lak la; men moun lapèch yo te deja desann yo, e t ap lave filè yo. <sup>3</sup> Li te ✧ antre nan youn nan kannòt yo ki te pou Simon, e Li te mande li pou mete yo a yon ti distans de tè a. Li te chita, e te kòmanse enstwi foul la soti nan kannòt la.

<sup>4</sup> Lè Li te fin pale, Li te di Simon: **Mete nou deyò nan dlo fon e lage filè yo pou kenbe pwason.**”

<sup>5</sup> Simon te reponn e te di: ✧ “Mèt, nou travay di tout nwit lan, e nou pa t kenbe anyen, men selon sa Ou mande a, m ap lage filè yo.”

<sup>6</sup> ✧ Lè yo te fin fè sa, yo te pran yon gwo kantite pwason. Filè yo te tanmen chire. <sup>7</sup> Konsa, yo te fè sign pou moun parèy yo nan lòt kannòt yo vin ede yo. Yo te vini, e te plen tou de kannòt yo jiskaske yo te kòmanse plonje.

<sup>8</sup> Men lè Simon Pierre te wè sa, li te tonbe nan pye Jésus, e te di: “Ale lwen mwen, paske se yon pechè mwen ye, O Senyè!” <sup>9</sup> Paske sezisman te pran l avèk tout zanmi li yo akoz kantite pwason yo te kenbe. <sup>10</sup> Anplis, Jacques avèk Jean, fis Zébédée yo ki te asosye yo avèk Simon te sezi tou.

Jésus te reponn Simon: ✧ **Pa pè, depi koulye a, se moun n ap kenbe.**”  
<sup>11</sup> Lè yo te fin fè kannòt yo rive atè, ✧ yo te kite tout bagay pou yo te swiv Li.

<sup>12</sup> ✧ Pandan Li te nan youn nan vil yo, gade byen, te gen yon nonm ki te kouvri avèk lalèp. Lè l te wè Jésus, li te tonbe sou figi li, e li te enplòre Li: “Senyè, si Ou vle, Ou kapab fè m pwòp.

<sup>13</sup> Epi Li te lonje men L, e te touche li. Li te di: **“Mwen vle; vin pwòp. Imedyatman, lalèp la te kite li.** <sup>14</sup> Li te kòmande li pou pa di pèsòn sa: **“Men ale montre ou menm a prèt yo e fè yon ofrann pou netwayaj ou, jan Moïse te kòmande a, kon yon temwayaj a yo menm.”**

<sup>15</sup> Men ✧ nouvèl sou Li t ap gaye menm pi lwen; gwo foul moun t ap rasanble pou tande Li, e pou geri de maladi yo. <sup>16</sup> Men Jésus Li menm, te konn souvan chape ale nan dezè a pou ✧ priye.

<sup>17</sup> Li te rive yon jou pandan Li t ap enstwi; ke kèk Farizyen avèk mèt Lalwa te chita la. Yo te ✧ sòti nan chak vilaj Galilée, Juda ak Jérusalem; epi ✧ pwisans a Senyè a te prezan pou l te geri moun.

<sup>18</sup> ✧ Kèk moun t ap pote sou yon kabann, yon nonm ki te paralize; epi yo t ap eseye fè l antre pou mete l devan L. <sup>19</sup> Men san twouve mwayen pou fè l antre akoz foul la, yo te monte sou tèt kay la, e te fè l desann nan yon twou nan kouvèti mitan foul la, devan Jésus.

<sup>20</sup> Epi lè L te wè lafwa yo, Li te di: **“Mesye, peche ou yo padone”.**

<sup>21</sup> Skrib yo avèk Farizyen yo te kòmanse rezone, e te di: ✧ “Ki moun sa k ap blasfeme konsa? ✧ Kilès ki kapab padone peche sof ke Bondye sèl?”

<sup>22</sup> Men Jésus, ki te okouran de jan yo t ap reflechi a, te reponn e te di yo: **“Poukisa nou ap reflechi nan kè nou konsa? <sup>23</sup> “Kisa ki pi fasil pou di: ‘Peche ou yo padone’, oubyen pou di: ‘Leve mache’? <sup>24</sup> Men pou nou kab konnen ke Fis a Lòm nan gen otorite sou latè pou padone peche yo,”** li te di a paralitik la: ✧ **“Mwen di ou leve, pran kabann ou e ale lakay ou.”**

✧ 5:1 Mat 4:18-22 ✧ 5:3 Mat 13:2 ✧ 5:4 Jn 21:6 ✧ 5:5 Luc 8:24 ✧ 5:6 Jn 21:6 ✧ 5:10 Mat 14:27 ✧ 5:11 Mat 4:20-22 ✧ 5:12 Mat 8:2-4 ✧ 5:14 Lev 13:49 ✧ 5:15 Mat 9:26 ✧ 5:16 Mat 14:23 ✧ 5:17 Mc 1:45 ✧ 5:17 Mc 5:30 ✧ 5:18 Mat 9:2-8 ✧ 5:21 Luc 7:49 ✧ 5:21 És 43:25 ✧ 5:24 Mat 4:24

<sup>25</sup> Lapoula nonm nan te leve devan yo, ranmase nat li, e li te ale lakay li ✨ranpli avèk lwanj Bondye.

<sup>26</sup> Yo tout te sezi, etone menm, e ✨t ap bay Bondye glwa. Yo te ranpli avèk lakrent, e t ap di: “Nou wè bagay ki tèlman remakab jodi a”.

<sup>27</sup> ✨Aprè sa, Li te sòti e li te wè yon ajan kontribisyon ki te rele Levi ki te chita nan biwo kontribisyon an, Li te di li: **“Swiv Mwen”**. <sup>28</sup> Li te ✨kite tout bagay dèyè; li te leve e te swiv Li.

<sup>29</sup> Epi ✨Lévi te fè yon resepsyon pou Li lakay li. Yo te gen yon gwo ✨foul kolektè kontribisyon avèk lòt moun ki t ap manje sou tab la avèk yo. <sup>30</sup> ✨Farizyen yo avèk Skrib yo te kòmanse plenyen bay disip Li yo e t ap di: “Poukisa nou manje e bwè avèk kolektè kontribisyon ak pechè yo?”

<sup>31</sup> Jésus te reponn e te di yo: ✨**“Se pa sila ki ansante yo ki bezwen yon doktè, men sila ki malad yo.”** <sup>32</sup> **Mwen pa t vini pou rele jis yo, men pechè yo a larepentans.**

<sup>33</sup> Epi yo te di Li: ✨“Disip a Jean yo souvan fè jèn e fè lapriyè; disip a Farizyen yo fè menm jan an; men pa Ou yo, manje e bwè.”

<sup>34</sup> Epi Jésus te di yo: **“Nou pa kapab fè zanmi fèt maryaj yo fè jèn pandan jennonm maryaj la toujou avèk yo. Èske se pa vrè? <sup>35</sup> ✨Men jou yo ap vini lè jennonm nan ap kite yo; alò, yo va fè jèn nan jou sa yo.”**

<sup>36</sup> Epi Li t ap di yo yon parabòl: **“Pèsonn pa chire yon mòso twal, fè l sòti nan yon vètman nèf, pou mete l sou yon vètman ki vye. Otreman l ap non sèlman fin chire nèf la, men nèf la p ap parèt menm jan ak vye a. <sup>37</sup> Epi pèsonn pa mete diven nèf nan veso vye kwi, otremman diven nèf la va pete kwi a, gaye tonbe, e vye kwi yo va vin gate. <sup>38</sup> Men diven nèf la oblije vide nan po fèt avèk kwi nèf. <sup>39</sup> Epi pèsonn, lè l fin bwè sa ki ansyen, pa janm vle nèf la; paske li di: “Vye a pi bon”.**

## 6

<sup>1</sup> ✨Alò, li vin rive ke nan yon dezyèm Saba apre premye a, Li t ap pase nan yon chan ble; epi disip Li yo t ap ranmase e manje tèt ble yo, lè te yo fin fwote yo nan men yo. <sup>2</sup> Men kèk nan Farizyen yo te di: “Poukisa nou fè sa ki pa ✨pèmi nan Saba a?”

<sup>3</sup> Jésus te reponn yo e te di: **“Èske nou pa janm li ✨sa ke David te fè lè li te grangou; li menm avèk sila ki te avèk li yo? <sup>4</sup> Kijan li te antre nan kay Bondye a, li te pran manje ✨pen konsakre a, ki pa t pèmi pou pèsonn manje sof ke prèt yo sèl, e li te bay a sila ki te avè l yo? <sup>5</sup> Epi Li t ap di yo: “Fis a Lòm nan se Senyè a Saba a.”**

<sup>6</sup> ✨Nan yon lòt Saba, Li te antre nan sinagòg la, e Li t ap enstwi; epi te gen yon mesye la avèk yon men dwat ki te sèch.

<sup>7</sup> Konsa, skrib yo avèk Farizyen yo ✨t ap veye L byen pre, pou wè si Li te geri nan Saba a, pou yo ta kapab twouvè yon rezon pou akize L.

<sup>8</sup> Men Li te ✨konnen panse yo, e Li te di mesye avèk men sèch la: **“Leve vin devan.”**

Epi li te leve vin devan.

<sup>9</sup> Jésus te di yo: **Mwen mande nou, èske se pèmi nan Saba a, pou fè byen, oubyen pou fè mal; pou sove yon vi, oubyen pou detwi li?”** <sup>10</sup> Lè L ✨fin gade yo tout, Li te di li: **“Lonje men ou!”**

✨ 5:25 Mat 9:8 ✨ 5:26 Mat 9:8 ✨ 5:27 Mat 9:9-17 ✨ 5:28 Luc 5:11 ✨ 5:29 Mat 9:9 ✨ 5:29 Luc 15:1 ✨ 5:30 Mc 2:16 ✨ 5:31 Mat 9:12,13 ✨ 5:33 Mat 9:14 ✨ 5:35 Mat 9:15 ✨ 6:1 Mat 12:1-8 ✨ 6:2 Mat 12:2 ✨ 6:3 I Sam 21:6 ✨ 6:4 Lev 24:9 ✨ 6:6 Mat 12:9-14 ✨ 6:7 Mc 3:2 ✨ 6:8 Mat 9:4 ✨ 6:10 Mc 3:5

E li te fè l. Epi men l te restore.

<sup>11</sup> Men yo menm te anraje. Yo te diskite ansanm sou sa yo ta kapab fè a Jésus.

<sup>12</sup> Se te nan moman sa a ke Li te ale nan mòn nan pou ✧priye. Li te pase tout nwit lan nan lapriyè ak Bondye. <sup>13</sup> Lè li te fè jou, ✧Li te rele disip Li yo kote Li, e Li te chwazi douz pami yo ke Li te osi nome kòm apòt: <sup>14</sup> Simon, ke Li te osi rele Pierre, André, frè li, Jacques, Jean, Philippe, Barthélemy; <sup>15</sup> ✧Matthieu, Thomas; Jacques, fis de Alphée; Simon ki te rele Zelòt la; <sup>16</sup> Jude, fis a Jacques; ak Judas Iscariot, ki te devni yon moun trèt.

<sup>17</sup> Jésus te desann avèk yo e Li te kanpe nan yon kote pla. Te gen ✧yon gwo foul disip Li yo, ak yon gwo foul moun ki te sòti nan tout Juda avèk Jérusalem, avèk zòn kot Tyr avèk Sidon. <sup>18</sup> Yo te vin pou tande Li, e pou geri de maladi yo; epi sila ki te twouble avèk lespri enpi yo t ap geri. <sup>19</sup> Epi tout foul la t ap eseye ✧touche Li, paske ✧pouvwa t ap sòti sou Li, e ap geri yo tout.

<sup>20</sup> Li te gade disip Li yo, e te kòmanse di: ✧“Beni se nou menm ki malere, paske wayòm Bondye a se pou nou.

<sup>21</sup> Beni se nou menm ki grangou koulye a, paske nou va satisfè. Beni se nou menm ki kriye koulye a, paske nou va ri.

<sup>22</sup> Beni se nou menm lè lèzòm rayi nou, ✧izole nou, ensilte nou, e bafwe non nou kon mechan pou koz Fis a Lòm nan.

<sup>23</sup> Fè kè kontan nan jou sa a, e sote ponpe avèk jwa, paske, gade byen, rekonpans nou gran nan syèl la. Paske se ✧menm jan an, zansèt pa yo te konn maltrete pwofèt yo.

<sup>24</sup> Men malè a ✧nou menm ki rich, paske nou ap resevwa tout konfò nou.

<sup>25</sup> Malè a sila ki byen manje koulye a yo, paske nou va grangou.

Malè a nou menm ki ri koulye a, paske n ap kriye anpil.

<sup>26</sup> Malè a nou menm lè tout moun pale byen de nou, paske menm jan an, zansèt yo te konn aji avèk ✧fo pwofèt yo.

<sup>27</sup> Men Mwen di nou menm k ap tande: ✧renmen lènmi nou yo, e fè byen a sila ki rayi nou yo. <sup>28</sup> Beni sila ki bannou madichon yo. ✧Priye pou sila ki maltrete nou yo.

<sup>29</sup> ✧Nenpòt moun ki frape nou sou yon bò figi, ofri li lòt la tou; epi sila ki pran manto nou, pa refize li chemiz lan tou.

<sup>30</sup> Bay a tout sila ki mande nou yo, e sila ki pran sa ki pou nou, pa mande l remèt li.

<sup>31</sup> Menm jan ke nou vle moun ✧aji avèk nou, fè l menm jan an nan menm fason an.

<sup>32</sup> ✧Si nou renmen sila ki renmen nou yo, ki merit sa pote pou nou? Paske menm pechè yo renmen sila ki renmen yo. <sup>33</sup> Si nou fè byen a sila ki fè byen a nou yo, ki merit sa pote pou nou? Paske pechè yo fè menm bagay la. <sup>34</sup> ✧Si nou prete a sila ke nou sipoze ki kapab repeye nou, ki merit sa pote pou nou? Menm pechè yo prete a pechè yo pou yo kapab resevwa anrefou.

<sup>35</sup> Men renmen lènmi nou yo, fè byen, e prete, san sipoze ke yo va remèt; epi rekonpans nou va gran, e nou va vin ✧fis a ✧Trè Wo a; paske Li menm, Li plen charite pou lèzòm engra e malveyan.

✧ 6:12 Mat 14:23 ✧ 6:13 Mat 10:2-4 ✧ 6:15 Mat 9:9 ✧ 6:17 Mat 4:25 ✧ 6:19 Mat 9:21  
 ✧ 6:19 Luc 5:17 ✧ 6:20 Mat 5:3-12 ✧ 6:22 Jn 9:22 ✧ 6:23 II Kwo 36:16 ✧ 6:24 Luc 16:25  
 ✧ 6:26 Mat 7:15 ✧ 6:27 Mat 5:44 ✧ 6:28 Mat 5:44 ✧ 6:29 Mat 9:3 ✧ 6:31 Mat 7:12  
 ✧ 6:32 Mat 5:46 ✧ 6:34 Mat 5:42 ✧ 6:35 Mat 5:9 ✧ 6:35 Luc 1:32



36 Fè mizerikòd menm jan ke Papa nou fè mizerikòd.

37 ✧Pa jije e nou p ap jije; pa kondane, e nou p ap kondane; padone, e nou va padone.

38 Bay, e li va remèt a nou; bon mezi, byen peze, souke ansanm, menm debòde, yo va vide sou nou. ✧Paske avèk mezi ou mezire a, li va mezire bay ou anretou.

39 Epi Li te anplis pale yon parabòl a yo menm: “Èske✧yon nonm avèg kapab mennen yon nonm avèg? Èske tou de p ap tonbe nan twou?”

40 ✧Yon disip pa pi wo ke mèl li; men Nenpòt moun, lè li fin enstwi, ap tankou mèl li.

41 Poukisa n ap gade pousyè ki nan zye a frè nou an, men pa okipe bout bwa ki nan zye pa nou an? 42 Oubyen kijan nou kapab di a frè nou an: ‘Frè m, kite m retire pousyè sa a ki nan zye ou a, lè nou menm pa wè bout bwa ki nan zye pa nou an? Nou ipokrit, premyèman retire bout bwa nan zye nou an, e nou va wè klè pou retire pousyè ki nan zye frè nou an.

43 ✧Paske nanpwen bon ab ki pote move fwi; e lòt kote, yon move ab ki pwodwi bon fwi. 44 ✧Paske chak ab rekonèt pa pwòp fwi li. Konsa, lèzòm pa ranmase fig Frans nan bwa zepin, ni yo p ap rekòlte fwi rezen nan yon touf pikan.

45 ✧ Yon bon nonm, nan trezò a kè li, pote sa ki bon; epi moun mechan an nan trezò mechan an va fè parèt sa ki mechan; ✧paske bouch li pale sa ki ranpli kè li.

46 ✧Poukisa nou rele M ‘Senyè, Senyè’, e pa fè sa ke M di? 47 ✧Chak moun ki vin kote Mwen, e ki tandè pawòl Mwen yo pou aji sou yo, Mwen va montre nou ak kisa li sanble: 48 Li tankou yon nonm k ap bati yon kay, ki te fouye fon, e ki mete yon fondasyon sou wòch la; epi lè inondasyon rive, tòran dlo a pete sou kay la, men li pa t kapab souke l, akòz ke li te byen bati.

49 Men sila ki tandè e ki pa aji, se tankou yon nonm ki bati kay li sou tè a san okenn fondasyon; epi tòran dlo a pete kont li. Lapoula li vin tonbe, e destriksyon a kay sa a vin gran.

## 7

1 Lè Li te fin konplete tout diskou Li a nan tandè a pèp la, ✧Li te ale Capernaüm. 2 Epi esklav a yon sèten santenye, ke li te renmen anpil, te malad e te prèt pou mouri. 3 Lè li te tandè afè Jésus a, ✧chèf santenye a te voye kèk nan Jwif ansyen yo pou mande Li vin sove lavi a esklav li a. 4 Lè yo te rive kote Jésus, yo te sipliye L avèk tout kè yo, e te di: “Li merite pou Ou ta fè sa pou li. 5 Paske li renmen nasyon nou an, e se te li ki te bati sinagòg nou an.” 6 Jésus te pran wout la avèk yo; epi lè Li te vin pa t lwen kay la, santenye a te voye zanmi yo pou di L: “Senyè, pa twouble Ou plis, paske mwen pa dign pou Ou ta antre menm anba twati kay mwen. 7 Pou rezon sa a, mwen pa t menm konsidere ke m te dign pou m te vin kote Ou, men sèlman di yon mo e sèvitè mwen an va geri. 8 Paske mwen tou se yon moun plase anba otorite, avèk sòlda yo anba m. Mwen di a sila a: ‘Ale’, e li ale, e a yon lòt ‘Vini’, e li vini; e a esklav mwen ‘Fè sa’, e li tou fè l.” 9 Alò, lè Jésus te tandè sa, Li te etone de li. Li te vire di fowl ki t ap swiv Li a: “Mwen di nou, ✧ pa menm an Israèl Mwen pa t twouve yon si gran lafwa.”

✧ 6:37 Mat 7:1-5 ✧ 6:38 Mc 4:24 ✧ 6:39 Mat 15:14 ✧ 6:40 Mat 10:24 ✧ 6:43 Mat 7:16-20  
✧ 6:44 Mat 7:16 ✧ 6:45 Mat 12:35 ✧ 6:45 Mat 12:34 ✧ 6:46 Mal 1:6 ✧ 6:47 Jc 1:22 ✧ 7:1  
Mat 8:5-13 ✧ 7:3 Mat 8:5 ✧ 7:9 Mat 8:10

10 Epi lè sila ki te voye yo te vin retounen, yo te twouve esklav la an bòn sante. 11 Pa anpil tan apre sa, Li te ale nan yon vil yo rele Nain. Disip Li yo t ap ale avè l akonpanye pa yon gwo foul moun. 12 Pandan Li t ap pwoche pòtay lavil la, gade, yo t ap pote yon nonm mouri. Li te sèl fis a manman l ki te yon vèv. Yon foul konsiderab te avè l. 13 Lè \*Senyè a te wè l, li te gen konpasyon pou li, e te di li: **“Pa kriye.”** 14 Li te pwoche, te touche sèkèy la, e moun potè yo te kanpe san deplase. Li te di: **“Jennonm, Mwen di ou leve!”** 15 Moun mouri an te vin chita, e te kòmanse pale. Konsa, Jésus te remèt li bay manman l. 16 \*Lakrent te sezi yo tout, yo t ap bay glwa a Bondye, e te di: “Yon gran pwofèt gen tan leve pami nou!” E “Bondye vizite pèp Li a”! 17 Rapò sila a konsènan Li te gaye toupatou nan Juda ak tout landwa nan distri yo. 18 \*Disip a Jean yo te bay li rapò konsènan tout bagay sa yo. 19 Li te rele de nan disip li yo, Jean te voye yo kote \*Senyè a pou mande: “Èske Ou se Sila k ap vini an, oubyen èske n ap tann yon lòt?” 20 Lè mesye yo te rive a Li menm, yo te di: “Jean-Baptiste voye nou kote Ou menm pou mande ‘Èske Ou se Sila k ap vini an, oubyen èske n ap tann yon lòt?’ ” 21 Nan menm lè sa a, Li te \*geri anpil moun avèk maladi, \*aflikasyon, ak move lespri; epi Li te bay vizyon a anpil moun ki te avèk. 22 Li te reponn e te di yo: **“Ale bay rapò a Jean sou sa nou wè ak tande;\***

**avèk yo vin wè, bwate yo vin mache,**

**lepre yo vin pwòp, soud yo tande, mò yo leve,**

**\*e malere yo gen bòn nouvèl la preche a yo menm.**

23 **Beni se sila ki pa pran ofans akoz Mwen.”**

24 Lè mesaje a Jean yo te sòti, Li te kòmanse pale a foul la sou Jean: **“Kisa nou te ale nan dezè a pou wè? Yon wozo k ap souke pa van? 25 Men kisa nou te ale pou wè? Yon nonm abiye an twal swa? Gade byen, sila ki abiye byen bèl e ki viv nan richès yo se nan palè wayal yo ye. 26 Men kisa nou te ale wè? Yon pwofèt? Wi, Mwen di nou, se youn ki plis ke yon pwofèt. 27 Se li menm sou sila yo te ekri a:**

**\*‘Veye byen, Mwen voye, mesaje Mwen devan fas Ou,**

**ki va prepare chemen Ou an devan Ou.’**

28 **Mwen di nou, pami sila ki ne de fanm yo, nanpwen youn ki pi gran ke Jean; malgre sila ki pi piti nan wayòm Bondye a, pi gran pase li.”** 29 Lè tout pèp la avèk kolektè kontribisyon yo te tande sa, yo te rekonèt jistis Bondye; \*akoz yo te batize avèk batèm Jean an. 30 Men Farizyen yo avèk \*avoka yo te rejte volonte a Bondye pou yo menm, akoz ke yo pa t batize avèk batèm a Jean an. 31 **“A kisa Mwen kapab konpare lèzòm nan jenerasyon sila a, e ak kisa yo sanble? 32 Yo tankou timoun ki chita nan plas mache a, e k ap rele youn lòt; epi yo di: ‘Nou te jwe flit la pou ou, e ou pa t danse; nou te chante yon antèman, e ou pa t kriye.’ 33 Paske Jean-Baptiste te vini\*san manje pen, ni bwè diven; epi nou di ke li te gen yon dyab! 34 Fis a Lòm nan vini nan manje, ak bwè; epi nou di: ‘Gade, yon nonm ki manje twòp, yon moun sou, yon zanmi a kolektè kontribisyon avèk pechè yo! 35 Men sajès la\*jistifye pa tout pitit li yo. 36 Alò, youn nan Farizyen yo t ap mande L pou dine avèk li. Epi Li te antre lakay Farizyen an, e te rete sou tab la. 37 \*E te gen yon fanm nan vil la ki te yon pechè; epi lè l vin konprann ke Li te sou tab lakay Farizyen an, li te pote yon bokal blan plen avèk pafen**

\* 7:13 Luc 7:19 \* 7:16 Luc 5:26 \* 7:18 Mat 11:2-19 \* 7:19 Luc 7:13 \* 7:21 Mat 4:23  
 \* 7:21 Mc 3:10 \* 7:22 És 35:5 \* 7:22 És 61:1 \* 7:27 Mal 3:1 \* 7:29 Mat 21:32 \* 7:30  
 Mat 22:35 \* 7:33 Luc 1:15 \* 7:35 Luc 7:29 \* 7:37 Mat 26:6-13

albat. <sup>38</sup> Li te kanpe dèyè Li, kote pye Li. Pandan l ap kriye, li te kòmanse mouye pye Li avèk dlo ki sòti nan zye li, epi siye yo avèk cheve li. Li te kontinye siye yo avèk cheve tèt li e bese nan pye Li, pou onksyone yo avèk pafen an. <sup>39</sup> Alò, lè Farizyen ki te envite Li a te wè sa, li te di a pwòp tèt li: “Si mesye sa a te yon pwofèt, Li t ap konnen ki kalite moun fanm sa a ye k ap touche Li a, ke li se yon pechè. <sup>40</sup> Epi Jésus te reponn li: “Simon, Mwen gen yon bagay pou di ou.” Epi li te di: “Pale, Mèt.” <sup>41</sup> Yon sèten moun ki prete lajan te gen de zòm ki te dwe l: youn te dwe l senk-san denye, epi lòt la, senkant. <sup>42</sup> Lè yo pa t kapab repeye, avèk gras, li te padone yo toulède. Pou sa, kilès nan yo k ap renmen li plis?”

<sup>43</sup> Simon te reponn e te di: “Mwen sipoze ke se sila ke li te padone plis la.

“Epi Li te di li: “Ou jije byen”.

<sup>44</sup> Lè Li vire vè fanm nan, Li te di Simon: “Èske ou wè fanm sa a? Mwen te antre lakay ou. Ou pa t ban M dlo pou pye Mwen, men li mouye pye M avèk dlo zye li, e li te siye yo avèk cheve li. <sup>45</sup> Ou pa t bo M; men li menm, depi lè M antre a li pa sispann bo pye Mwen. <sup>46</sup> Ou pa t onksyone tèt Mwen avèk lwil, men li te onksyone pye Mwen avèk pafen.

<sup>47</sup> Pou rezon sa a Mwen di ou, peche li yo ki te anpil, vin padone, paske li te renmen anpil: men sila a ki padone piti, renmen piti.”

<sup>48</sup> Answit Li te di li: “Peche ou yo padone”.

<sup>49</sup> Sila ki te sou tab avèk Li yo te kòmanse di a yo menm: “Ki moun sa ye ki menm padone peche?” <sup>50</sup> Epi Li te di a fanm nan: “Lafwa ou sove ou; ale anpè.”

## 8

<sup>1</sup> Yon ti tan apre, Li te kòmanse ale de yon vil ak yon bouk a lòt, pou pwoklame e preche wayòm syèl la. Douz yo te avèk Li. <sup>2</sup> Anplis te gen avèk yo kèk fanm ki te geri de move lespri yo ak maladi yo. Te gen Marie, ke yo te rele Magdala a, sou kilès sèt dyab yo te sòti a, <sup>3</sup> avèk Jeanne, madanm Chouza a, entandan Hérode la, ak anpil lòt ki t ap kontribye a soutyen ki sòti nan mwayen pèsonèl yo.

<sup>4</sup> Lè yon gran foul t ap rasanble, e sila yo ki sòti nan plizyè vil t ap vwayaje rive kote Li, Li te pale nan yon parabòl: <sup>5</sup> “Semè a te sòti pou simen semans li; e pandan li t ap simen, kèk te tonbe akote wout la; epi yo te vin foule anba pye, e zwazo anlè yo te manje yo. <sup>6</sup> Lòt semans te tonbe nan tè plen wòch, e pandan yo t ap grandi, yo te fennen akoz ke li pa t gen dlo. <sup>7</sup> Lòt semans te tonbe pami pikan; epi pikan yo te grandi avè l, e te trangle yo. <sup>8</sup> Lòt semante tonbe nan bon tè, te grandi, e te pwodwi yon rekòlt san fwa pi gran.”

Pandan Li t ap di bagay sa yo, Li t ap rele fò: “Sila ki gen zòrèy pou tande, kite l tande.”

<sup>9</sup> Disip Li yo te kòmanse poze L kesyon sou sa ke parabòl sa a ta kapab vle di.

<sup>10</sup> Epi Li te di: “A nou menm li pèmi pou konnen mistè a wayòm Bondye a, men pou lòt yo, li fèt an parabòl, dekwa ke nan gade, yo vin pa wè, e nan tande, pou yo pa konprann.

<sup>11</sup> Alò, parabòl la se sa: semans lan se pawòl Bondye a.

✠ 7:39 Luc 7:16 ✠ 7:41 Mat 18:28 ✠ 7:42 Mat 18:25 ✠ 7:44 Jen 18:4 ✠ 7:45 II Sam 15:5  
 ✠ 7:46 II Sam 12:20 ✠ 7:48 Mat 9:2 ✠ 7:49 Luc 5:21 ✠ 7:50 Mc 5:34 ✠ 8:1 Mat 4:23  
 ✠ 8:2 Mat 27:55 ✠ 8:3 Mat 14:1 ✠ 8:8 Mat 11:5 ✠ 8:9 Mat 13:10-23 ✠ 8:10 És 6:9 ✠ 8:11  
 I Pi 1:23

<sup>12</sup> Sila yo akote wout la se sila yo ki te tande; epi dyab la vin rache pawòl la nan kè yo, pou yo pa kwè e vin sove.

<sup>13</sup> Sila yo nan tè plen wòch la se sila yo ke lè yo tande, resevwa pawòl la avèk jwa, men yo pa gen rasin. Yo kwè pou yon tan, epi nan tan tantasyon, yo lage tonbe.

<sup>14</sup> Semans ki te tonbe pami pikan yo se sila yo ki te tande, epi pandan yo ap fè wout yo, yo vin trangle avèk pwoblèm pa yo ak richès a vi sa a. Konsa yo pa pote fwi ki vin mi.

<sup>15</sup> Semans nan bon tè a se sila yo ki te tande pawòl la avèk yon kè onèt e bon, e ki kenbe fèm, k ap pote fwi avèk pèsèverans.

<sup>16</sup> Alò, ✨pèsonn, lè l fin limen yon lanp pa kouvri li avèk yon veso, ni mete l anba yon kabann; men li mete li sou yon chandelye, pou sila yo ki antre kapab wè limyè a. <sup>17</sup> ✨Paske pa gen anyen kache ki p ap vin parèt, ni anyen an sekre ki p ap revele pou vin nan limyè.

<sup>18</sup> Pou sa, okipe nou de jan nou tande; ✨paske nenpòt moun ki genyen, se plis k ap bay a li menm; e a sila ki pa genyen an, menm sa li sipoze li genyen an va rache soti nan men li.”

<sup>19</sup> ✨Manman Li avèk frè L yo te vin kote L, e yo pa t kapab rive kote L akoz foul la. <sup>20</sup> Konsa yo te bay Li rapò a: “Manman Ou avèk frè Ou yo kanpe deyò a e vle wè Ou.

<sup>21</sup> Men Li te reponn yo e te di yo: “Manman M avèk Papa M se sila yo ✨ki tande pawòl Bondye a, e ki fè l.” <sup>22</sup> ✨Nan youn nan jou sa yo, Li te monte avèk disip Li yo nan yon kannòt. Li te di yo: “Annou pase pa lòtbò lak la.” Yo te pati.

<sup>23</sup> Men pandan yo t ap ale sou vwal a, Li te tonbe nan dòmi. Epi yon gwo van te vin desann sou ✨lak la, e yo te kòmanse inonde e te vin an danje.

<sup>24</sup> Yo te vini a Jèsus e yo te fè L leve. Yo te di: ✨“Mèt, Mèt, n ap peri!” Epi lè L vin leve, Li te ✨reprimande van an avèk gwo lam lanmè yo, e yo te sispann. Konsa, tan an te vin kalm.

<sup>25</sup> Li te di yo: “Kote lafwa nou ye?”

Yo te ranpli avèk lakrent, yo te etone, e te di youn lòt: “Alò, kilès nonm sa ye ki kòmande menm van avèk dlo a, e yo obeyi a?”

<sup>26</sup> ✨Yo te kouri a vwal jouk lè yo rive nan peyi a Jerazyen yo ki anfas Galilée. <sup>27</sup> Lè Li te desann atè, Li te rankontre pa yon sèten mesye nan vil la ki te domine pa dyab; e ki pa t mete rad depi lontan, ki pa t viv nan kay, men nan tonbo.

<sup>28</sup> Lè l wè Jèsus, li te kriye fò e te tonbe devan Li. Li te di ak yon gwo vwa: ✨“Kisa m gen avè ou Jèsus, Fis a ✨Pi Wo Bondye a? Mwen sipliye ou, pa toumante mwen.”

<sup>29</sup> Paske Li te kòmande lespri enpi a pou sòti nan mesye a. Paske li te konn sezi li anpil fwa; e li te mare avèk chenn avèk fè nan pye li, e Li te kenbe anba gad. Li te konn pete tout kontrent sa yo pou dyab yo ta pouse l nan dezè a. <sup>30</sup> Jèsus te mande li: ✨“Kòman yo rele ou?” E li te di: “Lejyon”, paske anpil dyab te gen tan antre nan li. <sup>31</sup> Yo t ap sipliye L pou pa voye yo ✨nan abim nan. <sup>32</sup> Alò te gen yon gwo bann kochon ki t ap manje la nan mòn nan, e dyab yo te sipliye Li pou kite yo antre nan kochon yo. Konsa, Li te bay yo pèmasyon. <sup>33</sup> Dyab yo te sòti nan mesye a, e te antre nan kochon yo, bann nan te kouri desann pant falèz la, tonbe ✨nan lak la, e te mouri

✨ **8:16** Mat 5:15 ✨ **8:17** Mat 10:26 ✨ **8:18** Mat 13:12 ✨ **8:19** Mat 12:46-50 ✨ **8:21** Luc 11:28 ✨ **8:22** Mat 8:23-27 ✨ **8:23** Luc 5:1 ✨ **8:24** Luc 5:5 ✨ **8:24** Luc 4:39 ✨ **8:26** Mat 8:28-34 ✨ **8:28** Mat 8:29 ✨ **8:28** Mc 5:7 ✨ **8:30** Mat 26:53 ✨ **8:31** Wo 10:7 ✨ **8:33** Luc 5:11

nan dlo a. <sup>34</sup> Lè gadyen kochon yo te wè sa ki rive a, yo te kouri ale bay rapò a nan vil la avèk tout landwa andeyò yo.

<sup>35</sup> Pèp la te sòti vin wè sa ki te rive a, e yo te vin kote Jésus. Yote twouve nonm ki te konn gen dyab la. Li te chita ✧nan pye Jésus, byen abiye, e nan bon tèt li. Yo te vin pè.

<sup>36</sup> Sila yo ki te wè sa, te eksplike yo kijan nonm nan ki te ✧posede pa dyab yo, te vin geri.

<sup>37</sup> Tout pèp Jérusalem an ak landwa andeyò yo te mande pou L ta kite yo paske yo te ranpli avèk yon gwo perèz, epi Li te antre nan kannòt la, e te pati.

<sup>38</sup> Men mesye a ke dyab yo te kite a te ✧sipliye L pou L ta kapab ale avèk li, men Li te voye li ale e te di: <sup>39</sup> **“Retounen lakay ou pou eksplike yo ki gwo bagay ke Bondye te fè pou ou.”**

Donk li te ale, e te pwoklame toupatou nan tout vil la ki gwo bagay Bondye te fè pou li.

<sup>40</sup> ✧Lè Jésus te retounen, foul la te resevwa L byen, paske yo tout t ap tann Li.

<sup>41</sup> ✧Konsa, te vini yon nonm ki te rele Jaïrus ki te yon ofisye sinagòg la. Li te tonbe nan pye a Jésus e te kòmanse sipliye Li pou te vini lakay li; <sup>42</sup> paske li te gen yon sèl fi, anviwon laj a douz lane, e li te mouri.

Men pandan Li t ap ale, foul la t ap peze Li.

<sup>43</sup> Epi yon fanm, ki te koule san pou plis ke douz lane, men pa t kapab twouve gerizon pa okenn moun, <sup>44</sup> te pwoche dèyè Li. Li te touche arebò vètman Li, e nan menm moman an, san an te rete.

<sup>45</sup> Jésus te di: **“Kilès ki te touche Mwen an?”**

E pandan yo tout t ap demanti ke se pa yo, Pierre te di: ✧“Mèt, foul la ap bourade ou e peze Ou.”

<sup>46</sup> Men Jésus te di: **“Yon moun vrèman te touche M, paske Mwen te konnen lè✧pouvwa a te kite M nan.”**

<sup>47</sup> Lè fanm nan te wè ke li t ap dekouvri, li te vini byen tranble, e te tonbe devan Li. Li te deklare nan prezans a tout moun poukisa li te touche L la ak jan li te vin geri imedyatman.

<sup>48</sup> Jésus te di li: **“Fi Mwen, lafwa ou te fè ou geri; ✧ale anpè.”**

<sup>49</sup> Pandan Li te toujou ap pale, yon moun te soti lakay✧ofisye sinagòg la, e te di: “Pitit ou a gen tan mouri. Pa twouble Mèt la ankò.”

<sup>50</sup> Men lè Jésus te tandè sa, Li te reponn li: ✧“Pa pè; sèlman kwè, e li va geri.”

<sup>51</sup> Lè Li te rive nan kay la, Li pa t kite okenn lòt moun antre avè L, sof ke Pierre avèk Jean ak Jacques, epi manman ak papa pitit la.

<sup>52</sup> Alò yo tout t ap kriye, e t ap ✧lamante pou li; men Li te di: **“Sispann kriye, paske li pa mouri, men ✧l ap dòmi.”**

<sup>53</sup> Yo te kòmanse ap ri sou Li, paske yo te konnen ke li te mouri.

<sup>54</sup> Men Li menm te pran li pa lamèn, Li te rele e te di: **“Pitit, leve!”**

<sup>55</sup> Konsa, lespri lavi li te retounen, e li te leve imedyatman; epi li te bay lòd pou yo bay li yon bagay pou l manje.

<sup>56</sup> Paran li yo te etone, men Li te ✧enstwi yo pou pa pale pèsonn sa ki te rive a.

✧ **8:35** Luc 10:39 ✧ **8:36** Mat 4:24 ✧ **8:38** Mc 5:18-20 ✧ **8:40** Mat 9:1 ✧ **8:41** Mat 9:18-26  
 ✧ **8:45** Luc 5:5 ✧ **8:46** Luc 5:17 ✧ **8:48** Mc 5:34 ✧ **8:49** Luc 8:41 ✧ **8:50** Mc 5:36 ✧ **8:52**  
 Luc 23:27 ✧ **8:52** Jn 11:13 ✧ **8:56** Mat 8:4

## 9

<sup>1</sup> ✧ Li te rele douz yo ansanm, e te bay yo pouvwa avèk otorite sou tout dyab, e pou geri maladi. <sup>2</sup> Li te voye yo ale pou ✧ pwoklame wayòm Bondye a, e pou geri maladi.

<sup>3</sup> Konsa, Li te di yo: ✧ **“Pa pran anyen pou vwayaj nou, ni yon baton, ni yon sak, ni pen, ni lajan; pa menm pote yon dezyèm vètman. <sup>4</sup> Nan nenpòt kay ke nou antre, rete la jiskaske nou kite vil sa a. <sup>5</sup> Pou sila yo ki pa resevwa nou, lè n ap kite vil sa a, ✧ souke pousyè sòti nan pye nou kon yon temwayaj kont yo.**

<sup>6</sup> Pandan yo t ap kite la, yo te kòmanse ale pami bouk yo, ap ✧ preche levanjil la, e te fè gerizon toupatou.

<sup>7</sup> ✧ Alò, Hérode, tetrak la te tandè tout sa ki t ap fèt yo; e li te gravman twouble, paske kèk moun te di ke se te Jean ki te leve soti nan lanmò.

<sup>8</sup> Selon kèk ✧ lòt Élie te vin parèt, oswa youn nan ansyen pwofèt yo te leve ankò.

<sup>9</sup> Hérode te di: “Mwen menm te fè yo koupe tèt a Jean, men kilès nonm sa a ye de Li m tandè tout koze sa yo?” Epi ✧ li te kontinye ap eseye pou li ta kab wè L.

<sup>10</sup> Lè apòt yo te retounen, yo te bay Li yon istwa de tout sa ki te rive a.

✧ Li te fè yo ale avè L, Li te retire tèt vè yon vilaj yo rele Betsaïda.

<sup>11</sup> Men foul la te konnen sa, yo te swiv Li; e Lite resevwa yo avèk kè ouvè.

Li te kòmanse pale avèk yo sou wayòm syèl la, e te fè gerizon pou sila yo ki te bezwen geri.

<sup>12</sup> Alò jou a te kòmanse ap avanse, e douz yo te vin di Li: “Voye foul la ale pou yo kapab ale nan vilaj yo oswa andeyò pou yo twouve lojman, e jwenn yon bagay pou yo manje; paske nou isit la nan yon kote ki izole.

<sup>13</sup> Men Li te di yo: **“Nou menm bay yo manje!”** Epi yo te di: “Nou pa gen plis ke senk pen avèk de pwason, sof ke petèt ke nou ale achte pen pou tout moun sa yo.” <sup>14</sup> (Paske te gen anvivon senk-mil moun.)

Epi li te di a disip Li yo: **“Fè yo chita ✧ nan gwoup de senkant chak.”**

<sup>15</sup> Yo te fè sa, e te fè tout moun chita.

<sup>16</sup> Answit, Li te pran senk pen avèk de pwason yo, Li te gade vè syèl la, e Li te beni yo. Li te kase yo, e te kontinye lonje bay disip yo pou mete devan foul la.

<sup>17</sup> Yo tout te manje, e te satisfè; e mòso tou kase ke yo te ranmase yo te fè douz ✧ panyen byen ranpli.

<sup>18</sup> ✧ Li te vin rive ke pandan Li t ap priye sèl, disip yo te avè l, e Li te poze yon kesyon. Li te mande: **“Kilès moun foul la di ke Mwen ye?”**

<sup>19</sup> Yo te reponn Li e te di: “Jean-Baptiste, oswa Eli; men lòt yo, youn nan ansyen pwofèt yo ki leve ankò.”

<sup>20</sup> Epi Li te di yo: **“Men kilès nou menm, nou di ke Mwen ye?”**

Epi Pierre te reponn e te di: ✧ “Kris la a Bondye a.”

<sup>21</sup> Men Li te ✧ avèti yo avèk severite pou yo pa pale sa a pèsonn.

<sup>22</sup> ✧ Epi te di: **“Fis a Lòm nan va oblije soufri anpil bagay, e va rejte pa ansyen yo, ak chèf prèt yo, ak skrib yo. Li va vin touye, e va vin leve nan twazyèm jou a.”**

✧ 9:1 Mat 10:5 ✧ 9:2 Mat 10:7 ✧ 9:3 Luc 10:4-12 ✧ 9:5 Luc 10:11 ✧ 9:6 Mc 6:12 ✧ 9:7 Mc 6:14 ✧ 9:8 Mat 16:14 ✧ 9:9 Luc 23:8 ✧ 9:10 Mat 14:13-21 ✧ 9:14 Mc 6:39 ✧ 9:17 Mat 14:20 ✧ 9:18 Mat 16:13-16 ✧ 9:20 Jn 6:68 ✧ 9:21 Mat 8:4 ✧ 9:22 Mat 21:16-28

23 Li t ap di a yo tout: ✨“Si Nenpòt moun vle swiv Mwen, li dwe renonse a pwòp tèt li, pran kwa li chak jou pou swiv Mwen. 24 Paske ✨Nenpòt moun ki vle sove vi li va pèdi li, men sila a ki pèdi lavi li pou koz Mwen, se li ki va sove li.

25 Paske ki avantaj yon nonm gen si li vin genyen tou lemonn, e vin ✨pèdi, oswa peye kon pri a, pwòp tèt li?

26 ✨Paske Nenpòt moun ki wont Mwen, ak pawòl Mwen yo, a li menm, Fis a Lòm nan va wont lè Li vini nan glwa Li, glwa a Papa a, avèk glwa a zanj sen yo.

27 Men Mwen di nou anverite, ✨gen nan sila yo ki kanpe la a ki p ap goute lanmò jouk lè ke yo wè wayòm Bondye a.”

28 Anviwon uit jou aprè pawòl sa yo, ✨Li te pran Pierre avèk Jean, avèk Jacques, e te monte nan mòn nan pou priye.

29 Pandan Li t ap ✨priye, aspè figi Li te vin chanje, e vètman Li te vin klere kon blan briyan. 30 Epi gade, de zòm t ap pale avèk Li; se te Moïse avèk Elie, 31 ki te vin parèt nan glwa, e t ap pale sou afè ✨depa Li ke Li te prèt pou acheve nan Jérusalem.

32 Alò, Pierre avèk lòt parèy li yo te vin ✨tonbe nan dòmi; men lè zye pa yo te vin ouvri nèt, yo te wè glwa Li e de zòm yo ki te kanpe avè L. 33 Epi Li te vin rive ke pandan sila yo t ap kite Li, Pierre te di a Jésus: Mèt, se bon pou nou isit la. ✨Annou ta fè twa tabènak; youn pou Ou, youn pou Moïse, e youn pou Elie,” san li menm pa t konprann sa li t ap di a.

34 Pandan li t ap di sa, yon nyaj te fòme e te pase yon lonbraj sou yo; epi yo te krent lè yo te antre nan lonbraj la.

35 Answit yon vwa te sòti nan lonbraj la, e t ap di: ✨“Sa se fis byeneme Mwen an; koute Li!”

36 Epi lè vwa a te pale, Jésus te twouve li sèl. Yo te ✨rete an silans, e pa t di pèsonn sa ki te rive nan jou sa yo.

37 ✨Nan jou swivan an, lè yo te desann sòti nan mòn nan, yon gwo foul te rankontre Li. 38 Konsa yon mesye nan foul la te rele fò: “Mèt, mwen sipliye ou pou gade wè fis mwen an, paske se li sèl gason ke m genyen, 39 Yon lespri konn sezi li. Li rele fò, lespri a jete li nan gwo kriz ki fè bouch li kimen e pandan lespri a ap kite li. Li kontinye maspinen l nèt jiskaske li ale. 40 Mwen te sipliye disip ou yo pou chase l, men yo pa t kapab.

41 Jésus te reponn e te di: “O jenerasyon enkredil, e pèvès! Pou jis kilè M ap avèk nou, pou sipòte nou? Mennen pitit ou a isit la.”

42 Pandan Li t ap pwoche, dyab la te voye l atè, e te jete l nan yon gwo kriz. Men Jésus te repwòche lespri enpi a; Lite geri gason an, e te remèt li bay papa l.

43 Yo tout te etone akoz grandè Bondye.

✨Men pandan tout t ap admire tout sa ke Li t ap fè, Li te di a disip Li yo: 44 “Kite pawòl sa yo penetre nan zòrèy nou; ✨paske Fis a Lòm nan va livre nan men a lèzòm.”

45 Men ✨yo pa t konprann pawòl sila a, e sans li te kache a yo menm pou yo pa t kab konprann li. Yo te pè kesyone L sou pawòl sa a.

46 ✨Konsa, yon gwo diskisyon te leve pami yo sou kilès nan yo ki ta pi gran.

47 Men Jésus, byen ✨okouran a sa yo t ap panse nan kè yo a, te pran

✨ 9:23 Mat 10:38 ✨ 9:24 Mat 10:39 ✨ 9:25 Eb 10:34 ✨ 9:26 Mat 10:23 ✨ 9:27 Mat 16:28  
 ✨ 9:28 Mat 17:1-8 ✨ 9:29 Luc 3:21 ✨ 9:31 II Pi 1:15 ✨ 9:32 Mat 26:43 ✨ 9:33 Mat 17:4  
 ✨ 9:35 És 42:1 ✨ 9:36 Mat 17:9 ✨ 9:37 Mat 17:14-18 ✨ 9:43 Mat 17:22 ✨ 9:44 Luc 9:22  
 ✨ 9:45 Mc 9:32 ✨ 9:46 Luc 22:24 ✨ 9:47 Mat 9:4

yon timoun e te mete li kanpe akote Li. <sup>48</sup> Li te di yo: ✨“Nenpòt moun ki resevwa timoun sa a nan non Mwen resevwa Mwen; e Nenpòt moun ki resevwa Mwen, resevwa Papa a ki te voye Mwen an; paske sila ki pi piti pami nou an, se li menm ki pi gran.”

<sup>49</sup> ✨Jean te reponn, e te di: “Mèt, nou te wè yon moun ki t ap chase dyab nan non Ou, e nou te eseye anpeche li akoz ke li p ap swiv ak nou.”

<sup>50</sup> Men Jésus te di l: ✨“Pa anpeche li ✨paske sila ki pa kont nou an pou nou.”

<sup>51</sup> Lè jou yo t ap pwoche pou L te leve, li te pran desizyon nèt ✨pou ale Jérusalem; <sup>52</sup> Li te voye mesaj yo devan Li. Konsa, yo te ale antre nan yon vil a ✨Samariten yo, pou fè aranjman pou li.

<sup>53</sup> Men yo te refize resevwa Li ✨akoz ke Li t ap vwayaje ak figi Li fiske vè Jérusalem.

<sup>54</sup> Lè Jacques avèk Jean te wè sa, yo te di: “Senyè, èske Ou ta vle nou ✨kòmande dife sòti nan syèl la pou devore yo?”

<sup>55</sup> Men Li te vire e te reprimande yo: ✨“Nou pa konnen de ki kalite lespri nou ye; <sup>56</sup> paske Fis a Lòm nan pa t vini pou detwi lavi moun, men pou sove yo. Epi yo te kontinye pou ale nan yon lòt vil.

<sup>57</sup> Pandan yo t ap prale akote wout la, ✨yon moun te di Li: “Mwen va swiv Ou Nenpòt kote Ou ale.”

<sup>58</sup> Jésus te di Li: ✨“Rena yo gen twou yo, e zwazo yo gen nich yo, men ✨Fis a Lòm nan pa gen kote pou poze tèt Li.”

<sup>59</sup> Konsa, Li te di a yon lòt: ✨“Swiv Mwen”.

Men li te di: “Kite m ale avan pou antere papa m.”

<sup>60</sup> Men Li te di li: ✨“Kite mò yo antere mò yo; men pou ou menm, ale ✨pwoklame toupatou wayòm Bondye a.”

<sup>61</sup> Yon lòt osi te di: “Mwen va swiv Ou Senyè; men ✨kite m dabò di orevwa a moun lakay mwen.”

<sup>62</sup> Men Jésus te di li: ✨“Nenpòt moun ki mete men li sou cha a pou gade pa dèyè pa dign de wayòm Bondye a.

## 10

<sup>1</sup> Alò, apre sa, Senyè a te nonmen swasann-dis ✨lòt, e te voye yo ✨de pa de devan Li nan chak vil ak andwa kote Li menm te gen pou vini.

<sup>2</sup> Li t ap di yo: ✨“Rekòlt la anpil, men ouvriye yo piti; pou sa, sipliyè Senyè rekòlt la pou L voye ouvriye nan chan rekòlt Li a.

<sup>3</sup> Ale! ✨Veye byen, Mwen voye nou tankou jenn mouton nan mitan lou.

<sup>4</sup> ✨Pa pote bous, ni sak, ni soulye; epi pa salye pèsonn nan wout la.

<sup>5</sup> Nan nenpòt kay ke nou antre, premyèman di Lapè retenan kay sa a’.

<sup>6</sup> Si yon nonm lapè la, lapè nou va rete sou li, men si li pa la, li va retounen sou nou. <sup>7</sup> Rete nan kay sa a. Manje e bwè sa ke yo mete devan nou; paske ✨ouvriye a dign de salè li. Pa kontinye pase de kay an kay.

<sup>8</sup> Nan Nenpòt vil ke nou antre e yo resevwa nou, ✨manje sa yo mete devan nou. <sup>9</sup> Geri sila yo ki malad nan li, e di yo: ✨“Wayòm syèl la gen tan vin toupre nou”.

<sup>10</sup> Men nan Nenpòt vil ke nou antre e yo pa resevwa nou, tou ale nan lari yo e di: <sup>11</sup> ✨“Menm pousyè vil nou an ki kole nan pye nou, nou siye

✨ 9:48 Mat 10:40 ✨ 9:49 Mc 9:38-40 ✨ 9:50 Mat 12:30 ✨ 9:51 Luc 13:22 ✨ 9:52 Mat 10:5  
 ✨ 9:53 Jn 4:9 ✨ 9:54 II Wa 1:9-16 ✨ 9:57 Mat 8:19-22 ✨ 9:58 Mat 8:20 ✨ 9:59 Mat 4:23  
 ✨ 9:60 Mat 4:23 ✨ 9:61 I Wa 19:20 ✨ 9:62 Fil 3:13 ✨ 10:1 Luc 9:1-52 ✨ 10:1 Mc 6:7  
 ✨ 10:2 Mat 9:37-38 ✨ 10:3 Mat 10:16 ✨ 10:4 Mat 10:9-14 ✨ 10:7 Mat 10:10 ✨ 10:8 I Kor  
 10:27 ✨ 10:9 Mat 3:2 ✨ 10:11 Mat 10:14



li kont nou menm. Men konnen sa byen; ke wayòm syèl la gen tan vin toupre nou.”

<sup>12</sup> Mwen di nou, ✨li va pi tolerab nan jou sa pou Sodome ke pou vil sa a.

<sup>13</sup> ✨Malè a nou menm, Chorazin! Malè a nou menm, Bethsaïde! Paske si mirak ki te fèt nan nou yo te konn fèt nan Tyr avèk Sidon, yo t ap vin repanti lontan sa, e vin chita nan sann abiye ak twal sak.

<sup>14</sup> Men li va pi tolerab pou ✨Tyr ak Sidon nan jijman an, pase pou nou menm.

<sup>15</sup> Epi nou menm. ✨Capernaüm, nou p ap egzalte nan syèl la, men nou ap jete anba nan sejou mò yo.

<sup>16</sup> ✨Sila ki koute nou an, koute Mwen; e sila ki rejte nou an, rejte Mwen; e sila ki rejte Mwen an, rejte Sila a ki voye Mwen an.

<sup>17</sup> Swasann-dis yo te retounen avèk jwa, e te di: “Senyè, menm ✨dyab yo soumèt a nou menm nan non Ou”.

<sup>18</sup> Epi Li te di yo: “Mwen t ap gade ✨Satan k ap tonbe soti nan syèl la tankou yon kout loraj. <sup>19</sup> Veye byen, Mwen bannou otorite pou ✨mache sou sèpan avèk eskòpyon anba pye nou, sou tout pouvwa a lènmi an, e anyen p ap fè nou mal.

<sup>20</sup> Malgre sa, pa rejwi nan sa, paske lespri yo soumèt a nou menm, men rejwi paske ✨non nou ekri nan syèl la.”

<sup>21</sup> ✨Nan menm moman an, Li te rejwi anpil nan Lespri Sen an, e te di: “Mwen louwe Ou, o Papa, Senyè a syèl la avèk tè a, Ke Ou kache bagay sa yo devan saj yo ak entèlijan yo pou revele yo a zanfan yo. Wi, Papa, paske konsa li te fè plezi nan zye Ou.

<sup>22</sup> ✨Tout bagay te remèt a Mwen menm pa Papa M, e ✨pèsòn pa konnen ki moun Fis la ye, sof ke Papa a, e ki moun Papa a ye, sof ke Fis la, ak Nenpòt moun ke Fis la revele L.

<sup>23</sup> ✨Li te vire vè disip yo Li te di an prive: “Beni se zye ki wè bagay ke nou gen tan wè a. <sup>24</sup> Paske Mwen di nou, ke anpil nan pwofèt avèk wa yo te vle wè bagay ke nou wè yo, men yo pa t wè yo, ni tande bagay ke nou tande yo, e yo pa t tande yo.”

<sup>25</sup> ✨Epi vwala, yon sèten avoka te kanpe pou pase l a leprèv, t ap di: “Mèt, kisa pou m ta fè pou eritye lavi etènèl?”

<sup>26</sup> Li te pale li: “Kisa ki ekri nan Lalwa a? Kijan ou li li?”

<sup>27</sup> Epi li te reponn:

✨ “Ou va renmen Senyè a, Bondye ou a avèk tout kè ou, avèk tout nanm ou, avèk tout fòs ou, e avèk tout panse ou, epi vwazen ou tankou tèt ou.”

<sup>28</sup> Li te di li: “Ou reponn byen kòrèk; ✨Fè sa, e ou va viv.”

<sup>29</sup> Men li te vle ✨jistifye tèt li. Li te di a Jésus, “E kilès ki vwazen mwen?”

<sup>30</sup> Jésus te reponn e te di: “Yon sèten mesye t ap ✨desann sòti Jérusalem pou rive Jéricho. Li te tonbe pami vòlè yo; yo te pran rad li, yo te bat li, e yo te kite l mwatye mouri.

<sup>31</sup> Epi pa aza, yon sèten prèt t ap desann nan wout sa a, epi lè l te wè li, li te vin pase sou lòtbò wout la.

<sup>32</sup> Menm jan an, yon Levit tou, lè l te rive kote a te wè li, li te vin pase sou lòtbò.

<sup>33</sup> Men yon sèten ✨Samariten, ki t ap fè yon vwayaj, te rive sou li; epi lè

✨ **10:12** Jen 19:24-28 ✨ **10:13** Mat 11:21-23 ✨ **10:14** Mat 11:21 ✨ **10:15** És 14:13-15 ✨ **10:16** Mat 10:40 ✨ **10:17** Luc 9:1 ✨ **10:18** Mat 4:10 ✨ **10:19** Sòm 91:13 ✨ **10:20** Egz 32:32 ✨ **10:21** Mat 11:25-27 ✨ **10:22** Jn 3:35 ✨ **10:22** Jn 10:15 ✨ **10:23** Mat 13:16-17 ✨ **10:25** Mat 19:16-19 ✨ **10:27** Det 6:5 ✨ **10:28** Lev 18:5 ✨ **10:29** Luc 16:15 ✨ **10:30** Luc 18:31 ✨ **10:33** Mat 10:5

l te wè l, li te gen konpasyon. <sup>34</sup> Li te vini a li menm, te mete lwil avèk diven sou blesi li yo, e te panse yo. Li te vin mete li sou pwòp bèt pa li, e te mennen li nan yon pansyon pou l pran swen li. <sup>35</sup> Nan landemen, li te rale kòb de denye; li te bay yo a mèt otèl la e te di l: ‘Pran swen li, epi nenpòt sa ke ou depanse, lè m tounen, mwen va remèt ou li.’

<sup>36</sup> Kilès nan twa sa yo ou kwè ki te fè prèv ke se te yon bon vwazen a mesye ki te tonbe nan men vòlè yo?”

<sup>37</sup> Epi li te di: “Sila ki te gen konpasyon pou li a.” Konsa Jésus te di l: “Ale fè menm bagay la”.

<sup>38</sup> Pandan yo t ap vwayaje, Li te antre nan yon sèten vil; epi yon fanm yo rele ✧ Marthe te resevwa Li lakay li.

<sup>39</sup> Li te gen yon sè yo te rele ✧ Marie, ki anplis t ap koute pawòl Senyè a, byen chita nan pye Li. <sup>40</sup> Men ✧ Marthe te gen tèt chaje akoz tout sèvis lakay yo, li te pwoche e te di: “Senyè, èske sa pa fè Ou anyen ke sè m nan kite m ap fè tout sèvis la pou kont mwen? Alò, di l vin ede m.”

<sup>41</sup> Men Senyè a te reponn li, e te di: “Marthe, Marthe, ou ✧enkyete e twouble pa anpil bagay; <sup>42</sup> ✧Men se yon sèl bagay ki nesèsè. Marie te chwazi sila ki bon an, e sa p ap retire soti nan men li.

## 11

<sup>1</sup> Li te rive ke pandan Li t ap priye nan yon sèten kote, lè L te fini, youn nan disip Li yo te di Li: Senyè, montre nou kijan pou nou priye, menm jan ke Jean osi te montre disip li yo.”

<sup>2</sup> Li te di yo: ✧ “Lè n ap priye, di:

‘Papa nou ki nan syèl la,  
Ke non Ou kapab Sen,  
Ke wayòm Ou kapab vini.  
Ke volonte ou kapab fèt sou latè a,  
Menm jan kon nan syèl la,

<sup>3</sup> Bannou chak jou pen nou pou jounen an.

<sup>4</sup> Epi padone peche nou yo, paske nou menm osi padone tout sila ki ✧dwe nou.

Epi pa mennen nou nan tantasyon, men delivre nou de sila ki mechan an.’”

<sup>5</sup> Answit, Li te di yo: “Sipoze ke youn nan nou ta gen yon zanmi, e nou ale kote li a minwi pou di li: ‘Zanmi, prete m twa mòso pen. <sup>6</sup> Mwen gen yon zanmi ki vini, soti nan yon vwayaj, e mwen pa gen anyen pou mete devan l. <sup>7</sup> Depi anndan, li va di: ‘Pa deranje m; pòt la fèmen deja. Pitit mwen yo avèk mwen menm deja nan kabann, e mwen pa kapab leve pou bay ou anyen. <sup>8</sup> Mwen di nou, menm si li p ap leve bay li anyen paske li se zanmi li, men ✧akoz pèsistans li, l ap leve pou bay li kont sa li bezwen.

<sup>9</sup> Donk Mwen di nou: ✧mande, e nou va resevwa; chache e nou va twouve; frape, e l ap ouvri bannou. <sup>10</sup> Paske tout moun ki mande, va resevwa; sila a ki chache, va twouve, e a sila a ki frape, l ap ouvri.

<sup>11</sup> Alò, sipoze ke youn nan papa nou yo resevwa yon demann de fis li pou yon pwason. Li p ap bay li yon koulèv olye de yon pwason. Se pa sa?

<sup>12</sup> Oubyen si li mande li pou bay li yon ze, li p ap bay li yon eskòpyon. Se pa sa? <sup>13</sup> ✧Si nou menm ki mechan, alò, konnen kijan pou bay bon kado a

pitit nou yo, konbyen anplis Papa nou nan syèl la va bay Lespri Sen an a sila yo ki mande Li?"

<sup>14</sup> ✧ Answit, Li t ap chase yon dyab bèbè; lè dyab la te fin sòti, gason bèbè a te pale. E foul la te etone.

<sup>15</sup> Men kèk nan yo te di: ✧ "Li chase dyab yo pa ✧ Béelzébul, mèt dyab yo." <sup>16</sup> Gen Lòt yo, pou teste L, ✧ t ap mande L yon sign ki sòti nan syèl la <sup>17</sup> ✧ Men Li te konnenpanse yo, e te di yo: "Nenpòt wayòm ki divize kont tèt li va detwi; e yon kay divize kont tèt li ap tonbe. <sup>18</sup> ✧ Si Satan osi divize kont tèt li, kijan wayòm li an va kanpe? Paske nou di ke Mwen chase dyab yo pa Béelzébul. <sup>19</sup> Epi si Mwen menm, pa ✧ Béelzébul chase dyab yo, pa kilès fis nou yo konn chase yo? Konsa, se yo menm k ap jij nou yo. <sup>20</sup> Men, si Mwen chase dyab yo pa ✧ dwèt Bondye a, alò, ✧ wayòm syèl la gen tan vini sou nou. <sup>21</sup> Lè yon nonm fò, plen zam, veye pwòp kay li, byen li yo rete ansekirite. <sup>22</sup> Men lè yon moun avèk plis fòs ke li vin atake l, li bat li, li retire nan men li tout zam li yo, e vin divize piyaj la. <sup>23</sup> ✧ Sila ki pa avèk Mwen an kont Mwen; e sila ki pa rasanble avè Mwen an, ap gaye. <sup>24</sup> ✧ Lè lespri enpi a kite yon nonm, li travèse kote ki sèch pou chache repo, e lè l pa twouve, li di: Mwen va retounen lakay mwen kote m sòti a."

<sup>25</sup> Lè l vini, li trouve l byen bale, e mete an lòd. <sup>26</sup> Answit li sòti pou chache pran sèt lòt dyab pi mal pase li menm, e yo vin antre pou viv la. Konsa, dènye eta a nonm sa a pi mal pase premye a."

<sup>27</sup> Pandan Jésus t ap di bagay sa yo, youn nan fanm yo nan foul la te leve vwa li, e te di Li: ✧ "Beni se vant ki te pote Ou a, e tete kote Ou te souse a."

<sup>28</sup> Men Li te di: "Okontrè, beni se ✧ sila yo ki tande pawòl Bondye a, e ki swiv li."

<sup>29</sup> Pandan foul la t ap ogmante, Li te kòmanse di: ✧ "Jenerasyon sila a se yon jenerasyon pèvès; l ap chache yon sign, men okenn sign p ap bay, sof ke sign a Jonas la. <sup>30</sup> Paske menm jan ke ✧ Jonas te vin yon sign pou Ninivit yo, menm jan an Fis a Lòm nan va ye pou jenerasyon sila a.

<sup>31</sup> ✧ Rèn Sid la va leve avèk lèzòm a jenerasyon sila a nan jijman, e kondane yo; akòz li menm te vini soti nan lekstremite tè a pou tande sa jès a Salomon; epi veye byen, gen yon bagay pi gran pase Salomon isit la.

<sup>32</sup> Lèzòm Niniv yo va kanpe avèk jenerasyon sila a nan jijman, e kondane li, paske ✧ yo te repanti lè Jonas te preche; epi veye byen, gen yon bagay pi gran ke Jonas isit la.

<sup>33</sup> ✧ Pèsòn, lè l fin limen yon lanp pa mete li nan yon kote an kachèt, ni anba yon panyen, men sou yon chandelye, pou sila ki antre yo kapab wè limyè a.

<sup>34</sup> Lanp a kò nou se zye nou; lè zye nou klè, tout kò nou osi ranpli avèk limyè; men lè l pa bon, kò nou osi ranpli avèk tenèb.

<sup>35</sup> Alò, veye ke limyè nan nou an pa tenèb.

<sup>36</sup> Si donk, tout kò nou ranpli avèk limyè, san tenèb ladann, li va klere nèt, tankou lè lanp klere ou avèk reyon li.

<sup>37</sup> Alò, lè l fin pale, yon Farizyen te mande Li pou dine avè l, li te antre e te repoze sou tab la. <sup>38</sup> Lè Farizyen an te wè sa, li te etone, paske Li pa t fè ✧ devwa lave men l avan manje a.

✧ **11:14** Mat 9:32-34 ✧ **11:15** Mat 9:24 ✧ **11:15** Mat 10:25 ✧ **11:16** Mat 12:38 ✧ **11:17** Mat 12:25-29 ✧ **11:18** Mat 4:10 ✧ **11:19** Mat 10:25 ✧ **11:20** Egz 8:19 ✧ **11:20** Mat 3:2 ✧ **11:23** Mat 12:30 ✧ **11:24** Mat 12:43-45 ✧ **11:27** Luc 23:29 ✧ **11:28** Luc 8:21 ✧ **11:29** Mat 16:4 ✧ **11:30** Jon 3:4 ✧ **11:31** I Wa 10:1-10 ✧ **11:32** Jon 3:5 ✧ **11:33** Mat 5:15 ✧ **11:38** Mat 15:2

**39** Men Senyè a te di: ✧ nou menm Farizyen yo netwaye tas la pa deyò, ananm ak plato a; men anndan nou ranpli avèk vòl ak mechanste. **40** ✧ Nou menm bann ensanse, èske Sila ki te fè deyò a, pa t fè anndan an tou? **41** Men ✧ bay sa ki anndan an kòm charite, e konsa tout bagay ap ✧pwòp pou nou.

**42** Men ✧ malè a nou menm, Farizyen yo! Paske nou ✧peye ladim, mant, ak lari ak tout epis jaden an; malgre sa, nou neglije lajistis avèk lanmou Bondye. Men bagay sa yo nou te dwe fè, san neglije lòt yo. **43** Malè a nou menm, Farizyen yo! Paske nou renmen ✧ chèz a chèf nan sinagòg yo, ak salitasyon respè nan mache yo. **44** Malè a nou menm! Paske nou tankou tonm kache, e moun mache sou yo san ke yo pa menm konnen.”

**45** Youn nan ✧avoka yo te di L kòm repons: “Mèt, lè Ou di sa, W ap ensilte nou osi.”

**46** Men Li te di: “Malè a nou menm, avoka yo osi! Paske ✧nou chaje kò a moun avèk chaj ki lou, pandan nou menm, nou p ap menm manyen chaj sa yo avèk youn nan dwèt nou.

**47** ✧Malè a nou menm! Paske nou bati tonm a pwofèt yo, e se te zansèt nou yo ki te touye yo. **48** Konsa, nou se temwen yo, e vin dakò avèk zak a zansèt nou yo; paske se te yo menm ki te touye yo, e se nou ki bati tonm yo.

**49** ✧Pou rezon sa, sajès a Bondye te di: “Mwen va voye bay yo pwofèt ak apòt, kèk yo va touye, e kèk yo va pèsekite; **50** jiskaske tout san a pwofèt yo ki te vèse ✧depi fondasyon mond lan kapab chaje kont jenerasyon sila a. **51** Soti nan san Abel la, jis rive nan ✧ san a Zacharie, ki te peri antre nan otèl la ak kay Bondye a; wi, Mwen di nou, li va chaje kont jenerasyon sila a.

**52** Malè a nou menm, avoka yo! Paske yo pran nan men nou kle konesans lan; nou pa t antre nou menm, e sila ki t ap antre ladann yo, nou te anpeche yo.”

**53** Lè L te kite la, skrib yo avèk Farizyen yo te kòmanse vin move anpil, e kesyone Li byen pre sou anpil sijè. **54** Yo t ap fè konplo kont Li pou kenbe L nan yon pawòl ke Li ta petèt pale.

## 12

**1** Anba sikonstans sa yo, apre anpil milye moun te rasanble ananm jiskaske youn t ap mache sou lòt, Li te kòmanse pale a disip Li yo dabò: ✧“Veye ledven Farizyen yo ki se ipokrizi.

**2** ✧Men pa gen anyen ki kouvri ki p ap vin parèt, e ki kache ki p ap konnen. **3** Konsa, Nenpòt sa ke nou di nan tenèb va tandè nan limyè, e sa nou te pale ak vwa ba, menm nan chanm pa anndan yo va pwoklame sou ✧twati kay yo.

**4** Mwen di nou, ✧zanmi Mwen yo, pa pè sa yo ki kapab touye kò a, men apre sa pa gen plis ke yo kab fè. **5** Men Mwen avèti nou kilès pou nou krent; ✧krent Sila a ki apre Li fin touye, gen otorite pou jete nan lanfè; wi, Mwen di nou, krent Li!

✧ **11:39** Mat 23:25 ✧ **11:40** Luc 12:20 ✧ **11:41** Luc 12:33 ✧ **11:41** Tit 1:15 ✧ **11:42** Mat 23:23 ✧ **11:42** Lev 27:30 ✧ **11:43** Mat 23:6 ✧ **11:45** Mat 22:35; Mat 23:27 ✧ **11:46** Mat 23:4 ✧ **11:47** Mat 23:29 ✧ **11:49** I Kor 1:24-30 ✧ **11:50** Mat 25:34 ✧ **11:51** II Kwo 24:20-21 ✧ **12:1** Mat 16:6-11 ✧ **12:2** Mat 10:26 ✧ **12:3** Mat 10:27 ✧ **12:4** Jn 15:13-15 ✧ **12:5** Eb 10:31

<sup>6</sup> Èske ☆ senk zwazo pa vann pou de santim? Malgre sa, nanpwen youn nan yo ki bliye devan Bondye. <sup>7</sup> ☆Anverite, menm cheve nan tèt nou yo kontwole. Pa krent, nou gen bokou plis valè pase anpil zwazo.

<sup>8</sup> Epi Mwen di nou, tout sila yo ki ☆konfese M devan lèzòm, Fis a Lòm nan va konfese l tou devan zanj a Bondye yo; <sup>9</sup> Men ☆sila ki refize rekonèt Mwen devan lòm, va rejte devan zanj Bondye yo.

<sup>10</sup> ☆Epi Nenpòt moun ki pale yon mo kont Fis a Lòm nan, li va padone; men sila ki fè blasfèm kont Lespri Sen an, p ap padone.

<sup>11</sup> Lè yo mennen nou devan sinagòg yo, ak gwo chèf avèk otorite yo, pa ☆twouble nou de kisa nou va pale kòm defans nou, ni kisa nou gen pou di; <sup>12</sup> paske ☆Lespri Sen an va montre nou nan menm lè sa a, kisa nou dwe di.

<sup>13</sup> Yon moun nan foul la te di Li: “Mèt, pale frè m nan pou divize eritaj la avè m.”

<sup>14</sup> Men Li te di li: ☆“Mesye, kilès ki te mete M jij oswa medyatè antre nou?”

<sup>15</sup> Answit Li te di yo: ☆Fè atansyon, e veye kont tout kalite lanvi; paske menm lè yon moun gen anpil richès, lavi li se pa sa li posede.

<sup>16</sup> Konsa, Li te bay yo yon parabòl: “Tè a pou yon sèten nonm rich te trè bon, e te pwodwi anpil.

<sup>17</sup> Epi li te kòmanse reflechi avèk pwòp tèt li: ‘Kisa pou m ta fè; akoz ke m pa gen depo pou mete rekòlt mwen yo?’

<sup>18</sup> Answit li te di: Men kisa m ap fè; m ap retire tout depo ke m genyen yo, e m ap bati pi gwo pou mete tout rekòlt mwen yo. <sup>19</sup> Epi mwen va di a nanm mwen: ☆“Nanm, ou gen anpil byen rezève pou anpil ane; pran repo ou, manje, bwè, e rejwi ou.” ’

<sup>20</sup> Men Bondye te di l: ‘Alò nonm ensanse! Menm nwit sa a, ☆nanm ou ap rachte de ou; e ☆koulè a, kilès k ap mèt a sa ou prepare yo?’

<sup>21</sup> Konsa se mesye a ki☆ranmase trezò li pou li menm, men ki pa rich anvè Bondye.”

<sup>22</sup> Li te di sa a disip Li yo: ☆“Pou rezon sa a, Mwen di nou, pa twouble pou lavi, pou sa nou va manje, ni pou kò nou, konsi, pou kijan nou ap abiye nou. <sup>23</sup> Paske lavi plis ke manje, e kò a plis ke vètman.

<sup>24</sup> Konsidere ☆kòbo yo, paske yo pa simen, ni yo pa rekòlte; epi yo pa gen depo ni pwotèj, men Bondye bay yo manje; konbyen plis valè nou genyen pase zwazo yo.

<sup>25</sup> Epi kilès nan nou ki kab fè kè twouble a ogmante menm ☆yon èdtan nan longè lavi li? <sup>26</sup> Si pou sa nou pa kapab fè menm yon ti bagay, Poukisa nou fè kè twouble pou lòt bagay?

<sup>27</sup> Konsidere flè lis yo, jan yo grandi; yo pa travay ni fè twal, men Mwen di nou ke menm☆Salomon nan tout glwa li pa t abiye li menm tankou youn nan sa yo. <sup>28</sup> Men si Bondye abiye zèb nan chan yo ki jodi a vivan, e demen ap jete nan founèz la, konbyen anplis li va abiye nou, ☆o moun ti lafwa piti!

<sup>29</sup> Konsa, pa mande kisa nou va manje, ni kisa nou va bwè, e pa☆kontinye enkyete nou. <sup>30</sup> Paske tout bagay sa yo, tout nasyon nan mond lan chache yo avèk lanvi pa yo; men Papa nou konnen ke nou bezwen bagay sa yo.

<sup>31</sup> Men chache wayòm Li, e ☆bagay sa yo va vini a nou tou.

☆ **12:6** Mat 10:29 ☆ **12:7** Mat 10:30 ☆ **12:8** Mat 10:32 ☆ **12:9** Mat 10:33 ☆ **12:10** Mat 12:31-32 ☆ **12:11** Mat 6:25 ☆ **12:12** Mat 10:20 ☆ **12:14** Mi 6:8 ☆ **12:15** I Tim 6:6-10 ☆ **12:19** Ekl 11:9 ☆ **12:20** Job 27:8 ☆ **12:20** Sòm 39:6 ☆ **12:21** Luc 12:33 ☆ **12:22** Mat 6:25-33 ☆ **12:24** Job 38:41 ☆ **12:25** Sòm 39:5 ☆ **12:27** I Wa 10:4-7 ☆ **12:28** Mat 6:30 ☆ **12:29** Mat 6:31 ☆ **12:31** Mat 6:33

32 Pa krent, ✨ti bann twoupo, paske ✨Papa nou te chwazi avèk jwa pou bannou wayòm nan.

33 ✨Vann sa nou posede, e bay pou lacharite; fè pou kont nou bous ki p ap janm ize, yon trezò ki p ap kab gate nan syèl la, kote vòlè pa pwoche, ni papiyon detwi. 34 Paske ✨kote trezò nou ye, se la kè nou va ye tou.

35 Rete abiye tout tan, ✨byen parèt, avèk lanp nou toujou limen.

36 Epi fè tankou mesye k ap tann mèt yo lè l retounen apre fèt maryaj la, pou yo kapab ouvri pòt la imedyatman lè l fin frape. 37 Beni se esklav sila yo ke mèt la va twouve ✨k ap byen veye lè l vini; anverite Mwen di nou ke ✨li va mare senti li pou sèvi, li va fè yo repoze sou tab la, e li va vini pou sèvi yo. 38 ✨Menm si l vini nan dezyèm oubyen twazyèm lè nwit lan, e li twouve yo konsa, se beni esklav sa a ye.

39 ✨Men, byen konnen sa, ke si mèt kay la te konnen a kilè vòlè a t ap vini, li pa t ap kite l kase kay la. 40 Nou tou, rete vijilan; paske Fis a Lòm nan ap vini nan yon ✨lè ke nou pa ta sipoze.

41 Pierre te di: “Senyè, èske W ap bay parabòl sa pou nou, oubyen ✨pou tout lòt yo tou?”

42 Epi Senyè a te di: “Alò, ✨kilès ki se jeran fidèl e abil ke mèt li va mete an chaj tout lòt sèvitè yo, pou bay yo manje yo nan lè li dwe fèt? 43 Beni se ✨esklav sila a ke mèt la twouve ap fè sa lè l vini an. 44 Anverite Mwen di nou ke li va mete li an chaj de tout byen li yo.

45 Men si esklav la di nan kè l: Mèt mwen ap mize pou rive, epi li kòmanse bat esklav yo, ni fanm, ni gason, epi manje, bwè, e vin sou; 46 Mèt esklav sa a va vini nan yon jou ke li pa prevwa, nan yon lè ke li pa konnen, e li va koupe li an mòso, e mete li yon kote avèk enkwayan yo.

47 Alò esklav sa a ki te konnen volonte a mèt li a; men pa t prepare ni aji an akò avèk volonte l, va ✨resevwa anpil kout fwèt. 48 Men sila ki pa t ✨konnen, men te fè zak ki te merite kou, p ap resevwa plis ke kèk.

Pou tout sila yo ki te resevwa anpil konprann, anpil ap egzije de yo; e a sila ki te konfyè anpil, a li menm y ap mande menm plis.

49 Mwen vini pou voye dife sou latè; e kijan Mwen ta kontan si li te deja limen!

50 Men Mwen gen yon ✨batèm pou M pase, e kijan sa twouble M jiskaske li fin acheve!

51 ✨Èske nou sipoze ke Mwen te vini pou bay lapè sou latè? Mwen di nou non, men olye sa, divizyon. 52 Paske depi koulye a, senk moun nan yon kay va divize, twa kont de, e de kont twa. 53 Yo va divize, ✨papa kont fis, e fis kont papa; manman kont fi, e fi kont manman; bèlmè kont bèlfi, e bèlfi kont bèlmè.

54 Li t ap di anplis a foul la: ✨“Lè nou wè yon nwaj k ap leve nan lwès, imedyatman nou di l ap fè lapli’, e se konsa sa rive. 55 Epi lè nou wè yon van sid k ap soufle, nou di: ✨‘L ap fè chalè’, e se konsa sa rive. 56 Ipokrit nou ye! ✨Nou konnen kijan pou nou analize aparans a tè a, avèk syèl la, men poukisa nou pa analize tan prezan sila a?

57 Epi ✨Poukisa nou menm pou kont nou pa jije sa ki bon? 58 Paske ✨pandan nou ap rive devan majistra avèk advèsè nou, menm nan wout la,

✨ 12:32 Jn 21:15-17 ✨ 12:32 Ef 1:5-9 ✨ 12:33 Mat 19:21 ✨ 12:34 Mat 6:21 ✨ 12:35 Ef 6:14  
 ✨ 12:37 Mat 24:42 ✨ 12:37 Luc 17:8 ✨ 12:38 Mat 24:43 ✨ 12:39 Mat 24:43-44 ✨ 12:40  
 Luc 12:47-48 ✨ 12:41 Luc 12:47-48 ✨ 12:42 Mat 24:45-51 ✨ 12:43 Luc 12:42 ✨ 12:47 Det  
 25:2 ✨ 12:48 Lev 5:17 ✨ 12:50 Mc 10:38 ✨ 12:51 Mat 10:34-36 ✨ 12:53 Mi 7:6 ✨ 12:54  
 Mat 16:2 ✨ 12:55 Mat 20:12 ✨ 12:56 Mat 16:3 ✨ 12:57 Luc 21:30 ✨ 12:58 Mat 5:25,26

fè yon efò pou antann avè l, pou li pa mennen nou devan jij la, e jij la va livre nou a ofisyè jistis la, k ap jete nou nan prizon. <sup>59</sup> Mwen di nou, nou p ap sòti la jiskaske nou fin peye dènve ✧santim nan.

## 13

<sup>1</sup> Alò, nan menm lè sa a, te gen kèk moun prezan ki te bay Li yon rapò sou Galileyen yo, ke ✧Pilate te mele san yo avèk sakrifis pa yo.

<sup>2</sup> Jésum te reponn yo: ✧“Èske nou sipoze ke Galileyen sa yo te pi gwo pechè pase tout lòt Galileyen yo akòz yo te soufri sò sa a? <sup>3</sup> Mwen di nou: ‘Non’, men amwenske nou repanti, nou tout ap peri konsa. <sup>4</sup> Oubyen èske nou sipoze ke lè tou nan ✧Siloé a te tonbe sou diz-uit yo, e te touye yo, ke yo te koupab pase tout lòt moun ki t ap viv Jérusalem yo?”

<sup>5</sup> Mwen di nou non, men amwenske nou repanti, nou tout va peri menm jan an. <sup>6</sup> Li te kòmanse pale parabòl sila a: “Yon sèten mesye te gen yon ✧pye fig frans ki te plante nan chan li; li te vini pou chache fwi sou li, e li pa t twouve anyen. <sup>7</sup> Konsa, li te di a jeran chan rezen yo: ‘Gade, depi twa lane m ap vini la pou chache fwi, sou pye sila a, san twouve anyen. ✧ Koupe retire li nèt! Poukisa menm l ap okipe espas tè a? <sup>8</sup> Epi li te reponn e te di li: ‘Kite li nan plas li mesye, pou lane sila a toujou, jis lè ke m fouye tè otou de li pou mete angrè. <sup>9</sup> Si li pote fwi lane pwochè, sa bon, men si sa pa fèt, koupe l jete.

<sup>10</sup> Konsa, li t ap ✧enstwi nan youn nan sinagòg yo nan Saba a.

<sup>11</sup> Epi vwala, te gen yon fanm ki t ap vèse san pandan diz-uit lane, e te gen yon ✧maladi ki te fèt pa yon move lespri; ki fè l koube doub, e li pa t kapab drese menm.

<sup>12</sup> Lè Jésum te wè l, Li te rele li vini, e te di li: “Fanm, ou lib de enfimite ou a”. <sup>13</sup> Li te ✧poze men Li sou li; e imedyatman, li te drese dwat ankò, e te kòmanse bay lwanj a Bondye.

<sup>14</sup> Men ofisyè sinagòg la, byen move akòz Jésum te geri nan Saba a, te di foul la kòm repons: ✧“Gen sis jou pou travay kapab fèt; pou sa, vini pandan sa yo pou geri, men pa nan jou Saba a.

<sup>15</sup> Men Senyè a te reponn li e te di: “Nou ipokrit, ✧èske nou chak nan Saba a pa demare bèf nou, oswa bourik li sou manjwa a pou l kab mennen l al bwè? <sup>16</sup> Alò, fanm sa a, ✧yon fi Abraham, jan li ye a, mare pa Satan pandan diz-uit ane byen long, èske li pa t dwe lage nan chèn sila a nan jou Saba a?”

<sup>17</sup> Pandan ke Li t ap di sa a, tout advèsè Li yo te imilye, e ✧tout foul la te rejwi yo nan tout mèveyè ke Li t ap fè yo.

<sup>18</sup> Konsa ✧Li t ap di: “A kisa wayòm Bondye a sanble, e a kilès Mwen kapab konpare li? <sup>19</sup> Se tankou yon grenn moutad ke yon mesye te ale jete nan pwòp jaden li, li te grandi e li te vin tounen yon pyebwa, epi ✧zwazo anlè yo te vin fè nich nan branch li.”

<sup>20</sup> Ankò Li te di: ✧“A kilès pou M ta konpare wayòm syèl la? <sup>21</sup> ✧Se tankou ledven ke yon fanm te pran e mete nan twa mezi farin jiskaske tout te vin leve.”

✧ 12:59 Mc 12:42 ✧ 13:1 Mat 27 ✧ 13:2 Jn 9:2 ✧ 13:4 Né 3:5 ✧ 13:6 Mat 21:19 ✧ 13:7 Mat 3:10 ✧ 13:10 Mat 4:23 ✧ 13:11 Luc 13:16 ✧ 13:13 Mc 5:23 ✧ 13:14 Egz 20:9 ✧ 13:15 Luc 14:5 ✧ 13:16 Luc 19:9 ✧ 13:17 Luc 18:43 ✧ 13:18 Mat 13:31 ✧ 13:19 Éz 17:23 ✧ 13:20 Mat 13:24 ✧ 13:21 Mat 13:33

22 Li t ap pase de yon vil a yon lòt, pou bay enstriksyon pandan Li t ap ✨fè wout Li vè Jérusalem. 23 Epi yon moun te di Li: “Senyè, èske se sèlman kèk moun k ap sove?”

E Li te di yo: 24 ✨Fè efò pou antre pa pòt etwat la; paske anpil, Mwen di nou, va eseye antre, e yo p ap kapab. 25 Depi mèt kay la leve e ✨fèmen pòt la, pandan n ap kanpe deyò pou di: ‘Senyè, ouvri pou nou’, alò, li va reponn, e va di nou: ✨‘Mwen pa konnen kote nou sòti’.

26 Alò, nou ✨va kòmanse di: ‘Nou te manje bwè nan prezans Ou, e Ou te enstwi nan lari nou yo.’

27 Epi Li va di: ‘Mwen di nou, Mwen pa konnen kote nou sòti; ✨sòti sou Mwen, nou tout ki fè inikite.’ 28 Va gen kriye fò, ak manje dan ✨nan plas sa a lè nou wè Abraham, Isaac avèk Jacob ak tout pwofèt yo nan wayòm syèl la, men nou menm, k ap jete deyò. 29 Epi yo ✨va sòti nan lès, ak lwès, e nan nò avèk sid, epi yo va repoze sou tab la nan wayòm syèl la.

30 Epi gade, gen ✨kèk moun ki dènye ki va vin premye, e kèk moun ki premye ki va vin dènye.

31 Nan menm moman sa a, kèk Farizyen te pwoche, e te di L: “Ale kite isit la, paske ✨Hérode vle touye Ou.”

32 Li te reponn yo: “Ale di rena sa a ‘Gade, Mwen chase move lespri yo, e Mwen fè gerizon jodi a, ak demen; epi nan twazyèm jou a ✨bi m va fin acheve. 33 Malgre sa, Mwen oblije fè wout Mwen jodi a, demen ak jou apre a; paske li pa kapab fèt pou yon ✨pwofèt ta peri andeyò Jérusalem.’

34 O Jérusalem, Jérusalem, vil ✨ki touye pwofèt yo e lapide sila ki te voye kote l yo! Kijan souvan Mwen te vle rasanble pitit nou yo ansanm tankou yon poul ranmase pitit li yo anba zèl li, men nou pa t fè sa!

35 Gade, lakay nou rete nan men nou; epi Mwen di nou, nou p ap wè M ankò jiskaske nou di: ✨‘Beni se Sila a ki vini nan non Senyè a!’ ”

## 14

1 Li te rive ke lè L te antre lakay a youn nan dirijan Farizyen yo, nan Saba a pou manje pen, yo t ap veye L de prè.

2 Epi la devan li, te gen yon nonm ki t ap soufri avèk maladi kò anfle.

3 Konsa, Jèsus te reponn e te pale avèk avoka ak Farizyen yo e te di: ✨“Èske se pèmi pou geri nan Saba a oubyen non?”

4 Men yo te rete san pale. Li te kenbe li, geri li, e te voye l ale.

5 Li te di yo: ✨“Kilès nan nou k ap gen fis, oswa yon bèf tonbe nan yon pwi, ki p ap imedyatman rale l sòti nan yon jou Saba?”

6 ✨Epi yo pa t kapab reponn sa menm.

7 Alò, Li te kòmanse pale an parabol a sila ki te envite yo, lè L te wè jan yo t ap ✨chwazi chita nan plas donè sou tab la. Li t ap di yo: 8 “Lè nou envite pa yon moun nan yon fèt maryaj, ✨pa pran plas donè paske yon moun pi distenge pase ou kapab deja envite pa mèt la. 9 Epi sila ki te envite nou toulède a va vin di ou: ‘Bay plas ou a a nonm sila a, e answit ak ✨gwo wont, w ap vin okipe dènye plas la’.

✨ 13:22 Luc 9:51 ✨ 13:24 Mat 7:13 ✨ 13:25 Mat 25:10 ✨ 13:25 Mat 7:23 ✨ 13:26 Luc 3:8  
 ✨ 13:27 Sòm 6:8 ✨ 13:28 Mat 8:12 ✨ 13:29 Mat 8:11 ✨ 13:30 Mat 19:30 ✨ 13:31 Mat 14:1  
 ✨ 13:32 Eb 2:10 ✨ 13:33 Mat 21:11 ✨ 13:34 Luc 19:41 ✨ 13:35 Sòm 118:26 ✨ 14:3 Mat 12:2 ✨ 14:5 Mat 12:11 ✨ 14:6 Mat 22:46 ✨ 14:7 Mat 23:6 ✨ 14:8 Pwov 25:6-7 ✨ 14:9 Luc 3:8



<sup>10</sup> Men, lè nou envite, ale chita nan dènye plas la, dekwa ke lè sila a ki te envite nou an vini, li kapab di nou: ‘Zanmi\*vin pi devan’. Konsa, nou va gen onè nan zye a tout moun ki chita sou menm tab sa a avèk nou.

<sup>11</sup> \*Paske tout sila yo ki leve tèt yo va vin desann, e sila yo ki desann tèt yo, va vin leve.”

<sup>12</sup> Anplis, Li te ale di a sila a ki te envite Li a: “Lè w ap fè yon bankè oswa yon soupe, pa envite ni zanmi ou, ni frè ou, ni fanmi ou, ni vwazen ki rich yo, otreman yo ta kab envite ou anretou, e sa va sèvi kòm rekonpans a ou menm.

<sup>13</sup> Men lè w ap fè yon resepsyon, envite malere yo, sila ki bwate yo, ki kokobe yo, ak avèg yo. <sup>14</sup> Konsa ou va beni, paske yo pa gen mwayen pou remèt ou sa; paske yo va remèt ou sa nan\*rezirèksyon moun ki jis yo.

<sup>15</sup> Lè youn nan sila ki te chita sou tab avèk Li yo te tandè sa, li te di Li: \*‘Beni se tout moun ki va manje pen nan wayòm Bondye a!’

<sup>16</sup> Men Li te di li: “Yon\*mesye t ap fè yon gwo bankè, e li te envite anpil moun. <sup>17</sup> Nan lè bankè a, li te voye esklav Li pou di sila ki te envite yo: ‘Vini; tout bagay pare koulye a.’

<sup>18</sup> Men yo tout ansanm te kòmanse fè eskiz.

Premye a te di li: ‘Mwen achte yon mòso tè, e Mwen bezwen ale wè l; silvoulè, eskize mwen.’

<sup>19</sup> Yon lòt te di: ‘Mwen fenk achte senk pè bèf kabwa, e mwen pral eseye yo; silvoulè, eskize mwen.’

<sup>20</sup> Epi Yon lòt te di: \*‘Mwen fenk marye ak yon fi, e pou rezon sa a, mwen pa kapab vini.’

<sup>21</sup> Esklav la te retounen rapòte sa a mèt li. Answit mèt kay la te vin fache, e te di a esklav li a: ‘Ale depi koulye a nan tout lari ak wout vil yo e mennen isit la malere yo, bwate yo, avèg ak kokobe yo.’

<sup>22</sup> Konsa, esklav la te di: “Mèt, sa ou te mande gen tan fèt, e malgre sa, gen espas toujou.

<sup>23</sup> Mèt la te di a esklav la: “Ale nan gran ri yo ak sou kote kloti yo, epi fòse yo antre, pou kay mwen an kapab byen plen. <sup>24</sup> Paske mwen di nou ke pa gen nan moun sila yo ki te envite k ap goute manje mwen an.”

<sup>25</sup> Alò, gwo foul la t ap prale avè l, e Li te vire di yo: <sup>26</sup> \*‘Si Nenpòt moun vini a Mwen, e li pa rayi pwòp papa li, avèk manman li, ak madanm, ak pitit, frè, sè, wi, e menm pwòp vi li, li pa kapab disip Mwen. <sup>27</sup> Nenpòt moun ki\*pa pote pwòp kwa li pou swiv Mwen, li pa kapab disip Mwen.

<sup>28</sup> Paske kilès nan nou lè li vle bati yon tou fòterès, pa chita avan pou kalkile frè yo pou wè si li gen kont mwayen pou fin fè l? <sup>29</sup> Otreman, lè l fin fè fondasyon an, e li p ap kab fin fè l, tout sila k ap obsève l yo ap vin pase l nan betiz. <sup>30</sup> Yo va di: Mesye sa a te kòmanse bati, e li pa kapab fini.’

<sup>31</sup> Oubyen ki wa, lè li pati pou rankontre yon lòt wa nan batay, li p ap dabò\*kalkile si l ap gen ase de fòs avèk di-mil moun pou rankontre lòt la k ap vin kont li avèk ven-mil? <sup>32</sup> Otreman, pandan lòt la toujou lwen, l ap voye yon delegasyon pou mande kondisyon pou fè lapè.

<sup>33</sup> Konsa, nanpwen youn nan nou ki kapab disip Mwen si li pa\*renonse ak tout sa li posede.

\* 14:10 Pwov 25:6,7 \* 14:11 II Sam 22:28 \* 14:14 Jn 5:29 \* 14:15 Rev 19:9 \* 14:16 Mat 22:2-14 \* 14:20 Det 24:5 \* 14:26 Mat 10:37 \* 14:27 Mat 10:38 \* 14:31 Pwov 20:18 \* 14:33 Fil 3:7

<sup>34</sup> Konsa, sèl la bon; men si menm<sup>☆</sup>sèl la pèdi gou li, avèk kisa li va reprann gou l. <sup>35</sup> Li inital ni pou tè a, ni pou fimye a; fòk li jete. <sup>☆</sup>Sila ki gen zòrèy la, kite l tande.

## 15

<sup>1</sup> Alò tout <sup>☆</sup>kolektè kontribisyon yo avèk pechè yo t ap vin toupre L pou koute Li. <sup>2</sup> Ni Farizyen yo, ni skrib yo te kòmanse plenyen. Yo t ap di: “Mesye sa a resevwa pechè yo e <sup>☆</sup>manje avèk yo.

<sup>3</sup> Donk Li te di yo parabol sila a. Li te di: <sup>4</sup> <sup>☆</sup>“Ki moun pami nou, si li gen yon santèn mouton e li vin pèdi youn, li p ap kite Katreven-diznèf la nan chan patiraj la, pou ale dèyè sila ki pèdi a jiskaske li twouve l? <sup>5</sup> E lè l twouve li, l ap mete l sou zepòl li, e l ap rejwi. <sup>6</sup> Lè l rive lakay li, l ap rele ansanm tout zanmi avèk vwazen li yo, e l ap di yo: ‘Rejwi avè m, paske mwen twouve mouton m ki te pèdi a!’

<sup>7</sup> Mwen di nou ke menm jan an, va gen plis jwa nan syèl la sou yon pechè ki repanti, ke sou katreven-diznèf moun ki pa bezwen repanti.

<sup>8</sup> Oubyen, ki fanm, si li gen dis pyès lajan, e vin pèdi youn nan yo, li p ap limen yon lanp, e bale kay la pou l chache avèk atansyon jiskaske li twouve l? <sup>9</sup> Lè l twouve l, l ap rele tout zanmi li yo ansanm, e l ap di yo: ‘Rejwi avè m, paske mwen twouve pyès lajan ke m te pèdi a!’

<sup>10</sup> Menm jan an konsa, Mwen di nou, gen lajwa<sup>☆</sup>nan prezans zanj Bondye yo sou yon sèl pechè ki repanti.

<sup>11</sup> Ankò li di: “Yon sèten mesye te gen de fis; <sup>12</sup> Pi jenn nan te di a papa li: ‘Papa, ban m<sup>☆</sup>pati pa m nan eritaj ki tonbe pou mwen an.’ Donk, li te<sup>☆</sup>divize byen li pami yo.

<sup>13</sup> Pa anpil jou apre, pi jenn fis la te rasanble tout bagay pou te fè yon vwayaj nan yon peyi byen lwen, kote li te gaspiye tout eritaj li a nan yon vi banbòch. <sup>14</sup> Alò, lè l te fin depanse tout, yon gwo grangou te parèt nan peyi sila a, e li te kòmanse vin nan bezwen. <sup>15</sup> Donk, li te ale anplwaye tèt li a yon sitwayen nan peyi sila a, e li te voye li nan chan an pou bay kochon yo manje. <sup>16</sup> Epi li te anvi plen vant li avèk po kochon yo t ap manje yo, e pèsòn pa t bay li anyen.

<sup>17</sup> Men lè li te vin reflechi byen, li te di: ‘Konbyen nan ouvriye papa m yo ki gen kont pen, men mwen ap mouri isit la avèk grangou. <sup>18</sup> Mwen va leve ale vè papa m’, e mwen va di l: ‘Papa, mwen peche kont syèl la, e nan zye ou; <sup>19</sup> Mwen pa ankò dign pou rele fis ou; fè m tankou youn nan anplwaye ou yo.’ <sup>20</sup> Donk, li te leve, e te vin kote papa l.

Men pandan l te toujou byen lwen, papa li te wè li. Li te gen konpasyon pou li; li te kouri<sup>☆</sup>anbrase l e te bo li. <sup>21</sup> Epi fis la te di li: “Papa, mwen peche kont syèl la, e nan zye ou; mwen pa ankò dign pou m kapab rele fis ou.

<sup>22</sup> Men papa a te di a esklav li yo: ‘Fè vit pote<sup>☆</sup>pi bèl vètman ki genyen an, mete li sou li, e <sup>☆</sup>mete yon bag nan men li ak soulye nan pye li. <sup>23</sup> Anplis mennen jenn ti bèf byen gra a; touye li, e annou manje pou fè fèt. <sup>24</sup> Paske konsa, fis mwen an te<sup>☆</sup>mouri; koulye a li vivan ankò. Li te pèdi, men mwen jwenn li ankò.’ Epi yo te kòmanse fè fèt la.

<sup>☆</sup> 14:34 Mat 5:13 <sup>☆</sup> 14:35 Mat 11:5 <sup>☆</sup> 15:1 Luc 5:29 <sup>☆</sup> 15:2 Mat 9:11 <sup>☆</sup> 15:4 Mat 18:12-14  
<sup>☆</sup> 15:10 Mat 10:32 <sup>☆</sup> 15:12 Det 21:17 <sup>☆</sup> 15:12 Luc 15:30 <sup>☆</sup> 15:20 Jen 45:14 <sup>☆</sup> 15:22 Za 3:4  
<sup>☆</sup> 15:22 Jen 41:42 <sup>☆</sup> 15:24 Mat 8:22

<sup>25</sup> Alò, pi gran fis la te nan chan an; lè li te vin toupre kay la, li te tande mizik avèk moun k ap danse. <sup>26</sup> Li te rele youn nan sèvitè yo, e te kòmanse fè ankèt pou mande kisa bagay sa yo ta ye.

<sup>27</sup> Li te di li: “Frè ou a vini, e papa ou touye jenn ti bèf byen gra a, paske li rejwenn li ankò sen e sof.

<sup>28</sup> Men li te vin fache, e li pa t dakò antre. Papa l te soti, e te kòmanse plede avè l.

<sup>29</sup> Men li te reponn e te di a papa l: “Gade, pandan konbyen ane m ap sèvi ou, e mwen pa janm neglije yon lòd ou; men malgre sa, ou pa janm ban mwen yon kabrit pou m ta kapab fè fèt avèk zami mwen yo; <sup>30</sup> Men lè fis sila a te vini, li menm ki devore byen ou avèk pwostitiye yo, ou te touye ti bèf byen gra a, pou li.

<sup>31</sup> Papa a te di l: “Fis mwen, ou toujou avè m, e tout sa ke m gen se pou ou. <sup>32</sup> Men nou te dwe fè fèt, e rejwi, paske frè ou sa a te mouri, e li kòmanse ap viv ankò. Li te pèdi, e koulye a, li retwouve.”

## 16

<sup>1</sup> Alò, Li t ap osi di a disip yo: “Te gen yon sèten mesye rich ki te gen yon jeran, e yon rapò te vin rive ke li t ap gaspiye byen li yo. <sup>2</sup> Li te rele li, e te di li: ‘Kisa ke m tande sou ou la a? Bay yon kontwòl sou jerans ou, paske ou pa kab jeran ankò.’

<sup>3</sup> Jeran an te di a pwòp tèt li: ‘Kisa m ta fè, paske mèt mwen ap retire jerans lan nan men mwen? Mwen pa gen ase fòs pou m fouye, e mwen wont mande lacharite. <sup>4</sup> Mwen konnen kisa mwen va fè, pou lè yo retire m nan jerans lan, moun yo kab resevwa m lakay pa yo a.’

<sup>5</sup> Konsa, li te rele chak moun ki te dwe mèt li a, e li te kòmanse di a premye a: ‘Konbyen ou dwe mèt mwen an?’

<sup>6</sup> Li te di: ‘San mezi lwil’. E li te di li: “Pran nòt ou e chita byen vit pou ekri senkant.’

<sup>7</sup> Answit, li te di a yon lòt: ‘Epi konbyen ou dwe?’

Li te reponn: “San mezi ble.” E li te di li: ‘Pran nòt ou pou ekri katreven.’

<sup>8</sup> Konsa, mèt la te fè konpliman a jeran enjis la, paske li te aji avèk yon koken sajès. Paske fis a laj sila yo pi koken nan relasyon a moun parèy yo pase fis a limyè yo.

<sup>9</sup> Mwen di nou: “Fè zanmi pou tèt nou pa mwayen a richès enjis yo; pou lè l echwe, yo kapab resevwa nou nan kay ki etènèl yo.

<sup>10</sup> Sila a ki fidèl nan yon ti bagay piti, ap fidèl osi nan bagay ki gran. E sila ki enjis nan ti bagay piti, ap enjis osi nan bagay ki gran.

<sup>11</sup> Donk, si nou pa fidèl nan sèvis richès enjis yo, kilès ki va konfyè nou vrè richès yo. <sup>12</sup> Epi si nou pa fidèl nan sèvis ak sa ki pou yon lòt, kilès ki va bannou sa ki pou nou?

<sup>13</sup> Okenn sèvitè pa kapab sèvi de mèt; paske swa l ap rayi youn, e renmen lòt la. Oswa l ap kenbe a youn e meprize lòt la. Nou pa kapab sèvi Bondye, ak richès yo.

<sup>14</sup> Alò, Farizyen yo ki te renmen lajan anpil t ap koute tout bagay sa yo e yo t ap moke L.

<sup>15</sup> Li te di yo: “Nou menm se sila yo ki jistifye pwòp tèt nou nan zye lèzòm, men Bondye konnen kè nou; paske sila ki gen gwo valè pami lèzòm yo, yo abominab nan zye Bondye.

☆ 15:30 Pwov 29:3 ☆ 15:32 Luc 15:24 ☆ 16:1 Luc 15:13 ☆ 16:8 Jn 12:36 ☆ 16:9 Mat 6:24  
 ☆ 16:10 Mat 25:21-23 ☆ 16:11 Luc 16:9 ☆ 16:13 Mat 6:24 ☆ 16:14 II Tim 3:2 ☆ 16:15 I Sam 16:7

16 ✨Lalwa avèk pwofèt yo te pwoklame jiska Jean. Depi lè sa a ✨bòn nouvell a wayòm Bondye a preche, e tout moun ap fòse antre ladann.  
17 ✨Men li pi fasil pou syèl la avèk tè a vin disparèt pase pou yon sèl mak oubyen lèt Lalwa ta anile.

18 ✨Nenpòt moun ki divòse ak madanm li pou marye avèk yon lòt fè adiltè; e sila a ki marye a youn ki divòse ak yon mari fè adiltè.

19 Alò, te gen yon sèten mesye rich ki te toujou abiye an mov ak lèn fen, e ki t ap viv nan gran richès chak jou.

20 Alò, yon sèten mesye pòv ki te rele Lazare te ✨kouche devan pòtay li, kouvri nèt avèk maleng. 21 Li te byen anvi resevwa sèl ti mòso ki t ap tonbe soti sou tab mesye rich la. Anplis menm chen te konn vin pou niche maleng li yo.

22 Epi li rive ke nonm malere a te mouri, e li te vin pote pa zanj yo pou rive nan sen ✨Abraham nan, epi nonm rich la te mouri osi, e li te antere. 23 Nan ✨plas sejou mò yo, li te nan toumant. Li te leve zye li, e te wè Abraham byen lwen, ak Lazare nan sen li. 24 Li te kriye fò, e te di: ✨Papa Abraham, fè m gras, voye Lazare pou li kapab mete dwèt li nan dlo pou rafrechi lang mwen; paske mwen nan doulè ekstrèm nan ✨flanm sa a.

25 Men Abraham te di: ‘Pitit, sonje ke pandan la ✨ vi ou, ou te resevwa bon bagay yo, e menm jan an, Lazare te resevwa move bagay yo. Men koulye a, l ap konsole isit la, e ou menm nan gran doulè. 26 Anplis de sa, antre nou avèk ou menm gen yon gran vid byen etabli pou anpeche sila isit yo ki vle travèse kote ou a, e ke pèsòn pa kapab travèse soti la a pou rive kote nou menm nan.

27 Pou sa li te di: ‘Alò, mwen sipliye ou Papa, pou ou voye li lakay papa m — 28 Pwiske mwen gen senk frè—pou li kapab ✨avèti yo, pou ke yo menm tou pa vini nan plas toumant sa a.’

29 Men Abraham te di: ‘Yo gen ✨ Moïse avèk pwofèt yo; kite yo tande yo.

30 Men li te di: ‘Non. Papa Abraham, men si yon moun ta sòti nan mò a, ale kote yo, yo va repanti!’ ✨

31 Men li te di yo: ‘Si yo pa koute Moïse avèk pwofèt yo, nonpli, yo p ap kwè menm si yon moun leve soti nan lanmò.

## 17

1 Li te di a disip Li yo: ✨“Li nesèsè ke wòch k ap fè moun chite yo vin parèt, men malè a sila a ke atravè l yo rive! 2 ✨Li ta miyò pou li si yon wòch moulen te pann nan kou li, e te jete nan mitan lanmè, pase ke li ta fè youn nan pitit sa yo vin tonbe.

3 Fè atansyon! ✨Si frè nou peche, reprimande l; e si li repanti, padone l.  
4 Epi si li peche kont nou ✨sèt fwa pa jou, e retounen vè nou sèt fwa pou di ‘Mwen repanti’, padone l.

5 Alò, apòt yo te di: “Senyè, fè nou gen plis lafwa!”

6 Senyè a te di: “Si nou te gen lafwa tankou yon ✨grenn moutad, nou ta di a pye sikomò sila a, derasine ou e ale plante ou nan lanmè; konsa, li ta obeyi nou.

✨ 16:16 Mat 4:12 ✨ 16:16 Mat 11:23 ✨ 16:17 Mat 5:18 ✨ 16:18 Mat 5:32 ✨ 16:20 Trav 3:2  
✨ 16:22 Jn 1:18 ✨ 16:23 Mat 11:23 ✨ 16:24 Luc 3:8 ✨ 16:24 Mat 25:41 ✨ 16:25 Luc 6:14  
✨ 16:28 Trav 2:40 ✨ 16:29 Luc 4:17 ✨ 16:30 Luc 3:8 ✨ 17:1 Mat 18:7 ✨ 17:2 Mat 18:6  
✨ 17:3 Mat 18:15 ✨ 17:4 Mat 18:21 ✨ 17:6 Mat 13:31

<sup>7</sup> Men kilès nan nou, ki te gen yon esklav ki t ap laboure tè a, oswa k ap okipe mouton, ki va di li lè li vini soti nan chan an, vini koulye a pou chita manje? <sup>8</sup> Men èske li p ap di li: ✨‘Prepare yon bagay pou m manje; mete rad pwòp sou ou, e sèvi m pandan mwen ap manje ak bwè? E aprè, ou va manje e bwè?’ <sup>9</sup> Li p ap remèsye esklav la paske li te fè bagay ki te kòmande yo. Èske se pa vrè?

<sup>10</sup> Konsa, nou menm tou lè nou fè tout bagay ke yo kòmande nou fè, nou di: ‘Nou se esklav ki pa dign; nou fè sèlman sa ke nou dwe fè.’”

<sup>11</sup> Pandan Li te nan wout vè Jérusalem, ✨Li t ap pase antre Samarie ak Galilée.

<sup>12</sup> Pandan Li t ap antre nan yon sèten vilaj, dis lepre ki te ✨kanpe a yon distans te rankontre L. <sup>13</sup> Yo te leve vwa yo e t ap di: ‘Jésus, ✨Mèt, fè nou gras!’

<sup>14</sup> Lè Li te wè yo, Li te di yo: ✨“Ale montre nou menm a prèt yo.” Pandan yo t ap prale, yo te vin pirifye.

<sup>15</sup> Men youn nan yo, lè l wè ke li te geri, te vire retounen e te ✨bay glwa a Bondye avèk yon vwa byen fò. <sup>16</sup> Li te tonbe sou figi li nan pye Jésus, e t ap bay Li remèsiman. Li te yon Samariten.

<sup>17</sup> Jésus te reponn e te di: “Se pa dis ki te pirifye? Men nèf yo—kote yo ye? <sup>18</sup> Èske pa t gen youn ki te vire tounen pou ✨bay glwa a Bondye sof etranje sila a?” <sup>19</sup> Epi Li te di li: “Leve al fè wout ou; ✨lafwa ou geri ou.”

<sup>20</sup> Alò, lè L te kesyone pa Farizyen yo sou ✨kilè wayòm a Bondye a t ap vini, Li te reponn yo e te di: “Wayòm syèl la p ap vini avèk sign ak mirak pou nou kab wè; <sup>21</sup> Ni yo p ap ✨di: ‘Men li isit la!’ Oubyen men li la!’ Paske, veye byen, wayòm syèl la nan mitan nou.”

<sup>22</sup> Ankò Li te di a disip yo: ✨“Jou yo ap vini lè nou va anvè wè youn nan jou Fis a Lòm yo, e nou p ap wè l. <sup>23</sup> ✨Yo va di nou: ‘Gade la! Gade isit la!’ Pa ale, e pa kouri dèyè yo.

<sup>24</sup> ✨Paske menm jan ak loray, lè l fè ekleraj nan yon pati nan syèl la briye jis rive nan lòt pati syèl la, se konsa Fis a Lòm nan va ye nan jou Li a. <sup>25</sup> ✨Men dabò, fòk li soufri anpil bagay e rejte pa jenerasyon sila a.

<sup>26</sup> ✨Menm jan ke sa te rive nan tan Noé a, se konsa l ap ye nan jou Fis a Lòm yo. <sup>27</sup> Yo t ap manje, yo t ap bwè, yo t ap marye e bay nan maryaj jis rive jou ke Noé te antre nan lach la; konsa, delij la te parèt e te detwi yo tout.

<sup>28</sup> Se te menm jan ke sa te rive nan ✨jou Lot yo; yo t ap manje, yo t ap bwè, yo t ap achte, yo t ap vann, yo t ap plante, yo t ap bati.

<sup>29</sup> Men nan jou ke Lot te sòti nan Sodome nan, dife avèk souf te tonbe tankou lapli e te detwi yo tout.

<sup>30</sup> Li va menm jan nan jou ke Fis a Lòm nan ✨ap revele a. <sup>31</sup> Nan jou sa a, sila a ki ✨sou twati kay, e ki gen byen nan kay la, pa pou desann pou pran yo. Menm jan an, sila ki nan chan an pa pou vire tounen.

<sup>32</sup> ✨Sonje madanm a Lot.

<sup>33</sup> ✨Nenpòt moun ki chache sove lavi li va pèdi li, e Nenpòt moun ki pèdi lavi li va konsève l.

✨ 17:8 Luc 12:37 ✨ 17:11 Luc 9:52 ✨ 17:12 Lev 13:45 ✨ 17:13 Luc 5:5 ✨ 17:14 Lev 14:1-32 ✨ 17:15 Mat 9:8 ✨ 17:18 Mat 9:8 ✨ 17:19 Mat 9:22 ✨ 17:20 Luc 19:11 ✨ 17:21 Luc 17:23 ✨ 17:22 Mat 9:15 ✨ 17:23 Mat 24:23 ✨ 17:24 Mat 24:27 ✨ 17:25 Mat 16:21 ✨ 17:26 Mat 24:37-39 ✨ 17:28 Jen 19 ✨ 17:30 Mat 16:27 ✨ 17:31 Mat 24:17 ✨ 17:32 Jen 19:26 ✨ 17:33 Mat 10:39

<sup>34</sup> Mwen di nou ke nan nwit sa a, ap gen de moun nan yon sèl kabann; youn ap pran, e lòt la ap rete. <sup>35</sup> Va gen de fanm k ap moulen nan menm kote a. Youn va pran, e lòt la va rete. <sup>36</sup> De mesye va nan chan an. Youn ap pran, e lòt la va rete.

<sup>37</sup> Konsa yo te reponn: “Ki kote, Senyè?”

E Li te di yo: “Kote kadav la ye, se la votou yo va rasanble.

## 18

<sup>1</sup> Alò, Li t ap di yo yon parabòl pou montre ke nan tout tan yo te dwè priye, e pa dekouraje. <sup>2</sup> Li t ap di: “Te gen nan yon sèten vil, yon jij ki pa t pè Bondye, ni pa t respekte moun.

<sup>3</sup> Alò, Te gen yon vèv nan menm vil sa a, e li te toujou ap vin kote li pou di l: ‘Ban m pwoteksyon kont advèsè mwen an.

<sup>4</sup> Nan kòmansman, li pa t dakò, men apre li te vin di tèt li: “Malgre ke m pa pè Bondye, ni respekte moun, <sup>5</sup> men akòz ke vèv sa a anmède m, mwen va bay li pwoteksyon legal. Otreman li ap kontinye vin kote mwen tout tan, e l ap fatige m nèt.’ ”

<sup>6</sup> Epi Senyè a te di: “Koute byen sa ke jij enjis la te vle di. <sup>7</sup> Alò, èske Bondye p ap fè jistis pou sila Li chwazi yo, kikriye a Li lajounen kon lannwit, epi èske Li va fè anpil reta sou yo?

<sup>8</sup> Mwen di nou ke Li va fè jistis pou yo byen vit. Sepandan lè Fis a Lòm nan vini, èske Li va twouve lafwa sou latè?”

<sup>9</sup> Li te anplis pale parabòl sila a pou kèk moun ki te kwè nan tèt yo ke yo te jis, e te gade lòt yo kòm piba. <sup>10</sup> “De mesye te monte nan tanp lan pou priye, yon Farizyen, e lòt la yon kolektè kontribisyon.

<sup>11</sup> Farizyen an te kanpe e t ap priye konsa a li menm: ‘Bondye, mwen remèsye Ou ke mwen pa tankou lòt moun; twonpè yo, enjis yo, adiltè yo, oswa menm tankou kolektè kontribisyon sila a. <sup>12</sup> Mwen fè jèn de fwa chak semèn, mwen peye ladim sou tout sa mwen fè,’ <sup>13</sup> Men kolektè kontribisyon an te kanpe a yon distans, e pa t menm dakò pou leve zye li vè syèl la, men li t ap bat lestomak li, e t ap di: “Bondye, fè gras a mwen, ki pechè a.

<sup>14</sup> Mwen di nou ke mesye sa a te desann lakay li jistifye pase lòt la, paske Nenpòt moun ki leve tèt li va vin imilye, e sila a ki imilye tèt li a, va vin leve.”

<sup>15</sup> Alò, yo t ap pote menm tibebe bay li pou Li ta kapab touche yo, men lè disip yo te wè sa, yo te kòmansè reprimande yo.

<sup>16</sup> Men Jésus te rele yo, e te di: “Kite timoun yo vin kote Mwen, e pa anpeche yo, paske wayòm Bondye a se pou sila yo ki tankou yo menm.

<sup>17</sup> Anverite, Mwen di nou: “Nenpòt moun ki pa resevwa wayòm Bondye a tankou yon timoun, li p ap antre ladan l menm.

<sup>18</sup> Konsa, yon sèten direktè te kesyone L e te di: “Bon mèt, kisa pou m ta fè pou eritye lavi etènèl?

<sup>19</sup> Epi Jésus te di l: “Poukisa ou rele M bon? Nanpwen pèsòn ki bon sof ke Bondye sèl. <sup>20</sup> Ou konnen kòmandman yo. ‘Pa fè adiltè, pa touye moun, pa vòlè, pa fè fo temwayaj, onore papa ou avèk manman ou.’ ”

✧ 17:37 Mat 24:28 ✧ 18:1 Luc 11:5-10 ✧ 18:1 II Kor 4:1 ✧ 18:2 Luc 18:4 ✧ 18:4 Luc 18:2 ✧ 18:5 Luc 11:8 ✧ 18:6 Luc 7:13 ✧ 18:7 Mat 24:22 ✧ 18:7 II Pi 3:9 ✧ 18:8 Luc 17:26 ✧ 18:9 Luc 16:15 ✧ 18:9 Wo 14:3,10 ✧ 18:10 I Wa 10:5 ✧ 18:11 Mat 6:5 ✧ 18:12 Luc 11:42 ✧ 18:13 Esd 9:6 ✧ 18:13 Luc 23:48 ✧ 18:14 Mat 23:12 ✧ 18:15 Mat 19:13-15 ✧ 18:17 Mat 18:3 ✧ 18:18 Luc 10:25-28 ✧ 18:20 Egz 20:12-16

21 Li te di: “Tout bagay sa yo mwen fè yo depi nan jenès mwen”.

22 Lè Jésus te tande sa, Li te di li: “Yon sèl bagay ou manke toujou; ☆vann tout sa ke ou posede e separe yo bay malere. Konsa ou va gen richès nan syèl la, epi vin swiv Mwen.”

23 Men lè li te tande bagay sa yo, li te vin byen tris; paske li te gen anpil richès.

24 Lè l we tristes li, Jésus te gade l, e te di: ☆“Tèlman li difisil pou sila ki rich yo antre nan wayòm Bondye a!” 25 ☆Li pi fasil pou yon chamo pase nan zye a yon egwi, pase pou yon nonm rich ta antre nan wayòm Bondye a.”

26 Sila yo ki te tande sa te di: “Alò, kilès ki kapab sove?”

27 Men Li te di: ☆“Bagay ki pa posib avèk lòm posib avèk Bondye.

28 Konsa, Pierre te di: “Gade byen, ☆nou kite pwòp kay nou pou swiv Ou.”

29 Li te di yo: “Anverite Mwen di nou ke ☆pa gen pèsòn ki te kite kay, oswa madanm, oswa paran, oswa zanfan yo, pou koz a wayòm syèl la, 30 ki p ap resevwa bokou plis nan tan sila a, e ☆nan laj k ap vini an, lavi etènèl.

31 ☆Answit Li te pran douz yo sou kote, e te di yo: “Veye byen, n ap monte Jérusalem, e tout bagay ki te ekri pa pwofèt yo konsènan Fis a Lòm nan va vin acheve. 32 ☆Paske Li va livre a etranje yo, e li va moke, maltrete, e y ap krache sou Li. 33 Lè yo fin bat Li avèk fwèt, yo va touye Li. Epi nan twazyèm jou a, l ap leve ankò.”

34 Men ☆disip yo pa t konprann anyen nan bagay sa yo. Pawòl sa te kache a yo menm, e yo pa t konprann bagay ki t ap pale yo.

35 ☆Pandan Jésus t ap pwoche Jéricho, yon sèten mesye avèg te chita akote wout la pou mande charite.

36 Alò, li te tande foul la ki t ap pase, e te kòmanse mande kisa sa te ye.

37 Yo te reponn Li ke Jésus de Nazareth t ap pase.

38 Konsa, li te kòmanse rele fò, e te di: “Jésus, Fis a David la, fè m gras!” ☆Fis a David la, Fè m gras!”

39 Sila yo ki t ap dirije chemen an t ap pale sevèman avè l pou fè silans; men li te kriye pi fò, 40 Jésus te kanpe, e te bay lòd pou yo voye l kote Li. Lè l te vin toupre, Li te kesyone l: 41 “Kisa ou vle M fè pou ou?”

Epi Li te di: Senyè, mwen vle vin wè ankò.”

42 Jésus te di li: “Resevwa vizyon ou; ☆lafwa ou fè ou geri.”

43 Imedyatman, li te vin wè ankò, li te kòmanse swiv Li e li t ap ☆bay glwa a Bondye. Lè tout moun te wè sa, yo te bay lwanj a Bondye.

## 19

1 Li te ☆antre Jéricho e t ap travèse.

2 La te gen yon mesye yo te rele Zachée. Li te chèf a kolektè kontribisyon yo, e li te rich. 3 Zachée t ap fè efò pou ta kab wè kilès Jésus te ye, paske li te piti nan tay. 4 Donk li te kouri devan yo e li te monte yon pyebwa ki rele ☆sikomò pou l ta kapab wè Li, paske Li te gen pou pase pa la.

5 Lè Jésus te rive nan lye a, Li te gade anlè, e te di: “Zachée, fè vit desann, paske jodi a fòk Mwen rete lakay ou.”

6 Epi li te kouri desann, e te resevwa Li avèk jwa.

☆ 18:22 Mat 19:21 ☆ 18:24 Mat 19:23 ☆ 18:25 Mat 19:24 ☆ 18:27 Mat 19:26 ☆ 18:28 Luc 5:11 ☆ 18:29 Mat 6:33 ☆ 18:30 Mat 12:32 ☆ 18:31 Mat 20:17-19 ☆ 18:32 Mat 16:21 ☆ 18:34 Mc 9:32 ☆ 18:35 Mat 20:20-34 ☆ 18:38 Luc 18:38; Mat 9:27 ☆ 18:42 Mat 9:22 ☆ 18:43 Mat 9:8 ☆ 19:1 Luc 18:35 ☆ 19:4 I Wa 10:27

<sup>7</sup> Lè yo te wè sa, yo tout te kòmanse plenyen, e t ap di: “Li vin rete lakay a yon pechè.”

<sup>8</sup> Zachée te rete e te di a Senyè a: “Gade byen, Senyè, menm mwatye sa ke m posede, m ap bay a malere yo, e si m te twonpe nenpòt moun de nenpòt bagay, mwen va remèt ✨kat fwa sa.”

<sup>9</sup> Jésus te di li: “Jodi a delivrans gen tan vini nan kay sa a, paske li menm tou, se ✨yon fis Abraham. <sup>10</sup> Paske ✨Fis a Lòm nan vini pou chache e sove sa ki te pèdi.”

<sup>11</sup> Pandan yo t ap koute bagay sa yo, Li te kontinye bay yon parabòl, akoz ke ✨Li te toupre Jérusalem, e yo te sipoze ke ✨wayòm a Bondye a t ap parèt imedyatman. <sup>12</sup> Akoz sa a, Li te di: ✨“Yon sèten prens te vwayaje nan yon peyi byen lwen pou resevwa yon wayòm pou li menm, e answit, pou li retounen. <sup>13</sup> Konsa, li te rele dis nan esklav li yo, e te bay yo dis min, e te di yo: “Fè biznis avèk sa jiskaske Mwen retounen.”

<sup>14</sup> Men sitwayen li yo te rayi li, e yo te voye yon delegasyon dèyè l pou di: ‘Nou pa vle nonm sa renye sou nou.’

<sup>15</sup> Lè l te retounen, apre li te resevwa wayòm nan, li te kòmande ke esklav sa yo ke li te bay kòb la, vin kote l pou li ta kapab konnen ki biznis yo te reyisi fè.

<sup>16</sup> Premye a te parèt e te di: Mèt, min ou an fè dis min anplis.

<sup>17</sup> Epi li te di li: ‘Trè byen fèt, bon esklav; akoz ke ou ✨fidèl nan yon ti bagay tou piti, vin pran otorite sou dis vil.’

<sup>18</sup> Dezyèm nan te vini, e te di: ‘Min ou an Mèt, li fè senk min anplis.’

<sup>19</sup> Li te di li osi: ‘E w ap vin responsab senk vil.’

<sup>20</sup> Yon lòt te vini e te di: ‘Mèt, men min ou an ke m te konsève nan yon mouchwa; <sup>21</sup> paske mwen te pè ou, akoz ke ou menm se yon moun trè egzijan. Ou ranmase sa ke ou pa t depoze, e rekòlte sa ke ou pa t simen.’

<sup>22</sup> Li te di li: “Esklav mechan, pa pwòp pawòl ou, mwen va jije ou. Èske ou pa t konnen ke m se yon moun egzijan, ke m ranmase sa ke m pa t depoze, e rekòlte sa ke m pa t simen? <sup>23</sup> ‘Alò, poukisa ou pa t mete kòb la labank, e lè m te vini, mwen ta twouve li avèk enterè?’

<sup>24</sup> Answit li te di a sila ki te kanpe la yo, tou pran min li an, e bay li a sila ki gen dis la.

<sup>25</sup> Epi yo te di li: “Mèt, li gen dis deja.’

<sup>26</sup> ✨Mwen di nou ke a tout moun ki gen, plis yo va bay yo, men a sila a ki pa genyen an, menm sa ke li genyen an va pran nan men l.

<sup>27</sup> Men ✨lènmi M sa yo ki pa t vle m renye sou yo a, mennen yo isit la, e touye yo nan prezans mwen.

<sup>28</sup> Lè L fin pale bagay sa yo, Li ✨te pran devan pou monte vè Jérusalem.

<sup>29</sup> ✨Lè L te pwoche Bethphagé ak Béthanie, toupre mòn ki rele Mòn Oliv la, Li te voye de nan disip Li yo devan. <sup>30</sup> Li te di: “Ale nan vil anfas ou a. La, pandan nou ap antre, nou va twouve yon jenn bourik, sou li, moun poko monte menm. Demare l, mennen l vin isit la. <sup>31</sup> Si Nenpòt moun mande nou poukisa nou ap demare li, se konsa nou va reponn: “Senyè a gen bezwen li.’ ”

<sup>32</sup> Donk sila ki te voye yo te ale, e yo te twouve li jan ke li te di yo a.

<sup>33</sup> Pandan yo t ap demare jenn bourik la, mèt li te mande yo: “Poukisa nou ap demare jenn bourik la?”

✨ 19:8 Egz 22:1 ✨ 19:9 Luc 3:8 ✨ 19:10 Mat 18:11 ✨ 19:11 Luc 9:51 ✨ 19:11 Luc 17:20  
 ✨ 19:12 Mat 25:14-30 ✨ 19:17 Luc 16:10 ✨ 19:26 Mat 13:12 ✨ 19:27 Luc 19:4 ✨ 19:28  
 Mc 10:32 ✨ 19:29 Mat 21:1-9



<sup>34</sup> Yo te di: “Senyè a gen bezwen li.”

<sup>35</sup> ✧Yo te mennen l kote Jésus, epi yo te voye rad pa yo sou bourik la, e te mete Jésus sou li.

<sup>36</sup> Pandan li t ap prale, yo t ap ouvri rad yo sou wout la.

<sup>37</sup> Lè L t ap pwoche toupren kote pou desann Mòn Oliv la, tout foul disip yo te kòmanse ✧louwe Bondye avèk jwa e avèk yon gran vwa, pou tout mirak ke yo te wè yo. <sup>38</sup> Yo t ap rele: ✧“Beni se Wa a ki vini nan non Senyè a; lapè nan syèl la, avèk glwa nan trè wo a.

<sup>39</sup> ✧Kèk nan Farizyen yo ki te nan foul la, te di Li: “Mèt, reprimande disip ou yo.

<sup>40</sup> Men Li te reponn e te di: “**Mwen di nou, si sila yo rete an silans, ✧menm wòch yo va pran rele.**”

<sup>41</sup> Lè l te pwoche Jérusalem Li te wè vil la e Li te komanse ✧kriye sou li.

<sup>42</sup> Lit ap di: “**Si ou te konnen nan jou sa, menm ou menm, bagay ki konn fè lapè! Men koulye a yo vin kache devan zye ou.**

<sup>43</sup> Paske jou yo ap vini sou ou lè lènmi ou yo va ✧fè monte yon barikad devan ou, antoure ou, e kwense nou ladann tout kote. <sup>44</sup> Epi yo va raze ou a nivo latè avèk zanfan ou tout ladann, e ✧yo p ap kite nan ou menm yon wòch sou yon lòt, akoz ke ou pa t rekonèt lè ou te vizite a.

<sup>45</sup> ✧Jésus te antre nan tanp lan e te kòmanse pouse mete deyò sila ki t ap vann yo, <sup>46</sup> Li te di yo: “**Li ekri. ✧‘Epi lakay Mwen va yon kay lapriyè, men nou fè l vin yon kav vòlè.’**”

<sup>47</sup> Epi chak jou Li t ap ✧enstwi nan tanp lan, men chèf prèt ak skrib yo avèk direktè yo pami pèp la t ap eseye detwi Li. <sup>48</sup> Menyo pa t kab twouve anyen ke yo ta kab fè, paske tout pèp la t ap akwoche sou chak pawòl Li te di.

## 20

<sup>1</sup> ✧Nan youn nan jou ke Li t ap enstwi pèp la nan tanp lan, e preche bòn nouvèl la, chèf prèt yo avèk skrib yo avèk anyen yo te vin parèt devan Li.

<sup>2</sup> Yo te pale e te di Li: “Fè nou konnen pa ki otorite Ou fè bagay sa yo, oswa se kilès ki te bay Ou otorite sa a?” <sup>3</sup> Jésus te reponn e te di yo: “**Mwen ap poze nou yon kesyon, epi fè M konnen: <sup>4</sup> Èske batèm a Jean an te sòti nan syèl la, oswa nan lòm?”**

<sup>5</sup> Yo te rezone pami yo e te di: “Si nou di ‘Nan syèl la’, l ap di: “Ebyen, poukisa nou pa t kwè li?” <sup>6</sup> Men si nou di: ‘Nan lòm, tout pèp la va lapide nou avèk wòch jiskaske nou mouri, paske yo konvenk ke Jean te yon ✧pwofèt.’” <sup>7</sup> Konsa, yo te reponn ke yo pa t konnen kote sa sòti. <sup>8</sup> Epi Jésus te di yo: “**Ni Mwen p ap di nou pa ki otorite ke M fè bagay sa yo.**” <sup>9</sup> ✧Epi Li te kòmanse di pèp la parabòl sila a: “Yon mesye te plante yon chan rezen, li te lwe li a kiltivatè yo, e li te ale nan yon vwayaj ki te dire anpil. <sup>10</sup> Nan tan rekòlt la, li te voye yon esklav kote kiltivatè yo pou yo ta kapab bay li kèk nan rekòlt chan an; men ouvriye ki okipe lyen rezen yo te bat li, e te voye li ale men vid. <sup>11</sup> Alò, li te eseye voye yon lòt esklav; epi yo te bat li tou, yo te maltrete l jiskaske se te yon eskandal, epi yo te voye li ale men vid. <sup>12</sup> Konsa, li te eseye voye yon twazyèm; epi sila a osi yo te blese e te mete li deyò. <sup>13</sup> Mèt chan an te di: “Kisa m ta fè la a, m ap voye fis byeneme mwen an; petèt yo va ✧respekte li. <sup>14</sup> Men

✧ 19:35 Mat 21:4-9 ✧ 19:37 Luc 18:43 ✧ 19:38 Sòm 118:26 ✧ 19:39 Mat 21:15 ✧ 19:40 Hab 2:11 ✧ 19:41 Luc 13:34-35 ✧ 19:43 Ekl 9:14 ✧ 19:44 Mat 24:2 ✧ 19:45 Jn 2:13-16 ✧ 19:46 És 56:7 ✧ 19:47 Mat 26:55 ✧ 20:1 Mat 21:23-27 ✧ 20:6 Mat 11:9 ✧ 20:9 Mat 21:33-46 ✧ 20:13 Luc 18:2

lè ouvriye ki te okipe lyen rezen yo te wè li, yo te rezone youn avèk lòt konsa: ‘Sa se eritye a; annou touye li pou eritaj la kapab pou nou.’<sup>15</sup> Donk yo te jete li deyò chan rezen an, e te touye li. Pou sa, kisa mèt chan rezen an ap fè yo?<sup>16</sup> Li va vin \*detwi ouvriye chan sa yo, e li va bay chan rezen an a lòt.” Lè yo te tandè li, yo te di: “Pa janm kite sa fèt!”<sup>17</sup> Alò, Li te gade yo, e te di: “Ebyen sou kilès sa ekri: \*

‘Wòch ke sila ki t ap bati yo te rejte a;  
sila a te devni \*lang prensipal la.’?”

<sup>18</sup> \*Tout moun ki tonbe sou wòch sa a, va kraze an mòso; men sou nenpòt moun ke li menm tonbe, l ap gaye li tankou pousyè.”

<sup>19</sup> Skrib yo avèk chèf prèt yo \*te eseye mete men sou Li, nan menm lè sa a, epi yo te pè pèp la, paske yo te byen konprann ke Li te pale parabòl sa a kont yo menm.<sup>20</sup> \*Donk yo te veye li, e te voye espyon ki te pretann ke se te moun jis yo te ye, pou yo ta kapab kenbe Li nan yon pawòl, pou yo ta kab livre Li devan lalwa a ak otorite gouvènè a.<sup>21</sup> Yo te poze Li kesyon, e te di: “Mèt, nou konnen ke Ou pale e enstwi byen dwat, epi Ou pa nan patipri a pèsòn, men enstwi chemen Bondye a nan verite.<sup>22</sup> Èske Li pèmi pou nou \*peye taks a César, oubyen non?”<sup>23</sup> Men Li te konprann koken yo a, e te di yo: <sup>24</sup> “Montre M yon kòb denye. Se pòtre avèk enskripsyon a kilès moun li genyen?” Yo te di: “César”.<sup>25</sup> Li te di yo: “Pou sa, \*bay a César sa ki pou César, e a Bondye, sa ki pou Bondye.”<sup>26</sup> Epi yo pa t kapab \*kenbe L nan yon pawòl nan prezans a pèp la; e byen etone pa repons Li, yo te vin rete an silans.<sup>27</sup> Alò kèk nan \*Sadiseyen yo te vin kote L, (ki di ke pa gen rezirèksyon),<sup>28</sup> Yo te kesyone L, konsa: “Mèt, Moïse te ekri pou nou ke \*si frè a yon mesye mouri, avèk yon madanm, “E li pa kite pitit, frè li a ta dwe pran madanm li, e fè reyisi yon posterite pou frè li a.”<sup>29</sup> Alò, te gen sèt frè; e premye a te pran yon madanm, e li te mouri san pitit;<sup>30</sup> epi dezyèm nan,<sup>31</sup> epi twazyèm nan te pran l; e menm jan an, tout nan sèt yo te pran l, e tout te mouri san kite pitit.<sup>32</sup> Finalman, fanm nan te mouri tou.<sup>33</sup> Konsa, nan rezirèksyon an, se madanm a kilès l ap ye? Paske tout sèt moun yo te genyen li kòm madanm.”<sup>34</sup> Jésus te di yo: “Fis a laj sila yo marye e bay moun nan maryaj.<sup>35</sup> Men sila yo ki konsidere dign pou rive nan laj sila a, e rezirèksyon \*a mò yo, pa marye, ni yo pa bay moun nan maryaj;<sup>36</sup> Ni, yo pa kapab mouri ankò, paske yo tankou zanj, e se \*fis a Bondye, fis a rezirèksyon an.<sup>37</sup> Men ke \*mò yo leve te montre menm pa Moïse nan pasaj sou touf bwa ki t ap boule a, kote li rele Senyè a *Bondye Abraham nan, Bondye Isaac la ak Bondye a Jacob la*. Alò, Li pa Bondye a mò yo, men Bondye a vivan an; pou tout sila ki<sup>38</sup> Wo 14:8viv de Li yo.<sup>39</sup> Kèk nan skrib yo te reponn e te di: “Mèt, Ou pale byen.”<sup>40</sup> Paske\*yo pa t gen kouraj pou poze L kesyon sou anyen ankò.<sup>41</sup> \*Alò Li te di yo, *Kijan sa fèt ke yo di ke Kris la se Fis a David?*<sup>42</sup> Paske David, li menm di nan liv Sòm Yo: \*

“SENYÈ a te di a SENYÈ mwen an, chita bò dwat Mwen,

<sup>43</sup> \*Jiskaske M fè lènmi ou yo yon ti ban pou lonje pye ou.”

<sup>44</sup> Konsa, David rele Li ‘Senyè’, e kijan se fis Li ke li ye a?”

\* 20:16 Mat 21:41 \* 20:17 Sòm 118:22 \* 20:17 Ef 2:20 \* 20:18 Mat 21:44 \* 20:19 Luc 19:47 \* 20:20 Mc 3:2 \* 20:22 Mat 17:5 \* 20:25 Mat 22:21 \* 20:26 Luc 11:54 \* 20:27 Mat 22:23-33 \* 20:28 Det 25:5 \* 20:35 Mat 12:32 \* 20:36 Wo 8:16 \* 20:37 Mc 12:26 \* 20:40 Mat 22:46; Mat 22:32 \* 20:41 Mat 22:41-46 \* 20:42 Sòm 110:1 \* 20:43 Sòm 110:1

<sup>45</sup> ✧ Pandan tout pèp la t ap koute, Li te di a disip yo: <sup>46</sup> “Fè atansyon de skrib yo ✧ ki renmen mache toupatou ak gwo abiman long, e ki renmen salitasyon respè nan mache yo, ak chèz pi enpòtan nan sinagòg yo, ak plas a lonè nan bankè yo; <sup>47</sup> ki devore kay a vèv yo, e pou yo ka pran pòz, yo ofri gwo priyè long yo. Sila yo va resevwa pi gwo kondanasyon.”

## 21

<sup>1</sup> ✧ Alò, Li leve zye li e te wè rich yo ki t ap mete ofrann nan bwat kès nan tanp lan. <sup>2</sup> Konsa, Li te wè yon sèten vèv pòv ki t ap mete ✧ de ti pyès lajan an kwiv. <sup>3</sup> Li te di: “Anverite Mwen di nou, ke fanm pòv sila a te mete plis pase yo tout; <sup>4</sup> paske yo te mete ofrann selon abondans yo; men li menm, nan povrete li, li te mete tout sa li te gen ✧ pou l viv.” <sup>5</sup> ✧ Alò, pandan kèk moun t ap pale de tanp lan, kijan li te byen dekore avèk bèl bijou, ak kado konsakre yo, Li te di: <sup>6</sup> Pou bagay sa yo ke nou ap gade la a, jou a va vini lè ✧ p ap rete yon sèl wòch sou lòt ki p ap chire dekonble. <sup>7</sup> Yo te kesyone L e te di: “Mèt, konsa, kilè bagay sa yo ap rive? Epi ki sign k ap fè ke yo prèt pou rive? <sup>8</sup> Epi Li te di: “Veye byen pou nou pa twonpe; paske anpil moun ap vini nan non Mwen, e yo va di: ✧ ‘Mwen se Li menm’, e, ‘Lè a toupre’. ✧ Pa kouri dèyè yo. <sup>9</sup> Lè nou tandè afè lagè, avèk boulvèsman, pa enkyete; paske fòk bagay sa yo rive avan, men lafen an poko ap rive. <sup>10</sup> Alò Li te kontinye ap di yo: “Nasyon va leve kont nasyon, e wayòm kont wayòm. <sup>11</sup> Va gen gran tranbleman detè, e nan plizyè andwa, epidemi avèk gwo grangou. Va gen gwo laperèz avèk gwo sign ki sòti nan syèl la. <sup>12</sup> Men avan tout bagay sa yo, ✧ yo va mete men sou nou, yo va pèsekite nou, e yo va livre nou nan sinagòg avèk prizon yo. Yo va mennen nou devan wa ak gouvènè yo pou koz a non Mwen. <sup>13</sup> ✧ Sa va ouvri yon chemen pou temwayaj nou. <sup>14</sup> ✧ Pou sa, pran desizyon avan lè pou pa prepare defans nou. <sup>15</sup> Paske ✧ Mwen va bannou pawòl avèk sajès pou okenn nan advèsè nou yo pa kapab reziste ni demanti. <sup>16</sup> Men Nou va trayi menm pa paran nou, frè, manm fanmi nou avèk zanmi nou. Yo va mete kèk nan nou a lanmò. <sup>17</sup> Nou va rayi pa tout moun akoz non Mwen. <sup>18</sup> Men ✧ pa menm yon cheve nan tèt nou p ap peri. <sup>19</sup> ✧ Pa pèseverans nou, nou va reyisi genyen lavi nou. <sup>20</sup> Men lè nou wè Jérusalem ✧ antoure pa lame, nan moman sa a, rekonèt ke dezolasyon li toupre. <sup>21</sup> Answit ✧ nan lè sa a, sila ki nan Juda yo va oblije sove pou ale nan mòn yo, sila ki nan mitan vil yo va oblije sòti, e sila ki andeyò yo p ap pou antre nan vil la. <sup>22</sup> Paske jou sa yo se ✧ jou vanjans yo, pou tout bagay ki ekri yo kapab vin akonpli. <sup>23</sup> Malè a sila yo k ap pote pitit, ak sila yo ki nouris nan jou sa yo, paske va gen gwo ✧ twoub sou tè a, e kòlè sou pèp sila a. <sup>24</sup> Yo va tonbe pa lam nepe, e yo va mennen kòm kaptif pou antre nan tout nasyon yo. Epi Jérusalem va ✧ foule anba pye pa payen yo jiskaske ✧ tan payen yo fin acheve. <sup>25</sup> Konsa, va gen sign nan solèy la, lalin ak zetwal yo, e sou latè, sezisman pami nasyon yo, ak gwo malantandi akoz laraj lanmè a ak lanm lanmè yo. <sup>26</sup> Moun va pèdi kapasite akoz laperèz, avèk twòp refleksyon sou sa k ap rive nan mond lan; paske pouvwa nan syèl yo ap vin ebranle. <sup>27</sup> Answit yo va wè ✧ Fis a Lòm nan k ap vini nan yon nyaj avèk pouvwa, ak gran glwa. <sup>28</sup> Men

✧ 20:45 Mat 23:1-7 ✧ 20:46 Luc 11:43 ✧ 21:1 Mc 12:4-44 ✧ 21:2 Mc 12:42 ✧ 21:4 Mc 12:44 ✧ 21:5 Mat 24 ✧ 21:6 Luc 19:44 ✧ 21:8 Jn 8:24 ✧ 21:8 Luc 17:23 ✧ 21:12 Mat 10:19-22 ✧ 21:13 Phm 1:12 ✧ 21:14 Luc 12:11 ✧ 21:15 Luc 12:12 ✧ 21:18 Mat 10:30 ✧ 21:19 Mat 19:22 ✧ 21:20 Luc 19:43 ✧ 21:21 Luc 17:31 ✧ 21:22 És 63:4 ✧ 21:23 Dan 8:19 ✧ 21:24 Rev 11:2 ✧ 21:24 Wo 11:25 ✧ 21:27 Dan 7:13

lè bagay sa yo kòmanse fèt, ranje kò nou, e leve tèt nou, ✧paske delivrans nou ap toupre. <sup>29</sup> Answit Li te di yo yon parabòl: Veye byen pye figye frans lan, avèk tout pyebwa yo. <sup>30</sup> Depi yo pouse fèy, nou va wè sa, e nou va ✧konnen pou kont nou ke gran sezon chalè a toupre kounye a. <sup>31</sup> Menm jan an, nou menm tou, lè nou wè bagay sa yo ap fèt, rekonèt ke ✧wayòm Bondye a toupre. <sup>32</sup> Anverite Mwen di nou, ke jenerasyon sila a p ap pase avan tout bagay sa yo rive. <sup>33</sup> ✧Syèl la avèk tè a va pase, men pawòl Mwen yo p ap pase. <sup>34</sup> ✧Veye nou, swa kè nou va vin lou nan banbòch ak bwason avèk enkyetid lavi yo, paske jou sa a va vini sou nou sibitman. <sup>35</sup> Paske li va vini kon yon piyej sou tout sila yo ki rete sou fas tout tè a. <sup>36</sup> Men ✧rete vijilan tout tan avèk lapriyè pou nou kapab gen fòs pou chape de tout bagay sila yo ki prèt pou rive, e pou kanpe devan Fis a Lòm nan.” <sup>37</sup> Alò pandan jounen an, Li t ap ✧enstwi nan tanp lan; men nan aswè, Li te konn ale deyò pou pase nwit lan sou ✧mòn ki rele Olivye a. <sup>38</sup> Epi tout pèp la te toujou leve granmmaten pou vinkote Li nan tanp lan pou koute Li.

## 22

<sup>1</sup> ✧Alò, fèt Pen San Ledven an ki rele Pak Jwif la, t ap pwoche. <sup>2</sup> Konsa, Chèf prèt avèk skrib yo ✧t ap chache kijan yo ta kapab mete L a lanmò; paske yo te pè pèp la. <sup>3</sup> ✧Alò, Satan te antre nan Judas ki te rele Iscariot, ki te konte pami douz yo. <sup>4</sup> Li te sòti, e te diskite avèk chèf prèt avèk ✧ofisye yo sou jan li ta kapab trayi Li a yo menm. <sup>5</sup> Yo te kontan, e te vin dakò pou bay li lajan. <sup>6</sup> Donk, li te antann li avèk yo, e te kòmanse chache yon bon okazyon pou livre Li bay yo kote pa t gen foul moun. <sup>7</sup> ✧Alò, te rive premye jou Pen San Ledven an pandan lè yo te oblije fè sakrifis jenn mouton an. <sup>8</sup> Li te voye ✧Pierre avèk Jean e te di: “Ale prepare Pak la pou nou pou nou kab manje li.” <sup>9</sup> Yo te di li: “Ki kote Ou vle nou prepare l? <sup>10</sup> Li te di yo: “Gade, lè nou antre nan vil la, yon mesye k ap pote yon vaz dlo va vin rankontre nou; swiv li pou antre nan kay kote li antre a. <sup>11</sup> Nou va di a mèt kay la: “Mèt la di nou, ‘Kote chanm vizitè a kote Mwen kapab manje Pak la avèk disip Mwen yo?’ <sup>12</sup> Epi li va montre nou yon gwo chanm anlè, byen founi. Prepare li la.” <sup>13</sup> Yo te pati e te twouve tout bagay jan li te di yo a. Yo te prepare Pak la. <sup>14</sup> ✧Lè lè a te rive, Li te repoze a tab, e apòt yo te avè L. <sup>15</sup> Li te di yo: “Mwen te seryezman anvi manje Pak sa a avèk nou avan Mwen soufri; <sup>16</sup> paske Mwen di nou, Mwen p ap janm manje li ankò, ✧jiskaske li vin akonpli nan wayòm Bondye a.” <sup>17</sup> ✧Lè l te fin pran yon tas, e te beni li, Li te di: “Pran sa a, e pataje li pami nou menm. <sup>18</sup> Paske ✧Mwen di nou, Mwen p ap bwè fwi rezen an depi kounye a jiskaske wayòm Bondye a vini.” <sup>19</sup> Epi lè L te fin pran yon pen e te ✧beni li, Li te kase l. Li te bay yo e te di: “Sa se kò M ki bay pou nou menm; fè sa nan memwa a Mwen menm.” <sup>20</sup> Menm jan an, Li te pran tas la lè yo te fin manje e te di: “Tas sa se ✧ akò nèf de san Mwen an ki vide ✧ net pou nou. <sup>21</sup> ✧ Men gade, men la a sila ki trayi Mwen an, li avèk men pa M nan sou tab la. <sup>22</sup> Paske anverite, Fis a Lòm nan va ale ✧jan sa te deja detèmine a. Men malè a moun ki trayi Li a!” <sup>23</sup> Konsa, yo te kòmanse diskite pami yo kilès

✧ 21:28 Luc 18:7 ✧ 21:30 Luc 12:57 ✧ 21:31 Mat 3:2 ✧ 21:33 Mat 5:18 ✧ 21:34 Mat 24:42-44 ✧ 21:36 Mc 13:33 ✧ 21:37 Mat 26:55 ✧ 21:37 Mat 21:1 ✧ 22:1 Egz 12:1-27 ✧ 22:2 Mat 12:14 ✧ 22:3 Mat 26:14-16 ✧ 22:4 I Kwo 9:11 ✧ 22:7 Mat 26:17-19 ✧ 22:8 Trav 3:1-11 ✧ 22:14 Mat 26:20 ✧ 22:16 Luc 14:15 ✧ 22:17 I Kor 10:16 ✧ 22:18 Mat 26:29 ✧ 22:19 Mat 14:9 ✧ 22:20 Mat 26:28 ✧ 22:20 Egz 24:8 ✧ 22:21 Sòm 41:9 ✧ 22:22 Trav 2:23

nan yo ke li ta kapab ye pou ta fè bagay sa a. <sup>24</sup> Te leve osi yon diskisyon pami yo sou kilès nan yo ki te konsidere kòm pi gran. <sup>25</sup> ✧Men Li te di yo: “Wa a payen yo domine yo, e sila ki gen otorite sou yo, yo rele ‘Byenfètè’.” <sup>26</sup> Men se pa konsa pou nou menm, ✧men fòk sila a ki pi gran pami nou an vin tankou pi piti a, e direktè a tankou sèvitè a. <sup>27</sup> Paske, kilès ki pi gran an, sila a ki repoze a tab la, oubyen sila k ap sèvi a? Se pa sila ki repoze a tab la? Men ✧Mwen menm, mwen pami nou kòm sila k ap sèvi a. <sup>28</sup> Nou menm se sila yo ki te kanpe avè M nan tout ✧eprev Mwen yo. <sup>29</sup> Epi menm jan an ke Papa M ban Mwen ✧yon wayòm, Mwen bannou li, <sup>30</sup> pou nou kapab manje e bwè sou tab Mwen nan wayòm Mwen an, e ✧nou va chita sou douz twòn yo pou jije douz tribi Israël yo. <sup>31</sup> Simon, Simon, veye byen. ✧Satan mande pèmasyon pou ✧vannen ou tankou ble; <sup>32</sup> Men Mwen te ✧priye pou ou, pou lafwa ou pa pèdi; e pou ou, nan lè ke ou retounen ankò, kab bay frè ou yo fòs.” <sup>33</sup> ✧Men li te di Li: “Senyè, avèk Ou, mwen prepare pou m ale ni nan prizon, ni a lanmò!” <sup>34</sup> Li te reponn: “Mwen di ou, Pierre, ke kòk la p ap gen tan chante jodi a avan ou di twa fwa ke ou pa rekonèt Mwen.” <sup>35</sup> Li te di yo: ✧ “Lè Mwen te voye nou deyò san bous, ni sak, ni sapat la, nou pa t manke anyen; se pa sa? E yo te di: “Non, anyen”. <sup>36</sup> Epi Li te di yo: “Men koulye a, nempòt moun ki gen yon bous, fòk li pran l avè l, menm jan an tou, yon sak. E nempòt moun ki pa gen, fòk li vann manto li, pou achte youn nepe. <sup>37</sup> Paske Mwen di nou ke sa ki ekri a oblije akonpli nan Mwen. ✧ ‘E Li te konte pami malfektè yo.’ Paske ✧sa ki gen referans a Mwen menm nan gen pou ranpli.” <sup>38</sup> Yo te di: “Senyè, gade, men de ✧nepe.” E Li te di yo: “Sa sifi.” <sup>39</sup> Li te sòti, e te kontinye ✧kòm abitud Li, vè Mòn Olivye a; epi disip yo osi te swiv Li. <sup>40</sup> Lè L te rive la, Li te di yo: “Priye pou nou pa antre nan tantasyon.” ✧ <sup>41</sup> Konsa, Li te kite yo pou rive vè distans ke yon moun kab voye yon wòch, e Li te mete L sou jenou pou priye. <sup>42</sup> Lit ap di: “Papa, si se volonte Ou, rete tas sa a sou Mwen; ✧malgre pa selon volonte M, men ke pa W la kapab fèt. <sup>43</sup> Alò, yon ✧zanj syèl la te parèt a Li menm pou bay Li fòs. <sup>44</sup> ✧Ak gwo toumant, Li t ap priye avèk entansite, e swè Li te vin tankou gout san ki t ap tonbe atè. <sup>45</sup> Lè L te leve soti nan lapriye, Li te vin kote disip yo e te twouve yo nan dòmi akoz tristès yo. <sup>46</sup> Lite di yo: “Poukisa nou ap dòmi? Leve e ✧priye pou nou pa antre nan tantasyon.” <sup>47</sup> ✧Pandan Li te toujou ap pale, men yon foul te parèt avèk sila ki te rele Judas a, youn nan douz yo, ki t ap mennen yo. Li te pwoche Jésus pou bo L. <sup>48</sup> Men Jésus te di li: “Judas, èske w ap trayi Fis a Lòm nan avèk yon bo?” <sup>49</sup> Lè sila ki te antoure Li yo te wè sa ki t ap fèt la, yo te di: “Senyè, èske n ap frape avèk ✧nepe a”? <sup>50</sup> Epi youn nan yo te frape esklav a wo prèt la, e te koupe zòrèy dwat li. <sup>51</sup> Men Jésus te reponn e te di: “Anmwens, kite m fè sa a” Epi Li te touche zòrèy la, e te geri li. <sup>52</sup> Konsa, Jésus te di a chèf prèt avèk ✧ofisye a tanp ki te vini kont Li yo: “Nou vini avèk nepe ak baton tankou nou t ap vini kont yon vòlè? <sup>53</sup> Pandan ke Mwen te avèk nou chak jou nan tanp lan, nou pa t mete men sou Mwen; men lè sa a avèk pouvwa tenèb la se lè pa nou an. <sup>54</sup> Lè yo te fin arete Li, yo te mennen L ale, e te fè L rive lakay wo prèt la;

✧ 22:25 Mat 20:25-28 ✧ 22:26 Mat 23:11 ✧ 22:27 Mat 20:28 ✧ 22:28 Eb 2:18 ✧ 22:29 Mat 5:3 ✧ 22:30 Mat 19:28 ✧ 22:31 Job 1:6 ✧ 22:31 Am 9:9 ✧ 22:32 Jn 17:9-15 ✧ 22:33 Mat 26:33-35 ✧ 22:35 Mat 10:9 ✧ 22:37 És 53:12 ✧ 22:37 Jn 17:4 ✧ 22:38 Luc 22:36-49 ✧ 22:39 Luc 21:37 ✧ 22:40 Mat 26:39; Mat 26:36-46 ✧ 22:42 Mat 26:39 ✧ 22:43 Mat 4:11 ✧ 22:44 Eb 5:7 ✧ 22:46 Luc 22:40 ✧ 22:47 Mat 26:47-56 ✧ 22:49 Luc 22:38 ✧ 22:52 Luc 22:4

men ✧Pierre t ap swiv a yon distans. <sup>55</sup> ✧Aprè yo te fin fè dife nan mitan lakou tribinal la, e te chita ansanm; Pierre te chita pami yo. <sup>56</sup> Alò, yon fi ki t ap sèvi, lè l te wè li nan limyè dife a, li te gade l toupre, e te di: “Mesye sa a te avè L tou wi.” <sup>57</sup> Men Li te demanti sa, e te di: “Fanm, mwen pa konnen Li.” <sup>58</sup> Yon ti jan pita, ✧yon lòt te wè l, e te di: “Ou menm se youn nan yo tou. Men Pierre te di: “Mesye, se pa mwen!” <sup>59</sup> Aprè anviwon yon èdtan te fin pase, yon lòt mesye te kòmanse ensiste, e te di: “Sètènman mesye sa a te avè l tou, ✧paske li se yon Galileyen tou.” <sup>60</sup> Men Pierre te di: “Mesye, mwen pa konnen anyen de sa w ap pale a.” E lapoula, pandan li te toujou ap pale, yon kòk te chante. <sup>61</sup> Senyè a te vire gade Pierre. E Pierre te sonje pawòl a Senyè a, jan li te di li a: ✧ **“Avan kòk la chante jodi a, ou va renye M twa fwa.”** <sup>62</sup> Li te sòti deyò, e te kriye byen amè. <sup>63</sup> Alò ✧mesye ki te kenbe Jésus yo t ap moke Li, e bat Li, <sup>64</sup> Konsa, yo te mare kouvri zye Li avèk yon twal, e te di L: ✧ **“Pwofetize non; se kilès ki frape Ou a?”** <sup>65</sup> Epi yo t ap di anpil lòt bagay kont Li, avèk ✧blasfèm. <sup>66</sup> ✧Lè li te fè jou, Konsèy Ansyen a pèp la te reyini, ni chèf prèt avèk skrib yo, yo te mennen Li nan chanm konsèy la, e t ap di: <sup>67</sup> ✧Si Ou menm se Kris la, di nou.” Men Li te di yo: **“Si Mwen di nou, nou p ap kwè; <sup>68</sup> epi si Mwen poze nou yon kesyon, nou p ap reponn. <sup>69</sup> ✧ Men depi koulye a, ✧Fis a Lòm nan va chita sou men dwat a pwisans Bondye a.”** <sup>70</sup> Epi yo tout te di: “Alò, Ou menm se Fis Bondye a?” Epi Li te di yo: ✧**“Ou pale sa, paske, Mwen Se.”** <sup>71</sup> Answit yo te di: “Kisa nou bezwen anplis kòm temwayaj? Paske nou tande sa nou menm nan pwòp bouch Li.”

## 23

<sup>1</sup> Alò kon yon sèl kò, yo te leve pou ✧mennen L devan Pilate. <sup>2</sup> ✧Epi yo te kòmanse akize L, e te di: “Nou te twouve mesye sa t ap egare nasyon nou an, e t ap anpeche yo peye kontribisyon yo bay César, e te di ke Li menm, Li se Kris la, yon Wa.” <sup>3</sup> Donk Pilate te mande Li: “Èske Ou se Wa a Jwif yo?” Epi Li te reponn li, e te di: ✧ **“Se sa ou di l la”.** <sup>4</sup> Answit Pilate te di a chèf prèt yo avèk foul la: ✧“Mwen pa twouve okenn koupabilite nan mesye sa a”. <sup>5</sup> Men yo te kontinye ensiste, e t ap di: “L ap boulvèse pèp la, e L ap enstwi yo toupatou nan Juda, ✧kòmanse soti nan Galilée, pou menm rive nan plas sa a.” <sup>6</sup> Men lè Pilate te tande sa, li te mande si mesye sa a te yon Galileyen. <sup>7</sup> Epi lè l te vin aprann ke Li te anba otorite Hérode, li te voye Li vè ✧Hérode, ki te osi nan Jérusalem nan moman sa a. <sup>8</sup> Alò, Hérode te trè kontan lè l te wè Jésus; paske ✧li te vle wè L depi lontan, akoz ke li t ap tande de Li, e te espere wè l fè kalite mirak ki te fèt pa Li. <sup>9</sup> Li te kesyone Li anpil, men ✧Li pa t reponn li menm. <sup>10</sup> Chèf prèt yo avèk skrib yo te kanpe la, e t ap akize Li avèk vanjans. <sup>11</sup> Epi lè Hérode avèk sòlda li yo, lè yo te fin tretè L avèk ensolans, e moke L, yo te ✧fè L abiye ak yon bèl manto, e te voye Li retounen bay Pilate. <sup>12</sup> Alò nan menm jou sa a, ✧Hérode avèk Pilate te vin zanmi youn avèk lòt men avan sa, yo te lènmi youn ak lòt. <sup>13</sup> Pilate te rasanble chèf prèt yo avèk ✧ofisye yo avèk pèp la. <sup>14</sup> Lite di yo: “Nou te mennen nonm sa a kote mwen tankou yon moun ki t

✧ **22:54** Mat 26:58 ✧ **22:55** Mat 26:69-75 ✧ **22:58** Jn 18:26 ✧ **22:59** Mat 26:73 ✧ **22:61** Luc 22:34 ✧ **22:63** Mat 26:67 ✧ **22:64** Mat 26:68 ✧ **22:65** Mat 27:39 ✧ **22:66** Mat 27:1 ✧ **22:67** Mat 26:63-66 ✧ **22:69** Mat 26:64 ✧ **22:69** Sòm 110:1 ✧ **22:70** Mat 26:64 ✧ **23:1** Mat 27:2 ✧ **23:2** Mat 27:11-14 ✧ **23:3** Luc 22:70 ✧ **23:4** Mat 27:23 ✧ **23:5** Mat 4:12 ✧ **23:7** Mat 14:1 ✧ **23:8** Luc 9:9 ✧ **23:9** Mat 27:12,14 ✧ **23:11** Mat 27:28 ✧ **23:12** Trav 4:27 ✧ **23:13** Luc 23:35

ap ✧pouse pèp la a rebelyon, e gade byen, selon egzamen ki fèt devan nou, mwen ✧pa twouve okenn koupabilite nan Li, selon chaj ke nou fè kont Li yo. <sup>15</sup> Non, ni ✧Hérode pa twouve anyen, paske li te voye Li tounen bò kote nou; epi byen gade, anyen ki merite lanmò pa t fèt pa Li. <sup>16</sup> Konsa, mwen va ✧pini Li, epi lage Li.” <sup>17</sup> Alò li te oblije lage pou yo yon prizonye nan fèt la. <sup>18</sup> Men yo te kriye fò tout ansanm, e te di: ✧“Fè nonm sa ale, e libere pou nou Barabbas!” <sup>19</sup> (Li te yon moun ki te jete nan prizon pou yon rebelyon ki te fèt nan vil la, ak pou touye moun.) <sup>20</sup> Pilate, ki te vle lage Jésus, te pale avèk yo ankò, <sup>21</sup> men yo te kontinye kriye fò, e te di: “Krisifye, krisifye Li!” <sup>22</sup> Li te di yo yon twazyèm fwa: “Poukisa? Ki mal mesye sa a fè? Mwen pa twouve nan Li okenn fot ki mande lanmò; konsa, mwen va ✧pini Li, epi lage Li.” <sup>23</sup> Men yo te ensiste toujou, e t ap mande ak gwo vwa pou Li krisifye. Epi vwa pa yo te kòmanse vin genyen. <sup>24</sup> Konsa, Pilate te pase lòd ofisyèl pou sede bay yo sa yo te mande a. <sup>25</sup> Li te libere mesye ke yo t ap mande a, ki te jete nan prizon pou rebelyon ak touye moun nan, men li te livre Jésus kon volonte pa yo. <sup>26</sup> ✧Lè yo te mennen L sòti, yo te mete men sou yon Simon de Cyrène ki t ap sòti andeyò, e te mete kwa a sou li pou l ta pote l dèyè Jésus. <sup>27</sup> Yon gran foul nan pèp la t ap swiv Li, avèk fanm yo ki t ap ✧kriye e fè lamantasyon pou Li. <sup>28</sup> Men Jésus, te vin vire vè yo, e te di: “**Fi Jérusalem yo, sispann kriye pou Mwen, men kriye pou nou menm, ak pou pitit nou yo.**” <sup>29</sup> Paske, veye byen, jou yo ap vini lè yo va di: ✧“**Beni se sila ki esteril yo, e vant ki pa t janm fè pitit yo, ak tete ki pa t janm bay timoun tete yo.**” <sup>30</sup> Alò, yo va kòmanse di a mòn yo: ✧“**Tonbe sou nou, e a ti kolin yo, kouvri nou.**” <sup>31</sup> Paske si yo fè bagay sa yo avèk bwa ki vèt, kisa k ap rive lè l sèch. <sup>32</sup> ✧De lòt mesye ki te kriminèl yo t ap mennen sòti pou mete a lanmò avèk Li. <sup>33</sup> ✧Lè yo te rive nan plas yo rele Plas Tèt Mò a, yo te krisifye Li avèk kriminèl yo, youn sou bò dwat, e youn sou bò goch. <sup>34</sup> Men Jésus t ap di: “**Papa, padone yo; paske yo pa konnen kisa y ap fè.**” Epi yo te ✧tire osò pou divize vètman Li pami yo menm. <sup>35</sup> Pèp la te kanpe akote, e t ap gade. Epi menm ofisye yo t ap moke L, e t ap di: “Li te sove lòt yo, ✧kite Li sove pwòp tèt Li si se Kris a Bondye a, Sila Ke Li Chwazi a.” <sup>36</sup> Sòlda yo osi ki t ap moke Li, te vin kote L, pou ✧ofri Li diven si. <sup>37</sup> Yo t ap di: ✧“Si Ou se Wa a Jwif yo, sove tèt Ou!” <sup>38</sup> Alò te gen yon enskripsyon anwo Li: ✧“Sa Se Wa a Jwif Yo”. <sup>39</sup> ✧Youn nan kriminèl ki te pann yo t ap voye pawòl abizif vè Li, li t ap di: “Èske se pa Kris la Ou ye? Sove tèt Ou, avèk nou!” <sup>40</sup> Men lòt la te reponn ak repwòch e te di: “Èske ou pa menm pè Bondye, paske ou anba menm lòd kondanasyon an?” <sup>41</sup> Epi nou menm avèk jistis, paske nou ap resevwa sa ke nou merite pou zèv nou yo; men mesye sila a pa fè okenn mal.” <sup>42</sup> Konsa li te di: “Jésus, sonje mwen lè Ou antre nan wayòm Ou an!” <sup>43</sup> Li te reponn li: “**Anverite Mwen di ou, jodi a, ou va avè M nan ✧ Paradi.**” <sup>44</sup> ✧Alò se te anviwon sizyèm lè, e tenèb te tonbe sou tout latè jiska nevyèm lè, <sup>45</sup> paske solèy la te kache nèt, e ✧vwal tanp lan te chire an de bout. <sup>46</sup> Jésus te kriye avèk yon gwo vwa, e te di: “**Papa, ✧nan men Ou Mwen remèt lespri Mwen.**” Lè L fin di sa, Li te respire dènye souf Li. <sup>47</sup> ✧Alò, lè santenye a te wè sa ki te

✧ **23:14** Luc 23:2 ✧ **23:14** Luc 23:4 ✧ **23:15** Luc 9:9 ✧ **23:16** Mat 27:26 ✧ **23:18** Jn 18:39  
 ✧ **23:22** Luc 23:16 ✧ **23:26** Jn 19:17 ✧ **23:27** Luc 8:52 ✧ **23:29** Mat 24:19 ✧ **23:30** Os 10:8  
 ✧ **23:32** Mat 27:38 ✧ **23:33** Mat 27:33-44 ✧ **23:34** Sòm 22:18 ✧ **23:35** Mat 27:43 ✧ **23:36**  
 Mat 27:48 ✧ **23:37** Mat 27:43 ✧ **23:38** Mat 27:37 ✧ **23:39** Mat 27:44 ✧ **23:43** II Kwo 12:4  
 ✧ **23:44** Mat 27:45-56 ✧ **23:45** Egz 26:31-33 ✧ **23:46** Sòm 31:5 ✧ **23:47** Mat 27:54

rive a, li te kòmanse bay lwanj a Bondye, e te di: “Anverite, mesye sa a te inosan.” <sup>48</sup> Alò tout foul la ki te vini ansanm pou espektak sila a, lè yo te wè sa ki te rive a, yo te retounen e t ap ✨bat lestomak yo. <sup>49</sup> ✨Epi tout sila ki te rekonèt Li yo, ak fanm Galilée ki te akonpanye Li yo, te kanpe a yon distans e t ap gade tout bagay sa yo. <sup>50</sup> ✨Yon mesye ki te rele Joseph, yon manm Konsèy la, te yon nonm ki te bon e jis. <sup>51</sup> Li pa t dakò avèk plan yo a. Se te yon mesye ki te soti Arimathée, yon vil a Jwif yo, e li ✨t ap tann vini wayòm Bondye a. <sup>52</sup> Mesye sila a te ale kote Pilate, e te mande kò Jésus. <sup>53</sup> Konsa, li te desann kò li, li te vlope li nan yon twal lèn, e li te depoze li nan yon tonbo ki te fouye nan wòch, kote pèsòn pa t janm te depoze. <sup>54</sup> Se te ✨jou a preparasyon an, e Saba te prèt pou kòmanse. <sup>55</sup> Alò ✨fanm ki te vini avèk Li yo depi Galilée te swiv, e te wè tonm nan ak jan kò L te depoze a. <sup>56</sup> Answit yo te retounen pou ✨prepare epis avèk pafen. Epi nan Saba a, yo te repoze selon Lalwa a.

## 24

<sup>1</sup> ✨Men nan premye jou semèn nan, nan granmmaten, yo te vini nan tonm nan, e te pote epis ke yo te fin prepare yo. <sup>2</sup> Epi yo te twouve wòch la woule akote tonm nan, <sup>3</sup> Men lè yo te antre, yo pa t twouve kò a ✨Senyè Jésus a. <sup>4</sup> Pandan yo te twouble akoz sa, vwala sibitman, ✨de mesye te kanpe toupre yo a ak yon abiman briyan. <sup>5</sup> Fanm yo te sezi avèk laperèz, e te bese figi yo jis atè. Mesye yote di yo: “Poukisa nou ap chache Sila ki vivan an pami mò yo? <sup>6</sup> ✨Li pa la, men Li gen tan leve. Sonje ✨jan Li te pale avèk nou pandan Li te toujou Galilée a? <sup>7</sup> Li t ap di ke fòk ✨Fis a Lòm nan livre nan men a moun pechè yo, pou krisifye, e leve ankò nan twazyèm jou a.” <sup>8</sup> Konsa ✨yo te sonje pawòl Li yo. <sup>9</sup> Yo te retounen soti nan tonm nan e te bay rapò a tout bagay sa yo a onz yo ak tout lòt yo. <sup>10</sup> Alò, se te ✨Marie Magdala, Jeanne, Marie, manman a Jacques; anplis, lòt fanm ki te avèk yo, ki t ap pale apòt yo bagay sa yo. <sup>11</sup> Men pawòl sa yo te parèt a yo menm tankou foli, e yo te refize kwè yo. <sup>12</sup> Men Pierre te leve, e te ✨kouri nan tonm nan. Lè l te bese pou gade ladann, li te wè sèlman twal lèn ki te sèvi pou vlope a; epi li te sòti pou rive ✨lakay li byen etone de sa ki te pase a. <sup>13</sup> E konsa, de nan yo t ap prale menm jou sa nan yon vil yo te rele Emmaüs, ki te anviwon a onz kilomèt de Jérusalem. <sup>14</sup> Yo t ap pale youn ak lòt sou tout bagay sa yo ki te fèt. <sup>15</sup> Pandan yo t ap pale ak diskite, Jésus Li menm te pwoche, e te kòmanse mache fè wout la ansanm avèk yo. <sup>16</sup> Men ✨zye pa yo te anpeche yo rekonèt Li. <sup>17</sup> Li te di yo: “**Kilès pawòl sa yo ke n ap pataje youn avèk lòt konsa pandan n ap mache a?**” Epi yo te kanpe avèk aparans yo byen tris. <sup>18</sup> Youn nan yo ke yo te rele Cléopas, te reponn e te di Li: “Èske se ou sèl k ap vizite Jérusalem ki pa konnen sa ki te pase isit la nan jou sa yo?” <sup>19</sup> Li te di yo: “**Ki bagay?**” Epi yo te di Li: “Bagay sou Jésus de Nazareth la, ki te yon pwofèt byen fò nan zèv, ak pawòl nan zye Bondye avèk tout pèp la. <sup>20</sup> Kijan chèf prèt yo avèk ✨dirijan nou yo te livre li kondane a lanmò, e te krisifye Li. <sup>21</sup> Men nou t ap espere ke se te Li ki t ap fè ✨redanmsyon Israël a. Anplis de tout sa, se twazyèm jou a depi bagay sa yo te fèt. <sup>22</sup> Men osi, kèk fanm pami nou te etone nou.

✨ 23:48 Luc 8:52 ✨ 23:49 Mat 27:55 ✨ 23:50 Mat 27:57-61 ✨ 23:51 Mc 15:43 ✨ 23:54 Mat 27:62 ✨ 23:55 Luc 23:49 ✨ 23:56 Mc 16:1 ✨ 24:1 Jn 20:1-8 ✨ 24:3 Luc 7:13 ✨ 24:4 Jn 20:12 ✨ 24:6 Mc 16:6 ✨ 24:6 Mat 17:22 ✨ 24:7 Mat 16:21 ✨ 24:8 Jn 2:22 ✨ 24:10 Mat 27:56 ✨ 24:12 Jn 20:3-6 ✨ 24:12 Jn 20:10 ✨ 24:16 Luc 24:31 ✨ 24:20 Luc 23:13 ✨ 24:21 Luc 1:68



✧Lè yo te nan tonm nan bonè maten an, <sup>23</sup> epi pa t twouve kò Li, yo te vin di ke yo te wè yon aparisyon de zanj ki te di ke Li te vivan. <sup>24</sup> Kèk nan sila ki te avèk nou yo te ale nan tonm nan, e te twouve li vrèman menm jan ke fanm yo te di a; men Li menm, yo pa t wè L.” <sup>25</sup> Konsa, Li te reponn yo: **“O moun ki manke konprann, e ki gen kè lan pou kwè nan ✧tout sa ke pwofèt yo te pale yo; <sup>26</sup> ✧ Èske li pa t nesèsè pou Kris la te soufri bagay sa yo, pou antre nan glwa Li? <sup>27</sup> Answit, Li te kòmanse avèk ✧Moïse, ak tout pwofèt yo, e Lite eksplike yo bagay konsènan Li menm nan tout Ekriti Sen yo. <sup>28</sup> Konsa, yo te pwoche vil kote yo t ap prale a, e Li ✧te fè tankou Li t ap prale pi lwen. <sup>29</sup> Men yo te ankouraje Li, e te di L: “Rete avèk nou, paske nwit lan ap pwoche, e jounen an prèt pou fini.” Konsa, Li te antre pou rete avèk yo. <sup>30</sup> Lè Li te repoze sou tab avèk yo, Li te pran pen an; Lite ✧beni li, kase li, e Lite kòmanse bay yo li. <sup>31</sup> Answit ✧zye yo te vin ouvri e yo te rekonèt Li; epi Li te disparèt devan zye yo. <sup>32</sup> Yo te di youn ak lòt: “Èske kè nou pa t ap boule nan nou pandan Li t ap pale avèk nou sou wout la, pandan Li ✧t ap eksplike nou Ekriti Sen yo?” <sup>33</sup> Epi yo te leve menm lè a; yo te retounen Jérusalem, e yo te twouve onz yo reyini ansanm avèk ✧sila ki te avèk yo. <sup>34</sup> Yo te di yo ke ✧Senyè a vrèman leve, e ✧te parèt a Simon. <sup>35</sup> Yo te kòmanse pataje sa ki te pase nan wout la, ak jan ✧yo te vin konnen Li nan kase pen an. <sup>36</sup> Pandan yo t ap pale bagay sa yo, Li menm te kanpe nan mitan yo, e te di yo: **“Ke lapè rete avèk nou.”** <sup>37</sup> Men yo te etone, pè e te panse ke se te yon ✧lespri ke yo te wè a. <sup>38</sup> Epi Li te di yo: **“Poukisa nou twouble, e poukisa dout leve nan kè nou? <sup>39</sup> Gade, men Mwen, ak pye Mwen, ke se Mwen menm; ✧touche Mwen pou wè, paske yon lespri pa gen chè avèk zo, tankou nou wè ke M genyen an.”** <sup>40</sup> Lè l fin di sa, Li te montre yo men Li avèk pye Li. <sup>41</sup> Pandan yo te toujou ✧mal pou kwè akoz lajwa ak sezisman yo, Li te di yo: **“Èske nou pa gen anyen isit la pou manje?”** <sup>42</sup> Yo te bay Li yon mòso pwason boukannen. <sup>43</sup> Li te pran l e te ✧manje l devan yo. <sup>44</sup> Alò, Li te di yo: **“Sa se pawòl Mwen yo ke Mwen te pale avèk nou pandan Mwen te toujou avèk nou an. Ke tout bagay ki ekri sou Mwen menm nan ✧Lalwa Moïse avèk Pwofèt yo avèk Sòm yo ta oblije akonpli.”** <sup>45</sup> Answit Li te ✧ouvri lespri pa yo pou konprann Ekriti Sen yo. <sup>46</sup> Li te di yo: **“Se ✧konsa li ekri ke Kris la va soufri, e leve ankò soti nan lanmò nan twazyèm jou a. <sup>47</sup> Epi ke repantans pou padon peche yo ta pwoklame nan non Li a ✧tout nasyon yo, kòmanse depi Jérusalem. <sup>48</sup> Nou menm se ✧temwen a bagay sa yo. <sup>49</sup> Gade byen, Mwen ap voye kote nou pwomès Papa M nan. Men fòk nou rete nan vil la jiskaske nou vin abiye avèk pwisans ki sòti anwo a.”** <sup>50</sup> Li te mennen yo deyò jiska ✧Béthanie, e Li te leve men L yo, e te beni yo. <sup>51</sup> Pandan Li t ap beni yo, Li te kite yo e te leve monte nan syèl la. <sup>52</sup> Yo menm, lè yote fin adore Li, yo te retounen Jérusalem avèk gran jwa. <sup>53</sup> Yo te rete nan tanp lan tout tan e yo t ap bay lwanj a Bondye.**

✧ 24:22 Luc 24:1 ✧ 24:25 Mat 26:24 ✧ 24:26 Luc 24:7-44 ✧ 24:27 Jen 3:15 ✧ 24:28 Mc 6:48 ✧ 24:30 Mat 14:19 ✧ 24:31 Luc 24:16 ✧ 24:32 Luc 24:45 ✧ 24:33 Trav 1:14 ✧ 24:34 Luc 24:6 ✧ 24:34 I Kwo 15:5 ✧ 24:35 Luc 24:30 ✧ 24:37 Mat 14:26 ✧ 24:39 Jn 20:27 ✧ 24:41 Luc 24:11 ✧ 24:43 Trav 10:41 ✧ 24:44 Luc 24:27 ✧ 24:45 Luc 24:32 ✧ 24:46 Luc 24:26-44 ✧ 24:47 Mat 28:19 ✧ 24:48 Trav 1:8-22 ✧ 24:50 Mat 21:17

## LEVANJIL SELON JEAN

<sup>1</sup> Nan kòmansman, te gen Pawòl la, e Pawòl la te avèk Bondye, e Pawòl la te Bondye. ✧ <sup>2</sup> Li te nan kòmansman avèk Bondye. <sup>3</sup> ✧ Tout bagay ki te fèt te fèt pa Li, epi san Li, anyen ki te fèt pa t vin fèt. <sup>4</sup> ✧ Nan Li se te lavi, epi lavi se te ✧ limyè a lòm. <sup>5</sup> ✧ Limyè fè klè nan tenèb la, epi tenèb la pa t ka venk li.

<sup>6</sup> Te ✧ vin parèt yon nonm ke Bondye te voye ke yo te rele Jean. <sup>7</sup> Li te vini kon yon temwen, pou li ta kapab fè temwen a limyè a, ✧ pou tout moun ta kapab kwè akòz li menm. <sup>8</sup> Se pa ✧ li ki te Limyè a, men li te vini pou li ta kapab fè temwen a Limyè a.

<sup>9</sup> Te gen ✧ vrè Limyè a ke, lè l vini nan mond lan, klere tout moun. <sup>10</sup> Li te nan lemond, e ✧ lemond te fèt pa Li, men lemond pa t rekonèt Li. <sup>11</sup> Li te vini a moun pa Li yo, e moun pa L yo pa t resevwa Li. <sup>12</sup> Men a tout sa yo ki te resevwa L, Li te bay yo pouvwa pou devni ✧ pitit a Bondye, menm a sa yo ki kwè nan non Li, <sup>13</sup> ✧ Ki pa t fèt ni pa san, ni pa volonte lachè a, ni pa volonte a lòm, men pa Bondye.

<sup>14</sup> E pawòl la te ✧ vin lachè, e te viv pami nou. ✧ Nou te wè glwa Li, kon glwa a sèl Fis inik a Papa a, ranpli avèk gras ak verite.

<sup>15</sup> Jean te fè temwen a Li. Li te rele fò e te di: “Sa se Li menm de moun mwen te pale nou lè m te di: ✧ “Sila ki vini aprè mwen an pi wo pase m, paske li te egziste avan m. <sup>16</sup> Paske nan ✧ plenitud Li, nou tout te resevwa gras sou gras. <sup>17</sup> Paske ✧ Lalwa te bay pa Moïse, men nou te resevwa gras ak verite pa Jésus Kris. <sup>18</sup> Pèsòn pa janm wè Bondye. Men ✧ Fis inik la, ✧ ki nan sen Papa L, te fè nou konnen L.

<sup>19</sup> E sa se ✧ temwayaj a Jean, lè Jwif yo te voye prèt yo avèk Levit yo pou mande l “Ki moun ou ye?”

<sup>20</sup> Li te konfese, li pa t nye, men li te konfese:

✧ “Mwen menm se pa Kris la.”

<sup>21</sup> Konsa yo mande li: “E byen, kisa?” Èske ou menm se Elie?

Li te di: “Non mwen pa Li.”

“Èske ou menm se ✧ Pwofèt la?” Li te reponn: “Non.”

<sup>22</sup> Konsa yo di l: “Kilès ou ye, pou nou kapab bay yon repons a sa ki te voye nou yo? Kisa ou di selon ou menm?”

<sup>23</sup> Li te di: “Mwen menm se ✧ yon vwa k ap kriye nan savann nan, ‘Fè chemen Bondye a dwat’, kon pwofèt la, Ésaïe te di.”

<sup>24</sup> Alò, se te Farizyen yo ki te voye yo. <sup>25</sup> E yo te mande l, e te di l: “Ebyen ✧ poukisa w ap batize si se pa Kris la, ni Elie, ni Pwofèt la ou ye?”

<sup>26</sup> Jean te reponn yo konsa: ✧ “Mwen batize nou avèk dlo, men pami nou, kanpe youn ke nou pa konnen. <sup>27</sup> Se Li menm k ap vin apre mwen, ki preferè avan m, e menm ✧ lasèt a sandal Li, mwen pa dign pou m ta demare.”

<sup>28</sup> Bagay sa yo te fèt nan Béthanie, ✧ lòt bò Jourdain an, kote Jean t ap batize a.

✧ **1:1** Jn 17:5 ✧ **1:3** Jn 1:10 ✧ **1:4** Jn 5:26 ✧ **1:4** Jn 8:12 ✧ **1:5** Jn 3:19 ✧ **1:6** Mat 3:1  
 ✧ **1:7** Jn 1:12 ✧ **1:8** Jn 1:20 ✧ **1:9** I Jn 2:8 ✧ **1:10** I Kor 8:6 ✧ **1:12** Jn 11:52 ✧ **1:13**  
 Jn 3:5 ✧ **1:14** Fil 2:7 ✧ **1:14** Luc 9:32 ✧ **1:15** Mat 3:11 ✧ **1:16** Ef 1:23 ✧ **1:17** Jn 7:19  
 ✧ **1:18** Jn 3:16,18 ✧ **1:18** Luc 16:22 ✧ **1:19** Jn 1:7 ✧ **1:20** Luc 3:15 ✧ **1:21** Det 18:15-18  
 ✧ **1:23** És 40:3 ✧ **1:25** Det 18:15-18 ✧ **1:26** Mat 3:11 ✧ **1:27** Mat 3:11 ✧ **1:28** Jn 3:26

<sup>29</sup> Nan jou aprè li te wè Jésus ki t ap vin kote l e te di: “Men gade ✧jenn mouton Bondye a k ap retire peche mond lan. <sup>30</sup> Se te anfavè Li ke mwen te pale a lè mwen te di: ✧Sila ki vini aprè mwen an pi wo pase m, paske li te egziste avan m.’ <sup>31</sup> “Epi mwen pa t rekonèt Li, men se pou Li ta kapab fè parèt a Israèl, ke m te vini pou batize moun avèk dlo.

<sup>32</sup> Jean te fè temwayaj epi te di: ✧“Mwen wè Lespri a vin desann kon yon toutrèl ki soti nan syèl la epi Li te rete sou Li. <sup>33</sup> Mwen pa t rekonèt Li, men sila a ki te voye m pou batize avèk dlo te di mwen, ‘Li menm sou kilès ou wè Lespri a desann epi rete sou Li a, ✧se Li menm k ap batize avèk Lespri Sen an.” <sup>34</sup> Mwen wè, epi mwen fè temwayaj ke sila a se ✧Fis Bondye a.

<sup>35</sup> Ankò ✧jou aprè Jean te kanpe avèk de nan disip li yo, <sup>36</sup> epi li te gade Jésus pandan Li t ap mache, epi te di: “Men gade ✧Jenn Mouton Bondye a!”

<sup>37</sup> De disip yo te tande l pale, epi yo te swiv Jésus.

<sup>38</sup> Epi Jésus te vire pou wè yo t ap swiv Li, e te di yo: **“Kisa n ap chache?”** Yo te di Li: ✧“Rabbi, ki tradwi vle di ‘Mèt’, se kibò w ap rete?”

<sup>39</sup> Li te di yo: **“Vini, nou va wè.”** Pou sa yo te vini epi te wè kote Li t ap rete. Yo te rete avèk Li jou sa, paske li te vè dzyèm lè.

<sup>40</sup> ✧Youn nan de sa yo ki te tande Jean pale epi te swiv Li yo se te Andre, frè a Simon Pierre. <sup>41</sup> Li te twouve premyèman frè li, Simon, e te di Li: “Nou te twouve Mesi a, ki tradwi se Kris la.”

<sup>42</sup> Li te mennen li kote Jésus. Jésus te gade li e te di: **“Ou se Simon, ✧ fis a Jean. Ou va rele Céphas,”** ki tradwi vle di Pierre.

<sup>43</sup> Jou apre Li te vle antre nan ✧Galilée, e Li te twouve Philippe. Jésus te di li: **“Swiv mwen.”**

<sup>44</sup> Philippe te sòti nan ✧Bethsaïda, vil André avèk Pierre a. <sup>45</sup> Philippe te twouve Nathanaël, e te di l: “Nou te twouve sila a ke ✧Moïse nan Lalwa avèk pwofèt yo te ekri a, Jésus de Nazareth, fis a Joseph la.”

<sup>46</sup> Nathanaël te di l ✧“Èske yon bon bagay kapab sòti nan Nazareth?” Philippe te reponn: “Vini pou wè.”

<sup>47</sup> Jésus te wè Nathanaël t ap vin kote Li epi te di: ✧**“Men gade, yon Izrayelit nan kilès pa gen deseasyon.”**

<sup>48</sup> Nathanaël te di l “Kijan ou fè rekonèt mwen?” Jésus te reponn li: **“Avan ✧Philippe te rele ou, pandan ou te anba pye figye a, Mwen te wè ou.”**

<sup>49</sup> Natanaël te reponn Li: “Rabbi, ki vle di ‘Mèt’, Ou menm se Fis Bondye a. Ou se ✧Wa Israèl la.”

<sup>50</sup> Jésus te reponn Li e te di: **“Akoz Mwen te wè ou anba pye figye a, ou kwè? W ap wè pi gwo bagay pase sa yo.”** <sup>51</sup> E Li te di li: **“Anverite anverite mwen di ou, w ap wè ✧ syèl yo louvri, epi zanj Bondye yo k ap monte desann sou Fis a Lòm nan.”**

## 2

<sup>1</sup> Epi nan twazyèm jou a, te gen yon fèt maryaj nan ✧Cana nan Galilée, e manman a Jésus te la. <sup>2</sup> Jésus ansanm ak ✧disip li yo te envite nan maryaj la.

<sup>3</sup> Lè diven an te fini, manman a Jésus te di Li: “Nanpwen diven ankò.”

<sup>4</sup> Jésus te di li: **“Fanm, kisa mwen gen avèk ou? ✧ Lè M poko rive.”**

✧ **1:29** És 53:7 ✧ **1:30** Mat 3:11 ✧ **1:32** Mat 3:16 ✧ **1:33** Mat 3:11 ✧ **1:34** Mat 4:3 ✧ **1:35** Jn 1:29 ✧ **1:36** Jn 1:29 ✧ **1:38** Mat 23:7 ✧ **1:40** Mat 4:18-25 ✧ **1:42** Mat 16:17 ✧ **1:43** Mat 4:12 ✧ **1:44** Mat 11:21 ✧ **1:45** Luc 24:27 ✧ **1:46** Jn 7:41-52 ✧ **1:47** Wo 9:12 ✧ **1:48** Mat 10:3 ✧ **1:49** Mat 2:2 ✧ **1:51** Éz 1:1 ✧ **2:1** Jn 2:11 ✧ **2:2** Jn 1:40-49 ✧ **2:4** Jn 7:6-8

5 ✨Manman li te di sèvitè yo: “Nenpòt sa Li mande nou, fè l.”

6 La te genyen sis gwo vesò dlo fèt an wòch pou ✨koutim Jwif la ke yo rele pirifikasyon, ki te kenbe ven a trant galon chak.

7 Jèsus te di yo: **“Ranpli po yo avèk dlo.”** Konsa, yo te plen yo ra bouch.

8 Epi Li di yo: **“Retire kèk epi pote bay chèf sèvitè tab yo.”** Konsa yo te pote bay li.

9 Lè chèf sèvitè a te goute dlo a ✨ki te tounen diven, li pa t konnen kote li te soti. Men sèvitè ki te rale l yo te konnen. Konsa, Chèf sèvitè a te rele jennonm ki t ap marye a, <sup>10</sup> epi te di l: “Tout moun sèvi bon diven an avan, e lè moun yo ✨bwè kont yo, yo bay sa ki enferyè a, men ou kenbe bon diven an jis koulye a.”

11 Sa se te premye nan mirak pa L yo ke Li te fè nan Cana nan Galilée, e te montre ✨glwa Li, epi disip Li yo te kwè nan Li.

12 Aprè sa Li te desann bò kote ✨Capernaüm, Li ansanm avèk manman ✨Li, avèk Frè Li yo, ak disip Li yo. Epi yo te rete la pou kèk jou.

13 ✨Pak Jwif la te rive e Jèsus te monte nan Jérusalem.

14 ✨Li te jwenn nan tanp lan, sa yo ki t ap vann bèf, mouton, ak toutrèl, avèk sa ki te chita pou fè echanj lajan yo. <sup>15</sup> Konsa, Li te fè yon fwèt avèk kòd, pou te chase yo tout fè yo sòti nan tanp lan, ansanm ak mouton ak bèf yo. Li te vide kòb a sa ki t ap chanje lajan yo, epi te chavire tab yo.

16 A sa yo ki t ap vann ✨toutrèl yo Li te di: **“Pran bagay sa yo ale. Sispann fè lakay Papa M yon kay mache lavant.”**

17 ✨Disip Li yo te sonje ke li te ekri ✨“Zèl pou lakay Ou va devore M.”

18 Konsa, Jwif yo te reponn e te di Li: ✨“Ki sign otorite ou montre nou, pou dwa fè bagay sa yo?”

19 Jèsus te reponn yo: ✨**“Detwi tanp sila a, epi nan twa jou Mwen va fè l kanpe ankò.”**

20 Jwif yo te reponn: “Li te pran ✨karant-sis ane pou bati tanp sa, epi Ou va fè l kanpe nan twa jou?”

21 Men Li t ap pale sou ✨tanp kò Li a. <sup>22</sup> Akoz sa, lè Li te leve sòti nan lanmò a, disip Li yo te sonje sa, e yo te kwè ✨Ekriti Sen yo, avèk pawòl ke Jèsus te pale a.

23 Alò, lè L te nan Jérusalem, nan ✨Pak Jwif la, pandan fèt la, anpil te kwè nan non Li, paske yo te wè sign ke Li t ap fè yo.

24 Men Jèsus, pou pati pa L, pa t fè yo konfyans paske ✨Li te konnen tout moun. <sup>25</sup> Konsa, Li pa t bezwen pèsòn pou bay temwayaj sou lòm, ✨paske li te konnen Li menm sa ki te nan lòm.

### 3

1 Te genyen yon mesye pami Farizyen yo ke yo te rele ✨Nicodème, yon chèf a Jwif yo. <sup>2</sup> Mesye sila a te vin kote Li pandan lannwit epi te di L: ✨“Rabbi, nou konnen ke ou sòti nan Bondye kon yon Mèt. Paske pèsòn pa kapab fè sign sa yo ke nou wè ou fè yo anmwenske ✨Bondye avè L.”

3 Jèsus te reponn e te di: **“Anverite, anverite, Mwen di ou, anmwenske yon moun ✨ ne ankò, li p ap kapab wè wayòm syèl la.”**

✨ 2:5 Mat 12:46 ✨ 2:6 Mc 7:3 ✨ 2:9 Jn 4:46 ✨ 2:10 Mat 24:49 ✨ 2:11 Jn 1:14 ✨ 2:12 Mat 4:13 ✨ 2:12 Mat 12:46 ✨ 2:13 Det 16:1-6 ✨ 2:14 Mal 3:1 ✨ 2:16 Mat 21:12 ✨ 2:17 Jn 2:2 ✨ 2:17 Sòm 69:9 ✨ 2:18 Mat 12:38 ✨ 2:19 Mat 24:49 ✨ 2:20 Esd 5:16 ✨ 2:21 I Kor 6:19 ✨ 2:22 Sòm 16:10 ✨ 2:23 Jn 2:13 ✨ 2:24 Trav 1:24 ✨ 2:25 Mat 9:4 ✨ 3:1 Jn 7:50 ✨ 3:2 Mat 23:7 ✨ 3:2 Jn 9:33 ✨ 3:3 II Kor 5:7

<sup>4</sup> Nicodème te di Li: “Kijan yon moun kapab ne lè li vin vye? Èske li kapab antre yon dezyèm fwa nan vant manman l pou l kapab fèt ankò?”

<sup>5</sup> Jésus te reponn li “Anverite, anverite, Mwen di ou, anmwenske yon moun fèt pa dlo, epi pa Lespri, li p ap kapab antre nan wayòm syèl la. <sup>6</sup> ✧ Sa ki ne nan lachè se lachè, men sa ki ne nan Lespri, se Lespri. <sup>7</sup> Pa etone ke Mwen te di ou: ‘Fòk ou ne tounèf.’ <sup>8</sup> ✧ Van an soufle kote li vle, epi ou tande son li, men ou pa konnen kote li soti, ni kote li prale. Se konsa li ye avèk tout sa yo ki ne nan Lespri.”

<sup>9</sup> Nicodème te reponn Li: “Kijan bagay sa yo kapab ye?”

<sup>10</sup> Jésus te reponn: “Ou menm se ✧ Mèt an Israèl epi ou pa konprann bagay sa yo?” <sup>11</sup> Anverite, anverite, Mwen di ou, ✧ nou pale sa ke nou konnen, e fè temwayaj de sa ke nou konn wè, e ou pa aksepte temwayaj nou.

<sup>12</sup> Si Mwen di ou bagay konsènan latè a, epi ou pa konprann, kijan w ap kwè si Mwen di ou bagay konsènan syèl la.

<sup>13</sup> ✧ Nanpwen pèsòn ki monte nan syèl la sof ke Li menm ki te desann sòti nan syèl la, Fis a Lòm nan menm.

<sup>14</sup> Menm jan ✧ Moïse te leve sèpan an nan dezè a, konsa fòk Fis a Lòm nan ✧ vin leve wo. <sup>15</sup> Pou nenpòt moun ki kwè ✧ nan Li, kapab genyen lavi etènèl.

<sup>16</sup> Paske Bondye te ✧ tèlman renmen lemond, ke Li te bay sèl Fis inik Li pou nenpòt moun ki kwè nan Li pa ta peri, men ta gen lavi etènèl. <sup>17</sup> Paske Bondye pa t voye Fis Li nan lemond pou ✧ jije lemond, men pou lemond ta kapab sove pa Li.

<sup>18</sup> Sila ki kwè nan Li p ap jije. Men li menm ki pa kwè nan Li gen tan jije deja, paske Li pa t kwè nan non a ✧ sèl Fis inik a Bondye a.

<sup>19</sup> Sa se jijman an, ke ✧ limyè a te vini nan lemond, men lòm te renmen tenèb la olye limyè a. Paske zèv pa yo te mechan.

<sup>20</sup> ✧ Paske chak moun ki fè mal, li rayi limyè a, e pa vin kote limyè a, akòz de perèz zèv li yo ta vin parèt. <sup>21</sup> Men sila ki ✧ ajì nan verite a, ap vini vè limyè a, pou zèv li yo kapab parèt kon zèv ki te fèt pa Bondye.”

<sup>22</sup> Apre bagay sa yo, Jésus avèk disip Li yo te vini nan peyi Judée, e la Li t ap pase tan avèk yo epi t ap ✧ batize.

<sup>23</sup> Epi Jean osi t ap batize nan Enon, toupres Salim, paske te gen anpil dlo la. E yo t ap vini e t ap batize. <sup>24</sup> Paske ✧ Jean potko jete nan prizon.

<sup>25</sup> Konsa, te leve yon diskisyon antre disip a Jean yo ak yon Jwif sou afè ✧ pirifikasyon. <sup>26</sup> Yo te vin kote Jean pou di l, ✧ “Rabbi, Li menm ki te avèk ou lòtbò Jourdain an, pou Li menm ke ou te bay temwayaj la. Gade, l ap batize, e tout moun ap vin kote Li.”

<sup>27</sup> Jean te reponn e te di: ✧ “Yon nonm pa kapab resevwa anyen anmwenske li sòti nan syèl la. <sup>28</sup> Nou menm se temwen m lè mwen te di: ✧ “Mwen menm se pa Kris la, men m te voye devan Li.”

<sup>29</sup> Sa ki genyen madanm maryaj la se ✧ jennonm k ap marye, zanmi li an ki kanpe epi tande l, rejwi anpil paske li tande vwa li. Konsa jwa pa m fin ranpli. <sup>30</sup> Li menm oblije vin plis, men mwen oblije vin mwens.

✧ 3:6 Jn 1:13 ✧ 3:8 Sòm 135:7 ✧ 3:10 Luc 2:46 ✧ 3:11 Jn 1:18 ✧ 3:13 Pwov 30:4 ✧ 3:14 Nonb 2:19 ✧ 3:14 Jn 12:34 ✧ 3:15 Jn 20:31 ✧ 3:16 Wo 5:8 ✧ 3:17 Luc 19:10 ✧ 3:18 Jn 1:18 ✧ 3:19 Jn 1:4 ✧ 3:20 Jn 3:20-21 ✧ 3:21 I Jn 1:6 ✧ 3:22 Jn 4:1-2 ✧ 3:24 Mat 4:12 ✧ 3:25 Jn 2:6 ✧ 3:26 Mat 23:7 ✧ 3:27 I Kor 4:7 ✧ 3:28 Jn 1:20-23 ✧ 3:29 Mat 9:15

<sup>31</sup> ✧Li ki sòti nan syèl la Li anwo tout bagay. Li menm ki sòti anwo a, anwo tout bagay; li menm ki soti sou latè, li pou latè, epi pale sou zafè latè.

<sup>32</sup> Sa ke Li te wè epi tandè, se sou sa Li ✧bay temwayaj. Epi pa gen pèsòn ki resevwa temwayaj Li. <sup>33</sup> Sila ki resevwa temwayaj Li mete so li sou sa, ke Bondye vrè. <sup>34</sup> Paske Li menm ke Bondye voye a, pale pawòl a Bondye. ✧Paske Li bay Lespri a san mezi.

<sup>35</sup> ✧Papa a renmen Fis la, epi te mete tout bagay nan men Li.

<sup>36</sup> Sila ki ✧kwè nan Fis la genyen lavi etènèl; men sila li ki pa obeyi Fis la, p ap wè lavi, men lakolè Bondye va rete sou li.

## 4

<sup>1</sup> Pou sa, lè ✧Senyè a te konnen Farizyen yo te tandè Jésus t ap batize plis disip pase Jean <sup>2</sup> (men ✧Jésus Li menm pa t ap batize, men disip Li yo t ap fè l), <sup>3</sup> li te kite ✧Judée epi te pati ✧ankò pou Galilée. <sup>4</sup> Konsa, Li te oblije pase nan ✧Samarie.

<sup>5</sup> Li te vini nan yon vil Samarie yo rele Sychar, toupri ✧moso tè ke Jacob te bay a Joseph pitit li a. <sup>6</sup> Pwi a Jacob la te la. Jésus, akòz Li te byen fatige pa vwayaj la, te chita akote pwi a. Se te anviwon sizyèm lè.

<sup>7</sup> Yon fanm Samariten te vini pou tire dlo nan pwi a.

Jésus te di l: “Ban M bwè”. <sup>8</sup> Paske ✧disip li yo te ale nan vil la pou achte manje.

<sup>9</sup> Konsa, fanm Samariten nan te reponn Li: “Kòman Ou menm, ki se yon Jwif mande M pou bwè lè mwen menm se yon fanm Samariten?” (Paske ✧Jwif yo pa gen bon relasyon avèk Samariten yo.)

<sup>10</sup> Jésus te reponn e te di l: “**Si ou te konnen don Bondye a, epi ki moun ki di ou ‘Ban M bwè a’, ou t ap mande L, e Li t ap bay ou ✧dlo vivan an.**”

<sup>11</sup> Li te di L: “Mesye, ou pa gen anyen pou rale l, epi pwi a fon. Ki kote konsa W ap twouve ✧dlo vivan sila a? <sup>12</sup> Èske Ou kapab pi gran pase papa zansèt nou yo Jacob ki te ✧bay nou pwi a, ki te bwè ladann li menm, avèk pitit li, ak bèt li yo?”

<sup>13</sup> Jésus te reponn e te di li: “**Tout moun ki bwè dlo sila a ap swaf ankò: <sup>14</sup> Men nenpòt moun ki bwè dlo ke Mwen bay li a, p ap janm swaf. Men dlo ke Mwen bay li a ap vini nan li tankou yon pwi k ap bay dlo jiska ✧lavi etènèl.**”

<sup>15</sup> Fanm nan te di Li: “Mesye, ✧ban m dlo sa a pou m pa swaf, ni pou m pa oblije vin jis isit la pou tire l.”

<sup>16</sup> Li te di li: “**Ale rele Mari ou, epi vin isit la.**”

<sup>17</sup> Fanm nan te reponn Li e te di: “Mwen pa gen mari.” Jésus te di li: “Ou te byen di: **‘Mwen pa gen mari.’** <sup>18</sup> **Paske ou te genyen senk mari, epi sila a ke ou gen koulye a se pa mari ou. Ou pale verite.**”

<sup>19</sup> Fanm nan te di Li: “Mesye mwen konsidere ke Ou menm se ✧yon pwofèt. <sup>20</sup> Papa zansèt nou yo te adore nan ✧mòn sila a, men ou di ke se nan Jérusalem pou nou adore.”

<sup>21</sup> Jésus te di li: “**Fanm, kwè M, yon lè ap vini lè se pa ✧ni nan mòn sa a, ni nan Jérusalem ke ou va adore Papa a. <sup>22</sup> Ou adore sa ke ou pa konnen, men nou adore sa ke nou konnen, paske ✧sali a sòti nan Jwif yo.**

✧ 3:31 Mat 28:18 ✧ 3:32 Jn 3:11 ✧ 3:34 Mat 12:18 ✧ 3:35 Mat 28:18 ✧ 3:36 Jn 3:16  
 ✧ 4:1 Luc 7:13 ✧ 4:2 Jn 3:22-26 ✧ 4:3 Jn 3:22 ✧ 4:3 Jn 2:11 ✧ 4:4 Luc 9:52 ✧ 4:5 Jn 33:19  
 ✧ 4:8 Jn 2:2 ✧ 4:9 Esd 4:3-11 ✧ 4:10 Jr 2:13 ✧ 4:11 Jr 2:13 ✧ 4:12 Jn 4:6 ✧ 4:14 Mat 25:46  
 ✧ 4:15 Jn 6:35 ✧ 4:19 Mat 21:11 ✧ 4:20 Det 11:29 ✧ 4:21 Mal 1:11 ✧ 4:22 És 2:3

23 Men ✨lè ap vini, e gen tan rive koulye a, lè vrè adoratè yo, va adore Papa a an espri, e anverite. Pwiske se moun konsa ke Papa a ap chache pou adore L. 24 Bondye se lespri, e fòk sa yo ki adore Li, adore L ✨an espri e anverite.”

25 Fanm nan te di L: “Mwen konnen ke ✨Mesye, ✨(sila a ke yo rele Kris la) gen pou vini. Lè L vini, L ap deklare nou tout bagay.”

26 Jésus te di li: ✨“Mwen Menm k ap pale avèk ou a se Li.”

27 Nan moman sa a, ✨disip Li yo te vini, epi yo te etone ke Li t ap pale avèk yon fanm, men pèsòn pa t mande l: “Kisa w ap chache” ni “Poukisa w ap pale avè L.”

28 Konsa fanm nan te kite po dlo a e te antre nan vil la e te di a tout moun: 29 “Vin wè yon nonm ki te di mwen tout bagay ke mwen fè. ✨Nou pa sipoze ke se Li menm ki Kris la?”

30 Yo te kite lavil la e t ap vin kote l.

31 Antre tan, disip yo t ap di L: ✨“Rabbi, manje.”

32 Men Li te di yo: “Mwen gen manje ke nou pa konnen.”

33 Pou sa ✨disip yo t ap di a youn lòt: “Èske ou kwè ke moun pote bay Li kèk bagay pou L manje?”

34 Jésus te di yo: “Manje M se pou fè volonte a Papa M ki voye Mwen an, e pou ✨acheve travay Li a.

35 Èske nou pa konn di: ‘Genyen toujou kat mwa, epi rekòlt la ap vini?’ Gade, Mwen di nou leve zye nou epi gade chan yo. Yo blan avèk ✨rekòlt la.

36 Deja sila a ki fè rekòlt la ap resevwa salè li, e l ap ranmase fwi pou ✨lavi etènèl. Pou sila ki simen an, ak sila ki rekòlte a kapab rejwi ansanm.

37 Paske nan sila a, pwovèb la vrè: ✨‘Youn ap simen epi yon lòt ap rekòlte.’

38 Mwen te voye nou pou rekòlte kote nou pa t simen. Se lòt ki te travay, epi nou te antre nan travay yo.”

39 Anpil nan Samariten ki sòti nan ✨vil sa a te kwè nan Li, akoz pawòl yo ke fanm nan te bay kon temwayaj ✨“Li te di mwen tout bagay ke mwen fè”. 40 Lè Samariten yo te vin kote L, yo t ap mande Li pou rete avèk yo, e Li te rete la pou de jou.

41 Anpil anplis te kwè nan Li akoz pawòl Li. 42 Yo t ap di a fanm nan: “Se pa ankò akoz sa ou te di yo ke nou kwè, nou te tande pou kont nou e konnen ke Sila a se ✨Sovè mond lan.”

43 Apre ✨de jou Li te kite la, pou ale nan Galilée. 44 Paske Jésus Li menm te bay temwayaj ke ✨yon pwofèt pa gen lonè nan pwòp peyi li. 45 Konsa, lè Li rive nan Galilée, Galileyen yo te resevwa Li, paske yo ✨te wè tout bagay ke Li te fè nan Jérusalem pandan fèt la, pwiske yo tout te ale nan fèt la.

46 Li te vini ankò nan vil ✨Cana nan Galilée, kote Li te fè dlo tounen diven an. E te genyen yon ofisye wayal la, epi fis li te malad nan Capernaüm.

47 Lè Li te tande ke Jésus ✨te sòti Judée pou L antre nan Galilée, li te ale kote L e te mande L pou desann avèk li pou geri fis li a, paske li te prèt pou mouri.

48 Pou sa, Jésus te di li: “Anmwenske nou wè ✨sign ak mirak, nou p ap menm kwè.”

49 Ofisye wayal la te di Li: “Mesye, vini avan pitit mwen an mouri.”

✨ 4:23 Jn 4:21 ✨ 4:24 Fil 3:3 ✨ 4:25 Dan 9:25 ✨ 4:25 Mat 1:16 ✨ 4:26 Jn 8:24-28 ✨ 4:27 Jn 4:8 ✨ 4:29 Mat 12:23 ✨ 4:31 Mat 23:7 ✨ 4:33 Luc 6:13-16 ✨ 4:34 Jn 5:36 ✨ 4:35 Mat 9:37-38 ✨ 4:36 Mat 9:29 ✨ 4:37 Job 31:8 ✨ 4:39 Jn 4:5-30 ✨ 4:39 Jn 4:29 ✨ 4:42 Mat 1:21 ✨ 4:43 Jn 4:40 ✨ 4:44 Mat 13:57 ✨ 4:45 Jn 2:23 ✨ 4:46 Jn 2:1 ✨ 4:47 Jn 4:3-54 ✨ 4:48 Dan 4:2

<sup>50</sup> Jésus te di li: ✧ **“Ou mèt** ale. Pitit ou ap viv.” Mesye a te kwè Jésus epi te sòti.

<sup>51</sup> Pandan li t ap desann, esklav li yo te rankontre li pou di li ke pitit la te vivan.

<sup>52</sup> Li te mande yo kilè pitit la te kòmanse refè, e yo te di li: “Ayè sou setyèm lè lafyèv la te kite li.”

<sup>53</sup> Konsa papa li te konnen ke se te nan menm lè sa ke Jésus te di li: “Pitit ou a ap viv.” E li menm te kwè, epi ✧ tout lakay li ansanm avèk li.

<sup>54</sup> Sa se te ankò dezyèm sign ke Jésus te fè lè Li te ✧ kite Judée pou L antre nan Galilée.

## 5

<sup>1</sup> Apre bagay sa yo, te gen ✧ yon fèt Jwif, e Jésus te monte a Jérusalem.

<sup>2</sup> La nan Jérusalem toupres ✧ pòtay mouton an, gen yon basen dlo ke yo rele Béthesda, ki te gen senk galeri kouvri. <sup>3</sup> Nan sa yo te kouche sa yo ki te malad, avèg, oswa paralize ki t ap tann mouvman dlo a. <sup>4</sup> Paske yon zanj Senyè a te konn vini nan sèten sezon, epi antre nan basen an, epi vire dlo a. Epi sila ki te antre nan dlo a an premye lè dlo a vire te vin geri de nenpòt maladi ke li te genyen.

<sup>5</sup> Alò yon sèten mesye ki te gen yon maladi depi trant-uit ane te la.

<sup>6</sup> Lè Jésus te wè l kouche la, epi te konnen ke li te konsa depi anpil tan, Li te di l **“Èske ou ta renmen geri?”**

<sup>7</sup> Mesye malad la te reponn Li: “Mesye, mwen pa gen moun pou mete m ✧ nan dlo a lè l vire, men lè m ap vini, yon lòt gen tan mache desann avan m.

<sup>8</sup> Jésus te di l ✧ **“Leve, pran kabann ou, epi mache!”**

<sup>9</sup> Imedyatman, nonm nan te geri, te pran kabann li, epi te kòmanse mache. ✧ Jou sa a se te jou Saba.

<sup>10</sup> Pou sa Jwif yo t ap di Li “Se jou Saba a. ✧ Li pa pèmi pou ou pote kabann ou konsa.”

<sup>11</sup> Men li te reponn yo: “Li menm ki te geri m nan, se Li menm ki di m **‘Pran kabann ou mache.’**

<sup>12</sup> “Yo te mande li: “Ki moun sa ki te di ou **‘Pran kabann ou mache a.’?**”

<sup>13</sup> Men li menm ki te geri pa t konnen ki moun Li te ye, paske Jésus te chape ale pandan yo te gen yon foul sou plas.

<sup>14</sup> Apre, Jésus te twouve li nan tanp lan, e te di l: **“Gade, ou gen tan geri. ✧ Pa peche ankò pou anyen pi mal pa vin tonbe sou ou.”**

<sup>15</sup> Nonm nan te ale e te di ✧ Jwif yo ke se te Jésus ki te geri li.

<sup>16</sup> Alò pou rezon sa a, ✧ Jwif yo t ap pèsekite Jésus, paske Li t ap fè bagay sa yo nan Saba a.

<sup>17</sup> Men Li te reponn yo e te di: **“Papa M ap travay jis koulye a, e Mwen menm ap travay tou.”**

<sup>18</sup> Men pou rezon sa, Jwif yo t ap chache plis pou yo ta kab touye L, paske non sèlman Li t ap vyole Saba a, men osi Li t ap rele Bondye Papa Li, ✧ ki te fè Li vin egal avèk Bondye.

<sup>19</sup> Pou sa, Jésus te reponn e te di yo: **“Anverite, anverite, Mwen di nou, ✧ Fis la pa kapab fè anyen pou kont Li, sof ke se yon bagay ke Li wè Papa a ap fè. Paske sa ke Papa a fè, Fis la ap fè yo menm jan an. <sup>20</sup> ✧ Paske Papa a renmen Fis la, epi montre Li tout bagay ke Li menm ap fè. Epi ✧ pi gwo**

✧ **4:50** Mat 8:13 ✧ **4:53** Trav 11:14 ✧ **4:54** Jn 4:45 ✧ **5:1** Det 16:1 ✧ **5:2** Né 3:1-32 ✧ **5:7** Jn 5:4 ✧ **5:8** Mat 9:6 ✧ **5:9** Jn 9:14 ✧ **5:10** Né 13:19 ✧ **5:14** Mc 2:5 ✧ **5:15** Jn 1:19 ✧ **5:16** Jn 1:19 ✧ **5:18** Jn 10:33 ✧ **5:19** Mat 26:39 ✧ **5:20** Jn 3:35 ✧ **5:20** Jn 14:12



travay pase sa, Li va montre Li, pou nou etone. <sup>21</sup> Paske menm jan an ke Papa a leve mò yo pou ✨bay yo lavi, menm jan an ✨Fis la osi bay lavi a sa ke Li vle.

<sup>22</sup> Paske menm Papa a pa jije pèsòn, men ✨Li te bay tout jijman a Fis la, <sup>23</sup> Pou tout moun kapab bay onè a Fis la, menm jan ke yo onore Papa a. ✨Moun ki pa onore Fis la, pa onore Papa a ki te voye Li a.

<sup>24</sup> Anverite, Anverite, Mwen di nou, moun ki tande pawòl Mwen, epi ✨kwè Li menm ki te voye Mwen an, genyen lavi etènèl, epi ✨pa p vini nan jijman, men li gen tan kite lanmò, pou antre nan lavi.

<sup>25</sup> Anverite, Anverite Mwen di nou ke lè ap vini e koulye a gen tan rive, lè ✨mò yo tande vwa a Fis Bondye a. Epi ✨sa yo ki tande ap viv.

<sup>26</sup> Paske menm jan ke Papa a gen lavi nan Li menm, menm jan an ✨Li te bay Fis la osi pou gen lavi nan Li menm. <sup>27</sup> Li te bay Li otorite pou ✨egzekite jijman, paske Li menm se Fis a Lòm nan.

<sup>28</sup> Pa fè sezisman pou sa, paske yon lè ap vini lè ✨tout moun sa yo ki nan tonbo yo ap tande vwa Li, <sup>29</sup> epi ap vin parèt. ✨Sa yo ki te fè sa ki bon ap resisite a lavi, e sa yo ki te fè sa ki mal ap resisite pou jijman.

<sup>30</sup> Mwen pa kapab fè anyen pou kont Mwen. Sa ke Mwen tande, Mwen jije, epi ✨jijman Mwen jis, paske Mwen pa chache volonte pa M, men ✨volonte a Li menm, ki te voye Mwen an.

<sup>31</sup> ✨Si Mwen sèl fè temwayaj a Mwen menm, temwayaj la p ap vrè. <sup>32</sup> Gen ✨yon lòt moun ki pote temwayaj Mwen, epi M konnen ke temwayaj ke Li pote sou Mwen menm nan vrè.

<sup>33</sup> Ou te voye kote Jean, epi Li ✨ te bay temwayaj a verite a. <sup>34</sup> Men ✨ t emwayaj ke Mwen resevwa a pa sòti nan lòm, men Mwen di nou bagay sa yo pou nou kapab sove.

<sup>35</sup> Li menm li te lanp ki te limen an, epi te klere, epi nou te ✨rejwi pou yon tan nan limyè pa l la.

<sup>36</sup> Men temwayaj ke Mwen genyen an pi gwo ke temwayaj Jean an. Paske ✨zèv ke Papa a te ban M pou ✨acheve yo, menm zèv ke Mwen fè yo, temwaye pou Mwen menm, ke Papa a te voye M. <sup>37</sup> E Papa a ki te voye M nan, ✨Li pote temwayaj pou Mwen. Nou pa janm tande vwa Li nan okenn tan, ni nou pa janm wè fòm Li.

<sup>38</sup> E nou pa gen ✨pawòl Li nan nou, pwiske nou pa kwè Sila ke Li te voye a. <sup>39</sup> ✨Nou chache tout Ekriti Sen yo paske nou kwè ke nan yo menm nou gen lavi etènèl. E se yo menm ki temwaye de Mwen menm.

<sup>40</sup> E nou pa dakò pou vin kote M pou nou ta kapab gen lavi.

<sup>41</sup> ✨Mwen pa resevwa glwa ki sòti nan lòm. <sup>42</sup> Men Mwen konnen nou, ke nou pa genyen lamou Bondye nan nou menm.

<sup>43</sup> Mwen te vini nan non Papa M, e nou pa resevwa M.

Men ✨si yon lòt vini nan pwòp non pa l, li menm nou va resevwa l. <sup>44</sup> Kijan nou kapab kwè lè nou resevwa glwa ki sòti nan youn anvè lòt, e nou pa chache ✨glwa a ki sòti sèlman nan ✨sèl Bondye ki genyen an.

<sup>45</sup> Pa panse ke Mwen va akize nou devan Papa a. Sila a k ap akize nou an se ✨Moïse, nan kilès nou gen tan mete espwa nou.

✨ 5:21 Wo 4:17 ✨ 5:21 Jn 11:25 ✨ 5:22 Jn 5:27 ✨ 5:23 Luc 10:16 ✨ 5:24 Jn 12:44 ✨ 5:24 Jn 3:18 ✨ 5:25 Luc 15:24 ✨ 5:25 Jn 6:60 ✨ 5:26 Jn 1:4 ✨ 5:27 Jn 9:39 ✨ 5:28 Jn 11:24 ✨ 5:29 Dan 12:2 ✨ 5:30 Jn 8:16 ✨ 5:30 Jn 4:34 ✨ 5:31 Jn 8:14 ✨ 5:32 Jn 5:37 ✨ 5:33 Jn 1:7-32 ✨ 5:34 Jn 5:32 ✨ 5:35 Mc 1:5 ✨ 5:36 Jn 10:25-38 ✨ 5:36 Jn 4:34 ✨ 5:37 Mat 3:17 ✨ 5:38 I Jn 2:14 ✨ 5:39 Jn 7:52 ✨ 5:41 Jn 5:44 ✨ 5:43 Mat 24:5 ✨ 5:44 Wo 2:29 ✨ 5:44 Jn 17:3 ✨ 5:45 Jn 9:28

<sup>46</sup> Paske si nou te kwè Moïse, nou t ap kwè Mwen, paske ✨li te ekri selon Mwen menm. <sup>47</sup> Men ✨si nou pa kwè sa ke li te ekri, kijan nou va kwè pawòl pa Mwen yo.”

## 6

<sup>1</sup> Apre bagay sa yo, ✨Jésus te ale lòtbò Lamè Galilée a (oubyen Tibériade).  
<sup>2</sup> E yon gran foul te swiv Li paske yo te wè ✨sign ke Li t ap fè sou sa ki te malad yo.

<sup>3</sup> ✨Jésus te monte sou mòn nan, epi la Li te chita avèk disip Li yo.

<sup>4</sup> Alò, Pak Jwif la t ap pwoche.

<sup>5</sup> Jésus te leve zye Li, e lè L wè yon gran foul ki t ap pwoche Li, te di a ✨Philippe: “Kibò n ap achte pen pou sila yo kapab manje.” <sup>6</sup> Li t ap di L sa pou ✨sonde l. Paske Li menm te konnen déjà kisa Li te gen lentansyon pou fè.

<sup>7</sup> Philippe te reponn Li: “Fòs pen pou ✨desan denye frè jounalye pou desan jou pa t ap sifi pou chak moun twouve menm yon ti mòso.”

<sup>8</sup> Youn nan disip yo, ✨André, frè a Simon Pierre te di L: <sup>9</sup> “Gen yon jènjan isit la ki gen senk pen fèt avèk lòj avèk ✨de pwason, men kisa sa ye pou tout fòs kantite moun sa yo?”

<sup>10</sup> Jésus te di: “Fè moun yo chita.”

Te gen ✨anpil zèb nan plas sa a. Epi anviwon ✨senk-mil moun te chita.

<sup>11</sup> Konsa, Jésus te pran pen yo epi ✨après Li te bay Bondye remèsiman, Li te pataje l a tout sa yo ki te chita la. Menm jan tou avèk pwason yo. Tout kantite ke yo te vle.

<sup>12</sup> Lè yo te plen, Li te di a ✨disip Li yo, “Ranmase tout mòso ki rete yo pou anyen pa pèdi.”

<sup>13</sup> Konsa yo te ranmase yo, e yo te plen douz ✨panyen yo avèk ti mòso fèt pa senk pen lòj ke sa ki t ap manje yo te kite.

<sup>14</sup> E pou sa, lè moun yo te wè sign ke Li te fè a, yo te di: “Anverite sa se ✨Pwofèt ki gen pou vini nan lemonn nan.”

<sup>15</sup> Lè Jésus apèsi ke yo gen lentansyon pou te vin pran L pa lafòs pou fè L wa, Li te ✨retire kò Li ankò, epi ale nan mòn nan pou kont Li.

<sup>16</sup> Alò, lè aswè vini, ✨disip Li yo te ale bò kote lamè a. <sup>17</sup> Apre yo antre nan yon kannòt, yo te travèse lamè a ✨vè Capernaüm.

Li te fènwa déjà, epi Jésus poko te vin kote yo. <sup>18</sup> Lamè a te kòmanse boulvèse akoz yon gwo van ki t ap soufle.

<sup>19</sup> Akoz sa, lè yo ta p naje ak zaviwon, a senk o sis kilomèt distans, yo te wè Jésus t ap vin vè kannòt la, tou mache sou dlo a. E yo te pè.

<sup>20</sup> Men Li te di yo: “Se Mwen menm. ✨Pa pè.”

<sup>21</sup> Konsa, yo te dakò pou resevwa L nan kannòt la. Epi imedyatman, kannòt la rive atè, kote yo t ap ale a.

<sup>22</sup> Jou apre a ✨foul la ki te lòtbò lamè a te wè ke pa t gen lòt ti kannòt sof ke youn, epi ke Jésus pa t antre nan kannòt la avèk disip Li yo, men ke yo te kite la pou kont yo. <sup>23</sup> Te gen lòt ti kannòt ki te sòti Tibériade toupre plas kote yo te manje pen an apre Senyè a ✨te bay remèsiman an.

✨ 5:46 Luc 24:27 ✨ 5:47 Luc 16:29-31 ✨ 6:1 Mat 14:13-21 ✨ 6:2 Jn 2:11-23 ✨ 6:3 Mat 5:1  
 ✨ 6:5 Jn 1:43 ✨ 6:6 II Kor 13:5 ✨ 6:7 Mc 6:37 ✨ 6:8 Jn 1:40 ✨ 6:9 Jn 6:11 ✨ 6:10 Mc  
 6:39 ✨ 6:10 Mat 14:21 ✨ 6:11 Mat 15:36 ✨ 6:12 Jn 2:2 ✨ 6:13 Mat 14:20 ✨ 6:14 Mat  
 11:3 ✨ 6:15 Mat 14:22-33 ✨ 6:16 Jn 2:2 ✨ 6:17 Mc 6:45 ✨ 6:20 Mat 14:27 ✨ 6:22 Jn 6:2  
 ✨ 6:23 Jn 6:11

24 Konsa, lè fowl la te wè ke Jésus pa t la, ni disip Li yo, yo menm te antre nan ti kannòt yo, e te ☆vini a Capernaüm pou chache Jésus.

25 E lè yo te twouve Li lòtbò lamè a, yo te di L: ☆“Rabbi, kilè ou rive la a?”

26 Jésus te reponn yo e te di: “Anverite, anverite Mwen di nou, nou pa chache M paske nou te wè ☆sign yo, men paske nou te manje pen epi te plen.

27 ☆Pa travay pou manje k ap peri, men pou manje k ap dire jiska lavi etènèl, ke Fis a Lòm nan va bay nou. Pwiske sou Li, Papa a, Bondye menm, gen tan mete so Li.”

28 E pou sa yo te di Li: “Ki zèw nou kapab fè pou nou menm kapab fè zèw a Bondye?”

29 Jésus te reponn e te di yo: “Sa se ☆zèw a Bondye, ke nou ta kwè nan Sila ke Li voye a.”

30 Pou sa yo te di Li: ☆“Kisa konsa ou fè kon sign, pou nou kapab wè epi kwè ou? Ki zèw ou fè?” 31 “Papa zansèt nou yo te manje lamàn nan dezè a. Kon li ekri a: ☆‘Li te bay yo pen ki sòti nan syèl la pou yo manje.’

32 Pou sa, Jésus te di yo: “Anverite, anverite, Mwen di nou, se pa Moïse ki te bay nou pen ki sòti nan syèl la, men se Papa M ki bay nou vrè pen ki sòti nan syèl la. 33 Paske pen Bondye a se sila ki ☆desann, sòti nan syèl la, e bay lavi a lemonn lan.”

34 Pou sa yo te di L: “Senyè, toujou ☆bay nou pen sa a”.

35 Jésus te di yo: ☆“Mwen menm se pen lavi a. Moun ki vini kote Mwen p ap grangou, e sila ki kwè nan Mwen, ☆p ap janm swaf.

36 Men ☆Mwen di nou ke nou wè M, e malgre, nou pa kwè.

37 ☆Tout sa ke Papa a ban Mwen yo ap vin kote Mwen, e sila a ki vin kote Mwen, Mwen p ap janm jete yo deyò.

38 Paske ☆Mwen pa t desann kite syèl la pou fè ☆pwòp volonte pa M, men volonte a Li menm ki te voye M nan. 39 E sa se volonte a Li menm ki te voye M nan, ke nan tout sa ke Li bay Mwen yo, Mwen ☆pa pèdi anyen, men fè li leve nan dènye jou a. 40 Paske sa se volonte a Papa M, ke tout moun ki wè Fis la epi ☆kwè nan Li kapab gen lavi etènèl. Epi Mwen menm va ☆fè l leve nan dènye jou a.”

41 Pou sa, Jwif yo t ap mimire paske Li te di: “Mwen menm se ☆pen ki desann soti nan syèl la.” 42 E yo t ap di: “Se pa Jésus sa a, ☆fis a Joseph la? ☆Èske nou pa konnen ni manman L, ni papa L? Kijan Li di nou koulye a: ‘Mwen sòti nan syèl la?’”

43 Jésus te reponn yo e te di yo: “Pa mimire pami nou menm. 44 Pèsòn pa kapab vini a Mwen menm sof ke Papa a ki te voye M nan ☆atire li, epi Mwen menm va fè l leve nan dènye jou a.

45 Li ekri nan pwofèt yo: ☆‘E yo tout va enstwi pa Bondye.’ Tout sa yo ki te tande epi enstwi pa Papa a, ap vini a Mwen.

46 ☆Pa gen moun ki konn wè Papa a, sof ke sèl Sila a ki sòti nan Bondye a. Li konn wè Papa a.

47 Anverite, anverite, Mwen di nou, sila ki kwè ☆gen lavi etènèl. 48 ☆Mwen se pen lavi a.

☆ 6:24 Mat 14:34 ☆ 6:25 Mat 23:7 ☆ 6:26 Jn 6:2-14 ☆ 6:27 És 55:2; Jn 3:33 ☆ 6:29 I Tes 1:3 ☆ 6:30 Mat 12:38 ☆ 6:31 Sòm 78:24 ☆ 6:33 Jn 6:41-50 ☆ 6:34 Jn 4:15 ☆ 6:35 Jn 6:48 ☆ 6:35 Jn 4:14 ☆ 6:36 Jn 6:26 ☆ 6:37 Jn 6:39 ☆ 6:38 Jn 3:13 ☆ 6:38 Mat 26:39 ☆ 6:39 Jn 17:12 ☆ 6:40 Jn 3:16 ☆ 6:40 Mat 10:15 ☆ 6:41 Jn 6:33-58 ☆ 6:42 Luc 4:22 ☆ 6:42 Jn 7:27 ☆ 6:44 Jr 31:3 ☆ 6:45 És 54:13 ☆ 6:46 Jn 1:18 ☆ 6:47 Jn 3:36 ☆ 6:48 Jn 6:35-51

49 Papa zansèt nou yo te manje lamàn nan dezè a, e yo te mouri.

50 Sila a se pen ki sòti desann nan syèl la. Pou moun kab manje l epi ✧pa mouri.

51 Mwen menm se pen vivan ki desann sòti nan syèl la. Si nenpòt moun manje pen sa a, l ap viv jis pou jamen. E pen osi ke M ap bay ✧pou lavi lemond nan se chè Mwen.”

52 Pou sa Jwif yo te ✧kòmanse diskite youn avèk lòt e te di: “Kijan moun sa kapab bay nou chè Li pou manje?”

53 Pou sa, Jésus te di yo: “Anverite anverite, Mwen di nou, anmwenske nou manje chè ✧Fis a Lòm nan, epi bwè san Li, nou pa gen lavi nan nou menm.

54 Moun ki manje chè M, epi bwè san Mwen, genyen lavi etènèl, epi M ap ✧fè l leve nan dènye jou a. 55 Paske chè M se vrè manje a, e san Mwen se vrè bwason an.

56 Moun ki manje chè M epi bwè san Mwen, ✧rete avè M, epi Mwen menm avèk li. 57 Kon Papa ✧vivan an te voye M nan, e Mwen viv akoz Papa a, konsa, moun ki manje M, li menm osi va viv akoz Mwen.

58 Sa se pen ✧ki desann sòti nan syèl la. Se pa kon papa zansèt yo te manje a, e te mouri. Sila a ki manje pen sila a va viv jis pou janmen.”

59 Bagay sa yo Li te di ✧nan Sinagòg la pandan Li t ap ansegne nan Capernaüm nan.

60 Konsa, anpil nan ✧disip Li yo lè yo te tande sa te di: “Pawòl sa a tèlman difisil. Ki moun ki ka tande sa?”

61 Men Jésus, byen konprann ke yo t ap plenyen konsa, te di yo: “Èske sa ✧fè nou kilbite tonbe? 62 Kisa li ta ye konsa si nou ta wè Fis a Lòm nan k ap ✧monte kote Li te ye oparavan an?”

63 ✧Se Lespri a ki bay lavi. Chè a pa gen okenn benefis. Pawòl ke Mwen te pale a nou yo se Lespri, epi se lavi.

64 Men gen nan nou ki pa kwè.” Pwiske Jésus ✧te konnen depi nan kòmansman kilès nan yo ki pa t kwè, epi ✧kilès li te ye ki t ap trayi li a.

65 E Li t ap di: “Pou rezon sa a Mwen te di nou ke pèsòn pa kapab vin kote Mwen, sof ke ✧se Papa a ki pèmèt sa.”

66 Akoz sa a, anpil nan ✧disip Li yo te retire kò yo, e pa t ap mache avèk Li ankò.

67 Pou sa, Jésus te di a ✧douz yo: “Epi nou menm pa vle ale tou?”

68 Simon Pierre te reponn Li: “Senyè, a kilès nou ta ale? Ou gen ✧pawòl lavi etènèl yo. 69 Epi nou te kwè, epi te vin konnen ke Ou se ✧Li Menm ki Kris la, Fis a Bondye vivan an.”

70 Jésus te reponn yo: ✧“Èske se pa Mwen menm ki te chwazi nou, douz la, epi youn nan nou se yon dyab?” 71 Konsa Li t ap refere a Judas Iscariot, ✧fis a Simon an, paske li menm, youn nan douz yo, t ap vin trayi Li.

## 7

1 Apre bagay sa yo, Jésus ✧t ap mache nan Galilée. Li pa t dakò pou mache nan Judée pwiske Jwif yo ✧t ap chache pou touye L.

2 Koulye a, fèt a Jwif yo, ✧Fèt Tonèl yo, t ap pwoche. 3 ✧Frè Li yo te di L: “Kite isit la epi ale nan Judée pou disip pa W yo osi kapab wè zèv ke Ou ap

✧ 6:50 Jn 3:36 ✧ 6:51 Jn 1:29 ✧ 6:52 Jn 9:16 ✧ 6:53 Mat 8:20 ✧ 6:54 Jn 6:39 ✧ 6:56 Jn 15:4 ✧ 6:57 Mat 16:16 ✧ 6:58 Jn 3:36 ✧ 6:59 Mat 4:23 ✧ 6:60 Jn 2:2 ✧ 6:61 Mat 11:6 ✧ 6:62 Jn 3:13 ✧ 6:63 II Kor 3:6 ✧ 6:64 Jn 2:25 ✧ 6:64 Mat 10:4 ✧ 6:65 Mat 13:11 ✧ 6:66 Jn 2:2 ✧ 6:67 Mat 10:2 ✧ 6:68 Jn 6:63 ✧ 6:69 Mc 1:24 ✧ 6:70 Jn 15:16-19 ✧ 6:71 Jn 12:4 ✧ 7:1 Jn 4:3 ✧ 7:1 Jn 5:18 ✧ 7:2 Lev 23:34 ✧ 7:3 Mat 12:46

fè yo. <sup>4</sup> Paske pèsòn pa fè anyen nan sekrè lè li vle rekonèt an piblik. Si Ou fè bagay sa yo, Ou bezwen montre Ou menm a tout monn lan.” <sup>5</sup> Paske menm ✨frè Li yo pa t kwè nan Li.

<sup>6</sup> Pou sa, Jésus te di yo: ✨“Lè M poko rive, men lè pa nou toujou bon.

<sup>7</sup> ✨Lemonn pa kapab rayi nou. Men Li rayi Mwen, paske Mwen temwaye sou li ke ✨zèv li yo mechan.

<sup>8</sup> Monte nan fèt la nou menm. Mwen pa ale nan fèt sila a, paske ✨lè Mwen poko fin acheve.” <sup>9</sup> Lè L fin di yo bagay sa yo, Li te rete nan Galilée.

<sup>10</sup> Men lè ✨frè Li yo te ale nan fèt la, alò, Li menm tou te monte. Pa an piblik, men kòm si an sekrè.

<sup>11</sup> Konsa, Jwif yo ✨t ap chache pou Li nan fèt la e t ap di: “Kote Li ye?”

<sup>12</sup> Epi te gen anpil pale pami fowl la ki t ap fèt sou Li. ✨Kèk t ap di: “Li se yon bon moun.” Lòt t ap di: “Non, okontrè l ap egare moun yo.” <sup>13</sup> Malgre sa, pèsòn pa t pale ovètman konsènan Li, paske ✨yo te pè Jwif yo.

<sup>14</sup> Men se lè yo te rive nan mitan fèt la ke Jésus te monte nan tanp lan, e te kòmanse ✨ansegne.

<sup>15</sup> Pou sa, ✨Jwif yo te etone, e t ap di “Kijan nonm sa a vin edike konsa, konsi Li pa te janm enstwi?”

<sup>16</sup> Pou sa, Jésus te reponn yo e te di: ✨“Lenstriksyon pa M se pa pa M, men se pou Li menm ki te voye M nan.

<sup>17</sup> ✨Si nenpòt moun dakò pou fè volonte L, l ap konnen enstriksyon an, si Li sòti nan Bondye, oubyen si Mwen pale pou kont Mwen. <sup>18</sup> Sila ki pale pou kont li ✨chache pwòp glwa pa li, men Sila k ap chache glwa a Sila ki te voye L la; Li menm se verite, e pa gen linikite nan Li.

<sup>19</sup> ✨Èske Moïse pa t bay nou lalwa, men malgre sa, pa gen nan nou ki swiv lalwa? Poukisa nou ap ✨chache touye M?”

<sup>20</sup> Fowl la te reponn Li: ✨“Ou gen yon move lespri! Kilès k ap chache touye W la?”

<sup>21</sup> Jésus te reponn yo e te di: “Mwen te fè ✨yon sèl zèv, e nou tout etone.

<sup>22</sup> Sou kont sila a, ✨Moïse te bay nou sikonsizyon (pa paske li te soti nan Moïse, men nan ✨papa zansèt yo), e nan Saba a, nou sikonsize yon moun. <sup>23</sup> ✨Si yon moun resevwa sikonsizyon nan Saba a, pou anpeche lalwa Moïse la vyole, èske nou fache avè M akoz ke Mwen te fè yon moun antye geri nan Saba a.

<sup>24</sup> Pa ✨jije selon aparans, men jije avèk jijman ki jis.”

<sup>25</sup> Pou sa, kèk nan pèp Jérusalem la t ap di: “Se pa mesye sila a ke y ap chache touye a? <sup>26</sup> Epi gade, L ap pale devan tout moun, e yo p ap di L anyen. ✨Otorite yo pa petèt (sipoze) konnen ke sa se Kris La? <sup>27</sup> Men ✨nou menm konnen kote mesye sa a sòti. Men nenpòt lè Kris La vini, pèsòn p ap konnen kote Li sòti.

<sup>28</sup> Akoz sa a, Jésus te rele fò nan tanp lan e te enstwi e te di: “Nou non sèlman konnen Mwen e kote Mwen sòti. ✨Mwen pa t vini pou kont Mwen, men Li menm ki te voye M nan vrè. Li menm ke nou pa konnen an. <sup>29</sup> Mwen konnen Li paske Mwen ✨ sòti nan Li, e ✨ Li te voye M.

✨ 7:5 Mat 12:46 ✨ 7:6 Mat 26:18 ✨ 7:7 Jn 15:18 ✨ 7:7 Jn 3:19 ✨ 7:8 Jn 7:6 ✨ 7:10 Mat 12:46 ✨ 7:11 Jn 11:56 ✨ 7:12 Jn 7:40-43 ✨ 7:13 Jn 9:22 ✨ 7:14 Mat 26:55 ✨ 7:15 Jn 1:19 ✨ 7:16 Jn 3:11 ✨ 7:17 Sòm 25:9-14 ✨ 7:18 Jn 5:41 ✨ 7:19 Jn 1:17 ✨ 7:19 Mc 11:18 ✨ 7:20 Mat 11:8 ✨ 7:21 Jn 5:2-16 ✨ 7:22 Lev 12:3 ✨ 7:22 Jen 17:1 ✨ 7:23 Mat 12:2 ✨ 7:24 Lev 19:15 ✨ 7:26 Luc 23:13 ✨ 7:27 Jn 6:42 ✨ 7:28 Jn 8:42 ✨ 7:29 Jn 6:46 ✨ 7:29 Jn 3:17

<sup>30</sup> E yo ✨t ap chache pou sezi Li, men pèsòn pa t mete men sou Li, paske lè Li poko te rive.

<sup>31</sup> Men ✨anpil nan foul la te kwè nan Li, e t ap di: “Lè Kris la vini, èske nou sipoze l ap fè plis ✨sign pase sa mesye sila a gen tan fè yo?”

<sup>32</sup> Farizyen yo te tande foul la ki t ap repete bagay sa yo konsènan Li. Epi chèf prèt yo avèk Farizyen yo te voye ✨ofisye yo pou sezi Li.

<sup>33</sup> Pou sa, Jésus te di: ✨**“Pou yon ti tan anplis, Mwen avèk nou. Apre, M ap prale a Li menm ki te voye M nan. <sup>34</sup> ✨Nou va chache M, e nou p ap twouve M. E kote Mwen ye, nou p ap kab vini.**

<sup>35</sup> Pou sa Jwif yo te di youn ak lòt: “Kote mesye sa a prale pou nou p ap kab twouve L? Ou pa sipoze ke L ap prale ✨nan dyaspora pami Grèk yo, pou l enstwi Grèk yo?” <sup>36</sup> Kisa li t ap di la a: ✨**“Nou va chache M, e nou p ap twouve M. Epi kote Mwen ye, nou p ap kab vini?”**

<sup>37</sup> Nan ✨dènye jou fèt la, Jésus te kanpe e te kriye: **“Si nenpòt moun swaf, kite L vin kote Mwen epi bwè.”** <sup>38</sup> Sila ki kwè nan Mwen, ✨tankou Ekriti Sen an di: **‘Sòti nan pi fon anndan l va fè koule rivyè dlo vivan yo.’** <sup>39</sup> Men sa, Li te pale ✨konsènan Lespri a, ke sa ki te kwè nan Li yo ta resevwa. Paske Lespri a poko te parèt, akòz Jésus poko te vini nan glwa Li.

<sup>40</sup> Kèk nan moun yo, lè yo te tande pawòl sa yo, t ap di: “Vrèman, sa se ✨pwofèt la.”

<sup>41</sup> Lòt t ap di: “Sa se Kris la”. Men toujou lòt t ap di: ✨**“Asireman nou pa ta kwè Kris la ta pral sòti nan Galilée! <sup>42</sup> Èske Ekriti Sen an pa konn di ke Kris la va sòti ✨nan ras David, epi nan Bethléem, vil kote David te ye a?”**

<sup>43</sup> Konsa, te gen yon ✨divizyon nan foul la akòz Li. <sup>44</sup> ✨Kèk te vle sezi Li, men pèsòn pa t mete men l sou Li.

<sup>45</sup> Konsa, ✨ofisye yo te vin kote chèf prèt ak Farizyen yo e te di yo: “Poukisa nou pa t mennen Li?”

<sup>46</sup> Ofisye yo te reponn: ✨**“Janmen yon moun pa pale tankou moun sa a pale.”**

<sup>47</sup> Pou sa, Farizyen yo te reponn yo: ✨**“Èske Li gen tan egare nou menm tou? <sup>48</sup> Èske gen pami ✨gwo chèf Farizyen yo ki kwè nan Li? <sup>49</sup> Men foul sa a ki pa konnen Lalwa, gen madichon.”**

<sup>50</sup> ✨Nicodème (ki te vin kote Li avan an, epi te youn nan yo) te di yo: <sup>51</sup> ✨**“Lalwa pa nou pa jije yon moun avan ke premyèman li tande li epi konnen ki sa li fè. Èske sa konn fèt?”**

<sup>52</sup> Yo te reponn li e te di: ✨**“Èske ou menm sòti nan Galilée tou? Egzaminen Lekriti yo epi ou va wè ke nanpwen pwofèt ki sòti nan Galilée.”**

<sup>53</sup> E tout moun ale lakay yo.

## 8

<sup>1</sup> Men Jésus te ale nan ✨Mòn Oliv la. <sup>2</sup> Gran maten a Li te vini ankò nan tanp lan, e tout pèp la t ap vin kote Li. E ✨Li te chita, pou kòmanse enstwi yo. <sup>3</sup> Skrib yo ak Farizyen yo te mennen yon fanm ki te kenbe nan adiltè e te fè l chita nan mitan yo.

✨ **7:30** Mat 21:46 ✨ **7:31** Jn 2:23 ✨ **7:31** Jn 2:11 ✨ **7:32** Mat 26:58 ✨ **7:33** Jn 12:35 ✨ **7:34** Jn 7:36 ✨ **7:35** Sòm 147:2 ✨ **7:36** Jn 7:34 ✨ **7:37** Lev 23:36 ✨ **7:38** És 44:3 ✨ **7:39** Jl 2:28 ✨ **7:40** Mat 21:11 ✨ **7:41** Jn 1:46 ✨ **7:42** Sòm 89:4 ✨ **7:43** Jn 9:16 ✨ **7:44** Jn 7:30 ✨ **7:45** Jn 7:32 ✨ **7:46** Mat 7:28 ✨ **7:47** Jn 7:12 ✨ **7:48** Luc 23:13 ✨ **7:50** Jn 3:1 ✨ **7:51** Egz 23:1 ✨ **7:52** Jn 1:46 ✨ **8:1** Mat 21:1 ✨ **8:2** Mat 26:55

<sup>4</sup> Yo te di Li: “Mèt, fanm sa te kenbe nan adiltè, nan zak la menm. <sup>5</sup> Epi nan Lalwa ✧Moïse la, li te kòmande nou pou nou te lapide yon fanm konsa ak wòch. Kisa ou menm di?” <sup>6</sup> Epi yo t ap di sa pou yo ta kapab ✧sonde l pou yo ta twouve mwayen pou akize Li. Men Jésus te bese, e te ekri atè a avèk dwat Li.

<sup>7</sup> Men lè yo te pèsiste avèk demann sa a, Li te leve dwat epi te reponn yo: ✧“Sila a ki pa gen peche pami nou, kite l se premye moun pou voye yon wòch sou li.” <sup>8</sup> Ankò Li te bese e te kòmanse ekri atè a.

<sup>9</sup> Lè yo tande sa, yo te kòmanse kite kote a youn pa youn. Sa te kòmanse avèk pi granmoun pami yo. E yo te kite Li la pou kont Li avèk fanm nan ki te rete menm kote li te ye a nan mitan lakou a. <sup>10</sup> Jésus te leve, e te di li: “Fanm, kote yo ye? Nanpwen youn ki kondane ou?” <sup>11</sup> Li te di: “Pa youn, Senyè.” Jésus te di ✧“Ni Mwen menm, mwen pa kondane ou nonplis. Ale, epi depi koulye a, ✧pa peche ankò.”

<sup>12</sup> Ankò Jésus te pale avèk yo e te di: ✧“Mwen se limyè a lemonn. Sila a ki swiv Mwen p ap mache nan tenèb, men l ap gen limyè lavi a.”

<sup>13</sup> Pou sa, Farizyen yo te di Li: ✧“Ou fè temwayaj pwòp tèt ou. Konsa temwayaj Ou pa vrè.”

<sup>14</sup> Jésus te reponn e te di yo: “Menmsi Mwen pote pwòp temwayaj pa M, temwayaj Mwen vrè, paske Mwen konnen ✧kote Mwen sòti, e kote M ap prale, men nou pa konnen kote Mwen sòti, ni kote M ap prale.

<sup>15</sup> Nou menm nou jije pa lachè, men ✧Mwen p ap jije pèsòn. <sup>16</sup> Men menmsi ✧Mwen jije, jijman Mwen vrè, paske Mwen pa sèl, men Mwen avèk Li menm ki te voye M nan.

<sup>17</sup> Menm nan ✧lalwa pa w la Li te ekri ke temwayaj a de moun vrè. <sup>18</sup> Mwen se Sila ki pote temwayaj pou pwòp tèt Mwen menm, ansanm e ✧Papa a ki te voye M nan pote temwayaj sou Mwen.”

<sup>19</sup> Pou sa yo te di Li: “Kote Papa ou?” Jésus te reponn yo: “Nou pa konnen ni Mwen, ni Papa M. Si nou te ✧konnen Mwen, nou ta konnen Papa M tou.”

<sup>20</sup> Pawòl sa yo Li te pale nan trezò a, pandan ✧Li t ap enstwi nan tanp lan. E pèsòn pa t sezi Li, paske ✧lè Li poko te rive.

<sup>21</sup> Li te di yo ankò: “M ap prale, e ✧nou va chache M, e va mouri nan peche nou. Kote M ap prale, nou p ap kab vini.”

<sup>22</sup> Pou sa, Jwif yo t ap di: “Asireman Li p ap vin touye tèt Li. Konsi l ap di ✧Kote m ap prale, nou p ap kab vini?”

<sup>23</sup> E Li t ap di yo: ✧“Nou sòti pa anba, men Mwen sòti pa anwo. Nou a lemonn sila a; ✧Mwen pa a lemonn sila a. <sup>24</sup> Pou sa, Mwen te di nou ke nou tout va mouri nan peche nou yo. Paske anmwenske nou kwè ✧ke Mwen menm se Sila a, nou va mouri nan peche nou yo.”

<sup>25</sup> Epi yo t ap di Li: “Ki moun Ou ye?” Epi Jésus te di yo “Kisa Mwen t ap di nou depi kòmansman?” <sup>26</sup> Mwen gen anpil bagay pou pale e pou jije konsènan nou, men ✧Li menm ki te voye M nan vrè. E bagay ke M te tande de Li yo, sa yo Mwen pale a lemonn.”

<sup>27</sup> Yo pa t konprann ke Li t ap pale avèk yo konsènan Papa a.

<sup>28</sup> Pou sa, Jésus te di yo: “Lè nou ✧leve Fis a Lòm nan, nou va konnen ke Mwen menm se Li menm, e ke M pa fè anyen pou kont Mwen, men Mwen pale bagay sa yo tankou Papa a te enstwi Mwen. <sup>29</sup> E Li ki te voye M nan

✧ 8:5 Lev 20:10 ✧ 8:6 Mat 16:1 ✧ 8:7 Det 17:7 ✧ 8:11 Jn 3:17 ✧ 8:11 Jn 5:14 ✧ 8:12 Jn 1:4 ✧ 8:13 Jn 5:31 ✧ 8:14 Jn 8:28 ✧ 8:15 Jn 3:17 ✧ 8:16 Jn 5:30 ✧ 8:17 Det 17:6 ✧ 8:18 Jn 5:37 ✧ 8:19 Jn 7:28 ✧ 8:20 Jn 7:14 ✧ 8:20 Jn 7:30 ✧ 8:21 Jn 7:34 ✧ 8:22 Jn 7:35 ✧ 8:23 Jn 3:31 ✧ 8:23 Jn 17:14-16 ✧ 8:24 Mat 24:5 ✧ 8:26 Jn 3:33 ✧ 8:28 Jn 3:14

avèk Mwen. ✨Li pa t kite M pou kont Mwen, paske Mwen toujou fè bagay ki fè L kontan.” <sup>30</sup> Pandan Li t ap pale, ✨anpil moun te vin kwè nan Li.

<sup>31</sup> Epi Jésus t ap pale avèk Jwif yo ki te kwè nan Li, ✨“Si nou kontinye nan Pawòl Mwen, anverite, nou se disip Mwen. <sup>32</sup> E nou va konnen laverite a, e ✨verite a va fè nou lib.”

<sup>33</sup> Yo te reponn Li: ✨“Nou se pitit Abraham. Nou pa t janm esklav a pèsòn. Kijan ou kapab di ‘nou va vin lib?’ ”

<sup>34</sup> Jésus te reponn yo “Anverite, anverite, Mwen di nou, ✨tout moun ki fè peche se esklav a peche a.

<sup>35</sup> Epi esklav la pa p toujou rete nan kay la, men ✨ Fis la ap toujou la. <sup>36</sup> Se pou sa, si Fis la ✨ fè nou lib, nou ap vrèman lib.

<sup>37</sup> Mwen konnen ke nou se pitit ✨Abraham, men nou ap chache touye M paske pawòl Mwen pa gen plas nan nou. <sup>38</sup> Mwen pale bagay ke M gen tan wè avèk Papa M. E nou menm tou fè bagay ke nou te tand de ✨papa pa nou.”

<sup>39</sup> Yo te reponn Li e te di: “Abraham se Papa nou”.

Jésus te di yo: ✨ “Si nou se pitit Abraham, fè zèv Abraham yo. <sup>40</sup> Men jan li ye a, nou ap chache pou touye M, yon nonm ki ✨ di nou laverite ke M te tandepi nan Bondye.

Sila a, Abraham pa t janm fè. <sup>41</sup> Nou ap fè pwòp zèv papa nou.”

Yo te di Li: “Nou pa t fèt kon pitit deyò. ✨Nou gen yon sèl papa, Bondye.”

<sup>42</sup> Jésus te di yo: “Si Bondye te Papa nou, ✨nou ta renmen M, paske Mwen sòti nan Li, e se nan Li ke M vini. Mwen pa vini pou kont Mwen, men se Li ki voye M.

<sup>43</sup> Poukisa nou pa konprann sa ke M ap di a? Se paske nou pa kapab ✨tandepawòl Mwen.

<sup>44</sup> ✨Nou se pitit a papa nou, dyab la. Epi ✨nou vle fè volonte a papa nou. Li te yon asasen depi nan kòmansman, e li pa kanpe nan verite a, paske nanpwen verite nan li. Lè li manti, li manti pou kont li, paske se yon mantè li ye, epi papa a tout manti.

<sup>45</sup> Men akòz ke ✨Mwen pale laverite, nou pa kwè M. <sup>46</sup> Kilès nan nou ki gen prèv ke M peche? Si Mwen pale laverite, poukisa nou pa kwè M?

<sup>47</sup> ✨Sila ki se pou Bondye, tandepawòl a Bondye. Men nou pa tandepaske nou pa pou Bondye.”

<sup>48</sup> Jwif yo te reponn e te di Li: “Èske nou pa di vrèman ke Ou se yon Samariten epi ke Ou gen yon move lespri?”

<sup>49</sup> Jésus te reponn: “Mwen pa ✨gen yon move lespri. Men Mwen onore Papa M, e nou dezonore M. <sup>50</sup> Men ✨Mwen pa chache glwa pa M. Men gen youn ki chache, epi ki jije.

<sup>51</sup> Anverite, anverite Mwen di nou, si nenpòt moun kenbe pawòl Mwen, li p ap janm ✨wè lanmò.”

<sup>52</sup> Jwif yo te di Li: “Koulye a nou konnen ke Ou gen yon move lespri. Abraham te mouri, e pwofèt yo osi. Men Ou di: ‘Si nenpòt moun ✨ kenbe pawòl Mwen, li p ap janm wè lanmò.’ <sup>53</sup> Anverite Ou ✨pa pi gran pase Papa zansèt nou, Abraham ki te mouri an? Pwofèt yo te mouri tou. Ki moun menm Ou fè pretansyon ke Ou ye?”

✨ 8:29 Jn 8:16 ✨ 8:30 Jn 7:31 ✨ 8:31 Jn 15:7 ✨ 8:32 Jn 8:36 ✨ 8:33 Mat 3:9 ✨ 8:34 Wo 6:16 ✨ 8:35 Luc 15:31 ✨ 8:36 Jn 8:32 ✨ 8:37 Mat 3:9 ✨ 8:38 Jn 8:41-44 ✨ 8:39 Wo 9:7 ✨ 8:40 Jn 8:26 ✨ 8:41 Det 32:6 ✨ 8:42 I Jn 5:1 ✨ 8:43 Jn 5:25 ✨ 8:44 I Jn 3:8 ✨ 8:44 Jn 7:17 ✨ 8:45 Jn 18:37 ✨ 8:47 I Jn 4:6 ✨ 8:49 Jn 7:20 ✨ 8:50 Jn 5:41 ✨ 8:51 Mat 16:28 ✨ 8:52 Jn 8:55 ✨ 8:53 Jn 4:12



<sup>54</sup> Jésus te reponn yo: “Si Mwen bay glwa a Mwen menm, glwa sa a pa anyen. ✧Se Papa M ki fè M resevwa glwa. De kilès ke ou di M: ‘Li se Bondye Nou.’

<sup>55</sup> Epi nou poko vin rekonèt Li, ✧men Mwen menm, mwen konnen Li. E si Mwen di ke M pa konnen L, Mwen ta yon mantè tankou nou menm, men Mwen vrèman konnen Li, e kenbe pawòl Li.

<sup>56</sup> Papa zansèt nou, Abraham ✧te rejwi pou wè jou sa a, e Li te wè l, e te ranpli avèk jwa.”

<sup>57</sup> ✧Pou sa, Jwif yo te di L: “Ou poko gen senkant ane, e Ou te gen tan wè Abraham?”

<sup>58</sup> Jésus te di yo “Anverite, avan Abraham te la, ✧Mwen se”.

<sup>59</sup> Konsa, yo pran wòch pou lapide Li, men Li te kache kò Li, e te kite tanp la.

## 9

<sup>1</sup> Pandan Li t ap pase, Li te wè yon nonm ki te avèg depi nesans Li.

<sup>2</sup> Epi disip Li yo te mande: “Rabbi, kilès ki te peche. Mesye sa, oswa ✧paran li yo pou li ta fèt avèg?”

<sup>3</sup> Jésus te reponn: “Se pa mesye sila, ni paran li yo. Men se te ✧pou zèv a Bondye ta kapab parèt nan Li. <sup>4</sup> Fòk nou fè zèv a Li menm ki te voye M nan ✧pandan li lajounen. Lannwit lan ap vini lè pèsòn p ap kab travay.

<sup>5</sup> Pandan Mwen nan lemonn, Mwen se ✧limyè lemonn.”

<sup>6</sup> Lè L di sa, Li ✧krache atè, e te fè ajil avèk krache a, e te mete l sou zye li. <sup>7</sup> Epi te di l: “Ale lave nan ✧basen Siloé a” (ki te vle di ‘Ranvoye’).

Epi konsa, li te ale lave, e lè l tounen, li te wè.

<sup>8</sup> Konsa, vwazen yo ak sa yo ki te konn wè l lè l te konn mande charite, t ap di, “Se pa li menm ki te konn ✧chita mande a?”

<sup>9</sup> Lòt t ap di: “Se li menm”, men lòt toujou te di “Non, men li byen sanble li”.

Li menm t ap di toujou “Mwen menm se li”.

<sup>10</sup> Pou sa yo te di li: “Ebyen, kijan zye ou te louvri?”

<sup>11</sup> Li te reponn yo: “Nonm nan yo rele Jésus a te fè labou epi te fè yon onksyon pou zye m, epi Li di mwen: ‘Ale nan ✧Siloé a epi lave’. Konsa, Mwen te ale lave, epi mwen te wè.”

<sup>12</sup> Epi yo te di li: “Kote Li?”

Li te reponn yo: “Mwen pa konnen”.

<sup>13</sup> Yo te mennen sila a ki te avèg la devan Farizyen yo. <sup>14</sup> ✧Alò, se te nan jou Saba ke Jésus te fè ajil la e te louvri zye li.

<sup>15</sup> ✧Ankò konsa, Farizyen yo t ap mande li kijan li te vin wè, epi li te di yo: “Li aplike ajil sou zye m, e mwen te lave, e mwen wè”.

<sup>16</sup> Pou sa, kèk nan Farizyen yo t ap di: “Nonm sa a pa sòti nan Bondye, paske Li ✧pa kenbe Saba a.”

Men lòt t ap di: “Kijan yon mesye ki se yon pechè kapab fè tout mirak sa yo?” Epi te gen yon divizyon pami yo.

<sup>17</sup> Epi ankò, yo te di a moun avèg la: “Kisa ou di pou Li, konsi se Li menm ki ouvri zye ou yo?”

E li te di: “Li se yon ✧pwofèt.”

✧ 8:54 Jn 7:39 ✧ 8:55 Jn 7:29 ✧ 8:56 Mat 13:17 ✧ 8:57 Jn 1:19 ✧ 8:58 Egz 3:14 ✧ 9:2 Egz 20:5 ✧ 9:3 Jn 11:4 ✧ 9:4 Jn 7:33 ✧ 9:5 Mat 5:14 ✧ 9:6 Mc 7:33 ✧ 9:7 Né 3:15 ✧ 9:8 Trav 3:2-10 ✧ 9:11 Jn 9:7 ✧ 9:14 Jn 5:9 ✧ 9:15 Jn 9:10 ✧ 9:16 Mat 12:2 ✧ 9:17 Det 18:15

18 ✧Jwif yo pa t kwè; ke li te avèg epi te vin wè, jis lè yo rele paran a sila a ki te resevwa vizyon li. 19 Epi yo te kesyone yo konsa e te di: “Èske sa se pitit ou, ke ou di te fèt avèg la? Ebyen, kijan li wè koulye a?”

20 Paran li te reponn yo epi te di: “Nou konnen ke sa se pitit nou, e ke li te fèt avèg. 21 Men kijan li wè koulye a, nou pa konnen. Mande li. Li rive sou laj li. Li ka pale pou kont li.” 22 Paran li te di sa paske yo te ✧krent Jwif yo. Pwiske Jwif yo te deja dakò ke si nenpòt moun te konfese L kon Kris la, ✧yo ta mete l deyò nan sinagòg la. 23 Pou rezon sa a, paran li yo te di: ✧“Li rive sou laj li. Mande li.”

24 Konsa yon dezyèm fwa yo te rele nonm nan ki te avèg la, epi te di li: ✧“Bay glwa a Bondye, nou konnen ke mesye sa a se yon pechè.”

25 Pou sa, li reponn yo: “Si L se yon pechè, mwen pa konnen, men yon bagay mwen konnen. Ke m te avèg, e koulye a mwen wè.”

26 Yo te mande l konsa: “Kisa Li te fè ou? Kijan Li te ouvri zye ou?”

27 Li te reponn yo: ✧“Mwen te di nou sa deja, epi ✧nou pa t koute m. Poukisa nou vle tande sa ankò? Èske nou vle vin disip Li yo tou?”

28 Epi yo te joure li e te di: “Ou se disip Li, men ✧nou se disip a Moïse. 29 Nou konnen ke Bondye te pale a Moïse, men pou mesye sila a, ✧nou pa konnen kote Li sòti.”

30 Mesye a te reponn yo e te di: “Men yon choz byen etonan. Ke nou pa konnen kote Li sòti, men Li te ouvri zye mwen. 31 Nou konnen ke ✧Bondye pa tande pechè yo, men si nenpòt moun gen lakrent Bondye, e fè volonte L, l ap koute li. 32 Depi kòmansman tan an, nou pa janm tande ke pèsòn ouvri zye a yon moun ki te fèt avèg. 33 ✧Si moun sa a pa t sòti nan Bondye, Li pa t kab fè anyen.”

34 Yo te reponn li e te di: “Ou te fèt nèt nan peche epi èske ou ap enstwi nou?” Epi ✧yo te mete l deyò.

35 Jésus te tande ke yo te ✧mete l deyò. E Li te twouve li e te di: **“Èske ou kwè nan Fis a Lòm nan?”**

36 Li te reponn: ✧“Se kilès Li ye, Senyè, pou m kab kwè nan Li?”

37 Jésus te di li: **“Non sèlman ou konn wè L deja, men ✧se Li menm k ap pale avèk ou.”**

38 Li di: “Senyè, mwen kwè.” E li te ✧adore Li.

39 E Jésus te di: ✧**“Pou jijman Mwen te vini nan monn sila a, ✧pou sa yo ki pa wè kapab vin wè, e sa yo ki wè kapab vin avèg.”**

40 Sila nan Farizyen yo ki te avèk Li te tande bagay sa yo e te di Li: ✧“Èske se nou menm ki avèg tou a?”

41 Jésus te reponn yo: ✧**“Si nou te avèg, nou pa t ap gen peche, men akoz ke nou di: ‘Nou wè’, peche nou la toujou.’ ”**

## 10

1 **Anverite, anverite, Mwen di nou, sila ki pa antre nan pak mouton an pa pòt la, men monte pou l antre yon lòt jan, li (menm) se yon ✧vòlè epi yon brigan. 2 Men moun ki antre pa pòt la se ✧bèje mouton yo.**

3 **Pou li menm, gadyen pòt la va ouvri, epi mouton yo tande ✧vwa l. Li rele pwòp mouton li yo pa non yo, e mennen yo deyò. 4 Epi lè L fè soti**

✧ 9:18 Jn 1:19 ✧ 9:22 Jn 7:13 ✧ 9:22 Luc 6:22 ✧ 9:23 Jn 9:21 ✧ 9:24 Jos 7:19 ✧ 9:27 Jn 9:15 ✧ 9:27 Jn 8:43 ✧ 9:28 Jn 5:45 ✧ 9:29 Jn 8:14 ✧ 9:31 Job 27:8 ✧ 9:33 Jn 3:2 ✧ 9:34 Jn 9:22-35 ✧ 9:35 Jn 9:22-34 ✧ 9:36 Wo 10:14 ✧ 9:37 Jn 4:26 ✧ 9:38 Mc 8:2 ✧ 9:39 Jn 5:22-27 ✧ 9:39 Luc 4:18 ✧ 9:40 Wo 2:19 ✧ 9:41 Jn 15:22-24 ✧ 10:1 Jn 10:8 ✧ 10:2 Jn 10:11 ✧ 10:3 Jn 10:4-16,27

tout sa ki pou li yo, li ale devan yo, e mouton yo swiv li, paske yo rekonèt ✧vwa li. <sup>5</sup> Men, yon etranje, yo p ap janm swiv li, men ap sove ale kite li, paske yo pa rekonèt ✧ vwa etranje yo.

<sup>6</sup> ✧Kalite pawòl sa a, Jésus te sèvi pou pale avèk yo, men yo pa t konprann bagay sa yo ke Li t ap di yo.

<sup>7</sup> Pou sa, Jésus te di yo ankò, “Anverite, anverite, Mwen di nou, Mwen menm se ✧pòt la pou mouton yo. <sup>8</sup> Tout sa yo ki te vini avan M se ✧vòlè ak brigand, men mouton yo pa t tande yo.

<sup>9</sup> ✧Mwen se pòt la. Si nenpòt moun antre pa Mwen, li va sove e va antre, sòti epi twouve patiraj.

<sup>10</sup> Vòlè a vini sèlman pou l vòlè, touye, ak detwi.

Mwen te vini pou yo ✧ta kapab gen lavi, e ta ka genyen l an abondans.

<sup>11</sup> ✧Mwen menm se bon bèje a. Bon bèje a ap bay vi Li pou mouton yo.

<sup>12</sup> Sila a ki se yon ouvriye jounalye epi pa yon ✧bèje, ki pa mèt mouton yo, wè lou ap vini epi li kouri kite mouton yo. Lou a vin pran yo, epi gaye yo. <sup>13</sup> Li sove ale, paske se yon ouvriye jounalye, e afè mouton pa konsène l.

<sup>14</sup> Mwen se bon bèje a. ✧Mwen rekonèt sa yo ki pou Mwen, e pa Mwen yo rekonèt Mwen. <sup>15</sup> Menm jan ke ✧Papa a rekonèt Mwen, e Mwen rekonèt Papa a. Mwen bay vi Mwen pou mouton yo.

<sup>16</sup> Epi Mwen gen ✧lòt mouton ki pa nan pak sa a. Fòk Mwen mennen yo tou. Epi yo va tande vwa M. E yo va vini yon sèl pak avèk yon bèje.

<sup>17</sup> Pou rezon sa a, Papa a renmen M, paske Mwen ✧bay lavi Mwen pou M kab reprann li ankò. <sup>18</sup> ✧Okenn moun pa pran li nan men M, men Mwen bay li avèk pwòp volonte M. Mwen gen otorite pou bay li, e Mwen gen otorite pou reprann li ankò. Kòmandman sila a Mwen te resevwa l depi nan men Papa M.”

<sup>19</sup> Konsa te leve ✧yon divizyon pami Jwif yo akòz pawòl sa yo.

<sup>20</sup> Epi anpil t ap di: ✧“Li gen yon dyab epi ✧Li fou. Poukisa nou ap koute Li?”

<sup>21</sup> Lòt t ap di: “Pawòl sa yo se pa pawòl a yon move lespri. ✧Yon dyab p ap kab ouvri zye a yon moun ki avèg. Nou ta kwè sa?”

<sup>22</sup> Nan lè sa, Fèt Dedikasyon an t ap pase nan Jérusalem. <sup>23</sup> Se te nan tan livè, epi Jésus t ap mache nan tanp lan sou ✧galéri Salomon an.

<sup>24</sup> Pou sa, Jwif yo te rasanble antoure Li, epi t ap di Li: “Pou konbyen de tan W ap kenbe nou an sispann? Si ou menm se Kris la, fè nou konnen klè.”

<sup>25</sup> Jésus te di yo: “Mwen te di nou, e nou pa kwè M. Zèb ke M fè nan non Papa M yo, sa yo fè temwayaj de Mwen.” <sup>26</sup> Men nou pa kwè, paske nou pa mouton Mwen yo.

<sup>27</sup> Mouton pa M yo ✧tande vwa M, e yo swiv Mwen. <sup>28</sup> E Mwen bay yo ✧lavi etènèl, e yo p ap janm peri. E pèsòn p ap kab rachte yo nan men M.

<sup>29</sup> Papa M ki te ban Mwen yo, pi gran pase tout moun. E pèsòn p ap kab rachte yo nan men a Papa a. <sup>30</sup> ✧Mwen avèk Papa a se youn.”

<sup>31</sup> Jwif yo te ✧leve pran wòch ankò pou lapide L.

✧ **10:4** Jn 10:5-16,27 ✧ **10:5** Jn 10:4-16 ✧ **10:6** Jn 16:25-29 ✧ **10:7** Jn 10:1-9 ✧ **10:8** Jr 23:1  
 ✧ **10:9** Jn 10:1-9 ✧ **10:10** Jn 5:40 ✧ **10:11** És 40:11 ✧ **10:12** Jn 10:2 ✧ **10:14** Jn 10:27  
 ✧ **10:15** Mat 11:27 ✧ **10:16** És 56:8 ✧ **10:17** Jn 10:11-18 ✧ **10:18** Mat 26:53 ✧ **10:19** Jn 7:43  
 ✧ **10:20** Jn 7:20 ✧ **10:20** Mc 3:21 ✧ **10:21** Egz 4:11 ✧ **10:23** Trav 3:11 ✧ **10:27** Jn 10:4-16  
 ✧ **10:28** Jn 17:2 ✧ **10:30** Jn 17:2 ✧ **10:31** Jn 8:59

<sup>32</sup> Jésus te reponn yo: “Mwen te montre nou anpil bon zèw ki te sòti nan Papa a. Pou kilès ladan yo n ap lapide M nan?”

<sup>33</sup> Jwif yo te reponn: “Pou bon zèw, nou pa lapide Ou, men pou ✧blasfèm nan. Paske Ou menm ki se yon nonm, ✧pran poz ke se Bondye ou ye.”

<sup>34</sup> Jésus te reponn yo: “Èske li pa te ekri nan Lalwa pa w la ke: ✧ ‘Mwen di ke se dye yo nou ye’?”

<sup>35</sup> Si Li te rele yo dye yo, sila ki te resevwa pawòl Bondye yo (epi Ekriti Sen yo p ap kapab chanje), <sup>36</sup> èske ou di a Li menm, Sila a ke Papa a te fè sen, epi ✧voye nan lemonn nan: ‘W ap blasfeme’ akòz Mwen di ke Mwen menm se Fis Bondye a?

<sup>37</sup> ✧Si Mwen pa fè zèw a Papa M, pa kwè M. <sup>38</sup> Men si M fè yo, malgre ou pa kwè M, kwè zèw yo pou ou kapab konnen epi konprann ke ✧Papa a nan Mwen, e Mwen nan Papa a.”

<sup>39</sup> Pou sa, yo ✧t ap chache ankò pou kenbe L, e Li te evite men yo.

<sup>40</sup> E Li te ale ✧ankò lòtbò Jourdain an nan plas kote Jean te premye konn batize a. Li te demere la.

<sup>41</sup> Anpil te vin kote L e t ap di: “Malgre Jean pa t fè yon sign, ✧tout bagay li te di selon mesye sa a se te vrè.” <sup>42</sup> Anpil moun te kwè nan Li la.

## 11

<sup>1</sup> Alò, yon sèten mesye te malad. Lazare a Béthanie, vilaj kote Marie ak sè li ✧Marthe te rete a.

<sup>2</sup> E se te sè Lazare, Marie ki te ✧onksyone Senyè a avèk lwil chè a, epi te siye pye Li avèk cheve li, frè a li a, Lazare, te malad. <sup>3</sup> Konsa, sè yo te voye a Li pou di L: “Senyè, ✧sila ke ou renmen an malad.”

<sup>4</sup> Men lè Jésus te tandè sa, Li te di: “Maladi sa a se pa a lanmò, ✧men pou glwa Bondye, pou Fis a Lòm nan kapab resevwa glwa de li. <sup>5</sup> Konsa, Jésus te renmen ✧Marthe ak sè li, ak Lazare. <sup>6</sup> Pou sa, lè L tandè ke Li te malad, Li te rete de jou anplis nan plas kote Li te ye a. <sup>7</sup> Apre sa, Li te di a disip Li yo: ✧“Annou ale nan Judée ankò.”

<sup>8</sup> Disip Li yo te di Li: “Rabbi, fenk koulye a Jwif yo t ap ✧eseye lapide Ou, epi W ap prale la ankò?”

<sup>9</sup> Jésus te reponn yo: ✧“Èske pa gen douz è de tan nan yon jounen? Si yon moun mache nan lajounen a li p ap chape tonbe, paske li wè limyè a mond sila a. <sup>10</sup> Men si yon moun mache lannwit, l ap tonbe, paske limyè a pa nan li.”

<sup>11</sup> Sa, Li te di, epi apre sa, Li te di yo: “Zanmi nou Lazare ✧gen tan tonbe nan dòmi. Men m ap prale pou M ka fè l leve nan dòmi.”

<sup>12</sup> Konsa, disip Li yo te di L: “Senyè, si li tonbe nan dòmi, l ap refè.” <sup>13</sup> Alò ✧Jésus t ap pale de lanmò Li, men yo te konprann ke Li t ap pale de yon vrè dòmi.

<sup>14</sup> Pou sa, Jésus te di yo byen klè: “Lazare gen tan mouri, <sup>15</sup> e pou koz pa nou, Mwen kontan ke M pa t la pou nou kapab kwè. Annou ale kote l.”

<sup>16</sup> Pou sa, Thomas, ke yo rele osi ✧Didyme, te di disip parèy li yo: “Annou ale avèk Li pou nou kapab mouri avè L.”

<sup>17</sup> Konsa, lè Jésus te vini, Li te twouve ke Li te deja nan tonm nan depi kat jou. <sup>18</sup> ✧Béthanie te prè Jérusalem. Anviwon twa kilomèt distans.

✧ 10:33 Lev 24:16 ✧ 10:33 Jn 5:18 ✧ 10:34 Sòm 82:6 ✧ 10:36 Jn 3:17 ✧ 10:37 Jn 10:25  
 ✧ 10:38 Jn 14:10-20 ✧ 10:39 Jn 7:20 ✧ 10:40 Jn 1:28 ✧ 10:41 Jn 1:27-30 ✧ 11:1 Luc 10:38  
 ✧ 11:2 Luc 7:38 ✧ 11:3 Jn 11:5-36 ✧ 11:4 Jn 9:3 ✧ 11:5 Jn 11:1 ✧ 11:7 Jn 10:40 ✧ 11:8  
 Jn 8:59 ✧ 11:9 Luc 13:33 ✧ 11:11 Mat 27:52 ✧ 11:13 Mat 9:24 ✧ 11:16 Jn 20:24 ✧ 11:18  
 Jn 11:1

19 Anpil nan Jwif yo te deja vin kote Marthe ak Marie ☆pou konsole yo konsènan frè yo.

20 Pou sa, lè ☆Marthe te tandè ke Jésus t ap vini, li te ale rankontre Li. Men Marie te toujou chita nan kay la.

21 Konsa, Marthe te di a Jésus: “Senyè, ☆si Ou te la, frè m nan pa t ap mouri. 22 Menm koulye a, mwen konnen ke ☆nenpòt bagay ke Ou mande Bondye, Bondye ap bay Ou li.”

23 Jésus te di li: **“Frè ou ap leve ankò.”**

24 Marthe te reponn Li: ☆“Mwen konnen ke li ap leve ankò nan rezirèksyon an nan dènye jou a.”

25 Jésus te reponn Li: ☆**“Mwen se rezirèksyon an ak lavi a. Moun ki kwè nan Mwen va viv, menm si li mouri, 26 E tout moun ki viv e kwè nan Mwen, ☆p ap janm mouri. Èske ou kwè sa?”**

27 Li te di Li: “Wi, Senyè, Mwen gen tan kwè ke Ou se ☆Kris la, Fis a Bondye, menm Li menm ki vini nan mond lan.”

28 Lè li te di sa, li te ale, e te rele Marie, sè li, e te di l apa: ☆“Mèt la rive, e L ap mande pou ou.” 29 E lè li tandè sa, li te leve vit, epi t ap vin kote Li.

30 Jésus poko te rive nan bouk la, men ☆te toujou nan plas kote Marthe te rankontre Li a. 31 ☆Jwif yo ki t ap konsole li nan kay la te wè l leve vit e sòti. Epi yo sipoze ke li t ap ale nan tonm nan pou kriye.

32 Konsa, lè Marie te vini kote Jésus, li te tonbe nan pye Li, e te di L: “Senyè, ☆si Ou te isit la, frè m nan pa t ap mouri.”

33 Konsa, lè Jésus te wè l t ap kriye, epi Jwif ki te avè l yo t ap kriye, Li ☆te vrèman etone nan fon lespri Li, e te twouble. 34 Li te di: **“Kibò nou mete Li?”**

Yo te di Li: “Senyè, vin wè.”

35 Jésus te ☆kriye.

36 E Jwif yo t ap di: “Gade kijan Li ☆te renmen l.” 37 Men kèk nan yo te di: “Èske nonm sila a ☆ki te louvri zye a sa ki te avèg la, pa t kab anpeche moun sa a mouri osi?”

38 Pou sa, Jésus, ankò, etone byen fon nan lespri li, te vin bò kote tonm nan. Se te yon ☆kav e yon wòch te apiye sou Li.

39 Jésus te di: **“Retire wòch la.”** Marthe, sè a mò a te di Li: “Senyè, pou lè sa, li va santi. Li la depi kat jou.”

40 Jésus te di li: ☆**“Èske Mwen pa t di ou ke si Ou kwè, ou va wè glwa Bondye?”**

41 Epi konsa, yo te retire wòch la. Jésus ☆te leve zye Li e te di: ☆**“Papa, Mwen remèsye Ou ke Ou tandè M. 42 Mwen te konnen ke Ou tandè M tout tan, men ☆akoz pèp la ki kanpe antoure M, Mwen te di sa, pou yo kapab kwè ke Ou te voye Mwen.”**

43 Lè L fin te di bagay sa yo, Li te kriye avèk yon gwo vwa: **“Lazare, sòti deyò.”** 44 E sila ki te mouri an te sòti ☆byen mare men ak pye yo avèk twal ki te vlope l, e ☆yon twal ki te vlope figi li.

Jésus te di yo: **“Demare l epi lage l.”**

45 Pou sa, anpil nan sa ☆ki te vin kote Marie yo, e ki te wè sa Li te fè a, te kwè nan Li.

☆ 11:19 Job 2:11 ☆ 11:20 Luc 10:38-42 ☆ 11:21 Jn 11:32-37 ☆ 11:22 Jn 9:31 ☆ 11:24 Dan 12:2 ☆ 11:25 Jn 1:4 ☆ 11:26 Jn 6:47-50,51 ☆ 11:27 Mat 16:16 ☆ 11:28 Mat 26:18 ☆ 11:30 Jn 11:20 ☆ 11:31 Jn 11:19-33 ☆ 11:32 Jn 11:21 ☆ 11:33 Jn 11:38 ☆ 11:35 Luc 19:41 ☆ 11:36 Jn 11:3-5 ☆ 11:37 Jn 9:7 ☆ 11:38 Mat 27:60 ☆ 11:40 Jn 11:4 ☆ 11:41 Jn 17:1 ☆ 11:41 Mat 11:25 ☆ 11:42 Jn 12:30 ☆ 11:44 Jn 19:40 ☆ 11:44 Jn 20:7 ☆ 11:45 Jn 11:19

<sup>46</sup> Men kèk nan yo te ale nan ✨Farizyen yo e te di yo sa ke Jésus te fè a.

<sup>47</sup> Konsa, ✨chèf prèt yo avèk Farizyen yo te ✨konvoke yon gran konsèy. Yo t ap di: “Kisa n ap fè, pwiske nonm sila a ap fè anpil sign.” <sup>48</sup> “Si nou kite Li kontinye konsa, tout moun ap kwè nan Li, epi Women yo ap vin pran ni ✨plas nou, ni nasyon nou.

<sup>49</sup> Men youn nan yo, Caïphe, ✨ki te granprèt pou lane sila a, te di yo: “Nou pa konnen anyen, <sup>50</sup> ni nou pa kontwole ke ✨li ta meyè pou nou si yon moun ta mouri pou pèp la, pou tout nasyon an pa peri.” <sup>51</sup> Alò li pa t di sa pou kont li, men ✨akoz ke li te wo prèt nan lane sa a, li t ap fè pwofesi ke Jésus t ap mouri pou nasyon an. <sup>52</sup> E pa sèlman pou nasyon sila a, men ke Li ta kab ✨ranmase ansanm pou fè yon sèl, tout pitit Bondye ki te gaye a letranje yo. <sup>53</sup> Depi jou sa, yo t ap ✨fè plan pou touye L.

<sup>54</sup> Pou sa, Jésus ✨pa t ankò mache an piblik pami Jwif yo, men te kite la pou ale nan peyi toupren dezè a, nan yon vil yo rele Éphraïm. Li te rete la avèk disip Li yo.

<sup>55</sup> Alò, Pak Jwif la te pwòch, epi anpil te kite andwa andeyò yo pou monte nan Jérusalem, ✨pou yo ta kab vin pirifye. <sup>56</sup> Konsa, yo ✨t ap di youn ak lòt pandan yo kanpe nan tanp lan: “Kisa nou panse. Èske Li p ap menm vini nan fèt la?” <sup>57</sup> Alò, ✨chèf prèt yo ak Farizyen yo te bay lòd pou si nenpòt moun te konnen kote Li te ye, yo dwe bay rapò pou yo ta kab sezi L.

## 12

<sup>1</sup> Pou sa a, sis jou avan fèt la Jésus te vini nan Béthanie, kote Lazare, moun Li te fè leve sòti nan lanmò a te ye a. <sup>2</sup> Konsa, yo te prepare yon manje pou li la.

✨Marthe t ap sèvi, men Lazare te youn nan yo ki te sou tab avèk Li. <sup>3</sup> Nan lè sa a, ✨Marie te pran yon liv pafen yo rele nà ki te koute trè chè, e te vide sou pye a Jésus e te siye yo avèk cheve li. Kay la te ranpli avèk sant pafen sa a.

<sup>4</sup> Men ✨Judas Iscariot, youn nan disip Li yo, ki te gen lentansyon pou trayi Li, te di: <sup>5</sup> “Poukisa pafen sila a pa t vann pou twa san denye, pou yo ta bay malere yo?” <sup>6</sup> Alò, li pa t di sa paske li te konsène pou malere yo, men paske se te yon vòlè li te ye. Epi konsi li ✨te responsab lajan nan bwat kès la, li te konn piyaje ✨sa ke yo mete ladann.

<sup>7</sup> Pou rezon sa a, Jésus te di **“Pa deranje l, pou li kapab kenbe l pou ✨jou lantèman M. ✨Paskè malere yo ap toujou avè w, men Mwen, ou p ap toujou genyen M.”**

<sup>9</sup> Konsa, gran foul Jwif yo te dekouvri ke Li te la, e yo te vini non sèlman akoz Jésus, men pou yo ta ka wè Lazare ✨ke Li te leve sòti nan lanmò a.

<sup>10</sup> Men chèf prèt yo te mete tèt yo ansanm pou yo ta kapab anplis mete Lazare a lanmò. <sup>11</sup> Paske ✨akoz li menm, anpil nan Jwif yo t ap kite e t ap kwè nan Jésus.

<sup>12</sup> Nan jou aprè a, yon ✨gran foul ki te vini nan fèt la, lè yo tande ke Jésus t ap vini nan Jérusalem, <sup>13</sup> te pran branch pye palmis, e te ale rankontre Li, e te kòmanse kriye “Ozana, ✨ozana, beni sila a ki vini nan non Senyè a, Wa Israèl la.”

✨ **11:46** Jn 7:32-45 ✨ **11:47** Jn 7:32-45 ✨ **11:47** Mat 26:3 ✨ **11:48** Mat 24:15 ✨ **11:49** Jn 11:51 ✨ **11:50** Jn 18:14 ✨ **11:51** Jn 18:13 ✨ **11:52** Jn 10:16 ✨ **11:53** Mat 26:4 ✨ **11:54** Jn 7:1 ✨ **11:55** Nonb 9:10 ✨ **11:56** Jn 7:11 ✨ **11:57** Jn 11:47 ✨ **12:2** Luc 10:38 ✨ **12:3** Luc 7:37 ✨ **12:4** Jn 6:71 ✨ **12:6** Jn 13:29 ✨ **12:6** Luc 8:3 ✨ **12:7** Jn 19:40 ✨ **12:8** Det 15:11 ✨ **12:9** Jn 11:43 ✨ **12:11** Jn 11:45 ✨ **12:12** Mat 21:4-9 ✨ **12:13** Sòm 118:26

<sup>14</sup> Jésus te twouve yon jenn bourik e te chita sou li. Tankou li ekri, <sup>15</sup> ✧“Pa pè, O fi a Sion. Gade byen, Wa ou ap vini, byen chita sou yon jenn bourik.”

<sup>16</sup> Nan kòmansman, disip Li yo pa t konprann ✧bagay sa yo, men lè Jésus te resevwa glwa, Yo sonje ke yo te ekri sou Li e ke yo te fè L bagay sa yo.

<sup>17</sup> Konsa, ✧pèp la ki te avè L lè Li te rele Lazare deyò nan tonm nan, e te fè l leve sòti nan lanmò a, t ap toujou fè temwayaj de Li. <sup>18</sup> ✧Pou koz sa, foul la te ale rankontre Li, paske yo te tandè ke Li te fè sign sila a. <sup>19</sup> Akoz sa a, Farizyen yo te di youn ak lòt: “Nou wè ke nou p ap fè anyen ki bon. Gade, lemonn ap kouri dèyè Li.”

<sup>20</sup> Epi te gen sèten ✧Grèk pami yo ki t ap monte pou adore nan fèt la. <sup>21</sup> Yo te ale kote Philippe ki te sòti nan ✧Bethsaïda nan Galilée e te kòmanse mande li: “Mesye, nou vle wè Jésus.”

<sup>22</sup> Philippe te vin di ✧André. E André ak Philippe te di Jésus sa.

<sup>23</sup> Jésus te reponn yo e te di: “**Lè a rive pou Fis a Lòm nan kapab ✧resevwa glwa.**

**<sup>24</sup> Anverite, anverite, Mwen di nou, ✧sof ke yon grenn ble tonbe nan tè e pi mouri, li rete pou kont li, men si li mouri, l ap fè anpil fwi. <sup>25</sup> ✧Moun ki renmen vi li va pèdi l, e moun ki rayi vi li nan mond sa a va konsève li jiska lavi etènèl.**

**<sup>26</sup> Si nenpòt moun ap sèvi Mwen, fòk li swiv Mwen. E ✧kote Mwen ye, la sèvitè Mwen va ye tou. Si nenpòt moun ap sèvi Mwen, Papa a va onore li.**

**<sup>27</sup> ✧Koulye a nanm Mwen vin twouble. Epi kisa M ap di: ‘Papa, sove M de lè sa a?’ Men se pou rezon sa a ke M te rive nan lè sa a. <sup>28</sup> Papa, ke non Ou kapab resevwa glwa.”**

Yon ✧vwa te sòti nan syèl la: “Mwen te non sèlman bay li glwa a, men Mwen va bay li glwa ankò.”

<sup>29</sup> Foul la ki te kanpe la epi te tandè sa, te di ke yo tandè loraj. Lòt yo te di: ✧“Yon zanj pale avèk Li.”

<sup>30</sup> Jésus te reponn e te di: ✧“**Vwa sa a pa t vini pou kòz pa M, men pou kòz pa nou. <sup>31</sup> Koulye a jijman vini sou mond sa a. Koulye a ✧mèt mond sa a va jete deyò. <sup>32</sup> E Mwen, si Mwen ✧gen tan leve wo anwo tè a, va ✧atire tout moun kote Mwen menm.” <sup>33</sup> Men Li te di sa ✧pou montre ki kalite mò Li ta pral mouri an.**

<sup>34</sup> Pou sa, foul la te reponn Li: “Nou te tandè nan Lalwa ke ✧Kris la ap la jis pou jamen. E kijan ou kapab di: ‘**Fis a Lòm nan oblije leve wo?**’ Kilès Fis a Lòm sila a?”

<sup>35</sup> Akoz sa, Jésus te di yo: “**Pou yon ti tan anplis, limyè a pami nou. Mache pandan nou gen limyè a, pou tenèb la pa gen tan pran nou. Sila ki ✧mache nan tenèb la pa konnen kote l ap prale. <sup>36</sup> Pandan nou gen limyè a, kwè nan limyè a pou nou kapab vini fis a limyè a.”** Bagay sa yo Jésus te pale, epi Li ale kache kò Li pou yo pa jwenn Li.

<sup>37</sup> Men malgre ke Li te fè tout sign sa yo devan yo, toujou yo pa t kwè nan Li. <sup>38</sup> Pou pawòl a pwofèt la, Ésaïe, ta kapab akonpli lè l te di: ✧ “Senyè, kilès ki kwè nan rapò nou?”

E a kilès bra Letènèl la devwale?”

<sup>39</sup> Pou rezon sa, yo pa t kab kwè. Paske Ésaïe te di ankò: <sup>40</sup> ✧

✧ **12:15** Za 9:9 ✧ **12:16** Mc 9:32 ✧ **12:17** Jn 11:42 ✧ **12:18** Luc 19:37 ✧ **12:20** Jn 7:35  
 ✧ **12:21** Mat 11:21 ✧ **12:22** Jn 1:44 ✧ **12:23** Jn 7:39 ✧ **12:24** Wo 14:9 ✧ **12:25** Mat 10:39  
 ✧ **12:26** Jn 14:3 ✧ **12:27** Mat 26:38 ✧ **12:28** Mat 3:17 ✧ **12:29** Trav 23:9 ✧ **12:30** Jn 11:42  
 ✧ **12:31** Jn 14:30 ✧ **12:32** Jn 3:14 ✧ **12:32** Jn 6:44 ✧ **12:33** Jn 18:32 ✧ **12:34** Sòm 110:4  
 ✧ **12:35** I Jn 1:6 ✧ **12:38** És 53:1 ✧ **12:40** És 6:10

“Li te fè zye yo avegle, e te fè kè yo di, sof ke yo wè avèk zye yo, apèsi avèk kè yo, epi vin konvèti, epi Mwen ta geri yo.”

<sup>41</sup> Bagay sa yo, Ésaïe te di paske ✨li te wè glwa Li, e akoz ke li te wè glwa Li, li te pale sou Li.

<sup>42</sup> Malgre sa, menm anpil nan ✨gran chèf yo te kwè nan Li, men akoz Farizyen yo, yo pa t konfese sa a, akoz krent ke yo ta ✨vin mete deyò nan sinagòg la. <sup>43</sup> ✨Paske yo te gen lanvi pou lwanj a lòm olye lwanj Bondye.

<sup>44</sup> Jésus te kriye e te di: ✨“Sila a ki kwè nan Mwen, pa kwè nan Mwen, men nan Li menm ki te voye Mwen an. <sup>45</sup> ✨Sila a ki wè M, wè Li menm ki te voye Mwen an. <sup>46</sup> ✨Mwen te vini kon yon limyè nan mond lan, pou tout moun ki kwè nan Mwen pa rete nan tenèb.

<sup>47</sup> Si nenpòt moun tande pawòl Mwen yo, e pa kenbe yo, Mwen pa jije li. Paske ✨Mwen pa t vini nan lemond pou jije lemond, men pou sove lemond.

<sup>48</sup> ✨Sila a ki rejte Mwen, epi pa resevwa pawòl Mwen yo, gen youn k ap jije li. ✨Pawòl ke Mwen te pale a se li k ap jije li nan dènye jou a.

<sup>49</sup> Paske Mwen pa t pale pou kont Mwen, men Papa a Li menm, ki te voye M ✨te kòmande Mwen kisa pou M pale, e kisa pou M di. <sup>50</sup> E Mwen konnen ke ✨kòmandman Li se lavi etènèl. Pou sa, Mwen pale ✨ menm sa ke Papa a di Mwen yo.”

## 13

<sup>1</sup> Alò, avan ✨Fèt Pak Jwif la, Jésus te byen okouran ke lè Li te rive epi ke Li t ap kite mond sa a pou ale ✨kote Papa a. Konsa Li te renmen moun pa Li yo ki te nan lemond. Li te renmen yo jiska lafen.

<sup>2</sup> Epi pandan yo t ap soupe, ✨dyab la te deja mete nan kè Judas, fis Simon an, pou trayi Li.

<sup>3</sup> Jésus, ✨byen konnen ke Papa a te mete tout bagay nan men Li, e ke ✨Li te sòti nan Bondye, e t ap retounen a Bondye, <sup>4</sup> te leve nan soupe a, epi retire vètman Li. Li te pran yon twal e te vlope l nan kò Li. <sup>5</sup> Epi Li te vide dlo nan basen an e te kòmanse ✨lave pye a disip Li yo, e siye yo avèk twal ki te vlope l la.

<sup>6</sup> E konsa, Li te vin rive nan Simon Pierre, li te di Li: “Senyè, W ap lave pye mwen?”

<sup>7</sup> Jésus te reponn e te di Li: ✨“Sa ke M ap fè la a koulye a, ou p ap konprann, men ✨pita, ou va konprann.”

<sup>8</sup> Pierre te di Li: “Ou p ap janm lave pye mwen!” Jésus te reponn li: ✨“Si Mwen pa lave ou, ou p ap gen pati nan Mwen.”

<sup>9</sup> Simon Pierre te di Li: “Senyè, pa sèlman pye mwen, men anplis men mwen ak tèt mwen.”

<sup>10</sup> Jésus te di li: ✨“Sila a ki gen tan benyen sèlman bezwen lave pye li. Men tout rès li pwòp. ✨Nou menm nou pwòp, men pa tout pami nou.”

<sup>11</sup> Paske ✨Li te konnen kilès ki t ap trayi Li, e pou rezon sa a Li te di: ✨“Se pa tout nan nou ki pwòp.”

✨ 12:41 És 6:1 ✨ 12:42 Luc 23:13 ✨ 12:42 Jn 9:22 ✨ 12:43 Jn 5:41-44 ✨ 12:44 Mat 10:40  
 ✨ 12:45 Jn 14:9 ✨ 12:46 Jn 1:4 ✨ 12:47 Jn 3:17 ✨ 12:48 Luc 10:16 ✨ 12:48 Det 18:18  
 ✨ 12:49 Jn 14:31 ✨ 12:50 Jn 6:68 ✨ 12:50 Jn 5:19 ✨ 13:1 Jn 11:55 ✨ 13:1 Jn 13:3 ✨ 13:2  
 Jn 6:70 ✨ 13:3 Jn 3:35 ✨ 13:3 Jn 8:42 ✨ 13:5 Jen 18:4 ✨ 13:7 Jn 13:12 ✨ 13:8 Sòm 51:2,7  
 ✨ 13:10 Jn 15:3 ✨ 13:11 Jn 6:64



12 E lè Li te lave pye yo, e te ✨reprann vètman Li yo, e te apiye sou tab la ankò, Li te di yo: “Èske nou konnen kisa Mwen gen tan fè nou la a? 13 Nou rele M ‘Mèt’, epi ✨‘Senyè’, e nou gen rezon, paske se sa Mwen ye. 14 Pou sa, si Mwen, ✨Senyè a epi Mèt la te lave pye nou, nou osi dwe lave pye youn a lòt. 15 Paske Mwen te bay nou ✨yon egzanp ke nou menm osi dwe fè tankou Mwen te fè pou nou.

16 Anverite, anverite, Mwen di nou, yon ✨esklav pa pi gran pase mèt li. Ni yon moun ki voye pa pi gran pase sila ki voye l la. 17 Si nou konnen bagay sa yo, nou ✨beni si nou fè yo.

18 Se pa a nou tout ke M pale. Mwen konnen sila ke M te chwazi yo. Men se pou Lekriti sen yo kapab akonpli. ✨ ‘Sila ki manje pen Mwen an te leve talón li kont Mwen.’

19 Depi koulye a, ✨M ap di nou avan li rive, pou lè li rive, nou kapab kwè ke ✨Mwen menm se Li.

20 Anverite, anverite, Mwen di nou, ✨sila a ki resevwa nenpòt moun ke M voye resevwa M. E sila ki resevwa Mwen, resevwa Li menm ki te voye Mwen an.”

21 Lè Jésus te fin di sa, Li te ✨vin twouble nan lespri L, e te fè temwayaj e te di: “Anverite, anverite Mwen di nou ke youn nan nou ap trayi M.”

22 Disip yo te kòmanse gade youn a lòt, ✨san okenn lide sou kilès nan yo Li t ap pale a.

23 Te gen youn ki t ap apiye sou Jésus, sila ke Li te renmen anpil la. ✨

24 Konsa, Simon Pierre te fè l siyal, e te di li: “Di nou kilès nan nou ke L ap pale a.” 25 Sila ki t ap ✨apiye sou pwatrin Jésus e te di Li: “Senyè, kilès li ye?”

26 Pou sa, Jésus te reponn: “Sila a ke M ap bay mòso pen ke M pral tranpe bay li a.” Lè L tranpe mòso a Li te pran li bay Judas, ✨fis a Simon Iscariot.

27 Epi apre mòso a, Satan ✨te antre nan li, epi Jésus te di l: “Sa w ap fè a, fè vit.”

28 Pèsòn pami sa yo sou tab la pa t konnen pou ki rezon Li te di l sa.

29 Kèk te sipoze ke se te akòz Judas ✨te gen bwat kès la, epi ke Jésus t ap di l: “Ale achte bagay nou bezwen pou fèt la,” oubyen petèt ke li ta dwe bay kèk choz a malere yo.

30 Apre li te resevwa mòso a, li te sòti nan menm moman an, e ✨li te lannwit.

31 Konsa, lè l gen tan ale, Jésus te di: “Koulye a Fis a Lòm nan gen tan resevwa glwa, epi ✨Bondye resevwa glwa nan Li. 32 Si Bondye resevwa glwa nan Li, ✨Bondye osi ap resevwa glwa Li, nan Li menm, epi va resevwa glwa Li koulye a menm.

33 Pitit Mwen yo, Mwen avèk nou pou ✨yon ti tan anplis. ✨Nou ap chache M, e tankou Mwen te di Jwif yo, koulye a M ap di nou tou. Kote M ap ale, nou p ap kab vini.

34 Yon kòmandman nèf Mwen bay nou. ✨Ke nou renmen youn a lòt menm jan ke Mwen renmen nou. Konsa renmen youn a lòt. 35 ✨Konsa, tout moun ap konnen ke nou menm se disip Mwen yo, si nou gen lamou youn pou lòt.”

✨ 13:12 Jn 13:4 ✨ 13:13 Jn 11:2 ✨ 13:14 Jn 11:2 ✨ 13:15 I Pi 5:3 ✨ 13:16 Mat 10:24  
 ✨ 13:17 Mat 7:24 ✨ 13:18 Sòm 41:9 ✨ 13:19 Jn 14:29 ✨ 13:19 Jn 8:24 ✨ 13:20 Mat 10:40  
 ✨ 13:21 Jn 11:33 ✨ 13:22 Mat 26:21 ✨ 13:23 Jn 19:26 ✨ 13:25 Jn 21:20 ✨ 13:26 Jn 6:71  
 ✨ 13:27 Luc 22:3 ✨ 13:29 Jn 12:6 ✨ 13:30 Luc 22:53 ✨ 13:31 Jn 14:13 ✨ 13:32 Jn 17:1  
 ✨ 13:33 Jn 7:33 ✨ 13:33 Jn 7:34 ✨ 13:34 Lev 19:18 ✨ 13:35 I Jn 3:14

<sup>36</sup> Simon Pierre te di Li: “Senyè, kibò W ap prale?” Jésus te reponn li: ✨“Kote M ap prale a, ou p ap kapab ale koulye a, men pita, ou va swiv Mwen.”

<sup>37</sup> Pierre te di Li: “Senyè, poukisa mwen pa kapab swiv Ou koulye a? ✨Mwen va bay vi m pou Ou.”

<sup>38</sup> Jésus te di: “Èske ou va bay vi ou pou Mwen? Anverite, anverite, Mwen di ou, ✨avan kòk la gen tan chante, ou va rejte Mwen twa fwa.

## 14

<sup>1</sup> ✨Pa kite kè nou twouble. Kwè nan Bondye, e kwè anplis nan Mwen.

<sup>2</sup> Nan kay Papa M gen anpil chanm. Si li pa t konsa, Mwen t ap di nou sa. Paske ✨M ap prale pou prepare yon plas pou nou. <sup>3</sup> E si Mwen ale pou prepare yon plas pou nou, ✨M ap vini ankò pou resevwa nou a Mwen menm, ke ✨kote Mwen ye, nou kapab la tou. <sup>4</sup> E nou konnen chemen kote M ap prale a.”

<sup>5</sup> ✨Thomas te di Li: “Senyè, nou pa konnen kote W ap prale a. Kijan nou kapab konnen chemen an?”

<sup>6</sup> Jésus te di li: “Mwen se ✨ chemen, verite ak lavi a. Pèsòn p ap vini nan Papa a, sof ke pa Mwen. <sup>7</sup> ✨Si nou te konnen Mwen, nou ta konnen Papa M tou. Depi koulye a, nou konnen Li, e wè Li.”

<sup>8</sup> ✨Philippe te di Li: “Senyè, montre nou Papa a, epi l ap sifi pou nou.”

<sup>9</sup> Jésus te di Li: “Èske Mwen gen tout tan sa a avèk nou, e ou poko vin rekonèt Mwen, Philippe?” ✨Sila ki gen tan wè M, gen tan wè Papa a. Kijan ou di ‘montre m Papa a?’ <sup>10</sup> Èske ou pa kwè ke ✨ Mwen nan Papa a, e Papa a nan Mwen?

✨Pawòl ke Mwen pale ou yo, Mwen pa pale pa volonte pa M, men Papa a, ki rete nan Mwen fè travay Li. <sup>11</sup> Kwè Mwen, ke ✨Mwen nan Papa a, e ke Papa a nan Mwen. Oubyen apa de sa, ✨kwè menm akoz zèv mwen yo.

<sup>12</sup> Anverite, anverite, Mwen di nou, moun ki kwè nan Mwen, zèv ke Mwen fè yo, li menm va fè yo tou, e ✨pi gwo zèv pase sa yo l ap fè. Paske Mwen ap ale kote Papa a.

<sup>13</sup> E ✨nenpòt bagay ke nou mande nan non Mwen, M ap fè li pou Papa a kapab resevwa glwa nan Fis la. <sup>14</sup> Si nou mande M nenpòt bagay ✨nan non Mwen, M ap fè l.

<sup>15</sup> ✨Si nou renmen M, nou va kenbe kòmandman Mwen yo.

<sup>16</sup> E M ap mande Papa a, e Li va bay nou yon lòt ✨konseye, pou Li kapab avèk nou jis pou janmen. <sup>17</sup> Sa se ✨Lespri verite a, ke lemonn nan pa kapab resevwa, paske li pa wè Li, ni konnen Li. Men nou konnen Li, paske Li rete avèk nou, epi Li va nan nou.

<sup>18</sup> Mwen p ap kite nou kon òfelen. ✨M ap vin kote nou. <sup>19</sup> Apre yon ti tan, ✨lemonn p ap wè M ankò. Men nou menm ap wè m. ✨Akoz ke Mwen viv, nou menm ap viv tou. <sup>20</sup> Nan jou sa nou ap konnen ke ✨Mwen menm nan Papa a, e nou nan Mwen, e Mwen nan nou.

✨ **13:36** Jn 13:33 ✨ **13:37** Mat 26:33-35 ✨ **13:38** Mc 14:30 ✨ **14:1** Jn 14:27 ✨ **14:2** Jn 13:33-36 ✨ **14:3** Jn 14:18-28 ✨ **14:3** Jn 12:26 ✨ **14:5** Jn 11:16 ✨ **14:6** Jn 10:9 ✨ **14:7** Jn 10:9 ✨ **14:8** Jn 1:43 ✨ **14:9** Jn 1:14 ✨ **14:10** Jn 1:14 ✨ **14:10** Jn 5:19 ✨ **14:11** Jn 10:38 ✨ **14:11** Jn 5:36 ✨ **14:12** Jn 5:20 ✨ **14:13** Mat 7:7 ✨ **14:14** Jn 15:16 ✨ **14:15** Jn 14:21-23 ✨ **14:16** Jn 7:39 ✨ **14:17** Jn 15:26 ✨ **14:18** Jn 14:3-28 ✨ **14:19** Jn 16:16-22 ✨ **14:19** Jn 6:57 ✨ **14:20** Jn 10:38

21 ✧ Moun ki gen kòmmandman Mwen yo, e kenbe yo, se li ki renmen M. E li menm ki renmen M ap renmen pa Papa Mwen, e Mwen va renmen l epi va devwale M a li.

22 Judas, se pa Iscariot la, te di Li: “Senyè, kisa menm ki rive ✧ ki fè W ap devwale Ou a nou, e pa a lemonn?”

23 Jésus te reponn e te di Li: “Si nenpòt moun renmen M, li va ✧ kenbe pawòl Mwen, e Papa M va renmen li, e Nou va vin kote li, epi va demere avèk li”. 24 Moun ki pa renmen M pa kenbe pawòl Mwen. E ✧ pawòl sa a ke nou tande a se pa pa M, men se sa ki nan Papa ki te voye M nan.

25 Bagay sa yo Mwen pale pandan Mwen rete avèk nou an. 26 Men Konseye a, Espri Sen an, ke Papa a va voye nan non Mwen, ✧ Li va enstwi nou tout bagay, e fè nou sonje tout sa ke Mwen te di nou.

27 ✧ Lapè Mwen kite avèk nou. Lapè Mwen, Mwen bay nou. Pa kon lemonn konn bay, Mwen bay nou. Pa kite kè nou twouble, ni pa kite l krent.

28 Nou te tande ke Mwen te di nou: ‘M ap prale, e Mwen va vin kote nou’. Si nou te renmen M nou ta rejwi, paske M ap prale kote Papa a. Paske ✧ Papa a pi gran pase M. 29 E koulye a ✧ Mwen gen tan di nou avan li rive, pou lè l rive, nou kapab kwè.

30 Mwen p ap pale anpil anplis avèk nou, paske ✧ mèt a mond sa a ap vini, e li pa gen anyen nan Mwen. 31 Men pou lemonn kapab konnen ke Mwen renmen Papa a, jan ✧ Papa a kòmmande M, konsa ojis, Mwen fè l.

Leve, annou kite isit la.

## 15

1 ✧ Mwen se vrè pye rezen an, epi se Papa M ki okipe pye rezen an. 2 Chak branch nan Mwen ki pa pote fwi, Li retire. E chak branch ki pote fwi, li taye pou l pote plis fwi.

3 ✧ Nou deja pwòp akòz pawòl ke Mwen te pale a nou an. 4 ✧ Rete nan Mwen, e Mwen nan nou. Kon branch lan pa kapab pote fwi pou kont li, sof ke li rete nan pye rezen an, ni nou pa kapab, sof ke nou rete nan Mwen.

5 Mwen se pye rezen an, nou se branch yo. Moun ki rete nan Mwen, e Mwen nan li, li ✧ pote anpil fwi. Paske apa de Mwen, nou pa kapab fè anyen. 6 Si nenpòt moun pa rete nan Mwen, li ✧ va jete kon yon branch, e l ap seche. Y ap ranmase yo e jete yo nan dife, epi y ap brile. 7 Si nou rete nan Mwen, e pawòl Mwen rete nan nou, ✧ mande nenpòt sa nou vle, e l ap fèt pou nou. 8 Konsa, ✧ Papa M ap resevwa glwa, lè nou pote anpil fwi. E konsa, nou ✧ fè prèv ke nou se disip Mwen yo.

9 Menm jan ke ✧ Papa a renmen M, Mwen renmen nou tou. Rete nan amou Mwen. 10 Si nou kenbe kòmmandman Mwen yo, nou ap rete nan amou Mwen. ✧ Menm jan ke Mwen te kenbe kòmmandman a Papa M yo, e rete nan amou pa Li a.

11 Bagay sa yo Mwen pale nou, pou jwa M kapab nan nou, e ke ✧ jwa nou kapab konplete. 12 Sa se ✧ kòmmandman Mwen, pou nou renmen youn a lòt, menm jan ke Mwen renmen nou an. 13 Pa gen pi gran amou pase sa. Ke yon moun ✧ bay vi li pou zanmi li yo.

✧ 14:21 Jn 14:15-23 ✧ 14:22 Trav 10:40-41 ✧ 14:23 Jn 8:51 ✧ 14:24 Jn 7:16 ✧ 14:26 Jn 16:13 ✧ 14:27 Jn 16:33 ✧ 14:28 Jn 10:29 ✧ 14:29 Jn 13:19 ✧ 14:30 Jn 12:31 ✧ 14:31 Jn 10:18 ✧ 15:1 Sòm 80:8 ✧ 15:3 Jn 13:10 ✧ 15:4 Jn 6:56 ✧ 15:5 Jn 15:16 ✧ 15:6 Jn 15:2 ✧ 15:7 Mat 7:7 ✧ 15:8 Mat 5:16 ✧ 15:8 Jn 8:31 ✧ 15:9 Jn 8:31 ✧ 15:10 Jn 8:29 ✧ 15:11 Jn 3:29 ✧ 15:12 Jn 13:34 ✧ 15:13 Jn 10:11

14 Nou se zanmi Mwen ☆si nou fè sa ke Mwen kòmande nou. 15 Mwen p ap rele nou esklav ankò, paske yon esklav pa konnen kisa mèt li ap fè. Men Mwen rele nou zanmi, paske ☆tout bagay ke Mwen tande nan Papa M, Mwen fè nou konnen.

16 ☆Nou pa t chwazi Mwen, men Mwen te chwazi nou, e te etabli nou pou nou ta kapab pote fwi, e ke fwi sa a ta kapab dire, pou nenpòt sa ke nou mande Papa a, nan non pa M, Li kapab bay nou li.

17 Sa Mwen ☆kòmande nou, pou nou renmen youn a lòt.

18 ☆Si lemonn rayi nou, byen konnen ke li te rayi M avan nou. 19 Si nou te apatyen a lemonn, lemonn ta renmen pa li, men akòz ke nou pa apatyen a lemonn, e ke Mwen te chwazi rachte nou nan mond sa a, ☆akòz sa yo rayi nou.

20 Sonje pawòl ke Mwen te di nou an: 'Yon esklav pa pi gran pase mèt li'. Si yo te pèsekite Mwen, ☆y ap pèsekite nou tou. Si yo te kenbe pawòl Mwen, yo va kenbe pawòl pa nou osi. 21 Men tout bagay sa yo, yo va fè nou pou koz a Non pa M, ☆paske yo pa konnen Sila a ki te voye M nan.

22 ☆Si Mwen pa t vini pou pale avèk yo, yo pa t ap gen peche, men koulye a yo pa gen eskiz pou peche yo.

23 Moun ki rayi M, rayi Papa M tou. 24 ☆Si Mwen pa t fè pami yo zèv ke okenn lòt pa t janm fè, yo pa t ap gen peche, men koulye a, yo wè, e yo rayi M, e Papa M tou.

25 Men yo te fè sa pou pawòl la ta kapab akonpli ki te ekri nan Lalwa pa yo ☆'Yo te rayi Mwen san koz.'

26 Lè ☆Konseye a vini, ke M ap voye bay nou sòti nan Papa a, sa se Lespri verite a, ki sòti nan Papa a, L ap fè temwayaj a Mwen, 27 E ☆nou va fè temwayaj tou, paske nou te avèk Mwen depi nan kòmansman.

## 16

1 Mwen pale nou ☆bagay sa yo pou nou kapab evite chite.

2 Yo va ☆mete nou deyò nan sinagòg la, epi lè a ap vini ke y ap konprann ke se yon sèvis yo rann Bondye lè yo touye nou. 3 Bagay sa yo, yo va fè ☆paske yo pa t janm konnen Papa a, ni Mwen. 4 Men bagay sa yo Mwen te pale nou an ☆pou lè lè a rive, nou va sonje ke M te di nou sa. Epi bagay sa yo Mwen pa t di nou nan kòmansman, paske Mwen te avèk nou.

5 Men koulye a, ☆M ap prale a Sila a ki te voye Mwen an. E pa gen nan nou k ap mande M: 'Kibò W ap prale?' 6 Men akòz ke M te di nou bagay sa yo, ☆gwo doulè antre nan kè nou.

7 Men Mwen di nou laverite se nan lavantaj pa nou ke M ap prale. Paske si M pa ale, ☆Konseye a p ap vin kote nou, men si M ale, ☆M ap voye Li bay nou. 8 E Li, lè L vini, L ap konvenk lemonn konsènan peche, ladwati, ak jijman. 9 Konsènan peche, ☆paske yo pa kwè nan Mwen, 10 Selon ☆ladwati, paske Mwen ale nan Papa a, e nou p ap ka wè M ankò. 11 ☆Epi selon jijman, paske Mèt mond sa a gen tan jije.

12 Mwen gen anpil bagay anplis pou M ta di nou, men nou p ap kab sipòte yo koulye a. 13 Men lè Li, ☆Lespri verite a vini, Li va ☆dirije nou nan tout verite. Paske Li p ap pale pou kont Li, men sa Li tande, L ap pale. Li

☆ 15:14 Mat 12:50 ☆ 15:15 Jn 8:26 ☆ 15:16 Jn 6:70 ☆ 15:17 Jn 15:12 ☆ 15:18 Jn 7:7  
 ☆ 15:19 Mat 10:22 ☆ 15:20 I Kor 4:12 ☆ 15:21 Jn 8:19-55 ☆ 15:22 Jn 9:41 ☆ 15:24 Jn 9:41  
 ☆ 15:25 Sòm 35:19 ☆ 15:26 Jn 14:16 ☆ 15:27 Luc 24:48 ☆ 16:1 Jn 15:18-27 ☆ 16:2 Jn 9:22  
 ☆ 16:3 Jn 8:19-55 ☆ 16:4 Jn 13:19 ☆ 16:5 Jn 7:33 ☆ 16:6 Jn 14:1 ☆ 16:7 Jn 14:16  
 ☆ 16:7 Jn 14:26 ☆ 16:9 Jn 15:22-24 ☆ 16:10 Trav 3:14 ☆ 16:11 Jn 12:31 ☆ 16:13 Jn 14:7  
 ☆ 16:13 Jn 14:26

va montre nou tout sa ki va vini. <sup>14</sup> Li va ✨fè M resevwa glwa Mwen, paske l ap pran sa ki pou Mwen, e fè nou konprann li.

<sup>15</sup> ✨Tout bagay ke Papa a genyen se pou Mwen. Pou sa, Mwen di nou Li pran sa ki pou Mwen, e devwale li a nou.

<sup>16</sup> Yon ti tan, e ✨nou p ap wè M ankò, epi yon ti tan anplis, e nou va wè M.”

<sup>17</sup> Kèk nan disip Li yo te di youn a lòt: “Kisa L ap di nou la a? ‘Yon ti tan, e nou p ap wè M ankò, epi yon ti tan anplis e nou va wè M’ epi: ‘akoz ke ✨M ap prale nan Papa a?’” <sup>18</sup> Konsa yo t ap di: “Kisa L ap pale: ‘Yon ti tan’? Nou pa konprann kisa L ap di.”

<sup>19</sup> ✨Jésus te konnen yo te vle kesyone L, epi Li te di yo: “Èske nou ap diskite pami nou sou sa ke M te di a: ‘Yon ti tan, e nou p ap wè M ankò, epi yon ti tan anplis, e nou va wè M?’

<sup>20</sup> Anverite, anverite, Mwen di nou, ke ✨nou va kriye avèk lamantasyon, men lemonn va rejwi. Nou va ranpli avèk tristès, men ✨tristès la va vin chanje an jwa. <sup>21</sup> ✨Lè yon fanm gen doulè nesans, li gen tristès, paske lè li rive, men lè l fin bay nesans a pitit la, li pa sonje soufrans lan ankò, akoz jwa ke yon pitit gen tan fèt nan lemonn.

<sup>22</sup> Konsa, ✨nou menm tou gen tristès koulye a. Men ✨Mwen va wè nou ankò, e kè nou ap rejwi, e pèsòn p ap retire jwa nou ankò.

<sup>23</sup> E nan jou sa a ✨nou p ap menm poze M kesyon sou okenn choz. Anverite, anverite, Mwen di nou, ✨si nou mande Papa a pou nenpòt bagay, L ap bay nou Li nan non Mwen.

<sup>24</sup> ✨Jis rive koulye a nou pa mande pou anyen nan non Mwen. Mande e nou va resevwa, pou jwa nou kapab vin ranpli.

<sup>25</sup> Bagay sa yo Mwen pale nou an ✨parabòl. Lè a ap vini lè M p ap pale avèk nou ankò an parabòl, men M ap pale nou byen klè konsènan Papa a.

<sup>26</sup> Nan jou sa a ✨nou va mande nan non Mwen, e Mwen p ap di nou ke M ap mande Papa a anfavè nou. <sup>27</sup> Paske ✨Papa a Li menm, renmen nou paske nou renmen Mwen, e te kwè ke Mwen ✨te sòti nan Papa a. <sup>28</sup> Mwen te sòti nan Papa a, e te vini nan lemonn. M ap kite lemonn ankò e ap ✨prale kote Papa a.

<sup>29</sup> Disip Li yo te di: “Alò koulye a W ap pale klè. Ou p ap ✨sèvi ak parabòl. <sup>30</sup> Koulye a nou konnen ke Ou konnen tout bagay, e pa bezwen moun mande Ou anyen. Akoz sa, nou ✨kwè ke Ou soti nan Bondye.”

<sup>31</sup> Jésus te reponn yo: “Èske nou kwè koulye a? <sup>32</sup> Veye byen, lè a ap vini, e gen tan vini deja, ✨pou nou vin gaye, chak a pwòp kay li, e pou kite M sèl. ✨Men M p ap sèl, paske Papa a toujou avè M.

<sup>33</sup> Bagay sa yo Mwen pale nou, pou ✨nan Mwen, nou kapab gen lapè. Nan lemonn nou gen tribilasyon, men pran kouraj. ✨Mwen venk lemonn.”

## 17

<sup>1</sup> Jésus te pale bagay sa yo. Epi ✨ak zye Li leve pou gade vè syèl la, Li te di. “Papa, lè a rive. ✨Bay glwa a pitit Ou, pou pitit Ou kapab bay Ou glwa.

✨ 16:14 Jn 7:39 ✨ 16:15 Jn 17:10 ✨ 16:16 Jn 14:18-24 ✨ 16:17 Jn 16:5 ✨ 16:19 Mc 9:32  
 ✨ 16:20 Luc 23:27 ✨ 16:20 Jn 20:20 ✨ 16:21 És 13:8 ✨ 16:22 Jn 16:6 ✨ 16:22 Jn 16:16  
 ✨ 16:23 Jn 16:19-30 ✨ 16:23 Jn 15:16 ✨ 16:24 Jn 14:14 ✨ 16:25 Mat 13:34 ✨ 16:26 Jn 16:19-30  
 ✨ 16:27 Jn 14:21-23 ✨ 16:27 Jn 8:42 ✨ 16:28 Jn 13:1-3 ✨ 16:29 Mat 13:34 ✨ 16:30 Jn 2:11  
 ✨ 16:32 Za 13:7 ✨ 16:32 Jn 8:29 ✨ 16:33 Jn 14:27 ✨ 16:33 Wo 8:37 ✨ 17:1 Jn 11:41 ✨ 17:1 Jn 13:31

2 Menm jan ke ✨Ou te bay Li otorite sou tout chè, ✨ a tout sa ke Ou te bay Li yo, pou Li ta kapab bay lavi etènèl.

3 E sa se lavi etènèl, ✨pou yo kapab konnen Ou, sèl vrè Dye a, ak Jésus Kri ke Ou voye a. 4 ✨Mwen te bay Ou glwa sou latè, lè M te ✨acheve travay ke Ou ban M fè a.

5 E koulye a, ban M glwa ansanm avèk Ou Menm, Papa, ✨avèk glwa ke M te gen avè W avan lemonn te egziste a.

6 Mwen fè non Ou rekonèt a moun ✨ke Ou te ban Mwen nan lemonn yo. Yo te pou Ou, e Ou te ban Mwen yo, epi yo kenbe pawòl Ou.

7 Koulye a, yo gen tan konnen ke tout bagay ke Ou ban Mwen soti nan Ou menm. 8 Paske ✨pawòl ke Ou te ban Mwen yo, Mwen bay yo, e yo te resevwa yo e te vrèman konprann ke ✨Mwen soti nan Ou menm. Yo te kwè ke Ou te voye Mwen.

9 ✨Mwen mande anfavè yo. ✨Mwen pa mande pou lemonn, men pou sa ke Ou te ban Mwen yo. Paske se pou Ou yo ye.

10 Epi ✨tout bagay ki pou Mwen, se pou Ou, e sa ki pou Ou, se pou Mwen. Mwen resevwa glwa nan yo.

11 Mwen pa nan lemonn ankò. Malgre, yo menm, yo toujou nan lemonn, e Mwen vini a Ou, Papa ki Sen, kenbe yo nan non Ou, non ✨ke Ou ban Mwen an, ✨pou yo kapab vin yon sèl, menm jan ke nou menm, nou se yon sèl. 12 Pandan Mwen te avèk yo, Mwen t ap kenbe yo nan non Ou, sa ke Ou te ban Mwen yo. E Mwen te gade yo. Youn nan yo pa t pèdi sof ✨fis pèdisyon an, pou ✨Lekriti ta kapab akonpli.

13 Men koulye a, ✨Mwen ap vini kote Ou. Epi ✨bagay sa yo Mwen pale nan lemonn pou yo kapab gen lajwa Mwen tou, ranpli nèt nan yo menm.

14 Mwen te bay yo pawòl Ou. E ✨ lemonn rayi yo. Paske yo pa nan lemonn, menm jan ke Mwen pa nan lemonn. 15 Mwen pa mande Ou pou retire yo nan lemonn, men pou kenbe yo kont ✨sila ki mechan an. 16 ✨Yo pa nan lemonn menm jan ke Mwen pa nan lemonn. 17 ✨Fè yo vin sen pa laverite. Pawòl Ou se laverite.

18 Kon Ou te voye M nan lemonn nan, ✨Mwen osi voye yo nan lemonn. 19 E pou koz a yo menm, Mwen vin sen Mwen menm, pou yo menm kapab ✨vin sen nan laverite.

20 Mwen pa mande pou sila yo sèlman, men pou sa yo osi ki kwè nan Mwen pa pawòl pa yo. 21 Pou yo tout kapab fè yon sèl. ✨Menm jan ke Ou menm, Papa, Ou nan Mwen, e Mwen nan Ou, pou yo kapab nan Nou tou. Pou lemonn kapab kwè ke Ou te voye M. 22 ✨Glwa ke Ou ban Mwen an, Mwen bay yo. Pou yo kapab fè yon sèl, menm jan ke Nou fè yon sèl. 23 ✨Mwen nan yo, e Ou nan Mwen, pou yo kapab vin pafè nan linite, pou lemonn kapab konnen ke Ou te voye Mwen, e ✨te renmen yo, menm jan ke Ou renmen Mwen.

24 Papa, Mwen vle ke yo menm tou, ke Ou ban Mwen yo, kapab avèk Mwen kote Mwen ye a, pou yo kapab wè glwa M, ke Ou ban Mwen, paske ✨Ou te renmen Mwen avan fondasyon lemonn.

✨ 17:2 Jn 3:35 ✨ 17:2 Jn 10:28 ✨ 17:3 Jn 5:44 ✨ 17:4 Jn 13:31 ✨ 17:4 Jn 4:34 ✨ 17:5 Jn 1:1 ✨ 17:6 Jn 6:37-39 ✨ 17:8 Jn 12:49 ✨ 17:8 Jn 8:42 ✨ 17:9 Luc 22:32 ✨ 17:9 Jn 17:20 ✨ 17:10 Jn 16:15 ✨ 17:11 Fil 2:9 ✨ 17:11 Jn 17:2 ✨ 17:12 Jn 6:70 ✨ 17:12 Jn 13:18 ✨ 17:13 Jn 7:33 ✨ 17:13 Jn 15:11 ✨ 17:14 Jn 15:19 ✨ 17:15 Mat 5:37 ✨ 17:16 Jn 17:14 ✨ 17:17 Jn 15:3 ✨ 17:18 Mat 10:5 ✨ 17:19 Jn 15:3 ✨ 17:21 Jn 10:38 ✨ 17:22 Jn 1:14 ✨ 17:23 Jn 10:38 ✨ 17:23 Jn 16:27 ✨ 17:24 Mat 25:34

25 O Papa ✨ladwati a, malgre lemonn pa konnen Ou, Mwen konnen Ou. E sa yo konnen ke Ou te voye Mwen. 26 E ✨Mwen te fè non Ou rekonèt a yo, e yo va fè l rekonèt, pou ✨menm lamou ke Ou renmen Mwen an, kapab nan yo, epi Mwen menm nan yo.”

## 18

1 Lè Jésus te pale pawòl sa yo, Li te pase avèk disip Li yo lòtbò ravin Cédron an, kote te gen yon ✨jaden. Li menm te antre la avèk disip Li yo.

2 Anplis, Judas osi, ki t ap trayi Li a te konnen plas la, pwiske Jésus te konn ✨reyini la souvan ak disip Li yo. 3 Konsa, ✨Judas, ki te deja resevwa kòwòt sòlda Women an avèk ofisye chèf prèt yo ak Farizyen yo te vini la avèk lantèn, flanbo, ak zam.

4 Jésus, ✨byen okouran sou tout bagay ki t ap vini sou Li yo, te vin parèt epi te di yo: “**Kilès n ap cache?**”

5 Yo te reponn Li: “Jésus, Nazareyen an.”

Li te di yo: “**Mwen menm se Li**”.

Judas osi ki t ap trayi Li a, te kanpe avèk yo. 6 Lè konsa, Li te di yo: “**Mwen menm se Li,**” yo te fè bak epi tonbe atè.

7 Ankò konsa, Li te mande yo: ✨“**Kilès n ap cache?**”

E yo te di: “Jésus, Nazareyen an.”

8 Jésus te reponn: “**Mwen te di nou ke Mwen menm se Li. Si se pou sa, se Mwen nou ap cache, lese lòt yo fè wout yo.**”

9 Pou pawòl ke Li te pale a ta kapab ✨akonpli: “**Nan sa ke Ou te ban Mwen yo, Mwen pa t pèdi youn.**”

10 Konsa, Simon Pierre ✨ki te gen yon nepe, te rale li e te frape esklav wo prèt la, epi te koupe zòrèy dwat la. Esklav la te rele Malchus.

11 Konsa, Jésus te di Pierre: “**Metè nepe a nan fouwo a. ✨Tas ke Papa a ban Mwen an, èske M pa pou bwè l?**”

12 ✨Konsa, kòwòt women an, avèk kòmandan, avèk ofisye Jwif yo te arete Jésus, e te mare Li. 13 E te mennen Li premyèman bò kote Anne. Paske Li menm te bòpè a ✨Caïphe, ki te wo prèt nan lane sa a. 14 Epi se te Caïphe ki te bay konsèy a Jwif yo ke li ✨ta meye pou yon moun mouri pou benefis a tout pèp la.

15 ✨Simon Pierre t ap swiv Jésus ansanm ak yon lòt disip.

Alò, disip sila a te rekonèt pa wo prèt la, e te antre avèk Jésus nan lakou wo prèt la, 16 ✨Men Pierre te kanpe prè pòt deyò a. Pou sa, lòt disip ki te byen rekonèt pa wo prèt la te ale deyò a e te pale avèk gadyen pòt la, epi te fè Pierre antre.

17 Fi domestik ki te okipe de pòt la te di Pierre: ✨“Èske Ou pa osi youn nan disip a mesye sila a?”

Li te di: “Se pa Mwen.”

18 Epi lòt esklav yo ak ofisye ki te la yo, te fè yon dife avèk chabon, pwiske li te fè frèt e yo t ap ✨chofe kò yo. Epi Pierre te la avèk yo tou, e te kanpe la pou chofe kò li.

19 Konsa, ✨wo prèt la t ap kesyone Jésus konsènan disip Li yo, e sou sa Li te enstwi yo.

✨ 17:25 Jn 17:11 ✨ 17:26 Jn 17:6 ✨ 17:26 Jn 15:9 ✨ 18:1 Mat 26:36 ✨ 18:2 Luc 21:37  
 ✨ 18:3 Mat 26:47-56 ✨ 18:4 Jn 6:64 ✨ 18:7 Jn 18:4 ✨ 18:9 Jn 17:12 ✨ 18:10 Mat 26:51  
 ✨ 18:11 Mat 20:22 ✨ 18:12 Mat 26:57 ✨ 18:13 Mat 26:3 ✨ 18:14 Jn 11:50 ✨ 18:15 Mat 26:58  
 ✨ 18:16 Mat 26:69 ✨ 18:17 Jn 18:25 ✨ 18:18 Mc 14:54-67 ✨ 18:19 Mat 26:59-68

20 Jésus te reponn Li: “Mwen ☆pale ouvètman a lemonn. Mwen te toujou enstwi nan sinagòg yo, ak nan tanp lan, kote tout Jwif yo rasanble. E Mwen pa t pale anyen an sekrè. 21 Poukisa nou ap kesyone M? Mande sa yo ki tande sa ke M te pale yo. Yo konnen sa ke M te di yo.”

22 E lè Li te di sa, youn nan ☆ofisye yo te ☆frape Jésus, e te di: “Èske se konsa Ou reponn wo prèt la?”

23 ☆Jésus te reponn li: “Si Mwen pale mal, fè temwayaj a mal la, men si Mwen pale byen, poukisa Ou frape M?”

24 ☆Akoz sa a, Anne te voye Li tou mare bay Caïphe, wo prèt la.

25 ☆Alò, Simon Pierre te kanpe ap chofe kò li. Yo te di l konsa: “Se pa ou menm tou ki youn nan disip Li yo?” Li te demanti sa e te di: “Non, se pa Mwen.”

26 Youn nan esklav wo prèt la, konsi, yon manm fanmi a ☆sila a ki te gen zòrèy koupe pa Pierre a te di: “Èske M pa t wè ou ☆nan jaden an avèk Li?”

27 Konsa, Pierre te demanti sa ankò, epi lapoula, ☆kòk la te chante.

28 ☆Epi yo te mennen Jésus soti kote Caïphe, pou antre nan Tribinal la. Li te trè bonè, e yo pa t antre nan tribinal la pou yo pa vin souye, pou yo toujou ta kapab manje Pak la.

29 ☆Pou sa, Pilate te soti deyò pou pale avèk yo e te di: “Ki akizasyon nou pote kont nonm sila a?”

30 Yo te reponn e te di li: “Si nonm sila pa te yon malfektè, nou pa t ap livre li bay ou.”

31 Epi Pilate te di yo: “Pran Li nou menm epi jije Li selon lalwa pa nou.” Jwif yo te di li: “Li pa pèmi pou nou mete yon moun a lanmò.”

32 Pou ☆pawòl ke Jésus te pale a ta kapab akonpli, ki te montre ki kalite mò Li t ap mouri.

33 Konsa, Pilate te antre ankò nan Tribinal la, e te rele Jésus, e te di Li: ☆“Èske Ou se Wa a Jwif yo.”

34 Jésus te reponn li: “Èske ou mande sa pou kont ou, oubyen èske gen lòt moun ki pale ou de Mwen?”

35 Pilate te reponn: “Èske mwen menm se yon Jwif?” Pwòp nasyon pa W te livre Ou ban mwen. Kisa Ou fè?”

36 Jésus te reponn: ☆“Wayòm Mwen pa de mond sila a. Si wayòm Mwen te de mond sila a, sèvitè Mwen yo ta goumen pou Mwen pa ta livre a Jwif yo, men jan li ye, wayòm Mwen pa de mond sila a.”

37 Pou sa, Pilate te di Li: “Alò se yon wa ke Ou ye?”

☆“Ou di byen kòrèk, ke se yon wa ke Mwen ye. Pou sa Mwen fèt, e Pou sa Mwen vini nan lemonn. Pou pote temwayaj a laverite. Tout moun ki nan laverite a tande vwa M.”

38 Pilate te di L: “Kisa ki laverite a?” Lè l fin di sa, li te ale deyò ankò kote Jwif yo, e te di yo: ☆“Mwen pa twouve okenn koupabilite nan mesye sila a. 39 ☆Men nou gen yon koutim, ke Mwen gen pou lage pou nou yon moun nan lè Pak Jwif la. Èske konsa, nou ta renmen m lage pou nou Wa a Jwif Yo?”

40 Pou sa yo te kriye ankò e te di: ☆“Pa mesye sila a, men lage Barabbas”. Alò, Barabbas te yon vòlè.

☆ 18:20 Jn 7:26 ☆ 18:22 Jn 18:3 ☆ 18:22 Jn 19:3 ☆ 18:23 Mat 5:39 ☆ 18:24 Jn 18:3  
 ☆ 18:25 Mat 26:71-75 ☆ 18:26 Jn 18:10 ☆ 18:26 Jn 18:1 ☆ 18:27 Jn 13:38 ☆ 18:28 Mat 27:2  
 ☆ 18:29 Mat 27:11-14 ☆ 18:32 Mat 20:19 ☆ 18:33 Luc 23:3 ☆ 18:36 Mat 26:53 ☆ 18:37  
 Mat 27:11 ☆ 18:38 Luc 23:4 ☆ 18:39 Mat 27:15-26 ☆ 18:40 Trav 3:14



## 19

<sup>1</sup> Konsa, Pilate te pran Jésus epi ✧te bat Li ak fwèt. <sup>2</sup> ✧Epi sòlda yo te trese yon kouwòn pikan e te mete li sou tèt Li. E te abiye Li ak yon gwo vètman mov. <sup>3</sup> E yo te kòmanse pwoche Li e di: “Sali, Wa Jwif Yo!” epi te ✧bay Li kou nan figi li.

<sup>4</sup> Pilate te parèt deyò ankò epi te di: “Gade byen, m ap mennen L devan nou ankò pou nou ka konnen ke m ✧pa twouve okenn koupabilite nan Li.”

<sup>5</sup> Konsa Jésus te vin parèt ✧abiye avèk kouwòn pikan an ak gwo vètman mov la. Epi Pilate te di yo: “Gade nonm nan!”

<sup>6</sup> Konsa, lè chèf prèt yo ak ofisyè yo te wè Li, yo te kriye fò e te di: “Krisifye, krisifye!”

Pilate te di yo: “Pran Li nou menm epi krisifye Li, paske ✧mwen pa twouve okenn koupabilite nan Li.”

<sup>7</sup> Jwif yo te reponn li: ✧“Nou gen yon lwa, e pa lwa sila a, Li dwe mouri paske Li te fè kòm si se Fis a Bondye Li ye.”

<sup>8</sup> Lè Pilate te tande pawòl sila a, li te vin krent plis. <sup>9</sup> Li te lantrè ankò nan tribinal la e te di a Jésus: “Kote Ou soti?”

Men ✧Jésus pa t reponn li.

<sup>10</sup> Pou sa, Pilate te di L: “Ou pa pale avè m? Èske Ou pa konnen ke m gen otorite pou krisifye Ou?”

<sup>11</sup> Jésus te reponn Li: ✧“**Ou pa t ap gen otorite sou Mwen si li pa t soti anwo. Konsa, sila a ki livrez M bay ou a gen pi gwo peche.**”

<sup>12</sup> Akòz sa a, Pilate te fè yon efò pou lage Li, men Jwif yo te kriye fò epi te di: ✧“Si ou lage nonm sila a, ou pa zanmi a César. Nenpòt moun ki fè kòm si se yon wa li ye, se lènmi a César.”

<sup>13</sup> Lè konsa, Pilate te tande pawòl sa yo, li te mennen Jésus deyò, e te ✧chita sou chèz jijman an nan plas yo rele Pave a, men an Ebre Gabbatha.

<sup>14</sup> Epi se te ✧jou preparasyon pou Pak Jwif la.

Li te anviwon sizyèm lè. Epi li te di a Jwif yo: “Men Wa nou!”

<sup>15</sup> Pou sa yo te kriye fò: ✧“Fè L soti, fè L soti, krisifye L!”

Pilate te di yo: “Èske m ta krisifye Wa nou an?”

Chèf prèt yo te reponn: “Nou pa gen okenn lòt wa ke César.”

<sup>16</sup> Konsa, li te ✧livrez Li pou krisifye.

<sup>17</sup> ✧Yo te pran Jésus e Li te ale deyò e te pote pwòp kwa Li vè plas ke yo rele Plas a Zo Tèt Mò a ke nan lang Ebre yo rele Golgotha. <sup>18</sup> La yo te krisifye Li, ansanm avèk de lòt mesye yo, youn nan chak kote avèk Jésus nan mitan.

<sup>19</sup> Epi Pilate te ekri yon enskripsyon osi, e te mete li sou kwa a. E li te di ✧“Jésus de Nazareth, Wa Jwif Yo.”

<sup>20</sup> Konsa, anpil nan Jwif yo te li enskripsyon sila a, paske plas kote Jésus te krisifye a te prè vil la, e li te ekri nan ✧Ebre, Latin ak Grèk.

<sup>21</sup> Epi chèf prèt yo t ap di a Pilate: “Pa ekri ✧‘Wa Jwif yo’, men ke Li te di: ‘Mwen se Wa Jwif yo.’ ”

<sup>22</sup> Pilate te reponn ✧“Sa ke m ekri a, mwen ekri nèt”.

✧ **19:1** Mat 27:26 ✧ **19:2** Mc 15:16-19 ✧ **19:3** És 50:6 ✧ **19:4** Luc 23:4 ✧ **19:5** Jn 19:2  
 ✧ **19:6** Luc 23:4 ✧ **19:7** Lev 24:16 ✧ **19:9** Mat 26:63 ✧ **19:11** Wo 13:1 ✧ **19:12** Luc 23:2  
 ✧ **19:13** Mat 27:19 ✧ **19:14** Mat 27:62 ✧ **19:15** Luc 23:18 ✧ **19:16** Mat 27:26 ✧ **19:17** Mat  
 27:33-44 ✧ **19:19** Mat 27:37 ✧ **19:20** Jn 19:13 ✧ **19:21** Jn 19:14-19 ✧ **19:22** Jen 43:14

23 ✨Sòlda yo, lè yo te fin krisifye Jésus te pran tout vètman li epi fè kat pati. Yon pati pou chak sòlda, anplis tinik la. Konsa, tinik la te yon sèl moso twal san koud soti anwo, jis rive anba.

24 Akoz sa yo te di youn ak lòt, annou pa chire li, men tire osò pou li, pou deside pou kilès li dwe ye. Pou yo te akonpli Lekriti a ki te di: “Yo te ✨divize vètman Mwen yo pami yo, e pou rad Mwen yo tire osò.”

25 Konsa sòlda yo te fè bagay sa yo.

Men manman Li, sè a manman Li, Marie, madanm a Cléopas, ak Marie ✨Magdalène te kanpe prè kwa Jésus a.

26 Epi lè Jésus te wè manman L ak ✨disip ke Li te renmen an, ki te kanpe toupre a, Li te di a manman: **“Fanm, men gade fis ou!”**

27 Epi Li te di a disip la: **“Men gade manman ou!”** E depi lè sa, disip la te pran li pou rete ✨tankou manm lakay li.

28 Apre sa Jésus, byen konnen ke tout bagay te deja acheve, pou Lekriti a ta kapab akonpli, te di: ✨“Mwen swaf.”

29 Yon bokal ranpli avèk diven si te kanpe la. Epi ✨yo te mete yon eponj ranpli avèk diven si a sou yon branch izòp epi te lonje l anwo vè bouch Li.

30 Pou sa, lè Jésus te resevwa diven si a, Li te di: **“Li se fini!”** Epi Li te bese tèt Li e te ✨rann lespri Li.

31 Pou sa, Jwif yo, akoz ke se te jou preparasyon an, e ke ✨kò yo pa ta dwe rete sou lakwa pandan Saba a, pwiske Saba a te yon gwo jou sen, te mande Pilate pou kase janm tout moun yo, pou yo ta kapab retire yo.

32 Konsa, sòlda yo te vini e te kase janm a premye mesye a, epi lòt ki te ✨krisifye avèk li a. 33 Men lè yo vini sou Jésus, yo te wè ke Li te deja mouri, epi yo pa t kase janm Li yo. 34 Men youn nan sòlda yo te frennen akote Li avèk yon lans, epi imedyatman, ✨san mele avèk dlo te soti.

35 E sila a ki wè gen tan ✨bay temwaye, epi temwayaj li vrè. E li konnen ke l ap di laverite, pou nou tout kapab kwè. 36 Paske bagay sa yo te vin pase, pou Lekriti a ta kapab akonpli ✨“Pa menm yon zo nan Li va kase.”

37 E ankò yon lòt Ekriti di ✨“Yo va gade sila a ke yo pèse a.”

38 ✨Apre bagay sa yo, Joseph d’Arimathée, ki te yon disip a Jésus, men an sekre akoz perèz a Jwif yo, te mande Pilate pou l kite li pran kò Jésus. E Pilate te bay li pèmisyon.

39 ✨Nicodème ki te vini premyèman kote li nan nwit lan te vini tou. Yo t ap pote yon melanj lami avèk epis lalwa ki te peze kon pwa anviwon san liv.

40 Konsa, yo te pran kò a a Jésus, epi te ✨vlope l avèk ✨twal lèn avèk epis selon koutim lantèman a Jwif yo.

41 Epi nan plas kote Li te krisifye a, te gen yon jaden, e nan jaden an yon ✨tonm nèf kote ✨pèsòn poko te poze. 42 Pou sa, akoz jou ✨Preparasyon Jwif la, e akoz ke tonm nan te prè, yo te poze Jésus la.

## 20

1 ✨Konsa, nan premye jou semèn nan, Marie a Magdala te vini nan tonm nan bonè, pandan Li te toujou fènwa, e te wè ke wòch la te deja retire

✨ 19:23 Mat 27:35 ✨ 19:24 Sòm 22:18 ✨ 19:25 Mat 27:55 ✨ 19:26 Jn 13:23 ✨ 19:27 Luc 18:28 ✨ 19:28 Sòm 69:21 ✨ 19:29 Mat 27:48-50 ✨ 19:30 Mat 27:50 ✨ 19:31 Det 21:23 ✨ 19:32 Jn 19:18 ✨ 19:34 I Jn 5:6-8 ✨ 19:35 Jn 15:27 ✨ 19:36 Egz 12:46 ✨ 19:37 Za 12:10 ✨ 19:38 Mat 27:57-61 ✨ 19:39 Jn 3:1 ✨ 19:40 Jn 11:44 ✨ 19:40 Luc 24:12 ✨ 19:41 Mat 27:60 ✨ 19:41 Luc 23:53 ✨ 19:42 Jn 19:14-31 ✨ 20:1 Mat 28:1-8

sou tonm nan. <sup>2</sup> E li te kouri vini a Simon Pierre ak ✧lòt disip ke Jésus te renmen an, e te di yo: ✧“Yo retire Senyè a nan tonm nan e nou pa konnen kote yo mete Li.”

<sup>3</sup> ✧Konsa, Pierre te soti ak lòt disip la, pou yo ale nan tonm nan.

<sup>4</sup> E toulède t ap kouri ansanm. E lòt disip la te kouri vit pase Pierre, e te rive nan tonm nan avan. <sup>5</sup> Epi lè l bese gade ladann, li te wè ✧twal lèn yo atè a, men li pa t antre.

<sup>6</sup> Alò, Simon Pierre t ap swiv li, epi te antre nan tonm nan, e te wè twal lèn yo atè a, <sup>7</sup> epi ✧twal pou figi ki te konn sou tèt Li a, pa t avèk lòt lèn yo, men te byen woule epi mete nan yon plas akote pou kont li.

<sup>8</sup> Lòt disip la ✧ki te rive nan tonm nan avan te antre osi, e li te wè, e li te kwè. <sup>9</sup> Paske jiska moman sa a, ✧yo poko te konprann Lekriti a ke fòk Li leve ankò soti nan lanmò.

<sup>10</sup> Konsa, disip yo te kite la ✧pou retounen nan pwòp kay pa yo.

<sup>11</sup> ✧Men Marie te kanpe deyò tonm nan e t ap kriye, epi konsa, pandan li t ap kriye, li te bese pou gade nan tonm nan. <sup>12</sup> E li te wè ✧de zanj abiye an blan ki chita, youn bò kote tèt la, e youn bò kote pye yo, kote kò Jésus te konn kouche a.

<sup>13</sup> E yo te di li: ✧“Fanm poukisa w ap kriye?” Li te di yo, Akoz ke ✧yo te pran Senyè m nan, e mwen pa konnen kote yo mete L.” <sup>14</sup> Lè li te fin di sa, li te vire, e ✧te wè Jésus te kanpe la, epi li ✧pa t konnen ke se te Jésus.

<sup>15</sup> Jésus te di li ✧“**Fanm, poukisa w ap kriye? Kilès w ap chèche?**” Byen kwè ke Li se mèt jaden an, li te di L: “Mesye si ou te pote Li ale, di m kote ou mete Li epi m ap pran L mennen L ale.”

<sup>16</sup> Jésus te di li: **“Marie!”** Li te di Li an Ebre: ✧“Rabouni!”, ki vle di Mèt.

<sup>17</sup> Jésus te di li: **“Pa manyen M, paske Mwen poko monte jwenn Papa M. Men ale bò kote ✧frè M yo e di yo ke ‘Mwen ✧monte a Papa Mwen, e Papa pa w, Bondye Mwen, e Bondye Pa w.’ ”**

<sup>18</sup> Marie ✧Magdala te vin kote disip yo e te anonse yo: “Mwen wè Senyè a,” epi ke Li te pale li bagay sa yo.

<sup>19</sup> Konsa, lè l fènwa nan menm jou sa a, premye jou nan semèn nan, lè pòt yo te fèmen kote disip yo te ye a akoz lapèrèz a Jwif yo, Jésus te vini epi kanpe nan mitan yo epi te di yo: ✧“Lapè avèk nou.” <sup>20</sup> E lè Li te di sa, ✧Li te montre yo tou de men li yo, epi akote li. Pou sa, disip yo te rejwi lè yo te wè Senyè a.

<sup>21</sup> Pou sa, Jésus te di yo ankò: **“Lapè avèk nou. ✧Kon Papa a te voye M nan, osi, Mwen voye nou.”**

<sup>22</sup> E lè Li te di sa, li te soufle sou yo e te di yo: **“Resevwa Lespri Sen an.**

<sup>23</sup> ✧**Si nou padonnen peche a nenpòt moun, peche yo ap gen tan padonnen. E si nou kenbe peche a nenpòt moun, y ap kenbe.”**

<sup>24</sup> Men ✧Thomas, youn nan douz yo ke yo te rele Didyme, pa t avèk yo lè Jésus te vini an. <sup>25</sup> Pou sa, lòt disip yo t ap di li: “Nou gen tan wè Senyè a!” Men li te di yo: “Anmwenske m wè mak klou yo ✧nan men L, epi mete dwat mwen kote klou yo te ye a, e fouye men m akote L, mwen p ap kwè.”

✧ **20:2** Jn 13:23 ✧ **20:2** Jn 20:13 ✧ **20:3** Luc 24:12 ✧ **20:5** Jn 19:40 ✧ **20:7** Jn 11:44 ✧ **20:8** Jn 20:4 ✧ **20:9** Mat 22:29 ✧ **20:10** Luc 24:12 ✧ **20:11** Mc 16:5 ✧ **20:12** Mat 28:2 ✧ **20:13** Jn 20:15 ✧ **20:13** Jn 20:2 ✧ **20:14** Mat 28:9 ✧ **20:14** Jn 21:4 ✧ **20:15** Jn 20:13 ✧ **20:16** Mc 10:51 ✧ **20:17** Mat 28:10 ✧ **20:17** Jn 7:33 ✧ **20:18** Luc 24:10-23 ✧ **20:19** Luc 24:36 ✧ **20:20** Luc 24:39-40 ✧ **20:21** Jn 17:18 ✧ **20:23** Mat 16:19 ✧ **20:24** Jn 11:16 ✧ **20:25** Jn 20:20

<sup>26</sup> Epi apre uit jou, disip Li yo te anndan, epi Thomas te avèk yo. Jésus te vini lè pòt yo te fèmen, e te kanpe nan mitan yo, e te di: ✧**“Lapè avèk nou!”**

<sup>27</sup> Alò Li te di a Thomas ✧**“Lonje dwat ou la, e wè men M. Epi lonje men ou la, e mete l akote Mwen e pa vin enkredil, men kwè.”**

<sup>28</sup> Thomas te reponn: “Senyè mwen, e Bondye mwen!”

<sup>29</sup> Jésus te di li: ✧**“Paske ou wè M, ou kwè? ✧Beni se sila yo ki pa t wè, men te gen tan kwè.”**

<sup>30</sup> ✧Konsa, anpil lòt sign Jésus osi te fè nan prezans disip Li yo, ki pa ekri nan liv sa a. <sup>31</sup> Men sila yo te ekri pou nou kapab kwè ke Jésus se Kris la, Fis a Bondye. Epi ke nan ✧kwè sa a, nou kapab gen lavi etènèl nan non Li.

## 21

<sup>1</sup> Apre bagay sa yo, Jésus te vin parèt ankò a disip yo bò kote ✧Lanmè Tibériade la, e se konsa li te vin parèt.

<sup>2</sup> Yo te ansanm. Simon Pierre, Thomas, ke yo rele Didyme, e Nathanaël de Cana nan Galilée, e ✧fis a Zébédée yo e de lòt nan disip Li yo.

<sup>3</sup> Simon Pierre te di yo: “M ap prale fè lapèch.”

Yo te di li: “N ap prale avè w tou.” Yo ale deyò e te antre nan kannòt la, e ✧nwit sa a, yo pa t kenbe anyen.

<sup>4</sup> Men lè bajou te kase, Jésus te kanpe arebò lanmè a, men disip yo ✧pa t konnen ke se te Jésus.

<sup>5</sup> Konsa, Jésus te di yo: ✧**“Pitit yo, ✧èske nou pa gen kèk grenn pwason?”**

Yo te reponn Li: “Non”.

<sup>6</sup> E Li te di yo ✧**“Voye filè a sou men dwat kannòt la, e nou va kenbe kèk.”**

Konsa, yo te voye l, e yo pa t kab rale fè l antre akòz gran kantite pwason yo.

<sup>7</sup> ✧Konsa, disip ke Jésus te renmen an te di Pierre: “Se Senyè a.”

Epi lè Simon Pierre te tandè ke se te Senyè a, li te mete vètman li, paske li te retire rad li pou travay la, e te voye kò li nan lanmè a.

<sup>8</sup> Men lòt disip yo te vini nan ti kannòt la, paske yo pa t lwen tè a, men sèlman anviwon san mè, pou rale filè plen pwason an. <sup>9</sup> E lè yo te desann atè, yo te wè yon ✧dife chabon deja prepare, avèk pwason sou li, ak pen.

<sup>10</sup> ✧**Jésus te di yo: “Pote kèk nan ✧pwason ke nou fenk kenbe yo.”**

<sup>11</sup> Simon Pierre te monte e te rale filè a atè a, byen plen gwo pwason, san-senkant-twa, e malgre ke te gen gran kantite sa a, filè a pa t chire.

<sup>12</sup> Jésus te di yo: ✧**“Vin pran ✧ti dejene.”**

Okenn nan disip yo pa t tante kesyone L: “Ki Moun Ou ye?” byen konesan ke se te Senyè a.

<sup>13</sup> Jésus te vini epi te pran ✧pen an, epi te bay yo, ak pwason an tou.

<sup>14</sup> Sa koulye a se ✧twazyèm fwa ke Jésus te vin parèt a disip yo, depi Li te leve soti nan lanmò a.

<sup>15</sup> Konsa, lè yo te fin dejene, Jésus te di a Simon Pierre: ✧**“Simon, fis a Jean, ✧èske ou renmen M plis ke sa yo?”**

Li te di Li: “Wi Senyè. Ou konnen ke m renmen Ou.

Li te di li: “Okipe Mouton Mwen yo.”

✧ 20:26 Luc 24:36 ✧ 20:27 Luc 24:40 ✧ 20:29 I Pi 1:8 ✧ 20:30 Jn 21:25 ✧ 20:31 Jn 3:15  
 ✧ 21:1 Jn 6:1 ✧ 21:2 Mat 4:21 ✧ 21:3 Luc 5:5 ✧ 21:4 Luc 24:16 ✧ 21:5 Luc 24:41 ✧ 21:6  
 Luc 5:4 ✧ 21:7 Jn 13:23 ✧ 21:9 Jn 18:18 ✧ 21:10 Jn 6:9-11 ✧ 21:12 Jn 21:15 ✧ 21:13 Jn  
 21:9 ✧ 21:14 Jn 20:19-26 ✧ 21:15 Mat 26:33

<sup>16</sup> Li te di li ankò yon dezyèm fwa: “Simon, fis a Jean, èske ou renmen M?”

Li te reponn Li: “Wi Senyè, Ou konnen ke m renmen Ou.”

Li te di li: ✨“Fè bèje mouton Mwen yo.”

<sup>17</sup> Li te di li yon twazyèm fwa: “Simon, fis a Jean, èske ou renmen M?”

Pierre te vin tris akòz ke Li di li yon twazyèm fwa: “Èske ou renmen M?”

E li te di Li: “Senyè, ✨Ou konnen tout bagay. Ou konnen ke Mwen renmen Ou.”

Jésus te di Li: “Okipe mouton Mwen yo. <sup>18</sup> Anverite, anverite Mwen di ou, lè ou te pi jenn, ou te konn mare sentiwon ou, e mache kote ou te vle. Men lè ou vin vye, ou va lonje men ou epi yon lòt ap mare sentiwon ou e mennen ou kote ou pa vle ale.”

<sup>19</sup> Sila Li te di pou montre pa ✨ki kalite mò li ta bay glwa a Bondye a. E lè Li te pale sa, Li te di L: “Swiv Mwen!”

<sup>20</sup> Pierre te vire gade pa dèyè e te wè ✨disip ke Jésus te renmen an t ap swiv li. Sila ki te ✨apiye sou sen Li nan dènye soupe a, e te di: “Senyè, kilès k ap trayi Ou a?”

<sup>21</sup> Epi Pierre, lè l te wè li, te di a Jésus: “Senyè, e pou nonm sila a?”

<sup>22</sup> Jésus te di li: “E si Mwen vle li rete jis lè Mwen vini, kisa sa ap ye pou ou? Ou menm, ✨swiv Mwen!”

<sup>23</sup> Epi pawòl sa te kouri pami tout frè yo ke disip sila a pa t ap mouri. Men Jésus pa t di li ke li pa t ap mouri, men sèlman “Si Mwen vle li rete ✨jis lè Mwen vini, kisa sa ap ye pou ou?”

<sup>24</sup> Sa se disip ki ✨fè temwayaj a tout bagay sa yo, e te ekri bagay sa yo, e nou konnen ke temwayaj li vrè.

<sup>25</sup> Epi genyen osi ✨anpil lòt bagay ke Jésus te fè, ke si yo te ekri an detay, mwen pa sipoze ke tou lemonn ta kapab kenbe liv ki t ap ekri yo.

## TRAVAY APÒT YO (ZÈV APÒT YO)

<sup>1</sup> Premye istwa ke m te ekri a, chè ✧Théophile, sou tout bagay ke Jésus te ✧kòmanse fè ak enstwi yo, <sup>2</sup> jis rive jou lè Li te monte nan syèl la ✧apre Li te fin bay lòd selon Lespri Sen an, a apòt ke Li te chwazi yo. <sup>3</sup> A sila yo osi ✧Li te prezante tèt li vivan apre soufrans Li, e avèk anpil prèv konvenkan, Li te parèt a yo menm pandan karant jou, e te pale avèk yo de bagay ki te konsène wayòm syèl la.

<sup>4</sup> Li te rasanble yo ansanm e te kòmande yo: ✧**“Pa kite Jérusalem, men tann ✧sa ke Papa a te pwomèt la; sa ke nou te tandè de Mwen menm nan. ✧Paske Jean te batize avèk dlo, men nou va batize avèk Lespri Sen an ✧pa a anpil jou de kounye a.”**

<sup>6</sup> Donk, lè yo te reyini ansanm, yo t ap poze Li kesyon, e t ap di: “Senyè ✧èske se nan lè sa a ke W ap restore Wayòm lan an Israël?”

<sup>7</sup> Li te di yo: **“Se pa nou menm ki pou konnen ni lè ni tan ke ✧Papa a gen tan fikse pa otorite pa L; ✧Men Nou va resevwa pouvwa lè ✧Lespri Sen an vini sou nou; e nou va ✧temwen Mwen ni nan Jérusalem, ni nan Juda ak Samarie, e jis rive nan dènye ekstremitè latè.”**

<sup>9</sup> Lè Li te fin di bagay sa yo ✧Li te vin leve anlè pandan yo t ap gade, yon nyaj te resevwa L, e Li te vin disparèt jiskaske yo pa t wè Li.

<sup>10</sup> Epi yo te toujou ap gade byen fikse nan syèl la, pandan Li t ap prale, epi vwala ✧de mesye ak vètman blan te kanpe akote L; <sup>11</sup> E yo menm osi te di: “Moun Galilée yo, poukisa nou kanpe ap gade nan syèl la? Jésus sila a, ki leve kite nou, pou ale nan syèl la, va ✧vini menm jan ke nou wè L ale nan syèl la.

<sup>12</sup> Alò, yo te ✧retounen Jérusalem sòti nan mòn yo rele Olivier a, ki toupre Jérusalem, a distans mache yon jou Saba. <sup>13</sup> Lè yo te antre nan vil la, yo te ale nan ✧chanm anlè kote yo t ap rete a; ✧sa vle di, Pierre Jean, Jacques André, Philippe, Thomas, Barthélemy, Matthieu, Jacques, ki te fis Alphée a, Simon, Zelòt la, ak Judas, fis a Jacques la. <sup>14</sup> Sa yo avèk yon sèl panse yo ✧t ap toujou pèsevè nan lapriyè, ansanm avèk fanm yo, ak Marie, manman a Jésus, ak frè Li yo.

<sup>15</sup> Nan lè sa a, Pierre te kanpe nan mitan frè yo (yon asanble de anviwon san ven moun ki te la ansanm) e te di: <sup>16</sup> “Frè m yo, Ekriti a te oblije vin akonpli, jan Lespri Sen an te anonse oparavan pa bouch David konsènan Judas ✧ki te vin yon gid a sila ki te aretè Jésus yo. <sup>17</sup> Paske li te konte pami nou, e te resevwa pati pa li, nan ✧èv sila a.”

<sup>18</sup> Alò mesye sila te vin ✧achte yon chan avèk pri mechanste li a; e te tonbe tèt devan; vant li te fann e zantray li te vide sòti. <sup>19</sup> Epi sa te vin byen koni pa tout sila ki te rete Jérusalem yo; pou ke ✧nan pwòp lang pa yo, yo te rele chan sa a Hakeldama, ki vle di chan san an.

<sup>20</sup> Paske sa ekri nan liv Sòm Yo: ✧  
‘Kite kote li rete a vin devastè;  
e pa kite pèsòn rete ladan l’;

✧ **1:1** Luc 1:3 ✧ **1:1** Luc 3:23 ✧ **1:2** Mat 28:19 ✧ **1:3** Mat 28:17 ✧ **1:4** Luc 24:49 ✧ **1:4** Jn 14:24 ✧ **1:5** Trav 2:1-4 ✧ **1:6** Mat 17:11 ✧ **1:7** Mat 24:36 ✧ **1:8** Trav 2:1-4 ✧ **1:8** Luc 24:48 ✧ **1:9** Luc 24:50,51 ✧ **1:10** Luc 24:4 ✧ **1:11** Mat 16:27 ✧ **1:12** Luc 24:52 ✧ **1:13** Mc 14:15 ✧ **1:13** Mat 10:2-4 ✧ **1:14** Trav 2:42 ✧ **1:16** Mat 26:47 ✧ **1:17** Trav 1:25 ✧ **1:18** Mat 27:3-10 ✧ **1:19** Mat 27:8 ✧ **1:20** Sòm 69:25

✧‘Kite yon lòt moun vin pran pozisyon pa li a’. ✧

<sup>21</sup> Donk, li nesèsè ke pami moun ki akonpanye nou tout tan ke ✧Senyè Jésus te antre sòti pami nou yo, <sup>22</sup> kòmanse nan batèm Jean, jis rive jou ke Li te anlève soti nan mitan nou an; youn nan sila yo ta dwe devni yon temwen avèk nou de rezirèksyon Li.”

<sup>23</sup> Konsa yo te mete devan de mesye, Joseph ke yo te rele Barsabbas, ki te anplis rele Justus, ak ✧Matthias. <sup>24</sup> Yo te priye, e te di: “Ou menm, Senyè ✧ki konnen kè tout moun, montre nou kilès nan de zòm sa yo Ou chwazi a <sup>25</sup> pou okipe èv ✧apòt sila a ke Judas te vire kite pou ale nan pwòp plas li a.

<sup>26</sup> Epi yo te ✧fè tiraj osò pou yo, e osò a te tonbe pou Matthias; epi li te ajoute pami onz apòt yo.

## 2

<sup>1</sup> Lè ✧jou Pannkòt la te rive, yo tout te ansanm nan yon sèl plas. <sup>2</sup> Sibitman, te sòti nan syèl la yon bwi tankou yon van vyolan k ap kouri, e li te ranpli ✧tout kay kote yo te chita a. <sup>3</sup> Epi te parèt a yo menm, lang tankou dife, ki t ap gaye pou kont yo, e te vin poze sou yo chak. <sup>4</sup> Yo tout te vin ✧ranpli avèk Lespri Sen an, e yo te kòmanse ✧pale avèk lòt lang jan Lespri a t ap bay yo kapasite eksprime.

<sup>5</sup> Alò, te gen Jwif ki t ap viv Jérusalem; ✧lèzòm fidèl jwif ki te sòti nan tout nasyon anba syèl la. <sup>6</sup> Epi lè ✧bwi a te fèt, foul la te reyini ansanm, e te sezi, paske yo tout t ap tandè yo pale nan pwòp lang pa yo.

<sup>7</sup> Yo te etone, yo te sezi e te di: “Alò, èske tout moun sa yo k ap pale la yo pa ✧Galileyen? <sup>8</sup> E kijan ke nou tout tandè yo nan pwòp lang natal pa nou? <sup>9</sup> Patyen yo, Mèd yo, Elamit yo, moun Mésopotamie yo, Judée ak Cappadoce yo ✧Pont ak ✧Asie yo <sup>10</sup> Phrygie ak Pamphylie yo, Égypte ak teritwa Libye yo vwazen ak Cyrène, e sila ki t ap vizite Rome yo, Jwif ak pèp payen ki te konvèti a relijyon Jwif yo ✧ <sup>11</sup> Crétois ak Arabe yo! Nou tandè yo nan pwòp lang pa nou, k ap pale tout zèv pwisan Bondye yo.”

<sup>12</sup> Epi ✧yo tout te toujou sezi, byen konfonn, e te di youn ak lòt: “Kisa sa vle di?”

<sup>13</sup> Men te gen lòt ki t ap moke yo, e t ap di: “Yo plen avèk diven dous”.

<sup>14</sup> Men Pierre, ki te kanpe fèm avèk ✧onz yo, te leve vwa li e te deklare a yo menm: “Moun a Judée yo, ak nou tout ki rete Jérusalem yo, kite sa byen konnen pami nou, e prete atansyon a pawòl mwen. <sup>15</sup> Paske moun sa yo pa sou, tankou nou ta kwè a ✧paske se sèlman twazyèm è nan jounen an.

<sup>16</sup> Men sa ki te pale pa pwofèt Joël la:

<sup>17</sup> ✧‘Epi li va fèt nan dènye jou yo’, Bondye di:

‘Ke Mwen va vin vide Lespri Mwen sou tout Limanite.

Jenn gason nou yo va pwofetize, e granmoun nou yo va fè rèv

<sup>18</sup> Menm sou sèvitè-dedike Mwen yo; ni fi, ni gason.

Nan jou sa yo Mwen va vide Lespri Mwen

e yo va pwofetize,

<sup>19</sup> Mwen va fè parèt mèvèy anwo nan syèl la,

e sign anba sou latè;

✧ **1:20** Sòm 109:8 ✧ **1:20** Sòm 109:8 ✧ **1:21** Luc 24:3 ✧ **1:23** Trav 1:26 ✧ **1:24** Mat 3:16  
 ✧ **1:25** Wo 1:5 ✧ **1:26** Lev 16:8 ✧ **2:1** Lev 23:15 ✧ **2:2** Trav 4:31 ✧ **2:4** Trav 4:8,31 ✧ **2:4**  
 I Kwo 12:1 ✧ **2:5** Luc 2:25 ✧ **2:6** Trav 2:2 ✧ **2:7** Mat 26:73 ✧ **2:9** Trav 18:2 ✧ **2:9** Trav  
 6:9 ✧ **2:10** Mat 23:15 ✧ **2:12** Trav 2:7 ✧ **2:14** Trav 1:26 ✧ **2:15** I Tes 5:7 ✧ **2:17** Jl 2:28-32

San avèk dife, avèk vapè lafimen.

<sup>20</sup> Solèy la va vin nwa, e lalin nan va tounen san, avan gran jou mèvèy Senyè a vini.

<sup>21</sup> E li va rive ke ✧tout moun ki rele Non Senyè a va sove.’

<sup>22</sup> Moun Israèl yo, koute pawòl sila yo: ✧Jésus, yon nonm Nazareth, ke Bondye te temwaye devan nou pa mirak, mèvèy, ak sign, ke Bondye te acheve nan Li nan mitan nou, jan nou menm byen konnen an; <sup>23</sup> nonm sila a, livre selon plan ak ✧avan konesans Bondye, nou te kloue sou yon kwa pa men lèzòm san prensip Bondye yo, e te mete li a lanmò. <sup>24</sup> Men ✧Bondye te fè L leve ankò, e te mete fen a doulè lanmò a, paske se te enposib pou li ta kapab kenbe L.

<sup>25</sup> Paske David te di sou Li:

✧“Mwen te toujou wè Senyè a nan prezans mwen; paske Li sou men dwat mwen, pou m pa janm ebranle”.

<sup>26</sup> Donk, kè m te kontan, e lang mwen te bay lwanj.

Anplis de sa, chè mwen va repoze nan espwa;

<sup>27</sup> paske ✧Ou p ap abandone nanm mwen nan sejou mò yo, ni kite Sen Ou an sibi dekonpoze.

<sup>28</sup> Ou fè m konnen chemen lavi yo;

Ou va ranpli m ak kè kontan avèk Prezans Ou.’

<sup>29</sup> Frè m yo, mwen kapab di nou avèk konfyans selon zansèt nou David, ke li te mouri, li te ✧antere, e ke tonm li la avèk nou jiska jodi a. <sup>30</sup> Konsa, akòz ke li David te yon pwofèt, e te konnen ke ✧Bondye te sèman te a li menm yon pwomès pou fè youn nan desandan li yo chita sou twòn li an <sup>31</sup> Li te gade pi lwen e te pale sou rezirèksyon Kris la ✧ke “Li pa t ni abandone nan sejou mò yo, ni kite chè L dekonpoze. <sup>32</sup> Jésus sila ✧Bondye te fè leve ankò a, de sa, nou tout te temwen.

<sup>33</sup> Konsa, akòz Li te leve wo rive kote ✧men dwat Bondye, e ✧te resevwa nan Papa a pwomès Lespri Sen an, li te fè vide sa ke nou wè, ak tande a.

<sup>34</sup> Paske se pa t David ki te monte nan syèl la, men se te li menm ki di:

✧“SENYÈ a te di a Senyè m nan, chita bò dwat Mwen

<sup>35</sup> Jiskaske M fè lènmi ou yo vin yon ti ban pou mete pye ou.”

<sup>36</sup> Donk, kite tout lakay Israèl la konnen san dout ke Bondye fè Li ni ✧Senyè, ni ✧Kris la —Jésus sila a ke nou te krisifye a.”

<sup>37</sup> Alò, lè yo te tande sa, yo te vin santi doulè jis nan kè yo, e te di a Pierre ak lòt apòt yo: “Frè yo ✧kisa pou nou ta fè?”

<sup>38</sup> Pierre te di yo: ✧“Repanti e ke chak en de nou vin ✧batize nan non Jésus Kri pou padon a peche nou yo; e nou va resevwa don Lespri Sen an.

<sup>39</sup> Paske pwomès la se pou nou, pou pitit nou yo, e pou tout sila ki byen lwen yo, ak tout kantite ke Senyè a, Bondye nou an va rele a Li menm.

<sup>40</sup> Avèk anpil lòt pawòl li te temwaye solanèlman e te kontinye egzòte ak ankouraje yo e te di: “Sove nou de ✧jenerasyon moun mechan sila a!”

<sup>41</sup> Alò, sa yo ki te resevwa pawòl li yo te batize; e te vin ogmante nan menm jou a, a anviwon twa mil ✧nanm. <sup>42</sup> Yo te ✧toujou dilijan nan swiv enstriksyon apòt yo ak nan amitye fratènèl ✧nan kase pen, ak lapriyè.

✧ 2:21 Wo 10:13 ✧ 2:22 Trav 3:6 ✧ 2:23 Luc 22:22 ✧ 2:24 Mat 28:5,6 ✧ 2:25 Sòm 16:8-11  
 ✧ 2:27 Trav 2:31 ✧ 2:29 I Wa 2:10 ✧ 2:30 Sòm 132:11 ✧ 2:31 Mat 11:23 ✧ 2:32 Trav 2:24  
 ✧ 2:33 Trav 5:31 ✧ 2:33 Trav 1:4 ✧ 2:34 Sòm 110:1 ✧ 2:36 Luc 2:11 ✧ 2:36 Trav 2:23  
 ✧ 2:37 Luc 3:10,14,15 ✧ 2:38 Mc 1:15 ✧ 2:38 Trav 8:12,16 ✧ 2:40 Det 32:5 ✧ 2:41 Trav 3:23  
 ✧ 2:42 Trav 1:14 ✧ 2:42 Luc 24:30



<sup>43</sup> Tout moun te kontinye sanse gen lakrent ak gran respè; e anpil ✧mèvèy ak sign te toujou ap fèt pa apòt yo.

<sup>44</sup> Tout sila ki te kwè yo te ansanm, e ✧te mete tout byen yo ansanm: <sup>45</sup> Yo te ✧vann tè yo ak byen yo, e t ap pataje yo avèk tout moun, selon bezwen a yo chak. <sup>46</sup> ✧De jou an jou yo t ap kontinye nan tanp lan avèk inite nan panse yo, t ap kase pen de kay an kay, yo te pran repa yo ansanm avèk lajwa ak senserite de kè. <sup>47</sup> Yo t ap bay Bondye lwanj, e te ✧gen bon relasyon avèk tout moun yo.

Epi Bondye te ✧ogmante de jou an jou sila ki t ap sove yo.

### 3

<sup>1</sup> Alò, Pierre avèk Jean t ap monte nan tanp lan vè ✧nevyèm è, lè lapriyè.

<sup>2</sup> Konsa, yon sèten mesye ki te bwate depi li sòti nan vant manm l t ap pote pa kèk lòt moun. Epi yo ✧te konn mete l chak jou nan pòtay tanp lan ke yo rele Bel, kote li te konn mande charite a moun ki t ap antre nan tanp yo. <sup>3</sup> Lè l te wè ✧Pierre avèk Jean prèt pou antre nan tanp lan, li te mande yo lacharite.

<sup>4</sup> Pierre avèk Jean te ✧fikse zye yo sou li, e te di: “Gade nou!”

<sup>5</sup> Konsa, li te kòmanse bay yo atansyon li, anatandan pou yo bay li yon kichòy.

<sup>6</sup> Men Pierre te di: “Nou pa gen lajan, ni lò, men sa ke mwen genyen an, m ap bay ou li: ✧nan non Jésus Kri de Nazarèt, mache!” <sup>7</sup> Epi li te sezi li pa men dwat li pou fè l leve. Lapoula, janm li avèk pye l te vin pran fòs.

<sup>8</sup> Konsa ✧li te vòltije e te vin kanpe dwat e mache. Li te antre nan tanp lan avèk yo, li t ap mache e vòltije pandan li t ap bay lwanj a Bondye.

<sup>9</sup> E ✧tout pèp la te wè li t ap mache e bay Bondye lwanj. <sup>10</sup> Yo te rekonèt li kòm sila ki te konn chita devan tanp lan ✧nan pòt ki te rele Bel la, pou mande lacharite, e yo te etone e sezi pou sa ki te rive l la.

<sup>11</sup> Pandan li t ap akwoche a Pierre ak Jean, tout moun, byen etone, te kouri bò kote yo nan ✧pòtay yo rele Salomon an.

<sup>12</sup> Lè Pierre te wè sa, li te reponn a pèp la: “Moun Israèl yo, poukisa nou sezi de sa oubyen poukisa nou fikse nou konsa, kòm si se pa pwòp pouvwa nou oubyen sentete nou ke nou te fè l mache a?”

<sup>13</sup> Bondye Abraham nan, Isaac, ak Jacob la, Bondye a zansèt nou yo, te bay glwa a ✧sèvitè Li a, Jésus Kri ke nou te livre ak nye nan prezans a Pilate lè li menm te byen deside pou lage L.

<sup>14</sup> Men nou te nye Sila ki Sen e Jis la, e te ✧mande yo livre bannou yon asasen, <sup>15</sup> men pou yo mete a lanmò Prens Lavi a, sila menm ke ✧Bondye te fè leve soti nan lanmò a, de Li menm nou menm te ✧temwen.

<sup>16</sup> Epi sou baz ✧lafwa nan non Li, se non Jésus ki bay mesye sa a, ke nou wè e konnen an, fòs. Se lafwa ki sòti nan Li ki bay li sante pafè sila a, nan prezans a nou tout.

<sup>17</sup> E koulye a, frè yo, mwen konnen ke nou te aji ✧nan inyorans, menm jan ke chèf nou yo te fè osi. <sup>18</sup> Men bagay ke ✧Bondye te anonse oparavan yo, pa bouch a tout pwofèt yo, ✧ke Kris Li a ta souffri; konsa, Li gen tan fin akonpli.

✧ 2:43 Trav 2:22 ✧ 2:44 Trav 4:32,37 ✧ 2:45 Mat 19:21 ✧ 2:46 Trav 5:42 ✧ 2:47 Trav 5:14 ✧ 2:47 Trav 2:41 ✧ 3:1 Sòm 55:17 ✧ 3:2 Luc 16:20 ✧ 3:3 Luc 22:8 ✧ 3:4 Trav 10:4 ✧ 3:6 Trav 2:22 ✧ 3:8 Trav 14:10 ✧ 3:9 Trav 4:16 ✧ 3:10 Jn 9:8 ✧ 3:11 Jn 10:23 ✧ 3:13 Trav 3:26 ✧ 3:14 Mat 27:20 ✧ 3:15 Trav 2:24 ✧ 3:15 Luc 24:48 ✧ 3:16 Trav 3:6 ✧ 3:17 Jn 15:21 ✧ 3:18 Trav 2:23 ✧ 3:18 Trav 17:3

<sup>19</sup> Donk ✨repanti e retounen, pou peche nou yo kapab efase e pou tan rafrechisman yo kapab sòti nan prezans Senyè a; <sup>20</sup> Epi pou Li kapab voye Jésus, Kris la ki te chwazi pou nou an. <sup>21</sup> Li menm ke syèl la oblije resevwa jiskaske tan ✨restorasyon tout bagay ke ✨Bondye te pale pa bouch a pwofèt sen Li yo depi nan tan ansyen an.

<sup>22</sup> Moïse te di: ✨‘Senyè Bondye a va fè leve pou nou yon pwofèt tankou mwen ki sòti nan frè nou yo; a Li menm, nou va prete atansyon a tout sa Li di nou. <sup>23</sup> ✨E li va rive ke tout nanm ki pa okipe pwofèt sila ✨va detwi nèt pami pèp la.’

<sup>24</sup> Epi menm jan an ✨tout pwofèt ki pale, depi Samuel ak tout sila ki te swiv li yo, osi te anonse jou sa yo.

<sup>25</sup> Se nou menm ki se fis a pwofèt yo, ak akò ke Bondye te fè avèk zansèt nou yo, lè yo te di Abraham: ✨‘Epi nan posterite ou, tout fanmi sou latè yo va beni’.

<sup>26</sup> Pou nou menm dabò, Bondye te leve sèvitè Li a, e Li te voye Li pou beni nou lè L te fè chak en de nou vire kite mechanste nou yo.

## 4

<sup>1</sup> Pandan yo t ap pale ak pèp la, prèt avèk kaptenn gad tanp lan avèk ✨Sadiseyen yo te rive kote yo; <sup>2</sup> Yo te byen deranje paske yo t ap enstwi pèp la e t ap pwoklame ✨nan non Jésus rezirèksyon a lanmò yo. <sup>3</sup> E yo te mete men sou yo, e te ✨mete yo nan prizon pou jis rive nan demen, paske li te gen tan fènwa. <sup>4</sup> Men anpil nan sila yo ki te tandè mesaj la te kwè, e ✨fòs kantite moun ki te kwè yo te vini toupren senk-mil.

<sup>5</sup> Nan landemen ✨chèf yo a, avèk ansyen ak skrib yo te reyini ansanm nan Jérusalem <sup>6</sup> avèk ✨Anne, wo prèt la, Caïphe, Jean, Alexandre, ak tout sila ki te desandan wo prèt yo. <sup>7</sup> Lè yo te mete yo nan mitan yo, yo te kòmanse kesyone yo: “Pa ki pouvwa, oswa nan ki non nou te fè sa a?”

<sup>8</sup> Alò, Pierre ✨ranpli avèk Lespri Sen an, te di yo: “Chèf ak ansyen a pèp la, <sup>9</sup> Si nou parèt devan tribinal jodi a pou ✨benefis ki fèt a yon moun malad, kòm si, kijan nonm sa a te fè geri, <sup>10</sup> kite li byen konnen pami nou tout, ak tout Israèl, ke ✨pa non a Jésus Kri, Nazareyen ke nou te krisifye a, ke Bondye te fè leve soti nan lanmò a, pa non sa a menm, mesye sila a kanpe devan nou an bòn sante. <sup>11</sup> ‘Se Li menm ki ✨wòch ki te rejte pa nou menm ki t ap bati yo, men ki vin fè wòch ang prensipal la.’

<sup>12</sup> E pa gen sali nan ✨okenn lòt; paske nanpwen lòt non anba syèl la ki bay pami lòm pa kilès nou dwe sove.”

<sup>13</sup> Alò, lè yo te wè ✨konfyans a Pierre avèk Jean, e te konprann ke yo pa t gen anpil edikasyon ni enstriksyon, yo te etone, e ✨te rekonèt yo kon moun ki te avèk Jésus yo. <sup>14</sup> Epi lè yo te wè mesye ki te geri a te kanpe la avèk yo, yo pa t gen repons pou bay.

<sup>15</sup> Men lè yo fin mande yo ✨kite konsèy la, yo te fè konferans ansanm, <sup>16</sup> e t ap di: “Alò ✨kisa pou nou fè avèk mesye sa yo? Paske li byen klè a tout sila ki rete Jérusalem yo ke ✨yon mirak byen enpòtan te fèt pa yo, e nou pa kapab di ke se pa vrè.

✨ 3:19 Trav 2:38 ✨ 3:21 Mat 17:11 ✨ 3:21 Luc 1:70 ✨ 3:22 Det 18:15,18 ✨ 3:23 Det 18:19 ✨ 3:23 Lev 23:29 ✨ 3:24 Luc 24:27 ✨ 3:25 Jen 22:18 ✨ 4:1 Mc 12:18 ✨ 4:2 Trav 3:15 ✨ 4:3 Trav 5:18 ✨ 4:4 Trav 2:41 ✨ 4:5 Luc 23:13 ✨ 4:6 Luc 3:2 ✨ 4:8 Trav 2:4 ✨ 4:9 Trav 3:7 ✨ 4:10 Trav 2:22 ✨ 4:11 Sòm 118:22 ✨ 4:12 Mat 1:21 ✨ 4:13 Trav 4:31 ✨ 4:13 Jn 7:15 ✨ 4:15 Mat 5:22 ✨ 4:16 Jn 11:47 ✨ 4:16 Trav 3:7-10

<sup>17</sup> Men pou sa pa rive pi lwen pami pèp la, annou avèti yo pou yo pa pale ankò a okenn moun \*nan non sila a. <sup>18</sup> Epi lè yo rele yo, yo te \*kòmande yo pou yo pa pale ni enstwi menm nan non Jésus a.

<sup>19</sup> Men Pierre avèk Jean te reponn yo e te di: \**“Si li bon devan Bondye pou obeyi a nou menm olye a Bondye, nou mèt jije* <sup>20</sup> *Paske \*nou menm, nou pa kapab sispann pale sa ke nou te wè ak tandè.*

<sup>21</sup> Konsa, lè yo te fin menase yo anplis, yo te lage yo, paske yo pa t kapab twouve baz pou pini yo, e \*akoz perèz a pèp la, paske yo tout t ap \*bay Bondye glwa pou sa ki te rive a; <sup>22</sup> Paske mesye a ki te resevwa mirak sila a, te gen plis ke karant ane.

<sup>23</sup> Lè yo te fin lage yo, yo te ale bò kote moun pa yo, e te rapòte a tout moun sa ke chèf prèt yo avèk ansyen yo te di yo. <sup>24</sup> Lè yo te tandè sa, yo te leve vwa yo a Bondye ansanm, e te di: ‘O Bondye, se te Ou menm ki te \*fè syèl la ak tè a, lanmè, ak tout sa ki ladann’ <sup>25</sup> ki \*pa Lespri Sen an, selon bouch a Zansèt nou David te di:

\*Poukisa nasyon yo anraje konsa;  
e poukisa pèp yo anvizaje yon bagay anven?

<sup>26</sup> \*Wa sou latè yo ap pran pòz yo  
e gwo chèf yo ap mete tèt yo ansanm kont Senyè a  
ak kont Kris Li a.’

<sup>27</sup> Paske vrèman, nan vil sa yo te rasanble ansanm kont \*sèvitè sen Ou an, Jésus, ke ou menm te onksyone a; Hérode ak Ponce Pilate ansanm avèk nasyon payen yo ak pèp Israël la <sup>28</sup> pou fè nenpòt bagay ke men Ou ak \*volonte Ou te deja planifye, pou fèt. <sup>29</sup> E koulye a, Senyè, byen gade menas ke yo fè yo, e kite sèvitè ki mare ak Ou yo \*pale pawòl Ou avèk tout konfyans. <sup>30</sup> Pandan W ap lonje men Ou pou fè gerizon \*sign ak mirak yo k ap fèt nan non a sèvitè Sen Ou an, Jésus.”

<sup>31</sup> E lè yo te fin priye, plas kote yo te reyini an te vin souke; yo tout te \*ranpli avèk Lespri Sen an, e yo te \*pale pawòl Bondye a avèk kouraj.

<sup>32</sup> Epi kongregasyon a sila ki te kwè yo te vin yon sèl nan kè ak nanm; pa t gen youn nan yo ki te gen byen ki te reklame pou pwòp tèt yo; men \*tout bagay te pou tout moun. <sup>33</sup> \*Avèk gran pouvwa, apòt yo t ap bay temwayaj a rezirèksyon Jésus Kris la, e lagras an abondans te vini sou yo tout. <sup>34</sup> Paske pa t gen yon moun pami yo ki te nan neseseite, pwiske sila ki te mèt tè yo oubyen kay yo \*te vann yo e pote benefis a vant lan bay, <sup>35</sup> epi \*mete yo nan pye apòt yo, e yo \*te distribye a chak en ki te gen nenpòt bezwen.

<sup>36</sup> Joseph, yon Levit ki te ne an \*Chypre ke yo te rele osi Barnabas, pa apòt yo, ki vle di Fis \*Ankourajman an <sup>37</sup> te gen yon mòso tè. Li te vann li e te pote kòb la mete l nan pye apòt yo.

## 5

<sup>1</sup> Men yon sèten mesye ke yo te rele Ananias ak Saphira, madanm li, te vann yon moso tè. <sup>2</sup> Men li te kenbe yon pati nan pri a pou li menm, avèk konesans madanm li; li te pote yon sèten pati, e te \*mete l nan pye apòt yo.

<sup>3</sup> Men Pierre, te di: “Ananias, poukisa \*Satan ranpli kè ou pou bay manti

\* 4:17 Jn 15:21 \* 4:18 Trav 5:28 \* 4:19 Trav 5:28 \* 4:20 I Kwo 9:16 \* 4:21 Trav 5:26 \* 4:21 Mat 9:8 \* 4:24 Egz 20:11 \* 4:25 Trav 1:16 \* 4:25 Sòm 2:1 \* 4:26 Sòm 2:2 \* 4:27 Trav 3:13 \* 4:28 Trav 2:23 \* 4:29 Fil 1:14 \* 4:30 Jn 4:48 \* 4:31 Trav 2:4 \* 4:31 Fil 1:14 \* 4:32 Trav 2:44 \* 4:33 Trav 1:8 \* 4:34 Mat 19:21 \* 4:35 Trav 4:37 \* 4:35 Trav 2:45 \* 4:36 Trav 13:4 \* 4:36 Trav 11:23 \* 5:2 Trav 4:35,37 \* 5:3 Mat 4:10

a Lespri Sen an e pou kenbe yon pati nan pri tè a an kachèt. <sup>4</sup> Pandan li te rete pa t vann nan, èske li pa t nan men ou? E lè li te fin vann nan, èske li pa t toujou sou kontwòl pa w? Poukisa ou kalkile bagay sa a nan kè ou? Se pa a moun ke ou bay manti a, men ✧a Bondye.

<sup>5</sup> Epi Ananias, lè l te tande bagay sa yo, te tonbe atè e te respire dènye souf li; e yon ✧gwo laperèz te vini sou tout sila ki te tande bagay sa yo.

<sup>6</sup> Jennjan yo te leve li, ✧vlope li nan yon twal e te pote l deyò pou te antere l.

<sup>7</sup> Nan anviwon twazèdtan, madanm li, san konnen sa ki te rive a, te antre.

<sup>8</sup> Pierre te di li: “Di m si ou te vann tè a pou ✧yon pri konsa?” E li te di: “Wi, pou yon pri konsa”.

<sup>9</sup> Alò, Pierre te di li: “Poukisa ke nou dakò ansanm pou ✧tante Lespri Senyè a? Vwala, pye a sila ki te antere mari ou yo parèt nan pòt la, e yo va pote ou deyò a tou.

<sup>10</sup> Konsa ✧li te tonbe atè e te rann dènye souf li; epi jennjan yo te antre, yo twouve li tou mouri, yo te pote l ale. Yo te antere li bò kote mari li.

<sup>11</sup> Yon ✧gwo laperèz te vin tonbe sou tout legliz la, e sou tout sila ki te tande bagay sa yo.

<sup>12</sup> Pa men apòt yo, anpil sign ak mirak te fèt pami pèp la, e yo tout te an akò nan Galri Salomon an.

<sup>13</sup> Pou lòt yo, pa t gen pèsòn ki te gen kouraj pou vin jwenn avèk yo, men ✧pèp la te bay yo lwanj. <sup>14</sup> Epi anpil ✧kwayan nan non Senyè a, yon fòs kantite gason avèk fi t ap ajoute tout tan pami yo, <sup>15</sup> jiskaske yo te pote malad yo e mete yo nan lari, yo te fè yo kouche sou kabann ak palèt, pou ✧menm yon ti kras lonbraj Pierre, lè l pase, ta kapab tonbe sou nenpòt nan yo.

<sup>16</sup> Te vini osi foul ki te sòti nan vil ki te antoure Jérusalem yo ki t ap pote moun malad, ak sila ki te twouble pa move Lespri yo; e yo tout te geri.

<sup>17</sup> Men, wo prèt la te vin leve, ak tout sila ki te avèk li yo (sa vle di ✧Sadiseyen yo), e yo te jalou anpil. <sup>18</sup> Yo te mete men sou apòt yo, e te ✧mete yo nan yon prizon piblik.

<sup>19</sup> Men ✧yon zanj Bondye te ouvri pòt prizon an pandan lannwit, e te fè yo sòti, e te di: <sup>20</sup> “Ale, kanpe pale ak pèp la nan tanp lan ✧tout pawòl lavi a.”

<sup>21</sup> Lè yo te tande sa, yo te antre nan tanp lan granmmaten, e yo te kòmanse enstwi.

Men lè ✧wo prèt la te vini, ansanm ak sila ki te avèk li yo, yo te reyini yon gran konsèy avèk tout ansyen Israël yo. Konsa yo te voye kote prizon an pou fè yo vini.

<sup>22</sup> Men lè ✧jandam yo te vini, yo te twouve ke yo pa t nan prizon an. Konsa yo te retounen pou te bay rapò a. <sup>23</sup> Yo te di: “Nou te twouve prizon an byen fèmen e byen sere avèk gad yo ki te kanpe devan pòt la, men lè nou te louvri li, nou pa twouve pèsòn ladann.

<sup>24</sup> Lè wo prèt la avèk ✧kaptenn kò gad tanp lan te tande sa, yo te vin enkyete pou kote pwoblèm sa a ta vin rive.

<sup>25</sup> Men yon moun te vin di yo: “Gade, mesye sa yo ke nou te mete nan prizon an kanpe nan tanp lan e y ap enstwi pèp la.”

✧ 5:4 Trav 5:3,9 ✧ 5:5 Trav 2:43 ✧ 5:6 Jn 19:40 ✧ 5:8 Trav 5:2 ✧ 5:9 Trav 15:10 ✧ 5:10 Éz 11:13 ✧ 5:11 Trav 2:43 ✧ 5:13 Trav 2:47 ✧ 5:14 II Kwo 6:15 ✧ 5:15 Trav 19:12 ✧ 5:17 Mat 3:7 ✧ 5:18 Trav 4:3 ✧ 5:19 Mat 1:20,24 ✧ 5:20 Jn 6:63,68 ✧ 5:21 Trav 4:6 ✧ 5:22 Mat 26:58 ✧ 5:24 Trav 4:1

<sup>26</sup> Alò, yo te ale avèk kaptenn lan ak jandam yo, e te mennen yo vini san vyolans; paske ✨yo te krent pèp la, pou yo pa ta lapide yo avèk wòch.

<sup>27</sup> Lè yo te mennen yo, yo te fè yo kanpe devan ✨konsèy la pou wo prèt la kesyone yo. <sup>28</sup> Li te di yo konsa: “Èske nou pa t bay nou yon lòd byen klè pou nou pa kontinye enstwi nan non sila a? E malgre sa a, nou fin ranpli tout Jérusalem avèk enstriksyon nou yo, e nou ✨gen entansyon voye san mesye sa a sou nou”.

<sup>29</sup> Alò Pierre avèk apòt yo te reponn e te di: ✨“Nou oblije obeyi a Bondye olye a lòm. <sup>30</sup> ✨Bondye a zansèt nou yo ✨te fè leve Jésus, ke nou te touye pann sou yon kwa a. <sup>31</sup> ✨Se Li menm Bondye te fè leve wo kote men dwat Li, tankou yon Prens, e yon ✨Sovè, pou bay a Israèl repantans, ak padon pou peche yo. <sup>32</sup> Epi nou te ✨temwen a bagay sa yo; e anplis Lespri Sen an ke Bondye bay a sila ki obeyi Li yo.”

<sup>33</sup> Lè yo te tandè sa, yo te ✨byen blese, e te fè plan pou touye yo.

<sup>34</sup> Alò, yon nonm nan konsèy la ke yo te rele ✨Gamaliel te kanpe, yon pwofesè nan Lalwa ki te gen bon repitasyon pami tout pèp. Li te mande yo mete apot yo deyò pou yon moman.

<sup>35</sup> Epi li te di yo: “Moun Israèl yo, veye nou menm ak sa nou gen entansyon fè avèk mesye sila yo, <sup>36</sup> Paske pa anpil jou avan sa, te leve yon Theudas ki t ap pretann li menm te ✨yon pèsonaj, epi yon gwoup kat-san òm te vin jwenn avèk li. Men yo te touye li, e tout sila ki te swiv li yo te vin gaye, e pa t reyalye anyen.

<sup>37</sup> Apre mesye sila a, Judas, Galileyen an, te leve nan jou ✨resansman an, e li te atire kèk moun dèyè l. Li menm tou te peri, e tout sila ki te swiv li yo te vin gaye.

<sup>38</sup> Donk, nan ka prezan an, mwen di nou, rete lwen de moun sa yo, e pa okipe yo, paske si plan oubyen aksyon sa a ✨sòti nan lòm, li va boulvèse. <sup>39</sup> Men si se nan Bondye, nou p ap kab boulvèse yo; sinon nou kab menm twouve ke n ap ✨goumen kont Bondye menm.

<sup>40</sup> Yo te koute konsèy li; e apre yo te rele apòt yo antre, yo te ✨bat yo avèk fwèt, e te kòmande yo pou yo pa pale nan non Jésus, e te lage yo.

<sup>41</sup> Donk yo te kite konsèy la; yo te al fè wout yo, e t ap ✨rejwi ke yo te konsidere dign pou soufri mepri ✨pou non Li.

<sup>42</sup> ✨Epi chak jou nan tanp lan, sòti nan yon kay a yon lòt, yo te kontinye enstwi ak preche Jésus kòm Kris la.

## 6

<sup>1</sup> Alò nan lè sa a pandan ✨disip yo t ap vin ogmante plis, yon plenyen te vin leve nan pati a ✨Jwif Grèk yo kont Jwif natal yo, paske vèp pa yo te neglije nan separasyon manje chak jou a.

<sup>2</sup> Donk, douz yo te rele rasanble ak disip yo e te di: “Li pa bon pou nou neglije pawòl Bondye a pou nou sèvi tab yo. <sup>3</sup> “Konsa, frè yo, chwazi pami nou sèt mesye ak bon jan repitasyon ✨ranpli ak Lespri a e ak sajès, pou nou kapab mete an chaj tach sila a. <sup>4</sup> Men nou menm nou va ✨dedye nou a lapriyè ak ministè a pawòl Bondye a.

✨ 5:26 Trav 4:21 ✨ 5:27 Mat 5:22 ✨ 5:28 Mat 23:35 ✨ 5:29 Trav 4:19 ✨ 5:30 Trav 3:13  
 ✨ 5:30 Trav 2:24 ✨ 5:31 Trav 2:33 ✨ 5:31 Luc 2:11 ✨ 5:32 Luc 24:48 ✨ 5:33 Trav 2:37  
 ✨ 5:34 Trav 22:3 ✨ 5:36 Trav 8:9 ✨ 5:37 Luc 2:2 ✨ 5:38 Mc 11:30 ✨ 5:39 Pwov 21:30  
 ✨ 5:40 Mat 10:17 ✨ 5:41 I Pi 4:14,16 ✨ 5:41 Jn 15:21 ✨ 5:42 Trav 2:46 ✨ 6:1 Trav 11:26  
 ✨ 6:1 Trav 9:29 ✨ 6:3 Trav 2:4 ✨ 6:4 Trav 1:14

<sup>5</sup> Pawòl sila a te fè plezi a tout asanble a, e yo te chwazi ✨Étienne, yon nonm ranpli ak lafwa e ak Lespri Sen an, ak Philippe, Prochore, Nicanor, Timon, Parménas, epi Nicolas, yon konvèti nan relijyon a Jwif yo ki sòti Antioche. <sup>6</sup> Epi sila yo te mennen devan apòt yo; e lè yo te fin ✨fè lapriyè, yo te ✨poze men sou yo.

<sup>7</sup> Pawòl Bondye a te kontinye gaye, e kantite disip yo te kontinye ogmante anpil nan Jérusalem, e yon gran nonb pami prèt yo t ap vin obeyisan a ✨lafwa a.

<sup>8</sup> Epi Étienne, ranpli avèk gras ak pouvwa, te fè ✨mèvèy ak mirak pami pèp la.

<sup>9</sup> Men kèk moun ki te sòti nan sa ke yo te rele Sinagòg Dèzòm Lib, ki te gen moun ✨Sireneyen ak moun Alexandryen yo, e kèk moun Cilicie ak Asie, te leve pou diskite avèk Étienne. <sup>10</sup> Men yo pa t kapab fè fas avèk sajès ak Lespri ki t ap fè l pale a.

<sup>11</sup> Alò, an sekre yo te fè moun yo di: “Nou tande li pale pawòl blasfèm kont Moïse ak kont Bondye”.

<sup>12</sup> Konsa, yo te sòlve pèp la, ansyen yo ak skrib yo; yo te ✨pwoche li e te trennen li pou te mennen l devan konsèy la. <sup>13</sup> Yo te mete devan ✨fo temwayaj ki te di: “Nonm sila a tout tan ap pale kont ✨lye sakre sila a ak Lalwa. <sup>14</sup> Paske nou konn tande li di ke ✨Nazareyen sila a, Jésus, va detwi plas sila a e chanje koutim ke Moïse te bannou yo.

<sup>15</sup> Epi yo Tout nan konsèy la te fikse zye yo sou li, e yo te wè figi li tankou figi a yon zanj.

## 7

<sup>1</sup> Wo prèt la te di: “Èske bagay sa yo se vrè?”

<sup>2</sup> Epi li te di: Epi li te di: “Koute m ✨frè m yo ak ✨ansyen mwen yo!” Bondye laglwa a te parèt devan zansèt nou, Abraham lè li te nan Mésopotamie, avan ke li te rete Charran. <sup>3</sup> E Li te di li: ✨“Kite peyi ou, ak fanmi ou, e vini nan peyi ke Mwen menm va montre ou a”.

<sup>4</sup> ✨Epi li te kite peyi a Kaldeyen yo pou vin rete nan Charran. ✨Depi la, lè papa l te vin mouri, Bondye te fè l deplase vin nan peyi sila a kote nou rete koulye a. <sup>5</sup> Men Li pa t ba li yon eritaj ladann, ni menm yon moso tè, men menm lè li pa t gen pitit ✨Li te pwomèt li ke Li ta ba li sa kòm yon posesyon, e a desandan aprè li yo.

<sup>6</sup> Men ✨Bondye te pale konsa: “Ke Desandan li yo ta etranje nan yon peyi etranje, pou yo ta nan esklavaj e maltrete pandan kat-san lane. <sup>7</sup> ‘Epi nenpòt nasyon ki ta mete yo nan esklavaj, Bondye te di: “Mwen Menm, Mwen va jije’, ✨epi apre sa, yo va sòti la pou sèvi Mwen nan plas sila a.”

<sup>8</sup> Li ✨te bay li akò sikonsizyon an, epi ✨Abraham te vin papa a Isaac; li te sikonsi li nan uityèm jou a. Isaac te vin papa a Jacob, e Jacob a douz patriyach yo.

<sup>9</sup> Patriyach yo ✨te vin jalou de Joseph e yo te vann li an Égypte. Men Bondye te avèk li <sup>10</sup> e Li te delivre li nan tout aflikasyon li yo. Konsa li ✨te bay li favè avèk sajès devan Pharaon, wa Égypte la, e te fè li vin gouvènè sou Égypte, ak tout lakay li.

✨ 6:5 Trav 6:8 ✨ 6:6 Trav 1:24 ✨ 6:6 Nonb 8:10 ✨ 6:7 Trav 13:8 ✨ 6:8 Jn 4:48 ✨ 6:9 Mat 27:32 ✨ 6:12 Luc 20:1 ✨ 6:13 Mat 26:59-61 ✨ 6:13 Mat 24:15 ✨ 6:14 Mat 26:61 ✨ 7:2 Jn 8:42 ✨ 7:2 Jen 11:31 ✨ 7:3 Jen 12:1 ✨ 7:4 Jen 11:31 ✨ 7:4 Jen 12:4,5 ✨ 7:5 Jen 12:7 ✨ 7:6 Jen 13:15 ✨ 7:7 Egz 3:12 ✨ 7:8 Jen 17:10 ✨ 7:8 Jen 21:2-4 ✨ 7:9 Jen 37:11,28 ✨ 7:10 Jen 39:21

11 Alò \*yon gwo grangou te parèt nan tout Égypte ak Canaan, avèk gwo mizè, e zansèt nou yo pa t kab twouve manje. 12 Men \*lè Jacob te tandè ke te gen manje an Égypte, li te voye zansèt nou yo la pou premye fwa a.

13 Nan dezyèm vizit la \*Joseph te fè frè l yo dekouvri ki moun li te ye, e \*fanmi Joseph te vin entwodwi a Pharaon. 14 Alò \*Joseph te voye envite Jacob, papa li avèk tout fanmi li pou vin kote l. Te gen swasann-kenz moun antou.

15 Epi \*Jacob te desann an Égypte e li menm avèk zansèt nou yo te mouri la. 16 Depi la yo te deplase yo ale \*Sichem, e te antere yo nan tonm ke Abraham te achte pou yon sòm lajan nan menm fis a Hémor an Sichem yo.

17 Men pandan \*tan a pwomès ke Bondye te pwomèt a Abraham nan t ap pwoche \*pèp la te vin ogmante e te miltipliye an Égypte. 18 Jiskaske \*Yon lòt wa te leve sou Égypte ki pa t konnen anyen de Joseph. 19 Se te li menm ki te sèvi gwo koken pou pran avantaj sou ras nou an e maltrete zansèt nou pou yo ta kab \*fè zanfan yo pa t kab viv.

20 Se te nan tan sila a ke \*Moïse te ne; li te byen bèl nan zye Bondye, e li te okipe pandan twa mwa lakay papa li. 21 Epi lè yo te fin mete l deyò, fi \*Pharaon an te pran li e te nourri li kòm pwòp fis pa li. 22 Moïse te enstwi nan tout \*konesans Ejipsyen an e li te vin yon nonm byen fò nan pawòl ak nan zak.

23 Men lè l t ap pwoche laj karant ane, \*sa te antre nan tèt li pou vizite frè li yo, fis Israël yo.

24 Konsa, lè l te wè youn nan yo byen maltrete, li te defann li e te vanje pou sila ki te oprime a lè l te touye Ejipsyen an. 25 Li te sipoze ke frè li yo te konprann ke Bondye t ap bay yo delivrans atravè li menm, men yo pa t konprann.

26 \*Nan jou swivan an, li te parèt a yo menm pandan yo t ap goumen youn avèk lòt, e li te eseye rekonsilye yo nan lapè e te di: “Moun yo, se frè nou ye; poukisa nou ap fè mal a youn lòt?”

27 Men sila ki t ap fè frè l la mal la te bourade l e te di: \**“Kilès ki te fè ou yon chèf ak jij sou nou? 28 \*Èske ou gen entansyon touye m menm jan ke ou te touye Ejipsyen an ayè a?”*

29 Ak pawòl sila a \*Moïse te sove ale, e te vin yon etranje nan peyi Madian, kote li te vin papa a de fis.

30 Apre karant ane te pase, \*Yon zanj te parèt a li menm nan dezè Mòn Sinai nan flann a yon touf bwa. 31 Lè Moïse te wè l, li te etone de sa l te wè a; epi lè l te pwoche pou gade pi pre, vwa Senyè a te soti: 32 \*Mwen menm se Bondye a zansèt nou yo, Bondye Abraham nan, Isaac ak Jacob la’. Moïse te tranble avèk laperèz e pa t menm vle pran chans gade.

33 \**“Men SENYÈ a te di l: ‘Retire sapat nan pye ou, paske lye kote ou kanpe a se tè sen. 34 \*Mwen anverite wè soufrans pèp Mwen an an Égypte e tandè plent yo, e Mwen gen tan vini pou delivre yo. Vin koulye a e Mwen va voye ou an Égypte.’*

\* 7:11 Jen 41:54 \* 7:12 Jen 42:2 \* 7:13 Jen 45:1-4 \* 7:13 Jen 45:16 \* 7:14 Jen 45:9,10,17,18  
 \* 7:15 Jen 46:1-7 \* 7:16 Jen 23:16 \* 7:17 Jen 15:13 \* 7:17 Egz 1:7 \* 7:18 Egz 1:8 \* 7:19  
 Egz 1:22 \* 7:20 Egz 2:2 \* 7:21 Egz 2:5 \* 7:22 I Wa 4:30 \* 7:23 Egz 2:1 \* 7:26 Egz  
 2:1 \* 7:27 Egz 2:14 \* 7:28 Egz 2:14 \* 7:29 Egz 2:15,22 \* 7:30 Egz 3:1 \* 7:32 Egz 3:6  
 \* 7:33 Egz 3:5 \* 7:34 Egz 3:7

<sup>35</sup> Menm Moïse sila a ke yo te ✨rejte lè yo te di: ‘Kilès ki te fè ou yon chèf e yon jij?’ Se sila a ke Bondye te voye pou li ta kapab non sèlman yon chèf, men yon liberatè avèk èd zanj ki te parèt kote li nan touf bwa pikan an.

<sup>36</sup> ✨Mesye sila a te mennen yo sòti, e te fè ✨mèvèy ak sign nan peyi Égypte, ak nan Lamè Wouj, epi pandan karant ane nan dezè a. <sup>37</sup> Se te Moïse sila a ki te di a fis Israèl yo: ✨‘Bondye va fè leve pou nou yon pwofèt tankou mwen ki sòti nan frè nou yo.’

<sup>38</sup> Sa se li menm ki te nan ✨asanble nan dezè a, ansanm avèk zanj ki t ap pale avè l sou Mòn Sinaï a, e avèk zansèt nou yo; epi li te resevwa ✨pawòl vivan yo pou pase bannou.

<sup>39</sup> Zansèt nou yo pa t dakò obeyisan a li menm, men yo te ✨rejte l, e nan kè yo, yo te vire tounen an Égypte. <sup>40</sup> ✨Yo T ap di a Aaron: ‘Fè pou nou dye yo ki va ale devan nou; paske Moïse sila a ki te mennen nou sòti an Égypte la; nou pa menm konnen kisa ki rive li.’ <sup>41</sup> Nan moman sa a yo te fè yon jenn bèf; yo te pote yon sakrifis pou zidòl la, e yo t ap rejwi yo nan ✨zèv a pwòp men yo.

<sup>42</sup> Men Bondye te vire do Li, e te livre yo pou adore dye a zetwal syèl yo, jan sa ekri nan liv pwofèt yo:

✨‘Se pa t a Mwen menm ke nou te ofri ofrann ak sakrifis karant ane nan dezè a; se pa sa, o lakay Israèl?’

<sup>43</sup> ✨Nou te pran osi tabènak Moloch la, ak zetwal a dye Remphan an; imaj ke nou te fè pou adore yo.

Pou sa a Mwen osi va retire nou jis rive lòtbò Babylone.

<sup>44</sup> Zansèt nou yo te gen ✨tabènak temwayaj nan dezè a, menm jan ke Sila ki te pale avèk Moïse la te dirije li pou ✨fè, selon modèl ke li te wè a.

<sup>45</sup> Epi zansèt nou yo ki te resevwa li nan lè pa yo, te ✨pote li avèk Josué lè l te depouye nasyon ke Bondye te chase devan yo jis rive nan tan David la. <sup>46</sup> ✨David te twouve favè nan zye Bondye, e te mande pou li ta kapab jwenn yon mezon pou Bondye Jacob la abite. <sup>47</sup> Men se te ✨Salomon ki te bati yon kay pou Li.

<sup>48</sup> Poutan ✨Trè Wo a pa rete nan kay ki fèt pa men moun; jan pwofèt la di a:

<sup>49</sup> ✨‘Syèl la se twòn Mwen;

E tè a se ban pou pye Mwen.

Ki kalite kay ou kapab fè pou Mwen?’

‘Oubyen ki plas ki gen pou repo Mwen?’

<sup>50</sup> Se pa t men Mwen ki te fè tout bagay sa yo?’

<sup>51</sup> Nou menm, ki se moun ✨kou rèd e ensikonsi nan kè, avèk zòrèy ki toujou ap reziste a Lespri Sen an, n ap fè menm bagay ke zansèt nou yo te konn fè yo. <sup>52</sup> ✨Kilès nan pwofèt yo ke zansèt nou yo pa t pèsekite? Yo te touye sila yo ki avan lè te anonse ke ✨Sila Ki Jis la t ap vini; ke nou menm koulye a trayi e asasine. <sup>53</sup> Nou menm ki te resevwa Lalwa kòm yon ✨òdonans pa zanj yo, te vyole li.

<sup>54</sup> Alò, lè yo te tandè sa, yo te ✨blese byen fon, e t ap manje dan yo sou li.

✨ 7:35 Egz 2:14 ✨ 7:36 Egz 12:41 ✨ 7:36 Egz 7:3 ✨ 7:37 Det 18:15,18 ✨ 7:38 Egz 19:17  
 ✨ 7:38 Det 32:47 ✨ 7:39 Nonb 14:3 ✨ 7:40 Egz 32:1,23 ✨ 7:41 Rev 19:20 ✨ 7:42 Am 5:25  
 ✨ 7:43 Am 5:26,27 ✨ 7:44 Egz 25:8-9 ✨ 7:44 Egz 25:40 ✨ 7:45 Det 32:49 ✨ 7:46 II Sam 7:8  
 ✨ 7:47 I Wa 6:1-38 ✨ 7:48 Luc 1:32 ✨ 7:49 És 66:2 ✨ 7:51 Egz 32:9 ✨ 7:52 II Kwo 36:1  
 ✨ 7:52 Trav 3:14 ✨ 7:53 Det 33:2 ✨ 7:54 Trav 5:33



<sup>55</sup> Men ✨ranpli avèk Lespri Sen an, li te fikse zye l anwo nan syèl la e te wè glwa Bondye ak Jésus ki te kanpe bò men dwat Bondye; <sup>56</sup> Li te di: “Gade byen, Mwen wè ✨syèl la vin louvri, e Fis a lòm nan ki kanpe bò men dwat Bondye.”

<sup>57</sup> Men yo te kriye fò avèk yon gwo vwa, e te kouvri zòrèy yo, e te kouri sou li ansanm a lafwa. <sup>58</sup> Lè yo te fin pouse li ✨deyò vil la, yo te kòmanse lapide l avèk wòch, epi temwen yo te ✨depoze vètman pa yo nan pye a yon jennonm yo te rele Saul.

<sup>59</sup> Yo te kontinye lapide Étienne pandan li te ✨rele Senyè a, e te di: “Senyè Jésus, resevwa Lespri mwen”. <sup>60</sup> Epi ✨li te tonbe sou jenou li, e te kriye avèk yon gwo vwa: “Senyè, pa kenbe peche sa a kont yo!” Lè l fin di sa, li te mouri.

## 8

<sup>1</sup> Saul te fin dakò nèt pou mete li a lanmò.

Epi nan jou sa a, yon gran pèsekisyon te kòmanse kont legliz la nan Jérusalem, e, yo tout, sof apòt yo, te gaye toupatou nan rejyon Juda avèk Samarie yo. <sup>2</sup> Kèk moun fidèl te antere Étienne, e te fè yon gwo lamantasyon sou li.

<sup>3</sup> Men ✨Saul te kòmanse ravaje legliz la, t ap antre de kay an kay pou rale fè sòti ni fanm, ni gason pou mete yo nan prizon.

<sup>4</sup> Konsa ✨sila ki te gaye yo te ale toupatou pou preche pawòl la.

<sup>5</sup> ✨Philippe te desann nan vil Samarie e te kòmanse preche Kris la bay yo.

<sup>6</sup> Foul la avèk yon sèl panse t ap bay atansyon yo a sa ke Philippe te di yo, paske yo te wè e te tandè mèvèy ke li t ap fè yo. <sup>7</sup> Paske nan ka anpil moun ki te genyen lespri enpi yo, lespri yo t ap sòti nan yo pandan yo t ap rele avèk yon gwo vwa; e anpil moun ki te ✨paralize e bwate te geri.

<sup>8</sup> Donk, te gen ✨anpil moun ki t ap rejwi nan vil sila a.

<sup>9</sup> Alò, te gen yon nonm yo te rele Simon, ki te konn pratike ✨maji nan vil la. Li t ap fè pèp Samarie a sezi, e t ap vante tèt li ke li menm se te yon moun pwisan.

<sup>10</sup> Epi yo tout, soti nan pi piti jiska pi gran, te ba li anpil atansyon, e te di: ✨“Mesye sila a se sa ke yo rele Gran Pouvw a Bondye a. <sup>11</sup> Epi yo t ap bay li atansyon paske pandan anpil tan li te konn etone yo avèk ✨metye maji sila a.

<sup>12</sup> Men lè yo te kwè Philippe ki t ap ✨preche bòn nouvèl wayòm Bondye a nan non Jésus Kris la, yo t ap batize; fanm, kou gason menm jan an.

<sup>13</sup> Menm Simon te vin kwè; epi apre li te batize li te kontinye avèk Philippe. Akoz li te wè anpil ✨sign ak ✨mirak ki t ap fèt, li te etone tout tan.

<sup>14</sup> Alò, lè ✨apòt nan Jérusalem yo te tandè ke Samarie te resevwa pawòl Bondye a, yo te voye ✨Pierre avèk Jean bay yo <sup>15</sup> Ki te vin desann e te priye ✨pou yo ta kapab resevwa Lespri Sen an. <sup>16</sup> Paske Li ✨potko tonbe sou okenn nan yo; yo te sèlman batize nan non Senyè a Jésus. <sup>17</sup> Alò, yo te ✨mete men sou yo, epi yo t ap ✨resevwa Lespri Sen an.

✨ 7:55 Trav 2:4 ✨ 7:56 Jn 1:51 ✨ 7:58 Lev 24:14-16 ✨ 7:58 Trav 22:20 ✨ 7:59 Trav 9:21  
 ✨ 7:60 Luc 22:41 ✨ 8:3 Trav 9:1,13,21 ✨ 8:4 Trav 8:1 ✨ 8:5 Trav 6 ✨ 8:7 Mat 4:24 ✨ 8:8  
 Jn 4:40-42 ✨ 8:9 Trav 8:11 ✨ 8:10 Trav 14:11 ✨ 8:11 Trav 8:9 ✨ 8:12 Trav 1:3 ✨ 8:13  
 Trav 8:6 ✨ 8:13 Trav 19:11 ✨ 8:14 Trav 8:1 ✨ 8:14 Luc 22:8 ✨ 8:15 Trav 2:38 ✨ 8:16  
 Mat 28:19 ✨ 8:17 Trav 6:6 ✨ 8:17 Trav 2:4

18 Koulye a, lè Simon te wè ke Lespri a te bay lè apòt yo te poze men sou moun yo, li menm te ofri yo lajan, <sup>19</sup> e te di: “Ban mwen otorite sila a osi, pou tout sila ke m poze men m sou yo kapab resevwa Lespri Sen an.”

20 Men Pierre te di li: “Ke lajan ou an peri avè w, paske ou te panse ke ou ta kapab ✨vin genyen don Bondye a avèk lajan. <sup>21</sup> Ou pa gen ✨ni pati ni plas nan bagay sa a, paske kè ou pa dwat devan Bondye. <sup>22</sup> Pou sa, repanti de mechanste ou, e priye Senyè a pou, ✨si posib, entansyon kè ou kapab vin padone. <sup>23</sup> Paske mwen wè ke ou nan fyèl anmè e ✨mare nan inikite.

24 Men Simon te reponn e te di: ✨“Priye a Senyè a pou mwen nou menm, pou anyen nan sa nou di yo pa vin rive m.”

25 Alò, lè yo te fin temwaye solanèlman, e te pale ✨pawòl Senyè a, yo te fè wout yo pou retounen Jérusalem, e yo t ap ✨preche bòn nouvèl la nan anpil vilaj Samariten.

26 Men ✨yon zanj Senyè a te pale ak Philippe e te di: “Leve, ale nan sid nan wout ki desann sotí Jérusalem vè Gaza a.” (Sa se yon wout nan dezè.)

27 Konsa, li te leve ale, e ✨te gen yon lenik Etyopyen, yon ofisye atache a Candace, larèn Etyopyen yo. Li te an chaj tout trezò li, e ✨te la nan Jérusalem pou adore Bondye. <sup>28</sup> Epi li t ap retounen byen chita nan cha li, pandan li t ap li liv pwofèt Ésaïe a.

29 Alò ✨Lespri a te di Philippe: “Ale jwenn cha sila a”.

30 Philippe te kouri, e tandè ke li t ap li Ésaïe pwofèt la; e li te di l: “Èske ou konprann sa w ap li a?”

31 Li te di: “Kijan mwen ta kapab, amwenske yon moun gide m?” Li te envite Philippe monte chita avè l.

32 Alò, pòsyon lekriti li t ap li a se te sila a:

✨“Li te mennen kon yon mouton nan labatwa;  
e kon yon jenn mouton an silans  
devan sa k ap taye lenn sou do l,  
li pa t louvri bouch li.

33 ✨Nan imilyasyon, jistis li te rachte.  
Kilès ki va eksplike jenerasyon pa L la?

Paske vi Li retire sou tè a.”

34 Lenik lan te reponn Philippe e te di: “Silvouplè, a kilès pwofèt la ap di sa a? A li menm, oubyen a yon lòt?”

35 Alò, Philippe te louvri bouch li e te ✨kòmanse soti nan lekriti sen sila a, li te preche Jésus a li menm.

36 Pandan yo t ap prale nan wout la, yo te vin toupre yon dlo; epi linik lan te di: ✨“Men gade, dlo! Kisa ki anpeche m ta batize. <sup>37</sup> Epi Philippe te di: “Si ou kwè avèk tout kè ou, ou kapab.” E li te reponn e te di: “Mwen kwè ke Jésus Kris se Fis Bondye a.” <sup>38</sup> Li te kòmande cha a rete; e yo tou de te desann nan dlo a, Philippe avèk lenik lan, e li te batize li.

39 Lè yo te sòti nan dlo a, ✨Lespri Senyè a te vin pran Philippe, e lenik lan pa t wè l ankò, men te kontinye wout li ap rejwi.

40 Men Philippe te twouve li menm nan ✨Azot, e pandan li t ap travèse, li te ✨kontinye preche bòn nouvèl la nan tout vil yo jiskaske li te rive Césarée.

✨ 8:20 II Wa 5:16 ✨ 8:21 Det 10:9 ✨ 8:22 És 55:7 ✨ 8:23 És 58:6 ✨ 8:24 Jen 20:7 ✨ 8:25 Trav 13:12 ✨ 8:25 Trav 8:40 ✨ 8:26 Trav 5:19 ✨ 8:27 Sòm 68:31 ✨ 8:27 I Wa 8:41 ✨ 8:29 Trav 8:39 ✨ 8:32 És 53:7 ✨ 8:33 És 53:8 ✨ 8:35 Luc 24:27 ✨ 8:36 Trav 10:47 ✨ 8:39 I Wa 18:12 ✨ 8:40 Jos 11:22 ✨ 8:40 Trav 8:25

## 9

<sup>1</sup> ✧ Alò, Saul, toujou t ap respire menas ak اساسina kont disip a Senyè yo, jis li rive devan wo prèt la. <sup>2</sup> Li te mande li bay li ✧ lèt a sinagòg Damas yo pou si li te twouve nenpòt moun ki nan Chemen an, fanm kou gason, li ta kapab mennen yo mare a Jérusalem.

<sup>3</sup> Pandan li t ap fè wout la, li rive ke li t ap pwoche Damas, epi ✧ sibatman, yon gran limyè ki sòti nan syèl la te klere tout ozanviwon li; <sup>4</sup> ✧ Li te tonbe atè e te tande yon vwa ki t ap di l: **“Saul, Saul, poukisa w ap pèsekite M?”**

<sup>5</sup> Li reponn: “Kilès Ou ye, Senyè?”

Li te di: **“Mwen se Jésus ke w ap pèsekite a, <sup>6</sup> Men leve, antre nan vil la, e ✧ ou va tande kisa ou dwe fè.”**

<sup>7</sup> Mesye ki te vwayaje avè l yo te kanpe san di anyen. Yo ✧ te tande vwa a, men yo pa t wè pèsòn.

<sup>8</sup> Saul te leve atè a, e ✧ malgre zye li te louvri, li pa t kab wè anyen. Yo te mennen li pa lamèn, e te fè l rive Damas. <sup>9</sup> Epi li pa t kab wè pandan twa jou, ni li pa t manje, ni bwè.

<sup>10</sup> Alò, te gen yon disip nan Damas ke yo te rele ✧ Ananias. Senyè a te di l ✧ nan yon vizyon: “Ananias!”

Li te reponn: “Men mwen, Senyè.”

<sup>11</sup> Senyè a te di li: **“Leve ale nan ri ke yo rele Dwat la, e mande lakay Judas, pou yon mesye ✧ Tarse ke yo rele Saul, paske l ap priye. <sup>12</sup> Li gen tan wè déjà nan yon vizyon yon mesye ke yo rele Ananias antre e ✧ poze men l sou li pou l wè ankò.”**

<sup>13</sup> Men Ananias te reponn: “Senyè, mwen tande de anpil moun sou mesye sila a; ✧ kijan li te fè sen ou yo mal Jérusalem; <sup>14</sup> Epi isit la li ✧ gen otorite ki sòti nan chèf prèt yo pou mare tout sila ki ✧ rele Non Ou yo.

<sup>15</sup> Men Senyè a te di li: “Ale paske ✧ li menm se yon enstriman ki chwazi pa Mwen pou pote non Mwen devan etranje, wa yo, ak fis Israèl yo; <sup>16</sup> Paske ✧ Mwen va montre li konbyen li dwe soufri pou non Mwen.”

<sup>17</sup> Konsa, Ananias te sòti, li te antre nan kay la, e lè l fin ✧ poze men l sou li, li te di: “Frè Saul, Senyè Jésus a ki te parèt devan ou nan wout la lè ou t ap vini an, Li voye m pou ou kapab wè ankò, epi li vin ranpli avèk Lespri Sen an.”

<sup>18</sup> Imedyatman bagay tankou kal te sòti tonbe nan zye li e li vin wè ankò; konsa, li te leve e te batize. <sup>19</sup> Li te pran manje e te reprann fòs li. Alò, pandan kèk jou, li te avèk disip ki te Damas yo.

<sup>20</sup> Epi imedyatman, li te kòmanse pwoklame Jésus ✧ nan sinagòg yo e t ap di: “Li se ✧ Fis Bondye a”.

<sup>21</sup> Tout sila ki t ap tande li yo te etone tout tan, e t ap di: “Èske sa se pa sila ki nan Jérusalem te ✧ detwi sila yo ki te envoke non sa a, e ki te vini isit la ekspre pou mennen yo mare devan chèf prèt yo?”

<sup>22</sup> Men Saul te kontinye ap vin pi fò, e t ap konfonn Jwif ki te rete Damas yo avèk prèv ke Jésus sila a se Kris la.

<sup>23</sup> Lè ✧ anpil jou te fin pase, Jwif yo te fè konplo ansanm pou yo ta fini avèk li, <sup>24</sup> Men konplo yo te vin konnen pa Saul. Epi yo t ap osi veye pòtay yo lajounen kon lannwit pou yo ta kapab mete l a lanmò.

✧ 9:1 Trav 9:1-22 ✧ 9:2 Trav 9:14,21 ✧ 9:3 I Kwo 15:8 ✧ 9:4 Trav 22:7 ✧ 9:6 Trav 9:16  
 ✧ 9:7 Jn 12:29 ✧ 9:8 Trav 9:18 ✧ 9:10 Trav 22:12 ✧ 9:10 Trav 10:3,17,19 ✧ 9:11 Trav 9:30  
 ✧ 9:12 Mc 5:23 ✧ 9:13 Trav 8:3 ✧ 9:14 Trav 9:2,21 ✧ 9:14 Trav 7:59 ✧ 9:15 Trav 13:2  
 ✧ 9:16 Trav 20:23 ✧ 9:17 Trav 2:4 ✧ 9:20 Trav 13:5 ✧ 9:20 Trav 13:33 ✧ 9:21 Trav 8:3  
 ✧ 9:23 Gal 1:17,18

<sup>25</sup> Men disip li yo te pran li nan lannwit, e yo te fè l desann sou miray la nan yon gwo panyen.

<sup>26</sup> Epi ✨lè l te vini Jérusalem, li te eseye pran kontak avèk disip yo, men yo te pè l, e yo pa t kwè ke li te yon disip.

<sup>27</sup> Men ✨Barnabas te pran li e te mennen l devan apòt yo. Paul te eksplike yo kijan li te wè Senyè a sou wout la, e ke Li te pale avèk li; epi kijan nan Damas li te pale avèk kouraj nan non Jésus.

<sup>28</sup> Epi li te avèk yo Jérusalem e t ap prale toupatou avèk libète. Li t ap ✨pale avèk anpil kouraj nan non Senyè a. <sup>29</sup> Li t ap pale e diskite avèk ✨Jwif Grèk yo men yo t ap eseye mete l a lanmò. <sup>30</sup> Men lè tout frè yo te vin konprann sa, yo te mennen li desann ✨Césarée, e ✨te voye li ale Tarse.

<sup>31</sup> Donk ✨legliz la nan tout Juda, Galilée, ak Samarie te vin gen lapè, e te vin fò. Yo te kontinye nan lakrent Senyè a, ak rekonfò Lespri Sen an, e te kontinye grandi.

<sup>32</sup> Alò pandan Pierre t ap vwayaje nan rejyon sa yo, li te desann osi bò kote ✨fidèl ki te rete nan Lydde yo. <sup>33</sup> La li te twouve yon sèten mesye ke yo te rele Enée, ki pa t kab leve sou kabann li depi uit ane, paske li te paralize.

<sup>34</sup> Pierre te di li: “Enée, Jésus Kri geri ou; leve e fè kabann ou.” Epi nan menm lè a li te leve.

<sup>35</sup> Tout moun ki te rete nan Lydde ak Saron yo te wè l, e yo te vire ✨vè Senyè a.

<sup>36</sup> Alò, nan ✨Joppé te gen yon sèten disip ke yo te rele Tabitha (ki tradwi an Grèk kon Dorcas). Fanm sa a te ranpli avèk zèv konpasyon ak charite ke li t ap fè tout tan. <sup>37</sup> Li te rive nan lè sa a ke fanm sila a te tonbe malad e te mouri. Lè yo te lave kò li, yo te fè l kouche nan yon chanm anlè. <sup>38</sup> Lydde te toupre Joppé, e ✨disip yo te tandè Pierre te la. Konsa yo te voye de mesye bò kote li pou sipliye l: “Pa fè reta; vin kote nou”.

<sup>39</sup> Pierre te leve e te ale avèk yo. E lè l vini, yo te mennen li nan ✨chanm anlè a. Tout vè yo te kanpe bò kote li e t ap kriye. Yo te montre li tout vètman ak rad ke Dorcas te konn fè lè l te avèk yo.

<sup>40</sup> Men Pierre te voye yo tout deyò, e te mete l sou jenou l pou l priye, e pandan l ap vire bò kote kò a, li te di: ✨“Tabitha, leve.”

Li te louvri zye li, e lè l te wè Pierre, li te chita.

<sup>41</sup> Li te bay li men li e te fè l leve. Konsa li te rele tout ✨fidèl yo avèk vè yo e li te prezante li vivan.

<sup>42</sup> Sa te vin konnen toupatou nan Joppé, e ✨anpil moun te kwè nan Senyè a.

<sup>43</sup> Apre sa li te rete anpil jou nan Joppé avèk yon ✨bòs tanè ke yo rele Simon.

## 10

<sup>1</sup> Alò, te gen yon sèten nonm nan Césarée ke yo te rele Corneille, yon santenye nan ✨kowòt Italyen an. <sup>2</sup> Li te yon mesye fidèl ✨ki te gen lakrent Bondye avèk tout lakay li, ki te ✨bay anpil charite a pèp Jwif la, e li te priye Bondye kontinyèlman.

✨ 9:26 Trav 22:17-20 ✨ 9:27 Trav 4:36 ✨ 9:28 Trav 4:13,29 ✨ 9:29 Trav 6:1 ✨ 9:30 Trav 8:40 ✨ 9:30 Gal 1:21 ✨ 9:31 Trav 5:11 ✨ 9:32 Trav 9:13 ✨ 9:35 Trav 2:47 ✨ 9:36 Jos 19:46 ✨ 9:38 Trav 11:26 ✨ 9:39 Trav 1:13 ✨ 9:40 Mc 5:41 ✨ 9:41 Trav 9:13,32 ✨ 9:42 Trav 9:35 ✨ 9:43 Trav 10:6 ✨ 10:1 Trav 8:40 ✨ 10:2 Trav 10:22,35 ✨ 10:2 Luc 7:4

<sup>3</sup> Anviwon ✧nevyèm è nan jounen an, li te wè byen klè ✧nan yon vizyon, yon zanj Bondye ki te vin kote li e te di l: “Corneille!”

<sup>4</sup> Epi tou fikse zye li sou li, li te byen pè, e te di: “Kisa li ye, Senyè?”

E li te di li: “Priyè ou avèk charite ou ✧kon yon rekèt gen tan monte devan Bondye. <sup>5</sup> Koulye a, voye kèk moun ✧Joppé e mande pou yon mesye yo rele Simon, ki rele osi Pierre. <sup>6</sup> Li rete lakay a yon bòs tanè yo rele ✧Simon ki rete bò lanmè a.

<sup>7</sup> Lè zanj ki t ap pale avè l la te ale, li te rele de nan sèvitè li yo, avèk yon sòlda fidèl nan lafwa ki te sèvi li tout tan. <sup>8</sup> Epi apre li te fin eksplike yo tout bagay, li te voye yo ✧Joppé.

<sup>9</sup> Nan jou apre a, pandan yo te nan chemen yo, ap pwoche vil la ✧Pierre te ale sou do kay la nan anviwon sizyèm è pou priye. <sup>10</sup> Men li te vin grangou, e li te vle manje; men pandan yo t ap fè preparasyon an, li te ✧tonbe nan yon rèv. <sup>11</sup> Konsa, li te wè ✧syèl la louvri, epi yon bagay tankou yon gwo dra te lonje desann bò kat kwen li yo jiska atè. <sup>12</sup> Epi li te gen ladann tout kalite bèt kat pye ak kreyati ki rale atè ak zwazo nan syèl. <sup>13</sup> Yon vwa te vini a li menm: “Leve, Pierre, touye e manje!”

<sup>14</sup> Men Pierre te di: “Sa p ap janm fèt, Senyè, paske ✧Mwen pa janm manje anyen ki pa sen e pwòp.”

<sup>15</sup> Ankò yon vwa te vini a li menm, yon dezyèm fwa: ✧“Sa ke Bondye gen tan fè pwòp, pa konsidere l ankò pa sen.

<sup>16</sup> Sa te rive twa fwa; epi imedyatman, bagay la te vin remonte nan syèl la.

<sup>17</sup> Alò, Pierre te byen twouble nan lespri li sou sa vizyon li te wè te siyifi a. Epi konsa ✧mesye ki te voye pa Corneille yo, lè yo te fin mande tout direksyon pou kay Simon, te parèt nan pòtay la. <sup>18</sup> Yo t ap rele byen fò, pou mande si Simon, ke yo rele osi Pierre a te rete la.

<sup>19</sup> Epi pandan Pierre t ap reflechi sou vizyon an ✧Lespri a te di l: “Gade, gen twa mesye k ap cache ou. <sup>20</sup> Alò, leve, desann eskalye a e ✧akonpanye yo san doute anyen; paske se Mwen menm ki voye yo.”

<sup>21</sup> Pierre te desann vè moun yo e te di yo: “Se mwen menm nou ap cache a; se pou ki rezon nou vini an?”

<sup>22</sup> Yo te di: “Corneille, yon sòlda santenye, yon nonm dwat e ✧ki krent Bondye, e ki byen pale pa tout nasyon Jwif la, te dirije pa yon zanj pou voye kote ou pou vini lakay li pou tande ✧yon mesaj de ou menm.”

<sup>23</sup> Konsa, li te envite yo antre, e li te bay yo lojman.

Epi nan jou ki vini apre a, li te leve e te sòti avèk yo, e kèk nan frè Joppé yo te akonpanye li.

<sup>24</sup> Nan jou swivan an, li te antre ✧Césarée.

Alò, Corneille t ap tann yo. Li te rele ansanm fanmi ak zanmi ki pwòch li yo. <sup>25</sup> Lè Pierre te antre, Corneille te rankontre li, e te tonbe nan pye li pou ✧adore li.

<sup>26</sup> Men Pierre te leve l e te di: ✧“Kanpe non, mwen menm se sèlman yon moun.”

<sup>27</sup> Pandan li t ap pale avèk li, li te antre, e te twouve ✧anpil moun deja reyini. <sup>28</sup> Pierre te di yo: “Nou menm nou konnen kijan sa kont lalwa pou yon nonm ki se yon Jwif vin asosye avèk yon etranje, ni pou vizitè li; e deja

✧ 10:3 Trav 3:1 ✧ 10:3 Trav 9:10 ✧ 10:4 Eb 6:10 ✧ 10:5 Trav 9:36 ✧ 10:6 Trav 9:43  
 ✧ 10:8 Trav 9:36 ✧ 10:9 Trav 10:9-32 ✧ 10:10 Trav 11:5 ✧ 10:11 Jn 1:51 ✧ 10:14 Lev 11:20-25  
 ✧ 10:15 Mat 15:11 ✧ 10:17 Trav 10:8 ✧ 10:19 Trav 8:29 ✧ 10:20 Trav 15:7-9  
 ✧ 10:22 Trav 10:2 ✧ 10:22 Trav 11:14 ✧ 10:24 Trav 8:40 ✧ 10:25 Mat 8:2 ✧ 10:26 Trav 14:15  
 ✧ 10:27 Trav 10:24

✧Bondye montre m ke mwen pa dwe rele pèsòn pa sen oubyen pa pwòp.  
 29 Se pou sa ke m te vini menm san okenn objeksyon lè yo te fè mwen vini an. Konsa, mwen mande pou ki rezon nou fè mwen vini an?”

30 Epi Corneille te di: “Kat jou pase jis nan menm lè sa a, mwen t ap priye lakay mwen pandan nevyèm è a; epi vwala ✧yon nonm te kanpe devan mwen avèk vètman ki t ap briye. 31 Li te di: “Corneille, priyè ou gen tan tande e ofrann ou yo gen tan sonje devan Bondye. 32 Pou sa, voye ✧Joppé pou envite Simon, ke yo rele osi Pierre, pou vin kote nou; li rete lakay Simon, ki se bòs tanè bò lanmè a. 33 Pou sa, mwen te fè ou vin touswit, e ou telman emab, ke ou vini. Alò, koulye a, nou tout isit la, prezan devan Bondye pou tande tout sa ke ou kòmande pa Senyè a.”

34 Epi ✧lè l louvri bouch li, Pierre te di: “Vrèman, mwen konprann koulye a, ke ✧Bondye se pa youn ki fè patipri pou pèsòn, 35 men nan tout nasyon yo, sila a ki ✧gen lakrent Li, e ki fè sa ki bon, byen resevwa devan Li menm. 36 Pawòl ke Li te voye a fis Israèl yo pou preche ✧lapè atravè Jésus Kri a. (Li se ✧Senyè a tout moun).

37 Nou menm nou konnen bagay ki te pase nan tout Judée a, ki te kòmanse nan Galilée, apre batèm ke Jean te pwoklame a. 38 Jésus de Nazareth la, jan Bondye te bay li onksyon avèk Lespri Sen an, e avèk pwisans, Li ✧te ale toupatou e t ap fè byen, Li te geri tout moun ki te oprime pa dyab la; paske Bondye te avè L.

39 Nou se temwen a tout bagay ke Li te fè nan peyi Jwif yo, ak nan Jérusalem. Anplis yo te ✧mete Li a lanmò lè yo te pann Li sou yon kwa. 40 ✧Bondye te fè l leve nan twazyèm jou a, e te pèmèt ke Li te vin vizib 41 ✧pa a tout pèp la, men a temwen ki te chwazi oparavan pa Bondye yo; a nou menm ki te manje e bwè avèk Li apre Li te leve soti nan lanmò a. 42 Epi Li te kòmande nou pou preche a pèp la, epi solanèlman, temwaye ke Li se Sila a ki te nome pa Bondye, kòm ✧Jij a vivan e a mò yo.

43 A Li menm, tout pwofèt yo pote temwayaj, ke selon ✧non Li tout moun ki kwè nan Li resevwa padon pou peche yo.”

44 Pandan Pierre te toujou ap pale pawòl sa yo, ✧Lespri Sen an te tonbe sou tout sila yo ki t ap koute mesaj la.

45 ✧Tout kwayan sikonsi ki te vini avèk Pierre yo te etone paske ✧don Lespri Sen an te vèse sou etranje yo tou. 46 Paske yo te tande yo ✧pale an lang, e egzalte Bondye.

Alò, Pierre te reponn: 47 ✧“Èske pèsòn kapab refize dlo pou sa yo ta kapab batize, sila ✧ki te resevwa Lespri Sen an, menm jan ak nou? 48 Epi li te kòmande yo pou batize ✧nan non Jésus Kri.

Alò, yo te mande li pou rete la avèk yo pandan kèk jou.

## 11

1 Alò, apòt yo ak ✧frè fidèl yo ki te nan tout Judée te tande ke pèp etranje yo osi te resevwa pawòl Bondye a. 2 Epi lè Pierre te vin monte Jérusalem, ✧sila ki te sikonsi yo te vin pa dakò avèk li. 3 Yo t ap di: ✧“Ou te ale kote moun ensikonsi yo, e te manje avèk yo.”

✧ 10:28 Trav 10:14,35 ✧ 10:30 Trav 10:3-6,30-32 ✧ 10:32 Jn 4:9 ✧ 10:34 Mat 5:2 ✧ 10:34 Det 10:17 ✧ 10:35 Trav 10:2 ✧ 10:36 Ef 2:17 ✧ 10:36 Wo 10:12 ✧ 10:38 Mat 4:23 ✧ 10:39 Trav 5:30 ✧ 10:40 Trav 2:24 ✧ 10:41 Jn 14:19,22 ✧ 10:42 Jn 5:22,27 ✧ 10:43 Luc 24:47 ✧ 10:44 Trav 11:15 ✧ 10:45 Trav 10:23 ✧ 10:45 Trav 2:33,38 ✧ 10:46 Trav 2:4 ✧ 10:47 Trav 8:36 ✧ 10:47 Trav 2:4 ✧ 10:48 Trav 2:38 ✧ 11:1 Trav 1:15 ✧ 11:2 Trav 10:45 ✧ 11:3 Mat 9:11

<sup>4</sup> Men Pierre te kòmanse eksplike yo istwa a ✧nan lòd ke tout bagay te rive yo, e te di: <sup>5</sup> ✧Mwen te nan vil Joppé, e mwen te nan lapriyè. Nan yon pwofon somèy mwen te fè yon vizyon; yon sèten objè ki te vin desann kon yon gwo dra ki kenbe nan kat kwen soti nan syèl la; e li te vini tou dwat devan mwen. <sup>6</sup> Lè m te fikse zye m sou li, e t ap gade l, mwen te wè bèt latè a kat pye, bèt sovaj, reptil, ak zwazo syèl yo. <sup>7</sup> Konsa, mwen te tande yon vwa ki te di m: **‘Leve Pierre; touye e manje.’**

<sup>8</sup> Men mwen te di: ‘Non Senyè, paske anyen ki pa sen, oswa ki pa pwòp pa janm antre nan bouch mwen.’

<sup>9</sup> Men yon vwa ki soti nan syèl la te reponn yon dezyèm fwa: ✧**‘Sa ke Bondye fè pwòp, pa konsidere l ankò pa sen.’** <sup>10</sup> Sa te fèt twa fwa, epi tout bagay yo te rale monte ankò nan syèl la.

<sup>11</sup> Epi gade byen, nan moman sa a, twa mesye ki te voye kote mwen sòti Césarée, te parèt devan kay la kote nou te rete a.

<sup>12</sup> Lespri a te di m ale avèk yo ✧san krent. Sis frè sila yo osi te ale avè m, e nou te antre nan kay mesye a.

<sup>13</sup> Epi li te rapòte kijan li te wè zanj lan kanpe lakay li a, e te di: ‘Voye Joppé pou fè Simon, ke yo rele osi Pierre, vin isit la. <sup>14</sup> Li va pale nou ✧pawòl yo. Ak yo menm nou va sove, nou menm avèk ✧tout lakay nou.’

<sup>15</sup> Epi lè mwen te kòmanse pale ✧Lespri Sen an te vin tonbe sou yo ✧menm jan ke li te fè sou nou nan kòmansman an. <sup>16</sup> Epi mwen te sonje pawòl Senyè a, jan Li te konn di a: ✧**‘Jean te batize avèk dlo, men nou va batize avèk Lespri Sen an.’**

<sup>17</sup> Donk, si ✧Bondye te bay yo menm don ak nou, lè nou te vin kwè nan Senyè Jésus Kri a, kilès mwen te ye pou m ta kab anpeche Bondye?”

<sup>18</sup> Lè yo te tande sa a, yo te vin kalme, e te bay Bondye glwa e te di: “Ebyen konsa, Bondye akòde a lòt nasyon yo tou ✧repantans ki mennen a lavi a.”

<sup>19</sup> ✧Answit, sila ki te gaye akoz pèsèkasyon ki te leve ansanm ak zafè Étienne nan, te fè wout yo pou Phénicie, Chypre, ak Antioche, e yo t ap pale pawòl la a Jwif yo sèlman.

<sup>20</sup> Men te gen nan yo, moun Chypre ak Cyrène ki te vini Antioche, e te kòmanse pale ak Grèk yo osi t ap ✧preche Senyè Jésus a.

<sup>21</sup> Epi ✧men Senyè a te avèk yo, e yon gran kantite ki te kwè te vire vè Senyè a.

<sup>22</sup> Nouvèl a yo te rive nan zòrèy a legliz la nan Jérusalem, e yo te voye ✧Barnabas Antioche.

<sup>23</sup> Alò, lè li te rive pou fè temwayaj a ✧gras Bondye a, li te rejwi e te kòmanse ankouraje yo tout avèk yon kè byen detèmine pou rete fidèl a Senyè a; <sup>24</sup> Paske li te yon bon moun, e te ✧ranpli ak Lespri Sen an, ak lafwa. Epi yon nonb konsiderab te vin mennen bay Senyè a.

<sup>25</sup> Konsa, li te kite ✧Tarse pou ale jwenn Saul. <sup>26</sup> Lè li te twouve li, li te mennen l Antioche. Pandan yon ane antye yo te reyini avèk legliz la, e yo te enstwi yon kantite moun.

Disip yo te premyèman rele ✧“Kretyen” la a nan Antioche.

<sup>27</sup> Alò nan moman sa a, ✧kèk pwofèt te sòti Jérusalem pou rive Antioche.

✧ **11:4** Luc 1:3 ✧ **11:5** Trav 10:9-32 ✧ **11:9** Trav 10:15 ✧ **11:12** Trav 15:9 ✧ **11:14** Trav 10:22 ✧ **11:14** Jn 4:53 ✧ **11:15** Trav 10:44 ✧ **11:15** Trav 2:4 ✧ **11:16** Trav 1:5 ✧ **11:17** Trav 10:45,47 ✧ **11:18** II Kwo 7:10 ✧ **11:19** Trav 8:1,4 ✧ **11:20** Trav 5:42 ✧ **11:21** Luc 1:66 ✧ **11:22** Trav 4:36 ✧ **11:23** Trav 13:43 ✧ **11:24** Trav 2:4 ✧ **11:25** Trav 9:11 ✧ **11:26** Trav 26:28 ✧ **11:27** Luc 11:49

<sup>28</sup> Youn nan yo ke yo te rele ✨Agabus te kanpe, e te kòmanse endike pa Lespri a, ke an verite, t ap gen yon gwo grangou nan tout mond lan. E sa te rive sou règn Claude la.

<sup>29</sup> Epi selon mwayen ke nenpòt disip te genyen, yo chak te detèmine pou voye asistans pou sekou a ✨frè yo nan Judée. <sup>30</sup> ✨Se konsa yo te fè, e te voye l avèk Barnabas ak Saul, bay ansyen yo.

## 12

<sup>1</sup> Alò, vè lè sila a, Wa Hérode te mete men l sou kèk moun ki te apatyen a legliz la pou l maltrete yo. <sup>2</sup> Epi li ✨te mete Jacques, frè a Jean a lanmò avèk yon nepe.

<sup>3</sup> Lè l te wè ke sa te ✨fè Jwif yo kontan, li te avanse pou l arete Pierre tou. Sa se te pandan jou Pen San Ledven yo. <sup>4</sup> Lè l te sezi li, li te mete l nan prizon, e te livre li a kat ekip sòlda pou yo te veye l, avèk entansyon ✨apre Pak la, pou mennen l devan pèp la.

<sup>5</sup> Yo te kenbe Pierre nan prizon an, men legliz Bondye a t ap priye fò pou li.

<sup>6</sup> Nan menm nwit lan lè Hérode te prèt pou mennen l devan l, Pierre t ap dòmi antre de sòlda. Li te ✨byen anchene avèk de chenn, e jandam yo devan pòt la t ap veye prizon an.

<sup>7</sup> Epi vwala ✨yon zanj Senyè a ✨te parèt sibatman, e yon limyè te briye nan kacho a; epi li te frape bò kote Pierre. Li fè l leve, e te di l: “Leve vit!” Epi chenn yo te tonbe kite men l.

<sup>8</sup> Zanjan lan te di l: “Mare senti ou e mete sapat ou”. Li te fè sa, epi li te di li: “Vlope ou ak manto a e swiv mwen.”

<sup>9</sup> Konsa, li te ale deyò e te kontinye swiv li. Li pa t fin konnen si sa ki t ap fèt pa zanjan lan te vrè, men te sipoze ke se te ✨yon vizyon ke li t ap fè.

<sup>10</sup> Lè yo te fin pase premye ak dezyèm gad yo, yo te rive a yon pòtay an fè ki te mennen nan antre vil la, ki te ✨louvri pou yo pou kont li; epi yo te ale deyò, e te ale bò kote yon ri; epi imedyatman zanjan lan te kite li.

<sup>11</sup> Lè Pierre te vin reflechi klè, li te di: “Koulye a mwen konnen san dout ke ✨Senyè a te voye zanjan Li pou te delivre m nan men Hérode, ak tout sa ke pèp Jwif la t ap atann.”

<sup>12</sup> Lè li te fin konprann sa, li te ale lakay Marie, manman a ✨Jean ki osi te rele Marc, kote anpil moun te reyini ansanm e t ap priye. <sup>13</sup> Lè l te frape nan pòtay la, yon sèvant kay la ki te rele Rhode te vin reponn. <sup>14</sup> Lè l te rekonèt vwa Pierre a ✨akoz kè kontan li, li pa t ouvri pòt la, men te kouri anndan, e te anonse ke Pierre te kanpe devan pòtay la.

<sup>15</sup> Yo te di li: “Ou fin pèdi tèt ou!” Men li te kontinye ensiste ke se te konsa. Yo t ap di: “Se ✨zanjan li”.

<sup>16</sup> Men Pierre te kontinye frape sou pòtay la; e lè yo te louvri pòt la, yo te wè li, e te etone. <sup>17</sup> Men li te fè yon sinyal avèk men l, pou yo fè silans, e te eksplike yo jan Senyè a te mennen li sòti nan prizon an. E li te di: “Rapòte bagay sa yo bay ✨Jacques ak frè yo.” Epi li te pati e te ale yon lòt kote.

<sup>18</sup> Alò, lè jounen an te rive, se pa ti kras tenten ki te genyen pami sòlda yo sou sa ki te rive Pierre a.

✨ 11:28 Trav 21:10 ✨ 11:29 Trav 11:1 ✨ 11:30 Trav 12:25 ✨ 12:2 Mat 4:21 ✨ 12:3 Trav 24:27 ✨ 12:4 Egz 12:1-27 ✨ 12:6 Trav 21:33 ✨ 12:7 Trav 5:19 ✨ 12:7 Luc 2:9 ✨ 12:9 Trav 9:10 ✨ 12:10 Trav 5:19 ✨ 12:11 Dan 3:28 ✨ 12:12 Trav 12:25 ✨ 12:14 Luc 24:41 ✨ 12:15 Mat 18:10 ✨ 12:17 Mc 6:3



19 Lè Hérode te chache li e li pa t twouve l, li te egzamine gad yo e te kòmande pou ✨mennen yo ale pou yo egzekite yo.

Aprè, li te desann soti Judée pou ale Césarée e t ap pase tan an la.

20 Alò, li te byen fache avèk moun Tyr ak Sidon yo; men yo te vin kote l ansanm. Aprè yo te fin fè zanmi avèk Blaste, mèt chanm a wa a, yo t ap fè demann lapè, akoz ke ✨peyi pa yo te resevwa, manje nan men a peyi wa a.

21 Epi nan yon jou Hérode te etabli, li te mete sou li tout rad wayal yo, te pran chèz li sou twòn nan, e te kòmanse livre yon diskou piblik a yo menm.

22 Konsa, pèp la t ap kriye: “Se vwa a yon dye, pa a yon moun!”

23 Imedyatman ✨yon zanj Senyè a te frape l paske li pa t bay Bondye glwa; konsa li te vin manje pa vè, e li te mouri.

24 Men ✨pawòl Senyè a te kontinye grandi e te vin miltipliye.

25 Barnabas ak Saul te retounen Jérusalem ✨lè yo te fin akonpli misyon pa yo a. Yo te pran Jean avèk yo ki te osi rele Marc.

## 13

1 Alò te gen nan Antioche, nan legliz ki te la a, pwofèt ak ✨mèt yo; Barnabas ak Simon ki te rele Niger, ak Lucius de Cyrène, ak Manaen ki te grandi avèk Hérode, tetrak la (youn nan kat wa yo), ak Saul.

2 Pandan yo t ap fè sèvis pou Senyè a, e t ap jene, Lespri Sen an te di: “Mete apa pou Mwen Barnabas ak Saul, pou ✨travay ke mwen rele yo a.”

3 Alò, lè yo te fin fè jèn nan ak lapriyè, yo te ✨poze men sou yo e te voye yo ale.

4 ✨Konsa, ranvoye pa Lespri Sen an, yo te desann Séleucie. Depi la yo te pran yon bato pou Chypre. 5 Lè yo te rive Salamine, yo te kòmanse pwoklame pawòl Bondye a nan sinagòg Jwif yo. Anplis ✨Jean te la pou ede yo.

6 Lè yo te fin travèse tout lil la, jis rive nan Paphos yo twouve yon sèten ✨majisyen Jwif, yon ✨fo pwofèt ke yo te rele Bar-Jésus 7 ki te avèk ✨pwokonsil la, Sergius Paulus, yon nonm byen entèlijan. Mesye sa te rele Barnabas avèk Saul pou vini pou l ta kapab tandè pawòl Bondye a.

8 Men majisyen an, Elymas (se konsa non li tradwi) t ap opoze yo, e t ap chache detounen pwokonsil la kont ✨lafwa a. 9 Men Saul, ki te osi konnen kon Paul ✨ranpli avèk Lespri Sen an, te fikse zye li sou li. 10 Li te di: “Ou menm ki ranpli ak desepsyon ak fwod, ou menm ✨fis a dyab la, ou menm lènmi a tout ladwati, èske ou p ap janm sispann fè kwochi chemen dwat a Senyè a? 11 Koulye a, gade byen ✨men Bondye sou ou, ou va vin avèg e ou p ap wè solèy la pandan yon tan.”

Epi imedyatman, yon brouya avèk yon fènwa te tonbe sou li, e li te ale toupatou pou chache sila ki pou ta mennen l pa lamèn.

12 Answit, pwokonsil la te vin kwè lè li te wè sa ki te rive a, byen etone de ✨doktrin a Senyè a.

13 Alò, Paul avèk konpanyon li yo te monte sou lanmè a soti Paphos, pou vini nan vil Perge nan Pamphylie. ✨Jean te kite yo la pou retounen Jérusalem.

14 Men kontinye soti Perge yo te rive ✨Antioche Pisidie a, epi nan jou

✨ 12:19 Trav 16:27 ✨ 12:20 I Wa 5:11 ✨ 12:23 II Sam 24:16 ✨ 12:24 Trav 6:7 ✨ 12:25 Trav 12:12 ✨ 13:1 Wo 12:6 ✨ 13:2 Trav 9:15 ✨ 13:3 Trav 6:6 ✨ 13:4 Trav 4:36 ✨ 13:5 Trav 12:12 ✨ 13:6 Trav 8:9 ✨ 13:6 Mat 7:15 ✨ 13:7 Trav 13:8,12 ✨ 13:8 Trav 6:7 ✨ 13:9 Trav 2:4 ✨ 13:10 Mat 13:38 ✨ 13:11 Egz 9:3 ✨ 13:12 Trav 8:25 ✨ 13:13 Trav 12:12 ✨ 13:14 Trav 14:19,21

Saba a yo te antre nan sinagòg la, e yo te chita. <sup>15</sup> Aprè Lalwa ak ✨Pwofèt yo ✨te fin li, ofisye yo te voye kote yo e te di: “Frè yo, si nou gen nenpòt pawòl pou egzòte pèp la, di l.”

<sup>16</sup> Paul te kanpe, e te fè sinyal avèk men l, e te di: “Lezòm Israèl yo, ak nou menm ki ✨krent Bondye, koute: <sup>17</sup> Bondye a pèp Israèl sa a te chwazi zansèt nou yo, e te ✨fè pèp la onore pandan sejou yo nan peyi Égypte, epi avèk yon bra leve ✨Li te mennen yo sòti ladann. <sup>18</sup> ✨Pandan anviwon yon tan de karant ane, konsa, li te sipòte yo nan dezè a.

<sup>19</sup> Lè l te fin detwi ✨sèt nasyon nan tè Canaan an, Li te ✨divize tè pa yo a kòm eritaj. Sa te pran anviwon kat san senkant ane. <sup>20</sup> Apre bagay sa yo, Li te ✨bay yo jij yo jiska Samuel, pwofèt la.

<sup>21</sup> Yo te ✨mande pou yon wa, epi Bondye te bay yo ✨Saul, Fis a Kis la, yon nonm nan tribi Benjamin an pou karant ane.

<sup>22</sup> Lè L te fin retire li, Li te fè leve David pou l ta kapab wa sou yo, konsènan sila a, Li te temwaye e te di: ✨“Mwen twouve David, fis a Jessé a, yon nonm selon pwòp kè Mwen ki va fè tout volonte M.

<sup>23</sup> Soti nan desandan a nonm sila a, selon pwomès la, Bondye te fè vini a Israèl ✨yon Sovè, Jésus.

<sup>24</sup> Avan Li te vini ✨Jean te preche yon batèm repantans pou tout pèp Israèl la. <sup>25</sup> Alò, pandan Jean t ap konplete pakou li, ✨li te kontinye ap mande: ‘Kisa nou sipoze ke mwen ye? Mwen se pa Li menm nan. Men gade byen, youn ap vini aprè mwen e sapat a pye li, mwen pa menm dign pou delase.

<sup>26</sup> Frè yo, Fis a fanmi Abraham yo, sila pami nou ki krent Bondye yo, a nou mesaj ✨sali sila a voye. <sup>27</sup> Paske sila ki rete Jérusalem yo, avèk gouvènè pa yo, ki pa rekonèt ni Li menm, ni pawòl a pwofèt yo, ki konn li toupatou chak Saba yo, te akonpli bagay sa yo lè yo te kondane Li. <sup>28</sup> Epi malgre yo pa t twouve okenn choz ki merite lanmò, yo te ✨mande Pilate pou li ta fè l mouri. <sup>29</sup> Epi lè yo te ✨fin akonpli tout sa ki te ekri konsènan Li yo, yo te ✨retire Li sou kwa a, e yo te mete l nan yon tonm.

<sup>30</sup> Men Bondye te leve Li soti nan lanmò. <sup>31</sup> Konsa, pandan anpil jou ✨Li te parèt a sila ki te sòti Galilée pou monte Jérusalem avè L yo, menm sila yo ki koulye a se ✨temwen Li a pèp la.

<sup>32</sup> Epi nou preche a nou menm bòn nouvèl a ✨pwomès ki te fèt a zansèt nou yo, <sup>33</sup> ke Bondye te akonpli pou zanfan pa nou yo, lè l te resisite Jésus a, menm jan ke sa osi ekri nan dezyèm Sòm nan:

✨‘Ou se Fis Mwen;  
jodi a Mwen fè Ou.’

<sup>34</sup> Selon reyalite ke Li te leve soti nan lanmò, pou l pa ankò retounen nan pouriti, Li te pale konsa: ✨Mwen va bannou benediksyon a David ki sen e byen asire yo.’

<sup>35</sup> Konsa, Li pale osi nan yon lòt Sòm ke ✨‘Ou p ap kite pa W, Sila Ou Ki Sen an, sibi pouriti.’

✨ **13:15** Trav 13:27 ✨ **13:15** Trav 15:21 ✨ **13:16** Trav 10:2 ✨ **13:17** Egz 1:7 ✨ **13:17** Egz 12:51 ✨ **13:18** Nonb 14:34 ✨ **13:19** Det 7:1 ✨ **13:19** Jos 14:1 ✨ **13:20** Jij 2:16 ✨ **13:21** I Sam 8:5 ✨ **13:21** I Sam 9:1 ✨ **13:22** I Sam 13:14 ✨ **13:23** Luc 2:11 ✨ **13:24** Mc 1:1-4 ✨ **13:25** Mat 3:11 ✨ **13:26** Jn 6:68 ✨ **13:28** Mat 27:22,23 ✨ **13:29** Trav 26:22 ✨ **13:29** Luc 23:53 ✨ **13:31** Trav 1:3 ✨ **13:31** Luc 24:48 ✨ **13:32** Wo 4:13 ✨ **13:33** Sòm 2:7 ✨ **13:34** És 55:3 ✨ **13:35** Sòm 16:10

<sup>36</sup> Paske David, apre li te sèvi ✨plan Bondye a nan jenerasyon pa l la, te dòmi; li te vin plase pami zansèt li yo, e li te sibi dekonpozisyon. <sup>37</sup> Men Sila ke Bondye te ✨fè leve a, pa t sibi dekonpozisyon menm.

<sup>38</sup> Konsa, kite sa vin konnen a nou menm, frè yo, ke ✨atravè Li menm, padon pou peche yo pwoklame a nou menm. <sup>39</sup> Epi atravè Li menm, ✨tout moun ki kwè yo, vin lib de tout bagay ke nou pa t kapab libere atravè Lalwa Moïse la.

<sup>40</sup> Konsa, fè atansyon, pou sa ki te pale ✨nan pwofèt yo pa vini sou nou:

<sup>41</sup> ✨‘Gade byen mokè yo; vin etone, e peri.

Paske M ap acheve yon zèv nan jou nou yo,  
yon zèv ke nou p ap janm kwè;  
menmsi yon moun ta eksplike nou li.’ ”

<sup>42</sup> Pandan Paul ak Barnabas t ap sòti, pèp la te kontinye mande pou yo ta kapab pale yo bagay sa yo ankò nan pwochen ✨Saba a. <sup>43</sup> Alò, lè sinagòg la te lage, anpil nan Jwif yo ak ✨pèp etranje ki te vin krent Bondye yo, te swiv Paul ak Barnabas. Yo te pale avèk yo pou ankouraje yo kontinye nan ✨gras Bondye a.

<sup>44</sup> Nan ✨pwochen Saba a, prèske tout vil la te vin rasanble pou koute pawòl Bondye a.

<sup>45</sup> Men lè ✨Jwif yo te wè foul la, yo te ranpli avèk jalouzi, e yo te kòmanse pale kont bagay ke Paul te pale yo, e t ap fè blasfèm.

<sup>46</sup> Paul ak Barnabas te pale avèk gwo kouraj e te di: “Li te nesesè pou pawòl Bondye a ta pale a nou menm ✨avan; men akoz ke nou refize l, e jije pwòp tèt nou endign pou lavi etènèl la, gade byen ✨n ap vire bò kote pèp etranje yo. <sup>47</sup> Paske konsa Senyè a te kòmande nou:

✨“Mwen plase nou kòm yon limyè pou pèp etranje yo,  
pou nou ta pote delivrans jiska dènye ekstremitè a.”

<sup>48</sup> Lè pèp etranje yo te tandè sa, yo te kòmanse rejwi e t ap bay glwa a pawòl Bondye a; epi tout sila ki ✨te nome pou lavi etènèl yo te kwè. <sup>49</sup> Epi ✨pawòl Senyè a t ap gaye nan tout rejyon an.

<sup>50</sup> Men Jwif yo te chofe fanm Jwif prensipal fidèl, ak nonm ki t ap dirije vil yo, pou ✨fòmante yon pèsekisyon kont Paul ak Barnabas, e te chase yo deyò teritwa yo.

<sup>51</sup> Men ✨yo te souke pousyè a, fè l sòti nan pye yo, kòm yon sign kont yo, e yo te ale Icone.

<sup>52</sup> Epi disip yo te kontinye ✨ranpli avèk jwa, e avèk Lespri Sen an.

## 14

<sup>1</sup> Nan Icone ✨yo te antre nan sinagòg a Jwif yo ansanm, e yo te pale nan yon jan ✨ki te fè yon gran foul, ni Jwif, ni Grèk kwè.

<sup>2</sup> Men Jwif ki ✨pa t kwè yo te boulvèse lespri pèp etranje yo, e te vin fè yo vin egri kont frè fidèl yo.

<sup>3</sup> Malgre sa, yo te rete la pou anpil tan, e ✨t ap pale avèk kouraj. Yo te depann de Senyè a, ki t ap temwaye pawòl lagras Li a, e te pèmèt ke sign ak mèvèy te vin fèt pa men pa yo.

✨ **13:36** Trav 13:22 ✨ **13:37** Trav 2:24 ✨ **13:38** Luc 24:47 ✨ **13:39** Trav 10:43 ✨ **13:40** Luc 24:44 ✨ **13:41** Hab 1:5 ✨ **13:42** Trav 13:14 ✨ **13:43** Trav 17:4 ✨ **13:43** Trav 11:23 ✨ **13:44** Trav 13:14 ✨ **13:45** Trav 13:50 ✨ **13:46** Trav 3:26 ✨ **13:46** Trav 18:6 ✨ **13:47** És 42:6 ✨ **13:48** Wo 8:28 ✨ **13:49** Trav 13:12 ✨ **13:50** Trav 16:14 ✨ **13:51** Mat 10:14 ✨ **13:52** Trav 2:4 ✨ **14:1** Trav 13:5 ✨ **14:1** Trav 2:47 ✨ **14:2** Jn 3:36 ✨ **14:3** Trav 4:29

<sup>4</sup> ✧ Men moun vil yo te divize; kèk te pran pati a ✧ Jwif yo, e kèk vè apòt yo.

<sup>5</sup> Lè Jwif yo avèk ofisye yo ansanm ak pèp etranje yo te tante maltrete yo e ✧ lapide yo, <sup>6</sup> yo te vin okouran de plan sa a; konsa, yo te vin sove ale nan vil a Lycaonie, Lystre, ak ✧ Derbe ak tout rejyon ozanviwon an; <sup>7</sup> Epi la Yo te kontinye ✧ preche bòn nouvèl la.

<sup>8</sup> Nan Lystre te chita yon ✧ sèten mesye, ki pa t gen fòs nan pye li, bwate depi li sòti nan vant manman L, ki pa t janm te mache. <sup>9</sup> Mesye sa a t ap koute Paul pandan li t ap pale. Lè Paul te fikse zye l sou li, e te wè ke li te gen ✧ lafwa pou l ta geri, <sup>10</sup> te di avèk yon vwa fò: “Kanpe dwat sou pye ou!” ✧ Konsa, li te vòltije kanpe, e te kòmanse mache.

<sup>11</sup> Lè foul la te wè sa Paul te fè a, yo te leve vwa yo nan langaj Likaonyen an ✧ “Se dye yo ki vin sanble ak moun e ki desann vè nou. <sup>12</sup> Epi yo te rele Barnabas Jupiter, e Paul Mercure, akoz ke se te li menm ki te chèf pou pale.

<sup>13</sup> Alò, prèt Jupiter a, ki te gen tanp li fenk deyò vil la, te mennen towò bèn avèk kolye flè yo devan pòtay yo, e ✧ te vle ofri sakrifis yo ansanm avèk foul la.

<sup>14</sup> Men lè apòt yo, Barnabas ak Paul te tandè sa, yo te ✧ chire rad yo, e te kouri nan mitan foul la e t ap rele <sup>15</sup> “Mesye yo, poukisa nou ap fè bagay sa yo? Nou menm tou se lòm, ki fèt menm jan ak nou, pou preche bòn nouvèl la a nou menm pou nou kapab vire kite vye bagay sila yo pou vire vè Bondye vivan an ✧ “ki te fè syèl la, tè a, lanmè a ak tout sa ki ladann,”

<sup>16</sup> Nan jenerasyon ki pase yo, Li te ✧ pèmèt tout nasyon yo fè pwòp chemen yo; <sup>17</sup> Men malgre sa ✧ Li pa t kite Li menm san temwayaj, men Li te fè sa ki bon e te bay nou lapli ki te sòti nan syèl la, e sezon ak fwi yo, ki te satisfè kè nou avèk manje, ak kè kontan.

<sup>18</sup> Malgre tout pale sa yo, se te avèk difikilte ke yo te anpeche foul la fè sakrifis a yo menm.

<sup>19</sup> Men Jwif ki te sòti Antioche ak Icone yo te vin parèt e te dirije foul la, yo ✧ te lapide Paul avèk wòch e te rale l sòti nan vil la, akoz yo panse li te mouri.

<sup>20</sup> Men pandan ✧ disip yo te kanpe antoure li, li te leve, e te antre nan vil la.

Nan pwochen jou a, li te sòti avèk Barnabas pou rive Derbe. <sup>21</sup> Aprè yo te fin preche levanjil nan vil sa a, e ✧ te fè anpil disip, yo te retounen Lystre, Icone ak Antioche.

<sup>22</sup> La yo t ap ranfòse nanm a disip yo; yo t ap ankouraje yo pou kontinye nan ✧ lafwa, e t ap di: ✧ “Se ak anpil tribilasyon nou oblije antre nan Wayòm Bondye a.” <sup>23</sup> ✧ Lè yo te fin nome ansyen yo nan chak legliz, ✧ priye ak jene, yo te rekòmande yo a Senyè a nan Li menm ke yo te vin kwè a.

<sup>24</sup> Konsa, yo te travèse ✧ Pisidie, e te antre ✧ Pamphylie. <sup>25</sup> Lè yo te fin pale pawòl la nan Perge, yo te desann Attalie.

<sup>26</sup> Soti la yo te pran bato a vwal pou rive Antioche, menm kote yo te ✧ premyèman kòmande pa gras Bondye a pou zèv ke yo te fenk fin akonpli a. <sup>27</sup> Lè yo te rive e reyini tout legliz la ansanm, yo te komanse bay rapò a

✧ **14:4** Trav 17:4 ✧ **14:4** Trav 13:45,50 ✧ **14:5** Trav 14:19 ✧ **14:6** Trav 14:20 ✧ **14:7** Trav 14:15,21 ✧ **14:8** Trav 3:2 ✧ **14:9** Mat 9:28 ✧ **14:10** Trav 3:8 ✧ **14:11** Trav 28:6 ✧ **14:13** Dan 2:46 ✧ **14:14** Nonb 14:6 ✧ **14:15** Egz 20:11 ✧ **14:16** Trav 17:30 ✧ **14:17** Trav 17:26 ✧ **14:19** Trav 14:5 ✧ **14:20** Trav 11:26 ✧ **14:21** Trav 2:47 ✧ **14:22** Trav 6:7 ✧ **14:22** Jn 16:33 ✧ **14:23** Tit 1:5 ✧ **14:23** Trav 13:3 ✧ **14:24** Trav 13:14 ✧ **14:24** Trav 13:13 ✧ **14:26** Trav 11:23

tout bagay ke Bondye te fè avèk yo, ak jan Li te louvri ✧pòt lafwa a a pèp etranje yo. <sup>28</sup> Epi yo te pase anpil tan avèk ✧disip yo.

## 15

<sup>1</sup> ✧Alò kèk mesye te desann sòti Judée e te kòmanse enstwi frè yo: “Amwenske nou vin sikonsi selon koutim Moïse la, nou pa kapab sove.”

<sup>2</sup> Lè Paul ak Barnabas te fè yon gran diskisyon ak ✧deba avèk yo, lòt frè yo te detèmine ke Paul ak Barnabas ak kèk lòt nan yo ta dwe monte Jérusalem vè lòt apòt yo ak lansyen yo konsènan pwoblèm sila a. <sup>3</sup> Konsa ✧voye pa legliz la, yo t ap travèse Phénicie ak Samarie, e t ap bay an detay istwa konvèsyon pèp etranje yo, e t ap bay gwo lajwa a tout frè yo.

<sup>4</sup> Lè yo te rive Jérusalem yo te resevwa pa legliz la avèk tout apòt ak ansyen yo, e yo te ✧rapòte tout sa ke Bondye te fè avèk yo.

<sup>5</sup> Men ✧kèk nan gwoup Farizyen ki te kwayan yo te kanpe e te di: “Li nesesè pou ✧sikonsi yo e fè yo swiv Lalwa Moïse la.”

<sup>6</sup> ✧Apòt ak ansyen yo te vin reyini ansanm pou egzamine afè sila a.

<sup>7</sup> Apre anpil diskisyon, Pierre te kanpe e te di yo: “Frè yo, nou konnen ke nan tan pase yo, Bondye te fè yon chwa pami nou, ke pa bouch mwen, pèp etranje yo ta dwe tande pawòl ✧levanjil la, e vin kwè. <sup>8</sup> Bondye ✧ki konnen kè a, te temwaye a yo menm, e te ✧bay yo Lespri Sen an, menm jan ke Li te fè nou an. <sup>9</sup> ✧Li pa t fè distenksyon antre nou ak yo, e te netwaye kè yo pa lafwa.

<sup>10</sup> Alò konsa, poukisa nou ✧mete Bondye a leprèv la a lè nou plase sou kou a disip yo yon jouk ke ni zansèt nou yo, ni nou menm pa t kapab pote?

<sup>11</sup> Men nou kwè ke nou sove pa ✧lagras a Senyè Jésus a, menm jan ak yo menm.”

<sup>12</sup> Epi tout foul la te rete an silans, e yo t ap koute Barnabas ak Paul lè yo t ap ✧eksplike ki sign ak mirak Bondye te fè atravè yo menm pami pèp etranje yo.

<sup>13</sup> Apre yo te fin pale ✧Jacques te reponn e te di: “Frè yo, koute mwen.

<sup>14</sup> ✧Simon eksplike nou jan Bondye te premyèman pran pami pèp etranje yo, yon pèp pou non Li. <sup>15</sup> Epi avèk sa a, pawòl a ✧pwofèt yo dakò, jis jan sa ekri a:

<sup>16</sup> ✧“Apre bagay sa yo Mwen va retounen,  
E Mwen va rebati tabènak David ki te tonbe a;  
Mwen va rebati ranblè li yo,  
e Mwen va restore li

<sup>17</sup> pou ✧tout rès limanite a kapab chache Bondye,  
ak tout pèp etranje yo ki rele pa non Mwen,” <sup>18</sup> Pale Senyè a ki ✧fè tout bagay sila yo konnen depi nan tan ansyen an.

<sup>19</sup> Konsa, se ✧jijman pa m pou nou pa twouble sila k ap tounen vè Bondye yo soti pami pèp etranje yo <sup>20</sup> men pou nou ekri yo pou yo evite bagay ki sèvi kon sakrifis pou zidòl, ak ✧imoralite seksyèl, ak ✧vyann sa ki toufe, ak san. <sup>21</sup> Paske ✧Moïse, depi nan ansyen jenerasyon yo gen kwayan nan chak vil sa yo ki preche li, paske li kon li nan sinagòg yo chak Saba.”

✧ 14:27 I Kwo 16:9 ✧ 14:28 Trav 11:26 ✧ 15:1 Trav 15:24 ✧ 15:2 Trav 15:7 ✧ 15:3 Trav 20:38 ✧ 15:4 Trav 14:27 ✧ 15:5 Trav 26:5 ✧ 15:5 I Kwo 7:18 ✧ 15:6 Trav 11:30 ✧ 15:7 Trav 20:24 ✧ 15:8 Trav 1:24 ✧ 15:8 Trav 2:4 ✧ 15:9 Trav 10:28,34 ✧ 15:10 Trav 5:9 ✧ 15:11 Wo 3:24 ✧ 15:12 Trav 14:27 ✧ 15:13 Trav 12:17 ✧ 15:14 Trav 15:7 ✧ 15:15 Trav 13:40 ✧ 15:16 Am 9:11 ✧ 15:17 Am 9:12 ✧ 15:18 És 45:21 ✧ 15:19 Trav 15:28 ✧ 15:20 Lev 18:6-23 ✧ 15:20 Lev 17:14 ✧ 15:21 Trav 13:15

<sup>22</sup> Answit li te sanble bon pou disip ak ansyen yo, avèk tout legliz la, pou chwazi moun pami yo pou voye Antioche avèk Paul ak Barnabas, Jude ki rele Barsabas, ak ✧Silas, mesye ki te konn dirije pami frè yo, <sup>23</sup> epi yo te voye lèt sa a avèk yo:

“✧Apòt ak frè yo ki se ansyen yo, a frè yo nan Antioche ak Syrie, ak Cilicie, ki sòti nan pèp etranje yo, salitasyon.

<sup>24</sup> Akoz ke nou tandè ke kèk nan nou ki pa t resevwa enstriksyon de nou menm ✧twouble nou avèk pawòl k ap boulvèse nanm nou <sup>25</sup> ✧Li te sanble bon pou nou, akoz nou tout te vin dakò ansanm, pou chwazi kèk mesye pou voye kote nou avèk byeneme nou yo, Barnabas ak Paul. <sup>26</sup> Se mesye yo ki ✧riske lavi yo pou non a Senyè nou an, Jésus Kri.

<sup>27</sup> Konsa, nou voye ✧Jude ak Silas ki yo menm va osi bay rapò a menm bagay sila yo pa pawòl nan bouch yo.

<sup>28</sup> Paske li te parèt bon ✧pou Lespri Sen an ak nou menm pa mete sou nou okenn fado ke lesansyèl sa yo: <sup>29</sup> pou nou evite ✧bagay ki sèvi kon sakrifis pou zidòl, san, bagay ki toufe, ak imoralite seksyèl; si nou kenbe tèt nou lib de bagay sila yo, nou va fè byen. Orevwa.”

<sup>30</sup> Donk, lè yo te voye yo ale, yo te ✧desann Antioche; e yo te ransanble tout asanble a ansanm pou te livre lèt la. <sup>31</sup> Lè yo te li li, yo te rejwi yo akoz ankourajman li te bay. <sup>32</sup> Jude ak Silas, ki te ✧pwofèt yo menm osi, te ankouraje e ranfòse frè yo avèk yon mesaj byen long.

<sup>33</sup> Apre yo fin pase tan la a, yo te voye pou kite frè yo anpè, pou retounen a sila ki te voye yo. <sup>34</sup> Men li te sanble bon pou Silas te rete la.

<sup>35</sup> Men Paul ak Barnabas te rete Antioche ansanm ak anpil lòt, pou ✧preche e enstwi pawòl Senyè a.

<sup>36</sup> Apre kèk jou, Paul te di Barnabas: “Annou retounen pou vizite ✧chak vil kote nou te pwoklame pawòl Senyè a pou nou wè kijan yo ye.

<sup>37</sup> Barnabas te vle pran ✧Jean Marc pou ale avèk yo tou.

<sup>38</sup> Men Paul te ensiste ke yo pa ta dwe pran li ki te ✧abandone yo nan Pamphylie, e pa t akonpanye yo nan travay la.

<sup>39</sup> Yo te vin tèlman pa dakò ke yo te separe youn de lòt, epi Barnabas te pran Marc avè l e te pran bato a vwal pou ✧Chypre.

<sup>40</sup> Men Paul te chwazi ✧Silas e te pati apre frè yo te fin remèt li nan gras Senyè a. <sup>41</sup> Epi li t ap vwayaje travèse ✧Syrie ak Cilicie, pou ranfòse legliz yo.

## 16

<sup>1</sup> Paul te vini osi nan Derbe ak Lystre.

Epi yon disip yo te rele ✧Timothée te la, Fis a yon ✧fanm Jwif ki te yon kwayan, men papa li te yon Grèk. <sup>2</sup> Tout ✧frè fidèl ki te nan Lystre avèk Icone yo te pale byen de li. <sup>3</sup> Paul te vle mesye sila a ale avè l; epi li te ✧pran li e te sikonsi li akoz Jwif ki te nan landwa sila yo, paske yo tout te konnen ke papa l se te yon Grèk.

<sup>4</sup> Alò, pandan yo t ap travèse vil yo, yo t ap livre bay ✧desizyon a ki te detèmine pa apòt yo ak ansyen yo nan Jérusalem. <sup>5</sup> Donk ✧legliz yo t ap ranfòse nan lafwa, e yo t ap ✧grandi an nonb chak jou.

✧ 15:22 Trav 15:27,32,40 ✧ 15:23 Trav 15:2 ✧ 15:24 Gal 1:7 ✧ 15:25 Trav 15:28 ✧ 15:26 Trav 9:23 ✧ 15:27 Trav 15:22,32 ✧ 15:28 Trav 5:32 ✧ 15:29 Trav 15:20 ✧ 15:30 Trav 15:22 ✧ 15:32 Trav 13:1 ✧ 15:35 Trav 8:4 ✧ 15:36 Trav 13:4,13,14,51 ✧ 15:37 Trav 12:12 ✧ 15:38 Trav 13:13 ✧ 15:39 Trav 4:36 ✧ 15:40 Trav 15:22 ✧ 15:41 Mat 4:24 ✧ 16:1 Trav 17:14 ✧ 16:1 II Tim 1:5 ✧ 16:2 Trav 16:40 ✧ 16:3 Gal 2:3 ✧ 16:4 Trav 15:28 ✧ 16:5 Trav 9:31 ✧ 16:5 Trav 2:47

<sup>6</sup> Yo te travèse rejyon a Phrygie ak ✧Galatie, akoz ke yo te anpeche pa Lespri Sen an pou pale pawòl la an Asie; <sup>7</sup> Lè yo te vini Mysie, yo t ap eseye antre Bithynie, e ✧Lespri Jésus a pa t pèmèt yo. <sup>8</sup> Lè yo te kite Mysie, yo te desann ✧Troas.

<sup>9</sup> Epi yon vizyon te parèt a Paul nan nwit lan: yon sèten mesye a Macédoine te kanpe e t ap di l: “Vin ✧Macédoine pou ede nou.” <sup>10</sup> Lè li te wè vizyon an, imedyatman nou te ✧chache ale Macédoine, byen konprann ke Bondye te rele nou pou preche levanjil la a yo menm.

<sup>11</sup> Donk, mete nou deyò sou lanmè soti ✧Troas nou te kouri tou dwat pou Samothrace, e nan jou swivan an, pou Néapolis. <sup>12</sup> Nou te kite la pou ✧Philippe, yon vil prensipal nan distri Macédoine nan, yon koloni Women; e nou te rete nan vil sa pandan kèk jou.

<sup>13</sup> Nan ✧jou Saba a, nou te ale deyò pòtay la bò kote yon rivyè kote nou te sipoze ta genyen yon kote pou lapriyè. Nou te chita e te kòmanse pale ak fanm ki te vin rasanble la yo.

<sup>14</sup> Yon sèten fanm yo te rele Lydie, ki te sòti nan vil Thyatire, yon machann twal mov, yon ✧adoratris Bondye, te tandè nou. Senyè a te ✧louvri kè l pou reponn a bagay ke Paul t ap pale yo. <sup>15</sup> Lè li menm ak ✧tout lakay li te batize, li te ankouraje nou e t ap di: “Si nou jije mwen fidèl a Senyè a, vin lakay mwen pou rete.” E li te konvenk nou de sa.

<sup>16</sup> Li te vin rive ke pandan nou t ap ale nan plas lapriyè a, yon sèten jenn fanm-esklav avèk yon ✧Lespri divinasyon ki t ap fè anpil kòb pou mèt li yo akoz ke li te konn pale moun davans sa ki t ap vini, te rankontre nou. <sup>17</sup> Li te swiv Paul avèk nou menm, e li te kontinye ap kriye fò, e t ap di: “Mesye sa yo se sèvitè-dedike a ✧Bondye Trè Wo a, k ap pwoklame a nou menm, youn chemen sali a.” <sup>18</sup> Li te kontinye ap fè sa pandan anpil jou.

Men Paul te vrèman enève. Li te vire e te di a Lespri a: “Mwen kòmande ou ✧nan non Jésus Kri a pou sòti nan li!” E li te sòti nan menm moman an.

<sup>19</sup> Men lè mèt li yo te wè ke tout espwa yo pou ✧fè kòb te disparèt, yo te sezi Paul ak Silas, e te ✧trennen yo nan mache a devan otorite yo. <sup>20</sup> Lè yo te mennen yo a chèf majistra yo, yo te di: “Mesye sa yo ap boulvèse vil nou an; se Jwif yo ye. <sup>21</sup> Y ap ✧pwoklame koutim ki pa pèmèt pou nou aksepte ni obsève kòm Women.

<sup>22</sup> Konsa, foul la te leve ansanm kont yo. Chèf majistra yo te chire rad yo, e te kòmande pou yo bat yo avèk baton.

<sup>23</sup> Lè yo te fin bay yo anpil kou, yo te jete yo nan prizon, e te kòmande ✧jandam prizon an pou veye yo de près. <sup>24</sup> Li menm, akoz ke li resevwa lòd sa a, te jete yo nan prizon pa anndan an, e te tache pye yo ✧nan chèn.

<sup>25</sup> Men anviwon minwi Paul avèk Silas t ap priye e t ap ✧chante chan lwanj a Bondye, e prizonye yo t ap koute yo.

<sup>26</sup> Konsa, sibitman te vin gen yon gwo tranbleman detè, ki souke menm fondasyon kay prizon an. Imedyatman ✧tout pòt prizon an te vin louvri, e ✧chèn tout moun te vin detache.

<sup>27</sup> Lè ✧jandam prizon an te leve nan dòmi, e te wè tout pòt yo te vin ouvri, li te rale nepe ✧pou touye tèt li, paske li te sipoze ke prizonye yo te chape.

✧ **16:6** Trav 18:23 ✧ **16:7** Luc 24:49 ✧ **16:8** Trav 16:11 ✧ **16:9** Trav 16:10,12 ✧ **16:10** Trav 16:10-17 ✧ **16:11** Trav 16:8 ✧ **16:12** Trav 20:6 ✧ **16:13** Trav 13:14 ✧ **16:14** Trav 18:7 ✧ **16:14** Luc 24:45 ✧ **16:15** Trav 11:4 ✧ **16:16** Lev 19:31 ✧ **16:17** Mc 5:7 ✧ **16:18** Luc 10:17 ✧ **16:19** Trav 16:16 ✧ **16:19** Trav 17:6 ✧ **16:21** Est 3:8 ✧ **16:23** Trav 16:27,36 ✧ **16:24** Job 13:27 ✧ **16:25** Ef 5:19 ✧ **16:26** Trav 12:10 ✧ **16:26** Trav 12:7 ✧ **16:27** Trav 16:23,36 ✧ **16:27** Trav 12:19

<sup>28</sup> Men Paul te kriye ak yon vwa fò e te di: “Pa fè tèt ou mal, paske nou tout la!”

<sup>29</sup> Jandam nan te rele pou limyè, e te kouri antre ap tranble avèk laperèz, li te tonbe devan ✧Paul ak Silas, <sup>30</sup> Lè l te fin mennen yo deyò, li te di yo: “Mesye yo ✧kisa mwen dwe fè pou m ta sove?”

<sup>31</sup> Yo te reponn: “Kwè nan Senyè a Jésus, e ou va sove, ou menm avèk ✧lakay ou.” <sup>32</sup> Yo te pale li pawòl Senyè a, ansanm ak tout sila ki te lakay li yo.

<sup>33</sup> Li te pran yo ✧nan menm lè sa a nan nwit lan, li te lave blesi yo e imedyatman, li te batize, li menm avèk tout lakay li. <sup>34</sup> Li te mennen yo lakay li, e te mete manje devan yo. Li te rejwi anpil, akoz li te kwè nan Bondye avèk ✧tout lakay li.

<sup>35</sup> Alò, lè jounen an te rive, chèf majistra yo te voye jandam yo pou di: “Lage moun sa yo.”

<sup>36</sup> Epi ✧jandam prizon an te fè rapò sa a bay Paul e t ap di: “Chèf majistra yo gen tan voye lage nou. Konsa, vin deyò kounye a e ale ✧anpè.”

<sup>37</sup> Men Paul te di yo: Yo gen tan bat nou an piblik san jijman ✧moun ki se sitwayen Women, e yo te jete nou nan prizon. Alò, koulye a y ap voye nou ale an sekrè? Anverite, non! Men kite yo vini yo menm, pou mete nou deyò.”

<sup>38</sup> Jandam yo te bay rapò a pawòl sila yo bay chèf majistra yo, e ✧yo te pè lè yo te tandè ke se te Women yo te ye. <sup>39</sup> Yo te vini pou te fè apèl ak yo, e lè yo te fin lage yo, yo te kontinye mande yo ✧pou kite vil la.

<sup>40</sup> Yo te kite prizon an e te antre lakay Lydie; lè yo te wè frè yo, yo te ankouraje yo, e yo te pati.

## 17

<sup>1</sup> Alò, lè yo te fin vwayaje travèsè Amphipolis ak Apollonie, yo te vini ✧Thessalonique, kote te gen yon sinagòg Jwif.

<sup>2</sup> Epi selon abitud Paul, li te ale kote yo. Pandan twa ✧Saba li te rezone avèk yo sou Ekriti Sen yo. <sup>3</sup> Li te bay eksplikasyon ak evidans ke Kris la ✧te oblije soufri e ✧leve ankò soti nan lanmò. Li t ap di: “Jésus sila a, ke mwen ap pwoklame a nou an, se Kris la.”

<sup>4</sup> Kèk nan yo te vin kwè, e te vin jwenn avèk Paul ak Silas, ansanm avèk yon gran kantite ✧Grèk ki te krent Bondye, ak yon kantite ✧fanm enpòtan.

<sup>5</sup> Men ✧Jwif yo te vin jalou, e te mennen kèk mesye mechan sòti nan mache a, ki te fòme yon ekip ajitatè, e te mete tout vil la nan yon tapaj. Lè yo te rive lakay Jason, yo t ap chache mennen yo deyò bay pèp la.

<sup>6</sup> Lè yo pa t twouve yo, yo te kòmanse rale Jason ak kèk lòt nan frè yo devan otorite vil yo, e yo t ap rele: “Mesye sa yo k ap boulvèse tout ✧mond lan rive isit la tou. <sup>7</sup> Se Jason Ki ✧resevwa yo; e yo tout aji kont dekrè César a. Y ap di gen yon lòt wa, Jésus! <sup>8</sup> Yo t ap chofe foul la ak otorite vil yo ki t ap tandè bagay sa yo.

<sup>9</sup> Epi lè yo te resevwa yon bon garanti nan men ✧Jason ak lòt yo, yo te lage yo.

<sup>10</sup> Frè yo, imedyatman te voye Paul ak Silas ale nan ✧Bérée pandan nwit lan, e lè yo te rive, yo te antre nan sinagòg Jwif yo.

✧ **16:29** Trav 16:19 ✧ **16:30** Trav 2:37 ✧ **16:31** Trav 11:14 ✧ **16:33** Trav 16:25 ✧ **16:34** Trav 11:14 ✧ **16:36** Trav 16:27 ✧ **16:36** Trav 15:33 ✧ **16:37** Trav 22:25-29 ✧ **16:38** Trav 22:29 ✧ **16:39** Mat 8:34 ✧ **17:1** Trav 17:11,13 ✧ **17:2** Trav 13:14 ✧ **17:3** Trav 3:18 ✧ **17:3** Jn 20:9 ✧ **17:4** Trav 13:43 ✧ **17:4** Trav 13:50 ✧ **17:5** Trav 17:13 ✧ **17:6** Mat 24:14 ✧ **17:7** Luc 10:38 ✧ **17:9** Trav 17:5 ✧ **17:10** Trav 17:13



<sup>11</sup> Alò, Jwif sila yo te pi nòb pase sila nan ✧Thessalonique yo, paske yo te resevwa pawòl la avèk yon gwo anvi. Yo te egzamine Ekriti yo chak jou pou wè si bagay sa yo se te konsa. <sup>12</sup> Konsa, anpil nan yo te vin kwè, ansanm avèk plizyè mesye ak fanm Grèk ki te enpòtan.

<sup>13</sup> Men lè Jwif Thessalonique yo te vin konprann ke pawòl Bondye a te pwoklame pa Paul nan ✧Bérée, yo te vini la osi pou yo ajite ak chofe foul la.

<sup>14</sup> Alò, imedyatman frè yo te voye Paul deyò pou ale jis kote lanmè a, e ✧Silas ak ✧Timothée te rete la. <sup>15</sup> Alò, sila ki t ap gide Paul yo te mennen li jiska ✧Athènes. Yo te kite li la, epi lè yo fin resevwa lòd pou fè Silas ak Timothée vin kote l pi vit ke posib, yo te ale.

<sup>16</sup> Alò, pandan Paul t ap tann yo nan ✧Athènes, lespri li te pwovoke anndan l akoz li te wè ke vil la te ranpli nèt avèk zidòl.

<sup>17</sup> Konsa, li t ap rezone ✧nan sinagòg la avèk Jwif yo ✧ak pèp etranje ki te krent Bondye yo, e nan mache a chak jou avèk sila ki te konn prezan la yo.

<sup>18</sup> Anplis, kèk nan filosòf Epikiryen ak Stoyik yo t ap diskite avè l. E kèk t ap di: “Kisa mesye ki renmen pale anpil sa a ta vle di?” Lòt yo t ap di: “Li sanble ke l ap pwoklame kèk lòt kalite dye etranje —akoz ke li t ap preche ✧Jésus ak rezirèksyon an.

<sup>19</sup> Epi yo te ✧pran li e te mennen li nan Aréopage la, e te di l: “Èske ou kapab eksplike nou nouvo ansèyman sila a, ke w ap pwoklame a.” <sup>20</sup> Paske w ap pote kèk bagay byen dwòl nan zòrèy nou. Konsa, nou vle konnen kisa bagay sa yo vle di.” <sup>21</sup> (Alò, tout Atenyen yo ak lòt etranje ki t ap ✧vizite la yo te konn pase tout tan yo nan pale, oswa nan tandè kèk lide nèf.)

<sup>22</sup> Konsa, Paul te kanpe nan mitan Aréopage la, e te di: “Mesye Athènes yo, mwen wè ke nou se moun ✧ki renmen adore nan tout sans. <sup>23</sup> Paske pandan mwen t ap travèse e t ap egzamine ✧objè adorasyon nou yo, mwen te twouve yon otèl avèk enskripsyon sa a: “A Dye Enkoni an!” Konsa, sila ke nou ap adore san konnen an, mwen pwoklame L a nou.

<sup>24</sup> ✧Bondye ki te fè mond lan avèk tout bagay ki ladann yo; paske Li se ✧Senyè syèl la ak tè a, pa rete nan tanp ki fèt pa men a lòm. <sup>25</sup> Ni li pa sèvi pa men moun ✧kòm si Li te bezwen yon bagay; paske se Li menm ki bay moun lavi, souf ak tout bagay.

<sup>26</sup> Se Li menm ki te fè sòti nan yon sèl òm, tout nasyon a lòm yo, pou viv sou tout sifas tè a, e ki te deja ✧detèmine fòs tan yo ta pase ladann, ak lizyè pou kote yo ta viv yo; <sup>27</sup> pou yo ta chèche Bondye, si petèt yo ta ale chèche Li, e twouve L ✧malgre ke Li pa lwen de chak en de nou.

<sup>28</sup> Paske ✧nan Li nou viv, nou fè mouvman, e nou egziste menm, jan kèk nan powèt nou yo konn di: paske nou menm tou se pitit Li.’ <sup>29</sup> Konsa, akoz ke nou se pitit a Bondye, nou ✧pa dwe panse ke lanati diven an se tankou lò, lajan, oswa wòch; yon imaj ki fòm pa da ak refleksyon a lòm.

<sup>30</sup> Bondye ✧pa t konte tan inyorans sa yo, men koulye a Li deklare ke lòm toupatou dwe repanti, <sup>31</sup> Paske Li deja fikse yon jou ladann ke ✧Li va jije lemonn nan ladwati atravè yon nonm ke Li nome, e te founi prèv a tout moun lè L te fè L leve, sòti nan lanmò a.”

✧ 17:11 Trav 17:1 ✧ 17:13 Trav 17:10 ✧ 17:14 Trav 15:22 ✧ 17:14 Trav 16:1 ✧ 17:15 Trav 17:16,21 ✧ 17:16 Trav 17:15,21 ✧ 17:17 Trav 9:20 ✧ 17:17 Trav 17:4 ✧ 17:18 Trav 4:2 ✧ 17:19 Trav 23:19 ✧ 17:21 Trav 2:10 ✧ 17:22 Trav 25:19 ✧ 17:23 II Tes 2:4 ✧ 17:24 És 42:5 ✧ 17:24 Det 10:14 ✧ 17:25 Job 22:2 ✧ 17:26 Det 32:8 ✧ 17:27 Det 4:7 ✧ 17:28 Job 12:10 ✧ 17:29 És 40:18 ✧ 17:30 Trav 14:16 ✧ 17:31 Sòm 9:8

<sup>32</sup> Alò, lè yo te tandè de ✨rezirèksyon lanmò a, kèk te kòmanse moke l, men lòt yo te di: “Nou dwe tandè ou ankò konsènan sa a”.

<sup>33</sup> Konsa Paul te sòti nan mitan yo.

<sup>34</sup> Men kèk moun te vin jwenn li e te kwè. Pami sila yo te gen osi Denys, moun Aréopage la, yon fanm ki te rele Damaris, e kèk lòt avèk yo.

## 18

<sup>1</sup> Apre bagay sa yo li te kite Athènes e te ale ✨Corinthe.

<sup>2</sup> Epi li te twouve yon sèten Jwif la ki te rele ✨Aquila, yon moun Pont ki te fenk vin sòti Itali avèk madanm li Priscille paske Claude te kòmande tout Jwif yo pou kite Rome. Paul te ale kote yo. <sup>3</sup> Epi Akoz li te gen menm metye a, li te rete avèk yo e ✨yo t ap travay, paske se moun ki fè tant yo te ye. <sup>4</sup> Li t ap rezone nan sinagòg la chak ✨Saba pou l konvenk Jwif yo ak Grèk yo pou kwè.

<sup>5</sup> Men lè Silas ak Timothée te desann soti Macédoine, Paul te kòmanse dedye tèt li nèt a pawòl la, pou ✨temwaye solanèlman a Jwif yo ke se te ✨Jésus ki te Kris la. <sup>6</sup> Men lè yo te reziste, e te fè blasfèm, li te souke rad li, e te di yo: “Ke ✨san nou vini sou pwòp tèt nou! Mwen inosan. Depi koulè a ✨mwen va ale kote pèp etranje yo.

<sup>7</sup> Answit li te kite la pou ale lakay a yon sèten nonm ki te rele Titius Justus, yon adoratè ✨Bondye, ki te gen kay li toupre sinagòg la.

<sup>8</sup> ✨Crispus, dirijan sinagòg la, te vin kwè nan Senyè a ✨avèk tout lakay li, e anpil nan Korentyen yo, lè yo te tandè sa, yo te vin kwè, e yo te batize.

<sup>9</sup> Epi Senyè a te di Paul nan yon ✨vizyon pandan nwit lan: **“Pa pè ankò, men kontinye pale, e pa fè silans; <sup>10</sup> paske Mwen avèk ou, e nanpwen moun k ap atake ou pou fè ou mal, paske Mwen gen anpil moun nan vil sa a.”**

<sup>11</sup> Epi li te rete la pandan en an si mwa, e li t ap enstwi pawòl Bondye a pami yo.

<sup>12</sup> Men pandan Gallion te pwokonsil Achaië ✨Jwif yo avèk yon sèl vwa te leve kont Paul, e te mennen l devan ✨chèz jijman an. <sup>13</sup> Yo t ap di: “Nonm sila ap fè moun kwè pou adore Bondye ✨kont lalwa a.”

<sup>14</sup> Men lè Paul te prèt pou ✨louvri bouch li, Gallion te di a Jwif yo: “Si se te yon ka a yon enjistis, oswa yon krim visye, O Jwif yo, li ta rezonab pou m ta bay nou soutyen. <sup>15</sup> Men si gen ✨kesyon konsènan pawòl, oswa non, oswa pwòp lwa pa nou, okipe sa nou menm. Mwen pa gen enterè nan jije bagay sa yo.” <sup>16</sup> Epi li te chase yo sòti devan ✨chèz jijman an.

<sup>17</sup> Epi yo tout te sezi ✨Sosthène, mèt sinagòg la, e te kòmanse bat li devan chèz jijman an. Men Gallion pa t okipe bagay sa yo menm.

<sup>18</sup> Paul, apre li te rete pandan anpil jou ankò, te kite frè yo pou te monte sou lanmè a pou rive Syrie, e avèk li te gen Priscille ak Aquilas. Nan Cenchrées ✨li te fè yo pase razwa sou cheve tèt li, paske li t ap swiv yon ve.

<sup>19</sup> Yo te rive ✨Éphèse, e li te kite yo la. Alò, li menm te antre nan sinagòg la pou te rezone avèk Jwif yo. <sup>20</sup> Lè yo te mande li pou rete avèk yo pou plis tan, li pa t dakò, <sup>21</sup> men li te kite yo e t ap di: “Mwen va retounen kote nou ankò ✨si Bondye vle”. E li te pran bato a vwal pou soti Éphèse.

✨ 17:32 Trav 17:18,31 ✨ 18:1 Trav 18:8 ✨ 18:2 Trav 18:18,26 ✨ 18:3 Trav 20:34 ✨ 18:4 Trav 13:14 ✨ 18:5 Trav 20:21 ✨ 18:5 Trav 17:3 ✨ 18:6 II Sam 1:16 ✨ 18:6 Trav 13:46 ✨ 18:7 Trav 13:43 ✨ 18:8 II Sam 1:16 ✨ 18:8 Trav 13:46 ✨ 18:9 Trav 9:10 ✨ 18:12 I Tes 2:1 ✨ 18:12 Mat 27:19 ✨ 18:13 Jn 19:7 ✨ 18:14 Mat 5:2 ✨ 18:15 Trav 23:29 ✨ 18:16 Mat 27:19 ✨ 18:17 I Kwo 1:1 ✨ 18:18 Nonb 6:2,5,9,18 ✨ 18:19 Trav 18:21,24 ✨ 18:21 Wo 1:10

<sup>22</sup> Lè l te rive ✧Césarée, li te monte pou salye legliz la, e li te desann ✧Antioche.

<sup>23</sup> Lè l te fin pase kèk tan la, li te sòti e te travèse youn apre lòt, nan rejyon a ✧Galatie a ak Phrygie kote li te ranfòse tout disip yo.

<sup>24</sup> Alò, yon sèten Jwif ki te rele ✧Apollos, ki te ne nan Alexandrie, yon nonm ki te konn pale byen, e ki te fò nan Ekriti Sen yo te vini Éphèse. <sup>25</sup> Mesye sa te enstwi ✧nan chemen Bondye a; e avèk fevè Lespri a, li t ap pale e t ap enstwi byen klè tout bagay konsènan Jésus, men te konnen sèlman ✧batèm a Jean an. <sup>26</sup> Li te kòmanse pale avèk gwo kouraj nan sinagòg la. Men lè ✧Priscille ak Aquilas te tandè l, yo te rale l akote pou te eksplike li chemen Bondye a pi klè.

<sup>27</sup> Epi lè Apollos te vle travèse a Achaïe, frè yo te ankouraje li, e te ekri a ✧disip yo pou ankouraje li. Epi lè l te rive, li te anpil èd pou sila ki te kwè pa gras yo. <sup>28</sup> Paske avèk pouvwa li te demanti Jwif yo an piblik, e li te montre ✧atravè Ekriti Sen yo ke ✧Jésus se te Kris la.

## 19

<sup>1</sup> Li te rive pandan ke ✧Apollos te Corinthe, Paul te travèse ✧peyi pi wo a e te vini Éphèse pou twouve kèk disip. <sup>2</sup> Li te mande yo: ✧“Èske nou te resevwa Lespri Sen an lè nou te kwè a?”

Epi yo te reponn li: “Non, nou pa menm konn tandè si gen yon Lespri Sen.”

<sup>3</sup> Li te di: “Ebyen, nan kisa konsa nou te batize?”

Epi yo te reponn: ✧“Nan batèm a Jean an”.

<sup>4</sup> Konsa, Paul te di: ✧“Jean te batize avèk batèm a repantans lan, e te di pèp la pou kwè nan Sila ki t ap vini apre li a, sa vle di, nan Jésus.” <sup>5</sup> Lè yo te tandè sa, yo te ✧batize nan non a Senyè a Jésus Kri. <sup>6</sup> Epi pandan Paul te ✧poze men l sou yo, Lespri Sen an te vini sou yo, e yo te kòmanse ✧pale avèk lang ak pwofetize. <sup>7</sup> Te gen an tou, anviwon douz mesye.

<sup>8</sup> Paul te antre nan ✧sinagòg la, e te kontinye pale avèk gran kouraj pandan anviwon twa mwa. Li t ap rezone pou fè yo kwè ✧selon wayòm Bondye a.

<sup>9</sup> Men lè ✧kèk t ap vin ensansib e dezobeyisan, e t ap pale mal de ✧Chemen an devan foul la, li te kite yo e te retire disip yo.

Li t ap rezone chak jou nan lekòl Tyrannus la. <sup>10</sup> Sa te fèt pandan dezan, pou tout sila ki te rete an ✧Asie yo ta tandè pawòl Senyè a, ni Grèk, ni Jwif.

<sup>11</sup> Bondye t ap fè mirak ✧ekstrawòdinè pa men Paul <sup>12</sup> ✧jiskaske yo te kòmanse pote menm mouchwa avèk rad kò li pou malad yo; konsa malad yo te vin geri, e move Lespri yo te vin sòti.

<sup>13</sup> Men osi kèk nan Jwif ✧ki te konn chase move lespri yo, ki te ale soti yon kote a yon lòt, te eseye rele non Jésus sou sila ki te gen move lespri yo, e t ap di: “Mwen bay ou lòd pa Jésus ke Paul preche a.” <sup>14</sup> Sèt fis a Scéva yo, yon chèf prèt Jwif, t ap fè sa a.

<sup>15</sup> Epi move lespri yo te reponn e te di yo: “Mwen rekonèt Jésus, e mwen konnen Paul, men ki moun nou ye?”

✧ 18:22 Trav 8:40 ✧ 18:22 Trav 11:19 ✧ 18:23 Trav 16:6 ✧ 18:24 Trav 19:1 ✧ 18:25 Trav 9:2 ✧ 18:25 Luc 7:29 ✧ 18:26 Trav 18:2,18 ✧ 18:27 Trav 11:26 ✧ 18:28 Trav 8:35 ✧ 18:28 Trav 18:5 ✧ 19:1 I Kwo 1:12 ✧ 19:1 Trav 18:23 ✧ 19:2 Trav 8:15 ✧ 19:3 Luc 7:29 ✧ 19:4 Mat 3:11 ✧ 19:5 Trav 8:12,16 ✧ 19:6 Trav 8:17 ✧ 19:6 Trav 2:4 ✧ 19:8 Trav 9:20 ✧ 19:8 Trav 1:3 ✧ 19:9 Trav 14:4 ✧ 19:9 Trav 9:2 ✧ 19:10 Trav 16:6 ✧ 19:11 Trav 8:13 ✧ 19:12 Trav 5:5 ✧ 19:13 Mat 12:27

<sup>16</sup> Mesye ki te gen move Lespri a te vòltije sou yo tout e te tèlman domine yo, ke yo te kouri kite kay la toutouni, e blese.

<sup>17</sup> Bagay sa te vin konnen pa tout moun, ni Jwif, ni Grèk ki te rete ✨Éphèse; e lakrent te vin tonbe sou yo tout e non Jésus Kri a t ap vin pi gran.

<sup>18</sup> Anpil osi, nan sila ki te kwè yo te kontinye vini pou konfese e devwale tout sa ke yo te konn pratike yo. <sup>19</sup> Anpil nan sila ki te konn pratike maji yo te vin pote liv yo e te kòmanse boule yo devan zye a tout moun; epi yo te kontwole pri a yo e te twouve l kòm senkant mil ✨pyès dajan. <sup>20</sup> Konsa pawòl Senyè a ✨t ap grandi ak pwisans, e t ap renye.

<sup>21</sup> Alò apre bagay sa yo te fini, Paul te pwopoze nan Lespri a pou ✨ale Jérusalem apre li te fin travèse Macédoine ak Achaïe. Li te di: “Apre mwen fin rive la ✨mwen dwe wè Rome tou.” <sup>22</sup> Li te rete an Asie pandan yon tan, men te voye ✨Timothée ak ✨Érastre, de moun nan sila ki te konn sèvi li yo, antre Macédoine.

<sup>23</sup> Anviwon lè sa a, te vin pase yon gwo tapaj konsènan Chemen an.

<sup>24</sup> Paske yon sèten nonm ki te rele Démétris, yon òfèv ki te konn fè imaj an ajan pou tanp Artimis la, e afè ✨kòb ke li t ap ranmase pa t yon ti kras bagay pou moun ak metye sila a. <sup>25</sup> Moun sila yo, li te vin rasanble, avèk tout ouvriye ki te gen metye parèy a sa a, e te di: “Mesye yo, nou konnen ke lavi nou depann de biznis sila a. <sup>26</sup> Nou wè ak tandè ke non sèlman an Éphèse, men nan prèske tout Asie a, Paul sila a gen tan fè kwè e detounen yon kantite konsiderab nan pèp la. L ap di ke ✨dye ki fèt pa men yo se pa dye yo ye menm. <sup>27</sup> Se pa sèlman yon gwo danje ke metye sa va tonbe nan malgade, men osi ke tanp gwo deyès la, Artimis va vin san valè, e ke li menm ke tout Asie a ak ✨lemonn adore, va menm rache sou twòn li, e pèdi mayifisans li.

<sup>28</sup> Lè yo te tandè sa, yo te vin ranpli ak raj. Yo te kòmanse kriye fò e t ap di: “Gran se Artimis ✨Efezyen yo!” <sup>29</sup> Vil la te ranpli avèk boulvèsman sa a. Yo te kouri avèk yon sèl panse antre nan teyat la, e te trennen Gaiüs ak ✨Aristarque, vwayajè parèy ak Paul ki sòti Macédoine yo.

<sup>30</sup> Epi lè Paul te vle antre nan asanble a, ✨disip yo te anpeche li. <sup>31</sup> Anplis, kèk nan ofisye Lazi ki te zanmi li yo te voye di l plizyè fwa pou l pa antre nan teyat la.

<sup>32</sup> ✨Alò konsa, kèk nan yo t ap rele yon bagay, e kèk yon lòt, paske tout asanble a te nan konfizyon. Pifò pa t menm konnen pou ki rezon yo te vin reyini ansanm nan.

<sup>33</sup> Kèk moun nan foul la te vin konprann ke se te Alexandre, akòz ke Jwif yo te mete l devan; e li t ap ✨fè sinyal avèk men l, se te Alexandre ki t ap fè defans a foul la. <sup>34</sup> Men lè yo te vin konprann ke se te yon Jwif li te ye, yon gwo kri te leve pami foul la. Yo te kontinye rele pandan anviwon dezè de tan: “Gran se Artimis a Efezyen yo.”

<sup>35</sup> Apre li te fin kalme foul la, grefye vil la te di: “Mesye ✨Éphèse yo, se ki moun pami nou ki pa konnen, lavil Éphèse se gadyen tanp a gran Artimis la, imaj a sila ki te tonbe sòti nan syèl la? <sup>36</sup> Alò akòz ke bagay sa yo pa kapab demanti, nou ta dwe rete kalm e pa fè anyen ki pa saj. <sup>37</sup> Paske nou

✨ 19:17 Trav 18:19 ✨ 19:19 Luc 15:8 ✨ 19:20 Trav 6:7 ✨ 19:21 Trav 20:16 ✨ 19:21 Trav 23:11 ✨ 19:22 Trav 16:1 ✨ 19:22 Wo 16:23 ✨ 19:24 Trav 16:16,19 ✨ 19:26 Det 4:28 ✨ 19:27 Mat 24:14 ✨ 19:28 Trav 18:19 ✨ 19:29 Trav 20:4 ✨ 19:30 Trav 19:19 ✨ 19:32 Trav 21:34 ✨ 19:33 Trav 12:17 ✨ 19:35 Trav 18:19

fè mesye sila yo vini isit la, ki pa ni ✧vòlè tanp lan, ni yo pa blasfeme deyès nou an. <sup>38</sup> Donk alò, si Démétris ak ouvriye ki avè l yo gen yon plent kont nenpòt moun, tribinal yo louvri, e ✧pwokonsil yo disponib; kite yo pote plent kont youn lòt.

<sup>39</sup> Men si nou vle yon bagay anplis ke sa, sa gen pou regle nan asanble jistis la. <sup>40</sup> Paske vrèman, nou an danje akizasyon de soulèvman akòz sa ki pase la jodi a. Nanpwen rezon pou li. Konsa, nou p ap kapab rann kont pou asanble a ki an dezòd konsa. <sup>41</sup> Lè l fin di sa, li te ranvwaye asanble a.

## 20

<sup>1</sup> Aprè tapaj la te fin sispann, Paul te voye pou ✧disip yo. Lè l fin ekzòte yo, li te pran konje de yo, e li te sòti pou ale ✧Macédoine. <sup>2</sup> Lè l te fin travèse tout distri sila yo e te bay yo anpil ekzòtasyon, li te rive nan peyi Grèce.

<sup>3</sup> Li te pase twa mwa la, epi lè Jwif yo te fè yon ✧konplo kont li, pandan li t ap pral pran bato a vwal pou Syrie a, li te fè desizyon pou retounen pa Macédoine. <sup>4</sup> Li te akonpanye pa Sopater de Bérée, fis a Pyrrhus la; anplis ✧Aristarque ak Second, de Thésalonique; ak Gaius de Derbe ak Timothée ak Tychique ak ✧Trophime ki sòti an Asie. <sup>5</sup> Men sila yo te ale avan, e t ap tann ✧nou ✧Troas.

<sup>6</sup> Nou te pran bato a vwal soti ✧Philippe, apre ✧jou a Pen San Ledven yo. Nou te vin jwenn yo Troas nan senk jou, e te rete la pandan sèt jou. <sup>7</sup> Nan premye jou nan semèn nan lè nou te rasanble ansanm pou ✧kase pen, Paul te kòmanse pale avèk yo. Li te gen entansyon pati nan pwochen jou a, e li te pwolonje mesaj li a jiska minwi. <sup>8</sup> Te gen anpil lanp nan ✧chanm anlè kote nou te reyini ansanm nan.

<sup>9</sup> Alò, te gen yon sèten jennonm ke yo te rele Eutychus, ki te chita nan rebò fenèt la, k t ap tonbe nan yon pwofon somèy.

Pandan Paul te kontinye ap pale, dòmi te vin pran l, e li te tonbe soti nan twazyèm etaj la, e yo te vin ranmase l mouri.

<sup>10</sup> Men Paul te desann e te tonbe sou li, epi apre li fin anbrase l, ✧li te di: “Pa twouble, paske lavi li nan li.” <sup>11</sup> Lè Paul te fin remonte ✧e te fin kase pen pou manje, li te pale avèk yo pandan anpil tan jis rive nan granmmaten, e answit te pati. <sup>12</sup> Yo te pran jennonm nan ale tou vivan, e yo te byen rekonfòte.

<sup>13</sup> Men ✧nou menm, nou te fè avan pou pran bato k ap rive Asòs, kote nou te fè plan pou Paul ta monte bato a. Se konsa li te aranje sa, akòz ke li menm t ap pase pa tè. <sup>14</sup> Epi lè l te rankontre nou Asòs, nou te pran li abò, e te vini Mitilèn.

<sup>15</sup> Soti la nan bato a vwal la, jou swivan an, nou te rive anfas Chios. Jou apre a nou te travèse Samòs, e jou swivan a nou te rive ✧Milèt.

<sup>16</sup> Paske Paul te fè desizyon pou depase Éphèse pou l pa ta oblije pase tan an Asie. Li t ap prese pou l te ✧rive Jérusalem, si se te posibil ✧nan jou Fèt Lapannkot la.

<sup>17</sup> Soti nan Milèt li te voye Ephèse pou rele ✧ansyen a legliz yo pou rive kote l. <sup>18</sup> Epi lè yo te vin kote l, li te di yo: “Nou menm, nou konnen ke ✧depi premye jou ke m te mete pye m an Asie a, kijan mwen te avèk nou

✧ 19:37 Wo 2:22 ✧ 19:38 Trav 13:7 ✧ 20:1 Trav 11:26 ✧ 20:1 Trav 16:9 ✧ 20:3 Trav 9:23  
 ✧ 20:4 Trav 19:29 ✧ 20:4 Trav 21:29 ✧ 20:5 Trav 16:10 ✧ 20:5 Trav 16:8 ✧ 20:6 Trav 16:12  
 ✧ 20:6 Trav 12:3 ✧ 20:7 Trav 2:42 ✧ 20:8 Trav 1:13 ✧ 20:10 Mat 9:23 ✧ 20:11 Trav 2:42  
 ✧ 20:13 Trav 16:10 ✧ 20:15 Trav 20:17 ✧ 20:16 Trav 19:21 ✧ 20:16 Trav 2:1  
 ✧ 20:17 Trav 11:30 ✧ 20:18 Trav 18:19

tout tan <sup>19</sup> pou sèvi Senyè a avèk tout imilite, ak dlo nan zye m, e avèk gwo traka ki te vini sou mwen akòz ✧konplo a Jwif yo. <sup>20</sup> Kòman mwen ✧pa t fè bak pou m te kab deklare a nou tout bagay ki te itil, e te enstwi nou an piblik, e de kay an kay. <sup>21</sup> Se Konsa mwen t ap temwaye seryezman e konplètman a Jwif yo e a Grèk yo, de ✧repantans anvè Bondye, ak lafwa nan Senyè nou an, Jésus Kri.

<sup>22</sup> Koulye a, gade byen, mare pa Lespri a ✧mwen sou chemen pou rive Jérusalem, san menm konnen sa ki va rive m la, <sup>23</sup> sof ke Lespri Sen an temwaye solanèlman a mwen nan chak vil, pou di ke, ke se kout kòd mare, avèk aflikasyon k ap tann mwen. <sup>24</sup> Men ✧mwen pa konsidere lavi m nan okenn sans gen gwo valè pou mwen menm, pou m ta kapab ✧fini ak kous mwen e ak ministè ke mwen te resevwa soti nan Jésus Kri a, pou m temwaye seryezman e konplètman, de levanjil gras Bondye a.

<sup>25</sup> Epi koulye a, veye byen, mwen konnen ke nou tout pami sila mwen te pase e te ✧preche wayòm nan, p ap wè figi m ankò. <sup>26</sup> Alò, mwen temwaye a nou nan jou sa, ke ✧mwen inosan de san tout moun. <sup>27</sup> Paske mwen pa t fè bak pou deklare a nou tout ✧volonte a Bondye a nèt.

<sup>28</sup> Veye byen pou nou menm, e pou tout bann twoupo a, pami sila Lespri Sen an te fè nou gadyen, pou fè bèje a legliz Bondye a, legliz ke ✧Li te achte avèk pwòp san Li.

<sup>29</sup> Mwen konnen ke apre mwen pati, ✧lou sovaj va vini pami nou; loup ki p ap fè gras menm a bann twoupo a. <sup>30</sup> Epi Pami nou menm lèzòm va leve e va pale move bagay, pou antrene ✧disip yo pou yo ta swiv yo. <sup>31</sup> Konsa, rete vijilan. Byen sonje ke pou yon dire a twa zan, lannwit kon lajounen mwen pa t sispann egzòte nou ✧avèk dlo nan zye m.

<sup>32</sup> Epi koulye a, mwen ✧rekòmande nou a Bondye ak pawòl lagras Li, ki kapab ranfòse nou, e bannou eritaj pami tout sila ki sen yo.

<sup>33</sup> ✧Mwen pa janm anvi ni lajan, ni lò, ni rad a lòt moun. <sup>34</sup> Nou menm nou konnen ke ✧men sa yo te sèvi a pwòp bezwen m yo ak mesye ki te avè m yo. <sup>35</sup> Nan tout bagay, mwen te montre nou ke nan travay di konsa, nou dwe toujou ede fèb yo, e sonje pawòl a Senyè Jésus yo, ke Li menm te di: **“Li pi beni pou bay, pase resevwa.”**

<sup>36</sup> Lè l te fin di bagay sa yo, li te ✧mete l a jenou, e te priye avèk yo tout.

<sup>37</sup> Epi yo te kòmanse kriye fò, yo te ✧anbrase Paul, e t ap bo l anpil. <sup>38</sup> Yo te ranpli ak gwo lapèn, sitou sou ✧pawòl li te pale a, ke yo pa t ap wè fas li ankò. Konsa yo te akonpanye li rive nan bato a.

## 21

<sup>1</sup> Lè nou te rive ✧nou te kite yo pou pran bato a vwal.

Nou te kouri toudwat pou Cos, jou apre a pou Rhodes, epi soti la a pou Patara.

<sup>2</sup> Lè nou te twouve yon bato ki t ap travèse vè ✧Phénicie, nou te monte e pran vwal. <sup>3</sup> Lè nou te vin wè ✧Chip, kite l agoch, e te kontinye kouri bato pou Syrie, e te rive nan Tyr, paske se la bato a te gen pou debake chaj li.

<sup>4</sup> Apre nou fin twouve disip yo, nou te rete la pandan sèt jou; e yo te kontinye ap di Paul ✧selon Lespri a pou l pa mete pye l Jérusalem.

✧ 20:19 Trav 20:3 ✧ 20:20 Trav 20:27 ✧ 20:21 Trav 2:38 ✧ 20:22 Trav 17:16 ✧ 20:24 Trav 21:13 ✧ 20:24 Trav 13:25 ✧ 20:25 Mat 4:23 ✧ 20:26 Trav 18:6 ✧ 20:27 Trav 13:36 ✧ 20:28 Ef 1:7,14 ✧ 20:29 Éz 22:27 ✧ 20:30 Trav 11:26 ✧ 20:31 Trav 20:19 ✧ 20:32 Trav 14:23 ✧ 20:33 I Kwo 9:4-18 ✧ 20:34 Trav 18:3 ✧ 20:36 Trav 9:40 ✧ 20:37 Luc 15:20 ✧ 20:38 Trav 20:25 ✧ 21:1 Trav 16:10 ✧ 21:2 Trav 11:19 ✧ 21:3 Trav 4:36 ✧ 21:4 Trav 20:23

<sup>5</sup> Lè l rive ke jou nou yo pou rete la te fini, nou te pati fè wout nou, pandan yo menm avèk madanm ak timoun yo te akonpanye nou jiskaske nou te kite vil la. Apre nou te ✨mete nou ajenou bòdmè a pou fè lapriyè, nou te di orevwa a youn lòt. <sup>6</sup> Answit, nou te monte bato a e yo te retounen ✨lakay yo ankò.

<sup>7</sup> Lè nou te fin fè vwayaj la sòti ✨Tyr, nou te rive Ptolémaïs. Lè nou te fin salye frè yo, nou te rete avèk yo pandan yon jou.

<sup>8</sup> Nan jou apre a nou te sòti e te rive Césarée. Nou te antre lakay ✨Philippe, evanjelis la, ki te youn nan sèt yo. Nou te rete avèk li. <sup>9</sup> Alò, nonm sa te gen kat fi vyèj ki te ✨pwofetès.

<sup>10</sup> Pandan nou te rete la pandan kèk jou, yon sèten pwofèt ki te nome Agabus te desann sòti Judée. <sup>11</sup> Epi lè l te vini kote nou, li te pran sentiwon a Paul; li te mare pwòp pye l ak men l, e te di: ✨“Men sa ke Lespri Sen an di: Se konsa ke Jwif nan Jérusalem yo ✨va mare nonm ki mete sentiwon sila a e va livre li nan men pèp etranje yo.”

<sup>12</sup> Lè nou te tande sa, nou menm, menm jan avèk rezidan lokal yo, nou te kòmanse mande l pou ✨pa monte Jérusalem.

<sup>13</sup> Paul te reponn yo: “Kisa nou ap fè la a, n ap kriye pou kase kè m? Paske mwen prepare non sèlman pou m mare, men menm pou m ta mouri Jérusalem pou ✨non Senyè Jésus a.

<sup>14</sup> Epi Akoz ke li pa t kab konvenk, nou te tonbe an silans e t ap di: “Ke volonte a Senyè a fèt!”

<sup>15</sup> Apre jou sa yo, nou te prepare pou ✨kòmanse fè wout nou pou monte Jérusalem. <sup>16</sup> Anplis, Kèk nan disip Césarée yo te vini avèk nou, e te mennen nou kote Mnanson ki sòti Chypre, yon ✨disip depi anpil tan avèk sila nou te vin rete.

<sup>17</sup> Apre nou te rive Jérusalem ✨frè fidèl yo te resevwa nou avèk kè kontan.

<sup>18</sup> Jou swivan an Paul te antre avèk nou vè ✨Jacques, epi tout ansyen yo te la. <sup>19</sup> Apre li te salye yo, li te ✨kòmanse pale youn pa youn, tout bagay ke Bondye te fè pami pèp etranje yo atravè ✨ministè pa li a.

<sup>20</sup> Lè yo te tande sa yo te kòmanse ✨bay glwa a Bondye; e yo te di li: “Ou wè, frè, konbyen milye ki gen pami Jwif yo nan sila ki te kwè yo, e yo tout te ranpli ak ✨zèl pou Lalwa a; <sup>21</sup> Epi yo konn tande de ou, ke w ap enstwi tout Jwif k ap viv pami pèp etranje yo pou renonse a Moïse, e k ap pale yo pou yo ✨pa sikonsi pitit yo, ni pou yo pa mache selon ✨koutim nou yo. <sup>22</sup> Alò, kisa ki dwe fèt? Sètènman yo va tande ke ou gen tan vini.

<sup>23</sup> Alò, fè sa ke nou di ou a. Nou gen kat mesye ki ✨anba yon ve. <sup>24</sup> Pran yo avèk ou, ✨pirifye ou menm ansanm avèk yo, e peye depans pou yo kapab taye tèt yo. Konsa, tout moun va konnen ke pa gen anyen nan tout sa ke moun di de ou yo, men ke ou menm osi mache nan lòd, ak gade Lalwa a.

<sup>25</sup> Men konsènan pèp etranje, ki te kwè yo, nou te ekri ✨selon desizyon nou, ke yo ta dwe evite vyann ki ofri kon sakrifis a zidòl, ak san, ak sa ki toufe, e ak imoralite seksyèl.

✨ 21:5 Luc 22:41 ✨ 21:6 Jn 19:27 ✨ 21:7 Trav 12:20 ✨ 21:8 Trav 6:5 ✨ 21:9 Luc 2:36  
 ✨ 21:11 Trav 8:29 ✨ 21:11 Trav 21:33 ✨ 21:12 Trav 21:15 ✨ 21:13 Trav 5:41 ✨ 21:15  
 Trav 21:12 ✨ 21:16 Trav 15:7 ✨ 21:17 Trav 1:15 ✨ 21:18 Trav 12:17 ✨ 21:19 Trav 14:27  
 ✨ 21:19 Trav 1:17 ✨ 21:20 Mat 9:8 ✨ 21:20 Trav 15:1 ✨ 21:21 I Kwo 7:18 ✨ 21:21 Trav  
 6:14 ✨ 21:23 Nonb 6:13-21 ✨ 21:24 Jn 11:55 ✨ 21:25 Trav 15:19,29

<sup>26</sup> Alò Paul te pran mesye yo nan jou swivan an, li te pirifye li menm ansanm avèk yo. Yo te antre nan tanp lan e te bay avètisman ke yo te fini jou pirifikasyon yo jiskaske sakrifis la te ofri pou yo chak.

<sup>27</sup> Lè sèt jou yo te prèske fini Jwif Asie yo, lè yo te wè l nan tanp lan, te kòmanse soulve foul la pou mete men sou li. <sup>28</sup> Yo t ap kriye fò: “Mesye Israèl yo, vin bay nou konkou! Sa se mesye ki preche a tout moun kont pèp nou an ak Lalwa a, ak kote sila a; epi anplis de sa, li gen tan fè Grèk yo antre nan tanp lan e te souye lye sen sa a.” <sup>29</sup> Paske avan yo te konn wè Trophime, Efezyen an nan vil la avèk li, e yo te sipoze ke Paul te mennen l nan tanp lan.

<sup>30</sup> Alò tout vil la te leve, e pèp la te kouri ansanm pou te kenbe Paul. Yo te rale l deyò tanp lan, epi nan menm moman an, pòt yo te vin fèmen.

<sup>31</sup> Pandan yo t ap chache pou touye l, yon rapò te rive devan kòmandan Kowòt Women an ke tout Jérusalem te boulvèse. <sup>32</sup> Lapoula li te pran sòlda yo avèk santenye yo, e te kouri desann kote yo. Epi lè yo te wè sòlda yo avèk kòmandan an, yo te sispann bat Paul.

<sup>33</sup> Kòmandan an te parèt, e te kenbe li. Li te kòmande pou li mare avèk de chenn, e li te kòmanse mande l ki moun li te ye, ak kisa li fè. <sup>34</sup> Men pami foul la kèk t ap rele yon bagay, e kèk yon lòt bagay. Lè l pa t kapab twouve laverite ki koze tout boulvèsman an, li te mande yo mennen l nan kazèn nan. <sup>35</sup> Lè l te rive nan eskalye a, sòlda yo te pote li akòz vyolans a foul la; <sup>36</sup> Paske yon gran foul moun te kontinye ap swiv yo, e t ap rele: “Touye li!”

<sup>37</sup> Pandan Paul te prèt pou antre nan kazèn nan, li te mande kòmandan an: “Èske m kapab di ou yon bagay?”

E li te di: “Ou konn pale Grèk? <sup>38</sup> Alò se pa ou menm Ejipsyen an ki kèk tan pase te soulve yon revòlt, e te mennen kat mil òm asasen pou rive nan dezè a?”

<sup>39</sup> Men Paul te di: “Mwen se yon Jwif ki sòti Tarse nan Cilicie, yon sitwayen a yon vil ase enpòtan; e mwen mande w, kite m pale avèk pèp la.”

<sup>40</sup> Lè l te bay permisyon, Paul, te vin kanpe sou eskalye a; li te fè sinyal a foul la avèk men l. Lè te vin gen yon gwo silans, li te pale avèk yo nan lang Eb, e te di,

## 22

<sup>1</sup> Frè yo ak papa yo, tandè defans mwen ke m ap ofri nou koulye a.

<sup>2</sup> Epi lè yo te tandè ke li t ap pale avèk yo an Ebre, yo te vin kalme plis; e li te di: <sup>3</sup> Mwen menm se yon Jwif, fèt a Tarse nan Cilicie, men leve nan vil sila a, edike anba Gamaliel, byen disipline selon lalwa zansèt nou yo, avèk anpil zèl pou Bondye, menm jan ke nou menm ye jodi a. <sup>4</sup> Mwen te pèsekite Chemen sila a jiska lanmò. Mwen te mare e te mete nan chenn ni fanm, ni gason pou mete nan prizon, <sup>5</sup> kòm osi wo prèt la ak tout konsèy ansyen yo kapab temwaye. Nan men yo, mwen te resevwa osi lèt pou tout frè yo, e te pati pou Damas, pou m ta kapab mennen menm sila ki te la Jérusalem yo kòm prizonye, pou yo ta kab pini.

✧ 21:26 Nonb 6:13 ✧ 21:27 Nonb 6:9; 13:20 ✧ 21:27 Trav 20:19 ✧ 21:28 Trav 6:13 ✧ 21:29 Trav 18:19 ✧ 21:30 II Wa 11:15 ✧ 21:31 Trav 10:1 ✧ 21:32 Trav 23:27 ✧ 21:33 Trav 20:23 ✧ 21:33 Trav 12:16 ✧ 21:34 Trav 19:32 ✧ 21:35 Trav 21:40 ✧ 21:36 Luc 23:18 ✧ 21:37 Trav 21:34 ✧ 21:38 Trav 5:36 ✧ 21:39 Trav 9:11 ✧ 21:40 Jn 5:2 ✧ 22:1 Trav 7:2 ✧ 22:2 Trav 21:40 ✧ 22:3 Trav 9:1-22 ✧ 22:3 Trav 5:34 ✧ 22:4 Trav 8:3 ✧ 22:4 Trav 9:2 ✧ 22:5 Trav 9:1 ✧ 22:5 Luc 22:66



6 ✧ Men li te rive ke lè m te nan wout, e t ap pwoche Damas nan anvwon midi, sibitman yon limyè briyan te klere sòti nan syèl la, tou antoure mwen. 7 Mwen te tonbe atè e te tande yon vwa ki te di m: **“Saul, Saul, poukisa w ap pèsekite M?”**

8 Epi mwen te reponn: ‘Kilès ou ye, Senyè?’

E Li te di mwen: **‘Mwen se ✧Jésus de Nazareth, ke w ap pèsekite a.’**

9 Epi sila ki te avè m yo ✧te wè limyè a, men ✧pa t konprann vwa a Sila a ki t ap pale avèk mwen an.

10 Epi mwen te di: ✧“Kisa pou m ta fè, Senyè?”

E Senyè a te di mwen: **‘Leve, ale antre Damas; e la ou va vin tande tout sa ki nome pou ou ta fè.’**

11 “Men akoz ke m ✧pa t kab wè akoz briyans a limyè a, mwen te mennen pa lamèn pa sila ki te avè m yo pou te vini Damas.

12 Yon sèten ✧Ananias, yon mesye fidèl pa règ Lalwa a, e byen pale pa tout Jwif ki te rete la yo 13 te vin kote mwen, te kanpe toupre m, e te di mwen: ✧‘Frè Saul, resevwa vizyon ou! Epi nan menm moman an, mwen te gade anlè e te wè li.

14 Li te di: ✧‘Bondye a zansèt nou yo te nome ou pou konnen volonte l, pou ✧wè Sila Ki Jis la, e pou tande yon pawòl ki sòti nan bouch Li. 15 Paske ou va ✧yon temwen pou Li a tout moun de sila ou wè ak tande yo. 16 Koulye a poukisa ou fè reta? Leve, batize e ✧lave peche ou yo, pandan w ap rele non Li.

17 Epi li te rive ke lè m te retounen Jérusalem e t ap priye nan tanp lan, ke m te ✧tonbe nan yon pwofon somèy. 18 Epi mwen te wè Li t ap di mwen: ✧**‘Fè vit! Sòti Jérusalem vit, paske yo p ap aksepte temwayaj ou de Mwen menm.’** 19 Epi mwen te di: ‘Senyè, yo menm yo konprann ke nan yon sinagòg apre lòt, ✧mwen te konn mete yo nan prizon, e te konn bat sila ki te kwè nan Ou yo. 20 Epi ✧lè san a temwen ou, Étienne t ap vèse, mwen osi te kanpe byen dakò e t ap veye vètman a sila ki t ap touye l yo.

21 Epi Li te di mwen: **“Ale, pwiske Mwen va voye ou byen lwen ✧kote pèp etranje yo”**.

22 Jiska pwen sa a, yo te koute l, e alò yo te leve vwa yo e te di: “Retire sou latè a yon nonm konsa; ✧li pa merite viv!”

23 Epi pandan yo t ap rele konsa, yo t ap ✧retire gwo vètman yo pou voye pousyè anlè, 24 kòmandan an te bay lòd pou yo mennen l anndan kazèn nan, e t ap di ke li ta dwe ✧egzamine plis avèk kout fwèt pou l ta kapab detèmine rezon an yo t ap rele kont li konsa.

25 Men lè yo te tire kò l avèk kòd fèt an kwi, Paul te di a santenye a ki te kanpe akote a: “Èske li pèmi pou ou fwete yon ✧sitwayen Women ki pa menm kondane?”

26 Lè santenye a te tande sa, li te ale kote kòmandan an, e te di l: “Kisa w ap fè? Paske nonm sa a se yon Women.

27 Kòmandan an te parèt e te di l: “Di mwen, “Èske se yon Women ou ye?”

E li te di: “Wi.”

✧ 22:6 Trav 9:3-8 ✧ 22:8 Trav 26:9 ✧ 22:9 Trav 26:13 ✧ 22:9 Trav 9:7 ✧ 22:10 Trav 16:30 ✧ 22:11 Trav 9:8 ✧ 22:12 Trav 9:10 ✧ 22:13 Trav 9:17 ✧ 22:14 Trav 3:13 ✧ 22:14 Trav 9:17 ✧ 22:15 Trav 23:11 ✧ 22:16 Trav 2:38 ✧ 22:17 Trav 10:10 ✧ 22:18 Trav 9:29 ✧ 22:19 Trav 8:3 ✧ 22:20 Trav 7:58 ✧ 22:21 Trav 9:15 ✧ 22:22 Trav 25:24 ✧ 22:23 Trav 7:58 ✧ 22:24 Trav 22:29 ✧ 22:25 Trav 16:37

<sup>28</sup> Epi kòmandan an te reponn: “Mwen te twouve tit sitwayen sa a ak yon gwo sòm lajan.”

E Paul te di: “Men mwen te ne sitwayen.”

<sup>29</sup> Konsa, sila ki t ap kesyone li yo, te lage L imedyatman; epi ✧kòmandan an osi te pè lè li te vin konprann ke se te yon sitwayen Women ke li te ye, paske li te mete li nan chèn.

<sup>30</sup> Men nan pwochen jou a, akoz ke li te ✧anvi konnen poukisa Jwif yo te akize l la, li te lage li, e li te bay lòd pou wo prèt yo avèk konsèy la reyini; konsa yo te mennen Paul devan yo, e te fè l chita devan yo.

## 23

<sup>1</sup> Paul te gade konsèy la avèk atansyon, e te di: “Frè yo ✧mwen viv lavi m avèk yon trè bon konsyans devan Bondye jiska jodi a.”

<sup>2</sup> Wo prèt la, Ananias te kòmande sila ki te kanpe akote l yo pou ✧frape l sou bouch li.

<sup>3</sup> Konsa, Paul te di li: “Bondye pral frape ou, ou menm miray ki blanchi avèk lacho! Èske ou ✧chita pou jije m selon Lalwa a, e nan vyolasyon Lalwa a, ou pase lòd pou yo frape m?”

<sup>4</sup> Men sila ki te akote yo te di: “Èske se ensilte w ap ensilte wo prèt Bondye a?”

<sup>5</sup> Epi Paul te di: “Mwen pa t okouran, frè m yo, ke li te wo prèt la; paske sa ekri: ✧“Nou pa pou pale mal a yon chèf a pèp nou an”.

<sup>6</sup> Men byen konprann ke yon pati se te Sadiseyen yo, e lòt la, Farizyen yo, Paul te kòmanse kriye fò nan konsèy la: “Frè m yo, mwen menm se yon Farizyen, yon fis a Farizyen. Mwen devan tribinal a pou ✧esperans ak rezirèksyon a mò yo!

<sup>7</sup> Pandan li te di sa, te vin rive gen yon gran dezakò antre Farizyen yo ak Sadiseyen yo; epi asanble a te divize. <sup>8</sup> Paske Sadiseyen yo di ke ✧nanpwen rezirèksyon, ni zanj, ni lespri, men Farizyen yo rekonèt yo tout.

<sup>9</sup> Konsa, te vin rive gen yon gwo tapaj. Kèk nan skrib pati Farizyen yo te kanpe e te kòmanse diskite byen cho, e t ap di: “Nou pa twouve okenn fot avèk nonm sila a. Si se ✧yon lespri oswa yon zanj te pale ak li, annou pa goumen kont Bondye!”

<sup>10</sup> Pandan konfli a t ap devlope, kòmandan an te pè pou yo pa ta chire Paul an mòso, e li te kòmande sòlda yo pou desann, retire li pami yo ak lafòs, e ✧mennen l nan kazèn nan.

<sup>11</sup> Men nan nwit swivan an, Senyè a te kanpe akote l e te di: **“Pran kouraj, paske ✧menm jan ke ou temwaye seryezman e konplètman pou kòz mwen Jérusalem nan, menm jan an ou oblije temwaye nan Rome osi.”**

<sup>12</sup> Lè jounen an te rive ✧Jwif yo te fòme yon konplo, e te vin mare ansanm anba yon sèman, pou yo pa ta ni manje, ni bwè jiskaske yo te touye Paul.

<sup>13</sup> Te gen plis ke karant moun ki te fòme konplo sila a. <sup>14</sup> Yo te vini a chèf prèt ak ansyen yo, e te di: “Nou vin ✧mare ansanm anba yon sèman serye e konplè pou pa goute anyen jiskaske nou touye Paul. <sup>15</sup> Alò, konsa, ou menm avèk ✧konsèy la avèti kòmandan an pou l mennen l desann a nou, kòm si nou t ap pral detèmine ka li a pi pre; epi pou pati pa nou, nou prè pou touye l avan li rive pre kote a.

<sup>16</sup> Men fis a sè Paul la te tande afè konplo sila a, e li te vin antre ✧kazèn

✧ 22:29 Trav 22:24 ✧ 22:30 Trav 23:28 ✧ 23:1 Trav 24:16 ✧ 23:2 Jn 18:22 ✧ 23:3 Lev 19:15 ✧ 23:5 Egz 22:28 ✧ 23:6 Trav 24:15,21 ✧ 23:8 Mat 22:23 ✧ 23:9 Jn 12:29 ✧ 23:10 Trav 21:34 ✧ 23:11 Trav 19:21 ✧ 23:12 Trav 9:23 ✧ 23:14 Trav 23:12,21 ✧ 23:15 Trav 22:30 ✧ 23:16 Trav 21:34

nan pou te enfòm Paul.

<sup>17</sup> Konsa, Paul te rele youn nan santenye kote l yo e te di li: “Mennen jennonm sila a kote kòmandan an paske li gen yon rapò pou bay li.”

<sup>18</sup> Alò li te pran li, e te mennen li bay kòmandan an e te di l: “Paul ✧prizonnye a te rele mwen vè jennonm sila a pou vin kote w akoz li gen yon bagay pou di w.”

<sup>19</sup> Kòmandan an te pran l pa lamèn, e te rale l akote pou mande l an prive: “Kisa ou gen kòm rapò pou ban mwen an?”

<sup>20</sup> Epi li te di: “Jwif yo gen tan fin dakò pou mande ou mennen Paul devan ✧konsèy la demen, kòm si yo t ap pral mande plis enfòmasyon sou li menm. <sup>21</sup> Pa kwè yo, paske ✧plis ke karant nan yo ap tann pou atake l; yo gen tan mare yo menm anba yon sèman pou yo pa ni manje ni bwè jiskaske yo touye l; epi koulye a y ap tann ou vin bay pèmasyon.

<sup>22</sup> Konsa, Kòmandan an te kite jennonm nan ale, e te di l: “Pa di pèsòn ke ou pale bagay sa yo avè m.”

<sup>23</sup> Epi li te rele de nan santenye yo, e te di yo: “Ale fè de-san sòlda prè pou twazyèm lè nwit lan, pou pati pou ✧Césarée, avèk swasann-dis chevalye, ak de-san sòlda ak lans. <sup>24</sup> Yo te gen osi pou prepare cheval pou mete Paul, pou fè l rive sof kote ✧Félix gouvènè a. <sup>25</sup> Epi li te ekri yon lèt nan fòm sila a:

<sup>26</sup> Claude Lysias, a ✧trè ekselan Gouvènè Félix; Salitasyon.

<sup>27</sup> Lè mesye sa a te arete pa Jwif yo, e te prèt pou l te touye pa yo, mwen ✧te vini sou yo avèk sòlda yo pou sekouri l, akoz ke m ✧te vin konprann ke li te yon sitwayen Women. <sup>28</sup> Epi akoz ke mwen te ✧vle konprann chaj ke yo te pote kont li an, mwen te fè l rive devan Konsèy pa yo a; <sup>29</sup> Epi mwen te vin twouve ke li te akize sou kesyon konsènan pwòp lwa pa yo, men pa anba ✧okenn akizasyon ki te merite lanmò oubyen prizon.

<sup>30</sup> Lè m te ✧enfòm ke ta gen yon konplo kont li, mwen te voye li kote ou sibatman, e osi te enstwi akizati li yo pou mennen chaj kont li yo devan ou.”

<sup>31</sup> Konsa, sòlda yo selon lòd pa yo, te pran Paul pou mennen l nan nwit lan devan Antipatris. <sup>32</sup> Men nan pwochen jou a yo te ✧kite chevalye yo ale avè l, e yo te retounen nan Kazèn nan. <sup>33</sup> Lè sa yo te rive Césarée e te livre lèt la bay ✧Gouvènè a, yo te prezante Paul devan l.

<sup>34</sup> Lè li te fin li l, li te mande nan ki ✧pwovens li te sòti, e lè li te vin aprann ke ✧se te Cilicie, <sup>35</sup> li te di: “Mwen va bay ou yon odyans apre ✧akizati ou yo vin rive tou, e li te bay lòd pou yo ta kenbe l nan Pretwa Hérode la.

## 24

<sup>1</sup> Apre senk jou wo prèt la ✧Ananias te vin desann avèk kèk ansyen, avèk yon sèten avoka ki te rele Tertulle; e yo te pote chaj kont Paul yo bay gouvènè a. <sup>2</sup> Apre Paul te fin konvoke, Tertulle te kòmanse akize l e te di a gouvènè a: “Akoz ke atravè ou menm, nou te rive gen anpil lapè, epi akoz vizyon ou menm, refòm ap fèt pou nasyon sila a, <sup>3</sup> nou rekonèt sa, nan chak aspè, e toupatou ✧trè ekselan Félix, avèk tout rekonesans. <sup>4</sup> Men

✧ **23:18** Ef 3:1 ✧ **23:20** Trav 22:30 ✧ **23:21** Trav 23:12,14 ✧ **23:23** Trav 8:40 ✧ **23:24** Trav 23:26,33 ✧ **23:26** Luc 1:3 ✧ **23:27** Trav 21:32 ✧ **23:27** Trav 22:25-29 ✧ **23:28** Trav 22:30 ✧ **23:29** Trav 23:9 ✧ **23:30** Trav 23:20 ✧ **23:32** Trav 23:23 ✧ **23:33** Trav 23:24,26 ✧ **23:34** Trav 25:1 ✧ **23:34** Trav 21:39 ✧ **23:35** Trav 23:30 ✧ **24:1** Trav 23:2 ✧ **24:3** Trav 23:26

pou m pa fatigue ou plis, mwen mande w pou pèmèt nou nan bonte ou, pou tande nou an brèf.

<sup>5</sup> Paske nou twouve nonm sila a yon vrè pès, e yon mesye ki souleve konfli pami tout Jwif yo nan tout mond lan, yon chèf de fil ✨sèkt a Nazareyen yo.

<sup>6</sup> Li te menm eseye ✨souye tanp lan. Epi konsa, nou te arete li. <sup>7</sup> Men Lysias, kòmandan an te parèt, epi avèk anpil vyolans, te rache li nan men nou.

<sup>8</sup> Lè ou egzamine li pou kont ou konsènan tout bagay sila yo, ou kapab verifye bagay sou sila nou akize li yo.”

<sup>9</sup> ✨Jwif yo tou te vin jwenn nan atak la, e yo t ap sètifye ke tout bagay sila yo se te vrè.

<sup>10</sup> Lè ✨gouvènè a te fè l sinyal pou l pale, Paul te reponn: “Byen konesan, ke depi anpil ane, ou se yon jij nan nasyon sila, se avèk jwa ke m ap fè defans mwen. <sup>11</sup> Akoz ke ou kapab note ke pa plis ke nan ✨douz jou pase mwen te monte Jérusalem pou m adore. <sup>12</sup> ✨Ni nan tanp lan, ni nan sinagòg yo, ni nan vil la li menm, yo pa t janm twouve mwen nan diskisyon avèk okenn moun, ni ✨koze okenn boulvèsman. <sup>13</sup> ✨Ni yo pa kapab pwouve ou de chaj sou sila yo akize mwen koulye a.

<sup>14</sup> Men sa mwen admèt a nou, ke selon ✨Chemen an, ke yo rele yon sèkt, se vrè ke m sèvi Bondye a zansèt nou yo, e kwè tout bagay ki an akò avèk Lalwa a ak sa ki ekri nan pwofèt yo. <sup>15</sup> Mwen posede yon esperans nan Bondye, ke ✨moun sa yo osi konsidere presye, ke an verite, va gen yon rezirèksyon ni pou sila ki jis yo ak sila ki enjis yo. <sup>16</sup> Akoz sa, mwen menm, tou, mwen fè tout sa ki posib pou toujou ✨kenbe yon konsyans ki tout tan san repwòch devan Bondye, ak devan lèzòm.

<sup>17</sup> Alò, apre plizyè ane, mwen ✨te vin pote yon don a nasyon mwen an e prezante ofrann m; <sup>18</sup> Nan sa a, yo te twouve mwen okipe nan tanp lan, deja ✨pirifye, san okenn foul, ni konfli. Men te gen sèten Jwif ki sòti an Asie— <sup>19</sup> ki ta dwe prezan devan ou pou ✨fè akizasyon, si yo ta gen anyen kont mwen. <sup>20</sup> Oubyen pito kite mesye sila yo, yo menm di ki move zak yo te twouve lè mwen te kanpe devan ✨konsèy la, <sup>21</sup> Ot ke sèl pawòl sa a ke m te ✨rele lè m te kanpe pami yo a: ‘Pou rezirèksyon a mò yo y ap jije mwen jodi a.’”

<sup>22</sup> Men Félix, ki te gen yon konesans pi egzakt de ✨Chemen an, te repouse yo, e t ap di: “Lè Lysias kòmandan an vin desann, mwen va deside ka ou a”. <sup>23</sup> Answit Li te bay lòd a santenye a pou l ✨retire l nan gadavi a, men avèk yon sèten libète, e pa anpeche okenn nan ✨zanmi li yo sèvi li.

<sup>24</sup> Men kèk jou pita, Félix te rive avèk Drusille, madanm li ki te yon Jwif, epi te voye rele Paul, pou koute li pale sou ✨lafwa nan Jésus Kri a. <sup>25</sup> Men pandan li t ap diskite sou ladwati, tanperans, ak ✨jijman ki gen pou vini an, Félix te vin pè e te di: “Pou moman sa a, ale. Lè m jwenn tan, m a konvoke ou.” <sup>26</sup> Nan menm tan an, tou, li t ap espere ke Paul ta ✨bay li lajan; akoz sa, li te konn voye rele l souvan pou pale avè l.

<sup>27</sup> Men apre de zan te pase, Félix te ranplase pa Porcius Festus; e pou te fè yon favè a Jwif yo, li te kite Paul anprizone.

✨ 24:5 Trav 15:5 ✨ 24:6 Trav 21:28 ✨ 24:9 I Tes 2:16 ✨ 24:10 Trav 23:24 ✨ 24:11 Trav 21:18,27 ✨ 24:12 Trav 25:8 ✨ 24:12 Trav 24:18 ✨ 24:13 Trav 25:7 ✨ 24:14 Trav 9:2 ✨ 24:15 Dan 12:12 ✨ 24:16 Trav 23:1 ✨ 24:17 Trav 11:29 ✨ 24:18 Trav 21:26 ✨ 24:19 Trav 23:30 ✨ 24:20 Mat 5:22 ✨ 24:21 Trav 23:6 ✨ 24:22 Trav 24:14 ✨ 24:23 Trav 23:35 ✨ 24:23 Trav 23:16 ✨ 24:24 Trav 20:21 ✨ 24:25 Trav 10:42 ✨ 24:26 Trav 24:17

## 25

<sup>1</sup> Konsa, Festus, apre twa jou ✨nan pwovens lan, te kite Césarée pou monte Jérusalem.

<sup>2</sup> Chèf prèt yo ak dirijan a pèp Jwif yo te ✨pote chaj kont Paul; e yo t ap bourade li <sup>3</sup> ke li ta fè pa yo nan jijman a kont Paul, epi fè l vini Jérusalem. Konsa yo ta ka fè yon anbiskad pou touye l nan wout. ✨

<sup>4</sup> Answit Festus te reponn ke ✨Paul t ap kenbe nan gadavi Césarée, e ke li menm t ap sòti talè. <sup>5</sup> “Konsa”, li te di: “Kite prensipal moun pami nou yo ale avè m, e si gen yon bagay ki mal nan nonm sa a, kite yo pouswiv sa nan lajistis.

<sup>6</sup> Apre li te fin pase plis ke di jou pami yo, li te desann Césarée; epi nan pwochen jou a li te pran chèz li ✨devan tribinal la, e te kòmande yo fè Paul vini.

<sup>7</sup> Apre Paul te rive, Jwif ki te desann sòti Jérusalem yo te kanpe antoure li, e t ap pote anpil chaj byen serye kont li ✨ke yo pa t kab pwouve.

<sup>8</sup> Pandan Paul te di nan pwòp defans li: ✨“Mwen pa fè okenn ofans ni kont Lalwa Jwif yo, ni kont tanp lan, ni kont César.”

<sup>9</sup> Men Festus ✨ki te vle fè Jwif yo favè, te reponn Paul, e te di: “Èske ou dakò pou monte Jérusalem pou pase nan jijman devan mwen sou chaj sila yo?”

<sup>10</sup> Men Paul te di: “Mwen kanpe devan ✨tribinal César a, kote mwen dwe jije a. Mwen pa fè okenn mal a Jwif yo, jan ou menm osi byen konnen an.

<sup>11</sup> Si konsa, mwen se yon malfektè, e mwen fè yon bagay ki merite lanmò, mwen pa refize mouri; men si okenn nan bagay sila ke yo akize m yo pa verite; pèsòn pa kapab livre mwen a yo. Mwen ✨fè apèl mwen a César.”

<sup>12</sup> Konsa Apre Festus te fè yon konferans avèk konseye li, li te reponn: se a César ke ou fè apèl; se a César ke ou va ale.”

<sup>13</sup> Alò lè kèk jou te pase, Wa Agrippa avèk Bérnéice te rive ✨Césarée pou prezante omaj yo a Festus. <sup>14</sup> Pandan yo t ap pase anpil jou la, Festus te mete ka a Paul la devan wa a, e t ap di: “Genyen yon sèten nonm ke Félix te ✨kite kòm prizonye. <sup>15</sup> Epi lè m te Jérusalem, chèf prèt avèk ansyen Jwif yo te ✨pote chaj kont li, pou mande yon santans kondanasyon kont li.

<sup>16</sup> Mwen te ✨reponn yo ke se pa koutim a Women yo pou livre okenn moun avan sila ki akize a wè akizatè li yo fasafas e vin gen chans pou fè defans li kont chaj yo. <sup>17</sup> Donk, apre yo te fin ransanble la a, mwen pa t fè reta, men nan pwochen jou a, te pran chèz mwen sou ✨tribinal la, e te kòmande mesye sila a vin devan mwen. <sup>18</sup> Lè akizatè yo te kanpe, yo te kòmanse pote chaj krim, men pa tankou mwen ta sipoze a. <sup>19</sup> Yo te senpleman gen kèk ✨pwèn malantandi sou relijyon pa yo, ak sou yon sèten mesye mouri, Jésus, ke Paul te pwoklame toujou vivan. <sup>20</sup> ✨Kòm si mwen pa t menm konprann jan pou m ta fè yon ankèt sou bagay sila yo, mwen te mande si li te dakò pou ale Jérusalem pou pase nan jijman sou zafè sila yo. <sup>21</sup> Men lè Paul te ✨fè apèl pou desizyon Anperè a, mwen te kòmande li kenbe nan gadavi jiskaske m voye li kote César.”

<sup>22</sup> Answit ✨Agrippa te di a Festus: “Mwen ta renmen osi tande mesye sa mwen menm”.

Li te reponn: “Demen ou va tande l”.

✨ 25:1 Trav 23:34 ✨ 25:2 Trav 24:1 ✨ 25:3 Trav 9:24 ✨ 25:4 Trav 24:23 ✨ 25:6 Mat 27:19 ✨ 25:7 Trav 24:13 ✨ 25:8 Trav 6:13 ✨ 25:9 Trav 12:3 ✨ 25:10 Mat 27:19 ✨ 25:11 Trav 25:21,25 ✨ 25:13 Trav 8:40 ✨ 25:14 Trav 24:27 ✨ 25:15 Trav 24:1 ✨ 25:16 Trav 25:4 ✨ 25:17 Mat 27:19 ✨ 25:19 Trav 18:15 ✨ 25:20 Trav 25:9 ✨ 25:21 Trav 25:11 ✨ 25:22 Trav 9:15

<sup>23</sup> Konsa, nan pwochen jou a, lè ✨Agrippa te parèt ansanm avèk Bérnéice, pami gwo zafè, li te antre nan sal odyans lan, akonpanye ak kòmandan yo ak lòm pi enpòtan nan vil yo, epi sou kòmand Festus, Paul te mennen antre.

<sup>24</sup> Festus te di: “Wa Agrippa, e tout moun ki prezan avèk nou la a, ou wè nonm sila a, sou kilès ✨tout pèp Jwif la te fè vin kote mwen, ni nan Jérusalem, ni isit la, pou te deklare byen fò ke ✨li pa t dwe viv ankò a. <sup>25</sup> Men mwen te twouve ke li ✨pa t fè okenn bagay ki te merite lanmò; epi akòz ke li menm te ✨fè apèl a Anperè a, mwen te deside voye l.

<sup>26</sup> Deja mwen pa gen anyen definitif pou ekri a mèt mwen. Donk mwen mennen li devan nou tout, e espesyalman devan ou, Wa Agrippa, pou lè ankèt la fèt, pou mwen kapab gen yon bagay pou m ekri. <sup>27</sup> Paske li sanble dwòl pou mwen voye yon prizonye, epi pou m pa endike osi chaj kont li.”

## 26

<sup>1</sup> ✨Agrippa te di a Paul: “Ou gen dwa pale pou tèt ou.”

Epi Paul te lonje men li pou te kòmanse fè defans li. <sup>2</sup> Konsènan tout bagay ke mwen akize pa Jwif yo, mwen konsidere ke mwen gen gwo chans, Wa Agrippa, pou m kapab fè defans mwen devan ou jodi a; <sup>3</sup> Sitou paske ou se yon ekspè nan tout ✨koutim ak kesyon pami pèp Jwif yo; pou sa, mwen mande w pou koute mwen avèk pasyans.

<sup>4</sup> Alò konsa, tout Jwif yo konnen ✨kalite vi mwen depi nan jenès mwen, ki soti nan kòmansman an ki te pase pami pwòp nasyon mwen, ak nan Jérusalem; <sup>5</sup> Paske yo konnen mwen depi lontan, si yo dakò temwaye, mwen te viv kon yon ✨Farizyen, selon sèkt ki pi disipline nan tout relijyon nou an.

<sup>6</sup> Epi koulye a, mwen kanpe devan tribinal la ✨pou lespwa ✨pwomès ki te fèt pa Bondye a zansèt nou yo. <sup>7</sup> Pwomès pou sila douz tribi yo gen esperans wè reyalize, pandan yo rete fidèl nan sèvi Bondye lajounen ak lannwit. Epi pou ✨esperans sa a, o Wa, mwen akize pa Jwif yo. <sup>8</sup> Poukisa pami nou, nou twouve li enkwayab ✨ke Bondye kapab leve mò yo?

<sup>9</sup> Alò ✨mwen te reflechi a mwen menm, ke mwen te oblije aji avèk anpil fòs kont non a Jésus de Nazareth la. <sup>10</sup> Epi sa, mwen ✨te fè menm Jérusalem; non sèlman ke m te fèmen anpil nan sen sila yo nan prizon; men avèk otorite ke m te resevwa soti nan chèf prèt yo, lè yo te mete yo a lanmò mwen te dakò pou yo aji kont yo. <sup>11</sup> Epi ✨pandan mwen te pini yo souvan nan tout sinagòg yo, mwen te eseye fòse yo fè blasfèm; e tèlman mwen te anraje avèk yo, mwen te kouri dèyè yo menm nan vil etranje yo.

<sup>12</sup> Pandan mwen te angaje konsa, mwen te ✨fè yon vwayaj nan Damas avèk otorite ak pèmisyon a chèf prèt yo, <sup>13</sup> Nan mitan jounen an, o Wa, mwen te wè sou wout la yon gwo limyè ki sòti nan syèl la, pi briyan ke solèy la, ki te briye toupatou ozanviwon m ak sila ki t ap fè vwayaj la avè m yo. <sup>14</sup> Epi lè nou tout te tonbe atè, mwen te tande yon vwa ki t ap di m nan ✨lang Ebre a: ‘Saul, Saul, poukisa w ap pèsekite Mwen? Se difisil pou ou pou voye pye ou kont pikan yo.’

<sup>15</sup> Epi mwen te reponn: ‘Ki moun Ou ye, Senyè?’

✨ 25:23 Trav 25:13 ✨ 25:24 Trav 25:2,7 ✨ 25:24 Trav 22:22 ✨ 25:25 Trav 23:29 ✨ 25:25 Trav 25:11 ✨ 26:1 Trav 9:15 ✨ 26:3 Trav 6:14 ✨ 26:4 Gal 1:13 ✨ 26:5 Trav 23:6 ✨ 26:6 Trav 24:15 ✨ 26:6 Trav 13:32 ✨ 26:7 Trav 24:15 ✨ 26:8 Trav 23:6 ✨ 26:9 Jn 16:2 ✨ 26:10 Trav 8:3 ✨ 26:11 Mat 10:17 ✨ 26:12 Trav 9:3-8 ✨ 26:14 Trav 21:40

E Senyè a te di: ‘Mwen se Jésus ke w ap pèsekite a. <sup>16</sup> Men leve kanpe sou pye ou; se pou rezon sa ke m te parèt a ou, pou ☆nome ou kòm yon sèvitè ak yon temwen, non sèlman a bagay ke ou wè, men osi a bagay ke Mwen menm va fè vin parèt a ou menm; <sup>17</sup> K ap delivre ou ☆de pèp Jwif la, ak pèp etranje yo, pami sila m ap voye ou yo, <sup>18</sup> pou ☆louvri zye yo pou yo kapab tounen kite tenèb la pou limyè a, e domèn Satan pou sila a Bondye, pou yo kapab resevwa padon peche yo ak yon eritaj pami sila ki sanktifye pa lafwa nan Mwen yo.

<sup>19</sup> Konsa, Wa Agrippa, mwen pa t pwouve dezobeyisan a vizyon selès la, <sup>20</sup> men mwen te kontinye deklare ☆premyèman a sila Damas yo, e osi ak sila Jérusalem yo, e answit atravè tout rejyon a Judée a, e menm ak pèp etranje yo, pou yo ta dwe repanti, vire vè Bondye, e fè zèv ki apatyen ak repantans lan.

<sup>21</sup> Pou rezon sa a, kèk Jwif te ☆sezi mwen nan tanp lan e te eseye mete m a lanmò. <sup>22</sup> Alò, avèk èd Bondye ke m te twouve, mwen kanpe jiska jou sa a pou temwaye a piti kòm gran, pou pa pale anyen men sa ke ☆pwofèt yo ak Moïse te di ki t ap pral rive yo. <sup>23</sup> Ke Kris la te gen pou souffri, e akoz ☆rezirèksyon Li soti nan lanmò a, Li ta devni premye pou pwoklame limyè a, ni a pèp Jwif la, ni a pèp etranje yo.”

<sup>24</sup> Pandan Paul t ap di sa nan defans li, Festus te di ak yon gwo vwa: “Paul, tèt ou fin pati! ☆Gran konesans ou fè ou vin fou.”

<sup>25</sup> Men Paul te reponn li: “Mwen pa pèdi tèt mwen ☆trè ekselan Festus, men mwen pale pawòl ak bon jan verite. <sup>26</sup> Paske Wa a konnen de ☆tout bagay sila yo, e mwen pale ak li osi avèk konfyans, akoz ke m konvenk ke anyen nan bagay sila yo pa kapab chape anba atansyon li, akoz ke nanpwen anyen ki fèt nan yon kwen. <sup>27</sup> Wa Agrippa, èske ou kwè nan pwofèt yo? Mwen konnen ke ou kwè.

<sup>28</sup> Agrippa te reponn a Paul: “Nan yon ti tan ou va konvenk mwen pou devni yon ☆Kretyen.”

<sup>29</sup> Epi Paul te reponn: “Mwen ta vle devan Bondye, ke menm si se nan ti tan kout, oswa tan long, ke non sèlman ou menm, men tout sila ki koute mwen nan jou sa a, ta kapab vini menm jan ke mwen ye a, sof pou ☆chèn sila yo.”

<sup>30</sup> ☆Wa a te leve avèk gouvènè a, ak Bérnéice, ak sila ki te chita avèk yo. <sup>31</sup> Epi lè yo te ale akote, yo te kòmanse pale youn ak lòt. Yo t ap di: ☆“Mesye sila a p ap fè anyen ki merite lanmò oubyen prizon.

<sup>32</sup> Epi Agrippa te di a Festus: “Mesye sa a ta gen dwa ☆libere si li pa t fè apèl a César.

## 27

<sup>1</sup> Lè yo te deside ke nou ta pran vwal pou ☆Italie, yo te pwosede livre Paul avèk kèk lòt prizonnye bay yon santenye ki manm nan kowòt Auguste la, ki te nome Julius. <sup>2</sup> Nou te anbake nan yon bato Adramityen ki te prèt pou pran vwal pou rejyon akote kot Asie a, nou te monte nan lanmè a, akonpanye pa ☆Aristarque, yon Masedonyen ki soti Thésalonique.

<sup>3</sup> Pwochen jou a nou te antre kote Sidon; epi Julius ☆te byen trete Paul e te ☆pèmèt li ale bò kote zanmi li yo, kote li te resevwa swen.

☆ 26:16 Trav 22:14 ☆ 26:17 I Kwo 16:35 ☆ 26:18 És 35:5 ☆ 26:20 Trav 9:19 ☆ 26:21 Trav 21:27 ☆ 26:22 Trav 10:43 ☆ 26:23 I Kwo 15:20,23 ☆ 26:24 Jn 7:15 ☆ 26:25 Trav 23:26 ☆ 26:26 Trav 26:3 ☆ 26:28 Trav 11:26 ☆ 26:29 Trav 21:33 ☆ 26:30 Trav 25:23 ☆ 26:31 Trav 23:29 ☆ 26:32 Trav 28:18 ☆ 27:1 Trav 18:2 ☆ 27:2 Trav 19:29 ☆ 27:3 Trav 27:43 ☆ 27:3 Trav 24:23

<sup>4</sup> Soti la nou te monte sou lanmè a pou te pran vwal anba pwoteksyon ✧Chypre akòz van an ki te okontrè. <sup>5</sup> Lè nou te fin travèse lanmè a toupres kot ✧Cilicie ak Pamphylie, nou te rive nan Myra, nan Lycie. <sup>6</sup> La santenye a te twouve yon ✧bato Alexandryen ki t ap pran vwal pou Italie, e li te fè nou anbake. <sup>7</sup> Nou te navige byen lantman pandan anpil jou, epi avèk difikilte te rive akote Nid, akòz ke van pa t pèmèt nou ale pi lwen. Akòz sa nou te pran vwal anba pwoteksyon ✧Crète la, tou toupres Salmone. <sup>8</sup> Konsa, avèk difikilte, nou te ✧vwayaje pou rive a yon sèten kote ke yo te rele Beau-Ports, toupres lavil Lasea a.

<sup>9</sup> Lè anpil tan te fin pase, vwayaj la te vin andanje akòz ke tan ✧Fèt Jèn nan te fin pase, e Paul te kòmanse avèti yo. <sup>10</sup> Epi li te di yo, mesye yo, mwen prevwa ke vwayaj la va an verite gen ✧donmaj ak gwo pèt, non sèlman pou bagay nou pote ak bato a, men anplis pou lavi nou.”

<sup>11</sup> Men santenye a te plis enfliyanse pa ✧pilòt la ak kaptenn bato a, ke pawòl a Paul yo <sup>12</sup> Akòz pò a pa t bon pou pase sezon livè a, majorite a te rive a yon desizyon pou retounen sou lanmè a pou wè si yo ta kab rive Phoenix, yon pò nan ✧Crète, anfas sidwès ak nòdwès pou pase sezon livè a la.

<sup>13</sup> Lè yon van sid byen modere te vin parèt, avèk kalkil la ke yo vin reyisi plan an, yo leve lank bato a, e yo te kòmanse ✧pran vwal pou swiv Crète, toupres kot la. <sup>14</sup> Men avan anpil tan, yon van vyolan, ke yo te rele Euraquilon te desann soti atè e te ✧vin vole sou yo. <sup>15</sup> Epi lè bato a te pran nan li, li pa t kab fè fas a van an, e nou te kite l pran nou pou lèse nou pouse pa van an.

<sup>16</sup> Pandan nou t ap kouri anba pwoteksyon a yon ti lil ke yo rele Clauda, nou te prèske pa t kab mete bato a anba kontwòl. <sup>17</sup> Lè yo te fin leve l, yo te sèvi ak kab pou ranfòse bato a; epi akòz pè ke yo ta ✧vin echwe nan bafon Syrte la, yo te desann gwo vwal la, epi konsa kite van an pouse yo avanse.

<sup>18</sup> Nan demen, pandan nou t ap jete toupato avèk vyolans akòz van a, yo te kòmanse ✧vide chaj la nan lanmè; <sup>19</sup> Nan twazyèm jou a, yo te jete tout aparèy pou manevre bato a nan lanmè avèk pwòp men yo. <sup>20</sup> Epi akòz ke ni solèy, ni etwal pa t parèt pandan anpil jou, e se pa yon ti kras tanpèt ki t ap atake nou an, depi la, tout espwa pou nou ta sove t ap vin disparèt.

<sup>21</sup> Lè yo te fin fè anpil tan san manje, Paul te kanpe nan mitan yo e te di yo: ✧“Mesye yo, nou te dwe swiv konsèy mwen an pou nou pa pran lanmè a soti Crète pou fè rive donmaj ak pèt sila yo. <sup>22</sup> Men koulye a mwen ankouraje nou pou ✧pran kouraj, paske p ap gen pèt lavi pami nou, men sèlman chaj bato a. <sup>23</sup> Paske nan menm nwit sa a, yon zanj a Bondye a Sila ke m apatyen e Sila ✧ke m sèvi, te kanpe devan mwen. <sup>24</sup> Epi t ap di: ‘Pa pè anyen Paul. ✧Ou dwe kanpe devan César; e gade byen, Bondye gen tan ba ou tout sila ki ap vwayaje avèk ou yo.’ <sup>25</sup> Akòz sa, mesye yo ✧pran kouraj. Paske mwen gen konfyans nan Bondye ke sa va fini menm jan ke Li te di mwen an. <sup>26</sup> Men fòk nou ✧echwe sou yon sèten ✧lil.”

<sup>27</sup> Men lè katòzyèm nwit lan te vin rive, pandan van a t ap pouse vire nou nan Lanmè Adriatique la, anviwon minwi, yo te kòmanse vin konprann ke yo t ap pwoche vè yon tè. <sup>28</sup> Lè Yo te sonde, yo te twouve ke se te a ven

✧ 27:4 Trav 4:36 ✧ 27:5 Trav 21:39 ✧ 27:6 Trav 28:11 ✧ 27:7 Trav 2:11 ✧ 27:8 Trav 27:13  
 ✧ 27:9 Lev 16:29-31 ✧ 27:10 Trav 27:21 ✧ 27:11 Rev 18:17 ✧ 27:12 Trav 2:11 ✧ 27:13  
 Trav 27:8 ✧ 27:14 Mc 4:37 ✧ 27:17 Trav 27:26,29 ✧ 27:18 Jon 1:5 ✧ 27:21 Trav 27:10  
 ✧ 27:22 Trav 27:25,36 ✧ 27:23 Wo 1:9 ✧ 27:24 Trav 23:11 ✧ 27:25 Trav 27:22,36 ✧ 27:26  
 Trav 27:29 ✧ 27:26 Trav 28:1



bwas pwofondè; epi yon ti kras pi lwen, yo te sonde ankò, e te twouve li a kenz bwas. <sup>29</sup> Nan pè pou nou ta ✨kouri atè yon kote sou wòch, yo voye kat lank pa dèyè bato yo e te espere pou jounen an vin rive. <sup>30</sup> Men pandan mesye lanmè yo t ap eseye chape kite bato a, yo te deja lonje desann ✨ti kannòt bato a nan lanmè a, sou pretèks ke yo t ap lonje lank pa devan yo, <sup>31</sup> Paul te di santenye a ak sòlda yo: “Si moun sa yo pa rete nan bato a, nou menm nou p ap kab sove.”

<sup>32</sup> Alò, sòlda yo te koupe kòd a kannòt bato a, e te kite l tonbe lib.

<sup>33</sup> Jiskaske jounen a te prèt pou pwente, Paul t ap ankouraje yo tout pou pran kèk bagay pou manje, e t ap di: “Jodi a fè katòzyèm jou ke nou ap veye san rete, ale san manje, e pa pran anyen. <sup>34</sup> Konsa, mwen ankouraje nou pou pran kèk manje, paske sa se pou prezève nou; paske ✨pa menm yon cheve nan tèt a okenn nan nou p ap peri. <sup>35</sup> Lè l fin di sa, li te pran pen e te ✨remèsye Bondye nan prezans a tout moun; epi li te kase li e te kòmanse manje. <sup>36</sup> ✨Yo tout te ankouraje e yo menm yo tout te pran manje. <sup>37</sup> Nou tout nan bato a se te de-san-swasann-sèz ✨moun. <sup>38</sup> Lè yo te manje kont yo, yo te kòmanse fè bato a pi lejè pa ✨voya ble nan lanmè a.

<sup>39</sup> Lè jounen an te vin rive ✨yo pa t rekonèt tè a, men yo te wè yon pò avèk yon plaj, e yo te pran kouraj pou dirije bato a vè li si l te posibil. <sup>40</sup> Epi yo te ✨jete lank yo, e te kite yo nan lanmè a, pandan nan menm moman an yo t ap lage kòd gouvènay yo, yo te monte vwal devan an pou van an pran l; konsa yo te tire vè plaj la. <sup>41</sup> Men yo te vin frape a yon resif kote de lanmè te rankontre, yo te kouri echwe batimán an; pwent avan bato a te kole rèd, e pa t kapab deplase, men dèyè a te kòmanse kraze an moso akoz gwo vag lanmè a.

<sup>42</sup> Sòlda yo te fè plan pou touye tout prizonye yo, pou okenn nan yo pa ta chape naje nan lanmè a.

<sup>43</sup> Men santenye a ✨ki te vle fè Paul rive sof, te anpeche entansyon yo a, e te kòmande ke sila ki te kapab naje, vòltije nan lanmè a avan pou naje rive atè <sup>44</sup> epi rès la ta swiv yo, kèk sou mòso bwa, e lòt yo sou plizyè lòt bagay pou kite bato a.

Konsa li te rive, ke yo ✨tout te vin rive sof atè.

## 28

<sup>1</sup> Lè yo tout te fin rive sof ✨nou te vin twouve ke ✨lil la te rele Malte. <sup>2</sup> ✨Natif peyi yo te byen resevwa nou ak yon dousè ekstrawòdinè; paske akoz lapli a ki te vin fèmen sou nou, avèk anpil fredyè, yo te limen yon dife e te resevwa nou tout.

<sup>3</sup> Men lè Paul te ranmase yon pakèt bwa e te mete yo sou dife a, yon vipè te sòti akoz chalè a e te tache nan men l.

<sup>4</sup> Lè natif yo te wè bèt la k ap pann soti nan men li, yo te kòmanse di youn ak lòt: ✨“San dout mesye sa a se yon asasen, epi malgre li sove soti nan lanmè a, jistis p ap kite li viv.” <sup>5</sup> Konsa, li te souke retire bèt la jete nan dife a, men l pa t gen anyen. <sup>6</sup> Men yo t ap atann ke li vin anfle e sibitman tonbe mouri. Men apre yo te tann pandan anpil tan e pa t wè anyen rive li, yo te reflechi yon lòt jan e te ✨kòmanse di ke li te yon dye.

✨ 27:29 Trav 27:17,26 ✨ 27:30 Trav 27:16 ✨ 27:34 Mat 10:30 ✨ 27:35 Mat 14:19 ✨ 27:36 Trav 27:22,25 ✨ 27:37 Trav 2:41 ✨ 27:38 Jon 1:5 ✨ 27:39 Trav 28:1 ✨ 27:40 Trav 27:29 ✨ 27:43 Trav 27:3 ✨ 27:44 Trav 27:22,31 ✨ 28:1 Trav 27:39 ✨ 28:1 Trav 27:26 ✨ 28:2 Trav 28:4 ✨ 28:4 Luc 13:2,4 ✨ 28:6 Trav 14:11

<sup>7</sup> Alò, toupre kote sila a, te gen tè ki te pou mesye pi enpòtan nan lil la, ke yo te relè Publius, ki te bannou byenveni. Li te byen emab e li te bay nou lojman pandan twa jou.

<sup>8</sup> Li te vin rive ke papa a Publius te kouche byen malad avèk lafyèv ak dyare. Paul te ale wè li e lè li te fin priye pou li, li te ✨poze men l sou li e te geri li.

<sup>9</sup> Aprè sa te fin fèt, tout lòt moun sou lil la ki te gen maladi t ap vin kote li e t ap geri. <sup>10</sup> Anplis, yo te onore nou avèk anpil mak respè, e lè nou t ap pran vwal, yo te founi nou tout sa nou te bezwen.

<sup>11</sup> Nan fen twa mwa yo nou te pran vwal sou yon ✨bato Alexandryen ki osi te pase sezon livè a nan lil la. Li te gen Frè Jimo yo kon òneman devan an kòm tè bato a.

<sup>12</sup> Apre nou te antre o pò nan Syracuse, nou te rete la pandan twa jou.

<sup>13</sup> Soti la, nou te pran vwal pou antoure rive nan Reggio. Yon jou pita, yon van sid te parèt, e nan dezyèm jou a nou te rive Pouzzles. <sup>14</sup> La nou te twouve kèk frè ki te envite nou rete avèk yo pandan sèt jou, e konsa nou te rive Rome.

<sup>15</sup> Epi ✨frè fidèl yo, lè yo te tande de nou, te vini la soti nan distans pou rive nan Mache Appuis la avèk Twa Tavernes pou rankontre nou; epi lè Paul te wè yo, li te remèsye Bondye e te pran kouraj.

<sup>16</sup> Lè nou te antre Rome, Paul te ✨jwenn pèmasyon pou rete pou kont li, avèk sòlda ki t ap veye l la.

<sup>17</sup> Apre twa jou Paul te rele ansanm moun ki te pi enpòtan pami mesye Jwif yo, epi lè yo te vin ansanm, li te kòmanse ap di yo: “Frè yo ✨malgre mwen pa t fè anyen kont pèp nou an oubyen ✨koutim zansèt nou yo, konsa, mwen te livre kòm prizonye soti Jérusalem nan men Women yo. <sup>18</sup> Epi lè yo te egzamine mwen, yo te dakò pou lage m paske yo ✨pa t twouve baz pou mete m a lanmò. <sup>19</sup> Men lè Jwif yo te vin pa dakò, mwen te oblije fè apèl a César, men pa akoz ke m te gen okenn akizasyon kont nasyon mwen an. <sup>20</sup> Pou rezon sa a, donk mwen te mande wè nou pou pale avèk nou, paske mwen ap pote chenn sa a pou ✨lespwa Israël la.”

<sup>21</sup> Yo te di li: “Nou pa t ni resevwa lèt sòti Judée konsènan ou, ni pa t gen okenn nan ✨frè yo ki te vin isit la pou rapòte oswa pale anyen mal de ou menm. <sup>22</sup> Men nou dezire tande de ou menm sa ke ou panse; paske konsènan ✨sèkt sa a, se byen koni pami nou menm ke yo pale kont li toupatou.

<sup>23</sup> Lè yo te fikse yon jou pou Paul, yo te vini kote lojman li an an gran nonb; epi li t ap eksplike yo nan ✨temwayaj klè e konplè de wayòm Bondye a ak nan eseye fè yo kwè konsènan Jésus, soti nan Lalwa Moïse la ak nan pwofèt yo depi granmmaten jis rive nan aswè. <sup>24</sup> ✨Kèk te vin kwè akoz bagay ki te pale yo, men lòt yo te refize kwè. <sup>25</sup> Epi lè yo pa t dakò youn avèk lòt, yo te kòmanse pati lè Paul te fin pale dènye pawòl sila a: “Lespri Sen an te gen rezon lè l te pale atravè Ésaïe, pwofèt a zansèt nou yo, <sup>26</sup> Epi t ap di:

✨Ale nan pèp sa epi di: “nou va toujou tande, men nou p ap konprann; nou va toujou gade, men nou p ap wè anyen;

<sup>27</sup> Paske kè a moun sa yo vin di;

✨ 28:8 Mat 9:18 ✨ 28:11 Trav 27:6 ✨ 28:15 Trav 1:15 ✨ 28:16 Trav 24:23 ✨ 28:17 Trav 25:8 ✨ 28:17 Trav 6:14 ✨ 28:18 Trav 23:29 ✨ 28:20 Trav 24:5 ✨ 28:21 Trav 3:17 ✨ 28:22 Trav 24:14 ✨ 28:23 Trav 1:3 ✨ 28:24 Trav 14:14 ✨ 28:26 És 6:9

avèk zòrèy pa yo, yo manke tande,  
e yo fèmen zye yo;  
otremman pou yo ta wè avèk zye yo,  
tande avèk zòrèy yo, konprann avèk kè yo,  
e retounen, pou Mwen ta geri yo.'

<sup>28</sup> Konsa, Kite l byen konnen a nou menm, ke ✨delivrans sila gen tan voye  
osi a pèp etranje yo; yo menm tou va koute." <sup>29</sup> Lè li te fin pale pawòl sa  
yo, Jwif yo te pati e yo t ap diskite pami yo menm.

<sup>30</sup> Epi Paul te rete la pandan de zan nan pwòp chanm li ke li te lwe a, e li  
te trè kontan resevwa tout sila ki te vin wè li yo, <sup>31</sup> Li t ap ✨preche wayòm  
Bondye a e t ap enstwi konsènan Senyè a Jésus Kri, avèk tout libète, san  
anpèchman.

## WOMEN YO

<sup>1</sup> Paul, yon sèvitè-atache nèt a Jésus Kri, aple kòm apot ✧mete apa pou bòn nouvèl Bondye a. <sup>2</sup> Ke Li te pwomèt oparavan atravè ✧pwofèt Li yo nan Ekriti Sen Yo, <sup>3</sup> konsènan Fis Li a ki te ne de yon desandan David ✧selon lachè; <sup>4</sup> Ki te deklare ✧Fis Bondye a avèk pouvwa akòz rezirèksyon Li, ki te fè L sòti nan lanmò, atravè Lespri sentete a, Jésus Kri, Senyè nou an. <sup>5</sup> Pa Li menm nou te resevwa gras e te rele kòm apot pou fè parèt ✧obeyisans lafwa a pami tout etranje yo pou koz Sen Non Li, <sup>6</sup> pami sila yo nou menm osi te ✧rele pa Jésus Kri. <sup>7</sup> A tout sila yo ke Bondye renmen anpil nan Rome, ke Li te rele kòm ✧sen yo: gras anvè nou avèk lapè ki sòti nan Bondye, Papa nou, ak Senyè a Jésus Kri. <sup>8</sup> Premyèman ✧mwen remèsye Bondye mwen an selon Jésus Kri pou nou tout, paske lafwa nou ap pwoklame toupatou nan lemond. <sup>9</sup> Paske Bondye ke mwen ✧sèvi nan lespri mwen lè m preche levanjil Fis Li a, se temwen m ke m ap nonmen non nou san rete. <sup>10</sup> Toujou nan priyè mwen yo, m ap mande Bondye ✧nan volonte L, dènyèman, pou L kite m vin wè nou. <sup>11</sup> Paske ✧mwen anvi wè nou pou m kapab bannou kèk don Lespri a, pou nou kapab byen etabli. <sup>12</sup> Sa vle di, pou mwen menm kapab ankouraje ansanm avèk nou pandan mwen pami nou, nou chak pa lafwa a lòt; lafwa pa nou ak lafwa pa m tou. <sup>13</sup> Mwen pa vle nou pa okouran, frè m yo, ke souvan mwen konn fè plan pou vin wè nou (malgre sa pa t realize). Mwen ta renmen sa fèt pou m kapab rekòlte ✧kèk fwi pami nou tou, menm jan ak tout lòt nasyon etranje yo. <sup>14</sup> ✧Mwen gen obligasyon ni pou Grèk ni pou moun ki baba; ni pou sila ki saj ni pou sila ki ensanse yo. <sup>15</sup> Donk, Pou pati pa m, mwen gen gwo anvi pou ✧preche levanjil la a nou menm osi ki nan Rome. <sup>16</sup> Paske mwen ✧pa wont de levanjil la ✧paske se li ki pouvwa Bondye a pou sove tout moun ki kwè yo. Li la avan pou Jwif la e dabò Grèk la tou. <sup>17</sup> Paske se nan levanjil sa a ke ladwati Bondye revele soti nan lafwa pou rive nan lafwa, jan sa ekri a: ✧“Men moun ki jis la ap viv pa lafwa”. <sup>18</sup> Paske ✧lakòlè Bondye parèt soti nan syèl la kont tout enkwayans ak tout enjistis a lòm ki kache verite a ak enjistis. <sup>19</sup> Paske ✧sa ke tout moun konnen de Bondye a, byen klè pou yo, paske Bondye te fè l parèt a klè. <sup>20</sup> Paske depi nan kreyasyon mond lan tout aspè envizib Li yo; pouvwa etènèl Li ak nati divèn Li an te parèt byen a klè. Sa ✧byen konprann menm selon sa Li te kreye. Konsa, yo rete san eskiz. <sup>21</sup> Paske malgre yo te konnen Bondye, yo pa t bay Li lonè kòm Bondye, ni bay Li remèsiman, men yo te vin ✧egare nan panse yo. Yo te vin ranpli avèk foli, e kè yo te vin fonsè tounwa. <sup>22</sup> Nan ✧pretann ke yo te saj, yo te vin fou, <sup>23</sup> epi te ✧ranplase laglwa a Bondye enkonwonpi a pou yon imaj ki sanblab a lòm konwonpi ak zwazo, bèt kat pye, ak bèt k ap rale sou vant yo. <sup>24</sup> Konsa ✧Bondye te livre yo a konvwatiz kè yo ak tout sa ki pa pwòp, pou kò yo te kapab dezonore pami yo menm. <sup>25</sup> Paske yo te ranplase verite Bondye a ak yon ✧bann manti, yo te adore e sèvi kreyati a olye de Kreyatè a, ki beni pou tout tan an. Amen. <sup>26</sup> Pou rezon sila a Bondye te livre yo a

✧ **1:1** Trav 9:15 ✧ **1:2** Luc 1:70 ✧ **1:3** Jn 1:14 ✧ **1:4** Mat 4:3 ✧ **1:5** Trav 6:7 ✧ **1:6** Jd 1  
 ✧ **1:7** Trav 9:13 ✧ **1:8** I Kor 1:4 ✧ **1:9** Trav 24:14 ✧ **1:10** Trav 18:21 ✧ **1:11** Trav 19:21  
 ✧ **1:13** Jn 4:36 ✧ **1:14** I Kor 9:16 ✧ **1:15** Wo 5:20 ✧ **1:16** Mc 8:38 ✧ **1:16** I Kor 1:18,24  
 ✧ **1:17** Hab 2:4 ✧ **1:18** Wo 5:9 ✧ **1:19** Trav 14:17 ✧ **1:20** Job 12:7-9 ✧ **1:21** II Wa 17:15  
 ✧ **1:22** Jr 10:14 ✧ **1:23** Det 4:16-18 ✧ **1:24** Wo 1:26,28 ✧ **1:25** És 44:20

✧pasyon k ap avili yo. Paske fanm pa yo te ranplase fonksyon lanati a pa sa ki pa nan nati a. <sup>27</sup> Epi menm jan mesye yo te abandone fonksyon natirèl fanm nan pou vin boule nan dezi anvè youn pou lòt; ✧gason avèk gason k ap fè zak malpwòp e k ap resevwa nan pwòp kò pa yo pinisyon yo merite pou erè yo a. <sup>28</sup> Epi jan yo pa t trouve l bon ankò pou rekonèt Bondye, ✧Bondye te livre yo a yon panse tòde pou fè bagay ki pa pwòp sa yo. <sup>29</sup> Yo te vin ranpli avèk tout kalite enjistis, mechanste, konvwatiz, ak mal. Yo te plen ak anvi, touye moun, konfli, desepsyon, malis, tripotay. <sup>30</sup> Yo vin Medizan, lènmi a Bondye, ensolan, awogan, ògeye, envantè a mechanste ✧dezobeyisan a paran yo, <sup>31</sup> san konprann, san entegrite ✧san lanmou, e san mizerikòd. <sup>32</sup> Malgre yo konnen òdonans Bondye a, ke sila ki pratike bagay sa yo ✧merite lanmò, yo non sèlman fè yo, men yo vin konplètman dakò avèk sila ki pratike yo tou.

## 2

<sup>1</sup> Konsa, nou vin san eskiz; nou tout ki pote jijman yo. Nan menm moman ke nou ✧jije lòt yo, nou kondannen pwòp tèt nou. Paske nou menm ki jije yo, pratike menm bagay sa yo. <sup>2</sup> Epi nou konnen ke li jis lè jijman Bondye a tonbe sou sila ki pratike bagay sa yo. <sup>3</sup> Men èske ou sipoze sa ✧o lòm; ke lè ou jije sila ki pratike bagay sa yo, epi ou menm ou fè menm bagay yo, ke ou va chape de jijman Bondye a? <sup>4</sup> Oubyen èske ou panse ke ✧richès a bonte Li, tolerans ak pasyans Li se yon bagay lejè, san nou konprann ke se bonte Bondye menm ki mennen nou nan larepantans? <sup>5</sup> Men akòz de tèt ak kè di nou, ✧nou ap ranmase vanjans Bondye ✧pou dènye gran jou kòlè a, lè Bondye ap fè vin parèt tout jijman jis Li yo. <sup>6</sup> Li menm ✧va rann jijman a chak moun selon tout zèv li. <sup>7</sup> Sila yo ki ✧pèsevere nan fè byen, va twouve glwa, lonè, imòtalite, ak lavi etènèl; <sup>8</sup> men sila yo ki ranpli ak anbasyon pèsònèl e ki pa obeyi verite a, men ki obeyisan sèlman a lenjistis, ap twouve lakòlè ak lendiyasyon Bondye. <sup>9</sup> Va genyen tribilasyon ak gwo twoub pou tout nanm pami lòm ki fè mechanste ✧premyèman pou Jwif la, men osi pou Grèk la. <sup>10</sup> Men ✧laglwa, lonè ak lapè pou tout moun ki fè byen, premyèman pou Jwif la, men osi pou Grèk la. <sup>11</sup> Paske avèk Bondye ✧pa gen patipri. <sup>12</sup> Paske tout moun ki fè peche ✧san Lalwa a va peri osi san Lalwa a, e tout moun ki fè peche anba Lalwa a va jije pa Lalwa a. <sup>13</sup> Paske se pa ✧sila ki tandè Lalwa a ki jis devan Bondye, men se sila ki obeyi Lalwa a ki jistifye. <sup>14</sup> Paske lè pèp etranje yo ki pa gen Lalwa a, fè pa ✧ensten sa ke Lalwa a mande, sila yo, san menm gen lalwa a, vini yon lwa pou kont yo. <sup>15</sup> Konsa yo demontre ke ✧zèv Lalwa yo se byen ki ekri nan kè yo. Se pwòp konsyans yo ki bay temwayaj, epi panse yo, pafwa ap bay kondanasyon e pafwa ap defann yo. <sup>16</sup> Nan jou sa a selon levanjil mwèn an, ✧Bondye ap jije tout sekrè a lèzòm selon Jésus Kri. <sup>17</sup> Men si nou pote tit “Jwif”, ✧depann de Lalwa, e vante tèt nou nan Bondye, <sup>18</sup> epi konnen volonte Li, e ✧vin dakò avèk tout bagay ki nesèsè, paske se nou menm ki enstwi selon Lalwa a, <sup>19</sup> epi rete byen si ke nou menm se gid avèg yo, yon limyè pou sila ki nan tenèb yo, <sup>20</sup> yon korektè pou ensanse yo, yon pwofesè pou sila ki poko gen matirite yo, akòz ke nou gen Lalwa

✧ 1:26 I Tes 4:5 ✧ 1:27 Lev 22:22 ✧ 1:28 Wo 1:24 ✧ 1:30 II Tim 3:2 ✧ 1:31 II Tim 3:3  
 ✧ 1:32 Wo 6:2 ✧ 2:1 II Sam 12:5-7 ✧ 2:3 Luc 12:14 ✧ 2:4 Wo 9:23 ✧ 2:5 Det 32:34 ✧ 2:5  
 Sòm 110:5 ✧ 2:6 Sòm 62:12 ✧ 2:7 Luc 8:15 ✧ 2:9 Wo 1:16 ✧ 2:10 Wo 2:7 ✧ 2:11 Det  
 10:17 ✧ 2:12 Trav 2:23 ✧ 2:13 Mat 7:21,24 ✧ 2:14 Trav 10:35 ✧ 2:15 Wo 2:14,27 ✧ 2:16  
 Trav 10:42 ✧ 2:17 Mi 3:11 ✧ 2:18 Fil 1:10

a kòm ✧vrè baz konesans ak verite a; <sup>21</sup> konsa, nou menm ✧ki enstwi lòt yo, èske nou pa enstwi pwòp tèt nou? Nou menm ki preche ke yon moun pa dwe vòlè, èske nou vòlè? <sup>22</sup> Nou menm ki di ke yon moun pa dwe fè adiltè, èske nou fè adiltè? Nou menm ki rayi zidòl yo, èske nou konn vòlè tanp yo? <sup>23</sup> Nou menm ki ✧vante tèt nou nan Lalwa a, malgre nou vyole Lalwa a, èske nou dezonore Bondye? <sup>24</sup> Paske jan sa ekri a: ✧“Non Bondye a blasfeme pa etranje yo akòz de nou”. <sup>25</sup> Paske anverite, sikonsizyon gen valè si nou ap pratike Lalwa a, men si nou se yon transgresè Lalwa a, ✧sikonsizyon sa a gen tan vini ensikonsizyon. <sup>26</sup> ✧Donk, si yon nonm ki pa fizikman sikonsi ✧swiv tout règleman Lalwa yo, èske ensikonsizyon li an pa konsidere kòm sikonsizyon? <sup>27</sup> Epi li menm ki pa sikonsi fizikman, si li gade lalwa a, èske li p ap ✧jije nou, ki malgre nou gen chak lèt lalwa a ak sikonsizyon, se vyolatè lalwa a? <sup>28</sup> Paske ✧sa ki fè yon moun Jwif se pa sa ki parèt deyò a. Ni Vrè sikonsizyon an se pa sa ki fèt nan chè eksteryè a. <sup>29</sup> Men yon vrè Jwif se sila ki sikonsi pa anndan. ✧Sikonsizyon an se sa ki fèt nan kè, pa Lespri Sen an, men pa selon lèt lalwa a. ✧Lwanj pa Li pa sòti nan lòm, men nan Bondye.

### 3

<sup>1</sup> Konsa, ki avantaj Jwif la genyen? Oubyen ki benefis sikonsizyon genyen? <sup>2</sup> Anpil nan tout aspè. Premyèman ✧Jwif yo te konfyè avèk tout pawòl ki sòti nan bouch Bondye yo. <sup>3</sup> Answit kisa? Si ✧kèk pa t kwè, enkwayans pa yo p ap chanje fidelite Bondye anvè yo. Se pa sa? <sup>4</sup> Ke sa pa janm fèt! Olye de sa, Annou ensiste ke Bondye toujou vrè, malgre tout moun se mantè, jan sa ekri a: ✧“Ke Ou kapab jistifye nan pawòl Ou yo, e Ou kapab gen rezon lè Ou jije.” <sup>5</sup> Men si enjistis nou montre jistis Bondye, kisa nou kapab di? Èske Bondye ki dechennen lakòlè Li a, enjis? ✧(M ap pale tankou yon moun)? <sup>6</sup> Ke sa pa janm fèt! Otreman, kòman ✧Bondye va jije lemond? <sup>7</sup> Men si akòz manti pa m ✧verite Bondye a vin parèt jis pou glwa Li, ✧poukisa yo toujou jije m kòm yon pechè? <sup>8</sup> Epi poukisa nou pa di (jan kèk ènmi konn di n ap di a): ✧“Annou fè mal pou byen kapab soti?” Kondanasyon pa yo jis. <sup>9</sup> Kisa answit? Èske nou pi bon pase yo? Paditou; paske nou deja di ke ni Jwif ni Grèk koupab anba peche. <sup>10</sup> Jan sa ekri a: ✧“Pa gen moun ki jis, pa menm youn.

<sup>11</sup> Pa gen moun ki gen konprann. Pa gen moun ki chache Bondye.

<sup>12</sup> Tout detounen, ansanm yo tout vin initil.

Pa gen moun ki fè sa ki bon; pa menm yon sèl.

<sup>13</sup> ✧Gòj pa yo se yon tonm tou louvri.

Avèk lang pa yo, yo miltipliye desepsyon.

✧Pwazon sèpan aspik rete anba lèv yo.

<sup>14</sup> ✧Bouch yo anmè nèt e plen ak madichon;

<sup>15</sup> ✧pye yo kouri rapid pou fè san koule.

<sup>16</sup> Destriksyon ak mizè toujou rete sou wout yo;

<sup>17</sup> epi chemen k ap mennen lapè a, yo pa konnen l.

<sup>18</sup> ✧Nanpwen lakrent Bondye devan zye yo.

<sup>19</sup> Alò, nou konnen ke nenpòt sa ke Lalwa a di, li pale ak ✧sila ki anba

✧ 2:20 Wo 3:31 ✧ 2:21 Mat 23:3 ✧ 2:23 Mi 3:11 ✧ 2:24 És 52:5 ✧ 2:25 Jr 4:4 ✧ 2:26 I Kwo 7:19 ✧ 2:26 Wo 8:4 ✧ 2:27 Mat 12:41 ✧ 2:28 Jn 8:39 ✧ 2:29 Det 30:6 ✧ 2:29 Jn 5:44 ✧ 3:2 Det 4:8 ✧ 3:3 Wo 10:16 ✧ 3:4 Sòm 51:4 ✧ 3:5 Wo 6:19 ✧ 3:6 Wo 2:16 ✧ 3:7 Wo 3:4 ✧ 3:7 Wo 9:19 ✧ 3:8 Wo 6:1 ✧ 3:10 Sòm 14:1-3 ✧ 3:13 Sòm 5:9 ✧ 3:13 Sòm 140:3 ✧ 3:14 Sòm 10:7 ✧ 3:15 És 59:7 ✧ 3:18 Sòm 36:1 ✧ 3:19 Wo 2:12; Wo 3:9

Lalwa yo, pou tout bouch kapab fèmen e pou tout mond lan kapab vin responsab devan Bondye. <sup>20</sup> Paske ☆pa zèv Lalwa a, pa gen chè k ap jistifye nan zye Li; paske selon Lalwa a, vini konesans peche. <sup>21</sup> Men koulye a, apa Lalwa sa a, nou wè ☆ladwati Bondye byen parèt pa yon temwayaj konplè de Lalwa ak pwofèt yo. <sup>22</sup> Se ladwati Bondye a menm atravè lafwa nan Jésus Kri pou tout sila ki kwè yo, paske ☆pa gen patipri. <sup>23</sup> Paske tout moun ☆fè peche e yo vin kout de laglwa Bondye a. <sup>24</sup> Men Yo ☆jistifye kòm yon kado pa gras Li atravè redanmsyon ki nan Jésus Kri a. <sup>25</sup> Li menm ke Bondye te fè parèt piblikman kòm yon ☆viktin ekspiyatwa nan san Li atravè lafwa. Li te fè sa pou montre jistis Li. Akoz pasyans Li, Bondye pa t kontwole peche ki te fèt deja yo. <sup>26</sup> Sa te fèt pou Li montre nou ladwati li nan tan prezan an, e pou Li ta nan menm lè a, devni Sila ki jistifye sila ki gen fwa nan Jésus yo. <sup>27</sup> ☆Ki kote konsa nou kapab vante tèt nou? Sa pa la ankò! Pa ki kalite lwa? Pa lalwa a zèv yo? Non, men pa lalwa a lafwa a. <sup>28</sup> Paske ☆nou ensiste ke yon moun jistifye pa lafwa, apa de tout zèv Lalwa yo. <sup>29</sup> Oubyen ☆èske Bondye se sèlman pou Jwif yo? Èske Li pa Bondye pèp etranje yo tou? Wi pèp etranje yo ladann tou. <sup>30</sup> Anfèt akoz Bondye ☆ki va jistifye sikonsi pa lafwa yo ak ensikonsi selon lafwa yo se yon sèl. <sup>31</sup> Konsa, èske nou detwi Lalwa a ak lafwa? Ke sa pa janm fèt! Okontrè, se konsa nou ☆etabli Lalwa a.

## 4

<sup>1</sup> Konsa kisa nou kapab di ke Abraham, zansèt nou ☆selon lachè te jwenn kon jijman? <sup>2</sup> Paske si Abraham te jistifye pa zèv, li gen yon bagay pou vante tèt li, men ☆pa devan Bondye. <sup>3</sup> Paske kisa Ekriti Sen Yo di?: “Epi ☆Abraham te kwè Bondye e sa te konte kòm ladwati li.” <sup>4</sup> Alò, nou konnen ke sila ki ☆travay la, salè li pa konte kòm yon favè, men kòm sa li merite. <sup>5</sup> Men pou sila ki pa travay la, men ☆kwè nan Sila ki jistifye pechè yo, lafwa li ap konte kòm ladwati li. <sup>6</sup> Menm jan ke David te pale tou sou benediksyon ki vini sou moun ke Bondye deklare jis apa de zèv li yo:

<sup>7</sup> ☆“Beni se tout moun ki gen tan padone pou tout inikite yo, e ke peche pa yo gen tan fin kouvri.

<sup>8</sup> ☆Beni se moun Senyè a pa rann kont pou peche l.”

<sup>9</sup> Konsa èske benediksyon sa a sou sikonsi sèlman, oubyen èske li tonbe sou ensikonsi yo tou? Paske nou di ke: ☆“Lafwa a te konte a Abraham kòm ladwati li.” <sup>10</sup> Konsa kòman sa te konte? Pandan li te sikonsi, oubyen pandan li te ensikonsi a? Se pa t pandan li te sikonsi a, men lè li te ensikonsi a! <sup>11</sup> Li te ☆resevwa sign sikonsizyon an, kòm yon so ladwati li ke li te genyen pandan li te ensikonsi a, pou li ta kapab vin papa a ☆tout sila ki kwè san sikonsizyon yo pou ladwati kapab konte pou yo, <sup>12</sup> epi papa a tout sikonsizyon non sèlman a sila ki sikonsi yo, men osi a sila yo ki swiv chemen lafwa ke Abraham te genyen pandan li te ensikonsi a. <sup>13</sup> Paske pwomès a Abraham ak ☆desandan li yo pou li te kab resevwa tout lemond kòm eritaj, pa t fèt selon lalwa, men selon ladwati lafwa a. <sup>14</sup> Paske ☆si se sila ki gen Lalwa a k ap eritye, lafwa vin pa vo anyen e pwomès la vin anile. <sup>15</sup> Paske Lalwa a pote lakòlè, men ☆kote ki pa gen lalwa, pa gen

☆ 3:20 Sòm 142:3 ☆ 3:21 Wo 1:17 ☆ 3:22 Wo 10:12 ☆ 3:23 Wo 3:9 ☆ 3:24 Wo 4:4,16  
 ☆ 3:25 I Jn 2:2 ☆ 3:27 Wo 2:17,23 ☆ 3:28 Trav 13:39 ☆ 3:29 Trav 10:34 ☆ 3:30 Wo 3:22  
 ☆ 3:31 Mat 5:17 ☆ 4:1 Wo 1:3 ☆ 4:2 I Kwo 1:31 ☆ 4:3 Jen 15:6 ☆ 4:4 Wo 11:6 ☆ 4:5 Jn  
 6:29 ☆ 4:7 Sòm 32:1 ☆ 4:8 Sòm 32:2 ☆ 4:9 Jen 15:6 ☆ 4:11 Jen 17:10 ☆ 4:11 Wo 3:22  
 ☆ 4:13 Jen 17:4-6 ☆ 4:14 Gal 3:8 ☆ 4:15 Wo 3:20

vyolasyon. <sup>16</sup> Pou rezon sa a, se pa lafwa; pou li ta kapab pa ✧gras, ke pwomès la ta kapab asire a tout desandan Abraham yo; non sèlman a sila ki gen Lalwa a, men osi a ✧sila ki gen lafwa Abraham nan, ki se papa a nou tout. <sup>17</sup> Jan sa ekri a: ✧“Mwen te fè ou Papa a anpil nasyon” devan Sila a ke li (Abraham) te kwè a. Sa vle di, menm Bondye ki bay lavi a mò yo e ki fè egziste tout sila ki pa t janm egziste oparavan yo. <sup>18</sup> Nan espwa kont tout esperans li te kwè, pou li ta kapab vin papa a anpil nasyon, selon sa ki te pale a: ✧“Se konsa tout desandan ou yo va ye”. <sup>19</sup> San li pa t vin fèb nan lafwa, li te reflechi sou pwòp kò li, ki te gen tan prèske mouri paske ✧li te gen anviwon san lane e ✧vant a Sarah te esteril akòz laj li. <sup>20</sup> Men, selon pwomès a Bondye a, li pa t varye menm nan konfyans li, men te vin fò nan lafwa e ✧te toujou bay Bondye lwanj. <sup>21</sup> ✧Li te gen asirans konplè ke sa Bondye te pwomèt la, Li ta kapab fè l rive. <sup>22</sup> Donk ✧sa te konte osi pou li kòm ladwati. <sup>23</sup> Se ✧pa t sèlman pou lakoz li sèl ke yo te ekri ke sa te konte pou li. <sup>24</sup> Men anplis pou nou osi sa te konte, kòm sila ✧ki kwè nan Li yo ki te resisite Jésus Kri, Senyè nou an sòti nan lanmò. <sup>25</sup> Li menm ki te ✧livre a lakwa a pou peche nou yo e te resisite pou jistifikasyon nou.

## 5

<sup>1</sup> ✧Konsa, akòz ke nou jistifye pa lafwa, nou gen lapè avèk Bondye atravè Senyè nou an Jésus Kri. <sup>2</sup> Selon Li menm tou pa lafwa, nou te ✧twouve aksè a gras sa a ki fè nou kanpe fèm. Epi nou rejwi nan esperans laglwa Bondye a. <sup>3</sup> Pa sèlman sa, men nou ✧rejwi nan tribilasyon nou yo, paske nou konnen ke tribilasyon sa a pote pèseverans. <sup>4</sup> E pèseverans fè bon karaktè; e bon karaktè, esperans. <sup>5</sup> Epi esperans ✧p ap janm fè nou desi, paske lanmou Bondye gen tan vide nan kè nou atravè Lespri Sen a ki te bay a nou menm nan. <sup>6</sup> Paske pandan nou te ankò san defans, nan moman an menm ✧Kris te mouri pou sila ki te san Bondye yo. <sup>7</sup> Se pa fasil ke yon nonm ta mouri pou yon moun ki jis, men petèt pou yon bon moun, li ta kab gen kouraj pou mouri, <sup>8</sup> Men Bondye montre tout ✧lanmou li anvé nou; ke pandan nou te ankò pechè, Kris te mouri pou nou. <sup>9</sup> Anplis ke sa, akòz ke nou gen tan jistifye ✧pa san li, nou va sove ✧de lakòlè Bondye a atravè Li menm. <sup>10</sup> Paske, si pandan nou te ankò ✧lènmi, nou te rekonsilye a Bondye pa lanmò a Fis Li a, anplis ke sa, akòz nou gen tan rekonsilye, nou va sove pa lavi Li. <sup>11</sup> Epi pa sèlman sa, men osi nou rejwi nan Bondye atravè Senyè nou an, Jésus Kri. Atravè Li menm nou gen tan ✧rekonsilye. <sup>12</sup> Pou sa, se konsa pa yon sèl moun peche te antre nan lemonn, e ✧lanmò pa peche a, konsa lanmò te rive a tout moun paske tout moun fè peche. <sup>13</sup> Paske jiska Lalwa a te rive, peche ✧te deja nan lemonn, men peche pa t kapab resevwa jijman kote ki pa gen lalwa. <sup>14</sup> Malgre sa, lanmò te renye soti nan Adam jiska Moïse, menm sou sila ki pa t fè peche yo ✧sanblab ak ofans Adam an, ki se te yon pòtre a Sila ki te gen pou vini an. <sup>15</sup> Men kado gratis la pa sanble avèk transgresyon an. Paske si akòz transgresyon a yon sèl moun, anpil moun te mouri, menm bokou plis ke sa, lagras Bondye, ak kado pa ✧lagras a yon sèl òm, Jésus Kri, vin jistifye anpil moun. <sup>16</sup> Kado a se pa tankou sila ki te vini pa moun ki te peche a; paske ✧jijman an

✧ **4:16** Wo 3:24 ✧ **4:16** Gal 3:7 ✧ **4:17** Jen 17:5 ✧ **4:18** Jen 15:5 ✧ **4:19** Jen 17:17 ✧ **4:19** Jen 18:11 ✧ **4:20** Mat 9:8 ✧ **4:21** Wo 14:5 ✧ **4:22** Jen 15:6 ✧ **4:23** Wo 15:4 ✧ **4:24** Wo 10:9 ✧ **4:25** És 53:4; 55 ✧ **5:1** Wo 3:28 ✧ **5:2** Ef 2:18 ✧ **5:3** Mat 5:12 ✧ **5:5** Sòm 119:116 ✧ **5:6** Wo 4:25 ✧ **5:8** Jn 3:16 ✧ **5:9** Wo 3:25 ✧ **5:9** Wo 1:18 ✧ **5:10** Wo 11:28 ✧ **5:11** Wo 5:10 ✧ **5:12** Wo 6:23 ✧ **5:13** Wo 4:15 ✧ **5:14** Os 6:7 ✧ **5:15** Trav 15:11 ✧ **5:16** I Kor 11:32



te sòti nan yon sèl transgresyon ki te bay rezilta a kondanasyon, men kado gratis la, ki te soti akòz anpil transgresyon yo, te bay kon rezilta a, jistifikasyon. <sup>17</sup> Paske si pa transgresyon a yon moun, lanmò te renye akòz li menm, bokou plis ke sa, sila ki resevwa gras an abondans ak kado ladwati a, ap ✧renye nan lavi atravè Li menm, Jésus Kri. <sup>18</sup> Konsa, kòm pa yon transgresyon, kondanasyon a tout moun te rive, menm jan an ak yon sèl aksyon ladwati te rive ✧jistifikasyon anvè lavi pou tout moun. <sup>19</sup> Paske menm jan ke dezobeyisans a yon moun te fè tout moun vin pechè, menm jan an, obeyisans a yon moun va fè anpil moun vin jis. <sup>20</sup> Lalwa a te vini pou transgresyon an te kapab vin plis, men kote peche te vin plis ✧lagras te abonde pi plis toujou. <sup>21</sup> Konsa, menm jan ke peche te renye nan lanmò, ✧konsa tou lagras te renye pa ladwati, jiska lavi etènèl nan Jésus Kri Senyè nou an.

## 6

<sup>1</sup> Konsa, Kisa nou kapab di? Èske n ap ✧kontinye nan peche pou lagras kapab vin plis? <sup>2</sup> Ke sa pa janm fèt! Kijan nou menm ki te mouri a peche nou kapab kontinye viv nan li? <sup>3</sup> Oubyen èske nou pa konnen ke nou tout ki batize nan ✧Kris Jésus a, gen tan batize nan lanmò li? <sup>4</sup> Konsa, nou gen tan ✧antere avèk Li pa batèm nan lanmò Li a, pouke menm jan Kris te leve soti vivan nan lanmò a pa laglwa a Papa a, nou osi kapab mache nan nouvèl vi a. <sup>5</sup> Paske ✧si nou vin sanble avèk Li nan lanmò Li, n ap vin sanble avèk Li nan rezirèksyon Li tou. <sup>6</sup> Byen rekonesan ke ✧ansyen moun nou an te krisifye avèk Li, pouke kò peche nou an ta kapab vin disparèt pou nou kab pa esklav a peche ankò. <sup>7</sup> Paske sila ki gen tan mouri an libere de peche. <sup>8</sup> Alò ✧si nou gen tan mouri avèk Kris, nou kwè osi ke n ap viv avèk Li. <sup>9</sup> Paske nou konnen ke Kris ki te ✧leve soti nan lanmò a, p ap janm mouri ankò. Lanmò pa mèt Li ankò. <sup>10</sup> Paske lanmò ke Li te mouri an, Li te mouri anvè peche, yon fwa pou tout, men vi ke L ap viv la, L ap viv pou Bondye. <sup>11</sup> Menm jan konsidere nou menm kòm ✧mò ak peche, men vivan anvè Bondye nan Jésus Kri. <sup>12</sup> Konsa, pa kite peche ✧reye nan kò mòtèl nou an, pou nou ta obeyi tout mal dezi li yo. <sup>13</sup> Pa kontinye ofri manm kò nou a peche kòm enstriman a lenjistis, men ✧prezante nou menm a Bondye kòm moun ki deja vivan soti nan lanmò, e manm kò nou a Bondye kòm enstriman ladwati. <sup>14</sup> Paske ✧peche pa dwe mèt nou, paske ✧nou pa anba Lalwa, men anba gras. <sup>15</sup> Kisa Ankò? ✧Èske n ap fè peche paske nou pa anba Lalwa, men anba gras? Ke sa pa janm fèt! <sup>16</sup> Èske nou pa konnen ke lè nou livre tèt nou a yon moun kòm ✧esklav obeyisans, nou vin esklav a sila ke nou obeyi a; swa a peche ki bay kòm rezilta lanmò, oubyen a obeyisans ki bay kòm rezilta ladwati? <sup>17</sup> Men mès Bondye, malgre nou te esklav a peche, nou te vin obeyisan nan kè nou a ✧menm doktrin ke nou te resevwa a. <sup>18</sup> Epi lè nou te ✧libere de peche, nou te vin esklav a ladwati. <sup>19</sup> M ap pale nan tèm a moun, akòz feblès lachè nou. Paske menm jan avan ✧ke nou te konn prezante manm kò nou kòm esklav a salte ak linikite, ki te bay kòm rezilta, plis linikite toujou, koulye a prezante yo kòm esklav a ladwati ki bay kòm rezilta, sanktifikasyon. <sup>20</sup> Paske ✧lè nou te esklav de

✧ 5:17 II Tim 2:12 ✧ 5:18 Wo 4:25 ✧ 5:20 Wo 6:1 ✧ 5:21 Jn 1:17 ✧ 6:1 Wo 3:8 ✧ 6:3 Trav 2:38 ✧ 6:4 Kol 2:12 ✧ 6:5 II Kor 2:10 ✧ 6:6 Ef 4:22 ✧ 6:8 Wo 6:4 ✧ 6:9 Trav 2:24 ✧ 6:11 Wo 6:2 ✧ 6:12 Wo 6:14 ✧ 6:13 Wo 12:1 ✧ 6:14 Wo 8:6 ✧ 6:14 Wo 7:4 ✧ 6:15 Wo 6:1 ✧ 6:16 Jn 8:34 ✧ 6:17 II Tim 1:13 ✧ 6:18 Jn 8:32 ✧ 6:19 Wo 6:13 ✧ 6:20 Mat 6:24

peche a, nou te lib de sa ki konsène ladwati. <sup>21</sup> Donk Ki ✨benefis nou te twouve konsa ki soti nan bagay yo ki fè nou wont koulye a? Paske sa ki soti nan bagay sa yo se lanmò. <sup>22</sup> Men koulye a ke nou gen tan ✨fin lib de peche, e vin esklav a Bondye, nou twouve benefis nou ki bay kòm benefis sanktifikasyon, e kòm rezilta, lavi etènèl. <sup>23</sup> Paske salè a ✨peche se lanmò, men kado gratis Bondye a, se lavi etènèl nan Jésus Kri, Senyè nou an.

## 7

<sup>1</sup> Oubyen èske nou pa konnen, ✨frè m yo, (m ap pale avèk sila ki konnen Lalwa yo), ke Lalwa gen pouvwa sou yon moun pandan tout tan ke li vivan? <sup>2</sup> Paske yon ✨fanm ki marye vin mare pa lalwa a mari li pandan mari li vivan, men si mari li mouri, fanm nan vin lib de lalwa ak sa ki konsène mari li a. <sup>3</sup> Kidonk, si li vin jwenn yon lòt gason pandan mari li vivan an, yo va rele li yon adiltè, men si mari a mouri, li va lib de lwa a pou li pa yon adiltè, malgre li jwenn yon lòt gason. <sup>4</sup> Donk Frè m yo, nou menm tou nan kò Kris la, nou te ✨oblige mouri ✨a Lalwa a pou nou te kapab vin jwenn yon lòt; Sila ki te leve soti nan lanmò a pou nou menm ta kapab pote fwi pou Bondye. <sup>5</sup> Paske pandan nou te nan lachè, Lalwa a te fè move pasyon yo ✨leve nan nou, ki t ap travay ✨nan manm kò nou yo, pou donner fwi pou lanmò. <sup>6</sup> Men koulye a nou gen tan fin lage de lwa sa a. Kòmsi ✨nou te mouri de sa ki te mare nou an e koulye a nou sèvi yon lòt jan avèk yon Lespri de nouvo, e pa nan lansyen sistèm a lèt lalwa a. <sup>7</sup> Donk kisa nou kapab di? Èske Lalwa se peche? Pa janm kite nou panse sa! Okontrè, mwen pa t ap konnen peche sof ke Lalwa te montre m li. Mwen pa t ap konnen anyen sou ✨“lanvi” si se pa Lalwa ki di m “Ou pa pou gen lanvi”. <sup>8</sup> Men peche, ki te pran opòtinite atravè ✨Lalwa a, te prodwi nan mwen lanvi de tout kalite; paske san Lalwa a, peche mouri. <sup>9</sup> Yon fwa, mwen te vivan separe de Lalwa a, men lè kòmandman an te vini, peche te pran lavi, e mwen te mouri. <sup>10</sup> Konsa, kòmandman sa a ki te ✨fèt pou bay lavi a, te bay lanmò kòm rezilta pou mwen. <sup>11</sup> Paske peche, ki te pran opòtinite pa kòmandman an, ✨te twonpe mwen e akòz sa, te touye mwen. <sup>12</sup> ✨Alò, konsa Lalwa a sen, e kòmandman an sen, jis e bon. <sup>13</sup> Donk èske li posib ke sa ki te bon ta devni kòz lanmò mwen? ✨Ke nou pa janm panse sa! Olye de sa, se te peche ki te fè sa a, pou li ta fè m wè sa ke peche ye. Konsa li te fè m mouri ak sa ki bon an, pouke selon kòmandman an, li ta montre m kijan peche kondane nan nivo ki piwo a. <sup>14</sup> Paske nou konnen ke Lalwa a ✨baze sou lespri Bondye a menm. Men mwen menm se chè. Mwen te vann kòm esklav a peche. <sup>15</sup> Paske sa ke m ap fè yo, mwen pa konprann yo. Mwen p ap pratike ✨sa ke m ta renmen fè, men m ap fè bagay ke m rayi. <sup>16</sup> Men si m fè bagay m pito pa vle fè a, mwen vin dakò avèk ✨Lalwa a, e admèt ke Lalwa a bon. <sup>17</sup> Donk Koulye a ✨se pa mwen k ap fè l la ankò, men se peche ki rete nan mwen an. <sup>18</sup> Paske mwen konnen ke anyen ki bon pa rete nan mwen; sa vle di nan ✨chè mwen, paske bòn volonte a prezan nan mwen, men pou fè sa ki bon an pa janm fèt. <sup>19</sup> ✨Paske bon bagay ke mwen vle a, mwen pa janm fè li, men mwen pratike menm mal ke m pi pa vle a. <sup>20</sup> Men si mwen ap fè menm bagay ke m pi pa vle a ✨mwen pa

✨ 6:21 Jr 12:13 ✨ 6:22 Jn 8:32 ✨ 6:23 Wo 6:16 ✨ 7:1 Wo 1:13 ✨ 7:2 I Kwo 7:39 ✨ 7:4 Wo 7:6 ✨ 7:4 Gal 2:19 ✨ 7:5 Wo 7:7 ✨ 7:5 Wo 6:13,21,23 ✨ 7:6 Wo 6:2 ✨ 7:7 Egz 20:17 ✨ 7:8 Wo 3:20 ✨ 7:10 Lev 18:5 ✨ 7:11 Jen 3:13 ✨ 7:12 Wo 7:16 ✨ 7:13 Luc 20:16 ✨ 7:14 I Kwo 3:1 ✨ 7:15 Wo 7:19 ✨ 7:16 Wo 7:12 ✨ 7:17 Wo 7:20 ✨ 7:18 Jn 3:6 ✨ 7:19 Wo 7:15 ✨ 7:20 Wo 7:17

moun k ap fè l la ankò, men se peche ki rete nan mwen an. <sup>21</sup> Donk, mwen twouve kòm \*prensip ke mal toujou prezan nan mwen; sila a ki vle fè sa ki bon an. <sup>22</sup> Paske, plen ak lajwa, mwen vin dakò avèk Lalwa Bondye ki aji \*andedan an, <sup>23</sup> men nan manm kò mwen, mwen wè yon \*lòt lwa k ap goumen kont Lalwa volonte lespri mwen an e k ap fè m prizonye lwa peche ki nan manm mwen yo. <sup>24</sup> Moun mizerab ke mwen ye! Ki moun k ap libere m soti nan \*kò lanmò sa a? <sup>25</sup> Mèsi a Bondye atravè Jéus Kri Senyè nou an. Konsa, yon kote, nan panse m, m ap sèvi Lalwa Bondye a. Men yon lòt kote, avèk chè mwen, m ap sèvi lalwa peche a.

## 8

<sup>1</sup> Konsa nanpwen okenn \*kondanasyon pou sila ki nan \*Kris Jéus yo, ki pa mache selon lachè a, men selon Lespri a. <sup>2</sup> Paske lalwa Lespri lavi a nan Jéus Kri te libere nou de Lalwa peche ak lanmò a. <sup>3</sup> Paske \*sa ke Lalwa a pa t kab fè akoz feblès li anvè lachè a, Bondye te fè l lè Li te voye pwòp Fis li menm nan imaj a chè peche a, kòm yon ofrann pou peche. Konsa, Li te kondane peche nan lachè, <sup>4</sup> pou tout egzijans Lalwa a ta kapab akonpli nan nou menm, ki \*pa mache ankò selon lachè, men selon Lespri a. <sup>5</sup> Paske sila ki viv selon lachè yo konsantre panse yo nan \*tout bagay ki konsène lachè a, men sila ki viv selon Lespri a, konsantre panse yo sou \*tout bagay Lespri yo. <sup>6</sup> \*Paske panse ki konsantre sou lachè a se lanmò, men panse ki konsantre sou Lespri a se lavi ak lapè. <sup>7</sup> Konsa, panse ki konsantre sou lachè se \*lènmi a Bondye, paske li pa soumèt tèt li a Lalwa Bondye. Paske li pa posib pou lachè a fè sa. <sup>8</sup> Konsa, sila ki \*nan lachè yo pa kapab fè Bondye plezi. <sup>9</sup> Men nou pa nan lachè a, men nan Lespri a, si vrèman Lespri Bondye a \*rete nan nou. Men si yon moun pa gen Lespri Kris la, li pa moun pa L. <sup>10</sup> \*Si Kris nan nou, malgre kò a mouri akoz peche, lespri a ap viv akoz ladwati Bondye. <sup>11</sup> Men si Lespri a Li menm ki te resisite Jéus nan lanmò a rete nan nou, Li menm ki te \*fè Jéus Kri leve soti nan lanmò a ap bay lavi a kò mòtèl nou an pa Lespri Li ki rete anedan nou an. <sup>12</sup> Konsa, frè m yo, nou pa anba obligasyon lachè a, pou viv selon lachè. <sup>13</sup> Paske si nou ap viv selon lachè, nou ap mouri, men si se selon Lespri a, n ap \*mete tout zèv lachè yo a lanmò, n ap viv. <sup>14</sup> Paske, tout moun \*ki ap dirije pa Lespri Sen Bondye a, se fis Li yo ye. <sup>15</sup> Paske nou \*pa t resevwa yon Lespri esklavaj, pou fè nou retounen viv nan laperèz, men nou \*te resevwa yon Lespri adopsyon kon fis pa sila nou rele “Abba! Papa a. <sup>16</sup> Lespri a Li menm \*temwaye a lespri pa nou ke nou se pitit Bondye. <sup>17</sup> Si se pitit li nou ye, n ap \*eritye tou. N ap eritye de Bondye e eritye ansanm avèk Kris, si vrèman nou soufri avè l pou nou kapab vin gen glwa ansanm avè l. <sup>18</sup> Paske, mwen konsidere soufrans lan nan tan sa a \*pa kapab konpare menm avèk laglwa ki va revele a nou menm nan. <sup>19</sup> Paske tout kreyasyon an ap tann avèk gwo lanvi \*revelasyon a fis Bondye yo. <sup>20</sup> <sup>20</sup> Paske kreyasyon an te a \*sibi anba \*kòve, pa selon pwòp volonte pa li, men akoz Sila ki te fè l soumèt, nan esperans lan; <sup>21</sup> ke \*kreyasyon an li menm osi va libere soti nan esklavaj a koripsyon, pou l antre nan

\* 7:21 Wo 7:23,25 \* 7:22 II Kwo 4:16 \* 7:23 Wo 6:19 \* 7:24 Wo 6:6 \* 8:1 Wo 8:34  
 \* 8:1 Wo 8:9 \* 8:3 Trav 13:39 \* 8:4 Gal 5:16,25 \* 8:5 Gal 5:19-21 \* 8:5 Gal 5:22-25  
 \* 8:6 Gal 6:8 \* 8:7 Jc 4:4 \* 8:8 Wo 7:5 \* 8:9 Jn 14:23 \* 8:10 Jn 17:23 \* 8:11 Trav 2:24  
 \* 8:13 Kol 3:5 \* 8:14 Gal 5:18 \* 8:15 Eb 2:15 \* 8:15 Wo 8:23 \* 8:16 Trav 5:32  
 \* 8:17 Trav 20:32 \* 8:18 II Kwo 4:17 \* 8:19 Wo 8:18 \* 8:20 Jen 3:17-19 \* 8:20 Sòm 39:5  
 \* 8:21 Trav 3:21

libète laglwa a fis Bondye yo. <sup>22</sup> Paske nou konnen ke jis nan lè sa a tout kreyasyon ap ✨leve vwa li nan gwo plent tankou fanm k ap fè pitit. <sup>23</sup> Epi se pa sèlman sa, men nou menm osi ki gen ✨premye fwi Lespri yo, menm nou menm, nou plenyen menm jan an anndan nou, pandan n ap tann adopsyon nou kòm fis, ak redanmsyon a kò mòtèl nou an. <sup>24</sup> Paske nou te sove nan espwa, men ✨espwa a yon bagay nou kapab wè se pa espwa. Poukisa yon moun ta espere yon bagay ke li wè deja? <sup>25</sup> Men ✨si nou espere sa ke nou pa wè, nou ap tann li avèk gwo lanvi ak pèsèverans. <sup>26</sup> Menm jan an, Lespri a ede nou tou nan feblès nou; paske nou pa konnen kòman pou nou priye jan nou ta dwe priye a, men ✨Lespri a Li menm entèsede pou nou avèk soupi ki pa kapab eksprime. <sup>27</sup> Epi ✨Li menm ki sonde kè yo konnen panse a Lespri a, paske Li entèsede pou tout sen yo selon volonte Bondye a. <sup>28</sup> Epi nou konnen ke Bondye fè ✨tout bagay mache ansanm pou byen a sila ki renmen Bondye yo, pou sila ke Li te ✨rele selon volonte Li yo. <sup>29</sup> Paske sila ke Li te ✨konnen oparavan yo, Li te chwazi yo depi avan pou vin konfòm a imaj a Fis Li a pou Li ta kapab premye ne pami anpil frè. <sup>30</sup> Epi sila ke Li te chwazi oparavan yo, Li te anplis rele yo, e sila Li te rele yo, Li te ✨jistifye yo, e sila Li te jistifye yo, anplis, Li te ✨glorifye yo. <sup>31</sup> Konsa, kisa nou kapab di de bagay sa yo? ✨Si Bondye pou nou, kilès ki kab kont nou? <sup>32</sup> Li menm ki ✨pa t epagne pwòp Fis Li, men te livre Li pou nou tout, kijan Li ta refize bay nou tout bagay tou? <sup>33</sup> Kilès k ap pote yon akizasyon kont sila ke Bondye chwazi yo? Se ✨Bondye menm ki fè moun jis; <sup>34</sup> Kilès ki k ap kondane? Se Jésus Kri ki te mouri pou nou an, wi, pito di ki te leve a; ki rete sou men dwat Bondye, e ki ✨ap entèsede pou nou tou. <sup>35</sup> Kilès k ap separe nou de lanmou Kris la? Èske se ✨tribilasyon, soufrans ✨pèsèkisyon, grangou, toutouni, gwo danje, oubyen nepe? <sup>36</sup> Jan sa ekri a: ✨“Pou kòz pa w, yo mete nou a lanmò tout lajounen. Nou te konsidere kòm mouton ki prè pou kòche.”

<sup>37</sup> Men, nan tout bagay, nou plis ke ✨venkè atravè Sila a ki renmen nou an. <sup>38</sup> Paske mwen konvenk ke ✨ni lanmò, ni lavi, ni zanj yo, ni wayòm yo, ni bagay k ap pase koulye a, ni bagay k ap vini pi devan, ni pouvwa yo <sup>39</sup> ni wotè, ni pwofondè, ni lòt bagay ki kreye, pa kapab separe nou de ✨lanmou Bondye, ki nan Kris Jésus, Senyè nou an.

## 9

<sup>1</sup> ✨M ap di nou verite nan Kris la, mwen p ap bay manti. Konsyans mwen temwaye pou mwen nan Lespri Sen an, <sup>2</sup> ke mwen gen yon gran tristès ak doulè san rete nan kè mwen. <sup>3</sup> Paske mwen ✨te kab vle ke se mwen menm ki te kondane, separe de Kris pou lanmou frè m yo, fanmi mwen, ✨selon lachè. <sup>4</sup> Yo se ✨Izrayelit ki te resevwa adopsyon kòm fis yo, ak laglwa akò yo, don Lalwa a, sèvis nan tanp lan, ak tout pwomès yo; <sup>5</sup> ki gen patriyach yo, e ✨ki se zansèt a Kris la selon lachè; Li menm Ki sou tout bagay, ke Bondye Beni pou tout tan an, Amen. <sup>6</sup> Men se pa kòm si pawòl Bondye a fè fayit. ✨Paske se pa yo tout ki Izrayelit ki sòti nan ras Israèl, <sup>7</sup> ni ✨se pa tout pitit ki sòti nan Abraham ki se pitit li; men: ✨“Selon Isaac desandan

✨ 8:22 Jr 12:4,11 ✨ 8:23 Wo 8:16 ✨ 8:24 Wo 4:18 ✨ 8:25 I Tes 1:3 ✨ 8:26 Jn 14:16 ✨ 8:27 Sòm 139:1 ✨ 8:28 Wo 8:32 ✨ 8:28 Wo 8:30 ✨ 8:29 Wo 11:12 ✨ 8:30 I Kwo 6:11 ✨ 8:30 Jn 17:22 ✨ 8:31 Sòm 118:6 ✨ 8:32 Jn 3:16 ✨ 8:33 És 50:8 ✨ 8:34 Wo 8:27 ✨ 8:35 II Kwo 4:8 ✨ 8:35 I Kwo 4:11 ✨ 8:36 Sòm 44:22 ✨ 8:37 Jn 16:33 ✨ 8:38 I Kwo 3:22 ✨ 8:39 Wo 5:8 ✨ 9:1 II Kwo 11:10 ✨ 9:3 Egz 32:32 ✨ 9:3 Wo 11:14 ✨ 9:4 Egz 4:22 ✨ 9:5 Mat 1:1-16 ✨ 9:6 Wo 2:28 ✨ 9:7 Jn 8:23 ✨ 9:7 Jen 21:12

ou yo va nonmen”. <sup>8</sup> Sa vle di, se pa zanfan lachè yo ki se pitit Bondye, men ✧zanfan a pwomès la ki konsidere kòm zansèt yo. <sup>9</sup> Paske men pawòl a pwomès la: ✧“Nan moman apwente a, m ap vini e Sarah va gen yon fis.” <sup>10</sup> Epi se pa sèlman sa, men te gen ✧Rebecca osi, lè li te fè jimo yo pou yon sèl moun, Isaac, papa nou. <sup>11</sup> Paske ✧malgre jimo yo potko fèt e potko fè anyen ni byen ni mal, pou volonte Bondye selon chwa li ta kanpe, pa akòz zèv yo, men akòz Li menm, Bondye, ki fè apèl la, <sup>12</sup> Li te di a Rebecca: ✧“Pi gran an va sèvi pi piti a”. <sup>13</sup> Jan sa ekri a: ✧“Jacob Mwen te renmen an, men Ésaü mwen te rayi a”. <sup>14</sup> Ki sa nou kapab di konsa? Èske gen lenjistis avèk Bondye? Fòk nou konprann sa pa janm fèt! <sup>15</sup> Paske Li di a Moïse: ✧“Mwen va bay mizerikòd a sila ke m vle bay mizerikòd, e konpasyon pou sa ke m vle gen konpasyon.” <sup>16</sup> Konsa, sa pa depann de moun ki vle a oubyen moun ki kouri a, men de ✧Bondye ki vle bay mizerikòd la. <sup>17</sup> Paske ✧Lekriti a di a Farawon: “Pou rezon sa a menm Mwen te leve ou; pou montre pouvwa Mwen nan ou, pou non Mwen kapab pwoklame toupatou nan lemonn.” <sup>18</sup> Konsa, L ap fè mizerikòd a sila Li vle a, e l ap fè ✧kè di a sila Li pito a. <sup>19</sup> Konsa nou va di m: “Poukisa Li toujou jwenn fot? ✧Kilès ki kab reziste a volonte Li.” <sup>20</sup> Okontrè, ✧kilès ou ye, o lòm, k ap bay Bondye repons lan? ✧Bagay ki moulen avèk ajil la pa kapab di a moun ki fè l la: “Poukisa ou te fè m konsa?” Se pa sa? <sup>21</sup> Èske mèt kanari a pa gen dwa sou ajil la, pou l sèvi menm sous ajil la pou fè yon kanari gwo valè e yon kanari komen? <sup>22</sup> Kisa, si Bondye, malgre volonte L pou montre lakòlè Li ak fè moun wè pwisans Li, te andire avèk anpil pasyans ak veso lakòlè ✧ki te prepare pou detwi yo. <sup>23</sup> Epi Li te fè sa pou Li ta kapab fè wè ✧richès laglwa Li sou veso mizerikòd yo, ke li te prepare davans pou glwa Li. <sup>24</sup> Menm nou menm ke Li te rele osi yo, ✧non sèlman pami Jwif yo, men anplis pami pèp etranje yo. <sup>25</sup> Jan Li di osi nan Osée a:

✧“Mwen va rele sila ki pa te pèp mwen yo, pèp mwen’, e sila ki pa t byeneme Mwen yo, ‘byeneme’”

<sup>26</sup> “Epi li va rive ke nan plas kote Li te di yo a: ✧“Nou pa pèp mwen”, la menm, yo va rele yo fis a Bondye Vivan an.”

<sup>27</sup> Ésaïe te kriye fò pou Israël:

✧“Malgre fis a Israël yo anpil tankou grenn sab lanmè, se yon ti retay ki va sove”.

Se sèl yon retay k ap sove.

<sup>28</sup> ✧“Paske Bondye va egzekite pawòl Li sou latè avèk vitès, san manke anyen.

<sup>29</sup> Epi jan Ésaïe te prevwa a:

✧“Amwenske Senyè dèzame yo pa t kite yon posterite pou nou, nou ta devni tankou Sodome; nou ta sanble Gomorrhe.”

<sup>30</sup> Konsa, kisa nou kapab di? Ke pèp etranje yo, ki pa t chache ladwati Bondye a, te twouve ladwati, ✧ladwati menm ki pa lafwa a. <sup>31</sup> Men Israël ✧ki t ap chèche yon lwa ladwati, pa t rive nan lwa sa a. <sup>32</sup> Poukisa? Paske yo pa t chèche li pa lafwa, men konsi se te pa zèv. Yo te bite, sou ✧wòch bite a. <sup>33</sup> Jis jan sa ekri a: ✧“Gade, m ap mete yon wòch nan Sion k ap fè moun bite; ✧yon wòch k ap yon ofans, e sila ki kwè nan Li Menm nan, p

✧ 9:8 Wo 4:13,16 ✧ 9:9 Jen 18:10 ✧ 9:10 Jen 25:21 ✧ 9:11 Wo 4:17 ✧ 9:12 Jen 25:23  
 ✧ 9:13 Mal 1:2 ✧ 9:15 Egz 33:19 ✧ 9:16 Ef 2:8 ✧ 9:17 Egz 9:16 ✧ 9:18 Egz 4:21 ✧ 9:19  
 II Kwo 20:6 ✧ 9:20 Job 33:13 ✧ 9:20 És 29:16 ✧ 9:22 Pwov 16:4 ✧ 9:23 Wo 2:4 ✧ 9:24  
 Wo 3:29 ✧ 9:25 Os 2:23 ✧ 9:26 Os 1:10 ✧ 9:27 És 10:22 ✧ 9:28 És 10:23 ✧ 9:29 És 1:9  
 ✧ 9:30 Wo 1:17 ✧ 9:31 És 51:1 ✧ 9:32 És 8:14 ✧ 9:33 És 28:16 ✧ 9:33 És 8:14

ap janm desi.”

## 10

<sup>1</sup> Frè m yo, dezi kè m ak lapriyè m a Bondye se pou tout Jwif yo kapab sove. <sup>2</sup> Paske mwen temwaye de yo ke yo ✧gen yon zèl pou Bondye, men pa selon bon konprann yo. <sup>3</sup> Paske san konesans de ✧ladwati Bondye a, yo te eseye etabli ladwati pa yo, e yo pa t soumèt yo menm a jistis Bondye a. <sup>4</sup> Paske ✧Kris se fen lalwa a pou ladwati a tout sila ki kwè yo. <sup>5</sup> Moïse te ekri ke moun ✧ki pratike ladwati ki baze sou Lalwa a ap viv pa jistis sila a. <sup>6</sup> Men ✧ladwati ki baze sou lafwa a, pale konsa: ✧“Pa di nan kè ou ‘Kilès k ap monte nan syèl la?’” (Sa vle di pou fè Kris desann) <sup>7</sup> Oubyen: “Kilès k ap desann nan labim nan” (sa vle di pou ✧mennen Kris sòti nan lanmò).” <sup>8</sup> Men kisa sa di? ✧“Pawòl la toupre ou nan bouch ou, ak nan kè ou.” Sa vle di pawòl lafwa ke n ap preche a, <sup>9</sup> ke si ou konfese avèk bouch ou Jésus kòm Senyè, e kwè nan kè ou ke ✧Bondye te resisite L soti nan lanmò, ou va sove. <sup>10</sup> Paske avèk kè yon moun kwè ki fè l rive nan ladwati a, e avèk bouch li konfese ki fè l va sove. <sup>11</sup> Paske Ekriti Sen an di: ✧“Nenpòt moun ki kwè nan Li p ap desi.” <sup>12</sup> Paske ✧pa gen distenksyon antre Jwif ak Grèk; paske menm Senyè a se Senyè a tout moun e Li plen richès pou tout sila ki rele Li yo. <sup>13</sup> Konsa ✧“Nenpòt moun ki rele Non Senyè a ap sove.” <sup>14</sup> Konsa kòman yo va rele Li si yo pa janm kwè? Kòman yo va kwè nan Li ✧si yo pa janm tande? Epi kòman yo va tande san ✧yon predikatè? <sup>15</sup> Kòman yo va preche yo si yo pa voye ba yo? Jis jan sa ekri a: ✧“A la bèl pye a sila ki pote bòn nouvèl a bon bagay bèl yo!” <sup>16</sup> Sepandan, se pa tout moun ki te aksepte bòn nouvèl la; Ésaïe di: ✧“Senyè, kilès ki kwè rapò nou an?” <sup>17</sup> Konsa lafwa soti nan ✧tande, e tande pa ✧pawòl a Kris la. <sup>18</sup> Men mwen di: “Byensi, yo pa janm tande; se pa sa?” Anfèt yo tande: ✧“Vwa pa yo ale sou tout latè e pawòl pa yo rive jis nan dènye pwent mond lan.” Epi pawòl yo rive nan tout pwent latè a.

<sup>19</sup> Men mwen di: “Byensi Israèl pa t konnen; se pa sa?” Dabò, Moïse di: ✧“M ap fè nou jalou pou sa ki pa yon nasyon; pou yon nasyon san konesans, m ap fè nou fache.”

<sup>20</sup> Ésaïe, ak kouraj te di: ✧“Mwen te twouve pa sila ki pa t chache M yo; Mwen te vin parèt a sila ki pa t mande pou mwen yo.”

<sup>21</sup> Men selon Israèl Li di: “Mwen lonje men m tout lajounen bay yon pèp tèt di e dezobeyisan.”

## 11

<sup>1</sup> Konsa, mwen mande: “Èske Bondye ✧rejte pèp Li a? Pa janm panse sa! Paske mwen se yon Izrayelit tou, yon desandan Abraham, ki sòti nan tribi Benjamin an. <sup>2</sup> Bondye ✧pa janm rejte pèp Li a ke Li te konnen oparavan an. Èske ou pa konnen sa Ekriti a di nan pasaj sou Élie, jan li te plede

✧ **10:2** Trav 21:20 ✧ **10:3** Wo 1:17 ✧ **10:4** Wo 7:1-4 ✧ **10:5** Lev 18:5 ✧ **10:6** Wo 9:30  
 ✧ **10:6** Det 30:12 ✧ **10:7** Eb 13:20 ✧ **10:8** Det 30:14 ✧ **10:9** Trav 2:24 ✧ **10:11** És 28:16  
 ✧ **10:12** Wo 3:22,29 ✧ **10:13** Jl 2:32 ✧ **10:14** Ef 2:17 ✧ **10:14** Trav 8:31 ✧ **10:15** És 52:7  
 ✧ **10:16** És 53:1 ✧ **10:17** Gal 3:2,5 ✧ **10:17** Kol 3:16 ✧ **10:18** Sòm 19:4 ✧ **10:19** Det 32:21  
 ✧ **10:20** És 65:1 ✧ **11:1** I Sam 12:22 ✧ **11:2** Sòm 94:14

avèk Bondye kont Israël? <sup>3</sup> “Senyè ✧yo touye pwofèt ou yo; yo kraze lotèl ou yo. Se mwen sèl ki rete, e y ap chèche touye m tou.” <sup>4</sup> Men ki repons ojis Bondye te bay li?: ✧“Mwen kenbe pou Mwen menm sèt-mil òm ki pa t mete ajenou devan Baal.” <sup>5</sup> Nou konprann menm jan ke nan tan sila a tou nou twouve yon retay nan pèp la pa gras ak chwa Bondye. <sup>6</sup> Men ✧si se pa gras sa rive, li pa baze ankò sou zèv; otreman li pa t ap gras ankò. <sup>7</sup> Alò, Kisa? Sa ke ✧Israël ap cheche a, li pa twouve l, men sila yo ki te chwazi pa Bondye, te twouve l, e rès la te vin ✧di nan kè. <sup>8</sup> Jis jan sa te ekri a: ✧“Bondye te bay yo yon espri sòt, zye pou yo pa wè, ak zòrèy pou yo pa tande jiska menm jou sila a.”

<sup>9</sup> Epi David di:

✧Kite tab yo devni yon pèlen ak yon pyèj;  
yon wòch bite ak yon chatiman pou yo.

<sup>10</sup> ✧Kite zye yo vin nwa pou yo pa wè  
ak do yo koube pou tout tan.”

<sup>11</sup> Konsa, mwen di: “Yo pa t glise tonbe nèt”; se pa sa? Sa pa t janm rive konsa. Men pa transgresyon pa yo ✧sali a gen tan rive a pèp etranje yo pou fè yo jalou. <sup>12</sup> Alò, si transgresyon pa yo se richès pou mond lan e echèk pa yo se richès pou pèp etranje yo, konbyen anplis ✧pou lè yo menm reyisi? <sup>13</sup> Men m ap pale avèk nou menm ki se pèp etranje yo. Otan ke ✧mwen menm se yon apòt a pèp etranje yo, mwen leve sèvis ministè pa m byen wo. <sup>14</sup> Men pou si l ta vin fèt (ke pa yon mwayen oswa yon lòt), si mwen ta kapab eksite pwòp pèp mwen an a jalouzi pou m ta kapab ✧sove kèk, mwen ta fè l. <sup>15</sup> Paske si rejeksyon pa yo se ✧rekonsilyasyon pou tout mond lan, kisa l ap ye menm lè yo vin aksepté, sof ke lavi k ap sòti nan lanmò. <sup>16</sup> Si ✧premye mòso ki sòti nan pat pen an sen, tout rès la ap sen tou, e si rasin lan sen, tout branch yo ap sen tou. <sup>17</sup> Men si kèk nan ✧branch yo te kase retire, epi ✧ou menm, kòm yon oliv sovaj, te vin grefe pami yo, e te devni yon pati vivan avèk yo nan gwo rasin pye oliv la, <sup>18</sup> pa vin awogan anvè branch yo; men si ou ta vin awogan, sonje ke ✧se pa ou menm ki bay soutyen a rasin lan, men li menm ki bay ou soutyen. <sup>19</sup> ✧Konsa ou va di: “Men branch yo te kase pou m te kab vin grefe ladan yo”. <sup>20</sup> Se sa li ye, yo te kase akòz de enkwayans yo, men ✧ou kanpe pa lafwa ou. Pa vin fè pretansye, men gen lakrent. <sup>21</sup> Paske si Bondye pa t konsève branch orijinal yo, Li p ap konsève ou menm nonplis. <sup>22</sup> Konsa, byen gade bonte ak severite Bondye a; pou sila ki tonbe yo, severite, men pou ou menm, bonte Li ✧si ou kontinye nan bonte Li. Otreman, l ap retire ou tou. <sup>23</sup> Epi yo menm tou ✧si yo pa kontinye nan enkwayans yo, y ap grefe ladann ankò; paske Bondye toujou kapab grefe yo ladann. <sup>24</sup> Paske si ou te koupe soti nan yon bwa ki pa nati li, se yon bwa oliv sovaj, e ou te vin grefe kont nati nan yon bwa oliv ki kiltive, konbyen anplis tout branch sila yo ki se branch natirèl va grefe nan bwa oliv orijinal la. <sup>25</sup> Paske mwen pa vle nou, frè m yo, manke konprann mistè sila a ✧pouke ou vin sipoze ou plen ak sajès. Yon tèt di nan yon pati gen tan pran Israël jiskaske tout pèp etranje yo fin antre. <sup>26</sup> Konsa, tout Israël va sove; Jis jan sa ekri a: ✧“Sila k ap delivre a va sòti de Sion.

✧ 11:3 I Wa 19:10,14 ✧ 11:4 I Wa 19:18 ✧ 11:6 Wo 4:4 ✧ 11:7 Wo 9:31 ✧ 11:7 Mc 6:52  
✧ 11:8 Det 29:4 ✧ 11:9 Sòm 69:22 ✧ 11:10 Sòm 69:23 ✧ 11:11 Trav 28:28 ✧ 11:12 Wo 11:25 ✧ 11:13 Trav 9:15 ✧ 11:14 I Kwo 1:21 ✧ 11:15 Wo 5:11 ✧ 11:16 Nonb 15:18 ✧ 11:17 Jn 15:2 ✧ 11:17 Ef 2:11 ✧ 11:18 Jn 4:22 ✧ 11:19 Wo 9:19 ✧ 11:20 Wo 5:2 ✧ 11:22 I Kwo 15:2 ✧ 11:23 II Kwo 3:16 ✧ 11:25 Wo 12:16 ✧ 11:26 És 59:20

Li va retire enkwayans a Jacob.”

27 ✧“Sa se akò Mwen avèk yo;

lè Mwen va retire peche pa yo.”

28 Nan bi bòn nouvèl la, yo menm se lènmi pou benefis pa nou, men selon bi chwa Bondye a, yo se byeneme pou ✧benefis a zansèt yo. 29 Paske kado ak ✧apèl Bondye pa revokab. 30 Menm jan ke yon fwa ou te nan dezobeyisans a Bondye, men koulye a Li bannou gras akoz dezobeyisans a Jwif yo. 31 Konsa, yo menm tou dezobeyisan koulye a, men akoz mizerikòd Bondye gen tan bannou, yo kapab twouve gras tou. 32 Paske ✧Bondye gen tan fèmen nou tout nan dezobeyisans pou li kapab montre nou tout mizerikòd li. 33 O, pwofondè ✧richès a ✧sajès ak konesans Bondye! A la ensondab Jijman Li ensondab! A la chemen Li yo depase konprann!

34 Paske ✧“Kilès ki konnen panse a Senyè a?

Oubyen “Kilès ki kapab bay Li konsèy?”

35 Oswa ✧“Kilès ki konn bay Li yon bagay pou Li kapab repeye li ankò?”

36 Paske ✧soti nan Li, atravè Li, e akoz Li se tout bagay. A Li menm laglwa jis pou tout tan, Amen.

## 12

1 Konsa, frè m yo, mwen egzòte nou pa tout mizerikòd Bondye yo, pou ✧prezante kò nou kon yon sakrifis vivan e sen, ki se sèvis fidèl ke nou rann lè nou adore Bondye. 2 Epi pa konfòme nou a mond sa a, men transfòme nou pa ✧renouvèlman lespri nou, pou nou kapab ✧pwouve sa ke volonte Bondye a ye; sa ki bon, akseptab e konplè san manke anyen. 3 Paske selon gras ke mwen resevwa a, mwen di a chak moun pami nou ✧pou pa panse pi wo de tèt li pase sa li ta dwe panse a, men panse avèk yon jijman rezonab, konsi, Bondye te bay chak moun yon mezi lafwa. 4 Paske ✧menm jan ke kò nou gen anpil manm e tout manm sa yo pa gen menm fonksyon, 5 konsa nou menm tou ki anpil, nou fè ✧yon sèl kò nan Kris la, e nou chak manm youn ak lòt. 6 Akoz nou gen don ki ✧pa menm, selon gras ke nou resevwa a, annou chak sèvi yo konsa; si se pwofetize, sèvi l selon mezi lafwa ke Bondye bannou; 7 si se ✧fè sèvis, nan sèvi moun, si se ✧enstwi, nan enstwi, 8 si se egzòte moun, nan egzòtasyon; si se bay, bay avèk jenewozite; ✧si se dirije, dirije avèk dilijans, si se bay mizerikòd, bay li avèk kè kontan. 9 Se pou nou renmen ✧san ipokrizi. Rayi sa ki mal e kenbe fèm a sa ki bon. 10 ✧Se pou nou angaje nou youn ak lòt nan lanmou fratènèl; bay preferans youn pou lòt avèk lonè. 11 Pa fè bak nan dilijans, rete ✧zele nan lespri nou ak ✧nan sèvis Senyè a 12 ✧Rejwi nou nan esperans, rete pasyan nan tribilasyon ✧pèsèvere nan lapriyè. 13 ✧Kontribye pou bezwen a sen yo, e toujou ✧pratike ospitalite. 14 ✧Beni sila ki pèsèkite nou yo, bay benediksyon e pa bay madichon. 15 ✧Rejwi avèk sila ki rejwi yo e kriye avèk sila ki kriye yo. 16 Kenbe menm panse a youn anvè lòt; pa kite ògèy antre nan lespri nou, men toujou asosye nou avèk sa ki enb yo. ✧Pa konprann ke se nou

✧ 11:27 És 59:21 ✧ 11:28 Wo 8:28 ✧ 11:29 Wo 8:28 ✧ 11:32 Wo 3:9 ✧ 11:33 Wo 2:4  
 ✧ 11:33 Kol 2:3 ✧ 11:34 És 40:13 ✧ 11:35 Job 35:7 ✧ 11:36 I Kwo 8:6 ✧ 12:1 Wo 6:13,19  
 ✧ 12:2 Ef 4:23 ✧ 12:2 Ef 5:10,17 ✧ 12:3 Wo 11:20 ✧ 12:4 I Kwo 12:12-14 ✧ 12:5 I Kwo  
 12:20,27 ✧ 12:6 Wo 12:3 ✧ 12:7 Trav 6:1 ✧ 12:7 Trav 13:1 ✧ 12:8 I Tim 5:17 ✧ 12:9  
 II Kwo 6:6 ✧ 12:10 Jn 13:34 ✧ 12:11 Trav 18:25 ✧ 12:11 Trav 20:19 ✧ 12:12 Wo 5:2  
 ✧ 12:12 Trav 5:14 ✧ 12:13 II Kwo 9:1 ✧ 12:13 Mat 25:35 ✧ 12:14 Mat 5:44 ✧ 12:15 Job  
 30:25 ✧ 12:16 Pwov 3:7



menm ki saj. <sup>17</sup> ✧Pa janm remèt mal pou mal a pèsòn. Respekte sa ki bon nan zye a tout moun. <sup>18</sup> Si se posib, otan ke li depann de nou ✧rete anpè avèk tout moun. <sup>19</sup> Pa janm pran pwòp vanjans nou, byeneme mwen yo, men kite plas pou kòlè Bondye a. Paske sa ekri: ✧“Vanjans se pou Mwen; Mwen menm va bay rekonpans”, di Senyè a.

<sup>20</sup> ✧“Konsa, si lènmi nou grangou, bay li manje; e si li swaf, bay li bwè.

Paske lè nou fè konsa, nou sanble moso chabon cho sou tèt li.”

<sup>21</sup> Pa kite nou venk pa le mal, men venk mal la avèk sa ki bon.

## 13

<sup>1</sup> Chak moun dwe ✧obeyisan ak otorite gouvènman yo. Paske pa gen otorite sof ke li sòti nan Bondye e sila ki egziste yo etabli pa Bondye.

<sup>2</sup> Konsa, nenpòt moun ki reziste a otorite, opoze a òdonans Bondye a; e sila ki opoze yo va resevwa kondanasyon sou pwòp tèt yo. <sup>3</sup> Paske ✧sila yo ki nan otorite p ap koz laperèz pou sila ki gen bon kondwit yo, men pou sila ki fè mal yo. Èske nou vle pa gen laperèz pou otorite? Fè sa ki bon e yo va bannou lwanj.

<sup>4</sup> Paske li menm se sèvitè Bondye anvè nou menm pou sa ki bon. Men si nou fè sa ki mal, fòk nou pè; paske li pa pote nepe pou granmesi. Paske li se yon sèvitè Bondye, yon ✧vanjè k ap pote kòlè sou sila ki pratike mechanste yo.

<sup>5</sup> Konsa, li nesesè pou nou soumèt nou. Sa pa fèt sèlman akòz krent lakòlè a, men osi ✧akòz bon konsyans pa nou. <sup>6</sup> Se pou sa tou ke nou toujou peye taks leta a; paske sila k ap gouvène yo se sèvitè Bondye ki te plase espere pou sèvis sa a.

<sup>7</sup> ✧Bay yo tout sa ke nou dwe yo; taks a sila nou dwe taks yo, enpo a sila nou dwe enpo yo, lakrent a sila ke nou dwe krent yo, onè a sila ke nou dwe onè yo. <sup>8</sup> Pa dwe anyen a pèsòn, eksepte renmen youn lòt; paske sila ki renmen vwazen li, akonpli lalwa a.

<sup>9</sup> Konsa ✧“Pa fè adiltè, Pa touye moun, Pa vòlè, pa gen lanvi pou sa ki nan lòt”, epi si gen lòt kòmandman, li ranpli nan pawòl sa a: ✧“Ou va renmen vwazen ou tankou tèt ou.”

<sup>10</sup> Lanmou pa janm fè mal a yon vwazen, konsa ✧lanmou toujou akonpli lalwa a. <sup>11</sup> Fè sa, paske nou konnen lè a. Lè a rive pou nou ✧leve nan dòmi, paske delivrans nou pi prè pase lè nou te kwè a.

<sup>12</sup> Nwit lan prèske fini; jounen an prè. Konsa, annou mete sou kote tout ✧zèv tenèb yo e abiye nou ak ✧pwotèj limyè a. <sup>13</sup> Annou ✧gen bon kondwit tankou nan lajounen. Pa antre nan banbòch ak eksè bwè, ni nan tout zak imoral, sansyèl, goumen, ak jalouzi.

<sup>14</sup> Men ✧abiye nou ak Senyè Jèsus Kri a e pa fè pwovizyon pou lachè ak tout dezi li yo.

## 14

<sup>1</sup> Alò ✧aksepte sila ki fèb nan lafwa a, men pa pou nou kab pase li nan jijman pou opinyon li. <sup>2</sup> Yon moun gen lafwa ke li kab manje tout bagay, men ✧sila ki fèb la manje sèlman legim. <sup>3</sup> Sila ki manje a pa dwe ✧meprize sila ki pa manje a, e sila ki pa manje a pa dwe jije sila ki manje a, paske Bondye aksepte li.

<sup>4</sup> ✧Ki moun nou ye pou (nou kapab) jije sèvitè a yon lòt? Devan pwòp mèt pa li l ap kanpe oubyen l ap tonbe; e l ap kanpe menm, paske Bondye kapab fè l kanpe.

<sup>5</sup> ✧Yon moun gade yon jou kòm pi enpòtan

✧ 12:17 Pwov 20:22 ✧ 12:18 Mc 9:50 ✧ 12:19 Det 32:35 ✧ 12:20 II Wa 6:22 ✧ 13:1 Tit 3:1 ✧ 13:3 I Pi 2:14 ✧ 13:4 I Tes 4:6 ✧ 13:5 Ekl 8 ✧ 13:7 Mat 22:21 ✧ 13:9 Egz 20:13 ✧ 13:9 Lev 19:18 ✧ 13:10 Mat 7:12 ✧ 13:11 Mc 13:37 ✧ 13:12 Ef 5:11 ✧ 13:12 Ef 6:11,13 ✧ 13:13 I Tes 4:12 ✧ 13:14 Job 29:14 ✧ 14:1 Trav 28:2 ✧ 14:2 Wo 14:1 ✧ 14:3 Luc 18:9 ✧ 14:4 Wo 9:20 ✧ 14:5 Gal 4:10

ke yon lòt, yon lòt menm gade ke tout jou yo menm. Kite chak moun ☆vin byen konvenk nan konsyans pa li. <sup>6</sup> Sila ki kenbe enpòtans a yon jou, ke li fè l pou Senyè a, e sila ki manje a, ke li fè l pou Senyè a; paske li ☆remèsye Bondye. Epi sila ki pa manje a, se pou Senyè a ke li pa manje a, e li bay remèsiman a Bondye. <sup>7</sup> Paske pa gen youn nan nou ki ☆viv pou tèt li, ni pa gen youn ki mouri pou tèt li; <sup>8</sup> Paske si nou viv, nou viv pou Senyè a, oubyen si nou mouri, nou mouri pou Senyè a. ☆Donk kit nou viv kit nou mouri, se pou Senyè a. <sup>9</sup> Pou rezon sa a ☆Kris te mouri e Li te viv ankò, pou Li te kapab ☆Senyè pou ni sa ki mouri ak ni sa ki vivan. <sup>10</sup> Men nou menm, poukisa nou jije frè nou an? Oswa, nou menm ankò, poukisa nou meprize frè nou an? Paske ☆nou tout va kanpe devan chèz jijman Bondye a. <sup>11</sup> Paske sa ekri:

☆“Jan Mwen vivan an, di Senyè a,  
tout jenou ap bese devan Mwen,  
e tout lang ap bay lwanj a Bondye”.

<sup>12</sup> Konsa ☆nou chak ap rann kont de tèt li bay Bondye. <sup>13</sup> Konsa, annou ☆pa jije youn lòt ankò. Men olye de sa, annou detèmine pou nou ☆pa mete okenn obstak oubyen wòch k ap fè moun bite sou wout a yon frè. <sup>14</sup> Mwen konnen e mwen byen konvenk nan Senyè a Jésus ke ☆pa gen anyen ki pa pwòp nan li menm; men pou sila a ki panse ke yon bagay pa pwòp, pou li menm li pa pwòp la. <sup>15</sup> Paske si se pou afè manje nou ke frè nou an vin blese a, ☆nou p ap mache nan lanmou ankò. Pa detwi pou afè manje nou an, sila pou kilès Kris te mouri an. <sup>16</sup> Konsa pa kite sa ki bon bagay pou ou a, vin pale pa lòt yo kòm yon mal. <sup>17</sup> Paske wayòm Bondye a se pa manje ak bwè, men se ladwati ☆lapè, ak lajwa nan Lespri Sen an. <sup>18</sup> Sila ki sèvi Kris konsa a akseptab a Bondye, e apwouve pa lèzòm. <sup>19</sup> Donk konsa, nou ☆pouswiv bagay k ap fè nou gen lapè yo, e k ap soutni nou youn lòt. <sup>20</sup> Pa dechire travay Bondye a pou afè manje. Anfèt tout bagay pwòp, men ☆yo mal pou moun ki manje e ki ofanse lòt moun. <sup>21</sup> ☆Se bon pou pa manje vyann ni bwè diven oubyen fè nenpòt bagay k ap fè frè ou a chite. <sup>22</sup> Lafwa ke ou genyen an, genyen li kòm pwòp konviksyon pa w devan Bondye. Beni se sila a ki ☆pa kondane pwòp tèt li nan sa ke li apwouve. <sup>23</sup> Men ☆sila ki doute a gen tan fin kondane si li manje, paske manje li a pa fèt ak lafwa; e nenpòt bagay ki pa fèt ak lafwa, se peche.

## 15

<sup>1</sup> Alò nou menm ki fò, nou dwe sipòte feblès ☆sila ki san fòs yo, e se pa sèlman fè pwòp tèt nou plezi. <sup>2</sup> Ke chak en de nou ☆fè kè vwazen nou alèz pou l ka jwenn tout sa k ap vrèman bon pou li. <sup>3</sup> Paske ☆menm Kris pa t fè tèt li plezi, menm jan sa ekri a: ☆“Repwòch de sila ki te repwoche ou yo te tonbe sou Mwen.” <sup>4</sup> Paske ☆tout bagay ki te ekri nan tan pase yo te ekri pou enstwi nou menm; pouke selon pèsèverans ak ankourajman Ekriti yo, nou ta kapab vin genyen lespwa. <sup>5</sup> Koulye a mwen priye, pou menm Bondye ki bay pèsèverans ak ankourajman an ☆kapab fè nou gen menm panse, youn avèk lòt atravè Jésus Kris: <sup>6</sup> Pouke nan tout akò pou nou kapab avèk yon sèl vwa bay glwa a ☆Bondye, Papa a Senyè nou an, Jésus Kri. <sup>7</sup> Konsa

☆ 14:5 Wo 4:21 ☆ 14:6 Mat 14:19 ☆ 14:7 Wo 8:38 ☆ 14:8 Luc 20:38 ☆ 14:9 Rev 1:18  
 ☆ 14:9 Fil 2:11 ☆ 14:10 Wo 2:16 ☆ 14:11 És 45:23 ☆ 14:12 Mat 12:36 ☆ 14:13 Mat 7:1  
 ☆ 14:13 I Kwo 8:13 ☆ 14:14 Trav 10:15 ☆ 14:15 Ef 5:2 ☆ 14:17 Wo 15:13 ☆ 14:19 Sòm 34:14  
 ☆ 14:20 I Kwo 8:9-12 ☆ 14:21 I Kwo 8:13 ☆ 14:22 I Jn 3:21 ☆ 14:23 Wo 14:5 ☆ 15:1 Wo 14:1  
 ☆ 15:2 I Kwo 9:22 ☆ 15:3 II Kwo 8:9 ☆ 15:3 Sòm 69:9 ☆ 15:4 Wo 4:23 ☆ 15:5 Wo 12:16  
 ☆ 15:6 Rev 1:6

✧aksepte youn lòt, menm jan ke Kris osi te aksepte nou pou laglwa Bondye a. <sup>8</sup> Paske mwen di ke Kris gen tan vin yon sèvitè a ✧sila ki sikonsi yo, anfavè verite a Bondye a pou konfime pwomès ki te fèt a zansèt yo; <sup>9</sup> epi pou pèp etranje yo ta ka bay Bondye glwa pou mizerikòd Li, jan sa ekri a: ✧“Konsa, Mwen va bay Ou lwanj pami pèp etranje yo, e mwen va chante Non Ou.” <sup>10</sup> Li di ankò: ✧“Rejwi, O pèp etranje yo avèk pèp Li a.” <sup>11</sup> Epi ankò: ✧“Bay lwanj a Senyè a, nou tout pèp etranje yo; e kite tout pèp yo ba Li lwanj.” <sup>12</sup> Esaïe di ankò: ✧“Li va vin tounen rasin Jessé a; e sila ki leve pou renye sou pèp etranje yo. Nan Li menm, pèp etranje yo va mete espwa yo.” <sup>13</sup> Koulye a, ke Bondye esperans lan kapab ranpli nou avèk lajwa ak lapè nan lafwa pouke nou kapab plen avèk esperans pa pwisans a Lespri Sen an. <sup>14</sup> Epi konsènan nou menm, frè mwen yo, mwen gen konviksyon ke nou menm, nou plen ak bonte, byen ranpli avèk ✧tout konesans e kapab osi egzòte youn lòt. <sup>15</sup> Men mwen ekri nou avèk kouraj sou kèk pwèn pou fè nou sonje ankò, akòz ✧gras Bondye ke mwen resevwa a, <sup>16</sup> pou m kapab yon ✧sèvitè Jésus Kris pou pèp etranje yo, pou m fè sèvis kòm yon prèt pou levanjil Bondye a, jis pou ✧ofrann mwen bay pèp etranje yo kapab vin akseptab, e byen sanktifye pa Lespri Sen an. <sup>17</sup> Konsa, nan Jésus Kri mwen gen tan twouve rezon pou vante tèt mwen nan ✧bagay ki apatyen a Bondye. <sup>18</sup> Mwen p ap pèmèt mwen pale de okenn bagay sof de sa ke ✧Kris gen tan akonpli atravè mwen an, kon rezilta a obeyisans pèp etranje yo pa pawòl ak aksyon, <sup>19</sup> nan pouvwa sign ak mirak yo ✧nan pouvwa Lespri a, pouke soti Jérusalem jis rive nan Illyrie ak anviwon peyi a, mwen fin preche tout levanjil a Kris la. <sup>20</sup> Se konsa mwen te gen entansyon preche levanjil la; pa kote ke Kris te deja konnen ✧pou m pa t bati sou fondasyon a yon lòt moun, <sup>21</sup> Men jan sa ekri a: ✧“Sila ki pa gen nouvèl Li yo va wè, e sila ki pa tande yo va konprann”. <sup>22</sup> Pou rezon sa a byen souvan ✧mwen anpeche vin kote nou. <sup>23</sup> Men koulye a, akòz pa gen lòt andwa pou mwen nan rejyon sa yo, e depi ✧anpil ane mwen anvi vin wè nou <sup>24</sup> nenpòt lè mwen ale Espagne, mwen espere wè nou pandan m ap pase. Konsa nou kapab ✧ede m fin rive la apre mwen fin ✧rejwi de prezans nou pandan kèk tan. <sup>25</sup> Men koulye a ✧mwen prale Jérusalem pou ✧sèvi fidèl yo. <sup>26</sup> Paske legliz yo nan ✧Macédoine ak Achaïe te kontan fè yon don pou malere yo pami fidèl Jérusalem yo. <sup>27</sup> Wi, yo te kontan fè sa, e yo dwe yo. Paske ✧si pèp etranje yo gen tan pataje bagay ki soti nan Lespri Bondye a, yo dwe remèt sèvis a yo tou ak bagay materyèl. <sup>28</sup> Konsa, lè m fin fè sa, e ✧mete so mwen sou fwi sa ki sòti nan yo menm nan, m ap pase bò kote nou nan wout pou m ale Espagne la. <sup>29</sup> Mwen konnen ke ✧lè m vin kote nou, m ap vini byen ranpli avèk benediksyon a Kris la. <sup>30</sup> Koulye a mwen ankouraje nou, frè m yo, pa Senyè nou an, Jésus Kri e pa ✧lanmou Lespri a, pou ✧fè tout efò ansanm avèk mwen nan lapriyè a Bondye pou mwen menm <sup>31</sup> pou mwen kapab delivre anba sila yo nan Juda ki dezobeyisan, e pou ✧sèvis mwen pou Jérusalem kapab akseptab devan fidèl yo, <sup>32</sup> pou mwen kapab vini a nou menm nan lajwa pa ✧volonte Bondye e pou m twouve yon repo

✧ 15:7 Wo 14:1 ✧ 15:8 Mat 15:24 ✧ 15:9 II Sam 22:50 ✧ 15:10 Det 32:43 ✧ 15:11 Sòm 117:1 ✧ 15:12 És 11:10 ✧ 15:14 I Kwo 1:5 ✧ 15:15 Wo 12:3 ✧ 15:16 Trav 9:15 ✧ 15:16 Wo 12:1 ✧ 15:17 Eb 2:17 ✧ 15:18 Trav 15:12 ✧ 15:19 Wo 15:13 ✧ 15:20 I Kwo 3:10 ✧ 15:21 És 52:15 ✧ 15:22 Wo 1:13 ✧ 15:23 Trav 19:21 ✧ 15:24 Trav 15:3 ✧ 15:24 Wo 1:12 ✧ 15:25 Trav 19:21 ✧ 15:25 Trav 24:17 ✧ 15:26 Trav 16:9 ✧ 15:27 I Kwo 9:11 ✧ 15:28 Jn 3:33 ✧ 15:29 Trav 19:21 ✧ 15:30 Kol 1:8 ✧ 15:30 I Kwo 1:11 ✧ 15:31 Wo 15:25 ✧ 15:32 Trav 18:21

rafrechisan an konpayi de nou menm. <sup>33</sup> Pou koulye a ✧ke Bondye lapè a kapab avèk nou tout. Amen.

## 16

<sup>1</sup> Mwen ✧rekòmande a nou sè nou Phoebé, yon sèvant legliz ki nan Cenchrée a. <sup>2</sup> Pou nou resevwa li nan non Senyè a nan yon jan ke fidèl yo ta dwe fè, e pou nou ede li nan nenpòt bezwen ke li kapab genyen. Paske li menm ✧ se yon èd pou anpil lòt moun, ak pou mwen menm tou. <sup>3</sup> Salye ✧Prisca ak Aquilas, kanmarad travay mwen nan Jésus Kris <sup>4</sup> Yo menm ki te riske pwòp tèt yo pou lavi m; se pa sèlman a yo menm ke m di mès, men a tout legliz pèp etranje yo. <sup>5</sup> Salye osi tout ✧legliz la ki reyini lakay yo a. Salye Épaïnète, zanmi byeneme m, ki te premye konvèti an Asie a. <sup>6</sup> Salye Marie ki travay di pou nou. <sup>7</sup> Salye Andronicus ak Junias, paran mwen yo, e ✧prizonye parèy mwen yo, ki byen remakab pami apot yo, e ki te nan Kris la avan m. <sup>8</sup> Salye Amplias, zanmi byeneme m nan Senyè a. <sup>9</sup> Salye Urbain, ouvriye parèy a nou ✧nan Kris la ak Stachys, zanmi byeneme m nan. <sup>10</sup> Salye Apellès, ki apwouve ✧nan Kris la; salye sila ki lakay Aristobule yo. <sup>11</sup> Salye Hérodion ✧fanmi mwen. Salye sila ki lakay Narcisse yo, ki nan Senyè a. <sup>12</sup> Salye Tryphène ak Tryphose, ouvriye nan Senyè a. Salye Perside, byeneme a, ki travay di nan Senyè a. <sup>13</sup> Salye ✧Rufus, yon nonm chwazi nan Senyè a, manman li osi e ki tankou manman pa m tou. <sup>14</sup> Salye Asyncrite, Phlégon, Hermès, Patrobas, Hermas, ak tout frè ki avèk yo. <sup>15</sup> Salye Philologue ak Julie, Nérée ak sè li, e Olympe, e tout ✧fidèl ki avèk yo. <sup>16</sup> ✧Salye youn lòt avèk yon bo ki sen; tout legliz Kris la salye nou. <sup>17</sup> Koulye a, frè mwen yo, mwen ankouraje nou pou toujou veye sou sila k ap koze e fè blokis ki kontrè a enstriksyon nou te resevwa a. ✧Vire do nou ba yo menm. <sup>18</sup> Paske moun konsa se esklav yo ye, pa a Senyè nou an, Kris la, men a pwòp apeti pa yo. Epi ak ✧pawòl ki dous e flatè, yo desi kè a inosan yo. <sup>19</sup> Paske rapò obeyisans nou an ✧gen tan rive toupatou; konsa mwen rejwi de nou, men mwen vle nou saj nan sa ki bon e inosan nan sa ki mal. <sup>20</sup> ✧Bondye lapè a va kraze Satan anba pye nou toutalè. Ke lagras Senyè nou an Jésus kapab avèk nou. <sup>21</sup> ✧Timothée, kanmarad travay mwen, salye nou, e osi Lucius ak Jason ak Sosipater ki se fanmi mwen. <sup>22</sup> Mwen menm, Tertius ✧k ap ekri lèt sa a, salye nou nan Senyè a. <sup>23</sup> ✧Gaius ki te ban m kote pou m rete ak tout legliz la, salye nou. Éraсте, trezorye vil la salye nou ak Quartus osi, frè a. <sup>24</sup> Ke lagras Senyè nou an, Jésus Kri, rete avèk nou tout. Amen. <sup>25</sup> Koulye a, a Sila ki kapab etabli nou selon bòn nouvèl mwen an ak predikasyon a Jésus Kri a, atravè revelasyon a mistè a ke li te kenbe an sekre pandan tout tan pase yo, <sup>26</sup> men koulye a ki vin manifeste, selon ✧Ekriti Sen a pwofèt yo, ak kòmandman a Bondye etènèl la, ki vin konnen pa tout nasyon yo, ki mennen rive a ✧obeyisans lafwa a. <sup>27</sup> A Bondye sèl ki saj la, atravè Jésus Kris ✧ki se laglwa pou tout tan an. Amen.

✧ 15:33 Wo 16:20 ✧ 16:1 II Kwo 3:1 ✧ 16:2 Fil 2:29 ✧ 16:3 Trav 18:2 ✧ 16:5 I Kwo 16:19  
 ✧ 16:7 Kol 4:10 ✧ 16:9 Wo 8:11 ✧ 16:10 Wo 8:11 ✧ 16:11 Wo 9:3 ✧ 16:13 Mc 15:21  
 ✧ 16:15 Wo 16:2,14 ✧ 16:16 I Kwo 16:20 ✧ 16:17 Mat 7:18 ✧ 16:18 Kol 2:4 ✧ 16:19 Wo 1:8  
 ✧ 16:20 Wo 15:33 ✧ 16:21 Trav 16:1 ✧ 16:22 I Kwo 16:21 ✧ 16:23 Trav 19:29 ✧ 16:26  
 Wo 1:2 ✧ 16:26 Wo 1:5 ✧ 16:27 Wo 11:36

## 1 KORENTYEN YO

<sup>1</sup> Paul, aple kon apot Jésus Kri pa volonte Bondye a, ak Sosthène, frè nou, <sup>2</sup> A legliz Bondye ki nan vil Corinthe lan, a sila ki gen tan sanktifye nan Jésus Kri yo, sen ✧pa apèl Bondye yo, avèk tout sila yo nan tout kote ki rele non Senyè nou an, Jésus Kri; Senyè pa yo e pa nou. <sup>3</sup> ✧Gras pou nou e lapè Bondye, Papa nou an, ak Senyè a Jésus Kri. <sup>4</sup> ✧Mwen remèsye Bondye mwen an tout tan o sijè de nou menm, pou lagras Bondye te bannou nan Jésus Kri a. <sup>5</sup> Ke nan tout bagay nou te anrichi nan Li, nan tout pawòl ak tout konesans, <sup>6</sup> menm pandan temwayaj konsènan Kris la te ✧konfime nan nou, <sup>7</sup> jis pou nou pa manke nan okenn don, e ✧tann avèk enpasyans revelasyon a Senyè nou an, Jésus Kri, <sup>8</sup> ✧ki va osi konfime nou jiska lafen, san defo nan jou Senyè nou an, Jésus Kri. <sup>9</sup> ✧Bondye fidèl, selon Sila nou te rele nan amitye fratènèl avèk Fis Li a, Jésus Kri, Senyè nou an. <sup>10</sup> Koulye a, mwen egzòte nou, frè yo, pa non a Senyè nou an, Jésus Kri, pou nou tout vin antann nou, pou pa gen ✧divizyon pami nou, men pou nou vin konplè nan ✧menm panse ak nan menm jijman. <sup>11</sup> Paske mwen enfòme o sijè de nou menm, frè m yo, pa moun Chloé yo, ke gen konfli pami nou. <sup>12</sup> Alò, men kisa m ap di. ✧Nou chak ap di: “Mwen se moun Paul”, “Mwen se moun ✧Apollos”, “Mwen se moun Céphas”, e “mwen se moun Kris la”. <sup>13</sup> Èske Kris la vin divize? Èske Paul te krisifye pou nou? Oswa èske nou te vin ✧batize nan non Paul? <sup>14</sup> Mwen remèsye Bondye ke m pa t ✧batize okenn nan nou sof ke Crispus ak Gaïus <sup>15</sup> pou okenn moun pa ka di ke nou te batize nan non mwen. <sup>16</sup> Alò, mwen te batize tout ✧fanmi Stéphanas la; anplis de sa, mwen pa konnen si m te batize okenn lòt moun. <sup>17</sup> ✧Paske Kris pa t voye m pou batize, men pou preche bòn nouvèl la ✧pa avèk bèl pawòl moun save yo, pou ke kwa Kris la pa ta vin anile. <sup>18</sup> Paske pawòl lakwa a se foli pou ✧sila k ap peri yo, men pou nou menm k ap sove yo, se pwisans a Bondye. <sup>19</sup> Paske sa ekri:

✧“Mwen va detwi sajès a saj yo,  
e entèlijans moun save yo,  
mwen va mete sou kote.”

<sup>20</sup> Kote nonm saj la? Kote skrib la? Kote moun deba a ✧laj sila a? Èske Bondye pa fè sajès a mond lan vin foli? <sup>21</sup> Paske akòz nan sajès Bondye lemond ak ✧sajès pa li pa t vin konnen Bondye. Bondye te byen kontan selon foli a mesaj ki te preche a, pou sove sila ki kwè yo. <sup>22</sup> Paske anverite ✧Jwif yo mande pou sign, e Grèk yo chache sajès; <sup>23</sup> men nou preche ✧Kris krisifye a, pou ✧Jwif yo, yon wòch k ap fè moun bite, e pou pèp etranje yo, yon foli. <sup>24</sup> Men pou sila ki aple yo, ni Jwif, ni Grèk, Kris la se ✧pwisans a Bondye, ak ✧sajès Bondye. <sup>25</sup> Paske foli Bondye a pi saj ke lòm, e ✧feblès Bondye a pi fò ke lòm. <sup>26</sup> Paske konsidere apèl nou an, frè yo, ke ✧pa t gen anpil moun ki te saj selon lachè, ni anpil moun ki te fò, ni anpil moun nòb. <sup>27</sup> Men Bondye chwazi ✧foli a mond lan pou fè saj yo wont, e Bondye

✧ **1:2** Wo 1:7 ✧ **1:3** Wo 1:7 ✧ **1:4** Wo 1:8 ✧ **1:6** Wo 15:14 ✧ **1:7** Luc 17:30 ✧ **1:8** Wo 8:19 ✧ **1:9** Det 7:9 ✧ **1:10** I Kor 11:18 ✧ **1:10** Wo 12:16 ✧ **1:12** I Kor 3:4 ✧ **1:12** Trav 18:24 ✧ **1:13** Mat 28:19 ✧ **1:14** Trav 18:18 ✧ **1:16** I Kor 16:15,17 ✧ **1:17** Jn 4:2 ✧ **1:17** I Kor 2:1,4,13 ✧ **1:18** II Kor 2:15 ✧ **1:19** És 29:14 ✧ **1:20** Job 12:17 ✧ **1:21** I Kor 1:27 ✧ **1:22** Mat 12:18 ✧ **1:23** I Kor 2:2 ✧ **1:23** I Pi 2:8 ✧ **1:24** I Kor 1:18 ✧ **1:24** I Kor 1:30 ✧ **1:25** II Kor 13:4 ✧ **1:26** Mat 11:25 ✧ **1:27** I Kor 1:20

chwazi bagay fèb a mond lan pou fè bagay ki pwisan yo vin wont. <sup>28</sup> Epi Bondye chwazi bagay ki ba e meprize nan mond lan ✧bagay, ki pa anyen, pou li kapab anile bagay ki egziste deja yo, <sup>29</sup> pou fè ✧pèsòn pa kapab vante tèt yo devan Bondye. <sup>30</sup> Men selon sa ke Li menm te fè a, nou nan Jésus Kri. Se Li ki te devni pou nou ✧sajès ki soti nan Bondye, ansanm ak ✧jistis, sanktifikasyon, ak redanmsyon. <sup>31</sup> Konsa, jan sa ekri a: “Kite sila ki vante tèt li a, vante tèt li nan SENYÈ a.”

## 2

<sup>1</sup> Epi lè m te vin kote nou, frè m yo, mwen ✧pa t vini avèk yon wotè langaj oubyen sajès pou pwokame a nou temwayaj a Bondye a. <sup>2</sup> Paske mwen te detèmine pou m pa konnen anyen pami nou, sof ✧Jésus Kri, e Sila krisifye a. <sup>3</sup> Mwen te avèk nou nan ✧feblès, laperèz, ak anpil tranbleman. <sup>4</sup> Epi mesaj mwen avèk predikasyon mwen ✧pa t fèt avèk pawòl sajès pou fè moun kwè, men nan demonstrasyon Lespri a ak pouvwa a, <sup>5</sup> pou lafwa nou pa t repoze sou sajès a lòm, men sou pouvwa Bondye a. ✧ <sup>6</sup> Malgre sa, nou konn pale sajès pami sila ki gen ✧matirite yo; alò yon sajès ki pa sòti ni nan tan sila a, ni nan chèf a tan sila yo, k ap pase. <sup>7</sup> Men nou pale sajès Bondye nan yon mistè, sajès kache ke Bondye te ✧planifye menm avan tan yo pou laglwa nou; <sup>8</sup> Sajès ✧ke okenn nan chèf a ✧tan sila yo pa konprann; paske si yo te konprann li, yo pa t ap krisifye Senyè laglwa a. <sup>9</sup> Men jan sa ekri a: ✧“Bagay ke zye pa wè e zòrèy pa tande, epi ki pa janm antre nan kè a lòm; tout sa Bondye prepare pou sila ki renmen Li yo.” <sup>10</sup> Paske a nou menm Bondye te revele yo ✧pa Lespri a; paske Lespri a toujou sonde tout bagay, menm jis nan ✧pwofondè Bondye a. <sup>11</sup> Paske kilès pami lòm ki konnen panse a lòm eksepte ✧lespri a lòm ki anndan li menm nan? Menm jan an, panse a Bondye yo; pèsòn pa konnen yo eksepte Lespri Bondye a. <sup>12</sup> Alò, nou ✧pa resevwa, lespri mond lan, men Lespri ki sòti nan Bondye a, pou nou kapab konnen bagay ke Bondye bannou gratis yo. <sup>13</sup> Sou ki bagay nou pale osi ✧pa ak pawòl sajès a moun, men ak pawòl Lespri Sen an, ki dirije refleksyon lespri nou ak pawòl lespri nou. <sup>14</sup> Men yon nonm nan eta natirèl li, ✧pa aksepte bagay a Lespri Bondye yo; paske ✧se foli yo ye pou li. Li pa kapab konprann yo, paske yo ka jije sèlman ak yon lespri k ap viv nan Bondye. <sup>15</sup> Men sila ki ✧reflechì ak yon lespri ki soti nan Bondye a jije tout bagay, men li menm p ap jije pa okenn moun. <sup>16</sup> “Paske ✧kilès ki te konnen refleksyon Senyè a, pou li ta enstwi Li?” Men se panse a Kris nou genyen.

## 3

<sup>1</sup> Epi mwen, frè m yo, mwen pa t kab pale avèk nou menm tankou moun ki ✧plen lespri Bondye, men tankou moun lachè yo, tankou ti zanfan piti nan Kris yo. <sup>2</sup> Mwen te bannou ✧lèt pou nou bwè olye gwo manje; paske nou potko kab resevwa l. Anverite, menm koulye a, nou poko kapab, <sup>3</sup> pwiske nou toujou nan lachè. Paske akoz ✧gen jalouzi ak konfli pami nou, èske nou pa nan lachè, epi èske nou p ap mache tankou lòm natirèl? <sup>4</sup> Paske lè ✧youn di: “Mwen se moun Paul”, epi yon lòt: “Mwen se moun

✧ 1:28 Wo 4:7 ✧ 1:29 Ef 2:9 ✧ 1:30 I Kor 1:24 ✧ 1:30 Jr 23:5 ✧ 2:1 I Kor 1:17 ✧ 2:2 I Kor 1:23 ✧ 2:3 I Kor 4:10 ✧ 2:4 I Kor 1:17 ✧ 2:5 II Kor 4:7 ✧ 2:6 Ef 4:13 ✧ 2:7 Wo 8:29 ✧ 2:8 I Kor 2:6 ✧ 2:8 I Kor 1:20 ✧ 2:9 És 64:4 ✧ 2:10 Jn 14:26 ✧ 2:10 Wo 11:33 ✧ 2:11 Pwov 20:27 ✧ 2:12 Wo 8:15 ✧ 2:13 I Kor 1:17 ✧ 2:14 Jn 14:17 ✧ 2:14 I Kor 1:18 ✧ 2:15 I Kor 3:1 ✧ 2:16 És 40:3 ✧ 3:1 I Kor 2:6 ✧ 3:2 Eb 5:12 ✧ 3:3 Wo 13:13 ✧ 3:4 I Kor 1:12

Appollos”, èske nou p ap aji kòm si se lòm natirèl ke nou ye? <sup>5</sup> Alò, ki moun Apollos ye? E ki moun Paul ye? Se sèvitè pa sila nou te vin kwè yo, menm \*jan Senyè a te bay opòtinite a yo chak. <sup>6</sup> Mwen te plante, Appollos te awoze, men Bondye te fè l grandi. <sup>7</sup> Alò, se pa ni sila ki plante a ni sila ki awoze a ki anyen, men \*Bondye ki fè l grandi a. <sup>8</sup> Alò, sila ki plante a ak sila ki awoze a se youn; men chak moun va \*resevwa pwòp rekonpans li selon pwòp travay li. <sup>9</sup> Paske nou se \*ouvriye parèy avèk Bondye. Nou menm se chan Bondye a, kay ke Li ap bati a. <sup>10</sup> Selon \*gras Bondye ki te ban mwen an, kon yon mèt k ap bati byen saj, mwen te poze yon fondasyon, epi yon lòt ap bati sou li. Men fòk chak moun pridan sou jan li bati sou li a. <sup>11</sup> Paske pèsòn pa kapab poze okenn lòt \*fondasyon sof ke sila ki poze deja a, ki se Jésus Kri. <sup>12</sup> Alò, si nenpòt moun bati sou fondasyon an avèk lò, ajan, bijou presye, bwa, zèb sèch, oswa pay, <sup>13</sup> \*zèv a chak moun va vin byen parèt; paske lajounen va fè l vin parèt klè, akòz sa gen pou revele avèk dife; epi dife a, li menm, va fè prèv valè zèv a chak moun. <sup>14</sup> Si zèv a yon moun ki bati sou li a rete toujou, li va \*resevwa yon rekonpans. <sup>15</sup> Si zèv a yon moun vin brile, li va soufri pèt la; men li menm, li va sove \*kòm si, se pa dife. <sup>16</sup> Èske nou pa konnen ke \*nou se tanp Bondye a, e ke Lespri Bondye a rete nan nou? <sup>17</sup> Si yon moun detwi tanp Bondye a, Bondye va detwi li, paske tanp Bondye a sen, e se sa ke nou ye. <sup>18</sup> Pa kite pèsòn twonpe tèt li \*si yon moun pami nou panse ke li saj nan tan sila a, li oblije vin fou pou li kapab vin saj.

<sup>19</sup> Paske sajès mond sa a se foli devan Bondye. Paske sa ekri: \**“Se Li menm ki kenbe saj yo nan pwòp koken pa yo.”* <sup>20</sup> Epi ankò: \**“Senyè a konnen panse a saj yo, ke yo initil.”* <sup>21</sup> Donk, pa kite pèsòn vante tèt li pou moun. Paske \*tout bagay se pou nou menm. <sup>22</sup> \*Sof ke se Paul, oswa Appollos, oswa Céphas, lemonn \*lavi, lanmò, bagay prezan yo, oswa bagay ki gen pou vini yo; tout apatyen a nou menm. <sup>23</sup> Epi \*nou apatyen a Kris; e \*Kris apatyen a Bondye.

## 4

<sup>1</sup> Kite yon moun gade nou konsa, kòm sèvitè a Kris e \*jeran a mistè ki pou Kris yo.

<sup>2</sup> Nan ka sila a, anplis, li nesèsè pou twouve jeran yo fidèl. <sup>3</sup> Men pou mwen se yon ti bagay tou piti pou mwen ta kab jije pa nou menm, oswa nenpòt lòt tribinal moun; anverite, mwen pa menm jije pwòp tèt mwen. <sup>4</sup> Mwen pa konsyan de anyen kont tèt mwen. Men se pa sa ki fè m inosan, men ke sila ki jije mwen an se Senyè a. <sup>5</sup> Pou sa \*pa kontinye jije avan lè, men tann \*jiskaske Senyè a vini pou Li kapab nan menm tan eklere nan limyè bagay ki kache nan tenèb yo e devwale tout motif ki nan kè lèzòm. Konsa, lwanj chak moun resevwa va sòti nan Bondye. <sup>6</sup> Alò, frè m yo, mwen te sèvi tout sa konsènan mwen menm ak Apollos kòm yon egzant pou koz a nou menm. Selon sa mwen te di, mwen vle ou konprann ke nou pa pou ale pi lwen de sa ki nan ekriti sen yo, pou okenn nan nou pa \*vin ògeye anvè youn e kont yon lòt. <sup>7</sup> Paske kilès ki kwè ke ou pi bon? \*Kisa nou genyen ke nou pa t resevwa? E si Nou te resevwa li, poukisa nou vante tèt nou

\* **3:5** Wo 12:6 \* **3:7** I Kwo 15:10 \* **3:8** I Kor 3:14 \* **3:9** Mc 16:20 \* **3:10** Wo 12:3 \* **3:11** És 28:16 \* **3:13** I Kwo 4:5 \* **3:14** I Kor 3:8 \* **3:15** Job 23:10 \* **3:16** Wo 8:9 \* **3:18** I Kor 8:2 \* **3:19** Job 5:13 \* **3:20** Sòm 94:11 \* **3:21** Wo 8:32 \* **3:22** I Kor 1:12 \* **3:22** Wo 8:38 \* **3:23** II Kwo 10:7 \* **3:23** I Kwo 11:3 \* **4:1** Tit 1:7 \* **4:5** Wo 2:1 \* **4:5** Wo 2:16 \* **4:6** I Kor 1:12 \* **4:7** Jn 3:27

kòm si nou pa t resevwa l. <sup>8</sup> Nou ✨deja ranpli! Nou deja vin rich! Nou deja vin wa san èd nou menm! E anverite, mwen ta kontan si nou te deja wa pou nou menm ta kapab renye ansanm avèk nou. <sup>9</sup> Paske mwen panse ke Bondye te fè nou menm kòm apot pi ba ke tout; tankou moun ki ✨kondane a lanmò, paske nou te ✨gen tan vin yon spektak pou mond lan, ni pou zanj yo, ni pou moun. <sup>10</sup> Nou se moun fou pou kòz a Kris la, men ✨ou menm, ou saj nan Kris; nou fèb, men ou menm, ou fò; ou menm, ou byen distenge, men nou menm, nou san onè. <sup>11</sup> Jiska moman sa a ✨nou grangou ak swaf, mal abiye, maltrete, e san kote pou nou rete; <sup>12</sup> epi nou redi di nan ✨travay avèk pwòp men nou. ✨Lè yo joure nou, nou beni yo; lè nou pèsekite, nou sipòte sa; <sup>13</sup> Lè yo pale nou mal, nou eseye antann nou; nou devni ✨tankou fatra a mond lan, retay nan tout bagay, menm jiska koulye a. <sup>14</sup> Mwen pa ekri bagay sa yo pou ✨fè nou wont, men pou avèti nou kòm pitit byeneme mwen. <sup>15</sup> Paske si nou te gen anpil kantite pwofesè an Kris ki pa menm kab konte, menm konsa nou pa t ap gen anpil papa. Paske nan Jésus Kris, mwen ✨te devni papa nou akòz bòn nouvèl la. <sup>16</sup> Konsa, mwen egzòte nou, pou nou vin ✨imitatè a mwen menm. <sup>17</sup> Se pou rezon sa a, mwen ✨voye bannou Timothée, ki se pitit byeneme e fidèl mwen nan Senyè a. Li va fè nou sonje chemen mwen an ki baze nan Kris, menm jan ke mwen enstwi toupato nan tout legliz yo. <sup>18</sup> Alò, kèk nan nou vin ✨awogan, kòm si mwen pa t ap vin kote nou. <sup>19</sup> Men mwen ✨va vini kote nou byento ✨si Bondye vle e mwen va vin fè egzamen, pa nan pawòl a sila ki awogan yo, men nan pèz pwisans yo. <sup>20</sup> Paske wayòm Bondye a ✨pa fèt avèk pawòl, men avèk pwisans. <sup>21</sup> Kisa nou dezire? ✨Èske mwen dwe vin kote nou avèk yon baton, oswa avèk lanmou avèk lespri jantiyès?

## 5

<sup>1</sup> Anverite gen rapò ke gen imoralite pami nou, yon kalite imoralite ki pa menm egziste pami pèp etranje yo; ke yon moun gen ✨madanm a papa li. <sup>2</sup> Nou vin awogan, olye nou kriye anpil pou sila ki te fè zak sila a ✨pou l ta kapab vin retire nan mitan nou. <sup>3</sup> Paske mwen menm, bò kote pa m, malgre mwen ✨absan nan kò men mwen prezan nan lespri. Mwen deja jije mesye ki fè zak sila a, tankou mwen te prezan. <sup>4</sup> Nan non Senyè nou an Jésus Kri, lè nou vin rasanble, e mwen menm avèk nou nan lespri ✨avèk pouvwa Senyè nou an Jésus, <sup>5</sup> nou gen pou ✨livre yon nonm konsa bay Satan pou detwi chè l, pou lespri li kapab sove ✨nan jou Senyè a Jésus. <sup>6</sup> ✨Vante tèt nou an pa bon. Èske nou pa konnen ke ✨yon ti kras ledven fè tout boul pen an leve? <sup>7</sup> Retire vye ledven an pou nou kapab vin yon boul pat tounèf; kòm si ke nou an reyalite deja san ledven. Paske Kris ✨Pak pa nou an, osi te sèvi kon sakrifis nou. <sup>8</sup> Konsa, annou selebre fèt la ✨pa avèk vye ledven an, ni avèk move ledven an ak mekanste, men avèk pen san ledven nan plen senserite ak verite a.

✨ 4:8 Rev 3:17 ✨ 4:9 Wo 8:36 ✨ 4:9 Eb 10:33 ✨ 4:10 I Kor 3:18 ✨ 4:11 Wo 8:35 ✨ 4:12 Trav 18:3 ✨ 4:12 I Pi 3:13 ✨ 4:13 Lam 3:34 ✨ 4:14 I Kor 6:5 ✨ 4:15 Nonb 11:12 ✨ 4:16 I Kor 11:1 ✨ 4:17 I Kor 16:10 ✨ 4:18 I Kor 4:6 ✨ 4:19 Trav 20:2 ✨ 4:19 Trav 18:21 ✨ 4:20 I Kor 2:4 ✨ 4:21 II Kor 1:23 ✨ 5:1 Lev 18:8 ✨ 5:2 I Kor 5:13 ✨ 5:3 Kol 2:5 ✨ 5:4 Jn 20:23 ✨ 5:5 Luc 22:31 ✨ 5:5 I Kor 1:8 ✨ 5:6 Jc 4:16 ✨ 5:6 Mat 16:6,12 ✨ 5:7 Mc 14:12 ✨ 5:8 Egz 12:19



9 Mwen te ekri nou nan lèt mwen an pou nou ✧pa asosye nou avèk moun imoral yo;

10 Mwen pa t vle di tout moun imoral ki nan mond sa a, ni avèk moun lemonn ki gen lanvi, ki nan fwod, oubyen moun ✧idolat yo; paske konsa nou ta dwe kite mond lan nèt.

11 Men an reyalite, mwen te ekri nou pou nou pa asosye nou avèk nenpòt moun ke nou konn rele ✧“frè” si li se yon moun imoral, oubyen ranpli ak lanvi, oubyen yon moun idolat, yon medizan, yon tafyatè, oubyen yon moun ki nan fwod—pou nou pa ta menm manje avèk yon moun konsa.

12 Paske kisa mwen gen pou fè nan jije moun deyò yo? ✧Èske se pa sila anndan legliz yo pou nou jije?

13 Men sila ki deyò yo, se Bondye ki pou jije yo. ✧Retire sila ki malveyan an pami nou menm.

## 6

1 Èske gen nan nou ke lè l gen yon ka kont vwazen li, li tante ale devan lalwa, devan moun enjis yo ✧olye devan sen yo? 2 Oubyen èske nou pa konnen ke ✧se sen yo ki va jije mond lan? Si lemonn jije pa nou menm, èske nou pa konpetan pou regle ti bagay piti konsa yo? 3 ✧Èske nou pa konnen ke nou va jije zanj yo? Konbyen anplis pou afè lavi sa a? 4 Donk, si konsa, nou sèvi ak tribinal pou regle pwoblèm nan lavi sa, èske nou chwazi kon jij sila ki pa kab reprezante anyen nan legliz yo? 5 ✧Mwen di nou sa pou wont nou. Si se konsa, ke pa gen yon moun saj pami nou ki kapab deside antre frè li yo? 6 Men frè ale devan lalwa avèk frè, e tout sa devan ✧enkwayan yo. 7 Alò konsa, sa se deja yon defèt pou nou, pou n ap fè pwosè avèk youn lòt. ✧Poukisa nou pa pito soufri lenjistis? Poukisa nou pa pito aksepte sibi fwod? 8 Okontrè, nou menm, nou fè lenjistis ak fwod la. Nou fè sa menm kont ✧frè nou yo. 9 Oubyen èske nou pa konnen ke moun enjis yo p ap ✧eritye wayòm syèl la? Pa twonpe tèt nou; ni moun imoral yo, ni moun idolat yo, ni efemine yo, ni omoseksyèl yo 10 ni vòlè yo, ni moun ki gen lanvi yo, ni tafyatè yo, ni medizan yo, ni sila ki nan fwod yo, p ap ✧eritye wayòm Bondye a. 11 Se konsa kèk nan nou te ye, men nou te vin lave, nou te vin sanktifye, nou te ✧jistifye nan non Senyè a, Jèsus Kri ak nan Lespri a Bondye nou an. 12 ✧Tout bagay pèmèt pou mwen, men se pa tout bagay ki itil. Tout bagay pèmèt, men mwen p ap kite m domine pa anyen. 13 Manje se pou vant e vant se pou manje; men Bondye va mete yon fen a toulède. Men kò a se pa pou imoralite, men ✧pou Senyè a; e Senyè a se pou kò a. 14 Alò, Bondye non sèlman leve Senyè a, men ✧va osi leve nou selon pouvwa Li. 15 Èske nou pa konnen ke ✧kò nou se manb a Kris yo ye? Èske mwen dwe pran manb kò Kris yo e fè yo vin manb a yon pwostitiye? Ke sa pa janm fèt! 16 Oubyen èske nou pa konnen ke yon moun ki jwenn tèt li avèk yon pwostitiye vin yon sèl kò avèk li? Paske Li di: ✧“Yo de a va devni yon sèl chè”. 17 Men sila a ki vin jwenn tèt li avèk Senyè a vin ✧youn nan lespri avèk Li. 18 ✧Kouri kite imoralite. Tout lòt peche ke yon moun fè se deyò kò a, men moun imoral la peche kont pwòp kò l. 19 Oubyen èske nou pa konnen ke ✧kò nou se yon tanp pou Lespri Sen an, ki soti nan

✧ 5:9 II Kor 6:14 ✧ 5:10 I Kor 10:27 ✧ 5:11 Trav 1:15 ✧ 5:12 I Kwo 5:3-5 ✧ 5:13 Det 13:5 ✧ 6:1 Mat 18:17 ✧ 6:2 Dan 7:18,22,27 ✧ 6:3 Wo 6:16 ✧ 6:5 I Kor 4:14 ✧ 6:6 II Kor 6:14 ✧ 6:7 Mat 5:39 ✧ 6:8 I Tes 4:6 ✧ 6:9 Trav 20:32 ✧ 6:10 Trav 20:32 ✧ 6:11 Wo 8:30 ✧ 6:12 I Kor 10:23 ✧ 6:13 I Kor 6:15,19 ✧ 6:14 Jn 6:39 ✧ 6:15 Wo 12:5 ✧ 6:16 Jen 2:24 ✧ 6:17 Jn 17:21-23 ✧ 6:18 I Kor 6:9 ✧ 6:19 Jn 2:21

Bondye, ki rete nan nou, e ke nou pa mèt pwòp tèt nou? <sup>20</sup> Paske nou te achte a yon pri; Konsa, bay glwa a Bondye avèk kò nou.

## 7

<sup>1</sup> Alò, konsènan bagay ke nou te ekri yo ✨li bon pou yon nonm pa touche yon fanm. <sup>2</sup> Men akòz imoralite ka fèt, chak nonm dwe gen pwòp madanm li e chak fanm dwe gen pwòp mari li. <sup>3</sup> Mari a dwe akonpli devwa li anvè madanm li, e menm jan an tou, madanm lan anvè mari li. <sup>4</sup> Madanm nan pa gen otorite sou pwòp kò li, men se pou mari a, e menm jan an mari a pa gen otorite sou pwòp kò li, men se pou madanm nan. <sup>5</sup> Sispann refize youn lòt, eksepte pa akò pou yon ti tan, pou nou kapab konsakre nou nan lapriyè, e retounen ansanm ankò pou ✨Satan pa tante nou akòz mank kontwòl tèt nou. <sup>6</sup> Men sa mwen vin di kòm yon konsesyon ak nou, men ✨pa kòm yon lòd. <sup>7</sup> Sepandan, mwen ta pito ke tout moun te menm rete tankou mwen menm. ✨Men chak moun gen pwòp don li ki sòti nan Bondye; pou youn se yon jan, e pou youn lòt, se yon lòt jan. <sup>8</sup> Alò mwen di a sila ki poko marye yo, e ak vèv yo, ke ✨li ta bon pou yo si yo rete menm jan ak mwen menm. <sup>9</sup> Men si yo pa gen kontwòl pwòp tèt yo ✨kite yo marye; paske li pi bon pou marye pase pou brile avèk pasyon. <sup>10</sup> Men a sila ki marye yo, mwen bay lòd sa yo. Se ✨pa mwen, men se Senyè a ki bay li, ke madanm nan pa dwe kite mari li <sup>11</sup> Men si li kite li, li dwe rete san marye, oswa rekonsilye avèk mari li. Ni mari a pa dwe divòse avèk madanm li. <sup>12</sup> Men a lòt yo ✨se mwen menm ki di l, se pa Senyè a, ke si yon frè gen yon madanm ki se yon enkwayan, e li dakò viv avèk li, fòk li pa divòse avèk li. <sup>13</sup> Epi yon fanm ki gen yon mari ki pa kwayan, e li dakò viv avèk li, li pa dwe voye mari li ale. <sup>14</sup> Paske mari enkwayan an vin sanktifye akòz madanm li, e madanm enkwayan an vin sanktifye akòz mari li ki kwayan an, paske otreman pitit nou yo te enpi, men koulye a, yo ✨sen. <sup>15</sup> Men si sila ki enkwayan an ale, kite l ale. Frè a oswa sè a pa mare nan ka sila yo, men Bondye rele nou nan ✨lapè.

<sup>16</sup> Paske kòman ou kab konnen o madanm, si ou va ✨sove mari ou? E kòman ou kab konnen, o mari, si ou va sove madanm ou. <sup>17</sup> Sèlman ✨jan Senyè a bay a chak moun nan, jan Bondye rele chak moun nan konsa, kite l mache. Epi ✨se konsa ke m bay lòd nan tout legliz yo. <sup>18</sup> Èske yon moun ki te rele pa Bondye te deja sikonsi? Li pa dwe vin ensikonsi. Èske yon moun lè l rele pa Bondye tou ensikonsi? ✨Li pa dwe vin sikonsi. <sup>19</sup> ✨Sikonsizyon pa anyen, e ensikonsizyon pa anyen, men sa ki enpòtan an se kenbe kòmandman Bondye a. <sup>20</sup> ✨Chak moun dwe rete nan menm kondisyon ke li te resevwa apèl la. <sup>21</sup> Èske nou te resevwa apèl la pandan nou te esklav? Pa enkyete nou pou sa; men si nou kapab osi vin lib, pito nou fè l. <sup>22</sup> Paske sila ki te rele pa Senyè a pandan li te esklav la, se ✨moun lib a Senyè a; menm jan an sila ki te rele pandan li te lib la, se ✨esklav a Kris la

<sup>23</sup> ✨Nou te achte a yon pri; pa devni esklav a lèzòm. <sup>24</sup> Frè m yo ✨chak moun dwe rete avèk Bondye nan menm eta ke li te resevwa apèl la. <sup>25</sup> Alò konsènan vyèj yo, mwen pa gen okenn lòd Senyè a, men mwen bay youn

✨ 7:1 I Kor 7:8,26 ✨ 7:5 Mat 4:10 ✨ 7:6 II Kwo 8:8 ✨ 7:7 I Kor 7:8 ✨ 7:8 I Kor 7:1,26  
 ✨ 7:9 I Tim 5:14 ✨ 7:10 Mal 2:16 ✨ 7:12 I Kor 7:6 ✨ 7:14 Esd 9:2 ✨ 7:15 Wo 14:19  
 ✨ 7:16 Wo 11:14 ✨ 7:17 Wo 12:3 ✨ 7:17 I Kor 4:17 ✨ 7:18 Trav 15:1 ✨ 7:19 Wo 2:27,29  
 ✨ 7:20 I Kor 7:24 ✨ 7:22 Phm 16 ✨ 7:22 I Pi 2:16 ✨ 7:23 I Kor 6:20 ✨ 7:24 I Kor 7:20

refleksyon kòm yon moun ki \*pa mizerikòd Senyè a dign de konfyans. <sup>26</sup> Mwen kwè ke li bon nan sikonstans boulvès nan tan kounye a \*pou yon nonm ta rete jan li ye a. <sup>27</sup> Èske ou mare ak yon madanm? Pa chache vin lib. Èske ou lib de yon madanm? Pa chache yon madanm. <sup>28</sup> Men si nou marye, nou pa peche; e si yon vyèj marye, li pa peche. Deja moun sa yo va gen pwoblèm nan vi sa a, e m ap eseye epagne nou. <sup>29</sup> Men mwen di sa, frè m yo, \*tan an ap vin kout, pou depi koulye a, sila ki gen madanm yo ta dwe tankou yo pa t genyen; <sup>30</sup> epi sila ki kriye yo, tankou yo pa t kriye; sila ki rejwi yo, tankou yo pa t rejwi, e sila ki achte yo, tankou yo pa t posede anyen; <sup>31</sup> epi sila ki itilize mond lan, tankou yo pa t \*itilize li anpil; paske \*fòm mond sa a ap disparèt. <sup>32</sup> Men mwen vle nou libere de sousi sa a. Yon nonm ki \*pa marye sousye sèlman de zafè a Senyè a, de jan li kapab fè l kontan, <sup>33</sup> men yon nonm ki marye sousye de zafè a mond lan, de jan li kapab fè madanm li plezi. <sup>34</sup> Konsa, enterè li divize. Fanm ki pa marye a ak vyèj la, sousye de zafè a Senyè a, pou li kapab sen ni nan kò, ni nan lespri; men sila ki marye a sousye de zafè a mond lan, de jan li kapab fè mari li plezi. <sup>35</sup> Mwen di sa pou pwòp benefis pa nou; se pa pou jennen nou; men pou ankouraje sa ki bon, e pou vin gen yon angajman san distraksyon anvè Senyè a. <sup>36</sup> Men si yon moun panse ke l ap aji yon jan ki pa dign anvè pitit fi vyèj li, si li vin gen laj ase, e si sa dwe fèt, kite li fè sa li pito. Li pa peche; kite li marye. <sup>37</sup> Men sila a ki kanpe fèm nan kè li, san ke li pa anba kontrent, men gen otorite sou pwòp volonte l, e ki deside sa nan pwòp kè l, pou konsève pwòp pitit fi vyèj pa li a, li va fè byen. <sup>38</sup> Konsa, sila ki bay pwòp pitit fi li a nan maryaj ap fè byen, e sila ki pa bay li nan maryaj la ap fè mye. <sup>39</sup> \*Yon madanm mare ak mari li toutotan ke li vivan; men si mari li mouri, li lib pou marye avèk sila ke li pito, men sèlman nan Senyè a. <sup>40</sup> Men \*nan refleksyon pa m, l ap pi ere si li rete jan li ye a; e mwen panse osi ke m gen Lespri Bondye a avè m.

## 8

<sup>1</sup> Alò, konsènan \*bagay ki te bay kon sakrifis a zidòl yo, nou konnen ke nou tout gen konesans. Konesans fè moun awogan, men lanmou \*bay bon konprann. <sup>2</sup> \*Si yon moun sipoze ke li konnen yon bagay, li poko \*konnen jan li dwe konnen an; <sup>3</sup> men si yon moun renmen Bondye \*Bondye konnen li. <sup>4</sup> Konsa, konsènan manje bagay ki te ofri kon sakrifis a zidòl yo, nou konnen ke pa gen anyen vrèman kon zidòl nan mond lan, e ke \*pa gen okenn Dye sof ke yon sèl, Bondye. <sup>5</sup> Paske, menmsi \*genyen sa ke yo rele dye yo, swa nan syèl la oubyen sou tè a, kòm anverite gen anpil dye ak anpil senyè, <sup>6</sup> malgre sa, nou pa gen sof ke yon Bondye \*Papa a \*de Li menm tout bagay sòti e nou egziste pa Li; e yon Senyè, Jésus Kris. Pa Li menm tout bagay ye, e nou egziste pa Li. <sup>7</sup> Sepandan, se pa tout moun ki gen konesans sa a; men \*kèk moun, ki abitye avèk zidòl jiska prezan, manje manje kòm si li te sakrifye a yon zidòl; e konsyans fèb pa yo a vin souye. <sup>8</sup> Men se pa \*manje k ap rekòmande nou a Bondye; nou p ap ni pi mal si nou pa manje, ni pi bon si nou manje. <sup>9</sup> Men \*fè atansyon ke libète sa a pa vini, nan yon jan o yon lòt, yon wòch pou fè sila ki fèb yo chite.

\* 7:25 II Kor 4:1 \* 7:26 I Kor 7:1,8 \* 7:29 Wo 13:11 \* 7:31 I Kor 9:18 \* 7:31 I Jn 2:17  
 \* 7:32 I Tim 5:5 \* 7:39 Wo 7:2 \* 7:40 I Kor 7:6,25 \* 8:1 Trav 15:20 \* 8:1 Wo 14:19  
 \* 8:2 I Kor 3:18 \* 8:2 I Kor 13:8 \* 8:3 Sòm 1:6 \* 8:4 Det 4:35,39 \* 8:5 II Tes 2:4 \* 8:6  
 Mal 2:10 \* 8:6 Wo 11:36 \* 8:7 Wo 14:4,22 \* 8:8 Wo 14:17 \* 8:9 Wo 14:13,21

10 Paske si yon moun wè ou menm, ki gen konesans, k ap manje nan yon tanp zidòl, si konsyans li fèb, l ap ankouraje manje ✧bagay ki sakrifye a zidòl yo? 11 Alò, akòz konesans pa ou, sila ki fèb ✧vin pèdi, frè pou sila Kris la te mouri an. 12 ✧Epi konsa, nan peche kont frè nou yo k ap blese konsyans a sila ki fèb yo, nou peche kont Kris la. 13 Konsa ✧si manje koze frè mwen an chite, mwen p ap janm manje vyann ankò, pou mwen pa koze frè mwen an chite.

## 9

1 Èske mwen pa ✧lib? Èske mwen pa yon apòt? Èske mwen pa wè Jésus, Senyè nou an? Èske nou se pa zèv mwen nan Senyè a?

2 Si pou lòt yo mwen pa yon apòt, omwen mwen se yon apòt pou nou. Paske nou se ✧so ki fè m apòt nan Senyè a.

3 Defans mwen a sila ki jijè m yo se sa:

4 ✧Èske nou pa gen dwa pou nou manje ak bwè?

5 ✧Èske nou pa gen dwa pou pran avèk nou yon madanm fidèl nan lafwa, menm jan ak res apòt yo, frè a Senyè yo ak Céphas?

6 Oubyen èske se ✧sèlman Barnabas ak mwen menm ki pa gen dwa sispann travay?

7 Kilès ki nan nenpòt tan ki sèvi ✧kòm yon sòlda ak pwòp depans pa l? Kilès ki ✧plante yon chan rezen e ki pa manje fwi li? Oubyen kilès ki bèje yon bann mouton e ki pa itilize lèt bann mouton an?

8 Mwen pa p pale bagay sa yo ✧selon jijman moun; ou ta kwè sa a? Oubyen èske lalwa pa di menm bagay sa yo tou.

9 Paske sa ekri nan Lalwa Moïse la: ✧“Nou pa pou mare bouch a bèf la pandan l ap bat rekòlt la.” Èske nou kwè ke se sou zafè bèf ke Bondye ap pale a?

10 Oswa èske l ap pale espere pou nou? Wi, se ✧pou enterè nou sa te ekri a, paske moun ki laboure tè a dwe laboure avèk espwa, e sila k ap bat rekòlt la dwe bat li avèk espwa ke l ap pataje nan rekòlt la.

11 ✧Si nou te simen bagay ki apatyen a Lespri ki nan nou an, èske se twòp si nou rekòlte bagay materyèl ki soti nan nou yo?

12 Si lòt yo gen dwa sou nou, èske nou menm pa gen plis? Sepandan ✧nou pa t itilize dwa sa a, men nou te sipòte tout bagay ✧pou nou pa anpeche levanjil a Kris la.

13 Èske nou pa konnen ke sila ki ✧fè sèvis adorasyon yo manje manje tanp lan, e sila ki toujou okipe lotèl la gen pòsyon pa yo sou lotèl la?

14 Menm jan an tou ✧Senyè a te dirije sila ki pwokame levanjil yo pou twouve mwayen lavi yo nan levanjil la.

15 Men mwen ✧pa t itilize okenn nan bagay sa yo. E mwen p ap ekri bagay sa yo pou sa kab fèt nan ka pa m nan; paske li ta pi bon pou m mouri, pase pou m kite okenn moun retire fyète m nan men m.

16 Paske si m preche levanjil la, mwen pa gen anyen pou m ta vante tèt mwen, pwiske ✧mwen anba obligasyon; paske malè a mwen menm si mwen pa preche levanjil la.

✧ 8:10 Trav 15:20 ✧ 8:11 Wo 14:15,20 ✧ 8:12 Mat 18:6 ✧ 8:13 Wo 14:21 ✧ 9:1 I Kor 9:19  
 ✧ 9:2 Jn 3:33 ✧ 9:4 I Kor 9:14 ✧ 9:5 I Kor 7:7 ✧ 9:6 Trav 4:36 ✧ 9:7 II Tim 2:3 ✧ 9:7  
 Det 20:6 ✧ 9:8 Wo 3:5 ✧ 9:9 Det 25:4 ✧ 9:10 Wo 4:23 ✧ 9:11 Wo 15:27 ✧ 9:12 Trav  
 20:33 ✧ 9:12 II Kor 6:3 ✧ 9:13 Lev 6:16,26 ✧ 9:14 Mat 10:10 ✧ 9:15 Trav 18:3 ✧ 9:16  
 Trav 9:15

17 Paske si mwen fè sa volontèman, mwen deja gen yon ✨rekonpans; men si se kont volonte m, mwen vin gen yon jerans ki plase sou mwen menm.

18 Konsa, kisa ki rekonpans mwen an? Sa, lè m preche levanjil la, mwen kapab ofri levanjil la ✨san frè, pou m pa sèvi tout dwa ke m gen nan levanjil la.

19 Paske malgre ke m lib de tout moun, mwen fè tèt mwen ✨esklav a tout moun, pou m kapab konvenk plis moun toujou.

20 ✨Pou Jwif yo mwen te vin Jwif, pou mwen te kapab konvenk Jwif yo; pou sila ki anba Lalwa yo; kòm si m te anba Lalwa, malgre ke mwen menm pa t anba Lalwa, pou m te kapab konvenk sila ki anba Lalwa yo.

21 Pou sila ki ✨san lalwa yo, kòm si m te san lalwa, malgre m pa t san lalwa a Bondye a, men ✨anba lalwa a Kris la, pou m te kapab konvenk sila ki san lalwa yo.

22 Pou ✨fèb yo mwen te vin fèb, pou m te kapab konvenk fèb yo. Mwen te vini ✨tout bagay pou tout moun pou m ta kapab pa tout mwayen sove kèk.

23 Mwen fè tout bagay pou koz a levanjil la, pou m kapab vin gen dwa patisipe ladann.

24 Èske nou pa konnen ke nan sila yo ki kouri nan yon kous, yo tout kouri, men se yon sèl ki resevwa ✨pri a? Kouri yon jan pou nou kapab genyen.

25 Tout moun ki patisipe nan gran jwèt yo, egzèsè disiplin nan tout bagay. Yo fè sa konsa pou resevwa yon pri k ap peri, men nou menm, pou yon pri ki p ap janm peri.

26 Konsa, mwen ✨kouri yon jan ki pa manke gwo objektif; mwen fè bòks yon jan pou m pa pèdi mak la.

27 Mwen disipline ✨kò mwen pou fè l vin esklav mwen, sof ke petèt lè m fin preche a lòt yo, mwen menm ta vin pa kalifye.

## 10

1 Paske mwen pa vle ke nou san konprann, frè m yo, ke tout zansèt nou yo te ✨anba nyaj la, e yo tout te pase nan lanmè a. 2 Epi yo tout te ✨batize nan Moïse nan nyaj la ak nan lanmè a; 3 e yo tout ✨te manje menm manje lespri a. 4 Yo tout ✨te bwè menm bwason lespri a, paske yo te bwè nan yon wòch lespri ki te swiv yo; e wòch la se te Kris la. 5 Sepandan, avèk pifò nan yo, Bondye pa t kontan; akòz sa ✨yo te mouri nan dezè a. 6 Alò, bagay sa yo te rive kòm yon egzanp pou nou, pou nou pa gen move lanvi jan ✨yo menm te gen move lanvi a. 7 Pa vin moun idolat tankou kèk nan yo te ye a, paske sa ekri: ✨“Pèp la te chita pou manje ak bwè, e te kanpe pou jwe.” 8 Ni pou nou pa kite nou aji avèk imoralite, jan kèk nan yo te fè, e ✨venn-twa-mil te tonbe nan yon sèl jou. 9 Ni nou pa pou tante Senyè a, jan ✨kèk nan yo te fè a, e yo te detwi pa sèpan yo. 10 Ni plenyen tankou kèk nan yo te fè a, e yo ✨te detwi pa destriktè a. 11 Alò, bagay sa yo te rive yo kòm yon egzanp. ✨Yo te ekri pou enstwi nou, sou sila a ✨fen tan yo gen tan fin parèt. 12 Konsa, kite sila ki ✨panse li kanpe a fè atansyon pou li pa tonbe. 13 Pa gen tantasyon ki kab depase nou, men ki konn rive tout moun. Epi ✨Bondye fidèl. Li p ap kite nou ✨tante plis ke sa nou kab sipòte, men avèk tantasyon an, Li va founi yon mwayen pou nou chape tou pou nou

✨ 9:17 Jn 4:36 ✨ 9:18 Trav 18:3 ✨ 9:19 II Kor 4:5 ✨ 9:20 Trav 16:3 ✨ 9:21 Wo 2:12 ✨ 9:21 Gal 6:2 ✨ 9:22 Wo 15:1 ✨ 9:22 I Kor 10:33 ✨ 9:24 Fil 3:14 ✨ 9:26 Eb 12:1 ✨ 9:27 Wo 8:13 ✨ 10:1 Egz 13:21 ✨ 10:2 Wo 6:3 ✨ 10:3 Egz 16:4,35 ✨ 10:4 Egz 17:6 ✨ 10:5 Nonb 14:29,37 ✨ 10:6 Nonb 11:4,34 ✨ 10:7 Egz 32:6 ✨ 10:8 Nonb 25:9 ✨ 10:9 Nonb 21:5 ✨ 10:10 Nonb 16:49 ✨ 10:11 Wo 4:23 ✨ 10:11 Wo 13:11 ✨ 10:12 Wo 11:20 ✨ 10:13 I Kor 1:9 ✨ 10:13 II Pi 2:9

ka andire l. <sup>14</sup> Konsa, byeneme m yo, sove kite ✧idolatri. <sup>15</sup> Mwen pale, tankou se ak moun saj; nou menm jije sa ke mwen di a. <sup>16</sup> Èske ✧se pa tas benediksyon an ke nou beni lè nou pataje nan san ak Kris la? Èske se pa pen an ke nou kase lè nou pataje nan kò Kris la? <sup>17</sup> Paske gen yon sèl pen, nou menm ✧ki anpil la se yon sèl kò; paske nou tout pataje yon sèl pen. <sup>18</sup> Gade nasyon Israèl la; èske se pa tout sila ki ✧manje sakrifis ki pataje sou lotèl yo? <sup>19</sup> Kisa mwen vle di konsa? Ke yon bagay ki te sakrifye a zidòl se yon bagay, oswa ✧ke yon zidòl se yon bagay? <sup>20</sup> Non, men mwen di bagay yo ke pèp payen yo sèvi nan sakrifis yo, yo ✧sakrifye bay dyab yo, e pa a Bondye; epi mwen pa vle nou devni moun k ap pataje bagay bay dyab.

<sup>21</sup> ✧Nou pa kapab bwè tas Senyè a ak tas a dyab yo. Nou pa kapab pataje tab a Senyè a, ak tab a dyab yo. <sup>22</sup> Oubyen èske nou ✧pouse Senyè a a jalouzi? Èske nou ✧pi fò pase Li? Non, se pa sa. <sup>23</sup> ✧Tout bagay pèmèt, men se pa tout bagay ki itil; tout bagay pèmèt, men se pa tout bagay ki ✧edifye. <sup>24</sup> Ke pèsòn ✧pa chache pwòp enterè pa li, men sa ki bon pou vwazen li. <sup>25</sup> ✧Manje avèk bon konsyans nenpòt vyann ki vann nan mache, san poze kesyon. <sup>26</sup> ✧“Paske tè a se pou Senyè a avèk tout sa ki ladann.” <sup>27</sup> Si ✧youn nan sila ki pa kwè yo envite nou, e nou vle ale ✧manje nenpòt bagay ke yo mete devan nou, avèk bon konsyans e san poze kesyon. <sup>28</sup> Men si yon moun di nou: “Vyann sa a te sakrifye bay zidòl, pa manje l, pou kòz a sila ki te enfòmè nou an, e pou bon konsyans; <sup>29</sup> Mwen pa vle di pwòp konsyans pa nou, men konsyans pa li; paske ✧poukisa libète mwen vin jije pa konsyans a yon lòt? <sup>30</sup> Si mwen patisipe avèk remèsiman, poukisa libète mwen mal jije pou sa ke mwen ✧bay remèsiman? <sup>31</sup> Alò, konsa ✧si nou manje oswa si nou bwè, nan nenpòt sa ke nou fè, fè yo tout a laglwa Bondye. <sup>32</sup> ✧Pa ofanse ni Jwif, ni Grèk, ni legliz Bondye a.

<sup>33</sup> Menm jan ke mwen osi ✧fè tout moun plezi nan tout bagay, pa pou chache pwòp enterè pa m, men enterè a anpil moun, jis pou yo kapab sove.

## 11

<sup>1</sup> ✧Se pou nou vin imitatè a mwen menm, menm jan ke mwen osi se imitatè a Kris la. <sup>2</sup> Alò mwen fè nou konpliman akòz ke nou ✧sonje mwen nan tout bagay, e nou kenbe fèm a tout sa ke m enstwi nou yo, jis jan ke m te livre yo bannou an. <sup>3</sup> Men mwen vle nou konprann ke Kris se ✧tèt a tout gason, gason se tèt a fanm nan, e Bondye se tèt a Kris la. <sup>4</sup> Tout gason ki gen yon bagay sou tèt li pandan l ap priye oubyen ✧pwofetize, dezonore tèt li. <sup>5</sup> Men chak fanm ki kite tèt li dekouvri pandan l ap priye oubyen pwofetize, dezonore tèt li; paske li vin menm jan avèk yon fanm ki ✧pase razwa nan tèt li. <sup>6</sup> Paske si yon fanm pa kouvri tèt li, ke li koupe cheve l tou; men si se yon dezonè pou yon fanm koupe cheve li, oswa pase razwa nan tèt li, ke li kouvri tèt li. <sup>7</sup> Paske yon gason pa ta dwe kouvri tèt li akòz ke li se ✧imaj ak glwa a Bondye; men fanm nan se glwa a gason. <sup>8</sup> Paske ✧gason pa soti nan fanm, men fanm soti nan gason. <sup>9</sup> Paske, gason pa t kreye pou

✧ **10:14** I Kor 10:7,19 ✧ **10:16** Mat 26:27 ✧ **10:17** Wo 12:5 ✧ **10:18** Lev 7:6,14 ✧ **10:19** I Kor 8:4 ✧ **10:20** Det 32:17 ✧ **10:21** II Kor 6:16 ✧ **10:22** Det 32:21 ✧ **10:22** Ekl 6:10 ✧ **10:23** I Kor 6:12 ✧ **10:23** Wo 14:19 ✧ **10:24** Wo 15:2 ✧ **10:25** Trav 10:15 ✧ **10:26** Sòm 24:1 ✧ **10:27** I Kor 5:10 ✧ **10:27** Luc 10:8 ✧ **10:29** Wo 14:16 ✧ **10:30** Wo 14:6 ✧ **10:31** Kol 3:17 ✧ **10:32** Trav 24:16 ✧ **10:33** Wo 15:2 ✧ **11:1** I Kor 4:16 ✧ **11:2** I Tes 1:6 ✧ **11:3** Ef 5:23 ✧ **11:4** Trav 13:1 ✧ **11:5** Det 21:12 ✧ **11:7** Jen 1:26 ✧ **11:8** Jen 2:21-23

koz a fanm nan, men \*fanm nan pou koz a gason an. <sup>10</sup> Konsa, fanm nan dwe gen yon siyal otorite sou tèt li akoz zanj yo. <sup>11</sup> Sepandan, nan Senyè a, ni fanm nan pa endepandan de gason an, ni gason an pa endepandan de fanm nan. <sup>12</sup> Paske menm jan ke fanm nan sòti nan gason an, osi gason an gen nesans li atravè fanm nan; e tout bagay sòti \*nan Bondye. <sup>13</sup> \*Jije nou menm: èske li bon pou yon fanm priye Bondye avèk tèt li dekouvri? <sup>14</sup> Èske menm lanati li menm pa enstwi nou ke si yon nonm gen cheve long, se yon dezonè pou li, <sup>15</sup> men si yon fanm gen cheve long, se yon glwa pou li? Paske cheve li te donner kon yon kouvèti pou li. <sup>16</sup> Men si yon moun ta vle diskite kont sa, ni nou menm, ni \*legliz Bondye yo \*pa pou gen okenn lòt pratik. <sup>17</sup> Men pandan mwen ap enstwi nou konsa \*mwen pa fè nou konpliman, paske nou pa reyini ansanm pou sa ki pi bon men pou sa ki pi mal. <sup>18</sup> Paske premyèman, lè nou reyini ansanm kòm yon legliz, mwen tande ke \*gen divizyon pami nou, e mwen kwè yon pati nan sa gen verite. <sup>19</sup> Paske toujou oblije gen divizyon pami nou jis pou sila ki apwouve yo kapab vin parèt klè pami nou. <sup>20</sup> Konsa, lè nou reyini ansanm se pa pou nou manje manje Senyè a, <sup>21</sup> Paske nan manje a, chak moun pran pwòp manje pa l avan. Yon moun grangou, e \*yon lòt sou. <sup>22</sup> Kisa! Nou pa gen kay kote nou kapab manje ak bwè? Oubyen èske nou meprize \*legliz Bondye a e fè sila ki manke yo wont? Kisa m kapab di nou? Èske m dwe fè nou konpliman? Nan sa, mwen p ap fè nou konpliman. <sup>23</sup> Paske mwen te resevwa soti nan Senyè a sa ke m te livre bannou an, ke \*Senyè a Jésus, nan nwit ke Li te trayi a, te pran pen an; <sup>24</sup> epi lè L te fin bay remèsiman, li te kase li e te di: **“Pran, manje; sa se kò Mwen ki kase pou nou; fè sa nan memwa a Mwen menm.”** <sup>25</sup> Menm jan an, apre soupe a li te pran tas la osi e te di: **“Tas sa a se \*akò tounèf nan san Mwen an; tout tan ke nou bwè li, fè sa nan memwa a Mwen menm.”** <sup>26</sup> Paske tout tan ke nou manje pen sa a e bwè tas sa a, nou pwoklame lanmò Senyè a \*jiskaske Li vini. <sup>27</sup> Konsa, nenpòt moun ki manje pen an oubyen bwè tas Senyè a nan yon fason ki pa dign, va \*koupab de kò ak san Senyè a. <sup>28</sup> Men yon moun dwe \*egzamine tèt li, e konsa kite li manje pen an e bwè tas la. <sup>29</sup> Paske sila ki manje e ki bwè a, manje e bwè jijman sou tèt li si li pa byen jije kò Senyè a. <sup>30</sup> Pou rezon sa a, anpil pami nou fèb, malad, e kèk \*mouri. <sup>31</sup> Men si nou te byen jije pwòp tèt nou, nou pa t ap vin jije. <sup>32</sup> Men lè nou vin jije, nou \*korije pa Senyè a pou nou pa vin kondane ansanm avèk mond lan. <sup>33</sup> Konsa, frè m yo, lè nou reyini ansanm pou nou manje, se pou nou tann youn lòt. <sup>34</sup> Si yon moun \*grangou, ke li manje \*lakay li, pou nou pa reyini ansanm pou jijman. Rès bagay yo mwen va regle yo lè m vini.

## 12

<sup>1</sup> Alò, konsènan \*don Lespri Sen yo, frè m yo, mwen pa vle nou enkonsyan de yo. <sup>2</sup> \*Nou konnen ke lè nou te payen, nou te \*mennen tankou egare kote zidòl ki pa t kapab pale yo. Malgre sa, yo te mennen nou. <sup>3</sup> Konsa, mwen fè nou konnen ke pa gen pèsòn k ap pale pa Lespri Bondye a ki di: “Jésus madichonnen”; ni pèsòn ki kapab di: “Jésus se

\* **11:9** Jen 2:18 \* **11:12** Wo 11:36 \* **11:13** Luc 12:57 \* **11:16** I Kor 7:17 \* **11:16** I Kor 4:5 \* **11:17** I Kor 11:2,22 \* **11:18** I Kor 1:10 \* **11:21** Jd 12 \* **11:22** I Kor 10:32 \* **11:23** I Kor 11:23-25 \* **11:25** Luc 22:20 \* **11:26** Jn 21:22 \* **11:27** Eb 10:29 \* **11:28** Mat 26:22 \* **11:29** Trav 7:60 \* **11:30** Trav 7:60 \* **11:32** II Sam 7:14 \* **11:34** I Kor 11:21 \* **11:34** I Kor 11:22 \* **12:1** I Kor 12:4 \* **12:2** I Kor 6:11 \* **12:2** I Tes 1:9

Senyè a”, eksepte ✧ pa Lespri Sen an. <sup>4</sup> Alò, gen ✧plizyè kalitie don, men se menm Lespri a. <sup>5</sup> Epi gen plizyè kalite ministè, e menm Senyè a. <sup>6</sup> Gen plizyè kalite fonksyon, men menm ✧Bondye a ki fè tout bagay fonksyone nan tout moun. <sup>7</sup> Men chak kwayan resevwa ✧don Lespri a, pou lavantaj a tout moun. <sup>8</sup> Paske a yon moun pawòl ✧sajès la bay selon Lespri a, e a yon lòt pawòl konesans lan selon menm Lespri a. <sup>9</sup> A yon lòt ✧lafwa pa menm Lespri a, e a yon lòt ✧don gerizon pa Lespri a, <sup>10</sup> epi a yon lòt don pou fè mirak, e a yon lòt, pwofesi, e a yon lòt ✧kapasite pou distenge pami lespri yo, a yon lòt plizyè kalite langaj, e a yon lòt, pou entèprete lang yo. <sup>11</sup> Men youn e menm Lespri a travay nan tout bagay sa yo, e Li ✧distribiye yo a chak grenn moun selon volonte Li. <sup>12</sup> Paske menm jan ke kò a se yon sèl, men gen anpil manm, e tout manm kò yo, malgre ke yo anpil, yo se yon sèl kò ✧konsa tou Kris la ye. <sup>13</sup> Paske ✧pa yon sèl Lespri, nou tout te batize nan yon sèl kò, kit Jwif, kit Grèk, kit esklav, kit lib, e nou tout te fèt pou ✧bwè nan yon sèl Lespri. <sup>14</sup> Paske ✧kò a se pa yon manm, men anpil manm. <sup>15</sup> Si pye a ta di: “Akoz ke mwen se pa yon men, mwen pa yon pati nan kò a,” se pa sa ki ta fè l okenn mwens yon pati nan kò a. <sup>16</sup> Epi si zòrèy la di: “Mwen pa yon zye, mwen pa yon pati nan kò a, se pa pou rezon sa a li pa omwen yon pati nan kò a. <sup>17</sup> Si tout kò a te yon zye, kote zòrèy la t ap ye? Si tout kò a te sèl zòrèy, kote nen pou santi t ap ye? <sup>18</sup> Men koulye a Bondye byen ✧plase manm yo, yo chak nan kò a ✧jis jan Li te vle a. <sup>19</sup> Si yo tout te yon sèl manm, kote kò a t ap ye? <sup>20</sup> Men koulye a ✧gen anpil manm, men yon sèl kò. <sup>21</sup> Epi zye a pa kapab di a men an: “Mwen pa bezwen ou” ni ankò, tèt la a pye yo: “Mwen pa bezwen nou.” <sup>22</sup> Okontrè, li pi vrè ke manm kò ki sanble pi fèb yo nesesè; <sup>23</sup> Epi manm nan kò yo ke nou estime mwens onorab yo, sou yo nou bay plis onè, e manm ki mwens prezantab nou yo, vin pi prezantab, <sup>24</sup> pandan ke manm pi prezantab nou yo pa bezwen sa. Men Bondye byen ranje kò a pou bay plis onè a manm ki manke onè yo, <sup>25</sup> jis pou pa vin gen divizyon nan kò a, men pou manm yo kapab gen menm sousi pou youn lòt. <sup>26</sup> Epi pou si yon manm souffri, pou tout manm yo souffri avèk li; si yon manm resevwa onè, pou tout manm yo rejwi avèk li. <sup>27</sup> Alò ansanm, nou se kò a Kris la, e nou se chak grenn ✧manm de li. <sup>28</sup> Epi Bondye te ✧chwazi nan legliz la, premyèman ✧apot yo, dezyèmman, pwofèt yo, twazyèmman, enstriktè yo, answit don mirak yo, answit don gerizon yo, èd yo, administrasyon yo, plizyè kalite langaj yo. <sup>29</sup> Èske se tout ki apot? Non! Èske tout se pwofèt? Non! Èske tout se enstriktè? Non! Èske se tout ki fè mirak? Non! <sup>30</sup> Èske tout fè gerizon? Non! Èske tout pale an lang? Non! Èske tout entèprete? Non! <sup>31</sup> Men ✧swayezman kiltive dezi pou pi gran don yo. E mwen va montre nou yon chemen ki toujou pi ekselan.

## 13

<sup>1</sup> Si mwen pale avèk ✧lang a lèzòm ak zanj yo, men mwen pa gen lanmou, mwen gen tan vin tankou yon klòch k ap fè gwo bwi oubyen yon ✧senbal k ap sone. <sup>2</sup> Epi si m gen don pwofesi, e konnen tout ✧mistè ak tout konesans;

✧ **12:3** Mat 22:43 ✧ **12:4** Wo 12:6 ✧ **12:6** I Kor 15:28 ✧ **12:7** I Kor 12:12-30 ✧ **12:8** I Kor 2:6 ✧ **12:9** I Kor 13:2 ✧ **12:9** I Kor 12:28,30 ✧ **12:10** I Kor 14:29 ✧ **12:11** I Kor 12:4 ✧ **12:12** I Kor 12:27 ✧ **12:13** Ef 2:18 ✧ **12:13** Jn 7:37-39 ✧ **12:14** I Kor 12:20 ✧ **12:18** I Kor 12:28 ✧ **12:18** Wo 12:6 ✧ **12:20** I Kor 12:12 ✧ **12:27** Wo 12:5 ✧ **12:28** I Kor 12:18 ✧ **12:28** Ef 4:11 ✧ **12:31** I Kor 14:1,39 ✧ **13:1** I Kor 12:10 ✧ **13:1** Sòm 150:5 ✧ **13:2** I Kor 12:10,28,30; I Kor 13:2



epi si mwen gen tout lafwa, kòm si pou m ta kapab deplase mòn yo, men mwen pa gen lanmou, mwen pa anyen. <sup>3</sup> Epi si mwen bay tout sa ke m posede pou bay manje a pòv yo, e si mwen livre kò m pou brile, men mwen pa gen lanmou, sa p ap rapòte m anyen. <sup>4</sup> Lanmou apasyan, lanmou janti e li pa jalou. Lanmou pa vante tèt li e li pa awogan. <sup>5</sup> Li pa aji malonètman, ni li pa chache pwòp enterè pa l. Li pa fè kòlè pa teni kont de mal li resevwa <sup>6</sup> pa rejwi nan lenjistis, men rejwi nan verite. <sup>7</sup> Li sipòte tout bagay, kwè tout bagay, espere tout bagay, andire tout bagay. <sup>8</sup> Lanmou pa janm echwe; men si gen don pwofesi, y ap vin disparèt; si gen don lang, yo va fini; si gen konesans, li va disparèt. <sup>9</sup> Paske nou konnen yon ti pati e nou pwofetize yon ti pati; <sup>10</sup> men lè sa ki pafè a vini, sa ki yon ti pati a va disparèt. <sup>11</sup> Lè m te timoun, mwen te konn pale tankou yon timoun, panse tankou yon timoun, rezone tankou yon timoun. Lè m te vin gran, mwen te kite bagay timoun yo. <sup>12</sup> Paske koulye a nou wè twoub nan yon glas, men answit nou va wè fasafas; koulye a m konnen yon ti pati, men answit, m va konnen tout bagay menm jan ke Bondye konnen tout bagay de mwen an. <sup>13</sup> Men koulye a lafwa, lesperans, ak lanmou; rete twa bagay sa yo; men pi gran nan bagay sa yo, se lanmou.

## 14

<sup>1</sup> Pouswiv lanmou, men dezire ak tout kè nou don Lespri yo, sitou don pou nou kapab pwofetize a.

<sup>2</sup> Paske sila ki pale an lang yo pa pale ak moun, men ak Bondye; paske pèsòn pa konprann, men nan lespri li, li pale mistè.

<sup>3</sup> Men yon moun ki pwofetize pale ak moun pou fè yo konprann plis, pou egzòte yo, e pou konsole yo.

<sup>4</sup> Sila ki pale an lang lan edifye tèt li; men sila ki pwofetize a edifye legliz la.

<sup>5</sup> Alò, mwen ta kontan si nou tout te pale an lang men menm plis ke nou tout ta pwofetize; e pi gran an se sila ki pwofetize a pase sila ki pale an lang lan, amwenske li entèprete, pou legliz la kapab vin edifye.

<sup>6</sup> Men alò, frè m yo, si mwen vini a nou menm e m ap pale an lang, ki pwofi mwen ye pou nou si omwen mwen pa pale ak nou selon revelasyon, konesans, pwofesi oswa enstriksyon?

<sup>7</sup> Paske menm bagay ki pa gen lavi nan yo, tankou flit, oswa ap, lè yo fè yon son, si li pa yon son ki klè, kijan nou ka fè konnen si sa k ap jwe a se flit la, oswa ap la?

<sup>8</sup> Paske si twonpèt la pwodwi yon son ki pa klè, kijan yon moun va prepare tèt li pou batay la?

<sup>9</sup> Donk nou menm tou, sof ke nou pale an lang pawòl ki klè, kijan yo va konnen sa ki pale a? Paske konsa nou va pale pawòl anlè.

<sup>10</sup> Genyen, petèt, anpil kalite lang nan mond lan, e okenn pa san konprann.

<sup>11</sup> Si, alò, mwen pa konprann lang lan, a sila ki pale li a, mwen va tankou yon sovaj, e sila ki pale a va yon sovaj pou mwen.

<sup>12</sup> Alò, nou menm osi, paske nou gen zèl pou don Lespri yo, toujou chèche ranpli ak yo pou edifikasyon legliz la.

✧ 13:3 Mat 6:2 ✧ 13:3 Dan 3:28 ✧ 13:4 Pwov 10:12 ✧ 13:5 II Kor 5:19 ✧ 13:6 II Jn 4  
 ✧ 13:7 I Kor 9:12 ✧ 13:8 I Kor 13:2 ✧ 13:8 I Kor 13:1 ✧ 13:9 I Kor 8:2 ✧ 13:12 Jen 32:30  
 ✧ 13:13 Gal 5:6 ✧ 14:1 I Kor 16:14 ✧ 14:1 I Kor 12:31 ✧ 14:2 I Kor 12:10,28,30 ✧ 14:2 I Kor 13:2 ✧ 14:3 Wo 14:19 ✧ 14:4 Wo 14:19 ✧ 14:5 Nonb 11:29 ✧ 14:6 I Kor 14:26 ✧ 14:8 Nonb 10:9 ✧ 14:9 I Kor 9:26 ✧ 14:12 Wo 14:9

- 13 Konsa, kite sila ki pale an lang lan priye pou li kapab osi entèprete li.
- 14 Paske si mwen priye nan yon lang, lespri mwen priye, men entèlijans mwen rete san fwi.
- 15 Ki konklizyon alò? Ke mwen va priye avèk lespri a, e mwen va priye avèk entèlijans la osi; mwen va ✧chante avèk lespri a, e mwen va chante avèk entèlijans la osi.
- 16 Otreman, si nou beni nan lespri a sèlman, kijan sila ki okipe plas moun ki san don yo va di ✧“Amen” lè nou bay remèsiman, paske li menm, li pa konnen sa n ap di a?
- 17 Paske nou ap bay remèsiman ase byen, men lòt moun nan ✧pa edifye.
- 18 Mwen remèsye Bondye, m pale an lang plis ke nou tout;
- 19 Sepandan, nan legliz la mwen dezire pale senk mo avèk entèlijans mwen, pou m kapab enstwi lòt yo osi, olye de di-mil mo an lang.
- 20 Frè m yo ✧pa fè tankou timoun nan jan nou reflechi; men nan sa ki mal la ✧rete inosan tankou tibebe, men nan jan nou panse, se pou nou gen matirite.
- 21 Nan Lalwa a, li ekri: ✧“Pa lèzòm ak lang etranje yo, e pa bouch etranje yo mwen va pale a pèp sila a, e malgre sa, yo p ap koute Mwen,” di Senyè a.
- 22 Kidonk, lang yo se pou yon sign, pa pou sila ki kwè yo, men pou enkwayan yo; men ✧pwofetize se yon sign, pa pou enkwayan yo, men pou sila ki kwè yo.
- 23 Donk, si tout legliz la reyini ansanm e yo tout pale an lang, e moun ki san don oubyen enkwayan yo antre, èske yo p ap di ke ✧nou fou?
- 24 Men si nou tout ap pwofetize, e yon enkwayan oubyen yon moun ki san don antre, l ap vin ✧konvenk pa tout bagay, li vin rele pou vin rann kont de tout bagay.
- 25 Sekrè a kè li vin devwale; e konsa li va tonbe sou fas li pou adore Bondye e ✧deklare ke Bondye an verite pami nou.
- 26 Alò ki rezilta frè m yo? Lè nou reyini, chak moun gen yon sòm, gen yon enstriksyon, gen yon revelasyon, gen yon lang, gen yon entèpretasyon. ✧Ke tout bagay fèt pou edifikasyon.
- 27 Si yon moun pale an lang, li ta dwe pa de moun, oswa pa plis ke twa, yo chak youn apre lòt, e yon moun dwe ✧entèprete.
- 28 Men si pa gen entèprèt, li dwe rete an silans nan legliz la; e kite li pale ak tèt li e ak Bondye.
- 29 Kite de oubyen twa ✧pwofèt pale, e kite lòt yo ✧jije sa.
- 30 Men si yon revelasyon vin fèt a yon moun ki chita, premye a dwe fè silans.
- 31 Paske nou tout kapab pwofetize youn apre lòt, pou nou tout kapab konprann e nou tout kapab jwenn egzòtasyon.
- 32 Epi lespri a pwofèt yo se sijè a pwofèt yo.
- 33 Paske Bondye se pa yon Bondye ki mennen konfizyon, men lapè, tankou nan ✧tout legliz a sen yo.
- 34 Ke fanm yo rete an silans nan legliz la; paske yo pa pèmèt pou yo pale, men ✧kite yo vin anba lòd, jan Lalwa anplis konn di a.
- 35 Si yo dezire aprann yon bagay, kite yo mande pwòp mari yo lakay yo; paske se pa pwòp pou yon fanm pale nan legliz la.

✧ 14:15 Ef 5:19 ✧ 14:16 Det 27:15-26 ✧ 14:17 Wo 14:19 ✧ 14:20 Ef 4:14 ✧ 14:20 Mat 18:3 ✧ 14:21 És 28:1 ✧ 14:22 I Kor 14:1 ✧ 14:23 Trav 2:13 ✧ 14:24 Jn 16:8 ✧ 14:25 És 45:14 ✧ 14:26 Wo 14:19 ✧ 14:27 I Kor 12:10 ✧ 14:29 I Kor 14:32,37 ✧ 14:29 I Kor 12:10 ✧ 14:33 I Kor 4:17 ✧ 14:34 I Tim 2:11

36 Èske se nan nou menm pawòl Bondye a te sòti premyèman? Oubyen èske li vini a nou menm sèlman?

37 ✧Si yon moun panse ke li se yon pwofèt, oswa plen lespri, kite li rekonèt ke bagay ke mwen ekri a nou menm yo se kòmandman a Senyè a.

38 Men si yon moun pa rekonèt sa, li menm, osi li p ap rekonèt.

39 Konsa, frè m yo ✧Se pou nou gen yon dezi sensè pou ✧pwofetize, e pa anpeche moun pale an lang.

40 Men ✧tout bagay dwe fèt byen pwòp ak nan lòd.

## 15

1 Koulye a, mwen fè konnen a nou menm, frè m yo, levanjil ✧ke mwen te preche a nou an, ke osi nou te resevwa a ladann osi nou kanpe.

2 Pa li menm osi nou ap sove, ✧si nou kenbe fèm a pawòl ke m te preche a nou an, amwenske nou te kwè anven.

3 Paske mwen te livre a nou kon bagay ki pi enpòtan nan sa ke mwen osi te resevwa a, ke Kris la te ✧mouri pou peche nou yo selon Ekriti sen yo,

4 ke Li te antere, e ke Li te leve nan twazyèm jou a ✧selon Ekriti yo.

5 Epi ke ✧Li te parèt a Céphas, e answit, a ✧douz yo.

6 Apre sa, Li te parèt a plis ke senk san frè yon sèl kou, pifò nan yo rete la jiska prezan, malgre kèk nan yo ✧gen tan mouri.

7 Answit Li te parèt a Jacques, e answit ✧tout apot yo.

8 Epi an dènye, tankou youn pitit ki pa t fèt nan pwòp moman an ✧Li te parèt a mwen menm tou.

9 Paske mwen se ✧pi piti a pami apot yo e ki pa menm dign pou rele apot, paske mwen te konn ✧pèsekite legliz Bondye a.

10 Men, pa ✧gras Bondye, mwen sa ke mwen ye a, e gras Li anvè mwen pa anven; men mwen te ✧travay menm plis pase yo tout, malgre se pa t mwen, men gras a Bondye ki te avè m nan.

11 Alò, kit se te pa mwen, kit se te pa yo, konsa nou te preche, epi konsa nou tout te kwè.

12 Alò, si Kris la preche, ke Li te leve nan lanmò, kijan kèk pami nou ap di ke ✧pa gen rezirèksyon pou mò yo?

13 Men si pa gen rezirèksyon pou mò yo, menm Kris la pa t leve;

14 Epi ✧si Kris la pa t leve, answit nou ap preche anven, e lafwa nou osi anven.

15 Anplis ke sa, nou menm vin twouve nou kòm fo temwen a Bondye, paske nou te temwaye kont Bondye, ke Li te ✧leve Kris la, ke Li pa t leve vrèman, si anfèt mò yo pa leve.

16 Paske si mò yo pa leve, menm Kris la pa t leve;

17 Epi si Kris la pa t leve, lafwa nou vin san valè; ✧nou toujou nan peche nou yo.

18 Answit sila ki ✧mouri nan Kris yo peri.

19 Konsa, si nou te mete espwa nou nan Kris sèlman nan vi sa a, nou pami moun ki pi pitwayab ✧ke tout moun.

20 Men alò, Kris te vrèman leve soti nan lanmò, kon ✧premye fwi de sila ✧ki mouri yo.

✧ 14:37 II Kor 10:7 ✧ 14:39 I Kor 12:31 ✧ 14:39 I Kor 14:1 ✧ 14:40 I Kor 14:33 ✧ 15:1 Wo 5:2 ✧ 15:2 Wo 11:22 ✧ 15:3 Gal 1:4 ✧ 15:4 Sòm 16:8 ✧ 15:5 Luc 24:34 ✧ 15:5 Luc 24:36 ✧ 15:6 Trav 7:60 ✧ 15:7 Luc 24:33,36 ✧ 15:8 Trav 9:3-8 ✧ 15:9 I Tim 1:15 ✧ 15:9 Trav 8:3 ✧ 15:10 Wo 12:3 ✧ 15:10 II Kor 11:23 ✧ 15:12 Trav 17:32 ✧ 15:14 I Tes 4:14 ✧ 15:15 Trav 2:24 ✧ 15:17 Wo 4:25 ✧ 15:18 I Kor 15:6 ✧ 15:19 I Kor 4:9 ✧ 15:20 I Kor 15:23 ✧ 15:20 I Tes 4:16

21 Paske si se pa ☆yon sèl nonm, lanmò te vini, pa yon nonm osi rezirèksyon mò yo te vini.

22 Paske ☆tankou nan Adam tout moun te mouri an, menm jan an tou nan Kris tout moun va gen lavi.

23 Men chak moun nan pwòp lòd li: Kris, kon premye fwi yo, apre sa ☆sila ki nan Kris yo lè L vini.

24 Answit va vini lafen, lè Li livre ☆wayòm nan a Bondye, Papa a, lè Li fin aboli tout wayòm yo, tout otorite yo, avèk tout pwisans yo.

25 Paske fòk li renye ☆jiskaske Li mete tout lènmi Li yo anba pye Li.

26 Dènye lènmi ki va ☆aboli a se lanmò.

27 Paske ☆“Li te fè tout bagay soumèt anba pye Li.” Men lè Li di: “tout bagay soumèt”, li byen klè ke Li menm ki te fè tout bagay soumèt a Li menm nan, pa ladann.

28 Lè tout bagay soumèt a Li menm, answit Fis la Li menm osi va vin soumèt a Sila ki te soumèt tout bagay a Li menm nan, pou ☆Bondye kapab tout nan tout bagay.

29 Otreman, kisa sila ki batize pou mò yo va fè? Si mò yo pa leve menm, alò poukisa yo batize pou yo?

30 Poukisa nou menm tou, nou ☆an danje a chak moman?

31 Mwen vin fè nou konnen, frè m yo, pa fyète ke m gen nan nou ak nan Jésus Kri Senyè nou an ☆mwen mouri chak jou.

32 Si se te pou yon motif moun ke m te goumen avèk bèt sovaj chak jou an Éphèse yo, ki pwofi sa t ap ban mwen? Si mò yo pa leve ☆“Annou manje ak bwè, paske demen n ap mouri.

33 ☆Pa twonpe tèt nou: “Move zanmi gate bon prensip.”

34 Vin reflechi byen serye jan nou ta dwe fè a, e sispann fè peche; paske kèk nan nou ☆pa menm gen konesans a Bondye. Mwen pale sa pou fè nou wont.

35 Men yon moun va di: “Kijan ☆mò yo leve a? Epi avèk ki kalite kò yo ap vini?

36 Moun sòt! Sa ke nou simen pa kapab vin gen lavi amwenske li mouri;

37 Epi sa ke nou simen an, nou pa simen kò a li menm, men yon senp ti grenn, petèt yon ble oubyen yon lòt bagay.

38 Men Bondye bay li yon kò jis jan ke Li te dezire a, e a ☆chak grenn semans yo yon kò pou kont li.

39 Tout chè pa menm kalite chè. Gen yon chè pou lòm, e yon lòt chè pou bèt, yon lòt chè pou zwazo, e yon lòt pou pwason.

40 Gen osi kò selès ak kò tèrès, men laglwa selès la se youn, e laglwa tèrès la se yon lòt.

41 Gen yon glwa nan solèy la, yon lòt glwa nan lalin lan, e yon lòt nan zetwal yo; paske chak zetwal apa nan glwa li.

42 Menm jan an tou pou rezirèksyon a mò yo. Li simen kòm ☆yon kò perisab, men li leve kòm yon kò enperisab.

43 Li simen nan dezonè, li leve nan ☆laglwa; li simen nan feblès, li leve nan pouvwa,

44 li simen kòm yon ☆kò natirèl; li leve kòm yon kò espiyèl. Si gen yon kò natirèl, anplis gen yon kò espiyèl.

☆ 15:21 Wo 5:12 ☆ 15:22 Wo 5:14-18 ☆ 15:23 I Tes 4:16 ☆ 15:24 Dan 2:44 ☆ 15:25 Sòm 110:1 ☆ 15:26 II Tim 1:10 ☆ 15:27 Sòm 8:6 ☆ 15:28 I Kor 12:6 ☆ 15:30 II Kor 11:26 ☆ 15:31 Wo 8:36 ☆ 15:32 És 22:13 ☆ 15:33 I Kor 6:9 ☆ 15:34 Mat 22:29 ☆ 15:35 Jn 12:24 ☆ 15:38 Gal 1:11 ☆ 15:42 Wo 8:21 ☆ 15:43 Fil 3:21 ☆ 15:44 I Kor 2:14

45 Menm jan an osi sa ekri: “Premye ✨lòm nan, Adam, te devni yon nanm vivan.” Dènye Adam an, Jésus Kris, yon lespri ki bay lavi.

46 Sepandan, sa ki gen lespri a pa vini avan, men sa ki natirèl la, answit sa ki gen lespri a.

47 Premye lòm nan ✨sòti nan latè. Li se moun tèrès. Dezyèm lòm nan sòti nan syèl la.

48 Jan tè a ye a, se konsa sila ki tèrès yo ye tou; e ✨menm jan selès la ye a, konsa selès yo ye tou.

49 Jis jan ke nou ✨pote imaj a tèrès la, konsa osi nou ✨va pote imaj a selès la.

50 Alò m ap di sa, frè m yo, ke chè ak san pa kapab ✨eritye wayòm Bondye a; ni sa ki perisab la pa kapab eritye sa ki enperisab la.

51 Gade byen, m ap di nou yon ✨mistè; se pa nou tout ki va mouri, men nou tout va ✨chanje.

52 Nan yon moman, nan yon ti bat zye, nan dènye twonpèt la; paske twonpèt la va sone, mò yo va vin leve enperisab, e ✨nou tout va vin chanje.

53 Paske perisab la dwe abiye avèk enperisab la, e ✨mòtèl sa a dwe abiye avèk imòtalite.

54 Men lè perisab sila a fin abiye avèk enperisab la, e mòtèl sila a fin abiye avèk imòtalite a, alò va vin akonpli pawòl ki ekri a: ✨“Lanmò vin vale nèt pa viktwa.”

55 ✨“O lanmò, kote viktwa ou? O lanmò, kote doulè pikan an?”

56 Doulè pikan lanmò a se peche, e ✨pouvwa a peche a se Lalwa a.

57 Men gras a Bondye, ki bannou ✨viktwa atravè Senyè nou an, Jésus Kri.

58 Pou sa, byeneme frè m yo, rete fidèl, san varye, toujou ranpli avèk ✨bon zèv a Senyè a, avèk konesans ke travay nou nan Senyè a pa anven.

## 16

1 Koulye a konsènan ✨ofrann pou sen yo, jan mwen te dirije legliz Galatie yo, konsa mwen fè nou konnen tou. 2 Nan premye jou nan semèn nan, ke nou chak mete sou kote e sere, selon jan li te byen reyisi, pou okenn ✨ofrann pa fèt lè m vini. 3 Epi lè m rive ✨nenpòt moun ke nou ta kab chwazi, mwen va voye yo avèk lèt pou pote kado nou an Jérusalem; 4 epi si li nesèsè pou m ale tou, yo va ale avè m. 5 Men mwen va vini a nou menm apre mwen pase Macédoine, paske ✨m ap pase Macédoine. 6 Epi petèt mwen va rete avèk nou, oswa menm pase sezon livè a, pou nou kapab ✨voye m ale nenpòt kote ke m ta kab ale. 7 Paske mwen pa vle wè nou koulye a ✨sèlman an pasan; paske mwen espere rete avèk nou pou kèk tan si Dye vle. 8 Men mwen va rete ✨Éphèse jiska fèt pannkot la; 9 Paske yon ✨pòt byen louvri e efikas vin ouvri a mwen menm, e gen anpil advèsè. 10 Alò, si ✨Timothée vini, fè si ke li avèk nou san koz pou pè; paske l ap fè ✨travay a Bondye a, menm jan mwen ap fè l la. 11 Donk, pa kite pèsòn meprize li. Men voye l al fè wout li ✨anpè, pou li kapab vin jwenn mwen; paske m ap tann li avèk frè yo. 12 Men konsènan ✨Apollos, frè nou an, mwen te ankouraje li anpil pou li vin jwenn nou avèk frè yo. Li pa t vle vini koulye a, men li va vini

✨ 15:45 Jen 2:7 ✨ 15:47 Jn 3:31 ✨ 15:48 Fil 3:20 ✨ 15:49 Jen 5:3 ✨ 15:49 Wo 8:29  
 ✨ 15:50 I Kor 6:9 ✨ 15:51 I Kor 13:2 ✨ 15:51 II Kor 5:2,4 ✨ 15:52 I Tes 4:15,17 ✨ 15:53  
 II Kor 5:4 ✨ 15:54 És 25:8 ✨ 15:55 Os 13:14 ✨ 15:56 Wo 3:20 ✨ 15:57 Wo 8:37 ✨ 15:58  
 I Kor 16:10 ✨ 16:1 Trav 24:17 ✨ 16:2 II Kor 9:4 ✨ 16:3 II Kor 3:1 ✨ 16:5 Trav 19:21  
 ✨ 16:6 Trav 15:3 ✨ 16:7 II Kor 1:15 ✨ 16:8 Trav 18:19 ✨ 16:9 Trav 14:27 ✨ 16:10 I Kor  
 4:17 ✨ 16:10 I Kor 15:58 ✨ 16:11 Trav 15:33 ✨ 16:12 Trav 18:24

lè li gen opòtinite. <sup>13</sup> ✧ Rete vijilan, kanpe fèm nan lafwa, aji tankou gason, mete nou dyanm. <sup>14</sup> Ke tout sa ke nou fè, fèt ✧ ak lanmou. <sup>15</sup> Alò, mwen ankouraje nou, frè m yo (nou konnen ✧ lakay Stéphanas, ke yo te premye fwi nan Achaïe e ke yo te bay tèt yo pou ✧ ministè a sen yo). <sup>16</sup> Pou ✧ nou osi vin soumèt a kalite moun sa yo e a tout moun ki ede nan zèv ak travay la. <sup>17</sup> Mwen rejwi de rive a Stéphanas ak Fortunatus ak Achaïcus paske yo te founi ✧ sa ki te manke nan pati a nou menm. <sup>18</sup> Paske yo te renouvle lespri mwen ak lespri pa nou osi. Donk ✧ se pou nou rekonèt moun tankou sa yo. <sup>19</sup> Legliz Asie yo salye nou. ✧ Aquilas avèk Priscille salye nou avèk tout kè yo nan Senyè a, avèk ✧ legliz ki lakay yo a. <sup>20</sup> Tout frè yo salye nou. ✧ Salye youn lòt avèk yon bo ki sen. <sup>21</sup> Salitasyon de ✧ pwòp men pa m—Paul. <sup>22</sup> Si yon moun pa renmen Senyè a, li dwe modi. Maranata (Jésus ap vini). ✧ Vin non, Senyè nou an! <sup>23</sup> ✧ Ke gras Senyè a Jésus avèk nou. <sup>24</sup> Ke lanmou mwen avèk nou tout nan Jésus Kri. Amen.

---

✧ **16:13** Mat 24:42 ✧ **16:14** I Kor 14:1 ✧ **16:15** I Kor 1:16 ✧ **16:15** Wo 15:31 ✧ **16:16** I Tes 5:12 ✧ **16:17** II Kor 11:9 ✧ **16:18** Fil 2:29 ✧ **16:19** Trav 18:2 ✧ **16:19** Wo 16:5 ✧ **16:20** Wo 16:16 ✧ **16:21** Wo 16:22 ✧ **16:22** Fil 4:5 ✧ **16:23** Wo 16:20

## 2 KORENTYEN YO

<sup>1</sup> Paul, yon apot Kris Jésus ✨pa volonte Bondye, e Timothée, frè nou, ✨a legliz Bondye ki nan Corinthe lan, avèk tout sen ki toupatou nan vil Achaïe yo: <sup>2</sup> ✨Lagras avèk nou ak lapè ki sòti nan Bondye, Papa nou an, ak Senyè a Jésus Kri. <sup>3</sup> ✨Beni se Bondye ak Papa a Senyè nou an Jésus Kri, Papa a mizerikòd yo e Bondye a tout rekonfò yo; <sup>4</sup> ki ✨rekonfòte nou nan tout afliksyon nou yo pou nou kapab rekonfòte sila ki nan nenpòt afliksyon avèk menm rekonfò ke nou menm te rekonfòte pa Bondye a. <sup>5</sup> Paske menm jan ✨ke soufrans a Kris yo se pou nou an abondans, konsa tou rekonfò nou an abondans atravè Kris la. <sup>6</sup> Men si nou aflije, se ✨pou rekonfò ak sali nou; oubyen si nou rekonfòte, se pou rekonfò pa nou, ki efikas pou sipòte avèk pasyans, menm soufrans ke nou ap soufri yo tou. <sup>7</sup> Epi espwa nou pou ou fonde byen fèm paske nou konnen ✨menm jan ke ou pataje soufrans nou yo avèk nou, ou menm tou ap pataje rekonfò nou yo. <sup>8</sup> Paske nou pa vle nou enkonsyan, frè m yo, de ✨afliksyon ki te vini sou nou an Asie yo, ke nou te peze anpil anpil, menm depase fòs nou, pou nou te kab menm vin dezespere de lavi nou. <sup>9</sup> Vrèman, nou te gen yon kondanasyon lanmò anndan nou, pou nou pa mete konfyans nan tèt nou, men nan Bondye ki fè mò yo leve a. <sup>10</sup> Ki te delivre nou soti de yon si gran danje lanmò, e Li va delivre nou. Se ✨sou Li menm nou te mete tout espwa nou an. Epi Li va toujou delivre nou; <sup>11</sup> Nou osi ki jwenn avèk nou menm nan lapriyè, pou remèsiman kapab bay pa ✨anpil moun pou nou, pou gras ke nou resevwa atravè priyè anpil moun. <sup>12</sup> Paske konfyans fyète nou an se sa; temwayaj ✨konsyans nou, ke nan sentete avèk senserite anvè Bondye, pa nan sajès lachè men nan gras Bondye a, nou kondwi tèt nou nan mond lan, e sitou vè nou menm. <sup>13</sup> Paske nou pa ekri okenn lòt bagay bannou, sof ke sa nou kapab li ak konprann, e m espere ke nou va konprann ✨jiska lafen. <sup>14</sup> Menm jan ou te osi konprann nou nan yon pati a, ke ou se rezon fyète nou nan ✨jou a Senyè nou an Jésus, menm jan tou ke ou se rezon fyète pa nou an. <sup>15</sup> Epi premyèman, se te nan konfyans sila ke m te gen entansyon pou vin kote nou an, pou nou ta kapab resevwa yon ✨benediksyon doub. <sup>16</sup> Sa vle di, pou ✨pase kote nou nan antre Macédoine, e osi nan soti Macédoine pou m vin kote nou, pou nou ta kapab ede m nan vwayaj mwen pou rive Judée. <sup>17</sup> Konsa, eske m te varye lè m te fè nou konnen entansyon sa a? Oswa sa ke m te propoze a, èske m te propoze li ✨selon lachè? Konsa, li ta sanble wi e non ansanm, k ap di nan menm lè a? <sup>18</sup> Men jan ✨Bondye fidèl la, pawòl nou anvè ou menm se pa wi avèk non ansanm. <sup>19</sup> Paske ✨Fis Bondye a, Kris Jésus, ki te preche pami nou an, pa nou menm—mwen, Silvain, ak Timothée—pa t di wi e non, men te gen wi sèlman nan Li menm. <sup>20</sup> Paske malgre fòs kantite ✨pwomès Bondye yo kon bay, nan Li menm, pwomès yo se wi; konsa tou, pa Li menm tou, nou di Amèn pou laglwa Bondye atravè nou menm. <sup>21</sup> Koulye a, ✨Sila ki etabli nou avèk ou menm an Kris, epi ki te onksyone nou, se Bondye. <sup>22</sup> Se Li ki te mete so Li sou nou e te bannou Lespri a nan kè nou kòm yon pwomès.

✨ 1:1 I Kor 1:1 ✨ 1:1 I Kor 10:32 ✨ 1:2 Wo 1:7 ✨ 1:3 Ef 1:3 ✨ 1:4 És 51:12 ✨ 1:5 II Kor 4:10 ✨ 1:6 II Kor 4:15 ✨ 1:7 Wo 8:17 ✨ 1:8 Trav 19:23 ✨ 1:10 I Tim 4:10 ✨ 1:11 II Kor 4:15 ✨ 1:12 Trav 23:1 ✨ 1:13 I Kor 1:8 ✨ 1:14 I Kor 1:8 ✨ 1:15 Wo 1:11 ✨ 1:16 Trav 19:21 ✨ 1:17 II Kor 10:2 ✨ 1:18 I Kor 1:9 ✨ 1:19 Mat 4:3 ✨ 1:20 Wo 15:8 ✨ 1:21 Wo 8:16

<sup>23</sup> Men ✧mwèn rele Bondye kòm temwèn nanm mwèn, ke se sèl pou m fè nou gras, m pa t vin Corinthe ankò. <sup>24</sup> Se pa ke nou menm ✧ta domine fwa pa nou, men se ouvriye nou ye ansanm avèk ou pou lajwa ou. Paske nan lafwa a, ou deja kanpe fèm.

## 2

<sup>1</sup> Men mwèn te deside sa pou koz pa mwèn, pou mwèn ✧pa ta vin kote nou menm nan tristès ankò. <sup>2</sup> Paske si m ✧fè nou tris, kilès k ap fè m kontan, sof ke sila ke m te fè tris la. <sup>3</sup> Sa se menm bagay ke m te ekri nou an, jis pou lè m te vini, pou mwèn pa ta twouve tristès nan sila ki ta dwe fè m rejwi yo. Paske mwèn gen ✧konfyans ke m gen nan nou tout la, pou lajwa pa m ta kapab lajwa pa nou tout. <sup>4</sup> Paske se te nan anpil aflikasyon ak soufrans nan kè mwèn, ke m ✧te ekri nou avèk anpil dlo nan zye; pa pou m ta fè nou tris, men pou nou ta kapab konnen lanmou pwofon ke mwèn gen pou nou an. <sup>5</sup> Men ✧si yon moun fè nou tris, se pa mwèn li fè tris la, men, nan yon sèten sans, (jis pou m pa di twòp) a nou tout. <sup>6</sup> Sifi pou yon moun konsa se ✧pinisyon ki te enpoze pa majorite a. <sup>7</sup> Donk okontrè, nou ta pito rekonfòte e ✧padone li, otreman pou yon moun konsa ta sibi yon tristès ki depase limit. <sup>8</sup> Pou sa, mwèn ankouraje nou pou fè l konnen ankò, lanmou nou gen anvè li a. <sup>9</sup> Paske nan bi sa, mwèn osi te ekri nou pou m te kapab teste nou, si nou ✧obeyisan nan tout bagay. <sup>10</sup> Men sila ke nou te padone a, mwèn te padone li tou; paske anverite, sa ke m te padone a, si vrèman mwèn te padone yon bagay, mwèn te fè l pou koz nou ✧nan prezans a Kris la <sup>11</sup> pou Satan pa t kab vin pwofite de nou; paske ✧nou pa inyoran de manèv li yo. <sup>12</sup> Alò, lè m te vini ✧Troas pou levanjil a Kris la, e lè ✧yon pòt te vin ouvri pou mwèn nan Senyè a, <sup>13</sup> mwèn ✧pa t gen repo nan lespri mwèn, lè mwèn pa t twouve Tite, frè mwèn an; men mwèn te kite yo, pou mwèn te kontinye vè Macédoine. <sup>14</sup> ✧Men gras a Bondye, ki toujou mennen nou nan viktwa Li an Kris la, e toujou fè parèt nan nou yon pafen ki santi bon de konesans a Li nan tout kote. <sup>15</sup> Paske nou se ✧odè santi bon a Kris la vè Bondye pami ✧sila k ap vin sove yo e pami sila k ap peri yo. <sup>16</sup> ✧Pou youn, yon movèz odè ki soti nan lanmò pou rive nan lanmò, pou lòt la, yon odè ki soti nan lavi pou rive nan lavi. E kilès nan nou ki ✧gen ase de fòs pou bagay sa yo? <sup>17</sup> Paske nou pa tankou anpil moun, k ap vann pawòl Bondye a, men ✧ nan senserite, devan zè Bondye, nou pale Kris.

## 3

<sup>1</sup> Èske n ap kòmanse ✧bay pwòp tèt nou lwanj ankò? Oswa èske nou menm bezwen, tankou kèk lòt moun, lèt rekòmandasyon pou nou menm, oswa petèt ki sòti de nou menm? <sup>2</sup> ✧Nou menm nan legliz Korent se lèt nou, ki ekri nan kè nou, ki rekonèt e ki li pa tout moun; <sup>3</sup> Li parèt klè ke nou se yon lèt ki sòti nan Kris la, ki pran swen pa nou menm, ki pa t ekri avèk lank, men avèk Lespri Bondye vivan an, pa sou tablèt wòch, men sou ✧tablèt kè lòm. <sup>4</sup> Yon ✧konfyans konsa ke nou genyen atravè Kris la vè Bondye. <sup>5</sup> Se pa ke nou ase fò nan nou menm pou konsidere ke tout bagay kapab sòti nan nou menm, men ✧fòs nou an soti nan Bondye. <sup>6</sup> Ki te osi

✧ 1:23 Wo 1:9 ✧ 1:24 II Kor 4:5 ✧ 2:1 I Kor 4:21 ✧ 2:2 II Kor 7:8 ✧ 2:3 Gal 5:10 ✧ 2:4 II Kor 2:9 ✧ 2:5 I Kor 5:1 ✧ 2:6 I Kor 5:4 ✧ 2:7 Gal 6:1 ✧ 2:9 II Kor 7:15 ✧ 2:10 I Kor 5:4 ✧ 2:11 Luc 22:31 ✧ 2:12 Trav 16:8 ✧ 2:12 Trav 14:27 ✧ 2:13 II Kor 7:5 ✧ 2:14 Wo 1:8 ✧ 2:15 Ef 5:2 ✧ 2:15 I Kwo 1:18 ✧ 2:16 Luc 2:34 ✧ 2:16 II Kor 3:5 ✧ 2:17 I Kor 5:8 ✧ 3:1 II Kor 5:12 ✧ 3:2 I Kor 9:2 ✧ 3:3 Pwov 3:3 ✧ 3:4 Ef 3:12 ✧ 3:5 I Kor 15:10



fè nou ase fò tankou sèvitè a yon ✨akò tounèf, pa selon ✨lèt la, men selon Lespri a; paske lèt la touye, men Lespri a bay lavi. <sup>7</sup> Men si ✨zèv lanmò a, ak lèt la byen grave sou wòch te vini avèk glwa, ✨jis pou fis Israèl yo pa t kapab fikse atansyon yo sou figi Moïse akoz de glwa a figi li, malgre jan briyans lan te kòmanse ap bese, <sup>8</sup> kòman zèv Lespri a p ap vin pi fò avèk laglwa a? <sup>9</sup> Paske si zèv kondanasyon an gen glwa, konbyen anplis ✨zèv ladwati a p ap ranpli avèk glwa? <sup>10</sup> Paske anverite, sa ki te gen glwa a, nan ka sa a pa gen glwa, akoz glwa ki depase l la. <sup>11</sup> Paske si sa ki disparèt la te avèk glwa, bokou plis sa ki rete a gen glwa. <sup>12</sup> Konsa, akoz ke nou gen yon espwa parèy a sa a ✨nou sèvi ak gran kouraj nan pawòl nou yo <sup>13</sup> se pa tankou Moïse ✨ki te konn mete yon vwal sou figi l pou fis Israèl yo pa t kab gade avèk atansyon sou fen sa ki t ap disparèt la. <sup>14</sup> Men tèt yo te ✨vin di; paske jis rive nan jou sa a, nan lekti ansyen akò a, ✨menm vwal la rete toujou san leve, paske se jis nan Kris li vin leve. <sup>15</sup> Men jis rive nan jou sa a, lè ekriti Moïse la vin li, yon vwal kouvri kè yo; <sup>16</sup> ✨men nenpòt lè yon moun vire vè Senyè a, vwal la vin sòti. <sup>17</sup> Alò, Senyè a se Lespri a; e kote Lespri Senyè a ye, ✨gen libète. <sup>18</sup> Men nou tout, avèk figi devwale ✨k ap gade tankou nan yon miwa laglwa Senyè a ✨k ap transfòme nan menm imaj a glwa sa a, jis rive nan glwa ki sòti nan Senyè a, ki se Lespri a.

#### 4

<sup>1</sup> Konsa, akoz ke nou gen ministè sa a, jan nou te ✨resevwa mizerikòd la, nou pa dekouraje, <sup>2</sup> men nou renonse a ✨bagay ki fèt an kachèt ki fè wont yo. Nou pa mache nan riz, ni nan kase fòs pawòl Bondye a, men ak demonstrasyon verite a, nou rekòmande tèt nou a konsyans tout moun devan zye Bondye. <sup>3</sup> Epi menmsi levanjil nou an ✨vwale, li vwale pou sila k ap peri yo. <sup>4</sup> Nan ka sila a, ✨dye a mond sa a ✨vwale lespri a enkwayan yo pou yo pa wè limyè levanjil la, glwa a Kris la, ki se imaj a Bondye. <sup>5</sup> Paske ✨nou pa preche tèt nou, men Kris Jésus a kòm Senyè, epi nou menm kòm sèvitè-atache a nou tout, pou kòz a Jésus. <sup>6</sup> Paske se Bondye, ki te di: ✨“Limyè va klere nan tenèb la”. Se Li menm nan ki ✨te briye nan kè nou pou bay limyè de konesans a glwa Bondye a nan figi Kris Jésus a. <sup>7</sup> Men nou gen trezò sa a nan ✨po ki fèt avèk tè ajil, pou grandè a ✨pouvwa ki depase tout bagay la, kapab sòti nan Bondye e pa nan nou menm. <sup>8</sup> Nou ✨aflije nan tout fason, men nou pa kraze; nou nan konfizyon, men nou pa nan dezespwa <sup>9</sup> pèsekite, men nou pa ✨abandone. Nou pran so, men nou pa detwi. <sup>10</sup> ✨Nou toujou ap pote nan kò la, lanmò Jésus, pou lavi Jésus kapab vin parèt nan kò nou. <sup>11</sup> Paske nou menm ki vivan yo toujou ap livre a lanmò pou kòz a Jésus, pou lavi Jésus kapab osi manifeste nan chè mòtèl nou an. <sup>12</sup> Konsa, lanmò travay nan nou, men lavi nan ou. <sup>13</sup> Men avèk menm lespri lafwa a, selon sa ki ekri a: ✨“Mwen te kwè, e akoz sa mwen te pale”, nou osi kwè, e akoz sa, nou pale; <sup>14</sup> avèk konesans ke Sila ki te ✨leve Senyè a Jésus ✨va leve nou osi avèk Jésus e va prezante nou avèk nou menm. <sup>15</sup> Paske tout bagay se pou koz a nou menm, pouke lagras k ap gaye a de plizanplis moun nan ✨kapab koz anpil remèsiman pou laglwa

✨ **3:6** Jr 31:31 ✨ **3:6** Wo 2:29 ✨ **3:7** Wo 7:5 ✨ **3:7** Egz 34:29-35 ✨ **3:9** Wo 1:17 ✨ **3:12** Trav 4:13,29 ✨ **3:13** Egz 34:33-35 ✨ **3:14** Wo 11:7 ✨ **3:14** Trav 13:5 ✨ **3:16** Egz 34:34 ✨ **3:17** Jn 8:32 ✨ **3:18** I Kor 13:12 ✨ **3:18** Wo 8:29 ✨ **4:1** I Kor 7:25 ✨ **4:2** Wo 6:21 ✨ **4:3** I Kor 2:6 ✨ **4:4** Jn 12:31 ✨ **4:4** II Kor 3:14 ✨ **4:5** I Kor 4:15 ✨ **4:6** Jen 1:3 ✨ **4:6** II Pi 1:19 ✨ **4:7** Lam 4:2 ✨ **4:7** Jij 7:2 ✨ **4:8** II Kor 1:8 ✨ **4:9** Sòm 129:2 ✨ **4:10** Wo 6:5 ✨ **4:13** Sòm 116:10 ✨ **4:14** Trav 2:24 ✨ **4:14** I Tes 4:14 ✨ **4:15** Wo 8:28

Bondye. <sup>16</sup> Donk, nou p ap dekouraje, men malgre ke lòm eksteryè nou ap dekonpoze ✨deja lòm enteryè nou ap renouvle de jou an jou. <sup>17</sup> Paske ti affliksyon ✨pou yon ti tan an ap pwodwi pou nou yon pwa laglwa etènèl ki depase tout konparezon <sup>18</sup> pandan ✨nou p ap gade bagay ki vizib, men bagay ki pa vizib; paske bagay vizib yo se pou yon ti moman, men bagay ki pa vizib yo se pou tout letènite.

## 5

<sup>1</sup> Paske nou konnen ke si ✨tant tèrès la ki se lakay nou an vin demoli, nou gen yon kay ki sòti nan Bondye; yon kay ki ✨pa fèt avèk men, ki etènèl nan syèl la. <sup>2</sup> Paske vrèman, nan kay sila a, nou ✨plenyen avèk lanvi pou nou abiye nou ak kay nou ki nan syèl la; <sup>3</sup> kòm si nou konnen ke lè nou fin mete li, nou p ap janm toutouni ankò. <sup>4</sup> Paske vrèman, pandan nou nan tant kò sa a, nou plenyen, nou anba gwo fado, paske nou pa vle dezabiye nou men abiye nou, jis pou sa ki mòtèl la kapab anglouti pa lavi etènèl. <sup>5</sup> Alò, Sila ki te prepare nou pou menm bi sa a, se Bondye, ki te ✨bannou Lespri Sen kòm yon pwomès la. <sup>6</sup> Konsa, toujou avèk bon kouraj, ak konesans ke ✨pandan nou kay nou nan kò a, nou absan de Senyè a <sup>7</sup> paske ✨nou mache pa lafwa, e pa selon sa nou wè. <sup>8</sup> Men, mwen di nou, nou gen bon kouraj. Nou prefere pito absan de kò a pou prezan ✨lakay nou avèk Senyè a. <sup>9</sup> Konsa nou gen osi kòm dezi, pou kit nou lakay, kit nou absan ✨pou fè Li menm plezi. <sup>10</sup> Paske nou tout dwe parèt devan ✨chèz jijman a Kris la, pou chak moun kapab rekonpanse pou zèv li nan kò a, selon sa li te fè, kit byen kit mal. <sup>11</sup> Konsa, avèk konesans lakrent Senyè a, nou menm ap fè tout moun kwè, men nou vin rekonèt devan Bondye; epi mwen espere ke nou ✨rekonèt nan konsyans pa nou yo tou. <sup>12</sup> Nou p ap vin pale byen de pwòp tèt nou bannou ankò, men ✨n ap bannou yon okazyon pou vin fyè de nou, pou nou kab gen yon repons a sila ki jwenn fyète nan aparans, men pa nan kè. <sup>13</sup> Paske si nou vin ✨debòde, se pou Bondye; epi si nou nan bon sans nou, se pou nou menm. <sup>14</sup> Paske lanmou Kris la kontwole nou, e mennen a konklizyon sa a; ke ✨yon moun te mouri pou tout moun, kidonk, tout moun te mouri. <sup>15</sup> Li te mouri pou tout moun, pouke sila ki vivan yo pa ta ✨viv pou tèt yo ankò, men pou Li menm ki te mouri an e ki te leve ankò pou yo a. <sup>16</sup> Konsa, depi koulye a nou pa rekonèt okenn moun ✨selon lachè; malgre ke nou te konnen Kris selon lachè, deja koulye a nou pa konnen Li fason sa a ankò. <sup>17</sup> Donk Si yon moun nan Kris, Li se yon kreyati tounèf; ✨ansyen bagay yo vin pase; gade byen, tout bagay vin tounèf. <sup>18</sup> Alò, tout bagay sa yo sòti nan Bondye ✨ki te rekonsilye nou a Li menm pa Kris la, e ki te bannou ministè rekonsilyasyon an. <sup>19</sup> Kòm si ke ✨Bondye te nan Kris ki t ap rekonsilye mond lan a Li menm, san konte ofans pa yo kont yo menm, e Li te livre bannou, pawòl a rekonsilyasyon an. <sup>20</sup> Konsa, nou se ambasadè pou Kris, tankou si Bondye t ap sèvi nou pou sipliye lòt. Pou sa a, nou priye nou nan non a Kris la ✨pou nou vin rekonsilye ak Bondye. <sup>21</sup> Li te fè Sila ki ✨pa t konnen okenn peche a devni peche pou nou menm, pou nou ta kapab devni ladwati Bondye nan Li menm.

✨ 4:16 Wo 7:22 ✨ 4:17 Wo 8:18 ✨ 4:18 Wo 8:24 ✨ 5:1 Job 4:19 ✨ 5:1 Trav 7:48 ✨ 5:2 Wo 8:23 ✨ 5:5 Wo 8:23 ✨ 5:6 Eb 11:13 ✨ 5:7 I Kwo 13:12 ✨ 5:8 Jn 12:26 ✨ 5:9 Wo 14:18 ✨ 5:10 Mat 16:27 ✨ 5:11 II Kor 4:2 ✨ 5:12 II Kor 1:14 ✨ 5:13 Mc 3:21 ✨ 5:14 Wo 5:15 ✨ 5:15 Wo 14:7-9 ✨ 5:16 Jn 8:15 ✨ 5:17 És 43:18 ✨ 5:18 Wo 5:10 ✨ 5:19 Kol 2:9 ✨ 5:20 Wo 5:10 ✨ 5:21 Eb 4:15

## 6

<sup>1</sup> Epi nan ✨travay ansanm avèk Li menm, nou osi ankouraje ou pou nou pa resevwa lagras Bondye a anven. <sup>2</sup> Paske Li di: ✨“Nan tan akseptab la Mwen te koute nou, e nan jou sali a Mwen te ede nou”; gade byen, koulye a se “tan akseptab la”, gade byen, koulye a se “jou sali a” <sup>3</sup> ✨san nou pa bay kòz pou ofans nan anyen, pou ministè a pa vin pèdi valè li, <sup>4</sup> men nan tout bagay pou nou rekòmande tèt nou kòm sèvitè a Bondye, nan ✨anpil andirans, nan afliksyon, difikilte, ak detrès <sup>5</sup> nan ✨pran kou, nan pran prizon, nan twoub, nan travay di, nan san dòmi ✨nan grangou <sup>6</sup> nan lavi dwat, nan konesans, nan pasyans, nan bonte, nan ✨Lespri Sen an, nan vrè lanmou an <sup>7</sup> nan pawòl verite a, nan ✨pwisans Bondye a; ak ✨zam ladwati pou men dwat ak men goch yo <sup>8</sup> pa laglwa ak ✨wont, pa move rapò ak bon rapò; gade kòm yon mantè e malgre sa nan verite; <sup>9</sup> kòm enkonni malgre byen koni, kòm moun k ap mouri men gade nou byen ✨vivan; kon sila ke y ap pini, men poko mete a lanmò <sup>10</sup> kòm ✨plen ak tristès men toujou ap rejwi, kòm ✨pòv, men ap fè anpil moun rich, kòm yon moun ki pa genyen anyen men ki posede tout bagay. <sup>11</sup> ✨Bouch nou pale avèk libète ak nou menm, o Korentyen yo. Kè nou ouvri byen laj. <sup>12</sup> Ou pa anpeche pa nou menm, men ✨ou anpeche nan pwòp afeksyon pa w. <sup>13</sup> Koulye a, ✨nan yon echanj konsa—m ap pale kòm si se ak timoun—ouvri kè nou laj pou nou tou. <sup>14</sup> Pa mare ansanm avèk enkwayan yo; paske ✨ki relasyon ki gen antre ladwati ak inikite, oswa ki rapò ki genyen antre limyè ak tenèb? <sup>15</sup> Oubyen ki ✨amitye Kris gen avèk Béliyal, oswa kisa yon kwayan gen an komen avèk yon enkwayan? <sup>16</sup> Oswa, ki akò tanp Bondye a gen avèk zidòl yo? Paske nou se tanp a Bondye vivan an; jan Bondye te di a: ✨“Mwen va viv nan yo e mache pami yo; epi Mwen va Bondye pa yo e yo va pèp Mwen.” <sup>17</sup> ✨“Konsa, soti nan mitan yo e separe de yo” di Senyè a. “Epi pa touche sa ki enpi”; e Mwen va akeyi nou”. <sup>18</sup> ✨“Epi Mwen va yon Papa pou nou, e nou va fis ak fi pou Mwen,” di Senyè Tou Pwisan an.

## 7

<sup>1</sup> Konsa, paske nou gen pwomès sa yo byeneme, ✨annou netwaye tèt nou de tout salte lachè ak lespri, e vin konplete lasentete nan lakrent Bondye. <sup>2</sup> ✨Fè espas pou nou nan kè nou. Nou pa t fè pèsòn mal, nou pa t fè pèsòn vin konwonpi, nou pa t pran avantaj sou okenn moun. <sup>3</sup> Mwen pa pale pou kondane nou, paske Mwen te di ✨avan sa, nou nan kè nou jis nou rive mouri ansanm e viv ansanm. <sup>4</sup> Konfyans mwen gen nan nou an gran. ✨Fyète m lè m nonmen non nou an gran. Mwen ranpli avèk ✨rekonfò. M ap debòde avèk lajwa nan tout afliksyon nou yo. <sup>5</sup> Paske menm lè nou te vini Macédoine, chè nou pa t gen okenn repo, men nou te ✨aflije toupatou: ✨konfli deyò, laperèz anndan. <sup>6</sup> Men Bondye, ki rekonfòte sila k ap viv nan afliksyon yo, te rekonfòte nou lè ✨Tite te vini an. <sup>7</sup> Pa sèlman vini li an, men osi pa rekonfò avèk sila li te rekonfòte nou an, lè li te bannou rapò de dezi nou genyen an, tristès nou, zèl ke nou te gen pou mwen an; pou m te rejwi plis toujou. <sup>8</sup> Paske malgre ke m te ✨koze tristès pa lèt mwen an,

✨ 6:1 I Kor 3:9 ✨ 6:2 És 49:8 ✨ 6:3 I Kor 8:9,13 ✨ 6:4 Trav 9:16 ✨ 6:5 Trav 16:23 ✨ 6:5 I Kor 4:11 ✨ 6:6 I Kor 2:4 ✨ 6:7 I Kor 2:5 ✨ 6:7 II Kor 10:4 ✨ 6:8 I Kwo 4:10 ✨ 6:9 II Kor 1:8,10 ✨ 6:10 Jn 16:22 ✨ 6:10 II Kor 8:9 ✨ 6:11 Éz 33:22 ✨ 6:12 II Kor 7:2 ✨ 6:13 I Kor 4:14 ✨ 6:14 Ef 5:7-11 ✨ 6:15 I Kor 10:21 ✨ 6:16 Egz 29:45 ✨ 6:17 És 52:11 ✨ 6:18 II Sam 7:14 ✨ 7:1 I Pi 1:15 ✨ 7:2 II Kor 6:12 ✨ 7:3 II Kor 6:11 ✨ 7:4 II Kor 7:14 ✨ 7:4 II Kor 1:4 ✨ 7:5 II Kor 4:8 ✨ 7:5 Det 32:25 ✨ 7:6 II Kor 2:13 ✨ 7:8 II Kor 2:2

mwen pa regrèt sa; sepandan mwen te regrèt li. Paske mwen wè ke lèt sa a te koze tristès nou, malgre sèlman pou yon ti tan. <sup>9</sup> Koulye a, mwen rejwi, pa paske mwen te fè nou tris, men ke nou te vin tris jis pou mennen nou a larepantans. Paske mwen te fè nou tris selon volonte Bondye, jis pou nou pa ta soufri pèt nan okenn bagay akòz nou menm. <sup>10</sup> Paske tristès ki selon volonte Bondye a prodwi yon <sup>✧</sup>repantans ki san regrè, ki mennen nan sali; men tristès a mond lan prodwi lanmò. <sup>11</sup> Paske gade byen avèk ki senserite menm bagay sa a, tristès sa ki sòti nan Bondye a, te vin prodwi nan nou. Kèl jistifikasyon pou nou menm, kèl endiyasyon, kèl krent, kèl <sup>✧</sup>dezi, kèl zèl, kèl retribisyon kont lemal. Nan tout bagay nou te montre a tèt nou, nou inosan nan zafè sila a. <sup>12</sup> Donk, malgre <sup>✧</sup>m te ekri nou, se pa t pou koz a sila ki te fè ofans lan, ni pou koz a sila ki te donmaje a, men pou Bondye ta kapab konfeme nan ou senserite ou anvè nou menm. <sup>13</sup> Pou rezon sa a, nou te rekonfòte. Epi anplis de rekonfò nou, nou te rejwi menm plis pou lajwa a Tite, paske lespri li te vin rafrechì pa nou tout. <sup>14</sup> Paske si nan yon bagay mwen te <sup>✧</sup>fè nou konpliman a li menm, nou pa t fè m wont; men menm jan ke nou te pale tout bagay anverite a nou menm nan, menm jan an osi tout konpliman nou devan Tite pou nou te vin fè prèv ke se te verite. <sup>15</sup> Afeksyon Li anvè nou ap vin plis toujou lè li sonje obeyisans nou tout, jan nou te resevwa li avèk <sup>✧</sup>lakrent e avèk tranbleman. <sup>16</sup> Mwen rejwi ke nan tout bagay <sup>✧</sup>mwen gen konfyans nan nou.

## 8

<sup>1</sup> Koulye a, frè nou yo, nou ta renmen fè nou konnen lagras Bondye <sup>✧</sup>ki te vin bay nan legliz Macédoine yo. <sup>2</sup> Ke nan yon gran eprèv aflikasyon, abondans lajwa ak gwo povrete yo te debòde jis li vin <sup>✧</sup>richès nan jenewozite yo. <sup>3</sup> Paske mwen temwaye ke <sup>✧</sup>selon kapasite yo, e menm depase kapasite yo, yo te bay selon pwòp volonte pa yo. <sup>4</sup> Yo t ap byen plede avèk nou avèk anpil ankourajman pou favè pran pa nan <sup>✧</sup>soutyen a fidèl yo. <sup>5</sup> Epi sa menm, se pa jan nou te prevwa a, men yo te dabò bay tèt yo a Senyè a e a nou menm <sup>✧</sup>selon volonte Bondye. <sup>6</sup> Donk, nou te <sup>✧</sup>ankouraje Tite ke, jan li te kòmanse oparavan an, pou li ta osi konplete nan nou zèv gras sila a. <sup>7</sup> Men menm jan nou toujou <sup>✧</sup>fè ekselans ki depase <sup>✧</sup>nan tout bagay, nan lafwa, nan langaj, nan konesans, nan zèl, ak nan lanmou ke nou te enspire nan ou an, gade ke ou depase osi nan zèv lagras sila a. <sup>8</sup> Mwen <sup>✧</sup>p ap pale sa tankou se yon lòd, men pou pwouve selon zèl a lòt yo, senserite lanmou pa nou tou. <sup>9</sup> Paske nou konnen lagras Senyè nou an Jésus Kri, ke <sup>✧</sup>malgre Li te rich, pou koz nou, Li te vin pòv, pouke, nou menm, atravè povrete Li, nou ta kapab vin rich. <sup>10</sup> Mwen bay opinyon mwen nan ka sa a, paske sa se nan avantaj pa nou, ki, lane pase, te premye moun <sup>✧</sup>ki te kòmanse fè non sèlman sa, men osi te gen volonte pou fè l. <sup>11</sup> Men koulye a, fin fè li; menm jan nou te gen <sup>✧</sup>bòn volonte pou fè l la, pou li kapab osi konplete pa kapasite nou. <sup>12</sup> Paske si volonte a la, li akseptab <sup>✧</sup>selon sa ke yon moun genyen, pa selon sa ke li pa genyen. <sup>13</sup> Paske sa se pa pou fè lòt yo alèz, e pou fè nou pote gwo chaj, men pou gen egalite; <sup>14</sup> nan tan prezan sila, abondans nou la pou satisfè <sup>✧</sup>bezwen pa yo, pouke

<sup>✧</sup> 7:10 Trav 11:18 <sup>✧</sup> 7:11 II Kor 7:7 <sup>✧</sup> 7:12 II Kor 2:3,9 <sup>✧</sup> 7:14 II Kor 7:4 <sup>✧</sup> 7:15 I Kor 2:3  
<sup>✧</sup> 7:16 II Kor 2:3 <sup>✧</sup> 8:1 II Kor 8:5 <sup>✧</sup> 8:2 Wo 2:4 <sup>✧</sup> 8:3 I Kor 16:2 <sup>✧</sup> 8:4 Wo 15:31 <sup>✧</sup> 8:5  
 I Kor 1:1 <sup>✧</sup> 8:6 II Kor 8:17 <sup>✧</sup> 8:7 II Kor 9:8 <sup>✧</sup> 8:7 I Kor 1:5 <sup>✧</sup> 8:8 I Kor 7:6 <sup>✧</sup> 8:9 Fil 2:6  
<sup>✧</sup> 8:10 I Kor 16:2 <sup>✧</sup> 8:11 II Kor 8:12,19 <sup>✧</sup> 8:12 Mc 12:43 <sup>✧</sup> 8:14 Trav 4:34

abondans pa yo osi kapab vin yon sous pou bezwen pa nou, pouke kapab gen egalite. <sup>15</sup> Jan sa ekri a: ✨“Sila ki te ranmase anpil la, pa t gen depase, e sila ki te ranmase piti a pa t manke.” <sup>16</sup> Men ✨gras a Bondye ki ✨mete menm zèl la pou nou nan kè Tite la. <sup>17</sup> Paske li pa t sèlman aksepte ✨apèl nou, men akoz li te trè zeze, li te vin kote nou ak pwòp volonte li. <sup>18</sup> Epi nou te voye avèk li ✨frè a ki gen bon repitasyon nan bagay levanjil ki te gaye pami tout legliz yo. <sup>19</sup> Epi se pa sèlman sa, men li te osi ✨chwazi pa legliz yo pou vwayaje avèk nou nan zèv lagras sila ke n ap administre pou glwa a Senyè a Li menm, e pou montre bòn volonte nou. <sup>20</sup> N ap pran prekosyon pou pèsòn pa vin denigre administrasyon nou nan kado jenewozite sila a. <sup>21</sup> Paske nou ✨respekte sa ki onorab, non sèlman nan zye Senyè a, men osi nan zye lèzòm. <sup>22</sup> Nou te voye avèk yo, frè nou an, ke nou souvan teste, e twouve zèl nan anpil bagay, men koulye a menm pi zeze akoz de gran konfyans li nan nou menm. <sup>23</sup> Tankou pou Tite, li se asosye e ouvriye parèy mwen pami nou. Tankou pou frè nou yo, yo se ✨mesaje a legliz yo, yon glwa pou Kris la. <sup>24</sup> Konsa, piblikman devan legliz yo, montre yo prèv lanmou nou ak ✨rezon pou gen fyète de nou.

## 9

<sup>1</sup> Paske se pa nesèsè pou m ta ekri nou sou ✨ministè sa a pou sen yo; <sup>2</sup> Paske mwen konnen volonte nou, pou sa mwen fè nou konpliman devan pèp Macédoine lan, anfèt ke Achaïe te deja prepare depi ✨ane pase, e ke zèl nou te eksite pifò nan yo. <sup>3</sup> Men mwen te voye frè yo, pouke ✨konpliman nou an pa ta fèt nan vid nan ka sa a, pouke ✨jan mwen t ap di a, nou kapab byen prepare. <sup>4</sup> Sof ke si li pa t fèt nenpòt nan ✨Masedonyen yo ta parèt avè m, e touve nou pa prepare, ke nou (ak ou menm tou) ta soufri wont akoz mank konfyans sa a. <sup>5</sup> Donk, mwen te panse ke li te nesèsè pou ankouraje frè yo pou yo ta ale devan nou menm pou òganize davans ✨kado jenewozite ke nou te deja pwomèt la; jis pou menm kado sa a ta kapab parèt kon yon kado jenewozite ki pa afekte pa lanvi pou bagay nou. <sup>6</sup> Koulye a, mwen di sa, ke ✨sila a ki simen tikal va rekòlte tikal; e sila a ki simen an abondans va rekòlte an abondans. <sup>7</sup> Chak moun dwe fè jis jan ke li te rezone nan kè l; pa avèk ✨regrè oubyen anba presyon; paske ✨Bondye renmen yon moun ki bay avèk jwa. <sup>8</sup> Epi Bondye kapab fè tout gras vin an kantite a nou menm, pou nou toujou gen kont nou nan tout bagay, pou nou kapab gen osi yon abondans nan tout bon zèv. <sup>9</sup> Jan sa ekri a: ✨“Li te gaye toupatou; Li te bay a malere yo; ladwati Li ap rete jis pou tout tan.” <sup>10</sup> Koulye a Li menm ki founi semans a sila ki simen an avèk pen pou manje, va founi e miltipliye semans nou an pou simen e ogmante rekòlt a ladwati nou an; <sup>11</sup> Nou va ✨anrichi nan tout bagay pou tout jenewozite, ki atravè nou ap pwodwi remèsiman a Bondye. <sup>12</sup> Paske ministè sèvis sa a se pa sèlman pou byen founi ✨bezwen a sen yo, men va osi pou debòde ✨atravè anpil remèsiman a Bondye. <sup>13</sup> Akoz de prèv ki te bay pa ✨ministè sèvis sila a, yo va bay Bondye glwa pou obeyisans konfesyon levanjil a Kris la, ak jenewozite don pa nou pou yo menm, ak tout lòt yo. <sup>14</sup> Pandan yo menm osi, nan lapriyé pou nou, y ap gen dezi wè nou akoz ke gras Bondye

✨ **8:15** Egz 16:18 ✨ **8:16** II Kor 2:14 ✨ **8:16** Rev 17:17 ✨ **8:17** II Kor 8:6 ✨ **8:18** I Kor 16:3  
 ✨ **8:19** I Kor 16:3 ✨ **8:21** Wo 12:17 ✨ **8:23** Fil 2:25 ✨ **8:24** II Kor 7:4 ✨ **9:1** II Kor 8:4  
 ✨ **9:2** II Kor 8:10 ✨ **9:3** II Kor 7:4 ✨ **9:3** I Kwo 16:2 ✨ **9:4** Wo 15:26 ✨ **9:5** Jen 33:11  
 ✨ **9:6** Pwov 11:24 ✨ **9:7** Det 15:10 ✨ **9:7** Egz 25:2 ✨ **9:9** Sòm 112:9 ✨ **9:11** I Kor 1:5  
 ✨ **9:12** II Kor 8:14 ✨ **9:12** II Kor 1:11 ✨ **9:13** Wo 15:31

ki anndan nou an ki depase tout bagay. <sup>15</sup> Remèsiman a Bondye pou ✨don Li ki depase tout sa ki kapab eksprime.

## 10

<sup>1</sup> Koulye a, mwen menm Paul, mwen ankouraje nou pa ✨imilite ak dousè a Kris la—mwen menm ki enb lè mwen fasafas avèk nou, men plen ak kouraj anvè nou lè m absan! <sup>2</sup> Mwen mande ke lè m prezan ke m p ap oblije vin parèt ak menm fòs kouraj la pou mwen ta vin advèsè ✨kèk moun ki konsidere nou tankou moun ki te mache selon lachè. <sup>3</sup> Paske malgre ke n ap mache nan lachè, nou pa ✨fè lagè selon lachè, <sup>4</sup> paske ✨zam lagè nou yo pa nan lachè, men ranpli ak pwisans Bondye pou detwi fò yo. <sup>5</sup> N ap detwi tout sipozisyon avèk ✨tout ògèy ki vin leve kont konesans Bondye a, e nou ap mennen tout panse kaptif yo nan obeyisans a Kris la. <sup>6</sup> Epi nou prè pou pini tout dezobeyisans, nenpòt lè ke ✨obeyisans nou an fin konplè. <sup>7</sup> ✨Nou menm ap gade bagay yo kòm si, pa deyò. Si nenpòt moun gen konfyans nan tèt li ke li pou Kris, kite li konsidere sa ankò nan lespri li, ke menm jan li nan Kris la ✨nou menm osi, nou nan Li. <sup>8</sup> Paske menm si m ta vante tèt mwen yon ti kras anplis pou otorite nou ✨ke Senyè a te bay pou bati nou menm e pa pou detwi nou, mwen p ap wont. <sup>9</sup> Paske mwen pa vle li sanble ke m ta entimide nou pa lèt mwen yo. <sup>10</sup> Paske, yo di: “Lèt li yo lou e dyanm, men prezans pèsònèl li pa enpresyonan ditou, e ✨jan li pale vrèman meprizab. <sup>11</sup> Kite yon moun konsa konsidere sa; ke sa nou ye nan lèt nou yo lè nou absan, se menm moun nan ke nou ye nan aksyon lè nou la. <sup>12</sup> Paske nou p ap tante sèvi kouraj nou pou konpare oswa klase nou menm avèk kèk nan sila ki ✨rekòmande tèt yo; men lè yo mezire tèt yo pa yo menm e konpare tèt yo avèk yo menm, yo san konprann. <sup>13</sup> Men nou p ap vante tèt nou plis ke mezi nou, men ✨nan domèn kote Bondye te chwazi nou kòm yon mezi, pou menm rive kote nou ye a. <sup>14</sup> Paske nou p ap lonje depase kapasite nou menm, kòm si li pa t rive bò kote nou, paske nou te premye pou vini jis rive kote ou nan ✨levanjil Kris la. <sup>15</sup> Nou p ap vante tèt nou depase mezi pa nou, kòm si, nan zèv a lòt moun, men avèk espwa ke pandan ✨lafwa nou ap grandi, nou va, nan mezi nou, agrandi menm plis akòz nou menm. <sup>16</sup> Konsa nou ka preche levanjil menm nan zòn pi lwen nou yo, e pa vante tèt nou ✨nan travay ki te fèt nan landwa a yon lòt. <sup>17</sup> Men ✨“Sila k ap vante tèt li a, kite li vante tèt li nan Senyè a.” <sup>18</sup> Paske se pa sila ki rekòmande tèt li a ki apwouve, men se ✨sila ki rekòmande pa Bondye a.

## 11

<sup>1</sup> Mwen swete ke nou ✨ta ban mwen pèmisyon pou yon ti foli; men anfèt nou ban mwen l deja. <sup>2</sup> Paske mwen jalou pou nou avèk yon jalouzi ki sòti nan Bondye; paske mwen te ✨fyanse nou ak yon mari, pou m ta kapab prezante nou a Kris kòm yon vyèj ki san tach. <sup>3</sup> Men mwen pè pou menm jan ke Eve te twonpe pa riz sèpan an, pou panse nou ta de yon fason oubyen yon lòt detounen de devosyon sensé e san tach pou Kris la. <sup>4</sup> Paske si yon moun vini pou preche ✨yon lòt Jésus, ke nou menm pa t preche, oswa nou resevwa yon lòt lespri ke nou pa t resevwa, oswa yon ✨lòt levanjil ke nou

✨ 9:15 Wo 5:15 ✨ 10:1 Mat 11:29 ✨ 10:2 I Kor 4:18 ✨ 10:3 Wo 8:4 ✨ 10:4 II Kor 6:7  
 ✨ 10:5 És 2:11 ✨ 10:6 II Kor 2:9 ✨ 10:7 Jn 7:24 ✨ 10:7 I Kor 9:1 ✨ 10:8 II Kor 13:10  
 ✨ 10:10 I Kor 1:17 ✨ 10:12 II Kor 3:1 ✨ 10:13 Wo 12:3 ✨ 10:14 II Kor 2:12 ✨ 10:15 II  
 Tes 1:3 ✨ 10:16 Wo 15:20 ✨ 10:17 Jr 9:24 ✨ 10:18 Wo 2:29 ✨ 11:1 Mat 17:17 ✨ 11:2  
 Os 2:19 ✨ 11:4 I Kor 3:11 ✨ 11:4 Gal 1:6

pa t aksepte, nou ase tolere sa. <sup>5</sup> Paske mwen pa konsidere tèt mwen ✧kòm enferyè a pi gran apot sa yo. <sup>6</sup> Men menmsi mwen manke abil nan pale, deja mwen pa konsa nan ✧konesans; anfèt, nan tout aspè, nou te fè sa klè a nou tout nan tout bagay. <sup>7</sup> Oubyen èske mwen te fè yon peche lè m te aksepte imilye tèt mwen pou nou menm ta kapab egzalte, paske m te preche levanjil Bondye a nou menm ✧san frè? <sup>8</sup> Okontrè, mwen te vòlè lòt legliz yo lè m te ✧pran kòb yo pou sèvi nou; <sup>9</sup> epi lè m te prezan avèk nou nan nesesite, mwen ✧pa t devni yon chaj pou okenn moun; paske lè ✧frè yo te vini sòti Macédoine, yo te satisfè tout bezwen m yo, e nan tout bagay mwen te kenbe tèt mwen pou mwen pa t vin yon chaj pou nou menm, e m va kontinye fè menm bagay la. <sup>10</sup> ✧Jan verite Kris la nan mwen an ✧vante tèt mwen an p ap tèmine nan zòn Achaïe yo. <sup>11</sup> Poukisa ✧paske mwen pa renmen nou? ✧Bondye konnen ke m renmen nou! <sup>12</sup> Men m ap kontinye fè sa ke m ap fè a ✧pou m kapab rachte okazyon de sila yo ki vle twouve yon okazyon pou moun konsidere yo egal avèk nou nan bagay ke y ap vante tèt yo. <sup>13</sup> Paske moun konsa yo se fo apot yo ye, ✧ouvriye twonpè k ap degize tèt yo tankou apot a Kris yo. <sup>14</sup> Sa pa yon sipriz, paske menm ✧Satan degize tèt li tankou yon zanj limyè. <sup>15</sup> Konsa, se pa yon sipriz si sèvitè li yo degize tèt yo tankou sèvitè ladwati Bondye yo, ki ✧a lafen va vin ye selon pwòp zèv pa yo. <sup>16</sup> ✧Ankò mwen di, ke pèsòn pa panse ke mwen fou; men si nou panse sa, resevwa m menm tankou moun fou; pou mwen kapab osi vante tèt mwen tou piti. <sup>17</sup> Sa m ap di a, mwen p ap di li ✧jan Senyè a ta di li, men yon jan fou, nan konfyans vante tèt mwen an. <sup>18</sup> Akoz ke ✧anpil moun vante tèt yo selon lachè, mwen va vante tèt mwen konsa tou. <sup>19</sup> Men nou menm ✧ki tèlman saj, tolere foli a avèk kè kontan. <sup>20</sup> Paske nou tolere si yon moun; ✧fè nou esklav, yon moun devore nou, yon moun pran avantaj de nou, yon moun egzalte tèt li, yon moun bannou kou nan figi. <sup>21</sup> Nan wont mwen, mwen oblije di ke nou te ✧twò fèb pa konparezon. Men nan nenpòt bagay respekte nenpòt lòt moun se plen ak kouraj (mwen pale ak foli), mwen menm, mwen gen kouraj menm jan an. <sup>22</sup> Èske se Ebre yo ye? ✧Mwen menm tou, mwen Ebre. Èske se Izrayelit yo ye? Mwen menm tou, mwen se Izrayelit. Èske se desandan Abraham yo ye? ✧Mwen menm tou. <sup>23</sup> Èske se sèvitè a Kris yo ye? (Mwen pale tankou moun fou) Mwen menm tou, ✧plis nan travay, ✧bokou plis nan pran prizon. Mwen te bat depase mezi, mwen te souvan nan danje lanmò. <sup>24</sup> Senk fwa mwen te resevwa nan men Jwif yo ✧trant-nèf kout fwèt. <sup>25</sup> Twa fwa mwen te ✧bat avèk baton, yon fwa mwen te ✧lapide avèk wòch, twa fwa mwen te nan bato ki kraze nan lanmè, yon jou ak yon nwit mwen te pase nan fon lanmè. <sup>26</sup> Souvan mwen te fè vwayaj, an danje nan rivyè, danje ak vòlè, danje ak pwòp moun peyi mwen, danje ak moun etranje yo ✧danje nan vil yo, danje nan dezè, danje sou lanmè, ✧e danje pami fo frè yo. <sup>27</sup> Mwen te nan travay, nan sikonstans difisil, nan anpil nwit san dòmi, nan grangou ak swaf, souvan ✧san manje, nan fredri e ✧san rad. <sup>28</sup> Apa kondisyon ekstèn

✧ **11:5** II Kor 12:11 ✧ **11:6** I Kor 12:8 ✧ **11:7** Trav 18:3 ✧ **11:8** I Kor 4:12 ✧ **11:9** II Kor 12:13,16 ✧ **11:9** Trav 18:5 ✧ **11:10** Wo 9:1 ✧ **11:10** I Kor 9:15 ✧ **11:11** II Kor 12:15 ✧ **11:11** II Kor 11:31 ✧ **11:12** I Kor 9:12 ✧ **11:13** Fil 3:2 ✧ **11:14** Mat 4:10 ✧ **11:15** Wo 2:6 ✧ **11:16** II Kor 11:1 ✧ **11:17** I Kwo 7:12,25 ✧ **11:18** Fil 3:3 ✧ **11:19** I Kor 4:10 ✧ **11:20** Gal 2:4 ✧ **11:21** II Kor 10:10 ✧ **11:22** Fil 3:5 ✧ **11:22** Wo 11:1 ✧ **11:23** I Kor 15:10 ✧ **11:23** II Kor 6:5 ✧ **11:24** Det 25:3 ✧ **11:25** Trav 16:22 ✧ **11:25** Trav 14:19 ✧ **11:26** Trav 21:31 ✧ **11:26** Gal 2:4 ✧ **11:27** II Kor 6:5 ✧ **11:27** I Kor 4:11

sa yo, gen fòs opresyon chak jou sou mwen pou sousi mwen gen pou ✨tout legliz yo. <sup>29</sup> Kilès ki vin ✨fèb, san m pa fèb tou? Kilès ki lage nan peche, san gwo sousi mwen. <sup>30</sup> Si mwen dwe vante tèt mwen, m ap vante tèt mwen de sa ki apatyan a ✨feblès mwen. <sup>31</sup> Bondye e Papa a Senyè a Jésus ✨Li menm ki beni pou tout tan an, konnen ke m p ap bay manti. <sup>32</sup> Nan Damas gouvènè anba Arétas, wa a t ap veye vil moun Damas yo pou l te kapab sezi mwen. <sup>33</sup> Epi mwen te kite lòt moun desann mwen nan yon panyen ✨pa fenèt nan mi an, e se konsa m te chape nan men li.

## 12

<sup>1</sup> Vante tèt nesèsè, malgre ke li pa gen pwofi; men mwen va kontinye pou rive nan vizyon ak ✨revelasyon a Senyè a. <sup>2</sup> Mwen konnen yon nonm an Kris, ki katòz lane pase—si se te nan kò li, m pa konnen, oubyen si se pa t nan kò li, m pa konnen, Bondye konnen—yon nonm konsa te monte nan ✨twazyèm syèl la. <sup>3</sup> Epi mwen konnen jan yon nonm konsa—si se nan kò li oubyen apa de kò li, mwen pa konnen ✨(Bondye konnen), <sup>4</sup> Jan li te ✨monte nan ✨Paradi e li te tande pawòl ki pa t kapab ekspriye, ke yon nonm pa kab pèmèt li pale. <sup>5</sup> Pou yon nonm konsa ak eksperyans li yo, mwen va anflè; men pou mwen, mwen p ap anflè, eksepte nan sa ki gade a ✨feblès mwen. <sup>6</sup> Paske si mwen vle vante tèt mwen, mwen p ap fè foli; ✨paske se verite m ap pale; men m ap sispann fè sa pou pèsòn pa fè mwen kredi pou plis ke sa li wè nan mwen oubyen tande de mwen. <sup>7</sup> Akoz grandè a revelasyon yo depase tout bagay, pou rezon sa a, pou anpeche m vante tèt mwen, mwen te resevwa yon ✨pikan nan chè a, yon mesajè Satan pou toumante mwen, pou anpeche mwen vante tèt mwen. <sup>8</sup> Konsènan sa, mwen te priye Senyè a ✨twa fwa pou sa te kab sòti sou mwen. <sup>9</sup> Epi Li te di mwen: “**Lagras mwen sifi pou ou, paske ✨pouvwa a vin konplè nan feblès**”. Konsa, avèk kè kontan, mwen va pito vante tèt mwen de feblès mwen, jis pou pouvwa Kris la kapab rete nan mwen. <sup>10</sup> Konsa ✨mwen byen kontan avèk feblès yo, avèk ensilt yo, avèk twoub yo, avèk pèsekisyon yo, avèk difikilte yo, pou koz a Kris; paske lè m fèb, se nan moman sa a ke m fò. <sup>11</sup> Koulye a, mwen te gen tan vin fou. Nou menm, nou te fòse m fè sa. Anverite, mwen ta dwe felisite pa nou menm, paske ✨nan okenn jan, mwen pa t enferyè de apot pi wo yo, malgre ✨mwen menm, mwen pa anyen. <sup>12</sup> ✨Sign a yon vrè apot te fèt pami nou avèk tout pèsèverans, pa sign, mèvèy, ansanm ak mirak. <sup>13</sup> Paske nan kijan nou te trete kòm enferyè a rès legliz yo, eksepte mwen menm, m pa t vin yon chaj pou nou? Padone mwen pou ✨mal sa a. <sup>14</sup> Sa fè pou ✨yon twazyèm fwa ke m prè pou vin kote nou, e mwen p ap yon chaj pou nou; paske mwen p ap chèche sa ki pou nou, men nou menm. Paske se pa Timoun yo ki responsab pou ekonomize pou paran yo, men paran yo pou timoun yo. <sup>15</sup> Mwen va avèk kè kontan depanse e konsakre m pou nanm nou. ✨Si m renmen nou plis konsa, èske nou dwe renmen m mwens? <sup>16</sup> Men malgre jan sa kapab ye a ✨mwen menm, mwen pa t mete chaj tèt mwen bannou; sepandan, nonm malen ke mwen ye, mwen te vin pran nou pa riz. <sup>17</sup> ✨Èske mwen te pran avantaj sou nou, swa fè kòb sou nou atravè okenn nan sila ke mwen te

✨ **11:28** I Kor 7:17 ✨ **11:29** I Kor 8:9,13 ✨ **11:30** I Kor 2:3 ✨ **11:31** Wo 1:25 ✨ **11:33** Trav 9:25 ✨ **12:1** I Kor 14:6 ✨ **12:2** Det 10:14 ✨ **12:3** II Kor 11:11 ✨ **12:4** Éz 8:3 ✨ **12:4** Luc 23:43 ✨ **12:5** I Kor 2:3 ✨ **12:6** II Kor 7:14 ✨ **12:7** Nonb 33:55 ✨ **12:8** Mat 26:44 ✨ **12:9** I Kor 2:5 ✨ **12:10** Wo 8:35 ✨ **12:11** II Kor 11:5 ✨ **12:11** I Kor 3:7 ✨ **12:12** Jn 4:48 ✨ **12:13** II Kor 11:7 ✨ **12:14** II Kor 13:1,2 ✨ **12:15** II Kor 11:11 ✨ **12:16** II Kor 11:9 ✨ **12:17** II Kor 9:5



voye bannou yo? <sup>18</sup> Mwen ✨te ankouraje Tite pou ale, e mwen te voye ✨frè a avèk li. Èske Tite te pran okenn avantaj sou nou? Èske nou pa t kondwi tèt nou nan menm lespri a e mache sou menm pa yo?

<sup>19</sup> Èske ou kwe ke n ap selman fè eskiz pwop tèt nou devan nou menm. Anverite ✨se te devan zye Bondye ke nou pale an Kris la. Men nou fè tout sa ✨pou edifikasyon nou, byeneme yo. <sup>20</sup> Paske mwen pè ke petèt lè m vin kote nou, pou mwen pa twouve nou jan mwen swete l la, e pou nou pa jwenn mwen jan nou swete l la; pou petèt kapab genyen kont, jalouzi ✨move jan, dispit, kout lang ✨tripotay, awogans, ak tapaj. <sup>21</sup> Mwen pè ke lè m vini ankò pou Bondye mwen an pa rabese m devan nou, e pou mwen pa gen tristès pou anpil nan sila ki ✨te peche nan tan pase yo e ki pa t repanti de ✨salte, imoralite, ak sansyalite ke yo te fè yo.

### 13

<sup>1</sup> Sa se twazyèm fwa m ap vin kote nou. ✨“Chak sa ki fèt dwe konfime pa temwayaj a de oubyen twa temwen.” <sup>2</sup> Mwen te di nou oparavan lè m te la nan dezyèm fwa a, e byenke m pa la koulye a, mwen di davans a sila yo ki te peche nan tan pase yo e a tout rès moun yo tou, ke si m vini ankò, mwen p ap ✨epagne pèsòn. <sup>3</sup> Paske se konsa nou ap chache prèv a Kris ki pale nan mwen an, e ki pa fèb anvè nou an, men ✨byen pwisan nan nou. <sup>4</sup> Paske malgre Li te ✨krisifye akòz de feblès, deja Li vivan akòz de ✨pwisans Bondye a. Paske nou osi, nou fèb nan Li, malgre nou vivan avèk Li akòz de pwisans Bondye anvè nou. <sup>5</sup> Teste tèt nou pou wè si nou nan lafwa; ✨egzamine tèt nou! Oubyen èske nou pa rekonèt sa nan ou menm, ke Jésus Kri nan nou—amwenske anfèt nou ta echwe nan tès la? <sup>6</sup> Men mwen gen konfyans ke ou va vin reyalize ke nou menm, nou pa echwe nan tès la. <sup>7</sup> Koulye a, n ap priye Bondye pou ou pa fè okenn mal; se pa pou nou kapab parèt kòm si nou vin apwouve, men pou ou kapab fè sa ki bon, menmsi li sanble nou pa apwouve. <sup>8</sup> Paske nou pa kapab fè anyen kont verite a, men sèlman pou verite a. <sup>9</sup> Paske nou rejwi lè nou fèb, men ou menm, ou fò; se pou sa nou priye pou ou kapab ✨vin konplè. <sup>10</sup> Pou rezon sa a, mwen ap ekri bagay sa yo pandan mwen pa la a, jis pou lè m la, mwen p ap bezwen ✨itilize severite mwen, selon otorite ke Senyè a te ban mwen pou bati e pa pou detwi. <sup>11</sup> Finalman, frè m yo, rejwi. Vin konplè, vin rekonfòte ✨vin gen yon sèlpanse, viv nan lapè; epi Bondye lanmou ak lapè a va avèk nou. <sup>12</sup> ✨Salye youn lòt avèk youn beze ki sen. <sup>13</sup> ✨Tout sen yo salye nou. <sup>14</sup> Ke lagras Senyè a Jésus Kri, lanmou Bondye a, ak ✨dous kominyon Lespri Sen an, rete avèk nou tout. Amen.

✨ **12:18** II Kor 8:6 ✨ **12:18** II Kor 8:18 ✨ **12:19** II Kor 2:17 ✨ **12:19** Wo 14:19 ✨ **12:20** Gal 5:20 ✨ **12:20** Wo 1:29 ✨ **12:21** II Kor 13:2 ✨ **12:21** I Kor 6:9,18 ✨ **13:1** Det 17:6 ✨ **13:2** II Kor 1:23 ✨ **13:3** II Kor 9:8 ✨ **13:4** Fil 2:7 ✨ **13:4** I Kor 6:14 ✨ **13:5** I Kor 11:28 ✨ **13:9** I Kor 1:10 ✨ **13:10** Tit 1:3 ✨ **13:11** Wo 12:16 ✨ **13:12** Wo 16:16 ✨ **13:13** Fil 4:22 ✨ **13:14** Fil 2:1

## GALAT YO

<sup>1</sup> Mwen, Paul, yon apot ✧ki pa t voye pa lèzòm, ni pa okenn ajans lòm, men pa Jésus Kri, ak Bondye Papa a, ki te fè L leve soti nan lanmò <sup>2</sup> Ak tout frè ki avèk mwen yo; a tout ✧legliz nan Galatie yo: <sup>3</sup> ✧Gras pou nou menm ak lapè ki sòti nan Bondye, Papa nou an, ak Senyè a, Jésus Kri <sup>4</sup> Ki ✧te bay tèt li pou peche nou yo, pou Li ta kapab delivre nou de tan mechan sila a, selon volonte ✧Bondye ak Papa nou an. <sup>5</sup> A Li menm laglwa pou tout tan. Amen. <sup>6</sup> Mwen sezi ke nou ase vit ap abandone Sila ki te rele nou pa lagras a Kris la, pou ✧yon lòt levanjil; <sup>7</sup> ki pa vrèman yon lòt; men sèlman gen kèk moun k ap ✧twouble nou e ki vle defòme levanjil a Kris la. <sup>8</sup> Men menmsi nou menm, oubyen ✧yon zanj ki soti nan syèl la, ta preche a nou yon levanjil ki apa de sila nou te preche a nou menm nan, li ta dwe madichonnen. <sup>9</sup> Jan nou te di nou avan an, donk mwen di nou koulye a ankò, si ✧yon moun ap preche nou yon levanjil ki kontrè de sila nou te resevwa a, li dwe madichonnen. <sup>10</sup> Alò, èske koulye a mwen ap chache favè lòm, oubyen Bondye? Oubyen èske m ap fòse fè lòm plezi? Si mwen t ap toujou eseye fè lòm plezi, mwen pa t ap yon ✧sèvitè-atache nèt a Kris la. <sup>11</sup> Paske ✧mwen ta fè nou konnen, frè m yo, ke levanjil ki te preche pa mwen menm nan se pa selon lòm. <sup>12</sup> Paske mwen pa t ni resevwa l soti nan lòm, ni mwen pa t enstwi pou li, men mwen te resevwa l atravè yon ✧revelasyon a Jésus Kri. <sup>13</sup> Paske, nou konn tandè listwa a ✧fason lavi mwen, nan lafwa Jwif la; jan mwen te konn pèsekite legliz a Bondye a depase limit; e te eseye detwi li. <sup>14</sup> Konsa, mwen t ap avanse nan relijyon Jwif la depase anpil nan moun Jwif parèy mwen yo akòz ke mwen te ekstrèmman zele pou ✧tradisyon zansèt mwen yo. <sup>15</sup> Men lè Bondye, ki te mete m apa depi nan vant manman m nan, e ✧te rele mwen selon gras Li a, te kontan <sup>16</sup> pou revele Fis Li a nan mwen menm, pou mwen ta kapab ✧preche li pami pèp etranje yo, mwen pa t nan moman sa a konsilte avèk chè ak san. <sup>17</sup> ✧Ni mwen pa t monte Jérusalem pou jwenn sila ki te apot avan mwen yo, men mwen te ale an Arabie, e mwen te retounen yon fwa ankò vè Damas. <sup>18</sup> Answit ✧twa lane pita, mwen te monte ✧Jérusalem pou fè konesans ak Céphas, e te rete avèk li pandan kenz jou. <sup>19</sup> Men mwen pa t wè okenn nan lòt apot yo eksepte ✧Jacques, frè a Senyè a. <sup>20</sup> (Alò, nan sa ke m ap ekri nou an, mwen bannou asirans ✧devan Bondye ke mwen p ap bay manti.) <sup>21</sup> Konsa ✧mwen te ale nan rejyon Syrie ak Cilicie. <sup>22</sup> Mwen te toujou enkonni devan zye a ✧legliz Judée ki te an Kris yo; <sup>23</sup> Men sèlman, yo te kontinye tandè: “Sila ki te konn pèsekite nou an, koulye a ap preche lafwa ke avan li te ✧eseye detwi a.” <sup>24</sup> Epi yo ✧t ap bay Bondye glwa akòz de mwen menm.

## 2

<sup>1</sup> Answit, apre yon espas katòz ane mwen ✧te monte ankò Jérusalem avèk Barnabas, e mwen te pran Tite osi. <sup>2</sup> Se te akòz yon revelasyon ke

✧ **1:1** Gal 1:11 ✧ **1:2** Trav 16:6 ✧ **1:3** Wo 1:7 ✧ **1:4** Gal 2:20 ✧ **1:4** Fil 4:20 ✧ **1:6** II Kwo 11:4 ✧ **1:7** Trav 15:24 ✧ **1:8** II Kor 11:14 ✧ **1:9** Wo 16:17 ✧ **1:10** Wo 1:1 ✧ **1:11** Wo 2:16 ✧ **1:12** I Kor 2:10 ✧ **1:13** Trav 26:4 ✧ **1:14** Mat 15:2 ✧ **1:15** És 49:1,5 ✧ **1:16** Trav 9:15 ✧ **1:17** Trav 9:19-22 ✧ **1:18** Trav 9:22 ✧ **1:18** Trav 9:26 ✧ **1:19** Mat 12:46 ✧ **1:20** Wo 9:1 ✧ **1:21** Trav 9:30 ✧ **1:22** I Tes 2:14 ✧ **1:23** Trav 9:21 ✧ **1:24** Mat 9:8 ✧ **2:1** Trav 15:2

mwen te monte a; epi mwen te soumèt devan yo menm levanjil ke mwen preche pami pèp etranje yo. Men mwen te fè sa an prive a sila ki te gen repitasyon yo, pou lakrent ke mwen ✨ta ka petèt kouri, oubyen te kouri anven. <sup>3</sup> Men pa menm ✨Tite ki te avèk mwen an, malgre li te yon Grèk, pa t oblije sikonsi. <sup>4</sup> Men se te akòz de ✨fo frè yo ki te antre an kachèt pou espyone libète ke nou gen nan Kris Jèsus a, pou yo ta ka mennen nou nan esklavaj. <sup>5</sup> Men nou pa t soumèt a yo menm pandan menm yon moman, pou ✨verite levanjil la ta kapab rete avèk nou tout. <sup>6</sup> Men de sila ki te gen gwo repitasyon yo (sa yo te ye pa gen enpòtans pou mwen; ✨Bondye pa nan patipri—byen, sila ki te gen repitasyon yo pa t ogmante anyen anplis pou mwen. <sup>7</sup> Men okontrè, yo te wè ke levanjil la te konfyè a mwen menm ✨pou ensikonsi yo, menm jan ke li te konfyè a Pierre pou sikonsi yo <sup>8</sup> Paske Sila ki te an reyalite travay pou Pierre kòm ✨apot pou sikonsi yo, te an reyalite travay pou mwen menm tou an vè pèp etranje yo <sup>9</sup> Epi ak rekonesans ✨gras ke m te resevwa, Jacques, Céphas, ak Jean, ki te gen repitasyon kòm pilye lafwa yo, te ban mwen ak Barnabas lamèn dwat dasosiyasyon, pou nou te kapab ale kote pèp etranje yo e yo menm kote sikonsi yo. <sup>10</sup> Yo te sèlman mande nou pou nou sonje pòv yo ✨bagay ke mwen te vrèman vle fè. <sup>11</sup> Men lè ✨Céphas te vini Antioche, mwen te opoze a li menm nan figi li, paske li te rete kondane. <sup>12</sup> Paske avan moun a Jacques yo te vini, li te konn ✨manje avèk pèp etranje yo; men lè yo te vini, li te kòmanse fè bak e rete a leka, akòz ✨lakrent pou pati sikonsizyon an. <sup>13</sup> Rès Jwif yo te vin jwenn avè l nan ipokrizi a, avèk rezilta ke menm ✨Barnabas te pote ale pa ipokrizi yo a. <sup>14</sup> Men lè mwen te wè ke yo pa t vrèman dwat selon ✨verite a levanjil la, mwen te di a Céphas nan prezans a tout moun: “Si ou menm, kòm yon Jwif, viv kon pèp etranje yo e pa tankou Jwif, kòman ou ka fòse pèp etranje yo viv tankou Jwif? <sup>15</sup> Nou menm se ✨Jwif pa lanati e pa pechè ki sòti pami pèp etranje yo; <sup>16</sup> Sepandan, akòz nou konnen ke ✨yon nonm pa jistifye pa zèv Lalwa, men atravè lafwa an Kris Jèsus a, nou menm kwè nan Kris Jèsus a, pou nou kapab jistifye pa lafwa an Kris, e non pa zèv Lalwa. Paske pa zèv Lalwa yo, okenn chè p ap jistifye. <sup>17</sup> Men si, pandan n ap chache jistifye nan Kris, nou menm osi jwenn nou kòm ✨pechè, èske konsa Kris se yon sèvitè a peche? Ke sa pa janm fèt! <sup>18</sup> Paske si mwen rebati sa ke, yon fwa, mwen te detwi a, mwen ✨pwouve a tèt mwen ke mwen se yon transgresè. <sup>19</sup> Paske selon Lalwa a ✨mwen te mouri a Lalwa a, pou mwen te kapab viv a Bondye. <sup>20</sup> Mwen te ✨krisifye avèk Kris; epi se pa plis Mwen ki viv, men Kris viv nan mwen. Epi lavi ke m viv koulye a nan lachè, mwen viv pa lafwa nan Fis a Lòm nan, ki te renmen mwen e ki te bay tèt li pou mwen. <sup>21</sup> Mwen pa anile lagras Bondye; paske ✨si ladwati vini selon Lalwa a, alò, Kris te mouri san rezon.”

### 3

<sup>1</sup> O nou menm moun Galatie ensanse yo; kilès ki gen tan mete wanga sou nou konsa, devan zye a kilès, Jèsus Kri te ✨piblikman prezante kòm krisifye a? <sup>2</sup> Sèl bagay ke m vle konnen de nou; Èske nou te resevwa Lespri a pa zèv Lalwa yo, oubyen pa ✨tande avèk lafwa. <sup>3</sup> Èske nou si

✨ 2:2 I Kor 9:24 ✨ 2:3 II Kor 2:13 ✨ 2:4 Trav 15:1,24 ✨ 2:5 Gal 1:6 ✨ 2:6 Trav 10:34  
 ✨ 2:7 Trav 9:15 ✨ 2:8 Trav 1:25 ✨ 2:9 Wo 12:3 ✨ 2:10 Trav 24:17 ✨ 2:11 Gal 1:18 ✨ 2:12  
 Trav 11:3 ✨ 2:12 Trav 11:2 ✨ 2:13 Trav 4:36 ✨ 2:14 Gal 2:5 ✨ 2:15 Fil 3:4 ✨ 2:16 Trav  
 13:39 ✨ 2:17 Gal 2:15 ✨ 2:18 Wo 3:5 ✨ 2:19 Wo 6:2 ✨ 2:20 Wo 6:6 ✨ 2:21 Gal 3:21  
 ✨ 3:1 I Kor 1:23 ✨ 3:2 Wo 10:17

tèlman ensanse? Èske nou te kòmanse avèk Lespri a, epi koulye a nou ap vin pafè pa lachè? <sup>4</sup> Èske nou te soufri tout bagay sa yo anven—\*si vrèman se te anven? <sup>5</sup> Alò, èske Sila ki founi nou avèk Lespri a e ki te fè zèv mirak pami nou yo, te fè li pa zèv Lalwa yo, oubyen pa \*tande ak lafwa. <sup>6</sup> Malgre sa \**“Abraham te kwè Bondye, e sa te konte pou Li kòm ladwati.”* <sup>7</sup> Konsa, se pou nou asire ke \*se sila ki nan lafwa yo ki se fis Abraham. <sup>8</sup> Lekriti sen an, ki te prevwa ke Bondye ta jistifye pèp etranje yo pa lafwa, te preche levanjil la davans a Abraham e te di: \**“Tout nasyon yo va beni nan ou”*. <sup>9</sup> Alò \*sila ki nan lafwa yo, beni pa Abraham, kwayan an. <sup>10</sup> Paske tout sa ki nan zèv Lalwa yo anba yon madichon; paske sa ekri: \**“Modi se tout moun ki pa respekte tout bagay ki ekri nan liv Lalwa a, pou fè yo.”* <sup>11</sup> Alò, li klè ke \*pèsòn pa jistifye pa Lalwa devan Bondye, paske \**“Moun jis la va viv pa lafwa”*. <sup>12</sup> Sepandan, Lalwa a pa selon lafwa; okontrè: \**“Sila ki pratike yo a va viv pa yo menm.”* <sup>13</sup> Kris te delivre nou de madichon Lalwa a, akòz Li te devni yon madichon pou nou—paske sa ekri: \**“Modi se tout moun ki pann sou yon bwa.”* <sup>14</sup> Pouke nan Kris Jésus, benediksyon Abraham yo ta kapab vini pou pèp etranje yo, pou nou \*ta kapab resevwa \*pwomès a Lespri Sen an pa lafwa. <sup>15</sup> Frè m yo \*mwenn pale nan tèm relasyon moun ak moun; menm si se sèlman yon akò moun, depi li fin etabli, nanpwenn moun k ap mete l sou kote oubyen ajoute kondisyon ladann. <sup>16</sup> Alò, pwomès yo te pale a Abraham ak posterite li. Li pa t di, *“a posterite ou yo”*, kòm referans a anpil moun, men de preferans a yon sèl moun: \**“E a posterite ou”*, sa se Kris. <sup>17</sup> Sa ke m vle di a se sa: Lalwa, ki te vini \*kat-san-trant ane pita a, pa anile akò sa ki te deja etabli pa Bondye, kòm si pou anile pwomès la. <sup>18</sup> Paske \*si eritaj la baze sou lafwa, li pa baze sou yon pwomès ankò; men Bondye te bay li a Abraham pa mwayen de yon pwomès. <sup>19</sup> \*Alò, poukisa Lalwa a? Li te ajoute akòz de transgresyon yo, ki te òdone atravè zanj yo pa ajans a yon medyatè, jiskaske semans lan ta kapab rive a Sila pwomès la te fèt la. <sup>20</sup> Alò \*yon medyatè pa pou yon sèl pati, tandiske Bondye se yon sèl. <sup>21</sup> Konsa, èske Lalwa a vin kont pwomès a Bondye yo. \*Ke sa pa ta janm fèt! Paske si te gen yon lwa ki ta kapab bay lavi, alò, ladwati ta vrèman baze sou Lalwa. <sup>22</sup> Men Lekriti sen an \*anchene tout bagay anba peche, pou pwomès la, pa lafwa nan Jésus Kri a, ta kapab bay a sila ki kwè yo. <sup>23</sup> Men avan lafwa te vini, nou te kenbe kòm yon depandan anba Lalwa, sans akse a lafwa ki t ap vin revele pita. <sup>24</sup> Konsa, Lalwa te devni pwofesè lekòl nou, pou mennen nou a Kris, \*pou nou ta kapab jistifye pa lafwa. <sup>25</sup> Men koulye a, ke lafwa rive, nou pa anba \*yon pwofesè lekòl ankò. <sup>26</sup> Paske nou tout se \*fis a Bondye pa lafwa nan Kris Jésus. <sup>27</sup> Paske nou tout ki te batize nan Kris la te \*abiye tèt nou avèk Kris. <sup>28</sup> \*Pa gen ni Grèk, ni Jwif, ni esklav, ni lib, pa gen ni mal ni femèl; paske nou tout se youn nan Kris Jésus. <sup>29</sup> Epi si nou apatyan a Kris, nou se desandan a Abraham, eritye selon \*pwomès la.

## 4

<sup>1</sup> Men mwenn di nou, toutotan ke eritye a se yon timoun, li pa distenge

\* 3:4 I Kor 15:2 \* 3:5 Wo 10:17 \* 3:6 Jen 15:6 \* 3:7 Wo 4:16 \* 3:8 Jen 12:3 \* 3:9 Gal 3:7 \* 3:10 Det 27:26 \* 3:11 Gal 2:16 \* 3:11 Hab 2:4 \* 3:12 Lev 18:5 \* 3:13 Det 21:23 \* 3:14 Gal 3:2 \* 3:14 Trav 2:33 \* 3:15 Wo 3:5 \* 3:16 Trav 3:25 \* 3:17 Jen 15:13 \* 3:18 Wo 4:14 \* 3:19 Wo 5:20 \* 3:20 I Tim 2:5 \* 3:21 Luc 20:16 \* 3:22 Wo 11:32 \* 3:24 Gal 2:16 \* 3:25 I Kor 4:15 \* 3:26 Wo 8:14 \* 3:27 Wo 13:14 \* 3:28 Wo 3:22 \* 3:29 Wo 9:8

ditou de yon esklav, malgre ke li se mèt a tout bagay, <sup>2</sup> Men li anba gadyen ak sipèvizè yo jiska dat fikse pa papa a. <sup>3</sup> Menm jan an nou menm tou, lè nou te timoun, nou te kenbe an ✧esklavaj anba prensip ✧de baz a mond lan. <sup>4</sup> Men lè dat fikse a te rive, Bondye te voye Fis Li a ✧fèt de yon fanm, fèt anba Lalwa <sup>5</sup> pou Li ta kapab delivre sila ki te anba Lalwa yo, pou nou ta kapab resevwa adopsyon kòm ✧fis. <sup>6</sup> Akoz ke nou se fis, ✧Bondye te voye Lespri a Fis Li a nan kè nou pandan L ap kriye: “Abba! Papa!” <sup>7</sup> Konsa, nou pa yon esklav ankò, men yon fis; epi ✧si yon fis, alò, yon eritye atravè Bondye. <sup>8</sup> Sepandan, nan ✧lè sa a, lè nou pa t konnen Bondye, nou te esklav a sila ki pa lanati pa t dye yo menm. <sup>9</sup> Men koulye a, akoz nou vin konnen Bondye, oubyen pito di ✧vin konnen pa Li menm, kòman ke nou vire ankò a vye prensip de baz fèb yo, pou nou ta renmen vin esklav yo ankò? <sup>10</sup> Nou ✧obsève jou yo, mwa yo, sezon ak lane yo. <sup>11</sup> Mwen gen lakrent pou nou pou petèt mwen te travay ak nou anven. <sup>12</sup> Mwen priye nou ✧frè m yo, pou nou vin tankou mwen menm, paske mwen gen tan vin tankou nou. Nou pa t fè m okenn tò; <sup>13</sup> men nou konnen ke se te akoz yon maladi nan kò a ke m te preche levanjil la a nou menm nan premye fwa a. <sup>14</sup> Epi sa ki te yon traka pou nou nan kondisyon kò m nan, nou pa t ni meprize ni deteste nan mwen, men ✧nou te resevwa mwen kòm yon zanj Bondye, kòm Kris Jésus Li menm. <sup>15</sup> Alò, kote sans benediksyon sa a gen tan ale la a? Paske mwen pran nou kòm temwen ke si te posib, nou t ap rache pwòp zye nou pou nou te ban mwen. <sup>16</sup> Èske konsa mwen vin lènmi nou ✧akoz ke m di nou Verite a? <sup>17</sup> Yo chèche ou avèk zèl, pa pou bon rezon, men paske yo swete divize nou pou ou menm kapab al jwenn ak yo. <sup>18</sup> Men se toujou bon si nou gen zèl pou sa ki bon, e ✧pa sèlman lè m la avè nou. <sup>19</sup> Pitit mwen yo, ak nou m ap fè doulè akouchman nou ankò, jiskaske ✧Kris fòme nan nou—<sup>20</sup> Men mwen ta swete prezan avèk nou koulye a pou chanje jan mwen refreshi sou nou, paske ✧mwen vin pa konprann nou. <sup>21</sup> Di mwen, nou menm ki vle anba Lalwa a, èske nou pa ✧tande Lalwa a? <sup>22</sup> Paske li ekri ke Abraham te gen de fis ✧youn pa fanm ki te esklav la, e ✧youn pa fanm ki te lib la. <sup>23</sup> Men ✧fis pa fanm ki te esklav la te fèt selon lachè, e ✧fis a fanm ki te lib la te fèt selon pwomès la. <sup>24</sup> Sa se parabòl istorik, paske de fanm sa yo se de akò, youn te fèt nan Mòn Sinai k ap pote pitit ki va ✧esklav yo; li se Agar. <sup>25</sup> Alò, Agar sa a se Mòn Sinai an Arabie e ki koresponn a Jérusalem ki la jis koulye a, paske li nan esklavaj avèk pitit li yo. <sup>26</sup> Men ✧Jérusalem ki anwo a lib; li se manman nou tout. <sup>27</sup> Paske sa ekri: ✧“Rejwi, fanm esteril ki pa fè pitit; eklate ak kri lajwa, ou menm ki pa nan doulè pou fè timoun nan: paske pitit a sila ki aflije a plis an kantite pase sila ki gen mari a.” <sup>28</sup> Epi nou menm, frè m yo, kòm Isaac, nou se ✧pitit a pwomès la. <sup>29</sup> Men menm jan nan tan sa a, sila ki te fèt selon lachè a te ✧pèsekite sila ki te fèt selon Lespri a, se menm jan an koulye a. <sup>30</sup> Men kisa Lekriti Sen an di?: ✧“Mete fanm esklav la deyò, avèk fis li a. Paske fis a fanm esklav la pa dwe yon eritye avèk fis a fanm lib la.” <sup>31</sup> Alò konsa, frè m yo, nou pa pitit a yon fanm esklav, men a yon fanm lib.

✧ 4:3 Gal 2:4 ✧ 4:3 Kol 2:8,20 ✧ 4:4 Mat 1:25 ✧ 4:5 Wo 8:14 ✧ 4:6 Trav 16:7 ✧ 4:7 Wo 8:17 ✧ 4:8 I Kor 1:21 ✧ 4:9 I Kor 8:3 ✧ 4:10 Wo 14:5 ✧ 4:12 Gal 6:18 ✧ 4:14 Mat 10:40 ✧ 4:16 Am 5:10 ✧ 4:18 Gal 4:13 ✧ 4:19 Ef 4:13 ✧ 4:20 II Kor 4:8 ✧ 4:21 Luc 16:29 ✧ 4:22 Jen 16:15 ✧ 4:22 Jen 21:2 ✧ 4:23 Wo 9:7 ✧ 4:23 Jen 17:16 ✧ 4:24 Gal 4:3 ✧ 4:26 Eb 12:22 ✧ 4:27 És 54:1 ✧ 4:28 Wo 9:7 ✧ 4:29 Jen 21:9 ✧ 4:30 Jen 21:12

## 5

<sup>1</sup> ✧ Se te pou libète ke Kris te fè nou lib; konsa, kenbe fèm pou nou pa vin soumèt nou ankò a yon jouk esklavaj. <sup>2</sup> Gade, mwen menm, Paul, di nou ke si nou resevwa ✧ sikonsizyon, Kris p ap fè nou okenn benefis. <sup>3</sup> Epi mwen temwaye ankò a tout moun ki resevwa sikonsizyon, ke li anba obligasyon pou ✧ kenbe tout Lalwa a. <sup>4</sup> Nou gen tan vin sevre de Kris, nou menm k ap chache vin jistifye pa Lalwa; nou ✧ tonbe kite lagras. <sup>5</sup> Paske nou menm, atravè Lespri a, pa lafwa, n ap ✧ tann esperans ladwati a. <sup>6</sup> Paske nan Kris Jésus ✧ ni sikonsizyon, ni ensikonsizyon pa vle di anyen, men lafwa k ap ajì atravè lanmou a. <sup>7</sup> Nou t ap ✧ kouri byen; kilès ki te vin jennen nou pou nou pa obeyi verite a? <sup>8</sup> Enfliyans sa a pa t sòti nan ✧ Sila ki te fè apèl a nou an. <sup>9</sup> ✧ Yon ti kras ledven fè tout boul pen an vin leve. <sup>10</sup> Mwen gen konfyans nan nou nan Senyè a ke nou p ap adopte okenn lòt opinyon; men sila k ap ✧ twouble nou an va pote pwòp jijman pa li, nenpòt moun li ye a. <sup>11</sup> Men mwen, frè m yo, si mwen toujou preche sikonsizyon, poukisa mwen toujou ✧ pèsekite? Alò, konsa blòk k ap fè moun bite a, ki se lakwa a, vin aboli. <sup>12</sup> Mwen swete ke sila k ap twouble nou yo ta ✧ menm chatre pwòp kò yo. <sup>13</sup> Paske nou te rele pou libète, frè m yo; ✧ sèlman pa fè libète nou an vin tounen yon opòtinite pou lachè, men selon lanmou, pou nou sèvi youn lòt. <sup>14</sup> Paske tout Lalwa a akonpli nan yon pawòl, nan fraz la; ✧ “Ou va renmen pwochen ou tankou pwòp tèt ou.” <sup>15</sup> Men si nou ✧ mòde e devore youn lòt, fè atansyon pou nou pa fin manje youn lòt nèt. <sup>16</sup> Men mwen di nou ✧ mache pa Lespri a, e nou p ap akonpli dezi lachè yo. <sup>17</sup> Paske ✧ lachè mete dezi li yo kont Lespri a, e Lespri a kont lachè; paske sila yo opoze a youn lòt; ✧ pou nou pa ta fè tout sa ki fè nou plezi. <sup>18</sup> Men si nou ✧ mennen pa Lespri a, nou pa anba Lalwa. <sup>19</sup> Alò, zèv lachè yo klè: ✧ Imoralite, salte, sansyalite <sup>20</sup> idolatri, fè maji, fè lènmi ✧ konfli, jalouzi, fè kòlè, dispite youn kont lòt, divizyon <sup>21</sup> lanvi, bwè tafya, banbochè, e tout bagay konsa yo, ke m avèti nou, menm jan ke m te avèti nou an, ke sila ki pratike bagay sa yo p ap ✧ eritye wayòm Syèl la. <sup>22</sup> Men ✧ fwi Lespri a se lanmou, lajwa, lapè, pasyans, ladousè, bonte, fidelite <sup>23</sup> jantiyès, tanperans; kont bagay sa yo, pa gen lwa. <sup>24</sup> Alò, sila ki pou Kris Jésus yo gen tan ✧ krisifye lachè avèk tout pasyon ak dezi li yo. <sup>25</sup> Si nou viv pa Lespri a, annou osi mache ✧ pa Lespri a. <sup>26</sup> Pa kite nou ✧ vin gen ògèy, ni pwovoke youn lòt ni gen lanvi kont youn lòt.

## 6

<sup>1</sup> Frè m yo, menm si yon moun vin kenbe nan nenpòt transgresyon, nou menm ki ✧ posede Lespri Bondye a, restore li avèk yon lespri dousè. Epi nou chak veye sou tèt nou pou nou pa osi vin tante. <sup>2</sup> ✧ Pote fado youn pou lòt, e konsa lalwa Kris la akonpli. <sup>3</sup> Paske ✧ si yon moun panse ke li menm se yon bagay lè vrèman li pa anyen, li twonpe pwòp tèt li. <sup>4</sup> Men chak moun dwe ✧ egzamine pwòp zèv pa li, epi konsa li va gen rezon pou vante tèt li pou sa ke li menm fè, e pa pou sa yon lòt moun fè. <sup>5</sup> Paske ✧ chak moun va pote pwòp chay pa l. <sup>6</sup> ✧ Sila k ap aprann pawòl la dwe pataje tout bon bagay

✧ 5:1 Jn 8:32,36 ✧ 5:2 Trav 15:1 ✧ 5:3 Wo 2:25 ✧ 5:4 Eb 12:15 ✧ 5:5 Wo 8:23 ✧ 5:6 I Kor 7:19 ✧ 5:7 Gal 2:2 ✧ 5:8 Wo 8:28 ✧ 5:9 I Kor 5:6 ✧ 5:10 Gal 1:7 ✧ 5:11 Gal 6:12 ✧ 5:12 Det 23:1 ✧ 5:13 I Kor 8:9 ✧ 5:14 Lev 19:18 ✧ 5:15 Gal 5:20 ✧ 5:16 Wo 8:4 ✧ 5:17 Wo 8:5 ✧ 5:17 Wo 7:15 ✧ 5:18 Wo 8:14 ✧ 5:19 I Kor 6:9,18 ✧ 5:20 II Kor 12:20 ✧ 5:21 I Kor 6:9 ✧ 5:22 Mat 7:16 ✧ 5:24 Wo 6:6 ✧ 5:25 Gal 5:16 ✧ 5:26 Fil 2:3 ✧ 6:1 I Kor 2:15 ✧ 6:2 Wo 15:1 ✧ 6:3 Trav 5:36 ✧ 6:4 I Kor 11:28 ✧ 6:5 Pwov 9:12 ✧ 6:6 I Kor 9:11,14

avèk sila ki enstwi l la. <sup>7</sup> Pa twonpe tèt nou; ✨Bondye p ap moke; paske sa ke yon moun simen, se sa menm ke li va rekòlte. <sup>8</sup> Paske, sila ki simen pou pwòp chè li a, va, selon lachè, rekòlte koripsyon, men ✨sila ki simen pou Lespri a, va, selon Lespri a, rekòlte lavi etènèl. <sup>9</sup> Annou pa ✨dekouraje nan fè byen, paske lè lè a rive, nou va rekòlte si nou pa fatige. <sup>10</sup> Alò ✨pandan nou gen tan an, annou fè byen ak tout moun, e sitou a sila ki nan fanmi lafwa yo. <sup>11</sup> Gade ak kalite gwo lèt m ap ekri nou ✨avèk pwòp men mwen. <sup>12</sup> Sila ki vle ✨parèt bèl nan lachè yo eseye fòse nou sikonsi; senpleman pou yo menm pa ta pèsekite pou koz lakwa a Kris. <sup>13</sup> Paske sila ki sikonsi yo pa menm ✨kenbe Lalwa pou tèt yo, men yo desire fè nou sikonsi pou yo kapab vante tèt yo nan lachè pa nou. <sup>14</sup> Men ke sa pa janm fèt pou m ta vante tèt mwen, eksepte nan lakwa a Senyè nou an, Jésus Kris. Atravè Li menm mond lan fin krisifye pou mwen, e ✨mwen menm pou mond lan. <sup>15</sup> Paske nan Kris Jésus, ✨sikonsi pa anyen, ni pa sikonsi pa anyen, men nou devni yon kreyasyon tounèf. <sup>16</sup> Epi pou sila ki va mache pa prensip sila a, lapè ak gras sou yo, e sou ✨Israël Bondye a. <sup>17</sup> Depi koulye a, pa kite pèsòn koze pwoblèm pou mwen, paske mwen pote sou kò m ✨mak a Jésus yo. <sup>18</sup> ✨Ke gras a Senyè nou an Jésus Kris kapab rete ✨avèk Lespri nou, frè m yo. Amen.

---

✨ 6:7 Job 13:9 ✨ 6:8 Wo 8:11 ✨ 6:9 I Kor 15:58 ✨ 6:10 Pwov 3:27 ✨ 6:11 I Kor 16:21  
 ✨ 6:12 Mat 23:27 ✨ 6:13 Wo 2:25 ✨ 6:14 Wo 6:2,6 ✨ 6:15 Wo 2:26,28 ✨ 6:16 Wo 9:6  
 ✨ 6:17 És 44:5 ✨ 6:18 Wo 16:20 ✨ 6:18 II Tim 4:22

## EFEZYEN YO

<sup>1</sup> Paul ✧yon apot Jésus Kri pa volonte a Bondye, a sen ki an Éphèse yo ✧ki fidèl nan Jésus Kri: <sup>2</sup> ✧Lagras pou nou ak lapè ki soti nan Bondye, Papa nou, ak Senyè a, Jésus Kri. <sup>3</sup> Beni se Bondye, Papa Senyè nou an Jésus Kri, ki te beni nou avèk tout benediksyon Lespri a ✧nan lye selès an Kris yo. <sup>4</sup> Jis jan ✧Li te chwazi nou nan Li, menm avan fondasyon mond lan, pou nou ta kapab sen e san fot devan Li. Nan lanmou Li, <sup>5</sup> li te ✧chwazi nou oparavan pou adopsyon kòm fis Li, atravè Jésus Kri, selon dous entansyon a volonte Li. <sup>6</sup> ✧Pou lwanj a glwa a gras Li a, ke Li te bannou ak liberalite nan ✧Li menm Ki Byeneme a. <sup>7</sup> ✧Nan Li nou gen redanmsyon pa san Li, padon pou transgresyon nou yo selon richès a gras Li, <sup>8</sup> ke Li te vide sou nou. Nan tout sa jès ak konesans, <sup>9</sup> li te ✧fè nou konnen mistè a volonte Li, selon dous entansyon Li; sa ke li te deja planifye nan Li menm nan, <sup>10</sup> avèk yon plan pou fè sa dewoule ✧lè tan an fin akonpli, pou ✧reyini tout bagay nan Kris la, bagay nan syèl yo ak bagay sou latè yo. Nan Li menm <sup>11</sup> nou vin genyen yon eritaj osi, ki te chwazi oparavan ✧selon plan pa L. Ki fè tout bagay mache ✧selon konsèy volonte pa Li <sup>12</sup> afenke nou menm ki te premye espere nan ✧Kris la, ta kapab sèvi kòm lwanj a glwa Li. <sup>13</sup> Nan Li menm, nou tout osi, aprè nou tandè mesaj Verite a, Levanjil Sali a; akòz nou menm tou te kwè, nou te ✧sele nan Li menm avèk ✧Lespri Sen a pwomès la, <sup>14</sup> ki ✧bay a nou menm kòm yon pwomès eritaj nou an, avèk plan redanmsyon a sila ki vrèman pou Bondye yo, pou lwanj a glwa Li. <sup>15</sup> Pou rezon sa a, mwen menm tou ✧lè mwen te tandè de lafwa nan Senyè a Jésus Kri nou an, ki egziste pami nou ak lanmou nou pou tout sen yo, <sup>16</sup> m ✧pa janm sispann bay remèsiman pou nou menm, pandan m ap nonmen non nou nan lapriyè <sup>17</sup> pou ✧Bondye a Senyè nou an Jésus Kri, Papa laglwa a, kapab bannou yon lespri sa jès ak revelasyon nan konesans a Li menm. <sup>18</sup> M priye pou ✧zye a kè nou kapab klere, pou nou kapab konnen kisa ki esperans apèl Li a, ak sa ki richès laglwa eritaj Li a pami sen yo. <sup>19</sup> Epi sa ki se grandè san parèy a pouvwa Li anvè nou menm ki kwè yo; ✧selon travay fòs pouvwa Li a. <sup>20</sup> Se travay sa a ke Li te fè rive an Kris la lè Li te leve li ✧soti nan lanmò a pou te fè L chita sou bò dwat Li nan lye selès yo, <sup>21</sup> pi wo anpil pase ✧tout gouvènans yo, tout otorite, tout pouvwa, tout wayòm, ak tout non ki nonmen, non sèlman nan tan sila a, men nan tan k ap vini an. <sup>22</sup> Epi Li te ✧mete tout bagay an soumisyon anba pye Jésus, e te fè Li tèt sou tout bagay a legliz la, <sup>23</sup> ki se ✧kò Li, yon prezantasyon konplè de Li menm ki konplete tout bagay nèt.

## 2

<sup>1</sup> Epi nou te fèt vivan an nan lè nou te ✧fin mouri nan transgresyon ak peche nou yo. <sup>2</sup> Nan sila a nou te konn mache oparavan yo, selon kous a mond sa a, selon ✧prens a pwisans de lè a; lespri a ki koulye a menm ap

✧ **1:1** II Kor 1:1 ✧ **1:1** Kol 1:2 ✧ **1:2** Wo 1:7 ✧ **1:3** Ef 1:20 ✧ **1:4** Ef 2:10 ✧ **1:5** Wo 8:29  
 ✧ **1:6** Ef 1:12,14 ✧ **1:6** Mat 3:17 ✧ **1:7** Kol 1:14 ✧ **1:9** Wo 11:25 ✧ **1:10** Mc 1:15 ✧ **1:10**  
 Kol 1:16,20 ✧ **1:11** Wo 8:28 ✧ **1:11** Wo 9:11 ✧ **1:12** Ef 1:6,14 ✧ **1:13** Ef 4:30 ✧ **1:13** Trav  
 2:33 ✧ **1:14** II Kor 1:22 ✧ **1:15** I Kor 1:4 ✧ **1:16** Wo 1:8 ✧ **1:17** Jn 20:17 ✧ **1:18** II Kor  
 4:6 ✧ **1:19** Ef 3:7 ✧ **1:20** Trav 2:24 ✧ **1:21** Mat 28:18 ✧ **1:22** Sòm 8:6 ✧ **1:23** I Kor 12:27  
 ✧ **2:1** Ef 2:5 ✧ **2:2** Jn 12:31



aji nan ✨fis a dezobeyisans yo. <sup>3</sup> Pami yo, nou tou te konn viv ✨nan dezi lachè nou, nan satisfè sa dezi lachè a ak lespri a te mande nou fè. Nou te ✨pa lanati, zanfan lakòlè menm jan ak tout lòt yo. <sup>4</sup> Men Bondye, ki rich an mizerikòd, akòz ✨gran amou Li ke Li te sèvi nan renmen nou an, <sup>5</sup> ki menm lè nou te deja mouri nan transgresyon nou yo, Li te fè nou viv ansanm avèk Kris. ✨Pa lagras nou te sove a. <sup>6</sup> Li te ✨leve nou avèk Li, epi te fè nou chita avèk Li nan lye selès yo, nan Kris Jèsus. <sup>7</sup> Pou nan tan k ap vini yo, Li ta kapab montre nou ✨richès a gras Li ki pi gran pase tout bagay, nan dousè Li anvè nou nan Jèsus Kri. <sup>8</sup> Paske se ✨pa lagras ke nou sove atravè lafwa; e sa pa de nou menm, se kado a Bondye a; <sup>9</sup> ✨li pa pa mwayen de zèv yo, pou pèsòn pa kapab vante tèt li. <sup>10</sup> Paske nou se èv Li, ✨kreye an Jèsus Kri pou fè bon zèv, ke Bondye te prepare davans pou nou ta kapab mache nan yo. <sup>11</sup> Konsa, sonje, ke oparavan, nou menm, pèp etranje nan lachè yo, ki rele ✨“Ensikonsi” pa sila ki rele pwòp tèt yo “Sikonsi” yo, ki fèt nan lachè pa men a lòm, <sup>12</sup> sonje ke nou te nan tan sa a separe de Kris, andeyò de kominote Israèl la, e etranje selon ✨akò pwomès yo, san espwa, e san Bondye nan mond lan. <sup>13</sup> Men koulye a nan Kris Jèsus, nou menm ki te oparavan byen lwen, nou gen tan vin touprè ✨pa san a Kris la. <sup>14</sup> Paske Li menm, Li se ✨lapè nou, ki te fè de gwoup sa yo vin yon sèl, e ki te kraze baryè miray divizyon an, <sup>15</sup> lè L te aboli nan lachè Li, rayisman ki se lalwa kòmandman yo ki te nan tout règ yo, pou nan Li menm, Li ta kapab fè de pèp sa yo a vin ✨yon sèl òm tounèf e konsa etabli lapè. <sup>16</sup> Epi pou Li ta kapab ✨rekonsilye yo toulède nan yon sèl kò pou Bondye atravè lakwa a, ki te mete rayisman sa a lanmò. <sup>17</sup> “Epi ✨Li te vin preche lapè a nou ki te byen lwen an, e lapè a sila ki te touprè yo;” <sup>18</sup> Paske atravè Li menm, nou toulède gen aksè nan ✨yon sèl Lespri a Papa a. <sup>19</sup> Konsa, nou pa etranje ak moun deyò ankò, men nou se ✨sitwayen ansanm avèk sen yo e manm fanmi a lakay Bondye a <sup>20</sup> Ki te bati sou fondasyon apot ak pwofèt yo, Kris Jèsus Li menm kòm ✨wòch ki nan ang prensipal la. <sup>21</sup> Nan Li menm tout kay la fòm ansanm, epi ap grandi pou devni ✨yon tanp ki sen nan Senyè a. <sup>22</sup> Nan Li menm, nou osi ap vin ✨bati ansanm pou vini yon kote pou Lespri Bondye a kapab rete.

### 3

<sup>1</sup> Pou rezon sa a, mwen, Paul ✨prizonye a Kris Jèsus a, pou koz a nou, pèp etranje yo <sup>2</sup> si vrèman nou te tande de ✨jerans a gras Bondye ke mwen te resevwa pou livre bay nou an; <sup>3</sup> ke ✨pa revelasyon mwen te vin konnen mistè a, sou ki mwen te deja ekri kèk mo a. <sup>4</sup> Pa referans a sa, lè nou li, nou kapab konprann konesans mwen nan ✨mistè a Kris la, <sup>5</sup> ki, nan lòt jenerasyon yo pa t konnen pa fis a lòm yo, men koulye a li revele a ✨sen apot Li yo ak pwofèt yo nan Lespri a. <sup>6</sup> Pou detaye byen klè, ke pèp etranje yo se eritye egal e manb parèy nan kò a, epi patisipan egal nan pwomès a Kris Jèsus a selon levanjil la. ✨<sup>7</sup> ✨Sou pwomès sa a, mwen te vin yon sèvitè selon don lagras Bondye a, ke m te resevwa selon travay pouvwa Li a. <sup>8</sup> A mwen menm, pi piti pami tout sen yo, gras sa a te bay, pou preche a pèp

✨ 2:2 Ef 5:6 ✨ 2:3 Gal 5:16 ✨ 2:3 Wo 2:14 ✨ 2:4 Jn 3:16 ✨ 2:5 Trav 15:11 ✨ 2:6 Kol 2:12 ✨ 2:7 Wo 2:4 ✨ 2:8 Trav 15:11 ✨ 2:9 Wo 3:28 ✨ 2:10 Kol 3:10 ✨ 2:11 Wo 2:28 ✨ 2:12 Gal 3:17 ✨ 2:13 Wo 3:25 ✨ 2:14 És 9:6 ✨ 2:15 Gal 3:28 ✨ 2:16 II Kor 5:18 ✨ 2:17 És 57:19 ✨ 2:18 I Kor 12:13 ✨ 2:19 Fil 3:20 ✨ 2:20 Sòm 118:22 ✨ 2:21 I Kor 3:16 ✨ 2:22 I Kor 3:9,16 ✨ 3:1 Trav 23:18 ✨ 3:2 Ef 1:10 ✨ 3:3 Gal 1:12 ✨ 3:4 Wo 11:25 ✨ 3:5 I Kor 12:28 ✨ 3:6 Gal 3:29 ✨ 3:7 I Kor 1:23,25

etranje yo, tout ✨richès ensondab a Kris yo. <sup>9</sup> Epi pou pote nan limyè, sa ki se jerans a ✨mistè a ki te kache pandan tan yo nan Bondye ki te kreye tout bagay yo. <sup>10</sup> Pou tout sajès a Bondye a ta kapab ✨vin konnen koulye a atravè legliz la, a tout ✨pouvwa ak otorite nan lye selès yo. <sup>11</sup> ✨Sa te an akò avèk plan etènèl la ke Li te reyalize nan Kris Jésus, Senyè nou an. <sup>12</sup> Nan ✨Li menm, nou gen kouraj pa lafwa pou apwoche Li ak konfyans. <sup>13</sup> Konsa, mwen mande nou pou nou pa dekouraje nan tribilasyon m ap pase ✨pou nou yo, paske yo se glwa nou. <sup>14</sup> Pou rezon sila a, mwen ✨koube jenou m devan Papa a. <sup>15</sup> Nan Li menm, tout fanmi nan syèl la ak sou tè a jwenn non yo; <sup>16</sup> pou Li kapab bannou, selon richès a laglwa Li, pou nou kapab ranfòse avèk pouvwa, atravè Lespri Li a ki fonsè nan enteryè lòm nan. <sup>17</sup> Pou Kris kapab demere nan kè nou pa lafwa; epi pou nou kapab, byen fonde e rasine nan lanmou, <sup>18</sup> pou nou kapab konprann avèk tout sen yo ✨sa ki se lajè, longè, wotè, ak pwofondè a <sup>19</sup> epi pou nou konnen ✨lanmou a Kris la ki depase konesans, pou nou ta kapab vin ranpli nèt ak tout sa ki nan Bondye yo. <sup>20</sup> Koulye a, a Li menm ki ✨kapab fè bokou, bokou plis, de tout sa ke nou mande oubyen panse, selon pouvwa ki travay anndan nou an <sup>21</sup> ✨a Li menm laglwa nan legliz la ak nan Kris Jésus a, a tout jenerasyon yo pou tout tan e pou tout tan. Amèn.

#### 4

<sup>1</sup> Konsa, mwen menm, prizonye a Senyè a, mwen priye nou pou nou ✨mache nan yon manyè dign de apèl avèk sila yo te rele nou an, <sup>2</sup> avèk tout ✨imilite ak dousè, avèk pasyans, nan montre tolerans pou youn lòt nan lanmou <sup>3</sup> nan rete dilijan pou konsève ✨linite Lespri a, nan lyen lapè. <sup>4</sup> ✨Gen yon kò ak yon Lespri, menm jan ke nou te rele nan yon sèl espwa de apèl nou an; <sup>5</sup> ✨yon sèl Senyè, yon sèl lafwa, yon sèl batèm <sup>6</sup> yon sèl Bondye e Papa ✨tout moun ki, sou tout bagay, pami tout bagay e nan tout bagay. <sup>7</sup> Men a nou chak, gras te vin bay ✨selon mezi don a Kris la. <sup>8</sup> Konsa sa ekri: ✨“Lè Li te monte anlè, Li te mennen an kaptivite yon kantite kaptif, e Li te bay don a lèzòm.” <sup>9</sup> (Alò, fraz sila a, ✨“Li te monte”, kisa sa vle di eksepte ke Li te osi te desann anba nan pati ki pi fon nan latè a? <sup>10</sup> Sila ki te desann nan se Li menm tou ki te monte ✨bokou pi wo pase tout syèl yo, pou Li ta kapab ✨akonpli tout bagay. <sup>11</sup> Epi Li te bay ✨kèk kòm apot, kèk kòm pwofèt, kèk kòm evanjelis, e kèk kòm pastè ak enstriktè <sup>12</sup> ✨Pou preparasyon a fidèl yo pou zèv sèvis la, pou l ranfòse kò a Kris la; <sup>13</sup> Jiskaske nou tout vin rive nan linite lafwa a, ak ✨konesans a Fis Bondye a, yon ✨moun ki gen matirite, jiska mezi a wotè ki apatyen a Kris la. <sup>14</sup> Kòm rezilta, nou ✨pa dwe timoun ankò, ki vannen toupatou pa chak vag lanmè a, e ki vin pote pa chak van doktrin ki fèt pa twonpri a lòm, tout koken ak manèv desepsyon; <sup>15</sup> Men pandan n ap pale verite a nan lanmou, nou dwe ✨grandi nan tout aspè nan Sila, ki se tèt la, Kris Li menm. <sup>16</sup> Nan Li menm ✨tout kò a, ki fòm e ki kenbe ansanm pa sa ke chak jwenn founi, selon pwòp fonksyon a chak grenn pati, ki fè kò a grandi pou l byen bati pou kont li nan lanmou. <sup>17</sup> Donk, mwen di sa e konfime ansanm avèk

✨ **3:8** Wo 2:4 ✨ **3:9** Wo 16:25 ✨ **3:10** I Pi 1:12 ✨ **3:10** Ef 6:12 ✨ **3:11** Ef 1:11 ✨ **3:12** Ef 2:18 ✨ **3:13** Ef 3:1 ✨ **3:14** Fil 2:10 ✨ **3:18** Job 11:8 ✨ **3:19** Wo 8:35,39 ✨ **3:20** II Kor 9:8 ✨ **3:21** Wo 11:36 ✨ **4:1** Ef 2:10 ✨ **4:2** Kol 3:12 ✨ **4:3** Kol 3:14 ✨ **4:4** I Kor 12:4; Ef 1:18 ✨ **4:5** I Kor 8:6 ✨ **4:6** Wo 11:36 ✨ **4:7** Wo 12:3 ✨ **4:8** Sòm 68:18 ✨ **4:9** Jn 3:13 ✨ **4:10** Eb 7:6 ✨ **4:10** Ef 1:23 ✨ **4:11** Trav 13:1 ✨ **4:12** II Kwo 13:9 ✨ **4:13** Ef 1:17 ✨ **4:13** Eb 5:14 ✨ **4:14** I Kor 14:20 ✨ **4:15** Ef 2:21 ✨ **4:16** Wo 12:4

Senyè a ☆pou nou pa mache ankò kòm pèp etranje yo mache, nan vanite apanse yo, <sup>18</sup> avèk yon konprann ki byen ☆fonse ☆andeyò de lavi Bondye a, akòz de inyorans ki nan yo, akòz kè yo ki di; <sup>19</sup> Epi yo menm, ki te vin ensansib, te ☆livre tèt yo a tout ☆sansyalite, pou pratike tout kalite salte, e yo te vin voras. <sup>20</sup> Men nou pa t ☆aprann Kris nan fason sa a <sup>21</sup> si vrèman nou ☆te menm tande Li e ☆te enstwi nan Li, jis ke verite a se nan Jèsus. <sup>22</sup> Sa vle di ke nan referans a jan nou te konn viv la, nou ☆mete sou kote ☆ansyen moun nan, ki konwonpi an akò avèk pasyon twonpri yo, <sup>23</sup> epi pou nou ☆vin tounèf nan lespri apanse nou, <sup>24</sup> pou nou kapab mete sou nou ☆nouvo moun nan, ki fèt nan limaj Bondye, e ki te kreye nan ladwati, ak sentete verite a. <sup>25</sup> Pou sa, mete akote sa ki fo ☆e “pale verite a, nou chak avèk vwazen nou”, paske nou se manm a youn lòt. <sup>26</sup> ☆ “Fè fache, e malgre sa pa peche”; pa kite solèy la kouche pandan nou fache a, <sup>27</sup> epi pa ☆bay Dyab la opòtinite. <sup>28</sup> Sila ki vòlè a pa dwe vòlè ankò, men pito, fòk li travay, pou ☆fè avèk pwòp men li sa ki bon, pou li kapab gen yon bagay pou pataje avèk sila ki gen bezwen yo. <sup>29</sup> Pa kite okenn vye mo sal sòti nan bouch nou, men sèlman kalite mo ki bon pou ☆edifikasyon selon bezwen moman an, pou li kapab bay gras a sila ki tande l yo. <sup>30</sup> Pa atriste Lespri Sen Bondye ki te ☆sele nou pou jou redanmsyon an. <sup>31</sup> ☆Ke tout rankin nan kè, san wo, kòlè, zen, ak kout lang vin retire pami nou, ansanm ak tout malveyans. <sup>32</sup> Sèvi dousè a youn lòt, avèk bon kè, k ap padone youn lòt ☆jis jan ke Bondye nan Kris la te osi padone nou an.

## 5

<sup>1</sup> ☆Konsa, se pou nou vin imitatè a Bondye, kòm zanfan byeneme. <sup>2</sup> ☆Mache nan lanmou, jan Kris osi te renmen nou, e te ☆bay tèt Li pou nou, kòm yon ofrann ak yon sakrifis a Bondye e kòm yon pafen ki santi bon. <sup>3</sup> Men ni ☆imoralite, salte, ak move lanvi pa menm dwe nonmen pami nou. Se konsa li dwe ye pami fidèl yo. <sup>4</sup> Nou pa dwe gen pawòl malonèt, pawòl san sans, avèk vye blag, ki pa dign, men de preferans, bay remèsiman a Bondye. <sup>5</sup> Paske nou konnen sa byen klè, ke pa gen ni moun imoral, ni moun ki nan salte, ni moun ki gen lanvi nan kè yo, ni moun k ap sèvi zidòl k ap gen yon eritaj nan wayòm Kris ak Bondye a. <sup>6</sup> ☆Pa kite pèsòn twonpe nou avèk pawòl vid yo, paske akòz de bagay sa yo lakòlè Bondye vini sou fis ki pa obeyisan yo. <sup>7</sup> Konsa, pa ☆vin yon pati ak yo. <sup>8</sup> Paske avan sa nou ☆te tenèb, men koulye a nou se Limyè nan Senyè a; mache tankou pitit a Limyè. <sup>9</sup> Paske ☆fwi a Limyè a se nan tout bonte, ladwati, ak verite <sup>10</sup> pandan n ap ☆eseye aprann sa k ap fè Senyè a plezi. <sup>11</sup> Pa patisipe nan ☆zèv tenèb ki pa janm pote fwi yo, men de preferans ☆ekspeze yo; <sup>12</sup> Paske se yon gwo wont pou nou menm pale de bagay ki fèt an sekre pa yo menm. <sup>13</sup> Men tout bagay vin vizib ☆lè yo ekspeze pa limyè a, paske tout bagay ki vin vizib se limyè. <sup>14</sup> Pou rezon sa a Li di:

☆“Leve, sila k ap dòmi an,  
Leve sòti nan lanmò  
E Kris va klere sou ou.”

☆ 4:17 Ef 2:2 ☆ 4:18 Wo 1:21 ☆ 4:18 Ef 2:12 ☆ 4:19 Wo 1:24 ☆ 4:19 Kol 3:5 ☆ 4:20 Mat 11:29 ☆ 4:21 Wo 10:14 ☆ 4:21 Kol 2:7 ☆ 4:22 Eb 12:1 ☆ 4:22 Wo 6:6 ☆ 4:23 Wo 12:2 ☆ 4:24 Kol 3:10 ☆ 4:25 Za 8:16 ☆ 4:26 Sòm 4:4 ☆ 4:27 Wo 12:19 ☆ 4:28 I Tes 4:11 ☆ 4:29 Wo 14:19 ☆ 4:30 Jn 3:33 ☆ 4:31 Wo 3:14 ☆ 4:32 Mat 6:14 ☆ 5:1 Mat 5:48 ☆ 5:2 Wo 14:15 ☆ 5:2 Gal 2:20 ☆ 5:3 Kol 3:5 ☆ 5:6 Kol 2:8 ☆ 5:7 Ef 3:6 ☆ 5:8 Ef 2:2 ☆ 5:9 Gal 5:22 ☆ 5:10 Wo 12:2 ☆ 5:11 Wo 13:12 ☆ 5:11 I Tim 5:20 ☆ 5:13 Jn 3:20 ☆ 5:14 Ès 51:17

15 Konsa, fè atansyon sou jan nou ✨mache; pa tankou yon moun ki pa saj, men tankou yon moun ki saj 16 ✨Fè plis ke posib avèk tan nou; paske jou yo move. 17 Konsa, pinga nou vin moun ensanse, men ✨konprann byen kisa volonte Bondye a ye. 18 Epi ✨pinga nou vin sou avèk diven, paske sa se banbòch, men se pou nou ranpli avèk Lespri a. 19 ✨Pale avèk youn lòt avèk Sòm, avèk chan, e avèk kantik Lespri Bondye yo; chante e fè mizik avèk kè nou pou Senyè a. 20 ✨Toujou bay remèsiman a ✨Bondye, Papa a, pou tout bagay nan non a Senyè nou an, Jésus Kri, Papa a menm; 21 ✨Epi se pou nou soumèt a youn lòt nan ✨lakrent Kris la. 22 ✨Madanm, se pou nou soumèt a mari nou, tankou a Senyè a. 23 Paske ✨mari a se tèt a madanm nan, jan Kris osi se tèt a legliz la; Se Li menm ki Sovè a kò a. 24 Men jan legliz la soumèt a Kris la, menm jan an madanm yo dwe soumèt yo a mari yo nan tout bagay. 25 ✨Mari, renmen madanm nou, jan Kris osi te renmen legliz la, e te bay tèt Li pou Li; 26 ✨pou Li te kapab fè l sen, pandan Li te netwaye li nan lave l avèk dlo e avèk pawòl la. 27 Pou Li te kapab prezante legliz la a Li menm nan tout glwa li, san tach, e san pli, oubyen okenn lòt bagay konsa; men pou li ta kapab vin ✨sen e san fot. 28 Donk, mari yo dwe osi ✨renmen pwòp madanm yo kon pwòp kò yo. Sila ki renmen madanm li renmen pwòp tèt li. 29 Paske pèsòn pa t janm rayi pwòp chè li, men nourri li e pran swen de li, menm jan ke Kris fè osi pou legliz la. 30 Paske nou se ✨manm a kò Li. 31 ✨“Pou rezon sila a, yon nonm va kite manman l ak papa l pou atache ak madanm li; epi yo de a va devni yon sèl chè.” 32 Mistè sa a gran; men m ap pale avèk referans a Kris ak legliz la. 33 Sepandan, se pou chak moun pami nou renmen madanm li kon pwòp tèt li, e madanm lan dwe ✨respekte mari li.

## 6

1 ✨Zanfan yo, obeyi a paran nou nan Senyè a, paske se sa ki bon. 2 ✨Onore Papa ou ak manman ou, ki se premye kòmandman ki vini avèk yon pwomès; 3 pou li kapab ale byen avèk ou, e pou ou kapab viv anpil tan sou latè. 4 Papa yo, pa pwovoke pitit nou yo a lakòlè; men ✨elve yo nan disiplin ak enstriksyon a Senyè a. 5 ✨Esklav yo, se pou nou obeyisan a sila ki mèl nou yo selon lachè, avèk lakrent ak tranbleman, nan senserite a kè nou, tankou a Kris la menm 6 pa sèlman devan zye, kòm si ✨pou fè moun plezi, men kòm esklav a Kris k ap fè tout volonte Bondye ki soti nan kè a. 7 Avèk bòn volonte, rann sèvis ✨tankou a Senyè a, e pa a lòm 8 nan konesans ke ✨nenpòt bon bagay yon moun fè, li va resevwa sa a soti nan Senyè a, kit li esklav kit li lib. 9 Epi mèl yo, fè menm bagay yo pou yo, epi sispann menase yo, lòske nou konprann ke ✨ni Mèt pa yo a ak pa nou an se nan syèl la, Epi devan Li pa gen patipri. 10 Anfen ✨se pou nou vin fò nan Senyè a ak nan ✨fòs a pouvwa Li. 11 ✨Mete tout pwotèj Bondye a sou nou pou nou kapab kanpe fèm kont tout riz Satan yo. 12 Paske lit nou an pa kont ✨lachè ak san, men kont wayòm yo, kont pouvwa yo, kont fòs mondyal a tenèb sila a, kont fòs lespri mechan yo nan lye selès yo. 13 Konsa, se pou

✨ 5:15 Ef 5:2 ✨ 5:16 Kol 4:5 ✨ 5:17 Wo 12:2 ✨ 5:18 Pwov 20:1 ✨ 5:19 Kol 3:16 ✨ 5:20 Wo 1:8 ✨ 5:20 I Kor 15:24 ✨ 5:21 Gal 5:13 ✨ 5:21 II Kor 5:11 ✨ 5:22 Ef 5:22—6:9; Kol 3:18—4:1 ✨ 5:23 I Kor 11:3 ✨ 5:25 Ef 5:28,33; Ef 5:2 ✨ 5:26 Tit 2:14 ✨ 5:27 Ef 1:4 ✨ 5:28 Ef 5:25 ✨ 5:30 I Kor 6:15 ✨ 5:31 Jen 2:24 ✨ 5:33 I Pi 3:2,5 ✨ 6:1 Pwov 6:20 ✨ 6:2 Egz 20:12 ✨ 6:4 Kol 3:21; Jen 18:19 ✨ 6:5 Kol 3:22 ✨ 6:6 Gal 1:10 ✨ 6:7 Kol 3:23 ✨ 6:8 Mat 16:27 ✨ 6:9 Job 31:13 ✨ 6:10 I Kor 16:13 ✨ 6:10 Ef 1:19 ✨ 6:11 Wo 13:12 ✨ 6:12 Mat 16:17

nou pran tout pwotèj a Bondye a nèt pou nou kapab ✨reziste nan move jou a, epi lè nou fin fè tout bagay, pou nou kanpe fèm. <sup>14</sup> Konsa, kanpe fèm, kòm si nou te fin ✨kouvri ren nou avèk Verite a, e mete sou lestomak la ✨pwotèj ladwati a, <sup>15</sup> Epi ✨abiye pye nou avèk preparasyon levanjil lapè a: <sup>16</sup> Anplis de tout bagay, pran ✨boukliye lafwa a pou nou kapab etenn tout flèch dife a Mechan an. <sup>17</sup> Epi pran ✨kas Sali a ak ✨nepe Lespri a, ki se pawòl Bondye a. <sup>18</sup> Avèk tout ✨lapriyè ak siplikasyon, priye nan Lespri a tout tan, e avèk tout sa an konsiderasyon, rete vijilan avèk tout pèsèverans ak siplikasyon pou tout fidèl yo <sup>19</sup> Epi ✨priye pou mwen, pou mo yo va bay a mwen menm, pou lè m ouvri bouch mwen, mwen kapab fè konnen avèk kouraj, mistè a levanjil la, <sup>20</sup> pou sila ke mwen se yon ✨anbasadè anchene; pou nan pwoklame li, mwen kab pale avèk kouraj, jan mwen ta dwe pale a. <sup>21</sup> ✨Men pou nou menm osi kapab konnen sikonstans mwen yo, jan mwen ye, Tychique, frè byeneme e sèvitè fidèl nan Senyè a, va fè nou konnen tout bagay. <sup>22</sup> Mwen te voye li kote nou pou bi sa a menm, pou nou ta kapab konnen sikonstans nou menm, e pou Li ta kapab ✨rekonfòte kè nou. <sup>23</sup> Lapè avèk frè nou yo, e ✨lanmou avèk lafwa, ki soti nan Bondye, Papa a, ak Senyè a Jésus Kri. <sup>24</sup> Lagras avèk tout sila yo ki renmen Senyè nou an, Jésus Kri, avèk yon lanmou ki p ap janm varye. Amen.

---

✨ **6:13** Jc 4:7 ✨ **6:14** És 11:5 ✨ **6:14** És 59:17 ✨ **6:15** És 52:7 ✨ **6:16** I Tes 5:8 ✨ **6:17** És 59:17 ✨ **6:17** Eb 4:12 ✨ **6:18** Fil 4:6 ✨ **6:19** Kol 4:3 ✨ **6:20** II Kor 5:20 ✨ **6:21** Ef 6:21,22; Kol 4:7-9 ✨ **6:22** Kol 2:2 ✨ **6:23** Gal 5:6

## FILIPYEN YO

1 Paul ak Timothée, sèvitè-atache nèt a Jésus Kri yo, a tout fidèl ki nan Kris Jésus ki nan vil Philippe yo, menm avèk ✧dirijan legliz ak dyak yo tou: 2 ✧Lagras pou nou, ak lapè ki sòti nan Bondye, Papa nou an, e Senyè a Jésus Kri. 3 ✧Mwen remèsye Bondye mwen an nan tout fwa ke m sonje nou. 4 Mwen toujou ap ✧ofri lapriyè avèk jwa nan kè m nan tout priyè mwen pou nou tout, 5 akòz de patisipasyon nou nan ✧levanjil la depi premye jou a jiska koulye a. 6 Paske mwen gen konfyans menm nan bagay sa a; ke Sila ki te kòmanse fè yon bon zèv nan nou an, va byen konplete li jiska ✧jou a Kris Jésus a. 7 Paske li vrèman gen rezon ke m santi sa sou pati pa nou. Paske nou nan kè m akòz nou te patisipan depi lè m te nan prizon an, ni lè m t ap defann e konfime levanjil la nou te pataje gras la avè m. 8 Paske Bondye se temwen mwen, de jan mwen anvi wè nou tout avèk tandrès a Kris Jésus a. 9 Epi m priye konsa, pou ✧lanmou nou kapab ogmante ankò plis toujou nan ✧vrè konesans, avèk tout bon jijman. 10 Pou nou kapab ✧vin dakò avèk bagay ki ekselan, pou nou kapab rete sensè e san fot jiska ✧jou a Kris la; 11 Se pou nou vin ranpli nèt avèk ✧fwi ladwati ki vini atravè Jésus Kri a, pou laglwa ak lwanj a Bondye. 12 Koulye a, mwen vle nou konnen, frè m yo, ke sikonstans mwen yo ✧vin pase pou pi gran pwogrè levanjil la. 13 Paske anprizonman mwen pou koz a ✧Kris la vin konnen toupatou nan tout gad palè a e pa tout lòt moun yo. 14 Epi pifò nan frè nou yo mete plis konfyans nan Senyè a akòz anprizonman m nan, e yo vin gen ✧plis kouraj toujou pou pale pawòl Bondye a san krent. 15 Asireman ✧kèk nan yo menm ap preche Kris avèk lanvi ak konfli, men kèk tou ap preche l avèk senserite. 16 Dènye nan sa yo, fè l avèk lanmou, paske yo konnen ke m te chwazi pou defans a ✧levanjil la. 17 Premye sa yo pwoklame Kris ✧avèk anbisyon pèsònèl, olye santiman de bon kè, akòz yo panse ke sa ka fè m chagren nan anprizonman mwen an. 18 Alò, kisa? Sèlman nan chak ka, kit se nan pretèks kit se nan verite, Kris la pwoklame; e se nan sa mwen rejwi mwen; wi, epi mwen va rejwi mwen. 19 Paske mwen konnen ke sa va pase pou delivrans mwen atravè ✧lapriyè nou yo, ak pwovizyon Lespri Jésus Kri a. 20 Selon sensè volonte ak esperans mwen, pou m pa vin wont nan anyen, men ke avèk tout kouraj, Kris va menm koulye a, kòm toujou ✧egzalte nan kò m ✧kit se nan lavi kit se nan lanmò. 21 Paske pou mwen menm ✧viv se Kris e mouri se avantaj. 22 Men si mwen viv toujou nan lachè, sa va vle di travay ki ✧pote fwi pou mwen, e mwen pa menm konnen kilès pou m ta pito. 23 Men mwen sou presyon nan toulède direksyon yo; mwen ✧anvi kite, pou m kapab avèk Kris, paske sa pi bon anpil; 24 Malgre sa, pou m rete nan lachè a pi nesèsè pou koz a nou menm. 25 ✧Konvenk de sa; mwen konnen ke mwen va rete pou kontinye avèk nou tout pou pwogrè ak lajwa nou nan lafwa. 26 Konsa ✧konfyans fyète nou an nan mwen kapab vin debòde nan Jésus Kri lè mwen vin bò kote nou an ankò. 27 Sèlman, kondwi tèt nou nan yon fason ki ✧dign de levanjil a

✧ 1:1 Trav 20:28 ✧ 1:2 Wo 1:7 ✧ 1:3 Wo 1:8 ✧ 1:4 Wo 1:9 ✧ 1:5 Fil 1:7 ✧ 1:6 I Kor 1:8 ✧ 1:9 I Tes 3:12 ✧ 1:9 Kol 1:9 ✧ 1:10 Wo 2:18 ✧ 1:10 I Kor 1:8 ✧ 1:11 Jc 3:18 ✧ 1:12 Luc 21:13 ✧ 1:13 Fil 1:7 ✧ 1:14 Trav 4:31 ✧ 1:15 II Kor 11:13 ✧ 1:16 Fil 1:5,7,12,27 ✧ 1:17 Wo 2:8 ✧ 1:19 II Kor 1:11 ✧ 1:20 I Kor 6:20 ✧ 1:20 Wo 14:8 ✧ 1:21 Gal 2:20 ✧ 1:22 Wo 1:13 ✧ 1:23 II Kor 5:8 ✧ 1:25 Fil 2:24 ✧ 1:26 II Kor 5:12 ✧ 1:27 Ef 4:1

Jésus Kri a; pou si mwen vini wè nou oubyen rete absan, mwen kapab tande ke nou kanpe fèm nan yon sèl espri, avèk yon sèl panse, nan lite ansanm pou lafwa a levanjil la. <sup>28</sup> San okenn perèz a lènmi nou yo, ki se yon ✧sign destriksyon pou yo menm, men sali pou nou menm, e sa anplis, soti nan Bondye. <sup>29</sup> Paske, a nou menm ✧li te vin pèmèt, pou koz a Kris la, non sèlman pou kwè nan Li, men osi pou soufri pou koz Li. <sup>30</sup> Konsa nou ap pase menm ✧konfli entèn ke nou te wè m pase a, e koulye a tande k ap fèt nan mwen.

## 2

<sup>1</sup> Konsa, si gen ankourajman nan Kris, si gen konsolasyon nan lanmou, si gen ✧amitye nan Lespri a, si gen afeksyon ak konpasyon, <sup>2</sup> ✧fè lajwa mwen vin konplè. Rete nan menm panse a, kenbe menm lanmou an, ak menm linite nan lespri a, byen decide sou yon sèl bi. <sup>3</sup> Pa fè anyen nan egoyis oubyen ak vye dezi vanite, men avèk refleksyon ki enb ✧gade youn lòt kòm pi enpòtan ke nou menm. <sup>4</sup> Pa sèlman chèche pwòp enterè pèsònèl pa nou, men osi enterè a lòt yo. <sup>5</sup> ✧Se pou nou genyen santiman sila nan nou menm ki te osi nan Kris Jésus a <sup>6</sup> ki, malgre Li te egziste nan fòm Bondye ✧pa t gade egalite li avèk Bondye yon choz pou L ta kenbe di <sup>7</sup> men te ✧vide tèt li, e te pran fòm a yon sèvitè-atache nèt, e te ✧vin fèt nan imaj a lòm. <sup>8</sup> Kòm si aparans Li te tankou yon moun, Li te bese tèt Li e te vin ✧obeyisan jiska lanmò, menm lanmò sou yon kwa. <sup>9</sup> Akòz tout sa, Bondye te ✧egzalte Li byen wo, e te bay Li ✧non ki pi wo pase tout non yo, <sup>10</sup> pouke nan non a Jésus a ✧tout jenou va bese, sila ki nan syèl, sou latè, ak anba tè yo <sup>11</sup> epi tout lang konfese ke Jésus Kri se ✧Senyè a pou laglwa Bondye Papa a. <sup>12</sup> Konsa, byeneme mwen yo, menm jan ke nou te toujou obeyi, pa sèlman nan prezans mwen, menm koulye a plis toujou nan absans mwen ✧fè travay Sali nou an avèk ✧lakrent ak tranbleman. <sup>13</sup> Paske se ✧Bondye k ap travay nan nou, pou fòm volonte ak zèv nou yo, selon bon plezi Li. <sup>14</sup> Fè tout bagay san ✧plenyen ni diskite. <sup>15</sup> Konsa nou va ✧san fot e inosan, pitit a Bondye ki san repwòch nan mitan a yon ✧jenerasyon kwochi e pèvèti. Pami yo, nou vin parèt kòm limyè nan mond lan <sup>16</sup> k ap kenbe fèm pawòl lavi a, pou nan jou a Kris la, mwen kapab gen rezon pou bay glwa, paske m pa t ✧kouri anven, ni ✧travay anven. <sup>17</sup> Men, menm si mwen vin vide nèt tankou yon ✧bwason k ap ofri kòm ✧sakrifis ak sèvis lafwa nou, mwen rejwi e mwen pataje lajwa m avèk nou tout. <sup>18</sup> Nou menm tou, mwen egzòte nou, rejwi menm jan an e pataje lajwa nou avè m. <sup>19</sup> Men mwen espere nan Senyè a Jésus pou ✧voye Timothée kote nou byen vit, pou m kapab ankouraje tou lè m aprann de kijan nou ye. <sup>20</sup> Paske m pa gen okenn lòt moun ak ✧yon kè parèy a li menm, ki va vrèman konsène pou byen nou. <sup>21</sup> Paske yo tout ✧chache pwòp enterè pa yo, e pa sila a Kris Jésus a. <sup>22</sup> Men nou konnen ✧prèv valè li, ke li te sèvi avè m pou avansman levanjil la, kòm yon pitit k ap sèvi papa li. <sup>23</sup> ✧Konsa, mwen espere voye li kote nou imedyatman, depi mwen wè kijan tout bagay ale avèk mwen; <sup>24</sup> Epi ✧mwen gen konfyans mwen nan Senyè a ke mwen menm osi va vini

✧ **1:28** II Tes 1:5 ✧ **1:29** Mat 5:11,12 ✧ **1:30** Kol 1:29 ✧ **2:1** II Kor 13:14 ✧ **2:2** Jn 3:29  
 ✧ **2:3** Wo 12:10 ✧ **2:5** Mat 11:29 ✧ **2:6** Jn 5:18 ✧ **2:7** II Kor 8:9 ✧ **2:7** Eb 2:17 ✧ **2:8**  
 Mat 26:39 ✧ **2:9** Mat 28:18 ✧ **2:9** Ef 1:21 ✧ **2:10** És 45:23 ✧ **2:11** Jn 13:13 ✧ **2:12** Eb  
 5:9 ✧ **2:12** II Kor 7:15 ✧ **2:13** Wo 12:3 ✧ **2:14** I Kor 10:10 ✧ **2:15** Luc 1:6 ✧ **2:15** Det  
 32:5 ✧ **2:16** Gal 2:2 ✧ **2:16** És 49:4 ✧ **2:17** II Tim 4:6 ✧ **2:17** Nonb 28:6,7 ✧ **2:19** Fil 2:23  
 ✧ **2:20** I Kor 16:10 ✧ **2:21** I Kor 10:24 ✧ **2:22** Wo 5:4 ✧ **2:23** Fil 2:19 ✧ **2:24** Fil 1:25

toutalè. <sup>25</sup> Men m te panse li te nesesè pou voye Épaphrodite, frè m nan, ☆ouvriye ak sòlda parèy mwen e osi mesaje pa nou e sèvitè pou sa ke m bezwen. <sup>26</sup> Paske li te trè anvi wè nou tout, e te twouble akòz ke nou te tandè ke li te malad. <sup>27</sup> Paske vrèman, li te malad jis nan pwèn pou l mouri, men Bondye te fè l gras, e pa li menm sèlman, men osi mwen menm, pou mwen pa ta vin genyen tristès sou tristès. <sup>28</sup> Konsa, mwen te voye l avèk plis enpasyans toujou, pou lè nou wè l ankò, nou kapab rejwi, e mwen kapab enkyete mwens pou nou menm. <sup>29</sup> Konsa, resevwa li nan Senyè a avèk tout lajwa, e ☆kenbe anwo estim moun tankou li; <sup>30</sup> Paske li te prèske mouri pou zèv a Kris la, e te riske vi li pou ☆konplete sa ki te manke nan sèvis nou pou mwen menm.

### 3

<sup>1</sup> Finalman, frè m yo ☆rejwi nou nan Senyè a. Pou m ekri menm bagay yo ankò pa yon pwoblèm pou mwen, e se yon pwotèj pou nou menm. <sup>2</sup> Veye ☆chen yo, veye ☆ouvriye mechan yo, veye fo sikonsizyon an. <sup>3</sup> Paske ☆nou menm se vrè sikonsizyon an, ki ☆adore nan Lespri Bondye a, e bay glwa nan Kris Jésus, e ki pa mete konfyans nan lachè. <sup>4</sup> Byenke ☆mwen menm ta kapab gen konfyans menm nan lachè. Si gen nenpòt lòt moun ki gen lide pou mete konfyans li nan lachè; mwen menm bokou plis ke sa: <sup>5</sup> ☆Sikonsi nan uityèm jou a, ne nan ☆nasyon Israèl la, nan tribi Benjamin an, yon Ebre a Ebre yo; selon Lalwa a, yon Farizyen; <sup>6</sup> kòm zeze, yon ☆pèsekite legliz la; kòm ladwati ki nan Lalwa a, ki twouve san fot. <sup>7</sup> Men ☆nenpòt bagay ki te benefis pou mwen, mwen konte bagay sa yo kòm pèt pou koz a Kris la. <sup>8</sup> Anplis de sa, mwen konte tout bagay kòm pèt an konsiderasyon ak piwo valè ke m konnen Kris Jésus a, Senyè mwen an. ☆Pou Sila mwen te soufri pèt tout bagay yo, e konte yo kòm fatra, pou m kapab genyen Kris. <sup>9</sup> E pou m ta kab twouve nan Li, pa avèk ☆ladwati pa m, ki sòti nan Lalwa a, men ki soti pa lafwa nan Kris la, ☆ladwati ki sòti nan Bondye sou baz lafwa a. <sup>10</sup> Pou mwen kapab konnen Li, ak ☆pouvwa a rezirèksyon Li an, ak ☆lamitye a soufrans li yo, ki fè m konfòme menm a lanmò Li; <sup>11</sup> Pou m ta kapab ☆rive menm nan rezirèksyon a lanmò a. <sup>12</sup> Se pa ke m ☆rive la deja oubyen ke m vin pafè deja, men mwen ap pouse pi rèd pou m kapab rive sou pèfeksyon sa a ki te fè Kris Jésus mete men l sou mwen an. <sup>13</sup> Frè m yo, mwen pa gade tèt mwen kòm youn ki rive sou li deja, men yon sèl bagay ke m fè; ☆se bliye sa ki dèyè e lonje pa devan pou sa k ap vini an, <sup>14</sup> mwen kontinye vè objektif la, pou m genyen pri wo apèl Bondye☆nan Kris Jésus a. <sup>15</sup> Konsa, otan nan nou ki pafè, annou gen menm panse sa a; epi si nan yon bagay nou pa reflechi konsa ☆Bondye va osi revele sa a nou; <sup>16</sup> Sepandan, annou kontinye ☆viv pa menm prensip ke nou fin atenn deja a. Annou toujou gen menm panse.

<sup>17</sup> Frè m yo ☆vin swiv egzàn p mwen an, e swiv sila ki mache selon ☆modèl ke nou gen nan nou an. <sup>18</sup> Paske ☆anpil moun mache, de sila mwen te souvan di nou yo, e koulè a mwen di nou ankò menm avèk dlo nan zye m, ke yo se lènmi ☆lakwa a Kris la, <sup>19</sup> ki gen pou fen, destriksyon, ki gen

☆ 2:25 Wo 16:3,9,21 ☆ 2:29 I Kor 16:18 ☆ 2:30 I Kor 16:17 ☆ 3:1 Fil 2:18 ☆ 3:2 Sòm 22:16 ☆ 3:2 II Kor 11:13 ☆ 3:3 Wo 2:29 ☆ 3:3 Jn 4:23 ☆ 3:4 II Kor 5:16 ☆ 3:5 Luc 1:59 ☆ 3:5 Wo 11:1 ☆ 3:6 Trav 8:3 ☆ 3:7 Luc 14:33 ☆ 3:8 Jr 9:23 ☆ 3:9 Wo 10:5 ☆ 3:9 Wo 9:30 ☆ 3:10 Wo 6:5 ☆ 3:10 Wo 8:17 ☆ 3:11 I Kor 15:23 ☆ 3:12 I Kor 9:24 ☆ 3:13 Luc 9:62 ☆ 3:14 Wo 8:28 ☆ 3:15 Jn 6:45 ☆ 3:16 Gal 6:16 ☆ 3:17 I Kor 4:16 ☆ 3:17 I Pi 5:3 ☆ 3:18 II Kor 11:13 ☆ 3:18 Gal 6:14



pou dye pa yo ✧apeti yo, e ki gen pou ✧glwa yo, wont yo, ki fikse panse yo sou bagay tèrès yo. <sup>20</sup> Paske pou nou menm ✧sitwayènte nou se nan syèl la. E soti nan li menm, n ap tann ak enpasyans yon Sovè, Senyè a, Jésus Kri; <sup>21</sup> ki va ✧transfòme move kò sila a, pou l vin konfòme ak kò laglwa pa Li a. Li va fè sa pa egzèsis a pouvwa ke Li genyen pou soumèt tout bagay anba otorite pa L.

## 4

<sup>1</sup> Konsa, frè byeneme mwen yo, ke mwen trè anvi wè, nou menm ki lajwa m ak kouwòn mwen yo. Se konsa pou nou kanpe fèm nan Senyè a, byeneme mwen yo. <sup>2</sup> Mwen ankouraje Évodie e mwen ankouraje Syntyche pou ✧viv an amoni nan Senyè a. <sup>3</sup> Vrèman, fidèl kòlèg mwen yo, mwen mande nou osi pou ede fanm sa yo ki te pataje lit mwen an pou koz a levanjil la, ansanm avèk Clément osi ak tout lòt ouvriye parèy a mwen yo ki gen ✧non yo nan liv lavi a. <sup>4</sup> Toujou ✧rejwi nou nan Senyè a; e ankò mwen va di l, rejwi nou! <sup>5</sup> Kite lespri jantiyès nou an byen koni a tout moun. ✧Senyè a toupre. <sup>6</sup> ✧Pa enkyete nou pou anyen, men nan tout bagay pa ✧lapriyè ak siplikasyon, avèk remèsiman, fè demand nou yo byen koni bay Bondye. <sup>7</sup> Epi ✧lapè Bondye, ki plis pase tout konpreyansyon, va pwoteje kè nou ak panse nou yo nan Kris Jésus a. <sup>8</sup> Finalman, frè m yo ✧nenpòt sa ki vrè, nenpòt sa ki onorab, nenpòt sa ki dwat, nenpòt sa ki san tach, nenpòt sa ki emab, nenpòt sa ki gen bon repitasyon, si gen yon bagay ki ekselan e si gen yon bagay ki vo lwanj, se pou nou demere nan bagay sa yo. <sup>9</sup> Bagay nou te aprann, nou te resevwa, nou te tandè e te wè ✧nan mwen yo, pratike bagay sa yo; epi Bondye lapè a va avèk nou. <sup>10</sup> Men mwen te rejwi mwen nan Senyè a anpil, ke koulye a, finalman nou retwouve santiman nou pou mwen; anverite, nou te konsène menm avan men nou te manke okazyon. <sup>11</sup> Se pa ke m pale akoz ke m gen nesite; paske mwen vin aprann jan pou m ✧kontan nan nenpòt sikonstans ke mwen ye a. <sup>12</sup> Mwen konnen jan pou m vin imilye, e mwen konnen osi jan pou m viv nan abondans. Nan tout kalite sikonstans, mwen te aprann sekre a vant plen ak ✧grangou, abondans ak soufri bezwen. <sup>13</sup> Mwen kapab fè tout bagay atravè Sila ki ✧ban m fòs la. <sup>14</sup> Sepandan, nou te fè byen pou ✧pataje avè m nan soufrans mwen an. <sup>15</sup> Nou menm konnen osi, Filipyen yo, ke nan premye predikasyon levanjil la, lè m fin kite Macédoine, ke pa t gen legliz ki te ✧pataje avèk mwen nan kesyon bay ak resevwa a, men nou menm sèlman; <sup>16</sup> Paske menm nan ✧Théssalonique, nou te voye plis ke yon fwa yon don pou satisfè bezwen mwen yo. <sup>17</sup> ✧Se pa ke m chache don an pou kont li, men mwen chache pwofi ki ogmante pou kont pa nou. <sup>18</sup> Men konsa mwen te resevwa tout bagay nèt e mwen genyen an abondans. Mwen byen founi depi m te resevwa nan men ✧Épaphrodite sa ke nou te voye a; yon pafen ki santi bon, yon sakrifis akseptab, ki byen fè Bondye plezi. <sup>19</sup> Epi ✧Bondye mwen an va founi tout bezwen nou yo selon richès Li nan glwa nan Kris Jésus a. <sup>20</sup> Koulye a, ✧a Bondye nou an ak Papa a, ✧laglwa pou tout tan e pou tout tan. Amèn. <sup>21</sup> Salye chak fidèl nan Kris

✧ 3:19 Wo 16:18 ✧ 3:19 Wo 6:21 ✧ 3:20 Ef 2:19 ✧ 3:21 I Kor 15:43-53 ✧ 4:2 Fil 2:2  
 ✧ 4:3 Luc 10:20 ✧ 4:4 Fil 3:1 ✧ 4:5 I Kor 16:22 ✧ 4:6 Mat 6:25 ✧ 4:6 Ef 6:18 ✧ 4:7 És  
 26:3 ✧ 4:8 Wo 14:18 ✧ 4:9 Fil 3:17 ✧ 4:11 II Kor 9:8 ✧ 4:12 I Kor 4:11 ✧ 4:13 II Kor  
 12:9 ✧ 4:14 Eb 10:33 ✧ 4:15 II Kor 11:9 ✧ 4:16 Trav 17:1 ✧ 4:17 I Kor 9:11 ✧ 4:18 Fil  
 2:25 ✧ 4:19 II Kor 9:8 ✧ 4:20 Gal 1:4 ✧ 4:20 Wo 11:36

Jésus a. ✨Frè ki avè m yo salye nou. <sup>22</sup> ✨Tout fidèl yo salye nou, sitou sila ki lakay César yo. <sup>23</sup> Ke ✨lagras Senyè a Jésus Kri kapab avèk lespri nou.

## KOLOSYEN YO

<sup>1</sup> Paul, yon apot Jésus Kri ✧pa volonte a Bondye, ak Timothée, frè nou an  
<sup>2</sup> A sen ak frè fidèl an Kris ki te Colosse yo: ✧Gras pou nou, ak lapè ki soti nan Bondye, Papa nou an. <sup>3</sup> ✧Nou bay remèsiman a Bondye ✧Papa a Senyè nou an, Jésus Kri; pandan nou toujou ap priye pou nou. <sup>4</sup> ✧Paske nou te tande de lafwa nou nan Kris Jésus, ansanm ak lanmou ke nou gen pou tout fidèl yo; <sup>5</sup> Akoz de lespwa ki ✧rezève pou nou nan syèl la, jan nou te ✧tande deja nan pawòl verite levanjil la, <sup>6</sup> ki te vini a nou menm, jis menm jan nan tou mond lan, k ap bay ✧fwi tout tan, e k ap ogmante, menm jan li t ap fèt nan nou menm tou, depi jou nou te ✧tande de li a, e te konprann gras Bondye nan Verite a; <sup>7</sup> menm jan ke nou te aprann de ✧Épaphras, sèvitè-atache, byeneme, parèy a nou an, ki se yon sèvitè fidèl an Kris sou pati pa nou. <sup>8</sup> Epi ki te osi enfòm nou de ✧lanmou nou nan Lespri a. <sup>9</sup> Pou rezon sa a tou, depi jou nou te tande de li a ✧nou pa t sispann priye pou nou e mande pou nou ta kapab ranpli avèk konesans a volonte Li, nan tout ✧sajès lespri a ak bon konprann. <sup>10</sup> Pou nou kapab ✧mache nan yon fason dign de Senyè a, pou fè Li plezi nan tout bagay, pote fwi nan tout bon zèv e grandi nan konesans a Bondye; <sup>11</sup> ki ranfòse ak tout pouvwa, selon pwisans laglwa Li a, pou vin genyen pèseverans ak pasyans; avèk lajwa, <sup>12</sup> pou bay remèsiman a Papa a, ki te kalifye nou pou pataje ✧nan eritaj a fidèl yo nan ✧Limyè a. <sup>13</sup> Paske Li te delivre nou soti nan ✧wayòm tenèb la, e Li te transfere nou nan wayòm a Fis byeneme Li a. <sup>14</sup> ✧Nan Li menm nou gen redanmsyon, ak padon pou peche yo. <sup>15</sup> Li se imaj a Bondye envizib la ✧premye ne a tout kreyasyon an. <sup>16</sup> Paske pa Li menm, tout bagay te kreye, nan syèl la ak sou tè a, vizib e envizib kit se wayòm yo, kit se pouvwa yo, kit se wa yo, kit se otorite yo—✧tout bagay te kreye pa Li menm e pou Li menm. <sup>17</sup> Li ✧avan tout bagay, e se nan Li tout bagay kenbe ansanm. <sup>18</sup> Li se osi tèt a ✧kò a, legliz la; epi Li se kòmansman an, premye ne ki sòti nan lanmò a; pou Li menm kapab vin gen premye plas nan tout bagay. <sup>19</sup> Paske se te bon plezi ✧Papa a pou tout plenitud Bondye a ta vin rete nan Li <sup>20</sup> epi nan Li menm, pou ✧rekonsilye tout bagay a Li menm, lè L te fin fè lapè pa ✧san lakwa Li a; atravè Li menm, mwen di nou, kit bagay ki sou latè yo kit bagay ki nan syèl yo. <sup>21</sup> Epi menmsi ✧otrefwa, nou te etranje, e te lènmi nan jan nou te konn panse, ak angaje nan move zak; <sup>22</sup> men koulè a Li rekonsilye nou nan ✧kò lachè Li a atravè lanmò, pou prezante nou devan Li ✧sen, san fot e san repwòch—<sup>23</sup> Si vrèman nou kontinye nan lafwa byen ✧etabli, e fèm, e nou pa kite esperans levanjil ke nou te tande a, ki te pwoklame ✧nan tout kreyasyon anba syèl la, e sou li menm mwen, Paul, te fèt kòm yon sèvitè. <sup>24</sup> Alò, mwen rejwi nan soufrans mwen yo pou koz a nou, e nan lachè m ✧mwen fè pati pa m pou benefis kò Li a, ki se legliz la, pou ranpli sa ki manke nan lafliksyon a Kris yo. <sup>25</sup> Sou legliz sila a mwen te fèt kòm yon sèvitè selon ✧jesyon a Bondye a, ki te plase sou

✧ **1:1** I Kor 1:1 ✧ **1:2** Wo 1:7 ✧ **1:3** Wo 1:8 ✧ **1:3** Wo 15:6 ✧ **1:4** Ef 1:15 ✧ **1:5** II Tim 4:8 ✧ **1:5** Ef 1:13 ✧ **1:6** Wo 1:13 ✧ **1:6** Ef 4:21 ✧ **1:7** Kol 4:12 ✧ **1:8** Wo 15:30 ✧ **1:9** Ef 1:16 ✧ **1:9** Ef 1:17 ✧ **1:10** Ef 4:1 ✧ **1:12** Trav 20:32 ✧ **1:12** Trav 26:18 ✧ **1:13** Ef 6:12 ✧ **1:14** Wo 3:24 ✧ **1:15** Wo 8:29 ✧ **1:16** Jn 1:3 ✧ **1:17** Jn 1:1 ✧ **1:18** Ef 1:23 ✧ **1:19** Ef 1:5 ✧ **1:20** II Kor 5:18 ✧ **1:20** Ef 2:13 ✧ **1:21** Wo 5:10 ✧ **1:22** Wo 7:4 ✧ **1:22** Ef 1:4 ✧ **1:23** Ef 3:17 ✧ **1:23** Trav 2:5 ✧ **1:24** II Tim 1:8 ✧ **1:25** Ef 3:2

mwen pou benefis pa nou, pou m ta kapab vin akonpli predikasyon pawòl Bondye a, <sup>26</sup> ✧ki se, mistè ki te kache depi laj ak jenerasyon pase yo, men ki koulye a manifeste a fidèl Li yo. <sup>27</sup> A yo menm Bondye te gen volonte pou fè konnen kisa ki se richès laglwa a mistè sila a pami pèp etranje yo, ki se Kris nan nou, esperans laglwa a. <sup>28</sup> Epi nou pwoklame Li ak ✧egzòtasyon chak moun, e enstwi chak moun ak tout sajès, pou nou kapab prezante chak moun konplè an Kris. <sup>29</sup> Pou rezon sila a osi, mwen ✧travay, e mwen lite pa pouvwa Bondye, ki ajì avèk pwisans nan mwen an.

## 2

<sup>1</sup> Paske mwen vle fè nou konnen jan ✧lit la gran pou nou menm ansanm ak sila ki Laodicée yo, e menm pou tout sila ki pa t, pèsònèlman, wè figi mwen yo <sup>2</sup> pou ✧kè pa yo kapab ankouraje, akòz ke yo vin trese ansanm nan lanmou an, e yo atenn tout richès ki sòti nan asirans konplè a bon konprann nan, ki pwodwi kòm rezilta, vrè konesans mistè Bondye a, ki se Kris la, Li menm. <sup>3</sup> Nan Li menm kache ✧tout trezò sajès ak konesans yo. <sup>4</sup> Mwen di sa pou pèsòn pa twonpe nou avèk ✧diskou ki kab sedwi moun. <sup>5</sup> Paske menm si mwen ✧absan nan kò a, malgre sa mwen avèk nou nan Lespri a. Epi m ap rejwi wè bon disiplin ak stabilite lafwa nou nan Kris la. <sup>6</sup> Konsa, menm jan nou te resevwa Kris Jésus Senyè a, se konsa pou nou ✧mache nan Li. <sup>7</sup> Menm jan ke nou te byen ✧anrasine e kounye a, nou byen bati nan Li, e etabli nan lafwa nou, menm jan nou te enstwi a, e nou debòde avèk remèsiman an. <sup>8</sup> Veye ke pèsòn pa fè nou prizonye atravè ✧filosofi ak fo manèv, pa tradisyon a lòm yo, nan prensip de baz mond lan, olye de pa Kris. <sup>9</sup> Paske nan Li menm ✧tout aspè konplè a Bondye a rete nan fòm a yon kò fizik. <sup>10</sup> Epi nan Li menm nou vin ✧konplè nèt, e Li se chèf an tèt sou tout ✧wayòm ak otorite yo. <sup>11</sup> Epi nan Li menm ✧nou te sikonsi avèk yon sikonsizyon ki fèt san men, ki retire kò lachè a pa sikonsizyon a Kris la. <sup>12</sup> Nou te ✧antere avèk Li nan batèm nan. Nan li menm, nou te anplis ✧resisite avèk Li pa lafwa pa zèv Bondye, ki te leve Li sòti nan lanmò a. <sup>13</sup> Lè nou te ✧mouri nan transgresyon nou yo ak nan ensikonsizyon lachè nou an, Li te fè nou vivan ansanm avèk Li, lè l te padone tout transgresyon nou yo. <sup>14</sup> Ki te anile ✧sètifika dèt nou ki te fòmè pa dekrè kont nou yo, ki te parèt kòm lènmi nou; e ki te mete li sou kote, lè L te kloue li sou kwa a. <sup>15</sup> Lè Li te fin ✧dezame gouvènè ak otorite yo, Li te fè yo vin afiche piblikman e te triyonfe sou yo pa Li menm. <sup>16</sup> Konsa, pa kite pèsòn ✧aji kòm jij nou konsènan ✧manje oubyen bwason, ni respè a yon jou fèt oubyen yon lalin tounèf oubyen yon jou Saba. <sup>17</sup> Bagay sila yo se ✧lonbraj a sila ki dwe vini an; men vrè sibstans lan apatyen a Kris. <sup>18</sup> Pa kite pèsòn kontinye ✧prime nou de prim nou an pa riz fo imilite ak adorasyon zanj yo, ki baze pozisyon li sou vizyon yo li te fè, ki anfle, san rezon ak ògèy, pa panse chanèl li <sup>19</sup> epi ki pa kenbe fèm a tèt la. Paske se nan li menm ✧tout kò a ye a, ki vin founi e kenbe ansanm pa jwenti ak ligaman yo. Epi konsa li grandi avèk yon kwasans ki sòti nan Bondye. <sup>20</sup> ✧Si nou te mouri avèk Kris a prensip de baz mond yo, poukisa, kòm si nou t ap viv nan mond lan, nou soumèt nou a kalite dekrè konsa, kòm

✧ 1:26 Wo 16:25 ✧ 1:28 I Kor 3:16 ✧ 1:29 I Kor 15:10 ✧ 2:1 Kol 1:29 ✧ 2:2 Ef 6:22  
 ✧ 2:3 És 11:2 ✧ 2:4 Wo 16:18 ✧ 2:5 I Kor 5:3 ✧ 2:6 Kol 1:10 ✧ 2:7 Ef 3:17 ✧ 2:8 Ef  
 5:6 ✧ 2:9 II Kor 5:19 ✧ 2:10 Ef 3:19 ✧ 2:10 I Kor 15:24 ✧ 2:11 Wo 2:29 ✧ 2:12 Wo 6:4  
 ✧ 2:12 Ef 2:6 ✧ 2:13 Ef 2:1 ✧ 2:14 Ef 2:15 ✧ 2:15 Ef 4:8 ✧ 2:16 Wo 14:3 ✧ 2:16 Mc  
 7:19 ✧ 2:17 Eb 8:5 ✧ 2:18 I Kor 9:24 ✧ 2:19 Ef 1:23 ✧ 2:20 Wo 6:2

21 “Pa manyen, pa goute, pa touche!” 22 (Ki tout fè referans a ✧bagay ki fèt pou peri pandan y ap sèvi yo)—an akò avèk ✧kòmandman ak enstriksyon a lòm yo? 23 Bagay sa yo ki gen, asireman, aparans a sajès nan ✧relijyon ki fèt pou kont li, avèk imilyasyon nan li menm, ak move tretman kò a, men ki pa gen okenn valè kont plezi lachè a.

### 3

1 Konsa, si nou te ✧leve avèk Kris, kontinye chache bagay anwo yo, kote Kris la ye a, ✧chita sou men dwat a Bondye a. 2 ✧Fikse panse nou sou bagay anwo yo, pa sou bagay ki sou latè yo. 3 Paske nou te ✧mouri, e lavi nou vin kache avèk Kris nan Bondye. 4 Lè Kris, ki se lavi nou an, vin revele, alò, nou osi va revele avèk Li nan laglwa. 5 ✧Konsa, konsidere manm kò tètès nou yo kòm mouri ak imoralite, salte, pasyon, move dezi, ak renmen lajan, ki vin menm jan avèk idolatri. 6 Paske se akòz bagay sa yo ke ✧lakòlè Bondye va vini sou fis a dezobeyisans yo. 7 Epi ✧nan yo, nou tou te konn mache, lè nou t ap viv nan yo. 8 Men koulye a, nou menm tou ✧mete yo tout sou kote; ✧Move san, kòlè, mechanste, kout lang, ak move jouman ki sòti nan bouch nou. 9 ✧Pa bay manti a youn lòt, akòz ke nou te mete sou kote ansyen moun nan avèk abitud mechan li yo 10 epi te ✧mete sou nou nouvo moun k ap renouvle a yon vrè konesans selon imaj a Sila, ki te krete li a. 11 Yon renouvèlman konsa ✧pa gen distenksyon antre Grèk ak Jwif, sikonsi ak ensikonsi etranje, ni moun Scythe, esklav ak moun lib, men Kris se tout bagay, e nan tout bagay. 12 Konsa, tankou sila ki te chwazi pa Bondye yo, ki sen ak byeneme, mete sou nou yon ✧kè konpasyon, tandrès ✧imilite, jantiyès, ak pasyans; 13 ki sipòte youn lòt e ✧padone youn lòt. Nenpòt moun ki gen plent kont youn lòt; jis jan ke Senyè a te padone nou an, se menm jan an nou dwe fè l tou. 14 Anplis de tout bagay sa yo, mete sou nou lanmou, ki se bon kòl pou konplete ✧inite a. 15 Kite ✧lapè Kris la renye nan kè nou. Pou li menm, vrèman, nou te rele nan ✧yon sèl kò, e se pou nou rekonesan. 16 Kite ✧pawòl a Kris la rete an abondans nan nou, avèk tout sajès nan ✧enstwi ak korije youn lòt avèk sòm, kantik, ak chan lespri yo, k ap chante avèk rekonesans Bondye nan kè nou. 17 ✧Nenpòt sa nou fè nan pawòl oubyen nan zèv, fè tout bagay nan non Senyè a Jésus, e bay remèsiman atravè Li menm, a Bondye Papa a. 18 ✧Madanm yo, se pou nou soumèt a mari nou, jan sa pwòp a Senyè a. 19 ✧Mari yo, renmen madanm nou e pa vin fache kont yo. 20 ✧Zanfàn yo, se pou nou obeyisan a paran nou yo nan tout bagay, paske sa fè Senyè a plezi anpil. 21 ✧Papa yo, pa fè pitit nou yo fache pou yo pa vin dekouraje. 22 ✧Esklav yo, nan tout bagay, obeyi a sila ki mèt nou yo sou tè a, pa sèlman avèk youn sèvis ekstèn, jan sila ki sèlman fè moun plezi yo, men avèk youn kè sensè, nan lakrent Senyè a. 23 Nenpòt sa nou fè, fè travay nou avèk tout kè nou ✧kòm si se pou Senyè a, olye se pou lòm. 24 ✧Konnen byen ke nan Senyè a nou va resevwa youn eritaj kòm rekonpans. Se Senyè Kris la ke nou sèvi. 25 Paske sila ki fè mal la va resevwa konsekans a mal ke li te fè a, epi ✧sa, san patipri.

✧ 2:22 I Kor 6:13 ✧ 2:22 És 29:13 ✧ 2:23 Kol 2:18 ✧ 3:1 Kol 2:12 ✧ 3:1 Sòm 110:1  
 ✧ 3:2 Mat 16:23 ✧ 3:3 Wo 6:2 ✧ 3:5 Wo 8:13 ✧ 3:6 Wo 1:18 ✧ 3:7 Ef 2:2 ✧ 3:8 Ef 4:22  
 ✧ 3:8 Ef 4:31 ✧ 3:9 Ef 4:25 ✧ 3:10 Ef 4:24 ✧ 3:11 Wo 10:12 ✧ 3:12 Gal 5:22 ✧ 3:12  
 Ef 4:2 ✧ 3:13 Ef 4:32 ✧ 3:14 Jn 17:23 ✧ 3:15 Jn 14:27 ✧ 3:15 Ef 2:16 ✧ 3:16 Wo 10:17  
 ✧ 3:16 Kol 1:28 ✧ 3:17 I Kor 10:31 ✧ 3:18 Kol 3:18—4:1 ✧ 3:19 Ef 5:25 ✧ 3:20 Ef 6:1  
 ✧ 3:21 Ef 6:4 ✧ 3:22 Ef 6:5,7,8 ✧ 3:23 Ef 6:7 ✧ 3:24 Ef 6:8 ✧ 3:25 Det 10:17

## 4

1 Mèt yo, bay esklav nou yo sa ki jis e rezonab, epi ✨konnen ke nou osi gen yon Mèt nan syèl la. 2 ✨Konsakre nou menm a lapriyè; rete vijilan nan li avèk yon atitud remèsiman. 3 Priye an menm tan pou nou menm osi, pou Bondye kapab ouvri pou nou yon ✨pòt pou pawòl la, pou nou kapab pwoklame ✨mistè a Kris la, akoz se pou li menm, mwen menm osi gen tan anprizone 4 pou m kapab fè li klè ✨nan fason ke m ta dwe pale a. 5 ✨Kondwi tèt nou avèk sajès anvè moun deyò yo, pou ✨fè plis ke posib avèk tan an. 6 ✨Ke pawòl nou yo toujou ranpli ak gras, kòm si yo te asizonnen avèk sèl, pou nou kapab konnen jan pou nou reponn a chak moun. 7 ✨Pou tout afè mwen yo, Tychique, frè byeneme, sèvitè fidèl ak sèvitè-atache a Senyè a, va pote enfòmasyon bannou. 8 ✨Paske mwen gen tan voye li kote nou ekspres pou rezon sa a, pou nou kapab konnen sikonstans nou yo e pou li kapab ✨ankouraje kè nou. 9 Epi avèk li ✨Onésime, frè byeneme e fidèl nou an, ki se youn nan nou. Yo va enfòm nou sou tout sitiyasyon an isit la. 10 Aristarque, prizonye parèy a mwen an, voye salitasyon bannou; epi osi, kouzen a ✨Barnabas la, Marc (se sou li, nou te resevwa enstriksyon yo); si li vin kote nou, resevwa l byen). 11 Anplis, Jésus ke yo rele Justus la; sa yo se sèl ouvriye pou wayòm Bondye ✨ki sòti nan sikonsizyon an; epi yo te ankouraje mwen anpil. 12 ✨Épaphras, ki se youn nan nou, yon sèvitè-atache a Jésus Kri, voye salitasyon bannou; ki toujou ap batay rès pou nou nan priyè li yo, pou nou kapab kanpe konplè e byen asire nan tout volonte Bondye a. 13 Paske mwen temwaye ke li gen yon gwo sousi pou nou ak pou sila ki ✨Laodicée ak Hiérapolis yo. 14 ✨Luc, doktè byeneme a, voye salitasyon li bannou, e Démas tou. 15 Salye frè ki Laodicée yo e osi Nymphas ak ✨legliz ki lakay li a. 16 Lè lèt sa a li pami nou, kite yo li l osi nan legliz Lawodiseyen yo; e nou menm, pou pati pa nou ✨li lèt mwen an k ap vini soti Laodicée a. 17 Epi di ✨Archippe, “Byen okipe ✨èv ke nou te resevwa nan Senyè a, pou nou kapab akonpli li”. 18 Mwen, Paul, mwen ✨ekri salitasyon sa a avèk pwòp men mwen. Sonje ✨anprizonman mwen an. Ke lagras avèk nou.

✨ 4:1 Ef 6:9 ✨ 4:2 Trav 1:14 ✨ 4:3 Trav 14:27 ✨ 4:3 Ef 3:3,4 ✨ 4:4 Ef 6:20 ✨ 4:5 Ef 5:15 ✨ 4:5 Ef 5:16 ✨ 4:6 Ef 4:29 ✨ 4:7 Kol 4:7-9; Ef 6:21-22 ✨ 4:8 Ef 6:22 ✨ 4:8 Kol 2:2 ✨ 4:9 Phm 10 ✨ 4:10 Trav 4:36 ✨ 4:11 Trav 11:2 ✨ 4:12 Kol 1:7 ✨ 4:13 Kol 2:1 ✨ 4:14 II Tim 4:11 ✨ 4:15 Wo 16:5 ✨ 4:16 I Tes 5:27 ✨ 4:17 Phm 2 ✨ 4:17 II Tim 4:5 ✨ 4:18 Fil 1:7 ✨ 4:18 I Kor 16:21

## I TESALONISYEN YO

<sup>1</sup> ✧ Paul, ✧ Silvain ak Timothée a legliz Tesalonisyen yo nan Bondye, Papa a ak Senyè a, Jésus Kri: Lagras pou nou ak lapè.

<sup>2</sup> ✧ Nou bay remèsiman a Bondye tout tan pou nou tout e nonmen non nou nan lapriyè nou yo. <sup>3</sup> San rete nou sonje travay lafwa nou an, ak èv ✧ lanmou nou yo; jan nou te ✧ kenbe fèm nan esperans de Senyè nou an, Jésus Kri, devan prezans a Bondye, Papa nou. <sup>4</sup> Nou konprann, frè byeneme pa Bondye yo, chwa ✧ Li menm de nou an. <sup>5</sup> Ke levanjil pa nou an pa t vini a nou menm nan pawòl sèlman, men osi ✧ nan pouvwa ak nan Lespri Sen an. Li te vini avèk tout asirans, jis jan ou konnen ki kalite moun nou te ye pami nou an, pou koz a nou.

<sup>6</sup> Nou osi te devni ✧ imitatè a nou menm e a Senyè a. Konsa, nou te resevwa pawòl la nan anpil tribilasyon, avèk ✧ lajwa Lespri Sen an. <sup>7</sup> Konsa, nou te devni yon egzant pou tout kwayan nan ✧ Macédoine ak nan Achaïe yo. <sup>8</sup> Paske ✧ pawòl a Senyè a te deklare soti nan nou menm, non sèlman nan Macédoine ak Achaïe, men osi chak kote ke lafwa nou anvè Bondye te vin konnen, pou nou pa bezwen di anyen.

<sup>9</sup> Paske yo menm bay rapò de nou; sou jan ou te resevwa nou, ak jan nou ✧ te vire vè Bondye pou kite zidòl yo, pou sèvi yon Bondye vivan e vrè, <sup>10</sup> epi pou ✧ tann Fis Li a soti nan syèl la. Sila Li te fè leve soti nan lanmò a, ki se Jésus, ki ✧ delivre nou anba kòlè k ap vini an.

## 2

<sup>1</sup> Paske nou menm konnen, frè m yo, ke aparans nou pami nou menm nan ✧ pa t anven. <sup>2</sup> Men apre nou te deja soufri e ✧ maltrete nan Philippes, jan nou konnen an, nou te gen kouraj nan Bondye nou an pou ✧ pale levanjil la avèk nou malgre anpil opozisyon.

<sup>3</sup> Paske egzòtasyon nou an pa soti ni nan erè, ni nan ✧ salte, ni ✧ nan fason pou twonpe moun. <sup>4</sup> Men jis jan nou te vin apwouve pa Bondye a pou ✧ vin konfyè nou levanjil la; alò nou pale, pa pou fè lòm plezi, men pou Bondye ki egzamine kè nou yo.

<sup>5</sup> Paske nou pa t janm vini avèk pawòl k ap flate moun, jan nou konnen an, ni avèk yon ✧ pretèks pou fè lajan (Bondye se temwen) <sup>6</sup> Ni nou pa t ✧ chache glwa ki sòti nan lòm, ni nan nou menm, ni nan lòt yo, menmsi kòm apot a Kris, nou ta dwe montre otorite nou. <sup>7</sup> Men nou te pwouve nou ✧ janti pami nou, tankou yon manman nouris ki byen pran swen pwòp pitit li.

<sup>8</sup> Avèk bon jan afeksyon ke nou te gen pou nou an, nou te byen kontan ✧ pataje non sèlman levanjil a Bondye a, men osi pwòp lavi nou, paske nou te devni trè chè a nou menm.

<sup>9</sup> Paske nou sonje, frè yo ✧ travay ak difikilte nou. Jan nou te travay lannwit kou lajounen pou nou pa t yon ✧ chaj pou okenn nan nou. Konsa nou te pwoklame a nou menm levanjil a Bondye a. <sup>10</sup> Nou se temwen, e

✧ 1:1 II Tes 1:1 ✧ 1:1 II Kor 1:19 ✧ 1:2 Wo 1:8 ✧ 1:3 I Kor 13:13 ✧ 1:3 Wo 8:25 ✧ 1:4 II Pi 1:10 ✧ 1:5 Wo 15:19 ✧ 1:6 I Kor 4:16 ✧ 1:6 Trav 13:52 ✧ 1:7 Wo 15:26 ✧ 1:8 Kol 3:16 ✧ 1:9 Trav 14:15 ✧ 1:10 I Kor 1:7 ✧ 1:10 Wo 5:9 ✧ 2:1 II Tes 1:10 ✧ 2:2 Trav 14:5 ✧ 2:2 Trav 17:1-9 ✧ 2:3 I Tes 4:7 ✧ 2:3 II Kwo 4:2 ✧ 2:4 Gal 2:7 ✧ 2:5 Trav 20:33 ✧ 2:6 Jn 5:41,44 ✧ 2:7 II Tim 2:24 ✧ 2:8 II Kor 12:15 ✧ 2:9 II Tes 3:8 ✧ 2:9 II Kor 11:9

Bondye osi ✨de jan nou te konpòte ak devwe nou an, dwat e san fot anvè nou menm, kwayan yo.

<sup>11</sup> Jis kon nou konnen jan nou t ap ✨egzòte, ankouraje e plede ak nou chak, tankou ✨yon papa ta dwe fè pwòp pitit li <sup>12</sup> pou nou ta kab ✨mache nan yon fason ki dign pou Bondye kap rele nou antre nan pwòp wayòm ✨ak laglwa Li a.

<sup>13</sup> Pou rezon sa a, nou, tout tan, bay Bondye remèsiman ke lè nou te resevwa ✨pawòl Bondye nou te tandè de nou an, nou te aksepte li ✨pa kòm yon pawòl a lòm, men pou sa li vrèman ye a, pawòl Bondye a, ki anplis fè travay li nan nou menm ki kwè yo.

<sup>14</sup> Paske nou menm, frè m yo, nou te devni imitatè a legliz Bondye nan Kris Jésus ki ✨an Judée yo. Paske nou ✨te andire menm soufrans sa yo nan men a pwòp moun peyi parèy a nou yo, jan yo menm te andire l nan men a Jwif yo.

<sup>15</sup> ✨Sila ki te touye Senyè a Jésus ak pwofèt yo, e ki te fòse nou sòti. Yo p ap fè Bondye plezi, men yo se lènmi a tout moun. <sup>16</sup> Yo anpeche nou pale avèk etranje yo pou yo kapab sove. Kon rezilta yo toujou ✨ranpli mezi peche pa yo. Men lakolè gen tan vini sou yo pi rèd.

<sup>17</sup> Men nou menm, frè yo, akòz ke nou te separe de nou pou yon ti tan —✨kòm si an pèsòn, men pa an espri—nou tout te pi empasyan ak lanvi pou wè figi nou. <sup>18</sup> Paske nou tout te vle vin kote nou—mwen menm, Paul, plis ke yon sèl fwa—e malgre sa, Satan ✨te anpeche nou.

<sup>19</sup> Paske kilès ki esperans nou, oubyen ✨lajwa nou, oubyen kouwòn egzaltasyon an? Èske se pa menm nou menm nan, nan prezans a Senyè nou an nan ✨moman retou Li a. <sup>20</sup> Paske nou se ✨laglwa ak lajwa nou.

### 3

<sup>1</sup> Konsa, lè nou pa t kapab andire l ankò, nou te panse ke li te pi bon pou yo kite nou dèyè nan ✨Athènes sèl, <sup>2</sup> epi nou te voye ✨Timothée, frè nou ak ouvriye Bondye parèy a nou nan levanjil a Kris la, pou ranfòse e ankouraje nou nan lafwa nou. <sup>3</sup> Pou pèsòn pa twouble pa aflikasyon sila yo, paske nou konnen ke ✨nou te destine pou sa. <sup>4</sup> Paske, vrèman, lè nou te avèk nou an, nou te konn ap di nou davans ke nou t ap pral soufri aflikasyon yo, ✨e se konsa li te vin pase, jan nou konnen an.

<sup>5</sup> Pou rezon sa a, lè mwen pa t kapab andire li ankò, mwen osi te voye enfòmè de lafwa nou, avèk krent pou ✨tantatè a ta ka petèt vin tante nou, e pou ✨travay nou an ta anven.

<sup>6</sup> Men koulye a, ke ✨Timothée gen tan menm vin jwenn nou soti kote nou, li te pote bannou bòn nouvèl de ✨lafwa ak lanmou nou, e ke nou toujou panse avèk tandrès de nou menm, e anvi wè nou jis jan ke nou anvi wè nou tou a. <sup>7</sup> Pou rezon sa a, frè m yo, nan tout detrès ak aflikasyon nou yo, nou te rekonfòte de nou menm atravè lafwa nou. <sup>8</sup> Paske koulye a, nou vrèman ap viv, si nou ✨kanpe fèm nan Senyè a.

<sup>9</sup> Paske ✨ki remèsiman nou kapab bay Bondye anretou pou tout jwa ki fè nou rejwi devan Bondye akòz ou menm? <sup>10</sup> Antretan ✨lajounen kou

✨ 2:10 II Kor 1:12 ✨ 2:11 I Tes 5:14 ✨ 2:11 I Kor 4:14 ✨ 2:12 Ef 4:1 ✨ 2:12 II Kor 4:6  
 ✨ 2:13 Wo 10:17 ✨ 2:13 Mat 10:20 ✨ 2:14 Gal 1:22 ✨ 2:14 Trav 17:5 ✨ 2:15 Luc 24:20  
 ✨ 2:16 Jen 15:16 ✨ 2:17 I Kor 5:3 ✨ 2:18 Wo 1:13 ✨ 2:19 Fil 4:1 ✨ 2:19 Mat 16:27 ✨ 2:20  
 II Kor 1:14 ✨ 3:1 Trav 17:15 ✨ 3:2 II Kor 1:1 ✨ 3:3 Trav 9:16 ✨ 3:4 I Tes 2:14 ✨ 3:5 Mat  
 4:3 ✨ 3:5 II Kwo 6:1 ✨ 3:6 Trav 18:5 ✨ 3:6 I Tes 1:3 ✨ 3:8 I Kwo 16:13 ✨ 3:9 I Tes 1:2  
 ✨ 3:10 II Tim 1:3



lannwit, nou kontinye ap priye fò pou nou kab wè figi nou, e pou nou kapab ✨konplete sa ki manke nan lafwa nou.

<sup>11</sup> Koulye a, ke Bondye e Papa nou an ✨Li Menm, ak Jésus, Senyè nou an, dirije chemen nou anvè ou menm; <sup>12</sup> Epi ke Senyè a kapab fè nou grandi e ✨ogmante nan lanmou youn pou lòt, e pou tout moun, jis jan nou osi fè pou nou an. <sup>13</sup> Pou Li kapab ✨etabli kè nou san fot, nan sentete devan Bondye, Papa nou an, nan lè retou Senyè nou an avèk tout sen Li yo.

## 4

<sup>1</sup> Alò, finalman, frè m yo, nou mande e ankouraje nou nan Senyè a Jésus, ke menm jan nou te resevwa lenstriksyon nan men nou an, ak jan nou ta dwe ✨mache pou ✨fè Bondye plezi a (menm jan ke vrèman n ap mache a), pou nou kapab fè plis pwogrè toujou. <sup>2</sup> Paske nou konnen ki kòmandman nou te bannou yo pa otorite Senyè a Jésus.

<sup>3</sup> Paske sa se volonte Bondye, pou nou vin sen nèt; konsa, ✨pa fè imoralite seksyèl; <sup>4</sup> pou ✨chak nan nou kapab konnen jan pou posede pwòp veso li nan sanktifikasyon ak lonè <sup>5</sup> Pa nan ✨pasyon lanvi lachè, tankou payen ki ✨pa konnen Bondye yo; <sup>6</sup> epi pou pèsòn pa transgrese e ✨vòlè frè l nan bagay sila, paske ✨Senyè a se vanjè a nan tout bagay sila yo, jis jan nou te osi di nou deja a, e te avèti nou byen serye a.

<sup>7</sup> Paske Bondye pa t rele nou ✨pou fè salte, men nan sanktifikasyon. <sup>8</sup> Donk, sila ki rejte sa a, p ap rejte lòm, men Bondye ki ✨bannou Lespri Sen Li an.

<sup>9</sup> Alò, jan pou ✨lanmou pou frè nou yo, nou pa bezwen pèsòn ekri nou, paske nou menm, nou te ✨enstwi pa Bondye pou nou renmen youn lòt; <sup>10</sup> Paske, vrèman ✨nou pratike sa anvè tout frè ki an Macédoine yo. Men nou egzòte nou, frè yo, pou nou fè plis pwogrè toujou. <sup>11</sup> Epi pou nou fè l dezi nou pou mennen yon vi kalm, pou nou okipe nou de pwòp zafè pa nou, e ✨travay avèk men nou, jis jan nou te rekòmande nou an. <sup>12</sup> Konsa nou kapab ✨konpòte nou byen anvè moun deyò legliz yo, e ✨pou nou pa manke anyen.

<sup>13</sup> Men nou pa vle nou manke konnen, frè m yo, de sila ki mouri yo, pou nou pa atriste menm jan ak lòt ki pa gen ✨okenn espwa yo. <sup>14</sup> Paske si nou kwè ke Jésus te mouri e te leve ankò ✨menm jan an, Bondye va pote avèk Li menm sila ki gen tan mouri nan Jésus yo.

<sup>15</sup> Paske nou di nou sa selon pawòl Senyè a, pou ✨nou menm ki vivan yo, e ki rete jiska ✨vini Senyè a, nou p ap rive avan sila ki gen tan mouri yo.

<sup>16</sup> Paske Senyè a Li menm va desann soti nan syèl la avèk yon gwo kri, avèk vwa a akanj lan e avèk ✨twonpèt Bondye a; epi mò an Kris yo va leve premyèman. <sup>17</sup> Epi ✨nou menm ki vivan e ki rete yo va jwenn nou ansanm avèk yo nan nyaj yo pou rankontre Senyè a anlè, Epi konsa, nou va toujou avèk Senyè a.

<sup>18</sup> Konsa, se pou nou rekonfòte youn lòt avèk pawòl sa yo.

✨ 3:10 II Kor 13:9 ✨ 3:11 I Tes 5:23 ✨ 3:12 Fil 1:9 ✨ 3:13 I Kor 1:8 ✨ 4:1 Ef 4:1 ✨ 4:1 II Kor 5:9 ✨ 4:3 I Kor 6:18 ✨ 4:4 I Kwo 7:2,9 ✨ 4:5 Wo 1:26 ✨ 4:5 Gal 4:8 ✨ 4:6 I Kor 6:8 ✨ 4:6 Wo 12:19 ✨ 4:7 I Tes 2:3 ✨ 4:8 Wo 5:5 ✨ 4:9 Jn 13:34 ✨ 4:9 I Jn 2:27 ✨ 4:10 I Tes 1:7 ✨ 4:11 Trav 18:3 ✨ 4:12 Wo 13:13 ✨ 4:12 Ef 4:28 ✨ 4:13 Ef 2:12 ✨ 4:14 Wo 14:9 ✨ 4:15 I Kor 15:52 ✨ 4:15 I Tes 2:19 ✨ 4:16 Mat 24:31 ✨ 4:17 I Kor 15:52

## 5

<sup>1</sup> Alò, konsènan ✧tan ak epòk yo, frè m yo, nou pa bezwen ekri nou anyen. <sup>2</sup> Paske nou menm, nou konnen trè byen ke ✧jou a Senyè a va vini sou nou tankou yon vòlè lannwit. <sup>3</sup> Pandan y ap di “Lapè ak sekirite”, alò ✧destriksyon va vini sou yo sibitman, tankou ✧doulè a yon fanm k ap fè pitit; e yo p ap chape.

<sup>4</sup> Men nou menm, frè m yo, nou pa nan ✧tenèb, pou jou a ta siprann nou tankou yon vòlè; <sup>5</sup> paske nou tout se ✧fis a limyè e fis lajounen an. Nou pa apatyen a lannwit ni a tenèb. <sup>6</sup> Konsa, annou pa ✧dòmi tankou ✧lòt yo konn fè a, men annou rete vijilan e rezoli. <sup>7</sup> Paske sila ki dòmi yo, fè dòmi yo a nan lannwit, e sila kap vin sou yo ✧vin sou lannwit. <sup>8</sup> Men paske nou apatyen a lajounen, annou rete rezoli; pandan nou fin mete sou nou ✧pwotèj lestomak lafwa ak lanmou an, e kòm ✧kas, lesperans sali a.

<sup>9</sup> Paske Bondye pa t destine nou a ✧lakòlè, men pou nou vin ✧gen Sali atravè Senyè nou an, Jésus Kri. <sup>10</sup> ✧Li te mouri pou nou pou kit nou vivan kit nou mouri, nou va viv ansanm avèk Li.

<sup>11</sup> Konsa, annou ankouraje youn lòt, e ✧remonte youn lòt, jis jan n ap fè a.

<sup>12</sup> Men nou mande nou, frè m yo, pou nou apresye sila ✧ki travay avèk dilijans pami nou yo, e ki ✧responsab nou nan Senyè a pou bannou lenstriksyon yo. <sup>13</sup> Epi pou nou ba yo gwo estim nan lanmou akoz de travay yo.

✧Viv nan lapè avèk youn lòt.

<sup>14</sup> Nou egzòte nou anpil, frè m yo, avèti moun san ✧prensip yo, ankouraje ✧sila ki manke kouraj yo, ede fèb yo, aji nan pasyans avèk tout moun. <sup>15</sup> Veye pou ✧pèsòn pa rann youn lòt mal pou mal, men toujou chache sa ki bon pou youn lòt e pou tout moun.

<sup>16</sup> ✧Se pou nou rejwi nou tout tan; <sup>17</sup> Priye san rete. <sup>18</sup> Nan tout bagay ✧bay remèsiman; paske sa se volonte Bondye pou nou nan Kris Jésus a.

<sup>19</sup> ✧Pa etenn Lespri Sen an; <sup>20</sup> pa meprize ✧pawòl pwofetik yo. <sup>21</sup> Men ✧byen egzamine tout bagay; kenbe fèm a sa ki bon an; <sup>22</sup> evite tout kalite mal.

<sup>23</sup> Koulye a, ke Bondye lapè a, Li menm, ki sanktifye nou nèt la, e ke ✧lespri nou, nanm nou ak kò nou kapab konsève nèt ✧san repwòch jis nan vini a Senyè nou an, Jésus Kri. <sup>24</sup> ✧Fidèl se Sila ki rele nou an, e Li osi va fè l rive konsa.

<sup>25</sup> Frè m yo ✧priye pou nou.

<sup>26</sup> ✧Salye tout frè yo avèk yon bo ki sen.

<sup>27</sup> Mwen bay ou lòd nan non Senyè a pou ✧fè lèt sa a li bay tout frè yo.

<sup>28</sup> Ke ✧lagras Senyè nou an, Jésus Kri avèk nou. Amen.

---

✧ 5:1 Trav 1:7 ✧ 5:2 I Kor 1:8 ✧ 5:3 II Tes 1:9 ✧ 5:3 Jn 16:21 ✧ 5:4 Trav 26:18 ✧ 5:5 Luc 16:8 ✧ 5:6 Wo 13:11 ✧ 5:6 Ef 2:3 ✧ 5:7 Trav 7:15 ✧ 5:8 És 59:17 ✧ 5:8 Ef 6:17 ✧ 5:9 I Tes 1:10 ✧ 5:9 II Tes 2:13 ✧ 5:10 Wo 14:9 ✧ 5:11 Ef 4:29 ✧ 5:12 Wo 16:6,12 ✧ 5:12 Eb 13:17 ✧ 5:13 Mc 9:50 ✧ 5:14 II Tim 3:6,7,11 ✧ 5:14 És 35:4 ✧ 5:15 Wo 12:17 ✧ 5:16 Fil 4:4 ✧ 5:18 Ef 5:20 ✧ 5:19 Ef 4:30 ✧ 5:20 Trav 13:1 ✧ 5:21 I Kor 14:29 ✧ 5:23 Luc 1:46 ✧ 5:23 II Pi 3:14 ✧ 5:24 I Kor 1:9 ✧ 5:25 Ef 6:19 ✧ 5:26 Wo 16:16 ✧ 5:27 Kol 4:16 ✧ 5:28 Wo 16:20

## II TESALONISYEN YO

<sup>1</sup> Paul, Silvain ak Timothée, a ✨legliz Tesalonisyen yo, nan Bondye, Papa nou an, e Senyè a, Jésus Kri: <sup>2</sup> ✨Gras pou nou ak lapè Bondye, Papa a, e Senyè a, Jésus Kri.

<sup>3</sup> Nou ta dwe toujou ✨bay remèsiman a Bondye pou nou menm, frè m yo, sèlman jan sa merite a, paske lafwa nou gen tan grandi anpil, e ✨lanmou a nou chak pou youn lòt ap grandi menm plis toujou. <sup>4</sup> Konsa, nou menm, nou ✨pale avèk fyète de nou pami ✨legliz a Bondye yo, pou pèseverans ak lafwa nou nan mitan tout pèsekisyon ak soufrans ke nou andire yo. <sup>5</sup> Sa se yon sign byen klè de jijman dwat Bondye pou nou ✨kab konsidere dign pou wayòm Bondye a, pou li menm nou vrèman ap souffri a.

<sup>6</sup> Paske se byen jis pou Bondye rann aflikasyon a sila ki aflije nou yo, <sup>7</sup> epi pou bay repo a nou menm ki aflije ak nou yo ✨lè Senyè a Jésus va vin parèt nan syèl la avèk zanj pwisan Li yo nan flanm dife yo. <sup>8</sup> Konsa L a bay chatiman a sila ✨ki pa konnen Bondye yo e a sila ✨ki pa obeyisan a levanjil Senyè Jésus nou a.

<sup>9</sup> Sila yo va peye pinisyon ✨destriksyon etènèl la, lwen prezans Senyè a ak laglwa a pouvwa Li a. <sup>10</sup> Lè Li vini pou L kapab ✨glorifye nan sen Li yo nan ✨jou sa a, e pou L kapab admire pami tout moun ki kwè yo—paskenou te kwè temwayaj pa nou a.

<sup>11</sup> Pou rezon sa a osi, nou toujou priye pou nou, pou ✨Bondye kapab konte nou dign de apèl nou an, e ranpli tout dezi pou fè sa ki bon ak zèv lafwa yo avèk fòs <sup>12</sup> pou ✨non a Senyè Jésus nou an kapab vin glorifye nan nou, e nou nan Li, pa lagras Bondye nou an ak Senyè a, Jésus Kri.

## 2

<sup>1</sup> Alò, nou mande nou, frè nou yo, konsènan ✨vini a Senyè nou an, Jésus Kri, ak ✨reyinyon nou ansanm avèk Li a <sup>2</sup> pou nou pa pèdi bon sans ak ekilib nou twò vit pa ni yon ✨lespri, ni yon ✨mesaj, ni yon lèt, kòm si ki sòti nan nou menm, ak efè ke jou Senyè a gen tan rive deja.

<sup>3</sup> Pa kite okenn moun nan okenn sans twonpe nou, paske li p ap vini amwenske gwo renye lafwa nan Bondye a ta fèt avan, e ✨nonm peche a, fis a ✨pèdisyon an, ta vin parèt. <sup>4</sup> Li va opoze e egzalte tèt li pi wo pase tout kalite bagay yo rele dye oubyen tout sa ki adore, pou li kapab pran plas li nan tanp Bondye a, e ✨prezante tèt li kòm Bondye.

<sup>5</sup> Èske nou pa sonje ✨lè m te toujou avèk nou an, mwen t ap di nou bagay sa yo?

<sup>6</sup> Epi nou konnen ✨kisa ki anpeche li koulye a, pouke nan lè li a, li kapab vin parèt. <sup>7</sup> Paske ✨mistè nonm a peche a ap travay deja; sèlman Sila k ap anpeche li kounye a, va fè sa jiskaske li vin retire nan wout la.

<sup>8</sup> Nan moman sa a, nonm a peche a va vin parèt; sila ke Bondye va touye ✨avèk souf ki soti nan bouch li a, e fè sa fini ak aparisyon retou a Li menm nan. <sup>9</sup> Sa se, sila kap vini an akò avèk aktivite Satan, avèk tout pouvwa,

✨ 1:1 Trav 17:1 ✨ 1:2 Wo 1:7 ✨ 1:3 Wo 1:8 ✨ 1:3 I Tes 3:12 ✨ 1:4 II Kor 7:4 ✨ 1:4 I Tes 2:14 ✨ 1:5 Luc 20:35 ✨ 1:7 Luc 17:30 ✨ 1:8 Gal 4:8 ✨ 1:8 Wo 2:8 ✨ 1:9 Fil 3:19 ✨ 1:10 És 49:3 ✨ 1:10 És 2:1 ✨ 1:11 I Wa 22:22 ✨ 1:12 És 24:15 ✨ 2:1 I Tes 2:19 ✨ 2:1 Mc 13:27 ✨ 2:2 I Jn 4:1 ✨ 2:2 II Tes 2:15 ✨ 2:3 Dan 7:25 ✨ 2:3 Jn 17:12 ✨ 2:4 És 14:14 ✨ 2:5 I Tes 3:4 ✨ 2:6 II Tim 2:7 ✨ 2:7 Rev 17:5,7 ✨ 2:8 És 7:4

✧sign, ak fo mirak, <sup>10</sup> epi avèk tout desepsyon mechanste pou ✧sila ki peri yo, paske yo pa t resevwa lanmou ✧a verite a jis pou yo ta kapab sove.

<sup>11</sup> Pou rezon sa a, ✧Bondye va voye sou yo yon lespri twonpè pou yo kapab kwè sa ki fo a, <sup>12</sup> pou yo tout kapab jije sila yo ki ✧pa t kwè nan verite a, men ki te ✧pran plezi nan mechanste.

<sup>13</sup> Men nou ta dwe bay remèsiman pou nou menm, frè m yo, byeneme nan Senyè a, akoz ✧Bondye te chwazi nou depi nan kòmansman an pou sali atravè sanktifikasyon ✧pa Lespri a ak lafwa nan verite a. <sup>14</sup> Se te pou sa Li te ✧rele nou atravè levanjil nou an, pou nou ta kapab vin genyen laglwa a Senyè nou an, Jésus Kri.

<sup>15</sup> Konsa, frè m yo, kanpe fèm e ✧kenbe ak tradisyon ke yo te enstwi nou yo, kit se pa pawòl kit se pa lèt a nou an.

<sup>16</sup> ✧Koulye a, ke Senyè nou an, Jésus Kri, Li menm, ak Bondye, Papa nou an, ki renmen nou e ki bay nou rekonfò etènèl ak bon espwa pa lagras la <sup>17</sup> ✧rekonfòte nou e ranfòse kè nou nan tout bon zèv ak pawòl.

### 3

<sup>1</sup> Finalman, frè m yo ✧priye pou nou pou pawòl a Senyè a kapab gaye vit e vin glorifye, jis jan sa te fèt osi avèk nou an. <sup>2</sup> Epi pou nou kapab ✧delivre de moun pèvès e mechan yo, paske se pa tout ki gen lafwa.

<sup>3</sup> Men ✧Senyè a fidèl, e Li va ranfòse nou e pwoteje nou de mechan an. <sup>4</sup> Nou gen konfyans nan Senyè a konsènan nou menm, ke nou ✧ap fè e va kontinye fè sa ke nou kòmande yo. <sup>5</sup> Ke Senyè a ✧dirije kè nou nan lanmou Bondye a ak nan kenbe fèm nan Kris la.

<sup>6</sup> Alò, nou kòmande nou, frè yo, nan non Senyè nou an, Jésus Kris, pou nou ✧rete lwen de tout frè ki mennen yon vi san prensip e ki pa an akò avèk tradisyon ke nou te resevwa de nou menm yo.

<sup>7</sup> Paske nou menm, nou konnen jan nou ta dwe ✧swiv egzanp nou an, paske nou pa t aji nan yon fason dezòd pami nou. <sup>8</sup> Ni nou pa t manje pen a lòt moun san peye pou li, men avèk ✧travay ak difikilte, nou te kontinye travay lajounen kou lannwit pou nou te kab pa vini yon chaj lou pou okenn nan nou. <sup>9</sup> Se pa paske nou pa gen ✧dwa sa a, men pou nou te kab ofri tèt nou kòm yon modèl pou nou, pou nou ta kapab swiv egzanp nou an.

<sup>10</sup> Paske menm lè nou te avèk nou an, nou te konn bannou lòd sa a: ✧si yon moun pa vle travay, alò, li pa dwe manje nonplis. <sup>11</sup> Paske nou tande ke kèk pami nou ap mennen yon vi dezòd, ke yo pa travay menm, men k ap ✧aji kòm antre bouch yo nan zafè a lòt moun. <sup>12</sup> Alò, moun konsa yo, nou kòmande e egzòte nan Senyè a, Jésus Kri, pou yo ✧travay nan yon jan ki kalm pou manje pwòp pen pa yo. <sup>13</sup> Men pou nou, frè m yo ✧pa fatigue nan fè sa ki bon.

<sup>14</sup> Si yon moun pa obeyi a enstriksyon nou an nan lèt sa, pran nòt de moun sa a, e ✧pa asosye nou avè l pou ✧li kab vin wont. <sup>15</sup> Malgre sa, pa gade l kòm yon lènmi, men ✧egzòte li kòm yon frè.

<sup>16</sup> Koulye a, ke Senyè lapè a, Li menm, kontinye bannou lapè nan tout sikonstans. ✧Ke Senyè a avèk nou tout!

✧ 2:9 Mat 24:24 ✧ 2:10 I Kor 1:18 ✧ 2:10 II Tes 2:12,13 ✧ 2:11 I Wa 22:22 ✧ 2:12 Wo 2:8 ✧ 2:12 Wo 1:32 ✧ 2:13 Ef 1:4 ✧ 2:13 I Tes 4:7 ✧ 2:14 I Tes 2:12 ✧ 2:15 I Kor 11:2 ✧ 2:16 I Tes 3:11 ✧ 2:17 I Tes 3:2 ✧ 3:1 I Tes 5:25 ✧ 3:2 Wo 15:31 ✧ 3:3 I Kor 1:9 ✧ 3:4 I Tes 4:10 ✧ 3:5 I Tes 3:11 ✧ 3:6 Wo 16:17 ✧ 3:7 I Tes 1:6 ✧ 3:8 I Tes 2:9 ✧ 3:9 I Kor 9:4-18 ✧ 3:10 I Tes 4:11 ✧ 3:11 I Tes 5:13 ✧ 3:12 I Tes 4:11 ✧ 3:13 Gal 6:9 ✧ 3:14 II Tes 3:6 ✧ 3:14 Tit 2:8 ✧ 3:15 I Tes 5:14 ✧ 3:16 Rt 2:4

<sup>17</sup> Mwen, Paul ekri salitasyon sa a ✨avèk pwòp men m, e sa se mak ki idantifye m nan chak lèt; se konsa ke m ekri.

<sup>18</sup> ✨Ke lagras Senyè nou an, Jésus Kri, rete avèk nou tout.

## I TIMOTHÉE

<sup>1</sup> Paul, yon apot a Kris Jésus ✨selon kòmandman Bondye a, Sovè nou an, e a Kris Jésus ki se esperans nou. <sup>2</sup> A Timothée, vrè pitit mwen nan lafwa mwen an: ✨lagras, mizerikòd, ak lapè ki soti nan Bondye Papa a, e Senyè nou an, Jésus Kri.

<sup>3</sup> Jan mwen te ankouraje ou sou depa mwen pou Macédoine nan, rete an Éphèse pou nou kapab enstwi sèten moun pou yo pa ✨enstwi lòt doktrin nèf yo; <sup>4</sup> ni pou yo pa prete atansyon a ✨fo istwa ak jeneyaloji ki pa janm fini, e ki ankouraje espekilasyon olye pou yo fè avanse jerans Bondye pa lafwa a.

<sup>5</sup> Men bi a enstriksyon nou an se lanmou ki ✨soti nan yon kè san tach, bon konsyans ak yon lafwa ki sensè. <sup>6</sup> Paske kèk moun, nan egare kite bagay sa yo pou vin detounen nan ✨diskou ki pa pote fwi, <sup>7</sup> ki ✨ta vle mèt k ap enstwi lalwa, menmsi yo pa menm konprann ni sa y ap di a ni sijè ke yo pale avèk plen konfyans lan.

<sup>8</sup> Men nou konnen ke ✨Lalwa bon, si yon moun itilize li nan yon fason lejitim. <sup>9</sup> Reyalize ke Lalwa pa fèt pou yon nonm ki dwat, men pou sila ki san prensip e ki ✨rebèl yo, pou sila ki ✨san Bondye ak pechè yo, pou sila ki pa sen ak mechan yo, pou sila ki touye papa oswa manman yo, pou asasen yo, <sup>10</sup> epi pou ✨moun imoral ak moun k ap mennen vi gason ak gason, fanm ak fanm yo, e sila ki fè komès esklav ak mantè yo, e sila ki bay fo temwayaj ak tout lòt kalite bagay ki kontrè a bon doktrin yo, <sup>11</sup> selon levanjil laglwa Bondye ki beni an, li menm ke yo te ✨konfye m nan.

<sup>12</sup> Mwen remèsye Kris Jésus Senyè nou an, ki te ✨ranfòse mwen, paske Li te konsidere mwen fidèl e te mete m an sèvis: <sup>13</sup> malgre ke avan sa, mwen te yon blasfematè, yon ✨pèsekite e yon agresè vyolan. Malgre sa, mwen te resevwa gras akoz mwen te aji avèk inyorans nan enkwayans; <sup>14</sup> epi ✨lagras Senyè nou an te plis ke anpil, avèk lafwa ak lanmou ki twouve nan Kris Jésus a.

<sup>15</sup> ✨Li se yon vrè pawòl, ki merite aksepte pa tout moun, ke Kris Jésus te vini nan mond lan pou sove pechè yo, pami sila yo, mwen menm se premye a. <sup>16</sup> Malgre tout, se pou rezon sa a, ke mwen te twouve gras; pouke nan mwen, kòm chèf pami pechè yo, Jésus Kris ta kapab ✨montre pasyans pafè Li a, kòm yon egzanp pou sila ki ta kwè nan Li yo pou lavi etènèl.

<sup>17</sup> Koulye a, pou Wa etènèl la, imòtèl la, envizib la, ✨sèl Bondye a; lonè ak laglwa pou tout tan e pou tout tan. Amen.

<sup>18</sup> Lòd sa a mwen konfye a ou menm, Timothée, fis mwen an, ki an akò avèk ✨pwofesi a konsènan ou menm ki te fèt deja, ke pa yo menm, ou te mennen ✨bon konba a <sup>19</sup> nan kenbe ✨lafwa ak yon bon konsyans, ke kèk moun te rejte e te fè nofraj nan sa ki gen rapò a lafwa yo. <sup>20</sup> Pami sila yo, se Hyménée ak ✨Alexandre, ke mwen te ✨livre a Satan pou yo kab aprann pou yo pa fè blasfèm.

✨ 1:1 Tit 1:3 ✨ 1:2 Wo 1:7 ✨ 1:3 Wo 16:17 ✨ 1:4 I Tim 4:7 ✨ 1:5 II Tim 2:22 ✨ 1:6 Tit 1:10 ✨ 1:7 Jc 3:1 ✨ 1:8 Wo 7:12,16 ✨ 1:9 Tit 1:6,10 ✨ 1:9 I Pi 4:18 ✨ 1:10 I Kor 6:9 ✨ 1:11 Gal 2:7 ✨ 1:12 Trav 9:22 ✨ 1:13 Trav 8:3 ✨ 1:14 Wo 5:20 ✨ 1:15 I Tim 3:1 ✨ 1:16 Ef 2:7 ✨ 1:17 Jn 5:44 ✨ 1:18 I Tim 4:14 ✨ 1:18 II Kor 10:4 ✨ 1:19 I Tim 1:5 ✨ 1:20 II Tim 4:14 ✨ 1:20 I Kor 5:5

## 2

<sup>1</sup> Dabò, alò, mwen ankouraje pou ✨siplikasyon ak priyè, rekèt ak remèsiman fèt pou tout moun <sup>2</sup> ✨Pou wa ak tout sila ki nan otorite yo, pou nou kapab mennen yon vi trankil e kalm nan tout sentete ak dignite.

<sup>3</sup> Sa bon e akseptab nan zye ✨Bondye, Sovè nou an <sup>4</sup> ✨ki dezire pou tout moun vin sove e vini a konesans a verite a.

<sup>5</sup> Paske gen ✨yon Bondye, yon ✨medyatè osi antre Bondye ak lòm; ki se nonm nan, Jésus Kri. <sup>6</sup> Ki te bay tèt li kòm ranson pou tout moun; temwayaj ki te bay nan ✨pwòp lè li a. <sup>7</sup> Pou sa, mwen te chwazi kòm predikatè ak apot (m ap bannou verite, mwen p ap bannou manti), kòm yon mèt ✨pou enstwi pèp etranje yo nan lafwa ak verite a.

<sup>8</sup> Konsa, mwen vle moun tout kote priye; ✨vin leve men sen yo, san kòlè, ni konfli.

<sup>9</sup> Menm jan an, mwen vle ✨fanm yo abiye yo menm avèk vètman ki kòrèk, senp e avèk desans, pa avèk cheve trese ak lò oswa pèl oswa rad ki koute chè, <sup>10</sup> men, de preferans, pa mwayen a bon zèv, jan sa kòrèk pou fanm ki nonmen non Bondye yo.

<sup>11</sup> Yon fanm dwe resevwa enstriksyon an silans ak tout soumisyon. ✨

<sup>12</sup> ✨Men mwen pa pèmèt yon fanm enstwi oubyen ekzèse otorite sou yon gason, men li rete an silans.

<sup>13</sup> ✨Paske se te Adam ki te kreye avan, e answit, Eve. <sup>14</sup> Epi se pa t Adam ki te twonpe a, men ✨fanm nan te twonpe, e yo te tonbe nan transgresyon.

<sup>15</sup> Men fanm yo va sove nan fè pitit si yo kontinye nan ✨lafwa ak lanmou, sentete ak kontwòl tèt yo.

## 3

<sup>1</sup> Sa se yon vrè pawòl: Si yon nonm ta vle devni yon ✨pastè, se yon bon zèv li dezire fè a. <sup>2</sup> ✨Yon pastè, alò, dwe san repwòch, mari a yon madanm, tanpere, pridan, respektab, emab, avèk yon kapasite pou enstwi. <sup>3</sup> Li pa dwe bwè diven ak eksè, oswa agresif, men janti, pezib, e ✨lib de lanmou lajan. <sup>4</sup> Li dwe yon moun ki ✨jere pwòp kay li byen, e ki kenbe pitit li yo anba bon kontwòl avèk tout dignite; <sup>5</sup> (men si yon moun pa konnen kijan pou l jere pwòp kay li, kijan li va pran swen ✨legliz Bondye a?). <sup>6</sup> Epi pa yon nouvo konvèti, pou li kab pa vin ògeye, e tonbe nan kondanasyon ki fèt pa pèlen Dyab la.

<sup>7</sup> Epi li dwe ✨gen bon repitasyon avèk sila ki deyò legliz yo, pou li pa tonbe nan repwòch ak ✨pèlen Satan.

<sup>8</sup> Dyak yo, menm jan an, dwe se moun ki gen dignite, ki pa ipokrit, oubyen renmen bwè diven ak twòp eksè, oubyen renmen lajan twòp <sup>9</sup> ✨men ki kenbe a mistè lafwa a avèk yon konsyans ki pwòp. <sup>10</sup> ✨Mesye sa yo dwe, osi, pase tès avan; answit, kite yo sèvi kòm dyak, si yo pa gen repwòch.

<sup>11</sup> Fanm yo dwe, menm jan an, dign ✨pa nan fè medizans, men tanpere, fidèl nan tout bagay.

✨ 2:1 Ef 6:18 ✨ 2:2 Esd 6:10 ✨ 2:3 Luc 1:47 ✨ 2:4 I Tim 4:10 ✨ 2:5 Wo 3:30 ✨ 2:5 Gal 3:20 ✨ 2:6 I Tim 6:15 ✨ 2:7 Ef 3:8 ✨ 2:8 Sòm 63:4 ✨ 2:9 I Pi 3:3 ✨ 2:11 I Kor 14:34 ✨ 2:12 I Kor 14:34 ✨ 2:13 Jen 2:7,22 ✨ 2:14 Jen 3:6,13 ✨ 2:15 I Tim 1:14 ✨ 3:1 Trav 20:28 ✨ 3:2 Tit 3:2-4 ✨ 3:3 I Tim 3:8 ✨ 3:4 Tit 3:12 ✨ 3:5 I Kor 10:32 ✨ 3:7 II Kor 8:21 ✨ 3:7 II Tim 2:26 ✨ 3:9 I Tim 1:5,19 ✨ 3:10 I Tim 5:22 ✨ 3:11 II Tim 3:3

<sup>12</sup> Dyak yo dwe ✨mari a yon sèl fanm ✨bon dirijan a pitit yo ak pwòp lakay yo. <sup>13</sup> Paske sila ki sèvi byen kòm dyak yo ✨resevwa pou tèt yo, yon wo pozisyon ak gwo konfyans nan lafwa ki nan Kris Jésus a.

<sup>14</sup> M ap ekri bagay sa yo bannou, avèk esperans ke m ap vin kote nou avan lontan; <sup>15</sup> men an ka ke mwen pran reta, mwen ekri yo pou nou kab konnen kijan yon moun ta dwe kondwi tèt li nan ✨kay Bondye a, ki se legliz a Bondye vivan an, ki se pilye ak soutyen verite a.

<sup>16</sup> Pa konfesyon an komen, gran se mistè lavi sentete a

Sila ki

Te ✨revele nan lachè a,

Te jistifye nan Lespri a

Te wè pa zanj yo,

Te ✨pwoklame pami nasyon yo,

Te resevwa kwayans mond lan,

Te leve wo nan laglwa a.

## 4

<sup>1</sup> Men ✨Lespri a di byen klè ke nan dènnye tan yo, kèk moun va tonbe kite lafwa pou prete atansyon a Lespri twonpè ak doktrin a dyab yo <sup>2</sup> epi pa mwayen ipokrizi a mantè yo vin ✨make nan pwòp konsyans pa yo, kòm si yo brile avèk fè a etanp ki cho; <sup>3</sup> moun ki entèdi maryaj, e k ap rekòmande evite manje, ke ✨Bondye te kreye pou pataje avèk remèsiman pa sila ki kwè e ki konnen verite yo. <sup>4</sup> Paske tout bagay kreye pa Bondye, bon, e anyen pa dwe rejte, si li ✨resevwa avèk remèsiman; <sup>5</sup> paske li sanktifye pa mwayen ✨pawòl Bondye a ak lapriyè.

<sup>6</sup> Nan montre bagay sa yo a frè yo, nou va yon bon sèvitè a Kris Jésus, e nou va nourri tout tan nan pawòl lafwa ak bon doktrin ke nou ✨deja ap swiv yo. <sup>7</sup> Men pa okipe vye listwa mond yo ki fèt pou vye fanm yo.

Sou lòt kote, disipline tèt ou ✨pou vi sentete a. <sup>8</sup> Paske ✨disiplin pou kò a sèlman pa gen gran avantaj men vi sentete a gen avantaj nan tout jan, paske li kenbe pwomès pou ✨lavi koulye a e osi pou lavi k ap vini an.

<sup>9</sup> ✨Sa se yon vrè Pawòl ki merite aksepte pa tout moun. <sup>10</sup> Paske se pou sa nou travay ak fè efò a, paske nou gen tan fikse ✨esperans nou sou Bondye vivan an, ki se ✨Sovè a tout moun, sitou a kwayan yo.

<sup>11</sup> ✨Preskri e enstwi bagay sa yo.

<sup>12</sup> Pa kite pèsòn gade ou ba akoz jenès ou, men de preferans nan pawòl, kondwit ✨lanmou, lafwa, ak yon vi san tach, prezante tèt ou kòm ✨yon egzanp a sila ki kwè yo.

<sup>13</sup> Jiskaske m vini, bay enpòtans a ✨li Lekriti yo an piblik, a egzòtasyon ak enstriksyon.

<sup>14</sup> Pa neglije don Lespri Bondye ki nan ou a, ki te bay a ou menm pa yon pawòl pwofetik avèk ✨men Ansyen ki te poze sou ou ✨yo.

<sup>15</sup> Konsakre ou seryezman a bagay sa yo; antre ladan yo, pou pwogrè ou kapab klè a tout moun.

<sup>16</sup> ✨Prete anpil atansyon a tèt ou e ak enstriksyon ou an; pèsèvere nan bagay sa yo; paske lè ou fè sa, ou va asire Sali tèt ou ak sila ki tande ou yo.

✨ 3:12 I Tim 3:2 ✨ 3:12 I Tim 3:4 ✨ 3:13 Mat 25:21 ✨ 3:15 Ef 2:21 ✨ 3:16 Jn 1:14 ✨ 3:16 Wo 16:26 ✨ 4:1 Jn 16:13 ✨ 4:2 Ef 4:19 ✨ 4:3 Jen 9:3 ✨ 4:4 Wo 14:6 ✨ 4:5 Jen 1:25,31 ✨ 4:6 II Tim 3:10 ✨ 4:7 I Tim 4:8 ✨ 4:8 Kol 2:23 ✨ 4:8 Mat 6:33 ✨ 4:9 I Tim 1:15 ✨ 4:10 II Kor 1:10 ✨ 4:10 I Tim 2:4 ✨ 4:11 I Tim 5:7 ✨ 4:12 Tit 2:7 ✨ 4:12 I Tim 1:14 ✨ 4:13 II Tim 3:15 ✨ 4:14 Trav 6:6 ✨ 4:14 Trav 11:30 ✨ 4:16 Trav 20:28



## 5

<sup>1</sup> ✧Pa bay repwòch ki di a yon granmoun, men, de preferans, rezone ak li tankou yon papa, a jèn mesye yo tankou yon frè <sup>2</sup> epi a fanm avanse nan laj yo, tankou manman, e jèn fanm yo tankou sè, nan tout, san tach.

<sup>3</sup> Onore vèw ki ✧vrèman vèw yo; <sup>4</sup> men si yon vèw gen pitit oswa pitit pitit ✧yo dwe, dabò, aprann pratike respè anvè pwòp fanmi pa yo e lese kèk retounen kote pwòp paran pa yo; paske sa ✧akseptab devan zye Bondye.

<sup>5</sup> Alò, sila ki vrèman yon vèw, e ki kite sèl la, fikse tout espwa l sou Bondye e kontinye nan siplikasyon ak lapriyè lajounen kon lannwit. <sup>6</sup> Men sila ki ✧viv nan plezi a, mouri menm pandan ke li ap viv la.

<sup>7</sup> ✧Preskri bagay sa yo tou pou yo kapab vin san repwòch. <sup>8</sup> Men si yon moun pa bay soutyen a sila ki pou li yo, e sitou a sila ki lakay li yo, li ✧gen tan kite lafw a vin pi mal ke yon enkwayan.

<sup>9</sup> Yon vèw ✧dwe mete nan lis la sèlman si li pa gen mwens ke swasant ane, e te madanm a yon sèl moun <sup>10</sup> avèk repitasyon ✧bon zèw; si li te elve timoun, si li te konn ✧resevwa etranje byen, si li te lave pye a sen yo, si li te konn ede sila ki nan gwo pwoblèm yo, e si li te devwe tèt li a tout bon zèw.

<sup>11</sup> Men refize mete jèn vèw nan lis la, paske lè yo vin gen ✧dezi sansyèl kont Kris la, y ap vle marye. <sup>12</sup> Konsa y ap vin merite kondanasyon e va sibi, paske yo mete sou kote ve ke yo te fè deja a. <sup>13</sup> An menm tan an, yo va aprann vin parese, pandan yo prale de kay an kay; e pa senpleman parese, men osi nan ✧fè tripotay ak antre bouch nan zafè a moun ✧nan pale bagay ki pa bon pou pale.

<sup>14</sup> Konsa, mwen vle jèn vèw yo ✧marye, fè pitit, okipe kay, pou pa bay lènmi an plas pou repwòch, <sup>15</sup> paske kèk nan yo ✧deja detounen pou swiv Satan.

<sup>16</sup> Si yon fanm ki se yon kwayan ✧gen vèw ki depann de li, li dwe asiste yo e legliz la pa dwe pote chaj sa a, pou li kapab asiste sila ki vrèman vèw yo.

<sup>17</sup> ✧Ansyen ki dirije byen yo, dwe konsidere dign de doub onè, sitou sila ki ✧travay di nan predikasyon ak enstriksyon yo. <sup>18</sup> Paske Lekriti a di: ✧“Nou pa dwe mete mizo nan bouch a bèf la pandan l ap moulen sereyal la,” epi: “Ouvriye a dign de salè li.”

<sup>19</sup> Pa resevwa yon akizasyon kont yon ansyen eksepte sou baz a ✧de oswa twa temwen.

<sup>20</sup> Sila ki kontinye nan peche yo ✧repwoche yo nan prezans a tout moun, pou lòt yo tou kapab pè fè peche. <sup>21</sup> ✧Mwen solanèlman chaje ou nan prezans a Bondye, a Kris Jésus e a zanj chwazi Li yo, pou kenbe prensip sa yo san favorize pèsòn, e pa fè anyen nan yon lespri patipri.

<sup>22</sup> ✧Pa poze men sou okenn moun twò vit, e konsa vin pataje nan peche a lòt yo; kenbe tèt ou lib de peche.

<sup>23</sup> Pa bwè dlo sèl ankò, men ✧pran yon ti diven pou koz a vant ou ak maladi yo k ap boulvèse ou.

<sup>24</sup> Peche kèk moun vin toutafè klè, li ale devan yo pou jijman. Pou lòt yo, peche pa yo vini aprè yo ✧ <sup>25</sup> Menm jan an tou, zèw ki bon yo toutafè klè, e ✧sila ki pa konsa yo, p ap kapab kache.

✧ 5:1 Lev 19:32 ✧ 5:3 Trav 6:1 ✧ 5:4 Ef 6:2 ✧ 5:4 I Tim 2:3 ✧ 5:6 Jc 5:5 ✧ 5:7 I Tim 4:11 ✧ 5:8 II Tim 2:12 ✧ 5:9 I Tim 5:16 ✧ 5:10 Trav 9:36 ✧ 5:10 I Tim 3:2 ✧ 5:11 Rev 18:7 ✧ 5:13 II Tes 3:11 ✧ 5:13 Tit 1:11 ✧ 5:14 I Kor 7:9 ✧ 5:15 I Tim 1:20 ✧ 5:16 I Tim 5:4 ✧ 5:17 Trav 11:30 ✧ 5:17 I Tes 5:12 ✧ 5:18 Det 25:4 ✧ 5:19 Det 17:6 ✧ 5:20 Gal 2:14 ✧ 5:21 Luc 9:26 ✧ 5:22 I Tim 3:10 ✧ 5:23 I Tim 3:8 ✧ 5:24 Rev 14:13 ✧ 5:25 Pwov 10:9

## 6

<sup>1</sup> Tout sila ki \*anba jouk esklavaj yo dwe gade pwòp mèt yo kòm moun ki dign de tout onè pou pèsòn pa kapab pale mal kont non a Bondye e ak doktrin nou an. <sup>2</sup> Sila ki gen kwayan kòm mèt yo pa dwe derespekte yo paske yo se \*frè yo, men dwe sèvi yo plis toujou, paske sila ki pataje benefis yo se kwayan e byeneme. Enstwi e preche prensip sa yo.

<sup>3</sup> Si yon moun \*ap enstwi yon lòt doktrin, e pa dakò avèk bon pawòl sen, sila ki soti nan Senyè nou an, Jésus Kri, e avèk doktrin ki konfòm ak sentete a, <sup>4</sup> li vin ògeye e pa konprann anyen, men li gen yon obsesyon pou poze kesyon diskisyon e fè kont pou mo \*ki sòti nan lanvi, konfli, jouman, ak sispèk moun mal <sup>5</sup> diskisyon san rete antre\*moun ak panse konwonpi e san verite, ki \*sipoze ke vi sentete a se yon mwayen pou fè pwofi.

<sup>6</sup> Men vi sentete a vrèman gen \*anpil pwofi lè l akonpanye ak kontantman. <sup>7</sup> Paske \*nou pa t pote anyen nan mond lan, donk nou p ap kab retire anyen ladann nonplis.

<sup>8</sup> Si nou \*genyen manje avèk rad, avèk sa yo, nou dwe kontan.

<sup>9</sup> \*Men sila ki vle vin rich yo, tonbe nan tantasyon, yon pèlen plen foli ak move dezi ki konn plonje moun nan destriksyon ak pèdisyon. <sup>10</sup> Paske \*lanmou lajan se yon rasin a tout kalite mechanste, e kèk moun, akòz gwo lanvi pou li, gen tan \*vin egare soti nan lafwa e pèse pwòp tèt yo ak anpil gwo doulè.

<sup>11</sup> Men \*kouri kite bagay sa yo, ou menm, moun Bondye a; e kouri dèyè ladwati, vi sentete, lafwa, lanmou, pèseverans, ak tandrès. <sup>12</sup> \*Mennen bon konba lafwa a; kenbe fèm a lavi etènèl la pou sila ou te rele a, e te fè bon konfesyon nan prezans a anpil temwen yo. <sup>13</sup> \*Mwen kòmande ou nan prezans Bondye, ki bay lavi a tout bagay yo, e nan Kris Jésus ki te \*temwaye bon konfesyon devan Ponce Pilate la, <sup>14</sup> pou ou kenbe kòmandman an san tach oubyen repwòch, jiska \*aparasyon Senyè nou an, Jésus Kri. <sup>15</sup> Li va fè rive nan \*tan konvenab li—Sila ki beni e ki se sèl Souveren an, Wa a tout wa yo e Senyè tout senyè yo. <sup>16</sup> \*Sila sèl ki posede imòtalite a e ki rete nan limyè ke nou pa kapab menm apwoche a; Sila ke pèsòn pa janm wè oubyen pa kab wè a. A Li menm, lonè ak tout pouvwa pou tout tan e pou tout tan. Amen.

<sup>17</sup> Enstwi sila ki \*rich nan mond sa yo pou pa vin ògeye ni plase espwa yo nan richès ki pa sèten, men nan Bondye \*ki founi nou an abondans tout bagay nou bezwen pou fè nou kontan <sup>18</sup> Enstwi yo pou fè sa ki bon, pou vin rich nan \*bon zèv, pou \*renmen bay, e toujou prèt pou pataje <sup>19</sup> epi konsa, toujou y ap \*ranmase nan pwòp depo yo trezò a yon bon fondasyon pou lavni, pou yo kapab \*kenbe fèm a sa ki se vrèman lavi a.

<sup>20</sup> O Timothée, gade byen \*sa ki konfyè a ou menm nan, e \*evite pale pawòl mond lan, pawòl vid e san sans, ak tout diskou fo pawòl yo rele “konesans” lan, <sup>21</sup> ke kèk moun te pwofese, e konsa yo te vin \*egare kite lafwa.

Ke lagras avèk nou.

\* 6:1 Ef 6:5 \* 6:2 Gal 3:28 \* 6:3 Tit 1:3 \* 6:4 Trav 18:15 \* 6:5 II Tim 3:8 \* 6:5 II Pi 2:3 \* 6:6 Luc 12:15-21 \* 6:7 Job 1:21 \* 6:8 Pwov 30:8 \* 6:9 Pwov 15:27 \* 6:10 Kol 3:5 \* 6:10 Jc 5:19 \* 6:11 II Tim 2:22 \* 6:12 I Tim 1:18 \* 6:13 I Tim 5:21 \* 6:13 II Kor 9:13 \* 6:14 II Tes 2:8 \* 6:15 I Tim 2:6 \* 6:16 I Tim 1:17 \* 6:17 Mat 12:32 \* 6:17 Trav 14:17 \* 6:18 I Tim 5:10 \* 6:18 Wo 12:18 \* 6:19 Mat 6:20 \* 6:19 I Tim 6:12 \* 6:20 II Tim 1:12,14 \* 6:20 II Tim 2:16 \* 6:21 II Tim 2:18

## II TIMOTHÉE

<sup>1</sup> Paul ☆yon apot a Kris Jésus pa volonte Bondye, selon pwomès lavi ki nan Kris Jésus a. <sup>2</sup> A Timothée ☆fis byeneme mwen an: Lagras, mizerikòd, ak lapè Bondye, Papa a, e Kris Jésus, Senyè nou an.

<sup>3</sup> ☆Mwen remèsye Bondye ke mwen sèvi avèk yon bon konsyans jan zansèt mwen yo te fè a, pandan mwen sonje ou tout tan nan lapriyè mwen yo lannwit kon lajounen <sup>4</sup> ☆avèk lanvi pou m wè ou ☆menm lè mwen sonje dlo ki te sòti nan zye ou, pou m kapab ranpli avèk jwa.

<sup>5</sup> Paske mwen sonje ☆lafwa sensè ki nan ou a, ki te dabò rete ☆nan grann ou, Lois ak manman ou, Eunice, e mwen byen si ke li nan ou tou. <sup>6</sup> Pou rezon sa a, mwen fè ou sonje pou rechofe ☆don Bondye ki nan ou depi mwen te poze menm sou ou a.

<sup>7</sup> Paske Bondye pa bannou yon ☆lespri timidite, men pouvwa, lanmou ak disiplin.

<sup>8</sup> Konsa ☆pa fè wont de temwayaj Senyè nou an, ni mwen menm nan, prizonye Li a, men vin jwenn ansanm avè m nan ☆soufrans pou levanjil la selon pouvwa Bondye a, <sup>9</sup> ki te sove nou e te ☆rele nou avèk yon apèl ki sen ☆pa selon zèv nou yo, men selon pwòp bi ak gras pa L, ki te bay a nou menm nan Kris Jésus depi tout letènite, <sup>10</sup> men koulye a, ki vin revele pa aparans a Sovè nou an, Kris Jésus, ki te ☆aboli lanmò e te pote lavi ak imòtalite nan limyè, atravè levanjil la. <sup>11</sup> ☆Pou li menm, mwen te chwazi kòm predikatè, apot, ak pwofesè pou ale vè etranje yo. <sup>12</sup> Pou rezon sa a, mwen osi soufri bagay sa yo, men ☆mwen pa wont; paske mwen konnen nan kilès mwen kwè a, e mwen konvenk ke Li kapab pwoteje sa ke m livre a Li menm nan jiska jou sa a.

<sup>13</sup> ☆Kenbe fèm a pawòl sen ke ou tande de mwen yo, nan ☆lafwa ak lanmou ki nan Kris Jésus a.

<sup>14</sup> Veye byen, selon lespri Sen ki ☆demere nan nou an, trezò kite konfyè a ou a.

<sup>15</sup> Oubyen okouran ke tout moun ki an Asie yo, te ☆vire kite m, pami yo menm, Phygelle ak Hermogène.

<sup>16</sup> Ke Senyè a bay mizerikòd a ☆lakay Onésiphore, paske Li te souvan konsole m, e li pa t wont pou chenn mwen yo; <sup>17</sup> men lè li te Rome, li te chèche mwen avèk dilijans e li te jwenn mwen; <sup>18</sup> ke Senyè a fè li jwenn mizerikòd Senyè a nan ☆jou sa a—e ke ou konnen trè byen ki sèvis li te rann nan Éphèse.

## 2

<sup>1</sup> Konsa, ou menm, fis mwen an ☆se pou ou dyanm nan gras ki nan Kris Jésus a. <sup>2</sup> Bagay ☆ke ou te tande de mwen nan prezans a anpil temwen yo, konfyè yo a moun ki fidèl, ki kapab osi enstwi lòt yo.

☆ 1:1 II Kor 1:1 ☆ 1:2 I Tim 1:2 ☆ 1:3 Wo 1:8 ☆ 1:4 II Tim 4:9,21 ☆ 1:4 Trav 20:37  
 ☆ 1:5 I Tim 1:5 ☆ 1:5 Trav 16:1 ☆ 1:6 I Tim 4:14 ☆ 1:7 Jn 14:27 ☆ 1:8 Mc 8:38 ☆ 1:8  
 II Tim 2:3,9 ☆ 1:9 Wo 8:28 ☆ 1:9 Ef 2:9 ☆ 1:10 I Kor 15:26 ☆ 1:11 I Tim 2:7 ☆ 1:12 II  
 Tim 1:8,16 ☆ 1:13 Tit 1:9 ☆ 1:13 I Tim 1:14 ☆ 1:14 Wo 8:9 ☆ 1:15 II Tim 4:10,16 ☆ 1:16  
 II Tim 4:10,16 ☆ 1:18 I Kor 1:8 ☆ 2:1 Ef 6:10 ☆ 2:2 II Tim 1:13

<sup>3</sup> ✨Soufri difikilte avèk mwen, tankou yon bon sòlda a Kris Jésus.  
<sup>4</sup> Nanpwen sòlda an sèvis ki ✨mele tèt li nan zafè lavi kotidyèn, pou li kapab fè plezi a sila ki te enskri li kòm sòlda a.

<sup>5</sup> Osi, si yon moun nan ✨konpetisyon nan spò, li p ap genyen pri a amwenske li fè konpetisyon an selon règ yo.

<sup>6</sup> ✨Kiltivatè ki travay di a ta dwe premyè pou resevwa pòsyon pa l nan rekòlt la.

<sup>7</sup> Konsidere sa ke m di a, paske Senyè a va ba ou bon konprann nan tout bagay.

<sup>8</sup> Sonje Jésus Kri ✨leve soti nan lanmò, desandan a David la, selon levanjil mwen an. <sup>9</sup> Pou li menm, mwen ✨soufri difikilte, menm anprizone kòm yon kriminèl; men pawòl Bondye a pa anprizone. <sup>10</sup> Pou rezon sa a, mwen andire tout bagay, pou ✨koz a sila ki te chwazi yo, pou yo kapab osi vin jwenn sali ki nan Kris Jésus a e avèk li, laglwa etènèl.

<sup>11</sup> Sa se yon vrè pawòl: Paske ✨si nou te mouri avèk Li, nou va osi viv avèk Li. <sup>12</sup> Si nou andire, nou va osi renye avèk Li; si nou ✨rejte Li, Li tou va rejte nou. <sup>13</sup> Si nou pa fidèl ✨Li rete fidèl; paske Li pa kapab nye pwòp tèt Li.

<sup>14</sup> Fè yo sonje bagay sa yo, e ✨anchaje yo solanèlman nan prezans a Bondye pou yo pa ✨goumen sou pawòl yo, ki initil e ki mennen nan destriksyon sila k ap tande yo. <sup>15</sup> Se pou ou dilijan pou ✨prezante tèt ou apwouve bay Bondye, kòm yon ouvriye ki pa bezwen wont, ki livre byen klè pawòl verite a.

<sup>16</sup> Men evite ✨pale pawòl anven a mond sa a, paske l ap fè nou soti lwen lafwa Bondye a.

<sup>17</sup> Epi pawòl pa yo va gaye tankou pwazon nan san. Pami yo, ✨Hyménée ak Philète <sup>18</sup> Moun ki te egare kite verite yo nan di ke ✨rezirèksyon an gen tan fèt deja a, e konsa yo te boulvèse lafwa a kèk moun.

<sup>19</sup> Malgre ✨fondasyon Bondye a kanpe byen fèm, e li gen so sila a sou li: “Senyè a konnen sila ki pou Li yo”, epi: “Ke tout moun ki nonmen non Senyè a rete lwen mehanste.”

<sup>20</sup> Alò, nan yon gran mezon, pa gen sèlman veso an lò ak lajan, men osi veso an bwa ak kanari; epi ✨kèk pou onore e kèk pou dezonore. <sup>21</sup> Konsa, si yon nonm netwaye tèt li de ✨bagay sa yo, li va yon veso lonè, sanktifye, itil pou Mèt la, prepare pou tout bon zèv.

<sup>22</sup> Alò, sove kite move dezi a jenès yo; e pouswiv ladwati, lafwa, lanmou ak lapè, avèk sila ki rele non Senyè yo ✨avèk yon kè ki san tach. <sup>23</sup> Men refize diskisyon ki sòt e san bon rezon yo, paske ou konnen ke y ap ✨prodwi konfli.

<sup>24</sup> Yon sèvitè-atache a Senyè a pa dwe renmen fè kont, men se pou li janti ak tout moun, avèk ✨yon kapasite pou l enstwi e pasyan lè yo fè li lenjistis <sup>25</sup> avèk dousè, korije sila ki nan opozisyon yo, pou ✨si petèt Bondye kapab bay yo repantans k ap mennen yo a ✨konesans verite a <sup>26</sup> pou yo kapab twouve bon sans pa yo, pou chape anba ✨pèlen a Dyab la, ki kenbe yo kaptif pou fè volonte l.

✨ 2:3 II Tim 1:8 ✨ 2:4 II Pi 2:20 ✨ 2:5 I Kor 9:25 ✨ 2:6 I Kor 9:10 ✨ 2:8 Trav 2:24 ✨ 2:9 II Tim 1:8 ✨ 2:10 Luc 18:7 ✨ 2:11 Wo 6:8 ✨ 2:12 Mat 10:33 ✨ 2:13 Wo 3:3 ✨ 2:14 I Tim 5:21 ✨ 2:14 I Tim 6:4 ✨ 2:15 Wo 6:13 ✨ 2:16 I Tim 6:20 ✨ 2:17 I Tim 1:20 ✨ 2:18 I Kor 15:12 ✨ 2:19 És 28:16 ✨ 2:20 Wo 9:21 ✨ 2:21 II Tim 2:16-18 ✨ 2:22 I Tim 1:5 ✨ 2:23 Tit 3:9 ✨ 2:24 I Tim 3:2 ✨ 2:25 Trav 8:22 ✨ 2:25 I Tim 2:4 ✨ 2:26 I Tim 3:7

### 3

<sup>1</sup> Men konprann sa, ke ✧nan dènye jou yo, tan difisil yo va vini. <sup>2</sup> Paske lèzòm va renmen pwòp tèt yo ✧renmen lajan ✧ògeye, awogan, blasfematè, dezobeyisan a paran yo, engra, san lafwa, <sup>3</sup> ✧san lanmou, san kapasite pou antann yo, medizan ✧san kontwòl tèt yo, brital, moun ki rayi sa ki bon, <sup>4</sup> trèt, enpridan awogan, renmen plezi olye de renmen Bondye; <sup>5</sup> ki kenbe yon fòm ✧sentete, sepandan yo nye pouvwa li.

Evite moun konsa yo. <sup>6</sup> Paske pami yo menm, gen moun ki ✧antre nan kay yo e pran an kaptif fanm ki fèb akòz chaj peche yo, e ki mennen pa ✧move lanvi de tout kalite. <sup>7</sup> K ap toujou aprann e ki pa janm ✧rive a konesans verite a.

<sup>8</sup> Jis jan ke Jannès ak Jambrès te opoze a Moïse la; konsa moun sa yo te opoze a verite a; ✧lèzòm ak lespri konwonpi, ki rejte sa ki konsène lafwa a.

<sup>9</sup> Men yo p ap fè plis pwogrè; paske ✧foli yo va parèt klè a tout moun, jis jan ke foli a Jannès ak Jambrès te osi parèt a klè a.

<sup>10</sup> Alò, ou te ✧swiv ansègnman mwen an, kondwit, bi, lafwa, pasyans ✧lanmou, pèseverans <sup>11</sup> ✧pèsekisyon, ak soufrans, jan sa te rive m Antioche, Icone ak Lystre la. ✧A la pèsekisyon m te andire, e nan yo tout, Senyè a te delivre m! <sup>12</sup> Vrèman, tout moun ki dezire viv yon vi sentete nan Kris Jésus ✧va pèsekite.

<sup>13</sup> Men moun mechan ak moun twonpè yo va avanse soti nan mal pou rive nan pi mal ✧nan twonpe moun ak vin twonpe.

<sup>14</sup> Sepandan, ou menm ✧kontinye nan bagay ke ou te aprann yo, e vin konvenk, nan konnen de ki moun ou te aprann yo a. <sup>15</sup> Epi ke depi timoun, ou te konnen ✧Lekriti sakre yo, ki kapab ✧bay ou sajès ki mennen moun a sali atravè lafwa ki nan Kris Jésus a.

<sup>16</sup> ✧Tout lekriti sen an enspire pa Bondye, e pwofitab pou enstwi, pou konvenk, pou korije, e pou fòme moun nan ladwati. <sup>17</sup> Pou moun Bondye a kapab konplè e byen ✧prepare pou tout bon zèv.

### 4

<sup>1</sup> Mwen anchaje ou solanèlman, nan prezans Bondye ak Kris Jésus a, ki ✧dwe jije vivan ak mò yo, pa aparans ak wayòm Li an: <sup>2</sup> Preche ✧pawòl la; Se pou ou prè nan lè sezon favorab ak nan lè l pa favorab; ✧reprimande, repwoche, egzòte, avèk anpil pasyans ak enstriksyon.

<sup>3</sup> Paske ✧tan an va vini pou yo pa sipòte doktrin ki sen yo, men akòz yo vle sa ki fè zòrèy yo plezi, yo va ranmase pou kont yo, pwofesè ki dakò avèk pwòp dezi pa yo; <sup>4</sup> Epi ✧yo va vire zòrèy yo kite verite a akote pou fo istwa yo.

<sup>5</sup> Men ou menm, rete tanpere nan tout bagay, sipòte difikilte yo, fè travay a yon evanjelis, akonpli ✧ministè ou la.

<sup>6</sup> Paske mwen deja ap ✧vide kòm yon ofrann bwason, e ✧lè pou m ale a gen tan rive. <sup>7</sup> ✧Mwen mennen bon konba a, mwen fin fè kous la, mwen kenbe lafwa; <sup>8</sup> A lavni m ap ✧gen kouwòn ladwati a, ki prepare pou mwen

✧ 3:1 I Tim 4:1 ✧ 3:2 Luc 16:14 ✧ 3:2 Wo 1:30 ✧ 3:3 Wo 1:31 ✧ 3:3 I Tim 3:11 ✧ 3:5 I Tim 3:6 ✧ 3:6 Jd 1:4 ✧ 3:6 Tit 3:3 ✧ 3:7 II Tim 2:25 ✧ 3:8 I Tim 6:5 ✧ 3:9 Luc 6:11 ✧ 3:10 I Tim 4:6 ✧ 3:10 I Tim 6:11 ✧ 3:11 II Kor 11:23-27 ✧ 3:11 Wo 15:31 ✧ 3:12 Jn 15:20 ✧ 3:13 Tit 3:3 ✧ 3:14 Tit 1:13 ✧ 3:15 Jn 5:47 ✧ 3:15 Sòm 119:98 ✧ 3:16 Wo 4:23 ✧ 3:17 II Tim 2:21 ✧ 4:1 Trav 10:42 ✧ 4:2 Kol 4:3 ✧ 4:2 I Tim 5:20 ✧ 4:3 II Tim 3:1 ✧ 4:4 II Tes 2:11 ✧ 4:5 Ef 4:12 ✧ 4:6 Fil 2:17 ✧ 4:6 Fil 1:23 ✧ 4:7 I Kor 9:25 ✧ 4:8 Kol 1:5

deja, ke Senyè a, jij ladwati a, va ban m nan ✧jou sila a; e pa sèlman ban mwen, men osi a tout moun ki renmen aparisyon Li an.

<sup>9</sup> ✧Fè tout efò pou vini kote mwen byen vit; <sup>10</sup> Paske ✧Démas, ki renmen ✧mond prezan sila a, te abandone m, e te ale Thessalonique; Crescens te ale Galatie, Tite te ale Dalmatie. <sup>11</sup> Se sèl ✧Luc ki avè m. Pran Marc e mennen li avè w, paske li itil a mwen pou zèv mwen an. <sup>12</sup> Men ✧Tychique, mwen te voye li Éphèse. <sup>13</sup> Lè ou vini, pote manto ke m te kite ✧Troas avèk Carpus la, ak liv yo, sitou woulo yo.

<sup>14</sup> ✧Alexandre, bès fòjewon an, te fè mwen anpil mal; Senyè a va rann li sa selon zèv li. <sup>15</sup> Veye kont li ou menm; paske li te opoze ak fòs a enstriksyon nou an.

<sup>16</sup> Nan premye defans mwen an, pèsòn pa t ban m soutyen yo, men yo tout te kite m; ✧ke sa pa kontwole kont yo. <sup>17</sup> Men Senyè a te kanpe avèk mwen e te ✧ban m fòs, pou pwoklamasyon an ta kapab ✧fin akonpli nèt, e pou tout pèp etranje yo kapab tandè; epi mwen te sove soti nan bouch a lyon an.

<sup>18</sup> Senyè a va delivre m de tout zèv mechan yo, e va mennen m san danje nan ✧wayòm selès Li a; a Li menm, laglwa pou tout tan e pou tout tan. Amen.

<sup>19</sup> Salye Prisca ak ✧Aquillas, ak ✧tout kay Onésiphore a.

<sup>20</sup> ✧Éraste te rete Corinthe, men ✧Trophime, mwen te kite li malad Milet.

<sup>21</sup> ✧Fè tout efò pou vini avan sezon livè a. Eubulus salye ou, Pudens, Linus, Claudia, ak tout frè yo salye ou osi.

<sup>22</sup> Ke ✧Senyè a avèk lespri ou. Ke lagras avèk ou.

---

✧ **4:8** II Tim 1:12 ✧ **4:9** II Tim 1:4 ✧ **4:10** Kol 4:14 ✧ **4:10** I Tim 6:17 ✧ **4:11** Kol 4:14  
 ✧ **4:12** Trav 20:4 ✧ **4:13** Trav 16:8 ✧ **4:14** I Tim 1:20 ✧ **4:16** Trav 7:60 ✧ **4:17** I Tim 1:12  
 ✧ **4:17** II Tim 4:5 ✧ **4:18** I Kor 15:50 ✧ **4:19** Trav 18:2 ✧ **4:19** II Tim 1:16 ✧ **4:20** Trav  
 19:22 ✧ **4:20** Trav 20:4 ✧ **4:21** II Tim 4:9 ✧ **4:22** Fil 4:23

## TITE

<sup>1</sup> Paul, yon sèvitè-atache a Bondye, e yon apot Jésus Kri, pou lafwa a sila ki te chwazi pa Bondye yo, ak \*konesans verite ki \*an akò avèk vi sentete a. <sup>2</sup> Nan \*espwa lavi etènèl la, ke Bondye, ki pa kapab bay manti a, te pwomèt depi nan tan ansyen yo. <sup>3</sup> Men \*nan tan konvenab la, ki te manifeste; menm pawòl Li a, nan pwoklamasyon a sila ki te konfye m nan, selon kòmandman a \*Bondye a, Sovè nou an; <sup>4</sup> A Tite \*vrè pitit mwen nan yon lafwa ke nou \*pataje ansanm; Lagras ak lapè Bondye, Papa a, ak Kris Jésus, sovè nou an.

<sup>5</sup> Pou rezon sa a, mwen te kite ou Crète, pou ou ta kapab mete nan lòd sa ki rete yo, e \*chwazi ansyen yo nan chak vil selon jan mwen te dirije ou a.

<sup>6</sup> Kidonk, \*si yon nonm san repwòch, mari a yon sèl fanm, ki gen pitit ki kwayan, e ki pa akize de dezòd ak rebelyon.

<sup>7</sup> Paske pastè an tèt la dwe san repwòch, kòm \*jeran zafè a Bondye, pa \*awogan, pa fache souvan, pa bwè diven twòp, pa agresif kont lòt, ni renmen lajan twòp; <sup>8</sup> Men \*emab, renmen sa ki bon, rezonab, jis, devwe, gen kontwòl tèt li, <sup>9</sup> ki \*kenbe fèm a pawòl lafwa a ki gen akò avèk ansèyman an, pou li kapab egzòte nan bon doktrin nan, e demanti sila ki kontredi l yo.

<sup>10</sup> Paske gen anpil \*moun rebèl \*moun k ap pale pawòl anven ak moun k ap twonpe moun, sitou sila sikonsizyon yo <sup>11</sup> ki dwe rete an silans paske y ap boulvèse \*tout fanmi yo nèt, e y ap enstwi \*bagay ke yo pa ta dwe enstwi, pou koz a kòb ki sal.

<sup>12</sup> Youn nan yo, yon pwofèt a yo menm te di: \**“Moun Crète yo se toujou mantè yo ye, bèt mechan, parese ki manje twòp”*. <sup>13</sup> Temwayaj sa a vrè. Pou rezon sa a \*repwoche yo sevèman pou yo kapab vin solid nan lafwa, <sup>14</sup> pa nan prete atansyon a \*vye istwa Jwif yo, ak kòmandman a lèzòm ki vire kite verite a.

<sup>15</sup> Pou sila ki san tach la, tout bagay san tach; men \*pou sila ki souye e ki pa kwè yo, nanpwen anyen ki san tach, men lespri yo ak konsyans yo deja souye. <sup>16</sup> \*Yo di yo konnen Bondye, men ak zèv pa yo, yo nye Li, nan vin detestab, dezobeyisan, e san valè pou okenn bon zèv.

## 2

<sup>1</sup> Men pou ou menm, pale bagay ki apwopriye a \*bon doktrin nan.

<sup>2</sup> Mesye nan laj avanse yo dwe \*tanpere, dign, rezonab \*solid nan lafwa, nan lanmou, ak nan pèseverans.

<sup>3</sup> Fanm nan laj avanse yo, menm jan an, yo dwe sen nan konpòtman yo \*pa nan fè medizans, ni \*vin esklav a anpil diven, e yo dwe ap enstwi sa ki bon <sup>4</sup> pou yo kapab ankouraje jèn fanm yo pou renmen mari yo, e pou renmen pitit yo, <sup>5</sup> pou yo kapab reflechi kon moun serye, rete san tach, \*fè

\* **1:1** I Tim 2:4 \* **1:1** I Tim 6:3 \* **1:2** II Tim 1:1 \* **1:3** I Tim 2:6 \* **1:3** Luc 1:47 \* **1:4** II Tim 1:2 \* **1:4** II Pi 1:1 \* **1:5** Trav 14:23 \* **1:6** Tit 3:2-4 \* **1:7** I Kor 4:1 \* **1:7** II Pi 2:10 \* **1:8** I Tim 3:2 \* **1:9** II Tes 2:15 \* **1:10** Tit 1:6 \* **1:10** I Tim 1:6 \* **1:11** I Tim 5:4 \* **1:11** I Tim 5:15 \* **1:12** Trav 2:11 \* **1:13** I Tim 5:20 \* **1:14** I Tim 1:4 \* **1:15** Wo 14:14,23 \* **1:16** I Jn 2:4 \* **2:1** Tit 1:9 \* **2:2** I Tim 3:2 \* **2:2** Tit 1:13 \* **2:3** I Tim 3:11 \* **2:3** Tit 1:13 \* **2:5** I Tim 5:14

travay lakay yo, janti ✨soumèt a pwòp mari yo, pou yo pa dezonore pawòl Bondye a.

<sup>6</sup> Menm jan an, ankouraje ✨jennonm yo pou yo toujou refleche kon moun serye; <sup>7</sup> nan tout bagay, montre tèt ou kòm ✨yon egzanp a bon zèv. Le ou instwi, fè l avèk tout verite nan doktrin nan, konpòtman ki dign, ak yon bi verite a ki pa konwonpi, <sup>8</sup> rezonab ak pawòl ki san repwòch, pou ✨sila ki opoze yo kapab vin wont, pou pa gen anyen mal pou di sou nou.

<sup>9</sup> Ankouraje ✨sèvitè-atache yo pou soumèt a pwòp mèt yo nan tout bagay, pou fè yo plezi, san diskisyon <sup>10</sup> pa nan vòlè, men nan montre tout bon lafwa nan tout bagay pou yo kapab anbeli doktrin a ✨Bondye a, Sovè nou an, nan tout jan.

<sup>11</sup> Paske lagras Bondye ✨gen tan parèt, e ✨pote sali pou tout moun <sup>12</sup> kap enstwi nou pou rejte sa ki pa a Bondye ak ✨dezi mond lan pou ✨viv avèk bon rezon, ladwati, ak yon vi fidèl nan tan prezan sila a. <sup>13</sup> Nan chèche lesperans beni ak aparisyon laglwa a ✨gran Bondye ak Sovè nou an, Jésus Kri <sup>14</sup> ki te ✨bay tèt Li pou nou, pou ✨rachte nou de tout zèv malveyan, e pirifye pou tèt Li yon pèp pou pwòp posesyon pa Li, ki zele pou fè bon zèv.

<sup>15</sup> Pale, ✨egzòte, e repwoche nan bagay sa yo avèk tout otorite. Pa kite pèsòn meprize ou.

### 3

<sup>1</sup> Raple yo ✨pou soumèt yo a tout wayòm ak otorite yo, pou yo rete obeyisan, e ✨prè pou tout bon zèv <sup>2</sup> pou pa di mal de pèsòn, men toujou ✨pezib; janti, e montre tout konsiderasyon pou tout moun.

<sup>3</sup> ✨Paske nou menm tou, yon fwa nou te ensanse, dezobeyisan ✨twonpè, esklav a tout kalite move dezi ak plezi, e nou t ap pase lavi nou nan mechanste, lanvi, rayisman, nan rayi youn lòt.

<sup>4</sup> Men lè ✨bonte a Bondye, Sovè nou an, ak lanmou Li pou tout limanite a te parèt, <sup>5</sup> Li te sove nou ✨pa sou baz a zèv ladwati ke nou fè, men selon mizerikòd Li, pa lavaj a rejenerasyon an, e renouvèlman pa Lespri Sen an <sup>6</sup> ✨ke Li te vide sou nou an abondans atravè Jésus Kri, Sovè nou an. <sup>7</sup> Konsa nou te vin jistifye pa lagras Li, pou nou ta kapab vin ✨eritye selon esperans a lavi etènèl la.

<sup>8</sup> Sa se yon pawòl ki fidèl; epi konsènan bagay sa yo, mwen vle ou pale avèk konfyans, pou sila ki te kwè nan Bondye yo, kapab pridan pou ✨angaje yo nan bon zèv. Bagay sa yo bon, e pwofitab pou moun.

<sup>9</sup> Men ✨evite ✨konfli ak jeneyaloji ki ranpli ak foli, avèk diskisyon sou Lalwa yo, paske yo san pwofi, e san valè.

<sup>10</sup> Apre yon premye ak yon dezyèm avètisman ✨rejte yon nonm ✨k ap mete divizyon <sup>11</sup> nan konnen ke yon moun konsa ✨pèvèti. Li nan peche, e ap kondane pwòp tèt li.

<sup>12</sup> Lè mwen voye Artémas oswa Tychique kote ou ✨fè tout efò pou vini kote mwen nan Nicopolis, paske mwen deside pase sezon livè a la.

<sup>13</sup> Byen vit, voye avoka a, Zénas ak ✨Apollos nan wout yo pou yo pa manke anyen.

✨ 2:5 Ef 5:22 ✨ 2:6 I Tim 5:1 ✨ 2:7 I Tim 4:12 ✨ 2:8 II Tes 3:14 ✨ 2:9 Ef 6:5 ✨ 2:10 Tit 1:3 ✨ 2:11 II Tim 1:10 ✨ 2:11 I Tim 2:4 ✨ 2:12 I Tim 6:9 ✨ 2:12 II Tim 3:12 ✨ 2:13 Tit 1:4 ✨ 2:14 I Tim 2:6 ✨ 2:14 Sòm 130:8 ✨ 2:15 I Tim 4:13 ✨ 3:1 Wo 13:1 ✨ 3:1 II Tim 2:21 ✨ 3:2 I Tim 3:3 ✨ 3:3 Wo 11:30 ✨ 3:3 II Tim 3:13 ✨ 3:4 Wo 2:4 ✨ 3:5 Ef 2:9 ✨ 3:6 Wo 5:5 ✨ 3:7 Mat 25:34 ✨ 3:8 Tit 2:7,14 ✨ 3:9 II Tim 2:16 ✨ 3:9 I Tim 1:4 ✨ 3:10 II Jn 10 ✨ 3:10 Wo 16:17 ✨ 3:11 Tit 1:14 ✨ 3:12 II Tim 4:9 ✨ 3:13 Trav 18:24



<sup>14</sup> Moun pa nou yo dwe osi aprann ✨angaje yo nan bon zèv pou satisfè bezwen imedya yo, pou yo pa manke ✨bay fwi.

<sup>15</sup> Tout sila ki avè m yo salye ou. Salye sila ki renmen nou ✨nan lafwa yo. ✨Ke lagras avèk nou tout.

## PHILÉMON

<sup>1</sup> Paul, yon ✧prizonye Kris Jésus, ak Timothée, frè nou an: a Philémon, frè byeneme e ouvriye parèy nou an <sup>2</sup> ak Apphia, sè ou, a ✧Archippe ✧sòlda parèy a nou, e a legliz lakay ou a: <sup>3</sup> ✧Lagras pou ou, ak lapè Bondye, Papa nou, e Senyè a, Jésus Kri.

<sup>4</sup> ✧Mwen remèsye Bondye m nan toujou, e nonmen non ou nan lapriye m yo <sup>5</sup> paske mwen ✧tande de lanmou ou, ak lafwa ke ou genyen anvé Senyè a, Jésus, e anvé tout sen yo.

<sup>6</sup> Epi mwen priye pou lamitye lafwa ou kapab vin efikas selon ✧konesans a tout bon bagay ki nan ou pou koz a Kris la. <sup>7</sup> Paske mwen gen tan twouve anpil ✧lajwa ak rekonfò nan lanmou ou, paske kè a fidèl yo vin ✧rafrechi atravè ou menm, frè.

<sup>8</sup> Konsa ✧malgre ke mwen gen ase konfyans nan Kris pou bay ou lòd pou fè sa ki bon, <sup>9</sup> malgre pou koz lanmou an, mwen pito sipliye ou— paske mwen se yon moun tankou Paul ✧granmoun lan, e koulye a, osi ✧yon prizonye a Kris Jésus. <sup>10</sup> Mwen sipliye ou, pou ✧piti mwen an, Onésime, ke mwen te vin fè pandan mwen te nan ✧prizon an <sup>11</sup> ke avan, te initil a ou menm, men koulye a, li itil ni pou ou, ni pou mwen.

<sup>12</sup> Mwen voye li tounen kote ou, an pèsòn, ki se, kè m menm ke m voye a. <sup>13</sup> Ke m te pito kenbe avè m, pou l ta kapab, nan non ou, fè sèvis pou mwen, pandan mwen anprizone pou levanjil la.

<sup>14</sup> Men san pèmasyon ou, mwen pa t vle fè anyen, pou bonte ou ✧pa ta, anfèt “pa lafòs”, men pito akòz bòn volonte pa ou. <sup>15</sup> Paske, li ka petèt separe de ou, ✧eksprè pou rezon sa a, pou yon ti tan, pou ou ta kapab genyen l vin retounen nèt, <sup>16</sup> pa tankou yon esklav ankò, men plis ke yon esklav ✧yon frè byeneme, sitou pou mwen menm, men plis ankò pou ou, nan lachè e nan Senyè a.

<sup>17</sup> Si, konsa, ou gade mwen kòm yon ✧ouvriye parèy ou, aksepte li kòm ou ta aksepte mwen. <sup>18</sup> Men si, nan nenpòt jan li te fè ou tò, oswa dwe ou yon bagay, mete sa sou kont mwen. <sup>19</sup> ✧Mwen, Paul, mwen ap ekri sa avèk pwòp men mwen. Mwen va ranbouse ou li (annou pa menm pale ke ou menm dwe m menm pwòp tèt ou tou.)

<sup>20</sup> Wi, frè m, kite m benefisye de ou nan Senyè a; ✧rafrechi kè m nan Kris la. <sup>21</sup> ✧Avèk konfyans nan obeyisans ou, mwen ekri ou, paske m konnen ke ou va fè menm plis ke sa mwen di a.

<sup>22</sup> An menm tan an tou, prepare pou mwen yon kote pou m rete; paske mwen gen espwa ke pa ✧lapriye ou yo pou mwen, y ap lage m nan men ou.

<sup>23</sup> ✧Épaphras, prizonye parèy mwen nan Kris Jésus, salye ou <sup>24</sup> Tankou ✧Marc, Aristarque, Démas ✧Luc, ouvriye parèy a mwen yo.

<sup>25</sup> ✧Ke lagras Senyè a, Jésus Kri, rete avèk lespri ou.

---

✧ **1:1** Ef 3:1 ✧ **1:2** Kol 4:17 ✧ **1:2** Fil 2:25 ✧ **1:3** Wo 1:7 ✧ **1:4** Wo 1:8 ✧ **1:5** Ef 1:15  
 ✧ **1:6** Phm 1:9 ✧ **1:7** II Kor 7:4,13 ✧ **1:7** I Kor 16:18 ✧ **1:8** II Kor 3:12 ✧ **1:9** Tit 2:2 ✧ **1:9**  
 Phm 1 ✧ **1:10** I Kor 4:14 ✧ **1:10** Kol 4:9 ✧ **1:14** II Kor 9:7 ✧ **1:15** Jen 45:5,8 ✧ **1:16** Mat  
 23:8 ✧ **1:17** II Kor 8:23 ✧ **1:19** I Kor 16:21 ✧ **1:20** Phm 1:7 ✧ **1:21** II Kor 2:3 ✧ **1:22** II  
 Kor 1:11 ✧ **1:23** Kol 1:7 ✧ **1:24** Kol 4:10 ✧ **1:24** Kol 4:14 ✧ **1:25** Gal 6:18

## EBRE YO

<sup>1</sup> Bondye, nan tan lontan, nan plizyè epòk ak plizyè mwayen, te pale a zansèt nou yo pa pwofèt yo.\*

<sup>2</sup> Nan dènye jou sa yo, Li pale ak nou pa Fis Li a, ke Li te chwazi kòm eritye de tout bagay, e pa sila a osi, Li te fè mond lan. <sup>3</sup> Epi Li menm se refleksyon laglwa Li, \*reprézantasyon egzakt de nati Li. E Li \*bay soutyen a tout bagay pa pawòl a pouvwa Li a.

Lè li te fin pirifye tout peche yo, Li te monte chita sou bò dwat a Majeste anwo a. <sup>4</sup> Kòm si li te devni bokou pi bon ke zanj yo, akòz Li eritye yon \*non pi ekselan ke yo menm.

<sup>5</sup> Paske a kilès nan zanj yo, Li te janm di:

\*“Ou se Fis Mwen, jodi a Mwen fè Ou”?

E ankò:

\*“Mwen va yon Papa pou Li e

Li va yon Fis pou Mwen,”

<sup>6</sup> E ankò, lè Li te pote premye ne a nan mond lan, Li di:

\*“Epi kite tout zanj Bondye yo adore Li,”

<sup>7</sup> A zanj yo Li di:

\*“Ki fè zanj Li yo tounen van, e sèvitè Li yo yon flanm dife”

<sup>8</sup> Men a Fis la, Li di:

\*“Twòn pa Ou a, O Bondye, se pou

Tout tan e pou tout tan

E otorite san patipri a

se otorite wayòm Li an

<sup>9</sup> \*Ou renmen ladwati

E ou rayi linikite;

konsa, Bondye, Bondye pa w la

Te \*onksyone ou avèk lwil lajwa a

pi plis ke parèy Ou yo

<sup>10</sup> Epi “Ou menm, Senyè, nan kòmansman an

Te poze fondasyon tè a,

E syèl yo se zèv a men Ou;

<sup>11</sup> \*Yo va peri, men Ou va rete;

yo tout va vin vye tankou vètman.

<sup>12</sup> Epi tankou yon manto, Ou va woule yo

fè woulo nèt.

Tankou vètman, yo va vin chanje,

Men Ou rete menm jan an; e lane pa Ou yo

p ap fini.” \*

<sup>13</sup> Men a kilès nan zanj yo, Li janm di:

\*“Chita sou men dwat Mwen,

Jiskaske Mwen fè lènmi Ou yo vin

Yon ti ban pou pye Ou”?

\* **1:1** Nonb 12:6,8 \* **1:2** Sòm 2:8 \* **1:3** II Kor 4:4 \* **1:3** Kol 1:17 \* **1:4** Ef 1:21 \* **1:5** Sòm 2:7 \* **1:5** II Sam 7:14 \* **1:6** Sòm 97:7 \* **1:7** Sòm 104:4 \* **1:8** Sòm 45:6 \* **1:9** Sòm 45:7 \* **1:9** És 61:1,3 \* **1:11** Sòm 102:26 \* **1:12** Sòm 102:26,27 \* **1:13** Sòm 110:1

<sup>14</sup> Èske tout zanj yo se pa ✨lespri sèvitè, ki te voye eksprè pou rann sèvis pou koz a sila ki va eritye sali yo?

## 2

<sup>1</sup> Pou rezon sa a, nou dwe prete bokou plis atansyon a sa nou tandè deja; pou ✨nou pa vin vag sou li.

<sup>2</sup> Paske, si pawòl ki te pale pa ✨zanj yo pa t kapab vyole, e si tout transgresyon ak dezobeyisans te gen yon pinisyon ki jis, <sup>3</sup> ✨kòman nou va chape si nou neglije yon gran Sali konsa?

Après sa te fin pale pa Senyè a, li te vin konfime pou nou pa sila ki te tandè yo. <sup>4</sup> Bondye, osi, te pote temwayaj a yo menm, pa sign, pa mèvèy, pa plizyè mirak e pa ✨don Lespri Sen yo selon pwòp volonte pa Li.

<sup>5</sup> Paske Li pa t bay zanj yo kontwòl sou ✨monn k ap vini an, sou sa n ap pale a, <sup>6</sup> men youn te temwaye yon kote, li te di:

✨“Kisa lòm ye, pou ou sonje li?

Oubyen, fis a lòm, pou ou sousye de li?

<sup>7</sup> Ou fè li pou yon ti tan yon ti jan pi

piti pase zanj yo;

Ou kouwone li avèk glwa ak lonè.

Ou ba li pouvwa sou tout zèv men Ou yo;

<sup>8</sup> E Ou mete tout bagay anba pye li.” ✨ Paske nan bay li kontwòl sou tout bagay, Li pa kite anyen ki pa t kontwòl pa li. Men koulye a ✨malgre sa, nan moman sa a, nou poko wè tout bagay anba kontwòl li.

<sup>9</sup> Men nou wè Li, Jèsus, ki te fèt pou yon ti tan pi ba pase zanj yo, ki, ✨akoz soufrans lanmò a, vin kouwone avèk glwa ak lonè, ke konsa pa lagras Bondye, Li ta kapab goute lanmò pou tout moun.

<sup>10</sup> Paske se te jan li te dwe ye pou Li a, kòm si ✨pou Li menm e nan Li menm ke tout bagay yo ye, pou mennen anpil fis nan laglwa, pou ✨rann pafè Otè delivrans lan atravè soufrans li yo.

<sup>11</sup> Paske Sila ki ✨fè moun sen an, ni sila ki vin sen yo, yo tout soti nan yon sèl Papa; pou rezon sa a, Li pa wont rele yo frè; <sup>12</sup> Li di:

✨“Mwen va pwokame non Ou a frè m yo;

nan mitan asanble a, Mwen va chante lwanj Ou.

<sup>13</sup> Epi ankò:

✨“Mwen va mete konfyans Mwen nan Li.”

E ankò:

✨“Gade, Mwen menm avèk pitit

ke Bondye te ban Mwen yo.”

<sup>14</sup> Alò, paske timoun yo vin menm ak Li nan pataje ✨chè ak san, Li menm tou te patisipe menm jan an, pouke selon lanmò, Li ta kapab kase pouvwa a sila ki te gen pouvwa lanmò a, ki se, dyab la; <sup>15</sup> e ki ta kapab delivre tout sila ki akoz ✨perèz lanmò yo, te sijè a esklavaj pou tout lavi yo.

<sup>16</sup> Paske anverite, Li pa bay èd a zanj yo, men li bay èd a desandan Abraham yo.

<sup>17</sup> Pou sa ta vin rive, li te ✨oblige vin fèt tankou frè Li yo nan tout aspè, pou Li ta kapab devni yon wo prèt fidèl ki gen mizerikòd nan tout bagay ki apatyan a Bondye, pou fè ✨yon sakrifis k ap padonnen peche a pèp yo.

✨ 1:14 Sòm 103:20 ✨ 2:1 Pwov 3:21 ✨ 2:2 Trav 7:53 ✨ 2:3 Eb 10:29 ✨ 2:4 I Kor 12:4,11 ✨ 2:5 Mat 24:14 ✨ 2:6 Sòm 8:4 ✨ 2:8 Sòm 8:5,6 ✨ 2:8 I Kor 15:25 ✨ 2:9 Trav 3:13 ✨ 2:10 Wo 11:36 ✨ 2:10 Eb 5:9 ✨ 2:11 Eb 13:12 ✨ 2:12 Sòm 22:22 ✨ 2:13 És 8:17 ✨ 2:13 És 8:18 ✨ 2:14 Mat 16:17 ✨ 2:15 Wo 8:15 ✨ 2:17 Fil 2:7 ✨ 2:17 Dan 9:24

18 Paske akoz ke Li menm te ✨tante nan sa ke Li te soufri a, Li kapab vin ede sila ki tante yo.

### 3

1 Konsa, frè sen yo, patisipan a yon ✨apèl selès yo, konsidere Jésus, Apot ak Wo prèt lafwa ke n ap konfese a. 2 Li te fidèl a Sila ki te chwazi Li a, menmjan ✨Moïse osi te fidèl nan tout kay Li a. 3 ✨Paske Li te konte dign de plis glwa ke Moïse, menmjan ke konstrikte kay la gen plis onè pase kay la li menm. 4 Paske tout kay bati pa yon moun, men Sila ki bati tout bagay la, se Bondye. 5 Alò, Moïse te fidèl nan tout kay Li a, kòm yon ✨sèvitè ✨pou yon temwayaj a bagay sila ki t ap vin pale pita yo; 6 Men Kris te fidèl kòm yon Fis nan kay Li a. ✨Se a menm kay sa nou ye a, si nou kenbe fèm nan konfyans nou an, ak fyète de fèm esperans ke nou gen jiska lafen an.

7 Konsa, jan Lespri Sen an di a:

✨“Jodi a, si nou tandè vwa Li,

8 pa fè tèt nou di, jan lè yo te fè M fache a, pandan jou tribilasyon yo nan dezè a,

9 ✨kote Papa nou yo te fè eprèw mwen nan tante Mwen, e te vin wè zèv Mwen yo pandan ✨karant ane.

10 ✨Konsa, Mwen te fache avèk jenerasyon sila a, e M te di:

‘Yo toujou vin egare nan kè yo; e yo pa t konnen chemen Mwen yo’.

11 ✨Jan Mwen te sèman nan kòlè Mwen an, ‘Yo p ap antre nan repo Mwen’.

12 ✨Fè atansyon, frè m yo, pou pa ta gen pami nou okenn mechan, kè enkredil ki tonbe lwen Bondye vivan an. 13 Men ✨ankouraje youn lòt jou aprè jou, toutotan li rele “jodi a”, pouke okenn nan nou pa vin fè tèt di pa ✨sediksyon peche a.

14 Paske nou gen tan devni patisipan an Kris ✨si nou kenbe fèm a premye ✨asirans nou an jiska lafen; 15 Pandan ke li di:

✨“Jodi a si nou tandè vwal L, nou pa andisi kè nou, jan lè yo te fè nan rebelyòn an.”

16 Paske kilès ki te ✨fè rebelyon an? Èske, vrèman, se pa t tout sila ki te sòti an Égypte ki te mennen pa Moïse yo?

17 Epi avèk kilès Li te fache pandan karant ane yo? Èske se pa avèk sila ki te peche yo ✨ke kò yo te tonbe nan dezè a?

18 Epi a kilès Li te sèman ke yo ✨pa t ap antre nan repo, sof ke a sila ki te dezobeyisan yo?

19 Donk, nou wè ke yo pa t kapab antre akoz ✨enkwayans yo.

### 4

1 Konsa, annou toujou gen lakrent pou si, pandan yon pwomès pou antre nan repo Li a toujou rete, okenn nan nou pa ta sanble vin ✨rate li.

✨ 2:18 Eb 4:15 ✨ 3:1 Fil 3:14 ✨ 3:2 Egz 40:16 ✨ 3:3 II Kor 3:7-11 ✨ 3:5 Nonb 12:7 ✨ 3:5 Det 18:18 ✨ 3:6 I Kor 3:16 ✨ 3:7 Sòm 95:8 ✨ 3:9 Sòm 95:11 ✨ 3:9 Trav 7:36 ✨ 3:10 Sòm 95:10 ✨ 3:11 Sòm 95:11 ✨ 3:12 Kol 2:8 ✨ 3:13 Eb 10:24 ✨ 3:13 Ef 4:22 ✨ 3:14 Eb 3:6 ✨ 3:14 Eb 11:1 ✨ 3:15 Sòm 95:7 ✨ 3:16 Jr 32:29 ✨ 3:17 Nonb 14:29 ✨ 3:18 Nonb 14:23 ✨ 3:19 Jn 3:18,36 ✨ 4:1 II Kor 6:1

<sup>2</sup> Paske vrèman, bòn nouvèl la te preche a nou menm, menm jan ak yo, men ✧pawòl yo te tandè a pa t fè avantaj pou yo, paske li pa t jwenn avèk lafwa nan sila ki te tandè yo a. <sup>3</sup> Paske nou menm ki te kwè yo, nou te antre nan repo sa a, jan Li te di a: ✧“Jan Mwen te sèman nan kòlè Mwen an, yo p ap antre nan repo Mwen”, malgre zèv Li yo fini depi nan fondasyon mond lan.

<sup>4</sup> Paske Li te di, yon kote, konsènan setyèm jou a: ✧“Epi Bondye te repoze nan setyèm jou a de tout zèv Li yo.”

<sup>5</sup> E ankò nan pasaj sa a: ✧“Yo p ap antre nan repo Mwen.”

<sup>6</sup> Konsa, paske li rete pou kèk moun antre ladann, epi sila ki, avan, te gen bòn nouvèl la preche a yo menm yo, te echwe antre ladann akoz ✧dezobeyisans yo, <sup>7</sup> Li ankò fikse yon sèten jou, “Jodi a”, e sa te ankò di atravè David apre anpil tan ✧menm jan ke Li te di avan an: ✧“Jodi a, si nou tandè vwa Li, pa andisi kè nou.”

<sup>8</sup> Paske ✧si Josué te bay yo repo, Li pa t ap pale de yon lòt jou apre sa.

<sup>9</sup> Konsa, gen yon repo Saba ki rete pou pèp Bondye a. <sup>10</sup> Paske sila ki te antre nan repo Li a, li menm tou, te repoze de zèv li yo, jan ✧Bondye te fè pou zèv pa Li yo. <sup>11</sup> Konsa, annou fè dilijans pou antre nan repo sila a, pou okenn moun pa tonbe, nan swiv menm ✧egzanp dezobeyisans lan.

<sup>12</sup> Paske ✧pawòl Bondye a vivan, aktif, li pi file pase yon nepe ki koupe de bò, li penetre rive jis lè l divize nanm nan ak lespri a, menm jwenn zo ak mwèl, e li kapab jije panse ak lentansyon a kè yo.

<sup>13</sup> Epi ✧nanpwen kreyati ki kache devan zye Li, men tout bagay ouvri nèt e parèt toutouni devan zye a Sila ke nou angaje nou an.

<sup>14</sup> Konsa, paske nou gen yon si tèlman ✧wo prèt ki te ✧travèse nan tout syèl yo, Jésus, Fis a Bondye a, annou kenbe fèm nan lafwa ke nou konfese a. <sup>15</sup> Paske nou pa gen yon wo prèt ki pa gen senpati ak feblès nou yo, men youn ki te ✧tante nan tout bagay tankou nou menm, men ✧san peche.

<sup>16</sup> Konsa, annou ✧rapwoche nou ak konfyans a twòn lagras la, pou nou kapab resevwa mizerikòd e twouve gras pou ede nou nan moman bezwen nou yo.

## 5

<sup>1</sup> Paske tout wo prèt ki ✧pran pami moun vin chwazi pa lòm nan bagay ki apatyen a Bondye, pou l kapab ofri don ak sakrifis pou peche yo; <sup>2</sup> ✧Li kapab aji ak konpasyon selon moun inyoran ak egare yo, paske li menm osi, li gen anpil feblès. <sup>3</sup> Epi akoz de sa, li oblije ofri sakrifis ✧pou peche pèp la, e pou pwòp tèt li tou. <sup>4</sup> Epi ✧okenn moun konsa p ap pran onè pou tèt li, men resevwa li lè li rele pa Bondye, menm jan Aaron te rele a.

<sup>5</sup> Konsa, Kris pa t osi bay pwòp tèt Li glwa, pou L ta devni yon wo prèt, men Li menm, Bondye ki te di Li:

✧“Ou se Fis Mwen; jodi a Mwen te fè Ou”;

<sup>6</sup> Menmjan Li di osi nan yon lòt pasaj:

✧“Ou se yon prèt pou tou tan selon modèl a Melchisédek.”

<sup>7</sup> Nan jou lachè Li yo, ✧Li te ofri priyè, siplikasyon avèk gwo kriye ak dlo nan zye a Sila sèl ki ta kapab sove Li sot nan lanmò a, e Li, Bondye, te

✧ 4:2 Wo 10:17 ✧ 4:3 Sòm 95:11 ✧ 4:4 Jen 2:2 ✧ 4:5 Sòm 95:11 ✧ 4:6 Eb 3:18 ✧ 4:7 Eb 3:7 ✧ 4:7 Sòm 95:7 ✧ 4:8 Jos 22:4 ✧ 4:10 Jen 2:2 ✧ 4:11 II Pi 2:6 ✧ 4:12 Jr 23:29 ✧ 4:13 II Kwo 16:9 ✧ 4:14 Eb 2:17 ✧ 4:14 Ef 4:10 ✧ 4:15 Eb 2:18 ✧ 4:15 II Kor 5:21 ✧ 4:16 Eb 7:19 ✧ 5:1 Egz 28:1 ✧ 5:2 Eb 2:18 ✧ 5:3 Lev 9:7 ✧ 5:4 Nonb 16:40 ✧ 5:5 Sòm 2:7 ✧ 5:6 Sòm 110:4 ✧ 5:7 Mat 26:39,42,44

tande akoz de sentete Li. <sup>8</sup> Malgre Li te \*yon Fis, Li te aprann \*obeyisans nan bagay ke Li te soufri yo. <sup>9</sup> Epi apre, lè L te vin \*pafè, Li te vin devni pou tout sila ki obeyi Li yo, sous sali etènèl la, <sup>10</sup> ki te nonmen pa Bondye kòm \*wo prèt nan modèl a Melchisédek la.

<sup>11</sup> Konsènan Li menm, nou gen anpil bagay pou di, e se difisil pou eksplike akoz ke nou vin mal pou tandè. <sup>12</sup> Paske malgre lè sa a, nou ta dwe vin mèt, nou bezwen ankò yon moun pou enstwi nou \*prensip de baz revelasyon Bondye yo. Ou vin bezwen lèt olye manje solid.

<sup>13</sup> Paske tout sila ki pran lèt sèlman yo, yo pa abitye avèk pawòl ladwati a, paske yo \*bebe toujou. <sup>14</sup> Men manje solid la, se pou \*granmoun yo, ki akoz de pratik yo, vin gen kapasite pou distenge sa ki byen ak sa ki mal.

## 6

<sup>1</sup> Konsa, nan \*kite enstriksyon elemantè sou Kris la, annou pouse de lavan vè matirite. Nou p ap poze ankò yon fondasyon repantans ki soti nan \*zèv mò yo, men nan lafwa anvè Bondye, <sup>2</sup> selon \*lenstriksyon sou lave ak poze men yo, e \*rezirèksyon a mò yo ak jijman etènèl la. <sup>3</sup> Epi tout sa nou va fè \*si Bondye kite l fèt.

<sup>4</sup> Paske nan ka a sila ki, yon fwa, te \*eklere yo, ki te goute kado selès la, ki te vin patisipan nan Lespri Sen yo, <sup>5</sup> \*te goute bon pawòl Bondye a ak pouvwa a tan k ap vini an, <sup>6</sup> e ki answit, te vin tonbe, se \*enposib pou renouvle yo ankò a repantans, paske yo ankò krisifye pou kont yo Fis a Bondye a e ekspoze Li a lawont piblik.

<sup>7</sup> Paske tè ki bwè lapli ki tonbe souvan sou li a, e ki pote plant ki itil a \*sila k ap kiltive tè a, resevwa benediksyon a Bondye. <sup>8</sup> Men si li pote pikan ak zepeng, li san valè e \*prèt pou vin madichonnen, e fini pa brile. <sup>9</sup> Men \*byeneme yo, nou konvenk de pi bon bagay konsènan nou menm yo, bagay ki akonpanye Sali yo, malgre se konsa n ap pale.

<sup>10</sup> Paske \*Bondye pa enjis pou Li ta bliye travay nou ak lanmou ke nou montre anvè non Li, ke nou te bay e kontinye ap bay a sen yo.

<sup>11</sup> Epi nou dezire ke nou chak montre menm dilijans lan pou nou kapab gen yon \*espwa ranpli nan \*asirans konplè jiska lafen, <sup>12</sup> pou nou pa vin mou, men rete \*imitatè a sila ki, atravè lafwa ak pasyans, te vin eritye pwomès yo.

<sup>13</sup> Paske lè Bondye te fè pwomès la a Abraham; akoz ke Li pa t kapab sèman pa okenn pi gran, Li te \*sèman pa pwòp tèt Li. <sup>14</sup> Li te di: "Byensi \*Mwen va beni ou, e byensi, Mwen va miltipliye nou."

<sup>15</sup> Epi konsa, nan \*tann li avèk pasyans, Abraham te resevwa pwomès la.

<sup>16</sup> Paske moun toujou sèman pa yon moun ki pi gran pase yo, e avèk yo \*yon sèman ki fèt avèk yon akò fèmen tout diskisyon.

<sup>17</sup> Nan menm fason an, Bondye, ak volonte pou menm plis montre \*eritye pwomès yo ke bi Li a pa kab chanje, Li te pale avèk yon sèman. <sup>18</sup> Pouke pa \*de (2) bagay ki pa kab chanje yo, pa yo li enposib pou Bondye bay manti, nou menm ki te pran refij nan Kris la, nou ta genyen gwo ankourajman pou kenbe esperans ki plase devan nou an. <sup>19</sup> Lesperans sa a ke nou gen

\* 5:8 Eb 1:2 \* 5:8 Fil 2:8 \* 5:9 Eb 2:10 \* 5:10 Eb 2:17 \* 5:12 Eb 6:1 \* 5:13 I Kor 3:1  
 \* 5:14 I Kor 2:6 \* 6:1 Fil 3:13 \* 6:1 Eb 9:14 \* 6:2 Jn 3:25 \* 6:2 Trav 17:31 \* 6:3  
 Trav 18:21 \* 6:4 II Kor 4:4,6 \* 6:5 I Pi 2:3 \* 6:6 Eb 10:26 \* 6:7 II Tim 2:6 \* 6:8 Jen  
 3:17 \* 6:9 I Kor 10:14 \* 6:10 Pwov 19:17 \* 6:11 Eb 3:6 \* 6:11 Eb 10:22 \* 6:12 Eb  
 13:7 \* 6:13 Jen 22:16 \* 6:14 Jen 22:17 \* 6:15 Jen 12:4 \* 6:16 Egz 22:11 \* 6:17 Eb  
 11:9 \* 6:18 Nonb 23:19

kòm lank pou nanm nou an, yon esperans ki asire e solid, youn ki ✨menm antre anndan vwal tanp lan, <sup>20</sup> ✨kote Jésus te antre kòm youn ki kouri devan pou nou, e te devni yon wo prèt pou tout tan nan lòd Melchisédek la.

## 7

<sup>1</sup> Paske ✨Melchisédek sila a, wa Salem nan, prèt a Bondye Pi Wo a, ki te rankontre Abraham lè l t ap retounen soti nan masak wa yo e te beni li, <sup>2</sup> a li menm osi Abraham te bay yon dim nan tout piyaj la, ki te dabò, nan tradwi non li, wa ladwati, e menm osi wa Salèm, ki vle di wa lapè. <sup>3</sup> San papa, san manman, san listwa zansèt, ki pa t gen ni kòmansman nan jou li yo, ni lafen nan lavi li, men fèt tankou ✨Fis a Bondye a, li rete yon prèt pou tout tan.

<sup>4</sup> Alò, obsève kijan mesye sa a te gran pou li menm, Abraham ✨patriyach la, te bay li yon dim nan pi bon pati piyaj sila a. <sup>5</sup> Epi sila vrèman de ✨fis a Lévi yo, ki te resevwa plas a wo prèt la, te gen yon kòmandman nan lalwa pou fè kolekte yon dim ki soti nan pèp la, sa vle di, ki soti nan frè yo, malgre ke yo se desandan Abraham.

<sup>6</sup> Men youn ki pa menm pami zansèt li yo, te kolekte yon dim soti nan Abraham e te beni sila ✨ki te gen tout pwomès yo. <sup>7</sup> Men san kesyon, pi piti a beni pa pi gran an.

<sup>8</sup> Nan ka sila a, lòm mòtèl yo resevwa dim yo, men nan lòt ka a, yon moun resevwa yo ✨de sila ke yo temwaye ke li viv toujou. <sup>9</sup> Epi nou kapab di ke, nan Abraham menm Lévi, ki te resevwa dim yo, te peye dim yo, <sup>10</sup> paske li te toujou nan ren a Papa l lè Melchisédek te rankontre li a.

<sup>11</sup> ✨Alò, si pèfeksyon an te nan sistèm prèt Levitik yo (paske se sou baz sa a ke ✨pèp la te resevwa Lalwa), ki bezwen anplis ki te gen pou yon lòt prèt leve nan modèl Melchisédek la, ki pa t dezigne selon modèl Aaron an?

<sup>12</sup> Paske lè sistèm prèt la vin chanje, vin gen nesosite pou yon chanjman lalwa tou. <sup>13</sup> Paske ✨sou sila ke n ap pale la a, li se yon manm nan yon lòt tribi ki pa t gen okenn moun ki te fè sèvis devan lotèl la.

<sup>14</sup> Paske li byen klè ke Senyè nou an te desann ✨sòti nan Juda, yon tribi ki pa gen korespondans ak anyen Moïse te pale konsènan zafè prèt yo. <sup>15</sup> Epi sa pi klè toujou, si yon lòt prèt leve selon resanblans a Melchisédek, <sup>16</sup> ki pa t devni konsa sou baz a yon ✨lwa lachè, men selon pouvwa a yon lavi ki pa t kab peri. <sup>17</sup> Paske, li temwaye de Li: ✨“Ou se yon prèt pou tout tan nan modèl a Melchisédek la.”

<sup>18</sup> Paske sou yon bò, yo mete sou kote anyen kòmandman an ✨akoz de feblès ak initalite li. <sup>19</sup> (Paske ✨Lalwa pa t fè anyen pafè), epi sou lòt bò, yo mennen yon pi bon espwa, e atravè li menm nou vin rapwoche de Bondye. <sup>20</sup> E kòm si, li pa t fèt yon prèt san yon sèman, <sup>21</sup> paske vrèman prèt lalwa yo te vin prèt san sèman, men Li menm avèk yon sèman, atravè Sila ki te di Li a:

✨“Senyè a gen tan sèman e Li p ap chanje tèt Li;

‘Ou se yon prèt pou tout tan’.”

Selon modèl a Melchisédek la.”

✨ 6:19 Lev 16:2,15 ✨ 6:20 Jn 14:2 ✨ 7:1 Jen 14:18-20 ✨ 7:3 Eb 7:28 ✨ 7:4 Trav 2:29  
 ✨ 7:5 Nonb 18:21,26 ✨ 7:6 Wo 4:13 ✨ 7:8 Eb 5:6 ✨ 7:11 Eb 7:18 ✨ 7:11 Eb 10:1 ✨ 7:13  
 Eb 7:14 ✨ 7:14 Nonb 24:17 ✨ 7:16 Eb 9:10 ✨ 7:17 Sòm 110:4 ✨ 7:18 Wo 8:3 ✨ 7:19  
 Trav 13:39 ✨ 7:21 Sòm 110:4



<sup>22</sup> Konbyen anplis ke sa, Jésus gen tan vin ✨garanti a yon pi bon akò.  
<sup>23</sup> Lansyen prèt yo, sou yon bò, te egziste an gran nonb, paske lanmò te anpeche yo kontinye fè sèvis yo, <sup>24</sup> men Jésus, de lòt bò, akòz ke Li la ✨pou tout tan, Li kenbe pozisyon prèt Li a pou tout tan.

<sup>25</sup> Konsa, osi, Li kapab sove pou tout tan sila ki vin rapwoche de Bondye atravè Li menm yo, paske Li toujou vivan pou ✨entèsede pou yo.

<sup>26</sup> Paske se te byen an lòd pou nou ta gen yon wo prèt konsa, sen ✨inosan, san tach, separe de pechè yo e ✨egzalte piwo ke syèl yo; <sup>27</sup> ki pa bezwen chak jou, tankou wo prèt sila yo, ofri sakrifis, premyèman pou pwòp peche pa L e anplis pou peche a pèp la, paske Li te deja fè sa ✨yon fwa pou tout, lè Li te ofri tèt Li a.

<sup>28</sup> Paske Lalwa nonmen moun ✨ki fèb kòm wo prèt, men pawòl a sèman, ki te vini aprè Lalwa a, te nonmen yon Fis ki te ✨fèt pafè pou tout tan.

## 8

<sup>1</sup> Koulye a, pwen prensipal nan sa ki te di a se sa: “Nou gen yon si tèlman wo prèt ki pran plas Li ✨adwat a twòn Majeste a nan syèl yo.” <sup>2</sup> Pou Li aji kòm sèvitè nan sanktyè a, ak nan ✨vrè tabènak la ke Senyè a, olye lòm te fè leve.

<sup>3</sup> Paske chak ✨wo prèt nonmen pou ofri ni don ni sakrifis; konsa li nesesè pou wo prèt sila a gen yon bagay pou l ofri tou. <sup>4</sup> Alò, si Li te sou latè, Li pa t ap yon prèt menm, paske pou sa a, gen sila yo ki ✨ofri don yo selon Lalwa, <sup>5</sup> ki sèvi kòm yon kopi ak lonbraj a bagay selès yo, jis jan ke Moïse te avèti pa Bondye lè Li te prèt pou leve tabènak la, paske ✨“Veye” Li te di: “pou ou fè tout bagay selon modèl ki te montre a ou menm sou mòn nan.”

<sup>6</sup> Men koulye a, Li vin gen yon èv ki pi ekselan, paske Li se osi ✨medyatè a yon pi bon akò, ki te etabli sou pi bon pwomès yo.

<sup>7</sup> Paske ✨si premye akò sa a te san defo, pa t ap gen yon rezon pou yon dezyèm. <sup>8</sup> Paske akòz Li twouve fot nan yo, Li di:

✨“Gade byen, jou yo ap vini, di Senyè a, lè Mwen va fè yon akò tounèf avèk kay Israèl la e avèk kay Juda a;

<sup>9</sup> ✨Pa tankou akò ke Mwen te fè avèk zansèt pa yo nan jou ke M te pran yo nan men pou mennen yo sòti an Égypte la; paske yo pa t kontinye nan akò Mwen an e Mwen pa t okipe yo, di Senyè a.

<sup>10</sup> ✨Paske sa se akò ke Mwen va fè avèk kay Israèl la apre jou sa yo, di Senyè a:

Mwen va mete Lalwa Mwen nan panse yo, e Mwen va ekri yo nan kè yo. Mwen va Bondye yo, e yo va pèp Mwen.

<sup>11</sup> ✨Epi yo p ap enstwi chak sitwayen parèy a yo e chak frè a yo, pou di: ‘Vin konnen Bondye’, paske tout moun ap deja konnen Mwen, soti nan pi piti jiska pi gran nan yo.

<sup>12</sup> ✨Paske Mwen va gen mizerikòd pou linikite pa yo e Mwen p ap sonje peche yo ankò.

✨ 7:22 Sòm 119:122 ✨ 7:24 És 9:7 ✨ 7:25 Wo 8:34 ✨ 7:26 I Pi 2:22 ✨ 7:26 Eb 4:14  
 ✨ 7:27 Eb 9:12,28 ✨ 7:28 Eb 5:2 ✨ 7:28 Eb 2:10 ✨ 8:1 Sòm 110:1 ✨ 8:2 Eb 9:11,24 ✨ 8:3  
 Eb 2:17 ✨ 8:4 Eb 5:1 ✨ 8:5 Egz 25:40 ✨ 8:6 I Tim 2:5 ✨ 8:7 Eb 7:11 ✨ 8:8 Jr 31:31  
 ✨ 8:9 Egz 19:5 ✨ 8:10 Jr 31:33 ✨ 8:11 Jr 31:34 ✨ 8:12 És 43:25

13 Lè L te di: ✨“Yon akò tounèf”, Li fè premye a epwize nèt. Men, nenpòt sa ki vin epwize a, e ki vin vye, prè pou vin disparèt.

## 9

1 Alò, menm premye akò a te gen ✨règleman pou adore Bondye ak sanktyè tèrès la. 2 Paske te gen ✨yon tabènak ki te fin prepare; sa ki pa deyò a, nan li te gen chandelye a, tab la, ak pen sakre a; sa ki rele lye sen an.

3 Andedan ✨dezyèm vwal la, te gen yon tabènak ke yo te rele Sen dè Sen yo. 4 Ki te gen yon ✨lotèl an lò pou lansan an, ak lach akò a ki kouvri nan tout kote avèk lò. Ladann te gen yon vaz an lò ki gen lamàn nan, ak baton Aaron an ki te boujonnen, ak tablèt akò yo. 5 Epi anwo li, se te cheriben laglwa a ki te fè lonbraj sou plas ekspiyasyon an; men de bagay sa yo, nou pa kab pale an detay koulye a. ✨

6 Alò, lè bagay sa yo fin byen prepare konsa, prèt yo ap ✨toujou antre nan tabènak pa deyò a, pou fè adorasyon Bondye, 7 Men nan dezyèm nan, se sèl wo prèt la ki antre ladann yon fwa pa ane. Men fòk li pote ✨san, ke li ofri pou tèt li a ak pou ✨peche ke pèp la te fè nan inyorans yo.

8 Lespri Sen an ap fè nou konnen sa a; ✨ke chemen pou antre nan lye sen an poko fin revele, pandan tabènak deyò a toujou kanpe. 9 Tabènak sila a se yon imaj pou tan prezan sila a. Selon sa a ✨ni kado ni sakrifis k ap ofri yo pa kapab fè adoratè a vin pafè nan konsyans li, 10 paske yo lye sèlman ak ✨manje, bwason, ak plizyè bagay pou lave, règleman kò ki enpoze jis pou ✨lè tout bagay vin nèf.

11 Men lè Kris te parèt tankou ✨wo prèt a bon bagay ki t ap vini yo, li te antre nan tabènak pi gran e pi pafè a, ki pa fèt avèk men, sa vle di, ki pa t sòti nan kreyasyon sila a; 12 Epi pa nan san kabrit ak jenn ti bèf, men ✨nan pwòp san pa Li, Li te antre nan lye sen an yon fwa pou tout, akoz Li te resevwa yon redanmsyon etènèl.

13 Paske si ✨san a kabrit, ak towò, ak pousyè sann a yon gazèl voye sou sila ki te konwonpi yo, te sanktifye yo pou netwaye chè a, 14 konbyen anplis ke ✨san a Kris la, ki atravè Lespri etènèl la, te ofri pwòp tèt Li san tach a Bondye, va netwaye konsyans nou de zèv lanmò yo, pou sèvi Bondye vivan an?

15 Pou rezon sila a, Li se ✨medyatè a yon akò tounèf. Pouke, depi yon mò gen tan fèt pou redanmsyon transgresyon ki te komèt anba premye akò a, sila ki te rele a, kapab resevwa pwomès a eritaj etènèl la.

16 Paske kote yon testaman akò ye, fòk gen lanmò a sila ki te fè l la. 17 Paske yon testaman akò valab sèlman lè moun mouri, paske li pa janm an fòs pandan sila ki te fè l la toujou vivan.

18 Konsa, menm premye akò a pa t inogire san san. 19 Paske lè tout kòmandman yo te fin pale pa Moïse a tout pèp la selon Lalwa ✨li te pran san a towò ak kabrit ✨avèk dlo, lenn wouj ak izòp, e te aspèje yo ni sou liv la, ak tout pèp la 20 E li te di: ✨“Sa se san akò ke Bondye te kòmande nou an.”

✨ 8:13 Luc 22:20 ✨ 9:1 Eb 9:10 ✨ 9:2 Egz 25:8,9 ✨ 9:3 Egz 26:31-33 ✨ 9:4 Egz 30:1-5 ✨ 9:5 Egz 25:17,20 ✨ 9:6 Nonb 18:2-6 ✨ 9:7 Lev 16:11,14 ✨ 9:7 Nonb 15:25 ✨ 9:8 Jn 14:6 ✨ 9:9 Eb 5:1 ✨ 9:10 Lev 11:2 ✨ 9:10 Eb 7:12 ✨ 9:11 Eb 2:17 ✨ 9:12 Eb 9:14 ✨ 9:13 Lev 16:15 ✨ 9:14 Eb 9:12 ✨ 9:15 I Tim 2:5 ✨ 9:19 Egz 24:6 ✨ 9:19 Lev 14:4-7 ✨ 9:20 Egz 24:8

<sup>21</sup> Menm jan an, li te ✨flite tabènak la ak tout veso pou sèvis yo avèk san an. <sup>22</sup> Epi selon Lalwa, yon moun kapab ✨prèske di, tout bagay netwaye avèk san, e san vèsman san, nanpwen padon.

<sup>23</sup> Konsa, li te nesesè pou kopi ✨a bagay ki nan syèl yo ta vin netwaye avèk san sila a, men bagay selès yo, yo menm, avèk yon pi bon sakrifis ke sa yo.

<sup>24</sup> Paske Kris ✨pa t antre nan yon lye sen ki te fèt avèk men, yon kopi senp de sa ki vrè a, men nan syèl la li menm; koulye a pou l parèt nan prezans a Bondye pou nou. <sup>25</sup> Ni se pa t pou Li ta kab ofri tèt Li souvan, kòm ✨wo prèt ki antre nan lye sen an ane aprè ane avèk san ki pa pou li a. <sup>26</sup> Otreman, Li t ap bezwen soufri souvan depi fondasyon mond lan; men koulye a ✨pou yon sèl fwa nan fen tan yo, Li te vin parèt pou aboli peche yo pa sakrifis a Li menm nan.

<sup>27</sup> Epi konsa, jan ✨sa apwente pou moun mouri yon sèl fwa a, e apre sa ✨jijman an vini an, <sup>28</sup> konsa Kris tou, ki te ofri yon sèl fwa pou ✨pote peche a anpil moun nan, va vin parèt yon dezyèm fwa pou pote sali, san referans a peche, pou sila k ap vrèman tann Li yo.

## 10

<sup>1</sup> Paske Lalwa a, akòz ke se sèlman yon lonbraj a bon bagay k ap vini yo, e ki pa vrè fòm a bagay sa yo, pa ✨janm kapab, pa menm sakrifis ke yo ofri, tout tan ane apre ane yo ✨pa t fè vin pafè moun ki te rapwoche de li yo. <sup>2</sup> Otreman, èske yo pa t ap sispann ofri sakrifis sa yo, akòz de adoratè yo, lè yo te fin netwaye yon fwa, yo pa t ap ✨vin sanse pechè ankò?

<sup>3</sup> Men ✨nan sakrifis sa yo, gen yon sistèm pou sonje peche yo ane apre ane. <sup>4</sup> Paske se enposib pou ✨san towò ak kabrit efase peche.

<sup>5</sup> Konsa, lè Li vini nan mond lan, Li te di:  
 ✨“Sakrifis ak ofrann Ou pa t dezire, men yon kò Ou te prepare pou Mwen;

<sup>6</sup> ✨Nan tout ofrann ki brile ak sakrifis, Ou pa t pran plezi.

<sup>7</sup> ✨Answit, Mwen te di: ‘Gade, Mwen gen tan vini (nan woulo liv la li ekri sou Mwen)  
 “Pou fè volonte Ou, o Bondye.”’

<sup>8</sup> Apre li fin di anlè a: ✨“Sakrifis ak ofrann yo, tout ofrann brile ak sakrifis pou peche yo, Ou pa t dezire yo, ni Ou pa t pran plezi nan yo” (sila k ap ofri selon Lalwa yo).

<sup>9</sup> Answit, Li te di: ✨“Gade, Mwen vini pou fè volonte Ou.”

Li retire premye a pou Li kapab etabli dezyèm nan. <sup>10</sup> Pa volonte sila a, nou ✨vin sanktifye pa ✨ofrann a kò Jèsus Kris la yon fwa pou tout.

<sup>11</sup> Chak prèt kanpe chak jou pou fè ministè li e ✨l ofri, tan apre tan, menm sakrifis yo, ki ✨pa janm kapab efase peche yo.

<sup>12</sup> Men Li menm, ki te ofri yon sèl sakrifis pou peche yo pou tout tan an, Li ✨te vin chita sou men dwat a Bondye <sup>13</sup> pou Li ta tann depi lè sa jis rive pi devan an ✨jiskaske lènmi li yo vin tounen yon ti ban pou pye li. <sup>14</sup> Paske pa yon sèl ofrann, Li te vin rann ✨pafè pou tout tan sila ki vin sen yo.

✨ 9:21 Egz 24:6 ✨ 9:22 Lev 5:11 ✨ 9:23 Eb 8:5 ✨ 9:24 Eb 4:14 ✨ 9:25 Eb 9:7 ✨ 9:26 Eb 7:27 ✨ 9:27 Jen 3:19 ✨ 9:27 II Kor 5:10 ✨ 9:28 És 53:12 ✨ 10:1 Wo 8:3 ✨ 10:1 Eb 7:19 ✨ 10:2 I Pi 2:19 ✨ 10:3 Eb 9:7 ✨ 10:4 Eb 9:12 ✨ 10:5 Sòm 40:6 ✨ 10:6 Sòm 40:6 ✨ 10:7 Sòm 40:7,8 ✨ 10:8 Sòm 40:6 ✨ 10:9 Sòm 40:7,8 ✨ 10:10 Jn 17:19 ✨ 10:10 Ef 5:2 ✨ 10:11 Eb 5:1 ✨ 10:11 Mi 6:6-8 ✨ 10:12 Sòm 110:1 ✨ 10:13 Sòm 110:1 ✨ 10:14 Eb 10:1

15 Epi ✨Lespri Sen an temwaye osi a nou menm; paske apre Li te di:  
 16 ✨“Sa se akò ke Mwen va fè avèk yo apre jou sa yo, di Senyè a; Mwen va mete Lwa Mwen nan kè yo, e nan panse yo, Mwen va ekri yo.”  
 Li di answit: 17 ✨“Epi peche ak inikite yo, Mwen p ap sonje yo ankò.” 18 Alò, kote gen padon pou bagay sa yo, nanpwen ofrann pou peche ankò.

19 Konsa, frè yo, paske nou gen konfyans ✨pou antre nan lye sen an pa san Jésus a 20 pa yon chemen tounèf e vivan ke Li te ouvri pou nou ✨atravè vwal la, ki se chè Li, 21 epi paske nou vin gen yon Granprèt ✨lakay Bondye a, 22 annou ✨rapwoche nou avèk yon kè sensè, ki plen asirans lafwa, avèk kè nou ki vin pwòp de yon move konsyans, e kò nou ki vin lave avèk dlo pwòp. 23 Pou nou kenbe fèm a ✨pwofesyon esperans lan, san ezite, paske Sila ki fè pwomès la, Li fidèl.

24 Epi annou konsidere jan pou nou kapab ✨ankouraje youn lòt nan lanmou ak bon zèv. 25 Pa nan abandone pwòp asanble nou, jan kèk moun abitye fè, men nan ✨ankouraje youn lòt, e plis ke nou wè jou a ap pwoche.

26 Paske si nou kontinye nan ✨peche volontèman apre nou resevwa ✨konesans verite a, pa gen yon sakrifis pou peche ki rete ankò, 27 men n ap tann yon jijman ki asire e pi tèrib ✨Yon dife ranpli ak kòlè ki va konsome tout advèsè yo.

28 ✨Nenpòt moun ki te konn mete sou kote Lalwa Moïse la te gen pou mouri san mizerikòd avèk temwayaj de de oubyen twa temwen. 29 Ki pinisyon pi rèd ou panse li va merite, sila ki foule anba pye li Fis a Bondye a, e gade ✨san akò pa sila li te vin sanktifye a, kòm pa pwòp, e ki ensilte Lespri lagras la?

30 Paske nou konnen Sila ki te di a: ✨“Vanjans se pou Mwen; Mwen va rekonpanse.” E ankò: ✨“Senyè a va jije pèp Li a.”

31 Se yon bagay ki tèrib pou tonbe nan men ✨Bondye vivan an. 32 Men sonje jou nan tan pase yo, lè apre nou te fin ✨eklere, nou te andire yon gwo ✨konfli soufrans 33 nan yon jan, nou te ✨devni yon spektak piblik, repwòch ak tribilasyon, men osi nou te ✨pataje soufrans ak sila ki te maltrete konsa yo. 34 Paske nou te montre konpasyon pou prizonye yo e te aksepte l ✨avèk jwa lè yo te sezi byen nou yo, nan konnen ke nou te gen yon pi bon posesyon k ap dire nèt.

35 Konsa, pa jete ✨konfyans nou an, ki gen yon gran rekonpans. 36 Paske nou oblije ✨andire, pou lè nou fin fè volonte Bondye, nou kab ✨resevwa sa ki te pwomèt a nou an. 37 ✨Paske nan yon tan ki kout, Sila ki ap vini an, va vini, e li p ap fè reta. 38 ✨Men moun ladwati pa M nan, va viv pa lafwa; e si li fè bak, nanm Mwen p ap gen plezi nan li.

39 Men nou pa pami sila ki fè bak pou vin detwi yo, men sila ki gen lafwa pou prezève nanm la.

✨ 10:15 Eb 3:7 ✨ 10:16 Jr 31:33 ✨ 10:17 Jr 31:34 ✨ 10:19 Eb 9:25 ✨ 10:20 Eb 6:19  
 ✨ 10:21 I Tim 3:15 ✨ 10:22 Eb 7:19 ✨ 10:23 Eb 3:1 ✨ 10:24 Eb 13:1 ✨ 10:25 Eb 3:13  
 ✨ 10:26 Nonb 15:30 ✨ 10:26 I Tim 2:4 ✨ 10:27 És 26:11 ✨ 10:28 Det 17:2-6 ✨ 10:29 Egz 24:8  
 ✨ 10:30 Wo 12:19 ✨ 10:30 Det 32:36 ✨ 10:31 Mat 16:16 ✨ 10:32 Eb 6:4 ✨ 10:32 Fil 1:30  
 ✨ 10:33 I Kor 4:9 ✨ 10:33 Fil 4:14 ✨ 10:34 Mat 5:12 ✨ 10:35 Eb 10:19 ✨ 10:36 Luc 21:19  
 ✨ 10:36 Eb 9:15 ✨ 10:37 Eb 2:3 ✨ 10:38 Hab 2:4

# 11

<sup>1</sup> Alò, lafwa se ✧asirans a sa ke n ap espere ak konviksyon de bagay nou pa wè yo.

<sup>2</sup> Paske se pa li menm, moun nan tan ansyen yo te ✧vin apwouve.

<sup>3</sup> Pa lafwa nou konprann ke ✧mond yo te prepare pa pawòl Bondye a, pouke sa nou wè pa t fèt avèk bagay ki vizib.

<sup>4</sup> Pa lafwa ✧Abel te ofri a Bondye yon pi bon sakrifis ke Cain, selon sa, li te resevwa temwayaj ke li te jis. Bondye k ap fè temwayaj de ofrann li yo, epi pa lafwa, malgre ke li mouri, li toujou pale.

<sup>5</sup> Pa lafwa ✧Enoch te monte pou l te kab pa wè lanmò. E kò li pa te jwenn akoz ke Bondye te pran l; paske li te twouve temwen ke avan li te monte a, li t ap fè Bondye plezi.

<sup>6</sup> Epi san lafwa, li enposib pou fè Li plezi, paske sila ki ✧vin kote Bondye a, dwe kwè ke Li egziste, e ke li bay rekonpans a sila ki chache L yo.

<sup>7</sup> Pa lafwa ✧Noé te avèti pa Bondye de bagay ki potko vizib yo, avèk respè, li te prepare yon lach pou sove tout lakay li. Pa sa, li te kondane mond lan, e li te devni yon eritye ladwati ki se pa lafwa.

<sup>8</sup> Pa lafwa ✧Abraham, lè l te rele, li te obeyi lè l te sòti pou ale yon kote ke li te dwe resevwa pou eritaj. Li te soti malgre li pa t menm konnen ki kote li t ap prale. <sup>9</sup> Pa lafwa, li te viv kòm yon etranje nan ✧peyi pwomès la, tankou se nan yon peyi etranje, e li te abite nan tant avèk Isaac ak Jacob, eritye ansanm a menm pwomès la; <sup>10</sup> Paske li t ap chache ✧vil ki gen fondasyon an, ki gen kòm achitèk ak fondatè, Bondye menm.

<sup>11</sup> Pa lafwa, menm ✧Sarah te vin gen kapasite pou l ansent, menm depase pwòp tan lavi li, paske li te konsidere Li menm fidèl, Sila ki te fè pwomès la. <sup>12</sup> Akoz sa te vin fèt de yon sèl moun, e ✧li menm, tankou yon moun mouri deja, yon kantite desandan “an chif ✧kòm zetwal, e ki pa kab kontwole tankou grenn sab lanmè.”

<sup>13</sup> Tout sila yo te mouri nan lafwa ✧san resevwa pwomès yo, men yo te wè yo e te rejwi de yo a yon distans, epi yo ✧te konfese ke yo te etranje e egzile sou tè a. <sup>14</sup> Paske sila ki di bagay sa yo, fè l klè ke y ap chache yon peyi ki pou yo. <sup>15</sup> Epi vrèman, si yo t ap panse ak peyi sa a ke yo te soti a ✧yo t ap twouve chans pou retounen. <sup>16</sup> Men jan sa ye a, yo pito yon pi bon peyi, ki se, yon ✧peyi selès. Konsa, Bondye pa t wont pou Li menm ta rele Bondye pa yo a, paske ✧Li te prepare yon vil pou yo.

<sup>17</sup> Pa lafwa ✧Abraham, lè l te vin pase a leprèv, li te ofri Isaac; e sila ki te ✧resevwa pwomès la, t ap ofri sèl fis li a; <sup>18</sup> Se te a li menm ke li te di: ✧“Nan Isaac, desandan ou yo va rele.”

<sup>19</sup> Li te konsidere ke ✧Bondye kapab leve moun menm soti nan lanmò; de sa, li te osi resevwa li (Isaac) retounen kòm yon modèl de sila ki t ap vini an. <sup>20</sup> Pa lafwa ✧Isaac te beni Jacob ak Ésaü, menm selon bagay ki t ap vini yo.

<sup>21</sup> Pa lafwa ✧Jacob, pandan li t ap mouri, li te beni tout fis Joseph yo, e li te adore pandan li t ap apiye sou tèt baton li.

✧ **11:1** Eb 3:14 ✧ **11:2** Eb 11:4,39 ✧ **11:3** Jn 1:3 ✧ **11:4** Jen 4:4 ✧ **11:5** Jen 5:21-24 ✧ **11:6** Eb 7:19 ✧ **11:7** Jen 6:13-22 ✧ **11:8** Jen 12:1-4 ✧ **11:9** Trav 7:5 ✧ **11:10** Eb 12:22 ✧ **11:11** Jen 17:19 ✧ **11:12** Wo 4:19 ✧ **11:12** Jen 22:17 ✧ **11:13** Eb 11:39 ✧ **11:13** Jen 23:4 ✧ **11:15** Jen 24:6-8 ✧ **11:16** II Tim 4:18 ✧ **11:16** Eb 11:10 ✧ **11:17** Jen 22:1-10 ✧ **11:17** Eb 11:13 ✧ **11:18** Jen 21:12 ✧ **11:19** Wo 4:21 ✧ **11:20** Jen 27:27-29,39 ✧ **11:21** Jen 48:1,5,16,20

22 Pa lafwa ✨Joseph, lè l t ap mouri, te pale sou egzòd a fis Israèl yo, e te pase lòd konsènan zo li yo.

23 Pa lafwa ✨Moïse, lè l te fèt, te kache pandan twa mwa pa paran li yo, paske yo te wè ke li te yon bèl pitit; e yo pa t pè ✨lòd wa a.

24 Pa lafwa, Moïse ✨lè l te fin grandi, li te refize rele fis a fi Farawon an; 25 Men li te chwazi pito ✨sipòte afliksyon avèk pèp Bondye a pase pou l ta rejwi nan plezi peche k ap pase yo. 26 Li te ✨konsidere repwòch a Kris la kòm pi gran richès pase trezò an Égypte yo; paske li t ap gade rekonpans lan.

27 Pa lafwa, li te ✨kite Égypte, san ✨krent kòlè a wa a; paske li te kenbe fèm, kòm si li te wè Sila ki pa vizib la. 28 Pa lafwa, li te ✨fè Pak Jwif la, e li te flite san an, pou sila ki te detwi premye ne yo pa t kab touche yo. 29 Pa lafwa yo te ✨travèse Lamè Wouj, kòm si yo t ap pase sou tè sèk; e Ejiptyen yo, lè yo te tante fè l, li te neye. 30 Pa lafwa ✨miray Jérico yo te tonbe ✨apre yo te fin fè wonn yo pandan sèt jou.

31 Pa lafwa ✨Rahab fanm movèz vi a, pa t peri ansanm avèk sila ki te dezobeyisan yo, apre li te fin resevwa espyon yo an pè.

32 Epi kisa mwen kapab di anplis? Paske nanpwen tan pou pale de Gédéon ✨Barak, Samson, Jephthé, David, Samuel, ak pwofèt yo, 33 Ki, pa lafwa, te fè konkèt wayòm yo, te fè zèv ladwati, te ✨resevwa pwomès yo, e te fèmen bouch a lyon yo. 34 Yo, ki te ✨etenn pouvwa dife a, chape de lanm nepe a, nan feblès yo te vin fò, vin vanyan nan lagè, e yo te fè lame etranje yo sove ale.

35 ✨Fanm yo te resevwa anretou mò yo pa rezirèksyon; e lòt yo te toumante, ni pa t aksepte pou yo ta lage yo, paske yo te pito resevwa yon pi bon rezirèksyon. 36 Epi lòt nan yo te pase pay nan moke ak resevwa kout fwèt; wi, menm ✨chenn ak prizon tou.

37 Yo te ✨lapide ak kout wòch, yo te siye an de bout, yo te pwovoke, e te mete a lanmò avèk nepe; yo te ale toupatou an po mouton ak po kabrit, san mwayen, aflije, maltrete 38 (moun ke mond lan pa menm merite yo).

Yo te ✨gaye kò yo nan dezè, mòn, nan kavò, ak twou nan tè yo.

39 Epi tout moun sila yo, ki te vin apwouve selon lafwa yo ✨pa t resevwa sa ki te pwomèt la, 40 paske Bondye te ranje yon ✨pi bon pwovizyon pou nou menm ✨pouke san nou menm, yo pa ta kapab vin pafè.

## 12

1 Konsa, akòz ke nou gen yon si tèlman gran nwaj temwen ki antoure nou, annou osi ✨mete sou kote tout anpèchman ak peche ki trè fasil vin vlope nou, e annou kouri avèk andirans kous ki mete devan nou an, 2 ak zye nou byen fikse sou Jésus ✨fondatè e nonm pafè lafwa a, ki pou lajwa ki te mete devan Li an, te ✨sipòte lakwa a, te meprize wont lan, e te vin chita sou men dwat twòn Bondye a.

3 Paske ✨konsidere Li menm ki te andire tèl opozisyon pa pechè yo kont Li menm, pou nou menm pa t ap vin fatige e dekouraje.

✨ 11:22 Jen 50:24 ✨ 11:23 Egz 2:2 ✨ 11:23 Egz 1:16,22 ✨ 11:24 Egz 2:10,11 ✨ 11:25 Eb 11:37 ✨ 11:26 Luc 14:33 ✨ 11:27 Egz 2:15 ✨ 11:27 Egz 2:14 ✨ 11:28 Egz 12:21 ✨ 11:29 Egz 14:22-29 ✨ 11:30 Jos 6:20 ✨ 11:30 Jos 6:15 ✨ 11:31 Jos 2:9 ✨ 11:32 Jij 4; Jij 5 ✨ 11:33 II Sam 7:11 ✨ 11:34 Dan 3:23 ✨ 11:35 I Wa 17:23 ✨ 11:36 Jen 39:20 ✨ 11:37 I Wa 21:13 ✨ 11:38 I Wa 18:4,13 ✨ 11:39 Eb 10:36 ✨ 11:40 Eb 11:16 ✨ 11:40 Rev 6:11 ✨ 12:1 Wo 13:12 ✨ 12:2 Eb 2:10 ✨ 12:2 Fil 2:8 ✨ 12:3 Rev 2:3

4 ✨ Nou poko reziste jis rive ✨ pou rann san nan lit nou kont peche. 5 Epi nou gen tan bliye egzòtasyon ki te adrese a nou menm kòm fis yo:

✨“Fis mwen, pa gade a la lejè disiplin Bondye a, ni vin febli lè nou korije pa Li;

6 ✨ Paske sila ke Bondye renmen yo, Li discipline yo, e Li fwete tout fis ke L resevwa.”

7 Se pou disiplin ke nou andire; ✨ Bondye aji avèk nou kòm fis; paske ki fis ki genyen ke papa l pa ba l disiplin? 8 Men si nou san disiplin ✨ de sila nou tout gen tan patisipe a, alò, nou se pitit ilejitim, e pa vrè fis.

9 Anplis ke sa, nou te gen papa sou latè pou discipline nou, e nou te respekte yo. Èske nou pa ta bokou pito vin soumèt a ✨ Papa a tout lespri yo, e ✨ viv? 10 Paske yo te discipline nou pou yon ti tan ki, selon yo, te sanble pi bon, men Li menm, Li discipline nou pou byen nou ✨ pou nou kapab pataje sentete Li a.

11 Tout disiplin, nan moman an, sanble pa bay lajwa, men tristès. Malgre a sila ki fin antrene pa li yo, li vin bay ✨ fwi lapè ladwati a.

12 Konsa ✨ ranfòse men ki manke fòs ak jenou ki fèb yo, 13 epi ✨ fè chemen yo dwat pou pye nou, jis pou manm kò ki mal ranje a pa vin dejwente nèt, men pito vin geri.

14 ✨ Chèche lapè avèk tout moun, avèk sanktifikasyon. San sa a, pèsòn p ap wè Senyè a. 15 Fè si ke pèsòn pa manke rive nan gras Bondye a; pou okenn ✨ rasin anmè pa vin monte pou fè twoub, e pa li menm, anpil moun ta vin ✨ konwonpi. 16 Pou pa gen okenn moun ki imoral oubyen ✨ san Bondye tankou Esaü ✨ ki te vann pwòp dwa eritaj li a pou yon sèl repa manje. 17 Paske nou konnen ke menm apre sa, ✨ lè li te dezire vin eritye yon benediksyon, li te rejte, paske li pa t twouve yon plas pou repantans, malgre li te chache sa ak dlo nan zye.

18 Paske nou pa t vin kote ✨ yon mòn ki kapab touche e a yon dife k ap flanbe, ni a tenèb, fènwa, ak tanpèt 19 ni a ✨ gwo kout twonpèt ak son pawòl ki sone tankou sila ki te tande l t ap ✨ mande sekou a, pou okenn pawòl pa t pale a yo menm ankò. 20 Paske yo pa t kapab sipòte kòmand lan: ✨“Menm si yon bèt touche mòn nan, li va lapide ak kout wòch.” 21 Epi vizyon an te si tèlman tèrib ke Moïse te di: ✨“Mwen plen lakrent ak tranbleman”.

22 Men ✨ nou te vini sou Mòn Sion ak ✨ vil a Bondye vivan an, Jérusalem selès la, e avèk kantite zanj ki pa t kab menm kontwole, 23 anvè gran asanble a ak legliz premye ne yo ✨ ki anrejistre nan syèl la, anvè Bondye, jij a tout moun nan, e anvè lespri a moun ladwati ki te fèt pafè yo, 24 epi anvè Jésus ✨ medyatè yon akò tounèf la, e anvè ✨ san vèse a, ki pale pi klè pase san Abel la. 25 Fè si ke nou pa refize Sila k ap pale a. Paske si sa yo pa t chape lè yo te refize li menm ki te ✨ avèti yo sou latè a, konbyen mwens nou va chape nou menm ki vire kite Sila ki avèti nou depi nan syèl la. 26 Epi vwa Li te souke tè a nan moman an, men koulye a, Li fè yon pwomès, e Li di: ✨“Malgre sa, yon fwa ankò Mwen va souke, non sèlman tè a, men osi syèl la.”

✨ 12:4 Eb 10:32 ✨ 12:4 Fil 2:8 ✨ 12:5 Job 5:17 ✨ 12:6 Pwov 3:12 ✨ 12:7 Det 8:5 ✨ 12:8 I Pi 5:9 ✨ 12:9 Nonb 16:22 ✨ 12:9 És 38:16 ✨ 12:10 II Pi 1:4 ✨ 12:11 És 32:17 ✨ 12:12 És 35:3 ✨ 12:13 Pwov 4:26 ✨ 12:14 Wo 14:19 ✨ 12:15 Det 29:18 ✨ 12:15 Tit 1:15 ✨ 12:16 I Tim 1:9 ✨ 12:16 Jen 25:33 ✨ 12:17 Jen 27:30-40 ✨ 12:18 Egz 19:12,16 ✨ 12:19 Mat 24:31 ✨ 12:19 Egz 20:19 ✨ 12:20 Egz 19:12 ✨ 12:21 Det 9:19 ✨ 12:22 Rev 14:1 ✨ 12:22 Eb 11:10 ✨ 12:23 Luc 10:20 ✨ 12:24 I Tim 2:5 ✨ 12:24 Eb 9:19 ✨ 12:25 Egz 20:22 ✨ 12:26 Ag 2:6

<sup>27</sup> Ekspresyon sa a: “Malgre yon fwa ankò”, fè nou konprann ke tout bagay ki te kreye, ki kapab souke ✧va retire, pou bagay sila ki pa kapab souke yo, kapab vin rete. <sup>28</sup> Konsa, akòz ke nou resevwa yon ✧wayòm ki pa kapab souke, annou montre rekonesans, pa sila nou kapab ofri a Bondye yon sèvis akseptab, avèk reverans ak lakrent. <sup>29</sup> Paske ✧Bondye nou an se yon dife k ap devore.

## 13

<sup>1</sup> Kite ✧lanmou pou frè yo kontinye.

<sup>2</sup> Pa neglije byen resevwa etranje yo, paske pa fason sa a, kèk nan nou ✧bay lojman menm a zanj, san nou pa konnen.

<sup>3</sup> ✧Sonje prizonye yo, kòm si nou ta nan prizon avèk yo, e sila ki maltrete yo, akòz ke nou menm, nou osi nan kò a.

<sup>4</sup> Maryaj dwe kenbe ak gwo respè pami tout moun, e kabann maryaj la dwe rete san souye; ✧paske Bondye ap jije fònikatè ak adiltè yo.

<sup>5</sup> Fè si ke karaktè nou lib de lanmou lajan, e nou rete kontan avèk sa ke nou genyen; Paske Li menm, Li te di: ✧“Mwen p ap janm kite nou, ni abandone nou,” <sup>6</sup> pou nou di avèk konfyans: ✧“Senyè a se soutyen mwen, mwen p ap pè. Sa lòm ka fè m?”

<sup>7</sup> Sonje ✧sila ki te mennen nou yo, ki te pale pawòl Bondye ak nou yo; konsidere rezilta a zèv pa yo, e imite lafwa yo.

<sup>8</sup> ✧Jésus Kri se menm lan ayè, jodi a, e pou tout tan.

<sup>9</sup> ✧Pa vin pote ale pa doktrin varye e etranj, paske li bon pou kè a ranfòse pa lagras, men pa ak kalite manje ✧ki pa t benefis pou sila ki te swiv yo.

<sup>10</sup> Nou gen yon lotèl ✧kote sila ki fè sèvis nan tabènak yo pa gen dwa manje. <sup>11</sup> Paske ✧kò a bèt sila yo ki gen san yo, ke Wo Prèt la pote nan lye sen an kòm yon ofrann pou peche yo, dwe brile deyò kan an. <sup>12</sup> Menm jan an, Jésus osi, pou Li te kapab sanktifye pèp la ✧ak pwòp san Li, te soufri deyò pòtay la. <sup>13</sup> Donk, annou ale jwenn Li deyò kan an ✧pou pote repwòch Li yo.

<sup>14</sup> Paske isit la, nou pa gen yon vil k ap dire, men n ap chache vil ki gen pou vini an.

<sup>15</sup> Alò, atravè Li menm, annou ofri yon sakrifis lwanj pou Bondye san rete, ki se ✧fwi a lèw ki bay remèsiman a non Li yo.

<sup>16</sup> Epi pa neglije fè sa ki bon e ✧pataje youn avèk lòt; paske ✧nan sakrifis konsa yo, Bondye pran plezi.

<sup>17</sup> Obeyi lidè nou yo e soumèt nou a yo; paske ✧yo kontinye ap gade sou nanm nou, kòm sila ki oblije rann kont. Kite yo fè sa avèk jwa, e non pa avèk chagren, paske sa pa t ap gen pwofi pou nou. <sup>18</sup> Priye pou nou, paske nou asire ke nou gen yon ✧bon konsyans, nan dezire kondwi tèt nou avèk lonè nan tout bagay. <sup>19</sup> Epi mwen ankouraje nou menm plis pou fè sa ✧pou mwen kapab vin restore a nou menm pi vit menm.

<sup>20</sup> Koulye a, ke ✧Bondye lapè a, ki te fè leve nan lanmò a ✧gran Pastè a brebi yo pa san akò etènèl la, menm Jésus, Senyè nou an, <sup>21</sup> ✧ekipe nou nan tout bon zèv, pou ✧fè volonte Li, nan travay nan nou sa k ap fè plezi

✧ 12:27 És 34:4 ✧ 12:28 Dan 2:44 ✧ 12:29 Det 4:24 ✧ 13:1 Wo 12:10 ✧ 13:2 Jen 18:1  
 ✧ 13:3 Kol 4:18 ✧ 13:4 I Kor 6:9 ✧ 13:5 Det 31:6,8 ✧ 13:6 Sòm 118:6 ✧ 13:7 Eb 13:17,24  
 ✧ 13:8 Eb 8:12 ✧ 13:9 Ef 4:14 ✧ 13:9 Eb 9:10 ✧ 13:10 I Kor 10:18 ✧ 13:11 Egz 29:14  
 ✧ 13:12 Eb 9:12 ✧ 13:13 Luc 9:23 ✧ 13:15 És 57:19 ✧ 13:16 Wo 12:13 ✧ 13:16 Fil 4:18  
 ✧ 13:17 Éz 3:17 ✧ 13:18 Trav 24:16 ✧ 13:19 Phm 22 ✧ 13:20 Wo 15:33 ✧ 13:20 Jn 10:11  
 ✧ 13:21 I Pi 5:10 ✧ 13:21 Fil 2:13



devan zye Li, nan Jésus Kri, a Li menm, laglwa pou tout tan e pou tout tan. Amen.

<sup>22</sup> Men mwen ankouraje nou ✨frè m yo, pou sipòte ✨pawòl egzòtasyon sila a, paske mwen ekri nou brèvmman. <sup>23</sup> Byen aprann ke ✨frè nou Timothée lage, e mwen va wè nou avèk li menm, si li vini vit. <sup>24</sup> Salye ✨tout lidè nou yo ak tout sen yo. Sila an Italie yo salye nou. <sup>25</sup> Ke lagras rete avèk nou tout.

## JACQUES

<sup>1</sup> ✧ Jacques, yon sèvitè-atache a Bondye, ak Senyè a Jésus Kris, a douz tribi ki gaye a letranje yo, salitasyon.

<sup>2</sup> ✧ Konsidere sa kòm tout lajwa, frè m yo, lè nou rankontre tout kalite eprèw yo <sup>3</sup> nan konnen ke eprèw lafwa nou pwodwi ✧ andirans. <sup>4</sup> Epi kite andirans lan fè rezilta pafè li, pou nou kab vin ✧ pafè e konplè, san manke anyen.

<sup>5</sup> Men si nenpòt nan nou manke sajès, ✧ kite li mande Bondye, ki bay tout moun avèk jenewozite e san repwòch, e Bondye va bay li. <sup>6</sup> Men li dwe ✧ mande nan lafwa, san doute, paske sila ki doute a tankou vag lanmè, ki pouse e voye pa van an. <sup>7</sup> Paske moun sa a pa dwe sipoze ke li va resevwa anyen nan men Senyè a, <sup>8</sup> tankou yon moun ak ✧ doub panse, ki enstab nan tout chemen li yo.

<sup>9</sup> ✧ Men ke frè ki nan sikonstans ki ba, gen pou bay glwa nan wo pozisyon li; <sup>10</sup> e ke moun rich la, gen pou bay glwa nan imilyasyon li, paske ✧ tankou zèb k ap fleri, li osi va disparèt. <sup>11</sup> Paske solèy la leve avèk yon ✧ gwo chalè, epi ✧ zèb la seche; flè li tonbe, e bote aparans li an vin disparèt; konsa tou, moun rich la nan mitan tout sa l ap chèche yo, li va vin disparèt.

<sup>12</sup> ✧ Beni se yon moun ki pèsevere anba eprèw; paske, yon fwa li fin apwouve, li va resevwa kouwòn lavi a ke Senyè a pwomèt a sila ki renmen Li yo. <sup>13</sup> Pa kite pèsòn di lè l tante: ✧ “Se Bondye k ap tante m” paske Bondye pa kapab tante pa mal, e Li menm, Li pa tante pèsòn. <sup>14</sup> Men tout moun tante lè li pote ale pa pwòp move dezi li yo. <sup>15</sup> Alò, lè move dezi a fin jèmèn, li bay nesans a peche; epi lè ✧ peche a fin akonpli, li pote lanmò.

<sup>16</sup> ✧ Pinga nou vin twonpe, frè byeneme mwen yo.

<sup>17</sup> Tout bon bagay ki fèt ak tout kado pafè sòti anwo, epi desann nan Papa a limyè yo. Avèk Li pa gen ni chanjman ni menm yon lonbraj varyasyon. <sup>18</sup> Nan egzèsis volonte Li, Li te ✧ fè nou vin parèt pa pawòl verite a pou nou ta kapab vin tankou ✧ premye fwi pami kreyati Li yo.

<sup>19</sup> Nou konnen sa, frè byeneme m yo. Men tout moun dwe gen vitès nan tandè ✧ lan nan pale, e lan nan fè kòlè. <sup>20</sup> Paske ✧ kòlè a lòm pa pwodwi ladwati Bondye.

<sup>21</sup> Konsa, annou ✧ mete sou kote tout sa ki sal, ak tout sa ki rete de mechanste, e ak imilite, resevwa pawòl ki enplante nan nou an, ki kapab sove nanm nou.

<sup>22</sup> ✧ Men, fè prèv tèt nou ke nou aji selon pawòl la, e se pa senpleman tandè li. Moun konsa yo twonpe pwòp tèt yo. <sup>23</sup> Paske si yon moun ap tandè pawòl la, e li pa aji selon li, li tankou yon moun ki gade figi natirèl li ✧ nan yon miwa. <sup>24</sup> Yon fwa, li fin gade tèt li e li ale, li gen tan bliye ki kalite moun li te ye a.

<sup>25</sup> Men yon moun ki gade avèk atansyon lalwa pafè a, lalwa libète a, e aji selon li, li pa vin yon moun ki tandè pou bliye, men yon moun ki fè l byen, moun sa a va ✧ beni nan sa li fè.

✧ **1:1** Trav 12:17 ✧ **1:2** Mat 5:12; I Pi 1:6 ✧ **1:3** Luc 21:19 ✧ **1:4** Mat 5:48 ✧ **1:5** I Wa 3:9; Mat 7:7 ✧ **1:6** Mat 21:21 ✧ **1:8** Jc 4:8 ✧ **1:9** Luc 14:11 ✧ **1:10** I Kor 7:31 ✧ **1:11** Mat 20:12 ✧ **1:11** És 40:7 ✧ **1:12** Luc 6:22 ✧ **1:13** Jen 22:1 ✧ **1:15** Wo 5:12 ✧ **1:16** I Kor 6:9 ✧ **1:18** I Pi 1:3,23 ✧ **1:18** Rev 14:4 ✧ **1:19** Pwov 10:19 ✧ **1:20** Mat 5:22 ✧ **1:21** Ef 4:22 ✧ **1:22** Mat 7:24-27 ✧ **1:23** I Kor 13:12 ✧ **1:25** Jn 13:17

<sup>26</sup> Si yon moun panse nan tèt li ke li swiv Bondye tout tan, e malgre sa, li pa ✧mete yon brid sou lang li, li pase pwòp tèt li nan betiz; lafwa moun sa a vin san valè.

<sup>27</sup> Relijyon ki pafè e san tach devan zye a Bondye nou an e Papa a se sa a: vizite òfelen e vèv ki nan nesesite yo, e kenbe tèt nou san tach ✧de mond lan.

## 2

<sup>1</sup> Frè m yo, pa kenbe lafwa nou nan Senyè laglwa nou an, Jésus Kri avèk ✧patipri.

<sup>2</sup> Paske si yon moun vini nan asanble nou an avèk yon bag ki fèt an lò, abiye ak bèl rad, e la tou, gen yon pòv ak ✧rad sal, <sup>3</sup> epi nou prete atansyon espesyal a sila ki ✧byen abiye a, e nou di l: “Ou mèt chita la nan yon bon plas”, epi nou di a pòv la: “Chita laba”, oubyen: “Chita bò pye m nan”, <sup>4</sup> Èske nou pa fè yon distenksyon pami nou menm, e nou vin jij ✧avèk move lentansyon?

<sup>5</sup> Koute, frè byeneme m yo, èske ✧Bondye pa t chwazi pòv a mond sa a pou vin rich nan lafwa, e ✧eritye a wayòm ke Li te pwomèt a sila ki renmen Li yo? <sup>6</sup> Men nou te dezonore moun pòv la. Èske se pa rich yo ki oprime nou e mennen nou tout nan tribinal. <sup>7</sup> ✧Èske yo pa blafeme bèl non pa sila nou te resevwa apèl la?

<sup>8</sup> Men, si nou ap akonpli lalwa wayal la selon Lekriti a: ✧“Nou dwe renmen vwazen nou, tankou tèt nou”, nou ap fè byen.

<sup>9</sup> Men si nou ✧montre patipri, nou ap fè peche e gen tan vin koupab devan lalwa kòm transgresè. <sup>10</sup> Paske sila ki kenbe tout lalwa a, malgre sa, li ✧tonbe nan yon sèl, li vin koupab de tout. <sup>11</sup> Paske, Sila a ki te di: ✧“Pa fè adiltè” a, Li te di tou: ✧“Pa touye moun”. Alò, si nou pa fè adiltè, men nou touye moun, nou gen tan vin yon transgresè lalwa.

<sup>12</sup> Konsa, pale e ajì kòm sila ki va jije pa ✧lalwa libète a.

<sup>13</sup> Paske ✧jijman va san mizerikòd pou sila ki pa montre mizerikòd la, paske mizerikòd triyonfe sou jijman.

<sup>14</sup> ✧Kisa sa sèvi, frè m yo, si yon moun di ke li gen lafwa, men li pa gen zèv? Èske lafwa sa a kapab sove li?

<sup>15</sup> ✧Si yon frè oubyen yon sè san rad, e nan bezwen manje chak jou, <sup>16</sup> epi youn nan nou di yo: ✧“Ale anpè; chofe kò nou e plen vant nou,” men malgre sa, nou pa bay yo sa ke yo bezwen pou kò yo, kisa sa sèvi? <sup>17</sup> Menm jan an ✧lafwa, si li pa gen zèv, li mouri pou kont li.

<sup>18</sup> Men yon moun ka byen di: “Ou gen lafwa e mwèn gen zèv; montre m ✧lafwa ou a san zèv, E mwèn va montre ou lafwa pa m nan pa zèv.”

<sup>19</sup> Ou kwè ke Bondye se yon sèl. Ou fè byen; ✧demon yo kwè tou, e yo tranble.

<sup>20</sup> Men èske ou dakò pou rekonèt, o moun ensanse, ke ✧lafwa san zèv vin inìtil?

<sup>21</sup> ✧Èske Abraham, zansèt nou an, pa t jistifye pa zèv lè li te ofri Isaac, fis li a, sou lotèl la? <sup>22</sup> Nou wè ke ✧lafwa t ap travay avèk zèv li yo, e kòm rezilta a ✧zèv, lafwa li a te vin pafè. <sup>23</sup> Epi Lekriti a te akonpli sa ki di:

✧ 1:26 Sòm 39:1 ✧ 1:27 II Pi 1:4 ✧ 2:1 Trav 10:34 ✧ 2:2 Za 3:3 ✧ 2:3 Luc 23:11 ✧ 2:4 Luc 18:6 ✧ 2:5 Job 34:19 ✧ 2:5 Mat 5:3 ✧ 2:7 Trav 11:26 ✧ 2:8 Lev 19:18 ✧ 2:9 Trav 10:34 ✧ 2:10 Jc 3:2 ✧ 2:11 Egz 20:14 ✧ 2:11 Det 5:17 ✧ 2:12 Jc 1:25 ✧ 2:13 Pwov 21:13 ✧ 2:14 Jc 1:22 ✧ 2:15 Mat 25:35 ✧ 2:16 I Jn 3:17 ✧ 2:17 Gal 5:6 ✧ 2:18 Wo 3:28 ✧ 2:19 Mat 8:29 ✧ 2:20 Gal 5:6 ✧ 2:21 Jen 22:9,10,12,16-18 ✧ 2:22 Eb 11:17 ✧ 2:22 I Tes 1:3

✧“Epi Abraham te kwè Bondye, e sa te konte pou li kòm ladwati,” e li te rele zanmi a Bondye a.

<sup>24</sup> Nou wè ke yon nonm jistifye pa zèv, e non sèlman pa lafwa a.

<sup>25</sup> Paske menm jan èske Rahab, fanm movèz vi a, p at jistifye pa zèv lè l te resevwa mesajè yo epi te voye yo ale pa yon lòt chemen an?

<sup>26</sup> Paske menm jan ke kò san lespri a mouri deja, menm jan an tou ✧lafwa san zèv deja mouri.

### 3

<sup>1</sup> ✧Pa kite anpil nan nou ansenye, frè m yo, paske nou konnen ke konsa, nou va resevwa yon jijman ki pi sevè.

<sup>2</sup> Paske nou tout tonbe nan plizyè sans. ✧Si yon moun pa tonbe nan sa li di, li menm se yon moun pafè, li kapab kontwole tout kò a menm jan an.

<sup>3</sup> Koulye a ✧si nou mete mò nan bouch a cheval yo pou yo kab obeyi nou, nou dirije tout kò yo tou.

<sup>4</sup> Gade menm bato yo; malgre yo trè gran e pouse pa gwo van, yo toujou dirije pa yon gouvènè tou piti nenpòt kote volonte a pilòt la pito. <sup>5</sup> Menm jan an tou, lang lan se yon pati tou piti nan kò a, e malgre sa, li ✧vante gwo bagay.

✧Gade kijan yon gwo forè vin pran dife pa yon flanm ki tou piti! <sup>6</sup> Epi ✧lang lan se yon dife, vrè mond linikite a; lang lan plase pami manm kò nou yo, kòm sila ki konwonpi tout kò a nèt, li mete dife nan kous lavi nou menm, e li limen pa lanfè a.

<sup>7</sup> Paske tout kalite bèt ak zwazo, reptil ak kreyati lanmè yo, donte e vin donte pa ras lòm nan. <sup>8</sup> Men pèsòn pa kapab donte lang lan; se yon mechanste ki endontab e plen ak ✧pwazon mòtèl.

<sup>9</sup> Avèk li, nou beni Senyè nou an ak Papa a; e avèk li, nou madichonnen moun ✧ki fèt ak limaj Bondye; <sup>10</sup> Nan menm bouch la, sòti ni benediksyon ni madichon. Frè m yo, bagay sa yo pa dwe konsa.

<sup>11</sup> Èske yon sous kapab koule dlo fre avèk dlo anmè nan menm bouch la? <sup>12</sup> ✧Èske yon pye fig Frans, frè m yo, pwodwi oliv, oubyen yon pye rezen pwodwi fig? Ni dlo sale pa kapab pwodwi dlo fre.

<sup>13</sup> Kilès pami nou ki saj e ki gen bon konprann? Ke li montre sa pa ✧bon kondwit li, zèv li nan dousè a sajès la.

<sup>14</sup> Men si nou gen vye ✧jalouzi ak anbisyon pèsònèl nan kè nou, pa vin awogan, epi konsa pou vin bay manti kont verite a. <sup>15</sup> Sajès sa a se pa sa ki sòti ✧anwo a, men nan mond lan, natirèl e dyabolik. <sup>16</sup> Paske kote ✧jalouzi ak anbisyon pèsònèl egziste, gen dezòd ak tout kalite move bagay.

<sup>17</sup> Men sajès ki sòti anwo a, dabò, li pafè, answit, li pezi, dous, rezonab, plen ak mizerikòd ak bon fwi, fèm e san ✧ipokrizi. <sup>18</sup> Epi ✧grenn ki bay fwi ladwati a simen nan lapè pa sila ki fè lapè yo.

### 4

<sup>1</sup> Kisa ki sous kont ak konfli ✧pami nou yo? Èske sous la se pa plezi nou yo k ap fè ✧lagè nan manm kò nou yo?

<sup>2</sup> Nou anvi e nou pa genyen, donk ✧nou touye moun.

✧ 2:23 Jen 15:6 ✧ 2:26 Gal 5:6 ✧ 3:1 Wo 2:20 ✧ 3:2 Mat 12:34-37 ✧ 3:3 Sòm 32:9 ✧ 3:5 Sòm 12:3 ✧ 3:5 Pwov 26:20 ✧ 3:6 Sòm 120:2,3 ✧ 3:8 Sòm 140:3 ✧ 3:9 Jen 1:26 ✧ 3:12 Mat 7:16 ✧ 3:13 I Pi 2:12 ✧ 3:14 Wo 2:8 ✧ 3:15 Jc 1:17 ✧ 3:16 Wo 2:8 ✧ 3:17 Wo 12:9 ✧ 3:18 Pwov 11:18 ✧ 4:1 Tit 3:9 ✧ 4:1 Wo 7:23 ✧ 4:2 Jc 5:6

Nou anvi e nou pa kab twouve, donk nou goumen e fè kont ak lòt yo. Nou pa genyen paske nou pa mande. <sup>3</sup> Nou mande e nou \*pa resevwa, paske nou mande avèk anbisyon ki pa pwòp yo; pou nou kab pase li nan plezi nou yo.

<sup>4</sup> Nou menm, moun adiltè yo, èske nou pa konprann ke amitye avèk mond lan se \*rayisman anvè Bondye? \*Konsa, nenpòt moun ki vle zanmi ak mond lan fè tèt li yon lènmi ak Bondye.

<sup>5</sup> Oubyen, èske nou panse ke Lekriti sen an pale san rezon?: “Avèk jalouzi, Li anvi \*Lespri ke Li te fè rete nan nou an”.

<sup>6</sup> Men Li bay yon pi gwo gras. Konsa, li di: \* “Bondye opoze a ògeye yo, men Li fè gras a moun ki enb yo.”

<sup>7</sup> Konsa \*soumèt nou a Bondye. Reziste a dyab la e li va sove ale lwen nou. <sup>8</sup> Vin pre Bondye e Li va vin pre nou.

\*Netwaye men nou, nou menm pechè; e pirifye kè nou, nou menm, moun ak doub panse. <sup>9</sup> \*Se pou nou vin mizerab; lamante e kriye; kite ri nou yo vin tounen lamantasyon, e lajwa nou yo vin tounen tristès. <sup>10</sup> \*Desann nou nan prezans Bondye a, e Li menm, Li va egzalte nou.

<sup>11</sup> Pa pale kont youn lòt, frè m yo. Sila ki pale kont yon frè oubyen jije frè li a, pale kont lalwa e jije lalwa; men, si nou jije lalwa; olye nou akonpli lalwa a, nou jije li. <sup>12</sup> Gen \*yon sèl ki bay Lalwa e ki Jij; Sila ki kapab sove e detwi a. Men nou menm, ki moun nou ye pou jije vwazen nou an?

<sup>13</sup> Vini koulye a, nou menm, ki di: \* “Jodi a oswa demen, nou va ale nan tèl vil, e pase yon ane la, angaje nou nan biznis pou fè pwofi.” <sup>14</sup> Malgre, nou pa konnen kijan lavi nou va ye demen; \*nou se sèlman yon vapè ki parèt pou yon ti moman, e answit, vin disparèt. <sup>15</sup> Olye de sa, nou ta dwe di: \* “Si Bondye vle, nou va viv, e nou va osi fè sesi oubyen sela.”

<sup>16</sup> Menmjan sa ye a, nou ògeye nan awogans nou; \*tout ògèy konsa, se mechanste. <sup>17</sup> Alò \*a sila ki konnen bon bagay pou li fè a, men pa fè l, a li menm, se peche.

## 5

<sup>1</sup> Vini koulye a \*nou menm ki rich, kriye e rele fò akoz mizè k ap vini sou nou yo. <sup>2</sup> \*Richès nou yo gen tan pouri e rad nou yo gen tan manje pa mit. <sup>3</sup> Lò ak lajan nou yo gen tan pran lawouj; e lawouj yo va yon temwen kont nou e va manje chè nou tankou dife. Se pandan \*dènye jou yo ke nou te mete trezò nou nan depo a!

<sup>4</sup> Veye \*salè a ouvriye ki te rekòlte chan nou yo ke nou te refize vèsè bay, vin kriye kont nou; epi \*kri a ouvriye mwason sa yo gen tan rive nan zòrèy a Senyè Sabaot la.

<sup>5</sup> Nou te viv nan richès sou tè a e mennen yon vi nan plezi san kontwòl; nou te angrese kè nou nan yon jou labatwa. <sup>6</sup> Nou te kondane e \*mete a lanmò nonm jis la; li pa t reziste kont nou.

<sup>7</sup> Konsa, frè m yo, se pou nou pasyan \*jiskaske Senyè a vini. \*Kiltivatè a ap tann pou pwodwi chè a sòti nan tè a, li pasyan de sa, jiskaske li jwenn premye ak dènye lapli yo. <sup>8</sup> \*Nou menm tou, se pou nou pasyan; \*ranfòse kè nou, paske vini a Senyè a touprè.

\* 4:3 I Jn 3:22 \* 4:4 Wo 8:7 \* 4:4 Mat 6:24 \* 4:5 I Kor 6:19 \* 4:6 Pwov 3:34 \* 4:7 I Pi 5:6 \* 4:8 Job 17:9 \* 4:9 Pwov 14:13 \* 4:10 Job 5:11 \* 4:12 És 33:22 \* 4:13 Pwov 27:1 \* 4:14 Job 7:7 \* 4:15 Trav 18:21 \* 4:16 I Kor 5:6 \* 4:17 Luc 12:47 \* 5:1 Luc 6:24 \* 5:2 És 50:9 \* 5:3 Jc 5:7,8 \* 5:4 Lev 19:13 \* 5:4 Egz 2:23 \* 5:6 Jc 4:2 \* 5:7 Jn 21:22 \* 5:7 Gal 6:9 \* 5:8 Luc 21:19 \* 5:8 I Tes 3:13

<sup>9</sup> Pa plenyen, frè m yo, youn kont lòt, pou nou menm tou kapab pa vin jije; gade ✨Jij la kanpe ✨jis devan pòt la.

<sup>10</sup> Frè m yo, pran ✨pwofèt yo ki pale nan non Senyè a kòm egzanp de soufrans ak pasyans. <sup>11</sup> Nou konte sa ki te andire yo kòm ✨beni. Nou te konn tandè de sa Job te andire a, e nou te wè jan sa te sòti e jan Senyè a te aji. Konsa nou konnen ✨Senyè a plen konpasyon ak mizerikòd.

<sup>12</sup> Men, anplis de tout bagay, frè m yo ✨pa sèmante ni pa syèl la, ni pa tè a, ni pa okenn lòt sèman; men ke wi ou rete wi e non ou rete non; pou nou pa tonbe anba jijman.

<sup>13</sup> Èske gen moun pami nou k ap souffri? ✨Fòk li priye. Èske gen moun ak kè kontan? Fòk li chante louwanj. <sup>14</sup> Èske gen moun pami nou ki malad? Alò, fòk li rele ansyen legliz yo. Yo dwe priye sou li, e ✨onksyone li ak lwil nan non Senyè a; <sup>15</sup> epi ✨priyè ki ofri nan lafwa a va restore sila ki malad la, e Senyè a va ✨fè l leve, e si li fè peche, yo va padone. <sup>16</sup> Konsa ✨konfese peche nou yo a youn lòt e priye pou youn lòt, pou nou kapab ✨geri.

Lapriyè efikas a yon nonm ki jis kapab akonpli anpil bagay. <sup>17</sup> Élie se te ✨yon nonm avèk yon nati tankou pa nou an, e ✨li te priye fò pou li pa t fè lapli; e li pa t fè lapli sou tè a pandan twazan e si mwa. <sup>18</sup> Answit, li te ✨priye ankò, epi ✨syèl la te vide lapli e tè a te pwodwi fwi li.

<sup>19</sup> Frè m yo ✨si yon moun pami nou vin egare e kite verite a, epi yon lòt fè l retounen, <sup>20</sup> fè li konnen ke sila ki detounen yon pechè soti de erè chemen li an, va ✨sove nanm li de lanmò e va kouvri yon gran kantite peche.

---

✨ 5:9 Kol 4:5 ✨ 5:9 Mat 24:33 ✨ 5:10 Mat 5:12 ✨ 5:11 Mat 5:10 ✨ 5:11 Egz 34:6 ✨ 5:12 Mat 5:34-37 ✨ 5:13 Sòm 50:15 ✨ 5:14 Mc 6:13 ✨ 5:15 Jc 1:6 ✨ 5:15 Jn 6:39 ✨ 5:16 Mat 3:6 ✨ 5:16 Eb 12:13 ✨ 5:17 Trav 14:15 ✨ 5:17 I Wa 17:1 ✨ 5:18 I Wa 18:42 ✨ 5:18 I Wa 18:45 ✨ 5:19 Mat 18:15 ✨ 5:20 Wo 11:14

## PREMYE LÈT PIERRE

<sup>1</sup> Pierre, yon apot Jésus Kri, a sila ki rete a ✧letranje yo, ki gaye nan Pont, Galatie, Cappadoce, Asie ak Bithynie, sila ✧ki chwazi davans yo, <sup>2</sup> selon konesans ✧davans a Bondye, Papa a, pa travay Lespri Sen an, ✧pou nou ta kapab obeyi Jésus Kri e vin aspèje avèk san Li: ke lagras ak lapè kapab pou nou nan pi gran mezi.

<sup>3</sup> Beni se Bondye e Papa a Senyè nou an, Jésus Kri, ki ✧selon gran mizerikòd Li, te fè nou vin ne ankò nan yon esperans lavi pa ✧rezirèksyon a Jésus Kris ki soti nan lanmò a <sup>4</sup> pou jwenn yon ✧eritaj ki enperisab, san tach, ki p ap janm disparèt, ki rezève nan syèl la pou nou <sup>5</sup> ki ✧pwoteje pa pwisans Bondye a ✧pa lafwa, pou yon sali ki prè pou revele nan dènye tan an. <sup>6</sup> ✧Nan sa, nou rejwi anpil, malgre koulye a ✧pandan yon ti tan, si l nesèsè, nou te twouble pa plizyè eprèv <sup>7</sup> pou prè lafwa nou an, ki pi presye ke lò, ki malgre eprèv dife a toujou rete perisab ✧pou nou kapab twouve kòm rezilta, lwanj, laglwa ak lonè a revelasyon Jésus Kri a. <sup>8</sup> Epi ✧malgre nou poko wè Li, nou ✧renmen Li, e malgre nou poko wè Li koulye a, men nou kwè nan Li, e rejwi anpil avèk yon jwa ki pa kab eksprime e ki plen ak laglwa <sup>9</sup> ki fè ✧de rezilta lafwa nou an, sali de nanm nou.

<sup>10</sup> ✧Selon sali sila a, pwofèt ki te pwofetize lagras ki te gen pou vini a nou menm nan, te fè rechèch ak ankèt pa yo <sup>11</sup> pou chèche konnen ki moun, oubyen a kilè ✧Lespri a Kris la anndan yo a, t ap endike lè li te pwofetize soufrans a Kris ak glwa ki t ap swiv yo a.

<sup>12</sup> Li te revele a yo ke se pa pwòp tèt yo ke yo t ap sèvi, men ou menm, nan bagay sa yo ke koulye a, gen tan anonse a nou pa sila ki te preche levanjil a nou menm yo pa ✧Lespri Sen ki te sòti nan syèl la—bagay ke menm zanj yo ta lanvi wè.

<sup>13</sup> Konsa ✧prepare panse nou pou nou kab aji; ✧ rete vijilan. Fikse esperans nou nèt sou lagras ki te pote a nou menm nan revelasyon a Jésus Kri a; <sup>14</sup> Kòm timoun obeyisan ✧pa vin konfòme nou a dezi lachè ke nou te genyen oparavan lè nou te nan inyorans lan <sup>15</sup> men tankou Sila Ki Sen ki te rele nou an ✧se pou nou vin sen, osi ✧nan tout konpòtman nou. <sup>16</sup> Paske sa ekri: ✧“Nou dwe sen, paske Mwen Sen.”

<sup>17</sup> Si nou ✧adrese kòm “Papa”, Sila ki jije san patipri a, selon zèv a chak moun; nou gen pou kondwi tèt nou nan lakrent pandan tan ki rete nou sou tè a.

<sup>18</sup> Epi konsa, konnen ke nou pa t ✧rachte avèk bagay perisab tankou lajan ak lò ki soti nan ✧mod de vi san enpòtans, san eritaj de zansèt nou yo <sup>19</sup> men avèk ✧san presye, tankou sa ki sòti nan yon jenn mouton san defo, san tach, ki se san a Kris la menm. <sup>20</sup> Paske Li te ✧deja rekonèt avan fondasyon mond lan, men Li te vin parèt nan dènye tan sa yo pou koz a nou menm <sup>21</sup> ki pa Li menm ✧kwè nan Bondye ki te leve Li nan lanmò e te bay Li glwa, pou lafwa ak esperans nou ta kapab nan Bondye.

✧ 1:1 I Pi 2:11 ✧ 1:1 Mat 24:22 ✧ 1:2 Wo 8:29 ✧ 1:2 II Tes 2:13 ✧ 1:3 Tit 3:5 ✧ 1:3 I Kor 15:20 ✧ 1:4 Trav 20:32 ✧ 1:5 Jn 10:28 ✧ 1:5 Ef 2:8 ✧ 1:6 Wo 5:2 ✧ 1:6 I Pi 5:10 ✧ 1:7 Wo 2:7 ✧ 1:8 Jn 20:29 ✧ 1:8 Ef 3:19 ✧ 1:9 Wo 6:22 ✧ 1:10 Mat 13:17 ✧ 1:11 II Pi 1:21 ✧ 1:12 Trav 2:2 ✧ 1:13 Ef 6:14 ✧ 1:13 I Tes 5:6,8 ✧ 1:14 Wo 12:2 ✧ 1:15 II Kwo 7:1 ✧ 1:15 Jc 3:13 ✧ 1:16 Wo 12:2 ✧ 1:17 Sòm 89:26 ✧ 1:18 És 52:3 ✧ 1:18 Ef 4:17 ✧ 1:19 Trav 20:28 ✧ 1:20 Trav 2:23 ✧ 1:21 Wo 4:24

<sup>22</sup> Akoz ke obeyisans a verite a te vin ✧pirifye nanm nou pou yon lanmou sensè anvè frè nou yo, renmen youn lòt avèk yon chalè ki sòti nan kè; <sup>23</sup> paske nou te ✧ne ankò, pa de semans ki perisab, men ki enperisab, selon pawòl Bondye a ki viv, e ki rete pou tout tan.

<sup>24</sup> Paske: ✧“Tout chè tankou zèb, e tout laglwa li tankou flè zèb la; zèb la fennen, e flè a vin tonbe, <sup>25</sup> men pawòl Senyè a dire pou tout tan.” E sa se pawòl ki te preche a nou menm nan.

## 2

<sup>1</sup> Konsa ✧mete sou kote tout mechanste, ak tout manti, avèk ipokrizi, lanvi ak kout lang <sup>2</sup> epi ✧tankou tibebe ki fenk ne, se pou nou gen lanvi pou lèt pi a pawòl la, pouke pa li menm, nou kapab grandi vè Sali <sup>3</sup> si vrèman nou te ✧goute ✧dousè a Senyè a. <sup>4</sup> Epi nou vin kote Sila ki kòm yon wòch vivan te ✧rejte pa lèzòm, men ki chwazi pa Bondye, e presye nan zye Li.

<sup>5</sup> Nou menm osi, kòm wòch vivan, ki bati kòm yon kay sen, pou ✧nou fè sèvis kòm prèt ki sen, pou ✧ofri sakrifis sen, ki akseptab a Bondye, atravè Jésus Kri. <sup>6</sup> Paske sa twouve nan Lekriti sen an: ✧“Byen gade, Mwen poze nan Sion yon wòch byen chwazi, yon wòch kwen prensipal la, e sila ki kwè nan Li a p ap wont.”

<sup>7</sup> Alò, valè presye sila a, se pou nou menm ki kwè, men pou sila ki pa kwè yo: ✧“Wòch ke bès mason yo te rejte a, sa te devni vrè wòch ang lan.”

<sup>8</sup> Epi: ✧“yon wòch pou fè moun bite e yon wòch ofans.” Yo bite konsa akoz yo dezobeyisan a pawòl la e se pou move desten sila a, yo te chwazi.

<sup>9</sup> Men, nou se yon ras chwazi, yon lòd prèt wayal, yon ✧nasyon sen, yon pèp pou pwòp posasyon Bondye, pou nou kapab pwoklame ekselans a Li menm ki te rele nou sòti nan tenèb la pou vini nan limyè glwa Li a. <sup>10</sup> ✧Paske, avan, nou pa t yon pèp, men koulye a, nou se Pèp Bondye a; nou pa t resevwa mizerikòd, men koulye a, nou resevwa mizerikòd.

<sup>11</sup> Byeneme, mwen ankouraje nou kòm vwayajè ak ✧etranje yo, pou nou rete lwen lanvi lachè k ap ✧fè lagè kont nanm nan. <sup>12</sup> Kenbe kondwit nou pwòp pami pèp etranje yo, pouke nan bagay ke yo pale mal sou nou kòm malfektè yo, yo kapab akoz bon zèv nou, bay Bondye glwa, lè yo wè yo ✧nan jou gran vizitasyon selès la.

<sup>13</sup> ✧Soumèt tèt nou pou koz a Senyè a, a tout otorite ki etabli pami lòm, kit se yon wa kit se yon moun an otorite <sup>14</sup> oubyen a gouvènè ki voye pa Li menm yo ✧pou pini malfektè yo e ✧louwe sila ki fè byen yo. <sup>15</sup> Paske ✧se volonte Bondye, pou lè nou fè sa ki bon, pou sa fè inyoran yo ak san konprann yo rete an silans.

<sup>16</sup> Se pou nou tankou ✧moun lib, e pa itilize libète nou an kòm yon kouvèti pou fè sa ki mal, men pito sèvi li kòm ✧sèvitè-atache a Bondye. <sup>17</sup> ✧Onore tout moun; renmen frè nou yo. ✧Gen lakrent Bondye, onore wa a.

<sup>18</sup> ✧Sèvitè, se pou nou soumèt a mèt nou avèk tout respè, non sèlman a sila ki bon e janti yo, men osi a sila ki difisil yo. <sup>19</sup> Paske sa jwenn favè, si yon nonm, pou koz a ✧konsyans anvè Bondye, sipòte afliksyon ki enjis.

✧ 1:22 Jc 4:8 ✧ 1:23 Jn 3:3 ✧ 1:24 És 40:6 ✧ 2:1 Ef 4:22,25,31 ✧ 2:2 Mat 18:3 ✧ 2:3 Eb 6:5 ✧ 2:3 Sòm 34:8 ✧ 2:4 I Pi 2:7 ✧ 2:5 És 61:6 ✧ 2:5 Wo 15:16 ✧ 2:6 És 28:16 ✧ 2:7 Sòm 118:22 ✧ 2:8 És 8:14 ✧ 2:9 Egz 19:6 ✧ 2:10 Os 1:10 ✧ 2:11 Lev 25:23 ✧ 2:11 Jc 4:1 ✧ 2:12 És 10:3 ✧ 2:13 Wo 13:1 ✧ 2:14 Wo 13:4 ✧ 2:14 Wo 13:3 ✧ 2:15 I Pi 3:17 ✧ 2:16 Jn 8:32 ✧ 2:16 Wo 6:22 ✧ 2:17 Wo 12:10 ✧ 2:17 Pwov 24:21 ✧ 2:18 Ef 6:5 ✧ 2:19 Wo 13:5



<sup>20</sup> Paske ki glwa ki genyen si, lè nou peche e yo trete nou sevèman, nou andire li avèk pasyans? Men si ✨lè nou fè sa ki bon e soufri pou li, nou andire li avèk pasyans, sa twouve favè devan Bondye. <sup>21</sup> Paske nou te rele pou koz sa a ✨akoz ke Kris osi te soufri pou nou. Li te kite yon egzàn pou nou swiv pazapa.

<sup>22</sup> Sila ki ✨pa t fè okenn peche ni okenn desepsyon pa t twouve nan bouch Li a; <sup>23</sup> Epi pandan yo t ap joure Li ✨Li pa t joure anretou; Pandan Li t ap soufri, Li pa t fè menas, men te kontinye mete konfyans Li nan Sila ki jije avèk ladwati a.

<sup>24</sup> Epi Li menm, Li te ✨pote peche nou yo nan Kò Li sou kwa a, pou nou ta kapab mouri ak peche pou viv ak ladwati; paske ✨pa blesi Li yo, nou te geri.

<sup>25</sup> Paske nou te ✨toujou egare tankou mouton, men koulye a nou gen tan retounen a Bèje e Gadyen nanm nou an.

### 3

<sup>1</sup> Menm jan an, nou menm, madanm yo ✨vin soumèt a pwòp mari nou, pouke menm si nenpòt nan yo dezobeyisan a pawòl la, yo kapab vin konvenk san menm yon mo pa konpòtman a madanm yo, <sup>2</sup> lè yo obsève konpòtman nou ki moral, fidèl, e plen respè.

<sup>3</sup> ✨Bote nou pa dwe senpleman a leksteryè; tankou nan trese cheve, mete bijou ki fèt ak lò ak bèl rad; <sup>4</sup> men tankou ✨sila ki cache nan kè a moun; avèk kalite enperisab de yon lespri dous e trankil, ki presye nan zye a Bondye. <sup>5</sup> Paske, nan fason sa a, nan tan pase yo, fanm sen yo osi ✨ki te espere nan Bondye, te konn byen abiye yo, e soumèt a pwòp mari yo. <sup>6</sup> Menmjan Sara te obeyi Abraham nan, e li te ✨rele l senyè a, nou gen tan devni pitit li si nou fè sa ki bon e nou p ap pè anyen.

<sup>7</sup> ✨Nou menm, mari yo, menm jan an, viv avèk madanm nou avèk sajès, kòm si avèk yon moun ki pi fèb, paske li se yon fanm; e ba li onè tankou yon moun ki pataje gras lavi a, pouke priyè nou yo pa bloke.

<sup>8</sup> Anfen ✨ke nou tout vin amikal, senpatik, fratènèl ✨plen bon kè, e vin enb nan lespri.

<sup>9</sup> San remèt mal pou mal, ni jouman pou jouman, men de preferans, beni moun; paske nou te resevwa apèl la pou bi sa a, pou nou ta kapab eritye yon benediksyon. ✨ <sup>10</sup> Paske:

✨“Sila ki dezire lavi a,  
pou renmen e wè anpil jou ki bon,  
dwe gade lang li kont sa ki mal  
e lè li kont bay manti.

<sup>11</sup> ✨Li dwe vire kite sa ki mal pou fè sa ki bon;  
kite li chache lapè e pouswiv li.

<sup>12</sup> ✨Paske zye a Senyè a sou moun ladwati yo,  
e zòrèy Li atantif a lapriyè yo,  
men lafas Bondye kont sila ki fè mal yo.

<sup>13</sup> ✨Kilès ki kapab fè nou mal si nou montre zèl pou sa ki bon? <sup>14</sup> Men menmsi nou ta soufri pou koz a ladwati, nou beni. ✨Epi pa pè entimidasyon pa yo, e pa twouble <sup>15</sup> men fè Kris sen kòm Senyè a nan kè nou. Toujou

✨ 2:20 I Pi 3:17 ✨ 2:21 I Pi 3:17 ✨ 2:22 És 53:9 ✨ 2:23 És 53:7 ✨ 2:24 És 53:4,11 ✨ 2:24 És 53:5 ✨ 2:25 És 53:6 ✨ 3:1 Ef 5:22 ✨ 3:3 És 3:18 ✨ 3:4 Wo 7:22 ✨ 3:5 I Tim 5:5 ✨ 3:6 Jen 18:12 ✨ 3:7 Ef 5:25 ✨ 3:8 Wo 12:16 ✨ 3:8 Ef 4:32 ✨ 3:9 Luc 6:28 ✨ 3:10 Sòm 34:12,13 ✨ 3:11 Sòm 34:14 ✨ 3:12 Sòm 34:15,16 ✨ 3:13 Pwov 16:7 ✨ 3:14 És 8:12

✧rete prè pou fè defans bay tout moun ki mande nou pou nou rann kont de esperans ki nan nou an, men avèk dousè ak respè pou Bondye.

<sup>16</sup> Epi kenbe yon ✧bon konsyans, pouke nan bagay ke yo pale mal de nou yo, sila ki pale mal de nou an, akòz bon konpòtman nou nan Kris la, kapab vin wont. <sup>17</sup> Paske ✧li pi bon ✧si Bondye ta vle sa, pou nou soufri pou fè sa ki bon pase pou fè sa ki mal.

<sup>18</sup> Paske Kris osi te mouri pou peche yo ✧yon fwa pou tout, Li menm ki te jis pou enjis yo, pou Li ta kapab mennen nou kote Bondye, deja mò nan lachè, men fèt vivan nan lespri a. <sup>19</sup> Ladann, Li te osi ale fè pwoklamasyon a lespri nan prizon yo. <sup>20</sup> Se yo menm ki avan te dezobeyisan yo, lè pasyans a Bondye ✧te toujou ap tann nan jou a Noe yo, lè ✧lach la t ap konstwi a. Se ladann kèk moun (sa vle di uit moun) te mennen rive sof nan dlo a.

<sup>21</sup> Sa se yon modèl pare ak batèm, ki koulye a ap sove nou—✧pa akòz li retire salte sou kò a, men akòz yon angajman anvè Bondye pou gen yon bon konsyans pa rezirèksyon a Jésus Kri a. <sup>22</sup> ✧Li menm ki, sou men dwat Bondye, te ale nan syèl, kote tout zanj, otorite, ak pouvwa yo te fin soumèt a Li menm.

## 4

<sup>1</sup> Konsa, paske ✧Kris te soufri nan lachè a, ranfòse tèt nou osi avèk menm bi a; paske Sila ki deja soufri nan lachè yo, gen tan sispann fè peche <sup>2</sup> ✧pou yo pa viv rès tan an konsa, nan lachè ak dezi a lòm, men viv pou volonte a Bondye.

<sup>3</sup> Paske ✧tan ki pase deja a, sifi pou nou te akonpli tout dezi a payen yo. Nou te konn pouswiv yon kous sansyèl, dezi chanèl, vin sou, banbòch, gwo fèt bwason, ak idolatri ki abominab.

<sup>4</sup> Nan tout sa, yo etone ke nou pa kouri avèk yo nan menm eksè ki fè yo ✧dejenere konsa a, e yo ✧pale mal sou nou. <sup>5</sup> Men yo va rann kont a Sila ki prèt pou jije ✧vivan ak mò yo a.

<sup>6</sup> Paske ✧pou rezon sa a, levanjil la preche menm a sila ki mouri yo, pouke, malgre, yo jije nan lachè kòm lòm, yo ta kapab viv nan lespri selon volonte a Bondye a.

<sup>7</sup> ✧Lafen tout bagay pwòch. Konsa, se pou nou vin saj, ak yon jan de panse byen serye pou nou kab priye. <sup>8</sup> Anplis de tout bagay ✧Rete fèm nan lanmou nou youn pou lòt, paske ✧lanmou kouvri yon gran kantite peche. <sup>9</sup> ✧Resevwa youn lòt lakay nou san plenyen.

<sup>10</sup> ✧Akoz chak moun gen tan resevwa yon don espesyal, anplwaye li nan sèvi youn lòt kòm ✧bon jeran ak tout gras ke Bondye te bay la. <sup>11</sup> ✧Nenpòt moun ki pale, li dwe fè sa tankou sila k ap pale pawòl a Bondye; nenpòt moun ki sèvi, li dwe fè li tankou sila k ap sèvi avèk ✧tout fòs ke Bondye ba li; pouke nan tout bagay, Bondye kapab glorifye atravè Jésus Kri. A Li menm, apatyen laglwa ak pwisans, pou tout tan e pou tout tan. Amen.

<sup>12</sup> Byeneme yo, pa vin etone de ✧eprèv cho kap brile nan mitan nou an, ki parèt sou nou kòm yon eprèv, kòm si se kèk bagay etranj k ap rive nou; <sup>13</sup> Men nan menm degre ke nou ✧pataje soufrans Kris la, kontinye rejwi nou, anfen ke nan revelasyon laglwa Li, nou kapab rejwi nou avèk gwo

✧ 3:15 Kol 4:6 ✧ 3:16 I Tim 1:5 ✧ 3:17 I Pi 2:20 ✧ 3:17 Trav 18:21 ✧ 3:18 Eb 9:26,28  
 ✧ 3:20 Jen 6:3,13 ✧ 3:20 Eb 11:7 ✧ 3:21 Eb 9:14 ✧ 3:22 Eb 1:3 ✧ 4:1 I Pi 2:21 ✧ 4:2  
 Wo 6:2 ✧ 4:3 I Kor 12:2 ✧ 4:4 Ef 5:18 ✧ 4:4 I Pi 3:16 ✧ 4:5 Trav 10:42 ✧ 4:6 I Pi 3:18  
 ✧ 4:7 Wo 13:11 ✧ 4:8 I Pi 1:22 ✧ 4:8 Pwov 10:12 ✧ 4:9 I Tim 3:2 ✧ 4:10 Wo 12:6 ✧ 4:10  
 I Kor 4:1 ✧ 4:11 Tit 2:1 ✧ 4:11 Ef 6:10 ✧ 4:12 I Pi 1:6 ✧ 4:13 Wo 8:17

lajwa. <sup>14</sup> Si yo pale mal de nou ☆pou non a Kris la ☆nou beni, paske Lespri laglwa a, ak Lespri Bondye a rete sou nou. De pati de sa yo, non L blasfeme, men sou pati pa w Li resevwa glwa.

<sup>15</sup> Fè si ke okenn nan nou pa soufri kòm asasen, vòlè, oswa yon malfektè, ni yon moun k ap simen latwoublay☆; <sup>16</sup> Men, si yon moun soufri kòm yon Kreyen (yon moun k ap adore Kris), li pa dwe wont, men li dwe glorifye Bondye nan non sila a.☆

<sup>17</sup> Paske li lè pou jijman ☆kòmanse avèk ☆manm lakay Bondye yo; e si li kòmanse avèk nou an premye, kisa ki va rive a sila ki pa obeyi a levanjil a Bondye a?

<sup>18</sup> ☆Epi si se avèk difikilte ke moun jis yo sove, kisa ki va rive ☆nonm ki san Bondye a, ak pechè a?

<sup>19</sup> Konsa, sila yo osi ki soufri selon ☆volonte Bondye a lè yo fè byen, lese yo remèt nanm yo a Li menm kòn yon Kreyatè Fidèl.

## 5

<sup>1</sup> Pou sa mwen egzòte ansyen legliz yo pami nou, mwen kòm yon ansyen parèy, yon ☆temwen nan soufrans Kris la, e yon patisipan nan laglwa ki va vin revele a, <sup>2</sup> se pou nou vin bèje ☆a bann mouton Bondye pami nou an. Gade sou yo ☆pa paske nou oblije, men paske nou vle, jan Bondye vle nou ye a, pa nan pouswiv move lajan, men nan dezi pou sèvi. <sup>3</sup> Ni se pa tankou ☆kòmande sila ki plase anba otorite nou yo, men kòm yon egzant pou bann mouton an. <sup>4</sup> Epi lè Chèf ☆Bèje a vin parèt, nou va resevwa kouwòn laglwa ki p ap janm gate a.

<sup>5</sup> Nou menm, jènjan yo, vin soumèt nou a lansyen yo. Ke nou tout, abiye nou avèk ☆imilite youn anvè lòt, paske: ☆“Bondye opoze a ògeye yo, men Li bay gras a moun enb yo”.

<sup>6</sup> Konsa ☆desann nou anba men pwisan a Bondye a, pou Li kapab leve nou nan tan konvenab la.

<sup>7</sup> Lage tout ☆tèt chaje nou yo sou Li, paske li sousye de nou.

<sup>8</sup> ☆Se pou nou gen lespri serye e rete vijilan. Lènmi nou an, dyab la, ap sikile toupatou tankou yon lyon voras k ap chache yon moun pou l devore. <sup>9</sup> Men reziste kont li, kanpe fèm nan lafwa, paske nou konnen frè kwayan yo nan mond lan, ap pase menm kalite soufrans yo.☆

<sup>10</sup> Lè nou gen tan fin soufri pou yon ti tan, ☆Bondye a tout gras ☆ki te rele nou nan laglwa etènèl Li a an Kris, va, Li menm, fè nou pafè, konfime nou, e fè nou vin dyanm. <sup>11</sup> A Li menm, pwisans pou tout tan e pou tout tan. Amen.

<sup>12</sup> Avèk èd ☆Silvain, frè fidèl nou yo (se konsa mwen panse sou li) mwen ☆ekri nou an brèf, pou ankouraje nou e bannou temwayaj ke sa se vrè gras a Bondye a. Kanpe fèm ladann!

<sup>13</sup> Madanm ki Babylone nan, ki te chwazi ansanm avèk nou an, voye bannou salitasyon li, tankou fis mwen an ☆Marc tou.

<sup>14</sup> Salye youn lòt avèk yon bo lanmou. Lapè avèk nou tout ki nan Kris la.☆

☆ 4:14 Jn 15:21 ☆ 4:14 Mat 5:11 ☆ 4:15 II Tes 3:11 ☆ 4:16 I Pi 4:11 ☆ 4:17 Am 3:2  
 ☆ 4:17 Eb 3:6 ☆ 4:18 Pwov 11:31 ☆ 4:18 I Tim 1:9 ☆ 4:19 I Pi 3:17 ☆ 5:1 Luc 24:48;  
 I Pi 1:5 ☆ 5:2 Jn 21:16 ☆ 5:2 Phm 14 ☆ 5:3 Éz 34:4 ☆ 5:4 I Pi 2:25 ☆ 5:5 I Pi 3:8  
 ☆ 5:5 Pwov 3:34 ☆ 5:6 Mat 23:12 ☆ 5:7 Sòm 55:22 ☆ 5:8 I Pi 1:13; Mat 24:42 ☆ 5:9 Jc 4:7  
 ☆ 5:10 I Pi 1:6 ☆ 5:10 I Kor 1:9 ☆ 5:12 II Kor 1:19 ☆ 5:12 Eb 13:22 ☆ 5:13 Trav 12:12,25  
 ☆ 5:14 Wo 16:16

## II PIERRE

<sup>1</sup> Simon Pierre, yon sèvitè-atache, e apòt a Jésus Kri, a sila ki te resevwa ✧yon lafwa menm jan ak nou yo, pa ✧ladwati Bondye ak Sovè nou an, Jésus Kri: <sup>2</sup> Ke lagras ak lapè vin miltipliye a nou menm nan ✧konesans a Bondye ak Jésus, Senyè nou an, <sup>3</sup> akoz nou wè ke pwisans diven Li an bannou tout bagay ki apatyen a lavi ak sentete, atravè vrè konesans a Li, ki te ✧rele nou pa pwòp glwa ak ekselans Li. <sup>4</sup> Paske pa sila yo, Li te bannou ✧pwomès presye e manyifik Li, pouke nan yo, nou ta kapab vin ✧patisipan nan nati sen an, e chape de koripsyon ki nan mond lan pa konvwatiz lachè a.

<sup>5</sup> Alò, pou rezon sa a tou, aplike tout dilijans. Sou lafwa nou, mete ekselans moral, e nan ekselans moral nou, mete ✧konesans. <sup>6</sup> Mete nan konesans nou, ✧bon kontwòl tèt nou, e nan bon kontwòl tèt nou, mete ✧pèseverans, e nan pèseverans nou, mete sentete. <sup>7</sup> Anplis nan sentete nou, mete bonte fratènèl, e nan ✧bonte fratènèl nou, mete lanmou.

<sup>8</sup> Paske si kalite sa yo nan nou e ap ogmante, yo p ap rann nou ni inital, ni ✧san fwi nan vrè konesans Senyè nou an, Jésus Kri. <sup>9</sup> Paske, sila ki manke kalite sa yo ✧avèg oswa pa wè klè, akoz ke li bliye pirifye li de ansyen peche li yo.

<sup>10</sup> Konsa, frè m yo, se pou nou vin pi dilijan pou fè sèten de ✧chwa ak apèl Li de nou menm nan; paske otan ke n ap pratike bagay sa yo, nou p ap janm glise tonbe. <sup>11</sup> Paske lè nou aji nan fason sa a, antre nan wayòm etènèl Senyè ak Sovè nou an, Jésus Kri, va ✧toujou disponib a nou menm an abondans.

<sup>12</sup> Konsa, mwen va toujou prè pou fè nou sonje bagay sa yo, malgre nou deja konnen yo, e etabli nan ✧verite ki deja la avèk nou an. <sup>13</sup> Epi mwen konsidere li bon, toutotan mwen ap demere nan kay tèrès sila a, pou vire memwa nou pou fè nou sonje, <sup>14</sup> avèk konesans ke moman pou ✧mete akote kay tèrès mwen an toupri kòm osi Jésus Kri te fè m byen konprann nan. <sup>15</sup> Epi mwen va osi fè dilijans pou nenpòt lè m ✧fin ale, nou kapab toujou sonje bagay sa yo.

<sup>16</sup> Paske nou pa t swiv ✧vye listwa koken lè nou te fè nou konnen ✧pwisans ak retou a Senyè nou an, Jésus Kri, men zye nou te temwen majeste Li. <sup>17</sup> Paske, lè Li te resevwa laglwa ak lonè Bondye, Papa a, yon ✧pawòl konsa te fèt a Li pa Laglwa Majeste a: “Sa se Fis byeneme Mwen an; avèk Li, Mwen byen kontan.” <sup>18</sup> Epi nou menm te tande pawòl sa yo, fèt depi nan syèl la, lè nou te avèk Li sou ✧mòn sen an.

<sup>19</sup> Konsa, nou gen pawòl pwofesi yo fèt pi asire. A sila nou dwe prete atansyon an tankou se yon ✧lanp k ap klere yon kote ki fènwa, jiskaske bajou kase e ✧zetwal granmmaten an leve nan kè nou.

<sup>20</sup> Men konnen sa davans, ke ✧nanpwen pwofesi nan lekriti sen an ki sijè a pwòp entèpretasyon prive. <sup>21</sup> Paske ✧okenn pwofesi pa t janm fèt pa volonte a moun, men lèzòm, dirije pa Lespri Sen an ki te pale soti nan Bondye.

✧ 1:1 Wo 1:12 ✧ 1:1 Wo 3:21-26 ✧ 1:2 Jn 17:3 ✧ 1:3 I Tes 2:12 ✧ 1:4 II Pi 3:9,13 ✧ 1:4 I Jn 3:2 ✧ 1:5 Kol 2:3 ✧ 1:6 Trav 24:25 ✧ 1:6 Luc 21:19 ✧ 1:7 Wo 12:10 ✧ 1:8 Kol 1:10 ✧ 1:9 I Jn 2:11 ✧ 1:10 Wo 11:29; I Tes 1:4 ✧ 1:11 Wo 2:4 ✧ 1:12 Kol 1:5 ✧ 1:14 II Tim 4:6; Jn 21:19 ✧ 1:15 Luc 9:31 ✧ 1:16 I Tim 1:4 ✧ 1:16 Mc 13:26 ✧ 1:17 Mat 17:5 ✧ 1:18 Egz 3:5 ✧ 1:19 Sòm 119:105 ✧ 1:19 Rev 22:16 ✧ 1:20 Wo 12:6 ✧ 1:21 Jr 23:26

## 2

<sup>1</sup> Men \*fo pwofèt yo te osi leve pami pèp la. Menmjan an, va gen fo enstriktè pami nou tou, ki va entwodwi an sekre fo doktrin destriktif yo, ki menm nye Mèt la ki te ransonnen yo a, e yo pote destriksyon rapid sou tèt yo. <sup>2</sup> Anpil va swiv \*vi sansyèl yo, e akòz de yo, chemen laverite a va \*meprize. <sup>3</sup> Epi nan \*vorasite yo, yo va eksplwate nou avèk fo pawòl; men jijman a yo menm ki te prepare depi nan tan lontan an p ap mize, e destriksyon yo p ap dòmi. <sup>4</sup> Paske \*si Bondye pa t epagne zanj yo lè yo te peche a, men te voye yo nan labim tenèb ki te rezève pou jijman an; <sup>5</sup> epi pa t epagne \*ansyen mond lan, men te prezève Noé, yon predikatè ladwati, avèk sèt lòt, lè Li te voye yon delij sou mond konwonpi a <sup>6</sup> epi si Li te \*kondane vil Sodome ak Gomorrhe pou destriksyon e te redwi yo an sann, epi te fè yo yon egzanp pou sila ki ta vin mennen yon vi san Bondye pi devan yo; <sup>7</sup> epi si li te \*delivre Lot ki te yon nonm ladwati, oprime pa sansyalite a mesye san prensip yo <sup>8</sup> (paske pa sa ke li te wè e tande \*nonm ladwati sila a, pandan li t ap viv pami yo, te santi nanm dwat li a te toumante jou apre jou pa zèv san fwa ni lwa yo.) <sup>9</sup> \*Alò Senyè a konnen kijan pou Li delivre moun Li yo de tantasyon, e pou kenbe mekan an anba pinisyon pou jou jijman an. <sup>10</sup> Sitou sila ki satisfè lachè a nan dezi konwonpi li yo, e ki \*meprize otorite. Plen kouraj e awogan, yo pa menm tranble lè yo ensilte zanj majeste yo <sup>11</sup> \*malgre zanj ki pi gran an pwisans ak pouvwa yo pa janm pote yon move jijman kont yo devan Senyè a. <sup>12</sup> Men \*sa yo, tankou bèt san rezon, fèt tankou kreyati ki aji san refleksyon, ki fèt pou kapte e touye, ki mal pale kote yo pa gen konesans, va osi detwi nan destriksyon a kreyati sila yo.

<sup>13</sup> Y ap souffri mal kòm salè a mal ke yo fè. Se plezi yo pou \*fè banbòch an plèn joune. Se tach ak salte, k ap fè kè kontan nan desepsyon yo, pandan y ap fete avèk nou. <sup>14</sup> Ak zye plen adiltè ki pa janm sispann fè peche, yo sedwi \*nanm ki pa stab yo. Kè yo ki antrene pou lanvi tout bagay, se pitit madichon yo ye. <sup>15</sup> Nan abandone \*bon chemen an, yo vin egare pou swiv \*chemen Balaam, fis Bosor a, ki te renmen salè inikite yo. <sup>16</sup> Men li te resevwa yon repwòch pou pwòp transgresyon li; paske \*yon bourik bèbè te pale avèk vwa yon moun, e te mete fren a foli a pwofèt la.

<sup>17</sup> Sa yo se \*sous san dlo e nyaj ki pouse pa yon van tanpèt \*pou sila tenèb fènwa fin rezève nèt la. <sup>18</sup> Paske nan pale fò avèk \*awogans ak vanite, yo sedwi pa dezi lachè yo, pa sansyalite, atake sila ki prèske pa gen fòs yo pou chape devan sila ki viv nan erè yo, <sup>19</sup> k ap pwomèt yo libète, pandan yo menm se esklav a koripsyon; paske \*sa ki domine yon moun, fè l vin esklav.

<sup>20</sup> Paske si, apre yo fin chape de tout bagay sal mond sa a pa konesans Senyè ak Sovè a Jésus Kri, yo bwouye ladan yo ankò e vin simonte \*dènye eta yo a vin pi mal pase premye a. <sup>21</sup> \*Paske li ta pi bon pou yo pa t konnen chemen ladwati a, olye yo vin konnen l, pou vire kite kòmandman sen ki te \*livre a yo menm nan. <sup>22</sup> Men sa ki vin rive a yo menm selon vrè pwovèb la: \*"Yon chen retounen a pwòp vomisman l" epi "gwo manman kochon an, lè l fin benye, li retounen woule kò l nan labou a."

\* 2:1 Det 13:1   \* 2:2 Jen 19:5   \* 2:2 Wo 2:24   \* 2:3 I Tim 6:5; Det 32:35   \* 2:4 Jd 1:6  
 \* 2:5 Egz 26:20   \* 2:6 Jen 19:24   \* 2:7 Jen 19:24   \* 2:8 Eb 11:4   \* 2:9 I Kor 10:13   \* 2:10  
 Egz 22:28   \* 2:11 Jd 9   \* 2:12 Jd 10   \* 2:13 Wo 13:13   \* 2:14 Jc 1:8   \* 2:15 Trav 13:10  
 \* 2:15 Nonb 22:5,7   \* 2:16 Nonb 22:21,23,28,30   \* 2:17 Jd 12   \* 2:17 Jd 13   \* 2:18 Jd 16  
 \* 2:19 Jn 8:34   \* 2:20 Mat 12:45   \* 2:21 Éz 18:24   \* 2:21 Jd 3   \* 2:22 Pwov 26:11

### 3

<sup>1</sup> Sa se koulye a, byeneme yo, dezyèm lèt ke m ekri nou an. Ladann mwen ap eseye ✧kiltive nan nou kèk refleksyon serye, pou fè nou sonje, <sup>2</sup> pou nou kab ✧sonje pawòl ki te pale oparavan pa ✧pwofèt sen yo e kòmandman a Senyè ak Sovè a ki te pale pa apot nou yo.

<sup>3</sup> Konnen sa dabò, ke ✧nan dènye jou yo ✧mokè yo va vin moke, sila k ap swiv pwòp dezi lachè yo, <sup>4</sup> epi yo va di: ✧“Kote pwomès ke L ap vini an? Paske depi papa nou yo te vin ✧mouri, tout bagay kontinye jis jan li te ye depi kòmansman kreyasyon an.”

<sup>5</sup> Paske lè yo kalkile konsa a, sa vin chape de remak yo ke selon pawòl a Bondye a, syèl yo te egziste depi lontan e latè te ✧fòme avèk dlo e pa dlo. <sup>6</sup> Pa dlo sa a ✧mond lan te detwi, lè l vin kouvri avèk dlo. <sup>7</sup> Men, pa pawòl Li ✧syèl avèk tè ki la koulye a, ap rezève pou destriksyon avèk ✧dife, yo kenbe pou jou jijman an ak destriksyon moun mechan yo.

<sup>8</sup> Men pa kite sa chape de atansyon nou, byeneme yo, ke avèk Senyè a, yon jou se tankou ✧mil ane, e mil ane se tankou yon jou. <sup>9</sup> ✧Senyè a pa lan sou pwomès Li, jan kèk moun ta konte sa a, men Li pasyan anvè nou, e Li ✧pa vle pou okenn moun ta peri, men pou tout ta vini a larepentans.

<sup>10</sup> Men ✧jou a Senyè a ✧va vini kòm yon vòlè. Konsa syèl la va disparèt avèk yon gwo bwi, eleman yo va detwi avèk yon gwo chalè, e latè ak zèv li yo va vin brile nèt.

<sup>11</sup> Akoz ke tout bagay sa yo dwe detwi nan jan sa a, ki kalite moun nou ta dwe ye selon kondwit ki sen e fidèl? <sup>12</sup> Moun k ap chache toujou pou avanse jou a Bondye, k ap fè ✧syèl yo detwi avèk dife, e tout eleman yo fann avèk gwo chalè a! <sup>13</sup> Men selon ✧pwomès Li, n ap chache ✧syèl ki tounèf yo ak yon tè tounèf, kote ladwati abite.

<sup>14</sup> Konsa, byeneme yo, akoz ke n ap chache bagay sa yo, se pou nou dilijan pou Li jwenn nou anpè ✧san tach e san fot. <sup>15</sup> Konsidere ✧pasyans a Senyè a kòm sali nou; menmjan an osi ak frè byeneme nou an, Paul, te ekri nou, selon sajès ke li te resevwa a, <sup>16</sup> kòm osi nan tout lèt li yo, li te pale ak yo de bagay sa yo. ✧Ladan yo, gen kèk bagay ki difisil pou konprann, ke sila ki san konprann e ki pa stab yo defòme, jan yo te fè osi ak tout lòt Ekriti sen yo, ki va gen kòm rezilta, pwòp destriksyon pa yo.

<sup>17</sup> Konsa, nou menm, byeneme yo, ki konnen sa davans, rete vijilan pou nou pa pote ale pa erè a moun san prensip yo, e tonbe kite pwòp fidelite nou. <sup>18</sup> Men grandi nan lagras ak konesans ✧Senyè ak Sovè nou an, Jésus Kri.

A Li menm, laglwa, menm koulye a, e nan jou letènite a. Amen.

---

✧ 3:1 II Pi 1:13 ✧ 3:2 Jd 17 ✧ 3:2 Luc 1:70 ✧ 3:3 I Tim 4:1 ✧ 3:3 Jd 18 ✧ 3:4 Mal 2:17  
 ✧ 3:4 Trav 7:60 ✧ 3:5 Sòm 24:2 ✧ 3:6 II Pi 2:5; Jen 7:11 ✧ 3:7 II Pi 3:10,12 ✧ 3:7 És 66:15  
 ✧ 3:8 Sòm 90:4 ✧ 3:9 Hab 2:3 ✧ 3:9 I Tim 2:4 ✧ 3:10 I Kor 1:8 ✧ 3:10 I Tes 5:2 ✧ 3:12  
 II Pi 3:7,10 ✧ 3:13 És 65:17 ✧ 3:13 Wo 8:21 ✧ 3:14 Fil 2:15 ✧ 3:15 II Pi 3:9; Trav 15:25  
 ✧ 3:16 Eb 5:11 ✧ 3:18 II Pi 2:2

## I JEAN

<sup>1</sup> Sa ki te ye \*depi kòmansman a, sa ke nou te tande, sa ke nou \*te wè avèk zye nou yo, sa ke nou te byen konnen, epi te manyen avèk men nou yo, konsènan Pawòl Lavi a, <sup>2</sup> Epi \*lavi te vin parèt pou l vizib e nou te wè l epi tande l epi pwoklame a nou menm \*lavi etènèl a ki te avèk Papa la, epi te fè parèt byen klè a nou.

<sup>3</sup> Sa ke nou te wè epi \*tande, nou pwoklame a nou menm osi ke nou kapab genyen \*kominyon avèk nou; epi vrèman, kominyon nou se avèk Papa a, epi avèk Fis Li, Jésus Kri. <sup>4</sup> Epi \*bagay sa yo nou ekri, pou \*lajwa nou kapab vin konplèt.

<sup>5</sup> Epi sa se mesaj la ke nou te tande a Li, epi te anonse a nou menm, ke \*Bondye se limyè, epi nan Li nanpwen tenèb ditou.

<sup>6</sup> \*Epi si nou di ke nou gen kominyon avè Li, men nou mache nan tenèb la, nou \*manti epi pa pratike laverite a. <sup>7</sup> Men si nou \*mache nan limyè la, menm jan ke Li menm se nan limyè a, nou gen kominyon youn avèk lòt, epi san la a Jésus, Fis Li, netwaye nou a tout peche.\*

<sup>8</sup> \*Si nou di ke nou pa gen peche, n ap pase pwòp tèt nou nan desepsyon, epi \*laverite a pa nan nou. <sup>9</sup> \*Si nou konfese peche nou yo, Li se fidèl epi jis pou padonnen nou peche nou yo, epi pou netwaye nou a tout mal.

<sup>10</sup> Epi \*si nou di ke nou pa peche, nou \*fè Li menm yon mantè, epi pawòl Li pa nan nou.

## 2

<sup>1</sup> Pitit mwen yo, m ap ekri nou bagay sa yo pou nou pa peche. Epi si nenpòt peche \*nou gen yon avoka avèk Papa la, Jésus Kri sila ki dwat. <sup>2</sup> Epi se Li menm ki sakrifis ekspiyatwa la pou peche nou yo; epi non sèlman pou nou, men \*pou tout lemonn lan.

<sup>3</sup> Epi se konsa nou konnen ke nou gen tan konnen Li, si nou \*kenbe kòmmandman Li yo. <sup>4</sup> Sila ki di “Mwen gen tan konnen Li, men pa kenbe kòmmandman Li yo, se yon \*mantè, epi \*laverite a pa nan li. <sup>5</sup> Men nenpòt ki \*kenbe pawòl Li, nan li \*lamou Bondye a vrèman gen tan vin konplete. Men ki jan nou konnen ke nou se nan li.

<sup>6</sup> Sila ki di ke l ap \*reste nan Li ta dwe, li menm, mache menm jan ke Li te mache.

<sup>7</sup> Byeneme yo, mwen p ap ekri yon kòmmandman nèf a nou, men yon ansyen kòmmandman ke nou te gen \*depi kòmansman a; lansyen kòmmandman a se pawòl a ke nou te tande. <sup>8</sup> Sou lòt men, m ap ekri nou yon kòmmandman nèf, ki se vrè nan Li, epi nan nou, paske \*tenèb la ap pase, epi vrè limyè la ap briye deja. <sup>9</sup> Sila ki di ke li nan limyè la, men \*rayi frè l se nan tenèb la jiska prezan. <sup>10</sup> \*Sila ki renmen frè li se nan limyè la, epi pa gen kòz pou chite tonbe nan li. <sup>11</sup> Men sila ki rayi frè li se nan tenèb la, epi pa konnen kote l ap w ale, paske tenèb la \*gen fè l avèg.

\* 1:1 Jn 1:1 \* 1:1 II Pi 1:16 \* 1:2 Jn 1:4 \* 1:2 Jn 10:28 \* 1:3 Trav 4:20 \* 1:3 Jn 17:3,21  
 \* 1:4 I Jn 2:1 \* 1:4 Jn 3:29 \* 1:5 I Tim 6:16 \* 1:6 Jn 8:12 \* 1:6 I Jn 2:4 \* 1:7 Esd 2:5  
 \* 1:7 I Tim 6:16 \* 1:8 Job 15:14 \* 1:8 Jn 8:44 \* 1:9 Sòm 32:5 \* 1:10 Job 15:14 \* 1:10  
 I Jn 5:10 \* 2:1 Wo 8:34; Jn 14:16 \* 2:2 Jn 4:42 \* 2:3 Jn 14:15 \* 2:4 I Jn 1:6 \* 2:4 I Jn  
 1:8 \* 2:5 Jn 14:23 \* 2:5 I Jn 4:12 \* 2:6 Jn 15:4 \* 2:7 I Jn 2:24 \* 2:8 Wo 13:12; Jn 1:9  
 \* 2:9 I Jn 2:11 \* 2:10 Jn 11:9 \* 2:11 II Kor 4:4

<sup>12</sup> M ap ekri nou, ti moun yo, paske ✨peche nou yo gen tan padonnen pou kòz a non Li. <sup>13</sup> M ap ekri nou, papa yo, paske nou konnen Li ki te la depi kòmansman a. M ap ekri nou jenn nonm yo, paske ✨nou te vin gen viktwa la sou sila ki mechan. Mwen te ekri nou ti moun yo, paske nou konnen Papa a. <sup>14</sup> Mwen te ekri nou, papa yo, paske nou konnen Li ✨ki te lan depi kòmansman a. Mwen te ekri nou jenn nonm yo paske nou ✨gen fòs, epi pawòl Bondye a reste nan nou, epi nou te vin gen viktwa sou sila ki mechan.

<sup>15</sup> Pa renmen lemond an, ni bagay yo ki nan lemond an. ✨Si nenpòt renmen lemond, lamou Papa a pa reste nan li. <sup>16</sup> Paske tout sa ki nan lemond ✨lanvi lachè a, lanvi nan zye yo, ak lògey lavi la pa sòti nan Papa a, men nan lemond sa. <sup>17</sup> ✨Epi lemond an disparèt avèk tout lavi li yo; men sila ki fè volonte a Bondye ap viv jis pou janmen.

<sup>18</sup> Pitit yo, se dènye lè; epi menm jan ke nou te tande ke ✨antikris la ap vini ✨menm koulye a anpil antikris yo gen tan leve; pou sa, nou konnen ke se dènye lè. <sup>19</sup> ✨Yo te sòti pami nou, men yo pa t vrèman nan nou; paske si yo te nan nou, yo t ap rete avèk nou, men yo te sòti jis pou li ta kapab vin klè ke yo pa nan nou.

<sup>20</sup> Men nou menm gen lonksyon lan ki sòti nan ✨Sila ki Sen a, epi nou tout konnen sa. <sup>21</sup> Mwen pa t ekri nou akòz nou pa konnen verite a, men ✨paske nou konnen li, epi akòz ke okenn manti pa janm ✨sòti nan laverite a. <sup>22</sup> Kelès k ap manti, sòf ke ✨li menm ki demanti ke Jésus se Kris la. Sila se antikris la, sila ki refize Papa a ansanm ak Fis la. <sup>23</sup> ✨Sila ki demanti Fis la pa gen Papa a; sila ki konfese Fis la, anplis, gen Papa a.

<sup>24</sup> Pou nou menm, kite sa demere nan nou ke nou te tande depi kòmansman a. Si sa nou te tande depi kòmansman a demere nan nou, nou ✨va osi reste nan Fis la, ak Papa la. <sup>25</sup> Epi ✨sa se pwomès la ke Li menm te fè nou; lavi etènèl.

<sup>26</sup> Bagay sa yo mwen te ekri nou konsènan sa yo ki ta eseye ✨pase nou nan desepsyon. <sup>27</sup> Epi pou nou menm, lonksyon ke nou te resevwa a Li demere nan nou, epi nou pa gen bezwen pou pèsòn enstwi nou; men lonksyon Li ✨enstwi nou nan tout bagay. ✨Li se verite, epi pa janm nan manti, menm jan ke li te enstwi nou, demere nan Li. <sup>28</sup> Epi koulye a, ti moun yo, reste nan Li, jis pou lè L ✨vin parèt, nou kapab gen konfyans epi pa vin piti ak wont lè Li vini. <sup>29</sup> Si nou konnen ke ✨Li dwat nèt, nou konnen osi ke tout moun ki pratike ladwati a se ne a Li.

### 3

<sup>1</sup> Gade ✨ki grand amou Papa a te bay nou ke nou ta vin rele ✨ti moun yo a Bondye; epi se sa nou ye. Pou rezon sa lemond pa rekonèt nou, paske li pa t rekonèt Li.

<sup>2</sup> Alò, chè zanmi yo, nou se ti moun a Bondye, epi li poko fin devwale ki sa n ap ye. Nou konnen ke ✨lè Li parèt nou va tankou Li, paske nou va ✨wè Li menm jan ke Li ye. <sup>3</sup> Epi tout moun ki gen ✨espwa sa sou Li, vin pi li menm, menm jan ak Li.

✨ 2:12 Trav 13:38 ✨ 2:13 Jn 16:33 ✨ 2:14 I Jn 1:1 ✨ 2:14 Ef 6:10 ✨ 2:15 Jc 4:4 ✨ 2:16 Wo 13:14 ✨ 2:17 I Kor 7:31 ✨ 2:18 Mat 24:5,24 ✨ 2:18 Mc 13:22 ✨ 2:19 Trav 20:30 ✨ 2:20 Mc 1:24 ✨ 2:21 Jc 1:19 ✨ 2:21 Jn 8:44 ✨ 2:22 I Jn 4:3 ✨ 2:23 Jn 8:19 ✨ 2:24 Jn 14:23 ✨ 2:25 Jn 3:15 ✨ 2:26 I Jn 3:7 ✨ 2:27 Jn 14:26 ✨ 2:27 Jn 14:17 ✨ 2:28 I Jn 3:2; Mc 8:38 ✨ 2:29 Jn 7:18 ✨ 3:1 Jn 3:16 ✨ 3:1 Jn 1:12 ✨ 3:2 Wo 8:29 ✨ 3:2 Jn 17:24 ✨ 3:3 Wo 15:12



<sup>4</sup> Epi tout moun ki pratike peche, transgrese lalwa; ✧peche a se transgresyon lalwa. <sup>5</sup> Epi nou konnen ke Li te parèt pou Li ta kapab ✧retire peche yo; epi ✧nan Li pa gen peche. <sup>6</sup> Okenn moun ki rete nan Li ✧fè peche; men okenn ki viv nan peche te wè Li, ni yo pa konnen Li.

<sup>7</sup> Ti moun yo, pa kite pèsòn ✧tronpe nou; ✧sila ki pratike ladwati a se jis, menm jan ke Li jis. <sup>8</sup> Men sila ki pratike peche se ✧a dyab la; paske dyab la te peche depi kòmansman a. Fis la a Bondye te parèt pou rezon sila, ke Li ta kapab detwi zèv yo a dyab la.

<sup>9</sup> Nanpwen pèsòn ki ✧ne a Bondye ki pratike peche paske jèm Li tou rete nan li; epi li pa kapab peche, paske li ne a Bondye. <sup>10</sup> Selon sa ✧pitit yo a Bondye, ak pitit yo a dyab la se byen klè; nenpòt ki pa pratike ladwati a pa a Bondye, ni sila ki pa renmen ✧frè li.

<sup>11</sup> Paske sa se mesaj la ke nou te tande depi kòmansman a ✧ke nou dwe renmen yon a lòt; <sup>12</sup> Pa kon ✧Caïn, ki te apatyen a ✧mechan la, epi te asainen frè l. Epi poukisa li te asainen li? Paske zèv li te mal, epi sa yo a frè l te jis.

<sup>13</sup> Pa etonnen, frè yo, si ✧lemonn rayi nou.

<sup>14</sup> Nou konnen ke nou ✧kite lanmò, epi antre nan lavi akòz ke nou renmen frè nou yo. Sila ki pa renmen, rete nan lanmò.

<sup>15</sup> Nenpòt ki ✧rayi frè l se yon asasen; epi nou konnen ke nanpwen asasen ki gen lavi etènèl a anndan li.

<sup>16</sup> Men konsa nou rekonèt lamou; ke ✧Li te bay vi Li pou nou; epi nou ta dwe bay vi nou yo pou frè nou yo. <sup>17</sup> Men ✧nenpòt ki gen byen yo a lemond sa, epi wè frè li nan bezwen, epi ✧sere kè l kontre li; ki jan lamou Bondye kapab rete nan li? <sup>18</sup> Ti moun yo, pa kite nou renmen avèk pawòl, ni avèk lang, men nan zèv epi nan ✧verite.

<sup>19</sup> Nou va rekonèt konsa ke nou se ✧nan laverite, epi va gen asirans nan kè nou devan Li; <sup>20</sup> Paske si kè nou kondannen nou, Bondye se bokou pi gran ke kè nou, epi Li konnen tout bagay.

<sup>21</sup> Byeneme yo, si kè nou pa kondannen nou, nou gen ✧konfyans devan Bondye; <sup>22</sup> epi nenpòt ke nou mande, nou va resevwa de Li, paske nou ✧kenbe kòmmandman Li yo, epi fè ✧bagay yo ki fè plezi devan zye Li yo.

<sup>23</sup> Epi sa se kòmmandman Li, ke nou ✧kwè nan ✧non lan a Fis Li, Jésus Kri, epi renmen yon ak lòt, kon Li te kòmmande nou.

<sup>24</sup> Sila a ki ✧kenbe kòmmandman Li yo, rete nan Li, epi Li rete nan li menm. Nou konnen konsa ke ✧Li rete nan nou; akòz Li te bay nou Lespri Li.

## 4

<sup>1</sup> Byeneme yo, pa kwè tout ✧lespri yo, men sonde yo pou wè si yo sòti nan Bondye; paske anpil fo pwofèt yo gen tan antre nan lemond.

<sup>2</sup> Selon sa nou rekonèt Lespri Bondye a: ✧chak lespri ki ✧konfese ke Jésus Kri te vini nan lachè a sòti nan Bondye: <sup>3</sup> Epi chak lespri ki ✧pa konfese Jésus, pa sòti nan Bondye; sila se lespri antikris la, sou kilès nou te tande ke l ap vini, epi ✧koulye a se deja nan lemond lan.

✧ 3:4 Wo 4:15 ✧ 3:5 Jn 1:29 ✧ 3:5 II Kor 5:21 ✧ 3:6 I Jn 3:9 ✧ 3:7 I Jn 2:26 ✧ 3:7 I Jn 2:29 ✧ 3:8 Jn 8:44 ✧ 3:9 Jn 1:13 ✧ 3:10 Jn 1:12 ✧ 3:10 I Jn 2:9 ✧ 3:11 Jn 15:12 ✧ 3:12 Jen 4:8 ✧ 3:12 I Jn 2:13 ✧ 3:13 Jn 15:18 ✧ 3:14 Jn 5:24 ✧ 3:15 Mat 5:21 ✧ 3:16 Jn 10:11 ✧ 3:17 Jc 2:15 ✧ 3:17 Det 15:7 ✧ 3:18 II Jn 1 ✧ 3:19 I Jn 2:21 ✧ 3:21 I Jn 2:28 ✧ 3:22 I Jn 2:3 ✧ 3:22 Jn 8:29 ✧ 3:23 Jn 6:29 ✧ 3:23 Jn 1:12 ✧ 3:24 I Jn 2:3 ✧ 3:24 I Jn 2:5 ✧ 4:1 Jr 29:8 ✧ 4:2 I Kor 12:3 ✧ 4:2 I Jn 2:23 ✧ 4:3 I Jn 2:22 ✧ 4:3 II Tes 2:3-7

<sup>4</sup> Ti moun yo, nou se a Bondye, epi te vankre fò lespri sa yo, paske pi gran se Li ki nan nou, pase li ki nan lemond an. <sup>5</sup> Yo sòti nan lemond an; akòz sa yo pale tankou lemond an, epi lemond an koute yo.

<sup>6</sup> Nou se a Bondye: li ki konnen Bondye va koute nou; li ki pa a Bondye p ap koute nou. Pa sa a nou konnen Lespri verite a ak Lespri la a sa ki fo.

<sup>7</sup> Byeneme yo, kite nou renmen yon a lòt, paske lamou se ne a Bondye epi konnen Bondye. <sup>8</sup> Sila ki pa gen lamou, pa konnen Bondye, paske Bondye se lamou.

<sup>9</sup> Se konsa lamou Bondye te vin parèt nan nou; ke Bondye te voye sèl Fis inik Li nan lemond an pou nou ta kapab viv nan Li.

<sup>10</sup> Nan sa se lamou; pa ke nou te renmen Bondye, men ke Li te renmen nou, epi te voye Fis Li kon sakrifis pwopiyatwa (sèl sakrifis la ki te akseptab pou peche nou yo).

<sup>11</sup> Byeneme yo, si Bondye te renmen nou nou osi dwe renmen yon a lòt.

<sup>12</sup> Pèsòn pa janm wè Bondye nan okenn tan; si nou gen lamou youn pou lòt, Bondye rete nan nou, epi lamou Li vin konplete nan nou.

<sup>13</sup> Se konsa nou konnen ke nou rete nan Li epi Li nan nou, paske Li te bay nou Lespri Li.

<sup>14</sup> Epi nou gen tan wè epi fè temwen ke Papa a te voye Fis la kòm Sovè lemond an. <sup>15</sup> Nenpòt ki konfese ke Jèsus se Fis Bondye a, Bondye rete nan li, epi li nan Bondye. <sup>16</sup> Epi nou vin konnen epi gen tan kwè lamou ke Bondye gen pou nou.

Bondye se lamou, epi sila ki rete nan lamou, rete nan Bondye epi Bondye rete nan li. <sup>17</sup> Se konsa, lamou vin pèfekte avèk nou, pou nou kapab gen konfyans nan jou jijman a; akòz ke menm jan Li ye, nou menm tou se konsa nou ye nan lemond sa.

<sup>18</sup> Pa gen lakrent nan lamou; men lamou pafè va mete lakrent deyò, paske lakrent gen pinisyon, men sila ki gen perèz pa pèfekte nan lamou.

<sup>19</sup> Nou renmen, paske premyèman Li te renmen nou.

<sup>20</sup> Si yon moun di ke li renmen Bondye, men li rayi frè l, li se yon mantè, paske yon moun ki pa renmen frè l ke li kapab wè, pa kapab renmen Bondye ke li pa janm wè. <sup>21</sup> Epi kòmandman sa nou gen de Li, ke sila ki renmen Bondye, dwe renmen frè li tou.

## 5

<sup>1</sup> Nenpòt ki kwè ke Jèsus se Kris la, se ne a Bondye; epi nenpòt ki renmen Papa a, renmen sila ki ne de Li.

<sup>2</sup> Men konsa nou konnen ke nou renmen Pitit yo a Bondye, lè nou renmen Bondye, epi obeyi kòmandman Li yo. <sup>3</sup> Paske se sa ki lamou pou Bondye, ke nou kenbe kòmandman Li yo; epi kòmandman Li yo pa di.

<sup>4</sup> Paske nenpòt ki ne a Bondye ap vankre lemond an; epi sa se vikwa la ki vankre lemond an—lafwa nou. <sup>5</sup> Epi kilès sila ki vankre lemond an, sòf ke li ki kwè ke Jèsus se Fis la a Bondye?

<sup>6</sup> Se Sila ki vini pa dlo ak san, Jèsus Kri; pa sèlman avèk dlo, men avèk dlo epi san. Se Lespri la ki pote temwen, akòz se Lespri a ki se verite.

<sup>7</sup> Paske gen twa ki bay temwen; <sup>8</sup> Lespri la, dlo la, ak san an; epi tout nan

☆ 4:4 I Jn 2:13 ☆ 4:4 Jn 12:31 ☆ 4:5 Jn 15:19 ☆ 4:7 I Jn 3:11 ☆ 4:8 Jn 4:7,16 ☆ 4:9 Jn 3:16 ☆ 4:10 Wo 5:8,10 ☆ 4:11 I Jn 4:7 ☆ 4:12 Jn 1:18 ☆ 4:13 Wo 8:9 ☆ 4:14 Jn 3:17 ☆ 4:16 Jn 6:69 ☆ 4:16 I Jn 4:7,8 ☆ 4:17 I Jn 2:28 ☆ 4:17 Mat 10:15 ☆ 4:18 Wo 8:15 ☆ 4:19 I Jn 4:10 ☆ 4:20 I Jn 2:9,11 ☆ 4:21 Lev 19:18 ☆ 5:2 I Jn 3:14 ☆ 5:3 Jn 14:15 ☆ 5:4 I Jn 2:13 ☆ 5:5 I Jn 4:15 ☆ 5:7 Mat 18:16

twa sa yo se an akò youn ak lòt.

<sup>9</sup> ✧ Si nou resevwa temwen lan a lòm, temwen Bondye a se pi gran; paske temwen Bondye a se konsa; ke Li te pote temwen konsènan Fis Li.

<sup>10</sup> Sila ki kwè nan Fis a Lòm nan ✧ gen temwen nan li menm; men sila ki pa kwè Bondye te fè L yon mantè, akoz ke li pa kwè nan temwen lan ke Bondye pote konsènan Fis Li.

<sup>11</sup> Epi temwen se sa, ke Bondye te bay nou ✧ lavi etènèl a, epi ✧ lavi sila se nan Fis Li. <sup>12</sup> ✧ Li ki gen Fis la, gen lavi; li ki pa gen Fis la a Bondye pa gen lavi.

<sup>13</sup> ✧ Bagay sa yo mwen ekri a nou ki ✧ kwè nan non lan a Fis Bondye a, pou nou kapab konnen ke nou gen lavi etènèl, e ke nou kapab kontinye kwe nan Fis Bondye a.

<sup>14</sup> Epi sa se ✧ konfyans ke nou gen devan Li; ke si nou mande nenpòt bagay selon volonte L, Li tande nou. <sup>15</sup> Epi si nou konnen ke Li tande nou nan nenpòt sa nou mande, nou konnen ke nou resevwa sa ke nou te mande de Li.

<sup>16</sup> Si nenpòt wè frè l ap fè yon peche ki pa mennen a lanmò ✧ li va mande, epi Bondye va pou li menm, bay lavi a sa yo ki fè peche ki pa mennen a lanmò. Genyen yon peche ki mennen a lanmò; ✧ Mwen pa di ke li dwe fè demann pou sila. <sup>17</sup> ✧ Tout inikite se peche, epi gen yon peche ki pa mennen a lanmò.

<sup>18</sup> Nou konnen ke ✧ okenn ki ne a Bondye fè peche; men Li ki te ne a Bondye kenbe li menm, epi ✧ mechan lan p ap touche li.

<sup>19</sup> Nou konnen ke ✧ nou menm se a Bondye, epi tout lemond an rete nan pwisans lan a mechan an.

<sup>20</sup> Epi nou konnen ke Fis Bondye a gen tan vini, e te ✧ bay nou konprann pou nou ta kapab konnen Li ki se vrè, epi nou se nan Li ki se vrè, nan Fis Li, Jésus Kri. Sa se vrè Bondye a epi lavi etènèl a.

<sup>21</sup> Ti moun yo, veye nou kontra ✧ zidòl yo.

## DEZYÈM LÈT JEAN

<sup>1</sup> Ansyen an k ap ekri madanm chwazi a, ansanm ak pitit li yo, ke mwen renmen anverite; e se pa mwen sèlman, men tout sila ki ✨konnen laverite yo, <sup>2</sup> pou koz a laverite a, ki rete nan nou, e ki va ✨avèk nou jis pou tout tan: <sup>3</sup> ✨Lagras, mizerikòd, ak lapè va avèk nou, ki sòti nan Bondye, Papa a, ak Jésus Kri, Fis a Papa a, nan verite, ak nan lamou.

<sup>4</sup> ✨Mwen te tèlman kontan pou twouve kèk nan timoun ou yo ki t ap mache nan laverite a, jis jan ke Papa a te kòmande nou fè a.

<sup>5</sup> Epi koulye a mwen mande ou, madanm, ✨pa tankou mwen t ap ekri yon kòmandman tounèf, men menm sila ke nou te gen depi nan kòmansman an, pou nou renmen youn lòt. <sup>6</sup> Epi ✨sa se lanmou, pou nou mache selon kòmandman Li yo. Sa se kòmandman an, jis jan ke ou te tande li ✨depi nan kòmansman an, pou ou ta mache nan li.

<sup>7</sup> Paske ✨anpil sediktè ✨gen tan antre nan mond lan, sa yo ki pa rekonèt ke Jésus Kri te vini nan lachè a. Sila a se sediktè a, ak antikris la.

<sup>8</sup> Veye nou menm ✨pou nou pa pèdi sa ke nou gen tan fin reyalize a, men pou nou resevwa tout rekonpans lan.

<sup>9</sup> Nenpòt moun ki fin ale byen lwen e ki ✨pa kontinye nan doktrin Kris la, pa gen Bondye; sila ki rete nan doktrin nan, li gen ni Papa a, ni Fis la.

<sup>10</sup> Si nenpòt moun vini a nou, li pa pote doktrin sila a, ✨pa resevwa li nan kay nou, e pa menm salye li: <sup>11</sup> paske sila ki salye li a ✨patisipe nan zak malveyan li yo.

<sup>12</sup> ✨Malgre ke mwen gen anpil bagay pou m ta ekri nou, mwen pa vle fè sa avèk papyè ak lank; men mwen espere ke m va vini a nou menm pou nou pale fasafas, jis pou jwa nou kapab vin akonpli.

<sup>13</sup> Pitit a ✨sè chwazi a salye nou.

## III JEAN

<sup>1</sup> Lansyen lan k ap ekri a byeneme a, Gaiüs, ke mwen ✧renmen an verite.

<sup>2</sup> Byeneme a, mwen priye nan tout aspe ke afè ou mache byen, epi ke ou toujou an bon sante, menm jan ke nanm ou se an bon sante. <sup>3</sup> Paske mwen te ✧tèlman kontan lè frè yo te vin pote temwen a verite pa w sa vle di ki jan ou mache nan laverite a. <sup>4</sup> ✧Mwen pa gen pi gran jwa ke sa, pou tande koze a pitit mwen yo k ap mache nan laverite a.

<sup>5</sup> Byeneme, ou ap aji fidèlman nan tout sa ou achevi pou frè yo, soutou lè se ✧moun ou pa rekonèt yo ye; <sup>6</sup> epi yo pote temwen amou ou devan legliz la; epi ou va fè byen pou voye yo sou wout yo nan yon jan ✧ki gen merit devan Bondye. <sup>7</sup> Paske yo te sòti pou kòz a ✧Non lan, san aksepte anyen nan men etranje yo. <sup>8</sup> Konsa, nou ta dwe bay soutyen a moun yo tankou sa yo, ke nou ta kapab ouvriye pare a yo nan laverite a.

<sup>9</sup> Mwen te ekri yon bagay a legliz la; men Diotrèphe ✧ki renmen premye pami tout, pa aksepte sa nou te pale.

<sup>10</sup> Pou rezon sa, mwen va atire atansyon a zak sa yo ke li fè, lè l akize nou san jistis avèk pawòl yo ki mechan; epi pa menm satisfè avèk sa ✧li vin refize resevwa frè yo, epi li refize sa yo ki ta vle fè sa, epi ✧mete yo deyò legliz la.

<sup>11</sup> Zanmi mwen yo ✧pa imite sa ki mechan, men sa ki bon. Sila ki fè byen se a Bondye; sa ki fè mal pa janm te wè Bondye.

<sup>12</sup> Démétrius te resevwa yon bon temwen a tout moun, epi osi selon menm laverite a; epi nou mete temwen nou sou sa, epi ✧ou konnen ke temwen nou se vrè.

<sup>13</sup> ✧Mwen te gen anpil bagay yo pou ekri nou, men mwen pa vle ekri yo avèk plim ak lank; <sup>14</sup> Men ✧mwen espere ke mwen va wè nou toutalè, epi nou va pale fas a fas.

<sup>15</sup> Lapè swat avèk nou. Zanmi yo salye nou. Salye zanmi yo pa pwòp non yo.

## JUDE

<sup>1</sup> Jude, yon sèvitè-dedike a Jésus Kri, epi frè la a Jacques, ekri a ✨sa yo ki te rele, byeneme nan Bondye, Papa a, epi ki ✨konsève pou Jésus Kri.

<sup>2</sup> Ke mizerikòd la, lapè, ak lamou kapab ✨ogmante anvè nou.

<sup>3</sup> Byeneme yo, pandan mwen t ap fè tout efò pou ekri nou selon delivrans ke nou pataje ansanm, mwen te sanse ke m te bezwen ekri nou epi plede avèk nou ke nou ✨lite fò pou ✨lafwa ki te delivre yon fwa pou tout a sen yo. <sup>4</sup> Paske gen sèten moun yo ki te glise antre nan mitan nou san ke nou pa wè, sa yo ki te ✨fin make pou kondanasyon sila depi avan lè; moun san Bondye ki ta vire lagras Bondye nou pou vini yon lisans pou fè sa ki mal, epi ✨rejete sèl Mèt ak Senyè nou, Jésus Kri.

<sup>5</sup> Koulye a, mwen vle fè nou sonje, malgre ke nou deja konnen tout bagay yo nèt, ke Senyè a ✨apre Li te delivre yon pèp sòti nan Égypte, apre te detwi tout sa yo ki pa t kwè. <sup>6</sup> Epi ✨zanj yo ki pa t kenbe pwòp wòl yo, men te abandonnen pwòp plas yo, Li te kenbe byen ✨anchennen anba tenèb la, pou jijman a nan gran jou a. <sup>7</sup> Menm jan ke Sodome ak Gomorrhe ansanm ak vil yo ki te antoure yo, akòz ke yo fè menm bagay, epi te antre nan imoralite a byen lèd, epi t ap chache vis lachè yo ki pa t menm twouve nan nati, se prezante kon yon egzanp ✨pa pase nan pinisyon dife etènèl a.

<sup>8</sup> Malgre sa, nonm sa yo fè menm bagay la; osi pa rèv ke yo fè, yo ✨defile lachè a, rejete otorite a, epi meprize zanj majestik yo. <sup>9</sup> Men ✨lakanj Michel, lè li te dispite avèk dyab la, epi te despote sou kò Moise la, pa t menm tante pwononce yon jijman cho, men te di ✨“Ke Bondye bay ou repwòch.”

<sup>10</sup> Men ✨moun sa yo meprize sa ke yo pa menm konprann; epi bagay yo ke yo konnen pa lensten, kon bèt ki pa ka menm rezonen, epi pa bagay sa yo, yo vin detwi.

<sup>11</sup> Malè a yo! Paske yo ale ✨menm jan avèk Caïn, epi pou yon salè yo te kouri tèt an avan nan erè Balaam nan, epi te ✨peri nan rebelyon Kore la.

<sup>12</sup> Men moun sa yo se resif yo k ap kashe ✨nan fèt lamou sen nou yo, lè yo vin fète avèk nou san fè lakrent; konsènan sèlman ak pwòp tèt pa yo. Yo se ✨nwaj yo ki san dlo, pote pa van a, bwa sezon fwèt la san fwi, de fwa mò, dechouke menm; <sup>13</sup> ✨volas lanmè sovaj yo, k ap kimen nan pwòp wont yo tout kalite lenpirite yo; zetwal erann ✨pou kilès tenèb nwa la te rezève jis pou janmen.

<sup>14</sup> Epi selon sa yo tou ✨Énoch nan setyèm jenerasyon Adam, te fè pwofesi e te di “Byen gade, Senyè a te vini avèk anpil milye yo a moun sen pa Li yo, <sup>15</sup> pou egzekite jijman sou tout, epi pou fè rann kont a tout enkwayan yo avèk zak inspir pa yo, ke yo t ap fè nan yon jan ki san respè Bondye, epi tout move bagay ke ✨pechè yo san fwa te pale kontra Li.

<sup>16</sup> Sa yo se ✨moun k ap plenyen fò nan gòj, k ap toujou twouve fòt, epi k ap swiv pwòp lanvi lachè pa yo; yo pale ✨avèk awogans, flatè moun, pou yo kapab gen youn avantaj.

✨ 1:1 Wo 1:6 ✨ 1:1 Jn 17:11 ✨ 1:2 I Pi 1:2 ✨ 1:3 I Tim 6:12 ✨ 1:3 Trav 6:7 ✨ 1:4 I Pi 2:8 ✨ 1:4 I Tim 2:12 ✨ 1:5 Egz 12:51 ✨ 1:6 II Pi 2:4 ✨ 1:6 II Pi 2:9 ✨ 1:7 Mat 25:41 ✨ 1:8 II Pi 2:10 ✨ 1:9 II Pi 2:11 ✨ 1:9 Za 3:2 ✨ 1:10 II Pi 2:12 ✨ 1:11 Jen 4:3-8 ✨ 1:11 Nonb 16:1-3,31-35 ✨ 1:12 I Kor 11:20 ✨ 1:12 Pwov 25:14 ✨ 1:13 És 57:20 ✨ 1:13 II Pi 2:17 ✨ 1:14 Jen 5:18,21 ✨ 1:15 I Tim 1:9 ✨ 1:16 Nonb 16:11,41 ✨ 1:16 II Pi 2:18

<sup>17</sup> Men nou, byeneme yo ✨dwe sonje pawòl yo ki te pale oparavan pa apot yo a Senyè nou Jésus Kri <sup>18</sup> ke yo t ap di a nou ke ✨“Nan dènye tan, ap gen mokè yo, k ap swiv pwòp lanvi pa yo san fwa nan Bondye.” <sup>19</sup> Se sa yo ki lakòz a divizyon yo, moun ✨k ap reflechi kon lemonn lan, ki san Lespri la.

<sup>20</sup> Men nou, byeneme yo ✨an nou bati sou lafwa ki sen pase tout; epi priye nan Lespri Sen a; <sup>21</sup> Kenbe nou menm nan lamou Bondye, epi toujou ✨tan swayezman pou mizerikòd la a Senyè nou Jésus Kri anvè lavi etènèl.

<sup>22</sup> Epi fè mizerikòd sou kèk k ap doute; <sup>23</sup> Sove lòt. ✨Rachte yo menm nan dife a; epi sou kèk fè mizerikòd avèk lakrent epi ✨rayi menm rad la ki te salè pa lachè.

<sup>24</sup> Koulye a, a Li ki kapab kenbe nou pou nou pa tonbe, epi ✨fè nou kanpe nan prezans laglwa Li san fòt avèk gran jwa <sup>25</sup> a ✨sèl Bondye la Sovè nou, atrave Jésus Kri Senyè nou, se laglwa, majeste, pwisans, ak otorite, menm avan tout tan, rive Koulye a, epi jis pou janmen. Amen.

## REVELASYON

<sup>1</sup> Revelasyon a Jésus Kri, ke ✨Bondye te bay Li pou ✨montre a sèvitè-atache Li yo; bagay ki t ap oblije rive avan lontan yo, ke Li te voye kominike pa zanj Li, a sèvitè Li, Jean, <sup>2</sup> ki te temwaye ✨pawòl Bondye a ak temwayaj Jésus Kri a, menm a tout sa li te wè yo.

<sup>3</sup> ✨Beni se sila ki li e sila ki tandè pawòl a pwofesi sila yo, e ki prete atansyon a bagay ki ekri ladann yo; ✨paske tan an pwòch.

<sup>4</sup> Jean, a sèt legliz ki an ✨Asie yo; Gras pou nou ak lapè, ki soti nan ✨Sila ki la, ki te la, e ki va vini an; ki soti nan sèt lespri ki devan twòn Li an; <sup>5</sup> e ki soti nan Jésus Kri, ✨temwen fidèl la, ✨premye ne de lanmò a, e chèf a wa latè yo.

A Sila ki renmen nou an, ki te libere nou de peche nou yo pa san Li. <sup>6</sup> Epi Li te fè nou vin yon ✨Wayòm, prèt a ✨Bondye e Papa Li a; a Li menm laglwa, ak règn pou tout tan e pou tout tan. Amen.

<sup>7</sup> ✨Gade byen, l ap vini avèk nwaj yo, e tout zye va wè L, menm sila ki te pèse L yo; epi tout tribi sou latè yo va fè gwo lamantasyon sou Li. Se konsa l ap fèt. Amen.

<sup>8</sup> **“Mwen se ✨Alfa a e Omega a,”** di Senyè Bondye a: **“Sila ki la, ki te la, e ki va vini an, Toupwisan an.”**

<sup>9</sup> Mwen, Jean, frè nou, ki ✨patisipe avèk nou nan tribilasyon, wayòm, ak ✨pèseverans ki nan Jésus a, te sou lil ki rele Patmos la, akòz pawòl a Bondye ak temwayaj a Jésus a.

<sup>10</sup> Mwen te ✨nan Lespri a nan jou Senyè a, e mwen te tandè dèyè m yon gwo vwa ✨tankou son a yon twonpèt. <sup>11</sup> Ki t ap di: ✨**“Ekri nan yon liv sa ou wè a, e voye l nan sèt legliz yo; nan Éphèse, Smyrne, Pergame, Thyatire, Sardes, Philadelphie ak Laodicée.”**

<sup>12</sup> Alò, mwen te vire pou wè vwa ki t ap pale avè m nan. Epi nan vire, mwen te wè ✨sèt chandelye ki fèt an lò; <sup>13</sup> Nan mitan chandelye yo, mwen te wè yon moun tankou yon fis a lòm, abiye nan yon wòb ki rive jis nan pye, e mare lestonmak li ak yon sentiwon an lò. <sup>14</sup> Tèt Li ak cheve Li te blan tankou lèn blanch, tankou lanèj; e ✨zye li te tankou yon flanm dife. <sup>15</sup> ✨Pye Li te tankou bwonz cho lè l chofe nan fou, epi vwa l te tankou bri a anpil dlo. <sup>16</sup> Nan men dwat Li, Li te kenbe sèt etwal. Yon ✨nepe file de bò te sòti nan bouch Li; epi ✨figi Li te tankou solèy k ap briye nan pwisans li.

<sup>17</sup> Lè m te wè Li, mwen te ✨tonbe nan pye Li tankou yon moun mouri. Epi Li te poze men dwat Li sou mwen, e t ap di: **“Pa pè; Mwen se ✨premye ak dènye a, <sup>18</sup> e ✨Sila ki vivan an. ✨Mwen te mouri, e gade, Mwen ap viv pou tout tan. Amen. Mwen gen kle lanmò ak sejou lanmò yo.**

<sup>19</sup> **Konsa, ✨ekri ✨bagay ke ou gen tan wè yo, bagay ki la yo, ak bagay ki va rive apre bagay sa yo. <sup>20</sup> Pou mistè a sèt zetwal ke ou te wè nan men dwat Mwen an, ak sèt chandelye yo; sèt zetwal yo, se zanj a ✨sèt legliz yo, e sèt chandelye yo, se sèt legliz yo.**

✨ 1:1 Jn 17:8 ✨ 1:1 Rev 22:6 ✨ 1:2 Rev 1:9 ✨ 1:3 Luc 11:28 ✨ 1:3 Rev 22:10 ✨ 1:4 Trav 2:9 ✨ 1:4 Rev 1:8 ✨ 1:5 Rev 3:14 ✨ 1:5 I Kor 15:20 ✨ 1:6 Rev 5:10 ✨ 1:6 Wo 15:6 ✨ 1:7 Dan 7:13 ✨ 1:8 Rev 21:6 ✨ 1:9 Trav 14:22 ✨ 1:9 I Tes 3:5 ✨ 1:10 Mat 22:43 ✨ 1:10 Rev 4:1 ✨ 1:11 Rev 1:19 ✨ 1:12 Egz 25:37 ✨ 1:14 Dan 7:9 ✨ 1:15 Esd 1:7 ✨ 1:16 És 49:2 ✨ 1:16 Mat 17:2 ✨ 1:17 Dan 8:17 ✨ 1:17 És 44:6 ✨ 1:18 Luc 24:5 ✨ 1:18 Rev 2:8 ✨ 1:19 Rev 1:11 ✨ 1:19 Rev 1:12-16 ✨ 1:20 Rev 1:4-11



## 2

<sup>1</sup> A zanj nan legliz ✨Éphèse la, ekri:” Sila ki kenbe sèt zetwal yo nan men dwat Li a, Sila ki mache pami sèt chandelye fèt an lò yo, di sa a: <sup>2</sup> Mwen konnen zèv nou yo, travay di nou an, ak pèseverans nou, ke nou pa kapab tolere moun mechan, e nou te pase an eprèv sa yo ki rele tèt yo apòt, lè l pa t vrè, epi te twouve yo fo. ✨ <sup>3</sup> Men nou gen pèseverans ak andirans ✨pou koz a non Mwen, e nou pa t bouke.

<sup>4</sup> Men Mwen gen sa kont nou, ke nou ✨kite premye lanmou nou an. <sup>5</sup> Alò, sonje kote nou te tonbe a, epi ✨repanti e ✨fè zèv ke nou te fè avan yo; sinon Mwen ap vini kote nou pou retire chandelye nou an nan plas li, amwenske nou repanti. <sup>6</sup> Poutan nou genyen sa a, ke nou rayi zèv ✨Nikolayityen yo; ke Mwen menm, Mwen rayi tou.

<sup>7</sup> Sila ki gen yon zòrèy la, kite li tande sa Lespri a di a legliz yo. A sila ki venkè a, Mwen va kite l manje nan ✨pyebwa lavi a ki nan Paradi Bondye a.

<sup>8</sup> Epi a zanj legliz Smyrne lan, ekri: ✨Premye ak dènye a, ki te mouri an, e ki te retounen a lavi a, di sa a: <sup>9</sup> Mwen konnen ✨tribilasyon ak povrete nou (men nou rich); epi blasfèm pa sila ki di yo se Jwif men ki pa sa yo, men ki se yon sinagòg pou Satan.

<sup>10</sup> Pa pè pou sa nou prèt pou soufri yo. Veye, dyab la prèt pou voye kèk nan nou nan prizon, pou nou kab pase a leprèv, e nou va gen tribilasyon pandan di jou. ✨Rete fidèl jiska lanmò, e mwen va bannou kouwòn lavi a.

<sup>11</sup> Sila ki gen yon zòrèy la, kite l tande sa Lespri a di a legliz yo. Sila ki venkè a, p ap soufri donmaj pa ✨dezyèm lanmò a.

<sup>12</sup> Epi a zanj a legliz nan Pergame nan, ekri: Sila a ki gen ✨nepe file de bò a, di sa a: <sup>13</sup> Mwen konnen kote nou rete, kote twòn a Satan an ye; epi nou kenbe fèm nan Non Mwen, e nou pa t nye lafwa nan Mwen an, menm nan jou Antipas yo, ✨temwen Mwen an, fidèl Mwen an, ki te touye pami nou, kote Satan rete a.

<sup>14</sup> Men Mwen gen kèk bagay kont nou; paske nou gen la kèk moun ki kenbe nan ansèyman a Balaam yo ki te kontinye ap ansenye Balak pou mete yon wòch chite devan fis Israèl yo, ✨pou manje bagay ki te sakrifye a zidòl e komèt zak imoral. <sup>15</sup> Konsa tou, nou gen kèk moun ki, nan menm jan an, k ap kenbe a ansèyman a ✨Nikolayityen yo.

<sup>16</sup> Konsa, ✨repanti; sinon, Mwen va vini kote nou vit, e Mwen va fè lagè kont yo avèk ✨nepe a bouch Mwen an.

<sup>17</sup> Sila ki gen yon zòrèy la, kite l tande sa Lespri a di a legliz yo. A sila ki venkè a, a li menm, Mwen va bay kèk nan lamàn kache a, e Mwen va ba li yon wòch blan avèk yon non tounèf ki ekri sou wòch la ✨ke pèsòn p ap konnen, sinon sila ki resevwa l la.

<sup>18</sup> Epi a zanj a legliz nan Thyatire a, ekri: Fis Bondye a, ✨ki gen zye tankou yon flanm dife a e pye tankou bwonz poli a, di sa a: <sup>19</sup> ✨Mwen konnen zèv nou yo, lanmou nou, lafwa, sèvis, ak pèseverans, e ke zèv nou dènye tan sa yo pi gran pase avan yo.

<sup>20</sup> Men Mwen gen sa kont nou, ke nou tolere fanm ✨Jézabel la, ki rele tèt li pwofetès, e ki ansenye ak egare sèvitè Mwen yo, pou yo kab komèt

✨ 2:1 Rev 1:11 ✨ 2:2 I Jn 4:1 ✨ 2:3 Jn 15:21 ✨ 2:4 Jr 2:2 ✨ 2:5 Rev 2:16-22 ✨ 2:5 Eb 10:32 ✨ 2:6 Rev 2:15 ✨ 2:7 Jen 2:9 ✨ 2:8 És 44:6 ✨ 2:9 Rev 1:9 ✨ 2:10 Rev 2:13 ✨ 2:11 Rev 20:6,14 ✨ 2:12 Rev 1:16 ✨ 2:13 Trav 22:20 ✨ 2:14 Nonb 25:1 ✨ 2:15 Rev 2:6 ✨ 2:16 Rev 2:5 ✨ 2:16 Rev 1:16 ✨ 2:17 Rev 19:12 ✨ 2:18 Rev 1:14 ✨ 2:19 Rev 2:2 ✨ 2:20 I Wa 16:31

vyè zak imoral e manje bagay sakrifye a zidòl. <sup>21</sup> ✧Mwen te ba li tan pou repanti, e li ✧pa vle repanti de imoralite li yo.

<sup>22</sup> Gade byen, Mwen va jete li sou yon kabann plen maladi, e sila ki ✧fè adiltè yo avèk li nan gran tribilasyon an, amwenske yo repanti de zèv li yo. <sup>23</sup> Epi Mwen va touye pitit li yo avèk gwo maladi lapès; e tout legliz yo va konnen ke Mwen menm se Sila ki ✧sonde panse ak kè yo; epi Mwen va bay a nou chak selon zèv nou.

<sup>24</sup> Men Mwen di nou, rès moun ki nan Thyatire yo, ki pa kenbe a doktrin sila a, ki pa t konnen ✧bagay pwofon a Satan yo, jan yo rele yo a, Mwen ✧pa mete lòt fado sou nou. <sup>25</sup> Sepandan ✧kenbe fèm a sa nou genyen an jiskaske M vini.

<sup>26</sup> Sila ki venkè a, e sila ki kenbe zèv Mwen yo jiska lafen an, ✧A li menm Mwen va bay otorite sou nasyon yo; <sup>27</sup> li va gouvène yo avèk yon baton fè, ✧tankou veso ajil ki vin kraze an mòso, jan Mwen menm te resevwa otorite soti nan Papa M nan; <sup>28</sup> epi Mwen va ba li ✧zetwal maten an.

<sup>29</sup> ✧Sila ki gen yon zòrèy la, kite l tandè sa Lespri a di a legliz yo”.

### 3

<sup>1</sup> A zanj legliz nan Sardes la, ekri: Sila ki gen sèt Lespri Bondye ak ✧sèt zetwal yo, di sa a: Mwen konnen zèv nou yo, ke nou gen repitasyon ke nou vivan, men nou mouri. <sup>2</sup> Reveye nou, e ranfòse bagay ki rete yo, ki te prèt pou mouri yo; paske Mwen pa twouve zèv nou yo konplè nan zye Bondye. <sup>3</sup> ✧Donk, sonje sa nou te resevwa e tandè a; kenbe l e repanti. Konsa, si nou pa reveye nou. Mwen va vini tankou yon vòlè, e nou p ap konnen a kilè Mwen va vini sou nou an.

<sup>4</sup> Men nou gen kèk moun nan Sardes ki pa t sal vètman yo; ✧ epi yo va mache avèk Mwen ✧abiye an blan, paske yo dign de sa.

<sup>5</sup> Sila ki vin venkè a va abiye konsa, an vètman blan; Mwen p ap janm efase non li nan liv lavi a, e ✧Mwen va konfese non li devan Papa M ak devan zanj Li yo. <sup>6</sup> ✧Sila ki gen yon zòrèy la, kite l tandè sa Lespri a di a legliz yo.

<sup>7</sup> Epi a zanj legliz nan Philadelphie a, ekri: Sila ki sen an, ki vrè a, ki gen ✧kle David la, k ap louvri e pèsòn p ap kab fèmè an, e ki fèmè e pèsòn p ap kab louvri a, di konsa: <sup>8</sup> Mwen konnen zèv nou yo. Gade byen, Mwen mete devan nou yon pòt louvri ke pèsòn pa kab fèmè, paske nou gen yon ti pouvwa, epi nou te kenbe pawòl Mwen e ✧pa t nye non Mwen. <sup>9</sup> Gade byen, Mwen va koze sila ki nan ✧sinagòg Satan yo, ki di ke yo se Jwif, e ki pa sa yo, men se manti—Mwen va fè yo ✧vin bese nan pye nou, e fè yo konnen ke Mwen renmen nou.

<sup>10</sup> Paske nou kenbe pawòl pèsèverans Mwen an, Mwen va kenbe nou osi nan lè eprèv la, lè ki prèt pou vini sou tout ✧mond lan pou pase a leprèv tout sila ki rete sou latè yo.

<sup>11</sup> Mwen ap vini vit; ✧kenbe fèm a sa nou genyen an, jis pou pèsòn pa rache kouwòn nou an.

<sup>12</sup> Sila ki venkè a, Mwen va fè li vin yon ✧pilye nan tanp a Bondye Mwen an, e li p ap sòti ladann ankò; epi Mwen va ekri sou li ✧non a Bondye Mwen

✧ 2:21 II Pi 3:9 ✧ 2:21 Wo 2:5 ✧ 2:22 Rev 17:2 ✧ 2:23 Sòm 7:9 ✧ 2:24 Kol 2:10 ✧ 2:24 Trav 15:28 ✧ 2:25 Rev 3:11 ✧ 2:26 Sòm 2:8 ✧ 2:27 És 30:14 ✧ 2:28 I Jn 3:2 ✧ 2:29 Rev 2:7 ✧ 3:1 Rev 1:16 ✧ 3:3 Rev 2:5 ✧ 3:4 Jd 23 ✧ 3:4 Ekl 9:8 ✧ 3:5 Mat 10:32 ✧ 3:6 Rev 2:7 ✧ 3:7 És 22:22 ✧ 3:8 Rev 2:13 ✧ 3:9 Rev 2:9 ✧ 3:9 És 45:14 ✧ 3:10 Rev 16:14 ✧ 3:11 Rev 2:10 ✧ 3:12 Gal 2:9 ✧ 3:12 Rev 14:1

an e non a gran vil Bondye Mwen an, Jérusalem tounèf la, ki desann soti nan syèl, nan Bondye, ak non tounèf Mwen an.

13 ✨Sila ki gen yon zòrèy la, kite li tande sa Lespri a di a legliz yo”.

14 A zanj legliz nan Laodicée a, ekri: ✨Amen nan, ✨Fidèl e Vrè Temwen an, Kòmansman kreyasyon Bondye a, di konsa: 15 ✨Mwen konnen zèw nou yo, ke nou pa ni frèt ni cho; Mwen ta pito ke nou te frèt oswa cho.

16 Donk, paske nou tyèd, e nou pa ni cho ni frèt, Mwen va krache nou sòti nan bouch Mwen. 17 Paske nou di: ✨“Mwen rich, mwen gen tan vin gen fòtin, e mwen pa bezwen anyen”; men nou pa konnen ke nou se malere, mizerab, pòv, avèg, e toutouni.

18 Konsa, mwen konseye nou ✨achte nan men Mwen lò ki rafine nan dife pou nou kapab vin rich, e vètman blan pou mete sou nou pou wont toutouni nou an pa vin parèt; ak pomad zye pou nou pase nan zye nou pou nou kapab vin wè.

19 ✨Sila ke M renmen yo, Mwen reprimande e disipline yo. Konsa, se pou nou vin plen ak zèl, e repanti.

20 Gade byen, Mwen kanpe nan pòt la e Mwen frape. Si yon moun tande vwa M, e ouvri pòt la, ✨Mwen va antre kote li, Mwen va dine avè l, e li menm avè M.

21 Sila ki venkè a, Mwen va lèse l vin chita avè M sou twòn Mwen an, jan ✨Mwen menm tou te vin venkè a, e te vin chita avèk Papa M sou twòn Li an.

22 ✨Sila ki gen yon zòrèy la, kite li tande sa Lespri a di a legliz yo”.

## 4

1 Apre bagay sa yo, mwen te gade, e vwala, yon pòt ki louvri nan syèl la, e premye vwa m te tande a ✨te tankou son yon twonpèt k ap pale avè m, ki t ap di: ✨“Monte isit la, e mwen va montre ou sa ki dwe rive apre bagay sa yo.”

2 La menm, mwen te ✨nan Lespri a; epi vwala, yon ✨twòn te kanpe nan syèl la, e yon moun te chita sou twòn nan. 3 Epi Sila ki te chita a te gen aparans yon pyè jasp ak yon sadwàn; epi te gen yon ✨lakansyèl ozanviwon de twòn lan, ak aparans yon emwòd. 4 Ozanviwon de twòn lan se te ✨vennkat twòn: epi ozanviwon de twòn yo, mwen te wè ✨vennkat ansyen yo chita, abiye an vètman blan, e kouwòn an lò sou tèt yo. 5 Sòti nan twòn nan se te gwo kout ekleraj, gwo son loraj, ak gwo kout tonnè. Epi te gen ✨sèt lanp dife ki t ap brile devan twòn nan, ki se sèt Lespri Bondye yo. 6 Epi devan twòn nan, te gen yon bagay tankou yon lanmè glas kristal.

Epi nan mitan e ozanviwon de twòn lan, kat kreyati vivan ✨ranpli avèk zye pa devan kou pa dèyè. 7 ✨Premye kreyati a te tankou yon lyon, dezyèm kreyati a te tankou yon ti towò bèf, twazyèm kreyati a te gen yon figi tankou yon moun, e katriyèm kreyati a te tankou yon èg k ap vole anlè. 8 Epi kat kreyati vivan yo, yo chak avèk sis zèl, ranpli avèk zye toutotou e anndan; epi lajounen kon lannwit, yo pa t sispann di: ✨“Sen, sen, sen, se Senyè a, Bondye a, Toupwisan an, ki te la, ki la, e ki va vini an.”

9 Epi lè kreyati vivan yo fin bay glwa, lonè ak remèsiman a Sila ki ✨chita sou twòn lan, a Sila ki viv pou tout tan e pou tout tan an, 10 Vennkat ansyen

✨ 3:13 Rev 3:6 ✨ 3:14 II Kor 1:20 ✨ 3:14 Rev 3:7 ✨ 3:15 Rev 3:1 ✨ 3:17 Os 12:8 ✨ 3:18 Mat 13:44 ✨ 3:19 Pwov 3:12 ✨ 3:20 Jn 14:23 ✨ 3:21 Jn 16:33 ✨ 3:22 Rev 2:7 ✨ 4:1 Rev 1:10 ✨ 4:1 Rev 11:12 ✨ 4:2 Rev 1:10 ✨ 4:2 I Wa 22:19 ✨ 4:3 Éz 1:28 ✨ 4:4 Rev 11:16 ✨ 4:4 Rev 4:10 ✨ 4:5 Egz 25:37 ✨ 4:6 Éz 1:18 ✨ 4:7 Éz 1:10 ✨ 4:8 És 6:3 ✨ 4:9 Sòm 47:8

yo va ✨tonbe devan Sila ki chita sou twòn lan pou adore Sila ki viv pou tout tan e pou tout tan an, e yo va jete kouwòn yo devan twòn lan, pandan y ap di: <sup>11</sup> “Dign se Ou Menm, Senyè nou e Bondye nou an, pou resevwa glwa, lonè ak pwisans; paske Ou te ✨kreye tout bagay, e akòz volonte Ou, yo te egziste e te kreye.”

## 5

<sup>1</sup> Mwen te wè nan men dwat a Sila ki te chita sou twòn lan, yon ✨liv ki te ekri pa anndan kou pa deyò, ✨sele avèk sèt so.

<sup>2</sup> Mwen te wè yon ✨zanj pwisan ki t ap pwoklame nan yon vwa fò: “Kilès ki dign pou louvri liv la, e kase so li yo?”

<sup>3</sup> Epi pèsòn ✨nan syèl la, sou tè a, oubyen anba tè a pa t kapab ouvri liv la oubyen gade ladann.

<sup>4</sup> Alò, mwen te kòmanse kriye anpil, paske pèsòn pa t dign pou louvri liv la oubyen pou gade ladann.

<sup>5</sup> Epi youn nan ansyen yo te di m: “sispann kriye; gade byen, Lyon ✨ki sòti nan tribi Juda a, ✨Rasin a David la, te vin venkè; Li kab ouvri liv la ak sèt so li yo.”

<sup>6</sup> Epi mwen te wè antre twòn lan (avèk kat kreyati vivan) ak lansyen yo, yon Jèn Mouton te kanpe, kòm si li te touye deja, avèk sèt kòn ak ✨sèt zye, ki se sèt Lespri a Bondye yo, ki te voye sou tout tè a. <sup>7</sup> Li te vini, Li te pran ✨liv la nan men dwat a Sila ki te chita sou twòn lan.

<sup>8</sup> Lè L te pran liv la, kat kreyati vivan yo ak venn-kat ansyen yo te tonbe devan Jèn Mouton an, yo chak kenbe yon ap ak yon bòl fèt an lò ranpli avèk lansan, ki se te ✨priyè a sen yo. <sup>9</sup> Epi yo te chante yon chan tounèf, e t ap di:

“Dign se Ou menm pou pran liv la,  
e kase so li yo.

Paske Ou te touye,  
e Ou te achte pou Bondye avèk  
san Ou;  
lèzòm ✨nan tout tribi, lang,  
pèp, ak nasyon.

<sup>10</sup> Ou te fè yo vin yon ✨wayòm e  
prèt  
Bondye nou an;  
epi yo va ✨renye sou tè a.”

<sup>11</sup> Alò, mwen te gade, e mwen te tande vwa a anpil zanj ki te antoure twòn nan, ✨kreyati vivan yo ak ansyen yo; epi kantite a yo a te dè ✨miryad e dè miryad, epi dè milye e dè milye, <sup>12</sup> k ap pale avèk yon vwa fò: “Dign se ✨Jèn Mouton ki te touye a, pou resevwa pwisans, richès, sajès, pouvwa, lonè, laglwa, ak benediksyon.”

<sup>13</sup> Epi tout bagay ki kreye nan syèl la, sou tè a, anba tè a, ak sou lanmè a, e tout bagay ladann yo, mwen te tande yo t ap di: “A Sila ki chita sou twòn nan, e a Jèn Mouton an, ✨benediksyon, lonè, glwa, ak lafòs, pou tout tan e pou tout tan! Amen!”

<sup>14</sup> Epi kat kreyati vivan yo te kontinye ap di “Amen.” Epi lansyen yo te vin tonbe ba pou adore.

✨ 4:10 Rev 5:8,14 ✨ 4:11 Trav 14:15 ✨ 5:1 Éz 2:9,10 ✨ 5:1 És 29:11 ✨ 5:2 Rev 10:1  
✨ 5:3 Fil 2:10 ✨ 5:5 Eb 7:14 ✨ 5:5 Rev 22:16 ✨ 5:6 Za 3:9 ✨ 5:7 Rev 5:1 ✨ 5:8 Sòm  
141:2 ✨ 5:9 Dan 3:4 ✨ 5:10 Rev 1:6 ✨ 5:10 Rev 20:4 ✨ 5:11 Rev 4:6 ✨ 5:11 Dan 4:10  
✨ 5:12 Jn 1:29 ✨ 5:13 Rev 1:6

## 6

<sup>1</sup> Alò, mwen te wè lè Jèn Mouton an te kase youn nan ✨sèt so yo, e mwen te tandè youn nan kat kreyati vivan yo t ap di avèk yon vwa tankou tonnè “Vini”. <sup>2</sup> Mwen te gade, e vwala, yon cheval blan te vin parèt; epi Sila ki te chita sou li a te gen yon banza nan men l; yon ✨kouwòn te bay a li menm; e li te sòti ap venk moun e pou venk moun.

<sup>3</sup> Lè L te kase dezyèm so a, mwen te tandè ✨dezyèm kreyati vivan an t ap di: “Vini”. <sup>4</sup> Alò, yon lòt, ✨yon cheval wouj te sòti; epi a sila ki te chita sou li a, sa te pèmèt pou l ✨pran lapè soti sou tè a, e ke moun sa yo ta touye youn lòt; epi yon gran nepe te mete nan men l.

<sup>5</sup> Lè Li te kase twazyèm so a, mwen te tandè ✨twazyèm kreyati vivan an, t ap di: “Vini”. Mwen te gade, e vwala, yon cheval nwa; e sila ki te chita sou li a te gen yon balans nan men l. <sup>6</sup> Epi mwen te tandè yon bagay tankou yon vwa nan mitan a ✨kat kreyati vivan yo ki t ap di: “De gode ble pou yon denye”, e sis gode lòj pou yon denye. Pa fè mal a lwil ak diven an.”

<sup>7</sup> Lè Jèn Mouton an te kase katriyèm so a, mwen te tandè vwa a ✨katriyèm kreyati vivan an ki t ap di “Vini”. <sup>8</sup> Mwen te gade, e vwala, yon cheval koulè gri tankou sann, epi sila ki te chita sou li a te gen non ✨Lanmò; epi Sejou Lanmò a t ap swiv li. Otorite te bay a yo menm sou yon ka latè pou yo touye avèk nepe, avèk gwo grangou, epidemi lapès, e avèk bèt sovaj latè yo.

<sup>9</sup> Lè Jèn Mouton an te kase senkyèm so a, mwen te wè anba lotèl la ✨nanm a sila yo yo te touye ✨akoz de pawòl Bondye a, e akoz de temwayaj ke yo te kenbe a.

<sup>10</sup> Epi yo te kriye avèk yon vwa fò, e t ap di: “Konbyen tan, o Senyè, ✨sen e veritab, èske Ou va fè reta nan ✨jije e vanje san nou sou sila ki rete sou latè yo?” <sup>11</sup> Yo te ba yo chak ✨yon vètman blan; epi yo te di yo ke yo ta dwe repoze pou yon ti tan toujou, jiskaske kantite sèvitè parèy yo ak frè yo ta dwe vin touye menm jan ak yo a, ✨pou konplete kous pa yo.

<sup>12</sup> Mwen te gade lè Li te kase sizyèm so a, epi te gen yon gwo tranbleman detè; ✨solèy la te vin nwa tankou rad antèman ki fèt avèk pwal e lalin lan te vin tankou san. <sup>13</sup> ✨Epi zetwal nan syèl yo te tonbe sou tè a, tankou yon pye fig Frans ki jete fwi vèt li lè li souke pa gwo van. <sup>14</sup> Syèl la te fann e separe tankou yon woulo papye lè l vin woule, e ✨tout mòn ak lil yo te deplase kite plas yo.

<sup>15</sup> Alò, ✨wa latè yo, gran chèf yo, gwo moun yo, rich yo, moun dyanm yo, chak esklav ak moun lib yo, tout te kache tèt yo nan twou wòch e pami wòch mòn. <sup>16</sup> Epi yo te ✨di a mòn ak wòch yo: “Tonbe sou nou, e kache nou pou nou pa wè prezans a Sila ✨ki chita sou twòn nan, ak kòlè Jèn Mouton an. <sup>17</sup> Paske ✨gran jou kòlè a gen tan vini, e ✨kilès ki kapab kanpe?”

## 7

<sup>1</sup> Apre sa, mwen te wè kat zanj ki te kanpe nan kat kwen latè, ki t ap kenbe ✨kat van latè yo, pou van pa soufle sou tè a, sou lanmè a, ni sou okenn pyebwa.

✨ 6:1 Rev 5:1 ✨ 6:2 Za 6:11 ✨ 6:3 Rev 4:7 ✨ 6:4 Za 1:8 ✨ 6:4 Mat 10:34 ✨ 6:5 Rev 4:7  
 ✨ 6:6 Rev 4:6 ✨ 6:7 Rev 4:7 ✨ 6:8 Pwov 5:5 ✨ 6:9 Rev 20:4 ✨ 6:9 Rev 1:2,9 ✨ 6:10  
 Rev 3:7 ✨ 6:10 Det 32:43 ✨ 6:11 Rev 3:4,5 ✨ 6:11 Trav 20:24 ✨ 6:12 És 13:10 ✨ 6:13  
 Mat 24:29 ✨ 6:14 És 54:10 ✨ 6:15 És 2:10,19,21 ✨ 6:16 Os 10:8 ✨ 6:16 Rev 4:9 ✨ 6:17  
 Jl 2:11 ✨ 6:17 Mal 3:2 ✨ 7:1 Jr 49:36

<sup>2</sup> Mwen te wè yon lòt zanj ki t ap monte soti kote solèy la leve a, avèk ✧so a ✧Bondye vivan an; epi li te kriye fò avèk yon gwo vwa a kat zanj ki te gen pèmasyon pou fè mal a tè a ak lanmè a. <sup>3</sup> Li te di: “Pa fè tè a, lanmè a, oubyen pyebwa yo mal jiskaske nou fin ✧sele sèvitè-atache Bondye nou yo sou ✧fon yo.”

<sup>4</sup> Epi mwen te tande kantite a sila ki te sele yo, ✧san-karant-kat-mil, sele soti nan chak tribi a fis Israèl yo.

<sup>5</sup> Nan tribi Juda a, douz-mil te sele,

nan tribi Ruben an, douz-mil, nan tribi Gad la, douz-mil,

<sup>6</sup> nan tribi Aser a, douz-mil, nan tribi Nephthali a, douz-mil,

nan tribi Manassé a, douz-mil,

<sup>7</sup> nan tribi Siméon an, douz-mil, nan tribi Levi a, douz-mil,

nan tribi Issacar a, douz-mil,

<sup>8</sup> nan tribi Zabulon an, douz-mil, nan tribi Joseph la, douz-mil,

nan tribi Benjamin an, douz-mil te sele.

<sup>9</sup> Apre bagay sa yo, mwen te gade, e vwala, yon gwo foul ke pèsòn pa t kapab konte, soti nan ✧tout nasyon, tout tribi, pèp ak langaj, te kanpe devan twòn nan, e ✧devan Jèn Mouton an ki te abiye an vètman blan, e branch palmis te nan men yo. <sup>10</sup> Yo te kriye fò avèk yon gwo vwa, e t ap di: ✧“Delivrans sòti nan Bondye nou an ki chita sou twòn nan, ak nan Jèn Mouton an.”

<sup>11</sup> Epi tout zanj yo te kanpe ✧toutotou de twòn nan, toutotou de lansyen yo, ak kat kreyati vivan yo. Yo te tonbe sou figi yo devan twòn nan pou adore Bondye. <sup>12</sup> Yo t ap di: “Amen! ✧Benediksyon, laglwa, sajès, remèsiman, lonè, pwisans, e pouvwa pou Bondye nou an pou tout tan e pou tout tan! Amen.”

<sup>13</sup> Konsa, youn nan ansyen yo te reponn e t ap di mwen: “Sila ki abiye an ✧vètman blan yo, kilès yo ye, e ki kote yo sòti?”

<sup>14</sup> Mwen te di Li: “Senyè mwen, se Ou ki konnen.”

Epi li te di mwen: “Sa yo se sila ki sòti nan gran tribilasyon an, e yo te lave vètman yo pou fè vin blanch nan ✧san a Jèn Mouton an. <sup>15</sup> Pou rezon sa a, ✧yo devan twòn Bondye a; epi yo sèvi Li lajounen kon lannwit nan tanp li an.

Epi ✧Sila ki chita nan twòn nan va ouvri tabènak li a sou yo. <sup>16</sup> ✧“Yo p ap grangou ankò, ni swaf ankò; ni solèy la p ap bat yo, ni okenn chalè; <sup>17</sup> Paske, Jèn Mouton an nan mitan twòn nan va ✧bèje pa yo, e Li va gide yo a sous dlo vivan yo; e ✧Bondye va seche tout dlo ki sòti nan zye yo.

## 8

<sup>1</sup> Lè Jèn Mouton an te ouvri ✧setyèm so a, te gen silans nan syèl la pandan anviwon demi èdtan.

<sup>2</sup> Epi mwen te wè ✧sèt zanj ki kanpe devan Bondye; e yo te resevwa sèt twonpèt.

<sup>3</sup> Yon lòt zanj te vin kanpe devan ✧lotèl la, te kenbe yon lansanswa an lò. Anpil ✧lansan te bay a li menm pou l ta kab ajoute sou lapriyè a tout sen ki te sou lotèl an lò ki te devan twòn nan. <sup>4</sup> Epi ✧lafimen lansan an avèk

✧ 7:2 Rev 7:3 ✧ 7:2 Mat 16:16 ✧ 7:3 Rev 7:3-8 ✧ 7:3 Éz 9:4,6 ✧ 7:4 Rev 14:1,3 ✧ 7:9 Rev 5:9 ✧ 7:9 Rev 22:3 ✧ 7:10 Sòm 3:8 ✧ 7:11 Rev 4:4 ✧ 7:12 Rev 5:12 ✧ 7:13 Rev 7:9 ✧ 7:14 Eb 9:14 ✧ 7:15 Rev 7:9 ✧ 7:15 Rev 4:9 ✧ 7:16 Sòm 121:5 ✧ 7:17 Sòm 23:1 ✧ 7:17 És 25:8 ✧ 8:1 Rev 5:1 ✧ 8:2 Rev 8:6-13 ✧ 8:3 Rev 6:9 ✧ 8:3 Rev 5:8 ✧ 8:4 Sòm 14:1,2

lapriyè a tout sen yo te sòti nan men a zanj lan pou monte parèt devan Bondye.

<sup>5</sup> Zanj lan te pran lansanswa a, li plenn li avèk dife lotèl la, e voye l sou tè a. Sa te swiv ak gwo kout tonnè, gwo bri, kout eklè ak yon tranbleman detè. <sup>6</sup> Konsa, sèt zanj ki te gen sèt twonpèt yo te prepare yo pou sone yo.

<sup>7</sup> Premye a te sone, epi te vin parèt lagrèl ak dife tou mele avèk san e yo te jete yo sou tè a. Epi yon tyè pati tè a te brile, yon tyè nan pyebwa yo te brile e tout zèb vèt yo te brile nèt.

<sup>8</sup> Dezyèm zanj lan te sone, e yon bagay tankou yon gwo mòn k ap brile ak dife te jete nan lanmè a; konsa yon tyè nan lanmè a te tounen san.

<sup>9</sup> Yon tyè nan kreyati vivan ki te nan lanmè yo te mouri, e yon tyè nan bato yo te detwi.

<sup>10</sup> Twazyèm zanj lan te sone, epi yon gwo zetwal ki t ap brile tankou yon tòch te tonbe soti nan syèl la. Li te tonbe sou yon tyè nan larivyè ak sous dlo yo. <sup>11</sup> Non a zetwal la se Absinthe; epi yon tyè nan dlo yo te vin anmè, e anpil moun te vin mouri akoz dlo yo ki te vin anmè a.

<sup>12</sup> Katriyèm zanj lan te sone, epi yon tyè nan solèy la, yon tyè nan lalin nan, ak yon tyè nan zetwal yo te frape, pouke yon tyè nan yo ta vin nwa, e jounen an pa ta parèt pandan yon tyè nan pati li, e lannwit lan, menm jan an.

<sup>13</sup> Answit, mwen te gade e mwen te tande yon èg k ap vole nan mitan syèl la, ki t ap di nan yon gwo vwa: “Malè! Malè! Malè a sila ki rete sou latè yo, akoz son twonpèt a twa zanj ki toujou rete yo!”

## 9

<sup>1</sup> Answit, senkyèm zanj lan te sone, e mwen te wè yon zetwal nan syèl la ki te tonbe sou tè a. Epi kle a fòs labim nan te bay a li menm. <sup>2</sup> Li te ouvri labim nan, e lafimen te sòti nan fòs la tankou lafimen a yon gwo founo. Solèy la avèk lè a te vin tounwa akoz lafimen ki sòti nan labim nan.

<sup>3</sup> Answit, krikèt te sòti nan lafimen an pou vini sou latè; epi yo te resevwa pouvwa, jan eskòpyon sou latè yo gen pouvwa a. <sup>4</sup> Yo te di yo pou yo pa fè zèb latè yo mal, ni okenn bagay vèt, ni okenn pyebwa, men sèlman moun ki pa gen so Bondye a parèt sou fon yo. <sup>5</sup> Konsa, yo pa t pèmèt yo touye pèsòn, men toumante yo pandan senk mwa; e toumant yo te tankou toumant a yon eskòpyon lè l pike yon moun.

<sup>6</sup> Nan jou sa yo, moun va cheche lanmò, e yo p ap twouve l. Yo va anvi mouri e lanmò va sove ale kite yo.

<sup>7</sup> Aparans a krikèt yo te tankou cheval ki prepare pou batay. Sou tèt yo te gen bagay tankou kouwòn an lò, e figi yo te tankou figi a moun. <sup>8</sup> Yo te gen cheve ki te tankou cheve a fanm, e dan yo te tankou dan lyon. <sup>9</sup> Yo te gen pwotèj lestonmak tankou pwotèj an fè, e bri a zèl yo te tankou bri cha a anpil cheval k ap kouri nan batay. <sup>10</sup> Yo gen ke tankou eskòpyon, ak pikan; epi nan ke yo, te gen pouvwa pou fè moun mal pandan senk mwa.

<sup>11</sup> Yo gen kòm wa sou yo, zanj labim nan. Non li an Ebre se Abaddon, e an Grèk, li rele Apollon.

✧ 8:5 Lev 16:12 ✧ 8:5 Egz 19:16 ✧ 8:6 Rev 8:2 ✧ 8:7 Egz 9:23 ✧ 8:8 Egz 7:17 ✧ 8:9 És 2:16 ✧ 8:10 És 14:12 ✧ 8:10 Rev 14:7 ✧ 8:11 Jr 9:15 ✧ 8:12 Egz 10:21 ✧ 8:13 Rev 14:6 ✧ 8:13 Rev 3:10 ✧ 9:1 Luc 8:31 ✧ 9:2 Jen 19:28 ✧ 9:3 Egz 10:12-15 ✧ 9:4 Éz 9:4 ✧ 9:5 II Kwo 10:11,14 ✧ 9:6 Job 3:21 ✧ 9:7 Jl 2:4 ✧ 9:8 Jl 1:6 ✧ 9:10 Rev 9:19 ✧ 9:10 Rev 9:5 ✧ 9:11 Luc 8:31

<sup>12</sup> ✨Premye malè a te gen tan fin pase; veye, de malè ap toujou vini apre bagay sa yo.

<sup>13</sup> Answit, sizyèm zanj lan te sone, e mwen te tande yon vwa ki sòti nan kat kòn ✨lotèl an lò ki devan Bondye a. <sup>14</sup> Youn t ap di a sizyèm zanj ki te gen twonpèt la: “Lage kat zanj ki mare bò kote ✨gwo Larivyè Euphrate la.

<sup>15</sup> Epi kat zanj yo, ki te prepare ojis pou lè a, mwa a, jou ak lane a, te ✨lage pou yo ta kapab touye yon tyè nan limanite. <sup>16</sup> Kantite lame ki te sou cheval yo te ✨de-san-milyon; mwen te tande kantite yo a.

<sup>17</sup> Epi se konsa, m te wè nan vizyon an cheval ak sila ki te chita sou yo a. Chevalye yo te gen pwotèj lestomak menm koulè ak dife, jasant, ak ✨souf, e tèt cheval yo tankou tèt lyon. E se dife, lafimen ak souf ki t ap sòti ✨nan bouch yo. <sup>18</sup> Yon ✨tyè limanite te vin touye pa twa fleyo sa yo; pa dife, lafimen, ak souf ki t ap sòti nan bouch yo a. <sup>19</sup> Paske pouvwa a cheval yo se nan bouch yo ak nan ke yo; paske ke yo tankou sèpan e yo gen tèt; e avèk yo, yo fè mal yo.

<sup>20</sup> Rès limanite a ki pa t touye pa fleyo sa yo, ✨pa t repanti de zèv a men yo, pou yo pa adore demon, ak zidòl an lò, an ajan, an bwonz, an wòch, ak bwa, ki pa kapab ni wè, ni tande, ni mache yo; <sup>21</sup> Epi yo pa t repanti nan asasine moun, ni ✨nan fè wanga, ni imoralite, ni vòl yo te fè yo.

## 10

<sup>1</sup> Mwen te wè yon lòt zanj fò ki t ap vini sòti nan syèl la, abiye avèk yon nwaj; e ✨lakansyèl la te sou tèt li. ✨Figi li te tankou solèy la, e pye li te tankou kolòn dife.

<sup>2</sup> Li te gen nan men l, yon ✨ti liv ki te louvri. Li te plase pye dwat li sou lanmè a e pye goch li sou tè a. <sup>3</sup> Konsa, li te kriye avèk yon gwo vwa, ✨tankou lè yon lyon gwonde. Epi lè l fin kriye fò, sèt kout tonnè yo te reponn ak vwa yo.

<sup>4</sup> Lè sèt kout tonnè yo te fin pale, ✨mwen te prè pou ekri, e mwen te tande yon vwa soti nan syèl la ki t ap di: “Sele bagay ke sèt kout tonnè yo te pale a e pa ekri yo.

<sup>5</sup> Answit, zanj ke m te wè kanpe sou lanmè ak sou tè a, ✨te leve men dwat li vè syèl la, <sup>6</sup> e li te sèman te pa Sila ki vivan pou tout tan e pou tout tan an. ✨Sila ki te kreye syèl la ak bagay ladann yo, tè a ak bagay ladann yo, e lanmè a ak bagay ladann yo, pou nanpwen reta ankò, <sup>7</sup> men nan jou vwa ✨setyèm zanj lan, lè li prè pou sone, alò, ✨mistè a Bondye fini, jan Li te anonse a sèvitè Li yo, menm pwofèt yo.

<sup>8</sup> ✨Answit, vwa ke m te tande nan syèl la, m te tande li te pale avè m ankò, e t ap di: “Ale pran liv ki ouvri a nan men a zanj ki ✨kanpe sou lanmè a ak sou tè a”.

<sup>9</sup> Donk, mwen te ale kote zanj lan, pou di l ban mwen ti liv la. Li te di mwen: ✨“Pran l, e manje l; l ap fè vant ou anmè, men nan bouch ou, l ap dous tankou siwo myèl.”

<sup>10</sup> Mwen te pran ti liv la nan men zanj lan, mwen te manje l, e nan bouch mwen, li te dous tankou siwo myèl; epi lè m te fin manje l, vant mwen te vin anmè.

✨ 9:12 Rev 8:13 ✨ 9:13 Rev 8:3 ✨ 9:14 Jen 15:18 ✨ 9:15 Rev 20:7 ✨ 9:16 Rev 5:11 ✨ 9:17 Rev 9:18 ✨ 9:17 Rev 11:5 ✨ 9:18 Rev 8:7 ✨ 9:20 Rev 2:21 ✨ 9:21 És 47:9,12 ✨ 10:1 Rev 4:3 ✨ 10:1 Rev 17:2 ✨ 10:2 Rev 5:1 ✨ 10:3 És 3:14 ✨ 10:4 Rev 1:11-19 ✨ 10:5 Det 32:40 ✨ 10:6 Egz 20:11 ✨ 10:7 Rev 11:15 ✨ 10:7 Am 3:7 ✨ 10:8 Rev 10:4 ✨ 10:8 Rev 10:2 ✨ 10:9 Jr 15:16



<sup>11</sup> Epi yo te di mwen: “Ou oblije pwofetize ankò konsènan ✨anpil pèp, nasyon, lang, ak ✨wa.

## 11

<sup>1</sup> Answit, yo te ban mwen yon ✨gòl pou mezire tankou yon baton, e youn te di: “Leve pou mezire tanp Bondye a, lotèl la ak sila ki adore ladann yo.

<sup>2</sup> Kite gran lakou ki deyò tanp lan e pa mezire l, paske ✨li te bay a nasyon yo; e yo va ✨foule vil sen an anba pye yo pandan karant-de mwa.

<sup>3</sup> Epi mwen va bay otorite a de temwen mwen yo, e yo va pwofetize pandan mil-de-san-swasant jou abiye avèk ✨twal sak. <sup>4</sup> Sa yo se ✨de pye doliv ak de chandelye ki kanpe devan Senyè latè a.

<sup>5</sup> Si yon moun vle fè yo mal, ✨dife va sòti nan bouch yo pou devore lènmi yo; donk si yon moun vle fè yo mal, li dwe vin touye nan fason sa a.

<sup>6</sup> Sa yo gen pouvwa pou ✨fèmen syèl la pou lapli pa tonbe pandan jou pwofesi yo a; e yo gen pouvwa sou dlo pou fè yo tounen san, e pou frape latè avèk tout kalite fleyo, nenpòt lè yo ta vle.

<sup>7</sup> Lè yo fini temwayaj yo, ✨bèt ki sòti nan labim nan va fè lagè avèk yo e venk yo pou touye yo. <sup>8</sup> Epi kadav yo va rete nan lari gran vil ki nan lespri a ke yo rele ✨Sodome e Égypte la, kote osi Senyè yo a te krisifye a.

<sup>9</sup> Sila ki soti nan ✨pèp yo, tribi yo, lang ak nasyon yo va gade kadav pa yo pandan twa jou edmi, e li p ap pèmèt pou kadav yo mete nan tonbo.

<sup>10</sup> ✨Epi sila ki rete sou latè yo va rejwi sou yo, e fete. Yo va voye kado bay youn lòt, paske de pwofèt sa yo te toumante sila ki rete sou latè yo.

<sup>11</sup> Men apre twa jou edmi yo, ✨souf lavi soti nan Bondye te vini sou yo, yo te kanpe sou pye yo; e gwo laperèz te vin tonbe sou tout sila ki t ap gade yo. <sup>12</sup> Epi yo te tande yon gwo vwa nan syèl la ki t ap di yo: ✨“Vin monte isit la.” Konsa yo te ✨monte nan syèl la nan nwaj la, e menm lènmi yo te gade yo.

<sup>13</sup> Epi nan lè sa a, te gen yon gwo tranbleman detè, e yon dizyèm pati nan vil la te tonbe. Sèt-mil moun te mouri nan tranbleman detè a, e rès moun yo te vin ranpli avèk laperèz e te bay glwa a Bondye syèl la.

<sup>14</sup> Dezyèm malè a gen tan pase; gade byen, twazyèm malè a ap vini rapid.

<sup>15</sup> Answit, setyèm zanj lan te sone; epi te gen gwo vwa nan syèl la ki t ap di: “Wayòm mond sa a gen tan devni wayòm a Senyè nou an, ak Kris Li a; e ✨Li va renye pou tout tan e pou tout tan!”

<sup>16</sup> Venn-kat ansyen yo, ki ✨chita sou twòn pa yo, devan Bondye, te ✨tonbe sou figi yo pou adore Bondye, <sup>17</sup> E yo t ap di: “Nou ba Ou remèsiman, ✨O Senyè, Bondye, Toupwisan an, ki la e ki te la, paske Ou te fin pran pwisans ou a, e ou te kòmanse ✨renye.

<sup>18</sup> Epi ✨nasyon yo te vin anraje e kòlè Ou te vin parèt. Lè a te vin rive pou mò yo vin jije e pou rekonpanse sèvitè Ou yo, pwofèt yo, sen yo, ak sila ki gen lakrent pou non Ou yo, piti kou gran, e pou detwi sila ki detwi latè yo.”

<sup>19</sup> ✨Epi tanp Bondye ki nan syèl la te vin louvri; epi ✨lach akò Li a te parèt nan tanp Li a. Epi te gen kout eklè, bri, gwo kout tonnè, yon tranbleman detè, ak gwo tanpèt lagrèl.

✨ **10:11** Rev 5:9 ✨ **10:11** Rev 17:10,12 ✨ **11:1** Éz 40:3—42:20 ✨ **11:2** Luc 21:24 ✨ **11:2** Dan 7:25 ✨ **11:3** Jen 37:34 ✨ **11:4** Za 4:3,11,14 ✨ **11:5** II Wa 1:10-12 ✨ **11:6** I Wa 17:1 ✨ **11:7** Rev 13:1 ✨ **11:8** És 1:9,10 ✨ **11:9** Rev 5:9 ✨ **11:10** Rev 3:10 ✨ **11:11** Éz 37:5,9,10,14 ✨ **11:12** Rev 4:1 ✨ **11:12** II Wa 2:11 ✨ **11:15** Egz 15:18 ✨ **11:16** Mat 19:28 ✨ **11:16** Rev 4:10 ✨ **11:17** Rev 1:8 ✨ **11:17** Rev 19:6 ✨ **11:18** Sòm 2:1 ✨ **11:19** Rev 15:5 ✨ **11:19** Eb 9:4

## 12

<sup>1</sup> Yon gwò sign te vin parèt nan syèl la: yon fanm abiye avèk solèy la, ak lalin nan anba pye li, e sou tèt li, yon kouwòn douz etwal; <sup>2</sup> Li te gwo ansent e te kriye fò ak tranche ak doule pou l akouche.

<sup>3</sup> Answit, yon lòt sign te parèt nan syèl la. Gade byen, yon gwo dragon wouj avèk sèt tèt ak dis kòn e sou tèt li yo, te gen sèt kouwòn. <sup>4</sup> Konsa, ke li te baleye nèt yon tyè nan zetwal nan syèl yo e te jete yo sou latè.

Epi dragon an te kanpe devan fanm ki te prèt pou akouche a, pou lè li fè pitit la, li ta kab devore pitit li a. <sup>5</sup> Epi li te fè yon fis, yon pitit mal, ki gen pou gouvène tout nasyon yo avèk yon baton fè; epi pitit li a te rale monte kote Bondye e anvè twòn Li an. <sup>6</sup> Answit fanm nan te sove ale nan dezè a kote li te gen yon plas prepare pa Bondye, pouke la, li ta kapab nourri pandan mil-de-san-swasann jòu.

<sup>7</sup> Epi te gen lagè nan syèl la, Michel avèk zanj li yo t ap fè lagè avèk dragon an. Dragon an avèk zanj pa li yo t ap fè lagè. <sup>8</sup> Men yo pa t dyanm ase, e yo pa t gen plas pou yo ankò nan syèl la. <sup>9</sup> Epi gran dragon an te jete anba, sèpan ansyen an ki rele dyab la e Satan, ki twonpe tout mond lan. Li te jete anba sou latè, e zanj li yo te jete anba avèk li.

<sup>10</sup> Answit mwen te tande yon gwo vwa nan syèl la ki t ap di: “Koulye a delivrans lan, pwisans lan, wayòm Bondye nou an, ak otorite Kris Li a te vini an. Paske akizatè a frè nou yo jete anba; Sila ki te konn akize yo devan Bondye nou an lajounen kon lannwit lan. <sup>11</sup> Epi yo te venk li akòz san Jèn Mouton an e akòz pawòl temwayaj yo. Konsa, yo pa t renmen lavi yo, menm fas a lanmò.

<sup>12</sup> Pou rezon sa a, rejwi nou o syèl, ak nou menm ki demere ladann yo. Malè a tè a ak lanmè a paske dyab la gen tan desann sou nou avèk gwo kòlè, akòz li konnen tan li an vrèman kout.

<sup>13</sup> Alò, lè dragon an te wè ke li te jete anba sou latè, li te pèsekite fanm ki te bay nesans a pitit mal la.

<sup>14</sup> Men de zèl a gwo èg la te bay a fanm nan pou li ta kapab vole rive nan dezè a nan pwòp plas li, kote li te nourri pandan yon ti tan, tan ak mwaye tan, lib de prezans sèpan an.

<sup>15</sup> Konsa, sèpan an te vide yon dlo sòti nan bouch li tankou yon rivyè dèyè fanm nan, pou li ta kapab baleye l avèk lavalas dlo. <sup>16</sup> Men tè a te ede fanm nan. Tè a te louvri bouch li e te bwè tout larivyè dlo ke dragon an te vide soti nan bouch li a. <sup>17</sup> Donk, dragon a te vin anraje avèk fanm nan, e te ale pou fè lagè avèk rès pitit li yo, ki kenbe kòmandman Bondye yo e ki kenbe temwayaj a Jésus a.

## 13

<sup>1</sup> Epi dragon an te kanpe sou sab lanmè a. Mwen te wè yon bèt ki sòti nan lanmè a, avèk dis kòn, ak sèt tèt. Sou kòn li yo, te gen dis kouwòn, e sou tèt li te gen non blasfematè yo. <sup>2</sup> Bèt ke m te wè a te tankou yon leyopa, pat li yo te tankou pat a yon lous, e bouch li te tankou bouch a yon lyon. Epi dragon an te ba li pouvwa li a, twòn li an, ak gran otorite. <sup>3</sup> Mwen te wè youn nan tèt li yo kòm si li te fin touye, e blese fatal li a te fin geri.

☆ 12:1 Mat 24:30 ☆ 12:2 És 26:17 ☆ 12:3 És 27:1 ☆ 12:4 Rev 8:7,12 ☆ 12:4 Dan 8:10  
 ☆ 12:5 És 66:7 ☆ 12:6 Rev 11:3 ☆ 12:7 Dan 10:13,21 ☆ 12:7 Mat 25:41 ☆ 12:9 Jen 3:1  
 ☆ 12:10 Job 1:11 ☆ 12:11 Rev 7:14 ☆ 12:12 Sòm 96:11 ☆ 12:13 Rev 12:3 ☆ 12:14 Egz 19:4  
 ☆ 12:15 Jen 3:1 ☆ 12:17 Rev 11:7 ☆ 13:1 Rev 12:3 ☆ 13:1 Dan 7:8 ☆ 13:2 Dan 7:6  
 ☆ 13:2 Rev 2:13 ☆ 13:3 Rev 13:12,14

Tout latè te vin etone, e yo te swiv bèt la. <sup>4</sup> Yo te adore ✨dragon an paske li te bay otorite a bèt la; epi yo te adore bèt la, e yo t ap di: “Kilès ki tankou bèt la, e kilès ki kapab fè lagè avè l?”

<sup>5</sup> Li te resevwa yon bouch pou ✨pale pawòl ki awogan yo avèk blasfèm, e li te resevwa otorite pou aji pandan karant-de mwa. <sup>6</sup> Li te ouvri bouch li ak blasfèm yo kont Bondye, pou blasfeme non Li ak tabènak Li a, aki ✨sila ki rete nan syèl yo. <sup>7</sup> Pouvwa a te osi bay a li menm pou ✨fè lagè avèk sen yo e pou venk yo. Epi otorite sou chak tribi, pèp, lang, ak nasyon, te vin bay a li menm.

<sup>8</sup> Tout moun ki viv sou tè a va adore l, tout moun ke non yo pa ekri ✨depi nan fondasyon mond lan, nan liv lavi a Jèn Mouton ki te touye a.

<sup>9</sup> ✨Si yon moun gen yon zorèy la, kite l tande. <sup>10</sup> ✨Si yon moun gen pou ale an kaptivite, an kaptivite li prale; si yon moun touye avèk nepe, avèk nepe, li dwe touye. Se sa ki lafwa ak pèseverans a sen yo.

<sup>11</sup> ✨Answit, mwen te wè yon lòt bèt ki t ap vin sòti sou tè a; epi li te gen de kòn tankou yon jenn mouton e li te pale tankou yon dragon.

<sup>12</sup> Li te egzèse tout otorite a premye bèt la ✨nan prezans li. Epi li te fè tè a avèk sila ki rete ladann yo adore premye bèt ki te gen blese fatal ki te geri a. <sup>13</sup> Li ✨te fè gwo sign, jis pou fè ✨dife sòti nan syèl la rive sou tè a devan prezans a moun yo. <sup>14</sup> E li twonpe sila ki viv sou latè yo, akoz ✨gwo sign ki te bay a li menm pou fè nan prezans a bèt la, e di a sila ki viv sou latè yo pou fè yon imaj a bèt ki te gen ✨blese nepe a e ki te vin vivan an.

<sup>15</sup> Epi pouvwa a te bay a li menm pou bay souf a imaj bèt la, pou imaj a bèt la ta kapab menm pale e koze ✨tout sila ki pa adore bèt la touye. <sup>16</sup> Epi li koze tout moun, ✨piti kon gran, rich kon malèr, moun lib kon esklav, vin resevwa yon mak sou men dwat oswa sou fon yo, <sup>17</sup> Epi li bay pou pèsòn pa kapab ni achte ni vann, eksepte sila ki pote mak la, ki pote ✨swa non a bèt la swa ✨chif non li an.

<sup>18</sup> ✨Men sajès. Kite sila ki gen bon konprann nan, kalkile chif a bèt la, paske chif la se sa ki pou yon moun; e chif li a se sis-san-swasann-sis.

## 14

<sup>1</sup> Answit, mwen te gade! Vwala, Jèn Mouton an te kanpe sou Mòn Sion. Ansanm avèk li, te gen san-karant-kat-mil, ki pote ✨non L ak non a Papa Li ekri sou fon yo.

<sup>2</sup> Epi mwen te tande yon vwa soti nan syèl la, tankou ✨son anpil dlo ak son a gwo kout tonnè, e vwa ke m tande a te tankou sila k ap jwe ap yo. <sup>3</sup> Epi yo te chante ✨yon chan tounèf devan twòn nan, devan kat kreyati vivan yo ak ansyen yo. E pèsòn pa t kapab aprann chan an, eksepte ✨san-karant-kat-mil ki te achte soti sou tè a. <sup>4</sup> Sa yo se sila ki pa t souye pa fanm yo, paske se vyèy yo ye. Sa yo se sila ki swiv Jèn Mouton an tout kote Li ale. Sa yo te achte pami lòm kòm premye fwi pou Bondye, e pou Jèn Mouton an. <sup>5</sup> Epi ✨manti pa t twouve nan bouch yo; yo te san repwòch.

<sup>6</sup> Epi mwen te wè yon lòt zanj ki t ap vole nan mitan syèl la, avèk yon ✨levanjil etènèl pou preche a sila ki viv sou latè yo, a tout nasyon, tribi, langaj, ak pèp. <sup>7</sup> Epi li te di avèk yon vwa fò: ✨“Gen lakrent pou Bondye,

✨ 13:4 Rev 12:3 ✨ 13:5 Dan 7:25 ✨ 13:6 Rev 7:15 ✨ 13:7 Dan 7:21 ✨ 13:8 Rev 17:8  
 ✨ 13:9 Rev 2:7 ✨ 13:10 Jr 15:2 ✨ 13:11 Rev 13:1 ✨ 13:12 Rev 13:14 ✨ 13:13 Mat 24:24  
 ✨ 13:13 I Wa 18:38 ✨ 13:14 II Tes 2:9 ✨ 13:14 Rev 13:3 ✨ 13:15 Dan 3:3 ✨ 13:16 Rev 11:18  
 ✨ 13:17 Rev 14:11 ✨ 13:17 Rev 15:2 ✨ 13:18 Rev 17:9 ✨ 14:1 Rev 3:2 ✨ 14:2 Rev 1:15  
 ✨ 14:3 Rev 5:9 ✨ 14:3 Rev 7:4 ✨ 14:5 Sòm 2:2 ✨ 14:6 I Pi 1:25 ✨ 14:7 Rev 15:4

e ba Li glwa, paske lè jijman Li an gen tan vini; adore Sila ki te fè syèl la, tè a, lanmè a, ak sous dlo yo.”

<sup>8</sup> Epi yon lòt zanj, yon dezyèm, te swiv e t ap di: ✨“Tonbe, tonbe, gran Babylone nan, Sila ki te ✨fè tout nasyon yo bwè diven pasyon imoralite li a.”

<sup>9</sup> Answit, yon lòt zanj, yon twazyèm, te swiv yo e t ap di avèk yon vwa ki fò: “Si yon moun ✨adore bèt la avèk limaj li a, e resevwa yon mak sou fon li oubyen sou men l, <sup>10</sup> li osi va bwè nan ✨diven kòlè Bondye a, ki melanje nèt nan ✨tas kòlè Li a; epi li va toumante avèk dife ak souf nan prezans a zanj sen yo ak nan prezans a Jèn Mouton an. <sup>11</sup> Epi ✨lafimen toumant yo ap monte pou tout tan e pou tout tan; yo p ap gen repo ni lajounen ni lannwit, sila ki adore bèt la avèk imaj li a, ak nenpòt moun ki resevwa ✨mak non li an. <sup>12</sup> Men ✨pèseverans a sen ki ✨kenbe kòmandman Bondye yo avèk lafwa yo nan Jésus.

<sup>13</sup> Epi mwen te tandè yon vwa ki sòti nan syèl la ki t ap di: “Ekri, ‘Beni se mò ki ✨mouri nan Senyè a depi koulye a!’: “Wi”, di Lespri a, “pou yo kapab ✨repoze de travay yo, paske zèv pa yo ap swiv yo.”

<sup>14</sup> Answit, mwen te gade, e vwala, yon nwaj blan, e chita sou nwaj la, se yon moun ✨tankou yon fis a Lòm, avèk yon kouwòn an lò sou tèt li ak yon kouto digo byen file nan men li.

<sup>15</sup> Epi yon lòt zanj te vini sòti nan tanp lan, e t ap kriye nan yon vwa fò a Sila ki te chita sou nwaj la: ✨“Metè kouto digo a ladann pou rekòlte, paske lè rekòlt la rive, paske ✨mwason latè a mi.”

<sup>16</sup> Answit, Sila ki te chita sou nwaj la te voye kouto digo a sou sifas tè a, epi tè a te rekòlte.

<sup>17</sup> Epi yon lòt zanj ✨te sòti nan tanp ki nan syèl la, e li menm tou te gen yon kouto digo byen file.

<sup>18</sup> Konsa, yon lòt zanj ankò, sila ki gen pouvwa sou dife a, te sòti nan ✨lotèl la; epi li te rele avèk yon vwa fò a sila ki te gen kouto digo file a e t ap di: “Metè kouto digo file ou a ladann, e ranmase grap sou pye rezen latè yo, paske fwi li yo mi.”

<sup>19</sup> Zanj lan te voye kouto digo li a sou tè a, li te ranmase grap sou pye rezen tè yo, e te jete yo nan ✨gwo pèz diven kòlè Bondye a. <sup>20</sup> Epi ✨basen pèz diven an te foule anba pye deyò vil la, e san te sòti nan pèz diven an, rive nan brid cheval la pou yon distans de twa-san kilomèt.

## 15

<sup>1</sup> Konsa, mwen te wè yon lòt sign nan syèl la, gran e mèvèye, sèt zanj ki te gen ✨sèt fleyo yo, ki se dènye yo, paske nan yo, kòlè Bondye fini.

<sup>2</sup> Mwen te wè yon bagay tankou ✨lanmè fèt ak vit mele avèk dife, e sila ✨ki te gen viktwà sou bèt la, imaj li a ak chif a non li an, te kanpe sou lanmè fèt ak vit la e te kenbe ap a Bondye yo.

<sup>3</sup> Epi yo te chante ✨chan a Moïse la, sèvitè a Bondye a, ak chan a Jèn Mouton an e Yo t ap di:

✨“Gran e mèvèye, se zèv Ou yo,  
O Senyè, Bondye Toupwisan an;

✨ 14:8 És 21:9 ✨ 14:8 Jr 51:7 ✨ 14:9 Rev 13:12 ✨ 14:10 És 51:17 ✨ 14:10 Sòm 75:8  
✨ 14:11 És 34:8-10 ✨ 14:11 Rev 13:17 ✨ 14:12 Rev 13:10 ✨ 14:12 Rev 12:17 ✨ 14:13 I  
Tes 4:16 ✨ 14:13 Eb 4:9 ✨ 14:14 Dan 7:13 ✨ 14:15 Jl 3:13 ✨ 14:15 Mat 13:39-41 ✨ 14:17  
Rev 11:19 ✨ 14:18 Rev 6:9 ✨ 14:19 És 63:2 ✨ 14:20 És 63:3 ✨ 15:1 Lev 26:21 ✨ 15:2  
Rev 4:6 ✨ 15:2 Rev 12:11 ✨ 15:3 Egz 15:1 ✨ 15:3 Det 32:3

Jis e vrè, se chemen Ou yo,  
 Wa a nasyon yo  
<sup>4</sup> Kilès ki p ap krent Ou, O Senyè,  
 Epi bay glwa a non Ou?  
 Paske se Ou sèl ki sen;  
 ✧Paske tout nasyon yo va vini  
 pou adore devan Ou.  
 Paske zèv ladwati Ou yo, Ou gen tan revele.”

<sup>5</sup> Apre bagay sa yo, mwen te gade, e ✧tanp tabènak temwayaj ki nan syèl la te vin louvri, <sup>6</sup> epi ✧sèt zanj ki te gen sèt fleyo yo te vin sòti nan tanp lan, abiye an lèn san tach e briyan, e yo te antoure lestomak yo avèk senti an lò.

<sup>7</sup> Answit, youn nan ✧kat kreyati vivan yo te bay a sèt zanj yo sèt gode an lò, plen ak kòlè Bondye, ki viv pou tout tan e pou tout tan.

<sup>8</sup> Epi tanp lan te vin ranpli avèk ✧lafimen laglwa Bondye ak pwisans li. Epi okenn moun pa t kapab antre nan tanp lan jiskaske sèt fleyo a sèt zanj yo te vin fini.

## 16

<sup>1</sup> Konsa, mwen te tande yon gwo vwa sòti nan ✧tanp lan ki t ap di a sèt zanj yo: “Ale vide sèt gode kòlè Bondye yo sou tè a.

<sup>2</sup> Donk, premye zanj lan te ale vide gode li a sou tè a; epi li te devni yon ✧maleng rayisab sou moun ki te pote mak a bèt la e ki te adore imaj li a.

<sup>3</sup> Dezyèm zanj lan te vide gode li a ✧nan lanmè a, e li te devni san tankou san a yon moun mouri; epi tout bagay vivan nan lanmè a te mouri.

<sup>4</sup> Answit, twazyèm zanj lan te vide gode li a nan ✧rivyè ak sous dlo yo; e yo te tounen san. <sup>5</sup> Epi mwen te tande zanj a dlo yo k ap di: “✧Jis se Ou menm ✧ki la e ki te la a, O Sila Ki Sen an, paske Ou te jije bagay sa yo. <sup>6</sup> Paske yo te vèsè ✧san a sen ak pwofèt yo, e Ou te bay yo san pou yo bwè. Yo merite sa.”

<sup>7</sup> Epi mwen te tande lotèl la ki t ap di: “Wi, O Bondye Senyè, Sila Ki Toupwisan an, ✧vrè e jis se jijman Ou yo.”

<sup>8</sup> Katyèm zanj lan te vide gode li a sou ✧solèy la; epi li te bay a li menm pou chode moun avèk dife. <sup>9</sup> Moun yo te chode avèk yon chalè, e yo te ✧blasfeme non Bondye ki gen pouvwa sou fleyo sa yo; epi yo pa t repanti pou ta ba Li glwa.

<sup>10</sup> Answit, senkyèm zanj lan te vide gode li sou ✧twòn a bèt la; epi wayòm li an te vin tounwa. Konsa, yo te manje pwòp lang yo akòz de doulè a.

<sup>11</sup> Epi yo te blasfeme Bondye syèl la, akòz de doulè ak ✧maleng yo; e yo pa t repanti de zèv yo.

<sup>12</sup> Sizyèm zanj lan te vide gode li a sou ✧gran rivyè Euphrate la. Epi dlo li te vin seche, pou chemen an ta kapab prepare pou wa ✧ki sòti nan lès yo.

<sup>13</sup> Epi mwen te wè sòti nan bouch a dragon an, sòti nan bouch a bèt la, e sòti nan bouch a fo pwofèt la, twa ✧lespri sal tankou ✧krapo. <sup>14</sup> Paske yo se ✧lespri a demon yo, ki ✧t ap fè sign, ki ale bò kote wa a tout mond yo, pou rasanble yo ansanm pou lagè a gran jou Bondye, Toupwisan an.

✧ 15:4 Sòm 86:9 ✧ 15:5 Rev 11:19 ✧ 15:6 Rev 15:1 ✧ 15:7 Rev 4:6 ✧ 15:8 Egz 19:18  
 ✧ 16:1 Rev 11:19 ✧ 16:2 Egz 9:9-11 ✧ 16:3 Egz 7:17-21 ✧ 16:4 Rev 8:10 ✧ 16:5 Jn 17:25  
 ✧ 16:5 Rev 11:17 ✧ 16:6 Rev 17:6 ✧ 16:7 Rev 15:3 ✧ 16:8 Rev 6:12 ✧ 16:9 Rev 16:11,21  
 ✧ 16:10 Rev 13:2 ✧ 16:11 Rev 16:2 ✧ 16:12 Rev 9:14 ✧ 16:12 Rev 7:2 ✧ 16:13 Rev 18:2  
 ✧ 16:13 Egz 8:6 ✧ 16:14 I Tim 4:1 ✧ 16:14 Rev 13:13

15 “Gade byen, ✨Mwen ap vini tankou yon vòlè. Beni se sila ki rete vijilan an e ki kenbe vètman li, pou li pa vin mache toupatou toutouni, pou moun pa wè wont li.”

16 Epi yo te ✨rasanble ansanm kote ki, an Ebre, yo rele ✨Harmaguédon an.

17 Answit, setyèm zanj lan te vide gode li a anlè, e yon gwo vwa te sòti nan tanp lan bò kote twòn nan, e t ap di: ✨“Sa fin fèt.”

18 Epi te gen kout ✨eklè, gwo bri ak gwo kout tonnè; e te gen yon gwo tranbleman detè, tankou pa t janm genyen depi lòm te vini sou latè, tèlman tranbleman detè a te gran e pwisan.

19 Gran vil la te fann an twa pati, e gran vil a nasyon yo te tonbe. Epi ✨Babylone le gran te ✨sonje devan Bondye, pou Li ba li gode diven a kòlè vyolan Li a.

20 Epi ✨tout lil yo te sove ale, e mòn yo pa t kab twouve.

21 Epi gwo bòl lagrèl chak te peze anviwon san liv, te desann sòti nan syèl la tonbe sou moun; epi moun te blafeme Bondye akoz de ✨fleyo lagrèl la, paske fleyo li a te ekstrèmman grav.

## 17

1 Konsa, youn nan sèt zanj ki te gen sèt gode yo te vini. Li te pale avè m e te di: “Vini isit la! Mwen va montre ou jijman a gran pwostitiye ki chita sou anpil dlo yo, 2 avèk sila ✨wa latè yo a te vin komèt zak imoralite, e sila ki demere sou latè yo te fè vin sou avèk diven imoralite li a.”

3 ✨Epi li te pote mwen lwen nan Lespri a nan yon dezè; e mwen te wè yon fanm ki te chita sou yon bèt wouj, plen ak non blafèm, ki te gen sèt tèt ak dis kòn. 4 Fanm nan te abiye an mov e wouj, e te dekore avèk lò, pyè presye, ak pèl. Nan men l, li te gen ✨yon gode an lò, ranpli ak abominasyon, de tout bagay sal de imoralite li yo. 5 Epi sou fon li, te ekri yon non, yon ✨mistè: “Babylone Le Gran, manman a pwostitiye ak abominasyon sou latè yo”.

6 Epi mwen te wè fanm nan sou avèk ✨san a sen yo, e avèk san a temwen Jésus yo. Lè mwen te wè l, mwen te etone anpil.

7 Epi zanj lan te di mwen: “Poukisa ou etone? Mwen va di ou mistè a fanm nan ak bèt ki pote li a, sila ki gen ✨sèt tèt ak dis kòn yo. 8 Bèt ke ou te wè, li ✨te ye a, li pa la, e li prè pou sòti nan labim nan pou ale nan destriksyon. Epi sila ki rete sou latè yo, ke non yo pa ekri nan liv lavi a depi nan fondasyon mond lan, va etone lè yo wè bèt la jan li te ye, jan li pa la, ak jan li va vini an.

9 Men panse ki gen sajès la. ✨Sèt tèt yo se sèt mòn kote fanm nan chita yo. 10 Yo se sèt wa. Senk te tonbe, youn la toujou, e lòt la poko vini, epi lè l vini, li dwe rete pou yon ti tan. 11 Bèt ki ✨te ye a, e ki pa la a, li se yon uityèm tou, e youn nan sèt yo, li ale nan destriksyon.

12 ✨Dis kòn ke ou te wè yo, se dis wa ki poko janm resevwa yon wayòm yo, men yo resevwa otorite tankou wa avèk bèt la pandan yon èdtan. 13 Sa yo gen ✨yon sèl bi, e yo va bay pouvwa yo ak otorite a bèt la. 14 Sila yo va fè ✨lagè kont Jèn Mouton an, e Jèn Mouton an va venk yo, paske Li se ✨Senyè dè senyè e Wadèwa, e sila ki avè l yo se sila ki gen apèl, ki chwazi

✨ 16:15 Mat 24:43 ✨ 16:16 Rev 19:19 ✨ 16:16 Za 4:11 ✨ 16:17 Rev 10:6 ✨ 16:18 Rev 4:5  
 ✨ 16:19 Rev 14:8 ✨ 16:19 Rev 18:5 ✨ 16:20 Rev 6:14 ✨ 16:21 Egz 9:18-25 ✨ 17:2 Rev 2:22  
 ✨ 17:3 Rev 21:10 ✨ 17:4 Jr 51:7 ✨ 17:5 II Tes 2:7 ✨ 17:6 Rev 16:6 ✨ 17:7 Rev 17:3  
 ✨ 17:8 Rev 11:7 ✨ 17:9 Rev 10:11 ✨ 17:11 Rev 13:3,12,14 ✨ 17:12 Dan 7:24 ✨ 17:13 Rev 17:17  
 ✨ 17:14 Rev 16:14 ✨ 17:14 I Tim 6:15

e ki fidèl.

<sup>15</sup> Epi li te di mwen: ✨“Dlo ke ou te wè, kote pwostitiye a chita a, se pèp yo, foul yo, nasyon yo, ak lang yo. <sup>16</sup> ✨Epi dis kòn ke ou te wè yo, ak bèt la, sa yo va rayi pwostitiye a e yo va fè l vin dezole, e toutouni, epi yo va manje chè li e brile li avèk dife.

<sup>17</sup> Paske Bondye te mete nan kè yo pou fè volonte L avèk bi ke yo gen ansanm nan, e pou donnen wayòm pa yo a a bèt la, jiskaske pawòl Bondye yo ta vin akonpli.

<sup>18</sup> Fanm ke ou te wè a se ✨gran vil la, ki renye sou wa latè yo.

## 18

<sup>1</sup> Apre bagay sa yo, mwen te wè yon lòt ✨zanj k ap desann sòti nan syèl la, avèk gwo otorite, e tè a te byen klere avèk glwa li. <sup>2</sup> Epi li te kriye avèk yon gwo vwa, e t ap di: ✨“Tonbe, tonbe, se Babylone Le Gran! Li gen tan vini yon kote pou dyab rete, ak yon prizon pou tout kalite ✨lespri sal, e yon prizon pou tout kalite zwazo sal e abominab. <sup>3</sup> Paske tout nasyon yo te bwè ✨diven a pasyon imoralite li a, wa latè yo te komèt zak imoralite avè l, e machann latè yo te vin rich avèk richès sansyalite li yo.”

<sup>4</sup> Mwen te tande yon lòt vwa soti nan syèl la ki t ap di: ✨“Sòti kite li, pèp mwen an, pou nou pa patisipe nan peche li yo e resevwa fleyo li yo; <sup>5</sup> Paske peche li yo ✨anpile vin menm wotè ak syèl la, e Bondye ✨sonje tout inikite li yo. <sup>6</sup> ✨Remèt li menm jan li te bay la, e ba li anretou de fwa selon zèv li yo; nan gode ke li te fè melanj lan, fè melanj lan otan de fwa pou li. <sup>7</sup> Nan degre ke li te bay tèt li glwa a e viv nan sansyalite a, nan menm degre a, toumante l e ba li doulè; paske li di nan kè li: ✨“Mwen chita tankou yon rèn, mwen pa yon vèv, mwen p ap janm wè doulè.” <sup>8</sup> Pou rezon sa a, nan yon jou, fleyo li yo va vini, lapès, lapèn ak gwo grangou, e li va ✨brile avèk dife; paske, Senyè Bondye ki jije li a ✨pwisan.

<sup>9</sup> Epi ✨wa latè yo ki te komèt zak imoralite e ki te viv selon lachè avè l yo, va kriye e lamante sou li lè yo wè lafimen monte pandan l ap brile a. <sup>10</sup> ✨Y ap kanpe a yon distans akòz de pè a toumant li an, e y ap di:” ✨Malè, malè, gran vil, Babylone nan, vil ki fò a! Paske, nan yon èdtan, jijman ou gen tan rive.’

<sup>11</sup> Epi machann latè yo kriye e lamante sou li paske pèsòn pa achte machandiz yo ankò. <sup>12</sup> Machandiz lò, ajan, pyè presye, pèl, ak lèn fen, koulè mov, twal swa, wouj, tout kalite bwa sitwon ak tout kalite ivwa, tout atik ki fèt ak bwa ki koute chè, bwonz, fè, ak wòch mab. <sup>13</sup> Epi kanèl, epis, lansan, pafen, lwil doliv, farin fen, ble, bèf, mouton, ak kago bato cheval, cha, esklav, ak ✨lavi moun.

<sup>14</sup> Fwi nou anvi yo disparèt, tout bagay ki te swa, chè oswa ekstrawòdinè yo te pase kite nou e moun p ap twouve yo ankò. <sup>15</sup> ✨Machann a ✨bagay sa yo, ki te vin rich akòz gran vil sa a va kanpe a yon distans akòz perèz toumant li an, yo va kriye e lamante. <sup>16</sup> Yo va di: ✨“Malè, malè, gran vil la, sila ki te abiye an lèn fen, mov e wouj la, e ki te anbeli ak lò, pyè presye, ak pèl yo; <sup>17</sup> Paske nan yon èdtan, gran richès sa a gen tan vin ✨gaspiye!”

✨ 17:15 És 8:7 ✨ 17:16 Rev 17:12 ✨ 17:18 Rev 11:8 ✨ 18:1 Rev 17:1,7 ✨ 18:2 És 21:9 ✨ 18:2 Rev 16:3 ✨ 18:3 Jr 51:7 ✨ 18:4 És 52:11 ✨ 18:5 Jr 51:9 ✨ 18:5 Rev 16:19 ✨ 18:6 Sòm 137:8 ✨ 18:7 És 47:7 ✨ 18:8 Rev 17:16 ✨ 18:8 Rev 11:17 ✨ 18:9 Rev 17:2 ✨ 18:10 Rev 18:15,17 ✨ 18:10 Rev 18:16,19 ✨ 18:13 I Kwo 5:21 ✨ 18:15 Rev 18:3 ✨ 18:15 Rev 18:12,13 ✨ 18:16 Rev 18:10,19 ✨ 18:17 Rev 17:6

Epi tout kaptenn bato ak tout pasaje, tout maren e tout sila ki fè lavi yo nan travay lanmè yo, te kanpe a yon distans.

<sup>18</sup> E yo t ap \*kriye anmwey lè yo te \*wè lafimen dife li a, e t ap di: “Ki vil ki tankou gran vil sila a?” <sup>19</sup> Epi yo te jete \*pousyè sou tèt yo e t ap rele fò, kriye, lamante e t ap di: \*<sup>19</sup>“Malè, malè a gran vil sa a, ladann tout moun ki te gen bato sou lanmè yo te vin rich pa richès li, paske nan yon èdtan, li vin gaspiye nèt!” <sup>20</sup> \*<sup>20</sup>“Rejwi sou li, o syèl, e nou menm, sen, apot ak pwofèt yo, paske Bondye te pwononse jijman pou nou kont li.”

<sup>21</sup> Answit, yon zanj pwisan te \*pran yon gwo wòch tankou yon wòch moulen, li te voye l nan lanmè a e t ap di: “Konsa, gran vil la, Babylone, va jete avèk vyolans, e li \*p ap twouve ankò. <sup>22</sup> Epi \*son sila k ap jwe ap yo, mizisyen yo, sila k ap jwe flit ak twonpèt yo p ap tandè nan ou ankò; epi pa gen moun okenn metye ki va twouve nan ou ankò; e bri moulen an p ap tandè nan ou ankò. <sup>23</sup> Epi limyè a yon lanp p ap briye nan ou ankò; e \*vwa jennonm ak jenn fi k ap marye yo p ap tandè nan ou ankò.

Paske \*machann ou yo te gwo moun sou latè, paske tout nasyon yo te twonpe pa wanga ou a. <sup>24</sup> Epi nan li, te twouve san a pwofèt ak sen yo, ak tout sila ki te touye sou latè yo.

## 19

<sup>1</sup> Apre bagay sa yo, mwen te tandè yon bagay tankou \*gwo vwa a yon gran foul nan syèl la ki t ap di: “Alelouya! Delivrans, laglwa ak pwisans apatyen a Bondye nou an. <sup>2</sup> \*<sup>2</sup> Paske jijman Li yo vrè e jis; paske Li te jije gran pwostitiye ki te konwonpi latè avèk imoralite li a, e Sou li, Li te \*vanje san a sèvitè-atache Li yo.

<sup>3</sup> Epi yon dezyèm fwa, li te di: “Alelouya! \*Lafimen li an monte pou tout tan e pou tout tan.”

<sup>4</sup> Epi \*venn-kat ansyen yo ak \*kat kreyati vivan yo a te tonbe pou adore Bondye ki chita sou twòn nan e t ap di: “Amen, Alelouya!”

<sup>5</sup> Epi yon vwa te vini sòti nan twòn nan e t ap di: “Bay lwanj a Bondye nou an, nou tout, \*sèvitè-atache Li yo, nou menm ki gen lakrent li, piti kou gran.”

<sup>6</sup> Answit, mwen te tandè yon bagay tankou \*vwa a yon gran foul, tankou son a anpil dlo, tankou gwo bri a anpil kout tonnè, e t ap di: “Alelouya! Paske Senyè a, Bondye nou an, Toupwisan an renye. <sup>7</sup> Annou rejwi nou, fè kè nou kontan e bay glwa a Li menm, paske \*maryaj a Jèn Mouton an gen tan vini, e lamarye Li a gen tan prepare.” <sup>8</sup> Yo te bay a lamarye a pou abiye li an \*lèn fen, briyan e pwòp; paske lèn fen an se \*zak ladwati a sen yo.

<sup>9</sup> Answit, \*zanj lan te di mwen: \*<sup>9</sup>“Ekri, ‘Beni se sila ki envite nan resepsyon maryaj a Jèn Mouton an.’” Epi li te di mwen: “Sa yo se vrè pawòl a Bondye.”

<sup>10</sup> Answit, \*mwen te tonbe nan pye li pou adore li. \*Men li te di mwen: “Pa fè sa; mwen se yon sèvitè parèy ak ou e frè ou ki kenbe temwayaj a Jésus a; adore Bondye. Paske temwayaj a Jésus a se lespri pwofesi a.”

\* **18:18** Éz 27:30   \* **18:18** Rev 18:9   \* **18:19** Jos 7:5   \* **18:19** Rev 18:10   \* **18:20** Jr 51:48  
 \* **18:21** Jr 51:63   \* **18:21** Éz 26:21   \* **18:22** És 24:8   \* **18:23** Jr 7:34   \* **18:23** És 23:8  
 \* **19:1** Jr 51:48   \* **19:2** Sòm 19:9   \* **19:2** Det 32:43   \* **19:3** És 34:10   \* **19:4** Rev 4:4,10  
 \* **19:4** Rev 4:6   \* **19:5** Rev 11:18   \* **19:6** Jr 51:48   \* **19:7** Ef 5:23,32   \* **19:8** Rev 19:14  
 \* **19:8** Rev 15:4   \* **19:9** Rev 17:1   \* **19:9** Rev 1:19   \* **19:10** Rev 22:8   \* **19:10** Trav 10:26



<sup>11</sup> Epi mwen te wè syèl la ouvri; e vwala, yon cheval blan, e Sila ki te chita sou li a, rele ✨Fidèl e Veritab; e avèk ✨ladwati, Li jije e fè lagè.

<sup>12</sup> ✨Zye Li se flanm dife, e sou tèt li, se anpil kouwòn; epi Li gen yon non ekri sou Li ke pèsòn pa konnen, eksepte Li menm. <sup>13</sup> Li abiye avèk yon vètman ki te tranpe nan san; e non Li rele ✨“Pawòl Bondye a”.

<sup>14</sup> Epi lame ki nan syèl yo abiye an lèn fen, ✨blan e pwòp, yo t ap swiv li sou cheval blan yo.

<sup>15</sup> Nan bouch Li, te sòti yon nepe file, pouke avèk li, Li kapab frape nasyon yo; epi Li va ✨gouvène yo avèk yon baton an fè; e li va foule pèz diven ak gwo kòlè Bondye Toupwisan an. <sup>16</sup> Epi sou vètman Li ak kwis Li, Li gen yon non ki ekri: ✨“Wadèwa e Senyè dè Senyè.”

<sup>17</sup> Answit, mwen te wè yon zanj ki te kanpe nan solèy la; epi li te kriye fò avèk yon gwo vwa e t ap di a tout zwazo ki vole nan mitan syèl yo, ✨“Vin rasanble pou gwo resepsyon Bondye a; <sup>18</sup> pou nou kapab ✨manje chè a wa yo, chè a kòmandan yo, chè a moun pwisan yo, chè a cheval yo, chè a sila ki chita sou yo, e chè a tout lèzòm, kit moun lib, kit esklav, ✨piti kou gran.”

<sup>19</sup> Epi mwen te wè ✨bèt la, ✨wa latè ak lame yo rasanble pou fè lagè kont Sila ki te chita sou cheval la ak kont lame Li a.

<sup>20</sup> Epi bèt la te vin kaptire, e avèk li menm, fo pwofèt ki te fè sign ✨nan prezans li yo, pa sa yo li te twonpe sila ki te resevwa ✨mak a bèt yo ak sila ki te adore imaj li yo; toude sa yo te jete tou vivan nan lak dife ki brile avèk souf la.

<sup>21</sup> Epi rès la te vin touye avèk nepe ki te sòti nan bouch a Sila ki te chita sou cheval la, e ✨tout zwazo yo te vin ranpli avèk chè yo.

## 20

<sup>1</sup> Answit, mwen te wè yon zanj ki t ap desann sòti nan syèl la, ki te gen ✨kle abim nan ak yon gwo chèn nan men l.

<sup>2</sup> Epi li te pran ✨dragon an, sèpan ansyen an, ki se dyab la e Satan, e li te mare li pou mil ane, <sup>3</sup> Epi li te jete li nan labim, li te fèmen li e te ✨mete so li sou li, pou li te kab pa twonpe nasyon yo ankò, jiskaske mil ane yo vin fini; apre bagay sa yo, li dwe vin lage pou yon ti tan.

<sup>4</sup> Answit mwen te wè ✨twòn yo, ✨yo te vin chita sou yo, e jijman te vin bay a yo menm.

Epi mwen te wè nanm a sila ki te dekapite akòz temwayaj a Jésus yo e akòz pawòl Bondye a, sila ki pa t adore bèt la oubyen imaj li a, e ki pa t resevwa mak la sou fon yo ak men yo; epi yo te vin retounen a lavi pou renye avèk Kris pandan mil ane.

<sup>5</sup> Rès mò yo pa t retounen a lavi jiskaske mil ane yo fini. ✨Sa se premye rezirèksyon an. <sup>6</sup> ✨Beni e sen se sila ki gen yon pati nan premye rezirèksyon an; sou sila yo, dezyèm lanmò a pa gen pouvwa; men yo va touprè a Bondye e a Kris, e Li va renye avèk yo pandan mil ane.

<sup>7</sup> Lè mil ane yo vin fini, Satan va ✨lage soti nan prizon li an, <sup>8</sup> epi li va soti pou twonpe nasyon ki nan kat kwen latè yo, ✨Gog avèk Magog, pou rasanble yo ansanm pou lagè a; an kantite, yo va tankou sab ki bò lanmè.

✨ 19:11 Rev 3:14 ✨ 19:11 Sòm 96:13 ✨ 19:12 Dan 10:6 ✨ 19:13 Jn 1:1 ✨ 19:14 Rev 3:4  
 ✨ 19:15 Sòm 2:9 ✨ 19:16 Rev 17:14 ✨ 19:17 I Sam 17:44 ✨ 19:18 Éz 39:18-20 ✨ 19:18  
 Rev 13:16 ✨ 19:19 Rev 11:7 ✨ 19:19 Rev 16:14,16 ✨ 19:20 Rev 13:12 ✨ 19:20 Rev 13:16  
 ✨ 19:21 Rev 19:17 ✨ 20:1 Rev 1:18 ✨ 20:2 Jen 3:1 ✨ 20:3 Dan 6:17 ✨ 20:4 Dan 7:9  
 ✨ 20:4 Mat 19:28 ✨ 20:5 Luc 14:14 ✨ 20:6 Rev 14:13 ✨ 20:7 Rev 20:2 ✨ 20:8 Éz 38:2

<sup>9</sup> Epi yo te ✨vini sou gwo plèn tè a, antoure kan a sen yo ak vil byeneme a, e ✨dife te desann sòti nan syèl la, e te devore yo.

<sup>10</sup> Epi dyab la ki te twonpe yo a te jete nan ✨lak dife ak souf la, kote ✨bèt la ak fo pwofèt la ye tou; epi yo va toumante lajounen kon lannwit, pou tout tan e pou tout tan.

<sup>11</sup> Epi mwen te wè yon gwo twòn blan, e Sila ki te chita sou li a, nan prezans Li, tè a ak syèl la te sove ale e ✨pa t trouve plas pou yo.

<sup>12</sup> Epi mwen te wè mò yo, ✨gran kon piti, vin kanpe devan twòn nan, e liv yo te vin ouvri; epi yon lòt liv te ouvri, ki se liv lavi a; e mò yo te jije selon bagay ki te ekri nan liv yo, selon zèv pa yo. <sup>13</sup> Epi lanmè a te bay mò ki te ladann yo, e lanmò ak sejou lanmò yo te ✨bay mò ki te ladann yo, e yo te vin jije, yo chak selon zèv pa yo.

<sup>14</sup> Answit, lanmò ak sejou lanmò yo te jete nan lak dife a. Sa se ✨dezyèm lanmò a, lak dife a.

<sup>15</sup> Epi si non a nenpòt moun pa t twouve ekri nan ✨liv lavi a, li te jete nan lak dife a.

## 21

<sup>1</sup> Epi mwen te wè yon ✨syèl tounèf ak yon tè tounèf; paske premye syèl la ak premye tè a te pase, e nanpwen lanmè ankò.

<sup>2</sup> Epi mwen te wè vil sen an, ✨Jérusalem tounèf la, ✨desann sòti nan syèl la kote Bondye, li te prepare tankou yon lamarye ki abiye pou mari li.

<sup>3</sup> Epi mwen te tande yon gwo vwa sòti nan twòn nan ki t ap di: “Gade, ✨tabènak Bondye a pami lèzòm, e Li va rete pami yo, yo va pèp Li, e Li va Bondye yo, Li menm va pami yo. <sup>4</sup> Epi Li va ✨siye tout dlo ki sòti nan zye yo; e p ap gen lanmò ankò; p ap genyen lamante ankò, ni kriye, ni doule; paske premye bagay yo fin pase.

<sup>5</sup> Epi ✨Sila ki te chita sou twòn nan te di: “Gade, m ap fè tout bagay vin tounèf.” Epi Li te di: “Ekri, paske pawòl sa yo fidèl e vrè.”

<sup>6</sup> Answit, Li te di mwen: “Se fini. Mwen se Alfa a ak Omega a, kòmansman an ak lafen an. ✨Mwen va bay a sila ki swaf yo nan sous dlo lavi a san frè. <sup>7</sup> ✨Sila ki venkè a va eritye bagay sa yo, ✨Mwen va Bondye Li e li va fis Mwen. <sup>8</sup> Men pou kapon yo, enkredil yo, abominab ak asasen yo, moun imoral yo, majisyen yo, idolat ak tout mantè yo, pati pa yo va nan lak ki brile avèk dife ak souf la, ki se dezyèm lanmò a.”

<sup>9</sup> ✨Answit, youn nan sèt zanj ki te gen sèt gode ki te plen avèk sèt dènye fleyo yo te vini pale avè m e t ap di: ✨ “Vini isit la, mwen va montre ou lamarye a, madanm a Jèn Mouton an.” <sup>10</sup> Epi ✨li te pote mwen ale nan lespri a nan yon gwo mòn wo, e li te montre m vil sen an, Jérusalem, ki t ap desann sòti nan syèl la kote Bondye, <sup>11</sup> Li te gen laglwa Bondye. Li te klere tankou yon pyè presye ki koute trè chè, tankou yon ✨pyè jasp klè tankou kristal. <sup>12</sup> Li te gen yon gwo miray wo ✨avèk douz pòt, e nan pòt yo, te gen douz zanj; epi non yo te ekri sou yo, ki se non a douz tribi a fis Israèl yo. <sup>13</sup> Te gen twa pòt nan lès, twa pòt nan nò, twa pòt nan sid, e twa pòt nan lwès. <sup>14</sup> Epi miray vil la te gen ✨douz wòch nan fondasyon an, e sou yo, se te douz non a ✨douz apot Jèn Mouton an.

✨ 20:9 Rev 17:1 ✨ 20:9 Rev 19:7 ✨ 20:10 Rev 19:20 ✨ 20:10 Rev 16:13 ✨ 20:11 Dan 2:35 ✨ 20:12 Rev 11:13 ✨ 20:13 És 26:19 ✨ 20:14 Rev 20:6 ✨ 20:15 Rev 3:5 ✨ 21:1 És 65:17 ✨ 21:2 Rev 3:12 ✨ 21:2 Eb 11:10,16 ✨ 21:3 Lev 26:1 ✨ 21:4 És 25:8 ✨ 21:5 Rev 4:9 ✨ 21:6 És 55:1 ✨ 21:7 Rev 2:7 ✨ 21:7 II Sam 7:14 ✨ 21:9 Rev 17:1 ✨ 21:9 Rev 19:7 ✨ 21:10 És 40:2; Rev 21:2 ✨ 21:11 Rev 4:3 ✨ 21:12 És 48:31-34 ✨ 21:14 Eb 11:10 ✨ 21:14 Trav 1:26

<sup>15</sup> Sila ki te pale avè m nan te gen yon baton mezi ki te fèt an lò pou mezire vil la, ✨pòtay li yo, ak miray li a. <sup>16</sup> Vil la te fèt kòn yon kare. Longè li te menm fòs ak lajè li. Li te mezire vil la avèk baton an: de-mil-de-san kilomèt. Longè li, lajè li ak wotè li te egal. <sup>17</sup> Epi li te mezire miray li a, swasann-douz mè, selon mezi ✨lòm, ki se mezi zanj selès yo tou.

<sup>18</sup> Materyèl miray la te ✨jasp; e vil la se te ✨lò pi, tankou vit klè. <sup>19</sup> Wòch fondasyon pou miray vil la te dekore avèk tout kalite pyè presye. Wòch premye fondasyon an se te jasp; dezyèm nan, Safi; twazyèm nan, agat; katriyèm nan, emwod; <sup>20</sup> senkyèm nan, oniks; sizyèm nan, ✨sadvàn; setyèm nan, krizolit; uityèm nan, beril; nevyèm nan, topaz; dizyèm nan, krizopraz; onzyèm nan, tikwaz, douzyèm nan, ametis. <sup>21</sup> Epi douz ✨pòtay yo se te douz pèl; chak pòtay yo te yon sèl pèl. Epi ri vil la te an lò pi, tankou vit klè.

<sup>22</sup> Mwen pa t wè tanp ladann, paske ✨Senyè Bondye Toupwisan an ak ✨Jèn Mouton an se te tanp li. <sup>23</sup> Epi vil la ✨pa gen bezwen solèy oubyen lalin pou klere sou li, paske laglwa Bondye te klere li, e lanp li se te Jèn Mouton an. <sup>24</sup> ✨Nasyon yo va mache pa limyè li a, e wa latè yo va pote laglwa yo ladann.

<sup>25</sup> Nan lajounen (paske p ap gen lannwit la), pòtay li yo ✨p ap janm fèmen.

<sup>26</sup> Epi yo va ✨pote laglwa ak lonè a nasyon yo ladann.

<sup>27</sup> Epi ✨anyen ki pa pwòp, e pèsòn ki pratike abominasyon ak manti p ap janm antre ladann, men sèlman sila ke non yo ✨ekri nan liv lavi a Jèn Mouton an.

## 22

<sup>1</sup> Answit, li te montre m yon ✨rivyè dlo lavi a, klè tankou kristal, ki t ap vini sòti nan twòn Bondye a ak Jèn Mouton an, <sup>2</sup> nan mitan lari li a. Sou chak bò larivyè a, se te ✨pyebwa lavi a, ki pote douz kalite fwi, ki bay fwi li chak mwa; e fèy pyebwa yo te pou gerizon a nasyon yo.

<sup>3</sup> ✨P ap gen madichon ankò; epi twòn a Bondye a ak Jèn Mouton an va ladann, e sèvitè Li yo va sèvi Li; <sup>4</sup> Yo va ✨wè figi Li, e non Li va sou fon yo.

<sup>5</sup> Epi p ap gen lannwit ankò; e yo p ap gen bezwen ni ✨limyè a yon lanp ni limyè solèy la, paske Senyè a, Bondye va klere yo; e yo va renye pou tout tan e pou touf tan.

<sup>6</sup> Epi Li te di mwen: ✨“Pawòl sa yo fidèl e vrè”; epi Senyè a, Bondye a tout lespri pwofèt yo, te voye zanj Li pou montre sèvitè li yo bagay ki dwe rive nan yon ti tan tou kout.

<sup>7</sup> ✨“Gade byen, Mwen ap vini vit. ✨Beni se sila ki prete atansyon a pawòl pwofesi ki nan liv sila a.”

<sup>8</sup> ✨Mwen, Jean, se sila ki te tande e wè bagay sa yo. Epi lè m te tande e wè yo, ✨mwen te tonbe nan pye a zanj ki te montre m bagay sa yo pou adore l.

<sup>9</sup> Men, li te di mwen: “Pa fè sa; mwen se yon sèvitè parèy a ou menm, frè ou ki te pwofèt yo, ak sila ki prete atansyon a pawòl a ✨liv sa a. Olye sa, adore Bondye.” <sup>10</sup> Epi li te di mwen: ✨“Pa sele pawòl pwofesi a liv sila a, paske tan an pwòch. <sup>11</sup> ✨Kite sila ki fè mal la, kontinye fè mal; kite sila

✨ 21:15 Rev 21:12,21,25 ✨ 21:17 Det 3:11 ✨ 21:18 Rev 21:11 ✨ 21:18 Rev 21:21 ✨ 21:20 Rev 4:3 ✨ 21:21 Rev 21:12,15,25 ✨ 21:22 Rev 1:8 ✨ 21:22 Rev 5:6 ✨ 21:23 És 60:19,20 ✨ 21:24 És 60:3,5 ✨ 21:25 És 60:11 ✨ 21:26 Sòm 72:10 ✨ 21:27 És 52:1 ✨ 21:27 Rev 3:5 ✨ 22:1 Sòm 46:4 ✨ 22:2 Jen 2:9 ✨ 22:3 Za 14:11 ✨ 22:4 Sòm 42:2 ✨ 22:5 És 60:19 ✨ 22:6 Rev 19:9 ✨ 22:7 Rev 1:3 ✨ 22:8 Rev 1:1 ✨ 22:8 Rev 19:10 ✨ 22:9 Rev 1:11 ✨ 22:10 Dan 8:26 ✨ 22:11 Èz 3:27

ki sal la, kontinye sal; kite sila ki dwat la, kontinye pratike ladwati, e kite sila ki sen an, kontinye kenbe tèt li sen.

<sup>12</sup> Gade byen, Mwen ap vini vit, e ✨rekonpans Mwen va avè M, pou rann a chak moun selon sa li te fè. <sup>13</sup> Mwen se Alfa a ak Omega a, ✨premye a ak dènye a, kòmansman an ak lafen an.”

<sup>14</sup> Beni se sila ki ✨lave vètman yo, pou yo kapab gen dwa nan pyebwa lavi a, e kapab, pa ✨pòtay yo, antre nan vil la.

<sup>15</sup> ✨Deyò se chen yo, majisyen yo, moun imoral yo, asasen yo, idolat ak tout sila ki renmen e ki gen pratik bay manti.

<sup>16</sup> “Mwen, Jésus, te voye ✨zanj Mwen an pou temwaye a ou menm bagay sa yo pou legliz yo. Mwen se rasin ak ras David la, zetwal briyan nan maten an.”

<sup>17</sup> ✨Lespri a ak lamarye a di: “Vini”. Epi kite sila ki tandè a di: ‘Vini’; e kite sila ki swaf la vini; kite sila ki vle pran dlo lavi a san frè a vini.

<sup>18</sup> Mwen temwaye a tout sila ki tandè pawòl a pwofesi liv sila a; si yon moun ✨ajoute nan yo, Bondye va ajoute a li menm tout fleyo ki ekri nan liv sila a. <sup>19</sup> Epi si yon moun retire nan pawòl a liv pwofesi sila a, Bondye va retire pati pa l nan pyebwa lavi ak vil sen an ✨ki ekri nan liv sila a.

<sup>20</sup> Sila ki temwaye a bagay sa yo di: “Wi, ✨Mwen ap vini vit.”

Amen. Vini, Senyè Jésus.

<sup>21</sup> ✨Gras Senyè a Jésus avèk nou tout. Amen.